



100

100

100

100

100

100

Et planè confido, non ingratum tibi fore conatum meum, præsertim cum aliud à me, propter meam tenuitatem, sperare non possis. Interea precor Deum Opt. Max. ut, te, Reuerendissime Præsul, & Ecclesia sua Catholica, & florenti Weberorum familia, & nostra demum Societati, diu seruet incolumem: faxitque, ne tanti benefactoris nomen ac memoria, ex eorum animis, de quibus optimè meritus es, unquam elabatur: ac deinceps non modò per te, quamdiu nobiscum in terris victurus es, sed etiam per cognatum tuum, iuniorem D. Stephanum Weberum, S.S. Theologia Doctorem, & ad D. Virginis Scholasticum, qui tuis vestigiis fortissimè insistit, diuini nominis sui gloriam propagare dignetur. Amen. Moguntia, Anno Christi millesimo sexcentesimo decimo, Mense Iulio ineunte.

● Amplissimæ & Reuerendissimæ tuæ
D. Seruus in Christo addictissimus, qui suprà.

MARTINVS BECANVS



P R Æ F A T I O.

uatorum sectæ succrescunt, nouis machinis ac molitionibus Ecclesiam Christi inuadunt: Et nos, Catholici, qui Ecclesiæ filij & alumni sumus, quasi nihil ad nos hæc cura pertineat, aliò studium ac laborem nostrum transferamus? Et cum illi profligandi essent, nos quasi securi, sinamus eos quotidie proficere, Ecclesiam vastare, salutem multorum impedire: & interea vel otio, vel certè aliis rebus minimè necessariis distineamur? Non decet. Superioribus ætatibus cum pax in Ecclesia floreret, nec vlla hæresi aut pestilenti errore discerperetur: licebat scholasticas subtilitates perscrutari, & relictis fidei controuersis, quæ tunc nullæ erant, alio studiorum genere ingenia exercere: quod sanè D. Thomas, Bonauentura, Scotus, Durandus, & alij similes præclare præstiterunt; At nunc, cum tot sectis ac dissentionibus turbata sint omnia, tot Nouatores importunè se ingerant, & ad Ecclesiam discerpendam parati sint: planè necesse est, vt in hac palestra nos exerceamus, & magno conatu ac zelo, quem Christiana professio à nobis exigit, opponamus nos murum pro domo Dei. Hoc spiritu excitati sunt nostra ætate Bellarminus, Canisius, Valentia, Posseuinus, Busæus, Gretserus, Serrarius, Heysius, Mulhusinus, Tannerus, Scribanus, & alij complures: qui varijs libris ac controuersis editis, Catholicam veritatem defenderunt, & omnibus Sectariorum copiis strenuè sese opposuerunt. In eorum numerum, tametsi par illis non sum, omnino associari cupio.


Quæ tertia quæstio est, cur ex tanta Sectariorum turba Calvinistas potissimum aggressus sum? Responsio in promptu est, Calvinistæ ceteris sunt pestilentiores: triplici de causa. Primò, quia maiori proteruitia & audacia nos inuadunt. Secundò, quia turbulentiora habent ingenia. Tertiò, quia faciliorem parant aditum ad atheismum. Hoc facile constabit ex subiecto indice, quo summatim complexus sum eos Calvinistarum errores, qui in hoc primo tomo à me refelluntur. Ea tamen modestia in illis refutandis sum usus, vt iure de me queri non possint. Tamet si enim seriò, vt hominem Christianum facere par est, eorum errores & vanitates persequi conatus sim: id tamen sine strepitu verborum & conuitio à me factum est. Habes, Beneuole Lector, quæ volebas. Equi bonique consulas, rogo.



INDEX

OPVS CVLORVM QVÆ
IN HOC OPERE
CONTINENTVR.

- D**E Predestinatione Calvinistarum desperata. p. 113
2. De Predestinatione Catholicorum orthodoxa. p. 131
3. De Authore Peccati, seu, an alius sit Calvinistarum, alius Catholicorum Deus? p. 138
4. De Iustificatione Calvinistarum. p. 160
5. De Iustificatione Catholicorum. p. 181
6. De merito ac iustitia bonorum operum secundum Calvinistas. p. 186
7. De merito ac iustitia bonorum operum secundum Catholicos. p. 197
8. De auxiliis gratie Christi secundum Calvinistas. p. 204
9. De auxiliis gratie Christi, secundum Catholicos. p. 208
10. De Circulo Calvinistico, contra Davidem Patum, cum Appendice. 213. & 219
11. Quaestiones Calvinisticae, contra eundem Patum, p. 221
12. Aphorismi Doctrinae Calvinistarum, cum brevis Responsione ad Aphorismos falso Iesuitis impositos. p. 229. & 237
13. De differentia inter Pelagianos, Calvinistas, & Catholicos, in negotio Predestinationis. p. 245.
14. De officiis Angelorum circa homines. p. 257
15. Brevis Refutatio quarundam propositionum Philippi Plessici Calvinista de Eucharistia. p. 284
16. Disputatio de Fide Haereticis seruanda. p. 291. cum Appendice.
17. Quaestiones Miscellaneae de eadem materia, contra quendam Batavum Calvinistam. p. 312
18. De Antichristo reformato. p. 328
19. An Ecclesia Romana defecerit. p. 344
20. De triplici Cena, Calvinistarum, Lutherianorum & Catholicorum. p. 350
21. De communione sub utraque specie, contra Hassitas, Lutheranos & Calvinistas. p. 372
22. Epistola ad Fredericum Baldinum, de eodem argumento. pag. 391
23. Refutatio Apologiae Regis Angliae, de Primatu Ecclesiae. p. 399
24. Refutatio Torturae Torti, seu, in Sacellum Regis Angliae, quod causam sui Regis negligenter egerit. p. 426
25. De Purgatorio Calvinistarum. p. 436
26. De triplici Sacrificio, Natura, Legis, & Gratiae. p. 442
27. Examen Plaga Regiae. p. 473
28. De fide Deo seruanda. p. 481
29. Privilegia Calvinistarum. p. 487
30. Quaestiones Batavicae. p. 503
31. Dissidium Anglicanum. p. 528
32. Duellum. p. 537
33. De Pontifice veteris Testamenti. pag. 569



INDEX CAPITVM ET QVÆSTIONVM:

DE DESPERATA CALVINISTARVM Prædestinatione.

OPVSCVLVM PRIMVM.

Doctrina Calvinistica de prædestinatione septem propositionibus comprehensa.

Prima propositio Caluini refutatur. pag. 113
c. 1. p.

114
Secunda eiusdem propositio refutatur. c. 2.
pag. 117

Tertia item refutatur. c. 3. p. 121

Quarta etiam. c. 4. p. 123

Quinta quoque. c. 5. p. 124

Necnon sexta. c. 6. p. 125

Septima denique. c. 7. p. 127

Primum confectarium discutitur. c. 8. p. 130

Secundum confectarium explicatur. c. 9. ibid.

Epilogus. p. 131

De Orthodoxa Catholicorum Prædestinatione.

OPVSCVLVM II.

Præter propositionem & Epilogum sex continens cap. ibid.

Doctrina Catholicorum proponitur. ibid.
Quid sit Prædestinatio & Reprobatio. c. 1. ibid.

Qui sint effectus Prædestinationis & Reprobationis. c. 2. p. 132

De causis Prædestinationis & Reprobationis. c. 3. p. 133

De certitudine Prædestinationis & Reprobationis. c. 4. p. 136

Quis sit Ordo Prædestinationis & Reprobationis. c. 5. p. 137

De coherrentia Prædestinationis & Reprobationis cum libero arbitrio, & quomodo sit in nostra potestate Prædestinatio & Reprobatio. c. 6. ibid.

Epilogus. p. 138

De Authore Peccati, seu, An alius sit Calvinistarum, alius Catholicorum Deus. ibid.

OPVSCVLVM III.

Argumentum. pag. 138
Doctrina Calvinistica de Deo, an Deus sit auctor peccati ad paucas propositiones reuocata. ibid.

De peccatis aliorum hominum. p. 139

Confectaria ex hac doctrina. ibid.

Prima Caluini propositio refutatur. c. 1. p. 140

Secunda Caluini propositio refutatur. c. 2. p. 141

Tertia Caluini propositio refutatur. c. 3. p. 143

Quarta Caluini propositio refutatur. c. 4. p. 144

Quinta Caluini propositio refutatur. c. 5. p. 146

Sexta Caluini propositio refutatur. c. 6. ibid.

Septima eiusdem propositio refutatur. c. 7. p. 147

Octaua etiam. c. 8. ibid.

Nona quoque. c. 9. p. 150

Decima item. c. 10. ibid.

Vndecima refutatur. c. 11. p. 151

Duodecima refutatur. c. 12. p. 153

Reliquæ tres propositiones refutantur. c. 13. p. 154

An ex hac Caluini doctrina sequatur, alium esse Calvinistarum, alium Catholicorum Deum. c. 14. p. 156.

An ex Caluini doctrina sequatur, Deum Calvinistarum esse Diabolum. c. 15. p. 157

An ex Caluini doctrina sequatur, nullum unquam tam impie de Deo sensisse, quam Calvinum. c. 16. p. 158

An præstet, nullum Deum, quàm talem credere, ac proinde atheum, quàm Calvinum esse. c. 17. ibid.

An propter hanc Caluini doctrinam possit aliquis prudenter à Calvinismo deficere. c. 18. p. 159

Dogmata Caluini connexa per epilogum. ibid.





OPUSCULORVM.

- à Papa ad Concilium appellari potest. Respon-
sio. ibid.
- Aphorismus 4. In Romani Pontificis arbitrio
stat sacræ Scripturæ authoritas, interpretatio,
& mutandi ius. E contra, Pontificis placita,
tanquam ad fidem & salutem præcisè necessa-
ria, semper firma, valida, & obligatoria
sunt. p. 240 Respons. ibid.
- Aphorismus 5. Pro inualidis & planè nullis ha-
beri debent Imperatorum, Regum, Princi-
pum, aliorumque Ordinum constitutiones,
pacta, conuenta, capitulationes, fraterni-
tates, concessiones, quibus alia Religio, quàm
moderna Romana Catholica indulgetur.
Etiam si iuramenta interuenerint. Respon-
sio. ibid.
- Aphorismus 6. Pacem religionis inter Ordines
Germanici Imperij conuentam, vti per vim
extortam, non esse obligatoriam, imò & ad
tempus tantum concessam dilationem mora-
toriam, & tolerantiam fuisse, nempe vsque
ad Concilij Tridentini publicationem, quæ
anno 1554. sequuta est. p. 241
- Aphorismus 7. Nunc itaque ad laborandum est
Pontificiis vbique, vt omnes hæreticos, in
primis Lutheranos & Calvinistas, illorum
fautores politicos illos Catholicos, qui potius
pacem seruare, quàm auxilia ad hæreticorum
oppressionem conferre malunt, igne, ferro,
veneno, puluere tormentario, bellis & aliis
machinationibus opprimant. Respons. ibid.
- Aphorismus 8. Extra quem si Pontificii metue-
rent, ne conatus ipsorum irritus futurus, &
Romano Catholice Religioni detrimentum
aliquod oborturū esset. Hoc enim casu ad tē-
pus aliquid indulgendum, & commodior op-
portunitas expectanda. Nonnulli tamen do-
cent, nimis tributum tempori. Nunc itaque
omnes Lutheranos, & Calvinianos passim ex-
terminandos, opprimendos funditus & radi-
citus delendos, ne vilum eiusmodi semen re-
nascatur. ibid.
- Aphorismus 9. Quando subditi Romano Ca-
tholici Imperatorem, Regem, siue Princi-
pem suum pro tyranno habendum in conci-
liis suis statuerunt, tum illum abdicare, & sei-
psos omnis obligationis nexu soluere possunt.
Si vero comitia habere prohibeantur, tum
cuius subdito, modo Iesuitarum, aut aliorum
huiusmodi Theologorum vsus sit consilio
permisum, imò laude dignum & meritorium
erit huiusmodi Regem, vel Principem occi-
dere. Et indeque rectè fecisse monachum
Jacobum Clementem, quod Henricum
III. Regem Gallie cultro venerato interfe-
cit. Rectè etiam facturum, qui & illius succes-
sorem Henricum IV. interimeret. Respons.
p. 242.
- Aphorismus 10. Sic si subditi Lutherani, siue
Calviniani habeant Regem aut Princi-

pem, qui ipsos in hæresim inducere conetur
(vt in Anglia) tum illi subditi ab omni homa-
gio & obligatione soluti sunt ipsisque liberum
ac permisum est, huiusmodi Regem vel Prin-
cipem abdicare, exterminare, & opprimere.
Respons. p. 243

Aphorismus 11. Sed & veneno Imperatores, Re-
ges, Principes à subditis vel ministris suis ne-
cari posse si modo, Theologi Iesuitæ viri eru-
diti & graues, illos pro tyrannis habeant. Ita
tamen, vt is qui perimendus est nihil adiunget,
nec sibi ipsi mortem cōciscat. Respons. p. 244

Aphorismus 12. Papa omnium hæreticorum, &
infidelium regna, principatus, & territoria
Catholicis donare potest. Et huiusmodi dona-
tiones firmæ & validæ sint. ibid.

Aphorismus 13. 14. 15. 16. Licitum est vti æquiuo-
cationibus, prima apud magistratum hæreti-
cum: secunda apud Catholicum, si non sit
competens iudex: tertia apud priuatos homi-
nes. Et hoc laudabile est. Resp. ibid.

Epilogus ad Lectorem. p. 245

*Questio de differentia inter Calvinistas, Pe-
lagianos, & Catholicos, in negotio Præ-
destinationis.*

OPUSCULVM XIII.

- A**D Calvinistam anonymum. ibid.
Status questionis. ibid.
Quid sentiant Calvinistæ de Prædestinatione. c. 1.
ibid.
Prima Caluini conclusio. p. 246
Secunda eiusdem conclusio. ibidem
Tertia eiusdem conclusio. ibidem
Quarta eiusdem conclusio. ibid.
Quid sentiant Pelagiani de Prædestinatione. c.
2. p. 247.
Primum Pelagii & Celestii principum. p. 248
Secundum principum. ibid.
Prima Pelagii fraus. ibid.
Secunda Pelagii fraus. ibid.
Tertia Pelagii fraus. 249
Quarta Pelagii fraus. ibid.
De Semipelagianis. ibid.
Quid sentiant Catholici de Prædestinatione.
c. 3. p. 250.
Prima Catholicorum conclusio. ibid.
Secunda Catholicorum conclusio. p. 251.
Tertia Catholicorum conclusio. p. 252.
Quarta Catholicorum conclusio. ibid.
In quo differant inter se Calvinistæ, & Pelagiani
& Catholici. c. 4. p. 253
Calvinistæ quid docent. ibid.
Catholici contra docent. ibid.
Pelagiani docent. ibid.
Catholici contra. ibid.
Semipelagiani

I N D E X

Semipelagiani docent. ibid.
 Catholici contra. ibid.
 Ostenditur impudentia illius Anonymi Calu-
 nistæ, qui Aphorismos Calvinistarum defen-
 dit p. 254. digressio. c. 5. p. 257
 Epilogus. ibid.

De Officiis Angelorum circa homines.

O P V S C V L V M XIV.

L Ectori. ibid.
 Capita totius disputationis. ibid.
 Quod sint boni Angeli, & quomodo in hierar-
 chias & Ordines distributi. c. 1. p. 258
 An omnes Angeli, quotquot sunt, gerant ali-
 quam nostram curam. c. 2. p. 261
 An aliqui certi Angeli præsent toti terrarum Or-
 bi. c. 3. p. 264
 An aliqui Angeli præsent toti Ecclesie fidelium.
c. 4. p. 266
 An aliqui Angeli præsent Prouinciis & regnis.
c. 5. p. 268
 An singulis hominibus singuli præsent Angeli
 custodes. c. 6. p. 269
 An primi parentes in Paradiso habuerint Ange-
 los custodes. c. 7. p. 271
 An Christus habuerit Angelum custodem c. 8.
p. 272
 An B. Virgo, Ioannes Baptista, & Apostoli ha-
 buerint Angelos custodes. c. 9. p. 273
 An Antichristus habiturus sit Angelum custo-
 dem. c. 10. ibid.
 Quando incipit & desinit custodia angelica. c.
11. p. 274
 An Angeli custodes aliquando nos deserant
 propter peccata. cap. 12. ibid.
 An Angeli custodes prosint nobis in corpore,
 & temporalibus, & quomodo id fiat. c. 13. p. 275
 An Angeli illuminent intellectum nostrum, &
 quomodo. c. 14. p. 277
 An Angeli moueant & excitent voluntatem no-
 stram & quomodo. c. 15. ibid.
 An Angeli offerant Deo preces nostras, & an eas
 deserant aliquando ad Sanctos. c. 16. p. 278
 An Angeli pugnent pro nobis contra dæmo-
 nem, & quomodo. c. 17. ibid.
 An Angeli boni aliquando nos puniant: cap. 18.
p. 279.
 An Angeli aliquando appareant in corporibus
 assumptis, & quomodo. c. 19. ibid.
 Sub qua forma appareant nobis Angeli. c. 20.
p. 280.
 An liceat Angelos adorare, seu cultum aliquem
 exhibere. c. 21. p. 281
 An possimus Angelis templa erigere, & eorum
 patrocinia inuocare. c. 22. p. 283
 An liceat Angelos pingere, & sub qua forma. c.
23. p. 284.

*Brevis Refutatio quarundam propositio-
 num Philippi Plessæi Calvinistæ, de Eu-
 charistia.* p. 284.

O P V S C V L V M XV.

L Ectori. ibidem
 Propositiones Plessæi. ibidem
 Prima propositio refutatur. p. 285
 Secunda propositio refutatur. ibidem
 Tertia propositio refutatur. p. 286
 Quarta propositio refutatur. ibidem
 Quinta propositio refutatur. ibidem
 Sexta propositio refutatur. p. 287
 Septima propositio refutatur. ibidem
 Octaua propositio refutatur. p. 288
 Nona propositio refutatur. ibidem
 Decima propositio refutatur. ibidem
 Vndecima propositio refutatur. ibidem

O P V S C V L V M XVI.

O pusculum primum de fide hæreticis ser-
 uanda ad lectorem. p. 291
 Disputatio Theologica. An hæreticis seruanda
 sit fides. p. 292
 De triplici promissione gratuita, onerosa, &
 iurata. c. 1. p. 293
 Quid requiratur, vt promissio gratuita sit va-
 lida. c. 2. ibid.
 Quid requiratur, vt promissio onerosa sit vali-
 da. c. 3. ibid.
 Quid requiratur vt promissio iurata sit valida.
c. 4. p. 275
 Vnde oriatur obligatio valida promissionis. c. 5.
p. 296
 Quanta sit obligatio valide promissionis. cap. 6.
p. 297
 An in promissione valida, & obligandi vim ha-
 bente seruanda sit hæreticis fides. cap. 7.
p. 299.
 An seruanda sit fides hæreticis in casu excom-
 municationis. c. 8. p. 302
 An in contractu matrimonij seruanda sit fides
 hæreticis. c. 9. p. 303
 An in negotio libertatis religionis seruanda sit
 hæreticis fides. c. 10. p. 304
 An in bello hæreticis seruanda sit fides. c. 11.
p. 306.
 An in saluo conductu seruanda sit hæreticis fi-
 des. c. 12. p. 307
 Appendix. p. 309
 Examinatur 1. propositio Calvinistæ. ibid.
 Examinatur 2. propositio. ibid.
 Examinatur 3. propositio. p. 310
 Examinatur 4. propositio. p. 311

OPUSCULORVM.

fero. ibidem
Epilogus cum epigrammate in Graecum. p.
481

OPUSCULVM XXVIII.

DE fide Deo seruanda: Vel. An monachi
seruent Deo fidem, qui profugunt ad
Lutheranos & Calvinistas, & ibi vxores acci-
piunt. p. 481
Prima propositio contra hæreticos. p. 482
Secunda propositio. ibid.
Tertia propositio. 483
Quarta propositio. 484
Quinta propositio. ibid.
Sexta propositio. p. 485
Septima propositio. ibid.
Prima excusatio Aduersariorum expenditur.
ibid.
Altera excusatio. p. 486
Testimonia Patrum pro continentia seruanda.
ibidem

OPUSCULVM XXIX.

Priuilegia Calvinistarum, quæ recepse-
runt. p. 487
Primum priuilegium. Omnes Calvinistæ ex
vtero materno nascuntur sancti & hæredes
vitæ æternæ, ideoque nec Baptismo, nec aliis
Sacramentis egent. p. 488
Quod examinatur. ibid.
Secundum priuilegium. Omnes Calvinistæ
sunt Sacerdotes à Deo sanctificati, & quo-
tidie offerunt Deo mundam, & acceptabi-
lem hostiam in odorem suauitatis. p. 489
Quod examinatur. ibidem
Tertium Priuilegium: Omnes Calvinistæ certi
sunt de sua iustitia, sanctitate, perseverantia,
prædestinatione, & vitæ æternæ, ideoque cer-
ti ac securi, quicquid tandem eueniat perire
se non posse. p. 490
Quod examinatur. ibid.
Quartum priuilegium: Omnes Calvinistæ per
internam Spiritus sancti reificationem, no-
runt discernere inter Scripturas canonicas,
& non canonicas, ideoque in hac non egent
Iudice controuersiarum. p. 491
Quod examinatur. ibidem
Quintum priuilegium. Tamen si omnes antiqui
Patres errarint, Calvinistæ tamen non errant,
quia non ab hominibus, sed à Deo docti sunt;
qui errare non potest. p. 492
Quod examinatur. ibidem
Sextum Priuilegiū. Calvinistæ habet propriam
doctrinā è cælo sibi reuelatam, quam reliqui
Christiani hoc tempore non habent. p. 493
Quod examinatur. p. 494

Septimum priuilegium. Calvinistæ non ita ad-
stricti sunt ad suam doctrinam, quin possint
contrariam amplecti, cum lubet: & negare
quod antea affirmabant. ibidem

Quod examinatur. p. 495

Octauum priuilegium. Calvinistæ, sicut habent
propriam doctrinam, sic habent etiam pro-
prium, ac peculiare Purgatorium distinctum
a Purgatorio Catholicorum. ibidem

Examinatur. p. 496

Nonum Priuilegium. Tamen si Calvinistæ enor-
miter quotidie peccent, & flagitiose uiuant,
tamen peccata ipsis non imputantur. p. 498

Examen. ibidem

Decimum priuilegium. Calvinistæ possunt
impunè mentiri & calumniari, suumque
Euangelium hoc modo propagare, & Catho-
licorum vitam & doctrinam traducere. p. 499

Examen. ibidem

Vndecimum priuilegium. Calvinistæ impunè
possunt, non modò Catholicos, sed etiam se-
mutuò conuitiis ac maledictis insectari, sine
ullo salutis, aut sanctitatis dispendio. ibidem

Examen. p. 500

Duodecimum priuilegiū. Calvinistæ possunt suos
Reges & Principes seculares deponere, expel-
lere & interficere, quādo ipsis visum est. ibid.

Examen. p. 501

Decimum tertium Priuilegium. Calvinistæ nulla
lege, nec diuina, nec humana obligantur, sed
ab omni iugo, & subiectione penitus sunt li-
beri & immunes. p. 503

Examen. ibidem

OPUSCULVM XXX.

Questiones Batauicæ in Batavum Caluini-
stam. p. 503

Questio 1. An Calvinistæ sint Euangelici. p. 504

Vbi de moribus Calvinistarum. p. 505

De priuilegiis eorum. p. 506

Quest. 2. An etiā Lutherani sint Euangelici. ib.

Primum responsum Batavi examinatur. ibid.

Secundum eiusdem responsum. ibid.

Tertium eiusdem responsum. p. 507

Quest. 3. An Batavus noster sit Euangelicus. ib.

Quest. 4. An Batavus sit Calvinista. p. 508

Quest. 5. Cur Batavus nomen suum non expres-
sit. ibid.

Quest. 6. Cur Batavus tam iracundè agat. ibid.

Quest. 7. An Pontifex sit Antichristus. p. 509

Quest. 8. An Iesuitæ sint regicidæ. ibid.

Quest. 9. An Iesuitæ sint proditores. p. 510

Quest. 10. An Iesuitæ sint perduelles. ibid.


Quest. 11. An Iesuitæ sint ingrati in Regem
Galliarum Henricum IV. p. 511

Quest. 12. Quid Rex Galliarum sentiat de Iesuitis.
p. 512

Quest. 13. An Rex Galliarum fuerit verè Catholicus







ANALOGIA VETERIS AC NOVI TESTAMENTI.

CAPVT I.

De Scriptura & Traditione Veteris Testamenti.



QUINAM sint libri Canonici veteris Testamenti? 1. Qui fuerint primi scriptores illorum librorum? 3. An omnes lingua Hebraica primùm scripti sint? 4. An omnes perierint tempore captiuitatis Babylonicae, & postea ab Esdra restaurati sint? 5. An septuaginta Interpretes post captiuitatem Babylonicam transtulerint omnes in linguam Graecam? 6. An, quando liberi veteris Testamenti citentur in nouo, semper citentur in sensu proprio & literali? 7. An in veteri Testamento, præter Scripturam, fuerint etiam aliquæ traditiones?

QVÆSTIO I.

Quinam sint libri Canonici veteris Testamenti?

1. **S**UPpono, libros Scripturæ vocari Canonicos si Canone. Canon autem duo significat. 1. Normam seu regulam, quam sequimur. 2. Catalogum seu numerum aliquarum rerum. Vtroque sensu, libri Scripturæ vocantur Canonici. Priori quidem, quia continent normam seu regulam, quam in fide & moribus sequi debemus. Posteriori, quia in Catalogum lib. diuinorum relati sunt. Hoc posito, quæstio est, quinam libri V. T. sint Canonici, hoc posteriori sensu; id est, quinam relati sint in catalogum seu canonem librorum Scripturæ V. Testamenti? Respondeo. Canon seu catalogus librorum V. Testamenti duplex est: Vnus Iudaicus, qui tempore Esdræ, seu ab ipso Esdra, vel à Concilio Sacerdotum, cui ipse interfuit, confectus est. In illo Canone consignati sunt hi libri: Pentateuchus Moysis, liber Iosue, Iudicum, Ruth, Regum quatuor, Paralipomenon duo, Esdræ duo, Iob, Psalterium centum quinquaginta Psalmorum, Proverbia Ecclesiastes, Canticum Canticorum, Prophetice Opusc. Becani.

Altæ maiores quatuor, Prophetæ minores duodecim. Alter Christianus, qui autoritate Innocentii I. confectus est. In quo præter libros iam enumeratos; continentur etiam hi: Tobias, Iudith, Esther, Sapientia ecclesiasticus, Baruch, & duo libri Machabeorum. Itaque tam hi, quàm illi priores, Canonici sunt. Et quidem de prioribus, qui continentur in Canone Iudæorum, non est disputatio. Omnes, tam Iudæi, quàm Christiani agnoscunt illos pro Canonicis. De posterioribus aliqua dissensio est. Iudæi, Lutherani, & Calvinistæ negant esse Canonicos, Affirmant Innocentius I. epist. 3. ad Exuperium cap. 7. Augustinus lib. 2. de doctrina Christiana, cap. 8. Patres Concilii Carthaginensis, Gelasius in Concilio Romano, Concilium Florentinum apud Bartholomæum Caranzam in summa Conciliorum, Concilium Tridentinum sess. 4. & omnes Catholici, qui hoc Concilium secuti sunt.

2. Notandum tamen est, non satis constare, an liber Ester positus fuerit in Canone Iudæorum, necne. Magni authores negant, vt Melito apud Euseb. lib. 4. hist. cap. 16. Athanasius in Synopsi, & Gregorius Nazianz. in eo carmine, quod scripsit de genuinis scripturis. Affirmant Hieronimus in prologo Galeato, Lyranus, & multi alii in Commentario illius libri. Nobis sufficiat, positum esse in Canone Christianorum, & ab Ecclesia Catholica pro Canonico recipi & approbari. Et maior debet esse apud nos autoritas Ecclesiæ, quàm Synagoga: præsertim cum certo constet, qui libri sint Canonici iuxta definitionem Ecclesiæ? & tamen non certo constet, qui sint Canonici iuxta definitionem Synagoga.

QVÆSTIO II.

Qui fuerint primi scriptores librorum veteris Testamenti?

1. **H**ic quædam certa, quædam dubia sunt. Primo certum est, Moysen scripsisse Penta-

Arca, non fuisse aliud. Nam Rex habebat aliud, quod ex illo erat transcriptum. (Deut. 17. 18.) Tertiò utrūque exemplar, tam illud, quod seruabatur in Arca, quā aliud, quod habebat apud se Rex, erat tantum exemplar Deut. seu legis Mosæicæ, non autem aliorum librorum veteris Testamenti: Ergo saltem alii libri non perierunt in conflagratione templi. Quarto, Liber quartus Esdræ, ex quo contraria sententia confirmatur, apochryphus & fabulosus est. Et hæc ipsa fabula, de qua agimus, refelli potest ex libro secundo Esdræ, qui Canonicus est. Nam cap. 8. vers. 1. sic legimus, *Congregatus est omnis populus, & dixerunt Esdra Scriba: ut adferret librum legis Moysi, quam praeceperat Dominus Israël. Attulit ergo Esdras Sacerdos legem coram multitudine virorum & mulierum.* Vbi non dicitur conscripsisse, sed attulisse librum Deuteronomi, quem apud se, utpote Sacerdos asseruabat.

3. Neque obstant citati Patres. Non enim asserunt, Esdræ ex memoria dictasse omnes libros veteris Testamenti, quasi iam antea periissent, sed dispersos collegisse, & in ordinem redelegisse: ac si quid in iis fuisset deprauatum, emandas. Simile quid scribit Athanasius in Synopsi: *Narratur, inquit & hoc de Esdra. Cum libri sacri per incuriam populi, & diuturnam captiuitatem perirent ipsam, cum esset vir industrius, & lector per diligentem, & eruditissimus, eos omnes libros apud se custodisse, & postea eos in commune protulisse, atque ea ab interitu quodammodo vindicatos conseruasse.*

QUESTIO V.

An septuaginta interpretes, post captiuitatem Babylonicam transfulerint libros veteris Testamenti in linguam Græcam, & quomodo id factum sit?

1. Certum est, tempore Ptolomæi Philadelphi, qui vixit trecentis fere annis ante Christum, septuaginta duos seniores Iudæorum in Ægyptum vocatos esse ab eodem Ptolomæo, ut Scripturam V. T. ex Hebraica transferrent in Græcam linguam. Ita refert Aristæus in historia de hac ipsa re, qui tunc præsens erat. Item Iosephus lib. 12. Antiquit. c. 2. Philo lib. 2. de vita Moysi, Tertulianus in Apolog. Athanasius in Synopsi, Epiphanius de mēsuris & ponderib⁹ August. lib. 18. de Ciuitate Dei c. 42. de Doctrina Christiana c. 15. & alii passim. Nisi quod Irenæus lib. 3. c. 25: & Clemens Alexandrinus lib. 1. Stromat. putent hoc factum esse sub Ptolomæo Lagi filio, qui Philadelphum proximè antecessit.

2. Ad dubium est. 1. An isti 70. seniores transfulerint omnes libros V. T. an tantum aliquos. 2. Quomodo id fecerint. 3. Quantæ autoritatis sit hæc translatio. 4. An adhuc extet. Circa primum duplex est opinio. Vna, quod transfulerint solam legem Mosæicam. Ita Hieronym⁹ in quæstionib⁹ Hebraicis, & in c. 2. Ezechielis, & in c. 2. Micheæ. Et probat ex Aristæo, Iosepho, & Philone, qui solius Pentateuchi mentionem faciunt. Altera, quod transfulerint omnes libros V. T. Ita Irenæus, Clemens, Epiphanius, & August. locis citatis. Hanc sententiam sequitur Bellarminus lib. 2. de verbo Dei cap. 6. & probat tripliciter. Primo, quia Apostoli in citandis testimoniis Prophetarum vsi sunt Græca translatione. At tempore Apostolorum nulla erat Græca translatio, nisi 70. interpretum. Secundo, quia verisimile est, & Ptolomæum Regem, qui ex toto terrarum orbe comparabat libros pro sua Bibliotheca, habuisse etiam libros Prophetarum, & consequenter curasse eos transferri. Tertio, quia omnes dicunt miraculosè factum esse, quod translatio spatio septuaginta duorum dierum fuerit absoluta: At nullum esset miraculum, si sola lex Mosæica fuisset translata.

Opuſc. Becani.

3. Nec obstat quod Aristæus, Ioseph⁹ & Philo solius legis mentionem faciant. Nam nomine legis sæpe intelligitur totum vetus testamentum, ut Ioan. 10. 34. *Nonne scriptum est in lege vestra, quia ego dixi Dñs estis?* quod tamen scriptum est in Psalmis (Pl. 81. 6.) & Ioan. 15. 25. *Ut adimpleatur sermo, qui in lege eorum scriptus est: Quia odio habuerunt me gratis.* Quod etiam scriptum est in Psal. (Pl. 24. 19.) & 1. Cor. 14. 21. *In lege scriptum est: Quoniam in aliis linguis, & labiis aliis loquar populo huic.* Quod scriptum est in Isaia (cap. 28. 11.)

4. Circa secundum, consentiunt quidem authores 72. senes Hebræos (videlicet sex ex vnaquaque Tribu) vtriusque linguæ peritissimos, spatio 72. dierum mirabili consensione, libros V. T. ex Hebraico sermone in Græcum transtulisse: sed in eo discrepant, an singuli separatim, an vero bini & bini, an denique omnes simul inter se conferentes, id fecerint? Triplex opinio est. Prima, singulos se peratim inclusos fuisse in singulis cellulis, & diuino miraculo factum esse ut singulorum translationes non solum in sensu, sed etiam in rebus ipsis consentirent: ita ut fuerint 72. exemplaria, ne in minimo quidem puncto discrepantia. Ita Iustin⁹ in Orat. exhortatoria ad Gentes (ubi etiam asserit, se apud Alexandriam vidisse vestigia cellularum) Cyrillus catech. 4. Irenæus, Clemens, & August. locis citatis. Altera, binos & binos in cellulis inclusos fuisse, ita ut fuerint 26. exemplaria, quæ mirè inter se conspirarent. Ita Epiphanius loco citato. Tertia, omnes simul in eadem basilica sedisse, & inter se conferentes, vnum exemplar confecisse. Ita Hieronymus præfatione in Pentateuchū. Et probat ex Aristæo & Iosepho. Nam Aristæus, qui fuit presens, apertè scribit, eos simul cūtulisse singulis diebus vsque ad horam nonam. Et Iosephus, qui etiam narrat rem gestam, ne quidem meminit cellularum, quod tamen fecisset pro honore suæ gentis, si putasset ita contigisse.

5. Circa tertium, omnes authores fatentur translationem 72. interpretū diuinitus factam esse, ac proinde magnam habere autoritatem, Solus Hieronymus videtur aliter sentire. Nam præfatione in Pentateuchum asserit, non fuisse vates, sed tantum interpretes, Et alibi sæpe reprehendit illorum versionem, præsertim in quæstionibus Hebraicis, in libro de optimo genere interpretandi, in Epistola ad Suniam & Fretellam, & in commentariis Prophetarum. Quanquam, ut verum fatear, non reprehendit ipsam versionem, sed vitia, quæ postea in eam irrepserunt.

6. Nam præfatione prima in libros Paral. sic scribit: *Si 70. interpretum pura, & ut ab eis in Græcum versa est, editio permaneret, superfluum me impelleret, ut Hebræa tibi volumina Latino sermone transferem. Nunc vero, cum pro varietate regionum diuersa seruantur exemplaria & germana illa antiquaque translatio corrupta sit atque violata, & præfatione 2. Nec hoc 70. interpretibus, qui Spiritu sancto pleni, ea quæ vera fuerunt, transfulerant: sed scriptorum culpa adscribendam, dum de emendatione mēdata scriptitant, & sæpè tria nomina, subtrahitis è medio syllabis, in vnum vocabulum cogunt. Et præfat. in Esdræ & Nehemiam. Si quis autem vobis 70. opposueris interpretes, quorum exemplaria varietas ipsa lacerata & inuersa demonstrat; mittite eum ad Euangelia, in quibus multa ponuntur de veteri Testamento, quæ apud 70. interpretes non habentur, velut illud. Quoniam Nazareus vocabitur, & ex Ægypto vocauit filiū meum: & videbunt in quem compunxerunt: multa quæ alia, quæ latiori operi reseruamus: & quarite ab eo ubi scripta sunt, cumque proferre non poterit, vos legite de his exemplaribus, quæ nuper à nobis edita, maledicorum linguis quodidie confodiuntur.*

7. Circa quartum, aliqui putant Græcam versionem 70. interpretū planè peritissimam. Alii rectius non quidem

perisse, sed valde corruptam ac vitiosam esse. Hoc patet ex verbis Hieronymi iam citatis. Deinde, ex Iustino, qui in Dialogo cum Tryphone ait, multis locis depravatam esse à Iudeis. Tertio, ex Philone & Aristeo, qui asserunt primam versionem, quæ à 70. interpretibus facta est, non solum quoad sensum, sed etiam quoad verba exactè consonasse cum Hebræo textu. Addit Aristæus, diligenter fuisse examinatum, antequam poneretur in Bibliotheca Regis, & ab omnibus acclamatum, sancte singula esse translata ut nihil addi, nihil demi possit. At versio Græca, quæ nunc extat, in multis dissentit ab Hebræo textu. Nam multa habet, quæ in Hebræo non sunt. Multa non habet, quæ in Hebræo sunt. Multa habet falsa. Videatur Hieronymus locis citatis, & Bellarminus libro secundo, capite sexto.

QVÆSTIO VI.

An quando libri veteris Testamenti citantur in nouo, citentur tantum in sensu literali?

Suppono testimonia Scripturæ tripliciter citari posse. Primo, sensu literali, qui à Spiritu sancto intentus est. Secundo, in sensu mystico, qui etiam à Spiritu sancto intentus est. Tertio, per quandam accommodationem, quam quisque pro suo arbitrio facere potest, modo piè ac prudenter id faciat sine vlla fallacitate vel absurditate. Vide Gabrielem Vasquez 1. par. disput. 13. cap. 2. in fine.

2. Nunc quæstio est, An Christus & Apostoli, quando citant testimonia Moïsis & Prophetarum, citent ea in sensu tantum literali? An aliquando etiam in sensu mystico, vel per accommodationem? Respondeo, quædam citant in sensu literali, quædam in sensu mystico, quædam per accommodationem.

3. Exempla primi generis passim obuia sunt. Mat. 19. 4. citatur illud Gen. 1. 27. *Masculum & feminam fecit eos* Et Act. 3. 25. citatur illud Gen. 12. 3. *In semine tuo benedicentur omnes familia terre.* Et Romanorum 4. 3. citatur illud Gen. 15. 6. *Credis Abraham Deo, & reputatum est illi ad iustitiam.* Et Romanorum decimo tertio, versu 9. citatur illud Exod. 20. 14. *Non adulterabis, non occides, non furum facies.* Hæc & multa alia citantur in sensu literali, quem ipsa verba proximè & immediate significant.

4. Exempla secundi generis. Primum, Gen. 21. 10. *Eiце ancillam hanc & filium eius. Non enim eris barba filius ancilla. cum filio meo Isaac.* Hoc secundum litteram intelligitur de Agar, quæ erat ancilla Abraham, & de filio eius Ismaele. At Apostolus (Gal. 4. 30.) citat in sensu mystico de Synagoga. Nam quod in V. T. secundum litteram scriptum est, Abrahamum habuisse vnam ancillam, quæ erat Agar, & vnâ liberam, quæ erat Sara hoc mysticè significabat, Deum habiturum Synagogam tanquam ancillam, & Ecclesiam Christi tanquam liberam. Item quod in veteri Testamento secundum litteram scriptum est, Agar cum suo filio Ismaele fuisse eiectam & repudiatam, Saram vero cum suo filio Isaac mansisse cum Abrahamo: hoc mysticè significabat Synagogam Iudeorum repudiandam, non item Ecclesiam Christianorum.

5. Secundum, Exod. 12. 46. & Num. 9. 12. *Os illius non confringetis*, quod secundum litteram dictum est de Agno Paschali, cui non frangebantur crura, cum in sacrificio mactabatur. At Euangelista citat in sensu mystico de Christo, qui per Agnum Paschalem fuit prefiguratus (Ioan. 19. 36.)

6. Tertium, Deut. 25. 4. *Non alligabis os bovis trituranti.* Quod secundum litteram intelligitur de vero bove qui in arca triturat, seu grana frumenti excutit. At

A Apo. mysticè explicat de prædicatoribus Euangelij, quibus alimonia seu sustentatio neganda non est (1. Cor. 9. 9.) Quamquam aliqui putent per accommodationem illis applicari.

7. Quartum, Osee 11. 1. *Ex Ægypto vocavi filium meum.* Quod secundum litteram intelligitur de populo Israel, qui ex Ægypto per Moyseneductus est in terram promissionis. At Euangelista mysticè intelligit de Christo, qui cum Maria matre, & Iosepho reuocatus est ab Ægypto per Angelum. (Matth. 2. 5.)

8. In his & similibus exemplis notandum est, sensum mysticum esse, qui proxime significatur, non per verba Scripturæ, sed per res ipsis verbis significatas. Quo pacto Synagoga, & Ecclesia mysticè significantur per Agar & Saram: Christus per Agnum Paschalem: prædicatores Euangelij per boves triturantes: Reditus Christi ex Ægypto, per reditum filiorum Israel ex Ægypto, & sic deinceps.

9. Exempla tertij generis Primum, Zach. 4. 3. *Dua olina super candelabrum aureum.* Quod secundum litteram intelligitur de Iesu filio Iosedech, & de Zorobabele Duce Iuda. At Apostolus per accommodationem applicat duobus testibus, Enoch & Helia, qui ab Antichristo interficiendi sunt. (Apoc. 11. 4.) Vide Vasquez 1. part. disp. 14. cap. 1.

10. Secundum, Isaia 29. 13. *Populus hic labiis me honorat, cor autem eorum longè est à me.* Quod secundum litteram intelligitur de illis Iudeis qui erant tempore Isaia. At Christus accommodat Scribis & Phariseis sui temporis. (Matth. 15. 8.) Vide Vasquez ibidem cap. 5.

11. Hic modus vtendi testimoniis Scripturæ per accommodationem, valde frequens est apud Patres & Concionatores. Sic Ecclesia accommodat B. Virgini, quod scriptum est Cantic. 1. 4. *Nigra sum, sed formosa.* Sic August. illud Apostoli 2. Corinth. 3. 6. *Litera occidit, spiritus autem vivificat*, per accommodationem explicat de litera & sensu Scripturæ. Sic Bonifacius 8. illud Lucæ 22. 38. *Ecco duo gladij hic*, accommodate intelligit de duplici potestate Pontificis, spirituali & temporali. Sic Gregorius illud Genesis 1. 16. *Fecit Deus duo luminaria magna*, intelligit de Pontifice & Imperatore. Huiusmodi exempla propè infinita sunt.

QVÆSTIO VII.

An in veteri Testamento, præter Scripturam, fuerint etiam aliqua traditiones.

Iudei præter Scripturam, habebant etiam traditiones. Et quidem duplices. Nam aliæ erant Phariseorum, quas Christus in Euangelio reprehendit. Aliæ Moisaicæ, quæ erant laudabiles, & ad salutem necessariæ. Traditiones prioris ordinis erant hæc.

1. Prima, quod ante sumptionem cibi lauandæ essent manus. Matth. 23. 1. *Accesserunt ad eum Scribae & Pharisei dicentes: quare Discipuli tui transgrediuntur traditionem Seniorum: Non enim lavant manus suas, cum panem manducant.*

2. Secunda, quod etiam inter comedendum illa lotio sæpius esset repetenda. Marci 7. 3. *Pharisei & omnes Iudæi, nisi crebro laverint manus, non manducant, tenentes traditionem Seniorum.* Hinc in nuptiis Canæ Galilææ erant sex hydræ positæ secundum purificationem Iudeorum. (Ioan. 2. versu 6.) In quibus hydris erat aqua ad lauandas manus inter prandendum.

3. Tertia, quod venientes è foro non deberent cibos capere, nisi loti essent. Marci 7. 4. *Et à foro nisi baptizentur, non comedant. Et alia multa sunt quæ tradita sunt illis servare, baptismata calicem & urceorum, & aramentorum, & leforum.*

5. Quarta, quod cum peccatoribus non esset sumendus cibus. Matth. 9. 11. *Et videntes Pharisei, dicebant Discipulis eius: Quare cum Publicanis & peccatoribus manducant? Magister vester? Similia habentur Lucæ 5. 30.*

6. Quinta, quod ne quidem permittendum esset, ut quis à peccatoribus tangeretur. Lucæ 7. versu trigesimo nono. *Videns autem Phariseus, quo vocaverat eum, misit intra se, dicens: Hic si esset Propheta, scires utique, quæ & qualis esset mulier, quæ tangit eum, quia peccatrix est. Vbi manifestè apparet, Phariseum fuisse irritum, quod Christus à muliere peccatrice pateretur se contractari, eo quod hoc esset contra morem & traditionem Phariseorum quorum vox erat hæc: *Recede à me non appropinques mihi, quia immandus es.* (Isaia 65. 5.)*

7. Sexta, quod in Sabbatho non liceret ægros sanare Lucæ 6. 7. *Observabant autem Scribae & Pharisei, si in Sabbatho curaret, ut innoxirent, unde accusarent eum.* Et Ioan. 9. 16. *Dicebant ergo ex Phariseis quidam: Non est hic homo à Deo, quia Sabbathum non custodit.* Loquebantur de Christo, qui cæco visum restituerat in Sabbatho.

8. Septima, quod famelici non possint spicas valdere, & comedere in Sabbatho. Matth. 12. 1. *Abiit Iesus per fora Sabbatho: discipuli autem eius esurientes coeperunt vellere spicas & manducare. Pharisei autem videntes, dixerunt ei: Ecce discipuli tui faciunt, quod non licet facere Sabbathis.*

9. Octava, quod frequenter esset ieiunandum & orandum. Matth. 9. 14. *Quare nos & Pharisei ieiunamus frequenter; Discipuli autem tui non ieiunant? Et Lucæ 5. 33. Quare discipuli Ioannis ieiunant frequenter, & obsecrationes faciunt; tui autem edunt & bibunt.*

10. Nona, quod omnium rerum, etiam minimarum, decimæ offerendæ essent Deo. Matth. 23. 23. *¶ A vobis Scribae & Pharisei, qui decimas mentham, & anethum, & cymium; & reliquistis quæ graviora sunt legis, iudicium & misericordiam & similia. Hæc oportuit facere, & illa non omittere.* Hic decimare, idem est, quod decimas dare. Est ergo hic sensus: Vos Pharisei datis decimas omnium rerum, etiam minimarum, quod non facitis ex præcepto Dei scripto in lege Moïsaica, sed ex vestra traditione non scripta. Et interim negligitis ea, quæ vobis in lege præcepta sunt. Hæc debetis facere, & illa non omittere.

Vbi notandum est, triplici titulo potuisse dari decimas 1. Ex præcepto legis Moïsaicæ. 2. Ex voto. 3. Ex traditione. Ex præcepto debebant dari decimæ de frugibus, de pomis arborum, de bobus, ovibus & capris. (Levit. 27. 30.) Ex voto poterant dari pro arbitrio vouentium. (2. Paralipo. 31. 6.) Ex traditione solebant Pharisei dare decimas menthæ, anethi, cymini, & similiarum rerum minimarum, quas alii non dabant, nec ex præcepto legis tenebantur dare, ut docet D. Thomas 2. 2. quæst. 87. art. 2. ad 3. Iansenius in Concord. Euang. cap. 84. Maldonatus in cap. 18. Lucæ vers. 11. Franciscus Lucas in cap. 23. Matth. v. 23. Quo nomine gloriatur quidam ex Phariseis in Euangelio, cum ait: *Non sum, sicut ceteri homines. Ieiuno bis in Sabbatho: decimas de omnium, quæ possideo.* Quasi dicat: Hoc ceteri homines non faciunt. Dant quidem decimas vini, fumentum, & olei; sed non omnium bonorum, etiam minimorum, ut ego & reliqui Pharisei facimus.

11. Decima, quod qui iuraret per templum vel altare, non esse reus criminis; qui autem iuraret per aurum templi, vel per oblationes, quæ in altari fiebant, esset reus. Matth. 23. 16. *¶ A vobis duces cæci, qui dicitis: Quicumque iuraverit per templum, nihil est; qui autem iuraverit in auro templi, debet. Stulti & cæci: quid enim maius est aurum an templum, quod sanctificat aurum; Et quicumque iuravit in altari, nihil est; qui autem iuravit in dono, quod est super illud, debet. Cæci quid enim maius est,*

Opusc. Becani.

A donum, an altare, quod sanctificat donum?

12. Undecima, quod filii non tenerentur reipsa parentes suos honorare, aut illis benefacere: Sed quod abunde sufficeret, munus aliquod Deo offerre. Matth. decimoquinto, versu textio. *Quare vos transgredimini mandatum Dei propter traditionem vestram? Nam Deus dixit: Honorapaterem & matrem. Et quicumque maledixerit patri aut matri, morte moriatur. Vos autem dicitis: Quicumque dixerit patri aut matri, munus quodcumque est ex me, tibi proderit: & non honorificabit patrem suum & matrem suam. Et irritum fecistis mandatum Dei propter traditionem vestram.*

13. Hæc fuerunt præcipue traditiones Phariseorum quantum ex Euangelio licet colligere. Et quanquam aliquæ earum essent bonæ ex suo genere; aliæ malæ; aliæ facientes aut inutiles; Pharisei tamen propter omnes reprehendebantur à Christo, ob has causas. Primo, quia ipsi ex earum observatione quærebant inanem gloriam, & opinionem sanctitatis apud homines cum nihil minus quam sancti essent. Matth. 23. 5. *Omnia verò opera sua faciunt, ut videantur ab hominibus.* Hinc passim in Euangelio vocantur hypocritæ, & sepulchra dealbata.

14. Secundo, quia ex quarundam observatione sciebantur etiam opes ac diuitias; præsertim ex longis orationibus, quas in eum finem recitabant. Mat. 23. 14. *De vobis Scribae & Pharisei hypocritæ, quia comeditis domos viduarum, orationes longas orantes.* Et Mar. 12. 14. *Canete à Scribis, qui denotant domos viduarum sub obtentu proluxa orationis.* Vbi comedere seu deuorare domos viduarum, nihil aliud est, quam spoliare seu exhaurire. Nam viduæ veniebant ad Phariseos, tanquam ad homines sanctos, (quippe qui sanctitatem simulabant) & eorum orationes pretio emebant.

15. Tertio, quia supersticiosè minutiora quædam seruabant, & alia maiora negligebant, ut paulo ante dictum est. Dabant enim decimas rerum etiam vilissimarum, & interim negligebant iudicium & misericordiam in diiudicandis causis, quæ ad ipsos deferbantur. Et hoc sensu accipi potest illud Mat. 23. 24. *Excelantes calicem, camelum autem glutientes.*

16. Traditiones posterioris generis (de quibus potissimum hic agimus) erant tres præcipue. Prima: quod omnes & singuli libri, qui in Canone Iudeorum consignabantur, essent vere diuini, & à Deo inspirati. Hoc fide credebant Iudei, & tamen nusquam in veteri Testamento scriptum est. Secunda, quod formellæ haberent aliquod remedium contra peccatum originale, non minus quam masculi; quaecumque tandem fuerit illud remedium. Nec hoc vllubi in V. T. scriptum est. Tertia: quod cruenta ipsorum sacrificia significauerint mortem Christi. Hoc etiam erat dogma fidei, nec tamen in V. T. scriptum est.

17. Duas posteriores traditiones sic explico. Iudei fide credebant, femellas concipi in peccato originali, non minus quam masculos. Nihil certius. Ergo fide credebant, illas saluari non posse, nisi per aliquod remedium à Deo institutum. Debebant autem scire in particulari, quod & quale esset hoc remedium; alioquin omnes formellæ perissent sine remedio. At nusquam scriptum est, in V. T. quod & quale fuerit hoc remedium in particulari: ergo per solam traditionem hoc sciebant. Hæc autem traditio erat ad salutem necessaria; quia sine remedio non poterant saluari formellæ: quaecumque tandem fuerit illud remedium, siue fides parentum, siue aliquid aliud.

18. Similiter fide credebant, quædam cruenta sacrificia à Deo instituta esse pro expiatione peccatorum. Vel ergo putabāt eiusmodi sacrificia per se, & propria virtute expiare peccata; vel virtute mortis & passionis Christi quæ per illa sacrificia significabatur. Si prius

A 11j

putabant, erant hæretici, si posterius, erant fideles. Sed unde habebant hanc fidem & firmam persuasionem? Non ex Scriptura, quia nunquam in V. T. id scriptum est: Ergo ex traditione. Hæc autem traditio erat necessaria ad salutem: Non quod necesse fuerit singulos de populo credere, futuram Christi mortem per cruenta sacrificia præfigurari, sed quod necesse fuerit aliquos id credere, præsertim Sacerdotes & Doctores, quibus incumbere cura docendi & instruendi alios: alioqui tota Synagoga, in hoc quidem puncto, quod sanè erat gravissimum, fuisset sine fide. Quod absurdum est. (Vide D. Thomam in 2. 2. quæst. 2. art. 7.)

19. Hinc sequitur, Iudæos habuisse quædam per Scripturam, quædam per traditionem. Magis tamen vli sunt Traditione, quam Scriptura, non solum in iis reb^{us} quæ habebantur per solam Traditionem, sed etiam in iis, quæ erant scriptæ. Quod patet ex sequentibus testimoniis. Exod. 13. 8. *Narrabis filio tuo in die illo dicens: Hoc est quod fecit mihi Dominus, quando egressus sum de Ægypto.* Et eris quasi signum in manu tua. Et Deut. 32. 7. *Memento dierum antiquorum, cogita generationes singulas: interroga patrem tuum, & annuntiabit tibi, mater tuos, & dicent tibi.* Et Iudic. 6. 13. *Vbi sunt mirabilia eius qua narraverunt Patres nostri, atque dixerunt: de Ægypto eduxit nos, Dominus.* Et Ps. 43. *Deus auxilium nostris audivimus, Patres nostri annuntiaverunt nobis opus, quod operatus est in diebus eorum, & in diebus antiquis.* Et Ps. 77. 5. *Quanta mandavit Patribus nostris nota facere ea filiis suis, ut cognoscat generatio altera Filij qui nascuntur & exurgent, & narrabunt filijs suis.*

20. Ex his testimoniis duo colliguntur. Primum, quod traditio fuerit Iudæis à Deo tradita seu præcepta. Secundò, quod multa ex iis, quæ iubebantur docere vel discere per Traditionem, apertè habebantur in Scriptura: Et tamen non remittebantur ad Scripturam, sed ad Traditionem. Cuius rei duplex est ratio. Vna, quia eo tempore Scriptura nondum erat redacta in formam integri voluminis, sed dispersa in variis chartis, & annalibus, ut commodè ab unoquoque legi non posset. Primus, qui eam redegit in formam voluminis, fuit Esdras post captivitatem Babylonicam. Altera, quia liber Deut. qui erat præcipuus inter libros V. T. non habebatur passim in populis, sed vnum exemplar à Rege, alterum à Sacerdotibus custodiebatur in arca Domini, qui septimo quoque anno (nempe anno remissionis) iubebantur illud populo prælegere. (Deut. 31. 9.) Et hi ipsi Sacerdotes fuerunt tam negligentes in eo custodiend^o, ut longo tempore amissum fuerit, & tandem ab Helcia Pontifice (tempore Iosæ Regis) inuentum, ac populo prælectum. 4. Reg. 22. 8.) Unde necesse est, populum in plerisque usum fuisse traditione, de qua in præcedentibus testimoniis dictum est.

21. Quod contigit Iudæis, etiam contingit nobis Christianis. Multa habemus per solam Traditionem, quæ ad fidem & salutem necessaria sunt. De quib^{us} generatim Apostol^{us} 1. 14. *Itaque fratres stete & tenete Traditiones, quas didicistis, sine per sermonem, sine per Epistolam nostram.* Speciatim verò sunt hæc, & similia. Primum, quod tota Scriptura Veteris ac Novi Testamenti sit verè diuina & à Deo inspirata. Secundò, quod Symbolum fidei sit verè canonicum & Apost. Tertio, quod infantes sint baptizandi. Quarto, quod baptizati ab hæreticis non sint rebaptizandi. Quintò, quod in baptismo pronuntiari debeat hæc forma verborum: *Ego te baptizo in nomine Patris, & Filij, & Spiritus sancti.* Sextò, quod certus ac determinatus sit Sacramentorum numerus in nouo Test.

CAPUT II.

De Fide & Symbolo.

TRes sunt virtutes Theologicæ, de quibus agendum est, Fides, Spes Charitas (1. Cor. 13. 13.)

A Dicuntur autem Theologicæ, quia immèdiatè versantur circa Deum; in quo differunt ab aliis virtutibus: Et quidem Fides versatur circa Deum, quatenus est verax in dicendo seu reuelando. Spes circa Deum, quatenus est bonus respectu nostri, sed quatenus est suprema & æterna nostra beatitudo, quam speramus. Charitas circa Deum, quatenus in se bonus est. Fides est in intellectu: Spes & Charitas in voluntate. De singulis dicam.

2. Ad primò de Fide, cuius mysteria nobis reuelata sunt, vel in Scriptura, vel per Traditionem. Ex quæritur 1. An fides sit Donum Dei, quo assentimur iis, quæ à Deo reuelata sunt. 2. Quid in V. T. reuelatum sit de Deo. 3. Quid de Trinitate. 4. Quid de Christo. 5. Quibus nominibus in Veteri Testamento appellatus sit Christus. 6. Quis primus crediderit in Christum. 7. An Fides in Christum fuerit necessaria ad salutem. 8. An Fides Veteris Testamenti fuerit tam perfecta, quam est Fides Euangelica.

QUESTIO I.

Quid sit Fides.

Respondeo. Fides est donum Dei ac lumen quo illustratus homo, certo ac firmiter assentitur iis, quæ à Deo obscurè reuelata sunt, & nobis ad credendum legitime proposita. In qua definitione aliqua notanda sunt.

1. Primum quod fides sit donum Dei (Eph. 2. 8.) De quo disputat Aug. l. de prædestinatione Sanctorum c. 2. contra Pelagianos & Semipelagianos. Hi dicebant initium fidei esse à nobis, non tamen fidem perfectam. Illi utrumque attribuebant solis naturæ viribus. Utrosque refellit Augustinus.

3. Secundò, quod Fides sit lumen. Solet autem distinguui triplex lumen in intellectu hominis. 1. Lumen naturale, (Ps. 4. 7. *Signatum est super nos lumen vultus tui Domine*) 2. lumen Fidei. (1. Pet. 2. 9. *Qui de teneris vos vocavit in admirabile lumen suum*) 3. Lumen gloriæ (Ps. 35. 10. *In lumine tuo vidimus lumen.*) Primum reperitur in quouis homine. Secundum, in homine tantum fidei. Tertium, in homine beato, qui clarè videt essentiam diuinam.

4. Tertio, quod actus fidei sit assentiri vel credere. (Philip. 1. 29 & Hebr. 11. 6.) Possumus autè dupliciter rem aliquam credere. 1. propter auctoritatem hominis assentientis. Et tunc est Fides humana. Secundo, propter auctoritatem Dei assentientis & reuelantis. Et tunc est Fides diuina, de qua hic agimus.

5. Quarto, quod materiale obiectum Fidei, quod credimus, sint res à Deo reuelatæ, formale, auctoritas Dei reuelantis. Nam, ut dixi, nos fide diuina credim^{us} vera esse mysteria, quæ nobis proponuntur, non ideo, quia ab homine, sed quia à Deo reuelata sunt, qui nec falli potest, nec fallere. Unde etiam vocatur *prima veritas*. Hæc autè veritas includit duo attributa diuina, nempe infinitam bonitatem, & infinitam sapientiam. Nam Deus, quia infinitè bonus est, non vult fallere: Et quia infinitè sapiens est, non potest falli.

6. Quinto, quod actus fidei circa suum obiectum, id est, circa res à Deo reuelatas, habeat duas proprietates nempe certitudinē & obscuritatem. Certitudo oritur ex infinita Dei sapientia & bonitate: Obscuritas ex reuelatione. Quod sic explico. Act^{us} fidei, quo credo mysteriū Trinitatis, est cert^{us} & infallibilis, quia nititur certo, & infallibili fundamento nempe auctoritate Dei reuelantis, qui nec falli potest propter infinitatē sapientiam, nec fallere propter infinitam bonitatem. Idem actus est obscurus, quia nititur diuina reuelatione, quæ respectu nostri obscura est. Et quidē ex duplici capite.

Primo, ex parte Dei reuelantis. Non enim constat nobis clarè & euidenter, reuelationem mysterij Trinitatis, quæ facta est, à Deo factam esse. Secundo, ex parte rei reuelatæ. Nam reuelatio non ostendit nobis clarè & intuitiue rem reuelatam, sed tantum obicure & abstractiue. Hoc patet in simili exemplo. Quando enim Virgilius narrat mihi aliquid de rebus abscentibus, quas nunquam vidè, non efficit per suam narrationem, ut clarè incipiam videre res ipsas, de quibus narrat; sed solum efficit, ut obscuram & abstractiue credamus notitiam & cognitionem.

7. Sic etiam quando Deus reuelat nobis mysterium Trinitatis, quod nunquàm vidimus, non efficit per suam reuelationem, ut clarè & intuitiue videamus hoc mysterium; sed solum ut obicure & abstractiue credamus talo esse quale à Deo reuelatur. Et hoc docet experientia. Hinc Apostolus Hebr. 11. 1. ait, *Fidem esse argumentum rerum non apparentium*; quia nimirum res illæ, quas fide credimus, non apparent, seu non videntur à nobis clarè. Et 1. Corint. 13. 12. dicit: *Videmus per speculum in enigmate, sicut autem faciemus faciem*, id est, in hac obicure cognoscimus mysteria fidei, in altera clarè intuebimur.

8. Vnde sequitur, actum fidei esse voluntarium & liberum; non autem necessarium. Vel, quod idem est, nos voluntariè & liberè assentiri rebus à Deo reuelatis; non autem necessariò. Loquor autem de necessitate obiecti, non præcepti. Nam ex parte præcepti, quod nos obligat, necessariò debemus assentiri rebus à Deo reuelatis, si volumus salui esse. At ex parte obiecti, non necessariò, sed liberè. Quod sic probo. Tunc intellectus necessariò assentitur alicui obiecto, vel propositioni, quādo propter ipsius rei euidentiam cōvincitur, & quasi necessitatur ad assensum; ita ut non possit nō assentiri: tunc autē voluntariè ac liberè assentitur; quādo propter rei obscuritatem non cōvincitur, aut necessitatur ad assensum; sed potest assentiri vel dissentire, prout voluntati visum est. Do exemplū. Quādo quis clarè videt Solē ortum esse, tunc intellectus, si aduertat propter euidentiam, necessariò cōvincitur ad formandū hūc assensum: *Sol ortus est*. Quādo autē non videt ortū esse (ut si cæcus sit) (sed tamē ab alio audit ortū essetunc intellectus eius nō necessariò cōvincitur, sed à libera voluntate ad assensum mouetur. Idē sit in mysteriis fidei. Beati in cælo, qui clarè intuentur mysteriū Trinitatis, necessariò præbēt assensum; nos in hac vita, qui non intuemur liberè præbemus assensum. Et si voluntas pia est, credimus Deum esse trinū & vnum; si impia, non credimus, & infideles efficiuntur. Hæc omnia prolixè disputantur à Theologis in 2. 2. questione 1. & 2. Nos pauca diximus pro hoc loco & instituto.

QVÆSTIO II.

Quid in Veteri Testamento fuerit reuelatum de Deo.

1. **R**espondeo. Hæc tria potissimum. Primo, Deum esse vnū. Exod. 3. 14. *Ego sum qui sum*. Secundo, Deum esse vnū. Deuter. 6. 4. *Audi Israël Dominus Deus noster, Deus vnus est*, & Deuter. 32. 39. *Videte, quod ego sim solus, & non sit alius Deus pater meus*. Tertiò, Deū habere providentiā circa homines, i. saluare bonos, & punire malos. Sapient. 8. 8. *Equaliter est illi cura de omnibus*. Et Deuter. 7. 9. *Et scies, quia Dominus Deus tuus est Deus fortis, & fidelis, custodiens pactum, & misericordiam diligētibusc, & his qui custodiunt præcepta eius in mille generationibus: & reddens odientibus se statim, ut disperdat eos & ultra non differat, protinus eis restituens quod merentur*.

2. Præter hæc tria, sunt multa alia, quæ ad illa reuocantur. Cuiusmodi sunt hæc Deum esse bonum. (Psal. 72. 1.) Esse infinitum. (Psal. 144. 3.) Esse vbiq; præsentem. (Psal. 138. 7.) Esse mutabilem. (Num. 13. 19.) Aternū. (Pal. 89. 2.) Omnia scientem. (1. Reg. 2. 3.) Omnipotentem.

Opusc. Bee.

(Genes. 1. 1.) Creasse hominem ad imaginem & similitudinem suam. (Genes. 1. 26.) Dedit illi præcepta, & promississe vitam, si ea seruaret: mortem, si nō seruaret. (Genes. 2. 17. & alibi.)

QVÆSTIO III.

Quid in veteri Test. fuerit reuelatum de Trinitate?

1. **R**espondeo. Nusquam in veteri Testamento expressè reuelatum est, tres esse personas diuinas, vnus & eiusdē essentia, ac realiter inter se distinctas; nempe Patrem, Filium, & Spiritum sanctum: sed tamē quibusdam locis obicure & confuse insinuatū est plures esse personas, quā vnā. Solent autem produci varia testimonia, quibus id insinuatū est, quæ breuiter recensebo.

2. Primum est Genes. 1. 1. *In principio creauit Deus calum & terrā*. Ac Paulò post: *Et Spiritus Dei ferebatur super aquas*. Vbi aliqui putant Patrem significari nomine Dei Filium nomine principij; Spiritum sanctum nomine Spiritus Dei. Ita Origenes & Rupertus in illum locum, quibus fauet Augustinus lib. de Genesi ad litteram imperfecto capite 1. Et confirmari potest hæc expositio ex eo, quod Filius Dei de seipso dicit Psal. 29. 9. *In capite libri scriptum est de me*, id est, in initio lib. Gen. Vide Hieronymum in quæst. Hebraicis in Genesim.

3. Secundum est Genes. 1. 26. *Faciamus hominem ad imaginem & similitudinem nostram*. Vbi Deus loquitur de se in plurali numero, propter pluralitatem personarum, ut notant Origenes, Basilus, Chrysostomus, & Ambrosius in illum locū: item Athanasius in oratione contra idola, circa finem. Augustinus libro 16. de Ciuitate Dei, cap. 6. Concilium Syrmiense Canone 19. & plures alij. Simile illud Genes. 3. 22. *Ecco Adam quasi vnus ex nobis factus est, sciens bonum & malum*. Et Genes. 11. 7. *Venite igitur, descendamus, & confundamus ibi linguam eorum*.

4. Tertium est Genes. 19. 24. *Dominus pluit super Sodomam & Gomorham sulphur & ignem à Domino de calo*. Vbi cum dicitur, Dominus à Domino, insinuat dux, ut minimum, personæ. ut sensus sit: pluit filius à Patre. Ita Ignatius in Epistola ad Antiochenos, Iustinus in Dialogo cum Tryphone, Athanasius in Oratione contra Gregales Sabellij, Hilarius libro quinto de Trinitate: Concilium Syrmiense Can. 15. & alij.

5. Quartum est Psal. 66. 8. *Benedicat nos Deus, Deus noster, benedicat nos Deus*. Vbi nomē Deus ter ponitur bis quidem absolute pro Patre & Spiritu sancto: & semel cum pronomine *Noster*, pro Filio, qui propter humanam naturam assumptam vocamus Deus noster. Eodem spectat illud Isai. 6. 3. *Sanctus, Sanctus, Sanctus, Dominus Deus exercituum*. In quem locum sic scribit Rabbi Simeon: *Sanctus, hic est Pater; Sanctus, hic est Filius; Sanctus, hic est Spiritus sanctus*. Vide Galatinum lib. secundo de arcanis capite nono, & Vasquez 1 part. disputatione centesima octaua, capite secundo.

6. Quintum est Zachariæ 2. 10. *Lauda & letare Filia Sion: quia ecce ego venio, & habito in medio tui, ait Dominus. Et applicabuntur gentes multe ad Dominū in die illa, & erunt mihi in populum, & habitabo in medio tui*. Et sciēs quia Dominus exercituum misit me ad te. Vbi bis ponitur nomen Domini: semel pro Deo mittente, & semel pro Deo misso, id est, semel pro Patre & semel pro Filio, plura testimonia adducam quæstione sequenti.

7. Nota Trinitatem personarum variis modis cognosci posse in hac vita. Primo, per reuelationē supernaturalem, factam in veteri Testamento, de qua iam dixi: Et hæc obscura est. Secundo, per reuelationem supernaturalem, factam in nouo Testamento, de qua infra dicam, quæstione decima. Et hæc, quoad verba, clarior & apertior est Tertiò, per cōgruentias naturales. Cuiusmodi sunt hæc. 1. Natura boni est, diffundere

A iij

& communicare seipsum: ergo natura infiniti boni est, communicare se infinitè. At Deus est infinitum boni: Ergo infinitè se communicat. At non communicat se infinitè intra se, per productionem creaturarum: Ergo debet se infinitè communicare intra se, per productionem personarum eiusdem essentia & naturæ. Secundò, ad perfectam beatitudinem requiritur consortium æqualium personarum: At Deus, est perfectissimè beatus: Ergo debet habere consortium æqualium personarum. Tertiò, melius est, Deum ab æterno aliquin produxisse, quàm otiosum fuisse: At ab æterno produxit creaturas extra se: Ergo produxit personas diuinas intra se.

8. Quartò, potest cognosci Trinitas personarum per vestigia creaturis impressa. Nam omnes creature propter ternarium numerum, quem in se habent à suo Creatore, videntur clamare, à Trinitate creatas se esse. Quod aliquot exemplis demonstrabo. Primò, In vnaquaque creatura sunt tres passionis entis. *unum, verum, bonum*. Secundò, Tota vniuersitas creaturarum diuiditur in tria genera. Nam alie sunt spirituales, vt Angelice corporales, vt celi, elementa, lapides, plantæ, bruta animalia; alie mixte ex corpore & spiritu, vt homines. Tertiò, Angeli diuiduntur in tres Hierarchias, supremam, mediam, & infimam. Et singula Hierarchia in tres ordines. Quartò, Vnusquisque Angelus, sicut etiam vnaquaque anima rationalis, habet tres facultates, memoriam, intellectum, voluntatem. Memoria representat patrem, qui habet ideas omnium rerum in se. Intellectus Filium, qui est sapientia Patris. Voluntas Spiritum sanctum, qui est amor procedens à Patre & Filio. Vide Augustinum libro nono de Trinitate & seq. Bellarmin. lib. 2. de Christo cap. 6.

Q V A S T I O I V.

Quid in veteri Testamento fuerit reuelatum de Christo?

1. **R**espondeo. Multa de Christo fuerunt reuelata. Et speciatim hæc. Primò, quod esset nasciturus ex semine Abrahæ. (Gen. 22. 18.) Secundò, quod ex familia David. (Ieremias 23. 5.) Tertiò, quod ex virgine. (Isaias 7. 14.) Quartò, quod in Bethlehem. (Michæas 5. 2.) Quintò, quod certo tempore. Genes. 49. 10. Et Daniel. 9. 24. Et Aggaei 2. 7.) Sextò, quod predicaturus Euangelium salutis & pacis. (Isaias 61. 1.) Septimò, quod factururus miracula. (Isaias 35. 5.) Octauò, quod redempturus genus humanum, & pro humano genere moriturus. (Isaias 53. 4. Et Daniel. 9. 26.) Nono quod descensurus ad inferos, & tertia die resurrecturus. (Psalm. 13. 10. Et ionas 2. 1.) Decimò, quod ascensurus ad cælum. Psalm. 67. 19.) Vndecimò, quod sessurus ad dexteram Dei Patris. (Psalm. 109. 1.) Duodecimo, quod missurus Spiritum sanctum. (Isaias 44. 3. Et Ioannis 1. 28.) Decimotertio, quod iudicaturus viuos & mortuos. (Psalm. 95. 13.) Hæc omnia clarius constant ex nouo Testamento.

2. Quæres, An etiam reuelatum fuerit in veteri Testamento, Christum fore Deum simul & hominem? Respondeo. Clarè reuelatum fuit fore hominem, obscure Deum. Prior pars patet ex dictis; quia clarè reuelatum fuit, Christum nasciturum & moriturum; quod non potest intelligi, nisi secundum humanitatem. Posterior colligitur ex variis Scripture locis. Psalm. 2. 7. *Filius meus es tu: Ego hodie genui te*. Ex quo loco probat Apostolus Hebr. 1. 5. Christum esse maiorem Angelis, quia ab æterno genitus est à Deo patre per diuinam generationem. Item Psalm. 98. 6. *Adorate eum omnes Angeli eius*. Quo etiam loco vtitur Apostolus ibidem. Item Psalm. 109. 1. *Dixit Dominus Domino meo, sede à dextris*

A mess. Quem locum explicat ipsemet Christus Matth. 22. 44. Itè Isaias 35. 5. *Deus ipse veniet, & saluabit vos*. Vbi adoptè loquitur de Christo, vt ex contextu patet. Item Baruch. 3. 36. *Hic est Deus noster, & non estimabitur alius aduersus eum*. Vbi etiam est sermo de Christo, quia sequitur: *Post hæc in terris visus est, & cum hominibus conuersatus est*. Item Michæas 5. 2. *Es tu Bethlehemo Ephrata parvulus es in millibus Iuda. Ex semine egredietur, qui sit dominator in Israel: & egressus eius ab initio, à diebus æternitatis*. Vbi insinuat duplex Christi generatio. Vna humana, cum dicitur: *Ex se mihi egredietur*. Altera diuina, cum additur: *Et egressus eius ab initio, à diebus æternitatis*.

3. Hic obiter notandum est, hæc testimonia veteris Testamenti, in quibus agitur de Christi diuinitate, per se quidem obscura esse; sed tamen, quia pleraque in nouo Testamento clarioribus verbis explicata sunt, facilius intelligi à Christianis, quam olim intellecta fuerint à Iudeis: quia Iudei non habuerunt illam explicationem, quam Christiani habent. Quomodo autem hæc claritas noui, & illa obscuritas veteris Testamenti intelligenda sit, dicetur quæst. 9.

Q V A S T I O V.

Quibus nominibus fuerit Christus appellatus in veteri Testamento.

1. **R**espondeo. His potissimum. 1. Deus. Isaias 35. 4. & Baruch 3. 36.
2. Emanuel, id est, nobiscum Deus. Isaias 7. 14.
3. Dominus Davidis. Psalm. 109.
4. Dominus legifer noster, Rex noster, Iudex noster. Isaias 33. 21.
5. Christus. Daniel. 9. 26.
6. Saluator & propugnator. Isaias 19. 10.
7. Redemptor. Isaias 59. 20.
8. propheta. Deuteronom. 18. 15.
9. Sanctus Sanctorum. Daniel. 9. 24.
10. Desideratus cunctis gentibus. Aggaei 2. 8.
11. Expectatio gentium. Genes. 49. 10.
12. Brachium Domini. Isaias 59. 1.
13. Dominator. Malach. 3. 1.
14. Angelus testamenti. ibidem.
15. Sol iustitiæ. Malach. 4. 2.
16. Pastor. Isaias 40. 11. Et Ezechiel 34. 25.
17. Agnus Isaias 53. 7.
18. Semen Abrahæ. Genes. 22. 18. vt explicat Apostolus, Galat. 3. 16.
19. Stella oriens. Numer. 24. 16.
20. Lux gentium. Isaias 9. 2.
21. Lumen Ierusalem. Isaias 60. 1.
22. Sacerdos in æternum. Psalm. 109. 4.
- Multo luculentiora nomina sortitur in nouo Testamento, cuiusmodi sunt hæc.
1. Deus.
2. Filius Dei.
3. Filius Dei vnigenitus. Ioan. 1. 18. & cap. 3. 16.
4. Imago Dei inuisibilis. Colossens. 1. 18.
5. Agnus Dei Ioan. 1. 37.
6. Figura substantiæ Dei. Hebræor. 1. 3.
7. Sermo Dei. Hebr. 4. 12.
8. Dominus noster Iesus Christus. Galat. 1. 3. & alibi sæpius.
9. Mediator Dei hominum. 1. Timoth. 2. 5.
10. Mediator N. T. Hebr. 9. 15.
11. Saluator mundi. Ioan. 4. 42. & alibi.
12. Redemptor. Act. 7. 35. & alibi.
13. Aduocatus noster apud Deum. 1. Ioan. 2. 1.
14. Messias. Ioan. 1. 41. & Ioan. 4. 25. non alibi.
15. Pastor bonus. Ioan. 10. 11.

16. Primogenitus omnis creaturæ. Coloss. 1. 15.
17. Primogenitus ex mortuis. ibidem v. 18.
18. Caput Ecclesiæ, ibidem.
19. Hæres vniuersorum. Heb. 1. 21.
20. Apostolus & pontifex confessionis nostræ, Hebr. 3. 1.
21. Pontifex magnus, Hebr. 4. 14.
22. Sacerdos in æternum. Hebr. 5. 6.
23. Minister circumcisionis, Rom. 15. 8.
24. Lux mundi, Ioan. 8. 12.
25. Via, veritas & vita. Ioan. 14. 6.
26. Ostium ouium, Ioan. 10. 7.
27. Magister bonus, Matth. 19. 16.
28. Propheta magnus, Lucæ. 7. 16.
29. Oriens ex alto, Lucæ 1. 78.
30. Lapis offentionis & petra scandali, Rom. 9. 33. & 1. Petri 2. 8.
31. Radix David, Apoc. 5. 5.
32. Leo de tribu Iuda, ibidem.
33. Principium & finis, alpha & omega Apoc. 1. 8.
34. Principes Regum terræ, Apoc. 1. 5.

QVÆSTIO VI.

Quis in veteri Testamento primus crediderit in Christum.

Respondeo. Adamus in paradiso, cum dixit Gencl. 2. 23. *Hoc nunc os ex ossibus meis, & caro de carne mea: Hæc vocabitur virago, quoniam de viro sumpta est. Quamobrem relinquet homo patrem suum & matrem, & adhærebit uxori suæ, & erunt duo in carne una.* Nam his verbis non solum locutus est de præsentis sui matrimonio cum Eua; sed etiam prophetavit de futura coniunctione Christi cum Ecclesia, quæ præfigurabatur per coniunctionem Adæ & Euz, ut interpretatur Apostolus Ephes. 5. 32. Vbi explicans prædicta verba, sic ait: *Sacramentum hoc magnum est: Ego autem dico, in Christo & in Ecclesia.* Vnde D. Hieronymus lib. 3. commentariorum in Epistolam ad Ephesios ait, Adamum fuisse, & primum hominem, quia primò creatus est; & primum vatem, quia primus de Christo & Ecclesia prophetavit. Similia habent alij Patres.

2. Sunt autem duæ partes prophetiæ ipsius. Vna, quia prædixit fore, ut Christus relinquat patrem suum, qui est Deus; & matrem suam, quæ est cælestis Hierusalem; & veniens in hanc terram, adhæreat uxori suæ, quæ est Ecclesia. Vide Hieronymum loco citato.

Altera, quia prædixit fore, ut sicut ipse per carnale matrimonium coniunctus fuit cum Eua; sic Christus per spirituale matrimonium coniungendus esset cum Ecclesia, & iuxta illud Osæ 2. vers. 19. *Spōsabo te mihi in sempiternum.* Et hoc sensu, quem multi sequuntur, matrimonium Adami & Euz fuit figura, seu typus coniunctionis Christi cum Ecclesia. Vide Cornelium à Lapide in cap. 5. ad Ephes. v. 32.

3. Quæres, de qua coniunctione Christi cum Ecclesia hoc intelligendum sit? Aliqui putant, solum intelligi de illa, qua Christus, ut Deus, coniunctus est ecclesiæ per fidem & charitatem; non autem de illa, qua Christus, ut homo, coniunctus est ecclesiæ per incarnationem. Alii rectius de vtraque intelligunt. Nam Christus, etiam ut homo, dicitur caput Ecclesiæ, sicut vir est caput mulieris (Ephes. 4. 23.) Vide Franciscum Suarez 3. part. q. 1. art. in commentario.

4. Dices: Si Adam præsciuit venturum Christum, Ergo etiam præsciuit se peccaturum; quia Christus non erat venturus, nisi propter peccatum Adæ. Vnde est vulgatum illud Theologorum axioma: *Si Adam non peccasset, Christus non venisset.* Respondeo. Non sequitur, quia potest fieri, ut aliquis cognoscat affectum, &

A non cognoscat causam. Et hoc modo Adam præsciuit venturum Christum in hunc mundum, non tamē præsciuit causam, propter quā esset vēturus. Ita D. Thom. 3. part. q. 1. art. 3. ad 5. & in 2. 2. q. 2. art. 7. in corpore.

QVÆSTIO VII.

An Fides in Christum fuerit necessaria ad salutem in veteri Testamento?

Respondeo. Fuit necessaria. Omnes enim, ut minimum, tenebantur credere in venturum Christum, tamquam Redemptorem seu Mediatorem, per quem liberandi essent à peccatis. Ita docet August. Epist. 89, ad Hilarium quæst. 3. & epist. 157. ad Optatum, & lib. 1. contra duas Epistolas Pelagianorum cap. 7. vbi asserit, iustos veteris Testamenti non fuisse liberatos à peccatis, nisi per eandem fidem Christi, per quam & liberamur. Sicut enim nos credimus Christum venisse in hunc mundum, & per hanc fidem iustificamur; sic illi credebant Christum venturum in hunc mundum, & per illam fidem iustificabantur. Et hoc probat variis Scripturæ testimoniis. Act. 4. 12. *Non est in aliquo alio salus (nisi in Christo.) Nec enim aliud nomen est sub celo datum hominibus, in quo oporteat nos saluos fieri.* Et 1. Cor. 15. 22. *Sicut in Adam omnes moriuntur, ita & in Christo omnes vivificabuntur.* Et 2. Cor. 4. 13. *Habentes autem eundem spiritum fidei.* Et Gal. 2. 16. *Scientes autem, quod non iustificatur homo ex operibus legis, nisi per fidem Iesu Christi.* Et Gal. 3. 21. *Si enim data esset lex, quæ posset vivificare, verè ex lege esset iustitia. Sed conclusit scriptura omnia sub peccato, ut promissio ex fide Iesu Christi daretur credentibus.*

2. Et ratio est, quia Deus non vult nos saluare sine nostro labore, & cooperatione, iuxta illud Augustini, *Qui creauit te sine te, non saluabit te sine te.* Vult enim, ut quæramus & desideremus medicum, qui nos sanet à corruptione peccati. At homines in V. T. non poterant quærere & desiderare medicum, nisi aliquo modo illum cognoscerent: Nec poterant illum certò cognoscere in hac vita, nisi per fidem: Ergo hæc fides fuit illis ad salutem necessaria.

3. Quæres, Cum multa fuerint reuelata de Christo in veteri Testamento ut supra dictum est; an necesse fuerit omnia credere, quæ erant de illo reuelata? Respondeo cum distinctione. Nam aliud est loqui de Prophetis & Patriarchis, quibus immediatè fuit facta reuelatio de Christo; aliud de aliis, qui à Prophetis & Patriarchis acceperunt reuelationem. Priores tenebantur explicitè credere ea omnia, quæ vnicuique erant reuelata; ut Adam tenebatur credere futuram Christi coniunctionem cum Ecclesia: Abraham, Christum ex suo semine nasciturum: Moyses, fore Prophetam suæ gentis: David descensurum ad inferos resurrecturum à mortuis, ascensurum in cælos, sessurum ad dexteram Patris: Isaias, nasciturum ex virgine, prædicaturum Euangelium salutis, facturum miracula, redempturum genus humanum per passionem & mortem, missurum Spiritum sanctum: Michæas, nasciturum in Bethlehem: Daniel, venturum tali tempore. Hæc enim ipsis erant explicitè à Deo reuelata, siue per externam vocem, siue per internam inspirationem, siue alio modo. Dehebant igitur explicitè ea credere: alioqui magnam iniuriam fecissent Deo, quasi non esset verax & fide dignus.

4. Reliqui, quibus non fuit immediatè à Deo facta reuelatio, erant duplices. Alij Sacerdotes & Doctores Synagogæ, alij subditi. His satis erat, si crederent venturum Christum, qui ipsos liberaret, iuxta ea, quæ initio quæstionis dicta sunt. At illi vltèrius tenebantur plura alia credere. 1. Quod Christus esset futurus Deus. 2. Quod per passionem & mortem

redempturus humanum genus. Et quæ similia sunt. Cuius rei duplex est ratio. Vna, quia Sacerdotes erant Doctores populi, & iudices controuersiarum fidei: Ergo ratione officii tenebantur omnia scire & perscrutari, quæ à Moyse & Prophetis erant scripta de Christo; alii qui non potuissent alios instruere; nec in supremo Concilio, cui intererant, definire controuersias: quæ de venturo Christo ex Moyse & Prophetis solent proponi & disputari. Altera, quia Sacerdotes tenebantur scire, cruenta sacrificia animalium, quæ ipsi offerebant, esse figuras seu typos future mortis Christi: Itemque sanguinem animalium, qui effundebatur, non habere ex se vim remittendi peccata, sed omnem vim accipere ex sanguine Christi, cuius effusione præfigurabat (Hebr. 9. 12.) Vide D. Thomam in 2. 2. q. 2. art. 7.

5. Ex dictis constat, tria potissimum spectari posse in Christo. 1. officium Redemptoris. 2. Diuinitatem coniunctam cum humanitate. 3. Passionem & mortem. Sacerdotes tenebantur hæc omnia explicitè credere. Populus non item, Satis erat, si explicitè crederet venturum aliquem prophetam qui redempturus esset Israel. Hunc enim diuinos expectabant, clamantes cum Prophetis: *Rorate calis de super, & nubes pluant iustum: Aperiantur terra, & germinet Saluatorem.* Quod autem is futurus esset Deus, & quod per passionem & mortem redempturus esset Israel, non necesse erat omnes explicitè credere. Vide D. Thomam loco citato.

QVÆSTIO VIII.

An sola fides in V. T. fuerit sufficient ad salutem & iustificationem.

2. **R**atio dubitandi est, quia scriptura insinuat, Abraham fuisse iustificatum per solam fidem. Genes. 15. 6. & Rom. 4. 3. & Galat. 3. 6. *Credidit Abraham Deus, & reputatum est illi ad iustitiam.* Respondeo. Contrarium docet Scriptura, iustificatum esse, non solum per fidem, sed etiam per spem, obedientiam, & alia pia opera. Rom. 4. 18. *Qui contra spem in spem credidit.* Et Iacob. 2. 21. *Abraham Pater noster, nonne ex operibus iustificatus est, offerens Isaac filium suum super altare? Vides quomodo fides cooperabatur operibus illius, & ex operibus fides consummata est.* Et Hebr. 11. vers. 8. *Fide, qui vocatur Abraham, obediuit in locum exire, quem acciperetur erat in hereditatem, & exiit, nescius quo iret.*

2. Ex quibus locis colligitur, fidem, qua Abraham iustificatus est, non fuisse nudam & solitariam, sed coniunctam cum spe, obedientia, & aliis piis operibus. Illud porro, *contra spem in spem credidit*, sic debet intelligi; Contra spem naturæ, credidit in spem gratiæ & promissionis. Vel clarius: Credidit se generaturum filium, quod quidem non poterat sperare, spectando cursum naturæ; quia iam erat senex, & habebat uxorem sterilem: sed tamen sperabat, spectando gratiam & promissionem Dei, quæ non fallit.

3. Quod dixi de Abraham, dicendum est etiam de aliis, qui in Veteri Testamento iustificati sunt. Non enim per solam fidem, sed etiam per alia bona opera iustificati sunt, ut colligitur ex illo Iacobi 2. 23. *Similiter & Rahab meretrix, nonne ex operibus iustificata est, suscipiens nuncios, & alia via eiiciens?* Et causam addit, cur non ex sola fide? *Sicut enim corpus sine spiritu mortuum est, ita & fides sine operibus mortua est.* Vbi illa particula, *fides sine operibus mortua est*, conferri debet cum illa superius posita: *Fides cooperabatur.* Quam alius Apostolus expressit quidam aliis verbis, sed simili ferè sensu, Gal. 5. 6. *In Christo Iesu neque circumcisio aliquid valet, neque præputium, sed fides que per charitatem operatur.*

4. Ut res tota fiat clarius, repeto quod alibi dixi,

A duplicem esse iustificationem: Primam & secundam. Prima, est, qua quis ex impio fit iustus & Deo gratus. Secunda, qua ex iusto fit iustior & Deo gravior. In prima acquiritur iustitia; in secunda augetur. Itaque fides & alia bona opera non eodem modo concurrunt ad primam & secundam iustificationem. Ad primam concurrunt dispositiue; ad secundam meritoriè. Nam homo impius, sed peccator, non potest acquirere iustitiæ & remissionem peccatorum, nisi prius sit dispositus per actum fidei, timoris, spei, dilectionis & contritionis. Eccl. 28. *Qui sine timore est, non poterit iustificari.* Prou. 28. 35. *Qui sperat in Domino, sanabitur.* 1. Ioan. 3. 14. *Qui non diligit, manet in morte.* Act. 3. 19. *Pœnitimini & convertimini, ut deleantur peccata vestra.* At postquam iustificatus est, tunc per similes actus meretur augmentum iustitiæ, & fit Deo gravior. Vnde sequitur, supra dictos actus dupliciter spectari posse. 1. Quatenus præcedunt iustitiam. 2. Quatenus sequuntur. Priori modo dispositiue; posteriori modo meritoriè se habent. Vide Conc. Trid. Sess. 6. cap. 6. & 10.

QVÆSTIO IX.

An fides V. T. fuerit tam perfecta quam est fides Novi Testamenti.

1. **R**espondeo. Essentialiter fuit æquæ perfecta; non tamen accidentaliter. Prior pars patet, quia essentia assensus fidei in eo consistit, ut credamus aliquid propter auctoritatem Dei reuelantis. At tam Iudæi in Veteri quam Christiani in Nouo Testamento, quidquid credunt fide diuina, hoc credunt propter auctoritatem Dei reuelantis: ergo assensus utrorumque est eiusdem rationis & essentia. Posterior probatur, quia fides Noui Testamenti perfectior est in duobus. Primo, quia ad plura obiecta se extendit. Nam multa mysteria fidei sunt expressè reuelata in N. T. quæ non erant expressè reuelata in Veteri, ut mysterium Baptismi, Eucharistiæ, vocationis Apostolorum, abrogationis ceremoniarum, & similia. Secundo, quia ea mysteria, quæ in utroque Testamento reuelata sunt, multo clarius & perfectius reuelata sunt in Nouo, quam in Veteri; ut mysterium Trinitatis, Incarnationis, Passionis, Resurrectionis, vocationis gentium. Hæc enim Dobicure reuelata sunt in Veteri, clarè in Nouo.

2. Obiicies: supra dictum est diuinam reuelationem semper esse obscuram; nunquam claram. Respondeo: Semper est obscura ex parte Dei reuelantis, & ex parte rei reuelatæ, ut q. 1. explicatum est. At ex parte verborum, quibus fit, aliquando est obscura, aliquando clara. Et hoc sensu hic loquimur v. g. Reuelatio Trinitatis in Nouo Testamento est clara ex parte verborum, Matth. 28. 19. *Baptizantes eos in nomine Patris, & Filij, & Spiritus sancti.* Et Ioan. 3. 7. *Tres sunt qui testimonium dant in celo, Pater, Verbum, & Spiritus sanctus. Et hi tres unum sunt.* Tres quoad personam, unum, quoad essentiam. At in Vet. fuit obscura, ut q. 3. ostendit. Idem dico de mysterio Incarnationis, & vocationis Gentium. Hoc enim obscurè fuit reuelatum Iudæis; clarè Christianis, iuxta illud Eph. 3. 5. *Prout potestis legentes intelligere prudentiam meam in mysterio Christi, quod aliis generationibus non est agnitus filiis hominum, sicuti nunc reuelatum est S. Apostolis eius & Prophetis in Spiritu, gentes esse cohæredes, & concorporales, & compariiceps promissionis eius in Christo Iesu per Euangelium.*

Nota in mysterio vocationis gentium duo spectari posse. 1. Quod gentiles essent vocandi ad fidem Christi. 2. Quod essent saluandi sine onere circumcisionis & legis Mosaicæ. Prius fuit reuelatum in V. T. per Isaiam & alios Prophetas; posterius non item. Et ex hac parte

Apostoli habuerunt pleniorē cognitionem vocationis gentium, quā antiqui Prophetae: De hoc mysterio dicam iterum capite 15. de obseruantis legalibus, 5. 10.

3. Ratio autem, cur mysteria fidei in nouo Testamento sint clarius explicata quā in Veteri, patet ex supra dictis: quia serui non tam perfecte sciunt consilia & secreta patris familias, quā filii: iuxta illud Christi Ioan. 15. 4. *Iam non dicam vos seruos, quia seruus nescit quid faciat Dominus eius.* At Iudaei erant serui, nos filii: illi ex ancilla, nos ex libera, (Gal. 4. 31.) Ad hoc significandum, Moyses cū loqueretur ad populum, faciem valebat. Nobis autem Christus *reuelata facia locutus est*, teste Apostolo 2. Cor. 3. 13.

4. Quæres, in Apostolus loquatur de Fide Veteris & Noui testamenti, cū ait Rom. 1. 17. *Iustitia Dei in eo (Euangelio) reuelatur ex fide in fidem.* Magni authores id infirmant, vt Origenes, Chrysostomus, & alii, quos citat & sequitur Toletus in illū locum. Et ait hūc esse sententiam: Ex obscura fide V. Testamenti in clarā fidem Noui Testamenti: Itaque iuxta hos authores, sententia Pauli sic est explicanda: *Non erubescō Euangelium. Virtus enim Dei est in salutem omni credenti, Iudaei primū, & Græci. Iustitia enim Dei in eo reuelatur ex fide in fidem*, &c. Quasi dicat: non erubescō prædicare Euangelium, quia tamen si appareat vile (est enim gentib. stultitia, Iudæis scandalum, 1. Cor. 1. 23.) tamen habet vim & efficaciam conferendi salutem omni credenti, tam genti, quā Iudæo. Nam in Euangelio manifestatur nobis, quod non aliter possumus salui & iusti esse, nisi per fidem. Non iam amplius per fidem V. T. sed per fidem Euangelicā. Si ergo salui esse volumus, transeundum est ex fide Iudæorum, qua credebant Christum venturū ad fidem Euangelicā, quia credimus Christum iam venisse. Et sic mutandus est status fidei. Iudæi quidem in V. T. poterant saluari per fidem venturi Christi, sed iam per eam amplius saluari non possunt, sed necesse est, vt relicta sua fide, amplectantur fidem Euangelicā, & credant Christum iam venisse. Vide Riberam in c. 2. Habac. v. 4.

5. Hinc iterum colligitur, quod ante dixi, fidem Euangelicā perfectiorē esse fidē V. T. Nam Euangelica supponit Christum iam venisse, & omnia mysteria redemptionis impleta esse. At fides V. T. expectabat Christum adhuc venturum, & supponebat mysteria redemptionis nondum esse inchoata. Et ob hanc causam fit, vt fides V. T. aliquando non mereatur nomen fidei, sed tantum fides Noui Test. vt Galat. 3. 24. *Præ autem, quā venisset fides, sub lege custodiebamur, conclusi in eam fidem, qua reuelanda erat.*

CAP V T III.

De Spe, Promissione & Oratione.

Sicut fides duplex est: Vna diuina, quā credimus Deo, altera humana, quā credimus homini: Ita spes duplex est: Vna diuina, quā speramus aliquid à Deo; alia humana, quā speramus aliquid ab homine. De diuina hic agimus. Et quia quæ speramus à Deo solent etiam promitti à Deo: & per orationem impetrari; agam simul de promissione & Oratione. Idque hoc ordine. 1. Quid sit spes. 2. Quæ bona in veteri Testamento fuerint promissa à Deo. 3. An etiam vita æterna fuerit promissa. 4. An oratio fuerit necessaria ad impetrandum cuiusmodi bona. 5. Quæ fuit formula orandi in veteri Testamento. 6. An in veteri Testamento licuit inuocare Sanctos. 7. An licuerit orare pro defunctis.

QUESTIO I.

Quid sit Spes?

1. **R**espondeo: Est donum à Deo infusum, quo confirmatus homo, certa cum fiducia expectat ea bona, quæ à Deo promittuntur. Hic aliqua notanda sunt. 1. Quod spes sit donum Dei, sicut habes. Quod actus spei sit sperare seu expectare. 3. Quod obiectum spei sint bona à Deo promissa, & ab eo obtinenda. In quo multum differt à fide. Nam fides versatur circa præterita, præsentia & futura. Credimus enim Christum natum esse, quod est præteritum: Christum sedere ad dexteram patris, quod est præsens: Christum venturum ad iudicium, quod est futurum. At spes versatur tantum circa futura. Non enim speramus præterita aut præsentia, sed futura, quæ nondum habentur. (Rom. 8. 24.) Nec quæcunque futura sed tantum bona: Nec quæcunque bona, sed à Deo promissa & obtinenda. Vnde sequitur, non esse actum spei Theologicæ, seu diuinæ, de qua hic agimus, si speres te obtenturum aliquod bonum à principe vel Imperatore, sed actum spei humanæ, quæ sæpe vana est.

QUESTIO II.

Quæ bona in V. T. fuerint promissa à Deo.

1. **R**espondeo: Hæc tria principaliter. primò, terra sancta, fluens lacte & melle: (Genes. 12. 7. Et Exod. 13. 5. & Exod. 33. 1. Et Deut. 19. 8.) Secundo, affluentia bonorum temporalium: (Leuit. 26. per totum, & Deuter. 28. per totum.) Tertiò, Christus Saluator. (Deuter. 18. 15.) 2. Duo priora promittebat Deus sub hac conditione: Si populus seruet legem Dei: Sin secus contraria mala ipsi minabatur. Hoc patet Deuter. 19. 8. *Cum autem dilatauerit Dominus. Dilectum terminum suum sicut iurauit patribus tuis, & dederis tibi cunctam terram, quam ei pollicitus est; (si tamen custodieris mandata eius; & feceris, quæ hodie præcipio tibi, ut diligas Dominum Deum tuum & ambules in vijs eius omni tempore.)* Et Deuter. 28. 1. *Si autem audieris voces Domini Dei tui, ut facias atque custodias omnia mandata eius, quæ ego præcipio tibi hodie, faciet te Dominus Deus tuus excelsores cunctis gentibus, quæ versantur in terra: venientque super te omnes benedictiones istæ, & apprehendent te: Si tamen præcepta eius audieris.* Et Leuit. 26. 3. *Si in præceptis meis ambulaueritis, & mandata mea custodieritis, & feceritis ea, dabo vobis pluuia temporibus suis, & terra gignet germen suum, & pomæ arbores replebuntur.*

3. Hinc factum est primò, vt nullus Israelitarum ex tot millibus, qui egressi erant ex Aegypto cum Moysè & Aarone, perueniret ad terram sanctam, quæ ipsis erat promissa, nisi Caleb & Iosue: quia omnes præter hos duos, murmurauerant contra Deum Num. 14. 27. *Usquequo multitudo hæc pessima murmurat contra me querelas filiorum Israël audiui. Dic ergo eis: Vno ego, ait Dominus: Sicut locuti estis audiente me, sic faciem vobis. In solitudine hac iacebunt cadavera vestra. Omnes, qui numerati estis à viginti annis & supra, & murmurastis contra me, non intrabitis terram, super quam iuravi manum meam, ut habitare vos facerem præter Caleb filium Jephone, & Iosue filium Nun. Et Num. 32. 10. Qui iurauit iurans dicens: Si videbunt homines isti qui ascenderunt ex Aegypto à viginti annis & supra terram quam sub iuramento pollicitus sum Abraham, Isaac & Jacob: & noluerint sequi me, præter Caleb filium Jephone Cenezarum, & Iosue filium Nun: Isti impleverunt voluntatem meam.*

4. Secundò factum est, ut illi, qui postea habitabant in terra sancta, quotiescunque defererent legem Dei, afflicti fuerint fame, bello & peste. Et rursum, quotiescunque per veram penitentiam redirent ad Deum, habuerint pacem, fertilitatem, & salubritatem. Legantur libri Iudicum & Regum.

QVÆSTIO III.

An etiam vita æterna fuerit promissa in veteri Testamento?

1. **R**espondeo: Non fuit expressè promissa. Vnde hoc est discrimen inter nouum & vetus Testamentum, quod in veteri promitterentur bona terrena & temporalia; in nouo celestia & æterna. In veteri dicebatur Isaïa 1. 19. *Si audieritis me, bona terra comeditis.* In nouo dicitur Matth. 5. 3. *Beati pauperes spiritu, quoniam ipsorum est regnum celorum.* Hinc Augustinus in Psal. 73. *Deus, inquit, se veriusque Testamenti voluit esse authorem, ut & terrena promitteret in veteri, & celestia in nouo.* Quæ causa? Quia alia est conditio seruorum, alia filiorum. Serui accipiunt temporalem mercedem à suis Dominis, & sic dimittuntur. Filii succedunt in perpetuam hereditatem. Hoc innuat Apostolus ad Galat. 4. 30. cum ait: *Nec equum habes eris filius ancilla cum filio libera.*

2. Quod dixi de promissione, dicendum etiam est de opposita comminatione. In veteri Testamento minabatur Deus pœnas & supplicia temporalia; in nouo æterna. In veteri dicebat Isaïa 1. 20. *Si me ad iracundiam prouocaueritis, gladius denotabit vos.* In nouo dixit Matth. 5. 25. *Qui dixerit fratri suo: Facium, reus eris gehennæ ignis.* Vnde hoc discrimen? Ex disparitate seruorum & filiorum, ut dictum est. Serui, qui malè se gerunt, minis & flagellis coerceri solent: Filii, si degeneres sint, à paterna hereditate excluduntur.

3. Obiici potest illud Leuit. 18. 5. *Custodias leges meas atque iudicia, qua faciens homo viuet in eis.* Et Ezech. 20. 11. *Dedi eis precepta mea, & iudicia mea ostendi illis, qua faciens homo viuet in eis.* Vtroque loco promittit Deus vitam æternam seruantibus legem.

Respondeo: Non promittit vitam æternam, ut aliqui putant, sed vitam longam quietam, & omnibus bonis affluentem in hoc mundo. Ita explicant magni authores, quos citabo. Et colligitur ex Apostolo Romanorum decimo, versu quinto, ubi allegans prius testimonium, sic ait: *Moses enim scripsit, quoniam iustitiam, qua ex lege est, qui fecerit homo, viuet in ea. Quæ autem ex fide est iustitia, sic dicit, &c.* Hic distinguit duplicem iustitiam: vnâ legalem seu Mosaicam, quæ consistit in obseruatione legis Mosaicæ. Alteram fidei, quæ consistit in fide Christi per charitatem operante. De priori dicitur: *Homo qui fecerit iustitiam legis, viuet in ea,* id est, non incurret pœnam mortis, quæ transgressoribus legis posita est. De posteriori dicitur: *Si in corde tuo credideris, quod Deus Christum suscitauit à mortuis, saluus eris.* (Romanorum decimo, versu nouo.) Ita Theodoretus, Ambrosius, Anselmus, Tolertus, Cornelius, & alii in Commentario illius loci.

4. Et confirmatur primò ex eodem Apost. Hebr. 8. 6. ubi expressè ait nouum Testamentum melioribus re promissionibus sancitum esse, quàm vetus. At hoc verum non esset, si in vtroque promissa esset vita æterna. Secundò ex aliis scripturis veteris Testamenti, ubi Deus vitam temporalem promittit seruantibus lege, & mortem temporalem non seruantibus legem. Exod. 20. 12. *Honora patrem tuum,*

& matrem tuam, ut sis longeuus super terram. Et c. 17. *Qui maledixerit patri suo, vel matri, morte moriatur.* Et alibi sæpius.

QVÆSTIO IV.

An oratio fuerit necessaria ad obtinendum id, quod in Veteri Testamento promittebatur?

1. **R**espondeo Fuit necessaria: Non quidem absolute, sed quia Deus sæpè non volebat dare, quod promiserat, nisi per orationem ab eo peteretur. Idque propter duplicem hominum utilitatem. Vna est, ut frequenter orando & impetrando, acquirerent maiorem fiduciam recurrèdi ad Deum. Altera, ut cognoscerent & prosterentur, Deum esse bonorum omnium authorem, & ab eo solo vera bona obtineri posse. Ita D. Thomas in 2. quæst. 83. art. 3. ad 3.

2. Exemplo rem demonstrabo: Deus promiserat populo Iudæorum pacem & tranquillitatem, & tamen non dabat nisi orantibus. Iudic. 3. 9. *Clamauerunt ad Dominum, qui suscitauit illis Saluatorem, & liberauit eos.* Et c. 6. *Humiliatus est Israël valde in conspectu Madian: & clamauit ad Dominum, postulans auxilium contra Madianitas. Qui misit ad eos virum Prophetam, &c.*

3. Similiter promiserat, se missurum Messiam: & tamen Propheta orabant, ut eum mitteret. Exod. 4. 13. *Obsecro Domine, mitte quem missurus es.* Et Isaïa 45. 8. *Rorate cali desuper, & nubes pluant iustum: aperiatur terra, & germinet Saluatorem.* Et c. 64. 1. *Vinam dirumperet calos & descenderet.* Imò, quod amplius est, Daniel suis precibus impetrauit, ut citius mitteretur, quam putabatur mittendus, Dan. 9. 23. *Ab exordio presumentiarum aggressus est sermo, &c. Septuaginta hebdomades adbreuiata sunt super urbem sanctam tuâ, ut consummetur prauaricatio, & finem accipiat peccatum, & deleatur iniquitas, & adducatur iustitia sempiterna, & impleatur visio & prophetia, & ungatur Sanctus Sanctorum.*

QVÆSTIO V.

Qua fuerit formula orandi Deum in veteri Testamento.

1. **R**espondeo: Fuit longè diuersa ab ea formula, quæ est in N. Test. Nam Iudæi, cum Deum orabant, vocabant illum *Dominum*: Nos ex mandato Christi, vocamus *Patrem*. Illi orabant, ut serui: Nos oramus, ut filii. Illi dicebant cum Nehemia: *Quæso Domine Deus calis fortis, magne, atque terribilis, fiant aures tue auscultantes, & oculi tui aperti, ut audias orationem serui tui, quam ego oro coram te hodie.* (1. Esdr. 1. 5.) Nos dicimus cum Christo: *Pater noster qui es in calis.* (math. 6. 9. Quo nomine sæpius videtur Apostolus, ut Rom. 1. 7. *Non accepistis spiritum seruitutis iterum in timore, sed accepistis spiritum adoptionis filiorum, in quo clamamus, Abba Pater.* Et 2. Corinth. 1. 3. *Pater misericordiarum.* Et alibi. Item Christus in Euangelio math. 5. 16. *Sic luceat lux vestra coram hominibus, ut videant opera vestra bona, & glorificent Patrem vestrum, qui in calis est.* Et ibidem v. 44. *Diligite inimicos vestros, & sistis filii Patris vestri, qui in calis est, qui Solem suum oriri facit super bonos & malos.* Et v. 48. *Estate ergo vos perfecti, sicut & Pater vester perfectus est, &c.*

2. Hinc sequitur primò, verum esse, quod sæpè dixi, Iudæos fuisse in statu seruorum; nos autem in statu filiorum. Illos habuisse Deum pro Domino, nos pro Patre: Illos accepisse mercedem temporalem; nos æternam: illos timore impulsos fuisse ad seruendum; nos amore. Secundò sequitur, nos esse fratres

heredes Christi; illos non fuisse. Quo spectat illud A
Rom. 8. 17. *Si autem filij. & heredes: heredes quidem Dei, coheredes autem Christi.* Et Heb. 2. 11. loquens de Christo ait: *Non confunditur fratres eos vocare.* Et ratio est, quia habemus eundem Patrem cum Christo.

3. Dices: Etiam in V. T. Deus vocabatur Pater Iudæorum, ut Isa 63. 16. *Tu enim Pater noster, & Abraham nesciuit nos.* Et Ierem. 31. 9. *Factus sum Israël Pater, & Ephraim primogenitus meus est.* Ergo ex hac parte nullum est discrimen inter Iudæos & Christianos; nec inter vetus ac nouum Test. Respondeo: Magnum est discrimen. Primo ex parte legis seu precepti. Nam Iudæi secundum legem Mosaicam non utebantur nomine *Patris*, quando orabant Deum sed nomine *Domini*, ut dictum est. At Christiani secundum legem Euangelicam, iubentur usurpare nomen *Patris*. Iubentur enim sic orare: *Pater noster qui es in celis.* Secundo, ex parte consuetudinis. Nam in veteri Test. non erat consuetum, ut vel Sacerdotes, vel populus. Deum appellaret Patrem: Soli Prophetæ aliquando id fecerunt extraordinarie; & quidem duplici sensu.

4. Primo, prædicendo fore, ut Deus, qui tunc erat Dominus Iudæorum, futurus esset Pater Christianorum. Sic intelligendum est illud Ieremix loco citato: *Factus sum Israël Pater, & Ephraim primogenitus meus est.* q. d. in N. T. quando Iudæi conuerterentur ad fidem Christianam, tunc ero Pater Israelis & Ephraim. Et sic explicat Apo. 2. Cor. 6. v. 18. citans testimonium Ieremix, his verbis: *Ero vobis in Patrem, & vos eritis mihi in filios & filias, dicit Dominus omnipotens.* Vbi illæ duæ particule, *Ero, & Eritis*, denotant tempus N. T. Porro per nomen Israelis possunt intelligi Iudæi, qui erant conuertendi ex Tribu Iuda, & Benjamin: Et per nomen Ephraim, qui erant conuertendi ex decem Tribubus, quales fuerunt Petrus, And. Philippus Nathanael.

5. Secundo insinuando, Deum non quidem vocatum fuisse Patrem Iudæorum, potuisse tamen vocari, sed si seruassent legem à Deo præscriptam. Sic intelligendum est illud Isaie 1. 2. *Filios euntruini, & exaltati: ipsi autem spreuerunt me.* Et Malach. 1. 6. *Filius honoras patrem, & seruans dominum suum. Si ergo Pater ego sum, ubi est honor meus?* Et alia similia. Vide D. August. lib. 2. de sermone Domini c. 4. ubi hæc omnia persequitur.

6. Hic notandum est, Deum triplici titulo posse appellari Patrem. Primo titulo creationis & conseruat. Sic omnium creaturarum potest dici Pater. Et sic vocatur Pater pluuiæ (Iob 38. 28.) Secundo titulo redemptionis. Tertio titulo regenerationis & adoptionis. Vtroque titulo vocatur Pater iustorum N. T. iuxta illud Ioan. 1. 12. *Quotquot autem receperunt eum, de deo eis Potestatem filios Dei fieri.*

7. Quæres: Quare in V. T. vocatus sit Deus Deorum ut Ps. 49. 1. *Deus Deorum Dominus locutus est.* Et Psal. 135. 2. *Confitemini Deo Deorum, quoniam in æternum misericordia eius.* Et Dan. 11. 36. *Aduersus Deum Deorum loquetur magnifica.* Respondeo. Illa phrasid dupliciter usurpata fuit in Scripturis. Primò à Iudæis, quia agnoscebant unum Deum. Et tunc sensus est: *Deus Deorum*, id est, Deus noster, qui est solus Deus, Vel Deus noster, qui non solum est supra homines, sed etiã supra Deos Gentilium qui sunt falsi Dii. Et sic intelliguntur testimonia citata. Idem sensus aliis verbis exprimitur Ps. 134. 5. *Ego cognoui, quod magnus est Dominus, & Deus noster pro omnibus Diis.* Secundo ab infidelibus, qui agnoscebant plures Deos. Et tunc sensus est: *Deus Deorum*, id est, præcipuus inter Deos. Et sic videtur intellexisse Nabuchodonosor Rex cum dixit Daniehi: *Vere Deus vester, Deus Deorum est.* (Dan. 2. 47.) Vide Maldonatum in illum locum.

Opusc. Bec.

QUESTIO VI.

An in V. T. vsitatum fuerit inuocare Sanctos?

1. **R**espondeo: Vsitatum fuit inuocare Sanctos Angelos, non tamen Sanctos homines, qui ex hac vita decellerant. Prior pars probatur ex variis scripturæ testimoniis. Primò ex illo Gen. 48. 15. *Deus, in cuius conspectu ambulauerunt Patres mei Abraham & Isaac, Deus qui pascis me ab adolescentia mea usque in presentem diem: Angelus, qui eruit me de cunctis malis, benedicat pueris istis.* Vnde Iacob Patriarcha primò quidem inuocat Deum; deinde Angelum custodem, petens ab utroque benedictione pro filiis Iosephi, nempe pro Ephraim, & Manasse.

2. Secundo, ex illo Iob. 5. *Voca ergo, si est, qui tibi respondeat, & ad aliquem Sanctorum conuertere.* Vbi nomine Sanctorum intelligit Angelos, ut exponit Augustinus in annotationibus in Iob, Beilarminus libro 1. de Sanctis cap. decimo nono. Emanuel Saa in Notationibus. Similis est modus loquendi c. 15. vers. 15. *Ecco inter sanctos eius* (id est inter Angelos) *nemo inmutabilis.* Est igitur hic sensus: *Conuertere ad aliquem Sanctorum.* id est, recurre ad aliquem Angelum, qui causam tuam defendat apud Deum. Et hoc fecit Iob, ut patebit ex sequenti testimonio.

3. Tertio ex illo Iob 19. vers. 21. *Miseremini mei, miseremini mei, saltem vos amici mei, quia manus Domini tetigit me.* Vbi Iob, sicut illi suatum erat, inuocat amicos suos, id est, Angelos, ut authores citati interpretantur. Et colligitur ex cap. trigésimo tertio v. vigesimo tertio *Si fuerit pro eo Angelus loquens, vnus de milibus, ut annunciet hominis aquitatem, miserebitur eius & dicit: Libera eum, ut non descendat in corruptionem: inueni in quo ei propitius.* Sensus est: Si aliquis Angelorum (quos inuocauit Iob, dicendo, *Miseremini mei*) intercesserit pro eo apud Deum, futurum est, ut Deus misereatur Iobi propter eiusmodi intercessionem, & dicat Angelo intercessori, *Libera eum, &c.*

4. Posterior pars probatur, quia nusquam legimus in Vet. T. quod aliquis directè inuocauerit Sanctos Patriarchas aut Prophetas, qui ex hac vita decellerant.

D Dices, Moyses inuocauit Sanctos Patriarchas Exodi trigésimo secundo v. decimo tertio, *Recordare Domine Abraham, Isaac & Iacob seruum tuorum.* Respondeo. Hæc tria distinguenda sunt. Primò directè inuocare Sanctos, dicendo: *Sancte Abraham ora pro me.* Hoc nunquam factum est in V. T. Secundo, directè orare Deum, ut sit nobis propitius propter merita Sanctorum. Hoc factum est in V. T. Nam Salomon orauit Deum, petendo ab illo subsidium propter merita patris sui Dauid iam defuncti, ut Ps. 137. 1. *Memento Domine Dauid, & omnis mansuetudinis eius.* Et infra vers. 10. *Propter Dauid seruum tuum non auertas faciem Christi tui, id est, propter fidele obsequium, quod tibi præstitit Pater meus, cum in hac vita mortali esset, rogo te, ne confundas faciem meam, qui loco Patris mei vnctus sum in Regem.* Tertio, directè orare Deum, ut sit nobis propitius propter pactum cum Sanctis initum. Hoc etiam factum est in V. T. loco supra citato. *Recordare Abraham, Isaac, & Iacob seruum tuorum, quibus iurasti per te metipsum, dicens: Multiplicabo semen vestrum, sicut stellas cali: & vniuersam terram, de qua loquutus sum, dabo semini vestrum, & possidebitis eam semper.*

5. Hinc sequitur, quæ sit differentia inter vetus & nouum Testamentum, quod attinet ad inuocationem Sanctorum. Nam tametsi Veteres soliti sint inuocare Angelos sicut nos facimus, non tamen soliti sunt directè inuocare alios Sanctos, sicut nos facimus. Non enim dicebant, *Sancte Abraham ora pro nobis:* sicut

Primo, quia Fides & Spes, sicut etiam alie virtutes, nihil A profunt sine Charitate, ut prolixè ostendit Apostolus loco citato. Et hoc sensu docent Theologi cum D. Thomas in 2. 2. quæst. 23. art. 8. Charitatem esse formam, animam & vitam aliarum virtutum. Nam sicut corpus humanum habet omnem vim & valorem operandi ab anima, quæ est vita & forma corporis; sic alie virtutes habent omnem vim ac valorem merendi à Charitate. Unde Augustinus lib. 13. de Trinitate cap. 18. *Ipsam fidem non facit utilem, nisi Caritas. Sine charitate quippe fides potest quidem esse, sed non & prodesse.* Secundo, quia Fides & Spes includunt quandam imperfectionem, Fides quidem obscuritatem; Spes verò dilationem boni, quod speratur. At Caritas nullam includit imperfectionem. Hinc infert Apostolus, fidem & spem, quia imperfectæ sunt, non manere in beatis in cælo: Charitatem, quia perfecta est, manere. (1. Cor. 13. 8.)

2. Propter hanc perfectionem dici solet, Charitatem eminere inter virtutes, sicut aurum eminet inter metalla; ignis inter elementa, Sol inter Planetas; Cælum empyreum inter orbes cælestes; Seraphim inter Angelos. Nam Caritas, qua diligimus Deum & proximum, est quasi aurum pretiosissimum, quo comparamus nobis bona cælestia: est ignis cælestis, quo accenditur & inflammatur animus: est sol, qui illuminat, fecundat, vivificat: est cælum empyreum, in quo habitat Deus cum beatis, est virtus Seraphica, quæ homines ardentes efficit.

QUESTIO II.

Quæ fuerint præcepta charitatis in veteri Testamento?

1. **R**espondeo: Hæc duo principalia: Vnum. Deut. 6. v. 5. *Diliges Dominum Deum tuum ex toto corde tuo, & ex tota anima tua, & ex tota fortitudine tua.* Alterum, Levit. 19. v. 18. *Diliges amicum tuum, sicut teipsum.* Christus utrumque coniunxit Evangelio, & expressit his verbis Matt. 22. 37. *Diliges Dominum Deum tuum ex toto corde tuo, & ex tota anima tua, & ex tota mentis tua.* Hoc est maximum & primum mandatum. Secundum autem est simile huic: *Diliges proximum tuum, sicut teipsum.* In his duobus mandatis universalis lex pendet & Propheta.

2. Prius præceptum, de diligendo Deo ex toto corde, iuebantur Iudæi ligare in manibus, collocare inter oculos & scribere super ianuas & postes domum suarum. Sic enim habetur, Deut. 6. 4. *Audi Israel, Dominus Deus noster, Dominus unus est. Diliges Dominum Deum tuum ex toto corde tuo, & ex tota anima tua, & ex tota fortitudine tua.* Eruntque verba hæc, quæ ego precipio tibi hodie, in corde tuo, & narrabis ea filiis tuis, & meditaberis in eis sedens in domo tua; & ambulans in itinere, dormiens atque consurgens. Et ligabis ea, quasi signum in manu tua: eruntque & monebuntur ante oculos tuos, scribesque ea in limine, & ostiis domus tue. Et infra cap. 11. v. 20. *Scribes ea super postes & ianuas domus tue.*

3. Quæres, quo sensu hoc intelligendum sit? Respondeo. Duplex est expositio. Vna veterum Iudæorum, qui propriè intelligebant, sicut verba sonant. Itaque apud illos erat consuetudo, ut scriborent legem Dei in membrana, & affigerent fronti, brachio, fimbriis, & ostio domus suæ. Hinc Christus Mat. 23. 5. de Scribis & Phariseis ait: *Dilatant phylacteria sua, & magnificant fimbrias.* Vbi per phylacteria intelligit membranulas, in quibus lex Dei scripta erat, quas Pharisei in fronte versus utramque aurem, & in brachiis circa manus, & in fimbriis vestimentorum gestabant, ut perpetuò legem Dei ante oculos haberent. Dicta autem sunt à Græcis *φυλακτρία*, id est, conservatoria, quod ad conservandam legis memoriam instituta essent. Vide Maldonatum in Commentario illius loci.

Opusc. Bec.

4. Altera nostrorum interpretum, qui non intelligunt propriè de externa scriptione legis in membranis, & affixione ad frontem, brachia, & ostia: sed de iugi memoria & recordatione illius præcepti: *Diliges Dominum Deum tuum ex toto corde tuo.* Vt hic sit sensus: Ita constantem & continuam illius præcepti habebis recordationem, ac si frontalibus, dextralibus, ac liminaribus inscriptum esset, & tuis oculis perpetuò obiceretur, & obverberaretur. Ita Lyranus, Abulensis, Rabanus. Cornelius. Itaque secundum hos authores, eadem res semel metaphoricè, proposita est. Propriè, cum dictum est: *Eruntque verba hæc in corde tuo, & meditaberis in eis, sedens in domo tua, & ambulans in itinere,* Metaphoricè, cum audiū est: *Et ligabis ea, quasi signum in manu tua: eruntque & monebuntur inter oculos tuos, scribesque ea in limine, & ostiis domus tue.*

5. Hæc posterior expositio passim recepta est. Prior tamen est valdè probabilis, & magis accommodata statui Iudæorum, & analogiæ veteris ac novi Testamenti. Quæ ut suprâ dixi, in eo consistit, quod Iudæi fuerint serui; Christiani sint filii: Illi habuerint externam litteram: hi habeant internum spiritum: Illi fuerint quasi carnales: hi spirituales. Itaque illi per externa & sensibilia signa debebant instrui ac doceri de rebus spiritualibus. Sic per mactationem bouum, onium, instructi sunt de futura Christi passione: per externam circumcisionem carnis, de interna cordis contritione: per transitum maris rubri, de effectu Baptismi. Ergo verisimile est, quod etiam per externam scriptionem legis, & affixionem ad frontem, brachia, fimbrias, parietes, moniti fuerint de observanda lege. Et ita sentit D. Thomas in 2. 2. quæst. 102. art. 6. & 7. ubi cum alteram nostrorum Interpretum expositionem proposuisset, postea subdit: *Potest tamen dici, quod quia populus ille carnalis erat, & dura cervicis, oportuit etiam per huiusmodi sensibilia eos ad legis observationem excitari.*

QUESTIO III.

An prius præceptum de diligendo Deo ex toto corde, sit possibile in hac vita?

D 1. **N**egat Calvinus. Affirmant Catholici. Et probant exemplo Davidis, & aliorum Sanctorum qui illud servarunt. Psal. 110. 10. *In toto corde exquisivi te.* Et 3. Reg. 14. 8. *Non fuisti sicut servus meus David, qui custodivit mandata mea, & secutus est me in toto corde suo, faciens quod placitum est in conspectu meo.* Et 4. Reg. 23. 25. de Iosia, *Similis non fuit ante eum Rex qui reverteretur ad Dominum in toto corde suo, & in tota anima sua, & in universa virtute sua, iuxta omnem legem Moysi.* Et rursus Ecclesiastici 47. vers. 10. de David, *De omni corde suo dilexit Deum.* Hic aperte vides, Davidem & Iosiam dilexisse Deum ex toto corde, iuxta præceptum Decalogi. Nec dubium, quin idem fecerint Abraham, Moyses, Samuel, Helias, Eliszus, Hieremias, & alij Prophetæ. Et in nouo Testamento B. Virgo, Apostoli, Stephanus, Timotheus, Titus, & alij non pauci, præsertim cum de his prædictum sit Deut. 30. 6. *Circumcides Dominus cor tuum, & cor seminis tui, ut diligas eum in toto corde, & in tota anima, ut possis vivere.*

2. Porro, ut res tota clariùs percipiatur, explicandum est, quis sit sensus illius præcepti, quo iubemur diligere Deum ex toto corde. Sic enim faciliè constabit, an servari possit necne. Potest autem triplex esse sensus. Primus, ut diligamus Deum ex toto corde, id est, ut totum cor nostrum, quantum quantum est, in eo solo diligendo occupetur, nec aliud amemus aut diligamus, quàm ipsum. Hoc sensu non præcipitur Dei dilectio: alioquin nõ liceret proximum diligere, quod tamen facere iubemur.

B ij

Alter est, ut diligamus Deum ex toto corde, non quod totum cor nostrum in eo diligendo debeat occupari sed quod tanto conatu in eum fieri debeat, quanto fieri potest. Nec hoc sensu præcipitur: quamvis si præciperetur, servari posset. Quis enim dicat impossibile sibi esse, diligere Deum tanto conatu, quanto diligere eum potest? Tertius est, ut diligamus Deum ex toto corde, id est, ut diligamus eum super omnia, ut præferamus illum rebus alijs; ut nullius rei amorem Dei amori anteponamus; ut nullus creaturæ timore, vel amore velimus Deum offendere, & ab illius amore recedere. Hic verus ac germanus sensus est. Huc expressit Apostolus Rō. 8. 39. *Nulla creatura poterit nos separare à Charitate Dei*, id est, nulla poterit efficere, ut ei postponamus dilectionē Dei. Et Christus, Matth. 10. 37. *Qui amat patrem aut matrem plus quā me, non est me dignus*, id est, qui amorem parentum præfert amori Dei, non diligit Deum super omnia. Unde è contrario, qui amori parentum (qui in suis solent esse maximus) præfert amorem Dei, convincitur diligere Deum super omnia.

3. Hoc sensu laudatur Abraham (Genes. 12.) quod cum haberet unicum filium Isaac, quem intimè diligebat; eius tamen dilectioni præferret dilectionem Dei. Nam si inter omnes creaturas, nullam tantopere amabat, sicut filium suum unigenitum; & nihilominus hunc ipsum filium paratus erat offerre Deo in sacrificiū; evidens signum erat, cum diligere Deum super omnia, vel quod idem est, ex toto corde. Hinc concludo, hoc præceptum non esse impossibile, si eo sensu explicetur, quo iam explicatum est.

4. Sed obicitur Augustinus in libro de spiritu, & littera, capite ultimo, & in libro de perfectione Iustitiæ, Resp. 17. ubi ait, hoc præceptum non posse impleri in hac vita, sed in alia. At prompta est responsio. Nam duo nititur ostendere Augustinus, quæ verissima sunt. Vnum est, præceptum illud, *Diliges Deū ex toto corde, & ex tota anima, & ex totis viribus*; posse quidem impleri in hac vita, quoad obligationem, quam inducit; non tamē quoad verba, quibus proponitur. Alterū est, in hac vita non tam perfectè diligi Deum, quam in altera; quod probat hac ratione. Dilatio supponit cognitionem, In hac vita cognoscimus Deum obsecrè per fidē; in altera clarè per visionē: Quid ergo mirum, si in hac vita minus perfectè, in altera perfectiùs Deum diligamus? Hanc esse mentem Augustini, ex ipso textu colligitur. Nec in minimo nobis repugnat.

QVÆSTIO IV.

An posterius præceptum de diligendo proximo, intelligatur tantum de amico, an etiam de inimico?

1. Ratio dubitandi est, quia Levit. 19. 18. expressè dicitur: *Diliges amicum tuum sicut teipsum* Vbi inimicus videtur excludi, unde in Evangelio dicit Christus, Matth. 5. 43. *Audistis, quia dictū est antiquis: Diliges proximum tuum, & odio habebis inimicum tuum. Ego autē dico vobis: Diligite inimicos vestros.* Ut sic differentiā veteris ac novi Testamenti, quod in veteri datum fuerit præceptum de diligendis tantum amicis: in nouo de diligendis omnibus, tū amicis, quàm inimicis. Auger hanc difficultatē, quod quidam legis peritus in Evangelio interrogauerit Christum, quis deberet intelligi per proximum, quando dicitur: *Diliges proximum tuum sicut teipsum.* (Luc. 10. 29) Nam ex illa interrogatione apparet Christum in hac re dissensisse à Iudæis, eo quod Iudæi putarent solos amicos, Christus etiam inimicos, nomine proximi comprehendere.

2. Magni sanè authores ita sentiunt, Qui primò quidē generatim docent, Christum non solum interpre-

tatum esse legem Mosaicam, & à corruptelis Phariseorum vindicasse (Matth. 5. 21. & sequentibus) Sed reuera novas quasdam leges addidisse, quæ in veteri Testamento non erant. Ac nominatim addidisse hanc: *Diligite inimicos vestros*, quæ in lege Mosaica nunquam legitur. Itaque hoc interesse inter Iudæos & Christianos, quod Iudæi, vi præcepti Mosaiici, debuerint diligere solos Iudæos, qui nomine proximorum designabantur, non autem Gentiles, qui hostes seu inimici illorum erant. Christiani verò, vi præcepti Evangelici, debeant omnes diligere, etiam hostes & inimicos.

3. Dices: Etiam in veteri Testamento fuit præceptum de diligendis inimicis, ut patet ex illo Exod. 23. 4. *Si occurreris boni inimicū tui aut asino erranti, redue ad eum.* Respondeo, ibi per inimicum non intelligitur verus inimicus, id est Gentilis; sed Iudæus, cum quo Iudæus inimicitias gerere prohibebatur. Hoc inde constat, quia qui illic inimicus dicitur, alibi frater appellatur, ut Deut. 22. 1. *Non videbis bonem fratris tui, aut onem errantem, & præteribis, sed reduces fratrem tuo.* Alioqui quando de veris inimicis, id est, de Gentilibus sermo est, tunc Iudæi iubentur illos interficere, ac penitus deletæ, Deut. 25. 19. *Delebis nomen eius sub caelo.* Hanc sententiam sic explicatam, defendit Maldonatus in cap. 5. Matthæi vers. 21. & ex eo Serarius libro 2. Tihzeleh cap. 8.

QVÆSTIO V.

Quid sit diligere proximum sicut seipsum?

1. Difficultas est, quid significet illa particula *sicut*; Respondeo, Non significat æqualitatem, sed similitudinem. Prius patet, quia homo, secundum ordinem charitatis, debet seipsum magis diligere, quàm proximum. Et hoc sensu dici solet: *Charitas incipit à seipso.* Posterius etiam patet, quia tamen si debeat seipsum magis diligere, quàm proximum; tenetur tamen similia dilectionis signa exhibere proximo, atque sibi ipsi. Et hoc significat particula, *sicut*.

2. Quæres, in quo consistat hæc similitudo? Respondeo. In tribus. 1. in materia. 2. in modo & qualitate. 3. in affectu. Vult enim Deus, ut ea bona, quæ tibi optas, optes etiam proximo: ut sicut teipsum diligis propter Deum, sic etiam proximum propter Deum; ut eo affectu & conatu, quo diligis teipsum, diligas etiam proximum. Saluo semper ordine Charitatis. De quo fusè disputatum est in 2. 2.

3. Dices: Homo sæpè optat sibi noxia, ut honores, voluptates, diuitias, quæ non tenetur optare proximo. Ergo falsum est, Deum velle, ut quæ quisque sibi optat, optet etiam proximo. Respondeo. Nos hîc agimus de eo, qui ex vera charitate diligit seipsum: non de eo, qui servit suis cupiditatibus, & concupiscentiis. Vide Maldonatum in cap. 22. Matth. v. 39.

CAPVT V.

De lege Mosaica.

Lex Mosaica triplex est, Moralis, Ceremonialis, & Iudicialis, Moralis summatim continetur in Decalogo. Et duo potissimum præcipit: cultum Dei, & iustitiam cum proximo. Ceremonialis speciatim determinat quibus ritibus, ceremoniis, colendus sit Deus. Iudicialis, quibus modis iustitia cum proximo servanda. Itaque triplicia sunt præcepta Mosaica, de quib⁹ Deut. 5. 31. *Loquar tibi omnia mandata mea, & ceremonias atq; iudicia*

Et cap. 6.1. *Hæc sunt præcepta & ceremonia atque iudicia, quæ mandauit Dominus Deus vester, ut docerem vos.* Vide D. Thom. in 2. quæst. 99. & sequentibus.

2. Hoc posito, multa possunt disputari. 1. An lex Mosaica fuerit bona. 2. An utilis. 3. An perfecta & sufficiens ad salutem. 4. An à Deo data. 5. Vbi quando & quomodo data. 6. An obligauerit solos Iudæos. 7. Quam arctè obligauerit. 8. An nunc penitus abrogata sit. 9. An in eius locum successerit lex Evangelica, & quæ illa sit.

QVÆSTIO I.

An lex Mosaica fuerit bona.

1. **M**anichæi, teste Augustino (in libr. contra Adimantum, & libr. 22. contra Faustum) docuerunt, fuisse malam & iniustam. Primò, quia concessit viuram & libellum repudij, quæ mala & iniusta sunt (Deuter. 33. & 34.) Secundò, quia fuit tyrannica, ut patet ex illo, Exod. 21. 24. *Oculum pro oculo, dentem pro dente, manum pro manu, pedem pro pede.* Tertiò fuit intolerabilis, & obseruatu impossibilis. Actu. 15. 10. *Quid tentatis Deum imponere iugum super cervices discipulorum, quod neque patres nostri, neque nos portare potuimus?* Hinc sæpe reprehenditur in Scripturis, Ezech. 20. 25, *Ego dedi eis præcepta non bona, & iudicia, in quibus non viuunt.* Et Roman. 4. 15. *Lex iram operatur.* Et Rom. 5. 20. *Lex sub intravit, ut abundaret delictum.* Et Rom. 7. 8. *Sine lege peccatum mortuum erat: sed cum venisset mandatum peccatum reuixit.* Et Hebr. 8. 7. *Si prius testamentum culpâ vacasset, non utique secundus locus inquireretur.*

4. Respondeo. Lex Mosaica fuit bona, iusta, sancta, ut patet ex illo, Rom. 7. 12. *Lex quidem sancta, & mandatum sanctum, & iustum & bonum.* Vbi mandatum legis Mosaicæ dicitur sanctum, propter præcepta ceremonialia: iustum, propter iudicialia: bonum, propter moralia, ut notat D. Thom. quæst. 99. art. 4. Et ratio est, quia Deus fuit auctor illius legis, ut postea demonstrabo. At Deus non potest esse author malæ & iniustæ legis; quia ut inquit Iob, cap. 36. 22. *Nul- lus ei similis est in legislatoribus.* Et ut habetur Prouer. 8. 15. *Per illum Reges regnant, & legum conditores iusto decernunt.*

3. Ad argumenta Manichæorum sic respondeo, Ad 1. Libellus, repudij & viura, si spectentur eo modo, quo Iudæis concessa sunt, non sunt mala, sed licita, ut infra suo loco probandum est. Ad 2. Lex Mosaica, præsertim iudicialis, non quidem fuit tyrannica, sed tamen seruilis, & accommodata statui Iudæorum. Sicut enim Christiani sunt in statu filiorum ac libertatis; sic Iudæi erant in statu timoris ac seruitutis. Debebant igitur metu pœnarum à peccatis absterri. Quò spectat illud Deut. 19. 20. *Ut audientes ceteri timorem habeant, & nequaquam talia audeant facere.* Ad 3. Fuit quidem difficilis obseruatu, non tamen impossibilis. Fuit autem difficilis, si conferatur cum lege Evangelica, quæ est facillima. Rationem huius discriminis iam insinuaui. Nam Lex Mosaica data fuit Iudæis, qui erant serui: Lex Evangelica data est Christianis, qui sunt filii: seruorum autem conditio difficilior est quàm filiorum. Testimonia Scripturæ quæ ultimo loco adducebantur, nihil aliud probant, quàm quod dicturus sum in 3. quæst. nempe Legem Mosai- cam fuisse imperfectam, & non potuisse quanquam liberare à peccato.

Opusc. Becani.

QVÆSTIO II.

An Lex Mosaica fuerit utilis?

1. **R**espondeo. Ad multa fuit utilis. Hoc insinuat Apostolus ad Galat. 3. 24. cum ait: *Lex pedag- ogus noster fuit in Christo:* vel, ut Græcè est, *ad Chris- tum.* Constat autem, pedagogum ad multa utilem esse respectu puerorum, quos habet sub sua disciplina ac potestate. Nam primò ostendit illis, in quo peccent, ut emendentur. Secundò, coërcet illos metu virgarum, ne in posterum peccent. Tertiò, docet illos prima rudimenta Grammaticalia, & sic paulatim disponit ac preparat ad altiora studia capellenda.

2. Hæc omnia seruata proportionē, præstabat Lex Mosaica, respectu Iudæorum, qui veluti pueri, subiac- cebant legi, tanquam suo pedagogo. Ac primò osten- debat illis, in quo peccarēt, ut testatur Apostolus Ro- man. 20. *Per legem cognitio peccati.* Nam sicut pueri, antequam detur illis pedagogus, sæpe delinquant, & propter ignorantiam, non aduertūt se delinquere: ita ho- mines antequam daretur illis lex scripta, sæpe pecca- bant & propter cecitatem cordis non sciebant se pec- care. Rom. 1. 12. *Obscuratum est insipiens cor eorum.* At post legem datam, ceperunt agnoscere sua peccata 7. v. 7. *Peccatum non cognoui, nisi per legem. Nam concu- piscentiam nesciebam, nisi lex diceret: Non concupisces.* Hæc autem cognitio erat necessaria via ad suscipien- dum Christum. Cum enim Christus in Evangelio di- catur venisse ad delenda peccata; certè si Iudæi non cognouissent, se esse peccatores, non utique Chri- stum suscepissent.

3. Secundò, Lex Mosaica coërcibat Iudæos metu pœnarum, ut in posterum à peccato abstinerent. Huc spectat omnia præcepta pœnalia, terrores, & commi- nationes, quæ à lege intentantur, Exod. 21. 15. *Qui per- cussit patrem suum aut matrem, morte moriatur.* Et vers. 24. *Oculum pro oculo, dentem pro dente, manum pro ma- nu, pedem pro pede* & alibi sæpius.

4. Tertiò, Lex Mosaica docebat Iudæos prima ru- dimenta fidei Christianæ, & sic disponebat & præpa- rabat illos ad perfectam Christi cognitionem, suo tē- pore capellendam. Proponebat illis umbras, figuras, inuolucra, sub quibus Christus abscondebatur. Pro- ponebat, inquam, cruenta animalium sacrificia, ut in- de allurgerent ad inuestigandum cruentum sacrificiū in Cruce. Proponebat circumcisionē, figuram Baptis- mi purificationes, figuram pœnitentiæ: Agnum pas- chalem, figuram Eucharistiæ: Aënem serpentem, fi- guram Christi, & sic deinceps.

QVÆSTIO III.

An lex Mosaica fuerit perfecta & sufficiens ad salutem?

1. **R**espondeo. Non fuit Heb. 7. 19. *Nihil ad per- fectum adduxit lex.* Et ratio est, quia non con- ferebat gratiam, quam confert lex Evangelica. Ioan. 1. 17. *Lex per Moysen data est; gratia & veritas per Iesum Christum facta est.* Hoc sensu Apostolus ceremo- nias legis Mosaicæ vocat *infirmas & operaelementa* (Galat. 4. 9.) Et cum alibi dicit, legem Mosaicam *non vacasse culpâ*, intelligendum est, non vacasse im- perfectione, seu fuisse imperfectam (Heb. 8. 7.) Eo- dem sensu multi interpretantur illud Ezech. 20. 25. *Dedi eis præcepta non bona, id est imperfecta: Et iudicia in quibus non viuunt*, id est, non sufficientia ad vitam spiritualement.

2. Hinc sumitur differentia inter legem Mosaicam

B iij

& Euangelicam. Nam Mosayca dirigebat quidem Iudæos, præscribendo & ostendendo, quid agendum aut omittendum esset, non tamen præbebat vires & gratiam, qua legis præcepta implerentur. Euangelica utrumque facit. Docet enim quid facere & omittere debeamus; & præterea confert gratiam, quæ nos iuvat & corroborat, ut possimus exequi, quod præscriptum est.

3. Hanc differentiam pulchrè explicat Augustinus in l. de spiritu & litera, cap. 13. Et passim contra Pelagianos, in hunc ferè modum. 1. Lex vetus continet præceptum: Lex nova auxilium. 2. Lex vetus dat lucem, ut sciamus: Lex nova dat virtutem, ut faciamus. 3. In lege veteri dicit Dominus: Fac quæ iubeo. In noua nos dicimus: Da quod iubes. 4. Lex vetus præscribit multas externas ceremonias: noua dirigit internas actiones.

4. Ex qua iterum oritur alia differentia. Nam lex vetus, seu Mosayca, non poterat per se prodesse homini ad salutem, quia id sine gratia fieri non potest. At noua seu Euangelica, per se sufficiens est ad hunc effectum. Et hoc est, quod toties inculcat Apostolus in Epistola ad Romanos & Galatas, neminem iustificari ex operibus legis, sed ex fide in Christum. Quo etiam spectat illud 2. Corinth. 3. 6. *Littera occidit, spiritus autem viuificat.* Nam reuera lex Mosayca, præter externam litteram nihil confert. Externa autem littera minatur mortem, nisi legem obserues. Neque tamen dat subsidium gratiæ, quo adiutus, obseruare possis. Hoc subsidium à noua lege petendum est, quæ præter externam litteram præcipientem, præbet internum spiritum corroborantem, & adiuuantem, qui vitæ spiritualis principium est.

5. Dices: Quomodo ergo Sancti veteris Testamenti, qui vixerunt sub lege Mosayca, iustificati sunt? Respondeo. Non sunt iustificati ex lege Mosayca, quam habebant præsentem, sed ex Euangelica, quæ tamen præsens non esset, tamen virtus illius per quandam anticipationem ad eos usque porrigebatur. Quomodo hoc? Quia credebant in venturum Christum, qui per sua merita, tunc quidem nondum exhibita, sed tamen suo tempore exhibenda, conferebat illis gratiam iustificantem, per quam poterant à peccatis liberari, & in adoptionem filiorum Dei transire. Vide D. Thomam in prima secundæ, quæst. 98. artic. 2. ad 4.

Q V A E S T I O I V.

An Lex Mosayca fuerit à Deo data.

1. Sicut Manichæi, ut supra dixi, negarunt Legem Mosaycam fuisse bonam; sic consequenter affirmauerunt, non à Deo, sed à Diabolo datam esse, ut refert Augustinus partim locis supra citatis, partim in duobus libris contra aduersarium Legis & Prophetarum; & in libro de hæresibus, cap. 46. ubi ponit hoc eorum dogma: *Deum, qui legem per Moysen dedit, & in Hebræis Prophetis locutus est, non esse verum Deum, sed unum ex principibus tenebrarum.*

2. Respondeo. Idem est author Mosaycæ & Euangelicæ Legis nempe Deus & pater Domini nostri Iesu Christi. Ita Concil. Trident. Sess. 4. Et apertè colligitur ex scriptura. Nam Christus Matth. 15. 6. loquens de lege Mosayca, appellat mandatum Dei, cum ait: *Irriuinsecistis mandatum Dei, propter Traditiones vestras* Et Apostolus non semel affirmat, Patrem Christi fuisse authorem Veteris Testamenti, ut Roman. 1. 1. *Paulus Apostolus segregatus in Euangelium Dei, quod antea promiserat per Prophetas suos in Scripturis sanctis de Filio suo.* Et Hebr. 1. 1. *Multifariam multisque modis olim Deus loquens Patribus in Prophetis, nonissimè diuisis illis locutus est nobis in Filio.*

3. Et probatur ratione D. Thomæ in 1. 2. quæst. 98. art. 2. Quia eiusdem est proponere finem & disponere media ad finem: Sed lex Euangelica est finis, legis Mosaycæ, iuxta illud Rom. 10. 4. *Finis legis est Christus.* Ergo idem Deus, qui est author legis Euangelicæ, est etiam author legis Mosaycæ. Et confirmatur hæc ratio, quia author legis Mosaycæ hoc potissimum spectauit, ut per illam legem deduceret homines ad Christum. Quod duobus modis præstitit. Primum, per vaticinia Prophetarum, qui multa de Christo prædixerunt. Secundo, per Sacrificia Mosayca, quæ erant figuræ mortis Christi. At diabolus non conatur homines hoc modo perducere ad Christum, sed potius ab illo abstrahere: Ergo ipse non est author legis Mosaycæ.

4. Dices primum: Opera Dei sunt perfecta, ut habetur Deute. 32. 4. At lex Mosayca non est perfecta, ut quæst. præcedente dictum est: Ergo Deus non est author legis Mosaycæ. Respondeo. Maior potest dupliciter intelligi. 1. Opera Dei sunt perfecta, id est, vnumquodque opus Dei tale est, cui absolute nihil desit. Sic falsa est. 2. Opera Dei sunt perfecta, id est, vnumquodque opus Dei tale est, cui in suo genere nihil desit. Sic vera est. Iam explico. Lex Mosayca non est absolute perfecta, quia deest illi aliquid, quod habet lex Euangelica, nimirum virtus & efficacia iustificandi, est tamen perfecta in suo genere, quia cum ex suo genere debeat esse umbra, seu figura legis Euangelicæ, in eo genere nihil illi deest. Vide D. Thom. loco citato ad 1.

5. Dices 2. Scriptura ait, Legem Mosaycam ab Angelis datam esse. Galat. 3. 19. *Lex propter transgressionem posita est, ordinata per Angelos in manu Mediatoris.* Et Act. 7. 53. *Acceptistis legem in dispositione Angelorum.* Respondeo. Lex Mosayca tribuitur Deo, Angelis, & Moyse; sed diuerso modo. Nam Deus fuit author illius legis; Angeli promulgarunt illam Moyse, Moyses populo. Simile est de lege Euangelica. Deus fuit illius author: Christus, qua homo, promulgauit illam Apostolis; Apostoli toti mundo.

Q V A E S T I O V.

Vbi quando, & quomodo data fuerit lex Mosayca.

1. **T**ria quærentur: Primum, vbi data sit? Respondeo. Data est in monte Sinai, ut patet ex illo Leuit. 26. 45. *Hæc sunt iudicia atque præcepta, & leges, quas dedit Dominus inter se, & filios Israel in monte Sinai per manum Moysi.* Hoc tamen interest, quod lex Decalogi data sit in ipso monte (Exodi 19. & 20.) At lex ceremonialis & iudicialis in tabernaculo ad radicem montis (Leuit. 1. 1.)

2. Quæritur 2. quando data sit? Respondeo. Lex Decalogi data est die quinquagesimo ab egressu filiorum Israel ex Aegypto, id est, in Pêtecoste. Nam tertio die mensis tertij venerunt ad montem Sinai, iuxta illud Exod. 19. 1. *Mense tertio egressionis Israel de terra Aegypti, in die hac venerunt in solitudinem Sinai.* Vbi illa particula, *in die hac*, significat, in die eiusdem numeri cum mense tertio, nempe tertio die mensis tertij. Rursum, tertio die post aduentum data est lex. (ibid. v. 11.) Tertius autem dies post aduentum, fuit sextus dies mensis tertij. At lex ceremonialis & iudicialis postea data est. Non quidem vno die, sicut lex Decalogi, sed successiue per varios dies Leuitici nono, versu primum, Leuit. 16. v. 1. & alibi.

3. Quæritur 3. Quomodo data sit? Respondeo. Iudæi, antequam daretur ipsis lex Decalogi iubeantur se sanctificare, & præparare per duos dies, ut tertio die cum debita reuerentia legem acciperent. Hæc autem sanctificatio & præparatio consistebat in tribus. Primum, ut abstinerent ab vxoribus. Secundum, ut

lauarent vestimenta sua. Tertiò, vt non ascenderent in montem Sion. Ac ne quidem attingerent illum, tanquam curiosi scrutatores præsentis & Maiestatis Dei; sed potius ex reuerentia diuini Numinis, continerent se in castris; alioqui morte puniendi essent. (Exod. 19. vers. 10. & sequentib.)

4. Finita sanctificatione, cum adesset tertius dies, quo lex Decalogi esset promulganda, sex terribilia signa contigerunt in monte Sinai. 1. Totus mons ardebat igne. 2. Totus fumabat, quia ex igne tanquam ex fornace, ascendeat fumus. 3. Nubes densissima montem operiebat. 4. Audiebantur tonitrua. 5. Micabant fulgura. 6. Clangor tubæ, seu buccinæ perstrepebat. (Exodi. 19. 16. & seq. Et Hebræor. 12. 18.) Tum deum Angelus tubali & horribili voce Decalogum proclamabat. (Exodi 20. 1.) vt posset exaudiri à toto populo circumstante, id est, à tribus hominum millionibus qui tunc aderant in circuitu montis.

5. Nota, duplicem fuisse sonum buccinæ. Vnum confusum, quo populus euocabatur ex remotioribus castrorum partibus, vt veniret ad radicem montis in circuitu, & ibi legem Decalogi paulò post promulgandam audiret. Alterum distinctum & articulatam, quo Angelus in ipso monte existens, & Dei personam gerens, populo ad radicem montis iam collecto, Decalogum promulgabat. Qualis autem fuerit illa buccina, disputant Interpretes. Iudæi fabulantur fuisse cornu illius arietis, qui ab Abrahamo pro Isaac fuit immolatus, (Gen. 22. v. 13.) Nostri docent, fuisse æream, non corneam: Et Angelum per collisionem aëris edidisse talem sonum, qualis ab inflata buccina vel tuba prodire solet. Vide Cornelium in cap. 19. Exodi.

6. Hæc omnia, quæ iam recensui, fuerunt figuræ seu vimbres eorum, quæ postea in promulgatione legis Euangelicæ facta sunt. Nam 1. sicut lex Mosaica promulgata est die quinquagesimo post Pascha, id est, in Pentecoste: sic etiam lex Euangelica. (Act. 2. 1.) Secundò, sicut illa in monte Sinai, ita hæc in monte Sion. (Ila. 2. 3. *De Sion exibit lex, & verbum Domini de Hierusalem.*) Tertiò sicut ibi audita sunt tonitrua & fulgura; ita hic factus est repete de celo sonus, tanquam aduenientis spiritus vehementis (Act. 2. 2.) Quartò, sicut ibi apparuit ignis & fumus: ita hic dispersa a lingua, tanquam ignis. (Ibid. vers. 3.) Quintò, sicut ibi timore percussus sunt Iudæi; ita hic Apostoli repleti sunt Spiritu sancto. (Ibid. v. 4.) Sextò, sicut Angelus clangore buccinæ verba Decalogi perstrepebat: ita hic tuba Euangelica Apostolorum ore insonuit. (Ibid.) Videatur D. Hieronimus ad Fabiolam, Beda in Homilia Vigilæ Pentec. Cornel in cap. 19. Exod.

QUESTIO VI.

An lex Mosaica obligauerit solos Iudæos?

1. **D**istinguendum est. Nam lex Mosaica, vt supra dixi, fuit triplex; Moralis, Ceremonialis & Iudicialis. Igitur Moralis non solum Iudæos, sed etiam Gentiles obligabat. Nota. Lex Moralis tripliciter spectari potest. 1. Nudè secundum se. Sic semper obligauit Gentiles. 2. Quatenus habet annexas minas, terrores, & penas temporales à Moyse conscriptas. Sic obligabat solos Iudæos. 3. Quatenus habet annexam gratiam Euangelij. Sic obligat Christianos.

2. Lex Ceremonialis & Iudicialis obligabat solos Iudæos; quia solis Iudæis fuit promulgata, vt patet Exod. 19. & sequentib. Quo etiam spectat illud Deut. 4. 8. *Quia est alia gens sic incluta, vt habeat ceremonias, iustitiasque iudicia, & vniuersam legem?* Et Psal. 147. 10. *Non facit aliter omni nationi, & iudicia sua non manifestans eis.* Et Rom. 3. 3. *Quid ergo amplius Iudæos est?*

Opusc. Bec.

A multum per omnem modum Primum quidem, quia credita sunt illis eloquia Dei. Et Rom. 9. vers. 4. *Quorum adoptio est filiorum, & gloria, & testamentum, & legislatio.* Ex quibus testimoniis duo colliguntur. 1. Legem fuisse datam soli populo Iudæorum. 2. Fuisse quandam prærogatiuam illius populi, quod ipsi soli data sit.

3. Dices: Non videtur fuisse prærogatiua, sed onus. Nam difficile fuit seruare legem ceremonialem & iudicialem. Nec Iudæi poterant saluari, nisi illam seruarent: Gentiles sine illo onere saluari poterant. Respondeo. Fuit simul onus, & prærogatiua. Onus, propter causam allatam. Prærogatiua, quia Iudæi per illud onus magis erant Deo coniuncti & consecrati, quam Gentiles sine illo onere. Nam ratione legis, habebant Sacerdotium, sacrificia, sacramenta, & promissionem venturi Christi: Quæ omnia faciebant illos meliori conditione, quam Gentiles, qui ista non habebant. Et hoc colligitur ex Scripturis citatis. Simile est de Clericis & Religiosis, qui tametsi plus oneris in se suscipiant & ad plura obligentur, quam laici; sunt tamen meliori conditione, quia Deo magis coniunguntur & consecrantur, quæ magna prærogatiua est. Vide D. Thomam quæst. 82. artic. 5. ad 3.

4. Quæres 1. An hoc factum sit propter merita Iudæorum, quod ipsis solis data sit lex, & non aliis? Respondeo. Non propter ipsorum merita, sed propter promissionem Dei, quæ Abraham facta est. Deus enim promiserat Abraham quod ex ipsius semine, & posteritate nasciturus esset Christus (Gen. 22. 18. & Galat. 3. 16.) Itaque propter hanc promissionem, voluit populum illum, ex quo Christus erat nasciturus, peculiari quodam modo ab aliis distinguere, dando illi legem, Prophetas, sacrificia, & alia specialia ornamenta, quibus ceteras nationes antecelleret, & Deo magis consecraretur, iuxta illud Exodi 19. v. 5. *Eritis mihi in peculium de cunctis populis.* Et ratio est, quia lex, Prophetæ, & sacrificia, tanquam figuræ quædam ordinabantur ad Christum venturum: Ergo quibus promissus erat Christus, illis danda erat lex, Prophetæ, & sacrificia.

5. Quæres 2. An Gentiles in nullo casu fuerint obligati ad obseruationem legis Mosaicæ? Respondeo. Tunc erant obligati, quando volebant se aggregare populo Iudæorum, & illorum Religionem amplecti, vt patet ex illo Exodi duodecimo, vers. quadragesimo octauo. *Si quis peregrinorum in vestram volueris transfere coloniam, & facere Phasem Domini; circumcidetur primus omne masculinum eius, & tunc ritè celebrabis, eritque sicut indigena terre.*

Dices Hinc solum colligitur, quod Gentiles, accepta circumcisione, potuerint celebrare Pascha cum Iudæis; non autem, quod fuerint obligati. Respondeo. Vtrumque colligitur. Nam circumcisio perinde se habebat in Veteri Testamento, sicut se habet Baptismus in nouo. Vnde sicut omnes baptizati obligantur ad legem Euangelicam; ita omnes circumcisi obligabantur ad Mosaicam. Quod confirmat Apostolus, cum ait Galat. 3. 1. *Testificor omni homini circumcidenti se, quoniam debitor est vniuersæ legis faciendæ.*

6. Quæres 3. An lex Mosaica (nempe Ceremonialis & Iudicialis) nullo modo pertineret ad Christianos? Respondeo. Sicut pertinet ad Iudæos, quoad obligationem & obseruationem; sic etiam pertinet ad nos quoad significationem. Erat enim figura quædam eorum, quæ per Christum adimpleta sunt. Ita Augustinus lib. 19. contra Faustum, c. 7. & sequentibus. Et colligitur ex illo generali principio. 1. Cor. 10. 6. *Hæc autem in figura facta sunt nostri.* Et Hebr. 10. 1. *Umbram lex habens futurorum bonorum.*

B 143

QVÆSTIO VII.

Quam strictè Judeos Lex Mosaica obligauerit?

Respondeo. Obligauit strictissimè, vt patet ex illo Psal. 118. 4. *Tu mandasti mandata tua custodiri nimis.* Quod confirmari potest ex duplici cap. 1. Ex benedictionibus, quas Deus promissit seruantibus legem. 2. Ex maledictionibus, quas comminatus est transgressoribus. Vtræque habentur Leuit. 26. & Deut. 28. Aliquas ex iis recensibo.

2. Benedictiones sunt hæ: *Si in preceptis meis ambulaueritis, & mandata mea custodieritis.* 1. Dabo vobis pluuias temporibus suis. 2. Terra gignet germine suum. 3. Pomis arbores replebuntur. 4. Apprehendet messium tritura vindemiam, & vindemia occupabit sementem. 5. Comeditis panem vestrum in saturitate. 6. Dabo pacem in finibus vestris, & non erit, qui exterreat. 7. Auferam alas bestias. 8. Persequemini inimicos vestros, & corruent coram vobis. 9. Persequentur quinque de vestris, centum alienos: & centum de vobis, decem millia. 10. Crescere vos faciam, & multiplicabimi. 11. Comeditis vetustissima veterum; & vetera, nouis superuenientibus, proicietis. 12. Ponam tabernaculum meum in medio vestri: ambulo inter vos, & ero Deus vester; vosque eritis populus meus. (Leuit. 26.)

3. Nunc sequuntur maledictiones. *Si non faciatis ea, quæ à me constituta sunt.* 1. Visitabo vos in egestate & ardore. 2. Frustra seretis sementem, quæ ab hostibus deuorabitur. 3. Ponam faciem meam contra vos, & corruetis coram hostibus vestris: & subiiciemini his, qui oderunt vos & fugietis, nemine persequente. 4. Dabo vobis cælum de super, sicut ferrum, & terram ancæ. 5. Immittam in vos bestias agri, quæ consumant vos & peccata vestra. 6. Inducam super vos gladium ultorem foderis mei. 7. Mittam pestilentiam in medio vestri. 8. Cadetis inter ruinas idolorum vestrorum. Et quæ sequuntur (Leuit. 26.) His addantur benedictiones & maledictiones, quæ habentur Deut. 28.

4. Hinc constat, falsum esse, quod aliqui docent, Legem Dei obseruatu esse impossibilem. Nam si seruari non posset, cur Deus seruantibus promitteret benedictiones? cur transgressoribus minaretur tot maledictiones? Hoc posterius esset tyrannicum: illud prius, inane ac superuacaneum. Si enim lex seruari non potest, inane ac superuacaneum est dicere: Si seruaueris legem, dabo tibi multa bona. Et tyrannicum est dicere: Puniam te multis calamitatibus, si non seruaueris. Vtrumque absit à Dei bonitate.

QVÆSTIO VIII.

An lex Mosaica nunc penitus abrogata sit?

Respondeo: Abrogata est quoad præcepta ceremonialia & iudicialia; non tamen quoad moralia quæ in Decalogo continentur, quatenus illa sunt iuris naturalis. Prior pars patet ex Scripturis, Luc. 16. 16. *Lex & Propheta usque ad Ioan.* Et Gal. 3. 24. *Lex pedagogus noster fuit in Christo. At ubi venit fides, iam non sumus sub pedagogo.* Et Hebr. 7. 12. *Translato Sacerdotio, necesse est vi & Legis translatio fiat.*

2. Est autem abrogata propter has causas. Primò, quia erat imperfecta. (Heb. 7. 18.) Secundo, erat graue iugum, quod Iudæi vix poterant portare (Act. 15. 10.) Tertio, continebat figuras, quæ per Christum impletae sunt (August. lib. 19. contra Faustum, cap. 13. Quarto, sicut manus lumen offuscat minus; ita lumen Euangelij, sol iustitiæ Christus, offuscavit cere-

monias legales, vt notat D. Hieron. in Com. cap. 4. ad Galat. Huc spectat illud Theodoret ad Philip. 3. *Superuacaneus est lichnus, si sol apparuerit.* Et illud Bernardi Hom. 1. super Missus est: *Prodeunte fœtus suos decidit.* Quintò Christus, teste Apostolo (Eph. 2. 14.) *fecit utraque vnum*, id est, ex duobus populis, Ethnico & Iudaico, fecit vnum ouile ac proinde debuit dissoluere medium parietem Legis Mosaycæ, qui separabat vnum populum ab alio; & ambos vna eademque lege Evangelica concludere.

3. Dices, Scriptura docet legem Mosaicam duraturam in æternum, vt Baruch. 4. v. 1. *Hic liber mandatorum Dei, & lex qua est in æternum.* Respondeo. Lex Mosaica duobus modis dici potest æterna. Primò, quoad præcepta moralia, quæ adhuc durant. Secundo, quoad ceremonialia, quæ quidem abrogata sunt quoad significationem, tamen adhuc durant, quoad rem significatam. Ita D. Thomas quæst. 103. art. 3. ad 1.

4. Posterior pars probatur, quia ratio naturalis dicit præcepta Decalogi, quatenus sunt iuris naturalis seruanda esse. Dico, quatenus sunt iuris naturalis propter duas causas. 1. Propter obseruationem Sabbathi, quæ non erat iuris naturalis, & ideo abrogata est. 2. Propter minas & terrores, quæ annexa erant præceptis Decalogi, respectu eorum, qui ea non obseruarent. Hæc etiam abrogata sunt, quia similiter non erant iuris naturalis: sed positivi.

QVÆSTIO IX.

An in locum Legis Mosaicae successerit Lex Evangelica, & qua illa sit.

Christus instituit nouam legem, quæ Evangelica appellari solet, ad Christianos pertinentem; ideoque non solum Redemptor, sed etiam Legislator dicendus est, iuxta illud Iaiæ 33. 22. *Dominus Iudex noster, Dominus legislator noster, Dominus Rex noster, ipse saluabit nos.* Et in Euangelio passim loquitur de sua lege. Ioan. 14. 15. *Mandata mea seruare.* Ioan. 15. 10. *Si præcepta seruaueritis, manebitis in dilectione mea.* Matt. 23 v. 19. *Docete eos seruare omnia, quæcunque mandauero vobis.* Et Apost. 1. Cor. 7. 16. *iis autem, qui matrimonio iuncti sunt, præcipio non ego, sed Dominus uxorem à viro non discedere.* Et 1. Cor. 9. vers. 21. *Illis qui sine lege erant facti sum tanquam sine lege essem, cum sine lege Dei non essem, sed in lege essem Christi.* Et Heb. 1. confert inter se Christum & Moysen, tanquam duos legislatores, alterum veteris alterum noui Testamenti: & ait si transgressores legis à Moyse datae puniti sunt; multò magis transgressores legis à Christo latae puniendos esse.

2. Lex Evangelica, quæ à Christo data est continet triplicia præcepta, nempe moralia, sacramentalia & fidei. De moralibus constat Matth. 5. 6. & 7. vbi Christus explicat & perficit præcepta Decalogi, quæ propriè ad mores pertinent. Et Matth. 19. 6. Vbi prohibet diuortium & libellum repudiij; ac decernit, vt vinculum matrimonij deinceps non dissoluitur. De sacramentalibus patet ex illo Ioan. 3. 4. *Nisi quis renatus fuerit ex aqua & Spiritu sancto, non potest introire in regnum Dei.* Et Ioan. 6. 53. *Nisi manducaueritis carnem filij hominis, & biberitis eius sanguinem, non habebitis vitam in vobis.* Deinde de præcepto fidei, ex illo Marci 16. 16. *Qui crediderit & baptizatus fuerit saluus erit; qui vero non crediderit, condemnabitur.* Et Ioan. 8. 24. *Si non credideritis, quia ego sum, morimini in peccato vestro.*

3. Hoc autem interest inter hæc triplicia præcepta, quod sacramentalia sunt verè & propriè à Christo in-

August. in libro de continentia c. 3. explicans illud Apostoli: *Non estis sub lege, sed sub gratia*, sic habet: *Non sumus sub lege bonum quidem iubente, non tamen dante; sed sumus sub gratia, qua id, quod lex iubet faciens nos amare potest liberos imperare.* Et in libro de Natura & Gratia cap. 57. *Si Spiritu ducimini, non estis sub lege, utiquidque lege, qua timorē incutit, non tribuit Charitatem.* Illud Apostoli aduersarij obiciunt: *Iusto non est lex posita*, facile explicatur ex dictis. Tametsi enim lex, secundum se spectata, æquè posita sit iustis & iniustis (verisque enim præscribit lex quid faciendum aut omittendum sit) non tamen pœna legis imponitur iustis, qui ex amore legem seruant; sed iniustis, qui legem præuariantur. Hoc sensu dixit Idem Apostolus ad Galatas tertio, versu decimonono. *Quid igitur lex? Propter transgressionem posita est.* Vido Augustinum in libro de spiritu & litera capite decimo.

CAPVT VI.

De Synagoga veteris Testamenti.

1. **N**omen Synagogæ sumitur tribus modis in Scriptura. Primò pro tota congregatione, seu Ecclesia Iudæorum. Numer. 27. 20. *Audiat enim omnis Synagoga filiorum Israël.* Et Ecclesiast. 50. 15. *Coram omni Synagoga Israël.* Et alibi sæpe. Et hoc sensu fuit typus seu figura Ecclesiæ Christi; vt postea explicabo.

Secundò, pro congregatione seu conuentu malorum. Psal. 85. 14. *Deus, iniqui insurrexerunt super me, & Synagoga potentium, quasi erunt animam meam, & non proposuerunt te in conspectu suo.* Et Ecclesiast. 3. 30. *Synagoga superborum non erit sanitas.* Et Apoc. 2. 9. *Blasphemas ab his, qui se dicunt Iudæos esse, & non sunt, sed sunt Synagoga Satana.* Et cap. 3. 9. *Eccē dabo de Synagoga Satana, qui dicunt se Iudæos esse, & non sunt, sed mentiantur.*

Tertiò, pro quibusdam ædificiis seu domibus, in quibus Iudæi singulis Sabbathis solent Scripturam legere & explicare. De his frequens est mentio in Euangelio. Matth. 4. 23. *Circuibat Iesus totam Galileam, docens in Synagogis eorum.* Et Marci 1. 21. *Et Sabbathis ingressus in Synagogam docebat eos.* Et Lucæ 4. 17. *Intrauit secundum consuetudinem suam die Sabbathi in Synagogam, & surrexit legere: & traditus est illi liber Isaia Prophetæ.* Et Ioan. 9. 22. *Jam conspirauerunt Iudæi, ut si quis eum confiteretur esse Christum, extra Synagogam fieret, id est, interdiceretur publicis conuentibus, qui in Synagoga celebrabantur. Quod nos dicimus, Excommunicari.*

2. Nos hic agimus de Synagoga primo modo sumpta, id est, de tota Iudæorum congregatione, seu Ecclesia, quatenus constabat ex populo, & Sacerdotibus. Et queritur. 1. An fuerit visibilis. 2. An aliquando errauerit, vel defecerit à fide. 3. An fuerit figura Ecclesiæ Christi. 4. An fuerit tam perfecta, quàm Ec-

QUESTIO I.

An Synagoga fuerit visibilis?

1. **D**E Synagoga statuendum est, sicut de qualibet communitate vel Republica: In qua tria spectari possunt. Primò, Multitudo seu collectio eorum hominum, qui in Republica sunt. Secundò, Externum regimen, quo Magistratus politicus gubernat suos subditos. Tertiò, Interna affectio, qua subditi

A inter se, & cum suo Magistratu tanquam membra cum cap. vniuntur. Duo priora sunt visibilia, & externis sensibus percipiuntur. Tertium est inuisibile. Nam externis oculis videmus Ciues & Magistratum, qui in Republica sunt; Videmus externam politiam & gubernationem: sed non videmus internum affectum, quem quisque habet, aut habere debet.

2. Idem dico de Synagoga. Tria in ea spectari poterant. Primò, Multitudo seu collectio Iudæorum, qui erant in Synagoga. Secundò, Externum regimen Ecclesiasticum, Sacrificia, Sacramenta, Purificationes, Oblationes, & similes ceremoniæ Mosaicæ. Tertiò, interna Fides & Charitas, qua omnes vel erant, vel esse debebant inter se vniri. Duo priora erant visibilia; tertium inuisibile.

3. Idem de Ecclesia Christi. Sunt in ea visibiles Christiani: est visibile regimen, quo Prælati gubernant suos subditos, docendo, hortando, iudicando, puniendo, Sacramenta administrando. Est interna Fides & Charitas, qua inter se coniuncti sunt. Vnde sequitur, non aliter de Synagoga & Ecclesia, quàm de Republica vel ciuitate statuendum esse. Sicut ergo absolutè loquendo, rectè dicimus, Rempublicam Veneram, aut Ciuitatem Viennensem esse visibilem & conspicuam: Ita similiter Synagogam & Ecclesiam esse visibilem & conspicuam. Est enim par ratio, vt explicatum est.

QUESTIO II.

An Synagoga aliquando errauerit, vel à fide defecerit?

1. **L**utherani & Calvinistæ docent, sæpè illam errasse, & à fide defecisse. Primò tempore Moyses quando Aron cum toto populo adorauit vitulum. (Exodi 32. 4.) Secundò, tempore Helix, quando nullus mansit fidelis, nisi solus Helias, vt ipsemet conqueritur 3. Regum 17. 14. *Derelictus sum ego solus, & querunt animam meam.* Tertiò, tempore Isaia & Ieremiæ, quando omnes recesserunt à Deo, Isaia 1. 3. *Cognoui bos possessorem suum: & Asinus præsepe Domini sui Israël autem me non cognouit.* Et Ieremiæ. 2. 13. *Duo mala fecit populus meus: Me dereliquerunt fontem aquæ viuæ, & foderunt sibi cisternam idissipatam, qua continere non valent aquas.* Et 2. Paralipomenon 15. 3. *Transibunt multi dies in Israël absque Deo vero, & absque Sacerdote, Doctore, & absque lege.* Quartò tempore passionis Christi, quando tota Synagoga cum omnibus ceremoniis suis expirauit.

2. Respondeo. Hic multa asseruntur, quæ examinanda sunt. Primum est, Synagogam tempore Moyses in adorando vitulo defecisse à fide. Falsum est. Non defecit tota Synagoga, sed pars eius. Non enim defecit Moyses, nec Leuitæ & Sacerdotes, vt patet ex illo Exodi 32. 36. *Videns ergo Moyses populum ait: Si quis est Domini iungatur mihi. Congregatiq; sunt ad eum omnes filij Levi.* Erant autem filij Levi viginti duo millia, vt habetur Nu. 3. 39.

3. Alterum est, Synagogam tempore Helix, Isaia, Ieremiæ defecisse à fide. Hic opus est distinctione. Nā duo regna pertinebant ad Synagogam: Alterum Iudæ, quod constabat duabus; alterum Israël, quod constabat decem Tribub. Hoc postenus statim à principio, sub primo Rege Ieroboam, defecit à vera fide, & publice cœpit idola adorare. (3. Regum 12. 28.) & in eo statu permansit vsque ad captiuitatem, iuxta illud 4. Regum 17. 22. *Ambulauerunt filij Israël in vniuersis peccatis Ieroboam, quæ fecerant, & non recesserunt ab eis, usquequo Dominus auferret Israël à facie sua in Assyrios.* Nihilominus semper aliqui fuerunt in illo regno, qui abstinere ab Idololatria, & verum Deum agnosce-

rent, etiam tempore Helix.

Nam cum ipse putaret se solum relictum esse in cultu veri Dei, audiuit responsum à Domino 3. Regum 19. 18. *Dereliqui mihi in Israel septem milia viros, quorum genua non sunt incarnata ante Baal.* Et similiter de Tobia legimus, Tobia 1. 5. *Cum irent omnes ad vitulos aureos, quos Ieroboam fecerat Rex Israel, hic solus fugiebat consortia omnium: sed pergebat in Ierusalem ad templum Domini, & ibi adorabat Dominum Deum Israel.*

4. In regno Iuda aliter res habuit. Nam aliqui Reges fuerunt boni & cultores veri Dei, vt Afa, Iosaphat, Azarias, Ioatham, Ezechias, & Iosias, sub quibus vera religio, vel restaurata, vel conseruata est. Alij mali & idololatæ, vt Achaz, Manassès, Ammon. Alij denique non quidem idololatæ, sed tamen mali. Semper tamen in templo Salomonis videtur mansisse vitus sacrificiorum secundum legem Mosaicam, vsque ad captiuitatem Babilonicam, vt colligitur ex illis verbis, 1. Machab 1. 19. *Cum in Persidem ducerentur Patres nostri, Sacerdotes qui tunc cultores Dei erant, acceptum ignem de altari occulte absconderunt in valle, ubi erat puteus altus & siccus.* Loquitur de igne exlitus à Deo missus, quo utebantur Sacerdotes in quotidianis sacrificiis. (Leuit. 9. & 10.) Igitur ignis ille fuit conseruatus in templo, vsque ad illud tempus, quo Iudæi in Persidem captiui adducebantur.

5. Tertium est, Synagogam tempore Christi expirasse. Hoc verum est, non quod tunc defecerit à vera fide quam antea profitebatur, sed quia tunc repudata est cum suis ceremoniis & sacrificiis; ac in eius locum successit Ecclesia Christi. Vbi obiter notandum est, potuisse hæc quinque spectari in Synagoga. 1. Legem Mosaicam. 2. Prophetiam de Christo. 3. Sacerdotium & sacrificia legalia. 4. Supremam potestatem iudiciariam, quæ erat in Pontifice & Concilio. 5. Infallibilem Dei assistentiam, quæ illi potestati erat annexa. Quando & quomodo singula expirauerint; dicam paucis.

6. Lex Mosæica, quoad obligationem, abrogata est in morte Christi, vt docet S. Thom. in 1. 2. q. 103. art. 3. ad 2. & alij passim. Tunc enim amisit vim obligandi; quia tunc *velut templum fessum in duas partes, à summo & que deorsum.* (Math. 27. 51.) Et tunc Christus dixit in Cruce, *Consummatum est.* Vnde sequitur, ante mortem Christi viguisse sicut legem Mosaicam & Evangelicam: post mortem, solum Evangelicam.

7. Prophetia de Christo fuit multiplex: Alia de venturo Christo in hunc mundum, alia de eius doctrina & miraculis, alia de morte & passionem, alia de descensu ad inferos, alia de resurrectione. Vnaqueque earum tunc expirauit, quando impietatem fuit id quod per eam prædicebatur, v. g. Prophetia de venturo Christo expirauit per aduentum Christi. Matth. 11. 13. *Lex & Propheta usque ad Ioannem.* Et sic deinceps.

8. Sacrificia legalia sunt etiam abrogata per mortem Christi, sicut Lex Mosæica. Quod maxime verum est de cruentis sacrificiis, in quibus maculabatur animalia. Erant enim figure seu vmbre cruenti sacrificij, quo Christus in ara Crucis erat maculandus. Itaque adueniente hoc sacrificio, nec esse fuit illa: expirare: sicut adueniente sole, faciunt tenebræ.

9. Suprema potestas iudicaria, itemque diuina assistentia illi annexa, non videtur simul seu eodem momento tota expirasse, sed successiue, & quasi per partes. Nam primo certum est, Christum habuisse maiorem potestatem iudicariam, & vbiorem Dei assistentiam, quam habuerit Pontifex in veteri Testamento, iuxta illud Matthæi 28. 18. *Data est mihi omnis potestas in celo & in terra.* Itaque Pontifex, respectu Chri-

A sti non potuit amplius habere supremam; tamen si habuerit supremam in suo ordine ac statu.

10. Demum, Assistentia diuina paulatim substracta est. Quod facile ostendi potest in us Conciliis, quæ post Christi Natiuitatem à Pontifice & Sacerdotibus celebrata sunt. Tria potissimum recensere. Primum tempore Herodis, quando tres Magi venerunt Hierosolymam. Alterum tempore Lazari resuscitati quado disputabatur, quid de Christo tot miracula faciente, statuendum esset. Tertium tempore captiuitatis Christi, quando à Caipha ad mortem condemnatus est. In primo mansit integra assistentia diuina; in altero diminuta est, in tertio penitus sublata. Quod sic demonstrato.

11. Primum Concilium conuocatum est propter Herodem, qui à Principibus Sacerdotum sciscitabatur, vbi Christus, iuxta Prophetarum vaticinia, esset nasciturus? Matthæi 2. 4. Et responsum est: *In Bethleem Juda. Sic enim scriptum est per Prophetam: Et tu Bethleem terra Iuda, nequaquam minima es in Principibus Juda. Ex te enim exies Dux, qui regat populum meum Israel.* Quæ decisio fuit vera & infallibilis, ac proinde ex vera & infallibili Dei assistentia profecta.

12. Alterum celebratum fuit ex occasione miraculi, quo Christus Lazarum resuscitauit, Ioan. 11. 47. *Collegerunt ergo Pontifices & Pharisei concilium, & dicebant: Quid facimus? Quia hic homo multa signa facit. Si dimittimus eum sic, omnes credent in eum: & Romani, & tollent nostram locum & gentem.* Unus autem ex ipsis, *Caiphas nomine, cum esset Pontifex anni illius, dixit eis: Vos nescitis quicquam, nec cogitatis, quia expedit vobis, ut unus moriatur homo pro populo, non tota gens pereat. Hoc autem à semetipso non dixit, sed cum esset Pontifex anni illius, prophetauit, quod Iesus moriturus esset pro gente, &c.* Ex his verbis manifestè constat, Caipham ex vna parte errasse, ex altera non errasse; Et partim ex odio, more humano, partim ex assistentia Spiritus sancti, more prophetico, locutum esse, in eo errabat, quod Christum innocentem morti adiudicaret: Et hoc ex inuidia & emulatione. (Matth. 27. 18.) In eo non errabat, quod prædiceret Christum moriturum pro salute Iudæorum: Et hoc non ex semetipso, id est, ex proprio iudicio & affectu humano, sed ex diuino instinctu, qui Pontifici ratione sui officij solet assistere.

13. Tertium celebratum fuit instante Christi passione, Matth. 26. 52. Vbi Sacerdotes quærebant: *saluum testimonium contra Iesum, ut eum morti traderent.* Et tandem lata est hæc sententia: *Reus est mortis.* Quæ sine dubio fuit iniqua, nec vilo modo à Deo inspirata, sed potius à diabolo, vt iam antea dictum erat à Christo, Ioan. 8. 44. *Vos ex patre diabolo estis, & desideria patris vestri vultis facere: ille homicida erat ab initio.* Nec ququam in illo Concilio gestum est, ex quo constare possit, diuinam assistentiam adfuisse.

QUESTIO III.

An Synagoga fuerit figura Ecclesie Christi.

1. IN figura duo spectari debent. Primum, quod representet rem figuratam, quo pacto cruenta sacrificia Mosæica representabant cruentum sacrificium Christi in cruce. Secundum, quod sit imperfectior rem figurata, sicut vmbra est imperfectior, quam corpus, & rudis delineatio imaginis est imperfectior, quam ipsa imago consummata, & vetus Testamentum est imperfectius, quam nouum. Vtrumque accomodandum est Synagoge, respectu Ecclesie.

2. Primum ergo queritur, in quo Synagoga representauerit Ecclesiam? Respondeo. In his punctis,

Primò, sicut Synagoga ædificata fuit à Moysè, qui erat famulus Dei: ita Ecclesia à Christo, qui est Filius Dei. (Hebr. 3. vers. 5.) Secundò, sicut Moyses fuit primus Monarcha seu visibile caput Synagogæ ita Christus Ecclesiæ. (Eph. 5. vers. 23.) Tertio, sicut Synagoga post mortem Moysis semper gubernata fuit ab uno visibili capite, nempe à Pontifice, sic etiam Ecclesia post mortem Christi. (Ioann. 21. 19. *Pasce oves meas.*) Quarto, sicut Synagoga habuit sua Sacramenta, sacrificia, & alias ceremonias ad cultum Dei pertinentes: sic etiam habet Ecclesia. Quintò, sicut Synagoga fuit visibilis, quoad externam populi gubernationem & invisibilis, quoad internam fidem; ita etiam Ecclesia.

3.^o Hic notandum est, sicut Synagoga fuit figura Ecclesiæ, ut iam dixi, ita Moysen fuisse figuram Christi. Est autem multiplex analogia inter utrumque. Primo, Vterque natus est in aliena terra: Moyses in Ægypto: Christus in Bethlehem. Secundò, Moyses positus est in fascella: Christus in præsepio. Tertio, Rex Pharaon persecutus est Moysen, & reliquos infantes Hebræorum in Ægypto: Rex Herodes persecutus est Christum, & reliquos infantes in Bethlehẽ. Quarto, Moyses eduxit populum ex servitute Ægypti: Christus ex servitute Diaboli. Quintò, Moyses duxit populum per mare rubrum: Christus per Baptismum. Sextò, Moyses fuit mediator Veteris Testamenti: Christus novi. Septimò, Moyses dedit legem veterem: Christus novam seu Evangelicam. Octavò, Moyses, antequam daret legem, ieiunavit quadraginta diebus: Christus similiter. Nonò, Moyses accepit sponsam Æthiopissam: Christus sponsam Ecclesiam, de qua scriptum est, *Nigra sum, sed formosa*. Decimò, Moyses instituit septuaginta seniores: Christus septuaginta Discipulos. Undecimò, Moyses misit duodecim exploratores in Palestinam: Christus duodecim Apostolos in orbem uniuersum. Duodecimò, Moyses per virgam suam fecit magna miracula: Christus maiora per lignum Crucis.

QVÆSTIO IV.

An Synagoga fuerit tam perfecta, quàm Ecclesia Christi.

1. **R**espondeo. In multis fuit imperfectior. Primò, Synagoga fuit ancilla: Ecclesia est Domina. Galat. 4. vers. 31. *Non sumus ancilla filij, sed libera*. Secundò, Synagoga, quia erat ancilla, fuit repudiata: Ecclesia, cum sit Domina, numquam repudiabitur. De illa dictum est Galat. quarto, versu trigesimo. *Eccle ancillam & filium eius*. De hac verò Isaïa 54. 4. *Noli timere, quia non confunderis, neque erubescas*. Tertio, Synagoga habuit Prophetas & Sacerdotes, per quos Deus populo loquebatur: Ecclesia habet ipsum filium Dei incarnatum, qui in propria persona locutus est nobis. (Hebræorum 1. 2. Quarto, Synagoga accepit à Moysè nudam legem præcipientem: Ecclesia accepit à Christo legem præcipientem, & gratiam adiuvantem. (Ioann. primo, versu decimo septimo.) Quintò, Synagoga fuit exigua, & intra Palestinam terminos comprehensa: Ecclesia est Catholica & toto orbe diffusa, (Marc. 16. 15. Et Romanorum 10. 18.) Sextò, Synagoga non fuit mater omnium fidelium, sed tantum aliquorum; quia multi fideles extra Synagogam saluabantur, ut Niniitæ, de quibus Match. 12. 41. Ecclesia est mater omnium fidelium, & nemo extra illam saluari potest.

2. Hoc pulchrè ostendit Augustinus libro de unitate Ecclesiæ, cap. 19. cum ait: *Ad ipsam salutem ac vitam æternam nemo peruenit, nisi qui habet caput Christum. Habere autem caput Christum nemo poterit, nisi qui in eius corpore fuerit, quod est Ecclesia*. Quod etiam

A variis rationibus confirmat sermone 18. 2. de tempore. 1. Quia in sola Ecclesia immolatur hostia Salvatoris. 2. In sola vinea laborantes accipiunt mercedem denarij. 3. Omnes, qui extra arcam Noë fuerant, diluvio extincti sunt. 4. Membrum, quod non manet in corpore, vitam habere non potest. Quintò, Ramus præcilius ab arbore, non potest germinare. Sextò, Rivus à fonte separatus exarescit.

3. Alij hanc addunt: Christus est Sponsus Ecclesiæ: At Christus non est adulter, nec generat filios ex adultera: Ergo non generat filios, nisi ex sponsa sua Ecclesia: Nemo igitur filius Christi est, nisi matrem agnoscat Ecclesiam. Quò spectat illud Cypriani libro de unitate Ecclesiæ: *Non habet Deum Patrem, quæ Ecclesiam non habet matrem*. Quod etiam repetit Augustinus libro quarto de Symbolo ad Catechumenos capite 13.

CAPVT VII.

De Ministris Synagoge Ordinariis, qui erant Levitæ Sacerdotes & Pontifex.

1. **I**N statu naturæ, qui duravit ab Adamo usque ad Moysen, omnes primogeniti erant Sacerdotes, & diuino cultui peculiariter mancipati. At in statu legis Mosæicæ, qui duravit à Moysè usque ad Christum, voluit quidem Deus omnes primogenitos sibi sanctificare. (Exodi 13. 2.) Sed tamen in illorum locum, ex duodecim Tribubus Israel, elegit Tribum Leui, eamque diuino seruitio præ cæteris destinavit, iuxta illud Numerorum 3. 12. *Ego tuli Levitas à filiis Israel pro omni primogenito in filiis Israel, eruntque Levitæ mei*. Et capite octavo, 6. *Tolle Levitas de medio filiorum Israel, & purificabis eos*. Et infra: *Statues Levitas in conspectu Aaron, & filiorum eius, & consecrabis ablatis Domino, ac separabis de medio filiorum Israel, ut sint mei: Et postea ingredientur tabernaculum fœderis, ut seruiant mihi*. Et iterum: *Tuli Levitas pro cunctis primogenitis filiorum Israel, ut seruiant mihi in tabernaculo, & erent pro eis, ne sit in populo plaga*.

2. Porro in Tribu Leui tria hominum genera distinguuntur. Primò, Levitæ propriè dicti. Secundò, Sacerdotes. Tertio, Summus Sacerdos seu Pontifex. Tametsi enim omnes, qui erant ex Tribu Leui, generatim vocati fuerint Levitæ, seu filii Leui, tamen ex usu Scripturæ, Levitæ propriè dicti distinguebantur à Sacerdotibus & Pontifice. Nam illi soli vocabantur Sacerdotes qui offerebant victimas & sacrificia. Illi verò Levitæ, qui Sacerdotes ministrabant. Inter Sacerdotes, qui erat summus, vocabatur Pontifex.

3. De his omnibus, ac potissimum de Pontifice, agendum est hoc ordine. Primo, Ex qua familia fuerit Pontifex. Secundò, Quæ fuerit successio Pontificum. Tertio, Quo ritu consecrati fuerint Levitæ, Sacerdotes, & Pontifex. Quarto, Quod fuerit illorum officium. Quintò, Quo vestitu & ornatu fuerint vli. Sextò, Quos & quantos redditus habuerint. Septimò, An aliquando debuerint servare continentiam ab vxoribus. Octavò, Quanta fuerit illorum, & potissimum Pontificis autoritas apud populum. Nonò, Quæ utilitas ex his omnibus colligi possit.

QVÆSTIO I.

Ex qua familia fuerit Pontifex.

1. **I**N Tribu Leui erant multæ familiæ, quæ omnes seruitio diuino destinabantur. Pontificatus seu summum

summum Sacerdotium, secundum legem ordinariam, erat in sola familia Aaronis. Habuit autem Aaron quatuor filios, Nadab, Abiu, Eleazar, & Ithamar. (Num. 3. versu 2.) Hi omnes simul à Moysè consecrati sunt Aaron quidem in summum Sacerdotem, seu Pontificem, filij eius in simplices, seu minores Sacerdotes. (Exodi vigesimo nono per totum.) Duo primi, Nadab & Abiu, occisi sunt à Deo, quod ignem alienum obtulissent. (Leuitici decimo, versu primo) & sine liberis decesserunt (primo Paral. vigesimo-quarto, versu secundo) Reliqui duo, Eleazar & Ithamar, manserunt in officio Sacerdotali, cum hoc tamè discrimine, ut Eleazar succederet Patri in Pontificatu, non autem Ithamar: Et rursum Eleazaro succederet filius eius primogenitus: & huic etiam primogenitus, & sic deinceps. Alij omnes essent simplices Sacerdotes.

QVÆSTIO II.

Quæ fuerit successio Pontificum?

1. **A** Aton fuit primus Pontifex à Deo constitutus & à Moysè consecratus, cum iure successionis. (Ecclesiast. 45. 8.) Quod addo propter Moysen, qui fuit etiam Pontifex, & quidem ante Aaronem, sed extraordinarius & sine iure successionis. Nam filij Moysis non erant Pontifices; imò ne Sacerdotes quidem, sed tantum Leuitæ, qui seruebant Sacerdotibus. (1. Paralipomenon 23. 14.)

2. Aaroni successit Eleazar, filius eius cum pari potestate; & huic similiter Phinees, cui propter zelum diuini honoris, promisit Deus sempiternum Pontificium, iuxta illud Num. 25. 13. *Eris tam ipsi, quam semini eius, postquam Sacerdotij sempiternum, quia zelatus est pro Deo suo, & expiauit scelus filiorum Israel.* Et 1. Mach. 2. 25. *Phinees pater noster zelando zelum Dei, accepit testamentum Sacerdotij æternum.* Idem repetitur Eccles. 45. 28.

3. Hic dux occurrunt difficultates. Vna, cur Deus promiserit Phineæ & semini eius Pontificatum sempiternum, cum ei deberetur iure successionis. Nam Phinees erat primogenitus Eleazari: primogenitus autem ex Dei ordinatione succedebat Patri in Pontificatu. Altera, quomodo hæc promissio fuerit impleta, cum constet, Heli & multos alios fuisse Pontifices, qui tamen non erant ex semine Phineæ, sed ex familia Ithamar.

4. Ad priorem sic respondeo. Ius successionis in eo consistebat, ut Patri succederet filius primogenitus, si viueret. Si autem Patre adhuc superstiti, moreretur primogenitus, tunc secundogenitus in eius locum subrogaretur. Itaque primogenitus nunquam erat certus, se successurum Patri in Pontificatu, nisi mortuo Patre. Nam illo viuo, non erat certus, se victurum post Patrem. Deus, ergo viuenti adhuc Eleazaro, promisit fore, ut Phinees, qui erat primogenitus Eleazari, superstes esset parenti suo, & ei in Pontificatu succederet cum suis posteris, quod etiam factum est.

5. Ad posteriorem duplex est responsio. Vna, promissionem illam fuisse verè impletam, quia ius Pontificatus semper mansit apud posteros Eleazari & Phineæ, tametsi vltus illius iuris aliquādiu fuerit in familia Ithamar. Itaque posteros Eleazari & Phineæ semper fuisse Pontifices, de iure, posteros verò Ithamar fuisse aliquando Pontifices de facto. Altera, promissionem illam non fuisse absolutam, sed conditionatam, ac proinde quandiu seruata est conditio, validam fuisse promissionem: quando autem desit seruari, reuocatam esse. Fuisse autem hanc conditionem, ut ius Pontificatus maneret apud posteros Eleazari & Phineæ, quamdiu benè ac legitime eo fungerentur: Si secus facerent,

Opusc. Becani.

A priuarentur illo iure. Fecisse autem secus: itaque priuatos esse.

6. Ego, saluo meliori iudicio, puto vtramque resolutionem temperadam esse hoc modo. Duo spectari possunt in Pontificatu. Primum, ius seu potestas ordinaria. Secundò, vltus seu exercitium. Ius absolute promissum est Phineæ, & posteris eius. Vltus seu exercitium sub conditione, si non offenderent. Itaque posterij Phineæ semper fuerunt Pontifices de iure: Posterij verò Ithamar fuerunt aliquando de facto.

7. Post Phinees, in eadem linea, successerunt hi tres, Abisue, Bocci, Ozi. Deinde translatus est Pontificatus ad posteros Ithamar; ac primum ad Heli, ut tradit Iosephus libro quinto antiquit. in fine, & alij. Hic tria disputari solent. Primum, Quare hæc translatio facta sit? Respondeo. In pœnam peccati, & negligentie cultus diuini. Secundò, quandiu manserit Pontificatus in familia Heli? Respondeo: vsque ad tempora Salomonis, qui eiecit Abiathar, & assumpsit Sadoc, (ut paulò post dicam.) Tertio, quis successerit: Heli in Pontificatu? Respondeo. Heli habuit duos filios Sacerdotes, Ophni & Phinees. (Primum Regum primo, versu tertio.) Vterque mortuus est ante patrem. (1. Regum 4. 11.) Itaque neuter potuit illi in Pontificatu succedere. Porro Ophni nullum legitur reliquisse filium. Phinees reliquit duos, Achitob, & Ichabob posthumum. (1. Regum 4. 21. & 1. Regum 14. 3.) Achitob successit Heli suo loco in Pontificatu, & alij deinceps hoc ordine.

C I. Heli, Pontifex & Iudex. 1. Reg. 1.

II. Achitob, nepos Heli. 1. Reg. 14. 3.

III. Acias, filius Achitob, sub Saule. Ibidem.

IV. Abimelech, filius Achitob, & frater Achiz, 1. Regum 14. 3. qui Dauidi fugienti dedit panes propositionis, & gladium Goliad. (1. Reg. 21.) & ob eam causam à Saule, cum alijs Sacerdotibus, occisus est. (1. Reg. 22.)

V. Abiathar, filius Achimelech, qui euasit manum Saulis & fugit ad Dauidem (1. Regum 22. 20.) Mansit autem in Pontificatu vsque ad tempora Salomonis, (3. Reg. 2. 27.)

8. Post Abiathar, iterum rediit Pontificatus ad familiam Eleazari & Phinees. Nam Salomon: ut insinuauit, eiecit Abiathar, propter conspirationem cum Adonia factam, & in locum eius subrogauit Sadoc, qui erat ex linea Eleazari (3. Reg. 2. 27.) Porro à Sadoc, vsque ad captiuitatē Babylonicam fuit hic ordo Pontificum, quantum ex Scripturis colligi potest.

I. Sadoc vngitur in Pontificem sub Salomone (1. Paral. 29. 22.)

II. **ACHIMÆAS** } filij Sadoc.

III. **AZARAS** }

IV. **AMARIAS**, sub Iosaphat Rege (1. Paralip. 19. 11.)

E V. **IOIADA**, sub Athalia & Ioas (4. Regum 12. 7. & 2. Paralip. 12. per totum.) Vxor eius fuit filia Regis Ioram (2. Paralip. 22. 11.) Mortuus cum esset annorum centum & triginta (2. Paralip. 24. 15.)

VI. **ZACHARIAS**, filius Ioiadæ, sub fine regni Ioas (2. Paralip. 24. 20.) qui iussu Regis à populo lapidatus est in atrio domus Domini (ibid. vers. 21.)

VII. **AZARIAS**, qui reprehendit Oziam Regem eo quod vellet adolere incensum super altare thymiamatis (2. Paralip. 26. 17.)

VIII. **VRIAS**, sub Rege Achaz (4. Regum 16. 10.)

C

IX. AZARIAS, sub Ezechia (2. Paralipom. A 31.10.)

X. SOBNA, sub eodem, contra quem propheta-
tat Isaias capite 22. vers. 15. vsque ad fi-
nem capitis.

XI. ELIACIM, filius Helciae, sub Manasse,
quem Isaias cap. cit. vers. 20. prae-dicit loco
Sobnae collocandum in Pontificatu.

XII. HELCIAS, sub Iosia (4. Reg. 22. & 23. Et
2. Paralip. 24.)

XIII. SARIAS, qui cum Sedecia Rege ductus est
in captiuitatem Babylonicam (4. Regum
25. Ieremias 52. 14.)

9. Sub initium captiuitatis, cum Sarias Pontifex
ductus in Babylonem, successit illi Phasur, filius Em-
met, qui Ieremiam vinxit in carcerem. (Ieremias vi-
gesimo, versu primo.) An autem fuerit verus & legiti-
mus Pontifex, merito à quibusdam dubitatur. Porro,
post captiuitatem Babylonicam, primus Pontifex fuit
Iosue, filius Iosedec, ex familia Eleazari, cum hac
successione.

I. IOSUE, filius Iosedec, sub Cyro & Dario
(1. Esdrae 3. 2.) cepit cum Zorobabel
aedificare templum in Ierusalem (1. Es-
drae 5. 2.)

II. IOACHIM, filius Iosue.

III. ELIASIB, filius Ioachim.

IV. IOADA, filius Eliasib.

V. IOATHAN, filius Ioada.

VI. IEDDOA, filius Ioathan (ibidem) qui ab
aliis vocatur Iaddus. Hunc Alexander ma-
gnus Ierolimam accedens, adorauit, te-
ste Iosepho libro 13. cap. ult. Cuius frater
Manasses aedificauit templum Samarita-
num in Garizim, apud eundem Iosephum
lib. 11. cap. 7.

VII. ONIASI, Iaddi filius.

VIII. SIMON, filius Oniae, cognomento Iustus,
(Ioseph. lib. 12. cap. 3.)

IX. ELEAZARVS, frater Simonis, qui petente
Ptolomaeo Philadelpho, misit in Aegyptum
72. interpretes, qui vetus Testa-
mentum ex Hebraico sermone in Grae-
cum transfulerunt. (Ioseph. libr. 12.
cap. 2.)

X. MANASSES, Iaddi filius, Oniae frater. (Ioseph.
lib. 12. cap. 3.)

XI. ONIAS, 2. Simonis Iusti filius, qui iam se-
nior tributum Ptolomaeo Euergetae ne-
gauit. Vnde multa mala fuissent consecuta,
nisi Iosephus Tobiae & sororis Pon-
tificis filius, legationem suscepisset ad Pro-
lomaeum.

XII. Simon, 2. frater Oniae secundi, de quo Iosephus
lib. 12. cap. 4. sub finem.

XIII. ONIAS, 3. filius huius Simonis, ad quem
Rex Spartatarum Arius misit legationem
cum literis (1. Machab. 12. 20.) De hoc
Onia viro sanctissimo multa habentur 2.
Mach. 3. & 4.

XIV. IASON, frater Oniae, qui viuentem adhuc
ONIA, malis artibus, ab Antiocho Re-
ge Pontificatum obtinuit per triennium.
(2. Machab. 4. 7.)

XV. MENELAVS, qui cum non esset de genere
Sacerdotali (erat enim ex tribu Benia-
min) Iasonem post tres annos de Pontifi-
catu deiecit, & sibi illum à Rege deferri
curauit. (2. Machab. 4. 24.) Sed cum
promissas Regi pecunias non solueret,
uerum depositus est, subrogato in eius

locum Lyfimacho. (2. Machab. 4.
29.)

XVI. LYSIMACHVS, Menelai frater, qui à po-
pulo interfectus est. (2. Machab. 4. 41.)

XVII. ALCIHVVS, ex familia Aaronis, qui me-
rito Pontificatum amisit, eo quod riti-
bus Gentilium se contaminasset. (2. Machab.
14. 3.)

XVIII. MATHATIAS, Machabaeorum pater,
quem alij affirmant, alij negant fuisse
Pontificem. Vide nostrum Serarium in
Commentario lib. 1. Machab. cap. 2.

XIX. IVDASMACHABAEVS, Mathatae filius,
de quo Iosephus lib. 12. c. 17.

XX. IONATHAS, frater Iudae. (1. Machab. 12. 6.)

XXI. SIMON, Iudae & Ionathae frater. (1. Machab.
14. 20.)

XXII. IOANNES HIRCANVS, Simonis fi-
lius. (1. Machab. 16. 24.)

10. Reliqui Pontifices, qui deinde secuti sunt, vsque
ad tempora Christi & Apostolorum, ex prophana hi-
storia petendi sunt. Nam in Scriptura sacra nulla sit
eorum mentio. Solùm ex Euangelio constat, Annam
& Caipham fuisse Pontifices, de quibus hic nihil di-
cendum est. Illud porro in hac tota serie & successio-
ne Pontificum notari debet, generalem fuisse legem
seu ordinationem Dei, vt nullus Pontificatu, nisi per
mortem defungeretur: nec alius, priore adhuc vi-
uente, subrogari posset. Quae tamen lex, praesertim
quando Reges & Principes saeculares immiscuerunt
se rebus Ecclesiasticis, aliquoties seruata non est.
Primo, sub Salomone, qui eiecit Abiathar à Summo
Sacerdotio, & subrogauit illi Sadoc. Secundo, sub
Antiocho Rege, cuius autoritate, primum quidem
Onias Pontificatu abire compulsus est, cum Iason &
Menelaus successiuè substituti; demum illi ipsi de
gradu iterum deiectioni sunt. Tertiò, sub Herode, qui pro
suo arbitrio posuit, & remouit, quos voluit. Et qui-
dem Antiochus & Herodes in hac re abusi sunt pote-
state regia, & merito ab omnibus reprehenduntur.
De Salomone, rectène an secus fecerit, quaestio est,
de qua alibi.

QUESTIO III.

D *Quoritu consecrati fuerint Leuitae, Sacerdotes, & Pontifex.*

1. T Ametsi Leuitae, Sacerdotes, & Pontifex iure
successionis haberent sua officia, non tamen
poterant ea actu exercere, nisi prius certo ac legitimo
ritu consecrati essent. Ritus consecrandi Leuitas ha-
betur Numer. 8. 6. Et tria potissimum in eo spectanda
sunt. 1. Purificatio. 2. Consecratio. 3. Applicatio ad vsu
ministerij. Purificabantur Leuitae ante consecrationem,
quatuor modis. 1. Asperzione aquae lustrationis. 2. Ra-
tione pilorum totius corporis. 3. Lotione vestimentorum.
4. Oblatione sacrificij pro peccato.

2. Aqua lustrationis, seu expiationis, dicebatur, cui
cineres vaccae ruffae infusi erant. Huius asperzione ma-
dabantur, quicumque contraxerunt aliquam immunditi-
am legalem, siue ex contactu cadaueris, siue aliunde.
(Numer. 19. per totum.) Nec vlli immundo licebat ac-
cedere tabernaculum, nisi prius hac aqua mundatus &
expiatus esset. (ibidem.)

3. Rasio pilorum totius corporis, & lotio vestimen-
torum, non solum in purificatione Leuitarum, sed etiam
in expiatione leprosum adhiberi solita est. (Leuitici
14. vers. 7.) Diuerso tamen modo. Nam leprosi
ideò radabant pilos capitis, barbae, superciliorum,
& totius corporis, & lauabant vestimenta, vt ni-
hil apud se haberent, in quo lepra posset foueri aut

occultari. Leuitæ verò, vt per illam externam mundationem moneretur se interius ab omni lepra spirituali purgatos esse oportere: Nec Deū minus abhorrere ab iis ministris, qui animo ac mente inquinati, quàm homines ab iis, qui lepra corporali infecti sunt.

4. Post peractam hanc purificationem Leuitarum, sequebatur eorum consecratio, quæ in eo consistebat, quod Aarō acciperet eos à filiis Israël loco primogenitorum, & offerret illos Deo in ministerium tabernaculi, & pro illis oraret, vt benè fungeretur suo officio. Hoc significant illa verba Num. 8. 11. *Offerret Aaron Leuitas, manus in conspectu Domini, à filiis Israël, vt seruiant in ministerio eius.* Et iterum, *Elevauit eos Aaron in conspectu Domini, & orauit pro eis.*

5. Cum hoc modo iam essent consecrati, applicabatur ad vsum ministerij, eo ipso, quod intromitterentur in tabernaculum forderis Domini, iuxta illud; *vt purificati ingrederentur ad officia sua in tabernaculum sacerdotis coram Aaron & filiis eius* Hæc de Leuitis.

6. Ritus consecrandi Pōtificem & Sacerdotes, quo vsus est Moyses in consecratione Aaronis & filiorum eius, habetur Exodi 29. & Leuit. 8. per totum. In quo etiam tria spectari debent. 1. Purificatio Pontificis & Sacerdotum. 2. Cōsecratio. 3. Applicatio ad vsum ministerij. Purificatio habebat duobus modis. Primò, lotionem totius corporis. Secundò, oblatione sacrificij pro peccato. Consecratio perueiebatur hoc ordine. 1. post lotionem, Pontifex ornatus Pontificali, & Sacerdotes sacerdotali induebatur. 2. Pōtifex vngebatur oleo vnctionis in capite, non item Sacerdotes. 3. Tam Pōtifex quàm Sacerdotes in extremo auriculæ dextræ, & similiter in pollice manus ac pedis dextri, tingebatur sanguine arietis immolati. 4. Non solum Pontifex & Sacerdotes, sed etiam vestes eorum, sanguine arietis & oleo vnctionis aspergebantur. Denique multa ex canistro panum, & arietis immolato, dabatur illis in manus, vt ea leuarent coram Domino: quo signo, non solum dabatur illis potestas sacrificandi, sed simul applicabatur ad vsum ministerij, quod potissimum consistebat in sacrificando.

7. Cæterum, vt maior esset solennitas huius actionis, triplex in ea sacrificium offerebatur. 1. Vitulus in hostiam pro peccato. 2. Aries vnus in holocaustum. 3. Aries alter in hostiam pacificam. Igitur tota series actionis procedebat hoc modo & ordine. Primò, Aarō & filij eius, qui erant consecrandi, publicè coram toto populo adducebantur ad tabernaculum, & ibi lauebantur aqua. 2. Aaron induebatur habitu Pontificali, & super caput eius fundebatur chrisma, seu oleum vnctionis. 3. Filij Aaronis induebantur habitu Sacerdotali, non tamen fundebatur oleum vnctionis super capita illorum. 4. Adducebantur ad ostium tabernaculi vitulus & duo arietes: & præterea adferiebantur panes azymi in canistro, cum quibusdam aliis ad eundem vsum pertinentibus.

8. Deinde sequebatur primum sacrificium, id est, immolatio vituli pro peccato, hoc modo. 1. Aaron & filij eius imponebant manus super caput vituli, qui mactabatur. 2. pars sanguinis eius ponebatur super cornua altaris fundebatur ad basim ei⁹. 3. totus adeps, qui operit intestina, & reticulū iecoris, & duo renes cum suo adipe, incendebantur super altare. 4. Carnes, corium, & fœmus comburebantur foris extra castra.

9. Mox succedebat secundum sacrificium, id est, immolatio vnus arietis in holocaustum, hoc ordine. 1. Impositis super caput eius manib⁹, mactabatur. 2. sanguis eius spargebatur super altare per circuitum. 3. corpus secabatur in partes. 4. intestina lauabantur. 5. pedes & intestina iam lota ponebantur super caput & alias partes. 6. hæc omnia incendebantur super altare.

Opusc. Becani.

A 10. Postea mactabatur alter aries in hostiam pacificam, hoc ritu. 1. Moyses sumebat de sanguine eius, & obliniebat extremum auriculæ dextræ Aaronis, & filiorum eius, itemque pollicem manus ac pedis dextri. 2. spargebat sanguinem super altare per circuitum. 3. sumebat de sanguine, qui erat super altare, & de oleo vnctionis, & aspergebat Aaron, & filios eius, & vestes eorum. 4. sumebat adipem, caudā, pinguedinem, quæ operit intestina, reticulū iecoris, duos renes cum adipe eorum, armum dextrum, portionem panis, crustulam oleatam, & laganum, & tradebat Aaroni & filiis eius, vt leuarent coram Domino. 4. suscipiebat iterum omnia de manibus eorum, & incendebat super altare in holocaustum.

B 11. Quæres primò, quamdiu durauerit hæc tota actio consecrationis Aaronicæ? Respondeo. Durauit septem diebus, vt expresse habetur Exodi vigesimo nono, vers. trigesimo quinto. *Septem diebus consecrabis manus eorū.* Et Leuit. 8. vers. 33. *De officio tabernaculi non exhibitis septem diebus, vsque ad diem, quo complebitur tempus consecrationis vestra. Septem enim diebus finitur consecratio.* Quod tamen duobus modis intelligi potest. Primò quod tota actio consecrationis paulatim & successiue, spatio septem dierum peracta sit: ita vt Aaron & filij eius primum quidem loti sint; deinde sacro habitu ornati; tum vncti, tincti & aspersi; ac sic deinceps, donec tandem die septimo finis actioni sit impositus. Secundò, quod tota consecratio cum omnibus ritibus ac ceremoniis, primo die fuerit integrè absoluta, & postea per sequentes dies quotidie integrè repetita; ita vt Aaron & filij eius septies fuerint loti aqua, septies induti sacro habitu, septies vncti, tincti, & aspersi; & septies terna sacrificia Deo oblata. Hoc posterius tenent Iosephus, Lyranus, & plures alij. Et colligitur ex verbis paulo ante citatis: *Septem diebus consecrabis manus eorum.*

12. Dices, inde non sequitur, quotidie omnes ceremonias fuisse repetitas, sed tantum aliquas. Fateor, nō lequi euidēter, sed solum probabiliter. Et idēd, præter duas expositiones iam allatas, potest dari tertia, quæ sit media inter utrāque: nimirum, quod tota consecratio, cum omnibus ritibus ac ceremoniis, primo die fuerit integrè absoluta: & postea per sequentes dies aliquæ tantum ceremoniæ fuerint repetitæ, præsertim hæc quatuor. 1. Vnctio manuum Sacerdotum. 2. Immolatio vituli. 3. Mundatio altaris. 4. Vnctio altaris. Nam harum peculiaris sit mentio Exodi vigesimo nono, versu trigesimo quinto. Vide Cornelium ibidem.

13. Quæres secundò. Quare tot ceremoniæ adhibita fuerint in consecratione Pontificis & Sacerdotum? Respondeo. Tres causæ assignari possunt. Vna ex parte officij Sacerdotalis: Altera ex parte ipsorum Sacerdotum. Tertia ex parte populi seu subditorum. Igitur prima causa est, quia Deus per tot ritus, ceremonias, ac solennitates, voluit ostendere præstantiā, dignitatem, & sanctitatē officij Sacerdotalis. Et quod nemo ad officium tam sanctum ac diuinum deberet accedere, nisi prius à Deo speciatim electus, & publicè corā populo in hunc finem esset consecratus. Hinc grauissimè puniti sunt, qui ingesserūt se in officium Sacerdotale, cum non essent consecrati. Exemplum habemus in Core, Ierohoam, & Ozia. Core viuis à terra abscortus est, (Num. 16.) Ierohoamo manus repente exaruit, (3. Reg. 13.) Ozias lepra percussus est, (Paralip. 26.)

14. Secunda causa est, vt ipsimet Pōtifices & Sacerdotes ex illis ritibus ac ceremoniis caperent duplicem vtilitatem. Primò quidem, vt meminissent, se debere esse sanctos & puros coram Domino, qui ad tam sanctum & purum ministerium electi à Deo, & consecrati essent: Et sanè tanto maiorem sanctitatem ac pu-

ritatem ab ipsis, quàm à populo requiri, quantò ipsi, quàm populus in sanctiori gradu ac statu essent collocati. Secundò, ut in aduersitatibus & periculis, quæ sæpè occurrunt in tali officio, possent se ipsos solari & erigere. Nam sicut illi, qui præhant aliis in rebus temporalibus, sæpe vel à suis subditis, vel ab hostibus affliguntur; sic multo magis contingit illis, qui in cura animarum principatum tenent. Hoc in veteri testamento experiri sunt Aaron (Num. 16. Zacharias (2. Paral. 24.) Azarias (2. Paral. 26.) Et in nouo, Apostoli, decimo sexto Ioann. vers. 2. *Venit hora, ut omnis qui interficit vos, arbitraturo obsequiū se præstare Deo.* Et nominatim sanctus Paulus 2. Cor. 11. vers. 23. *In laboribus plurimis, in carceribus abundantiis, in plagis supra modum, in mortibus frequenter. Ter virgis casus sum, semel lapidatus sum, sex naufragiū feci, &c.* Cum ergo huiusmodi viri tot miseriis expositi sint, necesse est habeant aliquid quo se soluentur, ne oneri succubant. Id in veteri Testamento factum est per solennes ritus ac ceremoniales, quibus Sacerdotes, & Pontifices ex mādato Dei consecrabantur. Nam inde certò illis constabat, se à Deo speciatim electos ac designatos esse, ut in tali officio Deo ministrarent, ac proinde, ut omnia aduersa, quæ tali officio annexa essent, libenti ac forti animo sustinerent. Ex quo ulterius facili sibi persuadebāt, quidquid ratione vocationis acerbum ac molestū eueniret, non nisi in bonum exitum, diuina ordinatione, cessurum. Simile est in nouo Testamento.

15. Tertia causa est, ut etiam subditi ex tali ceremoniarum solemnitate fructum aliquem perciperēt. Qui quidem fructus erat duplex. Alter, quod ex publica consecratione certò agnoscerent suos pastores, quibus ipsorum salus commissa esset. Alter, quod scirent, quantum honorem, & reuerentiam propter sanctitatem officij præstare illis oportet. De quo puncto alibi iterum dicendum est.

16. Hinc etiam apparet Analogia veteris ac noui Testamenti. Nam sicut in veteri nemo poterat exercere officium Sacerdotale, nisi à Deo vocatus, & à Pontifice solemniter ritu consecratus esset; sic etiam fit in nouo. Quod disertè asserit Apostolus Hebr. 5. 4. *Nec quisquam sumit sibi honore, sed qui vocatur à Deo, tanquam Aaron,* id est, sicut Aaron vocatus est. Vbi per vocationem intelligit etiam consecrationem. Ritus autem, qui in nouo Testamento usurpantur, sunt varij. Nam aliqui habentur ex scriptura, ut impositio manuum Episcopi. (1. Timoth. 4. 14. & 2. Timoth. 1. 6.) Alij ex traditione Apostolorum, ut vinctio, teste Dionysio Areopagita cap. 3. de Hierarchia Ecclesiastica. Alij ex usu & praxi Ecclesiæ, ut multi ex iis, quorum fit mentio in Pontificali.

17. Solent Lutherani & Caluini ridere vinctio-nem Sacerdotalem, quæ usurpatur à Catholicis, tanquam ceremoniam Iudaicam, ac proinde minimè tolerandam. Sed temerè: Primò, quia impositio manuum non minus fuit vsitata à Iudæis, quàm vinctio. Si ergo impositio manuum potest tolerari, & re ipsa ab Apostolis tollerata & usurpata est; cur etiam vinctio tolerari & usurpari non possit? Deinde, aliud est vti aliqua ceremonia, qua vsi sunt Iudæi; aliud vti ad eum finem, ad quem vsi sunt Iudæi. Nos prius facimus, non posterius. v. g. Vtebantur ipsi ablutione aquæ ad abstergendam immunditiam legalem. Nos etiam vtimur ablutione aquæ in baptismo: sed ad abstergendam maculam peccati originalis. Similiter utebantur ipsi impositione manuum, vinctio olei, pane sanctificato, aqua lustrationis; quibus etiā nos vtimur: sed alium ipsi, alium nos, finem & intentionem habemus. Ipsi erant in umbra; nos in luce sumus, illi Christum præfigurabant; nos præsentem honoramus. Vide Bellarminum de Sacramento ordinis cap. 12. in fine.

18. Quæres 3. An quotiescunque post Aaronem facta fuit consecratio alicuius Pontificis, semper adhibita sint omnes ceremoniæ, quæ in consecratione Aaronis adhibita sunt: nimirum lotio, ornatus, vinctio in capite, tinctio, asperio, sacrificium, & solemnitas septem dierum? Non videtur id factum esse in consecratione Eleazari, qui proximè successit Aaroni. Nam nihil aliud in ea factum est, quàm quod in monte Horeb induerit vestem Pontificalem, qua vsus fuerat Aaron, & cum ea descenderit ad populum (Num. 20. 25).

19. In hac difficultate sunt tres opiniones. Prima, quod Eleazarus ex speciali Dei voluntate ac dispositione factus sit Pontifex, sine solemniter ritu consecrationis, per solam assumptionem vestis Pontificalis. Altera, quod ritus consecrationis verè adhibitus sit, non quidem in monte Horeb (propter defectū tabernaculi, quod manserat in inferiori loco, in medio castrorum) sed postea, cum ex monte rediissent ad tabernaculum, vel certè cum expugnassent & occupassent terram duorum Regum Amorrhæorum; vel denique cum post transitum Iordanis, venissent in terram promissionis. Tertia, quod non opus fuerit adhibere totā solemnitate, sed solam vinctio-nem & ornatum Pontificalem. Ratio est, quia Eleazarus iam ante solemniter ritu consecratus fuerat Sacerdos, cum tribus fratribus & Aarone Patre. Ergo iam adhibita fuerant ceremoniæ, quæ erant communes Sacerdotibus & Pontifici. Ergo solū necesse erat, eas adhibere, quibus Pontifex distinguebatur à Sacerdotibus. Illæ erāt duæ tantum, nempe vinctio in capite, & assumptio ornamenti Pontificalis. Vtraque potuit adhiberi in monte Horeb. Et de altera quidem constat, de altera verò credibile est, adhibitam fuisse.

20. Ego, saluo meliori iudicio, sic sentio. Primò, ex præcepto diuino necessarium fuisse, ut quicumque Pontifex crearetur, septē diebus maneret in tabernaculo, in habitu Pontificali. Secundò, ut vngeretur oleo vinctio-nis in capite. Tertio, ut pollex dextræ manus ac pedis, itemque extremum auriculæ, tingeretur sanguine arietis immolati. Hæc tria colligantur ex verbis Exodi 29. 29. *Vestem autem sanctam, qua vtitur Aaron, habebunt filij eius post eum ut ungantur in ea, & consecrentur manuum eorum.* Nec dubitò, quin seruata sint in consecratione Eleazari, tametsi Scriptura expressè id non dicat. De lotione nihil certi definiri potest.

QVÆSTIO IV.

Quod fuerit officium Pontificis & Sacerdotum?

1. **R**espondeo. Pontifex habebat quædam officia communia cum illis Sacerdotibus; quædam sibi propria ac peculiaria. Communia erāt ac decem. Primum, offerre victimas, seu sacrificia super altare holocausti. (Leuit. 1. 2. 3.) Secundum, in eodem altari, in vsum sacrificiorum, alere seu nutrire perpetuum ignem, subiiciendo illi quotidie ligna (Leu. 6. 12.) Tertium, bis quotidie, id est, mane & vespere, ponere & adolere incensum super altare thymiamatis. (Exod. 30. 1.) Erant enim duo altaria legitima: Vnū holocausti, in quo victimæ seu sacrificia offerebantur: alterū thymiamatis, in quo aromata suauissimi odoris incendebantur. Hoc aureum, illud æreum, Quartū, bis quotidie, effusio oleo oliuarū, concinnare lucernas, quæ erant in candelabro aureo, iuxta altare thymiamatis. (Exo. 25. v. 37. & Leu. 24. v. 2.) Quintum, singulis Sabbatis duodecim panes calidos ponere super mēsam propositionis, & veteres inde remouere ac comedere. Exodi 25. v. 23. & Leuit. 24. v. 5. Sextum, immolare vaccam ruffam extra castra. (Numer. 19. 3.) Septimum adiuuare mulieres in

casu zelotypiæ. (Num. 5. 13.) Octauum, discernere inter lepram & lepram. (Leuit. 13. per totum.) Nonum expiare seu mundare leprosos, puerperas, menstruas, & seminufluos. (Leuit. 12. & seq.) Decimum, Legem Dei scire, interpretari, & alios docere. (Aggæi 1. 12. & Malachi 2. 7.)

1. Propria erant hæc quatuor. Primum semel in anno, nimirum in solemni die expiationis, seu propitiationis introire in Sanctuarium, seu in sancta Sanctorum, (Hebr. 9. 7.) & instituere publicam expiationem totius populi, ab omnibus peccatis & immunditijs toto anno contractis, (Leuit. 16. per totum.) Vbi notandum est, duplicem fuisse expiationem in veteri Testamento, vnam priuatam & particularem, quæ vel leprosi, vel puerperæ, vel alij, qui habebant aliquam immunditiam legalem, expiari solent: alteram publicam & vniuersalem, quæ tota multitudo, seu Ecclesia Israëlitarum mundabatur. Prior fiebat sæpe in anno, posterior de qua hic agimus, semel dumtaxat. Prior à quouis Sacerdote, posterior à solo Pontifice, Prior extra Sanctuariū, posterior partim in Sanctuario, partim extra. Fiebat autem hoc ritu. 1. Totus populus cessabat eo die ab omni opere seruit, & ieiunabat usque ad vespere. 2. Pontifex lauabat se aqua, & induebat vestes Pontificiales. 3. Antequam inciperet publicam expiationem præmittebat tres alias, quæ tamen publicæ subseruebant. Vnam sui ipsius & familie suæ, oblatione vituli pro peccato, & arietis in holocaustū. Alteram tabernaculi & Sanctuarij, partim vapore, seu nebula accensorum aromatum, partim septena aspersione sanguinis ex immolato vitulo & hircos. Terciam altaris thymiamatis, sola aspersione sanguinis. His peractis, sequebatur publica expiatio, hoc modo: Pontifex, qui ab initio miserat sortem super duos hircos, vt alter immolaretur pro peccato, alter viuus mitteretur in desertum; hunc statuebat in conspectu multitudinis & posita vtraque manu super caput eius, confitebatur omnes iniquitates & peccata filiorum Israel, eaque capiti adstantis hirci imprecabatur; & sic mittebat eum in desertum, quasi auferentem & portantem peccata totius populi. Vnde & hircus, seu caper, Emissarius dictus est. Hæc omnia prolixè habentur Leuit. 16.

3. Secundum officium Pontificis erat, consecrare Leuitas & Sacerdotes, iuxta eum ritum qui describitur Exodi 29. Leuit. 8. & Num. 8. De quo ritu superius actū est. Hoc officium Pontificis designabatur per vnctionem capitis, vt rectè notat D. Th. in 1. 2. q. 102. art. 5. ad 8. Et ratio est, quia sicut oleum vnctionis, seu sacri Christiani, quod Effundebatur in caput Pontificis, defluebat inde ad alia membra, iuxta illud Psal. 132. *Sicut unguentum in capite quod descendit in barbam, barbam Aaron.* Sic potestas offerendi sacrificia, & ministrandi in tabernaculo, à Pontifice per legitimam consecrationem descendebat ad Sacerdotes & Leuitas, tanquam capite Synagoge in membra inferiora.

4. Tertium officium Pontificis erat, in controuersis legalibus agere supremum Iudicem, & pronunciare vltimam sententiam, cui omnes sub pœna mortis tenebantur obedire, seu acquiescere. De hoc plura dicam cap. 11. vbi ex professo agitur de Iudice Controuersiarum veteris Testamenti.

5. Quartum erat, in rebus gerendis, quæ maioris momenti essent, consulere Deum, & ab eo responsum accipere. Vnde quotiescunque circa res gerendas aliqua dubitatio maioris momenti oriebatur, recurrendum erat ad Pontificem, qui consulebat Deum, & accepto ab eo responso, docebat alios, quod faciendum esset. Erat autem duplex obligatio in hoc officio. Vna eorū, qui volebant rem aliquam maioris momenti aggredi. Nam antequam hoc facerent, tenebantur accedere Pontificem & ab eo concilium petere. Altera Pontificis Opusc. Bec.

A cis, qui debebat rem illam Deo proponere, & ab eo sciscitari, rectène, an secus suscipi possit.

6. Vtraque obligatio colligitur ex illo Num. 27. 18. *Dixit Dominus ad Moysen: Tolle Iosue filium Num, virum in quo est spiritus, & pone manum tuam super eum. Qui stabit coram Eleazar Sacerdote, & omni multitudine: & dabis ei præcepta cunctis vinentibus, & partem gloria tue, vt audiat eum omnis Synagoga filiorum Israel. Pro hoc si quid agendum erit, Eleazar Sacerdos consulat Dominum. Ad verbum eius egredietur, & ingredietur ipse & omnes filij Israel cum eo, & cetera multitudo.* Hæc posteriora verba huc spectant. Quorum sensus est: Iosue, qui erit Dux populi, non progredietur cum exercitu, nec suscipiet bellum cum vicinis hostibus, nec vllam rem aliam magni momenti aggredietur, nisi ad mandatum & directionem Eleazari Pontificis, qui in huiusmodi casibus quid faciendum sit, à Deo sciscitabitur, & Iosue deinde certiore faciet.

7. Porro, non solus Iosue, sed alij quoque Principes ac Reges, qui deinceps secuti sunt, hoc præcepto obligabantur, semper in negotiis arduis debebant recurrere ad Pontificem, & ex arbitrio illius, vel agere quippiam, vel omittere. Et bene cum iis actum est, qui hoc fecerunt; malè cum iis qui neglexerunt. Exempla prioris generis sunt hæc. Primò David Rex cū intellexisset insidias sibi parari à Saule, accessit ad Abiathar Pontificem, & per eum quæsiuit à Deo, an tutò posset esse in vrbe Ceila: & an Ciues Ceila: essent eum tradituri Sauli? 1. Regum 23. 9. Secundò, idem David alio tempore per eundem Pontificem consuluit Deum; an deberet persequi Amalecitas, qui spoliauerant & succenderant urbem Siceleg. 1. Regum 30. 6. Quod autè Davidi familiare fuerit, hoc modo interrogare Deum, patet 1. Regum vigesimo secundo. versu decimo quinto, vbi Achimelech Pontifex accusatus apud Saul, quod Davidi adhereret, & pro eo Dominum consulisset, respondit Regi: *Num hodie capis pro eo consulere Deum?* quasi dicat, sæpius ante hæc tempora id feci.

8. Exempla posterioris generis sunt hæc. Primò, Iosue & alij Principes filiorum Israel decepti sunt à Gaabonitis, eo quod fœdus cum illis pacti essent, non consulto prius per Pontificem Deo Iosue nono, versu 14. Secundò, Saul elatus victoria, & præfusus suis viribus, cū vellet in consulto Deo, Philistæos persequi, monitus à Pontifice est, ne id faceret. Et cū postea consulisset Deum nullum responsum ab eo impetrauit. Itaque non potuit vti victoria, sicut animo destinauerat, primo Reg. 14. 36. Tertiò, filij Israel pugnaturi cum Beniamitis, consuluerunt quidem Deum per Pontificem, sed tamen quia magis confidebant suis copiis, quàm Dei oraculo, multi ex iis cæsi ac fugati sunt. Iudic. 20. 22.

9. Quæres, quo modo, vel ritu, solitus sit Pontifex consulere Deum in huiusmodi casibus. Respondeo, Aliter Moyses, aliter alij Pontifices soliti sunt id facere: Moyses ingressus tabernaculū fœderis facie ad faciem cum Deo loquebatur, sicut solet homo cum amico loqui. Exodi 33. 11. Alij Pontifices qui postea secuti sunt, induti Ephod, loquebantur cum Deo, non quidem facie ad faciem, sed aliquo alio peculiari modo, qui tamen apud authores & interpretes non satis compertus est, vt latius dicam in seq. q. 5. 16.

QUESTIO V.

Quo vestitu & ornatu vti sint Sacerdotes & Pontifex

1. **L**euitæ non habebant sacrum ornatum, sed soli sacerdotes & Pontifex. Nec tamen illo utebantur, nisi eo tempore, quo in Tabernaculo vel templo ministrabant. Erant autem octo ornamenta Pontificis;

1. feminalia linea. 2. vestis linea. 3. Balteus seu cingulum. 4. tunica hyacinthina. 5. Ephod, seu super humerale. 6. Rationale iudicij. 7. Cidaris seu tiara. 8. Lamina aurea. De his agitur Exodi 28. per totum. Et quidem quatuor ex iis erant propria Pontifici, ut tunica hyacinthina, Ephod, Rationale, & Lamina aurea: reliqua communia cum alijs Sacerdotibus. De singulis aliquid dicendum est.

2. Igitur Pontifex, cum ad ministrandum accedebat, primo loco induebat feminalia seu femoralia linea, ad tegendam carnem turpitudinis suae, à renibus usque ad femora, ut loquitur Scriptura Exod. 28. 42. Erant autem hæc feminalia, veluti caligæ quædam, quas pedib⁹ infertat (ut ait Ioseph.) quali diuindiatas braccas ad illa cōstringebat. Aliqui putant ex byllo retorta fuisse cōfecta. Nobis sufficit, quod à Moyse linea appellentur.

3. Post feminalia, proximè induebat tunicam lineam, quæ duplici nomine fuit appellata. Primò, linea stricta, Exodi 28. 4. Secundo, subucula linea, Leuitici 8. 7. Inuenio duas causas cur stricta fuerit appellata. Vna est, quia ad cutem stringebatur. Non enim erat laxa & ampla, sed quantitati corporis commensurata. Altera, quia balteo seu cingulo stringebatur. Leuit. 8. 7. Probabile est, fuisse similem tunicæ Ioab, de qua 2. Regum 20. 8. *Porro Ioab vestitus erat tunica stricta ad mensuram habitus sui.* Nisi quod hæc fuerit exterior, illa interior.

4. Hæc vestis linea constringebatur balteo seu cingulo, inter umbilicum & pectus. De quo D. Hieronymus ita scribit ad Fabiolam: *Hoc cingulum in similitudinem pelles colubri, qui exuit senectutem, sic in rotundum textum est, ut mar supinum longius patet. Textum autem est sub tegmine coeci, purpura, hyacintho & flamino byssino, ob decorem & fortitudinem: atque ita polymita arte distinctum, ut diversos flores ac gemmas, artificis manu, non textas, sed additas arbitroris tunicam, inter umbilicum & pectus, hoc stringens balteo.* Similia habet Iosephus libro 3. antiquitatum, cap. 8.

5. Post balteum sequebatur tunica hyacinthina, quæ erat laxa, per modum vestis talaris. In eius simbria inferiori per circuitum pendeat alternatim mala punica & tintinnabula aurea, ut ex eorum sonitu perciperetur ingressus & egressus Pontificis, quando intrabat vel exibat Sanctuarium. Exod. 28. v. 35. Dicebantur autem mala punica, non quod reuera essent, sed quia ex hyacintho, purpura & cocco bis tincto, confecta erant instar malorum punicorum. Exod. 28. 32.

6. Super tunicam hyacinthinam erat Ephod seu superhumeralis, quod tegebat humeros, & anteriorem partem usque ad cingulum. Erat autem contextum ex auro, hyacintho, purpura, cocco bis tincto, & byllo retorta. Exod. 28. 6. In utroque latere versus humeros habebat duos lapides onychinos, auro inclusos: vnum à dextris, alterum à sinistris; in quibus sculpta erant nomina duodecim filiorum Israël: sex nomina in vno lapide, & sex in altero. iuxta ordinem natiuitatis eorum. Exodi 28. 9.

7. In anteriori parte superhumeralis, ad pectus Pontificis, ligabatur Rationale iudicij. Hebræi vocant *Hosen*, id est pectorale. Græci *ἀβυμ*, vel *ῥαβυμ*, id est, rationale. Conficiebatur autem ex eadē materia, qua Ephod nempe ex auro, hyacintho, purpura, cocco bis tincto, & byllo retorta. Figura quadrangulum: densitate, duplex ad Ephod relatum: longitudine & latitudine, mensura palmi Exodi 28. v. 16. In hoc Rationali erant duodecim lapides pretiosi, inclusi auro, & distincti per quatuor ordines: in quib⁹ etiam sculpta erant duodecim nomina filiorum Israël. Ibid. vers. decimo septimo. Atque ita confectum & exornatum, catenis aureis & fasciis tam firmiter affigebatur superhumerali, ut à se invicem non potuerint separari (ibidem versu vigesimo

octauo.) Porro in Rationali posita erat *Doctrina & virtus*, super pectus Pontificis (v. 30.) Hebræicè *Prim & Tbumin*.

8. In capite erat Cidaris seu tiara, id est, mitra quædam ex byllo confecta, cui affigebatur lamina aurea, supra frontem Pontificis, cum hac inscriptione, *Sanctum Domino*, Exodi 28. versu trigesimo sexto. Sic enim loquitur textus. *Facies & laminam de auro purissimo, in qua sculpsit opere calatoris, Sanctum Domino. Ligabisque eam vitta hyacinthina, & eris super Tiaram imminens fronti Pontificis.*

9. Quæres primò: Quid significauerunt ornamenta Pontificis? D. Thomas in 1. 2. quæst. 102. articulo 5. ad 8. adfert duas significationes: Vnam literalem, alteram mysticam. Secundum literam, inquit, ornamenta Pontificis designabant dispositionem huius mundi, hoc modo. Primò, Feminalia linea & vestis linea significabat terram, ex qua linum nascitur. Secundo, Balteus, Oceanum, qui cingit terram. 3. Tunica hyacinthina, aërem, qui hyacinthini coloris est. 4. Tintinnabula illius tunicæ, tonitrua aëris. 5. Mala punica, coruscationes, quæ sunt in aëre. 6. Ephod, seu superhumeralis, cælum syderium. 7. Duo onychyni, duo hemisphæria, vel certè Solem & Lunam. 8. Duodecim gemmæ in pectore, duodecim signa Zodiaci. 9. Tiara, cælum empyreum. 10. Lamina aurea, Deum omnibus præidentem.

10. At mysticè designabant virtutes, quæ debent esse in Pontifice. Ac 1. feminalia linea significabant castitatem: vestis linea, puritatem vitæ: cingulum, discretionem: tunica hyacinthina, cælestem conuersationem: tintinnabula aurea, sanam doctrinam: mala punica, bonos mores: superhumeralis, sufferentiam infirmitatum populi: rationale in pectore cum nominibus filiorum Israël, charitatem & sollicitudinem pro fidelibus: Tiara in cap. rectam intentionem: Lamina aurea in fronte, memoriam ac recordationem Dei. Hæc ex Diuo Thoma.

11. Alij non male de Christo interpretantur, nam ille fuit verus ac primarius Pontifex, cuius typum gesserunt Aaron & successores eius. In illo perfectissimè fuerunt omnes virtutes, per ornamenta Pontificalia designatæ. Ille suis humeris portauit duas gemmas, id est, pretium redemptionis duorum populorum, Iudæorum scilicet & Gentilium. Ille in suo pectore insculpta habuit nomina electorum. Ille quacunque incescit, ex strepitu prædicationis Euangelij, & suauissimo virtutum odore, percipi potuit ac obseruari.

12. Quæres secundò: An solus Pontifex vñ fuit Ephod seu superhumeralis? Ratio dubitandi est, quia legimus alios quoque, præter Pontificem, vñ esse, nempe Leuitas, Sacerdotes, Reges. Nam de Samuele, qui erat Leuita, sic habemus 1. Regum 2. versu decimo octauo: *Samuel autem ministrabat ante faciem Domini, puer, accinctus Ephod lineo.* De Sacerdotib⁹ primo Regum vigesimo secundò, versu 18. *Doeg idumæus irruit in Sacerdotes, & trucidauit in die illa octoginta quinque viros vestitos Ephod lineo.* De Davide Rege 2. Regum 6. 14. *Dauid saltabat totis viribus ante Dominum, accinctus Ephod lineo.*

13. Respondeo. Duplex fuit Ephod seu superhumeralis in veteri Testamento. Vnum contextum ex auro, purpura, hyacintho, cocco bis tincto, & byllo retorta. Alterum simplex, lineum candidum. Priori solus Pontifex utebatur, posteriori alij. Ita D. Hieronymus in Epistola 127. ad Fabiolam, & Epistola 130. ad Marcellam, Abulensis lib. 1. Regi cap. 22. qu. 27. Ribera lib. 1. de templo cap. 10. & alij passim.

14. Quæres 3. in quem finem solitus sit Pontifex gestare Ephod? Ex Scriptura constat, in tribus casibus solitum esse gestare. Primò, in consecratione. Quando enim mortuo Pontifice alius subrogabatur, neces-

Israel: & postea Leuitæ ex suis decimis dabant alias decimas Sacerdoti, seu Pontifici. Hinc iam oritur.

7. Posterior controuersia, an decimæ decimarum, quæ dabantur à Leuitis propriè dictis, datæ fuerint soli Pontifici, seu summo Sacerdoti, an generatim omnibus Sacerdotibus? Lyranus & Abulensis putant soli Pontifici fuisse datas, ex illo Num. 18. 29. *Data Aaron Sacerdoti*. Iosephus non solum Pontifici, sed generatim omnibus Sacerdotibus. Alij denique soli quidem Pontifici datas fuisse, sed ad custodiendum & distribuendum Sacerdotibus, iuxta illud Num. 18. 8. *Locutus est Dominus ad Aaron; ecce dedi tibi custodiam primitiarum mearum*, id est, ut custodias & distribuas filiis tuis Sacerdotibus: sicut mox sequitur; *Omnia, quæ sanctificantur à filiis Israel, tradidi tibi & filiis tuis, pro officio Sacerdotali legitima sempiterna*. Quod etiam spectat illud 2. Esdræ 10. 38. *Leuitæ offerent decimam partem decimæ suæ in domo Dei nostri, ad Gazophylacium in domum thesauri*, id est, ut custodiantur in Gazophylacio, & inde Sacerdotibus suo tempore distribuatur.

8. Igitur summa omnium hæc est. Tribus Leui, quæ tota erat diuino seruitio consecrata, accipiebat decimas ab aliis Tribubus, quæ erant laicæ. Porro cum in Tribu Leui essent tria hominum genera, nempe Leuitæ propriè dicti, Sacerdotes, & Pontifex; Leuitæ ex suis decimis dabant iterum decimas Pontifici & Sacerdotibus, quia hi in altiori gradu & ordine seruebant Deo, quàm Leuitæ: ac proinde sicut plus honoris, sic etiam plus bonorum temporalium pro sustentatione illis debebatur.

9. Pro maiori explicatione eorum, quæ dicta sunt, notandum est; apud Hebræos fuisse tria decimarum genera. Primum earum, quas cæteræ Tribus singulis annis tenebantur dare Tribui Leuiticæ pro sustentatione. De his iam dictum est. Alterum earum, quas singuli Patres-familias debebant quotannis apud se seruare, & postea eum Leuitis comedere in loco, ubi Tabernaculum vel templum. idque tribus anni temporibus, nempe in Paschate, Pentecoste, & festo Tabernaculorum. De his intelligendum est illud Deuter. 14. 22. *Decimam partem separabis de cunctis fructibus tuis qui nascuntur in terra per annos singulos, & comedes in conspectu Domini Dei tui, in loco quem elegeris, ut in eo nomen illius inuocetur*, &c. Tertium earum, quas tertio anno singulari separare debebant in propriis domibus, & cum Leuitis, peregrinis, pupillis, & viduis communicare, iuxta illud Deuter. 14. 28. *Anno tertio separabis aliam decimam ex omnibus, quæ nascuntur tibi eo tempore, & repones intra ianuas tuas. Venietque Leuitus, qui aliam non habet partem, nec possessionem tecum & peregrinus ac pupillus, & vidua, qui intra portas suas sunt, & comedent & saturabuntur, ut benedicat tibi Dominus Deus tuus*. Et Deuter. 26. 12. *Quando complueris decimam cunctarum frugum tuarum, anno decimarum tertio, dabis Leuitæ, & aduenæ, & pupillo, & viduæ, ut comedant intra portas tuas, & satorentur*. Igitur Leuitæ, tametsi omnium harum decimarum essent aliquo modo participes: tamen ex primo genere potissimum sustentabantur, ut dictum est.

De primitiis & primogenitis.

10. Soli Sacerdotes & Pontifex, non autem Leuitæ propriè dicti, accipiebant primitias & primogenita à filiis Israel. Porro primitiæ soluebantur ter in anno, ut notant Lyranus & alii. Primò in Paschate, de nouis spicis. Secundò in Pentecoste, de nouis panibus. Tertio in Septembri in festo Tabernaculorum, de nouis fructibus. Nam illis tribus anni temporibus tenebantur omnes mores venire ad locum, quem elegerat Dominus (Deut. 16. 16.)

11. De primitiis spicarum, quæ in Paschate offerebantur, intelligitur illud Leuit. 23. 10. *Cum ingressi fueritis terram, quam ego dabo vobis: & messueritis segetem feretis manipulos spicarum, primitias messis vestre ad Sacerdotem. Qui eleuabis fasciculum coram Domino, ut acceptabile sit pro vobis, alio die Sabbati, & sanctificabis illum*. Ritus autem offerendi describitur Leuit. 2. 14. his verbis. *Si autem obtuleris munus primitiarum frugum tuarum Domino de spicis adhuc virentibus, torrebis igni, & confringes in morem faris, & sic offeres primitias tuas Domino, fundens supra oleum, & thus imponens, quia oblatio Domini est*.

12. De primitiis panum, quæ offerebantur in Pentecoste, intelligitur illud Leuit. 23. 15. *Numerabis ergo ab altero die Sabbati, in quo abstulisti manipulum primitiarum, septem hebdomadas plenas, usque ad alteram diem expletionis hebdomada septima, id est, quinquaginta dies: & sic offeretis ex omnibus habitaculis vestris, panes primitiarum duos, de duabus decimis simila fermentata, quos coquetis in primitias Domini*, &c.

13. De primitiis nouorum fructuum, quæ offerebantur in Septembri, intelligitur illud, Num. 18. 13. *Uniuersa frugum initia, quas gignit humus, & Domino deportantur, cedens in usus tuos: qui mundus est in domo tua, vescatur eis*. Et Deuter. 18. 4. *Dabunt Sacerdoti primitias frumenti, vini & olei*. Et Deuter. 26. 2. *Tolles de cunctis frugibus tuis primitias, & pones in carthello, pergesque ad locum, quem Dominus Deus tuus elegeris, accedesque ad Sacerdotem, qui fuerit in diebus illis*, &c.

14. Est autem magna differentia inter hæc tria genera primitiarum. Primò, quia primitiæ in Paschate erant ex solis spicis: in Pentecoste, ex solis panibus, in Septembri, ex variis terræ fructibus. Secundò, primitiæ spicarum dabantur in ipsa collatione fructuum terræ, nec ulli licebat quicquam comedere de nouis fructibus, antequam primitiæ spicarum Deo oblatae essent. (Leuit. 23. 14.) At primitiæ in Pentecoste, & Septembri offerebantur ex fructibus iam collectis, & domi asseruatis. (D. August. quæst. 32. super Numeros.) Tertio Primitiæ panum & fructuum cedebant integrè in usum Sacerdotum: primitiæ verò spicarum non integrè. Nam vnus manipulus spicarum consumebatur per modum sacrificij: reliqui comedebantur à Sacerdotibus.

15. Porro, sicut primitiæ, sic etiam primogenita dabantur Pontifici & Sacerdotibus. Exod. 13. 2. & Num. 3. 13. Erant 2. tria genera primogenitorum: alia hominum: alia pecorum mundorum: alia immundorum. Igitur singula primogenita primi & tertij generis redimebantur pretio quinque Siclorum, quod dabatur Sacerdotibus: Primogenita secundi generis, perse illis offerebantur. Num. 18. 15.

De Oblatis.

16. Per oblata generatim loquendo, intelliguntur ea quæ à filiis Israel offerebantur Deo in usum Sacerdotum. Erant autem triplicia. Nam quædam ex præcepto offerebantur, ut decimæ primitiæ, primogenita, de quibus iam dictum est. Alia sponte & ex mera deuotione: alia denique ex voto. De hoc duplici genere multa habentur Leuit. 22. 18. Leuit. 23. 38. Num. 15. 3. & alibi. Hæc iterum erant varia. Nam quilibet, vel sponte, vel ex toto poterat offerre hostias, libamenta, panes, pecuniam, quæ similia sunt. Id autem potissimum fiebat in tribus anni temporibus, ut supra dictum est, nempe in Paschate, Pentecoste, & festo Tabernaculorum. Tunc enim tenebantur venire omnes ad locum, ubi Templum vel Arca propitiatorij. Deut. 16. 16.

17. Ex dictis colligi potest, quàm diuites fuerint Sacerdotes in Veteri Testamento, præ aliis omnibus. Nam primò accipiebant decimas à duodecim Tribubus Israël. Vbi notandum est præter Tribum Leui fuisse duodecim Tribus filiorum Israël, nempe Tribum Ruben, Simeon, Iuda, Zabulon, Issachar Dan, Gad, Aser, Nephthali, Ephraim, Manassè Benjamin, Igitur singulæ hæ Tribus diuidebant sua bona in decem partes & vnā dabant Tribui Leui, reliquis nonem sibi reseruatis. Quo fit, vt Tribus Leui multo fuerit ditior, quàm cæteræ. Nam singulæ cæterarum habebant tantum nouem partes; Tribus autem Leui duodecim. Præter has decimas, quæ communes erant omnibus in Tribu Leui, Sacerdotes iterum accipiebant decimas decimarum à Leuitis; & sic non solum erant ditiores, quàm homines aliarum Tribuum, sed etiam quàm Leuitæ. Deinde accedebant primitiæ, primogenita, oblata; quæ si omnia computentur, in magnum thesaurum excrefcere necesse erat redditus & possessiones Sacerdotum.

QVÆSTIO VII.

An Sacerdotes & Pontifex aliquando debuerint seruare continentiam ab vxoribus?

Respondeo. Iure diuino debebant seruare continentiam ab vxoribus, pro toto eo tempore, quo in tabernaculo vel templo ministrabant. Hoc testantur Scripturæ & Patres. Ex Scripturis habemus aliquot testimonia. Primum, Exodi 19. 12. *Sacerdotes quoque qui accedunt ad Dominum, sanctificentur*, id est, abstinant ab vxoribus. In eo enim potissimum consistebat sanctificatio, vt patet ex eodem capite. Nam v. 10. dicebat Deus ad Moysen: *Vade ad populum, & sanctifica illos hodie & cras, lauenteque vestimenta sua*. Moyses autem intellexit illam sanctificationem de abstinentia ab vxoribus. Nam mox accedens ad populum, & explicans illi voluntatem Dei, dixit: *Estote parati in diem tertium, & ne appropinquetis vxoribus vestris*. Vbi notandum est, illam sanctificationem, seu abstinentiam ab vxoribus, de qua agitur citato capite, tam populo, quam Sacerdotibus fuisse præceptam; quia tam populus, quàm Sacerdotes debebant audire promulgationem legis Mosaicæ, & ad illam toto biduo se disponere per abstinentiam ab vxoribus, & per lotionem vestimentorum, & castrorum purgationem. Speciali tamen titulo præceptam fuisse Sacerdotibus, pro omni eo tempore, quo fungebantur officio Sacerdotali: siue orando pro populo, siue hostias & sacrificia offerendo, siue aliquod aliud sacrum ministerium exhibendo. Hoc enim significatur illis verbis: *Sacerdotes quoque qui accedunt ad Dominum, sanctificentur*. Nam tunc dicebant accedere ad Dominum, quando vel erant oraturi, vel sacrificium oblaturi, vel aliquid simile facturi.

2. Secundum testimonium. 1. Reg. 21. 1. *Venit autem Dauid in Nebo ad Achimelech Sacerdotem* Et infra: *Respondens Sacerdos ad Dauid, ait illi: Non habeo laicos panes ad manum, sed tantum panem sanctum, si mundi sunt pueri, maxime à mulieribus*. Et respondit Dauid Sacerdoti, & dixit ei: *Equidem si de mulieribus agitur, continemus nos ab heri & nudius tertius, quando egrediamur, & fuerunt vasa puerorum sancta*. Porro via hæc posita est, sed & ipsa hodie sanctificabatur in vasis. Hic vides non licuisse comedere panem sanctum, nisi præmissa sanctificatione, quæ in duobus consistebat. Primò, ac potissimum, in abstinentia ab vxoribus. Secundò, in purificatione corporis si quid maculæ in via contraxisset. Et certè si homines laici debebant hoc modo sanctificari, multo magis Sacerdotes quippe qui

ad maiorem puritatem, ratione status ac officij, obligabantur.

3. Quod sic vltèrius declaro. Dico hic præcepta distinguenda sunt Vnum, quo laici prohibebantur comedere panes sanctificatos, vel, vt alibi vocantur, panes propositionis. De quo Christus Matthæi 12. 3. *Non legistis, quid fecerit Dauid, quando esuriret, & qui cum eo erant: quomodo intrauit in domum Dei, & panes propositionis comedit, quos non licebat ei edere, neque his, qui cum eo erant, nisi solis Sacerdotibus?* Alterum, quo iubeantur abstinere ab vxoribus, qui manducaturi erant huiusmodi panes. De hoc quæstio est, quosnam obligasse solos laicos. Ego contra, obligasse etiam Sacerdotes. Et quidem per se, & primariò, Sacerdotes. Quod tripliciter probo. Primò ex dictis, quia Sacerdotes tenebantur ad maiorem puritatem, quàm laici. Secundò, quia esus panum propositionis per se pertinebat ad solos Sacerdotes: ergo etià sanctificatio requisita ad esum istorum panum per se pertinebat ad solos Sacerdotes. Vnde sicut laici non poterant comedere huiusmodi panes, nisi tantum per accidens, & in casu necessitatis; ita non tenebantur se sanctificare, nisi tantum per accidens, & in casu necessitatis. Tertio, quia si præceptum de abstinentia ab vxoribus pertinisset ad solos laicos; vel fuisset illis datum à Deo, antequam Achimelech loquebatur cum Dauide; vel ab ipso Achimelech, cum iam loqueretur cum ipso. Non prius, quia nunquam legimus in scriptura, quod Deus dederit tale præceptum pro solis laicis, antequam Achimelech loquebatur cum Dauide. Nec postèrius, quia Achimelech, cum dicebat Dauidi: *Si mundi sunt pueri, maxime à mulieribus*; non dabat nouum præceptum, sed supponebat iam ante à Deo datum esse. At non erat aliud à Deo datum, nisi quo Sacerdotes obligabantur abstinere ab vxoribus, quotiescunque fungerentur officio Sacerdotali, seu quotiescunque aliud sacri ministerij siue orando, siue hostias offerendo, siue panes sanctos comedendo, peragerent. Itaque sensus Achimelech est hic: Vobis quidem non licet comedere panes sanctificatos, sed solis Sacerdotibus: Si tamen vultis propter præsentem necessitatem comedere, cum alij panes haberi non possint, necesse est, vos ea puritate & sanctitate id præstare, qua Sacerdotes facere consueuerunt, qui abstinere ab vxoribus, quotiescunque huiusmodi panes comesturi sunt. Idem ergo à vobis exigo.

4. Tertium testimonium. 1. Paralip. 24. 7. *Exiit autem fors prima Ioiarib, secunda Iedei, tertia Harim, &c.* vbi recensentur viginti quatuor familie Sacerdotum, qui per vices debebant ministrare in domo Domini, iuxta illud Luc. 1. 5. *Fuit Sacerdos quidam nomine Zacharias, de vice Abia*. Et paulo post: *Factum est autem, cum Sacerdotio fungeretur in ordine vicis sue, ante deum secundum consuetudinem Sacerdotij, sorte exiit, vt incensum poneret*. Constat autem Sacerdotes, quando ministrabant Domino secundum vicem suam, debuisse multos dies perseuerare in ministerio. Nam ibidem versu 23. de Zacharia sic legimus: *Et factum est, vt impleti sunt dies officij eius, abiit in domum suam*. Plerique authores putant fuisse octo dies destinatos, nempe, à Sabbato vsque ad Sabbatum, vt Iosephus, Ambrosius, Theophylactus, & alij apud Maldonatum in Commentario illius loci. Et colligitur ex illo 2. Paralip. 23. 8. *Fecerunt ergo Leuitæ, & vniuersus Iuda iuxta omnia, quæ preceperat Joinda Pontifex: & assumpserunt singuli vires, qui sub se erant, & veniebant per ordinem Sabbaticum his, qui implerant Sabbatum, & egressuri erant*.

5. Igitur Sacerdotes per octo dies, relictis domibus & vxoribus suis, permanebant in templo, & ibi ministrabant. Et quidem tempore sacrificij erant in parte

templi, vbi sacrificia offerebantur. Reliquo tempore habitabant in atrio templi, in domunculis ad id destinatis: quò non licebat vxores introducere. Vnde consequens est, debuisse à cohabitatione vxorum abstinere. De qua re sic scribit Sicius Papa in Epistola ad Himerium Taraconensem Episcopum cap. 7. *Dicat mihi nunc quisquis ille est sectator libidinum, praeceptorumque vitiorum, si estimat, quod in lege Moysi passim sacris ordinibus à Domino laxata sint frena luxuria, cur eos, quibus committebantur Sancta Sanctorum, praeueniet, dicens Sancti estote, quia & ego Sanctus sum Dominus Deus vester; Cur etiam procul à suis domibus, anno vicis sum, in templo habitare iussi sunt Sacerdotes? Hac videlicet ratione, ne vel cum vxoribus possent carnale exercere commercium, ut conscientiae integritate fulgentes, acceptabile Deo munus offerrent. Quibus etiam, expleto deservitionis suae tempore, vxorius usus, solius successionis causa fuerat relaxatus, quia non ex alia, nisi ex tribu Levi quisquam ad Dei ministerium fuerat praeceptus admitti. (tom. 1. concilior.)*

6. Idem, quod ad rem attinet, sentiunt alij Patres. Hieron. l. 1. contra Iovinianum longè post medium: *Nam & in veteri lege, qui pro populo hostias offerebant, non solum in domibus suis non erant, sed purificabantur ad tempus, ab vxoribus separati, & vinum & ficeram non bibebant, qua solent libidinem promovere.* Similia habet Innocentius I. Epist. 2. ad Victricium Rhodomenensem Episcopum capite 9. Et Beda in capite 1. Luca.

QVÆSTIO VIII.

Quanta fuerit auctoritas Pontificis apud populum.

1. **R**espondeo. Deus multis modis in veteri Testamento voluit Pontifici astringere & conciliare auctoritatem apud populum. Primò, publica & solemni consecratione, quæ præsentem populo, durabat per septem dies. Secundo vnctione sacri olei, quod in nullum vsum prophanum adhiberi poterat. Tertio, natu Pontificali, qui & gemmis pretiosis, & aurea lamina, & tintinnabulis aureis, & malis punicis, omnem alium ornatum, etiam regium longe superabat. Quarto, magna copia reddituum annuorum, quæ quidem apud illum populum magni erat momenti. Quintò, frequenti colloquio cum Deo, præsertim in rebus dubiis proponendis. Sextò, variis ac illustribus miraculis. Ex his aliqua recensebo.

2. Primum contigit in primo sacrificio, quod Aaron obtulit in suo Pontificatu. Tunc enim ignis de cælo descendit, qui coram populo holocaustum deuorauit. Quo miraculo ostendit Deus se approbare Sacerdotium seu Pontificatum Aaronis, Leuitici 9. 24. *Apparuitque gloria Domini omni multitudini: Et ecce egressus ignis à Domino, deuorauit holocaustum, & adipem, qui erant super altare. Quod cum vidissent turba, laudauerunt Dominum, ruentes in facies suas.* Vide simile exemplum 3. Reg. 18.

3. Secundum contigit in seditione Core, Dathan, & Abiron, qui cum suis sociis viui à terra absorpti sunt, eo quod rebellionem excitassent contra Prælatum Moysi & Aaronis, Num. 16. 1. *Eccce autem Core, & Dathan, & Abiron surrexerunt contra Moysen, alique filiorum Israel ducenti quinquaginta viri proceres Synagoga, & qui tempore Concilij per nomina vocabantur. Cumque steterissent aduersum Moysen & Aaron, dixerunt: Sufficiat vobis, quia omnis multitudo Sanctorum est, & in ipsis est Dominus. Cur eleuamini super populum Domini? Et infra v. 31. Confestim dirupta est terra sub pedibus eorum, & aperienti os suum deuorauit il-*

los cum tabernaculis suis, & vniuersa substantia eorum: descenderuntque viui in infernum.

4. Tertium contingit in seditione populi, qui partim incendio perit, partim per intercessionem Aaronis saluatus est. Num. 16. 41. *Murmurauit autem omnis multitudo filiorum Israel contra Moysen & Aaron sequenti die dicens: Vos interfecistis populum Domini. Cumque oriretur seditio, & tumultus increbresceret, Moyses & Aaron fugerunt ad tabernaculum fœderis. Quod postquam ingressi sunt, operuit nubes, & apparuit gloria Domini. Dixitque Dominus ad Moysen: Recedite de medio huius multitudinis, etiam nunc delebo eos. Cumque iacerent in terra dixit Moyses ad Aaron: Tolle thuribulum, & haurito igne de altari, mitte incensum de super, pergens citò ad populum, ut roges pro eis: iam enim egressa est ira à Domino, & plaga desauit. Quod cum fecisset Aaron, & cucurrisset ad mediam multitudinem, quam iam vastabat incendium, obtulit thymiama, & stans inter mortuos ac viuentes pro populo deprecatus est, & plaga cessauit. Fuerunt autem, qui percussi sunt quatuordecim milia hominum, & septingenti, absque his qui perierant in seditione Core.*

5. Quartum contigit circa virgam Aaronis, hoc modo. Cum populus sæpe murmuraret contra Aaronem Pontificem, & aliarum tribuum filiorum Israel xgrè ferrent, quod ex sola tribu Levi assumeretur Pontifex, qui aliis omnibus imperaret; voluit Deus in posterum præcauere huiusmodi murmura & manifesto signo declarare, Aaronem legitime à se electum esse, qui omnes tanquam summo Sacerdoti deberent obsequi. Itaque mandauit Moysi, ut acciperet duodecim virgas à duodecim tribubus Israël, in quibus singulis notata essent singula Tribuum nomina Israël. Has cum virga Aaronis poneret in Tabernaculo testimonij, & sequenti die iterum produceret, tunc enim fore, ut vna ex omnibus miraculosè floreret, & is deinceps, cuius virga floruisset, tanquam legitimus Pontifex haberetur. Factum est sequenti die, sola virga Aaronis inuenta est germinasse, turgentibus gemmis emisisse flores, qui folijs dilatatis, in amygdalas deformatividebantur. Ex quo omnes manifeste collegerunt, deinceps soli Aaroni, tanquam Pontifici à Deo electo & designato, non autè aliarum tribuum Principibus in rebus ad Deum spectantibus, obtemperandum esse. Et ne posteros id lateret, mandauit Deus, ut virga Aaronis ad perpetuam rei memoriam, in arca conseruaretur. Hæc omnia habentur, Numer. 17. per totum.

QVÆSTIO IX.

Quæ utilitas colligi possit ex dictis.

1. **R**espondeo Duplex utilitas potest colligi. Vna ex parte Catholicorum. Altera ex parte aduersariorum. Nam Catholici ex his, quæ dicta sunt, sic possunt ratiocinari: Noster Pontifex multo excellentior & dignior est, quàm fuerit Pontifex veteris Testamenti: sicut anima perfectior est, quàm corpus; spiritus, quàm littera; imago, quàm vmbra; libertas, quàm seruitus. Si ergo Hebræi qui murmurabant contra suum Pontificem, à Deo seuerè puniti sunt; quid nobis fiet, si similiter murmuremus? Et sanè Apostolus de hac ipsa re nos præmonuit 1. Cor. 10. 1. his verbis: *Nolo vos ignorare fratres, quoniam Patres nostri omnes sub nube fuerunt, & omnes mare transierunt, & omnes in Moysen baptisati sunt in nube & in mari: & omnes eandem escam spiritalem manducauerunt, & omnes eundem potum spiritalem biberunt, (bibebant autem de spiritali consequente eos petra: petra autem erat Christus.)* Sed non in pluribus eorum beneplacitum est Deo: nam prostrati sunt in deserto. Hac autem in figura facta sunt nostri, ut non

simus concupiscentes malorum, sicut & illi concupierunt: neque idololatra efficiamini, sicut quidam ex ipsis, quem admodum scriptum est: Sedis populus manducare & bibere, & surrexerunt ludere: neque fornicemur, sicut quidam ex ipsis fornicati sunt, & ceciderunt una die viginti tria milia. Neque tentemus Christum, sicut quidam eorum tentauerunt, & a serpentibus perierunt. Neque murmuraueritis, sicut quidam eorum murmurauerunt, & perierunt ab exterminatore. Hac autem omnia in figura consingebant illis: Scripta sunt autem ad correptionem nostram, in quos fines seculorum deueniunt.

2. Ex quibus verbis tria colligimus, quæ maximè huc spectant. Primum est, quod omnes Hebræi magnis beneficiis à Deo affecti fuerint. Nam omnes miraculosè transierunt mare rubrum; omnes sub nube protecti sunt; omnes biberunt ex petra consequente. Alterum, quod multi illorum abusi sint beneficiis sibi concessis, & ingrati in Deum extiterint. Et nominatim, quod aliqui murmurauerint contra Moysen & Aaronem Pontificem. Tertium, quod propterea grauius à Deo puniti sint. Hinc infert Apostolus, si nos Christiani, qui maiora beneficia à Deo consecuti sumus, peccemus in Deum, & nominatim si murmuremus contra Pontificem, fore ut multò grauius à Deo puniamur. Et sic est. Maneamus ergo coniuncti cum Pontifice & Episcopis, & sequamur consilium eiusdem Apostoli, qui nos à ubi sic hortatur. *Obedite prepositis vestris, & subiaceat eis, ipsi enim peruiigilant, quasi rationem pro animabus vestris reddituri, ut cum gaudio faciant, & non gementes. Hoc enim non expedit vobis* (Hebræor. 13. versu 13)

3. Aduersarij sic possunt ratiocinari. Certè, si prudenter æstimemus ea, quæ in veteri Testamento scripta sunt de Pontifice Hebræorum; iniquè agimus cum Pontifice Romano, & in multis eum acculamur, ubi innocens est. Primò, obuiemus illi arrogantiam, quod *Pontificem Maximum* se appellet. Et tamen constat hunc titulum concessum fuisse in veteri Testamento: & quidem ab ipso Deo. Sic enim legimus Leuit. 21. versu 10. *Dixit Dominus ad Moysen: Pontifex, id est, Sacerdos Maximus, inter fratres suos caput suum non discooperiet.* Qui titulus frequenter repetitur in libris Machabæorum, & in Euangelio sub hac voce, *Summus Sacerdos*. Si ergo Pontifici in veteri Testamento licuit usurpare hunc titulum, cur in nouo non liceat, præsertim cum Pontifex in nouo maior & excellentior sit, quàm fuerit in veteri.

4. Secundò, obuiemus illi pompam & splendorem in ornatu Pontificali. Et tamen scimus Pontificem in veteri Testamento ex peculiari Dei institutione, gestasse purpuram, hyacinthum, byssum, tintinabula aurea, & mala punica in sacra veste: Tiaram cum aurea lamina in capite: Duodecim gemmas in pectore. Duos lapides onychinos in humeris auro inclusos. An etiam Deum accusabimus, qui hunc tam rarum & insignem ornatum præscripsit Pontifici in Synagoga Hebræorum? Dicamus potius cum Dauide: *Dilexi decorem domus tue.* Nec usurpemus illam Iudæ proditoris vocem: *Uti quid perditio hæc?*

5. Tertiò, obuiemus ipsi diuitias & potentiam temporalem. Sed immerito. Nam constat, Pontificem in veteri Testamento fuisse longe ditissimum: & quidem Deo sic disponente. Accipiebat decimas à duodecim tribubus Israël: decimas decimarum à Leuitis: primitias, primogenita & oblationes à toto populo. Sanè, si Pontifex Romanus singulis annis acciperet decimas omnium bonorum à toto orbe Christiano: si decimas decimarum ab Ecclesiasticis & Religiosis si denique primitias, primogenita, & oblationes omnium fidelium; fortasse ditior esset, quàm modo est. Si ergo Deus in veteri Testamento voluit

A Pontificem hoc modo locupletare; cur nos similem fortunam inuidemus Pontifici in nouo Testamento.

6. Quartò, obuiemus illi nimiam authoritatem, quæ vtitur in Ecclesia Christi. In quo similes sumus Hebræis, qui etiam suum Pontificem Aaronem hac calomnia onerabant. Sed Deus, & miraculo, & vitione testatus est, se velle, ut omnes Aaroni obedirent. Quid ergo nos volumus & molimur? Singuli superiores esse non possumus. Vnum aliquem esse necesse est qui aliis præsit. Si is Pontifex est, quid molesti illi sumus? Nimirum hæc nostra cæcitas, & infirmitas est, ut semper aliquid carpamus. Et certum est, si abrogato Pontifice, Rex aliquis vel Imperator præset omnibus in Ecclesia, simili calumnie fore obnoxium. Igitur posthac moderatius agendum nobis est, & si vere Christiani esse volumus, ab omni iniqua criminatione abstinendum.

7. Quintò, obuiemus illi, quod gloriatur de continua serie & successionem suorum antecessorum in Ecclesia, Romana. At nihil culpe hic est. Nam etiam in veteri Testamento successio Pontificum accuratissimè seruata est, & speciali miraculo à Deo confirmata. Voluit enim Deus successionem Pontificum manere in tribu Leui, & nullo modo transire in alias tribus. Et in eius rei perpetuam memoriam effecit, ut virga solius Aaronis, non autem virgæ aliarum tribuum, repente floresceret, & fonscens in Arca Testamèti conseruaretur. Nos hic impingimus. Nam relicta legitima successionem, quæ est in Ecclesia Romana, instituimus novos ministros, qui alios ante se nullos agnoscunt. In quo similes sumus Ieroboamo, qui asciuit Sacerdotes, qui non erant de tribu ac successionem Leui. (3 Reg. 12.)

8. Sextò, obuiemus illi sicut & aliis Sacerdotibus, coelibatum, & vrgemus matrimonium. Sed profectò non alia de causa, quàm ut nostram lasciuia & turpitudinem excusemus. Alioqui, si ex veteri Testamento pensanda res est, sic argumentari oportebat: Pontifex & alij Sacerdotes Leuitici, propter sanctitatem officij, quod gerebant, tenebantur abstinere ab usu matrimonij toto illo tempore, quo in tabernaculo vel templo ministrabant: At in nouo Testamento maior est sanctitas officij Sacerdotalis; & in illo officio assidue versandum illis est: Ergo magis debent colere castimoniam vitæ, quàm in veteri Testamento factum est. At nos Lutherani & Calvinistæ id non facimus, quia nulla habita ratione ministerij nostri, manemus in perpetuo matrimonij usu, non minus, quàm homines seculares: In qua re, nec Sacerdotes Leuiticos, nec Pontificios; sed nescio quos lasciuos ac petulcos homines videmur imitari. Præstaret sequi consilium Apostoli 1. Corint. 7. versu 7. *Volo omnes esse, sicut me ipsum.* Et infra: *Dico autem non vobis: Bonum est illis, si sic permaneant, sicut & ego.* Et rationem adiungit: *Qui sine uxore est sollicitus est, quæ Domini sunt quomodo placeat Deo, Qui autem cum uxore est, sollicitus est, quæ sunt mundi, quomodo placeat uxori, & diuisus est.* Hoc saluberrimum documentum nos contemnimus.

9. Septimò, obuiemus illi quod tam ipse, quàm alij Episcopi & Sacerdotes, solemniter ritu vngantur & consecrentur: & per contemptum solemus appellare vinctos. Sed parum prudenter. Nam constat, Deum in veteri Testamento præcepisse, ut Pontifex in cap. vngeretur oleo sanctæ Vnctionis. Et similiter, ut tam Pontifex, quàm Sacerdotes, & eorum vestimenta, sanguine & oleo aspergerentur. Et quanquam huiusmodi ceremoniæ, quæ in veteri Testamento seruatae sunt, non necessario seruari debeat in nouo; tamen cum à Deo introductæ & approbatæ fuerint, malæ esse non

possunt. Cur ergo vel easdem, vel similes usurpari non liceat, si bono fine & intentione adhibeantur? Alioqui quid dicemus de vñctione Regum & Imperatorum in nouo Testamento? An & illa repudianda est, Nemo hoc dixerit. At si illam retinere fas est, cur in alteram tam iniqui sumus? Nostri Ministri, qui sine vñctione & consecratione, sine successione & vocatione, vel ex constrinis, vel ex popinis, in officia Ecclesiastica subito sese ingerunt; nullum possunt proferre exemplum ex tota antiquitate, quo tueri se queant.

CAPVT VIII.

De Ministris Synagoga extraordinariis, qui erant Prophetae.

Duplices erant Prophetae in Veteri Testamento, Aliqui veri, qui à Deo mittebantur: Alij falsi, qui à Deo non mittebantur. Priores, vel vocabantur Prophetae absolute; vel Prophetae Domini; vel videntes. Posteriores, vel Pseudoprophetae, vel Prophetae Bral, vel Prophetae Lucorum. Quibus annumerandae sunt Pythonissae. De his omnibus dicam hoc ordine 1. Quinam fuerint veri Prophetae in veteri Testamento. 2. quod fuerit illorum officium. 3. quomodo probauerint se à Deo missos. 4. an omnes de Christo prophetauerint, 5. quis illorum fuerit praecipuus, Moyse, an Ioannes Baptista. 6. quomodo intelligendum sit, quod Christus ait in Euangelio: *Omnes Prophetae usque ad Ioannem* 7. quomodo verum sit, omnes Prophetas Hierosolimis occisos esse. 8. quinam fuerint falsi Prophetae. 9. quomodo veri à falsis discernebantur. 10. quid de Pythonissis sentiendum. 11. an etiam in nouo Testamento sint veri & falsi Prophetae.

QUESTIO I.

Quinam fuerint veri Prophetae in veteri Testamento?

1. Respondeo. Hi fuerunt precipui.
1. Moyse. Num 12. 6. & Deut. 34. 10.
2. Iosue. Ecclesiastici 46. 1.
3. Samuel. 1. Regum 9. 6.
4. David.
5. Gad. 1. Regum 22. 5.
6. Nathan. 2. Regum 7. 1. & 2. Paralip. 9. 29.
7. Ahias Salonites. 3. Regum 11. 29. & 2. Paral. 9. 29.
8. Addo 2. Paral. 9. 29.
9. Michas filius Iemla. 3. Regum 22. 8.
10. Helias Thesbites. 3. Regum 17. 1.
11. Helisaeus 3. Regum 19. 16.

Deinde quatuor illi, qui vocantur maiores Prophetæ, quorum nomina sunt hæc 1. Isaias, filius Amos 2. Ieremias, filius Helicæ, de sacerdotibus, qui fuerunt in Anathod. 3. Ezechiel, filius Buzi Sacerdos. 4. Daniel, qui & Balthasar. Et alii duodecim, qui vocantur minores Prophetæ, vt Osee, Ioël, Amos, Abdias, Jonas, Michas Morastites, Nahum, Habacuc, Sophonias, Aggeus, Zacharias, Malachias.

2. Quibus addi possunt tres alij, qui vixerunt sub finem veteris, & initium noui Testamenti. Primus Ioan. Baptista, de quo dictum est Luc. 1. 76. *Et in puer Propheta Altissimi vocaberis.* Secundus Zacharias, pater Ioan. Baptiste, de quo ibid. v. 67. *Et Zacharias pater illius repletus est Spiritu sancto, & prophetauit dicens: Benedictus, &c.* Tercius Simeon, de quo Luc. 2. 26. *Responsum acceperat à Spiritu sancto, non visurum se mori, nisi prius videret Christum Domini.*

3. Præter hos fuerunt etiam aliquot feminae Prophetissæ, vt Maria soror Moyse. (Exodi 15. 20.) Et Debora vxor Lapidoth. (Iudicum 4. 4.) Et Holda, vxor Sellum filij Thecur, (4. Regum 22. 14.) & Elizabeth, mater Ioannis Baptiste, Luc. 1. 41.) & Anna, filia Phanuel de tribu Aser, (Luc. 2. 36.) & quatuor filie Philippi Diaconi, (Act. 21. 9.) Quibus omnibus præferenda est beata Dei genitrix Maria, quæ prophetauit dicens: *Beata me dicunt omnes generationes,* non Gentilium, Turcarum, Iudæorum; sed vere fidelium.

4. Quæres, An non fuerint plures Prophetæ veteris Testamenti quàm qui iam enumerati sunt? Videntur fuisse plures. Nam 1. Reg. 10. 5. legimus, gregem Prophetarum iuisse obuiam Sauli, postquam à Samuele in Regem vñctus est, Respondeo. Nomen Prophetæ sumitur variis modis in Scriptura. Primò, pro iis qui futura prædicunt. Et hoc sensu nos agimus hic de Prophetis. Eorum officia paulò post explicabimus. Secundò, pro iis, qui ex peculiari motione Spiritus sancti, Deum laudant in citharis, psalteriis, & cymbalis. Sic sumitur loco citato, vbi Samuel ait ad Saulem: *Obuiam habebis gregem Prophetarum descendens de excelso, & ante eos psalterium & tympanum, & tibiam, & citharam, ipsosque prophetantes,* (id est, Deum laudantes) *& insilies in te spiritus Domini, & prophetabis cum eis* (id est, Deum pariter laudabis.) Sic etiam sumitur Numer. 11. 25. vbi de septuaginta seniorib⁹ qui Moyse adiuncti erant, ita legimus: *Cumque requiesceret in eis spiritus prophetauerunt,* id est, Dei laudes celebrarunt. Et 1. Regum 19. 20. *Qui cum vidissent cuneum Prophetarum varicinantium, & Samuelem stantem super eos, factus est etiam Spiritus Domini in illis, & prophetare ceperunt & ipsi,* id est, Deum laudare. Ita Emanuel Sà, ibid. Abulensis & Cornelius Num. 11. 25. Tertiò, pro iis, qui diuino Spiritu, vel Scripturam explicant, vel ad pietatem exhortantur. Sic sumitur 1. Cor. 14. 3. *Qui prophetat, hominibus loquitur ad edificationem, & exhortationem & consolationem.*

QUESTIO II.

Quod erat officium Prophetarum in veteri Testamento?

D

Respondeo. Primarium officium erat docere, instruere & reformare populum in cultu veri Dei eumque hoc modo ad Christi aduentum disponere. Et quidem Moyse docuit populum, quando dedit & explicauit illi legem Decalogi, & Deuteronomii. Reliqui Prophetæ, qui diuersis temporibus secuti sunt, reformarunt populum, & aberrantem à lege reuocarunt in viam. Quo spectat illud Ioan. 4. 37. *Alius est, qui seminat, & alius est, qui metit Ego misi vos metere, quod vos non laborastis: alij laborauerunt, & vos in labores eorum introistis.* Vbi Christus loquitur de Prophetis & Apostolis. Prophetæ seminauerunt; Apostoli messuerunt Prophetæ laborauerunt; Apostoli eorum laboribus fructi sunt. Quomodo hoc? quia Prophetæ antequam venirent Apostoli multum laborarunt in erudiendo populo, & eorum corda ad Christum recipiendum præpararunt. Quod si non fecissent, plus laborandum fuisset Apostolis. Vide Origenem, Irenæum, Augustinum, Chrysostomum, & alios apud Maldonatum in illum locum.

2. Huic primario officio annexa erant tria alia. Primum est arguere, reprehendere, & obiurgare eos, qui vel à vero Dei cultu, vel ab aliqua alia diuina lege recederent. Sic Samuel reprehendit Saulem Regem, eo quod non obediisset voci Domini. (1. Regum 15. 19.) Sic Nathan reprehendit Dauidem propter adulterium & homi-

& homicidium. (2. Reg. 12. 9.) Sic Helias populum A claudicantem in duas partes. (3. Regum 18. 21.) Daniel duos senes, quod falsò accusassent Susannam de adulterio. (Dan. 13. 52.) & ita deinceps.

3. Alterum est, prædicere futura. Quod fiebat dupliciter. Nam Prophetæ aliquando prædicebant futura bona, ad populi consolationem, ut aduentum Messiae, & alia mysteria Redemptionis humani generis Isa. 7.

14. *Virgo concipiet, & pariet filium, & vocabitur nomen eius Emmanuel.* Et cap. 11. 1. *Egredietur virga de radice Jesse, & flos de radice eius ascendet.* Et cap. 14. 1. *Prope est, ut veniat tempus eius, & dies eius non elongabuntur.* Miserebitur enim Dominus Iacob. Et cap. 40. 1. *Consolamini consolamini popule meus, dicit Deus vester.* Aliquando prædicebant & minabantur futura mala, quæ imminebant populo propter sua peccata, ut famem, pestem, bellum captiuitatem. Ierem. 1. 14. *Ab Aquilone pandetur malum super omnes habitatores terræ.* Et cap. 5. 15. *Ecce ego adducam super vos gentem de longinquo, domus Israël, ait Dominus. Et comedet segetes tuas, & panem tuum: deuorabit filios tuos & filias tuas: comedet gregem tuum: & armentatua: conteret urbes munitas tuas, in quibus tu habes fiduciam.* Et cap. 19. 3. *Ecce ego inducam afflictionem super locum istum, ita ut omnis, qui audierit illam, timiant aures eius, eo quod derelinquerunt me.* Et infra v. 11. *Sic conteram populum istum, & ciuitatem istam, sicut conteritur vas figuli, quod non potest ultra instaurari.*

4. Tertium est, secreta, seu occulta cognoscere. Sic Samuel sciebat omnia, quæ erant in corde Saulis querentis asinas patris sui. (1. Regum 9. 19.) Sic Helisæus sciebat omnia, quæ à famulo absente erant perpetrata, (4. Regum 5. 25.) Itemque omnia secreta consilia Regis Syriæ. (4. Regum 6. 12.) Sic Daniel sciebat occultum somnium Nabuchodonosoris. (Dan. 2. 16.) Hinc obiter colligo, mirum non esse, si Sancti in cælo sciant ea, quæ apud nos geruntur.

QVÆSTIO III.

Quomodo Propheta probabat se à Deo missos esse?

1. **N**ecessè erat, ut Prophetæ, qui dicebant, se immediatè à Deo missos esse, ad reformandum & arguendum populum, certis ac euidentibus signis confirmarent suam missionem; alioqui populus non credidisset ipsis, sed pro impostoribus habuisset. Quod fatetur Moyses de seipso. Cum enim Deus dixisset illi, Exodi 3. 18. *Veni & mittam te ad Pharaonem, ut educas populum meum filios Israël de Ægypto.* Respondit Moyses cap. 4. 1. *Non credenti mihi, neque audienti vocem meam, sed dicenti: Non apparuit tibi Dominus.*

2. Dupliciter autem probabant, se à Deo missos esse. Primò, per miracula. Sic probauit Moyses, quando virgam in serpentem mutauit, aquas Ægypti in sanguinem conuertit & alia prodigia patrauit, quæ plagæ Ægypti appellari solent. Sic Samuel, sic Helisæus, sic alij Prophetæ plures. Luculentum habemus exemplum in Helia, quod est huiusmodi. Tempore Achab Regis fuit disceptatio inter Heliam & Prophetas Baal. Tam hi, quàm ille, legitimè se missos affirmabāt. Quid factum? Helias conuocato vniuerso populo, qui in duas partes claudicabat, non alio argumento usus est, quàm quod diceret, se suam missionem euidenti miraculo confirmare posse; Prophetas Baal non posse. Quod etiam contigit hoc modo: Duo boues in frustra concisi, & super ligna positi sunt in holocaustum: alter pro Helia; alter pro Prophetis Baal. Hi inuocato nomine Dei sui, non potuerūt de cælo impetrare ignem quo holocaustum consumeretur. Helias, inuocato Deo Israël, impetrauit. Itaque holocaustum ab eo positum, igne de Opusc. Bec.

cælo missò, consumptum est, quo miraculo perterritus populus, Heliam tanquam à Deo missum acceptauit: & Prophetæ Baal veluti impostores, interfecti sunt. (3. Reg. 18. 20.) Omittò similia exempla.

3. Secundò, probabant suam missionem per veracem prædictionem eorum, quæ breui erat euentura. Sic Helias prædixit, tribus proximis annis non fore rorem & pluuiam. (3. Reg. 17. 1.) Sic Micheas, Regem Achab infelicitè pugnaturum in Ramoth Galaad. (3. Reg. 22. vers. 17.) Sic Helisæus, post vnum diem fore tantam annonæ vilitatem, ut duo modij hordei emantur vno statere. (4. Reg. 7. 1.) Sic Ilaias, proximo anno fore abundantiam frugum, sequenti, pomorum copiam; tertio, plenam messem & vindemiam (cap. 37. 30.) Sic Hieremias, breui futurum, ut Nabuchodonosor Rex vastaturus sit terram Ægypti (c. 46. 13.) Et quia hæc omnia eueniunt, eo modo, quo ab illis prophetis dicta sunt; ideo magnam auctoritatem sibi conciliarunt. Sicut è contrario, quia non eueniebant ea, quæ à falsis Prophetis prædicebantur, nulla illis fides habebatur. Et hoc signo discernendū esse inter veros & falsos Prophetas, constat ex illo Deut. 18. 21. *Quod si tacita cogitatione responderis: quomodo possum intelligere verbum, quod Dominus non est locutus? hoc habebis signum: Quod si nomen Domini Propheta ille prædixerit, & non euenierit, hoc Dominus non est locutus, sed per timorem animi sui Propheta confinxit, & idcirco non timebis eum.*

4. Vnde D. Hieronimus in cap. 37. Isaia, super illud: *Tibi autem hoc erit signum, sic scribit: idcirco vel maxime Propheta apud populum habebant fidem, quia non solum de his, quæ multa post secula futura erant, sed etiam quæ incontinenti, & post non grande temporis spatium essent implenda, memorabant: ut quod intra biennium Rex Assyrius interiret & urbi Ierusalem securitas redderetur.*

5. Et Rupertus in Prologo in Oseam: *Cum Propheta mitterentur ad pronuntiandum de longinquo Christi aduentum, simul etiam de propinquo datum vel iniunctum est illis, prophetare illud, in quo citius veraces comprobari possent, scilicet imminentem ab Assyriis Israeli captiuitatem; itemque instantem Inde quoque Babylonis transmigrationem, & præterea nonnulla etiam minora, quæ litoris eorum legimus inserta. Cum igitur citò venisset captiuitas seu transmigratione illa, sicut per illos veritas prophetica prædixerat, palam constetit, quod veraciter fuissent locuti in nomine Domini, & quod Dominus misisset eos. Atque ita completa Prophetia pars, illud quoque, quod reliquum vel maximum erat de promissione & aduentu Messia, verum fore comincebat.*

QVÆSTIO IV.

An omnes Propheta veteris Testamenti de Christo, prophetauerim?

1. **R**espondeo. Omnes vel clarè vel obscure de Christo vaticinati sunt. Quod genaratum colligi potest ex duobus scripturæ testimoniis. Vnum est Luca 1. 68. *Benedictus Dominus Deus Israël, quia visitauit, & fecit redemptionem plebi suæ. Et erexit cornu salutis nobis in domo Dauid pueri sui: Sicut locutus est per os Sanctorum, qui à seculo sunt prophetarum eius, id est, Deus prædixit per omnes prophetas, qui fuerunt ab initio mundi, venturum Redemptorem ex familia Dauid: Alterum, Luca vigesimoquarto, versu vigesimo septimo. *Et incipiens (Christus) à Moysè & omnibus Prophetis, interpretabatur illis in omnibus scripturis, quæ de ipso erant.**

2. Speciatim verò potest sic ostendi. Prophetia dupliciter fieri solet. 1. verb. 2. signis vel figuris. Igitur aliqui Prophetæ verbis de Christo vaticinati sunt: aliqui signis & figuris. Priori modo Moyses. Deuterion

18. 15. Prophetam de gente tua, & de fratribus tuis, sicut me suscitabit tibi Dominus Deus tuus: ipsum audies. (vide Act. 3. 22.) David, Psalmo 15. 10. Non derelinques animam meam in inferno: nec dabis Sanctum tuum videre corruptionem (Act. 1. 31.) Et Psalmo 95. 13. Iudicabit orbem terrarum equitate, & populos in veritate sua. Et Psal. 96. 8. Adorate eum omnes Angeli eius. Hebr. 1. 6. Et Psal. 109. 1. Dixit Dominus Domino meo: Sede à dextris meis: donec ponam inimicos tuos scabellum pedum tuorum. Matth. 22. 42.

3. Isaias cap. 7. 14. Ecce virgo concipiet, & pariet filium, & vocabitur nomen eius Emmanuel. (Luc. 1. 31.) Et cap. 35. 4. Deus ipse veniet, & saluabit vos. Tunc aperientur oculi cæcorum, & aures surdorum patebunt. Et cap. 44. 3. Effundam aquas super sitientem, & fluentia super aridam. Et cap. 53. 4. Verè languores nostros ipse sustulit, & dolores nostros ipse portauit. Et infra: Oblatus est, quia ipse voluit, & non aperuit os suum: Sicut ovis ad occisionem ducetur, & quasi agnus coram tondente se obmutescit. Et infra sceleratus reputatus est, & ipse peccata multorum tulit, & pro transgressoribus rogauit. Luc. 22. 37.

4. Ieremias cap. 23. 5. Ecce dies veniunt, dicit Dominus: & suscitabo David germen iustum, & regnabit Rex, & sapiens erit: & faciet iudicium & iusticiam in terra. Et cap. 32. 22. Creauit Dominus nouum super terram, femina circumdabit virum.

5. Ezechiel cap. 32. 7. Et operiam, cum extinctus fueris, celum, & nigrescere faciam stellas eius: solem nubetegam, & luna non dabit lumen suum.

6. Daniel cap. 9. 24. Septuaginta hebdomades abbreviatae sunt super populum tuum, & super urbem sanctam tuam, ut consumeretur prauaricatio, & finem accipiat peccatum, & deleatur iniquitas, & adducatur iustitia sempiterna, & impleatur visio & prophetia, & ungatur Sanctus Sanctorum.

7. Osee cap. 6. 3. Viuificabis nos post duos dies: in die tertia suscitabis nos. Et cap. 11. 1. Ex Aegypto vocaui filium meum. Et cap. 13. 14. De manu mortis liberabo eos, de morte redimam eos: ero mors tua, o mors, morsus tuus ero, inferne.

8. Ioël cap. 2. 28. Et erit post hæc: effundam spiritum meum super omnem carnem, & prophetabunt filij vestri, & filia vestra.

9. Amos cap. 9. 11. In die illa suscitabo tabernaculum David quod cecidit, & reedificabo aperturas murorum eius, & ea quæ corruerant, instaurabo. Act. 15. 16.

10. Michæas cap. 5. Eritu Bethlehem Ephrata paruulus es in millibus Juda: ex te mihi egredietur, qui sit Dominator in Israël, & egressus eius ab initio, à diebus æternitatis. (Mat. 2. 6.) Et cap. 7. 6. Filius contumeliam facit Patri, & filia consergit aduersus matrem suam, matris aduersus sacrum suum & inimici hominis domestici eius. Ego autem ad Dominum aspiciam, expectabo Deum saluatorem meum. Mat. 10. 35.

11. Nahum cap. 1. 15. Ecce super montes pedes euangelizantis & annunciantis pacem. (Rom. 10. 15.)

12. Habacuc. cap. 2. 3. Adhuc visus procul, & apparebit in finem, & non morietur. Si moram feceris, expecta illi, quia veniens veniet, & non tardabit.

13. Sophonias cap. 3. 14. Lauda filia Sion: iubila Israël: lætare, & exulta in omni corde filia Ierusalem. Abstulit Dominus iudicium tuum, auertit inimicos tuos: Rex Israël Dominus in medio tui, non timebis malum ultra. Et ibid. Dominus Dominus in medio fortis, ipse saluabit.

14. Aggæus. cap. 2. 7. Hæc dicit Dominus exercituum: Adhuc unum iudicium est, & ego commouebo calum & terram, & mare & aridam. Et monebo omnes gentes: & veniet desideratus cunctis gentibus.

15. Zacharias cap. 1. 10. Læta & lætare filia Sion: quia ecce ego venio, & habitabo in medio tui, ait Dominus. Et cap. 3. 9. Ecce ego adducam seruum meum orientem. Et cap. 12.

A Ecce vir, oriens nomen eius. Et cap. 8. 3. Hæc dicit Dominus exercituum: Reuersus sum ad Sion: & habitabo in medio Ierusalem: & vocabitur Ierusalem ciuitas veritatis. Et cap. 9. 9. Ecce Rex tuus veniet tibi iustus & Saluator: ipse pauper & ascendens super asinam, & super pullum filium asinae. Et c. 11. 12. Et appendent mercedem meam triginta argenteos. Et cap. 12. 10. Effundam super domum David, & super habitantes Hierusalem spiritum gratia & precum: & aspicient ad me, quem confixerunt. Et cap. 13. 7. Percute pastorem, & dispergentur oves.

16. Malachias cap. 1. 11. Ab ortu solis usque ad occasum, magnum est nomen meum in gentibus, & in omni loco sacrificatur, & offertur nomini meo oblatio munda. Et cap. 3. 1. Ego mitto Angelum meum, & preparabis viam ante faciem meam. Et statim veniet ad templum suum Dominator, quem vos queritis, & Angelus testamenti, quem vos vultis. Et cap. 4. 2. Orietur vobis timoribus nomen meum, Sol iustitie.

17. Posteriori modo, nempe per signa & figuras, multi Prophetæ de Christo vaticinati sunt. Primò, Iohannes cap. 2. 1. Erat Jonas in ventre piscis tribus diebus, & tribus noctibus. Secundò, omnes illi, qui prædixerunt Iudæis liberationem ex captiuitate Babylonica; quæ erat figura liberationis totius mundi, qua Christus nos erat liberaturus à captiuitate peccati. Tertiò, omnes illi, qui expresserunt typum vel figuram Christi, siue quoad incarnationem, siue quoad mortem & passionem, siue quoad resurrectionem, siue quoad alia mysteria. De quibus videri potest. Prosper in lib. de Prædicationibus.

QVÆSTIO V.

Quis fuerit præcipuus omnium Prophetarum veteris Testamenti?

1. **A**liqui Moysen, alii Ioannem Baptistam præferunt. Vterque enim habet peculiare testimonium suæ eminentiæ. Moyses quidem, Num. 12. 6. Si quis fuerit inter vos Propheta Domini, in visione apparebit ei, vel per somnium loquar ad illum. At non talis seruus meus Moyses, qui in omni domo mea fidelissimus est. Ore enim ad os loquor ei & palam, & non per ænigmata, & figurat Dominum videt. Ioannes verò. Mat. 11. v. 9. vbi Christus de illo loquitur: Sed quid existis videre? Prophetam? Etiam dico vobis, & plus quam Prophetam.

2. Respondeo. Moyses fuit præcipuus non quidem simpliciter & omni modo, sed in duplici sensu. Primò, quia Deus loquebatur illi facie ad faciem, sicut amicus amico loquitur; reliquis non item, ut constat ex testimonio allato. & hæc comparatio procedit de Moyse, & aliis Prophetis, excludendo Ioannem Baptistam, iuxta illud; Lex & Propheta usque ad Ioannem. Secundò, quia in multis gessit typum seu figuram Christi, ut prolixè explicatum est cap. 6. 5. 7.

3. Nihilominus aliqui alii Prophetæ, ex alia parte, præferendi sunt Moyse. Nam Isaias plura de Christo in particulari vaticinatus est, quam Moyses. Ioannes Baptista non venturum, ut Moyses, sed præsentem annunciat: Ecce Agnus Dei, ecce qui tollis peccata mundi. Nota, Tria de Ioanne Baptista legimus. 1. quod fuerit Propheta. 2. quod non fuerit Propheta. 3. quod fuerit plus quam Propheta. Primum asseruit Zacharias pater eius, Luc. 1. 76. Erit puer, Propheta Altissimi vocaberis. Alterum asseruit ipse. Cum enim interrogaretur à Sacerdotibus: Propheta es tu? Respondit: Non sum. Tertium asseruit Christus: Quid existis videre? Prophetam? Etiam dico vobis, & plus quam Prophetam. Quæ omnia benè inter se coherent. Fuit enim Propheta, quia spiritu Prophetico agnouit Christum, nemine indicante. Non fuit Propheta, quia non erat Propheta more alio.

de Christo longè post venturo vaticinabantur. Fuit plusquam Propheta, quia reliqui Prophetae ad homines Ioannes ad ipsum Christum missus est. Vnde peculiari modo de illo prædixit Deus per Malachiam cap. 3. 1. *Ecce ego mitto Angelum meum, & preparabit viam ante faciem meam.* Est enim Angelus, non qualiscunque, sed missus ante faciem Christi; quod de aliis Prophetis dici non potest. Vide Maldonatum in capite 11. Matth. vers. 10.

QVÆSTIO VI.

Quomodo intelligendum sit illud Christi, omnes Prophetæ usque ad Ioannem.

1. **R**atio dubitandi est, quia etiam post Ioannem fuerunt aliqui Prophetæ, ut Ioannes Euangelista, Paulus, Agabus, & alij de quibus quæstione decima dicendum est. Respondeo. Verba Christi sunt hæc, Matth. 11. 13. *Omnes enim Prophetæ, & lex usque ad Ioannem Prophetaverunt.* Quorundam verborum varia est explicatio; sed duæ præ cæteris probabiliores. Una, Christum loqui de omnibus Prophetis veteris Testamenti, qui Ioannem & Christum præcesserunt. Ut hic sit sensus: Omnes Prophetæ veteris Testamenti prædixerunt Christum venturum: Ioannes fuit primus, qui præsentem annunciauit. Ita Chrysostomus, Hieronimus, Beda, Euthymius. Altera, legem & Prophetas usque ad Ioannem prophetasse, id est, viguisse, vim habuisse, officio suo functos esse, iurasse. Ita Maldonatus. Et hoc colligit ex antitheto, quod sequitur: *A diebus autem Ioannis Baptista regnum celorum vim patitur.* Vbi regnum celorum opponitur legi & Prophetis, id est, nouum Testamentum opponitur veteri. Ut hic sit sensus: Lex & Prophetæ viguerunt usque ad Ioannem Baptistam. At à tempore Ioannis Baptiste inceptum Euangelium, seu nouum Testamentum.

2. Dices: Lex durauit etiam post Ioannem Baptistam, quia non fuit abrogata, nisi per mortem Christi. Respondeo. Illa particula, *usque ad Ioannem*, non significat, usque ad natiuitatem Ioannis, quasi tunc lex abrogata sit: sed usque ad prædicationem Ioannis, quia tunc cæpit paulatim deficere, sicut tenebræ paulatim deficient, quando aurora accedit. Verum tamen est, non fuisse penitus abrogatam, nisi per mortem Christi, ut cap. 6. quæstione 2. §. 6. dictum est.

QVÆSTIO VII.

An verum sit, omnes Prophetas Hierosolymis occisos esse?

1. **R**atio dubitandi sumitur ex verbis Christi Luc. 13. 33. *Non capit Prophetam perire extra Hierusalem.* Græcè est, *ἐκ ἱερουσολήμ* id est, non contingit, seu impossibile est, occidi aliquem Prophetam extra Hierusalem. Quod tamen non videtur verum. Primum, quia Ieremias in Ægypto, Ezechiel in Chaldaea occisi sunt, ut testatur Epiphanius in eorum vitis, & Dorotheus in sinopsi. Secundum, multi Prophetæ occisi sunt à Iezabel in Samaria, ut habetur 3. Reg. 19. 10.

2. Respondeo, Christus non vult significare, nunquam omnino contingere, ut aliquis Propheta extra Hierusalem occidatur (quia hoc constat falsum esse) sed raro contingere. Vitatur autem hyperbole, ut exaggeret ingratitude illius ciuitatis, quæ non agnoscebat beneficium à Prophetis acceptum, sed eos, ubicunque poterat, persequabatur & occidebat. Et hinc colligit Christus, se etiam ibi occidendum, quod & factum est.

3. Hæc expositio patet ex ipso textu, qui sic habet: *Accesserunt quidam Phariseorum, dicentes illi: Exi, & vade* Opuſc. Becan.

A hinc, quia Herodes vult te occidere. Et ait illis: ire, & dicit vult illi: *Ecce eicio demonia, & sanitates perficio hodie, & cras, & tertia die consummabor. Verumtamen oportet me hodie, & cras, & sequenti die ambulare: quia non capit Prophetam perire extra Hierusalem, Hierusalem, quæ occidis Prophetas & lapidas eos, qui mittuntur ad te, &c.* Hæc facta sunt in Galilæa ubi Herodes dominabatur. Distabat autem Galilæa à Hierusalem itinere trium dierum. Et propterea dixit Christus: *Oportet me hodie, & cras, & sequenti die ambulare*, nempe ut ex Galilæa veniam in Hierusalem; quia communiter fit, ut Prophetæ non alibi, quam in Hierusalem moriantur. Itaque sensus verborum Christi consistit in his duobus. 1. Non est in potestate Herodis, ut anticipet tempus moriendi, quod mihi à Deo constitutum est. 2. Ibo hinc in Hierusalem, ut ibi occidar, ubi omnes ferè Prophetæ occisi sunt.

QVÆSTIO VIII.

Quinam fuerint falsi Prophetæ in veteri Testamento?

1. **R**espondeo. Duplices erant falsi Prophetæ apud Iudæos, ut patet Ierem. 23. 23. Alij in Samaria, qui Prophetabant in Baal: alij in Hierusalem, qui quidem dicebant se prophetare in vero Deo, & ab eo missos esse, sed mentiebantur. Priores erant idololatæ, posteriores non item. De prioribus est frequens mentio in libris Regum, præsertim 3. Reg. 18. vers. 19. Vbi Helias interfecit quadringentos & quinquaginta Prophetas Baal, & quadringentos Prophetas lucorum, qui comedebant de mensa Iezabel. Item 3. Reg. 22. 6. Vbi quadringenti Prophetæ prædixerunt Regi Israël victoriam contra Ramoth Galaad. Item 4. Reg. 10. 19. Vbi omnes Prophetæ Baal, qui tunc erant, à Iehu Rege interfecti sunt in templo Baal. De posterioribus sit mentio in libris Prophetarum, ut Ierem. 14. 14. *Dixit Dominus ad me: Falsus Propheta vaticinatur in nomine meo: non misi eos, & non præcepi eis, neque locutus sum ad eos. Visionem mendacem & diuinationem, & fraudulentiam, & seductionem cordis sui prophetant vobis.* Et cap. 23. v. 21. *Non mittebant Prophetas & ipsi correbant: non loquebar ad eos, & ipsi prophetabant.* Et cap. 27. v. 15. *Ipsi prophetant in nomine meo mendaciter.* Et Ezechiel. 13. 6. *Vident vana, & diuinant mendacium, dicentes: ait Dominus, cum Dominus non miserit eos, &c.*

2. Ex priori genere fuit Sedecias, filius Chanaana, qui percussit Michæam in maxillam. (3. Reg. 22. v. 24.) Ex posteriori, Hananias, filius Azur, Propheta de Gabaon. (Ierem. 28. v. 1.) Item Achab, filius Coliæ, Sedecias filius Maasæ, & Semeias Nehelanites, qui cum populo Iudæorum in Babylonem erant translati, & falsò prophetabant, breui fore finem captiuitatis. (Ierem. 79. versu vigesimo primo & sequentibus.) Item senex quidam Propheta in Bethel, qui decipit alium Prophetam vaticinantem contra altare, quod crexerat Ieroboam. 3. Reg. 13. 11.

3. Hi & similes falsi Prophetæ, semper ferè contradicebant veris Prophetis. Vt quando veri prædicebant famem, bellum, captiuitatem, & alias pœnas à Deo infligendas propter peccata populi; tunc falsi prædicebant fertilitatem, pacem, & prosperitatem, ut patet. Ier. 14. v. 13. *Et dixi: Domine Deus Prophetæ dicunt eis: Non videbitis gladium, & fames non erit in vobis: sed pacem veram dabit vobis in loco isto.* Et dixit Dominus ad me, *Falsus propheta vaticinatur in nomine meo.* Huius rei multa occurrunt exempla. Sedecias, qui erat vnus ex Prophetis Baal contradicebat Michææ, qui erat Propheta Domini. Ille asserbat Regem Israël feliciter expugnaturum Ramoth Galaad; quod negat Michæas. (Reg. 22.)

versu 11.) Item, Hananias contradicebat Ieremix. Ille assererat, Vala templi, quæ abstulerat Nabuchodonosor, post biennium remittenda esse in Ierusalem; Ieremias negabat id tam citò futurum. (Iere. 28. 2.) Item Ahab, Sedecias, & Semeias contradicebant eidem Ieremix. Illi dicebant, populum mox rediturum ex captiuitate Babylonica: hic septuaginta annis mansurum in captiuitate Ierem. 29. 21.

4. Quæres, quæ fuerit causa huius contradictionis? Respondeo. Fuit hæc. Veri Prophetæ quærebant salutem populi Iudæorum, ideòque minabantur captiuitates & afflictiones, vt populum reuocarent à peccatis, & per penitentiam Deo reconciliarent. At falsi Prophetæ studiebant proprio commodo & utilitati; ac proinde, vt populo placerent, & ab eo munera acciperent, promittebant pacem, prosperitatem, & rerum omnium abundantiam: Et sic miserè decipiebant populum. Hoc conqueritur Deus Isaïa 3. 12. *Populum meum exactores sui spoliauerunt, & mulieres dominæ sunt eis: Popule meus, quæ te beatum dicunt, ipsi te decipiunt.* Et Ezechielis 13. versu 10. *Deceperunt populum meum dicentes: Pax & non est pax.* Et infra versu 19. *Violabam me ad populum meum, propter pugillum hordei, & fragmen panis, vt interficerem animas.* Et cap. 22. versu 25. *Coniuratio Prophetarum in medio eius, sicut leo rugiens, rapiensque prædæ, animas deuorauerunt, opes & pretium acceperunt.*

5. Dices: Præter falsos Prophetas quierant in Ierusalem & Samaria, fuerunt etiam alij, vt Balaam. Num. 23. 5. & 2. Petri 15. Respondeo. Nos hic tantum agimus de illis, qui fuerunt apud Iudæos, siue fuerint in Iudæa, siue in Samaria. Inter eos non fuit Balaam. An autem Balaam, quem constat fuisse gentilem, fuerit Propheta Dei, an diaboli, quæstio est. Eugubinus putat fuisse Prophetam Dei. Primò, quia rogatus à Balac Rege Moabitarum, vt malediceret populo Israël, voluit prius consulere Deum, qui etiam suggessit illi, quid faciendum esset (Num. vigesimo tertio, vers. tertio.) Secundò, quia Hebræi tradunt fuisse amicum Iob (qui in libro Iob vocatus sit Eliu,) & initio quidem fuisse virum sanctum & Prophetam Dei; sed postea propter inobedientiam & auaritiam factum esse malum. Quod posterius etiam testatur Petrus loco citato. Nec obstat, quod fuerit gentilis: quia multi alij gentiles à Deo consecuti sunt donum prophetiæ: vt Mercurius Trismegistus, & Sibyllæ apud Ægyptios; Zoroastres apud Persas; Orphæus apud Græcos; Abbaris apud Hyperboreos; Zamolxis apud Getas.

6. Alij docent non Dei, sed Diaboli prophetam fuisse: quod videtur probabilius. Primò, quia vocatur *Ariolus* (Numero 22. 5.) Et ob hanc causam magni auctores aiunt fuisse magnum, vt Cyrillus libro 6. de adoratione, Theodoretus quæst. 40. Augustinus sermone 103. de tempore, & alij. Secundò quia quæsiuit augurium (Num. 24. 1.) & ad illud captandum septem aras extruxit ipsi Baal, eique victimas immolabat. (Num. 22. 41. & cap. 23. 1.) Tertio, quia sicut alius sæpè maledixerat, ita etiam rogatus à Balac Rege Moabitarum, voluit maledicere populo Israël; & in hunc finem captauit auguria & vaticinia diaboli. At Deus præueniens, occurrit illi, & quasi inuitum coëgit populo Israël benedicere, quod alioqui non erat facturum. Quarto, nec verum est, Balaam fuisse Eliu, amicum Iob. Nam Eliu fuit Idumæus seu ex regione Ausiridis, vt dicunt septuaginta interpretes cap. 32. Iob. v. 2. Balaam vero fuit ex Mesopotamia, vt patet Deut. vigesimotertio, versu quarto. Vide Cornelium in cap. 22. Numerorum, versu quinto.

QUESTIO IX.

Quomodo falsi Prophetæ à veris discernantur?

1. **R**espondeo. Duobus modis, vt colligitur ex iis, quæ quæst. 3. dicta sunt. Primò, per virtutem miraculorum. Nam veri Prophetæ, vt probarent se missos esse à Deo, suam missionem miraculis confirmabant. At falsi non poterant id præstare, vt patet exemplo Prophetarum Baal, qui non poterant ignem de cælo impetrare, ad comburendum sacrificium, quod offerebant: Elias autem impetrauit. Secundò, per veraces prædictiones. Nam veri Prophetæ prædicebant aliqua, quæ statim fiebant; & sic fidem & auctoritatem astruebant sibi apud populum. At falsi falsas habebant prædictiones. Et ex hoc capite populus iubebatur discernere, an quisquis qui Prophetam se dicebat, missus esset à Deo necne; vt habetur Deut. decimo octauo, versu vigesimo.

2. Quod confirmari potest variis exemplis. Nam Prophetæ Baal prædixerunt Regi Israel *Ascende in Ramoth Galaad, & vade prosperè, & trades Dominus in manus Regis* 3. Regum 22. versu 12. Non est factum Similiter, vt Hananias prædixit: *Hoc dicit Dominus exercituum Deus Israël. Contriti iugum Regis Babyloniæ. Adhuc duo anni dierum, & ego referri faciam ad locum istum omnia vasa domus Domini, quæ tulit Nabuchodonosor Rex Babyloniæ de loco isto, & transtulit ea in Babylonem.* Ier. 28. versu 2. Neque hoc factum. Idem dici potest de Ahab, Sedecia, Semeia & aliis, quorum prædictiones constat fuisse falsas.

QUESTIO X.

Quid de Pythomibus & Pythomissis sentiendum?

1. **D**e illis extant aliqua Scripturæ testimonia, quæ hic recenserebo. Primum est Deut. 18. 9. *Quando ingressus fueris terram, quam Dominus Deus tuus dabit tibi, caue ne imitari velis abominationes illarum gentium nec inueniatur in te, qui iustret filium suum, aut filiam ducens per ignem: aut qui ariolos sciscitetur, & obseruet somnia atque auguria, nec sit maleficus, nec incantator, nec qui Pythones consulat, nec diuinos, aut quærat à mortuis veritatem.* Omnia enim hæc abominantur Dominus, & propter istiusmodi scelera delebit eos in introitu tuo.

2. Secundum est 1. Reg. 28. 3. *Saul abstulit magos, & ariolos de terra. Congregati sunt Philistiim. Et vidit Saul castra Philistiim, & timuit, & expauit cor eius nimis. Consultauit que Dominum, & non respondit ei neque per somnia neque per sacerdotes neque per Prophetas. Dixitque Saul, seruis suis: Quarite mihi mulierem habentem Pythonem, & vadam ad eam, & sciscitabor per illam. Et dixerunt serui eius ad eum: Est mulier Pythonem habens in Endor. Mutauit ergo habitum suum: vestitusque est aliis vestimentis, & abiit ipse, & duo viri cum eo, veneruntque ad mulierem nocte, & ait illi: Diuina mihi in Pythone, & suscita mihi, quem dixerò tibi.*

3. Tertium est 4. Reg. 21. 6. *Manasses traduxit filium suum per ignem: & ariolatus est, & obseruauit auguria, & fecit Pythones, & aruspices multiplicauit.*

Quartum est 4. Reg. 23. 24. *Sed & Pythones, & ariolos, & figuras idolorum, & immunditias & abominationes quæ fuerant in terra Iuda & Ierusalem, abstulit Iosias.*

Quintum, Isaïa 6. 19. *Cum dixerint ad vos: Quarite à Pythomibus, & à diuinis, qui strident in incantationibus suis: Nunquid non populus à Deo suo requirit prouisus à mortuis?*

Sextum Isaïa 19. 3. *Dirumpetur spiritus Ægypti in*

visceribus eius, & consilium eius precipitabo: Et interrogabunt simulacra sua, & diuinos suos, & Pythones, & ariolos.

Septimum, Isaia 29. 4. Humiliaberis, de terra loqueris, & de humo audietur eloquium tuum: Erit quasi Pythonis de terra vox tua, & de humo eloquium tuum missitabit.

Octauum, Act. 16. 16. Factum est autem eunibus nobis ad orationem, puellam quandam habentem spiritum Pythonem, obuiare nobis, qua quæstum magnum præstabat dominis suis diuinando. Hac subsecuta Paulum, & nos clamabat, dicens: Isti homines serui Dei excelsi sunt, qui annuntiant vobis viam salutis. Hoc autem faciebat multis diebus. Dolens autem Paulus, & conuersus, spiritui dixit. Precipio tibi in nomine Iesu Christi exire ab ea. Et exiit eadem hora.

4. Circa hæc testimonia solent multa disputari. 1. Quid sit lustrare filium vel filiam per ignem. 2. Qui dicantur arioli, Aruspices, Pythones, diuini incantatores. 3. Quid somnium & augurium. 4. Quid sit quærare veritatem à mortuis, Et quæ similia sunt. Nobis sufficiat explicare, quod proposui, nempe, qui sint Pythones & Pythonissæ. Nihil dicam de etymologia nominis, sed de usu. Vñs obtinuit, vt illi dicantur Pythones, qui ex instinctu dæmonis diuinant de rebus futuris. Et quidem, si viri sunt, vocantur Pythones, Pithonici, Pythici: si feminae, Pythonissæ, Pythiæ, Pythonem aut spiritum Pythonis habentes. Vt hoc melius intelligatur, notanda sunt que sequuntur.

5. Prædictio futurorum, quatenus excedit captum humanum, duplex est. Vna fit ex instinctu Dei: altera ex instinctu Dæmonis. Prior ordinariè vocatur Prophetia, à qua Prophetæ: Posterior, diuinatio, à qua diuini dicti sunt. D. Thomas in 2. 2. quæst. 95. art. 1. & 2.

6. Rursum, diuinatio duplex est. Vna per explicitam; altera per implicitam Dæmonis inuocationem. Tunc aliquis censetur explicitè inuocare Dæmonem, quando vel expressis verbis illum inuocat; vel cum eo pactum init; vel aliquid reipta facit ex pacto iam inito; vel sciens & volens aliquid vsurpat, quo dæmon solet futura prædicere. Tunc implicitè seu tacitè, quædo id, quod occultum est, conatur inuestigare per media vana & indebita, quæ per se nihil profunt ad certam futurorum cognitionem. Tamen enim in tali casu, non petat expressè subsidium à dæmone, tamen dæmon sponte se ingerit, & homini curioso persuadet, euenturum id quod per huiusmodi vana & indebita media futurum esse significatur. D. Thomas ibidem art. 3. Sanchius lib. 2. Moralium cap. 38. num. 3. & alij ab illo citati.

7. Prior diuinatio, quæ est per explicitam dæmonis inuocationem, variis modis fieri solet, prout variis modis dæmon consulitur, aut respondet.

Primò, consulitur per suos Prophetas & Pythonissas de quibus nunc agimus. Et tunc per eosdem respondet. Quomodo autem respondeat, quæstio est. Quamuis enim certum sit, dæmonem præsentem esse in ventre Pythonicorum & Pythonissarum; tamen non satis constat inter authores, an loquatur per os eorum, more humano: an verò per vmbilicum, aut vicinas partes. Aliqui hoc, aliqui illud asserunt. Nec obstat, quod veteres ventriloquum appellent. Hoc enim potest utroque sensu accipi, vel quod loquatur per vmbilicum, aut vicinas partes, quæ circa ventrem sunt: vel quod vox illius, tametsi exeat per os humano more, tamen ex imo ventre prodire videatur vide Lorinum in cap. 16. Act. v. 16.

8. Secundò, consulitur per sacrificia animalium: & tunc respondet per signa quædam apparentia in exitis animalium. Hoc genus diuinandi vocatur Aruspicium. Vnde Aruspices dicti sunt.

9. Tertiò, consulitur per inuocationem & pre-

Opusc. Becan.

Aces in idolis. Et tunc respondet per idola. Quod vocatur Oraculum.

10. Quartò, consulitur per somnia, vt quando quis cubat, vel certo loco, vel cum certa vnctione, vel cum aliis ceremoniis, eo fine, vt inter somniandum accipiat à Dæmone notitiam rerum futurarum.

11. Quintò, consulitur per præstigium; vt quando dæmon ex pacto apparet alicui in externa forma, quæ oculos perstringat, & de occultis illum instruit.

12. Sextò, per varia signa, siue in corporibus terrestribus apparentia, vt in ligno, metallo, lapide: siue in aëre siue in aqua, siue in igne.

13. Septimò per mortuos, vt quando quis petit à dæmone excitari mortuum qui respondeat de aliquo futuro euentu. Sic fecit Saul, petens à Pythonissa, vt ope Diaboli suscitaret Samuelem. 1. Reg. 28. 8. An autem Samuel apparuerit ope dæmonis, an potius virtute Dei: quæstio est alterius loci. (D. Thomas, Sanchius loco citato, & Lessius cap. 43. dub. 5.)

QUESTIO XI.

An etiam in nouo Testamento sint veri & falsi Prophetæ?

1. **N**ouum Testamentum incipit à Christo & Apostolis. Est ergo quæstio, an à tempore Christi & Apostolorum fuerint aliqui Prophetæ, qui futura prædixerint? Ratio dubitandi sumitur ex illo Matthæi 11. 13. Omnes Prophetæ & lex vsque ad Ioannem prophetauerunt. Ergo nullus post Ioannem Baptistam prophetauit. Item ex illo Hebr. 1. 1. Olim Deus loquens Patribus in Prophetis, nouissime diebus istis locutus est nobis in Filio quasi dicat: Olim loquebatur per Prophetas; iam non amplius per Prophetas sed per Filium.

2. Respondeo: In nouo Testamento sunt etiam veri & falsi Prophetæ. Veri sunt hi, Primò, Christus ipse, qui prædixit suam mortem & passionem, Matth. 20. 19. Crucifixionem, Ioann. 3. 14. & cap. 8. 28. & cap. 12. 23. Ascensionem, Ioann. 3. 13. & cap. 6. 63. Spiritus sancti missionem, Ioan. 7. 39. & cap. 14. 16. & cap. 15. 26. Et multa alia.

3. Secundò, Ioannes Euangelista, qui prædixit multa in Apocalypsi, quæ teste Hieron. in epistola ad Paulinum, tot habet Sacramenta, quot verba.

4. Tertiò, Paulus Apostolus, qui duo potissimum prædixit. Primò, sua vincula. Act. 20. 23. Spiritus sanctus per omnes ciuitates mihi protestatur dicens: Quoniam vincula, & tribulationes Hierosolymis memorem. Deinde suam & sociorum liberationem ex tempestate maris. Act. 27. 22. Et nunc suadeo vobis bono animo esse. Amisio enim nullius animæ erit ex vobis, præterquam raris. Astiit enim mihi hac nocte Angelus Dei, cuius sum ego, & cui deservio, dicens: Ne timeas Paule, Cesaris oportet assistere: Et ecce donauit tibi Deus omnes qui nauigant tecum. Propter quod bono animo esto viri: Credo enim Deo, quia sic eris, quemadmodum dictum est mihi.

5. Quartò, Agabus, qui etiam duo legitur prædixisse. Primò, futuram famem. Act. 11. 27. In his diebus supervenerunt ab Hierosolymis Prophetæ Antiochiam: Et surgens unus ex eis, nomine Agabus, significabat per spiritum, famem magnam futuram in universo orbe terrarum, quæ facta est sub Claudio. Secundò, Paulum à Iudeis vincendum. Act. 21. 10. Superveni quidam à Iudea Prophetam, nomine Agabus. Is cum venisset ad nos, tulit zonam Pauli: & alligans sibi pedes & manus, dixit. Hæc dicit Spiritus sanctus: Virum, cuius est zona hæc, sic alligabunt in Ierusalem Iudei, & tradent in manus Gentium.

6. Quintò, Filia Philippi Diaconi, de quibus Act. 21. 9. Huius (Philippo) erant quatuor filiae virgines prophetantes. Quid prophetauerint,

non constat. Nec audiendus Lutherus, qui in libro de abroganda Missa priuata, ait, *fuisse prophetas*, id est, prædicantes seu dicentes verbum Dei: vt inde conuincat, etiam mulieres posse docere & concionari. Quod est contra Apostolum primæ Timothei secundo, versu vndecimo: *Mulier in silentio discat cum omni subiectione. Docere autem mulieri non permitto.* Et primæ Corinthiæ decimo quarto, versu trigesimo quarto: *Mulieres in Ecclesiis sicut etiam. Non enim permittitur eis loqui, sed subditas esse.*

7. Præter hos Prophetas Noui Testamenti, quorum sit mentio in Scripturis, fuerunt multi alij post tempora Apostolorum, qui etiam Prophetiæ donum consecuti sunt: de quibus videri possunt Vitæ Sanctorum, & Martyrologia. Porro Prophetæ Noui Testamenti partim conueniunt cum Prophetis veteris Testamenti; partim ab eis discrepant. In duobus conueniunt. Primò, quod utrique vel per miracula: vel per veracem prædictionem probauerint, se à Deo missos esse. Secundo, quod aliquando verbis, aliquando externis signis futura prædixerint. Hoc posteriori modo multa prædixerunt Isaias, Ieremias, Ezechiel, Oseas, Agabus, alij. Isaias quidem dum nudus & discalceatus ambularet per plateas, (cap. 20. 2.) Ieremias, dum indueret lumbare lineum, & postea absconderet illud iuxta Euphratem in foramine petreæ, & putrefactum inde extraheret, (cap. 13. versu 2.) Ezechiel, dum in latere describeret obliuionem ciuitatis Hierusalem, & panem stercore conspersum comederet, (cap. 4. 1. & sequentibus.) Oseas, dum acciperet uxorem fornicariam, & ex ea prolem generaret, (capite primo, versu secundo.) Agabus, dum alligaret manus & pedes suos zona Pauli Apostoli, (Act. 21. v. 11.)

8. In eo discrepant, quod Prophetæ veteris Testamenti prophetauerint de Christo venturo: Prophetæ noui Testamenti de aliis rebus, quæ post Christum futuræ erant. Vnde illud, quod initio obiciebatur: *Omnes Prophetæ usque ad Ioannem Prophetauerunt*, sic debet intelligi: Omnes, usque ad Ioannem, prophetauerunt de venturo Christo: Ioannes Christum præsentem demonstrauit: *Ecce Agnus Dei: Ecce qui tollis peccata mundi.*

9. Hæc de veris Prophetis. De falsis generatim loquitur Christus Matth. 7. 15. *Attendite a falsis Prophetis, qui veniunt ad vos in vestimentis ouium; intrinsecus autem sunt lupi rapaces: A fructibus eorum cognoscetis eos.* Et Mat. 24. 11. *Multi pseudoprophetae surgent, & seducunt multos.* Et Ioann. Apost. 1. 4. 1. *Nolite omni spiritui credere, sed probate spiritus, si ex Deo sint, quoniam multi pseudoprophetae exierunt in mundum.* Talis fuit Elimas magnus, quærens Sergium Proconsulem auertere à fide (Act. 13. 6.) Tales Hymenezus & Philetus, qui docebant resurrectionem esse iam factam, & subuertebant quorundam fidem. (1. Thimoth. 2. 18.) Tales illi, de quibus Apostolus ad Galatas cap. 1. v. 7. *Sunt aliqui, qui vos consurbant.* Labes, Marcus, Montanus, Marciatus, apud Baronium tomo 2. Annalium. Tales denique, vt vno verbo dicam, omnes hæretici, non modo veteres, sed etiam moderni, qui simillimi sunt falsis Prophetis in veteri Testamento. 1. Quia falsi Prophetæ dicebant, se missos esse à Deo. 2. Non poterant probare, se missos esse. 3. Semper fausta, & quæ populo grata erant, vaticinabantur; vt pacem, victoriam, fertilitatem, & rerum omnium abundantiam. Ierem. 14. 13. Et ideo à plerisque libenter audiebantur.

10. Similiter faciunt moderni nostri Prophetæ. Primò aiunt, se à Deo missos esse ad reformandam Ecclesiam. Secundo non possunt probare se missos esse. Nec villo miraculo aut veraci prædictione id hætenus probarunt. Prædixit quidem Lutherus: *pestis erant vi-*

uius, moriens eromorsus Papa: sed fuit mendax prædictio. Mortuus est Lutherus, viuit adhuc Papa. Tertio, semper fausta, & quæ populo grata sunt, vaticinantur. Eorum vox est, per hanc saluabimini: Bona opera nihil proderunt: Non opus est ieiuniis & castigatione corporis. Crescite & multiplicamini: Si non vult vxor, veniat ancilla. Hanc vocem plerique libentius audiunt, quàm illam Christi & Apostolorum: *Pœnitentiam agite: Mortificate membra vestra, quæ sunt super terram: Abstineat à carnalibus desideriis: Sobrius estote, & vigilate.*

CAPVT VI.

De Religiosis Synagoga, qui erant Nazarei, & Rechabita.

1. PRÆTER Leuitas Sacerdotes, Pontifices, Prophetas, de quibus dictum est, erant etiam alij in veteri Testamento, qui à communi populo distinguebantur. Primò quidem Nazarei & Rechabita, qui erant quasi Religiosi. Deinde Esseni, Pharisei, & Sadducei, qui erant quasi sectarii. De utrisque agendum est. De prioribus in hoc capite: De posterioribus in sequenti.

Nazarei.

1. Igitur Nazarei, apud Iudæos, erant homines Religiosi, (seu viri, seu feminae) qui voto se consecrabant Deo, & à communi aliorum consuetudine separabant. Erant autem duplices. Alij temporarij, qui ad certum tempus obligabant se voto, vt ad vnum mensē, duos tres, vel ultra. Num. 6. 13. & sequentibus. Alij perpetui, qui ad totam vitam erant obstricti, vt Samson & Samuel. Iudic. 13. 7. & 1. Reg. 1. 28. Vocabantur autem Nazarei, id est separati, consecrati, comati, (Cornelius in cap. 6. Num. v. 9. & Caristius in cap. 4. Lamentationum Ierem.) Et poterant esse ex quauis tribu. Nec quatenus præcisè erant Nazarei, ad vllam Leuiticam, aut Sacerdotalem functionem obligabantur. (Serarius in c. 13. Iudic. quest. 5.)

3. Statuta eorum describuntur à Moyse, Num. 6. Erant autem hæc. Abstinebant à vino, & ab omni potu, qui inebriare potest: Itemque ab aceto, & viuis, tam siccis, quàm recentibus. 2. Alebant comam toto tempore separationis sue. Vel, vt Scriptura loquitur, *Nenacida non transibat per caput eorum.* 3. Non ibant ad funus, vel cadauer mortui, ne quidem patris aut matris. Et generatim, non debebant super mortuo contaminari. Quarto, in fine voti seu separationis, (quod intelligendum est de temporariis) offerebant ad ostium tabernaculi tres victimas. 1. Agnum anniculum in holocaustum. 2. Agnam anniculam in sacrificium pro peccato. 3. Arietem in hostiam pacificam: Et præter hæc, Canistrum panum azymorum, qui conspersi erant oleo: & lagana absque fermento vncta oleo: ac libamina singulorum. His peractis, radebantur ante ostium tabernaculi: & capilli eorum, qui erant Deo consecrati, igne comburebantur. Et sic erat finis voti ac separationis. Vide infra à capite decimoquinto.

4. Circa tertium statutum, notandum est, Iudæos variis modis solere contaminari super mortuo. 1. Si essent in domo, in qua quis erat moriturus. 2. Si tangerent cadauer mortui, aut ossa illius. 3. Si attingerent vasa quibus fuerat vltus. 4. Si tangerent illius sepulchrum. 5. Si irent ad funus mortui. Num. 19. v. 11. & seq. His omnibus modis contaminabantur etiam Nazarei: Et insuper alio peculiari modo; si nimirum essent in aliquo loco, vbi quis moreretur. Si ergo aliquo

istorum modorum fuissent contaminati tempore separationis suæ, debebant raso capite & oblato sacrificio expiari, & de nouo consecrari, non secus, ac si antea non fuissent Nazarzi. (Num. 6. 9.) Itaque si quis illorum vouisset separationem per decem menses, & in aliquo istorum mensium fuisset contaminatus, debebat ab initio inchoare decem menses, perinde ac si antea non fuisset separatus. (Num. 6. 12.)

5. Erant autem Nazarzi in magno honore apud Iudæos. Et merito. Nam ipsemet Deus per Prophetam Amos, cap. 2. recensens beneficia, quæ præstiterat populo Iudæorum, commemorat potissimum hæc tria. 1. *Ego sum, qui ascendere vos feci de terra Egypti.* 2. *Ego exterminavi Amorrhæum.* 3. *Ego suscitavi de filiis vestris in Prophetas & de iuuenibus vestris Nazaraeos.* Quod etiam confirmatur ex lib. 1. Machabæorum, cap. 3. vers. 49. Cùm enim Iudæi congregati essent in Malspha, & audirent appropinquare exercitum Anthiochi Regis; maximè fuerunt solliciti de Nazarzis, ut illi in tuto collocarentur. Textus sic habet: *Attulerunt ornamenta Sacerdotalia, & primitias & decimas, & suscitauerunt Nazaraeos, qui impleuerant dies: & clamauerunt voce magna in calum, dicentes: Quid faciemus istis, & quò eos ducemus.*

6. Quæres 1. Quamdiu durauerit institutum Nazarzorum? Respondeo: Durauit ab initio legis Mosæicæ, usque ad tempora Apostolorum. Nam Moyses descripsit illorum institutum, ut paulo ante dixi. Et Paulus Apostolus cum quibuscumque aliis hoc institutum amplexus est, ut patet Actorum 18. 18. Et Actor. 21. 23. Nec obstat, quod Ioseph Patriarcha, qui diu vixit ante legem Mosæicam, vocetur Nazareus. Genes. 49. 26. Non enim vocatur Nazareus, ratione instituti seu voti, sed ratione vocabuli, quia Nazareus idem est, quod separatus. Ioseph autem fuit separatus à fratribus. Et quidem multis modis. 1. Moribus & innocentia. 2. Conuersatione, quia fratres oderant illum & abhorrebant ab illius consortio. 3. Loco, quia fuit expulsus in Egyptum, & per multos annos separatus à fratribus habitantibus in Chanaam. 4. Carcere, in quo mansit, intonsis crinibus, ac quasi Deo relictus & consecratus. Vide Cornelium in capite 49. Genes. vers. 26.

7. Quæres 2. Qui apud Christianos sint similes Nazarzis Iudæorum? Respondeo, Religiosi, quorum typum seu figuram gesserunt Nazarzi, ut notat Nazianzenus orat. in laudem S. Basilij, Gregorius lib. 1. Moral. c. 39. D. Thom. in 2. 2. q. 186. art. 6. Figura consistit in his. Primo, sicut Nazarzi speciali gratia à Deo suscitabantur. Amos 2. 11. ita etiam Religiosi. Secundò, Sicut illi erant separati à communi hominum conuictu & consuetudine, ita & hi. Tertio, sicut illi, ratione voti, abstinebant à vino & omni potu, qui inebriare potest; ita & hi, ratione voti, sectantur paupertatem & frugalitatem. Quarto, sicut illi cauebant ab omni immunditia legali, etiam minima; ita & hi à minima labe peccati. Quintò, sicut illi non ibant ad funera parentum suorum; ita & hi deponunt omnem affectum carnalem erga parentes & amicos. Sextò, Sicut illi alebant in capite comam Deo consecratam; ita & hi alunt pias meditationes de rebus ad Deum pertinentibus. Septimò, Sicut illi, qui Deo consecrati erant, populo honorabantur, ita & hi. Denique sicut illi in fine separationis offerebant Deo victimas immaculatas; ita & hi in fine vitæ offerunt Deo animas immaculatas. Vide eundem Cornelium in cap. 6. Num. vers. 9.

Rechabite.

8. Rechabite dicti sunt à Rechab, qui fuit Pater Opusc. Bec.

A Ionadab. Hic Ionadab præcepit filiis & posteris suis hæc tria, 1. Ut non biberent vinum. 2. Ut non edificarent domos, sed habitarent in tabernaculis. 3. Ut non sererent sementem, nec plantarent vineas. Quæ omnia accuratissimè ipsi seruabant. Ierem. 35. 6. & sequent. Ob hanc causam Monachi à D. Hieronymo appellati sunt Epist. 13. ad Paulinum.

9. Vixit autem Ionadab sub Iosia Rege Iudæ, & Iehu Rege Israël. Nam 4. Reg. 10. 15. sic legimus: *Cumque abiisset inde, inuenit Ionadab filium Rechab in occisum sibi, & beneuoluit ei. Et ait ad eum: Numquid est cor tuum rectum, sicut cor meum cum corde tuo? Et ait Ionadab: Est Si est, inquit, da manum tuam. Qui dedit ei manum suam. At ille leuauit eum ad se, in corum: dixitque ad eum: Veni mecum, & vide zelum meum pro Domino. Et impositum in coram suo duxit illum in Samariam. Et percussit omnes, qui reliqui fuerant de Achab in Samaria usque ad unum, iuxta verbum Domini, quod locutus est per Eliam. Congregauit ergo Iehu omnem populum, & dixit ad eos, &c.*

10. Porro Rechab, à quo dicti sunt Rechabite, fuit filius Hemath, ducens originem ex socero Moyses Raguele, qui alio nomine dictus est Iethro, Princeps Madian, Exod. 3. 1. & Cinæus, qui erat ex stirpe Cuius, Iudic. 1. 16. Vnde sæpè pro eodem usurpantur hæc duo nomina Cinæi, & Rechabite, ut 1. Paral. 2. 35. *Hisunt Cinæi, qui venerunt de calore patris domus Rachab.* Vel ut Hebræi & septuaginta dicunt: *Qui venerunt de Hemath pater domus Rechab,* id est, familiarum Rechabitarum.

11. Quod autem Deo placuerit institutum Rechabitarum, aperte constat ex Ieremia, loco citato, ubi sic legimus: *Verbum quod factum est ad Ieremiam à Domino in diebus Ioachim filij Iosia Regis Iudæ, dicens: Vade ad domum Rechabitarum, & loquere eis, & introduces eos in domum Domini in unam exedram thesaurorum, & dabis eis bibere vinum, &c. Et introduxi eos in domum Domini, &c. Et posui coram filiis Rechabitarum scyphos plenos vino, & calices, & dixi ad eos: Bibite vinum. Qui responderunt: Non bibemus vinum, quia Ionadab filius Rechab, Pater noster, præcepit nobis dicens: Non bibetis vinum vos, & filij vestri usque in sempiternum: Et domum non edificabitis, & sementem non seretis, & vineas non plantabitis, nec habebitis; sed in tabernaculis habitabitis cunctis diebus vestris, ut uiuatis diebus multis super faciem terra, in qua vos peregrinamini. Obediimus ergo voci Ionadab filij Rechab, Patris nostri, in omnibus quæ præcepit nobis, ita ut non biberemus vinum cunctis diebus nostris, nos & mulieres nostre filij & filia nostra: & non edificaremus domos ad habitandum: & vineam, & agrum & sementem non habuimus: sed habitauimus in tabernaculis, & obedientes fuimus circa omnia, quæ præcepit nobis Ionadab Pater noster, &c. Et factum est verbum Domini ad Ieremiam, dicens: Hac dicit Dominus exercituum Deus Israël: Vade & dic filiis Iudæ, & habitatoribus Ierusalem: Numquid non recipietis disciplinam, ut obedietis verbis meis, dicit Dominus? prauauerunt sermones Ionadab filij Rechab, quos præcepit filiis suis, ut non biberent vinum: & non biberunt usque ad diem hunc, quia obedierunt precepto patris sui. Ego autem locutus sum ad vos, de mane consurgens & loquens, non obedistis mihi. Misique ad vos seruos meos Prophetas, consurgens diluculo, & dicens: Conuertimini unusquisque à via sua pessima, & bona facite studia vestra, &c. Et non inclinastis aurem vestram, neque audistis me. Firmauerunt igitur filij Rechab preceptum patris sui, quod præceperat eis. Populus autem iste non obediuit mihi. Idcirco hæc dicit Dominus exercituum Deus Israël: Ecce ego adducam super Iudæ, & super omnes habitatores Ierusalem uniuersam afflictionem, quam locutus sum aduersus illos, & non audierunt: vocaui illos, & non responderunt mihi. Domini autem Rechabite.*

D iij

rum dixi: Jeremias: *Hac dicit Dominus exercituum Deus Israël; pro eo, quod obedistis precepto Jonadab Patris vestri, & custodistis omnia mandata eius, & fecistis uniuersa, quae precepit vobis: propterea hac dicit Dominus exercituum Deus Israël, non deficiet vir de stirpe Ionada b filij Rechab, stans in conspectu meo cunctis diebus.*

12. Vbi tria notanda sunt. Primò, præceptum illud, quod datum fuit Rechabitis, fuisse difficillimum. Quid enim difficilius, quam viros & vxores, filios & filias, non tantum ad breue tempus more Nazareorum, sed in perpetuum abstinere ab omni vino, nunquam habitare in domibus, nunquam serere agros, nunquam plantare vineas? Secundò, hoc præceptum non fuisse diuinum, sed humanum, vt patet ex antithesi, quam Deus facit. Sic enim argumentatur: Si Rechabitz seruant præceptum, quod ab homine acceperunt, quanto magis Iudæi debebant seruire præceptum, quod à Deo acceperunt? Tertiò, Rechabitas non solum rectè ac laudabiliter fecisse, quod obseruarint præceptum parentis sui Ionadab, sed etiam meritos esse à Deo peculiarem benedictionem: sicut è contrario, Iudæos meritos esse poenam & afflictionem. Nam Rechabitis dicitur: *Non deficiet vir de stirpe vestra, stans in conspectu meo cunctis diebus.* Iudæis autem: *Ego adducam super vos afflictionem.*

13. Hinc, si sapiunt colligant aduersarij nostri hæc pauca. Primò, præcepta hominum non esse contemnenda. Secundò, sicut Rechabitz laudabiliter fecerunt, seruando præceptum parentis sui Ionadab; ita laudabiliter facere Catholicos, seruando præceptum matris Ecclesie. Imò tanto laudabilius, quanto maior est autoritas Ecclesie quam priuati hominis. Tertiò, Catholicos propterea non deficere (deficientibus Manichæis, Pelagianis, Donatistis, & aliis hæreticis) quia seruant præcepta Ecclesie; & quo quisque accuratius ea seruat, eo maioribus à Deo beneficiis cumulari. Alios verò propterea sensim deficere, quia ex vna parte contemnunt præcepta Ecclesie, in quo deficiunt à Rechabitis: & ex altera, non seruant præcepta Decalogi: in quo similes sunt Iudæis. Et vt aliquam suæ ignauie prætexant excusationem, aiunt, præcepta Decalogi esse impossibilia. In quo fingunt Deum tyrannum, quasi præcipiat homini sub graui poena, quod ab homine præstari nullo modo possit.

CAPVT X.

De Sæctariis Synagagæ, qui erant Pharisei, Sadducei, Esseni.

1. Communis sententia est, tres fuisse Iudæorum Sæctas, nempe Phariseorum, Sadduceorum, & Essenorum. Ita Flavius Iosephus libro 3. cap. 12. Hieronymus lib. 12. contra Iovinianum, Chrysostomus, Theophylactus, Oecumenius in cap. 22. Actuum Apostolorum, Abulensis in cap. 3. Matth. quæst. 63. Serarius lib. 1. Trihæresij cap. 3. & alij. De hoc triplici Sæctariorum genere breuiter agendum est hoc ordine. 1. Vnde dicti sint Pharisei. 2. Ex qua tribu & familia fuerint. 3. Quæ fuerint illorum dogmata. 4. Qui mores & instituta. 5. Quando & quo authore ceperint. 6. An fuerint distincti à Scribis. 7. Sadducei vnde dicti. 8. Quæ illorum dogmata & instituta. 9. Qui hoc tempore similes Phariseis & Sadduceis. 10. Esseni vnde dicti, & quæ illorum dogmata & instituta.

QUESTIO I.

Vnde dicti sunt Pharisei?

1. **D**icti sunt Pharisei à Pharsæ, quod tria significat. 1. Expandere seu explicare. 2. Exponere, declarare, interpretari. 3. Diuidere seu separare. Hæc tria conueniebant Phariseis. Primo, quia expandebant seu explicabant se oculis hominum, vt fierent conspicui, & illustres in populo. *Dilatabant enim phylacteria sua; amabant salutationes in foro; primum locum ambiebant in conuiujs.* Matth. 23. 5. Secundò, exponebant & interpretabantur legem Mosaicam. Quod pertinet illud: *Super Cathedram Moysis sederunt Scribae, & Pharisei* (Matth. 23. 2.) Tertiò, separabant se ab alijs, quasi sanctiores & peritiores essent. Vnde Hieronymus libro Traditionum in Genesim *Pharisei*, inquit, *qui se quasi iustos separauerunt, diuisi appellantur.* Et Augustinus serm. 15. de verbis Apostoli: *Primarij quidem erant, & quasi ad nobilitatem Iudaicam segregari, non contemptibili plebi commixti, qui dicebantur Pharisei. Nam dicitur hoc verbum segregationem interpretari quomodo in Latina lingua egregius, quasi à grege separatus.* Vide Maldonatum in cap. 3. Matth. v. 7. & Serarium lib. 1. Trihæresij cap. 1.

QUESTIO II.

Ex qua tribu & familia fuerint Pharisei?

1. **R**espondeo: Poterant esse ex omni tribu & familia. Nam illorum institutum non erat alligatum ad certam tribum, sicut institutum Levitarum & Sacerdotum erat alligatum ad tribum Leui: Nec ad certam familiam, sicut institutum Pontificum erat alligatum ad familiam Aaron, & quidem ad promogenituram illius familie, vt supra dictum est. Vnde Chrysostomus in cap. 15. Matthæi ait, *Per omnes tribus in duodecim partes disseminati erant Pharisei.* Et patet in exemplis. Nam Paulus fuit ex tribu Benjamin, vt ipse de se fatetur Philip. 3. 5. *Circumcisus octauo die, ex genere Israël, de tribu Benjamin, Hebraeus ex Hebraeis, secundum legem Phariseus.* Hircanus, & Flavius Iosephus, ex tribu Leui; & alij ex alijs tribubus.

2. Quæres, An fuerint ex ordine nobilium, an plebeiorum? Respondeo. Ex utroque poterant esse. Porro nobilitas apud Iudæos ex triplici potissimum capite aestimabatur. Primò ex zelo religionis Iudaicæ. Hoc sensu Paulus fuit nobilis Phariseus. Nam & contra nascentem Christi Ecclesiam, & contra hæresim Sadduceorum, zelosè publicè pugnabat pro sua Religione. Philippen. 3. 5. *Secundum legem Phariseus, secundum emulationem persequens Ecclesiam Dei.* Et Actor. 23. 6. *Sciens autem Paulus, quia vna pars esset Sadduceorum, & altera Phariseorum, exclamauit in Concilio: Viri fratres, Ego Phariseus sum, filius Phariseorum, &c.* Vnde Augustinus serm. 15. de verbis Apostoli, introducit Paulum de se loquentem his verbis: *Non eram piger Iudæus. Quicquid erat, quod legi mea aduersarium videbatur, impatiens ferebam, acriter insequerbar.* Et mox subiungit: *Hæc apud Iudæos nobilitas.*

3. Secundò ex eminentia honoris. Sic Nicodemus fuit nobilis Phariseus, de quo Ioan. 3. 1. *Erat autem homo Phariseus Nicodemus nomine, Princeps Iudæorum.* Porro Principes Iudæorum vocabantur, vel qui inter Iudæos erant locupletissimi; vel certè, qui erant cap. familiarum: sicut etiam Principes Sacerdotum dicti sunt, qui Sacerdotalium familiarum erant capita, vt notat Maldonatus in commentario illius loci.

4. Tertio, ex dignitate Sacerdotali. Sic Hyrcanus & Flavius Iosephus fuerunt nobiles Pharisei, quia summi Sacerdotes: Sic etiam illi, qui ad Ioannem Baptistam legatione functi sunt, de quibus Ioan. 1. 19. *Miserunt Iudaei ab Ierosolymis Sacerdotes & Levitas ad eum, ut interrogarent eum: Tu quis es?* Postea subditur: *Et qui missi fuerant erant ex Phariseis.* Hinc constat aliquos Phariseorum fuisse Levitas, alios Sacerdotes, alios Pontifices. Addo, alios etiam Scribas & legis Doctores, ut quæst. 6. videmus.

QUESTIO III.

Qua fuerint dogmata Phariseorum?

1. **M**agna difficultas est, an doctrina Phariseorum fuerit vera, an falsa? Falsam fuisse insinuat Christus Matthæi 16. 6. cum ait: *Caveat a fermento Phariseorum & Sadduceorum.* Vbi per fermentum intelligit doctrinam eorum, ut patet ex sequentibus verbis: *Tunc intellexerunt (Apostoli) quia non dixerat cavendum a fermento panum, sed a doctrina Phariseorum & Sadduceorum.* Contra veram fuisse insinuat Matthæi 23. 2. cum ait: *Super cathedram Moysis sederunt Scribae & Pharisei. Omnia ergo quaecunque dixerint vobis, servate & facite.* Hoc non dixisset, si doctrina illorum fuisset falsa. Eodem spectat illud Apostoli Pauli Actor. 26. 5. *Secundum certissimam sectam nostrae religionis vixi Phariseus.* Si fuit certissima, non potuit esse falsa.

2. Hæc tria testimonia explicanda sunt, & ex eorum explicatione patebit, quid de proposita quaestione statuendum sit. Illud igitur; *Caveat a fermento*, id est, doctrina, Phariseorum, manifestè significat, aliqua saltem eorum dogmata fuisse falsa. Quænam illa fuerint, ex variis authoribus colligi potest. Primo, docebant omnia fato euenire, ut refert Epiphanius hæresi 16. Secundo, valde addicti erant astronomiæ; & maiorem, quam par est, efficaciam tribuebant planetis & sideribus, teste eodem Epiphanio. Tertio, dicebant animas iustorum migrare de corporibus in corpora: non item animos malorum. (Iosephus lib. 2. Cap. 12.) Hinc natus ille Iudæorum error, quod alij dicerent, Christum esse Heliam, alij Ieremiam, alij unum ex aliis Prophetis. Putabant animam alicuius Prophetæ migrasse in corpus Christi. Quarto, nimium urgebant traditiones seniorum, inter quas aliquæ erant inutilles. Quod sæpè illis obiecit Christus in Evangelio. Quinto, malè sentiebant de pietate filiorum erga parentes, ut capite primo, quaestione vltima explicatum est. Sexto, similiter malè de religione iuramenti, ibidem. Septimo, respuebant Baptismum Ioannis. (Lucæ 7. 30.) Octavo, negabant Christum esse Deum, & Salvatorem à Prophetis promissum. Quæ omnia repugnabant veritati. Itaque propter eiusmodi dogmata, meritò dixit Christus: *Caveat a fermento Phariseorum.*

3. Alterum testimonium est; *Super cathedram Moysis sederunt Scribae & Pharisei. Omnia ergo quaecunque dixerint vobis servate & facite.* Quaeritur, quid significet illa particula, *Omnia*? An absolutè omnia, quaecunque dixerint? Nullo modo. Alioquin oportuisset etiam facere, quæ falsò docebant Pharisei. Quæ ergo omnia? Variæ sunt interpretationes. Maldonatus sic interpretatur: *Omnia quaecunque lex & Moyses vobis dixerint, Scribis & Phariseis recitantibus, servate & facite.* Alij sic: *Omnia quaecunque Scribae & Pharisei, prælegendo libros Moysis, dixerint vobis servate & facite.* Sensus idem est. Sed manet quaestio, An omnia, quæ dixerint Scribae & Pharisei, recitando verba Moysis: an etiam quæ dixerint, explicando verba Moysis? Hoc posterius multi concedunt, cum hac li-

mitatione: Quæ dixerint, explicando verba Moysis in cathedra. id est, publica autoritate. Vide Augustinum lib. 4. de doctrina Christiana, cap. 27. & lib. 16. contra Faustum, cap. 29. & Epist. 166. Et Serapionem lib. 2. Trihæresi cap. 6.

4. Dices, ergo Iudæi debebant credere, Christum non esse Prophetam illum, quem Deus promissit per Moysen, Deuteron. 18. 15. Sequela patet, quia Scribae & Pharisei publica autoritate, & in pleno Concilio damnaverunt Christum, nec agnouerunt pro tali Propheta. Si ergo quaecunque illi dicebant publica autoritate, debebant fieri, necesse erat, Iudæos non agnoscere Christum, tanquam Prophetam à Deo promissum. Respondco, Propter hanc obiectionem, nonnulli aliter explicant verba Christi. Nimirum sic: *Omnia præcepta legis Moysiæ, moralia, ceremonialia, & iudicialia, quæ à Scribis & Phariseis publica auctoritate vobis proponuntur, servate & facite: Secundum verò opera eorum nolite facere.* Causam addit: *Dicunt enim, & non faciunt.* Quæ sunt illa, quæ dicunt & non faciunt. Sequitur: *Alligant enim onera gravia & importabilia, (nempe præcepta legis Moysiæ, quæ servatu difficilia sunt) & imponunt in humeros hominum: digito autem suo nolunt ea movere,* id est, alios onerant multitudine præceptorum; & ipsi nullum ex illis servant. Vide Chrysostomum in catena aurea, & Emmanuelem in notationibus.

5. Tertium testimonium est Actor. 26. 5. *Secundum certissimam sectam nostrae religionis, vixi Phariseus.* Græcè est *ἐκ τῆς ἀριστάτης*, exquisitissimam, accuratissimam. Syriacè primam, seu præcipuam & principalem. Quo sensu id dixerit, quaestio est. Respondco. Secta Pharisaica dupliciter spectari potest. Primo, quoad primam suam originem & institutionem. Secundo, quoad vitia, quæ postea irrepsērunt. Priori modo fuit certissima & accuratissima; posteriori, in multis erravit. Non quod singuli errarint, sed maior pars, ut latius explicabo sequenti quaestione, §. 3.

QUESTIO IV.

Qui fuerint mores, & instituta Phariseorum?

1. **H**oc generatim constat ex iis, quæ Christus in Evangelio illis obiecit. Nam primò, vocavit illos hypocritas, avaros, stultos, inanis gloriæ cupidos sepulchra dealbata, plenos rapina & immunditie, plenos hypocrisis & iniquitate, serpentes, germina viperarum, filios gehennæ, generationem malam & adulteram. Secundo, dixit de illis: *Nisi abundaverit iustitia vestra, plus quàm Scribarum & Phariseorum, non intrabitis in regnum calorum.* Tertio, obiecit illis Matth. 15. 3. *Quare vos transgredimini mandata Dei, propter traditionem vestram?* Quarto, gravissimè ac impius in eos iniectus est, repetendo illud: *Va vobis Scribae & Pharisei.* (Matth. 23. & Luc. 11.)

2. Speciatim hæc illis obiecta sunt. 1. *Omnia opera sua faciunt, ut videantur ab hominibus.* (Matth. 23. 5.) 2. Quando dant elemosinam, vel orant faciunt hoc publicè in plateis & Synagogis, ut honorificentur ab hominibus. (Matth. 6. 2.) 3. Isaias de illis prædixit: *Populus hic labiis me honorat; cor autem eorum longe est à me.* (Matth. 15. 8.) *Dilatant phylacteria sua, & magnificant simbrias.* (Matth. 23. 5.) 5. *Amant primos recubitus in canis, & primas cathedras in Synagogis, & salutationes in foro, & vocari ab hominibus Rabbi.* Sexto, claudunt regnum cælorum ante homines: *Ipsi enim non intrant, nec introeuntes sinunt intrare.* Septimo, *Circumcunt mare & aridam, ut faciant profelytum; & cum factus fuerit, faciunt eum filium gehennæ duplo, quàm*

seiplos. Octauò *Decimant mentham & rutam & omne aliud*; relinquunt iudicium, misericordiam & fidem, Nonò, exterius mundi sunt; interius pleni spurcitia. Decimò, ædificant sepulchra Prophetarum & dicunt: *Si fuissetis in diebus Patrum nostrorum, non essemus socij eorum in sanguine Prophetarum.* Itaque testantur se esse filios eorum, qui Prophetas occiderunt. Hec & similia habentur Matth. 23.

3. Quæres, An omnes Pharisei fuerint tales? Re-
peto quod supra dixi: Aliud est loqui de secta Phari-
saica secundum se, & ex prima sua institutione, fuit
bona & laudabilis, siue doctrinam, siue mores specte-
mus. Et hoc sensu intelligitur illud: *Secundum certifi-
simam sectam nostræ religionis vixi Phariseus.* At postea,
vt fieri solet, exortæ sunt superstitiones, & falsa dog-
mata, quibus obnoxij fuerunt posteriores Pharisei
tempore Christi ideòque grauiter ab eo reprehensi.
Non quod omnes, sed plerique fuerint tales. Nam
constat aliquos fuisse immunes ab alijs vitijs, vt
Nicodemum, Gamalielem, & discipulum eius Pau-
lum, qui de seipso scribit Act. 22. 3. *Eruditus iuxta
veritatem paternam legis.* Et Philip. 3. 5. *Secundum legem
Phariseus, secundum iustitiam, qua in lege est, conuersa-
tus sine querela.*

4. Idem fit in nouo Testamento. Multi Ordines Re-
ligiosi ab initio bonam ac salutarem regulam professi
sunt, qui postea in multis à regula deflexerunt: non
vitio sui instituti aut vocationis, sed negligentia hu-
manæ fragilitatis. Contra accidit Calumnias. Qui si
primam Caluini doctrinam & institutionem sequan-
tur, boni esse non possunt: sin ab ea deflectant, melio-
ris vitæ spem ac subsidium habent. Vide quæ diximus
in opusculo de Ecclesia.

QVÆSTIO V.

Quando: & quo auctore cæperim Pharisei?

1. Serarius lib. 2. Triheresij cap. 11. putat eos cæ-
pisse ante tempora Ionathæ Machabæi, plusquam
130. annis ante Aduentum Christi. Quod tripliciter
probat. Primò, ex illis Iosephi verbis: *Circa hoc tempus
(Ionathæ) erant tres Iudæorum hæreses.* Secundò, quia
Pharisei antiquiores sunt Sadducæis: At hi fuerunt
ante tempora Ionathæ; ergo multo magis illi. Tertiò,
quia constat ex historiis, tempore Ioannis Hircani,
qui vixit 24. annis post Ionatham, fuisse maximum nu-
merum, & auctoritatem Phariseorum. Ex quo colligi
potest, eos cæpisse ante tempora Ionathæ, quia si
tunc primum cæpissent, (quod aliqui putant) non po-
tissent tam paucis annis in tantum numerum excres-
cere; præsertim cum non nisi viri docti ad eorum se-
ctam admitterentur.

2. Quod attinet ad ipsorum auctorem seu instituto-
rem, putat Diuus Hieronymus in cap. 8. Isaie, Scri-
bas & Phariseos à Schamai & Hillel, duobus magnis
Synagoge viris, ortos esse. At Serarius cap. 12. ab ijs
quidem propagatos, sed ab alijs initium sumpsisse. E
Quod etiam sentit Genebrardus in Chronologia. No-
ta. Docent Iudei, Moysen in monte Sinai, non solum
à Deo accepisse legem, quam scripsit; sed etiam intel-
ligentiam legis, quam non scripsit: eamque viua voce
tradidisse Iosue successori suo: Hunc eandem tradidis-
se Senioribus, qui ipsum secuti sunt: Hos Prophetis:
Prophetas viris magnis Synagoge, post reditum ex
captiuitate Babylonica. Ex his viris ortam esse sectam
Phariseorum, ac postea ab Hillel & Schamai propa-
gatam. Vide Serarium loco citato.

QVÆSTIO VI.

An Pharisei fuerint distincti à Scribis?

1. **T**ria hic statuenda sunt. Primò, Scribas fuisse
legis peritos, seu Doctores qui Græcè *μαθηταί*,
vel *μαθητάρχαι* appellati sunt, vt notat Maldonatus
in cap. 2. Matt. v. 4. & Serarius lib. 2. Triheresij cap.
7. Et constat ex Luc. 7. 30. & Luc. 11. 45. Secundò,
Scribas seu legis peritos fuisse distinctos à Phariseis,
vt passim patet ex Euangelio, Matth. 23. 13. *Ua-
bis Scribe & Pharisei.* Tertiò, aliquando tamen fa-
ctum esse, vt iidem simul essent Scribe & Pharisei.
Scribe quidem ratione officij, quia legem docebant:
Pharisei autem ratione sectæ, quia sectam Phariseo-
rum profitebantur. Sicut apud nos, aliquando iidem
sunt Doctores Academici, & Dominicani: Docto-
res, ratione officij: Dominicani, ratione instituti.
Hoc patet Matth. 22. 34. *Pharisei autem audientes,
quod silentium imposuisset Sadducæis, conueniunt in vnum:
& interrogant eum vnus ex eis legis Doctor.* Ecce vnus ex
Phariseis, erat legis Doctor, id est Scribe. Sic enim
interpretatur Marcus cap. 11. versu 28. *Et accessit
vnus de Scribis.* Nempe ille idem, quem Matthæus
dixit esse vnum ex Phariseis. Perinde ac si aliquis de
me diceret: Accessit ad eum Becanus, vnus ex Do-
ctoribus Academicis. Et alter: Accessit ad eum Be-
canus, vnus ex Iesuitis.

2. Vbi notandum est, aliter se distingui Scribas &
Phariseos; aliter Phariseos & Sadducæos. Nam Scri-
bæ & Pharisei distinguuntur inter se, sicut Doctores
Theologiæ & Religiosi: vel, sicut medici & milites.
Nam sicut fieri potest, vt vnus idemque homo simul
sit Doctor Theologiæ & Religiosus: aut simul me-
dicus & miles: sic etiam, vt vnus idemque homo si-
mul sit Scribe & Phariseus, vt ex Euangelio osten-
sum est. At Pharisei & Sadducæi distinguuntur inter
se, sicut duæ sectæ oppositæ; ita vt nullus Phariseus
simul possit esse Sadducæus; nec vllus Sadducæus si-
mul Phariseus. Vide Abulensem in capite 23. Matth.
D quaestione 11.

QVÆSTIO VII.

Vnde Sadducæi dicti?

1. **R**espondeo. Vel à Sadoc, seu Tsadox, primo
sectæ illius conditore: vel à Zaddic, seu Tse-
dex, quod est iustus, quasi nominati essent iusti, seu
iustitiarum. Priorem etymologiam tradunt Philastrius,
& multi Rabbinij apud Serarium cap. 19. Posteriores
Epiphanius hæresi 14. Hieronymus in cap. 22. Mat-
thæi, Abulensis in idem caput quaest. 123.

2. Pater Sadoc, primus sectæ Sadducæorum author,
fuit discipulus magni illius & veteris Pharisei Antigni:
sed postea adiunxit se Dositheo, qui ex Iudæo factus
fuit Samaritanus. De quo sic scribit Tertullianus libro
de præscriptionibus cap. 45, *Taceo Iudæismi hæreticos,
Dosithenem, inquam, Samaritanum, qui primus ausus est
Prophetas, quasi non in Spiritu sancto locutus, repudiare.
Taceo Sadducæos, qui ex huius erroris radice surgentes, ausi
sunt ad hanc hæresim, & resurrectionem carnis negare.* Vide
plura apud Epiphanium hæresi 13.

3. Ex dictis duo colligo. Primò, Phariseos antiquio-
res esse, quàm Sadducæos. Nam Sadoc primus au-
ctor Sadducæorum, fuit discipulus Antigni, qui erat
ex i. cta Phariseorum. Secundò, Sadducæos aliquo
modo ortos esse ex Samaritanis. Nam Sadoc auctor
Sadducæorum, deserti Antigni Pharisei disciplinæ,

confugit ad Dositheum, è Iudæo Samaritanum factum. Non tamen secutus est sectam Dosithei in omnibus, sed noua quædam dogmata commentus est, ut iam videbimus.

QVÆSTIO VIII.

Quæ fuerint dogmata & instituta Sadduceorum?

Respondeo. Hæc potissimum. Primò, non admittebant Prophetas, aut alios libros Veteris Testamenti, nisi libros Moïsi, ut refert Hieron. in cap. 22. Matthæi, Tertulianus lib. de prescript. cap. 45. Maldonatus in cap. 3. Matth. v. 7. & alij. Hinc Christus disputans contra Sadduceos de resurrectione mortuorum, non aliis testimoniis, quàm Pentateuchi usus est, quia solum Pentateuchum ipsi pro vera Scriptura agnoscebant. Alioqui ex Psalmis & Prophetis potuisset multa clariora testimonia adducere. Vide Hieron. loco citato.

2. Secundò nullam admittebant traditionem: nullam Scripturæ interpretationem à Moïse vel Prophetis vel Doctoribus acceptam: ut refert Elias in Thifibi, verbo, Sadoc, ubi sic scribit: *Duos discipulos habuit Antigonus vir Sochan, quorum alteri Zadok, alteri verò Baïetos nomen erat: qui deficientes à præceptore ad homines malos, coeperunt negare legem ore tenui traditam. Neque fidem habuerunt, nisi ei, quod in lege scriptum erat. Hancque ob causam vocati Caraim.* Hinc nata est illa distinctio Iudæorum, ut alij dicantur Rabinistæ, qui admittunt traditiones & interpretationes Rabbinarum: alij Caraim, id est, lectionarij, scripturarij, textuarij, qui illas respuunt. Vide Scaligerum lib. 2. de emendatione temporum, & Serræ lib. 2. Trihæresij. cap. 31.

3. Tertiò, non credebant resurrectionem, nec animarum immortalitatem, neque Angelum, neque spiritum: neque aliud quidpiam, quod non sensu, aut manifesta ratione comprehenderent. Matth. 22. 23. *Accesserunt ad eum Sadducei qui dicunt non esse resurrectionem, neque Angelum, neque spiritum. Pharisei autem utraque confitentur.* Hinc perpetua erant dissidia inter duas illas sectas, Sadduceorum, & Phariseorum, Quod ibidem etiam insinuat, his verbis: *Facta est dissensio inter Phariseos & Sadduceos.*

4. Quartò, ubique molesti erant Christo. Et quidem variis modis. Primò, petendo ab eo signum de cælo. (Matth. 16. 1.) Secundò, proponendo illi captiosas quæstiones. (Matth. 22. 23.) Tertiò zgrè ferendo, quod discipuli eius docerent populum. (Act. 4. 2.) Quartò, eisdem capiendò & in carcerem conficiendo. (Act. 5. 17.) Quintò, illos in iudicium adducendo. (Act. 23. 6.)

QVÆSTIO IX.

Qui hoc tempore sint similes Phariseis & Sadduceis?

Respondeo. Si vlli alij, maximè Prædicantes Lutherani & Calviniani sunt illis similes. Hoc facile demonstratur ex dictis in hunc modum. Primò, Pharisei & Sadducei introduxerunt nouam doctrinam, discrepandam à doctrina Synagogæ. Hi quidem negando resurrectionem, spiritum & Angelum? illi verò asserendo omnia fato euenire, & animas bonorum de corporibus in corpora transmigrare. Idem faciunt Lutherani & Calvinistæ. Introducunt nouam doctrinam, discrepantem à doctrina Ecclesiæ. Hi quidem asserendo, Deum esse authorem peccati; & prædestinare homines ad æternam damnationem, sine vlla ipsorum culpa. Illi verò docendo, Corpus Christi esse

A ubique in Eucharistia manere substantiam panis cum substantia Corporis Christi infantes in Baptismo habere propriam fidem actualem.

2. Secundò Pharisei & Sadducei inter se quidem erant hostes infensissimi, sed in oppugnando Christo mirè inter se conspirabant. Sic Lutherani & Calvinistæ, dum inter se agunt, multis conuitiis se mutuo prosciunt ac lacerant: At in oppugnanda Christi Ecclesia, malitiosè inter se consentiunt. Vtrique docent, Ecclesiam multis sæculis ante Lutheri aduentum errasse in fide: & ut ipsi loquuntur, adulteram ac meretricem factam esse. Vnde consequenter fateri debent, omnes filios, qui illis, sæculis in Ecclesia per Baptismum nati sunt, adulterinos fuisse ac spurios nec Christum iisdem sæculis, nisi spurios & adulterinos factus ex sua sponsa suscepisse ac educasse; quæ est magna in Christum blasphemia.

3. Tertiò, Sadducei pro suo arbitratu quosdam Scripturæ libros admittebant; alios reiiciebant. Admittebant libros Moïsi, reiiciebant reliquos. Idem faciunt Lutherani & Calvinistæ. Vtrique reiiciunt libros Iudith, Tobie, Sapientie, Ecclesiastici, Machabæorum. Lutherani insuper, Apocalypsin, Epistolam Iacobi, & nonnullas alias, prout ipsis opportunum. Catholici admittunt omnes, quos antiqui Patres, Innocentius primus, Augustinus, & alij, communi consensu admiserunt.

4. Quartò, Sadducei nullam admittebant traditionem: nullam Scripturæ interpretationem à Moïse, vel Prophetis, vel Doctoribus acceptam. Similiter faciunt Lutherani & Calvinistæ. Reiiciunt traditiones diuinas & Apostolicas, contra illud Apostoli 2. Thesalonicensium 2. 14. *Tenete traditiones, quas didicistis.* Reiiciunt interpretationem Scripturæ, quam per traditionem ab Apostolis & aliis Ecclesiæ Doctoribus accepimus. Suo arbitrio Scripturam interpretantur.

5. Quintò, Sadducei nihil volebant credere, nisi quod sensu aut manifesta ratione comprehenderent. Idem faciunt Calvinistæ. Non credunt Christum præsentem esse in Eucharistia. Quare? Quia aiunt, se non posse ratione naturali comprehendere, quomodo idem corpus eodem tempore possit simul esse in duobus locis. Cùm ergo constet Christum esse in cælo, putant euidenter sequi, non esse in altari vel Eucharistia.

D 6. Sextò Sadducei in oppugnanda resurrectione mortuorum, ridiculo argumento utebantur contra Christum, hoc modo: Vna mulier successiue habuit septem viros. Si ergo resurrectio admittenda, quis illorum in resurrectione receptus est illam mulierem? Quibus respondit Christus: *Erratis, nescientes Scripturas, neque virtutem Dei.* Similiter faciunt Calvinistæ: Ridiculè argumentantur contra præsentiam corporis Christi in Eucharistia, in hunc modum: Scriptum est Matth. 15. 17. *Omne, quod intrat in os, in ventrem vadit, & in secessum emittitur.* Si ergo corpus Christi est præsens in Eucharistia, & intrat in os, ut Catholici asserunt; ergo in ventrem vadit, & in secessum emittitur. Quibus quid aliud respondendum, quàm quod Sadduceis responsum est? *Erratis, nescientes Scripturas, neque virtutem Dei.*

7. Hæc de doctrina. Si mores spectemus, fateor, non modo Lutheranos & Calvinistas, sed etiam aliquos Catholicos posse similes esse Phariseis, & illorum vitia imitari. Nam, ut ait Poëta, *Iliacos intra muros peccatur, & extra.* Sed tamen duo Phariseorum vitia præ cæteris expendenda sunt. Vnum est, quod fuerint superbi, arrogantes, ambitiosi, amantes honorum ac titulorum. Sic faciunt nostri aduersarii. Superbi ac arrogantes sunt, quia contemnunt antiquos Patres, & suam sententiam ac iudicium ipsis præ-

runt. Amantes sunt titulorum, quia volunt vocari Evangelici, Orthodoxi, Reformati, à Deo docti. Alterum est, quod ad opinionem sanctitatis aucupandam soliti sint legem Dei scribere in membranis, & affigere fronti, brachiis & parietibus: nec aliud insonare, quàm legem & Prophetas. Sic etiam nostri aduersarij nihil in ore habent, *Verbum Dei*. Vbiq; in templis, in hospitiiis, in parietibus affigunt hanc scutantiam: *Verbum Domini manet in aeternum*.

QUESTIO X.

Esseni unde dicti, & quæ sint illorum dogmata & instituta.

1. **V**nde dicti sint Esseni, (quos alij vocant Essæos, alij Hæssæos, alij Hæsidæos vel Alidæos) non satis constat. Serarius lib. 3. Trihæresii capite 1. adfert varias coniecturas & opiniones. Non est res tanti momenti, vt magnopere laborandum sit. Quisque sequatur opinionem, quam velit.

2. Quæ autem fuerint dogmata & instituta, paucis explicandum est ex Iosepho & Serario. Principia fuerunt hæc 1. Abhorrebant à voluptate, & vivebant cælibes. 2. Habebant bona communia, more Religiosorum. 3. Non utebantur famulis, sed ipsi sibi ministrabant. 4. In victu sectabantur austeritatem. 5. Alois utebantur vestibus. 6. In qualibet vrbe erant multi simul. 7. Maxima apud eos hospitalitas. 8. Sine viatico faciebant iter, quia vbiq; ferè inueniebant iux sortis homines, à quibus gratuito habebant hospitium. 9. Peculiari ratione dediti erant pietati. 10. Mane ante solis ortum nihil prophani loquebantur, sed precibus ac orationibus erant intenti. 11. Post preces, quisque conferebat se ad suos labores. 12. Deinde iterum in vnum collecti, & lineis & amimbis præcincti, frigida aqua se lauabant & purificabant. 13. Post hanc lotionem ibant modestè ad cœnaculum, vbi Sacerdos ante, & post cibum, orabat, reliquis astantibus. 14. Finito prandio, redibant ad consuetos labores. 15. Quibus finitis, eo ritu cœnabant, quo antea pransi erant. 16. Seruabant accuratè silentium. 17. Nihil ferè agebant, nisi ex Curatorum suorum imperio. 18. Sine Curatorum facultate, nihil consanguineis poterant dare. 19. Nouitios quadriennio probabant. 20. Accuratè seruabant Sabbathum. 21. Credebant animarum immortalitatem. 22. Aliqui inter illos futura prædicebant. Hæc omnia fuse prosequitur Serarius ex Iosepho Flavio. Qui etiam affirmat, multos Essenorum ad fidem Christianam fuisse conuersos.

CAPVT XI.

De Iudice Controuersiarum in Veteri Testamento.

1. **Q**uæritur 1. An Pontifex in Veteri Testamento fuerit Iudex controuersiarum. 2. An Pontifex in dirimendis controuersis fuerit infallibilis Iudex, ita vt non potuerit errare. 3. An etiam in nouo Testamento sit aliquis Iudex infallibilis, & quis ille sit.

QUESTIO I.

An Pontifex in Veteri Testamento fuerit Iudex controuersiarum.

1. **R**espondeo. Certum est, fuisse. Hoc testatur Iosephus lib. 2. contra Apionem, cum ait; *Pontifex ante alios Sacerdotes Deo sacrificat, leges custodit, diudivat controuersias, conuictos delicti puni: cui qui non obedit, is penas luit tanquam in Deum impius.*

2. Et manifestè colligitur ex illo Deut. 17. 8. *Si difficile & ambiguum apud te iudicium esse perspexeris inter sanguinem & sanguinem, causam & causam, lepram & lepram: & iudicium intra portas videris verba variari, surge & ascende ad locum quem elegerit Dominus Deus tuus. Veniesque ad Sacerdotes Leuitici generis, & ad Iudicem, qui fuerit illo tempore, quæresque ab eis, qui indicabunt tibi iudicii veritatem. Et facies, quodcunque dixerint, qui præsunt loco, quem elegerit Dominus, & docuerim te iuxta legem eius, sequerisque sententiam eorum. Non declinabis ad dexteram, neque ad sinistram. Qui autem superbiebit, nolens obedire Sacerdotis imperio, qui eo tempore ministrat Domino Deo tuo, & decreto iudicis, morietur homo ille.*

3. Circa hunc locum aliqua notanda sunt. Primum est, quod variae fuerint controuersiae in populo Iudæorum. Hic quidem duæ speciatim recensentur. Vna de sanguine; altera de lepra. Alibi tamen summam insinuantur quatuor genera, vt 2. Paral. 19. 10. *Ubiunque questio est de lege, de mandato, de ceremoniis, de iustificationibus.* Nam aliquæ, vt ibi interpretatur Lyranus, oriebantur ex lege Decalogi: aliæ ex mandatis moralibus, quæ sunt extra legem Decalogi; aliæ ex præceptis ceremonialibus, ad diuinum cultum spectantibus: aliæ denique ex præceptis iudicialibus, quæ ad externam pacem & iusticiam conseruandam erant accommodata.

4. Alterum est, quod in singulis ciuitatibus constituti fuerint inferiores Iudices, qui ex officio debebant huiusmodi controuersias dirimere, vt habetur Deut. 16. 18. *Judices & Magistros constitues in omnibus portis tuis, quas Dominus Deus dederit tibi, per singulas tribus tuas, vt iudicem populum iusto iudicio, nec in alteram partem declinent.* Et 2. Paralip. 19. 5. *Constituis Iudices terra in ciuitatibus Iudæ munitis, per singula loca.*

5. Tertium est, quod quando inferiores Iudices non poterant inter se conuenire, nec controuersias ad se delatas, propter peculiarem aliquam difficultatem dirimere: necesse fuerit confugere Hierosolymam ad superiores Iudices, quibus tanquam supremus Iudex præsidebat Pontifex: & illius sententiæ, sub pœna mortis oportebat acquiescere. Hoc patet ex verbis paulò antecitatis: *Si difficile & ambiguum apud te (id est, in ciuitate tua, in qua habitas) iudicium esse perspexeris, &c.*

6. Hinc colligimus, duplex apud Iudæos fuisse Tribunal & Contilium: Vnum maius; alterum minus. In tercia fuit multiplex discretio. Primò, quia maius erat tantum in Hierusalem: minus in singulis ciuitatibus. Secundo, in maiori diiudicabantur maiores controuersiae; in minori, faciliores. Tertio in maiori præsidebat Pontifex: non item in minori. Quarto à minori licebat appellare ad maius; non contra, à maiori ad minus. Quintò in maiori erant septuaginta personæ, præter Pontificem: in minori, vigintitres. Sextò, maius vocabatur Sædriim, vel Synædriim, vel Concilium Seniorum: minus non item. De maiori sæpe fit mentio in Euangelio, vt Marci 14. 55. & Lucæ 9. 22. & Actor. 4. 5. Videantur interpretes.

7. Vtrumque Concilium habuit suam originem sub Moise. Et minus quidem institutum est ex consilio Iethor: maius verò ex mandato Dei. Occasio minoris instituti

tuendi describitur. Exod. 18. vers. 13. his verbis: *Altera autem die sedet Moses, ut iudicaret populum, qui assistebat Mosi à mane usque ad vespertim. Quod cum vidisset cognatus eius, ait: Quid est hoc, quod facis in plebe? cur solus sedes, & omnis populus prestolatur de mane usque ad vespertim? Cui respondit Moses: Venit ad me populus, querens sententiam Dei. Cumque accideris eis aliqua discrepatio, veniunt ad me, ut iudicem inter eos, & ostendam precepta Dei, & leges. At ille: Non bonam, inquit, rem facis: stulto labore consumeris & tu, & populus iste, qui tecum est, Ultra vires tuas est negotium: solus illud non poteris sustinere, sed audi verba mea, & que consilia & eri: Deus tecum. Provide de omni plebe viros potentes, & timentes Deum, in quibus sit veritas, & qui oderint auaritiam, & constitue ex eis tribunos & centuriones, & quinquagenarios, & decanos, qui iudicent populum omni tempore. Quidquid autem maius fuerit, referant ad te; & ipsi minora tantummodo iudicent: leuiusque sit tibi partitum aliis onere. Quibus auditis, Moses fecit omnia, quae ille suggesserat: Et electis viris strenuis de cuncto Israël, constituit eos Principes populi, tribunos & centuriones, & quinquagenarios, & decanos, qui iudicabant plebem omni tempore: Quidquid autem grauius erat, referebant ad eum, faciliora tantummodo iudicantes.*

8. De maioris Concilij institutione sic legimus Num. 11. versu 16. *Et dixit Dominus ad Mosén: Congrega mihi septuaginta viros de senibus Israël, quos tu nosti quod senes populi sint ac magistri: & duces eos ad ostium Tabernaculi faderis, faciesque ibi stare tecum, ut descendam, & loquar tibi: Et auferam de spiritu tuo, tradamque eis, ut sustentent tecum onus populi, & non tu solus graueris. Et infra ver. 24. Venis ergo Moses, & narrauit populo verba Domini congregans septuaginta viros de senibus Israël, quos stare fecit circa Tabernaculum. Descenditque Dominus per nubem, & locutus est ad eum, auferens de spiritu qui erat in Mose, & dedit septuaginta viris. Cumque requiescisset in eis spiritus, prophetauerunt, nec ultra cessauerunt.*

9. Porro cum utrumque Concilium, progressu temporis, penè collapsum esset; iterum restitutum & renouatum fuit à Iosaphat Rege Iuda, ut habetur. 2. Paralipomen. 19. 4. his verbis: *Habitauit ergo Iosaphat in Ierusalem, rursumque egressus est ad populum de Bersabee usque ad montem Ephraim, & renouauit eos ad Dominum Deum Patrum suorum. Constituitque Iudices terre in cunctis ciuitatibus Iuda iuratis per singula loca. Et precipiens iudicibus, videte, ait, quid faciatis: non enim hominis exercetis iudicium, sed Domini: Et quodcumque iudicaueritis, in vos redundabit. Hæc omnia intelliguntur de minori Concilio. Iam sequitur de maiori. In Hierusalem quoque constituit Leuitas & Sacerdotes, & principes familiarum ex Israël, ut iudicium & causam Domini iudicarent habitatoribus eius. Precepitque eis dicens: Sic ageris in timore Domini fideliter & corde perfecto. Omnem causam, quæ venerit ad vos fratrum vestrorum, qui habitant in urbibus suis inter cognitionem & cognitionem, ubicumque quaestio est de lege, de mandato, de ceremoniis, de iustificationibus, ostendite eis, ut non peccent in Dominum, & ne veniat ira super vos, & super fratres vestros. Amarias autem Sacerdos & Pontifex vester, in his, quæ ad Deum pertinent, præsidebit. Porro Zabadias filius Ismael, qui est dux in domo Iuda, super ea opera erit, quæ ad Regis officium pertinent. Vbi vides, Pontificem fuisse præsidem, seu caput Concilij Seniorum.*

10. Igitur, ut verbo repetam, quæ dicta sunt, sub Mose in deserto, res ita gesta est. Primò, solus Moyses (qui erat Pontifex extraordinarius) iudicabat omnes omnino controuersias, quæ in populo oriebantur. Deinde, ut hoc onere non nihil subleuaretur, additi sunt illi Tribuni, Centuriones, quinquagenarii & decani, qui minores causas iudicarent, & grauiores ad illum remitterent. Denique ad maius solatium, septuagin-

Opusc. Bec.

11. Seniores electi sunt, qui etiam in causis grauioribus illi assisterent. Post mortem Moysi, cum iam filij Israël venissent in terram promissionis, duplex Tribunal ac iudicium constitutum est: vnum Hierosolymis, pro causis difficilioribus: alterum in singulis ciuitatibus, pro facilioribus. Hoc posterius respondebat Concilio Tribunorum ac Decanorum: illud prius Concilio septuaginta Seniorum.

12. Huc addi potest, aliter in deserto sub Mose, aliter in terra promissionis sub aliis Pontificibus, actum esse. Et quidem duplici discrimine; altero ex parte Pontificis, altero ex parte Concilij Seniorum. Nam Pontifex post ingressum in terram promissionis, non dirimebat controuersias, nisi ex lege scripta. At Moses, præsertim antequam lex integrè scripta esset, multas dirimebat ex viua Dei voce & oraculo. Cuiusmodi sunt illæ tres. Prima quid faciendum esset cum iis, qui propter immunditiam legalem non poterant cum aliis celebrare Pascha. Num. 9. 6. Secunda, quæ poenâ deberet affici, qui inuentus erat colligere ligna in die Sabbathi? (Numer. 15. 32.) Tertia, an filius Salphaad possent habere hæreditatem inter cognatos patris sui? (Numer. 27. 1.) De his controuersis nihil tunc erat scriptum in lege. Igitur Moses viua voce consuluit Deum, & accepto responso, voluntatem Dei executus est. Actunc primum hæc omnia in lege scripta relata sunt.

13. Ex parte Concilij Seniorum, hoc erat discrimen: Septuaginta Seniores, qui à Mose electi sunt, acceperunt spiritum prophetiæ in ipsa electione (Num. 11. 25.) De aliis, qui postea in illorum locum per intervalla temporis subrogati sunt, non constat accepisse. Hoc autem credibile est singulari Dei assistentia vros esse quoties de rebus difficilioribus consultandum esset: & maximè hanc assistentiam Pontifici, qui omnibus presidebat, speciatim concessam fuisse quando supremi Iudicis officio in ferenda sententiaungebatur. De qua re dicam aliquid paulò post.

14. Dices: Hæc omnia procedunt de controuersis legalibus, in quibus Pontifex erat supremus Iudex, ut bene probatum est, non autem de controuersis fidei, in quibus sola Scriptura erat Iudex. Respondeo. Hoc sine fundamèto dicitur. Nam omnes controuersie, siue essent de fide, siue de aliis rebus, vocabantur legales, duplici de causa. Primò, quia oriebantur ex ipsa lege, non satis benè intellecta. Secundò, quia per veram legis interpretationem erant dirimendæ. (Deut. 17. 10.) Omnes porro, sine vlla exceptione, pertinebant ad Pontificem, tanquam ad supremum Iudicem: etiam illæ quæ erant de fide & religione. Hoc manifestè constat ex illis verbis, paulò ante citatis: *Amarias Pontifex vester in his, quæ ad Deum pertinent, præsidebit. At controuersie de fide & religione, maximè ad Deum pertinent: ergo Pontifex in illis controuersis præsidebat. Quid autè est presidere in controuersis, nisi Iudicem agere? Item: ex verbis præcedentibus: Vbicumque quaestio est de lege, de mandato, de ceremoniis, de iustificationibus: Omnes hæc quaestiones deferrebantur ad Pontificem. Et præter has, non erant vllæ aliæ: ergo nulla erat excepta à iurisdictione Pontificis.*

15. Et confirmatur exemplo. Nam inter controuersias fidei (de quib⁹ maximè nunc agimus) erat vna præcipua de Messia. At hæc ipsa quando dubitatum fuit tempore Herodis; An Messias iam natus esset, deferabatur ad Concilium Sacerdotum, in quo Pontifex præsidebat, ut patet ex Euangelio Matt. 2. 3. *Audienti autem Herodes Rex turbatus est: & omnis Hierosolyma cum illo. Et congregans omnes Principes Sacerdotum, & Scribas populi sciscitabantur ab eis, ubi Christus nasceretur. At illi dixerunt ei: In Bethlehém Iudæ. Sic enim scriptum est per Prophetas: Et tu Bethlehém terra Iudæ, nequaquàm minima es in principibus.*

E

Iuda: Ex te enim exiet Dux, qui regat populum meum Israel. Vbi tria notanda sunt. Primò, quod Rex Herodes, & totus Hebræorum populus dubitauerit de loco, in quo Messias esset nasciturus. Secundò, quod hanc dubitationem non ausi fuerint ipsi per se discutere, sed detulerint illam ad ordinarium Concilium Sacerdotum. Tertiò, quod Sacerdotes, vt satisfacerent officio suo, dissoluerint hanc dubitationem ex Scriptura, tanquam ex norma & regula, cui se conformabant.

QUESTIO II.

An Pontifex fuerit infallibilis Iudex?

1. **A**liqui ex Lutheranis concedunt quidem, fuisse Iudicem controuersiarum, sed negant fuisse infallibilem. Quod nos affirmamus. Et tripliciter probari potest. Primò, ex discrimine, quod erat inter Summum Pontificem, & alios inferiores Iudices. Nam quando oriebatur aliqua controuersia difficilior, in cuius decisione inferiores Iudices vel dissentiebant, vel veritatem attingere non poterant; volebat Deus vt partes litigantes deferrent eam ad Pontificem in superiori Concilio præsentem, cum hac promissione, quod ab eo accepturi essent iudicii veritatē, (Deut. 17. 19.) At si Pontifex in tali casu fuisset fallibilis, non accepissent ab eo iudicii veritatem, nec promissio Dei fuisset impleta: Ergo dicendum est, in tali casu falli non potuisse.

2. Secundò, ex mandato. Dei Nam Deus, sub pœna mortis, mandabat omnibus, vt acquiescerent sententiæ Pontificis. Deuter. 17. 12. At certum est, non mandasse, vt acquiescerent sententiæ falsæ, præsertim in negotio fidei ac religionis: Ergo certum est, sententiam Pontificis, præsertim in negotio fidei ac religionis, non potuisse esse falsam, sed ex peculiari Dei assistentia infallibilem.

3. Tertiò, ex parte litigantium. Nam si Pontifex quâdo publicè in Concilio pronunciabat sententiam, potuisset falli, vel à legitimo Scripturæ sensu aberrare; nunquam litigantes, qui illum consulebant, fuissent securi. Cur ergo sub pœna capitis tenebantur sequi illius decisionem? Cur altera pars, cum tanto onere, debebat iubiacere sententiæ contra se latæ, quam poterat suspicari falsam & iniquam esse? Denique cur totus populus in negotio religionis iuebatur id sequi, quod Pontifex iudicabat sequi oportere, si Pontifex errare poterat.

4. Obiiciunt Lutherani. Pontificem etiam cum toto Concilio sæpe errasse in negotio religionis. Quod probant variis exemplis. 1. quia Aaron Pontifex fuit author idololatriæ, quando proposuit populo vitulum adorandum (Exod. 32. 4.) 2. quia Vrias contra legem Dei extruxit nouum altare in templo, ad formam altaris Damasceni, & in eo sacrificia obtulit (4. Reg. 16. 10.) 3. quia tempore Isaïæ, omnes speculatores populi, erant cæci (Isaïæ 56. 10.) 4. quia tempore Ieremiæ, à *Propheta usque ad Sacerdotem, omnes loquebantur mendacium.* (Ierem. 6. 13.) 5. quia idem Ieremias, propter verbum Domini publico decreto omnium Sacerdotum & Prophetarum fuit condemnatus ad mortem (Ierem. 26. 11.) 6. quia Christus à Pontificibus, Scribis & senioribus populi, in publico Concilio, mortui adiudicatus est.

5. Respondeo. Frustra hæc obiiciuntur: Primò, quia Aaron nec erat Pontifex, quando vitulum ex auro conflauit, nec fuit author idololatriæ. Nihil ergo iuuat Lutheranos hoc exemplum. Quod non fuerit Pontifex, certum est. Nam à Moïsè consecratus est in Pontificem anno secundo egressionis ex Ægypto, prima die mensis primi, quando tabernaculum fuit erectum.

A Exod. 40. versu 35. At vitulus iam antea conflatus erat, cum adhuc Moyses fuit in monte Sinai cum Deo, & acceptis ab eo tabulis lapideis, iuebatur construere tabernaculum per Beseleel filium Uri. (Exod. trigésimo primo, & trigésimo secundo.) Similiter quod populus fuerit author idololatriæ, non autem Aaron, disertè habetur Exod. 32. 1. *Videns populus, quod moram faceret descendendi de monte Moyses, congregatus aduersus Aaron, dixit: Surge, fac nobis Deos, qui nos precedant.*

6. Secundò, Vrias non errauit, tanquam Iudex & princeps Concilij, in dirimendis controuersis legalibus: sed extra Concilium errauit in facto volens satisfacere mandato Regis Achaz quod non negamus. Itaque nec hoc exemplum ad rem facit. Non enim est quæstio inter nos, an Pontifex nulla in re potuerit errare, aut peccare? Potuit certè in multis, non minus, quàm alij. Sed quæstio est, an in sententia publicè ferenda, circa controuersias legales, potuerit errare, vel falsam sententiam dicere? Non potuit. Nec Vrias hoc modo errauit.

7. Tertiò, Isaïas per speculatores, quos ait cæcos esse, non intelligit Pontifices sui temporis, sed Scribas & Phariseos, qui erant futuri tempore Apostolorum, quando Ierusalem erat vastanda à Romanis, sub Vespasiano Imperatore, vt interpretatur sanctus Hieronymus. Et patet ex ipso contextu, qui sic habet, *Ait Dominus Deus, qui congregat dispersos Israël: adhuc congregabo ad eum congregatos eius. Omnes bestia agri venite ad denudandum, vniuersa bestia saltus. Speculatores eius cæci omnes, nescierunt vniuersi: canes muti non valentes latrare.*

C Sensus est: ait Dominus Deus: Ego post captiuitatem Babylonicam, in qua dispergentur Iudæi iterum congregabo illos in Ierusalem, (quod contigit sub Cyro Persarum Rege 1. Esdræ 1.) Deinde etiam gentiles eis aggregabo, (quod factum est tempore Christi & Apostolorum, quando gentiles ad lucem Euangelij vocati sunt, & ex vtroque populo coaluit vna Ecclesia.) Postea dicam Romanis (qui propter infidelitatem vocantur bestia agri) *venite ad denudandum*, id est, ad deuastandam & euertendam ciuitatem Ierusalem. Sed ob quam causam? Quia speculatores eius Scribæ & Pharisei, merebuntur hanc pœnam, duplici titulo. Primò, propter suam cæcitatem & incredulitatem. Nam neque ipsi volent Christum agnoscere pro messia; neque permissuri sunt, vt Iudæi in eum credant.

D Et sic vtrique propter incredulitatem digni erunt qui puniantur. Vnde Christus Matth. 23. 14. *Cæci sunt, & duces cæcorum.* Et cap. 23. 13. *Va vobis Scribæ & Pharisei hypocritæ, quia clauditis regnum celorum ante homines. Vosenim non intratis, nec introeuntibus finitis intrare.* Secundò, quia erunt canes muti, non valentes latrare, id est, ignaui Pastores, non defendentes gregem sibi concreditum nec vitia subditorum reprehendentes. Ex hac interpretatione, quæ textui, & Hieronymo conformis est, nihil potest colligi, quod sit contra nos. Nam nostra assertio est, Pontificem in veteri Testamento non potuisse errare in definiendis legalibus controuersis, quæ ad ipsum in Concilio deferbantur. Hæc non euertitur per hoc, quod Pharisei tempore Apostolorum fuerint cæci, & increduli in Christum.

E 8. quartò, nec dictum Ieremiæ, quod Lutherani obiiciunt, ipsis patrocinantur. Non enim intelligendum est de errore, vel mendacio Pontificis in decisione controuersiarum legalium; sed de dolo seu mendacio Sacerdotum & Prophetarum in prædicatione futurorum. Cum n. Ieremias, & alij Prophetæ à Deo missi, prædicerent fore, vt populus propter scelera sua puniretur, & in captiuitatē duceretur; Sacerdotes & Pseudoprophetæ blandiebantur populo, & omnia prospera vaticinabantur: & sic misere illum decipiebant. Hæc

sensus colligitur ex ipso textu. Nam Ieremias prædixit erat hæc *Vir cum muliere capietur, senex cum pleno die-
rum. Et transibunt domus illorum ad alios, agri & ux-
res pariter; quia extendam manum meam super habitantes
eorum, dicit Dominus. A minore quippe usque ad mai-
orem omnes auaritia student.* Quid porro Sacerdotes &
Pseudoprophetae? sequitur: *A Propheta usque ad Sa-
cerdotem cuncti faciunt dolum. Et curabant contritionem po-
puli mei cum ignominia, dicentes: Pax pax.* Vel ut septua-
ginta vertunt: *A Sacerdote & usque ad Pseudopphetam
omnes fecerunt mendacium, & curabant contritionem populi
mei, paripendentes & dicentes: Pax, & ubi est pax?* quasi
dicat. Quidquid ego ædifico, hoc mali Sacerdotes, &
Prophetae destruunt. Ego reprehendo scelera populi,
& prædico illi captiuitatem; ut hac ratione permo-
ueam ad dolorem & contritionem. Illi contra, dolo &
mendacio decipiunt populum, promittendo prosperi-
tatem & pacem; & sic conantur abstergere & cura-
re contritionem, quam ex mea comminatione conce-
perat. Ex hoc sensu quid inferrent aduersarii; Vel ni-
hil, vel hoc: Sacerdotes & Prophetae in veteri Testa-
mento mentiebantur in prædicatione futurorum: Ergo
Pontifex errabat in decisione controuersiarum lega-
lium. Illatio aduersariis digna.

9. Quinto quod obicitur, Ieremiam publico decre-
torum Sacerdotum & Prophetarum fuisse condem-
natum ad mortem, non spectat ad præsentem quæ-
stionem. Primò quia tametsi Sacerdotes & Prophetae
peccarint in hoc facto, non tamen errarunt in deci-
sione alicuius controuersie legalis (de quo errore hic
disputamus) sed tantum in eo, quod dicerent falsam
esse prædictionem Ieremie, de imminente euatione
Ierusalem, ut iam explicauimus. Deinde, non soli Sacer-
dotes & Prophetae, sed etiam populus condemnauit
illum ad mortem. Cum enim dixisset Ieremias ex per-
sona & mandato Dei. *Dabo domum istam sicut Silo, &
urbem hanc dabo in maledictionem cunctis gentibus terra:*
mox sequitur: *Et audierunt Sacerdotes & Prophetae, &
omnis populus Ieremiam loquentem verba hac in domo Domi-
ni.* Et paulò post: *Apprehenderunt eam Sacerdotes & Pro-
phetae, & omnis populus, dicens: Morere moriatur. Quare
prophetauit in nomine Domini dicens: Sicut Silo erit domus
hac, & urbs ista desolabitur, eo quod non sit habitator?* Igi-
tur sententia condemnationis non fuit legitimè & iu-
dicialiter lata in Concilio seu Synedrio, in quo lega-
les controuersie decidebantur; sed in tumultuario
concurso ac seditione vulgi, ut etiam à Hieronymo
notatum est. Et hoc patet ex euentu. Nam principes
Iuda, cum audissent tumultum populi, & conspiratio-
nem factam contra Ieremiam, venerunt ad introitum
templi (ubi seditio excitabatur) & liberauerunt Iere-
miam à sententia mortis, quod non facillè fecissent, si
sententia à summo Pontifice in Concilio fuisset pro-
nuntiata. Inspiciatur textus.

10. Ad id denique, quod assertur de Christo à Pon-
tifice & Senioribus morti adiudicato, facilis responsio
est. Fateor, Caiapham, qui tunc erat Pontifex, errasse
cum Concilio, nec amplius habuisse infallibilem Dei
assistenciam, quia Synagoga iam ferè expirabat. Vide
quæ dicta sunt de hoc puncto cap. sexto, quæst. 2. §.
5. & sequentibus.

QVÆSTIO III.

An etiam in nouo Testamento sit aliquis Iudex Controuersiarum, & quis?

1. **C**ertum est, aliquem esse. quis ille sit, quæstio
est. Lutherani & Calvinistæ volunt Scriptu-
ram esse: Nos non Scripturam, sed Ecclesiam, seu Pô-
tificem, qui est Pastor & caput Ecclesie. Quod pro-
Opusc. Bec.

A bavi sex argumentis in peculiari tractatu de Iudice
Controuersiarum. Quæ breuiter hic reponam.

1. Primum sumitur ex officio Iudicis, hoc modo. Qui
est Iudex inter duos litigantes, debet ita pronunciare
sententiam, ut uterque litigantium clarè intelligat
quænam sit sententia Iudicis: Et alter eorum fateatur
illam pro se, alter contra se latam esse: Alioquin nisi
id fiat, non cessabunt à lite, sed uterque suam causam
prosequetur. At Scriptura non potest hoc præstare:
Ergo non potest esse Iudex controuersiarum. Maior
per se clara est. Minorem probo, qui Lutherani & Cal-
uinistæ multis iam annis litigant de his punctis. 1. De
Baptismo paruulorum. 2. De reali præsentia Christi in
Eucharistia. 3. De prædestinatione. 4. De persona
Christi. 5. De Exorcismo. 6. De numero & Canone li-
brorum Scripturæ. Et tamen Scriptura, quam volunt
esse Iudicem, non potest dirimere aut finire has ipsas
controuersias. Nec hæcenus auditum est, ita pronun-
cialle sententiam ut vel Lutherani, vel Calvinistæ fas-
si sint, contra se pronunciatam esse. Hoc constat ex
euentu. Nam utrique pergunt in studio & ardore liti-
gandi: quod sine dubio non facerent si putarent senten-
tiam clarè semel esse latam. Tunc enim, velutro cessa-
rent à suscepta contentione, & sententia acquiescerent
vel certè, si existimarent iniuste secum actum esse, ad
aliud Iudicem prouocarent. Neutrum fit.

3. Secundum argumentum sumitur ex parte Scriptu-
ræ, in qua duo spectanda sunt, litera, & sensus: sicut
in homine, corpus & anima. De illis, ut aliqui interpre-
tantur, locutus est Apostolus 1. Corinth. 3. 6. cum ait:
Litera occidit, spiritus autem uiuificat. q. d. Si sequaris
verum Scripturæ sensum, qui est quasi spiritus & ani-
ma uiuificans proderit tibi ad salutem. Si autem negle-
cto vero & legitimo sensu, hæreas tantum in externa li-
tera & contendas illum esse sensum quem externa lite-
ra præ se fert, sæpè errabis. Quam interpretationem
sequitur Augustinus sermone 70. de tempore.

4. Hoc posito, duo probanda sunt. Vnum est, quod
Scriptura, si literam spectes, non possit esse Iudex
Controuersiarum. Alterum, quod neque si sensum spe-
ctes, possit esse Iudex. Priorem partem sic probo: Ille
non potest esse infallibilis Iudex Controuersiarum, qui
ducit homines in errorem & hæresim: At Scriptura,
si nudam illius literam spectemus, ducit homines in
errorem & hæresim: Ergo non potest esse infalli-
bilis Iudex Controuersiarum. Maior per se nota est,
quia propterea quærimus infallibilem Iudicem, ne
erremus: Ergo qui ducit nos in errorem, non est, in-
fallibilis Iudex. Minor patet ex Apostolo, quia Scri-
ptura secundum literam occidit, id est, in lapsum &
errorem ducit.

5. Sic olim occidit Iudæos, qui omnia, quæ in Mose
& prophetis prædicta erant de Christo, intelligebant
secundum externam literam, & sensum interius laten-
tem non percipiebant. Et hoc est quod ait Apostolus 1.
Cor. 3. 15. *Usque in hodiernum diem, cum legitur Moses,
velamen positum est super cor eorum,* id est: Adhuc Iudæi
non intelligunt Moysen, quem quotidie legunt, quia
non penetrant internum ipsius sensum, sed externa li-
tera contenti sunt. Vel clarius; Non agnoscunt Chri-
stum, qui in Mose sub externis ceremoniis ac sacrifi-
ciis, tanquam sub velamine occultatus est. Adhuc hæ-
rent in ipso velamine, & non considerant, quid sub
illo lateat reconditum. Quod etiam obicit illis Chri-
stus Ioan. 5. 39. *Scrutamini Scripturas, quia vos putatis
in ipsis vitam æternam habere: Et illa sunt quæ testimonium
perhibent de me, & non vultis venire ad me, ut vitam ha-
beatis.* q. d. Si vultis certò cognoscere, me esse Mei-
ssiam à Deo promissum, de quo Moyses & Prophetae
scripserunt, non tantum debetis legere scripturas,
quoad externam literam: sed multo magis scrutari in-
terius.

ternum sensum & spiritum, qui sub externa litera, quasi sub umbra aut figura delitescit. Hoc hactenus non fecistis. Tamen enim persuasum vobis sit, in Scripturis sitam esse vitam æternam; tamē nescitis in qua parte sita sit. Non est sita in externa litera, in externis ceremoniis & figuris, ut vos putatis; sed in spiritu, in sensu, in mysterio, Ibi me querite, & inuenietis.

6. Posteriores sic probo; Scriptura, quoad verum & legitimum sensum, sæpè est obscura, & difficilis intellectu: ac proinde, sæpè oritur controuersia de vero & legitimo ipsius sensu. Omnis autem controuersia requirit aliquem Iudicem: Debet ergo esse aliquis Iudex qui definiat, hunc esse legitimum sensum, illum non esse. At hic Iudex non potest esse ipsa scriptura: de cuius mente & sententia controuersia mouetur: Ergo aliquis alius, distinctus à scriptura.

7. Tertium argumentum sumitur ex parte controuersiarum. Multæ enim sunt controuersie circa fidem & religionem, quarum vel nulla sit mentio in Scriptura vel certè non sufficiens ad hoc, ut Scriptura de illis sententiam ferre possit: Ergo in iis dirimendis alius Iudex querendus est. Eiusmodi autem controuersie sunt hæc. 1. An libri Tobie, Iudith, Sapientie, Ecclesiastici, & Machabeorum sint Canonici & diuini, necne? 2. Quot sint Sacramenta nouæ legis? 3. An exorcismus, & alie ceremonie in Ecclesia Catholica vsitate, possint adhiberi in Baptismo? 4. An baptizati ab hæreticis sint rebaptizandi? 5. An baptismus vna merione conferri debeat? 6. An Christiani loco Sabbati, debeant colere diem Dominicam? 7. An beata Maria manserit virgo post partum? 8. An Petrus Apostolus fuerit Romanæ Ecclesiæ Episcopus? 9. An Symbolum fidei sit verè canonicum & Apostolicum? 10. An in veteri Testamento fuerit aliquod externum remedium pro feminis contra peccatum originale.

8. Quartum sumitur ex vsu & praxi veteris Testamenti. Nam omnes controuersie legales, quæ erant maioris momenti à summo Sacerdote seu Pontifice, tanquam à supremo in terris Iudice, non autem à Scriptura, debebant dirimi ac definiri, ut supra copiose ostensum est.

9. Quintum ex vsu & praxi noui Testamenti, vbi idē hactenus seruatum est. Nam tempore Apostolorum fuit orta controuersia de circumcisione: An scilicet noui Christiani, qui tunc fidem Euangelii recipiebant, non possent saluari, nisi circumciderentur, & legalia seruarent? Quæ controuersia potissimum intelligebatur de Gentilibus ad fidem conuersis. Erat autem duplex de hac re sententia: Vna quorundam, qui ex Iudeis facti erant Christiani; qui dicebant Gentiles per fidem Christi non posse saluari, nisi circumciderentur, & ceremonias legis Moisaicæ obseruarent. Altera Pauli & Barnabæ, qui asserabant, non opus esse circumcisione, & obseruatione legalium. (Actuum 15. 1.) At quomodo decisa & definita est hæc controuersia? An ad solam Scripturam, tanquam ad communem Iudicem delata est? Nihil minus. Sed potius ex consensu vtriusque partis delecti sunt aliqui, qui Hierosolymam irent ad Apostolos, ut ipsi in solemnibus Concilio de tota re cognoscerent, & definitiuam sententiam pronunciarent. Quod & factum est. Nam ex vna parte designati sunt Paulus & Barnabas; & ex altera, alij: qui simul Hierosolymam profecti, Apostolos & Seniores adierunt. Hi coacto Concilio, & inuocato Spiritu sancto, responderunt his verbis: *Visum est Spiritui sancto, & nobis, nihil ultra imponere vobis oneris, quam hæc necessaria, ut abstinatis vos ab immolatis simulacrorum, & sanguine, & suffocato, & fornicatione.*

9. Post tempora Apostolorum, alie, atque alie

A controuersie diuersis locis, atque ætatibus exortæ sunt, quas similiter à Pontifice Romano, vel à Conciliis ab eo approbatis, decisas ac diremptas esse, notum est ex historiis Ecclesiasticis. Et qui illorum sententiarum noluerunt acquiescere, pro hæreticis habiti & damnati sunt. Huius rei multa exempla adduxi in supradicto tractatu de Iudice Controuersiarum.

10. Sextum sumitur ex analogia Iudicis Controuersiarum civilium. Quod sic propono. Inter res fidei ac religionis ex vna parte, & inter res civiles ac politicas ex altera, potest spectari multiplex analogia. 1. Sicut in politicis ac civilibus sæpè oriuntur lites ac controuersie, quæ requirunt aliquem Iudicem qui sententiam ferat inter partes litigantes sic etiam fit in fide ac religione. 2. Sicut in controuersis civilibus distinguuntur hæc tria, Iudex, Lex scripta, & consuetudo: sic etiam in controuersis fidei, hæc tria, Iudex, Scriptura vtriusque Testamenti, & traditio. 3. Sicut Princeps vel magistratus secularis fungitur officio Iudicis in decisione Controuersiarum civilium; sic etiam Princeps Ecclesiæ, vel Synodus Ecclesiastica fungitur officio Iudicis in decisione Controuersiarum fidei. 4. Sicut lex scripta est quasi norma quædam seu Regula, quam sequitur Iudex secularis in decidendis controuersis civilibus sic etiam Scriptura vtriusque Testamenti est quasi norma quædam seu Regula, quam sequitur Iudex Ecclesiasticus in decidendis controuersis fidei. 5. Sicut sola lex scripta non est sufficiens & integra norma omnium Controuersiarum civilium, sed lex scripta & consuetudo simul: sic etiam sola Scriptura vtriusque Testamenti non est sufficiens & integra norma omnium Controuersiarum fidei, sed Scriptura & traditio simul. Hæc clara sunt. Obiectiones alibi solutæ.

CAPVT XII.

De Instrumentis diuini cultus.

1. **D**ixi hactenus de ministris Synagogæ, qui ad diuinum cultum erant deputati: Nunc dicendum est de instrumentis, quibus diuinus cultus peragebatur. Deinde de ipso cultu, qui consistebat in sacrificiis, Sacramentis, & obseruantis legalibus. Et quidem instrumenta diuini cultus erant hæc. 1. Tabernaculum. 2. Templum, quod successit in locum Tabernaculi. 3. Arca fœderis, quæ prius fuit in Tabernaculo, postea in Templo. 4. Propitiatorium, quod erat supra Arcam. 5. Candelabrum habens septem lucernas. 6. Mensa panum propositionis. 7. Altare thymiamatis. 8. Altare holocausti. 9. Vasa sacra. 10. Vestes Sacerdotales. De quibus D. Thom. 1. 2. quæst. 102. artic. 4. Et quidem de vestibus Sacerdotalibus iam antea dictum est cap. 8. quæst. 5. De reliquis hic dicendum. Addam aliquid de Synagogis & cathedris, in quibus Scriptura legebatur & explicatur.

Tabernaculum & Templum.

2. Tabernaculum erat mobile, & portabile, quod per partes poterat dissolui & conseruari, quando mouenda erant castra. Exodi 26. Templum verò à Salomone ædificatum, erat fixum & immobile, de quo 3. Reg. 6. & seq. Ratio duplex est. Vna literalis; altera mystica. Literalis est, quia Iudæi ab egressu ex Ægypto, vsque ad tempora Salomonis, non fuerunt quieti. Nam primo per 40. annos errarunt in deserto. Postea habuerunt perpetua bella cum vicinis gentibus in Palestina. Itaque conueniens fuit, ut haberent Taberna-

lum mobile, quod possent ferre de loco in locum, A non autem fixum & immobile, ne à gentibus occuparetur. At tempore Salomonis, cum essent in summa pace & quiete, poterant sine vlllo periculo habere templum fixum & immobile, in quo Deo seruirent. Mystica est, quia per Tabernaculum, quod erat mobile & mutabile, significabatur status vitæ præsentis, quæ similiter mutationibus obnoxia est. Per Templum verò, quod erat fixum & stans, significabatur status futuræ vitæ immutabilis. Vnde etiam legimus, quod in edificatione templi non sit auditus sonitus mallei vel securis, (3. Regum 6. v. 7.) quia nec in futura vita erit vllus strepitus aut turbatio. (Apoc. 21. vers. 4.)

3. Quod ad structuram vtriusq; attinet, Tabernaculū erat longum triginta cubitis: latum decem, altū decem. Et diuisum in duas partes, quarū vna dicebatur *Sanctū*, habens viginti cubitos in longitudine: Altera, *Sanctum Sanctorum*, habens decem cubitos. Itaque *Sanctum* erat quadrangulum, habens longitudinem viginti, & latitudinem decem cubitorum. Inter vtrumque erat velum, quo *Sanctum* diuidebatur à *Sancto Sanctorum*. Et quidem in Sancto erat candelabrum, mensa panum propositio- nis, & altare thymiamatis: In Sancto Sanctorum, Arca fœderis cum propitiatorio. In Sanctum quotidie ingrediebantur Sacerdotes manè & vespere, tum vt adolerent thymiamata; tum etiam vt vespere accenderent lucernas candelabri, & manè eas exstingerent. At in Sanctū Sanctorum solus Pontifex ingredi poterat, idque semel in anno, nempe in festo expiationis, (Leuit. 16.)

4. Erat autem tabernaculum constructum ex viginti tabulis lignorum Setim inauratis, in longitudine versus meridiem: & totidem in longitudine versus Septentrionem. At versus Occidentem, vbi erat latitudo, habebat octo tabulas. Versus Orientem, nullam. Ibi n. erat ingressus in Tabernaculum, ideoque nihil aliud ibi erat, nisi quinque columnæ inauratæ, quæ velo tegebantur; ita vt Sacerdotes elevato velo, possent introire. (Exod. 26. 15. & sequentibus.)

5. Tegebatur autem tam supernè, quam ad latera. Primò quidem, decem cortinis, factis ex cocco, purpura, hyacintho ac bysso: quæ per modum tentorii erant tensæ & expansæ. Secundò, vndecim sagis seu stragulis cilicinis. Tertiò, pellibus arietum rubricatis. Quartò, pellibus ianthinis contra pluuias & procellas. (Exod. 26. 1. & sequentibus.) Dices: Si Tabernaculum fuit vndique tectum & velatum, quomodo potuit lumen admittere? Respondeo. Admittebat lumen per illam partem Orientalem, vbi Sacerdotes, submoto velo, ingrediebantur. Ibi enim nulla erat tabula, vt dictum est, sed tantum quinque columnæ inauratæ.

6. In circuitu Tabernaculi erat Atrium, supernè patens, & sub dio, quod vndiquaque ambiebat Tabernaculum, ita vt Tabernaculum staret in medio Atrij, sicut apud Christianos templum solet stare in medio cimiterij. (Exod. 40. 31.) Hoc atrium erat quadrangulum, habens centum cubitos in longitudine, & quinquaginta in latitudine, & quinque in altitudine. (Exod. 27. 18.) Cingebatur sexaginta columnis æneis; quarū viginti erant ad Meridiem, viginti ad Aquilonem; decem ad Occidentem, & decem ad Orientem. In istis columnis eminebant paxilli, id est, clauis, à quibus tectoria, id est, vela vel cortinæ suspendebantur. (Exod. 27. vers. 10. & sequentibus, & Exodi 35. versu 17.) In introitu atrij, erat tentorium, seu cortina. cubitorum viginti, pendens ex quatuor columnis. (Exodi 27. vers. 16.) Ab introitu atrij vsque ad Tabernaculum erat longitudo & latitudo quinquaginta cubitorum, vt caperet populum. Nam iste locus erat quasi templum laicorum, in quo orabant & sacrificia offerebant. Non enim poterant intrare in Tabernaculum. In eodem

Opusc. Bec.

atrio, non quidem versus introitum, sed versus Tabernaculum erat altare holocausti sub dio; & inter altare & Tabernaculum erat labrum æneum, ad lauandum Exodi trigesimo, versu decimo octauo.

7. Templum, quod Salomon postea ædificauit, fuit multo maius ac capacius, quam Tabernaculum. Et tria in eo spectari debent. 1. Templum ipsum. 2. Atria circa templū sub dio. 3. Porticus Salomonis sub tecto. Porro templum ipsum, sicut etiam de Tabernaculo dictum est, continebat duas partes. Vna respondebat Sancto, in qua erant candelabra, mensa & altare thymiamatis. Altera, *Sancto Sanctorum*, in qua erat arca fœderis, cum propitiatorio. Inter vtramque partem erat velum, de quo Matth. 25. 51. *Et ecce velum templi scissum est in duas partes, à summitate usque deorsum.*

8. De atriis quæstio est, quot fuerint? constat vnum tantum fuisse iuxta Tabernaculum: plura, quam vnum, iuxta templum. At quot? Aliqui distinguunt. Aiunt duo fuisse tempore Salomonis: Vnum interius iuxta templum, pro Leuitis & Sacerdotibus, vbi erat altare holocaustorum, & mare æneum: alterum exterius, pro populo, vbi laici orationis causa conue- niebant. De vtroque intelligitur illud 2. Paralipom. 4. 9. *Fecit etiam atrium Sacerdotum, & basilicam grandem.* Tria verò tempore Herodis, Primum pro Sacerdotibus: Secundum pro laicis: Tertium pro immundis & gentilibus. Vide Azorium lib. 6. Inst. mor. c. 53. & Cornelium in c. 17. Exod. v. 9.

9. Nota, secundum atrium fuisse quasi templum laicorum, in quo orabant, victimas Sacerdotib. offerebāt, sacrificia spectabāt, hostias pacificas comede- bāt: ideoque in Euangelio templi nomine appellari. Mat. 21. 12. *Intrauit Iesus in templum Dei, & eiecit omnes vendentes & ementes in templo, & mensas nummulariorum, & cathedras vendentium columbas euerit, & dicit eis: Scriptum est: Domus mea, domus orationis vocabitur.* Et infra: *Pueros clamantes in templo & dicentes, Hosanna filio David.* Quæ omnia intelliguntur de atrio laicorum. Nam in templum propriè dictum, nulli licebat ingredi, nisi Sacerdotibus Aaronicis. (Heb. 9. 6.) Nec Christus aut pueri vnquam illud ingressi. Vide Maldonatum in cap. 21. Matth. v. 12. & Cornelium loco citato.

10. De porticu Salomonis similiter quæstio est, an fuerit aliquid distinctum ab atrio seu templo laicorum. Probabile est, fuisse distinctum. 1. quia porticus erat sub tecto; atrium sub dio. 2. in porticu ambulabant Iudæi; in atrio orabant. De porticu dicitur Ioan. 10. 23. *Ambulabat Iesus in templo, in porticu Salomonis.* De atrio, *Domus mea, domus orationis vocabitur.* Vide Azorium lib. 6. cap. 53. q. 3.

Arca fœderis.

11. Arca fœderis (de qua Exodi 25. 10.) primo fuit in Tabernaculo, postea in templo. Et quidem, quādiu fuit in tabernaculo, sepe de loco in locum translata est. Nam post finitam peregrinationem in deserto, cum iam filij Israël ingressi essent terram promissionis, primo posita fuit in Galgalis. Secundò, in Silo. Tertiò, in Nobe. Quartò, in Gabaon. Quintò, in Hierusalem. Ratio literalis est, quia Arca manebat ordinariè in illo loco vbi Pontifex ressedebat: At ille sæpè mutabat locum, antequam templum erat ædificatum à Salomone. Mystica est, quia Arca fuit figura cætus Beatorum. At beati in hac vita erāt variis mutationibus obnoxii: In altera sūt quieti & constantes. Nam hæc vita comparatur Tabernaculo, quod mouebatur: altera, templo Salomonis, quod certo loco consistebat.

12. Forma Arcæ erat quadrangula, non quadrata, habebat enim duos cubitos, & dimidium longitudinis, vnum cum dimidio latitudinis: & vnum cum dimidio altitudinis. In quatuor angulis habebat quatuor circulos aureos, quibus inducebantur veſes inaurati

ad portandum. Erat autem facta ex lignis Setim inauratis, in eum finē, ut ea in reponerentur tabulae legis Decalogi. Vnde etiam dicta est Arca Testimonij, id est, Legis, quia lex continebat attestationem diuinę voluntatis: Et in ea Deus testatum reliquerat, quid à nobis fieri vellet. Item, Arca testamenti seu fœderis, quia lex quę seruabatur in Arca, erat conditio fœderis inter Deum & Hebręos initi.

13. Et ob hanc causam summa erat veneratio Hebręorum erga Arcam: quod etiam ex his colligi potest. Primo, quia ponebatur in Sancto Sanctorum, tanquam in loco honoratissimo, (Heb. 9. 3.) Secundo, præcedebat castra, quando populus proficiscebatur, & super illam columna nubis incumbebat. (Num. 10. 33.) Tertiò, portabatur ordinariè à Leuiticis. (1. Paralip. 15. 15.) Extraordinariè à Sacerdotibus; ut in transitu Iordanis, & in demolitione murorum Iericho. (Iosue. 6. 6. Nunquam à laicis. Vnde etiā morte punitus est Oza, quod cum laicus esset, ausus fuisset, non dico portare, sed vel manu attingere Arcam Domini. (2. Reg. 6. 7.) Quartò, quando à Leuitis eleuabatur Arca ut præcederet castra, tunc orabat Moyses coram illa, dicens: *Surge Domine, & dissipentur inimici tui, & fugiant qui oderunt te à facie tua.* Quòdo verò deponebatur, dicebat Moyses; *Revertere Domine ad multitudinē exercitus Israel.* (Num. 10. 34.) Propter has & similes causas vocabatur gloria Israel. Vnde vxor Phineas. 1. Reg. 4. 21. *Translata est, inquit, gloria de Israel, quia capta est Arca Domini.*

14. Est autem vetus quæstio, an præter duas tabulas legis Decalogi, fuerit aliquid aliud in Arca? Nā quod nihil aliud in ea fuerit, colligi potest ex illo 3. Reg. 8. 9. *In Arca autem non erat aliud, nisi dua tabula lapidea, quas posuerat in ea Moyses in Horeb, quando pepigit Dominus fœdus cum filiis Israel.* At Apostolus affirmat, præter duas tabulas fuisse etiam manna, & virgam Aaron. Sic enim scribit Heb. 9. 4. *Tabernaculum habens Arcam Testamenti, in qua urna aurea, habens manna, & virga Aaron, qua frondebat, & Tabula Testamenti.* Ad hanc quæstionem respondent Chrysost. & Theoph. tempore Moysis in Arca nihil fuisse nisi tabulas legis: sed postea à Ieremia, circa tempus captiuitatis Babylonicę, appositam fuisse urnam cum manna, & virga Aaronis. Idque Paulum Apostolum per traditionem accepisse à Gamaliele præceptore suo, de quo ipse meminit Act. 22. 3. Alij aliter respondent, ut videre est apud Riberam & Cornelium in caput nonum Hebręorum.

15. Est & alia quæstio: An Arca, quę primò fuit in Tabernaculo, deinde in templo Salomonis vsque ad tempus captiuitatis Babylonicę, postea etiam fuerit in templo secundo, quod post reditum ex captiuitate Babylonica ædificatum est? Respondeo. Non fuit. Quod sic ostendo: Ieremias Propheta, antequam templum Salomonis vastaretur, ex instinctu Dei abstulit Tabernaculum, Arcam & altare Thymiamatis, & portauit ope Angelorum (ut multi volunt) in montem Nebo, & ibi in quadam spelunca occultauit, ut expressè habetur 1. Mac. 2. 4. his verbis: *Erat autem in ipsa scriptura, quomodo Tabernaculum & Arcam iussit Propheta diuino responso ad se factò comitari secum, vsque quo exiit in montem, in quo Moyses ascendit, & vidit Dei hereditatem. Et veniens ibi Ieremias, inuenit locum speluncę, & tabernaculum, & Arcam, & altare incensi imulit illuc, & ostium obstruxit.* Et mox addit: *Et accesserunt quidam simul, qui sequebantur, ut notarent sibi locum, & non potuerunt inuenire. Vt autē cognouit Ieremias, culpans illos, dixit: Quod ignotus erit locus donec congreget Deus congregationē populi, & propitiū fiat, & tunc Dominus ostēdet hoc, & apparebit Maiestas Domini.* Ex quo colligit Epiphanius in vita Moysis, Dorotheus, in Synopsi, & alij boni Authores. Tabernaculum, Arcam, & altare Thymiamatis occultanda vsque ad finem mundi; & tunc demum

A manifestanda ad conuersionem Iudęorum. Si ita est, sequitur primò, non fuisse Arcam in templo: secundò, quod post reditum ex Babylone ædificatum est: tertio, falsum esse, quod aliqui asserunt, eo tempore, quo templum secundum à Romanis euersum est, Arcam à Tito in triumphum ductam esse. Quod idē sibi persuadent, quia Romę in arcu Titi triumphali apparet depicta Arca. Sed errant. Non est Arca, sed mensa panum propositionis, ut affirmat Iosephus, qui triumphi spectator fuit. Vide Cornel. in c. 25. Exodi, & Serarium in cap. 2. lib. Mach. q. 17. 18. 19.

Propitiatorium.

B 16. Super Arcam, quę supernè patebat, erat operculum ex puro auro factum, quod dicebatur *Propitiatorium* vel *oraculum*. Super illud stabant duo Cherubim, seu duo Angeli Cherubini, similiter ex puro auro: alter in dextro latere, alter in sinistro, qui expansis & coniunctis alis tegebant propitiatorium: & super illas alas sedebat Deus, tanquam in throno, habens sub se Arcam cum operculo, id est cum Propitiatorio, tanquam scabellum pedum suorum. Exod. 25. v. 17. & seq. Quo etiam spectant hæc testimonia. 4. Reg. 19. 15. *Domine Deus Israel, qui sedes super Cherubim.* 1. super alas Cherubimorum. Et 1. Paral. 28. 2. *Cogitavi, ut ædificarem domum in qua requiesceret Arca fœderis Domini, & scabellum Dei nostri.* Et Psal. 98. 5. *Adorate scabellum pedum eius.* 1. adorate Arcam; vel, prosternite vos ante Arcam, quę est scabellum pedum Domini Dei, sedentis super alas Cherubim. Vide Bellarm. in Commentario illius Psalmi, Cornelium in cap. 25. Exodi. Azorium lib. 6. Institut. moral. c. 44. & 45.

C 17. Porro operculum arcę dictum est, vel *Propitiatorium*, vel *Oraculum*, Propitiatorium, quia erat locus placationis, ubi Deus loquens cum Moyse, placabatur, & propitiabatur populo. Exod. 25. 22. *Loquar ad te supra propitiatorium, & de medio Cherubim, qui erunt super Arcam testimonij.* Oraculum verò, quia Deus dabat ibi responsa, seu viuz vocis oracula, quando Moyses consulebat illum de rebus dubiis, vel futuris. Num. 7. 89. *Cum ingrederetur Moyses Tabernaculum fœderis, ut consuleret oraculum, audiebat vocem loquentis ad se de propitiatorio, quod erat super Arcam Testimonij inter duo Cherubim.* Vnde & loquebatur ei. Vide quę dicta sunt c. 7. q. 4. §. 9. & quæst. 5. §. 16.

Candelabrum.

18. Dictum est de Arca & Propitiatorio, quę erant in Sancto Sanctorum. Nunc dicendum est de candelabro, mensa panum propositionis, & altari Thymiamatis, quę erant in Sancto. Candelabrum quidem ad Meridiem, mensa ad Septentrionem; altare in medio vtriusque. Exod. 40. 20. Loquor autem de vnico Candelabro, quod fuit in tabernaculo, non de decem candelabris, quę fuerunt in templo Salomonis.

E 19. Igitur candelabrum constabat ex auro purissimo, Ex illius hastili procedebāt sex calami seu rami, qui omnes æqualiter cum hastili in altum assurgebant. Superius erant septem lucernę, vna in hastili; reliquę in sex ramis. Exodi 25. 3. Hę lucernę illuminabant mensam panum propositionis, & altare Thymiamatis, sed tantum nocte. Quod intelligitur ex illo Exodi. 27. 20. *Præcipe filiis Israel, ut afferant tibi oleum de arboribus oliuarum purissimum, piloque contusum ut ardeat lucerna semper in tabernaculo testimonij, extra velum, quod oppositum est testimonio. Et collocabunt eam Aaron & filij eius, ut vsque manē luceat coram Domino.* Vbi notandum est illud, *vsque manē*, ut sensus sit: Luceat nocte, & non die. Igitur quotidie per totum annum, vespere Sacerdotes accendebant lucernas, ut tota nocte arderent. Mane verò eas extin-

guebant, mundabant, componebant, & oleum infundebant. Quod apertius explicatur Leuitic. 24. versu 2. *Præcipe filiis Israel, ut adferant tibi oleum de olivis purissimum ac lucidum, ad concinnandas lucernas iugiter, extra velum testimonij in tabernaculo fuderis. Ponetque eas Aaron à vespere usque ad mane coram Domino.* (Vide etiam 1. Reg. 3. vers. 3. & 2. Paralip. 13. versu 11.) Præter candelabrum, erant emunctoria ex auro purissimo, quibus lucernæ emungebantur: & thuribula, seu vasa, quibus ea, quæ emuncta erant extinguebantur, (Exod. 25. vers. 38.)

Mensa panum propositionis.

20. Hæc mensa facta erat ex lignis Setim, auro obductis: longa duos cubitos; lata vnum; alta vnum & medium. Supernè labio seu limbo aureo, & clausura aurea circumdata, ne panes deciderent. Habens quatuor pedes, quibus fulciebatur. Singuli pedes habebant singulos annulos, in quos vestes lignei, & auro obducti inferebantur, ad mensam tollendam & de loco in locum transportandam. (Exod. 25. 23.)

21. In hac mensa ponebantur duodecim panes, de quibus notanda sunt hæc. Primò, erant duodecim, quia totidem erant tribus filiorum Israel. Secundò, dicebantur panes propositionis, vel panes faciles, quia in conspectu Dei proponebantur. (Exod. 25. vers. 30.) Tertio, erant azimi ex simila purissima, & singuli ponderabant duas decimas. (Leuit. 24. 5.) Quarto, sex ponebantur in vna parte mensæ, & totidem in altera. (ibid. vers. 6.) Quintò, his panibus imponebatur thus, ad significandum, Deo oblatos esse. (ibidem. ver. 7.) Sextò singulis Sabbatis auferebantur veteres & ponebantur noui, adhuc calidi. (ibidem vers. 8.) Septimò, veteres comedebantur à solis Sacerdotibus. (Matth. 12. 4.) Octauò, noui pinsebantur à Leuitis. (1. Paralipomenon 9. 32.) Nonò, simila, ex qua fiebant, offerebatur à populo. (Leuitic. 24. 5.) Vnde sequitur, & Laicos, & Leuitas, & Sacerdotes aliquid egisse circa hos panes. Laici offerebant materiam; Leuitæ pinsebant; Sacerdotes manducabant. Falsa igitur est Hebræorum Traditio, de qua Hieronym. in cap. 1. Malachiæ: *Panes propositionis, iuxta Traditiones Hebræicas, ipsi Sacerdotes ferere, ipsi demittere, ipsi molere, ipsi coquere debeant.*

Altare Thymiamatis.

22. Altare erat duplex: Vnum Thymiamatis seu incensu, in quo incendebatur thus, & alia aromata suauissimi odoris: alterum holocaustum in quo omnes victimæ offerebantur. Igitur de altari Thymiamatis, de quo nunc sermo est hæc notanda sunt. (Exodi 30.)

23. Primò, factum erat ex lignis Setim inauratis; longum cubitum vnum; latum cubitum vnum; altum cubitos duos. Habens quatuor cornua, & coronam auream per gyrum. In medio habens craticulā reticulatam, per quam fauillæ & cineres aromatum incensorum decidebant sub altare, vt inde suo tempore eximerentur. Habens insuper quatuor annulos, per quos inferebantur duo vestes, quibus portabatur à Sacerdotibus per desertum.

24. Secundò, Hoc altare positum erat in *Sancto*, inter candelabrum & mensam panum propositionis, obuersum propitiatorio seu oraculo, quod erat in *Sancto Sanctorum* super Arcam. Vnde etiam vocari solet altare Oraculi, quia ita erat obuersum Oraculo, vt per aperturam, quæ erat supernè in pariete diuidente Sanctum à Sancto Sanctorum, ascenderet fumus aromatum ex altari Thymiamatis, & perueniret ad ipsum Oraculū.

Opusc. Bec.

25. Vbi Deus residens super alas Cherubim, dabat responsa: idque eo fine, vt Deus isto iussu ac odore aromatum, tanquam supremus omnium Dominus, honoraretur.

25. Tertio, in hoc altari nullæ victimæ, sed tantum Thymiamata, seu aromata suauissimi odoris incendebantur: non tantum à Pontifice, sed etiam à minoribus Sacerdotibus, qui quotidie bis, semel mane, & semel vespere illud præstabāt, vt capite septimo, questione quarta, paragrapho primo dictū est. Non quod Deus delectaretur eiusmodi odoribus, (cū sit incorporeus) sed quod esset signum magnæ venerationis, ac reuerentiæ erga Deum, tanquam supremum Dominum; vt iam ante insinuaui.

Altare Holocausti.

26. Hoc altare, in quo holocausta, & quæuis alia sacrificia Deo immolabantur & cremabatur, non erat in Tabernaculo, sed in atrio Sacerdotum, sub dio positum, propter ignem, fumum & nidorem victimarum, vt supra dixi. De quo similiter hæc notanda sunt. (Exodi 27. & 38.)

Primò, erat factum ex lignis Setim, quæ æneis tabulis interius & exterius tegebantur, ne ab igne læderentur. Longum cubitos quinque; latum totidem; altum tres. Interius cauum & inane, ad continendum ignem pro comburendis sacrificiis. (Exodi 27. versu 1. & 8.)

Secundò, habebant supernè craticulam æneam, foraminibus plenam, instar retis, quæ totam altaris longitudinem & latitudinē occupabat. Huic craticulæ imponebantur victimæ, vt à subiecto igne cremarentur, & earum cinis per foramina craticulæ sub altare decideret.

Tertio, ex eadem craticula pendeat arula ænea, vel focus æneus, in ipsa altaris cavitare: in quo foculo erat ignis ad comburendas carnes quæ in superiori craticula ponebantur. Hic ignis, qui de cælo fuerat missus, quotidie nouis lignis apposis fouebatur à Sacerdotibus, ne vnquam extingueretur. Focus, in quo erat ignis, pendeat in cavitato altaris, & supernè per quatuor catenulas alligabatur ad quatuor altaris & craticulæ cornua.

Quarto, altare habebat quatuor annulos aureos per quos duo vestes inferebantur ad portandum altare. Totidem annulos & vestes habebat craticula, distinctos ab annulis & vestibus altaris, vt seorsim portari posset.

Quinto, in hoc altari, manè, & vespere quotidie, primò immolabatur Agnus, quasi iuge sacrificium, de quo sequenti capite. Deinde alie victimæ, siue essent votiuæ, siue spontaneæ, siue præceptæ ob aliquod forum incidens.

Labrum æneum, & reliqua vasa sacra.

27. Vasa quæ seruiebant pro Tabernaculo & Atrio, erant potissimum hæc. Primò, labrum æneum, (Exodi 30. versu 18. & cap. 38. versu 8.) Secundò, Acetabula, phialæ, thuribula, cyathi. (Exod. 25. vers. 29.) Tertio, Lebetes ænei. (Exod. 27. versu 3.) Quarto, mortariola & crateres. (Numer. 4. 7.) De singulis dicam aliquid.

28. Labrum æneum erat vas quoddam ex ære factum, vt in eo lauarentur Sacerdotes, antequam accederent ad sacrificia. Et similiter partes victimarum antequam immolarentur. Erat autem factum ex æneis speculis mulierum, quæ excubabant in ostio Tabernaculi, vt habetur Exodi 38. versu. 8. Apud Hebræos vocabatur concha; apud Septuaginta Interpretes *καὶ*, id est,

lauatorium. Huic simile curauit fieri Salomon, sed multo capacius, quod ob magnitudinem dictum est *Mare aeneum*. De quo 3. Regum 7. versu 23. *Fecit quoque mare fusile decem cubitorum à labio usque ad labium, rotundum in circuitu, Et stabat super duodecim boues, è quibus tres respiciebant ad Aquilonem, & tres ad Occidentem, & tres ad Meridiem, & tres ad Orientem.*

29. Acetabula, phialæ, cyathi, thuribula, facta erant ex puro auro, & seruiebant in vsum mensæ; & in ea tanquam in repositoio asservabantur. Hoc sensu intelligendum est illud Exodi 37. 16. *Et vasa ad diuersos usus mensæ, acetabula, phialas, & cyathos, & thuribula, ex auro puro, in quibus offerenda sunt libamina.* Vilalpendus lib. 4. de templo cap. 37 per acetabula intelligit crateres aureos, quibus singuli panes imponebantur. Per thuribula, eorum opercula, ne panes à pulueribus, vel à muscis fœdarentur. Per phialas, vasa, quibus imponebatur thus supra ipsos panes. Per cyathos, vasa, quibus vinum pro panibus libabatur.

30. Alij sic explicant. Acetabula erant scutellæ vel catini, ad excipiendam & continendam simlam, quæ offerebatur. Phialæ erant vasa parua & concaua, parata ad vinum, & alia libamina in sacrificiis fundenda. Septuaginta vocant *duisat*, id est, mortaria. Hieronimus sæpe appellat mortariola. Cyathi ad eundem vsum. 1. ad offerendum thymiamam, quod adolebatur. 2. ad asservandum thus, quod ponebatur super panes propositionis. (Leuit. 24. 7.) Noster alibi *crateras*; Septuaginta *libatoria* vertunt.

31. Lebetes ænei (de quibus Exodi 27. 3.) subseruebant altari holocaustorum, ad suscipiendos cineres victimarum, qui cadebant per foramina craticulæ positæ supra altare, vt habetur loco citato: *facietque usus eius (altaris) lebetes ad suscipiendos cineres, &c.*

32. Quæres, quid hæc omnia significauerint? Vel, cuius rei figura fuerit Tabernaculum, & reliqua, quæ iam recensita sunt? Respondeo. Tabernaculum fuit figura Ecclesiæ Christi quatenus complectitur Ecclesiam militantem in terris, & triumphantem in cælis. Quod sic declaro. Tria spectari poterant in Tabernaculo. 1. Atrium, quod erat circa Tabernaculum. 2. Sanctum, quod erat vna pars Tabernaculi. 3. Sanctum Sanctorum, quod erat altera pars Tabernaculi.

Igitur Atrium fuit figura Ecclesiæ militantis, quoad communem vitam Christianorum. Nam in Atrio erant tria. 1. Locus orationis laicorum. 2. Labrum æneum, ad abluendas sordes. 3. Altare holocausti, ad cremanda animalia. Similiter tria sunt in communi vita Christianorum. 1. Communis oratio. 2. Sacramentum penitentiae quo abluuntur peccata. 3. Mortificatio, vitiorum, periciunium, & alia pia opera.

Sanctum fuit figura eiusdem Ecclesiæ militantis, quoad vitam perfectorum. Nam in Sancto erant tria. 1. Mensa panum propositionis. 2. Altare Thymiamatis. 3. Candelabrum lucens. Sic tria sunt in vita perfectorum. 1. Sacramentum Eucharistiæ, quod fuit significatam per panes propositionis, vt docent Hieronymus, Cyrillus, Damascenus, & alij. 2. Iugis oratio & contemplatio, quæ fuit præfigurata per aromata, quæ incensebantur in altari Thymiamatis. (Apoc. 5. 8.) 3. Doctrina & Sanctitas, cuius typum gessit Candelabrum lucens. (Matth. 5. 5.)

Sanctum Sanctorum fuit figura Ecclesiæ triumphantis. Nam tria erant in Sancto Sanctorum. 1. Arca fœderis. 2. Propitiatorium. 3. Cherubini. Sic tria sunt in cælo. 1. Cætus Beatorum. 2. Humanitas Christi gloriosa. 3. Angeli sancti. Rursum, in Arca erant tabulæ Decalogi, vna cum manna, & virga Aaronis florens. Sic in cætu Beatorum est perfecta charitas Dei

& proximi, abundantia diuinæ suauitatis, & gloriosa Sanctorum corpora.

Synagoga & Cathedra.

33. Synagoge, vt initio capitis sexti dictum est, erant ædificia sacra, in quibus Iudæi singulis Sabbatis solebant scripturam legere & explicare. Dictæ sunt autem Synagoge, id est, congregationes, quia erant domus seu Ecclesiæ, in quibus Iudæi congregabantur. Sicut enim Christiani hoc tempore solent congregari in templis, ad audiendas conciones diebus festis; ita Iudæi soliti erant congregari in Synagogis, ad legendam & audiendam legem Mosaicam. Marci 1. 21. & Lucæ 4. 16. & Act. 13. 14.

34. In singulis Synagogis erant Cathedre, seu sedilia, in quibus sedebant, tum illi, qui legebant & explicabant legem Mosaicam; tum illi, qui audiebant, vt patet Matth. 23. 6. vbi de Scribis & Phariseis dicitur: *Amant primas Cathedras in Synagogis.* Ex quo sequitur, quidam fuisse Cathedras honoratiores pro Phariseis & legis Doctoribus: alias minus honoratas pro populo, qui ab illis instruebatur.

35. Quæres 1. In quem vsum fuerint ædificatæ Synagoge? Respondeo. In triplicem vsum, vt colligitur ex scriptura. 1. Ad docendum & prædicandum Moysen ac Prophetas. 2. ad orandum. Ad puniendos delinquentes. Ita Toletus in cap. 16. Ioannis, annot. 2. & Turniellus in annalibus, anno mundi 2594. num. 14. Nam primò, solebant doctores, populi singulis Sabbatis conuenire ad Synagogas, ibique legere & explicare libros Moysis ac Prophetarum. Act. 13. 21. *Moyses à temporibus antiquis habet in singulis ciuitatibus, qui eum prædicem in Synagogis, vbi per omne Sabbatum legitur.* Et quidem ordinarij Doctores erant Scribæ & Pharisei, Matth. 23. 2. *Super Cathedram Moysi sederunt Scribæ & Pharisei.* Quod tamen officium sæpe usurpauit Christus, Marci 1. 21. *Sabbatis ingressus in Synagogam, docebat eos.* Et Lucæ 4. 15. *Et ipse docebat in Synagogis eorum.* Et alibi. Solebant aliquando ordinarij Doctores, postquam legissent & explicassent aliquem Scripturæ locum: offerre etiam aliis potestatem legendi & explicandi, præsertim aliunde accedentibus. Sic obtulerunt Paulo & Barnabæ, Act. 13. 14. *Ingressi Synagogam die Sabbatorum, sederunt. Post lectionem autem legis & Prophetarum, miserunt Principes Synagoge ad eos, dicentes: Viri fratres, si quis est in vobis sermo exhortationis ad plebem, dicite. Surgens autem Paulus, & manu silentium indicens, ait: Viri Israelitæ, &c.* Sin etiam videntur obtulisse Christo, Lucæ 4. 16. *Intraui secundum consuetudinem suam die Sabbati in Synagogam, & surrexi legere. Et traditus illi liber Isaia Propheta: Et vt reuoluit librum, inuenit locum, vbi scriptum erat: Spiritus Domini super me. Et cum plicuisset librum, reddidit ministro, & sedet. Et omnium in Synagoga oculi erant intenti in eum. Cæpit autem dicere, &c.* Certè minister, qui obtulit illi librum Isaia, fecit hoc iussu Scribarum & Phariseorum, qui Synagoge præsidebant.

36. Secundò, solebant etiam Iudæi, orationis causa, venire ad suas Synagogas, vt patet Iudith 6. 21. *Conuocatus est omnis populus, & per totam noctem intra Ecclesiam orauerunt, petentes auxilium à Deo Israel.* Vbi per Ecclesiam non potest aliud intelligi, quàm Synagoga illius loci. Sicut etiam Psalm. 25. 12. *In Ecclesiis benedicam te Domine.* Et Psalm. 67. 27. *In ecclesiis benedicite Deo Domino.* Quod apertè confirmatur ex illo Matthæi 6. 5. *Cum oratis, non eritis sicut hypocritæ, qui amant in Synagogis, & in angulis platearum stantes orare.* Vbi reprehenduntur Scribæ & Pharisei, non ideo præcisè, quod orarent in Synagogis, quia hoc erat licitum &

visitatum) sed quod ibi orarent, ut viderentur ab hominibus. Itaque non tam oratio in Synagogis, quam inanis gloria fuit à Christo reprehensa.

37. Tertiò, solebant denique in suis Synagogis punire eos, qui vel verè deliquerant, vel falsò putabantur deliquisse. Quod faciebant dupliciter. Primò, eiciendo illos extra Synagogam. Quam pœnam valdè formidabant Iudæi. Ioan. 9. 22. *Hæc dixerunt parentes eius, quoniam timebant Iudeos. Iam enim conspirauerant Iudæi, ut si quis eum confiteretur esse Christum, extra Synagogam fieret.* Et Ioan. 12. 42. *Ex Principibus multi crediderunt in Christum: sed propter Phariseos non confitebantur: ut à Synagoga non eicerentur.*

Secundò, alias pœnas corporales, in ipsis Synagogis, infligendo. Matthæi 10. 17. *Synagogis suis flagellabunt vos,* Et Matthæi 23. 34. *Mitto ad vos Prophetas, & ex illis flagellabitis in Synagogis vestris.* Et Actor. 22. 19. *Ego eram concludens in carcerem, & cadens per Synagogas eas, qui credebant in te.* Et cap. 26. 11. *per omnes Synagogas frequenter puniens eos, compellebam blasphemare.*

38. Quæres 2. Quando primùm cœperint ædificari Synagoga? Aliqui putant tempore captiuitatis Babylonice. Tunc enim Iudæi in exilio constituti, non habebant templum, in quo orarent, & Legis Mosaicæ explicationem audirent. Itaque necesse fuit ut ædificarent quasdam domos, in quibus id præstare possent. Alij rectius sentiunt, multo ante id factum esse, ut Toletus & Turniellus loco citato. Ratio est, quia ante Captiuitatem Babylonicam, tempore Regum ac Iudicum, necesse fuit, Iudæos habere aliquem locum, in quo singulis Sabbatis orationi & lectioni Legis Mosaicæ vacarent. Hoc autem non potuit fieri in eo tantum loco, ubi erat Tabernaculum vel Templum; quia moraliter erat impossibile, omnes Iudæos singulis Sabbatis ex tota Iudæa in vnum locum conuenire (hoc enim ter solùm fiebat in anno, nempe in Paschate, Pentecoste, & Festo tabernaculorum, ut habetur Deuter. 16. 16.) Ergo necesse est, in variis locis fuisse Synagogas, in quibus commodè id fieret. Et hoc probant testimonia superius citata Psalm. 25. 12. & Psalm. 67. 27. Itemque illud 2. Paralip. 17. 9. *Docuerunt populum in Iuda, habentes librum legis Domini, & circumibant cunctas urbes Iuda, atque erudiebant populum.* Quod sine dubio factum est in Synagogis, quæ erant in urbibus Iuda.

39. Quæres 3. Quæ fuerit antiquissima inter omnes Synagogas? Toletus, Turniellus, & Rabini putant illam fuisse antiquissimam, quæ erat in Maspha. Ibi enim constat fuisse domum quamdam, seu Ecclesiam tempore Iudicum & Regum, ad quam deuotionis causa solebant conuenire Israëlitarum. Iudicum. 11. 11. *Locutus est Iephthæ omnes sermones suos coram Domino in Maspha.* Et cap. 20. 1. *Egressi sunt omnes filij Israël, & pariter congregati ad Dominum in Maspha: Et conuenerunt in Ecclesiam populi Dei.* Et Reg. 7. 5. *Dixit autem Samuel: Congregate vniuersum Israël in Maspha, ut orem pro vobis Dominum.* Et 1. Machab. 3. 46. *Congregati sunt, & uenerunt in Maspha, contra Ierusalem; Quia locus orationis erat in Maspha ante in Israël.* Ex his testimoniis tria colligo. 1. In Maspha fuisse Ecclesiam populi Dei. 2. Fuisse ibidem locum orationis. 3. Idque tempore Iephthæ, Samuelis, & Machabæorum.

40. Dices: Hæc omnia possunt intelligi de Tabernaculo & Arca fœderis, quæ erant in Maspha, Respondeo. Non possunt. Nam Tabernaculum & Arca, nec tempore Iephthæ, nec tempore Samuelis, nec tempore Machabæorum, fuerunt in Maspha. Imo nunquam ibi fuisse, verisimile est. Quod sic ostendo. Tabernaculum primò fuit in Galgalis, tempore Iosue

A (Iosue 5. 10.) Deinde, in Silo, tempore Samuelis (1. Regum 4. 3.) Tertiò in Nobæ tempore Davidis (2. Regum 21. 1. & cap. 22. vers. 19.) Quartò, in Gabæon, tempore Salomonis (3. Reg. 3. 4. & 1. 1. Paralip. 21. 29.) Quintò in Ierusalem in templo Salomonis (3. Regum 8. 4.) Vbi autem manserit tempore captiuitatis Babylonicæ, non constat. Similiter Arca fœderis, primò quidem fuit in ipso Tabernaculo, in Galgalis, & in Silo, usque ad tempora Samuelis. Deinde separata fuit à Tabernaculo, & ex Silo translata in castra Israëlitarum pugnantium contra Philisteos, sub eodem Samuele. (1. Reg. 4. 3.) Postea capta fuit à Philistæis, & in Azoto posita in templo Dagon. (cap. 5. vers. 1. & 2.) Inde translata in Accaron. (vers. 10.) B Inde in Agrum Iosue Bethfamitæ. (cap. 6. vers. 14.) Inde Cariathiarim in domum Abinadab in Gabæa. (cap. 7. v. 1.) Inde in domum Obbedom Gethzi. (2. Regum 6. 10.) Inde in ciuitatem David. (vers. 12.) Numquam legitur fuisse in Maspha. Vnde sequitur, domum seu Ecclesiam, quæ fuit in Maspha à tempore Iosue usque ad Machabæos, nihil aliud fuisse, quam Synagogam, in quam orationis causa conueiebant Israëlitarum.

41. Quæres 4. Quam multæ fuerint Synagoga? Respondeo. Initio fuerunt pauca sed postea, crescente populo, multiplicatæ sunt. Adeò quidem, ut tempore excidii Ierosolymitani numeratæ fuerint 480. Synagoga in sola vrbe Ierusalem: quarum aliæ pro Iudæis adueniis, qui religionis causa veniebant Ierosolymam, ut tradunt Toletus & Turniellus loco citato, & Genebrardus in Chronologia, ubi agit de rebus gestis sub Joachim summo Sacerdote. Quod enim Iudæi aduenz habuerint Ierosolymis suas Synagogas, constat ex illo Actor. 6. 9. *Surrexerunt quidam de Synagoga, quæ appellatur Libertinorum & Cyrenensium, & Alexandrinorum, & eorum qui erant à Cilicia & Asia.* Erant etiam plurimæ extra Ierusalem in aliis ciuitatibus, quarum sit mentio Matthæi 4. 23. & Lucæ 4. 15. & alibi.

42. Quæres 5. An in sola Iudæa fuerint Synagoga? Respondeo. Etiam extra Iudæam fuerunt multæ, ut Damasci, Salaminæ, Antiochiæ, Pisidiæ, Iconij, Thessalonicæ, Beroæ, Athenis, Corinthi, Ephesi, ut habetur in Act. Apostol. cap. 9. 2. cap. 13. 5. & sequentibus, cap. 14. 1, cap. 17. 1. & sequentibus, cap. 18. 4. & sequentibus. Nam in illis ciuitatibus habitabant Iudæi permixti cum gentilibus, ut patet ex locis citatis. Vnde etiam Synagoga, quæ ibi erant, non appellabantur Synagoga gentilium, sed Iudæorum. Act. 13. 5. *Cum venissent Salaminam, predicabant verbum Dei in Synagogis Iudæorum.* Et cap. 14. 1. *Factum est autem Iconij, ut simul introirent in Synagogam Iudæorum.* Et cap. 17. vers. 1. *Venerunt Thessalonicam, ubi erat Synagoga Iudæorum.*

43. Quæres 6. An omnes Synagoga ædificatæ fuerint à solis Iudæis? Respondeo. Non omnes. Nam etiam Gentiles, qui bene affecti erant erga Iudæos, solebant Synagogas pro illis extruere. Habemus exemplum in Centurione, de quo Seniores Iudæorum ad Christum Lucæ 7. vers. 4. *Dignus est, ut hoc illi præstes: Diligis enim gentem nostram, & Synagogam ipse edificauit nobis.*

Epilogus huius Capitis.

44. Hic obiter notandum est, instrumenta diuini cultus, de quibus actum est hæcenus, fuisse magni momenti apud Deum homines. Quod ex triplici capite colligi potest. Primò, ex parte ipsius Dei. Nam ipse speciatim mandauit fieri Tabernaculum, Arcam, Propitiatorium, & alia instrumenta, quæ recensuimus. Secundò, ex parte Iudæorum, qui fuerunt valdè prom-

pti ac liberales in faciendis expensis, quæ ad fabricam erant necessariz. Exod. 35. vers. 10. *Egressa omnis multitudo filiorum Israël de conspectu Moysis, obtulerunt mentes promptissima atque deuota primitias Domino ad faciendam opus Tabernaculi testimonij. Quidquid ad cultum, & ad vestes sanctas necessarium erat, viri cum mulieribus, præbuerunt armillas & inanes, annulos, & dextralia, &c.* Tertiò, ex parte gentiliū, qui & ipsi, ex instinctu Dei, multa conferebant ad promouendum Dei cultum. Vt Cyrus Rex Persarum, de quo 1. Esdræ 1. 2. *Hæc dicit Cyrus Rex Persarum: omnia regna terra dedit mihi Dominus Deus celi, & ipse præcepit mihi, ut ædificarem ei domum in Ierusalem, quæ est in Iudæa.* Et Seleucus Rex Asiæ, ac alij vicini Reges, de quibus 2. Machab. 3. 1. *Igitur cum sancta Civitas habitaretur in omni pace, leges etiam adhuc optimè custodirentur, propter Oniam Pontificis pietatem; fiebat ut & ipsi Reges & principes locum summo honore dignum ducerent, & Templum maximis muneribus illustarent: ita ut Seleucus Asia Rex de redditibus præstaret omnes sumptus administrum sacrificiorum pertinentes.* Hinc discant Christiani Pontifices, Reges, subditi, quid sui officij sit in promouendo Dei cultu. Pontifices imitentur Oniam in pietate: Reges Cyrum & Seleucum in liberalitate: Subditi populum Israëliticum in conferendis expensis. Nisi hoc faciant, eueniet ipsis, quod Iudæis, quando defecerunt à cultu Dei, contigit Ierusalem eversa est, Templum incendio conflagrauit, omnes in captiuitatem abducti sunt.

CAPVT XIII.

De Sacrificiis Mosaicis.

1. **S**acrificia Mosaicæ tripliciter diuidi possunt. 1. ratione materiz, 2. ratione formæ & finis. 3. ratione temporis. Et quidem ratione materiz, diuiduntur in victimas, oblationes, & libamenta. Ratione formæ ac finis, in holocausta, hostias pacificas, & hostias pro peccato. Ratione temporis, in iuge sacrificium, quod quotidie; & in sacrificium Agni Paschalis, quod in Paschate; & in alia sacrificia, quæ in aliis solennitatibus offerebantur. De quibus dicam hoc ordine. 1. De victimis immolationibus, & libaminibus. 2. De holocaustis, hostiis pacificis & hostiis pro peccato. 3. De iugi sacrificio. 4. De agno Paschali. 5. De sacrificiis aliarum solennitatum. 6. De igne, quo utebantur Sacerdotes in sacrificiis. 7. Addam aliquid de sacrificio noui Testamenti, quod per sacrificia Mosaicæ fuit præfiguratum.

De Victimis, immolationibus & libamentis.

2. Igitur, ratione materiz triplicia erant sacrificia Mosaicæ, 1. Victimæ seu hostiæ. 2. Immolationes. 3. Libamenta. Erat enim triplex materia à Deo designata, quæ in Iudæorum sacrificiis offerri poterat ac debebat. Primò, animalia; ut oues, capræ, hœdi, boues, vituli, columbæ, passeret, turtures. Secundò, fructus terræ. 3. ut panis, simila, sal, thus, manipulus spicarum virentium, & triticum. Tertiò, liquores; ut sanguis, vinum, oleum, aqua. Nec aliquid his amplius. Cum ergo fiebat sacrificium ex animalibus, vocabatur hostia seu victima: cum ex fructibus terræ, immolatio: cum ex liquoribus, libamentum seu libamentum.

3. Erat autem diuersus modus offerendi in hoc triplici rerum genere. Nam animalia offerebantur maculatione & combustione: fructus terræ, immutatione: liquores effusione. Porro illa immutatio: fructuum erat etiam varia. Nam panis in frustra disse-

cabatur; simila, sartagine, clibano, vel craticula coquebatur; sal vrebatur; thus adolebatur; manipulus spicarum torrebatur; triticum conterebatur.

4. Hic quæri potest, cur non alia animalia, nec alios fructus, nec alios liquores, licuerit offerre in sacrificiis Mosaicis, quam quæ iam numerata sunt? Ratio dubitandi est, quia præter alia illa sunt multo præstantiora, Optima autem quæque Deo offerenda sunt. Hinc sacrificium Abelis fuit Deo gratum, non autem Cain: quia Abel obtulit de primogenitis animalium: Cain vero, non de primitiis frugum, sed de cõmunibus frugibus. Respondeo, in hac re debet nobis sufficere voluntas Dei, qui in lege Mosaicæ sic voluit & ordinauit. Nec tamen desunt rationabiles causæ, cur id factum sit: de quibus videri potest. D. Thomas in 2. 2. q. 102. & 103.

De Holocausto, Sacrificio pro peccato & hostia pacifica.

Ratione formæ ac finis, erat etiam triplex sacrificium in lege Mosaicæ. 1. Holocaustum. 2. Sacrificium pro peccato. 3. Hostia pacifica. Vide D. Thomam 1. 2. q. 102. art. 2. ad 8.

6. Holocaustum erat sacrificium perfectissimum, quia in eo tota res oblata comburebatur, & in fumum resoluta, sursum ad Deum ascendeat; ita ut nihil inde cederet in vsum humanum. Per hoc enim perfectissimè designabatur, omnia esse ipsius Dei, & omnia ad ipsius honorem referenda. Et in hunc finem erat potissimum institutum hoc genus sacrificij: tametsi interdum etiam pro peccato populi & Sacerdotum offerri poterat.

7. Sacrificium pro peccato, partim cremabatur, partim cedebat in vsum Sacerdotum, qui in atrio templi ex eo volvebantur. Per hoc significabatur (ut notat D. Thomas) quod expiatio peccatorum fiat quidem à Deo, sed per ministerium Sacerdotum. Soleat autem offerri pro peccatis quibusdam externis, & pro peccatis commissis per ignorantiam, vel negligentiam circa ceremonias legis. Leuit. 4. & 5. Item, pro peccato furti, periurij, calumniæ. Leuit. 6. & 7. Porro, sicut diuersa, erant peccata, & diuersæ personæ, quæ peccabant; ita etiam diuersa erant sacrificia pro peccato. Aliud enim offerebatur pro periurio, aliud pro aliis peccatis. Similiter, aliud pro Pontifice, aliud pro Rege, aliud pro Synagoga aliud pro priuatis hominibus.

8. Hostia pacifica poterat ex duplici titulo offerri. 1. In gratiarum actionem, pro beneficiis à Deo acceptis. 2. Ad noua beneficia à Deo impetranda. Diuidebatur autem in tres partes: quarum vna comburebatur ad honorem Dei; altera cedebat in vsum Sacerdotum; tertia in vsum offerentium. Per hoc significabatur, quod salus hominis procedat à Deo per directionem Sacerdotum, & cooperationem illius; qui saluatur.

9. Ab hac diuisione, quæ iam explicata est, parum differt illa, quæ sacrificium diuiditur in Latreuticum, Eucharisticum, Impetratorium, & Propitiatorium. Latreuticum dicitur, quod solum fit ad Deum colendum, testando eius principatum, & nostram seruitutem seu subiectionem. Hoc potissimum fit holocausto. Eucharisticum dicitur, quod fit in gratiarum actionem pro beneficiis acceptis, Impetratorium, pro beneficiis accipiendis. Vtrumque in veteri lege dicebatur *hostia pacifica*. Propitiatorium est, quod offertur pro peccatis, & pro peccatorum pœnis ac flagellis auertendis. Hoc idem est, quod sacrificium pro peccato.

10. Adhuc tria notanda sunt ex D. Thoma, quæst. 102. art. 3. ad 8. & 10. Vnum est, quod si conferamus hæc sacrificia Mosaica inter se, ratione sanctitatis & præstantiæ, primum locum obtineat Holocaustum; Secundum, Hostia pro peccato, Tertium, Hostia pacifica pro beneficio accepto; Quartum, Hostia pacifica pro beneficio accipiendo. Ratio est, quia hæc sacrificia instituta sunt ad cultum & honorem Dei: Ergo, quo maior vel minor est obligatio colendi Deum, eo maior vel minor dignitas est sacrificij, quo illum colimus. Obligamur autem hoc ordine. 1. Propter infinitam ipsius maiestatem. 2. Propter offensam in ipsum commissam. 3. Propter accepta beneficia. 4. Propter sperata beneficia: Primo loco. Ergo iuxta hunc censeretur debet Holocaustum: Secundo, hostia pro peccato: Tertio, hostia pacifica pro beneficio accepto: Quarto, hostia pacifica pro beneficio accipiendo. Idem ordo dignitatis colligi potest ex parte ipsius sacrificij. Nam Holocaustum totum comburebatur in honorem Dei; cætera non item: Ergo ex hac parte, cæteris erat præstantius. Hostia pro peccato, partim cremabatur ad honorem Dei, partim comedebatur: sed à solis Sacerdotibus, non à populo; & in solo atrio, non alibi: & ipso die sacrificij, non alio. Hostia pacifica pro beneficio accepto, partim cremabatur ad honorem Dei, in quo erat pars hostiæ pro peccato; partim comedebatur, non tamen à solis Sacerdotibus, sed etiam à populo: nec in solo atrio, sed ubique in Hierusalem: & in hoc erat inferior. Hostia pacifica pro impetrando beneficio, poterat comedi, non solum à populo, & extra atrium; sed etiam extra diem sacrificij. Poterat enim conservari in sequentem diem; & in hoc erat infra sanctitatem Hostiæ pro beneficio accepto.

11. Alterum est, quod tamen carnes victimarum sæpe venirent in vltum Sacerdotum & populi, ut iam dictum est: nunquam tamen sanguis, aut adeps. Nam sanguis effundebatur ad crepidinem altaris in honorem Dei: adeps verò adurebatur igne. Huius rei varias assignat causas D. Thomas. Vide infra cap. 15. §. 21. & sequentibus.

12. Tertium est, quod tamen pro diuersitate peccatorum, diuersa fuerint instituta sacrificia: non tamen seruabatur illa proportio, ut quo maius esset peccatum, eo præstantior esset res oblata in sacrificio: sed contra potius, quo maius esset peccatum, eo vilior species animalis offerebatur, ut ex Rabbi Mose notauit D. Thomas. Nam capra, quod est vilissimum animal, offerebatur pro idololatria, quod est grauissimum peccatum. Pro ignorantia verò Sacerdotis, offerebatur vitulus: pro negligentia Principis, Hircus, (Leuit. 4. & seqq.)

De iugi sacrificio, quod quotidie offerebatur.

13. Iudæi ex præcepto diuino iubeantur quotidie offerre duos agnos anniculos, & immaculatos in holocaustum: alterum mane, & alterum vespere. Et cum illis simillam conspersam oleo, & vinum pro libamine. Hæc autem oblatio vocabatur iuge sacrificium, vel holocaustum sempiternum, quia quotidie fiebat & nunquam intermittebatur. Sic enim legimus Exodi 29. 38. *Hoc est, quod facies in altari, agnos anniculos duos per singulos dies iugiter, unum agnum mane, & alterum vespere, decimam partem simila conspersa oleo tincto, quod habeat mensuram quartam partem hin, & vinum ad libandum eiusdem mensuræ in agno vlt. Alterum verò agnum offeres ad vespere, iuxta ritum matutinae oblationis, & iuxta ea, quæ diximus, in odorem suauitatis. Sacrificium est Domino, oblatione perpetua in generationes vestras, ad ostium tabernaculi testimonij coram Domino, ubi constituam ut loquar ad te*

A Et Num. 28. 3. *Hæc sunt sacrificia, quæ offerre debetis. Agnos anniculos immaculatos duos quotidie in holocaustum sempiternum: unum offeretis mane, & alterum ad vespere.*

14. Hoc iuge sacrificium veteris Testamenti fuit figura sacrificij Missæ in nouo Testamento. Primò, ratione rei oblatæ. Nam sicut in illo offerebatur agnus immaculatus: ita in hoc offertur Christus, qui est Agnus sine macula, Ioann. 1. 29. *Ecce Agnus Dei ecce qui tollis peccatum mundi.* Secundò, ratione loci. Sicut ille offerebatur in Tabernaculo: ita hic in Ecclesia. Tertio ratione durationis. Sicut ille offerebatur quotidie: ita Christus offertur quotidie. Vnde etiam apud Daniele cap. 12. 11. vocatur iuge sacrificium. Quarto, ratione determinationis temporis. Sicut ille offerebatur mane & vespere: ita Christus à principio mundi vsque ad finem. Apocalipt. 13. 8. *Agnus qui occisus est ab origine mundi.* Non quidem reipia, sed per energiam. Quintò, ratione adiuncti. Sicut ille offerebatur cum simila & vino; ita Christus quotidie offertur sub specie panis & vini.

De Agno Paschali.

15. Hoc sacrificium agni Paschalis à Deo institutum est, paulò ante egressum filiorum Israël, ex Ægypto: ac primò celebratum pridie egressionis ad vespere: cum mandato, ut postea singulis annis, primo mente anni, die 14. mensis ad vespere, repeteretur. Quod an semper factum sit, postea videbimus. Ad maiorem illius noticiam, hæc breuiter examinanda sunt. 1. Qualis debuerit esse agnus. 2. An pro agno licuerit aliud animal immolare. 3. Quo tempore immolandum fuerit agnus. 4. Quo loco. 5. Quo ritu. 6. Quinam potuerint ex illo comedere. 7. In quem finem institutum sit hoc sacrificium agni. 8. Quoties celebratum à Iudæis.

16. Est ergo prima quæstio, qualis debuerit esse agnus? Respondeo. Debit habere tres condiciones. 1. ut esset masculus. 2. ut anniculus, seu vnus tantum anni 3. ut sine macula, id est, sanus & integer, non morbidus aut vitiosus. Hoc patet ex illo Exodi. 12. 3. *Decima die mensis huius tollat unusquisque agnum pro familias & domos suas. Erit autem agnus absque macula, masculus, anniculus.* Quæ autem maculæ, seu vitia arcerent quodcunque animal à sacrificio, explicat Moses Leuitici 22. 21. his verbis: *Homo qui obtulerit victimam, tam de bobus, quam de ouibus, immaculatam offeret, & acceptabile sit: Omnis macula non erit in eo. Si cæcum fuerit, si fractum, si cicatricem habens, si papulas, aut scabiem, aut impeiginem, non offeretis ea Domino, nec adolebitis ex eis super altare Domini.*

17. Altera quæstio est, an pro agno licuerit aliud animal immolare, Respondeo. Non licuit aliud immolare, nisi hædum, qui similiter debebat esse masculus, anniculus, & sine macula. Sic enim legimus Exodi 12. 5. *Erit autem agnus absque macula, masculus, anniculus: iuxta quem ritum tolletis & hædum.* Obiici potest illud Deuteronom. 16. 2. *Immolabis Phasce Domino Deo tuo, de ouib. & bobus.* Ergo præter agnum & hædum licebat etiam bouem aut vitulum immolare. Respondeo. Nomen Phasce, dupliciter sumi solet. Primò propriè ac strictè pro agno Paschali, qui immolabatur decimo-quarto die mensis primi ad vespere: Et hoc sensu, non licebat pro agno immolare aliud animal, nisi hædum, ut dictum est. Secundò, improprie & latè, pro hostiis pacificis, quæ durante solemnitate Paschali offerebantur in die us azymorum, qui sequebantur vespere & immolationem agni Paschalis. Huiusmodi autem hostiæ poterant sumi etiam ex bobus: Et hoc sensu intelligitur, quod allatum est ex Deuteronomio.

Vide quę scripta sunt Numer. 28. 16. Vnde patet, tam agnum Paschalem, quàm cęteras victimas illius solemnitate, vocari Phasē in Scriptura. Hinc facile explicatur illud Ioann. 18. 28. *Erat autem mane, & ipsi non introibant in prętorium, ut non contaminarentur, sed ut manducarent Pascha.* Vbi per Pascha non intelligitur agnus Paschalis, quem Iudęi pridie ad vesperam comederant: sed victimę pacificę, quę sequentibus azymorum diebus comedi solent, non tamen nisi à mundis & purificatis.

18. Tertię quęstio est, quo tempore immolandus fuerit Agnus? Respondeo. Die decimoquarto mensis primi ad vesperam. Sic enim pręceperat Deus Exod. 12. 3. *Decima die collas unusquisque agnum per familias & domos suas. Et servabis is eum usque ad quartam decimam diem huius, immolabitque eum universa multitudo filiorum Israël ad vesperam.* Hoc pręceptum, quoad posteriorem partem, semper servatum est. Nam Hebręi, non solum in Ægypto ante egressionem, sed etiam postea in monte Sinai & alibi, solebant immolare agnum paschalem die decimoquarto mensis primi ad vesperam. Excipio vnum calum. Nam si eo die immundi essent, poterat differri vsque ad diem decimumquartum sequentis mensis: quod aliquando etiam factum est. Prior pars difficultatem habet. Nam aliqui putant, Iudęos nunquam, nisi in Ægypto, iussos fuisse quærere agnum die decima quem postea immolarent die decima quarta ad vesperam: sed vnicuique liberum fuisse, ut quæreret, quo die vellet. ita Abulens. in cap. 12. Exod. quęst. 4. Ribera lib. 5. de templo cap. 3. & nonnulli alij. Et duplex illorum ratio est, Vna, quia postea, quotiescumque fit mentio immolationis agni, nunquam repetitur illa pars pręcepti de die 10. quo debebat quæriri agnus; sed solum altera pars de die decimoquarto, quo debebat immolari. Ergo signum est, quod illa pars, de die decimo, non obligauerit, nisi in Ægypto. Altera, quia erant legitimę causę, in Ægypto debuerint agnum prius quærere & pręparare, quàm veniret dies immolationis: quę tamen causę postea locum non habuerunt. Erant autem hęc. 1. quia sciebant, se post paucos dies egressuros esse ex Ægypto, & ideo erant valdè occupati circa ea paranda, quę ad futuram profectionem putabantur esse necessaria. Ne ergo propter hanc occupationem obliuiscerentur agni paschalis, iussi sunt tempestivè illum quærere & pręparare. 2. Ut tanto plus temporis haberent ad explorandum, an agnus esset talis, qualis ex prescripto Dei requirebantur, nempe anniculus, masculus, sine macula. 3. Ut illis diebus, quibus agnus asseruabatur, ex ipsius aspectu & balatu, facilius cogitarent de futura liberatione ex Ægypto.

19. Neutra ratio videtur convincere. Non prior, quia etiam postea, quotiescumque fit mentio immolationis agni, nunquam repetitur illa pars pręcepti, quod deberet comedi cum capite, pedibus & intestinis. Et tamen ita fieri oportebat. Nec posterior, quia illę tres causę non magnopere urgent. Imo prima & tertia non coherrent inter se. Nam si in futuram profectionem ita intenti erant Israëlites, ut periculum esset, ne obliuiscerentur agni paschalis; quid necesse fuit, ut ex aspectu & balatu agni reducerentur in recordationem futurę profectionis? Secunda nihil efficit. Cur enim in Ægypto indigebant certis diebus ad explorandum, an agnus esset anniculus, & sine macula, si postea non indigebant? An minus cauti & solertes erant in Ægypto, quàm extra Ægyptum? Non video, cur id asseramus.

20. Quarta quęstio est, quo loco immolandus fuerit agnus paschalis? Respondeo. Distinguenda sunt quatuor tempora. Primum egressionis ex Ægypto. Se-

condum peregrinationis in deserto. Tertium ingressus in Iudęam. Quartum habitationis in Iudęa. Igitur, cum adhuc in Ægypto essent Hebręi, singuli patres familias in sua domo iubeantur immolare, & comedere agnum. (Exod. 12.) At tempore peregrinationis, immolarunt & comederunt in deserto Sinai. (Numer. 9. 1.) Porro in ingressu in Iudęam, post transitum Iordanis, in campesribus Ierecho (Iosue 5. 10.) Denique tempore habitationis in Iudęa, nusquam licebat id facere, nisi in illo loco; ubi esset tabernaculum, iuxta illud Deuter. 16. 5. *Non poteris immolare Phasē in qualibet urbium tuarum, quas Dominus Deus tuus datus est tibi: sed in loco, quem elegerit Dominus Deus tuus, ut habiteret nomen eius ibi: immolabis Phasē vespere ad Solis occasum, quando egressus es de Ægypto.* Locus autem, in quo habitavit nomen Domini, fuit variis temporibus varius, Primò Galgala. Secundo Silo. Tertiò Nobæ. Quarto Gabaon. Quintò Ierusalem, ædificato templo Salamonis. Et hæc causa est, cur sæpe in sacris literis fiat mentio eorum, qui tempore Paschali Hierosolymam ascendebant, ut secundo Paralipomenon trigésimo, versu primo. Lucę secundo versu 41. & alibi.

21. Quinta quęstio est, quo ritu coquendus & commendendus fuerit Agnus? Respondeo. in prima immolatione, quę in Ægypto contigit, servatus est hic ritus & ordo. 1. Mactabatur agnus, & sanguis eius ponebatur super utroque poste ianux, & super liminari domus, in qua edendus erat. 2. Excoriabatur, diffindebatur, & eleuabatur. 3. Assabatur igne. 4. Assatus comedeatur cum capite, pedibus & intestinis. 5. Adhibebantur azymi panes, cum lactucis agrestibus. 6. Nihil ex eo licebat conservare in sequentem diem: sed si quid residuum fuisset, igne comburendum erat. 7. Qui illum comesturi erant, debebant accincti esse renibus, calceati, baculum manibus gestantes, festinantes. Vide Exod. 12. Duo hic quæruntur. 1. An hæc omnia sint etiam servata? 2. An Iudęi comedentes Agnum, debuerint stare, an sedere? Nihil certi de utroque.

22. Sexta quęstio est, quinam potuerint comedere de agno Paschali? Respondeo. Soli Iudęi non autem alienigenę, nisi prius essent circumcisi, (Exod. 12. 43.) Et ratio est, quia circumcisio erat figura Baptismi: & agnus Paschalis, sacrificij Eucharistię. Sicut ergo in nouo Testamento, nemo potest esse particeps sacrificij Eucharistię, nisi sit baptizatus: ita in veteri Testamento, nemo poterat edere de agno Paschali, nisi esset circumcissus. Sed an omnes circumcisi poterant? Certum est, immundos non potuisse. Vnde si qui Iudęi, vel alienigenę circumcisi, eo die, quo ordinariè immolabatur agnus Paschali, immundi fuissent, debebant prius mundari, & expectare vsque ad diem decimum quartum sequentis mensis, sicut factum est Num. 9. 6. & 2. Paralip. 30. 15.

23. Septima quęstio est, in quem finem institutum fuerit hoc sacrificium Agni? Respondeo. In duplicem finem. Primò, in memoriam illius beneficii, quod Iudęi consecuti sunt ea nocte, quę secuta est immolationem Agni Paschalis in Ægypto. Tunc enim Deus percussit omnia primogenita Ægypti, intactis primogenitis Iudęorum: & liberauit Iudęos à servitute Pharaonis. Secundo, in typum & figuram Christi, qui tanquam Agnus innocens immolandus & occidendus erat pro humano genere. De priori fine intelligitur illud Exod. 12. 14. *Habebitis hunc diem in monumentum, & celebrabitis eam solemnem Domino in generationibus vestris cultu sempiterno.* Et vers. 26. *Et cum dixerim vobis filij vestri: Quę est ista religio? dicetis eis: Victimæ transitus Domini est, quando transiit super domos filiorum Israël in Ægypto, percutiens Ægyptios, & domos nostras liberauit.*

liberans, De poſteriori loquitur Apoſtolus 1. Corint. 5. *A* iterum immolare. (1. Eſdræ; 6. 19.) Atque hæc ex Scripturis dicta ſufficiant.

De aliis aliarum ſolemnitatum ſacrificiis.

25. Præter iuge ſacrificium; quod quotidie; & præter Agnum Paſchalem, qui in Paſchate offerebatur; erant alia ſacrificia, quæ in reliquis ſolemnitatibus offerri debebant ex præſcripto legis. Erant autem hæc ſolemnitates. 1. Sabbathum, 2. Neomenia, ſeu initium menſis lunaris. 3. Solemnitas azymorum, quæ incipiebat poſtridie Paſchatis. 4. Pentecoſte; Feſtum Tubarum. 5. Feſtum Expiationis. 6. Scenopegia, ſeu feſtum Tabernaculorum. 7. Feſtum Cætus atque Colææ. De quibus fuſius c. 15. §. 51. & ſequentibus.

26. Sacrificium Sabbathi deſcribitur Num. 28. 9. his verbis: *Die autem Sabbathi offeretis duos agnos anniculos immaculatos, & duas decimas ſimile oleo conſperſe in ſacrificio, & liba quæ ritè funduntur per ſingula Sabbathi in holocauſtum ſempiternum.*

27. Sacrificium Neomeniæ ibidem verſu 11. *In Calendis autem offeretis holocauſtum Domino, vitulos de armento duos, arietem unum, agnos anniculos ſeptem immaculatos, & tres decimas ſimile oleo conſperſe in ſacrificio per ſingulos vitulos: & duas decimas ſimile oleo conſperſe per ſingulos arietes: & decimam decimam ſimile ex oleo in ſacrificio per agnos ſingulos. Holocauſtum ſuauiſſimi odoris atque incenſi eſt Domino. Libamenta autem vini, quæ per ſingulas fundenda ſunt victimis, iſta erunt. Media pars hinc per ſingulos vitulos, tertia per arietem, quarta per agnum. Hoc erit holocauſtum per omnes menſes, qui ſibi anno ſuccedunt. Hircus quoque offeretur Domino pro peccatis.*

28. Sacrificium ſolemnitatis azymorum ibidem verſ. 16. *Menſe autem primo, quartadecima die menſis, Phaſe Domini eris, & quinta decima die ſolemnitas. Septem diebus veſcentur azymis. Quorum dies prima venerabilis & ſancta erit: omne opus ſervile non facietis in ea, offeretisque incenſum holocauſtum Domino, vitulos de armento duos, arietem unum, agnos anniculos immaculatos ſeptem: & ſacrificia ſingularum ex ſimila, quæ conſperſa ſit oleo: tres decimas per ſingulos vitulos, & duas decimas per arietem, & decimam decimam per agnos ſingulos, id eſt, per ſeptem agnos. Et hircum pro peccato unum, ve expietur pro vobis, præter holocauſtum matutinum, quod ſemper offeretis. Ita facietis per ſingulos dies ſeptem dierum in ſanctum ignis, & in odorem ſuauiſſimum Domino qui ſurget de holocauſto, & deliberationibus ſingularum, &c.*

24. Octava quaſtio eſt, quoties à Iudæis celebratum ſit Paſcha? Reſpondeo. Conſtat ex Scriptura, & ſæpe celebratum, & ſæpe omiſſum eſſe. Ac primò celebratum eſt, in egreſſu ex Ægypto. Exod. 12. 28.) Secundò in deſerto Sinai, anno ſecundo egreſſionis. (Numerorum nono, verſu primo.) Tertio, in campeſtribus Iericho. (Ioſue quinto, verſu decimo.) Quarto, in Ieruſalem ſub Ezechia Rege. (2. Paralipomenon 30. 1.) Quintò, in Ieruſalem ſub Joſia Rege. (quarto Reg. vigefimo tertio, verſu vigefimo primo, & 2. Paral. 35. 1.) Sextò, poſt reditum ex captivitate Babylonica in Ieruſalem. (1. Eſdræ 6. 19.) Septimò, tempore Chriſti & Apoſtolorum. (Matth. 26. 17.) Omiſſum autem eſt primò, toto tempore peregrinationis, exceptis duobus primis annis. Nam primo anno celebratum eſt in Ægypto: ſecundo, in deſerto Sinai, ut dictum eſt. Ab eo tempore, per 38. annos, uſque ad tranſitum Iordanis, omiſſum eſt. Non enim Iudæi, qui erant in Iordanem, erant circumciſi, ac proinde non poterant celebrare Paſcha. Vnde Ioſue, cum vellet poſt tranſitum Iordanis in Galgala, ſeu in campeſtribus Iericho, renouare immolationem Agni, prius mandavit omnes circumcidi. (Ioſue 5. 2.) Deinde tempore Regum ſæpe omiſſum eſt. Vnde Ezechias & Joſias hortati ſunt populum ut omnes venirent Ieroſolimam, & ibi iuxta legem celebrarent Phaſe. (4. Reg. 23. 21. & 2. Paralipomenon 30. 1.) Denique, intermiſſum eſt tempore captivitatis Babylonice. Vnde poſt captivitatem, cum Iudæi rediſſent Ieroſolimam, cœperunt

Opule. Becc.

30. Sacrificium feſti Tubarum, Leuit. 23. 24. *Menſe ſeptimo, prima die menſis, erit vobis Sabbathum, memoriale, clangetibus tubis, & offeretis holocauſtum Domino. Quale autem debeat eſſe hoc holocauſtum diſertè explicatur Numer. 29. 1. Menſis ſeptimi prima dies venerabilis & ſancta erit vobis. Omne opus ſervile non facietis in ea, quia dies eſt ængoris eſt, & tubarum. Offeretisque holocauſtum in odorem ſuauiſſimum Domino, vitulum de armento unum, arietem unum & agnos anniculos immaculatos ſeptem: & in ſacrificiis earum ſimile oleo conſperſe tres decimas per ſingulos vitulos, duas decimas per arietem, unam decimam per agnum, qui ſimul ſunt agni ſeptem;*

Et hircum pro peccato, qui offertur in expiationem populi, præter holocaustum Calendarum cum sacrificiis suis, & holocaustum sempiternum cum libationibus suis. Vbi nota, in festo Tubarum tria fuisse sacrificia offerenda. Vnum, ratione festi Tubarum. Alterum, ratione Neomeniz. Tertium, iuge sacrificium quod quotidie offerebatur. Et hoc significat Scriptura, cum dicit, præter holocaustum Calendarum, & holocaustum sempiternum: quasi dicat præter illa duo sacrificia, offeretis etiam illud tertium quod iam præscripsi.

31. Sacrificium festi Expiationis, Leuit. 23. 27. Decimo die mensis septimi, dies Expiationis erit celeberrimus, & vocabitur sanctus: affligetisque animas vestras in eo, & offeretis holocaustum Domino. Hoc holocaustum describitur Numer. 29. versu septimo, his verbis: Decima dies mensis huius septimi erit vobis sancta, offeretisque holocaustum Domino, vitulum de armento unum, arietem unum, agnos amiculos immaculatos septem: Et in sacrificiis eorum simile oleo consperse tres decimas per singulos vitulos, duas decimas per arietem, decimam decima per agnos singulos, qui sunt simul agni septem: Et hircum pro peccato, absque vis, quæ offerri pro delicto solent in expiationem, & holocaustum sempiternum, cum sacrificio, & libaminibus eorum. Vbi iterum nota, præter hircum pro peccato, debuisse offerri, primo, vitulum, cuius sanguis inferebatur in sanctuarium: secundo, hircum alium, super quem Sacerdos confitebatur peccata populi, & sic emittebatur in desertum. (Leuitici decimo sexto.) Tertiò, iuge sacrificium. Vide Lyranum in cap. decimum nonum Numerorum.

32. Sacrificium Scenopægiæ seu Tabernaculorum. Leuitic. 23. 34. Aquindecimo die mensis septimi erunt feria tabernaculorum septem diebus Domino. Septem diebus offeretis holocausta Domino. Hæc holocaustum septem dierum sigillatim exprimuntur Num. 29. 3. his verbis: Primo die offeretis vitulos de armento tredecim, arietes duos, agnos amiculos immaculatos quatuordecim: & in libamentis eorum simile oleo consperse tres decimas per vitulos singulos, duas decimas arietibus duobus, & decimam decima agnis singulis: Et hircum pro peccato, absque holocausto sempiterno, & sacrificio, & libamine eius. In die altero offeretis vitulos de armento duodecim, &c. Die tertio, vitulos undecim, &c. Et sic deinceps. Hoc solum aduerte, quod illis septem diebus omnia sacrificia sint eadem excepto numero vitulorum. Nam primo die offerebantur tredecim vituli: secundo, duodecim: tertio, undecim: quarto, decem: quinto, nouem: sexto, octo: septimo, septem. Singulis autem diebus, duo arietes, quatuordecim agni, hircus pro peccato & iuge sacrificium.

33. Sacrificium Cætus atque Collectæ, quod transactis septem diebus Tabernaculorum, celebrabatur octauo die, describitur Leuitici 23. 36. Dies quoque octauus erit celeberrimus, & offeretis holocaustum Domino: Est enim Cætus atque Collecta. Et Num. 29. 35. Die octauo offeretis vitulum unum, arietem unum, agnos amiculos immaculatos septem: sacrificiaque & libamina singulorum per vitulos, & arietes, & agnos rite celebrabitis: Et hircum pro peccato, absque holocausto sempiterno, sacrificioque eius ac libamine. Sequitur communis clausula: Hæc offeretis Domino in solemnitatibus vestris: præter vota, & oblationes spontaneas in holocausto, in sacrificio, in libamine, & in hostiis pacificis. Vnde constat, generatim loquendo, duplicia fuisse sacrificia: quædam necessaria ex præscripto legis: alia spontanea ex arbitrio & deuotione offerentium. De prioribus, quæ fiebant in solemnitatibus, dictum est hæcenus. De posterioribus nihil necesse dicere in particulari, quia parum ad nostrum institutum.

De igne, quo utebantur Sacerdotes in sacrificiis.

34. Quinque certa sunt ex scripturis. Primum est, ignem quendam à Deo cælitus datum esse, qui consumpsit primum sacrificium, quod obtulit Aaron in deserto, postquam Sacerdos à Mose consecratus est: quod contigit anno secundo egressionis filiorum Israël ex Ægypto. Sic enim legimus Leuit. 9. 24. Apparuit gloria Domini omni multisudini: Et ecce egressus ignis à Domino, deuorauit holocaustum, & adipem, qui erant super altare. Quod cum vidissent turba, laudauerunt Dominum, ruentes in facies suas.

35. Alterum est, hunc ignem debuisse perpetuo nutriri & conseruari à Sacerdotibus, ne vnquam in altari deficeret. Leuit. 6. 12. Ignis in altari semper ardebit, quem curiet Sacerdos, subiciens ligna mane per singulos dies. Et infra: Ignis est iste perpetuus, qui nunquam deficiet in altari.

36. Tertium est, non alio, quam isto igne potuisse uti Sacerdotes ad sacrificia. Hoc inde constat, quia Nadab & Abiu, filij Aaronis, à Deo puniti sunt, quod alieno igne vti essent. Leuit. 10. 1. Arripistisque Nadab & Abiu filij Aaron, thuribulis, posuerunt ignem, & incensum desuper, offerentes coram Domino ignem alienum, quod eis præceptum non erat. Egressusque ignis à Domino, deuorauit eos, & mortui sunt coram Domino. Vide Diuum Augustinum. In quæstionibus super Leuit. quæstione 31.

37. Quartum est, hunc ignem à secundo anno egressionis ex Ægypto, quo cælitus à Deo datus est, perpetuo conseruatum fuisse in altari Tabernaculi, vique ad tempus captiuitatis Babilonicæ, quo & templum incensum est, & Iudæi in Babilonem abducti sunt. Tunc enim in quodam puteo à Sacerdotibus absconditus est. 2. Machab. 1. 19 Cum in Persidem ducerentur Patres nostri, Sacerdotes, qui tunc cultores Dei erant, acceptionem ignem de altari, occultè absconderunt in valle, vbi erat puteus altus & siccus, in eo contumati sunt eum, ita ut omnibus ignotus esset locus. Hic sequitur, ignem illum, in toto tempore, quod præcessit captiuitatem, toties mutasse locum, quoties Tabernaculum cum altari de loco in locum translatum est. Fuit ergo per 39. annos in solitudine. Postea cum filij Israël, transito Iordane, venissent in terram promissionis, fuit successiue in variis locis. 1. in Galgala. 2. in Silo. 3. in Nob. 4. in Gabaon. 5. in Hierusalem, ædificato iam Salomonis Templo. Ibiq; mansit vique ad captiuitatem, ut dictum est.

38. Quintum est, eundem ignem, post solutam captiuitatem, iubente Nehemia, quæsitum fuisse à nepotibus eorum Sacerdotum, qui illum in puteo absconderant, nec tamen inuentum: sed pro eo repertam fuisse aquam crassam, quæ, oblatos sacrificio, diuinitus in igne conuersa est. 2. Machab. 1. 20. Cum autem præterissent anni multi, & placuit Deo, ut mitteretur Nehemias à Rege Persidis, nepotes Sacerdotum illorum, qui ascenderant, misit ad requirendum ignem: & sicut narrauerunt nobis, non inueniunt ignem, sed aquam crassam. Et iussit eos haurire & adferre sibi: & sacrificia, quæ imposita erant, iussit Sacerdos Nehemias aspergi ipsa aqua, & ligna, & quæ erant superposita. Usque hoc factum est, & tempus adfuit, quo Sol refulsit, qui prius erat in nubilo, accensus est ignis magnus, ita ut omnes mirarentur. Porro, diem illum, quo ignis hic diuinitus accensus est, habuerunt Iudæi pro solemnitate, & deinceps festum seu dies dati ignis appellata est. Et postea in secundo Templo, eodem igne vti sunt in sacrificiis.

39. Porro in hoc igne de quo hæcenus dictum est,

tria spectanda sunt, quæ mysterium habent. Primò, Quod sit à Deo datus. Secundò, Quod illo solo, & non alio licuerit uti in Sacrificiis, Tertio, Quod cum periisset, ex aqua crassa, per ministerium Sacerdotum, non sine magno miraculo, recuperatus sit. Hæc, inquam, tria mysterium habent. Et primò discimus, ignem illum, quos nos in nouo Testamento perficimus sacrificium, cælestem esse; nec alium, quàm ignem diuinæ charitatis. Ex secundo, nullum sacrificium Deo gratum esse sine hoc igne charitatis. 1. Cor. 13. 3. *Si tradidero corpus meum, ita ut ardeam, charitatem autem non habuero, nihil mihi prodest.* Ex tertio, hunc ignem charitatis aliquando in nobis perire per peccatum mortale, quod habet se instar aquæ crassæ: sed postea, accedente absolutione Sacerdotali, non sine magno miraculo reuiuiscere & recuperari. De hoc igne loquitur Christus Luc. 12. 49. *Ignem veni mittere in terram, & quid volo, nisi ut accendatur?* Vide Augustinum in Psal. 96.

De sacrificio noui Testamenti, quod per sacrificia Mosâica fuit præfiguratum.

40. In nouo Testamento duplex est sacrificium. Vnum cruentum, quo Christus in arca Crucis Deo Patri oblatus est pro expiatione nostrorum peccatorum. Alterum incruentum, quo idem Christus quotidie sub specie panis & vini offertur in altari, partim in memoriam cruenti illius sacrificij, partim ob has causas. 1. Ad colendum Deum. 2. Ad gratiarum actionem pro beneficiis acceptis. 3. Ad impetranda noua beneficia. 4. Ad placandum Deum.

41. Hæc duo sacrificia possunt dupliciter spectari. Primò, quoad rem oblatam: & sic non sunt duo, sed vnum. Nam in utroque est vna & eadem res oblata, nempe CHRISTVS Dominus. Secundò, quoad modum & ritum offerendi: & sic duo sunt. Nam Christus in altero oblatus est cruento modo, & in propria specie humana, per realem sui occisionem. In altero offertur incruento modo, & sub specie aliena, sine reali sui occisione.

42. Vtrumque sacrificium est quasi primarium prototypon, ad quod præfigurandum omnia sacrificia Veteris Testamenti ordinata sunt: siue illa fuerint Mosâica, de quibus actum est, siue antiquiora Mosâicis, ut sacrificium Abrahæ, Melchisedech, Iob. Ut omit- tam reliqua. Nam hæc omnia fuerunt typi seu figuræ nostri sacrificij. Quod breuiter sic explico.

43. In sacrificio cruento, quo Christus in Cruce oblatus est, multa spectari possunt. Primò, quod fuerit vnigenitus Dei filius. Secundò, quod à Patre oblatus in mortem. Tertio, quod Patri obsequentiissimus. Hæc tria optimè præfigurantur per sacrificium Abrahæ, quo obtulit vnigenitum filium suum Isaac. Quarto, quod reipsa occisus sit. Hoc significant omnia sacrificia Mosâica, quæ erant ex animalibus. Quintò, quod effusione Sanguinis liberauit nos à seruitute diaboli. Hoc significat sanguis Agni Paschalis, qui super postes domorum aspersus, liberauit filios Israël à seruitute Pharaonis. Sextò, quod suo sanguine mundauerit nos à peccatis nostris. Hoc significat sanguis hircorum & aliorum animalium, teste Apostolo Hebræor. 9. 13. *Si enim sanguis hircorum & taurorum inquinatos sanctificat ad emundationem carnis, quanto magis Sanguis Christi emundabit conscientiam nostram ab operibus mortuis?* Septimò, quod innocens occisus sit. Hoc significat mactatio Agni Paschalis. Vnde Isaias cap. 53. 7. *Sicut ovis ad occisionem ducitur, & quasi agnus coram tondente se obmutescet, & non aperiet os suum.* Octauò, quod tametsi innocens fuerit, tamen cum latronibus deputatus sit. Hoc significat Hircus, qui loco Agni Pascha-

Opusc. Becc.

lis offerri poterat. Hircus enim animal foetidum est. Nonò, quod crura eius non sint fracta. Hoc significat Agnus Paschalis, de quo scriptum est Exodi 12. 45. *Os non comminuetis ex eo.* Decimò, quod se totum Patri obtulerit, nulla parte sibi reseruata. Hoc significant omnia holocausta.

44. Similiter in sacrificio incruento multa spectari possunt. Primò, quod quotidie offeratur in Eucharistia. Hoc significat iuge sacrificium, de quo supra. Secundò, quod caro Christi verè comedatur in hoc sacrificio, Ioan. 6. 55. *Caro mea verè est cibus.* Hoc significat caro Agni Paschalis, quæ verè comedebatur ab offerentibus. Tertio, quod Christus sumatur sub specie panis & vini. Hoc significat sacrificium Melchisedech, qui panem & vinum obtulit. Quarto, quod comesturi ex hoc sacrificio, debeant esse puri à peccatis, ne indignè accedant. 1. Corinth. 11. 29. *Qui enim manducat & bibit indignè, iudicium sibi manducat & bibit, non diiudicans Corpus Domini.* Hoc significat sanctificatio filiorum Iob. Quintò, quod debeant habere veram contritionem & dolorem de peccatis præteritis. 1. Corinth. 11. 28. *Probet autem seipsum homo.* Hoc significant lactucæ agrestes in esu Agni Paschalis. Sextò, quod debeant esse parati ad currendam viam mandatorum Dei, & contendere ad cælestia. Hoc significant Iudæi, qui accincti lumbis, & calceati, & tenentes baculum in manibus, festinanter comedebant Agnum Paschalem. Hæc ferè præcipua sunt. Alia minora omitto.

CAPVT XIII.

De Sacramentis Mosâicis.

1. **S**acramenta sunt quædam externa signa seu ceremoniæ, quæ ex Dei institutione habent vim significandi & efficiendi aliquam sanctitatem, ut passim docent Theologi. Est autem duplex sanctitas. Vna vera & interna, quæ est idem, quod gratia iustificans: Altera legalis & externa, quæ consistit in quadam munditia legali, id est, à lege Mosâica præscripta. Sicut enim lex Mosâica reputabat quosdam immundos seu irregulares, qui hoc vel illo modo affecti essent, aut circa quædam opera facerent: Ita etiam reputabat quosdam mundos & sanctos, si certas quædam ceremonias à Deo institutas usurparent. Hoc posito, queritur primò, Quæ & quot fuerint sacramenta Mosâica. Secundò, Quam vim & efficaciam sanctificandi habuerint. Tertio, An fuerint tam perfecta, quàm nostra Sacramenta. Quarto, Quid de singulis in particulari statuendum sit.

QVÆSTIO I.

Quæ & quot fuerint Sacramenta Mosâica.

1. **G**eneratim loquendo, fuerunt duplicia. Quædam pertinebant ad totum populum, ut Circumcisio, Esus Agni Paschalis, Purificationes ab externis immundities, Expiationes à peccatis. Quædam ad Ministros Synagogæ, ut Consecratio Sacerdotum, Ablutio manuum ac pedum, rasio pilorum, esus panum propositionis, & quorundam aliorum, quæ Sacerdotum vñibus deputabantur. (Diuus Thomas in 1. 2. quæst. 102. art. 5.)

2. Hæc omnia erant figuræ seu typi Sacramentorum nouæ legis. Nam primò, Circumcisio erat figura Baptismi. 2. Esus Agni Paschalis, & esus panum propositionis, figura Eucharistiæ. 3. Purificationes & expiationes, figura pœnitentiæ. 4. Consecratio Sacerdotum.

tum, figura sacri Ordinis. (D. Thomas ibidem art. 5. ad 3.)

3. Quæres, cur nulla fuerit figura reliquorum Sacramentorum, ut Confirmationis, Extreme Vnctionis, & Matrimonij? D. Thomas assignat hanc causam; quia Confirmatio est Sacramentum plenitudinis gratiæ (Galat. 4. 4. & Hebr. 7. 19.) Similiter, Extrema Vnctio est quasi immediata quædam præparatio ad introitum regni celestis. At in Vet. Test. nemini patebat introitus in regnum celeste, quia ianua regni celestis nondum erat aperta, eo quod Christus nondum persoluerat pretium redemptionis nostræ, per effusionem sui sanguinis. (Hebr. 9. 8. & cap. 10. 19.) Denique, Sacramentum Matrimonij significat indissolubilem coniunctionem Christi cum Ecclesia, quam Matrimonium Iudæorum non poterat significare, quia per libellum repudij poterat dissolui. (Deut. 24. 1.)

4. Dices 1. Videntur plura fuisse Sacramenta, quam quæ iam enumerata sunt, ut Manna, & aqua scaturiens de petra, quæ erant figure Sacramenti Eucharistiæ. Respondeo. Erant quidem figure Sacramenti Eucharistiæ, ut bene obiicitur; sed tamen non erant proprie Sacramenta. Non enim erant externæ ceremoniæ à Deo institutæ, quæ ordinariè deberent usurpari, quamdiu duraret Synagoga. Nota. In V. T. fuerunt duplices figure nostrorum Sacramentorum. Quædam erant figure & Sacramenta simul: ut Circumcisio, Eius Agni Paschalis, & reliqua superius enumerata. Quædam non erant Sacramenta, sed tantum figure, quo pacto transitus maris rubri erat figura Baptismi. Et Manna figura Eucharistiæ. Neutrum tamen Sacramentum. (D. Thomas 3. par. quæstione 70. articulo 1. ad 2.)

5. Dices 2. Si non fuerunt alia Sacramenta Mosaica, quam quæ enumerata sunt, necesse est, pauciora fuisse Mosaica, quam sint nostra, quod est contra Augustinum in Psal. 73. asserentem, plura fuisse Mosaica. Sequela patet, quia nostra Sacramenta sunt septem. At Mosaica non fuerunt septem, sed tantum quatuor, correspondentia Baptismo, Eucharistiæ, Pœnitentiæ, sacro Ordini, ut dictum est. Respondeo. Mosaica fuerunt multo plura, quam quatuor, fuerunt enim variz purificationes ab immunditiis legalibus, & similiter variz expiationes à peccatis. Quæ tamen inter se diversæ essent, repræsentabant tamen vnum Sacramentum nouæ legis, nempe Sacramentum Pœnitentiæ. Eodem modo fuerunt multa, quæ repræsentabant Eucharistiam.

QUESTIO II.

Quam vim, & efficaciam sanctificandi habuerint Sacramenta Mosaica.

1. Sensus est, quam sanctitatem significauerint & effecerint Sacramenta Mosaica? Tria probanda sunt. 1. Quod significauerint gratiā iustificatam, quæ est vera & interna sanctitas. 2. Quod tamen non effecerint aut contulerint gratiam iustificantem. 3. Sed quod contulerint sanctitatem, seu munditiam legalem. Sit ergo.

1. Prima Conclusio. Sacramenta Mosaica erant signa gratiæ iustificantis, quæ in N. T. danda erat per Christum. Ita passim Theologi, qui asserunt, Sacramentum in genere nihil aliud esse, quam signum rei sacræ: vel, inuisibilis gratiæ signum visibile. Et hoc interesse inter Sacramentum V. ac N. T. quod hoc sit signum gratiæ præsentis: illud fuerit signum gratiæ per Christum dandæ. Nam sicut nos in N. T. credimus, Christum venisse, ita Iudæi in V. T. credebant, venturum esse. Vnde, sicut nostra Sacramenta significant

A gratiam, quæ reipsa datur per Christum; ita illorum Sacramenta significabant gratiam, quæ danda erat per Christum. Et hoc sensu dicit Apostolus Hebr. 10. 1. *Umbram habens lex futurorum, non ipsam imaginem rerum.*

3. Secunda Conclusio. Sacramenta Mosaica non efficiebant gratiam iustificantem, quam significabāt, vel, Non erant signa practica gratiæ iustificantis: vel, Non habebant vim iustificandi, aut remittendi peccata, quoad culpam. (Quæ omnia ferè pro eodem usurpantur.) ita D. Thomas in 3. p. q. 62. art. 6. & alij passim, exceptis paucis. Et probatur 1. ex iis Scripturæ locis, ubi Sacramenta Mosaica vocantur egena, infirma, & inutilia. Egena, quia non continebant gratiam: Infirma, quia non poterant à peccato liberare: Inutilia, propter eandem causam Galatarum 4. 9. *Quomodo conuertimini iterum ad infirma & egena elementa?* id est, ad ceremonias & Sacramenta Mosaica. Et Hebræorum 7. 18. *Reprobatio fit præcedentis mandati, propter infirmitatem eius, & inutilitatem.* Vbi per mandatum intelligit legem Mosaicam, quæ ideo reprobata est, quia erat infirma & inutilis. Tamen si enim præscriberet multas ceremonias & Sacramenta, non tamen per ea poterat hominem saluare. Quod etiam confirmatur ex sequentibus testimoniis. Ioan. 1. 17. *Lex per Moysen data est, gratia & veritas per Iesum Christum facta est,* id est, Moses dedit populo nudam legem, nudas ceremonias, nuda Sacramenta. At Christus dedit etiam gratiam, quam Moses dare non potuit. Et Galat. 3. 11. *In lege nemo iustificatur apud Deum,* id est, vi legis: vel, vi sacrificiorum & Sacramentorum, quæ à lege præscripta sunt. Et ibid. v. 21. *Sed data esset lex, quæ posset viuificare, verè ex lege esset iustitia.* At ex lege non est iustitia: Ergo lex non potest viuificare. Ratio sumitur ex præcedenti conclusione; quia si Sacramenta Mosayca contulissent gratiam, iam fuissent signa præsentis gratiæ, & non futuræ. Nec Apostolus dixisset: *Umbram habens lex futurorum bonorum,* sed potius, *Habens, præsentia bona,* id est, præsentem gratiam, iustitiam, & salutem.

B 4. Tertia Conclusio. Sacramenta Mosayca conferebant quandam munditiam & sanctitatem legalem, quæ quidem non erat vera & interna sanctitas, sed tamen figura veræ & internæ sanctitatis.

C Hæc conclusio clara est, si loquamur de purificationibus ab externis immunditiis, & de expiationibus ab externis peccatis. De reliquis Sacramentis sic ostenditur. Consecratio Sacerdotum (quo etiā spectat ablutio manuum, & rasio pilorū) efficiebat, ut aliqui è numero aliorum segregati, speciatim deputarentur ad cultum diuinum peragendum. Quæ deputatio erat quædam sanctitas legalis, quam non habebant Laici. Similiter, Circumcisio efficiebat, ut homo qui antea reputabatur inter immundos & circumcisos, transferretur ad populum sanctum, & à Deo peculiariter electum, de quo scriptum est Exod. 19. 6. *Vos eritis mihi regnum Sacerdotale, & gens sancta.* Et Deut. 7. 6. *Populus sanctus es Domino Deo tuo. Te elegit Dominus Deus tuus, ut sis ei populus peculiaris de cunctis populis, qui sunt super terram.* Ad hunc populum nemo admittebatur, nisi per Circumcisionem. Denique, Eius Agni Paschalis, & panis propitiationis efficiebat, ut homines fierent participes cibi sanctificati, quæ erat quædam sanctitas legalis.

D 4. Tertia Conclusio. Sacramenta Mosayca conferebant quandam munditiam & sanctitatem legalem, quæ quidem non erat vera & interna sanctitas, sed tamen figura veræ & internæ sanctitatis.

E Hæc conclusio clara est, si loquamur de purificationibus ab externis immunditiis, & de expiationibus ab externis peccatis. De reliquis Sacramentis sic ostenditur. Consecratio Sacerdotum (quo etiā spectat ablutio manuum, & rasio pilorū) efficiebat, ut aliqui è numero aliorum segregati, speciatim deputarentur ad cultum diuinum peragendum. Quæ deputatio erat quædam sanctitas legalis, quam non habebant Laici. Similiter, Circumcisio efficiebat, ut homo qui antea reputabatur inter immundos & circumcisos, transferretur ad populum sanctum, & à Deo peculiariter electum, de quo scriptum est Exod. 19. 6. *Vos eritis mihi regnum Sacerdotale, & gens sancta.* Et Deut. 7. 6. *Populus sanctus es Domino Deo tuo. Te elegit Dominus Deus tuus, ut sis ei populus peculiaris de cunctis populis, qui sunt super terram.* Ad hunc populum nemo admittebatur, nisi per Circumcisionem. Denique, Eius Agni Paschalis, & panis propitiationis efficiebat, ut homines fierent participes cibi sanctificati, quæ erat quædam sanctitas legalis.

QUESTIO III.

An Sacramenta Mosayca fuerint tam perfecta, quam nostra?

1. L Vtherani & Calvinistæ docent, nihil interesse inter Sacramenta Mosayca & nostra, quoad vim & efficaciam iustificandi: Ac proinde eandem vim & efficaciam habuisse Mosayca, quam habet nostra. Quod

fidei Christianæ; ita susceptio Circumcisionis fuit quædem protestatio fidei Abrahæ. (Vide D. Thom. 3. p. quæst. 7. art. 1.)

6. Dubia sunt hæc. Primò, An Circumcisio debuerit fieri cultro lapideo. Secundò, Quare Moyses non circumciderit filium suum. Tertiò, Quare Iudæi non fuerint circumcisi in deserto per 40. annos. Quartò, An etiam Gentiles debuerint circumcidi. 5. An licuerit circumcidere filios Gentilium, inuitis parentibus. Et alia similia, de quibus Vasquez in 3. p. disp. 163. cap. 3. & disput. 164. cap. 1. & disp. 165. cap. 8. Et Cornelius in cap. 4. Exod. vers. 24. & in cap. 17. Genes. vers. 12 & alij.

7. Præcipua dubitatio est, An etiam Circumcisio fuerit instituta in remedium peccati originalis? Et consequenter, an contulerit gratiam iustificantem; Multi affirmant cum Augustino. Alij rectius negant cum Iustino, Irenæo, Chrysostomo, vt Bellarm. lib. 2. de Sacramentis cap. 15. & 17. & Vasquez in 1.2. disp. 130. cap. 2. Et probatur primo ex illo Genesis 17. versu 10. *Hoc est pactum meum, quod obseruabitis inter me & vos. Circumcideretur ex vobis omne masculinum, & circumcideretis carnem præputij vestri, vt sit in signum fœderis inter me & vos.* Vbi assignatur finis, ob quem instituta fuit Circumcisio: Et nulla fit mentio remedij contra peccatum originale.

8. Secundò, ex illo Roman. 3. 1. *Quid ergo amplius Iudæo est? aut quæ utilitas circumcisionis? Multum quidem per omnem modum, quia creditur sibi illis eloquia Dei.* Vbi Apostolus ex professo quærit, quid Circumcisio profuerit Iudæis? Nec dicit profuisse ad remissionem peccati originalis (quod tamen maxime dicere debuisset, si verum esset) sed solum ad hoc profuisse, vt Iudæi per Circumcisionem separati à Gentilibus, acceperint legem Mosaicam.

9. Idem docent ipsimet Iudæi, præsertim Philo in libro de Circumcisione, & Iosephus lib. 1. Antiq. cap. 12. qui ambo rerum Iudaicarum fuerunt peritissimi. Accedit duplex ratio. Vna, quia Circumcisio debebat differri vsque ad octauum diem. Si ergo fuisset remedium peccati originalis, omnes infantes qui moriebantur ante octauum diem, caruissent illo remedio, quod est durum asserere. Altera quia Iudæi per 40. annos in deserto non fuerunt circumcisi. (Iosue 5. 6.) Quis autem credat, remedium peccati originalis tam diu fuisse neglectum, sciente & consentiente Mose?

10. Solet obijci illud Gen. 17. 14. *Masculus, cuius præputij caro circumcisa non fuerit, delebitur anima illius de populo suo, quia pactum meum irritum se fit.* Ex quo colligit Augustinus, omnes masculos non circumcisos perire, quia peccauerunt in Adamo, & irritum fecerunt pactum de non comedendo fructu arboris; circumcisos autem non perire, quia per Circumcisionem liberati sunt ab illo peccato. Respondeo. Illud pactum, cuius ibi fit mentio, non est pactum de fructu arboris non comedendo, vt putat Augustinus: sed est pactum, quod inter Deum & Abrahamum, eiusq; posteros initum est, vt ante explicaui. Est igitur hic sensus: Quicumque masculus ex posteris Abrahæ non fuerit circumcisos, non censetur pertinere ad populum Dei electum; quia feci hoc pactum cum Abrahamo & posteris eius, vt nemo nisi circumcisos, ad populum Dei admittatur.

11. Secundò obijciunt: Circumcisio fuit figura Baptismi: At Baptismus institutus est in remedium peccati originalis: Ergo & Circumcisio. Respondeo Non lequitur, vt patet in hoc simili discursu: Agnus Paschalis fuit figura Eucharistiæ: At Eucharistia instituta est ad conferendam gratiam ex opere operato: Ergo & Agnus Paschalis. Vel in hoc Salomon fuit figura Christi: At Christus est Redemptor humani generis: Ergo & Salomon. Vel in hoc: Synagoga fuit figura Ecclesiæ: At Ecclesia est Catholica seu vniuersalis: Ergo &

A Synagoga. Ratio est, quia figura in duobus deficit à re figurata. 1. Quod non repræsentet rem figuratam in omnibus, sed in aliquo tantum. 2. Quod in eo ipso, in quo illam repræsentat, imperfectior sit quàm res figurata. v. g. Circumcisio est figura Baptismi. In Baptismo multa spectari possunt. 1. Quod sit signum discernens, seu segregans Christianos ab aliis. 2. Quod conferat gratiam sanctificantem, & ea mediante, tollat peccatum originale. 3. Quod fiat per ablutionem aquæ. 4. Quod perficiatur per inuocationem sanctissimæ Trinitatis. Circumcisio non est figura Baptismi; vel non repræsentat Baptismum in his omnibus, sed tantum in primo. Et in eo ipso adhuc deficit. Est enim carnale signum, discernens Iudæos ab aliis. Baptismus est spirituale signum, discernens Christianos à non Christianis. Item Baptismus est signum necessarium ad salutem, quia nemo sine Baptismo saluari potest. (Ioan. 3. 5.) Circumcisio non est signum necessarium ad salutem, quia Niniuitæ & alij sine Circumcisione saluati sunt.

12. Eodem modo, manna est figura Eucharistiæ. At in Eucharistia multa spectari possunt. 1. Quod sit cibus & potus. 2. Quod contineat verum Corpus & Sanguinem Christi. 3. Quod conferat gratiam iustificantem. Et plura alia. Manna non repræsentat Eucharistiam in his omnibus; sed in eo quod sit cibus. Et in hoc ipso deficit. Non enim est cibus animæ, sicut Eucharistia; sed tantum corporis. Neque confert immortalitatem, sicut Eucharistia; sed relinquit hominem mortalem. Ioan. 6. versu 12. *Patres vestri manducauerunt manna in deserto, & mortui sunt. Hic est panis de celo descendens; vt si quis ex ipso manducauerit, non moriatur.* Idem dicendum est de Salomone respectu Christi: & de Synagoga respectu Ecclesiæ.

13. Ex hoc duplici defectu satis apparet, non licere argumentari à re figurata ad figuram, secundum æqualitatem aut puritatem; sed tantum, secundum quandam analogiam, qualis inter umbram, aut corpus; inter rudem delineationem imaginis, & perfectam imaginem. Itaque non valent hæ consequentiæ. Primò, Circumcisio est figura Baptismi: At Baptismus tollit peccatum originale: Ergo & Circumcisio. Secundò, Baptismus spiritualiter discernit Christianos ab aliis: Ergo & Circumcisio. Tertiò, Baptismus fit per ablutionem aquæ, & inuocationem Sanctissimæ Trinitatis: Ergo & Circumcisio. Hæc tamen valent: Circumcisio est figura Baptismi: Ergo debet esse aliqua Analogia inter vtrumque, qualis est inter umbram & corpus; inter inchoatum & perfectum. Hæc in eo consistit, quod sicut Circumcisio in carne distinguit Iudæos à gentilibus; ita Baptismus in anima distinguit Christianos à non Christianis, nempe per spiritualem characterem, qui animæ indelebiter impressus est.

14. Tertiò obijciunt: Non potest assignari aliud remedium peccati originalis in veteri Testamento quàm Circumcisio: vel, si potest, assignetur. Respondeo. Assignetur huiusmodi remedium pro femellis, quæ non circumcidebantur: tunc assignabo pro masculis. Aut si nos latet, quo remedio vsæ sint femellæ: quid mirum si lateat, quo remedio vsi sint masculi? Iudæi debebant vtrumque scire per traditionem. Nam ex Scriptura nihil certi haberi potest. Vide quæ cap. 1. quæst. vltima de traditionibus dicta sunt.

QUESTIO V.

Quid statuendum de purificationibus ab immunditia legalis?

1. Iudæi, qui contraxerant immunditiam legalem, debebant purificari, antequam admitterentur, vel

ad ingressum templi, vel ad sacras oblationes, vel ad aliorum consortium. De hac purificatione breuiter agendum est per sequentes quæstionculas.

2. Quæres 1. Quinam secundum legem Mosaïcam erant immundi? Respondeo. Erant duplices immundi. Alij in se: Alij ex contactu rei immundæ. In se immundi erant hi. 1. Puerperæ, (Leuit. 12. 2.) Leprosi, (Leuit. 13. & 14.) 3. Seminiisui, (Leuit. 15. 2.) 4. Polluti ex coitu, siue legitimo, siue illegitimo, (Leuit. 15. 16.) 5. Menstruatæ, (Leuit. 15. 19.) 6. hæmorrhoidiæ, id est, quæ multis diebus patiuntur fluxum sanguinis, extra tempus menstruale, (Leuitici 15. 25.)

3. Ex contactu autem rei immundæ fiebant immundi, qui sequuntur. 1. Qui tangebant leprosos, seminiisuios, pollutos ex coitu, menstruatæ, hæmorrhoidiæ, aut illorum vel illarum vestes, aut sedilia, ut patet ex locis allegatis. 2. Qui tangebant reptilia, aut alia animalia immunda, quibus non licebat vesci, (Leuitici. 11. 43.) 3. Qui tangebant cadauera animalium immundorum, (Leuit. 11. 24.) 4. Qui tangebant cadauera animalium mundorum, quæ sponte erant mortua, (Leuit. 11. 39.) 5. Qui tangebant cadauera, aut ossa, aut sepulchra hominum mortuorum, (Num. 19. 11.) 6. Qui ingrediebantur domum vel tentorium, in quo iacebat mortuus, (Numerorum decimonono, vers. decimoquarto.) 7. Qui tangebant aquas expiationis, quibus immundi expiabantur, (Num. 19. 21.)

4. Quæres 2. Quomodo purificabantur, qui erant immundi in se? Respondeo. Non omnes eodem modo. Puerperæ purificabantur hoc modo. Si peperissent masculum, immundæ erant septem diebus, & manebant triginta tribus diebus in sanguine purificationis. Et tunc offerebant agnum anniculum in holocaustum, & pullum columbæ siue turturem pro peccato. Vel, pauperes essent, duos turtures tantum, vel duos pullos columbarum. Si autem peperissent femellam, immundæ erant quatuordecim diebus: & sexaginta sex diebus manebant in sanguine purificationis. Et tunc offerebant pro femella, sicut pro masculo. (Leuit. 12. per totum.)

5. Leprosi, antequam curata esset lepra, iubebantur hæc præstare, 1. habere vestes dissutas. 2. caput nudum. 3. os veste contextum. 4. clamare, sordidos se esse. (Leuit. 13. 44.) Quando autem curata erat lepra, expiabantur hoc modo. 1. Sacerdos aspergebat illos sanguine passeris, per alium passerem alligatum baculo cedrino, cum cocco & hyssopo: & mox passerem viuum permittebat auolare. 2. ipsimet lauabant vestes suas, radabant pilos corporis, ac deinde lauabant seipsos. 3. Die octauo, si diuites erant, offerebant agnum pro delicto, & agnum pro peccato, & ouem anniculum in holocaustum, cum tribus decimis similæ, & olei sextario. Sin pauperes offerebant agnum pro delicto, & duos turtures, vel duos pullos columbarum, vnum pro peccato, & alterum in holocaustum, cum tribus decimis similæ, & olei sextario. 4. Sacerdos sanguine agni tingebat aurem illorum dexteram, & pollices dexterae manus & pedis. 5. Ex oleo aspergebat septies coram tabernaculo: reliquum olei fundens super extremum auriculæ dextræ, & super pollices manus ac pedis dexteri, & super caput. (Leuit. 14. per totum.) Simili modo lustranda erat vestis aut domus, quando à lepra erat curata.

6. Seminiisui, id est, qui durantem seminis fluxum patiebantur ex debilitate naturæ, debebant sic purgari. Quando sanati erant, numerabant septem dies, & tunc lotis vestibus ac toto corpore erant mundi. Die autem octauo offerebant duos turtures, vel duos pullos columbarum: vnum pro peccato; & alterum in holocaustum. (Leuitici decimoquinto vers. 13.)

7. Polluti ex coitu (siue viri, siue feminae) lau-

Opusc. Becc.

abant totum corpus aqua, & erant immundi vsque ad vespertam (Leuit. 15. 16.) Menstruatæ septem diebus separabantur. (ibid. vers. 19.) Hæmorrhoidiæ, quando sillebatur sanguis, numerabant septem dies, sicut seminiisui, & octauo die offerebant duos turtures, vel duos pullos columbarum: vnum pro peccato, & alterum in holocaustum (ibidem vers. 28. & 29.)

8. Quæres 3. Quomodo purificabantur, qui erant immundi ex contactu rei immundæ? Respondeo. Hæc ferè regula seruabatur. Eo die, quo tangebant rem immundam, manebant immundi vsque ad vespertam, seu vsque ad Solis occasum, & loti aqua expiabantur, ut patet Leuit. 15. vbi hæc verba sæpe repetuntur: *Qui tetigerit (hanc vel illam rem immundam) lauabit vestimenta sua, & ipse lotus aqua, immundus erit vsque ad vespertam.* Excipiebantur tamen, qui fiebant immundi ex contactu mortui, vel morticini, vel sepulchri hominis mortui. Nam illi manebant immundi septem diebus, & die tertio & septimo aspergebantur aqua lustrali, & sic expiabantur, (Num. 19. vers. 11.)

9. Quæres 4. An omnes immundi, quamdiu erant immundi, debuerint extra castra habitare? Respondeo. Omnes quidem arcebantur ab ingressu templi, & à sacris oblationibus: Non tamen omnes eiciebantur extra castra. Sed hi soli. Primò, leprosi, seminiisui, & polluti super mortuo, (Num. 5. 2.) Secundò, polluti ex nocturno somno, (Deut. 23. 10.) Præter hos immundos, omnes omnino, siue mundi, siue immundi, debebant egredi castra, quoties ibant ad requisita naturæ, iuxta illud Deut. 23. 12. *Habebis locum extra castra, ad quem egrediaris ad requisita naturæ, gerens paxillum in balteo: Cumque sederis, fodies per circuitum, & egesti humo operies, quo releuatus es.* Idque ob duas causas, ut ibidem insinuat. 1. ut castra seruarentur munda contra morbos, 2. propter honorem Arcæ fœderis, in qua Deus habitabat in medio castrorum.

10. Quæres 5. An omnes immundi, qui contrahabant immunditiam legalem, simul contraxerint peccatum? Vel: An omnis immunditia legalis fuerit peccatum? Respondeo. Non omnis. Erat enim duplex immunditia Hebræorum. Vna erat vetita præcepto Dei; ut comedere carnes immundas, sanguinem, adipem, (Leuit. 11. per totum.) Item comedere morticinum, vel laniatum à bestiis, (Leuit. 22. 8.) Item tangere morticina immundorum, & tangere reptilia, (Leuit. 11. 43.) Igitur per horum esum, vel contactum, non tantum contrahabatur immunditia legalis, sed etiam peccatum. Altera immunditia non erat vetita præcepto Dei, sed solum indicata & statuta; ut tangere leprosum, vel seminiisuium, pati lepram, fluxum seminis, menstrua. Nam de his non dicitur. *Ne tangatis ea*, sed, *qui tetigerit, immundus erit.* Vnde hæc non erant peccata, sed tantum inducebant irregularitatem legalem. Vide Cornelium in caput decimumquintum Leuitici.

11. Quæres 6. Qualis erat illa aqua, qua immundi aspergebantur & mundabantur? Respondeo. Erat aqua lustralis, seu aqua lustrationis, vel expiationis, cui cineres ruffæ vaccæ erant infusi. Fiebat autem hoc modo: Sacerdos accipiebat ruffam vaccam sine macula, quæ non portauerat iugum. Hanc immolabat extra castra, & totam comburebat cum ligno cedrino, cocco bis tincto, & hyssopo. Illius cineres collecti spargebantur in aquam viuum, 1. fontanam, seu fluentem. Et tunc aqua illa cineribus inspersa adhibebatur ad immundos purificandos, Num. 19. 2.

12. Notat. Hæc vacca in deserto immolabatur extra castra. In terra verò Palestina immolabatur Ierosolymis extra portam. Et inde cineres deferrebat ad singula oppida, ut ibique haberent aquam lustrationis

pro usu quotidiano. Omnes enim immunditie per hanc aquam tollebantur, ut colligitur ex illo Hebr. 9. 13. *Si enim sanguis hircorum & taurorum, & cinis vitula aspersus inquinatos sanctificat ad emundationem carnis, &c.*

13. Nota 2. Tradunt Hebræi, & ex eis Burgensis addit. 2. in cap. 19. Num. quod sex tantum vaccæ rufæ fuerint immolatæ per totam durationem à Moyse usque ad Christum. Prima, tempore Moylis. Secunda, tempore Esdræ. Tertia & quarta, tempore Simeonis iusti, qui fuit Pontifex, per annos octoginta. Quinta & sexta, tempore Ioannis Pontificis, qui fuit pater Mathathia, à quo descenderunt Machabzi. Quod tamen non est verisimile. Nam pauci cineres vnius vaccæ, quæ tempore Moylis immolata est, non poterant sufficere per tot annos, quot inter Moysen & Esdræ elapsi sunt, præsertim pro tanta Iudæorum multitudine, & pro quotidianis purificationibus, quæ ex præcepto Dei fiebant. Vnde verisimilius est, quod tradunt Lyranus & Cornelius, singulis annis vnam vaccam esse immolatam.

14. Quæres 7. Quid significabant tot ac tam diuersæ purificationes Iudæorum? Respondeo. Erant figuræ Sacramenti Pœnitentiæ, & significabant, quàm seria futura esset contritio, confessio, purificatio, & munditia Christianorum, quàm accuratum examen conscientia, quàm diligens sollicitudo ad eluendam vel minimam labeculam animæ.

CAPVT XII.

De Observantiis Legalibus.

Observantiæ legales, quibus Iudæi discerniebantur à Gentilibus, erant variae. 1. Discretio ciborum mundorum ab immundis. 2. Abstinencia à sanguine & adipe. 3. Ieiunia. 4. Vota. 5. Iuramenta. 6. Solennitates Festorum. 7. Annus remissionis. 8. Iubilæum. 9. Rasio vel tonsio capitis ac barba. 10. Certus usus vestium. Vide D. Thom. in 1. 2. quæst. 102. art. 6. Dicam aliquid de singulis.

De discretione ciborum mundorum ab immundis.

1. De hac discretione potissimum agitur Leuit. 11. & Deut. 14. Ex quibus locis colligi possunt aliquot regulæ. 1. De pecoribus. 2. de piscibus. 3. de auibus. 4. de aliis, & quidem de pecoribus est hæc regula generalis: Omne animal, quod in duas partes findit vngulam, & ruminat, comedetis: ut bouem, ouem, capram, ceruum, capream, bubalum, tragelaphum, Pygargum, Orygem, camelopardalum, Leuit. 11. 3. & Deut. 14. 4.

2. Ex quo deducuntur aliz tres. Prima, Quod nec ruminat, nec vngulam diuidit, immundum est, Leuit. 11. 26. Secunda, Quidquid autem ruminat quidem, sed vngulam non diuidit, etiam immundum est, ut camelus, lepus, cherogryllus, Leuit. 11. 4. & Deut. 14. 7. Tertia, Quidquid non ruminat, etiam si vngulam diuidat, immundum est, ut sus, Leuitic. 11. 7. & Deut. 14. 8.

3. De piscibus sunt duæ regulæ. Prior: Omne quod habet pinnulas & squamas, tam in mari, quàm in fluminibus & stagnis, comedetis. Posterior: Quidquid non habet pinnulas & squamas, immundum & abominabile est, Leuitic. 11. 9. & Deut. 14. 9.

4. Aues immundæ, quibus non licebat vesci, erant hæc: Aquila, Gryps, Halicetus, Ixion, Miluus, Vultur, Coruus, Struthio, Noctua, Lanius, Accipiter,

A Bubo, Mergulus, Ibis, Cygnus, Onocrotelus, Porphyrio, Herodius, Charadrius, Vpupa, Vespertilio, Leuit. 11. 13. & Deut. 14. 12.

5. De aliis erant hæc regulæ. Prima, Omne de volucris, quod graditur super quatuor pedes, abominabile erit vobis. Leuit. 11. 20. Secunda, Quidquid autem ambulabat quidem super quatuor pedes, sed habet longiora retro crura, per quæ salit super terram, comedere debetis, ut est bruchus, attachus, ophiomachus, locusta, Leuit. 11. vers. 21. Tertia, immunda seu polluta sunt, mustela, mus, crocodilus, mygale, chamaleon, stellio, lacerta, talpa, Leuit. 11. vers. 29. Quarta, Omne quod reptat super terram, abominabile erit, Leuitic. 11. versu 41. Quinta, Quidquid super pectus quadrupes graditur, & multos habet pedes, siue per humum trahitur, non comedetis, quia abominabile est. Leuit. 11. 42.

6. Nota 1. Immundum dupliciter sumitur in Scriptura. Primo, pro polluto, abominabili, execrando, quod non liceat comedere. Sic sumitur locis iam citatis. Secundò, pro debili vel maculoso, quod liceat quidem comedere, sed non offerre in sacrificium. Sic sumitur Deuter. 12. 15. *Sin autem comedere volueritis, & esus carnum delestaueris, occide & comede iuxta benedictionem Dei tui, quam dedit tibi in vrbibus: siue immundum fueris, hoc est, maculatum & debile: siue mundum, hoc est, integrum & sine macula, quod offerri licet, sicut capream & ceruum comedes, absque esu duntaxat sanguinis, quem super terram quasi aquam effundes.*

7. Nota 2. Præter immunda animalia de quibus iam dictum est, erant etiam alia, quæ tamen ex suo genere munda essent, tamen censebantur immunda propter aliquam circumstantiam. De quibus intelligi debent hæc scripturæ testimonia. Exod. 21. 28. *Si bos cornu percusserit virum, aut mulierem, & mortui fuerint, lapidibus obruetur, & non comedetis carnes eius.* Et Exod. 22. 31. *Carne quæ à bestiis fuerit prægustata, non comedetis, sed proicietis canibus.* Et Leuit. 7. 19. *Caro, quæ aliquid tetigerit immundum non comedetur sed comburetur igni.* Et Leuit. 11. 34. *Omnis cibus, quem comedetis, si fusa fuerit super eum aqua, immundus erit.* Et Deut. 14. 21. *Quidquid autem morticinum est, ne vescamini ex eo.*

8. Quæres 1. Quid significabat illa discretio ciborum mundorum ab immundis, in veteri Testamento?

Respondeo. Significabat discretionem Iudæorum & Gentilium. Nam Iudæi in veteri Testamento censebantur mundi, sancti, impolluti: Gentiles verò immundi, & polluti. De Iudæis dictum est Deuter. 14. 2. *Populus sanctus ei Domino Deo tuo.* De Gentilibus verò, Matth. 76. *Notite sanctum dare canibus, neque mittatis margaritas vestras ante porcos.* Et Matth. 15. versu 16. *Non est bonum sumere panem filiorum, & mittere canibus.*

9. Quæres 2. Quis sustulit hanc discretionem inter Iudæos & Gentiles? Respondeo. Christus, qui ex Iudæis & Gentilibus fecit vnam Ecclesiam: & abstulit medium parietem, quo à se mutuo diuidebantur, Ephes. 2. 14. Huc etiam spectat illud Rom. 3. 29. *An Iudæorum Deus tantum? Nomen & Gentilium?* Et Rom. 10. 12. *Non est distinctio Iudæi & Græci.* Et Galat. 3. 28. *Non est Iudæus neque Græcus: non est seruus, neque liber: non est masculus, neque femina. Omnes enim vos vnum estis in Christo Iesu.*

10. Quæres 3. Quis primò cognouit hoc mysterium? Respondeo. In Veteri Testamento fuit incognitum, Ephes. 3. vers. 5. In nouo primo omnium reuelatum est Petro, quando vidit celum apertum, & descendens vas quoddam, velut linteum magnum, in quo erant simul animalia munda & immunda. Quod significabatur, in Ecclesia simul fore Iudæos & Gentiles. Actorum 10. versu 12. Hoc intellige eo sensu, quo

explicatum est cap. 2. quest. 9. §. 1.

11. Quæres 4. An etiam in nouo Testamento sit discretio ciborum mundorum ab immundis? Respondeo. Non est. Nam, ut ait Apostolus ad Titum. 1. 15. *Omnia mundis*. Et 1. Timoth. 4. 4. *Omnia creatura Dei bona est, & nihil reiciendum, quod cum gratiarum actione percipitur*. Vbi nota discrimen inter Iudæos, Christianos, & Hæreticos, Iudæi abstinebant à quibusdam cibis, ex præcepto Dei, propter immunditiam legalem. Christiani abstinent in quadragesima à carnibus, ex præcepto Ecclesiæ, non propter immunditiam, sed propter deuotionem. Hæretici abstinent à quibusdam cibis ex errore, propter falsam persuasionem. 1. Timoth. 4. versu 2.

De abstinentia à sanguine & adipe.

12. De hac abstinentia extat præceptum Leuit. 3. 17. *Iure perpetuo in generationibus, & cunctis habitaculis vestris, nec sanguinem, nec adipem omnino comeditis*. Vbi aliqua notanda sunt. Primò, quod Iudæis in lege Mosaica non tantum prohibitus fuerit sanguis immolatus, id est, sanguis victimarum; sed etiam sanguis quorumcumque animalium, quæ domi ad esum mactabantur, ut patet Leuit. decimo septimo, versu decimo. *Homo quilibet de domo Israël & de aduenis qui peregrinantur inter eos, si comederit sanguinem, obfirmabo faciem meam contra animam illius, & disperdam eum de populo suo, quia anima carnis in sanguine est*. Et infra, versu 14. *Sanguinem uniuersæ carnis non comedetis, quia anima carnis in sanguine est*.

13. Secundò, quod hoc præceptum non tantum Iudæis fuerit datum in lege Mosaica, ut iam ostendi: sed etiam Noë & posteris eius in lege naturæ Genes. 9. 3. *Omne quod mouetur & uiuit, erit vobis in cibum: quasi olera virentia tradidi vobis omnia*. Excepto, quod carnem cum sanguine non comedetis, *Sanguinem enim animarum uestrarum requiram de manu cunctarum bestiarum*. Et postea nouis Christianis in lege Euangelica, Act. 15. 29. *Ut abstineatis vos ab immolatis simulacrorum, & sanguine, & suffocato*. Itaque tribus vicibus prohibitus est esus sanguinis. 1. In lege naturæ, antequam introducta esset discretio ciborum mundorum ab immundis. 2. In lege Mosaica, quando vigeat illa discretio. 3. In lege Euangelica, quando eadem discretio fuit abrogata.

14. Hæc triplex prohibitio facta est ob triplicem causam. Prima causa est, ut homines abstinerent ab effusione sanguinis humani. Genes. 9. 5. Altera est, quia sanguis est vehiculum, nutrimentum, & tutela vitæ ac spirituum vitalium. Vita autem solius Dei est: Ergo & sanguis soli Deo offerri debet. Quæ causa adducitur in secunda prohibitione, Leuit. 17. 11. *Quia anima carnis in sanguine est*. Tertia, ut Iudæi & Gentiles facilius possent vniri seu coalescere in vnâ Ecclesiâ. Quæ causa fuit, cur Apostoli interdicerent esum sanguinis. Nam Gentiles comedebant sanguinem: Iudæi non item. Ne ergo fieret inter illos dissensio, vtrique iussi sunt abstinere à sanguine (saltem ad initium nascentis Ecclesiæ) ut esset firmior illorum concordia & vnitas.

15. Hæc abstinentia à sanguine multum differebat ab abstinentia ab adipe. 1. Quia abstinentia à sanguine præcepta fuit in lege naturæ, & in lege Mosaica, & in lege Euangelica, ut dixi. Abstinentia verò ab adipe, solum in lege Mosaica. 2. Iudæi debebant abstinere ab omni sanguine; non tamen ab omni adipe. Debeant quidem abstinere ab adipe, qui seorsim in intestinis continetur: non tamen ab eo, qui carni adhæret, & illi quodammodo immixtus est. Rursum,

A debebant abstinere ab adipe illorum animalium, quæ erant munda ad sacrificium, ut ab adipe ouis, capræ, bouis: non tamen ab adipe aliorum, quæ tantum erant munda ad comedendum; ut ab adipe cerui, bubali, & similibus, de quibus supra §. 1. Vide Cornelium in cap. 3. Leuit. versu 17.

De Ieiuniis.

16. Duplicia erant Iudæorum ieiunia. Alia communia seu publica, alia priuata. Communia rursum duplicia. Alia statuta & ordinaria, quæ singulis annis repetebantur. Alia extraordinaria, quæ indicebantur ob aliquam præsentem, vel ingruentem calamitatem, & non repetebantur singulis annis. De prioribus intelligitur illud Zachariæ 8. 19. *Ieiunium quarti & ieiunium quinti, & ieiunium septimi, & ieiunium decimi erit domui Iudæ in gaudium & letitiam, & in sollemnitates præclaras*. Vbi insinuantur quatuor ieiunia, quæ ordinariè à Iudæis seruabantur, ut notat S. Hieronymus, Rupertus, & Ribera in locum citatum, Turniellus in Annalibus, anno mundi 2545. num. 42. Cornelius in cap. 32. Exodi, versu 19. & alij.

17. Primum erat, ieiunium quarti mensis, quod Iudæis indictum fuit ob tabulas legis contractas. Cum enim Moses descendens de monte Sanaï, deferret tabulas legis ad castra, & videret populum choros ducere, & vitulum aureum adorare, iratus est, & ex pio zelo proiecit tabulas ad radicem montis, & confregit. Exod. 23. 19. Putabat enim indignum esse, si tabulas legis, quas ieiunio quadraginta dierum obtinuerat, offerret populo, qui per ebrietatem & idololatriam factus erat transgressor legis. Hoc sensu Ambrosius libro de Helia & Ieiunio cap. 6. ait: *Tabulas legis, quas accepit abstinentia, conteri fecit ebrietas*. Et quia hæc contractio tabularum facta est die decimo septimo quarti mensis, ideo indictum fuit ieiunium eodem die, ut patet ex Calendario Hebræorum apud Genebrardum in commentariis super Psalmos.

18. Secundum erat, ieiunium quinti mensis, quod ideo fuit indictum, quia Hebræi quinto mense prohibiti sunt ex Cadesbarne ascendere montem Idumæ, & sic breui compendio recta transire in proximam terram promissionis: sed iussi redire in solitudinem per viam maris rubri, & quadraginta annis errare in solitudine, in pœnam murmurationis contra Deum. Et quia non obtemperauerunt Deo, sed in montem Idumæ ascenderunt, plerique occisi sunt ab Amorrhæis, qui in illo monte habitabant. Num. 14. 33. Et Deut. 1. versu 40. & sequentibus.

19. Tertium erat, ieiunium septimi mensis, quod indictum fuit ob eadem Godoliz, quæ fuit Hebræis valde perniciofa. 4. Reg. 25. versu 25.

20. Quartum erat, ieiunium decimi mensis, quod ideo indictum fuit, quia illo mense Ezechiel, & ceteri qui erant cum illo in captiuitate Babylonica, audierunt Hierusalem esse captam, templum incensum. Vide auctores supra citatos, qui hoc ferè modo explicant hæc quatuor ieiunia.

21. Præter hæc ordinaria ieiunia, erant alia extraordinaria, quæ indicebantur ob aliquam præsentem vel imminuentem calamitatem. Sic Iosaphat Rex Iudæ indixit ieiunium vniuerso populo, quando Moabitæ, & Ammonitæ veniebant contra illum ad bellum. 2. Paralip. 20. 3. Sic Esdras indixit ieiunium pro felici itinere, ne ab hostibus infestaretur, quando cum sociis suis, ex consensu Regis Artaxerxis: à captiuitate Babylonica profectus est in Hierusalem ad domum Domini instaurandam. (1. Esdræ 8. 21.) Sic filij Israël ieiunauerunt tota die, quando à Beniamitis cæsi & fugati sunt.

Iudic. 10. 26. Similiter, quando à Philistinis propter sua peccata affligebantur. 1. Reg. 7. 6. Item, quando holofernes venit contra illos cum ingenti exercitu. Iudith. 4. 8. Itemque, quando crudele edictum Regis Assueri contra ipsos promulgatum est. Esther 4. 3. Ac denique, quando volebant auertere iram Dei, tempore Ioachim filii Iosiz Regis Iuda. Ierem. 36. versu 9.

22. Hæc de publicis seu communibus ieiuniis. Privata erant, quæ quisque sibi, vel ex propria deuotione, vel ex Dei instinctu assuebat. Sic Moses accepturus à Deo legem Decalogi, ieiunauit quadraginta diebus. Exodi 34. 28. Sic Helias, fugiens persecutionem Iezabelis, & tendens in montem Dei Horeb, ieiunauit totidem diebus 3. Reg. 19. 8. Sic Dauid, audita morte Abner, ieiunauit vsque ad occasum solis. 2. Reg. 3. 35. Sic idem Dauid ægrotante filiolo, deprecatus est pro eo Dominum & ieiunauit. 2. Reg. 16. Sic Sara filia Raguelis, cum obiiceretur ipsi, quod septem viros occidisset, ieiunauit tribus diebus & tribus noctibus. Tob. 3. 10. Sic Daniel orando & ieiunando obtinuit à Deo, vt abbreviarentur anni desolationis Hierusalem. Daniel. 9. 3.

23. Christus in nouo Testamento, tribus potissimum modis commendauit nobis ieiunium. Primò, suo exemplo, quia ieiunauit quadraginta diebus & quadraginta noctibus in deserto, Matt. 4. versu 2. Secundò, ostendendo, quanta sit vis & efficacia ieiunij, Matt. 17. versu 20. *Hoc genus demoniorum non eiicitur, nisi per orationem & ieiunium.* Tertio, prædicando fore, vt ipsius discipuli, id est, veri Christiani, post ipsius mortem essent ieiunaturi. Matth. 9. versu 15. *Veniet dies, cum auferetur ab eis sponsus, & tunc ieiunabunt.* Et hoc factum est tempore Apostolorum. Act. 13. 2. *Ministrantibus autem illis Domino, & ieiunantibus, dixit illis Spiritus sanctus.* Ecce Spiritus sanctus loquitur ieiunantibus. Idem post tempora Apostolorum obseruatum est ab omnibus veris Christianis, vsque ad hæc nostra tempora, vt patet partim ex historiis Ecclesiasticis, partim ex praxi & antiqua consuetudine, quam à maioribus nostris accepimus. Videant nunc, an sint veri Christiani, qui nunquam ieiunant. An de illis Christus locutus sit, cum dixit, *Veniet dies, cum auferetur ab eis sponsus, tunc ieiunabunt.*

De Votis.

24. Vouere nihil aliud est, quàm Deo aliquid promittere. Porro in lege Mosaiica, de qua nunc potissimum agimus, erant variz leges circa votum. Vna generalis, aliz speciales. Generalis erat hæc, Deuter. 23. 21. *Cum votum voveris Domino Deo tuo, non tardabis reddere: quia requirit illud Dominus Deus tuus. Et si moratus fueris, reputabitur tibi in peccatum. Si nolueris polliceri, absque peccato eris. Quod autem semel egressum est de labiis tuis, obseruabis, & facies sicut promissisti Domino Deo tuo.*

25. Speciales erant triplices: Aliz de valore & irritatione voti: Aliz de redemptione: Aliz de materia. Leges primi generis, de valore & irritatione voti, erant hæc. Prima de voto Nazæorum, Num. 6. 4. *Vir, siue mulier, cum fecerint votum vt sanctificentur, & se voluerint Domino consecrare; à vino & omni, quod inebriare potest, abstinendum.* Hoc votum erat ratum. Poterat tamen irritari, quoad mulieres, vt patebit ex sequentibus.

26. Secunda de voto filiz, quæ erant sub potestate patris. Nam si aliquid vouisset, & pater, re cognita, eodem die non contradixisset, votum erat ratum, & seruandum: Si contradixisset, erat irritum. Num. 30.

4. Quod dicitur de filiz, debet etiam intelligi de fi-

lio, sub potestate patris existente. Et quod de patre, debet etiam intelligi de tutore, qui mortuo patre, succedit in ius & regimen paternum. Nota. Si pater semel absolutè consensisset in votum filiz, non poterat illud postea irritare.

27. Tertia de voto vxoris, quæ similiter si aliquid vouisset, vir eius, re intellecta, non statim eodem die contradixisset, ratum erat votum: irritum, si secus. ibidem versu 7. Nota. Si sponsa antequam nuberet, fecisset votum patre consentiente, iuxta secundam legem: & postea nupsisset, poterat sponsus statim post contractum matrimonium, votum eius irritare, non minus, quàm si votum fecisset in matrimonio. Ita Abulensis in cap. 30. Num. quæst. 35. Quod intellige, si sponsus, ante initum matrimonium, nihil sciebat de huiusmodi voto. Ratio est, quia alioqui potuisset fieri, vt ipsi sponso, etiam inuito & ignoranti, per huiusmodi votum præcedens, iniiceretur aliquod onus, quod ipse nec voluisset, nec tenebatur acceptare.

28. Quarta de voto viduz & repudiatæ: quæ si aliquid vouissent, votum erat ratum, & tenebantur seruare. ibidem versu 10. Non enim subiectæ erant, vel patri, vel marito, à quo votum ipsarum irritari posset.

29. Leges secundi generis, de redemptione voti, erant hæc. Prima: Homo, qui seipsum Deo obtulerat per votum, vt seruiret in Tabernaculo, redimebat se pretio à lege taxato. Leuit. 27. 2. Hoc intellige de laicis, non autem de Leuitis & Sacerdotibus. Erant enim duplicia munia in Tabernaculo. Alia propria Sacerdotum aut Leuitarum: Alia, quæ poterant præstari à laicis; vt portare aquam & ligna pro sacrificiis, verrere Atrium, facta tacta templi curare. Ad priora soli Sacerdotes & Leuitæ poterant se offerre per votum. Ad posteriora laici. Si ergo Sacerdotes & Leuitæ vouissent, se semper in suis officiis ministraturos Domino, tenebantur id facere ex voto. Sic fecit Samuel Leuita, quem mater Deo deuouerat, primo Regum 1. versu vndecimo. Si autem laici vouissent, se reliqua munia obituros, id est portaturos aquam & ligna in vsum Tabernaculi; debebant votum suum pretio redimere. Idque duplici de causa. 1. vt illud pretium daretur Leuiticis & Sacerdotibus pro sustentatione. 2. quia non necesse erat, Hebræos portare aquam & ligna, cum Gabaonitæ in pœnam fraudis, qua deceperant Hebræos, ad id essent destinati, Iosue 9. 21.

30. Secunda lex: Si quis vouisset Deo animal, quod immolari non poterat, debebat vendi pretio à Sacerdote taxando. Quod pretium si ipse vouens dare voluisset, debebat insuper addere quintam pretij partem. Leuit. 27. 11. Nota. Omnia animalia, quæ Deo vouebantur, poterant redimi à vouente, exceptis animalibus mundis ad sacrificium. Quando autem redimebantur à vouente, tunc ultra pretium à Sacerdote taxatum, debebat addi quinta pars pretij pro ipso Sacerdote, qui sustinebat onus taxandi & reuerendi. Quod si vouens noluisse redimere animal, quod Deo vouerat; poterat Sacerdos illud retinere, vel alteri vendere aut donare, vt colligitur ex illo Num. 18. 14. *Omne, quod voto reddiderim filij Israël, tuum eris.*

31. Tertia lex: Si quis vouisset Deo domum suam, debebat vendi pretio à Sacerdote taxando. Quod si vouens voluisset illam redimere, debebat ultra taxatum pretium addere quintam pretij partem. Leuit. 27. 14. Hæc lex est similis præcedenti.

32. Quarta lex: Si quis vouisset Deo agrum suum hæreditarium, debebat æstimari pretium agri iuxta mensuram sementis. Et si vouens voluisset illum redimere, addebat quintam pretij partem, vt in præcedentibus Leuit. 27. 16. Nota. Qui vouebant Deo rem

aliquam immobilem, ut domum vel agrum; libenter illam redimebant, etiam si ultra taxatum pretium debere addere quintam pretij partem. Ratio est, quia si non redimissent, illa nunquam ad eos fuisset reuerfa, ne quidem in Iubilæo; sed absolute transiisset in dominium Sacerdotum, qui quidem poterant eam vendere, sed ita, ut in Iubilæo ad eos, tanquam ad veros Dominos reuenteretur. Leuit. 27. 21.

33. Quinta lex: Si vouens agrum, non fuisset hæres illius, sed emptor, debebat illum redimere præcio à Sacerdote taxando, & illud pretium dare Sacerdoti: ita ut ager in Iubilæo posset redire ad Dominum hæreditarium. Leuitici vigesimo septimo, versu vigesimo secundo.

34. Lex tertij generis, de materia voti, erat hæc. Primogenita munda ad sacrificium, ut primogenitum bouis, ouis, capræ, non debebant Deo voueri. Leuit. 27. 24. & Num. 18. 17. Ratio ibidem insinuat, quia illa primogenita iam antea erant Deo consecrata & debita, ratione primogenituræ: Ergo non debebant iterum consecrari & offerri per votum; ne votum videretur aliquid derogare priori consecrationi, quasi illa non fuisset plena & perfecta, sed voto potuisset perfici & firmari. Primogenita verò, quæ non poterant immolari: vel debebant redimi à vouente, vel si ipse noluiisset redimere, Sacerdos poterat ea sibi reservare, aut alteri vendere vel donare, Leuit. 27. 27.

35. Tres supersunt difficultates. 1. de voto Iephthæ. 2. de votis Christianorum. 3. An liceat rem præceptam Deo vouere? Vel, an res, quæ est in præcepto, possit esse materia voti? Est ergo prima quæstio, quid statuendum sit de voto Iephthæ: In quo duo spectanda sunt. 1. Ipsum votum. 2. Impletio voti. Votum ipsum describitur Iudic. 11. 30. his verbis: *Votum vovit Domino Iephthæ, dicens: Si tradideris filios Ammon in manus meas, quicumque primus fuerit egressus de foribus domus meæ, mihiq; occurrerit reuertenti cum pace à filiis Ammon, eum holocaustum offeram Domino.* Impletio voti consistit in eo, quod ipse filiam suam vnigenitam, quæ ei reuertenti ex bello prima occurrebat, obtulerit Deo in holocaustum. Nunc quæritur an ipse, & vouendo, & votum implendo, peccauerit, necne? Aliqui dubitant, ut Augustinus quæstione quadragesima nona super Iudices, ubi utramque partem statuit esse probabilem. Item Caietanus in cap. 11. Iudicum.

36. Alij putant illum peccasse. Primò, quia votum ipsius, ratione materiæ, repugnabat legi Mosaicæ. Vel enim vouerat se immolaturum Deo quemcunque hominem primò egredientem & occurrentem; vel quodcumque animal. Neutrum licebat. Non prius, quia vetitum erat lege Mosaicæ, immolare hominem, Deuter. 12. 31. Nec posterius, quia similiter vetitum erat immolare quodcumque animal. Non enim licebat immunda animalia immolare. Num. 18. 15. Secundo, quia Deus approbasset ipsius votum, fuisset contentus solo voto, & impediuiisset executionem, non permittendo filiam ipsius interfici: sicut fuit contentus pia voluntate Abrahami, & impediuit executionem, non promittendo filium eius Isaac immolari. Hanc sententiam sequuntur Textul. lib. tertio contra Marcionem, c. 4. Anast. Nicen. quæstione 36. Procopius in cap. 11. Iudic. Auctor quæstionum veteris Testamenti, quæst. 43. apud Augustinum. Et multi Rabini, qui hoc insuper addunt, votum Iephthæ (quod aiunt fuisse stultum & temerarium) potuisse quidem irritari à Phinees Pontifice, qui tunc vivebat: sed tantam fuisse superbiam utriusque, ut nec Iephthæ, utpote Princeps populi, dignatus sit petere ab eo voti relaxationem, nec Phinees, utpote Pontifex, dignatus sit eam illi offerre. Ideo utrumque à Deo puniendum esse. Vide Sesarium in cap. 11. Iudicum q. 17.

37. Alii rectius putant, illum non peccasse. Primò quia quod fecit, ex instinctu Spiritus sancti fecit, ut docent Chrysostomus homil. 14. ad populum, Emissenus sermone de natali virginum, Ioannes Arboreus lib. 9. cap. 6. Lorinus in cap. 23. Actorum. Et pater ex illo Iudic. 11. 28. *Factus est ergo super Iephthæ Spiritus Domini.* Et mox sequitur: *Votum vovit Domino.* Sicut ergo Abraham non peccauit, offerendo filium suum vnigenitum ad immolandum quia ex instinctu diuino fecit: Ita nec Iephthæ peccauit, offerendo filiam suam vnigenitam ad immolandum, quia similiter ex instinctu diuino fecit.

38. Secundò, quia per illud votum impetrauit à Deo victoriam contra Ammonitas: Ergo signum est, Deo placuisse ipsius votum. Et, si votum placuit, etiam voti impletionem placuisse necesse est, præsertim cum à Deo non sit impedita. Et confirmatur, quia scriptura nunquam reprehendit ipsius votum, aut voti impletionem. Ipsum verò sæpè laudat, præsertim Hebr. 11. 32. ubi ait: illum per fidem vicisse regna, & operatum esse iustitiam.

39. Tertio, si peccasset vouendo, fuisset monitus ab aliquo Propheta vel Sacerdote, ne impleret votum. At à nullo monitus est. toto illo spatio duorum mensium, quod inter votum & voti impletionem intercessit. Ergo verisimile est, non peccasse vouendo: Maxime cum constet alios Reges ac Principes populi, si quando peccarent, fuisse monitos ac reprehensos.

40. Quarto, populus non fuisset passus filiam Iephthæ occidi & immolari, nisi putasse votum fuisse ratum & Deo acceptum; sed eripuisset illam à morte, sicut eripuit Ionatham filium Saülis, quando Saül, ratione iuramenti, quo se obstrinxerat, volebat illum interficere. 1. Regum 14. 45. Est enim par ratio. Nam populus putabat iuramentum Saulis fuisse stultum ac temerarium; & ideo impediuit impletionem. Si ergo similiter putasset, votum Iephthæ fuisse stultum ac temerarium, etiam illius impletionem impediuiisset. At non impediuit. Putauit igitur votum & voti executionem fuisse bonam.

41. Quintò, sicut Abraham offerendo filium suum Isaac ad immolandum, expressit typum passionis & mortis Christi, quoad voluntatem, non quoad executionem: Ita consentaneum fuit, ut aliquis exprimeret typum illius, non solum quoad voluntatem, sed simul etiam quoad executionem. Hoc fecit Iephthæ, qui non solum paratus fuit immolare filiam suam vnigenitam, sed reipsa immolauit. Et sicut prior typus erat in sexu virili; ita posterior in sexu femineo: quia pro utroque sexu passus & immolatus est Christus. Et sanè filia Iephthæ videtur optimè expressisse figuram Christi, quoad promptam moriendi voluntatem. Nam sicut Christus quando ipsi à Deo patre proponebatur mors, promptum se obtulit, dicens: *Ecco venio, ut faciam, Deus, voluntatem.* Hebræor. 10. 7. Ita filia Iephthæ, quando intellexit à Patre, se ab ipso morti destinatum esse, respondit: *Pater mi, si aperuisti os tuum ad Dominum, fac mihi quodcumque pollicuitur es.* Iudic. 11. 36.

42. Ad argumenta contraria sic Respondeo. At 1. Iephthæ vouerat se immolaturum, non generatim quodcumque animal: sed speciatim quemcunque hominem primo egredientem, & sibi occurrentem. Ita Augustinus quæstione 49. super Iudices. Et probatur 1. quia Iephthæ, ad tanti momenti victoriam impetrandam, voluit aliquid magnum vouere Deo. At non fuisset magnum, si vouisset bouem, aut ouem, aut capram. 2. quia illa ipsius verba: *Quicumque primus fuerit egressus, & occurrerit mihi reuertenti cum pace;* non possunt intelligi nisi de homine. Soli enim homines solent

52. Tertia questio est, An liceat nobis aliquid vouere Deo, quod aliis ex præcepto tenemur facere? v. g. An liceat vouere, quod velimus Deum colere, parentes honorare, non occidere, non furari. Aliqui negant, afferentes, ea tantum, quæ sunt consilij, non autem, quæ sunt præcepti, posse nos Deo promittere seu vouere. Primò, quia Iudæi non poterant Deo vouere primogenita munda ad sacrificium, vt supra dictum est. Inque propterea, quia iam ante per præceptum legis Mosaycæ debebantur Deo: Ergo cadit sub præceptum non potest cadere sub votum. Secundò quia votum est oblatio spontanea, At quod debitum est ex præcepto, hoc non sponte offerimus Deo, sed necessario: Ergo quod debitum est ex præcepto, non possumus vouere.

53. Alij contra sentiunt, etiam ea, quæ præcepti sunt, voueri posse. Ratio est, quia bonum & laudabile est, eandem rem præstare ex duplici virtute: Nempe ex virtute obedientiæ, ratione præcepti, & ex virtute religionis, ratione voti. Sic fecit Iacob, quando vouit Deo, se non culturum Deos alienos, sed solum verum Deum. (Gen. 28. ver. 20.) Quod tamen tenebatur facere ex præcepto naturali. Vide Lessium de iure & iustitia, cap. 40. & alios ibidem.

54. Nec obstat, quod obicitur de primogenitis. Illæ enim propterea non debebant ab homine voueri & consecrari Deo, quia ipsemet Deus iam antea perfectè & integrè sibi ea consecrauerat. Nota. Triplicia erant primogenita. Alia hominum, alia animalium mundorum ad sacrificium; alia animalium immundorum, vt cap. 8. quest. 6. §. 15. dictum est. Igitur primogenita primi & tertij generis, erant quidem Deo debita & consecrata, sed non integrè & perfectè, quia poterant redimi, & reipsa redimebantur. At primogenita secundi generis tam perfectè erant Deo debita & consecrata, vt non possent redimi. Et quia ipsemet Deus ea sibi consecrauerat, non decebat, vt iterum ab homine per votum ipsi consecrarentur; ne priori consecrationi videretur aliquid defuisse, quod per posteriorem perfici & compleri possit.

55. Quod secundò obicitur, votum esse oblationem spontaneam, distinguendum est. Nam duo spectari possunt in voto. 1. actus vouentis. 2. res ipsa, quæ vouetur. Igitur votum est oblatio spontanea, quoad actum vouentis. Nam qui vouet spontè vouet, nec vlllo præcepto ad vouendum obligatur. (Deut. 23. 22.) Non tamen semper est spontanea, quoad rem ipsam, quæ vouetur. Potest enim fieri, vt res illa, quam quis Deo vouet, non sit ipsi spontanea, sed præcepta. Non quidem præcepta, quod teneatur cum vouere, sed quod teneatur eam præstare, etiam secluso voto.

56. Nota. Res præcepta potest dupliciter spectari. 1. Quatenus præcepta est. Sic propriè non cadit sub votum, sed sub præceptum. 2. Quatenus bona, honesta, & Deo grata est, abstrahendo ab obligatione præcepti. Sic propriè cadit sub votum. Vnde sequitur, quando quis vouet rem præceptam, duplicem concurrere obligationem: Vnam voti, alteram præcepti: & vnam ab altera non pendere. v. g. Ieiunium quadragesimale præceptum est. Si voueam hoc ieiunium, teneor duplici titulo illud obseruare. 1. Ex obligatione præcepti. 2. Ex obligatione voti. Et prior obligatio non pendet à posteriori, quia tametsi non obligaret ieiunare ex voto, obligaret tamen ex præcepto. Nec vicissim posterior pendet à priori, quia posset fieri vt durante obligatione voti, cessaret obligatio præcepti, si nimirum præceptum abrogaretur, aut in eo dispensaretur.

De Iuramentis.

57. Iurare nihil aliud est, quàm Deum, qui fallit aut méteri non potest, in testem inuocare. Quod dupliciter Opusc. Bec.

A fit. Vel enim vocamus eum in testem, quando aliquid asserimus, vel quando aliquid promittimus. Vnde duplex solet distingui iuramentum. Vnum assertorium, quo nostram asserionem: alterum promissorium, quo nostram promissionem confirmamus. In priori, vocamus Deum in testem, quod assertio nostra sit vera; in posteriori, quod promissio nostra sincerè facta sit. (Diuus Thomas in 2. 2. questione octuagesima nona, art. 1.)

58. Hoc posito, queritur 1. quæ leges in Veteri Testamento datæ sint Iudæis de iuramento. 2. quid Pharisei ex suis Traditionibus ad has leges addiderint. 3. quid hoc tempore seruent Iudæi in praxi. 4. quid Christiani seruent, aut seruare debeant.

B 59. Igitur, quod ad primum attinet, hæ leges in Veteri Testamento à Deo datæ sunt. Prima, *Per nomen Domini Dei tui iurabis.* (Deuteron. 6. 13.) Secunda, *Per nomen externarum Deorum non iurabis.* (Exodi 23. 13.) Tertia, *Non periurabis in nomine meo.* (Leuit. 19. 12.) Quarta, *Non assumes nomen Domini Dei tui in vanum.* (Exodi 20. 7.) Vel *Noli usurpabis nomen Dei tui frustra.* (Deuteron. 5. 11.) Hæc quarta lex differt à tertia. Nam tertia prohibet solum periurium. Quarta non solum periurium, sed generatim omnem irreuerentiam, & abusum diuini nominis. Ita Theod. Exod. 20. & Cornelius Deut. 5.

C 60. Ad has leges addiderunt Pharisei, quæ sequuntur. Primò, *Quicumque iurauerit per Templum, nihil est, qui autem iurauerit in auro Templi, debet.* Secundò, *Quicumque iurauerit in altari, nihil est: qui autem iurauerit in dono, quod est super altare, debet.* (Mart. 23. 16.) Vtrūque reprehendit Christus. Prius quidem his verbis: *Stulti & cæci: Quid enim maius est, aurum, an templum, quod sanctificat aurum? Posterius his, Quid enim maius est, donum, an altare, quod sanctificat donum? Et mox addit. Qui ergo iurat in altari, iurat in eo, & in omnibus, quæ super illud sunt. Et qui iurat in templo, iurat in illo, & in eo, qui habitet in ipso. Et qui iurat in caelo, iurat in throno Dei, & in eo, qui sedet super eum.*

D 61. Iudæi hoc tempore seruant duplicem praxim, Vnam ex reuerentia diuini nominis: alteram ex cæcitæte & superstitione. Prior est: Non audet expressè iurare per nomen Dei tetragrammaton: eò quòd hoc nomen sit ineffabile: sed sub hac formula per illud iurant: *Iuro per Iod, He, Vau, & Iod:* quæ sunt quatuor litteræ nominis tetragrammati. Et hoc iuramentum habetur apud eos sacrificium. (Cornelius in caput sextum Exodi, versu secundo & tertio.) Posterior est: Putant se non obligari vlllo iuramento, nisi iurent manu imposita super librum legis Mosaycæ. Quod si alio ritu iurent, audacter iurabunt falsum. (Cornelius in caput quintum Leuitici, vers. 1.) Notent hoc Principes & Magistratus Christiani: nec facile admittent Iudæos ad iuramentum præstandum in rebus forensibus contra Christianos, quia plerumque falsum iurant. Audio quidem Noribergenses, & quosdam alios, iam pridem aduertisse hanc fraudem: nec amplius admittere Iudæos ad iuramentum, nisi admota manu ad librum legis suæ Synagogæ. Sed neque hoc satis tutum est, ex alio capite. Nam Iudæi in festo expiationis à Rabinis suis aboluuntur ab omnibus votis & iuramentis, quæ malitiosè facta sunt. Et ex fiducia huius absolutionis, facile presumunt falsum iurare, & Christianos decipere.

E 62. Christus in N. T. dedit nobis hanc legem, Mart. 5. 33. *Audistis, quid dictum est antiquis: Non periurabis: reddes autem Domino iuramentum tuum. Ego autem dico vobis, non iurare omnino: neq; per calum, quia Thronus Dei est: neque per terram, quia scabellum est pedum eius: neq; per Ierosolimam, quia ciuitas est magni Regis: Neq; per caput tuum iuraueris, quia non potest vnus capillum album facere aut nigrum. Sic autem sermo vester, Est. Non, Non: quod autem his abundantius est.*

à malo est. Quam legem repetit Iacobus Apostolus in Epistola sua Canonica cap. 5. vers. 12. his verbis: *Ante omnia autem, fratres mei, nolite iurare, neque per calum, neque per terram, neque aliud quodcumque iuramentum. Sic autem sermo vester, Est, Est: Non, Non.*

63. Hinc oritur quaestio apud Theologos, an omne iuramentum Christianis sit prohibitum? hoc enim videtur colligi ex verbis citatis. Respondeo. Iuramentum non est absolute prohibitum Christianis, sed abusus iuramenti. Prior pars patet, quia Apostolus sepe legitur iurasse, ut infra ostendam. Et Heb. 6. 16. affirmat omnem controuersiam finiri per iuramentum. Quod etiam confirmari potest ex quotidiana praxi, quae viget apud Christianos in iudiciis & Tribunalibus. Quando enim reus suam innocentiam non potest probare per testes, iubetur illam iuramento confirmare, & sic cessat lis ac controuersia. Posteriorem partem sic explico. Abusus iuramenti in eo consistit, quod aliqui soleant facile, etiam in rebus parui momenti, & sine vlla necessitate, Deum in testem vocare: sicut faciebant Iudaei. Hoc non licet. Nam qui id faciunt, peccant contra reuerentiam Deo debitam. Est enim contra reuerentiam Deo debitam, si quis illum sine necessitate, & in rebus exiguis, in testem adhibeat. Imo nemo nostrum auderet Principem aut Regem, sine necessitate, in testem adducere. (D. Thomas in 2. 2. q. 89. art. 2.) Hunc abusum prohibet Christus. Etiam ante prohibitus fuit, Ecclesiastici 23. 9. *Iurationem non affuscat os tuum, multi enim casus in illa.* Eodem sensu intelligitur illud Exod. 20. 7. *Non assumes nomen Domini Dei tui in vanum.* Et Deut. 5. 10. *Non usurpabis nomen Domini Dei frustra.* Nam illae duae particulae. *In vanum, & Frustra*, idem valent, ac si dicas, *Temere & sine necessitate.* Vnde Augustinus lib. de mandacio c. 15. circa medium, sic ait: *Apostolus in Epistolis suis iurans, ostendit, quomodo accipendum esset, quod dictum est: Dico vobis, non iurare omnino: ne scilicet iurando ad facilitatem iurandi perueniatur; & ex facilitate iurandi ad consuetudinem; & à consuetudine in periculum decidatur. Et ideo non immerito iurasse, nisi scribens ubi consideratio cui iur non habet linguam precipitem.*

64. Quaes 1. Quae fuerit olim formula iurandi, & quae nunc sit? Respondeo. In V. Testamento reperiuntur hae formulae. Genes. 31. 43. *Iuravit Iacob per simonem patris sui Isaac.* Et Genes. 42. 15. *Per salutem Pharaonis non egrediemini hinc, donec veniat frater vester minimus.* Et Deut. 4. 26. *Testes inuoco hodie caelum & terram, cito perituros vos de terra, &c.* Et 1. Reg. 19. 6. *Quod enim audisset Saul iuravit: Vinit Dominus, quia non occidetur.* Et 1. Regum 25. 34. *Vinit Dominus Deus Israel.* Et 28. 10. *Iuravit ei Saul in Domino, dicens: Vinit Dominus, quia non eveniet tibi quicquam mali propter hanc rem.* Et 2. Regum 3. 35. *Iuravit David dicens: Hac faciat mihi Deus, & hoc addat, si ante occasum Solis gustauero panem.* Et 19. 7. *Iuravi tibi per Dominum, quod si non exieris, ne unus quidem remanseris sit tecum.* Et Ierem. 4. 2. *Et iurabis: Vinit Dominus in veritate, & in iudicio, & in iustitia.* In nouo Testamento sunt hae formulae, ab Apostolo Paulo usurpatae. Rom. 1. 9. *Testis mihi est Deus.* Et 2. Corinth. 23. *Testem inuoco Deum in animam meam.* Et Philip. 1. 8. *Testis mihi est Deus, quomodo cupiam omnes vos in visceribus Iesu Christi.* Et 1. Timoth. 5. 21. *Testor coram Deo & Christo Iesu.*

65. Quaes 2. Quae fuerit ceremonia adhibita in Veteri Testamento, quando quis iurabat? Respondeo Duplex, Vna, leuare manum in caelum. Genes. 14. 22. *Leuo manum meam ad Dominum excelsum*, id est, iuro, leuando manum meam in caelum, quasi ad Deum, quem testem inuoco. Haec ceremonia adhuc hodie usitata est. Solent enim, qui iurant, manum vel digitos in altum tollere, & Deum, qui in caelo est testem inuocare.

Altera ponere manum subter femur illius, cui iurabatur. Quam ceremoniam exegit Abraham à famulo suo iurante, Genes. 24. 2. *Pone manum tuam subter femur meum, ut adiurem te*, (id est, ut iurare te faciam) *per Dominum Deum caeli & terra, ut non accipias uxorem filio meo de filiabus Chanaanitarum.* 1. *Pone sub femore meo manum tuam, & hoc ritu ac cerimonia, iura mihi, quod filio meo non accipies uxorem Chanaanitam.*

6. Nota per femur intelliguntur etiam partes genitales, quae inter femora sunt. Quo sensu, filii Israel dicuntur egressi esse de femore Iacob, id est, de genitalibus illius. Genes. 46. 26. & alibi. Duplex igitur fuit causa, cur Abraham peteret à iurante, ut poneret manum suam subter femur ipsius. Vna naturalis, quia femur propter partes genitales, est causa generationis & vitae. Itaque qui iurabant, tangendo femur, testabantur Deum auctorem vitae ac generationis, quasi dicerent: si verè & sincerè iuro, Deus det mihi longam vitam: sin secus, peream. Ita Martinus de Roa libro 4. Singularium cap. 4. & ex illo Cornelius in cap. 24. Gen. versu 2. Altera mystica, quia Abraham per hanc ceremoniam significabat, ex suo femore nasciturum Messiam, à Deo sibi promissum. Ita Ambrosius lib. 1. de Abrahamo cap. vlt. Hieronym. in Traditionibus Hebraicis ad Genesim, August. serm. 75. de tempore, Gregorius & alii, quos sequitur Delr. in cap. 24. Genes. & Cornelius ibid. Hebraei aliam adferunt causam, teste Hieronym. loco citato ubi ait: *Tradunt Hebraei, quod in sanctificatione eius, hoc est, in circumcisione iurauerit. Nos autem dicimus, iurasse eum in semine Abraha, hoc est, in Christo, qui ex illo nasciturus erat.*

De solemnitatibus Festeorum.

67. Apud Iudaeos erant duplicia festa. Alia instituta à Deo, alia ab ipsis Iudaeis. A Deo instituta erant haec octo. 1. Sabbatum. 2. Neomenia. 3. Pascha. 4. Pentecoste. 5. Festum Tubarum. 6. Festum propitiationis seu expiationis. 7. Festum Tabernaculorum, seu Scenopugia. 8. Festum Cætus seu Collectæ. Hæc omnia (excepta Neomenia) describuntur Leuit. 23. per totum De Neomenia agitur Num. 28. 11.

68. Ac primo Sabbathum erat institutum in memoriam creationis mundi. Secundò, Neomenia, seu initium mensis Lunaris, seu Kalendæ pro beneficio diuinæ gubernationis. Nam initio mensis Lunaris, seu nouilunio, magis in apparet diuina gubernatio in hisce inferioribus, quia tunc est magna corporum mixtorum mutatio. Tertiò, Pascha, in memoriam liberationis Iudæorum, cui annexa erat solemnitas azymorum, quæ postridie Paschatis incipiebat, in memoriam egressionis ex Aegypto. Quartò, Pentecoste, seu Solennitas hebdomadarum, in memoriam legis datæ in monte Sinai. Quintò, festum Tubarum, in memoriam Isaac liberati. Cum enim Abraham vellet illum immolare, inuenit arietem inter repes hærentem cornibus, quem ipsius loco immolauit. Hebraei, ut illius facti memoriam retinerent, solituerant tubis corneis clangere: ideoq; festum tubarum, seu festum cornu appellatum est. Sextò, festum Expiationis in memoriam illius beneficii, quo Deus ad intercessionem Moysis, propitius est peccato populi, vitulum adorantis. Septimò, festum Tabernaculorum, in memoriam illius beneficii, quo Deus Iudæos voluit habitare in Tabernaculis, cum egressi ex Aegypto, versarentur in solitudine. Octauò, festum Cætus atque Collectæ, in quo colligebantur à populo ea, quæ erant necessaria ad expensas diuini cultus, ut notat D. Thom. in 1. 2. q. 102. art. 4. ad 10.

69. Quatuor posteriora festa, id est, festum Tubarum,

Expiationis, Tabernaculorum, & Collectæ, incidebant in mensem septimum. Nam sicut dies septimus, ita mensis septimus & similiter annus septimus, apud Iudæos erat in honore. Et quidem primus dies septimi mensis habebat duo festa. Vnum Neomeniæ, quod erat illi commune cum aliis mensibus: alterum Tubarum, quod erat illi peculiare. Decimo die, erat festum Expiationis. Decimo quinto, incipiebat festum Tabernaculorum, & durabat per septem dies sequentes. Vigesimo secundo die, erat festum Cætus atque Collectæ. In his festis tria spectari debent. 1. Vocatio à laboribus. 2. Oblatio sacrificiorum, de quibus supra. 3. Ceremonia cuique festo peculiaris. In festo Pascæ seu Azymorum, fiebat oblatio manipuli spicarum: In Pentecoste, oblatio novorum panum: In festo Tubarum, erat clangor tubarum: In festo Expiationis, afflictio & ieiunium: In festo Tabernaculorum, habitabant in Tabernaculis, & ibi cum ramis & fructibus exultabant.

70. Porro inter omnia ista festa, præcipuum erat Sabbathum. Nam in eo non licebat ciuium parare. Exod. 16. v. 29. Nec ignem accendere. Exod. 35. v. 3. Quæ tamen licebat facere in aliis festis. Habebat insuper hanc prærogatiuam, quod nomen Sabbathi aliquando communicaretur aliis festis; ita ut alia etiam festa vocarentur Sabbathata. Sic festum primi diei azymorum, vocatur Sabbathum. Leuit. 23. v. 11. Et similiter festum tubarum. Ibidem v. 24. Et festum Expiationis. Ibidem v. 31. Et generatim omnia alia festa (ibidem.) Immo, & tota hebdomada, à potiori sui parte & die, vocabatur Sabbathum, ut patet ex Evangelio, *Ieiuno bis in Sabbatho*, id est, in hebdomade.

71. Deus volebat festa à se instituta diligenter seruari à Iudæis. Et quidem seruantibus promittebat hæc tria Isaia 58. 14. *Tunc delectaberis super Dominum, & suscitabit te super altitudines terre, & cibabo te hereditate Iacob patris tui.* Vbi insinuantur tres fructus. 1. Suavis quædam voluptas spiritus, in rebus ad Deum pertinentibus. 2. Contemptus rerum terrenarum. 3. hereditas Iacob. De qua Leuitic. 26. v. 2. *Custodite Sabbathata mea.* Et statim subditur: *Si feceritis, dabo vobis pluias temporibus suis, & terra gignet germen suum, & pomis arbores replebuntur, &c.*

72. Transgressoribus verò dictum est, Ierem. 17. 27. *Si autem non audieritis me, ut sanctificetis diem Sabbathi, & ne portetis iugum, & ne inferatis per portas Ierusalem in diem Sabbathi: succendam ignem in portis eius, & deuorabis domos Ierusalem, & non exstinguetur.* Et Ezech. 20. 13. *Sabbatha mea violauerunt. Dixi ergo, ut effunderem furorem meum super eos in deserto, & consumerem eos.* Et 2. Esdræ 13. 15. *Vidi in Iuda calcantes torcularia in Sabbatho, portantes acervos, & onerantes super asinos vinum & vinas, & ficus, & omne onus, & inferentes in Ierusalem diem Sabbathi. Et obiurgauit optimates Iuda, & dixi eis: Quæ est hæc res mala quam vos facitis, & prophantis diem Sabbathi?* Notent hoc Christiani, qui parui faciunt dies festos.

73. Festa à Iudæis instituta, erant hæc quatuor. Primo, festum fortium, die decimoquinto Adar seu Februarii, in memoriam liberationis Iudæorum per Esther. Esther 9. v. 17. Secundo, festum, Encæniarum, seu Purgationis templi, quæ facta est sub Iuda Machabæo. 1. Machab. 4. 49. Tertiò, festum recepti à cælo ignis sacri. 2. Machab. 1. 18. Quartò, festum ob cælum Nicanorem. 1. Machab. 7. 49. & 2. Machab. 15. 37. De quibus vide Riberam lib. 5. de Templo cap. 17. & sequentibus & Genebrardum in Calendario Hebræorum.

De Anno septimo seu Sabbathico, qui etiam vocatus est annus Remissionis.

74. Annus septimus in lege Mosæica vocabatur Opusc. Bec,

A Sabbathicus, quia sicut Deus sex diebus operatus est, & septimo die, id est, in Sabbato quieuit; sic voluit, ut Iudæi sex annis colerent terram, & septimo anno cessarent ab omni cultura. De hoc anno sic legitur Leuit. 25. 1. *Loquere filiis Israël, & dices ad eos: Quando ingressi fueritis terram, quam ego dabo vobis, Sabbathizetis Sabbathum Domino. Sex annis feres agrum, & sex annis putabis vineam tuam, colligesque fructus eius: Septimo autem anno Sabbathum erit terra, requiescentis Domini.*

75. Habebat autem hic annus quatuor privilegia. Primum, quod Iudæi eo anno non poterant serere aut metere, putare aut vindemiare, sed quies datur agris & vineis; ut patet, partim loco citato; partim Exodi 23. 10. *Sex annis seminabis terram tuam, & congregabis fruges eius. Anno autem septimo dimittes eam, & requiescere facies.* Voluit hoc Deus ob has causas. Primo, ut Iudæos à nimia cura & sollicitudine huius vite abduceret. Secundo, ut terra post quietem vnius anni, quasi resumpto vigore, fieret deinceps feracior. Tertio, ut septimus ille annus esset symbolum & memoriale septimi diei, quo Deus cessauit ab opere Creationis mundi. Quarto, ut pauperes septimo anno gauderent fructibus agri, qui sponte nascuntur, iuxta illud Exod. 23. 11. *Anno autem septimo dimittes eam (id est terram) & requiescere facies, ut comedam pauperes populi tui.* Nempe ea quæ sponte nascuntur, ut explicatur Leuit. 25. 5.

76. Dices, Si Iudæi anno septimo non poterant terram colere, vnde vivebant illo anno, & sequenti? Respondeo. Hanc obiectionem proponit ipse Deus & soluit Leuit. 25. 20. his verbis *Quod si dixeritis: Quid comedemus anno septimo, si non seuerimus, neque collegerimus fruges nostras? Dabo benedictionem meam vobis anno sexto, & faciet fructus trium annorum: seretisque anno octauo, & comedetis veteres fruges usque ad annum nonum. Donec noua nascantur, edistis vetera.* Hinc colligitur, fertilitatem terræ sanctæ non fuisse purè naturalem, sed etiam diuinam, seu ex dono & permissione Dei. Nam Deus hic promittit Iudæis, si seruent legem de quiete anni Sabbathici, se daturum ipsis anno sexto fructus terræ, pro tribus annis, nempe pro anno sexto, septimo & octauo.

77. Secundum privilegium anni septimi, seu Sabbathici erat, quod eo anno fiebat remissio omnium debitorum, si s, qui debebat, genere Iudæus esset, non autem si peregrinus aut gentilis. Deut. 15. 1. *Septimo anno facies remissionem, qua hoc ordine celebrabitur, cui debetur aliquid ab amico, vel proximo, ac fratre suo, repetere non poteris, quia annus remissionis est Domini. A peregrino & aduena exiges. Cuiem & propinquum repetendi non habebis potestatem.* Hic duo notanda sunt. 1. Quod sermo sit de debitore, qui Iudæus natus est; non autem de proselito; qui Iudæus factus est. 2. Quod hoc intelligendum sit de debito ex mutuo aut vendito; non autem ex accommodato. Hoc enim propriè non est debitum, sed alienum, seu res ad alterum spectans. Vide Abulensem, & Cornelium in illum locum.

78. Dices. Hæc lex videtur esse iniqua respectu creditoris, seu mutuum dantis. Posset enim dicere proximo suo instante anno septimo remissionis: Si dem tibi mutuum, non restitues mihi, quia instat annus remissionis. Non ergo dabo mutuum. Respondeo. Hæc obiectio ponitur & soluitur cap. citato, v. 9. his verbis: *E Cane, ne forte subrepat tibi impia cogitatio, & dicas in corde tuo: Appropinquat septimus annus remissionis: & auertas oculos tuos à paupe fratre tuo nolens ei, quod postulat mutuum commodare, ne clamet contra te ad Dominum, & sis tibi in peccatum. Sed dabis ei: Nec ages quidpiam callide in eius necessitatibus subleuandis; ut benedicat tibi Dominus Deus tuus in omni tempore, & in cunctis, ad quæ manumiseris. Solutio est hæc. Si in tali casu non des mutuum, peccabis in fra-*

trem tuum. Si des, Deus sua benedictione abunde compensabit. Quod spectat illud Prouerb. 19. 17. *Famulatur Domino, qui miseretur pauperis: & vicissitudinem suam reddet ei.*

79. Tertium privilegium erat, quod anno septimo fiebat remissio seruitutis. Serui enim Hebraei manumittebantur. Exod. 21. 2. *Si emeris seruum. Hebraeum, sex annis seruiet tibi: in septimo egredietur liber gratis.* (Quod etiam repetitur Deuter. 15. 12. & Ierem. 34. 14.) Si seruus non esset Hebraeus, sed alienigena, perpetuo manebat seruus. Leuitici 25. 44. *Seruus & ancilla sunt vobis de nationibus, quae in circuitu vestro sunt: & de aduenis, qui perierunt apud vos, vel qui ex his nati fuerint in terra vestra. hoc habebitis famulos, & hereditario iure transmittetis ad posteros, ac possidebitis in aeternum.*

80. Quartum privilegium erat, quod anno septimo debebat Sacerdotibus publice legi Deuteronomium coram toto populo. Deuter. 31. versu 10. *Post septem annos, anno remissionis, in sollemnitate Tabernaculorum, conuenientibus cunctis ex Israel, ut appareret in conspectu Domini Dei tui, in loco, quem elegerit Dominus, leges verba legis huius coram omni Israel.*

81. Quaesit. Quando primum coeperint hi anni Sabbatici? Vel, quo tempore coeperit inchoari numeratio anni septimi seu Sabbatici? Respondeo 1. Non coepit in deserto, quando lex data est. Nam annus Sabbaticus fuit institutus ad remissionem culturae, debitorum, & seruitutum, ut ex dictis patet. At Iudaei in deserto non colebant terram, sed alebantur pane de caelo misso: nec habebant debita aut seruitutes, quae postea propter necessitates corporales inducta sunt. Respondeo 2. Coepit post ingressum filiorum Israel in terram sanctam, & post eiusdem terrae diuisionem, quae a Iosue facta est. Tunc enim primum coeperunt terram colere & putare vineas. Vide Serarium c. 13. Iosue quae. 14. in fine, Cornelium in cap. 25. Leuit. versu 2. Et colligitur ex textu ibidem: *Quando ingressi fueritis terram, quam ego dabo vobis, Sabbatizetis Sabbatum Domini. Sex annis feret agrum tuum.* Vbi illa particula, *Agrum tuum*, satis insinuat, quod post diuisionem terrae, quando quisque habuit proprium suum agrum, coeperit inchoari numeratio anni Sabbatici. Igitur primus annus possessionis & culturae, erat primus annus respectu Sabbatici; ita ut annus Sabbaticus fuerit septimus, post inchoatam possessionem & culturam.

82. Quaesit. An Iudaei semper seruauerint annos Sabbaticos? Respondeo. Non semper, ut patet Ierem. 34. 14. Vbi Deus per Prophetam conqueritur, quod anno septimo non dimiserint suos seruos in libertatem, sed eos perpetua seruitute oppresserint. Et ideo puniti sunt à Deo variis poenis, quae ibidem recensentur. Et insuper priuati beneficio fertilitatis sexti anni, ut aliqui colligunt ex 1. Machab. 6. 49. & 43.

83. Quaesit. Quid Christiani hinc discere debeant? Respondeo: Hinc duo potissimum. 1. ut sint benigni erga seruos, ancillas, & debitores. 2. ut diebus festis libenter abstineant ab agricultura, & aliis quatuor operibus: neque putent propterea fore defectum in frumento vino, & aliis ad vitam necessariis. Nam si Deus concessit Iudaeis tantam fertilitatem sexto anno, ut sufficeret pro tribus annis: non negabit hoc beneficium Christianis, si parati sint dies festos colere, & ipsi obtemperare. Hoc docet experientia. Aliquando vno anno crescit tantum vini & frumenti, quantum satis est pro duobus, vel tribus annis. Aliquando, propter nostra peccata, percunt omnia per grandinem, & alias tempestates.

De anno Iubilaei.

84. Praeter annum septimum seu Sabbaticum, habebant Iudaei alium annum solemnem, nempe annum quinquagesimum, seu Iubileum, qui erat etiam annus remissionis. De quo Leuit. 25. 10. *Sanctificabis annum quinquagesimum, & vocabis remissionem cunctis habitantibus in terra: ipse est enim Iubilaeus.* Initium numerationis huius anni coepit cum initio numerationis anni Sabbatici. Vnde sicut primus annus Sabbaticus fuit septimus à primo anno possessionis & culturae Terrae sanctae: ita primus Iubilaeus fuit quinquagesimus ab eodem primo anno possessionis & culturae Terrae sanctae.

85. Privilegia Iubilaei erant haec tria. 1. Quod in eo remittebantur omnia debita. 2. Quod serui manumittebantur, & fiebant liberi. 3. Quod auitae possessiones, quae erant venditae & alienatae, redibant ad legitimos & pristinos haeredes, sine ullo pretio aut compensatione. Propter haec tria vocabatur Remissio, seu annus remissionis; quia in eo fiebat remissio debitorum, seruitutum, & bonorum alienorum. Leuit. vigesimo quinto, versu decimo, & sequentibus. Vide Abulensem & Cornelium ibidem.

86. Primum privilegium erat illi commune cum anno Sabbatico. Nam in utroque fiebat remissio debitorum. Secundum erat etiam commune, sed maius ac perfectius in anno Iubilaeo, quam in Sabbatico. Nam serui, qui in anno Sabbatico non erant egressi à seruitute, propter legitimam causam; egrediebantur in Iubilaeo. Tunc enim non poterant amplius detineri. Tertium erat peculiare Iubilaeo. Nam in solo Iubilaeo, non autem in Sabbatico, redibant possessiones venditae, vel alienatae ad suos pristinos dominos. Nota. Quando quis vendebat agrum aut vineam, eo carius vendebat, quo magis distabat annus Iubilaeus; & eo vilius, quod magis appropinquabat. Leuit. 25. 14.

87. Quaesit. Quare Deus instituit huiusmodi Iubileum? Respondeo. Ob has causas. 1. Ut consuleret pauperibus, ne illi perpetuo excluderentur à bonis & hereditate paterna; sed liberati ab omnibus debitis & aere alieno, redirent ad suas possessiones. 2. Ut annus Sabbaticus & Iubilaeus seruiret Chronologiae. Nam sicut apud Graecos omnia diuidebantur, censabantur, & computabantur secundum Olympiadas; & apud Romanos, secundum Lustra: ita apud Iudaeos, secundum annos Sabbaticos, & Iubilaeos. 3. Ut Iubilaeus Hebraeorum esset typus seu figura Iubilaei Christianorum, in quo per Christum liberamur ab omni seruitute diaboli, & asserimur in perfectam libertatem filiorum Dei.

88. Quaesit. An etiam Christiani in nouo Testamento habeant annum Iubileum, ad imitationem Hebraeorum? Respondeo. Habent. Nam Bonifacius VIII. instituit Iubileum anno Christi 1300. & simul ordinauit, ut anno centesimo renouaretur. Postea Clemens VI. instituit Iubileum anno Christi 1350. & ordinauit, ut anno quinquagesimo renouaretur. Postremo, Sixtus IV. reduxit illum ad annum vigesimum quintum. Legantur auctores, qui ex professo de Iubilaeo disputant.

De Ratione & tonsione capitis, ac barbae.

89. De hac re variae exstant leges ceremoniales. Prima pro Nazareis, qui toto tempore voti, seu separationis, nec radebantur, nec tondebantur; sed alebant comam usque ad completum tempus separationis: Et tunc radebantur, & coma ipsorum comburebatur.

Vide supra cap. 9. §. 3. Secunda pro Leuitis, qui quando initiabantur ministerio Leuitico, debebant radere omnes pilos carnis suæ. Vide supra cap. 7. quæst. 3. Tertia pro leprosis, qui idem tenebantur facere: sed ob aliam causam, quam Leuitæ, supra cap. 7. quæst. 3. §. 5. Quarta pro Sacerdotibus. Ezech. 44. 20. *Caput suum non radent, neque comam nutriant: sed tondentes attondent capita sua.*

90. Quinta pro reliquis Iudæis in communi. Leuit. 19. 27. *Neque in rotundum attondebitis comam, nec radetis barbam.* Vbi duplex prohibitio comprehenditur. Vna, *Non attondebitis comam in rotundum*; id est, Non imitabimini Egyptios & alios Gentiles, qui id facere soliti sunt, vt patet Ierem. 9. 26. & cap. 25. 23. & capite 49. 32.

Nota. Egyptij, & alij Gentiles putabant suos Deos figurâ rotundâ, vt potè omnium capacissima & perfectissima, præ cæteris delectari: Ideoque in illorum gratiam, capita sua in rotundum attondebant. Immo etiam templa rotunda suis Diis ædificabant; vt Numa Pompilius Vestæ: August. Cæsar, omnibus vniuersim Diis. Alij, alijs speciatim. Igitur Iudæi, ne similes essent Gentilibus, prohibiti sunt sectari hanc superstitionem.

91. Altera prohibitio est *Non radetis barbam.* Nota. Hæc duo distincta sunt, radere barbam, & tondere barbam. Ratio fit per nouaculum: tonsio per forficem. Ratione, tota barba vsque ad cutem excinditur: tonsione decurtatur, & id decentem formam redigitur. Voluit igitur Deus, Hebræos non excindere suas barbas vsque ad cutem, sed eas retinere, vt etiam in vultu quandam virilitatis & sapientiæ formam ferre viderentur. Nam barba virilitatis ac virtutis insigne est.

92. Quæres 1. An omnes Hebræi hac lege fuerint obligati? Respondeo. Excipiebantur Leuitæ & leprosi, qui in legali purificatione, vt supra dixi, omnes corporis pilos radere iuebantur.

93. Quæres 2. An hæc lex pertineat etiam ad Christianos? Respondeo. Non pertinet: quia cum sit ceremonialis abrogata est. Vnde liberum est Christianis, vel radere barbam, vel tondere, vel integram relinquere. Si tamen alicubi consuetudo inualuit radendi, vel tondendi, seruari potest.

De certo usu vestium.

94. De vestibus Pontificum & Sacerdotum dictum est cap. 7. quæst. 5. De populi vestitu extat præceptum Num. 15. 38. *Loquere filiis Israël, & dices ad eos, ut faciant sibi fimbrias per angulos palliorum, ponentes in eis vittas hyacinthinas: quas cum viderint, recordentur omnium mandatorum Domini, &c.* Hic tria insinuantur. Primò, quod Iudæi debuerint in extremitate vestium seu palliorum gestare fimbrias. Hoc etiam fecit Christus, vt patet Lucæ 8. 44. Vbi mulier hæmorrhœissa legitur tetigisse fimbriam vestimenti Christi, & continuo sanata esse. Secundò, quod super has fimbrias, circumcirca debuerint inducere & extendere filium, vel tæniam, seu vittam hyacinthinam, vt hoc signo à gentilibus destingerentur. Tertio, quod gestando & videndo huiusmodi fimbrias, debuerint esse memores mandatorum Dei. Refert Hieronymus in cap. 23. Matth. Iudæos solitos esse acutissimas spinas inferere suis fimbriis, vt ambulantes, per earum puncturam, diuinæ legis recordarentur. Utinam Christiani sint tam solliciti circa memoriam mandatorum Dei.

Opusc. Becc.

CAPVT XIII.

De Regibus veteris Testamenti.

HActenus adum est de iis, quæ spectant ad Syngogam & Regimen Ecclesiasticum veteris Testamenti. Nunc agendum de iis, quæ concernunt Regimen & politiam temporalem. Ac primo de Iudicibus ac Regibus, qui in regimine temporali præfuerunt. De quibus hæc breuiter discutienda sunt.

1. Quæ fuerit differentia inter Reges & Iudices? 2. Qui, & quot fuerint Iudices? 3. Qui, & quot fuerint Reges? 4. Qui fuerint boni, & qui mali Reges? 5. Quomodo creati fuerint Reges? 6. Quomodo inaugurati? 7. Quomodo vincti? 8. Quod fuerit officium Regum? 9. Quod ius in subditos? 10. An potuerint habere plures uxores? 11. An magnas diuitias? 12. An copiosum equitatum? 13. Quales fuerint ipsorum conciliarij? 14. Quid ex his omnibus discere debeant Reges & Principes Christiani.

QUESTIO V.

Quæ fuerit differentia inter Reges & Iudices?

C 1. **R**еспублика Hebræorum ab exordio sui, vsque ad captiuitatem Babylonicam, variis modis fuit gubernata: 1. per Moysen in deserto. 2. per Iosue in ingressu & diuisione terræ promissionis. 3. per Iudices post diuisionem terræ, vsque ad Samuelem. 4. per Reges, vsque ad captiuitatem Babylonicam. Nunc quæstio est, quæ fuerit differentia inter Iudices & Reges. Respondeo. Fuit triplex potissimum differentia.

1. Primò, Iudices erant Principes populi, qui extraordinariè, & in necessitate à Deo suscitabantur, eo fine, vt populum à seruitute, & de manu hostium liberarent. Vnde & Saluatores dicti sunt, Iudic. 2. 16. *Suscitauit Dominus Iudices, qui liberarent eos de vastantium manibus.* Et cap. 3. 9. *Clamauerunt ad Dominum, qui suscitauit eis Saluatorem, & liberauit eos.* Et 2. Esdræ 9. 27. *Dedisti eis Saluatores, qui saluarent eos de manu hostium suorum.* Tamen enim Deus fuerit primarius populi Saluator. 1. Reg. 14. versu 39. tamen Iudices erant secundarij & subordinati, vt notat Augustinus quæst. decima octaua super Iudices. Ac verò Reges, vt plurimum, non excitabantur à Deo extraordinariè: sed multi, vel iure successionis, vel electione, vel per vim & tyrannidem, regnum occupabant, vt quæst. 5. videmus. Nec eo duntaxat fine, vt liberarent populum à seruitute hostium; sed vt illum, siue pacis, siue belli tempore, gubernarent.

2. Secundò, Iudices non succedebant sibi intucem immediatè, sed post interuallum temporis. Nam quando vnus Iudex, qui liberauerat populum ab vna seruitute, moriebatur; non succedebat alius, nisi populus, propter noua peccata, noua seruitute oppressus, peteret notum à Deo Saluatorem. Iudicium 3. versu 9. & cap. 4. v. 3. Vnde fiebat aliquando, vt per multos annos nullus omnino esset Iudex. Verbi gratia. Post mortem Othonielis, qui fuit primus Iudex inter eos, quorum fit mentio in libro Iudicum, transierunt 18. anni, antequam Aod, secundus Iudex, à Deo suscitaretur. Nam populus non nisi post tot annos afflictionis, petiuit à Deo liberari. Iudicium 3. v. 14. At mortuo vno Rege, mox alius succedebat. Nam Reges, vt dixi, non tantum belli & seruitutis, sed etiam pacis tempore, gubernabant.

populum. Certè Salomon. 40. annis in summa pace gubernauit. Vnde & Rex pacificus appellatus est. 1. Paral. 22. 9.

4. Tertiò, tempore Iudicum, non tam ipsi Iudices, quam Deus, qui eos suscitabat, dicebatur regere populum. At tempore Regum, Reges ipsi ceniebantur gubernare. Nam cum populus, tempore Samuelis, qui tunc erat Iudex non amplius vellet habere Iudices, sed Reges dixit Dominus Samueli: *Non te abiecerunt, sed me, ne regnum super eos.* (1. Reg. 8. 7.) Et Samuel populo: *Vos hodie proiecistis Deum vestrum, qui solus saluabit vos de vniuersis malis & tribulationibus vestris*, ibid. cap. 10. 19. Et iterum; *Dixistis mihi: Nequaquam, sed Rex imperabit nobis; cum Dominus Deus vester regnaret in vobis.* (cap. 12. 12.) Ex quibus testimoniis constat, Deum regnasse tempore Iudicum: Reges, tempore Regum. B Et Iudicos ideo fuisse reprehensos, quod non amplius vellent à Deo, per Iudices; sed à Regibus, more gentiliū gubernari. Quo etiam spectat illud Iudic. 7. 18. *Quando personueris tuba in manu mea* (inquit Gedeon Iudex) *vos quoque per circuitum clangite, & conclamate: Domino & Gedeoni.* Et ibidem v. v. 20. *Clamaueruntque: Gladius Domini & Gedeonis.* Vbi Deo tribuitur primum officium: Iudici secundarium.

QVÆSTIO II.

Qui, & quot fuerint Iudices Hebræorum?

1. **I**N libro Iudicum numerantur hi 1. Othoniel, ex tribu Iuda. 2. Aod, ex tribu Benjamin. 3. Samgar, filius Anath. 4. Debbora prophetissa, vxor Lapidoth. 5. Barac, filius Abinoëm. 6. Gedeon, ex tribu Manasse. 7. Abimelech, filius Gedeonis. 8. Thola ex tribu Issachar. 9. Iair Galaadites. 10. Iephthe. 11. Abesan Bethleemites. 12. Ahialon Zabulonites. 13. Abdon Pharathonites. 14. Samson, filius Manue, de tribu Dan. Hos secuti sunt Heli & Samuel, de quibus lib. 1. Regum.

2. Othoniel liberauit Israëlitas de manu Cusan Regis Syriæ. Aod de manu Eglon Regis Moabitarum. Samgar de manu Philistinorum. Debbora & Barac (qui simul iudicarunt) de manu Iabin Regis Chanaan. Gedeon de manu Madianitarum & Amalecitarum. Iephthe defendit illos contra Ammonitas. Samson contra Philistæos. Abimelech non tam fuit Iudex, quam Tyrannus, quia vi principatum inuasit, interfecit septuaginta fratribus suis, excepto Ioatham, qui solus euasit. Thola, Iair, Abesan, Achialon, Abdon, fuerunt quidem Iudices; sed à quibus hostibus defenderint Israël, non constat ex libro Iudicum.

3. De plerisque narratur aliud speciale. De Aod. *Vtrabutraque manu pro dextra.* 3. v. 15. De Samgar: *Percussit de Philistiim sexcentos viros vomere.* cap. 5. v. 31. De Iair: *Habuit triginta filios, sedentes super triginta pullos asinarum, & principes triginta ciuitatum.* cap. 10. 3. De Abesan. *Habuit triginta filios, & totidem filias in matrimonio.* cap. 12. vers. 8. De Abdon: *Habuit quadraginta filios, & triginta ex eis nepotes.* cap. 14. 13.

4. Plura de Gedeone, Iephthe, & Samfone. Et quidem de Gedeone hæc potissimum. 1. Ab Angelo vocatus est, vt liberaret populum de manu Medianitarum. 2. Petiuit duo miracula pro confirmatione suæ vocationis. Vnum vt posito vellere in sicca area ros matutina madefaceret vellus, & non aream. Alterum, vt madefaceret aream, & non vellus. Vtrumque factum. 3. Ante pugnam obtulit Deo sacrificium, igne de petra miraculosè erumpente, & sacrificium consumente. 4. Destruxit aram Baal, & ædificauit altare Domino. 5. Ex omni populo assumpsit trecentos tantum viros pro bello contra Madianitas. 6. Ex alterius somnio, & som-

A nij interpretatione, intellexit, se fore victorem. 7. Mort ipse, & trecenti viri cum eo cœperunt buccinis clangere, & confringere lagenas in circuitu castrorum hostiliū. clamantes: *Gladius Domini, & Gedeonis.* 8. Hostes territi, subito fugerunt, & plerique propriis gladiis perierunt. 9. Reliqui à Gedeone fugati & interfecti sunt. cap. 6. & duobus sequentibus.

5. De Iephthe hæc 1. Fuit filius meretricis. 2. Eiectus est à fratribus tamquam spurius, & habitauit in terra Tob. 3. Inde reuocatus à Galaaditis, vt pro ipsis pugnaret contra Ammonitas. 4. Consensit ea lege, si deuictis Ammonitis, facerent illum populi Principem. 5. Iturus ergo contra Ammonitas, fecit votum Deo. (De quo voto supra, cap. 15. §. 29. & sequentibus.) 6. Feliciter pugnavit. Iudicum cap. 11. per totum.

6. De Samfone hæc 1. Natus fuit ex sterili matre, sicut Angelus futurum prædixerat. 2. Vinum & liceram non bibit. Erat enim Nazaræus. 3. Suis manibus leonem dilacerauit. 4. In Ascalone percussit trecentos viros. 5. Cepit trecentas vulpes, & ligatis ad caudas earum facibus, combussit segetes Philistinorum. 6. Dirupit vincula, quibus erat ligatus. 7. Accipiens mandibulam asini, interfecit in ea mille viros. 8. Sitiens bibit aquam, miraculosè egredientem ex dente maxillæ. 9. Apprehendit ambas portæ fores cum postibus suis, & sera, & impositas humeris suis, portauit ad verticem montis. 10. Significauit Dalila meretrici, in quo haberet vires suas. 11. Ablatis viribus, effossis oculis, catenis victus est à Philistæis, & in carcerem positus. 12. Inde in locum conuiuii ductus, vt ludibrio afficeretur. 13. Tunc, inuocato Domino, recepit vires: Et apprehendit columnas domus conuiuij, & sic tota domus corruit ex cuius lapsu, & ipse & tria millia Philistinorum perierunt. Iudic. 13. 14. 15. & 16.

7. Quidam ex supradictis Iudicibus commendantur in Scriptura, tanquam sancti, vt nominatim Barac, Gedeon, Iephthe, Samson. Hebr. vndecimo v. 32. Ex quo sequitur, falsum esse, quod aliqui Calvinistæ asserunt, spurios seu illegitimè natos saluari non posse. Nam Iephthe fuit spurius: & tamen, teste Apostolo, saluatus est. Aliqui etiam miraculosè, vel nati sunt, vt Samson ex sterili matre: vel vocati, vt Gedeon: vel victoriam consecuti, vt plerique omnes.

D QVÆSTIO III.

Qui, & quot fuerint Reges Hebræorum?

1. **A**Nte diuisionem regni fuerunt hi tres. 1. Saul. 2. David. 3. Salomon. Post Salomonem secuta est diuilio regni: & ex vno, duo facta sunt. Alterum Iuda, quod continebat duas tribus, Iuda & Benjamin. Alterum Israël, quod reliquas tribus complectebatur. Et quidem Reges Iuda habitabant in Ierusalem: Reges Israël primo in Sichem, deinde in Thersa, postremo in Samaria. Reges Iuda fuerunt hi.

E 1. Roboam, filius Salomonis.
2. Abia, filius Roboam.
3. Asa, filius Abia.
4. Iosaphat, filius Asæ.
5. Ioram, filius Iosaphat.
6. Ochozias, filius Ioram.
7. Athalia, mater Ochoziæ, vxor Ioram.
8. Ioas, filius Ochoziæ.
9. Amasias, filius Ioræ.
10. Azarias, seu Ozias, filius Amasie.
11. Ioathan, filius Azariæ.
12. Achaz, filius Ioathan.
13. Ezechias, filius Achaz.
14. Manasses, filius Ezechie.

15. Amon, filius Manassæ.
16. Iosias, filius Amon.
17. Ioachas, filius Iosias.
18. Ioachim, seu Eliacim, filius Iosias.
19. Ioachin, seu Ieconias, filius Ioachim.
20. Sedechias, seu Mathanias, patruus Ioachin.

Reges Israel fuerunt hi.

1. Ieroboam, filius Nabat, Ephratæus.
2. Nadab, filius Ieroboam.
3. Baasa, filius Ahiz, de domo Issachar.
4. Ela, filius Baasæ.
5. Zambri, filius Elæ.
6. Amri.
7. Achab filius Amri.
8. Ochozias, filius Achab.
9. Ioram, frater Ochozias.
10. Iehu, filius Iosaphat, filij Namsi.
11. Ioachas, filius Iehu.
12. Ioas, filius Ioachas.
13. Ieroboam, filius Ior.
14. Zacharias, filius Ieroboam.
15. Sellum, filius Iabes.
16. Manahem, filius Gadi.
17. Phaceia, filius Manahem.
18. Phacee, filius Rometiz.
19. Osee, filius Elæ.

2. Hic triplex differentia notanda est inter Reges Iuda & Israel. Prima, quod omnes Reges Iuda fuerint ex eadem tribu, nempe ex tribu Iuda: Et omnes ex familia Dauid. (Excipio Athalias, quæ habuit quidem maritum ex familia Dauid, nempe Ioram Regem; sed ipsa fuit filia Achab; filij Amri) At Reges Israël fuerunt ex diuersis tribubus & familiis. Altera, quod Reges Iuda, si omnes, saltem multi, manserunt in cultu veri Dei. At Reges Israël, nullo excepto fuerunt omnes Idololatæ. Etiam Iehu. 4. Regum 10. versu 29. Tertia, quod Reges Iuda; ut plurimum, iure successionis peruenerint ad regnum. At Reges Israël variis titulis ac modis, ut questione quinta explicandum est.

QVÆSTIO. IV.

Qui fuerint boni, & qui mali Hebræorum Reges.

1. Ratio dubitandi sumitur ex Scriptura, quæ vno loco asserit, tres tantum fuisse bonos, ut Ecclesiast. 49. 5. *Præter Dauid, & Ezechiam, & Josiam, omnes peccatum commiserunt.* At alibi significat, etiam alios fuisse bonos, ut Asa, Iosaphat, Ioam, Amaziam, Azariam & Ioathan. Nam in gestis singulorum ponit hanc laudem: *Fecit rectum in conspectu Domini*, ut patet 3. Regum 15. 11. & cap. 22. 43. Et quarto Regum 12. 2. & cap. 14. 3. & cap. 15. 3.

2. Hæc difficultas hic soluitur. Hi sex posteriores fuerunt quidem boni, sed non zelosi in religione, & cultu Dei. Et ideo laudantur quidem, quod fecerint rectum in conspectu Domini, sed simul reprehenduntur, quod excelsa non abstulerint, neque impedierint cultum idololatriæ. Nam sicut de singulis dicitur: *Fecit rectum in conspectu Domini*; ita mox additur; *Verum tamen excelsa non abstulit: adhuc enim populus sacrificabat, & adolebat incensum in excelsis.* 3. Reg. 32. 43. & alibi.

3. At Dauid, Ezechias, & Iosias non tantum fuerunt boni, sed etiam zelosi in religione. Nam de Ezechia & Iosia disertè legimus, quod abstulerint excelsa, ad impediendam idololatriam. 4. Reg. 18. 3. & cap.

Opusc. Bec.

A 13. 8. De Dauidè verò, quod in excelsis non immolauerit. 3. Regum 3. 3. Quod cum magna solemnitate deduxerit Arcam Domini in Ierusalem. 2. Reg. 6. 12. Quod desiderauerit Deo Templum ædificare. ibidem cap. 7. 2. Quod in rebus maioris momenti nihil voluerit aggredi, nisi consulto prius Deo. 1. Regum. 22. 15. & cap. 33. 2. & sequentibus. Quod ad placandum Deum erexit altare in arca Ornan, & obtulerit holocausta & pacifica. 1. Paralip. 21. 26.

4. Illud ergo, præter Dauid, & Ezechiam, & Josiam, omnes peccatum commiserunt, sic debet intelligi: Omnes Reges Iuda, præter illos tres, in eo peccarunt, quod ex quodam neglectu religionis, non abstulerint excelsa, nec impedierint idololatriam in suis subditis. Qui sensus colligitur ex ipso contextu. Nam initio capituli laudatur Iosias à zelo religionis, quod abstulerit abominabiles pietatis, id est, excelsa, lucos, sculptilia, statuas, ut explicatur 4. Regum 23. 4. & 2. Paralip. 34. 4. Item, quod gentem suam, id est, Iudæos, qui sub Amon & Manasse erant impij & idololatæ, perduxit ad penitentiam & pietatem, quod etiam prolixè recensetur 2. Paralip. 35. per totum. Mox additur nullum alium Regem fuisse parem Iosias in hoc genere, nisi Dauidem & Ezechiam: Cæteros omnes peccasse, permittendo idololatriam, & relinquendo legem Altissimi. 4. Regum. 22. 13. Et hoc modo dedisse occasionem, ut regnum Iuda, in pernam delicti, occuparetur ab alienigenis, est, à Chaldæis; & vasa templi cum populo transferrentur in Babylonem.

5. Dices, Non videtur ille esse sensus istius loci. Nam etiam Asa & Iosaphat abstulerunt excelsa, ut expressè habetur 2. Paralipom. 14. 2. & cap. 17. 6. Factum ergo est, omnes præter Dauidem, Ezechiam, & Josiam, in eo peccasse, quod ex neglectu religionis, excelsa non abstulerint. Respondeo. Asa abstulit quædam excelsa, sed non omnia. Prius patet ex illo 2. Paralipom. 14. 2. *Subuertis altaria peregrini cultus, & excelsa.* Posterius ex illo 3. Regum 15. 12. *Purgauit omnes sordes idolorum quæ fecerunt Patres eius.* Postea sequitur: *Excelsa autem non abstulit.* Iosaphat verò, cum primùm cepit regnare, non ausus fuit auferre excelsa, in quo fuit culpabilis, iuxta illud 3. Regum 22. 44. *Verum tamen excelsa non abstulit: adhuc enim populus sacrificabat, & adolebat incensum in excelsis.* Postea tamen factus audacior, abstulit. 2. Paralipom. 17. 6. *Cumque sumpsisset cor eius audaciam propter vias Domini, etiam excelsa & lucos de Iuda abstulit.* Vterque ergo, tam Asa quam Iosaphat, in hac re peccauit: ille quidem, quod non abstulerit omnia excelsa: hic verò, quod tardè abstulerit.

6. Nota. Per excelsa: intelliguntur fana, vel sacella, vel altaria in altioribus locis, ut in montibus & collibus, ad colendum Deum ædificata. Erant autem duplicia. Quædam facta ad cultum fallorum Deorum, & seuerè prohibita. Num. 22. 42. *Duxit eum ad excelsa Baal.* Et Numer. 33. 51. *Quando transferitis Iordanem, intrantes terram Chanaan, disperdite cunctos habitatores terræ illius, confringite titulos, & statuas comminuite, atque omnia excelsa vastate.* Et Deuter. 12. 2. *Subuerite omnia loca, in quibus coluerunt gentes Deos suos super montes excelsos & colles: dissipate aras earum, & confringite statuas.* Et 3. Regum 11. 7. *Tunc ædificauit Salomon fanum Chamos, idolo Moab, in monte, qui est contra Hierusalem.* Et cap. 12. 31. *Ieroboam fecit fana in excelsis.* Et 4. Reg. 17. 6. *Ædificauerunt sibi excelsa in cunctis urbibus suis.* Et ibidem versu 29. *Vnaquaque gens fabricata est Deum suum: posueruntque ros in fanis excelsis.* Alia ad cultum veri Dei facta, antequam templum esset ædificatum. De quibus 3. Regum 3. 2. *Populus immolabat in excelsis: non enim ædificatum erat templum nomini Domini.*

G iij

bonum, Regem Israël. 2. Paralipomenon 14. 4. Idemque insignem victoriam obtinuit. At postea, ambulavit in omnibus peccatis Patris sui, quæ fecerat ante eum nec erat cor eius perfectum cum Domino Deo suo 3. Regum 15. 3.

17. Asa filius eius fuit bonus. Ac 1. abstulit effeminatos de terra. 2. Purgavit omnes sordes idolorum, quæ fecerant Roboam & Abia. 3. Maacham, matrem suam amovit, ne esset Princeps in sacris Priapis & in loco eius, quem consecraverat. 4. Subvertit idolum eius, & confregit simulachrum turpissimum, & combussit in torrente Cedron. (3. Regum 15. 11.) Hæc tamen in illo reprehenduntur. Primo, quod excelsa non abstulerit. Aliqua quidem abstulit. (2. Paralip. 14. 2.) non tamen omnia. (3. Regum 15. 14.) Secundò, quod pugnaturus contra Baasan Regem Israël, habuerit fiduciam in Rege Syriæ, & non potius in Domino Deo, sicut fecerat in bello contra Æthiopes. Quod obiecit illi Hanani Propheta. (2. Paralipom. 16. 7.) Tertio, quod eundem Prophetam, propter hanc increpationem, coniecerit in vincula. (ibidem versu decimo.) Quarto, quod circa finem vitæ, cum laboraret podagra, non quæsierit Dominum, sed magis in medicorum arte confusus sit. (ibidem versu duodecimo.)

18. Iosaphat fuit bonus, & multa præclare gessit. Primò, milit Leuitas & Sacerdotes per omnes ciuitates Iuda, vt docerent populum legem Dei. (2. Paralipom. 17. 8.) Secundò, abstulit reliquias effeminatorum quæ remanserant in diebus Asa patris eius. (3. Regum 22. 47.) Tertio, cum antea non ausus fuisset auferre lucos & excelsa. (3. Regum 22. 44.) tandem factus audacior, abstulit. (2. Paralipomenon 17. 6.) Quarto, progressu temporis instituit nouam populi reformationem. (ibidem capite decimo nono, versu 4.) Quintò, cum Moabitis & Ammonitis contra illum insurgerent, ipse publico ieiunio indicto, supplex ad Deum confugit, & insignem victoriam obtinuit. (ibidem cap. 20. 1.) In duobus tamen reprehensus est. Primò quod Achab Regi Israël præbuerit auxilium contra Regem Syriæ, in oppugnanda Ramoth Galaad. Hoc obiecit illi Propheta 2. Paralipomenon 19. 2. *Impio præbes auxilium, & his, qui oderunt Dominum, amicitia iunges. Et idcirco iram quidem Dei mereris, sed bona opera inueniuntur in te, eo quod abstuleris lucos de terra Iuda.* Secundò, quod amicitiam contraxerit cum Ochozia, filio Achab. Quod etiam illi obiectum est à Propheta 2. Paralipomenon 20. 35. *Post hæc iniit amicitias Iosaphat Rex Iuda cum Ochozia Rege Israël, cuius opera fuerunt impiissima. Et particeps fuit, ut facerent naues, quæ irent in Tharsis: feceruntque classem in Asiongaber. Prophetauit autem Eliezer ad Iosaphat, dicens: Quia habuisti fœdus cum Ochozia: percussu Domini opera tua, contritaque sunt naues, nec potuerunt ire in Tharsis.*

19. Ioram fuit malus. Acta eius sunt hæc. 1. Accipit vxorem idololatricam, nempe Athalia, filiam Achab Regis Israël. 2. Occidit omnes fratres suos gladio, & quosdam de Principibus Israël. 3. Derelicto Deo, fabricauit excelsa in vrbibus Iuda, & præuaricari fecit habitatores Ierusalem. 4. Ideo ab Elia Propheta per litteras reprehensus est. (Quod contigit multis annis post raptum Elia.) Et grauitè à Deo punitus. Pœnæ fuerunt hæc. Primo, Defecerunt ab eo Idumæi, & rebellauerunt. Secundò, Defecit etiam vrbs Lobna, quæ erat in tribu Iuda. Tertio, Philistæi & Arabes vastauerunt terram Iuda: Et diripuerunt omnem substantiam Regis Ioram: insuper occiderunt eius vxores & filios, excepto vnico Ioachaz, qui & Ochozias dictus est. Quarto, Deus percussit illum & insanabili languore alui, quo toto biennio affligebatur. Et tandem longa tæbe consumptus, egressit

viscera, & mortuus est. Quintò, Populus non fecit illi exequias, nec sepeliuit in sepulchro Regum. Hæc omnia habentur, partim 4. Reg. 8. 17. partim 2. Paralip. 21.

20. Ochozias fuit etiam malus. Nam primò, Seductus est à matre sua Athalia. Secundò, Vtebatur Consiliarius ex domo impiissimi Achab, qui erat pater Athaliz. Tertio, Cum Ioram filio Achab, Rege Israël iuit ad bellum contra Hazaël Regem Syriæ, in Ramoth. Galaad. Quarto, Eundem Ioram in bello vulneratum, & reuersum in Iezrahel, inuisit. Quintò, Ibi superueniens Iehu vtrumque occidit: ac simul deleuit totam domum Achab, vt ipsi erat mandatum à Deo per Prophetam. 4. Regum 8. 25. & cap. 9. 7. & 2. Paralip. 22. 2.

21. Athalia, mater Ochozæ, fuit impiissima. Mortuo filio, occupauit regnum: Et vt sola posset regnare, interfecit omnes masculos stirpis Regiæ, præter Ioas filium Ochozæ, qui à sorore sua Iosaba, vxore Ioiadæ Pontificis, occultè subtractus & abconditus est. Deinde, anno septimo, Ioas autoritate eiusdem Pontificis, publicè promulgatus est Rex, & Athalia interfecta. 4. Regum 11. & 2. Paralip. 22.

22. Ioas, primò bonus, postea pessimus. Optimè se gessit, quandiu vixit Ioiada Pontifex, ex cuius directione & consilio hæc fecit. Primò, Curauit ipse templum, quod sub Athalia, Ochozia, & Ioram, fuerat neglectum, & ferè collapsum. Secundò, Liberauit Ierusalem à periculo obsidionis. Misit enim Hazaël Regi Syriæ magnam pecuniæ summam, partim ex thesauro Templi, partim ex Palatio Regio, vt non obsideret Ierusalem, cum ad eam obsidendam appropinquaret. At mortuo Pontifice, delinquitur est obsequiis Principum Iuda, & hæc patrauit. Primò, Concessit exercitum idololatriæ. Secundò, Interfecit Zachariam, filium Ioiadæ Pontificis, qui ipsum & Principes Iuda totumque populum increpabat, propter idololatriam. Sed non impune. Nam sequenti anno post mortem Zachariæ, tam Rex ipse, quam alij omnes ab exercitu Syrorum puniti sunt. Et tandem Rex à seruis suis interfectus (4. 12. & 2. Paralipom. 24.)

23. Amasias imitatus est patrem suum. Nam initio fuit bonus; deinde malus. Gesta eius describuntur 4. Regum 14. & 2. Paralipom. 25. Sunt autem hæc. 1. Confirmato regno, iussit iugulari eos, qui interfecerant patrem suum Ioas. Non tamen filios eorum, propter legem, quæ prohibet filios occidi pro patribus. Tunc enim adhuc erat obseruans legis Moisaicæ. 2. Collegit duplicem exercitum contra Idumæos, qui iam pridem rebellauerant: Vnum ex populo Iuda; alterum ex populo Israël. 3. Monitus à Propheta, vt dimitteret exercitum Israël, vt pote impium, & à Deo alienum: obtemperauit, & victoriam obtinuit contra Idumæos. Ex quibus interfecit decem millia: & totidem ex altissima petra præcipitauit. Hactenus bene. Deinceps male. 1. Rediens ex victoria, asportauit secum Deos Idumæorum, quos cepit in Ierusalem adorare, & incensum illis adolere. Ob quâ causam, missus ad eum Propheta, dixit illi, *Cur adorasti Deos, qui non liberauerunt populum suum de manu tua?* Cui respondit Amasias: *Num consiliarius Regis es? Quiesce, ne interficiam te.* Tunc abiens Propheta inquit: *Scio quod cogitauerit Deus occidere te, quia fecisti hoc malum, & insuper non acquiescisti consilio meo.* 2. Post hæc traditus est in reprobum sensum, & insolentior factus propter suæ victoriæ, initio pessimo concilio prouocauit Regem Israël ad bellum, putans quod & illum posset sibi subingere. Rex Israël, miratus temeritatem hominis, proposuit illi parabolam de Carduo & Credo Libani: Volens significare, quod sicut Carduus nulli

lo modo potest comparari cum Credo; ita Rex Iuda nullo modo possit comparari cum Rege Israel. Non acquieuit Amalias. Itaque Rex Israel venit cum exercitu in Bethsames, quod est oppidum Iuda, & ibi fugavit exercitum Amaliaz. Iptum Amasiam cepit captivum, & duxit in Ierusalem: ibique diripuit omnem thesaurum Templi, & Palatii Regis; ac tandem relicto ibidem Amasia cum obsidibus reuersus est in Samariam. 3. Interea moritur Rex Israel. 4. Contra Amasiam verò conspirant Ciues in Ierusalem, eo quo propter ipsius defectionem à cultu Dei, & introductionem idololatriam, multas calamitates paterentur. 5. Ipse, cognita eorum conspiratione, fugit in Lachis; sed frustra. Nam ibi à conspiratis interfectus est.

24. Ozias, seu Asarias, filius Amasiaz, cum esset 16. annorum, à toto populo electus est Rex. Fuit quidem bonus, sed propter usurpatum officium Sacerdotale, quod ipsi non congruebat, à Deo punitus est lepra. Acta eius describuntur. 4. Regum 15. & 2. Paralip. 26. Sunt autem triplicia. Nam quædam contigerunt tempore belli: alia tempore pacis: alia circa finem vitæ. Tempore belli fecit hæc, ex consilio & directione Zachariæ Videns. 1. Muniuit Ierusalem multis turribus. 2. In turribus collocauit machinas diuersi generis, quæ sagittas & saxa iaciebant. 3. Instituit exercitum trecentorum & septem milium, & quingentorum. 4. Comparauit illis omnia armorum genera, clypeos, hastas, glaeas, loricas, arcus fundas, & his similia. 5. Edificauit Ailath, siue Elath, siue Adam, in finibus Idamæorum, & restituit eam Iudz. 6. Sæpè feliciter pugnavit contra Philistæos. 7. Detruxit murum vrbis Geth, & Iabimæ & Azoti. 8. Edificauit oppidum in ditione Azoti Philistin. 9. Vicit etiam Arabes & Ammonitas, qui postea coacti sunt illi dare tributum. Et propter tam celebres victorias, divulgatum est nomen eius vsque ad introitum Ægypti. Tempore pacis, deditus erat agriculturæ. Habebat plurimos vineas in Carmelo, & alibi. Fodiebat cisternas ad colligendam aquam pro peccoribus, quorum numerosissimos alebat greges. Tandem circa annum regni 43. propter multa præclare gesta superbia elatus, Sacerdotale officium ausus est usurpare. Nam ingressus in templum Domini, voluit adolere; incensum super altare thymianatis, obstitente Pontifice. Mox lepra in frontem percussus, & à Sacerdotibus è templo eiectus est. Et sic mansit leprosus vsque ad finem vitæ suæ, habitans in domo separata extra Ierusalem. Interea Ioathan, filius eius, administrabat regnum.

25. Ioathan, filius Ozis, fuit bonus. De quo scriptum est 2. Paralipomenon 27. 1. *Fecit quod rectum erat coram Domino; iuxta omnia, quæ fecerat Ozias pater suus; excepto, quod non est ingressus templum Domini, ad usurpandum officium sacerdotale.* In quo præcelluit patri. Vnum in eo reprehenditur 4. Regum. 15. 35. *Verumtamen excelsa non abstulit.* De cætero in omnibus bene se gessit, iuxta illud 2. Paralipomenon 27. 6. *Corroboratusque est Ioathan, eo quod direxisset vias suas coram Domino Deo suo.*

26. Achaz, filius Ioathan, fuit impius. De quo 4. Regum 1. & 2. Paralipomenon 28. habemus hæc. Primò, derelicto Domino Deo patrum suorum, secutus est idololatriam Regum Israël. Fecit statuas, & coluit eas in excelsis, in collibus, & sub omni ligno frondoso, immolando victimas, & incensum adolendo. 3. Lustrauit filios suos in igne, & consecrauit eos idolis. Propter has causas, tam ipse, quam subditi eius grauissimè puniti sunt, & sæpius bello oppressi. Primò, a Rasin Rege Syriæ. 2. A Phacee Rege Israël. (2. Paralipomenon 28. 5. & sequentibus.) 3. Ab utroque coniunctum (4. Regum 16. 5. & Isaia 7. 5.) 4. Ab

Idumæis. 5. A Philistæis. 6. A Rege Assyriorum. Hæc omnia contigerunt propter peccata Regis Achaz. (2. Paralipomenon vigesimo octauo; verù decimo septimo, & sequentibus.)

27. Ezechias, filius Achaz, fuit optimus, iuxta illud 4. Regum 18. 5. *Post eum non fuit similis ei de cunctis Regibus Iuda: sed neque in his, qui ante eum fuerunt.* Et ibidem: *Vnde & erat Dominus cum eo, & in cunctis, ad quæ procedebat, sapienter se agebat.* Gesta eius describuntur, partim loco citato, partim 2. Paralipomenon 29. & tribus sequentibus. Præcipua sunt hæc. Primò, sustulit idololatriam, & verum Dei cultum restituit, hoc ordine. 1. Contriuit statuas & idola, quæ Achaz pater eius fabricauerat. 2. Dissipauit excelsa, & succidit lucos. 3. Confregit serpentem æneum, quem fecerat Moyses: quia filij Israël adolebant ei incensum. 4. Curauit per Levitas & Sacerdotes repurgari templum, Tabernaculum, vasa sacra; quæ à parte ipsius fuerant contaminata. 5. ipsos quoque Levitas ac Sacerdotes monuit sui officij, vt offerrent sacrificia, & restituerent vsum organorum, psalteriorum, cithararum. 6. Curauit celebrari Phasc in Hierusalem, conuocatis eo non tantum subditis, qui erant in regno Iuda; sed etiam filiis Israel, qui remanserant ex aliis tribubus, & non erant cum reliquis ducti in captiuitatem à Rege Assyriorum.

28. His peractis, venit Senacherib Rex Assyriorum cum ingenti exercitu contra Ezechiam, & obsedit Hierusalem. Ezechias totam spem suam ponebat in Deo, eumque supplex orabat pro liberatione. Nec frustra. Nam quadam nocte Angelus Domini venit in castra Assyriorum, & percussit centum octoginta quinque millia hominum. Mox fugit Sennacherib, & rediit in Ninive, ibique à filiis suis interfectus est.

29. Post hæc ægrotauit Ezechias, & ob Isaia Prophetam monitus est, vt disponderet se ad mortem. Itorū orauit cum fletu; & responsum est illi à Domino per eandem Prophetam: *Audisti orationem tuam, & vidi lacrimas tuas; & ecce sanavi te: Die tertio ascendet templum Domini. Et addam diebus tuis quindecim annos.* Ezechias audita hac permissione, petiuit signo scumiraculo eam confirmari. Factum est. Erat autem hoc signum. Umbra rediit decem gradibus retrorsum in horologio, quibus descenderat.

30. Rex Babylonis, cum intellexisset de morbo Ezechiz, misit ad eum Legatos & munera, quibus ipse lætatus est. Et ostendit Legatis omnem suum thesaurum. Quo nomine reprehendit illum Isaia, ac prædixit fore, vt omnis thesaurus regius auferatur à Babylonis, quod postea, tempore captiuitatis Babylonice, factum est.

31. Manasses, filius Ezechiz, fuit pessimus, sicut Achaz avus eius. Duo generatim fecit mala. Primò, abrogauit cultum Dei, quem Ezechias, pater eius, instaurauerat. Secundò, reuocauit idololatriam, quam Achaz introduxerat. Speciatim hæc. 1. Edificauit excelsa. 2. Erexit aras Baal. 3. Fecit lucos, & adorauit omnem militiam cæli. 4. Extruxit aras idolorum in templo Domini. 5. Traduxit filium suum per ignem. 6. Ariolatus est, obseruauit auguria, fecit pythones, multiplicauit aruspices. 7. Fudit sanguinem innoxium. Propter hæc minatus est Deus per Prophetas: *Ecc ego inducam mala super Ierusalem & Iudam, vt quisque audierit, timeat ambo aures eius.* (Reum 21 12.) Postea venerunt Principes Assyriorum cum exercitu, & Manassen vinctum cathenis ac compedibus deduxerant in Babylonem. Ibi, præ angustia animi, cepit deare Deum, & agere poenitentiam. Deinde, reuersus in Hierusalem, sustulit idololatriam, & cultum Dei restaurauit. (2. Paralipomenon 33. 11.) Aliqui putant,

Isaiam Prophetam, iubente Manasse, serra lignea in duas partes dissectum esse, ut Epiphanius, Isidorus, Eusebius, Hieronymus, & alii apud Turnicellum in Annalibus, Anno mundi 3338. num. 4. Vide Baronium in Martyrologio, die 6. Iulij.

32. Amon, filius Manassis, fuit impius. Secutus est impietatem patris, sed non poenitentiam. In propria domo a suis subditis interfectus est. (4. Reg. 21. 19. & 2. Paralip. 33. 21.)

33. Iosias, filius Amon, fuit optimus. Cœpit regnare, cum esset octo annorum. Et multa præclare gessit, ut habetur, 4. Regum 22. & 2. Paralipomenon 34. & 35. Primò, abstulit ex Iuda & Hierusalem, itemque ex vniuersa terra Israël, omnia excelsa, lucos, aras Balam, sculptilia & simulacra. Secundò, iis ablatis, curauit per Helciam Sacerdotem instaurari Templum Domini. Tertiò, in instaurazione Templi inuentus est liber Legis seu Deuteronomii, quem Helcias misit Regi legendum. Quartò, Rex, lecto libro, scidit vestimenta sua, & exterritus est propter maledictiones, quæ in illo libro habebantur contra transgressores legis. Sciebat enim multos Reges ex suis antecessoribus, vñ cum populo, deseruisse legem Dei, & coluisse idola: ac proinde merito timebat, ne omnes istæ maledictiones venirent super Iudam & Hierusalem. 5. Itaque misit Helciam, & alios primarios, ut orarent Dominum ad auertendas huiusmodi maledictiones: Et simul consulerent, quid facto opus esset. 6. Quod cum Regi nunciatum esset, conuocauit vniuersum populum, & lecto publicè libro Deuteronomii, pepigit fœdus cum Deo, & adiurauit omnes, ut idem facerent: ac promitterent, se seruaturus præcepta Legis, quæ in illo libro continebantur. Quod etiam factum est. 7. His peractis celebrauit Phasem in Hierusalem, & curauit ut Sacerdotes & Leuitæ iuxta ordinem suum distributi, ministrarent in Templo, & officia sua peragerent. 8. Tandem, cum Nachao Rex Egypti veniret cum exercitu contra Regem Assyriorum, occurrit illi Iosias, ut ipsum impediret. In pugna, quæ fiebat in campo Mageddo, vulneratus & mortuus est. De quo sic legimus 2. Paralip. 35. 24. *Vniuersa Iuda & Hierusalem luxurum eum: Ieremias maximè.*

34. Ioachaz, filius Iosias, à populo terræ constitutus fuit Rex. Quod indignè ferens Nechao Rex Egypti, venit post tres menses in Hierusalem. Ac primò deposuit Ioachaz, & captiuum duxit in Egyptum. 2. Exegit à populo centum talenta argenti, & talentum auri, eo quod sine ipsius autoritate constituisset sibi Regem. 3. In locum depositi Regis subrogauit Eliacim, alterum filium Iosias, quem alio nomine vocauit Ioachim. Fuit autem Ioachaz impius, & in Egypto mortuus est. (4. Regum 23. 3. & 2. Paralipomenon 36. 1.)

35. Ioachim, seu Eliacim, fuit etiam impius. Sub illo, & sequentibus Regibus, completæ sunt maledictiones & captiuitates, quas Deus, propter peccata Manassis & aliorum Regum, minatus erat Iudæis. (4. Regum 24. 3.) Nam anno regni eius tertio, venit Nabuchodonosor Rex in Hierusalem, & ipsum Regem Ioachim, cum magna populi parte & vasis Templi, captiuum duxit in Babylonem. (2. Paralipomenon 36. 6. & Dan. 1. 1.) Postea tamen regno fuit restitutus, cum certum quotannis tributum promississet. Soluit hoc tributum tribus tantum annis, & tum coniunxit se Egyptiis, & Regi Nabuchodonosori rebellauit. (4. Reg. 24. 1.) Quod agrè ferens Nabuchodonosor, rediit in Hierusalem, anno vndecimo regni Ioachim, & cepit illum captiuum, & extra Hierusalem interfecit, ac in sepulchrum reliquit. Quod Deus prædixerat per Prophetam, Ieremiam 22. 18. *Hæc dicit Dominus ad Joachim, filium Iosia, Regem Iuda: Non plangens eum.* Et infra,

Sepulchrum asini sepelietur, puerumque & proletem eum portas Hierusalem.

36. Ioachim, filius Ioachim, (qui & Iechonias dictus est) fuit similiter malus, & tribus tantum mensibus regnauit. Tunc iterum venit Nabuchodonosor Rex in Hierusalem, & captiuos abduxit Regem, matrem eius uxores, seruos, Principes, & decem millia virorum fortium in Babylonem: Et asportauit omnia vasa Templi, & thesauros domus Domini, & thesauros domus Regis: Nihilque reliquit in Iuda & Hierusalem, nisi pauperes populi terræ. Pro Ioachim verb constituit alium Regem, Mathaniam, patrum eius; & vocauit illum Sedeciam. (quarto Regum vigesimo quarto, versu vndecimo.)

37. Sedecias, seu Mathanias, à Nabuchodonosore constitutus Rex, fuit malus: Hic confirmato regno, cœpit rebellare contra Nabuchodonosorem. Itaque Nabuchodonosor venit cum ingenti exercitu, & obsedit Hierusalem; ab anno nono regni Sedecias vsque ad vndecimum. Quo anno, cum fames prævaleret in ciuitate, nec haberent amplius panem, quem comederent; quadam nocte fugit Rex Sedecias, & omnes bellatores cum eo, per viam, quæ ducit ad campestria solitudinis. Tunc exercitus Nabuchodonosoris persecutus est illum; & comprehendit in planitie Iericho: Omnes bellatores, qui erant cum eo, dispersi sunt, & reliquerunt eum. Inde ductus est ad Nabuchodonosorem in Rablatha. Vbi hæc contigerunt. 1. Nabuchodonosor occidit omnes filios Sedecias coram eo. 2. Oculos eius effodit. 3. Vincitum catenis duxit in Babylonem. Postea misit Nabuzardan Principem exercitus sui in Hierusalem, qui hæc patrauit. 1. Templum Domini, domum Regiam & omnes domos Hierusalem combussit igni. 2. Muros Hierusalem in circuitu destruxit. 3. Omnia vasa & ornamenta Templi abstulit. 4. Quotquot residui erant in ciuitate, vel occidit, vel abduxit: relictis tantum vinitoribus & agricolis. 5. His præfecit Godollam. Et hæc fuit tertia captiuitas Babylonica, sub qua periit regnum Iuda. (4. Regum 25. & 2. Paralipomenon 36. 13.) Nota. Hæ tres captiuitates contigerunt propter peccata Iudæorum. Cum enim Deus per Prophetas nihil apud eos efficeret: voluit illos bellis, cadibus, & captiuitatibus castigare, ut vel sic tandem ad saniores mentes redirent.

38. Hæc sufficiant de Regibus Iuda. Sequuntur Reges Israël, qui omnes, post factam regni diuisionem, fuerunt impii & idololatræ. Anchor idololatriæ, ut paulo post dicam, fuit Ieroboam. Habuerunt primariam regni sedem, primò quidem in Sichem, tribus Ephraim: deinde in Therfa, tribus Manasse: postremo in Samaria, quæ erat in finibus tribus Ephraim, prope tribum Manasse: Durauit hoc regnum vsque ad annum sextum regni Ezechia Regis Iuda. Tunc enim filii Israël ab Assyriis in captiuitatem ducti sunt.

39. Igitur primus Rex Israël; post mortem Salomonis, fuit Ieroboam, filius Nabat, Ephratæ, & à Deo speciatim electus per Ahiam Silonitem Prophetam: cum hac promissione, ut si Deo adhereret, & mandata eius custodiret, in regno confirmaretur, non solum ipse, sed etiam posteris eius. (3. Regum 11. 29.) sed dupliciter peccauit. Primò, quia fuit ingratus pro beneficio. Nam statim accepto regno, recessit à Deo, & factus est idololatra. Secundò, fuit incredulus. Non enim credebatur regnum suum stabiliendum à Deo, sed per propriam prudentiam & industriam. Res sic contigit. Soliti etiam filii Israël ter singulis annis ire in Ierusalem, ut ibi orarent, & Deo offerrent sacrificia. Timebat ergo Ieroboam, ne si deinceps id facerent, redirent ad obedientiam Roboam Regis;

Iuda, filij Salomonis, qui habitabat in Ierusalem, & erat legitimus regni heres, à quo defecerant. Et sic ipse regni administratione excluderetur. Ne id fieret excogitato pessimo consilio, conflavit duos vitulos aureos, & dixit filiis Israël: *Nolite ultra ascendere in Ierusalem: Ecce Dyti, Israël, qui te eduxerunt de terra Aegypti*. Et unum posuit in Bethel, alterum in Daniel (3. Regum 12. 26.) Et sic effecit, ut filij Israël, relicto Deo, fierent idololatæ, & vitulos aureos adorarent. Unde sæpè de illo dicitur: *Qui peccare fecit Israël*. Et quia reliqui Reges Israël exemplum ipsius imitati sunt, solet de illis dici: *Ambulavit in via Ieroboam, & in peccatis eius, quibus peccare fecit Israël*.

40. Deinde extruxit altare in Bethel: constituit novos Sacerdotes ex infima plebe, qui non erant de filiis Levi: instituit solennitatem, mense octavo, die 15. mensis celebrandam, similem ei, quæ celebrabatur in Ierusalem: Et in ista solennitate ipse tanquam Pontifex obtulit solennes victimas, & incensum adolevit. (3. Regum 12. 31.) Propter hanc impietatem variis modis à Deo punitus est. 1. Altare scissum est, in quo ipse incensum adolebat. 2. Exaruit manus illius. 3. Abia, filius eius mortuus est. 4. Tota familia paulo post deleta. 5. Omnes, qui ex familia ipsius interfeciti sunt, manserunt insepulti, & a canibus & feris dilacerati sunt. 6. Regnum ad aliam familiam translatum. Quæ omnia fusè narrantur tertio Regum, decimo tertio & decimo quarto. De reliquis Regibus, qui Ieroboam successerunt, nihil necesse est dicere. Constabat fuisse impios.

QVÆSTIO V.

Quomodo creati fuerint Reges Hebræorum.

1. **D**icam 1. de Creatione. 1. de Inauguratione 3. de Vnctione. Igitur, quod ad creationem attinet, notandum est, Reges variis titulis creati, seu ius regni adispici posse. 1. Electione. 2. Successione. 3. Iure belli. 4. Vi & tyrannide. 5. Donatione. 6. Emptione aut permutatione. 7. Adoptione. 8. Superioris, aut potentioris auctoritate. Et si qui alij sunt.

1. Est ergo questio, Quotitulo Reges Hebræorum ad regnum pervenerint? Aliqui putant, electione seu suffragio populi creatos esse, & regnandi potestatem accepisse. Ita Carolus Sigonius, & Gulielmus Barclaius: apud Pinedam lib. 2. de rebus Salomonis cap. 2. Quod dupliciter probari potest. Primo, quia Deus promisit populo ius suffragij in eligendo Rege, iuxta illud Deuteronomij 17. 15. *Non poteris alterius gentis hominem Regem facere, qui non sit frater tuus*. Secundò, quia constat multos à populo electos esse. Sic electus est Saul 1. Regum 22. 13. *Nunc ergo preste est Rex vester, quem elegistis & petistis*. Sic David 2. Regum 5. 1. *Venerunt uniuersæ tribus Israël ad David in Hebron, & unxerunt in Regem super Israël*. Sic Solomon 1. Paralipomenon 29. 23. *Sedit Salomon super solium Domini in Regem pro David patre suo, & cunctis placuit*, id est, cuncti consenserunt & suffragati sunt. Sic Roboam 3. Regum 12. 1. *Venit autem Roboam in Sichem: illuc enim congregatus erat omnis Israël ad constituendum eum Regem*. Sic Ieroboam ibidem versu 20. *Factum est autem, cum audisset omnis Israël, quod reuersus esset Ieroboam, miserunt, & Vocauerunt eum congregate cuncti, & constituerunt eum Regem super omnem Israël*. Sic Ochozias 2. Paralipomenon 22. 1. *Constituerunt autem habitatores Ierusalem, Ochoziam filium eius minimum, Regem pro eo*. Sic Ochias 2. Paralipomenon 26. 2. *Omnis autem populus Iuda, filium eius Oziam amorum Rex decem constituit Regem pro Amasia patre suo*. Sic Iosias

A 2. Paralipomenon 23. 25. *Reliqua populi multitudo assisit, qui Amon percusserant; constituit Regem Josiam filium suum pro eo*. Sic Ioachaz secundo Paralipomenon trigesimo sexto, versu Primo. *Tulit ergo populus Ieremiam filium Iosia, & constituit Regem pro patre suo in Ierusalem*.

3. Respondet Aliud est loqui de iure, aliud de facto. Si loquamur de iure, non poterat alius constitui vel creari Rex à populo, nisi qui à Deo electus & designatus esset, iuxta illud Deut. 17. 15. *Factum constitues Regem, quem Dominus Deus tuus elegerit de numero fratrum tuorum*. Et quia hoc non semper seruatum est, ideo conqueritur Deus apud Oseam cap. 8. versu 4. *Ipsi regnauerunt, & non ex me*. Si autem loquamur de facto, seruandæ sunt sequentes Conclusiones.

B 4. Prima Conclusio. Aliqui per electionem diuinam creati sunt Reges Hebræorum: ut Saul, David, Ieroboam, Baasa, Iehu. Nam Saul à Samuele, iussu Dei, priuatum vnctus est in Regem, nec presente, nec sciente populo. 1. Regum 10. 1. *Tulit autem Samuel lenticulam olei, & effudit super caput eius, & ait: Ecce unxi te, Dominus super hereditatem suam in Principem*. Hoc enim mandauerat Deus Samueli 1. Reg. 9. 16. *Hæc ipsa hora, qua nunc est, cras mittam Virum ad te de terra Benjamin, & unges eum Ducem super populum meum Israël*. Postea per sortes, Deo item dirigente, publice electus est. 1. Regum 10. 20. *Applicuit Samuel omne viribus Israël, & cecidit sors super Benjamin*. Et applicuit tribum Benjamin & cognationes eius, & cecidit cognatio Machi, & peruenit usque ad Saul filium Cis. Huic electioni à Deo factæ, consensit populus, dicens: *Vivet Rex*: Non tamen omnis populus, sed pauci duntaxat, quorum Deus tangere corda, ut loquitur Scriptura ibidem versu 26.

5. Idem constat de Davide: Cum enim Saul à Deo Rex constitutus, ut dixi, non obediret Deo, abiecit illum Deus, & regnum eius transtulit in Davidem. 1. Regum. 13. 13. *Dixit Samuel ad Saul: Stulte egisti, nec custodisti mandata Domini Dei tui, quæ, præcepit tibi. Quod si non fecisses, iam nunc preparasset Dominus regnum tuum super Israël in sempiternum; sed nequaquam regnum tuum ultra consurget. Quæsiuit Dominus sibi virum iuxta cor suum: & præcepit ei Dominus, ut esset Dux super populum suum*. Et cap. 15. versu 28. *Et ait ad eum Samuel: Scidit Dominus regnum Israël à te hodie, & tradidit illud proximo tuo melioritate*. Et Actorum decimo tertio, versu vigesimo secundo. *Et amato illo (Saul) suscitavit illi David Regem*.

6. Similiter de Ieroboam, qui à Deo per Prophetam monitus est, quod facta regni Salomonis diuisione, ipse futurus esset Rex super decem tribus. 3. Regum 11. *Et ait Ahas ad Ieroboam: Tolle tibi decem scissuras Hæc enim dicit Dominus Deus Israël: Ecce ego cindam regnum Salomonis, & dabo tibi decem tribus*.

7. Et de Baasa, cui Dominus per Prophetam 3. Regum 16. 2. *Pro ego quod exaltavi te de pulvere, & posui te Ducem super populum meum Israël: tu autem ambulasti in via Ieroboam, & peccare fecisti populum meum Israël ut me irrites in peccatis eorum: Ecce ego dirimet posteriora Baasa, & posteriora domus eius: & faciam domum tuam, sicut domum Ieroboam filij Nabat. Qui mortuus fuerit de Baasa in ciuitate, comedent eum canes: Et qui mortuus fuerit ex eo in regione, comedent eum Volucres cali*.

8. Et de Iehu, quia à Propheta, iussu Dei in Regem Israël vnctus est. 3. Regum 19. 25. *Ait Dominus ad Heliam: Vade & reuertere in viam tuam per desertum in Damascum: dumque perueris illuc, unges Hazael Regem super Syriam, & Iehu filium Nabasi unges regem super Israël*. Et 4. Regum 9. 1. *Tolle lenticulam olei, & vade in Ramoth Galad: cumque veneris illuc, videbis Iehu, tenensque lenticulam olei, frondes super caput eius, & dices*

& dicit: Hæc dicit Dominus: Unxit te Rex super Israël. A De vñctione dicam plura quæst. 7.

9. Secunda Conclusio. Aliqui facti sunt Reges per successionem, vt Salomon, Roboam, & plerique alij Reges Iuda. Itemque ex Regibus Israël, Nadab, Elah, Achab, Ochosias, Ioram, Ioachaz, Ieroboam, Zacharias, Phaceia. Hi enim suis parentibus in regno successerunt, vt ex Scriptura patet. Sed notandum est, hanc successionem aliquando coniunctam fuisse, vel cum expressa Dei vel cum expressa hominum electione. Prius patet exemplo Salomonis, qui quidem successit Dauidi patri suo, in regno: sed ex peculiari Dei ordinatione, vt fatetur ipsemet Dauid 1. Paralip. 28. 5. *De filiis meis (filios enim multos dedit mihi Dominus) elegi Salomonem filium meum, vt sederes in throno regni Domini super Israël.* B Et similiter Salomon 2. Paralipomenon 1. 9. *Tu me fecisti Regem super populum tuum multum.* Et Sapient. 9. 7. *Tu elegisti me Regem populum.* Posterius constat exemplo Abie quem Roboam pater eius, præ aliis suis filiis designauit Regem, 2. Paralip. 11. 12. *Constituit verò in capite Abiam filium Maacha, Ducem super omnes fratres suos: ipsum enim Regem facere cogitabat, quia sapientior fuit, & potentior super omnes filios eius.*

10. Tertia Conclusio. Aliqui facti sunt Reges per vim & tyrannidem, vt Athalia in regno Iuda: Et Zambri, Sellum, Manahem, Phacee, Osee, in regno Israël. De Athalia sic legimus quarto Regum vñdecimo, versu primo. *Athalia vero mater Ochosia, videns mortuum filium suum, surrexit, & interfecit omne semen regium.* Et postea subditur: *Perro Athalia regnavit super terram.* De Zambri 3. Reg. 16. 9. *Rebellauit contra eum (Elam filium Baasa) seruus Zambri.* Et infra: *Irruens ergo Zambri percussit & occidit eum, & regnavit pro eo.* De Sellum 4. Regum 15. 10. *Coniurauit autem contra eum (Zachariam Regem) Sellum filius Iabei, percussitque eum palam & interfecit, regnavitque pro eo.* De Manahem ibidem ver. 14. *Et ascendit Manahem filius Gadi de Tberfa, venitque in Samariam, & percussit Sellum filium Iabei in Samaria, & interfecit eum, regnavitque pro eo.* De Phacee ibidem v. 25. *Coniurauit contra eum (Phacee iam filium Manahem) Phacee filius Romelia, & percussit eum in Samaria, in turri domus regia, & cum ea quinquaginta viros de filiis Galaaditarum, & interfecit eos, regnavitque pro eo.* Denique de Osee ibid. vers. 30. *Coniurauit autem, & tendit insidias Osee filius Ela contra Phacee filium Romelia, & percussit eum, & interfecit, regnavitque pro eo.* D

11. Quarta Conclusio. Aliqui facti sunt Reges Hebræorum à Regibus Gentilium; vt Ioachin à Pharaone Rege Egypti: Et Sedecias à Nabuchodonosore Rege Babylonis. Nam Pharaos deposuit Ioachaz Regem Iuda, & vinctum duxit in Egyptum, ac in eius locum substituit Eleiacim filium Iosiaz. 4. Reg. 23. vers. 34. Similiter Nabuchodonosor, capta Ierusalem, deposuit Ioachin Regem Iuda, & captiuum transtulit in Babylonem, subrogato in locum eius Sedecias. 4. Regum 24. vers. 15.

12. Argumenta, quæ initio allata sunt, nihil aliud probant, quam populum publicè ac solemniter approbasse quorundam Regum, vel electionem, vel successionem, quod non negamus. Sic enim fieri solet, etiam hoc tempore. Quando enim eligitur nouus Princeps aut Rex, vel quando filius succedit patri in regno, vel principatus solet populus applaudere & consentire.

QVÆSTIO VI.

Quomodo inaugurati fuerint Reges Hebræorum?

1. **B**oni authores tradunt varios ritus ac ceremonias, quæ adhiberi solent in publica Regum Opulc. Bec.

consecratione seu inaguratione. Sunt autem hæc potissimum. Prima, Futurus Rex in throno seu solio collocabatur. 3. Reg. 1. 24. Secunda, Vngebatur à summo Sacerdote, tertio Regum 1. 39. & 2. Paralipom. 27. 11. Tertia, Ponebatur diadema super caput eius 4. Reg. 11. 12. & 2. Paralip. 23. 11. Quarta, Dabatur illi in manus liber Deuteronomi in quo lex erat scripta. 2. Paralipom. 23. 11. Quinta, Iurabat in legis obseruationem. Psal. 128. 106. Sexta, clamabatur à populo: *Vivat Rex.* 1. Regum 10. 24. & 3. Regum 1. 39. & 4. Regum 11. 12. Septima, Fiebant sacrificia omnis generis. 1. Regum 11. 15. Octaua, Edebantur varia lætitiæ & approbationis signa. 2. Reg. 11. 15. & 3. Reg. 1. 40. Vide Abulensem 3. Reg. 1. quæst. 37. & Serarium 1. Reg. 10. in Commentario.

2. Notandum tamen est, aliquando plures, aliquando pauciores ritus fuisse adhibitos: nec semper eo ordine, quo iam enumerati sunt. Quod aliquot exemplis demonstrabo. Inauguratio Saulis describitur primo Regum 10. 24. *Clamabit omnis populus, & ait: Vivat Rex.* Et c. 11. v. 15. *Porraxis omnis populus in Gulgala, & fecerunt ibi Regem Saul coram Domino: in Gulgala & immolauerunt ibi victimas pacificas coram Domino: Et lætus est Saul & cuncti viri Israël nimis.*

3. Inauguratio Salomonis, tertio Regum primo v. 38. *Descendit ergo Sadoe Sacerdos, & Nathan Propheta, & Banaias filius Joiada, & Corahi, & Phelethi: Et imposuerunt Salomonem super mulam Regis Dauid, & adduxerunt eum in Gibon. Sumpsitque Sadoe Sacerdos cornu olei de tabernaculo, & unxit Salomonem: Et cecinerunt buccina, & dixit omnis populus: Vivat Rex Salomon.* Et ascendit vniuersa multitudo post eum, & populus cantantium tibis, & lantium gaudiomagno, & insensu terra à clamore eorum. Et infra v. 47. *Et ingressi serui Regis benedixerunt Domino nostro Regi Dauid, dicentes: Amplificet Deus nomen Salomonis super nomen tuum, & magnificet thronum eius super thronum tuum. Et adorauit Rex in lectulo suo: & locus est; Benedictus Dominus Deus Israël, qui dedit hodie sedentem in solio meo, videntibus oculis meis.*

4. Inauguratio Ioas, quarto Reg. 11. v. 12. *Ioiadas Sacerdos produxit filium Regis, & posuit super eum diadema & testimonium; feceruntque Regem, & unxerunt: Et plaudentes manu, dixerunt: Vivat Rex.* Et secundo Paral. 23. 11. *Et eduxerunt filium Regis & imposuerunt ei diadema & testimonium; dederuntque in manus eius tenendam legem, & constituerunt eum Regem. Vnxit quoque illum Ioiada Pontifex, & filii eius: imprecarique sunt ei, atque dixerunt: Vivat Rex.*

QVÆSTIO VII.

Quomodo vobis fuerint Reges Hebræorum?

1. **D**vplex erat vñctio Regum apud Hebræos. Vna priuata, altera publica. Priuata fiebat ante solemnem inaugurationem: publica in ipsa solenni inaguratione. Priuatim vñcti sunt Saul, Dauid, Iehu, Saul à Samuele, in extrema parte ciuitatis, nullo alio præsent. 1. Reg. 9. 27. Dauid ab eo Samuele, in domo patris sui in Bethlehém. 1. Reg. 16. 13. Iehu à filio Prophetæ, in cubiculo seorsim, nullo alio conscio. 4. Reg. 9. 6. Publicè vñcti sunt Dauid, Salomon, Ioas, Ioachaz. Et quidem de vñctione Salomonis & Ioas dictum est quæstione præcedente. De vñctione Ioachaz sic legimus 4. Reg. 23. 30. *Tulit populus terra Ioachaz filium Josie, & unxerunt eum, & constituerunt eum Regem pro patre suo.* De Davide notandum est ter vñctum fuisse in Regem. Primò, priuatim à Samuele in domo patris sui, vt paulò antè dixi. Secundò publicè in Hebron, in Regem Iuda. 2. Reg. 2. v. 4. Tertio, publicè in Hebron, in Regem Israël. 2. Reg. 5. v. 3.

2. Quæres, An fuerit aliquod discrimen inter vñctionem Regum & pontificum apud Hebræos? Respon-

deo. Fuit triplex discrimin. Primò, quia omnes Pontifices ex præscripto legis ungebantur: Et nisi uncti essent, non admittebantur ad officium pontificale. Exodi 29. 7. & Leuit. 8. 1. At nullum exstabat præceptum Dei, quo omnes Reges ad vñtionem astringerentur. Secundò, Pontifices semper ungebantur publicè coram populo apud Tabernaculum Domini. Exodi 29. 14. & Leuit. 8. 3. At Reges aliquando priuatim, aliquando publicè, ut dictum est. Tertiò, Pontifices ungebantur oleo sancto, id est, vnguento còposito ex oleo, myrrha, cinnamomo, calamo, casia. Exod. 29. 7. & Exod. 30. 23. At Reges oleo simplici, id est, non composito ex supra dictis aromatibus. Quod tamen aliqui negent, verissimum tamen est. Et tribus argumentis probari potest.

1. Primum sumitur ex lege Dei. Nam Deus præceperat, ut nullus hominum ungeretur oleo sancto, quale id dei criptum est, nisi Pontifex & Sacerdotes. Sic enim legimus Exod. 30. 30. *Aaron & filius eius unge, sanctificabisque eos, ut sacerdotio fungantur mihi. Filiis quoque Israël dices: Hoc oleum vñtionis sanctum erit mihi in generationes vestras: Caro hominis non ungetur ex eo, & iuxta compositionem eius non facietis aliud, quia sanctificatum est, & sanctum erit vobis. Homo, quicumque tale composuerit, & dederit ex eo alieno, exterminabitur de populo suo.* Ex quo præcepto duo colligimus. 1. Quod nemo præter Aaronem & filios eius, id est, præter Pontificem & Sacerdotes, potuerit vngi oleo sancto, quod ex variis aromatibus confectum erat. 2. Quod nulli licuerit conficere simile oleum, aut alicui alteri communicare.

4. Alterum sumitur ex phrasi Scripturæ. Nam oleum sanctum, quo Pontifex & Sacerdotes utebantur, nunquam in scriptura appellatur oleum simpliciter; sed oleum vñtionis, vel oleum vñtionis sanctum, vel oleum sanctæ vñtionis, vel vnguentum, Exodi 29. 7. *Oleum vñtionis fundes super caput eius.* Et c. 30. 25. *Faciesque vñtionis oleum sanctum, vnguentum compositum opere vnguentarij.* Et infra ver. 31. *Hoc oleum vñtionis sanctum erit vobis.* Et Leuit. 21. 12. *Oleum sanctæ vñtionis Dei sui super eum est.* Et alibi sæpius. Et ratio est, quia non erat oleum simplex ac purum, sed vnguentum confectum ex oleo & variis aromatibus, ut iam ante dixi: ac proinde non oleum simpliciter, sed oleum vñtionis, vel vnguentum appellari debuit. At oleum, quo Reges ungebantur, nunquam appellatur oleum vñtionis, aut vnguentum; sed oleum simpliciter, quia non erat compositum ex oleo & aromatibus, sed purum ac simplex oleum. 1. Reg. 10. 1. *Tulit Samuel lenticulam olei & effudit super caput eius, id est, Saulis.* Et cap. 16. 13. *Tulit Samuel cornu olei, & unxit Dauidem in medio fratrum eius.* Et 4. Reg. 9. 1. *Tolle lenticulam olei, & fundes super caput eius, nempe Iehu.* Hinc infero, Reges non fuisse vñctos oleo composito, quo Pontifex & Sacerdotes ungebantur, sed oleo puro ac simplici.

5. Tertium sumitur ex illis verbis Leuit. 21. 10. *Pontifex, id est, Sacerdos maximus inter fratres suos, super cuius caput fustum est vñctio oleum, & cuius manus in sacerdotio consecratae sunt; vestitusque est sanctis vestibus, caput suum non discooperiet, vestimenta non scindet, & ad omnem mortuum non ingredietur omnino super patre quoque suo & matre non contaminabitur: Nec egredietur de sanctis, ne polluat Sanctuarium Domini, quia oleum sanctæ vñtionis Dei sui super eum est. Ego Dominus.* In quibus verbis continetur hæc lex, ut Pontifex externo ritu non lugeat mortuos, nec egrediatur de Sanctuario, prosequatur funera mortuorum, ne quidem parentum suorum. Et ratio legis additur, quia oleum sanctæ vñtionis fustum est super caput eius; ac proinde nullo modo debet contaminari. Contaminaretur autem, si lugeret mortuos, aut funera eorum, prosequeretur. Vnde sic argumetur: Ideo Pontifex non poterat lugere mortuos aut eorum funera prosequi, quia oleum sanctæ vñtionis fustum erat super caput eius. At

A Reges poterat lugere mortuos, & prosequi funera mortuorum. Hoc enim fecit Dauid in morte Saulis & Ionathæ, iuxta illud 2. Reg. 1. 11. *Apprehendens autem Dauid vestimenta sua, scidit, omnesque viri, qui erant cum eo, & ploraverunt, & fleuerunt, & ieiunauerunt usque ad vesperam super Saul, & super Ionathan filium eius.* Ergo oleum sanctæ vñtionis non erat fustum super caput Regum.

6. Vbi notandum est discrimin inter Pontificem, Sacerdotes & Reges. Solus Pontifex ungebatur oleo vñtionis in capite, & ideo non lugebat viros mortuos, ne quidem parentes. Sacerdotes non ungebatur quidem in capite, sed tamen in vestibus aspergebantur, partim sanguine arietis immolati, partim oleo sanctæ vñtionis, Exodi 29. 21. Et ideo poterant quidem lugere propinquos & consanguineos, non tamen alios. Leuit. 21.

B 2. Reges nec in capite, nec in vestibus habebant oleum sanctæ vñtionis, sed oleum simplex & vulgare; & ideo poterant lugere omnes mortuos, quos volebant. Sic Dauid luxit filium suum Absalonem. 2. Reg. 18. 33. & c. 19. 1. Sic luxit Abner, filium Ner, & feretrum illius ad sepulturam secutus est. 2. Reg. 3. 31.

7. Præter hæc tria argumenta, quæ videntur esse solida accedunt alia tria valde probabilia. Primum, quia oleum sanctæ vñtionis non poterat attrectari, nisi à Pontifice & Sacerdotibus: At Saul, Dauid, Iehu non sunt uncti à Pontifice vel Sacerdotibus, sed à Prophetis. Non ergo uncti sunt oleo sanctæ vñtionis. Alterum, quia Helias Propheta à Deo iussus est ungere Iehu in Regem Israel, & Hazaelem in Regem Syriæ, & Helisum in Prophetam. 3. Reg. 19. 15. Et verisimile est quod ex eadem lenticula, vel ex eodem cornu olei potuisset eos ungere. At Hazaelem non poterat ungere oleo sanctæ vñtionis, quia erat homo gentilis. Ergo verisimile est, nec Iehu, nec Helisum oleo sancto, sed simplici vñctos esse. Tertium, quia Dauid ter vñctus est, ut supra dixi. Nec credibile est, toties vñctum esse oleo sancto: quia ne quidem Pontifex, pro quo factum erat oleum sanctum, toties ungebatur.

8. Dices: Dauid & Salomon videntur uncti esse oleo sancto. De Davide constat ex illo Psal. 88. 21. *Inueni Dauid seruum meum: oleo sancto meo unxi eum.* De Salomone ex illo 3. Reg. 1. 39. *Sumpsit Sacerdos commune olei de Tabernaculo, & unxit Salomonem.* At oleum, quod in Tabernaculo asseruabatur, erat sanctum. Respondeo.

P Authores hic dissentiunt. Aliqui putant, oleum sanctum còmunè fuisse Regibus & Sacerdotibus. Hoc iam refutatum est. Alij Dauidem & Salomonem ex peculiari dispensatione vñctos esse oleo sancto. Ita Genebrard. in Psal. 21. vbi ex Cabala & traditione Hebræorum hæc asserit. Primò ex consilio Samuelis & Prophetarum illius temporis, dispensatum fuisse cum Davide, & reliquis Regibus familiæ Davidicæ, ut ungerentur oleo sacerdotali: non autem cum aliis Regibus. Itaque Saulem, Iehu Hazaelem, non fuisse vñctos oleo sacerdotali. 2. Id propterea factum esse, quia Christus erat nasciturus ex familia Davidis. 3. Externam & corporalem vñtionem Davidis & Salomonis, fuisse typum Iehu figuram internæ & spiritualis vñtionis Christi. 4. Tamen Pontifices, & Reges familiæ Davidis, fuerint uncti eodem oleo sancto; Reges tamen vñctos fuisse per modum coronæ: Pontifices, per modum crucis decussatæ. 5. Illud oleum sanctum, (quod à Moyse confectum erat) durasse à tempore Moylis vsque ad captiuitatem Babylonicam, id est, per nongentos annos, & tamen omnes Pontifices & Reges familiæ Davidis, ex eo fuerint uncti, nunquam tamen diminutum esse, sed per miraculum, integrum persistisse. 6. Pontifices post captiuitatem Babylonicam vñctos fuisse oleo nouo, quod ad similitudinem prioris erat confectum.

9. Alii rectius sentiunt, nec Dauidem, nec Salomonem, nec vllum alium Regem potuisse vngi oleo

Pontificali. Ita Oleaster, Caiatan. Lippom: quos citat & sequitur noster Lorin. in Psal. 88. v. 21. Et hoc conuincunt argumenta superius à nobis allata. Nec obstat illud: *Oleo sancto meo unxi eum*. Nam inde non sequitur, Dauidem vinctum fuisse oleo vntionis, seu vnguento composito ex oleo & variis aromatib. (de quo solo hic disputamus) sed tantum vinctum fuisse oleo sancto. At oleum sanctum latius patet, quam oleum vntionis Pontificale. Cum enim duplex oleum fuerit vntatum in lege Mosàica, alterum compositum ex oleo & aromatibus, alterum simplex ac purum: utrumque poterat dici sanctum, sed diuerso modo. Oleum vntionis dicebatur sanctum, quia per illud sanctificabantur & consecrabantur Pontifices & Sacerdotes. Oleum simplex, quo vntus est Dauid, & alij Reges ac Prophetæ dicebatur sanctum, ratione mysterij; quia erat figura illius olei, quo postea sanctificatus est Christus. Vnde sicut de Dauide dicitur: *Oleo sancto meo unxi eum*; ita de Christo: *Unxi te Deus oleo laetitia, praeforsitibus tuis* Psal. 44. 10.

10. Neque verum est, quod obiicitur, non aliud oleum quam oleum vntionis, quo vnguebantur Pontifices & Sacerdotes, asseruatum fuisse in Tabernaculo. Nam praeter illud asseruabatur etiam oleum, quo quotidie lucernæ instaurabantur à Sacerdotibus, de quo Leuit. 24. *Præcipe filiis Israël ut adferant tibi oleum de olivis purissimum, ac lucidum, ad concinnandas lucernas iugiter extra velum testamini in Tabernaculo federis*. Cur similiter non poterat asseruari oleum pro vngendis Regibus & Prophetis.

11. Quod dicitur de facta dispensatione, non est probabile. Nam neque Samuel, neque alij Prophetæ poterant dispensare in lege diuina, quæ vetabat, ne quis alius præter Pontifices & Sacerdotes, vngeretur oleo vntionis. Multo minus alij, ex eorum consilio poterant dispensare. Quod additur: vntionem Davidis fuisse figuram vntionis Christi libens concessero. De quo paulò post. Nec improbabile est, oleum vntionis per nongentos annos, sine vlla sui diminutione, suffecisse pro vngendis Pontificibus & sacerdotibus. Nam etiam Rhemis in Gallia, conseruatur ampulla cum sacro Chrismate, quæ similiter sine vlla sui diminutione, per mille & centum annos suffecit pro vngendis Regibus. De qua Genebrard. & Lorin. loco citato. Reliqua quæ adferuntur, parum ad rem faciunt.

12. Quæres: Quare Reges fuerint vnti in veteri Testamento? Non disputo iam de genere olei, de quo satis dictum est, sed de ipsa vntione, quare adhibita fuerit in Regum inauguratione? Respondeo. Adhibita fuit propter has causas. Primo, vt sicut per vntionem Pontificum significabatur summa illorum dignitas & excellentia inter Ministros Synagogæ: ita per vntionem Regum significaretur summa illorum dignitas & excellentia inter Principes seculares. (Abulei. in 1. Reg. 10. quæst. 1.) 2. vt per hanc ceremoniam insinueretur Regibus dari gratiam & robur animi, ad defensionem religionis & subditorum. (August. Triumphus de potest. Ecclesiast. quæst. 38. art. 1.) Tertio, vt representarent Messiam, siue Christum Regem. Sicut enim Pontifices per suam vntionem, erant figura Christi Pontificis; ita reges per suam vntionem erant figura Christi Regis. Vnde Reges in Scriptura vocantur Christi Domini, vt patet 1. Reg. 24. 7. vbi Dauid loquens de Saule ait: *Propitius sit mihi Dominus, ne fagiam hanc rem Domino meo, Christo Domini, vt mittam manum meam in eum, quia Christus Domini est*. Et 2. Reg. 1. 14. de eod. *Quare non timuisti mittere manum tuam, vt occideres Christum Domini*. Et Psal. 104. 15. *Nolite tangere Christos meos*. Et Isaie 45. 1. *Hæc dicit Dominus Christus meo Cyrus*. Vide Serarium lib. 1. Reg. c. 10. in Commentario.

Opusc. Sec.

QUESTIO XIII.

Quod fuerit officium Regum apud Hebræos?

Officium Regis summam describitur Deut. 17. 18. his verbis. *Postquam sederis in solio regni sui, describet tibi Deus legem huius in volumine, accipiens exemplar à Sacerdotibus Leviticis, & habebis secum, legesque illud omnibus diebus vite sue, vt discat timere Dominum Deum suum, & custodire verba & ceremonias eius, quæ in lege præcepta sunt, nec eleuetur cor eius in superbiam super fratres suos: neque declinet in partem dextram vel sinistram, vt longo tempore regnet ipse, & filij eius super Israël.*

1. Hic tria potissimum præscribuntur Regi. Primo, vt habeat apud se exemplar legis Deut: illud assidue legat: præcepta eius custodiat. Quod etiam mandatum fuit Iosue c. 1. v. 8. *Non recedas volumen regis huius de ore tuo: sed medaberis in eo diebus ac noctibus, vt custodias & facias omnia, quæ scripta sunt in eo: tunc diriges viam tuam, & intelliges eam*. Contra hoc peccarunt aliqui Reges Iuda præsertim qui Iosiam proximè præcesserunt. Nam tempore Iosia, repertus est liber Deut. in domo Domini vbi multo tempore latuerat occultus & incognitus. 2. Paral. 34. 14. Vnde necesse est proximis illius antecessores, Manasse & Amon, nec habuisse, nec seruasse legem Deut. quod etiam dicendum est de Regibus Israël, qui omnes, vt dixi fuerunt idololatræ. Longè aliter Dauid, qui de seipso fatetur Psal. 118. 93. *Quomodo dilexi legem tuam Domine? tota die meditatio mea est.*

3. Secundo, vt non superbè efferat se supra fratres suos id est, supra Hebræos, vel supra gentem suam. Rex enim debebat elegi ex gente Hebræorum, Hebræus ex Hebræis iuxta illud Deut. v. 17. 15. *Non poteris alterius gentis hominem Regem facere, qui non sit frater tuus*. At frater non debet se superbè eleuare supra fratrem. Non, quod non possit auctoritates vel iurisdictione, aut alio titulo esse superior suo fratre: sed quod non debeat prætextu regis dignitatis & eminentiæ, vel opprimere subditos, vel facere contra fraternam charitatem. Contra hoc peccauit Salomon, qui grauissimum iugum imposuit suis subditis, immoderatas exactiones & tributa ab iis exigendo. 3. Regum 12. 4. Roboam filius eius, qui rogatus, vt minueret aliquid de grauissimo illo iugo, respondit: *Pater meus posuit super vos iugum grave: Ego autem addam super iugum vestrum. Pater meus cecidit vis flagellorum: Ego autem cedam vos scorpionibus*. ibid. v. 11. Et Achab, qui iniuste occidit Naboth, & vineam eius occupauit: 3. Reg. 21. v. 16. Et alii multi.

4. Tertio, vt non declinet in partem dextram vel sinistram. Quod potest dupliciter intelligi. Primo, vt seruet iustitiam, & ab ea non declinet, vel in dextram vel in sinistram partem: quod solet fieri, vel ex fauore & acceptione personarum: vel ex spe lucri & utilitatis; vel ex odio aut alia peruersa affectione. Secundo, vt constanter & perfectè custodiat legem Dei. Hic sensus colligitur ex illo Deut. 28. 14. *Si audieris mandata Domini Dei tui, quæ ego præcipio tibi hodie, & non declinaueris ab eis, neque ad dextram, neque ad sinistram, &c.* Etc. 31. v. 29. *Non quod post mortem meam inique ageris, & declinabis cito de via quam præcepi tibi*, id est, Non eris constantes in obseruatione legis Dei. Et Iosue 1. v. 7. *Confortare igitur & esto robustus, vt custodias, & facias omnem legem, quam præcepi tibi Moses seruus meus: ne declines ab ea ad dextram vel ad sinistram*. Vbi hortatur illum ad constantiam in obseruatione legis. Hanc constantiam habuit Dauid. Psal. 118. 157. *Multis qui persequuntur me, & tribulant me: à testimoniis tuis non declinaui*. Non habuit Saul Salomon, Roboam, Ieroboam, Ioas,

in Reg. 2. 14. Fuit autem sterilis in pœnam peccati, quia illuserat Dauidi, coram Arca Domini saltanti. 2. Reg. 6. 20. & 23.

3. Salomon habuit vxores, quasi Reginas, septingentas, & concubinas trecentas, vt Scriptura loquitur 3. Reg. 21. 3. Vbi nomine concubinarum intelligitur vxores minus principales, vt notat Serarius. Habuit igitur vxores mille, quarum septingentæ dicuntur quasi Regine, quia vel regio cultu utebantur, vel Regum ac Principum erant filie. Mirum autem est, quod ex tanto vxorum numero, non nisi vnum filium genuerit, nempe Roboam; cumque ex matre Ammonitide, vt notat Suidas, & ex eo Serarius 3. Reg. 12. Sine dubio fuit pœna peccati, vt paulo post dicam.

4. Roboam, filius Salomonis habuit vxores octodecim, & concubinas sexaginta. Et genuit 28. filios, & 60. filias 2. Paralipomenon 11. 21. Similiter Abia, filius Roboam, confortato regno suo, accepit vxores 14. Et procreauit 22. filios, & 16 filias. 2. Paralipomenon 13. 21.

5. Nunc questio est, An iure potuerint habere plures vxores, necne? Ratio dubitandi ex vna parte, est quia Polygamia ex peculiari Dei dispensatione fuit Hebræis concessa: ex altera, quia Regi speciatim fuit prohibita Deut. 17. versu 17. *Non habebis vxores pluri- mas.* Et quia Salomon transgressus est hoc præceptum, ideo peccauit, & punitus est, vt colligitur ex illo 3. Reg. 11. 4. *Deprauatum est cor eius per mulieres.* Respon- deo Polygamia fuit concessa populo Hebræorum, cum hac duplici limitatione. Primò, vt non alio fine, quàm prolis propagandæ causa, acciperent plures vxores, vt docet D. Thom. in Supplem. qu. 65. art. 2. & alij. Secundo, vt non acciperent vxores alienigenas, seu idololatrias, propter periculum subuersionis. Exod. 34. 16. & Deut. 7. ver. 3. Et huc spectat illud citatum: *Non habebis pluri- mas vxores quæ alliciant animum eius,* nempe ad cultum falsorum Deorum. Itaque duplici nomine poterat quis peccare contra concessio- nem polygamie. 1. Si voluptatis aut libidinis gratia plures vxores acciperet. 2. Si acciperet alienigenas seu idololatrias. Vtroque modo peccauit Salomon. 1. Quia plures accepit libidinis gratia, iuxta illud 3. Reg. 11. 12. *His itaque copulatus est Salomon amore ar- demissimo.* Et in pœnam huius peccati, non habuit ex tot vxoribus & concubinis, nisi vnum filium, in gra- tiam Dauidis ne familia Dauidis regia deficeret. 2. Quia accepit plures alienigenas, à quibus deprauatus est, & idololatra factus. (ibidem.) Et in pœnam hu- ius peccati scissum est regnum illius, & datum Iero- boam. 3. Reg. 11. versu 11. Verùm de polygamia di- cam plura inferius cap. 21.

QUESTIO XI.

An Reges Hebræorum potuerint habere plures equos?

1. **V**idetur hoc illis prohibitum esse Deuter. 17. 16. *Cumque fueris constitutus Rex; non multiplicabis sibi equos.* Et ita sentiunt Haymon & Arias Montanus apud Pinedam lib. 7. de rebus Salomonis c. 14. Et pro- batur 1. quia in Scriptura nusquam legimus de equo regio, sed tantùm de mulo, vel mula regia. 2. Reg. 13. v. 29. *Omnes filij Regis ascenderunt singuli mulas suas, & fu- gerunt.* Et c. 18. v. 9. *Accidis autem, vt Absalon (filius Regis) occideret seruis Dauid, sedens mulo.* Et 3. Reg. 1. 38. *Imposuerunt Salomonem super mulum Regis Dauid.*

2. Secundò, quia Scriptura solet ferè in malam par- tem loqui de equis & equitibus, tanquam de rebus propriis Egyptiorum & aliorum gentilium, vt Exodi 15. 1. *Cantemus Domino: gloriosè enim magnificatus est: equum & ascensorem deiecit in mare.* Et Psal. 19. 8. *Hi in*

Opusc. Bec.

curribus & hi in equis, nos auertit in nomine Dei nostri inuoca- bimus. Et Psal. 32. 17. *Fallax equus ad salutem.* Et Ps. 75. 7. *Dormitauerunt, qui ascenderunt equos.* Et Psal. 146. 10. *Non in fortitudine equi volumus auxilium habebis.* Et Isa. 31. 1. *Ua qui descendunt in Egyptum ad auxilium, in equis sperantes.* Et infra: *Egyptus homo, & non Deus: & equi eorum, caro, & non spiritus.* Et Zacch. 10. 15. *Confundamur ascensores equorum.* Vnde etiam Dominus exprobrat Iudæis, quod more Gentilium alant equos, Isaie 2. 7. *Repleta est tur- racio equis, & innumerabiles quadrigæ vias.*

3. Tertiò, idem sentiunt Patres qui asserunt non solum Regi, sed toti Hebræorum populo prohibitum fuisse vsum equorum; vt Origenes homil. 15. in Iosue, & Hieronym. in illud Psal. 73. 7. *Dormitauerunt, qui ascenderunt equos.* Vbi sic ait: *Preceptum est in lege, vt Hebræus non habeat equos.* Et confirmari potest primò ex illo Iosue 11. 9. *Equos eorum subiuuabis.* Vbi Deus mandat Iosue vt pugnaturus contra Reges Gentilium, non accipiat eorum equos, sed potius subneruet, id est, pedes & crura eorum incidat, & inutiles reddat. Qua- re hoc? quia nolebat populum Hebræorum habere equos more Gentilium. Volebat potius debilitari & interfici, quam ab Hebræis possideri. Secundò, ex illo Isaie 36. 8. *Dabo tibi duo millia equorum, nec poteris ex- ter- prabere ascensores eorum.* Vbi Rapiaces: missus à Rege Assyriorum, obicit Ezechie Regi, quod non habeat homines, qui possent equos ascendere, eo quod nullus esset equorum vsum apud Hebræos: Vel, vt interpreta- tur Hieronymus, quod Hebræi non auderent ascende- re equos, propter legem Dei, quæ id prohibeat. Tertiò ex illo, tertiò Regum decimo, v. 28. *Educebantur equi Sa- lomons de Egypto:* quia scilicet in Iudæa non erant equi, sed aliunde habebantur; vt notat Hieronymus priori loco citato. *Salomon, inquit, non habebat equum de Hieru- salem aut de Iudæa, sed emebat sibi de Egypto.*

4. His non obstantibus, dicendum est, in Deuterio- nomio non fuisse Regi absolute prohibitum vsum equorum, sed excessum & abusum. Hoc enim signi- ficat illud: *Non multiplicabis sibi equos.* Excessus autem, seu multiplicatio equorum fuit illi prohibita, triplici de causa. Primò, ne tempore belli consideret in mul- titudine & robore equorum; contra illud Psalm. 32. 17. *Fallax equus ad salutem: in abundantia autem virtutis sue non saluabitur.* Et illud Isaie 31. vers. 1. *Ua qui des- cendunt in Egyptum ad auxilium, in equis sperantes.* Secun- dò, ne erigeretur in superbiam ex nimio equorum fa- stu ac pompa. Tertiò, ne ad alendos tot equos, & ad pompam sustinendam, imponeret subditis graua one- ra ac tributa. Contra hanc prohibitionem peccauit Salomon, qui alebant mille quadringentos cutrus, & duodecim millia equitum. 3. Regum 10. vers. 26. Et ad eos alendos, onerebat subditos, vt ipsi postea filium ipsius Roboam conquesti sunt 3. Regum 12. 4. *Pater tuus durissimum iugum imposuit nobis.*

5. Ad contraria argumenta sic respondeo. Ad 1. Fal- sum est, Reges habuisse tantum mulas, & non equos. Nam Dauid, cum in bello superasset Adarezer Re- gem Saba, & cepisset equos & quadrigas ipsius, quos- dam ex illis sibi seruauit, iuxta illud 1. Paralipom. 18. versu 4. *Cepit ergo Dauid mille quadrigas eius & se- prem millia equitum, subneruauitque omnes equos currum, exceptis centum quadrigis, quas r. seruauit sibi.* Ex quo factò Dauidis duo colligimus. Vnum, quod Regibus He- bræorum licuerit habere aliquos equos; alioqui pec- casset Dauid, aliquos sibi seruando. Alterum, quod non licuerit illis habere nimis multos; & ideo plerof- que subneruauit, iuxta mandatum Dei, quod Iosue datum esse diximus.

6. Ad 2. Illa testimonia nihil aliud probant, quàm quod Hebræi, tempore belli, non debuerint fidu- ciam ponere in multitudine equorum & currum,

sicut faciebant Egyptij & alij gentiles, sed potius in virtute & protectione Dei. Hoc enim disertè significatur illis verbis: *Hi in curribus, & bi in equis: nos autem in nomine Domini.* Et similiter illis verbis: *Va qui descendunt in Egyptum ad auxilium, in equis sberantes, & habentes fiduciam super quadrigis, quia multa sunt: & super equisibus, quia prauulidi nimis: & non sunt confisi super sanctum Israel & Dominum non requisierunt.*

7. ad 3. Eodem sensu, quo Regi prohibitum fuit, multiplicare equos; fuit etiam prohibitum alijs Hebræis. Nam neque illi debebant tempore belli confidere in equis, sed in Deo. Atque hinc factum est, ut rarus fuerit vsus equorum apud Hebræos, ante tempora Salomonis, quia ad agriculturam, vel ad onera portanda utebantur asinis & alijs iumentis. Salomon introduxit copiam equorum, ad luxum & splendorem. Ioram & alij Reges, ad vsum belli. 2. Paral. 21. vers. 9. *Cumque transisset Ioram cum Principibus suis, & cuncto equitatu, qui erat secum, &c.* Reliqua, quæ obiecta sunt, ex dictis facile diluuntur. Illud solum, quod Rapsaces obiecit Ezechiz: *Dabo tibi duo millia equorum, nec poteris ex te prabere ascensores eorum;* indiget explicatione. Sensus est: Vis tu resistere Regi meo potentissimo, cum habeas tam paucos & imbelles tecum homines, ut ex iis non sint bis mille, qui possint equos ascendere & pugnare? In quo errauit Rapsaces.

QUESTIO XII.

An Reges Hebræorum potuerint habere magnas diuitias?

1. **H**Oc etiam videtur prohibitum Deut. 17. vers. 17. Nam sicut ibi dicitur: *Non multiplicabit sibi equos.* Et rursum: *Non habebit uxores plurimas:* ita etiam additur: *Neque auri & argenti immensa pondera.* Sed facilis est responsio. Sicut enim non prohibetur vius vxorum aut equorum; ita nec vius auri & argenti. Et è contrario: Sicut prohibetur excessus & abusus vxorum & equorum; ita etiam excessus & abusus diuitiarum. Et quidem triplici titulo. 1. Ne Reges, cupiditate auri & argenti, incidant in peccatum auaritiæ. 2. Ne ex eadem cupiditate spolient suos subditos. 3. Ne si habeant copiam auri & argenti, in fastum & luxuriam disfluant. Quæ omnia contigerunt Salomoni. Is enim primò quidem ex cupiditate factus est auarus, ut ipse confitetur Ecclesiæ. 2. versu 8. *Conceruauit mihi argentum & aurum, & substantias Regum ac Prouinciarum.* Deinde spoliavit suos subditos, exigendo immodica tributa & vectigalia, ut supra ostensum est ex querela ipsorum subditorum. Tertio, in libidinem ac luxuriam prolapsus est, accipiendo septingentas vxores & trecentas concubinas.

2. Quæres, An igitur Reges & Principes non debeant habere fiscum, in quo recondant aurum & argentum? Respondeo. Debent habere, quantum necesse est ad conseruationem iustitiæ, & defensionem patriæ. Sed non debet esse immodicus. Quod eleganter expressit Traianus Imperator, cum dixit, fiscum suum esse lienem. Sicut enim crescente & intumescente liene, ceteri artus & membra tabescunt; ita crescente & intumescente fisco, signum est, subditos exhauriri & spoliari. Nota duplex vitium cauendum est. Vnum, ne Reges & Principes omnia consumant, vel in priuata commoda & luxum conferendo, vel in aulicos & consiliarios dissipando. Alterum, ne auaritiæ dediti, iniquè exhauriant subditos, & accumulent thesauros sine modo & mensura. Vtrumque reprehensione dignum.

QUESTIO XIII.

Qui & quales fuerint Consiliarij Regum Hebræorum?

1. **P**rimò certum est ex Scriptura Reges gentiles habuisse apud se viros sapientes, ex quorum consilio agerent omnia, quæ alicuius esset momenti, ut constat de Assuero Rege Periarum, de quo legimus Esther 1. 13. *Rex interrogauit sapientes, qui ex more Regis semper ei aderant, & eorum faciebant cuncta consilia, scientiam leges ac iura maiorum.*

2. Secundò, certum est Reges Hebræorum, de quibus nunc agimus, habuisse etiam suos Consiliarios, ut nominatim constat de Dauide, Salomone, Roboam, Ochozia, Ioa, Ozia. Davidis Consiliarij fuerunt hi duo potissimum, Achitophel, & Chusai Arachites. 2. Reg. 15. 12. & cap. 16. v. 16. Achitophel postea defecit à Dauide, & adhæsit filio eius Absaloni. Fuit autem vir prudentissimus, cui Scriptura dat hoc testimonium: *Consiliarium Achitophel, quod dabat in diebus illis, quasi si quis consuleret Deum sic erat omne consilium Achitophel, & clemesset cum Dauide & cum esset cum Absalom.* (c. 16. v. 13.) Tandem, cum videret consilium suum, quod dederat Absaloni contra Dauidem, negligi & consilio Chusai postponi, laqueo se suspendit. cap. 17. v. 23. Porro Achitophel videns, quod non fuisset factum consilium suum, stravit asinum suum, siorexitque & abiit in domum suam, & incinuitatem suam: & disposita domo sua, suspendio interijt.

3. Chusai mansit fidelis Dauidi. Et ut magis illi prodesset, accessit Absalonem, & simulauit se illi fideliter seruiturum, sicut antea fideliter seruierat Dauidi patri ipsius. (cap. 16. 18.) Idque propterea fecit. 1. Ut coram intelligeret, quid Absalom, ex consilio Achitophelis, moliretur contra Dauidem. 2. Ut hoc ipsum consilium suo consilio dissiparet. 3. Ut Dauidem de his omnibus certiores faceret. Quæ tria ex animi sententia successerunt capite 17. per totum. An autem Chusai hac sua simulatione mentitus sit, disputant Interpretes. Serarius putat, ab officioso mendacio excusari eum non posse. Quod probabile est. Et colligitur ex his ipsis verbis, quæ dixit Absalom: *Illius ero, quem elegit Dominus, & omnis hic populus, & vnusquisque Israel, & cum eo manebat. Sed, ut & hoc inferam, cui seruitorus sum? Nonne filio Regis? Sicut parui parituro, ita parebo & tibi.* Priora prudenter, posteriora mendaciter dicta sunt.

4. Consiliarij Salomonis, post mortem ipsius facti sunt consiliarij Roboami, filij Salomonis. Habuit autem Roboam duplices consiliarios: alios senes & expertos, quos acceperat à patre suo: alios iuvenes & inexpertes, qui cum ipso fuerant enutriti. (3. Regum 12. 6.) Priores dabant illi sanum consilium, posteriores perniciosum: Hos secutus est Roboam, ideoque & stultè fecit, & maiorem regni sui partem amisit. Quo spectat illud Ecclesiastici 47. versu 26. *Finem habuit Salomon cum patribus suis: Et dereliquit post se, de semine suo, gentis stultitiam, & imminutionem à prudentia.* Roboam, qui auertit gentem consilio suo, id est consilio iciunium, quod ipse approbauit.

5. Ochozias seductus ab Athalia matre sua, vsus est consiliariis ex domo impiissimi Achab, qui erat pater Athaliæ. De quo secundo Paralipomenon, vigesimo secundo, versu quarto: *Feci Ochozias malum in conspectu Domini, sicut domus Achab.* Ipsi enim fuerunt ei consiliarij post mortem patris sui, in interitum eius. Ambulauitque in consilijs eorum. Et porrexit cum Ioram filio Achab Rege Israel, in bellum contra Hazael Regem Syria. Euentus consilij & belli fuit malus ut ibidem patet. Ex hoc insinuat illa particula, *In interitum eius.*

6. Ioas, initio regni, habuit optimum consiliarium. Ioiadam Pontificem. Et optimè se gessit, quandiu illius consilio usus est: pessimè, quando mortuo Pontifice, consilio Principum aulicorum acquieuit. 4. Regum 12. 2. *Fecit Ioas rectum coram Domino cunctis diebus, quibus doctus cum Ioiada Sacerdos.* Et 2. Paralipomenon. 24. 17. *Postquam autem obiit Ioiada, ingressi sunt Principes Iuda: & adorauerunt Regem, qui delinens absequiis eorum, acquieuit eis. Et dereliquerunt templum Domini Dei patrum suorum, seruieruntque lucis & sculptilibus, & facta est ira contra Iudam & Ierusalem, propter hoc peccatum.*

7. Ozias multa præclare gessit ex consilio & directione Zachariæ Videntis. Sic enim de illo legimus 2. Paralipomenon 26. 5. *Exquisiuit Dominum in diebus Zachariæ intelligentis & videntis Deum: Cumque requireret Dominum, dixerit eum in omnibus.* Ille Zacharias (vt notant Lyranus, Dionysius, Caietanus) putatur fuisse filius Zachariæ Pontificis occisi à Rege Ioas; & consequenter nepos Ioiadæ Pontificis, de quo iam dictum est. Itaque per illum, tanquam Prophetam, Ozias Rex requirebat, id est, consulabat Deum, & per illum à Deo in suis actionibus diregebatur.

8. Nota. Ioiada Pontifex & Zacharias Videntis, quorum alter fuit Consiliarius Ioas, alter Ozias, debent dupliciter spectari. 1. quatenus erant viri boni & prudentes. 2. quatenus alter erat Pontifex, alter Prophetæ. Vtroque modo poterant dare consilium: Priori quidem, ex prudentia humana. Posteriori verò, ex oraculo seu responso Dei. Nam Pontifices solebant coram Propitiatorio consulere Deum, & ab eo responsa accipere. Similiter Prophetæ, vel per internam locutionem vel per visiones, vel per alia signa docebantur à Deo de futuris rerum euentibus. Hic posterior modus erat certior priori. Et in eo Pontifices & Prophetæ superabant alios consiliarios, qui solum ex solertia & prudentia humana dabant consilium, & ideo poterant errare. Vnde David, Iosaphat, & quidam alij, Reges vt essent tutiores in conscientia, soliti erant in rebus maioris momenti consulere Pontifices aut Prophetas, vt cap. 7. quæst. 4. §. 5. & sequentibus, & cap. 8. explicatum est.

9. Nota. 2. Ioas & Ozias quod attinet ad præsens institutum, in duobus fuere similes. 1. Quia ambo benè se gesserunt initio regni, eo quod ambo haberent bonos consiliarios ac directores: Ioas quidem Ioiadam Pontificem; Ozias verò Zachariam Videntem. 2. Ambo postea, mortuis illis consiliariis, degenerarunt. Nam Ioas, mortuo Ioiada Pontifice, concessit publicum idololatriæ exercitium: Et Ozias, mortuo Zacharia Vidente, temerè usurpauit sibi officium sacerdotale. Ex quo manifestè apparet, salutem Regum ac Principum, magna ex parte, pendere à consiliariis. Qui si tales sint, quales esse necesse est, benè agitur: secus, si tales non sint. Quod etiam ostendunt alia exempla iam allata. Quales autem esse debeant dicam seq. quæst. §. 4.

QVÆSTIO V.

Quid Christiani Reges ac Principes discere debeant ex iis, quæ hoc capite dicta sunt.

1. **M**ulta sanè. Et hæc quidem generatim: Primò, vt sint viri boni. Vel, vt faciant, quod rectum est in conspectu Dei, sicut fecit David, Asa, Iosaphat, Ioathan, Ezechias. Non possunt autem esse viri boni, nisi sint Catholici, nisi coniuncti cum Deo, nisi iustitiæ amantes. Vt autem sint tales, postulat illorum dignitas & tituli, quibus ornati sunt. Vocantur

Opusc. Bcc.

At tunc enim Dij. Exodi 22. 8. & Psalm. 81. 6. Vocantur Christi seu vncti Domini. 1. Regum 24. 11. & Psalm. 104. 15. & Isaia 45. 1. Vocantur serui, Ministri, Vicarij Dei. 2. Paralipomenon 6. 15. & Rom. 13. 4. Vocantur lucernæ populorum. 2. Regum 21. 17. Nutritij Ecclesiæ, Isaia. 49. versu 23. Hi tituli, vt veri sint, requirunt magnam sanctitatem.

Secundò, vt non solum sint boni, sed etiam zelosi in Chatholica fide & religione: neque patiantur in suis regnis & pouniciis vllam aliam fidem, quam Catholicam doceri & exerceri. Non sint similes illis, de quibus actum est: *Fecit bonum in conspectu Domini. Verumtamen excelsam non abstulit. Adhuc enim populus sacrificabat, & adolebat incensum in excelsis.*

B 3. Tertio, vt non contrahant matrimonia, vel affinitates, vel amicitiam, vel societatem belli cum infidelibus. In quo genere peccauerunt, & puniti sunt: tum alij, tum Salomon, Ioram, Iosaphat. Nam Salomon contraxit matrimonium cum filia Regis Egypti, quæ erat idololatrica, Ioram cum Athalia, filia Regis Israël, quæ similiter erat idololatrica. Vterque malè, & malo euentu. Iosaphat, tamen si alias bonus, inuit societatem belli cum impio Achabo & negotiationis cum Ochozia filio Achabi. Propterea dictum est illi: *Impie præbes auxilium, & his qui oderunt Dominum, amicitia iungis: Et idcirco iram quidem Domini mereris; sed bona opera iumenta sunt inter, eo quod abstuleris lucus de terra Iuda, & præparaueris cortum, vt requireres Dominum Deum patrum tuorum.* 2. Paralipomenon 19. 2. Et iterum: *Quia habuisti fœdus cum Ochozia, petrus sit Dominus opera tua, contritusque sunt naues, nec poterunt ire in Tharsis.* ibidem cap. 20. versu 37. Audiant hoc Christiani Principes. Si volunt vxores ducere, amicitias contrahere, belli aut navigationis societatem inire, abstineant à consortio Turearum & aliorum infidelium. Alioqui dicitur ipsis, quod pio Iosaphat dictum est: Quia habuistis fœdus cum infidelibus, percussit Deus opera vestra: contritæ sunt naues vestræ: amissa victoria: thesauri consumpti: subditi ad egestatē redacti: familiæ extinctæ. Non desunt exempla; quibus id confirmem. Sed quia nota & recentia, malim præterire.

D 4. Quarto, Vt habeant apud se bonos Consiliarios: non iuuenes, imperitos; inexpertos, sicut habuit Roboam: non idololatrias aut hereticos, sicut habuit Ochozias: non perfidos & infideles, qualis fuit Achitophel: Sed qui sincerè Catholici sint: qui periti, prudentes, experti, cordati; qui immunes ab auaritia & adulatione; qui liberi à passionibus & inordinatis affectibus; qui pacis, iustitiæ, patriæ amantes; qui religionis & Ecclesiæ patroni. Denique, quibus vnicus scopus sit, vbique Dei honorem & bonum publicum promouere. Procul verò facessant, & ab omnibus Regum ac Principum aulis arceantur illi, qui palam quidem suam operam addicunt Principi Catholico, & ordinarium stipendium ab eo percipiunt, sed occulta conspiratione de duplicato vel triplicato paciscuntur cum alio Principe hæretico aut infideli, ea conditione, vt quidquid apud Catholicos in secreto consilio decisum est, ei integrè aperiant, & de omnibus certiores faciant. Non Consiliarij isti, sed proditores sunt. Et tamen non paucos esse, fama est.

E 5. Et hæc quidem communia sunt, quæ discant Reges ac Principes Christiani: Speciatim verò ista imitentur. Primò, David in rebus magni momenti consulēbat Deum. 2. Asa matrem suam, quæ erat Principes in sacris Priapi, amouit ab officio, malens illam offendere, quàm Deum. 3. Iosaphat misit Leuitas & Sacerdotes, vt in omnibus ciuitatibus docerent populum legem Dei. 4. Ioas curauit instaurari templum

Domini. 5. Amasias, collecto duplici exercitu contra A Edumaeos, altero ex populo Iuda altero ex populo Israël, monitus à Propheta, vt posteriorem tanquam hereticum dimitteret; mox obtemperauit, & victoriam obtinuit. Quam non obtinuisset: si vtroque exercitu pugnasset. 6. Ozias in omnem euentum maturè prospexit regno suo de firmis munitionibus, & omni belli apparatu. Ideoque terrori erat vicinis hostibus. 7. Ezechias reformauit cultum Dei, & in quauis occurrente necessitate ad Deum confugiebat. 8. Iosias populum adiurauit, vt inito cum Deo, fœdere, promitteret se seruaturum legem à Deo datam.

6. Hæc caueant. Primo, Saül amisit regnum, quia non obedivit Deo & Samueli. 2. Dauid, tempore pacis & prosperitatis, in adulterium lapsus est. 3. Salomon, Regum sapientissimus, per mulieres deprauatus, & idololatra factus. 4. Roboam, quia relicto seniorum consilio, secutus est consilium imperitorum iuuenum, qui præter delicias aulicas, nihil nouerant, maiori parte sui regni spoliatus est. 5. Asa, cæteroqui bonus, cum laboraret podagra, magis in Medicorum arte, quam in Dei ope confidebat. Quod in illum reprehensum est. 6. Ioram, cum antea esset Catholicus, & Catholico natus parente, accepit vxorem hæreticam, & in gratiam illius hæreticus factus est. Sed non impunè. Nam insanabili dolore aliqui per biennium cruciatus, tandem eiectis visceribus misere periit. 7. Ochozias patri similis, à matre in heresin pretractus est, & in pœnam defectionis, à Iehu Rege Israël interfectus. 8. Ioas, Rex Catholicus, mortuo Ioiada Pontifice, à quo dirigebatur, concessit publicum exercitium falsæ religionis in gratiam Nobilium aulicorum. Et postea à seruis suis interfectus est. 9. Amasias, propter eandem culpam, à ciuib⁹ trucidatus. 10. Ozias, ob usurpatum temerè officium sacerdotale, lepra percussus. 11. Achaz propter cultum impiæ religionis, sæpè bello oppressus. 12. Manasses, quia restituit idololatriam, quam pater eius exterminauerat, catenis vinctus, & in captiuitatem abductus. 13. Amon simili de causa, in propria domo à suis subditis iugulatus. 14. Sedecias, quia non seruauit fidem Nabuchodonosori datam, effossis oculis, in Babylonem ductus. Denique, vt alia omittam, Ieroboam, primus Rex Israël, vt regnum suum confirmaret, subditos abstraxit à verâ religione, vt hoc modo, vera religione destitutos, facilius contineret in rebellionem, ne ad legitimum suum Regem, à quo defecerant, reuerterentur. Nam sicut Catholica religio aptissima est, vt subditos efficiat pios & Magistratui suo obtemperantes: ita hæresis ad rebellionem & defectionem concitandas efficacissima. Res nota, & multis exemplis, tum hoc tempore, tum superiori sæculo confirmata.

CAPVT XVII.

De bello, Castris, & munditiâ Castrorum.

QUæritur 1. An bellum fuerit licitum in veteri Testamento? 2. Quænam fuerint leges belli à Deo præscriptæ? 3. Quæ iustæ causæ gerendi bellum? 4. An Iudæi potuerint bellum gerere contra Iudæos? 5. An contra quosuis Gentiles? 6. An in bello potuerint implorare auxilium à Gentilibus, seu infidelibus? 7. Quinam Iudæorum Reges aut Principes feliciter gesserint bellum? 8. Quid in lege Mosaisca statutum fuerit de munditiâ castrorum?

QUESTIO I.

An bellum fuerit licitum in veteri Testamento?

1. **M**Anichæi docuerant, bellum ex natura rei illicitum esse, & ideo Moysen, Iosue, Dauidem, & alios veteri Testamento Reges ac Principes qui bella gesserunt, tanquam impios accusabant. vt refert Augustinus lib. 12. contra Faust. cap. 74. & sequentibus. Nos duos asserimus. 1. Bellum ex natura rei licitum esse. 2. Ex eo rectè colligit, etiam Iudæis in veteri Testamento fuisse licitum, præsertim cum illis specialiter non fuerit prohibitum.

2. Prima Conclusio. Bellum ex natura rei tunc licitum est, quando adiunt hæ tres conditiones. 1. Legitima autoritas indicendi bellum: qualis est in Principe vel Republica, non agnoscente superiorem in temporalibus. 2. Iusta causa. 3. Recta intentio. Tunc illicitum, quando vel omnes, vel aliqua earum conditionum deest. Ita D. Thom. in 2. 2. quæstione. 40. artic. 1. Et quidem, si desit prima vel secunda conditio, non solum charitati, sed etiam iustitiæ contrarium est, cum onere restitutionis. Si desit sola tertia, non est contrarium iustitiæ: sed charitati, vt bene notat Belarmin. lib. de Laicis cap. 15.

3. Ratio conclusionis est, quia bellum vel est defensiuum, quod solius defensionis causa suscipitur; vel offensiuum, seu aggressiuum, quod ad vindicandam seu compensandam iniuriam infertur. Si defensiuum, constat ex natura rei licitum esse. Nam si iure naturali licitum est homini priuato vim vi repellere; multo magis id licitum est Principi aut communitati. Si offensiuum, tunc etiam licitum est propter similem rationem. Nam si homo priuatus potest aduersario suo intentare litem, vel actionem iniuriarum per viam iuris; cur Princeps vel communitas non possit idem facere per viam belli, quando via iuris non est sufficiens? Alioqui publica iniuria, quæ Principi vel communitati facta est, nunquam posset resarciri aut vindicari; & consequenter, nec publica iustitia & indemnitas custodiri, quod est absurdum.

4. Dices: Etiam si seruentur conditiones, quæ in conclusione assignatæ sunt, nihilominus bellum videtur esse contrarium paci charitatis. Nam inter illos, qui bellum contra se mutuo gerunt, non est pax, sed pugna & dissensio. Respondeo Ex parte illius, qui iniustam causam fouet, aut malam intentionem habet, contrarium est paci charitatis. De hoc nemo dubitat. At ex parte alterius, qui iustam causam fouet, & rectam habet intentionem, non est contrarium, sed conforme charitati. quod sic ostendo. Homo priuatus qui ex charitate diligit se & proximum suum, potest secundum ordinem charitatis præferre se proximo. Vt si occurrat casus in quo vel ipse, vel proximus debeat pati aliquod damnum, vel incommodum; potest salua charitate, se ipsum saluare, cum damno vel incommodo proximi, modò non faciat iniuriam proximo: vt Theologi constanter docent. Idem dico de Principe, vel communitate. Si ergo Principi inferatur iniuria ab alio Principe, potest salua charitate, vindicare iniuriam per bellum, & se indemnem conseruare. In quo facto seruatur simul charitas & iustitia. Charitas, quia seruatur regula charitatis. *Proximus sum egomet mihi.* Iustitia, quia officium iustitiæ est, illatam iniuriam legitime vindicare.

5. Secunda Conclusio. Bellum fuit licitum in veteri Testamento, seruatis illis conditionibus, quæ supra positæ sunt. Ratio sumitur ex dictis. Nam quod ex natura sua licitum est, hoc etiam licitum fuit Iudæis, nisi

speciali mandato fuerit illis prohibitum: At bellum ex natura sua licitum est, ut dixi: nec ullo speciali mandato fuit Iudæis prohibitum, cum nullum extet tale mandatum in veteri Testamento. Et confirmatur tripliciter. Primò quia Deus non solum permisit bellum in veteri Testamento, sed etiam imperauit, (Numer. 25. 16. & 1. Regum 15. 2. & alibi.) Secundò præscripsit leges & præcepta gerendi bellum, ut dicam sequenti quæstione. Tertio laudantur in Scriptura, quia in veteri Testamento fortiter se gesserunt in bello. Sic laudatur Abraham (Genesi, 14. 19.) sic Leuitæ (Exodi 32. 29.) Sic Gedeon, Barac, Sanson, Iephthæ, Samuel, David, & alij (Hebr. 11. 32.)

QVÆSTIO II.

Quæ fuerint leges belli à Deo præscriptæ in veteri Testamento?

Respondeo. Erant variz. Nam quædam obligabant, quando castra erant mouenda de loco in locum. Aliæ, quando eundem ad prælium. Aliæ quando iam inchoandum prælium. Aliæ quando ciuitas obsidenda. Aliæ quando obsidio continuabatur: Aliæ denique, quando victoria parta

1. Primò igitur, quando castra erant mouenda, obligabat hæc lex, Numerorum decimo versu secundo: *Faci tibi duas tubas argenteas ductiles, quibus conuocare possis multitudinem, quando mouenda sunt castra. Cumque increpaueris tubis, congregabitur ad te omnis turba ad ostium Tabernaculi fœderis. Si semel clangueris, venient ad te Principes, & capita multitudinis Israël. Si autem prolixior atque concisus clangor increpaueris, mouebunt castra primi, qui sunt ad orientalem plagam. In secundo autem sonitu & pari ululatu tube, leuabunt tentoria, qui habitant ad meridiem: & iuxta hunc modum reliqui facient, ululantibus tubis in profectiōem. Quando autem congregandus est populus, simplex tubarum clangor erit, & non confuso ululabunt. Fily autem Aaron Sacerdotes clangent tubis: erisque hoc legitimum sempiternum in generationibus vestris*

3. Hæc tubæ debebant esse argenteæ; tum propter reuerentiam diuini Cultus, tum ut essent magis sonoræ. Seruiebant autem ad varios vsus. 1. ad conuocandum populum ad concionem, iuxta ostium tabernaculi. 2. ad conuocandos Principes ad consultationem. 3. ad mouenda castra Quæ tria patent ex citato textu 4. ad bellum. 5. ad festa & sacrificia. Hæc duo patent ex textu sequenti in eodem capite. Debeant autem inflari à Sacerdotibus: Et ex modo inflandi constabat, in quem vsum inflarentur, ut ex textu colligitur.

4. Secundò, quando eundem erat ad prælium, triplex lex obligabat. Prima, Num. 18. 9. *Si exieritis ad bellum de terra vestra contra hostes, qui dimicant aduersum vos, clangetis ululantibus tubis, & eris recordatio vestri coram Domino Deo vestro, ut eruamini de manu inimicorum vestrorum.* Secunda Deut. 23. 9. *Quando egressus fueris aduersus hostes tuos in pugnam, custodies te ab omni re mala, id est, ab omni peccato, ut à scortatione, ebrietate, rapinis, iuramentis, blasphemis, duellis, emulationibus. Itemque ab omni immunditia legali.* Tertia, Deuter. 20. 5. *Duces per singulas turmas, audiente exercitu, præclamabant: Quis est homo, qui adificauit domum nouam, & non dedicauit eam? Vadat, & reuertatur in domum suam, ne forte moriatur in bello, & alius dedisset eam. Quis est homo, qui plantauit vineam, & nec dum fecit eam esse communem, de qua vesci omnibus liceat? Vadat & reuertatur in domum suam, ne forte moriatur in bello, & alius homo eius fungatur officio. Quis est*

homo, qui despondit uxorem & non accepit eam? Vadat, & reuertatur in domum suam, ne forte moriatur in bello, & alius homo accipiat eam. Itaque, ut summam dicam quando ibatur ad prælium, hæc tria debebant seruari. 1. Inflandæ erant tubæ per modum ululatus, ad implorandum à Deo subsidium. 2. Omnes debebant esse puri à peccato, & immunditia legali. 3. Non admittebantur pauidi; sponso nouam domum aut vineam ædificantes.

5. Tertio, quando iam prælium erat inchoandum, seruabatur hæc lex Deuteronomij 20. 2. *Appropinquante eiamprealio, stabis Sacerdos ante aciem, & sic loquatur ad populum: Audi Israël: Vos hodie contra inimicos vestros pugnam commisitistis, non perimescat cor vestrum. Nolite metueri, nolite cedere, nec formidetis eos, quia Dominus Deus vester in medio vestri est, & pro vobis contra aduersarios dimicabit, ut eruat vos de periculo. Magna consolatio.*

6. Quarto, quando ciuitas erat obsidenda, dabatur hæc lex, Deuteronomij 20. 10. *Si quando accesseris ad expugnandam ciuitatem, offeres ei primum pacem. Si receperis, & aperueris tibi portas cunctus populus, qui in ea est, saluabitur, & seruiet tibi sub tributo. Sin autem fœdus inire nolueris, & caperis contra te bellum, oppugnabis eam. Cumque tradideris Dominus Deus tuus illam in manus tuas, percuries omne, quod in ea generis masculini est, in ore gladij, absque mulieribus & infantibus, iumentis & ceteris, quæ in ciuitate sunt. Omnem prædam exercitui diuides, & comedes de spoliis hostium tuorum, quæ Dominus Deus tuus dederit tibi. Sic facies cunctis ciuitatibus, quæ à te preceps valde sunt & non sunt de his urbibus, quas in possessionem accepturæ es. De his autem ciuitatibus, quæ dabuntur tibi nullum omnino permittes pincere, sed interficies in ore gladij, Habebunt videlicet, & Amorrhæum, & Chananeum, Pherezæum & Hæneum, & Iebuseum, sicut præcepit tibi Dominus Deus tuus ne forte doceant vos facere cunctas abominationes, quas ipsi operati sunt diis suis & peccatis in Dominum Deum vestrum.*

7. Quintò, quando obsidio ciuitatis continuabatur debebat seruari hæc lex, Deuteronomij 20. 19. *Quando obsideris ciuitatem multo tempore, & munitionibus circumdederis, ut expugnes eam, non succides arbores, de quibus vesci potest, nec securibus per circuitum debes vastare regionem: quoniam lignum est, & non homo, nec potest bellantium contra te augere numerum. Si quæ autem ligna non sunt pomifera sed acrostia, & in ceteros apia vsus succide, & instrue machinas, donec capias ciuitatem, quæ contra te dimicat.*

8. Sextò, quando victoria erat parta, ordinariè non licebat occidere innocentes, ut mulieres, infantes, & pecora. Hoc colligitur ex dictis Deuteronomij 20. 13. *Percuries omnes, quod in ea generis masculini est, in ore gladij, absque mulieribus, & infantibus, & iumentis.* Non obstante hac lege ordinaria, mandabat aliquando Deus ut etiam mulieres infantes, & iumenta interficerentur ut 1. Regum 15. versu 3. *Vade, & percutte Amalec, & demolire uniuersa eius. Non parcas ei, sed interfice à viro usque ad mulierem, & paruulum atque lætæm, bouem & ovem, camelum & asinum.* Aliquando, ut omnes mulieres, exceptis puellis & virginibus. Num. 31. 17. *Cunctas interficite, quidquid est generis masculini, etiam in paruulis: Et mulieres, quæ nauerunt viros in coitu, ingulare: puellas autem, & omnes feminas virgines reseruate vobis.* In his, & similibus casibus, Dei insilio pro lege est, ut ex Augustino notat Serarius in caput 6. Iolue, quæstione 36.

9. Quæres, quid Deus promiserit Iudæis, si serua-
rent has leges bellicas? Respondeo. Hæc duo, Primò, *Persequimini inimicos vestros, & corruet coram vobis.* Leuit. 26. versu 7. Secundò, *persequuntur quinque de vestris centum alienos: Et centum de vobis, decem milia*

lia cadent inimici vestri gladio in conspectu vestro ibid. versu 8. Si autem non seruarent, minatus est contrarium *ponam faciem meam contra vos, & corrumpetis conatus hostibus vestris, & subiiciemini his, qui oderunt vos: fugietis, nimirum persequente.* ibidem versu 17. & sequentibus. Vide plura Deut. 27. versu 7. & 25.

10. Hinc discant Christiani, quomodo se gerere debeant in bello. Tamen enim quædam ex supra dictis legibus fuerint ceremoniales, quæ iam abrogatæ sunt, tamen aliquæ erant morales, quæ nunquam abrogantur, sed quæ nunc obligant Christianos, ac olim Iudæos obligabant. Cuiusmodi sunt hæc. 1. vt sint puri ab omni peccato. 2. vt seruent ordinem præscriptum in castris. 3. vt confidant in Deum, & ab ipso petant subsidium. 4. vt parcant innocentibus, quantum fieri potest. 5. vt hosti offerant prius pacem, antequam illum bello offensiuo inuadant. Si seruarentur hæc leges à Christianis, scilicet pugnarent contra hostem, quam hactenus pugnarunt. At raro seruantur. Nam multi inter milites ac Duces solent esse scortatores, ebriosi, blasphemi, raptores, & similibus flagitiis inquinati, qui merito à Deo deseruntur & infelicitatem gerunt.

QVÆSTIO III.

Qua fuerit iusta causa gerendi bellum in veteri Testamento?

1. **S**uppono, iustam causam indicendi bellum, generatim loquendo, esse grauem iniuriam, quæ alicui Principi aut Reipublicæ, vel imminet, vel facta est. Si imminet, vt impediatur per bellum defensiuum, iure defensionis. Si facta est, vt vel resarciatur per bellum offensiuum, iure iustitiæ commutatiuæ: vel vindicetur, iure iustitiæ vindicatiuæ. Vide Augustinum quæst. 10. super Iosue, D. Thomam quæst. 40. art. 4. Molinam de iure & iustitiâ disp. 102.

2. Hoc posito, quæstio est, quænam fuerint speciales causæ belli in veteri Testamento? Vel, propter quas iniurias, legitimè indicta fuerint bella in veteri Testamento? Respondeo. Ex scriptura colliguntur hæc causæ. Prima, publica Principis contumelia. Sic Dauid mouit bellum contra Aanon Regem Ammonitarum, eo quod nuncios à Dauide missos affecisset magna ignominia, quæ describitur 2. Regum 10. 4. his verbis: *Tulit ira que Hanon seruos Dauid, rasisque dimidiam partem barba eorum, & præcidit vestes eorum medias usque ad nates, & dimisit eos.*

Secunda, Rebellio subditorum. Sic enim Dauid suscepit bellum contra Seba filium Bochri, qui cum quibusdam aliis separauerat se à Dauide, legitimo suo Rege. 2. Reg. 20. 1.

Tertia, defensio malefactorum, ne iniuste puniantur. Sic filij Israël pugnaverunt contra Beniamitas, eo quod nollent tradere quosdam ex sua tribu qui nefandum flagitium perpetrauerant. Quin eos potius defendebant. Iudic. 20. 1.

Quarta, Suppetiæ inimicis latæ. Sic Dauid percussit viginti duo millia virorum de Syria Damasci, quia suppetias tulerant Adarezer Regi Soba 2. Regum 8. 5.

Quinta, Negatio innoxij transitus per alienam terram, quæ iure naturali negari non potest. Sic Israëlites indixerunt bellum Arad Regi Chananzo, quod negaret illis transitum per suam Prouinciâ. Num. 21. 1.

Sexta, Violatum fœdus. Sic Rex Ioram indixit bellum Regi Moab, qui nolebat illi soluere centum millia onum, quæ ex antiquo fœdere tenebatur solvere 4. Regum 3. 5.

A Septima, Idololatria subditorum. Sic Moyses cum filiis Leui, bello aggressus est filios Israel, & interfecit triginta tria millia hominum: propterea quod aureum vitulum adorassent. Exodi 32. 16.

QVÆSTIO IV.

An Iudæi potuerint bellum gerere contra Iudæos?

1. **R**atio dubitandi est, quia quando Roboam Rex cum domo Iuda & Benjamin, voluit bellum gerere contra domum Israël, qui omnes ex utraque parte erant Iudæi) dixit illi Deus per Prophetam: *Non ascendetis, neque bellabitis contra fratres vestros, filios Israël.* 3. Regum 12. versu 24. Et tamen Roboam habuit legitimam causam indicendi bellum, quia volebat subditos rebelles ad obedientiam reuocare. Ergo, quod prohibitus fuerit gerere bellum, non erat alia causa, quàm quia volebat illud gerere contra Iudæos, fratres suos.

2. Sed contrarium facile probari potest ex dictis. Primò, exemplo Moysis & Liuitarum, qui pugnarunt contra fratres suos, propter peccatum idololatriæ commissum. Exod. 32. versu 26. Secundo, exemplo filiorum Israël, qui communi consensu, & consulto prius Deo pugnarunt contra Beniamitas, & totam ferè ipsorum tribum extinxerunt. Iudicum 2. per totum. Tertiò, exemplo Dauidis, qui pugnavit contra subditos rebelles. 2. Regum 20. versu 1. Accedit ratio, quia si Iudæi contra Iudæos non potuissent bellum gerere, nen potuisset inter illos conseruari iustitia, nec iniuria vindicari. Nam sæpè contingit, vt iniuria ab vna parte illata, non possit vindicari, nisi bello. Et si non vindicaretur, nulla seruaretur iustitia in communitate, quod est absurdum. Denique conditiones illæ, quæ efficiunt vt bellum sit iustum & legitimum, tam benè reperiri possunt inter homines eiusdem gentis, quàm inter extraneos.

3. Nec obstat exemplum Roboam. Nam is non est iussus cessare à bello, ex eo precisè, quod illud suscepisset contra fratres suos; sed ex eo, quod veller illos ad suum regnum reducere, quod erat contra Dei ordinationem. Nam Deus volebat regnum Salomonis, propter ipsius peccata, in duas partes diuidere, & maiorem partem dare Ieroboam, seruo Salomonis, minorem verò relinquere Roboam, filio Salomonis. Roboam autem nitebatur totum regnum solus obtinere; & omnes, qui adhærebant Ieroboam, ad se reducere. Et quia hoc volebat perficere armata manu, monitus est à Deo, vt à cœpto desisteret. 3. Regum 12. 21. & sequentibus.

QVÆSTIO V.

An Iudæi potuerint bellum gerere contra quosvis Gentiles?

1. **R**espondeo. Poterant, seruatis conditionibus supra positis. Nam si Gentiles quicunque iandem illi fuissent, vel iniuste inuasissent Iudæos, vel grauem aliquam iniuriam irrogassent, poterant ipsi se defendere, & illatam iniuriam vindicare. Sic fecerunt contra Chananzos, Amorrhæos, & Madianitas, tempore Moysis. Sic contra habitatores Iericho, & Hai, & vicinarum ciuitatum, tempore Iosue. Sic contra Syros, Madianitas, Amalcitas, Ammonitas, Phillistæos, tempore Iudicum. Sic contra eosdem Phillistæos, Syros, Arabes, Æthiopes, Moabitas, Idumæos, tempore Regum. Sic contra Anthiochum, Apolonium, Nicanorem, Lysiam, Gorgiam, Bacchidem, Tryg-

phonem Alexandrum, tempore Machabeorum. Et ratio est, quia sicut homo priuatus, iure naturali, potest se legitime defendere contra quemcumque iniustum inuasorem, aut iniuriantem; Ita etiam Princeps vel Respublica potest.

2. Dices Deus per Prophetam prohibuit Iudæis, ne susciperent bellum contra Nabuchodonosorem Regem Babylonis, sed sponte se illi subiicerent. Ierem. 27. 12. Respondeo. Verum est, quia Iudæi non poterant iusto bello, de quo hic agimus, contra Regem illum pugnare. Idque ex duplici capite. Primò, quia Deus dederat Nabuchodonosori regnum Iuda, & omnia regna vicina. Ierem. 27. 6. Ergo nec Iudæi, nec vicini populi poterant iusto bello hanc donationem impedire. Secundò, quia Iudæi propter sua peccata meriti erant hanc pœnam, ut seruirent Nabuchodonosori: Et nisi vellent sponte eam subire, futurum erat, ut grauiorem pœnam sustinere cogerentur. ibid. vers. duodecimo. Ergo non poterant iusto titulo reluctari.

QUESTIO VI.

An Iudæi in bello pauerint implorare auxilium à gentibus & infidelibus?

1. **A**liqui affirmant, quia Asa Rex Iuda implorauit auxilium Benadab Regis Syriæ, in bello contra Regem Israël. 2. Paralip. 16. 2. Similiter Iudas Machabæus iniit fœdus cum Romanis Gentilibus, ut in bello se mutuo iuuant. Machab. 8. 1.

2. Alij negant, quia Deus seuerè prohibuit Iudæis, ne contraherent fœdus & amicitiam cum infidelibus. Et graues pœnas comminatus est, nisi obtemperarent. Deuter. 7. 1. & Iosue 23. 12. & Iudic. 2. 2. Et quia non obtemperarunt, puniti sunt. Nam Deus permisit illos à gentilibus opprimi, & in seruitutem redigi, ut patet ex libro Iudicum, & libro 4. Regum, & libro Tobie, Esther, Prophetarum. Sed distinguendum est, iuxta sequentes Conclusiones.

3. Prima Conclusio. Per se, & ex natura rei, licitum est in bello iusto implorare auxilium infidelium, etiam contra fideles. Ita Dominicus Bannes in 2. 2. quæst. 40. artic. 1. dub. 3. & alij ab eo citati: Ratio est, quia infideles possunt ex se suscipere iustum bellum contra quoscunque hostes: ergo possunt etiam alios iuare in iusto bello contra quoscunque hostes: ergo licitum est ab iis petere, ut nos iuuent in iusto bello. Et confirmatur 1. quia actus iustitiæ loquendo præcisè ex natura rei, potest ab omnibus, tam fidelibus, quam infidelibus, exerceri. At gerere iustum bellum, vel iuare in iusto bello, est actus iustitiæ: ergo potest ab omnibus exerceri. 2. quia in iusto bello licitum est uti subsidio equorum, Elephantorum, & aliorum brutorum animalium: ergo etiam hominum infidelium. 3. Licitum est in iusto bello præbere auxilium infidelibus contra fideles: ergo etiam licitum est ab eis petere auxilium, cum sit par ratio. Antecedens patet exemplo Davidis, qui auxilium præbuit Achis Regi Philistinorum, contra populum Israël 1. Reg. 18. & 19. Videatur ibidem Abulenſis cap. 18. quæst. 5.

4. Secunda Conclusio. Nihilominus Iudæi triplici titulo prohibebantur inire fœdus cum infidelibus. Primò ratione periculi subuersionis; quia periculum erat, ne ex tali fœdere & societate, desererent cultum Dei, & fierent idololatæ. Exod. 34. 12. & Deut. 8. & alibi. Secundò, ratione periculi perfidiæ, ex parte infidelium. Nam infideles sæpè non seruabant pacta cum Iudæis inita. Non seruauit Rex Moab. 4. Reg. 3. 5. Neo Demetrius 1. Machab. 12. 53. Nec Tryphon. 1. Machab. 12. 48. Nec Ptolomæus. 1. Machab. 16. 16. Nec multi

Alij. Tertiò, ratione scandali, quod erat duplex. Vñ, quia qui in bello petebant auxilium ab infidelibus, videbantur fiduciam suam in illis potius ponere, quam in Deo. Quod, quia erat contra legem Dei, erat scandalosum. Et hoc nomine reprehensus fuit Asa Rex Iuda, qui à Benadab Rege Syriæ petierat auxilium, iuxta illud 2. Paralip. 16. 7. *Veni Hamari Propheta ad Asa Regem Iuda, & dixit ei: Quia habuisti fiduciam in Rege Syriæ, & non in Domino Deo tuo, idcirco uasit Syria Regis exercitus de manu tua.* Alterum, quia sicut erant socij & fautores infidelium in bello, sic etiam putabantur esse socij & fautores in impietate, quod æquè erat scandalosum. Vnde dictum est Iosaphat Regi Iudæ, qui auxilium præbuerat impio Regi Achab, 2. Paralip. 19. 2. *Impio præbes auxilium, & his qui oderunt Dominum, amicitia iungis: & idcirco iram quidem Domini mereris, sed bona opera inueniuntur in te, eo quod abstuleris lucos de terra Iuda.*

QUESTIO VII.

Quinam Iudaorum Reges aut Principes feliciter gesserint bellum?

1. **R**espondeo. Illi potissimum, qui seruauerunt leges belli à Deo præscriptas: Et maximè, qui spem suam ponebant in Deo, & ab eo subsidium petebant. Sic fecerunt Moyses, Iosue, Othoniel, Aod, Barac, Gedeon, Iephthæ, Samson. Sic fecit Rex David, quando consulto prius Deo, pugnavit contra hostes. Sic Abia Rex Iuda, quando pugnaturus contra Ieroboam, Regem Israël, totam suam fiduciam collocauit in Deo, 2. Paralip. 13. 4. & sequentibus. Sic Iosaphat Rex Iuda, qui omnibus in circuitu hostibus erat terrori, quia Deus pugnat pro ipso, 2. Paralipom. 17. 3. & 10. Sic Ezechias, quando obsessus à Sennacherib. Rege Assyriorum cum ingenti exercitu, orauit Dominum pro liberatione, & obtinuit. Nam Angelus Domini missus in castra Assyriorum, vna nocte percussit centum octoginta quinque milia hostium. 2. Paralipom. 32. 20. & 40. Regum 19. 35. Sic Machabæi, quorum bella & victoriæ describuntur in libris Machabæorum. Illi verò infelicitè pugnarunt, qui neglecto Deo confidebant in multitudine & potentia suorum exercituum.

QUESTIO VIII.

*Quid in lege Mosaica statutum fuit de mandati-
tia castrorum.*

1. **G**eneralis lex erat hæc Deut. 23. v. 14. *Sint castra tua sancta, & nihil in eis appareat fœdicitatis.* Ratio additur: *Dominus enim Deus tuus ambulat in medio castrorum, ut eruas te, & tradat tibi inimicos tuos.* Speciatim verò statuta fuerunt hæc tria. Primo, *Si fuerit inter vos homo qui nocturno pollutus sit somnio, egredietur extra castra & non reuertetur, priusquam ad vesperam lauetur aqua: Et post solis occasum regredietur ad castra.* ibid. v. decimo. Secundò, *Habebis locum extra castra, ad quem egrediaris ad requisita namque, gerens paxillum in balteo: cumque cederis, foderis per circuitum, & egest abumo, operies, quod eleuaueris ibidem versu duodecimo.* Tertiò: *Præcipe filius Israël, ut eiciant de castris omnem leprosum, & qui semine fluit, & qui pollutus est super mortuo.* Num. 5. versu 2.

2. Igitur castra debebant esse munda à pollutione & semine, & stercore, & lepra, & immunditia legali ex mortuo contracta. Idque duplici de causa. Primò, propter Arcam Dei, quæ erat in medio castrorum, in qua Deus dicebatur habitare. 2. ad conseruandam in castris valetudinem. Quæres, an ista lex semper obligauerit Iudæos? Abulenſis putat tunc solum obligasse, quando Iudæi erant in deserto: non autem postea, quando

habitant in terra promissionis. Nihilominus Esteni, de quibus supra c. 10. dictum est, dicuntur etiam in Iudæa obseruasse eandem legem, ut refert Iosephus libro 2. de bello Iudaico cap. 7. Erant enim valde studiosi legis & puritatis. Vide Cornelium in cap. 23. Deuteronomij.

CAPVT XVIII.

De Furto, & Usura.

I. Vo quæri possunt. 1. Quæ fuerint leges circa furtum? 2. An usura Iudæis fuerit licita, necne? Ad prius sic respondeo. Principalis lex circa furtum fuit hæc: *Non furtum facies*. Exodi 20. versu decimoquarto. Ad hanc reuocari debent sequentes. Prima, non decipiet vnusquisque proximum suum, Leuit. 19. 11.

Secunda, Viduæ & pupillo non nocebitis. Si læseritis eos, clamabunt ad me, & ego exaudiam eos: Percutiamque vos gladio, & erunt vxores vestræ viduæ, filij vestri pupilli. Exod. 22. vers. 22. & Deuteronom. 10. 18.

Tertia, Nolite facere iniquum aliquid in iudicio, in regula, in pondere, in mensura. Leuit. 19. 35.

Quarta, Statera iusta, & æqua sint pondera: Iustus modius, æquusque sexarius, ibid. vers. 36.

Quinta, Non habebis in sacco diuersa pondera, maius & minus: nec erit in domo tua modius maior & minor. Ponderus habebis iustum & verum & modius æqualis & verus erit tibi. Deut. 25. 13.

Sexta. Non assumes & transferes terminos proximi tui, quos fixerunt priores in possessione tua Deut. 19. 14.

Septima, non facies, quod iniquum est, nec iniuste iudicabis. Non consideres personam pauperis, nec honores vultus potentis. Iuste iudica proximo tuo. Leuit. 19. 15.

Octaua, Qui percusserit animal reddet vicarium, id est, animal pro animali. Leuit. 24. vers. 18.

Nona, Si quis furatus fuerit bouem aut ouem, & occiderit aut vendiderit; quinque boues pro vno restituet, & quatuor oues pro vna oue. Exodi 22. 1.

Decima, Si viuens bos, aut ouis, aut asinus, apud eum inuentus fuerit, duplum restituet. ibid. vers. 4.

Vndecima, Si non habuerit, quod pro furto reddat, ipse vendetur. ibid. vers. 3.

Duodecima, Occidens furem nocturnum, innocens habeatur: occidens vero furem diurnum, occidatur. ibid. vers. 2.

Decimatertia, Qui damnum fecerit proximo suo, confitebitur peccatum suum, & compensabit damnum; & insuper addet quintam partem. Num. 5. 6.

Decimaquarta, Si læserit quispiam agrum vel vineam, & dimiserit iumentum suum, ut depascatur aliena, quidquid optimum habuerit in agro suo vel in vinea, pro damni æstimatione restituet. Exodi 22. 5.

Decimaquinta, Si egressus ignis inuenerit spicas, & comprehenderit aceruos frugum, siue stantes segetes in agris, reddet damnum, qui ignem succenderit ibidem versu 6.

Decimasexta, Plagiarius, qui furatur hominem ut vendat, occidatur. Deuter. 24. 7.

2. Dices, Aliquæ ex illis legibus videntur inter se pugnare, ut octaua, nona, & decima. Nam octaua præcipit simplum restituere: nona, quadruplum aut quintuplum: decima, duplum. Respondeo. Non pugnant, sed discrepant. Primum, quia octaua est moralis, sumpta ex iure naturali: reliquæ duæ sunt iudiciales, sumptæ ex libera voluntate legislatoris. Deinde, octaua præcipit,

A quod iure naturali debitum est: reliquæ duæ, quod per modum libertatis, pœne à iudice, vel legislatore imponi potest. Iuxta octauam, qui furatur bouem, tenetur iure naturali illum restituere. Iuxta reliquas, tenetur iure positiuo & pœnali, vel duplum, vel quadruplum, vel quintuplum restituere, pro arbitrio legislatoris. Itaque qui bouem vnum pro boue restituit, satisfecit iure naturali, non tamen positiuo. Vel, quod idem est, satisfecit iustitiæ commutatiuæ, non tamen vindicatiuæ.

3. Quæres, Quare fur pro vno boue debuerit quinque boues restituere, & pro vna oue quatuor tantum oues & non quinque? Respondet Theodoretus, quia maius furtum maiori pœna plectendum est: At maius furtum est bouis, quam ouis; quia bos est maioris pretij quam ouis. Diuus Thom. in 1. 2. quæst. 105. art. 3. ad 9. sic respondet. Iubet Deus, ut fur pro vno boue reddat quinque, quia bos habet quinque vtilitates. 1. Immolatur. 2. pascit nos carne sua. 3. arat. 4. dat lac. 5. dat corium. At ouis adfert quatuor tantum commoda. 1. Immolatur. 2. pascit nos sua carne. 3. dat lac. 4. dat lanam. Alij addunt mysticam causam; quia bos significat doctorem populi; ouis discipulum & auditorem. At grauius punitur, qui aufert, vel peruertit Doctorem, quam qui auditorem. Ita Rabanus Exod. 22. vers. 1. Quæ omnia probabilia sunt. Vera causa est, quia Deo, qui est supremus legislator, ita placuit.

4. Quæres 2. Quare furem nocturnum licebat occidere, non autem diurnum? Respondeo. Ob has causas. 1. quia non constat, an fur nocturnus veniat tantum ad furandum, an etiam ad occidendum. Et quia præsumitur ad vtrumque venire, occidi poterat in veteri Testamento. 2. quia noctu agnoscere non potest, & ideo is, qui damnum patitur, non potest eum postea in iudicio accusare, & rem suam repetere. 3. quia nocturnus non potest tam cito ac facile deprehendi, ac diurnus. Nam nocte omnes dormiunt, ac proinde paterfamilias non potest statim habere famulos paratos, qui furem apprehendant. Secus est de die. Eandem distinctionem furis diurni ac nocturni, quoad eius occisionem habet Augustinus, & ex eo translata est in ius Canonicum. Extravag. de homicidijs. cap. Si per fodiens. Notandum tamen est, si fur diurnus non tantum furaretur, sed etiam gladio vel armis vellet tueri suum furtum, licere etiam illum occidere. Ita Augustinus quæstione 84. supra Exodum. Et sancitum est in iure civili lib. furem ff. ad legem Corneliam, de Sicarijs.

De Usura.

5. De usura extat duplex lex. Vna. Exod. 22. 25. *Si pecuniam mutuum dederis populo meo pauperi, qui habet tecum non urgebis eum, nec usuris opprimes*. Altera, Deut. 23. 19. *Non faceris fratri tuo ad usuram pecuniam, nec fruges, nec quolibet aliam rem; sed alieno. Fratri autem tuo absque usura, id quo indiget, commodabis, ut benedictus tibi Dominus Deus tuus in omni opere tuo*. Hic duo decernuntur. 1. ut Iudæi non exigant usuram à Iudæis, id est, à fratribus suis. 2. ut possint exigere ab extraneis.

6. Quæstio est, quomodo hoc posterius sit intelligendum? Triplex est opinio. Prima Iudæorum, qui putant sibi concessum esse à Deo, ut à quolibet extraneo possint usuram exigere sine peccato. Ac proinde, etiam hoc tempore se non peccare, exigendo usuram à Christianis & Gentilibus. Altera quorundam Theologorum, qui asserunt, Iudæis non quidem concessum, sed tamē permissum esse, ut exigant usuram ab extraneis, propter duriciam cordis ipsorum. Ac proinde ipsos quidē peccare usuram exigendo, non tamen per legem Molisæam puniri. Ratio illorum est, quia usura absolute, & sine ulla distinctione fratris vel extranei, mala & prohibita est, ut

vt patet Psal. 14. 5. & Psal. 54. 12. & Ezech. 18. 8. Ergo non potuit licite concedi Iudæis. Potuit tamen permitti, tanquam minus malum, ad vitandum maius malum, ne scilicet suos fratres per usuram exhaurirent. Ita D. Th. in 2. 2. quæst. 78. artic. 1. ad 2. & multi alij. Tertia est, Iudæis non tantum permissum, sed etiam concessum fuisse exigere usuram à vicinis hostibus nempe Chananæis, Amorrhæis, Amalecitis; ita vt exigendo non peccarent. Ratio est, quia Deus concesserat illis, vt occiderent vicinos hostes, & eorum bona diriperent. Itaque sicut non peccabāt occidendo Amorrhæos, & Chananæos in bello; ita non peccabant accipiendo illorum pecuniam per usuram. Ita Conradus quæst. 24. de contractibus, Medina quæst. 2. de usura, & aperte D. Ambrosius lib. de Tobia cap. 15. Vbi inter cetera sic ait: *Cui iure inferuntur arma, huic legitime indicantur usura.* Item *Ab hoc usuram exige, quem non sit crimen occidere.* Item: *Vbi ius belli, tibi etiam ius usura.* Hæc duæ posteriores opiniones sunt probabiles; prima manifestè falsa.

CAPVT XIX.

De Homicidio, & Ciuitatibus Refugij.

1. **H**omicidium est duplex. Vnum voluntarium, quod sine culpa committitur. De priori hic agam. Posteriorius pertinet ad ciuitates Refugij, de quibus paulò post. Igitur de homicidio voluntario extat vna lex moralis, Exodi 20. 13. *Non occides.* Et vna ceremonialis, Deut. 21. 1. *Si inuentum fuerit cadaver hominis occisi in agro seniores urbis vicine adducunt vitulam ad vallem asperam, ibique eam mactabunt ac super eam tenebunt manus suas, & dicent: Manus nostra non effuderunt sanguinem hunc, nec oculi viderunt. Propitius esto populo tuo Israël, quem redemisti Domine, & ne reputes sanguinem innocentem in medio populi tui Israël. Et auferetur ab eis reatus sanguinis. Tu autem alienus eris ab innocentis cruore, qui fusus est, cum feceris, quod precepit Dominus.* Videantur Interpretes illius loci.

2. Iudiciales sunt plures. Prima. *Qui percussit & occiderit hominem, morte moriatur.* Leuit. 24. 17.

Secunda: *Non accipietis pretium ab eo, qui reus est sanguinis: statim & ipse morietur.* Num. 35. 31.

Tertia: *Qui irrogauerit maculam cuilibet ciuium suorum: sicut fecit, sic fiet: Fracturam pro fractura, oculum pro oculo, dentem pro dente restituet. Qualem inflixerit maculam, talem sustinere cogetur.* Leuit. 24. 19.

Quarta *Qui percussit seruum suum vel ancillam virga, & mortum fuerint in manibus eius, criminis reus erit. Sin autem uno die, vel duobus supervixerint, non subiacebit poena, quia pecunia illius est.* q. d. Emit eos sua pecunia. Exod. 21. 20.

Quinta: *Si rixari fuerint viri, & percussit quis mulierem pregnantem, & abortum quidem fecerit, sed ipsa vixerit, subiacebit damno, quantum maritus mulieris expetierit, & arbitri iudicauerint. Sin autem mortuus fuerit subsecuta, reddet animam pro anima.* Ibid. v. 22.

Sexta: *Si percussit quis oculum serui sui aut ancilla, & inscos eos fecerit, dimistet eos liberos pro oculo, quem eruit: pari modo si dentem eius excusserit.* Ibid. v. 26.

Septima: *Facies murmuranti per circuitum, ne quis ex eo labatur, sique sanguinis reus.* Deut. 21. 8.

Octava: *Si quem Iudices plagis dignum iudicent, pro mensura delicti erit & plagarum modus: sed numerum quadragenarium non excedet.* Deut. 25. 2.

Nona: *Qui percussit hominem; volens occidere, morte moriatur.* Exod. 21. 12.

Decima: *Si rixari fuerint viri, & percussit alter proximum.* Ofulc. Bec.

Amum suum lapide vel pugno, & ille si orexerit, & ambulauerit: foris innocens erit, qui percussit, ita tamen, ut operas & impensas in medicos restituat. Ibid. v. 18.

De Ciuitatibus Refugij.

3. Leuitæ & Sacerdotes (vt cap. 7. q. 6. §. 3. dictum est) habebant quadraginta octo ciuitates sibi deputatas. Ex illis, sex erant ciuitates refugij, ad quas tanquam ad asylum, confugere poterant illi, qui sine sua culpa homicidium commiserant. (Iosue 20. 4. & Num. 35. 11.) Erant autem hæc ciuitates Refugij. 1. Cedes in Nephtali. 2. Sichem in Ephraim. 3. Hebron in Iuda. 4. Bosor in Ruben. 5. Ramoth in Galaad. 6. Gailon in Manasse. Tres primæ citra, reliquæ trans Iordanem. (Iosue 20. 7. Omnes æquali spacio inter se distabant. (Deut. 19. 7. Omnes sitæ erant in montibus, vt eminus videri possent excepta Bosor, quæ sola erat in plano, sed tamen patente loco & conspicuo. (Iosue 20. v. 8.) Hic aliqua notanda sunt.

4. Primò ad vnā ex his ciuitatibus, tanquam ad asylum poterat confugere homicida, & coram Senioribus illius loci, qui omnes erant Leuitæ & Sacerdotes, probare suam innocentiam, id est, se sine sua culpa homicidium fecisse: iuxta illud Iosue 20. 2. *Separate urbes fugitivorum, vt confugiat ad eas quicumque animam percussit nescius, & possit euadere iram proximi, qui ultor est sanguinis. Cum ad vnā harum confugerit ciuiatem, stabit ante portam ciuitatis, & loquitur senioribus vbi illius ea, qua se comprobem innocentem: sicque suscipiemus, & dabimus ei locum ad habitandum.*

5. Secundò, debebat autem in aliqua istarum ciuitatum, ad quam confugerat, manere vsque ad mortem Summi Pontificis. Quod si ante mortem Pontificis inuentus fuisset extra ciuitatem Refugij, poterat interfici à propinquis illius, quem interfecerat. (Numer. 35. 25.)

6. Tertio, præter sex ciuitates Refugij, erat aliud asylum, ad quod confugere poterant homicidæ, nempe altare & Tabernaculum. Eò confugit Ioab, qui occiderat Abner & Amasam. 3. Reg. 1. 28. *Fugit Ioab in Tabernaculum Domini, & apprehendit cornu altaris.* Sed quia non erat innocens, nullu Salomonis interfectus est, nec profuit illi asylum, ad quod confugerat (ibid. v. 31.) Erat enim lex lata vt homicida voluntarius abstraheretur ab asylo, & interficeretur, Exod. 21. 14. *Si quis per industriam occiderit proximum suum, per insidias, ab altari meo euellat eum, vt moriatur.*

7. Quarto, sicut Iudæi poterant perferre ad asylum, sic etiam aduenæ & peregrini (Num. 35. 15.) Disputant Interpretes, an quilibet aduenæ & peregrini, etiam Gentiles? Affirmant Nasius, & Magalianus in cap. 20. Iosue. Negant Abulensis & Sararius ibid. asserentes aduenas & peregrinos ad Iudaismum conuersos, id est, proselytos, non autem Gentiles in Gentilismo manentes, habuisse hoc privilegium. Nota. Iudæi ex genere, habebant quorundam privilegia propria quibus carebant proselyti: quorundam communia cum proselytis. Propria erant hæc tria: Primum, seruus genere Iudæus anno septimo & quadragesimo fiebat liber; non autem proselytus. Leuit. 24. 39. & sequentibus. Secundum, Iudæi gaudebant privilegio remissionis debitorum anno septimo; non autem proselyti. Deuter. 15. 3. Tertium, Iudæi non poterant dare ad usuram Iudæis, sed proselytis, Deuter. 23. 19. Reliqua erant communia. Ita ex Abulensi Cornelius in cap. 35. Num. v. 15.

8. Quintò, Homicidæ voluntarij, vt supra dictum, non gaudebant privilegio asyli, sed tantum inuoluntarij. Excipiebatur vnus casus, vt si quis voluntarij

occidisset iniustum, inuasorem, vim vi repellendo. Is enim habebat ius asyli; & si probaret suam innocentiam, statim ex loco asyli; domum remittebatur nec tenebatur expectare mortem Pontificis, quia non erat propriè homicida, sed inculpatus vitæ suæ defensor. Ita Abulensis in cap. 20. Iosue, quæst. 5. Serarius ibid. q. 2. Cornelius loco citato. Quid autem dicendum de eo, qui in ipso asylo, seu in ipsis Refugij ciuitatibus homicidium perpetrasset? Abulensis ibid. quæst. 19. putat, non habuisse ius asyli.

9. Quæres an etiam Christiani habeant aliqua asyla pro homicidis? Respondeo. Habent: sed in multis differunt à Iudeis. 1. quia Christiani habent asyla iure humano: Iudæi habebant iure diuino constituta. 2. apud Christianos omnes Ecclesiæ, cimiteria, cœnobiaz, domus religiosæ & Ecclesiasticæ, sunt asyla. Apud Iudæos erant multo pauciora, ut ex dictis patet. 3. Iudæi poterant extrahi ab asylo, ut causa eorum examinaretur. Christiani non possunt extrahi, ne quidem à Iudice aut Magistratu. 4. Asyla Iudæorum erant tantum pro homicidis inuoluntariis. Asyla Christianorum pro omnibus ferè reis. Excipiuntur nocturni agrorum depopulatores, publici latrones, & viarum obfessores (cap. inter alia, De immunitate Ecclesiarum.) Item raptores virginum, proditores, sacrilegi, blasphemii, heretici, apostatae Iudæi, & quotquot in ipsis asylis delinquant. Vide Serarium in cap. 20. Iosue, quæst. 9.

CAPVT XX.

De Matrimonio veteris Testamenti.

1. **D**E Matrimonio extant hæc leges in veteri Testamento. Prima: Nemo contrahet matrimonium in gradu prohibito. (Leuit. 18. 6.) Secunda: *Ad mulierem quæ patitur menstrua, non accedes,* (ibid. v. 19.) Tertia: Si vnus ex fratribus mortuus fuerit sine prole, vxorem illius accipiet alter frater, & suscitabit semen fratri suo: Et primogenitum nomine illius nominabit. (Deut. 25. 5.) Quarta: Si alter frater noluerit accipere vxorem fratris sui, tunc vxor mortui, coram senioribus, tollet calceamentum de pedibus eius, & spuet in faciem illius, dicens: *Sic fiet homini, qui non edificat domum fratri sui,* (ibid. v. 7.) Quinta: Si quis in bello captâ mulierem alienigenâ admauerit propter pulchritudinem, & voluerit habere vxorem, introducet eam in domum suam: quæ radet caput suum, & præcidet ungues, & mutabit vestem, & flebit patrem & matrem suam vno mente. Et tunc fiet vxor illius. Si postea ei displicuerit, non vendet, sed liberam dimittet. (Deut. 21. 11.) Sexta: Si quis habuerit duas vxores, *vnam dilectam, alteram odiosam;* & filius odiosæ fuerit primogenitus, dabit ei iura primogenituræ, nec præferet ei filium dilectæ. (ibid. v. 15.) Septima, *Omnes viri ducent vxores de tribu & cognatione sua. Et cuncta femina de eadem tribu maritos accipiant, ut hæreditas permaneat in familiis, nec sibi amisceantur tribus, sed ita maneant, ut à Domino separata sint.* (Num. 36. 7.)

2. Circa has leges aliqua examinanda sunt. 1. An matrimonium fuerit præceptum in Vet. Test. 2. In quoto gradu licuerit, vel non licuerit matrimonium contrahere? 3. An Iudæi potuerint accipere vxores alienigenas? 4. An potuerint accipere vxores extra suam tribum & familiam? 5. Quæ sit differentia inter matrimonium veteris ac noui Testamenti? Est igitur.

QVÆSTIO I.

An matrimonium fuerit præceptum in veteri Testamento?

1. **R**atio dubitandi est. Primò, quia Gen. 1. 28. & Gen. 9. 1. præcepit Deus: *Crescite & multiplicamini.* Secundò, quia Deut. 7. 14. similiter præcepit: *Non erit apud te sterilis vtriusque sexus.* Tertio, quia non legimus, aliquos in Vet. Test. vixisse cælibes. Quarto, quia ignominiosum erat non habere prolem vnde vulgare erat omnium axioma: *Maledictus, qui non reliquit semen in Israël.*

2. Respondeo. Neque naturali, neque diuino præcepto, singuli in V. Test. fuerunt obligati ad matrimonium. Prior pars patet, quia tametsi tota communitas naturali præcepto fuerit obligata, sicut etiam nunc est, conseruare se per procreationem prolis, & consequenter per matrimonium; hoc tamen præceptum non obligabat singulos de communitate, sed totam communitatem generatim, ut docet D. Tho. in Supplemento, q. 41. art. 2. Simile est de agricultura. Nam præceptum naturale est, colere agros ad conseruandam vitam humanam, non minus, quàm procreare prolem: & tamen præceptum illud non obligat singulos; alioqui singuli deberent agros colere, quod est contra communem hominum sensum ac consuetudinem.

3. Posterior pars probatur, quia in veteri Testamento nullum extat diuinum præceptum, quod obliget singulos ad matrimonium. Nam illa verba, *Crescite & multiplicamini*, non continent præceptum, sed benedictionem. Nam Deus bis legitur dixisse illa verba hominibus. Semel primis parentibus in paradiso: & semel Noë, & filiis eius post diluuium, cum ex arca egressi essent. Vtrisque dixit post matrimonium iam contractum. Igitur per illa verba non præcepit illis, ut matrimonium contraherent, quod iam contractum erat; sed impertiuit illis benedictionem, ut copiosam sobolem procrearent ad multiplicandum genus humanum, quod tunc valde exiguum erat. Hoc constat ex ipso textu. Nam primò, certum est, Noë & filios eius, antequam arcam ingrederentur, habuisse suas vxores Gen. 7. 7. *Ingressus est Noë, & filij eius, vxor eius, & vxores filiorum eius, cum eo in arcam, propter aquas diluuij.* Secundò, certum est, eundem Noë & filios eius cum suis vxoribus, peracto diluuiio, egressos esse ex arca, Gen. 8. 18. *Egressus est ergo Noë, & filij eius, vxor illius, & vxores filiorum eius cum eo.* Tertio, certum est, postquam cum suis vxoribus egressi sunt ex arca, tunc illis dictum esse à Deo: *Crescite & multiplicamini.* Hoc enim disertè habet historia. Vnde euidenter sequitur, his verbis non contineri præceptum de matrimonio inuolando, quia matrimonium iam inuitum erat, sed benedictionem in propaganda posteritate. Et hoc significat textus, cum ait: *Benedixit Deus Noë, & filijs eius, & dixit ad eos: Crescite & multiplicamini, & replete terram.*

4. Idem dico de primis parentibus. Nam matrimonium inter illos statim contractum est, quando Deus ex costa Adæ dormientis formauit Euam. Tunc enim euigilans ex sopore, dixit Adam: *Hoc nunc os ex ossibus meis & caro de carne mea. Hæc vocabitur virago, quoniam de viro sumpta est. Quam obrem relinquet homo patrem, & matrem, & adheret uxori suæ.* Quibus verbis tria indicat. 1. Euam esse vxorem suam. 2. maius esse vinculum inter virum & vxorem, quàm inter parentes & filios. 3. hanc conjunctionem conjugalem, quæ tunc inter ipsum & Euam facta est, fuisse figurâ conjunctionis Christi cum Ecclesia. sic enim verba Adami interpretatur Apost. ad Eph. 5. 32. cum ait: *Sacramentum hoc magnum est: Ego autem cum di-*

in Christo & Ecclesia. Igitur quod postea dictum est pri-
mis parentibus: *Crescite & multiplicamini*: non conti-
net præceptum de matrimonio contrahendo, sed so-
lennem benedictionem in propagando humano ge-
nere.

5. Similiter illa verba: *Non eris apud te sterilis utrius-
que sexus*, habent eundem sensum. Est autem hic sen-
sus: Si custodieritis præcepta mea, dabo vobis bene-
dictionem temporalem, tam in procreatione libero-
rum, quam in aliis rebus. Hoc etiam constat ex textu,
qui sic habet: *Si postquam audieris hac iudicia, custodie-
ris ea, & feceris, custodiet & Dominus Deus pactum tibi,
& misericordiam quam iuravit patribus tuis: & diliget te, ac
multiplicabit, benedicetque fructui ventris tui, & fructui ter-
rarum, frumento tuo, &que vindemia, oleo & armentis, gre-
gibus ovium tuarum super terram, pro quibus iuravit patribus tuis,
ut daret eam tibi. Benedictus eris inter omnes populos. Non
eris apud te sterilis utriusque sexus, tam in hominibus, quam
in gregibus tuis.*

6. Quod autem obiicitur, nullum in V. Testa-
mento fuisse cælibem, verum non est. Cælibes fue-
runt Melchisedech, Iosue, Helias, Helisus, Iere-
mias, Ioannes Baptista, ut testatur S. Ignatius in e-
pist. ad Philadelphos. Item Abel frater Cain, ut tra-
dunt Hieronymus, Basilus, Ambrosius, & alij apud
Cornelium in caput 4. Gen. ver. 2. Vide Genebrar-
dum in Chronologia.

7. Nec obstat, ignominiosum fuisse apud Hebræos,
non habere prolem. Nam hæc ignominia non proue-
niebat ex virginitate, vel cælibatu, sed ex sterilitate
matrimonij. Cum enim Deus promississet iis, qui in
matrimonio vivebant, benedictionem & fecundita-
tem, sub hac conditione, si custodirent legem Dei: sus-
picio erat illos puniri à Deo qui non habebant prolem,
tanquam legis transgressores. Quæ erat magna igno-
minia. Nota. Aliqui in Vet. Testamento propter suam
culpam non habebant prolem, ita ut sterilitas esset præ-
na peccati: Aliqui, sine sua culpa. Prioris generis fuit
Abimelech, Rex Geraræ, qui non potuit habere pro-
lem in sua familia, propterea quod eripisset Abrahæ
suam uxorem, iuxta illud Genes. 20. 18. *Concluserat Do-
minus omnem vulvam domus Abimelech, propter Saram uxorem
Abrahæ.* Item, Michol vxor Davidis, quæ quod de-
risisset Davidem saltantem coram Arca Domini, man-
sit sterilis usque quod finem vitæ (2. Reg. 6. 23.) Item,
illæ de quibus Olee 9. 13. *Dacis Domine. Qui dabis eis?*
(nempe propter peccata sua.) Sequitur: *Dacis vul-
vam sine liberis, & obern avertia.*

8. Posterioris generis fuerunt sanctæ femine, Sara;
vxor Abrahæ: Rebeca, vxor Isaac: Rachel, vxor Ia-
cob: Anna, vxor Elconæ: Sara, filia Raguelis: Eliza-
beth vxor Zachariæ, & aliz plures, Quæ quidem lon-
go tempore fuerunt steriles, non propter suam culpam;
sed ut Deus nouo miraculo ostenderet, filios, qui ex il-
lis nascerentur, non naturæ vridus, sed Dei beneficio
natos esse. Et quanquam supradictæ femine coram
Deo non fuerint passæ opprobrium aut ignominiam,
quia Deus sciebat sanctas esse, tamen passæ sunt co-
ram hominibus, qui putabant eas à Deo puniri per ste-
rilitatem. Hoc sensu dixit Rachel, postquam peperis-
set, Gen. 30. 23. *Abstulit Deus opprobrium meum.* Et Sa-
ra filia Raguelis, post longam sterilitatem, orauit De-
um dicens: *Peto Domine, ut de vinculo opprobrii huius ab-
soluas me, aut cerè de super terram eripias me.* (Tob 3. 15.)
Et Elizabeth, ablata sterilitate, cum iam concepisset in
utero, occultabat se mensibus quinque, dicens: *Quia
sic fecit mihi Dominus in diebus, quibus respexit auferre op-
probrium meum inter homines.* Luc 1. 24.) Vide Maldo-
natum ibid. vers. 25.

QUESTIO VI.

*In quò gradu licuerit, vel non licuerit contrahere matrimo-
nium in veteri Testamento?*

1. **V**EL, qui gradus consanguinitatis & affinitatis
fuerint prohibiti in lege Mosáica? Respondeo.
Ex Leuitic. cap. 18. colliguntur hæc duo. Primò ratio-
ne consanguinitatis, non licebat contrahere cum his 1.
Cum patre vel matre: vel quod idem est, cum filio vel
filia, 2. cum sorore. 3. cum nepte. 4. cum amita vel
materna. Secundò, ratione affinitatis, non licebat cum
his. 1. cum nouerca. 2. cum sorore priuigna. 3. cum filia
aut nepte priuigna. 4. cum vxore patris. 5. cum vxore
fratris relicta, (nisi frater reliquisset illam sine prole, iuxta
tertiam regulam supra assignatam.) 6. cum vxore filii. 7.
cum sorore vxoris propriæ, vxore adhuc viuente. Nam
si mortua esset vxor, licebat.

2. **Q**uæres, An iidem gradus sint etiam prohibiti
apud Christianos? Respondeo. Omnino sunt: & præter
illos alij plures, ut patet ex Concilio Trident. Sessione
vigesima quarta, Canone tertio. Et quidem in consan-
guinitate, prohibiti sunt quatuor gradus. Vel, quod
idem est, consanguinitas usque ad quartum gradum
inclusiue reddit matrimonium inualidum. (cap. Non
debet, de consanguinitate.) Similiter in affinitate pro-
hibiti sunt quatuor gradus (cap. citato.) Nisi quod in
Concilio Tridentino Sess. 24. cap. 4. statutum sit, ne af-
finitas ex fornicatione orta extendatur ultra secundum
gradum.

3. **H**ic pro maiori intelligentia duo notanda sunt.
Primò: Consanguinitas est propinquitatis duarum per-
sonarum, orta ex naturali propagatione: quarum vel
vna descendit ex altera, ut filius ex parente, nepos ex
auo, pronepos ex proauo: vel ambe descendunt ex ea-
dem, ut duo fratres ex eodem patre, duo nepotes ex
eodem auo, duo pronepotes ex eodem proauo. (Valen-
tia quæst. 5. de Matrimonio puncto 3. §. Cognatus, &
alii passim.) Affinitas est propinquitatis duarum perso-
narum, orta ex carnali copula vnius cum alterius con-
sanguineo vel consanguinea: siue copula fuerit licita, si-
ue illicita. Quo pacto inter nouercam & priuignum est
affinitas, quia intercessit carnalis copula inter nouer-
cam & consanguineum priuigni, nempe, priuigni pa-
trem. (Valentia ibidem. §. Affinitas.) Hinc sequitur
gradus affinitatis distinguendos esse per ordinem ad
gradus consanguinitatis, ut paulo post clarius expli-
cabo.

4. **S**ecundò, Ut autem sciatur, quoto gradu consan-
guinitatis vna persona distet ab alia, tres regulæ seruan-
dæ sunt. *Prima*: In linea recta, quæ est ascendentiæ &
descendentiæ, tot gradus numerandi sunt, quot nu-
merantur personæ, excepta prima. Itaque filius est in
primo gradu consanguineus patri, nepos in secundo,
pronepos in 3. & sic deinceps. *Secunda*: In linea trans-
uersa, quando vtrique persona æqualiter distat ab eo-
dem stipite communi, totidem gradibus distat inter se
quot gradibus distat à stipite. Vnde fratres, qui æqua-
liter distant à patre, sunt consanguinei in primo gradu,
quia quilibet illorum est consanguineus patri in primo
gradu. Similiter filij fratrum sunt consanguinei in 2. gra-
du, propter eandem causam. *Tertia*: In linea trans-
uersa, quando vtrique persona inæqualiter distat à
communi stipite, quot gradibus distat persona remo-
tior à stipite, totidem etiam distat ab altera. Vnde
filius fratris distat à suo patruo in secundo gradu. Hæ-
c tres regulæ valent in iure Canonico, & seruantur in
causis matrimonialibus. Vide Valentiam loco cita-
to, Bellarminum de matrimonio capite vigesimo.

quarto, & alios.

5. Ad cognoscendos autem gradus affinitatis, tradi solet hæc regula: posita copula carnali inter virum & feminam, quo gradu aliquis viro consanguineus est, eodem est affinis feminae. Et vicissim, quo gradu consanguineus est feminae, eodem affinis est viro. Nota. Licet omnes consanguinei viri contrahant affinitatem cum vxore illius: Et rursus, omnes consanguinei vxoris contrahant affinitatem cum viro; consanguinei tamen viri & vxoris non contrahunt affinitatem inter se. (cap. super his de consanguinitate.)

6. Iam facile intelligitur differentia veteris ac noui Testamenti, quoad gradus consanguinitatis & affinitatis. In veteri prohibiti erant duo gradus consanguinitatis in linea recta. Primus, inter patrem & filium: vel inter matrem & filium. Secundus, inter auum & neptem: vel inter auiam & nepotem. In linea transversa, similiter duo. Primus, inter fratrem & sororem. Secundus inter nepotem & amitam vel materteram. Non tamen inter neptem & patruum vel auunculum, vt notat Bellarminus cap. 17. At in nouo prohibiti sunt quatuor gradus in vtraque linea. In recta quidem, primus inter patrem & filium: inter matrem & filium. 2. inter auum & neptem. 3. inter prouum & proneptem. 4. inter abauum & abneptem. In transversa autem, primus inter fratrem & sororem. 2. inter fratrem & fratris vel sororis filiam: inter nepotem & amitam vel materteram: inter neptem & patruum vel auunculum. 3. inter fratrem & fratris vel sororis neptem: inter proneptem & amitam vel maternam magnam. 4. inter fratrem & fratris vel sororis proneptem.

7. Rursus, in veteri Testamento prohibiti erant tres gradus affinitatis. In primo non licebat contrahere cum nouerca: cum sorore priuigna: cum filia priuigna: cum vxore fratris: cum vxore filij: cum sorore vxoris. In secundo, cum vxore patrui. In tertio, cum nepte priuigna. At in nouo prohibetur etiam quartus gradus affinitatis. Itaque non licet contrahere cum vxore aui vel pronepotis.

8. Solet disputari, An omnes gradus, qui lege Moisaica erant prohibiti, sint etiam iure naturali prohibiti. Respondeo. Non omnes. Nam Ecclesia in quibusdam potest dispensare, vt definit Concilium Tridentinum Sess. 24. Can. 3. Non posset autem dispensare, si omnes iure naturali essent prohibiti. Qui ergo hoc modo prohibiti sunt? Primò certum est, omnes gradus consanguinitatis lineæ rectæ inter ascendentes & descendentes, iure naturali prohibitos esse. An autem primus gradus in linea transversa, qui est fratris cum sorore, prohibitus sit dubium est. Plerique affirmant. Caietanus negat, quia Cain filius Adams accepit sororem suam in vxorem. Nec peccauit contra ius naturale. Bellarminus cap. 27. componit hanc litem. Ait quidem esse præceptum naturale, non contrahere cum sorore, si cut est præceptum naturale, non accipere alienum: sed non obligare in extrema necessitate. Sicut ergo licitum est, in extrema necessitate, accipere alienum panem & comedere: sic etiam licere in extrema necessitate, contrahere matrimonium cum sorore. Fuit autem extrema necessitas in principio Mundi. Nam Cain non poterat aliam vxorem habere, nisi sororem suam.

9. Secundo probabile est, primum gradum affinitatis, qui est inter priuignum & nouercam, lege naturali prohibitum esse, vt docet Bellarminus loco citato. Et probat ex eo, quia qui contrahabant matrimonium in gradibus lege naturali prohibitis, puniebantur morte, qui autem contrahabant in gradibus lege tantum Moisaica prohibitis, puniebantur leuiori pœna. Leuit. 20. At contrahentes cum nouerca puniebantur morte: Ergo verisimile est, lege naturali prohibitum esse, contrahere

A cum nouerca. Ex dictis sequitur, reliquos gradus consanguinitatis & affinitatis, qui lege naturali non sunt prohibiti, prohibitos tantum esse lege humana apud Christianos: quia tamen apud Iudæos prohibiti tuerint lege diuina Moisaica, tamen illa lex nunc abrogata est, nec Christianos obligat. Secundò sequitur, Pontificem in illis omnibus gradibus, qui lege naturali prohibiti non sunt, posse dispensare, sicut in multis dispensatum est.

QUESTIO III.

An poterint accipere vxores alienigenas?

1. **V**idetur non potuisse. Primò, quia Deus seuerè id prohibuit in veteri Testamento. Exod. 34. 16. & Deuteronomi 7. v. 3. & 3. Reg. 11. 2. Secundò, quia grauer puniuit illos, quod contra prohibitionem ipsius accepissent alienigenas, post mortem Iosue, Iudicum 3. vers. quinto, & sequentibus. Tertiò, quia cum Samson vellet accipere vxorem Philistæam, dixerunt ei parentes: *Nunquid non est mulier in filiabus fratrum tuorum, & in omni populo meo, quia vis accipere vxorem de Philistiis, qui incircumcisi sunt?* Iudicum 4. v. 3. Quibus verbis significabant, non licere accipere vxorem gentilem. Quarto, quia iuxta septimam legem superius assignatam, omnes viri debebant ducere vxores ex sua tribu & cognatione.

2. Sed contra est. Primò, quia lex quinta superius assignata concedebat illis, vt acciperent alienigenas in bello captas. Secundò, quia multi acceperunt alienigenas, sine vlla culpa aut reprehensione. Sic Iacob accepit filias Laban idolatræ. Genes. 30. v. 25. Ioseph, filiam Putipharis Egyptiæ. Genes. 41. versu 45. Moyses filiam Iethro Æthyopiæ. Exodi 2. versu 11. Mahalon & Cheilon vxores Moabidas. Ruth 1. 4. Similiter Booz Ruth Moabitidem. Ruth 4. 10. Salmon Rahab Chananzæ. Matth. 1. 5. Samson Philistæam. Iudic. 14. 2. David filiam Regis Gessur 2. Reg. 3. vers. 3. Salomon filiam Pharaonis Regis Egypti 3. Reg. 3. versu 1. Denique Esther nupsit Alluero Regi Persarum qui erat Gentilis Esther 2. 17.

3. Respondeo cum distinctione. Ordinariè non licebat Iudæis accipere vxores alienigenas seu gentiles: extraordinariè licebat in tribus casibus. Prior pars patet, quia erat illis prohibitum, propter periculum subuersionis & idololatriæ. Hoc patet ex locis citatis. Exodi 34. versu 16. *Nec vxorem de filiabus eorum accipies filiis tuis, ne postquam ipse fuerint fornicata, fornicari faciant & filios suos in Deos suos, id est, ne sint illis occasio idololatriæ.* Et Deut. 7. vers. 3. *Nec sociabis cum eis coniugia. Filiam tuam non dabis filio eius: nec filiam illius accipies filio tuo; quia seducet filium tuum, ne sequatur eos, & vt magis seruiat Diis alienis.* Et 3. Reg. 11. vers. 2. *Non ingrediemini ad eas, neque de illis ingrediemini ad vestras: certissimè enim auerent corda vestra, vt sequamini Deos eorum.* Quæ testimonia intelliguntur potissimum de feminis Chananzæis, quarum terram possessuri erant Iudæi. Et quia post mortem Iosue contempserunt hanc prohibitionem, merito à Deo puniti sunt, iuxta illud Iudic. 3. v. 5. *Filij Israël habitauerunt in medio Chananzæi, & Heibæi, & Amorrbæi, & Pherezæi, & Heuæi, & Iebuzæi, & duxerunt vxores filias eorum, ipsique filias suas filiis eorum tradiderunt, & seruiuerunt Diis eorum. Recurruntque malum in conspectu Domini, & obliui sunt Dei sui, seruientes Baalim & Astaroth. Fratusque contra Israël Dominus, tradidit eos in manus Chusan Rabsaraim Regis Mesopotamiæ, seruieruntque ei octo annis.*

4. Posterior pars probatur, quia extraordinariè poterant accipere vxores Gentiles, in his tribus casibus. Primò, si vxores relicto Gentilismo, conuertere-

rentur ad cultum veri Dei. Tunc enim cessabat periculum subuersionis & Idololatriæ. Sic conuersa fuit Ruth Moabitica sic Rahab: sic alix plures, & hoc sensu concessum fuit, accipere alienigenas bello captas Deut. 21. 11. Non enim fuit concessum, nisi prius raso cap. præcisus vnguibus, mutata veste, desicto patre & matre. Nam per huiusmodi ceremonias significabatur, quod prius deberent eiurare ritus & mores patriæ, ac præcipue cultum falsorum Deorum. Vide Serarium in cap. 6. Iosue in quæst. 58.

5. Secundò, si Deus excitaret aliquem Iudæum, ut acciperet uxorem Gentilem, etiam in Gentilismo permanentem. Sic excitauit Samsonem, ut acciperet Philistinam; quod parentes illius ignorabant, iuxta illud Iudicum 14. versu 4. *Parentes autem eius nesciebant, quod res à Domino fieret, & quæreret occasionem contra Philistinum.* Sic excitauit Estherem, ut nuberet Assuero regi Gentili; quia ex tali matrimonio multa bona toti Iudæorum Genti erant obuentura.

6. Tertio, si esset aliqua necessitas vel vrgens causa, ut acciperent uxores alienigenas. Sic excusari poterant Mahalon & Chelion, accipiendo uxores Moabitidas. Erant enim iuvenes in feruore ætatis, erant in aliena patria: erant egentes & famelici. Nullum apparebat remedium, vel contra famem & egestatem, nisi ducerent uxores illius loci, à quibus sustentaretur. Vnde Rupertus lib. 1. in Matt. *Mahalonem non lex iustificat, sed necessitas excusat, scilicet famem, que facta fuerat, & propter quam, ut Scriptura refert, abiit homo de Betsæm.* Et ibidem *Nisi necessitas illos excusaret, nec ipsi uxores ducere debuissent Moabitidas.* Quo etiam spectat illud Valentiniani Imperatoris in Nouellis L. 11. Theodosiani codicis: *Nihil turpe, nihil vitium creditur suriens. Solacium est, ut qualicumque sorte viuatur.* Vide Serarium in cap. 1. Ruth. quæst. 11.

7. Porro, an omnes illi, quos ante diximus accepisse uxores Gentiles, potuerint excusari vno istorum casuum, non est huius loci disputare. Constat aliquos excusari potuisse, ut iam dictum est: Salomonem non potuisse ut patet 3. Reg. 11. 1. & sequentibus. De reliquis disputant suo loco interpretes. Quod ultimo loco obiciebatur, viros debuisse ex sua tantum tribu & cognatione accipere uxores, iam examinandum est.

QUESTIO IV.

An Iudæi potuerint accipere uxores extra suam tribum & cognationem?

Dictum est, ordinariè non potuisse accipere uxores Gentiles, sed tantum Hæbræas. Nunc quæstio est, an promiscuè potuerint accipere Hæbræas ex quacunque tribu? An verò necesse fuerit, vnumquemque accipere ex sua tribu, & non ex alia? Ratio dubitandi sumitur ex illa lege. quàm supra allegauimus: *Omnes viri ducunt uxores de tribu & cognatione sua: & cum ea femine de eadem tribu maritos accipient; ut hæreditas permaneat in familiis nec sibi misceantur tribus: sed ita maneant, ut à Domino separata sint.* (Numer. trigésimo sexto, versu septimo.) Quæ sanè lex, si spectemus verba, videtur fuisse generalis, ita ut non licuerit contrahere matrimonium extra suam tribum aut cognationem. Et sic sentiunt Lyranus & Abulensis in illum locum, & Turniellus in Annalibus, Anno mudi 1283. numero 31. Nisi quod excipiant Leuitas. Nam illa lex propterea lata est, ne paternæ hereditates, per matrimonia diuersarum tribuum de vna tribu in aliam transferentur, sed singulæ hæreditates manerent in suis tribubus. At Leuitæ non habebant paternas hæreditates, nec ullius alterius hæreditatis erant capaces; ac proinde non fuisset

Opusc. Bec.

A sent translatæ hereditates ex vna tribu in aliam, etiam si Leuitæ contraxissent matrimonia cum hominibus aliarum tribuum.

2. Alij probabiliter putant, non fuisse legem generalem, sed tantum obligasse eas feminas, quæ succedebant in hæreditatem patris, propter defectum masculæ proli. Et similiter eos tantum viros, qui tales feminas ducebant in matrimonium. Huiusmodi enim viros ac feminas debuisse esse eiusdem tribus & cognationis. Ita Burgensis, Caietanus, Oleaster, Vatablus, Cornelius in cap. 36. Num. Ratio sumitur ex occasione illius legis, quæ fuit huiusmodi. Deus dederat duplex præceptum Moyfi in deserto. Vnum, ut filij Israël, quando venirent in terram promissionis, forte eam diuiderent, & vnaquæque tribus ac familia haberet suam certam portionem, ac hæreditatem, excepta tribu Leui. Alterum, ut si aliquis paterfamilias moreretur sine filiis, filix essent hæredes. (Numer. 27. 8.) Contigit postea ut Salphaad, qui erat de tribu Manasse, moreretur sine filiis, & relinqueret tantum filias. Itaque filix erant hæredes. Hinc oriebatur quæstio, An istæ filix possent nubere maritis aliarum tribuum nam si nubere hæreditas illarum erat transitura ad alias tribus. Sin minus, non erat libertas nubendi, quibus vellent. Igitur ad hanc quæstionem respondit Deus per Moysen, ut non nubere, nisi in sua tribu ne si extra suam tribum nubere, hæreditas ad alias tribus derivaretur. Hæc autem responsio non erat generalis, sed pertinebat ad eas tantum feminas, quæ erant hæredes suorum parentum: ad alias minime.

3. Hæc sententia dupliciter confirmari potest. Primò ex Hæbreo textu, qui sic habet: *Omnes feminæ hæredes hæreditatem, nubent vni ex tribu sua.* Deinde exemplo eorum, qui, quod isto casu non comprehenderentur, extra suam tribum contraxerunt matrimonia. Sic David, qui fuit de tribu Iudæ, duxit Michol, filiam Saulis, de tribu Benjamin. Sic filij Israël iurarunt, quod non vellent filias suas dare Beniamitis. (Iudic. 21. 1.) Ex quo colligimus, solitos id antea facere. Sic denique omnes illi, quos supra diximus accepisse uxores Gentiles seu alienigenas.

QUESTIO X.

Qua sit differentia inter Matrimonium Veteris et Noui Testamenti?

Respondeo: Vnum differt ab altero, sicut Synagoga ab Ecclesia: Vel, sicut matrimonium Abraham cum ancilla, à matrimonio eiusdem cum libera, vel generatim, sicut umbra imaginis ab ipsa imagine. Nam sicut Synagoga fuit imperfectior, quàm Ecclesia: Et matrimonium cum ancilla, imperfectius, quàm cum libera: Et umbra imaginis imperfectior, quàm ipsa imago: Ita matrimonium Mosaicum fuit imperfectius, quàm matrimonium nostrum. Et quidem multis modis.

1. Primò, quia nostrum matrimonium est Sacramentum à Christo institutum, quod confert gratiam sicut Baptismus & alia Sacramenta. (Trident. Sess. 24. Can. 1. D. Thomas in Supplemento, quæst. 42. art. 1. & 3. & alibi passim.) At Mosaicum non fuit Sacramentum. Itaque duo spectanda sunt in nostro matrimonio. 1. Contractus civilis. 2. Ratio Sacramenti, quæ contractui superuenit. In priori conuenit cum Mosaico: in posteriori differt.

3. Secundò, Mosaicum poterat dissolui per libellum Repudiij, ut dicam cap. 23. Nostrum non potest hoc modo dissolui. (Trident. cantic. 5. & 7.) Sicut Synagoga à Deo repudiata est: Ecclesia nunquam

repudiabitur. Et hoc apte significatur per Abraham, A, qui repudiavit Agar, quæ erat ancilla; non autem Saram, quæ erat libera.

4. Tertio, Mosaicum admittebat Polygamiā; nostrum non admittit. Itaque licebat per legem Mosaicam habere plures simul uxores (cap. sequentib.) per Evangelicam non licet (Trident. can. 1.) Sicut Deus in veteri Testamento non solum habebat filios adoptivos ex Synagoga, sed etiam ex gentilitate. At in nouo nullum habet nisi ex Ecclesia, quam solam agnoscit pro sua sponsa.

5. Quarto, in Mosaico, duo tantum gradus consanguinitatis, & tres affinitatis erant prohibiti; in nostro, plures (supra quæst. 1. §. 6. & 7.) Quinto Mosaicum, ut plurimum, debebat contrahi inter virum & feminam eiusdem tribus: nostrum non astringitur ad certam tribum. Sexto, in lege Mosaica, frater debebat accipere uxorem fratris sui defuncti, si mortuus esset sine prole: in Evangelio nulla talis est obligatio.

6. In eo tamen conueniunt, quod sicut iuxta legem Mosaicam non licebat contrahere matrimonia cum infidelibus & idololatriis: ita iuxta Evangelicam non licet cum infidelibus & hereticis, hoc interest, quod si Christianus contrahat cum femina infideli non baptizata, matrimonium sit irritum: si cum hæretica, sit quidem illicitum, non tamen irritum.

CAPVT XXI.

De Polygamia.

1. **P**olygamia idem est, quod pluralitas vxorum: Est ergo quæstio, an in Veteri Testamento licuerit vni viro habere simul plures uxores? Ratio dubitandi est, quia nec Adam, nec ullus alius ab initio mundi, vique ad diluuium, habuit simul plures uxores, nisi solus Lamech. (Genes. 4. 19.) Qui idcirco reprehenditur à Nicolao Papa in Epistol. ad Lotharium Regem, ubi illum vocat adulterum. cap. an non 24. quæst. 3. An si licuisset habere plures, cur Lamech eo nomine reprehenderetur; Cur nullus alius, ex tot millibus virorum, qui vixerunt ante diluuium, plures habuit.

2. At contra est, quia multi sancti viri post diluuium Polygamia vsi sunt; quod non fecissent, si fuisset prohibita. Nam Abraham habuit duas uxores, Saram & Agar: Iacob duas, Liam & Rachelem: Elcana duas, Annam & Phenennam: David plures, Achinoam, Abigail, Maacha, Aggith, Abital, Eglam, Bersabee, Michol. Et sic deinceps.

3. Respondeo 1. Polygamia repugnat primæ institutioni matrimonij, quæ à Deo facta est in Paradiso. 2. Repugnat etiam aliquo modo legi naturæ. 3. Deus tamen concessit, ut post diluuium liceret habere plures uxores, quod ante diluuium non licebat. 4. Hæc concessio, quam alij dispensationem vocant confirmata est per legem Mosaicam. 5. Sed reuocata per Evangelicam, quia Christus in Evangelio reduxit matrimonium ad primam institutionem, ita ut non amplius liceat habere plures simul uxores. Hæc singula confirmanda sunt per totidem conclusiones.

CONCLUSIO I.

Polygamia repugnat primæ institutioni Matrimonij, quæ à Deo facta est in Paradiso.

4. **S**ic docent Hieronimus, Chrysostomus, Theophylactus, Beda, Anselm. in c. 19. Matth. Amb. in lib. de viduis circa finem, August. lib. 1. de nuptiis & concupiscentia c. 9. asserentes matrimonium initio institutum fuisse inter vnum & vnam, & consequenter exclusam Polygamiā. Quod dupliciter probari potest, Primò ex Scriptura, quæ videtur numero singulari Gen. 1. 27. *Masculum & feminam creauit eis.* Et c. 2. 24. *Relinquet homo patrem & matrem, & adheret uxori suæ: Et erunt duo in carne vna.* Non dixit in plurali; Masculum & duas vel tres feminas creauit: Nec, adheret vxoribus suis: Nec, erunt plures in diuersa carne. 2. ex ipsa hominis creatione. Nam si Deus voluisset Adamum habere plures uxores, sine dubio creasset illi plures feminas, quas in uxores ducere potuisset. At vnā tantum creauit. Voluit ergo vna vxore contentum esse. Vnde Innocentius cap. Gaudemus, de diuortiis, accommodatè ait vnam tantum costam in vnam feminam, non plures in plures feminas fuisse conuersas.

CONCLUSIO II.

Polygamia repugnat etiam aliquo modo legi naturæ.

5. **I**ta Innocentius loco citato, D. Thomas qu. 65. art. 1. & alij passim Theologi, excepto Durando, & aliis pauculis. Et probatur 1. ex dictis, quia si Polygamia omnino conformis esset naturæ, Deus qui est auctor naturæ, ab initio illam instituisset, præsertim cum eo tempore fuisset maximè necessaria ad propagandū genus humanum. At Deus non instituit tunc Polygamiā, sed Monogamiā: Ergo Polygamia non est omnino conformis legi naturali. Secundò, quia contra legem naturæ sit, quando res vni tradita, & ab eo legitime possessa, alteri traditur possidenda: sed maritus in matrimonio tradit corporis sui potestatem vxori: ergo iure naturæ non potest illam alteri tradere. Tertio, quidquid repugnat fini matrimonij à natura intento, hoc repugnat legi naturali: At pluralitas vxorum repugnat fini matrimonij à natura intento. E quidem duplici fini. Alter est, mutuum obsequium viri & femine. Alter, remedium concupiscentiæ. Vtrique repugnat pluralitas vxorum. Priori quidem, quia nihil magis repugnat mutue charitati & obsequio coniugum in domestica viuendi ratione, quàm rixæ & contentiones. At si vnus vir haberet plures uxores, facillimè inter eas oriretur contentio, æmulatio, & inuidia, maximè si vna plus, alia minus à viro deligeretur: Vel si vna esset sterilis, altera fecunda. Exempla sunt in Scripturis. Nam Sara non potuit ferre Agar. (Genes. 21. 9.) Rachel inuidebat Liz propter fecunditatem. (Gen. 30. 1.) Phenenna affligebat Annam (1. Reg. 1. 6.) Posteriori verò, quia qui plures haberet uxores, non posset omnibus & singulis satisfacere, quoad ipsarum libidinem & concupiscentiam.

6. Dixi in conclusione, *Aliquo modo* Non enim absolute & simpliciter contra naturam est, habere plures uxores, sed tantum ex parte. Quod sic explico. Finis matrimonij triplex est. Primus, procreatio seu propagatio prolis. Secundus, mutuum obsequium coniugum in domesticaviuendi ratione. Tertius remedium concupiscentiæ. Primus est primarius seu principalis: reliqui duo, secundarij. Igitur Polygamia non repugnat fini primario, id est, procreationi prolis: quia quo quis habet plures uxores, potest plures liberos procreare: sed repugnat finibus secundariis, ut ostensum est. Vnde

sequitur Polygamiam, ratione finis primarij, conformem esse legi naturæ: ratione secundarij, repugnantem. Et hoc probant tria argumenta pro conclusione allata. Sed secundum debet explicari hoc modo. Contra legem naturæ fit, quando res vni tradita ad certum finem, ita traditur alteri, ut ille finis impediatur. Non autem, quando res vni tradita ad certum finem, ita traditur alteri, ut ille finis non impediatur. Si ergo vir daret potestatem sui corporis vni fœminæ, vel ad mutuuum obsequium, vel ad remedium concupiscentiæ; faceret contra legem naturæ, si eandem traderet alteri fœminæ ad eundem finem, quia tunc finis ille impediretur. Si autem daret vni ad procreationem prolis, & alteri ad eundem finem, non faceret contra legem naturæ, quia per hoc, finis ille non impediretur.

CONCLUSIO III.

Deus concessit post diluvium, ut liceret habere plures uxores, quod antea non licebat.

Ita authores citati. Ratio sumitur ex ipso facto. Nam constat, ut initio dixi, quosdam sanctos viros habuisse plures uxores, quas proci dubio non accepissent, nisi fuisset illis à Deo concessum, & quamvis aliqui dubitent de Abrahamo (de quo paulo post) tamen de Iacob, Elcana, Davide & quibusdam aliis dubitari non potest. De Iacob constat ex illo Gen. 30. 35. *Dixit Iacob socero suo: Da mihi uxores & liberos meos, pro quibus servivi tibi, ut abeam.* De Elcana 1. Reg. 1. 2. *Elcana habuit duas uxores: nomen uni, Anna: & nomen secunda, Phenenna.* De Davide 1. Reg. 25. 42. *Surrexit Abigail, & secuta est nuncios David, & facta est illi uxor. Sed & Achinoam accepit David & fuit utraque uxor eius.* Et secundo Reg. 2. 2. *Ascendit ergo David, & duæ uxores eius, Achinoam & Abigail.*

8. Quæres 1. An hæc concessio Polygamiz primo omnium facta sit Abrahamo? Resp. Non legimus quemquam post diluvium habuisse plures uxores, ante tempora Abrahami. De Abrahamo quæstio est. Plerique docent, habuisse illum duas uxores, Saram & Agar, Alij contra, Saram fuisse legitimam uxorem; Agar non uxorem, sed concubinam. Quod tripliciter probant. Primo ex illo Gen. 25. 5. *Dedit Abraham concubina, quæ possederat, Isaac: filiis autem concubinarum largitus est munera.* Vbi per concubinas intelliguntur Agar & Cetura. Secundo ex verbis Iudeorum Ioan. 8. 41. *Nos ex fornicatione non sumus nati*, id est, Non sumus nati ex Agar concubina Abraham, sed ex Sara legitima eius uxore. 3. quia aliqui Patres ita sentiunt, ut Ambros. lib. 1. de Abrahamo c. 4. & August. lib. 2. contra aduersarium Legis & Prophetarum cap. 9. & lib. 22. contra Faustum cap. 30. & lib. 16. de Ciuitate Dei c. 25. Ambo enim excusant Abrahamum, quod viuentem legitima uxore quæfuerit filium ex ancilla: asserentes eum id fecisse, non ex libidine, sed ex amore posteritatis. Quod si putassent Agar fuisse legitimam eius uxorem, non opus erat tali excusatione.

9. Hæc tamen sententia non placet. Primo quia magnam iniuriam facit Abrahamo, quasi sciens commiserit adulterium, quod absit à tanto Patriarcha. Secundo, quia repugnat Apostolo ad Galatas 4. 22. vbi ait Abrahamum habuisse duos filios, vnum de ancilla, & vnum de libera. Et per hoc fuisse significatum, quod Deus habiturus esset duos populos: vnum ex Synagoga; alterum ex Ecclesia. Ergo ex sententia Apostoli, Abraham fuit figura Dei Duo filij Abraham, Ismael & Isaac, fuerunt figura duorum populorum, nempe populi Iudeici, & populi Christiani: Agar, mater Ismaelis, fuit figura Synagoga, & Sara, mater Isaac, figura Ecclesie. At sicut Ecclesia est legitima non autem adulteri-

Opusc. Bec.

A na mater Christianorum; ita Synagoga fuit legitima, non autem adulterina mater Iudeorum. Ergo similiter sicut Sara fuit legitima mater Isaac ita Agar, legitima mater Ismaelis. Et consequenter, utraque legitima uxor Abraham.

10. Ad argumenta contraria sic respondeo. Ad 1. Nomen concubinarum sæpè sumitur pro veris vxoribus, sed secundariis & ignobilioribus. Nam inter plures vnius viri uxores, solebat vna esse primaria, quæ erat domina & gubernatrix familiar, cui reliquæ deferebant. Sic Sara erat domina; Agar ancilla. Utraque tamen uxor. Tamen igitur Agar & Cetura loco citato, vocentur concubina Abrahami; erant tamen uxores. Et alibi sic vocantur, Agar quidem Genes. 16. 3. Cetura verò Gen. 24. 1. Vide Pererium & Cornelium in cap. 25. Gen. v. 3. & Bellarminum de matrimonio cap. 11. Nota Abraham habuit tres uxores, vnam primariam, quæ erat Sara duas secundarias, quæ erant Agar & Cetura. Non tamen habuit tres simul, sed tantum duas, Saram & Agar. Nam post mortem Saræ: duxit Ceturum (Genes. vigesimo quinto, versu 1.)

11. Ad 2. Iudei non loquuntur de fornicatione carnali, sed de spirituali, id est, de idololatria. Itaque sensus illorum non est hic: Nos non sumus nati ex Agari concubina Abraham; sed hic potius: Nos non sumus idololatæ, sed cultores veri Dei. Hoc patet ex illis ipsorum verbis: *Nos ex fornicatione non sumus nati vnum patrem habemus Deum.* Quæ posteriora verba non cohærent cum prioribus, si esset sermo de fornicatione carnali. Non enim esset bona connexio si dixissent: Nos non sumus nati ex concubina Abraham, sed vnum patrem habemus Deum. Hæc autem est bona connexio: Nos non sumus cultores idolorum, sed vnius veri Dei. Vel, Nos non descendimus ex Gentilibus idololatriis, sed ex Patriarchis vnius Dei cultoribus. Vide Augustinum & Maldonatum in illum locum, & Bellarminum de Matrimonio, cap. 11.

12. Ad 3. Ambrosius & Augustinus non dissentiunt à nobis. Nam Ambrosius tripliciter excusat Abrahamum. Primo, quod eo tempore nondum esset prohibitum adulterium per legem scriptam. Secundo, quod amore posteritatis, non ardore libidinis, id fecerit, uxore consentiente: & tandem pœnitentiâ egerit. Tercio quod non peccauerit, sed futurum mysterium significauerit; nempe illud mysterium, quod explicat Apostolus ad Galatas quarto, versu 22. (de quo supra §. 8.) Hæc tertia excusatio est vera. Ex qua sequitur, Abrahamum ex instinctu Dei fecisse, quod fecit; ut suo facto significaret, fore aliquando, ut Deus coniungat sibi Synagoga & Ecclesiam, sicut ipse coniunxerat sibi Agar & Saram. Porro Augustin. non negat, Agar fuisse uxorem Abrahami (cùm Scriptura disertè hoc affirmet, Genes. 16. 3.) sed solum defendit Abrahamum contra Manichæos; asserens, illum, viuentem adhuc Sara uxore, accepisse Agar ancillam, non ex libidine, ut putant Manichæi, sed ex amore posteritatis. Et quidem Sara consentiente & instigante. Quod est verissimum, ut patet Genes. 16. v. 1. Nota Sara, cùm aduerteret se esse sterilem, videtur ex diuina inspiratione instigasse Abrahamum, ut acciperet Agar ancillam, & ex illa prolem suscitaret, ad præfigurandum mysterium, de quo dictum est. Sicut etiam Rebecca, ex diuino instinctu, instigauit Iacob filium suum, ut fingeret se esse primogenitum, & hoc pretexto peteret à patre suo Isaac benedictionem. Quæ res etiam non carebat mysterio.

13. Quæres 2. Quare Deus post diluvium concesserit Polygamiam, quæ antea non erat concessa? Respondeo. Concessit illam duplici de causa. Primo, ad propagandam prolem, qui est primarius finis matrimonij. Secundo, ut esset figura, seu typus pluralitatis,

seu multitudinis gentium, quæ Christo, tanquam sponso, erat coniungenda. (Augustinus libro de bono coniugali, cap. decimo octavo. Diuus Thomas quæst. 63. art. 2. ad quintum. Valentia quæst. prima de matrimonio parte tertia. (Sed quare propter easdem causas, non concessit illam in principio mundi? Respondeo. Hoc pendet ex libera ipsius voluntate. Potest tamen dari hæc causa, quia Monogamia, quàm instituit in principio mundi, poterat vtrumque præstare. Primo, quia erat sufficiens ad propagandam prolem. Secundo, quia erat typus seu figura coniunctionis Christi cum Ecclesia. Nota. Christus potest conferri, vel cum Ecclesia, quæ est una: vel cum multitudine gentium quæ recipiuntur in Ecclesiam. Priori modo fuit representatus per Monogamiam; posteriori per Polygamiam. Nam sicut ante diluuium, vir coniunctus vni tantum uxori, erat figura coniunctionis Christi cum vna Ecclesia ita post diluuium, vir coniunctus pluribus uxoribus, erat figura coniunctionis Christi cum multis populis ac gentibus.

14. Sed cur Deus ad eundem planè finem, nempe ad propagandam prolem, primo ordinauit Monogamiam, deinde Polygamiam? Respondeo. Deus solet pro diuersitate temporum, ordinare diuersa media ad eundem finem. Sic ad dirigendum hominem in suis actionibus, ordinauit primo legem naturalem: deinde legem Mosaicam: postremo legem Euangelicam. Similiter, ad sustentationem hominis, concessit 1. carnes animalium, sine vlla restrictione: postea restrinxit hanc concessionem ad carnes eorum tantum animalium, quæ in lege Mosaica habebantur munda: tandem, sublata hac restrictione, rediit ad primam concessionem. Idem dico in proposito. Ad propagationem prolis ordinauit 1. Monogamiam: deinde concessit Polygamiam: de-
nium, explosa Polygamia, reuocauit monogamiam; & simul commendauit cœlibatum ac virginitatem.

15. Dices, Polygamia est utilior ad propagandam prolem, quàm monogamia, Respondeo. Ita quidem nos putamus. Sed aliter res habet in consilio & providentia Dei. Quod patet ex euentu. Nam quando instituit monogamiam in paradiso, dixit Adamo & Eux: *Crescite & multiplicamini*. Quibus verbis dedit illis, & posteris eorum benedictionem & fecunditatem. Itaque monogamia coniuncta cum hac benedictione, erat sufficientissima ad humani generis propagationem. Quando autem, cessante hac benedictione, cœperunt feminae esse steriles, tunc concessit Polygamiam, ut hac ratione sterilitatem compensaret. Sic contigit Abrahamo. Habebat uxorem sterilem: concessit illi illa uxor, ut prolem suscitarer. Genes. 16. versu 2. Postea, multæ, alix steriles feminae subsecutæ sunt, ut Rachel, uxor Iacob; Anna, uxor Elcanæ; Michol, uxor David, & sic deinceps.

16. Dices 2. Polygamia, ut supra ostensum est, repugnat secundario huius matrimonij, qui est mutuum obsequium coniugum, & remedium libidinis. Cur ergo Deus illam concessit? Respondeo. Deus pro sua providentia obtulit sufficiens subsidium, vel ad tollendam illam repugnantiam: vel certè ad cauendum, ne obesset, sed potius prodesset. Primo, quia feminas, quæ pubebant vni viro, hortabatur ad conseruandam concordiam. Sic per Angelum hortatus est Agar ancillam Abraham, ut se submitteret & accommodaret Saræ, ad euandas contentiones, Genes. 16. versu 9. Secundo, aliquando, permittebat huiusmodi contentiones ad exercitum patientiæ, & postea magno beneficio compensabat. Sic permisit Annam affligi à Phenenna: Et postea consolatus est eam concessione insperatæ prolis, primo. Regum 1. versu vigesimo, & cap. 2. versu 1. Tertio, aliquando mitigabat æstum libidinis, ut non opus esset frequenti vñu matrimonij. Sic fecit Sarræ fi-

lia Raguelis. Quod ipsa fatetur, Tobiz tertio, versu decimo sexto. *Tu scis Domine, inquit, quia nunquam concupiui virum, & mundam seruauit animam meam ab omni concupiscentia*. Et infra. *Virum cum timore tuo, non cum libidine mea conserui suscipere*.

CONCLUSIO IV.

Hæc concessio diuina, quæ licebat habere plures uxores, confirmata est per legem Mosaicam.

17. **H**Oc tripliciter probari potest. 1. Quia nusquam est reuocata per legem Mosaicam. 2. Quia viri sancti, qui vixerunt in lege Mosaica, habuerunt plures uxores, ut Eleana, David, & alij 3. Quia lex Mosaica videtur Polygamiam approbare, Deut. vigesimo 1. versu decimo quinto. *Si habuerit homo uxores duas unam dilectam, & alteram odiosam; & fuerit filium odiosa primogenitus, voluerisque substantiam inter filios suos diuidere, non poterit filium dilectæ facere primogenitum, & præferre filio odiosæ; sed filium odiosæ agnoscat primogenitum*. Vbi sermo est de veris uxoribus. 1. quia in textu vocantur uxores. 2. quia filij illarum poterant esse heredes patris, & diuidere substantiam illius; quod non licuisset, si altera fuisset uxor, & altera tantum concubina. Nam filij concubinæ non potuissent esse hæredes.

CONCLUSIO V.

Hæc concessio reuocata est à Christo, ut iam non liceat habere plures uxores.

18. **S**ic definitum est in Concilio Tridentino, sessio-
ne 24. Canone secundo contra Lutherum & Anabaptistas. Kemnitius & alij Lutherani idem sentiunt, contra Lutherum. Et meritò. Nam Christus in Euangelio reducit matrimonium ad primam institutionem, & reuocat concessionem, quæ Iudæis erant factæ. Nam duo erant illis concessa ex indulgentia, 1. ut dato libello repudij, possent suas uxores dimittere, & alias ducere. 2. ut possent plures simul habere uxores. Vtrumque à Christo reuocatum est. Matt. 19. vers. 3. Prius quidem his verbis: *Quod Deus coniunxit, homo non separet*. Et infra *Moses ad duritiam cordis vestri permisit vobis dimittere uxores vestras: Ab initio autem non fuit sic. Dico autem vobis, quia quicumque dimiserit uxorem suam, nisi ob fornicationem, & aliam duxerit, mæcatur*. Posterius verò his: *qui fecit hominem ab initio, masculinum & feminam fecit eos: Et dixit: Propter hoc dimittet homo patrem & matrem, & adhaerebit uxori suæ*.

19. Vbi illa particula, *Ab initio non erat sic*, manifestè significat, ea quæ Iudæis erant permessa, fuisse contra primam matrimonij institutionem. Et est hic sensus. 1. Ab initio non licebat dimittere uxores. 2. Ab initio fecit Deus masculinum & feminam, id est, vni viro dedit vnam tantum uxorem. Igitur ab initio, nec fuit libellus Repudij, nec Polygamia: sed vtrumque permissum fuit Iudæis ex quadam Indulgentia. Nunc permissio illa reuocatur, & redditur ad primam institutionem. Sic explicant Interpretes. Eodem sensu loquitur Apostolus Romanorum 7. versu 3. *Mulier, viuente viro, vocabitur adultera, si fuerit cum alio viro: si autem mortuus fuerit vir eius, libera est à lege viri, ut non sit adultera, si fuerit cum alio viro*. Quod est contra concessionem repudij. Et prima Corinthiorum septimo, versu secundo. *Propter fornicationem autem unusquisque suam uxorem habeat, & unaquæque suum virum habeat*. Et rursum. *Mulier sui corporis potestatem non habet, sed vir, Similiter autem & vir sui corporis potestatem non habet, sed mulier*.

Quod est contra-concessionem Polygamiz.

20. Ex dictis colligo tria argumenta contra Polygamiam. Primum, Christus vult eo modo seruari matrimonium apud Christianos, quo ab initio fuit institutum in Paradiso: sed ab initio fuit institutum inter masculum & unam feminam, non inter masculum, & plures feminas: Ergo Christus vult eo modo seruari apud Christianos. Alterum, Christus dicit eum moechari, qui dimissa vxore, aliam duxerit: Ergo nec licet priorem dimittere, nec plures simul habere. Nam si non licet nouam accipere, priore viuentem; certè pluralitas vxorum prohibita est. Tertium, sicut mulier, non habet potestatem sui corporis ita nec vir: sed mulier, ex eo præcisè, quod non habeat potestatem sui corporis quam viro tradidit, non potest alterum virum accipere priore adhuc viuentem. Ergo similiter de viro dicendum est. Hoc argumentum fundatur in iure Evangelico, quidquid sit de iure naturali. Nam secundum legem Euangelicam, vir & mulier, in hac parte, sunt pari conditione. Sicut ergo secundum legem Euangelicam, non licet mulieri habere duos viros; ita nec viro duas vxores. Quare? Quia sicut vxor dat viro plenam potestatem sui corporis, quoad vsum matrimonii, ita vicissim vir vxori: Ergo sicut illa non potest alteri viro eandem potestatem dare, nisi per iniuriam; ita nec vir potest alteri vxori dare, nisi per iniuriam. Vide Augustinum libro primo de adulterinis coniugiis capite 8. & 9. Vbi pulchrè explicat æqualitatem viri & vxoris, de qua hic agimus.

21. Dices, Valentinianus Imperator, qui fuit pius & Catholicus, legem promulgauit, vt liceret vnicuique duas vxores habere, teste Socrate libro quarto historiarum, capite vigesimo septimo. Respondeo. Valentinianus merito reprehenditur ab omnibus Catholicis. Et quidem duplici titulo. Primo, Quod arrogauerit sibi potestatem, quam non habuit. Non enim licebat illi abrogare legem Euangelicam à Christo latam, & aliam contrariam statuere. Secundo. Quod pretextu huius legis, voluerit suam turpitudinem & libidinem occultare. Nam ipse, cum haberet legitimam vxorem nomine Seueram, ex qua suscepit Gratianum, aliam insuper duxit, nomine Iustiniam, cuius amore tenebatur. Ne igitur solus esset Polygamus, quæsiuit socios sui sceleris, permittendo omnibus Polygamiam.

22. Iuxta ea, quæ hæcenus dicta sunt, tria tempora distingui possunt. Primum, ab initio mundi vsque ad Abrahamum. Secundum, ab Abrahamo vsque ad Christum: Tertium à Christo vsque ad finem mundi. In primo fuerunt primi parentes cum suis posteris. In secundo, Iudæi cum suis progenitoribus, Abrahamo, Isaac & Iacob. In tertio sunt Christiani. In primo viguit sola monogamia. In secundo concessa est Polygamia. In tertio reducta est monogamia, & explosa Polygamia. Quid hoc significat? Nihil aliud, quam quod Deus initio Mundi instituerit matrimonium in perfecto statu. Deinde, ex quadam indulgentia permiserit quædam Iudæis, quæ multum derogabant perfectioni matrimonii. Denique reductum matrimonium ad primariam perfectionem. Hoc in multis aliis solet euenire. Verbi gratia. Natura humana ab initio fuit creata in sua perfectione. Paulatim degenerauit per peccatum. Tandem per Christum restaurata est. Omitto similia exempla quæ notata sunt.

CAPVT XXII.

De Zelotypia.

1. **Z**elotypia, vt hic sumitur, frequens inter coniuges malum est, & in eo consistit, quod alter alterum de adulterio suspectum habeat. De qua lata fuit lex Mosæca Numer. 5. 14. præscribens modum inuestigandi, an mulier, quam vir suspectam habebat de adulterio, verè adultera esset, nec ne: Adulteria enim solent occultè committi, vt per testes probari non possint. Deus igitur, qui occultorum Iudex est, præscripsit hunc modum explorandi.

2. Primò, Vir suspectam vxorem ducbat ad Sacerdotem coram Tabernaculo. 2. Offerebat ibi oblationem Zelotypiæ, nempe, farinam hordeaceam, sine oleo & thure. 3. Sacerdos accipiebat aquam sanctam in vase fictili, & in eam mittebat pauculum terræ de pavimento Tabernaculi. Et ista aqua, terræ permixta vocabatur aqua amarissima. 4. Super hanc aquam proferebat maledictiones. 5. Discooperiebat cap. mulieris & in manibus eius ponebat oblationem Zelotypiæ, id est, farinam hordeaceam. 6. Tum similiter proferebat maledictiones super mulierem, dicens: si innocens es, non nocebit tibi aqua ista amarissima, in quam maledicta congeffi: si rea, subiacebis his maledictionibus: *Domine Deus, in cuius conspectu stas, putrescere facias femur iuam, & tumens uterius tuus disrumpatur.* Septimò, mulier respondebat, Amen, amen. Octauò, Sacerdos has secundas maledictiones scribebat in libro mox scriptum abluebat in vase fictili. Nonò, Farinam hordeaceam accipiebat ex manu mulieris: & partem illius adolebat, partem sibi reseruabat. Decimò, Aquam maledictam dabat mulieri bibendam. Et si erat rea, statim femore putrescente, & utero intumescendo, disrumpebatur, & sic expirabat. Addunt rabbini, eodem tempore, quo adultera puniebatur, diuinitus punitum fuisse adulterum, etiam absentem, cum quo occultè peccauerat. Quod an verum sit, non satis constat.

3. Quæres 1. Quare Deus instituerit hunc modum inuestigandi adulterium? Respondeo. Quia volebat ostendere 1. Se esse præsidem ac vindicem fidei coniugalitatis. 2. Se esse testem & protectorem innocentiz, ne scilicet zelotypia, si nullus esset innocentiz testis, gigneret in matrimonio lites, rixas, homicidia. 3. Se occulta scelera videre, manifestare, punire. 4. adulterium esse grauissimum scelus, publica poena & confusione plectendum; vt vxores, si non amore castitatis, saltem timore poenæ & confusionis in officio continerentur.

4. Quæres 2. Quid significauerint illæ ceremoniæ quæ adhibebantur. Respondeo. Erant varæ ceremoniæ. Primò, oblatio farinæ hordeacæ sine thure & oleo. Quare sine thure? Quia thus symbolum est deuotionis & bonæ famæ. At zelotypia infamiz plena. Quare sine oleo? Quia oleum est symbolum lenitatis & misericordiæ. At Zelotypia crudelis; cum ex parte adulteræ; tum ex parte poenæ, quæ illi imponitur. Secundo, Terra de pavimento sumpta, & in aquam immixta. Vtrumque vile & subiectum. Et declarat adulteram esse, vilem instar lutosi pulueris; qui pedibus calcatur, iuxta illud Ecclesiastici 9. 10. *Omni mulier, quæ est fornicaria, quasi stercus in via conculcabitur.* Tertio, Aqua amarissima. Quorsum? Quia adultera, coram Sacerdote & populo, afficiebatur magna amaritudine animi, propter publicam confusionem. Quarto

aqua maledictionibus Sacerdotis onusta; quæ significabat, adulteras diuinis maledictionibus obnoxias esse. Quintò, caput mulieris discoopertum. Nempe, quia omnia Deo nuda & aperta sunt: Nec adulteria, quia in occulto fiunt, latere cum possunt. Vide Theodoretum q. 10.

5. Quæres 3. An etiam in Nouo Testamento sit similis modus explorandi adulteria? Respondeo. Olim inter Christianos fuit hic modus vñtatus, vt mulier, quæ erat suspecta de adulterio, probaret suam innocentiam tangendo ferrum candens. Et si adureretur à ferro candente, habebatur adultera; sin minus, innocens. Verum cum talis probatio seu purgatio non sit à Deo instituta merito à Canonibus damnata est (cap. Omnibus, & caput Consultasti 2. quæstione 4. (Vide Martinum Delrium libro quarto de Magia capite quarto.

CAPVT XXIII.

De Libello Repudij.

Certum est, permissum fuisse Iudæis, vxores suas dimittere, & dare illis libellum Repudij iuxta illud Deuter. 24. 1. *Si acceperis huius uxorem, & habueris eam, & non inueneris gratiam ante oculos eius propter aliquam sordiditatem scribes libellum Repudij, & dabis in manus illius, & dimittet eam de domo sua. Cumque egressa alterum maritum duxerit, & ille quoque oderit eam, dederisque ei libellum Repudij, & dimiserit de domo sua, vel cerò mortuus fuerit: non poterit prior maritus recipere eam in uxorem, quia polluta est, & abominabilis facta est coram Domino.* Hic aliqua examinanda sunt. 1. Quo sensu permissum fuerit Iudæis, dimittere seu repudiare suas vxores? An ita vt dimittendo non peccarent? An verò, vt peccarent quidem, sed lege non punirentur? 2. quibus de causis licuerit vxores dimittere seu repudiare? 3. quæ ceremoniæ adhiberi soleant? & quæ fuerit formula verborum, qua libellus Repudij scribebatur? 4. An sicut viri poterant repudiare vxores, ita vicissim vxores potuerint repudiare viros?

QUESTIO I.

Quo sensu permissum fuerit Iudæis vxores dimittere?

1. **M**ulti putant, non fuisse licitum Iudæis dimittere seu repudiare suas vxores; sed solum permissum, vt impunè facerent, ad maius malum evitandum. Ita Magister in 4. dist. 33. Bonaventura, & Richardus ibidem, ac nonnulli alii. Et iuxta hanc sententia peccabant. Iudæi dimittendo suas vxores, nec matrimonii vinculum dissoluebatur: ac proinde si vxores acciperent novos maritos, non erat nouum matrimonium, sed adulterium.

2. Probat 1. Quia loco citato (Deuter. 24.) dicitur, mulierem repudiatam, si alteri nupsit, fieri pollutam & abominabilem coram Deo; quia scilicet nubendo alteri committit adulterium. Quod etiam repetitur Ierem. 3. 1. his verbis: *vulgò dicitur, Si dimiserit vir uxorem suam, & recedens ab eo duxerit virginem alteram; nunquid reuertetur ad eam ultra? nunquid non polluta & contaminata erit mulier illa? Tu autem fornicata es cum amatoribus multis: tamen revertere ad me, dicit Dominus, ego suscipiam te.* Secundò, quia repudium fuit Iudæis permissum propter duritiam cordis eorum. (Matth. 19. 8.) Ergo fuit permissum, tanquam minus malum ad evitandum maius malum, ne scilicet Iudæi suas vxores occiderent, si non permitterentur eas di-

mittere. Nam minus malum erat dimittere illas, quam occidere.

3. Alii rectius docent, permissum fuisse Iudæis dimittere vxores, non solum impunè, sed etiam licitè, ita vt non peccarent dimittendo. Sic D. Thomas, Scotus Durandus, & Paludanus in 4. dist. 33. Bellarminus de matrimonio cap. 17. ad obiect. 14. Maldonatus in cap. 19. Matthæi. Abulensis ibidem quæst. 49. & 50. Et iuxta hanc sententiam, quando quis dato Libello Repudij, dimittebat vxorem, verè dissoluebatur matrimonium, vterque tam vir quam femina, poterat cum altero contrahere.

4. Probat 1. Primò. Quia si matrimonium non fuisset solum per libellum Repudij, deteriori conditione fuissent feminae, quam viri. Nam viri poterant alias vxores ducere, cum eo tempore licita esset polygamia, vt supra dixi. At feminae non potuissent alios viros accipere, quia nunquam licuit vni feminae habere plures simul viros. Itaque vel debuissent fieri adulteræ, vel perpetuam continentiam seruare. Non est autem verisimile, coactas fuisse ad perpetuam continentiam, cum id in Veteri Testamento esset planè inusitatum.

Secundò: Quando mulier à suo viro repudiata, nubebat alteri viro, poterat impunè cum altero manere vique ad mortem illius. (Deuter. 24. 4.) Ergo manens cum illo, non erat adultera, sed legitima vxor. Si enim fuisset adultera, debuisset secundum legem Mosaicam lapidari Ioan. 8. 4. & Leuit. 20. 10.

Tertiò: Quando nupsit alteri viro, poterat etiam ipse dare illi libellum repudij, sicut prior maritus. (Deut. 24. 3.) Ergo non minus erat ipsius vxor quam antea fuerat prioris mariti. Nam libellus repudij non fuit concessus viro, nisi ratione suæ vxoris.

Quartò: lex prohibeat, ne repudiata, post mortem secundi mariti, rediret ad priorem maritum. (Deuter. 24. 4.) At si per repudium non fuisset solum vinculum matrimonii, non erat prohibendum, sed potius optandum, vt vxor rediret ad suum legitimum maritum.

Quintò, neque Moyse, neque alii Prophetæ vquam reprehenderunt matrimonia cum repudiatis: At si eiusmodi matrimonia fuissent adulterina, sine dubio debuissent illa palam reprehendere, sicut reprehendebant alia vitia.

Sextò, lex petebat Sacerdoti, ne duceret viduam, aut repudiatam, aut meretricem, sed tantam virginem (Leuit. 21. 13.) Ergo aliis, qui non erant Sacerdotes, licebat ducere repudiatas, sicut licebat ducere viduas & meretrices.

5. Ad contraria argumenta sic respondeo. Ad 1. Mulier repudiata vocabatur polluta & abominabilis coram Deo, non ideo, quod alteri viro nupsisset: sed quia à priori viro publica infamia erat notata, hoc ipso, quod publicè esset repudiata. Ac proinde non decebat, vt ab illo iterum reciperetur (Bellarminus loco citato.) Nec aliud colligi potest ex loco Ieremix, vbi Deus sic argumentatur: Si vir non recipit repudiatam, quæ nupsit alteri; multo minus ego deberem te recipere, quæ non nupsisti alteri, sed cum multis amatoribus fornicata es.

6. Ad 2. verum est. Deum permisisse Iudæis repudium, propter duritiam cordis eorum, ne scilicet suas vxores, quas repudiare non possent, occiderent. Sed inde non sequitur, eos peccasse repudiando suas vxores, ex diuina permissione. Potuit enim Deus hoc illis permittere, vt non peccarent, quia potuit dissolvere matrimonium inter ipsos contractum, & dare potestatem, vt viri acciperent alias vxores, & repudiatæ nubere aliis viris. Nec illa permissio carebat mysterio. Nam Deus per illam volebat significare, se re-

podiatum Synagogam Iudæorum, & in locum illius desponsaturum sibi Ecclesiam ex gentibus colligendam.

QVÆSTIO II.

Quibus de causis licuerit uxores dimittere seu repudiare?

1. **R**espondeo. Non satis constat. Tamen enim Scriptura dicat, licuisse eas dimittere propter aliquam *fornicationem*, disputant tamen interpretes, quid per illam fornicationem intelligendum sit. Tertullianus libro quarto contra Marcionem cap. 34. intelligit solum adulterium seu fornicationem: Quod alij authores refellunt. Primò, quia mulier adultera, secundum legem Mosaicam, non dimittebatur: sed vel lapidabatur, si constaret adulteram esse: vel per aquas zelotypiæ examinabatur, si suspecta esset de adulterio. Secundò, quia Pharisei interrogabant Christum, *an quæcumque ex causa liceret uxorem dimittere?* Matth. 19. 3. Ergo supponebant, varias esse causas, sed cupiebant intelligere, an Christus omnes approbaret.

2. Quæ autem fuerint istæ causæ in particulari, non omnes eodem modo explicant. Lyranus putat fuisse quamcumque rem turpem, matrimonio superuenientem, quæ posset bonum proles impedire: siue in corpore, ut est sterilitas, lepra, morbus caducus: siue in anima, ut si vxor esset prauis moribus prædita. Consentit Cornelius, qui assignat has causas, lepram, & sterilitatem, veneficium, rixas perpetuas, ebriositatem, & alios prauos mores incorrigibiles. Adulterium videntur excludere. Pro quo notandum est, dimissionem vxoris potuisse fieri dupliciter: vel palam vel occultè. Prior dimissio fiebat per libellum Repudij. De posteriori intelligendum est illud Matth. 1. 9. *Ioseph autem vir eius, cum esset iustus, & nollet eam traducere, voluit occultè dimittere eam*, nempe Mariam sibi desponsatam, eò quod videret illam, antequam conuenirent, grauidam esse. Quomodo occultè id facere voluerit, variæ sunt sententiæ apud Maldonatum, quæ non faciunt ad nostrum propositum. Itaque prior dimissio per Libellum Repudij, vel nunquam, vel raro fiebat propter adulterium. Nam tribus modis possumus loqui de muliere adultera. Primò, Si in adulterio esset deprehensa. Sic iubebatur lapidari. Secundò, Si solum esset suspecta de adulterio. Sic debebat examinari per aquas zelotypiæ. Tertiò, Si quidem constaret adulteram esse, sed nec publicè constaret, nec in adulterio esset deprehensa; sed maritus aliunde id sciret. Sic fortasse poterat occultè dimitti. Si tamen maritus noluisse illam publicè accusare, & dato Libello Repudij solenniter dimittere, non video, cur id fieri non potuerit.

QVÆSTIO III.

Quæ ceremonia fuerim adhibita in Repudio, & quibus verbis Libellus Repudij consignatus.

1. **C**eremoniæ, & cautiones, quibus Libellus Repudij solebat dari, recitantur decem ab Hebræis ut notat Maldonatus. Primò ut vxor non discederet, nisi volente marito. Secundò, Ut libellus in manu vxoris traderetur. Tertiò, Ut scriberentur: ut minimum, nomina duorum testium. Quariò, Ut exprimeretur tres generationes viri & tres mulieris, ut ex libelli formula intelligetur. Quintò, Ut scriberetur Libellus litteris rotundis, distinctis, atque perspicuis, ita ut vna aliam non attingeret, ne aliquod scripturæ vitium irriperet. Sextò, ut si inter scribendū aliqua atramenti guttula in chartam decideret, Libellus authoritatem non haberet, sed alius de nouo scriberetur. 7. Ut in Libello nullum rasuræ vestigium apparet, ne pos-

set esse suspectus de vitio. 8. Ut charta longior esset, quam latio. 9. Ut omnes testes, qui aderant, suum quisque sigillum adhuberent. 10. Ut maritus diceret: *Accipe Libellum repudij, & à me abiecta, & cuiusque viro permissa.*

2. Formula Libelli repudij, secundum Hebræos, erat hæc Ego Rabbi Simeon, filius Rabbi Abraham, filij Rabbi David, filij Rabbi Salomonis, die prima mensis secundi, Anno 5296. à creatione mundi hic & in hac ciuitate, ex animi mei consensu, & sine vllâ coactione, Repudiat Rachel, filiam Rabbi Moysi, filij Rabbi Ioseph, filij Rabbi Iacob: & dedi illi Libellum Repudij in manu, schedam abscissionis, & signaculum diuisionis, ut sit à me abiecta, & abeat quocumque velit, & nemo possit illi prohibere, iuxta constitutiones Moysi & Israël. Ita referunt Vatablus, Oleaster, Cornelius in cap. 24. Deuteronomij & Maldonatus in caput 19. Matthæi.

3. Quæres, An Libellus Repudij datus fuerit publicè coram iudice, & in forma iudiciaria? Respondeo. Id verisimile est. 1. Quia datus fuit coram testibus, ut ex dictis patet. 2. Quia repudium apud Romanos fiebat coram Iudice, ut patet ex iure ciuili, titulo de diuortijs, vbi etiam describitur hæc formula apud Romanos vsitata: *Res tuas curato, res tuas tibi habeto.* An etiam alij præter Iudæos & Romanos, vsi fuerint Repudio? Respondeo. Etiam Medi & Persæ vsi sunt, ut patet exemplo Assueri Regis, qui uxorem suam Vasthi repudiavit: (Esther 1. 19.)

QVÆSTIO IV.

An sicut viri poterant repudiare uxores, ita vicissim uxores potuerint repudiare viros?

1. **R**espondeo. Non poterant. Nam solis maritis concessum fuit ius Repudij: Nusquam in lege Mosaicæ inuenies vxoribus concessum esse. Quod etiam fatetur Iosephus lib. 15. cap. 11. vbi refert. Salome sororem Herodis, præter legem Mosaicam fecisse, quod maritum suum Costobarum repudiauerit. *Lex enim nostra*, inquit, *solis maritis ius Repudij permittit: mulieribus autem, ne dimissis quidem fac est nubere, nisi prioris viri permissu.* Quæ posterior pars non habetur expresse in lege Mosaicæ. Videtur tamen colligi ex formula Libelli Repudij, in qua vir dimittens vxorem, sic ait: *Abeat quocumque velit.* Quibus verbis concedit illi potestatem nubendi alteri marito. Et clarius ex decima ceremonia superius recensita, in qua maritus dicit: *Esto à me abiecta, & cuiusque viro permissa.*

2. An ergo mulieres nullo modo poterant dimittere suos viros? Respondeo. Aliud est repudium, aliud diuortium. Non poterant illos dimittere per repudium; poterant tamē eos deferere per diuortium; vel propter adulterium, vel propter alias legitimas causas. Hoc enim & Christianis, & Gentilib. mulierib. iure naturali permissum est. Nota. In diuortio fit tantum separatio cohabitationis & thori, manente vinculo matrimonij. In Repudio etiam hoc vinculum dissoluitur, ut patet ex authoribus quæst. prima, §. 3. allegatis.

CAPVT XXIV.

De Adulterio & Supra.

1. **I**N lege Mosaicæ prohibentur & puniuntur hæc potissimum peccata carnis. 1. Adulterium. 2. Incestus, id est, congressus cum consanguinea vel affini intra gradus prohibitos. 3. stuprum, id est, violatio virginis, maximè si per vim fiat. 4. Scurratio. 5. Sodomia, 6. Bestialitas. De singulis dicam aliquid.

1. Primò igitur, de adulterio extant tres leges. Prima moralis, *Non moechaberis.* (Exodi 10. 13.) Secunda iudicialis, *Si moechatus quis fuerit cum uxore alterius, morte moriantur moechus & adultera.* (Leuit. 20. 10.) Tertia partim iudicialis: partim ceremonialis, quæ præscribit modum inuestigandi occultum adulterium, de quo supra dictum est cap. 22. de Zelotypia.

3. De Incestu extat vna generalis, & plures speciales. Generalis est, *Omnis homo ad proximam sanguinis sui non accedet, ut reuelat turpitudinem eius.* (Leuit. 18. 6.) Speciales sunt hæc. Prima, *qui dormierit cum nouerca sua, & reuelauerit ignominiam patris sui, morte moriantur ambo* (Leu. 20. 11.) Secunda, *Si quis dormierit cum nuru sua, uterque moriatur.* (ibid. v. 12.) Tertia, *qui supra uxorem filiam, duxerit matrem eius, uiuus ardebit cum eis.* (ibidem v. 14.) Quarta *qui acceperit sororem suam filiam patris sui, vel filiam matris sue, occidentur in conspectu populi sui.* (ibidem v. 17.) Quinta, *qui coierit cum matertera, vel amita sua, aut cum uxore patris aut auunculi sui, portabunt ambo iniquitatem suam: absque liberis moriantur.* (ibidem v. 19. 20.) Sexta, *qui duxerit uxorem fratris sui, absque liberis erunt.* (ibidem v. 21.)

4. De stupro duæ extant, vna, Si aliquis in ciuitate concubuerit cum puella virgine, quæ alteri desponsata est, & illa non clamauerit; educes utrumque ad portam ciuitatis illius, & lapidibus obruentur. Si autem in agro id fecerit, ipse morietur solus: puella nihil patitur. Præsumitur enim clamasse, sed quia sola erat non potuit audiri & liberari. (Deuteronom. 22. 13.) Altera qui vim intulerit puellæ non desponsatæ, ducet illam in uxorem, nec vnquam poterit eam dimittere: & insuper patri illius dabit quinquaginta siclos argenti (ibid. v. 28.)

5. De Scortatione similiter duæ. Vna non erit meretrix de filiabus Israël, nec scortator de filiis Israël. (Deuteronom. vigesimo tertio, versu decimo septimo.) Altera, *Ne prostituas filiam tuam, ne contamineur terra, & impleatur piabulo.* (Leuit. 19. 29.)

6. De Sodomia sic statutum est: *Cum masculo non commiscearis coitu famineo, quia abominatio est.* (Leuitici vigesimo octauo versu vigesimo secundo.) Et iterum: *Qui dormierit cum masculo coitu famineo, morte moriantur. Si sanguis eorum super eos.* (Leuit. 20. 13.) Solet hoc vocari peccatum contra naturam de quo Apost. Rom. 1. 27. *Masculi eorum, relicto naturali usu femina, exarserunt in desiderijs suis inuicem, masculi in masculos turpitudinem exercentes.*

7. De Bestialitate sic: *Cum omni pecore non coibis, nec maculaberis cum eo. Mulier non succumbet iumento, nec miscetur ei; quia scelus est.* (Leuitici 18. 23.) Et iterum. *Qui cum iumento & pecore coierit, morte moriatur: pecus quoque occidetur. Mulier, quæ succubuerit cuilibet iumento, simul interficietur cum eo.* (Leuit. 20. 15.)

8. Hæc de legibus. Porro, quæ calamitates ex supra dictis peccatis in V. T. secutæ sint, notum est. Ego paucis insinabo. Dauid commisit adulterium cum Bersabee, uxore Uriæ Hethzi. Punitus est octo modis. Primò, morte filij ex adulterio nati. 2. Incestu primogeniti filij sui Amnon cum Thamar. 3. Eiusdem primogeniti exde: quia Absalon frater Thamar, occidit Amnon propter incestum. 4. Rebellione Absalonis. 5. Publica violatione vxorum. 6. Bello contra se illato ab Absalone. 7. Morte Absalonis. 8. Noua seditione à Saba, filio Bochri excitata. (2. Reg. 12. & sequentibus.)

9. Amnon, filius Dauidis, de quo iam dixi, oppressit Thamar sororem Absalonis. (2. Reg. 13. 1. Absalon inuitauit illum ad conuiuium; & cum temulentus esset curauit illum occidi. (ibidem versu 28.)

10. Quidam ex tribu Benjamin, in Gabaa abusi sunt uxore cuiusdam Leuitæ peregrinantis. (Iudic 19. 25.) Hoc facinus vlti sunt filij Israël & conamoni consensu

A progredientes ad bellum contra Beniamitas, occiderunt ex illis viginti quinque millia armatorum hominum. (Iud. 2. 46.) Adeo vt ex toto numero Beniamitarum remanserint tantum sexcenti viri. (ibid. versu 47.)

11. Zambri ex tribu Simeon, publicè ingressus est in lupanar ad feminam Madianitidem. Pœna sequitur: *Quod cum vidisset Phinees, arrepto pugio, perfecit ambo simul in locis genitalibus.* Et propter hoc factum laudatus est Phinees, tanquam vir zelosus pro honore Dei: Et loco præmij accepit à Deo permissionem semperni sacerdotij in sua familia. (Num. 25. 6.)

12. Sichem, filius Hemor, oppressit Dinam filiam Iacob ex Lia, sororem Simeonis & Leui. (Genesis 34. v. 1.) Secuta est vltio. Nam Simeon & Leui, arreptis gladiis, occiderunt non tantum Sichem & Hemor, sed omnes masculos totius ciuitatis; & ciuitatem depredati sunt, auferentes eorum oues, armenta, alinos, vxores, paruulos. (ibidem v. 24.)

13. De Sodomitis, quomodo puniti sint, narratur Gen. 19. 24. *Dominus pluit super Sodomam & Gommorham sulphur & ignem de calo: & subuertit ciuitates has, & omnem circa regionem, vniuersos habitatores urbium, & cuncta terra videntia.*

14. Hæc omnia (teste Apostolo 1. Cor. 10. 11.) scripta sunt ad corruptionem nostram, vt caueamus ab adulterijs, & alijs peccatis carnalibus, quæ iam recensita sunt: ne similiter, ac Iudæi, à Deo puniamur. Potest & aliud hinc colligi. Nempe, legem Mosaicam, vt alibi dixi, tuto fuisse imperfectiorem, quam sit Euangelica. Illa prohibebat peccata externa; hæc etiam interna. Quo spectat illud Christi in Euangelio: *Audistis quia dictum est antiquis: Non moechaberis. Ego autem dico vobis quia omnis, qui viderit mulierem ad concupiscendum eam, iam moechatus est eam in corde suo.* Matthæi 5. 27.

CAPVT XXV.

De Seruis & Ancillis, de Mercenarijs, peregrinis, & pauperibus.

1. DE Seruis & Ancillis multa statuta sunt in lege Mosaicæ, præsertim Exod. 21. Leuit. 25. & Deuteronomij 15. Compendium omnium est hoc. Primò, Hebræi non poterant ex suo populo habere seruum vel ancillam, per modum mancipij, sed tantum ex Gentilibus. Itaque soli Gentiles (quod etiam intelligitur de profelytis ad Iudaismum conuersis) poterant esse perpetui & hereditarij Hebræorum serui. 2. Si aliquis Hebræus fieret seruus Gentilium, debebat redimi ab Hebræis. 3. Si fieret seruus Hebræorum, non tractabatur vt mancipium, sed vt mercenarius. 4. Nec seruiebat perpetuo, sed ad certum tempus. 5. Si habebat uxorem Hebræam, seruiebat vsque ad annum septimum, seu Sabbaticum. Et tunc ambo liberi exhibant. 6. Si autem herus ipsius, qui ipsum emerat, dedisset illi uxorem Gentilem (nam Hebræam dare non poterat) quæ verè esset serua seu mancipium, & ex illa haberet liberos tunc quidem poterant liberari anno septimo, si vellet, sed relicta apud herum uxore & liberis. 7. Si tamen maluisset manere apud herum suum, & apud uxorem & liberos; poterat quidem id facere, sed tantum vsque ad annum iubilæum. Vxor tamen & liberi manebant in perpetua seruitute: nisi vel redimerentur à suis Gentilibus: vel certè, nisi herus excussisset illis dentem aut oculum. Tunc enim pro compensatione illius iniuriæ, debebat eos liberos dimittere.

2. Hic tria notanda sunt. Primò, libertas Hebræorum erat corporalis & apponebatur seruituti corporali. At libertas Christianorum est spiritualis, & opponitur seruituti spirituali. De quo loquitur Christus Ioan. 8. 34. *Omnis, qui facit peccatum, seruus est peccati.* Et paulo post. *Si vos filijs liberaueris, vere liberi eritis.* Et Apost. Rom. 8. 2. *Lex spiritus vite in Christo Iesu liberabit me à lege pec-*

cati mortis. Et ad Galat. 4. 31. *Non sumus ancilla filij, sed libera: qua libertate Christus nos liberauit.*

3. Secundò, sicut vetus Testamentum fuit figura noui Testamenti, ita libertas Moisaica fuit figura libertatis Euangelicæ. Et sicut Moyses eduxit Hebræos ex corporali seruitute Aegyptiorum, ita Christus eduxit nos ex spirituali seruitute diaboli & peccati.

4. Tertio, Tanta est perfectio & prerogativa libertatis Euangelicæ, ut non curet aut timeat seruitutem corporalem. Vnde Apostolus prima Corinth. septimo, v. 26. *Vnusquisque in qua uocatione (id est, vite conditione) vocatus est, in ea permaneat. Seruus vocatus es? Non sit tibi cura: sed & si potes fieri liber, magis uere: scilicet seruitute, ob maiorem humilitatem & patientiam.*

De mercenariis.

5. De Mercenariis sic statutum est: *Non morabitur opus mercenarij apud te usque mane.* Leuit. 19. 13. Quod alibi sic explicatur. *Non negabis mercedem indigentis & pauperis fratri tui, siue aduenæ, qui tecum moratur intra portas tuas: sed eodem die reddes ei pretium laboris sui, ne forte occasum, quia pauper est, & ex eo sustinet animam suam: ne clames contra te ad Dominum, & reputetur tibi in peccatum.* Deut. vigesimo quarto, versu decimo quarto. Eodem sensu senior Tobias dixit iuniori *Quicumque tibi aliquid operatus fuerit, statim tibi mercedem restitue, & merces mercenarij tui apud te omnino non remaneat.*

6. Nota. Nomen mercenarij in nouo Testamento sumitur dupliciter. 1. In sensu iam dicto. Nempe pro famulis, seu operariis, qui mercede conducuntur ad laborandum, ut Marci 1. 20. *Et relicto patre suo Zebedæo in nauis cum mercenariis, secuti sunt eum.* Et Lucæ 15. v. 17. *Quanti mercenarij in domo patris mei abundant panibus, ego autem hic fame perreo?* Pro Pastoribus Ecclesiarum, qui etiam accipiunt mercedem pro labore prædicandi Euangelium, & Sacramenta administrandi. Hi iterum duplices sunt. Alij boni Pastores, qui nihil aliud accipiunt, quam necessariam uitæ sustentationem: Nec tam pecuniam subditorum desiderant, quam salutem. De quibus Apostolus prima Timoth. 5. 18. *Dignus est operarius mercede sua.* Et 1. Corinth. 9. 11. *Si nos uobis spiritualia seminauimus, magnum est, si nos carnalia uestra metamur?* Et infra v. 14. *Ita & Dominus ordinauit iis, qui Euangelium annuntiant, de Euangelio uiuere.* Alij mali, qui magis querunt mercedem & proprium commodum, quam salutem & utilitatem ouium sibi commissariorum. De quibus Christus Ioannis 10. 11. *Ego sum Pastor bonus: Bonus Pastor animam suam dat pro ouibus suis. Mercenarius autem, & qui non est pastor, cuius non sunt oues propria, uidet lupum uenientem, & dimittit oues, & fugit. Et paulo post: Non perinet ad eum de ouibus.* De similibus conqueritur Deus per Prophetam Ezech. 34. *Va pastoribus Israel, qui pascebant semetipsos: Nonne greges à pastoribus pasceantur? Lac comedebatis, & laniis operiebamini, & quod crassum eras, occidebatis: Gregem autem meum non pascebatis. Tales non pauci hoc tempore.*

De peregrinis & pauperibus.

7. De his sancita sunt hæc. Primo: *Cum messueris segetem terræ tuæ, non tondebis usque ad solam superficiem terræ, nec remanentes spicas colliges: neque in uinea tua racemos & grana decidentia congregabis, sed pauperibus & peregrinis carpenda dimittes.* Leuit. 19. 9. Idem facies in manipulo, quem oblitus es in agro, & in frugibus olinarum. Deut. 24. 19.

8. Secundò, *Indigens & mendicus non eris inter uos: ut benedicat tibi Dominus Deus tuus in terra, quam tradidimus est tibi in possessionem.* Deut. 15. 4. Duplex potest esse sensus. Priori: Ne patiaris Hebræum mendicare, sed subue-

Opus. Boc.

ni, ut benedicat tibi Deus. Posterior, Tanta erit bonorum abundantia, si legem Dei serues, ut nemo cogatur mendicare. Vide Emanuelem Sâ in notationibus.

9. Tertio, *Si unus de fratribus tuis ad pauperiam uenerit, non obderabis cor tuum, nec contrahes manum, sed aperies eam pauperi & dabis mutuum, quo eam indigere perspexeris.* ibidem v. 7. & 8. Hæc sententia conformis est priori sensui præcedentis.

10. In lego Euangelica, omnes debent se æstimare peregrinos, iuxta illud 1. Pet. 2. 11. *Charissimi, obsecro uos, tanquam aduenas & peregrinos abstinere uos à carnalibus desideriis, quæ militiam aduersus animam.* Et 2. Corinth. 5. 6. *Dum sumus in corpore, peregrinamur à Domino.* sicut enim Iudæi quadraginta annis peregrinati sunt in deserto, antequam uenirent ad terram promissionis; ita nos, toto tempore huius uitæ, peregrinamur in hoc mundo, antequam perueniamus ad patriam nostram cælestem. Illorum peregrinatio fuit figura nostræ peregrinationis.

11. Paupertas, propter exemplum Christi, debet esse ærumnosa & pudenda. Lucæ 6. 20. *Beati pauperes, quia uestrum est regnum Dei.* Et Iacobi 2. 5. *Audite fratres mei dilectissimi: Nonne Deus elegit pauperes in hoc mundo, diuites in fide, & heredes regni quod reponit Deus diligenti bus se?* Et 1. Corinth. 1. 28. *Ignobilia mundi & contemptibilia elegit Deus.* Et capite quarto, undecimo. *Vsq; in hanc horam & esuriuimus & sitimus, & nudi sumus.* Et infra: *Rogo ergo uos, imitatores mei estote, sicut & ego Christi.*

CAPVT XXVI.

De Reformatione.

1. **R**еспублика Hebræorum ab initio fuit bene à Deo constituta, & optimis ac sanctissimis legibus roborata. Sed quia sæpè defecit à primæua sua perfectione, & in varios abusus degenerauit; necesse fuit sæpè illam reformare, & in pristinum statum restituere. De hac reformatione aliquid disendum est. Fuit autem triplex reformatio, Prima circa cultum Dei. Altera circa iustitiam inter Hebræos seruandam. Tertia circa bellum. Incipiam à prima.

Reformatio circa cultum Dei.

1. Igitur Reformatio circa cultum Dei fuit valde frequens, quia Hebræi sæpè à cultu veri Dei ad idololatriam delapsi sunt. Primo sub Mose, quando vitulum aureum adorauit. Exodi 32. 4. Secundò, post mortem Iosue, quando cœperunt adorare Baal & Astaroth. Iudic. 2. 11. & cap. 3. 7. Tertio post mortem singulorum Iudicum sequentium. Iudic. 3. 19. Et hoc durauit usque ad initium Samuelis. 1. Reg. 7. v. 3. Quarto, tempore Salomonis, quando & ipse, & uxores illius colebant idola. 3. Reg. 11. 4.

3. Post Salomonem, facta regni diuisione, cœperunt esse duo regna: alterum Iudæ: in quo erant duæ tribus: alterum Israel, in quo erant decem. Et quidem regnum Israel, sub primo suo Rege Ieroboam, defecit à cultu veri Dei, & cœpit vitulos aureos adorare. 3. Reg. 12. ver. 28. In qua defectione permansit. At in regno Iudæ sæpè quidem defectio facta est, sed non durauit. Prima facta est sub Roboam. 2. Paral. 2. 1. Secunda sub Ioram. 2. Paralip. 21. 11. Tertia sub Ioas, mortuo Ioiada Pontifice. ibid. c. 24. 17. Quarta sub Amasia. cap. 35. 14. Quinta sub Achaz. cap. 18. 2. Sexta sub Manasse. 4. Reg. 21. versu 3. Hæ sunt præcipuæ defectiones.

K

4. Reformatio fuit etiam multiplex. Prima à Mo-
se facta per interfectionem viginti trium milliū homi-
num, qui vitulum adorauerunt. Exodi 32. 28. Secun-
da à Deo, per varias calamitates & oppressiones, tem-
pore Iudicum. Iudic. 2. 14. & deinceps. Tertia à
Samuele, per paternam monitionem, 1. Regum 7. 3.
Quarta à Aba, qui purgavit terram à sordibus ido-
lorum. 3. Regum 15. 13. Quinta à Iosaphat, qui per-
fecit purgationem ab Aša inchoatam. Ibidem cap. 22.
47. Sexta à Ioas, vivente adhuc Ioiada Pontifice, per
institutionem templi. 2. Paralip. 24. 4. Septima, ab
Ezechia, qui abstulit omnē idololatriam, & vetū Dei
cultum restituit. 4. Regum 18. 4. & 2. Paralip. 29. 3.
Octava à Iosia, qui iterum abstulit omnia idola, excel-
sa, lucos, & installavit templum Domini, & fecit
Phasē Domino, & adiuvavit subduos, ut praeputer-
ent se legem Dei servaturos. 4. Regum 22. & 2. Pa-
ralipomeyon. 34. & 35.

5. Hæ reformationes factæ sunt in regno Iuda, porro
in regno Israël bis aliquid tentatum. Primum ab Eliæ Pro-
pheta, qui tempore Achab & Iezabelis, reduxit popu-
lum induas partes claudis aptem ad Deum, miraculo
ignis de celo missi super sacrificiū & occidit 450. Pro-
phetas Baal. 3. Reg. 18. 21. Secundo à Iehu Rege Israël,
qui delegit totam familiam Achab, & interfecit omnes
Prophetas & Sacerdotes Baal, & statuum Baal com-
bussit igne, & eadem Baal convertit in latrinam. 4. Reg.
10. 11. Nihilominus non restituit cultum veri Dei. Sic e-
nim habet textus ibidem v. 28. *Delexit itaque Iehu Baal
de Israël: verum tamen à peccatis Ieroboam filij Nabat, qui
peccare fecit Israël, non recessit, nec dereliquit vitulos quos
qui erant in Bethel, & in Dan.* Tamen si ergo sustulerit
vnam sectam idololatriæ, quæ adhebat Baal, non ta-
men sustulit, sed promouit aliam sectam idololatriæ,
quæ vitulos aureos adorabat.

6. Similis vicissitudo in Ecclesia Christi hæte-
nus seruata est. Multæ factæ sunt defectiones à vera fi-
de: non quidem vniuersales, sed particulares. Prima,
tempore Apostolorum, per Simonem Magum, Eri-
thum, Ebionem, Menandrum, Nicolaum Antioche-
num. Alij per alios hæreticos subsequentes, ut per Sa-
turninum, Basilidem, Cerdonem, Valentinū, Marcio-
nem, Montanū. Nouatianos, Donatistas, Manichæos
Sabellianos, Arianos, Macedonianos, Priscillianistas,
Pelagianos, Nestorianos, Eutychianos, Berengarios.
Notissime porro Hussitas, Lutheranos, Calvinistas,
Anabaptistas.

7. Multæ etiam reformationes adhibitz. 1. Per vi-
gilantiam Apostolorum. 2. Per alios Ecclesiæ Præla-
tos & Doctores, inter quos excelluerunt Irenæus, Cy-
prianus, Athanasius, Hilarius, Optatus Mileuicanus,
Ambrosius, Hieronymus, Augustinus, Prosper. 3. Per
Concilia generalia, in quibus hæretici dñati sunt; ut
Ariani in Nicæno, Macedonianii in Constantinopolita-
no, Nestoriani in Ephesino, Eutyches & Dioscorus in
Chalcedonensi, & sic deinceps. 4. Per Synodos provin-
ciales. 5. Per Religiosos. Nam sicut in V. T. multi ex-
traordinarij Iudices à Deo excitabantur ad liberandū
populū à seruitute & oppressione: ita in Ecclesia Chri-
sti, varij variis temporibus Religiosi Ordines excitati
sunt, qui populum in doctrina & moribus reformatēt,
hæreticos euerterent, sanam fidem restituerent. 6. Per
seueras Principum & Imperatorum leges & pœnas in
hæreticos constitutas, quales multæ sunt in Codice Iu-
stiniani. 7. Per violentam hæreticorum extirpationem.
8. Per disputationes, scriptiones, & similia certamina
contra hæreticos suscepta & inita. Denique, quæ opti-
ma reformandi ratio est, per seriam Cleri ac Prælato-
rum emendationē. Quæ si non adest, parum proficitur.

8. Et, ut nihil deesse videatur ad plenam analogiā V.
et noui Testamenti, sicut in veteri idololatriæ idololatrias

À aliquando persequēbantur: ita in nouo hæretici hære-
ticis infesti sunt. In quare imitantur exemplum Iehu.
Nam quidem, ut iam dixi, erat idololatra, & cole-
bat vitulos aureos; & tamen ex quodam zelo reforma-
tionis, interficiebat Prophetas & cultores Baal. Sic fac-
ciunt hæretici. Non proferam vetera exempla: noua
sufficiunt. Lutherani infesti sunt Calvinistis. Calvinis-
tæ seipsos lacerant, petunt, execrantur. Nam alij Ar-
miniani sunt, alij Gommaristæ. Hi ibi os accerrimè per-
sequuntur. Illi vicissim hos damnant & diris omnibus
deuocent. Vtrobique, zelus prætextitur.

Reformatio circa iustitiam inter Hebræos seruandam.

B 9. Huius reformationis illustre exemplum habemus
in Iosaphat rege Iuda, qui facta prius reformatione cir-
ca cultum Dei, voluit etiam externam politiam refor-
mare, & pacis ac iustitiæ conseruandæ normam præ-
scribere. Quo pacto id præstiterit, refertur 2. Paral. 19.
4. His verbis: *Habituus ergo Iosaphat in Ierusalem, rursus
sumque egressus est ad populum de Bersabee usque ad montem
Ephraim; & renouauit eos ad Dominum Deum pa-
trum suorum. Constituitque Iudices terra in cunctis ciuitatibus
Iuda munis per singula loca, & præcipiens Iudicibus,
ut idcirco, ut quid faciatis: Non enim hominis exercitiū in-
dicium, sed Domini: & quodcumque iudicaueritis, in voste-
r dandabit. Sic timor Domini vobiscum, & cum diligentia
cuncta facite: non est enim apud Dominum Deum nostrum
iniquitas, nec personarum acceptio, nec cupido munerum.*

C *Iudæi Ierusalem quoque, constituit Iosaphat Leuitas, & Sacer-
dotes, & Principes familiarem ex Israël, ut iudiciū & cau-
sam Domini iudicarent habitatoribus eius. Præcipit quoque eis
dicant: Sic agatis in timore Domini fideliter & corde perfec-
to. Omnes causas, quæ venerint ad vos fratrum vestro-
rum, qui habitant in urbibus suis inter cognationem & cog-
nationem, ubicunque quaestio est de lege, de mandato, de
ceremoniis, de iustificationibus, ostendite eis, ut non peccent
in Dominum, & ne veniat ira super vos & super fratres
vestros. Sic ergo agatis non peccabitis.*

*Amaria autem Sacerdos & Pontifex vester in his qua
ad Deum pertinent, præsidebit. Porro Zabachas filius Is-
mahel, qui est Dux in domo Iuda, super ea opera erit,
quæ ad Regis officium pertinent.*

D 10. Dixit. 11. q. 1. duplex fuisse Tribunal in Iudi-
cium apud Iudæos. Vnum maius, quod erat in Ierusa-
lem, ad difficiliores controuersias decidendas: Alterum
minus, quod erat in alijs ciuitatibus Iuda, ad commu-
nes & quotidianas causas iudicandas. Vtrumque pro-
gressu temporis fuerat pene collapsum. Hoc loco Ios-
aphat vtrumque restituit ac reformat. Et primo genera-
tim monet Iudices, ut cogitent se non hominis, sed Dei
iudicium exercere. Et hoc sensu vocari solent Dij, id
est, Vicarij Dei (Exodi 22. 8.) Deinde speciatim, ut ab-
stineant à tribus peccatis, quæ solent esse in corruptis &
peruersis Iudicibus. 1. Ab iniquitate. 2. A personarum
acceptio. 3. Ab acceptioe munerū. Huiusmodi per-
uersi Iudices fuerunt filij Samuelis. 1. Reg. 8. 3. *Non
ambulauerunt filij illius in viis eius: sed declinauerunt post
auaritiā, acceperuntque munera, & peruerterunt iudicium.*

Reformatio circa Bellum.

E 11. In hac reformatione duo spectanda sūt. 1. Leges bel-
li à Deo præscriptæ, de quibus. c. 17. q. 2. dictū est. 2. Ap-
paratus belli, de quo hic dicendum. Est autem duplex
apparatus. Vnus consistit in munitionibus, præidijs mi-
litaribus, armatura, cōmeatu. Alter in ipsa exercitus
dispositione, ductione, & ad certamē tione. De priori
agā, Est autē hæc regula seruāda, quod cuiusmodi appa-
ratus non debeat fieri in ipso belli initio aut progressu,
sed longè ante belli susceptionē, iuxta illud Christi. Luc.
14. 31. *Quis Rex iturus committere bellum aduersus aliū Re-
gem, non sedens prius cogitat, si possit cum decem milli-
bus occurrere ei, qui cum viginti millibus venit ad se?*

Alioquin adhuc illo longè agente, legationum mittens rogat ea quæ pacis sunt. Quod hîc dicitur de apparatu militum, debet etiam intelligi de apparatu armorum, munitionum, & aliorum, quæ ad bellum necessaria sunt.

12. Ex hac parte fuit magnus defectus tempore Saulis, quando filij Israël debebant pugnare contra Philistæos. 1. Quia erant tantum sexcenti Israëlitz (reliqui enim præ timore erant dilapsi) contra infinitam Philistæorum multitudinem. 2. Quia nullus in toto exercitu Israëlitarum habebat gladium aut hastam, nisi solus Saul, & filius eius Ionathas. 1. Regum 13. 5. *Philistiim congregati sunt ad prælandum contra Israel, triginta milia currum, & sex milia equum, & reliquum vulgus, sicut arena, qua est in littore maris plurima. Et infra: Quod cum vidissent viri Israel, absconderunt se in speluncis & in abditis. Et iterum versu 13. Recensuit Saul populum, qui inuenti fuerant cum eo, quasi sexcentos viros. Et ibid. versu 19. Porro faber ferrarius non inueniebatur in omni terra Israel. Cauent enim Philistiim, ne forte facerent Hebræi gladium aut lanceam. Et denique versu 21. Cum uaxisset dies prælij, non est inuentus ensis & lancea in manu totius populi, qui erat cum Saule & Ionatha excepto Saul & Ionatha filio eius.*

13. Hanc defectum restaurauit Azarias, seu Ozias Rex Iuda, qui & in munitionibus, & in militibus, & in omni armorum genere, & in commeatu, fecit magnum belli apparatus, ita ut omnibus vicinis hostibus esset terrori. Sic enim de eo legimus 2. Paral. 26. 9. *Edificauit Ozias turres in Ierusalem super portam anguli, & super portam vallis, & reliquias in eodem*


A muri latere, firmatisque eas. Exstruxit etiam turres in solitudine, & effodit cisternas plurimas, eo quod haberet multa pecora, tam in campestribus, quàm in eremi vastitate. Vineas quoque habuit & vinitores in montibus, & in carmelo; erat quippe homo agricultura deditus. Fuit autem exercitus bellatorum eius, qui procedebat ad prælium sub manu Iehiel scribæ, Maasique Doctoris, & sub manu Hanania, qui erat de Ducibus Regibus. Omnisque numerus Principum, per familias virorum fortium, duorum millium sexcentorum, Et sub eis uniuersus exercitus trecentorum & septem millium quingentorum, qui erant apti ad bella, & pro Rege contra aduersarios dimicabant. Pre-

B. parauit quoque eis Ozas, id est cuncto exercitui, clypeos, & hastas, & galeas, & loricas, arcusque & fundas adiaciendos lapides. Et fecit Ierusalem diuersi generis machinas, quas in turribus collocauit, & in angulis murorum, ut mitterent sagittas & saxa grandia. Egressumque est nomen eius procul, eo auxiliaretur ei Dominus, & corroboraret illum.

14. Ex hoc Ozæ exemplo discant Reges & Principes, duo potissimum esse necessaria ad apparatus bellicum. 1. Ut sint coniuncti cum Deo. Hoc enim significatur ultimis illis verbis: *Eo quod auxiliaretur ei Dominus.* 2. Ut etiam adhibeant humana præsidia. Cuiusmodi sunt hæc. 1. Munitiones. *Edificauit Ozias turres in Ierusalem.* 2. Exercitus. *Uniuersus exercitus trecentorum & septem millium quingentorum.* 3. Armatura. *Preparauit cuncto exercitui clypeos, & hastas, & galeas.* 4. Commeatus. *Eo quod haberet multa pecora, & vineas.*

FINIS.





OPVSCVLVM PRIMVM.

R. P. MARTINI BECANI E SOCIE- TATE IESV.

De desperata Caluinistorum Prædestinatione;

LECTORI.

DOCTRINAM Caluini de Prædestinatione, quam ille sparsam & diffusam habet, ac multis implicatam ambagibus, ad paucas propositiones reuocabo ut vno quasi aspectu videri possit. Deinde separatim ostendam, singulas à Caluino asseri, cum Scripturis & antiquitate pugnare, hæreticas esse, desperationem ingerere: Denique Caluinum sæpe à seipso dissentire, varium ac lubricum esse, nolle constringi, ut eluctari possit.

DOCTRINA CALVINISTICA DE PRÆDESTINATIONE, *septem propositionibus comprehensa.*

Propositiō I. Deus æterno suo decreto, quosdam homines ad vitam æternam, alios ad mortem & damnationem prædestinavit nullo ipsorum merito aut culpa: solum quia ipsi ita placuit.

2. *Propos.* Hoc Dei decretum adeo fixum ac immutabile est, ut tollat omnem arbitrii nostri libertatem in negotio prædestinationis ac reprobationis, nec villo modo in nostra potestate sit, saluari aut perire, sed inevitabili quadam necessitate hi saluentur, illi pereant.

3. *Propos.* Ut autem hoc decretum executioni mandetur, id est, ut prædestinati saluentur, & reprobi pereant, hæc ratio à Deo seruata est. Primum, absolute voluit & ordinavit, ut Adam cum tota posteritate peccaret, ut inde sumeret occasionem exercendi suam iustitiam circa reprobos, & misericordiam circa prædestinatos.

4. *Propos.* Deinde, cum iam æquæ omnes iacerent in massa perditionis, prædestinatis dedit Christum Redemptorem, qui eos inde extraheret, & ad gloriam, ad quam antea erant præordinati, perduceret. At reprobos reliquit sine Redemptore, quia iam pridem eos morti deuouerat. Vnde nec Christus pro eis mor-

Opusc. Becc.

tuus est, nec quicquam eis prodest.

5. *Propos.* Hinc ulterius fit, ut solis prædestinatis detur fides in Christum, quam amittere non possunt: reprobi ad fidem nunquam vocentur, nisi forte externa voce, nec habeant sufficientem gratiam, qua saluari possint, etiam si velint.

6. *Propos.* Vnde iterum efficitur, ut soli prædestinati sint in Ecclesia Dei, per fidem ascripti: reprobi, sic ut à fide, ita etiam ab Ecclesia excludantur.

7. *Propos.* Denique prædestinati, etsi peccent, eorum tamen peccata non imputantur; Reprobi incitantur à Deo ad peccandum, ut damnari possint; nec vllum peccatum reprobis vnquam remittitur.

Hæc est doctrina Caluini de prædestinatione, & fundamentum totius fidei & Ecclesiæ Calvinisticæ: Vel, ut verius dixerim, quidam cento ex antiquarum hæresium fragmentis callide ac malitiose confusus, ut in progressu patebit.

Porro ex hac ipsa doctrina, duo consectaria deducuntur. Vnum est hominum desperatorum, qui hoc modo ratiocinantur, vel sum prædestinatus, vel reprobatus. Si prædestinatus, certissime saluabor, quid quid tandem egero: si reprobatus, necessario damnsor, quocumque me verterero. Frangit ergo voluptatibus, quandiu li-

K u

cet, quia nec obesse possunt prædestinato, & reprobum solari possunt, saltem in hac vita. Hoc dilemma miserè torquentur miseri, dum se expediri nequeunt. Et refert Augustinus lib. de bono perseverantie capit. 15. quendam Monachum sui Monasterii, eò fuisse adductum hac argumentatione, ut tandem deserta vita religiosa, ad sæculum reverteretur, & periret. Nempe is fructus est doctrinæ hæreticorum, quos Calvinus imitatur.

Alterum, nec multum dissimile, est hominum politicorum, qui hoc modo ratiocinantur. De æternitate nihil ad nos: Deus iam pridem sine nobis statuit de vnoquoque nostrum, quo evadere debeamus: si salutem decrevit, adducet nos ad eam suo tempore si mortem destinavit frustra reluctabimur. Totum ergo studium nostrum sit in temporali administratione Reipublicæ, de fide & Christo sit silentium. Hactenus Calvinus dogma cum suo patru.

CAPUT I.

Prima propositio Calvinus refutatur.

Retexamus singulas Calvinus propositiones, & quid veri aut falsi contineant, dispiciamus. Prima est, quosdam homines æterno Dei decreto ad vitam, alios ad mortem & interitum prædestinatos esse citra, vllum ipsorum meritum. Afferitur à Calvinus lib. 3. instit. cap. 21 §. 5. his verbis. *Prædestinationem vocamus æternam Dei decretum, quod apud se constitutum habuit, quid de vnoquoque homine fieri vellet. Non enim pari conditione creantur omnes, sed aliis vita æterna, aliis damnatio æterna præordinatur. Itaque prout in æternis finem quisque conditus est, ita vel ad vitam, vel ad mortem prædestinatum dicimus.* Et §. 7. circa finem. *Quod ergo Scriptura clare ostendit, dicimus æterno & immutabili consilio Deum semel constituisse, quos olim assumere vellet in salutem, quos rursus exitio deponere. Hoc consilium quoad electos, in gratuita eius misericordia fundatum esse asserimus, nullo humana dignitatis respectu. Quos vero damnationis addicis, his iusto quidem & irreprehensibili, sed incomprehensibili ipsius iudicio, vitæ additum præcludit.* Et cap. 22. §. 3. ait. *Vbi cumque verò hoc regnat Dei placitum, nulla in considerationem veniunt opera.* Et §. 11. *Si non possumus rationem assignare, cur suos misericordia dignetur, nisi quoniam illi ita placet, neque etiam in aliis reprobando, aliud habebimus, quam eius voluntatem?* Et cap. 23. §. 1. *Minimè consentaneum est preparationem ad meritum aliò transferre, quàm ad arcanum consilium Dei.*

2. Habet hæc Calvinus propositio duas partes, vnam de æterna electione prædestinatorum ad vitam, ante prævisa merita; alteram de prædestinatione reproborum ad interitum ante prævisa peccata. Vtraque potest habere duplicem sensum. Vnus est Deum ab æterno ante prævisum peccatum originale, ex toto humano genere adhuc integro, & nondum corrupto, quosdam elegisse ad vitam alios ad mortem ac interitum destinasse, sine vlla ipsorum, vel primi Parentis culpa. Alter est, Deum post prævisionem peccati originalis, cum iam corruptum esset genus humanum, & velut massa quædam perdita, quosdam ex sola sua misericordia elegisse ad gloriam, & fecisse vasa in honorem; alios vero in massa perditionis reliquisse, ut essent vasa in contumeliam sine vlla propria ipsorum culpa non tamen sine culpa originali. In priori asseritur à Calvinus & Beza: De posteriori infra dicemus.

3. Vtraque pars propositionis in priori sensu impugnanda est. Et quidem prima pars, tametsi hæretica non

fit, malè tamen & inconstanter à Calvinus asseritur. Hoc ostendo dupliciter. Primb, si electio facta est ante prævisionem peccati originalis, oportuit factam esse ante decretam Christi Incarnationem. Quomodo ergo potuit facta esse in Christo, & in Christi meritis fundari; Hic Calvinus evadere non potest, quia secum ipse pugnet. Nam lib. 3. c. 24. §. 5. fatetur nos in Christo electos esse. Rectè id quidem. At l. 1. cap. 12. §. 4. docet, Christum non fuisse venturum in carne, nisi Adam peccasset nec alio sine in hunc mundum venisse, quàm ut perditis hominibus succurreret. Ex quo sequitur, prius prævisum fuisse peccatum Adami, quàm decretam Christi Incarnationem. Si ergo electio ad vitam facta est ante prævisum peccatum, ut vult Calvinus; multò magis ante decretam Christi Incarnationem. Quomodo ergo facta est in Christo & in meritis Christi fundata; Videat Calvinus, quomodo hæc conciliet. Secundo, si electio facta est ante prævisionem omnium operum, quomodo docet alibi Calvinus parvulos qui sine Baptismo decedunt, salvati in fide parentum; An ergo parvuli infidelium percuti, & fidelium salvantur? Hoc necesse est in doctrina Calvinus. Ergo Deus in electione parvulorum habuit aliquem respectum ad fidem parentum. Quomodo ergo facta est electio sine vlllo intuitu operum;

4. Altera pars propositionis, qua asserit Calvinus, Deum æterno & immutabili decreto quosdam ad mortem destinasse sine respectu aut prævisione peccati originalis aut actualis, impia & hæretica est. Oppono ex Scripturis tria contraria decreta. Primum quo Deus statuit totum humanum genus condere ad æternam felicitatem, & omnes eò perducere, quantum in se est, si ipsi suo vitio non impedirent. Alterum, quo decrevit non obligare hominem ad penam mortis, nisi præcepto Dei rebellis esset. Tertium, quo firmiter proposuit magis suam bonitatem & misericordiam, quàm iustitiam & severitatem circa nos ostendere. Ex his tribus decretis constabit falsum esse, quod asserit Calvinus. Est autem hæc regula servanda, qua sæpe vitatur D. Augustinus, nos ea, quæ Deus ab æterno decrevit facere circa homines, optimè ex eis cognoscere quæ in tempore circa nos facit. Cum enim nec temerè quicquam faciat, nec decreta sua mutet, certè si quid facit, hoc immutabili & æterno consilio decrevit facere. Hoc iusto fundamento, si ostendero Deum in tempore creasse hominem ad æternam felicitatem, ostensum erit, Deum ab æterno hoc decrevisse facere. Et sic deinceps de cæteris.

5. Itaque primùm ex Scripturis ostendo, Deum creasse hominem eo fine, non ut periret, sed ut æternæ vitæ heres scriberetur. Moyses Genesis 1. sic habet. *Creavit Deus hominem ad imaginem & similitudinem suam.* Quid est imago, & similitudo Dei? plerique Patres ita distinguunt, ut per imaginem intelligantur dona naturæ, nempe intellectus, voluntas, memoria, liberum arbitrium: per similitudinem verò dona gratiæ, ut iustitia, sanctitas, innocentia. Alij, ut etiam Calvinus, pro eodem usurpant. Nolo hoc disputare. Accipio id, in quo omnes conveniunt, veròque vocabulo comprehendere, non solum dona naturæ, sed etiam gratiæ. Itaque nihil aliud est, ad imaginem & similitudinem Dei creatum esse hominem, quàm in prima sui conditione, tum intellectu, voluntate, & libero arbitrio fuisse prædictum, tum etiam ornatum gratia, virtute, & sanctitate. Quo fine & consilio; nempe ut his prædiis instructus, vitam æternam, si vellet, posset adipisci. Neque hoc de solo primo Parente, sed de eius posteritate, quæ in ipso tanquam capite & radice totius humani generis continebatur, accipiendū est. Tota ergo Adami posteritas in prima sui origine ac ortu, ad æternam felicitatē à creatore fuit destinata

Nullus igitur ad mortē ac interitum ante lapsum, primi Parentis diuina voluntate mancipatus est. Hæreticatio, & per se clara est, & passim traditur à sanctis Patribus, & ab ipso Caluino aperte conceditur. Proferam ipsius verba, libro primo Institutionum cap. 15. §. 4. contra Osiandrum docet, sub imagine, ad quam conditus est homo, comprehendere, quidquid ad spirituales & æternam vitam spectat. Et §. 5. contra Manichæos Seruetum contendit ex D. Paulo, non substantia influxu, sed Spiritus gratia & virtute hominem fuisse Deo conformem. Et §. 6. dilectè ait, hominem ad celestis vitæ meditationem esse conditum. Et §. 8. hominem in illo statu & integritate præditum fuisse libero arbitrio, quo si vellet, adipisci posset vitam æternam. Denique lib. 2. Institut. cap. 1. cum multa dixisset de finis, ad quem conditus esset homo, nempe de æterna beatitudine, tandem §. 7. dicit, ornamenta illa, quibus præditus fuit Adam non uni homini data fuisse, sed uniuersa hominis natura attributa. Quid aliud colligas ex his Caluini verbis, quàm quod verissimum est, totum humanum genus in Adamo fuisse conditum ad æternam felicitatem? Quid ergo Caluino in mentem venit, ut postea lib. 3. Institut. cap. 12. & sequentibus aperte duceret, Deum primaria & antecedente voluntate quoddam ad interitum destinasse? Hoc enim cum altero coherere non potest. Dicam quod res est. Caluinus priori loco disputabat contra Osiandrum, Seruetum, & similes Hæreticos, quos refutare non poterat, nisi ex vera doctrina Catholicorum. At posteriori loco Catholicos oppugnabat, quod aliter facere non potuit, nisi ex falsis principiis, aut certè malè intellectis. Ego Caluinum ex Caluino conuincō, & ex iis, quæ priori loco dixit, refello, quæ loco posteriori asseruit.

6. Ut maiorem vim habeat argumentum, ex D. Paulo confirmandum est. Is sæpe ac serio monet, ut per Christum reformemur ad imaginem illius status, ex quo per peccatum primi Parentis excidimus. Atqui reformamur per Christum iustitia, & sanctitate in vitam æternam: Ergo talis fuit status hominis ante primam prauaricationem. Audiamus verba Pauli, ad Eph. 4. *Renouamini Spiritu mentis vestre; & induite nouum hominem, qui secundum Deum creatus est in iustitia & sanctitate veritatis.* Renouari nihil aliud est, quàm ad pristinam nouitatem redire. Pristina nouitas nostra fuit in statu innocentie. Tunc enim in primo Parente eramus noui, & corpore & animo: Corpore quidem immortales & incorruptibiles: Animo verò sancti, innocentes & diuinæ participes amicitie. Hanc nouitatem amisimus per peccatum primi Parentis, & cum illo in vetustatem delapsi sumus. Hortatur ergo nos Apostolus, ut illam primariam nouitatem recuperemus, non quæ fuit in corpore, sed quæ in animo. *Renouamini, inquit, Spiritu mentis vestre.* Corpore renouari non possumus nisi in resurrectione mortuorum, cum corruptibile hoc induet incorruptionem, & mortale hoc immortalitatem. At Spiritu mentis, & possumus & debemus hic renouari. Sequitur, *& induite nouum hominem.* Hic præscribit modum, quo debeamus renouari. Nempe ut induamus nouum hominem, id est, ut abiciamus vetera peccata, quæ ex Adam corruptione contraximus, & induamur nouam vitam, quæ secundum Christum est, in iustitia & sanctitate. Hoc si facimus, iam redimus ad primariam illam nouitatem Spiritus, quæ fuit in statu innocentie. Similis locus est ad Coloss. 3. *Nolite mentiri inuicem, exsultantes vos veterem hominem cum actibus suis, & induentes nouum, cum qui renouatur: in agnitionem secundum imaginem eius, qui creauit illum.* Vetus homo est Adam, nouus homo est Christus. Veterem exuimus, quando in nostris actionibus non amplius cernitur similitudo peccantis Adam. Nouum induimus, quan-

do ita vivimus, ut Christus in moribus & conuersatione nostra manifestè appareat. Ex utroque loco sic argumentor. Quando per Christum renouamur, id reparamus, quod in Adamo perdidimus: Reparamus autem gratiam & sanctitatem: Ergo illam perdidimus in Adamo: Ergo antequam Adam peccaret, omnes eramus iusti & sancti coram Deo.

7. Habemus iam ex Scriptura, hominem à Deo conditum esse ad vitam æternam. Nunc qua occasione mors irrepsit, videamus. Moyses c. 2. Gen. sic ait, *Tulit Deus hominem, & posuit eum in paradysum voluptatis, præcepitque ei dicens, ex omni ligno Paradysi comede, de ligno autem scientie boni & mali ne comedas. In quocumque enim die comederis ex eo, morte morieris.* Constat ex Scriptura triplicem esse mortem: Vnam corporis, quæ consistit in amissione vitæ temporalis: Alteram animæ, quæ infligitur per peccatum lethiferum: Terciam damnationi, quæ posita est in priuatione vitæ æternæ & inflictione poenæ æternæ. Sunt ergo qui velint prædictum locum Genesis intelligendum esse de morte animæ duntaxat, ut Pelagiani, teste Augustino; lib. 1. de peccatorum meritis, & remiss. cap. 2. Alii de morte corporis, ut Augustin. loco citato, & D. Hieron. in questionibus Hebraicis. Alii denique de triplici morte, ut idem August. l. 13. ciuit. c. 12. nempe de morte animæ per emissionem gratiæ; de morte corporis per amissionem vitæ, & de morte damnationis per amissionem gloriæ. Hæc enim ita connexæ sunt, ut vna sit causa alterius. Sensus ergo erit, Præcipio tibi Adam, ne comedas de hoc ligno: si parueris; manebis apud me in gratia & amicitia cum tuis posteris, nulli eris corruptioni obnoxius: vitæ æternæ hæreditatem adibis. Sin minus, contra omnia euenient: amittes gratiam; reuerteris in puluerem, à regni possessione excluderis: Elige quod vis: verumque est in tua potestate, vita & mors, bonum & malum. Relinquo te in manu consilii tui. Hic sensus verborum, ex quo ita colligo: Adam in persona totius posteritatis potuit seruare præceptum Dei, & potuit transgredi: Ergo sicut libere transgrediendo traxit secum omnes posteros in sententiam mortis: ita libere obtemperando, se & Posteros à morte vindicasset, Deus ergo non destinauit hominem ad mortem, pro suo libito, sed mors ex peccato sequuta est. Et hoc passim inculcat Scriptura Sap. 1. *Deum mortem non fecit.* Sap. 2. *Deus creauit hominem inextinguibilem, inuidia autem diaboli mors intravit in orbem terrarum.* Rom. 5. *Per unum hominem peccata in hunc mundum intravit, & per peccatum mors.* 1. Cor. 15. *In Adamo moriuntur.* Hæc testimonia adeò perspicua sunt, ut nullo modo eludi possint. Hic spectar illud Augustini lib. de prædestinatione Dei capite 1. *Creauit Deus hominem & prædestinauit, ut si obediens esset, ac à vultu vultu pomæ se abstineret, in vita permaneret: Sin autem inobediens esset, sententiam mortis subiret.* Et infra. *Quia ergo peccauit homo iustum erat, ut moreretur, si non peccaret, nullo vinculo prædestinationis diuinæ, morti alligaretur.* Sed qui in morte intereclata? Caluinus ipse diserte hoc facit. Nam lib. 2. Institut. 1. §. 10. ait, *A carnis nostra culpa, non à Deo nostra perditio est; quando non aliarum perierimus nisi quia degenerauimus à prima nostra conditione.* Eribidem. *Homini tantum suum exitum ascribendum apparet, cum Dei benignitate reuertendū a seipso, sua ipse dementia in vanitatem delapsus est.* Hæc verissimè dicuntur à Caluino, sed malè cohercent cum iis, quæ postea de prædestinatione ad mortem. Nempe hic mos hæreticorum est, sæpe à seipso dissecare, & pugnautes opiniones tueri, ut nocere possint.

8. Satis iam opinor ostensum est, nec mortinec damnationi fuisse locum in statu innocentie, antequam peccaret Adam, sed ex eius libera prauaricatione debitum

mortis sequutum esse, non autem ex mera Dei voluntate. Falsa igitur est Caluini propositio, quæ asserit, Deum creasse quosdam ad mortem & interitum sine præuisione ullius culpæ: & olim tempore August. hæretica habita est. Erat inter Augustinum & Semipelagianos de prædestinatione contentio. Hinc aliquamilli labem aspergerent, collegerunt quosdam articulos apertè hæreticos, & falsò illi imposuerunt. Augustinus tanquam spurios reiecit & condemnat.

Aug. 18. 7. Tertius illorum sic habet, *Quod Deus maiorem partem generis humani ad bonum creet, & illam perdat in æternum.* Planè articulus Calvinisticus est, ab Augustino refellitur his verbis, *Omnium quidem hominum Deus Creator est, sed nemo ab eo ideo creatus est, ut pereat: quia alia causa est nascendi, alia pereundi. Ut enim nascantur homines, est beneficium; ut autem pereant, præuicatoris est vitium.* Audis censuram Augustini de hoc articulo; Et tamen à Caluino recipitur, spurius à spurio, hæreticus ab hæretico.

3. August. 8. Superest tertium argumentum ad Caluinum refutandum, quo ostendam Deum decreuisse magis suam bonitatem & misericordiam circa nos ostendere, quàm iustitiam & seueritatem. Hoc passim clamant scripturæ. Psal. 24. *Uniuersa via Domini misericordia & veritas.* Psal. 32. *Misericordia Domini plena est terra.* Psalm. 135. *Confitemini Domino quoniam bonus, quoniam in æternum misericordia eius.* Psal. 144. *Suavis Dominus uniuersis & miserationes eius super omnia opera eius.* Ex his locis sic argumentor Deus non solùm, circa prædestinatos, sed etiam circa reprobos magis elemens & misericors, quàm iustus & seuerus est, Scriptura teste: Ergo qui hoc negat, impius est. At Caluinus negat, impius ergo est. Ostendo. Ex Caluini sententia pauculi prædestinati sunt nempe ipse Caluinus, Beza, & horum affectæ; ceteri omnes reprobi. Rursus ex eiusdem sententia circa solos prædestinatos exercet Deus misericordiam, circa reprobos non nisi iustitiam, & seueritatem. Hos enim indicta causa deuouet æternæ morti; incitat eos ad peccatum, ut occasionem habeat puniendi: deserit ac desinit illos omni præsidio gratiæ; nullum paterni animi signum illis exhibet ergo ex Caluini sententia; Deus circa nos magis exercet seueritatem, quàm misericordiam. Imò ex Caluini sententia, Deus crudelis est, quippè qui hominem innoxium & innocentem sempiternis deuouet cruciatibus. Si rex aliquis, mera sua voluntate, & donandi libidine, nulla subditorum culpa provocatus, plerisque in rotam agere, aut in perpetuos compingere carceres, apud se animo decernat; regem hunc, an tyrannum dixeris; Perinde nobiscum agit Deus, Caluino teste. Qui in sacris literis versati sunt, mirantur edictum regis Assueri, quod Aman Iudæorum hostis extorsit. Erat sanè crudele edictum, quo tota Iudæorum gens interfici iubebatur. At quandò crudelius decretum Dei, quod Caluinus extorsit, hostis bonorum omnium? Hoc decreto, non vna gens, sed populi omnes ac nationes, cuiuscunque generis ac sexus, in Europa sunt. Asia, Africa, quot quot vnquam fuerunt, aut erunt, æternis addicuntur cruciatibus; solo Caluino, aliisque pauculis in Septentrione exceptis. Mirum ni Caluino euaniat, quod Amiano accidit. Is patibulo, quod alteri parauerat, ipse affixus est, Iudæi incolumes euaserunt. Nolo plura.

10. Sed persequor argumentum de misericordia Dei. Hortatur nos Christus Luc. 6. ut benigni & misericordes simus, non tantùm erga eos, qui nos diligunt, sed etiam erga inimicos. Ad hoc suadendum vitur duplici argumento: Vno, quia si nostra benignitas ac misericordia ad solos amicos se extendit, nihil discrepamus à Gentilibus: Altero, quia cùm simus filij Dei, debemus imitari Patrem nostrum, qui etiam super in-

gratos & malos benignus est. Hic quæram ex Caluino, in quo consistat hæc benignitas Dei circa malos & ingratos? An eò benignus est, quia ad mortem & damnationem eos creauit, nulla ipsorum offensa provocatus? An, quia impellit illos, ut peccando laqueum sibi parent, quo suspendantur, aut ignem suscitent, quo æternum crucientur? Si hæc misericordia est, quam imitari debemus, fateor Caluini discipulos in hac schola benè profecisse. Multò aliter scriptura hanc misericordiam interpretatur. Nempe, quia Deus toti humano generi dedit Redemptorem, & cùm iure posset omnes perdere, voluit potius omnes à Diaboli potestate vindicare, omnes ad se inuitare, hortari ad penitentiam, pulsare hostium, patienter expectare, offerre gratiam, promittere gloriam: denique ni hui non facere, quod filij ab indulgentissimo patre expectare possunt. Hæc Dei circa omnes misericordia est, quam testatur per Prophetas & Apostolos. Hæc in nobis excitat spem, & fiduciam in Deum. Hæc neminem, quantumuis flagitiis occupatum patitur de venia desperare. At illa Calvinina misericordia, quid aliud est, quàm præcipitium desperationis? Quàm fiduciam habet peccator, qui à Caluino didicerit, se iam ab æterno morti destinatum esse nullum à Deo subsidium sperare posse: omnes labores à se susceptos esse irritos & inanes; Cauere ab hoc præcipitio.

11. Reiecta est sententia Caluini, de reprobatione ad mortem & interitum ante præuisionem peccati originalis, Et in hac renullum Catholicorum auctorem pro se habet Caluinus. Nullus n. docet, reprobationem factam esse ante præuisionem peccati primi parentis. An autem aliqui reprobi sint propter solum peccatum originale, & in massa perditionis relictæ, nonnulla dissensio est. Et quidem, si de paruulis sit quæstio, constat eos reprobari propter solum peccatum originale; cum quo ex hac vita ante usum rationis decedunt. Neque de hac re dubium esse potest, ut in secundo opusculo dicemus. Si autem quærat de adultis, an illi deferantur in massa perditionis, propter solum originale, & sine ullo respectu aut præuisione peccatorum actualium, quæ propria voluntate commissuri sunt, disputant Theologi. Ego censeo, ne quidem post lapsum Adami, Deum tam seuerè de nobis statuissè. Nam passim sacre scripturæ testantur, Deum, quantum in se est, & ex parte suæ voluntatis, neminem prorsus velle perire, potius velle omnes saluos fieri: si quis pereat non Dei voluntate, sed culpa perire. Loca clara & obuia sunt 1. Ti. 2. *Deus omnes homines vult saluos fieri, & ad agnitionem veritatis venire.* 2. Pet. 3. *Patienter, expectas propter vos, nolens aliquos perire sed omnes ad penitentiam reuerti.* Ezech. 18. *Nolo mortem morientis, dicit Dominus Deus: Conuertimini & viuite.* Osee 13. *Perditionis tua ex te Israël, ex me tantummodo salus.* Sed quidquid de hac re sit de qua postea suo loco, mihi iam satis est refutasse Caluini errorem, qui ante præuisionem peccati originale censeret quosdam ad mortem prædestinatos esse. Hoc enim & crudele est, & sacris literis, ac communi Catholicorum sensui contrarium, & apertam desperationem ingerit.

12. Catholica sententia est, Deum ex se & sua bonitate, creasse hominem cum tota posteritate eo fine, ut omnes salui fierent: ideoque dedisse omnia eo præsidia naturæ & gratiæ, quæ ad illum finem consequendum erant necessaria. Quod autem exciderimus ab illo fine, & multi ex nobis reprohentur, id non Dei ordinatione, sed nostro vitio accidisse. Hoc sensu Chrysost. hom. 3. in Genesin. Damascenus, D. Thom. & alij passim distinguunt duplicem in Deo voluntatem: vnâ primariam & antecedentem, quæ ex solo Deo ortum habet, & antecedit nostra opera: Alteram secundariam & consequentem, quæ ex p. qu. 19. nobis occasionem sumit & consequitur nostra opera. Aug. 6. ad 1

Vera sententia.

Aug. 18. 7. lib. ad art. sibi falso imposuit art. 3.

3. August. mentem. Deus magis est misericors circa vnūquemque quàm seuerus: qui neminem vult damnare, sine præuisione culpa.

Th. 10

Illam priorem voluntatem bonitatis; hæc posterior, est iustitiam. Deus ergo primaria & antecedente voluntate vult omnes saluos fieri qui non supplicij aut cruciatu causa, sed ut ipsius bonitatis participes essemus nos efficiat. At voluntate secundaria, & consequente vult aliquos damnare & punire, quia scilicet peccando occasionem dederunt. Hoc breuissimè & eloquentissimè expressit Tertullianus in libro de resurrectione carnis, cum ait, *Deus de suo optimus, de nostro iustus*. Item explicari solet exemplo iudicis, qui voluntate primaria quia vir bonus est, vult omnes ciues saluos & incolumes viuere. At si videat quèquam peccare, voluntate secundaria, & consequente, quia iustus est, vult illum punire.

13. Sat multa de prima Caluini propositione. Antequam progrediar, præcipua Caluini obiectio soluenda est. Robur & firmitas ipsius est, in epistola ad Romanos cap. 9. Inde enim colligit reprobationis non aliam esse causam; quam Dei voluntatem. Primò ex illo. *Cum enim nondum nati fuissent, aliquid boni egissent, aut mali (ut secundum electionem proposuisti Dei maneret) non ex operibus, sed ex vocante dictum est ei, quia maior seruiet minori, sicut scriptum est, Iacob dilexi. Esau odio habui. Scilicet ex illo, non est volentis, neque currentis, sed Dei misere-tis*. Tertio ex illo, *In hoc ipsum excitauit te, ut ostendat in te virtutem meam*. Quarto ex illo, *cuus vult, miseretur, & quem vult, indurat*. Quinto ex illo, *An non habet potestatem singulus iusti, ex eadem massa, facere aliud vas in honore, aliud vero in contumeliâ?* Sed hæc loca nihil iuuat Calvinum.

Primò, quia agunt de homine corrupto per peccatum originale, ut omnes Patres explicant, at Calvinus probandum est, Deum reproballo quosdam ante præuisum peccatum originale. Secundò, quia agunt de reprobatione à gratia. At Calvinus vult probare quosdam reijci à gloria, ante præuisa peccata. Nihil ergo ad causam Caluini pertinent hæc scripturæ. Hoc paulò fufius explicandum est. Deus circa reprobos exercet quatuor actus. Primò, permittit eos labi in peccatum. Secundò, permittit eos perseuerare & mori in peccato, Tertio, excludit eos a regno. Quarto, addicit æternis pœnis. Iam ergo quando Calvinus loquitur de reprobatione loquitur de tertio & quarto actu. Querit enim, quare Deus aliquos prædestinavit ad damnationem, Respondet, non aliam esse causam nisi meram Dei voluntatem. Hoc ergo illi probandum esse ex locis Diui Pauli citatis, quod tamen facere non potest. Ostendo. Scribit Paulus ad Romanos qui mixti erant ex Iudæis & Gentilibus. Iudæi offerebant se propter legem & circumcisionem. Paulus conatur eos retundere. Itaque c. 9. 10. & 11. & ostendit Iudæos in noua lege excludi à gratia Euangelica, Gentiles admitti. Poterant obicere Iudæi, quare, nos repellimur, & Gentiles admittuntur: nobis facta est promissio, non illis. An promissio Dei semel facta, potest irritari? Respondet Diu. Paulus; Promissionem firmam esse, si bene intelligatur. Abraham credidit Deo asserenti fore ut in senectute acciperet filium. Propter hanc fidem facta est illi promissio. Messiam ex ipso nasciturum. Hæc promissio, sicut facta est Abrahamo propter singularem ipsius fidem, sic etiam pertinet ad filios Abrahamæ, qui patris sui fidem sunt imitaturi. At Iudæi, quando iam natus erat Messias ex posteris Abrahamæ, noluerunt credere in Christum Messiam, & ideo non pertinet ad os promissio. Possunt igitur, salua promissione, excludi à gratia Euangelica propter incredulitatem. Hic est scopus Apostoli. Quid hinc concludet Calvinus? Nihil ad rem suam. Primò quia Iudæi repulsi sunt à gratia Euangelica: Calvinus loquitur de reprobatione à gloria. Secundò, Iudæi reprobatum sunt, non ex sola Dei voluntate, sed propter incredulitatem: Calvinus probandum est, reprobationem fieri sola Dei voluntate sine nostris peccatis. Reliqua, quæ sunt in

capite 9. ed spectant, ut Apostolus ostendat, Deum pro suo arbitrio inæqualiter distribuere sua dona. Poterant enim dicere Iudæi non solum se, sed etiam Gentiles esse peccatores, ac proinde parem esse utriusque causam, nec se magis, quam illos excludi oportuisse. Respondet Diuus Paulus, Deum in pari duorum causa, posse vni plus largiri, quam alteri. Par erat causa Iacobi & Esau, & tamen Deus vnum alteri prætulit in temporalibus benedictione. Quare? quia sic illi visum est. Par erat causa Pharaonis & Nabuchodonosoris, & tamen alterius misertus est Deus, alterum reliquit obduratum. Quæ causa? Dei voluntas. Misere-tur, cui vult, indurat, quem vult. Et ex duobus peccatoribus, qui luto vtiliores sunt, alterum assumit ad gratiam ex misericordia; alterum relinquit in peccato ex iustitia. Hinc duo colligas. Vnum est, si comparatè quæras, cur è duobus peccatoribus siue solo originali, siue etiam actuali peccato infectis, Deus vni maiorem exhibeat misericordiam quam alteri, non aliâ esse causam, quam Dei voluntatem. Huc spectat hoc, *O altitudo*, &c. Nec de hoc contendimus cum Caluino. Alterum est, si, seorsim quæramus, cur Deus hunc aut illum repellat à iustitia vel gloria: veram causam esse, quia peccator & impius est. In hoc dissentimus à Caluino. Nobis fauet Apostolus. Quæram enim, cur Iudæi repulsi sunt à gratia Euangelica? Respondet Paulus c. 11. v. 20. propter incredulitatem. Faut Augustinus. Si quæram, quare Deus odio habuit Esau? Respondet lib. 1. ad Simplicianum q. 2. *Deus non odit Esau hominem, sed odit Esau peccatorem*. Quare Deus huius illius non misere-tur? Respondet Epistola 105. *Quibus Deus misericordiam non impertitur, ut non impertitur, merentur*. Quare Deus indurat aliquos? Respondet ibid. *Querimus meritum indurationis, & inuenimus*. Denique fauet ipse Christus in Euangelio. *Ite maledicti in ignem æternum*. Quare? *Esurini enim, & non dedistis mihi manducare*.

CAPVT II.

Secunda propositio Caluini refutatur.

Secunda Caluini propositio est. Hoc Dei decretum sita esse fixum ac immobile, ut tollat omnem arbitrij nostri libertatem in negotio prædestinationis, ac reprobationis: neque villo modo in nostra potestate sit, hi saluari, aut perire sed inuincibili quadam necessitate, saluentur, illi pereant. Asseritur à Caluino variis locis. Nam lib. 3. cap. 21. §. 7. ait. *Dicimus æterni & immutabili consilio Dei semel constituisse, quos olim assumere vellet in salutem; quos rursus exitio deuouere*. Et c. 23. §. 8. *Hic ad distinctionem voluntatis, & permissionis recurritur, secundum quam obtinere volunt, permittente modo, non autem volente Deo perire impios, & paulò post. Non dubitabo igitur cum Augustino simpliciter fateri, voluntatem Dei esse rerum necessitatem, atque id necessario futurum esse quod ille voluerit*. Ex his locis tria habemus. Primò, decretum Dei esse immutabile. Secundò, nihil fieri permittente Deo, sed volente. Tertio, voluntatem Dei esse necessitatem rerum. Hinc formo talem discursum. Omnia quæcumque sunt, Deo volente sunt, voluntas Dei est necessitas rerum: Ergo omnia necessariò sunt: Ergo tollitur omnis libertas in negotio prædestinationis & reprobationis. Ergo alij necessariò pereunt, alij necessariò saluantur.

1. In his paucis multa absurda sunt. Primò, quod asseritur, nihil fieri permittente Deo, sed omnia volente. Nam si ita est: Ergo Deus non solù permittit fieri pec-

Tria Caluini doctrinae.

rata, sed etiam vult fieri. Quod Calvinus quidem impie concedit, ostendam tamen infra falsum esse. Secundò, quod additur, voluntatem Dei esse rerum necessitatem. Hinc enim sequeretur, omnia fieri necessariò etiam in rebus civilibus & domesticis quod pugnat cum experientia. Tertio, quod ostenditur, hanc esse Augustini sententiam. Hæc mera deceptio est. Citat quidem Calvinus locum Augustini lib. 6. de Gen. ad lit. cap. 13. sed non rectè interpretatur. Nam Augustinus ibi agit de creatione mundi, & primorum Parentum; & docet primam illam creationem non fuisse in potestate creaturæ, sed in placito Creatoris, cuius inquit, voluntas rerum necessitas est. Vbi notandum est, hæc duo plurimùm differre; non esse in potestate hominis antequam creatus est, ut hoc vel illo modo creetur. Et, non esse in potestate hominis postquam creatus est, ut bene vel malè agat. Illud primum verum est & asseritur ab Augustino. Hoc posterius falsum est, & obtruditur à Calvinio.

3. Nolo hic singula seorsum refutare. Vnum persequar, quod caput est, de necessitate & libero arbitrio. Asserit ergo Calvinus, nullum esse locum libero arbitrio, sed omnia fieri necessitate. Hæc assertio hæretica est, rationi & sacris literis contraria. Olim fuit Augustino ab adversariis falsò imposita, ut patet ex Diuo Prospero in libello ad capitula Gallorum cap. 6. ubi sic habet. *Quod liberum arbitrium in homine nihil sit, sed sine ad bonum, sine ad malum, prædestinatio Dei in hominibus operetur*. Hic articulus planè Calvinisticus est. Sed quid respondeat. Prosper pro Augustino? Audi, Sic habet, *Prædestinationem Dei sine ad bonum, sine ad malum, in hominibus operari, ineptissimè dicitur, &c.*

4. Et verò, si omnia sunt necessariò, quæcunque sunt, quorum præcepta Dei hominum? Frustra Reges, & Imperatores figunt mandata: frustra scelera inhibentur: frustra parentes iubent filios studiosos ac subiectos esse: frustra Calvinus & alij Ministri ascendant pulpita, populum hortantur, fidem excitant. Quid enim sperare, aut spectare possunt. Si ab æterno decrevit Deus, quid ab unoquoque fieri velit, & hoc necessariò futurum est? certe quidquid agas aut moliaris, impedire non potes. Vide, Calvine, quò hominum cogitationes perducas? Nec solum in Prælati & Superioribus inanis erit labor mandandi, hortandi, increpandi, sed etiam in subditis, necesse est, concidat omnis sollicitudo & bene agendi studium. Quis enim audiat æterno immutabili Dei decreto, sibi fixam esse aut vitam aut mortem, quin protinus in mentem veniat, nihil interesse, quomodo se gerat. quando suo opere nihil aut impediri, aut promoveri queat Dei prædestinatio? Ita omnes proiciunt se, & deploratum in morem quocunque libido tulerit, præcipites ibunt. Insuper si ita res habet, cur puniuntur adulteria, furta, homicidia, quæ evitari non possunt? aut cur ea vitio hominibus imputantur, quorum necessitatem Deus sua prædestinatione imposuit? Quid enim facerent? an cum decretis Dei luctarentur? An frustra id facturi sunt, si omninò facere non possint. Ecce, ad quæ absurda devolvimur ex vno errore Calvinii. Nec verò Calvinum hoc latoit. Nam lib. 3. cap. 23. obicit sibi hæc argumenta quæ reuera firmissima sunt. Quid porro respondet? Nihil aliud, quàm quòd declamando conatur persuadere, ut ab huiusmodi cogitationibus animum abducamus, nec huiusmodi res in disputationem vocemus. Nimirum vellet Calvinus, ut sibi quantumvis absurdo sentienti, ac docenti, simplici animo fidè habeamus, nec, quæ asserit, in dubium vertemus. Ac frustra. Vel enim sperat se hoc consequi posse, quod petit, vel diffidit. Si sperat, suis ipse principiis repugnat; quia cum omnia, quæcunque faci-

amus, necessariò eveniant, auctore Calvinò, nihil nobis liberum relinquitur, in quo ipsi gratiam præstamus. Si diffidit, quorsum conatur cur oleum & operam perdit? Nos interea pergamus liberè eum refutare, & errores illius in apertam lucem proferre.

5. Dixi, quid Calvinus sentiat de decreto prædestinationis. Quid porro nos sentiamus, paucis explicabo. Ac primò non agnoscimus eiusmodi serù, ac terribile decretum, quo aliis vita, aliis exitium statutum sit citra meritum aut culpam: sed longè aliud, quo benè agentibus præmia, malè agentibus supplicia prædestinata sint. Secundò asserimus, hoc decretum esse quidem immutabile, sed nullo modo pugnare cum libertate arbitrij. Exemplo rem declaro. Si Princeps firmiter decernat, omnes sibi fore amicos, qui sibi obtemperent in rebus licitis & honestis, qui autem nolint & respuant, exilio mulctatum iri, an per hoc decretum quantumvis fixum & immotum, sublata sit subditorum libertas? Minimè. Atqui sic nobiscum agit Deus.

6. Altiùs repetam, & summam totius rei ad pecula revocabo. Ac primò statuendum est, hominem cum plena libertate arbitrij creatum esse, eaq; fuisse præditum in statu innocentie. Hoc expresse docet Calvinus lib. 1. institutionum c. 23. §. 8. quòvis apertè pugnet cum ipsius principiis paulò antè positis. Si ergo tunc habuit liberum arbitrium, & modò non habet: quæstio est, quomodo amiserit? An per peccatum, an alio modo? Multa enim sunt, quæ videntur libertati repugnare. 1. peccatù originale. 2. peccatum actuale. 3. gratia Dei, 4. præsciencia Dei, 5. voluntas Dei. 6. providentia & prædestinatio Dei. Si ostendam nullo horum sublata esse arbitrij libertatè, salva nobis & integra permittenda est. Illud ante omnia præmitto, liberum arbitriū hominis nihil aliud esse, quàm ipsam voluntatè libertate agendi præditam. Est autem triplex libertas. Una naturæ, quæ opponitur necessitati: Altera gratiæ, qualiberemur à statu & servitute peccati: Tercia gloriæ, qua liberamur ab omni miseria & calamitate, tam corporis, quàm animi. Prima libertas convenit homini, ut homo est: Secunda convenit homini iusto: Tercia homini beato in cælis.

A prima libertate denominatur liberum arbitrium non autem à secunda, aut tertia. Non est ergo quæstio de libertate gratiæ, quia certum est, hanc amitti, cū amittitur gratia. Nec de libertate gloriæ, quia hæc amitti non potuit, cū nondum fuerit possessa. Solum quæstio est de libertate naturæ, quæ consistit in facultate agendi, quod libuerit, & excludit omnem agendi vim, & necessitatem. His positis, dicam breviter quid de tota hac sententiam.

7. Asserimus ergo primò, liberum arbitrium non esse sublatum per peccatum primi parentis. Hoc definitum est in Concilio Tridentino Sessione. 6. & apertè constat ex scripturis. Numer. 30. *in arbitrio viri erit, siue faciat, siue non faciat*. Deuter. 30. *Testes imoco hodie calum & terram. quod proposuerim vobis vitam & mortem, benedictionem & maledictionem. Elige ergo vitam, ut vivam*. Iosue 24. *Sin autem malum vobis videtur, ut Domino servitis, optio vobis datur: Eligite hodie quod placet, cui servire potissimum debeatis*. 2. Reg. 24. *Trium tibi datur optio, elige unum quod volueris & his ut faciam tibi*. Eccles. 31. *Quis est probatus in illo? Qui potuit transgredi, & non est transgressus, & facit mala, & non fecit*. Matth. 19. *Si vis ad vitam ingredi, serva mandata*. Matt. 23. *Quoties volui, congregare filios tuos, sicut gallina congregat pullos sub alas, & nolui*. Apoc. 3. *Ecce sto ad ostiū, & pulso, Si quis aperuerit mihi ianuā, intrabo ad illū*. Hæc loca intelligenda sunt de homine post peccatū ab Adamo commissum: ergo homo in tali statu habet arbitrium faciendi & non faciendi, habet electionē vitæ & mortis: potest transgredi præcepta & servare:

Vt verbis
Calvini l. 3.
p. 23. §. 22.

Sententia
Catholica
de libero
arbitrio.

Quidam
sunt Libera
arbitrium

Libertar.
bitrium ob
esse sublatū
per peccatū
primi parentis.

potest Deo vocanti obedire & resistere. Nihil ergo est illi, quo minus habet libertatem arbitrii. Sed quid querimus testimonia ex Scriptura & Conciliis? Conuincit nos ratio. Non amisimus naturam, sed gratiam. Conuincit experientia. Quotidie pro arbitratu surgimus aut sedimus; ambulamus, aut quiescimus; silemus, aut loquimur; consentimus proximo aut repugnamus. Hæc experientia tam certa est, ut alio argumento opus non sit; recteque dixit Scotus, non rationibus, sed verberibus refutandum esse, qui arbitrii libertatem neget. Nam eò usque fustibus contundendus esset, donec fateretur in nostra situm esse potestate à verberando abstinere. Quod si de iniuria sibi facta conquererentur, occurrendum esset, frustra conqueri, si nihil libero arbitrio, sed omnia necessitate geruntur. 8. At obiectos. Si non penitus extinctum, saltem magna ex parte labefactum est liberum arbitrium ex peccato primi parentis. Respondeo cum distinctione. Si naturales ipsius vires spectemus, nihil est labefactum; si dona supernaturalia, quibus in statu innocentie erat ornatum, fatemur iis spoliatum esse per peccatum Adami, ac proinde non posse tam multa præstare, quam si iisdem donis instructum adhuc esset. Hoc sensu dixit Concilium Tridentin. sess. 6. cap. 1. *Liberum arbitrium non quidem extinctum esse, sed tamen viribus attenuatum.* Non est extinctum, quia retinuit vires naturales: Attenuatum est, quia spoliatum est donis supernaturalibus. Hinc apparet, nos ex vna parte dissentire à Pelagianis, ex altera à Calvinistis. Pelagiani dicebant liberum arbitrium nullo modo læsum esse. Calviniani clamant, omnino extinctum esse. Catholici docent, labefactum esse quoad supernaturalia; integrum mansisse quoad naturalia: *Semper Ecclesia media inter duos Hæreticos, sicut Christus inter duos latrones crucifigitur, ut ait Terr.*

9. Sed obicitur parabola de eo, qui incidit in latrones. Is non solum spoliatus est vestibus, sed etiam in carne plagas accepit, atque ita semivivus relictus est. Similiter liberum arbitrium, non tantum spoliatum est donis supernaturalibus, quibus vestitum erat, sed etiam in sua natura vulneratum est, & quasi semivivum relictum. Sanè D. Thomas enumerat quatuor vulnera

D. Tho. 1. 2. q. 85. art. 2. quæ illi inflicta sunt, scilicet ignorantiam, malitiam, infirmitatem, concupiscentiam. Respondeo, illam parabolam habere alium sensum literalem, alium mysticum. Mysticus pro argumento inducitur. Eum Patres sic explicant. Homo qui ab Hierusalem in Hierico descendebat, est Adam cum sua posteritate. Hierusalem erat in monte, Iericho in valle: Hierusalem visionem pacis; Iericho Lunam significat. Adam ergo ab Hierusalem, id est, à gratia Dei, & sublimi dignitatis gradu, in quo conditus erat, descendit in Hiericho, id est, in abiectum statum peccati, atque ita amissa pace animi factus est mutabilis, sicut Luna. Latrones, in quos incidit, demones sunt, qui eum primò spoliaverunt gratia: deinde etiam vulneraverunt. Sacerdos & Levita, qui eadem via præteribant, lex Mosæ est, quæ hominem non sanavit. Samaritanus est Christus, qui misericordia motus, posuit hominem vulneratum in equum, id est, in humanitatem suam, & deduxit in hospitium, id est, in Ecclesiam. Vulnera eius lavit vino, id est, suo sanguine, & unxit oleo. Id est, misericordia, & charitate. Discedens verò, id est, in exilium rediens, commisit illum stabulario, id est, Petro successori, cui etiam corporis & sanguinis sui pretium dispensandum reliquit. Hic est parabolæ sensus mysticus, quem omnes Patres attigerunt. Jam queritur, quomodo Adam non solum spoliatus sit, sed vulneratus? Res facilis est. Triplicis erant dona supernaturalia in Adamo. Primo, gratia & charitas, quæ red-

A debant illum iustum, & gratum Deo. Secundò, iustitia originalis, quæ domabat carnis & appetitus insensibili rebellionem, utrumque rectæ rationi subiciebat. Tertio, corporis incorruptio, & immortalitas, quæ excludebat omnem lationem & fatigationem corporis. His sublati peccatum, non solum non potuit præstare opera supernaturalia & meritoria, quæ requirunt gratiam & charitatem; sed neque tam facile & commodè potuit exercere moralia & civilia, quæ alioqui gratiam non requirunt. Nam sublata iustitia originali, cepit caro repugnare rationi; sublata incorruptione ceperunt organa corporis destrui & fatigari. Atque hoc sensu vires naturales liberi arbitrii dicuntur accepisse plagam, non quod in se vulneratae sint, sed quia infirmiores factæ ex amissione illorum donorum. Et hoc est, quod significat D. Thomas per quatuor vulnera. Sunt enim quatuor potentie animæ, scilicet intellectus voluntas, & uterque appetitus sensitivus; alter irascibilis, alter concupiscibilis. In intellectu erat prudentia; in voluntate charitas & iustitia; in irascibili fortitudo; in concupiscibili temperantia. Hæc virtutes ablatae sunt per peccatum, & ideo potentie illæ, non quidem in se, & in suis naturalibus læsæ sunt, sed tamen infirmiores factæ; propter privationem supernaturalium. Idem docet D. August. libro 1. contra duas epistolas Pelagianorum, cap. 2. cum ait. *Quis nostrum dicat, quod primi hominis peccato perierit arbitrium de humano genere? Libera sperit quidem per peccatum, sed illa quæ in Paradiso fuit habendi plenam cum immortalitate iustitiam.* Hæc August. significat perire libertatem gratiæ, non libertatem naturæ. 10. Afferimus secundo, liberum arbitrium quoad vires suas naturales, non tolli per peccata actualia: quæ quis propria voluntate committit: ac proinde hominem peccatorem posse liberè agere; non quidem opera meritoria, & supernaturalia sine gratia Dei, sed tamen opera moralia & naturalia. Hæc assertio non indiget nova probatione, quia ex dictis convincitur. Proferam tantum exempla ad confirmandum. Annon Cain erat peccator? & tamen illi dictum est à Deo. *Sub te erit appetitus eius, & tu dominaberis illi.* Et David nonne peccator erat obstrictus quando ei dictum est, *Trium tibi datur optio: Elige unum quod volueris ex his, ut faciam tibi?* Annon illi, qui quotidie peccata peccatis accumulunt, peccatores sunt: & tamen nova peccata committunt, quod sine libertate fieri non potest. Nam, ut ait August. libro de vera religione cap. 14. *Vsq̃ adeo peccatum voluntarium est malum, ut nullo modo sit peccatum, si non sit voluntarium.* Et infra: *Et quoniam peccari dubium non est, nec hoc quidem dubitandum video, habere animas liberum voluntatis arbitrium.* Et in lib. de duabus animabus cap. 11. cum dixisset peccatum non committi, nisi ab eo, qui libero arbitrio præditus est, subiicit hæc verba, *Nunc ista content, & in montibus pasceres, & in decariis Poeta, & indocti in circulis, & docti in bibliothecis, & magistri in scholis & amirantes in locis sacris, & in orbeteriarum gemis humanum?* Addo ego sed non Calvinistæ in pulpitis? Illud hæc notandum est ex D. Thoma quod licet homo non perdat liberum arbitrium per peccatum actuale, tamen sæpius peccando, acquirit habitum quenquam, ac propensionem ad peccata incontinentem; Atque ideo difficilius fertur in bonum, quam si non peccasset.

11. Afferimus tertio, liberum arbitrium non tolli, sed adiuvati per gratiam Dei. Est autem triplex gratia. Prima præueniens seu excitans. Secunda adiuvans. Tertia iustificans. Præueniens non tollit libertatem, quia ut optimè definitur in Con. Trid. Sess. 6. c. 5. & Can. 4. Homo liberè assentitur & cooperatur gratiæ excitanti, ita ut possit dissentire, & eam reicere si velit.

2. Liberum arbitrium non tollitur per peccatum actuale proprium.

Gen. 4. 7. Reg. 24.

D. Tho. 1. 2. q. 85. art. 1.

1. Liberum arbitrium non impeditur per gratiam.

Quod nisi esset, quare scriptura tam anxie nos mone-
ret, ut Deo vocanti & excitanti consentiamus? Zach.
1. Ioelis. 2. Ezech. 18. *Conuertimini & agite peniten-
tiam.* Quare nobis imputaret, quando non consenti-
mus? Ierem. 7. *Vocauit vos & non respondistis.* Isaia 50.
Vocauit, & non erat qui audiret. Matth. 23. *Quoties vo-
lui congregare filios tuos, & noluitis?* Denique, quare
staret ad ostium cordis nostri, pullans & expectans do-
nec aperiamus. Apoc. 3. *Sto ad ostium & pulso?* Ex his
omnibus sic concludo, quando Deus excitat peccatores
ad poenitentiam, vel liberum est: illis conuertri, vel
non est. Si est liberum ergo superflua sunt minz, ad-
monitiones, & increpationes diuinæ. Iam de gratia ad-
iuuante idem statuo. Et ratio sumitur ex dictis. Nam si
liberè consentimus gratiæ excitanti, ut probatum est
consentimus autem per gratiam adiuuantem, certè gra-
tia adiuuans non tollit libertatem. Idem alio modo o-
stendi potest. Nam hæc gratia nihil aliud est, quàm su-
pernaturalis concursus Dei ad opera nostra supernatu-
ralia, & perinde ad illa se habet: sicut & habet concur-
sus naturalis Dei & opera nostra naturalia: Atqui hic
non tollit libertatem arbitrii in actionibus naturalibus:
Ergo nec alter in supernaturalibus. Superest gratia ius-
tificans, quæ non destruit, sed sanat & perficit natu-
ram. Hæc omnia perspicua sunt. Solum de gratia præ-
ueniente obici potest illud Ioan. 6. *Nemo potest ve-
nire ad me nisi Pater traxerit illum.* Qui trahit aliquem
vim & necessitatem infert: Sed Deus trahit hominem
per gratiam præuenientem. Ergo per illam gratiam in-
fert illi vim & necessitatem. Ergo gratia præueniens
non coheret cum libertate arbitrii. Respondeo homi-
nem variis modis posse trahi. Primò vi & necessitate.
Secundò, affectu, amore, vel laude, iuxta illud Poëta,
Trahit sua quemque voluptas. Deus trahit hominem, non
vi, sed amore & beneuolentia. Sic explicat. Augustin.
hunc locum tract. 26. in Ioan.

4.
Liberum
arbitrium
non impe-
diri à præ-
scientia Dei.
Matth. 2.

12. Afferimus quartò, libertatem arbitrii non tolli
aut impediri per præscientiam Dei. Hoc copiosè &
elegantè disputat. D. Augustin. lib. 3. de lib. Arbit.
cap. 2. & sequent. Est autem duplex Dei præscientia:
vna conditionata, quæ antecedit liberum actum volun-
tatis diuinæ. Hac Deus præcognoscit, quid liberum
arbitrium cuiusque hominis, aut Angeli facturum es-
set, ex hypothesi, in tali rerum ordine, cum his aut illis
auxiliis & circumstantiis poneretur. Hoc modo præco-
gnouit Tyrios & Sidonios acturos fuisse poeniten-
tiam, si miracula apud illos facta fuissent. Eodem mo-
do præcognouit Saulem obsessurum vibem Ceilam,
& ciues tradituros Davidem Sauli, nisi fugeret. Deni-
que hoc modo præcognoscit Deus, quosdam iustos lap-
suros esse in peccata, si diutius viverent; & idèd ne la-
bantur, eripit illos ex hac vita, dum adhuc iusti sunt.
De hac scientia multa habet August. libro de bono
persecutantiz caput 9. & 10. Et in lib. de corrept. &
gratia cap. 8. & alibi. Altera Dei præscientia est ab-
soluta, quæ sequitur liberum decretum diuinæ vo-
luntatis. Hac Deus absolutè præcognoscit, quidquid
re ipsa futurum est. Hoc modo præcognouit & prædi-
xit omnia in veteri Testamento, quæcunque in nouo
euentura essent. Vnde Tertullianus libr. 2. contra
Macionem rectè dixit. *Præscientiam Dei tot habere re-
stes, quot fecit Prophetas.* Vtraque præscientia est cer-
ta, & infallibilis; cum quia Deus est prima veritas,
ac proinde in cognitione falli aut errare non potest,
tum etiam, quia intellectus Dei est infinitè perfectus
ideoque ad omnem veritatem se extendit: Ergo nul-
la veritas latere eum potest. Neutra tamen pugnat
cum libertate arbitrii. Et quidem de præscientia condi-
tionata manifestum est, quia per illam Deus non præ-
uidet, quid reuera facturum sit Petrus aut Paulus, sed
quid facturum esset, si hæc aut illa hypothesis ponere-

A tur. In eo autem, quod facturum esset sub conditione,
& tamen reuera facturum non est, non patitur detri-
mentum libertatis. De præscientia verò absoluta, idem
patet, quia licet Deus per illam absolutè præuideat,
quid Petrus aut Paulus facturum sit, tamen illa præ-
scientia, sequitur decretum voluntatis diuinæ, ac proin-
de per illam præuidet res eo modo futuras, quo iuxta
decretum, aut permissionem Dei futuræ sunt. Si er-
go iuxta decretum aut permissionem Dei futuræ sunt
contingenter, aut liberè; præuidet eas futuras con-
tingenter, aut liberè; si necessariò, necessariò: Nul-
la igitur libertas, nulla contingentia; nulla necessitas
rerum oritur ex hac præscientia Dei, sed præsupponitur.
B Idem confirmatur ratione Diuus Augustinus. Nam si
præscientia Dei tolleretur libertatem, vel id faceret,
quia præscientia est, vel quia Dei est. Non primum,
quia tunc etiam nostra præscientia tolleretur liberta-
tem, quod tamen falsum est. Si enim Deus reuela-
ret mihi, Petrum cras aliò profecturum, illa mea
præscientia per reuelationem acquisita, non impone-
ret Petro necessitatem proficiscendi. Nec secundum,
quia sicut Deus præscit quid nos facturi sumus; sic
etiam præscit: quid ipsemet facturum sit; Sed præscien-
tia Dei non imponit ipsi necessitatem: Ergo neque
nobis. Denique confirmatur ex ipso Caluino, qui
concedit hominem in statu innocentiz fuisse prædi-
tum libero arbitrio, & ex illa libertate aliquid fecisse.
C Vel ergo Deus præsciuit hominem in illo statu ali-
quid liberè facturum, vel non præsciuit. Certè igno-
rare non potuit, qui omnia nouit. Si ergo Deus
præsciuit, & tamen homo liberè operatus est, sanè
præscientia Dei non tollit libertatem arbitrii no-
stri.

13. Occurrit hinc molesta obiectio, non à Caluino, Obiect. 1.
sed iam olim multò ante nata. Est autem huiusmodi,
Præscientia Dei est certo & infallibilis; Ergo quidquid
Deus præscit futurum, hoc certa & infallibiliter futu-
rum est: præscit autem omnia, quæ facturi sumus: Er-
go omnia, certò & infallibiliter futura sunt: Ergo om-
nia necessario fiunt. Respondeo, negando vltimam
hanc consequentiam. Concedo. Deum omnia futura
præscire certò & infallibiliter. Concedo etiam om-
nia, quæ futura sunt, certò & infallibiliter esse futura.
Solutio.
Nego tamen necessariò esse futura. Potest enim ali-
quid esse certum & infallibile, quod tamen non sit ne-
cessarium, sed contingens, aut liberum: quo pacto
certum & infallibile est, me, iam loqui, aut ambulare, Obiect. 2.
quod tamen liberè facio. Est & alia vetus obiectio mul-
tò difficilior, in hunc modum, Deus ab æterno præ-
sciuit Antichristum peccaturum: Ergo Antichristus
peccabit. Hæc consequentia est legitima, & antec-
dens huius consequentiæ est necessarium. Cum neces-
sitate autem non potest stare libertas. Et confirmatur ex
regula Dialecticorum. *quia quando conditionalis propo-
sitis est vera, si eius antecedens est absolutè necessarium,
etiam consequens est absolutè necessarium.* Alioquin in bo-
na consequentia posset esse antecedens verum: & con-
sequens falsum: sed hæc conditionalis est vera. [Si
Deus hoc sciuit futurum, hoc ita eueniet,] & antec-
dens est necessarium: Ergo etiam consequens est ne-
cessarium. Hoc argumentum dicebat Vicleffus adeò
esse efficax, ut Armacanus viginti annos solutione
illius laborauerit, & tandem vi eius coactus dixerit,
Deum in tua præscientia posse errare. Sed nihil tale in
Armacano legitur. Vnde satis apparet, Vicleffum fal-
sò hoc illi imposuisse, ut notat Thomas Vvaldensis.
Est tamen ipsum argumentum per se difficile, & valde
torquet Theologos. Quid quisque sentiat, non dicam. Vvaldensis
Pauca rem ipsam declarabo. Ac primum illa regula
Dialecticorum. *Quando conditionalis propositio est vera,
si eius antecedens est necessarium, etiam consequens est
necessarium.* Vvaldensis
tomo 2. tit.
1. c. 12.

necessarium, locum habet, quando antecedens est necessarium ex intrinseca connexione terminorum, non autem: quando solum est necessarium ex accidenti, seu ex suppositione. Constat autem hoc antecedens [Deus præscit Antichristum peccaturum] non esse necessarium ex intrinseca connexione terminorum, quia præscientia Dei non habet intrinsecam connexionem cum peccato Antichristi. Est tamen necessarium ex suppositione, quia posito, quod Antichristus sit peccaturus, non potest Deus hoc ignorare. Hæc solutio brevis & clara est. Potest tamen aliter, & sub aliis terminis explicari. Duplex est necessitas alicuius effectus. Una antecedens altera comitans seu consequens. Antecedens necessitas est, quæ oritur ex causa antecedente, & necessario operante, atque ad unum determinata. Posita enim tali causa necessario sequitur effectus. Hoc pacto necessarium est, solum cras oriri, quia ortus solis provenit à causa necessaria & determinata. Comitans, seu consequens necessitas est, quæ non oritur ex causa antecedente & necessaria; sed ex ipsa positione etiam affectus, effectus liber sit, & à libera causa proveniat. Hoc pacto necessarium est Petrum sedere, posito quod sedeat; aut Petrum sedisse, posito, quod sederit: aut Petrum sessum esse, posito, quod sessurus sit. Hæc necessitas non tollit libertatem, sed potius præsupponit. Quod ergo Deus præsciat Antichristum peccaturum, est quidem necessarium, non tamen antecedente, sed consequente necessitate. Illa enim necessitas non oritur ex aliqua causa necessario operante, quæ præcedat peccatum, sed oritur ex ipsa positione futuri peccati. Posito enim, quod Antichristus sit liberè peccaturus necesse est, Deum hoc non ignorare qui omnia novit. Nihilominus, quod sit peccaturus, hoc non provenit ex aliqua causa antecedente, quæ urgeat aut necessitet illum ad peccandum. Hoc sensu dicunt Patres & Scholastici, præscientiam Dei, qua futura cognoscit, esse posteriorem rebus futuris, & nullo modo priorem. Quia enim aliquid futurum est, idèd à Deo futurum cognoscitur, & non contra. Non enim idèd futurum est, quia à Deo cognoscitur. 14. Afferimus quintò, libertatem arbitrij non impediri per decretum aut voluntatem Dei. Est autem duplex decretum, de quo dubitari potest. Unum, quo Deus ab æterno statuit concurrere cum libero nostro arbitrio ad omnes eius actiones. Alterum, quo statuit dare gratiam prævenientem, & adiuvantem ad opera gratiæ. Si per hæc duo decreta nulla necessitas inferitur libero arbitrio, aut eius actionibus, salva manet libertas. At ita res habet. Nam per prius decretum, quo Deus statuit nobiscum concurrere ad agendum, nihil aliud fit in tempore, quàm quod detur nobis concursus generalis Dei ad nostras actiones. Hic autem concursus non tollit libertatem, qui non est prior nostro concursu; nec prævenit, aut determinat nostram voluntatem ad agendum, sed est simul tempore & causalitate cum nostra determinatione: Ergo non adfert necessitatem antecedentem, quæ sola tollit libertatem arbitrij, ut dictum est. Posterius verò decretum, quo Deus statuit nos prævenire gratia excitante, vel adjuvare gratia cooperante, nihil etiam lædit nostram libertatem. Nam per illud decretum nihil aliud fit, quàm quod detur nobis gratia excitans & adjuvans. Hæc autem nullam imponit necessitatem, ut dictum est. At obicies; nemo potest resistere decreto Dei: Ergo omnia, quæ Deus fieri decrevit, fiunt necessario. Respondeo. hoc non rectè inferri. Potius sic inferendum erat: Nemo potest resistere decreto Dei. Ergo omnia, quæ Deus fieri decrevit, fiunt eo modo, quo Deus decrevit, & voluit, ut fierent: At decrevit eo modo concurrere cum nostra voluntate ad agendum ut voluntati relinquatur sua li-

Opusc. Bec.

A bertas: Ergo eo modo concurrat. Hoc autem decreto nemo potest resistere, id est, nemo potest impedire, quo minus Deus liberè nobiscum concurrat ad agendum manente nobis integra nostra libertate, sicut ipse decrevit.

15. Afferimus sextò libertatem arbitrij non impediri per providentiam, aut prædestinationem Dei. Hoc ex dictis optimè concluditur. Nam in prædestinatione, ex parte Dei, nihil aliud spectari potest, quàm præscientia & voluntas Dei; quæ neutra lædit libertatem. At ex parte effectuum est gratia excitans, adjuvans, & sanctificans, quæ etiam coheret cum libertate. Idem conuenio ex principiis Calvini; quia providentia & prædestinatio non minùs habebant locum in statu innocentiz, quàm modò habent, ut Calvinus fatetur: At tunc optimè cohererebant cum libero arbitrio: Et etiam modò cohererebant. Atque hæc breviter dicta sunt ex sententia Catholicorum.

Libertum
arbitrium
stare cum
providen-
tia & præ-
destinatione.

CAPUT III.

Tertia propositio Calvini refutatur.

Tertia propositio est, Deum ex vi illius primi decreti, quo aliis vitam, aliis interitum prædestinaverat, absolute, voluisse, & ordinasse lapsum primi Parentis, & totius humani generis; & inde occasionem sumeret exercendi suam iustitiam circa reprobos & misericordiam circa prædestinatos. Afferitur à Calvino lib. 3. Instit. c. 23. §. 4. eùm ait. *Fateor sanè in hanc quæ nunc illigati sunt, conditionis miseriam Dei voluntate decidisse vniuersos filios Ada: atque id est, quod principio dicebam, redeundum tandem semper esse ad solum diuinæ voluntatis arbitrium.* Et §. 7. *Disertis verbis hoc exstare negant: decretum fuisse à Deo, ut sua defectione periret Adam.* Et infra. *Decretum quidem horribile fateor, inficiari tamen nemo poterit, quin præscierit Deus, quem exitum esset habiturus homo, antequam ipsum conderet, & idcirco præsciuerit quia decreto suo sic ordinaverat.* Et infra. *Nec absurdum videri debet, quod dico Deum non modò primi hominis casum, & in eo posteriorem ruinam prævidisse, sed arbitrio quoque suo dispensasse.* Omitto alia loca. Eadem assertio aperte sequitur ex Calvini principiis. Primum est, omnia fieri Deo volente, non tantum permittente. Secundum est, voluntatem Dei esse necessitatem rerum. Tertium est, Deum non alia ratione, quæ futura sunt, prævidere, nisi quia voluit, ut fierent. His positis, non solum sequitur, peccatum primi parentis, sed etiam omnia alia peccata, quæcunque fiunt, aut futura sunt, Deo volente & ordinante fieri: imò etiam necessitatem imponente, quod sic ostendo. Deus ab æterno prævidet omnia peccata, quæ unquam futura sunt: sed quidquid prævidet futurum, idèd prævidet, quia voluit & decrevit, ut fieret: Ergo voluit & decrevit, ut fierent omnia peccata, quæ futura sunt: Ergò eùm voluntas Dei sit necessitas rerum, peccata necessario committuntur. Hic est discursus Calvini.

2. Hæc Calvini propositio dupliciter accipi potest. Primò, Deum voluisse, ut Adam peccaret cum sua posteritate. Secundò, Deum voluisse, ut si Adam peccaret, tota posteritas esset culpæ obnoxia. Hoc posterius verum est, illud prius hæreticum. Nolo immorari in re clara. Calvinum ex Calvino refellam. Nam lib. 1. Instit. cap. 15. §. 8. disertè docet hominem in statu innocentiz prædictum fuisse libero arbitrio, quo si vellet, adipisci posset vitam æternam. Et paulò post subiicit hæc verba, *Potuit igitur Adam stare, si vellet, quan-*

Calvini l. 3.
cap. 23. §. 5.
& 8.

3. Libertum
arbitrium
consistere
cum decre-
to & volu-
tate Dei.

Obiectio.

do non nisi propria voluntate cecidit. Quid ais Caluine? Potuit Adam stare, si vellet? Ergo non necessario, sed propria libertate lapsus est. Rectè hoc. At quomodo postea libr. 13. cap. 13. asseris, omnia quæ fiunt; Dei voluntate fieri, & voluntatem Dei esse rerum necessitatem? Monui supra, qui semel à veritate aberrauit, sæpe sibi ipsi repugnare, quod verissimum est.

3. Principia, quibus nititur Caluinus inania sunt. i. Principiū Caluini re-
fellit. Primum est, non admittendam esse distinctionem inter voluntatem & promissionem Dei: sed omnia, quæ fiunt, Deo volente fieri, & non tantum permittente.

Hoc principium multis modis refelli potest. Primò, quia repugnat communi sensui Patrum, ac Theologorum. Omnes enim docent, peccata fieri Deo permittente, non autem volente. Secundò, quia facit Deum auctorem peccati. Qui enim vult fieri peccatum, & qui alium ad peccandum impellit, certè causa & auctor peccati est. Tertio, fecit Deum mendacem & hypocritam. Qui aliud loquitur, aliud in animo sentit, mendax est hypocrita: At testè Caluino, Deus aliud loquitur, aliud in animo sentit Palam in scripturis loquitur, se deestari peccata; sibi ea displicere, sua voluntate non fieri, se mandare & præcipere, ne committantur: Et tamen si Caluino credimus, aliud sentit. Nam reuera vult committi peccata, & ad ea committenda occultò homines impelli. Quartò, fecit Deum crudelem. An non crudelis est, qui hominem innocentem impellit malè agere, ut puniri possit? Quintò, facit omnes homines iustos. Iustus est, qui summi iudicis voluntatem in omnibus sequitur, & obtemperat: At omnes, siue prædestinati, siue reprobi, sequuntur Dei voluntatem; quia quidquid agunt, Deo volente & ordinante agunt: Omnes igitur iusti sunt; Et quod inde concluditur, solus Deus iniustus, qui tam iniquè cum innocentibus agit. En: quæ paradoxa ex vno Caluini principio deducuntur. Sed exemplo rem declaremus dictum Adamo: *De ligno scientia boni & mali ut comedas?* Quo animo dixit hoc Deus? si Caluino credimus, non paterno, non sincero, sed versuto ac versipelli animo dixit. Quare? quia iam pridem apud se statuerat Adamum impellere, & occultè inducere, peccare non potuit, nisi simulatè prohibere. Cur ergo tam grauem poenam in illum statuit? cur misero, & à se decepto irascitur? Hoc scæui ac ferocis animi signum est. Vides Caluine, quo loco Deum habeas? Mendacem facis, crudelem & tyrannum facis. Quis Gentilium ad Christi fidem conuertatur, qui hæc audiat prædicari de nostro Deo? Imitantur hunc Deum Caluini discipuli. Norunt simulare, & dissimulare: iurant, & peierant; aliud verbis ac vultu præ se ferunt: aliud in corde font: pacem ostendunt, & de vindicta cogitant. Facessat ergo Caluini principium & ingenuè fateamur, quod res est peccata fieri Deo permittente, non autem volente: ac primum parentem libertate, non necessitate lapsum esse.

4. Alterum Caluini principium est, Deum non alia ratione præuidere futura, nisi quia voluit, ut fierent. Hoc est primo principio sequitur, & eodem modo refutandum est. Nam si multa fiunt Deo permittente, non autem volente: necesse est, Deum præscire multa futura, non quia voluit, sed quia permisit, ut fierent. Vnde rectè dixit ei, quo cum disputabat sanctus Augustinus lib. 3. de libero arbitrio cap. 4. *Sicut tu quadam, quæ fecisti meministi, nec tamen, quæ meministi, omnia fecisti: ita Deus omnia, quorum ipse auctor est: quorum autem non est auctor, iustus est visor.* Et libr. de anima & origine capit. 7. *Præscientia Dei peccatores præscire non facit.* Et libro de Prædestinatione Sanctorum cap. 10. *Prædestinatio sine præscientia esse non potest: potest autem esse sine prædesti-*

A *tione præscientia: Prædestinatione quippe Deus ea præscit, quæ fuerat ipse facturus: Præscire autem potens est etiam quæ non ipse facit, sicut quacunque peccata.*

5. Tertium Caluini principium est voluntatem Dei esse necessitatem rerum. Dei hoc principio disputat Diuus Thomas 1. quæst. art. 8. vbi quærit, an voluntas Dei necessitatem rebus volitis imponat? Et respondet optimè, voluntatem, Dei cum sit efficacissima, non solum efficere, ut varij effectus in hoc mundo producantur, sed etiam ut eo modo producantur, quò ipse vult. Vult autem quosdam fieri necessariò, alios contingenter, alios liberè. Hoc enim pertinet ad perfectionem & ordinem huius vniuersi, ut non vno sed variis modis res fiant. Itaque quibusdam effectibus aptauit causas necessarias, aliis contingentes, aliis liberas. Causa necessaria est, quæ ad vnum determinatur, & in agendo deficere non potest. Contingens, quæ quidem ad vnum est determinata, sed tamen impediri potest, ne agat. Libera, quæ nec determinata est, nec impediri potest: sed positis omnibus requisitis, potest agere, & non agere. Ceterum quia causæ creatæ, cuiuscunque sint generis sine generali Dei concursu agere non possunt, idè Deus accommodat, & attemperat se ad naturam & conditionem cuiusque causæ, ut illarum modum agendi nequaquam suo concursu impediat, sed sinat liberas agere liberè, contingentes contingenter, necessarias necessariò. Hæc doctrina facilis & clara est. Cætera, quæ huc spectant, videri possunt in refutatione secundæ propositionis §. 14.

6. Refutatus est Caluinus, & principia eius eversa. Catholica sententia est, & peccata fieri Deo permittente, non volente. Duo super sunt explicanda. Vnum est, quomodo Deus permittat peccata. Alterum, quo sine. Quod ad primum attinet, aduersarii contexunt hoc sophisma: Si Deus permittit peccata, aut volens, aut nolens permittit. Si nolens, omnipotens non est: Si volens, iam Deo volente peccata fiunt, quæ est Caluini sententia. Respondeo, Deus peccata permittit volens, ut docet Augustinus in Enchiridio cap. 100. Et tamen volente Deo non fiunt peccata, sed Deo non volente. Aliud enim est peccatum, aliud permissio peccati: peccatum malum est: permissio bona. Deus permissionem peccati vult: peccatum non vult: Et permissio peccati fit Deo volente, peccatum non fit Deo volente. Occurrit. Si peccatum non fit Deo volente, ergo fit Deo nolente & inuito: Ergo omnipotens non est. Respondeo, non sequitur. quia velle & nolle sunt contraria, inter quæ dari potest medium, scilicet, non velle. Itaque hæc tria distinguenda sunt peccatum fit Deo volente, peccatum fit Deo nolente, peccatum fit Deo non volente. Duo priora falsa sunt: Tertium verum est. Eodem modo se habent hæc tria, Deus est volens peccatum, Deus est nolens peccatum, Deus est non volens peccatum. Hoc postremum verum est, illa duo priora falsa. At obicies, Ergo Deus circa peccata negatiuè se habet, si neque volens est neque nolens: Ergo vel ipso ignorante, vel certè otioso, & non curante, fiunt peccata: At Deus nec ignorans est, qui omnia nouit, nec otiosus, qui omnium curam ac prouidentiam gerit. Respondeo, Deus quidem negatiuè se habet circa peccata: quia neque positiuè volens, iuxta illud Psalm. 5. *Non Deus volens iniquitatem tuas.* Hinc tamen non sequitur, aut ignorante, aut otioso Deo, peccata fieri. Nam alterum repugnat eius scientiæ, alterum prouidentie. Qui enim omnia nouit, etiam peccata nouit. Et cuius prouidentie omnia subiecta sunt, etiam peccata subiecta sunt. At quo pacto? quia Deus peccata permittit, ordinat, puni. Quare tamen si negatiuè se habet circa ipsa peccata, tamen positiuè

3. Principiū Caluini re-
fellit.

Catholica
sententia.

An Deus
permittat
peccata
volens, an
nolens.

Quomodo
peccata
subiecta
sunt prouidentie.

se habet circa permissionem, ordinationem, & punitionem peccatorum. Rectè enim dixerimus, Deum non quidem velle peccata, sed tamen velle permittere peccata ob honestos fines: velle ordinare peccata ad bonum fructum eliciendum: velle punire peccata ad seruandam iusticiam. Hæc autem omnia pertinent ad rationem providentiar.

7. Hinc faciliè intelligit, quo sensu dicant Theologi, aliter peccata, aliter res alias subesse diuinæ providentiæ, peccata, vt materiæ, res alias, vt effectus. Hoc ita accipiendum est; Deus sua providentia vult res alias esse, aut tanquam fines à se intentos, aut tanquam mediæ ordinata & præparata ad tales fines. Quæ autem Deus vult esse, cum voluntas Dei sit causa rerum, proculdubio sunt effectus Dei. At peccata non vult esse, neque tanquam fines à se intentos, neque vt mediæ à se præparata ad aliquem finem: Ergo peccata non sunt effectus Dei. Sunt tamen materiæ, circa quam Dei providentia versatur. Rursum occurret; Si Deus ordinat peccata certè ad aliquem finem ordinat. Ergo iam peccatum est medium ad talem finem: Ergo est effectus providentiæ: Ergo id malè negatum est. Respondeo cum distinctione. Deus ex se non præparat, & præfinit peccatum, tanquam medium ad aliquis finis assecutionem: sed quando ab alio commissum est, ordinat illud ad aliquod bonum: Et in eo maxime apparet eius bonitas & patientia, quod cum ipse malorum auctor non sit, possit tamen ex malis ab alio perpetratis, bonum aliquod producere. Vnde Divus Augustinus in Enchiridio, capit. 100. *Non sinere bonus fieri malè, nisi omnipotentem etiam de malo facere possit bene.* Et lib. 22. de civitate Dei, cap. 1. *Tanta sapientia tamque virtutis Deus est, ut in eos exitus, sine finis quas bonas & iustos ipse præcivis, tendant omnia, que voluntati eius videntur adversa.*

8. Solutum est sophisma. Superest aliud argumentum difficile, quos Doctores Scholastici proponunt hoc modo: Homo nihil potest velle, nisi etiam Deus velit, quia causa secunda nihil potest agere, sine concursu causæ primæ: sed homo vult peccatum: alioqui peccatum non esset voluntarium: Ergo etiam Deus vult peccatum. Et confirmatur, quia duo sunt in peccato, nempe actio peccati, & deformitas eius. Actio non minus effectivè est à Deo, quàm ab homine: deformitas, neque à Deo, neque ab homine intenditur: Est ergo eadem ratio de Deo, & de homine, quia terque concurrunt effectivè ad actionem, neuter intendit deformitatem. Quare si homo dicitur velle peccatum, etiam Deus dicitur velle. Respondeo, magnum esse discrimen inter Deum & hominem. Concursus Dei generalis est, & ex se indifferens, ex cuius vi nulla sequitur deformitas, aut malitia. Concursus hominis est particularis & determinatus, ex cuius vi sequitur aliquis defectus in actu peccati. Quare actio peccati, quæ à Deo, & homine efficitur, non habet à concursu Dei quod sit mala, sed concursu hominis: & ideo Deus non dicitur causa peccati, sed homo. Huius autem ratio est, quia homini est lex posita vt hoc aut illo modo operetur. Quod si hoc non faciat, deficit à lege, & si peccat. At Deo non est lex posita, qua prohibeatur concurrere cum causis secundis, præbendo influxum ex se indifferentem. Imò, hoc est conforme legi naturali. Quare si Deus hoc faciat, non deficit à lege, & ideo non peccat. Hoc sensu intelligenda est illa regula quorundam Theologorum. *Quando plures causæ concurrunt ad aliquam actionem, in qua est deformitas, seu privatio: omnes quidem sunt causæ illius actionis, non tamen privationis, sed illa solum, quæ in agendo deficit à sua regula.*

9. Explicatum est, quo pacto Deus permittat peccatum, volens an nolens. Illud reliquum est, quo fine

Opusc. Ecc.

permittat. Et præcipua difficultas est de peccato primi parentis, de quo hæc disputamus. Ac illud quidem constat, varia bona consecuta esse occasione illius peccati, cuiusmodi sunt Incarnatio Verbi, Sacramentum Eucharistiæ, penitentia, martyrium, virginitas, abstinencia, ostensio elementariorum, & misericordiarum Dei in condonando, & iustitiarum in vindicando. Hæc tam præclara & eximia bona non fuissent in statu innocentiarum, sed ex Adami peccato, Deo ordinante, consecuta sunt. An autem hæc bona à Deo interna sint, & propter illa voluerit permittere lapsum Adami, non æquè certum est. Plerique affirmant cum Caietano in prima parte quest. 22, artic. 2. de qua re dicam aliquid in 2. Opusculo capite. 3. §. 9.

CAPUT IV.

Quarta propositio Calvini refutatur.

1. **Q**uarta propositio est, Christum pro solis prædestinatis, non autem pro reprobis mortuum esse. Afferitur à Calvino lib. 3. Institut. cap. 22. §. 10. his verbis, *Si omnes vellet salvos, custodem illis præficeret filium & omnes in eius corpus sacro fidei vinculo inferret. Nunc constat esse paterni amoris pignus filius, quos adoptavit, reconditum.*

2. Hæc propositio hæretica est, & olim falsò imposita Augustino, vt ex ipso patet, libr. ad articulos sibi falsò impositos, art. 1. & ex Prospero, responsione nona ad capitula Gallorum. Et apertè pugnat cum Scripturis 2. Cor. 5. *Pro omnibus mortuus est Christus*, 1. Tim. 2. *Qui dedit in redemptionem semetipsum pro omnibus*, 1. Io. 2. *Ipse est propitiatio pro peccatis nostris, non pro nostris autem tantum, sed etiam pro totius mundi.*

3. Deinde multum derogat liberalitati & meritis Christi, & quod amplius est, facit Christum mendacem & deceptorem. Si enim solis prædestinatis vult benefacere, cur omnes perspicuè ad se inuitat? Matth. 11. *Venite ad me omnes qui laboratis & onerati estis, & ego reficiam vos.* Cur Sacramenta pro omnibus instituit? Cur imponit omnibus præceptum fidei & Baptismi? Cur mittit Apostolos ad omnes Gentes? Cur præcipit pro omnibus orationes fieri, vt omnes ad agnitionem veritatis veniant? Denique hæc sententia inducit hominem ad dissidentiam & desperationem. Qui enim audit à Calvino, Christum non prodesse omnibus, sed paucis duntaxat, qua spe aut fiducia potest Christum orare, subsidium ab eo petere?

4. Sed occurrunt adversarij, Si Christus pro omnibus mortuus est, cur non omnibus prodest? Gentiles, Turcæ, Iudæi, & multi parvuli manent expertes meritorum Christi. Respondeo, in triplici sensu verum est, Christum pro omnibus mortuum esse. Primò, quia suscepit causam totius humani generis. Secundò, quia tam cumulata sunt ipsius merita & satisfactio, vt sufficiant pro omnibus. Tertiò, quia ipse neminem excludit à suis meritis. Cur ergo non prodest omnibus quia ipsius merita non omnibus applicantur. Res simili exemplo potest explicari. Si Medicus pharmacum patet pro decem ægrotis, idque præsentissimum ad depellendum morbum, profectò nemini sanitatem adferet, nisi sumatur & applicetur. Ita se habet in meritis Christi potentissima sunt ad omnia peccata depellenda & animarum sanitatem recuperandam. At non pro sunt, nisi applicata. Applicantur autem variis modis. Primò, per Sacramenta, Secundò, per gratiam præ-

L ij

de non nisi propria voluntate cecidit. Quid ais Caluine? Potuit Adam stare, si vellet. Ergo non necessario, sed propria libertate lapsus est. Rectè hoc. At quomodo postea libr. 13. cap. 23. asseris, omnia quæ sunt; Dei voluntate fieri, & voluntatem Dei esse rerum necessitatem? Monui supra, qui semel à veritate aberrauit, sæpe sibi ipsi repugnare, quod verissimum est.

3. Principia, quibus nititur Caluinus inania sunt.

i. Principiū Primum est, non admittendam esse distinctionem inter voluntatem & promissionem Dei: sed omnia, quæ

Caluini re-
felliunt.
funt, Deo volente fieri, & non tantum permittente. Hoc principium multis modis refelli potest. Primò, quia repugnat communi sensui Patrum, ac Theologorum. Omnes enim docent, peccata fieri Deo permittente, non autem volente. Secundò, quia facit Deum auctorem peccati. Qui enim vult fieri peccatum, & qui alium ad peccandum impellit, certè causa & auctor peccati est. Tertiò, fecit Deum mendacem & hypocritam. Qui aliud loquitur, aliud in animo sentit, mendax est hypocrita: At teste Caluino, Deus aliud loquitur, aliud in animo sentit. Palam in scripturis loquitur, se delectari peccata; sibi ea displicere, sua voluntate non fieri, se mandare & præcipere, ne committantur: Et tamen si Caluino credimus, aliud sentit. Nam reuera vult committi peccata, & ad ea committenda occultè homines impelli. Quartò, fecit Deum crudelem. An non crudelis est, qui hominem innocentem impellit malè agere, ut puniri possit? Quinò, facit omnes homines iustos. Iustus est, qui summi iudicis voluntatem in omnibus sequitur, & obtemperat: At omnes, siue prædestinati, siue reprobi, sequuntur Dei voluntatem; quia quidquid agunt, Deo volente & ordinante agunt: Omnes igitur iusti sunt; Et quod inde concluditur, solus Deus iniustus, qui tam iniquè cum innocentibus agit. En: quæ paradoxa ex vno Caluini principio deducuntur. Sed exemplo rem declaremus dictum Adamo: *De ligno scientia boni & mali ut comedas?* Quo animo dixit hoc Deus? si Caluino credimus, non paterno, non sincero, sed versuto ac versipelli animo dixit. Quare? quia iam pridem apud se statuerat Adamum impellere, & occultè inducere, peccare non potuit, nisi simulatè prohibere. Cur ergo tam grauem poenam in illum statuit? cur misero, & à se decepto irascitur? Hoc scui ac ferocis animi signum est. Vides Caluine, quo loco Deum habeas? Mendacem facis, crudelem & tyrannum facis. Quis Gentilium ad Christi fidem conuertatur, qui hæc audiat prædicari de nostro Deo? Imitantur hunc Deum Caluini discipuli. Norunt simulare, & dissimulare: iurant, & peierant; aliud verbis ac vultu præ se ferunt: aliud in corde fouent: pacem ostendunt, & de vindicta cogitant. Facessat ergo Caluini principium & ingenuè fateamur, quod res est peccata fieri Deo permittente, non autem volente: ac primum parentem libertate, non necessitate lapsum esse.

2. Principiū
Caluini re-
felliunt.

4. Alterum Caluini principium est, Deum non alia ratione præuidere futura, nisi quia voluit, ut fierent. Hoc est primo principio sequitur, & eodem modo refutandum est. Nam si multa sunt Deo permittente, non autem volente: necesse est, Deum præscire multa futura, non quia voluit, sed quia permisit, ut fierent. Vnde rectè dixit ei, quo cum disputabat sanctus Augustinus libr. 3. de libero arbitrio cap. 4. *Sicut tu quadam, quæ fecisti meministi, nec tamen, quæ meministi, omnia fecisti: ita Deus omnia, quorum ipse auctor est: quorum autem non est auctor, iustus est ultor.* Et libr. de anima & origine cap. 7. *Præscientia Dei peccatores prænosce non facit.* Et libro de Prædestinatione Sanctorum cap. 10. *Prædestinatio sine præscientia esse non potest: potest autem esse sine prædesti-*

atione præscientia: Prædestinatione quippe Deus ea præscit, quæ fuerat ipse facturus: Præscire autem potens est etiam quæ non ipse facit, sicut quæcumque peccata.

5. Tertium Caluini principium est voluntatem Dei esse necessitatem rerum. Dei hoc principio disputat Diuus Thomas 1. quæst. art. 8. vbi quærit, an voluntas Dei necessitatem rebus volitis imponat? Et respondet optinè, voluntatem, Dei cum sit efficacissima, non solum efficere, ut varij effectus in hoc mundo producantur, sed etiam ut eo modo producantur, quò ipse vult. Vult autem quosdam fieri necessariò, alios contingenter, alios liberè. Hoc enim pertinet ad perfectionem & ordinem huius vniuersi, ut non vno sed variis modis res fiant. Itaque quibusdam effectibus aptauit causas necessarias, aliis contingentes, aliis liberas. Causa necessaria est, quæ ad vnum determinatur, & in agendo deficere non potest. Contingens, quæ quidem ad vnum est determinata, sed tamen impediti potest, ne agat. Libera, quæ nec determinata est, nec impediti potest: sed positis omnibus requisitis, potest agere, & non agere. Ceterum quia causæ creatæ, cuiuscumque sint generis sine generali Dei concursu agere non possunt, idè Deus accommodat, & attemperat se ad naturam & conditionem cuiusque causæ, ut illarum modum agendi nequaquam suo concursu impediat, sed sinat liberas agere liberè, contingentes contingenter, necessarias necessariò. Hæc doctrina facilis & clara est. Cetera, quæ huc spectant, videri possunt in refutatione secundæ propositionis §. 14.

6. Refutatus est Caluinus, & principia eius euerfa. Catholica sententia est, & peccata fieri Deo permittente, non volente. Duo super sunt explicanda. Vnum est, quomodo Deus permittat peccata. Alterum, quo fine. Quod ad primum attinet, aduersarij contexunt hoc sophisma: Si Deus permittit peccata, aut volens, aut nolens permittit, Si nolens, omnipotens non est: Si volens, iam Deo volente peccata fiunt, quæ est Caluini sententia. Respondeo, Deus peccata permittit volens, ut docet Augustinus in Enchiridio cap. 100. Et tamen volente Deo non fiunt peccata, sed Deo non volente. Aliud enim est peccatum, aliud permissio peccati: peccatum malum est: permissio bona. Deus permissionem peccati vult: peccatum non vult: Et permissio peccati fit Deo volente, peccatum non fit Deo volente. Occurres. Si peccatum non fit Deo volente, ergo fit Deo nolente & inuito: Ergo omnipotens non est, Respondeo, non sequitur. quia velle & nolle sunt contraria, inter quæ dari potest medium, scilicet, non velle. Itaque hæc tria distinguenda sunt peccatum fit Deo volente, peccatum fit Deo nolente, peccatum fit Deo non volente. Duo priora falsa sunt: Tertium verum est. Eodem modo se habent hæc tria, Deus est volens peccatum, Deus est nolens peccatum, Deus est non volens peccatum. Hoc postremum verum est, illa duo priora falsa. At obicies, Ergo Deus circa peccata negatiuè se habet, si neque volens est neque nolens: Ergo vel ipso ignorante, vel certè otioso, & non curante, fiunt peccata: At Deus nec ignorans est, qui omnia nouit, nec otiosus, qui omnium curam ac providentiam gerit. Respondeo, Deus quidem negatiuè se habet circa peccata: quia neque positiuè volens, iuxta illud Psalm. 5. *Non Deus volens iniquitatem tuas.* Hinc tamen non sequitur, aut ignorante, aut otioso Deo, peccata fieri. Nam alterum repugnet eius scientiæ, alterum providentiæ. Qui enim omnia nouit, etiam peccata nouit. Et cuius providentiæ omnia subiecta sunt, etiam peccata subiecta sunt. At quo pacto? quia Deus peccata permittit, ordinat, punit. Quare tamen si negatiuè se habet circa ipsa peccata, tamen positiuè

1. Principiū
Caluini re-
felliunt.

Catholica
sententia.

An Deus
permittat
peccata vo-
lens, an no-
lens.

Quomodo
peccata
subiecta
sunt provi-
dentiæ.

se habet circa permissionem, ordinationem, & punitionem peccatorum. Rectè enim dixerimus, Deum non quidem velle peccata, sed tamen velle permittere peccata ob honestos fines: velle ordinare peccata ad bonum fructum eliciendum: velle punire peccata ad seruandam iustitiam. Hæc autem omnia pertinent ad rationem prouidentiz.

7. Hinc facitè intelligit, quo sensu dicant Theologi, aliter peccata, aliter res alias subesse diuinæ prouidentiz, peccata, vt materiam, res alias, vt effectus. Hoc ita accipiendum est; Deus sua prouidentia vult res alias esse, aut tanquam fines à se intentos, aut tanquam media ordinata & præparata ad tales fines. Quæ autem Deus vult esse, cùm voluntas Dei sit causa rerum, proculdubio sunt effectus Dei. At peccata non vult esse, neque tanquam fines à se intentos, neque vt media à se præparata ad aliquem finem: Ergo peccata non sunt effectus Dei. Sunt tamen materia, circa quam Dei prouidentia versatur. Rursum occurret; Si Deus ordinat peccata certè ad aliquem finem ordinat. Ergo iam peccatum est medium ad talem finem: Ergo est effectus prouidentiz: Ergo id malè negatum est. Respondetur cum distinctione. Deus ex se non præparat, & præfinit peccatum, tanquam medium ad aliquis finis assecutionem: sed quando ab alio commissum est, ordinat illud ad aliquod bonum: Et in eo maxime apparet eius bonitas & patientia, quod cùm ipse malorum auctor non sit, possit tamen ex malis ab alio perpetratis, bonum aliquod producere. Vnde Diuus Augustinus in Enchiridio, capit. 100. *Non sinere bonus fieri malè, nisi omnipotentem etiam de malo facere posse bene. Et lib. 22. de ciuitate Dei, cap. 1. Tanta sapientia tantaque virtutis Deus est, ut in eos exitus, siue fines quos bonos & iustos ipse præsciat, tendant omnia, quæ voluntati eius videntur aduersa.*

8. Solutum est sophisma. Superest aliud argumentum difficile, quos Doctores Scholastici proponunt hoc modo: Homo nihil potest velle, nisi etiam Deus velit, quia causa secunda nihil potest agere, sine concursu causæ primæ: sed homo vult peccatum: alioqui peccatum non esset voluntarium: Ergo etiam Deus vult peccatum. Et confirmatur, quia duo sunt in peccato, nempe actio peccati, & deformitas eius. Actio non minus effectiue est à Deo, quàm ab homine: deformitas, neque à Deo, neque ab homine intenditur: Est ergo eadem ratio de Deo, & de homine, quia terque concurrunt effectiue ad actionem, neuter intendit deformitatem. Quare si homo dicitur velle peccatum, etiam Deus dicitur velle. Respondetur, magnum esse discrimen inter Deum & hominem. Concursus Dei generalis est, & ex se indifferens, ex cuius vi nulla sequitur deformitas, aut malitia. Concursus hominis est particularis & determinatus, ex cuius vi sequitur aliquis defectus in actu peccati. Quare actio peccati, quæ à Deo, & homine efficitur, non habet à concursu Dei quod sit mala, sed concursu hominis: & ideo Deus non dicitur causa peccati, sed homo. Huius autem ratio est, quia homini est lex posita vt hoc aut illo modo operetur. Quod si hoc non faciat, deficit à lege, & si peccat. At Deo non est lex posita, qua prohibeatur concurrere cum causis secundis, præbendo influxum ex se indifferentem. Imò, hoc est conforme legi naturali. Quare si Deus hoc faciat, non deficit à lege, & ideo non peccat. Hoc sensu intelligenda est illa regula quorundam Theologorum. *Quando plures causæ concurrunt ad aliquam actionem, in qua est deformitas, seu priuatio: omnes quidem sunt causæ illius actionis, non tamen priuationis, sed illa solum, quæ in agendo deficit à sua regula.*

9. Explicatum est, quo pacto Deus permittat peccatum, volens an nolens. Illud reliquum est, quo sine

A permittat. Et præcipua difficultas est de peccato primi parentis, de quo hinc disputamus. Ac illud quidem constat, varia bona consecuta esse occasione illius peccati, cuiusmodi sunt Incarnatio Verbi, Sacramentum Eucharistiæ, penitentia, martyrium, virginitas, abstinencia, ostensio elementiz, & misericordiz Dei in condonando, & iustitiz in vindicando. Hæc tam præclara & eximia bona non fuisse in statu innocentiz, sed ex Adami peccato, Deo ordinante, consecuta sunt. An autem hæc bona à Deo interna sint, & propter illa voluerit permittere lapsum Adami, non æquè certum est. Plerique affirmant cum Caietano in prima parte quæst. 22. artic. 2. de qua se dicam aliquid in 2. Opusculo capite. 3. §. 9.

CAPVT IV.

Quarta propositio Caluini refutatur.

1. **Q**uarta propositio est, Christum pro solis prædestinatis, non autem pro reprobis mortuum esse. Aferitur à Caluino lib. 3. Institut. cap. 22. §. 10. his verbis, *Si omnes vellet saluos, custodem illis præficeret filium & omnes in eius corpus sacro fidei vinculo inferret. Nunc constat esse paterni amoris pignus filiis, quos adoptauit, reconditum.*

C 2. Hæc propositio hæretica est, & olim falsò imposita Augustino, vt ex ipso patet, lib. ad articulos sibi falsò impositos, art. 1. & ex Prospero, responsione nona ad capitula Gallorum. Et apertè pugnat cum Scripturis 1. Cor. 5. *Pro omnibus mortuus est Christus*, 1. Tim. 2. *Qui dedit in redemptionem semetipsum pro omnibus*, 1. Io. 2. *Ipsè est propitiatio pro peccatis nostris, non pro nostris autem tantum, sed etiam pro iniustis mundi.*

3. Deinde multum derogat liberalitati & meritis Christi, & quod amplius est, facit Christum mendacem & deceptorem. Si enim solis prædestinatis vult benefacere, cur omnes perspicuè ad se inuitat? Matth. 11. *Venite ad me omnes qui laboratis & onerati estis, & ego reficiam vos.* Cur Sacramenta pro omnibus instituit? Cur imponit omnibus præceptum fidei & Baptismi? Cur mittit Apostolos ad omnes Gentes? Cur præcipit pro omnibus orationes fieri, vt omnes ad agnitionem veritatis veniant? Denique hæc sententia inducit hominem ad diffidentiam & desperationem. Qui enim audit à Caluino, Christum non prodesse omnibus, sed paucis dumtaxat, qua spe aut fiducia potest Christum orare, subsidium ab eo petere?

4. Sed occurrunt aduersarij, Si Christus pro omnibus mortuus est, cur non omnibus prodest? Gentiles, Turcæ, Iudæi, & multi paruuli manent expertes meritorum Christi. Respondetur, in triplici sensu verum est, Christum pro omnibus mortuum esse. Primò, quia suscepit causam totius humani generis. Secundò, quia tam cumulata sunt ipsius merita & satisfactio, vt sufficiant pro omnibus. Tertio, quia ipse neminem excludit à suis meritis. Cur ergo non prodest omnibus quia ipsius merita non omnibus applicantur. Res simili exemplo potest explicari. Si Medicus pharmacum parat pro decem ægrotis, idque præsentissimum ad depellendum morbum, profectò nemini sanitatem adferet, nisi sumatur & applicetur. Ita se habet in meritis Christi potentissima sunt ad omnia peccata depellenda & animarum sanitatem recuperandam. At non prosunt, nisi applicata. Applicantur autem variis modis. Primò, per Sacramenta, Secundò, per gratiam præ-

mortis sequutum esse, non autem ex mera Dei voluntate. Falsa igitur est Caluini propositio, quæ asserit, Deum creasse quosdam ad mortem & interitum sine præuisione ullius culpe: & olim tempore August. hæretica habita est. Erat inter Augustinum & Semipelagianos de prædestinatione contentio. Hi ut aliquamilli labem aspergerent, collegerunt quosdam articulos aperte hæreticos, & falsò illi imposuerunt. Augustinus tanquam spurios reiecit & condemnat.

Aug. 18. 7. Tertius illorum sic habet, *Quod Deus maiorem partem generis humani ad hoc creet, ut illam perdat in æternum.* Planè articulus Calvinisticus est, ab Augustino refellitur his verbis, *Omnium quidem hominum Deus Creator est, sed nemo ab eo ideo creatus est, ut pereat: quia alia causa est nascendi, alia pereundi. Ut enim nascantur homines, est beneficium; ut autem pereant, præuicatoris est vitium.* Audis censuram Augustini de hoc articulo; Et tamen à Caluino recipitur, spurius à spurio, hæreticus ab hæretico.

3. August. mentem. Deus magis est misericors circa unumquemque quam seuerus: qui neminem vult damnare, sine præuisione culpe.

8. Superest tertium argumentum ad Caluinum refutandum, quo ostendam Deum deieuisse magis suam bonitatem & misericordiam circa nos ostendere, quam iustitiam & seueritatem. Hoc passim clamant scripturæ. Psal. 24. *Uniuersa via Domini misericordia & veritas.* Psal. 32. *Misericordia Domini plena est terra.* Psal. 135. *Confitemini Domino quoniam bonus, quoniam in æternum misericordiae eius.* Psal. 144. *Suauis Dominus uniuersis & miserationes eius super omnia opera eius.* Ex his locis sic argumentor Deus non solum, circa prædestinatos, sed etiam circa reprobos magis clemens & misericors, quam iustus & seuerus est, Scriptura teste: Ergo qui hoc negat, impius est. At Calvinus negat, impius ergo est. Ostendo. Ex Caluini sententia pauculi prædestinati sunt nempe ipse Calvinus, Beza, & horum afflicti; ceteri omnes reprobi. Rursus ex eiusdem sententia circa solos prædestinatos exercet Deus misericordiam, circa reprobos non nisi iustitiam, & seueritatem. Hos enim indicta causa deuouet æternæ morti; incitat eos ad peccatum, ut occasionem habeat puniendi deserit ac destituit illos omni præsidio gratiæ; nullum paterni animi signum illis exhibet ergo ex Caluini sententia; Deus circa nos magis exercet seueritatem, quam misericordiam. Imò ex Caluini sententia, Deus crudelis est, quippè qui hominem innoxium & innocentem sempiternis deuouet cruciatibus. Si rex aliquis, mera sua voluntate, & donandi libidine, nulla subditorum culpa provocatus, plerisque in rotam agere, aut in perpetuos compingere carceres, apud se animo decernat; regem hunc, an tyrannum dixeris; Perinde nobiscum agit Deus, Caluino teste. Qui in sacris literis versati sunt, mirantur edictum regis Assueri, quod Amen Iudæorum hostis extorsit. Erat sanè crudele edictum, quo tota Iudæorum gens interfici iubebatur. At quantò crudelius decretum Dei, quod Calvinus extorsit, hostis bonorum omnium? Hoc de creto, non vna gens, sed populi omnes ac nationes, cuiuscunque generis ac sexus, in Europa sunt. Asia, Africa, quot quot vnquam fuerunt, aut erunt, æternis addicuntur cruciatibus; solo Caluino, aliisque pauculis in Septentrione exceptis. Mirum ni Caluino eueniat, quod Armano accidit. Is patibulo, quod alteri parauerat, ipse affixus est, Iudæi incolumes euaserunt. Nolo plura.

10. Sed persequor argumentum de misericordia Dei. Hortatur nos Christus Luc. 6. ut benigni & misericordes simus, non tantum erga eos, qui nos diligunt, sed etiam erga inimicos. Ad hoc suadendum vitur duplici argumento: Vno, quia si nostra benignitas ac misericordia ad solos amicos se extendit, nihil discrepamus à Gentilibus: Altero, quia cum simus filij Dei, debemus imitari Patrem nostrum, qui etiam super in-

A gratos & malos benignus est, Hic queramus ex Caluino, in quo consistat hæc benignitas Dei circa malos & ingratos? An eò benignus est, quia ad mortem & damnationem eos creauit, nulla ipsorum offensa provocatus? An, quia impellit illos, ut peccando laqueum sibi parent, quo suspendantur, aut ignem suscitent, quo æternum crucientur? Si hæc misericordia est, quam imitari debemus, fateor Caluini discipulos in hac schola benè profecisse. Multò aliter scriptura hanc misericordiam interpretatur. Nempe, quia Deus toti humano generi dedit Redemptorem, & cum iure posset omnes perdere, voluit potius omnes à Diaboli potestate vindicare, omnes ad se invitare, hortari ad penitentiam, pulsare hostium, patienter expectare, offerre gratiam, promittere gloriam: denique ni hil non facere, quod filij ab indulgentissimo patre expectare possunt. Hæc Dei circa omnes misericordia est, quam testatur per Prophetas & Apostolos. Hæc in nobis excitat spem, & fiduciam in Deum. Hæc neminem, quantumuis flagitiis occupatum pacitur de venia desperare. At illa Caluinina misericordia, quid aliud est, quam præcipitium desperationis? Quam fiduciam habet peccator, qui à Caluino didicerit, se iam ab æterno morti destinatum esse nullum à Deo subsidium sperare posse: omnes labores à se susceptos esse irritos & inanes; Cauere ab hoc præcipitio.

11. Reiecta est sententia Caluini, de reprobatione ad mortem & interitum ante præuisionem peccati originalis, Et in hac re nullum Catholicorum auctorem pro se habet Calvinus. Nullus n. docet, reprobationem factam esse ante præuisionem peccati primi parentis. An autem aliqui reprobi sint propter solum peccatum originale, & in massa perditionis relictæ, nonnulla dissensio est. Et quidem, si de paruulis sic questio, constat eos reprobari propter solum peccatum originale; cum quo ex hac vita ante usum rationis decedunt. Neque de hac re dubium esse potest, ut in secundo opusculo dicemus. Si autem queratur de adultis, an illi deferantur in massa perditionis, propter solum originale, & sine ullo respectu aut præuisione peccatorum actualium, quæ propria voluntate commissuri sunt, disputant Theologi. Ego censeo, ne quidem post lapsum Adami, Deum tam seuerè de nobis statuisset. Nam passim sacre scripturæ testantur, Deum, quantum in se est, & ex parte suæ voluntatis, neminem prorsus velle perire, potius velle omnes saluos fieri: si quis pereat non Dei voluntate, sed culpa perire. Loca clara & obuia sunt. 1. Ti. 2. *Deus omnes homines vult saluos fieri, & ad agnitionem veritatis venire.* 2. Pet. 3. *Patienter, expecta propter nos, nolens aliquos perire sed omnes ad penitentiam reuerti.* Ezech. 18. *Nolo mortem morientis, dicit Dominus Deus, Conuertimini & viuite.* Osee 13. *Perditionem ex te Israël, ex me tantummodo salus.* Sed quidquid de hac re sit de qua postea suo loco, mihi iam satis est refutasse Caluini errorem, qui ante præuisionem peccati originale ceteros quosdam ad mortem prædestinatos esse. Hoc enim & crudele est, & sacris literis, ac communi Catholicorum sensui contrarium, & apertam desperationem ingerit.

12. Catholica sententia est, Denique ex se & sua bonitate, creasse hominem cum tota posteritate eo fine, ut omnes salui fierent: ideoque dedisse omnia eo præsidia naturæ & gratiæ, quæ ad illum finem consequendum erant necessaria. Quod autem exciderimus ab illo fine, & multi ex nobis reprohentur, id non Dei ordinatione, sed nostro vitio accidisse. Hoc sensu Chrysost. hom. 3. in Genesin. Damascenus, D. Thom. & alij passim distinguunt duplicem in Deo voluntatem: vnā primariam & antecedentem, quæ ex solo Deo ortum habet, & antecedit nostra opera: Alteram secundariam & consequentem, quæ ex p. quæ nobis occasionem sumit & consequitur nostra opera.

Vera sententia.

Illā prior est voluntas bonitatis; hæc posterior, est iustitiz. Deus ergo primaria & antecedente voluntate vult omnes saluos fieri qui non supplicij aut cruciatu causa, sed vt ipsius bonitatis participes essemus nos efficiat. At voluntate secundaria, & consequente vult aliquos damnare & punire, quia scilicet peccando occasionem dederunt. Hoc breuissimè & eloquentissimè expressit Tertullianus in libro de resurrectione carnis, cum ait, *Deus de suo optimus, de nostro iustus*. Item explicari solet exemplo iudicis, qui voluntate primaria quia vir bonus est, vult omnes ciues saluos & incolumes viuere. At si videat quēquam peccare, voluntate secundaria, & consequente, quia iustus est, vult illum punire.

13. Sat multa de prima Caluini propositione. Antequam progrediar, præcipua Caluini obiectio soluenda est. Robur & firmamētum ipsius est, in epistola ad Ro. cap. 9. Inde enim colligit reprobationis non aliam esse causam; quā Dei voluntatē. Primò ex illo. *Cum enim nondum nati fuissent, aliquid boni egissent, aut mali (vt secundum electionem propositū Dei maneret) non ex operibus, sed ex vocante dictū est ei, quia maior seruiet minori, sicut scriptum est, Iacob dilexi. Esau odio habui. Secūdo ex illo, non est volentis, neque currentis, sed Dei miseretis, Tertiò ex illo, In hoc ipsum excitauit te, vt ostendā in te virtutem meam. Quartò ex illo, cuius vult, miseretur, & quem vult, indurat. Quinto ex illo, An non habet potestatem singulus luti, ex eadem massa, facere aliud vas in honorē, aliud verò in contumeliā? Sed hæc loca nihil iuuāt Calvinum.*

Primò, quia agūt de homine corrupto per peccatū originale, vt omnes Patres explicant, at Caluino probandum est, Deum reprobasse quosdam ante præuisum peccatum originale. Secundò, quia agunt de reprobatione à gratia. At Caluinus vult probare quosdam reici à gloria, ante præuisa peccata. Nihil ergo ad causam Caluini pertinent hæc scripturæ. Hoc paulò fusius explicandum est. Deus circa reprobos exercet quatuor actus. Primò, permittit eos labi in peccatum. Secundò, permittit eos perseuerare & mori in peccato, Tertiò, excludit eos a regno. Quartò, addit æternis pœnis. Iam ergo quando Caluinus loquitur de reprobatione loquitur de tertio & quarto actu. Querit enim, quare Deus aliquos prædestinauit ad damnationem, Respondet, non aliam esse causam nisi meram Dei voluntatem. Hoc ergo illi probandum esse ex locis Dni Pauli citatis, quod tamen facere non potest. Ostendo. Scribit Paulus ad Romanos qui mixti erant ex Iudæis & Gentilibus. Iudæi offerebant se propter legem & circumcisionem. Paulus conatur eos retundere. Itaque c. 9. 10. & 11. & ostendit Iudæos in noua lege excludi à gratia Euangelica, Gentiles admitti. Poterant obicere Iudæi, quare, nos repellimur, & Gentiles admittuntur; nobis facta est promissio, non illis. An promissio Dei semel facta, potest irritari? Respondet Dni. Paulus; Promissionem firmam esse, si bene intelligatur. Abraham credidit Deo asserenti fore vt in senectute acciperet filium. Propter hanc fidem facta est illi promissio. Messiam ex ipso nasciturum. Hæc promissio, sicut facta est Abrahamo propter singularem ipsius fidem, sic etiam pertinet ad filios Abraham, qui patris sui fidem sunt imitaturi. At Iudæi, quando iam natus erat Messias ex posteris Abraham, noluerunt credere in Christum Messiam, & ideo non pertinet ad os promissio. Possunt igitur, salva promissione, excludi à gratia Euangelica propter incredulitatem. Hic est scopus Apostoli. Quid hinc concludet Caluinus? Nihil ad rem suam. Primò quia Iudæi repulsi sunt à gratia Euangelica: Caluinus loquitur de reprobatione à gloria. Secundò, Iudæi reprobatī sunt, non ex sola Dei voluntate, sed propter incredulitatem: Caluino probandum est, reprobationem fieri sola Dei voluntate sine nostris peccatis. Reliqua, quæ sunt in

A capite 9. ed spectant, vt Apostolus ostendat, Deum pro suo arbitrio inæqualiter distribuere sua dona. Poterant enim dicere Iudæi non solum se, sed etiam Gentiles esse peccatores, ac proinde parem esse vtrorumque causam, nec se magis, quā illos excludi oportuisse. Respondet Dni. Paulus, Deum in pari duorum causa, posse vni plus largiri, quā alteri. Par erat causa Iacobi & Esau, & tamen Deus vnum alteri prætulit in temporali benedictione. Quare? quia sic illi visum est. Par erat causa Pharaonis & Nabuchodonosoris, & tamen alterius misertus est Deus, alterum reliquit obduratum. Quare causa? Dei voluntas. Misereatur, cui vult, indurat, quem vult. Et ex duobus peccatoribus, qui luto vtiliores sunt, alterum assumit ad gratiam ex misericordia; alterum relinquit in peccato ex iustitia. Hinc duo colligas. Vnum est, si comparatè quæras, cur è duobus peccatoribus sine solo originali, siue etiam actuali peccato infectis, Deus vni maiorem exhibeat misericordiam quā alteri, non aliā esse causam, quā Dei voluntatem. Huc spectat hoc, *O altitudo*, &c. Nec de hoc contendimus cum Caluino. Alterum est, si, seorsim quæramus, cur Deus hunc aut illum repellat à iustitia vel gloria; veram causam esse, quia peccator & impius est. In hoc dissentimus à Caluino. Nobis fauet Apostolus. Quæram enim, cur Iudæi repulsi sunt à gratia Euangelica? Respondet Paulus c. 11. v. 20. propter incredulitatem. Faut Augustinus. Si quæram, quare Deus odio habuit Esau? Respondet lib. 1. ad Simplicianum q. 2. *Deus non odit Esau hominem, sed odit Esau peccatorem*. Quare Deus huius illius non misereatur? Respondet Epistola 103. *Quibus Deus misericordiam non impertitur, vt non impertitur, merentur*. Quare Deus indurat aliquos? Respondet ibid. *Querimus meritum indurationis, & inueniemus*. Denique fauet ipse Christus in Euangelio. *Ite maledicti in ignem æternum*. Quare? *Esurini enim, & non dedistis mihi manducare*.

CAPVT II.

Secunda propositio Caluini refutatur.

D
E
Secunda Caluini propositio est. Hoc Dei decretum ita esse fixum ac immobile, vt tollat omnem arbitrij nostri libertatem in negotio prædestinationis, ac reprobationis: neque vllō modo in nostra potestate sit, hi saluari, aut perire sed inenitabili quadam necessitate, saluentur, illi peteant. Asseritur à Caluino variis locis. Nā lib. 3. cap. 21. §. 7. ait. *Dicimus æterni & immutabili consilio Dei semel constituisse, quos olim assumere vellet in salutē; quos rursus exilio deuocere*. Et c. 23. §. 8. *Hic ad distinctionem voluntatis, & permissionis recurritur, secundū quam obtinere volumus, permittente modo, non autem volente Deo perire impios, & paulò post. Non dubitabo igitur cum Augustino simpliciter fateri, voluntatem Dei esse rerum necessitatem, atque id necessario futurum esse quod ille voluerit*. Ex his locis tria habemus. Primò, decretum Dei esse immutabile. Secundò, nihil fieri permittente Deo, sed volente. Tertiò, voluntatem Dei esse necessitatē rerum. Hinc formo talem discursum. Omnia quæcumque sunt, Deo volente fiunt, voluntas Dei est necessitas rerum: Ergo omnia necessariò fiunt: Ergo tollitur omnis libertas in negotio prædestinationis & reprobationis. Ergo alij necessariò pereunt, alij necessariò saluantur.

1. In his paucis multa absurda sunt. Primò, quod asseritur, nihil fieri permittente Deo, sed omnia volente. Nam si ita est: Ergo Deus non solū permittit fieri pec-

Tria Caluini doctrina.

rata, sed etiam vult fieri. Quod Calvinus quidem impie concedit, ostendam tamen infra falsum esse. Secundò, quod additur, voluntatem Dei esse rerum necessitatem. Hinc enim sequeretur, omnia fieri necessariò etiam in rebus civilibus & domesticis quod pugnat cum experientia. Tertio, quod ostenditur, hanc esse Augustini sententiam. Hæc mera deceptio est. Citat quidem Calvinus locum Augustini lib. 6. de Gen. ad lit. cap. 15. sed non rectè interpretatur. Nam Augustinus ibi agit de creatione mundi, & primorum Parentum; & docet primam illam creationem non fuisse in potestate creaturæ, sed in placito Creatoris, cuius inquit, voluntas rerum necessitas est. Vbi notandum est, hæc duo plurimùm differre; non esse in potestate hominis antequam creatus est, ut hoc vel illo modo creetur. Et, non esse in potestate hominis postquam creatus est, ut bene vel malè agat. Illud primum verum est & asseritur ab Augustino. Hoc posterius falsum est, & obtruditur à Calvino.

3. Nolo hic singula seorsum refutare. Vnum persequar, quod caput est, de necessitate & libero arbitrio. Afferit ergo Calvinus, nullum esse locum libero arbitrio, sed omnia fieri necessitate. Hæc assertio hæretica est, rationi & sacris literis contraria. Olim fuit Augustino ab aduersariis falsò imposita, ut patet ex Diuo Prospero in libello ad capitula Gallorum cap. 6. ubi sic habet. *Quod liberum arbitrium in homine nihil sit, sed sine ad bonum, siue ad malum, prædestinatio Dei in hominibus operetur.* Hic articulus planè Calvinisticus est. Sed quid responderi. Prosper pro Augustino? Audi, Sic habet, *Prædestinationem Dei siue ad bonum, siue ad malum, in hominibus operari, ineptissimè dicitur, &c.*

4. Et verò, si omnia fiunt necessariò, quæcunque fiunt, quorum præcepta Dei hominum? Frustra Reges, & Imperatores figunt mandata: frustra scelera inhibentur: frustra parentes iubent filios studiosos ac subiectos esse: frustra Calvinus & alij Ministri ascendant pulpita, populum hortantur, fidem excitant. Quid enim sperare, aut spectare possunt. Si ab æterno decreuit Deus, quid ab vnoquoque fieri velit, & hoc necessariò futurum est? certe quidquid agas aut moliaris, impedire non potes. Vide, Calvine, quò hominum cogitationes perducas? Nec solum in Prælati & Superioribus inanis erit labor mandandi, hortandi, increpandi, sed etiam in subditis, necesse est, concidat omnis sollicitudo & bene agendi studium. Quis enim audiat æterno immutabili Dei decreto, sibi fixam esse aut vitam aut mortem, quin protinus in mentem veniat, nihil interesse, quomodo se gerat, quando suo opere nihil aut impediri, aut promoueri queat Dei prædestinatio? Ita omnes proicient se, & deploratum in morem quocunque libido tulerit, præcipites ibunt. Insuper si ita res habet, cur puniuntur adulteria, furta, homicidia, quæ evitari non possunt? aut cur ea vitio hominibus imputantur, quorum necessitatem Deus sua prædestinatione imposuit? Quid enim facerent? an cum decretis Dei luctarentur? An frustra id facturi sunt, si omninò facere non possint. Ecce, ad quæ absurda deuoluimur ex vno errore Calvinii. Nec verò Calvinum hoc latuit. Nam lib. 3. cap. 13. obicit sibi hæc argumenta quæ reuera firmissima sunt. Quid porro responderi? Nihil aliud, quàm quòd declamando conatur persuadere, ut ab huiusmodi cogitationibus animum abducamus, nec huiusmodi res in disputationem vocemus. Nimirum vellet Calvinus, ut sibi quantumvis absurdo sentienti, ac docenti, simplici animo fidè habeamus, nec, quæ asserit, in dubium vertemus. At frustra. Vel enim sperat se hoc consequi posse, quod petit, vel diffidit. Si sperat, suis ipse principiis repugnat; quia cum omnia, quæcunque faci-

amus, necessariò eueniant, auctore Calvino, nihil nobis liberum relinquitur, in quo ipsi gratiam præstemus. Si diffidit, quorsum conatur cur oleum & operam perdit? Nos interea pergamus liberè cum refutare, & errores illius in apertam lucem proferre.

5. Dixi, quid Calvinus sentiat de decreto prædestinationis. Quid porro nos sentiamus, paucis explicabo. Ac primò non agnoscimus eiusmodi feru, ac terribile decretu, quo aliis vita, aliis exitium statutum sit extra meritum aut culpam: sed longè aliud, quo bene agentibus præmia, malè agentibus supplicia prædestinata sint. Secundò asserimus, hoc decretum esse quidem immutabile, sed nullo modo pugnare cum libertate arbitrij. Exemplo rem declaro. Si Princeps firmiter decernat, omnes sibi fore amicos, qui sibi obtemperent in rebus licitis & honestis, qui autem nolint & respuant, exilio mulctatum iri, an per hoc decretum quantumvis fixum & immotum, sublata sit subditorum libertas? Minimè. Atqui sic nobiscum agit Deus.

6. Altiùs repetam, & summam totius rei ad pectus reuocabo. Ac primò statuendum est, hominem cum plena libertate arbitrij creatum esse, eaq; fuisse prædictu in statu innocentie. Hoc expressè docet Calvinus lib. 1. institutionu c. 25. §. 8. quòvis apertè pugnet cum ipsius principiis paulò antè positis. Si ergo tunc habuit liberu arbitrium, & modò non habet: quæstio est, quomodo amiserit? An per peccatum, an alio modo? Multa enim sunt, quæ videntur libertati repugnare. 1. peccatu originale. 2. peccatum actuale. 3. gratia Dei. 4. præficientia Dei. 5. voluntas Dei. 6. prouidentia & prædestinatio Dei. Si ostendam nullo horum sublata esse arbitrij libertatè, salua nobis & integra permittenda est. Illud ante omnia præmitto, liberum arbitriu hominis nihil aliud esse, quàm ipsam voluntatè libertate agendi præditam. Est autem triplex libertas. Vna nature, quæ opponitur necessitati: Altera gratiæ, qua liberemur à statu & seruitute peccati: Tertia gloriæ, qua liberamur ab omni miseria & calamitate, tam corporis, quàm animi. Prima libertas conuenit homini, ut homo est: Secunda conuenit homini iusto: Tertia homini beato in cælis.

A prima libertate denominatur liberum arbitriu non autem à secunda, aut tertia. Non est ergo quæstio de libertate gratiæ, quia certum est, hanc amitti, cù amittitur gratia. Nec de libertate gloriæ, quia hæc amitti non potuit, cùm nondum fuerit possessa. Solum quæstio est de libertate nature, quæ consistit in facultate agendi, quod libuerit, & excludit omnem agendi vim, & necessitatem. His positis, dicam breuiter quid de tota hac re sentiam.

7. Afferimus ergo primò, liberum arbitrium non esse sublatum per peccatum primi parentis. Hoc definitum est in Concilio Tridentino Sessione. 6. & apertè constat ex scripturis. Numer. 30. *in arbitrio viri erit, siue faciat, siue non faciat.* Deuter. 30. *Testes inuoco hodie calum & terram, quod proposuerim vobis vitam & mortem, benedictionem & maledictionem. Elige ergo vitam, ut viuam.* Iosue 24. *Si in autem malum vobis videtur, ut Domino seruiatis, optio vobis datur: Eligite hodie quod placet, cui seruire potissimum debeatis.* 2. Reg. 24. *Trium tibi datur optio, elige unum quod volueris & his ut faciam tibi.* Eccles. 31. *Quis est probatus in illo? Qui potuit transgredi, & non est transgressus, & facere mala, & non fecit.* Matth. 19. *Si vis ad vitam ingredi, serua mandata.* Matt. 23. *Quoties volui, congregare filios tuos, sicut gallina congregat pullos sub alas, & nolui.* Apoc. 3. *Ecce sto ad ostiu, & pulso, si quis aperuerit mihi ianuam intrabo ad illu.* Hæc loca intelligenda sunt de homine post peccatu ab Adamo commissum: ergo homo in tali statu habet arbitrium faciendi & non faciendi, habet electione vitæ & mortis: potest transgredi præcepta & seruare:

Vter verbis
Caluini l. 3.
p. 21. §. 22.

Sententia
Catholica
de libero
arbitrio.

Quidnam
sit liberum
arbitrium.

Libertati
arbitrium
non
esse
sublatu
per peccatu
primi parentis.

Scorus i. d.
19.

potest Deo vocandi obedire & resistere. Nihil ergo est illi, quo minus habet libertatem arbitrii. Sed quid querimus testimonia ex Scriptura & Conciliis? Conuincit nos ratio. Non amisimus naturam, sed gratiam. Conuincit experientia. Quotidie pro arbitratu surgimus aut sedimus; ambulamus, aut quiescimus; silemus, aut loquimur; consentimus proximo aut repugnamus. Hæc experientia tam certa est, ut alio argumento opus non sit; recteque dixit Scorus, non rationibus, sed verberibus refutandum esse, qui arbitrii libertatem neget. Nam eò usque fustibus contundendus esset, donec fateretur in nostra situm esse potestate à verberando abstinere. Quod si de iniuria sibi facta conquererentur, occurrendum esset, frustra conqueri, si nihil libero arbitrio, sed omnia necessitate geruntur. 8. At obieciēs. Si non pernitens extinctum, saltem magna ex parte labefactum est liberum arbitrium ex peccato primi parentis. Respondeo cum distinctione. Si naturales ipsius vires spectemus, nihil est labefactum; si dona supernaturalia, quibus in statu innocentie erat ornatum, fatemur iis spoliatum esse per peccatum Adami, ac proinde non posse tam multa præstare, quam si iisdem donis instructum adhuc esset. Hoc sensu dixit Concilium Tridentin. sess. 6. cap. 1. *Liberum arbitrium non quidem extinctum esse, sed tamen viribus attenuatum.* Non est extinctum, quia retinuit vires naturales: Attenuatum est, quia spoliatum est donis supernaturalibus. Hinc apparet, nos ex una parte dissentire à Pelagianis, ex altera à Calvinistis. Pelagiani dicebant liberum arbitrium nullo modo læsum esse. Calviniani clamant, omnino extinctum esse. Catholici docent, labefactum esse quoad supernaturalia; integrum mansisse quoad naturalia: *Semper Ecclesia media inter duos Hæreticos, sicut Christus inter duos latrones crucifigitur, ut ait Terr.*

Luc. 10.

9. Sed obieciatur parabola de eo, qui incidit in latrones. Is non solum spoliatus est vestibus, sed etiam in carne plagas accepit, atque ita semiuivus relictus est. Similiter liberum arbitrium, non tantum spoliatum est donis supernaturalibus, quibus vestitum erat, sed etiam in sua natura vulneratum est, & quasi semiuivum relictum. Sanè D. Thomas enumerat quatuor vulnera

D. Tho. 1.
2. q. 85. art.
2.

quæ illi inflata sunt, scilicet ignorantiam, malitiam, infirmitatem, concupiscentiam. Respondeo, illam parabolam habere alium sensum literalem, alium mysticum. Mysticus pro argumento inducitur. Eum Patres sic explicant. Homo qui ab Hierusalem in Hierico descendebat, est Adam cum sua posteritate. Hierusalem erat in monte, Iericho in valle: Hierusalem visionem pacis; Iericho Lunam significat. Adam ergo ab Hierusalem, id est, à gratia Dei, & sublimi dignitatis gradu, in quo conditus erat, descendit in Hiericho, id est, in abiectum statum peccati, atque ita amissa præstanti factus est mutabilis, sicut Luna. Latrones, in quos incidit, demones sunt, qui eum primò spoliaverunt gratia: deinde etiam vulneraverunt. Sacerdos & Levitæ, qui eadem via præteribant, lex Mosæ est, quæ hominem non sanavit. Samaritanus est Christus, qui misericordia motus, posuit hominem vulneratum in equum, id est, in humanitatem suam, & deduxit in hospitium, id est, in Ecclesiam. Vulnera eius lavit vino, id est, suo sanguine, & unxit oleo. Id est, misericordia, & charitate. Discedens verò, id est, in cælum rediens, commisit illum stabulario, id est, Petro successori, cui etiam corporis & sanguinis sui prægium dispensandum reliquit. Hic est parabolæ sensus mysticus, quem omnes Patres attigerunt. Iam queritur, quomodo Adam non solum spoliatus sit, sed vulneratus? Res facilis est. Triplicia erant dona supernaturalia in Adam. Primo, gratia & charitas, quæ red-

A debant illum iustum, & gratum Deo. Secundò, iustitia originalis, quæ domabat carnis & appetitus sensidui rebellionem, utrumque rectæ rationi subiciebat. Tertio: corporis incorruptio, & immortalitas, quæ excluderat omnem lationem & fatigationem corporis. His sublati peccatum, non solum non potuit præstare opera supernaturalia & meritoria, quæ requirunt gratiam & charitatem; sed neque tam facile & commode potuit exercere moralia & civilia, quæ alioqui gratiam non requirunt. Nam sublata iustitia originali, cepit caro repugnare rationi; sublata incorruptione ceperunt organa corporis destrui & fatigari. Atque hoc sensu vires naturales liberum arbitrium dicuntur accepisse plagam, non quod in se vulnerata sint, sed quia infirmiores factæ ex amissione illorum donorum. Et hoc est, quod significat D. Thomas per quatuor vulnera. Sunt enim quatuor potentie animæ, scilicet intellectus voluntas, & uterque appetitus sensitivus; alter irascibilis, alter concupiscibilis. In intellectu erat prudentia; in voluntate charitas & iustitia; in irascibili fortitudo; in concupiscibili temperantia. Hæc virtutes ablata sunt per peccatum, & ideo potentie illæ, non quidem in se, & in suis naturalibus læsæ sunt, sed tamen infirmiores factæ; propter privationem supernaturalium. Idem docet D. August. libro 1. contra duas epistolas Pelagianorum, cap. 2. eum ait. *Quæ nostrum dicat, quod primi hominis peccato perierit arbitrium de humano genere? Liberum arbitrium quidem per peccatum, sed illa quæ in Paradiso fuit habendi plenam cum immortalitate iustitiam.* Hic August. significat perire libertatem gratiæ, non libertatem naturæ. 10. Afferimus secundo, liberum arbitrium quoad vires suas naturales, non tolli per peccata actualia: quæ quis propria voluntate committit: ac proinde hominem peccatorem posse liberè agere; non quidem opera meritoria, & supernaturalia sine gratia Dei, sed tamen opera moralia & naturalia. Hæc assertio non indiget nova probatione, quia ex dictis conuincitur. Proferam tantum exempla ad confirmandum. Annon Caim erat peccator? & tamen illi dictum est à Deo. *Sub te erit appetitus eius, & tu dominaberis illius.* Et David nonne peccator erat obstrictus quando ei dictum est, *Trium tibi datur optio: Elige unum quod volueris ex his, ut faciam tibi?* Annon illi, qui quotidie peccata peccatis accumulantes, peccatores sunt: & tamen nova peccata committunt, quod sine libertate fieri non potest. Nam, ut ait August. libro de vera religione cap. 14. *Vsq̃ adeo peccatum voluntarium est malum, ut nullo modo sit peccatum, si non sit voluntarium.* Et infra: *Et quoniam peccari dubium non est, nec hoc quidem dubitandum video, habere animas liberum voluntatis arbitrium.* Et in lib. de duabus animabus cap. 11. eum dixisset peccatum non committi, nisi ab eo, qui libero arbitrio præditus est, subiicit hæc verba, *Nemine ista carent, & in montibus pastores, & in theatris Poeta, & indocti incirculati, & docti in bibliothecis, & magistri in scholis & amfistites in locis sacris, & in orbem terrarum genus humanum?* Addo ego sed non Calvinistæ in pulpitis? Illud hic notandum est ex D. Thoma quod licet homo non perdat liberum arbitrium per peccatum actuale, tamen sæpius peccando acquirit habitum quenquam, ac proportionem ad peccata incitantem; Atque ideo difficilius fertur in bonum, quam si non peccasset.

11. Afferimus tertio, liberum arbitrium non tolli, sed adiuvati per gratiam Dei. Est autem triplex gratia. Prima præueniens seu excitans. Secunda adiuvans, non impo-

Liberum arbitrium non tollitur per peccatum actuale proprium.

Gen. 4. 2.
Reg. 14.

D. Tho. 2.
q. 85. art. 1.

1. Liberum arbitrium non impo-

Quod nisi esset, quare scriptura tam anxie nos mone-
ret, ut Deo vocanti & excitanti consentiamus? Zach.
1. Ioelis. 1. Ezech. 18. *Conuertimini & agite peniten-
tiam.* Quare nobis imputaret, quando non consenti-
mus? Ierem. 7. *Vocauit vos & non respondistis.* Isaia 50.
Vocauit, & non erat qui audiret. Matth. 23. *Quoties vo-
lui congregare filios tuos, & noluitis?* Denique, quare
staret ad ostium cordis nostri, pulsans & expectans do-
nec aperiamus. Apoc. 3. *Sto ad ostium & pulso?* Ex his
omnibus sic concludo, quando Deus excitat peccatores
ad penitentiam, vel liberum est: illis conuerti, vel
non est. Si est liberum ergo superfluum sunt minz, ad-
monitiones, & increpationes diuinæ. Iam de gratia ad-
iuuante idem statuo. Et ratio sumitur ex dictis. Nam si
liberè consentimus gratiæ excitanti, ut probatum est
consentimus autem per gratiam adiuuantem, certè gra-
tia adiuuans non tollit libertatem. Idem alio modo o-
stendi potest. Nam hæc gratia nihil aliud est, quam su-
pernaturalis concursus Dei ad opera nostra supernatu-
ralia, & perinde ad illa se habet: sicut iō habet concur-
sus naturalis Dei & opera nostra naturalia: Atqui hic
non tollit libertatem arbitrii in actionibus naturalibus:
Ergo nec alter in supernaturalibus. Superest gratia in-
stificans, quæ non destruit, sed sanat & perficit natu-
ram. Hæc omnia perspicua sunt. Solum de gratia præ-
ueniente obijci potest illud Ioan. 6. *Nemo potest ve-
nire ad me nisi Pater traxerit illum.* Qui trahit aliquem
vim & necessitatem infert: Sed Deus trahit hominem
per gratiam præuenientem. Ergo per illam gratiam in-
fert illi vim & necessitatem. Ergo gratia præueniens
non coheret cum libertate arbitrii. Respondeo homi-
nem variis modis posse trahi. Primum vi & necessitate.
Secundò, affectu, amore, vel laude, iuxta illud Poëtæ,
Trahit sua quemque voluptas. Deus trahit hominem, non
vi, sed amore & beneuolentia. Sic explicat. Augustin.
hunc locum tract. 26. in Ioan.

4.
Libertatem
arbitrii
non impe-
diri a præ-
scientia Dei.
Matth. 1.

12. Afferimus quartò, libertatem arbitrii non tolli
aut impediri per præscientiam Dei. Hoc copiosè &
elegantè disputat. D. Augustin. lib. 3. de lib. Arbit.
cap. 2. & sequent. Est autem duplex Dei præscientia:
vna conditionata, quæ antecedit liberum actum volun-
tatis diuinæ. Hæc Deus præcognoscit, quid liberum
arbitrium cuiusque hominis, aut Angeli futurum es-
set, ex hypothesi, in tali rerum ordine, cum his aut illis
auxiliis & circumstantiis poneretur. Hoc modo præco-
gnouit Tyrios & Sidonios acturos fuisse peruen-
tiam, si miracula apud illos facta fuissent. Eodem mo-
do præcognouit Saulem obsessurum urbem Ceilam,
& ciues tradituros Dauidem Sauli, nisi fugeret. Deni-
que hoc modo præcognoscit Deus, quosdam iustos lap-
suros esse in peccata, si diutius vincerent; & idèd ne la-
bantur, eripit illos ex hac vita, dum adhuc iusti sunt.
De hac scientia multa habet August. libro de bono
perseuerantiæ caput 9. & 10. Et in lib. de corrept. &
gratia cap. 8. & alibi. Altera Dei præscientia est ab-
soluta, quæ sequitur liberum decretum diuinæ vo-
luntatis. Hæc Deus absolutè præcognoscit, quidquid
re ipsa futurum est. Hoc modo præcognouit & prædi-
xit omnia in veteri Testamento, quæcunque in nouo
euentura essent. Vnde Tertullianus libr. 2. contra
Marcionem rectè dixit. *Præscientiam Dei tot habere tes-
tes, quot fecit Prophetas.* Vtrique præscientia est cer-
ta, & infallibilis; tum quia Deus est prima veritas,
ac proinde in cognitione falli aut errare non potest,
tum etiam, quia intellectus Dei est infinitè perfectus
ideoque ad omnem veritatem se extendit: Ergo nul-
la veritas latere eum potest. Neutra tamen pugnat
cum libertate arbitrii. Et quidem de præscientia condi-
tionata manifestum est, quia per illam Deus non præ-
uidet, quid reuera facturum sit Petrus aut Paulus, sed
quid facturum esset, si hæc aut illa hypothesi ponere-

A tur. In eo autem, quod facturum esset sub conditione,
& tamen reuera facturum non est, non patitur detri-
mentum libertatis. De præscientia verò absoluta, idem
patet, quia licet Deus per illam absolutè præuideat,
quid Petrus aut Paulus facturum sit, tamen illa præ-
scientia, sequitur decretum voluntatis diuinæ, ac proin-
de per illam præuidet res eo modo futuras, quo iuxta
decretum, aut permissionem Dei futuræ sunt. Si er-
go iuxta decretum aut permissionem Dei futuræ sunt
contingenter, aut liberè; præuidet eas futuras con-
tingenter, aut liberè; si necessariò, necessariò: Nul-
la igitur libertas, nulla contingentia; nulla necessitas
rerum oritur ex hac præscientia Dei, sed præsupponitur.
Idem confirmatur ratione Diuus Augustinus. Nam si
præscientia Dei tolleretur libertatem, vel id faceret,
quia præscientia est, vel quia Dei est. Non primum,
quia tunc etiam nostra præscientia tolleretur liberta-
tem, quod tamen falsum est. Si enim Deus reuela-
ret mihi, Petrum cras aliò profecturum, illa mea
præscientia per reuelationem acquisita, non impone-
ret Petro necessitatem proficiscendi. Nec secundum,
quia sicut Deus præscit quid nos facturi sumus; sic
etiam præscit: quid ipsemet facturum sit; Sed præscien-
tia Dei non imponit ipsi necessitatem: Ergo neque
nobis. Denique confirmatur ex ipso Caluino, qui
concedit hominem in statu innocentie fuisse prædi-
tum libero arbitrio, & ex illa libertate aliquid fecisse.
C Vel ergo Deus præsciuit hominem in illo statu ali-
quid liberè facturum, vel non præsciuit. Certè igno-
rare non potuit, qui omnia nouit. Si ergo Deus
præsciuit, & tamen homo liberè operatus est, sanè
præscientia Dei non tollit libertatem arbitrii no-
stri.

13. Occurrit hic molesta obiectio, non à Caluino, Obiect. 1.
sed iam olim multò ante nata. Est autem huiusmodi,
Præscientia Dei est certo & infallibilis; Ergo quidquid
Deus præscit futurum, hoc certa & infallibiliter futu-
rum est: præscit autem omnia, quæ facturi sumus: Er-
go omnia, certò & infallibiliter futura sunt: Ergo om-
nia necessariò fiunt. Respondeo, negando vltimam
hanc consequentiam. Concedo. Deum omnia futura
præscire certò & infallibiliter. Concedo etiam om-
nia, quæ futura sunt, certò & infallibiliter esse futura.
Solutio 2.
Nego tamen necessariò esse futura. Potest enim ali-
quid esse certum & infallibile, quod tamen non sit ne-
cessarium, sed contingens, aut liberum: quo pacto
certum & infallibile est, me, iam loqui, aut ambulare, Obiect. 2.
quod tamen liberè facio. Est & alia vetus obiectio mul-
tò difficilior, in hunc modum, Deus ab æterno præ-
sciuit Antichristum peccaturum: Ergo Antichristus
peccabit. Hæc consequentia est legitima, & antec-
dens huius consequentiæ est necessarium. Cum neces-
sitate autem non potest stare libertas. Et confirmatur ex
regula Dialecticorum. *quia quando conditionalis propo-
sitis est vera, si eius antecedens est absolutè necessarium,
etiam consequens est absolutè necessarium.* Alioquin in bo-
na consequentia posset esse antecedens verum: & con-
sequens falsum: sed hæc conditionalis est vera. [Si
Deus hoc sciuit futurum, hoc ita eueniet,] & antec-
dens est necessarium: Ergo etiam consequens est ne-
cessarium. Hoc argumentum dicebat Vvicleffus adeò
esse efficax, ut Armacanus viginti annos solutione
illius laborauerit, & tandem vi eius coactus dixerit,
Deum in sua præscientia posse errare. Sed nihil tale in
Armacano legitur. Vnde satis apparet, Vvicleffum fal-
sò hoc illi imposuisse, ut notat Thomas Vvaldensis. Vvaldensis
Est tamen ipsum argumentum per se difficile, & valde
torquet Theologos. Quid quisque sentiat, non dicam. romo 1. ant.
Paucis rem ipsam declarabo. Ac primum illa regula
Dialecticorum. *Quando condicionalis propositio est vera,
si eius antecedens est necessarium, etiam consequens est
necessarium.* 1. c. 11.

necessarium, locum habet, quando antecedens est necessarium ex intrinseca connexionione terminorum, non autem: quando solum est necessarium ex accidenti, seu ex suppositione. Constat autem hoc antecedens [Deus præscit Antichristum peccaturum] non esse necessarium ex intrinseca connexionione terminorum, quia præscientia Dei non habet intrinsecam connexionem cum peccato Antichristi. Est tamen necessarium ex suppositione, quia posito, quod Antichristus sit peccaturus, non potest Deus hoc ignorare. Hæc solutio brevis & clara est. Potest tamen aliter, & sub aliis terminis explicari. Duplex est necessitas alicuius effectus. Una antecedens altera comitans seu consequens. Antecedens necessitas est, quæ oritur ex causa antecedente, & necessario operante, atque ad unum determinata. Posita enim talis causa necessario sequitur effectus. Hoc pacto necessarium est, solem cras oriri, quia ortus solis provenit à causa necessaria & determinata. Comitans, seu consequens necessitas est, quæ non oritur ex causa antecedente & necessaria, sed ex ipsa positione etiam effectus, effectus liber sit, & à libera causa proveniat. Hoc pacto necessarium est Petrum sedere, posito quod sedeat; aut Petrum sedisse, posito, quod sederit: aut Petrum sessum esse, posito, quod sessurus sit. Hæc necessitas non tollit libertatem, sed potius præsupponit. Quod ergo Deus præsciat Antichristum peccaturum, est quidem necessarium, non tamen antecedente, sed consequente necessitate. Illa enim necessitas non oritur ex aliqua causa necessario operante, quæ præcedat peccatum, sed oritur ex ipsa positione futuri peccati. Posito enim, quod Antichristus sit liberè peccaturus necesse est, Deum hoc non ignorare qui omnia novit. Nihilominus, quod sit peccaturus, hoc non provenit ex aliqua causa antecedente, quæ vigeat aut necessiter illum ad peccandum. Hoc sensu dicunt Patres & Scholastici, præscientiam Dei, qua futura cognoscit, esse posteriorem rebus futuris, & nullo modo priorem. Quia enim aliquid futurum est, ideo à Deo futurum cognoscitur, & non contra. Non enim ideo futurum est, quia à Deo cognoscitur. 14. Afferimus quintò, libertatem arbitrij non impediri per decretum aut voluntatem Dei. Est autem duplex decretum, de quo dubitari potest. Unum, quo Deus ab æterno statuit concurrere cum libero nostro arbitrio ad omnes eius actiones. Alterum, quo statuit dare gratiam prævenientem, & adiuvantem ad opera gratiæ. Si per hæc duo decreta nulla necessitas inferatur libero arbitrio, aut eius actionibus, salva manet libertas. At ita res habet. Nam per prius decretum, quo Deus statuit nobiscum concurrere ad agendum, nihil aliud fit in tempore, quam quod detur nobis concursus generalis Dei ad nostras actiones. Hic autem concursus non tollit libertatem, qui non est prior nostro concursu; nec prævenit, aut determinat nostram voluntatem ad agendum, sed est simul tempore & causalitate cum nostra determinatione: Ergo non adfert necessitatem antecedentem, quæ sola tollit libertatem arbitrij, ut dictum est. Posterius verò decretum, quo Deus statuit nos prævenire gratia excitante, vel adjuvare gratia cooperante, nihil etiam lædit nostram libertatem. Nam per illud decretum nihil aliud fit, quam quod detur nobis gratia excitans & adjuvans. Hæc autem nullam imponit necessitatem, ut dictum est. At obicies; nemo potest resistere decreto Dei: Ergo omnia, quæ Deus fieri decrevit, fiunt necessario. Respondeo hoc non rectè inferri. Potius sic inferendum erat: Nemo potest resistere decreto Dei. Ergo omnia, quæ Deus fieri decrevit, fiunt eo modo, quo Deus decrevit, & voluit, ut fierent: At decrevit eo modo concurrere cum nostra voluntate ad agendum ut voluntati relinquatur sua li-

Opusc. Bec.

bertas: Ergo eo modo concurrat. Hoc autem decreto nemo potest resistere, id est, nemo potest impedire, quo minus Deus liberè nobiscum concurrat ad agendum manente nobis integra nostra libertate, sicut ipse decrevit.

15. Afferimus sextò libertatem arbitrij non impediri per providentiam, aut prædestinationem Dei. Hoc ex dictis optimè concluditur. Nam in prædestinatione, ex parte Dei, nihil aliud spectari potest, quam præscientia & voluntas Dei; quarum neutra lædit libertatem. At ex parte effectuum est gratia excitans, adjuvans, & sanctificans, quæ etiam coherent cum libertate. Idem conuincit ex principiis Calvini; quia providentia & prædestinatio non minùs habebant locum in statu innocentie, quam modò habent, ut Calvinus fatetur: At tunc optimè cohererebant cum libero arbitrio: Et etiam modò cohererebant. Atque hæc breviter dicta sunt ex sententia Catholicorum.

Libertum
arbitrium
stare cum
providen-
tia & præ-
destinatio-
ne.

CAPUT III.

Tertia propositio Calvini refutatur.

Tertia propositio est, Deum ex vi illius primi decreti, quo aliis vitam, aliis interitum prædestinaverat, absolute, voluisse, & ordinasse lapsum primi Parentis, & totius humani generis; & inde occasionem sumeret exercendi suam iustitiam circa reprobos & misericordiam circa prædestinatos. Afferitur à Calvino lib. 3. Instit. c. 23. §. 4. eum ait. Fateor sanè in hanc quæ nunc illigati sunt, conditionis miseriam Dei voluntate decidisse universos filios Adæ: atque id est, quod principiò dicebam, redeundum tandem semper esse ad solum divinæ voluntatis arbitrium. Et §. 7. Disertis verbis hoc exstare negant: decretum fuisse à Deo, ut sua defectione periret Adam. Et infra. Decretum quidem horribile fateor, inficiari tamen nemo poterit, quin præciderit Deus, quem exitum esset habiturus homo, antequam ipsum conderet, & ideo præciderit quia decreto suo sic ordinaverat. Et infra. Nec absurdum videri debet, quod dico Deum non modò primi hominis casum, & in eo posteriorem ruinam prævidisse, sed arbitrio quoque suo dispensasse. Omitto alia loca. Eadem assertio aperte sequitur ex Calvini principis. Primum est, omnia fieri Deo volente, non tantum permittente. Secundum est, voluntatem Dei esse necessitatem rerum. Tertium est, Deum non alia ratione, quæ futura sunt, prævidere, nisi quia voluit, ut fierent. His positis, non solum sequitur, peccatum primi parentis, sed etiam omnia alia peccata, quæcunque fiunt, aut futura sunt, Deo volente & ordinante fieri: imò etiam necessitatem imponente, quod sic ostendo. Deus ab æterno prævidit omnia peccata, quæ unquam futura sunt: sed quidquid prævidet futurum, ideo prævidet, quia voluit & decrevit, ut fieret: Ergo voluit & decrevit, ut fierent omnia peccata, quæ futura sunt: Ergo cum voluntas Dei sit necessitas rerum, peccata necessario committuntur. Hic est discursus Calvini.

1. Hæc Calvini propositio dupliciter accipi potest. Primò, Deum voluisse, ut Adam peccaret cum sua posteritate. Secundò. Deum voluisse, ut si Adam peccaret, tota posteritas esset culpe obnoxia. Hoc posterius verum est, illud prius hæreticum. Nolo immorari in re clara. Calvinum ex Calvino refellam. Nam lib. 1. Instit. cap. 15. §. 8. disertè docet hominem in statu innocentie præditum fuisse libero arbitrio, quo si vellet, adipisci posset vitam æternam. Et paulò post subiicit hæc verba, Potuit igitur Adam stare, si vellet, quan-

Calvini l. 3.
cap. 23. §. 5.
& 8.

3. Liberum
arbitrium
consistere
cum decre-
to & volun-
tate Dei.

Obisio.

do non nisi propria voluntate cecidit. Quid ais Caloine? Potuit Adam stare, si vellet? Ergo non necessario, sed propria libertate lapsus est. Rectè hoc. At quomodo postea libr. 13. cap. 23. asseris, omnia quæ sunt; Dei voluntate fieri, & voluntatem Dei esse rerum necessitatem? Monui supra, qui semel à veritate aberravit, sæpe sibi ipsi repugnare, quod verissimum est.

1. Principiū Caluini re-
fellit. 3. Principia, quibus nixitur Calvinus inania sunt. Primum est, non admittendam esse distinctionem inter voluntatem & promissionem Dei: sed omnia, quæ sunt, Deo volente fieri, & non tantum permittente. Hoc principium multis modis refelli potest. Primum, quia repugnat communi sensui Patrum, ac Theologorum. Omnes enim docent, peccata fieri Deo permittente, non autem volente. Secundò, quia facit Deum auctorem peccati. Qui enim vult fieri peccatum, & qui alium ad peccandum impellit, certè causa & auctor peccati est. Tertio, fecit Deum mendacem & hypocritam. Qui aliud loquitur, aliud in animo sentit, mendax est hypocrita: At teste Caluino. Deus aliud loquitur, aliud in animo sentit. Palam in scripturis loquitur, se deestari peccata; sibi ea displicere, sua voluntate non fieri, se mandare & præcipere, ne committantur: Et tamen si Caluino credimus, aliud sentit. Nam reuera vult committi peccata, & ad ea committenda occultò homines impelli. Quarto, fecit Deum crudelem. An non crudelis est, qui hominem innocentem impellit malè agere, ut puniri possit? Quintò, facit omnes homines iustos. Iustus est, qui summi iudicis voluntatem in omnibus sequitur, & obtemperat: At omnes, siue prædestinati, siue reprobi, sequuntur Dei voluntatem; quia quidquid agunt, Deo volente & ordinante agunt: Omnes igitur iusti sunt; Et quod inde concluditur, solus Deus iniustus, qui tam iniquè cum innocentibus agit. En: quæ paradoxa ex vno Caluini principio deducuntur. Sed exemplo rem declaremus dictum Adamo: *De ligno scientia boni & mali ut comedas?* Quo animo dixit hoc Deus? si Caluino credimus, non paterno, non sincero, sed versuto ac versipelli animo dixit. Quare? quia iam pridem apud se statuerat Adamum impellere, & occultè inducere, peccare non potuit, nisi simulatè prohibere. Cur ergo tam grauem penam in illum statuit? cur misero, & à se decepto irascitur? Hoc scui ac ferocis animi signum est. Vides Caluine, quo loco Deum habeas? Mendacem facis, crudelem & tyrannum facis. Quis Gentilium ad Christi fidem conuertatur, qui hæc audiat prædicari de nostro Deo? Imitantur hunc Deum Caluini discipuli. Norunt simulare, & dissimulare: iurant, & peierant; aliud verbis ac vultu præ se ferunt: aliud in corde fouent: pacem ostendunt, & de vindicta cogitant. Facillat ergo Caluini principium & ingenuè fateamur, quod res est peccata fieri Deo permittente, non autem volente: ac primum parentem libertate, non necessitate lapsum esse.

2. Principiū Caluini re-
fellit. 4. Alterum Caluini principium est, Deum non alia ratione præuidere futura, nisi quia voluit, ut fierent. Hoc est primo principio sequitur, & eodem modo refutandum est. Nam si multa sunt Deo permittente, non autem volente: necesse est, Deum præscire multa futura, non quia voluit, sed quia permisit, ut fierent. Vnde rectè dixit ei, quo cum disputabat sanctus Augustinus lib. 3. de libero arbitrio cap. 4. *Sicut tu quadam, qua fecisti meministi, nec tamen, qua meministi, omnia fecisti: ita Deus omnia, quorum ipse auctor est: quorum autem non est auctor, iustus est ultor.* Et libr. de anima & origine capit. 7. *Præscientia Dei peccatores præscire non facit.* Et libro de Prædestinatione Sanctorum cap. 10. *Prædestinatio sine præscientia esse non potest: potest autem esse sine prædesti-*

1. Principiū Caluini re-
fellit. *atione præscientia: Prædestinatione quippe Deus ea præscit, quæ fuerint ipse facturus: Præscire autem potens est etiam quæ non ipse facit, sicut quacunquæ peccata.*

3. Tertium Caluini principium est voluntatem Dei esse necessitatem rerum. Dei hoc principio disputat Diuus Thomas 1. quæst. art. 8. vbi quærit, an voluntas Dei necessitatem rebus volitis imponat? Et respondet optimè, voluntatem, Dei cum sit efficacissima, non solum efficere, ut varij effectus in hoc mundo producantur, sed etiam ut eo modo producantur, quò ipse vult. Vult autem quosdam fieri necessario, alios contingenter, alios liberè. Hoc enim pertinet ad perfectionem & ordinem huius vniuersi, ut non vno sed variis modis res fiant. Itaque quibusdam effectibus aptauit causas necessarias, aliis contingentes, aliis liberas. Causa necessaria est, quæ ad vnum determinatur, & in agendo deficere non potest. Contingens, quæ quidem ad vnum est determinata, sed tamen impediri potest, ne agat. Libera, quæ nec determinata est, nec impediri potest: sed positis omnibus requisitis, potest agere, & non agere. Ceterum quia causa creatæ, cuiuscumque sint generis sine generali Dei concursu agere non possunt, idè Deus accommodat, & attemperat se ad naturam & conditionem cuiusque causæ, ut illarum modum agendi nequaquam suo concursu impediatur, sed sinat liberas agere liberè, contingentes contingenter, necessarias necessario. Hæc doctrina facilis & clara est. Cætera, quæ huc spectant, videri possunt in refutatione secundæ propositionis §. 14.

6. Refutatus est Caluinus, & principia eius euerfa. Catholica sententia est, & peccata fieri Deo permittente, non volente. Duo super sunt explicanda. Vnum est, quomodo Deus permittat peccata. Alterum, quo fine. Quod ad primum attinet, aduersarii contextunt hoc sophisma: Si Deus permittit peccata, aut volens, aut nolens permittit. Si nolens, omnipotens non est: Si volens, iam Deo volente peccata fiunt, quæ est Caluini sententia. Respondeo, Deus peccata permittit volens, ut docet Augustinus in Enchiridio cap. 100. Et tamen volente Deo non fiunt peccata, sed Deo non volente. Aliud enim est peccatum, aliud permissio peccati: peccatum malum est: permissio bona. Deus permissionem peccati vult: peccatum non vult: Et permissio peccati fit Deo volente, peccatum non fit Deo volente. Occurrit. Si peccatum non fit Deo volente, ergo fit Deo nolente & inuito: Ergo omnipotens non est, Respondeo, non sequitur. quia velle & nolle sunt contraria, inter quæ dari potest medium, scilicet, non velle. Itaque hæc tria distinguenda sunt peccatum fit Deo volente, peccatum fit Deo nolente, peccatum fit Deo non volente. Duo priora falsa sunt: Tertium verum est. Eodem modo se habent hæc tria, Deus est volens peccatum, Deus est nolens peccatum, Deus est non volens peccatum. Hoc postremum verum est, illa duo priora falsa. At obiciet, Ergo Deus circa peccata negatiuè se habet, si neque volens est neque nolens: Ergo vel ipso ignorante, vel certè otioso, & non curante, fiunt peccata: At Deus nec ignorans est, qui omnia nouit, nec otiosus, qui omnium curam ac prouidentiam gerit. Respondeo, Deus quidem negatiuè se habet circa peccata: quia neque positiuè volens, iuxta illud Psalm. 5. *Non Deus volens iniquitatem tuas.* Hinc tamen non sequitur, aut ignorante, aut otioso Deo, peccata fieri. Nam alterum repugnet eius scientiæ, alterum prouidentie. Qui enim omnia nouit, etiam peccata nouit. Et cuius prouidentie omnia subiecta sunt, etiam peccata subiecta sunt. At quo pacto? quia Deus peccata permittit, ordinat, punit. Quare tamen si negatiuè se habet circa ipsa peccata, tamen positiuè

1. Principiū Caluini re-
fellit.

Catholica
sententia.

An Deus
permittat
peccata vo-
lens, an no-
lens.

Quomodo
peccata
subiecta
sunt prou-
identie.

se habet circa permissionem, ordinationem, & punitionem peccatorum. Rectè enim dixerimus, Deum non quidem velle peccata, sed tamen velle permittere peccata ob honestos fines: velle ordinare peccata ad bonum fructum eliciendum: velle punire peccata ad seruandam iustitiam. Hæc autem omnia pertinent ad rationem prouidentia.

7. Hinc faciliè intelligit, quo sensu dicant Theologi, aliter peccata, aliter res alias subesse diuinæ prouidentia, peccata, vt materiam, res alias, vt effectus. Hoc ita accipiendum est; Deus sua prouidentia vult res alias esse, aut tanquam fines à se intentos, aut tanquam media ordinata & præparata ad tales fines. Quæ autem Deus vult esse, cum voluntas Dei sit causa rerum, proculdubio sunt effectus Dei. At peccata non vult esse, neque tanquam fines à se intentos, neque vt media à se præparata ad aliquem finem: Ergo peccata non sunt effectus Dei. Sunt tamen materia, circa quam Dei prouidentia versatur. Rursum occurret; Si Deus ordinat peccata certè ad aliquem finem ordinat. Ergo iam peccatum est medium ad talem finem: Ergo est effectus prouidentia: Ergo id malè negatum est. Respondeo cum distinctione. Deus ex se non præparat, & præfinit peccatum, tanquam medium ad aliquem finem assentionem: sed quando ab alio commissum est, ordinat illud ad aliquod bonum: Et in eo maxime apparet eius bonitas & patientia, quod cum ipse malorum auctor non sit, possit tamen ex malis ab alio perpetratis, bonum aliquod producere. Vnde Diuus Augustinus in Enchiridio, capit. 100. *Non sinere bonum fieri malè, nisi omnipotentem etiam de malo facere posse bene. Et lib. 22. de ciuitate Dei. cap. 1. Tanta sapientia tantaque virtutis Deus est, vt in eos exitus, siue fines quos bonos & iustos ipse præfinit, tendant omnia, quæ voluntati eius videntur aduersa.*

8. Solutum est sophisma. Superest aliud argumentum difficile, quos Doctores Scholastici proponunt hoc modo: Homo nihil potest velle, nisi etiam Deus velit, quia causa secunda nihil potest agere, sine concursu causæ primæ: sed homo vult peccatum: alioqui peccatum non esset voluntarium: Ergo etiam Deus vult peccatum. Et confirmatur, quia duo sunt in peccato, nempe actio peccati, & deformitas eius. Actio non minus effectiue est à Deo, quàm ab homine: deformitas, neque à Deo, neque ab homine intenditur: Est ergo eadem ratio de Deo, & de homine, quia terque concurrunt effectiue ad actionem, neuter intendit deformitatem. Quare si homo dicitur velle peccatum, etiam Deus dicitur velle. Respondeo, magnum esse discrimen inter Deum & hominem. Concursus Dei generalis est, & ex se indifferens, ex cuius vi nulla sequitur deformitas, aut malitia. Concursus hominis est particularis & determinatus, ex cuius vi sequitur aliquis defectus in actu peccati. Quare actio peccati, quæ à Deo, & homine efficitur, non habet à concursu Dei quod sit mala, sed concursu hominis: & idè Deus non dicitur causa peccati, sed homo. Huius autem ratio est, quia homini est lex posita vt hoc aut illo modo operetur. Quod si hoc non faciat, deficit à lege, & si peccat. At Deo non est lex posita, qua prohibeatur concurrere cum causis secundis, præbendo influxum ex se indifferentem. Imò, hoc est conforme legi naturali. Quare si Deus hoc faciat, non deficit à lege, & idè non peccat. Hoc sensu intelligenda est illa regula quorundam Theologorum. *Quando plures causa concurrunt ad aliquam actionem, in qua est deformitas, seu priuatio: omnes quidem sunt causa illius actionis, non tamen priuationis, sed illa solum, quæ in agendo deficit à sua regula.*

9. Explicatum est, quo pacto Deus permittat peccatum, volens an nolens. Illud reliquum est, quo sine

permittat. Et præcipua difficultas est de peccato primi parentis, de quo hæc disputamus. Ac illud quidem constat, varia bona consecuta esse occasione illius peccati, cuiusmodi sunt Incarnatio Verbi, Sacramentum Eucharistia, penitentia, martyrium, virginitas, abstinencia, ostensio elementia, & misericordia Dei in condonando, & iusticia in vindicando. Hæc tam præclara & eximia bona non fuissent in statu innocentia, sed ex Adami peccato, Deo ordinante, consecuta sunt. An autem hæc bona à Deo interna sunt, & propter illa voluerit permittere lapsum Adami, non æquè certum est. Plerique affirmant cum Caietano in prima parte quæst. 22. artic. 2. de qua re dicam aliquid in 2. Opusculo capite. 3. §. 9.

CAPVT IV.

Quarta propositio Caluini refutatur.

1. **Q**uarta propositio est. Christum pro solis prædestinatis, non autem pro reprobis mortuum esse. Adhuc à Caluino lib. 3. Institut. cap. 22. §. 10. his verbis, *Si omnes vellet saluos, custodem illis præficeret filium & omnes in eius corpus sacro fidei vinculo inferret. Nunc constat esse paterni amoris pignus filiis, quas adoptauit, reconditum.*

2. Hæc propositio hæretica est, & olim falsè imposita Augustino, vt ex ipso patet, libr. ad articulos sibi falsè impositos, art. 1. & ex Prospero, responsione nona ad capitula Gallorum. Et apertè pugnat cum Scripturis 2. Cor. 5. *Pro omnibus mortuus est Christus*, 1. Tim. 2. *Qui dedit in redemptionem semetipsum pro omnibus*, 1. Io. 2. *Ipse est propitiatio pro peccatis nostris, non pro nostris autem tantum, sed etiam pro totius mundi.*

3. Deinde multum derogat liberalitati & meritis Christi, & quod amplius est, facit Christum mendacem & deceptorem. Si enim solis prædestinatis vult benefacere, cur omnes perspicuè ad se inuitat? Matth. 11. *Venite ad me omnes qui laboratis & onerati estis, & ego reficiam vos.* Cur Sacramenta pro omnibus instituit? Cur imponit omnibus præceptum fidei & Baptismi? Cur mittit Apostolos ad omnes Gentes? Cur præcipit pro omnibus orationes fieri, vt omnes ad agnitionem veritatis veniant? Denique hæc sententia inducit hominem ad diffidentiam & desperationem. Qui enim audit à Caluino, Christum non prodesse omnibus, sed paucis dumtaxat, qua spe aut fiducia potest Christum orare, subsidium ab eo petere?

4. Sed occurrunt aduersarij, Si Christus pro omnibus mortuus est, cur non omnibus prodest? Gentiles, Turcæ, Iudæi, & multi paruuli manent expertes meritorum Christi. Respondeo, in triplici sensu verum est. Christum pro omnibus mortuum esse. Primò, quia suscepit causam totius humani generis. Secundò, quia tam cumulara sunt ipsius merita & satisfactio, vt sufficiant pro omnibus. Tertiò, quia ipse neminem excludit à suis meritis. Cur ergo non prodest omnibus quia ipsius merita non omnibus applicantur. Res simili exemplo potest explicari. Si Medicus pharmacum paret pro decem agrotis, idque præsentissimum ad depellendum morbum, profectò nemini sanitatem adferet, nisi sumatur & applicetur. Ita se habet in meritis Christi potentissima sunt ad omnia peccata depellenda & animarum sanitatem recuperandam. At non prosunt, nisi applicata. Applicantur autem variis modis. Primò, per Sacramenta, Secundò, per gratiam præ-

uenientem seu excitantem. Tertio, per exercitium bonorum operum. Hinc colligo contra Calvinum, eos omnes fieri participes meritorum Christi, qui vel Sacramenta legitime suscipiunt, vel praeueniente gratia excitantur, vel adiuuante gratia bonis operibus vacant. At hoc contingit, non solum praedestinitis, sed etiam reprobis. An non omnes paruuli qui à Calvinistis, Lutheranis, & Catholicis ex instituto & intentione Christi baptizantur, legitime Sacramentum suscipiunt? Et tamen non omnes sunt praedestinati, quia multi ex illis, cum adulescent, improbi euadunt, & damnantur. Annon omnes, cum ad poenitentiam, vitaeque emendationem à Deo prouocantur, diuina gratia praeueniunt? Ad ostium cordis eorum stat Deus, pulsat, gratiam offert, nihil non facit, ut eos reducat. Et tamen non omnes adulti sunt praedestinati: denique, annon multi bene incipiunt, & nullum habent exitum? Audi Augustinum libro de Corrupt. & gratia, cap. 13. *Credendum est, inquit, quosdam de filiis perditionis non accepto dono perseuerandi usque ad finem in fide, quae per dilectionem operatur incipere viuere, & aliquandiu fideliter ac iuste, & postea cadere.* Exempla in promptu sunt. Iudas ad Apostolicam dignitatem effectus est, fidem Christi habuit, Euangelium praedicauit, miraculis claruit. Et quid tandem? proditor factus est. Certè qui hunc negat participem fuisse meritorum Christi, iniuriam Christo facit. Quid dicam Nicolao Antiocheno? Vnus è septem Diaconus fuit, qui omnes, teste Scriptura, erant *pleni Spiritu sancto & sapientia.* Et tamen reprobus fuit & Nicolaitarum haereticos auctor, teste Irenæo lib. 1. cap. 27. Tertul. de praesc. & aliis. Non ergo ad solos praedestinos gratia Christi se extendit.

5. At Scriptura docet, inquit, Christum non venisse pro omnibus. Matth. 9. *Non veni vocare iustos sed peccatores,* Matth. 9. 13. *Non sum missus, nisi ad oues, quae perierunt domus Israel.* Qui hæc loca obliuiscunt, contra se faciunt. Nam si Christus non venit vocare iustos sed peccatores: & ex Caluini sententia, solos reprobos esse iustos, solos praedestinos esse peccatores. Quis hoc cedat? Rursum, si non missus, nisi ad Iudæos? certè, aut omnes, & soli Iudæi praedestinati sunt, aut non est missus ad solos praedestinos, videant aduersarij, quod se vertant. Longè alius vtriusque loci sensus est. Christus quia medicus erat, sanabat eos, qui se ægros esse facebantur, & medicinam admovebant. Alios vero, qui se sanos profitebantur, cuiusmodi tunc erant Pharisæi, & modo Calvinistæ, non sanabat quia medici opem respuebant. Rursum, quia Messias erat, & solis Iudæis propter fidem Abraham promissus dicit se missum ad solos Iudæos, ut ipsis suam praesentiam, praedicationem, & miraculorum gratiam exhiberet, ideoque à D. Paulo *minister circumcisionis* appellatur, ut annotauit D. Augustinus tract. 31. in Ioannem. Nec tamen ideo Gentiles exclusit à sua gratia. Imò Gentiles assumpsit: Gentilibus Euangelium ab Apostolis praedicatum est. Audi scripturam. Matthæi 28. *Euntes ergo docere omnes gentes.* Rom. 3. *An Iudæum Deus tantum? nonne & Gentilium? imò & Gentilium, quoniam quidem unus est Deus, qui iustificat circumcisionem ex fide, & praeputium per fidem.* Galat. 2. *Crediditum est mihi Euangelium praeputij, sicut Petro in Apostolorum circumcisionis, operatus est mihi inter Gentes.* Galat. 3. *Quicumque in Christo baptizati estis, Christum induistis: non est Iudæus, neque Graecus.* Ephes. 2. *Nunc autem in Christo Iesu, vos qui aliquando eratis longè, facti estis prope in sanguine Christi: ipse enim pax nostra, qui fecit utraque unum.* Huc spe-

A At illa vox Christi, Ioann. 12. *Et ego si exaltatus fuero à terra, traham omnia ad me ipsam.* Hic Christus vim suæ passionis declarat, & loquitur de se, tanquam de milite cum Diabolo pugnante, significans se ex cruce sua velut ex altissima & munitissima arce pugnaturum, & omnes homines, qui Diaboli seruitute oppressi erant, à manibus ipsius erepturum, & ad se recepturum. Trazit sanè omnes non effectu, sed voluntate: Nam utrumque latronem, quasi vnâ dextra alterum sinistra manu prehensens, trahere ad se voluit, sed vnum traxit, alterum non traxit, quia duci se vnus passus est; alter non est.

CAPUT V.

Quinta propositio Caluini refutatur.

Q Vinta propositio est, solos praedestinos, nos reprobos vocari ad fidem, & iustitiam, eamque semel habita amitti non posse. Prior pars asseritur à Caluino lib. 3. Inst. cap. 23. §. 7. his verbis. *Quemadmodum autem vocatione & iustificatione electos suos Dominus signat, ita reprobos vel à notitia sui nominis, vel à Spiritus sancti sanctificatione excludendo, qualem maneat eis iudicium, istis, veluti notis aperis.* Et cap. 22. §. 10. *Quod si electio fidei mater est, in eorum caput retorques argumentum, ideo non esse generalem fidem, quia specialis est electio.* Et infra. *Si omnes velles saluos custodem illis perficeret filium, & omnes in eius corpus sacro fidei vinculo inferret. Nunc constat, singulare paterni amoris pignus filiis, quos adoptauit reconditum.* Et cap. 24. §. 12. *Quos in vita contumeliam & mortis exitium creauit, ut ira sua organa forent, & seueritatis exempla, eos ut in finem suum perueniant tunc audiendi verbi sui facultate priuat, tunc eius predicatione magis excacat & obstupefacit.* Et §. 13. *Cur ergo gratiam illis largiendo, hoc praetermittit? De aliis causam reddit Lucas, quia ad vitam sunt ordinati, De aliis ergo, quod sentimus, nisi quia sunt vasa ira in contumeliam? Omitto alia loca. Posterior pars asseritur à Caluino lib. 3. cap. 21. §. 7. *Quos infernus semel Christus in corpore suo eorum neminem perire sinet.* Et cap. 24. §. 6. *Iam vè neque hoc dubium est, cum orat Christus pro omnibus electis, quin idem illis precetur, quod Petro, ut nunquam deficiat fides eorum: Ex quo eliciamus, extra periculum deflectionis esse.**

2. Hæc Caluini propositio, quoad utramque partem, hæretica est. Et quidem prima pars, quæ asserit, solos praedestinos vocari ad fidem & gratiam, olim Augustino fuit falsò imposita, ut patet apud Prosperum responsione 4. ad capitula Gallorū. Et repugnat cum Scripturis. Primum, quia Christus omnes vocat, & inuitat ad fidem? Mat. 11. *Venite ad me omnes.* Secundò, quia constat, Iudam proditorem, Simonem Magum & Nicolaum Antiochenum habuisse veram fidem, & tamè fuisse reprobos. De Iuda testatur D. Hier. lib. 3. aduersus Pelagian. & probat ex illis verbis Christi & Ioan. 17. *Pater quos dedisti mihi custodiri, & nemo ex eis perijt, nisi filius perditionis.* Nam si pater dedit illum filio, certe bonus erat; & si perijt ex grege, certe antequam periret, in Christi grege numerabatur. De Simone Mago testatur S. Lucas in actibus Apostolorum, cap. 8. his verbis. *Cum vero credidisset Philippo Euangelizanti, tunc Simon & ipse credidit, & cum baptizatus esset adhaerens Philippo.* Et quamuis Calvinus dicat, eum non verè credidisse, sed simulasse: nos autem magis credimus Lucæ Medico, quàm Galen. De Nicol. Anth. scribit idem Luc. cap. 9. *Congregate ergo fratres, viros ex vobis boni testimonij septem plenos Spiritu sancto & sapientia. Et elegerunt Stephanum & Philippon*

Prochorum & Nicetorem, & Timonem, & Parmeniam, & Nicolaum adueniam Antiochenum. Sanè hi tres fidem habuerunt, & tamen reprobi sunt. Non ergo soli predestinati fidem habent. Sed quid profero exempla ex Scripturis? Ex Gallia petamus. Omnes parvuli, quotquot à Caluino, Beza, Iunio, aliisque ministris baptizantur, veram fidem & iustitiam suscipiunt; & tamen multi ex illis postea sunt Catholici ac proinde, ex sententia Caluini, non sunt predestinati, sed reprobi.

3. Altera pars propositionis, quæ asserit fidem & iustitiam semel habitam amitti non posse, æque absurda est, & olim à Ioviniano hæretico asserta apud Hieronymum lib. 2. contra Iovinianum. Et sanè, si fides amitti non potest, mentitus est Apostolus, cum dicit. 1. Tim. 1. *Quidam circa fidem naufragauerunt, ex quibus est Hymeneus & Alexander.* Et 1. Timoth. 4. *In nouissimis temporibus discedent quidam à fide.* Deinde, si fides amitti non potest, unde tot sunt in mundo hæretici? Oportet hæreses esse, inquit Apostolus. Et quid interest inter paganos, & hæreticos? pagani fidem nunquam habuerunt hæretici habuerunt & amiserunt. De his loquitur Apostolus Act. 20. *Ex vobis ipsis exsurgent viri loquaces peruersi.* Denique, si fides amitti non potest, aut ergo Caluinistarum non est vera fides, aut nemo Calvinista, fiet Catholicus, aut Lutheranus. At plurimi sunt Catholici. Ergo amittunt fidem Calvinisticam: Ergo illa vera fides non est, aut si vera est, quomodo amittitur? Vera est, inquit, fides Calvinistica, sed ij eam non habuerunt, qui ex Calvinistis Papistæ sunt. Quomodo non habuerunt? Baptizetur infans à Caluino vel Beza: post Baptismum, aut vera fide & iustitia præditus est, aut non est: Si non est, Calvinus & Beza non sunt veri ministri Sacramenti. Si autem est, educetur à Caluino & Beza usque ad vigesimum annum, & quotidie rogetur, an persistat: & affirmet se persistere. Tandem fiet Papista. Quid de hoc dicemus? Amisit fidem, an non habuit? certè habuit, quia baptizatus est à Caluino. Certè habuit, quia adultus fassus est, se habere. At mentitus est, inquit. Ergo & ipse mentitur, quando affirmat se fidem habere. Hoc sanè credo, & in ea solutione acquiesco.

4. Iam verò de iustitia amitti posse, plurimi testes sunt, amisit illam Lucifer, quando ex iusto Angelo factus est Diabolus. Amisit Adam, cum è statu innocentie excidit: David, cum lapsus est in adulterium: Salomon, quando idolis erexit templum: Petrus, quando ter Christum, negavit: Galatæ, cum à Christo euacuatæ sunt, & à gratia exciderunt. Hebræi, quibus voluntariè peccantibus post acceptam noticiam veritatis non relinquitur hostia pro peccatis. Denique illi omnes, qui teste Apostolo post agnitionem iustitiæ retroclam conuersi sunt, de quibus dici potest; *Caris reuersus ad veniunt, & sus lota in volubro luti.* Et sanè, si iustitia amitti non potest, cur iubemur quotidie orare, ne inducamur in tentationem? Quare Paulus corpus suum castigat, & in seruitutem redigit: veritus, ne fortè reprobis efficiatur? Cur monet Scriptura, ut qui stat, videat ne cadat: ne coronam eius accipiat alter? ut in timore salutem nostram operemur? Denique, si iustitia amitti non potest, licebit sine iactura iustitiæ, comestationibus & ebrietatibus vacare, furta & adulteria committere, se præcipitem dare, & vitam violenta morte sibi ipsi abrumper. Cur ergo non omnes Calvinistæ, qui in hac vita calamitates & misérias patiuntur, præcipitio, aut ense, aut laqueo se interimunt, ut erepti ex his malis præsentibus beatam vitam ducant in cælis.

5. Sed videamus, quid pro se adducant aduersarij. Obiiciunt nobis hæc Scripturæ testimonia. Cantic. 8. *Aqua multa non poterunt extinguere charitatem nec flux-*
Opus. Bec,

mina obruent illam. Romani. 8. *Quis nos separabit à charitate Christi? certus sum, quia neque mors, neque vita, neque creatura aliqua poterit nos separare à charitate Dei.* 1. Corinthiorum. 13. *Charitas nunquam excidit.* Sed hæc loca nihil profunt ipsorum caulæ. Solùm docent tantam esse vim, & efficaciam charitatis in homine iusto, ut quamdiu is charitate præditus est non possit frangi ullis molestiis, aut difficultatibus, sed omnia fortiter ac patienter pro Christi nomine sustineat, ut optimè interpretatur Dhuus Augustinus libro 1. de moribus Ecclesiæ. capite 11. & sequentibus: & colligitur ex illo. 1. Corinthiorum 13. *Charitas patiens est, benigna est, omnia suffert, omnia sustinet.* Nihilominus, si quis sponte incidat in peccatum mortale amittet sanè charitatem, & cum ea patientiam pariter ac fortitudinem; quod contigit illi, de quò Apocal. 2. *Habeo aduersum te pauca, quod charitatem tuam primam reliquisti. Memor esto itaque unde excideris, & age penitentiam & prima opera fac.*

6. Obiiciunt etiam illud Ioann. 4. *Qui biberis ex aqua, quam ego dabo ei non sitiet in æternum, sed aqua quam ego dabo ei, fiet in eo fons aqua salientis in vitam æternam.* Sed hoc testimonium non differt à prioribus. Sensus enim est, Qui semel adeptus est charitatem, is, quamdiu charitas in ipso manet, non sitiet amplius vanas delectationes huius mundi, quia habet in se fontem viuum, ex quo veræ & solidæ consolationes spirituales ad ipsum inebriandum, vberimè scaturiunt. Ceterum si fons ille siccetur, aut obstruatur, id est, si quis gratiam & charitatem amittat, mox incipiet iterum sitire terrenas voluptates, quæ ad iniuriam paulatim vergunt.

7. Denique obiiciunt illud, 1. Ioann. 3. *Qui natus est ex Deo peccatum non facit, quoniam semen ipsius in eo manet, & non potest peccare, quoniam ex Deo natus.* Hic locus paulò difficilior est. Vult Apostolus docere, quo signo internosci possint in hac vita filij Dei, à filiis diaboli: & dicit, illud esse primum signum quòd filij Dei non peccant, filij Diaboli peccant; atque ita utraque suum patrem imitantur: Illi Deum, qui est ipsa iustitia: Isti Diabolum, qui ab initio peccat. Est ergo difficultas, de quibus peccatis sit sermo: an de venialibus, ut putat Augustinus libro 2. de peccatorum meritis & remissionibus capite 7. & lib. de gratia Christi capite 21. an potius de mortalibus, ut docet idem Augustinus tractatus 3. in epistolam Ioann. & Hieronymus libro 1. aduersus Pelagianos. Hoc posterius magis mihi placet. Est ergo hic sensus illius loci, qui ex Deo natus est, non potest mortaliter peccare, quamdiu manet filius Dei. Quare? quia habet in se charitatem: ac charitas cum nullo peccato mortali potest consistere, cum sit omnibus contraria. Et in hoc differt ab aliis virtutibus. Nam fides potest consistere cum intemperantia; Temperantia cum auaritia; liberalitas cum odio. At charitas cum nullo peccato manere potest. Est ergo certissima nota, qua filij Dei à filiis Diaboli discernuntur.

CAP V T VI.

Sexta propositio Caluini refutatur.

Sexta propositio est, solos predestinatos esse in Ecclesia. Asseritur à Caluino li. 3. Instit. c. 24, §. 10. his verbis: *Electi nec statim ab utero, nec eodem omni tempore, sed prout visum est Deo, suâ illis gratiâ dispensare, in euile Christi per vocationem aggregantur.* Et l. 4. c. 1. §. 4. *Soli Deo*
L. ij

permittenda est cognitio sue Ecclesie, cuius fundamentum est arca illius electis. Quibus verbis duo docet Calvinus. Primum electionem esse fundamentum Ecclesie. Unde sequitur, solos electos seu predestinatos esse in Ecclesia. Secundum, Ecclesiam soli Deo cognitam esse. Hoc ex prioris sequitur, quia soli Deo cognitum est, quoniam sint electi seu predestinati. Hinc tertio colligitur, Ecclesiam esse invisibilem. Eadem Calvinus propositio deducitur ex precedenti propositione, quia Ecclesia est congregatio fidelium: Soli predestinati sunt fideles auctore Calvino: Ergo Ecclesia constat ex solis predestinatis.

1. Hæc Calvinus propositio hæretica est, olim à Donatistis hæreticis asserta, & ab Augustino expugnata. Et refelli potest primo ex dictis, quia iam ostensum est, fidem & iustitiam non esse propriam electorum. Unde efficitur, nec Ecclesiam propriam electorum esse posse. Secundum ex Scripturis. Nam Ecclesia comparatur arca, in qua non tantum triticum, sed etiam palea reperitur. Comparatur saggenz missæ in mare, ex omni genere piscium congreganti. Comparatur convivio nuptiali, ad quod boni & mali vocati sunt. Comparatur decem Virginitibus, quarum quinque prudentes, totidem fatuæ sunt. Comparatur ovili, in quo sunt oves & hædi. Denique comparatur magnæ domui, in qua sunt vasa aurea & argentea, lignea, & fictilia, quædam in gloriam, alia in contumeliam. Ex quibus omnibus colligo, in Ecclesia, quæ per illas parabolas significatur, esse bonos & malos predestinatos & reprobos. Et hoc argumento sæpe usus est D. Augustinus ut videre est in libris contra Cresconium, & in breviculo collationis tertiarum dierum, & alibi. Et sanè, qui legit Augustinum affirmabit, non solum Donatistas, sed etiam Calvinistas voluisse expugnare.

3. A Parabolis ad exempla veniamus. Iudas proditor, Simon Magus, & Nicolaus Antiochenus nonne reprobi sunt? Et tamen fuisse eos in Ecclesia negari non potest, De Iuda testatur D. Augustinus lib. de unitate Ecclesie cap. 13. Et ratio ipsius est, quia qui habent eandem Sacramentorum communionem, sunt in eadem Ecclesia: sed Iudas habuit eandem Sacramenti communionem cum reliquis Apostolis in cœna Domini, Ergo fuit in eadem cum illis Ecclesia. Addo aliud argumentum: quia Christus, qui fuit caput veræ Ecclesie, non constituit Apostolos & Episcopos, nisi in verâ Ecclesia: sed Iudas fuit à Christo constitutus Apostolus, & ordinatus Episcopus: Ergo fuit in verâ Ecclesia. Ex miror negare hoc Calvinistas, præsertim cum alibi clament, omnes Apostolos fuisse pares dignitate, ne Petri auctoritate Ecclesiastica Iudæ præferendum. Sed boni viri non sunt sui memores, quando mentiuntur. Nolent Petrum esse Christi vicarium, & idcirco Iudam illi parem faciunt. At quomodo Iudas illi par est, si in Ecclesia nunquam fuit? De Simone Mago & Nicolao Antiocheno res æquè clara est. De altero testatur Scriptura, veram fidem habuisse, & à Philippo baptizatum esse: De altero, fuisse unum ex septem Diaconis, plenum Spiritu Sancto & sapientia, Si tales in Ecclesia non sunt nescio qui esse possint.

4. Sed vergeamus Calvinum hoc argumento; Quicumque Baptismum Christi legitime suscipiunt, ascribuntur in Ecclesiam: At multi reprobi legitime illum suscipiunt: Ergo multi reprobi ascribuntur in Ecclesiam: Ergo non soli predestinati sunt in Ecclesia. Maior propositio probatur, quia Divus Paulus Ecclesiam vocat Corpus Christi: Ergo qui membra sunt illius corporis, censentur esse de Ecclesia; Fiunt autem membra illius corporis per Baptismum, iuxta illud 1. Corinthiorum 12. Omnes nos uno Spiritu, in unum corpus baptizati sumus Galatarum. 3. Quicumque in Chri-

sto baptizati estis, Christum induistis. Ergo Baptismus facit hominem esse membrum Ecclesie: At multi reprobi suscipiunt Baptismum: cum certum sit, non omnes infantes, qui toto orbe terrarum baptizantur, esse predestinatos: Ergo multi reprobi sunt in Ecclesia. Hoc argumentum à Calvino eludi non potest. Fortè simplicior aliquis à Catholicis obiciet, multos esse legitime baptizatos, qui tamen in Ecclesia non sunt, ut Hæreticos, Schismaticos, excommunicatos. Sed respondeo, aliud esse, ascribi in Ecclesiam; aliud, verò, manere in Ecclesia, & non exire vel eici. Ut aliquis ascribatur in Ecclesiam, sufficit Baptismus legitime susceptus: Et quidem ab infante censetur legitime suscipi, quando abest vera materia; forma, & minister cum debita intentione, ab adultis verò, quando præter illa tria, est legitima ipsius dispositio. Ut autem aliquis maneat in Ecclesia, requiritur professio veræ fidei, communio Sacramentorum & subiectio ad legitimum Pastorem. Unde, si quis suscepto Baptismo, aperte aut in hæresim, aut in excommunicationem, aut in schisma incidat, hoc ipso egreditur, vel eicitur ex Ecclesia. Hinc primò sequitur, omnes infantes legitime baptizatos, siue sint filij Catholicorum, siue Hæreticorum, siue Schismaticorum, siue etiam infidelium, esse vera membra Ecclesie. Secundò sequitur, eos tamdiu manere in Ecclesia, donec iam adulti facti, vel exeant ab Ecclesia per Hæresim, Apostasiam, aut Schisma, vel eiciuntur per excommunicationem.

5. Quid autem Calvinus docet, infantes fidelium, etiam si baptizati non sint, salvari posse, ideoque esse predestinatos ac membra Ecclesie: neque verum est, neque vim argumenti eludit. Nam si ita esset omnes filij Calvinistarum, Calvinus iudicio, essent predestinati: nullos posset fidem ac iustitiam amittere. Cur ergo alij ad Papistas, alij ad alias Sectas transfugiant? Cur Ministri tam severe cauent, ne in Gymnasia nostra adoptentur? an metuunt, ne ex frequenti Papistarum consuetudine seducantur? At si predestinati sunt, nihil periculi est. Fortè levia sunt illa. Hoc grandius; Si omnes fidelium parentum filij predestinati sunt, ergo duodecim Patriarchæ, filij Iacob, predestinati: Ergo & filiorum predestinati: Quomodo ergo reprobi tandem facti, & intermissis Gentilibus, à gratia Evangelica exclusi? Rursum; si quotquot nati ex fidelibus Parentibus, omnes predestinati sunt; certè sicut à Christi temporibus auctus est filiorum numerus; auctus erit & fidelium, ac predestinatorum: Quomodo ergo dicant Calvinistæ Ecclesiam Christi, antequam à se reformari cœpta est, iam pridem degenerasse; & penè extinctam fuisse? Non potuit degenerare, quæ quotidie plures fideles ad se recepit. Vides Calvine, quod ab eas cum tuis infantibus. Sed demus sane, salvari posse sine baptismo, quid ad res nostras? solum asserimus ex II Paulo, omnes qui Baptismum suscipiunt, in Ecclesiam cooptari, qui verissimi sunt. An autem soli, qui Baptismum suscipiunt, in eam cooptentur, hoc loco non disputamus.

6. Si tamen ex me queratur, quid sentiam, non abibo longius. Soli, qui Baptismum suscipiunt, in Ecclesiam Christi ascribuntur. Quid tu? Baptismus ianua est. Nemo in Ecclesiam, nisi per ianuam ingreditur. Baptismus est lavacrum regenerationis, quo abluti & regenerati, efficiuntur membra Christi. Nemo in Ecclesia est, nisi sic membrum Christi. Illud addo, qui se ipsa Baptismum suscipiunt, re ipsa ingredi in Ecclesiam; qui voto suscipiunt, voto ingredi: At qui sanguinem pro fide Christi effundunt, & voto & re ipsa ingredi: voto in Ecclesiam militantem, re ipsa in triumphantem.

7. Alia via Calvinum oppugnemus. Si soli predestinati in Ecclesia sunt, omnia dubia & incerta sunt. Quia Ecclesiam mihi monstrabit? qui pastores eius agnoscant à quo Sacramenta petant; quæ abibo templa? Di-

Matth. 13.
Matth. 23.
Matth. 23.
Matth. 23.
Matth. 23.
1. Tim. 2.

Act. 1.

Act. 6.

1. Cor. 12.
Ephes. 4.
Coloss. 1.

Eccles. 9. xit olim Ecclesiāstos, *Nescire hominem, utrum odia dignus sit, an amore.* Si homo nescit de se, qui sciam ego, an Calvinus & Beza prædestinati sint, nec ne? Et si hoc nesciam, qui credam eos esse in vera Ecclesia, aut veræ Ecclesiæ Pastores & reformatores: At ipsi dicunt se esse prædestinatos. Audio. Sed unde habent? soli ipsi, an etiam reliqui id sciant? quisque de se tantum, an etiam de aliis certus est: si de se tantum, nec Pastorem quis inueniet, nec Pastor ouem. Si de omnibus, iam Ecclesia visibilis facta est si non reprobis saltem prædestinatis. Nolo hæc persequi longius.

Obiect. 8. At multa pro se adducunt aduersarij. Primum, Arca Noë fuit figura Ecclesiæ, teste Augustino libr. 5. de Baptismo capite ultimo: At in arca non fuerunt alij, quam qui saluandi erant ex diluuiio: Ergo in Ecclesia non sunt nisi prædestinati. Hoc argumentum retorquens; Arca Noë fuit figura Ecclesiæ. At in arca fuerunt animalia munda & immunda: Ergo in Ecclesia sunt boni & mali prædestinati & reprobi. Deinde respondeo argumentum à similitudine ductum, non concludere, nisi id præcisè sumatur; in quo est similitudo. Est autem inter arcam & Ecclesiam hæc similitudo, teste Augustino, quod sicut nemo saluati potuit extra arcam, ita nemo saluati possit extra Ecclesiam. In hac similitudine persistendum est. Reliqua ad rem non faciunt, Eodem modo respondet Augustinus libro de Vanitate Ecclesiæ cap. 5. ad argumentum Donatistarum, quod erit tale: Arca fuit figura Ecclesiæ: At arca fuit bituminata intrinsecus, ne aquam emitteret suam; & extrinsecus, ne admitteret alienam: Ergo Baptismus aquæ, nec exire potest extra Ecclesiam; nec qui extra datus est in Ecclesiam acceptari. Vide Augustinum loco citato.

Responsio. 9. Secundò obijciunt: Christus non est, nisi caput illius Ecclesiæ, quam saluabit & exhibebit sibi in die iudicij gloriosam, non habentem maculam aut rugam, ut habet Apostolus Ephel. 5. At soli prædestinati erunt salui & gloriosi: Ergo soli prædestinati ad Ecclesiam Christi pertinent. Respondeo, Christum esse caput illius Ecclesiæ, quam saluabit, non quoad omnia ipsius membra, sed quoad aliqua tantum. Nam in die iudicij separabit bonos à malis; hædos ab ouibus, qui nunc coniuncti sunt; permundabit arcam, in qua nunc pallex sunt: obibit mensam nuptialem, & eiciet eos, qui non habent vestem nuptialem. Sed vigent aduersarij; Corpus mysticum simile est corpori vero: sed verum Christi corpus est, saluum & gloriosum quoad omnia sua membra: Ergo etiam mysticum Christi Corpus debet saluari quoad omnia sua membra. Respondeo primum, similitudinem in eo consistere, quod sicut in vero corpore sunt multa membra, officia distincta, quæ ab vno capite influxum habent & gubernantur: ita etiam in Ecclesia, quæ est corpus Christi mysticum, est magna membrorum & officiorum varietas: Alij sunt Apostoli, alij sunt Prophetæ, alij Doctores, alij operantur virtutes, alij habent gratiam curationum, alij linguis loquuntur: alij interpretantur: Et hi omnes ab vno capite Christo influxum habent & gubernantur. Respondeo secundò, in eo quoque esse similitudinem, quod sicut verum Christi corpus in hac vita fuit mortale & corruptibile, cuius aliquæ partes materiales defluerunt, aliæ accesserunt: At post hanc vitam factum est omnino gloriosum, immortale, incorruptibile; sic etiam Ecclesia in hac vita mutabilis est, & quædam illius partes defluunt, aliæ accedunt, at post hanc vitam erit tota gloriosa & immutabilis.

a. Obiect. 10. Tertiò obijciunt, Scriptura docet reprobos, tametsi videantur esse in Ecclesia, numquam tamen re ipsa esse, aut fuisse in Ecclesia, 1. Ioann. 2. *Ex nobis exierunt, sed non erunt ex nobis; nam si fuissent ex nobis, mansissent vtrique à Deo creati, vtrique ex Adam nati, vtrique de terra facti, vtrique vocati, & vocantes secuti, vtrique ex impijs iustificati, & per lauacrum regenerationis, vtrique renouati? Vt erant hæc, secundum hæc omnia ex nobis erant, sed secundum aliam quandam discretionem non erant ex nobis. Nam si fuissent ex nobis mansissent vtrique nobiscum. Quenam est tandem ista discretio? Non erant ex vobis, quia non erant prædestinati.*

3. Obiect. 10. Tertiò obijciunt, Scriptura docet reprobos, tametsi videantur esse in Ecclesia, numquam tamen re ipsa esse, aut fuisse in Ecclesia, 1. Ioann. 2. *Ex nobis exierunt, sed non erunt ex nobis; nam si fuissent ex nobis, mansissent vtrique à Deo creati, vtrique ex Adam nati, vtrique de terra facti, vtrique vocati, & vocantes secuti, vtrique ex impijs iustificati, & per lauacrum regenerationis, vtrique renouati? Vt erant hæc, secundum hæc omnia ex nobis erant, sed secundum aliam quandam discretionem non erant ex nobis. Nam si fuissent ex nobis, mansissent vtrique nobiscum. Quenam est tandem ista discretio? Non erant ex vobis, quia non erant prædestinati.*

Opusc. Bec

A fissent vtrique nobiscum. Respondeo, reprobos esse verè in Ecclesia Dei secundum præsentem statum & non tamen secundum prædestinationem. Secundum præsentem statum dicuntur esse in Ecclesia, qui baptizati sunt, qui fidem habent, Pontificem agnoscunt, Sacramenta participant. Hoc modò, non tantum prædestinati, sed etiam Iudas proditor, Simon Magus, & Nicolaus Antiochenus fuerunt in Ecclesia. Illiverò secundum prædestinationem in Ecclesia dicuntur esse, qui ad vitam æternam prædestinati sunt, siue iam sint in Ecclesia secundum præsentem statum, siue nondum ingressi sint Ecclesiam. Hoc modo Paulus erat in Ecclesia, non solum post conuersionem, sed etiam cum Ecclesia persequeretur. Hoc sensu dixit Christus, Ioann. 10. *Alias oues habeo, quæ non sunt ex hoc ouili.* Vbi nomine ouium, intelligit Gentiles, qui secundum præsentem statum non erant in Ecclesia, & tamen secundum prædestinationem erant oues. Quando ergo dicitur, *Ex nobis exierunt, sed non erant ex nobis*, hoc intelligendum est, non fuisse ex nobis, secundum prædestinationem, licet reuera fuerint secundum præsentem statum. Ita explicat Augustinus libro de Bono perseuerantiæ cap. 8. vbi ait. *Quid est queso, Non erant ex nobis? nonne vtrique à Deo creati, vtrique ex Adam nati, vtrique de terra facti, vtrique vocati, & vocantes secuti, vtrique ex impijs iustificati, & per lauacrum regenerationis, vtrique renouati? Vt erant hæc, secundum hæc omnia ex nobis erant, sed secundum aliam quandam discretionem non erant ex nobis. Nam si fuissent ex nobis mansissent vtrique nobiscum. Quenam est tandem ista discretio? Non erant ex vobis, quia non erant prædestinati.*

CAPVT VII.

Septima propositio Caluini refutatur.

1. **S**eptima propositio est, omnia peccata prædestinatorum esse venalia, & non imputari: reprobos incitari ad peccata, ut damnari possint: nec vllum peccatum illis vnquam remitti. Prima pars asseritur à Caluino libr. 2. Institut. cap. 8. §. 9. his verbis. *Habeant filij Dei, omne peccatum mortale esse, quia est aduersus Dei voluntatem rebellio, quæ eius iram necessario prouocat: quia est legis præuicatio, in quam edictum est sine exceptione Dei iudicium: Sanctorum delicta venalia esse, non ex sua præ natura, sed quia Dei misericordia veniam consequuntur.* Et libr. 3. cap. 4. §. 28. *Ceterum fidelium peccata venalia esse, non quia non mortem mereantur, sed Dei misericordia nulla est condemnatio illis, qui sunt in Christo Iesu, quia non imputantur, quia venia delentur.* Secunda pars asseritur à Caluino libr. 1. cap. 18. §. 1. his verbis. *Absurdum videtur, volente ac iubente Deo, excacari hominem, qui mox cæciatis sue penas daturus est: Terginersando itaque effugium, Dei tantum permissu, non etiam voluntate hoc fieri: ipse verò palam se facere promittens, effugium illud repudiat.* Et §. 2. *Certe nisi imus operaretur in mentibus hominum non rectè dictum esset, auferre labium à veracibus, & à semibus prudentiam.* Et infra. *Sed nihil clarius potest desiderari, quam ubi toties pronuntiatur, se excacare hominum mentes, ac vertigine percutere, spiritu soporis inebriare, incutere amensiam, obdurare corda, Et infra. Apparet ceræ destinatione Dei impulsos.* Et §. 4. *Homo iusto Dei impulsu agit, quod sibi non licet.* Tertia pars asseritur à Caluino libr. 1. cap. 1. §. 20. & 21. Vbi docet nullum peccatum remitti, nisi in Ecclesia. At reprobi in Ecclesia non sunt, teste Caluino. Ergo reprobis nullum peccatum remittitur.

L. iij

2. Prima pars, quæ asserit peccata prædestinatorum esse autem venialia, & non imputari, hæretica est, & manifestis Scripturæ exemplis contraria. Incipiamus à primo Parente nostro Adamo, qui sine dubio prædestinatus fuit, & tamen lethaliter peccauit ac iustitiam amisit. Quod prædestinatus fuerit, probari potest ex Irenæo, Tertulliano, Epiphano, & Augustino, qui Taciturnum numerant inter hæreticos, quod negaret Adamum saluum esse. Si saluus est, prædestinatus est.

Quod autem lethaliter peccauerit, & à gratia Dei exciderit, probatur ex illo Romanorum 5. *Per unum hominem peccatum in hunc mundum intravit, & per peccatum mors.* Neque Calvinus hoc negat. Nam libro 2. capite 2. §. 12. expressè docet per peccatum primi parentis amissa esse omnia dona supernaturalia. ut fidem, amorem Dei, charitatem erga proximos, sanctitatis & iustitiæ studium. Idem docent Patres, Tertullian. libro. 2. contra Marcionem, *Quis dubitabit ipsum illud Ada delictum hæresin pronunciare?* Divus Ambrosius in epistola 33. ad Iulianum Marcellinam: *Agnosce Adam te esse nudum, quia bona indumenta fidei perdidisti.* Divus Augustinus libro 14. de civitate Dei capite 17. Similia habet. Constat ergo peccatum Adæ fuisse mortale, quia mortem animæ attulit; displicuisse Deo, quia tam seuerè illud vitæ est; fuisse imputatum Adamo, qui tam graviter in se & in posteritate punitus est. Hæc omnia fatetur Calvinus libro 2. capite 1. §. 4. his verbis. *Quia verò non leve delictum, sed detestabile fuisse scelus oportet, quod eam seuerè vitæ est Deus, species ipsa peccati, in lapsu Adæ consideranda nobis est, qua horribilem Dei vindictam accendit in totum humanum genus.* Rectè hoc. Cui ergo alibi docet, peccata prædestinatis non imputari? esse tantum venialia? Imò, cur lib. 2. c. 3. §. 10. docet electos peccare non posse? Nempe Spiritum contradictionis habet Calvinus, ut alij omnes hæretici.

3. Veniamus ad Davidem, Hunc prædestinatum esse quis noget? habet enim præclara suæ sanctitatis encomia passim in sacris literis. Et tamen lapsus est in adulterium & homicidium. An hæc peccata mortalia non sunt? An illi imputata non sunt? Audi Scripturam 2. Regum 12. *Quare ergo contempsisti verbum Domini, ut faceres malum in conspectu meo? Vriam Heitham percussisti gladio, & uxorem illius accepisti in uxorem tibi, & interfecisti eum gladio filiorum Ammon. Quamobrem non recedet gladius de domo tua usque in sempiternum, eo quod despexeris me & tuleris uxorem Vriam Heithæ, ut esset uxor tua.* Audi ipsum David. Psal. 50. *Tibi soli peccaui, & malum coram te feci. Et, Cor mundum crea in me Deus, & spiritum rectum innoua in visceribus meis. Et, Cor contritum & humilium Deus non despicies.* Audi Augustinum, qui in explicatione illius Psalmi; ita Davidem loquentem inducit. *Miserere mei secundum magnam misericordiam tuam, subueni gravi vulnere, secundum magnam medicinam tuam. Grane est, quod habeo sed ad omnipotentem confugio. De me tam lethali vulnere desperavi, nisi tantum medicum reperirem.*

4. Accedat è nouo testamento Petrus Apostolus, Hic sine dubio prædestinatus est: Et tamen peccauit mortaliter, quando ter Christum negauit. Hoc testatur ipse lacrymæ & poenitentia. Testatur Augustinus tra&at. 66. in Iohannem, ubi inter alia sic Petrum alloquitur. *Timendo mortem, carnem tuam, mortem dabis animæ tuæ. Quanta enim vita est confiteri Christum; tanta mors est negare Christum.* Et infra: *Petrus ante mortem & resurrectionem Domini, & mortuus est negando, & reuixit plorando. Mortuus est quia superbe præsumpsit; reuixit autem, quia benigne ille respexit.*

5. Denique accedat hæc ratio, Inobedientia Adami, adulterium & homicidium Davidis, negatio & perurium Petri faciunt ex suo genere & suapte natura pec-

cata mortalia, quod Calvinus non negat. Vel ergo potuerunt in Adamo, Davide & Petro, consistere cum vera fide, & iustitia: vel fidem & iustitiam expulerunt. Si hoc posterius dixeris, nobiscum sentis. Si primum asseris, iam aperta est ianua omnibus sceleribus. Poterit quilibet libere præuaricari mandata Dei, adulteria, & homicidia perpetrare, Christum abnegare. Quid enim obstat, si hæc peccata fidem & iustitiam non expellunt? si à Deo non imputantur?

6. Secunda pars, quæ asserit reprobos ad peccatum à Deo incitari, hæretica est, olim Augustino falsò imposita, & ab Augustino & Prospero damnata, ut videre est apud Prosperum responsione prima ad capitula Gallorum, & apud Augustinum in libello, ad articulos sibi impositos, artic. 10. & 11. Et aperte pugnat cum Scripturis. Ecclesiastici 15. *Nemini mandauit impiè agere.* Psalm. 5. *Non Deus volens iniquitatem tu er.* Ierem. 19. *Edificauerunt excelsa Baalim, qua non præcepi, nec locutus sum, nec ascenderunt in cornu meum.* Oie. 13. *Perditio tua ex te Israel, tantummodo in me auxilium tuum.* Iacobi prime. *Nemo cum temeratur, dicat, quoniam à Deo tentatur. Deus enim intemperator malorum est. Ipse autem neminem tentat.* Eodem spectat illud Augustini libr. 13. de Trinitate capite 13. cap. 12. *Modus, quo traditus est homo in Diaboli potestatem, nemini debet intelligi, tanquam hoc Deus fecerit, aut fieri iusserit, sed tantum permiserit.* Denique accedit ratio, quam superius attigi, quia sequeretur, Deum fore auctorem peccati, si incitaret ad peccatum: fore mendacem, si verbis prohiberet, quod re ipsa patrari vellet: fore crudelem, si aliquem ad peccandum impelleret, ut punire illum posset: fore iniustum, si hominem obtemperantem & decreta sua exequentem supplicio deuoueret. Imò, quod amplius est, sequeretur, aut solum Deum peccare, quæ est summa blasphemia; aut peccatum nihil esse, nisi falsam opinionem, quæ est Libertinorum hæresis. Ostendo. Nemo peccat in eo, quod vitare non potest: sed homo non potest evitare illas actiones, quas agit Deo iubente, impellente & necessitate adferente: Ergo homo in suis actionibus non peccat: Ergo vel in illis actionibus nullum est peccatum, vel si est peccatum, soli Deo adscribendum est.

7. Multa ex Scripturis adferunt aduersarij, quæ facile diluentur, si reuocemus in memoriam, quod supra dictum est, Deum: non quidem velle peccatum, sed tamen permittere, ordinare, punire: quæ tria spectant ad ipsius prouidentiam. De singulis dicam obiter. Ad permissionem peccati tria concurrunt. Primum est, quod Deus velit hominem esse præditum libero arbitrio. Hæc voluntas Dei bona & iusta est, quia bonum est, velle vnicuique rei dare suam naturalem proprietatem & perfectionem, eiusmodi est in homine libertas arbitrij. Alterum, quod Deus velit hominem habere plenum vsum liberi arbitrij, eo modo, quo illi naturale est. Hæc etiam Dei voluntas bona est, quia bonum est, vnamquamque rem operari secundum suam naturam. Tertium, quod Deus, cum prouideret hominem malè vsurum libero arbitrio, nisi ipse impediat, nolit tamen impedire; eum possit. Et hæc voluntas Dei bona est, quia non desunt illi honesti fines, propter quos ita velit. In hoc tertio propriè consistit permissio peccati. Nihil enim aliud est, Deum permittere peccatum, quam non impedire peccatum. Potest autem duobus modis impedire. Primum, subtrahendo concursum generalem ad actum peccati. Secundò, dando maiorem gratiam, qua data, non fieret peccatum. Hic posterior modus pertinet ad nostrum propositum. Vnde permissio peccati, est negatio alicuius gratiæ præuenientis, quia nollet Deus peccatum permittere, si ea concederetur.

3. Est autem duplex permissio. Vna, qua Deus permit- A
tit aliquem labi in primum peccatum. Altera, qua per-
mittit illum in peccato perseverare. Prior simpliciter
vocari solet permissio; posterior vero frequentius ap-
pellatur obduratio, excecatio, aggravatio, despectio,
reprobussensus. Hæ duæ permissiones in eo conue-
niunt quod licet utraque sit quædam subtractio ma-
ioris gratiæ, neutra tamen tollit gratiam necessariam
& sufficientem. Deus enim, ut supra dixi, confert
omnibus sufficiens auxilium gratiæ, quo si vellent,
possent non peccare; & cum peccarint, possent re-
surgere. Sed quia simul prævidet, si daret illis maio-
ra auxilia, fore, ut non peccarent, aut si peccassent,
ut resurgerent, & tamen negat illa maiora auxilia,
ideo dicitur permittere peccatum & perseverantiam in
peccato. Differunt autem variis modis. Primo, quod B
prior permissio possit esse sine omni creaturæ cuius-
quam culpa, posterior verò semper creaturæ alicuius
supponat culpam, ideoque pœnæ rationem habeat. Se-
cundò, quod prior consistat solum in negatione gratiæ
congruæ; posterior aliquid amplius requirit. Deus
enim non solum dicitur obdurare hominem, quia sub-
trahit illi gratiam congruam sed etiam quia offert va-
rias occasiones, quibus certò scit hominem ad malum
provocandum. Huiusmodi autem occasiones per se
malæ non sunt: sed potius pertinent ad dona gratiæ
sufficientis, cuiusmodi sunt miracula, flagella, præ-
dicatio veritatis. Neque Deus eo animo ac sine eas
offert, ut hominem provocet ad peccatum (*Deus
animi inventator malorum est*) sed potius, ut inuitet ad
pœnitentiam.

1. Hinc iam solvuntur omnia argumenta, quæ
congerunt Calvinistæ de obduratione & excecatione.
Deus enim non dicitur per se, & directè obdurare aut
excecicare hominem, quasi faciat hominem in peccato
perseverare; sed solum indirectè aut negativè, tum
quia offert varias occasiones bene agendi, quibus
homo abutitur. Vnde Augustinus epistola 105. *Non
obdurat Deus impertiendo malitiam, sed non impertiendo
misericordiam.* Hanc sequitur, in hominis esse po-
testate obdurari, vel emolliri. Nam cum Deus offert
illi occasiones bene agendi, ut miracula, flagella, &
his similia, potest illis bene uti, si velit. Tamen si enim
destitutus sit specialibus auxiliis gratiæ, non tamen illi
desunt communia, quæ ad bene agendum sufficiant.
Hoc patet ex illo Psalm. 94. *Hodie si vocem eius audie-
ritis, nolite obdurare corda vestra.* Hic Spiritus sanctus
hortatur nos, ne obduremus corda nostra. Ergo in no-
stra situm est potestate, obdurari vel emolliri, quando
vocem Domini audimus, quando flagellamur, quan-
do miracula videmus. Hoc egregiè explicat D. Au-
gustinus exemplo quo Regum. Pharaonis, & Nabu-
chodonosoris, de quibus in lib. de prædestinatione &
gratia, cap. 15. sic ait. *Quoniam ad naturam, ambo ho-
mines erant; quantum ad dignitatem ambo Reges: quan-
tum ad causam ambo captivum populum Dei possidentes;
quantum ad pœnam, ambo flagellis clementer admoniti.*
Quid ergo fines eorum fecit esse diversos nisi quod unus ma-
lum Dei sentiens, in recollectione propriæ iniquitatis inge-
muit, alter libero contra Dei misericordissimam veritatem
pugnabit arbitrio?

10. Sæ multa de permissione Proxima est ordinatio,
quæ ita se habet. Cum Deus prævidet aliquem pecca-
turum, nisi ipse impediat, & tamen nolit impedire, sed
permittere, non solum habet honestos fines, propter
quos velit permittere peccatum, sed etiam occurrunt
illi magna bona; quæ ex peccato commisso possit eli-
cere, ut sæpe docet Augustinus. Itaque peccatum, quod
decrevit permittere pro sua bonitate & providentia
dirigit & ordinat ad illa bona elicienda, siue ea spectent
ad eum, qui peccatum committit, siue ad aliquem

alium. Exempla sunt in Scripturis. Peccatum filiorum
Iacob ordinavit ad exaltationem Iosephi, iuxta illud
Genes. 50. *Vos cogitatis de me malum, sed Deus vertit
illud in bonum, & exaltavit me.* Peccatum Iudæorum
Christum crucifigentium, ordinavit ad salutem & re-
demptionem humani generis: Peccatum Petri, negan-
tis Christum, ad cautelam Petri, & instructionem alio-
rum fidelium. Peccatum tyrannorum ad coronam Mar-
tyrum, & sic de aliis.

11. Hinc solvuntur multa argumenta Calvinista-
rum, quibus probare volunt Dei decreto & ordi-
natione fieri peccata. Non fiunt ex Dei ordinatio-
ne, sed cum fiunt, aut facta sunt, Deo permitten-
te, in bonum eventum à Deo ordinantur. Hoc sensu
explicanda sunt illa loca scripturæ Genes. 45. *Non vo-
stro consilio, sed Dei voluntate huc missus sum.* Actor 1.
*Hunc desinito consilio & præscientia Dei tradidit per
manus iniquorum affligentes interemistis.* Actorum 4. *Con-
venerunt verò in civitate ista adversus sanctum puerum
Iesum, quem unxisti, Herodes, & Pontius Pila-
tus cum gentibus, & populis Israel, facere que manus tua
& consilium tuum decreverunt fieri.* Nam his locis ni-
hil aliud significatur, quam Dei voluntate & consi-
lio factum esse, ut ex peccatis, quæ futura prævide-
bat, boni eventus provenirent, Eodem modo in-
telligendum est illud Proverbia. 16. *Omnia propter
semetipsum operatus est Dominus, impium quoque ad
diem malum.* Sensus non est, quem Calvinus &
Beza volunt, Deum idè creare impios ad interi-
um, ut in illis puniendis ostendat suam iustitiam:
sed quem Catholici docent, Deum, qui prævidet
aliquos impiè acturos nihilominus eos creare, &
earum peccata ordinare ad suæ iustitiæ ostensio-
nem. Hoc ergo differt inter nos, & Calvinistas,
quòd illi doceant impios creati ad gloriam divinæ iusti-
tiæ in eorum suppliciis demonstrandam, ob decre-
tum Dei, quod omnem culpæ prævisionem ante-
cesserit: nos verò, ob decretum quod prævisa pec-
cata sequutum est. De hac re plura superius dicta
sunt.

12. De punitione vix quicquam hoc loco dicen-
dum occurrat. Solum disputari potest, An Deus
peccatum peccato puniat, vel quod idem est,
An unum peccatum sit pœna alterius peccati? Cal-
vinistæ vehementer hoc cupiunt, quod hinc videant
sequi, Deum sicut pœnæ, ita peccati auctorem es-
se. Catholica sententia est, posterius peccatum
proprie non esse pœnam prioris peccati sed tantum
improprie, idque duobus modis. Primo, quia
Deus aliquando deserit, & destituit hominem sua
gratia in pœnam præcedentis peccati, & ex hac de-
sertione fit, ut homo iterum peccet. Quare non
ipsum peccatum, quod sequitur, sed desertio est
pœna iuste à Deo inflictæ, iuxta illud Roman. 1. *Pro-
pter quod tradidit illos Deus in reprobum sensum.* Se-
cundò, quia sæpe fit, ut posteriori peccato sit an-
nexa aliqua infamia, vel labor corporalis, vel tri-
stitia & vermis conscientiæ, vel aliquod simile in-
commodum: & tunc peccatum posterius dicitur esse
pœna prioris, non ratione sui, sed ratione eff. Ausus
de præcedentis, iuxta illud Augustini lib. 1. Confess.
cap. 12. *Iussisti Domine, & sic est, ut pœna sua sit sibi om-
ni inordinatus animus.*

3. Tertia pars propositionis, quæ asserit, nullum
peccatum reproborum unquam remitti, hæretica est,
& variis modis refelli potest. Primo, quia iniuriam
facit Christo: qui, Scriptura teste, *Dedit redem-
ptionem semetipsum pro omnibus: Et est propitiatio pro
peccatis nostris, non pro vestris autem tantum, sed etiam
pro totius mundi.* Secundò, quia desperationem in-
gerit. Qui enim peccati sibi conficius est, quid aliud

ex hac doctrina sperare potest, quàm nullam esse spem veniæ & condonationis; Tertiò, quia pugnat cum illa Parabola Matth. 18. *Serne nequam omne debitum dimisi tibi quoniam rogasti me.* Quartò, quia nititur falsis fundamentis, quæ supra refutata sunt. Oppono contraria principia, ex quibus contrarium euincam. Primum est, aliquos reprobos esse in Ecclesia. Secundum, Christum pro omnibus mortuum esse, & omnes ex meritis Christi habere sufficiens auxilium gratiæ ad salutem. Tertium, hominem esse liberi arbitrij, qui cum auxilio gratiæ cooperari possit, si velit. Quartum, Deum imponere omnibus præceptum poenitentiae & contritionis. Ex his principiis euidenter sequitur reprobos debere & posse poenitere de suis peccatis, ideoque posse à Deo veniam obtinere, Ezech. 18. *Si impius egerit poenitentiam, viuet & non morietur: Omnium iniquitatum eius, quas operatus est, non recordabor.* Et infra, *Conuertimini & agite poenitentiam ab omnibus iniquitatibus vestris, & non eris vobis in ruinam iniquitas vestra.* Et infra, *Nolo mortem morientis, reuertimini & viuite.*

CAPVT VIII.

Primum confessorium discutitur.

EX hac doctrina Caluini hætenus refutata sequitur illud Dilemma, quod miseris miserè torquet, & ad desperationem pronocat. *Aus sum prædestinatus, aut reprobus. Si prædestinatus, nihil refert, bene an male vixero, quia necessario saluabor. Si reprobus, certò pereundum mihi est quantumvis cupiam esse bonus virtutis studiosus. Quid ergo superest, quàm ut faciam, quid lubet, & fruor voluptatibus, quomodo licet?* Hoc argumento olim conuictus fuit Religiosus ille, de quo supra dixi ex Augustino, & nostro sæculo multi illum imitantur, qui relictis monasteriis, ad laxiorem vitam redeunt, & omnibus flagitiis foedissimè se immergunt. Et sanè argumentum tale est, quod ex Caluini principiis affabre contextum à Caluinistis solui non potest.

2. Conatur quidem Caluinus lib. 3. c. 15. §. 12. ad hoc argumentum respondere: sed nihil agit. Potius vim argumenti auget, & suis ipse principiis contradicit. Sunt autem duo responsionis ipsius capita, quorum alterum ac prædestinatos, alterum ad reprobos pertinet. Primum dicit electionis scopum esse vitæ sanctimoniam, ac proinde electos debere ad eam meditandam alacriter se excitare, non autem desidiam prætexere. Secundò dicit reprobos imprudentissimè memiri, quando prætendunt se perdituros operâ, si studeant bene viuere: si enim reprobi sunt, inquit, non possunt bene agere, quia necessitate decreti diuini ad male agendum impelluntur. Hæc solutio quàm inanis sit, nemo non videt. Ac primò quomodo electi possunt se excitare ad vitæ sanctimoniam, si, ut alibi dixit Caluinus, libero arbitrio prædicti non sunt? Si omnia ab iis necessitate, nihil libertate agitur? deinde quorsum hoc faciant, si sola electio sufficit ad salutem? si efficaciter electi sunt, nulli respectu bonorum operum. Denique, quid potest obesse, si non modo excitent se, sed etiam adulteria & homicidia committant? Hæc enim illis non imputantur, teste Caluino. Sanè si non alia solutio expectanda est, perget quisque dicere, *Si electus sum, nihil refert, quomodo megeram, quia certo certius saluabor.* Iam quod secundo loco dixit Caluinus de reprobis, quid aliud est, quàm ipsum desperationis barathrum? Si non possunt reprobi, ne conari quidem bene agere, sed necessario ipsis pereundum est: quid aliud sequitur, quàm ut abiiciant se, & in omnem viuendi licentiam se effundant?

3. Multò rectius soluit hoc argumentum quidam medicus, quàm Caluinus. Historiam refert Cælius, quæ sic habet Ludouicus Landgravius, propter deploratam viuendi licentiam, à viris religiosis correptus, grauiterque monitus, ut ad bonam frugem rediret, antequam inopina morte præueniretur: pro excusatione hæc adferebat: *Si prædestinatus sum, nulla peccata poterunt mihi regnum calorum auferre. Si reprobus nulla bona opera auferre.* Itemque illud, *Cum venerit dies mortis mea, certò moriar. Illud nec bene viuendo potero extendere, nec male viuendo præuenire.* Quid factum? Incidit in grauem morbum, Medicum ad se vocat. Is, ut erat vir prudens, & verborum Landgrauii memor: Domine mi, inquit, frustra me vocas: Nā si venit hora mortis tuæ, certò morieris, nec possum te iuuare: Si non venit, non indiges mea opera. Quid ita verò, inquit Landgravius? Quin iuua me, antequam mors adrepas. Tum Medicus, si putas vitam corporis conseruari posse, adhibita medicina: cur similiter non credis, vitam animi iuari posse poenitentia & contritione? Hoc verbo vicit Medicus, & Landgravius persuasit.

4. Sic Medicus. Theologi hoc modo solunt. Si prædestinatus sum, id est, si à Deo ordinatus sum ad vitam æternam, per certa media, quæ in mea sunt potestate, consequendam: certò consequar vitam æternam, modo illa media adhibuerim. Rursum, si sum reprobatus, id est, si à Deo ordinatus sum ad perpetuos cruciatus, propter mea peccata, quæ liberè commissurus sum: certò damnabor, si illa peccata committam, & ab iis non abstineam. Hæc solutio reddit animum tranquillum & pacatum. Neque eum, qui in peccatis est, facit desperare, nec ei, qui iustus est, securitatem promittit. Quin potius utrumque monet, ut cum timore & tremore salutem suam operentur.

CAPVT IX.

Secundum confessorium explicatur.

ALTERUM confessorium; quod ex Caluini doctrina supra deduximus, eiusmodi est. *De æternitate nihil ad nos Deus iam pridem sine nobis statuit, quò euadere debemus: Si salutem decreuit, adducet nos ad eam suo tempore: si mortem destinauit frustra reluctabimur, totum ergo studiū nostrū sit in temporalis administrationis Reipublicæ De fide & Christo sit silentium.* Hoc argumentum, quod efficacissimè sequitur ex principiis Caluini, multos habet hoc tēpore patronos, qui ad eò securi sunt de rebus ad salutem pertinentibus, ut perinde illis sit, quàm religionem profiteantur, nihil curent Sacramēta, ceremonias, festa, ieiunia, sacros codices. Quare? quia si prædestinati sunt, sine his omnibus poterūt saluari. Si reprobi, nihil hæc omnia illis proderūt iuxta regulā Caluini.

2. Ex hac Caluini doctrina orti sunt libertini & politici, qui & libertatem religionis probant, & omnium sectarum mores ac personas induunt, cum Catholicis Catholicis sunt: cum Lutheranis Lutherani: cum Iudæis Iudæi; cum Mahometanis Mahometani. Hi catuli à Caluino geniti. Si primam eorum genealogiam queramus à Dabolo habent. Ab hac proximè nati Gentiles: hinc Israelitæ, quos Elias aiebat utroque pede claudicare: in eorum patriam ac sectam successere Babylonii, Cuthæi, Emetheji omnes nomine Samaritæ dicti. Et hi vsq; ad Christum. Postea Christianorum temporibus, multi similes extitere. Vt alios omittam scribit August. epist. 48. multos suo tempore fuisse, qui nihil interesse crederēt, in qua quisque parte (Donatistarum an Catholicorum) Christianus esset. Eandem opinionem suis asseculis instillauit Mahometes in Alcorano. Nemo pestilentius, quàm nostro sæculo Caluinus.

EPILOGVS.

VT summam repetam, quæ dicta sunt, hi fructus ex doctrina Caluini de Prædestinatione sperari possunt, obliuio rerum celestium, contemptus fidei ac religionis, impunitas & licentia peccandi, rebellio, desperatio, atheismus, certe bona arbor esse non potest, quæ habet tales fructus & quomodo bona arbor, quam Caluinus plantauit? Machianellus rigauit, diabolus incrementum dedit.



DE ORTHODOXA CATHOLICORUM Prædestinatione.

OPVSCVLVM II:

Doctrina Catholicorum.

De Prædestinatione.

Catholicorum doctrina. 6. Capitibus. continetur 1. Queritur, quid sit Prædestinatio & Reprobatio. 2. Qui sint effectus utriusque. 3. Quæ causa. 4. Quæ certitudo. 5. Quis ordo. 6. Quæ coherencia cum libero arbitrio, & an sit in nostra potestate. In his omnibus quedam certa & indubitata sunt quædam in utraque partem probabiliter disputantur: ut in progressu patebit.

CAPVT I.

Quæ sit Prædestinatio & Reprobatio.

Prædestinatio. si Etymō spectes, componitur ex *pre* & *destinatio*. Et quidem verbum *destinatio* bifariam sumitur 1. pro mittere, ut 1. Mach. 1. *Destinavit aliquos de populo, & abierunt ad Regem*. 2. pro constituere, definire, ordinare, ut 2. Mach. 6. *Destinavit non admittere illicita, propter vitam amorem*. Præpositio *Pro* tamen Catharino dignitatem, aliam tamen rectius significat antecessorem durationis: ut prædestinatio idem sit, quod destinatio ab æterno facta, quæ omne tempus antecesserit.

2. Si vsum spectes, varius est. Aliqui fuscè usurpant, pro æterna destinatione, siue ad vitam, siue ad mortem, ut August. 15. ciuit. cap. 1. Prosp. in responsione 14. & 15. ad capitula Gallorum, Fulgentius lib. 3. ad Monimum cap. 14. 14. Valentinum sub Lothario, cap. 3. cum ait *Confitemur Prædestinationem electorum ad vitam & Prædestinationem impiorum ad mortem*. Alij strictius usurpant, pro æterna destinatione ad vitam dumtaxat, ut Apostol. Rom. 8. *Quos præsciuit & prædestinavit conformes fieri imaginis filij sui*. Et ad Ephes. 1. *Quos prædestinavit nos in adoptionem filiorum*. Et Concil. Trident. Sess. 6. cap. 12. August. in lib. de Prædest. san-

Actorum c. 10. & alij passim. Priori modo pertinet non solum ad electos, sed etiam ad reprobos. posteriori ad solos electos; & hoc vltatius.

3. Cæterum quia electi destinantur ad vitam eternam per dona gratiæ, ideoque duplex est eorum electio: Vna ad gratiam, altera ad gloriam, dubium est utra illarum vocari debeat prædestinatio. Auctores in modo loquendi discrepant. Nam alij nomine prædestinationis, intelligunt electionem ad gratiam, ut D. August. lib. de Prædest. Sanctor. cap. 10. cum ait. *Prædestinatio est gratiæ preparatio*. Ex in lib. de bono perseuerant. cap. 14. *Prædestinatio est præscientia & preparatio beneficiorum Dei, quibus certissime liberantur, quicumque liberantur*. Alij intelligunt electionem ad gloriam, ut nonnulli antiqui Patres: & aliqui ex recentioribus Theologis cum docent, Prædestinationem factam ex præuisis meritis. Alij denique utramque electionem complectuntur, ut Scotus in 1. d. d. 40. quæst. unica, cum ait *Prædestinatio est electio creatura intellectualis vel rationalis ad gratiam & gloriam*. Et in 3. d. 7. q. 3. *Prædestinatio est præordinatio ad gloriam principaliter, & ad alia in ordine ad gloriam*. Huc spectat illud vulgare, *Prædestinatio est preparatio gratiæ in presenti, & gloriæ in futuro*.

4. Tamen omnes rectè; nos tamen, ut contentio de nomine tollatur, Prædestinationem cum Augustino vocamus præparationem gratiæ, eamque ab electione ad gloriam distinguimus: ita ut altera proximè ad mediæ, altera immediatè ad finem referatur. Potest igitur hoc modo definiti: *Prædestinatio est conceptio donorum gratiæ in Deo, quibus præuidet hominem bene usurum, & perducendum ad vitam æternam, cum proposito & voluntate dandi ea dona*. Hic tres actus diuini spectandi sunt: Primus est conceptio donorum gratiæ. Secundus, præscientia conditionata, qua Deus præuidet quosdam perueniuros ad vitam, & ex hypothesi, si talia dona ipsis darentur. Tertius est, voluntas dandi ea dona. Conceptio, & præparatio donorum gratiæ, communis est Prædestinatis & reprobis: Præscientia non item. Deus enim concipit dona gratiæ, quibus & prædestinati, & reprobi possint dirigi in vitam æternam, neque concipit modò, sed etiam præparat omnibus, & singulis, iuxta mensuram sui beneplaciti. Hoc interest, quod illa conceptio & præparatio donorum gratiæ, vocetur Prædestinatio, respectu eorum dumtaxat, quos Deus per præscientiam conditionatam, cognoscit bene vsuros iis donis, atque ita perueniuros ad vitam æternam; aliorum verò respectu, vocetur tantum communis providentia.

5. Hoc declarari potest exemplo, quo vtitur D. Augustinus lib. 12. de ciuit. Dei, cap. 6. Sint duo homines iusti, animo, corpore, omnibusque bonis pares; quibus ex sua parte Deus decreuerit eodem modo succurrere. His si offeratur eadem occasio peccandi potest alter pro sua libertate in peccatum consentire, alter se cohibere nec peccet. Ponamus ergo alterum peccare, alterum non peccare, & mox utrumque ruina domus opprimi, & consequenter alterum saluari, alterum damnari. In his ergo eadem est conceptio & præparatio donorum gratiæ, ex parte Dei: & tamen illa conceptio & præparatio, respectu vnius, habet rationem prædestinationis: respectu alterius tantum Providentiæ: atque non aliunde, nisi ex præscientia conditionata, quia Deus præuidebat, vnum bene vsurum gratia sibi concessa, alterum non bene.

6. Hinc iam constat, quomodo prædestinatio distinguatur à providentiæ. Hæc enim est conceptio & præparatio mediorum in Deo, quibus res omnes possunt dirigi in suos fines, siue reuera perueniat vnaqueque ad suum finem, siue ab eo excitat. Ac Prædestinatio est conceptio & præparatio mediorum supernaturalium, quibus Deus certo & infallibiliter præuidet, hominem perueniurum ad suum finem supernaturalem.

Et hoc sensu dixit August. *Predestinatio est praevidentia & preparatio beneficiorum Dei, quibus certissime liberantur, quicumque liberantur.*

7. Iam cum Predestinatio distinguatur ab electione ad gloriam, & hæc immediate circa finem, illa proxime circa media versetur: controuersantur Theologi, utra prior sit, non quidem duratione aut tempore, cum utraque sit æterna, sed ordine, & causalitate. Multi putant electionem esse priorem, ac proinde Deum, antequam conciperet & prepararet dona gratiæ, elegisse quosdam ad vitam æternam, ex solo suo beneplacito, ac deinde cogitasse de mediis gratiæ, quibus ad illum finem peruenirent. Ratio illorum est, quia voluntas finis est prior voluntate mediorum: sed electio ad gloriam est voluntas finis, & predestinatio gratiæ, est voluntas mediorum; ergo electio predestinatione prior est. Alij contra sentiunt, predestinationem esse priorem; ac proinde Deum primo preparasse dona gratiæ, ac deinde eos quos praeuidebat bene viros eiusmodi donis, elegisse ad vitam æternam. Ratio illorum est, quia putant electionem ad gloriam, factam esse ex praeiis meritis. Hinc enim aperte sequitur, electionem supponere non solum merita, sed etiam gratiam & preparationem gratiæ: seu predestinationem, iuxta hunc posteriorem sententiam constitui debet hic ordo, ut Deus 1. conceperit dona gratiæ, tanquam media apta ad vitam æternam. 2. ut per scientiam conditionatam praevideret, quinam illis donis essent bene viros, si darentur. 3. ut decreverit illis dare huiusmodi dona. 6. ut absolute, & per scientiam liberam, quam alij visionis appellant, praevideret illos bene viros gratiæ. 5. ut propter illum bonum usum praeiis, decreverit illi dare vitam æternam per modum præmij. Atque hæc sententia videtur mihi probabilior, quam cap. 3. latius explicabo & defendam. Nunc videamus de nomine reprobationis.

8. Reprobatio proprie significat reiectionem, & apud Theologos duobus modis usurpatur. Primo pro reiectione à gratia. Secundo, pro reiectione à gloria. Posterior acceptio longè vltior est. Iuxta hanc intelligi debent hæc definitiones. Prima Magistri in 1. d. 40. *Reprobatio est praevidentia iniquitatis quorundam, & preparatio damnationis eorundem.* Item hæc Durandi ibidem quæst. 2. *Reprobatio est praevisio ineluctabilitatis alicuius ad vitam æternam & propositum excludendi ab ea:* Item hæc Molina 1. p. quæst. 23. art. 3. *Reprobatio est iudicium æternum: quod creatura rationalis à Deo indicatur indigna vita æterna, & digna pena æterna, cum proposito eam perpetuo excludendi à regno celesti, aut simul etiam puniendi cruciatibus æternis, prout fuerint ipsius peccata.* At D. Thomas 1. p. quæst. 23. art. 3. videtur eam sumpsisse, quatenus includit utramque reiectionem, tam à gratia, quam à gloria. Sic enim habet; *Reprobatio includit voluntatem permittendi aliquem cadere in culpam, & inferendi damnationis penam pro culpa.*

9. Ex hac distinctione facile soluitur illa quæstio, An reprobatio directe opponatur Predestinationi: Si enim sumatur pro reiectione à gratia, opponitur Predestinationi, quæ est gratiæ preparatio. Si pro reiectione à gloria opponitur electioni ad gloriam, seu approbationi. Et altero horum modorum intelligendi sunt, qui afferunt opponi. Quod si, tam predestinatio, quam reprobatio sumatur in vltiori significatione, nempe predestinatio pro preparatione gratiæ, & reprobatio pro reiectione à gloria, iam directe non opponuntur: Et hoc sensu negat opponi Molina 1. p. quæst. 23. art. 3. Ex eadem distinctione explicandus est Scotus in 1. d. 4. quæst. unica; ubi duplicem facit reprobationem: unam permissiuam: alteram pu-

nitivam. Per priorem intelligit reiectionem à gratia; per posteriorem verò reiectionem à gloria.

CAP V T I.

Qui sint effectus Predestinationis & Reprobationis.

Sicut Theologi variè usurpant Predestinationem, ita non eodem modo assignant eius effectus. Nam si Predestinatio sumatur pro sola preparatione donorum gratiæ; iam sola digna gratiæ censeri debent ipsius effectus; si verò pro sola electione ad gloriam, sola gloria: si denique pro utroque, tum & gratia, & gloria ipsius effectus erunt. Porro; quia gratia duplex est; una excitans, seu præueniens, quæ etiam dicitur gratia vocationis; altera habitualis, & gratum faciens, quæ dicitur gratia iustificationis, hinc factum est, ut communiter tres effectus predestinationis censeri soleant, scilicet vocatio, iustificatio, & glorificatio. Loquor autem de effectibus in genere causæ efficientis. Nam illa voluntas, seu decretum Dei, quod ab æterno statuit alicui dare gratiam aut gloriam, est vera causa efficiens donationis gratiæ, & gloriæ, quæ sit in tempore, sicut voluntas, qua ab æterno decreuit creare mundum, fuit vera causa efficiens creationis mundi. De hoc genere causæ & effectus loquitur D. August. lib. de Predest. Sanctorum capit. 10. cum ait. *Predestinatio est gratia preparatio; gratia verò est ipsius predestinationis effectus.* Et D. Thomas 1. p. q. 23. art. 3. ad 1. *Predestinatio est causa gratia in presenti, & gloria in futuro.*

2. Primus ergo effectus est vocatio, quæ sit per gratiam excitantem, seu præuenientem. Ceterum, quia vocatio potest esse communis prædestinatis & reprobis, (multi enim sunt vocati, pauci electi) duo necessaria sunt, ut aliqua vocatio sit effectus predestinationis, Primo, ut habeat effectum in homine per consensum liberi arbitrij. Secundo, ut non interrumpatur peccato mortali, sed cum aliis effectibus ad finem usque connexa sit. Vnde si vel effectum non habeat, vel subsequenti peccato abrumptur, solum potest permittere ad providentiam Dei: quæ est communis reprobis & prædestinatis.

3. De iustificatione idem statuo. Quæ enim peccato mortali interrumpitur, communis tantum providentia: quæ non interrumpitur, predestinationis effectus est. Quod si interrupta restauretur, bifariam spectari potest: aut præcisè, quatenus primum facta est; aut quatenus post peccatum commissum reparata. Priori modo ad providentiam; posteriori ad predestinationem pertinet. Ex hac distinctione facile defenditur totam Adam prædestinationem: quoad omnes effectus, factam esse ex meritis Christi, etiam si diceremus gratiam originalis iustitiæ non ex meritis Christi, sed ex sola Dei liberalitate fuisse datam. Nam predestinatio eius non incepit à gratia & iustificatione, quæ fuit in statu innocentia, sed à restauratione, quæ fuit in peccatum; Hæc autem restauratio ex meritis Christi facta est.

4. Glorificatio, seu consecutio vitæ æternæ, potest referri inter effectus predestinationis, si Predestinatio spectetur non præcisè, quatenus est tantum gratiæ preparatio, sed quatenus adiunctam habet electionem ad gloriam. Et hoc sensu dixit D. Thomas loco citato, *Predestinatio est causa gratia in presenti, & gloria in futuro.* An autem ex loco Pauli. *Quos autem predestinavit: illos & glorificavit,* rectè id colligi possit controuersa est. Nam D. Hieron. Gregor. Ambros. Chrysost. Theophylactus, & Theodoretus, eo loco per glorificationem

tificationem intelligunt, non alterius vite beatitudinem, sed gloriam presentis, quam Deus iustis suis preparavit, efficiens filios Dei. At Divus Augustinus lib. de predestinatione sanctorum. cap. 17. & sermon. 17. de verbis Apostoli. & Fulgentius lib. 1. ad Monimum cap. 11. intelligunt gloriam alterius vite.

5. Ad predictos tres effectus, alij revocari possunt, ut motus fidei, spei & charitatis, quibus homo respondet & cooperatur ad vocationem & opera meritoria, augmentum gratie, & perseverantia ad iustificationem; amor beatificus: gaudium & dotes corporis, ad glorificationem. Atque hi effectus supernaturales sunt, & precipui. His addi solent alij minores principales; ut natiuitas ex Christianis parentibus, bona educatio, flagella & afflictiones, miracula, predicatio Evangelij, bona aliorum exempla, mors prematura, & alia his similia, quae vel hominem incitare solent ad bene viuendum, vel aliquo alio modo conducunt ad vitam aeternam consequendum.

An permissio peccati sit effectus predestinationis.

6. Sunt, qui addunt etiam permissionem peccati, quae saepe hominis est occasio humilitatis & maioris diligentiae, atque ita confert ad salutem consequendam, iuxta illud Rom. 8. *Diligentibus Deum omnia cooperantur in bonum*. Mihi tamen non videtur. Nam, si auctore Augustino, Predestinatio est preparatio donorum gratiae, sane ut alicuius sit effectus predestinationis, duo requiruntur. Primum, ut sit donum gratiae: Secundum, ut non solum conducatur ad vitam aeternam, sed etiam ex voluntate & intentione illius preparatur, & praefinitur à Deo. At neutrum cadit in permissionem peccati. Nec enim est donum gratiae: cum potius sit illius negatio; nec preparatur à Deo tanquam medium ad vitam aeternam consequendam. Permissio enim peccati non est utilis ad vitam aeternam, nisi mediante poenitentia: Ergo non potest eligi tanquam medium, nisi prius eligatur poenitentia. At poenitentia eligi non potest ante praefinitionem peccati, multò minus addo permissionem. Hic notandum est, differre haec duo, *Deus peccatum iam commissum ordinat ad bonum exitum*; Et *Deus antequam fiat peccatum, statuit illud permitti tanquam medium ad salutem*. Prius Verum est, posterius falsum.

Effectus reprobationis

7. Effectus reprobationis sunt quatuor. Primus est permissio peccati. Secundus, obduratio in peccato. Tertius, exclusio à regno caelesti. Quartus inflictio poenae sensus. Duo priores pertinent ad reprobationem, quatenus reprobatio sumitur pro reiectione à gratia: Duo posteriores ad reprobationem proprie dictam, ut significat reiectionem à gloria. Haeretici addunt quintum effectum: nempe ipsum peccatum. Hi dudum refutati sunt.

Effectus reprobationis in parulis.

8. In parulis tres reperiuntur. Primus est permissio contrahendi peccatum originale. Secundus, permissio moriendi in peccato originali. Tertius, exclusio à gloria. Prima illa permissio fit à Deo, quatenus negat primam gratiam iustificantem, quae praevenerat & impediat, ne peccatum originis contrahatur, ut factum putamus in Beata Virgine Maria. Altera permissio fit, quatenus negat Baptismum, aut aliud remedium contra peccatum originale. An autem praeter has duas permissiones, & exclusionem à gloria, debeat addi quartus effectus, nempe inflictio poenae, disputari solet. Sunt qui putant, parulos dolere de amissa beatitudine, & hanc esse illorum poenam. Alij addunt etiam torqueri flammis infernalibus. Rectius sentiunt, qui utrumque negant.

CAPVT III.

De causis predestinationis, & reprobationis.

Cum quaerimus causam predestinationis, non de actu, sed effectibus illius sermo est. Effectus autem predestinationis sunt tres, nempe vocatio, iustificatio, glorificatio. Horum causa quaeritur. Nec de quouis causarum genere disputamus, sed potissimum de causa meritoria. De ceteris resclara est. Nam causa materialis, in qua, tanquam in subiecto, recipiuntur, effectus predestinationis, sunt ipsi homines predestinati. Causa formalis non est alia, quam idem effectus, qui ut formae accidentales nobis inhaerent. Causa efficiens principalis, est Deus. Finalis; Dei bonitas & gloria, ad quam omnia referuntur; & unus effectus potest esse finis alterius, ut gloria iustificationis, & iustificatio vocationis. Superest sola causa meritoria.

i. Causa predestinationis.

1. Est igitur haec quaestio. An Deus ab aeterno decreverit nobis dare, vel omnes, vel aliquos effectus predestinationis, ex praevius meritis. Et quia tres sunt effectus, potest esse triplex quaestio. Prima, de predestinatione, seu electione ad gratiam vocationis. Secunda de electione ad gratiam iustificationis. Tertia, de electione ad gloriam. Hic illa regula servanda est, qua frequenter videtur Augustinus. *Quidquid Deus in tempore confert alicui ex meritis, hoc ab aeterno decrevit conferre ex meritis. Et quidquid in tempore confert sine meritis, hoc ab aeterno decrevit conferre sine meritis*. Ex hac regula tres propositae quaestiones discutende sunt. Nam si ostendimus, hunc aut illum effectum predestinationis dari nobis ex meritis, iam ostensum erit predestinationem, quoad illum effectum, factam esse ex praevius meritis: Et è contrario similiter. Sunt autem merita distinguenda. Nam alia sunt merita liberi arbitrij, quae sunt per solas vires naturales. Alia sunt merita gratiae, quae partim à gratia, partim à libero arbitrio, tanquam à duabus causis partialibus dependent. Rursum, merita gratiae, vel sunt à gratia tantum actuali, vel etiam ab habituali & sanctificante. Denique, aut sunt merita de condigno, aut de congruo.

Secunda quaestio.

Regula in hac materia observanda.

Varia meritoria dicitur.

D

E

E

3. Et quidem prima quaestio, an predestinatio primae gratiae facta sit ex praescientia meritorum, in duplici sensu disputari solet. Primum, an facta sit ex meritis liberi arbitrij, quae praecedunt primam gratiam. Secundum, an ex meritis gratiae, quae sequuntur. In priori sensu fuit olim acerrimè disputata in Ecclesia. Pelagiani & Semipelagiani asserabant, factam esse ex praevius meritis liberi arbitrij: hi ex meritis de condigno, illi de congruo. Augustinus contra contendebat, fuisse merè gratuitam. Neque hoc aliter probabas, nisi iuxta regulam assignatam. Nam passim in libro de predestinatione Sanctorum, & in libro de bono perseverantiae, & in Epistola 105. & 106. conatur ostendere ex Scripturis gratiam dari nobis sine ullis meritis praecedentibus, ex quo probatum relinquit, eandem ab aeterno preparatam fuisse sine praescientia meritorum. Hoc enim interest, teste Augustino libro de predestinatione Sanctorum cap. 10. inter gratiam & predestinationem; quod predestinatio sit preparatio gratiae, quae fuit ab aeterno: gratia verò, sit ipsa donatio, quae fit in tempore. Sicut ergo se habet donatio gratiae ad merita nostra in tempore: ita se habet preparatio gratiae ad nostra merita in praescientia: ac de-

i. Quaestio discutitur in duplici sensu. Prior sententia.

natio est gratuita, & sine meritis: ergo & preparatio. Huc spectant illa Scripturæ testimonia, 2. Timoth. 1. *Vocavit nos vocatione sancta, non secundum opera nostra: sed secundum propositum suum & gratiam.* Roman. 11. *Si autem gratia, iam ex operibus, alioqui gratia non est gratia.* Augustino assensuerunt Hilarius & Fulgentius, & tres Pontifices Romani, Celestinus, Leo, & Gelasius. Denique tota Ecclesia Concilio Trident. sess. 6. capite 5. ubi definitur, adultis conferri gratiam præuenientem, seu vocationem, quæ est prima gratia, nullis eorum existentibus meritis. In posteriori sensu, an

Posterior preparatio primæ gratiæ facta sit ex meritis gratiæ subsequenter, disputatur eadem questio apud Scholasticos. Alexander affirmat. Reliqui negant rectius. Nam teste Apostolo, Ephes. 1. *Elegi nos in ipso ante constitutionem mundi, ut essemus sancti.* Si elegit nos ad primam gratiam, ut essemus sancti, non ergo, quia futuri eramus sancti, ut rectè argumentatur Divus Hieronymus in illum locum, & Divus Augustinus libro de Predestinatione Sanctorum capite 17. Et ratio est manifesta, quia idem respectu eiusdem voluntatis, non potest simul esse causa finalis & meritoria: Ergo si Deus nos elegit ad primam gratiam propter sanctitatem, tanquam causam finalem, certe non elegit propter sanctitatem, tanquam causam meritoriam. Et similiter, si prima gratia datur nobis eo fine, ut efficiamur sancti; certe non datur ex merito futuræ sanctitatis. Finis enim non impetrat media, sed media potius impetrant finem. Hæc natum est illud axioma Theologorum, *Principium meriti non cadit sub merito.*

rum, quæ iustificationem præcedunt siue fides siue opera, ipsam iustificatio is gratiam promeretur. Atque nihilominus putant, meritum de congruo rectè coherere cum gratuita iustificatione, ut plerique Scholastici in 2. de 27. Nam quibus modis intelligi potest, nos gratis iustificari. Primo, *gratis*, id est, ex gratia, & non ex debito iustitiæ. Secundo, *gratis*, id est, ex gratia, & non ex virtutibus naturæ. Priori modo excluduntur merita de condigno, quæ inducunt obligationem ex iustitia. Et hoc modo dixit Concil. Trid. opera præcedentia non promereri iustificationem. Posteriori modo excluduntur merita ex solis naturæ virtutibus profecta: Et hoc sensu passim docet Apostolus, nos non iustificari ex operibus, sed ex fide. At meritum fidei, aut dilectionis, neutro modo excluditur, quia neque inducit obligationem ex iustitia, neque est meritum solius naturæ, sed etiam gratiæ; ac proinde non pugnat cum gratuita iustificatione. Et hæc videtur esse sententia D. Augustini epistola 1. 5. Vbi ait, *Nec ipsa remissio peccatorum sine aliquo merito est, si fides hanc impetrat; neque enim nullum est meritum fidei.* Similia habet epistola 106. Quod obicitur iustificationem, cum sit gratuita non posse habere rationem mercedis, & idem non acquiri per meritum; distinguendum est. Nam sicut duplex est meritum; unum condignum, alterum congruum, ita duplex est merces, quarum altera ex iustitia debetur, altera ex gratia. Et hoc posteriori modo, iustificatio potest vocari merces, quia confertur à Deo homini credenti, & penitenti, non ex iustitia, sed ex gratia. Si ex gratia, iam rectè vocari potest gratuita.

5. Tertia questio, an electio ad gloriam facta sit ex præiis meritis, patitur etiam duplicem sensum. Vnum, de congruis meritis liberi arbitrii: alterum de condignis meritis gratiæ. Primus sensus, quod asseriebant Pelagiani, iam pridem explosum est. De posteriori est controversia. Scholastici diuisi sunt, & in utramque partem citant Augustinum, de cuius mente non satis constat. Si regula superius data teneatur, facile negotium expedietur. Constat enim ex Scripturis, vitam æternam dare ex meritis, & idem vocari mercedem, brauium, stipendium, coronam: ergo dubitari non potest, quin ab æterno preparata sit ex præiis meritorum, quod aperte colligitur ex illo Matth. 25. *Proinde benedicti Patris mei possidete paratum vobis regnum à constitutione mundi: esurivi enim, & dedistis mihi manducare.* Quod est paratum esse regnum à constitutione mundi, nisi quosdam ab æterno electos esse ad cælestis regnum? Et quare ab æterno, hi electi sunt, non illi causam addit, quia hi fecerunt bona opera, illi non fecerunt, scilicet in præscientia Dei. Eodem spectat illud 1. Timoth. 1. *nemo coronabitur, nisi qui legitime certauerit.* Nam si Deus proponit homini vitam æternam tanquam præmium seu coronam, ea lege, ut nemo eam assequatur, nisi qui legitime certauerit, certe nemini efficaciter statuit illam dare per modum præmij, nisi præuideat ipsius legitimum certamen. Et ita sentiunt graues Theologi, Camerarius, Molina, Oso- rius, Torrianus, Vasquez, & alij. Quod obici solet, voluntatem finis esse priorem voluntate mediorum, facile diluitur. Id enim verum est respectu eius, qui si- bi ipsi proponit aliquem finem consequendum per me- dia. Is enim ex efficaci voluntate finis, mouetur ad ele- ctionem mediorum. Falsum est respectu eius, qui ali- cui alteri proponit finem per modum præmij seu mer- cedis. Is enim non vult efficaciter dare præmium, nisi alter dignus sit, & præmium mereatur. Hoc facile ostendit in proposito, quia Deus non tantum præde- stinatis, sed etiam reprobis proponit hoc præmium vitæ æternæ, & effectu simplici desiderat, ut omnes il- lud consequantur, ideoque dat omnibus præcepta &

ii. Questio
discutitur
in duplici
sensu.

prior sensu.

Posterior
sensu.

Cam. in
dialogo ca.
th. c. 4.
Molina 1.
q. 23. art. 1.
Ofor. 1. 9. de
iustitia
Tur. in o-
pusc. de e-
lect. Val.
quez in 1. p.
disp. 89. a. 1.

sufficiencia media, quibus possint assequi, si velint. Et tamen efficaciter non vult dare illis, qui non merentur: Ergo quod aliis efficaciter dare velit ideo est quia verè merentur.

6. Ambrosius Catharinus in hac controversia patrum his partim illis assentitur. Distinguit enim duos ordines hominum, quorum altero comprehendit paucos quosdam, qui prae aliis eximie à Deo dilecti sunt, & ab æterno ante prævisionem operum ad gloriam. Prædestinat; cuiusmodi sunt beata Virgo, Apostoli, & nonnulli alij quibus etiam eximia quædam dona gratiæ in hac vita concessa sunt. Altero comprehendit reliquam hominem turbam, quos Deus contentos esse voluit communibus gratiæ auxiliis, ea lege, ut qui beneficiis uterentur, salvi fierent, qui malè, à salute exciderent, & damnarentur. Itaque concedit Catharinus quosdam electos esse ante prævisa merita; alios ex prævisis meritis. Catharini sententiam sepultus est discipulus eius, Sixtus Senensis, eamque multis annis publicè pro concione docuit ut ipsemet fateatur lib. 6. Bibliothecæ sanctæ annot. 246. sed postea eam deseruit quod videret ab omnibus viris doctis improbari. Oppugnauit Catharinum Dominicus Soto in capite 9. Epistolæ ad Romanos, & Ioannes à Bononia in libello de prædestinatione. Nec immeritò, tum quia discrimen illud quod finxit Catharinus inter eximie prædestinatos & saluandos, ex Scripturis deduci non potest; tum quia eadem est omnium saluandorum ratio. Omnes enim ex meritis consequuntur vitam æternam, iuxta illud Pauli, *Nemo coronabitur, nisi qui legitime certauerit*: ergo iuxta regulam assignatam, omnes ex prævisis meritis ad vitam æternam prædestinati sunt.

De modo loquendi.

Obiect.

Vide supra cap. 25. 4.

7. Res satis explicata est. Si de nomine quaeritur, an liceat dicere, Prædestinationem factam esse ex prævisis meritis, id simpliciter est negandum, quia nec primus effectus, nec tota complexio effectuum ex meritis est. Et hoc modo loquendi vtitur Scriptura Ephes. 1. *Prædestinati sumus secundum propositum eius, qui operatur omnia secundum consilium voluntatis suæ.* Obiici potest illud Romanorum 8. *Quos præsciuit, hos & prædestinavit, conformes fieri imaginis Filij sui.* Hic enim præscientia meritorum videtur præcedere prædestinationem, quoad omnes ipsius effectus. Varia est explicatio huius loci. Assentior iis, qui asserunt prædestinationem, licet facta non sit propter prævisa illa merita, siue præcedentia: siue subsequenter primam gratiam, ut supra probatum est; non tamen factam esse sine prævisione meritorum subsequenter. Hoc ostendo quia prædestinatio sine eo facta non est, quod essentialiter includit: sed includit talem præscientiam, ut patet ex definitione superius assignata. Est enim conceptio mediorum in Deo: quibus prævidet aliquos peruenturos in vitam æternam, cum proposito dandi ea media, Deus enim ab æterno concepit quædam dona gratiæ, quæ posset certis hominibus distribuere, & simul prævidet, si his aut illis distribueret: fore ut benè uterentur, & tandem ex mera sua liberalitate decreuit ipsis ea distribuere. Hinc patet, præscientiam meritorum, non quidem absolutam, sed conditionatam, includi in prædestinatione, & priorem esse illo decreto, quo perficitur & completur prædestinatio: Deus enim prius ordine & ratione, quam decreverit alicui dare gratiam prædestinationis, sub conditione præsciuit eum tali gratia benè usurum esse, si daretur. Hoc enim ignorare non potuit, qui omnia novit. Hoc sensu dixit Apostolus Deum prædestinasse & vocasse eos, quos iam ante sub hypothese præsciuerat cooperaturos vocationi, & Christo conformes futuros, si vocarentur. Obiicies, ergo præscientia meritorum est conditio.

Opus. Bec.

Actio sine qua non esset facta Prædestinatio. Hic opus est distinctione. Est enim conditio ex parte intellectus, non autem ex parte voluntatis. Nam prædestinatio, ex parte intellectus, includit præscientiam meritorum; posita autem hac præscientia, cum sit conditionata, adhuc Deo liberum est ex parte voluntatis, dare talia auxilia gratiæ, cum quibus prævidet eos cooperaturos, ex hypothese, si ea nobis darentur. Quod ergo velit ea dare pendet ex solo ipsius beneplacito, neque conditionata præscientia meritorum est ullo modo causa, aut ratio, cur potius velit uni dare, quàm alteri; alioquin dedisset etiam Tiriis & Sidoniis, quos prævidebar credituros si facta fuissent apud eos miracula, quæ Iudæis exhibebantur.

8. Hactenus de Prædestinatione; Nunc reprobationis causæ investigandæ sunt, præsertim finalis & probatoria. Est autem duplex reprobatio, una, quæ quis reicitur à gratia; altera, quæ excluditur à gloria. Vtriusque duo sunt effectus: illius quidem, permissio peccati, & obduratio; huius verb, exclusio à gloria & inflictio pœnæ sensus. Si singulorum effectuum singulas causas assignemus, res explicata est.

9. Primus effectus est permissio peccati. Potest ergo primò quaeri, an ex parte hominis reprobis, sit ullum peccatum, aut demeritum, propter quod Deus permittat illum labi in peccatum? Secundò, quo fine Deus permittat peccatum fieri, quod ipse posset impedire, si vellet? Prior questio facilis est; nam prima permissio peccati, aliquando nullam habet causam in eo, qui labitur, aliquando habet. In eo habet, qui originali obstrictus est. In duplici hominum genere non habet. Primò, in iis, qui originale non contraxerunt, cuiusmodi fuerunt primi nostri parentes in statu innocentie. Hi enim permitti sunt labi sine prævia illorum culpa aut merito. Secundò in iis, qui quidem sunt in peccato originali, sed ab eo per Baptismum iustificati. In his etiam nihil est quare permittantur labi in primum peccatum actuale. Sola Dei voluntas sufficit. An autem hæc permissio referri possit in peccatum primi parentis, tamen dubium sit probabiliter tamen asseri potest. Quamvis enim hoc peccatum in ipso deletum fuerit per penitentiam, mansit tamen aliqua obligatio in posteris non solum contrahendi peccatum originale; sed etiam carendi gratia congrua, cuius negatione fit, ut aliquis labatur in peccatum actuale. Posterior questio, quo fine Deus permittat peccatum, præsertim cum ex nostra parte nulla est causa; difficilior est. Plerique affirmant quatuor fines: Vnum; ut homo libertate præditus sineretur agere conformiter suæ naturæ; neque vi & necessitate, sed voluntate in suum finem dirigeretur. Alterum, ut occasione peccati fieret Christi Incarnatio. Tertium, ut merita, certamina, & victoriæ iustorum existerent. Quartum, ut splendor diuinæ iustitiæ magis eluceret. Mihi ita videtur, Deum primaria & antecedente voluntate hunc sibi finem proposuisse, ut potentiam & bonitatem suam potissimum illustraret. Hoc autem poterat facere, siue homo peccaret, siue in statu innocentie persisteret. At quia videbat, ex una parte hominem voluntate lapsurum, nisi impediretur, & ex altera parte, se posse ex lapsu hominis, tam eximia bona elicere, ut non minus, imò etiam magis illustrari possit eius bonitas & potentia; voluit ob hunc finem peccata permittere. Sanè eximia bona sunt, verbi diuini Incarnatio, Sacramentum Eucharistiæ, martyrium, abstinencia, virginitas; quæ omnia ex peccati occasione secuta sunt. In his maxima splendet Dei bonitas, potentia, misericordia, clementia. Quæ enim maior potentia, quàm efficere, ut homo sit Deus, & creatura Creator? Quæ maior boni-

Causa reprobationis.

Permissio peccati.

De causa meritoria permissio, aut peccati.

De causa finali permissio peccati.

tas; quam ipsum bonitatis inexhaustæ fontem Filium Dei naturæ humanæ communicatum esse? Quæ maior misericordia, quam se in inimicis offerre in pretium, & redemptionem? Quæ maior clementia, quam patienter sustinere iustos rebelles, invitare ad amicitiam, offerre gratiam polliceri remissionem, si ipsi velint?

Obdura-
tionis
merita

10. Obduratio, qui est secundus effectus reprobationis semper habet causam meritoriam in eo qui obduratur, nempe peccata præcedentia. Qui enim peccando deserit Deum meretur sanè ut vicissim à Deo deleatur, ut habet D. Augustinus in libro de bono persecutorum cap. 6. & alibi. Et colligitur ex Scripturis, Rom. 1. *Commutarunt veritatem Dei in mendacium, & coluerunt & serxierunt creatura potius, quam Creatori. Propterea tradidit illos Deus in passionem ignominie.* Et int. 2. *Sicut non probauerunt Deum habere in notitia, tradidit illos Deus in reprobum sensum.* Et 2. Theiss. 2. *Eò quod charitatem veritatis non receperunt, ut salui fierent, ideò misit illis Deus operationem erroris.* Iam si fiat obdurationis quærat, is duplex est. Vnus ut Dei potentia & iustitia in punitione peccatoris obdurati ostendatur: Alter ut ipsius gratia & liberalitas, magis appareat in iustorum gloria & sanctificatione. Verumque hæc expressit Apostolus Rom. 9. *Quod si Deus volens ostendere iram & notam facere potentiam suam, sustinuit in multa patientia vasa ira apta in interitum, ut ostenderet diuinitas gloria sua in vasa misericordie.*

Obdura-
tionis
finis.

11. Reliqui duo effectus sunt, exclusio à regno & inflictio pænæ sensus. Vnusque meritoria causa est peccatum. Hoc docent Scripturæ. Matth. 25. *Ite maledicti in ignem æternum; Esurientes enim & non dedistis mihi manducare.* Rom. 2. *Ita & indignatio in omnem animam hominis operantis malum.* Idem docet Augustinus lib. 3. contra Iulianum cap. 18. edm ait, *Bonus est Deus, iustus est Deus: potest sine bonis meritis liberare, quia bonus est, non potest sine malis meritis damnare, quia iustus est.* Huc spectant illa, quæ in 1. opusculo cap. 1. contra Calvinum diximus. Solum hæc quæri potest. An Deus excludit aliquos à regno propter solum peccatum originale. Assentior us, qui negant. Tamen enim sufficiens causa esse possit peccatum originis, ob quod quisque merito excludi queat à beatitudine; constat tamen ex Scripturis Deum tam elementer vellet nobiscum agere, ut neminem adultum velit deserre, qui iuuari cupiat. Hoc sine misit Filium suum, qui pro omnibus mortuus est, qui omnes ad penitentiam inuitauit, qui omnibus gratiam suam & amicitiam obtulit; qui teste Apostolo, neminem vult perire, sed omnes saluos fieri, & ad agnitionem veritatis venire. Hactenus de causa meritoria horum effectuum. Finis unusque est, ut seruetur iustitia in vindicandis peccatis. Psalm. 144. *Iustus Dominus in omnibus viis suis.* Matth. 5. *Non exhibis inde, donec reddas novissimum quadrantem.* Iacob. 2. *Iudicium sine misericordia ei, qui non fecerit misericordiam.* Apocal. 18. *Quantum se glorificauit, & in deliciis fuit, tantum date illi tormentum & luctum.*

Dimina-
tionis
finis.

D. par-
uulus.

12. Quod ad paruulos attinet, permissio contrahendi peccatum originale, in ipsis causam meritoriam non habet, sed in primo parente. At permissio moriendi in tali peccato, & exclusio à regno, non aliam habent causam quam ipsum peccatum, quod in ipsis contractum est. Propter hoc enim digni censentur, qui sine remedio decedant ex hac vita, & à regno excludantur.

CAPVT IV.

De certitudine Prædestinationis & Redem- ptionis.

Triplex certitudo spectari hæc potest. Prima, quæ certum & infallibile sit, Prædestinatum peruen-
turum ad vitam æternam, & reprobum ad pœnam & damnationem æternam. Secunda, quæ certus & defi-
nitus sit numerus Prædestinatorum & reproborum.
Tertia, quæ constet nobis in hac vita, quis sit Præde-
stinatus aut reprobus.

Triplex
certitudo

1. Prima certitudo, quæ in eo consistit, quod qui Prædestinatus est, certò & infallibiliter sit peruen-
turus ad gloriam: qui reprobatus, ad pœnam & damnatio-
nem; colligitur ex Scripturis & Patribus, Ioannis 10. *Oves meæ vocem meam audiunt, & non peribunt in æter-
num, & non rapies eas quisquam de manu mea.* Vnde
Augustinus lib. de bono persecutorum cap. 14. *Præde-
stinatio est præscientia & preparatio beneficiorum Dei, qui-
bus certissime liberantur, quicumque liberantur.* Hæc cer-
titudo non oritur ex parte mediatorum, seu gratiæ effi-
caciæ, quasi Deus conferat Prædestinatis tam effica-
centiam gratiam, ut debeant consequi suum finem; sed ex
parte diuinæ præscientiæ, quæ falli non potest. Deus
enim per scientiam conditionatam certò & infallibiliter
cognoscit, qui bene, & qui male vlti sint gratia
sibi concessa; & consequenter, qui saluandi, & qui
damnandi sint. Huc pertinet illud 2. Timoth. 2. *Novit
Deus qui sunt eius.* Hinc sequitur primò, media Præ-
destinationis, secundum se, talia esse, quibus potest
homo bene & malè vti, prout voluerit: nihilominus
Deum certò scire, an sit bene vltus, necne. Se-
cundò sequitur, quomodo verum sit, Prædestinatum
posse damnari? Nam id verum est, ex parte medio-
rum; falsum, ex parte præscientiæ diuinæ. Quænam
Prædestinatus est liberum vlti mediis à Deo sibi con-
cessis, ac proinde potest illos bene & malè vti, prout
voluerit: Et ex hac parte, si malè vteretur, posset
damnari. Quia tamen Deus præuidit illum bene vlturum
unde fit ut dicamus illum non posse damnari, non quod
tollatur illi libertas bene & malè agendi, sed quia Deus
non potest falli sua præscientia.

1. Certi-
tudo

D

3. Secunda certitudo, quia certus & definitus est nu-
merus Prædestinatorum, & reproborum colligitur
etiam ex Scripturis & patribus 2. Timoth. 2. *Firmum
fundamentum Dei stat, habens signaculum hoc, Novit Do-
minus, qui sunt eius.* Idem docet Augustinus lib. de
corrupt. & gratia cap. 13. Hæc certitudo oritur ex
præcedenti. Nam ex eo, quod Deus certò & infallibi-
liter sciat, quinam bene, vel malè vlti sint donis gra-
tiæ sibi concessis, necessario sequitur, ut etiam sciat,
qui nam in particulari sint saluandi, qui damnandi, &
quantus sit eorum numerus. Hic disputari solet, quan-
tus sit numerus hominum Prædestinatorum; & an
plures homines, quam Angeli, Prædestinati item, an
plures homines Prædestinati, quam reprobi. Expe-
diam paucis. Quantus sit numerus hominum Prædesti-
natorum, incertum nobis est, & soli Deo cognitum,
ut docet August. in Enchiridio cap. 29. & 10. Tho-
mas 1. p. quæst. 23. art. 7. Coniectura est, quod aliqui
dicunt tot homines esse Prædestinatos, quot Angeli
corruerunt: vel tot, quot Angeli perstiterunt: vel tot
denique, quot Angeli creati sunt. Illud verisimile, plu-
res esse reprobos, quam prædestinatos. *Arctæ enim est
via qua ducit ad vitam, & pauci sunt, qui inueniant eam.*
Et, multi Vocati, pauci electi. Quod de solis fide

2. Certi-
tudo

E

libus intelligit Didus Gregorius. Vnde ex sententia Gregorij dicendum esset, inter ipsos Christianos, & fideles, maiorem esse reprobatorum numerum, quam predestinatorum.

4. Tertia certitudo, qua constat unicuique, an sit Predestinatus, necne; in hac vita, absque speciali revelatione, haberi non potest, ut definitum est in Concilio Trid. Sess. 9. c. 12. & can. 15. Idem docet Augustinus libro de correptione & gratia cap. 13.

CAPUT V.

Quis sit ordo predestinationis & reprobationis.

Calvinus supra refutatus est, qui putat eundem esse ordinem utriusque. Nam in primo instanti putat Deum ante prævisa omnia opera, quosdam efficaciter ad gloriam, alios destinasse ad interitum. In secundo, ordinasse peccatum Adami & totius humani generis; eo sine, ut iustitiam suam erga reprobos, misericordiam erga Predestinatos posset exercere. In tertio, dedisse Predestinatis Christum redemptorem fidem iustificationem, & perseverantiam; improbos reliquisse sine omni præsidio gratiæ, ac insuper instigare ad peccatum, ut iuste puniri possit. Hæc omnia refutata sunt.

1. Scotus assignat hunc ordinem. In 1. instanti Deus ex tota hominum multitudine, nondum prævisto peccato originali, elegit quosdam ad gloriam, & inter illos Christum hominem; circa reliquos vero negativè se habuit. In 2. voluit illis dare mediæ, quibus pervenirent ad gloriam, circa alios iterum negativè se habuit. In 3. voluit permittere peccatum Adami, & cetera aliorum hominum, quæ inde secuta sunt, atque adeo prævidit illa omnia futura. In 4. voluit venire Christum in carne passibili (quia alias venisset in carne impassibili) ut suis meritis obtineret gratiam iis, qui in primo instanti erant electi & Predestinati: Ceteros vero in eodem instanti prævisis iam eorum peccatis, reprobavit. Hic ordo in duobus displicet. Primo, quod dicit Christum electum esse cum aliis in primo instanti: ante prævisum peccatum originale. Hinc enim sequitur, electionem aliorum, non esse fundatam in meritis Christi; & Christum fuisse venturum, etiam si Adam non peccasset, quæ duo non facile concedimus. Secundo illud displicet, quod dicit, Deum in primo & secundo instanti circa reprobos negativè se habuisse. Habuit quidem se negativè, tum quoad punitionem, quia non voluit illos punire ante prævisum peccatum, tum quoad efficacem electionem ad gloriam, quia nemini voluit efficaciter eam dare nisi ex prævisis meritis; non tamen quoad simplex desiderium beandi. Omnes enim voluit saluos esse & omnes ad beatitudinem statuit creare, ut supra probatum est.

Aliorum sententia.

3. Aliqui Thomistis constituunt hunc ordinem. In 1. instanti vidit Deus totum genus humanum tanquam massam corruptam peccato originali. In 2. quosdam ex illa massa elegit ad beatitudinem, reliquis relictis & reprobatis propter peccatum originale. In 3. cogitavit de mediis, quibus electos perduceret ad beatitudinem, & occurrit illi Incarnatio Verbi. In 4. placuit illi hoc medium. In 5. imperavit, ut ita fieret. Hic ordo in duobus displicet. Primo, quod dicit Deum in primo instanti vidisse totum genus humanum, quasi massam corruptam peccato originali, antequam statueret de Christi incarnatione. Hinc enim sequeretur, B. Virginem,

Opusc. Ecc.

A non solum contraxisse peccatum originale, & cum eo fuisse prævisam sed etiam non potuisse per Christum ab eo præservari. Nam si ante Christi Predestinationem omnes fuerunt prævisi cum peccato originali nasciturus meritum Christi nihil potuit illis prædesse, ut ab eo præservarentur, quia prior esset præservatio, si alicui concederetur, quam Christi meritum. Secundo, displicet in eo, quod dicit in secundo instanti, quosdam esse electos, ante prævisam Christi incarnationem alios reprobos propter peccatum originale. Nam ex priori sequitur, electionem non fundari in meritis Christi ex posteriori, multos post peccatum originale per Baptismum remissum, adhuc damnari propter originale, si propter illud reprobati sunt.

B 4. Ex nostra sententia, ordo predestinationis & reprobationis hic est. Primo, Deus statuit creare totum genus humanum ad æternam beatitudinem & simplici affectu desideravit, omnes ad eam finem pervenire. Secundo, ex hac voluntate, decrevit illis dare gratiam in statu innocentie, permittens illis liberum usum arbitrii, in quo continetur etiam permissio peccati. Tertio, vidit primum hominem cum tota sua posteritate labi, id est, vidit actuale peccatum Adami, in quo omnes peccaverunt. Nihil adhuc dico de originali in singulis contracto. Quarto, volens remedium homini lapsi præparare, Predestinavit Christum & merita eius. Quinto, statuit merita Christi diverso modo applicare hominibus. Nam Beatam Virginem voluit præservare à peccato originali per merita Christi; reliquos omnes permittit concipi & nasci in originali. Hi rursus divisi sunt. Nā quosdam parvulos, reliquit sine remedio, & reprobavit propter peccatum originale; aliis ex sola misericordia Baptismum concessit, & ad vitam Predestinavit. Adultis vero omnibus providit de sufficienti gratia; quanquam aliis maiorem, aliis minorem largiri decreverit: & hoc modo, censetur alios elegisse ad gratiam Predestinationis; alios reliquisse cum communibus præstigiis. Sexto, absolute vidit, hos bene vsuros gratia, illos male. Septimo, absolute voluit his dare præmium æternum, illis supplicium & damnationem æternam.

Ordo Predestinationis & reprobationis.

CAPUT VI.

Decohærentia Predestinationis & Reprobationis cum libero arbitrio, & quomodo sit in nostra potestate Predestinatio & Reprobatio.

1. Liberum arbitrium optimè cohæreere cum Predestinatione & Reprobatione, satis constat ex iis, quæ in primo opusculo c. 2. dicta sunt. Nam Predestinatio, si actum spectemus, includit scientiam & voluntatem Dei: si effectum, includit gratiam actualem & habitualem: At nihil horum lædit libertatem, ut supra ostensum est. Similiter Reprobatio ex parte actus, includit scientiam & voluntatem Dei: ex parte effectus, permissioem peccati, obdurationem, exclusionem à regno, punitionem. Hæc etiam non lædunt libertatem in hac vita, ut probatum est.

2. An autem Predestinatio & Reprobatio sint in nostra potestate, diversa questio est. Loquor autem de effectibus utriusque. Res ex dictis facile expediti potest. Effectus Predestinationis sunt tres, Vocatio, Iustificatio & Glorificatio. Vocatio partim est in nostra potestate, partim non est. Ut enim Deus vocet nos, aut præveniat & excite, sua gratia, non est in nostra potestate,

M iij

quia ideo dicitur gratia praeueniens, quod praeueniat consensum nostrum. Hoc olim in Ecclesia definitum contra Pelagianos, in Concilio Araucicano can. 3. & 4. Et aperte conuincitur ex scripturis, Rom. 9. *Non est Volentis, neque currentis, sed Dei misericordis.* 1. Cor. 3. *Non sumus sufficientes cogitare aliquid ex nobis tanquam ex nobis Ioann. 6. Nemo potest venire ad me, nisi Pater traxerit eum.* Omitto alia loca. Ut autem vocationi seu gratiae praeuenienti consentiamus, id est, in nostra potestate. Liberè enim consentimus & cooperamur; ut patet ex Concilio Trident. Sess. 6. capite 3. Et manifestè deducitur ex scripturis, quae saepe nos hortantur, ut Deo vocanti obediamus; eosque reprehendunt qui obedire non volunt. Ezech. 18. *Conuertimini & agite poenitentiam.* Ier. 7. *Vocavi Vos & non respondistis.* Vide, quae supra diximus in primo opusculo cap. 2. §. 11.

3. Iustificatio est in nostra potestate, quia pendet ex propria dispositione, qua quis liberè se disponit ad infusionem gratiae iustificantis & aliorum habituum supernaturalium, qui cum illa connexi sunt, Loquor autem de homine adulto, qui iam praeuentus & excitatus à Deo est per auxilium gratiae actualis. Is enim, sicut liberè consentire & cooperari potest Deo vocanti & excitanti ita potest se liberè disponere & preparare, ut paulatim capax efficiatur gratiae sanctificantis. Hoc satis declarat Conc. Trid. Sess. 6. c. 7. cum asserit, iustificationem fieri per voluntariam susceptionem gratiae & donorum. Et paulò post, unumquemque recipere gratiam & iustitiam secundum propriam cuiusque dispositionem & cooperationem.

4. Glorificatio similiter est in nostra potestate, quia pendet ex meritis nostris, quae liberè in hac vita exercemus. Qui enim post acceptam charitatem & gratiam iustificantem, in bonis operibus se exercet, iuxta illud 1. Petri 1. *Stragite, ut per bona opera certam vestram vocationem & electionem faciatis;* is proculdubio, si in iis perseveret, quod cum gratia Dei potest, vitam aeternam mercedis loco consequetur, & poterit dicere cum D. Paulo, 2. Tim. 4. *Bonum certamen certavi, cursum consummavi, fidem seruavi: In reliquo reposita est mihi corona iustitiae, quam reddet mihi Dominus in illa die.*

5. De effectibus Reprobationis, seruata proportione, idem dicendum est. Nam permissio peccati, id est, negatio maioris gratiae, non est in nostra potestate, quamuis in nobis sit, gratiae datæ & concessæ, quantumuis paræ & remissæ, assensum, aut dissensum præbere, ut iam saepe ex Concilio Tridentino & Scriptura dictum est. Obduratio, exclusio à regno, & inflictio poenæ, castus sunt in nostra potestate, quatenus liberè peccando ea nobis male accersimus.

EPILOGVS.

Vidisti Lector, quae sit Calvini, quae nostra de Praedestinatione sententia. Ille Deum crudelē facit, E homini liberum arbitrium eripit, viam parat omnibus flagitiis, desperationem ingerit; atheismum in orbem Christianum inducit. Longè aliter nos Catholici. Dei misericordiam praedicamus; libertatem arbitrii agnoscimus: prohibemus vitia; hortamur ad virtutem; spem & fiduciam excitamus; studium Christianae pietatis ac Religionis seruari ubique cupimus. Rursum. Calvinus sua dogmata non aliunde sumpsit; quàm ex antiquis & damnatis haereticis, praesertim Manichæis, Donatisticis, Ioviniano & similibus; ideoque saepe à seipso dissentit. Nos nostra ex Scripturis, Conciliis, Patribus & Ecclesiae definitionibus accepimus, ac proinde nulla apud nos in rebus fidei dissentio aut contradictio. Quod si aliqua

A inde sumpta non sunt, ea nec fidei dogmata censeri debent, & licite in vtramque partem disputari possunt. Ita olim fecit & docuit D. Augustinus. Vnde libro primo contra Iulianum, cap. 2. ait, *Alia sunt in quibus inter se aliquando etiam doctissimi, a quae optima regula Catholica defensores, salua fidei compage, non consonant & alius alio de una re melius aliquid dicit, & verius.* Hoc autem unde nunc agimus ad ipsa fidei pertinet fundamenta. Et libro secundo de Baptismo contra Donatistas c. 4. *Hoc facit sanctorum pacis, ut cum distius aliqua obscuriora quaruntur, & propter inueniendi difficultatem diuersas parum infra-terna disceptatione sententias, donec ad veram liquidum perueniatur, vinculum permanentis unitatis, ne in parte praecisare maneas insaniabile vulnus erroris.* Et ideo plerumque doctioribus minus aliquid reuelatur, ut coram patiens & humilis charitas, in qua fructus maior est, comprobetur: vel quomodo teneas vanitatem, cum in rebus obscurioribus diuersa sentiant: vel quomodo accipiant veritatem, cum contra id, quod sentiebant, declaratum esse cognoscunt.



DE AVTHORE PECCATI,

Seu, An alius sit Calvinistarum, alius Catholicorum Deus

OPVSCVLVM III

LECTORI.



Quia Calvinistae habent aliam fidem, & aliam Ecclesiam, quàm nos Catholici: disquirendum est, an habeant etiam alium Deum? Docet habere alium: & concludo hoc

sylogismo: Deus Calvinistarum est author peccati: Deus Catholicorum non est author peccati: Ergo non est idem vtrorumque Deus. Maior propositio, in qua tota vis, probabitur ex verbis & doctrina Calvini.

DOCTRINA CALVINISTICA

DE EO, AN DEVS SIT AVCTOR peccati ad paucas propositiones reuocata?

Ac primo de peccato primi parentis.

Propositio I. Deus ab aeterno non solum praesciuit & permisit, sed etiam efficaciter voluit, ordinavit, praedestinavit, ut Adam peccaret, & totam posteritatem in ruinam secum pertraheret.

2. *Propos.* Idque fecit eo fine, ut haberet occasionem puniendi homines, & aeternis cruciatibus addicendi.

3. *Propos.* Ex hoc peccato duo potissimum effectus secuti sunt: vnus est, amissio liberi arbitrii: Alter peccatum originale.

4. *Propos.* Hoc originale peccatum verè in nobis manet, quamdiu in hac vita sumus: neque per Baptismum tollitur.

5. *Propos.* Et tria in nobis efficit. Primum, statuit nos A reos iuxta divinæ, & æternæ damnationis. Secundum, est origo omnium aliorum flagitiorum. Tertium, omnia opera nostra inquinat, & immonda reddit.

6. *Propos.* Hinc alia tria sequuntur. Primum. Nos omnes esse verè peccatores, fædos, contaminatos, & iniustos coram Deo: Et omnia nostra opera esse verè peccata mortalia; etiam ipsos motus concupiscentiæ rationem prævenientes. Secundum. Nullum in hac vita esse iustum iustitia inhærente, eo quod hæc iustitia cum peccato originali, & mortalibus consistere non possit. Tertium. Nec servari posse à nobis mandata Dei: quia cum destituti simus interna gratia & iustitia, non habemus sufficientes vires ad divinæ legis observationem.

7. *Propos.* Quid ergo differunt ab aliis Calvinistæ? fideles ab infidelibus? Prædestinati à reprobis? Hoc differunt, quod tametsi omnes æquè immundi sint, & peccatis coinquinati illorum tamen peccata non imputentur ad penam: horum imputentur: illos, sua iustitia regat Christus nos non regat.

De peccatis aliorum hominum.

8. *Propos.* Idem est iudicium de peccatis posterorum quod de lapsu primi parentis. Deus ab æterno voluit, decrevit, prædestinavit, ut ea peccata fierent, quæ modo fiunt ab hominibus, rectèque dicimus, omnia fieri ex Dei voluntate, decreto, prædestinatione.

9. *Propos.* Ut hoc decretum executioni mandetur, Deus quotidie mandat, urget, impellit Sathanam, ut maleficia concipiat & homines ad peccatum inducat.

10. *Propos.* Neque hoc contentus est. Ipse per se occulta quadam vi incitat, movet, necessitat miseros mortales ad omnia flagitiorum genera perpetranda.

11. *Propos.* Imò ipse nobiscum peccata nostra operatur, eoque magis ipse, quam nos: quod ipse principale sit agens & operas: nos mera duntaxat instrumenta.

12. *Propos.* Quare simpliciter concedi debet Deum esse causam & authorem omnium peccatorum. Omnia fiunt ipso volente, decernente, prædestinante, iubente, impellente, operante.

13. *Propos.* Aliter tamen se habet respectu Calvinistarum, qui sunt filij eius electi, aliter respectu aliorum. Calvinistas vult peccare, ut habeat occasionem exercendi erga illos suam misericordiam. Omnia enim peccata ab iis commissa, liberaliter ipsis condonat: Et hoc sensu, omnia illorum peccata dicuntur venialia ab eventu, quia scilicet veniam consequuntur, licet ex natura sua sint mortalia.

14. *Propos.* Reliquos autem, qui Calvinistæ non sunt, vult peccare, ut habeat occasionem exercendi suam iustitiam in illorum punitione. Omnia enim peccata ab illis commissa, punit æternis suppliciis. Et omnia eorum peccata sunt mortalia, non solum ex natura sua, sed etiam ab eventu, & consilio Dei.

15. *Propos.* Hos ipsos non solum vult peccare, sed etiam verè excæcat, indurat, aggruat, ut nec credere possint Evangelio, etiamsi valint: nec dolere de peccatis à se antea commissis: nec omnino spem ullam habere de salute consequenda: quippe qui iam pridem ab ipso æternæ damnationi sunt adjudicati.

Consellaria ex hac doctrina.

Hæc est doctrina Calvini de proposita questione, quam ipse partim ab antiquis hæreticis, Cerdone, Marchione, Manichæo, Florino: partim à receptionibus, Zuinglio, Luthero, Melancthone accepit & locupletavit. Et ab ipso deinceps acceperunt Beza, Vittrakerus, Libertini ut suo loco dicemus. De qua nunc breviter audi S. Ambrosium, lib. Exameron, c. 8. *Hæc opinio fœnalis coram, qui perturbantam Ecclesiam putantur.*

B Porro, ex hac doctrina rectè colligunt Libertini. Primum, aut solum Deum peccare, aut peccatum nihil esse nisi falsam opinionem. Secundum, homini non magis liberum arbitrium adesse quàm lapidi.

Nos insuper hæc colligimus. Primum. Alium esse Calvinistarum, alium Catholicorum Deum. Secundum. Hunc alium Deum, quam Calvinistæ habent, esse ipsum Diabolum. Tertium. Nullum hætenus, nec Gentilium, nec hæreticorum, tam impie de Deo sensitse. Quartum. Præstare nullum Deum, quam talem credere: ac proinde atheum quam Calvinistam esse. Quintum. Hoc solum dogma Calvini: causam esse sufficientem, ac rationabilem, propter quam vir prudens merito deserat Calvinistarum sectam. Hæc omnia & singula suis locis ostendam.

C Illud nunc obiter moneo, hanc doctrinam Calvinistæ, ad id semper displicuisse Gallis, & Germanis, ut non solum à Pontificibus, sed etiam à Lutheranis proscripserit & explosa sit. Hoc ostendam vno aut altero exemplo.

Ac primum Prædicantes Lutherani in Germania, & libris editis, & concionibus, & publicis colloquiis, & principum suorum edictis ac legibus, hoc dogma oppugnavit & proscripserunt. Tilmannus Heshusius libellum divulgavit, cui hæc inscriptio: *Aliquot errores Calvini.* In eo sic habet. *De fato & causa peccati plane impie docet, ut ex multis eius libellis probari potest. Vt pote qui dicat, Deum impiorum scelera non solum permittere fieri, sed & efficaciter operari.* Et paulò post subiicit huiusmodi centuriam. *Hæc omnino & Dei voluntatem incertam faciunt, & Deum peccati authorem afferunt. Hic autem error est in Deum horribiliter contumeliosus, & generi humano perniciosissimus. Hoc sanè doctore, non diabolus, sed Deus eris pater mendacii.* Hæc Heshusius.

Atque eadem mens est alijs Lutheranis, qui quo magis ostenderent, sibi hanc Calvinisticam doctrinam displicere, sustulerunt ex libris Lutheri hæc verba, *malè Deus in impiis operatur.* Veriti nimirum, ne Calvinistæ ex his verbis patrocinium suæ causæ prætenderent. Imò Lutheranos adeo puduit horum Lutheri verborum, ut Herbrandus Lutheranus negavit unquam fuisse in Luthero, cui tamen optime respondisse fertur Georgius Schererus Catholicus. *Atque tot supersunt exemplaria in quibus hoc disertè scriptum & excusum est: ut eorum multitudine & obrui & sepeliri possit.*

E Nec Lutherani modo, sed & Zuingliani Calvino sese opposuerunt. Ex iis Petrus Vermiling, publicus Professor Tigurinorum, Calvini propositiones supra citatas appellat, *Libertinas, execrandas, sacrilegas, abominandas, & plane diabolicas.*

Bernenses ministri, coram Senatu suo, Calvinum eiusdem impietatis accusarunt: & libellos eius, qui de hac re scripti erant à carnifice publicè laceratos, flammis tradiderunt, edicto prohibente, ne quis in eorum terris ac locis, tam terrosos errores spargere auderet.

Nec Genes defuerunt, qui statim se Caluino opponerent, præsertim Castalio & Seruetus. Cæterum quia Calvinus eo loci plus pollebat viribus, alterum fûga sibi consulere compulit. Alterum viuum ardentibus flammis tradendum & absumendum curauit. Hæc paucis hæc attigi. Cætera in progressu, cum locus sese & occasio obtulerit, opportunius dicentur. Nunc ad singulas Caluini propositiones refutandas accedamus.

CAPUT I.

Prima Caluini propositio refutatur.

Prima Caluini propositio est, Deum ab æterno non solum præuidisse & permisisse, sed etiam voluisse & prædestinasse primi parentis ac totius humani generis lapsum. Asseritur à Caluino l. 3. Inst. c. 2. 3. 5. 4. his verbis. Fateor sanè in hæc qua nunc illigati sunt, conditionis miseriam Dei voluntate dedisse vniuersos filios Adæ. Et 5. 8. Disertis verbis hoc extorere negat, decretum, fuisse à Deo, ut sua defectione pari et Adam. Et infra. Decretum quidem horribile fateor, inficiari tamen nemo poterit, quin præscierit Deus quæ exitum esset habiturus homo: Et ideo præscierit, quia decreto suo sic ordinauerat. Et infra. Nec absurdum videri debet quod dico. Deum non modo primi hominis casum, & eo posterorum ruinam præuidisse, sed arbitrio quoque suo dispensasse. Omitto alia loca.

2. Hæc Caluini propositio falsa & hæretica est. Et dupliciter refutari potest, generatim & speciatim. Generatim hoc modo. Nullum peccatum fuit Deo absolute volente, & prædestinante, ostendam c. 8. Ergo nec peccatum Adami. Speciatim verò sint hæc argumenta. Primum. Nihil diuina fide credendum est Caluino & Caluinistis, nisi quod in sacris literis continetur: sed Adamum peccasse Deo volente & prædestinante, non continetur in sacris literis: Ergo Adamum peccasse Deo volente & prædestinante, non est diuina fide credendum: Videat ergo Calvinus, quæ fide ipse hoc credat & astruat. Maior propositio à Caluino & Caluinistis negari non potest. Est enim summissimum ipsorum propugnaculum, quo contra Catholicos conatur se tueri. Semper clamant & inculcant: Verbum Dei scriptum, verbum Dei scriptum: Extra hoc verbum, nihil in negotio fidei admittendum, frustra à Catholicis intrudi rationes, patres, rationes: Solâ Scripturâ lites omnes dirimi oportere. Minor verò probatur, quia nullum hæctenus testimonium ex tota Scriptura adferri potuit, quo Calvinistæ probent, Dei voluntate & prædestinatione lapsum esse Adamum. Nam quandocunque Scriptura de hoc lapsu loquitur tribuit illum serpenti, diabolo, Euz, Adamo, nusquam Deo, Sap. 2. Deus creauit hominem inextinguibilem, & ad imaginem similitudinis suæ fecit illum. Inuidia autem diaboli mors introiit in orbem terrarum. Ioan. 8. Ille homicida erat ab initio. Gen. 3. Serpens decepit me. Et ibi. Mulier quam dedisti mihi sociam, dedit mihi de ligno. Et iterum. Quia audisti vocem uxoris tuæ. Ro. 5. Per unum hominem peccatum in hunc mundum intravit. Si ergo hæc controuersia de peccato Adami, scripturâ iudice, dirimenda est nihil aliud habebimus ex scriptura, quàm quod Catholici docent. Diaboli inuidia, serpentis deceptione, mulieris hortatu, propria libertate lapsum esse Adamum. Hæc omnia sacris literis consignata sunt, de Deo volente & prædestinante verbum nullum.

3. Hoc argumentum nec Calvinus, nec discipulus eius Beza potuit effugere. Et quidem Calvinus libr. 3. Inst. c. 23. 5, 7. N. II. im ex scriptura testimonium, sed leues quasdam ratiunculas adduxit, quibus conatus est

probare, lapsum Adam fuisse à Deo decretum. Illud paulò post dilucidius. Beza verò in libro de arcana Dei prædestinationis contra Castalionem, cum omnia scripturæ loca percurrisset, nihil aliud pro Caluino suo potuit reperire nisi illud Ephes. 1. Qui operatur omnia secundum consilium voluntatis suæ. Miror tamen, ut modestissime dicam, Calvinistarum impudentiam. Nihil à Catholicis volunt audire, nisi sacris scripturis aperte traditum: Patrum & Conciliorum auctoritatem fastidiosè repudiant: Et ecce, cum agitur de re maximi momenti, nempe de ruina totius humani generis in primo parente volunt sibi fidem haberi, cum tamen illam scripturam convenientem, sed nec vllum Patrem, nullum Concilium, pro se possint allegare. Nam quod attinet ad locum illum Apostoli, quem Beza produxit, nihil præiudicij ex eo haberi potest, ut infra cap. 8. ostendam.

4. Alterum Argumentum. Quod Deus disertis verbis sermò ac seuerè prohibet fieri, id certè absolute non vult fieri: ac disertis verbis sermò ac seuerè prohibuit, ne Adam peccaret: Ergo absolute non voluit, ut Adamus peccaret. Maior tam est certa, quam certum est Deum non esse sibi contrarium, aut mendacem & deceptorem. Nam si absolute aliquid fieri vellet, quomodo serio ac seuerè prohiberet illud fieri, nisi aut pugnaret ipse secum, aut nos misere ludificaret? minor aperte habetur in scripturis, Gen. 2. Tulit Dominus Deus hominem, & posuit eum in Paradisum voluptatis, ut operaretur & custodiret eum, præcepitque ei dicens. Ex omni ligno Paradisi comede: De ligno autem scientiæ boni & mali ne comedas. In quocunque enim die comederis ex eo morte morieris. Hic videmus Deum non modo præcepisse Adamo, ne peccaret, Sed etiam grauem poenam comminatum esse, si præcepto non obediret. Fallum ergo est, quod Calvinus somniat, Deum absolute voluisse, ut Adam peccaret.

5. Tertium argumentum. Deus non solum prohibuit Adamo sub graui mortis comminatione, ne peccaret: sed etiam cum peccauit, seuerissime illum puniuit: Ergo non fuit voluntas & decretum Dei, ut Adam peccaret. Genes. 3. Quia audisti vocem uxoris tuæ, & comedisti de ligno, ex quo præceperam tibi, ne comederes, maledicta erit terra in opere tuo, in laboribus comedes ex ea cunctis diebus vite tuæ; spinæ & tribulos germinabit tibi. In sudore vultus tui, vesceris pane tuo, donec reuerteris in terram de qua sumptus es, quia pulvis es & in puluerem reuereris. Et infra. Eiecitque Adam & collocauit ante Paradisum voluptatis Cherubim. Sane, si Deus absolute voluisset Adamum peccare, an non crudelis esset, qui tam seuerè in illum animaduertere? An non merito dixisset Adam? Domine, si feci quod voluisti, quare tam grauitè mihi irasceris? Cur à Paradiso eiicis? Cur tot maledictionibus proscindis? Cur ad labores, sudores & miseras innocentem condemnas? Rectius Fulgentius, quam Calvinus; Deus non ulcor, cuius est auctor.

6. Quartum argumentum. Illud præceptum, quod Deus impoñit Adamo, ita reliquit in libera eius potestate, ut potuerit vel implere, vel transgredi pro suo arbitrio: Ergo absolute non voluit, ut transgrediretur: Ergo nec absolute voluit, ut peccaret: Ergo Adam non peccauit Deo absolute volente, & decernente. Discursus facilis est Prima propositio, in qua est vis argumenti, patet ex illo Eccl. 1. 13. Deus ab initio constituit hominem, & reliquit illum in manu consilij sui. Adiecit mandata & præcepta sua: Si volueris mandata seruire, conseruabunt te. Apposuit tibi aquam & ignem: ad quod volueris, porrige manum tuam. An e hmine vita & mors, bonum & malum quod placuerit ei dabitur illi. Quid clarius dici potest? De eodem præcepto loquitur Tertullian. lib. 2. contra Marcionem. Non enim poneretur lex ei, qui non haberet

obsequium debuit legi in sua potestate, nec rursus comminatio mortis transgressionem adscriberetur, si non & contemptus legis in arbitrio libertatem homini deputaretur.

7. Quintum argumentum. Nemo rectus & prudens potest ex amico velle facere inimicum sine omni alterius culpa precedente. Sed Adam in statu innocentie erat amicus Dei: Ergo Deus non potuit recte & prudenter velle, ut peccaret. Maior propositio lumine naturali nota est, ab omni hominum genere recepta. Et bene monet scriptura Prouerb. 27. *Amicum tuum ne dimiseris*. Et Ecclesiastici 6. *Amicus fidelis protectio fortis, medicamentum vite, & immortalitatis*. Si Caluino credamus, Deus non fuit Adamo amicus fidelis. Quare? quia non fuit illi protectio fortis: Sed potius causa ruinae ac perditionis. Non fuit medicamentum vite & immortalitatis, sed pharmacum mortis, & corruptionis.

8. Sed quid opus est pluribus argumentis; Caluinus ex Caluino refelli potest. Quia ex ipso an Adam liberè peccauerit, nec ne; Quid quid dicat Caluinus, captus est. Si liberè peccauerit, falsum est. Deo volente peccasse, quia *Voluntas Dei*, teste Caluino, est rerum necessitas. Si non liberè peccauerit, falsa sunt illa Caluini verba lib. 1. Inst. c. 15. §. 8. potuit Adam stare, si Vellet, quando non nisi propria voluntate cecidit. Quocumque severtat Caluinus in se ipsum incurrit.

Cal. lib. 1.
Inst. c. 23.
§. 8.
Soluentur
rationes
Caluini.

9. Hætenus contra Caluinum. Nunc videamus quid Caluinus pro se adferat. Ac prima eius ratio, qua conatur probare Adamum lapsum ex Dei voluntate & decreto, habetur lib. 3. Inst. cap. 23 §. 7. his verbis. *Quasi Vero idem Deus quem scriptura predicat facere, quacumque vult, ambiguo fine condideri nobilissimam ex suis creaturis*. Credo hanc esse vim argumenti: Scriptura dicit Deum facere quacumque vult: Ergo Deus non ambiguo fine condidit hominem. Ergo condidit eum ut peccaret: Ergo homo Dei consilio ac decreto lapsus est. Quis non videat quam elumbis sit hæc argumentatio? Concedo, Deum facere quacumque vult. Concedo non ambiguo fine condidisse hominem. Nego eo fine condidisse, ut peccaret, aut periret. Sed de hoc plura in sequenti capite.

10. Altera Caluini ratio. *Atqui Predestinatio, velint, nolint, in posteris se proferit. Neque enim factum est naturaliter, ut à salute exciderent omnes vnius, parvis culpa.* Quid eos prohibet fateri de vno homine, quod inuiti de toto humano genere concedunt; Quid enim tergiversando ludere operam? Cunctos mortales in vnius hominis persona morti æterna mancipatos fuisse scriptura clamat: Hoc cum nature adscribi nequeat, ab admirabili Dei consilio profectum esse, minime obscure est. Quasi dicat, non est factum naturaliter, sed decreto ac consilio Dei, ut à salute exciderent omnes, vnius parentis culpa. Ergo quod de toto humano genere concedimus, idem dicendum est de primo parente: Ergo etiam primus parens, decreto & consilio Dei lapsus est. Hoc argumentum Caluini dupliciter peccat. Primo, quia antecedens falsum est. Est etiam (aliquo sensu) naturaliter factum, ut cadente primo homine caderet totum genus humanum. Ratio est, quia primus homo suo peccato vitiauit in se naturam humanam: Ergo qui per naturalem propagationem ab eo nascuntur, naturaliter iniusti & peccatores nascuntur. Vnde est illud Ephes. 2. *Eramus & naturam à filij ira, sicut & ceteri*. In quem locum scribens D. Augustinus tractat. 34. in Ioannem, ait. *Si filij vindictæ, filij pœna filij gehennæ: quomodo natura, nisi quia peccate primo homine, vitium pro natura inoleuit*. Et ipsemet Caluinus in eundem locum; *Locus, inquit, est insignis contra Pelagianos, & quicunque peccatum originale negat. Nam quod naturaliter inest omnibus, id certe est originale. Naturaliter verò nos omnes damnationi obnoxios Paulus docet. 2. non est pat ratio*

A Adami & posterorum. Et aliud est. Deum voluisse, ut si Adam peccaret, tota posteritas esset culpe obnoxia: Aliud Deum voluisse, ut Adam peccaret cum sua posteritate. Hoc posterius falsum est, & hæreticum, illud prius verum & Catholicum.

11. Tertia Caluini ratio. *Inficiari nemo poteris, quin præscierit Deus, quem exitum esset habiturus homo, antequam ipsum conderet, & ideo præscierit, quia decreto suo sic ordinat*. Vis argumenti hæc est. Quidquid Deus prævidet futurum, non alia ratione prævidet, nisi quia voluit & decreuit, ut fieret: Sed ab æterno prævidet lapsum primum parentem. Ergo ab æterno voluit & decreuit, ut laboretur primus parens. Sed maior propositio aperte falsa est: & nititur alio falso principio. Putat enim Caluinus, quacumque sunt, Deo volente, & non tantum permittente fieri. Vnde sequitur, quidquid prævidet futurum, ideo prævidere, quia voluerit ac decreuerit, ut futurum esset. At in utroque errat. Catholica doctrina est. Multa fieri Deo permittente, non autem volente, ac proinde Deum præscire multa futura, non quia voluit, sed quia permisit, ut fierent. Rectè Augustinus lib. de libero arbitrio capite 4. *Sicut tu quædam, quæ fecisti, meministi, nec tamen quæ meministi, omnia fecisti: ita Deus omnia quorum ipse auctor est præscit, nec tamen omnium quæ præscit ipse auctor est: quorum autem non est auctor iustus est visor*. Et lib. 1. de anima & eius origine cap. 7. *præscientia Dei peccatores præscit, non facit*. Vide plura inferius cap. 8. §. 3.

C

CAPVT II.

Secunda Caluini Propositio refutatur.

1. **S**ecunda Caluini propositio est Deum ab æterno voluisse & prædestinasse lapsum Adam, ac omnium posterorum eo fine ac consilio ut haberet occasionem, & ostendendi suam misericordiam in condonando, & iustitiam in puniendo. Verba Caluini paulò post citabo.

2. Hæc propositio est quasi radix & fundamentum totius erroris Caluinistæ in hac disputatione. Quare primum explicanda, deinde discutienda & refellenda est. Potest autem in hunc modum explicari. Fingamus Regem aliquem cum primum ad gubernacula admittitur, & res illi adhuc integra est, nihil præcipitanter ac temerè velle aggredi, sed consulto ac deliberatè omnia. Hinc vocare ad se viros prudentes, quorum consilio utatur. His proponere, quæ ad statum & gubernationem regni pertineant: Ex horum consilio decernere, ac statuere, quæ in posterum agenda sint: Ac denique omnia, ut decreta sunt, executioni mandare. In hoc Rego, qui sic agat, duo spectanda sunt. Primum, decretum illius quod adhibito consilio ab ipso fixum est. Secundò, Executio decreti, quæ postea sequitur. Simile quid de Deo cogandum est. Ab æterno & ante tempora secularia apud se consultauit, quos homines & Angelos crearet, quem finem & scopum ipsis præfigeret, Nec alii consilarii, quàm ipsæ personæ diuinæ, Pater, Filius, & Spiritus sanctus, adfuerunt, in hoc consilio decretum à Deo est, quidquid toto decursu tot millium annorum ab orbe condito, usque ad consummationem sæculi, ut per se, vel per alios agere vellet. Hoc decretum executionis quotidie mandatur.

3. Iam, ut in alio exemplo persistamus, non idem omnium Regum decretum est; quisque, ut natura, moribus, ingenio affectus est, ita ferè statuit ac decernit. Quare sicut alii natura iracundi, alii contra pacifici sunt: Hi suam, illi subditorum salutem & incolumitatem

spectant: Hi pacifici, illi bello aptiores sunt: quidam iusti, alij misericordes haberi volunt; ita de ipsorum decretis, ut plurimum æstimandum est. Roboam Rex filius Salomonis, cum primum regnum adeptus est, credidit de eius administratione ratione consultavit. Quod tandem fixit decretum: *Pater meus, inquit, ægravavit iugum vestrum, ego autem addam iugo vestro. Pater meus cadit vos flagellus? ego autem cadam vos scorpionibus. Sane qualis Rex & consiliarij, tale decretum.* Nec aliud ab adolescente naturâ, præferendo & bilioso expectari poterit. Quid porro Ieroboam, eius aduersarius & æmulus? Hinc alia mens, aliud consilium fuit. Dixit Ieroboam in corde suo nunc reverteretur regnum ad domum David, si ascenderit populus iste, ut faciat sacrificia in domo Domini in Ierusalem conuerteretur cor populi huius ad Dominum suum Roboam Regem Iuda, interficerentque me, & reuerterentur ad eum. Et ex cogitatione consilio, fecit duos vitulos aureos, & dixit eis: *Noliis ultra ascendere in Ierusalem. Ecce Dyti Israel qui re eduxerunt de terra Ægypti, hoc decretum non ira, aut feruore adolescentiæ, ita ambitione, & regni amittendi timore sancitum est.* Quotid alia aliorum Regum exempla.

4. Quid de Deo dicemus, qui est Rex Regum, & Dominus dominantium? quæ ipsius natura, quale decretum est? Si Calvino credimus, nec placitum, nec unicum est. Sed geminum, sed terribile. Alterum, quo ab æterno, ex toto humano genere, alios ad vitam, alios ad mortem, & damnationem prædestinaverit: sola sua voluntate, nullo ipsorum merito aut demerito. Alterum, quo præstiterit media, quibus hi ad vitam, illi ad mortem & supplicia peruenirent. Vtrumque decretum explicat discipulus Calvini Theodorus Beza in colloquio Mompelgardensi; tam copiose & accuratè, ut Iacobus Andreæ, qui ex parte Lutheranorum præsent aderat, non minus lepidè, quàm argutè responderit illi in hunc modum: *De decreto illo Dei arcano, occulto & immutabili, quid Dominus cogitaueris, & in quem finem, præsertim in creatione hominis respexeris, & media perueniendi ad illum quomodo disposueris: ita locutus es, ut visus fueris mihi in arcano illo Dei consilio affedis, & non modo omnia coram audivisse, quæ S. Trinitas, Pater cum Filio, & Spiritu Sancto, de creatione hominis deliberavit; sed etiam quasi in consiliariis illorum fuisses.* Summa autem Bezanæ explanationis quantum ad præsens negotium attinet, hæc ferè est. Primum. Deum in æterno suo consilio, cum cogitaret de creando homine hunc sibi primum finem proposuisse, ut suam misericordiam in condonando & beando, iustitiam verò in puniendo, & damnando manifestaret, ideoque alios ad vitam, alios ad prænam prædestinasse. Secundò. Ad hunc finem obtinendum opus fuisse, ut primus parens cum tota sua posteritate in peccatum laberetur, cò quòd sine peccato, nec misericordia haberet, quod condonaret, nec iustitia, quod puniret. Itaque Deum fecisse alterum decretum, quo absolutè voluerit ac ordinaverit ut Adam cum suis posteris peccaret.

5. Hæc sunt duo decreta Calvinistica, quibus secunda Calvini propositio innititur. Prius à Calvino asseritur libro 2. de Institut. capite 31. §. 2. his verbis. *Palam est, Dei iudicium fieri, ut aliis ultro offeratur salus: alij ab eius aditu repellantur.* Et infra. *Perplexa ut multis videtur questio, quia nihil minus consentaneum putant, quàm ex communi hominum turba, alios ad salutem, alios ad interitum prædestinari.* Et §. 5. *Prædestinationem vocamus æternam Dei Decretum, quo apud se constitutum habuit, quid de unoquoque homine fieri veller. Non enim pars conditione creata ut omnes: Sed aliis vita æterna, aliis damnatio æterna præordinatur. Itaque prout in æternum finem quisque conditus est, ita vel ad vitam, vel ad mortem prædestinatus dicitur.* Et §. 7. *Vbiunque verò regnat hoc Dei*

placitum, nulla in consideratione veniunt opera. Et capite 23. §. 1. *Minimè consentaneum est præparationem ad interitum, aliò transferre, quàm ad æternam consilium Dei.* Et §. 2. *Homines nudo Dei arbitrio: circa proprium meritum in æternam mortem prædestinantur.* Et §. 5. *Dico esse à Domino creatos, quos in exitum ituros, sine dubitatione præciebat, idque ita factum, quia sic voluit.* Et §. 6. *Ecce cum rerum omnium dispositio in manu Dei sit, cum penes ipsam resideat salutis ac mortis arbitrium, consilio, nunquæ suo ita ordinat, ut inter homines nascantur, ab uterò certa morti deuoti, qui suo exitio ipsius nomen glorificent, Hactenus de priori decreto. Posterius asseritur à Calvino lib. 3. Inst. c. 24. §. 12. his verbis. Quemadmodum sua erga electos vocationis efficacia, salutem, ad quam eos æterno consilio destinavit, perfecit Deus: ita sua habet aduersus reprobos iudicia, quibus consilium de illis suum exequatur. Quos ergo in vite consumeliam & mortis exitum creauit ut ira sua organa forent, & seueritatis exempla, eos ut in finem suum perueniant, nunc audiendi verbi sui facultate priuat: nunc eius predicatione magis excacat & obstupefacit. Et infra. *Prædestinationi ergo sua viam facit summus ille arbiter: ubi quos semel reprobanis, lucis sue communicatione orbatos deseruit in cecitate.* Et §. 14. *Quod igitur præfatto sibi verbo Dei non obtemperat reprobi, quippe id in malitiam prauitatemque cordis eorum reuertitur, modo simul adiiciatur: Ideò in hanc prauitatem additos, quia iusti, sed inscrutabili Dei iudicio suscitati sunt: ad gloriam eius sua damnatione illustrandam.* Hæc pauca à multis. Nam passim docet Calvinus, reprobationem esse causam peccatorum, ut lib. 3. §. 1. in fine. Et §. 4. in fine.*

6. Porro hæc duo decreta, quæ Calvini verbis recitata sunt, partim conueniunt inter se, partim discrepant. In eo conueniunt, quod neutrum habeat causam, vel occasionem ex parte hominis, sed vtrumque à solo Dei placito dependeat. Vnde, si quæram, quare Deus alios ad mortem, alios ad vitam ab æterno prædestinavit? Respondebit Calvinus, quia ipsi ita visum est. Voluit ostendere, in his suam potentiam & iustitiam, in illis misericordiam & bonitatem. Item, quare tam hos, quàm illos ad peccatum prædestinavit? Quia sine peccato non poterat exequi prius illud decretum. Nam nisi electi ad vitam peccarent, non posset illis præstare misericordiam in condonando & beando. Et nisi reprobi peccarent, non posset illos iuste punire. Ut ergo haberet occasionem illos iuste puniendi, illos misericorditer saluandi, voluit omnes esse peccato obnoxios, Atque patet hinc, quomodo discrepent hæc duo decreta, de quibus agimus. Nam prius est causa posterioris in genere causæ finalis, cum in priori finis in posteriori decernantur media ad finem. Quis est finis, quem auctore Calvino. Deus sibi proposuit? Ostendere misericordiam & iustitiam. Quæ media ad hunc finem? Efficere ut omnes peccent, & hi maneant in peccatis, ut iuste puniantur, illi non maneant, ut misericorditer saluentur.

7. Explicata est Calvini sententia, nunc discutienda est. Ac primum quære ex Calvino vnde ipse sciat huiusmodi decreta in æterno Dei consilio fixa esse? Apud nostris modis, cognosci potest quid rex decernat. Primum, Si quis interfuerit consilio regis. Secundo Si abiis, qui interfuerunt, priuatim intellexerit. Tertiò. Si decretum publicè effixum, aut promulgatum fuerit. Dicat iam Calvinus, quoniam ipse modo decreta Dei cognouerit: Certum est in æterno Dei consilio non affedis. Nec facile credam, soli ipsi priuatim à Deo revelata esse. Si ergo publicè, vel in sacris litteris affixa non sint, vel Ecclesie Catholice promulgata, merito suspecta esse debent. At non reperiri in sacris litteris, expressè faretur Calvinus. Nam lib. 1. Inst. cap. 17. §. 2. proponit hanc questionem: *Quænam sit voluntas Dei in administratione huius mundi?* Et responder, illam nobis esse occultam. Distinguit

autem duplicem Dei voluntatem. Vnam, quæ nobis innotescit in Scripturis. Alteram ignotam, quæ mundus gubernatur. De priore intelligit illud Moyses Deut. 30. *Mandatum hoc, quod ergo precipio tibi hodie, non supra te est, neque procul positum, nec in celo situm.* De posteriore illud Psalm. 35. *Iudicia tua abyssus multa.* Et illud Rom. 11. *Quis cognouit sensum Domini, aut quis consiliarius eius fuit?* Verba Caluini sunt hæc: *verum nisi admittant, incomprehensibili Dei consilio, quidquid in mundo accidit, gubernari, respondeant, quorum dicat Scriptura, eius iudicia profundam esse abyssum?* Nam cum clamat Moyses voluntatem Dei non procul in nubibus, vel in abyssis querendam esse, quia familiariter in lege exposita sit, sequitur profunde abisso conferri aliam voluntatem absconditam, de qua etiam Paulus. *O profunditatem diuinarum & sapientia & cognitionis Dei! quam inscrutabilia sunt iudicia eius, & inuestigabiles viæ eius!* Quis enim cognouit mentem Domini aut consiliarius eius fuit? Ecce fatetur. Caluinus, decretum seu voluntatem Dei, quia hunc mundum administrat, occultam esse ac absconditam, nec in sacris literis contineri. Vnde ergo scis Caluine, hunc esse modum gubernandi mundi, quem tuis verbis paulò ante transcripsi? Vnde scis Deum ab æterno decreuisse, & voluisse, ut per peccatum primi parentis, patefieret via manifestandæ iustitiæ in puniendo & misericordiæ in condonando? Hic constrictus est Caluinus. Videt se Scripturæ testimonio destitutum esse; nec alia ratione tueri se potest, quam asserendo, decreta Dei occulta esse: eo nos contentos esse oportere. Vbi iam sunt illa tua verba libro 3. Instit. c. 21. §. 1. *Verbum Domini unicum esse viam, qua ad inuestigandum, quidquid de eo teneri fas est, nos deducat, unicum esse lumen quod ad perspicendum, quidquid de ipso conspici oportet, nobis prae luceat? Vbi primum verbis fines exceßerimus nobis extra viam, & in tenebris esse cursum, in quo inerrare, labe impingere identidem necesse sit.*

Refellitur
Caluinus
sigillatim
lib. 4. Instit.
cap. 16. §.
24. & 25.

8. Sed iam sigillatim, & per partes decreta Calvinistica refellamus. Ac primò asserit Caluinus Deum ex cōmuni hominum turba quosdam ad vitam prædestinasse. ex solo suo beneplacito, nulla sumpta ex nobis occasione. Hoc dupliciter oppugno ex ipso Caluino. Primò, quia docet alibi Caluinus, paruulos, qui sine Baptismo decedunt, saluari in fide parentum: Ergo Deus in electione paruulorum habuit aliquem respectum ad fidem parentum. Quomodo ergo facta est electio? nulla ex nobis sumpta occasione. Secundò, si Deus prædestinauit electos ex nullo suo beneplacito, nullo respectu nostrorum operum; oportuit factam esse prædestinationem, ante præuissum peccatum originale, & consequenter, ante decretam Christi incarnationem: Quomodo ergo potuit facta esse in Christo, & in Christi meritis fundari? Hic Caluinus euadere non potest, quin secum ipse pugnet. Nam libro 3. Institut. capite 24. §. 1. facit nos in Christo electos esse. At libro 2. capite 12. §. 5. docet, Christum non fuisse venturum in carne, nisi Adam peccasset; nec alio fine in hunc mundum venisse, quam ut perditis hominibus succurreret. Ex quo sequitur prius præuissum fuisse peccatum Adami, quam decretam Christi incarnationem. Si ergo electio ad vitam facta est ante præuissum peccatum, ut vult Caluinus, multò magis ante decretam Christi Incarnationem. Quomodo ergo facta est in Christo, & in meritis Christi fundata? Videat Caluinus, quomodo hæc conciliet.

9. Secundò asserit Caluinus, Deum æterno decreto quosdam ad mortem & damnationem destinasse, sine respectu aut præuisione ullius mali operis. Oppono ex Scripturæ tria contraria decreta. Primò, quod Deus statuit totum humanum genus condere ad æternam fe-

licitatem, & omnes eò perducere, quantum in se est, si ipsi suo vitio non impedirent. Alterum, quo decreuit non obligare hominem ad poenam mortis, nisi præcepto Dei rebellis esset. Tertiò, quo firmiter proposuit, magis suam bonitatem & misericordiam, quam iustitiam & seueritatem circa nos ostendere. Hæc fuscè persecutus sum in priori disputatione, quæ inscribitur: *De duplici prædestinatione Calvinistarum desperata una, Catholicorum orthodoxa altera.* Eò lectorem remittimus.

10. Tertiò asserit Caluinus; Deum ideò prædestinasse lapsum primi parentis, ac omnium posteriorum, ut haberet occasionem ostendendi suam iustitiam in puniendo & misericordiam in condonando. Hoc refellit primò ex dictis. Nam si Deus omnino non præfixit sibi illud finem, quem præcendunt Calvinistæ, quomodo potuit prædestinare media ad illum finem efficaciter obtinendum: Secundò ex illo Ecclesiastici 14. *Non dicas, ille me implanauit: Non enim necessary sunt ei homines impij.* Hæc verba tam disertè pugnant cum Caluino & Beza, ut ad illos potissimum conuincendos videantur à Spiritu Sancto esse prolata. Quid dicunt Caluinus & Beza: Deum implanasse Adamum? Quare? quia necessarij sunt ei homines impij. Ad quid? ut in illis puniendis ostendat suam iustitiam, Quid autem Scriptura? *Non dicas ille me implanauit, Quare? quia non sunt necessary ei impij.* Certè, aut Scriptura errat: aut Caluinus & Beza mendaces sunt. Tertiò. Adamus cum suis posteris erit iustus, bonus & rectus coram Deo ante peccatum: ergo prædestinare Adamum ad peccatum nihil aliud est, quam velle ac decernere, ut ex iusto fiat iniustus, ex bono malus, ex recto peruersus. At quæ est iustitia, ex iusto facere iniustum? Ex bono malum? Ex recto peruersum, Vt ex Fulgentio malis, inquit Fulgentius, *fiant homines boni, & ex impijs iusti, laudanda est Dei misericordia: ut autem ex bonis fiant mali, ex iustis iniqui, si diuina prædestinatio asseritur causa, erit, quod absit, vituperanda iniustitia. Quinimò nec iniustitia iusta dicitur, si puniendum rem non inuenisse dicatur. Maior verò erit iniustitia, si lapso Deo retribuit poenam, quem se autem prædestinasse dicitur ad ruinam.* Similiter, quæ est misericordia, quæ ex iusto facit impium, ut eum ab impietate possit liberare? D. Crudelis hæc misericordia est. An is à clementia laudandus, qui hominem spoliatur, ut iterum vestiatur? qui vulnerat, ut sanat? qui in puteum delicit, ut inde eum extrahat? Rectè S. Augustinus lib. 3. confess. capit. 2. dicit maleuolam beneuolentiam omnino futuram, si quis miserum aliquem esse velit, ut ei miseretur.

CAPVT III.

Tertia propositio Caluini refutatur.

Tertia Caluini propositio est, ex peccato Adami secutos esse duos effectus; nempe amissionem liberi arbitrij, & peccatum originale. Prima pars asseritur à Caluino libro 2. Institut. cap. 2. Cuius titulus est. *Hominem arbitrij libertatem nunc esse spoliatum, & miseram seruituti addictum.* Et in progressu illius capitis, non modo liberum arbitrium, sed etiam nomen illius conatur è medio tollere. Secunda pars asseritur libro 2. Instit. cap. 1. §. 5. his verbis: *Postquam ergo in Adamo oblitterata fuit celestis imago, non solus sustinet hanc poenam, ut in locum sapientia, virtutis, sanctitatis, veritatis, iustitia (quibus ornamentis vestitus fuerat) terribilis cederet pestes, cecitas, impotentia, impietas, vanitas,*

Calvinus contendit verè peccatores esse & peccatum verè in illis manere. Denique scriptura dicit, Maiores vim & efficaciam habere gratiam Christi, quam peccatum Adami. Calvinus hoc negat. Nam ex eius sententia, peccatum Adami reipia potuit perdere, & penitus tollere iustitiam originalem. Et tamen gratia Christi non potest penitus delere peccatum originale.

4. Secundò refellitur, quia extenuat vim & efficaciam Baptismi & meritorum Christi: quomodo enim verè dici potest hominum repasci per Baptismum, si verè manet in statu peccati? Aut quomodo Scriptura & Sancti patres docent, Baptismum fuisse præfiguratum in Circumcisione, in mari rubro, in Iordane sanante lepram, in probatica piscina, si non sit propitius in effectu? Sanè in Circumcisione vera abscindebatur caro: in mari rubro verè suffocati sunt Aegyptij, in Iordane verè sanata est lepra: In probatica piscina verè curabatur morbus. Cur ergo in Baptismo, non tollatur verè peccatum? Quæro ex Calvino, an Naaman Syrus verè mundatus sit à lepra? Proculdubio affirmabit. At unde constat? Nimirum ex illis Scripturæ verbis 4. Regum 6. *Restituta est caro eius sicut caro pueri parvuli, & mundatus est.* At similia plane verba sunt, quibus per Baptismum dicimus à peccato sanari. 1. Petr. 2. *Sicut modo geniti infantes.* 1. Ioann. 1. *Sanguis Christi mundat nos ab omni peccato.*

5. Tertiò refellitur ex his Calvini verbis. *Per Baptismum deletur reatus.* Hic quæro quid intelligat per reatum? An culpam seu rationem peccati, an verò dignitatem poenæ, seu obligationem ad poenam subeundam, quæ in culpa fundatur? Verumque enim intelligi potest. Et in utroque impingit Calvinus. Si culpam intelligit: Ergo culpa & ratio peccati originalis ferè tollitur per Baptismum: Ergo vera sunt hæc verba concilij Tridentini. *Si quis asserit non tolli id, quod verum & proprium peccati rationem habet, anathema sit.* Et falsa sunt hæc verba Calvini. *Manet ergo peccatum in nobis, neque per Baptismum extinguitur.* Si verò Calvinus per reatum intelligit dignitatem poenæ: Ergo quando dicit reatum tolli, peccatum manere, censet culpam manere in homine iusto. hæc (quod iam refutatum est) & tolli dignitatem poenæ, quod impossibile est. Nam qui verè culpabilis est, verè dignus est poenâ: nec fieri potest, ut culpa maneat, & dignitas poenæ non maneat. Secundò, quæro. An Calvinus velit per Baptismum tolli reatum in omnibus infanibus, tam fidelium, quam infidelium, an infidelium tantum? Si in omnibus, ergo omnes, qui baptizantur, sunt prædestinati, quia non sunt rei (nam reprobi, in sententia Calvini, nunquam non sunt rei coram Deo) At non omnes qui baptizantur, sunt prædestinati iuxta Calvinum, cum multi baptizentur, & moriantur in Ecclesia Romana, qui Calvino reprobi sunt. Si verò reatus tollitur in solis infantibus fidelium: Ergo in illis ante Baptismum erat verè reatus (nam si non erat quomodo ablatus est?) Ergo falsum est quod supra dixit Calvinus, infantes fidelium esse sanctos, iustos, & iam receptos in fœdere promissionis, ab utero materno.

6. Quartò refellitur ex illis Calvini verbis. *Peccatum originale post Baptismum non imputatur.* Quid est apud Calvinum peccatum non imputari? Proculdubio nihil aliud quam peccatum verè quidem esse in homine quatenus habet rationem peccati, non tamen censeri pro peccato. Perinde ac si quis verè sit ægrotus, & tamen à Medico, qui novit ipsius morbum non ægrotus, sed sanus censeatur. Aut si discipulus verè si inducitur, & tamen à præceptore, qui perspicuum habet ipsius ignorantiam habeatur pro docto. Hæc explicatio col-

Opusc. Becc.

A ligitur ex ipso Calvino lib. 3. Institut. cap. 11. §. 3. Vbi ageus de imputatione, sic eam explicat: *Propter iustitiam à Christo censeamur, qui in nobis non sumus.* Quasi dicat: nos verè sumus iniusti, & peccatores, & tamen à Christo censeamur iusti. Itaque nihil aliud est peccatum non imputari, quam peccatum quidem esse in homine, tamen censeri quasi non esset. Aut hominem esse quidem verè peccatorem, sed tamen censeri iustum à Deo. O bone Iesu, quæ hæc doctrina est? Certe Scriptura docet, Deum iudicare secundum veritatem, & sicut res in se est. Rom. 2. *Iudicium Dei est secundum veritatem.* At Calvinus dicit, Deum non iudicare, sicut res in se est. Nam eos qui reuera peccatores & iniusti sunt, iudicat esse iustos, immaculatos. Secundo, Scriptura docet, Deum verè odisse impium, & imitari peccatorem. At Calvinus dicit, Deum non odisse eos, qui verè peccatores, & iniusti sunt, sed eos favore suo prosequi, censere iustos, habere pro amicis, dissimulare & regere eorum peccata, ne appareant. Tertio, Scriptura docet, nullam esse Societatem lucis ad tenebras, nullam participationem iustitiæ cum iniquitate. Calvinus dicit, in eodem homine simul esse iustitiam Christi imputatam, & iniquitatis peccati originalis. Denique non Scripturæ tantum, sed sibi etiam Calvinus contradicit. Nam ex illius sententia, Baptismus quidem non tollit peccatum, sed hoc efficit, ut peccatum quod reuera peccatum est, non amplius imputetur, id est, ut homo, qui ante Baptismum erat & censebatur iniustus Deo: post Baptismum censeatur iustus. Si ita est, ergo coram filij fidelium ante Baptismum, non solum erant peccatores & iniusti: Sed etiam coram Deo tales censebantur: Ergo falsum est quod supra dixit Calvinus, filios fidelium, ante Baptismum imò ab utero materno esse sanctos, iustos, & in fœdere promissionis coram Deo. Ergo Calvinus sibi ipsi adversatur. Sed hoc novum non est.

7. Quintò refellitur ex fundamentis Calvini, quæ duo sunt, *Alterum*, peccatum originale nihil aliud esse, quam depravationem seu corruptionem naturæ, quæ in eo consistat, quod potentia hominis, præsertim intellectus, voluntas, & appetitus sensitiuus per peccatum primi parentis, spoliatur sint donis supernaturalibus: sapientia, virtute, sanctitate, iustitia ac proinde prone sint ad mala, ut intellectus ad falsitatem, errorem, hæresim, voluntas ad odium, invidiam, desperationem: Appetitus ad carnalia & terrena desideria. Hanc pronitatem vocari posse concupiscentiam, ideoque peccatum originale brevissime definiri, quod sit pronitas, seu mali concupiscentia. Et quia hæc concupiscentia in nobis manet, ut testatur experientia, manere etiam in nobis peccatum originale. *Alterum* fundamentum est, has potentias non sanari in iustificatione, per aliquod donum intrinsecum & inherens, ac proinde manere in eodem statu post iustificationem, in quo erant ante iustificationem. Solum hoc fieri ut externa Christi iustitia & veritas nobis imputetur. Hinc etiam sequitur, peccatum originale manere post Baptismum. 8. In his fundamentis quædam vera.

8. Inde quædam falsa sunt. *Primo* verum est, per peccatum primi parentis, potentias animæ spoliatas esse donis supernaturalibus. Hoc docet D. Thom. 1. 2. quæst. 85. art. 3. quando asserit, quatuor vulnera naturæ humanæ inflicta esse per peccatum primi parentis, nempe ignorantiam intellectus, malitiam in voluntate, infirmitatem in appetitu irascibili: concupiscentiam in concupiscibili. *Secundo* verum est, in his potentias manere quandam concupiscentiam, seu pronitatem ad res illicitas. Nam & Scriptura & experientia hoc testatur. *At primo* falsum est hanc concupiscentiam, quæ in nobis manet, esse peccatum originale. Hoc convincunt

argumenta, quibus probatum est, peccatum originale tolli per Baptismum. Si enim tollitur, cum certum sit, concupiscentiam non tolli, non potest concupiscentia esse peccatum originale. De qua re vide Augustinum lib. 1. contra duas epistolas Pelagianorum cap. 13. *Secundo* falsum est, potentias animæ per iustificationem, non sanari donis supernaturalibus. Nam licet appetitus sensitivus non acquiratur in se originale iustitiam, tamen intellectus & voluntas sanantur. Hæc habitu spei & charitatis, ille fidei. Nec tamen ita sanantur, ut omnes inordinati actus concupiscentiæ sublati sint, sed quod satis est, ut eiusmodi motibus homo possit resistere & peccatum evitare iuxta illud 2. Corin. 12. *Sufficit tibi gratia mea. Nam virtus in infirmitate perficitur.* Porro sanari voluntatem habitu charitatis, seu iustitia inherente, perspicuum est ex illo Rom. 5. *Charitas Dei diffusa est in cordibus nostris per spiritum Sanctum, qui datus est nobis.* Et hoc latius probandum est, cap. 6. Ex his ergo fundamentis nihil probare potest Calvinus. Nos contra Calvinum sic concludimus; Si voluntas hominis verè sanatur per iustificationem, non potest verè esse peccatum in voluntate post iustificationem: sed prius verum est, ut probavi: ergo & posterius.

CAPUT V.

Quinta propositio Calvini refutatur.

Quinta Calvini propositio est, peccatum originale tria in nobis efficere. Primo, statuere nos reos itæ diuinæ & æternæ damnationis. Secundò originem esse omnium aliorum flagitiorum. Tertio, omnia nostra opera inquinare & immunda reddere. Afferitur à Calvino lib. 3. Institut. c. 1. §. 8. his verbis. *Videntur ergo peccatum originale hereditaria natura nostra pravitatis & corruptio in omnes animæ partes diffusa, quæ primum facit reos ira Dei: tum etiam opera in nobis profert quæ Scripturæ vocat opera carnis.* Et lib. 3. c. 14. §. 9. *Habemus nec tantum à sanctis exire opus, quod si in se censetur, non mereatur iustam opprobrii mercedem.* Et alibi.

2. Hæc propositio partim vera, partim falsa est. Verum est peccatum originale eos, qui nondum per Baptismum iustificati sunt, efficere reos itæ diuinæ, ac æternæ damnationis. Hoc tamen à Calvino dici non debuit. Nam alibi asserit filios fidelium ante Baptismum non esse reos itæ diuinæ & æternæ damnationis: ex vtero materno esse sanctos & receptos in fœdere promissionis Abraham. Secundò verum est, peccatum originale in eis in quibus adhuc manet, originem esse multorum flagitiorum. At neque hoc debuit dicere Calvinus. Nam alibi asserit omnia quæ sunt ab hominibus fieri deo volente: ac proinde Deum esse causam, auctorem, & originem omnium nostrorum operum siue bona, siue mala sint.

3. At falsum est, omnia opera inquinari, immunda fieri à peccato originali. Multa sunt ab hominibus infidelibus opera, quæ tamen meritoria non sint vitæ æternæ coram Deo, tamen & moraliter honesta sunt, & nihil turpitudinis admixtum habent, præsertim quando fiunt honesta & recta voluntatis intentione. Quis dicat obstetrices Aegyptias malè elegisse, quando pepererunt infantibus Hebræorum aut exercitum Nabuchodonosoris, quando fideliter suo Regi servitum in bello iusto contra Tyrum; utroque bene egisse, testatus est Deus quando his mercedem, illis beneficium rependit. Ex eo, inquit, D. Hieronymus, quod Nabuchodonosor mercedem accepit boni operis, intelligitur

etiam Ethnicos, si quid boni fecerim non absque mercede Dei indicio præteriri.

4. Falsum quoque est, ea quæ in Calvinii propositione recensentur, habere locum in homine per Baptismum iustificato. Iam supra ostendi, peccatum originale verè tolli per Baptismum: nihil damnationis esse in his, qui in Christo renati sunt: sed esse sanctos, immaculatos, irreprehensibiles, sectatores bonorum operum.

CAPUT VI.

Sexta Calvinii propositio refutatur.

Sexta Calvinii propositio est, ex peccato originali sex etiam tria provenire. Primò, omnes nos iniustos esse coram Deo, & omnia opera nostra esse peccata mortalia. Secundò, neminem esse iustum iustitia inherente. Tertio, legem observatu esse impossibilem. Prima pars asseritur à Calvino lib. 2. Institut. cap. 1. §. 8. his verbis. *Sic omnibus natura nostra partibus variis pervertitur, iam ob talem dominatam corruptionem damnari merito, consuetique coram Deo tenemur, cui nihil est acceptum, nisi iustitia, innocentia, puritas.* Et §. 9. *Hinc tantum breviter attingere volui, totum hominem quasi diluvio à capite ad pedes sic fuisse obrutum ut nulla pars à peccato sit immunis, præterea quidquid ab eo procedit, in peccatum imputatur: sicut dixit Paulus: omnes affectus carnis, vel cogitationes esse inimicitias adversus Deum & ideo mortem.* Secunda pars asseritur lib. 3. capite 11. §. 2. *Nos iustificationem simpliciter interpretamur acceptionem, quam in gratiam receptos pro iustis habet, eamque in peccatorum remissione ac iustitia Christi imputatione positam esse dicemus.* Et §. 3. *Chm itaque nos Christi intercessionem iustificet Deus, non proprie innocentia approbatione, sed iustitia imputatione nos absolvit, ut pro iustis à Christo censeamur, qui in nobis non sumus.* Tertia pars asseritur libro 2. capite 7. §. 5. *Quod autem impossibilem legis servationem diximus, id est paucis verbis explicandum simul & confirmandum: solet enim vidgo absurdissima sententia videri: ut Hieronymus non dubitaverit anathema illi damnare. Quid visum sit Hieronymo nihil miror.*

2. Hæc propositio quoad omnes suas partes falsa est. Primò, falsum est, omnes iniustos esse coram Deo. Oppono illud Lucæ 1. *Erat autem iustus ambo ante Deum.* Secundò falsum est, omnia nostra opera esse peccata mortalia. Oppono illud 1. Cor. 7. *Si acceperis uxorem, non peccasti.* Et simul quæro à Prædicantibus Calvinisticis, an ipsi mortaliter peccent accipiendo uxores; Et si peccant, quare velint monachos accipere uxores? Oppono & illud 2. Pet. 1. *Satagite ut per bona opera certam vestram vocationem faciatis. Hoc enim facientes, non peccabitis aliquando.* Denique, si omnia opera nostra sunt peccata, ergo Calvinistæ peccatis iustificantur, quia fide iustificantur: Fides autem est opus Dei, ut patet ex illo Ioann. 6. *Hoc est opus Dei ut credatis in eum quem misit ille.* Tertio falsum est, nullum esse iustum iustitia inherente. Oppono illud Rom. 5. *Sicut per inobedientiam Adami peccatores constituti sunt multi: ita per obedientiam Christi iusti constituentur multi.* Nisi dicat Calvinus, nos intrinsece constitutos esse peccatores per inobedientiam Adami, & non potuisse intrinsece constitui iustos per obedientiam Christi; Et plus effecerit inobedientia Adami, quam obedientia Christi. At repugnat Apostolus, cum ait, *Non sicut delictum ira & donum.* Et infra. *Ubi abundavit delictum super abundavit gratia.* Quarto falsum est, lege obser-

nata impossibile esse. Oppono illud Lucæ 1. *Erant autem iusti ante Deum, incedentes in omnibus mandatis & iustificationibus Domini.* Et illud 1. Ioannis 3. *Mandata eius gratia non sunt.* Et Matth. 11. *Fugum meum suum est, & omnis meus lene.* Hæc obiter hic dicta sunt: aliud enim spectant.

CAPVT VII.

Septima Caluini propositio refutatur.

Septima Caluini propositio est. fidelium peccata non imputari; alioquin verò imputari. Afferitur libro 3. Inst. cap. 4. §. 28. his verbis. *Ceterum fidelium peccata venialia esse, non quia non merentur mereri, sed quia non imputantur.* Et alibi.

2. Hæc propositio satis refutata est cap. 4. §. 6. ubi ostendi repugnare scripturis. Et sanè, si hoc solum interest inter fidelium & infidelium peccata, quod hæc imputentur; & fideles reuera sint peccatores ac iniusti, licet pro talibus non habeantur, planè sequitur, fideles reuera esse paleas, & solum ceneri pro tritico; reuera esse hædos, & solum haberi pro ovibus; reuera esse fatuas virgines, & solum reputari pro prudentibus. Et locum habebit illud Matth. 7. *Veniunt ad vos in vestimentis ovium, intrinsecus autem sunt lupi rapaces.* Denique cum in die iudicii dicturus est Deus: *Venite benedicti patris mei.* Et iterum. *Discedite à me maledicti,* quæ causa est, cur hi maledicti, illi benedicti sunt appellandi? An quia his peccata imputantur, illis non imputantur? Minimè, sed quia hi præstiterunt opera misericordiarum, illi non præstiterunt.

CAPVT VIII.

Octava Caluini propositio refutatur.

Octava Caluini propositio est, Omnia peccata, quæ fiunt ab hominibus, æterno Dei consilio decreta & prædestinata esse, omniaque fieri Deo volente, & non solum permittente. Afferitur à Caluino lib. 3. Inst. cap. 18. §. 1. his verbis. *Tergiversando itaque effugium querunt, Dei tantum permissu non etiam voluntate hoc fieri. Ipse verò palam se facere pronuncians, effugium illud repudiat. Quod autem nihil efficiant homines, nisi arcano Dei nutu, nec quidquam deliberando agere, nisi quod ipse iam apud se decreverit, & arcana sua directione constituat, innumeris & claris testimoniis probatur.* Et lib. 3. capit. 23. §. 6. *Frustra de præscientia lis mouetur, ubi constat ordinatione potius & nutu omnia euenire.* Et §. 9. *Excusabiles peccando haberi volumus reprobis, quia evadere nequeunt peccandi necessitatem præsertim cum ex Dei ordinatione sibi iniiciatur huiusmodi necessitas. Nos verò negamus vice inde excusari, quando quidem Dei ordinationi: qua se existeret destinatas conueruntur, sua constat equitas nobis quidem incognita, sed illa certissima.* Et alibi similia:

2. Hæc propositio est caput totius controuersie. Itaque diligenter refutari debet: Non tamen magnopere laborandum est, cum habeamus aperissima scripturæ, Patrum, & omnium penè hominum testimonia, ex quibus hæc argumenta desumpta sunt. Primum est. Quando scriptura sacra videtur eandem rem alibi asserere, alibi negare; Tunc illi parti ad hærendum est, cui magis fauent verba, & sensus scripturæ, consensus & explicatio antiquorum Patrum. Ac scriptura vide-

Opusc. Becc.

tur aliquando asserere peccata fieri Deo volente & Prædestinante; aliquando videtur id negare. Et huic posteriori parti magis fauent verba & sensus scripturæ, ac consensus Patrum: Ergo huic posteriori parti ad hærendum est, nempe, peccata non fieri Deo volente & Prædestinante. Minor propositio, in qua est tota via argumenti, probatur ex collatione vtriusque partis. Caluista citant pro se hæc testimonia. Gen. 45. *Non vestro consilio, sed Dei voluntate huc missus sum.* Et cap. 50. *Nam Dei possumus resistere voluntati?* Et Act. 2. *hunc desinito consilio & præscientia Dei tradidit per manus iniquarum affligentes interemistis.* Et cap. 4. *Conueniunt verè in ciuitate ista facere, quæ manus tua, & consilium tuum decreuerunt fieri:* Hinc colligunt Calvinistæ, peccatum fratrum Iosephi, & peccatum Iudæorum crucifigentium, f. & esse voluntate, consilio, & præscientia Dei. His addi potest illud Eph. 1. *Qui operatur omnia secundum consilium voluntatis suæ:* Quod attulit Beza, ut probaret peccatum Adami factum esse Dei voluntate. Nec plura adduci possunt pro hac sententia. Nam cetera omnia, quæ citari solent, pertinent ad sequentes propositiones. At Catholici opponunt hæc loca. Psalm. 5. *Quoniam non Deus volens iniquitatem in eis.* Sap. 14. *Odio est Deo impius & impietatis eius.* Habac. 1. *Mundi sunt oculi tui, ne videant malum. & respicere ad iniquitatem non poteris.* Ierem. 9. *Adificauerunt excelsa Baalim, quæ non præcipi, nec locutus sum, nec ascenderunt in cor meum,* Ezech. 10. *Nunquid voluntatis mee est mors impij dicit Dominus.* Petri 3. *Deus neminem vult perire.* 1. Thessal. 4. *Hæc est voluntas Dei, sanctificatio vestra.* Iam expendamus hæc testimonia cum prioribus, & videamus, cui parti insistendum sit. Testimonia pro Caluino citata, nihil aliud dicunt, quàm Iosephum Dei voluntate missum esse in Ægyptum, & Christum Dei præscientia & consilio traditum esse Iudæis; & omnia, quæ à Deo fiunt, fieri summo consilio, & non temerè. Hæc sanè, si bene explicentur, nihil obsunt nostræ causæ. At testimonia pro nobis citata, expressè dicunt, Deum non velle iniquitatem (Calvinus dicit velle) Deum odisse iniquitatem (si odit quomodo vult?) Deum non posse respicere ad iniquitatem (multo minus decernere & prædestinare) peccata non ascendisse in cor Dei (quomodo ergo à Deo præordinata?) non esse voluntatem Dei, ut homo peccet mortaliter (Calvinus dicit esse hanc voluntatem) Deum non velle quemquam perire (Calvinus dicit idè Deum velle peccatum, ut homo pereat) Dei voluntatem esse, ut sanctissimus, non ut peccatores. Attende, lector, quisquis, & verba scripturæ diligenter expende. Nec dubita de sensu. Sensus est, Deum adè bonum esse ut non solum detestetur mala, & nullo modo velit ea fieri, quantum in se est? ut probant nostra testimonia; sed etiam quando præuidet hominem malè acturum, velit hoc malum præuisum in bonum vsum conuertere. Præuidit malam voluntatem fratrum Iosephi, Iudæorum, quid fecit? utramque ad bonum exitum ordinauit. Alteram ad exaltationem Iosephi? Alteram ad humani generis redemptionem. Hic germanus sensus est, Deo dignus, ab ipsa scriptura, & sanctis Patribus approbatus Nam Genes. 50. dixit Ioseph suis fratribus? *Vos cogitastis de me malum, sed Deus vertit illud in bonum, ut exaltaret me, sicut in presenti æon cernitis, & saluos faceret multos populos.* Quod clarius? mala sunt voluntas fratrum Iosephi. Hanc Deus præuidit, non prædestinavit. Bonus fuit effectus ex ea secutus. Nunc Deus voluit, & præordinavit. Rectè Augustinus in Enchiridion c. 100. *Non sineret bonus fieri malus, non si omnipotens etiam de malo facere posset bene.* Et libro 22. de Ciuitate Dei c. 1. *Multa quidem fiunt à malis contra voluntatem Dei; sed tanta est ille sapientia, tantaque virtus, ut in eos ex-*

ius, sine fidei, quibus bonis & malis ipse præscit, tendant omnia, que voluntati eius videntur aduersa.

3. Habes sensum scripturæ. Audis consensum Patrum. Nec omnes, sed paucos & præcipuos, adducam. D. Augustinus lib. de prædestinatione sanctorum. cap. 10. Præscire potens est Deus, etiam quæ ipse non fieri, sicut quæcumque peccata. Et lib. 1. de ordine cap. 1. Sequitur autem diuinam providentiam non usque ad hac impotendi, aut certe omnia Dei voluntate committi: utrumque impium, sed magis posterius. S. Prosper repositione ad capitula Gallorum. cap. 12. Voluntas Dei nunquam vult nisi bona: Præscientia autem & bona noscit & mala. Sed bona, quæ aut ipse faciat, aut etiam ut nos faciamus, imperat: mala autem, quæ omnino ipse non faciat, nec fieri suavit, aut impulsit. Et cap. 14. Infidelitas non credentium Evangelio, nequaquam ex Dei prædestinatione generatur. Bonorum enim Deus auctor, non malorum. D. Fulgentius lib. 1. ad Monimum cap. 13. Potuit Deus, sicut voluit, prædestinare quosdam ad gloriam, quosdam ad penam. Sed quos prædestinavit ad gloriam, prædestinavit ad iustitiam: quos autem prædestinavit ad penam, non prædestinavit ad culpam. Posset enim peccatum aliquod ex prædestinatione Dei esse, si posset aliquis hominum iuste peccare. Nullus autem hominum iuste peccat, quamvis cum Deus iuste peccare permittat, Leo IX. Pontif. in epistol. ad Petrum Antioch. Credo Deum prædestinasse solū bona: præscivisse autem bona & mala. Concil. Arausica. capit. 25. Aliquos ad malum diuina potestate prædestinatos esse, non solum non credimus, sed etiam si sint, quæ tantum malum credere velint, cum omni derestatione illis anathema dicimus. Omitto alios Patres. Hæc tamen produxi, quia cum post obitum D. Augustini nonnulli essent, qui ex libris Augustini, præsertim ex libro de Prædestinatione sanctorum male intellecto colligerent, Deum prædestinasse impios ad peccata: supradicti Patres constanter se opposuerunt, asserentes, peccata non fieri ex Dei Prædestinatione. Vide D. Fulgentium lib. citato cap. Ultimo.

4. Secundum argumentum. Deus non potest velle & desiderare id quod ipsius naturæ planè contrarium est, & quod ipse maximè execratur: sed peccatum est tale: ergo Deus non potest velle & desiderare, ut fiat peccatum. Maior propositio per se nota est. Prima pars minoris probatur, quia natura Dei est infinita bonitas: peccatum autem est malitia. Ac malitia, directè repugnat bonitati infinitæ. Ex hac repugnantia fit, ut peccatum nullo modo possit referri in Deum, sicut tanquam in finem ultimum, seu tanquam ad causam efficientem, siue exemplarem, siue formalem, siue materialem. Nam inter ea, quorum vnum ad alterum refertur in aliquo genere causæ, debet esse debita proportio. Hæc autem esse non potest, ubi est summa repugnantia. Si quis ergo querat, quare Deus non posset esse auctor, seu causa efficiens peccati, Respondendum est, quia inter causam efficientem & effectum debet esse aliqua proportio: At in Deum & peccatum est summa repugnantia. Item, quare peccatum non posset referri in Deum, ut in ultimum finem? Eadem est responsio. Et similiter de cæteris causarum generibus. Hinc spectat illud Matth. 7. Non potest arbor bona malos fructus facere. Et illud axioma Theologorum. Bonum est diffusivum sui. Et illud Basilii homil. 2. in Hexameron. Nihil contrarium a contrariis suo gignitur. Neque enim vira mortem parit: silet, neque tenebræ principium ad ferunt luci; neque sanitatem morbus efficit, &c. Quæ omnia ad institutum nostrum eleganter accommodavit Divus Gregorius Nyssenus homil. 2. in Ecclesiasten. Deus, qui est natura bonus, bona quoque præbet omnino, quoniam omnis arbor bonos fructus facit; & neque ex spinis una, neque ex vitiis spina nascitur. Quod sua natura bonum est, & thesau-

ris malum non producit. Neque enim bonus homo ex abundantia cordis mala loquitur, quæ sue nature sunt contraria. Quamvis ergo magis fons bonorum nihil mali ex sua natura profuderit: Secunda pars minoris probatur ex illo sup. 14. Odio est Deus impietatem & impietas eius. Et ex ipso Calvino libro 3. Institut. Deum omnem tution. capite 23. paragraph. 4. cum ait Iustitiam naturaliter amat, iniustitiam aduersatur. Et ratio colligitur ex dictis, quia voluntas & natura Dei sunt reipsa idem: Ergo quod naturæ Dei contrarium est, hoc etiam voluntati Dei contrarium esse debet: Ergo voluntas necessariò illud execratur. Hinc sequitur odium illud, quo Deus fertur in peccatum, non esse liberum, sed naturale ac necessarium, sicut amor, quo amat seipsum necessarius ac naturalis est non liber. Odium enim supponit amorem, & in eo fundatur. Idè enim Deus odit peccatum: quia peccatum est contrarium naturæ suæ, quam amat. Sicut ergo naturam suam amat necessariò, ita peccatum necessariò execratur. Hinc ulterius sequitur, Deum non posse vilo modo velle, aut amare peccatum; sicut non potest vilo modo cessare ab amore sui ipsius, aut seipsum odire. Vnde nihil interest, an peccatum committatur à reprobo, an à Prædestinato. Nam à quocumque committitur, semper est contrarium naturæ ac voluntati Dei: Ergo voluntas Dei semper illud execratur.

5. Hoc idem argumentum confirmatur ex Philosophia in hunc modum. Omnis appetitus fertur in aliquod bonum, siue verum, siue apparens. Etsi apparens est rectus & ordinatus, semper fertur in bonum, verum & honestum: Sed voluntas Dei est appetitus ordinatissimus: Ergo voluntas Dei semper fertur in bonum, verum & honestum: Ergo nunquam fertur in peccatum, sub ratione peccati: Ergo Deus non vult peccatum, sub ratione peccati. Dicet fortè aliquis pro Calvino, Deum velle peccatum, non tamen sub ratione peccati, sed propter bonum finem, ut scilicet posset manifestare suam iustitiam in vindicando. Sed hæc responsio nulla est. Primò, quia Calvinus reuera docet, Deum velle peccatum sub ratione peccati. Hoc ostendo ex ipsius principiis. Docet enim Deum idè velle & Prædestinare peccatum, ut habeat causam damnationis reproborum; sed causa damnationis reproborum est peccatum sub ratione peccati. Ergo secundum Calvinum, Deus vult & Prædestinat peccatum sub ratione peccati. Secundò, quia quando obiectum voluntatis turpe est, bonus finis non excusat, neque impedit malitiam voluntatis. Nemo enim potest rectè appetere adulterium aut mendacium; etiam bono fine dicat se appetere. Nam verissimè dixit Apostolus Rom. 3. Non sunt facienda mala, ut exequantur bona.

6. Tertiū argumentum. Deus non potest ex animo velle & desiderare, ut id fiat, quod diserte, seriò ac severè prohibet fieri: sed diserte, seriò ac severè prohibet fieri peccata: Ergo non vult, nec desiderat fieri peccata. Minor passim patet ex tota scriptura ubique Deus prohibet peccata. Maior verò per se nota est, quia Deus non potest habere contrarias voluntates: Ergo non potest vnum, idemque velle fieri, & simul seriò prohibere ne fiat. Hoc argumentum proponit Calvinus, & non potest solvere. Nam libro 1. Institut. capit. 18. §. 3. sic habet; Nam quod primò obiectum, si nihil eueniat, nisi volente Deo duas esse in eo contrarias voluntates, quia occulto consilio decernat, quæ lege sua palam vetuit, facile diluatur. Audiamus quæso ex Calvino, quàm facile hoc ipse diluat. Primò digredior more concionatoris. Tandem post multa verba, quæ ad rem parum faciunt, soluit obiectionem his verbis;

Peccatum
est diuina
naturæ con-
trarium.

Deus prohi-
bet peccata

Quomodo idem diuerso modo uolui fieri. & uelit, non capi-
mus. Est hoc facile diluere? Omnes rustici norunt
hanc artem. Nam quocumque, & quamuis difficulta il-
lis obiceris, statim dicunt, *Non capimus*. Laet hic
tria notare circa solutionem Caluini. Primo, quod
præter voluntatem, quæ Deus palam in scripturis uetat
peccata, fingat aliam voluntatem Dei occultam, quæ
uelit peccata. Sane, cum fateatur esse occultam, &
non haberi palam in scripturis, satis ostendit, à se &
suo cerebro consistam, esse. Secundo quod obiectio-
nem difficultissimam conetur extenuare, quasi nullius
momenti sit, & nullo negotio dissolui possit. Tertiò,
quod cum solutio danda esset, fateatur se non capere.
Hæc obiter.

7. *Quartum argumentum.* Nemo, nisi Tyrannus, pu-
nit illud, quod ipsius uoluntate ac consilio factum est:
Ac Deus punit peccata hominum, & quidem grauissi-
mis suppliciis, tam in hac, quam in altera uita. Ergo
peccata hominum, non sunt uoluntate ac consilio Dei,
nisi dicamus Deum esse Tyrannum. Occurrunt Calui-
nistæ, Deum punire peccata ad bonum finem, nempe,
ut manifestet potentiam & iustitiam suam in vindican-
do. Sed hæc responsione non tollunt, sed potius augent
uium argumenti. Nam hoc proprium Tyrannorum est,
eo sine ac consilio uelle alios delinquere, ut possint in
iis vindicanda suam explere libidinem.

8. *Quintum argumentum.* Si Deus uellet hominem
peccare, sequeretur hominem non peccare, quando
peccat, quæ est aperta contradictio. Nam ille certe non
peccat, qui suam voluntatem conformat cum diuina
voluntate; & qui idem uult, quod Deus uult illum uel-
le: Ac qui uoluntarium homicidium committit, con-
format suam voluntatem cum diuina voluntate, teste
Caluino quia Deus uult illum facere homicidium: Ergo
qui homicidium committit, non peccat. Nemo ergo
peccat omnino: Nullum igitur sit peccatum: Fru-
stra uenit Christus ad peccata mundi tollenda: Vera
est sententia Libertinorum, peccatum nihil esse, nisi
fallam opinionem. Hoc argumentum confirmatur ex
duobus principis. Alterum est, id, quod regulæ &
gnomo. respondet, non posse esse curuum & distor-
tum. Alterum, voluntatem Dei esse regulam, normam
& legem nostrarum actionum, quod etiam concedit
Caluinus lib. 3. Inst. c. 23. §. his uerbis. *Dei uoluntas*
non modo ab omni uitio pura, sed summa perfectionis regu-
la, & legum omnium lex est. Hinc sumo duo noua argu-
menta. Primum, omnis actio peccati est conformis suæ
regulæ, nempe uoluntati diuinæ. Ergo nulla actio pec-
cati est curua aut uitiosa. Posterius, uoluntas Dei est
lex nostra: Sed uoluntas Dei est, ut peccemus: Ergo
peccando seruamus legem Domini. Hinc duo sequun-
tur contra Caluinum. Primo neminem peccando pec-
care. Nam qui legem Dei seruat, non peccat: At qui
furatur seruat legem & voluntatem Dei: Ergo qui fura-
tur non peccat. Secundo sequitur, legem Dei non esse
impossibilem, quia quotidie ab omnibus seruatur. Quo-
tidie enim peccant homines.

9. Ut huius argumenti vis magis appareat, quero
ex Caluino: An peccauerint Iudæi spoliantes Ægy-
ptios? An Oseas Propheta, sumens sibi uxorem forni-
cationum, & generans filios fornicationum? An Abra-
hamus uolens interficere & immolare filium suum?
Non peccauerunt, sed benè & laudabiliter egerunt. Qua-
re, quia hæc erat uoluntas Dei. Quid sequitur? Ergo
cum uoluntas Dei sit, quæ per Euangelium Caluini no-
bis annūciatur, ut homines committant furta, homi-
cidia, adulteria; certe qui id faciunt non peccant, sed
benè & laudabiliter agunt, secundum idem Euange-
lium.

10. *Sextum argumentum.* Si Deus ab æterno Præde-
stinasset omnia peccata, quæ futura sunt, & ea absolu-

A tē uellet fieri, tali tempore, loco, & à tali persona;
frustra docuisset nos Christus orare; *Et ne nos inducat*
in tentationem. Nam si Deus ab æterno decreuit, ut
Petrus etiam vincatur à tentatione, & incidat in pecca-
tum luxuriæ; an id decretum mutari potest? Minime
potest. Quid ergo prodest, si Petrus ex Christi instituto
oret, ne inducatur in tentationem? Nihil planè. An forte
Christus hoc ignorauit? uel simile est, quia Caluini E-
uangelium nondum erat promulgatum.

11. *Septimum argumentum.* Si Deus uult peccata per-
petrari; & si hoc summe credunt Caluinistæ; sequitur
omnes bene agere apud Caluinistas qui aliena diripiunt,
adulteria, & homicidia committunt; templa & altaria
euerunt: E contrario, eos solos peccare, qui hæc fie-
ri prohibent. Nam illi priores conformant se diuinæ
uoluntati, Posteriores uero directè obstant. Nam ue-
rant ea fieri, quæ Deus absolute uult fieri. Neque hoc
possunt ignorare, si à Caluino imbuti sunt. Igitur adul-
teri apud Caluinistas, homicidæ, fures, & raptores
censendi sunt uiri secundum cor & consilium Dei,
Magistratus uero, Principes, Reges, Patres fami-
lias, Ludamigistri, qui prohibent scelera, censendi sunt
Deo rebelles, & ab eius uoluntate alieni. Quis hoc
credat?

12. *Octauum argumentum.* Si omnia, quæ ab homini-
bus fiunt, Deo uolente & decorante fiunt; nullo mo-
do possunt Catholicis irasci Caluinistæ, si ab eis patian-
tur tormenta, mortem, mala omnia. Quare? quia ser-
unt se hæc omnia pati Deo uolente, & suam uolunta-
tem debent Deo conformare si boni uiri esse uolunt.
C Nec uideo, quomodo Caluinus ipse, qui hæc docuit,
iure merito potuisset succensere carnifici, quando ip-
sius corio impressit characterem castitatis.

13. Sæpe multa argumenta contra Caluinum congesta
sunt. Superest explicandum illud D. Pauli ad Ephes. 1.
Qui operatur omnia secundum consilium uoluntatis suæ,
quo solo testimonio uisus est Beza, quando debuit pro-
bare ex scripturis, Adamum Deo uolente & Præde-
stinante lapsum esse. Video autem duplicem syllogismum
strui posse ex illo loco D. Pauli pro sententia Caluinis-
tarum. Unus est, omnia, quæ in mundo fiunt, tam
bona, quam mala, operatur Deus consilio uoluntatis
suæ: Sed peccata fiunt in mundo. Ergo Deus operatur
peccata consilio uoluntatis suæ. Alter est: Omnia
quæ Deus operatur, consilio uoluntatis suæ operatur.
D Sed peccata Deus operatur: Ergo operatur illa consi-
lio uoluntatis suæ. In priori syllogismo falsa est maior,
in posteriori minor. Hoc ostendam capite 11. ubi ex
professo disputandum est: An Deus sit auctor pecca-
torum?

14. Potest de illud adferri pro Caluino. Sæpe uolunt
peccatum est pœna alterius peccati: Ac Deus uult pœ-
nam: Ergo uult illud peccatum, quod est pœna alter-
ius peccati. Maior asseritur à D. Augustino libro 5.
contra Iulianum cap. 5. Et manifestè colligitur ex illo
Rom. 1. *Propter quod tradidit illis Deus in reprobum sen-*
suum, ut faciant ea, quæ non conueniunt. Respondeo. Po-
sterius peccatum propriè non est pœna prioris peccati,
sed tantum improprie, idque duobus modis. Primo,
quia Deus aliquando deserit ac destruit hominem sua
gratia, in pœnam præcedentis peccati. Homo autem
desertus à Deo, facile iterum peccat. Quare non ip-
sum peccatum, quod sequitur, sed desertum, quæ præ-
cedit, est pœna iuste à Deo infligta. Et hoc sensu intel-
ligitur locus Apostoli citatus. Secundo, quia sæpe fit,
ut posteriori peccato sit annexa aliqua infamia, uel eri-
stia, uel simile incommodum. Et tunc peccatum poste-
rius, non ratione sui, sed ratione mali annexi, dicitur
esse pœna prioris peccati. Hoc sensu intelligitur illud
D. Augustini lib. 1. confess. c. 12. *Inssisti Domine, & sic*
est, ut pœna sua sis sibi omnis inordinatus antiquus.

21. Tertiò obijci solet. Si Deus solùm permittit peccata, ut nos Catholici docemus, aut volens, aut nolens permittit. Si nolens, omnipotens non est. Si volens, iam Deo volente peccata fiunt, quæ est Calvini sententia. *Respondeo*; Deus peccata permittit volens, ut docet Augustinus in Enchiridio cap. 100. Et tamen volente Deo non fiunt peccata, sed Deo non volente. Aliud enim est, peccatum; aliud permissio peccati. Peccatum malum est, permissio bona. Deus permissio peccati vult, peccatum non vult. Et permissio peccati fit Deo volente: peccatum non fit Deo volente. *Occurrit*; Si peccatum non fit Deo volente: Ergo fit Deo nolente & invito: Ergo omnipotens non est. *Respondeo*. Non sequitur, quia velle & nolle sunt contraria, inter quæ dari potest medium, scilicet non velle. Itaque hæc tria distinguenda sunt: Peccatum fit Deo volente, Peccatum fit Deo nolente; Peccatum fit Deo non volente. Duo priora falsa sunt; Tertium verum est. Eodem modo se habent hæc tria; Deus est volens peccatum: Deus est nolens peccatum: Deus est non volens peccatum. Hoc postremum verum; illa duo priora falsa.

CAPVT IX.

Nona Calvini propositio refutatur.

Nona Calvini propositio est, Deum mandare, urgere, & impellere sathanam, ut homines ad peccandum inducat. Assertitur lib. 1. Inst. cap. 18. §. 1. his verbis. *Scimus Sathanam se coram Deo sistere ad excipiendam iussu, non minus quàm Angelos, qui sponte obediunt: diverso quidem id modo & fine, sed tamen ne quid aggredi possit, nisi volente Deo.* Et infra. *Ergo quidquid agunt homines, vel sathan ipse, Deus tamen clauum tenet, ut ad exequenda sua iudicia conuertat eorum conatus.* Vult Deus per fidem Regem Achab decipi: operam suam offert diabolus ad eam rem, nistitur cum certo mandato, ut si spiritus mendax in ore omnium Prophetarum. Et infra. *Ridiculum esset Iudicem tantum permittere, non etiam decipere, quid fieri velit, & mandare executionem ministris.* Et §. secunda. *Fateor quidem interposita sathana opera sepe Deum agere in reprobis, sed ut eum impellit sathan ipse suas partes agat, & perficiat, quatenus dicitur est.* Et infra. *Dicitur sathan exoccare infidelium mentes; Sed unde hoc, nisi quod à Deo ipso manat efficacia erroris?* Et lib. 2. cap. 5. §. 2. *Proprie ergo agere dicitur sathan in reprobis in quibus in regnum suum, hoc est, nequitia exerceat.* Dicitur & Deus suo modo agere, quod sathan ipse (instrumentum enim sit ira eius): pro eius nutu ac imperio huc atque illuc se instellit ad exequenda eius iussa iudicia. Et §. 5. *Porro sathana ministrum intercedere ad reprobos instigandos, quocies huc atque illuc Dominus providentia sua eos destinat, vel ex uno loco satis constiterit.* Et infra. *Spiritus ergo impurus, Dei Spiritus vocatur, quia ad eius nutum potentiamque respondet, instrumentum magis ipsius in agendo, quàm à se ipso auctor.* Et alibi.

2. Hæc Calvini propositio impia est & scripturæ contraria. Scriptura dicit, Ecclesiast. 15. 21. *Nemini mandavit Deus impie agere.* Quæ etiam ex Calvino; an diabolus impie agat, quando ex mandato Dei inest hominibus ad peccatum; Si impie agit. Ergo Deus mandat illi impie agere. Ergo citata scripturæ verba falsa sunt. Si non impie agit. Ergo diabolus multa debet Calvino quem lax innocentie patronum ac defensorem habet.

3. Rursum scriptura de diabolo dicit. Ioan. 8. *Cum loquitur mendacium, ex propriis loquitur, quia mendax est, & perterrens.* At Calvinus dicit: *Cum loquitur menda-*

cium, non loquitur ex propriis, sed ex Deo. Quare? Quia Dei mandato & instinctu loquitur. Imo, ut verat verbis Calvini: *A Deo ipso manat efficacia erroris, & mendacij.* Quare secundum Calvini Evangelium, non diabolus, sed Deus est pater mendacii. Deus clauum tenet, diabolus est tantum Dei instrumentum.

4. Tertiò ex Calvini sententia sequitur, mandata Dei esse contraria. Mandat diabolo, ut inducat hominem ad peccandum. E contrario mandat homini, ut non peccet, sed resistat diabolo. Imo sequitur mandata Dei quibus præcipit peccata, habere efficaciam à Deo, quia semper effectum sortiuntur, ut vult Calvinus: Mandata verò, quibus verat peccata, & præcipit virtutes, non habere efficaciam à Deo; quia non semper effectum habent, ut docet experientia. Hinc ulterius sequitur, Deum esse promptiorem, ac propensiorē ad mala, quàm ad bona, quia mala quæ præcipit, semper eveniunt: bona, quæ præcipit, non semper eveniunt, & quod illa eveniant, hæc non eveniant, pendet ex sola Dei voluntate ac beneplacito. Tertiò sequitur Deum plus tribuere diabolo, quàm bonis Angelis. Nam cum mandat diabolo, ut inducat homines ad peccandum, efficaciter eum illo concurrat. Cum autem mandat Angelis, ut inducant homines ad virtutem, non concurrat cum illis efficaciter. Et hoc significavit Calvinus illis verbis supra citatis. *Scimus Sathanam se coram Deo sistere: ad excipiendam iussu, non minus, quàm Angelos: diverso quidem id modo & fine, &c.* Quis est ille diversus modus? is nimirum, quod demon non solum excipiat iussa divina, sed etiam ad effectum perducatur, manante ab ipso Deo efficacia, ut Calvinus loquitur, Angeli verò accipiant quidem iussa, sed sæpè irrita eventus, ut ipsemet testatur apud Ierem. cap. 51. *Curamus Babylonem, & non est sanata, relinquantur eam.* Hinc postremo; sequitur, Deum omnia simulare nobiscum agere. Quomodo enim potest sincerè & candidè nos hortari ad resistendum diabolo, si diabolus ab ipso Deo habet efficaciam subvertendi cor nostrum? Frustra clamat Apostolus Paulus, Ephes. 6. *Induite vos armaturam Dei, ut possitis stare adversus insidias Diaboli.* Nam quæ est armatura Dei contra ipsum Deum? Si diabolus struit nobis insidias, & Deus præbet illi efficaciam, quomodo induemus arma Dei contra efficaciam Dei? Nisi forte regnum Dei in se diuisum sit, quod in Evangelio nostro non invenitur.

5. Quarto, potest refutari Calvinus ex dictis in præcedenti capite. Nam ibi ostensum est, Deum nullo modo velle peccatum, sed potius odisse, & execrari. quippe quod ipsius naturæ planè contrarium est. Quomodo ergo per diabolum, tanquam ministrum & instrumentum suum, potest hominem ad peccandum incitare?

CAPVT X.

Decima Calvini propositio refutatur.

Decima Calvini propositio est: Deum per se occultata quadam vi, incitare, mouere, & necessitare miserè ad omnia vitiorum genera perpetranda. Assertitur libro 1. cap. 18. §. 2. his verbis. *Quæcumque ad arcana motus spectat, quod de corde Regis prædicat Salomon, flecti huc illuc, pro ut Deo visum est, ad totam errantem genus humanum extenditur, tantumdemque valet, ac si dixisset, quidquid animis concipimus, arcana Dei inspiratione ad suam finem dirigunt.* Et certe nisi Deus intus operaretur in mentibus hominum, non rectè dictum esset, auferre labium à veracibus, & à sensibus prudentiam:

anferre cor principibus terra, ut erent per dola. Et infra loquens de Allyriis. Unde apparet certa destinatione Dei impulsos. Et 4. Homo sultus Dei impulsu agit, quod sibi non licet. Et 1. c. 23. § 9. Exsuscebiles peccando habere volunt reprobi, quia cadere nequeunt peccandi necessitatem, praesertim cum ex Dei ordinatione sibi iniiciatur huiusmodi necessitas. Non vero inde nequaquam rite excusari, quando quidem Dei ordinationi, quae se exordio destinato, conqueruntur, sua confiteatur aequitas nobis incognita, sed illa certissima.

2. Hæc propositio Calvini eodem fere modo refellenda est, quo præcedens. Nam aperte per quatuor Scriptura Ecclesiastici 15. *Nemini mandatis impie agere.* Iacob. 1. *Deus intemæ malorum est, ipse aucto neminem tentat.* Notat D. August. l. 2. de consensu Evangelistarum. c. 3. Duplex esse genus tentationis, vnum ad probandum: Alterum ad seducendum & de priori scriptum esse, Gen. 22. *Tentavit Deus Abraham.* De posteriori vero scriptum esse Iacobi 1. *Ipse autem neminem tentat.* Ergo ex sententia Augustini, Deus neminem tentat ad seducendum, id est, neminem excitat, movet, aut impellit ad peccandum. Imo plus addit D. Paulus 1. Cor. 1. *Fidelis Deus est, qui non patitur vos tentari supra id, quod potestis.* Quasi dicat; Tantum abest, ut Deus vos tentet, ut ne patiatur quidem vos tentari, qui cum divina gratia possitis tentationi resistere.

3. Alii porro & illa 1. Ierem. 19. *Edificaverunt excelsa Baalim, quæ non precepi, nec locus sum, nec ascenderunt in cor meum.* Hic quæro ex Calvino, an Iudæi quando idola erexerunt falso Deo, fecerint hoc Deo incitante, impellente, necessitante? Si affirmat, falsa est Scriptura, quæ id negat. Si autem negat, fallit Calvini, quid id supra esse asseruit.

4. Et sanè, si Calvini sententia vera est, quomodo S. Stephanus potuit dicere Iudæis. Act. 7. *Dura cervice & incurvatis cordibus & auribus, vos semper Spiritui Sancto resistitis sicut Patres vestri, & vos.* Poterant respondere Iudæi: Erras Stephane? fecimus, quod Spiritus Domini suggessit, & tacitus inspiravit. Ille nos interna motione impulit ac incitavit, ut interficeremus Prophetas. Hoc fecimus. Et iam arcana inspiratione nobis suggerit, ut te lapidibus obruamus. Hoc etiam facimus. In quo ergo resistimus Spiritui Sancto? Hæc inquam & similia potuissent congerere Iudæi, si Calvini Evangelium audivissent.

5. Sed paulò diligentius rem discentiamus. Constat in Ecclesia, inter cætera gratiæ dona, discretionem esse spiritum iuxta illud 1. Corin. 13. *Divisiones gratiarum sunt eadem autem spiritus.* Alii quidem per spiritum datur sermo sapientiæ. Alii sermo scientiæ. Alii fides. Alii gratia scientiarum. Alii prophetia. Alii discretio spirituum, &c. Et D. Ioannes Apostolus in Epist. 1. c. 4. monet: *charissimi nolite omni spiritui credere, sed probate spiritus, si ex Deo sunt.* Iam quæro ex Calvino; unde possumus decernere, an spiritus, qui nos impellit, sit ex Deo, nec ne? Exempli gratia. Si sententiam internam instinctum, seu inspirationem, quæ ad bellum suscipiendum, aut ad faciendum cum hoste ineundum me inclinet, quo pacto sciam, an hic spiritus ex Deo sit, an ex diabolo; an debeam illi credere & obedire, vel non debeam; Catholici facillè respondent, id ex boni & mali discrimine pendendum esse. Nam si res in se bona & honesta est, ad quam Spiritus me impellit, & si ad bonum finem dirigatur, nec ulla appareat vitiosa circumstantia; signum est, inspirationem à Deo fieri, si autem res in se mala & illicita est, aut bona quidem, sed in malum finem ordinetur; merito suspectus debet esse spiritus. At ex Calvini sententia nihil responderi potest. Nam si Deus non solum ad bona, sed etiam ad mala opera, ut ad furta, homicidia, adulteria, nos interioriter incitat & impellit, semper poterit existimare, ex Deo esse spiritum qui me sollicitat:

A Quorsum ergo illa Apostoli cautela; *Nolite credere omni spiritui, sed probate spiritus, si ex Deo sunt.* Et verò, si utique proprium est tam Deo quam Diabolo, incitare ad peccatum quid refert scire, à Deo, an à Diabolo ad peccandum impellaris?

6. Vbi iam est illud, toties à Calvinistis decantatum, sacram scripturam intelligi oportere, secundum internos instinctus & interna criteria? Omnes legunt sacram scripturam, Catholici, Lutherani, Calvinistæ, Anabaptistæ. Nec tamen omnes eodem sensu scripturam, quam legunt, intelligunt. Aliter Catholici, aliter Calvinistæ, aliter Lutherani interpretantur hæc verba. *Hoc est Corpus meum.* At, qui optimè & sincerissimè intelligunt? Proculdubio Calvinistæ, ut ipsi putant, unde sciunt? Ex internis criteriis. A quo spiritu criteria illa inspirantur? A Deo. At quid tum postea? Nam si Deus, non solum veram & sanam doctrinam, sed etiam errores, mendacia, hæreses, & falsas interpretationes interioriter loquitur & inspirat, imo, si efficacia erroris à Deo manet, ut Calvinus ait, unde constabit sensum scripturæ, quem Deus inspirat Calvinistis, esse sanum, verum, legitimum & non potius falsum, mendacem, & spurium, cum uterque à Deo inspirari soleat? Hic respondeat Calvinus, aut pro Calvino Calvinista aliquis.

7. Sed, obicit Calvinus quædam Scripturæ testimonia, quibus videtur probari posse, Deum hortari & instigare hominem ad peccatum, ut 2. Reg. 16. *Domine præcepit Semei, ut malediceret David.* Et 2. Reg. 24. *Commovit Dominus David dicens. Vade, numera Israel, & Iudam.* Et Ezech. 14. *Ego Dominus decepi Prophetam illum.* Et 2. Thess. 2. *Misi illis Deus operationem erroris, ut credam mendacio.* Et Psal. 43. *Declinasti semitas nostras à via tua.* Et salm. 104. *Convertit cor eorum, ut audirent populum eius.* Et Ioan. 13. *Quod facis fac citius.* Respondeo. Deus Circa peccata hominum, multa facit, ex quibus citata testimonia explicanda sunt. Primum, Non impedit conatum eorum, qui parati sunt, male agere. Secundò, Negat illis speciale auxilium gratiæ, quod destituti facillè in peccatum labuntur. Tertio, sæpè flebit & gubernat interioriter humanas voluntates, ut licet vitio proprio malè sint tamen à divina providentia ad unum potius malum, quàm ad aliud non positivè, sed permissivè ordinentur. Quarto, Sæpe præbet homini occasionem boni, qua ipse abutitur ad malum. Quintò, Peccata impiorum dirigit & ordinat ad salutem electorum. Hæc omnia fufius prosequatur inferius cap. 13. §. 7.

CAPVT XI.

Undecima Calvini propositio refutatur.

V Undecima Calvini propositio est, Deum, vna nobiscum peccata nostra operari, eoque magis ipsam, quam nos quod ipse sit principale agens, & operans, nos merè adtaxat instrumenta. Afferitur lib. 1. Inst. c. 17 §. 5. his verbis. *Ego plus concedo, Fures & homicidas, & alios maleficos divina esse providentia instrumenta, quibus Dominus ipse ad exequenda, quæ apud se constituit iudicia, utitur.* Et c. 18 §. 1. Ergo quidquid agitem homines, vel Satan ipse, Deus tamen clarum tenet. Et infra. *Abraham incestu coitu patristhorum polluens, detestabile scelus perperrat. Deus tamen hoc opus suum esse pronuntiat.* Et c. 2. Et certè nisi operaretur in mentibus hominibus, non rectè dictum esset, auferre labium à veracibus. Et l. 3. c. 4. §. 2. *Omnia hic universalem Dei motionem, unde creatura*

tra omnes, ut sustinentur, ita efficaciam quidam agendi ducunt: de illa speciali actione tantum loquor, quam in unoquoque facinore apparet. Et plura alibi.

2. Hanc doctrinam accepit Calvinus à Zwinglio, Luthero, Melancthone, & aliis hereticis huiusmodi. Nam Zwinglius sermone de providentia ad Cantorum principem cap. 6. ait. *Quando facimus adulterium, aut homicidium, Dei opus est motoris, auctoris, impulsoris.* Lutherus scripsit hæc verba, *Mala opera non impius Deus operatur, quæ ut supra dixi, anticipi eius evaserunt.* Philippus Melancthon ad cap. 8. Epistolæ ad Romanos, editione prima ait: *Adulterium Davidis, & proditio Iudæ, ita est proprium opus Dei sicut vocatio & conversio Pauli.* Hos imitatus Calvinus, dicit deestabile scelus Absalonis esse opus Dei: Deum in omnibus sceleribus clavam tenere; Deum non solum in opere, sed in quodam generali modo præbere ad agendum, sed specialem quandam actionem exhibere in unoquoque facinore. Quod amplius; Nihil aliud, quam ut dicat. Deum non esse Deum.

3. Impia & blasphema sunt hæc. Longè aliter docent Scripturæ, Patres, ratio ipsa. Ex Scripturis præferam duo testimonia. Sap. 11. *Nihil distitit a te, quæ fecisti.* & Sap. 14. *Odis est Deus impius & impietas eius.* Ex his testimoniis ita concludo: Deus nihil eorum odit, quæ ipse operatur sed Deus odit peccatum. Ergo Deus non operatur peccatum. In dem testimonio videtur D. Augustinus lib. 1. de Semplicitate in qua, ubi disputat de illis verbis, *Iacob dixit; Esau autem odio habui.* Et querit, quomodo Deus potest odisse Esau, cum tamen ei ait, *odisse non habui.* Quare potius dixerit Deus, *Iacob dilexi, Esau autem odio habui.* Et similiter non dixerit, *Solam dilexi, Latam autem odio habui;* Et tamen post multa respondet his verbis. Qui modus ita soluitur, ut intelligamus omnino creaturam esse artificem Deum: Omnis autem creatura Dei bona est, & omnis homo, in quantum homo est, creatura est, non in quantum peccator. Est ergo Creator Deus, & corporis & animi humani. Neutrum bonum malum, & neutrum odit Deus. Nihil enim odit eorum, quæ facit. Est autem animus præstantior corpore, Deus vero & animo & corpore utriusque effector & conditor: nec odit in homine, nisi peccatum. Est autem peccatum hominis, inordinatio atque perversitas, id est, à præstantiore condicione anverso & ad condita inferiora conversio. Non igitur odit Deus Esau hominem, sed odit Deus Esau peccatorem. Hæc Augustinus apostoli nē contra Calvinum.

4. Ad testimonia Scripturæ accedunt Patrum testimonia, Tertullianus in libro adversus Hermogenem: *Iam ergo malum ab ipso qui est malis non auhor, quia non effector, certe permissor, quia dominator.* D. Ambrosius lib. de Paradiso, cap. 15. *Deus operatur quod bonum est, non quod malum.* Et in lib. 1. Examine cap. 8. *Nunquid malitia quæ Deus creavit sed ex ea nobis orta, non à creatore. Deo condita, morum lenitate venatur.* Et in lib. 2. *Eradicari hæc Deus vult de animis singulorum. Quomodo ipse eam generaret, cum clamer Propheta, Desine à malitia: Et præcipue David. Desine à malo, & fac bonum. Quomodo ergo ei initium à Domino datus; Sed hæc opinio feralis eorum, qui perturbant Ecclesiam pervertunt.* D. August. in Epistola 104. ad S. Iulianum. *Iniquitatem, quam rectissima veritas improbat, damnare nonis ipse non facere.* Et lib. 6. Hypognostici circa medium, *Mala Iudæ præsejuit, non fecit.* Plures citabo cap. seq.

5. Postremo accedunt rationes. Prima, Quia si Deus operatur, hoc voluntate operatur, Psal. 113. *Omnia quæcunque voluit, fecit.* Et Psal. 148. *ipse mandavit & creata sunt.* Et lib. 1. Qui operatur omnia secundum consilium voluntatis suæ. At iam supra cap. 8. ostensum est, Deum non velle peccatum, sed potius

A odisse, detestari & prohibere, quippe quod ipsius naturæ plane repugnans est: Ergo Deus non operatur peccatum.

6. Secunda ratio. Si Deus operaretur peccatum, tanquam agens principale, & homo duplexat esse instrumentum, plane sequeretur Deum potius peccare, quam hominem, quod omnino impium est. Nam in opere malo, non instrumentum, sed principale operans meretur reprehensionem, vel quia ineptum fecit instrumentum, vel quia sciens ac volens male eo usus est.

7. Tertia ratio. Sequeretur hominem perire ac damnari propter peccata, quæ Dei potius, quam ipsius sunt opera. Hæc argumentum Zwinglius indignè posuit sibi obici, & cum Ilomacho ait, *De hoc ipsum Deum interrogat. Ego enim ei non fuit à consiliis.* Et Calvinus lib. 1. Inst. cap. 10. §. 1. proponit hanc questionem. *Quomodo Deus agens per improbos nullam ex eorum vitio labem contrahat, in eo in opere communi ab omni culpa sit immunis, ministris autem nostris damnet?* Et respondet, ut solet; *non capis sensus carnis.*

8. Quarta ratio. Peccatum formaliter consistit in privatione & defectu, ut docent Theologi cum D. Augustino: ergo non potest esse nisi à causa deficiente: Deus autem non potest in agendo deficere. Hinc August. 12. de Civit. cap. 7. ait. *Nemo quarat causam male voluntatis: non enim est efficiens, sed deficiens, quia neque illa est effectio, sed defectio.* Sed suspicor Calvinum aliter sentire de formali ratione, seu de malitia peccati. Non enim in privatione, sed in aliqua natura seu entitate putat eam consistere. Notavit hoc Maldonatus, qui probe perspectam habuit sententiam Calvinistarum, quam Parisiis, & publice & privatim egregie refutavit. E. facile apparet ex ipsis Calvini verbis, præsertim ex illis supra citatis, *Omnibusque universalem Dei motionem, unde creatura omnes ut sustinentur, ita efficaciam quidam agendi ducunt. De illa speciali actione tantum loquor, quæ in unoquoque facinore apparet.* Hic Calvinus præter generalem illum concursum, quo Deus ad omnem actionem creaturæ concurrit, agnoscit aliquem influxum particularem, quo Deus speciali modo effectivè producit peccatum, quatenus peccatum est, & ab opere bono distinguitur. At, quid opus erat hoc influxum speciali, nisi peccatum quatenus peccatum est, ex sententia Calvinii esset entitas realis ac positiva? Sed si hoc concedit Calvinus, incidit in errorem Manichæorum, quem multi patres, & præsertim D. Augustinus multis locis refutavit.

9. Solet obici illi d. Iulianus 45. *Ego Dominus, & non est alter faciens pacem & creans malum. Ego Dominus, faciens omnia hæc.* Sed iam ostendimus à Patribus ad hunc locum responsum esse. *Mala dicuntur, inquit Tertullianus, & delicta, & supplicia. Nos separamus malis delicta, & malis supplicia: malis culpa & malis pena; sicut cuique parvis definimus auctorem malorum quidem peccati & culpa, diabolum: malorum vero supplicia & pena, Deum Creatorem.* Similia habet Origenes lib. 6. contra Celsum, Cassianus collat. 6. cap. 6. Hesychius lib. 4. in Leviticum cap. 14. Damascenus lib. 4. cap. 40. Hieron. in lamentationes Ieremiæ c. 3. Qui omnes duplex distinguunt malum: alterum culpæ, alterum pænæ. Prius negant esse à Deo; posterius concedunt. At, inquit Calvinus, adulterium Absalonis erat malum culpæ, & tamen à Deo fuit. Sed negamus à Deo fuisse. Vult quidem Deus præsumpta mala voluntate Absalonis, ut ad puniendum Davidem: non tamen dedit illi malam voluntatem, sed permittit. Respondit August. lib. 1. de Civit. cap. 8. *A Deo sunt omnes potestates, quatenus ab illo non sunt omnium voluntates.* Et cap. 9. *Sicut quoniam creator est, ita omnium potestatem datur, non voluntatem. Mala quippe voluntatis ab illo non sunt, quoniam contra naturam sunt, quæ ab illo est.* Et

Lutherus
in aller
tionibus
improbi
vitiis
regar
no 152.
ait. 16.

Mald. in
cap. 16.
Marth. 16.

Tertull. l.
1. contra
Marcion.

lib. 1. Reg.
cap. 21.

222

Duodecima Calvini propositio refutatur.

C

11

•

7. Hæc argumenta, quæ partim ex Calvini verbis, partim ex lumine naturali, & omnium hominum consensu contexta sunt, Conantur Calvinistæ eludere hæc unica distinctione. Dicunt enim, Deum quidem esse

auctorem furtorum, adulteriorum, homicidiorum, & aliorum similium operum; non tamen esse auctorem peccatorum, quia putant illa non esse peccata, quatenus sunt à Deo. Itaque concedunt, Deum impellere & cogere impios ad furta, & homicidia perpetranda. imò Deum operari hæc omnia per homines tanquam per sua instrumenta; negant tamen Deum operari peccata, quia illa opera, quatenus à Deo sunt, non sunt peccata, sed solum quatenus procedunt à mala impiorum voluntate. Sed hæc evasio nulla est, etiam Caluino teste. Nam neque Libertini volebant concedere, Deum reuera esse auctorem peccatorum (quia putabant peccatum nihil esse nisi falsam opinionem) sed tantum esse causam adulterii, homicidii, furti, & tamen eo nomine reprehenduntur à Caluino in Epistola ad Rotomagenses aduersum Franciscanum quendam Libertinum his verbis. *Contestatur sibi longi aliam esse mentem, seque Deum mali auctorem facere nolle affirmat: Sed quid prodest eiusmodi subterfugium in re tam aperta?* Hoc idem dici potest de Caluino & Caluinitis, qui in re aperitissima subterfugium quaerunt.

8. Deinde quæro ex Caluino, quare mendacium, odium aut homicidium sunt peccata, quatenus procedunt ab homine, qui est tantum instrumentum, & non sint peccata, quatenus procedunt à Deo, qui est agens & causa principalis? Respondebit, quia voluntas Dei bona est; hominis mala. Iterum quæro, cur in eodem opere bona sit voluntas Dei, & mala voluntas hominis? Inuenio quatuor causas apud aduersarios, quas breuiter examinabo. *Prima est.* Quia natura humana vitio primi parentis tota corrupta est. Sed hæc ratio non habet locum in primo peccato Adam, & Luciferi. Nam si quæram, quare voluntas Adam & Luciferi fuerit mala in primo peccato, & voluntas Dei bona, non potest aptè responderi, totam naturam humanam & Angelicam fuisse corruptam. Hoc enim falsum est. *Altera* illorum ratio est, quia Deus non vult peccatum, ut culpam, sed ut pœnam alterius peccati. Sed neque hæc ratio potest accommodari ad peccatum primi parentis & Luciferi. Nam primum illorum peccatum non potuit esse pœna alicuius peccati præcedentis, cum ante primum peccatum nullum aliud præcesserit. *Tertia ratio est,* quia Deus habet bonum finem propositum homini malum. Deus enim vult homines peccare, ut habeat quos iuste damnet, & quorum liberaliter misereatur, ut ea ratione iustitiae & misericordiae suae gloriam manifestet. Homo autem peccat, ut libidinem suam expleat, non ut gloriae Dei seruiat. Hanc rationem reddit Zvinglius de prouidentia. cap. 6. Caluinus lib. 1. Instit. c. 17. §. 5. & in libro de æterna Dei prædestinatione. Et in instructione aduersus Libertinos c. 14. Et Beza in responsione ad Sebastianum Castellionem in refutatione secundæ calumniae. Hæc ratio iam bis refutata est. Semel c. 2. §. 10. vbi ostendi, Deum non ideo prædestinasse peccata, ut haberet occasionem ostendendi suam misericordiam & iustitiam. Et iterum c. 3. §. 6. vbi partim ex D. Paulo, partim ratione probavi, bonum finem non sufficere, ut liceat ea facere, quæ intrinsecè mala sunt, nec esse facienda mala, ut eueniant bona. Tertiò refutari potest, quia Caluinus & Beza debent fateri, Deum esse causam malæ intentionis, seu voluntatis. Nam si Deus ab æterno decreuit & prædestinavit peccatum, quod possit iuste punire, aut liberaliter condonare; & peccatum non est peccatum, nisi mala intentione fiat, necesse est, Deum prædestinasse, & decreuisse, ut homo mala intentione operaretur: ergo mala intentio est effectus diuinæ prædestinationis: Ergo etiam peccatum, quatenus peccatum, est effectus Dei: Ergo Deus est causa & Auctor peccati, quatenus peccatum est, ex sententia Caluini & Beza. *Quarta*

Ratio est Zvinglii, qui ideo putat malum esse hominis voluntatem in opere malo; Dei non malum quia Deus non est posita lex, homini autem posita est: ac proinde in eodem opere voluntas hominis transgreditur legem; & mala est; Dei voluntas non transgreditur, & mala non est. Hæc doctrina Zvinglii refellitur ab ipso Caluino l. 3. Instit. c. 23. §. 2. in fine, *non fingimus*, inquit, *Deum Ex legem, &c.* Et merito, quia quamuis Deus non sit lex posita ab aliquo superiore (quippe qui superiorem non habet) tamen ipsa bonitas & natura Dei est ipsi lex: Sicut ergo mendacium & quoduis aliud peccatum contra legem naturæ, repugnat naturæ & bonitati Dei, ut c. 8. ostensum est, ita etiam repugnat legi quam Deus naturali obligatione seruare debet. Ergo si voluntas Dei, sicut voluntas hominis, eligeret mendacium, furtum, aut homicidium; non minus transgreditur legem sibi connaturalem, quam voluntas hominis; Ac proinde vel ambæ essent malæ, vel neutra.

CAPVT XIII.

Reliqua tres propositiones refutantur.

Decima tertia Caluini propositio est peccata prædestinatorum eo fine à Deo decreta & ordinata esse; ut in eis condonandis manifestetur diuina misericordia. Hæc satis refutata est superius cap. 2. §. 10. Est enim crudelis misericordia, quæ ex iusto facit impium, ut eum ab impietate possit liberare. Sicut parum clemens elementia est, spoliare hominem, ut possit iterum vestire: vulnus infligere ut possit sanare: in puteum demergere, ut possit extrahere.

1. Decima quarta Caluini propositio est, peccata reproborum eo fine esse prædestinata, ut in eis puniendis appareat Dei potentia & iustitia. Hæc ibidem refutata est. *Non enim*, ut loquitur Scriptura, *necessary sunt Deo homines impij.* Potest alio modo suam potentiam & iustitiam manifestare. Et quidem potentiam in creatione mundi ex nihilo, iustitiam verò in retributione premiorum in celo.

3. Decima quinta propositio est, Deum ita excecāre, & obdurare reprobos, ut nec credere possint Evangelio nec de peccatis dolorem concipere. Asseritur à Caluino l. 2. Instit. cap. 14. §. 2. his verbis. *Sed nihil clarius potest desiderari, quam ubi toties pronunciat, se excecāre hominum mentes, ac vertigine percutere, spiritu soporis inebriare, inuenerit amentiam, obdurare corda.* Hæc etiam ad permissionem multi reiciunt, ac si deferendo reprobos, à Satana excecari sineret. Sed cum diserte exprimat spiritus iusto Dei iudicio infligi cecitatem & amentiam, nimis frivola est illa solutio. Et infra. *Dicitur sathan excecāre infidelium mentes: sed unde hoc nisi quod à Deo ipso manat efficacia erroris?* Et l. 2. c. 4. §. 5. *Addendum est, quod à Paulo traditur, diuinitus efficaciam erroris ac seditionis immitteri, ut credant mendacio, qui veritati non paruērunt.* Et l. 3. cap. 23. §. 14. *Si non creditis, id est sit, quid iam diuinitus exisio, destinati estis.* Et cap. 24. §. 13. *Eccc vocem ad eos dirigit, sed ut magis obscurdescant, lumen accendit, sed ut reddantur ceciores: doctrinam proferunt, sed quæ magis obstupescant: remedium adhibet, sed ne sanentur.* Et plura alia §. 14.

4. Hæc propositio falsa est & impia. Ut autem clarè ac perspicuè intelligi ac refelli possit, notandum est ex D. Thoma, excecationem seu obdurationem duobus modis sumi posse. Primum pro ipso peccato, quo resistitur vocationi aut motioni Dei. Secundo pro substructione gratiæ, quæ fit, ut homo permittatur obdurari,

ita resistere inspirationi Dei. Si ergo sumatur execratio priori modo, nempe pro peccato, tam certum est, Deum non esse causam illius, quam certum est, Deum non esse causam peccati. Nec opus est nova ad hanc rem probatione. Si autem posteriori modo sumatur, nempe pronogatione maioris gratie: fatemur Deum dici posse causam execrationis, quia ipse est, qui in penam precedentium peccatorum merito negat homini suam gratiam; non quod homo penitus a Deo deseratur: sed quod speciali & excellentiori subsidio gratie sit destitutus.

3. Hinc iam facile conciliari possunt testimonia quedam Scripturæ, quæ aliqui videntur inter se pug-
nare: Ea enim, quæ homini adscribunt execratio-
nem, intelligenda sunt iuxta priorem acceptionem: quâ nomen execrationis sumitur pro peccato, seu pro
pravo actu voluntatis, quo homo sciens volens celi-
bit diuinæ vocationi: vt Psalm. 99. *Hodie si vocem
eius audieritis, nolite obdurare corda vestra*: id est; no-
lite vocationi resistere: sed potius obedire & obtem-
perare. Et infra. *Semper hi errant corde, ipsi verò non
cognouerunt vias meas*, id est, non sunt ingressi vias
mandatorum meorum. Ierem. 5. *Dominus percussisti eos
& non doluerunt: attrivisti eos, & renuerunt accipere dis-
ciplinam: indurauerunt facies suas supra petram, & non
luerunt reuerſi.* Actum. 7. *Dura corac & incircumci-
si cordibus & auribus: vos semper spiritui sancto resisti-
tis.* Rom. 2. *Secundum duritiem tuam & impenitens cor
thesaurizas tibi iram.* Ex his omnibus constat, execra-
tionem, quatenus pro peccato sumitur non solum ho-
mini adscribendam esse, sed etiam in libera hominis
potestate esse posſam. Cur enim Deus reprehenderet
hominem obduratum, si in eo situm non esset obdura-
ri aut emolli? Aut cur hortaretur, ne se obduret, si
à solo Deo est efficacia obdurationis; clamat Chri-
stus Euangelio, *Venite ad me omnes qui laborati, &
onerati estis, & ego reficiam vos.* Quotum inuitat om-
nes, si Deus aliquos obdurauit, vt venire omnino non
possint; Et Spiritus sanctus in Apocalypſi, *Ego ſto ad
ostium, & pulſo; si quis aperuerit mihi, introibo ad eum,
Quid pulſat ad ostium, si ipſemet ostium obseruaue-
rit?* Aut quomodo homo potest Deo pulſanti aperire,
si Deus aperiri sibi non velit; Maneat ergo in nostra
potestate esse, Deum vocantem ſequi, aut non ſequi.
Hoc egregie explicat D. Augustinus exemplo duorum
Regum, Pharaonis & Nabuchodonoloris, quorum
alter ſua voluntate emollitus est: alter ſua pertinacia
manſit obduratus. Sic enim de illis ſcribit in lib. de
Prædeſtinatione & gratia cap. 15. *Quantum ad naturam,
ambo homines erant: quantum ad dignitatem, ambo Re-
ges quantum ad causam, ambo captiuum populum Dei poſ-
ſidentes: quantum ad penam, ambo ſtagellis clementer
admoniti. Quid ergo ſines eorum ſecis eſſe diuerſos, niſi
quod vnus manum Dei ſentient, in recordatione propria
iniquitatis ingemuit, alter libero arbitrio contra Dei miſe-
ricordiffimam Veritatem pugnavit.*

6. Alia ſcripturæ testimonia, quæ Deo tribu-
unt execrationem & obdurationem, intelligenda
ſunt iuxta poſtერიorem & obdurationem, qua exec-
ratio ſumitur pro ſubſtractione ſeu denegatione auxi-
lii diuini, quæ per modum pænæ à Deo infligitur. vt
Exod. 7. *Ego indurabo cor Pharaonis.* Deut. 2. *Indura-
uerat Dominus Spiritum Sebon.* Iſa. 63. *Quare errare
nos feciſti Domine de viis tuis; Induraſti cor noſtrum ne
dimeremus te,* Rom. 4. 1. *Tradidit eos Deus in reprobum
ſenſum.* Rom. 9. *Cuius vult, miſeretur, & quem vult,
obdurat.*

7. Sed hic quaſtio eſt apud Catholicos; an hæc loca
ſcripturæ commodè explicari poſſint de ſola ſubſtra-
ctione gratiæ, vel quod idem eſt, an Deus ex eo præci-

st, quia negat homini suam gratiam, & eum deserit, re-
ctè ac proprie dicatur hominem indurare? Repeto, Supra ea,
quod superius attigi, Deum multa officia exercere circa eos. 79
impios & impiorum obdurationem. Primum est, quod
non impediatur conatum eorum, qui parati sunt male a-
gere, sed permittat eos moliri, quod lubet. Perinde ac
venator, qui laxato fune, permittit canes ſectari lepo-
rem, cui sponte inhiant. Secundum est, quod negat illis
speciale auxilium gratiæ, quo deſtituti, facile in noua
peccata prolabantur, & in eis obdurantur. Hoc autem
facit in penam precedentium peccatorum, quibus
impij merentur diuinis auxilium privari, ideoque in
ſcripturis vocantur deſpecti, derelicti, & proſecti à
Deo. Psalm. 81. *Dimiſi eos ſecundum deſideria cordis eo-
rum.* Et Act. 14. *Qui in præteritis generationibus dimiſi
omnes gentes ingredi vias ſuas.* Eccleſiaſt. 7. *Nemo poteſt
corripere, quem Deus deſpecterit.* Psalm. 30. *ne proſi-
cias me à facie tua & ſpiritus ſanctum tuum ne auferas à
me.* Hoc ſenſu dixit D. Augustinus Epistola 105. *Non
obdura Deus imperiſcendo malitiam; ſed non imperiſcendo
miſericordiam.* Eſt tamen notandum, Deum noua de-
ſerere hominem propter præcedentia peccata, vt om-
nem gratiam illi denegat (hoc enim falſum eſt, quia
ſtat ad oſtium & pulſat corda omnium, etiam nequiſ-
ſimorum, omneſque ad ſe inuitat. *Venite ad me om-
nes qui laborati & onerati eſtis*:) ſed ſolum negat ma-
iora & vberiora gratiæ ſuz auxilia, quibus facilius con-
uerterentur, iuxta illud Matth. 21. *Si in Tyro & Sidone
facta eſſent viſites, quæ facta ſunt in vobis, alim in cili-
rio & cinere penitentiam eſſent.* Tertium eſt quod ma-
gna patientia & longanimitate tolleretur impios, &
quaſi diſſimulans eorum peccata, non procedat ad
vindictam & punitionem, ſed expectet eos ad pen-
itentiam; ex quo fit, vt ipſi magis in ſuis pecca-
tis obdurentur; iuxta illud Rom. 2. *An diuinitas
bonitatis Dei & patientia, & longanimitatis contem-
nis? Ignorans quoniam benignitas Dei ad penitentiam
te adducit: Secundum autem duritiem tuam & im-
penitens cor, theſaurizas tibi iram in die ira, & in-
ſiudicii Dei:* His verbis aperte docet Diuus Pau-
lus, propter nimiam Dei longanimitatem multos
ſieri corde duos, & impenitentes, & ad peccatum
confidentiores. Huc etiam ſpectat illud Iob. 24. *Dedit
ei Dominus locum penitentia, & ille abutitur eo in ſuper-
biam.* Et Eccleſiaſt. 8. *Quia non proſertur cito contra
malos ſententia, abſque timore vilo filiis hominum perpe-
trant mala.* Quartum eſt; quod interius ita ſectari & gu-
bernet impiorum voluntates, vt licet vno proprio ma-
la ſint, tamen à diuina providentia ad vnum potius ma-
lum, quam ad aliud, non poſitiuè, ſed permiſſiuè or-
dinentur. Verbi gratia, videt Deus hominem ſua ſpon-
te paratum ad maledicendum; permittit, vt maledicat
vni non permittit, vt maledicat aliis. Hoc ſenſu dixit
Hugo de S. Victore libro 1. de Sacramentis part. 5. c. 29
*Deum malis voluntatibus non dare corruptionem, ſed
ordinem; quia ſcilicet, cum proprio vicio corruptæ ſint,
permittit eas in vno, non in alio delinquere.* Quintum
eſt, quod ſæpe offerat homini occasionem boni, quo
ipſe abutitur ad malum; ſicut enim, qui bonus eſt om-
nia verſat in bonum & vtilitatem ſuam: ſic qui malus
eſt, tam bona, quam mala verſat in ſuam perniciem.
Vnde ſicut de bonis dictum eſt, Rom. 8. *Diligentibus
Deum omnia cooperantur in bonum;* ita de malis Sap. 14.
*Creatura Dei in odium facta ſunt, & interitum animan-
bus hominum, & in muſcipulum pedibus inſipientium.* Exem-
pla occurrunt in ſcripturis. Manna, ita ſaporis ſuaui-
tate afficiebat bonos: mali, tanquam uſpidum ſalti-
diebant. Pharaos factus eſt offeratior, viſiſ. miraculis
in Aegypto: Hebræi ad credendum Deo & ſeruo eius
Moſi, promptiores effecti. Hinc intelligi poteſt, quo
ſenſu dixerit Augustinus lib. 3. contra Iulianum cap. 3;

Deum dici quosdam indurare, non solum per patientiam & permissionem, sed etiam per potentiam & actionem: quia videlicet multa agit circa hominem induratum; quibus ille sit deterior. Excitat enim in eo varios affectus, spei, fiducie, cupiditatis, irae, timoris, tristitiae; immittit somnia & perplexas cogitationes; procurat admonitiones, correptiones, flagella, beneficia, miracula: permittit abijci varia honorum & voluptatum obiecta: His omnibus abutitur ille ad suam perniciem, accipiendaeque mala sunt, & contemnendo quae bona sunt: non secus, ac aegrotus, qui salutaria medicamenta respiciens, & noxia eligens, morbum suum facit insanabilem. Sextum est, quod natus peccatis impiorum, ad salutem & profectum electorum suorum, instat Medici, ut ait Basilus: qui non facit venenum viperæ, sed eo utitur ad sanitatem corporum curandam & conservandam. Huc spectat illud Gen. 50. *Uos cogitastis de me malum, sed Deus vertit illud in bonum, ut exaltarem me.*

8. Ex dictis colligi potest, quo sensu dicatur Deus indurare hominem, quia scilicet non impedit conatum eius; qui destituit eum sua gratia; indulget & dissimulat peccata eius: quia flectit & gubernat eius voluntatem: quia offert illi varias occasiones, quibus sit deterior; quia peccatum illius dirigit in salutem suorum electorum. Vide Chrysostomum in cap. 1. ad Romanos, Origenem lib. 3. Periarchon. Basilium in Hom. *Quod Deus non est auctor malorum.* Hieronymus epistol. 250. ad Hedibiam in responsione ad quæst. 10. Augustinum q. 36. in Exodum & serm. 88. de tempore. Et epist. 105. ad Sixtum. Et in libro de Prædestinatione & gratia cap. 4. & lib. 5. contra Iulianum c. 3. & alios.

CAPVT XIV.

Ex hac Caluini Doctrina sequitur, alium esse Calvinistarum, alium Catholicorum Deum;

Decreta
Dei Cal-
vinistæ

Castalio scripsit librum de Prædestinatione ad Calvinum, in quo probat, alium esse Calvinistarum, aut Catholicorum Deum. Et sanè id optime colligi potest ex doctrina Caluini hætenus tradita in hunc modum: *Deus Calvinistarum est auctor peccati; Deus Catholicorum non est auctor peccati. Ergo non est idem utrorumque Deus.*

1. Hæc ratio generalis est, Speciatim potest deduci hoc modo; Calvinistarum ab æterno statuit duo decreta, quæ Caluino teste sunt horribilia. Alterum, quo decreuit maiorem hominum partem sine vlla ipsorum culpa, in perpetuum damnare, & æternis suppliciis deuovere. Alterum, quo prædestinauit eos ad peccatum, ut haberet occasionem illos damnandi, & scelerè puniendi. In priori crudelis est, qui tot nullia innocentum ex mera puniendi libidine, ad æternas penas destinavit: in posteriori iniustus, qui nulla necessitate, solo suo arbitrio decreuerit, ut homines iniuste agant, & ex bonis iniusti efficiantur. Hæc decreta exequitur ad hunc modum, Primò, eos, quos ab æterno morti ac suppliciis destinavit, tum per se, tum per sathanam, impellit, incitat, & commouet ad omnia flagitiorum genera perpetranda. Secundò, eosdem excæcat, & obdurat in peccatis. Tertio, Omnia salutis præsidia ipsis negat. Quarto, destituit omni auxilio miserimè illudit, simulans se velle bene illis facere, & nihil minus in animo sentiens: exterius offerens suam operam, & interius meditans ruinam ipsorum ac perniciem; Et ut verbis Calvinistar, *vocem adam dirigit, sed ut magis ob-*

Executio
Decretorum

*surdascant; lumen accendit sed ut reddatur cæcior, de-
strinam profert, sed qua magis obstupescant; remedium Caluini
adhibet, sed ne sanetur.*

3. At, Deus Catholicorum fuit duo alia decreta, longè ab his diuersa. Vnum, quo statuit omnes homines ad vitam æternam creare, & se ipsa perdere, si ipsi suo vitio non impedirent. Alterum, quo præuisio primi parentis & omnium posterorum lapsu, Dei Cal- voluit omnibus, quantum in se est, succurrere. Hoc Catholicæ, autem exequitur in hunc modum. Primò, mittit Filium suum vnigenitum, qui pro omnibus mortem operatur; omnes à potestate mortis ac diaboli eripiat; omnibus ianuam regni celestis aperiat. Secundò, prout Extensio; ponit omnibus vitam æternam, tanquam premium & brauium, per Christi merita & nostram cooperationem obtinendum. Tertio, offert auxilia gratie, quibus hoc premium assequamur. Quarto, patens hortatur ut oblatam gratiam acceptemus & strenuè cooperemur. Quintò, tenetè prohibet, ne in hoc negotio, aut negligentes ac tepidi simus, aut in alia vitia & peccata dilabamur. Sextò, relinquit nihilominus cuique suam libertatem, ut si velit bene agere, vitam æternam assequatur; sin malè: in æternum crucietur. Hæc omnia in sacris literis expressa sunt. Io. 3. *Sic Deus dilexit mundum, ut Filium suum vnigenitum daret.* An pro paucis tantum; Audi porò. 2. Corin. 5. *Pro omnibus mortuus est Christus.* 1. Timoth. 2. *Qui dedit in redemptionem semetipsum pro omnibus.* 1. Iohan. 4. *Ipse est propitiatio pro peccatis nostris, non pro nostris tantum, sed etiam pro totius mundi.* Math. 11. *Venite ad me omnes, qui laborati & onerati estis, & ego reficiam vos.* Ioan. 7. *Si quis sitis veniat ad me, & bibat.* Hæc testimonia generalia sunt, nec ad certum genus hominum restricta. Non enim est distinctio Iudæi & Greci: Nam idem Dominus omnium Deus in omnes, qui invocant illum. Omnia alia, quæ passim obuia sunt.

4. Atque hinc potest, aliam esse mentem Deo Catholicorum, quem sacre literæ agnoscunt, aliam Deo Calvinistarum, qui in Institutionibus Caluini depingitur. Hic natura crudelis est, ad puniendum & vindicandum propensissimus, ad miserendum parcus. Ille contra, *Miserator & misericors Dominus; longanimus & multum misericors, qui non vult aliquem perire, sed omnes ad penitentiam reuerti: cui laus, honor, & gloria in sæcula seculorum. Amen.*

5. Hætenus vltus sum argumento sumpto ex præsentimateria, de qua agimus. Aliunde sumi possunt hæc duo. Primum. Deus Calvinistarum non est omnipotens: Deus Catholicorum est omnipotens: Ergo non est idem utrorumque Deus. Maior probatur primò, quia Deus Calvinisticus non potest efficere, ut corpus Christi simul existat in diuersis locis, nempe in Cælo & in altari. Hoc fatentur omnes Calvinistæ; Et in hac Dei sui impotentia & imbecillitate fundant præcipuum suum dogma, de sacramento Eucharistiæ, in quo negant realem corporis Christi præsentiam. Secundò non potest efficere, ut Christus per fores clausas ad Discipulos ingrediatur. Hoc apertè docet Calvinus, & ante Calvinum, nullus, post illum plurimi. Tertio, non potest efficere, ut camelus, vel funis nauticus per foramen acus transeat. Quod post Calvinum & Beza professi sunt duo ministri Calviniani Spina & Suraxus in colloquio Parisiis habito, ut lib. 1. Theol. machiæ Calvinisticæ refert Franciscus Feuardentius. Quarto, illa propositio Gabrielis Angeli, *Non est impossibile apud Deum omne verbum*, de Deo Calvinistico affirmari non potest id faceret Beza lib. 2. contra Heshusium, asserens eam propositionem, nec credendam esse, nec vniuersaliter recipiendam. Quintò, eā angusta & limitata est potètia Dei Calvinistici ut id solum possit facere, quod se ipsa vult facere & facit, neque id possit facere, quod

Psal. 146
a. Psal. 1.

Lus. 1.

quod non decrevit facere, Hoc docet Calvinus in Catechismo breui, ubi explicat primum articulum Symboli; & in Inst. c. 6. §. 17. Et alibi videt Catholicos, quod tribuant Deo potentiam absolutam, quæ, si vellet, posset multa alia facere, quæ non est factururus, nec decrevit facere, verba Caluini sunt hæc lib. 3. Inst. c.

Deus Ca- 23. §. 2. *Neque momentum ingerimus absolute potentia, quod sicuti propheta est, ita merito detestabile nobis esse debet.* Iam minor propositio, quod scilicet Deus Catholicorum sit omnipotens, aperte traditur in scripturis; Genes. 17. *Ego Deus omnipotens.* Psalm. 144.

Magnitudinis eius non est finis. Matth. 19. *Apud Deum omnia possibilia.* Et in Symbolo. *Credo in Deum Patrem omnipotentem.* Et probatur contrariis argumentis, Primo, quia potest efficere, ut corpus Christi simul existat in Cælo & in Altari, Hoc fatentur omnes Catholicæ & antiqui Patres, nixi clarissimis Christi verbis, *Hoc est corpus meum.* Secundo potest efficere, & res ipsa efficit, ut Christus ianuis clausis ad Discipulos penetraret; quod Ioannes vidit, & testatus est his verbis, *Cum fores essent clausæ ubi erant Discipuli congregati propter meum Iudæum, venit Iesus & stetit in medio.* Et iterum, *Post dies octo iterum erant Discipuli eius intus, & Thomas cum eis. Venit Iesus ianuis clausis & stetit in medio.* Verba Clara sunt, Et quæ hic difficultas; Nonne Iesus cum suo corpore celos penetravit? Tercio potest efficere, ut camelus, vel funis nauticus transeat per foramen acus: quod disertè asserit D. Augustinus lib. de Spiritu & littera cap. 1. Nec ab vilo Catholico negari potest, qui credat totum Christi corpus cum sua quantitate realiter contineri in qualibet particula consecratæ Hostiæ; posseque dari particulam tam exiguam, quæ nullo negotio per foramen acus transiatur. Quarto, illa propositio Gabrielis. *Non est impossibile apud Deum omne verbum.* Verissima est de Deo Catholicorum, nisi dicamus Angelum mentitum esse, & suam legationem, quam Dei nomine ac iussu obibat, inani mendacio adiecit. Quod, etsi credant Calvinistæ, nos minime credimus, Quod, Deus Catholicorum non habet terminum iux potentia, ut non possit facere quod non decrevit facere. Multa potest facere, quæ nec fecit, nec adurus est, pulchrè disputat Divus Augustinus in libro de Spiritu & littera capite primo. Et ex scripturis manifestum est. Matth. 3. *Potens est Deus de lapidibus istis suscitare filios Abrahæ.* In quem

Iohann. 10. locum Cuiusdam, Ambrosius, & Hieronymus, dicunt, posse Deum ex veris lapidibus formare veros homines; quod tamen nunquam fecit, nec factururus est, opinor. Certè apud Catholicos, tales homines non apparent. An apud Calvinistas reperiantur, nondum audire potui. Item, Matth. 26. *Possum rogare patrem meum, & exhibebit mihi modo plusquam duodecim legiones Angelorum.* Quod etiam exemplo vitur ad eandem rem probandam Divus Augustinus loco citato. Item, Marci. 14. *Pater, omnia tibi possibilia sunt, transfert calicem à me: sed non quod ego volo: sed quod tu.* Potuit Deus transferre calicem, & tamen non transtulit: Nec Christus dubitat de potestate Patris sed de voluntate inquit. Potest ergo multa facere Deus, quæ non vult facere. Concludo igitur, Deum Catholicorum omnipotentiam esse, ac proinde disertum à Deo Calvinistarum, qui omnipotentiam non est.

Sancti sunt amici Dei & Licantia Catholicorum, sunt veri amici Dei Catholicorum, & in eius aula versantur: At non sunt veri amici Dei Calvinistici, nec eius in aula versantur: Ergo Calvinista, alius est Calvinistarum, alius Catholicorum Deus Maior est confessio apud Catholicos, quorum sensus & Opus. Becc.

A vox est; *Nimis honorati sunt amici tui Deus.* Minor probatur, quia si Calvinus & Calvinistæ putarent, esse veros Dei amicos, proculdubio, rectè de ipsis sentirent & loquerentur, neque tot conuictorum plaustris eos onerarent. At contra faciunt. Nam Calvinus vocat eos larvas, umbras, bestias, carnifices. Alii alia nomina & epitheta commenti sunt. Nec lubet, nec vacat omnia huc transcribere. Pauca e multis sufficiant. Calvinus lib. 3. Inst. cap. 10. §. 24. sic habet: *Nugantur quidem in suis umbris, nescio quid de fulgore divini vultus ipsos irradiante, in quo, cœ in speculo res hominum ex alto despiciant.* Hic plane loquitur de sanctis omnibus quos Ecclesia Catholica docet divino seu aspectu, & in Deo tanquam in speculo videre, quæ apud nos agantur. Omnes hi, Caluino umbræ sunt. Et §. 27. *Inde colligimus, nihil eos Christo reliquum facere, quod pro nihilo ducunt eius intercessionem, nisi accedant Gregorius & Hippolytus aut similes larvæ.* Ecce hic omnes vocat, quos ante umbras appellarat: Et in lib. de ratione reformandæ Ecclesiæ, *Omitto Dominicum, & similes carnifices: Omitto Medardum, Lubinum & similes eius bestias.* Et ego omitto reliqua Caluini testimonia. Hoc concludo, alium Calvinisticum, alium nostrum esse Deum. Et qui vni amici sunt, alteri esse larvas, umbras, bestias, carnifices.

CAPUT XV.

An ex Caluini Doctrina sequatur, Deum Calvinistarum esse Diabolum?

Iam pridem multi obiecerunt Caluino, quod ipse Deum in Diabolum transformaret, ut ex Lutherania Tumanus H. Busius in lib. de erroribus Caluini, ex Catholicis, Ioannes Maldonatus in cap. 4. Matthæi, ex Caluini discipulis, Sebastianus Castilio in lib. de Predestinatione ad Caluinum. Nec immerito: Nam id optime videtur colligi ex fundamentis Caluini, quod confirmo tribus argumentis. *Primum est*, si censendus est vere diabolus, cui competit proprium officium Diaboli, sed Deo Calvinistico competit proprium officium diaboli ergo Deus Calvinisticus est vere Diabolus. Minor probatur. Proprium officium diaboli est tentare, seu incitare homines ad peccatum: Vnde & tentator appellatur. Matth. 4. *Accedens tentator dixit ei.* Act. 5. *Christus ait Sathanas cor meum, mentiri se Spiritui sancto.* 1. Cor. 7. *Iterum reuertimini in id ipsam, ne tentet vos Sathanas.* 1. Thes. 3. *Ne forte tentauerit vos, qui tentat, & inanis fiat labor vester.* Hoc autem officium vere competit Deo Calvinistico. Nam ipse est, qui propriè tentat homines, quique interno instinctu & operatione incitat & impellit ad omnia flagitiorum genera perpetranda, quod fatetur Calvinus locis supra citatis præsertim cap. 9. & 10. Ergo ipse, ex sententia Caluini, est vere Diabolus.

2. *Alterum Argumentum* sumitur ex illo Matth. 23. *Domine nonne bonum semen seminasti in agro tuo, Unde er- go habet Zizania; Et ait illis, Inimicus homo hoc fecit.* Et infra *Ager est mundus, Bonum semen sunt filii regni. Zizania autem filii nequam Inimicus autem, qui seminavit ea, est Diabolus.* Ex hoc loco sic argumentor, ille, qui seminavit zizania in agro, non est alius quam Diabolus, ut Christus interpretatur: At Deus Calvinistarum seminavit zizania: Ergo Deus Calvinistarum est Diabolus Minor probatur, quia seminare zizania in agro nihil aliud est Christo interprete, quam homines impios seu reprobos miscere cum iustis & prædestinatis in hoc mundo: Hoc autem facit Deus Calvinistarum, & qui-

1. argumen-
tis probatur
Deum
Calvinista-
rum esse
diabolum;
Primum
quia est
tentator;

Secundò
quia semi-
navit zizania;

dem duplici ratione. Primò, quia æterno suo decreto efficaciter voluit & ordinavit, ut inter paucos prædestinatos permixti essent multi reprobi, & una cum illis in hoc mundo crescerent usque ad consummationem sæculi. Secundò, quia hoc peccatum ipse exequitur. Nam incitando, impellendo, & operando, facit homines peccatores, execratos, reprobos, vertiginosos, ut iam ante ex Caluino probatum est. Ergo Deus Calvinistarum est ipse, qui seminavit zizania, & quem Christus Diabolum interpretatur.

Tentio
quia est
pater menda-
ciorij.

3. Tertium sumitur ex illo Ioann. 8. *Vos ex Patre diabolo estis, & desideria Patris vestri vultis facere. Ille homicida erat ab initio, & in veritate non stetit, quia non est veritas in eo. Cum loquitur mendacium, ex propriis loquitur, quia mendax est, & Pater eius.* Hinc argumentor. Nullus alius nisi diabolus, est pater & primus auctor mendacii & homicidii: Sed Deus Calvinistarum est pater & primus auctor mendacii & homicidii: Ergo Deus Calvinistarum non est alius, nisi diabolus, Maior patet ex testimonio iam allato. Minor probatur, quia quicumque mentitur, ideo mentitur; quia Deus inspirat illi mendacium, & ab ipso Deo manat efficacia mendacii & erroris, ut disertis verbis affirmat Calvinus. Ergo Deus est primus auctor & quasi Pater mendacii: Ergo Deus est diabolus. Similiter, quicumque vult homicidium committere, ideo vult committere, quia Deus sua prædestinatione & interno impulsu, vult illud committere: Ergo Deus est primus auctor homicidii: Ergo est vere Diabolus. Hæc ratio confirmari potest ex iisdem verbis iam citatis. Quæro enim ex Caluino, quæ sint desideria diaboli, quæ Iudæi volebant facere? Certè non alia, quàm Christum interficere. At, teste Caluino, Deus in æterno suo concilio, non solum desideravit, sed etiam decrevit interfectionem Christi ante præmissam omnem cooperationem voluntatis creatæ. Ergo teste Caluino, hoc desiderium, quod Christi dicit esse solus diaboli, verè & primariò, est solus Dei desiderium: Ergo diabolus, & Deus Calvinisticus idem sunt. Ergo Iudæi volentes Christum interficere, erant veri filii Dei Calvinistici: Ergo idem Iudæi sunt veri fratres Calvinistarum: si non vterini, saltem naturales. Ergo eadem hæreditas distribuenda illis est.

Sap. 9. 9.
& c. 10.
§ 2.

In Inst.
contra Li-
bertinos c.
24.

4. Nemo mirari debet, vel Caluinum ita sensisse de Deo, vel me ita argumentari contra Caluinum. Quid mirum, illum ita sensisse, cum antiqui hæretici, à quibus Calvinus hanc hæresin edoctus est, per illum Deum, quem peccati auctorem faciebant, non alium, quàm Diabolum intellexerint? præsertim Manichæi, Cerdonitæ, & Marcionitæ; ut infra dicam. Et quid mirum, me ita argumentari contra Caluinum, cum ipsemet Calvinus fateatur, ex eo quod Deus dicatur esse auctor peccati, rectè inferri, Deum esse Diabolum? Hæc enim ipse contra Libertinos infert his verbis. *Tales sunt Libertini, qui non tantum diabolum cum Deo societate coniungunt, sed etiam in Deum ipsum transformant.*

CAPVT XVI.

An ex Calvini doctrina bene sequatur nullum unquam tam impiè de Deo sensisse, quam Calvinum.

INter eos, qui malè senserunt de Deo, alii dixerunt Lucium esse, ut Epicurus: & alii impotentem, ut Lucianus: alii auctorem mali, ut Cerdonitæ, Mar-

A chionitæ, Manichæi, alii miserum & se affligentem, ut Talmuditæ.

2. Ac omnium pessimè Calvinus. Hoc sigillatim ostendo, conferendo illum cum singulis. Ac primò Epicurus, teste Cicerone, fingebat Deum nihil agentem, nullis occupationibus implicatum. Rectius tanè, quàm Calvinus, qui non otiosum, sed iniuste fingit negotiosum. Quid enim, auctore Caluino, agit? Prædestinat homines ad æternam mortem: incitat & impellit ad homicidia, furta, adulteria, perjuria, mendacia, sacrilegia: hortatur & instigat omnes diabolos, ut se iuvent in hoc opere: ipse in omnibus clauum tenet. Quàm præstaret in otio? quàm in tali negotio vitam agere.

3. Lucianus, qui officio fabulator est, fingit Iouem Lucium suum impotentem, eò quod Cupidinem superare non potuerit, sed ab eo victus sit. Calvinus autem, qui officio Theologus haberi vult, & quidem Theologus Christianus, Luciano deterior est: Obtrudit suis auditoribus, non pro fabula (quod esset tolerabile) sed pro articulo fidei, Deum non posse naturam superare; nec efficere, ut idem corpus existat simul in diuersis locis.

4. Cerdon. Marcion, Manichæi, quànquam docerent Deum esse auctorem peccati, non tamen bonum, sed malum Deum intelligebant. At Calvinus, cum agnoscat duntaxat vnum Deum (quànquam non recta hæc) mirum est, quod illum, & bonum esse, & peccati auctorem esse, ausus sit affirmare.

Vide sup.
c. 14. §. 1.

5. Talmuditæ, insigniter quidem delirarunt, quando commenti sunt, Deum dolere & se affligere solitum, eò quod Hierosolymæ templum ac civitatem destruxisset; sed parum ad Calvini delicta. Illi enim asserabant, ideo eum dolere, quod cum bonus esset, tanti mali fuisset auctor. At Calvinus Deus, cum omnium scelerum ac flagitiorum, quæ in mundo sunt, sit auctor & prædestinator; tantum abest, ut aliquo dolore ac commiseratione tangatur; ut potius sibi laudem ducat, quod hoc modo suam potentiam & severitatem in vindicandis sceleribus possit manifestare, ac mundo patefacere.

D

CAPVT XVII.

An præstet nullum Deum, quàm talem credere ac promde atheum, quàm Calvinistam esse?

Divus Basilios in homil. *Quod Deus non est auctor malorum*, ait eandem esse dementiam, negare Deum, & peccati auctorem asserere. Nam si peccati auctor est, utique bonus non est. Et si bonus non est, utique nec Deus est.

2. Amplius dico. Tolerabilius est, negare Deum, quàm peccati auctorem asserere. Nam si Deus omnino non est; certè culpabilis non est. Si autem Deus est, & scelerum omnium auctor est; & quorum auctor est, simul etiam vindex est, quomodo culpabilis & iniustus non est?

3. Quid ergo? Suadeo, atheum potius, quàm Calvinistam esse? Neutrurn quidem bonum, hoc tamen deterius apparet. Luteriæ publicè exustus est Godefridus à Valle, anno Christi 1572. Hic libellum scripsit de arte nihil credendi, in quo, cætera omnia mendacia, hoc vñ verum dixit, oportere prius Calvinistam fieri, qui atheus esse velit. Fuerat ille antea Calvinista fuit postea atheus. Si ergo unicuique in sua arte credendum est certè in hac re illi credendum est. Cur autem dixit eum, qui atheus esse velit, oportere prius Calvinistam fieri,

nisi quod putaret, tam fœdam ac profligatam esse Caluini sectam, ut qui eam propè alpexisset, mallet, nullam quàm talem sectam profiteri?

4. Et sanè, si ex fructu doctrinæ cognoscenda est, peiores fructus Caluini; quàm atheorum doctrina parit. Hi tamet si negent Deum aliquem orbi præsidere, honestatem tamen, & rectè rationis dictam ac directionem in multis sequuntur, & multa rectè agunt, quæ laudari possunt. Cauent furta, homicidia, rapinas & mendacio abhorrent; iuramenti religionem colunt; seruant fidem altari promissam; bellum iniustum detestantur; pacem ac tranquillitatem amant. At contra docentur à Caluino discipuli; parui pendere mendacia, periuria, adulteria, rapinas, libidines, sacrilegia. Vnde hoc? Quia Deus, inquiunt, æterna sua prædestinatione necessitatem hæc faciendi, nobis iniecit. An verò imponè? Omnino, aiunt; quia certò scimus ad vitam æternam nos esse prædestinatos. Ergo quidquid facimus; aut quocunque scelere nos obstringimus; nihil obest: vitam semel destinatam amittere non possum. Bone Deus, qui fructus ab hoc hominum genere, qui à Caluino imbuti sunt, sperari potest?

CAPVT XVIII.

An propter hanc Caluini doctrinam possit aliquis prudenter à Caluinismo deficere.

CONSTAT quosdam Caluini familiares, ob hanc doctrinam, Caluinam amicitiam & sectam deseruisse. Ex hoc numero fuit Sebastianus Castilio, qui Genovæ cum Caluino diu versatus, non modò defectionem ab eo parauit, sed libro etiam edito parvam oppugnavit. Et merito. Nam si Plato; homo Ethnicus, censuit in Republica non ferendum esse, qui Deum peccati auctorem diceret; quanto magis homo Christianus prudenter censere debet, nec in priuata amicitia conseruari, nec in publica Sacramentorum participatione socium adhiberi oportere, qui tam nefariam sectam profiteri ausus sit?

2. Et verò, qui ex animo de sincera Christi religione cogitet; qui pro moribus, de vitæ innocentia, de regno cælorum adeundo, de pœnis inferorum euitandis: quid quæso præsidii ad hæc omnia habere possit ex doctrina Caluini? Nam si in primo ipso congressu ex Caluino audiat, Deum æterno suo & immutabili consilio paucos ad vitam æternam; multos ad gehennam, omnes ad peccata & flagitia prædestinasse; neque hoc decretum vllò nostro conatu mutari aut mitigari polle: quid aliud cogitet, quàm perinde esse, quomodo se gerat, quando suo labore nihil effecturus sit? Ecce inane est studium nostrum; ac inutilem veritatis inquisitionem, quando nemo eam inuenire possit qui reprobatus sit, & sponte ei obuentura sit, qui electorum numero censeatur?

3. Scio multos esse, qui responsuri sint, se quidem Caluini doctrinam in aliis plerisque sequi; in hoc verò, cum de peccato agitur, minimè. Sed an eiusmodi estis? quæso paucis aduertite. Ac primò si Caluinus, vestro etiam iudicio, in hac re, omnium penè grauissima, tam fœdè prolapsus est; quia fiducia in aliis illum duces sequimini? Aut vnde constare vobis potest, qui in primo ingressu aberrauit, in reliqua via rectam semitam tenere? Sanè verissimile non est, Spiritum sanctum voluisse per illud Caluinum, quod tam terribilem errorem contra diuinam bonitatem exhalauit, sanam & reformatam.

Opusc. Becc.

A tam doctrinam profeminare.

4. Sed propius rem incipiamus. Animaduerto, tantam esse connexionem inter præcipua Caluini dogmata, ut vnum sine aliis, aut repudiare, aut amplecti non possis. Si ergo vnum repudias de Deo auctore peccati, cætera quoque repudianda sunt: aut si cætera constanter tueris, ab hoc recedere nullo modo potes. Connexionem sic ostendo. Hæc propositio, Deum ab æterno prædestinasse omnia peccata, quæ futura sunt, pendet ex illa propositione, Deum ab æterno prædestinasse alios ad mortem; alios ad vitam, nullo respectu nostrorum operum: Hoc primum principium in Caluini doctrina est. Ex eo cætera omnia deducam hoc ordine; Deus ab æterno, alios ad vitam, alios ad mortem prædestinavit, eo fine, ut in his continuè suam iustitiam vindicatuam; in illis continuè suam misericordiam possit exercere; Ergo necesse fuit, ut omnes ad peccata prædestinaret; quia sine peccatis, nec horum miseri, nec illos iuste posset punire. Hinc iam descendendo per duplicem viam; alteram electorum, alteram reprobatorum: & colligo omnia ferè Caluini dogmata, hoc modo. Si Deus ab æterno decreuit, in electis suam misericordiam continuè ostendere, condonando illis peccata; Ergo electos semper relinquit in peccatis, ut semper eorum possit misereri, non quidem auferendo peccata, sed non imputando. Ergo electi non aliter iusti sunt, quàm quia peccata illorum non imputantur. Ergo tam iusti sunt ab vtero matris ante Baptismum, quàm post Baptismum: Ergo Baptismus illis necessarius non est: Ergo iustitia illorum non est inhærens, sed tantum imputativa: Ergo quidquid agant, non potest illis obesse, quia non imputatur. Rursum. Si Deus ab æterno decreuit, in reprobis suam iustitiam vindicatuam continuè exercere, imputando & puniendo illorum peccata, ergo semper vult illos peccare: Ergo nunquam vult liberos esse à peccatis: Ergo nullum salutis remedium illis procurauit: Ergo Christus pro illis mortuus non est: Ergo nec ad fidem Christi vocantur: Ergo non sunt in Ecclesia Christi: Ergo nec Sacramenta illis profunt: Ergo Baptismus in illis non est Sacramentum, sed externa tantum ceremonia: Ergo Christi corpus non est verè & realiter in Eucharistia, quia alioqui reprobi illud perciperent, quod est contra æternam Dei ordinationem. Ecce, quam multa hic connexa sunt. Et quisquis à Caluino eductus es negare non potes, hæc omnia & singula esse Caluini dogmata; nec hoc probandum mihi est. Solum volui ostendere, quanta sit eorum inter se connexio; & quomodo vnum ab alio necessariò dependeat. Hoc autem idè feci, ut quisque vir prudens intelligat, aut omnia Caluini dogmata repudianda sibi esse; aut omnia pariter retinenda. Qui ergo illud vnum de auctore peccati, de quo agimus, tantum nefarium & impium aspernat, cætera quoque si prudens esse vult, aspernari debet.


5. Ut autem, quæ dicta sunt facilius percipias & examines, certo ordine ac serie collocabo, quæ hanc connexionem inter se habent.

DOGmata CALVINI CONNEXA.

1. **D**eus prædestinat alios ad vitam, alios ad mortem, scilicet, quia ita vult.
2. Deus est auctor omnium peccatorum.
3. Christus non est mortuus pro omnibus.
4. Soli prædestinati sunt in Ecclesia.
5. Soli prædestinati vocantur ad fidem.
6. Parnuli non necessariò baptizantur.
7. Non datur iustitia inhærens.

8. Peccatum originale non tollitur per Baptismum.
 9. Peccata actualia non tolluntur, sed solum non imputantur.
 10. Iustitia semel habita amitti non potest.
 11. Christus non est in Eucharistia.

Hæc paucis scripsi, Christiane Lector, clare, sincere, & sine vlla verborum asperitate & contumelia; eo fine ac animo, ut si hæcenus à Calvino alienus fuisti, nonquam ad eum accedas, quia doctrina eius impia est: si autem sectatus eum es, prudenter apud animum tuum expendas, an deinceps sectari velis. Vale & boni consule.



DE IUSTIFICATIONE Calvinistarum.

OPUSCULUM IV.

LECTORI.



Mutatio illa, qua homo ex statu peccati transferatur in statum gratiæ & adoptionis filiorum Dei, vocatur apud Theologos Iustificatio, sicut mutatio, qua quis ex agro fit sanus, dicitur sanatio; & qua ex frigido calidus calefactio. Est ergo questio inter Catholicos & Calvinistas quomodo fiat hæc mutatio? id est, quomodo qui antea erat peccator, fiat iustus, & ut Apostolus loquitur, e potestate tenebrarum transferatur in regnum dilecti Filii Dei? Catholicorum sententiam exponunt Patres Concilii Trident. Sess. 6. Hos Calvinus in antidoto, non tam Scripturis & rationibus, quam conitiis & maledictis conatur opprimere. Vocat illos, Tridentinos sub Neptuni auspiciis militantes, indoctos, stupidos, quisquilias, asinos, porcos, pecudes, crassos boues, Antichristi legatos: Christi hostes, otiosos ventres, mendicabula: putrida cadauera, silicernia, blaterones, Patres cornutos, Tridentinam colluviem, exitialia monstra degeneres ac spurios Romanæ Sedis, id est, magnæ meretricis filios, eptitios monachos, Patres ad sequipedem usque auritos, &c. Hæc armis utitur Calvinus. Quid ipse sentiat, dicam primo brevisimè; mox refutabo.

CALVINI SENTENTIA AD certas propositiones revocata.

Propositio I. In iustificatione non tolluntur peccata, sed tantum teguntur, & non imputantur.

2. Nec infunditur homini iustitia inherens, qua interius renouetur, & in se fiat iustus; sed imputatur illi iustitia Christi, qua extra se iustus censetur.

3. Manet ergo homo in se peccator, impius, immundus; & solum habetur pro iusto, pio, mundo propter

A alienam iustitiam illi imputatam.

4. Et omnia eius opera sunt immunda, spurca, inquinata, atque adeo peccata mortalia: tamen non obstant ipsi, quia per iustitiam Christi teguntur & occultantur.

5. Hinc fit, ut iustificatio, non consistat in interna renouatione animi aut sanctificatione, sed in sola peccatorum occultatione, seu non imputatione.

6. Porro, ut iustitia Christi, qua sola iusti extra nos censentur, nobis imputetur, & quodammodo nostra fiat, nulla alia re opus est, nisi sola fide, quæ eam apprehendat & quasi nobis communiceet. Hoc sensu sola fides dicitur iustificare.

7. Hæc autem fides, quæ sola iustificat, in eo consistit ut certò credas, peccata omnia tibi remitti propter merita Christi, & te iustum esse in Conspectu Dei.

8. Et distinguitur à fide historica & miraculorum.

9. Et donatur solis prædestinatis, nonquam reprobis.

10. Et semel habita amitti non potest.

11. Facitque hominem certum ac securum non solum de presenti iustitia, sed etiam de Perseverantia, prædestinatione, ac vita æterna.

12. Nec indiget vlllo adminiculo bonorum operum ad sui conversationem, sed sola sibi sufficiens est.

Hæc est brevis resolutio totius doctrinæ Calvinisticæ de Iustificatione, quam deinceps examinabimus.

CAPUT I.

Examinatur prima Calvinii propositio: am peccata verè tollantur in Iustificatione.

Prima Calvinii propositio est, peccata non tolli in Iustificatione, sed tantum regi, seu non imputari: regi autem per iustitiam Christi, fide apprehensam. Et intelligitur de omni peccato, tam originali, quam actuali; & similiter de omni Iustificatione, siue in Sacramento, siue extra Sacramentum. Asseritur autem à Calvino in antidoto Concilii Tridentini Sess. 5. his verbis; *Manet verè peccatum in nobis, neque per Baptismum extinguitur, sed quia deletur reatus: imputatione nullum est.* Et lib. 4. Instit. capit. 15. §. 10. *Iam perspicuum est, quam falsum sit, quod docuerunt pridem nominali, per Baptismum solui nos & eximi ab originali peccato.* Et ibidem §. 11. *Nemo sibi in suo male blandiatur, cum audiat peccata semper in nobis habitare.* Et lib. 3. cap. 11. §. 2. *Iustificabitur ille fide, qui Christi iustitiam per fidem apprehendit, qua vestitus in conspectu Dei, non ut peccator, sed tanquam iustus appareat.* Et §. 22. *Non post hæc dubites quomodo nos Deus iustificet, cum audis, reconciliare nos sibi, non imputando delicta.* Idem sentiunt Calvinii discipuli. Vixitærus ad rationem octauam Campiani Martyris: *Neque nos inquit illius verbi pudet quando iustitiam, delicti occultationem esse dicimus.* Et Catechismus Palatinus quest. 36. *Christus mediator sua innocentia ac perfecta sanctitate, mea peccata tegit ne in conspectum Dei veniam.* Et q. 126. *Remitte nobis debita nostra, id est, peccata nostra, qua in nobis etiam nunc hærent, propter Christi sanguinem ne imputes.* Et David Patæus in suis thesibus de peccato, *Peccata in nobis non tolluntur, sed in Iudicio Dei, id est, non imputantur.* Idem etiam docuit Proclas hæreticus apud Epiphanium, hæresi 64. asserens peccatum in tenatis semper vivere, neque tolli per Baptismum, sed sopiri per fidem.

2. Hæc Calvinii propositio tres partes cõplectitur. Prima est, peccata in iustificatione non tolli, sed manere. Altera manere quidem sed tamen regi & occultari, ne appareant. Tertia, non imputari ad poenam. Singulæ sensum dissentientæ sunt. Ac primum quod Calvinus

Ex verbis
Scripturæ.

ait, peccata verè manere in homine Iustificato & non tolli; aperte pugnat cum verbis & sensu Scripturæ, derogat in ruit passionis Christi, tollit vim & energiam Baptismi. Verba scripturæ clara & aperta sunt. Ioanne 1. 19. *Eccce Agnus Dei: ecce qui tollis peccata mundi.* Actuum 3. 19. *Pœnitimini, & convertemini ut deleantur peccata vestra.* Hebr. 9. 28. *Christus semel oblatus est ad multorum exhaustiendâ peccata.* Michæ 7. 19. *Proiciet in profundum maris omnia peccata nostra.* Ex his testimoniis ita concludo; id quod tollitur, deletur, exhaustitur, & longissimè proicitur ab homine, certè non manet in homine sed in Iustificatione peccatum tollitur, deletur, exhaustitur & longissimè proicitur ab homine, ut testatur Scriptura: Ergo peccatum, teste Scriptura, non manet in homine iustificato: Errant ergo Calvinistæ, qui asserunt manere.

Ex sensu
Scripturæ.

3. Habemus verba Scripturæ. De sensu videamus, Solet Scriptura res spirituales, quia nobis occultæ sunt, explicare per corporales & sensibiles, ut manifestæ evadant. Peccata inter res spirituales numerantur. Horum ergo naturam & fœditatem; non vno sed variis modis ac metaphoris Scriptura nobis proponit. Ac primò, vocat maculas, sordes, inquinamenta, quibus homo maculatur, inquinatur, ac sordibus afficitur. Iosue 22. 17. *Utsque in præsentem diem macula huius sceleris in vobis permanet.* Ierem 22. *Maculata est iniquitate cor meum.* Apoc. 22. 11. *Qui in sordibus est sordescat adhuc, & qui iustus est, iustificetur adhuc.* Matth. 15. 11. *Non quod intrat in os, coquina hominem, sed quod procedit de ore.* Secundò, vocat vincula, funes & compedes, quibus homo ligatur constringitur & captivus tenetur. Psalm. 115. 7. *Dirupisti Domine vincula mea.* Prouerb. 5. 22. *Iniquitates sue capiunt impium, & funibus peccatorum suorum constringitur.* Tertiò vocat vulnera, liores & plagas, quibus homo lauciatur, vulneratur & ægè afficitur. Isaia 30. 26. *In die qua alligaueris Dominus vulnus populi sui, & percussuram plagam eius sanauerit.* Michæ 1. 9. *Desperata est plaga eius.* Quartò, vocat mortem & interitum, quo vita spiritualis perditur. 1. Ioan. 3. 14. *Translati sumus de morte ad vitam.* Quintò, vocat vomitum, humileam & fastidium parit 2. Petr. 2. 22. *Contigit eis illud veri prouerbij; Camis reuersus ad suum vomitum.*

Argumentum.

4. Hinc sumo tot argumenta contra Calvinum, quod sunt metaphoræ. Primum est. Quando maculae, sordes & inquinamenta corporis eluuntur, absterguntur & emundantur per externam lotionem, tunc certè non manent in corpore, sed euanescent: Neque corpus dicitur amplius maculatum, sordidum, inquinatum; sed mundum, purum, immaculatum: Ergo similiter, seruata proportione, quando maculae, sordes & inquinamenta animæ, quæ sunt peccata, per internam lotionem eluuntur, absterguntur & emundantur, quod fit in Iustificatione; certè non manent in anima, sed omninò disparent: Neque anima dicitur maculata, sordida & inquinata, sed pura, munda, immaculata. De hac lotionem loquebatur David Psalm. 30. 9. *Afferges me Domine hyssopo & mundabor, lauabis me, & super niuem dealbabor.* Et Ezechiel cap 36. 25. *Effundam super vos aquam mundam, & mundabimini ab omnibus inquinamentis vestris.* Hac lotionem mundat erant, de quibus Apostolus 1. Corinth. 6. 11 *Hæc quidem fuistis, sed abluti estis, sed sanctificati estis, sed iustificati estis.* Ad hanc hortatur nos idem Apostolus 2. Corinth. 7. 1. *Mundemus nos ab omni inquinamento carnis & spiritus.*

5. At quando & quomodo fit hæc ablutio? Persistam in allata similitudine. Solent in ciuitatibus, ad maculas & sordes corporis extergendas, esse balnea. Idem fit in Ecclesia. Habet duo publica balnea, Baptis-

mus & Pœnitentiam. In priori, omnium peccatorum, tam originalis, quam actualium; In posteriori, actualium tantum sordes eluuntur. In priori purgatus est Saulus, cum dixit Ananias Act. 22. 16. *Exurge & baptizare, & ablue peccata tua.* In posteriori, David, Petrus & Magdalena loti sunt, quando lacrymis sua peccata detestabantur. Porro hæc balnea, non aqua naturali, sed pretioso Christi sanguine plena ac repleta sunt, quo abluimur. Ioan. 1. 7. *Sanguis Christi emundat nos ab omni peccato.* Apoc. 1. 6. *Lauit nos à peccatis nostris in sanguine suo.* Hebr. 9. 13. *Si enim sanguis hircorum & caprorum, inquinatos sanctificat ad emundationem carnis, quanto magis Sanguis Christi emundabit conscientiam nostram ab operibus mortuis ad seruendum Deo viuenti.*

6. Hinc patet, quantam iniuriam Calvinus faciat Christo & Sanguini eius, cum asserit, sordes peccatorum non ablu in Baptismo, sed manere. Et merito puduit Calvinistas sui præceptoris, quando contra illum scripserunt hæc verba in Catechismo Palatino, quæst. 69. *Christus externum aqua lacrum mandauit, addita hac promissione, me non minus cerò ipsius sanguine & spiritu à sordibus anima, nec est, ab omnibus meis peccatis lauari, quam aqua exterius abluissim, quæ sordes corporis expurgari solent.* Et quæst. 73. *Cur Spiritus Sanctus Baptismum appellat abluitionem peccatorum? ut nos doceat, quemadmodum sordes corporis aqua purgantur, sic peccata nostra sanguine & spiritu Christi expiari.* Et ibid. *Uts nobis hac diuino symbolo certum faciat, nos non minus verè à peccatis nostris interna lotionem ablu, quam externa & visibili aqua ablu sumus.* Hæc verba, licet à Calvinistis prolata, tunc nobis fauent, & aperte pugnant cum illis Calvini verbis in antidoto Concilii Trid. ad Sess. 5. *Manet verè peccatum in nobis, neque per Baptismum extinguitur.* Nec minus est, Discipulos præceptoris non contentire, qui secum ipsi dissentiant. Nam in eodem Catechismo docent, peccata in hac vita non tolli, sed tegi; tolli autem seu aboleri in discessu ex hac vita per mortem. Verba illorum sunt hæc, q. 36. *Quem fructum percipis ex sancta conceptione & natiuitate Christi? Quod is noster sit Mediator, & sua innocentia ac perfecta sanctitate mea peccata tegat, non conspectui de veniat.* Et q. 41. *Mors nostra non est pro peccatis nostris satisfactio, sed peccati abolitio, & transitus ad vitam æternam.* At quomodo hæc duo coherant? Nos verè abui à peccatis nostris in hac vita per Sanguinem Christi, & peccata nostra iam tegi, ac in morte demum aboleri: Nimirum, *Omne regnum diuisum contra se desolabitur.* Matth. 12.

7. Alterum argumentum. Qui à corporis vinculis, funibus, & catenis, quibus constrictus erat, plane eximitur & liberatur, is certè non retinet illa in suis membris, nec amplius circumfert: Ergo similiter, qui à spiritualibus vinculis, funibus, & catenis, quæ sunt peccata, quibus constrictus & captivus erat sub potestate Sathanæ, eximitur & liberatur, quod fit in Iustificatione: is certe non retinet apud se eiusmodi vincula, nec amplius circumfert. Hoc modo liberatus erat David, cum dixit. Psalm. 115. 6. *O Domine, quia ego seruus tuus.* Quare? causam addit. *Dirupisti vincula meatibus sacrificabo hostiam laudis.* Quasi diceret Dominus, hæcenus fui seruus & mancipium Sathanæ, qui me vinculis peccatorum constrictum & captivum tenebat. Nunc, quia me ab his vinculis eripuisti, non amplius diaboli; sed totus seruus sum. Notanter autem dixit, *Dirupisti vincula mea*, ut significaret, non modo se vinculis exutum esse, sed ipsa quoque vincula esse dirupta, id est, peccata sua penitus abolita. Porro sicut olim David, ita nos quotidie per Christum liberamur, & diruptis peccatorum vinculis captiuitate Sathanæ eripimur: & in libertatem filiorum

Argumentum.

Dei restituiuntur, iuxta illud Apostoli, Rom. 6. 22. *Nunc autem liberi estis a peccato, servi facti estis Deo.* Et ad Coloss. 1. 13. *Et prout nos de potestate tenebrarum & transfudit in regnum filii dilectionis sue.* Hinc Christus appellatur in Scripturis noster Redemptor & redemptio, quia scilicet per ipsum à vinculis peccatorum & diaboli potestate redempti sumus. 1. Timoth. 26. *Qui dedit redemptionem semini ipsam pro nobis, ut nos redimeret ab omni iniquitate, & mundaret sibi populum acceptabilem.* At quo pretio redemit nos? Non alio quam suo sanguine Ephes. 1. 17. *In quo habemus redemptionem per sanguinem eius.* 1. Corinth. 6. 20. *Empti estis pretio magno.* 1. Petri 1. 18. *Scientes quod non corruptibilibus auro vel argento redempti estis, sed pretioso sanguine Christi.* Apocalyp. 5. 9. *Dignus es Domine accipere librum & aperire signacula eius, quoniam occisus es, & redemisti nos Deo in sanguine tuo, ex omni tribu & lingua, & populo, & natione.* Hinc apparet, sicut peccata non modo torques & inquinamenta sunt, quibus contaminamur; sed etiam vincula, quibus captivi tenemur: ita sanguinem Christi non modo vim habere abluendi, sed etiam redimendi, ac proinde, non solum aqua in abluendis sordibus, sed etiam lytra in redimendis captivis similem esse. Hoc quia Calumnus negat, Christo iniuriam facit: si concederet, Catholice sentiret.

3. Argumentum.

8. *Terium argumentum* sumitur ex proportionem morborum corporis & animi in hunc modum. Medicus corporalis, qui in sua arte peritissimus est, ita novit curare omnes morbos ac vulnera, quæ ipsius arti subiecta sunt, ut omnino non mancant in corpore, sed plane pereant ac destituantur: Ergo etiam Medicus spiritualis, qui peritissimus sit, ita poterit curare omnia peccata, quæ sunt morbi ac vulnera animorum, ut omnino pereant ac destituantur. At peritissimus in hoc genere est Christus Dominus, qui propterea Saluator dictus est: Ego Christus potest plane tollere peccata omnia, quibus animus vulneratur & affligitur: Ergo in homine per Christum iustificatio & sanatio, non manent amplius præcedentia vulnera & plagæ peccatorum; ut Calumnus vult. In hac argumentatione, nihil obscurum, nihil ambiguum: omnia clara & certa sunt. Ac primum constat ex Evangelio Christum Medicum esse. Nam cum Pharisei quæ erant ex Apostolis, cum Magister ipsorum cum Publicanis, non cum Phariseis ageret: præteritum cum hi iusti, illi peccatores essent, respondit Christus, *Medicos non ad sanos, sed ad ægros ire solitos, Quid hoc responso aliud significavit, quam se Medicum esse animorum?* Non enim de corporum, sed animorum vitis ac morbis agebatur. Iam quod peritissimus in hac arte sit, ex duplici capite ostendi potest. Primum, quia quos sanat, ita sanat, ut nihil morbi vel contagionis reliquum in eis sit, iuxta illud Roman. 8. 1. *Nihil damnationis est eis, qui sunt in Christo Iesu, qui non secundum carnem ambulant.* Secundum, quia omnia hominum ac morborum genera sanare potest. *Venite, inquit, a me omnes, qui laborati & onerati estis, & ego reficiam vos.* Nullum hominum, nullum morborum genus excipit. Et hoc testatur est in Evangelio, quando claudos, cæcos, mutos, surdos, aridos, leprosos, hydropicos, febriçtantes, paralyticos, & reliquam ægrotum turbam sanavit. Nimirum vult significare, ut nullum corporum, ita nullum animorum morbum esse quem curare non possit. Hoc quia Pharisei non credebant, miraculo comprobavit. Cum enim dixisset paralytico iacenti in grabato: *Filius remittuntur tibi peccata.* Et Pharisei putarent plus potestatis sibi illam arrogare, quam haberet; respondit ipsis; *Quid ista cogitatis in cordibus vestris? Quid est facilius dicere. Dimittuntur tibi peccata tua: an dicere, surge, tolle grabatum tuum, &*

ambula? *Ite autem sciatis, quia filius hominis habet potestatem in terra dimittere & ligare peccata (an paralytico?) tibi dico, surge, tolle grabatum tuum, & vade in domum tuam.* Et statim surrexit ille, & sublato grabato abiit coram omnibus, ita ut mirarentur omnes, & honor fierent Deum. Pharisei videntur esse imitator Calumniz. Non credunt Christum sanare peccata in hac vita: nec agnoscunt Medicum, qualem ex sacris literis descriptimus. Alium nobis obtrudunt, qui ægrotum non sanat, sed pallio tectum & involutum amittit: nec plagas aut vulnera tollit, sed tegit solum & occultat. Quid agamus cum hoc hominum genere? *Sinite illos: cæci sumus, & duces cæcorum.*

B 9. At quis sanandi modos est, quo vivit hic Medicus in corporibus? alia vulnerum, alia morborum curandorum ratio est: & hic Medicus illic Chirurgi penitiores esse solent. Christus in curandis animis, Medicos & Chirugos videtur imitari. Et quidem Chirurgus similem esse, docent plerique Patres ex illa parabola de Samaritano, qui a ligavit vulnera hominis deicendentis in Hierico, quem latrones impositis plagis tenuerunt relinquerunt. Quis est homo, qui in iudicio latrones? Adamus cum tota posteritate. Quibus vulneribus affectus est? D. Thomas quatuor enumerat: malitiam voluntatis, ignorantiam intellectus, infirmitatem & concupiscentiam universæque appetitus. Quis medicum attollit Christus, verus Samaritanus. Quo pacto? Infudit vinum & oleum: vinum, quo lavaret vulnera; oleum, quo ungeret & sanaret. At hoc vinum, hoc oleum quid aliud, quam præiosum Christi sanguinem interpretamur? Hoc loti & abluti, hoc uncti, hoc sanati sumus. Iam vero, Apostolus Paulus, non Chirurgi, sed Medici summum habuit, dum ait, *H. br. 1. 3. Purgationem peccatorum faciens.* Nam sicut Medicus intus potione, purgat corpus interius, à noxiis humoribus, ut in subductis & morbi radice sublata, sanitas consequatur: ita omnino Christus animorum Medicus facit Potionem à suo sanguine confectam adhibet, qua interior animus à vitiis & concupiscentiis purgatus pulchrum recipit vigorem, & ad bonorum operum executionem vegetus ac robustus efficitur. Hinc iterum apparet; sanguinem Christi & potioni, & vino & oleo similem esse. Quod non Physicè, sed moraliter ac mentione intelligendum est. Christus enim sua morte & sanguinis effusione meruit nobis à Deo, ut sanaremur à peccatis nostris: peccata non curantur Physicè per sanguinem, sed per gratiam & sanctitatem innoxentem, de qua in sequenti capite dicturi sumus.

E 10. *Quartum argumentum* sumitur ex proportionem mortis corporalis & spiritualis, hoc modo. Quando corpori mortuo restituitur vera vita, mortem penitus extingui necesse est, quia idem corpus simul vivum & mortuum esse non potest. Exemplum habemus in Lazaro mortuo, qui cum ad vitam rediit, à morte liberatus est. Ergo similiter, quando animæ mortuæ restituitur vita spiritualis, mortem penitus deleri necesse est; quia fieri non potest, ut eadem anima vivat spiritualiter, & simul mortua sit. At peccatum est mors animæ; ergo quando vita restituitur animæ, necesse est peccatum aboleri. Hoc autem fit in Baptismo iuxta illud Rom. 6. 4. *Consepulsi sumus cum illo per Baptismum in mortem, ut quomodo Christus surrexit à mortuis, ita & nos in novitate vitæ ambulemus.* Et infra v. 6. *Vetus homo noster simul crucifixus est, ut destrueretur corpus peccati.* Et e. d. m. v. 11. *Eviximate vos mortui esse peccato, viventes autem Deo in Christo Iesu Domino nostro.* Et postea v. 22. *Liberati à peccato, servi facti estis iustitiæ.* Verba clara sunt, sensus apertus. Per Baptismi mortuum peccato, vivimus Deo: mors destruitur, vita revocatur. Hinc duo colligi pos-

4. Argumentum.

sunt. Alterum, quare Baptismus vocetur generatio seu natiuitas. Ad Titum 3. 5. *Saluos nos fecit per lauacrum regenerationis*, Ioann. 3. 5. *Nisi quis renatus fuerit ex aqua & spiritu, non potest introire in regnum Dei*. Ratio est, quia sicut in naturali generatione, aliud corrumpitur, aliud generatur. Homo generatur: embrio corrumpitur: ita fit in Baptismo. Vetus homo corrumpitur; nouus homo generatur. Quid est vetus homo, nisi filius diaboli, seruus peccati, heres gehennæ? Quid nouus homo nisi filius Dei, seruus iustitiæ, heres æternæ vitæ? Huius generatio, illius corruptio est: hic nascitur, ille moritur. Alterum est, quare Baptismus rubro mari comparatus sit. Nam sicut Ægypti in illo mari suffocati & extincti sunt; sic peccata omnia in Baptismo suffocantur & extinguuntur. Rectè D. Gregorius lib. 9. Epist. 39. *Qui dicit peccata in Baptismo non funditus dimitti, dica in mari rubro Ægyptios non veraciter mortuos*. Et D. Augustinus concione prima in Psalm. 115. *Sicut Ægyptios in mari obrutos ita Baptismo delicta nostra demersa & extincta, luce clarior intus Propheta dicens, Proiciet in profundum maris omnia peccata nostra*. Quid Caluinus & eius sectatores? Non norunt hæc mysteria. Maluit manere filii gehennæ & serui peccati quàm nobiscum fateri, peccata deleri & extinguere per Baptismum.

5. Argumentum.

11. Quintum argumentum. Monet sapiens, Ecclesiastici 31. 25. *Vomite & refrigerabitis, & non adducet corpori tuo infirmitatem*. Prudens ac salutaris monitio. Nam qui apud se retinet vomitum, morbo & infirmitati sit obnoxius; qui reicit, refrigeratur. Sit etiam, qui peccatum, quod per vomitum significatur teste Apostolo, apud se retinet, ægrum & nauseantem animum habeat necesse est, qui proicit, sanitatem recuperat. At si proicit, quomodo manet in homine? Nisi Caluinistæ, contra consilium sapientis, malint apud se vomitum suum retinere, quam abicere.

6. Argumentum.

12. Et hæc quidem argumenta ex sensu Scripturæ petita sunt. Vnum aliud addam in gratiam Davidis Patris Caluinistæ. Is in suis thesibus, thesi 18. definit peccatum originale his verbis; *Est prauitas naturalis, hoc est, caritas mentis & auersio voluntatis à Deo cum reatu æternæ mortis*, &c. Hinc ita argumentor. Peccatum Originale verè manet in Pareo & aliis Caluinistis, ut ipsi cum Caluino fatentur: Ergo in Pareo & aliis Caluinistis verè manet cæcitas mentis & auersio voluntatis à Deo cum reatu æternæ mortis: Ergo Pareus & alii Caluinistæ sunt verè cæci mente, & auersi à Deo, & rei æternæ mortis. Nollem ego hoc asserere; sed ex ipsorum fundamentis efficaciter id sequitur.

13. At querat aliquis, quæ ratione adductus sit Caluinus, ut doceret peccata non tolli in iustificatione, sed manere? Vix possum conuicere. Fortè hæc est, quia alibi docet, Deum esse Auctorem peccatorum, & peccata esse opera Dei: Deus autem non destitit opus, cuius ipse author est, iuxta illud Sap. 11. 25. *Nihil odisti eorum quæ fecisti*.

An peccata tegantur?

Secunda pars refutatur.

14. Refutavi primam partem propositionis Caluini. Altera est peccata manere quidem, sed tegi & occultari iustitia Christi, ne appareant in conspectu Dei patris. Hoc faciliè ex dictis refellitur. Nam si peccata verè tolluntur, deleantur, abluuntur, ut probatum est, optimè sequitur, non tegi tantum & occultari. Nec puto quenguam forè tam insipidum, qui Scripturæ verba eludat in hunc modum: *Agnus Dei qui tollis, id est, tegis peccata mundi*. Et, *Conuertimini ut deleamur, id est, tegantur peccata*. Et, *Ablus, id est, tege peccata tua*. Et, *Christus oblatus est ad multa exhauienda, id est, oc-*

cultanda peccata. Et *Proiciet id est, teget in profundum maris omnia peccata vestra*. Et, *Dirupisti, id est, occultasti vincula mea*. Nam insulsa sunt hæc.

15. At obicit Caluinus illud Psalm. 31. *Beati quorum remissa sunt iniquitates, & quorum tecta sunt peccata*. Hinc concludit, peccata non tolli, sed tegi. Miror hominis ingenium; Citat ego plurima Scripturæ testimonia, quæ asserunt peccata tolli. Caluinus vnum citat, quo asseritur, peccata tegi. Quæro, an hoc vnum illis contrarium sit, nec ne? Si contrarium est; cur Caluinus vni potius, quàm pluribus acquiescit; an potat Scripturam in vno verum, in pluribus falsum asseuerate? Si contrarium non est, cur Caluinus asserit tegi peccata, negat tolli? cur non potius fateretur, & tegi & simul tolli, cum verum quod dicatur à Spiritu sancto, & alterum alteri non repugnet? Hoc pulchrè explicat Augustinus, enarratione secunda super Psalm. 31. ex proportionem vulnerum corporis, quæ superius vli sumus. Vulnera corporis duobus modis tegi possunt, inquit Augustinus. Primò, ab ipso vulnerato. Secundò, à medico. Vulneratus tegit ea pallio, non tollit: Medicus emplastro tegit & tollit. Idem fit in peccatis. Tegi possunt; & ab ipso peccatore, & à Deo. Peccator tegit, quando dissimulat? & quæ intus in animo latent, exteius non prodit: quo pacto sua tenuit Pharisæus, Luc. 18. cum dixit: *Non sum sicut ceteri hominum, raptores, iniusti, adulteri*. Deus tegit, quando infusione gratiæ sanat & tollit, quo pacto tenuit peccata Publicani; quid descendit iustificatus in domum suam. Quinam ergo beati secundum Prophetæ testimonium? Illi, quorum peccata priori, an quorum posteriori modo tecta sunt? Videant Caluinistæ, quomodo beati esse velint. Nos certè posteriori modo esse cupimus: ut etiam Augustin. loco citato, cum ait: *Deus ergo tegat vulnera, non tu. Nam si tu tegere volueris erubeas, medicus non curabit. Medicus tegit & curat, emplastro enim tegit. Sub tegmine medici sanatur vulnus: sub tegmine Vulnerati celatur vulnus*. Hic patet, alio modo tegi peccata secundum Catholicos: alio secundum Caluinum: Catholici docent tegi per internam infusionem gratiæ & sanctitatis, quæ non modo teguntur, sed etiam sanantur: Caluinistæ docent tegi per externam Christi iustitiam, fide peccatoris apprehensam, quæ teguntur quidem, sed non sanantur.

16. Quid porro dicent aduersarij ad illud Apostoli Heb. 4. 13. *Omnia nuda & aperta sunt oculis Dei*? Querit enim: cum peccator tegit sua peccata per iustitiam Christi, fide apprehensam, & sic venit in conspectum Dei, an Deus videat peccata illius, nec ne? si videt, quomodo in conspectu eius tecta sunt? Si non videt, quomodo verum est illud Apostoli. *Omnia nuda & aperta sunt oculis eius*? nisi dicat Caluinus, Isaac similem esse Deum. Venerat ad eum filius eius Iacob, petiturus benedictionem: Sed ita venerat ut pilosis pedibus stans & obuolutus, videretur esse Esau. Quid verò Patet; agnouit filium, nec ne. *Vox quidem inquit, vox Iacob est sed manus, manus sunt Esau*. Ita planè contingit Deo Caluinistico. Venit ad illum homo peccator, qui tectus & obuolutus pallio Christi, benedictionem petit. Quid porro ille; *Vox quidem inquit, vox peccatoris est, sed pallium, pallium Christi est*.

17. Fortè occurrer Caluinus: non propriè, sed metaphorice seloqui, cum ait, peccata tegi seu occultari, ne appareant in conspectu Dei: & punde valere, ac si dicat, peccata à Deo non imputari. Hoc iam examinabo.

An peccata non imputentur;

18. Est ergo tertia pars propositionis Caluini, peccata

O iiij

Obicit.
Respon.

August.

Vulnera
duplienter
teguntur.
Similiter
& peccata.

ta, quæ per iustitiam Christi etiam sunt, non imputari: vel, ut Pareus interpretatur, peccata manere quidem in nomine, tollitamen in iudicio Dei. Hoc dupliciter intelligi potest. Primum, peccata non imputari ad culpam, vel secundum Pareum, tolli in iudicio Dei quoad culpam. Secundò, non imputari ad poenam? vel cum Pareo, tolli in iudicio Dei quoad poenam. Prior sensus, quibuscunque verbis exprimitur, falsus est. Et refellitur primò, quia si peccata verè manent in homine quo ad culpam, quomodo possunt non imputari ad culpam, id est, si homo in se retinet reatum culpæ, ita ut verè sit culpabilis, peccator, & iniustus; quomodo potest non haberi in iudicio Dei? *Iudicium Dei est secundum veritatem*, inquit Apostolus Rom. 2. 2. At quomodo erit secundum veritatem, si Deus non iudicat, sicut res in se est; si culpam, quæ reuera culpa est? cenet non esse culpam? si hominem? qui sordibus & spurcitiis plenus est, pronunciat esse iustum, mundum & incontaminatum? Hæc mysteria Calvinistica superant captum Christianæ simplicitatis.

19. Secundò refellitur ex illo Sap. 14. 9. *Odio sunt Deo impius, & impietas eius*. Hic quæro ex Caluino, an Deus oderit peccatorem, qui pallio Christi suam nequitiam regit? si odit, certè propter culpam odit. Quomodo ergo non imputat illi peccatum ad culpam? quomodo iudicat culpæ expertem, & innocentem, quomodo favore illum prosequitur? quomodo inter filios & hæredes adscribit? Si non odit quomodo verum est quod ait Scriptura? *Odio est Deo impius*; Eadem quæstio est de ipsa impietate. Vel enim Deus odit impietatem, quæ Christi veste regitur, vel non odit. Si quomodo in eius iudicio sublata est: si non odit, quomodo dicit, scriptura, *Odio est Deo impietas*? Sane, si rationem spectes, impossibile est peccatum manere in homine, quod Deus non oderit. Est enim inter utrumque naturalis repugnantia. Deus naturæ suæ, bonitas infinita est peccati naturæ suæ, milita est. At fieri nequit, ut malitia non aduersetur bonitati infinitæ; aut bonitas infinita, non repugnet malitiæ cuiuscunque. Hoc alibi fatetur Calvinus. Nam lib. 3. Institut. capit. 23. §. 4. de Deo sic ait; *Iustitiam naturaliter amat, iniustitiam auersatur*.

20. Posterior sensus; qui asserit peccata manere in homine, & tolli in iudicio Dei quoad poenam, æquè improbabilis est. Quamquam duobus modis accipi possit. Primum, ut Deus iudicet hominem non esse dignum poenâ, qui tenera in se dignus est? quod aperte pugnat cum illo Apostoli, *Iudicium Dei est secundum veritatem*. Secundò, ut iudicet quidem esse dignum poenâ, statuat tamen illum non punire, quod partim verum, partim falsum est. Cum enim sint multa poenarum genera, potest quidem statuere Deus, non punire peccatorem quavis poenâ, quam ipse meritus est? non tamen statuere potest, nullo genere poenæ illum afficere. At non poenâ est, & quidem grauissima, Dei odium sustinere? Hanc peccator, quamdiu culpam in se habet, euadere non potest: Neque in iudicio Dei tollitur, nisi culpa ab homine auferatur.

21. Patet ergo falsum esse quod Calvinisticæ docent, peccata manere in homine iustificato, sed non imputari. At obiciunt illud Rom. 4. 8, *Beatus vir cui non imputauit Dominus peccatum*, facilis est responsio. Deus non imputat peccatum, quando ablatum est, quod libenter concedimus, imputat tamen, quando ablatum non est, ut paulo ante probaui. Apostolus ergo vocat illum beatum, cui peccatum, quia iam remissum & restitutum est, non imputatur. Sic enim ait; *Beati, quorum remissa sunt iniquitates, & quorum tecta sunt peccata*. *Beatus vir, cui non imputauit Dominus peccatum*. At cū utitur tot vocabulis quia in peccato tria spectari possunt. Primum, quod

sit offensa Dei. Secundò, quod sit macula & sorditas animæ. Tertiò, quod annexum habeat reatum poenæ æternæ. Beatus ergo est, cui offensa à Deo remittitur: cuius macula & sorditas tegitur: cui reatus æternæ poenæ non imputatur. Hæc autem non contingunt, nisi peccatum aboleatur, & extinguatur.

CAPVT II.

Examinatur secunda Caluini propositio de iustitia inherente & imputatiua.

1. **S**ecunda Caluini propositio est, in iustificatione non infundi gratiam & iustitiam inherentem qua homo interiori renouetur, & in se fiat iustus & sanctus: sed tantum imputari illi externam Christi iustitiam, qua extra se iustus esse censetur. Assentitur à Caluino lib. 3. Institut. c. 11. §. 23. his verbis: *Vides non in nobis sed in Christo esse iustitiam nostram* Et c. 16. §. 1. *Quare ergo fide iustificamur: quia fide apprehendimus Christi iustitiam, qua una Deo reconciliamur*. Et in antidoto Conc. Trid. Sess. ad c. 8. *Falsum esse contendit, illam iustitiam partem in qualitate sitam esse vel habitum, qui in nobis residet*. Plura citabo in sequenti capite.

2. Hæc Caluini propositio habet duas partes: Vnam de iustitia inherente, quam negat: alteram de imputatiua quam asserit. Prima refellitur variis modis. Ac ne longè abeam, ex ipso Caluino refelli potest. Nam in libro de vera ratione reformandæ ecclesiæ, non longè à principio, sic habet: *Nunquam reconciliamur Deo, quin simul donemur inherente iustitia*. Quid clarius? Deinde, non negat Calvinus, infundi homini donum fidei, Hoc autem donum cū sit fixum & permanente, teste Caluino, non potest esse in alio prædicamento, quam in qualitate. Habemus ergo infusionem vnius doni, seu qualitatis. Secundò admittit Calvinus, cum hoc dono connexum esse donum spei & charitatis. Et quidem de dono spei habet lib. 3. Institut. cap. 2. §. 42. *ubi cumque vna erit hæc fides, fieri non poterit, quin speret æternæ salutis comitem secum habeat individuum*. Similiter de dono Charitatis lib. 3. c. 11. §. 20. *Fatemur cum Paulo non aliam fidem iustificare, quam illam charitatem efficiacem*. Et in antidoto Conc. Trid. Sess. 6. ad can. 9. *Fidem non fingimus charitate vacuum*. Hinc sequitur ex sententia Caluini, infundi nobis tria dona supernaturalia, quibus animus renouatur, nempe fides, spes, charitatis. Hæc autem dona distincta esse, docet Apostolus 1. Corinth. 13. *Nunc autem manet fides, spes, charitas, tria hæc: maior autem horum est charitas*. Hinc ulterius colligitur, præter hæc dona, infundi etiam alias virtutes, quæ charitati annexæ sunt, iuxta illud 1. Cor. 13. *Charitas patiens est, benigna est, non amulatur, non agit perperam: non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congratuletur autem veritati: omnia suffert, credit, omnia sperat, omnia sustinet*. Ecce, quot & quantis virtutibus renouatur animus iustificatione. Hæc si negat Calvinus, seipsum & Paulum negat: si admittit, seipsum iugulat.

3. Atque hæc abundè sufficerent ex Caluino ad Calvinum refellendum. Addam tamen ex scripturis alia turs. 1. argumenta. Primum sumi potest ex illo Ephes. 4. 24. *Renouamini spiritu mentis vestre, & induite nouum hominem, qui secundum Deum creatus est in iustitia & sanctitate veritatis*. Et ad Coloss. 3. 9. *Nolite memineri inuicem, expoliantes vix veterem hominem, cum actibus suis & inducentes nouum, cum qui renouatur in agnitione, secundum im-*

gnum eius, qui creauit illum. Hic hortatur nos Apostolus ad interiorē animi renouationem. In quo hæc consistit; Vt redeamus ad illum statum, ex quo per peccatum Adæ excidimus. Et quis ille status; Omit- tam scripturas; Ex solo Caluino explicabo. Is lib. 2. Inst. cap. 1. §. 5. ait; *Postquam in Adamo oblitterata fuit celestis imago, non solus sustinuit hanc penam, ut in lo- quum sapientia, virtutis, sanctitatis, veritatis, iustitia; quibus ornamentis vestitus erat, terribiliter cederent pestes, cecitas, impotentia, impuritas, vanitas, iniustitia, &c.* Habemus ex Caluino, in illo statu, quem peccando amisimus, fuisse hominem ornatum sapientia, virtu- te, sanctitate, veritate, iustitia. Ad hunc statum re- dimus per merita Christi, qui nos, ut verbis Caluini vtar, in veram & solidam integritatem restituit. Ergo per Christum, acquirimus & recuperamus sapien- tiam, virtutem, sanctitatem, veritatem, iustitiam; quæ sanè est interior animi renouatio, quam quæri- mus. Nisi velit Caluinus, suos filios carere hac reno- uatione, & terribilibus pestibus infectos manere; cæ- citate, impotentia, impuritate, vanitate in iusti- tia.

4. Alterum argumentum sumitur ex illo 1. Corinth. 3. 16. *Nescitis, quia templum Dei estis, & Spiritus Dei habitat in vobis? Templum Dei sanctum est, quod estis vos.* Et 1. Cor. 6. 10. *Membra vestra templum sumus Spi- ritus sancti, qui in vobis est.* Et 2. Cor. 6. 16. *Vos estis templum Dei vivi.* Hinc singula per se verba vim habent. Ac primò quæri potest, quare non Pater, non filius, sed Spiritus sanctus nominatus sit? Res non caret my- sterio. Nimirum agebatur de sanctificatione, quæ ad Spiritum sanctum attinet. Tricūm est apud Theolo- gos, tametsi attributa Deitatis communia sint toti Tri- nitati, singulis tamen personis singula per modum pro- prietatis accommodari; ut potentiam Patri, sapien- tiam Filio? sanctificationem Spiritui sancto. Huc spe- ctauit Aposto. quando 1. Cor. 12. 4. dixit; *Diuisiones gratiarum sunt, idem autem Spiritus. Et diuisiones mini- strationum sunt, idem autem Dominus. Et diuisiones ope- rationum sunt, idem verò Deus.* Hic Patri tribuit diui- siones operationum, quæ spectant ad potentiam; filio diuisiones ministracionum, quæ pertinent ad sapien- tiam gubernationem; Spiritui sancto diuisiones gratia- rum, quæ ad sanctificationem referuntur. Nec sine ra- tione id fit. Nam Pater est principium sine principio, & idèd potentia, quæ est principium operandi, optimè illi congruit. Filius procedit à Patre per intellectū; & idèd sapientia & veritas ei adscribuntur. Spiritus sanctus procedit à Patre & Filio per voluntatem; & idèd boni- tas, amor, & sanctificatio illi accommodantur. Hinc sequitur, Apostolum non aliam ob causam dixisse, Spiritum sanctum habitare in hominibus iustis, nisi quia voluit significare; homines iustos renouari & sanctifi- cari à Spiritu sancto per infusionem donorum superna- turalium, quod paulò post latèus explicabimus.

5. Secundo quæri potest, quare Spiritus sanctus non dicatur esse, sed potius habitare iustis; Aliud est, esse in domo? aliud in ea habitare. Qui habet, habitat ibi thesauros suos. Thesauri Spiritus sancti non sunt alij, quàm gratia, charitas, sanctitas, iustitia. Hi thesauri sunt in hominibus iustis. Vnde Apostolus 2. Cor. 4. 7. *Habemus thesaurum in istis vasculis fictilibus.* Vbi illud notandum est ex dictis, non dixisset Apostolus, Deum Patrem habitare in nobis, aut Christum, sed Spiritum sanctum. Non enim est eadem omnium habitatio. Deus Pater habitabat olim in medio filiorum Israël: Per quid; per potentiam, qua faciebat signa & prodi- gia; & tuebatur populum ab armis infidelium. Christus habitat in Ecclesia: Per quid; Per sapientē gubernatio- nē, & veritatē fidei. Spiritus sanctus habitat in iustis, Per quid; per sanctitatē, iustitiā, & charitatē. Vnde sequi-

tur; Patrem perinde posse habitare in medio bonorum ac malorum, quia apud utrosque potest suam pœnitentiam edendis signis, & portentis ostendere. Si- militer Christum, & apud iustos, & iniustos pos- se commorari, quia tam his, quàm illis potest do- nare sapientiam in administratione communicatis. At Spiritus sanctus non nisi in iustis habitare potest, quia in illis solis potest esse sanctitas, iustitia, in- nocentia.

6. Tertio quæri potest, quare Spiritus sanctus dica- tur habitare in nobis, tanquam in templo? Nimirum, templum locus sanctus est, ac Deo consecratus; qui non nisi diuinis laudibus & officiis seruire debet. Ita homo fidelis, in quo Spiritus sanctus velut in suo tem- plo habitat, sanctitate ac iustitia præditus est, non neque suas actiones dirigit ad laudem & gloriam vnius Dei, cuius impulsu ad rectè pièque agendum excitatur. Vnde Apostolus Rom. 8. *Vos in carne non estis, sed in spiri- tu; si tamen spiritus Dei habitat in vobis.* Et infra: *Qui- cunque spiritum Dei aguntur, ij sunt Filij Dei.*

7. Postremo quæri potest, quomodo incipiat Spiritus sanctus habitare in nobis; in scripturis inuenio hunc modum & ordinem. primò, venit & pulsat ad ostium cordis nostri. Apocal. 3. 20. *Eccce sto ad ostium & pulso, si quis audierit vocem meam, & aperuerit mihi ianuam, in- trabo ad illum, & cenabo cum illo, & ipse mecum.* Quæ est vox eius? Illa, quæ apud Zachariam, c. 1. 3. exprimitur; *Conuertimini ad me, & conuertar ad vos.* Simul atque hanc vocem audierimus, ingreditur ad nos Spiritus sanctus, & locum habitationis sibi parat. Ioan. 14. 23. *Qui diligit me, diligetur à patre meo, & ad eum veniemus, & mansi- nemus apud eum faciemus.* Quid autem agit in hac sua mentione? Primò, diffundit se in cor hominis per donum gratiæ & charitatis. Rom. 5. 5. *Charitas Dei diffu- sa est in cordibus nostris per spiritum sanctum, qui datus est nobis.* Secundò, hac diffusionem expellit omnes peccato- rum tenebras, & nouam quandam ac iustitiam lucem introducit. 2. Cor. 4. 6. *Deus qui dicit de tenebris lucem splendescere, ipse illuxit in cordibus nostris.* Eph. 5. 8. *Erat aliquando tenebra, nunc autem lux in Domino, ut filij lucis ambulate.* 1. Thess. 5. 4. *Vos autem fratres non estis in tene-bris; filij lucis estis.* Tertio hac diffusionem restituitur nobis vita, quam per peccatum amiseramus. 1. Ioan. 3. 14. *Translati sumus de morte ad vitam.* Et in hac consistit re- generatio, cuius in præcedente capite mentio facta est. Nam cum ante essemus filij iræ, mortis & damnatio- nis, renascimur filij reconciliationis, vitæ & heredita- tis. Propter hanc causam vocat nos Apostolus nouam creaturam Galat. 6. 15. *In Christo Iesu neque circumcisio aliquid valet, neque preputium; sed noua creatura.* Et ali- bi hortatur, *ut nouitate vitæ ambulemus.* Quarto, hac eadem diffusionem, vindicamus à seruitute, & in liber- tatem restitui mur. Nam ut ait Apostolus Rom. 8. 2. *Lex Spiritus vitæ in Christo Iesu, liberauit me à lege peccati & mortis.* Et 2. Cor. 3. 17. *Ubi Spiritus Domini, ibi liber- tas.* Galat. 4. 31. *Non sumus ancilla filij sed libere.*

8. Iam verò donum illud charitatis, quod Spiritus sanctus diffundit in cordibus nostris; sortitur varia no- mina, reione diuersorum effectuum. Ac primo voca- tur gratia, non solum quia gratis datur, sed quia nos Deo gratos & acceptos facit. Ephes. 1. 6. *In laudem gloria gratia sua, in qua gratificauit nos in dilecto filio suo.* Secundo, vocatur iustitia, quia per eam reddit homo vni- cuique quod suum est; Deo cultum & obedientiam proximo, amorem & obsequium: sibi ipsi exclusionem vltiorum, & virtutum incrementa. Rom. 6. 18. *Libe- rati à peccato, serui facti estis iustitiæ.* Tertio, vocatur imago & similitudo Dei. 1. Cor. 15. 49. *Sicut portamus imaginem terreni, portemus imaginem celestis; id est, sicut per peccatum fuimus similes Adamo: ita per gratiam & charitatem efficiamur similes Christo.*

Nos sumus
templum
Spiritus
sancti.

Quomodo
Spiritus
sanctus
incipit
habitare in
nobis.

Rom. 8.

Variamini
na iustitiæ
inherenti
Gratiæ.

habitu
imago
Dei.

Pignus
hereditatis.Semen
Dei.

Nam, ut idem Apostolus ait, Rom. 8. 29. *Deus Predestinatus nos conformes fieri imaginis filij sui* Hæc autem imag. o interibitur in cordibus nostris. *Non a tramento, sed spiritu Dei vivi, non in tabulis lapideis, sed in tabulis cordis carnalibus.* Quare, vocatur pignus hereditatis, quia videlicet sanctitas, quam in nobis spiritus Dei operatur, spem certam futuræ hereditatis nobis facit. 2. Cor. 1. 22. *Dedit pignus spiritus in cordibus nostris.* Eph. 1. 13. *Signati estis spiritu promissionis sancto, qui est pignus hereditatis nostræ.* Quare, vocatur semen Dei. 1. Ioannis 3. 9. *Omnis, qui natus est ex Deo, peccatum non facit, quia semen ipsius in eo manet.* Nam licet ex semine, quod in terram proicitur, non solum arbores, sed & fructus proveniunt: ita ex gratia & dono spiritus sancti, quod diffunditur in cordibus nostris, nascuntur bona opera in vitam æternam. Hoc clarius expressit Christus alia voce, qua vltus, Ioannis 4. 14. *Aqua, quam ego dabo ei, fiet in eo fons aquæ salientis in vitam æternam.* Quis est ille fons, qui in visceribus animi nostri tam altè latet? Gratia & charitas. Hæc qui habet, fontem & scaturiginem bonorum omnium habent, etiam vitæ æternæ. Sexto vocatur vestis nuptialis. Matth. 22. 12. *Amice, quomodo huc intraisti non habens vestem nuptialem?* Sicut enim, qui ad nuptias invitati sunt vestem loco illo dignam gestare debent, ita qui ad cœnam Agni vocantur, dono gratiæ ac charitatis ornatos esse oportet. Huc spectat illud Luc. 15. 22. *Proferite stolam primam, & induite illam.*

9. Tertium argumentum sumi potest ex illo Rom. 11. 5. *Multi vnum corpus sumus in Christo, singuli autem alter alterius membra.* Eccl. 12. 11. *Vos estis corpus Christi, & membra de membro.* Hinc ita argumentor. Vivia membra non tantum habent vitam & vitales operationes in suo capite, sed etiam in se ipsis, ut per se notum est, quia anima, quæ vita corporis est, non in solo capite, sed in singulis membris exultat & operatur. At qui homines iustificati sunt vivia membra sub capite Christo, ut constat ex allatis testimoniis: Ergo homines iustificati non tantum in Christo capite, sed in se ipsis quoque vitam & vitales operationes habent. Quæ autem hæc vita est, nisi iustitia, gratia, sanctitas, quam Spiritus sanctus diffundit in cordibus nostris; Et quæ istæ vitales operationes, nisi bonorum operum exercitia; Nec est, quod quisquam pro Caluino obiciat, vitam illam, quæ spiritualiter vivimus sub Christi capite, non aliam esse, quàm fidem, iuxta illud Rom. 1. 17. *Iustus ex fide vivit.* Non enim agimus de instrumento, quo vitam acquirimus, quod Caluino est sola fides, ut infra videbimus; sed de principio, quo formaliter vivimus, & vivia membra constituimur, quod sine dubio est donum gratiæ, iustitiæ, sanctitatis, quod à Spiritu sancto donatur & vivificatur.

18. Simile argumentum fundatur in illis Christi verbis, Ioannis 15. 4. *Ego sum vitis, vos palmites. Manete in me & ego in vobis. Sicut palme non potest ferre fructum à semet ipsis, nisi manserit in vite: sic vos, nisi in me manseritis.* Christus non solum caput est, nos membra, sed etiam vitis est, nos palmites. Sunt autem duplicis generis palmites in vite. Quidam aridi, mortui, exsucci, qui fructum non ferunt; quia licet in vite sint, non tamen vitis in illis est id est, non tribuit illis succum & humorem vitalem. Alii contra florentes, vivi, succulenti, frugiferi, qui non modo adhærent viti, sed ab ea vitam quoque & humorem trahunt. Similiter fit in fidelibus Alii quidem Christo adhærent per fidem; sed quia succum vitalem ab eo non trahunt, bene operari non possunt, quos Apostolus vocat infructuosos. Alii, ex fide coniuncti illi sunt, & humorem gratiæ ac sanctitatis ab eo participant, ideoque, ut idem Apostolus alibi loquitur *divites fiunt in operibus bonis, & cum*

A metu salutem suam operantur. Hoc ergo est, quod contendit Christus, neminem posse rectè agere; nisi spirituale illum infusæ sanctitatis humorem in se conferuer, à quo bonorum operum fructus omnis proficitur.

De iustitia imputativa.

Secunda
pars refu-
tatur.

11. Et hætenus de iustitia inherente, quæ interiori renouamur, & nous creatura efficitur. Sequitur altera pars de iustitia imputativa, de qua Caluinus etiam docet. Primum, iustitiam Christi vocari imputativam, quia nobis imputatur: Imputari autem nobis, quando eam fide apprehendimus. Secundò hæc ipsa iustitia, & non alia, coram Deo nos iustificari, sed iustos censeri. Tertiò hanc Christi iustitiam, quæ iusti efficitur, non esse increatam, sed creatam: nec habitalem, sed actualem; nempe ipsam Christi obedientiam, quæ se morti obtulit, & legem Dei implevit.

12. Sed errata Caluinus. Primum, qui iam ostensum est, infundi nobis iustitiam inherentem, quia intrinsecus iusti constituimur: Ergo falsum est, sola Christi iustitia nos iustos censeri. Hoc argumentum Caluinus eludere non potest. Nam verba illius, quæ paulò ante citavi, sic habent; *Nunquam reconciliamur Deo, quin simul donemur inherente iustitia.* Ex quibus ita concludo, sicut ab albedine inherente, reuera albi efficitur, ita à iustitia inherente reuera iusti efficitur. At Caluinus concedit iustitiam inherentem iuxta verba citata. Ergo concedit, per eam nos reuera iustos effici. Ergo repugnat sibi ipsi, cum alibi ait, sola Christi iustitia nos iustos effici.

13. Secundò, quæro ex Caluino, an ullus locus in tota scriptura inveniri possit, qui asserat Christi iustitiam nobis imputari, seu nostram censeri? Certe non potest. Scio, quædam produci, sed nihil ad hanc rem. Ac primum, obici solet illud Roman. 4. 5. *Credenti in eum, qui iustificat impium, reputatur fides eius ad iustitiam.* Sed frustra. Nam aliud est, fidem quæ in nobis est, imputari nobis ad iustitiam: aliud, iustitiam Christi, quæ extra nos est, imputari nobis ad iustitiam. Illud prius asserit Paulus; hoc posterius non asserit. Quid porro sit, fidem, quæ in nobis est, reputari nobis ad iustitiam, patet ex scopo Apostoli. Vult in illo capite probare, non ex operibus, sed ex fide hominem iustificari apud Deum. Hoc inter cetera, probat exemplo Abrahami, cui non opera, sed fides reputata est ad iustitiam. Igitur hæc tria, quæ sæpe occurrunt in Apostolo, pro eodem sumuntur. 1. *Non ex operibus, sed ex fide iustificatur homo.* 2. *Fides iustificat, non opera.* 3. *Non opera, sed fides reputatur ad iustitiam.* Hinc apparet, quàm frivolum sit argumentum Caluini, cum sic colligit, fides imputatur ad iustitiam: Ergo iustitia Christi nobis imputatur. Perinde, ac si dicat, fides iustificat: Ergo iustitia Christi nobis imputatur. Aut, Ex fide iustificatur homo: Ergo iustitia Christi nobis imputatur. Hæ consequentiæ vanæ sunt.

14. Obicitur & illud Rom. 5. 19. *Per unius obedientiam, iusti constituuntur multi.* Hinc confici putant ipsam Christi obedientiam, nostram esse iustitiam, quia scilicet per illam, nos iusti constituimur. At non rectè. Quod probo ex antithesi, quæ videtur Apostolus. Opponit enim obedientiam Christi inobedientiæ Adami; Et sicut per hanc iniustos, ita per illam iustos constitui nos asserit. At verò per inobedientiam Adami, non formaliter, sed efficienter & meritorie constituimur iniusti: Ergo similiter, per obedientiam Christi, non formaliter, sed efficienter & meritorie constituimur iusti. Hinc sè-

1. Obi-
ctio,
Respon-
sio.1. Obi-
ctio.

mo nouum argumentum contra Caluinum. Nam sicut Adam per suam inobedientiam meritis est posteris, qui ex illo carnaliter nascuntur, ut singuli in seipis contrahant peccatum originale, & in seipis iniusti ac peccatores existant: ita è contratio, Christus per suam obedientiam meritis est omnibus, qui per illum spiritualiter renascuntur, ut singuli in seipis iustitiam & sanctitatem participant, qua in seipis, & non tantum extra se, iusti & sancti censentur. De hac re vide Diuum August. l. 1. de peccatorum meritis & remiss. capite 9.

15. Tertio, obicitur illud 1. Corinth. 1. 30. *Christus factus est nobis à Deo sapientia, & iustitia, & redemptio.* Respondeo. Non queritur, an Christus sit nostra iustitia; sed an iustitia Christi sit nostra iustitia. Illud prius fatemur cum Apostolo; hoc posterius negamus contra Caluinum. Ratio est, quia quo sensu Christus dicitur esse nostra iustitia eodem dicitur esse nostra sapientia & redemptio, ac non dicitur esse nostra sapientia & redemptio imputatiue, quasi per illius sapientiam & redemptionem fide apprehensam, efficiamur sapientes & redempti; sed effectiue, quia scilicet nos redemit, ac sapientes fecit: Ergo similiter non dicitur esse nostra iustitia imputatiue, quasi per illius iustitiam fide apprehensam fiamus iusti: sed effectiue, quia scilicet nos iustos efficit. Similes locutiones sunt vtitur in scripturis. Ps. 17. 1. *Diligam te Domine fortitudo mea.* Psal. 70. 3. *Tu es patientia mea Domine.* Psal. 26. 1. *Domine illuminatio mea & salus mea.* At quando Deus est fortitudo nostra, patientia nostra, illuminatio nostra, salus nostra; An imputatiue; Minime, sed effectiue, quod alio loco explicat scriptura, cum ait: Psal. 36. 39. *Salus autem iustorum à Domino* Ioannis 1. 9. *Illuminat omnem hominem venientem in hunc mundum.* Psal. 61. 6. *Veritatem Deo subiecta est anima mea, quoniam ab ipso patientia mea.* 2. Reg. 22. 38. *Deus qui me accinxit fortitudine.* Ergo eodem sensu Christus est iustitia & sapientia nostra, qui iustitiam & sapientiam nobis impertit.

16. Hic queri potest, an nullo modo concedi possit, iustitiam Christi nobis imputari? Omnino potest; non eo sensu, quo Caluinistæ id asserunt. Nam ex eorum sententia, iustitia Christi ita nobis imputatur, ut per eam formaliter iusti censeamur: quod hætenus refutatum est. At Catholicorum sententia est, Christum sua passione pro nobis satisfecisse Deo patri, & impetrasse remissionem peccatorum, & omnia dona gratiæ & iustitiæ inherentes: Et hoc sensu, passionem Christi, quia pro nobis facta est, nobis imputari: non quod per illam formaliter iusti simus, sed quia ex merito & efficacia eius donatur nobis gratia, sanctitas & iustitia inherens, qua Deo grati, sancti & iusti constitumur. Hoc modo intelligendus est D. Bernardus in epistola 190. ad Innocentium, cum ait; *Si unus pro omnibus mortuus est, ergo omnes mortui sunt, ut videlicet satisfactio unius omnibus imputetur, sicut omnium peccata unus ille portauit.*

17. Quarto obicitur illud 2. Corinth. 5. 21. *Enim, qui non nouerat peccatum, pro nobis peccatum fuit: ut nos efficeremur iustitia Dei in ipso:* Hinc colligunt aduersarij, nos uel iustos esse iustitia Dei, quæ est in Christo: sicut ipse dicitur peccatum, id est, peccator, per peccata, quæ sunt in nobis: at nostra peccata imputantur illi: Ergo similiter ipsius iustitia nobis imputatur. Respondeo, Hic duo explicanda sunt. Vnam, quomodo Christus dicatur factus esse pro nobis peccatum. Alteram, quomodo nos efficiamur iustitia Dei in Christo. Aduersarij sic interpretantur, quod peccatum nostrum Christo imputetur & ab eo vocetur ipse peccator seu peccatum: Et similiter, quod iustitia Christi nobis imputetur, & ab eo vocemur nos iusti, seu iustitia. At non

ita est. Nam quantum concedi possit, peccatum nostrum Christo imputari, quod debitum satis facienti, quod ille sponte suscepit, non tamen concedendum est, ita illi imputari, ut ab eo peccator, aut iniquus censeatur. Similiter, quantum verum sit, iustitiam Christi nobis imputari, quod satisfactionem, quam pro nobis præstituit: falsum tamen est, ita nobis imputari, ut ab ea iusti & sancti censeamur.

18. Catholici melius rem explicant, Ac primum aiunt, Christum vocari peccatum duplici sensu. Vno, quia participauit carnem similem carni peccati, iuxta illud Rom. 8. 3. *Deus mittens filium suum in similitudinem carnis peccati.* Et Heb. 2. 14. *Quia ergo peruenit communicare carni & sanguini, & ipse similiter participauit eisdem.* Altero, quia factus est hostia pro peccato: Nam hoc sensu interdum accipi nomen peccati, constat ex illo Osee 48. *Peccata eius populi mei comedent.* Loquitur de sacerdotibus: qui comedebant hostias pro peccato populi ablatas. Christus ergo factus est pro nobis peccatum, id est, assumpsit similitudinem carnis peccati, ut fieret victima pro peccato: quod alii verbis dixit Apostolus. Rom. 8. 3. *Deus mittens filium suum in similitudinem carnis peccati, ut de peccato damnaret peccatum in carne.* Quasi dicat. Ideo Christus venit in carne passibili: ut in carne sua posset pati & mori pro nobis, & pro offensa Deo patri satisfacere. Hinc iam facile intelligitur altera pars citati testimonij. Nos enim efficiamur iustitia Dei, per similem loquendi modum, quia scilicet accipimus iustitiam inherentem, quæ est similitudo quædam, & effectus iustitiæ Dei, ut exponit Augustinus in lib. de spiritu & littera cap. 18. At cur dicimur potius iustitia, quam iusti? Nimirum ut seruetur antichesis. Quia enim dixerat Apostolus, Christum factum esse peccatum, id est, assumpsisse similitudinem carnis peccati, ut esset hostia pro peccato: maluit subiungere, nos esse iustitiam, quam iustos. Neque hic loquendi modus inusitatus est. Nam sicut homines iusti solent appellari lux, iuxta illud Matth. 5. 15. *Vos estis lux mundi.* Et ad Ephes. 5. 8. *Eratis aliquando tenebrae nunc autem lux in Domino:* ita etiam possunt vocari iustitia.

19. Quinto obicitur illud Eph. 4. 24. *Induite nouum hominem, qui secundum Deum creatus est in iustitia & sanctitate.* Hic vtitur Apostolus similitudine ab indumento petita, quæ omnino videtur indicare; nos iustificari per iustitiam extrinsecam, quæ fide apprehendimus, & induimus, ad tegendam turpitudinem nostram ne oculos Dei offendat. Et potest confirmari exemplo Iacob, qui indutus vestimento primogeniti, ac pro primogenito reputatus, benedictionem & hereditatem à parte obtinuit. Respondeo. Apostolus expressè loquitur de æterna renouatione per iustitiam inherentem, ut patet ex ipso contextu, qui sic habet; *Renouamini spiritu mentis vestre, & induite nouum hominem, qui secundum Deum creatus est in iustitia, &c.* Et similitudo indumenti aptissime conuenit iustitiæ inherenti, ex duplici capite. Primum, quia sicut indumentum non est naturale corpori, neque cum eo nascitur, sed extrinsecus assumitur: ita iustitia & sanctitas, se habet respectu animi. Non enim illi naturalis est, sed extrinsecus aduenit ex infusione spiritus sancti. Hoc sensu D. Augustin. ser. 15. de verbis Domini, explicat illud. Ps. 131. 6. *Sacerdotes tui induuntur iustitia, cum ais; Vestis accipitur, non cum capillus nascitur pecora de suo vestimento.* Secundò, quia sicut indumenta distinguunt homines ut alii ab aliis discernantur, ita iustitia distinguit iustos ab impiis per exercitium bonorum operum, iuxta illud Matthæi 7. 17. *Omnis arbor bona fructus bonos facit, mala autem arbor, malos fructus facit.* Item in eodem loco; *Ex fructibus eorum cognoscetis eos.* Hæc responsio confirmatur ex illo Coloss. 3. 13. *Induite viscera mi-*

sericordia, benignitas, humilitas; modestiam, patientiam, &c. Hic etiam videtur Apostolus similitudine indumenti; & tamen non licet inde colligere, cum loqui de æterna benignitate, humilitate & patientia, quæ fide apprehendimus, ut per se clarum est. Ergo illa similitudo non oppugnat iustitiæ inhaerenti, neque altituit iustitiam imputatiuam.

20. Quod attinet ad exemplum Iacob, potest dupliciter accommodari ad propositum. Primum, ut referatur ad iustitiam, qua formaliter iustificamur; & hoc modo tenendum est. Non enim formaliter iusti sumus per externam Christi iustitiam, quam fide apprehendimus, ut sæpe dictum est. Secundum, ut referatur ad iustitiam satisfactionis, qua Christus pro culpa nostra Deo patri satisfecit, & sic admitti potest. Dum enim sumus in statu peccati, non possumus ipsi per nos reconciliari Deo, & ideo hanc apprehendimus merita Christi, quibus quasi tecti ac induti, remissionem culpæ & infusionem gratiæ iustificantis consequimur. Hæc ex dictis perspicua sunt. Aliæ obiectiones, quæ occurrunt, commodius diluentur inferius: præsertim capite 3. & 5.

CAPVT III.

Examinatur tertia Caluini propositio: An homo post Iustificationem maneat peccator & iniustus.

Tertia Caluini propositio est, hominem in iustificatione non fieri iustum in seipso, sed manere peccatorem, iniustum, immundum: & solum censei iustum in Christo. Hoc aperte colligitur ex duabus præcedentibus. Nam si neque iustitia illi infunditur neque re ipsa à peccatis liberatur: necesse est, manere in se peccatorem & iniustum. Et asseritur à Caluino 4. 3. Instit. cap. 11. §. 3. his verbis: *¶ pro iustis in Christo censeamur, qui in nobis non sumus.* Et §. 4. *Nec sanè, quod alibi traditur, faret, obedientia Christi nos constituere iustos, nisi in ipso, & extra nos iusti reputaremur coram Deo.* Et §. 11. *Hoc modo iniustus est, non re ipsa, sed imputatione.* Et §. 23. *Hinc & illud conficitur, sola intercessionis iustitiæ Christi nos obtinere, ut coram Deo iustificemur.* Quod perinde valet, ac si diceretur, hominem non in seipso iustum esse, sed quia Christi iustitia, imputatione cum illo communicatur. Et in antidoto Concilii Trident. Sess. 6: ad c. 5. *Confugiamus ad solum Christum ut in ipso iusti censeamur, quod in nobis non sumus.* Et alibi plura.

2. Hæc propositio refellitur primo ex dictis. Nam si Christi pretioso sanguine verè lauamur & sanamur à peccatis nostris: item si iustitia & sanctitas ex Christi merito per Spiritum Sanctum nobis infunditur, certe non manemus peccatores & iniusti sed afficimur mundi, iusti, innocentes. in quibus nihil damnationis reliquum est. Et hoc aperte testatur Scriptura Psal. 50. 9. *Asperges me byssopo & mundabor, lauabis me, & super cinem dealbabor.* Sanè, qui mundatur & dealbatur, non manet immundus & contaminatus. Neque illud effugium hic valet, hominem mundari & dealbari in Christo, non in seipso. Non enim dixit David; *Asperges Christum, & mundabor in Christo; lauabis Christum, & in Christo dealbabor.* Sed ita potius. *Asperges me, & in me mundabor, lauabis me, & in me dealbabor.* Hoc confirmant verba sequentia; *Cor mundum crea in me Deus, & spiritum rectum innoua in visceribus meis.* Nota has particulas. *In me, &c.* in visceribus meis, Conspicit Apostolus 1.

A Cor. 6. 11. *Et hæc quidem fuistis, sed abluti estis, sanctificati estis, iustificati estis.* Quasi dicat, fuistis in vobis ipsis peccatores: nunc estis abluti, sancti, iusti; vique in vobis ipsis: Vnde & illud Eph. 1. 4. *Elegi nos, ut effluamus sancti & immaculati in conspectu eius.*

3. Res non indiget longiori refutatione. Solum miror, Caluinum non aduertisse, ex hac sua doctrina aperte sequi. Calvinisticas similes esse, *spulchris dealbatis, quæ intus plena sunt ossibus mortuorum, & omni spurcicia.* Similes virginibus facis, quæ non habent oleum iustitiæ in lampadibus suis, existimantes alienum oleum sibi sufficere. Similes hadis foritentibus, qui ouium numero à pastore arcantur. Similes lupis, qui veniunt in vestimentis ouium, intrinsecus autem sunt fera rapaces. Quid enim aliud est homo iustificatus apud Calvinistas? Internus peccatis ac flagitiis plenus est: oleum iustitiæ ac sanctitatis in corde non habet: hirci instar, fetorem flagitiorum exhalat; contumeliis & conuitiis, non aliter quam lupus, mordacitatem ostendit. Et tamen, quia innocentis agni vestimento se texit, inter agnos, si Diis placet, reputari vult: quia stultè præsumit, alienum oleum sibi pro futuro, de acquirendo proprio sollicitus non est: quia exteriorem parietem velle candida obduxit, internam spurciciam latere posse existimat.

4. Illud magis miror, homines, qui suo iudicio spurci & inquinati sunt, etiam ex Scripturis patrocinium pro se querere. Nimirum citant illud Eph. 1. 6. *Gratificauit nos in dilecto suo filio.* Vnde colligunt, nos iustos & gratos esse in Christo, non in nobis ipsis. At nos contra colligimus. Nam Græcus textus ita habet; *ἡμεῖς ἐν τῷ ἀγαπῶντι, id est, fecit nos gratiosos in dilecto, ut interpretatur Chrysostomus.* At quomodo fecit, gratiosos nisi infundendo gratiam & iustitiam, ut idem author exponit? Et hoc in dilecto filio suo, id est, propter merita Christi.

5. Ex dictis patet discrimen inter Catholicorum & Calvinistarum doctrinam. Illi docent, nos fieri iustos, & sanctos per inhaerentem iustitiam & sanctitatem: quo pacto Christus in se iustus & sanctus est. Nempe, ut membra sint suo conformia capiti: ut sponsa sit formosa, cum sponsus formosus est, ut fratres non sine dissimiles primogenito: Et verum sit illud Apostoli Rom. 8. 29. *Prædestinavit nos conformes fieri imaginis filij sui, ut sit ipse primogenitus in multis fratribus.* Calvinistæ contra sentiunt, nos manere immundos, & inquinatos in nobis ipsis: & solum censei iustos extra nos in Christo. Vnde sequitur, ex Christo & infidelibus constare mirabile monstrum: caput esse formosissimum: reliqua membra foedissima: sponsum pulcherrimum: sponfam inquinatissimam.

CAPVT IV.

Examinatur quarta Caluini Propositio an omnia opera hominis iustificati sint peccata mortalia?

Quarta Caluini propositio est, omnia opera hominis iustificati, esse peccata mortalia. Asseritur ab ipso lib. Instit. cap. 14. §. 4. his verbis: *Habemus, me unum à sanctis exire opus, quod, si in se censeatur, non meretur iustam opprobrii mercedem.* Hic nota particulam, *in se*, id est ex natura sua. Est ergo sensus, omnia opera iustorum, si in se & secundum naturam suam spectentur, mereri iustam opprobrii mercedem. Ex

paulo post §. 11. *Quibus his fortiter insistendum, nullum unquam existisse p̄i hominis opus, quid si seruo Dei Iudicio examinaretur non esset damnabile. Adhuc, si tale aliquod detur (quod possibile homini non est) peccatissimum, quibus laborare auctorem ipsum certum est, vitiatum ac inquinatum gratiā perdere.* Ex his Caluini verbis colliguntur hz tres propositiones. Prima. Omne opus hominis sancti ac pij, si in se & natura sua spectetur, est damnabile, & meretur iustam opprobrij mercedem. Secunda, Non est impossibile homini pio, vt faciat aliquod opus non damnabile in se. Tertia, si esset possibile homini pio, vt faceret aliquod opus in se non damnabile, tamen fieret damnabile ex parte hominis operantis, qui cum sit plenus peccatis, corrumpit, & vitiat omnia opera, quz ab ipso procedunt. Ex his sequitur omnia opera iustorum ex sententia Caluini duplici nomine esse damnabilia. Primò, in se & ex natura sua. Secundo, ex parte operantis. Si autem damnabilia sunt, certè etiam mortalia sunt. Hinc alibi docet Calvinus, legem Dei esse impossibilem, quia scilicet omnia opera nostra, quibus legi satisfacere conamur, sunt vitiosa & immunda, ideoque non sufficiunt ad veram legis obseruationem.

2. Hzc Caluini propositio refellitur variis modis. Primò, quia nititur falso fundamento. Supponit enim peccatum originale manere in homine iustificato: & hoc peccato sic corruptum & vitiatum esse totum hominem: vt quidquid ab eo procedit, peccatum sit mortale. Hoc constat, partim ex verbis citatis, partim ex lib. 1. Institut. cap. 1. §. 9. vbi sic habet: *Hic tantum breuiter attingere volui, totum hominem quasi diluio à capite ad pedes sic fuisse obrutum, vt nulla pars à peccato sit immunis: ac proinde quicquid ab eo procedit, in peccatum imputari: sicut dicit Paulus, omnes affectus carnis, vel cogitationes, esse inimicitias aduersus Deum, & ideo mortem.* Sed hoc fundamentum iam ante refutatum est. Nam & originale, & actualia peccata tolluntur per iustitiam & sanctitatem inherenter de qua supra disputauimus.

8. Secundò, refellitur ex illo dicto Apostoli 1. Corinth. 7. 28. *Si acceperis uxorem, non peccasti.* Hic quero ex Caluino, & Prædicantibus Caluinisticis, an ipsi mortaliter peccent accipiendo uxores? si non peccant, falsum est, quod ait Calvinus, omnia opera iustorum esse damnabilia. Si peccant, falsa est Apostoli sententia, non peccare, qui uxorem accipit. Imò impia & sacrilega sunt Prædicantium consilia, quibus suadent Monachis, vt accipiant uxores. Tertiò refellitur ex illo Matth. 26. 10. *Quid molesti estis huic mulieri? Opus enim bonum operata est in me.* Hic rursus quero ex Caluinistis, an Magdalena peccauerit, effundendo vnguentum preciosum super caput Christi, recumbentis? Si dicitis peccasse non Christi sed Iudæ preditoris sententiæ subscribitis. Nam Christus dixit. *Bonum opus operata est, quod vos negatis.* Iudas dixit: *Vt quid perditio haec? quod vos defendetis.* Si autem non peccasse asseritis, quomodo Caluini sententia stare poterit? Quartò refutatur ex illo 2. Petri 1. 10. *Satagite, vt per bona opera certam vestram vocationem faciatis. Hoc enim facientes non peccabitis aliquando.* Hic petrus primum hortatur nos ad bona opera: At si nulla essent bona, sed omnia mortifera & damnabilia, quomodo ad bona hortari posset? Deinde affirmat, eos non peccaturos, qui ipsius monita sequantur. At quomodo peccaturi non sint quorum singula opera sunt peccata mortalia? Quintò refellitur, quia quando Caluinistæ credunt sibi remissa esse omnia peccata, vel credendo peccant mortaliter, vel non peccant, si peccant, ergo per peccatum iustificantur. Si non peccant, ergo mentiuntur. Vtrumque absurdum, sed hoc tolerabilius.

9. Accedit ratio in scripturis fundata, quæ est huiusmodi: Arbor bona non potest facere malos fructus

Opusc. Bec.

A sed homo iustificatus, est arbor bona? Ergo homo iustificatus non potest facere malos fructus: ac proinde opera quæ ab ipso procedunt, non sunt damnabilia. Maior est Christi Domini, Matth. 7. 18. vbi ait: *Non potest arbor bona malos fructus facere, neque arbor mala bonos fructus facere.* Minor patet ex dictis, quia homo iustificatus, habet in se Spiritum sanctum inhabitantem per donum charitatis, sanctitatis, iustitiæ, & veritatis: & nihil damnationis in eo reliquum est, teste Apostolo Roman. 8. 1. Qui sunt ergo ipsius fructus? Audi eundem Apostolum ad Galat. 5. 22. *fructus autem spiritus est, charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas.* Hi certè fructus non damnabiles, sed boni ac laude digni sunt, teste Christo Domino. Matth. 5. 4. *Beati mites, quoniam ipsi possidebunt terram. Beati misericordes quoniam ipsi misericordiam consequentur & sic deinceps.* Videant nunc Caluinistæ, cuiusmodi ipsi arbores sint, bonæ an malæ. Si bonæ, bonos fructus facient, quod est contra Calvinum. Si malæ malos fructus facient, & sic non omnino mentitus fuerit Calvinus.

10. Accedunt etiam exempla, præsertim Iob & Davidis, qui præclara suorum operum testimonia habent in sacris literis, vt Iob. 1. 22. *In omnibus his non peccauit Iob labijs suis, nec stultum aliquid contra Deum locutus est.* Et cap. 23. *Nunquid considerasti seruum meum Iob, quod non sit illi similis in terra, vir simplex, & rectus, & recedens à malo, & adhuc retinens innocentiam?* Et Psal. 7. 9. *Iudica me Domine secundum iustitiam meam & secundum innocentiam meam super me.* Et Psal. 16. 3. *Probasti cormen & visitasti nocte, igne me examinasti, & non est inuenta in me iniquitas.* Et Psal. 17. 22. *Custodisti vias Domini impii non gessi à Deo meo* Et Psalm. 118. 121. *fecit iudicium & iustitiam, non calumniatur me superbi.* Quid ad hzc dicis Caluine? Iob non peccauit labijs suis: & tu asseris omnia verba ipsius esse damnabilia: Iob recedit à malo, & retinet innocentiam, & tu clamas mereri iustam opprobrij mercedem; Deus non inuenit iniquitatem in corde Davidis: & tu nihil ibi reperis nisi damnabile? David non gessit impiè, sed fecit iudicium & iustitiam: & tu audes eum calumniari: forte ad te respexit, cum dixit: *Non calumniemur me superbi.*

6. Hinc iam manifestum est, quàm falso dixeris idem Calvinus legem Dei esse impossibilem. Nam certè possibilis est homini iusto, sancto, innocenti, qui recedit à malo, qui retinet innocentiam, qui facit iudicium & iustitiam, in quo non est inuenta iniquitas, nec impiè gessit à Deo suo. Et sanè si impossibile esset cur eam Deus optimus nobis imponeret? cur clamaret Christus Matth. 11. 30. *Iugum meum suauis est, & onus meum leue?* Cur Apostolus *Mandata eius gratia non sunt:* Cur Euangelista. *Erat ambo iusti ante Deum, incedentes in omnibus mandatis & iustificationibus Domini sine querela?* Rectè Augustinus libr. 2. de peccatorum meritis & remissione cap. 3. *Non præciperet Deus aliquid, quod esse humana impossibile voluntari.* Et cap. 6. *Dubitare non possum, nec Deum impossibile aliquid homini præcuisse, nec Deo ad opitulandum & adiuvandum, quo fiat, quod iubet, impossibile aliquid esse.* Sed de hac re alibi tractandum est.

CAPUT V.

Examinatur quinta Caluini Propositio: In quo consistat Iustificatio?

1. **Q**uinta Caluini propositio est, Iustificationem non consistere in interiori renouatione animi aut sanctificatione, quæ fiat per infusionem iustitiæ inhaerentis, sed in sola peccatorum remissione, seu potius occultatione per iustitiam imputatiuam. Assertitur à Caluino lib. 3. Institut. c. 11. §. 2. his verbis; *Nos iustificationem simpliciter interpretamur acceptionem, qua nos Deus in gratiam receptos pro iustis habet. Eamque in peccatorum remissione, ac iustitia Christi imputatione positam esse dicimus.* Et in Antidoto Concilij Trident. Sess. 6. ad c. 8. *Quæstio est verbi, quid sit iustificatio? Negant solam esse remissionem peccatorum sed renouationem & sanctificationem simul contineri voluit, &c.* Hic Calvinus querit, quid sit Iustificatio? Deinde proponit sententiam Catholicorum, qui aiunt eam consistere, partim in remissione peccatorum, partim in reuocatione & sanctificatione per infusionem iustitiæ inhaerentis. Tandem ipse ex sua sententia definit, in sola peccatorum remissione seu occultatione, non autem in sanctificatione positam esse.

2. Hic primum notanda est nequitia Caluini. Negauerat, ex odio Catholicorum, omnem iustitiam & sanctitatem inhaerentem, ut patet ex illis ipsius verbis lib. 3. Institut. cap. 11. §. 23. *Vides, non in nobis, sed in Christo esse iustitiam nostram.* Et in antidoto Concilij Trid. Sess. 6. ad cap. 7. *falsum esse contendo, ullam iustitiam partem in qualitate suam esse, vel habitum, qui in nobis resideat.* Hinc consequenter docuit, hominem in se non fieri iustum, sed tantum in Christo. Sic enim loquitur lib. 3. cap. 11. *¶ pro iustis in Christo censeamur, qui nobis non sumus.* Et §. 4. *Nec scire, quod alibi tradit, stare, obedientia Christi nos constituat iustos, nisi in ipso, & extraneos iusti reputamus coram Deo,* Et §. 11. *Hoc modo iustus est: non reipsa sed immutatione.* Et §. 23. *Hinc perficitur, hominem non in seipso iustum esse, sed quia Christi iustitia imputatione cum illo communicatur.* Et infra; *Eo solo nos haberi iustos, quia Christi obedientia nobis accepta fertur, ac si nostra esset.* Hinc vterius docuit: iustificationem non posse consistere in interna renouatione per iustitiam & sanctitatem inhaerentem. Quomodo enim in ea consisteret si non datur iustitia inhaerens, neque homo in se iustus efficitur? Hæc primum Calvinus. At postea conuictus clarissimis Scripturæ testimoniis, duo priora puncta cepit concedere, nempe dari iustitiam & sanctitatem inhaerentem; & quod inde sequitur, hominem in se fieri iustum & sanctum per internam renouationem. Sic enim habent ipsius verba in libro de vera Ecclesiæ reformatæ ratione, non longè à principio. *Nunquam reconciliamur Deo quin simul donemur iustitia inhaerente.* Et infra. *Docemur homines fieri non posse, ut iusti censeantur Christi merito, quin renouentur eius spiritu in sanctam vitam, frustra que gratuita Dei adoptione gloriari omnes, in quibus spiritus regenerationis non habebat. Denique nullos à Deo recipi in gratiam qui non iusti quoque verè fiant.* Ecce iam agnoscit Calvinus iustitiam inhaerentem; agnoscit internam animi renouationem; agnoscit Spiritum sanctum inhabitantem; agnoscit vere iustos non fieri. An ergo, inquires, sibi ipsi contradicit? an consequenter docere debet, iustificationem non sola peccatorum remissione, sed etiam iustitiæ inhaerentis acquisitione de-

A finire? Vtrumque sanè videtur sequi. Sed tamen videtur astrum hominis. Vide, quomodo ab utroque se expediat. Fingit aliud esse iustificationem; aliud sanctificationem illam consistere in sola remissione peccatorum; hanc in renouatione animi per iustitiam inhaerentem in iustificatione, non tamen in sanctificatione; & sic omnia optimè coherere. Ita se explicat tum alibi, tum in Antidoto Concilij Tridentini Sess. 6. cap. 8. vbi inter alia sic ait: *Neque tamen interea negandum est, quin perpetuo coniecta sint ac coherere deus ita vult. Sanctificatio & iustificatio sed perpetua inde inferitur, vnam & eandem esse.* Et paulò post; *faciemur ergo simul aqua iustificati quicquid necessario immutationem quoque sequi.* Alibi habet similia.

B 3. Hoc refugium Caluini miserum est, & Scripturis ac patribus contrarium, & Caluino ipsi perniciosum. Ostendam singula brevissimè. An non miseri & desperati hominis est, cum in rebus ipsis non possit, in solis vocibus elabi velle? De re erat quæstio; an homo, cum iustificatur: acquirat iustitiam & sanctitatem inhaerentem, qua interius renouetur, & ex impio iustus efficiatur, Catholici semper affirmarunt. Calvinus negauit. Verba eius superius allata sunt. Hæc contentio, non de nomine, sed re ipsa instituta est. Si ergo, quod ad rem attinet, datur eiusmodi renouatio per iustitiam inhaerentem, quod litigat Calvinus de vocabulo.

C 4. Sed neque vocabulum illi patrocinator. Nam omnes antiqui Patres, nomine Iustificationis, non solum remissionem peccatorum, sed infusionem quoque iustitiæ inhaerentis intellexerunt. Nec opus est illorum verba citare, cum aduersarij id fateantur. Nam Calvinus lib. 3. Institut. cap. 11. §. 15. vbi de hac re agit audacter affirmat se non curare, quid Augustinus & alij senserint. Sic enim loquitur, *Ac ne Augustini quidem sententia recipienda est, &c.* Kemnitius in prima parte examinis, *Non mouemus litem, quomodo Iustificationem accipiant Patres.* Et infra. *Non ignoro aliter loqui Patres.* Hic fatentur, Patres aliter, quàm se sentire. Vnde infero, doctrinam ipsorum de iustificatione nouam esse, ac proinde merito suspectam haberi oportere.

D 5. At, si non Patres, saltem Scriptura ipsis fauet: Ne hoc quidem. Vel enim ipsi accipiunt Scripturam in eo sensu, quia eam antiqui Ecclesiæ doctores interpretati sunt, vel quo ipsi eam interpretantur, pro suo arbitratu. Si priori modo, nihil agunt. Nam ut dixi, antiqui patres, vocabulum iustificationis vsurpant & explicant eodem sensu, quo nos. Si posteriori, minus proficiunt. Non enim admittimus noua eorum commenta, quæ antiquitati repugnant.

E 6. Nos facilius ex Scriptura pro nobis pugnabimus. Et ut omittam illa testimonia, quæ in utramque partem torqueri solent, illa duntaxat citabo, quæ eludi non possunt. Primum sit illud Romanorum 8. 30. *Quos autem predestinauit, hos & vocauit; & quos vocauit, hos & iustificauit, quos autem iustificauit, illos, & glorificauit.* Hic Apostolus accuratè describit totum ordinem, quem Deus seruat in salute electorum procuranda; tum ab æterno, quoad prouidentiam & consilium, tum in tempore, quoad executionem, Est autem hic ordo. 1. vocat electos suos per internam fidem. 2. eosdem iustificat. 3. donat illis æternam gloriam. Hic iam quero ex Caluino, an non sanctificatio comprehensa sit nomine iustificationis? Si est, cur id negat Calvinus? cur Catholicis id asserentibus non consentit? Si non est, aut ergo prætermissa fuit ab Apostolo, aut nomine vocationis vel glorificationis designata quorum neutrum, nisi desperatè defendi potest. Et quidem Calvinus libro 3. Institution. capite 18. §. 4. satis insinuat, sanctificationem vocabulo Iustificationis comprehensam esse. Hoc accipimus. Alterum testimo-

miūm Hebr. 9. 13. *Si sanguis hircorum inquinatos sanctificat ad emundationem carnis, quanto magis sanguis Christi emundabit conscientiam nostram ab operibus mortuis?* Hic sanctificare idem est, quod emundare, ut ex verbis Apostoli patet. Nam sanguinem hircorum opponit sanguini Christi: & sicut sanguis hircorum sanctificabat carnem; ita sanguis Christi emundat, id est, sanctificat conscientiam. Hæc autem duplex emundatio; altera carnis; altera conscientie, nihil aliud est, quam duplex iustificatio: altera legalis, qua Iudei iustificabantur ab immunditia legali corporis; altera Evangelica, qua Christiani iustificamur ab operibus mortuis, id est; à peccatis. Vnde sequitur hæc tria pro eodem suavi, *Sanctificare, Iustificare, & Emundare*: & tam corpori, quam animo servata proportionē posse accommodari.

7. Tertium testimonium, Apoc. 22. 11. *Qui iustus iustificatur adhuc.* Quid est, hominem iustum iustificari, nisi ampliorem iustitiam, seu incrementum iustitie acquirere? At secundum Calvinum si vera esset eius sententia, nihil aliud esset, quam homini iusto remitti peccata. At si iustus est, iam remissa sunt illi peccata. Quomodo ergo adhuc remittuntur? Sanè Kemnitius in materia de Iustificatione cap. 3. fateatur, hoc testimonium nobis patrocinari, & postea subiungit. *Certe propter unicum exemplum non est descendendum à tam magno & manifestis consensu reliquorum testimoniorum.* Miror impudentiam hominis. Fateatur vocabulum *Iustificacionis* hoc loco sumi pro acquisitione iustitie, & tamen reprehendit Catholicos; & maxime antiquos Patres qui in ea significatione vocabulum illud usurparunt. Sic enim loquitur de Patribus, cap. 1. membro 3. *discesserunt à propria Evangelica & Apostolica significatione vocabulorum, per quæ Spiritus sanctus doctrinam huius loci in Scriptura, præfecit, ut sunt Iustificare, iustitia infusus, &c.* Sed sinamus Kemnitium & Calvinum Novatores esse; nos libenter antiquorum Patrum consensum amplectimur.

9. At multa nobis obiciunt Calvinus & Calvinistæ, Primò, quod vocabulum *Iustificare*, non significet iustum facere, sed iustum pronunciare; & consequenter, *Iustificari* non sit iustum fieri, per inhzrentem iustitiam, sed iustum pronunciari & declarari propter alienæ iustitiæ imputationem, Vnde, inferunt utrumque vocabulum esse forense. Hoc probant primò ex Apostolo, qui verbum *Iustificare* opponit verbo *Condemnare*, Ro. 8. 16. *Iudicium quidem ex uno in condemnationem, gratia autem ex multis delictis in Iustificationem.* Et Rom. 8. 34. *Deus est qui iustificat. Quis est qui condemnet?* Secundò, ex prophanis auctoribus, qui in forensi significatione usurpant hoc vocabulum. Respondeo generatim, negari non posse quin aliquando, *Iustificare*, sit Idem, quod in Iudicio absolvere, seu iustum pronunciare, ut patet ex multis Scripturæ locis Prouerb. 17. 13. *Qui iustificat impium, & qui condemnat iustum abominabilis est uterque apud Deum.* Et Isaia 5. 23. *Ve qui iustificatis impium pro muneribus, & iustitiam iusti aufertis ab eo.* Omitto similia. Respondeo secundò, nec illud negari posse; quin aliquando etiam sit idem quod iustum facere, ut Romanor. 8. 30. *Quos vocauit: hos & iustificauit.* Et cap. 3. 30. *Deus iustificat circumcisionem ex fide, & præputium per fidem.* Et cap. 4. 3. *Credenti autem in eum, qui iustificat impium.* Quem locum breuissimè explicat Augustin. concione prima in Psalm. 30. his verbis, *Quis est qui iustificat impium qui ex impio facit pium?* Calvinus diceret; *Qui impium declarat pium.* Respondeo tertio, magnum esse discrimen inter Deum & hominem in iustificando. Nam Deus non potest impium declarare iustum, quin simul ex impio faciat iustum: quia *Iudicium Dei est secundum veritatem*, teste Apostolo Romanor. 2. 2. Contra

Opusc. Bec.

A verò, homo qui impium declarat iustum; non potest ex impio facere iustum, saltem propria virtute & autoritate. Hinc Iudices, qui impium declarant iustum, non minus reprehenduntur in Scripturis, quam qui iustum tanquam impium condemnant, ut patet ex testimonio citato: *Qui iustificat impium, & qui condemnat iustum, abominabilis est uterque apud Deum.* Hinc colliguntur duæ regulæ notatu dignæ. Altera, Quotiescumque Deus in Scripturis dicitur iustificare impium, semper intelligendum est, ex impio facere iustum. Quare? Quia Iudicium Dei semper est secundum veritatem. Altera, quando homo dicitur iustificare impium semper abominabilis est in conspectu Dei, quia non potest ex impio facere iustum, ac proinde cum declarat iustum, quem relinquit impium, non iudicat secundum veritatem.

10. Hæc generatim de voce iustificandi. Quod autem obicitur, *Iustificare & condemnare*, inter se opposita esse nihil obstat. Nam utrumque potest Deo conuenire Sicut enim quosdam impios ex gratuita misericordia iustificat, id est, iustos facit; ita quosdam ex iustitia condemnat, id est suppliciis affligit. Quid porro sentiant prophani auctores de his vocibus, non magnopere refert. Malim ego ex Sanctis Patribus, quam ex Plauto vel Terentio discere sensum & interpretationem scripturarum. Hoc notent nostri Novatores:

C 11. Secundò obiciunt illud Rom. 4. 7. *Beati quorum remissa sunt iniquitates, & quorum tecta sunt peccata.* Hic quaerit Calvinus an hæc sit plena definitio Iustificationis: an dimidia? Si plena, utrum est quod ipse docet, iustificationem sola peccatorum remissione constare? Nulla enim hic mentio fit iustitiæ inhzrentis, sed solius remissionis. Si dimidia, quomodo beatus dici potest, qui non nisi media ex parte iustificatus est? At David vocat beatum, qui remissa sunt peccata. Ego vicissim quaero ex Caluino, an sit plena definitio iustificationis an dimidia, cum Propheta ait, Psalm. 111. 1. *Beatus vir qui timet Dominum.* Si plena, ubi est remissio peccatorum? Si dimidia, quomodo beatus, qui non nisi media ex parte iustificatur? Vides opinor, quàm nullius roboris sit quaestio Caluini ad conficiendum quod vult. Non enim necesse est, quando quis in Scriptura dicitur beatus, mox totam definitionem Iustificationis explicari. Satis est aliquid exprimi, quod pertineat ad beatitudinem vel iustificationem, ut patet ex illo Matthæi 6. 3. *Beati pauperes spiritu.* Et iterum *Beati mites*, & sic deinceps.

D 12. At Apostolus, inquit, cum dixit *Beati, quorum remissa sunt iniquitates*, voluit integrè definire Iustificationem, qui ex professo de natura & essentia illius disputabat. Non ita est. Sed vult probare, non nostris meritis, sed gratuito Dei dono nos iustificari. Hoc autem rectè ex eo probauit, quia remissio peccatorum est gratuita, quæ est pars iustificationis. Quamquam etiam concedi potest, integram definitionem contineri verbis Apostoli: *Beati quorum remissa sunt iniquitates*: non quidem explicitè sed implicitè. Nam remissio peccatorum non sit, nisi infusione iustitiæ inhzrentis, qua homo interius renouatur, & à peccatis abluitur. Qui ergo expressè dicit alicui remissa esse peccata: simul implicitè significat infusam esse sanctitatem, & iustitiam inhzrentem.

13. Hinc facilè responderetur ad alia Scripturæ loca, quæ videntur iustificationem in sola peccatorum remissione constituere: ut Actor. 13. 31. *Per hunc vobis remissa peccatorum annuntiatur, à quibus non potuistis in lege Moysis iustificari*, & alia his similia: Nam remissio non sit, nisi per infusionem iustitiæ sanctificantis. Neque necesse est, quoties fit mentio remissionis, semper addi, per quid fiat illa remissio;

P ij

Sicut, qui dicit, tenebras depulsas esse, non semper addit, infusione luminis esse depulsas.

14. Manet ergo iustificationem & sanctificationem non esse duas res distinctas, ut fingit Calvinus: sed hanc in illa, tanquam partem in toto contineri. Sed, & si distinctæ essent, quid magnoperè proderet Calvinus? Nam ita distinctæ sunt ex ipsius sententia, ut tamen necesse sit peccata tolli & aboleri, quod tamen negat Calvinus, fieri enim potest, ut iustitia & sanctitas existant simul in eodem homine cum peccato originali & actualibus, iuxta illud 2. Corinth. 6. 14. *Quæ participatio iustitiæ cum iniquitate? aut quæ Societas lucis ad tenebras.* Apparet ergo unum dogma Calvinus per aliud destrui, & simul stare non posse.

CAPUT VI.

*Examinatur Sexta Calvinus Propositio,
de sola fide iustificante.*

Sexta Calvinus propositio est, solam fidem iustificare, id est, solam fidem sufficere ad hoc, ut nobis imputetur iustitia Christi, per quam peccata nostra tegantur: idque propterea quia sola fides est, quæ Christi iustitiam apprehendit. Asseritur à Calvinus lib. 2. Instit. cap. 11. §. 19. his verbis. *Dicimus hominem sola fide iustificari* Et infra. *Annon satis solidè soli fidei tribuit omnia, quæ operibus adimit.* Et in antidoto Concilij Trident. Sess. 6. ad conon. 11. *Fides ergo sola est, quæ iustificat; fides tamen, quæ iustificat, non est sola.* Et infra. *Im iustificandi ac facultatem fidei in solidam vindicamus.* Et libro 3. Instit. cap. 11. §. 2. *Iustificabitur ille fide, qui Christi iustitiam per fidem apprehendit.* Et cap. 16. §. 1. *Quare ergo fide iustificamur, quia fide apprehendimus Christi iustitiam, quæ una Deo reconciliatur.*

2. Hæc propositio habet duas partes. Prior asserit, solam fidem iustificare. Posterior explicat modum, quo sola fides iustificat. Vtræque refutanda est. Et quidem prima pars de sola fide iustificante potest tribus modis intelligi. *Primo*, ut sola fides iustificet formaliter id est, ut sola fides sit illa forma à qua homo formaliter vocetur iustus, sicut sola albedo est illa forma, à qua homo formaliter vocatur albus. *Secundo*, ut sola fides iustificet dispositivè, seu antecedenter, & causaliter, id est, sola efficiat, ut iustitiam acquiramus. *Tertio*, ut sola fides iustificet consecutivè, & consequenter, id est sola sufficiat, ut iustitiam semel adeptam conservemus & retineamus. In primo sensu non asseritur à Calvinus, sed in secundo & tertio. Nam ex sententia Calvinus forma illa, quæ homo formaliter iustificatur, & iustus denominatur, non est fides, sed actualis iustitia Christi, quæ per fidem apprehensa nobis imputatur, & quæ iusti censimur, non in nobis, sed in Christo, ut supra explicatum est. Hæc tamen iustitia, secundum doctrinam Calvinus, nec acquiritur nec conservatur, nisi sola fide, ac proinde, secundum Calvinus, sola fides iustificat secundo, & tertio sensu. Hoc loco solum disputamus de secundo, postea dicturi de tertio.

3. Igitur solam fidem non iustificare dispositivè seu causaliter, id est, non sufficere ad iustitiam acquirendam, probatur his argumentis. *Primum est.* Nihil à Calvinus debet affirmari, præsertim in romagni mo-

menti, nisi habeatur in Scripturis: at nusquam habetur in Scripturis solam fidem iustificare: Ergo non debet hoc affirmari à Calvinus. Maior propositio à Calvinus & Calvinistis negari non potest, ut ostensum est in disputatione de auctore peccati cap. 1. §. 2. Minor probatur, quia nullus locus in tota Scriptura ostendi potest, in quo *Sola fides* dicatur iustificare.

4. Hoc argumentum nec Calvinus, nec ante illum Lutherus potuit solvere. Et quidem Lutherus, cum illam particulam (*sola*) non posset vspiciam in sacris literis reperire; usus est sua autoritate, & audacter illam posuit in tertio capite Epistolæ ad Romanos. Et cum postea de hac re monitus esset, nihil aliud quàm hoc responsi dedit. *Sic volo, sic iubeo, sit pro ratione voluntas.* Calvinus autem lib. 3. Instit. cap. 11. §. 19. producit quædam loca ex D. Paulo, quibus asseritur fidem iustificare sine operibus. Vnde confecti vult, solam fidem iustificare. Sed quàm rectè, videbimus paulo post in solutione obiectionum.

5. *Alterum argumentum.* Scriptura non minus requirit actum timoris, spei, charitatis, & penitentiae ab eo, qui vult iustificari, quàm actum fidei: Ergo sola fides secundum Scripturam non sufficit ad iustificationem. Antecedens patet ex illo Ecclesiastici 1. 29. *Qui sine timore est non poterit iustificari.* Et Proverb. 28. 25. *Qui sperat in Domino, sanabitur.* Et 1. Ioannis 3. 14. *Qui non diligit, manet in morte.* Et Actor. 2. 20. *Penitentiam agite, & baptizetur unusquisque vestrum in remissionem peccatorum.* Et Actor. 3. 19. *Pœnitimini & convertimini, ut deleantur peccata vestra.*

6. Respondet Calvinus, se non negare, quin præter fidem requirantur actus aliarum virtutum: sed hoc negare alios actus habere vim iustificandi, sicut habet fides. Sic enim loquitur in antidoto Concilij Tridentini Sess. 6. ad Canonem 9. *Adde, quod hominem sola fide iustificari cum dicimus, fidem non fingimus charitate vacuum, sed ipsam solam iustificationis causam esse intelligimus.* Et ad Canonem 11. *fides ergo sola est, quæ iustificat fideles: tamen quæ iustificat, non est sola:* Sed hoc Calvinus effugium nullum est. Nam scriptura non minus aliarum virtutum actibus tribuit vim iustificandi, & remittendi peccata, quàm fidei. Ecclesiastici 1. 27. *Timor Domini expellit peccatum.* Quid apertius? Si ergo timor habet vim expellendi peccata non sola fides habet. Et Lucæ 7. 47. *Remittuntur ei peccata multa, quoniam dilexit multum.* Hic quæro: quare Magdalenæ remissa sint multa peccata? an, quia multum credidit? non negaverim. Sed tamen Christus respondet: *Quia multum dilexit.* Vides ergo, etiam dilectioni tribui, quod Calvinus soli fidei tribuendum contendit. Omitto alia testimonia, quæ passim occurrunt.

7. Fortè occurreret Calvinus, nec timorem, nec charitatem, nec similes actus iustificare, nisi in virtute fidei, ac proinde soli fidei totum esse adscribendum. Ego contra abucio, fidem potius in virtute charitatis iustificare. Hoc apertè docet Augustinus libro 15. de Trinitate cap. 18. cum ait: *Ipsam fidem non facit utilem, nisi charitas.* Sine charitate quippe fide: potest quidem esse, sed non & prodesse. Et probat ex illo Apostoli ad Galatas 5. 6. *In Christo Iesu, neque circumcisio aliquid valet, neque preputium, sed fides quæ per charitatem operatur.* Quare Apostolus nominat fidem, quæ per charitatem operatur? quia fides non est efficax ad iustificandum sine charitate. Vnde idem August. in Enchiridio cap. 8. *Sine amore, inquit, fides nihil prodest.* Hinc apparet calumnia Calvinus, qui in materia de iustificatione rider Catholicos, quod distinguant fidem informem & formatam, cum ipse potius sit ridendus. Nam Catholici docent, fidem non iustificare,

nisi sit formata charitate; imò non esse efficacem, nisi quatenus per charitatem operatur. Calvinus vero, dum ait fidem iustificare sine charitate, quamvis non sit sine charitate, videtur potius fidem informem agnoscere, & ei tribuere vim iustificandi. Nam si sola iustificat sine charitate, necesse est informem iustificare: Et si sola non existit, sed cum charitate, necesse est formatam existere. Catholici contra docent cum Augustino, fidem posse informem existere, non tamen nisi formatam iustificare.

8. *Tertium argumentum.* Fides quæ iustificat in eo consistit iuxta Calvinum, ut quis certò sibi persuadeat, se iustum esse, & per Christum remissa sibi esse peccata. Si ergo hæc sola iustificat, necesse est omnes eos iustificari & saluari, qui hanc fidem habent. At Lutherani habent hanc fidem: Ergo Lutherani ex sententia Calvini iustificantur: Ergo non sunt hæretici, sed veri Catholici, electi, prædestinati. Cur ergo Calvinistæ secessionem ab eis faciunt? cur pro hæreticis habent? Ut persistam in hoc argumento, quæram iterum ex Calvino; si quis certò credat, remissa sibi esse peccata per Christum, & hac sola fide se iustificari; an is sit veræ & iustificantis fidei actus? Si est, cum Lutherani hoc credant, veræ & iustificantis fidei actum habent. Si non est, cum Calvinistæ idem credant, veræ & iustificantis fidei actum non habent. Occurres, hunc quidem veræ fidei actum esse, sed in Lutheranis coniunctum esse cum variis erroribus, quia scilicet præuè sentiunt de prædestinatione, de Eucharistia, de vbi-quitate. Sed quid hoc ad rem? Nam si tuo iudicio, sola illa fides, qua quis credit remissa sibi esse peccata, iustificat; certè, qui hanc habet, perire non potest, aut si perit, sola illa non iustificat. Adde, si adulteria, furta, homicidia, cæteraque id generis flagitia non obstant, quo minus saluus sit is, qui credit sibi omnia remitti per Christum, nec error circa prædestinationem, Eucharistiam, & vbi-quitatem obstare potest, quo minus saluus sit Lutheranus, qui credit sibi omnia remitti per Christum.

9. Et ex hac doctrina sequitur, nihil esse necessarium anxie disputare de controuersis fidei; sed unicuique sufficere, si sibi persuadeat, iustum se esse in Christo, & peccatorum remissionem certò consecutum. Hæc enim sola fides, iustificandi & saluandi vim habet. Quorsum ergo litigant inter se Calvinistæ & Lutherani de præsentia corporis Christi in Eucharistia? De æterno Dei consilio & electione ad gloriam? de humanitate Christi ubique existente? Cur alij alios hæreticos vocant? cur sempiternum interitum minantur, nisi respiciant? cur ex eodem regno, prouincia, ciuitate, senatu, se mutuo exturbant. Nihil his odiis ac turbis est opus, si sola fides, quæ vtriusque communis est, vim saluandi habet; si sola electionis ac prædestinationis signum est infallibile. Nam si ita est, omnes fratres sunt, & ad idem cælum præordinati, ad quod infallibiliter peruenient. Credis hoc? Domine, adauge mihi fidem.

De modo quo sola fides iustificat.

10. Hæc de sola fide iustificante. Sequitur de modo, quo sola iustificat. Igitur aduersarij docent solam iustificare, quia sola apprehendit iustitiam Christi actua-lem, quia iustificamur; At quomodo id facit. Hoc explicant duplici similitudine, altera manus, altera olla. Nam sicut manus pauperis apprehendit eleemosinam & diuite porrectam, ita fides peccatoris apprehendit iustitiam Christi à Deo patre oblatam. Item, sicut olla continet in se thesaurum, & hac ratione hominem locupletat, ita fides comprehendit iustitiam Christi, & sic hominem iustificat. Priori similitudine vsus est Philippus Melancthon in locis communibus, titulo de Opusc. Bee.

A bonis operibus, & in dilutione argumentorum, & Kemnitus, in examine Concil. Trident. Sess. 6. Posteriori vtitur Calvinus lib. 3. Institut. cap. 11. §. 7. his verbis *fides vtiā si nullius per se dignitatis sit vel pretij, iustificamus Christum adferendo, sicut olla pecuniam referta hominem locupletat.* Hinc apparet quid sit fides ipsa Calvinistica iustificans, toties laudata, toties defensa, toties simplici vulgo, obtrusa & inculcata. Quid ergo est. Olla fictilis; scabiosa manus pauperis. Rident Catholici doctiores, quando hæc audiunt? Et merito, Solent enim aduersarij apud imperitos iactare, fidem in scholis Papistarum vilescere, nullo loco haberi, passim contemni, omnia tribui operibus, fidei parum aut nihil: Apud suos verò, fidem esse in honore, omnia illi tribui, operibus nihil. Verba, nugæ, fraudes. Quis obsecro plus tribuit fidei, Calvinus, qui dicit esse ollam fictilem, nullus pretij & dignitatis, an Catholici, qui dicunt esse basim, fundamentum & radicem iustificationis? Stolidius sit, qui hoc non videat.

11. Sed propius rem inspiciamus. Ait Calvinus solam fidem iustificare, eo modo, quo sola olla locupletat hominem. Audio verò non capio mysteria. Quæro ergo, an sit causa effectiua iustificationis? an meritoria? an dispositiua? an instrumentalis? an solidam relatiuè iustificet? Hic planè inconstans & perplexus est Calvinus. Nunc hoc, nunc illud asserit, ubique incertus: ubique sui immemor. Proferam ipsius verba. Et quidem lib. 3. Instit. cap. 11. §. 7. sic ait, *fides est dumtaxat instrumentum percipiendæ iustitiæ.* At cap. 13. §. 5. *Quoad iustificationem, res est merè passiva.* Iterum cap. 14. §. 17. *Efficientem causam vici æternæ nobis comparanda ubique scriptura prædicat Patris celestis misericordiam, & gratiam erga nos delectionem: materialem verò, Christum cum sua obedientia, per quam nobis iustitiam acquiescimus formalem, quoque vel instrumentalem, quam esse dicimus, nisi fidem?* Et §. 21. *Ut sita inconcussum, quod antea posuimus, effectum nostræ salutis in Dei Patris dilectione situm esse materiam in filij obedientia: instrumentum in spiritus illuminatione: hoc est, fide.* Et in antidoto Concilij Tridentini Sess. 6. ad Canonem 9. *Solam fidem iustificationis causam esse intelligimus.* Et ad canon. 11. *Vim iustificandi ac facultatem fidei in solidum vindicamus.* Quid ex his colligimus. Nempe, fidem esse causam iustificationis. At quam causam. Nunc formalem, nunc instrumentalem, ut vis, Ergone aliquid efficit fides in negotio iustificationis? Minimè, sed merè passive se habet. Quomodo merè passive, si instrumentum est: Hoc tu videris, satis est, Calvinum hoc asserere.

12. Pergamus vltius, sola fides, Calvino teste, iustificat, quia sola Christi iustitiam apprehendit. Hic multa paucis verbis implicantur. Quæro enim quis sit propriè ille actus fidei qui iustificat. Nam varios actus apud Calvinum inuenio. Primus est, apprehendere mortem & passionem Christi, seu iustitiam eius actua-lem. Secundus est, credere promissionem Dei Patris, qua promisit se fore nobis propitium propter mortem & passionem Christi. Tertius est, credere promissionem tibi applicare & certò credere ac statuere, omnia peccata tibi remissa esse à Deo Patre propter merita Christi, ac proinde te iustum esse. Quartus est, certò credere, te perpetuò iustum mansurum, & non posse excide-re à iustitia semel adepta: Et quod inde consequens est, te prædestinatum esse ad vitam æternam. Ex his actibus, quis tandem est qui iustificat. An vnus, an plures, an simul omnes. Nihil certi apud Calvinum. Aliquando affirmat, solum primum iustificare, ut l. 3. cap. 11. §. 2. *Iustificabitur ille fide, qui Christi iustitiam per fidem apprehendit.* Et cap. 17. §. 1. *Quare ergo fide iustificamur? quia fide apprehendimus Christi iustitiam.*

Hic totam vim iustificandi tribuit primo actui, nempe apprehensioni. Alibi ad secundum recurrit, ut l. 3. c. 1. §. 2. *Ex eo salutem consequimur, quando Deum agnoscimus nobis esse propitium Patrem.* Et §. 16. *Vere fidelis non est, nisi qui solida persuasione Deum sibi propitium benevoluntque Patrem esse persuasus, de eius benignitate omnia sibi pollicetur.* Alibi tertium actum requirit, ut lib. 3. c. 1. §. 11. *Peccatorum remissionem spiritus sanctus proprie in solis electis obsequat, ut eam specialem fide in usum suum applicent.* Interdum etiam quartum, ut ibidem §. 16. *Vere fidelis non est, nisi qui confidenter se regni caelestis, heredem gloriatur.*

13. In hac varietate, quid rudi populo suadendum est? quis illorum actuum precipue commendandus? Si vno contenti sunt, non poterunt iustificari, quia Calvinus singulos requirit. Si vero omnes necessarii sunt? quomodo id probari poterit ex scripturis? Certè aduersari, cum asserunt solam fidem iustificare, solum hæc testimonia proferre, Lucæ 7. 50. *fides tua saluam te fecit; vade in pace.* Et Lucæ 8. 48. *filia, fides tua saluam te fecit;* Alterum Magdalena? alterum mulieri fluxum sanguinis patienti dictum est. Vtramque volunt aduersarij sola fide iustificatam esse. At ostendant nobis, vtramque habuisse omnes actus fidei supra enumeratos. Quomodo Magdalena poterat sibi persuadere, remissa sibi peccata, & habere Deum Patrem propitium, propter mortem & passionem Christi, cum adhuc nihil sciret de morte & passione Christi? ipsi met Apostoli, qui procul dubio iustificati erant, non credebant Christum passurum, & cruci affigendum; ut testatur Lucas cap. 18. 31. *Assumpsit autem Iesus duodecim, & ait illis. Ecce ascendimus Ierosolimam, & consummabuntur omnia, quæ scripta sunt per Prophetas de filio hominis. Tradetur enim genibus & illudetur, flagellabitur & conspuetur; & postquam flagellauerint, occidens eum & tertia die resurget. Et ipsi nihil horum intellexerunt, &c.* Et Matthæus cap. 16. 21. *Exinde cepit Iesus ostendere discipulis suis, quia oportet eum multa pati à senioribus, & occidi, & tertia die resurgere. Et assument eum Petrus cepit increpare illum dicens. Absit à te Domine non erit tibi hoc, &c.* Dicat nunc Calvinus. an Apostoli, & Magdalena iustificati fuerint fide? At non credebant propter Christi mortem & passionem sibi remissa esse peccata. Non apprehendebant actualem Christi obedientiam & iusticiam. Non erant certi, se perpetuo mansuros iustos, aliqui Petrus postea non negasset Christum.

Diluuntur obiectiones Calvinistarum.

14. Explicata & reiecta est Caluini sententia, de sola fide iustificante, & de modo, quo sola iustificat. Catholici docent, non solam fidem, sed præterea timorem, spem, contritionem & dilectionem iustificare, id est, ad iustificationem disponere. Sentus est, hominem impium non posse iustificari, id est, iusticiam inherentem & remissionem peccatorum consequi, nisi per præuias dispositiones, quæ sunt actus fidei, timoris, spei, contritionis, dilectionis. Non, quod huiusmodi actus coram Deo mereantur remissionem peccatorum & iustitiæ infusionem in quibus iustificatio consistit, alioqui non iustificaremur gratis: sed quod Deus decreuit non remittere peccata, nec infundere gratiam iustificantem nisi homo per eiusmodi actus supernaturales sit dispositus & præparatus. Hoc ideo explicato, ut facilius appareat, quam inanès sint hæreticorum contra nos obiectiones.

15. Primo ergo obicit illud Rom. 3. 28. *Arbitramur hominem iustificari per fidem sine operibus legis.* Et Eph. 2. 3. *Saluari estis per fidem, non operibus.* Hinc

A. concludunt; sola fide hominem iustificari. Quæritur quia Apostolus fidem opponit operibus: Ergo sufficit hominem iustificari fide sine operibus, excludit omnia opera præter fidem: Ergo etiam excludit actum timoris, spei, dilectionis & penitentiae. *Respondeo.* Duplicia sunt opera, alia præcedunt fidem; alia sequuntur. Priora excludit Apostolus; non posteriora. Cur ergo actus timoris, spei, dilectionis & penitentiae sequantur fidem, & in fide fundati sint, certum est non excludi. *Quæritur.* Vnde constat, hanc esse mentem Apostoli? *Respondeo.* Inde constat, quia vult ostendere nec Iudæos ex nuda obseruatione legis Mosaicæ; nec Gentiles propter bona opera ante Christi fidem susceptam perpetrata, iusticiam à Deo consequi potuisse aut consecutos esse, sed ex fide in Christum: fidem esse initium salutis & iustificationis, nec dari ex operibus præcedentibus, sed esse donum Dei. Vide Augustinum lib. de prædestin. sanctorum cap. 7. & in præfatione. Psal. 31. & alibi.

16. Obiiciunt secundo ex eodem Apostolo hominem iustificari gratis, ac proinde sola fide; sine ullis aliis operibus, Rom. 3. 24. *Iustificari gratis per gratiam ipsius.* *Respondeo.* Iustificatio dicitur gratuita non quia sit sola fide sed propter alias tres causas. Primo, quia nec Iudæi, nec Gentiles merentur illam per opera fidem præcedentia, ut iam explicatum est. Secundo, quia quidquid conducit ad iustificationem, gratuitum Dei donum est. Calvinus vult solam fidem conducere, nos etiam spem & charitatem, sed si fides non obstat, quo minus gratuita maneat iustificatio, certè, nec spes aut charitas obstat possunt. Ntū sicut fides est gratuitum Dei donum, ita etiam spes & charitas. Tertiò, quia posito actu fidei, spei & charitatis, adhuc ex mera Dei liberalitate sequitur infusio gratiæ & peccatorum remissio. Licet enim aliqui putent, fidem de congruo mereri iustificationem, omnes tamen sentiunt non mereri de condigno, ac proinde iustificationem esse mercedem gratuitam.

17. Obiiciunt tertiò, scripturam solius fidei mentionem facere, quando agit de iustificatione & remissione peccatorum. Luc. 7. 50. *fides tua te saluam fecit.* Ioann. 1. 12. *Deinde eis potestatem filios Dei fieri his, qui credunt in nomine eius.* Ioann. 3. 36. *Qui credit in filium, habet vitam eternam.* *Respondeo.* Sicut scriptura aliquando meminit solius fidei, ita aliquando meminit solius spei, aut timoris aut dilectionis, aut penitentiae, ut §. 6. ostensum est. Sicut ergo non excludit fidem, quando meminit solius dilectionis, aut penitentiae, ita non excludit dilectionem aut penitentiam, quando meminit solius fidei. Imò, inquit, excludit omnia præter fidem, ut patet ex illo Lucæ 8. 60. *Crede tantum, & saluus eris.* Propter hunc locum gratulantur sibi multi Lutherani, asserentes tandem innemisse particulam, *sola*, quam Lutherus de suo addiderat in capite 3. ad Romanos, ut supra dictum est. Sed inaniter gloriantur. Non enim intelligitur locus iste de remissione peccatorum, sed de excitatione puellæ inortuæ. Nec exiungebat Christus fidem à puella, quam volebat excitare, sed à parente, qui pro sua filia deprecabatur.

18. Obiiciunt quarto, Omnes eos iustificari & saluari, qui fidem habent, ac proinde sola fide. Acton. 13. 39. *In hoc omnis, qui credit iustificabitur.* Rom. 10. 12. *Omnes qui credunt illum non confundentur.* *Respondeo.* Scriptura significat, nullam esse personarum acceptionem apud Deum, sed omnes homines siue Iudæi, siue Græci sint, saluari posse per fidem Christi, iuxta illud Rom. 3. 29. *An Iudeorum Deus est? Nonne & gentium? I vobis & gentium, quia unus est Deus, qui iustificat circumcisos ex fide, & præputium per fidem;* Et ad Galatas 3. 6. *In Christo Iesu neque circumcisio aliquid*

valet, neque proprium, sed fides qua per charitatem operatur. Hinc non rectè concluditur, solam fidem iustificare, præsertim cum Apostolus præter fidem, requirat etiam charitatem, ut patet ex ultimo testimonio citato, ubi ait; *fides qua per charitatem operatur*. Imò D. Petrus Act. 10. 34. non facit mentionem fidei, sed tantum timoris & aliorum operum, quæ in fide fundantur. Sic enim loquitur. *In veritate comperi, quia non est personarum acceptor Deus, sed in omni gente, qui timor eum, & operatur iustitiam, acceptus est illi.*

CAPUT VII.

Examinatur septima Calvini Propositio, De natura fidei iustificantis.

Septima Calvini propositio est, fidem iustificantem in eo consistere, ut quis firmiter ac certò credat, peccata omnia sibi esse remissa propter merita Christi, ac se iustum esse in conspectu Dei: Qui hoc non credit fidem non habere asseritur à Calvino, partim locis præcedenti capite citatis, partim lib. 10. Instit. cap. 2. §. 16. *Vere fidelis non est, nisi qui solida persuasionem Deum sibi propitium benenolumque patrem esse persuasus, de eius benignitate omnia sibi pollicetur.* Et ibidem, *fidelis non est nisi qui sua salutis, securitatis innixus, Diabolo & morti confidenver insultet.* Vide plurim in eodem capite.

2. Hæc propositio refellitur his argumentis. Primo, Nihil fide Catholica & iustificante credendum est, nisi quod Deus revelavit: sed Deus non revelavit huic aut illi Calvinistæ, quod peccata sint ipsi remissa ac proinde iustus sit: Ergo non potest hoc credere fide Catholica & iustificante. Maior certa est, quia adæquatum obiectum fidei: est veritas à Deo revelata. Ergo actus, qui non versatur circa illud obiectum, aut aliquam eius partem, non potest esse actus fidei. Minor æquè certa est, quia licet tēpore Christi nonnullis revelata sit peccatorum remissio, ut Paralytico, Magdalenæ, Zachæo, Latroni in Cruce Calvinistis tamen hoc tempore non revelatur. Vbi enim legis in scriptura, Calvino, Beze, aut Pareo, remissa esse peccata, Volunt quidem ipsi revelationem contineri illis verbis, Act. 13. 39. *In hoc omnis qui credit, iustificatur.* Et Rom. 3. 22. *Iustitia Dei per fidem Iesu Christi in omnes, & super omnes qui credunt in eum.* Sed nihil ad rem. Nam hæc revelatio, & promissio generalis est. Non enim dicit scriptura: *Calvinus iustificatur aut, Iustitia Dei super Calvinum;* sed generatim: *Omnis, qui credit iustificatur.* Et, *Iustitia Dei super omnes, qui credunt.* Porro hæc generalis promissio non potest applicari huic aut illi in particulari, nisi hoc modo ratiocinatio. *Omnis qui habet veram fidem in Christum iustificatur, sed Calvinus aut Lutherus habet veram fidem in Christum: Ergo Calvinus aut Lutherus iustificatur.* Hæc tamen applicatio non est iustificans. Nam licet syllogismus bonus sit; & maior propositio revelata; tamen assumptio incerta & ambigua est, etiam Calvino testis. Sic enim habet lib. 9. Instit. cap. 2. §. 10. *Tot vanitatis recessus habet, tot mendacij latebras, scelerum humanorum, tam fraudulenta hypocrisis est, ut seipsum sapè fallat.* Hic Calvinus, sæpe hominem falli ac decipi, cum putat se habere veram fidem, quam tamen non habet, Et, clarius §. 14. *Et si in fidem non*

A illuminantur, nisi qui præordinati sunt ad salutem, experientia tamen ostendit, reprobos interdum simili serè sensu acque electos affici, ut ne suo quidem iudicio quicquam ab electis differant. Si ita est quomodo potest Calvinus certò credere, se habere veram fidem? quid si se, ipsum fallat? quid si inter reprobos sit, & non vero sensu fidei, sed simili afficiatur? quid si suo iudicio, cum reprobus sit, putet se ab electis non differre? Vides, opinor, ut omnia incerta sunt, etiam in sententia Calvini. Quomodo ergo certò tibi persuades, remissa tibi esse peccata per fidem, in Christum? Nam si certus non es te habere fidem, quomodo potes certus esse, te per fidem iustificari.

3. Alterum Argumentum. Actus fidei iustificantis debet præcedere iustificationem, seu remissionem peccatorum: sed ille actus, quo quis credit sibi remissa esse peccata, & se iustificatum esse, non præcedit iustificationem & remissionem: Ergo non est actus fidei iustificantis. Maior patet, quia omnis causa est prior suo effectu, ut notum est ex Philosophia, fides autem est causa iustificationis, ut constat ex illo Rom. 5. 1. *Iustificati ex fide, pacem habemus ad Deum.* Et fatetur Calvinus in antidoto Concilij Trident. Sess. 6. ad canonem 9. his verbis, *Solam fidem iustificationis causam esse intelligimus.* Vnde concludo, fidem iustificantem esse priorem ipsa iustificatione, sicut causa est prior effectu. Quod etiam docet Augustinus libro de spiritu & littera capite 30. ubi statuit hunc ordinem in iustificatione, ut primo locò sit lex, per quam est cognitio peccati. Secundò fides, quæ impetrat gratiam contra peccatum. Tertiò gratia, quæ iustificat à peccato. Verba Augustini sunt hæc; *Per legem cognitio peccati; per fidem impetratio gratia contra peccatum, per gratiam satisfactio animæ abolitione peccati.* Et in epistola 106. & alibi sæpe repetit, per fidem impetrari remissionem peccatorum, ac proinde fidem esse priorem iustificatione. At verò, quod actus ille, quo quis credit remissa sibi esse peccata, non sit prior iustificatione, ac proinde non sit actus fidei iustificantis (quod probandum nobis est) ex eo convincitur, quia si esset prior iustificatione & remissione peccatorum, iam is, qui crederet remissa sibi esse peccata, falsum crederet. Nam dum ita crederet, non essent remissa, sed per illum ipsum actum remittenda. Responderi potest, illum actum fidei, & remissionem esse simul, ita ut eodem instanti remittantur peccata, quo quis credit ea sibi remitti. Sed de instanti temporis non disputo. Loquor de ordine nature seu causalitatis. Iuxta hunc ordinem dici non potest, actum illum credendi & remissionem peccati esse simul. Imò fateri cogimur adversarij, actum illum & priorem esse, & posteriorem remissionem peccati, quantumvis absurdum id sit. Priorem quidem, quia est causa remissionis, ut ipsi asserunt; posteriorem verò quia remissio peccati est obiectum illius actus, actus autem præsupponit suum obiectum. Hinc necessariò debent concedere has duas propositiones; Remissionem factam esse prius natura, quam credas factam esse; alioqui iudicium fidei non supponeret veritatem obiecti: Et, Remissionem non esse factam, prius natura, quam credas factam esse, quia per illum ipsum actum credendi, tanquam per causam, fieri debet. Hæc autem propositiones contradictoriæ sunt.

4. Tertium argumentum. Actus fidei iustificantis non debet tollere aut impedire orationem, Sacramenta, & alia pia opera in sacris litteris commendata, & ad salutem pertinentia, ut per se manifestum est: Atqui ille actus, quo quis certo credit sibi remissa esse peccata, tollit & impedit omnia supradicta: Ergo non est actus dei iustificantis, sed potius impediens iustificationem. Minor probatur, quia si certa & Catholica fide credis,

peccata tibi remissa esse; quomodo poteris adhuc orare, ut remittantur? quomodo dices cum Apostolis, *Domine nobis debita nostra*? Aut cum Publicano; *Deus propitius esto mihi peccatori*? Exemplo res fiet clarior. Sit Calvinista, qui heri adulterium commiserit: Hodie per fidem apprehendat iustitiam Christi, & certò statuat, peccatum illud sibi remissum esse per Christum. Deinde, cum ceteris templum adeat, & orationem Dominicam pronunciet. Quo sensu, quo animo is dicat: Domine dimitte mihi adulterium? Cur non potius metuat hanc aut similem reprehensionem; stulte & fatue quid agis; si certò credis hoc peccatum tibi remissum esse, quid ultra mihi molestus es? quid precaris ut remittam? Si autem dubitas & firmam fidem non habes de remissione; quomodo postulas tibi remitti, quod sine firma fide remitti non potest? Ut persistam in hoc argumento, res a simili explicanda est. In schola Caluini tam certò ac firmiter unusquisque debet credere, remissa sibi esse peccata propter Christum, quam certò ac firmiter credit Christum esse natum, & pro nobis mortuum ac crucifixum. Ac si quis Deum oraret, ut Christus nasceretur, moreretur & crucifigeretur; is procul dubio infidelis esset, quia indicaret Christum non esse natum, mortuum, & crucifixum, quod repugnat fidei: Ergo similiter, si oraret Deum, ut remittantur sibi peccata non minus esset infidelis, quia indicaret peccata, non esse remissa, quod repugnat fidei Calvinistarum. De Sacramentis, & piis operibus idem dicendum est. Nam quorsum hæc necessaria sunt, si certò persuasus es, te coram Deo iustificatum esse; nec amplius indigere ullo remedio ad peccatorum remissionem, ut impetrandam, frustra Ananias dixit Saulo Act. 22. 16. *Exurge, & baptizate, & ablue peccata tua*. Quare frustra: quia iuxta Calvinum, iam certo credebat Saulus, peccata esse ablata.

5. *Quartum argumentum.* Quando scriptura loquitur de fide iustificante, non loquitur de illo actu Calvinistico, quo quis certò credat remissa sibi esse peccata; sed de aliquo alio actu: Ergo actus ille Calvinisticus, non est actus iustificans. Antecedens probatur ex variis locis scripturæ. Primus est ille Hebr. 11. 6. *Sine fide impossibile est placere Deo*. Credere enim oportet accedendum ad Deum, quia est, & inquirentibus se remunerari sit. Hic sine dubio agit Apostolus de fide iustificante, ut colligitur ex illis verbis: *Sine fide impossibile est placere Deo*. Et fateretur Calvinus lib. 3. Instit. cap. 14. §. 4. in fine. At quis est actus huius fidei iustificantis. An ille Calvinisticus, quo quis certò credit peccata sibi remissa esse per Christum? At de hoc nulla hic mentio. Quis ergo? Audi ipsum Apostolum: *Oportet credere, quia Deus est, & quia inquirentibus se remunerari sit*. Alter locus est Rom. 9. 10. *Si confiteatur in ore tuo Dominum Iesum, & in corde tuo credideris quod Deus suscitavit illum à mortuis saluus eris*. Hic etiam constat agi de fide iustificante, ut ostendit illa particula, *si credideris saluus eris*. Sed quid oportet credere, ut sis saluus, an remissa tibi esse peccata? Non hoc dicit Apostolus. Quid ergo? *Iesum esse à mortuis resuscitatum*. Tercius locus est Io. 20. 31. *Hæc autem scripserunt ut credatis, quia Iesus est Christus filius Dei, & ut credentes vitam habeatis in nomine eius*. Certè hæc fides, de qua loquitur Evangelista iustificans est qua adfert vitam. & est illa de qua Paulus Roman. 1. 17. *Iustus enim fide vivit*. Quis verò huius fidei actus? Non Calvinisticus, sed Evangelicus; credere Christum esse filium Dei. Hunc actum habuit D. Petrus, cum dixit, Matth. 16. 16. *Tu es Christus filius Dei vivi*. Et quid em à Deo habuit, ut ibidem testatur Christus. *Beatus es Simon Bariona, quia caro & sanguis non revelavit tibi, sed Pater meus, qui in calis est*. Omitto multa alia similia loca, quæ intelliguntur de fide iustificante, & tamen non possunt ex-

A plicari de speciali fide remissionis peccatorum, sed de fide divinitatis, & aliorum mysteriorum.

6. Imò, quod mirum est, ea ipsa testimonia, quibus aduersarij contra nos contendunt, solam fidem; sufficere ad iustificationem, nihil minus, quam actum illum Calvinisticum præ se ferunt: ut Matth. 9. 2. *Videns Iesus fidem illorum dixit paralytico: Confide fili, remittuntur tibi peccata tua*. Et infra ver. 22. *Confide filia, fides tua te saluam fecit*. Et Luc. 17. 19. *Vade quia fides tua te saluam fecit*. Et Luc. 8. 42. *Respice, fides tua te saluam fecit*. Hæc, & id genus alia, quæ importunè obiciunt nobis aduersarij pro sola fide iustificante, nullo modo intelligi possunt de illo actu, quo quis credit remissa sibi esse peccata per Christi mortem ac passionem; sed de illo, quo, qui à Christo sanati sunt, credebant eum habere vim sanandi, & se posse ab eo iuvari, ut ex ipso contextu patet.

7. Ne sim prolixior in citandis scripturis quæ passim occurrunt, vnum duntaxat peto à Caluino, & eius discipulis, ut vel vnicum locum ostendant in sacris literis, ubi fides iustificans sumatur pro illa speciali fide, qua quis certò sibi persuadet, se à peccatis iustificatum esse. Si aliquis eiusmodi est, cur non exhibent? Si non est, quid persistunt in errore; quare pertinaciter tuentur, quod ex scripturis tueri non possunt? Celebre apud illos est illud Apostoli Rom. 4. 3. *Credidit Abraham Deo, & reputatum est illi ad iustitiam*. Sed hoc ipso textu confodiuntur. Nam fides Abraham, quæ ad iustitiam illi reputata est, non consistebat in eo quod certò crederet, remissa sibi esse peccata (Hoc enim nunquam asserit scriptura,) sed in eo, quod crederet se futurum partem multarum gentium ex filio, quem sibi centenatio vxor nonagenaria, & sterilis, præter solitum naturæ cursum paritura esset. Id autem credere; nihil aliud erat, quam credere Deum, qui promiserat, omnipotentem & fidelissimum esse. Hoc expressè explicat Apostolus in eodem c. v. 18. ubi de fide Abraham sic loquitur. *Qui contra spem in spem credidit, ut fieret pater multarum gentium, secundum quod dictum est ei; sic eris semen tuum, sicut stella cali, & arena maris. Et non infirmatus est fide: nec consideravit corpus suum emortuum, cum fere centum esset annorum, & emortuam vulvam Saræ, sed confortatus est fide, plenissime sciens, quia quacunque promissit Deus, potens est & facere*. Nescio, an aliquid clarius adduci possit ad refellendum Calvinistarum errorem de actu fidei iustificantis. Sed cæci sunt & in tenebris ambulant. Oculos habent, & non vident.

8. Obiici potest illud ex symbolo, *Credo remissionem peccatorum*. Sed frustra. Nam sensus illius articuli non est. *Credo mihi remissa esse peccata*, sed credo & confiteor, in Ecclesia Catholica esse donum remissionis peccatorum, quod per Baptismum & alia Sacramenta percipitur. Unde, quod in symbolo apostolico dicitur *Credo remissionem peccatorum*: in Constantinopolitano explicatur, *Confiteor unum Baptisma in remissionem peccatorum*. Et Catechumeni, qui ante Baptismum, recitant & credunt totum fidei symbolum, non iam habent, sed adhuc expectant remissionem per Baptismum obtinendam.

CAPVT VIII.

Examinatur octava Caluini propositio de triplici fide.

1. **O**ctava Caluini propositio est triplicem esse fidem: vnam historicam, qua credimus vera

esse, quæ narrantur in scripturis: alteram miraculorum qua credimus nihil esse, quod à Deo fieri non possit: Tertiam permissionum, qua credimus veras esse Dei promissiones de gratuita peccatorum remissione per merita Christi. Has tres fides respondere tribus in Deo proprietatibus: historicam, veritati miraculorum: potentiam, promissionum bonitati. Nos nec prima, nec secunda, sed sola tertia iustificari. Addunt fidem promissionum esse duplicem: Vnam generalem, qua generatim credimus promissam esse remissionem peccatorum iis omnibus, qui in Christum credunt: Alteram specialem, qua unusquisque in particulari promissionem illam sibi applicat, credendo, certoque statuendo, omnia peccata propter Christi meritum sibi esse remissa. Hanc specialem propriè esse illam qua iustificamur. Vide Calvinum lib. 3. Instit. cap. 2. per multos paragraphos, Kemnitium 1. parte examinis Concilij Tridentini, & alios passim.

2. Hæc sententia plane noua est, & antiquis Patribus incognita, de qua doctissimus noster Maldonatus cap. 9. Matth. sic habet: *Ista triplex fides, quam isti nuper inuenierunt, figmentum est, somnium est, portentum est; chimæra est: Et si unam haberent fidem, omnem haberent; quia triplicem habent, nullam habent.* Aptissimè.

3. Et facile refelli potest. Primò, quia illa fides specialis, iam explosa est. Ostendi neminem posse certo credere, sibi in particulari remissa esse peccata. Hoc enim reuelatum non est. Secundò, quia falsum est, fidem miraculorum non iustificare. Certè fides illa, de qua loquitur Christus, Marci 16. 16. *Qui crediderit & baptizatus fuerit, saluus erit: qui vero non crediderit, condemnabitur.* Hæc, inquam, fides iustificans est; quia qui illam habet, saluus erit: qui non habet, condemnabitur. Et tamen eadem fides miraculorum est, ut patet ex verbis sequentibus: *Signa autem eos, qui crediderint, hæc sequentur: In nomine meo demonia eiicient, linguis loquentur nouis, serpentes colent, &c.* Similiter Apostolus 1. Corinth. 13, cum ait: *Nunc autem manent tria hæc fides, spes, charitas,* loquitur de fide iustificante ut facetur Calvinus lib. 3. Instit. cap. 18. §. 8. Et tamen loquitur de illa fide; de qua paulo ante locutus erat in eodem cap. v. 2. *Si habuerò, omnem fidem, ita ut montes transferam, charitatem autem non habuerò, nihil sum.* Hæc autem est fides miraculorum.

4. Falsum quoque est, fidem historicam non iustificare. An non fides historica est qua credimus Christum esse cruci effixum, mortuum, sepultum, descendisse ad inferos, resurrexisse à mortuis, & ad cælos ascendisse: nisi Calvinistæ velint fabulam, non historiam esse quæ ab Euangelistis de Christi morte, sepulchro, resurrectione, & aliis mysteriis accuratè scripta sunt. Atqui eadem illa fides, qua hæc omnia de Christo credimus fides iustificans est, ut partim ex Symbolo Apostolico & Athanasij, partim ex Scripturis clarissimè ostenditur; Rom. 10. 9. *Si in corde tuo credideris, quod Deus illum suscitauit à mortuis, saluus eris.* Et 1. Corinth. 15. 2. *Natum facit vobis Euangelium, per quod saluamini, quoniam Christus mortuus est pro peccatis nostris, & quia sepultus est, & quia resurrexit tertia die, &c.* Nec opus est pluribus testimoniis in re clara.

5. Ad extremum querò ex Calvinistis, cum dicunt triplicem esse fidem, an loquantur de habitu fidei, an verò de actu; Si de habitu, non plures, sed vnus tantum est. Si de actu, non tres tantum, sed infiniti sunt. Nam sicut alio actu credimus, promissiones Dei de remissione peccatorum, alio, historias à Deo reuelatas, alio, Omnipotentiam Dei; sic etiam alio credimus, minas & terrores Dei; alio Vnitatem & Trinitatem Dei; alio Ecclesiam Catholicam; alio

A futurum iudicium, & sic deinceps.

6. Vnde rectè Catholici docent, fidem, si sumatur pro dono habituali ac permanente, quod à Deo nobis infunditur, vnā tantum esse; & extendi ad omnia credenda, quæ diuinitus reuelata sunt, fortiori autem varia nomina, ratione diuersarum partium sui obiecti adæquati, & quidem, quatenus fertur in historias in Deo reuelatas, vocari fidem historicam: quatenus in omnipotentiam Dei, cui nihil impossibile est, fidem miraculorum; quatenus in promissiones à Deo factas; fidem promissionum. Itaque non esse tres fides, sed vnā; quæ variis nominibus efferri possit. Porro eandem fidem, tametsi vna sit, habere tamen diuersos actus: quorum vno credatur vnus articulus, alio alius & ita deinceps. Nullum tamen esse, quo quis certo persuasus sit, peccata sibi esse remissa, eo quod hic actus non versetur circa rem à Deo reuelatam.

CAPVT IX.

*Examinatur noua Caluini propositio: an fides
doneatur solis Prædestinatis.*

C1. **N**ona Caluini propositio est fidem esse propriam electorum, & ab ea reprobos excludi. Assertur ab ipso lib. 3. Institut. cap. 22. §. 10. his verbis. *Quod si electio fidei mater est, in eorum caput reorquo argumentum, ideo non esse generalem fidem, quia specialis est electio.* Et cap. 24. §. 13. *Cur ergo gratiam illis largiendo, hos pretermittis? De aliis causam reddit Lucas, quia ad vitam sunt ordinati. De aliis ergo quid sentimus nisi quia sunt vasa ira in contumeliam? Hic non solum excludit reprobos à fide, sed etiam causam addit, cur excludi debeant, quia scilicet ad contumeliam destinati sunt.*

2. Pareus interpretatur mentem Caluini his verbis. *Omnes vocantur ad fidem, soli electi donantur fide.* Nimirum breui compendio, duobus laqueis se implicat, Altero, cum ait, solos electos donari fide. Altero, cum addit, omnes vocari ad fidem. Ac primo, non solos electos, sed aliquando reprobos etiam donari fide, constat exemplo Iudæ proditoris: Simonis Magi, & Nicolai Anthiocheni, qui reprobis fuerunt. De Iuda testantur Tertullianus, Cyrillus, Hieronimus apud Toletum in cap. 6. Ioannis annotatione 36. Et probatur ex Scripturis tum generatim, tum speciatim. Generatim quidem ex illo Matth. 13. 21. *Vobis datum est nosse mysteria regni cælorum, illis autem non est datum.* Loquitur 12. Apostolis, inter quos erat Iudas. Item ex illo Luc. 9. 1. *Conuocatis autem duodecim Apostolis, dedit illis virtutem & potestatem super dominia, ut languores curarent. Et misit illos predicare regnum Dei.* Et paulo post. v. 6. *Egressi autem circumibant per castella euangelizantes & curantes ubique.* Certè si Iudas à Christo missus est predicare fidem Euangelij præsertim cum verisimile sit, Christum non nisi idoneos misisse ad hoc munus. Item ex illo Ioannis 17. 5. *Verba, quæ dedisti mihi, dedisti eis, & ipsi acceperunt, & cognouerunt verè quia à te exiisti, & crediderunt, quia tu me misisti.* Sermo est de 12. Apostolis, ut ex contextu patet.

3. Speciatim potest ostendi, primum ex illo Ioan. 6. 70. *Namque ergo vos duodecim elegi, & vnus ex vobis diabolus est?* quasi dicat: Nonne, cum à me electi estis, boni omnes eratis? quo ergo modo vnus ex vobis mutatus est? Hanc enim vim habet verbum illud *Elegi ab-*

solutè positum. Non enim eligimus, nisi bona, nisi aliquo fortassis mentis errore, qui in Christum cadere non poterat. Item ex illo Ioann. 17. 10. *Pater, quod dedisti mihi custodiri, & nemo ex eis perierit, nisi filius perditionis.* Hic tria expende: Primum, Patrem dedisse filio duodecim Apostolos, inter quos erat Iudas. Secundò, filium recepisse eos in suam custodiam. Tertiò, ex iis solum Iudam periisse. Hinc sumo tria argumenta, quibus probo Iudam fuisse aliquando bonum ac fidelem. Primum est, Quemcumque Pater dat filio, is venit ad filium, iuxta illud Ioan. 6. 37. *Omne quod dat mihi Pater, ad me veniet*: sed Iudas dedit filio, ut ex dictis patet: Ergo Iudas veniet ad filium. At non potuit venire ad filium, nisi per internam fidem & vocationem, à Deo Patre profectam, iuxta illud Ioan. 6. 44. *Nemo potest venire ad me, nisi Pater traxerit eum* non vi, ut interpretatur Augustinus, sed interno amore & benevolentia. Ergo Iudas interno instinctu & dilectione ad Christum perductus est, ac proinde erat tunc bonus secundum præsentem iustitiam. Alterum, Is, qui semel recipitur in Christi custodiam, non deseritur à Christo, nisi ipse deserat Christum, & idèò quàm diu manet in illa custodia ac protectione, habet omnia præsidia gratiæ, quæ ad salutem necessaria sunt, ut patet in illo Ioan. 6. 37. *Eum, qui venit ad me, non eiciam foras*: quasi d. Si omninò velit à me abire, abeat; ego illum non eiciam. Et vers. 39. *Hæc est voluntas Patris mei, ut omne quod dedit mihi, non perdam ex eo*, id est, ego neminem perdam mea negligentia, sed si quis perditur, sua culpa perditur. Atqui Iudas semel receptus fuit in Christi custodiam cum reliquis Apostolis: Ergo quàm diu mansit in illa custodia, non defuerunt illi præsidia ad salutem necessaria: ergo nec fides. Tertium, Quando multi sunt simul coniuncti, & unus ex iis dicitur perire, necesse est eum aliquid amittere, quod habebat cum cæteris, antequam periret; quo pacto in castris miles dicitur perire, qui amittit vitam, quam habebat: Et in naufragio mercator, qui amittit fortunas: Et in ciuitate infamis, qui amittit famam, & ita deinceps. Si ergo ex Apostolis periit Iudas, quid amisit? quod antea habebat, vtiq; iustitiam & sanctitatem.

4. De Simone Mago, quòd & ipse fidem habuerit, testatur S. Lucas in Actibus Apostol. cap. 5. 12. his verbis *Cum vero credidissent Philippo Evangelizanti de regno Dei & in nomine Iesu Christi baptizarentur viri ac mulieres, tunc Simon & ipse credidit, & cum baptizatus esset, adhebat Philippo.* Ecce, Simon credit, baptizatur, Philippo adhereret. At occurrit Calvinus, non fuisse veram fidem, sed fidei vmbra, aut fallacem simulationem. Vel hoc sciuit Philippus, vel ignorauit: Si sciuit, cur eum baptizauit? si non sciuit, vnde Calvinus scire potuit? Certè ex Luca, qui historiam scripsit, non accepit. Nam is desertè refert, Simonem credidisse, baptizatum esse, Philippo adhæsisse. Nihil addit de vmbra fidei, nihil de simulatione.

5. De Nicolao Antiocheno scribit idem Lucas cap. 6. 3. *consideratis ergo Fratres, viros ex vobis boni testimonij septem plenos Spiritu sancto & sapientia. Et elegerunt Stephanum, & Philippum, & Prochorum, & Nicanorem, & Timonem, & Parmenam, & Nicolaum aduenam Antiochum.* Vides Nicolaum fuisse tunc vitum boni testimonij: plenum Spiritu sancto & sapientia. Hoc fieri non potuit sine fide, sine qua impossibile est placere Deo. At Nicolaus fuit reprobis: Ergo reprobi aliquando donantur.

6. Sed ex ipso Caluino, Caluinum & Pareum refellamus; hoc argumento. Nullus ingreditur in Ecclesiam visibilem, nisi per remissionem peccatorum: sed multi reprobi sunt in Ecclesia visibili: Ergo multis reprobis remittuntur, peccata: at non remittuntur, nisi per fidem. Ergo multi reprobi habent fidem. Singulæ partes

A huius argumenti asseruntur à Caluino. Ac primo nullum ingredi in Ecclesiam visibilem, nisi per remissionem peccatorum, tradit Calvinus lib. 4. Institut. cap. 1. §. 20. his verbis. *Est ergo primus nobis in Ecclesiam Dei ingressus, peccatorum remissio.* Et §. 21. 22. similia habet, addens hanc remissionem, per Ecclesie Ministros & Pastores nobis dispensari, vel Euangelij Predicatione, vel Sacramentorum administratione. Deinde, quod multi reprobi sint in Ecclesia visibili, docet ibid. §. 7. cum explicat, in eo differre visibilem ab invisibili, quod in hac soli Prædestinati. Denique, quod peccata non remittantur, nisi per fidem, receptissimum apud Calvinistas est, & colligitur ex illo Pauli Hebr. 11. 6. *Sine fide impossibile est placere Deo.* De quo vide Caluinum l. 3. cap. 14. Hactenus de donatione fidei.

B 6. Iam quod Pareus asserit, tametsi solis electis donetur fides, omnes tamen vocari ad fidem quomodo consistere potest? Et quæro breuiter, serid, an ioco, vocantur reprobi ad fidem? Non serid, quia Deus immutabili consilio statuit eis negare fidem, teste Caluino lib. 3. c. 24. §. 12. Ergo ioco. Et hoc fatetur Calvinus ibid. §. 13. his verbis *Vocem eos dirigit, sed ut magis obscurdescant: luce accendit, sed ut reddantur cæciores: doctrinam profert, sed quam magis obstupescant, remedium adhibet, sed ne sanentur.* Audis, qua ratione Deus vocet reprobos ad fidem, secundum Caluini sententiam. Vocat sed non serid: simulat se velle illis benefacere, & nihil minus in animo sentit: exterius offert suam operam, & interius meditatur eorum ruinam, & perniciem. Hinc Libertini, Caluini discipuli, apertè dixerunt: *Deum simulatorem esse*, & hoc non solum Caluini sed etiam Scripturæ testimonio confirmarunt, citantes illud Psal. 2. 4. *qui habitat in calis, iridebit eos.* Atque hinc vltèr progressi & dissimulare, in multiplices se transformare species: & in hoc consistere libertatem Christiani hominis. Refert hæc omnia Calvinus ipse, in instructione contra Libertinos cap. 8. Nec videtur Pareo displicere: dicat tamen ipse, quid sentiat.

CAPVT X.

Examinatur decima Caluini Propositio: An fides amitti possit.

1. **D**ecima Caluini propositio est, fidem semel habitam amitti non posse. Asseritur ab ipso lib. 3. Institut. cap. 2. §. 11. his verbis: *Ergo, ut solos electos semine incorruptibili Deus in perpetuum regenerat ut nunquam dispareat semen vite eorum cordibus insitum; ita solidè in illis obsequat adoptionis sua gratiam ut stabilis ac rata sit.* Et §. 12. *Hoc interim tenendum est, quantumvis exigua sit ac debilis in electis fides, quia tamen Spiritus Dei certa illis artha est ac sigillum sue adoptionis; nunquam eorum cordibus deleri posse eius sculpturam.* Et cap. 21. §. 6. *Iam neque dubium est, cum oras Christus pro omnibus electis, quin idem illis preceatur, quod Petro, ut nunquam deficiat fides illorum. Ex quo elicimus, extra periculum defectionis esse.* His locis ait Calvinus: fidem electorum esse ratam ac stabilem: nunquam disperire, nunquam deleri posse ex eorum cordibus, extra periculum defectionis esse.

2. Hæc propositio hæretica est, & olim à Ioviniano asserta apud Hieronymum lib. 2. contra Iovinianum. Et refellitur primò, quia si fides amitti non potest, mentitus est Apostolus, cum dixit 1. Thimoth.

1. 19. Quidam circa fidem naufragauerunt, ex quibus est **A**
Hymeneus & Alexander. Et cap. 4. 1. In nouissimis tem-
 poribus discedent quidam à fide, attendentes spiritibus erroris,
 & doctrinis demoniorum. Deinde, si fides amitti non po-
 test, unde tot sunt in mundo hæretici *Oportet hæreses*
esse, inquit Apostolus. hoc autem interest inter hæ-
 reticos & paganos; quod hi fidem nunquam habue-
 runt; illi habuerunt & amiserunt. De quibus Apo-
 stolus, Act. 20. 30. *Ex vobis ipsis exurgent viri loquen-*
tes peruersa. Denique iam superius ostendi, Simonem
 Magum & Nicholaum Anthiochenum habuisse ve-
 ram fidem, qui tamen postea hæretici facti sunt.

3. David Pareus, quia videbant hanc Caluini sen-
 tentiam defendi non posse, conatus est nouo commen-
 to illam illustrare vel potius obscurare. Nam in ap-
 pendice suarum thesium de peccato sic habet; *Fides*
potest amitti quo ad nos & causas secundas: non potest quoad
consilium Dei, totaliter & finaliter ab electis, qui perire non
possunt. Hic duo asserit Pareus. Primum est fidem pos-
 se amitti quoad nos & causas secundas. Quæro, An
 de solis electis, an etiam de reprobis id intelligat? Si
 de utrisque; verum quidem est, quod asserit sed sibi
 ipsi repugnat. Docet enim reprobos nunquam donari
 fide: quomodo ergo amittere eam possunt? si de so-
 lis electis dupliciter peccat. Primum quod existimet so-
 los electos donari fide, quod supra refutatum est. Se-
 cundo, quod recedat à Caluino præceptore suo, &
 consentiat Catholicis, quos habet pro aduersariis. Ca-
 tholici docent, electos ad breue tempus posse fidem
 amittere: Caluinus negat, vt ex ipsius verbis paulò
 ante citatis patet.

4. Secundo asserit Pareus fidem electorum, licet
 amitti possit quoad nos, non tamen quoad consilium
 Dei præsertim finaliter & totaliter. Assentior Pareo,
 si hoc vult dicere, quod Catholici docent, aliquando
 contingere, vt fides electorum per peccatum infideli-
 tatis ad breue tempus tollatur, nihilominus tamen Dei
 consilium & propositum esse, restituere illis fidem,
 antequam moriantur. Hoc enim verissimè dictum est.
 Sed aliud intendit Pareus, nimirum, fidem eo ipso tem-
 pore, quo tollitur re ipsa ab electis, non tamen tolli in
 Iudicio Dei, ad eum ferè sensum, quod dicunt Calui-
 nistæ, peccata eo ipso tempore, quo re ipsa manent in
 homine iustificatio, non manere in Iudicio Dei, sed
 tolli. Vnde hic erit sensus; aliquando fieri, vt electi in
 seipsis reuera fideles non sint, quia fidem amiserunt,
 tamen in Iudicio Dei censi fideles, perinde ac si fi-
 dem haberent, sed error est. Primo, quia *Iudicium Dei*
est secundum veritatem, teste Apostolo: at censere ho-
 minem fidelem, qui fidelis non est, aut sanum, qui
 infirmus est, non est censere secundum veritatem. Se-
 cundo, ponamus aliquem electum, qui in seipso fidem
 amiserit. Vel eo tempore, quo fide caret, imputan-
 tur illi peccata in Iudicio Dei vel tolluntur. Si impu-
 tantur, iam in Iudicio Dei censetur iniustus & impius
 quomodo ergo in eodem Iudicio & eodem tempore
 potest censeri fidelis: Si tolluntur, ergo in Iudicio
 Dei Iustificatus est, non per propriam iustitiam in-
 hærentem, quam non habet: sed per iustitiam Chri-
 sti, quæ illi imputatur: at non potest illi imputari
 nisi per fidem apprehensam, neque potest fide ap-
 prehendi, vbi fides re ipsa non est. Expediat se hic
 Pareus.

CAPVT XI.

Examinatur undecima Caluini propositio; de certitudine iustitiæ, perseuerantiæ & predestinationis.

1. **V**Ndecima propositio est, omnes fideles certos
 esse de sua iustitiâ, & Prædestinatione. Asse-
 ritur à Caluino in antidoto Concil. Trid. Sess. 6. ad cap.
 10. 13. & 14. & ibidem ad canonem 14. 15. & 16. Et
 aperte sequitur ex ipsius fundamentis, quæ sunt hæc:
Primum, fidem esse propriam electorum. **Alterum,** fi-
 dem nunquam amitti. **Tertium,** sola fide hominem
 iustificari. **Quartum:** qui fidem habet, certum esse de
 sua fide. Hinc sequitur, si is, qui fidem habet, certum
 esse de sua fide, certum quoque esse de sua iustitiâ, quia
 sola fides iustificat: certum de sua perseuerantiâ, quia
 fides non amittitur: certum de sua electione, quia fides
 propria electorum est.

2. Hæc propositio refellitur primò generatim ex iis-
 dem principiis, quibus innititur. Nam tria priora ma-
 nifestè falsa sunt, vt probatum est hætenus. Quartum
 porro, siue verum, siue falsum sit, nihil ad rem facit:
 Nam etsi is, qui fidem habet, certus esset de sua fide,
 non idèò quoque certus esset de sua iustitiâ, si sola fi-
 des non iustificat: nec certus de Prædestinatione, si fi-
 des communis est Reprobis & Prædestinatis.

1. Pars de certitudine iustitiæ.

3. Deinde refellitur speciatim quoad singulas partes.
 Et quidem prima pars de certitudine iustitiæ ac remis-
 sionis peccatorum, aperte pugnat cum Scripturis Ec-
 clesiast. 9. 1. *Nescit homo, virum odio vel amore dignus*
sit: sed omnia in futurum seruantur incerta, Ecclesiastic.
 5. 5. *De propitiatio peccato noli esse sine metu.* Psal. 18.
 13. *Delicta quis intelligit? ab occultis meis munda me*
(Domine) Proverb. 21. 2. *Omnis via viri recta sibi*
videtur: appendit autem corda Dominus. 1. Corinth. 4.
 4. *Nihil mihi conscius sum, sed non in hoc iustificatus sum:*
Qui autem iudicat me Dominus est.

4. Hæc & similia Scripturæ testimonia proferunt
 Catholici contra certitudinem præsentis iustitiæ. Ego
 primum & vltimum duntaxat vrgebo. Inquit ergo
 Salomon: *Nescit homo, virum odio vel amore dignus sit:*
sed omnia in futurum seruantur incerta, eo quod vniuersa æquè
eueniunt iusto & impio Verba clara sunt, & clarissimè
 explicantur à D. Hieronymo & aliis. Sed conatur
 Caluinus sic expedire. Ait Salomonem non loqui de
 notitia fidei, sed de ea, quæ haberi potest ex euen-
 tu externo, vt census sit: Ex beneficiis & flagellis,
 quæ homini quotidie obueniunt à Deo, non posse co-
 gnosci, quos diligat Deus, aut quos odio prosequa-
 tur. Quare? quia tam beneficia, quàm flagella, æquè
 eueniunt bonis & malis. Si ergo quæras ex Caluino,
 an homo possit certò cognoscere, se iustum esse & à
 Deo diligi? respondebit cum hac distinctione, posse
 eum cognoscere per internam fidem: non posse per
 externa beneficia.

5. Sed facilè refellitur Caluinus. Primò ex scopo &
 argumento Salomonis. Voluit probare, non posse ho-
 minem in hac vita cognoscere de seipso, an diligatur
 à Deo, necne. Probauit autem hoc modo: Si id pos-
 set cognoscere, maximè ex beneficiis Dei cognosce-
 ret: at hinc non cognoscit, cum beneficia Dei sint com-
 muna bonis & malis: Ergo non potest certò cognos-

cere. In hoc syllogismo supponit Salomon, non posse eum id cognoscere per internam fidem: alioqui maior propositio non esset sufficienter distributa. Deberet enim distribui hoc modo: *Si homo posset certo cognoscere, se esse iustum, & à Deo diligì, vel id cognosceret per internam fidem, vel per externa signa.* At Salomon omisit prius membrum de interna fide: Ergo censuit nihil ad rem pertinere.

6. Secundò refellitur Calvinus ex illa particula, *Omnia in futurum servantur incerta.* At quomodo incertat omnia, si quisque per notitiam fidei certus est si diligì à Deo & non odio haberi? Tertio refellitur ex propriis verbis. Nam. l. 3. Inst. cap. 2. §. 38. assignans causam, cur Deus nolit hominem cognoscere de se ipso, an iustus sit, nec ne, sit habet: *Id facit, ad vanitatem humani ingenij arguendam, cum in rebus scitu maxime necessariis tanta hebetudine teneatur.* At quomodo teneatur hebetudine, sic habet certam & indubitatam notitiam fidei de sua iustitia, & amicitia cum Deo? Hæc minimè inter se cohærent. Nec mirum; quia ab Hæretico prolata sunt.

7. Iam D. Pauli testimonium non minus efficax est. *Mihi inquit, pro minimo est, ut à vobis iudicer, id est, non magni facio aliena de me iudicia, quia scio, quàm sint incerta. Sed neque me ipsum iudicio, id est nec meo iudicio fidere audeo. Nam si nihil mihi conscius sum non tamen in hoc iustificatus sum, id est, non idè iustus sum, quia bonam conscientiam habeo.* Fortasse enim Deus videt aliquid in mea conscientia, quod ego ibi non video. *Qui autem indicat me, Dominus est, id solus Deus est, verus Iudex, qui omnia novit.* Hactenus verba Apostoli. Hinc colligunt Patres incertitudinem gratiæ, & remissionis peccatorum. Et merito. Nam si Paulus fatetur, nec se, nec quemquam aliorum hominem scire, an ipse sit fidelis dispensator mysteriorum Dei, quod veniebat in questionem: sanè & nos fateri debemus, neque nos, neque alium quemquam de seipso scire, an sit iustus & amicus Dei. Nisi Calvinistæ plura cognoscant de seipsis, quàm de se Apostolus: quod non credo.

8. Sanè Augustinus in Psal. 41. expendens verba Apostoli iam citata, sic exclamat: *Tantumne profunditatem creditis esse in homine, qua lateat ipsum hominem, in quo est?* Et ibidem *Cor hominis abyssus est. Quid enim est profundius hoc abyssu? Loqui homines possunt, videri possunt, audiri in sermone: sed cuius cogitatio penetratur? cuius cor inspicitur?* Et sermon. 13. de verbis Domini: *Forassis tu nihil invenis in conscientia tua invenit ille, qui melius videt.* Et homel. 35. *Quamdiu vivimus hic, de nobis ipsis nos ipsi iudicare non possumus, non dico, quid eras erimus, sed quid hodie sumus.*

9. Similia habent alij Patres. Sed Calvinus vult plus sapere, quàm ipsi. Nec desunt Scripturæ loca quibus se defendit. Ac primum obiicit illud Rom. 8. 26. *Ipsè enim Spiritus testimonium reddit Spiritui nostro, quod sumus filij Dei.* Ex quo videtur concludi, nos infallibiliter certos esse de iustitia nostra, quia testimonium Spiritus sancti est infallibile. Respondeo testimonium Spiritus sancti duplex. Alterum sit per revelationem, seu verbum expressum, ex parte intellectus. Alterum per experimentalem quandam affectum & motionem ex parte voluntatis. De posteriori loquitur Apostolus. Neque hoc facit, ut quis infallibiliter sciat, se à Spiritu sancto moveri, & Dei amicum esse. Nam aliquando spiritus malus transfiguratur se in Angelum lucis. Vnde fit hominem falli ac decipi posse. Deinde, constet sane homini, se impelli à Spiritu sancto: nondum constabit, se eo modo affici, quo amici Dei afficiuntur. Nam & peccatores à Spiritu sancto interdum pulsantur & impel-

luntur. Hoc fatetur Calvinus lib. 3. Instit. cap. 11. cum ait, *Experientia ostendit, reprobos interdum simili fere sensu, atque electos affici, ut ne suo quidem iudicio quicquam ab electis differant.*

10. Secundò obiicit illud Roman. 8. 38. *Certus sum quia neque mors, neque vita poterit nos separare à charitate Dei.* Respondeo. Non loquitur Apostolus, de certitudine fidei, sed tantum de morali; quæ ex signis & coniecturis gignitur. Nam Græcè est, *ἐπινοῶν*, id est *persuassus sum, seu confido.* Vnde etiam Ambrosius hoc loco, & Hieronymus in Epistola ad Algasiam quæst. 9. non legunt, *certus sum*, sed, *confido.* Et ipsimet D. Paulus in eadem Epistola cap. 13. 14. utitur eodem verbo cum dicit, *Certus sum Fratres mei; quoniam pleni estis dilectione.* Vbi sanè non vult significare, se habere certitudinem fidei de dilectione Romanorum, sed moralem tantum persuasionem.

11. Tertio obiicitur illud 1. Cor. 2. 12. *Nos autem non spiritum huius mundi accepimus, sed spiritum, qui ex Deo est, ut sciamus, quæ donata sunt nobis.* Respondeo. Duplicia sunt dona Dei. Quædam gratiæ, quæ donantur in hac vita, quædam gloriæ, quæ in altera. Nos hic disputamus de priori genere: Apostolus loquitur de posteriori. Sensus ergo est, nos à solo Dei spiritu didicisse, quæ dona ab æterno Deus præparavit nobis post hæc vitam. Hoc patet ex verbis precedentibus, quæ sic habent. *Oculus non vidit, nec auris audiit, quæ præparavit Deus iis, qui diligunt illum: Nobis autem revelavit Deus per spiritum suum.*

12. Quartò obiicitur illud 1. Ioannis 3. 14. *Nos scimus quoniam translati sumus de morte ad vitam, quoniam diligimus fratres.* Et cap. 4. 13. *In hoc cognoscimus, quoniam in eo manemus, & ipse in nobis, quoniam de spiritu suo dedit nobis.* Et cap. 5. 19. *Scimus, quoniam ex Deo sumus.* Respondeo. Non loquitur Ioannes de noticia fidei: sed de coniecturali. Nam noticia fidei fundatur in revelatione Dei ex parte intellectus. Idè enim intellectu assentimur alicui rei per notitiam fidei quia à Deo revelata est. Notitia verò, de qua Ioannes agit, non fundatur in revelatione, sed in signo seu effectu quem in nobis experimur ex parte voluntatis. Ait enim nos scire, quod sumus translati de morte ad vitam, & quod in Deo maneamus: *quia diligimus fratres.*: id est, quia experimur in nobis effectum charitatis circa proximos, qui affectus non potest esse, nisi à Deo. Vnde subdit ibidem. *Qui non diligit fratrem, manet in morte.* Quasi dicat: sicut ex presentia amoris, colligimus non esse Dei amicos: ita ex defectu amoris: colligimus non esse in morte, id est, in statu peccati mortalis. Iam verò, quod huiusmodi notitia: quæ per internum experimentum habetur, non sit omninò infallibilis, patet ex iis, quæ dicta sunt ad primam obiectionem.

13. Quintò obiicitur illud 2. Corinth 13. 5. *Vosmetipsos tentate, si estis in fide. Annon cognoscitis vosmetipsos, quia Christus in vobis est? nisi forte reprobi estis.* Hinc videtur sequi, reprobos esse, qui non cognoscunt se esse in fide & gratia Christi: Et à contrario, quotquot prædestinati sunt, hoc cognoscere. Respondeo, Nihil convincit hic locus. Primò, quia Apostolus tantum loquitur de fide, non de iustitia, quæ distincta sunt. Nec sequitur eum, qui certus est de sua fide, consequenter certum esse de sua iustitia. Secundò, loquitur de Christo habitante in Corinthiis per potentiam & miracula, quæ apud illos faciebat: non autem de Christo habitante in ipsis per gratiam sanctificantem. Hinc tertio apparet, illum hortari Corinthios, ut tentent seipsos, si sint in fide: non quod cupiat singulos certos esse de sua fide: quam quisque in se habet, sed quod velit eos attendere, an non credant Christum apud

apud ipsos virtutes & miracula operari. Denique, etsi A
daremus Apostolum loqui de fide & iustitia cuiusque
in particulari; nihil esset incommodi. Non enim dicit,
Vos ipsi certi estis de fide & remissione peccatorum; &
errò creditis Christum in vobis esse; sed multo aliter?
Vosmetipsos; inquit, *tentate, si estis in fide*. At quid
opus esset hoc tentare, si ipsi certi essent se habere fi-
dem & esse iustos coram Deo?

II. Pars de certitudine perseverantiae.

14. Sat multa de prima parte. Sequitur altera pars
qua asserit nos certos & securos esse de perseverantia.
Et refellitur primò, quia si nemo certus est de presen-
ti iustitia, ut iam probavi; quomodo potest esse certus B
de perseverantia in iustitia? Sanè nemo certus est, se
perseveraturum in bona fama & exultatione; si du-
bium est, an habeat bonam famam & exultationem:
Secundò, quia Scriptura hortatur nos ad timorem, non
ad securitatem. Rom. 11. 20. *Tu autem fide stas: noli al-
terius sapere, sed time*. Philip. 2. 12. *Cum metu & tremore
salutem vestram operamini*. Psalm. 2. 11. *Servate Domi-
no in timore. Apprehendite disciplinam, ne quando iras-
catur Dominus, & pereatis de via iusta*. Hic clama-
bunt Calvinistae; Davidem esse Papistam, & insanire,
quod iubeat ipsos esse in timore: se verò securos esse
de vita aeterna, non posse perire de via iusta; nec Deum
irasci posse praedestinatiis.

15. Et argumentatur hoc modo; Quicumque orat C
pro dono perseverantiae, certo debet credere, se
accepturum perseverantiam? Sed omnes fideles
orant pro dono perseverantiae: ergo, &c. Maior pa-
ter ex illo Iacob. 1. 6. *Postulet autem in fide nihil hesi-
tans*. Hic iubemur petere à Deo sine hæsitatione: er-
go iubemur esse certi, nos impetraturos, quod peti-
mus. *Respondes*. Hæc duo distinguuntur; credere si-
ne hæsitatione, Deum posse præstare, quod petis: Et,
credere sine hæsitatione; Deum reipsa præstiturum,
quod petis. Illud prius tenemur absolute credere,
hoc posterius cum conditione, si nimirum ex parte
nostra non sit defectus, vel si visum est expedire.
Hoc patet exemplo D. Pauli; qui non hæsita vit fide,
quando Deum ter rogavit, ut liberaretur à stimulo
carnis, & tamen reipsa non impetravit. Quæres, quo-
modo ergo verum est illud Marci 11. 24. *Quaecunque
orantes petitis, credite quia accipietis*? *Respondes*. Hoc
verum est sub conditione, si bene petamus, &, si no-
bis expediat. Et quidem expedit habere perseveran-
tiam, non tamen semper bene eam petimus. Quare?
quia nemo bene petit perseverantiam, nisi qui eam petit
perseveranter, usque ad finem vitæ. At quis certus est,
se perseveranter petiturum?

III. Pars de certitudine prædestinationis.

16. Tertia pars de certitudine prædestinationis &
vitæ æternæ eodem modo refutatur. Si enim certò ne-
scias, te perseveraturum in gratia, quomodo certò scias,
saluum fore, & prædestinatum esse? Et sanè, si unicui-
que fideli certò constaret, se ad vitam æternam esse
prædestinatum, cur non abiiciat omnem timorem &
solicitudinem præsertim cum prædestinatio mutari aut
falli non possit?

17. Obiiciunt illud 1. Ioannis 5. 13. *Hæc scribo vo-
bis, ut scitis, quoniam vitam habetis æternam, qui cre-
ditis in nomine filii Dei*. *Respondes*. Qui credunt, ha-
bent vitam æternam in spe, non in re, iuxta illud Rom.
8. 24. *Spe salvi facti sumus*. Ut autem reipsa accipiant
vitam æternam, opus est perseverantia, iuxta illud
Hebr. 3. 14. *Participes Christi effecti sumus, si itamen
initium substantiæ eius usque ad finem firmam retineamus*.


Opusc. Bec.

CAPVT XII.

Examinatur duodecima Calvinii propositio, an bona
opera sint necessaria?

1. Vltima propositio est, solam fidem sufficere ad
conseruationem sui ac iustitiæ, adeoque ad
consequendam vitam æternam, nec egere bonorum
operum adminiculo. Hæc propositio non quidem
disertis verbis asseritur à Caluino, sed tamen neces-
sariò sequitur ex ipsius principiis. Nam ipse alibi do-
cet omnia opera iustorum esse peccata mortalia, ut
ostensum est cap. 4. Item, legem Dei seruatu esse im-
possibilem lib. 2. Instit. c. 7. §. 5. Ex priori sequitur, aut
nulla opera esse necessaria ad salutem, aut ea, quæ
sunt peccata mortalia esse necessaria. Ex posteriori, non
necesse esse, legem obseruari, qui obseruatu im-
possibilis est: ac proinde nulla opera requiri ad vitam
æternam.

2. Hic tria disputari possent: quæ connexæ sunt.
Primò, de veritate bonorum operum. Secundò, de
necessitate. Tertiò, de eorum vi ac merito. Sed quia hæc
peculiarem exigunt tractatum, pauca tantum attingunt
de secundo puncto, & ostendam vno aut altero Scri-
pturæ testimonio, bona opera esse ad salutem necessa-
ria. Matth. 3. 10. *Omnis arbor, quæ non facit fructum
bonum, excidetur, & in ignem mittetur*. Matth. 19. 17. *Si
vis ad vitam ingredi, serua mandata*. Rom. 12. 10. *Odiem-
tes malum, adhaerentes bono. Honore invicem praueniētes.
Orations instantes. Necessariis sanctorum communican-
tes. Hospitalitatem sectantes*. Iacob 1. 14. *Quid prædest fra-
tres mei, si fidem quis dicat se habere, opera autem non ha-
beat*? Et infra. *Fides sine operibus mortua est*. Et iterum,
*Videtis quoniam ex operibus iustificatur homo, & non ex fide
tantum*. 2. Petri 10. *Satagite, ut per bona opera certam
vestram vocationem & electionem faciatis*. Apoc. 2. 3. *Me-
more esto, unde excideris: & age penitentiam: & prima ope-
ra fac*.



DE IUSTIFICATIONE Catholicorum.

OPVSCVLVM V.



V I D Calvinistæ sentiant, dictum
est hætenus: & eorum fundamenta
euerfa sunt. Nunc Catholicorum sen-
tentia paucis explicanda est, hoc ordine

1. Quid & quomplex sit iustificatio. 2. Quid sit pri-
ma iustificatio. 3. Quæ dispositiones ad eam requi-
rantur. 4. An prima iustificatio sit gratuita. 5.
Quæ sint causæ illius? 6. Quis ordo temporis. 7.
Quis ordo naturæ. 8. Quæ certitudo. 9. De amissio-
ne iustitiæ. 10. De Conseruatione.

CAPVT I.

Quid & quomplex sit Iustificatio.

1. **I**ustificare in sacra Scriptura tripliciter usurpatur. Primò, vt sit idem, quod iustum facere. Rom. 4. 5. *Credenti eum, qui iustificat impium.* Augustinus in Psalm. 30. Conc. *Quis est, qui iustificat impium? qui facit ex impio iustum.* Et in Epist. 120. cap. 20. *Credenti in eum qui iustificat impium, id est, ex impio facit pium.* Secundò, vt sit idem quod iustiorum facere. Eccl. 18. 22. *Ne verearis usque ad mortem iustificari.* Et Iacob 2. 24. *Videtur, quoniam ex operibus iustificatur homo, & non ex fide tantum.* Et Apoc. 22. 11. *Qui iustus est iustificetur adhuc.* Tertiò vt idem, quod declarare seu pronuntiare aliquem iustum. Prouerb. 17. 15. *Qui iustificat impium, & qui condemnat iustum, abominabilis est verus apud Deum.*

2. Hinc fit vt iustificatio sumatur etiam tribus modis. Primò, pro acquisitione iustitiæ. Is enim, quem Deus iustificat, id est, iustum facit, dicitur acquirere iustitiam. Secundò, pro augmento iustitiæ. Cum enim iustitia latitudinem habeat, is, qui semel iustitiam nactus est, potest in ea crescere & proficere. Tertiò, pro declaratione iustitiæ. Nam qui antea suspectus, aut etiam reus erat iniustitiæ, potest pronuntiarī & declarari, tanquam iustus etiam si iustus non sit.

3. Ex his tribus acceptionibus. Catholici sumunt iustificationem primò & secundo modo pro acquisitione & augmento iustitiæ: Calvinistæ, tertio modo pro declaratione iustitiæ. Hi supra refutati sunt. Est ergo (quod ad hunc locum attinet) duplex iustificatio ex sententia Catholicorum, prima & secunda. Prima consistit in acquisitione iustitiæ. Secunda, in augmento eiusdem. Prima est gratuita: Secunda, ex meritis bonorum operum. De prima loquitur Paulus Rom. 3. 24. *Iustificati gratis per gratiam ipsius.* Et vers. 28. *Arbitramur iustificari hominem per fidem sine operibus legis.* Et Eph. 2. 8. *Gratia saluati estis per fidem non ex operibus.* De secunda loquitur Iacobus c. 2. 24. *Videtur quoniam ex operibus iustificatur homo, & non ex fide tantum.* Hinc apparet, Paulum & Iacobum non pugnare inter se, cum alter negat hominem iustificari ex operibus, alter affirmat. Nam Paulus qui negat, loquitur de prima iustificatione: Iacobus, qui affirmat de secunda. Item, Paulus de operibus à peccatore, Iacobus de operibus ab homine iusto prolecdis.

CAPVT II.

Quid sit prima Iustificatio.

Propositio 1. Iustificatio duplex est: Altera qua quis ex non iusto fit iustus, quo pacto primi parentes in Paradiso & Angeli in sua creatione iustificati sunt. De hac non agimus. Altera, qua quis ex iniusto fit iustus, quo pacto peccatores iustificantur. Hæc vocatur iustificatio impii & ad hunc locum pertinet.

2. Potest autem describi hoc modo, *Iustificatio est translatio à statu peccati in statum gratiæ*; vt Colligitur ex illo Coloss. 1. 13. *Qui eripuit nos de potestate tenebrarum, & transfudit in regnum filii sui.* Et 1. Petri 2. 24. *Pro peccatis mortui iustitia vinaris.*

3. Hinc patet, iustificationem consistere in his duo-

Abus. Primò, in remissione seu expulsionem peccati. Secundò, in infusione seu acquisitione iustitiæ. Sicut calefactio, qua quis ex frigido fit calidus, continet duas partes, depulsionem frigoris, & acquisitionem caloris. Et in hoc differt à iustificatione primorum parentum & Angelorum, quæ constabat sola infusione gratiæ, non autem peccati remissione.

4. Calvinistæ dupliciter à nobis dissident. Primò volunt iustificationem impii consistere in sola peccatorum remissione, non autem in acquisitione iustitiæ, seu interiori renouatione per gratiam Sanctificantem. Secundò, per remissionem peccatorum, non intelligunt expulsionem eorum vel abolitionem: sed solam occultationem. Sed supra refutati sunt.

CAPVT III.

Quæ dispositiones requirantur ad primam iustificationem?

1. **C**alvinistæ docent requiri solam fidem: Catholici fidem, timorem, spem, dilectionem, contritionem, propositum vitæ melioris, & obseruationis mandatorum Dei. Hoc probant ex scripturis. Hebr. 11. 6. *Sine fide impossibile est placere Deo.* Eccl. 1. 28. *Qui sine timore est, non poterit iustificari.* Prouerb. 28. 25. *Qui sperat in Domino sanabitur.* Luc. 7. 47. *Remittuntur ei peccata multa, quoniam dilexit multum.* Matth. 4. 17. *Penitentiam agite.* Ezechiel. 18. 31. *Facite vobis cor nouum & spiritum nouum.* Idem docent sancti Patres.

2. Inter has dispositiones primum locum tenet fides quæ est fundamentum & radix totius salutis & iustificationis, vt loquitur Concil. Trident. Sess. cap. 7. Et colligitur ex illo Hebr. 11. 6. *Accedentem ad Deum oportet credere.* Vnde Aug. lib. de prædest. sanctorum cap. 7. *Fides prima datur ex qua cetera impetrantur.* Et serm. 22. de verbis Apostoli; *Domus Dei credendo fundatur, sperando erigitur, diligendo perficitur.* Eodem sensu Cyrillus Hierosolimitanus cathedesi 1. dicit fidem esse, *quasi osculum & lampadem ad viam salutis inueniendam.* Et Euseb. Emisenus homil. 2. de symbolo, esse *lumen animæ, ostium vitæ, fundamentum salutis.* Et Chrysostom. homil. de fide, spe & charitate; esse *originem iustitiæ.*

3. Hæc autem fides, non est illa specialis, quam fingunt aduersarii qua quisque credat, se iustum esse: sed est fides Catholica, qua credimus vera esse, quæcunque à Deo reuelata sunt (Concil. Trident. Sess. 6. c. 6.) Inter cetera hæc duo sunt reuelata. Alterum quod Deus sit iustus & seuerus in vindicandis & puniendis peccatis. Alterum, quod in iisdem remittendis, sit etiam benignus & misericors, eoque sine miserie filium suum vnigenitum Christum Saluatorem, vt sua morte à peccatis non liberaret, & in sortem filiorum Dei assereret. Ex fide prioris articuli, oritur *Timor* diuini iudicii, & poenarum infernalium, quo animus peccatoris vtiliter concutitur, & ad emendationem excitatur. Ex fide posterioris nascitur *Spes* diuinæ misericordiae, & remissionis peccatorum per merita Christi Redemptoris. Ex hac spe consequitur *Amor* erga Deum, qui tam misericors & benignus est, & simul odium seu detestatio peccati, quod nos à tam benigno Deo auertit: cui annexum est propositum vitæ melioris & obseruationis mandatorum Dei. His positis, immediate sequitur iustificatio, id est, infusio gratiæ sanctificantis & remissio peccatorum.

4. Quod autem hæ dispositiones reipsa conferant ad iustificationem & remissionem peccatorum, aperte constat ex scripturis Rom. 3. 28. *Arbitramur iustificari hominem per fidem.* Eccl. 1. 27. *Timor Domini expellit peccatum.* Rom. 8. 24. *Spe salvi facti sumus.* Luc. 7. 47. *Remittuntur ei peccata multa quoniam dilexit multum.* Ezech. 18. 21. *Si impius egerit penitentiam, & custodieris omnia præcepta mea, vita vivet, & non morietur.*

5. Nec mirum. Non enim sunt actiones merè naturales, quæ solis nostris viribus efficiantur: sic enim nullam vim haberent ad iustificandum: sed supernaturales, quæ ab homine elici non possunt sine gratia Dei excitante & adiuuante. Ioan. 6. 44. *Nemo potest venire ad me nisi Pater meus traxerit eum.* Et cap. 15. 5. *Sine me nihil potestis facere.* Et 2. Corinth. 3. 5: *Non sumus sufficientes cogitare aliquid à nobis, quasi ex nobis, sed Sufficientia nostra ex Deo est.* Vide August. libro de Prædestinatione sanctorum, & Conc. Trident. Sess. 6. cap. 5.

9. Porro hæ dispositiones non requiruntur ex natura rei quasi gratia sanctificans & remissio peccatorum non possit homini conferri, nisi per supradictos actus præparatos & dispositos; sed tantum ex ordinatione & voluntate Dei. Prior pars patet in infantibus, quibus in Baptismo remittitur peccatum originale, & infunditur gratia sanctificans, sine vlla prævia dispositione. Posterior patet in adultis, qui neutrum consequuntur, nisi prius sint dispositi: idque ex præcepto & beneplacito Dei.

CAPUT IV.

An prima iustificatio sit gratuita.

1. **D**ixi ad iustificationem requiri quædam prævia opera, nempe, fidei, timoris, spei, dilectionis, penitentiae & propositi melioris vite. Nunc quaeritur, an per hæc opera non solum disponamur, sed etiam mereamur primam iustificationem? an verbis iustis, adhuc gratuita sit iustificatio.

2. Aduersarii strenuè hic mentiuntur. Asserunt nos docere, nostris nos operibus iustificari, id est, iustificationem mereri. Non id docemus. Faremur quidem cum Apostolo, secundam iustificationem, id est, augmentum iustitiæ, conferri nobis à Deo propter bona opera, quibus id meremur, sed negamus primam iustificationem esse ex nostris meritis, Imò constanter tenemur, dispositiones illas, quæ præcedunt iustificationem, tametsi bona opera sint; partim à Spiritu sancti gratia partim à libero arbitrio, tanquam à duabus causis producta, non tamen mereri primam gratiam iustificantem & peccatorum remissionem; eo quod fiant ab homine nondum iustificato, sed in statu peccati adhuc existente. Et consequenter asserimus, primam iustificationem esse merè gratuitam, nec vlllo modo deberi nobis ex iustitia, tametsi supradictæ dispositiones præcesserint.

3. Sic expressè docet Concilium Tridentin. Sess. 8. capite 8. his verbis, *Nihil eorum quæ iustificationem præcedunt, siue fides, siue opera, ipsam iustificationis gratiam promeretur.* Et D. Thomas 1. 2. q. 114. art. 5. *Nullus potest sibi mereri primam gratiam.* Et art. 7. *Nullo modo aliquis potest sibi mereri reparationem post lapsum.* Et hic est consensus omnium Catholicorum; ut proinde mixum sit aduersarios potuisse esse tam impudentes, ut contrarium nobis imponerent.

Opusc. Becc.

4. Idem clarè docet Scriptura. Rom. 3. 24. *Iustificati gratis per gratiam ipsius.* Et cap. 11. 6. *Si autem gratia, iam non ex operibus, aliam gratiam iam non est gratia.* Eph. 2. 8. *Gratia enim saluati estis per fidem, non ex operibus.* Vide D. Augustinum epist. 205. & alibi. Nec opus est plures citare in re manifesta.

CAPUT V.

Quæ sine causa prima iustificationis? ac primum, quæ formalis?

1. **A** pud Catholicos duo sunt certa. Alterum, formalem causam iustificationis esse iustitiam habitualement, quæ homini diuinitus infunditur; cum iustificatur. Alterum, hanc iustitiam, nihil aliud esse, quàm gratiam iustificantem, seu gratum facientem. Vtrumque patet ex Conc. Trid. Sess. 6. cap. 7.

2. Tria solent controuerti. Primum, an hæc gratia iustificans sit idem, quod habitus charitatis? an verò sit forma realiter distincta? Secundum, an sit talis naturæ ut formaliter, & per naturalem repugnantiam expellat peccatum mortale, ita ut cum illo consistere non possit. Tertium, an peccatum mortale, non aliter, quàm per hanc gratiam queat expelli.

3. Dicam paucis, quod sentio. Circa primum, res in utramque partem probabilis est, neque ex scripturis, aut Concilio Tridentino, aut ratione, potest alterutra efficaciter conuinci, aut condemnari. Vnde, siue dicas cum D. Thoma, gratiam realiter distingui à charitate, siue id neges cum Scoto, Bonauentura, & aliis, non magnoperè refert. Video tamen in scholis magis receptum esse Diui Thomæ sententiam.

4. Circa secundum, existimo, gratiam habitualement formaliter, & ex natura sua repugnare peccato mortali, neque vlllo modo posse cum illo consistere in eodem homine. Habent enim effectus omnino repugnantes. Nam Gratia constituit hominem Deo gratum, amicum, iustum, vita æterna dignum, & filium Dei adoptiuum: peccatum verò constituit ingratum, inimicum, iniustum, supplicio æterno dignum, & filium Diaboli, ac tenebrarum. At quæ fieri queat, ut idem simul sit gratus Deo & ingratus, iustus & iniustus, amicus & inimicus, vita & supplicio dignus, filius Dei & Diaboli? Nullus id dixerit Vnde Apostolus 2. Corinth. 6. 14. *Quæ participatio iustitiæ cum iniquitate? aut qua societas luci ad tenebras? qua autem conuenio Christi ad Belial?*

5. Circa tertium sic statuo; peccatum mortale non posse auferri ab homine per solam extrinsecam Dei condonationem, sed opus esse aliqua mutatione quæ ex natura sua repugnet peccato, & cum illo consistere non possit. Quomodo enim, qui antea erat reuera immundus, iniustus, inimicus Deo; iam non sit talis, nulla nec in ipso, nec in Deo, facta mutatione?

6. Hinc colligo, peccatum mortale posse tolli per infusionem gratiæ sanctificantis. Hæc enim formaliter repugnat peccato, ut dictum est. Multo magis per visionem beatificam, & vnionem Hypostaticam, quæ magis cum eo pugnant. Nam gratia solum constituit aliquem Dei filium ac hæredem in spe. Visio autem & vnio Hypostatica, in re ac possessione.

7. E contrario sequitur, non posse tolli per actum fidei, spei, dilectionis aut contritionis. Non enim habet formalem repugnantiam cum his actibus. De fide & spe certum est, quia possunt esse in peccatoribus ante remissionem peccati mortalis. Equè mihi certum de dilectione & contritione. Sunt enim dispositiones ad

iustificationem, ac proinde non formaliter, sed tantum dispositione expellunt peccatum. Hinc recte docent Theologi, quod posito actu dilectionis aut contritionis in homine peccatore, adhuc novum ac peculiare Dei beneficium sit, quod remittat peccata, & iustitiam infundat.

De causa materiali.

8. Constat, gratiam sanctificantem (quæ est forma iustificationis) existere in anima hominis iusti, tanquam in subiecto. At quæstio est, an anima, sicut est subiectum, sic etiam sit causa materialis respectu gratiæ inherentiæ? vel, quod eodem recidit, an gratia educatur de potentia animæ? an per simplicem creationem producat? Hoc posterius nonnulli amplexi sunt. Nam cum gratia sit donum supernaturale, non videtur posse educi de naturali potentia animæ. Hinc ponunt duas actiones circa gratiam: alteram, qua ipsa producit a Deo per creationem; alteram, qua unitur animæ tanquam subiecto. Quod declarant exemplo animæ rationalis, quæ una actione a Deo creatur, altera corpori unitur.

9. Sed rectius sentiunt alii, gratiam educi de potentia animæ, non quidem naturali, sed ut vocant, obedientiali. Cum enim gratia sit accidens, natura sua habet Esse dependens à subiecto: ergo recipit suum Esse per actionem dependentem à subiecto: ergo non creatur, nec est simile de anima. Hæc enim est forma substantialis, & per se subsistens, quæ etiam separat à corpore, potest vi sua existere in rerum natura. Hoc de gratia dici nequit. Imò; hinc aperte convincitur, gratiam non alia actione produci, & alio subiecto uniri alioqui cessante hac unione, posset adhuc subsistere, sicut anima rationalis; quod falsum est.

De causa finali.

10. Finis iustificationis impii est triplex: salus & felicitas eius, qui iustificatur, gloria Christi hominis, honor Dei. Nam gratia, quæ confertur in iustificatione, proximè tendit ad salutem & felicitatem nostram consequendam, deinde ad Christi merita illustranda; denique ad Dei Opt. Maximi gloriam manifestandam. Vide Concil. Trid. Sess. 6. c. 7.

11. De primo fine intelligitur illud Roman. 6. 22. *Nunc vero liberati à peccato servi autem facti Deo, habetis fructum vestrum in sanctificationem: finem vero vitam æternam.* Et prima Petri 1. 9. *Ut & percipitis finem fidei vestra salutem animarum vestrarum.* De secundo illud Ephes. 15. *Qui prædestinavit nos in adoptionem filiorum per Jesum Christum, in ipsum.* De tertio illud Isaia 43. 7. *Omnes, qui invocant nomen meum, in gloriam meam creavi eos.*

De causa efficiente.

12. Causa efficiens, aut est principalis, aut instrumentalis, ut suppono ex philosophia. Principalis causa iustificationis, est solus Deus, ut habet Conc. Trid. loco citato. Et constat ex scripturis, Isaia 43. 25. *Ego sum, ego sum, qui deleo iniquitates tuas.* Rom. 3. 30. *Unus est Deus, qui iustificat circumcissionem ex fide, & præputium per fidem.* Vide Augustinum in illud Psal. 118. *feci iudicium & iustitiam.* Vbi ait, Deum iustitiam in nobis operari sine nobis. Ratio est, quia si aliqua creatura posset iustificare & peccata remittere, tãquã causa principalis: quid necesse erat, vni-

rum Dei filium in hunc mundum venire, ut peccatum aboleret?

13. Inter causas instrumentales iustificationis, solent duo potissimum nominari, nempe *Christi humanitas & Sacramenta*. Et quidem, si de prima iustificatione sit sermo, qua quis ex impio fit iustus; ordinariè duo tantum Sacramenta instrumentaliter concurrunt, *Baptismus & Pœnitentia*, quæ idèd vocantur Sacramenta mortuorum, quia suscipiuntur ab impiis (qui secundum animam mortui sunt ut iustificentur, & ad vitam iustitiæ redeant. Reliqua verò, ut *Confirmatio, Eucharistia, Ordo, Extrema unctionis, Matrimonium*, sunt instrumenta augmenti iustitiæ, id est, secundæ iustificationis, qua quis ex iusto fit iustior.

14. Quæstio est, an hæc instrumenta physicè, an tantum moraliter concurrant ad productionem gratiæ? Qui docent physicè concurrere, quasdam habent difficultates, quas commodè expedire non possunt, nisi concedant moralem efficientiam, saltem in aliquibus, casibus. Quod si hæc conceditur in aliquibus, non video, cur in omnibus concedi non possit. Est enim par ratio.

De causa meritoria.

15. Ad genus causæ efficientis solet reuocari causa meritoria. Ergo, si agamus de prima iustificatione, qua quis ex impio fit iustus: causa eius meritoria est Christus Dominus, ut habet Concil. Trident. Sessio 6. c. 7. Et consentiunt adversarii. Hic duplex potest esse quæstio. Una, an omnis prima iustificatio sit ex meritis Christi, non solam, qua quis ex impio fit iustus: sed etiam, qua ex non iusto fit iustus; Hoc disputatur propter iustificationem Angelorum, & primorum parentum in statu innocentie. Altera an non tantum iustificatio ipsa, seu donatio gratiæ iustificantis, quæ fit in tempore; sed etiam præparatio gratiæ, quæ facta est ab æterno, sit ex meritis Christi; Hæc quæstiones pendunt ex duplici alia: Prior est, an Christus fuisset nasciturus, si Adam non peccasset: posterior, an Prædestinatio facta sit ante prævisionem peccati Adæ: utraque pertinet ad materiam de Prædestinatione. Et Respondeo, paucis. Primò; Christum non fuisse nasciturum, si Adam non peccasset; ac proinde gratiam Adæ in statu innocentie & Angelorum, non fuisse ex meritis Christi. Secundò, prædestinationem & reprobationem esse factam ex prævisione massæ corruptæ per peccatum originale. Ideoque fundatam in meritis Christi Redemptoris. Hæc alibi fusiùs.

16. An præter merita Christi, requiratur etiam meritum nostrum ad iustificationem, quæri potest propter hæreticos, præsertim Calvinistas, Sed de hac re iam supradictum est. Distinguiamus enim duplicem iustificationem: Alteram primam, qua quis ex impio fit iustus: alteram secundam, qua ex iusto fit iustior. Priorem, quæ semper coniuncta est cum remissione peccatorum, negamus cadere sub nostrum meritum: posteriorem, asserimus. Vide supra c. 1. §. 3. & c. 4. §. 2.

CAPVT VI.

Quo ordine temporis fiat prima Iustificatio?

1. **I**N Iustificatione spectari possunt hæc tria; *Dispositio, infusio gratiæ, & expulsio peccati*. Est ergo quæstio, an hæc fiant in vno instanti simul an verò vnum post alterum successivè? D. Thomas in 1. 2. q. 113. art. 7. docet, omnia fieri in eodem instanti. Id explicandum est.

2. Et quidem ultima dispositio ad infusionem gra-

tie, potest esse instantanea, & sine vlla successione. Cōsistit enim in actu contritionis & dilectionis Dei super omnia: omnis autem actus voluntatis & intellectus fit in instanti. Ratio est, quia ut aliqua forma producat instantaneè, & sine successione, nihil aliud requiritur quam ut agens habeat sufficientem vim producendi; & subiectum sit sufficienter dispositum; & ipsa forma, quæ producitur, possit esse tota simul. Hæc autem sunt in proposito: Nam voluntas, quæ subit vicem agentis habet sufficientem vim producendi, quando excitatur & confortatur à Deo per gratiam præuenientem. Deinde, eadem voluntas, quæ simul habet rationem subiecti, sufficienter disposita est ad omnem illum actum, quem ipsa potest elicere. Denique ipse actus potest esse totus simul. Nihil ergo obstat, quo minus possit actus ille produci, in instanti sine successione.

3. Iam infusio gratiæ, potest fieri in eodem instanti, quo fit vltima dispositio. Nam in eodem instanti, quo subiectum est sufficienter dispositum, potest infundi, præsertim cum neque ex parte ipsius formæ, neque ex parte agentis requiritur vlla successio. Hoc autem hic fit. Nam Deus, qui infundit gratiam, est infinitæ virtutis; & gratia, quæ infunditur, est forma spiritualis, quæ potest tota esse simul.

4. Remissio peccati, non solum potest, sed etiam debet fieri in eodem instanti, quo infunditur gratia. Nam gratia ex natura sua repugnat peccato, & cum illo consistere nullo modo potest, ut supra ostensum est: Ergo quo instanti infunditur gratia, necessario expellitur peccatum.

5. Hinc sequitur, hæc tria, *vltimam dispositionem, infusionem gratiæ, remissionem peccati*, posse esse simul in eodem instanti: Et cum nihil obstat, quo minus sint simul, probabile est simul esse ut affirmat D. Thomas. Loquor autem de vltima dispositione, quia reliquas, certum est, aliquando præcedere ordine temporis. Nam sæpè fit, ut homo peccator excitatus à Deo incipiat primum credere, aut sperare, aut timere, antequam incipiat diligere, ut per se notum est.

CAPVT VII.

QVO ORDINE NATURÆ FIAT,
prima Iustificatio.

1. **D**ixi vltimam dispositionem, infusionem gratiæ & expulsionem peccati, simul fieri in homine, & non vnum post alterum, spectato ordine temporis. Nunc de ordine naturæ, seu causalitatis agendum est.

2. Nonnulli ex scholasticis putant, vltimam dispositionem effectiue produci à gratia, quæ infunditur. Vnde inferunt, in genere causæ efficientis, dispositionem esse posteriorem infusioni gratiæ; in genere materialis priorem. Hoc aliis plerisque non placet.

3. Meo iudicio, statuendus hic ordo est: ut primò loco sit dispositio; deinde, infusio gratiæ habitualis, postremo, expulsio peccati. Non enim adultis infunditur gratia habitualis, nisi dispositis & præparatis, nec expellitur peccatum, nisi infusione gratiæ iustificantis.

4. Quod aiunt nonnulli, vltimam dispositionem effectiue procedere à gratia, & sic in genere causæ efficientis posteriorem esse, non assentior. Philosophi rationibus id refutant, ego ex scripturis refellam, hoc modo Deus promittit homini infusionem gratiæ sanctificantis, si habuerit actum dilectionis: Ergo actus dilectionis non producitur à gratia sanctificante. Ante-

Opusc. Bec.

Acedens patet ex illo, Zacch. 1. 3. *Conuertere ad me, & ego conuertar ad vos*. Et Ioan. 14. 21. *Qui diligit me, diligitur à patre meo*. Sequela probatur, quia ridiculum esset, si quis ita promitteret; Si tu videris, ergo dabo tibi potentiam visiuam, qua videas; si ambulaueris, dabo vim motiuam, qua ambules: Ergo similiter esset ridicula hæc Dei promissio; si me dilexeris; dabo tibi habitum gratiæ & charitatis, quo me diligas. Nec plura de hoc.

CAPVT VIII.

An homo possit habere certitudinem fidei de sua
Iustificatione?

1. **A**ffirmant Caluinistæ, quos supra refutavi. Negant Catholici cum Concilio Tridentino. Sess. 6. capite 9. & can. 13. & 14. Res paucis explicanda est.

2. Certitudo fidei non habetur, nisi de re diuinitus reuelata. Vnde si Deus alicui reuelaret, se ipsi remittere peccata; is haberet certitudinem fidei de sua iustificatione; quod contigit Magdalenz; Paralytico, Zachæo, Latroni. Contra quibus non reuelat, non possunt habere hanc certitudinem. At quis nostrum est; cui reuelauit?

3. Nec sufficit illa generalis reuelatio; *Qui crediderit, saluus erit*. Hæc enim applicari non potest, nisi eadem certitudine certus sis; te fidem & reliqua necessaria habere. An vbi hoc reuelatum est? Nusquam inuenio.

4. Quod aiunt aduersarij, se sentire & experiri in se motiones Spiritus sancti; nihil est. Primò, quia eiusmodi motiones sunt communes iustis & peccatoribus, Apocalips. 3. 20. *Ego sto ad ostium, & pulso*. Secundo, quia non præbent certitudinem fidei, sed experimentalem, quam nos concedimus. Hæc autem certitudo experimentalis multum distat à certitudine fidei, quia potest illi subesse falsum. Etsi enim certus sim & falli in eo non possim quin sentiam me moueri, non tamen certus sum me moueri, ut iustum. Multi enim & peccatores à Deo mouentur.

CAPVT IX.

An possit amittere iustitiam semel acquisitam.

1. **N**on posse, docent Caluinistæ. Nos cum scriptura & Concil. Trid. Sess. 6. can. 23. & cum patribus, contrarium asserimus. Sufficiat hic testimonium August. lib. de corrept. & gratia capite 13. vbi ait, *Credendum est, quosdam in fide, quæ per dilectionem operatur, incipere viuere, & aliquandiu fideliter & iuste viuere, & postea cadere*: &c. Hoc Caluinistæ non credunt.

2. Adde, quosdam speciali Dei dono ac beneficio, ita dirigi & custodiri, ut fidem & iustitiam, quam semel à Deo acceperunt; nunquam per peccatum mortale amittant. Hos vocamus confirmatos in gratis cuiusmodi fuerunt B. Maria Virgo, Ioannes Baptista, Apostoli, post acceptum Spiritum sanctum; & similes alij.

CAPVT X.

Quomodo iustitia semel acquisita conseruetur.

1. **C**aluinistæ docent sola fide conseruari : fidem autem non posse deficere. Errant in vtroque. Catholica sententia est, conseruari obseruatione mandatorum Dei. Hoc docuit nos Christus Matth. 19. 17. *Si vis ad vitam ingredi, serua mandata.* Et apertius, Ioann. 15. 10. *Si præcepta mea seraueritis, manebitis in dilectione mea.* Et vers. 14. *Uos amici mei estis, si feceritis, quæ ego præcipio vobis.*

2. Et ratio est, quia iustitia non perditur, nisi per peccatum mortale : at nemo peccat mortaliter, nisi transgressionem mandatorum : Ergo qui seruat mandata, non peccat mortaliter. Ergo nec iustitiam amittit. Huc spectat illud 1. Petri 1. 10. *Sed agite, ut per bona opera certam vestram uocationem & electionem faciatis : Hoc enim facientes, non peccabitis aliquando.*

3. At clamant. Aduersarii obseruationem mandatorum esse impossibilem. Non ita est. Esi enim per solas naturæ vires sit impossibilis, tamen per auxilium gratiæ diuinæ, non modò possibilis, sed etiam facilis & incunda efficitur. Hoc fatetur David Psalm. 118. *Viam mandatorum tuorum cucurri, cum dilatasti cor meum.* Ecce cucurrit, non ambulauit viam mandatorum. Vnde ille cursus : quia Deus per gratiam dilatauit cor. Et similiter Apostolus ad Philipp. 4. 13. *Omnia possum in eo, qui me confortat.* Quasi dicat. Meis quidem viribus nihil aut parum : at diuino auxilio possum omnia. Propter hoc auxilium dixit Christus Matth. 11. 30. *In iugum meum suauis est, & onus meum leue.*

EPILOGVS IN QVO CONFERTVR
Iustificatio Caluinistica cum Catholica.

1. **E**xposui sententiam vtriusque partis per certa capita. Nunc vulgari similitudine rem illustrabo. Est autem huiusmodi. Sit pauper aliquis, plenus scabie, ulcere, putredine, & vitiosis humoribus. Is Medicum adeat, ut sanari possit. Quid porro Medicus?

2. Si Catholicè agat, tria præstabit. 1. quasdam dispositiones seu præparationes ad faciliorem morbi curationem præscribet 2. præbeat illi potionem, non modo medicam, qua corpus purgetur, & sanies abstergetur, sed salutarem & viuificam, quia vires redintegrentur & pristina sanitas acquiratur. 3. adiunget cautionem & præseruatium, ne iterum in morbum recidat, & sanitatis partem iacturam faciat. Ita secundum Catholicos res habere in iustificatione, seu curatione animi. Peccator, qui animo æger est, & plenus putore flagitiorum, sanari à Deo cupit. Deus tria illa præstat 1. motionem fidei, spei, contritionis, dilectionis, & propositi nouæ vitæ, tanquam dispositiones ad animi curationem præuias. 2. infundit illi gratiam seu iustitiam sanctificantem, qua & peccata tolluntur, & sanitas amissa recuperatur. 3. præscribit illi cautionem, ut deinceps insistat pijs operibus, & obseruationi mandatorum, ac seriò prospiciat, ne quam adeptus est sanitatem suo vitio & negligentia deperdat. Hæc apud Catholicos.

3. At si Caluinisticè agat Medicus, multò aliter procedet. Nimirum ægroto offeret suam chlamydem nyctidam, elegantem, elaboratam. Hortabitur, ut manu eam apprehendat, circumponat, scabiem tegat ; ac deinde magna securitate in conspectum sui Principis accedat, quippe, qui sordiditatem corporis, tam eleganti pallio obductam, videre non possit. Planè

A si res habet in iustificatione Caluinistica. Peccator, qui propter suorum scelerum horrorem ac turpitudinem, in conspectum Dei venire non audet, à Christo medico subsidium petit. Christus offert illi suam iustitiam & satisfactionem, tanquam pretiosam chlamydem Hortatur, ut fide eam apprehendat, eaque sua flagitia, quasi velo quodam tegat, ac deinde confidenter & audacter in conspectum Dei se sistat, à quo sine dubio innocens ac mundus declarabitur, etiam si reuera non sit. Hæc apud Caluinistas. Videat nunc pius Lector, quo pacto iustificari velit, Catholicè, an Caluinisticè.



DE IUSTITIA BONORVM
operum, secundum Caluinistas.

OPVSCVLVM VI.
LECTORI.

DE vi, Iustitia, ac merito bonorum operum, multa in utramque partem sparsa & euulgata sunt. Potest autem res tota breuissimè & clarissimè proponi his verbis. Primò, an opera iustorum sint bona? Secundo, an necessaria? Tertiò, an meritoria? vel quod idem est. Primò, an iusti possint facere aliqua opera, quæ bona sint; Secundo, an ex præcepto diuino teneantur ea facere; Tertiò an si faciant, per ea aliquid mereantur apud Deum; In his tribus punctis omnia posita sunt, quæ utrinque disputantur. Dicam breuiter quid Caluinistæ sentiant.

Caluinistarum sententia.

Propositio, 1. Iusti non possunt vlla bona opera facere, quia quicquid faciunt, immundum & coinquinatum est, propter peccatum originale, quod in ipsis hæret.

2. Nec tenentur facere bona opera : tum, quia non possunt, ut dictum est. tum, etsi lex diuina præcipiat illis, ut faciant, soluti tamen sunt ab obligatione legis, iuxta illud, *Iustus non est lex posita.*

3. Opera iustorum nullo modo sunt meritoria apud Deum, nisi æternæ pænæ & damnationis, quia omnia sunt immunda & coinquinata, ut dictum est.

Ex prima sequitur, legem Dei esse impossibilem, **E**t quia impossibile est, eam seruare, per opera immunda & coinquinata. Ex secunda, solam fidem sufficere ad salutem, quia opera non sunt necessaria. Ex tertia, vitam eternam non dari ex meritis iustorum, sed ex sola Dei voluntate & prædestinatione, supposita tamen fide.

Hæc est brevis resolutio doctrinæ Caluinisticæ de hæc materia : ex qua nascuntur hi fructus in animis hominum. 1. Neglectus bonorum operum quare? quia persuasum habent se non posse bene operari, cum omnia ipsorum opera, iuxta Caluinum, sint polluta & inquinata. 2. Contemptus legum diuinarum quare?

quia si seruari non possunt, frustra in illis seruandis opera collocatur. III. Licentia peccandi & omnia flagitia impunè perpetrandi, quare? quia liberi sumus ab obligatione legis, & illius transgressio fidelibus non imputatur. IV. Supina quædam securitas, quia quisque putat se certum esse de vita æterna, quare? quia non acquiritur nostris operibus, sed debetur nobis ratione adoptionis, nec possumus eam amittere. Hi scilicet sunt fructus Euangelij & doctrinæ Calvinisticæ; distincti à fructibus Euangelij & doctrinæ Christianæ.

Nunc, quæ breuiter dicta sunt, sigillatim examinemus. Postea Catholicorum sententia erit explicanda.

CAPVT I.

De veritate bonorum operum:

An iusti possint bene operari, & Legem implere?

1. **C**alvinus docet, omnia iustorum opera esse damnabilia, vitiosa, inquinata, sordes, meram iniquitatem. Sic enim habet lib. 3. Institution. cap. 12. §. 4. *Omnia hominum opera nihil sunt, nisi inquinamenta & sordes; & quæ iustitia vulgo habetur, ea apud Deum mera est iniquitas.* Et cap. 14. §. 9. *Habemus, ne unum à sanctis exire opus, quod si in se consecratur, non mereatur iustam approbationem.* Et §. 11. *Duobus his fortiter insistendum, nullum unquam extitisse p̃i hominis opus, quod si seruo Dei Iudicio examine,ur, non esset damnabile.* Ad hæc fitale aliquod detur (quod possibile homini non est) peccatis tamen, quibus laborare auctorem ipsum certum est, vitia non ac inquinata, gratiam perdere. Et c. 15. §. 3. *Nihil ab homine erit quantumvis de facto quod non sit aliqua macula inquinatum.*

2. Fundamentum eius est, quia putat peccatum originale manere in hominibus iustis & eius contagione infici omnia eorum opera. Et quidem, quod illud peccatum in illis maneat, tum alibi fatetur, cum l. 2. Instit. c. 1. §. 8. his verbis: *Hæc peruersitas nunquam in nobis cessat.* Et l. 4. c. 15. §. 10. *Iam perspicuum est, quàm falsum sit per Baptismum solui nos, & exiri originali peccato.* Et in antidoto Conc. Tridentini Sess. 5. *Manet verè peccatum in nobis neque per Baptismum extinguitur.* Quod autem omnia iustorum opera huius contagione peccati infecta sint, docet lib. 3. Instit. cap. 1. §. 9. *Hinc tantum breuiter attingere volui totum hominem, quasi diluuiò à capite ad pedes, sic fuisse obrutum, ut nulla pars à peccato sit immunis, ac proinde quicquid ab eo procedit, in peccatum impurari.* Et in Antidoto Concilij Trident. Sess. 6. cap. 16. *Vitiositas, quæ nobis inheret, deformat coram Deo quicquid à nobis operum prodit.*

3. Hoc aded verum esse ait, ut etiam illa iustorum opera, quæ fiunt ex gratia & instinctu Spiritus sancti, dicat vitari & inquinari. Nam in antidoto Concilij Tridentini Sess. 6. cap. 14. sic loquitur: *Speciosum quidem est quod obrendunt, fluere omnia à Spiritu Christi. Sed ubi absoluta Spiritus sancti virtus reperitur? an non ad mensuram unicuique distribuitur. Debeant ergo observare semper aliquid nostre facis admixtum, quod puritatem illam inficiat.* Et lib. 3. Instit. c. 15. §. 5. *rantum hoc homini assignamus, quod ea ipsa, quæ bona erant, sua impunitate polluit, contaminat.*

4. Hinc infert, legem Dei esse impossibilem? seu mandata Dei non posse seruari, ne quidem à iustis, qui non possunt seruari per opera immunda & inquinata, qualia omnia sunt iustorum opera prosequitur. lib. 2. Institution. cap. 7. §. 5. cum ait, *Quod autem impossibile legis observationem diximus, id est, paucis verbis expli-*

candum, simul & confirmandum, &c.

5. Addit nec Prophetas nec Patriarchas, nec vllum alium mortalium vnquam fuisse, qui legem obseruauerit. in Antidoto Concilij Tridentini. Sess. 6. cap. 12. *Mihi abundè sufficit, neminem extitisse unquam, qui legi Dei satisfecerit, nec vllum posse inueniri.* Et infra: *Prophetas & Patriarchas & p̃ios Reges, ut cunq̃ue Dei spiritu adiuuarentur, ferendo legis iugo parvi fuisse negari: nec ambigui pronuncias, impossibilem fuisse legis obseruationem.*

6. Maximè verò duo mandata ait esse impossibilia: alterum de diligendo Deo ex toto corde: alterum de non concupiscendo: De vtroque sic habet lib. 2. Instit. c. 7. §. 5. *Si ab vltima membrum repetamus, neminem sanctorum extitisse dico, qui corpore mortis circumdatus, ad oculi dilectionis scopum pertigerit, ut ex toto corde & tota mente ex tota anima, ex tota potentia Deum amaret: neminem prorsum qui non concupiscentia laboraret.*

7. Potrò si quæras ex Caluino, quare Deus dederit legem, si impossibilis sit, & nemo eam seruire possit? Respondet non ided dedisse, ut eam seruemus, sed ut per eam veniamus in cognitionem peccati & nostræ infirmitatis. Hoc fusè explicat lib. 2. Instit. cap. 5. §. 6. & cap. 7. §. 6.

8. Hæc omnia paradoxa sunt, & sacræ Scripturæ, ac antiquis Patribus contraria. Ac primo, fundamentum Caluini; quo reliqua omnia nituntur, manifestè falsum est. Nam peccatum originale verè tollitur in Baptismo ut ostensum est in disputatione, de Iustificatione, cap. 1. Euerso fundamento, cætera corruunt. Attingam tamen singula breuiter.

Non omnia iustorum opera esse peccata mortalia.

9. Ac primò, quod ait, omnia iustorum opera esse damnabilia, seu peccata mortalia, facillimè refelli potest. Primò, ex contrario fundamento. Nam ex fide certum est, in Baptismo & iustificatione tolli omnia peccata, & infundi gratiam seu iustitiam inherentem, quæ faciat hominem Deo gratum, amicum, & ab omni contagione mundum ac liberum, ut in supradicta disputatione probatum est. Hic contra Caluinum sic arguamur: Sicut ab homine iniusto: immundo, & peccatis obnoxio procedunt opera iniusta, immunda & vitiosa, ita ab homine iusto, mundo & internis gratiæ donis ornato, procedunt opera iusta, munda & Deo grata.

10. Huc spectat illud Christi, Matth. 7. 18. *Non potest arbor bona malos fructus facere, neque arbor mala bonos fructus facere.* Et Ioannis 15. 5. *Ego sum vitis, vos palmites, qui manet in me, & ego in eo, hic ferit fructum multum.* Ex quibus verbis eliciuntur hæc duo argumenta contra Caluinum. *Alterum*, Arbor bona non potest facere malos fructus: sed homo iustus est arbor bona, Psalm. 91. 13. Ergo homo iustus non potest facere malos fructus. Quomodo igitur Calvinus docet, omnia ipsius opera esse damnabilia? *Alterum*, omnis palmites, qui est in fecunda vite, potest facere bonum fructum, sed Apostoli erant palmites in Christo, tanquam in fecunda vite. Ergo Apostoli poterant facere bonum fructum: Ergo falsum est, omnia iustorum opera esse sordes, inquinamenta, meram iniquitatem.

11. Potest hoc clariùs explicari in hunc modum. Vt palmites ferat fructum, requiruntur & sufficiunt, hæc pauca. 1. Ut sit in vite. 2. Ut succum & humorem ab ea trahat. 3. Ut habeat sufficientem solem, à quo excoquatur. 4. Ut nullum sit impedimentum, quo lædi aut impediri possit, cuiusmodi est nimium frigus, gelu, pruina, ventus turbulentior, vermis corrodens, aut aliquid simile. At hæc omnia locum habent in homine iniusto.

Est in Christo, tanquam in vite. Ioannis. 15. 5. *ego sum vitis, vos palmites: manete in me & ego in vobis.* 2. Trahit ab illo succum & humorem diuinum. Ioan. 4. 14. *Aqua, quam ego dabo ei fiet in eo fons aqua salientis in vitam eternam.* Habet sufficientem calorem, quo excoquatur. Luc. 12. 49. *Ignem veni mittere in terram, & quid volo nisi ut accendatur?* Et cap. 24. 32. *Nonne cor nostrum erat ardens in nobis?* Nullum est impedimentum. Nam internum Rom. 8. 1. *Nihil damnationis est iis, qui sunt in Christo Jesu, qui non secundum carnem ambulant.* Nec externum Rom. 3. 38. *Certus sum, quia neque mors, neque vita, neque Angeli neque principatus, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Jesu Domino nostro.* Sequitur ergo nihil deesse homini iusto, quo minus possit facere bonum fructum.

12. Idem potest demonstrari & hoc modo. Vbi-
cunque sunt sufficientia principia rectæ operationis, ibi potest esse recta & honesta operatio: at in homine iusto, sunt sufficientia principia rectæ operationis: Ergo in homine iusto potest esse recta operatio. Maior per se nota est. Minor probatur, quia ad rectam operationem sufficiunt hæc tria principia. 1. Intellectus, qui intelligat, quid agendum sit, quid fugiendum. 2. Voluntas, quæ amplectatur id, quod ab intellectu tanquam bonum & honestum proponitur. 3. Potentia exterior, quæ exequatur id, quod voluntas amplexa est, & exequendum imperavit. Hæc autem sunt in homine iusto. Nam intellectus eius lumine diuinæ fidei illustratus est, ut facillimè possit cognoscere, quid honestati sit consentaneum. Similiter voluntas à Deo excitatur & iuuatur per internam motionem, qua prompta & robusta efficitur, ad desiderandum & amplectendum id, quod recta ratio faciendum dicat. Denique potentia exteriores possunt illud exequi. Nihil ergo deest ad bonam & honestam operationem exercendam.

13. Exemplo res fiet clarior. Sit homo iustus, qui audiat, vel legat hæc verba Christi, *Date elemosynam.* Certè, si fidem habet, facillè aduertet honestum & præclarum opus id esse. Accedit diuina motio, quæ cor eius tangatur & extimuletur, ut velit consentire, & executionem imperare. Posito hoc consensu & imperio, quid impedit, quin, si diues sit, & pecunias apud se habeat, possit pauperi porrigere elemosynam? Et quod hic peccatum, aut ubi? Non intellectu, qui fide collustratus, iudicat & proponit id, quo honestum, laudabile, & Deo beneplacitum est. Nec involuntate, quæ à Deo mota & corroborata, vult illud ipsum executioni mandare. Nec in manibus, quibus elemosynam porrigitur, quia obtemperant iusto voluntatis imperio.

14. At inquiet Calvinus, deest bona intentio, imò non deest. Cum enim deus mouet voluntatem hominis iusti, ut ex vera dilectione præbeat pauperi elemosynam, & huic motioni ipse acquiescit: sanè non est mala, sed bona intentio. Hinc sumo nouum argumētum contra Calvinum, hoc modo; Quando homo iustus facit aliquod opus, quod à Deo præcipitur & laudatur; & in eo faciendo habet bonam intentionem, tunc certè totum opus bonum honestum & laudabile est: sed hoc fit? quando ex amore Dei præbet pauperi elemosynam: Ergo tunc facit opus bonum, honestum 9. 22. *Luxerna corporis tui est oculus tuus. Si oculus tuus fuerit simplex, totum corpus tuum lucidum erit,* id est, si intentio tua sit bona totum opus tuum erit bonum. Minor etiam patet, ex eodem capite, ubi reprehendit Phariseos, quod facerent elemosynas, quod orarent, quod ieiunarent, non bona, sed mala intentione, nempe ad captandam

A inanem gloriam ex bonis operibus. Contra verò hortatur Apostolos & alios iustos, ut ipsi bona non mala intentione in iisdem se exercent: sic enim fore, ut omnia ipsorum opera sint grata coram Deo. *Attendite,* inquit, *ne iustitiam vestram faciatis coram hominibus, ut videamini ab iis, &c.* Et infra. *Te autem faciemus elemosynam, nescias manus sinistra tua, quid facias dextera tua, ut sis elemosynatus in abscondito; & pater tuus, qui videt in abscondito, reddet tibi.*

15. Hactenus ex contrario fundamento Caluini sententiam refutari. Nunc refelli potest ex variis Scriptura locis. Primum ex illo Matth. 5. 17. *Si lucas lux vestra coram hominibus, ut videam opera vestra bona & glorificent Patrem vestrum, qui in celis est.* At quomodo videbunt homines Apost. opera bona, si omnia sunt damnabilia? Aut quomodo glorificabunt Patrem cælestem, si sunt inquinamenta, & mera iniquitas? Secundò, ex illo 1. Corinthiorum 7. 28. *Si acceperis uxorem non peccasti.* Hic quæro ex Calvinisticis Prædicantibus, an ipsi mortaliter peccent accipiendo uxores? si peccant, falsa est Apostoli sententia. Imo sacrilega & impia Prædicantium consilia, quibus suadent Monachis, ut accipiant uxores: Et ipsi Prædicantes sacrilegi & impii, qui accipiunt. Si non peccant, falsum est, quod ait Calvinus, omnia iustorum opera esse damnabilia. Tertio ex illo Matth. 26. 10. *Quid molesti estis huic mulieri? opus enim bonum operata est in me.* Hic iterum quæro, an Magdalena peccauerit, effundendo vnguentum super caput Christi recumbentis? Si dicitis peccasse; non Christi sed Iudæ proditoris sententiæ subscribitis. Nam Christus dixit; *Bonum opus operata est in me;* quod vos negatis. Iudæ dixit, *ut quid perditio hæc?* quod vos defenditis. Quarto ex illo. 1. Pet. 1. 10. *Sed agite, ut per bona operacertam vestram vocationem faciatis. Hoc enim facientes non peccabitis aliquando.* Hic Petrus primum hortatur nos ad bona opera. At si nulla essent bona, sed omnia mortifera & damnabilia, quomodo ad ea hortari posset. Deinde affirmat eos non peccaturos, qui ipsius monita sequantur. At quomodo peccaturi non sint quorum singula opera sunt peccata mortalia? Quintò, ex illo 1. Corinthiorum 4. 4. *Nihil mihi conscius sum.* Sanè, si Paulus sensisset cum Caluino, dixisset, *Malè mihi conscius sum, quia omnia mea opera scio esse damnabilia, & meram iniquitatem.* Sextò, ex illo ad Titum 2. 14. *Christus dedit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum.* Hæc loquere & exhortare. Diceret Calvinus, Hæc tacet & detestatur, quia Christus non mundauit nos ab iniquitate peccati originalis; & omnia opera nostra quæ sectamur, sunt sordes & inquinamenta.

16. Tertio refutatur exemplo Iob, & Davidis, qui præclara suorum operum testimonia habent in sacris Litteris ut Iob 1. 22. *In omnibus his non peccauit Iob labijs suis.* Et capite 2. 3. *Nunquid considerasti seruum meum Iob, qui non sit illi similis in terra, vir simplex & rectus, & recedens à malo, & adhuc retinens innocentiam?* Et Psalm. 16. 3. *Probasti cor meum, & visitasti nocte, igne me examinasti, & non est in me iniquitas.* Et Psalm. 17. 22. *Custodini vias Domini, nec impiè gessi à Deo meo.* Et 118. 121. *Feci iudicium & iustitiam: non calumniatur me superbi.* Quid ad hæc dicis Calvinus? Iob non peccauit labijs suis, & tu asseris omnia verba ipsius esse damnabilia? Iob recedit à malo, & tu clamas mereri iustam opprobrii mercedem? Deus non inuenit iniquitatem in corde Davidis, & tu nihil ibi reperis nisi sordes & inquinamenta? David non gessit impiè, sed fecit iudicium & iustitiam, & tu audes eum calumniari? Fortè ad te respexit, cum dixit, *Non calumniatur me superbi.*

17. Quartò refutatur ex variis absurdis, quæ inde sequuntur. Pauca attingam. Ac primò sequitur ex Calvini sententia, hominem per peccatum iustificari; quod sic ostendo. Omnia iustorum opera sunt peccata & mera iniquitas: sed fides est opus iustorum: Ergo fides est peccatum & mera iniquitas. At sola fide iustificamur: Ergo solo peccato & iniquitate iustificamur. Quis hoc credat? Et tamen admittunt Calvinistæ. Secundò, sequitur, iustos non debere credere. Nam omnia peccata sunt prohibita: at si omnia opera iustorum sunt peccata etiam opus fidei est peccatum: Ergo opus fidei est prohibitum: Ergo non licet credere. Tertio sequitur Deum præcipere & mandare, ut fiant peccata. Præcipit enim, & mandat, ut fiant peccata. Præcipit enim, & mandat, ut fiant quædam opera à iustis: at omnia illorum opera sunt peccata, teste Calvino. Ergo præcipit fieri quædam peccata. Omitto cætera.

18. Videamus quid Calvinistæ pro se adferant. Primò obiciunt illud Ecclesiastæ. 7. 21. *Non est homo iustus in terra qui faciat bonum, & non peccet.* Hinc colligunt, iustorum opera non esse bona, sed peccata. Respondeo, illa verba dupliciter intelligi possunt. Primò, Nullus est iustus, qui faciat aliquod bonum, & non semper peccet in omnibus suis actibus. Secundo, Nullus est iustus, qui semper faciat bonum, & non aliquando peccet. Prior sensus aperte falsus est, ut ex dictis patet. Posterior potest iterum duobus modis accipi. Primò, non est iustus, qui semper faciat bonum, & non aliquando peccet mortaliter. Hoc falsum est, & contra illud 1. Ioannis 3. 9. *Omnis qui natus est ex Deo peccatum non facit.* Secundo, non est iustus qui semper faciat bonum, & non aliquando peccet venialiter. Hoc verum est, iuxta illud Prov. 24. 16. *Septies in caderis iustus, & resurget.*

19. Secundò obiciunt illud Isaïæ 64. 6. *Et facti sumus ut immundi omnes nos, & quasi pannus menstrua a universa iustitia nostra.* In hoc testimonio ponunt victoriam. Sed frustra. Nihil enim ad rem facit, 1. Quia non intelligitur de hominibus iustis, de quibus est nostra questio, sed de impiis & sceleratis: nec de omnibus, sed tantum de Iudæis. 2. Nec de omnibus illorum operibus, sed solum de sacrificiis & neomeniis, in quibus illi maxime iustitiam suam collocabant, quæ tamen Deus execrabatur, iuxta illud Isaïæ 1. 13. *Ne offeratis ultra sacrificium frustra: incensum abominatio est mihi, &c.*

Præceptum, Non concupisces, servari posse à iustis.

20. Ostendi contra Calvium, non omnia iustorum opera esse damnabilia, iniusta, inquinata, sed quædam bona, honesta, laudabilia, Deo grata, præsertim quæ ex Dei gratia facta sunt. Nunc videndum est; an iusti per huiusmodi opera possint legem servare, nec ne. Cæterum, quia præcipua difficultas est duobus præceptis legis, nempe, de non concupiscendo, & de diligendo Deo ex toto corde? servabo hunc ordinem, ut primò agam de præcepto, *Non concupisces*. Secundò, de altero, *Diliges Deum ex toto corde*. Tertio, de tota lege Decalogi simul sumpta. Nam si semel ostendero, illa duo in particulari non esse impossibilia: facillimum erit de tota lege idem convincere.

21. Sit ergo hæc questio inter nos & aduersarios, An homines iusti per auxilium gratiæ Dei possint servare hoc præceptum Decalogi? *Non concupisces*? Ut intelligatur, quid Calvinistæ, quid Catholici sentiant, tria spectari debent. 1. Concupiscentiam in actu primo, seu pronitas quædam ad concupiscendum. 2. Modus concupiscentiæ in actu secundo, præueniens rationem. 3. Consensus qui à libera voluntate proficiscitur. Hoc posito, Calvinistæ docent, hæc omnia esse peccata. Et quidem concupiscentiam in actu primo, dicunt esse ip-

sum peccatum originale. Motum verò concupiscentiæ qui præuenit aduertentiam rationis; & præterea consentium, qui sequitur esse peccata actualia, & quidem mortifera contra illud præceptum; *Non concupisces*. Volunt enim hoc præcepto prohiberi, non solum consensum sed etiam ipsos motus concupiscentiæ consentium præuenientes. Unde concludunt præceptum hoc servari à nobis non posse in hac vita, quia non possumus vitare motus concupiscentiæ, qui hoc præcepto prohibentur. Sed errant.

22. Catholici contradocent, 1. Concupiscentiam in actu primo non esse peccatum originale, sed naturalem quandam pronitatem seu inclinationem, quæ per se culpabilis non sit. 2. Motus concupiscentiæ rationem præuenientes, non esse peccata; nec prohiberi hoc præcepto; *Non concupisces*, sed solum consensum. Hinc inferunt præceptum hoc non esse impossibile, sed posse servari à iustis per gratiam Dei; cum nihil aliud illis prohibeatur, quam liber consensus, qui liberè vitari potest. Hæc singula paucis confirmanda sunt.

23. Ac primò, quod concupiscentia in actu primo, non sit peccatum originale, euidenter conuincitur hoc Syllogismo, peccatum originale tollitur per Baptismum, concupiscentia non tollitur: Ergo concupiscentia non est peccatum originale. Maior fuisse probata est in disputatione de Iustificatione capite 1. Minor patet experientia. Nec opus est hic hæcere. Solum nota, per concupiscentiam intelligi, non solum pronitatem & inclinationem, quæ est in appetitu sensitivo, tam irascibili, quam concupiscibili, sed etiam illam, quæ est in intellectu & voluntate. Nam hæc quatuor potentie (voluntas, intellectus, & uterque appetitus) naturam suam pronæ sunt ad quosdam motus inordinatos, & recte rationi repugnantes, ut verbi gratia, intellectus ad iudicia falsa & erronea: Voluntas ad odium, inuidiam, desperationem: Appetitus sensitivus ad carnalia & terrena desideria. Hæc ergo pronitas istarum potentiarum, seu naturalis inclinatio, vocari solet communi nomine, concupiscentia in actu primo. Hanc formaliter negamus esse peccatum originale propter rationem allatam. Quid ergo est? inquires. Dicam. Est quædam imperfectio, quæ homini in puris naturalibus condito esset naturalis, post lapsum verò, est pœna seu effectus peccati primi parentis: Et à Theologis solet vocari morbus seu languor naturæ, infirmitas, fomes peccati, fons tentationum, vis appetendi immoderata. Apostolus, nunc peccatum, nunc legem membrorum vocat: Non quod ipsa per se peccatum sit, sed quia est effectus & causa peccati, ut explicat D. August. lib. 1. de nuptiis & concupiscentia cap. 23. & l. 1. contra duas epistolas Pelagianorum capite 13. & alibi.

24. Iam verò quid motus concupiscentiæ rationem præuenientes, non sint peccata mortalia, nec prohibeantur illo præcepto. *Non concupisces*, sed solus consensus facile probari potest. Nam ipsa Scriptura sic interpretatur. Quod enim vno loco dicit. *Non concupisces*, alibi explicat, Ecclesiast. 5. 2. *Ne sequaris in fortitudine tua concupiscentiam cordis tui.* Et cap. 18. 30. *Post concupiscentias tuas non eas.* Et Rom. 6. 12. *Non regnet peccatum in vestro mortali corpore, ut obediat concupiscentiis eius.* Certè in his locis sermo est de consensu.

25. Idem frequenter docet Augustinus, præsertim lib. 1. de nuptiis & concupisc. cap. 23. cum ait. *Nam ipsa quidem concupiscentia iam non est peccatum in generariis, quando illi ad illicita opera non consensitur.* Et in expositione quatuorundam propositionum ex Epistola ad Romanos, expositione 17. *Non enim in ipso desiderio pravo, sed in nostra consensione peccamus.* Et lib. 5. contra Iulianum cap. 3. *Aliud est habere mala desideria carnis, aliud tradi-*

corde, non quod totum cor nostrum in eo diligendo debeat occupari? sed quod tanto conatu in eum ferri debeat, quanto fieri potest. Nec hoc sensu præcipitur: quamvis si præciperetur, servari posset. Quis enim dicat impossibile sibi esse diligere Deum tanto conatu, quanto diligere eum potest? Tertius est, ut diligamus Deum ex toto corde, id est, ut diligamus eum super omnia: ut præferamus illum rebus aliis; ut nullius rei amorem, Dei amoris anteponamus, ut nullius creaturæ timore vel amore velimus Deum offendere, & ab illius amore recedere. Hic Verus ac germanus sensus est. Hunc expressit Apostolus Rom. 8. 39. *Nulla creatura poterit nos separare à charitate Dei*, id est, nulla poterit efficere, ut ei postponamus dilectionem Dei. Et Christus Matth. 10. 37. *Qui amat Patrem, aut matrem plus quàm me, non est me dignus*, id est, qui amorem parentum præfert amoris Dei, non diligit Deum super omnia. Vnde è contrario qui amori parentum (qui in filiis solet esse maximus) præfert amorem Dei, conuincitur diligere Deum super omnia.

33. Hoc sensu laudatur Abraham, Genesi 22. quod cum haberet unicum filium Isaac, quem intimè diligebat: eius tamen dilectioni præferret dilectionem Dei. Nam si inter omnes creaturas, nullam tantoperè amabat, sicut filium suum unigenitum, & nihilominus hunc ipsum filium paratus erat offerre Deo in sacrificium; evidens signum erat, eum diligere Deum super omnia, vel quod idem est, ex toto corde. Hinc concludo, hoc præceptum non esse impossibile, si eo sensu explicetur, quo iam explicatum est.

34. Sed obiicitur Augustinus in lib. de spiritu & littera cap. ult. & in lib. de perfectione iustitiæ, Respon. 17. ubi ait, hoc præceptum non posse impleri in hac vita, sed in alia. At prompta est responsio: Nam duo nititur ostendere Augustinus, quæ verissima sunt. Vnum est, præceptum illud, *Dilige Deum ex toto corde & ex tota anima, & ex totis viribus*: posse quidem impleri in hac vita, quoad obligationem, quàm inducit: non tamen quoad verba, quibus proponitur. Alterum est, in hac vita non tam perfectè diligit Deum, quam in altera: quod probat hac ratione. Dilectio supponit cognitionem: In hac vita cognoscimus Deum obscurè per fidem: in altera clarè per visionem: quid ergo mirum si in hac vita minus perfectè in altera perfectius Deum diligamus? Hanc esse mentem Augustini ex ipso textu colligitur, nec in minimo nobis repugnat.

Totam legem Decalogi servari posse.

35. Ex dictis facilè demonstrari potest, totam legem servari posse ab homine iusto. Primò, quia si duo præcipua præcepta, quæ videbantur omnium difficillima, servari possunt: cur non etiam reliqua? Secundò, quia qui diligit Deum ex toto corde, præfert illum omnibus creaturis, nec intuitu ullius creaturæ vult illum offendere: Ergo servat omnia illius præcepta: quia si vel unum non servaret, iam illum offenderet: At homo iustus, potest illum diligere ex toto corde, ut probatum est: Ergo potest omnia illius præcepta servare. Imò si propriè loquamur, hæc duo, *amare Deum ex toto corde, & mandata Dei custodire*, reipsa idem sunt: vel certè alterum cum altero necessario connexum. Fieri enim non potest, ut quis diligit Deum ex toto corde, & non servet omnia eius præcepta. Hinc in scripturis ferè semper coniunguntur, ut Exod. 20. 6. *Faciens misericordiam his, qui diligunt me, ut custodiant præcepta mea*. Et Deut. 10. 12. *Et nunc Israel, quid Dominus Deus tuus petat à te, nisi ut diligas eum in toto corde tuo, & custodias mandata eius*? Et cap. 10. 1. *Amate Dominum Deum tuum, & observate præcepta eius*. Et Iosue 22. 5. *rediligatis Dominum*

A Deum vestrum, & observetis mandata illius. Et Christus Io. 15. 10. *Si præcepta mea servaveritis manebitis in dilectione mea*. Et alibi sæpe.

36. Quid multis? Scriptura apertè testatur, quosdam totam legem custodiuisse; ut 3. Reg. 14. 8. *Noli fuisse sicut servus meus. David, qui custodivit mandata mea, & secutus est me in toto corde suo*. Et Lucæ 1. 6. de Zacharia & Elisabetha: *Erant iusti ambo ante Deum, incedentes in omnibus mandatis & iustificationibus Domini, sine querela*: Et Iosue 17. 6. De Apostolis: *Tui erant, & mihi eos didisti, & sermonem tuum servaverunt*. Quis neget idem fecisse B. Virginem, S. Stephanum, Timotheum; & non paucos alios?

37. Et sanè, si lex impossibilis esset, neque servari posset: cur eam Deus Optimus Maximus nobis imponeret? Cur clamaret Christus Matt. 11. 30. *Tollite iugum meum super vos, Iugum enim meum suave est, & onus meum leve*? Cur Apostolus 1. Ioan. 5. 3. *Hæc est charitas Dei, ut mandata eius custodiamus, & mandata eius gratia non sunt*: Cur propheta David de seipso, Psal. 118. 32. *Viam mandatorum tuorum cucurri, cum dilatasti cor meum*? Cur alius propheta de omnibus iustis, Ezech. 36. 27. *Spiritum meum ponam in medio vestri, & faciam ut in præceptis meis ambuletis*? Certè ex his & similibus patet legem Dei non modo possibilem esse, sed etiam facilem & iucundam iis, qui gratia Dei adiuvantur: Blasphema igitur vox Calvini in antidoto Conc. Trid. Sess. 6. cap. 12. cum ait: *Prophetas & Patriarchas, & pios Reges, utique Dei spiritu adiuventur, ferendo legis iugo pares non fuisse*. Quid hoc aliud est, quàm palam pronunciare, omnia scripturæ testimonia iam citata esse falsa? Et Spiritum sanctum non posse hoc efficere per dona gratiæ in cordibus iustorum, ut legi satisfaciant? multò aliter Apostolus ad Phil. 4. 13. *Omnia possum in eo, qui me confortat*. An hic crederet Calvinus mentiri Apostolum, & debuisse dicere, *Non possum omnia in eo, qui me confortat*, quia legem servare non possum? Apagè.

38. Sed pressius ad rem. Cum lex Decalogi contineat decem præcepta: quæram ex Calvino, an omnia & singula: an aliqua duntaxat sint impossibilia? Scio dicturum, duo hæc potissimùm servari non posse, *Dilige Deum ex toto corde, &, non concupisces*. Sed de his seorsim iam egi. De reliquis quæro sint ne possibilia, necne? Negat in antidoto, loco citato, cum ait, *Minimum legis mandatum onus esse, Aenagranus*. Quid: nemo ergo iustorum non homicida est? Nemo non fur & adulter? Nemo non falsus testis? Absit. Multi commendantur in scripturis, qui ab his vitiis fuerunt immunes. Quis audeat dicere, Iosephum Patriarcham & Susannam fuisse adulteros, qui tam fortiter pro castitate pugnaverunt? Quis Apostolos fuisse fures, qui etiam propria reliquerunt? Quis Evangelistas fuisse falsos testes, qui testandæ veritati deputati sunt? Dicet opinor Calvinista quispiam, eos externo opere non fuisse tales, sed tamen animo & cogitatione. Sed quisquis hoc dicit, metitur alios suo ingenio: & sicut ipse plenus est dolo, ira, fraude, nequitia, pravis cupiditatibus: sic alios omnes esse malitiosè confingit. Sanè Christus in Evangelio, cum dicebat iustitiam Christianorum debere perfectiorem esse, quàm fuerit iustitia Phariseorum, hoc agebat, ut non tantum externo opere servaremus mandata legis, sicut Pharisei servabant, sed etiam interno affectu & proposito. Vnde volebat discipulos suos, non tantum non occidere, sed nec irasci: non tantum non moechari, sed nec mulierem concupiscere. Et quis neget eos cum Dei gratia præstare id potuisse.

39. Hæc sufficiunt contra Calvinistas. Videamus, nunc, quid pro se adferant. Primùm obiciunt illud Actuum. 15. 10. *Quid tentatis imponere iugum super*

cernices discipulorum, quod neque patres nostri, neque nos portare posuimus? Hæc sunt verba Petri Apostoli, quibus testatur legem esse iugum importabile, neque nos posse saluari per observationem legis, cum ea impossibilis sit, sed per gratiam Dei, quæ à legis iugo nos liberat. *Respondeo.* Certum est, Petrum non loqui de lege morali, quæ continetur in Decalogo, & de qua hic disputamus, sed tantum de cæremoniali. Contendit enim Christianos non esse obligandos ad circumcissionem & similes cæremonias Iudaicas, idque propter duas causas. Primò, quod sint iugum graue & importabile. Secundò, quod sint inutiles ad iustificationem. Hanc posteriorem causam clarius expressit D. Paulus ad Gal. 4. 9. *Nunc autem cum cognoueritis Deum, imò cogniti sitis à Deo, quomodo conuersimini iterum ad infirma & egena elementa, quia denuò seruire vultis;* Porro lex cæremonialis vocatur iugum importabile, non quod portari omnino non possit, sed quod ægrè ac difficulter, vt rectè exponit D. Thom. in 2. d. 28. qu. vnica. artic. 4. ad 3. Lyranus in hunc locum, & alij. Nam si omnino portari non potuisset, mentitus esset Euangelista, cum dixit de Zacharia & Elisabetha, Luc. 1. 6. *Erant ambo iusti ante Deum, incedentes in omnibus mandatis & iustificationibus Domini sine querela.* Eodem sensu Christus traditiones Pharisaicas vocat onera importabilia. Matt. 23. 4. *alligant enim onera grania & importabilia, & imponunt in humeros hominum; digito autem suo volunt ea maxare.*

40. Secundò obijciunt illud Apostoli ad Galat. 3. 10. *Quicumque ex operibus legis sunt, sub maledicto sunt. Scriptum est enim: Maledictus omnis, qui non permanferit in omnibus, quæ scripta sunt in libro legis, ut faciat ea.* Hic supponit Apostolus legem Dei esse impossibilem, vt colligitur ex ipsius discursu, qui est huiusmodi: Quicumque non seruat totam legem, est maledictus: Ergo qui volunt iustificari ex operibus legis, seu ex observatione legis sunt maledicti. Quæ consecutio nulla esset, nisi subintelligatur assumptio ista; atqui nullus potest seruare totam legem. Totum ergo argumentum erit tale; Quicumque non seruat totam legem, est maledictus; At nemo potest seruare totam legem: Ergo maledictus omnis, qui ex observatione legis vult iustificari. *Respondeo.* Hic syllogismus non est Apostoli Pauli, sed est alicuius Calvinistæ. Et in multis peccat. Primò in forma. Nam seruata maiori & minori propositione, deberet hoc modo concludere; Quicumque non seruat totam legem est maledictus: sed nullus seruat totam legem: Ergo omnes sunt maledicti. Vel sic? Quicumque non seruat totam legem, est maledictus: sed fideles (præsertim Calvinistæ) non seruant totam legem: Ergo fideles (præsertim Calvinistæ) sunt maledicti. Secundò, peccat in explicatione verborum Pauli. Nam illa verba. *Qui ex operibus legis sunt, sub maledicto sunt,* non significant eos esse maledictos, qui legem implendo iustificari volunt, cum dicat idem Apostolus Rom. 2. 13. *Factores legis iustificabuntur;* sed nos esse maledictos, qui suis viribus sine fide & gratia legem implere, & iustificari se posse credunt. Hoc patet ex antithesi. Nam opera legis opponit fidei, vt patet ex illis verbis, *Ex operibus legis spiritum accepistis, an ex auditu fidei?* Similiter eos, qui sunt ex fide, opponit iis, qui sunt ex operibus legis. De prioribus dicit: *Qui ex fide sunt, benedicuntur cum fidei Abraham.* De posterioribus verò, *Qui ex operibus legis sunt, sub maledicto sunt.* Hinc sequitur, minorem propositionem, quam Apostolus substinuit, non esse hanc Calvinisticam, (Atqui nemo potest seruare legem) sed illam Catholicam (Atqui nemo suis viribus sine fide & gratia potest seruare legem.) Itaque argumentum Apostoli habet hanc vim: Quicumque vult iustificari ex operibus legis, debet totam legem seruare. (Nam si totam non seruat,

maledictus est: vel vt loquitur Iacobus, qui offendit in uno factus est omnium reus) sed sine fide per solas naturæ vires nemo potest seruare totam legem: Ergo sine fide per solas naturæ vires nemo potest ex operibus legis iustificari. Hinc patet, quo sensu intelligendum sit quod sequitur: *Christus nos liberans de maledicto legis, factus pro nobis maledictum.* Non enim significat Christum nos liberasse ab observatione legis, quasi ea impossibilis sit, vt falso interpretantur aduersarij: sed liberasse à maledictione, quæ præuaricatoribus legis impendit, quia scilicet, per sua merita obtinuit nobis fidem & gratiam, per quam possimus implere legem, & maledictionem euadere.

41. Tertiò obijciunt illud Roman. 7. 18. *Velle quidem adiacet mihi, perficere autem bonum non inuenio.* Hinc sequitur, etsi cupias legem implere, non tamen posse. *Respondeo.* Non loquitur Apostolus de observatione legis, sed de carentia motuum concupiscentiæ. Quasi dicat, vellem quidem carere inordinatis concupiscentiæ motibus, sed non est in mea potestate. Vel sic, bonum est carere motibus concupiscentiæ. Et hoc bonum appeto & desidero, sed non possum perficere.

42. Quartò obijciunt. Nemo potest vitare omnia peccata: Ergo nemo potest implere totam legem. Si enim totam impleat, iam vitaret omnem transgressionem legis, & consequenter omne peccatum. Antecedens patet ex illo Iacobi 3. 2. *In multis offendimus omnes, & c.* Ioann. 1. 8. *Si dixerimus, quia peccatum non habemus, nos ipsos seducimus.* *Respondeo,* cum distinctione. Nam hæc propositio (nemo potest vitare omnia peccata) potest dupliciter intelligi. Primò, de peccatis mortalibus, & sic falsa est. Secundo de venialibus, & sic vera est. Quilibet enim iustus potest vitare peccata omnia mortalia: Nemo tamen omnia venialia, saltem secundum communem & ordinarium modum diuinæ providentiæ. De quo plura infra in sequenti opusculo.

43. Quinto obijciunt. Christus est mediator noster, non solum in prima iustificatione, qua Deo reconciliamur, sed etiam postea in toto vitæ nostræ tempore: ergo semper egemus intercessionem Christi: Ergo semper peccamus & legem transgredimur: alioqui post primam reconciliationem Christus esset otiosus. *Respondeo.* Christus semper est mediator noster, & nunquam est otiosus, duplici de causa. Primò, quia semper nobis vires & gratiam subministrat; per quam non peccemus, & bona opera faciamus. Secundò, quia emundat nos à quotidianis peccatis venialibus, in quæ frequenter incidimus, iuxta illud, *Septies in die cadit iustus.*

CAPVT II.

De necessitate operum.

An iusti teneantur facere aliqua bona opera & legem seruare.

HÆTENUS ostendi iustos posse vtrumque præstare cum Dei gratia. Nunc quaeritur, an etiam teneantur? Vbi notandum est differre illa duo, iusti possunt facere bona opera, & iusti possunt seruare legem. Nam alterum altero latius patet. Multa enim possunt fieri bona opera præter observationem legis,

vt sunt opera consiliorum Euangelicorum. Hæc tamen duo non differunt: Iusti teneantur facere bona opera & iusti tenentur seruare legem. Vtrumque enim æquè latè patent. Non enim tenendus facere bona opera, nisi ex præscripto legis. Vnde hoc loco idem est querere, An iusti teneantur benè operari, & an teneantur seruare legem? Vel, an opera bona sint iustus ad salutem necessaria, & an lex obliget iustos ad sui obseruationem. Hoc obiter monui, vt status controversiæ melius intelligatur.

1. Calvinistæ ergo docent, opera non esse necessaria ad salutem, seu fideles non teneri ad obseruationem legis. Hoc clarè patet ex eorum principiis, quæ sunt huiusmodi. 1. Solam fidem sufficere ad salutem. 2. Omnia iustorum opera esse damnabilia & peccata mortalia.

3. Legis obseruationem esse impossibilem. 4. Hoc interesse inter legem & Euangelium, quod Lex proponat salutem cum conditione implendæ legis: Euangelium verò absolute sine tali conditione. Hinc Calvinus in antidoto Concil. Trident. Sess. 6. cantic. 20. disertè ait, *salutem non pendere ab obseruatione legis*. Ex his principiis, quid aliud colligas, quam quod dixi, opera non requiri ad salutem? 1. Nam si sola fides sufficit, reliqua sunt superuacanea. 2. Si omnia iustorum opera sunt damnabilia & peccata mortalia, quomodo ad salutem necessaria? 3. Si lex impossibilis, quis saluus erit, si seruari debeat? 4. Si Euangelium sine conditione legis implendæ promittit salutem, quid necesse est eam implere? Hæc perspicua sunt.

4. Catholici contra docent, opera esse necessaria ad salutem, & neminem saluari posse, nisi qui legem obseruat. Et quamuis hæc duo idem valeant, vt dixi: tamen separatim vtrumque probabo ex scripturis, vt clariùs progrediamur. Primum ergo, quod opera bona sint iustis ad salutem necessaria, & non sufficiat fides probatur his scripturæ testimoniis. Matth. 3. 10. *Omnis arbor, qua non facit fructum bonum, excidetur & in ignem mittetur*. Iacobi 3. 14. *Quid prodest fratres mei, si fidem quis dicat se habere, opera autem non habeat?* Et infra. *Fides sine operibus mortua est* Et 2. Petri 1. 10. *Sagite, ut per bona opera certam vestram vocationem, & electionem faciatis*. Et Matth. 5. 21. *Nisi abundaueris iustitia vestra plus quàm Scribarum, & Phariseorum, non intrabitis in regnum celorum*. Denique cum Christus in toto illo sermone, quem habuit in more, multa disputasset de bonis operibus, præsertim de eleemosyna, oratione, ieiunio, & aliis similibus, tandem ita conclusit. *Omnis ergo, qui audit verba mea hæc, & facit ea, assimilabitur viro sapienti, qui edificauit domum suam super petram, & descendit pluuia & venerunt flumina & flauerunt venti, & irruerunt in domum illam, & non cecidis, fundata enim erat supra petram*. Et omnis qui audit verba mea hæc, & non facit ea (vt Calvinistæ) similis erit viro stulto, qui edificauit domum suam super arenam, &c. & cecidis, & fuit, ruina illius magna.

5. Aliqui ex aduersariis conantur eludere hæc testimonia adhibita distinctione. Aiunt enim duplicem esse necessitatem, alteram præsentis, alteram efficientis. Opera non quidem esse necessaria ad salutem necessitate efficientis, sed tantum necessitate præsentis. Hoc posterius rectè probari ex scripturis, non illud prius. Sensus huius distinctionis est, solam fidem habere vim iustificandi & saluandi, ac proinde solam fidem necessariam esse ad salutem necessitate efficientis: Cæterum, quia fides debet esse viuæ & non potest esse viuæ sine bonis operibus, qui sunt quasi fructus necessariò pullulantes ex viuâ fide, ideo consequenter opera esse necessaria, vt non efficiant salutem, quam fides sola efficit, sed vt comitentur fidem, & præsentem illi sint, sicut fructus præsentem sunt arbori. Hæc

Opusc. Sec.

sententia facillimè refutatur. Primò: quia seipsam destruit. Nam si omnia opera iustorum sunt damnabilia, & peccata mortalia, vt Calvinus fatetur, quomodo sunt fructus viuæ fidei? aut quomodo fides viuâ dicitur ab iis fructibus, qui mortiferi sunt? Secundò; quia in sequenti capite ostendam, bona opera mereri vitam æternam, Certè si merentur, non tantum sunt necessaria necessitate præsentis, sed etiam efficientis. Tertio quia scriptura aperte docet, bona opera efficiuè concurrere ad salutem. Philipp. 2. 12. *Cum metu & tremore salutem vestram operamini* Et 2. Corinth. 7. 10. *Tristitia, qua secundum Deum est, penitentiam in salutem stabilem operatur*. Et 2. Corinth. 4. 17. *Id quod in presenti est momentaneum, æternam gloriam pondus operatur in nobis*.

6. Iam quod legis obseruatio necessaria sit, æquè facile probari potest ex scripturis. Matth. 11. 29. *Tollite iugum meum super vos* Matth. 19. 17. *Si vis ad vitam ingredi, serua mandata*. Ioann. 14. 15. *Vos amici mei estis, si feceritis quæ ego præcipio vobis*. Iacobi 2. 8. *Si tamen legem perficiatis regalem*. Matth. 23. 19. *Euntes docete omnes gentes, docentes ea: seruare omnia, quæcunque mandauimus vobis*: An hic dicet Calvinus: *Non tollo iugum quia nimis graue est: Volo ad vitam ingredi, sed sine mandatorum obseruatione, per solam fidem: Ero amicus tuus, etiamsi non fecero, quæ mihi præcipis: Non perficio legem regalem: Docbo eos, non seruare mandata, sed sola fide contentos esse?* Planè nouum Euangelium.

7. Accedit efficax ratio in hunc modum; Deus in scripturis indicat se velle, vt legem seruemus, vt patet ex testimoniis citatis: vel ergo seriò vult, vt ea seruemus vel ioco. Si seriò vult, seriò tenemur illam seruare: si ioco vult, cur seriò punit transgressores? Fortè non pudebit hic Calvinistas dicere Deum ioco & ironicè loqui? cum proponit nobis obseruationem legis. Sic enim explicant illud Christi Matth. 19. 17. *Si vis ad vitam ingredi, serua mandata*; quasi Christus ironicè deluserit adolescentem, qui ab ipso quærebat, quo pacto posset saluari. Sed valeant huiusmodi scripturarum interpretes, seu potius deprauatione.

Prima obiectio de libertate Christiana.

8. Omnia argumenta, quæ obiciuntur ab aduersariis; ad duo capita reuocantur: In priori sunt ea, quibus probant bona opera non esse necessaria, ed quod sola fides sufficiat. Hæc refutata sunt in disputatione de iustificatione. In posteriori sunt ea, quibus probant, nos non teneri seruare legem. 1. Quia impossibilis est. 2. Quia libertas Christiana nos eximit. 3. Quia non sumus sub lege, sed sub Euangelio. Ex his tribus primum quod sumitur ab impossibilitate legis, iam solutum est. Ostendi enim legem non esse impossibilem: Super sunt reliqua duo: alterum ex libertate Christiana, alterum ex discrimine legis & Euangelij, quæ paucis explicanda sunt. Est ergo primum argumentum huiusmodi, Christiani sunt liberi ab obseruatione legis: Ergo non necesse est legem seruare. Antecedens probatur, quia cum ex vna parte lex sit impossibilis, & ex altera, qui non seruat legem, maledictioni subiaceat; alterutrum necesse est, vel omnes fideles maledictionem incurrere, vel omnes à debito implendæ legis liberari: prius fieri non oportuit: ergo posterius asserendum est. Et hoc confirmant ex illis ad Galat. 3. 13. *Christus nos redemit de maledicto legis*: & 1. Timoth. 19. *Iusto non est lex posita*. Hinc concludunt primò, Christianos esse liberos à lege. Secundò, Christum non esse Legislatorem, sed Redemptorem.

9. Respondeo. Totum hoc argumentum nititur falso fundamento, nempe legem esse impossibilem, quod

R

iustificationem, ac proinde non formaliter, sed tantum dispositiue expellunt peccatum. Hinc rectè docent Theologi, quod posito actu dilectionis aut contritionis in homine peccatore, adhuc nouum ac peculiare Dei beneficium sit, quod remittat peccata, & iustitiam infundat.

De causa materiali.

8. Constat, gratiam sanctificantem (quæ est forma iustificationis) existere in anima hominis iusti, tanquam in subiecto. At quæstio est, an anima, sicut est subiectum, sic etiam sit causa materialis respectu gratiæ inherens? vel, quod eodem recidit, an gratia educatur de potentia animæ? an per simplicem creationem producat? Hoc posterius nonnulli amplexi sunt. Nam cum gratia sit donum supernaturale, non videtur posse educi de naturali potentia animæ. Hinc ponunt duas actiones circa gratiam: alteram, qua ipsa producit à Deo per creationem; alteram, qua vnitur animæ tanquam subiecto. Quod declarant exemplo animæ rationalis, quæ vna actione à Deo creatur, altera corpori vnitur.

9. Sed rectius sentiunt alii, gratiam educi de potentia animæ, non quidem naturali, sed vt vocant, obedientiali. Cum enim gratia sit accidens, natura sua habet Esse dependens à subiecto: ergo recipit suum Esse per actionem dependentem à subiecto: ergo non creatur, nec est simile de anima. Hæc enim est forma substantialis, & per se subsistens, quæ etiam separat à corpore, potest vi sua existere in rerum natura. Hoc de gratia dici nequit. Imò; hinc apertè conuincitur, gratiam non alia actione produci, & alio subiecto vni alioqui cessante hac vnione, posset adhuc subsistere, sicut anima rationalis; quod falsum est.

De causa finali.

10. Finis iustificationis impii est triplex: salus & felicitas eius, qui iustificatur, gloria Christi hominis; honor Dei. Nam gratia, quæ confertur in iustificatione proxime tendit ad salutem & felicitatem nostram consequendam, deinde ad Christi merita illustranda; denique ad Dei Opt. Maximi gloriam manifestandam. Vide Concil. Trid. Sess. 6. c. 7.

11. De primo fine intelligitur illud Roman. 6. 22. *Nunc vero liberati à peccato serui autem facti Deo, habetis fructum vestrum in sanctificationem: finem vero vitam æternam.* Et prima Petri 1. 9. *Vt & portetis finem fidei vestra salutem animarum vestrarum.* De secundo illud Ephes. 15. *Qui predestinauit nos in adoptionem filiorum per Jesum Christum, in ipsum.* De tertio illud Isaïa 43. 7. *Omnes, qui inuocat nomen meum, in gloriam meam creauimus eos.*

De causa efficiente.

12. Causa efficiens, aut est principalis, aut instrumentalis, vt suppono ex philosophia. Principalis causa iustificationis, est solus Deus, vt habet Conc. Trid. loco citato. Et constat ex scripturis, Isaïa 43. 25. *Ego sum, ego sum, qui deleo iniquitates tuas.* Rom. 3. 30. *Vnus est Deus, qui iustificat circumcisionem ex fide, & præputium per fidem.* Vide Augustinum in illud Psal. 118. *feci iudicium & iustitiam.* Vbi ait, Deum iustitiam in nobis operari sine nobis. Ratio est, quia si aliqua creatura posset iustificare & peccata remittere, tanquam causa principalis: quid necesse erat, vni gen-

itum Dei filium in hunc mundum venire, vt peccatum aboleret?

13. Inter causas instrumentales iustificationis, solent duo potissimum nominari, nempe *Christi humanitas & Sacramenta*. Et quidem, si de prima iustificatione sic sermo, qua quis ex impio fit iustus; ordinariè duo tantum Sacramenta instrumentaliter concurrunt, *Baptismus & Pœnitentia*, quæ idè vocantur Sacramenta mortuorum, quia suscipiuntur ab impiis (qui secundum animam mortui sunt vt iustificentur, & ad vitam iustitiæ redeant. Reliqua verò, vt *Confirmatio, Eucharistia, Ordo, Extrema vntio, Matrimonium*, sunt instrumenta augmenti iustitiæ, id est, secundæ iustificationis, qua quis ex iusto fit iustior.

14. Quæstio est, an hæc instrumenta physicè, an tantum moraliter concurrant ad productionem gratiæ? Qui docent physicè concurrere, quasdam habent difficultates, quas commodè expedire non possunt, nisi concedant moralem efficientiam, saltem in aliquibus, casibus. Quod si hæc conceditur in aliquibus, non video, cur in omnibus concedi non possit. Est enim par ratio.

De causa meritoria.

15. Ad genus causæ efficientis solet reuocari causa meritoria. Ergo, si agamus de prima iustificatione, qua quis ex impio fit iustus: causa eius meritoria est Christus Dominus, vt habet Concil. Trident. Sessio 6. c. 7. Et consentiunt aduersarii. Hic duplex potest esse quæstio. Vna, an omnis prima iustificatio sit ex meritis Christi, non solum, qua quis ex impio fit iustus: sed etiam, qua ex non iusto fit iustus; Hoc disputatur propter iustificationem Angelorum, & primorum parentum in statu innocentie. Altera an non tantum iustificatio ipsa, seu donatio gratiæ iustificantis, quæ fit in tempore; sed etiam præparatio gratiæ, quæ facta est ab æterno, sit ex meritis Christi; Hæc quæstiones pendunt ex duplici alia: Prior est, an Christus fuisset nasciturus, si Adam non peccasset: posterior, an Prædestinatio facta sit ante præuisionem peccati Adæ: vtræque pertinet ad materiam de Prædestinatione. Et Respondeo, paucis. Primò, Christum non fuisse nasciturum, si Adam non peccasset; ac proinde gratiam Adæ in statu innocentie & Angelorum, non fuisse ex meritis Christi. Secundò, prædestinationem & reprobationem esse factam ex præuisione massæ corruptæ per peccatum originale. Ideoque fundatam in meritis Christi Redemptoris. Hæc alibi fusiùs.

16. An præter meritum Christi, requiratur etiam meritum nostrum ad iustificationem, quæri potest propter hæreticos, præsertim Calvinistas. Sed de hac re iam supradictum est. Distinguius enim duplicem iustificationem: Alteram primam, qua quis ex impio fit iustus: alteram secundam, qua ex iusto fit iustior. Priorem, quæ semper coniuncta est cum remissione peccatorum, negamus cadere sub nostrum meritum: posteriorem, asserimus. Vide supra c. 1. §. 3. & c. 4. §. 2.

CAPVT VI.

Quo ordine temporis fiat prima Iustificatio?

1. **I**N iustificatione spectari possunt hæc tria; *Dispositio, infusio gratiæ, & expulsio peccati*. Est ergo quæstio, an hæc fiant in vno instanti simul an verò vnum post alterum successiue? D. Thomas in 1. 2. q. 113. art. 7. docet, omnia fieri in eodem instanti. Id explicandum est.

2. Et quidem vltima dispositio ad infusionem gra-

tiæ, potest esse instantanea, & sine vlla successione. Cō-
sistit enim in actu contritionis & dilectionis Dei super
omnia: omnis autem actus voluntatis & intellectus fit
in instanti. Ratio est, quia vt aliqua forma producat
instantaneè, & sine successione, nihil aliud requiritur
quam vt agens habeat sufficientem vim producendi;
& subiectum sit sufficienter dispositum; & ipsa forma,
quæ producitur, possit esse tota simul. Hæc autem sunt
in proposito: Nam voluntas, quæ subit vicem agen-
tis habet sufficientem vim producendi, quando ex-
citatur & confortatur à Deo per gratiam præuenien-
tem. Deinde, eadem voluntas, quæ simul habet ra-
tionem subiecti, sufficienter disposita est ad omnem
illum actum, quem ipsa potest elicere. Denique ip-
se actus potest esse totus simul. Nihil ergo obstat, quo-
minus possit actus ille produci, in instanti sine suc-
cessionē.

3. Iam infusio gratiæ, potest fieri in eodem instanti,
quo fit vltima dispositio. Nam in eodem instanti, quo
subiectum est sufficienter dispositum, potest infundi,
præsertim cum neque ex parte ipsius formæ, neque ex
parte agentis requiritur vlla successio. Hoc autem hic
fit. Nam Deus, qui infundit gratiam, est infinitæ vir-
tutis; & gratia, quæ infunditur, est forma spiritualis,
quæ potest tota esse simul.

4. Remissio peccati, non solum potest, sed etiam
debet fieri in eodem instanti, quo infunditur gratia.
Nam gratia ex natura sua repugnat peccato, & cum il-
lo consistere nullo modo potest, vt supra ostensum est:
Ergo quo instanti infunditur gratia, necessariò expelli-
tur peccatum.

5. Hinc sequitur, hæc tria, *Vltimam dispositionem,
infusionem gratiæ, remissionem peccati*, posse esse simul
in eodem instanti: Et cum nihil obstat, quo mi-
nus sint simul, probabile est simul esse vt affirmat
D. Thomas. Loquor autem de vltima dispositione,
quia reliquas, certum est, aliquando præcedere or-
dine temporis. Nam sæpè fit, vt homo peccator
excitatus à Deo incipiat primum credere, aut sperare,
aut timere, antequam incipiat diligere, vt per se no-
tum est.

CAPVT VII.

QVO ORDINE NATURÆ FIAT
prima Iustificatio.

1. **D**ixi, vltimam dispositionem, infusionem gra-
tiæ & expulsionem peccati, simul fieri in ho-
mine, & non vnum post alterum, spectato ordine tem-
poris. Nunc de ordine naturæ, seu causalitatis agen-
dum est.

2. Nonnulli ex scholasticis putant, vltimam disposi-
tionem effectiue produci à gratia, quæ infunditur. Vn-
de inferunt, in genere causæ efficientis, dispositionem
esse posteriorem infusioni gratiæ; in genere materialis
priorem. Hoc aliis plerisque non placet.

3. Meo iudicio, statuendus hic ordo est; vt primò
loco sit dispositio; deinde, infusio gratiæ habitualis,
postremo, expulsio peccati. Non enim adultis infun-
ditur gratia habitualis, nisi dispositis & præparatis,
nec expellitur peccatum, nisi infusione gratiæ iustifi-
cantis.

4. Quod aiunt nonnulli, vltimam dispositionem
effectiue procedere à gratia, & sic in genere causæ effi-
cientis posteriorem esse, non assentior. Philosophi ra-
tionibus id refutant, ego ex scripturis refellam, hoc
modo Deus promittit homini infusionem gratiæ san-
ctificantis, si habuerit actum dilectionis: Ergo actus di-
lectionis non producitur à gratia sanctificante. Ante-
Opusc. Bec.

A cedens patet ex illo, Zacch. 1. 3. *Conuertere ad me, &
ego conuertar ad te.* Et Ioan. 14. 21. *Qui diligit me,
diligetur à patre meo.* Sequela probatur, quia ridicu-
lum esset, si quis ita promitteret; Si tu videris, ergo
dabo tibi potentiam visuam, qua videas; si ambulaue-
ris, dabo vim motiuam, qua ambules: Ergo similiter
esset ridicula hæc Dei promissio; si me dilexeris; dabo
tibi habitum gratiæ & charitatis, quo me diligas. Nec
plura de hoc.

CAPVT VIII.

An homo possit habere certitudinem fidei de sua
Iustificatione?

1. **A**firmant Caluinistæ, quos supra refutaui. Ne-
gant Catholici cum Concilio Tridentin. Ses-
sione 6. capite 9. & can. 13. & 14. Res paucis explican-
da est.

2. Certitudo fidei non habetur, nisi de re diuinitus
reuelata. Vnde si Deus alicui reuelaret, se ipsi remitte-
re peccata; is haberet certitudinem fidei de sua iusti-
ficatione; quod contigit Magdalenz; Paralytico, Za-
cheo, Latroni. Contra quibus non reuelat, non pos-
sunt habere hanc certitudinem. At quis nostrum est; cui
reuelauit?

3. Nec sufficit illa generalis reuelatio; *Qui credide-
rit, saluus erit.* Hæc enim applicari non potest, nisi
eadem certitudine certus sis; te fidem & reliqua ne-
cessaria habere. An vbi hoc reuelatum est? Nusquam
inuenio.

4. Quod aiunt aduersarij, se sentire & experiri
in se motiones Spiritus sancti; nihil est. Primò, quia
eiusmodi motiones sunt communes iustis & pec-
catoribus, Apocalips. 3. 20. *Ego sto ad ostium, &
pulso.* Secundo, quia non præbent certitudinem fi-
dei, sed experimentalem, quam nos concedimus.
Hæc autem certitudo experimentalis multum distat
à certitudine fidei, quia potest illi subesse falsum.
Etsi enim certus sum & falli in eo non possim quin
sentiam me moueri, non tamen certus sum me mo-
ueri, vt iustum. Multi enim & peccatores à Deo
mouentur.

CAPVT IX.

An possit amittere iustitiam semel acquisitam.

1. **N**on posse, docent Caluinistæ. Nos cum
scriptura & Concil. Trid. Sess. 6. can. 23. &
cum patribus, contrarium asserimus. Sufficiat hic te-
stimonium August. lib. de corrept. & gratia capite 13.
vbi ait, *Credendum est, quosdam in fide, qua per dilectio-
nem operatur, incipere viuere, & aliquandiu fideliter & ius-
te viuere, & postea cadere:* &c. Hoc Caluinistæ non cre-
dunt.

2. Adde, quosdam speciali Dei dono ac beneficio,
ita dirigi & custodiri, vt fidem & iustitiam, quam se-
mel à Deo acceperunt; nunquam per peccatum mor-
tale amittant. Hos vocamus confirmatos in gratia
cuiusmodi fuerunt B. Maria Virgo, Ioannes Baptista,
Apostoli, post acceptum Spiritum sanctum, & similes
alij.

CAPVT X.

Quomodo iustitia seruetur acquisita conseruetur.

1. **C**aluinistæ docent sola fide conseruari : fidem autem non posse deficere. Errant in utroque. Catholica sententia est, conseruari obseruatione mandatorum Dei. Hoc docuit nos Christus Matth. 19. 17. *Si vis ad vitam ingredi, serua mandata.* Et apertius, Ioann. 15. 10. *Si præcepta mea seraueritis, manebitis in dilectione mea.* Et vers. 14. *Uos amici mei estis, si feceritis, quæ ego præcipio vobis.*

2. Et ratio est, quia iustitia non perditur, nisi per peccatum mortale : at nemo peccat mortaliter, nisi transgressionem mandatorum : Ergo qui seruat mandata, non peccat mortaliter. Ergo nec iustitiam amittit. Huc spectat illud 2. Petri 1. 10. *Scite agite, ut per bona opera certam vestram uocationem & electionem faciatis : Hoc enim facientes, non peccabitis aliquando.*

3. At clamant. Aduersarii obseruationem mandatorum esse impossibilem. Non ita est. Etsi enim per solas naturæ vires sit impossibilis, tamen per auxilium gratiæ diuinæ, non modò possibilis, sed etiam facilis & iucunda efficitur. Hoc fateretur David Psalm. 118. *Viam mandatorum tuorum cucurri, cum dilatasti cor meum.* Ecce cucurrit, non ambulauit viam mandatorum. Vnde ille cursus? quia Deus per gratiam dilatauit cor. Et similiter Apostolus ad Philipp. 4. 13. *Omnia possum in eo, qui me confortat.* Quasi dicat. Meis quidem viribus nihil aut parum : at diuino auxilio possum omnia. Propter hoc auxilium dixit Christus Matth. 11. 30. *Iugum meum suauis est, & onus meum leue.*

EPILOGVS IN QVO CONFERTVR
Iustificatio Calvinistica cum Catholica.

1. **E**xposui sententiam vtriusque partis per certa capita. Nunc vulgari similitudine rem illustrabo. Est autem huiusmodi. Sit pauper aliquis, plenus scabie, vlcere, putredine, & vitiosis humoribus. Is Medicum adeat, ut sanari possit. Quid porro Medicus?

2. Si Catholicè agat, tria præstabit. 1. quasdam dispositiones seu præparationes ad faciliorem morbi curationem præscribit. 2. præbebit illi potionem, non modo medicam, quæ corpus purgetur, & sanies abstergetur, sed salutarem & viuificantem, quia vires redintegrentur & pristina sanitas acquiratur. 3. adiunget cautionem & præseruatium, ne iterum in morbum recidat, & sanitatis partem iacturam faciat. Ita secundum Catholicos res habere in iustificatione, seu curatione animi. Peccator, qui animo æger est, & plenus putore flagitiorum, sanari à Deo cupit. Deus tria illa præstat. 1. motionem fidei, spei, contritionis, dilectionis, & propositi nouæ vitæ, tanquam dispositiones ad animi curationem præuias. 2. infundit illi gratiam seu iustitiam sanctificantem, quæ & peccata tolluntur, & sanitas amissa recuperatur. 3. præscribit illi cautionem, ut deinceps insistet piis operibus, & obseruationi mandatorum, ac seriò prospiciat, ne quam adeptus est sanitatem suo vitio & negligentia deperdat. Hæc apud Catholicos.

3. At si Calvinisticè agat Medicus, multò aliter procedet. Nimirum ægroto offeret suam chlamydem nyctidam, elegantem, elaboratam. Hortabitur, ut manu eam apprehendat, circumponat, scabiem tegat; ac deinde magna securitate in conspectum sui Principis accedat, quippe, qui scditatem corporis, tam eleganti pallio obductam, videre non possit. Planè

si res habet in iustificatione Calvinistica. Peccator, qui propter suorum sceletum horrorem ac turpitudinem, in conspectum Dei venire non audet, à Christo-medico subsidium petit. Christus offert illi suam iustitiam & satisfactionem, tamquam pretiosam chlamydem Hortatur, ut fide eam apprehendat, eaque sua flagitia, quasi velo quodam tegat, ac deinde confidenter & audacter in conspectum Dei se sistat, à quo sine dubio innocens ac mundus declarabitur, etiam si reuera non sit. Hæc apud Calvinistas. Videat nunc pius Lector, quo pacto iustificari velit, Catholicè, an Calvinisticè.



DE IUSTITIA BONORVM
operum, secundum Calvinistas.

OPVSCVLVM VI.
LECTORI.

DE vi, Iustitia, ac merito bonorum operum, multa in utramque partem sparsa & euulgata sunt. Potest autem res tota breuissimè & clarissimè proponi his verbis. *Primò, an opera iustorum sine bona? Secundò, an necessaria? Tertiò, an meritoria? vel quod idem est. Primò, an iusti possint facere aliqua opera, quæ bona sint; Secundò, an ex præcepto diuino teneantur ea facere; Tertiò an se faciant, per ea aliquid mereantur apud Deum; In his tribus punctis omnia posita sunt, quæ utrinque disputantur. Dicam breuiter quid Calvinistæ sentiant.*

Calvinistarum sententia.

Propositio, 1. Iusti non possunt vlla bona opera facere, quia quicquid faciunt, immundum & coinquinatum est, propter peccatum originale, quod in ipsis hæret.

2. Nec tenentur facere bona opera : tum, quia non possunt, ut dictum est, tum, etsi lex diuina præcipiat illis, ut faciant, soluti tamen sunt ab obligatione legis, iuxta illud. *Iustus non est lex posita.*

3. Opera iustorum nullo modo sunt meritoria apud Deum, nisi æternæ pænæ & damnationis, quia omnia sunt immunda & coinquinata, ut dictum est.

Ex prima sequitur, legem Dei esse impossibilem, quia impossibile est, eam seruare, per opera immunda & coinquinata. Ex secunda, solam fidem sufficere ad salutem, quia opera non sunt necessaria. Ex tertia, vitam eternam non dari ex meritis iustorum, sed ex sola Dei voluntate & prædestinatione, supposita tamen fide.

Hæc est brevis resolutio doctrinæ Calvinisticæ de hæc materia : ex qua nascuntur hi fructus in animis hominum. 1. Neglectus bonorum operum quare? quia persuasum habent se non posse bene operari, cum omnia ipsorum opera, iuxta Calvinum, sint polluta & inquinata. 2. Contemptus legum diuinarum quare?

quia si seruari non possunt, frustra in illis seruandis opera collocatur. III. Licentia peccandi & omnia flagitia impunè perpetrandi, quare? quia liberi sumus ab obligatione legis, & illius transgressio fidelibus non imputatur. IV. Supina quædam securitas, quia quisque putat se certum esse de vita æterna, quare? quia non acquiritur nostris operibus, sed debetur nobis ratione adoptionis, nec possumus eam amittere. Hi scilicet sunt fructus Euangelij & doctrinæ Calvinisticæ; distincti à fructibus Euangelij & doctrinæ Christianæ.

Nunc, quæ breuiter dicta sunt, sigillatim examinemus. Postea Catholicorum sententia erit explicanda.

CAPVT I.

De veritate bonorum operum:

An iusti possint bene operari, & Legem implere?

I. Caluinus docet, omnia iustorum opera esse damnabilia, vitiosa, inquinata, sordes, meram iniquitatem. Sic enim habet lib. 3. Institution. cap. 12. §. 4. *Omnia hominum opera nihil sunt, nisi inquinamenta & sordes; & quæ iustitia vulgo habetur, ea apud Deum mera est iniquitas.* Et cap. 14. §. 9. *Habemus, ne unum à sanctis exire opus, quod si in se censeatur, non mereatur iustam approbationem.* Et §. 11. *Duobus his fortiter insistentium, nullum unquam extitisse pium hominis opus, quod si seruo Dei Iudicio examine, non esset damnabile.* Adhæc si tale aliquod detur (quod possibile homini non est) peccatis tamen, quibus laborare auctorem ipsam certum est, vitia ac inquinamenta, gratiam perdere. Et c. 15. §. 3. *Nihil ab homine erit quantumvis de facto quod non sit aliqua macula inquinatum.*

2. Fundamentum eius est, quia putat peccatum originale manere in hominibus iustis & eius contagione infici omnia eorum opera. Et quidem, quod illud peccatum in illis maneat, tum alibi fatetur, tum l. 2. Instit. c. 1. §. 8. his verbis! *Hæc peruersitas nunquam in nobis cessat.* Et l. 4. c. 15. §. 10. *Iam perspicuum est, quam falsum sit per Baptismum solui nos, & exiri originali peccato.* Et in antidoto Conc. Tridentini Sess. 5. *Manet verè peccatum in nobis neque per Baptismum extinguitur.* Quod autem omnia iustorum opera huius contagione peccati infecta sint, docet lib. 3. Instit. cap. 1. §. 9. *Hinc tantum breuiter attingere volui totum hominem, quasi diluio à capite ad pedes, sic fuisset obrutum, ut nulla pars à peccato sit immunis, ac proinde quicquid ab eo procedit, in peccatum imputari.* Et in Antidoto Concilij Trident. Sess. 6. cap. 16. *Vitiositas, quæ nobis inheret, deformat coram Deo quodquid à nobis operum prodit.*

3. Hoc aded verum esse ait, ut etiam illa iustorum opera, quæ fiunt ex gratia & instinctu Spiritus sancti; dicat vitari & inquinari. Nam in antidoto Concilij Tridentini Sess. 6. cap. 14. sic loquitur? *Speciosum quidem est quod obediunt, fluere omnia à Spiritu Christi. Sed ubi absoluta Spiritus sancti virtus reperitur? an non ad mensuram unicuique distribuitur. Debeant ergo obseruare semper aliquid nostra facis admixtum, quod puritatem illam inficiat.* Et lib. 3. Instit. c. 15. §. 5. *rationem hoc homini assignamus, quod ea ipsa, quæ bona erant, sua impuritate polluit, contaminat.*

4. Hinc infert, legem Dei esse impossibilem? seu mandata Dei non posse seruari, ne quidem à iustis, qui non possunt seruari per opera immunda & inquinata, qualia omnia sunt iustorum opera prosequitur. lib. 2. Institution. cap. 7. §. 5. cum ait, *Quod autem impossibilem legis observationem diximus, id est, paucis verbis expli-*

candum, simul & confirmandum, &c.

5. Addit nec Prophetas nec Patriarchas, nec vllum alium mortalium vnquam fuisse, qui legem obseruauerit. in Antidoto Concilij Tridentini. Sess. 6. cap. 12. *Mihi abundè sufficit, neminem extitisse unquam, qui legi Dei satisfecerit, nec vllum posse inueniri.* Et infra? *Prophetas & Patriarchas & pios Reges, ut cunque Dei spiritu adiuuarentur, ferendo legis iugo pares fuisse negat: nec ambigue promittit, impossibilem fuisse legis obseruationem.*

6. Maximè verò duo mandata ait esse impossibilia: alterum de diligendo Deo ex toto corde: alterum de non concupiscendo. De vtroque sic habet lib. 2. Instit. c. 7. §. 5. *Si ab ultima membra repetamus, neminem sanctorum extitisse dico, qui corpore mortis circumdatus, ad omnem dilectionis scopum pertigerit, ut ex toto corde & tota mente ex tota anima, ex tota potentia Deum amaret: neminem purum qui non concupiscencia laboraret.*

7. Porro si quæras ex Caluino, quare Deus dedit legem, si impossibilis sit, & nemo eam seruare possit? Respondet non ided dedisse, ut eam seruemus, sed ut per eam veniamus in cognitionem peccati & nostræ infirmitatis. Hoc fusè explicat lib. 2. Instit. cap. 5. §. 6. & cap. 7. §. 6.

8. Hæc omnia paradoxa sunt, & sacra Scripturæ, ac antiquis Patribus contraria. Ac primo, fundamentum Caluini; quo reliqua omnia nituntur, manifestè falsum est. Nam peccatum originale verè tollitur in Baptismo ut ostensum est in disputatione, de Iustificatione, cap. 1. Euerio fundamento, cætera corruunt. Attingam tamen singula breuiter.

Non omnia iustorum opera esse peccata mortalia.

9. Ac primò, quod ait, *omnia iustorum opera esse damnabilia, seu peccata mortalia*, facillimè refelli potest. Primò, ex contrario fundamento. Nam ex fide certum est, in Baptismo & iustificatione tolli omnia peccata; & infundi gratiam seu iustitiam inherentem, quæ faciat hominem Deo gratum, amicum, & ab omni contagione mundum ac liberum, ut in supradicta disputatione probatum est. Hic contra Caluinum sic arguamur; Sicut ab homine iniusto: immundo, & peccatis obnoxio procedunt opera iniusta, immunda & vitiosa, ita ab homine iusto, mundo & internis gratiæ donis ornato, procedunt opera iusta, munda & Deo grata.

10. Huc spectat illud Christi, Matth. 7. 18. *Non potest arbor bona malos fructus facere, neque arbor mala bonos fructus facere.* Et Ioannis 15. 5. *Ego sum vitis, vos palmites, qui manet in me, & ego in eo, hic feret fructum multum.* Ex quibus verbis eliciuntur hæc duo argumenta contra Caluinum. *Alium*, Arbor bona non potest facere malos fructus: sed homo iustus est arbor bona, Psalm. 91. 13. Ergo homo iustus non potest facere malos fructus. Quomodo igitur Caluinus docet, omnia ipsius opera esse damnabilia? *Alium*, omnis palme, qui est in fecunda vite, potest facere bonum fructum, sed Apostoli erant palmites in Christo, tanquam in fecunda vite. Ergo Apostoli poterant facere bonum fructum: Ergo falsum est, omnia iustorum opera esse sordes, inquinamenta, meram iniquitatem.

11. Potest hoc clariùs explicari in hunc modum. Vt palme ferat fructum, requiruntur & sufficiunt, hæc pauca. 1. Ut sit in vite. 2. Ut succum & humorem ab ea trahat. 3. Ut habeat sufficientem solem, à quo exequatur. 4. Ut nullum sit impedimentum, quo lædi aut impediri possit, cuiusmodi est nimium frigus, gelu, pruina, ventus turbulentior, vermis corrodens, aut aliquid simile. At hæc omnia locum habent in homine iusto.

Est in Christo, tanquam in vite. Ioannis. 15. 3. *ego sum vitis, vos palmite: manete in me & ego in vobis.* 2. Trahit ab illo succum & humorem diuinæ. Ioan. 4. 14. *Aqua, quam ego dabo ei fiet in eo fons aqua salientis in vitam æternam.* Habet sufficientem calorem, quo excoquatur. Luc. 12. 49. *Ignem veni mittere in terram, & quid volo nisi ut accendatur?* Et cap. 24. 32. *Nonne cor nostrum erat a'dens in nobis?* Nullum est impedimentum. Nam internum Rom. 8. 1. *Nihil damnationis est iis, qui sunt in Christo Jesu, qui non secundum carnem ambulant.* Nec externum Rom. 3. 38. *Certus sum, quia neque mors, neque vita, neque Angeli neque principatus, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Jesu Domino nostro.* Sequitur ergo nihil deesse homini iusto, quo minus possit facere bonum fructum.

12. Idem potest demonstrari & hoc modo. Vbi-
cunque sunt sufficientia principia rectæ operationis, ibi potest esse recta & honesta operatio: at in homine iusto, sunt sufficientia principia rectæ operationis: Ergo in homine iusto potest esse recta operatio. Maior per se nota est. Minor probatur, quia ad rectam operationem sufficiunt hæc tria principia. 1. Intellectus, qui intelligat, quid agendum sit, quid fugiendum. 2. Voluntas, quæ amplectatur id, quod ab intellectu tanquam bonum & honestum proponitur. 3. Potentia exterior, quæ exequatur id, quod voluntas amplexa est, & exequendum imperavit. Hæc autem sunt in homine iusto. Nam intellectus eius lumine diuinæ fidei illustratus est, ut facillimè possit cognoscere, quid honestati sit consentaneum. Similiter voluntas à Deo excitatur & iuuatur per internam motionem, qua prompta & robusta efficitur, ad desiderandum & amplectendum id, quod recta ratio faciendum dicat. Denique potentia exteriores possunt illud exequi. Nihil ergo deest ad bonam & honestam operationem exercendam.

13. Exemplo res fiet clarior. Sic homo iustus, qui audiat, vel legat hæc verba Christi, *Date elemosynam.* Certè, si fidem habet, facillè aduertet honestum & præclarum opus id esse. Accedit diuina motio, qua cor eius tangatur & extimuletur, ut velit consentire, & executionem imperare. Posito hoc consensu & imperio, quid impedit, quin, si diues sit, & pecunias apud se habeat, possit pauperi porrigere elemosynam? Et quod hic peccatum, aut ubi? Non intellectu, qui fide collustratus, iudicat & proponit id, quo honestum, laudabile, & Deo beneplacitum est. Nec involuntate, quæ à Deo mota & corroborata, vult illud ipsum executioni mandare. Nec in manibus? quibus elemosynam porrigitur, quia obtemperant iusto voluntatis imperio.

14. At inquiet Calvinus, deest bona intentio, imò non deest. Cum enim deus mouet voluntatem hominis iusti, ut ex vera dilectione præbeat pauperi elemosynam, & huic motioni ipse acquiescit? sanè non est mala, sed bona intentio. Hinc sumo nouum argumētum contra Calvinum, hoc modo; Quando homo iustus facit aliquod opus, quod à Deo præcipitur & laudatur; & in eo faciendo habet bonam intentionem, tunc certè totum opus bonum honestum & laudabile est: sed hoc fit? quando ex amore Dei præbet pauperi elemosynam: Ergo tunc facit opus bonum, honestum 9. 21. *Lucerna corporis tui est oculus tuus. Si oculus tuus fuerit simplex, totum corpus tuum lucidum erit, id est, si intentio tua sit bona totum opus tuum erit bonum.* Minor etiam patet, ex eodem capite, ubi reprehendit Phariseos, quod facerent elemosynas, quod orarent, quod ieiunarent, non bona, sed mala intentione, nempe ad captandam

A inanem gloriam ex bonis operibus. Contra verò hortatur Apostolos & alios iustos, ut ipsi bona non mala intentione in iisdem se exerceant: sic enim fore, ut omnia ipsorum opera sint grata coram Deo. *Attendite, inquit, ne iustitiam vestram faciatis coram hominibus, ut videamini ab iis, &c.* Et infra. *Te autem faciente elemosynam, nesciat manus sinistra tua, quid faciat dextera tua, ut sit elemosyna tua in abscondito; & pater tuus, qui videt in abscondito, reddet tibi.*

15. Hastenus ex contrario fundamento Caluini sententiam refutauimus. Nunc refelli potest ex variis Scripturæ locis. Primò ex illo Matth. 5. 17. *Si lucet lux vestra coram hominibus, ut videant opera vestra bona & glorificent Patrem vestrum, qui in celis est.* At quomodo videbunt homines Apost. opera bona, si omnia sunt damnabilia? Aut quomodo glorificabunt Patrem cælestem, si sunt inquinamenta, & mera iniquitas? Secundò, ex illo 1. Corinthiorum 7. 18. *Si acceperis uxorem non peccasti.* Hic quæro ex Calvinisticis Prædicantibus, an ipsi mortaliter peccent accipiendo uxores? si peccant, falsa est Apostoli sententia. Imo sacrilega & impia Prædicantium consilia, quibus suadent Monachis, ut accipiant uxores: Et ipsi Prædicantes sacrilegi & impii, qui accipiunt. Si non peccant, falsum est, quod ait Calvinus, omnia iustorum opera esse damnabilia. Tertio ex illo Matth. 26. 10. *Quid molesti estis huic mulieri? opus enim bonum operata est in me.* Hic iterum quæro, an Magdalena peccauerit effundendo vnguentum super caput Christi recumbentis? Si dicitis peccasse; non Christi sed Iudæ proditoris sententiæ subscribitis. Nam Christus dixit: *Bonum opus operata est in me;* quod vos negatis. Iudas dixit, *ut quid perditio hæc?* quod vos defenditis. Quarto ex illo. 1. Pet. 1. 10. *Sed agite, ut per bona operacertam vestram vocationem faciatis. Hoc enim facientes non peccabitis aliquando.* Hic Petrus primum hortatur nos ad bona opera. At si nulla essent bona, sed omnia mortifera & damnabilia, quomodo ad ea hortari posset. Deinde affirmat eos non peccaturos, qui ipsius monita sequantur. At quomodo peccaturi non sint quorum singula opera sunt peccata mortalia? Quintò, ex illo 1. Corinthiorum 4. 4. *Nihil mihi conscius sum.* Sanè, si Paulus sensisset cum Caluino, dixisset, *Maldè mihi conscius sum, quia omnia mea opera scio esse damnabilia, & meram iniquitatem.* Sextò, ex illo ad Titum 2. 14. *Christus dedit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum.* Hæc loquere & exhortare. Diceret Calvinus, Hæc tacet & detestatur, quia Christus non mundauit nos ab iniquitate peccati originalis; & omnia opera nostra quæ sectamur, sunt sordes & inquinamenta.

16. Tertio refutatur exemplo Iob, & Davidis, qui præclara suorum operum testimonia habent in sacris Litteris ut Iob 1. 22. *In omnibus his non peccauit Iob labijs suis.* Et capite 2. 3. *Nunquid considerasti seruum meum Iob, qui non sit illi similis in terra, vir simplex & rectus, & recedens à malo, & adhuc retinens innocentiam?* Et Psalm. 16. 3. *Probasti cor meum, & visitasti nocte, igne me examinasti, & non est inuenta in me iniquitas.* Et Psalm. 17. 22. *Custodiui vias Domini, nec impigessi à Deo meo.* Et 118. 121. *Feci iudicium & iustitiam: non calumniatur me superbi.* Quid ad hæc dicis Calvinus? Iob non peccauit labijs suis, & tu asseris omnia verba ipsius esse damnabilia? Iob recedit à malo, & tu clamas mereri iustam opprobrii mercedem? Deus non inuenit iniquitatem in corde Davidis, & tu nihil ibi reperis nisi sordes & inquinamenta? David non gessit impiè, sed fecit iudicium & iustitiam, & tu audes cum calumniari? Fortè ad te respexit, cum dixit, *Non calumniatur me superbi.*

17. Quartò refutatur ex variis absurdis, quæ inde A
sequuntur. Pauca attingam. Ac primò sequitur ex Cal-
vini sententia, hominem per peccatum iustificari;
quod sic ostendo. Omnia iustorum opera sunt pecca-
ta & mera iniquitas: sed fides est opus iustorum: Er-
go fides est peccatum & mera iniquitas. At sola fide
iustificamur: Ergo solo peccato & iniquitate iustifica-
mur. Quis hoc credat? Et tamen admittunt Calvini-
stæ. Secundò, sequitur, iustos non debere credere.
Nam omnia peccata sunt prohibita: at si omnia ope-
ra iustorum sunt peccata etiam opus fidei est pecca-
tum: Ergo opus fidei est prohibitum: Ergo non licet
credere. Tertiò sequitur Deum præcipere & manda-
re, ut fiant peccata. Præcipit enim, & mandat, ut
fiant peccata. Præcipit enim, & mandat, ut fiant quæ-
dam opera à iustis: at omnia illorum opera sunt pec-
cata, teste Calvino. Ergo præcipit fieri quædam pec-
cata. Omitto cetera.

18. Videamus quid Calvinistæ pro se adferant. Pri-
mò obiciunt illud Ecclesiast. 7. 21. *Non est homo in-*
flus in terra qui faciat bonum, & non peccet. Hinc colligunt,
iustorum opera non esse bona, sed peccata. Respondco, illa verba dupliciter intelligi possunt. Pri-
mò, Nullus est iustus, qui faciat aliquod bonum, &
non semper peccet in omnibus suis actibus. Secundo,
Nullus est iustus, qui semper faciat bonum, & non
aliquando peccet. Prior sensus aperte falsus est, ut ex
dictis patet. Posterior potest iterum duobus modis ac-
cipi. Primò, non est iustus, qui semper faciat bonum,
& non aliquando peccet mortaliter. Hoc falsum est, &
contra illud 1. Ioannis 3. 9. *Omnis qui natus est ex Deo*
peccatum non facit. Secundo, non est iustus qui semper
faciat bonum, & non aliquando peccet venialiter. Hoc
verum est, iuxta illud Prov. 24. 16. *Septies in cadet in-*
flus, & resurget.

19. Secundo obiciunt illud Isaïæ 64. 6. *Et facti sumus*
ut immundi omnes nos, & quasi pannus menstrua universa
iustitia nostra. In hoc testimonio ponunt victoriam. Sed
frustra. Nihil enim ad rem facit, 1. Quia non intelligi-
tur de hominibus iustis, de quibus est nostra questio,
sed de impiis & sceleratis: nec de omnibus, sed tan-
tum de Iudæis. 2. Nec de omnibus illorum operibus,
sed solum de sacrificiis & neomeniis, in quibus illi ma-
ximè iustitiam suam collocabant, quæ tamen Deus
execrabatur, iuxta illud Isaïæ 1. 13. *Ne offeratis ultra sa-*
cificium frustra: incensum abominatio est mihi, &c.

Præceptum, Non concupisces, servari posse à iustis.

20. Ostendi contra Calvium, non omnia iusto-
rum opera esse damnabilia, iniusta, inquinata, sed quæ-
dam bona, honesta, laudabilia, Deo grata, præsertim
quæ ex Dei gratia facta sunt. Nunc videndum est; an
iusti per huiusmodi opera possint legem servare, nec ne.
Cæterum, quia præcipua difficultas est duobus præ-
ceptis legis, nempe, de non concupiscendo, & de dili-
gendo Deo ex toto corde? servabo hunc ordinem, ut
primò agam de præcepto, *Non concupisces*, Secundo,
de altero, *Diliges Deum ex toto corde*. Tertiò, de tota lege
Decalogi sumi sumpta. Nam si semel ostendero, illa
duo in particulari non esse impossibilia: facillimum erit
de tota lege idem convincere.

21. Sit ergo hæc questio inter nos & adversarios, An
homines iusti per auxilium gratiæ Dei possint servare
hoc præceptum Decalogi? *Non concupisces*? Ut intelli-
gatur, quid Calvinistæ, quid Catholici sentiant, tria
spectari debent. 1. Concupiscentiam in actu primo, seu
prinitas quædam ad concupiscendum. 2. Modus con-
cupiscentiæ in actu secundo, præveniens rationem. 3.
Consensus qui à libera voluntate proficiscitur. Hoc
posito, Calvinistæ docent, hæc omnia esse peccata. Et
quidem concupiscentiam in actu primo, dicunt esse ip-

sum peccatum originale. Motum verò concupiscentiæ
qui prævenit advertentiam rationis, & præterea con-
sentum, qui sequitur esse peccata actualia, & quidem
mortifera contra illud præceptum; *Non concupisces*.
Volunt enim hoc præcepto prohiberi, non solum con-
sensum sed etiam ipsos motus concupiscentiæ con-
sensum prævenientes. Unde concludunt præceptum
hoc servari à nobis non posse in hac vita, quia non pos-
sumus vitare motus concupiscentiæ, qui hoc præcepto
prohibentur. Sed errant.

22. Catholici contra docent, 1. Concupiscentiam in
actu primo non esse peccatum originale, sed natura-
lem quandam prinitatem seu inclinationem, quæ per
se culpabilis non sit. 2. Motus concupiscentiæ ratio-
nem prævenientes, non esse peccata; nec prohiberi hoc
præcepto; *Non concupisces*, sed solum consensum. Hinc
inferunt præceptum hoc non esse impossibile, sed posse
servari à iustis per gratiam Dei; cum nihil aliud illis
prohibeatur, quam liber consensus, qui liberè vitari
potest. Hæc singula paucis confirmanda sunt.

23. Ac primò, quod concupiscentia in actu primo,
non sit peccatum originale, evidenter convincitur
hoc Syllogismo, peccatum originale tollitur per
Baptismum, concupiscentia non tollitur: Ergo con-
cupiscentia non est peccatum originale. Maior su-
se probata est in disputatione de iustificatione ca-
pite 1. Minor patet experientia. Nec opus est hic
hærare. Solum nota, per concupiscentiam intelli-
gi, non solum prinitatem & inclinationem, quæ
est in appetitu sensitivo, tam irascibili, quàm con-
cupiscibili, sed etiam illam, quæ est in intellectu
& voluntate. Nam hæc quatuor potentie (volun-
tas, intellectus, & uterque appetitus) naturā suā
prone sunt ad quosdam motus inordinatos, & recte
rationi repugnantes, ut verbi gratia, intellectus ad iu-
dicia falsa & erronea: Voluntas ad odium, invidiam,
desperationem: Appetitus sensitivus ad carnalia &
terrena desideria. Hæc ergo prinitas istarum poten-
tiarum, seu naturalis inclinatio, vocari solet commu-
ni nomine, concupiscentia in actu primo. Hanc for-
maliter negamus esse peccatum originale propter ra-
tionem allatum. Quid ergo est? inquires. Dicam. Est
quædam imperfectio, quæ homini in puris naturali-
bus condito esset naturalis, post lapsum verò, est pœna
seu effectus peccati primi parentis: Et à Theologis so-
let vocari morbus seu languor naturæ, infirmitas, fo-
mes peccati, fons tentationum, vis appetendi immo-
derata. Apostolus, nunc peccatum, nunc legem
membrorum vocat: Non quod ipsa per se peccatum
sit, sed quia est effectus & causa peccati, ut explicat
D. August. lib. 1. de nuptiis & concupiscentia cap. 23.
& l. 1. contra duas epistolas Pelagianorum capite 13.
& alibi.

24. Iam verò quod motus concupiscentiæ rationem
prævenientes, non sint peccata mortalia, nec prohi-
beantur illo præcepto. *Non concupisces*, sed solus consen-
sus facile probari potest. Nam ipsa Scriptura sic inter-
pretatur. Quod enim vno loco dicit, *Non concupisces*,
alibi explicat, Ecclesiast. 5. 2. *Ne sequaris in fortitudine*
tua concupiscentiam cordis tui. Et cap. 18. 30. *Post concu-*
piscentias tuas non eas. Et Rom. 6. 12. *Non regnet peccatum*
in vestro mortali corpore, ut obediatis concupiscentiis eius. Cer-
tè in his locis sermo est de consensu.

25. Idem frequenter docet Augustinus, præsertim
lib. 1. de nuptiis & concupisc. cap. 23. cum ait. *Nam*
ipsa quidem concupiscentia iam non est peccatum in generis,
quando illi ad illicita opera non consentiunt. Et in exposi-
tione quorundam propositionum ex Epistola ad Ro-
manos, expositione 17. *Non enim in ipso desiderio pravo,*
sed in nostra consensione peccamus. Et lib. 5. contra Julia-
nū cap. 3. *Aliud est habere mala desideria carnis, aliud tradi-*

corde, non quod totum cor nostrum in eo diligendo debeat occupari: sed quod tanto conatu in eum ferri debeat, quanto fieri potest. Nec hoc sensu præcipitur: quamvis si præciperetur, servari posset. Quis enim dicat impossibile sibi esse diligere Deum tanto conatu, quanto diligere eum potest? Tertius est; ut diligamus Deum ex toto corde, id est, ut diligamus eum super omnia: ut præferamus illum rebus aliis; ut nullius rei amorem, Dei amoris anteponamus, ut nullius creaturæ timore vel amore velimus Deum offendere, & ab illius amore recedere. Hic Verus ac germanus sensus est. Hunc expressit Apostolus Rom. 8. 39. *Nulla creatura poterit nos separare à charitate Dei*, id est, nulla poterit efficere, ut ei postponamus dilectionem Dei. Et Christus Matth. 10. 37. *Qui amat Patrem, aut matrem plus quam me, non est me dignus*, id est, qui amorem parentum præfert amoris Dei, non diligit Deum super omnia. Vnde è contrario qui amori parentum (qui in filiis solet esse maximus) præfert amorem Dei, conuincitur diligere Deum super omnia.

33. Hoc sensu laudatur Abraham, Genesi 22. quod cum haberet unicum filium Isaac, quem intimè diligebat: eius tamen dilectioni præferret dilectionem Dei. Nam si inter omnes creaturas, nullam tantoperè amabat, sicut filium suum unigenitum, & nihilominus hunc ipsum filium paratus erat offerre Deo in sacrificium; evidens signum erat, eum diligere Deum super omnia, vel quod idem est, ex toto corde. Hinc concludo, hoc præceptum non esse impossibile, si eo sensu explicetur, quo iam explicatum est.

34. Sed obicitur Augustinus in lib. de spiritu & littera cap. ult. & in lib. de perfectione iustitiæ, Respon. 17. ubi ait, hoc præceptum non posse impleri in hac vita, sed in alia. At prompta est responsio: Nam duo nitiur ostendere Augustinus, quæ verissima sunt. Vnum est, præceptum illud, *Diliges Deum ex toto corde & ex tota anima, & ex totis viribus*: posse quidem impleri in hac vita, quoad obligationem, quàm inducit: non tamen quoad verba, quibus proponitur. Alterum est, in hac vita non tam perfectè diligit Deum, quam in altera: quod probat hac ratione. Dilectio supponit cognitionem: In hac vita cognoscimus Deum obscurè per fidem: in altera clarè per visionem: quid ergo mirum si in hac vita minus perfectè in altera perfectius Deum diligamus? Hanc esse mentem Augustini ex ipso textu colligitur, nec in minimo nobis repugnat.

Totam legem Decalogi servari posse.

35. Ex dictis facilè demonstrari potest, totam legem servari posse ab homine iusto. Primò, quia si duo præcipua præcepta, quæ videbantur omnium difficillima, servari possunt: cur non etiam reliqua? Secundò, quia qui diligit Deum ex toto corde, præfert illum omnibus creaturis, nec intuitu ullius creaturæ vult illum offendere: Ergo servat omnia illius præcepta: quia si vel vnum non servaret, iam illum offenderet: At homo iustus, potest illum diligere ex toto corde, ut probatum est: Ergo potest omnia illius præcepta servare. Imò si propriè loquamur, hæc duo, *amare Deum ex toto corde, & mandata Dei custodire*, reipsa idem sunt: vel certè alterum cum altero necessario connexum. Fieri enim non potest, ut quis diligit Deum ex toto corde, & non servet omnia eius præcepta. Hinc in scripturis ferè semper coniunguntur, ut Exod. 20. 6. *Faciens misericordiam his, qui diligunt me, ut custodiant præcepta mea*. Et Deut. 10. 12. *Et nunc Israel, quid Dominus Deus tuus petit à te, nisi ut diligas eum in toto corde tuo, & custodias mandata eius*? Et cap. 10. 1. *Ama Dominum Deum tuum, & observa præcepta eius*. Et Iosue 22. 5. *Indiligatis Dominum*

A Deum vestrum, & observatis mandata illius. Et Christus 10. 15. 10. *Si præcepta mea servaveritis manebitis in dilectione mea*. Et alibi sæpe.

36. Quid multis? Scriptura apertè testatur, quosdam totam legem custodiisse; ut 3. Reg. 14. 8. *Non fuisti sicut servus meus. David, qui custodivit mandata mea, & secutus est me in toto corde suo*. Et Lucæ 1. 6. de Zacharia & Elitabetha: *Eram iusti ambo ante Deum, incedentes in omnibus mandatis & iustificationibus Domini, sine querela*: Et Iosue 17. 6. De Apostolis: *Tui erant, & mihi eos dedisti, & sermonem tuum servaverunt*. Quis neget idem fecisse B. Virginem, S. Stephanum, Timotheum; & non paucos alios?

37. Et sanè, si lex impossibilis esset, neque servari posset: cur eam Deus Optimus Maximus nobis imponeret? Cur clamaret Christus Matt. 11. 30. *Tollite iugum meum super vos, Iugum enim meum suave est, & onus meum leve*? Cur Apostolus 1. Ioan. 5. 3. *Hæc est charitas Dei, ut mandata eius custodiamus, & mandata eius gratia non sunt*: Cur propheta David de seipso, Psal. 118. 32. *Viam mandatorum tuorum excurre, cum dilatasti cor meum*? Cur alius propheta de omnibus iustis, Ezech. 36. 27. *Spiritum meum ponam in medio vestri, & faciam ut in præceptis meis ambuletis*? Certè ex his & similibus patet legem Dei non modo possibilem esse, sed etiam facilem & iucundam iis, qui gratia Dei adiuvantur: Blasphema igitur vox Calvini in antidoto Conc. Trid. Sess. 6. cap. 12. cum ait: *Prophetas & Patriarchas, & pios Reges, utique Dei spiritu adiuventur, ferendo legis iugum parati non fuisse*. Quid hoc aliud est, quàm palam pronunciare, omnia scripturæ testimonia iam citata esse falsa? Et Spiritum sanctum non posse hoc efficere per dona gratiæ in cordibus iustorum, ut legi satisfaciant? multò aliter Apostolus ad Phil. 4. 13. *Omnia possum in eo, qui me confortat*. An hic crederet Calvinus mentiri Apostolum, & debuisse dicere, *Non possum omnia in eo, qui me confortat*, quia legem servare non possum? Apagè.

38. Sed pressius ad rem. Cum lex Decalogi contineat decem præcepta: quæram ex Calvino, an omnia & singula: an aliqua duntaxat sint impossibilia? Scio dicturum, duo hæc potissimum servari non posse, *Diliges Deum ex toto corde, &, non concupisces*. Sed de his seorsim iam egi. De reliquis quæro sint ne possibilia, necne? Negat in antidoto, loco citato, cum ait, *Minimum legis mandatum onus esse, Arnagranus*. Quid: nemo ergo iustorum non homicida est: Nemo non fur & adulter: Nemo non falsus testis: Absit. Multi commendantur in scripturis, qui ab his vitiis fuerunt immunes. Quis audeat dicere, Iosephum Patriarcham & Susannam fuisse adulteros, qui tam fortiter pro castitate pugnaverunt? Quis Apostolos fuisse fures, qui etiam propria reliquerunt? Quis Evangelistas fuisse falsos testes, qui testandæ veritati deputati sunt: Dicet opinor Calvinista quispiam, eos externo opere non fuisse tales, sed tamen animo & cogitatione. Sed quisquis hoc dicit, metitur alios suo ingenio: & sicut ipse plenus est dolo, ira, fraude, nequitia, pravis cupiditatibus: sic alios omnes esse malitiosè confingit. Sanè Christus in Evangelio, cum dicebat iustitiam Christianorum debere perfectiorem esse, quàm fuerit iustitia Phariseorum, hoc agebat, ut non tantum externo opere servaremus mandata legis, sicut Pharisei servabant, sed etiam interno affectu & proposito. Vnde volebat discipulos suos, non tantum non occidere, sed nec irasci: non tantum nos moechari, sed nec mulierem concupiscere. Et quis neget eos cum Dei gratia præstare id potuisse.

39. Hæc sufficiunt contra Calvinistas. Videamus, nunc, quid pro se adferant. Primùm obiciunt illud Actorum 15. 10. *Quid tentatis imponere iugum super*

cervices discipulorum, quod neque patres nostri, neque nos portare potuimus? Hæc sunt verba Petri Apostoli, quibus testatur legem esse iugum importabile, neque nos posse saluari per observationem legis, cum ea impossibilis sit, sed per gratiam Dei, quæ à legis iugo nos liberat. *Respondeo.* Certum est, Petrum non loqui de lege morali, quæ continetur in Decalogo, & de qua hic disputamus, sed tantum de cæremoniali. Contendit enim Christianos non esse obligandos ad circumcissionem & similes cæremonias Iudaicas, idque propter duas causas. Primò, quod sint iugum graue & importabile. Secundò, quod sint inutiles ad iustificationem. Hanc posteriorem causam clarius expressit D. Paulus ad Gal. 4. 9. *Nunc autem cum cognoueritis Deum, imò cogniti sitis à Deo, quomodo conuertimini iterum ad infirma & egena elementa, quia denuò seruire vultis;* Porro lex cæremonialis vocatur iugum importabile, non quod portari omnino non possit, sed quod ægrè ac difficulter, ut rectè exponit D. Thom. in 2. d. 28. qu. vnica. artic. 4. ad 3. Lyræus in hunc locum, & alij. Nam si omnino portari non potuisset, mentitus esset Euangelista, cum dixit de Zacharia & Elisabetha, Luc. 1. 6. *Erant ambo iusti ante Deum, incedentes in omnibus mandatis & iustificationibus Domini sine querela.* Eodem sensu Christus traditiones Pharisaicas vocat onera importabilia. Matt. 23. 4. *alligata enim onera graua & importabilia, & imponunt in humeros hominum; digito autem suo nolunt ea mouere.*

40. Secundò obijciunt illud Apostoli ad Galat. 3. 10. *Quicumque ex operibus legis sunt, sub maledicto sunt. Scriptum est enim: Maledictus omnis, qui non permanserit in omnibus, quæ scripta sunt in libro legis, ut faciat ea.* Hic supponit Apostolus legem Dei esse impossibilem, ut colligitur ex ipsius discursu, qui est huiusmodi: Quicumque non seruat totam legem, est maledictus: Ergo qui volunt iustificari ex operibus legis, seu ex observatione legis sunt maledicti. Quæ conclusio nulla esset, nisi subintelligatur assumptio ista; atqui nullus potest seruare totam legem. Totum ergo argumentum erit tale; Quicumque non seruat totam legem, est maledictus; At nemo potest seruare totam legem: Ergo maledictus omnis, qui ex observatione legis vult iustificari. *Respondeo.* Hic syllogismus non est Apostoli Pauli, sed est alicuius Calvinistæ. Et in multis peccat. Primò in forma. Nam seruata maiori & minori propositione, deberet hoc modo concludere; Quicumque non seruat totam legem est maledictus: sed nullus seruat totam legem: Ergo omnes sunt maledicti. Vel sic? Quicumque non seruat totam legem, est maledictus: sed fideles (præsertim Calvinistæ) non seruant totam legem: Ergo fideles (præsertim Calvinistæ) sunt maledicti. Secundò, peccat in explicatione verborum Pauli. Nam illa verba. *Qui ex operibus legis sunt, sub maledicto sunt,* non significant eos esse maledictos, qui legem implendo iustificari volunt, cum dicat idem Apostolus Rom. 2. 13. *Factores legis iustificabuntur;* sed nos esse maledictos, qui suis viribus sine fide & gratia legem implere, & iustificari se posse credunt. Hoc patet ex antithesi. Nam opera legis opponit fidei, ut patet ex illis verbis, *Ex operibus legis spiritum accepistis, an ex auditu fidei?* Similiter eos, qui sunt ex fide, opponit iis, qui sunt ex operibus legis. De prioribus dicit: *Qui ex fide sunt, benedicentur cum fidei Abraham.* De posterioribus verò, *Qui ex operibus legis sunt, sub maledicto sunt.* Hinc sequitur, minorem propositionem, quam Apostolus substatuit, non esse hanc Calvinisticam, (Atqui nemo potest seruare legem) sed illam Catholicam (Atqui nemo suis viribus sine fide & gratia potest seruare legem) Itaque argumentum Apostoli habet hanc vim: Quicumque vult iustificari ex operibus legis, debet totam legem seruare. (Nam si totam non seruat,

maledictus est: vel ut loquitur Iacobus, qui offendit in uno factus est omnium reus) sed sine fide per solas naturæ vires nemo potest seruare totam legem: Ergo sine fide per solas naturæ vires nemo potest ex operibus legis iustificari. Hinc patet, quo sensu intelligendum sit quod sequitur: *Christus nos liberauit de maledicto legis, factus pro nobis maledictum.* Non enim significat Christum nos liberauisse ab observatione legis, quasi ea impossibilis sit, ut falso interpretantur aduersarij: sed liberauisse à maledictione, quæ præuaricatoribus legis impendit, quia scilicet, per sua merita obtinuit nobis fidem & gratiam, per quam possimus implere legem, & maledictionem euadere.

41. Tertio obijciunt illud Roman. 7. 18. *Velle quidem adiaceo mihi, perficere autem bonum non inuenio.* Hinc sequitur, etsi cupias legem implere, non tamen posse. *Respondeo.* Non loquitur Apostolus de observatione legis, sed de carentia motuum concupiscentiæ. Quasi dicat, vellem quidem carere inordinatis concupiscentiæ motibus, sed non est in mea potestate. Vel sic, bonum est carere motibus concupiscentiæ. Et hoc bonum appeto & desidero, sed non possum perficere.

42. Quarto obijciunt. Nemo potest vitare omnia peccata: Ergo nemo potest implere totam legem. Si enim totam impleat, iam vitaret omnem transgressionem legis, & consequenter omne peccatum. Antecedens patet ex illo Iacobi 3. 2. *In multis offendimus omnes, & c.* Ioann. 1. 8. *Si dixerimus, quia peccatum non habemus, nos ipsos seducimus.* *Respondeo,* cum distinctione. Nam hæc propositio (nemo potest vitare omnia peccata) potest dupliciter intelligi. Primò, de peccatis mortalibus, & sic falsa est. Secundo de venialibus, & sic vera est. Quilibet enim iustus potest vitare peccata omnia mortalia: Nemo tamen omnia venialia, saltem secundum communem & ordinarium modum diuinæ providentiæ. De quo plura infra in sequenti opusculo.

43. Quinto obijciunt. Christus est mediator noster, non solum in prima iustificatione, qua Deo reconciliamur, sed etiam postea in toto vitæ nostræ tempore: ergo semper egemus intercessionem Christi: Ergo semper peccamus & legem transgredimur: alioqui post primam reconciliationem Christus esset otiosus. *Respondeo.* Christus semper est mediator noster, & nunquam est otiosus, duplici de causa. Primò, quia semper nobis vires & gratiam subministrat; per quam non peccemus, & bona opera faciamus. Secundò, quia emundat nos à quotidianis peccatis venialibus, in quæ frequenter incidimus, iuxta illud, *Sepies in die cadis iustus.*

CAPUT II.

De necessitate operum.

An iusti teneantur facere aliqua bona opera & legem seruare.

HActenus ostendi iustos posse utrumque præstare cum Dei gratia. Nunc quaeritur, an etiam teneantur? Vbi notandum est differre illa duo, iusti possunt facere bona opera, & iusti possunt seruare legem. Nam alterum altero latius patet. Multa enim possunt fieri bona opera præter observationem legis,

ut sunt opera consiliorum Evangelicorum. Hæc tamen duo non differunt: Iusti teneantur facere bona opera & iusti tenentur servare legem. Vtrumque enim æquè latè patent. Non enim tenendus facere bona opera, nisi ex præscripto legis. Vnde hoc loco idem est querere, An iusti teneantur benè operari, & an teneantur servare legem? Vel, an opera bona sint iustus ad salutem necessaria, & an lex obliget iustos ad sui observationem. Hoc obiter monui, ut status controversiæ melius intelligatur.

1. Calvinistæ ergo docent, opera non esse necessaria ad salutem, seu fideles non teneri ad observationem legis. Hoc clarè patet ex eorum principiis, quæ sunt huiusmodi. 1. Solam fidem iustificare ad salutem. 2. Omnia iustorum opera esse damnabilia & peccata mortalia.

3. Legis observationem esse impossibilem. 4. Hoc interesse inter legem & Evangelium, quod Lex proponat salutem cum conditione implendæ legis: Evangelium verò absolutè sine tali conditione. Hinc Calvinus in antidoto Concil. Trident. Sess. 6. cantic. 20. disertè ait, salutem non pendere ab observatione legis. Ex his principiis, quid aliud colligas, quam quod dixi, opera non requiri ad salutem? 1. Nam si sola fides sufficit, reliqua sunt superflua. 2. Si omnia iustorum opera sunt damnabilia & peccata mortalia, quomodo ad salutem necessaria? 3. Si lex impossibilis, quis saluus erit, si servari debeat? 4. Si Evangelium sine conditione legis implendæ promittit salutem, quid necesse est eam implere? Hæc perspicua sunt.

4. Catholici contra docent, opera esse necessaria ad salutem, & neminem salvari posse, nisi qui legem observat. Et quamvis hæc duo idem valeant, ut dixi: tamen separatim vtrumque probabo ex scripturis, ut clariùs progrediamur. Primum ergo, quod opera bona sint iustis ad salutem necessaria, & non sufficiat fides probatur his scripturæ testimoniis. Matth. 3. 10. *Omnis arbor, quæ non facit fructum bonum, excidetur & in ignem mittetur.* Iacobi 3. 14. *Quid prodest fratres mei, si fidem quis dicat se habere, opera autem non habeat?* Et infra. *Fides sine operibus mortua est.* Et 2. Petri 1. 10. *Salutate, ut per bona opera certam vestram vocationem, & electionem faciatis.* Et Matth. 5. 21. *Nisi abundaveritis iustitiis vestra plus quam Scribarum, & Phariseorum, non intrabitis in regnum celorum.* Denique cum Christus in toto illo sermone, quem habuit in more, multa disputasset de bonis operibus, præsertim de eleemosyna, oratione, ieiunio, & aliis similibus, tandem ita conclusit. *Omnis ergo, qui audit verba mea hæc, & facit ea, assimilabitur viro sapienti, qui edificavit domum suam super petram, & descendit pluvia & venerunt flumina & flaverunt venti, & irruerunt in domum illam, & non cecidit, fundata enim erat supra petram. Et omnis qui audit verba mea hæc, & non facit ea (ut Calvinistæ) similis erit viro stulto, qui edificavit domum suam super arenam, &c. & cecidit, & fuit, ruina illius magna.*

5. Aliqui ex adversariis conantur eludere hæc testimonia adhibita distinctione. Aiunt enim duplicem esse necessitatem, alteram præsentis, alteram efficientis. Opera non quidem esse necessaria ad salutem necessitate efficientis, sed tantum necessitate præsentis. Hoc posterius rectè probari ex scripturis, non illud prius. Sensus huius distinctionis est, solam fidem habere vim iustificandi & saluandi, ac proinde solam fidem necessariam esse ad salutem necessitate efficientis: Cæterum, quia fides debet esse viva & non potest esse viva sine bonis operibus, qui sunt quasi fructus necessariè pullulantes ex viva fide, idè consequenter opera esse necessaria, ut non efficiant salutem, quam fides sola efficit, sed ut comitentur fidem, & præsentibus illi sint, sicut fructus præsentibus sunt arbori. Hæc

Opusc. Bec.

A Sententia facillimè refutatur. Primò, quia seipsam destruit. Nam si omnia opera iustorum sunt damnabilia, & peccata mortalia, ut Calvinus fatetur, quomodo sunt fructus viæ fidei? aut quomodo fides viva dicitur ab iis fructibus, qui mortiferi sunt? Secundò, quia in sequenti capite ostendam, bona opera mereri vitam æternam, Certè si merentur, non tantum sunt necessaria necessitate præsentis, sed etiam efficientis. Tertiò quia scriptura aperte docet, bona opera esse adiuvè concurrere ad salutem. Philipp. 2. 12. *Cum metu & tremore salutem vestram operamini.* Et 2. Corinth. 7. 10. *Tristitia, quæ secundum Deum est, poenitentiam in salutem stabilem operatur.* Et 2. Corinth. 4. 17. *Id quod in præsentis est momentaneum, æternam gloriam pondus operatur in nobis.*

6. Iam quod legis observatio necessaria sit, æquè facile probari potest ex scripturis. Matth. 11. 29. *Tolle iugum meum super vos.* Matth. 19. 17. *Si vis ad vitam ingredi, serva mandata.* Ioann. 14. 15. *Vos amici mei estis, si feceritis quæ ego præcipio vobis.* Iacobi 2. 8. *Si tamen legem perspicitis regalem.* Matth. 23. 19. *Euntes docete omnes gentes, docentes eas servare omnia, quaecunque mandavi vobis:* An hic docet Calvinus: *Non tollo iugum quia nimis grave est: Volo ad vitam ingredi, sed sine mandatorum observatione, per solam fidem: Ero amicus tuus, etiamsi non fecero, quæ mihi præcipis: Non perscicio legem regalem: Docbo eos, non servare mandata, sed sola fide contentos esse?* Planè novum Evangelium.

C 7. Accedit efficax ratio in hunc modum; Deus in scripturis indicat se velle, ut legem servemus, ut patet ex testimoniis citatis: vel ergo seriò vult, ut ea servem? vel ioco. Si seriò vult, seriò tenemur illam servare: si ioco vult, cur seriò punit transgressores? Fortè non pudebit hic Calvinistas dicere Deum ioco & ironicè loqui? cum proponit nobis observationem legis. Sic enim explicant illud Christi Matth. 19. 17. *Si vis ad vitam ingredi, serva mandata;* quasi Christus ironicè deluserit adolescentem, qui ab ipso quærebat, quo pacto posset salvari. Sed valeant huiusmodi scripturarum interpretes, seu potius depravatione.

Prima obiectio de libertate Christiana.

D 8. Omnia argumenta, quæ obiciuntur ab adversariis; ad duo capita reuocantur. In priori sunt ea, quibus probant bona opera non esse necessaria, ed quod sola fides sufficiat. Hæc refutata sunt in disputatione de iustificatione. In posteriori sunt ea, quibus probant, nos non teneri servare legem. 1. Quia impossibilis est. 2. Quia libertas Christiana nos eximit. 3. Quia non sumus sub lege, sed sub Evangelio. Ex his tribus primum quod luitur ab impossibilitate legis, iam solutum est. Ostendi enim legem non esse impossibilem: Super sunt reliqua duo: alterum ex libertate Christiana, alterum ex discriminine legis & Evangelij, quæ paucis explicanda sunt. Est ergo primum argumentum huiusmodi, Christiani sunt liberi ab observatione legis: Ergo non necesse est legem servare. Antecedens probatur, quia cum ex vna parte lex sit impossibilis, & ex altera, qui non servat legem, maledictioni subiaceat; alterutrum necesse est, vel omnes fideles maledictionem incurrere, vel omnes à debito implendæ legis liberari: prius fieri non oportuit: ergo posterius asserendum est. Et hoc confirmant ex illa ad Galat. 3. 13. *Christus nos redemit de maledictione legis:* & 1. Timoth. 19. *Iusto non est lex posita.* Hinc concludunt primò, Christianos esse liberos à lege. Secundò, Christum non esse Legislatorem, sed Redemptorem.

9. Respondet. Totum hoc argumentum nititur falso fundamento, nempe legem esse impossibilem, quod

R

superius refutauit. Vnde apparet, reipsa non differre ab altero quod sumitur ab impossibilitate legis sed tantum titulo & vocibus, Vt tamen res melius intelligatur, pauca addenda, vel potius repetenda sunt. Ac primo fatemur, omnes eos, qui non seruant legem maledictioni & damnationi obnoxios esse iuxta illud, *Maledictus omnis, qui non permanserit in omnibus, quae scripta sunt in libro legis, ut faciat ea.* Secundò fatemur, imbeciles & peccatores non posse seruare legem per solas naturae vires, sine gratia Dei, iuxta illud Ioann. 15. 5. *Sine me nihil potestis facere.* Tertiò addimus iustos posse eam seruare per gratiam Dei iuxta illud Philip. 4. 13. *Omnia possum in eo, qui me confortat.* Hinc quartò deducimus, peccatores, qui legem non seruant, maledictioni obnoxios esse; iustos, qui seruant, non esse. Et hoc sensu verum est, quod dixit Apostolus, Christum redemisse nos à maledicto legis quia scilicet obtinuit nobis gratiam, per quam possumus legem seruare, & maledictionem euadere. Hæc clara sunt & superius satis explicata.

9. Denique addimus, libertatem Christianam non conciliter in eo, quod liberi sumus ab obseruatione legis vt falsò docent aduersarij, sed in his tribus. Primò, in libertate à peccato & morte. Ioann. 8. 36. *Si vos filius liberaueris, vero liberi eritis.* Et Rom. 6. 18. *Liberati à peccato, serui facti estis iustitiæ.* Secundò, in libertate à iugo legis cæremonialis, ad Galat. 4. 9. *Quomodo conuertimini iterum ad infirma & egenaelementa, quibus denno seruare vultis?* Tertiò, in libertate à dominio & reatu legis moralis. Rom. 6. 14. *Non estis sub lege, sed sub gratia.* 2. Corinth. 3. 17. *Vbi spiritus Dei, ibi libertas.* Gal. 5. 18. *Si spiritu ducimini, non estis sub lege.* Vbi notandum est, nos quidem esse in lege, non tamen sub lege, vt Apostolus loquitur. In lege sumus, quia secundum legem agimus, vt serui. Quod rectè explicat D. Augustinus in enarratione primi Psalmi; *Aliud, inquit, est esse in lege, aliud sub lege. Qui est in lege, secundum legem agit: qui est sub lege, secundum legem agitur. Ille ergo liber est, iste seruus.* Et in libro, de natura & gratia cap. 57. *Si spiritu ducimini, non estis sub lege, utique lege, quæ timorem inculcit, non tribuit charitatem.* Non ergo libertas Evangelica excludit legem, sed dominium legis, neque seruitutem iustitiæ, sed peccati, neque iugum Christi, quod suauis est, sed iugum Mosaicum, quod erat longè grauiusimum.

10. Illud porrò, *iusto non est lex posita, sed iniustis & non subditis*, facillimè explicatur. Est enim duplex vis seu potestas legis, vt rectè docet D. Thom. 1. 2. q. 96. art. 5. altera directiua, altera coactiua. Lex ergo posita est omnibus, tam iustis, quàm iniustis, quoad vim directiuam: quia scilicet dirigit & præscribit omnibus, quid agere, vel non agere debeant. At, quo ad vim coactiuam, non est posita iustis, sed tantum impiis, quia iusti sponte, libenter, & alacriter ex instinctu charitatis, faciunt ea, quæ à lege præscribuntur, nec Impij contra, sæpe recalcitrant, & à legis obedientia se subducunt, & idè cogi quodammodo ad obsequium debent.

Secunda obiectio de discrimine Legis & Evangelij.

11. *Alterum argumentum* sumunt aduersarij ex discrimine Legis & Evangelij. Porrò per legem intelligunt doctrinam veteris, per Evangelium, Doctrinam noui testamenti. Aiunt, ergo hoc esse discrimen vtriusque, quod in lege veteri contineantur hæc tria, Leges, comminationes & permissiones cum conditione obseruationis legis: Hæc autem non sunt in Evangelio. Sensus illorum hic est, quod hominem in veteri testamento habebant leges quibus obligabantur: Et quidem si eas

seruarent, quod tamen non poterant, promittebat illis Deus benedictionem: si non seruarent, comminabatur maledictionem. At in nouo testamento non sunt illæ leges quia Christus, cùm videret eas seruari non posse ab earum obseruatione nos liberauit. Vnde non opus est vllis comminationibus & terroribus, quibus ad eas seruandas impellamur. Nec promissio vitæ æternæ quæ nobis facta est, pendet à legis obseruantia, sed à sola fide. Hæc aduersarij. Vnde rursum apparet, hoc argumentum non distingui à priori, quod sumunt ex libertate Christiana, nisi solo nomine. Nam vtrumque fundatur in eo, quod lex sit impossibilis, Ideoque ne legis maledictioni subiciamur, liberati sumus ab eius obseruatione.

12. Porrò discrimen illud Legis & Evangelij, quod ab aduersariis adfertur, omnino falsum est. Nam sicut in veteri, ita in nouo testamento proponuntur leges, comminationes, & promissiones conditionatæ. Et quidem leges aliz sunt morales, de quibus agitur apud Matth. cap. 5. 6. & 7. Aliz sacramentales, vt Matth. 28. 29. *Euntes docere omnes gentes baptizantes eos in nomine Patris, & filij & spiritus sancti.* Aliz fidei vt Marc. 16. 16. *Qui non crediderit condemnabitur.* Audi comminationes Euangelicas Matth. 5. 23. *qui dixerit fratri suo, frater meus eris gehenna ignis.* cap. 23. 13. *Va vobis Scriba & Pharisei.* Et cap. 23. 30. *Inuilem seruum eiciete in tenebras exteriores.* Luc. 12. 5. *Timeate eum, qui habet potestatem mittere in gehennam.* Audi & promissiones conditionatas. Matth. 5. 21. *Nisi abundauerit iustitia vestra plusquam Scribarum & Phariseorum, non intrabitis in regnum celorum.* Et cap. 19. 17. *Si vis ad vitam ingredi, serua mandata & Rom. 8. 17. Si tamen comparatur, vt & glorificamur.*

13. Quomodo ergo differunt Lex & Euangelium? Differunt primò, sicut doctrina inchoata & perfecta. Nam, vt ait D. Thom. 1. 2. quæst. 107. art. 3. *Euangelium continetur in lege, sicut arbor in semine.* Et Augustinus lib. 16. de ciuitate D. cap. 6. *Testamentum vetus est occultatio noui & nouum est veteris reuelatio.* Secundò, Lex per Moysen data est, qui fuit Legislatores duntaxat, Euangelium per Christum, qui etiam Redemptor fuit. Vnde lex venit sola, Euangelium non solum, sed cum gratia. Hinc sumitur tertium discrimen. Nam lex non habuit vim iustificandi, quam habet Euangelium. Vnde Apostolus de lege ait Galat. 3. 11. *In lege nemo iustificatur apud Deum.* Et infra. *Si data esset lex, qua posset iustificare, verè ex lege esset iustitia.* At de Euangelio ait, Rom. 1. 16. *Euangelium est virtus Dei in salutem omni credenti.* Et 1. Corinth. 15. 1. *Nos facio vobis Euangelium, per quod saluamini.* Quartò, Lex Mosaica fuit lex timoris & seruitutis, lex autem Evangelica est amoris & libertatis Rom. 8. 15. *Non accepistis spiritum seruitutis in timore, sed spiritum adoptionis filiorum Galat. 4. 31. Non sumus ancilla filij, sed libera.* 2. Timot. 17. *Non dedit nobis Deus spiritum timoris, sed virtutis & dilectionis.* Quintò, lex Mosaica fuit grauiuscula & quomodo importabilis. Actuum 15. 10. Lex autem Evangelica est facillima, Matth. 11. 30. *Iugum meum suauis est, & onus meum leue.* Hæc facilitas oritur ex triplici capite. Primò, quia Euangelium habet adiunctam gratiam. Secundò, quia pauciora continet præcepta. Tertiò, quia maiorem promittit retributionem.

CAPVT I.

De merito bonorum operum.

An opera iustorum sint meritoria vitæ æternæ.

Explicata sunt duo capita: alterum est, iustos posse bene operari, & legem seruare: alterum, eos teneri utrumque præstare. Nunc restat tertium. An bene operando, & legem seruando mereantur vitam æternam apud Deum? quid Calvinus sentiat, facile colligitur ex dictis. Nam si omnia iustorum sunt damnabilia & peccata mortalia, ut ipse vult, quomodo possunt apud Deum mereri vitam æternam? potius damnationem mereri dicenda sunt, ut ipse fatetur in antidoto Conc. Trid. Sess. 6. c. 12. his verbis *Inde conficiatur, non esse tam opere exagitando, qui dixerunt: quolibet bona opera si exacto rigore censeantur, æternæ poenæ damnationis, quam vitæ præmio digna esse.*

2. Sed errat Calvinus. Primò, quia nititur falso fundamento. Nam supra ostendi, non omnia iustorum opera esse damnabilia, sed quædam bona, honesta, laudabilia, Deo grata. Secundò, quia aperte contradicit Scripturis, quæ docet nos bene operando mereri & consequi vitam æternam. Et hanc esse mercedem seu præmium bonorum operum, Mat. 5. 12. *Gaudete & exultate quoniam merces vestra copiosa est in cælis.* Mat. 25. 34. *Voca operarios & redde illis mercedem.* Mat. 25. 34. *Venite benedicti Patris mei, possidete paratum vobis regnum à constitutione mundi.* Esurui enim, & dedistis mihi manducare. Ro. 26. *Deus reddet unicuique secundum opera sua. Iis quidem qui se iudam posuerunt boni operis gloriam, honorem, & incorruptionem querunt, vitam æternam.* Eccl. 1. Cor. 3. 8. *Unusquisque propriam mercedem accipiet secundum suum laborem.* Gal. 6. 8. *Qui seminavit in spiritu, de spiritu metet vitam æternam.* 2. Cor. 4. 17. *Quatin præsens est momentaneum & bene tribula ioris nostræ æternam gloria pondus operatur.* 2. Tim. 4. 7. *Bonum certamen certavi cursum consummavi fidem seruavi. Inreliquo repositus est mihi corona iustitiæ.* Ap. 3. 4. *Ambulabunt mecum in albis, quia digni sunt.*

3. Hæc testimonia tam clara & aperta sunt, ut nullo modo ab aduersariis eludi possint. Nam præcipue tradunt, vitam æternam esse mercedem & coronam, quæ danda sit iustis intuitu bonorum operum. Vnde valde miror, Calvinum fuisse tam impudentem, ut hoc ausus sit negare. Nimirum odio Catholicorum id fecit. Nam cum Patres Conc. Trid. Sess. 6. c. 16. de finiuissent iuxta verba & sensum Scripturæ, vitam æternam esse mercedem bonorum operum: ille audacter contradicit in antidoto his verbis. *Quod vitam æternam facio: mercedem in eo ab illis discentio.* Cur non dixit: *In eo ab illis, & à Scripturis dissentio?* Moderatiores sunt alij quidam ex Calvini discipulis, qui quidem fatentur vitam æternam esse mercedem, & dari intuitu bonum operum (cùm hoc expressè dicat scriptura,) non tamen dari ex merito & dignitate ipsorum operum, sed ex mera Dei promissione, liberalitate & indulgentia. Sed & ipsi errant. primò quia si datur ex merito bonorum operum, seu propter bona opera, certe datur ex merito bonorum operum. Hæc enim idem significant. 2. quia datur iis qui digni sunt. 2. Tel. 1. 5. *V: digni babeamini regno Dei, pro quo & patimini.* At si digni sunt propter bona opera, certè datur illis, ut merito & dignitate bonorum operum. Tertio, non solum datur illis, & merces, sed etiam & corona iustitiæ. 2. Tim. 4. 8. *At corona iustitiæ non*

Opusc. Bec.

A datur ex mera liberalitate vel indulgentia, alioquin iustitiæ, sed liberalitatis corona esset. Quod, sicut se habet æterna damnatio respectu impiorum, ita vita respectu iustorum: at illa datur impiis pro merito maiorum operum: ergo hæc iustis pro merito bonorum operum. Rectè Augustin. Epist. 105. ad Sixtum, *Sicut me, & peccati tanquam stipendium reddunt mortem: Ita merito iustitiæ tanquam si perditionem, vita æterna.* Sed frustra hæremus in re clara & perspicua, in qua omnes Patres nobiscum sentiunt. Nec negat Calvinus, lib. 3. Institut. cap. 15 §. 2. sed solet sibi ipsi contradicere.

4. Porro argumenta, quæ aduersarij nobis obijciunt, sunt duplicia. Quædam communia, quibus conantur probare, omnia iustorum opera esse immunda & inquinata. Sed hæc superius soluta sunt. Alia propria quæ directè oppugnant meritum vitæ æternæ. Hæc breuiter examinanda sunt. *Primum* est, vita æterna in Scripturis vocatur hæreditas: at hæreditas debetur filiis non ex merito & labore, sed ex solo iure filiationis seu adoptionis, ergo, &c. Hoc argumento utitur Calvinus in antidoto, Sess. cap. 16. cum ait: *Quod vitam æternam facio mercedem, in eo ab illis discentio.* Quin potius hæreditatem esse ubique scriptum a clama qua non alio, quam gratuite ad psonis iure nobis obuenit. Sed retorqueo dupliciter. Primò, vita æterna in Scripturis vocatur etiam merces, ut supra ostendi. Ergo datur intuitu meritorum: Ergo non solo iure adoptionis. Secundò, adoptio idem est, quod prædestinatio apud Calvinum; & prædestinationi opponitur reprobatio; utraque autem facta est secundum Calvinum ex solo Dei beneplacito, nullo respectu bonorum aut malorum operum. Si ergo ut ex eo, quod vita æterna debetur titulo adoptionis seu prædestinationis, bene sequitur, non dari ex merito bonorum operum: etiam ex eo, quod pœna æterna debetur titulo reprobationis, bene sequitur, non dari ex merito malorum operum. At hoc posterius non audent Calvinistæ concedere. Vnde pater Caluini argumentum nullius esse ad hominem. Hæc ad hominem.

5. Quod ad rem attinet, ita sentiendum est. Non sumus filij Dei per naturam, sed per adoptionem. 2. Alij re ipsa adoptantur ante vltimæ rationis in Baptismo, ut paruuli. Alij post vltimæ rationis in prima iustificatione, ut adulti. 3. Paruuli, qui ante rationis vltimæ adoptantur & moriuntur accipiunt vitam æternam solo titulo hæreditatis. 4. Adulti qui vltimæ rationis vtuntur, & in adoptione filiorum usque ad mortem perleuerant, duplici titulo accipiunt vitam æternam, altero mercedis; altero hæreditatis. Hoc indicauit Apostolus ad Coloss. 2. 13. *Quodcumque facitis ex animo operamini, sicut Domino, & non hominibus, scientes quod à Domino accipietis retributionem hæreditatis,* ut significaret vitam æternam non solo titulo hæreditatis sed etiam mercedis seu retributionis conferri adultis. Nec hoc mirum aut nouum. Primò, quia cùm non sint per naturam filij, sed per adoptionem potuit eos hac conditione Deo adoptare ut non audirent hæreditatem, nisi vellent mandatis Dei obtemperare, & obtemperando hæreditatem promereri. Secundò, quia simile quid Christo accidit. Nam iure hæreditatis (supposita vnione hypostatica) debebatur ei gloria corporis, & exaltatio nominis; & tamen suis meritis eam obtinuit, iuxta illud Apostoli ad Philippen. 2. 8. *Humiliatus semetipsum factus obediens usque ad mortem autem crucis. Propter quod & Deus exaltauit illum,* &c. Si ergo Christo qui fuit filius Dei naturalis data est gloria corporis & exaltatio nominis duplici titulo, nempe hæreditatis & mercedis; quid mirum si nobis, qui sumus filij tantum adoptionis, utroque titulo conferatur vita æterna.

6. Quod verò nonnulli ex Calvinistis aiunt, vitam æternam vocari quidem in Scripturis & hæreditatem

R. iij

& mercedem: sed hereditatem propriè, & mercedem impropriè; omnino friuolum est. Nam primò, vnde hoc probant? cur non è contrariò dicunt, vocari propriè mercedem, impropriè hereditatem? Secundò, si gloria corporis, quæ Christo data est, propriè habuit rationem mercedis & hereditatis, cur non gloria animæ, quæ nobis datur? Non enim repugnat, aliquid esse propriè hereditatem, & simul propriè mercedem. At si ita est inquit, feliciores sunt paruuli, quàm adulti. Nam his suis laboribus debent acquirere, quod illis liberali donatione conceditur. Imò adulti feliciores duplici de causa. Primò, quia suo merito adeunt hereditatem, quod magis honorificum est. Secundò, quia quo plura sunt illorum merita, eo maiorem hereditatem consequuntur. Hinc oritur magnum discrimen inter illos & paruulos. Nam paruuli debent esse contenti illa parte hereditatis, quæ illis diuina liberalitate obuenit. Adulti possunt ad maiorem aspicere, & quo magis crescunt eorum merita eo maior illis portio deputatur, iuxta illud 1. Corinth. 3. 8. *Nusquisque propriam mercedem accipiet secundum suum laborem.*

7. *Secundum Argumentum.* Scriptura testatur vitam æternam, etsi corona sit, dari tamen ex misericordia, non ex iustitia. Psalm. 103. 4. *Qui coronat te in misericordia & miserationibus.* Et Matth. 5. 7. *Beati misericordes, quoniam ipsi misericordiam consequentur.* Respondeo. Sicut hic vocatur corona misericordiae, ita alibi vocatur corona iustitiae. 2. Timoth. 4. 8. *Reposita est mihi corona iustitiae, quam reddet mihi Dominus in illa die iustus Iudex.* Iam ergo explicandum est, quomodo vtrumque verum sit. Nam cum vtrumque à Spiritu S. efferatur, neutrum falsum esse potest. Res ita habet. Vita æterna est corona iustitiae, quia ex meritis & propter merita confertur seruato ordine iustitiae commutatiuæ & distributiue. Nam unicuique pro quantitate meritorum maior, aut minor portio tribuitur, vt ex dictis patet. Vnde Aug. libro de natura & gratia capite 2. *Non est iniustus Deus, qui iustos fraudat mercede iustitiae.* Ceterum quia ipsa merita, quibus debetur corona iustitiae, habent vim suam ex gratia Dei datur ex misericordia Dei, hinc fit, vt corona, quæ illis tribuitur, vocari etiam possit corona misericordiae, non quidem respectu ipsorum meritorum (quia illis debetur ex iustitia; seu respectu nostri) quibus ipsa quoque merita ex misericordia concessa sunt. Ita explicat D. Augustin. lib. de correptione & gratia, cap. 13. & in Epistol. 105. ad Sixtum.

8. *Tertium argumentum* sumitur ex illo Roman. 6. 23. *Stipendium peccati mors gratia autem Dei vita æterna.* Hinc apparet, mortem æternam dari propter mala opera, vt vitam æternam, non propter bona opera, sed ex mera gratia. Quod si Catholicorum sententia esset vera, debuisset Apostolus sic dicere; *Stipendium peccati mors, Stipendium bonorum operum vita æterna.* At exclusit bona opera. Responded, solutio huius argumenti patet ex dictis. Nam Apostolus vitam æternam vocat gratiam, eo sensu, quo vocatur corona misericordiae; quia scilicet datur ex meritis, quæ habentur ex gratia & misericordia. Ita explicat Diu. Augustinus partim locis citatis, partim libr. de gratia & libero arbitrio. cap. 8. & 9. vbi etiam apertè fateatur Apostolum rectè potuisse dicere; *Stipendium iustitiae vita æterna, sicut dixit, Stipendium peccati mors* (Notent hoc Calvinistæ) Imò iam ante hoc dixerat Apostolus, si non iisdem verbis, saltem eodem sensu, Roman. 2. 6. *Reddet unicuique secundum opera sua. Iis quidem, qui secundum patientiam boni operis, gloriam & bonum, & incorruptionem quaerunt, vitam æternam: iis autem, qui sunt ex corruptione, & non acquiescunt veritati, ita & indignatio. Id est, sicut Deus damnabit impios propter mala; ita*

coronabit iustos propter bona opera. Ergo simili modo sicut impiorum stipendium erit mors, ita iustorum stipendium erit vita æterna.

9. *Quartum argumentum* sumitur ex illo Iсай 55. 1. *Venite, emite argento, & absque ulla commutatione vinum & lac.* Hic offertur nobis vita æterna sine nostris meritis. Respondeo. Per vinum & lac, non intelligitur hic vita æterna, sed gratia præsentis vitæ vt interpretatur Diu. Hieronimus, & patet ex ipso contextu, qui sic habet; *Omnes sitientes venite ad aquas, & qui non habetis argentum, properate, emite, & comedite: venite, emite absque argento, &c.* Simile est illud Ioannis 7. 37. *Si quis sitit, veniat ad me, & bibat.* Vbi certum est, Christum loqui de gratia præsentis, non de gloria futuræ. Fatemur autem primam gratiam gratis dari sine meritis, quamuis non sine opere & labore nostro. Nam sicut illæ particulae, *absque argento & ulla commutatione*, excludunt nostra merita; ita istæ, *venite & emite*, requirunt nostrum laborem. Hoc ergo interest inter gratiam & gloriam, quod licet nostra conferatur adultis sine propria cooperatione; gratia tamen confertur sine propriis meritis, gloria per propria merita.

10. *Quintum argumentum* sumitur ex illo Luc. 17. 10. *Cum feceritis omnia quæ praecepta sunt vobis dicite, serui inutiles sumus.* Certè si inutiles sumus, quid mereamur? Respondeo. Hinc primò apparet, quomodo aduersarij abundantur Scripturis. Nam paulò ante obiecerant, nos esse filios, & vitam æternam debere nobis titulo hereditatis, sine vllò nostro labore. Nunc obiciunt nos esse seruos inutiles, quibus nihil debeatur. Nimirum, hoc agunt, vt veritatem oppugnent, quocunque modo id fiat. Deinde, quæro ex ipsis an Christus vocet illos seruos inutiles, qui seruant omnia præcepta an eos, qui non seruant? Si prius, ergo serui Dei possunt omnia præcepta seruare, quod est contra Calvinum. Si posterius, nihil contra nos concluditur, Fatetur enim eos, qui non seruant mandata seruos esse inutiles, & non mereri vitam æternam, quales sunt Calvinistæ. Sed ad rem. Verba Christi possunt habere triplicem sensum. *Primus est*, nos ex nobis esse seruos inutiles. Quia scilicet faciamus omnia quæ præcepta sunt, non tamen nostris viribus, sed gratia Dei faciamus. Vnde explicat Ambrosius libro 8. in Lucam. Vnde dupliciter possumus nos ipsos cōsiderare. Primò, quoad nostras vires, quatenus ex Adamo nascimur, & ita sumus serui inutiles. Secundò, quoad cooperationem gratiæ diuinæ, quatenus in Christo renascimur, & ita sumus serui inutiles, iuxta illud 2. Timoth. 2. 21. *Si quis mundauerit se ab istis, erit vas in honorem sanctificatum & utile Domino, &c.* *Secundus sensus est*, nos esse seruos inutiles respectu Dei, etiamsi omnia præcepta seruemus, quia nullam vtilitatem Deo præstamus, nec ipse bonorum nostrorum indiget. Ita exponit Beda in commentatio. Hinc etiam patet nos posse vocari seruos vtilis & inutiles diuerso respectu: vtilis respectu nostri, quia quicquid boni facimus per observationem mandatorum, cadit in nostrum commodum & vtilitatem: nobis serimus & metimus, Inutiles respectu Dei, quia nihil vtilitatis illi accedit ex nostro labore & industria. *Tertius sensus est*, nos esse seruos inutiles, etiamsi omnia præcepta exequamur, quia nisi Deus liberali pacto nobiscum conuenire voluisset, nullam mercedem ex iustitia potuissimus à Deo petere. Ita exponit Augustinus serm. 3. de verbis Domini. Vnde rursum apparet, quomodo dicamur vtilis, & quomodo inutiles. Nam quidquid facimus, inutiles sumus ad mercedem vitæ æternæ, seclauo diuino pacto, vt les, interueniente pacto & promissione. Ex his sensibus eligant aduersarij, quem

velint, & facile aduertent, se nihil contra merita bonorum operum efficere. Hoc miror, cum tam diligenter inquirant testimonia Scripturæ, quibus vocamur serui inutiles, cur dissimulent ea quibus vocamur viles. Sanè idem Christus, qui dixit Lucæ 17. 10. *Dicite serui inutiles sumus*, alibi dixit, Matth. 25. 23. *Euge serue bone & fidelis, quia supra pauca fuisti fidelis, supra multa constituam.*

11. *Sextum argumentum* sumitur ex illo Rom. 8. 18. *Non sunt condigna passionibus huius temporis ad futuram gloriam.* Hinc patet nullam esse proportionem inter nostra opera & vitam æternam. At inter meritum & premium debet esse proportio. Respondeo. Sicut Scriptura videtur hic significare, nostra opera non esse digna premio vitæ æternæ; Ita alibi videtur contrarium asserere, vt Luc. 20. 35. *Qui vero digni habebuntur saeculo illo & resurrectione.* Et 2. Thess. 1. 5. *Vt digni habeamini regno Dei, pro quo & patimini.* Et quia Scriptura non est sibi ipsi contraria, explicandum est, quo sensu vtrumque verum sit. Ac primò, si spectemus durationem temporis, nulla est proportio inter opera præsentia & futuram gloriam. Nam hæc perpetua est, illa momentanea sunt. Si verò spectemus gratiam, à qua procedunt opera meritoria, iam inter illa, & gloriam æternam est proportio, quia gratia est semen gloriæ vt loquuntur Theologi. Sicut ergo sufficiens est proportio inter semen & arborem, ita inter gratiam & gloriam. Quod autem hæc proportio sufficiat, licet nulla sit proportio durationis, patet ex illo 2. Cor. 4. 17. *Id quod in presenti est momentaneum & leue tribulationis nostra, æternam gloriam pondus operatur in nobis.* Hic vtrumque quod diximus, facit Apostolus. Alterum, quod opera nostra sint momentanea, gloria verò æterna. Alterum, quod nihilominus opera momentanea, operentur pondus æternæ gloriæ. At quomodo operantur? proculdubio, non physicè sed meritorie. Hæc autem vis merendi, est à gratia. Secundò, idem patet exemplo Christi. Nam passio eius fuit momentanea, & tamen per eam meritis est nobis vitam æternam. Tertiò potest idem confirmari à contrario. Nam peccata impiorum in hac vita transitoria sunt. An pœna, quam merentur, æterna est. Quare? quia sicut opera bona procedunt à gratia Dei, ita peccata ex formali, vel virtuali contemptu: Dei? Hic autem contemptus habet proportionem cum æterna pœna, sicut gratia cum æterna gloria.

12. *Septimum argumentum* Christus nobis meruit vitam æternam: Ergo eam nostris operibus non mere-mur. Confirmatur, quia vel Christi meritum per se sufficit, vel non. Si sufficit, frustra exiguntur nostra merita. Si non sufficit, facimus illi iniuriam. Respon-deo. Hoc argumento valde triumphant aduersarij, cum reuera nullius sit roboris. Putant enim merita nostra opponi meritis Christi; ac proinde quantum laudis tribuitur nostris tantum detrahi meritis ipsius. Non ita est. Contra potius res habet. Merita nostra nascuntur ex meritis Christi, & omnem vim suam inde accipiunt. Vnde quicquid laudis & dignitatis habent, totum redundat in laudem & dignitatem merito-rum Christi. Hoc optimè declarat similitudo, qua vtitur Christus. Ioan. 15. 4. *Ego sum vitis, vos palmites. Sicut palmes non possunt ferre fructum à semetipso, nisi manserint in vite, sic nec vos, nisi in me manseritis.* Quis dicat, detrahi aliquid de gloria vitis, sic palmites ipsius mul-tum fructum adferant? Nemo sanè mentis. Nam quicquid viui succi & humoris habent palmites, hoc totum habent à vite. Vnde quo palmites magis frugi-feri, eo vitis magis laudanda. Insani ergo Calvinistæ, qui clamant; detrahi de gloria Christi, si serui eius fructum faciant. Quomodo enim fructum faciunt, nisi quia in Christo sunt, & ab eo succum & hu-

Opusc. Bec.

morem diuinæ gratiæ participant? Quicquid ergo laudis est in meritis nostris, totum Christi adscri-bendum est.

13. Cum autem obiciunt, alterutrum sequi, aut me-ritum nostrum non requiri, aut si requiritur, meri-tum Christi non esse sufficiens, neganda est conse-quentia. Nam ex eo, quod meritum nostrum requiri-tur, non rectè colligunt, meritum Christi esse insuf-ficiens. Non enim nostrum requiritur propter alte-rius insufficientiam, sed quia Deus sic ordinauit. Imò hinc colligitur, meritum Christi esse efficacissimum. Nam non solum obtinuit nobis ius vitæ æternæ, sed etiam vim & virtutem acquirendi vitam æternam per propria merita.

14. Reliqua, quæ de merito bonorum operum dis-putari solent, differemus in sequentem Disputatio-nem in qua Catholicorum sententia explicabitur. Nunc sufficiat ea paucis refutasse, quæ à Calvinistis contra nos adferantur.



DE BONORVM OPERVM merito, secundum Catholicos.

OPVSCVLVM VII.



*R*ibus capitibus complexus sum, & re-futavi sententiam Calvinistarum de bonis operibus. Nunc totidem capi-tibus explicandum est quid Catholi-ci sentiant. Primò, de bonitate ope-rum. Secundò, de necessitate. Tertiò de merito.

CAPVT I.

De bonitate operum.

1. **D**E hac re Catholici plura disputant, quàm hæ-retici. Possunt autem omnia reuocari ad hæc capita. Primò. Qui, & quot sit actus humani? Secun-dò, In quo consistat bonitas & malitiæ actuum hu-manorum. Tertiò, An homo suis viribus sine Dei gratia possit moraliter bonè operari? Quartò, An suis viribus sine gratia possit legem implere? Quintò, An cum gratia possit vtrumque præstare.

2. Quod ad primum attinet, actus humani dicun-tur, qui procedunt à libera hominis voluntate. Diui-duntur simpliciter. Primò, alij sunt elicitī & inter-ni, alij imperati & externi. Eliciti, qui immediatè eli-ciuntur à voluntate, & in illa manent, vt velle, nolle. Imperati, qui eliciuntur ab intellectu, & aliis poten-tiis ad imperium voluntatis, vt credere, loqui, ambu-lare, secare. Secundò, alij versantur circa finem, vt volitio, intentio, fructio: alij circa media, vt electio, consensus. Tertiò, alij sunt boni, alij mali. Boni, qui rectè rationi, & legi diuinæ sunt conformes, Mali qui diffformes.

3. Est autem duplex bonitas actuum humanorum; altera naturalis, altera moralis. Naturalis consistit in integritate, seu aggregatione eorum omnium, quæ ad-

R ij

naturaliter requiruntur in entitate actus; & hæc communis est omnibus actibus, tam bonis, quam malis. Moralis verò consistit in integritate seu aggregatione eorum omnium quæ in actu requiruntur secundum rectam rationem. Hæc autem tria sunt. Primò, ut actus versetur circa obiectum honestum, aut saltem non turpe. Secundò, ut omnes circumstantiæ sint honestæ, aut saltem nulla turpis. Tertiò, ut referatur ad honestum finem. Hæc enim omnia requirit recta ratio. Vnde si aliquid horum desit, non erit actus moraliter bonus. Hinc aliqui distinguunt triplicem bonitatem moralem: unam ex obiecto, alteram ex circumstantiis, tertiam ex fine. Quamvis illæ bonitates sint partiales, & ex omnibus illis debet constare tota bonitas moralis, quæ est in actu.

4. Nunc queri potest an homo suis viribus sine gratia Dei possit moraliter bene operari? Id est, an possit producere aliquem actum humanum, qui ex obiecto, circumstantiis, & fine, bonus ac honestus sit; Negant nonnulli. Ratio est, quia homo, seclusa omni gratia est in statu peccati mortalis: Ergo non potest bene operari. Et si enim possit efficere actum, qui versetur circa obiectum honestum, & habeat quasdam circumstantias non malas; tamen finis non potest esse honestus. Nam qui est in statu peccati mortalis, non habet Deum pro ultimo fine, cum ab eo per peccatum aversus sit: Ergo non habet ullum finem honestum, quia nullus potest esse honestus, nisi in Deum tanquam in ultimum finem referatur. Favent Scripturæ Ioan. 13. 5. *Sine me nihil potestis facere* 1. Cor. 4. 7. *Quid habet, quod non accepisti?* 2. Cor. 3. 5. *Non sumus sufficientes cogitare aliquid à nobis: quasi ex nobis, sed sufficientia nostra ex Deo est.*

5. Sed rectius sentiunt omnes alij Theologi, posse hominem sine gratia Dei, per vires naturales moraliter bene operari, si non semper & in omni euentu, saltem aliquando, non multis euentibus. Fundamentum est, quia recta ratio non est sublata per peccatum mortale: potest ergo peccator secundum rectam rationem operari, quod est bene moraliter operari. Confirmatur, quia intellectus potest iudicare, quod obiectum, quæ circumstantiæ, quis finis honestus sit: Ergo voluntas potest ea omnia appetere: erit ergo actus honestus. Nec necesse est ad honestatem finis particularis, ut ab operante referatur in ultimum finem; Sed sufficit, ut ex natura sua ad illum tendat. Scripturæ in contrarium allatæ hoc solum conuincunt, hominem sine gratia Dei, nihil posse præstare, quod ad salutem & vitam æternam consequendam utile sit, quod libenter concedimus. Aliud enim est, actum aliquem esse moraliter bonum, aliud verò, esse salutarem, & conferre ad vitam æternam. Hoc sine gratia fieri non potest, illud potest.

6. Ulterius queritur. An homo suis viribus sine gratia Dei non solum possit moraliter bene operari, sed etiam legem seruare? Alij aiunt, alij negant. Sed distinctione opus est, Nam lex naturalis, de qua sola agimus habet multa præcepta, quæ in Decalogo comprehenduntur. Igitur omnia seruare & longo tempore non potest quisquam sine gratia Dei, 1. Propter naturæ corruptæ fragilitatem, 2. Propter vehementes dæmonis tentationes, 3. Propter innumeras peccandi occasiones, 4. Propter mala aliorum exempla & consilia. Singula tamen seruare, & breui aliquo momento, præsertim quando non vrget tentatio dæmonis, nec aliorum exempla aut prauæ occasiones, non videntur esse supra vires liberi arbitrij. Ratio est, quia nullum est præceptum naturale, quod per se impossibile sit. Imò ideo vocatur naturale, quod habeat proportionem ad vires naturales. Potest ergo naturæ viribus seruari.

7. Monet aliqua difficultas de dilectione Dei super omnia, & hic vtendum est distinctione. Nam si spectetur Deus, ut est Author gratiæ, certum est, non posse sine gratia diligere super omnia, in quo omnes consentiunt. Si autem spectetur ut est Author naturæ, dissensio est inter Scholasticos. Mihi hæc tria videntur asserenda. *Primum*. Si homo conditus esset in puris naturalibus, id est, qui nec gratiam, nec peccatum haberet, posse eum per solas naturæ vires diligere Deum, ut Authorem naturæ, super omnia: Ita sentiunt plerique Scholastici. Ratio a posteriori est quia homo in tali statu, ex præcepto naturæ teneretur diligere Deum super omnia, quod nemo negat: Non autem tenetur ad impossibile, posset ergo præstare. Ratio a priori est, quia ut homo diligat Deum super omnia ex suis viribus, duo necessaria sunt: Alterum, ex parte intellectus, ut scilicet possit iudicare Deum esse diligendum super omnia: Alterum ex parte voluntatis, ut ipsa habeat naturalem inclinationem ad diligendum Deum super omnia. At neutrum deesset homini in puris naturalibus.

8. *Alterum assertum est*; Hominem in statu naturæ lapsæ, siue sit in peccato originali, siue in actuali, siue in utroque, posse per solas naturæ vires elicere aliquem actum dilectionis Dei super omnia, eiusdem modi & speciei cum illo, quem posset homo in puris naturalibus. Ita D. Thomas quæst. lib. 1. art. 8. Scotus in 2. distinct. 28. & in 3. distinct. 17. Caietanus 1. 2. quæst. 109. art. 3. Molina disputatione 14. num. 3. & quidem alij. Ratio est, quia eadem sunt vires hominis lapsi, & hominis in puris naturalibus: Ergo si hic potest, etiam ille potest. Antecedens patet, quia per lapsum primi parentis, non sunt ablata vires naturales, sed tantum dona supernaturalia, quibus natura iuuabatur, & robustior efficiebatur; At dona supernaturalia non fuisset in statu puræ naturæ: Ergo in statu puræ naturæ non plus præsidij fuisset, quam nunc est in statu naturæ lapsæ. Dices; etsi non fuisset plus præsidij quoad vires naturæ, fuisset tamen minus impedimenti. Non enim fuissent peccata, quæ in hoc statu valde impediunt hominem à dilectione Dei super omnia. Respondeo, Peccata, quæ actu committuntur, possunt hominem impedire: At quando commissa sunt, & actum transierunt, non amplius impediunt, nisi ratione habitus, aut prauæ consuetudinis in animo relictæ. At hic habitus est in arbitrio voluntatis. Potest enim voluntas eo uti, vel non uti, sicut vult. Reliquæ obiectiões, quæ contra hanc doctrinam ex Scripturis adferri solent, procedunt tantum de dilectione supernaturali, & de Deo, ut est Author gratiæ.

9. *Tertium assertum est*: Hunc actum dilectionis, quem dixi per solas naturæ vires elici posse, non fore firmum, constantem, & sufficientem ad resistendum contrariis, in homine lapsio. Sic intelligendus est D. Thomas 1. 2. q. 109. art. 3. cum negat hominem lapsum posse Deum diligere super omnia per vires naturæ. Loquitur enim de dilectione firma, stabili, & permanente. Ratio sumitur ex dictis, quia homo in statu peccati non potest diu videre, sine vehementi tentatione diaboli, aut occasione peccandi, aut moribus concupiscentiæ, &c.

10. Superest vltima quæstio. An homo cum Dei gratia possit bene operari & legem seruare? Potest hoc dupliciter intelligi. Primò, de homine peccatore, qui quidem non habeat gratiam spirituales seu iustificantes, (alioqui non esset peccator, sed iustus) habeat tamen actuale excitantem seu præuenientem. Secundò, de homine iusto, qui & actuali, & habituali instructus sit. De priori sic sentio: Hominem peccatorem, qui gratia Dei excitatur, & præuenitur, posse seruare legem, si velit. Ratio est quia potest gratiæ consentire &

cooperari, si velit: quod si faciat: non erit transgressor, sed observator legis. De posteriori sic, Hominem iustum eo facilius posse servare totam legem, quo maiora habet subsidia, quam peccator. Hoc supra probavi contra Calvinistas. Vnde sequitur, posse eum vitare omnia peccata mortalia. Ratio est, quia non committitur peccatum mortale, nisi transgressionem legis: qui ergo potest legem integrè servare, potest immunis esse ab omni peccato mortali.

12. Disputant Scholastici, an iustus non tantum mortalia omnia, sed etiam venialia vitare possit cum divina gratia? Primò, certum est, neminem in hac vita id posse secundum legem ordinariam. Hoc passim testatur scriptura. Prouerb. 24. 16. *Septies in die cadit iustus, & non seducitur.* 1. Ioann. 1. 8. *Si dixerimus, quoniam peccatum non habemus, ipsi nos seducimus.* 1ac. 3. 2. *In multis offendimus omnes.* Ratio est, quia duplicia peccata venialia: quædam committuntur plena deliberatione, sed in materia leui: alia ex impulsu concupiscentiæ, seu vt Theologi loquuntur, ex subreptione, in quacunque materia. Tamen ergo priora omnia vitari possunt, adhibito studio & diligentia morali, non tamen omnia posteriora. Nam ex vna parte, tanta est infirmitas & fragilitas humana vt non possit omnes motus concupiscentiæ deliberata ratione præuocare: Ex altera tam prudens est dispositio Dei, vt citra iacturam salutis, patiatur nos aliquando labi venialiter, vt nostram infirmitatem agnoscamus, & in animi submissione contineamur.

Secundò, certum est, ex singulari Dei privilegio fieri posse, vt homo iustus vitet omnia venialia: imò vt per gratiam sit planè impeccabilis, idque tribus modis. Primò, per vñionem hypostaticam, quod contigit soli Christo. Secundò, per visionem beatificam, quod commune est omnibus beatis in cælo. Tertio, per singularem protectionem & assistentiam, quod putatur euenisse Beatæ Virgini in hac vita.

CAPVT II.

De necessitate Operum.

Supra ostensum est contra Calvinistas, bona opera seu observationem mandatorum Dei, ad salutem esse necessariam, neque solam fidem sufficere. Hoc solum nunc addi potest: Hanc necessitatem non oriri ex natura rei, sed ex sola Dei ordinatione & voluntate. Cum enim vita æterna sit quasi quædam hereditas, ad quam pater cælestis nos adoptauit, potuit eam dare gratis, sine vlllo nostro opere, sicut reuera dat paruulis baptizatis, qui antea vsum rationis decedunt. At aliter illi visum respectu adultorum. Noluit eos hanc hereditatem adire, nisi labore & industria eam sibi compararent.

CAPVT III.

De merito Operum.

IN præcedenti opusculo cap. 3. generatim ostendi Contra Calvinum, opera iustorum esse meritoria vitæ æternæ. Nunc ex sententia Catholicorum res in particulari magis explicanda est. Ac primò disputari potest de ipso merito. Secundò, de obiecto meriti, id est, de re, quam meremur. De priori, hæc vna potest. Bee.

Atissimùm questio est, quænam conditiones requirantur vt aliquod opus sit meritorium de condigno. De posteriore sunt plures questiones. Primò, An possimus mereri primam gratiam actualem, quæ est gratia vocationis? Secundò, An primam gratiam habitualement, quæ est gratia iustificans? Tertio, An argumentum gratiæ iustificantis? Quarto, An reparationem post lapsum, seu remissionem peccati? Quintò, An perseverantiam in gratia vsque in finem? Sextò, An auxilla actualis gratiæ per decursum totius vitæ? Septimò, An vitam æternam? Octauò, An bona temporalia? His addi potest, An vnus possit alteri mereri.

Conditiones meriti de condigno.

2. Theologi distinguunt duplex meritum: Alterum de condigno: Alterum de congruo. Meritum de condigno vocant; qui ex condigno, seu ex iustitia debetur retributio seu merces: Meritum de congruo, quod quidem ex iustitia non meretur compensationem, sed tamen ex quadam congruentia seu honestate. Hoc posterius propriè non habet rationem meriti. De priori, quod propriè meritum est, deinceps agendum.

3. Sunt autem quinque conditiones necessariae vt aliquod opus sit meritorium de condigno, seu ex iustitia coram Deo. 1. Vt sit moraliter bonum. 2. Vt liberum. 3. Vt hominis viatoris. 4. Vt procedat ab homine existente in statu gratiæ & amicitie diuinæ. 5. Vt intercedat diuina acceptatio & promissio de compensatione, seu retributione facienda. Singulæ breuiter explicandæ sunt.

4. Ac primò, quidem debet esse opus bonum. Mala enim opera merentur quidem poenam, sed non præmium. Vnde August. lib. de gratia & libero arbitrio. cap. 6. *Quæ mala sunt non coronat Deus.*

Secundò, debet esse liberum, vt docet D. Thomas, 1. 2. q. 114. art. & alij passim. Et colligitur ex Apostolo 1. Corinth. 9. 17. *Si volens hoc ago, mercedem habeo: si autem inuisus, dispensa io mihi credita est.* Ratio est, quia nemo meretur poenam, nisi libere operando, nec præmium, cum sit par ratio.

5. Obiici potest primò. Meritum pendet ab acceptatione Dei, iuxta quintam conditionem: sed Deus potest acceptare ad vitam æternam, non solum actiones liberas, sed etiam necessarias sicut acceptauit ad palmam martyrij, non solum mortem voluntariam Apostolorum, sed etiam inuoluntariam Innocentium. *Respondet.* Aliud est, acceptare aliquid in vitam æternam; aliud verò acceptare ad meritum vitæ æternæ. Potest Deus acceptare actiones necessarias ad vitam æternam, non tamen ad meritum vitæ æternæ. Nam meritum, sicut & laus, requirit libertatem. Vnde patet differentia inter mortem Apostolorum & Innocentium: Illam, quia erat voluntaria, acceptauit Deus ad meritum vitæ æternæ; hanc quia erat inuoluntaria non ad meritum vitæ, sed ad ipsam vitam acceptauit.

6. Obiicitur secundò. Christus meritis est per actiones necessarias, non liberas: Ergo necesse non est, vt opus meritorium sit liberum. Antecedens patet, quia maximè meritis est per duas actiones, nempe per dilectionem Dei & passionem seu mortem pro nobis obitam, sed nequè dilectio fuit libera, quia necessario sequebatur ex clara visione Dei; Neque passio & mors, cum haberet præceptum moriendi & patiendi. Ioanni. 10. 18. Neque posset illud præceptum transgredi, quippe cum esset impeccabilis. *Respondet.* Duplex fuit actus dilectionis in Christo, alter sequebatur ex clara Dei visione, alter ex cognitione infusa. Prior erat necessarius, & conueniebat illi, quatenus erat com-

prehensor; posterior liber, & conueniebat illi quatenus erat viator. Christus ergo per posteriorem meritis est, non per priorem. Vide D. Thom. 3. p. q. 19. art. 3. ad 1. Quod attinet ad alteram partem obiectionis, alij affirmant, alij negant Christum habuisse præceptum moriendi de quo fuscè disputatur in 3. p. q. 20. Si non habuit, iam cessat obiectio. Si habuit soluenda est. Video autem varias solutiones. Optima est, obligationem præcepti non adferre necessitatem intrinsecam, sed tantum extrinsecam, ac proinde per eam non tolli aut læda intrinsecam arbitrij libertatem. Sed de hoc alibi plura.

7. Tertia conditio operis meritorij est vt procedat ab homine viatore. Nam in hac vita est tempus certaminis, pugne, luctus, laboris. in altera, præmij, coronæ, quietis. Vnde frequenter hortatur nos scriptura, vt si quid apud Deum mereri volumus, id in hac vita faciamus. 2. Cor. 6. 2. *Eccenunc tempus acceptabile, ecce nunc dies salutis.* Gal. 6. 10. *Dum tempus habemus operemur bonum, &c.*

8. Quarta est, vt procedat ab homine existente in statu gratiæ, & amicitie Dei. 1. Corinth. 13. 3. *Si distribuerō in cibos pauperum omnes facultates meas, & si tradidero corpus meum, ita vt ardeam, charitatem autem non habuerō, nihil mihi prodest.* Et Ioann. 15. 4. *Sicut palme non potest ferre fructum à semetipso, nisi manseris in vite, sic et vos, nisi in me manseritis, Ego sum vitis, vos palmites.* Hinc apertè patet, ad fructum, id est, ad opera fructuosa & meritoria faciendā necessariam esse eam gratiam, qua homo constituitur viuus palme in Christo, tanquam in vite. Hæc autem est gratia habitualis & sanctificans. Vide Concil. Trident. Sess. 5. c. 16.

9. Hinc primò refellitur error Pelagianorum, qui dixerūt hominem ex solis naturæ viribus posse mereri vitam æternam, qui pridem ab Ecclesia damnati sunt. Secundò, error Michaëlis Baij, qui asseruit gratiam sanctificantem non esse necessariam, sed sufficere actualem, qua seruentur mandata Dei. Putabat enim gratiam non requiri ex parte hominis operantis, sed ex parte ipsorum operum, id est, vt opera sint meritoria, non necesse esse, vt ipse operans sit gratus & amicus Dei, sed sufficere, vt ipsa opera in se sint bona & supernaturalia, quibus legi satisfiat. Vnde interebat, opera esse meritoria vitæ æternæ, ex eo præcisè, quia sunt vera legis obedientia; Non autem ex eo, quia fiunt ab homine grato, seu filio Dei adoptiuo. Sed hic error damnatus est à Pio V. & rectè. Primò, quia pugnat cum scripturis citatis. Secundò, quia sequeretur, merita Christi non fuisse infinita. Si enim valor & vis meritorum præcisè pendent ex ipsis operibus, & non ex dignitate personæ operantis, non apparet, quomodo Christi merita potuerint esse infinita p. etij. Tertiò, quia sequeretur hominem peccatorem, qui cum actuali gratia cooperatur, & legem aliquam seruat, mereri vitam æternam, quod est absurdum. Alioquin idem peccator simul esset reus vitæ, & mortis. Nam quatenus meretur vitam æternam, haberet ius vitæ æternæ, quatenus verò est peccator, reus esset æternæ mortis & damnationis.

10. Sed obiicitur Scriptura, quæ promittit vitam æternam obedientie legis Matth. 19. 17. *Si vis ad vitam ingredi serua mandata.* Hic non dicit Christus, si vis ad vitam ingredi, da operam vt sis in statu gratiæ; sed da operam, vt serues mandata. Et Rom. 2. 10. *Gloria & honor omni operanti bonum, Ideo primum, & Græco.* Non dicit, Gloria existenti in gratia, sed bene operanti. Potest autem bene operari, etiam si non sit in statu gratiæ, præsertim, si habeat auxilium gratiæ actualis. Respondet. Scriptura promittit vitam æter-

A Nam obedientie legis ex gratia factæ. Vbi nota: scripturam, cum de vita æterna loquitur, aliter loqui renatis & fidelibus, aliter non renatis & infidelibus. Nam renatis, qui iam sunt in statu gratiæ, proponit obseruationem legis vt per eam crescant in iustitia, & vitam æternam promereantur. Huc spectant testimonia citata. Non renatis autem & infidelibus proponit fidem & Baptismum, vt ex statu peccati transferantur in statum gratiæ, & postea incipiant bonis operibus & obseruationi legis vtiliter operam dare, vt Marci 16. 16. *Euntes in mundum vniuersum prædicato Evangelium omni creatura. Qui credideris & baptizatus fueris, saluus eris: qui non credideris condemnabitur.* Et ratio est, quia duo requiruntur in homine adulto ad vitam æternam adipiscendam. Alterum, quasi fundamentum & radix, vt sit fidelis, baptizatus, & filius dei per adoptionem: Alterum, quasi structura super fundamentum, vt per bona opera & obseruationem legis conferuet se in statu gratiæ & adoptionis. Eos ergo qui prius aliud habent, non necesse est ad id habendum exhortari; sed solum, vt quod habent, non amittant per negligentiam. Ij verò, qui neutrum habent, ad vtrumque quidem incitanda sunt; primum tamen ad id, quod præcipuum est, & quasi fundamentum aliorum.

11. Quinta conditio operis meritorij est, vt intercedat pactum & promissio Dei de compensatione seu retributione faciendâ. Hic nonnulla quæstio est inter Scholasticos, an præter gratiam sanctificantem requiratur hoc pactum; Affirmant Scotus, Marsilius, Gabriel, Vega Negant Caietanus, & plerique D. Thomæ sectatores. Fundamentum est, quia homo existens in statu gratiæ, ex vi solius gratiæ, est filius Dei per adoptionem: Ergo habet ius vitæ æternæ iuxta illud Rom. 8. 17. *Si autem filij & heredes:* Ergo opera talis hominis, ex vi solius gratiæ, sunt digna vita æterna, absque alia promissione.

12. Sed distinctione opus est. Nam aliud est, opus esse dignum aliqua mercede seu præmio: aliud verò operi ex iustitia deberi talem mercedem seu præmium. Potest enim fieri, vt qui integro die laboree in alterius vinea, & labor ipsius sit dignus stipendio diurno, & tamen alter ex iustitia non teneatur illi stipendium persolvere, nisi cum eo pactus sit. Ita res habet in proposito. Opera hominis iusti & existentis in statu gratiæ, per se digna sunt, & proportionem habent cum vita æterna, quia procedunt ex gratia, quæ est semen gloriæ. Nihilominus tamen Deus non tenetur ex iustitia compensare illa, secluso pacto & promissione. Vnde rectè & breuiter dici potest, eiusmodi opera, seclusa promissione, esse digna vita æterna, non dignitate iustitiæ, sed proportionis medijs ad finem. At posita promissione, mereri vitam æternam ex iustitia. Hæc sensu dixit Augustinus serm. 16. de verbis Apostoli. *Debitor nobis factus est Deus, non aliquid accipiendo, sed quod plasmi promittendo.* Et D. Bernardus in lib. de gratia & libero arbitrio in fine: *Promissum quidem ex misericordia, sed tamen ex iustitia persoluum.*

13. Explicatæ sunt, quinque conditiones actus meritorij. An plures necessarie sint, quæstio est. Aliqui putant requiri certam intensionem in actu, ita vt nisi actus sit intensior quàm gratia & habitus, à quo oritur, non sit meritorius. Alij putant necessarium esse, vt actus per charitatem ad Deum referatur. Sed neutrum necesse est. Non primum, quia omnia opera, quæ ex gratia & charitate procedunt, habent vim merendi apud Deum, vt ex scripturis patet. Nec fit vlla mentio maioris aut minoris intensionis. Nec secundum, quia satis est, quod homo existens in statu gratiæ, per infusam charitatem conuersus sit ad Deum habitualiter. Sic enim omnia

eius opera, quæ moraliter bona sunt, sufficienter ad Deum referuntur. Nec opus est actuali relatione per actum charitatis, quamvis fortè expediat.

An possimus mereri primam gratiam, seu excitantem?

14. Hactenus de merito dictum est. Restat dicendum de præmio seu obiecto meriti. Et primò quæritur. An prima gratia actualis, seu prima vocatio, qua excitamur vel ad fidem, vel ad dolorem de peccatis, sub meritum cadat? Affirmabant olim pelagiani & Semipelagiani. His fortiter opposuit se Augustinus, & tota Ecclesia Catholica. Et sanè res certa est, non eiusmodi gratiam de condigno mereri non posse. Roman. 9. 16. *Non est volentis neque currentis sed Dei misericordie.* Et capite, 11. 6. *Si autem gratia iam non ex operibus alioqui gratiam non est gratia.* Et 2. Timoth. 1. 9. *Vocauit nos vocatione sancta, non secundum opera nostra, sed secundum propositum suum & gratiam.* Ratio est efficax, quia ante gratiam primam excitantem nihil est in homine, nisi peccatum & vires liberi arbitrij: at homo peccator per solas vires naturæ non potest mereri primam gratiam. Primò, quia inter meritum & præmium debet esse proportio: at vires naturæ non habent proportionem ad gratiam supernaturalem. Secundò, meritum supponit gratiam sanctificantem. Non enim est opus meritorium, nisi procedat ab homine existente in statu gratiæ, & amicitie diuinæ, ut supra dictum est. Tertiò quia si prima gratia daretur ex meritis, iam non esset gratia, sed debitum, ut argumentatur Apostolus Rom. 11. 6.

15. Obiicitur illud axioma, *Facienti quod in se est, Deus non denegat gratiam.* Respondeo aliud est, Deum non denegare gratiam facienti, quod in se est, aliud verò facientem quod in se est, ex condigno mereri gratiam. De hoc hic quæritur, non de illo. Vt tamen axioma intelligatur, notandum est, dupliciter id posse intelligi. Primò, Facienti quod in se est ex prima gratia præueniente, Deus non negat vltiorem gratiam. Secundò, Facienti quod in se est, ex viribus naturæ, Deus non negat primam gratiam præuenientem. In priori sensu asseritur à D. Thoma, Bonauentura, & quibusdam aliis. Et rectè. Nam gratia præueniens ideo datur à Deo peccatoribus, ut per eam excitati & corroborati, sensum ad maiora se præparent: Ergo si eum ea cooperentur, quantum possunt, Deus non negabit vltiora præsidia. In posteriore, sensu, de quo hic agitur, ab aliis asseritur, ab aliis negatur. Sed adhuc distinctione opus est, Nam si sensus sit, Deum infallibiliter dare gratiam præuenientem propter bonum opus factum ex solis naturæ viribus proculdubio negari debet. Sic enim donatio illa non esset gratuita, sed debita. Si autem sensus sit, Deum certa lege statuuisse, ex sola sua misericordia & liberalitate conferre omnibus auxilia gratiæ, quæ sufficiunt & necessaria sunt ad salutem, modò ipsi non impendant, sed faciant quod in se est, videtur admitti posse. Ratio est, quia cum Deus velit omnes homines saluos fieri, debet etiam velle dare sufficientia media, quibus salui fiant; Non quidem propter opera liberi arbitrij, sed propter suam bonitatem & merita Christi.

An possimus mereri primam gratiam iustificantem?

16. Equè certum est, nos de condigno hanc gratiam mereri non posse. Nam Scriptura passim docet, gratis iustificari. Rom. 3. 24. *Iustificati gratis per gratiam ipsius.* Quod sic explicat Concil. Trident. Sess. 6. cap. 8. *Gratis iustificari dicimus, quia nihil earum, quæ*

iustificationem præcedunt, siue fides, siue opera, ipsam iustificationis gratiam promeretur. Vide Augustinum Epistola 105. Ratio patet ex dictis, quia opus non est meritorium de condigno, nisi procedat ab homine existente in statu gratiæ & amicitie diuinæ: Ergo opera, quæ præcedunt gratiam iustificantem, non sunt meritoria de condigno; ergo per illa non possumus mereri gratiam iustificantem. Dices possumus illam mereri per opera subsequencia. Sed contra, quia opera, quæ sequuntur gratiam, procedunt à gratia tanquam à principio meriti: principium autem meriti non cadit sub meritum. Dices 2. possumus illam mereri per vltimam dispositionem, quæ est simul tempore cum gratia. Hæc enim dispositio, cum sit supernaturalis, & procedat effectiue à gratia actuali, videtur habere sufficientem proportionem cum gratia iustificante. Imò si eam non haberet, non esset legitima dispositio ad illam gratiam. Sed contra quia vltima dispositio potest duobus modis spectari. Primò, ut antecedit gratiam iustificantem, & sic quidem est sufficienter proportionata per modum dispositionis, non tamen per modum meriti de condigno, quia non procedit ab homine existente in statu gratiæ, & amicitie diuinæ, sed ab homine peccatore. Secundò, ut est simul tempore cum gratia iustificante in eodem homine & quodammodo & gratia iustificante informatur: & sic est meritoria de condigno augmenti gratiæ, non tamen ipsius primæ gratiæ iustificantis; quia supponit illam tanquam principium meriti: principium autem meriti non cadit sub meritum. Ex hoc toto discursu apparet, nos non posse mereri de condigno primam gratiam iustificantem, nec per opera præcedentia, nec per sequentia, nec per vltimam dispositionem, quæ est simul tempore cum gratia.

An possumus mereri augmentum primæ gratiæ iustificantis?

17. Omnes Catholici consentiunt, hominem iustum per bona opera & obseruationem mandatorum Dei, mereri augmentum gratiæ & iustitiæ de condigno, ut patet ex Concil. Trident. Sess. 6. cap. 10. & canon. 32. Et probatur ex scripturis. Ecclesiast. 18. 22. *Ne verearis usque ad mortem iustificari.* Id est, per bona opera in iustitia crescere. Apoc. 22. 11. *Qui iustus est iustificatur adhuc.* Iac. 2. 24. *Videtur, quoniam ex operibus iustificatur homo & non ex fide tantum.* Hinc August. Epistola. 106. *Gratia meretur augeri, ut aucta mereatur & perfici.* Et ratio est, quia homo iustus per opera bona meretur augmentum gloriæ, ut supra contra Caluinistas probatum est: Ergo etiam augmentum gratiæ. Nam gratia, secundum gradus, debet esse proportionata gloriæ. Est enim quasi semen gloriæ, & præbet ius ad gloriam: ius autem ad gloriam, debet esse gloriæ proportionatum.

18. Hæc tria disputari solent à Scholasticis. Primò, An hoc augmentum gratiæ fiat per actus remissos? Secundò, An per solos actus charitatis, an etiam aliarum virtutum? Tertiò, An statim conferatur in hac vita, an in altera? Omissis aliorum sententiis respondeo ad singula breuiter. Primò iustos mereri augmentum gratiæ, non solum per actus intentiones habitu charitatis sed etiam per equè intensos & remissiores. Secundò, Nec solum per actus ipsius charitatis, sed etiam aliarum virtutum. Tertiò, Neque augmentum hoc differri in alteram vitam sed statim dari bene operantibus. Hæc magis scripture & rationi consentanea sunt.

An possumus mereri reparationem post lapsum?

19. Hoc duobus modis intelligi potest. Primò, An

prehensor; posterior liber, & conveniebat illi quatenus erat viator. Christus ergo per posteriorem meritis est, non per priorem. Vide D. Thom. 3. p. q. 19. art. 3. ad 1. Quod attinet ad alteram partem obiectionis, alij affirmant, alij negant Christum habuisse præceptum moriendi de quo fuscè disputatur in 3. p. q. 20. Si non habuit, iam cessat obiectio. Si habuit soluenda est. Video autem varias solutiones. Optima est obligationem præcepti non adferre necessitatem intrinsicam, sed tantum extrinsecam, ac proinde per eam non tolli aut lædæ intrinsicam arbitrij libertatem. Sed de hoc alibi plura.

7. Tertia conditio operis meritorij est ut procedat ab homine viatore. Nam in hac vita est tempus certaminis, pugne, luctus, laboris. in altera, præmij, coronæ, quietis. Vnde frequenter hortatur nos scriptura, ut si quid apud Deum mereri volumus, id in hac vita faciamus. 2. Cor. 6. 2. *Eccenunc tempus acceptabile, ecce nunc dies salutis.* Gal. 6. 10. *Dom tempus habemus operemur bonum, &c.*

8. Quarta est, ut procedat ab homine existente in statu gratiæ, & amicitie Dei. 1. Corinth. 13. 3. *Si distribuerò in cibos pauperum omnes facultates meas, & si tradiderò corpus meum, ita ut ardeam, charitatem autem non habuerò, nihil mihi prodest.* Et Ioann. 15. 4. *Sicut palmes non potest ferre fructum à semetipso, nisi manseris in vite, sic nec vos, nisi in me manseritis, Ego sum vitis, vos palmes.* Hinc aperte patet, ad fructum, id est, ad opera fructuosa & meritoria facienda necessariam esse eam gratiam, qua homo constituitur vitis palmes in Christo, tanquam in vite. Hæc autem est gratia habitualis & sanctificans. Vide Concil. Trident. Sess. 5. c. 16.

9. Hinc primò refellitur error Pelagianorum, qui dixerunt hominem ex solis naturæ viribus posse mereri vitam æternam, qui pridem ab Ecclesia damnati sunt. Secundò, error Michaelis Baij, qui asseruit gratiam sanctificantem non esse necessariam, sed sufficere actualem, qua seruentur mandata Dei. Putabat enim gratiam non requiri ex parte hominis operantis, sed ex parte ipsorum operum, id est, ut opera sint meritoria, non necesse esse, ut ipse operans sit gratus & amicus Dei, sed sufficere, ut ipsa opera in se sint bona & supernaturalia, quibus legi satisfiat. Vnde inferebat, opera esse meritoria vitæ æternæ, ex eo præcisè, quia sunt vera legis obedientia; Non autem ex eo, quia fiunt ab homine grato, seu filio Dei adoptivo. Sed hic error damnatus est à Pio V. & rectè. Primò, quia pugnat cum scripturis citatis. Secundò, quia iequeretur, merita Christi non fuisse infinita. Si enim valor & vis meritorum præcisè pendent ex ipsis operibus, & non ex dignitate personæ operantis, non apparet, quomodo Christi merita potuerint esse infiniti præterit. Tertiò, quia sequeretur hominem peccatorem, qui cum actuali gratia cooperatur, & legem aliquam servat, mereri vitam æternam, quod est absurdum. Alioquin idem peccator simul esset reus vitæ, & mortis. Nam quatenus meretur vitam æternam, haberet ius vite æternæ, quatenus verò est peccator, reus esset æternæ mortis & damnationis.

10. Sed obiicitur Scriptura, quæ promittit vitam æternam obedientie legis Matth. 19. 17. *Si vis ad vitam ingredi serva mandata.* Hic non dicit Christus, si vis ad vitam ingredi, da operam ut sis in statu gratiæ; sed da operam, ut servas mandata. Et Rom. 2. 10. *Gloria & honor omni operanti bonum, Ideo primum, & Græco.* Non dicit, Gloria existenti in gratia, sed bene operanti. Potest autem bene operari, etiam si non sit in statu gratiæ, præsertim, si habeat auxilium gratiæ actualis. Respondet. Scriptura promittit vitam æter-

nam obedientie legis ex gratia factæ. Vbi nota, scripturam, cum de vita æterna loquitur, aliter loqui renatis & fidelibus, aliter non renatis & infidelibus. Nam renatis, qui iam sunt in statu gratiæ, proponit observationem legis ut per eam crescant in iustitia, & vitam æternam promereantur. Huc spectant testimonia citata. Non renatis autem & infidelibus proponit fidem & Baptismum, ut ex statu peccati transferantur in statum gratiæ, & postea incipiant bonis operibus & observationi legis utiliter operam dare, ut Marci 16. 16. *Euntes in mundum universum prædicato Evangelium omni creatura. Qui crediderit & baptizatus fuerit, salvus erit: qui non crediderit condemnabitur.* Et ratio est, quia duo requiruntur in homine adulto ad vitam æternam adipiscendam. Alterum, quasi fundamentum & radix, ut sit fidelis, baptizatus, & filius dei per adoptionem: Alterum, quasi structura super fundamentum, ut per bona opera & observationem legis conservet se in statu gratiæ & adoptionis. Eos ergo qui prius aliud habent, non necesse est ad id habendum exhortari; sed solum, ut quod habent, non amittant per negligentiam. Ij verò, qui neutrum habent, ad utrumque quidem incitanda sunt; primum tamen ad id, quod præcipuum est, & quasi fundamentum aliorum.

11. Quinta conditio operis meritorij est, ut intercedat pactum & promissio Dei de compensatione seu retributione facienda. Hic nonnulla quaestio est inter Scholasticos, an præter gratiam sanctificantem requiratur hoc pactum; Affirmant Scotus, Mai filius, Gabriel, Vega Negant Caietanus, & plerique D. Thomæ sectatores. Fundamentum est, quia homo existens in statu gratiæ, ex vi solius gratiæ, est filius Dei per adoptionem: Ergo habet ius vitæ æternæ iuxta illud Rom. 8. 17. *Si autem filij & heredes:* Ergo opera talis hominis, ex vi solius gratiæ, sunt digna vita æterna, absque alia promissione.

12. Sed distinctione opus est. Nam aliud est, opus esse dignum aliqua mercede seu præmio: aliud verò operi ex iustitia deberi talem mercedem seu præmium. Potest enim fieri, ut qui integro die labores in alterius vinea, & labor ipsius sit dignus stipendio diurno, & tamen alter ex iustitia non teneatur illi stipendium persolvere, nisi cum eo pactus sit. Ita res habet in proposito. Opera hominis iusti & existentis in statu gratiæ, per se digna sunt, & proportionem habent cum vita æterna, quia procedunt ex gratia, quæ est semen gloriæ. Nihilominus tamen Deus non tenetur ex iustitia compensare illa, secluso pacto & promissione. Vnde rectè & breviter dici potest, eiusmodi opera, seclusa promissione, esse digna vita æterna, non dignitate iustitiæ, sed proportionis medijs ad finem. At posita promissione, mereri vitam æternam ex iustitia. Hoc sensu dixit Augustinus serm. 16. de verbis Apostoli. *Debitor nobis factus est Deus, non aliquid accipiendo, sed quod placuit promittendo.* Et D. Bernardus in lib. de gratia & libero arbitrio in fine: *Promissum quidem ex misericordia, sed tamen ex iustitia persolvendum.*

13. Explicatæ sunt, quinque conditiones actus meritorij. An plures necessarie sint, quaestio est. Aliqui putant requiri certam intentionem in actu, ita ut nisi actus sit intentior quàm gratia & habitus, à quo oritur, non sit meritorius. Alij putant necessarium esse, ut actus per charitatem ad Deum referatur. Sed neutrum necesse est. Non primum, quia omnia opera, quæ ex gratia & charitate procedunt, habent vim merendi apud Deum, ut ex scripturis patet. Nec sit vlla mentio maioris aut minoris intentionis. Nec secundum, quia satis est, quod homo existens in statu gratiæ, per infusam charitatem conuersus sit ad Deum habitualiter. Sic enim omnia

eius opera, quæ moraliter bona sunt, sufficienter ad Deum referuntur. Nec opus est actuali relatione per actum charitatis, quamvis fortè expediat.

An possimus mereri primam gratiam, seu excitantem?

14. Hactenus de merito dictum est. Restat dicendum de præmio seu obiecto meriti. Et primò queritur. An prima gratia actualis, seu prima vocatio, qua excitamur vel ad fidem, vel ad dolorem de peccatis, sub meritum cadat? Affirmabant olim pelagiani & Semipelagiani. His fortiter opposuit se Augustinus, & tota Ecclesia Catholica. Et sanè res certa est, nos eiusmodi gratiam de condigno mereri non posse. Roman. 9. 16. *Non est volentis neque currentis sed Dei miserentis.* Et capite, 11. 6. *Si autem gratia iam non ex operibus aliqui gratiam non est gratia.* Et 2. Timoth. 1. 9. *Vocauit nos vocatione sancta, non secundum opera nostra, sed secundum propositum suum & gratiam.* Ratio est efficax, quia ante gratiam primam excitantem nihil est in homine, nisi peccatum & vires liberi arbitrij: at homo peccator per solas vires naturæ non potest mereri primam gratiam. Primò, quia inter meritum & præmium debet esse proportio: at vires naturæ non habent proportionem ad gratiam supernaturalem. Secundò, meritum supponit gratiam sanctificantem. Non enim est opus meritorum, nisi procedat ab homine existente in statu gratiæ, & amicitie diuinæ, ut supra dictum est. Tertiò quia si prima gratia daretur ex meritis, iam non esset gratia, sed debitum, ut argumentatur Apostolus Rom. 11. 6.

15. Obicitur illud axioma, *Facienti quod in se est, Deus non denegat gratiam.* Respondeo aliud est, Deum non denegare gratiam facienti, quod in se est, aliud verò facientem quod in se est, ex condigno mereri gratiam. De hoc hic queritur, non de illo. Ut tamen axioma intelligatur, notandum est, dupliciter id posse intelligi. Primò, Facienti quod in se est ex prima gratia præueniente, Deus non negat vltiorem gratiam. Secundò, Facienti quod in se est, ex viribus naturæ, Deus non negat primam gratiam præuenientem. In priori sensu asseritur à D. Thoma, Bonauentura & quibusdam aliis. Et rectè. Nam gratia præueniens ideo datur à Deo peccatoribus, ut per eam excitati & corroborati, sensum ad maiora se præparent: Ergo si eum ea cooperentur, quantum possunt, Deus non negabit vltiora præsidia. In posteriore, sensu, de quo hic agitur, ab aliis asseritur, ab aliis negatur. Sed adhuc distinctione opus est. Nam si sensus sit, Deum infallibiliter dare gratiam præuenientem propter bonum opus factum ex solis naturæ viribus proculdubio negari debet. Sic enim donatio illa non esset gratuita, sed debita. Si autem sensus sit, Deum certa lege statuisse, ex sola sua misericordia & liberalitate conferre omnibus auxilia gratiæ, quæ sufficiunt & necessaria sunt ad salutem, modò ipsi non impedian, sed faciant quod in se est, videtur admitti posse. Ratio est, quia cum Deus velit omnes homines saluos fieri, debet etiam velle dare sufficientia media, quibus salui fiant; Non quidem propter opera liberi arbitrij, sed propter suam bonitatem & merita Christi.

An possimus mereri primam gratiam iustificantem?

16. Equè certum est, nos de condigno hanc gratiam mereri non posse. Nam Scriptura passim docet, gratis iustificari. Rom. 3. 24. *Iustificati gratis per gratiam ipsius.* Quod sic explicat Concil. Trident. Sess. 6. cap. 8. *Gratis iustificari dicimur, quia nihil eorum, quo*

iustificationem præcedunt, siue fides, siue opera, ipsam iustificationis gratiam promerentur. Vide Augustinum Epistola 105. Ratio patet ex dictis, quia opus non est meritorium de condigno, nisi procedat ab homine existente in statu gratiæ & amicitie diuinæ: Ergo opera, quæ præcedunt gratiam iustificantem, non sunt meritoria de condigno; ergo per illa non possumus mereri gratiam iustificantem. Dices possumus illam mereri per opera subsequencia. Sed contra, quia opera, quæ sequuntur gratiam, procedunt à gratia tanquam à principio meriti: principium autem meriti non cadit sub meritum. Dices 2. possumus illam mereri per vltimam dispositionem, quæ est simul tempore cum gratia. Hæc enim dispositio, cum sit supernaturalis, & procedat effectiue à gratia actuali, videtur habere sufficientem proportionem cum gratia iustificante. Imò si eam non haberet, non esset legitima dispositio ad illam gratiam. Sed contra quia vltima dispositio potest duobus modis spectari. Primò, ut antecedit gratiam iustificantem, & sic quidem est sufficienter proportionata per modum dispositionis, non tamen per modum meriti de condigno, quia non procedit ab homine existente in statu gratiæ, & amicitie diuinæ, sed ab homine peccatore. Secundò, ut est simul tempore cum gratia iustificante in eodem homine & quodammodo & gratia iustificante informatur: & sic est meritoria de condigno augmenti gratiæ, non tamen ipsius primæ gratiæ iustificantis; quia supponit illam tanquam principium meriti: principium autem meriti non cadit sub meritum. Ex hoc toto discursu apparet, nos non posse mereri de condigno primam gratiam iustificantem, nec per opera præcedentia, nec per sequentia, nec per vltimam dispositionem, quæ est simul tempore cum gratia.

An possimus mereri augmentum primæ gratiæ iustificantis?

17. Omnes Catholici consentiunt, hominem iustum per bona opera & obseruationem mandatorum Dei, mereri augmentum gratiæ & iustitiæ de condigno, ut patet ex Concil. Trident. Sess. 6. cap. 10. & canon. 32. Et probatur ex scripturis. Ecclesiast. 18. 22. *Ne verearis usque ad mortem iustificari.* Id est, per bona opera in iustitia crescere. Apoc. 22. 11. *Qui iustus est iustificetur adhuc.* Iac. 2. 24. *Videtur, quoniam ex operibus iustificatur homo & non ex fide tantum.* Hinc August. Epistola 106. *Gratia meretur augeri, ut anima mereatur & perfici.* Et ratio est, quia homo iustus per opera bona meretur augmentum gloriæ, ut supra contra Calvinistas probatum est: Ergo etiam augmentum gratiæ. Nam gratia, secundum gradus, debet esse proportionata gloriæ. Est enim quasi semen gloriæ, & præbet ius ad gloriam: ius autem ad gloriam, debet esse gloriæ proportionatum.

18. Hæc tria disputari solent à Scholasticis. Primò, An hoc augmentum gratiæ fiat per actus remissos? Secundò, An per solos actus charitatis, an etiam aliarum virtutum? Tertiò, An statim conferatur in hac vita, an in altera? Omissis aliorum sententiis respondeo ad singula breuiter. Primò iustos mereri augmentum gratiæ, non solum per actus intentiores habitu charitatis sed etiam per equè intensos & remissiores. Secundò, Nec solum per actus ipsius charitatis, sed etiam aliarum virtutum. Tertiò, Neque augmentum hoc differri in alteram vitam sed statim dari benè operantibus. Hæc magis scripturæ & rationi consentanea sunt.

An possimus mereri reparationem post lapsum?

19. Hoc duobus modis intelligi potest. Primò, An

homo iustus, dum iustus est, per opera meritoria, quæ tunc facit, meretur apud Deum, ut si contingat cum peccare mortaliter, accipiat remissionem illius peccati: Secundò. An homo, qui iam peccauit mortaliter, possit mereri remissionem sui peccati per opera bona, quæ facit in statu peccati? Hoc posito: sit *prior Assertio*. Homo iustus non potest suis operibus de condigno mereri reparationem post lapsum iuxta priorem sensum. Probatum primò ex illo Ezech. 10. 24. *Si auerteris se iustus à iustitia sua, & feceris iniquitatem, omnes iustitiae eius, quas fecerat non recordabuntur.* Hinc colligunt Theologi omnia merita hominis iusti mortificari & extingui per peccatum mortale superueniens. Nemo autem meretur per opera, quæ iam mortificata & extincta sunt. Secundò probatur ratione. Quia alioqui sequeretur, eos, qui semel iusti sunt, & bonis operibus dant operam; non posse mori impoenitentes, quod falsum est. Sequela patet, quia quamvis incidant in peccatum mortale, tamen per opera præcedentia fuissent meriti remissionem illius peccati, & ita non possent mori in illo peccato.

20. *Altera Assertio.* Homo peccator non potest de condigno mereri remissionem peccati mortalis, iuxta posteriorem sensum. Ratio est, quia non potest mereri iustificationem seu primam gratiam iustificantem, ut supra ostensum est: Ergo nec remissionem peccati mortalis, quæ includitur in iustificatione. Nam iustificatio includit duas partes, infusionem gratiæ sanctificantis, & remissionem peccati, ut contra Calvinistas docent passim Catholici.

An possimus mereri auxilia gratiæ actualis, & donum perseverantiæ?

21. Hæc duo coniungo, quia alterum quodammodo pendet ab altero. Ac primò certum est, hominem iustum de condigno posse mereri ea auxilia gratiæ actualis, quæ simpliciter necessaria sunt ut possit vitare omnia peccata mortalia, & vitam æternam consequi. Primo quia nihil deest illi ad hoc meritum. Secundò, quia quicumque potest mereri finem, potest etiam mereri media necessaria ad finem, cæteris paribus, ut docet D. Th. 1. 2. q. 114. art. 10. Atqui iustus de condigno potest mereri vitam æternam: Ergo etiam auxilia actualia, quæ ad illam obtinendam necessaria sunt. Tertiò, quia Deus non deserit iustos, nisi ab eis prius deseratur, ut ex Augustino refert Concil. Tridentinum Sess. cap. 11. Atqui si iustus non posset mereri auxilia gratiæ, quæ illi necessaria sunt, iam à Deo desereretur. Huc spectat illud, Philip. 1. 6. *Qui cepit in vobis opus bonum, perficiet usque in diem Christi Iesu.*

22. Quod ad donum perseverantiæ attinet, D. Th. art. 9. & alij passim negant, iustum posse illud mereri de condigno: concedunt tamen posse per orationem impetrare. De hoc posteriore non est difficultas. Sed prius illud explicandum est. Sit ergo *prima Assertio*. Homo iustus non potest vno aliquo actu de condigno mereri donum, quo deinceps securè & infallibiliter perseveret in gratia, usque in finem. Ratio est, quia alioqui sequeretur, si talem actum semel exercuisset, non posse amplius peccare, neque à gratia excidere, quod est falsum. Nec in scriptura rota designari potest aliquis actus in particulari, qui hanc vim merendi habeat.

23. *Secunda Assertio.* Homo iustus potest variis actibus de condigno mereri varia auxilia gratiæ actualis, quibus perseverare possit in gratia, si velit usque in finem. Hic suppono ex dictis, iustum posse mereri auxilia gratiæ actualis. Vnde optimè sequitur, posse etiam in gratia perseverare si velit. Nam si hodie verbi

A gratia, mereatur à Deo sufficientia auxilia, quibus hodie vitet omnia peccata mortalia & conseruet se in statu gratiæ; & cras eodem modo faciat, sine dubio poterit hoc modo in finem usque perseverare. Hinc patet tamen si homo iustus non mereatur ipsam actualem perseverantiam, mereri tamen auxilia quibus actu perseverare possit, si velit.

24. At, inquires; cur ipsam actualem perseverantiam non meretur? Ratio dubitandi est, quia qui potest mereri finem, potest etiam mereri media necessaria ad finem, ut paulò ante dictum est, ex D. Thoma, sed perseverantia est medium necessarium ad vitam æternam, Ergo iustus, qui potest mereri vitam æternam potest etiam mereri perseverantiam. Respondeo, duo concurrunt ad perseverantiam. Alterum est ex parte Dei nempe, auxilia gratiæ actualis, quæ necessaria sunt ad continuam legis observationem, ita ut non interrumpatur per peccatum mortale. Alterum ex parte nostra, nempe cooperatio cum auxiliis gratiæ. Igitur auxilio gratiæ possumus de condigno mereri, ut dictum est. Nostram vero cooperationem non possumus mereri, quia cum nostra sit, & à nostro arbitrio pendeat, non potest habere rationem præmij aut mercedis ab alio collatz. Propositio autem illa (Qui potest mereri finem, potest etiam mereri media ad finem) debet intelligi de illis mediis, quæ possunt habere rationem præmij ab alio collati aut conferendi.

An possumus mereri vitam æternam.

25. Supra contra Calvinistas satis perspicuè ostendimus iustum posse de condigno mereri vitam æternam per bona opera; ideoque vitam æternam in scripturis vocari mercedem & coronam iustitiæ. Nunc pauca addenda sunt, quæ inter scholasticos disceptantur. Primò, An non solum ex iustitia, sed etiam ex rigore iustitiæ possit, eam mereri? Secundò, An mereatur totam vitam æternam, an solum augmentum illius? Tertiò, An præmium vitæ æternæ conferatur illi secundum rationem iustitiæ commutatiuæ, an vero distributiue.

26. Quod ad primum attinet, meritum hominis iusti coram Deo, non est de rigore iustitiæ. Ita D. Thomas 3. p. q. 1. art. 2. & alij passim. Ratio est, quia rigor iustitiæ requirit talem contractum, ut inter contrahentes nulla intercedat gratia & liberalitas, in qua meritum fundetur. Hoc autem non fit inter Deum & hominem, quia totum meritum hominis fundatur in gratia & liberalitate Dei, præsertim in gratia iustificante, quæ illi gratis datur; & in liberali promissione Dei, qua voluit retribuire præmium meritis nostris, quæ ipsi non erant utilia & multis aliis titulis ipsi debita. Hoc sensu dixit Concil. Trident. Sess. 6. cap. 16. *Eam esse Dei benignitatem, ut ea voluerit esse nostra merita, quæ sunt ipsius dona* Et D. Augustinus Epistola 105. *Cum Deus coronat nostra merita, non coronat nisi sua dona.*

27. Altera quæstio est, an iusti mereantur totam gloriam? Paludanus, & Andreas Vega putant mereri solum augmentum. Ratio est, quia gloria respondet gratiæ: at gratia non cadit sub merito, nisi quoad augmentum: Ergo nec gloria. Confirmatur, quia prima gratia iustificans datur sine merito: Ergo ex vi illius gratiæ absolutè debetur prima gloria: Ergo prima gloria non cadit sub merito. Alij contra sentiunt, omnes iustos, qui adulti sunt, mereri totam gloriam: fundamentum est, quia vita æterna absolutè vocatur merces in scripturis, & non secundum aliquam sui partem tantum. Sed distinctio adhibenda est.

28. Sit ergo *prima Assertio*. Homo iustus, qui sine propria dispositione iustificatus est, & primam gratiam accepit, non meretur primam gloriam, sed tantum aug-

mentum illius. Ratio est, quia nec meretur illam in instanti, quo iustificatur, nec postea. Non primum, quia tunc nullum habet bonum opus, quo mereri possit. Suppono enim iustificari sine propria dispositione. Nec secundum, quia per opera subsequencia meretur augmentum gloriæ: Hoc autem augmentum tantum est, quanta sunt ipsa merita: Ergo vi meritorum nihil aliud debetur, quam illud augmentum.

29. *Altera Assertio.* Probabile est eum, qui per propriam dispositionem iustificatur, & primam gratiam accipit, de condigno mereri primam gloriam per ultimam dispositionem ad gratiam. Ratio est, quia nihil deest illi dispositioni, quo minus sit meritoria. Est enim actus liber & moraliter bonus, & ab homine iusto elicitur, &c. Dices, non procedit à gratia habituali. Respondeo. Non opus est, ut effectiue procedat à gratia habituali, sed sufficit, si homo, qui operatur, eo instanti, quo operatur, existat in statu gratiæ habitualis.

30. Super est tertia questio. An in retributione vitæ æternæ, seruetur iustitia commutativa an distributiva? Dulandus putat seruari commutativam. Scotus distributivam. Caietanus utramque coniungit, quod verisimilius est. Nam Deus non solum dat unicuique tantum præmium, quantum meritis est (quæ est forma iustitiæ commutativæ, in qua seruetur æqualitas rei ad rem, seu dari & accepti) sed etiam seruat hanc proportionem inter merita & præmia, ut quo quisque maiora habet merita, eò maiora præmia recipiat: quæ est forma iustitiæ distributivæ. Fateor tamen non seruari rigorem iustitiæ commutativæ. Primum, quia, ut supra dixi, meritum hominis iusti fundatur in gratia & liberali promissione Dei. Secundò, quia communis scholasticorum sententia est, Deum remunerari merita iustorum supra condignum.

An possimus mereri bona temporalia?

31. D. Thom. 1. 2. q. 114. art. 10. & plerique alii docent, huiusmodi bona dupliciter spectari posse. Primum, in se, sine ordine ad aliquem finem. Secundò, quatenus utilia sunt ad vitam æternam consequendam. *Prior Assertio.* Homo iustus non meretur bona temporalia secundum se spectata. Ratio est, quia alioqui, quo quis iustior esset & plura haberet merita, eo magis abundaret bonis temporalibus. At non ita est. Videmus enim sæpè, optimos quosque penuriam pati, & pessimos abundare. *Posterior.* Homo iustus potest mereri bona temporalia, quatenus illum adiuvent, ut vitam æternam consequi possit. Ratio est, quia qui meretur finem, potest etiam mereri media, quæ conferunt ad finem, cæteris paribus. Hinc sequitur, bona temporalia non dari iustis, secundum proportionem & quantitatem meritorum: Sed prout magis vel minus conducunt ad vitæ æternæ consecutionem. Unde fit, ut multi iusti relinquantur in extrema paupertate; alii affluant omnibus divitiis; alii in medio consistent. Deus enim pro sua providentia dat unicuique, quod videt illi magis expedire ad salutem. Sæpè autem expedit, hos pauperes illos divites esse: hos abundare, ut liberales sint in pauperes; illos egere, ut patientiam exerceant, & omnem spem suam in Deum collocent.

An unus possit alteri mereri.

32. Sensus est, An ea sit vis & efficacia meriti, ut homo iustus non solum sibi ipsi, sed etiam alteri possit de condigno mereri aliquod præmiū apud Deum, præfer tim gratiam aut vitam æternam? Ac primò certum est, Christum re ipsa id fecisse, ipse enim meruit nobis non solum vitam æternam, sed etiam omnia dona gra-

tiz, quæ ad consecutionem vitæ æternæ necessaria sunt. Hinc docet D. Thomas in 3. p. q. 8. Christum habuisse gratiam capitis, Sensus est, sicut in humano corpore, omnia membra participant spiritus animales, & motiuos à capite, per influxum proprium & realem. Ita in Ecclesia, omnes fideles participare dona gratiæ à Christo, per influxum metaphoricum & morale. Christus enim dicitur metaphoricè & moraliter influere in omnes fideles, quia omnibus meretur gratiam & benedictionem.

33. De aliis iustis id dici non potest. Nemo quantumvis sanctus & gratus Deo, potest alteri de condigno mereri gratiam aut gloriam, ut docet D. Thomas q. 114. art. 6. & alij passim. Ratio est, quia non possumus aliquid de condigno mereri apud Deum, nisi interveniente pacto & promissione Dei, ut supradictum est, sed Deus non promittit nostris operibus mercedem respectu aliorum sed tantum respectu nostris. Ergo non possumus aliis de condigno mereri, sed tantum nobis. Unde Apostolus 1. Cor. 3. 10. *Unusquisque referet propria corporis, prout gessit, siue bonum, siue malum.* Vbi satis insinuat neminem quicquam acceperam propter aliena merita, sed tantum propter sua. Et Augustinus lib. 1. de peccatorum meritis & remissione cap. 14. ostendit solius Christi esse iustificare alios, seu iustificationis gratiam promereri. *Ponit,* inquit, *Apostolus recte dicere: Imitatores mei estote, sicut & ego Christi; nunquam autem diceret; Iustificamini à me, sicut & ego sum iustificatus à Christo: quoniam possumus esse, & sunt, & fuerunt multi iusti homines, & imitandi, iusti autem, & iustificati, nemo nisi Christus.*

34. Et hæc quidem dicta sunt de merito ex condigno. Nam alterum meritum quod vocant de congruo, propriè non habet rationem meriti sed tantum cuiusdam congruentiæ, ac proinde non est necesse de eo disputare. Nihil enim certi de eo affirmare possumus. Sic enim videri potest nobis congruum & conveniens, ut Deus hoc vel illud præstet huic aut illi homini. Ita è contrario, non desunt Deo rationes congruentes, cur id nolit præstare, quod alioqui apparet congruum, ut præstet.

EPILOGVS.

Ex hac disputatione satis liquet, quid differant Catholici à Calvinistis in doctrina de meritis bonorum operum: Et qui fructus ex utriusque partis doctrina sperari possint. Calvinistæ, secundum sua principia docent neglectum bonorum operum, contemptum legum, licentiam peccandi, supinam quandam securitatem de vita æterna. Si enim audias ex Calvino, omnia iustorum opera esse immunda, inquinata, & damnable, An non statim concludes, omittenda potius, quam patranda esse, Si audias, legem seruari in hac vita non posse, an non omnem illius seruandæ cogitationem & propositum abiicies? Si audias fideles omnes à legis observatione liberatos esse, An non statues impune licere tibi peccare & legem transgredi? Denique si audias vitam æternam non acquiri nostris meritis, sed titulo hæreditatis nobis deberi an non promittes tibi securitatem de vita æterna possidendam?

Longè aliter Catholici. Nam hi secundum sua principia docent, opera iustorum esse Deo grata, legem cum gratia seruari posse & debere, vitam æternam non acquiri ab adultis, nisi bonis operibus & observatione legis. Hinc statim excitantur ad exercitum bonorum operum, ad diligentem mandatorum Dei custodiam, ad odium & detestationem peccati, ad poscendam Dei gratiam, ad omnium virtutum amorem & honestatem.

æquus Lector expendat, quam viam & sententiam A
sequi tutius sit



DE AVXILIIS GRATIÆ Christi secundum Caluinistas.

*Vel quam liberalis sit in nos Christus in con-
ferendis donis gratiæ.*

OPUSCULUM VIII. LECTORI.

EX 4. Capitis estimari potest, quam liberalis sit quisque Princeps aut Rex. Primo, si species, multisne, an paucis benefaciat? Secundo, multa, an pauca dona illi conferat? Tertio, magna, an parua ea sint? Quarto, liberaliter, an cum onere ea det? Iuxta hæc capita videamus, quid Calvinista sentiant de liberalitate Christi in donis gratiæ largiendis. Est autem hæc eorum sententia.

PROPOSITIO I. Iesus Christus non omnibus, sed paucis largitur suam gratiam.

2. Et his paucis, non dat quamcunque gratiam, sed tantum æqualem: nulli, habitualem & sanctificantem.

3. Porro hanc æqualem, tam parvè ac tenuiter dat, ut nemini sufficiat ad legem servandam, & benè re-
ctèque viuendum.

4. Imò, cum hoc onere, ut qui illam accipiunt, non possint ea liberè uti, aut cum ea cooperari. Quantumvis enim modica & exigua sit, tollit vñum & cooperationem liberi arbitrij.

Hæc est brevis resolutio doctrinæ Calvinisticæ, de proposita questione. Ex qua patet, Christum non admodum liberalem, sed parvum esse, nec tantum prodesse nobis sua gratia, quantum obfuit Adamus suo peccato. Nam duo mala per hoc peccatum incurrimus. Alterum, quod nascimur iniusti, immundi, impij peccatores. Alterum, quod non possumus benè agere, & legem servare. Christus, ex Calvini sententia, neutrum sustulit. Non primum, quia non dedit gratiam habitualement & sanctificantem, qua interius sanaremur, & ex impiis iusti fieremus. Nec secundum, quia gratia actualis, quam dedit, non sufficit ad legis observationem. Hæc breviter examinanda sunt.

CAPUT I.

*An Christus dei paucis tantum suam
gratiam.*

1. **C**alvinus docet Christum non omnibus, sed paucis tantum largiri suam gratiam, nempe solis Prædestinatis; non reprobis. Sic enim de utrisque loquitur lib. 3. Instit. cap. 24. §. 13. Cur ergo gratiam illis largiendo, hos prætermittit? De aliis rationem reddit Lucas quia ad vitam sunt ordinati: De aliis ergo quid sentimus, nisi quia sunt vasa ira in contumeliam? Hic disertè ait; Prædestinatos donari gratia, non reprobos: & causam addit, quia illi ad vitam, hi ad iram, & contumeliam ordinati sunt. Ob eandem rationem alibi docet, Christum pro solis Prædestinatis mortuum esse; solos Prædestinatos habere fidem; solos esse in Ecclesia: reprobos omnino excludi.

2. Catholici non constringunt mortem, merita, & beneficia Christi ad paucos. Putant omnib' esse communia. Hoc enim scriptura disertè testatur. 1. Cor. 5. 15. Pro omnibus mortuus est Christus. 1. Timoth. 2. 6. Qui dedit redemptionem semetipsum pro omnibus. 1. Ioannis. 2. 2. Ipse est propitiatio pro peccatis nostris non pro nostris autem tantum, sed etiam pro totius mundi. Ioannis 1. 9. Illuminat omnem hominem venientem in hunc mundum. Hinc D. Ambrosius serm. 8. & in Psalm. 118. Sol iustitia omnibus ortus est, omnibus venit: omnibus passus est, & omnibus resurrexit. Et Clemens Alexandrinus in Orat. ad gentes: Audite, qui estis longè, audite qui prope, nullis celatum est verbum, lux est communis, omnibus illucescit hominibus, solus est in verbo Cimmericus.

3. Ut hoc melius intelligatur, tribus hisce propositionibus explicari potest. Prima est; Christi meritum fuit sufficiens ad totum genus humanum redimendum & salvandum. In hoc conveniunt nobiscum Calvinistæ: Ratio est, quia ipsius meritum fuit infiniti valoris, propter infinitam dignitatem personæ, cui humanitas est unita. Secunda, Christi meritum reipsa non est efficax respectu reproborum, quoad vitam æternam. Neque hic dissentimus. Ratio est, quia reprobi reipsa non perveniunt ad vitam æternam. Si enim venirent, non essent reprobi, sed prædestinati. Tertia, Christi meritum reipsa est efficax respectu reproborum, quoad dona gratiæ in hac vita. Hanc negant Calvinistæ. Fundamentum eorum iam insinuaui, qui putant reprobos ad mortem & ignominiam à Deo creatos esse, ac proinde Christi meritum & gratiam nihil ad eos pertinere. Nos contra statuimus. Sunt autem dona gratiæ duplicia: alia spectant ad vocationem, alia ad iustificationem. Ex his sumam duplex argumentum contra Calvinistas: alterum de gratia vocationis, alterum de gratia iustificationis.

4. Sit ergo primum argumentum, Quicumque à Deo excitantur ad fidem aut prænitentiam per gratiam prævenientem, sine dubio percipiunt aliquod donum gratiæ à Deo: at reprobi sæpe excitantur hoc modo: Ergo sæpe percipiunt aliquod donum gratiæ à Deo. Minor probatur, quia Christus promiscuè & omnes vocat, inuitat. Matthæi 11. 25. Venite ad me omnes, qui laboratis & onerati estis, & ego reficiam vos. Matth. 20. 16. Multi vocati, pauci electi. Marci 16. 15. Euntes in mundum universum predicate Evangelium omni creatura. Apocalyp. 3. 20. Ego sto ad ostium & pulso, si quis audierit vocem meam, & aperuerit mihi ianuam, intrabo.

Intrabo ad eum, & cenabo cum illo. Omitto similia.

5. Calvinista duob. modis conantur, hæc eludere. Aliqui dicunt, reprobos vocari externa tantum voce non autem per internam gratiam præuenientem. Sed hi facile refelluntur, Primum ex illo, *Ego sto ad ostium & pulso*. Quis hic pulsus? quod ostium? Sane, non externus pulsus, qui fit sono & collisione corporum; sed internus, qui fit per gratiam excitantem. Neo ostium materiale, sed cor peccatoris hoc pulsu verberatur. Secundò ex illo Actuum 7. 51. *Dura ceruice & incircumcisi cordibus, vos semper. Spiritui sancto resistitis*. Quid est resistere Spiritui sancto, nisi inspirationi Spiritus sancti? Et hæc inspiratio, quid aliud est, quam gratia excitans seu præueniens? Constat ergo reprobos etiam vocari ad fidem & penitentiam per interne nam suggestionem.

6. Alii fatentur quidem, reprobos hoc modo vocari à Deo? non tamen lerid, nec animo iuandi, sed simulate & animo nocendi. Ita Calvinus lib. 3. Instit. cap. 24. §. 15. ubi ait, *vocem ad eos dirigit, sed ut magis obstudeant, lumen accendit, sed ut reddantur ceciores, doctrinam profert, sed qua magis obstupescant; remedium adhibet, sed ne sanentur*. Verùm, ne quid grauius dicam, errat Calvinus, & facillimè refutatur. Primum, quia Christus aperte contrarium significat. Cum enim dixisset, *Venite ad me omnes qui laboratis, & onerati estis, mox subiicit, & ego reficiam vos* Non dicit: *Ego eludam vos*, ut glossa Caluini explicat. Secundò, ex illo Ap. 3. 20. *Ego sto ad ostium & pulso*. Sed quare pulsas; an idèd, ut magis obstoremur; Non, inquit. Cur ergo? ut si quis mihi aperuerit, possim cum illo cenare, & ille mecum. Tertiò ex illo 1. Tim. 24. *Deus vult omnes homines saluos fieri, & ad agnitionem veritatis venire*. Et 2. Petri 3. 9. *non vult aliquos perire, sed omnes ad penitentiam reuerti*. Quid clarius? Si hic quæras ex Apostolis Petro & Paulo, quo animo, qua intentione Deus incitet & inuitet homines ad fidem & penitentiam: respondebit vterque, quia vult omnes saluos fieri, omnes ad agnitionem veritatis venire, omnes ad penitentiam reuerti, neminem perire.

7. At si ita est, inquires, cur non omnes salui fiunt? cur ad veritatis agnitionem & penitentiam non reuertuntur? cur multi pereunt? Antiqua quæstio; & facilis responsio. Deus quædam absolute & efficaciter vult fieri; & huic voluntati nemo potest resistere quædam non absolute; sed dependenter à libertate humana; quo pacto vult omnes saluos fieri, quantum in se est? modo etiam nos velimus, Quod ergo non omnes salui fiant, non est ex defectu Dei, qui adhibet ex sua parte omnia præsidia gratiæ, quæ ad salutem requiruntur sed ex defectu nostræ voluntatis, quia non vult iis præstare uti, & cum iis ad salutem suam cooperari. Hoc ipse indicat per Prophetam Isa. 5. 4. *Quid est, quod debui ultra facere vineæ meæ, & non feci? quasi dicat. Nihil omisi eorum, quæ facere debui. Cur ergo non tulit fructum? Quia noluit. Prouerb. 1. 24. *Vocaui, & renuistis, extendi manum meam, & non fuit, qui aspicere? Matth. 23. 37. Hierusalem, Hierusalem, quoties volui congregare filios tuos, & noluisti*.*

8. Ita olim Patres ad hanc quæstionem responderunt. Chrysostomus hom. 7. in Ierem. *Si illuminat omnem hominem venientem in hunc mundum, quoniam pacto tot homines sine lumine permanent? neque enim omnes Christum cognoscunt. Quomodo ergo illuminat omnem hominem? Illuminat profecto, quantum in ipso est. Si qui autem sponte sua mentis oculis conuenientibus ad huius lucis radios aciem dirigere noluerint, non ex luminis natura in tenebris perstiterunt, sed ex malitia sua, qui sponte tanto se dono indignos reddiderunt*. Et D. Ambrosius Sermo. 8. in Psalm. 118. *Sol iustitiæ omnibus ortus est, &c. Si quis autem non credit in Christum, generali ben-*
Opusc. Becc.

A. *ficio ipse se fraudat; ut si quis clausis fenestris radios lucis excludat. Alij similia habent.*

9. Falsum igitur est, quod Calvinus ait, Deum offerre reprobis suam gratiam, eo fine ac proposito, ut oblit illis, non prolic: adhibere medicinam, ut moriantur, non sanentur. In hominem vix cadit illa crudelitas; quanto minùs in Deum. Sane si vir diues inuitet ad se pauperes famelicos, & debilitatos; & ostenso pane, non cupiat eos satiare, sed irritare, ac inanes dimittere: hominem hunc dixeris? an humanitatis expertem? Aut si Medicus ægrotum ad se alliciat, & oblato pharmaco cogitet necem intentare, non salutem adferre, quid de hoc sentias? Aut si Rex, proposito præmio, hortetur subditos ad certamen equestre, & dum in cursu sunt, incautos in præcepitem foueam adigat. Regem hunc, an Tyrannum appellaris? Talem Deum fingit nobis Calvinus.

10. Longè rectius Catholici de eo sentiunt & loquuntur. Et meritò. Si enim tam bonus, tam benignus ac misericors est, ut peccata, quæ alioqui mala sunt, velit in bonum vsum conuertere, iuxta illud Augustini in Enchiridio cap. 110. *Non sineret bonus, fieri malum, nisi omnipotens etiam de malo facere posset bonum*: quomodo credamus esse tam crudelem, & à nobis alienum ut gratiam suam, quæ bona est, & natura sua ad gloriam æternam ordinatur vertat in ruinam & perniciem nostram, idque ex mera sua voluntate, & proposito? Nullus, nisi Calvinista, id crediderit. Apes, non araneas inuitatur Deus. Hi ex bonis floribus venenum, illæ ex malis etiam mel colligunt. Sed mirum non est, Calvinistas tam indigna de Deo sentire. Nam & peccati Authorem illum faciunt? & homines simplici animo de aditu ad vitam æternam & interrogantes ironico responso illudentem. De Priori vide Calvinum l. 1. Inst. c. 18. §. 3. de posteriori, Bezam in c. 18. Lucæ v. 22.

11. Hactenus de priori argumento. *Posterius est*, Multi reprobi non solum excitantur à Deo ad fidem & penitentiam per internam vocationem; sed etiam reipia fidem & iusticiam consequuntur: sed fides & iustitia sunt dona gratiæ ex meritis Christi. Ergo multi reprobi reipsa percipiunt dona gratiæ ex meritis Christi. Maior in qua est tota difficultas, disertè asseritur ab Augustino in libro de correptione & gratia capite 13. his verbis: *Credendum est, quosdam de filiis perditionis non accepto dono perseverantia usque in finem, in fide, quæ per dilectionem operatur, incipere viuere, & aliquamdiu fideliter ac iuste vivere, & postea cadere*. Quid apertius contra Calvinum?

12. Idem confirmo ex illo Hebr. 6. 4. *Impossibile est eos qui semel sunt illuminati, & gustauerunt etiam donum celeste, & participes facti sunt Spiritus Sancti; & prolapsi sunt rursum renouari ad penitentiam*. Hic duo insinuat Apostolus. Primum fieri posse, ut qui semel per Baptismum & fidem illuminati sunt, & particeps facti Spiritus sancti prolabantur iterum in peccatum & desinant esse, quales erant. Secundò impossibile esse, eos qui ita prolapsi sint iterum renouari ad penitentiam. Non disputo, quid sentiant de his verbis Catholici. Cum Caluino ago. Et quæro, an Apostolus loquatur de reprobis; an de prædestinatis? Non opinor dictum de prædestinatis. Nam illi ex Caluini sententia, nunquam amittunt fidem & iusticiam, & si contingat eos peccare, non est impossibile; imò nec difficile, eos renouari, cum sola fide, quam semper habent nullo negotio renouentur. Si ergo de reprobis loquitur (quod fatetur Calvinus l. 3. Institut. cap. 3. §. 21.) planè consequens est reprobos aliquando reipia illuminari, & participes fieri donorum Spiritus sancti, quæ non nisi ex Christi meritis conferuntur. At hoc negant Calvinus & Calvinista. Ergo & sibi ipsis, & Scripturis aduersantur.

13. Eodem spectant illa 1. Thimoth. 1. 19. *Quidam circa fidem naufragauerunt.* Et cap. 9. 1. *In nouissimis temporibus discedere quidam à fide.* Et 2. Thimoth. 2. 17. *Sermo eorum ut cancer seipis: ex quibus est Hymeneus & Philetus, qui à veritate exciderunt.* Et cap. 3. 8. *Homines corrupti mente, reprobis circa fidem.* Ex his, & similibus patet, quosdam, qui veram fidem habuerint, postea hæreticos esse factos. Nam si fidem non habuissent, non rectè diceret Apostolus, eos circa fidem naufragasse à fide discessisse, à veritate excidisse, circa fidem reprobos factos esse. Quæro iam ex Caluino, an hi ipsi hæretici, de quibus Apostolus loquitur, sint prædestinati, an reprobi? Si reprobi, cur negat reprobos aliquando habere fidem? Si prædestinati, cur ait prædestinatos nunquam fidem amittere? Quidquid hic dicat, captus est.

14. Nec dissimile est illud 1. Petri 2. 21. *Melius erat illis, non cognoscere viam iustitiae, quam post agnitionem, retrorsum conuertere ab eo, quod traditum est, sancto mandato.* Hic loquitur Apostolus de iis, qui aliquando fuerunt iusti & fideles, & postea iustitiam amiserunt, ut interpretatur S. Augustinus in libro de fide & operibus cap. 24. & 15. Et patet ex ipso contextu. Nam paulò ante de iisdem dixerat; *Refugientes coinquinationes mundi in cognitione Domini nostri & Saluatoris Jesu Christi.* Quibus verbis significat, eos aliquando fuisse bonos, & alienos ab iniquatione huius mundi. Postea subdit; *Contigit eis illud veri prouerbi: Canis reuersus ad suum vomitum; & sus lota in voluabro luti.* Itaque sensus est, quosdam esse Christianos, qui primum bonè, sanctè, & iustè viuunt, postea verò, redeunt ad antiquum statum peccati, sicut sus quando semel lota est, redit ad suum lutum; & canis qui crudos & noxios cibos semel euomit, suum vomitum resorbet.

15. Maneat ergo certum, Christi merita, gratiam, & liberalitatem, non ad solos prædestinatos, sed etiam ad reprobos preuenire, quanquam diuerso modo. Nam hi velut ingrati & otiosi serui, diuinæ gratiæ non coope- rantur vique in finem illi, tanquam fideles & laboriosi, ad extremum in bono opere perseverant. De vtrisque est illud Matthæi 14. 12. *Et quoniam abundabit iniquitas, refrigescet charitas multorum; qui autem perseverauerint usque in finem hic saluus erit.* Et Roman. 11. 22. *Vide ergo bonitatem & seueritatem Dei: in eos quidam, qui ceciderunt, seueritatem: in te autem bonitatem Dei, si permanseris in bonitate, alioquin & tu excideris.*

16. Solent Calvinistæ obicere illud Matth. 9. 13. *Non veni vocare iustos, sed peccatores.* Et Matthæi 15. 24. *Non sum missus nisi ad oues quæ perierunt, domus Israël.* Sed quid hinc colligunt? an Christum pro solis prædestinatis mortuum esse, & illis solis gratiam communicasse? Nihil minus. Alioqui soli Iudæi ad quos Christus missus est, essent prædestinati, quod constat esse falsum. Alius ergo est sensus illorum verborum, ut explicatum est in Disputatione de prædestinatione Calvinistarum capite 4. §. 5. Nec opus est hic repetere.

C A P V T II.

An Christus nemini det gratiam habitualem & sanctificantem.

1. **H**Æc gratia apud Theologos vocatur habitualis, sanctificans, iustificans, gratum faciens, iustitia inherens; propter varios effectus, quos habet. Nam habitualiter hominem sanctificat, iustificat, & Deo gratum facit. Est ergo quæstio inter nos & Calvinistas, an

A Christus alicui det huiusmodi gratiam? Negant illi cum suo Caluino in antidoto Concil. Tridentini Sess. 6. c. 8. ubi ait; *Falsum esse contendere, ullam iustitiam partem in qualitate sitam esse, vel habitum, qui in nobis resideat.* Et l. 3. Inst. cap. 11. §. 23. *Vides, non in vobis, sed in Christo esse iustitiam nostram.* Et ibid. *Hinc conficitur, hominem non in seipso iustum esse, sed quia Christi iustitia imputatione cum illo communicatur.* Et alibi plura. Ex quibus constat, Calvinum non agnoscere iustitiam inheren- tem, sed tantum imputatam.

2. Sed hæc sententia prolixè refutata est in Disputatione de iustificatione Calvinistarum, c. 2. Hic solum absurda, quæ inde sequuntur, breuiter attingam. **Pri-** mum est, peccata non tolli, sed manere in hominibus iustis. **A**liorum, eos, qui iusti dicuntur, non esse in se iustos, sed iniustos, impios, immundos; & solum extrinsecus censeri iustos propter iustitiam Christi, quæ illis imputatur, ac proinde verè de ipsis dici posse, quod est in Evangelio, similes esse sepulchris dealbatis, quæ intus plena sunt ossibus mortuorum & omni spurcitia. **Ter-** tium est, Christum sua morte & obedientia non tantum profuisse humano generi, quantum Adamus suo peccato & obedientia obfuit. Nam hic peccando abstulit iustitiam habitualem, quam illi moriendo restituere nobis non potuit. Hæc & similia absurda debent concedere aduersarii. Vnde patet, quàm desperata illorum causa, quæ non nisi absurdis principiis ac fundamentis potest subsistere.

C A P V T III.

An gratia Actualis, Quæ à Christo datur, sufficiat ad legem seruandam.

1. **S**ublata gratia habituali, restat actualis. Hanc solum dari fidelibus à Christo, docet Caluinus. At quæstio est, quam liberaliter & prolixè ea detur? An scilicet ita copiosè, efficaciter & potenter, ut sufficiat ad legem seruandam, ad bonè rectèque viuendum? Negat Caluinus in antidoto Conc. Trid. Sess. 6. c. 12. ubi ait, *Prophetas, Patriarchas, & pios Reges, utcumque Spiritu Dei adiuuarentur, ferendo legis iugo parati non fuisse.* Hinc apparet, quàm parcus sit Christus in suos fideles, ex Caluini sententia. Non sanat illos à peccato originali, nec à reliquis mortalibus, quia non dat illis gratiam interioris sanctificantem. Sed neq; prouidet, ne in posterum cadant, quia tam parcè illos iuuat per gratiam actualem, ut non possint legem seruare, & à nouis peccatis abstinere.

2. Ex nostra sententia multò liberalior ac beneficentior est Christus. Nam præter gratiam interioris sanctificantem, tam fortia, valida, & copiosa præbet nobis subsidia donorum actualium, ut facilè, iucundè, & sine tardio, legem seruare, peccata cauere, rectè, ac Christianè viuere possimus, si volumus. Sentiant nobiscum Prophetæ, Apostoli, Christus ipse Psalm. 118. 32. *Viam mandatorum tuorum cucurri, cum dilatasti cor meum.* Ezech. 36. 27. *Spiritum meum ponam in medio vestri, & faciam, ut in præceptis meis ambuletis.* Matth. 11. 30. *Ingum meum suauis est, & onus meum leue.* 1. Ioannis 5. 3. *Hæc est charitas Dei ut mandata eius custodiamus, & mandata eius gratia non sunt.* Quid nunc ais Caluine? David adiutus diuina gratia, cucurrit viam mandatorum Dei; & tu putas eum claudicasse; Ezechiel prædixit, spiritum Dei fore tam potentem, ut faciat nos sine molestia ambulare in præceptis Dei; & tu negas, cum præstare id posse? Christus & Apostolus asserunt, man-

Gratia non esse gratia, sed iugum suauis, & onus leue? & tu clamas, neminem huic iugo ferendo fuisse parem quantumuis spiritu Dei adiuuaretur? cur non potius ais, cum Apostolo Paulo Philip. 4. 1. *Omnia possum in eo, qui me confortat*? Nimirum ingratus homo es, qui beneficiis Christi tantopere extenuas. Sed plura de hoc in Disputatione de iustitia donorum operum cap. 1.

CAP V T IV.

An gratia actualis tollat usum liberi arbitrij

1. **N**on satis fuit Caluino gratiam actualem, quæ à Christo datur, infinitam & impotentem tacere ad legem seruandam. Aliam illi notam appingit, non minus odiosam. Ait per eam tolli libertatem arbitrij, nec esse in nostra potestate, cum illa cooperari vel non cooperari. Sed enim habet libro 2. Inst. cap. 3. §. 10. *At voluntatem mouet, non qualiter multis seculis traditum est & creditum, ut nostra postea sit electionis, motioni aut obtemperare aut refrigari, sed illam efficaciter afficiendo, illud ergo toties à Chrifostomo repetitum repudiari necesse est. Quem trahit, voluntatem trahit.* Hic aperte reprehendit Chrifostomum & totam antiquitatem, quæ multis sæculis tradidit & credidit, gratiam Dei præuenientem ita mouere & excitare nostram voluntatem, ut liberum nobis sit, consentire, vel dissentire.

2. Sed Caluinus potius reprehendi debet, qui opponit se, non solum antiquis Ecclesiæ Doctores, sed etiam Scripturis ipsis. Antequam hoc ostendo, breuiter explicanda est illius sententia. Potest enim duobus modis intelligi. Primo, ut voluntas nostra à Deo mota & excitata, consentiat quidem diuine motioni, non tamen liberè, sed necessariò, ita ut non possit non consentire. Secundo, ut mota & excitata, nihil ipsa agat, sed totum, quidquid fit, à sola gratia procedat, & voluntas solui passiuè se habeat. Hoc posteriori modo assentitur à Caluino. Nam lib. 2. Instit. cap. 3. §. 7. sic habet: *Eruit fortasse, qui excident, voluntatem à bono sumptè ingenio auersam, sola Dei virtute conuertri, sicut tamen, ut prepara a, suas deinde in agendo partes habeat.* Et Paulo post, *Hoc perperam illi tribuitur. Ideò non rectè à Chrifostomo scriptum est, nec gratiam sine voluntate, nec voluntatem sine gratia quicquam esse operari.* Hic iterum reprehendit Chrifostomum, & aperte docet contra omnes Patres, voluntatem à Deo excitatam & preparatam, non habere suas partes in agendo, sed totum, quod fit, à sola gratia effici.

3. Hinc patet, duos errores in hac doctrina contineri. Alter est, quod voluntas non cooperetur gratiæ, sed omninò nihil agat. Alter, quod non sit in potestate voluntatis consentire aut refragari. Vterque peruitiosus, & sacræ Scripturæ contrarius. Prior refellitur ex illo 1. Corinth. 15. 10. *Gratia eius in me vacua non fuit, sed abundantius illis omnibus laboravi; non ego autem, sed gratia Dei mecum.* Quæ verba si explicat D. Augustinus in lib. de gratia & libero arbitrio cap. 5. *Non ego autem, sed gratia Dei mecum, id est, non solus, sed gratia Dei mecum, ac per hoc, nec gratia Dei sola nec ipse solus, sed gratia Dei cum illo.* Hoc vnicum testimonium, tam clarè explicatum, sufficeret. Addam tamen plura. Psal. 26. 9. *Adiuuor meus esto, ne derelinquas me.* Et Psal. 69. 1. *Deus in adiutorium meum intende.* Si Deus adiuuat nos, sane & nos aliquid agimus, ut rectè argumentatur Aug. Ser. m. 13. de verbis Apostoli: *No-*

Opusc. Becc.

Amen, inquit; *Adiuuor prescribit tibi, quid & tu ipse aliquid agis.* Eodem spectant illa 2. Corinth. 6. 1. *Ne in vacuum gratiam Dei recipiatis.* Et Roman. 8. 26. *Spiritus adiuuat infirmitatem vestram.* Et Philipp. 4. 13. *Omnia possum in eo, qui me confortat.* Et Augustin. tractat. 72. in Ioannem, *Operanti in se Christo cooperatur homo salutem æternam & iustificationem suam.*

4. Hinc rectè colligunt Theologi, duplex esse officium gratiæ actualis, alterum præuenire, excitare & preparare nostram voluntatem ad consensum: alterum voluntatem iam preparatam adiuuare, & cum ea cooperari ad consensum elicendum. Vnde Augustinus in Enchiridio cap. 31. *Hæc omnis voluntatem Deum preparat adiuuandam, & adiuuat preparatam.* Et lib. 2. de peccatorum meritis cap. 13. *Quod ad Deum nos conuertimus, nisi ipso excitante & adiuuante non possumus.* Et D. Bernard. libro de gratia & libero arbitrio: *Conatus nostri cassi sunt, si non adiuuantur, & nulli si non excitantur.*

5. Sed obicit Caluinus illud. 1. Corinth. 12. 9. *Deus operatur omnia in omnibus.* Et 2. Corinth. 3. 5. *Non sumus sufficientes cogitare aliquid à nobis, quasi ex nobis, sed sufficientia nostra ex Deo est.* Et Philip. 1. 6. *Deus operatur in vobis velle & perficere.* Ex his colligit, Deum omnia facere per suam gratiam, nos nihil. Respondeo. Prius non est ad rem. Non enim agit ibi Apostolus de gratia præueniente, de qua nunc quaestio est, sed de gratiis gratis datis, ut vocant, id est de dono linguarum, prophetiæ, miraculorum, quæ omnia dicit esse à Deo, quod nemo negat. Ex secundo, hoc solum colligi potest, nos sine auxilio diuinæ gratiæ, nihil, quoad salutem pertineat, posse inchoare aut perficere, quod fateatur cum August. 1. de prædest. Sanctorum cap. 2. *Nemo, inquit, sibi sufficit ad incipiendum vel perficiendum quodcumque opus bonum.* Simili modo explicandum est illud, *Deus operatur in vobis velle & perficere*, id est, Deus in principio & progressu boni operis adest vobis per suam gratiam, ita ut vestrum velle, & perficere, non solum sit à vobis, sed etiam à Deo, qui vobiscum operatur. Sic explicat D. Augustinus libro de gratia & libero arbitrio cap. 9. cum ait: *Non enim, quia dixi, Deus operatur in vobis velle, & perficere ideo liberum arbitrium abstulisse putandus est. Quod si ita esset, non superius dixisset: cum timore & tremore vestram salutem operamini.* Et infra cap. 17. *Ut velimus sine nobis operatur, cum autem volumus, ut faciamus, nobiscum cooperatur.*

6. Potest & illud obici, Rom. 8. 14. *Quicumque spiritu Dei aguntur, ij sunt filij Dei.* Sed iam olim respondit Augustinus Ser. 13. de verbis Domini, cum ait, *Dicit mihi aliquis. Ergo agimur, non agimus. Respondeo: Jure & agis & ageris. Et tunc bene agis si à bono agaris. Spiritus enim Dei, quicquid agis, agentibus adiutor est. Ipsum nomen adiuuor prescribit tibi, quia & tu ipse aliquid agis. Agnosce, quid possas, agnosce quid confitearis, quando dicis: Adiuuor meus esto, ne derelinquas me. Ad id tamen utique innocas Deum. Nemo adiuuantur, si ab illo nihil aguntur.* Vides, quomodo ubique pugnet pro nobis Augustinus contra Caluinistas.

7. Obicitur & illud Iacobi 1. 17. *Omne datum optimum, & omne donum perfectum desursum est, descendens à patre luminum.* Respondeo. Verum est, dona fidei, spei, charitatis & actualis gratiæ esse à Deo, tanquam ab auctore omnis boni spiritualis; non tamen inde conficitur, nos cum eiusmodi donis non cooperari. Imò, idè conferuntur à Deo, ut cum ipsis cooperemur. Hoc significat Christus, in parabola Evangelica, Lucæ 19. 13. cum ait: *Vocatis autem seruis suis: dedit eis decem minas, & ait ad illos. Negotiamini, dum venio.* Et infra *Iussit vocari seruos, quibus dedit pecuniam, ut sciret, quantum quisque negotiatus esset.* Hic per seruos intelli-

guntur omnes fideles Christiani, quibus distribuit dona suæ gratiæ, eo fine, ut quisque bene iis utatur. iuxta monitum Apost. 2. Cor. 6.1. *Exhortamur, ne in vacuum gratiam Dei recipiatis.*

8. Hactenus contra priorem Caluini errorem. Alter erat non esse in potestate hominis, consentire vel resistere gratiæ Dei excitanti seu praueniendi. Hic etiam refellitur. Primò ex scriptura. Act. 7.51. *Vos semper spiritui sancto resistitis.* Loquitur de Iudæis, qui tamen per gratiam & inspirationem Spiritus sancti scilicet excitarentur ad fidem & penitentiam; nolabant tamen inspirationi locum dare, sed sponte ac plena libertate illi resistebant. Eodem spectat illud Psalm. 49.8. *Hodie, si Vocem eius audieritis, nolite obdurare corda vestra.* id est, si internam vocem Spiritus sancti perceperitis, nolite illi resistere, sed acquiescite. Ita enim loquitur, quasi sit in potestate illorum, vel obtemperare monitioni diuinæ vel obdurato corde reluctari. Et illud Matth. 23.37. *Quoties volui congregare filios tuos, & nolisti.* Et Apoc. 3.30. *Ego sto ad ostium & pulso: si quis aperuerit mihi ianuam, intrabo ad illum.* Hic supponitur esse in potestate nostra, aperire ianuam cordis Deo pulsanti, & non aperire.

9. Consentiant nobiscum Patres. August. lib. de spiritu & litera, cap. 34. *Consentire vocationi Dei, vel ab ea dissentire, propria voluntatis est.* Nihil breuius, nihil neruosius dici potuit. Et in l. de gratia Christi cap. 14. *Quis videat venire quemquam, aut non venire, arbitrio voluntatis?* Et in tractatu in titulum Psalm. 71. prope finem. *non erat in potestate tua, ut non nascereris ex Adam, est in potestate tua, ut credas in Christum.* Et D. Prosper lib. 2. de vocatione gentium cap. 28. *Sicut qui crediderunt, inuenerunt ut in fide manerent: sic qui nondum crediderunt, inueniuntur ut credant. Et si enim illi in sua habent potestate, ut exeat, ita & isti in sua habent potestate, ne veniant;* Omitto alios Patres in re perspicua.

10. Accedit hæc ratio efficacissima. Constat ex scripturis, alios consentire diuinæ vocationi; alios resistere. Conenserunt Matthæus in telonio, Paulus in itinere, Zachæus in arbore, Lætro in cruce. Resisterunt Iudæi, de quibus Stephanus, Act. 7.51. *Vos semper Spiritui sancto resistitis.* Et Prou. 1.24. *Vocavi & remissiis.* Vel ergo utique tam hi quam illi liberè id fecerunt; vel necessariò aut coactè. Si liberè, vicimus. Si necessariò aut coactè, duo sequuntur absurda. Alterum, quod nec illi laudandi, nec hi vituperandi sint. Alterum, quod Deus det quibusdam suam gratiam, & per eam ipsos cogat ad resistendum; quod planè à diuina bonitate est alienum. Quid enim hoc aliud esset quàm Deum esse authorem peccati obdurationis? aut conferre suam gratiam in nostram perniciem aut damnationem? Et si ita est, quomodo alibi dicit? *Nolite obdurare corda vestra.* Nisi iterum occurrant Caluinus & Beza rum suo solenni responso? *Deum ironicè hoc dicere, & illudere miseras mortalium mentes.* Ita enim solent isti Theologi, cum vrgentur, sacras literas interpretari.

11. Sed citat pro se Caluinus illud Ezech. 36.26. *Auferam cor lapideum de carne vestra, & dabo vobis cor carneum.* Hinc infert? sicut non est in potestate lapidis ut conuocetur in carnem, sed solum passiuè se habet, ita non est in potestate voluntatis humanæ, ut ex mala fiat bona, sed merè passiuè se habet. Respondeo. Voluntas nostra secundum se, nec est cor lapideum, nec carneum, sed vis quædam media & naturalis, quæ formam lapidis aut carnis successiuè potest suscipere, id est, quæ nunc peccati durtiem, nunc gratiæ teneritudinem in se habere potest. Neutrum tamen sit, sine ipsius libera cooperatione. Hinc idē Ezechiel c.31. dicit. *Proiecite à vobis iniquitates vestras, & facite vobis cor nouū.* Vnde sequitur cor lapideū non posse fieri carneū, nisi & Deus per suā gratiam, & voluntas per suū con-

A sensum concurrat. De concursu Dei intellige illud. *Dabo vobis cor carneum.* Et Psalm. 50.12. *Cor mundum creauit in me Deus.* De concursu autem nostræ voluntatis: *Facite vobis cor nouum.*

EPILOGVS.

Hactenus examinata est Caluini sententia de auxiliis gratiæ, quæ per Christi merita nobis conferuntur. Ex qua constat primò, Christum in communicandis suis donis esse valde parcum & tenacem. Secundò, homines in negotio salutis esse quasi lapides & truncos, qui nihil agant, nihil inuent, nihil cooperentur. Tertio, Deum esse causam perditionis reproborum, quippe cum det illis gratiam eo animo & proposito, ut peccent, nec velit eos saluos esse. Hæc si vera sunt, per me licet sis Caluinista, si falsa & absurda, moneo, ut Caluini sectam deseras:



DE AUXILIIS GRATIÆ Christi secundum Catholicos.

OPVSCVLVM IX. LECTORI.

Ameti ex dictis facile colligi possit, quid sentiant Catholici de auxiliis gratiæ, quæ per merita Christi nobis conferuntur; tamen ad pleniorē rei cognitionem quadam addenda sunt, quæ inter Scholasticos disputantur. Sunt autem ferè hæc. I. Quid & quæplex sit gratia? II. Quid excitans & adiuvans? III. Quid sufficiens & efficax? IV. An sufficiens omnibus detur? V. An equaliter detur? VI. An omni tempore & momento? VII. An fieri possit, ut ex duobus, qui equali gratia excitantur, unus consentiat, non alter.

CAPVT I.

Quid & quæplex sit gratia.

1. **G**ratia, propriè est gratuitum & supernaturale donum, quod per Christi merita nobis confertur ad vitam æternam consequendam. Roman. 3.24. *Iustificati gratis per gratiam ipsius.* Et cap. 11.6. *Si autem gratia, iam non ex operibus.* Et Eph. 4.7. *Vnicuique nostrum data est gratia secundum mensuram donationis Christi.* Et alibi sæpè.

2. Diuiditur in gratiam gratis datam, & gratiam gratum facientem: illa confertur homini ad utilitatem aliorum, hæc ad propriam salutem & iustificationem D. Thomas 1.2. q. 111. art. 1.

3. Gratia gratis data numerantur 9. ab Apostol. 1. Corinth. 12.8. nempe, Sapientia, scientia, fides, gratia

limitatum, operatio virtutum, prophetia, discretio spirituum, genera linguarum, interpretatio sermonum. D. Thom. 2. 2. q. 176. & sequentibus.

4. Gratia gratum faciens diuiditur in habituales & actuales. Diuus Thomas 2. 2. q. 109. art. 9. Habitualis complectitur omnes habitus supernaturales, qui nobis à Deo infunduntur: cuiusmodi sunt Fides, Spes, Charitas & Gratia iustificans. Fides, est in intellectu: Spes & Charitas in voluntate, Gratia iustificans, in essentia animæ.

5. Actualis diuiditur 4. modis. Primò, in excitantem & adiuuantem. Secundò, in præuenientem & subsequentem. Tertiò, in operantem & cooperantem. Quartò, in sufficientem & efficacem. Tres primæ diuisiones reipsa non differunt: Quarta peculiarem habet difficultatem. Nulla admittitur à Calvinistis.

CAPVT II.

Quid sit gratia excitans & adiuuans.

1. **E**xcitans consistit, tum in illustratione intellectus, tum in pia motione voluntatis. dicitur autem excitans, quia excitat, allicit, & inuitat voluntatem nostram ad liberum boni operis consensum. Eadem dicitur *præueniens*, quia præuenit liberum consensum: Et *operans*, quia sola quodammodo operatur nostrum consensum, non quidem physicè & effectiue, sed formaliter. Sola enim est, quæ allicit & inuitat voluntati, ut consentiat.

2. *Adiuuans* est, quia inuitat voluntatem nostram; & effectiue cum ea concurrat ad contentum boni operis eliciendum. Vnde & cooperans dicitur, quia cum voluntate cooperatur: Et *subsequens*, quia subsequitur præuenientem seu excitantem.

3. De vtraque est illud Apoc. 3. 20. *Ego sto ad ostium, & pulso, si quis audierit vocem meam, & aperuerit ianuam introbo ad illum.* Hic per pulsus intelligitur gratia excitans; & per introitum, gratia adiuuans. Vtriusque meminit Augustinus in Enchiridio c. 32. Concil. Trident. Sess. 6. cap. 5. & 6. & Theologi passim.

4. Quæri solet, an adiuuans distincta sit ab excitante? Nonnulli affirmant. Nos putamus vnam eandemque esse, quæ quatenus excitat & inuitat hominem ad consensum, dicatur excitans, quatenus verò cum homine cooperatur ad eliciendum consensum, vocatur adiuuans. Ita Molina in concordia q. 14. art. 13. disp. 39. & 40. Bellarmin. lib. 1. de gratia & lib. arb. cap. 13. ad 2. obiectionem. Valentia q. 3 p. 3.

5. Hinc sequitur, eandem motionem, seu actus gratiam, habere duplex officium: Alterum, excitandi, alliciendi, & inuitandi voluntatem ad liberum consensum; & hoc modo dicitur præueniens, & operans: Alterum adiuuandi, & effectiue cooperandi cum voluntate ad eliciendum consensum, & sic vocatur adiuuans, cooperans, subsequens. Subsequitur enim seipsam ratione officii: quia cum prius esset excitans, postea fit adiuuans.

6. At quæstio est, an physicè adiuuet voluntatem in eliciendo consensu? Distinguo. Est enim duplex gratia excitans, ut dixi: Altera in intellectu, quæ est illustratio: altera in voluntate, quæ est pia motio seu affectio. Vtræque immediate à Deo immissa. Illustratio non adiuuat voluntatem physicè, sed tantum moraliter, quatenus scilicet proponit illi obiectum, in quod possit consentire, si velit. At motio physicè & effectiue illam adiuuat tanquam causa partialis, eliciendo cum ipsa voluntate,

Opusc. Bccc.

velut altera causa partiali, liberum boni operis consensum.

CAPVT III.

Quid sit gratia sufficientis, & efficax.

1. **E**fficax est, quæ effectum habet in nobis sufficientem, quæ potest quidem habere effectum, reipsa tamen non habet. Alii vocant efficacem & inefficacem: alii congruam & non congruam. Vtriusque meminit Augustinus in libro de correptione & gratia cap. 11. & 12. Et lib. 1. ad Simplicianum, q. 1. De efficaci intelligendum est illud Ioann. 6. 45. *Omnes qui audierint à Patre, & didicerint, veniunt ad me.* De sufficiente, seu inefficaci illud Act. 7. 51. *Vos semper Spiritui sancto resistitis.*

2. Difficultas est, in quo consistat efficacia gratiæ? Et an gratia efficax, quatenus distinguitur à sufficiente sit ex se efficax, an tantum ex euentu? Aliqui putant, ex se esse efficacem, & hanc efficaciam consistere in motione diuina, seu actione Dei physica, quæ ex se determinet voluntatem ad consensum, ita ut voluntas non possit non consentire. Alii contra, non esse ex se efficacem, nec habere vim determinandi voluntatem, sed fieri efficacem ex libera voluntatis cooperatione, seu ab euentu, & esse in potestate hominis consentire illi, vel repugnare. Alii aliter philosophantur.

3. Dicam paucis, quod sentio: Vtræque gratia, tam sufficientis, quàm efficax pertinet ad gratiam excitantem, quæ est in voluntate. Hæc autem potest tribus modis spectari. Primò, præcisè secundum naturam & entitatem suam quatenus quædam actualis motio est, à Deo voluntati immissa. Secundò, ex parte modi, quo homini confertur à Deo. Tertiò ex parte effectus, quem habet, quando voluntas illi cooperatur.

4. Si spectetur primò modo, ipsius efficacia nihil aliud est, quàm ipsa natura & entitas gratiæ. Nam ipsa talis naturæ est, ut habeat vim & efficacitatem, non solum formaliter alliciendi & excitandi voluntatem ad consensum, sed etiam effectiue concurrendi cum voluntate ad consensum per modum causæ partialis. Hæc autem vis & efficacia non solum est in gratia excitante, quæ effectum habet, sed etiam in illa, quæ effectum non habet. Omnis enim gratia excitans, siue sit efficax, siue inefficax, habet hanc vim & energiam, ut formaliter alliciat voluntatem ad consensum, & effectiue possit concurrere ad eliciendum consensum, si ex parte voluntatis non sit defectus. Itaque hoc sensu, idem est gratiam esse efficacem, & esse sufficientem. Nam hoc ipso, quod dicitur sufficientis, intelligitur habere sufficientem vim alliciendi voluntatem, & cum illa effectiue producendi consensum. Hæc autem vis sufficientis nihil aliud est, quàm quædam efficacia, saltem in actu primo.

5. Si spectetur secundo modo, nempe, quoad modum, quo confertur homini à Deo, iam præter illam efficaciam, de qua dictum est, potest habere aliquid aliud ratione cuius dicatur congrua, vel non congrua. Nam si Deus illam alicui conferat tali loco & tempore, & cum talibus circumstantiis, quibus positus, præuidet fore, ut is liberè consentiat, iam illa gratia dicetur congrua. Si autem conferat eandem gratiam alio loco & tempore, & cum aliis circumstantiis, quibus positus, præuidet fore, ut homo liberè dissentiat, iam vocabitur non congrua. Hoc sensu rectè intelligi potest eorum sententia, qui asserunt gratiam efficacem, quatenus à sufficiente distinguitur, esse ex se efficacem, non quod sit efficax ex natura sua, sed ex modo procedendi à Deo. Nam

S. iij

procedit à Deo præscientè infallibiliter; illam habituram suum effectum. Deus enim ab æterno, antequam quicquam statueret de distributione auxiliorum gratiæ, præsciebat per scientiam conditionatam, quinam homines essent cum hac aut illa gratia positis his aut illis circumstantiis, cooperaturi, & qui non essent. Hæc autem præscientia est certa & infallibilis. Quando ergo ex tali præscientia decrevit dare Petro hanc gratiam, cui prævidebat illum assensurum, dici potest, decrevisse dare illi gratiam congruam, id est, quæ infallibiliter esset effectum habitura.

6. Si denique spectetur ex parte effectus, quem habet, rectè dici potest, gratiam efficacem, quatenus distinguitur ab inefficaci, non esse efficacem ex se, siue respectu ad liberam cooperationem hominis, sed esse efficacem ex euentu, seu ex libera cooperatione hominis. Quod tamen potest dupliciter intelligi. Primò, gratiam ex se nullam planè vim & efficaciam agendi habere, sed totam efficaciam esse ex parte voluntatis humanæ. Hic sensus apertè falsus est, & falsò imponitur quibusdam Theologis. Est ergo alius sensus, gratiam ex se habere quidem vim sufficientem ad agendum, sed tamen quia vis illa partialis est, non posse exire in actum, aut habere effectum sine cooperatione liberi arbitrii, ac proinde, ut effectum habeat, & sit efficax in actu secundo, pendere à libero arbitrio, quod verissimum est.

7. Si ergo queratur prima radix, quare hæc gratia sit efficax, illa inefficax, recurrendum est ad liberam cooperationem voluntatis, non autem ad præscientiam Dei qua prævidit hanc aut illam gratiam fore congruam. Nam præscientia Dei non facit, ut homo cooperetur (si enim hoc faceret, iam prima radix esset petenda ex præscientia) sed supponit eum cooperaturum. Idem enim Deus ab æterno prævidit Petrum cooperaturum gratiæ, quia reuera erat cooperaturus, non contra. Prima ergo radix ex qua gratia vocatur efficax in actu secundo sumenda est ex euentu, seu libera hominis cooperatione.

8. Gratia efficax præterea, quæ iam dicta sunt, non habet aliam efficaciam ex se, & natura sua, quæ consistat in vi determinandi physicè voluntatem ad consensum. Hæc enim physica determinatio, & libertati arbitrii manifestè repugnat, & gratiam sufficientem omnino destruit. Quomodo enim voluntas potest esse libera in consensu eliciendo, si ad ipsum eligendum physicè à Deo determinatur? aut quomodo potest aliqua gratia dici sufficiens, si cum ea voluntas non potest operari, nisi aliunde physicè ad agendum impelli debeat?

CAPV T. IV.

An omnibus detur gratia sufficiens ad salutem?

1. **D**Vplex potest esse quæstio: altera de infantibus, altera de adultis. In priori tria sunt certa. Primò, infantes propter defectum usus rationis non possunt gratia actuali ac proinde eam ipsis non conferri. Secundò, non habere eos in noua lege aliud præsidium ordinarium, quo saluentur, præter Baptismum. Tertiò, multos hoc præsidio destitui ex diuina dispositione & voluntate, præsertim eos, qui sola vi naturæ moriuntur in utero materno, aut qui in lucem editi, citius decedunt, quam aqua possit adhiberi. Sed hæc omnia sunt alterius loci.

2. Posterior quæstio, de adultis, propriè huc spectat. Est autem triplex difficultas. I. De reprobis. II. De obduratis. III. De gentilibus. Hi enim non vidètur habere sufficientem gratiam ad salutem. Nam reprobi, non ad

A salutem sed ad supplicium à Deo destinati sunt. Obdurati penitus à Deo deseruntur in pœnam præcedentium peccatorum. Gentiles non habent fidem, sine qua impossibile est placere Deo. Respondeo ad singula per totidem conclusiones.

3. *Conclusio I.* Deus offert sufficientem gratiam, non solum prædestinatis, sed etiam reprobis. Est contra Calvinistas, quos supra refutati. Ratio sumitur ex generalibus principiis in scriptura fundatis. I. Quia Christus omnes ad se inuitat, tam reprobos, quam prædestinatos. II. Pro omnibus Sacramenta instituit. III. Omnibus imponit præceptum fidei, Baptismi & penitentiae. IV. Omnes hortatur ad præceptorum observationem, Denique, teste Apostolo, *vult omnes saluos fieri & neminem perire*. Hæc non possunt fieri sine sufficienti gratia: Ergo si seriò vult hæc fieri (salua tamen libertate arbitrii nostri) debet omnibus, quantum in se est, providere media, quibus id præstare possint, si velint.

4. Quod autem obiicitur, reprobos non ad salutem, sed ad supplicium destinatos esse, distinguendum est. Potest enim dupliciter intelligi. Primò, reprobos sola Dei voluntate, nulla ipsorum culpa ad supplicium ab æterno destinatos esse. Secundò, reprobos, non sola Dei voluntate, sed propter præuisa eorum peccata, ad hoc esse destinatos. Prior sensus est falsus & Calvinisticus: posterior verus & Catholicus. Hinc non sequitur, eos omni gratiæ præsidio destitui, sed contrarium potius, eos oblato præsidio non velle uti.

5. *Conclusio II.* Eandem gratiam offert omnibus peccatoribus, etiam iis, qui indurati & excacati sunt. Probat, primò, ex iisdem principiis generalibus. Secundò, speciatim ex illo. Act. 7. 51. *Dura cervicis, & incircumcisi cordibus, & auribus, vos semper Spiritui sancto resistitis*. Proculdubio loquitur de Iudæis obduratis. At hi ipsi mouentur & excitantur à Spiritu sancto per internam gratiam, alioqui non dicerentur illi resistere. Eodem spectat illud Prouerb. 1. 24. *Vocavi & non misistis*. Et Matth. 23. 37. *Hierusalem Hierusalem, quoties volui congregare filios tuos, & noluisti*. Et capite 11. 21. *Si in Tyro & Sidone facta essent virtutes, quæ facta sunt in vobis, olim in cilicio & cinere poenitentiam egissetis*. Hic apertè constat, Iudæos induratos habuisse tantam gratiam, quanta sufficiebat ad salutem & poenitentiam, sed ea uti noluisse.

6. *Obiicitur*, Illi propriè dicuntur obdurati, qui propter sua peccata à Deo deseruntur. Deus enim non alio sensu dicitur obdurare peccatores, nisi quia negat illis gratiam, ut non possint resipiscere, ut docet D. Thomas, 1. 2. quæst. 79. art. 3. & alii passim. Hinc est illud Ecclesiastæ 7. 14. *Nemo potest corrigere, quem Deus despexerit*, id est, qui à Deo deseritur, non potest amplius corrigi aut iuari, quia scilicet, non accipit amplius gratiam, qua iuuetur aut corrigatur. Et illud Ioann. 12. 39. *Non poterant credere, quia israhel dixit Isaias, Indurauit cor eorum*, id est, negauit illis gratiam, quæ ad credendum erat necessaria. Et illud 2. Macch. 9. 13. *Orabat hic seclæstus Deum à quo non esset misericordiam consecutus*. Hic vides Antiochum, ne quidem orando, potuisse impetrare gratiam & reconciliationem à Deo, adeo fuit desertus & omni præsidio destitutus. Accedit autoritas Augustini, qui in expositione quædam propositionum epistolæ ad Romanos, propos. 62. exemplo Pharaonis docet, obduratos non amplius peccare, etiamsi Deo non obediant, eo quòd non habent sufficientem gratiam, quæ ad obediendum requiritur.

7. *Respondeo*. Homines duplici nomine dicuntur in suis peccatis obdurati. Primò, ex sua parte, quia Deo vocanti ad poenitentiam nolunt obedire, obdurando cor suum, & inspirationem Dei respuendo, iuxta illud

sepe citatum? *Vocavi, & remisisti.* Et illud? *Vos sumi per Spiritum sancto resistitis.* Hinc alibi monentur peccatores, ut non obdurent cor suum, quando à Deo vocantur Psal. 94. 8. *Hodie si Vocem eius audieritis, nolite obdurare corda Vestra.* Secundo, ex parte Dei, qui propter eorum peccata ipsos deserit, non quidem negando communem & sufficientem gratiam, sed subtrahendo maiora & efficaciora subsidia, quæ bene agentibus dari solent. Hoc sensu intelligendus est D. Thomas & alij.

8. Ad locum Ecclesiæ respondeo; peccatorem non posse corrigi aliorum consiliis & suasionibus, nisi Deus per suam gratiam iuuet. Vnde quandiu quis à Deo deseritur, nulla spes est conuertendi illum à peccato. Non deseritur autem in necessitate. Quod ex Evangelio adfertur, Iudæos non potuisse credere, dupliciter intelligi potest. Primo non potuisse credere ex defectu gratiæ. Hoc falsum est, quia si Tyrii & Sydonii habuissent tantam gratiam, quantam Iudæi, reipsa credidissent. Secundo, non potuisse credere, salua Isaiæ prædictione, quæ non poterat esse falsa. Hæc autem prædictio supposebat, eos ex mera malitia non credituros. Vide Augustinum tract. 53. in Ioannem. Quod attinet ad Antiochum, non petebat ipse à Deo gratiam aut remissionem peccati, sed libertatem à cruciatu corporis: Hanc ideo non impetravit, quia non verè dolebat de suis peccatis. Augustinus suam illam sententiam postea correxit. Nam lib. 1. retract. cap. 23. & lib. de Prædestinatione sanctorum c. 3. multa reuocauit, quæ in illa propositione 61. affirmauerat, Vnde censeri debet reuocasse etiam illud de Pharaone, præsertim cum ex scriptura constet. Pharaonem reuera peccasse, quod nollet Deo obedire, & populum dimittere. (Exod. 9. 27.) sicut peccarunt Iudæi, quod Christi fidem non acceptarent. Ioan. 15. 22.

9. *Conclusio 3.* Etiam Gentiles, qui nihil vnquam de Christo audierunt, habent sufficientem gratiam, qua saluari possent, si vellent. Probatur primò ex generalibus principiis supra positis. Secundo ex cap. 1. & 2. Epistolæ ad Romanos, vbi Apostolus ostendit, eos habere sufficientem cognitionem Veri Dei: & posse legem naturalem seruare, si velint, & quidem si seruent, saluari posse; si non seruent, inexcusabiles esse. Tertio ex illo 1. Timoth. 2. 4. *Deus vult omnes homines saluos fieri, & ad agnitionem veritatis venire.* Sanè, si omnes Gentiles vult saluari, & veritatem fideli agnoscere, debet illis providere de sufficienti medio, quo id consequantur, alioqui frustra id vellet.

10. *Obicitur 1.* Si ita est, cur non dat illis fidem, sine qua salui esse non possunt? *Respondeo*, quia propter sua peccata indigni sunt. Vbi aduerte, Deum non vno ac eodem tempore dare omnia Gentilibus, quæ ad salutem necessaria sunt, sed seruato ordine, incipit à minoribus, & paulatim progreditur ad maiora. Nam primùm excitat illos ad dolorem de peccatis præteritis. 2. Ad legem naturalem in futurum seruandam. 3. Ad eleemosynas, & alia bona opera rectæ rationi consentanea. 4. Ad rogandum & impetrandum aliquid à Deo. Si hæc omnia præstent, ad maiora præparatur, præsertim ad fidem Christi acceptandam. Si non præstant, ipsis imputandum est. Exemplum habemus in Cornelio, qui seruando legem naturalem, dando eleemosynas, inuocando Deum, impetravit tandem, ut ab Angelo monitus, & ad Apostolo instructus, veram fidem & Baptismum perciperet. Quod Cornelio contigit, omnibus euenire potest, qui legem seruant. Vide D. Thom. q. 14. de veritate, 2. 11. ad 1.

11. *Secundo obicitur* illud Act. 14. 15. *Deus in præteritis generationibus dimisit omnes gentes ingredi vias suas.* *Respondeo.* Potest hoc dupliciter intelligi. Primò absolute, ut dimiserit omnes gentes sine vllâ gratiæ præsti-

A dio: Secundo comparatè, ut non dederit illis tanta subsidia, quanta vel Iudæis in veteri lege, vel Christianis in noua. Prior sensus est falsus, posterior verus. Tamen enim gentiles habuerint communia subsidia à Deo, quibus saluari possent, si vellent, non tamen habuerunt legem, scriptam, nec Patriarchas, nec Prophetas sicut Iudæi: multo minus legem gratiæ, Evangelium, & Apostolos, sicut Christiani. *Non facit taliter omni nationi*, inquit David, *& indicia sua non manifestauit eis.* Vide D. Prosperum lib. 2. de vocatione gentium cap. 1.

12. Superest vna communis obiectio, quæ sumitur ex illa Ioan. 6. 44. *Nemo potest venire ad me, nisi pater meus traxerit eum.* Et infra v. 45. *Omnis qui audit à patre & didicit, venit ad me.* Ex utroque loco sic argumentor. Nemo potest venire ad Christum, nisi sit tractus à Patre. At Pater non trahit omnes: Ergo non omnes possunt venire. Maior patet ex priori loco. Minor probatur, quia omnis, qui trahitur à Patre, venit ad Christum, ut patet ex posteriori: at constat non omnes venire: Ergo non omnes trahuntur. *Respondeo.* Certum est, neminem posse venire, nisi sit tractus à Patre. Falsum est, non omnes trahi: omnes trahuntur, sed non omnes veniunt. Illi trahuntur, qui audiunt à Patre; illi veniunt, qui discunt à Patre. Vnde Christus, cum ait: *Omnis qui audit à Patre & didicit, venit ad me*, distinguit illa duo *Audire à Patre, & Discere à Patre.* Nec dixit, *Omnis qui audit à Patre venit ad me*, (Hoc enim falsum est, ut patet ex illo, *Hodie si vocem eius audieritis, nolite obdurare corda vestra*: sed dixit; *Omnis qui audit, & didicit à Patre, venit ad me.*

CAPVT V.

An gratia detur omnibus æqualiter.

1. *O* Stendi hætenus, Deum offerre suam gratiam omnibus adultis, etiam reprobis obduratis, infidelibus. Nunc quæstio est, an æqualiter omnibus offerat. Loquor autem de gratia actuali, quæ quis excitatur ad fidem aut pœnitentiam: non de habituali, qua quis formaliter & intrinsecè sit iustus & Deo gratus. Constat enim hanc inæqualiter dari adultis, tam in prima, quàm in secunda iustificatione. Nam in prima confertur secundum mensuram dispositionis; in altera iuxta qualitatem meritorum. Solùm ergo quæritur de gratiæ excitante seu præueniente. Quid Calvinistæ sentiant, vix potest definiri. Catholici docent, inæqualiter eam conferri, iuxta illud Roman. 12. 3. *Unusquisque dimisit Deus mensuram fidei.* Et 1. Corinth. 12. 11. *Diuidit singulis, prout vult.* Et Matth. 13. 11. *Vobis datum est noscere mysteria regni caelorum, illis autem non est datum.* Et quis neget D. Paulum, Latronem & Magdalenam valentiori gratia fuisse ad pœnitentiam excitatos quam plerosque alios?

2. At vnde prouenit hæc inæqualitas? aut vnde fit, quod vni plus, alteri minus gratiæ detur? Pelagiani putant id pendere ex inæqualitate nostri conatus. Duo sunt illorum fundamenta. Alterum, nos per solas vires liberi arbitrii posse bene operari, & gratiam mereri. Alterum, Deum ex se quidem æqualiter promptum ac paratum esse, ad conferendam omnibus gratiam, reipsa tamen inæqualiter conferre propter inæqualia merita, seu inæqualem conatum liberi arbitrii. Hinc inferunt, omnem gratiam esse subsequentem, nullam præuenientem: nullam enim dari, nisi præcedente nostro merito & conatu. Hæc omnia falsa sunt, & prius ab Augustino & aliis refutata. Neque hic locus

est singula refellendi. Hoc solum nunc asserimus, A inaequalitatem gratiae, non provenire à nobis, sed ex Dei beneplacito & voluntate; qui, ut ait Apostolus, *distribuit unicuique prout vult*. Hoc apertè patet ex c. 9. Epistolae ad Rom. ubi asserit D. Paulus, distributionem gratiae non pendere ex conatu hominis *volentis aut currentis*, sed ex voluntate Dei *miserentis*. Imò hoc ipsum est, quod maximè miratur, cur, cum sit aequalis omnium mortalium causa, Deus tamen inaequaliter sua dona distribuat. Cur, cum Iacob & Esau fuerint eodem partu editi, tam disparia sortiti sint salutis subsidia. Hinc tandem exclamat præ admiratione, *O altitudo divitiarum sapientiae & scientiae Dei: Quam in comprehensibilia sunt iudicia eius, & inestigabiles viae eius*.

3. Obiiciunt Pelagiani illud Sap. 6. 8. *Aequaliter est illi cura de omnibus*. Respondet. Non loquitur de cura & providentia, quam Deus servat in distributione gratiae, de qua hic agimus, sed quam servat in vindicandis peccatis. Agit enim contra Reges & Principes terræ, qui abutuntur sua potestate, & non cogitant se aliquando iudicandos & puniendos à Deo. Imò addit, maiores poenas illis parari, quam subditis. *Iudicium*, inquit, *durissimum in his, qui praesunt*. *Exiguè enim conceditur misericordia: potentes autem potenter tormenta patientur*.

4. Obiiciunt & illud Ioan. 1. 9. *Erat lux vera quae illuminat omnem hominem venientem in hunc mundum*. Hic Christus confertur cum Sole, at Sol aequaliter diffundit suam lucem in omnia loca, quantum in se est, ita ut tota inaequalitas petenda sit ex parte locorum, quae non aequè disposita sunt ad lucem recipiendam: Ergo idem est de Christo, qui est Sol iustitiae. Respondet. Christus partim est similis Soli, quia sicut Sol in omnia loca diffundit suam lucem, ita Christus in omnes homines diffundit suam gratiam: partim est dissimilis, quia Sol naturaliter; Christus voluntariè id facit. Unde Christus pro arbitrio suo plus aut minus gratiae communicat unicuique, sicut vult, quod Sol in communicanda sua luce facere non potest. Deinde, potest Christus spiritualiter illuminare caecos, quod Sol corporaliter non potest.

5. Ter. obijciunt illud Act. 10. 34. & Roman. 2. 11. *Deus non est acceptor personarum*: Ergo quantum in se est, non magis fauet, uni, quam alteri in distributione gratiae, sed cuiusque merita considerat. Respondet. Acceptio personarum propriè loquendo, est vitium contra iustitiam distributivam, ut docet D. Thomas 2. 2. quæst. 63. Consistit autem in duobus. 1. ut quis distribuat bona communia, ad quae illi quibus sit distributio, aliquod ius habent. 2. ut in hac distributione spectet conditionem personae, quae nihil ad distributionem facit. Hinc patet, apud Deum non esse acceptio-nem personarum etiam si dona sua inaequaliter distribuat. Primum, quia illi, quibus distribuit, nullum habent ius ad ea dona. Secundò, quia ipse non spectat conditionem personae, sed suam misericordiam & beneplacitum. Non enim curat, an aliquis sit dives, necne, an potens, robustus, Græcus, eloquens, & sic deinceps. Vide Augustinum Epist. 105. & lib. 2. contra duas Epist. Pelag. c. 7.

6. Quarto obijciunt illud 1. Cor. 15. 22. *Sicut in Adam omnes moriuntur, ita & in Christo omnes vivificabuntur*: At omnes in Adam aequaliter mortui sunt: Ergo omnes in Christo aequaliter vivificatur, id est, vitam gratiae accipiunt. Resp. Hic locus duplici de causa nihil ad rem facit. Primum, quia non agit de vita gratiae, sed gloriae. Agit enim de resurrectione iustorum ad vitam æternam, ut patet ex illis verbis immediatè præcedentibus. *Per hominem mors, & per hominem resurrectio mortuorum*. Secundò, quia non confert Chri-

stus cum Adam in aequalitate vitae & mortis, quasi omnes, qui aequaliter mortui sunt in Adam, aequaliter victuri sint in Christo (hoc enim disertè negat Apostolus, cum subiicit. *Stella differt à stella in claritate, sic & resurrectio mortuorum*) sed in eo confert alterum cum altero, quod sicut in Adam mortui sunt corpore & animo, ita in Christo post resurrectionem victuri sint corpore & animo. Nec tamen omnes, sed iusti.

CAPVT VI.

An gratia excitans detur omni tempore & momento.

1. Distinguenda sunt duo tempora: Alterum quo occurrit obligatio alicuius præcepti, siue affirmativi, siue negativi, quod sine gratia servari non potest: alterum, quo non occurrit. Rursus distinguenda sunt duo hominum genera. Nam alii sunt iusti & amici Dei, alii iniusti & peccatores. His posit-
tis, sit.

2. *Prima assertio*. Quodcumque occurrit obligatio alicuius præcepti, ita ut homo peccaret, si præceptum non observaret, semper adest auxilium sufficiens à Deo quo quis possit præceptum observare. Hæc assertio probatur primò de homine iusto, quia Deus non deserit iustum in necessitate, nisi prius ab illo deseratur, ut docet Augustinus libro de natura & gratia capit. 36. & Concil. Trident. Session. 6. cap. undecimo. At qui tempore obligationis præcepti est magna necessitas gratiae: Ergo Deus non deserit tunc hominem iustum. *Secundò*, probatur de homine peccatore, ex illo Apocalypsis 3. 20. *Ego sto ad ostium & pulsò*. Certè si Deus per suam gratiam pulsat ostium peccatoris, id maximè facit in tempore necessitatis. Item ex illo Isaie 4. 5. *Quid est, quod debui ultra facere vinea mea, & non feci ei*; Hoc non diceret, nisi daret illi gratiam, quando indiget. Confirmatur ratione, quia si peccator caret sufficienti auxilio ad præcepti observationem, iam non peccaret, non observando præceptum, quia nemo peccat in eo, quod præstare non potest: at sine sufficienti auxilio non potest observare præceptum occurrens. Ergo aut non peccat, aut si peccat, habet auxilium sufficiens ad non peccandum. *Dicitur*. Non videtur hoc sequi, quia peccator propter præcedentia peccata meruit privari auxilio sufficienti; & idèd reuera peccat, non observando præceptum etiam si non habeat auxilium sufficiens. Simile est de eo, qui abiicit Breuiarium, & postea non potest legere horas Canonicas. Ille enim peccat non legendo: Ratio communis est, quia qui sua culpa facit se ineptum ad servandum præceptum, non censetur exemptus ab obligatione præcepti: Nam culpa nemini debet patrocinari. Respondet. Tametsi peccator meritus sit privari auxilio sufficienti, Deus tamen adèd benignus & misericors est, ut non velit illum privare in necessitate. Non enim vult ex sua parte quicquam deesse, quo minus homo salvari possit. Unde si quis defectus est, non aliunde, quam ex parte hominis est, qui gratiae & auxilio Dei non cooperatur. Hoc apertè colligitur, tum ex aliis locis, tum maximè ex illo citato. *Quid est, quod debui ultra facere vinea, & non feci*? Hinc apparet discrimen inter peccatorem, & eum, qui abiicit Breuiarium. hic enim sua culpa facit se ineptum ad servandum præceptum in posterum; ille non facit. Nam alter potest habere sufficientem gratiam, quando occurrit obligatio præcepti, alter non potest habere Breuiarium,

quando recitandæ sunt præces canonice.

3. *Posterior assertio.* Extra tempus præcepti & obligationis, non semper offertur homini gratia iussiciens ad bona opera præstanda, sed certis temporibus quando Deo visum est. V. G. Homo infidelis non excitatur singulis momentis ad amplectendam fidem; nec homo peccator ad agendam penitentiam; nec homo iustus ad facienda bona opera; sed suo loco & tempore. Ratio sumitur ab experientia: quia sæpe fit, ut homo non cogitet de fide, de penitentia, aut de aliquo bono opere, nec ullum actuale desiderium in se experiatur ad hæc præstanda. Ergo tunc saltem non habet gratiam Dei excitantem, quæ in huiusmodi cogitatione & desiderio consistit.

4. Ex dictis duo sequuntur, 1. hominem posse singulis momentis evitare novum peccatum. 2. Non posse singulis momentis resurgere à peccato, aut bona opera præstare, ad quæ pro illo tempore non obligatur. *Dices,* Deus dicitur assidue stare ad ostium cordis nostri & sine intermissione pulsare. Ergo semper habemus auxilium iussiciens, siue occurrat obligatio præcepti, siue non occurrat. *Respondes.* Nusquam legimus in Scripturis, Deum assidue & sine intermissione pulsare cor nostrum. Hoc quidem concessero, Deum quovis momento, quo necesse est offerre suam gratiam, ita ut ex ipsius parte non sit ullus defectus; non tamen quovis momento simpliciter. Hoc enim pugnat cum experientia, ut dixi.


CAPUT VII.

An fieri possit, ut ex duobus equali gratia præventis, alter consentiat, alter non?

1. **A**lij affirmant; alij negant. Nolo singulorum argumenta recensere. Paucis ex iis quæ dicta sunt, re expediam. *Prior assertio.* Si præcisè loquamur de interna gratia excitante, quæ voluntas hominis elicitur & invitatur ad consensum; fieri potest, ut ex duobus, qui equali motione excitantur, unus consentiat, alter non consentiat. Ita docet D. Augustinus. l. 21. de Civitat. c. 6. D. Hieronymus Epistola 130. quæst. 11. & ex illis Molina in concordia, quæst. 14. art. 13. disput. 12. Et ratio est efficax, quia certum est, manere vltimū liberi arbitrij in iis, qui equaliter excitantur, ut definitum est in Concilio Trident. Sess. 6. can. 4. Certum ergo est, eos liberè consentire si consentiant; & liberè dissentire, si dissentiant: potest ergo unus consentire, si velit, alter dissentire, si velit.

2. *Posterior assertio.* Si autem sermo sit, non præcisè de gratia excitante, sed modo, quo illa à Deo confertur; planum est, fieri non posse, ut ex duobus, qui eodem modo & iisdem circumstantiis à Deo excitantur, unus consentiat, alter dissentiat, sed necesse est, ut vel uterque consentiat, vel uterque dissentiat. Hoc patet ex iis, quæ dicta sunt cap. 3. §. 5.

A



DE CIRCULO CALVINISTICO contra Paræum cum Appendice.

OPUSCULUM X.

Calvinistæ obijciunt Catholicis circulum.



ALVINIANÆ Theologiæ apud Heidelbergenses Professor, David Paræus, duo nobis obijcit. Primum, quod usurpamus hanc questionem; *Vnde scis Scripturas esse divinas, & Evangelium Matthæi esse Matthæi?* Secundò, quod in hac ipsa questione discutienda committamus circulum. Cum enim quaeritur, Vnde scis has Scripturas esse divinas? respondemus, quia Ecclesia sua infallibili auctoritate id dicit. Cum iterum, quaeritur, Vnde scis Ecclesiam, quæ id dicit habere infallibilem auctoritatem? Respondemus quia Scriptura sua infallibili auctoritate id dicit. Atque ita circulum committimus, probando Scripturam per Ecclesiam, & rursus Ecclesiam per Scripturam.

2. In utroque nos reprehendit Paræus. Ac primò, questionem illam: *Vnde scis* clamat esse curiosam, impiam, & ex Ecclesia merito explodendam: idque confirmat auctoritate D. August. lib. 6. confess. c. 5. cuius sunt hæc verba; *persuasisti mihi à Deo, non quæ crederentur libris tuis, quos contra in omnibus fere gentibus auctoritate fundasti, sed non credentes, esse credendos: nos audiendos esse, si qui fide mihi dicerent: Vnde scis illos libros unius veri & veracissimi Dei spiritum esse humano generi ministratos? Id ipsum enim maxime credendum erat.*

D

3. Deinde vehementer exaggerat, nostrum circulum, asserens perinde nos nugari, ac si quis dicat, Mater est proba, quia filius dicit, & filius est probus, quia mater dicit. Vel sic. Turcica Ecclesia est vera, quia Alcoranus dicit: & Alcoranus est verus, quia Turcica Ecclesia dicit. Ita secundum nos: Scriptura est infallibilis, quia Ecclesia dicit, & Ecclesia est infallibilis, quia Scriptura dicit.

4. Hæc Paræus contra nos præsertim in disputatione de auctoritate Scripturæ §. 21. & sequentibus: & in Epistolari disceptatione, in fine vltimæ. Videamus ergo quo pacto rectè occurramus huic homini. Hoc triplici modo fieri potest. Primum si ostendam Paræum ipsum non minus in utroque reum esse, quam nos esse vult. Secundò, si nos vindicem ab utroque crimine. Tertio, si demonstrum aduersarium non posse se vindicare, nisi ad nos transeat.

Catholicis vicissim obijciunt Calvinistæ circulum.

5. **Q**uod ad primum attinet, Paræus sane reprehendendus in utroque est. Et verumque in ipsum retorquebo. Ac primò, si quaestio: *Vnde scis* sine vitio usurpari non potest, cur Paræus eam usurpavit non minus, quàm nos? Item si curiosa est, si impia, si explodenda, quomodo Paræus non curiosius, non impius, non explodendus, qui illam seribit, fuit, contentiosè persequitur? Nam primò, proponit eam

verbis: *Altera grauior agitur questio, unde constat Scripturas sacras in generali & particulari esse diuinas, & esse illorum auctorum, quibus adscribuntur?* Deinde prolixè conatur ei satisfacere, aliorum sententias refutando, suam approbando. Quorsum hæc omnia, si est questio curiosa, impia, explodenda? aut cur, quod in aliis reprehendit Paræus, in seipso non corrigit?

6. Iam in circulo non minus ipsum agitabo, quam ipse nos. Et quæro ex ipso; Vnde constat Scripturam Prophetarum & Apostolorum esse diuinam? respondet, quia priuatus Spiritus mihi hoc dicit. Iterum quæro, unde constat priuatum tuum Spiritum esse infallibilem & diuinum? respondet, quia Scriptura hoc dicit. Certè & hic circulus est, mi Paræe. Nam Scripturam probas per priuatum Spiritum, & priuatum Spiritum per Scripturam. Perinde ac si quis nugetur? Mater est proba, quia filius dicit: & filius est probus, quia mater dicit. Vel Turcica Ecclesia est vera, quia Alcoranus dicit; & Alcoranus est verus, quia Turcica Ecclesia dicit.

7. De hoc priuato Spiritu agit Paræus in disputatione de auctoritate Scripturæ; ubi cum proposuisset hanc questionem; Vnde constat Scripturas esse diuinas? primo relicit sententiam Bellarmini, asserentis id constare ex Traditione. Deinde suam profert, id non constare ex Traditione, sed ex variis criteriis, quorum præcipuum sit, *Testificatio interna Spiritus Sancti in cordibus electorum de huius doctrina veritate & certitudine. Filii si quidem Dei legentes vel audientes hos libros, audiunt & cognoscunt loquelam patris sui, & discernunt eam ab aliis, & testatur Christus.* Ioann. 10. 17. *Omnes me vocem meam audiunt.* Huiusque Paræi verba. Ex quibus repeto hunc circulum; Vnde constat tibi Paræe, Scripturam Evangelij esse diuinam? quia interna iustificatio Spiritus Sancti hoc dicit. Testatur enim in cordibus electorum de huius Scripturæ veritate. At vnde constat hanc testificationem esse à Spiritu Sancto? quia Scriptura Evangelij hoc dicit. Ioan. 10. 17. *Omnes me vocem meam audiunt.* Re-
Act. Circulatus es.

Catholici vindicantur à circulo.

8. **Q**uod ad secundum attinet, ab utroque crimine quod Paræus obiecit, facile nos vindicabo. Primum est, quod usurpemus hanc questionem, *Vnde constat Scripturam hanc esse diuinam?* Ex quid hic peccati est? Quæretur in colloquio Ratisbonensi, quis esset Iudex & vniuersalis Iudex omnium controuersiarum fidei? Lutherani Scripturam esse contendebant. Nos contra, non ita esse; eo quod multe sint controuersie, quæ à Scriptura dirimi non possint. Vnam inter ceteras hinc esse, An Scriptura, quæ dicitur esse Iudex, sit diuina & infallibilis? Hanc à Scriptura ipsa determinari non posse. Quid hic culpe est in nobis? Nisi hoc forte, quod nec Lutherani in illo Colloquio, neque iam Caluinitæ possint nodum illum à nobis propositum dissolvere. Nimirum hoc male illos habet. Nec Augustinus nobis aduersatur. Verba ipsius postea explicabo.

9. Alterum crimen est commissi circuli. Hic duo examinanda sunt. Primum, an Ecclesia sit infallibilis, ac proinde, an bona sit hæc consequentia; Ecclesia dicit has Scripturas esse diuinas ergo sunt diuine. Secundum, an sit circulus, cum probamus Scripturam per Ecclesiam, & Ecclesiam per Scripturam.

10. Nominè Ecclesiæ possumus intelligere. Primum, Pontificem, qui est caput Ecclesiæ. 2. Concilium generale, constans Episcopis & Pontifice, tanquam parte principaliori. 3. Totum corpus Ecclesiæ, seu comu-

nem consensum eorum, qui sunt in Ecclesia. 4. Traditionem Ecclesiæ, quæ ab Apostolis ad nos vsque peruenit. Igitur hæc propositio; Ecclesia est infallibilis, potest habere quadruplicem sententiam. 1. Papa est infallibilis. 2. Concilium generale est infallibile. 3. Vnanimis omnium fidelium consensus est infallibilis. 4. Traditio Ecclesiæ est infallibilis.

11. Aduersarius hæc omnia confundit. Ego de singulis agam. Et primum dico, Pontificem Christi in cæcis Vicarium esse infallibilem Iudicem controuersiarum fidei. Hoc nostri rectè probant, ex duplici principio. Altero, quod Petro & Successoribus eius promissa sit hæc infallibilitas, illis Christi verbis, Matthæi 6. 18. *Tu es Petrus, & super hanc petram ædificabo Ecclesiam meam, & porta inferi non preualebunt aduersus eam.* Et Lucæ, 22. 32. *Simon, ego rogaui pro te, ut non deficiat fides tua & tu aliquando conuersus confirma fratres tuos.* Et Ioann. 21. 17. *Pasce oues meas.* Altero, quod Pontifex sit Petri Successor. (Augustinus Epist. 165.) Nec expediunt se hic aduersarii, nisi contra omnem fidem historiarum, negent Petrum fuisse Romæ Episcopum, quod extrema desperationis signum est.

12. Secundo dico, Concilium Oecumenicum legitimè congregatum & approbatum, in quo quasi tota Ecclesia representatur, habere etiam infallibilem auctoritatem in iudicio controuersiarum fidei. Hoc ex dictis sequitur, quia si Papa, qui est caput Ecclesiæ, infallibilis est, cur non cætus Episcoporum, quibus Papa cum auctoritate præfidet? Et huius rei exemplum habemus, cum in Concilio Apostolorum Hierosolymis congregato, cui præfuit Petrus; tum in aliis Oecumenicis Orientalibus & Occidentalibus, quæ à Pontifice confirmata sunt. (Augustinus lib. 2. de Baptismo, contra Donatistas c. 4.)

13. Tertiò dico, totum corpus Ecclesiæ, quatenus ex omnibus membris inter se connexis compactum est, non posse errare in rebus fidei, quia regitur & gubernatur à suo capite, quod infallibile est. Si quis tamen ab hoc corpore se abscindat, vel per hæresim, vel per schisma, procul dubio obnoxius erit errori. Aug. 1. contra Cresconium cap. 3. & Epistol. 50. ad Bonifacium sub finem.

14. Quartò dico, Traditionem Ecclesiæ, quæ ab Apostolis ad nos vsque quasi per manus peruenit (de qua sola hic agimus) infallibilem quoque habere auctoritatem imò, habere eandem auctoritatem cum Scriptura. (Basil. lib. de Spiritu sancto, c. 27.) Nam constanter tenendum est apud Catholicos, Verbum Dei aliud scriptum, aliud traditum esse: Nec ex eo, quod hoc scriptum, illud traditum sit, maiorem aut minorem acquirere auctoritatem, ac proinde utrique æquè deferendam esse. Hinc rectè dicimus, Verbum Dei, aliud Scriptura, aliud Traditione contineri: Scriptura, ut Deum esse Trinum; Christum resurrexisse; Baptismum esse necessarium ad salutem; hominem gratis iustificari, &c. Traditione, ut Euangelium Matthæi esse diuinum: has Scripturas, & non illas esse verbum Dei Septem esse Sacramenta, hæreticos non esse rebaptizandos, & similia, de quibus Augustinus lib. 2. de Baptismo contra Donatistas, cap. 6. & lib. 5. cap. 23. & lib. 10. de Genesi ad litteram cap. 13. & Epist. 118. c. 1. & alibi sæpius.

15. Hinc constat primò, quid interfit inter has Ecclesiæ acceptiones. Nam primo & secundo modo, est vnus Iudex controuersiarum fidei, tertio modo, est subditus Iudex, quarto, nec Iudex, nec subditus, sed norma, seu regula, secundum quam Iudex fert sententiam & subditi acquiescunt: Non quidem regula totalis, sed partialis. Totalis enim & adæquata regula, est Scriptura & Traditio simul. Pontifex seu Concilium generale

hanc regulam sequitur in controuersis fidei. Deinde, A Traditio, ut dictum est, parem auctoritatem habet cum Scriptura, quia tam hæc, quam illa, Verbum Dei est, & immediatè à Deo prolatum. Sententiæ uerò Pontificis, aut Concilij, non est Verbum Dei immediatè ab ipso prolatum, sed à Pontifice vel Concilio per assistentiam & directionem Spiritus sancti profectum.

16. Secundò constat, has consequentias esse legitimas, Pontifex tanquam Iudex controuersiarum fidei à Deo constitutus, pronuntiat hoc verum, illud falsum esse: ergo reuera sic habet. Item, Concilium generale, hoc vel illud definit: ergo ita sentiendum est. Item, totus cœtus fidelium communi consensu hoc acceptat: Ergo in eo non fallitur. Item ab Apostolis per traditionem accepimus, hoc Euangelium esse diuinum & canonicum: Ergo de eo dubitandum non est. Quare: quia Pontifex, & Concilium, sunt infallibiles Iudices: Traditio est infallibilis regula, fideles diriguntur ab infallibili Iudice per infallibilem regulam. Hæc omnia confirmantur auctoritate D. Augustini, qui his ipsis consequentiis, tanquam certis & indubitatis sæpè usus est, præsertim lib. 1. contra Cresconium, cap. 33. & lib. 18. contra Faustum capite 2. & libro contra Epistolam Manichæi, cap. 5. & lib. 7. de Baptismo contra Donatistas, cap. 53. & alibi.

17. Tertio constat, Parzum, vel non intellexisse, vel malitiosè refutasse sententiam Bellarmini. Nam in disputatione de auctoritate Scripturæ, chesi 12. refert Bellarmium sentire, *ex sola Traditione* haberi posse, quod Scriptura Prophetarum & Apostolorum sit diuina. Et postea refutans Bellarminum, ostendit non posse haberi *ex testimonio Ecclesiæ* id est, *Papæ*. Vbi es *Papæ*? Sunt tibi idem Traditio & Papa, Traditio, secundum Catholicos, non minus est Verbum Dei, quam Scriptura, & tu inde Papam conficis? Et cum refutas testimonium *Papæ*, putas refutatam esse Traditionem? Si hæc ignorasti, iam discedere sciuiti, cur malitiosè dissimulas, & omnia confundis?

18. Nunc, quod præcipuum est, de circulo videamus. Obicit Aduersarius circulum esse, cum Scripturam per Ecclesiam, & Ecclesiam per Scripturam confirmamus. An ita sit, disquirendum est paucis. Suppono ex Philosophia circulum tunc committi, quando hoc per illud, & illud vicissim per hoc probamus, apud eum, qui neutrum concedit, & æquè de utroque dubitat. v. g. si negem, & matrem, & filium esse probum, circulum committo, probando matrem esse probam, quia filius dicit, & filium probum, quia mater dicit. Quare? quia utrumque mihi æquè ignotum & incertum est: probatio autem debet procedere à notis ad ignota, vel à concessis ad inconcessa, ut ex Aristotele, & aliis Philosophis constat.

19. Hinc colligo, circulum fore, si quis Christianus apud Ethnicum, qui nec Ecclesiam, nec Scripturam admittit, probare vellet Scripturam esse infallibilem: quia Ecclesia dicit? & Ecclesiam infallibilem, quia Scriptura dicit. Nam utrumque illi æquè ignotum, æquè incertum est. E contrario non fore circulum, si vnum per alterum probes apud eum, qui alterum admittit, alterum negat, verbi gratia, Caluinista admittit Scripturam, negat Ecclesiæ infallibilitatem. Rectè ergo conuincam illum hoc modo: Scriptura, quam tu admittis, dicit Ecclesiam esse infallibilem: ergo reuera infallibilis est. Similiter, si quis idiota admittat iudicium Ecclesiæ: & tamen nesciat in particulari, libros Machabæorum esse diuinos, faciliè persuadebo illi sine circulo, si sic dicam: Ecclesia, cuius tu auctoritatem agnoscis, asseuerat libros Machabæorum esse diuinos: Ergo non debes de hac re amplius dubitare.

20. Et hic modus probandi vsitatus est, tam in Scri-

pturis, quam in Patribus. Ostendam vno aut altero exemplo: Pharisei admittebant Moysen, negabant Christum. Conuincit eos Christus his verbis. Ioan. 5. 46. *Si crederetis Moysi, crederetis & mihi, de me enim ille scripsit.* Contra Manichæi admittebant Christum & Euangelium negabant Moysen & Prophetas. Conuincit eos Augustinus simili argumentandi modo in libris contra Faustum Manichæum, & lib. 1. de moribus Ecclesiæ Catholicæ cap. 1. & sequentibus.

21. Idem nos facimus. Nam Catholicos qui dubitant de aliqua Scripturæ parte, conuincimus iudicio Ecclesiæ, cui se submitunt. Hæreticos uerò, qui negant Traditionem, Ecclesiam, Pontificem, conuincimus ex Scripturis, quas non negant. Vigemus enim hæc testimonia. 1. Thess. 2. 15. *Fratres stete, & tenete traditiones, quas didicistis siue per sermonem, siue per epistolam nostram,* 1. Tim. 3. 15. *Ecclesia est columna & firmamentum veritatis.* Et Lucæ 22. 32. *Ego rogaui pro te, ut non deficiat fides tua: & tu aliquando conuersus confirma fratres tuos.* His ipsis testimoniis vsi sunt antiqui Patres ad idem probandum. Et quis hic circulus est? Omnino nullus.

22. Sed obiciunt nos non solum ex Scripturis probare Traditiones, Ecclesiam, Pontificem, sed vicissim ex traditionibus, & auctoritate Ecclesiæ ac Pontificis, probare Scripturas & hoc apud eos, qui utrumque negant. Verbi gratia, Caluinistæ negant libros Machabæorum esse diuinos: negant Traditiones, negant infallibilem Ecclesiæ & Pontificis auctoritatem. Nos uerò vnum per alterum conamur persuadere. An non ergo circulum committimus? Non ita est. Longè aliter procedimus. Nam libros Machabæorum diuinos esse, probamus ex Traditione & auctoritate Ecclesiæ, Traditionem ex Apostolo Paulo, & auctoritatem Ecclesiæ ex Euangelio. Aduersarij autem admittunt Paulum & Euangelium. Nulla ergo hic circulatio est. Esset autem, si Machabæos ex Traditione, & Traditionem ex Machabæis apud eos, qui utrumque negarent, astrueremus. At hoc non facimus.

23. Satis ostendi, nos in circulo non agitari, Non enim probamus Ecclesiam per Scripturam, aut Scripturam per Ecclesiam, apud eos qui utramque negant, sed qui alterutram admittunt. Quod si negent utramque ad tertium aliquod quod ab illis admittitur, confugiendum est, aut certè, quod in tali casu locum habet, ad impossibile sunt deducendi. Nam etiam hoc modo conuincimus Caluinistas, asserentes Scripturam esse sufficientem Iudicem. Ducimus enim illos ad hoc absurdum, ut fateri debeant, non posse constare de diuinæ Scripturæ diuinitate, nisi concessa Traditione.

24. Nunc ex alio capite ostendam nos circulo non includi. Res ita habet. Aliud est loqui de fide, seu assensu fidei secundum se, aliud de acceptance fidei. Vnde potest institui duplex questio, & duplex resolutio. Altera, de causa fidei secundum se, ut si quæram, quare certò & infallibiliter credis articulos in symbolo comprehensos? Altera de causa acceptance fidei, ut si quæram? quid te impulit aut permouit, ut in animum induceres credere articulos tam obscuros, & humanum captum excedentes?

25. Quando ergo instituitur, questio priori modo, de causa fidei secundum se, nullus circulus est, sed tota resolutio fit in auctoritatem Dei reuelantis. Itaque si quæras, quare firmiter & infallibiliter credis articulum Resurrectionis Christi, respondebo, quia Deus reuelauit. Nam reuelatio diuina, seu auctoritas Dei reuelantis, est vnica ratio nostræ fidei, ac proinde in ea quiescendum est. Idem respondebo, si quæras, an Pontifex sit infallibilis? an Euangelium Matthæi sit diuinum? Omnino, inquam? quia Deus reuelauit. Nec aliam hic debes expectare resolutionem. Est enim hæc vltima.

26. Quando verò instituitur quaestio posteriori modò, de causa acceptationis fidei, nequerunt circulus est, sed quisque resoluit suum assensum in illud motuum, quo inductus & persuasus est, ut acceptaret fidem huius aut illius articuli, quam antea non acceptauerat. Vnde si quæras: quid te permouit aut induxit, ut iam velis credere libros Machabæorum esse diuinos, de quo antea dubitabas? Respondebo, autoritas Ecclesiæ & consensus omnium fidelium. Sunt ergo hic duo assensus distinguendi: Alter, credo libros Machabæorum esse canonicos, propter Dei reuelantis autoritatem: Alter, inductus sum, ut hoc crederem autoritate Ecclesiæ, & consensu fidelium.

27. Res exemplo fiet manifesta. Est Ethnicus Philosophus, qui legit, vel audit Euangelium. Quæro ab illo an credat, quæ in eo scripta sunt? Negat se credere, eo quod per se sint obicula, & intellectus nihil habeat, quo conuincatur credere vel assentiri. Urgeo, sufficere B autoritatem Dei qui ista asseruit. Ait hoc æquè obscurum esse. Ergo iterum quæro, an saltem velit credere, & imperio voluntatis perinouere intellectum, ut credat? Respondet se paratum esse si quidem aliqua motiua ipsi proponantur, quæ prudenter suadeant credibilia esse, quæ habentur in Euangelio. Produco illi consensum totius orbis Christiani, tot Principum, Imperatorum, populorum, qui ita credunt: addo pessimos & deploratissimos fuisse semper habitos, qui hanc fidem deseruerint: addo miracula, quibus ea fides confirmata sit: addo Dei bonitatem & prouidentiam, qui non patitur tot populos, tot miraculis visis, in errore versari: addo alia similia. Ille ergo permotus his rationibus, ait se iudicare, prudenter credi posse, quæ in Euangelio scribuntur, ac se etiam velle deinceps credere quæ antea non credebat.

28. In hoc ergo homine sunt duo assensus: Alter, quo persuasus est propter motiua, ut velit credere Euangelio. Alter, quo iam reipsa credit Euangelio. Hic posterior non nititur motiuis aut rationibus, sed sola Dei reuelatione. Vnde si quæram ex illo Credisne Euangelio? ait se credere. Quare? quia Deus reuelauit. Si iterum quæram: Cur iam credas Euangelio, & antea non velles credere, quid te permouit, ut velles credere? Respondet, consensus tot populorum, miracula, & similia.

29. Hinc facile ostendam, nos non committere circulum, probando Ecclesiam per Scripturam, & Scripturam per Ecclesiam. Nam si quæras ex me de actu fidei secundum se, an credam Scripturam esse infallibilem? Dicam me credere, idque propter solam Dei reuelantis autoritatem: & in hoc actu fidei non procedam ulterius. An credam Ecclesiam esse infallibilem? Ita. Quare? propter eandem Dei reuelantis autoritatem. Hic nullus apparet circulus. At cum antea non crederem Scripturam esse infallibilem, quid me permouit ut vellem & inciperem hoc credere? autoritas Ecclesiæ. Aut contra, cum antea non crederem Ecclesiam esse infallibilem, quid me induxit, ut vellem credere? autoritas, vel scripturæ, vel Patrum, vel populorum, vel quid simile. Neque hic circulus est.

30. Confirmantur hæc omnia ex Augustino variis in locis, & potissimum in libro contra epistolam Manichæi cap. 5. ubi sic habet: *Ego verò Euangelio non crederem, nisi me Catholica Ecclesia commoueret auctoritas.* Loquitur Augustinus de acceptatione fidei, non de fide ipsa secundum se. Nam si sermo sit de fide secundum se, proculdubio credebat Euangelio propter reuelationem Dei. At quia sermo erat de acceptatione fidei, inquit se autoritate Ecclesiæ induci ac permoueri, ut fidem Euangelij acceptet. Eodem spectat illud in lib. de utilitate credendi, cap. 14. *Fateor me iam Christo credidisse, & in animum induxisse, id esse verum quod illo*

A dixerit etiam si nulla ratione fulciatur. Et paulò post. Hoc ergo credidi, ut dixi, fama celebritate, consensione, veritate roborata. Iterum loquitur de causa acceptationis fidei.

31. Nec dissimile est, quod ait lib. 6. Confess. cap. 5. *Persuasisti mihi, non qui crederent libris tuis, quos tanta in omnibus ferè gentibus autoritate fundasti, sed qui non crederent, esse culpandos; nec audiendos esse, si qui fortè mihi dicerent, Vnde scis illos libros unius veri & veracissimi Dei spiritui esse humano generi ministratos? Ipsam enim maxime credendum erat.* Hic nota iconum Augustini. Agit contra Manichæos, & tria dicit. Primo, Manichæos culpandos esse, quod non vellent credere libros Prophetarum esse diuinos, præsertim cum ad hoc credendum sufficiens causa sit autoritas & consensus omnium ferè gentium. Secundo, Catholicos non esse culpandos, quod acceptent illos libros tamquam diuinos, præsertim cum non temerè id faciant sed ex rationabili motiuo, nempe propter traditionem & consensum omnium ferè gentium. Tertiò, non audiendos esse Manichæos, quando quærent ex Catholico homine rationem naturalem, cur acceptet illos libros tanquam diuinos, & dicunt: *Vnde scis eos esse tales?* Non enim potest reddi ratio naturalis, sed sufficit traditio & consensus populorum.

32. Hanc esse mentem Augustini patet ex ipso contextu, & ex lib. de utilitate credendi, c. 14. Volebant enim Manichæi (ut ibi habet Augustinus) non esse credendum aliquid sine ratione, quæ scientiam & euidenciam generet, ac proinde accusabant eos temeritatis, qui aliter crederent. Contra, Augustinus contendebat, res fidei non posse comprehendì ratione, aut scientia naturali, ac proinde standum esse traditione, autoritate & consensu populorum. Vnde infert, Manichæos non esse Christianos, qui non credant Christo, sed quærent rationem. Si, inquit, *Christo etiam credendum negant, nisi indubitata ratio reddita fuerit, Christiani non sunt.* Imò ait deteriores esse paganos & Gentilibus, qui cum fateantur se non esse Christianos, neque Christo credere, aliquo modo excusari possunt, quod quærant rationem naturalem, & ea sola persuadentur. At Manichæi, qui se dicunt Christianos esse, & Christo credere, stultissime faciunt, quod non velint credere, nisi certa & indubitata ratio adferatur. Nam in hoc, sibi ipsis aduersantur.

33. Ex dictis apparet, quàm ineptè contra nos produxerit Paræus illud Augustini testimonium, *persuasisti mihi, &c.* Nam Augustinus ibi agit contra Manichæos, qui reiecta traditione & consensu populorum urgebant rationem naturalem, cum dicebant: *Vnde scis hos libros esse diuinos?* At Paræus utitur eodem testimonio contra Catholicos, qui reiecta ratione naturali,urgent traditionem & consensum vniuersalis Ecclesiæ; cum dicunt, *Vnde scis Paræe, hos libros esse diuinos, nisi ex traditione?* Ego rectius eodem testimonio utar contra Paræum, quia ipse reiecit traditionem & autoritatem Ecclesiæ, quam Augustinus ibi commendat, & de qua scribit lib. 28. contra Faustum cap. 11. *Sicut ergo ego credo illum librum esse Manichæi, quoniam ex ipso tempore, quo Manichæus vivebat in carne per discipulos eius, certa successione propositorum vestrorum, ad vestra usque tempora custoditus atque perductus est, sic & istum librum credo esse Marthæi, quem ex illo tempore, quo Marthæus ipse in carne vixit, non interrupta serie temporum, Ecclesia certa connexionis successione usque ad tempora ista perduxit.* Nota Paræe.

Caluinisti non possunt se vindicare à circulo.

PUrgau nos ab utroque crimine, quod falsò obli-
cit Paræus. Nunc ipsum utriusque reum esse osten-
dam. Primum est, quod viurpet hanc questionem; *Unde constat scripturam hanc esse diuinam?* Dupliciter hic
peccat. Primum quod cum ipse censet hanc questionem
esse curiosam, impiam & explodendam, nihilominus
eam proponat & discutiat, ac proinde contra con-
scientiam agat. Secundò, quod solutionem eius non in-
ueniat, ex sequentibus patebit.

35. Alterum crimen est commissi circuli. Hic iterum
duo examinabo. *Primum*, an priuatus spiritus Caluini-
starum sit infallibilis, ac proinde, an bona sit hæc con-
sequentia, Priuatus meus spiritus dicit has scripturas
esse diuinas, non illas: ergo hæc sunt diuinæ, non illæ.
Secundum, an sit circulus, cum astringitur scriptura per
priuatum spiritum, & priuatus spiritus per scriptu-
ram.

36. Nomine *priuati spiritus* intelligunt Caluinistæ
internam testificationem Spiritus sancti quam quisque ele-
ctus seu prædestinatus in se experitur, ut supra mo-
nui ex Paræo. Habet autem hic spiritus multa priui-
legia. Primum, quod conueniat omnibus & solis ele-
ctis. Secundum, quod omnes & solos electos, qui le-
gunt vel audiunt scripturas, infallibiliter faciat certos,
de earum diuina authoritate: ita ut statim, cum audiunt
vel legunt aliquid, infallibiliter norint discernere inter
scripturas diuinas, & non diuinas. Tertium, quod ea-
dem infallibilitate faciat eos certos de præsentis iustitiæ
& remissione peccatorum: itemque de futura persecu-
tione & vita æterna.

37. Hæc privilegia colligunt ex illo Ioan. 10. 27.
Oues mea vocem meam audiunt. Hic per *oues* intelliguntur
prædestinati: & per *vocem Dei*, diuina scriptura. Est
ergo sensus prædestinatos, cum audiunt aliquam scrip-
turam mox discernere, an sit vox Dei necne? Et hoc
ipso, quod discernunt, & experiuntur se discernere,
agnoscunt se esse prædestinatos, id est, oues Dei.

38. Propter hunc spiritum vocant se Caluinistæ
doctores, id est, Deo doctos, qui scilicet intus per spiri-
tum priuatum docentur à Deo, quid in rebus fidei te-
nendum sit, quid reiiciendum. Et de se interpretantur
illud Isaie vaticinium, cap. 34. 13. *Dabo vniuersis filiis
tuis doctos à Domino.* Et illud Ieremie 31. 24. *Non doce-
bit ultra vir proximum suum. Omnes enim cognoscent me à
minimo eorum usque ad maximum.* Quibus adiungunt il-
lud Ioan. 6. 45. *Erant omnes doctores Dei.* Et illud 1. Ioan.
2. 27. *Non necesse habetis ut aliquis doceat vos de omni-
bus.*

39. Hinc est, quod qui hoc spiritu pleni sunt, tam
audacter reiiciant authoritatem Patrum & totius anti-
quitatis. Aiunt, se nolle doceri ab hominibus, cum à
Deo sufficienter edocti sint: homines posse falli ac de-
cipi, Deum esse veracem ac infallibilem: Hoc doctore
esse contentos, non indigere alio instructore.

40. Mihi sanè valde suspectus est hic spiritus, de quo
merito intelligi potest illud 1. Ioan. 4. 1. *Nolite credere
omni spiritui, sed probate spiritus, si ex Deo sint.* Quare
quia multi iactant se habere spiritum Dei, qui tamen
agitantur spiritu vertiginis & mendacii, iuxta illud 3.
Regum 22. 21. *Egre diar, & ero spiritus mendax in ore om-
nium Prophetarum eius.*

41. Quis nouit, an non talis sit spiritus Caluinista-
rum? Planè videtur multis de causis. Primum quia faci-
e homines elatos & aliorum contemptores. Nam ut pau-
lo ante dixi, qui hoc spiritu pleni sunt, paruipendunt
Augustinum, Hieronymum, Chrysostomum, & alios
Patres, ac Ecclesiæ Doctores. Cum enim horum au-
Opusc. Bec.

Achoritate illos urgemus, liberè fatentur, se minimè con-
curare in rebus, fidei, quod superbiæ signum est. Cla-
mant errasse Patres, nolle se eorum iudicio stare, ad
scripturas, non ad homines se oportere.

42. Hinc colligo efficacissimum contra Caluinistæ
argumentum. Vel enim antiqui Patres habuerunt hunc
spiritum, quem Caluinistæ habent (quo scilicet electi
à Deo docentur, idèque *intra se* appellantur) vel non
habuerunt. Si habuerunt, ergo per illum infallibiliter
instructi erant in rebus fidei, non minus quam Caluini-
stæ: cur ergo reiiciuntur à Caluinistis? cur ut homines,
qui errare possunt, & non potius *intra se* æstimantur?
Si non habuerunt, ergo spiritus Caluinistarum planè
nouus est, quippe, qui in antiquis Patribus & Eccle-
siæ Doctoribus non fuerit: aut si nouus non est, cum
non fuerit in antiquis Patribus, in antiquis hæreticis
fuisse necesse est.

43. Quid hic respondes Paræe? Urgebo te amplius
Ais hunc spiritum testificari in cordibus electorum, de
doctrinæ veritate & certitudine. Ais filios Dei agno-
scere loquelam patris sui, & eam ab aliis discernere.
Nunc quæro. An tuo iudicio, Augustinus & similes
Patres fuerint de numero electorum & filiorum Dei?
Si negas, magnam iniuriam facis antiquæ Ecclesiæ, &
omniò superbus es, qui gloriaris te esse, quod illi non
fuerunt. Si affirmas, quare illorum authoritatem non
securè sequeris? quare homines fuisse & errasse con-
tendis? an putas Spiritum sanctum, qui in te verum lo-
quitur, in illis mentitum esse?

C44. Quod dixi de Patribus, dicam de Apostolis.
Erantne instructi hoc spiritu, quo vos, vestra opinione
instructi estis? Si non erant, iterum aio spiritum ve-
strum nouum esse, non Apostolicum, aut si neque no-
uus neque Apostolicus est, antiquum & diabolicum
esse. Si erant, quare coacto Hierosolymis Concilio,
sententiâs contulerunt, quid opus erat publico con-
uentu. si quilibet in se habeat spiritum testificantem,
quid dubitant in publico, qui priuatim certi erant, &
errare non poterant.

45. Relinquam alios, de Petro quæram. Vel ha-
buit hunc spiritum vel non habuit, si non habuit
minùs quàm vos habuit electus non fuit, vocem Pa-
tris non audiuit. Quis hoc credat. Si habuit, cur
cum de Pontifice Petri successor agitatur, negatis has
buisse.

D46. Ad vos venio, qui hoc spiritu imbuti estis.
Quare Caluinistæ Heidelbergenses, in scripturarum
expositione & in controuersis fidei, non per omnia ad-
mittitis sententiam Caluini, Bezzæ & aliorum in Anglia,
Gallia, Batavia, Caluinistarum. An quia vos Theo-
didacti estis & illi homines sunt, qui errare possunt, Ita-
nè verò Angli, Galli, Batavi Theodidacti non sunt,
& vos Heidelbergenses, homines non estis. Si autem
& vos homines estis, per inde ac illi, & illi Theodi-
dacti perinde ac nos, quid est, quod vobis creditis, illis
non creditis. Aut neutros, aut utrosque rectè sentire
oportet: aut, si diuisi estis, signum est, non Spiritus
sancti, sed dissensionis.

E47. Sed propius ad rem. Si vester ille spiritus datur
solis & omnibus electis; quæro ex te, Paræe, quos
tu Heidelbergæ doces & instruis, cum scripturam in-
terpretaris, electos, an reprobos. Si electos, frustra,
nam eundem spiritum habent, quem tu. Si repro-
bos iterum frustra: quia cum hoc spiritu destituti
sint, non possunt audire vocem Patris. Quid ergo æ-
rem verberas.

48. Iterum quæro, si omnibus electis com-
munis est ille spiritus, erant ne electi de quibus
Christus, Luc. 22. 32. *Et in aliquando conuersus con-
firma fratres tuos?* Si erant electi, habebant eun-
dem spiritum, quem Petrus, quid ergo Petrus iubens

eos confirmare? Si reprobi, quomodo fratres.

49. Amplius urgeo, quod caput est. Vester ille spiritus, vel semper infallibilis est, vel aliquando fallit & decipit. Si fallit, non ex Deo, sed ex Diabolo est. Si semper est infallibilis, quomodo inter fideles potest esse error, dissidium, controuersia, aut quid opus est Conciliis Oecumenicis, ad inquirendum veritatem. Sanè, si Spiritus sanctus unicuique fidelium infallibiliter testificatur de veritate & certitudine doctrinæ, nullus potest esse locus errori, dubitationi, disquisitioni.

50. Facile video, quid dicturus sit Paræus, nempe spiritum illum semper infallibilem esse, quando, qui illum habent, loquuntur ex scripturis, & eas tanquam normam & regulam sequuntur. Sic enim habet in epistolari disceptatione, epist. 4. pag. 38. *Vnde nec vniuersi, nec singuli fideles, quandiu sunt in via, ab omni errore & lapsu in fide immunes sunt, nisi in quantum ad infallibilem sensum verbi diuini attendunt, & à Spiritu sancto diriguntur.* Similia habet in sequentibus.

51. Sed iam reddit questio; An spiritus ille nunquam testificetur in cordibus electorum, nisi cum ipsi scripturas legunt, & ex iis, & iuxta eas iudicium ferunt. Si tunc solum, quid fiet, cum oritur controuersia de ipsa tota Scriptura, sitne diuina, necne? Quale iudicium hic ferent Calvinistæ? Ex scripturis, & iuxta eas adferre non possunt, quia de ipsis controuersia est, & aduersarius illas non admittit. Aliunde ergo sumendum est iudicium. Et si aliunde, quam ex scripturis, iam non aderit testificatio spiritus sancti: & sic iudicium erit fallibile.

52. Sed faciamus, quod ipsi volunt Spiritum sanctum non testificari, nisi cum fertur iudicium ex scripturis & iuxta scripturas: & hoc iudicium semper esse infallibile. Vnde ergo fit, quod Lutherani & Calvinistæ non possint inter se conuenire, in controuersia de præsentia corporis Christi in Eucharistia? Vtrique, suo iudicio, electi & prædestinati sunt: Vtrique eundem spiritum testificantem habent: Vtrique ex solis scripturis, & iuxta scripturas ferunt iudicium de hac controuersia: & tamen toto cælo dissentiant. Quis dicat hoc iudicium esse infallibile, Occurrunt Calvinistæ, suum esse infallibile, Lutheranorum, fallibile. At hi contra clamant. Quos audiam, quos sequar. Dirimite vos ipsi hanc litem: ex solis scripturis rem expedite, iuxta solas scripturas iudicate. Nā facitis, dicam utrosque mentiri, cum occinitis assidue, Spiritum sanctum infallibiliter iustificari in cordibus vestris, quando ex scripturis & iuxta scripturas, iudicium fertis.

53. Quo magis executio hunc spiritum, magis mihi suspectus sit. Et facile credam, similem esse illi spiritui, Lutherum instruxit de abrogatione Missæ, & Zuinglium de intellectu verborum Eucharistiæ; *Hoc est corpus meum*. Præsertim cum prudentioribus plerisque persuasum sit, Deum Calvinistarum esse Diabolum. De qua re prolixè in Disputatione, de auctoritate peccati.

54. Nec scripturæ testimonia superius allata, patrocinantur huic spiritui. Discutiam singula. Primum est illud Ioann. 10. 17. *Oves mea vocem meam audiunt.* Quæ sunt illæ Oves? Attende Paræe. Oves sunt, quas Christus Petro commisit, Ioann. 21. 17. *Pasce oves meas.* Et quomodo hæc Oves audiunt vocem Christi. Hoc ipse explicat, cum ait, Luc. 10. 16. *Qui vos audit, me audit, & qui vos spernit, me spernit.* Hinc sequitur, Oves Christi esse, qui audiunt vocem Petri, & successorum eius, ut faciunt. Catholici: Oves Christi non esse, qui contemnunt vocem Petri, & successorum eius, ut faciunt Calvinistæ. Vide Paræe, hoc ipso testimonio, quod allegasti, apertè conuinci, te ouem non esse, sed hircum.

A 55. Alterum est illud Isaia 54. 13. *Dabo vniuersos filios tuos doctos à Domino.* Et illud Ieremias 31. 34. *Non docebi: ultra vir proximum suum. Omnes enim cognoscere me à minimo usque ad maximum.* Et Ioann. 6. 45. *Erant omnes docibiles Dei.* Hinc colligunt Calvinistæ, se habere internam testificationem Spiritus sancti, & esse *doctos à Domino*. Sed errant, nescientes scripturas, & in suam perniciem abutentes. Longè alius scripturæ sensus est. Vult ostendere triplex discrimen inter nouum & vetus Testamentum. Primum, quod in veteri, Moyses & Prophetæ docuerint populum, in nouo, Christus Deus, iuxta illud Heb. 1. 1. *Multi foris multisque modis olim Deus loquens Patribus in Prophetis, nouissime locutus est nobis in filio.* Alterum, quod Moyses & Prophetæ multò aliter docuerint quam Christus. Nam illi proponebant quidem populo, quid credere & facere deberent; sed non iuuabant per internam gratiam, ut possint credere & facere. Christus non tantum docet exterius per vocem, sed etiam interius per gratiam. Ioann. 1. 17. *Lex per Moysen data est gratia & veritas per Iesum Christum facta est.* Tertium, Moyses & Prophetæ prædicabant verum Deum apud solos Iudæos: Christus & Apostoli, apud omnes gentes, Roman. 10. 18. *In omnem terram exiit sonus eorum.*

56. Ex hoc triplici discrimine colliguntur hæc tria. Primum, quod fideles noui testamenti docti sint mysteria fidei à Christo, non à Prophetis aut Moysè. Hoc sensu dicuntur *docti à Domino*. Secundum, quod ab eodem accipiant gratiam, qua, si velint, possit præstare, quæ præstanda sunt. Tertium, quod per totum Orbem diffusi sint. Nunc facile est explicare testimonia citata. Isaia ait: *Dabo vniuersos filios tuos doctos à Domino*, id est, Christus Dei filius docebit & illuminabit fideles noui testamenti partim per se, quo pacto docuit Apostolos partim per alios, quo pacto docet nos omnes, iuxta illud Matthæi 28. 19. *Euntes docete omnes gentes*, & Lucæ 10. 16. *Qui vos audit, me audit.* Ieremias ait: *Dabo legem meam in visceribus eorum, & in corde eorum scribam eam*, (loquitur de gratia interius operante) *Et non docebi ultra vir proximum suum, dicens, Cognosce Dominum.* Omnes enim cognoscere me, id est, in omni gente colitur verus Deus & non necesse erit, ut deinceps dicatur, verus Deus hic apud Iudæos colitur, aut, *Nomen in Iudea Deus*; quia apud omnes gentes annunciabitur.

57. Superest illud 1. Ioann. 2. 27. *Non nec esse habetis, ut aliquis doceat vos, sed sicut vnctio eius docet vos de omnibus, & sicut docet vos, manete in ea.* Sensus est manente in ea doctrina, quam hætenus ab Apostolis, coöperante diuina gratia (quæ per vnctionem significatur) didicistis. Ea vobis sufficit. Nec indigetis nouis doctrinis, quæ passim à Pseudo Apostolis seminantur. Hic sensus colligitur ex verbis antecedentibus & consequentibus. Nam v. 24. sic habetur: *Vos quod audistis ab initio, in vobis permaneat.* Et v. 28. *Et nunc filii di, manete in eo.* Quid hic pro priuato spiritu Calvinistico. Nihil prius.

58. Hinc satis apparet, ex scripturis nihil haberi pro infallibilitate spiritus Calvinistici. Nunc ex eo ipso Paræo breuiter eam oppugnabo. Is in disceptatione epistolari, epist. 6. & 8. profert duo argumenta contra infallibile iudicium Ecclesiæ Catholice. 1. Primum est. *Non est omnium gratia, sed certa gratia portio est data, eius testimonium nondum est infallibile* (Prophetas, Apostolis, Evangelistas, immediate tunc illuminatos excipio). Ecclesiæ nondum est omnis gratia, sed certa tantum mensura data, teste Apostolo, Eph. 4. 7. *Nondum igitur Ecclesiæ testimonium est infallibile.* Alterum est. *Qui tantum cognoscit & prophetas ex parte, eius iudicium infallibile esse non potest* (Apostolos, & Prophetas rursus excipio). Ecclesiæ cognoscit & prophetas tantum ex parte 1. Corinth. 13. 9.

Ergo Ecclesie iudicium non potest esse infallibile.

59. His ipsis argumentis Paræ, utar contra Paræum & utrumque sic torqueo. Primum; Cui nondum omnis gratia, sed certa gratia portio est data, eius testimonium nondum est infallibile (Prophetas & Apostolos excipio) Paræ, aut cuiusque alteri Calvinista, etiam habenti spiritum priuatum, & ex scripturis indicanti nondum est omnia gratia, sed certatantum mensura data, teste Apostolo. Ergo eius testimonium, etiam si spiritum priuatum habeat, & ex scripturis iudicium ferat nondum est infallibile. Alterum Qui tantum cognoscit ex parte, eius iudicium infallibile esse non potest; (exceptis Apostolis & Prophetis) Paræus, & quilibet alius Calvinista, habens priuatum spiritum & legens scripturam cognoscit tantum ex parte, 1. Corinth. 13. 19. Ergo eius iudicium non potest esse infallibile.

60. Quid hic dicis Paræ? Maior propositio utriusque Syllogismi tua est; Minor ex Apostolo sumptæ; Conclusio legitime sequitur. Constrictus ergo es, & tibi ipsi laqueum parasti. Neque nos tamen constingimur. Nam maior propositio, (quam tu, ut veram sumpsisti) vel vniuersalis, vel particularis est. Si vniuersalis, cur excipis Apostolos & Prophetas? Si particularis, nihil concludis. Deinde illa mensura & proportio gratiæ quam Spiritus sanctus unicuique distribuit, vel est causa, cur errare & falli quis possit, vel non est causa. Si est causa, cur Apostoli non errarunt? Si non est, cur inde colligis Ecclesiam falli & errare posse.

61. Sat multa de spiritu Calvinistico, & eius infallibilitate. Nunc de Circulo videamus. Aio Calvinistas circulum committere, cum Scripturam probant esse diuinam quia priuatus spiritus dicit: & priuatum spiritum esse diuinum, quia Scriptura dicit Adde, eos ab hoc circulo non posse se expedire, nisi confugiant ad ea præsidia, quibus nos vsi & tuti sumus. Nec obsto, quin id faciant. Sed si faciunt, agnoscant nos rectè vindictos esse ab obiecto circulo, & deinceps desinant obiectare, & cauillari. Si non faciunt, alia via debent se defendere, quod non poterunt.

62. Sic ergo te vrgeo Paræ. Vnde constat tibi, Scripturam esse diuinam: aut, quod idem est, esse vocem & loquelam Dei? Ex interna, inquis, testificatione Spiritus sancti de huius Scripturæ veritate & certitudine. Benè habet. At vnde constat internam illam testificationem esse à Spiritu sancto? Ex Scriptura, inquis, Ioan. 10. 27. *Oues mea vocem meam audiunt.* Et hæc Scriptura, vnde constat, quod diuina sit? Ex interna testificatione Spiritus sancti. Et hæc testificatio, vnde constat, quod diuina sit? Ex Scriptura iam recitata. Et Scriptura iam recitata putas, diuina est? Omnino, At vnde constat? Iam aliquoties dixi, quid mihi molestus es? Noli irasci bone vir. Non vides te in circulo oberrare, volebam te educere, sed non potui. Nisi forte tu rimam aliquam videas, qua elabaris. At nulla plane est.

63. Imò, inquis, inueni rimam. Nam scripturam astruo per priuatum spiritum, & priuatum spiritum per Scripturam, non quidem apud eum, qui utrumque negat, sed qui alterum negat, alterum admittit. Sed audi mi Paræ. Hanc viam nos te docuimus. Aut ergo aliam quæras necesse est, aut fatere bonam esse, quam tibi monstrauimus. Quamuis ne sic quidem euades. Quæ enim nobis bona est, tibi bona esse non potest. Quare, quia nostra probatio, qua Scripturam per Ecclesiam, aut Ecclesiam per scripturam astruimus, sæpe locum habet. Multi enim admittunt Scripturam, qui Ecclesiam negent, ut Calvinistæ: Et contra, multi admittunt Ecclesiam, qui de quibusdam Scripturis dubitant, ut rudiores Catholici. Vtrosque ergo possumus conuincere. At quis quæso est, qui tuum priuatum spiritum admittit? Nemo mortalium. Ne quidem apud tuos Heidelbergenses reperias, quem si neget Epistola Opusc. Bcc.

A Iam ad Hæbræos esse canonicam convincere possis ex tuo priuato spiritu. Nisi fortè tu Pythagoras sis, & Heidelbergæ valeat illud, *Verba ipsa id est, si spiritus Paræi dixit.* Vix credam.

64. At, inquires, si quis priuatum spiritum neget, possum illum ex scripturis astruere, præsertim ex illo sæpius citato, *Oues mea vocem meam audiunt.* Nihil minus Paræ. Etsi enim ex illo loco perluades, oues Christi audire vocem sui pastoris, quomodo perluadebis, te esse ouem Christi? Quid si dicam te hæc esse, non ouem, quid si reprobum, non prædestinatum? Vnde me conuincas? Experire si potes. Non aliter, quam hoc modo, potes argumentari: Oues Christi audiunt vocem sui pastoris, sed Paræus est ouis Christi: Ergo Paræus audit vocem pastoris: Ergo habet priuatum spiritum testificantem. Maior vera est, sed minor vnde probatur? An probas te ouem esse? quia priuatum spiritum habes? Nugaris. Nam volebas probare, te priuatum spiritum habere, ex eo, quod ouis esses. Vides novum circulum? quem tibi sic inculco: Vnde constat tibi Paræ, quod habeas priuatum spiritum testificantem, quia sum ouis Christi. Et vnde constat, quod sis ouis Christi, quia habeo priuatum spiritum, qui id testificatur. Apage cum isto circulo.

65. Quod dixi de priuato spiritu dicam de Scriptura: Vel enim accipis Scripturam in eo sensu, quo antiqui Patres eam acceperunt, & interpretati sunt, vel in eo sensu, quem tu vis. Si priori modo, non poteris probare priuatum spiritum ex scriptura, quia aut qui Patres non sic interpretati sunt Scripturam. Si posteriori novum circulum committis, qui sic habet? Vnde scis, Scripturam illam (*Oues mea vocem meam audiunt*) intelligi de priuato spiritu Calvinistico? quia priuatus spiritus hoc dicit, Et vnde constat priuatum spiritum esse diuinum, quia Scriptura, iuxta illum spiritum intellecta, hoc asserit. Et vnde constat Scripturam sic esse intelligendam? quia priuatus spiritus hoc dicit. Et vnde priuatus spiritus probari potest? Ex Scriptura iuxta priuatum spiritum intellecta. Videsne te iterum in circulo agi, Sed ne te nimium fatigem in his circulis, desistam hac vice, & spatium tibi dabo, ut colligas te, si fortè elabi possis.

IN CIRCULVM CALVINISTICVM.

Ex D. Augustin.

D Augustinus in Psalm. 139. ad illa verba. *Caput circumiens eorum;* sic scribit *Quid est circumiens eorum? Ut circumueant, & non stent: in gyrum eant erroris, ubi iter est sine fine. Qui enim in longum it, aliunde incipit. Aliubi finit. Qui in gyrum it, nunquam finit. Ipse est labor impiorum, qui demonstratur in alio Psalmi euidentius; in circuitu impij ambulant.*

APPENDIX AD CIRCULVM Calvinisticum.

Cum hæc disputatio de circulo Calvinistico contra Paræum nuper euulgata esset, & à multis legi

geretur, neque Parzus, propter quotidianas occupationes statim haberet, quod opponeret, fertur dixisse, se in suis Prolegomenis in Oream Prophetam accuratè explicasse, quæ ad hanc rem pertinerent. Euolui ergo ipsius prolegomena, & quæ huc spectant, in tres propositiones redegi, quæ sic habet.

Propositio I. duplex est fides interna, qua credimus: externa, quam credimus. pag. 27. & 31.

II. Fides interna, qua credimus resoluitur vltimò in internam testificationem, seu persuasionem diuinam. (ibidem.)

III. Fides externa, quam credimus, resoluitur vltimò in solam scripturam. (ibidem.)

Hanc suam doctrinam & distinctionem dicit Parzus vtilem esse tum ad circulum evitandum, tum ad defendendam certitudinem fidei, quam quisque habet de sua ipsius fide, conversione, peccatorum remissione, & electione. (pag. 31.)

Ego contra ostendam, plane inutilem, falsam, sibi ipsi repugnantem, & nullius momenti esse: & Parzum dum circulum evitare vult, in alios scopulos impingere.

Examinatur prima propositio Parzi.

1. Loquar deinceps tecum, Parze, primum ergo ais, aliam internam, aliam externam esse fidem: internam, qua credimus, externam, quam credimus. Hoc probas: partim ex Augustino lib. 13. de Trinitate, cap. 2. partim ex Lombardo lib. 3. sentent. distinct. 23. Verba Augustini sunt hæc, *Aliud sunt ea, qua creduntur, aliud fides quia creduntur.* His addit Lombardus; *Nomine fidei confiteor utrumque, & illud scilicet, quod creditur, & id, quo creditur.* Idem tradit D. Thomas in 1. 2. q. 4. art. 6. & alibi passim.

2. Hæc vera sunt, Parze, sed causam tuam non iuvant. Ostendo. Dicis, quemque certum esse certitudinem fidei de sua fide, conversione, peccatorum remissione, electione. Quæro ergo an hæc fides (i. *Paræ sunt remissa peccata*) sit interna? vel externa? Vel, quod idem est, an sit id, quo credis, an id, quod credis? Alterutrum enim dare necesse est, secundum tua principia. At quidquid dixeris, captus es. Nam si est fides interna, seu id, quo credis, iam idem tibi sunt hæc duo, *remissio peccati Paræ*, &, *interna fides Paræ*. Vnde sicut rectè dicitur, *Paræus interna fide credit Deum esse Trinum*, ita licebit dicere: *Paræus remissionem sui peccati credit Deum esse Trinum.* Quo nihil absurdius. Si autem est fides externa, seu id, quod credis, ergo iuxta tuam tertiam propositionem, debet resolui in solam scripturam. At tu ipse hoc negas. Et rectè Nam in tota scriptura nusquam habetur: *Paræ sunt remissa peccata.* Vide nunc Parze, quid agas, aut quo te veritas.

3. Possem similiter ex te quærere, an hæc fides, *Paræus est prædestinatus*, sit interna, vel externa? Si interna, rectè dixero, Parzus sua prædestinatione credit Deum esse Trinum. Si externa, oportebit ostendere in scriptura locum, ubi dicatur: *Paræus est prædestinatus.* Sed nolo te hic virgere, Quis qui hæc legit, facile videt, te elabi non posse.

Examinatur secunda Propositio.

1. In secunda asseris, fidem internam resolui in internam testificationem, seu persuasionem diuinam. Hoc iterum probas ex Augustino lib. 13. de Trinitate.

A capite 1. ubi sic habet, *Fidem porrò ipsam, quam videt, quisque in corde suo esse, si credit, vel non esse, si non credit alter nominat.* Et infra. *Non sic videtur fides in corde, in quo est ab eo, cuius est, sed eam tenet certissima scientia, clamatque conscientia.* Et cap. 2. *Suum quisque fidem apud seipsum videt, in altero autem credit esse, eam non videt.*

2. Sed mi homo, non allecutus es mentem Augustini. Non loquitur ipse de interna iustificatione, seu suasionem diuinam, de qua tu loqueris, sed de experimentalis scientia, qua quis in se experitur, & quali videt actum credendi, dum credit. Ostendam tibi hoc clarius. Asseris seu, internam fidem vltimò resolui in internam testificationem seu persuasionem diuinam. At idem non resoluitur in seipsum. Ergo, ex tua sententia necesse est, fidem internam distinguere ab interna testificatione, ac proinde esse duos actus in homine credente: alterum fidei, quo credit, alterum Spiritus sancti, quo testificatur illum credere. At nihil tale habet Augustinus. Solum ait vnumquemque, dum actu credit, sentire vel experiri se credere: nec sentire hoc actu aliquo distincto ab actu credendi, sed eodem ipso quo credit. Est enim actus vitalis, quem quisque sentit in se vitaliter exerceri. Sicut is qui gaudet sentire se gaudere, non actu distincto, sed eo ipso, quo gaudet. Gaudendo enim experitur se gaudere. Hic rursum vides Parze, quàm imperitè, vel si vis, quàm malitiosè legas & producas pro te Augustinum. Alium patronum quære, qui tuam propositionem confirmet.

3. Sed nondum hinc abeo. Distinguis actum internæ fidei ab interna testificatione. Velim ex te scire, quomodo inter se differant; Et quæro, an illa testificatio sit in voluntate, an in intellectu? In voluntate esse non potest, cum sit interna quædam Dei loquela, seu persuasio quæ ad intellectum pertinet. Si ergo est in intellectu debet esse, quædam notitia, seu cognitio. Vel igitur est obscura, vel clara & evidens cognitio. Si obscura, quomodo à fide distinguitur? Si clara & evidens, quomodo à visione vel scientia? Sed suspicor, non tam subtiliter te hæc discussisse. Pergo igitur ad alia.

4. Actus fidei, inquis, resoluitur in internam iustificationem Spiritus sancti. *Nam Spiritus sanctus inus contestatur Spiritui nostro, de nostra ipsorum fide, conversione, iustificatione, regeneratione, electione.* Hæc tua verba sunt, Parze. Quæro an actus, internæ fidei non sit à Deo, Non potes negare. An actus internæ testificationis non sit similiter à Deo? Omnino asseris. An de utroque sis certus certitudine fidei, Planè. An uterque sit fides interna, Hic hæres, bone vir. Et quidem, si actus testificationis, sit fides interna, debet resolui in internam testificationem, iuxta secundam tuam propositionem, & sic dabitur progressus in infinitum, aut certè, non omnis fides interna sic resoluitur, & tunc falsa est tua secunda propositio. Si autem sit fides externa, debet resolui in scripturam, iuxta tertiam tuam propositionem: at nusquam in scriptura legitur. *Spiritus sanctus testificatur Paræo de ipsius fide.* Si neque interna, neque externa est, vel hæc divisio tua non est sufficiens, vel non habes certitudinem fidei de interna testificatione Spiritus sancti. Elige, quod vis.

5. Quod cæpi, virgeo. Vnde Constat tibi Parze, quod illa testificatio interna, quæ in corde tuo loquitur, sit à Deo, fortè est à diabolo, qui te dicit. Imò, inquis, ex scriptura constat à Deo esse. Ioan. 10. 27. *Oves mea vocem meam audiunt.* Sed vnde constat, te ovem esse. Ex interna testificatione. Et vnde constat, hanc testificationem esse à Deo, quia sum ovis Christi, Et oves Christi vocem Dei agnoscunt. At vnde constat te esse ovem, quia agnosco vocem Dei. Vnde scis te non errare, quia sum ovis. Et vnde hoc scis, quia non erro. Certè non longè aberrabis, quandiu manebis in hoc circulo.

Examinatur tertia Propositio.

1. **I**N tertia propositione ais, fidem externam, seu res credendas resolui in solam Scripturam. At alibi contrarium docēs, Nam in Disputatione de auctoritate Scripturarum, proponis & discutis hanc questionem; *Vnde constat doctrinam Prophetarum & Apostolorum esse diuinam & canonicam?* Et reiectis aliorum opinionibus, dicis id constare ex interna testificatione Spiritus sancti. Sic enim habes §. 55. *Spiritus sanctus testificatur in cordibus electorum de huius doctrina veritate & certitudine. Filij siquidem Dei, legentes vel audientes libros Prophetarum vel Apostolorum, audiunt & cognoscunt loquelam patris sui, & discernunt eum ab alijs.* Hic iam aduerte, Parze, quā inconstans sis. Vno loco dicis, hanc questionem, *Vnde constat esse Scripturam verbum Dei?* resoluendam esse in solam Scripturam: aliō, in internam testificationē Ego sanē, nisi ad tua Prolegomena prouocasses, hanc animi tui leuitatem & inconstantiam non facile deprehendissem. Tibi ergo imputa quod in flagranti crimine deprehensus sis.

2. Vis plura? Audi patienter. Res, inquis, credendæ in solam Scripturam resoluuntur. At non potes hanc in eam resoluerē; *Euangelium Matthæi est canonicum;* neque hanc, *Tota Scriptura simul sumpta, est canonica;* neque hanc, *Baptismus hereticorum est validus,* neque istam, *Parasus est predestinatus,* neque illam, *Parasus remissa peccata.* Et tamen omnes istę res tuo iudicio, sunt credendę, & de omnibus, vt tu quidem dicis, habes certitudinem fidei. Ostende ergo singulas in Scriptura. Non potes.

Examinatur utilitas harum Propositionum.

1. **A**is Parze tuas propositiones viles esse, tum ad vitandum circulum, tum ad defendendam certitudinem fidei, quam quisque habet de ina ipsius fide, conuersione, remissione peccatorum, electione. Vtrumque examinandum est. Incipiam à posteriori. & quæro, *Estne certus certitudine fidei, tibi remissa esse peccata?* Omnino. At vnde constat? Non ex Scriptura, vt tu ipse fateris, quia nusquam in ea legitur, *Parasus remissa sunt peccata.* Nec ex interna testificatione, quia in illam non resoluitur fides externa, quæ creditur, sed interna, qua creditur, iuxta tuam secundam propositionem. Hęc autem fides, *Parasus remissa sunt peccata,* non est interna, vt supra probatum est. Quid hic respondes? Si taces, fateris tuam doctrinam esse tibi vilem. Si loqueris alterutro modo tueri te debes, vel confugiendo ad Scripturam, vel ad internam testificationem. Omnis enim fides, ex sua sententia, vel in hanc vel in illam vltimū resoluitur. At nusquam tutus es. Si ad Scripturam prouocas, deñes in ea ostendere hanc propositionem. *Parasus remissa sunt peccata:* quod tamen non potest. Si ad internam testificationem, peccabis contra tertiam tuam propositionem, in qua vis, fidem externam, quæ creditur, in solam Scripturam resolui. Iam constructus es, nec prodest tua distinctio ad defendendam certitudinem fidei, quam iactas te habere de remissione peccatorum.

2. Ad circulum venio. Putas distinctione internæ & externæ fidei circulum declinari posse. At ergo vel inuitum te ad circulum cogam, vel ad silentium. Nec diu morabor. Audi ergo & responde. Estne tota Scriptura verbum Dei omnino, inquis. Vnde constat? Ex eadem Opusc. Bcc.

A Scriptura. Sed ex eadem tota, an ex aliqua eius partes? Si ex eadem tota, iam principium petis idem per idem probas; idem in seipsum resoluis. Si ex aliqua illius partes, quamnam est illa pars, quæ dicit totam Scripturam esse verbum Dei? Hic affixus es, bone vir: hic ad silentium redactus. Sed repeto. Estne tota Scriptura verbum Dei? Omnino. Vnde constat? An ex Scriptura? At hinc repulsus iam es. An ex traditione? At hoc Papisticum est, quod tu respicis. An ex interna testificatione? At sic euertitur tertia tua propositio. Vbi que miser es, quocunque te vertis.

3. Sed, vt loqui possis, dabo quod petis. Esto: convertet tibi ex interna testificatione, Scripturam esse verbum Dei. At vnde constat, hanc testificationem esse diuinam? Ex Scriptura, Ioanni 10: 27. *Oves meæ vocem meam audiunt.* Sed hæc Scriptura estne diuina? Nihil certius. Vnde habes? Ex interna testificatione. Et hæc testificatio estne diuina? Maxime. Vnde hoc? Ex Scriptura citata. Et vnde scis, Scripturam citatam esse diuinam? Ex interna testificatione. Et quomodo scis, hanc esse diuinam? Ex Scriptura citata. Et hanc vnde ex illa. Et illam vnde? ex hac. Iam bene curis, Parze: sed in circulo. Si fatigaris, redi ad Prolegomena: ibi quietus & silentij locus est. Quod si loqui pergis, non exabis à circulo.



QVÆSTIONES CALVINISTICÆ
contra Paræm,

OPVSCVLVM XI.

LECTORI.

NUPER, nostra disputatio, in qua ostendimus, Deum Calvinistum esse Authorem peccati, valde pugnabit Davidem Paræm Professorem Heidelbergensem. Nec ausus est eam refutare. Quid ergo? Scripsi pauculas theses de peccato, & conuictio illam læssit, vt hereticorum mors est. Ego, si quid ad rem est, breuiter in his quæstionibus examina bo.

QVÆSTIO I.

E *An Calvinus docuerit Deum esse Authorem peccati?*

1. **N**Egat Paræus. At multis argumentis, id probatum in disputatione de Deo Calvinistico, quæ à Paræo soluta non sunt. Ne eadem repetendo sim prolixior, Caluini tantum verba vrgebo. Qui l. 1. Instit. c. 18, §. 3. sic habet. *Et iam satis aperte ostendi Deum vocari omnium eorum Authorem, quæ isti censors dicunt atioso tantum eius permissu contingere.* Quid clariùs? Pronuntiat Calvinus, Deum esse Authorem omnium seu

lerum ac flagitiorum, quæ Catholici volunt sola Dei permissione evenire.

2. Quid iam Parvus? Tria sunt effugia, quibus tueri se potest. primum est, in peccato duo spectari posse, actum & malitiam: Deum ex sententia Calvini Authorem esse actus, non malitiæ. At frustra Longè alia Calvini mens est. Vult Deum esse Authorem peccati, non solum quoad actum sed etiam quoad malitiam. Vult mendacia, adulteria, homicidia, non solum ut opera quædam sunt: sed potius, ut mala opera sunt, Deo Authore fieri & patrari.

3. Ut hoc ostendam, notandus est scopus Calvini. Initio illius cap. 18. disputat contra Catholicos, & multis Scripturæ testimoniis conatur evincere, peccata non fieri sola Dei permissione, ut Catholici volunt, sed efficaci eius decreto ac voluntate. Deinde §. 3. ponit hæc verba. *Et iam satis aperte ostendi, Deum vocari omnium eorum Authorem, quia isti censes volunt otioso tantum eius permissu contingere.* Nempe non aliter hoc ostenderat quam probando peccata fieri Deo volente ac decernente, & non solum permittente.

4. Hinc sequitur primum, hæc duo pro eodem sumi apud Calvinum; Deum esse Authorem peccatorum. Et, peccata fieri Deo volente ac decernente. Secundò sequitur, quoties affirmat Calvinus, peccata fieri Deo volente, toties significare, Deum esse Authorem peccatorum. Illud autem sæpe affirmat, partim loco citato; partim libr. 3. Institut. cap. 23. §. 4. & 7. ubi asserit peccatum primi parentis, & posterorum ruinam, Dei voluntate, decreto arbitrio, ordinatione & dispensatione accidisse. Vnde ibidem §. 6. statuit hanc generalem regulam contra Catholicos; *Omnia quæ sunt, Dei voluntate & decreto fieri.* Et §. 8. *Voluntatem Dei esse necessitatem rerum.* Vnde ulterius sequitur, homines divina voluntate ad peccandum necessitari, quod etiam concedit Calvinus §. 9.

5. Porro ex hac sua doctrina videbat Calvinus nasci difficilem objectionem. Nam si Deus ex una parte vult & decernit peccata fieri, ut Calvino placet, & ex altera parte prohibet fieri peccata, ut Scriptura testatur: planè sequitur, duas esse in Deo contrarias voluntates, alteram, quia velit, alteram, quia nolit fieri peccata. Hanc Catholicorum objectionem ponit Calvinus libr. 3. cap. 18. §. 3. & in omnem partem se versat. Ac primum ait, *omnino in se, sed in Spiritum sanctum torqueri.* Nimirum hæc denunciatione vult Catholicos terrere ne si pergant contra ipsum disputare, videantur contra Spiritum sanctum luctari. Deinde, subiicit verba supra citata. *Et iam satis aperte ostendi, &c.* quasi dicat: Non debeat reubere, quod iam antea docui, Deo volente, atque adeo Authore, peccata omnia perpetrari. At quomodo tunc non erunt contrariæ in Deo voluntates, sic peccata patrantur ipso volente, & nihilominus prohibente? Hoc inquit Calvinus, *pro mentis nostræ imbecillitate non capimus. Bene habet.*

6. Videamus iam, quod antea dixi, Deum ex sententia Calvini, Authorem peccati esse, non solum quoad actum, sed etiam quoad malitiam. Hoc dupliciter concludo ex dictis, Primum; Quando Catholici docent peccata fieri, Deo tantum permittente, loquuntur de peccatis, quatenus peccata sunt: Ergo similiter, Calvinus, quando contra Catholicos docet peccata fieri Deo volente ac decernente, loquitur etiam de peccatis, quatenus peccata sunt. Nam hæc duo Calvino idem valent, *Deum esse Authorem peccatorum, Et, peccata fieri Deo volente ac decernente*, ut paulò ante notavi. Secundò, Deus ex mente Calvini, vult fieri peccata, eodem sensu sumpta, quo illa prohibet: at prohibet peccata non tantum quatenus opera quædam sunt, sed multo magis, quatenus mala opera sunt: Ergo vult etiam ea fieri quatenus mala sunt: Ergo sub eadem ratione est

eorum Author. Maior patet, quia nisi vellet & nollet peccata eodem sensu sumpta, non apparerent contrariæ in Deo voluntates, & obiectio contra Calvinum facta nullius esset momenti. Diceret enim Calvinus Deum velle peccata, quatenus opera sunt, nolle, quatenus mala sunt, & ita cessaret obiectio. At hoc non dicit, sed potius confugit ad mentis nostræ imbecillitatem. Sentit ergo, Deum esse Authorem peccatorum, quatenus peccata sunt.

7. Id magis confirmatur ex eodem cap. §. 4. ubi rursum obicit, ex sua doctrina videri sequi, *Deum scelerum omnium esse Authorem, ac proinde immerito damnari homines, si exequantur, quod decernit Deus, quia eius voluntati obtemperant.* Verba Calvini sunt. In quibus nota, duas fieri consequentias. Una est, Deum esse Authorem omnium scelerum. Altera, homines immerito damnari propter scelera, quorum Deus fit Author. Calvinus ad priorem nihil respondet: ideoque tacitè concedit, rectè sequi ex sua doctrina, Deum omnium scelerum Authorem esse. Quid querimus amplius? Ad posteriorem conatur aliquid dicere, sed quam rectè, non est huius loci. Nunc solum, quod propositum est, vigeo, de Authore peccati.

8. Multo clariùs id patet libr. 2. Institut. cap. 4. §. 2. ubi similem objectionem ponit his verbis. *Quomodo idem opus ad Deum, ad Satanam, ad Authorem referamus, quin vel Satanam excusamus Dei consorcio, vel Deum mali Authorem prædicemus.* Hic primum attende vim objectionis, quæ est huiusmodi. Quando homo, Satana instigante, & Deo decernente ac imperante, committit adulterium, tunc unius eiusdemque operis triplex Author est, nempe homo, qui committit, Satana, qui instigat: & Deus, qui vult ac decernit. Si ita est, alterum è duobus sequitur, vel nullam hic culpam esse in Satana & homine, quippe qui in eodem opere socium habent Deum, vel, si quæ culpa in illis est Deum istius culpe Authorem esse. Hæc objectionis vis est. Quid Calvinus? An negat Deum esse Authorem mali, seu culpe? Ne minimo quidem verbo. Bene est. Quid ergo? Solum ait omnes quidem esse authores mali, Deum, Satanam, & hominem, sed Deum bono fine, reliquos malo: ac proinde hos peccare, non illum. Verba Calvini sunt hæc: *Idem ergo facinus Deo, Satana, homini, assignari, videmus non esse absurdum: sed varietas in fine & modo facit, ut illic inculpata Dei iustitia relucet: Satana homini quæ nequitia cum suo opprobrio se producat.* Expende verba. non est absurdum, inquit, idem facinus assignari Deo, homini, satana. Nempe tanquam autho-ibus. Nam hoc quærebatur, an idem opus ad Deum, ad Satanam, ad hominem authorem referri possit. Non solum idem opus inquit Calvinus, sed idem facinus illis authoribus assignari potest. Ergo ex sententia Calvini, tres sunt authores facinoris, Deus homo, Satana. Et ut alibi docet, *Deus clavum tenet*, libr. 1. cap. 18. §. 1.

9. Idem colligitur ex alio Calvini principio. Nam is, qui sua voluntate efficaciter intendit finem, & præterea ordinat ac procurat media ad consecutionem finis, merito censetur author mediorum ad finem: at Deus ex sententia Calvini, æterno suæ voluntatis decreto efficaciter intendit damnationem reprobatorum, tanquam finem, ad quem ipsos creavit. Et ad eius executionem decernit & procurat peccata, tanquam media sine quibus nemo re ipsa damnatur: Ergo Deus est Author peccatorum, non solum quatenus opera quædam sunt, sed quatenus merentur damnationem, id est quatenus peccata sunt. Minor propositio quoad utramque partem in sequentibus probabitur ex verbis Calvini.

10. Sat multa contra primum Parzi effugium. Alterum est, Deum esse Authorem peccatorum, quate-

nus pœne quædam sunt precedentium peccatorum. **A** Hic dupliciter peccatur. Primò, quia quod asseritur, non potest accommodari primo peccato Adami. Nam si omnium, etiam illius Author est Deus secundum Calvinum, & tamen primum peccatum non potuit esse pœna alicuius prioris peccati. Secundò, quia peccatum non est pœna, quatenus opus quoddam est, sed quatenus malum est; Ergo, qui hoc effugium querunt, fateri debent, Deum esse Authorem peccatorum quatenus mala opera sunt. Et quid aliud contendimus in doctrina Calvinii?

11. Ultimum effugium est, Deum quidem esse Authorem peccatorum, etiam quatenus peccata sunt, non tamen esse obnoxium peccato. Sed hoc non queritur modò, an Deus peccet, aut obnoxius peccato sit. Sed hoc solùm, an sit Author peccati? Si hoc das, satis est in hac lre. De altero postea controuertemus.

QVÆSTIO II.

An Calvinus in hac re sibi ipsi contradicat?

PRODUXI verba & sensum Calvinii, quibus fatetur, Deum esse Authorem peccati. Pareus contraria producit. Sed quorsum, nisi ut ostendat Calvinum sibi ipsi repugnare? Et verum esse, quod Propheta ait: *Mentis est iniquitas sibi.* Hoc facile concessero. Hæreticorum his mos & ingenium est, nunc asserere, mox negare. Non enim discunt à suo Magistro, nisi discor-
dibus tibiis canere.

2. Sanè, Calvinus non semel, sed sæpe à seipso dissentit. Ne longus sim, pauca accipe. Docet lib. 4. Inst. c. 1. §. 2. nos fide profiteri duplicem Ecclesiam, alteram visibilem, alteram inuisibilem, cum dicimus in Symbolo. *Credo Ecclesiam.* At alibi solam inuisibilem, quæ est Electorum, ait nos credere. Sic enim habet in primo Cathéchismo, *Sequitur quarta pars, in qua confitemur nos credere unam sanctam Ecclesiam Catholicam.* Et statim explicans, quæ sit illa una Ecclesia, quam credimus, sic addit, *Q. idest Ecclesia: corpus ac societas fidelium quos Deus ad vitam æternam prædestinavit.* Certè, hic ingenuè fatetur, nos credere vnâ tantum Ecclesiam, quæ est Prædestinatorum.

3. Similiter l. 4. cap. 1. §. 4. docet. Extra Ecclesiam visibilem saluari neminem posse sic enim ait, *Nun de visibili Ecclesia differre propositum est.* Et paulò post. *Extra eius gremium nulla est spectanda peccatorum remissio, nec ulla salus.* At filij fidelium, qui sine Baptismo moriuntur, saluari possunt iuxta Calvinum l. 4. Inst. c. 16. §. 24. & 25. Et tamen non sunt in Ecclesia visibili, cum in eam nemo admittatur, nisi per Baptismum lib. 4. cap. 1. §. 7.

4. Russ. m. l. 3. Inst. cap. 2. §. 16. 17. & 18. docet vnumquemque fidelem, esse certum certitudine fidei, de sua iustitia & remissione peccatorum; & non esse fidelem, qui hanc certitudinem non habeat. At in eodem c. §. 10. & 11. apertè asserit, neminem certò scire, se habere veram fidem, & vnumquemque in ea re posse decipi. *Tot, inquit, vanitas recessus habet, tot mendacij latebris cæcet cor humanum, tam fraudulen a hypocrisi tectum est, ut se ipsum sepe fallat.* Et iterum. *Experientia ostendit, reprobos interdum simili fere sensu, a que electos affici, ut non suo quidem iudicio quicquam ab electis differant.* Quis iam Calvinista audeat dicere, se certa fide credere, quod iustus & prædestinatus sit? dicam ego ex Calvinio. *Cor tuum te fallit, & fraudulenta hypocrisi tectum est. Reprobos es, licet tuo iudicio non differas ab electis.*

Opusc. Bcs.

5. Idem in antidoto Conc. Trident. Sess. 6. can. 9. & 11. docet fidem iustificare, habere vim iustificandi, esse causam iustificationis. At lib. 3. c. 13. §. 5. id negat. his verbis; *Quoad iustificationem, res est mere passiva s. dei.* Sanè si est res mere passiva, quoad iustificationem, quomodo habet vim iustificandi; aut si hanc habet, quomodo est mere passiva? Non coherent ista.

6. Præterea lib. 1. Inst. c. 15. §. 8. apertè asserit, hominem in statu innocentie prædictum fuisse libero arbitrio, quo si vellet, adipisci posset vitam æternam. Hæc enim ipsius verba sunt. At lib. 3. cap. 23. §. 8. ait: *Voluntatem Dei esse rerum necessitatem.* Et §. 6. nihil fieri aut factum esse, nisi Dei voluntate ac decreto. Vnde sequitur omnia necessaria, nihil liberè euenire. Quomodo ergo in statu innocentie potuit esse ea libertas, ut homo posset se saluari, si vellet, & peccare, si vellet? Aut si hæc libertas ibi fuit, quomodo potuit esse locus voluntati Dei, omnia necessitati.

7. Ad hæc in antidoto Conc. Trid. Sess. 6. cap. 8. sic habet, *fallum esse contendere, vltimam iustitiæ portam in qualitate sitam esse, vel habitum, qui in nobis residet.* Hic planè negat iustitiam inhærentem, quam Catholici asserunt. At in libro de vera Ecclesiæ reformatione, eandem concedit his verbis. *Namquam reconciliamur Deo, quin simul doneamus iustitia inhærentem.*

8. Omitto reliquas Calvinii contradictiones, ne longior sim. Nam ex his paucis, quæ allata sunt, satis apparet, Paræum confirmare, quod vltà damus; Calvinum imò aliorum hæreticorum, instabilem esse, ac sibi ipsi repugnare. Docuit primum contra Catholicos odio potius, quam veritatis inquirendæ studio, peccata fieri Deo volente, & non tantum permittente, ac proinde peccatorum omnium Authorem esse Deum; & non tantum permittentem. At postea, cum Libertini ex hoc vno dogmate varia paradoxa procuderent, cepit eos Calvinus oppugnare, & quod olim ipse docuerat, in aliis reprehendere & insectari. Si hoc Paræus vult, non magno pete distantius.

QVÆSTIO III.

An Deus creauit aliquos ad mortem & æternam damnationem?

AFFIRMAT Calvinus lib. 3. Inst. cap. 21. §. 5. his verbis. *Non enim pari conditione creantur omnes; sed aliis vita æterna, aliis damnatio æterna præordinatur. Itaque prout in alterutrum finem quisque conditus est, ita vel ad vitam vel ad mortem præordinationem dicimus.* Et cap. 24. 12. *Quos ergo in vitam conuulsiam, & mortis exitum creauit &c.*

1. Si porro ex Calvinio queramus quæ causa sit, cur plerique ad mortem creati & prædestinati à Deo sint. Respondet, nulla ipsorum culpa id factum esse, sed solo Dei beneplacito. Sic enim habet lib. 3. cap. 21. §. 7. *Vbiunque regnat hoc Dei placitum, nulla in considerationem veniunt opera.* Et cap. 13. §. 1. *Minime consentaneum est, preparationem ad interitum alio transferre, quam ad æternæ consilium Dei.* Et iterum §. 2. *Homines nudo Dei arbitrio, circa proprium meritum, in æternam mortem prædestinantur.*

3. Sanè atrox & terribilis hæc sententia est, quæ hoc vnico argumento satis solidè refutatur, quod in Ecclesia semper habita sit hæretica. Nam eandem olim docuerint Prædestinatiani in Africa & Galia, tempore D. August. & postea Godescalcus Manachus Remensis.

As in Germania & Francia tempore Lotharij? qui omnes ab Ecclesia coniuncti sunt erroris, ut videre est apud Casarem Baronium tomo decimo Annalium, circa annum Domini 848. Et quidem contra Prædestinianos extat illud D. Augustini (vel D. Prosperi, ut alij volunt) in libello, cui titulus? ad articulos sibi falso impositos, articulo tertio. *Omnium quidem hominum Deus Creator est: sed nemo ab eo idè creatus est, ut pereat. quia a' h' est causa nascendi, alia perendi. Vt enim nascuntur homines, est beneficium: ut autem pereant prævaricatoris est vitium.* Godescalcus verò in Synodo Moguntina, sub Rabano Archiepiscopo, tanquam hæreticus damnatus, ut refert Hincmarus Remensis, qui tunc vivebat, in Epistola ad Hincmarum alterum Laudunensem Episcopum: & ex eo Frodoardus lib. 3. cap. 13. Baronius loco citato, Nicolaus Serarius libro primo rerum, Moguntiacarum, cap. 33. & alij passim.

4. Hinc sequitur, Calvinum hæreticum esse qui sententiam hæreticam & publicè damnatam, contra communem Catholicorum consensum tuetur ac propugnat. Et Paræus in eadem damnatione est, qui Calvino, Godescalco, & Prædestinationis mauult subscribere, quàm Ecclesiæ Catholicæ, quæ nunc est, & olim tempore Augustini fuit, authoritatem venerari. Multò rectius sibi quondam consuluit Lucidius Presbyter, qui erat vnus ex Prædestinatis: Cum enim intellexisset ex Epistola Fausti Episcopi, qui alij duodecim Episcopi subscripserant, sententiam Prædestinatioanorum anathemate damnatam, mox resiliit, & eandem etiam damnauit his verbis; *Damno vobiscum sensum illum, qui dicit, alios deputatos ad mortem, alio ad vitam prædestinatos. Item, qui dicit, quod cum Dei perirent voluntate qui pereant.* Vide opusculum Fausti de gratia, & libero arbitrio, qui duæ Epistolæ præfixæ sunt, altera Fausti ad Lucidum, altera Lucidi ad Faustum, & alios Episcopos. Vide etiam Baronium tomo 6. Annalium, circa annum Christi 490.

5. Sed Paræus conatur se & Calvinum, aliosque olim damnatos, duplici authoritate tueri, altera D. Pauli ad Rom. 9. 18. ubi sic habet. *Cuius vult miseretur, & quem vult indurat.* Altera Ioannis Feri Catholici Moguntini in cap. 11. Ecclesiasticæ cuius hæc sunt verba, *Sicut lignis & arboribus primum vitimur, vel ad adificium vel ad ignem sic homines vel ad gloriam, vel ad gehennam destinati sunt.* Sed frustra suadet Paræus. Nam D. Paulus loquitur de genere humano, tanquam de massa quadam corrupta per peccatum originale, in qua quidem massa, alios relinquit Deus aliorum miseretur, ut cum Augustino dicemus infra quæst. 5. Quod ad Ferum attinet, primum gaudeo, non alium ex tanta veterum & recentiorum Catholicorum multitudine potuisse reperiri præter hunc vnum qui Calvinistarum errori fauere aliquo modo videtur. Sed neque hic fauet. Imò confundit Calvinistas. Nam explicans illud Eccles. 11. 3. *Si ceciderit lignum ad Austrum, aut ad Aquilonem, in quocunque loco ceciderit, ibi erit.* Primum reprehendit eos, qui inde colligunt, non dari Purgatorium, inter quos sunt Calvinistæ. Deinde ait, iis verbis nos excitari, ut in hac vita benè operimur, quia post mortem non erit tempus bene operandi. Demum addit hominem comparari ligno seu arbori quia sicut quædam arbores cadunt ad Austrum, aliz ad Aquilonem, id est, quædam ad ædificia, aliz ad ignem adhibentur; ita homines, alij destinantur ad gloriam, qui benè, alij ad gehennam, qui malè operati sunt; iuxta illud Apostoli ad Gal 6. 7. *Qui seminauerit homo, hæc & metet.* Hæc Ioannis Feri sententia est. Quid hinc colligit Paræus, nisi Purgatorium, & fructus ac retributionem bonorum malorum operum?

QVÆSTIO IV.

An Deus potuisset aliquos creare ad mortem nudo suo arbitrio, citra ipsorum culpam?

1. **O** Stendi hæreticos esse, qui asserunt, Deum creasse aliquos ad mortem, sine vilo ipsorum vitio. Nunc quæstio est, esto Deus neminem hoc modo ad mortem creauerit, an saltem id facere potuisset, aut etiam nunc posset, si vellet? Ratio dubitandi est, quia cum Deus sit absolutus Dominus omnium creaturarum, cur non posset de iis facere, & statuere pro suo arbitrio? Cur non posset aliquos, si vellet, citra culpam ipsorum, creare & prædestinare ad damnationem & interitum? aut quis ei resistere? At contra si faceret, quomodo crudelis non esset? Videtur difficilis hic nodus. Sed cum diuina gratia facilè illum dissoluam, non tam meis, quàm, Augustini verbis.

2. Resita se habet. Varia in Deo attributa spectari possunt; & quidem quòd ad præsens institutum attinet, hæc tria potissimum, potentia, Bonitas, iustitia, quæ omnia in Deo infinita sunt. Est enim ipse infinite potens, infinite bonus, infinite iustus. Imò, ut Patres & Scripturæ loquuntur, est ipsa omnipotentia, ipsa bonitas, ipsa iustitia.

3. Si ergo spectemus præcisè potentiam Dei non spectata bonitate & iustitia, sine dubio posset, non solum aliquot, sed omnes creare ad mortem. Hoc enim non repugnat ipsius infinitæ potentiz. Quis enim illi resistat? Hoc sensu dixit August. in lib. de prædestin. & gratia cap. 16. *Si humanum genus non cum debita mortis & peccati origine nasceretur & tamen ex iis Creator omnipotens in æternum nonnullos damnare vellet interitum quis Omnipotenti Creatori diceret. Quare fecisti sic?*

4. Si verò spectes iustitiam Dei infinitam, non potes suo arbitrio damnare, quos vult, nulla ipsorum culpa præexistente. Hoc asserit idem August. in Epist. 106. ad Paulinum his verbis. *Hæc massa si ita esset media, ut quemadmodum nihil boni, ita nec mali aliquid crearetur, non frustra videretur iniquitas, ut ex ea fierent vasa in contumeliam.* Et infra. *Quenquam vero immeritum, & nulli obnoxium peccato si Deus damnare creditur, alienus ab iniquitate non erit.* Et 3. contra Iulianum cap. 28. *Bonus est Deus iustus est Deus. Potest aliquos sine bonis meritis liberare, quia bonus est: non potest quenquam sine malis meritis damnare, quia iustus est.* Et S. Fulgentius lib. 1. ad Monimum cap. 26. *Notum est, iram Dei dici non posse, nisi ubi creditur hominis iniquitas præcessisse.*

5. Fortè occurret, duobus modis accipi posse, ut Deus dicatur aliquos damnare sine ipsorum culpa. Primum, quoad executionem. Secundò, quoad prædestinationem. Priori modo fore iniustum ex sententia Augustini, non posteriori. Nam contra iustitiam esset re ipsa damnare aliquos, qui nihil culpæ contraxissent. Non autem esset, prædestinare aliquos ad damnationem sine ipsorum culpa, & simul statuere, non velle exequi damnationem, nisi mediante culpa. Hoc facit Deus; illud non facit. Ego contra concludo, si iniustus est qui hominem damnat sine peccato, magis iniustus est, qui hominem prædestinat ad peccatum, ut damnare eum possit rectè Fulgentius lib. 1. ad Monimum cap. 22. *Nec iustitia iniusta dicitur, si puniendum reum non inueni: sed fuisse dicatur. Minor verò erit iniustitia, si lapsus Deus retribuit poenam quam prædestinasse dicitur ad ruinam.*

6. Iam de infinita Dei bonitate idem statuendum est. Repugnat illi, quenquam suppliciis addicere, non preiudicium ipsius culpa. Hoc quidem dilertis verbis in Augustino non reperio; sed tamen optimè demonstrari potest. Nam Deus infinitè bonum esse, nihil aliud est, quam infinitè propensum esse ad benefaciendum. Et hæc est ipsius natura, ut rectè docet Div. Thom. in 3. parte, q. 1. art. 1. ubi ex hoc principio sic concludit, Ad rationem boni pertinet, ut sese aliis communicet; Ergo ad rationem summi boni, ut se summo modo communicet. Deus autem summum bonum est. Ergo ad rationem Dei spectat, se summo modo communicare quod sit per incarnationem. Ergo similiter concludo. Quo quis magis natura propensius est ad benefaciendum aliis, eo magis abhorret ab inferendo malo, præsertim iniusto. Ergo qui infinitè propensus est ad benefaciendum aliis, infinitè abhorret ab omni iniusto malo! Esset autem iniustum malum, si quis prædestinaretur ad damnationem citra suam culpam, ut ex Augustino ostensum est; Ergo Deus, qui est infinitè bonus, maximè abhorret à tali prædestinatione.

7. Si ergo absolute quæras, Possetne Deus aliquem idè creare, ut pareat, dicendum est, non posse, quia repugnat infinitæ ipsius bonitati & iustitiæ, tametsi non requirat omnipotentia. Potest hoc illustrari simili exemplo. Nam si quæstio sit, an Deus hunc mundum, quem decrevit conservare, possit hoc momento destruere, & alium producere? Respondebis, non posse. An non repugnat ipsius omnipotentia? Quid refert, satis est repugnare immutabili decreto voluntatis,

QUESTIO V.

An Calvinus in materia de Prædestinatione idem sentiat, quod Augustinus.

EX dictis facile apparet, non idem sentire. Nihilominus quia Calvinus, & Calvinistæ sæpe tuerentur se autoritate Augustini, brevitè ostendam, quæ sit inter illos discrepantia. Et quidem tria puncta assignari possunt, in quibus dissentiant. Primum, Augustinus docet, Deum ex toto genere humano iam corrupto per peccatum originale, tanquam ex massa quadam perdita ac vitiata, alios elegisse ad vitam alios reliquisse ad ignominiam. Calvinus contra docet, Deum ex toto genere humano adhuc integro, & nondum per peccatum originale corrupto, quosdam ad vitam, alios ad mortem & interitum destinasse. Vnde secundum Augustinum, Deus neminem reprobavit, nisi ex preiudicio massa corrupta: at secundum Calvinum, reprobatio prior & anterior est prævisione massæ corruptæ.

2. Hæc prima antithesis. Hinc altera nascitur. Secundum Augustinum causa reprobationis sumenda est ex parte hominis, seu massæ corruptæ, At secundum Calvinum ex solo Dei beneplacito. Si ergo quæram ex utroque, quare Deus hunc aut illum reprobarit, & ad æternam damnationem prædestinarit? Respondebit Augustinus, quia dignus erat propter massam corruptam: At Calvinus inquit, quia Deo placuit.

3. Tertia antithesis, Calvinus docet decretum prædestinationis ac reprobationis non solum esse fixum ac immobile, sed etiam planè tollere libertatem arbitrii nostri, ac proinde non esse in nostra potestate, salvari,

A perire, sed inevitabili quadam necessitate, hos perire, salvari alios. Augustinus multò aliter sentit de libero arbitrio.

PRIMA ANTITHESIS.

4. Ac primò quod Augustinus sentiat, Prædestinationem & reprobationem factam esse ex massa corrupta, ac proinde posteriorem esse prævisione massæ corruptæ notissimum est ex ipsius scriptis, præsertim in Epist. 105. ad Sixtum, & Epistol. 106. ad Paulinum, & lib. de dono perseverantiæ, cap. 14. & in Enchiridio cap. 98. & 99. & lib. 1. ad simplicianum quæst. 2. ubi apertè agit de massa corrupta, ex aqua alij prædestinati, alij reprobati sunt.

B 5. Vnde illud Roman. 9. 1. *An non habet potestatem figulus luti ex eadem massa facere aliud vas in honorem, aliud vero in contumeliam?* Vbi que interpretatur de massa generis humani per peccatum originale corrupta, ut videre est in Epist. 105. ad Sixtum, ubi sic habet. *An non habet potestatem figulus luti ex eadem massa, utique meritis relictæ damnata, facere aliud vas in honorem indebitum propter misericordiam gratiam aliud in contumeliam debitam propter iram iustitiam?* Plura loca citabo paulò post §. 9.

6. Et in l. de bono perseverantiæ c. 14. ait, *Prædestinatio sanctorum nihil aliud est, quam præscientia & preparatio beneficiorum Dei quibus certissime liberantur, qui liberantur.* Certè si prædestinatio est præparatio beneficiorum Dei, quibus homo liberatur è massa corruptionis, sicut illa præparatio supponit massam corruptam, ita & prædestinatio ac reprobatio.

C 7. Contentit Bellarminus lib. 2. de gratia & libero arbitrio capite 9. cum ait: *Prædestinatio ex sententia S. Augustini, & scripturarum divinarum, non præcessit, sed secuta est prævisionem peccati originalis, id quod uniusmodi genus humanum factum est, quasi quadam massa damnata.* Vnde est illud Apostoli ad Rom. 9. *An non habet potestatem figulus ex eadem massa facere aliud vas in honorem, aliud in contumeliam.*

D 8. Longè aliter Calvinus & Beza. Volunt ante prævisionem massæ corruptæ factam esse reprobationem. Verba Calvini quæst. 3. allata sunt, ex quibus necessario id deducitur. Beza Calvini discipulus apertè se explicat circa illud Rom. 9. 21. *An non habet potestatem figulus ex eadem massa, &c.* Sic enim loquitur: *Qui massa nomine genus humanum corruptum intelligunt, mihi non satisfaciunt in huius loci explicatione.* Ecce, Augustinus & Bellarminus non satisfaciunt Beza. Quare? quia Beza contendit intelligendum esse genus humanum integrum & incorruptum.

Secunda Antithesis.

E 9. Iam verò, quod Augustinus sentiat, causam reprobationis sumendam esse ex parte massæ corruptæ, non solum ex dictis sequitur, sed etiam expressè ab ipso affirmatur. Sic enim habet in Epist. 105. ad Sixtum. *Non potest figmentum dicere Deo, quare sic me fecisti; cum habeat potestatem ex eadem massa facere aliud vas in honorem, aliud in contumeliam.* Vbi, quia universa illa massa meritis damnata est, contumeliam debitam reddit iustitia, honorem indebitum reddit. Et infra in eadem Epist. *Quid enim diligat in Jacob, antequam natus fecisset aliquid boni, nisi gratiam misericordiae suæ dorum? Et quid oderat in Esau, antequam fecisset aliquid mali nisi originale peccatum? Be iterum. Vt intelligit Jacob, ex illa massa originalis iniquitatis, ubi fratrem suum (cum quo habuit communem causam) videt per iustitiam meruisse damnari, non nisi per gratiam se potuisse decerni.* Et l. 1. ad Simplicianum, q. 2. *Illo quod*

subuenit, & ille, quem deserit, ex eadem massa sum peccatorum: & quamvis debeat uterque supplicium, ab uno tamen exigitur, alteri donatur, Et infra. Non odit Deus Esau hominem, sed odit Deus Esau peccatorem.

10. Idem docet Bellarminus lib. 2. de gratia & libero arbitrio cap. 16 circa finem, ubi Augustini sententiam explicat his verbis. *Adiciamus in nostra propositione causam reprobationis esse præuisionem peccati originalis, vel actualis, quia non omnes reprobati Deus posuit propter originale peccatum, cum illud vere nonnullis reprobis per Baptismi gratiam remittatur: sed alios propter originale tantum, ut paruos non baptizatos alios propter actuale tantum ut baptizatos adultos, alios propter utrumque, ut infideles adultos. De qua re vide Augustinum in lib. de corrept. & gratia cap. 13. & Prosperum in responsione ad 2. capus Gallorum. Quod si Beatus Augustinus ut plurimum reprobationis causam referre videtur ad peccatum originale ratione cuius totum humanum genus factum est quasi quedam massa damnata, propterea id facit: quoniam inde incipit omnium reprobationum damnatio. Tamen si enim aliqui eruantur ex massa per Baptismum, & ad edificium transferuntur, ut ipse etiam Augustinus scribit in Epistol. 54. ad Dardanum q. 2. tamen iterum per actuale peccatum reuertuntur ad massam, & ideo sic habentur à Deo, quasi nunquam ab ea massa separari fuissent.*

11. Toto celo dissentit ab his Calvinus. Nullam causam reprobationis agnoscit in homine, aut in massa corrupta. Verba eius clara sunt, lib. 3. Instit. 3. cap. 23. §. 1. *Minime consentaneum est preparationem ad iustitiam, aliò transferre, quam ad arcium consilium Dei. Augustinus diceret, transferendam esse ad massam corruptionis, & ibidem §. 2. Homines nudo Dei arbitrio, citra proprium meritum, in æternam mortem prædestinantur. At secundum Augustinum, non nudo Dei arbitrio, sed merito peccati.*

12. Vides opinor, discrimen inter Calvinum & Augustinum. Nec tamen desunt, qui contendunt eos consentire. Quare, quia frequens apud Augustin. est, nec prædestinationis, nec reprobationis causam esse in homine, sed in solo Dei beneplacito, quæ est ipsa Calvinii sententia. Dicam paucis, quod res est. Quæstio de causa reprobationis potest dupliciter institui. Primò, absolute ut si quæram, Quare Deus reprobauit Esau; Respondet ubique Augustinus, quia dignus erat propter peccatum, seu massam corruptam. Secundò comparatè in hunc modum. Quare Deus reprobauit potius Esau, quam Iacob, cum uterque esset in eadem massa? Hic aliter respondet Augustinus qui scilicet Deo sic visum est. Audi ipsius verba in Epist. 101. *Cur autem illum potius, quam milium libera: , aut non liberet, seruatur qui potest iudiciorum eius tam magnum profundum: verumtamen camen præcipitum Eodem modo Bellar. lib. 2. de gratia & lib. arb. cap. 16. Restat igitur, ut huius discretionis causa sit voluntas Dei, qua vnus liberat, quia sic ei placet: alterum non liberat, quia non placet.*

13. Sanè iuxta hanc distinctionem, ut facillimè, sic verissimè omnia Augustini dicta, quæ apparent contraria, conciliantur. Et potest res explicari exemplo familiari. Sint duo latrones, qui iussu principis detineantur in carcere. Princeps alteri donet vitam, alterum ad supplicium damnet. Si hic quæras ex principe, quare hic moritur laqueo? respondebit, quia latro est, Si vrgeas, quare alteri potius das vitam, quam huic, cum uterque sit latro? iterum respondebit, quia sic volo, Hic Augustini sensus est. At Calvinus & Beza, siue absolute, siue comparatè causam reprobationis iniquitas, ad nudum Dei arbitrium confugiunt, ut ex dictis patet.

TERTIA ANTITHESIS.

14. Calvinus nullum relinquit locum libero arbitrio in negotio prædestinationis & reprobationis, sed alios vult necessario saluari, alios necessario perire. Sic enim habet lib. 3. Instit. cap. 21 §. 7. *Dicimus æternæ & immutabilis consilio Deum semel constituisse, quosolum assumere velleret in salutem, quos rursus exitio denotare. Et cap. 23. §. 8. Non dubitabo simpliciter fateri, voluntatem Dei esse verum necessitatem, atque id necessario futurum esse, quod ille voluerit. Et §. 9. Excusabiles peccando haberi volumus reprobos, quia euadere nequeunt peccandi necessitatem, præsertim cum ex Dei ordinatione sibi iniiciatur huiusmodi necessitas. Nos verò negamus, rite inde excusari.*

15. In hoc Caluini principio fundatur illud desperatorum hominum Dilemma. Vel sum prædestinatus, vel reprobatus. Si prædestinatus, necessario saluabor, quicquid tandem egero. Si reprobatus, necessario damnabor, quocumque me vertero. Hoc Dilemmate misere torquentur miseri dum se expedire nequeant.

16. Rectius Augustinus, qui cum scriptura affirmat, mortem & vitam esse in nostra potestate, ac promde, qui pereunt, suo arbitrio perire; qui saluantur, suo arbitrio, non tamen sine Dei gratia, saluari. Hoc egregiè explicat exemplo duorum Regum, Pharaonis & Nabuchodonosoris, de quibus in lib. de prædestin. & gratia cap. 15. hæc habet. *Quantum ad naturam, ambo homines erant; quantum ad dignitatem, ambo Reges; quantum ad causam, ambo captiuum populum Dei possidentes, quantum ad penam, ambo flagellis clementer aduerti. Quid ergo fines eorum fecit esse diuersos, nisi quod vnus manum Dei sentiens, in recordatione propria iniquitatis ingemuit, alter libro contra Dei misericordissimam veritatem repugnante arbitrio.*

17. Nec Dilemma illud desperatorum, vim habet in doctrina Augustini. Nam facillimè expeditur hoc modo. Si prædestinatus sum, id est, si à Deo ordinatus sum ad vitam æternam per certa media, quæ in mea sunt potestate consequendam, certò consequar vitam æternam, modo illa media adhiberim. Rursum, si sum reprobatus, id est, si à Deo ordinatus sum ad damnationem propter mea peccata, quæ liberè commissurus sum, certò damnabor, si illa peccata committam, & ab iis non abstineam. Hæc explicatio Dilemmatis, quæ est secundum mentem Augustini, reddit animum tranquillum & pacatum: Neque desperationi, aut presumptioni locum relinquit; sed potius occasio est, ut cum timore ac tremore salutem suam quisque operetur.

Epilogus dictorum cum maiori explanatione.

18. Ex dictis constat, Calvinum in tribus dissentire ab Augustino. Primò, quia vult prædestinationem & reprobationem non esse factam ex præuisione massæ corruptæ: sed esse priorem & anteriorem illa præuisione. Secundò, quia nullam admittit causam reprobationis ex parte reprobatorum. Tertio, quia tollit libertatem arbitrij, tam in reprobationis, quam prædestinationis negotio.

19. Hoc alia via explicari potest in hunc modum. Calvinus agnoscit duo decreta Dei ab æterno circa futuros homines: Alterum, quo ex toto genere humano, alios ad vitam, alios ad mortem prædestinauerit. Alterum, quo præfiniuerit media, quibus hi ad vitam, illi ad mortem peruenirent. De priori loquitur Calvinus l. 3. Instit. cap. 22. §. 5. *Prædestinationem vocamus æternum Dei decretum, quo apud se constitutum habuit, quid de unoquoque homine fieri velle. Non enim pari conditione*

creantur omnes: sed alii vita æterna, aliis damnatio æterna præordinatur. Itaque prout in dicendum finem quoque conditio est, ita vel ad vitam, vel ad mortem prædestinatum dicimus. De posteriori autem loquitur cap. 24. §. 12. Quem admodum sua erga electos vocationis efficacia, salutem, ad quam eos æterno concilio destinavit, perficit Deus a sua habet adversus reprobos iudicia quibus consilium de illis suum exequatur, Quos ergo in mortis exitum creavit, eos, ut in suum finem perveniant, nunc audiendi verbi sui facultate privat, nunc eius predicatione magis excæcat & obstupescit.

20. Hic vides duo decreta Dei ab æterno: alterum circa finem, alterum circa media. Finis electorum, vita æterna est: Finis reproborum, mors & damnatio æterna. Media ad priorem finem, sunt vocatio & iustificatio: media ad posteriorem, peccata. Hæc omnia patent ex verbis Calvini citatis. Hinc sequitur primo, prædestinationem & reprobationem, esse priorem ac anteriorem prævisionem massæ corruptæ, secundum Calvinum. Nam decretum finis est prius decreto mediorum: sed reprobatio ad mortem, est decretum finis, & prævisio peccati originalis, & aliorum peccatorum, est decretum mediorum: Ergo Deus prius prædestinavit aliquos ad mortem, quam decreverit peccatum originale, seu massam corruptam: Ergo prædestinatio ad mortem est prior decreto massæ corruptæ, & consequenter etiam prævisione massæ corruptæ, præsertim cum hæc prævisio supponat illud decretum secundum doctrinam Calvini ut patet ex verbis illius lib. 3. cap. 23. §. 7. *Insciri nemo poterit, quin præsciat Deus, quomodo exitum esset habiturus homo, & ideo præscit, quia decreto suo sic ordinaverat.*

21. Hinc ulterius sequitur, reprobationem ad mortem, cum sit prior prævisione peccati, non habere causam ex parte hominis, sed in solo Dei beneplacito fundari, quod diuere fatetur Calvinus, ut visum est supra q. 3. §. 2. Denique cum hæc decreta sint absoluta, & nullam habeant causam aut occasionem ex parte hominum necessario habitura suum effectum & independentem à libero nostro arbitrio, ac proinde non liberè, sed necessario alios salvari alios perire. Et hæc tenus de consensu Calvini & Augustini.

A Et Iudæi? Eadem est ratio de primis Christianis. Nam omnes eorum filij fuerunt sancti iuxta Calvinum. Ergo & filij aliorum in perpetuas generationes. Vnde ergo tam pauci veri Christiani, cum Calvinus exortus est.

3. Deinde quæro, quæ sit utilitas Baptismi. Respondet Calvinus in antidoto Conc. Trid. Sess. 5. per Baptismum deleri reatum peccati originalis. Hinc sequitur, cum filij fidelium baptizantur tolli ab eis reatum illius peccati: ergo ante Baptismum erant sancti, ergo non erant sancti.

4. Iterum quæro, pro quibus institutus sit Baptismus, pro parvulis prædestinatis, an pro reprobis, si pro solis prædestinatis, nulla est eius necessitas, quia salvari possunt sine Baptismo iuxta Calvinum. Si pro reprobis tantum, nulla est utilitas, quia nihil illis prodest.

5. Demum quæro, unde constet Paræo, Baptismum non esse parvulis necessarium necessitate mediæ, Non ex scripturis, aut Patribus, quia omnes contra, rium docent. Audi scripturam, Ioann. 3. *Nisi quis renatus fuerit ex aqua & spiritu sancto, non potest intrare in regnum Dei.* Audi Augustin. lib. 3. de origine animæ cap. 9. *Noli credere, noli docere, infantes: antequam baptizentur, morte præventos pervenire posse ad originalium indulgentiam peccatorum, si vis esse Catholicus.* Et lib. 1. de peccatorum meritis & remiss. cap. 77. *Non solum igitur regnum calorum, sed nec vitam parvuli habebunt, quam nisi per Baptismum habere non possunt.* Omitto Irenæum, Origenem, Nazianenum, Basilium, Cyprianum, Ambrosium, Hieronymum, Prosperum, Fulgentium, Bernardum, qui omnes vno consensu Calvino & Paræo adversantur. Vnde ergo Calvinus & Paræus suam doctrinam habent. Opinor Apostolum hoc pridem significasse. 1. Timot. 4. 1. *In novissimis temporibus discedent a fide, & tradentes doctrinis Dominiorum.*

QVÆSTIO VI.

An Parvuli necessario baptizentur.

1. Distinguit Paræus hoc modo, *Necessario baptizantur necessitate mandati non necessitate mediæ.* Contrarium oportuit dicere; *Necessario baptizantur necessitate mediæ, non necessitate mandati.* Posterior pars patet, quia parvuli non sunt capaces mandati. Ergo necessitas mandati locum in illis non habet. De priori necessitate, quæ est mediæ, maior est difficultas. Calvinus lib. 4. Instit. cap. 16. §. 24. & 25. & in antidoto Conc. Trid. Sess. 6. cap. 1. docet parvulos fidelium etiam sine Baptismo esse sanctos, & membra Ecclesiæ, & si moriantur, salvari. Fundamentum eius est, quia putant filius fidelium non imputari peccatum originale, idque ex vi fœderis Dei facti cum Abrahamo Gen. 17. 7. *Statuam pactum meum inter me & te, & inter semen tuum post te, ut sis Deus tuus & semini tui post te.* Calvinum sequitur Paræus.

2. Sed error est. Et ne longus sim pauca quæram ex Paræo. Primo si omnes filij fidelium sunt sancti, quomodo non omnes posterij Iacob sancti? certe Iacob fuit fidelis. Habuit 12. filios & illos secundum Calvinum fideles fuisse necesse est. Hi rursus generarunt alios, & non nisi fideles; & sic deinceps. Vnde ergo reprobi fa-

QVÆSTIO VII.

An Christus sit in Eucharistia?

Paræus sic habet; *Non est in Eucharistia corporaliter latens sub speciebus verò spiritualiter se communicans fidelibus.* Hoc dogma iam sæpè refutatum est à Catholicis triplici potissimum argumento. Primo, quia novum est, & apud antiquos Ecclesiæ Patres inauditum. Altero, quia à Diabolo suggestum. Tertio, quia non alio nixum fundamento, quam hoc falso axioma: *Impossibile est, unum & idem corpus simul esse in diversis locis.* Hæc argumenta à Paræo solvenda sunt antequam nova adferamus. Et quidem primum copiosè traditur à Bellarmino, toto libro secundo de Eucharistia, & à Costero in libello contra Galliam, ubi adducunt omnes ferè antiquos Patres & Ecclesiæ Doctores, qui nostræ sententiæ subscribunt contra Calvinistas. Alterum argumentum egregiè prosequitur Iacobus Gretzerus in disceptatione de somnio Zwinglij, ubi ostendi Diabolum esse huius novitij dogmatis authorem. Tertium reperies apud Bellarminum libro 3. de Eucharistia cap. 1. & aliquot sequentibus.

A. ni demonstraui, quod assumpseram, Deum Calvinistarum esse auctorem peccati. At Parzus non potest ex verbis aut libris Iesuitarum ostendere, quod assumpserim. Deum Iesuitarum esse Simoniacum. Aut si potest, proferat locum, verba sententiam.

QVÆSTIO VIII.

An alius sit Calvinistarum, alius Catholicorum Deus?

1. IN disputatione de Deo Calvinistico, tribus argumentis probaui, esse alium. Primum, Deus Calvinistarum est Auctor peccati, Deus Catholicorum non est auctor peccati: Ergo non est idem utrorumque Deus. Maior ibidem, tum ex verbis Caluini, tum variis rationibus confirmata est. De minori non est difficultas. Sequitur ergo conclusio.

2. Secundo Deus Calvinistarum non est omnipotens. Deus Catholicorum est omnipotens, ergo non idem utrorumque Deus. Maior probata est quia Deus Calvinisticus non potest efficere, ut corpus Christi simul existat in diuersis locis nempe in celo & in altari: Neque, ut Christus per fores clausas ad discipulos penetraret, neque ut Camelus per foramen acus transeat: & sic de aliis similibus. Hæc autem omnia potest efficere Deus Catholicorum. Ergo, &c.

3. Tertio, Augustinus, Ambrosius, Hieronymus, & alij, quorum mentio fit in martyrologiis, & Litaniis Catholicis sunt vere amici Dei Catholicorum, & in eius aula versantur: At non sunt veri amici Dei Calvinistarum, nec in eius aula versantur: Ergo alius est Calvinistarum, alius Catholicorum Deus. Maior in confesso est apud Catholicos quorum sensus & vox est, Nimis honorati sunt amici tui Deus. Minorem probaui; quia si Calvinus & Calvinistæ haberent eos pro amicis Dei Calvinistici, procul aubio rectè de illis sentirent, & loquerentur, At contra faciunt. Nam Calvinus vocat eos, Larvas, umbras, bestias, carnifices. Alij alia nomina & Epitheta communiunt.

4. Hæc est summa argumentorum, quæ attuli in disceptatione citata. Quid Parzus? secundum & tertium relinquit intacta: Circa primum conatur aliquid efficere, sed frustra. Ac primo negat maiorem propositionem, nempe Deum Calvinistarum esse auctorem peccati, sed ut supra monui, argumenta, quibus id confirmaram, nec soluit, nec attingit.

5. Deinde reponit duos similes syllogismos. Alterum hic alterum sequenti quæstione examinabo. Prior ergo sic habet. Deus Calvinistarum non est otiosus, permissor malorum, non vult coli in statuis & idolis, non est Simoniacus, non prohibet escas & matrimonium, damna, hypocritas operarios, Iustificat impium gratis tantum in fide non propter opera. Deus Iesuitarum est otiosus permissor malorum, vult coli in statuis & idolis, Simoniacus, prohibet escas, & matrimonium, damna hypocritas operarios, non iustificat impium gratis, tantum fide, sed propter opera. Non est ergo idem utrorumque Deus.

6. Hic prior Parzi syllogismus est, in quo neganda est minor propositio. Hanc ille nec probat, nec probare potest. Constat enim meris mendaciis. Quis obsecro, Iesuitarum vnquam docuit, Deum esse otiosum permissorum malorum, velle coli in statuis ac idolis, esse Simoniacum, prohibere escas & matrimonium, non dammare hypocritas operarios, non iustificare impium gratis. Nemo sanè. Parzi figmenta hæc sunt, non Iesuitarum asserta.

7. Vnde apparet quam proba sit mea, quam desperata ipsius causa. Ego clarè & perspicuè ex verbis Calu-

QVÆSTIO IX.

An idem Calvinistarum, & Iesuitarum Christus.

1. Alter Parzi syllogismus est hic; Christus Calvinistarum est sanctus ex semine Davidis, non ex fursure, semel tantum oblatus est pro nostris peccatis, adorandus in celo ad dexteram Patris: Verus in nubibus ad iudicium, solus Ecclesia caput sine vicario, solus mediator sine collega. Christus Iesuitarum non est sanctus ex semine Davidis, sed quotidie a sacrificulis creatus ex fursure, sacrificatur, & destruitur in missa pro peccatis viventium & mortuorum, quotidie descendens à celo & delitescens adorandus sub speciebus sacramenti, non solus caput Ecclesia, sed habens vicarium Papam; nec solus mediator, sed habens omnes calices mediatorum intercessionis collegas. Non ergo est idem utrorumque Christus.

2. Nihil hic melior syllogismus, quam qui præcessit, nisi quod plus doli habet ac fallaciar. Nam in minori propositione permiscetur vera falsis, & aperta ambiguitas. Vnde nec negari integrè, nec integrè admitti debet. Falla sunt. Christum Iesuitarum non esse factum ex semine David: creati ex fursure, destrui in missa. Nullus vnquam Iesuitarum hæc docuit. Vera sunt; Christum delitescere sub speciebus sacramentalibus, & habere vicarium Papam, & calices pro nobis intercedere. Hæc constanter à Iesuitis asseruntur, & suffragatur tota antiquitas. Parzus si aliter sentit, Nouator est. Ambigua sunt, quæ de vno capite & vno mediatore annectuntur, sed pridem à bellarmino, adhibita distinctione, clarè explicata.

3. Ac tantum de Parzi syllogismo. Ergo hunc illi vicissim repono. Christus Calvinistarum laborauit ignorantia, frequenter locus est improprie, parum apposite interpositum, supernacante, inconsiderate, parum solide, vsus est dura & longe petita similitudine, non habuit præsentem memoriam sui officij, renuit & detractauit officium mediatoris, mollicie animi mortem refudit, vana inconsiderate emisit eadem retractauit, de salute animarum timuit, vocem desperationis emisit, omnes damnatorum penas expertus est, pro solis predestinatis mori voluit, non descendit ad inferiores partes terra: At Christus Iesuitarum minime talis est: Ergo non est idem utrorumque Christus. Maior propositio disertè asseritur à Caluino & Calvinistis, ut copiosè ostendit Franciscus Feuardentius in Theomachia Calvinistica libro 4. 5. & 6. Et ego paratus sum ostendere, si à Parzo negabitur.

Caphorismi



APHORISMI DOCTRINÆ Caluinistarum,

EX EORVM LIBRIS; DICTIS
& factis Collecti;

OPVSCVLVM XVII.

Cum breui responsione ad Aphorismos falsò
Iesuitis impositos.

AD LECTOREM



DRODIIT nuper libellus cum
hac inscriptione: *Aphorismi doctrina
Iesuitarum & aliorum aliquor Ponifico-
rum Doctorum &c.* Libellus iste men-
daciis & calumniis refertus est. Au-
thorem habet, ut intelligo, Calui-
nistam, cuius dæ fraudes detegendæ
sunt. Vna, quod nomen suum receuerit, ut tanto libe-
rius mentiri & calūniari posset iuxta illud, *Qui male agit
ad lucem.* Altera quod sicut Catholicos mendaciis, ita
Lutheranos astu circumuenerit. Misit enim libellum
suum Lutheranis Vvittenbergenfibus in Saxonia, ut
suo calculo eum approbarent, & iterum typis excude-
rent; quod & factum est. Exiit enim cum hoc auctorio
in prima Fronte; *Mis approbatio der Theologischen Fa-
cultet zu Vvittenberg.* Et altera: *Scriptum hoc publicatione
dignum censeo, Ego Leonardus Huterus S. Theologia Doctor
& Professor, ac pro tempore Decanus.* Merito dicam: O sim-
plices Lutheranos! O versipelles Caluinistas! Hi scien-
tes & volentes confingunt mendacia in Catholicos, &
dissimulant. Illi re non examinata, approbant & euul-
gant. Sed veniam demus Lutheranis. Caluinista certè
impunè non abeant. Et nunc quidem ipsorum Aphorif-
mos: Postea Aphorismos, quos falsò Iesuitis & aliis Ca-
tholicis imposerunt, breuiter refutabo.



INDEX APHORISMORVM Caluinistarum:

DE DEO.

1. **D**Eus solo suo arbitratu predestinat homines ad eternam
mortem & damnationem, sine ulla ipsorum culpa.
 2. Eosdem occulta vi impellit & necessitat ad omnia flagitiorum
genera perpetranda, ut habeas occasionem eos damnandi &
puniendi.
 3. Insuper mandat, urget, ac incitat Satanam, ut eos ad pec-
candum inducat.
 4. Merito igitur omnium peccatorum, & flagitiorum Author
dicens est.
 5. Nec tamen hac libidine ac crudelitate satiari potest. Quin
miris modis illudis miseri: simulat se velle eos iuuare, cum
nihil minus habeat in animo.
- Opusc. Becc:

De Christo, Et Sanctis eius.

6. Imago Christi Crucifixi nullo modo in templis toleranda
est, omnesque Catholici & Lutherani, qui eam tolerant,
sunt variis idololatra, sicut gentiles, qui imagines bestiarum
colunt.
7. Sancti, qui dicuntur cum Christo regnare, sunt larua, bestia,
carifices: nec ullo modo inuocandi, quia non habent tam
longas aures, ut ad nostras voces porrigantur.

De Pontifice & Catholicis.

8. Pontifex Romanus est verus Antichristus, & man-
cipium diaboli.
9. Cardinales, Episcopi, & Canonici, sunt locustæ
vastatrices, homicidæ, mendaces.
10. Iesuitæ sunt blasphemæ Monachi, impuri Spiritus,
membra diaboli, &c.
11. Philipus Rex Hispaniæ est raptor, & notorius hæ-
reticus. Archiduces Austriæ sunt peridi. Dux Sabau-
diæ crudelis & perfidus. Sigismundus Rex Poloniæ
non dissimilis: Albertus & Clara Eugenia veri pacis
impedimentum.
12. Summa Omnes Catholici (etiam Principes, Re-
ges, Imperatores) sunt mancipia Satanæ, Antichristi
Satellitas, Turcis deteriores: nec vlla pax cum illis
incunda est.

De modo propagandi Caluinismum.


13. Primum simulandus est consensus cum Luther-
anis: ut sic facilius abruamus Papias. Cum enim Luth-
erani sint simplices; faciliè eis persuadebimus, nos cum
ipsis sentire, & in gratiam illorum paratos esse omnia
facere.
14. Deinde Reges & Principes Catholici vi & armis
oppugnandi sunt.
15. Iesuitæ verò, qui se maximè nobis opponunt, aut
necandi, aut si hoc commodè fieri non potest, ei-
ciendi, aut certè mendaciis & calumniis opprimendi
sunt.
16. Quomodo disputandum est, si aliter euadere non
possumus, & sacra Scriptura deprauanda est, & anti-
quorum Patrum authoritas contemnenda.
17. Imò liberè vtendum æquiuocationibus & de-
ceptionibus, ut saltem hac ratione nos defendamus:
Nec curandum, si incidamus in varias contradic-
tiones.

De Rebus Fidei

18. Omnia opera iustorum sunt inquinamenta, & pec-
cata mortalia.
19. Lex Dei est omnino impossibilis, nec ab vllò quan-
tumvis sancto hætenus seruata est, aut deinceps seruari
poterit.
20. Peccatum originale non tollitur per Baptismum,
sed manet in nobis, quandiu viuimus.
21. Omnes filij fidelium sunt sancti, & membra Ecclesiæ
ab utero materno, ac proinde non egent Baptismo.
22. Qui autem ex thoro illegitimo nascitur, æternæ
damnationi obnoxij sunt, nec ad Baptismum admittendi.

2. Peccata prædestinatorum, quantumcumque enormia, nunquam illis imputantur; reprobis nunquam remittuntur.

Habes hic paucos doctrinæ Calvinistarum Aphorismos, ut inde conjecturam facias de cæteris. Nunc singulos seorsim inspiciamus.



APHORISMI CALVINISTICI DE DEO.

APHORISMVS I.

DEVS ab æterno prædestinavit plerosque homines ad æternam mortem & damnationem sine ulla ipsorum culpa aut merito, solum quia ipsi ita placuit.



Aluius libro 3. Institut. cap. 21. §. 1. *Palam scilicet, inquit, Dei nutu fieri, ut aliis vitæ offeratur, aliis ab æternæ aditu arceatur.* Et infra: *Perpl. xa, ut multis videtur, questio, quia nihil minus consentaneum putant, quam ex communi hominum turba, alios ad salutem, alios ad interitum prædestinari.* Et §. 5. *Non enim pari condicione creantur omnes: sed aliis vitæ æterna, aliis damnatio æterna præordinetur.* Et §. 7. *Ubique regnat hoc Dei placitum, nulla in considerationem veniunt opera.* Et capite 23. §. 1. *Minime consentaneum est, præparationem ad interitum aliis transferre, quam ad æternam gloriam Dei.* Et ibidem §. 2. *Homines nudo Dei arbitrio, citra proprium meritum in æternam mortem prædestinantur.* Et §. 5. *Dico esse à Domino creatos quos ad exitium vitæ sine dubitatione præsciebat, idque ita factum, quia sic voluit.* Et plura deinceps in eandem sententiam.

Certè hæc tam atrocia sunt, ut hominem propè ad desperationem adigant. Nam quo animo sis, si ex Caluino audias, *Homines nudo Dei arbitrio in æternam mortem prædestinari*? nihil hic prodesse bona opera, nihil obesse peccata: solo Dei nutu omnia fieri. Aliter Catholici sentiunt. *Deus* (inquit Tertulian. in libro de resurrectione Carnis) *de suo optimus, de nostro iustus.* Itaque de suo, *valde omnes homines salui fieri, & neminem perire.* De nostro, *reddat unicuique secundum opera eius.* Augustinus lib. 3. contra Iulianum cap. 18. *Bonus est Deus, iustus est Deus; potest sine bonis operibus liberari, quia bonus est; non potest sine malis operibus damnari, quia iustus est.*

APHORISMVS II.

Deus occulta quadam vi mouet, impellit, & necessitat homines ad omnia flagitiorum genera perpetranda.

Caluinus lib. 1. Institut. capit. 18. §. 2. *Quantum ad arcana motus spectat; quod de corde Regis predicat Salomon, flecti huc illuc, prout Deo visum est, ad totum cerè genus humanum extenditur: tantumdemque valet, ac si dixisset: quidquid animis concipimus, arcana Dei inspiratione ad suum finem dirigi.* Et cerè, nisi Deus intus operaretur in mentibus hominum non recte dictum esset, *auferre labium à*

veracibus, & à sensibus prudentiam: auferre cor Principibus terre, ut errant per denia. Et infra loquens de Assyriis: *Vnde apparet certa destinatione Dei fuisse impulsos.* Et ibidem §. 4. *Homo iusto Dei impulsu agit, quod sibi non licet.* Quid est, quod non licet homini? non licet adulterari, furari, occidere. Et tamen impulsu Dei adulteratur, furatur, occidit, si Caluino credimus. An vero quia impulsu Dei id facit, excusatur? Minimè, inquit, Caluinus. Sic enim habet lib. 3. Inst. c. 24. §. 9. *Excusabiles peccando haberi volunt reprobi, quia euadere nequeant peccandi necessitatem, præsertim cum ex Dei ordinatione sibi iniiciatur huiusmodi necessitas.* Nos verò inde negamus rite excusari, &c.

Vides, ex Caluini sententia, hominem à Deo impelli ad peccandum necessitate quadam, quam euadere non potest: & tamen non ideo excusari à peccato. O dura necessitas! Non sic sacra Scriptura loquitur: Ecclesiastici 15. vers. 21. *Nemini mandauit Deus impie agere.* Et Iac. 1. 13. *Nemo cum tentatur dicat, quoniam à Deo tentatur.* Deus enim intentator malorum est: ipse autem neminem tentat. Sap. 14. 9. *Odio est Deus impiis & impietas eius.*

APHORISMVS III.

Deus mandat, urget, & incitat Satanam, ut miseros homines ad peccandum inducat.

Caluinus lib. 1. Institut. cap. 18. §. 1. *Scimus Satanam esse coram Deo sistere ad excipienda iussa, non minus quam Angelos, qui sponte obediunt, diuerso quidem id modo & fine, sed tamen ne quid aggredi possit, nisi volente Deo.* Et infra. *Ergo quicquid agunt homines, vel Satan ipse, Deus tamen clauum tenet, ut ad exequenda sua iudicia conuertat eorum conatus.* Vult Deus perfidum Regem Achab decipi: operam suam offert Diabolus ad eam rem, mittitur cum certo mandato, ut sit spiritus mendax in ore omnium Prophetarum. Et ibid. §. 2. *Dei impulsu Satan suas partes agit & perficit.* Et infra: *disiuit Satan excicare infidelium mentes, sed vnde hoc? nisi quod à Deo ipso manat efficacia erroris.* Et lib. 2. cap. 4. §. 2. *Satan cum sit instrumentum ire Dei, pro eius nutu ac imperio huc atque illuc se inflectit, ad exequenda iudicia.* Et §. 5. *Porro Satana ministerium intercedere ad reprobos instigandos, quoties huc atque illuc Dominus providentia sua eos destinauit, vel ex uno loco satis constiterit.* Et infra. *Spiritus ergo impurus, Dei Spiritus vocatur, quia ad eius nutum potentiam, qua responderet instrumentum magis ipsius, in agendo, quam à seipso Author.* Quo iam se vertat miser homo (si hæc doctrina vera est) quando à Deo, ut principali agente, & à Diabolo tanquam Dei instrumento, ad peccatum & sempiternum exitium pertrahitur.

APHORISMVS IV.

DEVS simpliciter dicendus est Author omnium peccatorum, quæ ab hominibus committuntur.

Caluinus lib. 1. Institut. capit. 18. §. 3. *Iam satis aperte ostendi, Deum vocari eorum omnium Authorem, quæ isti censores voluit otioso tantum eius permisso committere.* Loquitur de peccatis de quibus disputare ceperat, nominatim de cecitate & tyrannide Achab; de incestu Ab-

incestu Absalonis, de coniugio Semei, de apostasia decem tribuum; de caedibus, rapinis, & incendiis Chaldaeorum in Iudæa, de rabie furentium Iudæorum in Christum; de iniquissimo Pilati iudicio, & de aliis similibus. Horum omnium ait Authorem esse Deum ridetque Catholicos, qui hac solâ permissione putant euenire. Eodem sensu dixerat §. 1. *Absalon incesto coitus patris iherum polluens, detestabile scelus perpetrat. Deus tamen hoc opus suum esse pronuntiat.*

Ex hoc Aphorismo sic concludo; qui dicit Deum esse Authorem peccati, transformat Deum in diabolum (teste Caluino, in instructione contra Libertinos cap. 14.) sed Caluinus dicit Deum esse Authorem peccati, ut iam ostensum est: Ergo Caluinus transformat Deum in diabolum. Malum ego dicere cum Prospero in responsione ad capitula Gallorum cap. 13. *Be-nignum Deus Auctor est; malorum.* Et cum Fulgentio libro 1. ad Monimum cap. 13. *Deus non est vltor, cuius est Auctor.*

APHORISMVS V.

DEVS non solum prædestinat homines ad æternam damnationem, & ad peccandum impellit; sed etiam miris modis illudis miseris, simulans se velle illos inuare, cum tamen nihil minus velit.

Caluinus lib. 3. Institut. capit. 24. §. 13. *Eccc vocem ad eos dirigit, sed ut magis obscurascam; lumen accendis, sed ut reddantur ceciores; doctrinam proferis, sed qua magis obstupescant; remedium adhibes, sed ne sanentur.*

Certè si ita nobiscum agit Deus, (ut describit hic Caluinus) quis ab eo remedium petat? Nemo nisi qui sanari non velit. Videtur Caluinus Deum facere similem illi Medico, qui dicebat,

*Si vis sanari de morbo nescio quali;
Accipias herbam, quam alem sed nescio, et quam;
Ponas nescio quo; sanabere nescio quando.*

Et qui Caluini doctrinæ imbutus, credet Christo vocanti, & dicenti, *Venite ad me omnes, qui laboratis & onerati estis, & ego reficiam vos?* Qui non statim excipiat? Tu quidem vocem ad me dirigit, sed ut magis obscurascam; lumen accendis, sed ut fiat cecior; doctrinam proferis, qua magis obstupescam, remedium offeris, sed ne sanari possim. Quid ergo te audiam?

DE CHRISTO ET SANCTIS EIUS.

APHORISMVS VI.

Imago Christi Crucifixi nullo modo in templis toleranda est omnesque Catholici & Lutherani qui eam tolerant, sunt idololatrae, sicut gentiles, qui imagines bestiarum colunt.

Dauis Parvus Caluinista & Professor Heidelbergenfis in capit. 1. Epistolæ ad Romanos dubio 8. *Moran*, inquit, gloriam Dei & idololatre sunt, non solum Gentiles, qui vel homines, boues, volucres, serpentes, solem, lunam, stellas, herbas, frumenta, et harum rerum imagines, pro Deo colunt, quæ est crassa idololatria, primo præcepto prohibita; sed etiam Christianos inueni illi, qui Opasc. Becc.

A imaginem Christi Crucifixi in templis ad representandum Christum, & ad docendum rudiores de Christo, tuentur. Et ante illum Beza in Colloquio Mompelgartensi, *Favet me ex animo Crucifixi imaginem detestari.*

O tempora! O mores! Qui Christi Domini, ac Saluatoris nostri imaginem tuentur, tum ad representandum beneficium passionis eius, tum ad docendum rudiores, de hoc ipso beneficio in nos collato, vocantur idololatrae. At Caluinistæ, qui eam execrantur, conspuunt & eliminant, censentur (si Deus placet) orthodoxi, sancti, prædestinati, oues, iusti, reformati. Quis hoc credat, nisi Iudeus aut Gentilis?

APHORISMVS VII.

Sancti, qui dicuntur cum Christo regnare, sunt larvæ, bestię, carnifices. Nec ullo modo innocandi, quia non habent tam longas aures, ut ad nostras voces porrigantur.

Caluinus lib. 3. capit. 20. §. 27. *Inde colligimus nihil esse Christo reliquum facere, qui pro nihilo ducunt eius in excessionem, nisi accedam Georgius & Hyppolitus aut similes larvæ. Et in libro de ratione reformandæ Ecclesiæ, Omitto Dominicum, & similes carnifices; Omitto Medardum, Lubinum, & similes bestias.*

His Caluini verbis oppono illud Augustini sermon. 26. de sanctis. *Quisquis honorat Martyres, honorat & Christum; & qui spernit sanctos, spernit & Christum.* An non spernit sanctos, qui eos appellat Larvæ, bestias, Carnifices? Ergo & Christum spernit.

Perge Caluinus libro 3. Institut. cap. 20. §. 24. *Quis est usque longas illis esse aures revelavit, qua ad nostras voces porrigantur? oculos etiam tam perspicaces, qui necessitatibus nostris aduigilem? Ego vicissim quaero, an Solus habuerit tam longas aures, ut ad illam Christi vocem porrigerentur? Saule, Saule, quid me persequeris? præsertim cum Caluinus dicat, Christum in celo existentem hanc vocem emisisse. Item, an Stephanus habuerit tam perspicaces oculos, ut potuerit dicere. Video celos apertos, & filium hominis stantem à dextris Dei?*

DE PONTIFICE ET CATHOLICIS.

APHORISMVS VIII.

Pontifex Romanus est verus Antichristus, Deï hostis, Christi perduellis, religionis adversarius; hæreseos antistes, Ecclesiæ parricida, pacis turbator, sentina impietatis, mancipium diaboli.

Hæc sunt vulgata apud Caluinistas, & Gabriel Pouelus in priori libro de Antichristo dicit se ex immotis Scripturæ fundamentis ea demonstrasse, sed quamnam sint illi fundamenta? ostensum est in nostra disputatione de Antichristo reformato, nempe mendacia, calumnie Patrum antiquorum contemptus Scripturæ depravatio & his similia. Idem Pouelus in præfatione addit, esse articulum fidei quod Papa sit Antichristus. Sic enim loquitur. *Deum sancte testor, me tam certo scire Pontificem Romanum esse magnum illum Antichristum, quam Deum ipsum esse in celo, Creatorem visibili-*

lump & inuisibilium, & Iesum Christum verum illum Mes-
siam Patribus olim promissum, &c.

En Baccalaucus ille Calvinista, accipit nouam re-
velationem. & eadem fidei certitudine tenet hos tres
articulos: *Deus est in celo: Christus est Messias. Papa*
est Antichristus. Hinc apparet, Symbolum Apostolo-
rum, secundum Calvinistas, non esse perfectum, quia
vnus ex tribus præcipuis articulis illi deest. Vnde sicut
Catholici annis superioribus correxerunt Calendari-
um: ita suadeo Calvinistis, vt ipsi Symbolum Aposto-
lorum corrigant. Et quia Calvinus est decimus tertius
Apostolus (modo Lutherus velit illi cedere) illius no-
mine apponant hunc decimum tertium articulum *Cre-*
de Papam esse Antichristum.

APHORISMVS IX.

Cardinales, Episcopi & Canonici sunt
locusta vastatrices, homicidæ,
mendaces.

Gabriel Ponetus l. 2. de Antichristo cap. 2. *Cardi-*
nales sunt locusta vastatrices, quæ ab Antichristo Ro-
mano galero Cardinalis inuata, illi in omnibus astipulan-
tur. Pseudo Episcopi sunt locusta vastatrices, quæ pallium
magno pretio Roma emunt, & prouenda Antichristi Ec-
clesiæ specialem iurisdictionem civilem, & Ecclesiasticam
habent, Colluuiæ canonicorum, monachorum & scolasticorum,
sunt locusta vastatrices papalem monarchiam, una-
queque pro virili sua, homicidiis & mendaciis fulcien-

Magna sane contumelia in familias præcipuas, Au-
striacam, Bauaricam, Lotharingicam, Francicam,
quæ Cardinalitia dignitate ornatae sunt. Itemque in
Archiepiscopos, & Cathedrales Canonicos Ecclesia-
rum, Moguntinæ, Colonienfis, Treuirensis & alia-
rum, quos Calvinistæ publico scripto vocant *Pseudo*
Episcopos, mendaces, homicidas. Certè Catholici in scri-
bendo modestiores sunt.

APHORISMVS X.

Iesuitæ sunt blasphemi Monachi, impuri Spirit-
us, membra diaboli, imitatores pacis, inimici
Regum, seductores patriæ, corruptores iuuentu-
ris, sicarii, proditores, progenies viperarum, &c.
nam, cauda Antichristi, &c.

Valde copiosi & eloquentes sunt Calvinistæ in de-
pingendis Iesuitis. Nec vllus esset finis, si om-
nia conuicia: quæ in illos effundunt, recensere vel-
lem. Porro excellunt in hoc genere Gabriel Ponetus,
David Paræus, Iosephus Burdo, & non pauci alii. Hi
omnes in hoc stadio currunt: vt comprehendant. De
brauius viderint.

Sed solantur se Iesuitæ illis Christi verbis. Matth. 5.
23. *Beati estis, cum maledixerint vobis (Calvinistæ) &*
dixerint omne malum aduersum vos mentientes propter me.
Gaudete & exultate, quoniam vestra merces copiosa est in ca-
lis. Et illis Petri Apostoli epist. 1. cap. 3. 15. *Christum*
sanctificate in cordibus vestris, conscientiam habentes bonam,
ut in eo, quod detrahunt vobis, confundatur, qui calumniatur
vestram bonam in Christo conuersationem. Melius est enim
bene facientes pati, quam male facientes.

Et quid mirum. Calvinistas in Iesuitas esse contume-
liosus, cum in suis sectæ homines sint maledicentissimi.
Mordent se inuicem, & à se inuicem consummuntur:
Iosephus Burdo Calvinista in Elencho vtriusque ora-

tionis chronologica Paræus. David Paræus Cal-
uinistam, passim vocat *insanum, arrogantem, idiotam,*
stercora colligentem, Prophætatum buccinatorem, asinum,
sycephantem, belliborissum egentem, communi sensu destitutum,
mendacem & nescio quid non.

APHORISMVS XI.

Philippus Rex Hispaniæ est raptor, & notorius
hæreticus, ideoque omnibus omnium Calui-
nistarum viribus à regno suo expellendus. Archi-
duces Austriae sunt perfidi. Dux Sabaudie
crudelis & perfidus. Sigismundus Rex Po-
lonia non dissimilis. Albertus & Clara Eu-
genia vera pacis impedimentum.

Hæc omnia habet Brederodius Calvinista in fa-
moso libello, qui inscribitur; *Fœderatorum, infe-*
rioris Germaniæ defensorum contra calumniam pacis pertur-
bata, &c. Et quidem p. 70. de Philippo Rege sic scribit:
Annon è contrarioposui Regem Hispaniæ, quia hæreticus no-
torius est, ex Regni illo Catholico, omnibus omnium Euangeli-
corum viribus expellere oporteret? maxime, cum alia insuper
contra eundem militet ratio, veluti contra vniuersi orbis raptorem
&c. Vide eundem Brederodium pag. 60. de Alberto &
Clara Eugenia. Et pagina 90. de Sigismundo Rege Po-
loniæ. Et pagina 91. de Archiducibus Austria, & Duce
Sabaudiz.

Et quis hic terræ filius est, qui tam atrociter scribit
in Reges & Principes? Natiue Hollandus, secta Cal-
uinianus: officio, ordinum fœderatorum Hollandiæ.
Agens apud Principes Protestantes. Didicit hoc à Calui-
no & Beza, qui ambo in Reges fuerunt infensissimi.
Sanè Calvinus in can. 6. Danielis, de illis ita scribit.
Principes terreni se contra Deum extollunt, sua se ipsi poten-
tia priuant, imò vere indignissimi sunt, qui hominum cæci ac
numero reponantur. Potius igitur illis est facies conspuenda,
quàm ipsorum imperiis obtemperandum, nisi omnem supersti-
tionem extirpent, & funditus tollant. Beza verò Epistola
41. Francorum Regem *Satanam* appellat, & fideles
suos adhortatur, ne vllas vnquam cum illo inducias pa-
ciscantur. Vide Ludouicum Richeomum in expostu-
latione apologetica ad Henricum IV. Regem Galliarum
& Navarra, cap. 3.

APHORISMVS XII.

Summa, omnes Catholici, (etiam Principes,
Reges Imperatores) sunt mancipia Sa-
thane, Antichristi satellites. Turcis de-
teriores, nec vlla pax cum illis inuenda est.

Gabriel Ponetus lib. 2. de Antichristo cap. 1. ge-
neratim vocat omnes, *Satanæ mancipia & Anti-*
christi satellites. Et Brederodius in libello supra citato,
inter cætera conatur persuadere suis sectæ Principibus,
ne vnquam ineant pacem cum Catholicis, eo quod mul-
to minus cum illis, quam cum Turcis, vera pax iniri
possit, quippe cum Catholici Turcis sint deteriores.
Similis habet author librorum de Turcopapismo lib. 1.
c. 7. vbi sic ait. *Atque ostendimus Papistas Turcis esse crudo-*
liores. Hic loco ipsos crudelissimos Tyrannos superesse, multis
testimoniis, & exemplis ostendimus. Iam Calvinus ipse

quibus titulis ornat Regum ac Principum Legatos, A Oratores, Theologos, qui Concilio Tridentino interfuerunt. Sanè in Antidoto illius Concilii passim eos vocat asinos, porcos, crassos boves, quisquilias, Antichristi legatos, Christi hostes, otiosos ventres, mendicabula, putrida cadavera, sili cernia, blaterones, Tridentinam colluviem, patres cornutos, exitia monstra, degeneres ac spurios, magna meretricis filios, &c.

Longè aliter de iis sensit Ferdinandus Imperator, qui suis legatis ex Concilio illo redeuntibus ita gratulatus est. *Aluimus vos in schola optima.* Sed Caluinista, pro sua modestia, excipient etiam Imperatorem illum fuisse, *Antichristi satellitem, & diaboli mancipium.*

De modo propagandi Caluinismum.

APHORISMVS XIII.

Primum simulandus est consensus cum Lutheranis, ut sic facilius obruamus Papistas, & in toto orbe Christiano dominemur, Lutherani facile nobis credent.

Heidelbergenses Caluinista ediderunt nuper libellum cum hac inscriptione. *Lutherscher Bericht, was die reformierte Kirchen in Tuneschlandet glauben oder mit glauben.* In hoc libello conantur boni isti viri persuadere populo, se in rebus fidei ac religionis per omnia consentire cum Lutheranis, excepto unico articulo de cœna Domini. Ac deinde grauer ac ferid hortatur Lutheranos, ut deinceps conspirent cum Caluinistis ad Catholicos profligandos & extirpandos. Idem facit David Paræus Caluinista in oratione de strophis Iesuitarum; ubi inter alia sic habet; *Nunc communia arma, signa & acies conuertenda sunt in communem hostem Antichristum Romanum, eiusque primipales apostoli. Iesuitas, qui ante fores commune exitium omnibus Ecclesiis reformatis intamati conatui machinantur.*

Sed Lutherani non credunt tantam inter se & Caluinistas esse consensionem in doctrina fidei. Et sanè si esset, cur Caluinista in Hassia tam grauer persequerentur Lutheranos? cur illos Marpurgo ex antiqua possessione exturbarent? cur vicissim Lutherani tam crudeliter in Prædicantes Caluinianos sequirent? Hæc sanè non sunt mutæ pacis & consensionis, sed odii & acerbis signa manifestissima.

Audi, si placet, Hospinianum Caluinistam in libro de concordia c. 58. ubi describit crudelitatem Lutheranorum Marpurgensium in Caluinianos Prædicantes, his verbis; *Cum in consignatione Professorum congregati Concionatores (Caluiniani) ab omni humana ope destituti, presentissimam quasi mortem ante oculos viderent, irruentes cœnatim post ostium consignationis cœnatim (Lutheranorum) aliqui, cum multo furore adoriuntur eos, captiuos abripiunt, vestimenta eorum discerpunt, pugnis in faciem eos cadunt, pileos capitis deiciunt, verberibusque ad sanguinem usque mulcant miserè: Et quamvis reliqui in solo constituti præcipientes eos sibi dari de consignatione alio clamore expecerent, exaudiri tamen à furibilibus illis non poterant. Itaque cum summo impetu per ostium concionatores (Caluinianos) nihil vel commiserationi, vel præci, apud sese loci relinquentes distulerant. Et quidam Sebonfeldium primò per gradus deiecerunt in mediam Chori arcam pertrahunt, verberibus inter duo altaria constitutum excipiunt, in terram prosterunt, conculcant pedibus, eleuatione rursus colaphis, pugnisque tam crudeliter tractant, ut cruore fœdatus, undique & sanguinolentus apparet, clamat miser. Parcite quæso, deformatus sum sa-*

Opusc. Becc.

tis; captiuum abducite. At illi, necate nebulosum, &c. Hæc est concordia Evangelica inter Lutheranos & Caluinistas.

APHORISMVS XIV.

Deinde Reges & Principes Catholici vi & armis oppugnandi, aut è suis regnis & prouinciis expellendi.

Hoc partim colligitur ex libello Heidelbergensium iam citato & ex oratione Davidis Paræi de strophis Iesuitarum; partim ex Brederodio Caluinista, qui in suo libello sic habet; *Annon Regem Hispania ex regno suo omnibus omnium Evangelicorum viribus expellere oportet?* Bonum scilicet consilium. Sed quid commisit Rex ille, cur regno expelli à Caluinistis debeat? Quia, inquit, *notorius hæreticus est*, voluit dicere; *Quia Pontificius: quia Catholicus est.* Ergo iuxta huius Caluinista concilium etiam Imperator, Rex Franciæ, Archiduces Austriæ, Dux Bauariæ, Dux Lotharingiæ, Archiepiscopi Moguntinus, Coloniensis, & Treurenensis è suis regnis & prouinciis expellendi essent. Nam & hi Pontificii ac Catholici sunt, & in rebus fidei planè consentiunt cum Rege Hispaniæ.

APHORISMVS XV.

Iesuitæ verò qui se maximè nobis opponunt, aut necandi, aut si id commodè fieri non potest, eiiciendi, aut certe mendacis, ac calumniis opprimendi sunt.

In Anglia ubi Caluinismus præualet hætenus necati sunt Iesuitæ, ut Edmundus, & Campianus, Rogerius, Filocus, Henricus, Garnetus, & complures alii. Quid nuper actum sit de Iesuitis ex imperio expellendis notum est. Mendacia & calumniæ, quæ illis imponuntur, infinita sunt. Pauca attingam. Sparserunt Caluinista annis superioribus, Iesuitas in Belgio machinatos esse mortem Mauricio Nassopio. Mendacium hoc publica autoritate refutatum est. Sparserunt libris etiam editis, Antuerpiæ publico supplicio affectum esse Iesuitam propter enorme crimen: Vniuersa Antuerpia reclamauit, Sparserunt Iesuitas. Monarchienfes in Bauaria, non modò stuprum virgini obtulisse, sed atrox etiam homicidium perpetrasse. Serenissimi Ducis imperio, calumnia hæc publico diplomate detecta & dissipata est. Sparserunt quatuor Iesuitas propter enormia facinora, Cracouiæ in Polonia, mandato Serenissimi Regis Stephani, infami morte punitos esse. Hanc fabulam ipsemet Stephanus, urgente Reuerendissimo & Illustrissimo Principe Vvolgango Archiepiscopo Moguntino, qui in criminis societatem vocabatur, regiis literis, ac sigillo confutauit. Et quid dicam cætera? vno verbo; Caluinistici Prædicantes, renitente etiam conscientia passim clamant in suis cæthedis, Iesuitas omnium fraudum ac malorum, quæ in mundo sunt, auctores & architectos esse. Nec dubito; si ita pergant, breui persuasum iri populo, Iesuitas peccatum originale in hunc mundum induxisse: Et in auriculari confessione, concilium dedisse Absaloni ut parentem suum Dauidem bello persequeretur.

Quid dicam de libello Calvinistico, qui nuper prodit cum hac inscriptione, *Aphorismi doctrinae Iesuitarum*. Meris mendaciis & calumniis refertus est. In quem finem? ut Calvinismus propagetur, Iesuitae intereant. Sed non est iste modus plantandi Evangelium.

APHORISMVS XVI.

Sacra Scriptura potius deprauanda, & omnis antiquorum Patrum autoritas respuenda, quam Calvinismus deferendus.

Theodorus Beza, ne cogeretur fateri cum Catholicis, in calice consecrato contineri verum sanguinem Christi, maluit scripturae verba corrumpere, quam errorem deferere. Nam Luca 22. 20. sic legimus iuxta graecum textum. *Hoc poculum nouum testamentum est in meo sanguine, quod pro vobis effunditur* &c. Ex quo loco sic argumentantur Catholici. In illo poculo, quod Christus tradidit Apostolis bibendum, vel erat propriè & verè vinum, vel propriè & verè sanguis Christi. Non potuit propriè & verè esse vinum, quia poculum vini non est effusum pro salute nostra. Christus autem loquitur de poculo, quod pro salute nostra effusum est. *Hoc (inquit) est poculum in meo sanguine.* (vel poculum mei sanguinis) *quod pro vobis effunditur.* Necesse ergo est in illo poculo fuisse verè & propriè sanguinem Christi. Quid Beza? quod solent haeretici in re desperata. Verba Christi sic immutauit; *Hoc poculum nouum testamentum est in meo sanguine, qui pro vobis effunditur.* *Hic si uideris, i uisus datus te in animam, & uisus datus te in animam.* Audax facinus, Ipsemet Beza fatetur in omnibus graecis codicibus haberi; *Hoc est poculum in meo sanguine, quod pro vobis effunditur*: Et tamen omnibus refragantibus, reponit hæc verba; *Hoc est poculum in meo sanguine, qui pro vobis effunditur*: Bezam sequuntur alij Calvinistae. Sed plerique non aduertunt fraudem. Si aduertent, nihil dubito, ad saniorum mentem redirent potius, quam in errore tam manifesto persistenterent.

Patrum antiquorum autoritas, quo loco apud Calvinistas sit, omnibus notum est: Franciscus Iunius Calvinista in suis animaduersionibus, circa librum 3. Bellarmini de Pontifice, sic passim loquitur. *Patres à verò plurimum aberrauerunt. Ha sunt mera Patrum coniectura. Sunt uana suspiciones, quibus boni Patres plus satis indulserunt, &c.*

Hoc didicit à Caluino, qui apertè fatetur, se dissentire ab antiquis Patribus, in his punctis sequentibus.

1 De libero arbitrio lib. 2. Inst. c. 2. §. 4.

2 De cooperatione liberi arbitrij cum gratia Dei. lib. 2. c. 3. §. 7.

3 De iustificatione lib. 3. cap. 12. §. 15. *Nec Augustini quidem sententia recipienda est, &c.*

4 De persona Mediatoris, lib. 2. c. 14. §. 3. *Atque hic excusari non potest ueterum error, &c.*

5 De concupiscentia, l. 3. c. 3. §. 10. *Neque opus est multum inuestigando laborare, quid hic veteres senserint, &c.*

6 De satisfactione, lib. 3. c. 4. §. 38. *Parum autem mouent, quia in ueterum scriptis de satisfactione passim occurrunt, &c.*

7 De oratione pro defunctis lib. 3. c. 4. §. 10. *Cum mihi obiciunt aduersarij, antemille & trecentos annos usu receptum fuisse, ut preces fierent pro defunctis, &c.*

8 De merito, lib. 3. c. 15. §. 2. *Uis sunt, facor passim uerba Ecclesiae scriptores nomine meriti, &c.*

9 De traditionibus, lib. 4. c. 12. §. 23. *Hæc prohibitio clare*

ostendit, quàm pestifera sint omnes traditiones &c.

10 De solenni penitentia, lib. 4. c. 12. §. 8. *Quia in parte excusari nullo modo potest inmodica ueterum austeritas.*

11 De Quadragesima, l. 4. c. 12. §. 10. *Tunc passim inuolueras superstitionis Quadragesimæ obseruatio.*

12 De laicis baptizantibus in necessitate, lib. 4. c. 15. §. 20. *Quod autem multis ab hinc saeculis adeoque ab ipso fere Ecclesia exordis usu receptum fuit, ut in periculo mortis laici baptizarent, non video, quàm firma ratione defendi queat.*

APHORISMVS XVII.

Libere utendum est equiuocationibus, etiam in rebus fidei, quando aliter Calvinismus defendi & propagari non potest. Nec magnopere curandum, si incidamus in varias contradictiones.

Beza Caluini discipulus; verbo & exemplo id docuit. Nam anno 1556. scripsit confessionem, in qua asseruit corpus Christi verè & realiter esse praesens in cæna & communicantibus verè & realiter exhiberi. Addebat, in eam confessionem consentire Ecclesiam Helueticorum & Geneuensium. Hoc idè fecit, ut Lutheranos, qui agnoscunt veram & realem Christi praesentiam in cæna, dolo ad Calvinismum pertraheret, quasi eadem esset Calvinistarum & Lutheranorum sententia. Sed quid factum? Lutherani coeperunt triumphare de Zuinglianis, & clamare, ipsos Beza teste, suam sectam deseruisse, & cum Lutheranis sentire. Tum Heluetii, qui Zuinglium sequebantur, grauiter in Bezam inuecti sunt, quod de ipsorum mutata sententia falso id sparsisset. Beza ad æquiuocationis asylum confugiens, respondit, se quidem uera scripsisse, sed à Lutheranis male intellecta: non enim se locutum esse de cæna Domini, quæ celebratur in terris (de qua tamen erat quaestio) sed de cæna, quæ celebratur in cælo, ubi Christus verè & realiter praesens est. En cadorem Calvinisticum. Refert hanc historiam Claudius Sanchez in Responsione ad Apologiam Bezae, & Bellarminus l. 1. de Eucharistia c. 2.

Porro, quid familiarius Calvinistis, quàm contradictio? Hoc discere ex vno Caluino, Docet l. 4. Inst. c. 1. §. 2. nos fide profiteri duplicem Ecclesiam, alteram visibilem, alteram inuisibilem, cum dicimus in symbolo, *Credo Ecclesiam*. At alibi, solam inuisibilem, quæ est Electorum, ait nos credere. Si enim habet in paruo catechismo, *Confitemur nos credere vnâ sanctam Ecclesiam Catholicam*. Et statim explicans, quæ sit illa vna Ecclesia, quam credimus, sic addit, *Quid est Ecclesia, Corpus ac societas fidelium, quos Deus ad uitam æternam prædestinauit*. Certe hic ingenue fatetur, nos credere vnâ tantum Ecclesiam, quæ est prædestinatorum.

Similiter lib. 4. c. 1. §. 4. docet, extra Ecclesiam visibilem saluari neminem posse. Sic enim ait, *Nunc de visibili Ecclesia differere propositum est; Extra cuius gremium nulla est speranda peccatorum remissio, nec ulla salus*. At filii fidelium, qui sine Baptismo moriuntur, saluari possunt iuxta Caluinum, lib. 4. c. 16. §. 24. & 25. Et tamen non sunt in Ecclesia visibili, cum in eam nemo admittatur, nisi per Baptismum, lib. 4. c. 1. §. 7.

Rursum lib. 3. Inst. c. 2. §. 16. 17. & 18. vnumquemque fidelem, esse certum certitudine fidei, de sua iustitia & remissione peccatorum, & non esse fidelem, qui hanc certitudinem non habeat. At in eodem cap. §. 10. & 11. apertè asserit, neminem certò scire, se habere veram fi-

dem, & vnumquemque in ea re posso decipi. Tot, inquit, vanitatis recessus habet, tot mendacii latebris scaturit cor humanum, tam fraudulenta hypocrisis cellum est, ut se ipsum saepe fallat. Et iterum. Experientia ostendit reprobos inordinem simili fere sensu atque electos affici ut ne suo quidem iudicio quicquam ab electis differant. Quis iam Calvinista audeat dicere, se certa hinc credere, quod iustus & predestinatus sit? Dicam ego ex Caluino? Corruptum te fallit, & fraudulenta hypocrisis cellum est. Reprobis es, licet tuo iudicio non differas ab Electis.

Item in Antidoto Concilij Trident. Sess. 6. can. 9. & 11 docet, fidem iustificare; habere vim iustificandi; esse causam iustificationis, At l. 3. Inst. c. 13. §. 5. id negat, his verbis: Quoad iustificationem, res est merè passiva Fides. Sanè si est res merè passiva, quoad iustificationem? quomodo habet vim iustificandi? aut si hanc habet? quomodo est merè passiva? Non coherent ista.

Ad hac in antidoto Concil. Trid. Sess. 6. c. 8. sic habet: Falsum esse contendit, ullam iustitiam partem in qualitate sitam esse, vel habitum, qui in nobis resideat. Hic plane negat iustitiam inherentem, quam Catholici asserunt. At in lib. de vera Ecclesiae reformatione, eandem concedit; his verbis: Numquam reconciliamur Deo, quin simul donemur iustitia inherente.

Præterea in consensione de re Sacramentaria, dicit Christum non esse in Eucharistia, sed tantum in celo. Christus, inquit, quatenus homo est, non alibi, quam in celo quatenus est. Et ibidem? Quia tamen corpus Christi finitum est, & calo, ut loco, continetur, necesse est à nobis tantum locorum intervallo distare, quanto calum abest à terra. At contrarium docet alibi. Nam in libello de cæna Domini sic scribit: Necesse est, nos in cæna vero corpus & sanguinem Christi recipere. Et infra. Intelligimus Christum nobis in cæna veram propriamque corporis & sanguinis sui substantiam donare. Et in c. 11. prioris ad Corinthios; Concludo, realiter, ut vulgo loquuntur, nobis in cæna dari corpus Christi. Omitto alias contradictiones, quæ passim in Caluino & Calvinistis occurrunt.

DE REBUS FIDEI.

APHORISMVS XVIIII.

Omnia iustorum opera sunt, inquinamenta, & peccata mortalis, neque vitam, sed damnationem æternam promerentur

Calvinus lib. 3. Inst. c. 12. §. 4. Omnium hominum opera nihil sunt nisi inquinamenta & sordes, & quæ iustitia vulgò habetur, ea apud Deum meræ sunt iniquitas. Et c. 14. §. 9. habemus, ne unum à sanctis exire opus, quod non mereatur iustam opprobrii mercedem. Et §. 11. Duobus his foris insistendum, nullum unquam exiisse pii hominis opus, quod si severo Dei iudicio examinentur, non esset damnabile, &c. Et cap. 15. §. 3. Nihil ab homine exit, quatenus perfectum, quod non sit aliqua macula inquinatum. Et in antidoto Conc. Trid. Sess. 6. c. 22. Inde conficitur, non esse tan copere exagrandos, qui dixerint qualibet bona opera, si exacto rigore censeantur, æterna potius damnatione, quam vita præmio digna esse.

Non ita loquuntur scripturæ & Patres. Matth. 25. 34. Bene benedicti Patris mei, possidete paratum vobis regnum à constitutione mundi. Esurini enim, & dedistis mihi manducare. Et 2. Cor. 4. 17. Quod in presenti est momentaneum, & levis tribulationis nostra, æternam gloriam pondus operatur. Et 2. Timoth. 4. 7. Bonam certamen certavi cursum consummavi, fidem servavi. In reliquo re-

A posita est mihi corona iustitiæ. Augustinus serm. 62. de tempore. Deus pro Meritis fidei & bonorum operum dabit suis fidelibus regnum calorum.

APHORISMVS XIX.

Lex Dei est impossibilis, nec ab ullo quantumvis sancto hæctenus servata est; aut deinceps servari poterit.

Calvinus lib. 2. Inst. cap. 7. §. 5. Quod autem impossibilem legis observationem diximus, id est, explicandum & confirmandum. Et in antidoto Concilij Trid. Sess. 6. c. 12. Mibi absurde sufficit neminem exiisse unquam, qui legi Dei satisfecerit, nec ullum posse inveniri. Et infra, Prophetas, & Patriarchas & pios Reges, utinam Dei Spiritu adjuvantur, ferendo legis iugo pares fuisse nego.

Felices Calvinistæ, qui quoties homicidia, furta, adulteria, aut similia flagitia commiserunt, vno Calvini verbo excusantur. Lex Dei est impossibilis. Feliciores utique essent, si lectori aut carnifici persuadere id possent.

Repugnat illis Propheta David Psalm. 118. 32. Viam mandatorum tuorum evocavi, cum dilatasti cor meum. Et Christus Matth. 11. 30. Iugum meum suave est, & onus meum leve. Et Apostolus 1. Ioannis 5. 3. Hac est charitas Dei ut mandata eius custodiamus, & mandata eius graviora non sunt. Et Augustinus lib. de natura & gratia cap. 43. Deus impossibilia non tubet.

APHORISMVS XX.

Peccatum originale non tollitur per Baptismum, sed manet in nobis quamdiu vivimus.

Calvinus lib. 2. Inst. c. 1. §. 8. Hæc perveritas nunquam in nobis cessat. Et lib. 4. c. 15. §. 10. Iam perspicuum est, quam falsum sit, per Baptismum salvi nos & eximi ab originali peccato. Et in antidoto Conc. Trid. Sess. 5. Manet vere peccatum in nobis, neque per Baptismum extinguitur. Hinc ita conclusio: Peccatum originale est circumscriptum, & aversio voluntatis à Deo, cum reatu æternæ mortis, ut definit David Paræus Calvinista in suis The-sibus de peccato: Sed hoc peccatum manet in Calvinistis post Baptismum, teste Caluino: Ergo Calvinistæ post Baptismum manent cæci mente, & aversi à Deo, & vel æternæ mortis. Quid vobis videtur?

Nos cum Augustino sentimus, qui concione 1. in Pl. 115. ait: Sicut Aegyptios in mari obrutos, ita in Baptismo peccata nostra diuisa & extincta, luce clarius intima Propheta dicens, proiciet in profundum maris omnia peccata nostra. Et cum Gregorio lib. 9. epist. 39. Qui dicit peccata in Baptismo non funditus diuinit, dicat in mari rubro Aegyptios non veraciter mortuos.

APHORISMVS XI.

Omnes filij fidelium ab utero materno nascuntur sancti & heredes vite aeternae, ac proinde saluari possunt sine Baptismo.

Calvinus in antidoto Concilii Trid. Sess. 6. cap. 5. *Vt. omnes infantes à regno Dei arcere libuit, qui ante crepti sunt ex hac Vita, quam offerri ad Baptismum poterint. Quasi Verò de nihilo dictum sit eos nasci sanctos, qui ex fidelibus nascuntur. Imò quo iure ad Baptismum eos admittimus, nisi quod promissionis sunt heredes: Nisi enim ad eos pertineret vita promissio, Baptismum profanaret, quisquis illis daret. Quod si Deus in regnum suum eos adoptavit, quanta iniuria sit promissioni, quasi per se ad eorum salutem non sufficiat? Et infra. Inclusa est infantium salus in promissione, qua Deus fidelibus testatur, se fore illis & semini eorum in Deum. Hac ratione sibi nasci pronuntiata, qui ex Abraham ducunt originem. Huius promissionis beneficio recipiuntur ad Baptismum, quia censentur Ecclesiae membra. Non à Baptismo igitur initium habet eorum salus, sed qua iam in verbo fundata erat, Baptismo obsignatur. Et lib. 4. Inst. c. 6. §. 14. Infans à matris utero in fœdere continetur. Et ibidem. Filiorum haud dubiò loco habet eorum filios, quorum semini in partem se fore pollicentus est, &c.*

Ex his & aliis Calvini verbis, quæ ibidem sequuntur colligi possunt hæc puncta. 1. Illam promissionem, quæ Abraham facta est Gen. 17. *Ero Deus tuus & semini tuo post te.* pertinere ad omnes parentes fideles, & eorum filios. 2. Itaque omnes filios, qui nascuntur ex parentibus fidelibus, vi illius promissionis, esse sanctos, filios Dei, & heredes vite aeternæ, nec posse unquam perire. 3. Vnde si moriantur ante Baptismum, nihilominus saluari vi promissionis. 4. Non enim Baptismum institutum esse, ut infantes per illum efficiantur sancti, sed & eorum sanctitas obsignetur, cum Baptismus nihil aliud sit, quam publicum sigillum, quo testamur eos, qui ex fidelibus nascuntur, sanctos esse, & in fœdere promissionis vite aeternæ comprehendi. 5. Vnde sicut olim filii Abraham obsignabantur sigillo circumcisionis; ita nunc filios fidelium sigillo Baptismi obsignari. 6. Et sicut olim non circumcidebantur filii infidelium, eo quod in fœdere promissionis non continerentur, ita nunc non debere baptizari filios infidelium, quia à promissionis fœdere exclusi sunt. Denique sicut sigillum Regis censetur prophanari, quando falsè scripturæ, epistolæ appenditur, ita merito prophanari Baptismum, quando appenditur infanti, qui promissionem Dei non habet. Eiusmodi autem esse omnes infantes infidelium.

Hæc Calvini sententia, & per se falsa est, & falsis nititur fundamentis. Hoc ostendo variis argumentis.

Primum sumi potest ex illa ipsa promissione, Abraham facta, ex qua Calvinus suum errorem astruere conatus est. Nam illa promissio dupliciter potest explicari, vel secundum sensum literalem, vel secundum spirituale & mysticum. Si explicetur secundum literalem, nihil ad rem Calvini facit. Non enim Deus secundum litteram promisit Abraham & semini eius vitam aeternam, sed possessionem terræ Chanaan. Verba promissionis sunt, hæc. Dabo tibi, & semini tuo terram peregrinationis tue, omnem terram Chanaan in possessionem aeternam. Si autem explicetur promissio secundum sensum mysticum, tunc quidem potest intelligi de adoptione vite aeternæ, non tamen descendit ad nos per carnalem ge-

Anerationem ex parentibus, ut falsò interpretatur Calvinus, sed per fidem in Christum. Hoc frequenter inculcat Apostolus, præsertim Rom. 4. & 9. & ad Galat. 3. & 4. ubi disertè ostendit eos esse veros Abraham filios secundum promissionem, non qui sunt filii carnis, sed qui sunt filij fidei, id est, qui imitantur fidem Abraham. Sic enim loquitur ad Galat. 3. 7. *Cognoscite, quia qui ex fide sunt, & sunt filij Abraham.* Et ibid. v. 9. *Qui ex fide sunt, benedicuntur cum fidei Abraham.* Tunc ergo secundum Apostolum, incipimus esse filij Abraham, vi promissionis, cum incipimus esse fideles. At parvuli non incipiunt esse fideles ab utero materno, sed in Baptismo. Illis enim baptizari est credere, ut loquitur Augustinus lib. 1. de peccatorum meritis & remiss. c. 27. Ergo infantes non nascuntur sancti ab utero materno, sed efficiuntur sancti, cum baptizantur.

B Alterum argumentum sumitur ex necessitate Baptismi in hunc modum, Omnes infantes nascuntur in peccato originali; omnes nascuntur filij iræ. Rom. 5. & Ephes. 2. Ergo filij Dei effici non possunt, nisi in Deo renascatur, iuxta illud Ioannis. 3. 7. *Operetur vos nasci denovo.* At non possunt renasci, nisi per Baptismum iuxta illud ibidem. *Nisi quis renatus fuerit ex aqua & Spiritu sancto, non potest introire in regnum Dei.* Hinc D. Augustinus lib. 3. de anima & eius origine cap. 2. *Noli, inquit, credere, noli dicere noli docere, infantes, ut equam baptizantur, morte præcuti, pervenire possent ad originalium indulgentiam peccatorum, si vis esse Catholicus.* At Calvinus hoc credit, hoc docet: Catholicus ergo non est. Idem Augustinus in Epistol. 28. ad Hieronymum. *Quisquis, inquit, dixerit, quod in Christo vivificabuntur etiam parvuli, qui sine Sacramenti eius participatio- ne de vita exeunt, hic profectò & contra Apostolicam predicationem venit, & totam condemnat Ecclesiam; ubi propterea cum baptizandis parvulis festinatur, & curritur, quia sine dubio creditur, aliter eos in Christo vivificari omnino non posse.* Iam subsumo. Atque Calvinus dicit, parvulos in Christo vivificari, qui sine Baptismo de vita exeunt. Ergo Calvinus teste Augustino, contra Apostolicam predicationem venit, & totam condemnat Ecclesiam.

Tertium argumentum sumitur ab exemplo Iacob & Esau. Certè Iacob & Esau erant filij parentum fidelium, ut ex scriptura peripicuum est: Et tamen Esau ab utero materno non fuit sanctus, & hæres vite aeternæ, ut patet ex illo Rom. 9. 13. *Iacob dilexi; Esau autem odio habui.* Falsum ergo est, quod asserit Calvinus, omnes filios fidelium nasci sanctos, & in fœdere promissionis contineri. Fortè excipies pro Calvino, non quidem omnes filios fidelium nasci sanctos, sed eos, qui ab æterno prædestinati sunt Iacobum, non Esau fuisse prædestinatum. Igitur Iacobum, non Esau, fuisse sanctum ab utero. Sed nihil ad rem facit hæc exceptio. 1. quia non disputamus, an filij fidelium nascuntur sancti, vi prædestinationis, quæ ab æterno facta est; sed præcisè, an vi promissionis divinæ, quæ Abraham facta est. Hæc enim distincta est à prædestinatione, & ad pauciores extenditur quam prædestinatio. Annon Adam, Abel, Enoch, Noè, & multi alij, qui ante Abrahamum vixerunt, prædestinati sunt? Nemo negaverit. Et tamen promissio Abraham facta ad illos pertinere non potest. 2. Falsum est, filios fidelium, qui prædestinati sunt, nasci sanctos ex utero, quia iam ostendi, omnes nasci filios iræ, & in peccato originali, quod etiam fatetur Calvinus lib. 2. Inst. c. 1. §. 8. cum ait; *Infantes suam secum damnationem à matris utero afferunt, non alieno, sed suo ipsorum vitio obstricti.* Imò tota eorum natura, est peccati quoddam semen. Denique si illi tantum nascuntur sancti, qui prædestinati sunt nulla erit distinctio inter filios fidelium & infidelium; quia sicut multi ex illis, ita non pauci ex his prædestinati. At Calvinus vult esse discrimen inter fidelium & infidelium infantes.

Quintum argumentum sumitur ab exemplo Iudæorum. Nam si omnes filii fidelium nascuntur sancti & hæredes vitæ æternæ, sequitur omnes Iudæos nasci sanctos quod sic ostendo. Omnes Iudæi habent suam originem à duodecim Patriarchis filiis Iacob. At 12. Patriarchæ fuerunt sine dubio fideles: Ergo illorum filii fuerunt sancti ab utero: Ergo & horum filii, & sic deinceps. Quomodo ergo reprobatii sunt? quomodo exclusi ab Euangelio? quomodo propter incredulitatem excisi à radice? quomodo Gentiles in eorum locum suscepti.

Et sane cum Caluino errasse in hac re videntur ipsi met Iudæi. Cum enim Christus, Ioan. 8. identidem illis obiecit hæc verba, *Moriemini in peccatis vestris, si non credideritis, quia ego sum*; responderunt. *Nos semen Abraham sumus Pater noster Abraham est*, quasi dicerent, Omnes filii Abraham sancti sunt: At nos sumus filii Abraham: Ergo nos sumus sancti: Quomodo ergo tu dicis, nos in peccatis morituros? Plane hoc Iudæorum argumentum Caluinisticum est. Sed quid Christus? *Vos ex patre diabolo estis*, inquit. Non enim teste Apostolo Rom. 9. *qui filii carnis, hi sunt filii Dei, sed qui filii promissionis, estis mariti in semine*. Videtis, opinor, aut Caluinum Iudæizare, aut Iudæos Calvinizare.

Quintum argumentum est tale. Si omnes filii fidelium sunt sancti & hæredes vitæ æternæ, sequitur omnes Calvinistas esse hæreticos, & extra veram Christi Ecclesiam. Hoc ita ostendo. Ecclesia Romana primis 500. annis fuit vera Christi Ecclesia, ut fatetur Calvinus lib. 4. Instit. c. 7. §. 24. Ergo tunc omnes erant fideles in Ecclesia Romana. Ergo filii eorum sancti ab utero: Ergo & filii filiorum erant tales: Ergo sicut generatio filiorum non defecit secundum carnem, ita nec defecit secundum promissionem: Ergo adhuc Ecclesia Romana manet vera Christi Ecclesia: Ergo hæretici sunt, qui hanc Ecclesiam deserunt & oppugnant: Hoc faciunt Calvinistæ. Hæretici ergo sunt.

APHORISMVS XXII.

Qui autem ex thoro illegitimo nascantur, æternæ damnationi & perditioni obnoxii sunt, nec ad Baptismum admittendi?

Anno Christi 1589. die 11. Martii, habita est Synodus Calvinistarum Vlnæ, in qua publicè decretum est, ne quis paruulos illegitimè natos baptizare audeat, ut refert Adrianus Lungius lib. 3. de doctrina & moribus Euangelicorum cap. 17. pag. 393.

Et in Palatinatu, Anno 1487. articuli quidam Calvinistæ reformationis disseminati sunt, quorum secundus habebat hæc verba, *Infantes, qui ex illegitimo thoro nascuntur æternæ perditioni ac damnationi obnoxii sunt, nec per Baptismum inuari possunt*. Scio hos articulos à quibusdam Calvinistis reici, tamquam suppositos. Sed quid sit, videtur hæc sententia aperte sequi ex principiis Caluini: Ipse enim docet, promissionem Abraham & aliis fidelibus parentibus factam, iure hæreditario descendere ad filios per carnalem propagationem, eo modo, quo ciuilia pacta, feuda, & bona hæreditaria parentum ad filios deriuantur: atqui omni iure, tam diuino, quam humano, pacta & bona paterna deriuantur ad filios legitimos, non autem ad illegitimos: Ergo illegitimi non continentur in promissione Abraham facta: Ergo sigillo Baptismi obsignari non debent. Itaque ad illos spectat illud Saræ, Gen. 21. 10. *Eiice ancillam hanc & filium eius: Non enim eris hæres filius ancilla cum filio meo Isaac*.

Verum hic aphorismus, cuius Calvinistas merito iam pudet, omnino falsum est. An non Christus pro omnibus mori voluit, tam legitimis, quam illegitimis? Hos enim nusquam legitur exclusisse. An non pro omnibus Baptismum instituit? *In Christo*, inquit Apostolus ad Gal. 3. 28. *Non est Iudæus neque Græcus; non est seruus neque liber: non est masculus neque femina*. Et Petrus Act. 10. 34. *In veritate comperi, quia non est personarum acceptor Deus*. Et sanè habemus clarum exemplum in Scriptura Iephthæ, qui fuit fortissimus Iudex Israëlitarum, ex muliere meretrice natus est, ut legimus in lib. Iudicum c. 11. An propterea æternæ damnationi fuit abnoxius, minimè certè. Nam Apostolus Heb. 11. 31. inter sanctos veteris testamenti illum recenset. Accedit testimonium Augustini lib. 2. contra duas epistolas Pelagianorum c. 6. & 7. ubi proponit hanc questionem: An infantes propter merita vel demerita parentum predestinètur, vel reprobentur? Et respondet negatiuè, quia sæpe fit, inquit, ut infans natus ex parentibus optimis & sanctissimis, sine Baptismo moriatur, & pereat. Natus verò ex parente fornicatore & matre meretrice, per Baptismum regeneretur, & saluetur.

APHORISMVS XXIII.

Peccata predestinatorum nunquam imputantur, reproborum nunquam remittuntur.

Prior pars asseritur à Caluino lib. 3. Instit. cap. 4. §. 28. *Ceterum fidelium peccata venialia esse, non quia non mortem mereantur, sed quia non imputantur, quia venia delentur*. Posterior asseritur l. 4. cap. 1. §. 20. & 21. ubi docet Calvinus, nullum peccatum remitti, nisi in Ecclesia. At reprobi in Ecclesia non sunt, teste Caluino: ergo reprobis nullum peccatum remittitur.

Hæc doctrina, vel omnibus sceleribus ianuam aperit, vel desperationem ingerit. Nam qui cogitat, nulla fidelium peccata imputari, liberrimè ac impunè in omnia flagitia se precipitabit. Contra qui in aliam cogitationem se vertit, quid aliud sibi persuadere poterit, quam nullam esse spem veniæ & condonationis? Sic quisque aut in Scyllam, aut in Charibdim incidat necesse est. Nimirum hic est fructus Euangelij Calvinistarum.



BREVIS RESPONSIO AD Aphorismos falsò Iesuitis impositos.



Adenus proposui germanos ac genuinos Aphorismos doctrinæ Calvinistarum. Nunc breuiter respondendum est ad Aphorismos quos Calvinistæ Iesuitis, & aliis Catholicis falsò imposerunt. Non respondebo tamen pro aliis, sed pro solis Iesuitis: tum ut breuitati studeam, tum ut aliis non præscindam occasionem pro se respondendi.

APHORISMVS I.

Pontifex Romanus omnimodam habet & spirituales & temporales potestatem, ius mandandi banni, sine excommunicationis, ius item penarum, electionis ac vicariatus Imperii, Magistratus quo suis instituendi, & deponendi, ipsos etiam Imperatores, Reges, Principes. Et hæc pro articulis fidei habendo. Qui verò ista non probat aut non credit, is pro heretico detestando habendus est. Bellar. lib. 5. de Pont. cap. 1. & 6. Concertatio Ecclesie Catholice pag. 24. & 246. Ribaderena l. 1. de Principe cap. 17.

RESPONSIO.

Hic aphorismus continet tria puncta. 1. Quod Pontifex habeat omnimodam potestatem spirituales. 2. Quod similiter habeat omnimodam potestatem temporalem, & quæ illi annexa sunt. 3. Quod sit articulus fidei, Pontificem habere utramque omnimodam potestatem, & quod pro heretico habendus sit, qui id non credit aut probat.

Hæc tria puncta falsò affinguntur Iesuitis citatis, ac proinde ex tribus mendaciis, aphorismus ille confutatus est.

Primum mendacium est, Iesuitas dicere, *Pontificem habere omnimodam potestatem spirituales.* Nemo ex citatis hoc docet, fatentur quidem ipsi, sicut & alij Catholici, Pontificem habere potestatem spirituales, seu Ecclesiasticam in totum Orbem Christianum, non tamen omnimodam potestatem, sed certam & limitatam. Hoc breuiter explicandum est.

Ecclesiastica potestas est triplex; vna ordinis: altera iurisdictionis interioris: tertia iurisdictionis exterioris. 1. refertur ad Sacramenta conficienda & ministranda. 2. ad regendum populum Christianum in foro conscientie. 3. ad eundem populum regendum in foro exteriori.

Igitur ad potestatem Ordinis spectat, Consecrare Eucharistiam, Confirmare, Ordines conferre, Chrisma conficere, Oleum infirmorum benedicere. Ad potestatem iurisdictionis interioris, ius dicere in foro conscientie, id est, absolueret, vel ligare: Ad potestatem iurisdictionis exterioris, synodum conuocare, constitutiones condere, causas audire, & cognoscere, beneficia conferre, excommunicare, vel aliis modis delinquentes punire.

Hanc triplicem potestatem habet Pontifex. Et in prima est par Episcopis. In 2. & 3. superat dupliciter. 1. ratione loci, quia Episcopus in sua tantum diocesi habet utramque iurisdictionem: Pontifex in toto Orbe Christiano. 2. ratione materie, quia Pontifex in utroque foro, tam interiori, quàm exteriori, potest sibi reservare quosdam casus, in quibus non liceat Episcopo, etiam in sua diocesi, aliquid efficere, sine consensu Pontificis.

Tametsi verò Pontifex habeat hanc triplicem potestatem spirituales, nemo tamen Catholicorum dicit, habere omnimodam potestatem. Non enim pro arbitrato potest fauere, quod vult, sed certis limitibus ac terminis potestas eius à Christo circumscripta est. Nam in multis rebus alligata est Sacramentis, in aliis, præceptis Christi & Apostolorum. Non enim Pontifex suo

A tantum arbitrio potest absolueret subditos à peccatis, Eucharistiam conficere, Sacerdotium conferre, sed adhibitis Sacramentis à Christo institutis. Similiter non potest in exteriori foro exercere iurisdictionem pro libito, sed secundum mensuram à Christo & Apostolis concessam. Hæc nota sunt apud Catholicos omnes, falsò igitur dicunt Calvinistæ, Catholicos tribuere Pontifici omnimodam potestatem spirituales. De hæc se plura in responsione ad 4. Aphorismum.

Secundum mendacium est, Iesuitas docere, *Pontificem habere omnimodam potestatem temporalem.* Imò contrarium docent. Bellarminus lib. 5. de Pontifice cap. 4. Superest, inquit, ut demonstremus Papam directè nulli loci esse Dominum temporalem iure Divino. Id verò hæc ratione manifeste probatur. Christus, ut homo, dum in terris vixit, non accepit, nec voluit ullum temporale Dominium: Summus autem Pontifex Christi Vicarius, nullum habet temporale Dominium. Idem docet Molina tract. 2. de iure & iust. disp. 29. & alij Iesuitæ passim.

Tertium mendacium est, Iesuitas docere, *esse articulum fidei, quod Pontifex habeat omnimodam potestatem spirituales & temporalem.* Quomodo quælo sit articulus fidei, quod falsum est? Iesuitæ docent falsum esse, quod Pontifex habeat omnimodam potestatem spirituales, & temporalem, ut iam ostendi: Non ergo docent esse articulum fidei. Nisi forte Calvinistæ existiment, tales esse fidei articulos apud nos, quales apud ipsos sunt. Apud ipsos sunt huiusmodi. *Papa est Antichristus: Ecclesia Christi defecit: Calvinistæ sunt predestinati: & alij eiusdem farinae.*

Hæc de Aphorismo. Quàm falsò citetur Bellarminus, iam ostensum est. Porro liber ille, qui inscribitur *Concertatio Ecclesie Catholice in Anglia*, habet quidem hæc verba. *Minime pro visa conservanda rogo auctoritatem Pontificis, cum sit articulus fidei: non tamen habet quod sit articulus fidei, Pontificem habere omnimodam potestatem spirituales & temporalem.* Hæc multum inter se distant. Deinde, verba illa non sunt alicuius Iesuitæ, ut falsò calumniantur Calvinistæ, sed cuiusdam Lucæ Chirbzi, qui pro fide Catholica Martyrium passus est in Anglia, eo quod nollet Pontificem abiurare, & fateri Reginam Elizabetham esse summum caput Ecclesie.

Vbi obiter nota impudentiam Calvinistarum, qui non volunt agnoscere Petrum, & Successorem eius esse caput Ecclesie: & tamen sub capitis periculo cogunt omnes profiteri, mulierem esse summum caput Ecclesie. Vbi ratio? vbi sensus?

Ribadinera, qui pro eodem Aphorismo citatur, sic habet, *Comminatus est ultorem se futurum eius, qui Sacerdotis mandata vel non audierit, vel neglexerit, præceptaque in eripici, qui superstitione Diis alienis adhaerens, falsa veneratione à vera pietate vulgus abducat.* Hinc inferunt Calvinistæ: Ergo est articulus fidei, Pontificem habere omnimodam potestatem spirituales & temporalem. Nugæ nugarum.

APHORISMVS II.

Omnes Ecclesiasticae personae, Episcopi, Praelati, Sacerdotes, Monachi illorumque temporalia bona, iura & redditus à temporalium Dominorum obedientia, mandatis, contributionibus, & iurisdictionibus, in personalibus & realibus & civilibus, & criminalibus prorsus exempti & privilegiati sunt: Nec vel Imperatori, & Regibus, aliisque laicis magistratibus parere tenentur. Caesar autem, Reges, & principes praecipua sua fortalitia Ecclesiasticis potius, quàm Laicis per custodienda concedere debent.

Ioannes Mariana Iesuita de Rege & Regis Institutione l. 1. c. 10. pag. 88. & 89.

RESPONSIO.

Hic Aphorismus continet etiam tria puncta. 1. Quod Ecclesiastici, tam quoad personas suas, quàm quoad bona temporalia, sint exempti à iurisdictione seculari. 2. Quod non teneantur obedire Imperatori, Regibus, aliisque laicis magistratibus, sed ab eorum obedientia & mandatis sint exempti. 3. Quod Caesar, Reges, & Principes debeant sua fortalitia potius concedere Ecclesiasticis, quàm secularibus.

Primum punctum: de immunitate & exemptione Ecclesiasticorum (quod propro loco obicitur Iesuitis) libenter admittunt Iesuitae. Nec putant se iure reprehendi posse, quòd ita sentiant: sed potius Caluinistas, qui eos hoc nomine calumniantur. Certè exemptio Clericorum, non solum iure canonico & civili, sed communi consensu Principum, Regum, Imperatorum, ac totius orbis Christiani, stabilita & confirmata est. An non latius est, hunc consensum approbare, quod faciunt Iesuitae: quàm criminari & propro loco habere quod faciunt Caluinistae? Planè sic existimo.

Sunt autem tribus modis exempti Clerici à potestate Principum secularium. 1. quoad personas suas, quia si delinquant contra leges civiles aut Ecclesiasticas, non possunt puniri à Magistratu civili, sed tantum ab Ecclesiastico. 2. quoad bona temporalia, siue Ecclesiastica, siue haereditaria: quia illa libera sunt à tributis & oneribus civilibus. 3. quoad causas seu controuersias tam civiles quàm Ecclesiasticas, quia illae non trahuntur ad tribunalulare seculare. Hæc autem triplex exemptio partim diuini, partim humani iuris est, ut rectè docent Bellar. lib. de Clericis c. 1. Molina tract. 18. de iure & iustitia; disputat. 31. Valentia q. 5. de Sacramento Ordinis p. q. & alii partim Theologi.

Vbi obiter notandum est, exemptionem ab alicuius potestate & iurisdictione tribus modis fieri solere. 1. Iure Diuino, quo pacto fatetur Calvinus lib. 4. Inst. c. 11. §. 15. Ecclesiasticos exemptos esse à seculari potestate in causis merè Ecclesiasticis. 2. Iure humano, quo pacto ab eadem potestate exempti sunt in causis civilibus. 3. vi & rebellionis: quo pacto Caluinistae passim conantur se eximere ab omni potestate tam Ecclesiastica, quàm seculari, ut experientia docet.

An non pridem excusserunt iurisdictionem Pontificis & Episcoporum? An non Regis Philippi in Hollandia? an non Imperatorum Regum, & Principum om-

nium, qui Ecclesiasticis immunitatem concesserunt? Certè mirum est, tam impudentes esse, ut nolint Clericos eximi à potestate seculari, bona ipsorum principum secularium voluntate & concessione: & tamen ipsi velint se eximere ab omni Imperatorum & principum secularium lege, qua libertas & exemptio Clericorum sancita est.

Secundum punctum, quod Ecclesiastici non teneantur obedire Imperatori, Regibus, aliisque Magistratibus laicis, omninò falsum est, & falsò Iesuitis asingitur. Iesuitae contrarium docent. Etsi enim fateantur, ut ostensum est, Ecclesiasticos esse exemptos à iurisdictione seculari, non tamen dicunt exemptos esse ab observatione legum civilium, Bellarm. lib. de Clericis c. 29. Non sunt exempti clerici alio modo ab obligatione legum civilium. Et infra: Etsi clerici teneantur leges civiles seruare, non tamen possunt à iudice politico puniri. Similia habent Molina & Valentia locis citatis, & alii passim.

Vbi aduerte, duo spectari posse in lege politica: nempe vim dirigendi, & vim cogendi seu puniendi. Ecclesiastici tenentur in conscientia seruare legem politicam quæ ad bonam Reipublicæ administrationem pertinet quatenus habet vim dirigendi, si tamen delinquant contra legem, debent puniri à magistratu Ecclesiastico, non autem à politico. Vide authores nominatos, & Ioannem Marianam l. 1. c. 10.

Tertium punctum. quod fortalitia potius concedenda sint custodia Ecclesiasticorum quàm Laicorum, non continet doctrinam, sed votum, seu desiderium. An non licet unicuique optare, ut ciuitas vel munitio detur illi custodienda, quam sperat pro loco & tempore fore fideliorum? Quare Pontifex Romanus, Rex Christianissimus Franciæ, & nonnulli alij Principes, pro custodia corporis adhibent Heluetios: propter fidelitatem. An non licet optare, ut alij adhiberentur, si alij essent fideliores? Ita sane. Nihil aliud vult Ioannes Mariana loco citato. Sic enim ait, *Vellem potius, non tantum, quæ à maioribus data sunt Episcopis non auferri, sed etiam firmissimas arces eorum in fidem tradit, ut quasi inuictis compedibus prauitas & impietas, atque quæ se locis omnibus ostentat, nouandi libido; ne se commoueret, confixita teneatur.* Possunt quidem viri sacri deprauari, sed id multo rarius contingit, &c. Vides opinor, nihil aliud optare hunc authorem, quam ut arces custodiantur ab iis, quos putat maiori fidelitate eas conseruatuuros, contra homines impios, & nouitatis cupidos. An hoc votum malum est? Nemo sanus dixerit.

APHORISMVS III.

Licet Papa homo sit, attamen quia Vicarius Dei est in terris, (ob quam causam illi etiam diuini honores competunt) errare non potest in negotiis fidem Christianam concernentibus, etiamsi omnes alij Ecclesiastici, atque adeò ipsa etiam Concilia errarent. Ideoque à Conciliis ad Papam, non à Papa ad Concilium appellari potest.

Bellarmino lib. 4. de Rom. Pont. cap. 1.

RESPONSIO.

Hic Aphorismus continet tria puncta. 1. Papam, quia Dei Vicarius est, non posse errare in rebus fidei. 2. Eisdem diuinos honores competere. 3. appellari posse à

Conciliis ad Papam, non contra. Pro primo puncto citatus vnus tantum Iesuita, pro reliquis nullus.

Est ergo primum punctum, *Papam quia Christi Vicarius est, non posse errare in rebus fidei*. Hoc Iesuitæ libenter admittunt, & sic explicant: Christum non permissurum, vt ipsius in terra Vicarius, seu vniuersalis Ecclesiæ Pastor, oues sibi commissas seducat per falsam doctrinam, Vbi diligenter notandum est, aliud esse Pontificem in sua persona non posse errare circa res fidei: aliud verò, Pontificem in pascendis ouibus, & gubernandis Christianis, non posse falsam doctrinam illis instillare: non quod repugnantia sit vel ex parte personæ ipsius, vel ex parte subditorum: sed quia Christus promisit, se hoc non permissurum. Illud prius non asserimus: sed posterius. Explicabo hoc simili exemplo. Rex habet duos filios: dat illis Pædagogum, qui ipsorum studia moderetur. Pædagogo, tamen si per se errare & peruertere possit, adiungit vitum maturum & prudentem, à quo ita dirigatur & obseruetur, vt filios à Rege sibi commissos peruertere non possit. Sic Christus agit cum Pontifice. Dat illi instruendos Christianos, & ne illos peruerat, adiungit illi Spiritum sanctum, per cuius assistentiam & directionem ita gubernatur, vt fideles sibi commissos in errorem ducere non possit. Quid hic reprehensione dignum est? Nihil video. *Cor Regis in manu Domini est* (inquit) Sapiens Prou. 21.1. *quocumque voluerit, inclinabit illud*. Cur non similiter cor Pontificis, cui datum est regere Ecclesiam.

Et quidem mirum, si dicamus Pontificem tanquam Ecclesiæ Pastorem in pascendis ouibus errare non posse: Calvinistæ vterius progrediuntur. Docent ipsi, neminem etiam priuatum hominem (modo in Ecclesia Calvinistica sit) errare posse in rebus fidei: Omnes & singulos esse prædestinatos: esse oues Christi: audire vocem Christi discernere inter Christi & Antichristi vocem: non ab hominibus, sed à Deo immediatè doceri, ideoque *infallibiles*, esse. Vbi ergo potest esse error? Hæc de primo puncto. Reliqua duo, quia nullus Iesuita pro illis citatur, omitti nunc possunt. De secundo sat multa dixi in disputatione de Antichristo reformato, & mendacia Calvinistarum detexi.

APHORISMVS IV.

In Romani Pontificis arbitrio stat sacra Scripturae authoritas, interpretatio, & mutandi ius. E contra, Pontificis placita, tanquam ad fidem, & salutem præcisè necessaria, semper firma, Valida & obligatoria sunt.

Costerus in Apologia pro parte 1. Enchiridii contra Gomarum. pag. 37.

RESPONSIO.

Hic Aphorismus continet tria puncta. 1. Quod sacra Scripturae authoritas, interpretatio, & mutandi ius, sit in arbitrio Papæ: id est, quod Papa possit dare Scripturae authoritatem: eandem interpretari, & mutare pro suo arbitratu. 2. Quod placita Pontificis sint præcisè necessaria ad fidem & salutem. 3. Quod eadem placita semper sint firma, valida & obligatoria. Tria luculenta mendacia.

Primum punctum, nec Costerus docet, nec alii Iesuitæ, nec ullus Catholicorum. Hoc omnes illi docent,

A sacram Scripturam, cum sit à Deo inspirata, habere suam authoritatem à Deo: Et eo sensu interpretandam esse, quo à Spiritu sancto est inspirata: Nec iota vnum, aut apicem vnum, quod ad sensum attinet, mutari posse. Quid ergo Pontifex? Hoc solum iuris habet, vt possit declarare, quæ Scriptura habeat diuinam authoritatem, & quo sensu intelligenda sit; & si variz ac pugnantes lectiones occurrant, quænam earum sit legitima & retinenda.

Porro Costerus in Apologia citata pag. 16. sic habet *Scripturam sacram Spiritus sanctus dictauit, singula verba ipse composuit, & suis locis constituit, vt nec iota, nec apex vnus superfluit*. Et pag. 37. *Scripturam veneramus vt verbum Dei*, Et ibidem; *Biblia testimonium ab Apostolica traditione acceperunt*. An ex his verbis concludent Calvinistæ, in Pontificis arbitrio stare Scripturae authoritatem, interpretationem, & mutandi ius? Vide-rint ipsi, quàm rectè.

Secundum punctum; *Quod Pontificis placita sint præcisè necessaria ad fidem & salutem*, nescio vnde acceperint Calvinistæ. Nullum auctorem citant, qui hoc habeat. Hoc quidem fatentur Catholici, Pontificem posse ferre leges Ecclesiasticas, quæ seruari debeant, quamdiu non abrogantur; sicut quilibet Rex aut Princeps potest ferre leges ciuiles, quæ à subditis obseruandæ sint, quamdiu vigorem habent. Vnde placita Pontificis non aliter sunt necessaria ad salutem, quàm aliorum Principum mandata, quæ si contempnas & transgrediaris, salutem non assequeris.

Tertium punctum, *Placita Pontificis semper esse firma, valida & obligatoria*, purum mendacium est. Sicut aliorum Principum placita, quæ hodie firma, valida & obligatoria sunt, cras mutari possunt, solo Principum arbitrio: sic de Pontificis Romani placitis statuendum est.

APHORISMVS V.

D *Pro inualidis, & planè nullis haberi debent Imperatorum, Regum, Principum, aliorumque Ordinum constitutiones, pacta, conuenta, capitulationes, fraternitates, concessiones, quibus, alia religio, quam moderna Romana Catholica indulgetur. Etiam si iuramenta interuenerint.*

Petrus Ribadinera libro 1. de Principe capite 17. & 18. Martinus Beccanus in disputatione de fide hæreticis seruanda, cap. 10.

RESPONSIO.

E Totus Aphorismus merum mendacium est. Et quidem duplici nomine peccat illius Author. 1. Quod dicat Catholicos, & nominatim Martinum Beccanum esse in hac sententia, cum tamen Becanus disertè & ex professo contrarium assermet. Verba eius sunt hæc; *Si princeps vel Magistratus Catholicus paciscatur cum hæretico de toleranda libertate, quum sine maiori detrimento impedire non potest: sine dubio fides seruanda est. Probatur ex dictis, Nam fides seruari debet in omni pacto licito & honesto: atqui licitum & honestum est, tolerare libertatem religionis ad minus malum euitandum, & de ea toleranda licite & honeste pacisci potest Princeps Catholicus: ergo si paciscitur, fidem seruare debet*. Quid clariùs



tribus, Imperatoribus, & ex ipso Caluino & Beza, inter cetera sic habet, *Calvinus Michaelum Seretum, quod hareticus Trinitarius esset, extremo supplicio affici iussit. Idem ille, & eius discipulus Beza, scriptis suis testati sunt, hareticos panis coircendos esse.* Vide Ribadineram nihil aliud dicere, quam quod antea Calvinus & Beza dixerunt. Si ergo hi bene, cur ille male? Aut si ille male, nec profecto hi bene.

Becanus in disputatione de fide hæreticis seruanda, cap. 10. pag. 89. nihil habet de Lutheranis aut Calvinistis exterminandis. Solum ostendit, libertatem Religionis (qua unicuique liberum sit sequi quamcunque sectam) Divino præcepto repugnare, & Republica perniciosam esse, idcircoque omnibus modis, si commode impediri oportere. Si autem commode impediri non possit, nisi cum maiori damno aut malo Republica, aliquo tempore tolerari possit. Et si hoc modo toleretur, & in pactum deducatur fides seruanda esse. Quid quæso culpæ in his verbis? An non libertas religionis, & diuersitas fidei repugnat Scripturis? Rom. 16. 17. *Rogo vos fratres ut obseruetis eos, qui discensiones & offendicula præter doctrinam, quam vos didicistis faciunt, & declinant ab illis.* Gal. 1. 9. *Licet nos, aut Angelus de celo Euangelizet vobis, præterquam quod Euangelizamus vobis, anathema sit.* Corinth. 1. 10. *Obsecro vos fratres, ut id ipsum dicatis omnes, & non sint vobis schismata.* 1. Corinthiorum 14. 33. *Non enim est dissensionis Deus, sed pacis.* Eph. 4. 5. *Vnus Dominus una Baptisma.* Nisi Calvinistæ urgeant plures Dominos, plures fides, plura Baptismata: Iam verò, si libertas religionis repugnat sacris scripturis, ut ostensum est: cur non merito debeat displicere, & si fieri commodè potest, etiam impediri? Sanè quæ Deo displicent, nobis placere non debent. Si non placent, cur non caueamus? Si cauere non possumus, toleranda sunt. Si in pactum deducantur, fides seruanda.

Miror Calvinistas in hac re calumniari Catholicos. An non ipsi ex tota Angliæ & Hollandiæ exterminant libertatem fidei? Imò, quot Iesuitas, quot alios Catholicos propter solam, fidem, extremo supplicio affecerunt? Hæc nota sunt. Pergo.

Ad acta Garneti non opus est responsione. Non enim à Iesuitis, sed à Calvinistis conscripta sunt. Qua fide, non disputo. Quis porro sit Gresvel Iesuitæ, iam antea dixi me nescire.

APHORISMVS XI.

Quando subditi Romano-Catholici Imperatorem, Regem, siue Principem suum pro tyranno habendum in Conciliis suis statuerunt, tum illum abdicare, & seipsum omnis obligationis nexu soluere possunt. Si verò Comitia habere prohibeantur, tum cuius subdito, modo Iesuitarum, aut aliorum huiusmodi, Theologorum usus sit Concilio, permissum; imò laude dignum & meritorium erit, huiusmodi Regem vel Principem occidere. Proindeque rectè fecisse Monachum Iacobum Clementem, quod Henricum I I. Regem Gallie culura venenato interfecit. Rectè etiam facturum, qui & illius. Successorem Henricum I V., interfecit.

Ioannes Mariana lib. 1. de Reg. cap. 6. pag. 57. & 60.

RESPONSIO.

Hic Aphorismus habet tria puncta. 1. Quod subditis liceat deponere vel occidere tyrannum. 2. Quod Iacobus Clemens rectè fecerit interficiendo Henricum tertium Regem Gallie. 3. Quod etiam rectissime factum esset, qui illius Successorem Henricum quartum interficeret. Singula videamus.

Ac primum quæro ex Calvinistis, quid ipsi sentiant de primo puncto? id est, an putent licere subditis deponere vel occidere tyrannum? Si putant licere, quare calumniantur alios, qui, idem sentiunt? Si negant licere quare ipsi in Hollandia excutunt iurisdictionem Philippi Regis, & tot annis infesto bello, tanquam tyrannum persequuntur? quare Brederodius Calvinista decernit: eundem Philippum & toto Regno Hispania, omnibus omnium Evangelicorum viribus expellendum esse.

Quid Iesuitæ sentiant sic accipe, Dupliciter fieri potest, ut aliquis sit tyrannus. 1. ratione tituli, ut si absquo ullo iure, armis principatum inuadat, vel occupet, sicut Turca regna orientis & alia vicina. 2. ratione administrationis: ut si is qui est verus Princeps, tyrannicè administret principatum: onerando subditos iniustos exactionibus vendendo officia Iudicium, condendo leges sibi commodas, publico parum utiles.

Qui est tyrannus priori modo (qualem inter Christianos hoc tempore neminem scio) potest à quouis subdito interfici, si aliter ipsius iugum excuti non queat. Ratio est, quia talis non est Princeps, sed iniquus inuasor & oppressor Reipublicæ ac singulorum ciuium. At quivis potest iniquum oppressorem Reipublicæ (quando aliud non est remedium) è medio tollere. Sicut enim priuata persona, si iniquè ab aliquo opprimatur, potest vim vi repellere, & inuasorem è medio tollere, quando alius modus liberandi non superpetit: ita Respublica, si iniuste inuaditur, potest per quemvis suorum vim repellere, & inuasorem è medio tollere. Sic Aod sustulit è medio Eglon Regem Moabitum, qui tyrannicè oppresserat Israëlitas. Iudicum tertio. Sic Iudith Holoternem: Brutus, Cassius, & alij Iulium Cæsarem. Potest autem id fieri duplici iure. Primo, iure defensionis innocentis. 2. Iure vindictæ. Potest enim Respublica, quando iniuste opprimatur, & suam innocentiam defendere, quod est iuris naturalis: iniurias sibi illatas vindicare, quia hoc requirit ratio iustitiæ vindicatiuæ.

Qui autem est tyrannus posteriori modo, nempe ratione administrationis non potest à subditis interfici, ut definitum est in Concilio Constantiensi Sess. 15. Et ratio est, qui verus & legitimus Princeps, etsi tyrannicè regat, manet tamen superior: Ergo subditi debent illi obtemperare, & non interficere: nisi fortè ob necessariam vitæ suæ defensionem. Hinc scriptura iubet, nos in rebus licitis obedire Principibus Ethnicis, tanquam superioribus, etiam si essent maximi tyranni. Rom. 13. Et 1. Petri 2. 13. & alibi.

Atque hæc est expressa sententia Ioannis Mariana loco citato, & aliorum Iesuitarum: qui de hac re scripserunt in qua video, quid Calvinistæ possint merito reprehendere. Ego tamen hic habeo, quod ipsis obii-
ciam. Solent illi argumentari hoc modo: *Iesuita docent Tyrannum posse deponi aut interfici à subditis: Ergo caueant sibi Reges, & Principes protestantes à Iesuitis, eorum affectis.* Ut appareat vis huius argumēti, reuocabo ad duos Syllogismos.

Prior est: Omnes tyranni, siue ratione tituli, siue ratione administrationis sunt tales: licet occidi possunt à subditis: Sed omnes Reges & Principes protestantes

sunt tyranni, alterutro modo: Ergo licite occidi possunt à subditis.

Posterior est; Omnes & soli tyranni, qui ratione cituli sunt tales, licite possunt interfici à subditis: Sed omnes Reges & Principes Protestantes sunt tyranni ratione tituli: Ergo licite interfici possunt à subditis.

Nunc quæro ex Calvinistis, prioriam posteriorem syllogismo velint uti ad criminandos Iesuitas. Si prior, & maior & minor propositio falsa est; nihil ergo concludunt: Si posteriori maior quidem vera est, cum adhibita superiori limitatione, sed minor falsa est. Non enim omnes Reges & Principes Protestantes sunt tyranni ratione tituli, qui non vi & armis inuasunt principatum, sed iure illum obtinent. Et tamen Calvinistæ in suo argumento supponant tales esse tyrannos: Aut si hoc non supponunt nihil efficiunt.

Hinc colligo, Calvinistis nihil aliud propositum esse in hac tota re, quam calumniari Iesuitas, & eos quocunque modo etiam per aperta mendacia, Regibus & Principibus odiosos reddere. Certe parum Evangelicè sed, *quæ habitat in caelis, iridebit eos.* Psal. 24.

Satis de primo puncto alterum est: *Jacobum Clementem esse fecisse interficiendo Henricum III. Regem Gallia;* Tertium est, *esse etiam facturum, qui successorem eius Henricum IV. interficeret.* At qui Iesuitarum ita docet aut scribit? neminem potui invenire. Imò Rex ipse Christianissimus Henricus IV. (de quo agitur) Iesuitarum patrocinium in hac re: contra omnes Calvinistas pridem suscepit; Tum revocando eos in regnum Gallia: unde expulsi erant; tum publicè in Regia Lupara coram Senatu Parisiensi Anno 1603. in privilegio Natiuitatis Christi, pro illis perorando. Vbi inter cetera hæc de iis dixit: *Neque verò aliquid docent, quæ Ecclesiastici mihi non tribuant, quod est tribuendum. Nec enim quam inuentus est, qui ab iis necem Regem didicerit. Quare totum hoc, quod illis obicitur, nihil est.* Et iterum de *Berrio*, qui *me voluit interficere, tantum abest, ut Iesuita eius confessionem (quemadmodum dicitis) exciperet, ut à Iesuita premonitus de tota refuerim: Berrioque alter Iesuita mortis, damnationem æternam incursum, si id unquam attemptasset. De Castello nihil unquam cruciatibus & tormentis extorqueri potuit adversus Varadann, neque contra alium quemlibet Iesuitam.* Vide plura apud Antonium Possevinum tomo 3. sacri apparatus.

Hic iam apertè vident Calvinistæ, se nihil, præter mendacia, obicere Iesuitis. Totum hoc, inquit Rex, quod illis obicitur; nihil est. Addit porro: *Ego eos statim atque omnino stabiliam: Itaque post hoc Edicto & Decreto apud nos Reges mei prædecessores voluerunt eos admittere. Volo eos eisdem statuere.* Hæc non dixisset Christianissim⁹ Rex si docuissent Iesuitæ, benefacturum, qui ipsum interficeret. Et sanè Iesuitæ melius sentiunt de isto Rege. Eorum doctissimi quique præclare de eo scripserunt, ut Ludovicus Richomus in Expostulatione Apologetica, Nicolaus Serarius in Mineruali l. 2. c. 5. Iacobus Gretzerus in Apologia Societatis Iesu in Gallia. Iacobus Pontanius in suo Cyrillo, Franciscus Remandus in Epigrammatis, & alij plures.

APHORISMVS XI.

Sic si subditi Lutheranum sine Calvinianum habeant Regem aut Principem, qui ipsos in hæresim inducere conetur (ut in Anglia) tum illi subditi ab omni homagio & obligatione soluti sunt, ipsique liberum ac permissum est, huiusmodi Regem vel Principem abdicare, exterminare, & opprimere.

Acta Henrici Garneti Iesuitæ. Bellar. lib. 5. de Rom. Pontifice cap. 7.

RESPONSIO.

Acta Garneti, ut sæpe dixi nihil probant, quæ autem Bellarm. loco citato docet, verissima sunt: Sic epim loquitur *Non licet Christianis tolerare Regem infidelem aut hæreticum. Si ille conetur pertrahere subditos ad suam hæresim vel infidelitatem.* Hoc autem probat tribus argumentis. Primum, Quia Deut. 17. prohibetur populus eligere Regem Gentilem, ne videlicet pertrahat ludæos ad idololatriam. Secundò, quia tolerare Regem hæreticum vel infidelem conantem pertrahere homines ad suam sectam, est exponere Religionem euidentiissimo periculo, iuxta illud Eccles. 10. 2. *Qualis Rector est civitatis, tales & inhabitantes in ea.* Et iuxta illud Poëtæ, *Regis ad exemplum totus componitur Orbis.* Et experientia idem docet. Nam quia Ieroboam Rex idololatra fuit, maxima etiam regni pars continuo idola colere cepit. 3. Regum 12. Et post Christi aduentum regnante Constantino florebat fides Christiana: regnante Constantio, florebat Arianismus; regnante Iuliano, refluere Ethnicismus. Tertiò; quia vxor fidelis non tenetur manere cum marito infideli, quando ille non vult manere cum coniuge Christiana sine iniuria fidei, ut patet ex Apostolo 1. Cor. 7. Ergo populus fidelis non tenetur esse sub iugo Regis infidelis, si velit subditos pertrahere ad infidelitatem. Hæc Bellarminus.

Nunc quæro ex Calvinistis, quid ipsi putarent faciendum illis Christianis, qui sub iugo Imperatori Turcarum, si Imperator vellet eos cogere & pertrahere ad Mahometismum? An deserendum Christum, & adherendum Mahometo? At hoc non esset consilium hominis Christiani. Quid ergo? An excutiendum iugum Imperatoris, & persultandum in fides? At hoc ipsum est, quod Bellarminus docet.

Iterum quæro: Si Rex Angliæ Catholicam & Romanam fidem amplecteretur, & vellet omnes Calvinistas quotquot in Anglia sunt, eandem fidem palam profiteri, & Pontifici Romano fidelitatem præstare, quid consilij caperent: An sequerentur suum Regem? Hoc quidem ego operarem. At non essent hoc facturi, sat scio. Quid ergo Regem potius abdicarent, & subditi Calvinismum factum rectum conseruarent? Quare quid præstat? Regem quam reformatam fidem amitteret? Simili modo argumentatur Bellarminus.

APHORISMVS XI.

Sed & veneno Imperatores, Reges, Principes à subditis vel ministris suis necari posse, si modò, Theologi Iesuitæ viri eruditi & graves, illos pro tyrannis habeant. Ita tamen, ut is qui perimendus est, nihil adiuuet, nec sibi ipsi mortem conciscat.

Ioannes Mariana l. 1. de Rege c. 7. pag. 65. & 67. *Quid interest ferro, an veneno perimas?*

RESPONSIO.

Nova calumnia, sed similis superioribus, Ioannes Mariana non disputat eo loco de Imperatoribus, Regibus & Principibus, sed de aperto hoste & tyranno, qui Rempublicam iniuste inuadit & occupat, sic enim quærit in principio capitis; *An liceat tyrannum veneno occidere?* Pro parte affirmante producit quædam argumenta, quorum vnum est tale; Ferro licet interficere, ergo & veneno. *Quid interest, inquit, ferro an veneno perimas?* Et paulò post ex propria sententia concludit; *Negamus ergo hostem, quem fraude dedimus perimì posse, veneno interfici iure.*

Hic videmus duplicem fraudem commissam esse à Calvinista, qui hos Aphorismos corrasit. Vna est, quod quæ Ioannes Mariana disputat de tyranno seu iniusto regni inuasore, ea aduersarius transferat ad Principes, Reges & Imperatores. Quare ut nobis inuidiam conciliet. Altera est, quod hæc verba, *Quid interest ferro an veneno perimas?* ponat, quasi essent authoris, cum tamen author dicat, se quidem putare, Tyrannum ferro, non autem veneno interfici posse.

APHORISMVS XII.

Papa omnium hæreticorum & infidelium, regna, principatus & territoria Catholicis donare potest: Et huiusmodi donationes firmæ & validæ sunt.

Hic nullus citatur Iesuita, & proinde pergo vltimius.

APHORISMVS 13. 14. 15. 16.

Licetum est uti æquiuocationibus. 1. Apud magistratum hæreticum. 2. Apud Catholicum, si non sit competens iudex. 3. Apud primatos homines. Et hoc laudabile est.

RESPONSIO.

Calvinistæ quod ipsi reuera faciunt, nobis per calumniam impingunt. Ipsi non solum in rebus ciuilibus, sed etiam in ministris fidei audent uti æquiuocationibus. Hoc supra ostendi exemplo Bezz, qui cum scripsisset, se profiteri, Christum esse verè & rean-

ter præsentem in cæna; & propterea male audiret apud Heluetios, Zuuingianos, respondit, se hoc intellexisse de cæna, quæ in cælo, non de illa, quæ in terra celebratur. Christum in cælo, verè & realiter præsentem esse.

Vides, opinor, insigne specimen Æquiuocationis Calvinisticæ. Et quid agas cum hoc hominum genere? Nam hoc artificio eludent omnia. Dicent se credere, Pontificem esse caput Ecclesiæ, sed occultè intelligent Pontificem Christum. Dicent, se heri non fuisse in cæna: intelligendo cænam cælestem. Negabunt se prandisse apud Regem, nempe apud Regem cælorum. Et sic in aliis.

Porro, quid Iesuitæ sentiant de tota hac re, ostendi in Appendice Disputationis *De fide hæreticis seruanda*: & breuiter hic repetam. Si igitur docent, In omni congressu humano, in omnibus contractibus & promissionibus sincerè, candidè, secula omni fixatione & æquiuocatione agendum esse. Malè fieri, si aliud mente reconditum habeas, aliud verbo significes. Licere quidem cum res postulat, silentio aut dissimulatione prudenter uti: sed si loqui velis, sine mendatio, sine furo, sine fraude præstari id oportere.

Vnus casus est, de quo omnes, non modo Iesuitæ, sed & alij disputare solent, an scilicet reus, quando in iudicio rogatur de crimine perpetrato, possit negare vel æquiuocè respondere? Utuntur autem hac distinctione.

Si Iudex iuridicè, seu seruato ordine iuris interroget reum teneri ad fatendam veritatem: non autem teneri, si iuridicè non procedatur. Ita D. Thom. in q. 69. art. 1. & alij passim. Ratio prioris partis est, quia quisque tenetur obedire superiori legitime præcipienti: Atqui superior legitime præcipit: quando secundum ordinem iuris interrogat reum: Ergo tunc reus tenetur obedire, dicendo veritatem. Ratio posterioris est, quia Iudex non habet ius interrogandi, nisi secundum ordinem iuris. Ergo si non seruat ordinem, non potest reo ullam obligationem imponere ad crimen aperiendum: cum ius hanc potestatem ei non concedat. Centetur autem non seruare ordinem iuris, quando interrogat de occulta crimine: de quo neque est fama contra reum, neque indicia competentia, neque probatio semiplena.

Quid ergo faciet reus in tali casu, quo non tenetur fateri crimen à se perpetratum? Respondet D. Thom. loco citato, posse eum, vel applicationem, vel aliter licite subterfugere, mendacium tamen dicere non licere. Sed si apertè neget, se crimen perpetrasse, eritne mendax? Nonnulli putant, sine vllò mendacio, negare eum posse quandiu crimen occultum est. Ratio est, quia Iudex non præsumitur interrogare, nisi de crimine, quod aliquo modo in publicam noticiam deductum est: Ergo si reus neget tale crimen à se perpetratum, non mentitur si adhuc crimen occultum est.

Similis quæstio moueri solet de Iudice, qui publicè secundum allegata & probata condemnat reum, quam priuata scientia nouit esse innocentem. An is dicendus sit mentiri, quando disertè pronunciat criminolum esse, qui reuera talis non est. Plerique negant. Ratio eadem est, quia nihil aliud ille pronunciat, quam quod secundum allegata & probata pronunciare debet: Ergo cum alter secundum publicam allegationem & probationem criminolus sit (tametsi coram Deo non sit) potest Iudex sine vllò mendatio pronunciare, talem esse.

Atque hæc est sententia Doctorum de reo in iudicio interrogato, quæ si vera est, quid calumniant Calvinistæ? si falsa, ostendant errorem.

Epilogus ad Lectorem.

Duote monitum velim, amice Lector. Vnum est, quod vix pauculas horas ad confutandum Aduersarij libellum habere potuerim, ideoque breuiter, & minus accuratè id facere sum coactus. Alterum, quod in hac re Augustini exemplum secutus fuerim, qui olim ad articulos falsò sibi impositos potius respondere voluit, quàm dissimulare. Causam alibi reddit, quia boni viri est, non solum vitam suam, sed etiam famam custodire. Sic enim loquitur in libro de bono viduitatis cap. 22. *Quisquis à criminibus flagitiorum, &que facinoriam vitam suam custodit, sibi bene facit quisquis autem etiam famam, & in alios misericors est. Nobis enim necessaria est vita nostra aliis ministramus misericorditer ad salutem, ad nostram quoque redundat utilitatem. Vnde non frustra Apostolus: Prouidemus, inquit bona, non solum coram Deo, sed etiam coram hominibus. &c.*



QVÆSTIO

DE DIFFERENTIA
INTER CALVINISTAS
Pelagianos, & Catholicos,
in negotio Prædesti-
nationis:

Contra quendam Calvinistam anonymum, Caluinisticorum Aphorismorum defensorum.

OPVSCVLVM XIII^D

Ad Calvinistam Anonymum.

Scripsi nuper Aphorismos doctrinae Calvinistarum; & inter alia obieci Calvinistis, quod ipsorum doctrina de Prædestinatione & auctore peccati sit atrox, & propè ad desperationem mortales adducat. Et licet res habet. Omnes Catholici, omnes Lutherani hoc illis obiciunt. Egrè hoc tulisti, quisquis es, mi homo, qui nomen tuum proderè non fuisti ausus, & mox libellum edidisti cum hoc titulo, Ad Martini Becani Iesuitæ Moguntini Aphorismos, quos vocat Calvinisticos, notæ. Id primum conaris te & tuos Calvinistas tueri auctoritate Bellarmini, Augustini, quorundam aliorum Catholicorum, quos ais idem sentire de prædestinatione, quod Calvinus sentit. Deinde, me Pelagianum esse asseris in hac materia. Es ut populo facilius persuadeas, quod viste virum veritatis ac publicæ pacis studiosum appellas. Quod quam verum sit, infra videbimus. In fine subiungis, te propter negotia Reipublicæ, quibus distineris, non potuisse Opusc. ec.

A hac vice, omnes Aphorismos propugnare: persequentur tamen deinceps, quod reliquum est, cum plus otij nactus eris. Auide expecto, quid parurus sis. Interea id quod iam à te præstitum est, breuiter discutiamus.

STATVS QVÆSTIONIS.

IN hac quæstione illud primò statuendum est, duplicem esse prædestinationem, vnam ad vitam; alteram ad mortem seu damnationem. in hoc omnes conveniunt. Tota controuersia in duobus consistit. Primò, An prædestinatio ad vitam facta sit ex præiis meritis, an ex sola Dei liberalitate? Secundò an prædestinatio ad mortem facta sit ex præiis peccatis an, ex solo Dei beneplacito; in priori puncto Pelagiani errant: in posteriori Calvinistæ. Pelagiani dicunt hominem prædestinari ad vitam æternam ex præiis meritis liberi arbitrij: nec opus esse gratia Dei ad vitam æternam consequendam. Calvinistæ docent, homines prædestinari ad mortem & damnationem æternam ex solo Dei arbitrio & beneplacito, non autem ex præiis culpa vel peccato. Catholici utrisque aduersantur. Contra Pelagianos defendunt, merita liberi arbitrij non sufficere ad vitam æternam, sed requiri gratiam Dei, quæ gratuito nobis confertur. Contra Calvinistæ docent, neminem à Deo prædestinari ad mortem, nisi ex præiis culpa. Hæc summa controuersia. Eam paucis capitibus explicabo hoc ordine.

1. Quid sentiant Calvinistæ de Prædestinatione.
2. Quid sentiant Pelagiani.
3. Quid sentiant Catholici.
4. Hinc colligetur? in quo differant inter se Calvinistæ, Pelagiani & Catholici.
5. Deinde ostendetur impudentia illius anonymi Calvinistæ, qui Aphorismos Caluini defendit.

CAPVT I.

Quid sentiant Calvinistæ de Prædestinatione.

Caluini sententia de Prædestinatione bis à me explicata est. Primò, in disputatione, de duplici prædestinat. Calvinistarum, desperata vna, Catholicorum orthodoxa altera. Secundò, in Aphorismis doctrinae Calvinistarum, & quidem posteriori loco complexus eam fui quinque Aphorismis, qui sunt huiusmodi.

1. Deus solo suo arbitratu prædestinat homines ad æternam mortem & damnationem, sine vlla ipsorum culpa.
2. Eisdem occulta vi impellit & necessitat ad omnia flagitiorum genera perpetranda, ut habeat occasionem eos damnandi & puniendi.
3. Insuper mandat vrget, & incitat Satanam, ut eos ad peccandum inducat.
4. Merito igitur omnium peccatorum & flagitiorum auctor dicendus est.

Nec tamen hæc libidine ac crudelitate satiari potest. Quin miris modis illudit miseris, simulans se velle eos iuuare, cum nihil minus habeat in animo.

Cæterum quia hi Aphorismi agunt de sola Prædestinatione ad mortem, non autem de prædestinatione ad vitam, statui hoc loco sententiam Caluini de utraque prædestinatione proponere & explicare, ut perfectius omnia quæ ad hanc materiam pertinent, intelligantur. Potest autem reuocari ad hæc quatuor conclusiones.

1. Vtraque prædestinatio, tam ad vitam quàm ad mortem, in æterno Dei Consilio, prior seu anterior est præuisione peccati originalis, & cuiusque alterius, siue boni siue mali operis.

2. Vtraque facta est ex mero Dei arbitrio, circa vllum meritum aut culpam ex parte hominis. Itaque nulla causa Prædestinationis, siue ad vitam, siue ad mortem, nisi sola & nuda Dei voluntas.

3. Circa eos, quos ab æterno prædestinavit ad vitam, tria præstat Deus in tempore. Primò, largitur illis fidem iustificantem, quam amittere non possunt. Secundò, dat illis gratiam actualem, quæ nec sufficiens est ad seruanda Dei præcepta & libertatem arbitrij tollit. Tertiò peccata illorum, quantumuis graua, non imputat: neque ea sanat per iustitiam inhzrentem, quæ nulla est: sed tegit per iustitiam imputatiuam, quæ in solo Christo est.

4. Circa alios, quos ad mortem & damnationem prædestinavit, etiam tria præstat. Primò negat illis fidem & omnem gratiam. Secundò, impellit & necessitat illos ad peccandum. Tertiò, miserè illos decipit ac illud, & in æterna supplicia illud precipitat.

Hæc 4. conclusiones Caluini breuiter explicandæ, seu potius probandæ sunt ex verbis & sententiis Caluini, ac aliorum, qui illum sequuntur.

I. Caluini Conclusio.

Vtraque Prædestinatio, tam ad vitam, quàm ad mortem in æterno Dei Consilio, prior seu anterior est præuisione peccati originalis, & cuiusque alterius siue boni siue mali operis.

Hanc sic explicant Calvinistæ. Intentio finis prior est voluntate mediorum. Deus ab æterno intendit duos fines nempe vitam electorum, & damnationem reproborum, & prior intentio vocatur prædestinatio ad vitam, posterior, prædestinatio ad mortem. Ergo vtraque prædestinatio in æterno Dei consilio, prior seu anterior est præuisione cuiusque boni vel mali operis. Bona enim & mala opera sunt media ad illos fines obtinendos, vide Caluinum lib. 3. Instit. cap. 21. §. 5. & cap. 24. §. 12. Hoc sensu Theodorus Beza, Caluini discipulus, in 2. parte responsionis ad acta colloquij Mompelgardensis, dicit, æternum Dei decretum, quo nimirum alij ad vitam alij ad mortem prædestinati sunt, omnes medias causas sine exceptione antepredicitur. Et Hieronymus Zanchius lib. 5. de natura Dei c. 2. Pius hoc primum, quod de reprobis constituit Deus ab æterno, nempe quorundam hominum ad exitum sempiternum destinatio. Ad hoc autem ordinata fuerunt ipsorum peccata. Plura in hanc sententiam citabo infra post conclusionem quartam.

II. Caluini Conclusio.

Vtraque prædestinatio tam ad vitam, quàm ad mortem, facta est ex mero Dei arbitrio, citra vllum meritum aut culpam ex parte hominis. Itaque nulla est causa prædestinationis, siue ad vitam siue ad mortem, nisi sola & nuda Dei voluntas.

Hæc conclusio sequitur ex præcedente, & habet duas partes. Prior est, quod prædestinatio ad vitam facta sit ex solo Dei arbitrio, sine vlllo præuiso merito. Hanc tradit Caluinus lib. 3. Instit. c. 21. §. 7. circa finem, his verbis, Dicimus æterno & immutabili concilio Deum semel constituisse quos olim assumere vellet in salutem, quos rursus exilio lenire. Hoc consilium, quoad electos, in gratia eius misericordia fundatum esse asserimus, nullo humana dignitatis respectu.

Posterior est, quod prædestinatio ad mortem & damnationem sit etiam facta solo Dei arbitrio, sine vlla præuisa culpa, Hanc tradit Caluinus lib. 3. Instit. c. 23. §. 2. his verbis: *Homines mundo Dei arbitrio citra proprium meritum, in æternam mortem prædestinantur.* Et ibidem §. 5. *Dico esse à Deo creatos: quos in exitum ituros sine dubitatione præsciebat, idque ita factum est, quia sic voluit.*

Vtramque partem coniunxit libro 3. cap. 22. §. 3. *Vbiunque vero regnat hoc Deiplacitum, nulla in considerationem veniunt opera.* Et clarius §. 11. *Si non possumus rationem assignare, cur suos misericordia dignetur, nisi quoniam illi ita placet: neque etiam in aliis reprobandis aliud habebimus, quam eius voluntatem.* Hinc Zanchius Calvinista de Natura Dei libro, §. c. 2. *Parem facimus electionem & reprobationem in ipsorum causa. Nam sicut Deus prædestinavit Iacob non ex operibus, sed ex prædestinantis gratia: sic etiam reprobauit Esau non ex operibus, sed ex libera odio præsequentis & reprobantis voluntate.*

III. Caluini Conclusio.

Circa prædestinatos ad vitam, tria præstat Deus. Primò largitur illis fidem iustificantem, quam amittere non possunt. Secundò, dat illis gratiam actualem, quæ nec sufficiens est ad seruanda Dei præcepta, & libertatem arbitrij tollit. Tertiò, peccata illorum, quantumuis graua non imputat, neque ea sanat per iustitiam inhzrentem, quæ nulla est, sed tegit per iustitiam imputatiuam, quæ in solo Christo est. In hac conclusione multa dicuntur, Primò fidem electorum non posse amitti. Hoc docet Caluinus lib. 3. Instit. c. 24. §. 6. *Cum ait Christus pro omnibus electis idem illis præcatur, quod Petro, ut nunquam deficiat fide coram. Ex quo elicimus, extra periculum defectionis esse.* Secundò gratiam non sufficere ad seruanda præcepta Dei. Hoc docet Caluinus in Antidoto Concilij Tridentini Sess. 6. c. 12. cum ait, *Prophetas, Patriarchas, & pios Reges, ut eorum Spiritus Dei adiuuarentur, ferendo legis inigo parum non fuisse.*

Tertiò per gratiam tolli libertatem arbitrij, necesse in nostra potestate, cum illa cooperari vel non cooperari. Hoc docet Caluinus lib. 3. Instit. cap. 3. §. 10. *An voluntas em mouet non qualiter multis sæculis traditum est creditum, ut nostra postea sit electio, maiori aut obtemperare, aut refragari, sed illam efficaciter efficiendo. Illud ergo toties a Chrysostomo repetitum repudiari necesse est, Quem trahit, voluntatem trahit.*

Quartò, peccata electorum non imputari, neque tolli, sed tantum tegi. Hoc docet Caluinus lib. 3. Instit. cap. 4. §. 28. asserens, *Peccata fidelium venialia esse non quia mortem non merentur, sed quia non imputantur.* Et David Parvus in suis thesibus de peccato, *Peccata in nobis non tolluntur, sed in iudicio Dei, id est, non imputantur.*

Quintò nullam esse iustitiam inhzrentem in electis, sed tantum imputatiuam. Hoc docet, Caluinus libro 2. Instit. cap. 16. §. 23. *Vides non in nobis, sed in Christo esse iustitiam nostram.* Et cap. 16. §. 1. *Fide apprehendimus Christi iustitiam, qua una Deo reconciliamur.* Et in antidoto Concilij Tridentini, Sess. 6. capite 8. *Falsum esse credere, vllam iustitia partem in qualitate esse vel habitu, qui nobis resideat.*

IV. Caluini Conclusio.

Circa reprobos tria præstat Deus. 1. negat illis fidem & omnem gratiam. 2. impellit & necessitat ad peccandum. 3. miserè decipit ac illudit.

Hæc conclusio habet tres partes. Primi est, quod Deus negat reprobis fidem & omnem gratiam. Ita Calvinus lib. 3. instit. cap. 21. §. 7. *Quemadmodum vocatione & iustificatione electos suos Dominus signat; ita reprobos vel à noticia sui nominis, vel à Spiritus sancti sanctificatione excludendo, quale maneat eos iudicium: istis velut nobis aperit.* Et cap. 22. §. 10. *Quod electio fidei mater est, in eorum caput retorqueo argumentum, idcirco non esse generalem fidem, quia specialis est electio.* Et cap. 24. §. 12. *Quos in vita contumeliam & mortis exitium creavit, ut ira sua organa forent, eos ut in finem suum perveniant, nunc audiendi verbi sui facultate priuat, nunc eius predicatione magis excecat & obstupescit.* Et §. 13. *Cur ergo gratiam illis largiendo, hos pratermittis? de aliis causam reddit Lucas, quia ad vitam sunt ordinati. De aliis ergo quid sentimus, nisi quia sunt vasa ire in contumeliam?*

Secunda pars est, quod Deus impellat & necessitet reprobos ad peccandum. Hanc docet Calvinus libro 1. Institut. capite 18. §. 4. *Homo iusto Dei impulsu agit, quod sibi non licet.* Et libro 3. capite 23. §. 9. *Excusabiles peccando haberi volunt reprobi, quia evadere nequeunt peccandi necessitatem, præsertim cum ex Dei ordinatione sibi iniiciatur huiusmodi necessitas. Nos vero inde negamus rite excusari.* Unde alibi disertè fatetur, Deum esse authorem omnium peccatorum. Sic enim habet libro 1. capite 18. §. 2. *Iam satis aperte ostendi Deum vocari eorum omnium Authorem: quæ isti censes volunt excusari tantum eius permissu contingere.* Sermo est de peccatis, quæ Catholici docent fieri Deo permittente; Calvinus, Deo volente & authore.

Nec dissimulatur Calvinistæ, hanc fuisse Calvini mentem. Dicam, quid nuper contingerit. Autumno superiore, noster Nicolaus Serarius, & ego eramus apud acidulas Schualbacenses. Ibi commodè incidimus in Davidem Paræum Calvinistam & Professore Heidelbergensem. Salutavimus hominem perhumaniter, & ille vicissim nos. In progressu, amice ac modestè mihi obiecit, quod in quadam Disputatione, quæ typis edita est, scripsissem, Deum Calvinistarum esse authorem peccati. Respondi, me solidè id probasse ex verbis ista Calvini sententia, ac non Calvinistarum. Hic subridens Serarius, ita subiecit, Domine Paræ: Hæc lis facilè inter vos, ut video, componetur. Sola particula, *istarum*, Expungatur, & res erit salva. Placuit hoc Paræo, & colloquium solutum est. Vix Moguntiam reuersi eramus, & ecce Paræus ad me epistolam dat, in qua inter alia, monet nos nostri officij hoc carmine,

*Vos quoque promissi memores, delete liturâ
Ingenuâ, istarum, impigistiis quod male nostris*

An non fatetur hoc carmine, Deum ex sententia Calvini esse authorem peccati? tametsi Calvinum in hac re sequi ipse non velit. Sicut tamen alij, qui sequuntur, non pauci. Ex iis Hieronymus Zanchius lib. 5. de natura Dei cap. 2. ubi sic habet *Reprobationem consequitur denegatio gratiæ; hanc peccata, peccata pœna peccatorum; ad quæ omnia præordinavit Deus reprobos ab æterni æternitatis.* Et ibidem. *Fuit hoc primum, quod de reprobis constituit Deus ab æterno: nempe quorundam hominum ad exitium sempiternum destinatio. Ad hoc autem ordinata fuerint ipsorum peccata.* Et iterum; *Adde, quod tot, & tam efficaciter media ad salutem electorum promouenda, à Deo in æterna electione designata & preparata sunt, ut è manu Dei elabi nequeant Electi, quin serventur. Idem media ad mortem, nempe impiorum peccata a Deo ad illorum interitum usque ad finem ordinata sunt. Fieri igitur nequi, quàm in tam Reprobatio, quàm Electio firma sit ita ut nec electi perire: nec reprobi servari possint.*

Opusc. Bec.

A Ex his verbis sic concludo, Quia sua voluntate efficaciter intendit finem, & præterea ordinat & procurat media ad executionem finis, omnino censi debet author mediolorum ad finem: At Deus, ex sententia huius Calvinistæ, æterno, suæ voluntatis decreto efficaciter intendit damnationem reprobolorum, tanquam finem, ad quem ipsos creavit, & ad illius finis executionem decrevit & procuravit peccata, tanquam media, sine quibus nemo reipsa damnatur: Ergo ex eiusdem Calvinistæ sententia, Deus omnino censi debet author peccatorum.

Et confirmatur, quia sicut Deus ab æterno ordinavit & constituit certa media ad finem Electorum, nempe ad vitam æternam consequendam, sic etiam ordinavit & constituit certa media ad finem Reprobolorum, nempe ad æternam damnationem obtinendam, ut ex citatis verbis perspicuum est. Sed Deus rectè dicitur author mediolorum in priori puncto: Ergo & in posteriori. Est enim, iuxta Calvinistas, par ratio.

Tertia pars est, quod Deus miserè detipiat reprobos, ac illudat, simulando velle se illos iuvare, cum tamen velit illos perdere. Hanc tradit Calvinus lib. 3. Institut. cap. 24. §. 13. his verbis *Ece vocem ad eos dirigit, sed ut magis obscurdescant, lumen accendit, sed ut reddantur ceciores, doctrinam proferit, sed quæ magis obstupescant; remedium adhibet, sed ne sanentur.* Videtur Calvinus Deum facere similem illi Medico, qui dicebat.

*Si vis sanari de morbo, nescio qualis,
Accipias herbam, qualem, sed nescio vel quam;
Penas nescio quo sanabere nescio quando.*

Haftenus explicavi sententiam Calvinistarum de Prædestinatione. Nunc, quid Pelagiani sentiant, inquirendum est.

CAPVT II.

Quid sentiant Pelagiani de Prædestinatione.

Sicut Calvinistæ in negotio Prædestinationis omnia tribuunt nudo Dei arbitrio, nulla habita ratione bonorum aut malorum operum ex parte hominis; ita à contrario, Pelagiani omnia tribuunt libero arbitrio hominis quem idcirco ad vitam vel ad mortem aiunt esse prædestinatum, quia bene vel malè per liberum arbitrium operatur, teste Augustino, lib. de gratia Christi cap. 31. Igitur ex illorum sententia hæc conclusiones statuendæ sunt.

1. Vtræque prædestinatio, tam ad vitam, quàm ad mortem, in æterno Dei consilio, posterior est preiudicatione boni vel mali v. s. liberi arbitrij.

2. Causa prædestinationis ad mortem sunt præiudicia bona opera liberi arbitrij: causa prædestinationis ad mortem sunt præiudicia peccata liberi arbitrij.

3. Circa prædestinatos ad vitam, Deus ita se gerit. 1. Confert illis beneficium creationis liberi arbitrij, legis & doctrinæ. 2. Et quia his bene utuntur, dat etiam vitam æternam. 3. nullam tamen præbet illis gratiam internam, siue actualem, quæ illorum voluntatem adiuvet, siue habitualet, quæ illos iustificet.

4. Circa prædestinatos ad mortem se gerit. 1. confert illis idem beneficium creationis; liberi arbitrij.

legis & doctrinae. 2. & quia illis malè vtuntur, dam-
nat eos ad gehennam. 3. Sicut aliis nullam præbet in-
ternam gratiam, ita nec illis.

Hanc esse doctrinam Pelagianorum, constat partim
ex duobus principis Pelagij & Cælestij, partim ex il-
lorum fraudibus, quæ sic habent.

1. Pelagij & Cælestij principium.

Primum illorum principium est, posse hominem so-
lis naturæ viribus seruare totam legem, iustificari, per-
seuerare, & vitam æternam consequi. Hoc patet ex
Augustino epist. 90. ad Innocentium Papam, vbi de
illis ita scribit: *Ex tollendo liberum arbitrium, nullum relin-
quunt locum gratia Dei, qua Christiani sumus. Et infra: Hominibus persuadere non cessant ad operandam perficien-
dumque iustitiam, & Dei mandata complenda solum sibi hu-
manam sufficere possentiam. Et iterum: Affirmant huma-
nam sibi ad vincenda peccata & Dei mandata seruanda, suf-
ficere posse naturam. Et epist. 95. ad eundem Innocent.*
*Ad tuam sanctitatem literas misimus contra inimicos gratia
Christi, qui confidunt in virtute sua, & Creatori nostro quo-
dammodo dicunt; Tu nos fecisti homines: iustus autem ip-
si nos fecimus. Qui naturam humanam idè dicunt liberam,
ne querant liberatorem; idè saluum, ut superfluum indicent
Saluatorem. Tantum enim dicunt valentem, ut suis viribus
in origine sue creationis acceptis, possint per liberum arbitrium
nihil ulterius adiuvante illius gratia, qui creauit, donare
& extinguere omnes cupiditates, tentationesque superare.*

Et epist. 106. ad Paulinum. *Qui verò suis meritis præ-
mia tanquam debita expectant, nec ipsa merita Dei gratia
tribuant: sed viribus propria voluntatis, &c. Et infra: Vi-
toriam nostram non ex Dei adiutorio esse, sed ex libero ar-
bitrio, &c.*

a. Principium.

Alterum illorum principium est, nullam dari gra-
tiam internam, qua vel voluntas nostra adiuvetur ad
seruandam legem, vel quia iusti coram Deo efficiamur.
Hoc etiam patet ex Augustino lib. de gratia
Christi cap. 30. vbi de Pelagio & Cælestio sic lo-
quitur: *Istam gratiam, qua iustificamur, id est, qua
Charitas Dei diffunditur in cordibus nostris per Spiritum
sanctum, qui datus est nobis, in Pelagij & Cælestij scri-
ptis, quæcumque legere potui, nusquam eis inueni, quem-
admodum confitenda est, & confiteri. Et infra: Inspectis om-
nibus Cælestij opusculis, potestis advertere, non cum ponere
Dei gratiam, qua iuamur, vel ad declinandum à malo,
vel ad faciendum bonum præter naturale arbitrium voluntatis
assistit lege atque doctrina. Et epist. 90. ad Innocent. Il-
lam gratiam qua Christiani sumus, cuius Apostolus prælica-
tor est, nolunt omnino cognoscere.*

Hinc idem Augustinus passim appellat illos inimi-
cos gratiæ Christi, vt in libro de hæresibus cap. 88. &
in epist. 95. ad Innocentium, & in lib. de bono perse-
uerantiæ. cap. 2. & alibi.

I. Pelagij fraus.

Quia verò Pelagius videbat, se non posse euadere
Catholicorum argumenta, nisi gratiam admitteret,
quam antea negauerat, præsertim cum apud Aposto-
lum Paulum toties commendetur gratia Dei, quæ da-
tur per Christum, cepit eam admittere, & palam con-
fessus est, dari aliquod adiutorium gratiæ, ad mandata
Dei implenda. Sed subdole. Non enim intelligebat
iustitiam gratiam adiuantem & iustificantem, quam

vrgebant Catholici, sed externam legem & doctri-
nam de qua nulla erat quæstio. Hanc autem legem &
doctrinam idè vocabat gratiam adiuantem, quia
per eam nobis proponitur, quid agere, vel amittere
debeamus.

Hoc patet ex Augustino in libro de gratia Christi
contra Pelagium cap. 3. vbi sic ait: *Gratiam Dei &
adiutorium quo adiuvamur ad non peccandum, aut in natu-
ra & libero potius arbitrio, aut in lege atque doctrina: ut
videlicet cum adiuvat Deus hominem, ut declinet à malo,
& faciat bonum, reuelando & ostendendo quid fieri debeat
adiuvare credatur non etiam cooperando & dilectionem in-
spirando, ut id quod faciendum esse cognoveris facias.
Nam cum tria constituas atque distinguas, quibus divina
mandata dicis impleri, possibilitatem, voluntatem, & actio-
nem possibilitatem scilicet, qua potest homo esse iustus, vo-
luntatem, qua vult esse iustus: actionem qua iustus est: bo-
num primum, id est, possibilitatem datam confiteri
creature naturæ, duo verò reliqua, id est voluntatem & actio-
nem, nostræ esse asserit. Denique gratia Dei, non ista duo,
que nostra omnino vult esse, id est, voluntatem & actionem:
sed illam, qua nobis ex lege est, id est, possibilitatem perhi-
bet adiuvare. Et capite Sexto in fine. Non vult aliud ac-
cipi per gratiam, quam legem & doctrinam qua naturalis
possibilitas adiuvetur.*

Et cap. 8. in principio; *Hinc itaque apparet, hanc
eius gratiam confiteri, qua demonstrat & reuelat Deus quid
agere debeamus, non qua donat, atque adiuvat, ut aga-
mus. Et capite 41. Tria constituit possibilitatem: volun-
tatem autem & actionem, nullo Dei adiutorio existimat in-
digere. Ipsum vero auxilium quo possibilitatem naturalem
perhibet adiuvare, in lege constituit atque doctrina.*

II. Pelagij fraus.

Dixerat Pelagius per adiutorium gratiæ intelligi le-
gem & doctrinam. Sed cum obicerent Catholici, Apo-
stolum Paulum commendare gratiam quæ datur per
Christum: legem & doctrinam, per Moysen datam
esse: Igitur præter legem & doctrinam, oportere etiam
gratiam, qua Christiani sumus confiteri: cum, inquam,
sic obicerent, falsus est, præter legem & doctrinam,
dari aliam gratiam, quæ Christianorum propria sit.
Sed iterum subdole. Non enim intelligebat internam
gratiam de qua loquitur Apostolus, sed externam, quæ
constituit in exemplo Christi, sicut enim per legem &
doctrinam proponitur nobis, quid agere debeamus;
sic enim per exemplum & vitam Christi. Eodem ergo
sensu, exemplum Christi, quo legem & doctrinam, ap-
pellabat adiutorium gratiæ.

Hoc patet ex Augustino in libro de gratia Christi
contra Pelagium capite 39. vbi sic ait. *Apostolus dicit:
Gratia Dei per Christum Iesum Dominum nostrum. Hanc
esse (Pelagius) cum constituas, non in virtutis eius au-
xilium, sed imitationis exemplo quid amplius de illo sperare de-
beamus, ubicumque gratia nomen sub ambigua generalitate com-
memorat.*

Et cap. 41. *Ipsum verò auxilium, quo possibilitatem na-
turalem perhibet adiuvare, in lege constituit atque doctrina.
Et paulò post, Sed hoc adiutorium legis atque doctrina
etiam prophetis fuisse temporibus, adiutorium autem gra-
tia, qua proprie gratia nuncupatur, in Christi esse arbi-
tratur exemplo. Et infra. Hæc ergo pro meo capite in-
telligere potui in Pelagij scriptis, quando nominamus gra-
tiam.*

III. Pelagij fraus.

Addebat Pelagius, adiutorium gratiae (quod ipse ponebat in lege, doctrina & exemplo Christi) secundum meritum nostrum dari, ut patet ex Augustino in lib. de gratia Christi cap. 22. ubi de eo sic loquitur, *Aperissimum dicitur gratiam secundum meritum nostrum dari*. Et quia Catholici putabant illum loqui de interna gratia adiuvante & iustificante, quasi illa daretur ex precedentibus meritis liberi arbitrii; coegerunt illum in Concilio Palæstino revocare hanc sententiam; tanquam errorem & sacris scripturis repugnantem. Igitur, velut mutata & revocata sententia, palam in Concilio asseruit, gratiam Dei non dari ex meritis, sed gratuito. Hoc etiam subdole & fraudulenter ab eo factum. Nam postea confessus est, se per gratiam, quam asseruerat dari sine meritis, non intellexisse internam gratiam, de qua Episcopi in Concilio loquebantur, sed beneficium creationis, liberi arbitrii. Hoc enim beneficium non conferri ex precedentibus meritis, cum nulla possint esse nostra merita, antequam per creationem liberum arbitrium accipiamus. Idem respondebant sectatores Pelagij, cum illis obiceretur, quod Pelagius errorem revocasset, & cum Episcopis Catholicis sentiret, ac proinde eos idem facere deberet.

Hæc omnia patent ex Augustino. Nam in epist. 165. ad Sixtum ita scribit Pelagius in Ecclesiastico iudicio Palæstino (non enim aliter inde impunitus exisset) anathematizavit eos, qui dicunt, gratiam Dei secundum meritum dari. Et paulo post: sed cum ab istis queritur, quam gratiam Pelagius cogitaret sine ullis precedentibus meritis dari, quando anathematizabat eos, qui dicunt gratiam Dei secundum meritum nostrum dari; respondent, sine ullis precedentibus meritis gratiam ipsam humanam esse naturam, in qua conditi sumus. Neque enim antiquam essemus, mereri aliquod poteramus, ut essemus. Abijciatur à Christianorum cordibus ista fallacia. Nam omnino non istam gratiam commendat Apostolus, qua creati sumus, ut homines essemus, sed qua iustificati sumus, ut homines iusti essemus.

Et Epist. 05. ad Innocentium; Audimus esse in urbe Roma nonnullos, qui cum talia non credunt, præsertim qui in Oriente, ubi degit, gesta Ecclesiastica facta esse iactantur, quibus putatur esse purgatus. Ubi quidem, si Episcopi cum Catholicis pronunciarent, nec ob aliud falsum esse credendum est, nisi quia se dixit Dei gratiam confiteri, & ait posse hominem suo labore ac voluntate iuste vivere, ut ad hoc adjuvari Dei gratia non negaret. His enim auditis verbis, Catholici Antistites nullam aliam Dei gratiam intelligere poterunt, nisi quam in libris Dei legere, & populis Dei prædicare consueverunt. Eam utique, de qua dicit Apostolus, Non irritam facio gratiam Dei: sine dubio, gratiam, qua iustificamur ab iniquitate, & qua salvamur ab iniquitate, non qua creati sumus cum propria voluntate. Nam si intellexissent illi Episcopi, eam illum dicere gratiam, quam etiam cum impiis habemus cum quibus homines sumus, negare verò eam, qua Christiani & filij Dei sumus, quis cum patienter Catholicorum Sacerdotum non dicimus audire, sed ante oculos suos ferret? Quapropter non culpandi sunt Iudices, quia Ecclesiastica consuetudine nomen gratia audierunt, nescientes, quid huiusmodi homine vel in doctrina sua libris, vel in suorum solennibus spargere.

IV. Pelagij fraus.

Hoc etiam addebat Pelagius; gratiam Dei non esse

A simpliciter necessariam ad implenda Dei præcepta, sed tamen esse utilem, ad facilius implenda. Catholici putabant illum loqui de externa gratia; at ille loquebatur de externa, quæ in lege & doctrina consistit. Dicebat enim hominem per liberum arbitrium, & naturalem cognitionem boni ac mali, posse bene vivere, & mala evitare, etiam seclusa lege scripta, & doctrina ab alio tradita: tamen si fateretur legem scriptam & doctrinam ab alio traditam, multum prodesset ad bene beatèque vivendum, & omnia mala evitanda.

Hoc patet ex Augustino in libro de gratia Christi contra Pelagium cap. 26. ubi ait, *Iste dicit, propria dari gratiam, ut quod à Deo præcipitur, facilius impleatur*. Et cap. 27. *Vult inique credituras esse naturas vires, ut etiam sine auxilio Spiritus sancti, et si minus bene, tamen aliquomodo, nequam spiritus resistatur*. Et cap. 28. *Sed etiam hic vult intelligi ad hoc esse auxilium, ut facilius fiat per gratiam, quod et si minus facile, tamen potest fieri præter gratiam*.

Ex his omnibus, quæ hæcenus dicta sunt, manifesta est, Pelagium hæc tria sensisse. 1. nullam dari gratiam internam, sed solum externum beneficium creationis, legis doctrinæ, & exempli. 2. tantas esse vires liberi arbitrii, ut per eas possit homo servare totam legem iustificari, perseverare, & vitam æternam consequi. 3. totam prædestinationem pendere ex libero hominis arbitrio.

De Semipelagianis.

Et hæc sufficient de Pelagianis. Ab iis tamen distincti sunt Semipelagiani seu Massilienses, qui multo aliter de gratia & prædestinatione sentiebant. Favebant illi contra Pelagium & Cælestium, non solum gratiam externæ prædicationis, sed etiam internæ inspirationis necessariam esse ad salutem, nec quæquam sine illa posse servare legem, iustificari, perseverare aut vitam æternam consequi. Et hoc rectè. Totus illorum error in eo consistebat, quod putarent in nobis esse quoddam initium, quo sine interna gratia, per solas naturæ vires possimus ita incipere & conari bene agere, ut deinde gratia Dei, ad nostrum conatum & desiderium promouendum, subsequeretur. Vnde hæc erat una eorum propositio *Labori humano subiungitur gratia*. Item hæc: *Conatus nostri irriti sunt, nisi gratia Dei adiuvetur & promoveatur*. Hæc doctrina colligitur ex Cassiano collat. 13. qui fuit caput & author illius contra Augustinum, & eam desumpsit ex Græcis Patribus, Præsertim ex Chrysostomo Præceptore suo.

Trium tamen notanda sunt. Primum est, Semipelagianos seu Massilienses non velle, hoc initium, quod dicunt esse ex nobis, semper prius esse gratia, sed quandoque etiam gratiam priorem esse: ita ut aliquando Deus præveniat nostram voluntatem, aliquando nostra voluntas præveniat divinam gratiam. Ita docet Cassianus collat. 13. cap. 12. circa finem: his verbis, *Prævenit ergo hominis voluntatem, quia dicitur misericordia eius prævenit me*. Et rursum, *Dominum remorantem, atque utiliter subsistentem, ut nostrum experiamur arbitrium, voluntas prævenit nostra, cum dicitur, mane oratio mea præveniet te*. Et iterum, *Præveni in maturitate & clamavi, & prævenierunt oculi mei ad te dilecto*. Aduocat etiam nos, & inuitat, cum dicit, *Toto die expandi manus meas ad populum non credentem mihi & contradicentem*. Et inuitatio à nobis, cum dicimus ei, *Toto die expandi manus meas ad te*. Expectat nos, cum dicitur per Prophetam, *Propterea expectat nos Dominus, ut misereatur nostri*. Et expectatur à nobis, cum dicimus, *Expectans expectavit Dominum, & respexit*

Et cap. 15. confirmat hoc variis exemplis. Ait enim Zacharum & Latronem, prius postulasse, quam eis gratia daretur, & sua solitudine Christum preuenisse. At Matthæum & Paulum, aliosque Apostolos, à divina gratia fuisse præuentos. *Andream inquit, ac Petrum, ceterosque Apostolos, nihil de salutis sue remedio cogitantes spontanea sua gratia dignatione preuenit. Zacharum ad contemplatum Domini fideliter se extendentem, non solum suscipit, sed etiam benedictione cohabitationis illustrat. Fratricem ac repugnantem attrahit Paulum. Cornelio precibus & elemosynis iugiter insistenti, velut remunerationis vice, via salutis ostenditur.*

Et cap. 16. dicit, Deum esse quorundam susceptorem, quia eorum conatus adiuuat, quorundam verò Saluatorem, quia eos omnino præuenit, *Inde est, inquit, quod orantes non solum protectorem, ac Saluatorem, sed etiam Adiuuorem, ac Susceptorem Dominum proclamamus. In eo enim, quod prior adiuuat, & ignorantes nos atque inuitos attrahit ad salutem, Protector atque Saluator. non est in eo autem, quod amittentibus nobis opem ferre, refugientisque suscipere ac munire consuevit, susceptor ac refugium nominatur.* Hanc doctrinam impugnat prosper lib. contra Collatorem c. 13. & 33.

Alterum est, Semipelagianos seu Massilenses variè sensisse de isto initio liberi arbitrij, quale nimirum illud esset. Nam aliqui per illud initium, non solum internos actus seu desiderio voluntatis, sed etiam multa externa opera intelligebant, propter quæ gratia nobis donaretur, vt videre est apud Cassianum locis citatis. Alij verò, vnum tantum initium ex parte nostra admittebant, nempe, *velle sanari.* Vnde Hilarius in epistol. ad Augustinum, paulò post initium.

Tertium est, eos nunquam dixisse, initium illud ex nobis, cui gratiam subiungebant, esse meritorium gratiæ, de condigno. Sic enim non esset gratia Vnde Cassianus lib. 12. de Institut. cœnobiorum cap. 11. & 13. circa finem, planè fatetur, nec initium illud, nec vllum opus nostrum, condignum esse diuina misericordia & gratia. Solum ergo concedeant Massilenses meritum congruum seu impetratorium ad obtinenda prima auxilia gratiæ actualis, quibus ad obtinenda prima auxilia gratiæ actualis, quibus ad iustificationem disponimur & promouemur. Vide Vasquez in 1. part. disp. 89. cap. 4.

CAPVT III.

Quid sentiant Catholici de Prædestinatione.

Augustinus & alij Catholici, qui eum sequuntur, partim differunt à Calvinistis, partim à Pelagianis. Neque enim omnia tribuunt nudo Dei arbitrio, vt Calvinistæ, neque omnia libero arbitrio hominis, vt Pelagiani, sed mediam viam tenent. Eorum sententia continetur his conclusionibus.

1. Vtraque Prædestinatio, tam ad vitam, quàm ad mortem in æterno Dei consilio, posterior est prauisione peccati originalis, id est, Deus æterno suo decreto, ex toto hominum genere per peccatum originale corrupto, tanquam ex massa quadam perdita, quosdam prædestinauit ad vitam, alios ad mortem.

2. Prædestinatio ad mortem facta est ex prauiso peccato, siue originali, siue actuali, siue vtroque. Prædestinatio ad vitam duplex est. Vna ad primam gratiam, altera ad gloriam. Prædestinatio ad primam gra-

tiam facta est ex sola Dei misericordia, sine vllis prauis meritis. De Prædestinatione ad gloriam questio est. Aliqui putant factam esse ex prauis meritis gratiæ, alij sine prauis meritis ex sola Dei liberalitate.

3. Circa Prædestinatos ad vitam, tria præstat Deus in tempore. 1. largitur illis non solum fidem, sed etiam initium fidei sine præcedentibus eorum meritis, qui tamen per peccatum amitti, & per poenitentiam recuperari potest. 2. largitur gratiam actualem, quæ & necessaria, & sufficiens est, ad præcepta Dei seruanda, nec libertati arbitrij quicquam officit. 3. peccata ipsorum, si quæ propria voluntate commissa sunt gratuito tollit per iustitiam inherentem.

4. Circa reprobos, quos ad mortem prædestinauit, etiam tria præstat. 1. largitur illis sufficientem gratiam excitantem, cum qua saluari possent, si velent. 2. non solum prohibet illis peccata, sed etiam auxilia gratiæ confert, vel ad ea cauenda, antequam peccata sunt, vel ad expianda, postquam admissa sunt. 3. iuste illos punit propter peccata liberè commissa, & non expiata. Hæ Catholicorum conclusiones breuiter explicandæ sunt.

I Catholicorum Conclusio.

Vtraque prædestinatio, tam ad vitam, quàm ad mortem, in æterno Dei consilio, posterior est prauisione peccati originalis, id est, Deus æterno suo decreto, ex toto hominum genere per peccatum originale corrupto, tanquam ex massa quosdam perdita, quosdam prædestinauit ad vitam, alios ad mortem.

Hoc docet Augustinus variis locis, præsertim in epistol. 105. ad Sixtum, & epistol. 106. ad Paulinum, & lib. de bono perseuerantiæ cap. 14. & in Enchiridio c. 98. & 99. & lib. 1. ad Simplicianum quest. 2. vbi aperte agit de massa corrupta, ex qua alij prædestinati, alij reprobari sunt.

Vnde illud Roman. 9. 21. *An non habet potestatem figulus luti ex eadem massa facere aliud vas in honorem, aliud verò in contumeliam?* vbiq; interpretatur de massa generis humani per peccatum originale corrupta, vt videre est in epistol. 105. ad Sixtum, vbi sic habet; *An non habet potestatem figulus luti ex eadem massa, utique meritis reliquis damnata facere aliud vas in honorem debitum propter misericordiam gratiam, aliud in contumeliam debitum propter iram iustitiam?* Plura in eandem sententiam scribit ibidem, & lib. 1. ad Simplicianum q. 1. & alibi.

Consentit Bellarminus lib. 2. de gratia & libero arbitrio cap. 9. cum ait, *Prædestinatio ex sententia S. Augustini & Scripturarum diuinarum, non præcessit, sed secuta est prauisionem peccati originalis, ob quod vniuersum genus hominum factum est quasi quadam massa damnata.* Vnde est illud Apostoli ad Rom. 9. *An non habet potestatem figulus ex eadem massa facere aliud vas in honorem, aliud in contumeliam.*

Idem sentire debent omnes illi, qui ex vna parte docent, Christum non venturum fuisse, nisi Adam peccasset, & ex altera, prædestinationem nostram in meritis Christi fundatam esse. Nam ex his duobus principiis efficaciter sequitur, prauisionem peccati Adæ priorem esse decreto Incarnationis Christi, & similiter hoc decretum prius esse prædestinatione sanctorum, quæ merita Christi, & consequenter Incarnationem supponit.

Vnum video hic queri posse, quod recentiores subtiliter disputant, quid intelligendum sit per peccatum originale, cum dicimus: prædestinationem & reprobationem posteriorem esse prauisione peccati originalis, seu massæ corruptæ. Nam duo intelligi possunt,



aliis dari ex merito gratiæ, non autem ex merito solius liberi arbitrii.

Ex hac breui collatione facile apparet, Calvinistas & Pelagianos in extremis hærere; Catholicos autem in medio consistere. Calvinistæ nihil; Pelagiani omnia tribuunt libero hominis arbitrio. At Catholici, aliquid gratiæ diuinæ, aliquid libero arbitrio tribuendum censent. Gratiæ quidem, quod præueniat, excitet, adiuuet voluntatem nostram; libero arbitrio, quod gratiæ præuenienti, excitanti, & adiuuanti cooperetur. Vnde rectè Augustinus tract. 72. in Ioannem; *operanti in se Christo, cooperatur homo salutem eternam & iustificationem suam*. Et res certa est ex Scriptura. Psalm. 69. 1. *Deus in adiutorium meum intende*. Rom. 8. 26. *Spiritus adiuuat infirmitatem nostram*. 1. Corinth. 15. 10. *Gratiæ eius in me vacua non fuit, sed abundantius illis omnibus laborans, non ego autem, sed gratia Dei mecum*. Quæ verba sic explicat, D. Augustinus in lib. de gratia & libero arbitrio c. 5. *Non ego autem, sed gratia Dei mecum, id est, non solus, sed gratia Dei mecum, ac per hoc nec gratia Dei sola, nec ipse solus sed gratia Dei cum illo*.

CAPVT V.

Ostenditur impudentia illius Anonymi Calvinista, qui Aphorismos Calvinistarum defendit.

REdeo ad te, mi homo, quisquis es, ut tuam impudentiam clarè tibi ob oculos proponam. Ais in tuo libello, quem contra me scripsisti, multos autores Catholicos in materia de prædestinatione sentire cum tuo Caluino: & nominatim in hoc Aphorismo; *Deus solo suo arbitrio prædestinat homines ad eternam mortem & damnationem sine ulla ipsorum culpa*. Et hoc conaris ostendere, adductis multorum verbis ac testimoniis. Id quàm subdolè ac mendaciter à te factum sit, breuissimè demonstrabo. Attende ergo, & erubescere, si potes.

Primo loco, pro hoc Caluini Aphorismo, citas Bellarminum l. 2. De gratia & libero arbitrio c. 10. vbi pro titulo capitis habet hæc verba; *Prædestinationis nullam esse causam in nobis*. Sed fraudulentè, & mala fide agis. Calvinus in suo Aphorismo loquitur de prædestinatione ad mortem, Bellarminus loco citato, de prædestinatione ad vitam. Calvinus asserit, nullam esse causam in reprobis, cur ad mortem & damnationem à Deo prædestinati sint. Bellarminus asserit, nullam esse causam in electis, cur ad vitam & celestem gloriam prædestinati sint. Hæc duo confundis tu, ut fucum facias. Est hoc veritatis studiosum esse, qualem te haberi vis? Non opinor. Et quæro ex te; si quis diceret, Regis decretum esse, ut plurimi subditorum cruci affigantur, sine vlla ipsorum præuisa culpa; & item alius diceret, regis decretum esse, ut aliqui ad honores & dignitates promoueantur; sine vlla ipsorum præuiso merito: an tu idem eos dicere & sentire affirmares? Non utique si sanus esses. Cur ergo Caluinum & Bellarminum in eandem sententiam trahis, cum alter de prædestinatione ad mortem, alter de prædestinatione ad vitam locutus sit? Nihil dubito, quisquis hæc lecturus est, & tibi, & mihi succensurum. Tibi, quòd tam nequiter agas in rebus ad fidem Christianam spectantibus; mihi, quòd non satis acerbè te excipiam, ut meritis es.

Duo sunt, quæ hanc tuam impudentiam augent. Vnum, quòd Bellarminus non ponat hæc nuda verba;

A *Prædestinationis nullam esse causam in nobis, sed per multa capita disertè explicet, se loqui de prædestinatione ad gloriam*. Si enim nuda illa verba posuisset, aliqua saltem specie potuisses ea interpretari de prædestinatione ad mortem. Cum autem disertè & ex professo disputet de prædestinatione ad gloriam; qua fronte ausus es in alium sensum verba eius pervertere? Alterum est, quod c. 16. expressè condemnet sententiam Caluini, cum ait; *Quemadmodum prædestinationem seu electionem gratia contra Pelagianos defendimus; ita reprobationem iustissimè contra Calvinianos defendere cogimur, cui cum homines ante præuisionem peccati ad peccatum & mortem eternam prædestinatos esse conuincamur, cum ipsa Dei iustitia pugnant, & omnia hominum scelera in Deum autorem refundunt*. Si hæc legisti, omninò improbuses, qui Bellarminum Caluino consentire asseris. Si non legisti, planè temerarius es, qui de re incognita sententiam profers. Vide, an hoc sit, veritatis studiosum esse.

B Secundo loco citas testimonia ex Augustino, quibus periuadere vis, Calvinianum esse. Primum ex Enchiridio, cap. 110. *Deus, inquit, bonè utens malis, tanquam summè bonus, ad eorum damnationem, quos iuste prædestinavit ad penam, & ad eorum salutem, quos benignè prædestinavit ad gratiam*. Alterum ex libro 15. de Ciuitate Dei, cap. 1. *Genus humanum in duo genera, duas faciemus, seu ciuitates distribuimus: quarum una prædestinata est in æternum regnare cum Deo, altera vero æternam subire supplicium cum diabolo*. Tertium ex tract. 48. in Ioannem; *Quomodo istis dixit, non essis ex omnibus meis? quia videbat eos ad sempiternum exitium prædestinatos, non ad vitam æternam sui sanguinis pretio comparatos*.

C Fateor hæc omnia dici ab Augustino. Sed quid ad rem faciunt? Nihil planè. Solum hinc potest colligere, quosdam ad vitam, alios ad mortem prædestinatos esse. At nemo de hoc dubitat. Totalis in eo consistit, an aliqui sine præuisa ipsorum culpa, ex solo Dei arbitrio, ad mortem prædestinati sint? Hoc asserit Calvinus. Ex Augustino nihil tale probari potest. Imò còtrarium ex illo probo. Nam in primo testimonio à te citato, dicit quosdam iuste prædestinatos esse ad penam. Si iuste prædestinati sunt, non ergò sine præuisa culpa. Vnde idem August. lib. 3. contra Iulianum c. 28. ait; *Bonus est Deus, iustus est Deus. P. test aliquos sine bonis meritis liberare, quia bonus est: non potest quinquam sine malis meritis damnare, quia iustus est*. Ex quo sic concludo; Quod Deus in tempore non potest iuste facere, hoc ab æterno non potest iuste decernere: at in tempore nò potest quinquam iuste damnare sine malis meritis, ut Augustinus ait: Ergo non potest ab æterno iuste id decernere.

D Tertio loco citas ex Concilio Valentino cap. 3. hæc verba, *Eidem fæsumus, prædestinationem electorum ad vitam, & prædestinationem ad mortem*. Sed bis peccas. Primò, quia nihil ad quætionem faciunt hæc verba. Secundo, quia omititis ea, quæ contra Caluinum faciunt. Sic enim loquitur loco citato, *Eidem fæsumus, prædestinationem electorum ad vitam, & prædestinationem impiorum ad mortem: In electione tamen saluandorum, misericordiam Dei præcedere meritum bonum, in damnatione vero periturorum, meritum malum præcedere iudicium Dei*. Hæc tu omisisti, quia apertè destruunt Caluini sententiam. Nam Calvinus vult, iudicium seu reprobationem Dei, priorem esse malo merito: at Concilium contra definit, malum meritum prius esse iudicio Dei, in æterna præscientia.

E Quarto, citas ex Isidoro lib. 2. de summo bono c. 6. hæc verba, *Geminat est prædestinatio, siue electorum ad requiem, siue reproborum ad mortem*. Sed quorsum? Non disputamus, an duplex sit prædestinatio ad mor-

Digressio.

Post citatos supradictos authores collonidis loto, subiungis hæc verba, *Ceterum vel ex crassa inscientia, vel potius ex Loiolitica conscientia, confundi Saita Becanus decretum prædestinationis, cum eiusdem decreti executione: huc semper peccatum præire docent nostri omnes, illi nihil nisi iussus Dei præire, facit Bellarminus.*

Quod me Suitam, voces merum conuictum est Nec dignor tibi respondere. Quod addis, vel ex crassa inscientia, vel ex Loiolitica conscientia, me confundere decretum prædestinationis cum eiusdem decreti executione, nescio quàm verè dicas. Lubens quidem agnosco meam in multis rebus inscientiam. Et fateor, conscientiam Loioliticam magis mihi, quàm Caluinisticam, cordi esse. Sed quòd decretum cum executione confuderim, non equidem memini. Vide, si lubet, disputationem meam de Authore peccati, ubi satis clarè & enucleatè puto me ista duo distinxisse. Et omnino distinguenda sunt. Nec tamen patrocinator tibi hæc distinctio, nisi adiuncto luculento mendacio, quod his ipsis tuis verbis continetur. *Huc (executioni) semper peccatum præire docent nostri omnes illi (decreto) nihil nisi iussus Dei præire, facit Bellarminus.* At ego contrarium tibi ostendam ex Bellarmino. Nam lib. 1. de gratia & lib. arb. cap. 16. sic habet; *Reprobatio, quàm S. Augustinus prædestinationem ad interitum vocat, duos actus comprehendit, alterum negatiuum, cuius nulla est causa ex parte hominum. alterum positiuum, cuius causa est peccati originalis aut actualis præmissio.* Hic facit decretum reprobationis comprehendere duos actus vnum negatiuum, alterum positiuum: & huius positivi actus, qui propriissimè decretum est, causam esse præuisionem peccati. Igitur ex sententia Bellarmini, decreto Dei positiuo præit præuisionem peccati, non autem solum Dei beneplacitum, ut tu improbè fingis.

Porrò, cum distinguit Bellarminus duo decreta, vnum negatiuum, alterum positiuum, & huius causam ait esse præuisionem peccati, illius verò nullam ex parte hominis, nihil aliud vult significare, quàm quòd supra dixi, dupliciter nos loqui posse de causa reprobationis. 1. Absolutè. ut si dicam. *Nulla est causa decreti illius, quo Deus ab æterno statuit Esau damnare, nisi beneplacitum Dei.* 2. Comparatè ut sic dicam; *Nulla est causa decreti illius, quo Deus ab æterno statuit unum potius, quàm alterum ex massa perditionis eripere, nisi beneplacitum Dei.* Tu cum tuo Caluino veramque locutionem veram esse contendis. At Bellarminus priorem negat, posteriorem admittit.

Negat, inquam, hanc. *Nulla est causa illius decreti, quo Deus ab æterno statuit Esau damnare, nisi beneplacitum Dei.* Quæ igitur causa est? peccati, inquit, *originalis aut actualis præmissio.* Et paulo post subiungit; *Reprobationem iustissimam contra Caluinianos defendere cogimur, qui homines ante præuisionem peccati ad mortem æternam prædestinatos esse contendunt.*

Vult ergo Bellarminus, homines ad æternam mortem prædestinatos esse post præuisionem peccati. Non igitur solum Dei beneplacitum, sed præuisionem peccati præire vult decreto prædestinationis ad mortem. Hanc autem concedit. *Nulla est causa illius decreti quo Deus ab æterno statuit unum potius, quàm alterum ex massa perditionis eripere nisi beneplacitum Dei.* Hoc sensu dicit in eodem capite. *Restat igitur, ut huius discretionis causa sit voluntas Dei, quæ unum liberat, quia sic ei placet, alterum non liberat, quia non placet.*

Opusc. Bec.

Habet, mi homo, responsum ad tuas ineptias. Et iam satis apparet te non veritatis sed vanitatis studio sum fuisse, cum libellum in me scripsisti. Duo te monitum venim. Vnum est, ut deinceps abstineas à tractatione rerum altissimarum, quas nullo modo intelligis & in negotiis secularibus, quæ tui officij sunt permittas te occupari. Alterum, si omnino nolis abstinere, & magis foris, quàm domi esse cupias, hoc saltem operam des, ut non producas vllum Authorem, quem non ipse legeris & examinaueris. Alioquin futurum est, quod iam tibi evenit, ut credas Cameracensem & Petrum de Aliaco duos esse authores, qui tamen vnus & idem est. Nec putes sufficere, si Professores Heidelbergenses corradant tibi subito aliquot fragmenta verborum & sententiarum ex variis auctoribus, quæ tu sine vilo iudicio & ordine in chartam conicias. Non hoc sufficit, potius errorum & confusionis causa est, ut tu ipse vides. Hæc habui. Vale & recipisce.

DE OFICIIS ANGELORVM
circa homines.

OPVSCVLVM XIV.

LECTORI.

D Ions Bernardus lib. 5. de consideratione ad Eugentium, docet, tribus modis nos posse peruenire in cognitionem Angelorum: fide, scientia, & opinione. Fide & scientia, certa sunt; opinio incerta. Quæ fide tenemus pauca sunt, & seorsim sacris literis consignata. Pauca item quæ lumine ac sententia naturali certè cognoscimus. Reliqua omnia sub opinionem cadunt. Hoc moneo, ne quis miretur, in hac disputatione sæpe Theologos inter se dissentire. Dissensunt in iis, quæ in opinione sunt posita; in reliquis, quæ aut fide, aut certa cognitione tenentur mirè inter se conveniunt; & cum solis hæreticis, præsertim cum Caluino disceptant, ut in progressu videbimus.

Capitulatorius disputationis.

1. Quot sint boni Angeli, & quomodo in Hierarchias & ordines distributi.
2. An omnes, quotquot sunt, aliquam nostri curam gerant.
3. An aliqui certi ex illis præsent toti Orbi terrarum,
4. An aliqui præsent toti Ecclesie fidelium.
5. An aliqui præsent Regnis & Prouinciis.
6. An aliqui sint custodes singulorum hominum etiam fidelium.
7. An primi parentes in paradiso habuerint Angelos custodes.
8. An Christus habuerit Angelum Custodem.
9. An B. Virgo, Ioan Bapt. & Apostoli habuerint.
10. An Antichristus habiturus sit.
11. Quando incipit & desinit custodia Angelica.

12. An Angeli custodes aliquando deferant nos propter nostra peccata.
13. An prosint nobis in corpore & quomodo?
14. An illuminent intellectum nostrum?
15. An moueant & excitent voluntatem nostram?
16. An offerant Deo preces nostras?
17. An pugnent pro nobis contra dæmonem, & quomodo?
18. An aliquando nos puniant?
19. An aliquando appareant in corporibus assumptis?
20. Sub qua forma nobis appareant?
21. An liceat Angelos adorare, seu cultum aliquem exhibere?
22. An liceat eis templa erigere, & ipsorum patrocinia petere?
23. An liceat eos pingere & sub qua forma?

CAPVT I.

Quod sint boni Angeli, & quomodo in Hierarchias & ordines distributi?

Divus Thomas sententia in his consistit. Primò, omnes beatos Angelos in tres classes seu Hierarchias distributos esse; supremam, mediam, infimam. Secundò, in singulis Hierarchiis esse tres ordines: in suprema Seraphinos, Cherubinos; Thronos: in media Dominationes, Virtutes, Potestates: in infima Principatus, Archangelos, Angelos. Tertiò in singulis Hierarchiis & ordinibus, esse multa angelorum millia, non solo numero, sed etiam specie differentium. Hæc partim explicanda, partim discutienda sunt.

Ac primò, Tres esse angelorum Hierarchias, ex Scripturis probari non potest. Soli Patres hoc nobis tradiderunt. Inter quos primus fuit Dionysius Areopagita, lib. de Cælesti Hierarchia, capite sexto. Post illum Damascenus lib. 2. de fide cap. 3. Anselmus ad cap. 12. posterioris ad Corinthios. Hugo Victorinus in summa sententiarum tractatu 2. capite 5. Magister in 2. d. 9. D. Thomas 1. p. q. 108. Hi omnes citant D. Dionysium, & ex illo docent, tres esse Hierarchias, seu tres terniones, ut vocat Damascenus, seu tres ternas distinctiones, ut vocat Anselmus, seu tria terna ut loquitur Hugo Victorinus & Magister. Hanc doctrinam magno consensu amplectuntur Scholastici. Vnde autem profecta sit, non constat. Dionysius dicit se accepisse à suo præceptore. Quem verò intelligat, D. Paulum, an Hierotheum æque incertum. Cæteri Patres, præsertim, Athanasius, Gregorius, Bernardus, Isidorus, qui multa de Angelis & nouem Ordinibus tractant, nullam faciunt mentionem trium Hierarchiarum. Obscurè illas insinuauit Cyrillus Hierosolymitanus, catechesi 11. Vbi videtur omnes Beatos Angelos in tres cælos distribuere, & quosdam collocare in primo cælo, alios in secundo, reliquos in tertio. Huic simile est quod habet Anselm. loco supra citato, ubi dicit per tertium cælum ad quod raptus fuit Paulus, intelligi supremam Angelorum dispositionem, & per secundum, mediam, & per primum infimam. Raptum ergo Paulum ad tertium cælum, id est, interfuisse supremis Angelorum choris, & inter agmina Seraphim, & Cherubim secreta Dei vidisse.

3. Cur autem Angeli omnes in tres potius Hierarchias, quàm in plures, aut pauciores distributi sint, hanc adferunt rationem Hugo & Magister, quia hoc nume-

roternario voluit Deus significare, Trinitatis similitudinem in Angelis expressam esse. Et quidem notatum est à doctis viris omnes res creatas habere impressum quoddam Trinitatis vestigium; quia omnes affectant numerum ternarium, & quodammodo clamant, Auctorem suum esse Trinitatem. Hoc patet inductione. Nam primò, tres sunt passionēs, rebus omnibus communes; Vnum, verum, Bonum. Secundò omnes creaturæ diuiduntur in tria genera: Vel enim sunt spirituales, vel corporales, vel mixtæ. Tertiò, res spirituales, diuiduntur in tres Hierarchias: singulæ Hierarchiæ in tres Ordines: in singulis Ordinibus, singuli spiritus habent tres facultates intellectum, Voluntatem, Memoriam, Denique in rebus corporalibus idem videre est, ut copiosè differit D. Augustinus à libro 9. de Trinitate vsque ad 5.

4. Quomodo verò inter se distinguantur tres Hierarchiæ, minus exploratum est. Antiqui Patres pauca de hac re habent. Plura D. Thomas & alij Scholastici. Potest autem tota distinctio ad tria capita reuocari. Nam primò queri potest, an distinguantur in naturalibus. Secundò, an in supernaturalibus? Tertiò, an officiis, & dignitate? D. Thom. putat omnibus illis modis distingui. Hoc eius sententia sic explicandum est. Tres sunt distincti modi, quibus Angeli naturaliter cognoscunt: Alij cognoscunt per primam causam, alij per causas vniuersalissimas; alij per proprias & particulares. Primi pertinent ad supremam Hierarchiam; secundi ad mediam, tertij ad infimam. Rursum, tres sunt distincti modi, quibus Angeli supernaturaliter cognoscunt: Supremi immediatè accipiunt diuinas reuelationes à Deo: medij à supremis; infimi à medijs; Denique sunt tres distincti modi, quibus Angeli Deo seruiunt: Supremi velut intimi cubicularij, Deo semper assistunt: Medij habent generalem administrationem huius mundi. Infimis particularis cura demandata est. Hæc videtur esse doctrina D. Thomæ q. 108. per varios articulos.

5. Singula seorsim discutiamus. Primò ergo asserit D. Thomas, tres Hierarchias distingui ex parte cognitionis naturalis. Ponam ipsius verba q. 108. art. 1. *Dicitur est supra, dum de cognitione Angelorum ageretur, quod superiores Angeli habeant vniuersaliorem cognitionem veritatis, quàm inferiores. Huiusmodi autem vniuersalis acceptio cognitionis secundum tres gradus in Angelis distingui potest. Possunt enim rationes rerum, de quibus Angeli illuminantur, considerari tripliciter. Primò quidem, secundum quod procedunt à primo principio vniuersali, quod est Deus: & iste modus conuenit primæ Hierarchiæ, quæ immediatè ad Deum extenditur, & quasi in vestibus Dei collocatur, ut Dionysius dicit cap. 7. Cæl. Hierarchia. Secundò, prout huiusmodi rationes, dependent ab vniuersalibus causis creatis, quæ iam aliquo modo multiplicantur, Et hic modus conuenit secundæ Hierarchiæ. Tertio, secundum quod huiusmodi rationes applicantur singulis rebus, prout dependent à propriis causis; Et hic modus conuenit infimæ Hierarchiæ.* Hæc verba Diui Thomæ obscura sunt, & obscurius ab interpretibus explicantur. Nec inter eos satis constat, an loquatur Diu. Thomas de cognitione rerum naturalium, an supernaturalium. Dominicus Bannes interpretatur de cognitione naturali. Ergo de sensu verborum videamus. Ac primum, Quid intelligit Diu. Thomas per rationes rerum? an Ideas rerum naturalium in mente diuina existentes? an verò res ipsas naturales secundum propriam naturam & essentiam? Si Ideas intelligit, quomodo verum est, eas pendere à causis creatis, siue vniuersalibus, siue particularibus, cum Ideas nihil aliud sint, quàm ipsa essentia diuina, quæ omnino independens est. Si autem res ipsas naturales intelligit, cum ipsi quoque Angeli sint de numero rerum

tionem disputat Innocentius III. libro secundo mysteriorum Millæ capite vigesimo sexto his verbis, Cum nouem sint Ordines Angelorum, quare tribus exclusis, tantum sex in praefatione ponuntur, an non illi cum ceteris Maiestatem diuinam glorificant & adorant? Absit. Nam virtutes eorum omnes comprehenduntur. Dionysius quippe tres esse Ordines Angelorum tradit, tres in singulis ponens, ut similitudo Trinitatis insinuetur impressa. Sunt enim tres Ordines superiores, tres inferiores, tres medii. Superiores Seraphim; Cherubim, Throni; Medii, Dominationes, Principatus, Potestates; Inferiores, Virtutes, Archangeli, Angeli. De singulis autem his, Ordo medius subtrahitur; de superioribus Cherubim; de mediis Principatus. De inferioribus Archangeli, quia ad comparationem Trinitatis aeterna (cuius Maiestas hic praecipue commendatur) omnis alia Trinitas diuina reperitur & imperfecta. Et hæc hæc genus de numero.

11. Iam de serie Ordinum, ac dispositione nihil certum haberi potest, ne quidem ex Diuo Dionysio. Nam qui illum legerunt, aut apertè ab eius doctrina recedunt ut Diuus Gregorius & Bernardus, aut de sententia ipsius contendunt, ut Diu. Thomas, & alij. Nam Diu. Thomas refert illum hoc modo dispositum: In suprema Hierarchia Seraphinos, Cherubinos, Thronos, in media, Dominationes, Virtutes, Potestates; in infima, Principatus, Archangelos, Angelos. At versio Perionii, & tres alie versiones apud Carthusianum, hoc modo: In suprema, Seraphinos, Cherubinos, Thronos; in media, Virtutes, Dominationes, Potestates; in infima Principatus, Archangelos, Angelos. Denique Bonaventura & Gabriel hoc modo: in media, Dominationes, Potestates, Virtutes. Ex hac discordia circa doctrinam vnius Dionysii facillè apparet, nihil certi in hac re affirmari posse. Iam Gregorius & Bernardus apertè, ut dixi, discedunt à Dionysio. Nam in media Hierarchia secundo loco constituunt Principatus, quibus Dionysius supremum locum præbet in infima. Virtutes verò, quas Dionysius in media collocauerat, ponunt ipsi in infima. Isidorus ab his omnibus dissentit, cuius est hæc dispositio, Angeli, Archangeli, Throni Dominationes, Virtutes, Principatus, Potestates, Cherubim & Seraphim. Longuin esset aliorum opiniones referre. Ipsemet D. Paulus non seruat eandem seriem. Nam Coloss. 1. ait *sive Throni, sive Dominationes, sive Principatus, sive Potestates*. At Eph. 1. *Supra omnem Principatum & Potestatem, & Virtutem, & Dominationem*.

12. Porro quomodo distinguantur inter se Ordines, multò minus affirmari potest. Diuus Augustinus ingenuè fatetur suam in hac re ignorantiam. Sic enim loquitur in Enchiridio capite 38. *Quid intersedistat quatuor illa vocabula, quibus vniuersam ipsam celestem Societatem videtur Apostolus esse complexus, dicendo, Sive Sedes, sive Dominationes, sive Principatus, sive Potestates. Dicant, qui possunt, si tamen possunt præbare quod dicunt: ego me ista ignorare confiteor*. Et in libro contra Priscillianistas capite vndecimo. *Esse itaque Sedes, Dominationes, Principatus, Potestates, in celestibus apparitionibus, firmissimè credo, differre inter se aliquid, indubiè a sensu. Sed quo me contemnas: quem magnum putas esse doctorem, quoniam ista sint, & quid inter se differant nescio. Nec sane ab ignorantia periclitari me puto, sicut inobediencia si Domini præcepta neglexero*. Hæc Augustinus. Nihilominus alij Patres & Scholastici, præsertim Diuus Gregorius, Diuus Bernardus, Hugo Victorinus, Magister, & Diu. Thomas, sumunt Ordinum distinctionem eorum nominibus, ut Seraphini, sint qui ardent charitate; Cherubini, qui pollent scientia; Throni, in quibus Deus habitat; Dominationes, qui mandant & præcipiunt; Principatus, qui miracula faciunt, Potestates, qui coër-

cent demonem; Principatus, qui præsunt Regnis & prouinciis; Archangeli, qui maiora nunciant, Angeli, qui minora.

13. Hæc doctrina partim dubia est, partim obscura. Dubium est, an singula officia hoc modo rectè sint explicata. Sanè Diuus Bernardus liberè fatetur rem esse in opinione positam. Iam illud, quod de Thronis asseritur, vix intelligi potest. Quid enim est, Deum habitare in quibusdam Angelis, tanquam in regali Throno? Sedulius in capite 1. Ephel. sic explicat. *Throni Dei dicti sunt hi, qui tanta diuinitatis gratia repleti sunt, ut in eis Dominus sedeat, & per eos sua iudicia decernat*. Eadem planè verba habet Gregorius homil. 34. in Evangelia, Anselmus in capite primo ad Coloss. Hugo Victorinus & Magister, locis citatis. At Diuus Bernardus interpretatur in hunc modum. *Putemus Thronos alio ab his exolasse recessu, qui ex eo quo sedent, Throni dicuntur: & ex eo sedent, quod sedet in eis Deus. Neque enim sedere in eis, qui non sedere possent; Quæris quid per illam sententiam sessionem? Summam tranquillitatem, placidissimam serenitatem, pacem quæ superat omnem intellectum. Talis est, qui sedet in Thronis Dominus Sabaoth, iudicans omnia cum tranquillitate, placidissimus, serenissimus, pacatissimus, & tales sibi constituit Thronos simillimos*. Denique D. Thomas quæst. 108. art. 5. ad 6. *Angeli, qui Throni dicuntur, suspiciunt Deum in seipsis, & eum quodammodo ad inferiores ferunt*. Audio verba, sensum non intelligo. Nec intellexisse videtur Cyrillus catechesi 11. Vbi inquit, *De mihi primum, & audacule, quid Thronus differat à Dominatione, & tunc sis curiosus circa Christum*.

14. Quid tamen mihi videatur in re dubia, paucis accipe. Supra dixi, tres Hierarchias inter se distinguere diuersitate meritorum, & in ea fundari diuersitatem gloriæ, diuinarum reuelationum, officiorum, ac dignitatum. Idem de Ordinibus dicendum est. Qui in primo sunt Ordine, maiora habent merita, claritatem Deivisionem, perfectiores reuelationes, digniora Ministeria, quàm qui in secundo, & hi rursus maiora, quàm qui in tertio, & ita deinceps. Quatenus autem sit excessus vnius Ordinis supra alium definit à nobis non potest. Quanquam Bernardinus Senensi tomo 4. Serm. 49. putat quamlibet esse altero decies pulchriorem.

15. At quare, qui in primo sunt Ordine, vocantur Seraphini, qui in secundo, Cherubini, & ita consequenter in aliis? nonne omnibus commune est, inflammari charitate, pollere scientia? Cur ergo paucis non omnibus id tribuitur? Hoc explicabo simili quæstione. Cum tres sint personæ diuinæ, cur Patri tribuitur potentia, Filio sapientia, Spiritui sancto sanctificatio? Nonne attributa essentialia, personis omnibus communia sunt? Sunt utique. Cæterum quod omnibus commune est vni accommodatur, cæteris non aufertur. Idem in Angelis fit. Charitas, Scientia, Virtus miraculorum, & his similia possunt omnibus competere. Cur ergo singula singulis Ordinibus tribuuntur? Hoc fit per accommodationem. Sed cur potius primo Ordini tribuitur Charitas, & nomen Seraphinorum, quàm secundo? Dicam paucis. Primus Ordo superat reliquos omnes in meritis & præmio, ut dictum est, ergo consentaneum fuit, ut nomen amplius perfectionis illis tribueretur. Nomen autem Seraphim, videtur significare maiorem perfectionem: quàm nomen Cherubim, quia hoc significat scientiam, illud charitatem: ergo nomen Seraphim potius tribuendum fuit supremo Ordini de cæteris eodem modo ac proportionem statuendum est. Fateor, inter Scholasticos esse controuersiam, an intellectus præstet voluntati, & consequenter, an nobilissimus actus intellectus, qui est clara Deivisio, seu scientia beatifica, præstet nobilissimo actui voluntatis, qui est charitas. D. Thomas putat intellectum præstare vo-



sunt. Vrijelis sic mentio in lib. 4. Esdræ cap. 4. Barachiel, Salathiel, & Iehuel ab Antonio Duca celebrantur. His similia reperiuntur apud alios authores, ut Ieremiz lib. 4. Esdræ cap. 4. Eromiel, Saniel, & Azazel in lib. 2. Sybill. carminum, quæ referuntur in secundo tomo Bibliothecæ sanctorum Patrum. Rumi-el & Phaniel apud Bedam in Collectaneis, ubi ipse sic ait. *Gabriel esto mihi lorica: Michael esto mihi Babilas: Raphael esto mihi Scutum: Uriel esto mihi protector. Rumi-el esto mihi defensor: Phaniel esto mihi sanitas.* Hic quæripotest, an huiusmodi nomina Angelorum, tametsi in sacris literis non habeantur, tolerari possint ac debeant à Catholicis? Ratio dubitandi est, quia cum nomina significant ex placito, & institutione hominum, teste Aristotele, Cur non liceat nova nomina instituere? Imò, si tribus Angelis rectè imposita sunt nomina Michaelis, Gabrielis, & Raphaelis, cur reliquis non liceat imponere similia nomina, quæ ipsorum officio & dignitati conveniant? Respondeo. Consilium Apostoli est, vitandas vocum novitates. Hoc præcipue in rebus sacris locum habet, ubi & facilis abusus est, & maius solet esse periculum superstitionis. Atque hæc videtur esse causa, cur Ecclesia Catholica cæterè fugiat ac detestetur huiusmodi novitates. Sanè in Concilio Romano, cui præsedit Zacharias Pontifex, contra Adalbertum hæreticum, sic definitum est, *Non est quàm tria Angelum Angelorum nomina agnoscimus, id est, Michael, Gabriel, Raphael, Causa huius decreti fuit hæc, quia Adalbertus scripserat quandam precationem his verbis. Supplico vos Angelus Uriel, Angelus Raguel, Angelus Tubuel, Angelus Michael, Angelus Adenis, Angelus Tubnas, Angelus Sabaoth, Angelus Simiel.* Hæc precatio fuit in illo Concilio damnata his verbis. *Octo Angelorum nomina, quæ in sua oratione Adalbertus invocavit, non Angelorum præter Michaelis, sed magis demoniorum nomina sunt, quos ad præstandum sibi auxilium invocavit.* Et postea subduntur hæc verba, *Non plus quàm tria Angelorum nomina agnoscimus, id est, Michael, Gabriel, Raphael.* Vide Martinum Delrium libro secundo Disquisitionum Magicarum, cap. 4. iuxta priorem editionem, & Nicolaum Serarium in capite 12. Tobiz quæstione 11.

4. Quæ autem sunt officia horum Angelorum, id quidem generatim colligi potest ex scripturis. Nam Tobiz 12. dicuntur *astare ante Dominum.* Astare, ministrantium est. Solent servi, qui ministrant, ante Dominos suos stare, intenti ac parati, ut si quid Dominus iusserit, exequantur. Hoc ergo faciunt septem Angeli Principes, servorum instar, Regi ac Domino suo assistunt, eius nutum expectant, eius imperatu curam nostri suscipiunt. Sed nunquid alij etiam assistunt? Vtique omnes astant, sed hi septem peculiari modo. Res perinde habet, atque in aula terreni Regis ac Imperatoris. Multi astant & circumstant Regem, sed aliter Principes, aliter comites & Barones, aliter alij Zach. 4. dicuntur *oculi Domini discurrentes in universam terram.* Nimirum vigiles & intenti sunt in nostram salutem. Ubique opem ferunt. Apoc. 4. dicuntur *septem lampades ardentes ante Thronum Dei.* Quare lampades, Quia nos in tenebris ac calige degentes, sua luce & claritate illustrant. Quare ardentes, Quia charitatis ardore nos inflammant. Apoc. 5. dicuntur *septem cornua Agni.* Cornua sunt, quæ pro hominum salute contra ferocissimos hostes demones præliantur. His cornibus agnus, qui Christus est, ventilat nostros Aduersarios, & ab eorum iniuriis defendit. Apoc. 15. dicuntur *habere plagas novissimas*, quia ad ipsos pertinet sumere vindictam de impiis, qui sanctos in hac vita affligunt, & omnia humana perturbant.

Opusc. Becc.

5. Atque hæc generatim de illorum officiis dicta sint, Quæ autem singulorum propria sint munia, non satis constat. Aliqui putant, eos totum terrarum ambitum in septem partes distribuisse, & unumquemque vni parti præsidere, ut Basilides & Saturninus olim commenti sunt apud Epiphanium, Hæresi 23. His favere videtur Rabbi Ioseph Camius in Psal 47. Veri. 2. cum ait, *Creator excelsus, mundum creans, divisit illum in septem partes quæ vocantur Arabicè acclumim, Græce climata, & in lingua sancta, Nephthi: Et quolibet clima proprium habet aërem.* Hæc tamen sententia refellitur. Primò, quia septem illi Angeli, de quibus agitur, dicuntur *mitti in omnem terram*, Apocal. 5. *Et in universam terram discurre.* Zach. 4. Ergo non debemus eos certis terminis coarctare. Secundò, quia satis constat, demones toto orbe vagari, nec ullis limitibus eorum insidias coerceri, iuxta illud Iob primo, *Circumit terram, & perambulavit eam.* Et 1. Pet. 5. *Aduersarius noster diabolus tanquam leorugiens circumit, quærens quem deuoret.* At non est verisimile, angustiores esse bonorum, quàm malorum spirituum ditiones. Tertio, quia si quilibet olim Episcopus habebat septem Diaconos, qui in tota eius Diocesi oculi dicebantur, quidni Deus, Episcopus omnium maximus, cuius Diocesis totus mundus est, habeat septem oculos, qui universum terrarum orbem administrent? Et hoc satis insinuat illud Zach. 4. *Septem isti oculi sunt Domini, qui discurrent in universam terram.* Et Apocal. 5. *Vidi agnum stantem tanquam occisum habentem cornua septem, & oculos septem, qui sunt septem spiritus Dei missi in omnem terram.*

6. Alii ergo putant, hos septem Angelos præesse septem Planetis, & per quosdam quasi carnales celestium ad nos fontium influxus detinere, quæ antiquorum Rabbiorum opinio est: quam sequitur Franciscus Georgius tomo sexto problem. 186. & Cornelius Agrippa libro secundo de occulta philosophia capite vigesimo quarto cum ait: *Hi sunt spiritus illi septem, qui semper astant ante faciem Dei, quibus credita est dispositio regni celestis, & terreni, quod sub orbe Luna est: Hi enim ut dicunt sectetiores Theologi, omnia regunt vicissitudine quadam horarum, dierum & annorum: Quemadmodum de Planetis, quibus præsunt, tradunt Astrologi, quas Trisinegiste Mercurius idcirco vocat septem mundi gubernatores qui per celos tanquam per instrumenta coarctant omnium stellarum & signorum influentiam, eas in hac inferiora distribuunt.* Videtur idem sensisse Ioannes Tithemius in libello quodam, quem hac de re scripsit, & Maximiliano primo Imperatori dedicavit. Ex Hebræis fauent Iosephus libro 3. antiquit. cap. 7. & Philo libro tertio de vita Mosis qui Mosaicum septem brachiorum candelabrum dicunt imitatum septem planetarum numerum & elegantiam. Quanquam quid hoc ad septem Angelos? Vt sit hæc sententia merito suspecta esse debet, tum quod à commentis Rabbiorum ortum habeat, tum maximè quod nullum eius, nec in sacris literis, nec in Patribus extet vestigium.

7. Rectius illi, qui credunt septem Angelis hoc officium datum esse, ut singuli contra singula peccata capitalia, quæ septem sunt, omni conatu nos defendant ac tueantur: ad contrarias virtutes colendas hortentur, obstant aduersis tentationibus, occasiones pravas remoueant, præmia ob oculos ponant, denique nihil non agant; quo & virtutes illæ in nobis perficiantur & contrariis vitis exclusis, liber in cælum aditus pareat. Hæc videtur illorum esse Sparta, ad hanc exornandam singuli habent quàm plurimos alios Angelos, quos veluti ministros huc illuc ablegent, huic aut illi homini adiungant, huic aut illi procuratori præficiant, prout ipsis expedire visum est, ad suum munus rectè obcundum. Et in hanc sententiam maximè propendet Sera-

rius in cap. 12. Tobie q. 8. Et probari potest primò, quia constat partim ex Scripturis, partim ex Patribus, septem esse Principes Dæmonum sub Imperatore Lucifero, qui septem capitalibus vitiis præpositi sunt, & singuli ad singula vitia conantur homines incitare & pertrahere. Hi apud Cassianum appellati sunt spiritus gastrimargiæ, fornicationis, phylargyriæ, iræ, tristitiæ, acediæ, cenodoxiæ, ut videre & lib. 6. Intit. & sequentibus. Et D. Bernardus serm. 13. super Psalmum, *Qui habitas*, docet eos sortiri diuersa nomina ex diuersis maleficiis, quibus perpetrandis singuli dant operam, & alium vocari aspidem, alium verò Basiliscum, alium autem leonem, alium draconem, quod inuisibili quodammodo, alius mortu, alius visu, alius rugitu vel ictu, alius flatu noceat hominibus. Habemus etiam luculentum testimonium in Scripturis de Alimodæo, qui luxuriæ & obscenitatis præest voluptatibus. Hic omnium libidinis mancipiorum Rex est. Hic promouet adulteriam, stupra, concubinas, fornicationes, impudicos tractus, verborum obscenitates, sordidas cogitationes philtæ, & quæ his similia sunt. Alij similiter suis incumbunt officiis, & quod aliquibus vitium est, Dux superbiæ est Leviathan, auaritiæ Mammona, Iræ Berith, Gulæ Beelphegor, inuidiæ Beelzebub, Acediæ, Astaroth. Si ita est, cur non etiam ex bonorum Angelorum numero totidem delecti sint Principes sub summo Imperatore Deo, qui nequissimorum Dæmonum conatus impediunt; à vitiis capitalibus abducant; ad contrarias virtutes cohortentur?

8. Illud extremo quæri potest, ex quo Ordine sint hi septem Angeli Principes, quibus nostra salus demandata est. Suspicio est ex supremo Seraphinorum, Idem sentiunt Alfonso Salmeron tomo 3. tract. 3. & Blasius in cap. 12. Apoc. sect. 18. num. 2. Et videtur esse sententia Clementis Alexandrini lib. 6. Stromatum Vbi eos vocat *primogenitos Angelorum Principes, quorum maxima est potestas*. Nec obscure colligitur ex Scripturis. Cur enim toties, & tam splendida fieret eorum mentio, si non cæteris dignitate antecederent? Cur peculiari modo dicerentur altare agere Dominum? Nempe hoc Principum est, non aliquorum de vulgo. Declarat hoc textus Hebræus apud Tobiam capite 12. Vbi Raphaëlem ita loquentem facit, *Ego sum ex Principibus vnus*: Ecce vocat illos Principes, & quasi capita aliorum Angelorum. Et ratio sumi potest ex dictis, quia ostentum est, omnes omnino Angelos etiam superiorum Ordinum, esse administratores spiritus. Ergo, qui his omnibus præsent, proculdubio ex supremo sunt Ordine. Nec obitare debet quorundam sententia, qui cenent Michaëlem, Gabrielem, Raphaëlem, esse ex inferioribus Ordinibus. Hoc enim efficaciter probari non potest, facilius contrarium suadebitur. Nam Danielis 10. Michaël vocatur *vnus de Principibus primis*. Quid dubitas de Gabriele? Suprema legatio, quæ esse potuit illi commissæ est Raphaël pro seipso testimonium dat. Fatetur se vnum esse ex septem principibus, qui ante Dominum astant. Cur ergo, inquit, Michaël vocatur Archangelus in Scripturis; reliqui duo Angeli? Supra monui, hæc nomina omnibus conuenire posse.

CAPVT IV.

An aliqui Angeli præsent toti Ecclesie fidelium?

Ecclēsia fidelium duplex est? Vna veteris, altera noui testamenti. Hæc propriè Ecclesia

A Christiana & Catholica: Illa Iudæorum Synagoga appellata est. Nunc ergo videamus, quis Angelorum vtrique præpositus, aut modo sit, aut olim fuerit.

2. Ac primò certum est, Michaëlem qui est vnus ex septem Principibus Angelorum, olim in veteri testamento, præfuisse Iudæorum Synagoga. Hæc est sententia D. Dionisij cap. 9. de Cælesti Hierarchia, quam passim sequuntur Theologi. Et probatur primò, ex illo Danielis 10. *Nemo est adiutor meus in omnibus his, nisi Michaël Princeps vester*. Hic dicitur Princeps populi Hebræi. Secundò, probatur ex gestis Michaëlis. Scriptura in quatuor locis meminit gestorum ipsius. Primò, apud Daniele cap. 10. vbi dicitur egisse causam Iudæorum, ut possint liberari ex captiuitate Babilonica. Secundò, apud eundem Daniele cap. 12. Vbi dicitur venturus tempore Antichristi, & pro populo suo pugnaturus. Tertio, in Epistola canonica Iudæ, vbi dicitur contendisse cum diabolo de corpore, & sepultura Moysis. Diabolus volebat in apertum proferre, ut Iudæos ad idololatriam inuitaret, Michaël se opposuit, ut populo peccati occasionem præcinderet. Quarto in Apocal. cap. 12. Vbi describitur ipsius pugna cum Lucifero, quæ apud Daniele prædicta erat. Hæc omnia indicant Michaëlem habuisse curam & protectionem Iudæorum.

3. An autem sæpius apparuerit Michael in veteri Testamento, & an plura gesserit, quàm quæ narrata sunt, paucis inuestigandum est. Multi multa ipsi tribuunt. Ac primò, putatur apparuisse Moysi legislatori in medio rubi. Secundò, eduxisse filios Israel ex Ægypto. Tertio, submersisse Pharaonem in mari rubro. Quarto, pugnas pro Israelitis toto isto itinere quadraginta annorum. Quintò, dedisse legem in monte Sinai. Sextò, apparuisse Balaam in via eumque pergentem ad maledicendum populum emendasse. Septimò, stricto gladio visum esse Iosue diligentiam contra hostes, eumque, ut fidenter pugnaret, cohortatum. Octauò, apparuisse Gedeoni. Nondò, interfecisse exercitum Sennacherib. Ratio communis est. Quia cum Michael præfuerit toti populo Hebræorum, & præcipua illius gentis cura fuerit ipsi à Deo commendata, verisimile est, omnes eas apparitiones per Michaëlem factas esse, quæ ad publicam populi Hebræi salutem & gubernationem spectabant. Huiusmodi autem illæ sunt, quas enarrauimus.

4. Sunt, qui plura tribuunt Michaeli. Et quidem proditum est ab Hebræis, tres illos Angelos, qui venerunt ad Abrahamum, fuisse Michaëlem, Gabrielem, & Raphaëlem: Et Michaëlem incessisse medium, ad dexteram ei fuisse Gabrielem, à sinistra, Raphaëlem: Et Michaëlem propriè missum esse ad nunciandum Abraham generationem Isaac, & futurum mox Sodomorum excidium, alteros duos, negotio Sodomorum peragendò destinatos esse. Gabrielem quidem, excidium illius gentis & regionis faciendo: Raphaëlem verò, inde eripiendo saluandò Loth. Ita referunt Lyranus, Tostatus, & Pererius ad cap. 18. Genesis. Hæc tamen Rabinorum traditio, partim incerta, partim falsa est. Illud incertum, an illi tres Angeli fuerint Michael, Gabriel, Raphael. Reliqua falsa. Nam cap. 19. narrat Moyses illos duos Angelos, quos Hebræi putant fuisse Gabrielem & Raphaëlem, simul & communi opera deleuisse gentem Sodomiticam; ac pariter liberasse & saluasse Loth. Hoc aperte patet ex illis verbis. *Omnes qui tui sunt, educ de urbe hac: delebimus enim locum istum, eo quod increuerit clamor eorum coram Domino, qui misit nos, ut perderemus illos*. Et infra. *Dissimulauit ille, apprehenderunt manum eius, & clamauit*.

conditum à Deo sit, ut eius beneficio fierent homines, quasi immortales in hac vita mortali. Et ita sentit D. Thomas in 2. de 29. q. vnica art. 3. ad 4. Altera ratio, quod cum Paradisus terrestris sit quasi typus quidam, seu imago Paradisi celestis; congruum est, ut etiam incolæ Paradisi terrestris aliquo modo representent incolas alterius Paradisi celestis. Itaque posuit Deus in hoc Paradiso Heliam & Enoch: alterum ex Præputio, alterum ex Circumcisione; Vnum virginem, alterum coniugatum; ut significaret omnibus hominibus, cuiuscunque fuit status ac conditionis, spem Paradisi celestis concessam esse.

7. Iam, quod ad rem nostram facit, valdè probabile est, non paucos Angelos in Paradiso commorari; nec ob vnâ causam. Primò ut arceant demones ne forte introgressi sumant de ligno vitæ & prouocant homini vitam immortalem. Secundò ut aditum prohibeant immortalibus, qui ob culpam ex Adamo contractam iustè inde exclusi sunt. Vnde non debent mirari plerique nostræ ætatis homines, quod cum dicamus Paradisum extare, ipsi reperire nequeant. Obstat custodia Angelica. Tertio, ut societatem vitæ præstent Enoch & Helix. Non enim probabile est, seruos Dei tot millibus annorum, ut perpetuo somno vocare aut sine villo Angelorum commercio vitam degere solitariam.

8. Nec putandum est, his tantum visibus seruire Paradisum. Quod tempore Christus ab inferis suscitatus, per quadraginta dies conuersabatur cum Apostolis, omnes animæ sanctæ veteris testamenti, iam ex inferioribus terræ partibus eductæ, in Paradiso commorantur sunt apud Enoch & Heliam, donec cum Christo in cælum ingrederentur. Hoc probabile est, At minus probabilia, quæ sequuntur. Primò, D. Paulum raptum fuisse ad hunc Paradisum terrestrem. Secundo, latroni in cruce hunc eundem paradisum à Christo promissum. Tertio animas veteris testamenti quæ ante Christi passionem dicuntur fuisse in sinu Abrahæ, non alibi quàm in paradiso fuisse. Quarto, animas etiam noui testamenti, quæ tepidiores fuerunt in dilectione Dei, ad tempus in terrestri Paradiso detineri. Hæc, inquam, minus probabilia sunt tametsi à nonnullis asserantur.

CAPVT VIII.

An Christus habuerit Angelum custodem?

Aliqui Theologi id affirmarunt, teste Maldonato in cap. 18. Matth. & colligebant ex illo Lucæ 22. *Apparuit autem illi Angelus de cælo confortans eum.* At rectius sentit D. Thomas, & alij plerique Auctores, Christum quidem habuisse Angelos, qui ipsi ministrarent, non autem, qui illum custodirent. Vtrumque separatim probandum est.

1. Ac primò: Christum habuisse Angelos sibi ministrantes, aperte colligitur, ex illo Mat. 4. *Eccce Angeli accesserunt & ministrabant ei.* Et ratio est, quia Christus ratione vnionis hypostaticæ est Dominus Angelorum: Ergo Angeli sunt ministri eius. Sed hinc oritur questio: an Angeli solum ministrant Christo Deo, & non homini? Videretur hoc sentisse Beda in cap. 1. Marc. *In terrestribus, inquit, moratur ut homo sed ministerio vitur Angelico v. Deus.* Nihilominus dicendum est, & Christo Deo & Christo homini ministrasse Angelos. Nam Christus non tantum est filius Dei naturalis, secundum Di-

A uinitatem, sed etiam secundum Humanitatem & non tantum ut Deo, sed etiam ut homini, subiecta sunt illi omnia. Sed hinc nascitur altera questio, An Christus homo meruerit Angelis gratiam & gloriam, & propterea Angelis ministrauerint ipsi tanquam auctori gratiæ & gloriæ? Non pauci id sentiunt, mihi tamen probabilius est, Christum Deum esse auctorem gratiæ & gloriæ in genere causæ efficientis, tam respectu Angelorum, quam hominum. At Christum hominem, esse quidem causam gratiæ & gloriæ meritoriam, respectu hominum, non tamen Angelorum. Ratio est, quia puto cum D. Thom. Christum non venisse, nisi ex occasione peccati Adami ac proinde Angelorum gratiæ & gloriæ, sicut non pendet villo modo ex peccato Adami, ita nec pendere à meritis Christi.

B 3. Iam verò quod Christus non habuerit Angelos custodes, sicut nos habemus, facile probari potest, Non enim Christus erat purus viator, sed simul comprehensor: ergo non indigebat Angelo custode. Et confirmatur, quia nos indigemus Angelo custode propter tres potissimum causas. Primò, ut nos doceat & instruat ne decipiamur. Secundò, ut moueat & hortetur ad bene agendum. Tertio, ut remoueat occasiones & pericula peccandi. At Christus nullo horum indigebat. Primò, quia habebat maiorem scientiam, quàm omnes Angeli. Secundò, quia cum esset plenus gratia poterat seipsum excitare ad bene agendum. Tertio, quia intrinsecè erat impeccabilis propter vnionem hypostaticam.

C 4. Obiectio: Quicumque subiectus & expositus est tentationi demonum, opus habet Angelo custode: At Christus tentatus fuit à demone, iuxta illud Matth. 4. *Et accedens tentator dixit ei* Et Marci 1. *Et erat in deserto quadraginta diebus, & quadraginta noctibus, & tentabatur à Satana.* Ergo Christus habuit Angelum, qui illum ne tentationi succumberet, custodiret. Et confirmatur, quia demon hortatus est Christum, ut sidenti animo se præcipitem daret, nec vllam læsionem corporis timeret, eo quod custos Angelus in ruina posset illum incolumen conseruare: Ergo signum est Christum tunc habuisse Angelum. Accedit, quod Marcus videtur significare, Christum eodem tempore, quo tentatus est, habuisse apud se Angelos, Respondeo. Eum opus habere Angelo custode, qui ita expositus est tentationi demonum, ut vinci & superari non possit. In

D quo magna est differentia inter nos & Christum. Nos sæpè cadimus & succumbimus, Christus vinci non potuit. Quare ergo tentatus est? Ex libera sua voluntate, idque ob quatuor potissimum causas. Prima, ut tentatus ipse per omnia, tentatis nobis maiori commiseratione opem ferret, iuxta illud Hebræorum 2. *In eo enim in quo passus est ipse & tentatur, potens est, & eis qui tentantur, auxilium.* Et cap. 4. *Non enim habemus Pontificem, qui non possit, compati infirmitatibus nostris, temptationem autem per omnia.* Secunda, ut exemplo doceret nos, cum accedimus ad seruitutem Dei, præparare animas nostras ad tentationem, iuxta illud Eccl. 2. *Fili accedens ad seruitutem Dei sit in iustitia & in timore, & præpara animam tuam ad tentationem.* Tertia, ut deuicto statim hoste nos redderet securiores, illud Ioannis 16. *Confidete, ego vici mundum.* Quarta, ut nos quoque illo vincente vinceremus, iuxta illud Augustin. in Plat. 60. *Agnosce in illo tentatum, & te agnosce in illo vincentem.* Ad conformationem respondeo, non esse mirum, quod demon hortatus sit Christum, ut in Angelorum custodia spem poneret. Nesciebat Christum esse Deum: purum hominem suspicabatur. Denique, quod obicitur ex Marco, Christum eo tempore quo tentatus est, apud se Angelos habuisse, fallum est. Constat enim ex Matthæo capite 4. non nisi peracta iam tentatione, Angelos accessisse. Noluit enim Christus, cum demone pugnaturus, habere enim se famulos & satellites, tum ne à demone ex-

Angelorum famulatu. sicut princeps exercitus cum ministrorum agnosceretur: tum etiam, ut Diabolus aggrederi solum auderet. quem Angelis cinctum vel spectaret inuisset, tum denique, ut solus cum solo pugnaret, ne victori alteri quam sibi ferri posset accepta solique vere diceret: *Ego vicimundum* Ioan. 16. Et, *Torcular calcavi solus* Isaie 61.

3. Altera obiectio. Christus in hortu fuit confortatus ab Angelo, ut patet ex illo Luca 22. *Apparuit autem illi Angelus de celo, confortans eum.* Sed confortare, est actus quidem Angelice custodiz: ergo Christus habuit Angelum custodem. Et confirmatur, quia scribunt Evangelistae, Christum fuisse tristem usque ad mortem, & ex nimio mortis more sudasse sanguinem: ergo cum destitutus esset omni humano solatio, indigebat Angelo, qui ipsum confirmaret in proposito moriendi pro humano genere. Hæc obiectio recte procedit in doctrina Caluini, qui aperte docet, Christum non modò timuisse mortem, sed etiam in cruce desperationis vocem emisisse, idq; ex eo probat, quia oportuit Christum, in quem ira Dei hominibus debita effundebatur omnes damnorum experiri poenas, inter quas una est nullam sperare salutem, sed hæc aperta est blasphemia, & ab aliis pridem refutata. Itaque dicendum est Christum eo modo tristatum fuisse, quo à Diabolo teneatum diximus nempe non coactum, sed volentem, ut rectè docet Damascenus lib. 3. de fide cap. 20. ubi dicit hoc inter nostras & Christi passiones interesse, quod nostræ præueniant actionem voluntatis: Christi sequantur, id est, nos etiam nolentes passiones habere, Christum non nisi volentem habuisse. Deinde quod nostræ ex naturali necessitate, & peccato originali nascantur: Christi, nec ex peccato nec ex necessitate, sed ex misericordia natæ sint & furuit enim pro nobis, sitiuit pro nobis, doluit pro nobis. Hanc sequitur; Christum non eguisse Angelo qui ipsum consolaretur, aut confortaret, quia libera sua voluntate, & ponebat, & resumebat dolorem. Quomodo ergo Angelus dicitur eum confortasse apud Lucam? Vtique non intrinsecè, confortando intellectum aut voluntatem sed solum extrinsecè, proferendo verba consolatoria.

CAPVT IX.

An B. Virgo Ioannes Baptista, & Apostoli habuerint Angelos custodes?

Ratio dubij est, quia fuerint confirmati in gratia: ergo fuerunt impeccabiles: ergo non indiguerunt Angelo custode. Sed quidquid sit de virgine, de qua paulo post dicam, certum est, Ioannem Baptistam, Apostolos, & quotquot præterea fuerunt confirmati in gratia habuisse custodes Angelos. Ratio est quia sine custodia & protectione Angelorum non fuissent in gratia confirmati: ac proinde nec impeccabiles, quod sic ostendo. Potest aliquis reddi impeccabilis duobus modis. Primo, intrinsecè, quod fit dupliciter, vel per unionem hypostaticam; quo passio Christus fuit impeccabilis: vel per claram Dei visionem, quo passio beati in celo non possunt amplius peccare. Secundo extrinsecè, per specialem assistentiam & protectionem diuinam, quæ in eo consistit quod Deus, relicta homini sua libertate, det illis opportunas inspirationes in intellectu, & pias affectiones in voluntate, & amoueat occasiones & pericula peccandi. Hoc autem facit, non tantum per se sed etiam per Angelos cu-

Astodes. Vnde & homines confirmati in gratia, non habent Angelos, à quibus hoc modo protegerentur, iam non essent confirmati in gratia, ac proinde nec impeccabiles. Ergo ut hoc modo sint impeccabiles, opus est Angelorum custodia.

2. An B. Virgo habuerit Angelum custodem, non satis constat. Nonnulli negant. Primo quia erat Mater Dei ac proinde erat Domina & Regina omnium Angelorum: Ergo Angeli fuerunt potius ministri eius, quam custodes & præfides. Secundo, quia custos Angelus deputatur ob tres causas, ut eisdem est. Prima, ut instruat. Secunda, ut excitet ad bene agendum. Tertia, ut remoueat occasiones & pericula peccandi. Sed hæc causæ, non habuerunt locum in B. Virgine. Non duæ priores, quia B. Virgo habebat ampliorem scientiam & gratiam, quam supremus Angelus. Nec tertia, quia erat impeccabilis. Huc accedit, quod cum B. Virgo habuerit plurima privilegia præ aliis omnibus, ex eo, quod esset Mater Dei, non videtur illi negandum hoc privilegium, ut habuerit Angelos ministrantes non præfidentes.

3. Nihilominus tamen plerique putant Beat. Virgini datum fuisse Angelum custodem. Et quidem Dni. Bernardus & Hugo Victorinus allicunt fuisse Gabrielem. Nec obstant rationes alia. Primo, quia tametsi esset Mater Dei, non tamen fuit intrinsecè, impeccabilis sed solum extrinsecè per specialem protectionem, eo modo, quo de aliis in gratia confirmati dictum est. 2. quia quantum habuerit maiorem gratiam sanctificantem, quam Angeli non tamen maiorem scientiam aut potentiam. De scientia constat, quia Angeli erant præditi scientia visionis beatificæ, quæ omnium præstantissima est. Hanc Beat. Virgo in hac vita non habuit. Deinde Angeli diuinas reuelationes deferrebant ad Beat. Virginem, ergo ex hac etiam parte erant superiores. Idem de potentia dicendum est, quia constat Angelos facilius posse impedire Diabolos inuisibiles, quam Beat. Virgo in hac vita potuerit. Quod autem de potentia naturali & phisica, non de morali, seu memoria,

•CAPVT II.

An Antichristus habuerit Angelum custodem?

DE Antichristo specialis difficultas est, non solum, quia constat illum dammandum esse, quod commune est cum omnibus reprobis, sed etiam, quia tanta erit eius malitia, ut nullum bonis inspirationibus daturus sit locum. Hoc partim colligitur ex Dni Paulo 2. ad Thel. 2. ubi per Antonomastiam appellatur. *Et unus peccati, filius perditionis, & ille iniquus, cuius est aduentus secundum operationem Sathane in omni seductione iniquitatis; partim ex illo Ioh. 8. & c. qui illius quasi scia filia compactum squamis sese premens ibus, una vi coniungitur, & ne spiritum quem incedis per eas. Vbi significatur animam Antichristi ita fuerat iniquitatem obfirmatam & obstinatam in malo, ut nulli vel minimè ac tenuissimæ Spiritus sancti auxilio, id est inspirationi, locum præbeat. Et ita sentit Franciscus Suarius in 4. part. D. Thomæ quæst. 59. disp. 14. Iusto non desunt, qui arbitrentur nullum omnino actum, non dico meritum, sed ne moraliter quidem bonum effecturum propter continuam consuetudinem & familiaritatem cum demone, & consuetudinem ac proiectam in omnia vitia naturam, cuius sententia est Benedictus Peronius libro quarto in Damiel. Alij vterius progre-*





nantur nos a peccatis abducere. Hæc omnia patent ex Scripturis. Angelus hortatus, est Tobiam ad eleemosynam & ad laudandum Deum. Consolatus est Agar eiectam ex domo Abrahami: Excitavit & confirmavit Heliam, ut sumpto cibo longam & difficilem viam suscipere: Deterruit Balaam, & ne populo Dei malediceret, impedivit: Mariam Magdalenam & alias mulieres, quæ ad Christi sepulchrum venerant, non solum ut timorem deponerent, hortatus est, sed etiam plenas gaudii a se dimisit, & ad Apostolos, ut fierent eiusdem gaudij participes, oblegavit. Omitto alia.

2. Potest autem tribus modis voluntas nostra excitari, & moveri ad appetendum. Primò quando ab intellectu proponitur illi obiectum, sub ratione boni & appetibilis. Secundò, quando ab appetitu sensitivo, quasi trahitur & allicitur ad id desiderandum, quod appetitui delectabile aut conveniens est, Tertio, quando immediatè producit in ipsa voluntate actus appetendi. Duobus prioribus modis potest Angelus excitare voluntatem nostram. Primò, quia potest illuminare intellectum nostrum, ut ex dictis patet: intellectus autem, potestatem a se cognitam, proponere voluntati sub ratione boni & appetibilis, atque ita voluntas potest illam appetere, si velit. Secundò, qui potest Angelorum excitare varias passiones in appetitu sensitivo, quæ voluntatem alliciant ad appetendum. Potest enim per motum localem concitare spiritus & humores, qui sunt in appetitu sensitivo, & eos ita contemperare, ut appetitus vel bonè, vel malè afficiatur. Appetitus autem pro ut ipse affectus est, ita solet afficere voluntatem, propter naturalem connexionem & sympathiam. Quomodo autem id fiat, explicari solet in 1. q. 9. At tertio modo non potest Angelus voluntatem nostram excitare, producendo scilicet in ipsa voluntate actum appetendi. Ratio est, quia nec ipse potest supplere adivitatem causæ secundæ, nec illa appetitio esset vitalis, si à solo extrinseco agere produceretur. An autem possit Angelus una cum voluntate, tanquam cum causa partiali immediatè elicere volitionem, disputari debet in 1. 2. q. citata.

quæ nos hic gerimus: ergo qui clarè videt Deum per visionem beatificam, simul videt omnes orationes nostras quæ in Deo tanquam in causa prima eminentes continentur. Hæc sententia duo supponit. Vnum est, creaturas in particulari videri in Deo vi visionis beatificæ. Alterum preces nostras, etiam quæ futuræ sunt, vitas esse ab Angelis à principio beatitudinis. Hæc probabilia sunt. Mihi tamen verisimilius est, Angelos cognoscere nostras orationes per novas revelationes, quæ sunt extra visionem beatificam. Ratio est, quia & hoc facilius intelligitur, & hac ratione melius defenditur, visionem beatificam esse omnino invariabilem, non solum ex sua parte, sed etiam ex parte obiecti.

3. Hoc posito, videndum est, an Angeli, quando cognoscunt nostras preces, offerant & sustant eas Domino Deo? Affirmant Catholici, & probant ex Scripturis Tobia 12. *Ego obtuli orationem tuam Domino* Apoc. 8. *Ascendit fumus incensorum de orationibus Sanctorum de manu Angeli coram Deo*. Obiciunt hæretici, non opus esse, ut ipsi offerant Deo, cui nihil occultum est, sed omnia nota & aperta. Respondent Catholici, Deo quidem notas esse nostras preces, & ex hac parte non opus esse, ut ab Angelo offerantur, sed ob alias causas id fieri. Primò, ad maiorem nostram utilitatem. Secundò, ad maiorem Dei gloriam & honorem. Nam & facilius, aliquid à Deo impetramus quando non tantum nostræ orationes, sed cum iis etiam Angelicæ, ad Deum mittuntur: & magis illustratur Dei gloria, quando non soli homines, sed etiam Angeli Deo supplices sunt. Sed quis est modus offerendi Deo nostras preces, & quid agunt Angeli, quando eas ipsi offerunt. Nihil aliud agunt, quàm ut significent Deo, se cupere & desiderare, ut nostræ preces ab eo exaudiantur, & Dei gloria fiat illustrior.

4. An autem idem Angeli deferant etiam nostras orationes ad eos sanctos, quorum nos patrocinia imploramus, facile expediri potest. Nam si sancti, quos invocamus, verè sunt sancti, & clarè Deum vident: si cum reuera vident, tam possunt ipsi videre nostras orationes quàm Angeli, siue id fiat per visionem beatificam siue per novas revelationes extra illam visionem: ac proinde nihil opus est, ut ab Angelis ad ipsos deferantur.

CAP. VI. XVI.

An Angeli offerant Deo preces nostras, & an eas deferant aliquando ad sanctos

1. **H**ic duo queruntur. Primò, an Angeli preces nostras, quas ad Deum fundimus, offerant & sustant ipsi Deo: Secundò, an etiam preces, quibus Sanctos invocamus, deferant ad Sanctos, ut ipsi innotescant. Hæc duo explicari non possunt, nisi prius constet, Angelos cognoscere nostras preces.

2. De hac re ita statuendum est eos variis modis cognoscere desideria & affectiones hominum in hac vita degentium. Primò cognitione naturali, quod tum fit, quando per exteriora quædam signa, ut per insipia, per orationem vocalem, per tusionem pectoris, probabiliter coniectant, quid animo desideremus. Secundò, cognitione supernaturali, quæ duplex est. Vna, visio beatifica: altera, revelatio extra visionem beatificam. Disputant hic Theologi, an Angeli visione, an potius revelatione, cognoscant nostras orationes. Thomas putat cognoscere visione. Ratio est, quia qui clarè & intuitivè videt causam, simul etiam videt effectus, qui in causa continentur: sed essentia divina est causa omnium creaturarum, & consequenter eorum,

CAP. VI. XVII.

An Angeli pugnent pro nobis contra demonem & quomodo

1. **D**ivus Paulus docet, non esse nobis collationem adversus carnem & sanguinem, sed adversus Principes & Potestates, adversus mundi velles tenebrarum harum, contra spiritum diaboli in celestibus: ideoque hortatur nos, accipere armaturam Dei, ut possimus resistere in die malo & stare adversus insidias diaboli. Quæ est hæc armatura Dei? non una, sed multiplex. Alia ab internis virtutibus, præsertim fidei, spei & charitatis, de qua loquitur ibidem Apostolus. Alia ab externa protectione & custodia Angelorum, de qua hic disputamus. Nam Angeli instar militum, in acie nos tuentur ac defendunt, ut ex Scripturis patet. Genes. 32. *Castra Dei sunt hæc* 4. Regum 6. *Mons erat pinnus equorum & currum igneorum in circuitu Helisei*. Hinc apud Zachariam capit. 3. Angeli vocantur cornua, quia pro hominum salute contra demones præstantur. Et apud Iob cap. 25. appellantur Dei milites, quia pro honore Dei, in hac nostra Ecclesia militante, propugnant amicos & electos Dei.

2. Sed quomodo pugnant contra demonem? Video id tribus modis fieri posse. Primo, moraliter, per consilium & suasionem, ut quando Angelus incitat homines ad bonum, quos diabolus incitat ad peccatum. Secundo, moraliter, per imperium, & potestatem, ut quando potestate à Deo accepta, imperat demoni, ut desistat in incepto, aut ut è certo quopiam loco non abeat. Hoc modo Asmodus fuit à Raphael ligatus in Egypto, iuxta illud Tobie 8. *Tunc Raphael Angelus apprehendit demonium, & reliquit illud in deserto superius Egypti.* Tertio Physicè, per vim & potentiam naturalem, ut quando Angelus depellit demonem è suo loco, iniiciendo illi spiritualem impulsus, qui in substantia eius immediatè recipitur. Hoc modo soli illi Angeli efficaciter pugnare possunt, qui sunt in natura perfectiores demonem.

3. Quæri potest, quomodo Angelus per Imperium possit coercere demonem? Ratio dubij est, quia demon forte non vellet obedire Angelo: ergo, nisi Angelus cogat illum, nihil efficit. Sed facilis responsio est. Nam cum Angelus non sua ut naturali, sed solo imperio coercet demonem, utitur auctoritate & potestate Dei. Deus autem, in tali casu vel subtrahit demoni concursus suum ne possit agere; vel terret illum maioribus pœnis, nisi obediat.

CAPVT XVIII.

An Angeli boni aliquando nos puniant?

1. **D**eus aliquando nos punit per bonos Angelos, ut docet Augustinus lib. 9. de Civitate Dei cap. 3. aliquando per malos, ut docet Clemens Romanus lib. 4. recogn. Exempla utriusque extant in Scripturis. Erant boni Angeli, qui Sodomam & Gomorram destruxerunt, qui septem phialas plenas iræ Dei effuderunt in terram, qui flagellarunt Heliodorum & Herodem. Contra, erant mali, qui percusserunt filios Iob, & substantiam eius perdididerunt.

2. Potest hæc punitio quatuor modis contingere. Primo, ut boni homines puniantur à bonis Angelis. Secundo, ut mali à malis. Tertio ut boni à malis. Quarto, ut mali à bonis. Exemplum primi generis habemus lib. 2. Reg. 6. 14. ubi populus Davidis Regis, qui erat innocens, percussus est à bono Angelo. Exemplum secundi generis colligitur ex illo Psal. 77. *Misi in eos iram indignationis sue, iram & tribulationem, inmissiones per Angelos malos.* Vbi mali Angeli percusserunt malos Egyptios. Sunt tamen, qui putent fuisse bonos Angelos, & non aliter vocari malos, nisi quia malum peccatum inflixerunt. Exemplum tertij generis habemus in Iob, qui cum esset vir sanctus, tamen à malo Angelo percussus est. Exemplum quarti generis in Sodomitis & exercitu Assyriorum, qui cum essent mali à bonis Angelis puniti sunt.

3. Aliter boni, aliter mali Angeli accedunt ad puniendum. Primo, quia licet utrique sint ministri & executores divinæ Iustitiæ; tamen boni id faciunt, Deo volente & ordinante; mali verò Deo permittente. Secundo, boni ex charitate; mali ex odio & malitia. Tertio, boni ad emendationem hominum, mali ad tentationem & interitum. Hinc septem illi Angeli, qui septem phialas plenas iræ Dei effuderunt in terram, quia boni erant, describuntur fuisse pulchro & eleganti habitu Apoc. 15. *Erant vestiti lino mundo & candido & præcincti circa pectora zonis aureis.* Quare hoc? quia læ-

Opusc. Bec.

ti & alacres ibant ad puniendum, non quod gauderent de nostris pœnis & suppliciis, sed potius, quia gaudebant ex una parte divinum honorem vindicari, & altera salutem hominum promoveri, & peccatores supplicis extendari.

CAPVT XIX.

An Angeli aliquando appareant in corporibus assumptis, & quomodo?

1. **A**ngeli sæpe apparent hominibus in corporibus à se assumptis. Hoc sæpe testatur Scriptura. Sic enim apparuerunt Abraham, Tobie, B. Virgini, Pastoribus, Mariæ Magdalenz & aliis. Hic tria disputari possunt. Primo, qualis sit unio, qua Angeli assumpta corpora sibi uniunt. Secundo, qualia sint corpora, quæ assumunt Angeli. Tertio, an exerceant actiones vitales in assumptis corporibus?

2. Prima quæstio facilis est. Nam duplex est unio. Una substantialis, altera accidentalis. Unio substantialis, aut fit per informationem; quo pacto anima rationalis informat corpus humanum: aut est hypostatica, quo pacto Verbum divinum assumpsit humanitatem. Unio per informationem non habet locum in Angelo assumente corpus. Ratio est, quia Angelus est substantia completa & integra: ergo non est vera pars substantialis: ergo non est forma informans: ergo non potest informare corpus. Sequela patet, quia effectus causæ formalis non potest fieri sine causa formali: sed informare corpus est effectus formæ informantis: ergo non potest fieri ab Angelo, qui natura sua non est forma informans, sed integra substantia.

3. Nec Angeli assumunt corpora per unionem hypostaticam. Ratio est, quia solent assumere corpora per virtutem naturalem, cum & boni & mali id faciant: at unio hypostatica naturaliter fieri non potest, cum sit supra omnem ordinem naturæ. Quæri potest, an supernaturaliter fieri possit, ut Angelus hypostaticè sibi uniat corpus? Respondeo affirmativè, quia non repugnat substantiam, seu personalitatem creatam, terminare alienam naturam. Ratio est, quia nec est repugnantia ex parte personalitatis, nec ex parte naturæ. Nam natura potest superari à propria personalitate, ut patet in humana natura Christi: ergo tunc erit in potentia obedientiæ, ut uniat corpus cuius personalitati alienæ quæ possit ipsam terminare. At non repugnat, ut personalitas aliena terminet aliquam naturam, quia effectus terminandi, non est tam nobilis, ut requirat virtutem infinitam, alioqui nulla esset personalitas creata, quæ possit terminare propriam naturam. Obiicies. Personalitas creata nec habet vim naturalem terminandi alienam naturam ut conceditur: nec potest accipere supernaturalem à Deo. Vel enim acciperet per intensionem & hoc fieri non potest, quia personalitas est ultimus & indivisibilis terminus substantialis, ac proinde intendi non potest. Vel per additionem alicuius entitatis, & hoc etiam fieri non potest, quia illa entitas necessariò esset accidentalis, ac ideo non potest esse terminus substantialis. Respondeo. substantiam creatam nulla facta intensione aut additione posse divina virtute terminare duas naturas, si duæ naturæ uniantur, quia ad hoc, non requirit in se maiorem virtutem, sed eandem sapius unitam. Hoc explicatur simili exemplo. Nam anima rationalis, natura sua, determinata est ad unum tantum corpus informandum; & tamen divina virtute

Aa ij

tur? & superior eo, qui hominibus in hac vita solet exhiberi. Hoc probant exemplis sacra scriptura. Nam Gen. 18. Abraham pronus in terram adoravit Angelum. Idem fecit Loth Gen. 19. Sed quia responderi posset, hanc adorationem fuisse merè civilem, eo quod Abraham & Loth non scierint eos esse Angelos, quos adorabant sed putauerint esse homines, ideo adducam clariora testimonia. Numer. 22. *Apertis Dominus oculos Balaam, & vidit Angelum stantem in via euaginato gladio, adoravitque eum pronus in terram.* Hinc certè Balaam non prius adoravit quàm Angelum agnouit. Item Iosue 5. cum vidisset Iosue virum stantem euaginato gladio dixit. *Noster es an adversarium?* Ille, *nequaquam*, inquit, *sed princeps sum exercitus Domini.* Continuo cecidit Iosue pronus in terram, & adoravit. Hic etiam Iosue non prius adoravit, quàm intellexit esse Angelum. Neque male fecit adorando, quia Angelus non solum non prohibuit eum ab adoratione, sed etiam iussit adhuc maiorem honorem sibi exhiberi dicens, *Solve calcamenta pedum tuorum, locus enim, in quo stas sanctus est.* Non erat autem sanctus locus ille, nisi ob Angeli præsentiam, quia Iosue non erat tunc in loco sacro, sed in campis tribus Hemocho.

5. Accedit optima ratio, quia cultus, seu adoratio, cum sit quædam nota submissionis, semper exhibetur alicui ratione excellentiæ, ut dictum est: ergo quo maior fuerit excellentia alicuius, eo maior debet esse cultus & adoratio: sed in sanctis Angelis apprehendimus maiorem excellentiam, quàm sit excellentia civilis & politica: ergo debemus illis maiorem cultum & adorationem, quàm hominibus in dignitate civili constitutis. Minor pater, quia in sanctis Angelis apprehendimus excellentiam sanctitatis, filiorum Dei, & hæredum regni cælestis, quæ proculdubio maior est omni excellentia humana & politica.

6. Sed obijciunt aduersarij illud Apocal. 19. *Vide ne feceris confertus tuus sum, Deum adora.* Hic Angelus prohibet Ioanni, ne se adoret. Ergo nos malè facimus, qui adoramus Angelos. Responde hoc testimonium pro nobis facere. Nam si Ioannes Euangelista adoravit Angelum, quare Caluinitæ nos reprehendunt, qui facimus, quod Ioannes fecit? At inquit Ioan. malè fecisse, & ideo reprehensum esse. Numrum Caluinitæ sapientiores sunt, quàm Ioannes Optime fecit Ioannes. Nec reprehensus est ab Angelo, sed prohibitus. Causam tradunt SS. Patres, quia ante Christi aduentum Angeli patiebantur se adorari ab hominibus: At postquam Deus homo factus est, & omnes Angeli hominem in Christo adorare cœperunt, noluerunt ipsi ab hominibus adorari. Nec inde sequitur nos malè facere, si Angelos adoramus. Nam & nos rectè illos adoramus, quia digni sunt; & ipsi rectè adorari recusent, quia modesti sunt. Vnde ipsemet Ioannes, cum cap. 19. semel audiuit, *Vide ne feceris*, tamen cap. 22. iterum voluit eundem Angelum adorare. Sciebat enim, & se rectè facere adorando, & Angelum rectè facere recusando.

7. Secundo obijciunt canonem 35. Concilij Laodicensi, ubi sic dicitur: *Non oportet Christianos derelinquere Ecclesiam abire, & ad Angelos idololatria abominanda congregationes facere, quæ omnia interdicta sunt. Quicumque autem inuenitur fuerit occultè huius idololatria vacans, anathema sit, quoniam derelinquens Dominum nostrum Iesum Christum filium Dei, accessit ad idola.* Respondeo Concilium in illo Canone non damnasse venerationem sanctorum Angelorum, sed malorum, quos aliqui magis causa inuocare solebant, & venerari, ut testatur Tertullianus in Apo-

logico capite 23.

8. Tertio obijciunt quædam testimonia scriptura. Deuter. 6. *Dominum Deum tuum adorabis, & illi soli seruiet.* Quod testimonium allegauit Christus diabolo, quando petebat diabolus adorationem. 1. ad Tim. 2. *Soli Deo honor, & gloria.* Ad Galat. 4. 4. *Iis, qui natura non sunt Dei, seruebatis.* Ex his colligunt, soli Deo deberi adorationem & seruitutem. Respondeo ex his rectè colligi, soli Deo deberi adorationem supremam, quæ esse potest, quam nos latram appellamus, non autem soli Deo deberi adorationem mediam & infimam, quarum hæc hominibus, illa sanctis tribuitur. Hoc ostendo. Sic enim iubemur Deum diligere supra omnia, quia maiorem habet bonitatem, quàm alia omnia: ita etiam iubemur Deum colere, adorare, & seruire supra omnia, quia habet maiorem excellentiam, quàm alia omnia. Itaque sic male faceret, qui diligeret aliquam creaturam eo amore, qui debetur Deo, tanquam summè bono: Ita male faceret, qui adoraret aliquam creaturam, eo affectu & honore, qui debetur Deo, tanquam summè excellenti: Et hoc probant testimonia allata. Rursum sicut ex eo, quod iubemur Deum supra omnes diligere, non prohibemur etiam alios diligere infra Deum, & in ordine ad Deum. Ita ex eo, quod iubemur Deum adorare, seruire, & colere supra omnes non prohibemur alios etiam adorare, seruire & colere infra Deum, & in ordine ad Deum. Et hoc probant testimonia sequentia Genes. 27. *Serviam tibi populi & adorem te tribus.* Rom. 2. *Gloria & honor omni operanti bonum.* Atque hæc generatim dicta sint, ex quibus facile responderi potest ad ea, quæ sigillatim in obiectione sunt allata.

9. Quarto obijciunt nonnulla exempla ex scripturis petita. Primum habetur cap. 3. & 13. Estheris, ubi Mardochæus noluit adorare Amanum, eo quod soli Deo debeatur adoratio. Alterum, Act. 10. Vbi cum Corneius adoraret Petrum, prohibuit Petrus, dicens. *Surge, & ego ipse homo sum.* Tertium, Act. 10. Vbi Paulus & Barnabas recusarunt à Lycaonibus adorari. Sed hæc exempla nihil nobis obijciunt. Ac primò, quæram ex Caluinitis, quam adorationem postulauerit Aman? Si supremam, quæ Deo debetur, merito negauit illam Mardochæus: si mediam, quæ Sanctis tribuitur, & hanc merito negauit: Si infimam, quæ hominibus deferretur, eam negare nec potuit, nec debuit. Hæc relinquo aduersariis discutienda. Plerique Catholici docent, Amanum voluisse adorari, ut Deum, & ideo merito contemptum esse à Mardochæo. Hoc colligitur ex verbis Mardochæi. cap. 13. *Tinui ne honorem Dei mei transferrem ad hominem.* Atque ita sentiunt D. Thomas in 2. 2. d. 84. art. 1. ad 1. Bellarminus lib. 1. de Sanctis cap. 14. Nicolaus Serarius in cap. 3. Estheris, q. 3. Video tamen non omnes acquiescere huic sententiæ. Nam cum Aman esset famulus Assueri Regis, quomodo in eius curia & palatio fuisset ausus diuinum honorem sibi arrogare? Deinde, quia certum est, Amanum non fuisse maiorem exhibitum honorem, quàm ipsi Regi Assuero: sed Assuerus non voluit adorari ut Deus, atque Esther eum non adorasset: Ergo multo minus Amanus voluit adorari ut Deus. Sed hæc argumenta facile refelluntur. Negandum est, Assuerum non voluisse adorari ut Deum. Cum enim esset Rex Persarum, proculdubio, secutus est morem Regum Persarum. Constat autem, Persarum Reges, diuinos honores sibi vendicasse, iisque, quos reuelant, deferri voluisse, ut egregiè probat Serarius loc. citato. Voluit ergo Assuerus, & sibi, tanquam maiori numini & Aman, tanquam minori, utique tamen tanquam Deo, cultum adorationis exhiberi. Hoc Mardochæus facere recusauit. Cur non etiam Esther, inquit? quia nesciebat adorationem Persicam haberi pro diuina, merè civilem esse cogitabat. Mardochæus, quia

vel Christum adiument, sed ut adiudent nos, quò facti-
lius à Deo per Christum impetremus, quæ orando de-
sideramus. Vide Bellarminum lib. 1. de Sanctis cap. 4.
in solutione 2. argumenti.

CAPVT XIII.

*An liceat Angelos pingere, & sub
qua forma?*

1. **D**E Imaginibus seu pictura Angelorum anti-
qua controuersia est, ut ex septima Synodo,
Act. 5. ubi Demetrius Diaconus legit librum Ioannis
Episcopi Thessalonicensis, qui Dialogum continebat
inter Gentilem & Christianum. Ille, Angelos incor-
poreos esse, ac proinde pingi non oportere: hic contra
corporeos esse, & Ideò pingi posse, disputabat. Quam
sententiam, proponente Tharasio, tota Synodus vide-
tur approbasse.

2. Hinc aliqui colligunt, & Gentilem damnare
voluisse Angelorum imagines, & Christianum veram
causam, cur Angeli depingerentur, assignasse. Neu-
trum verum est. Gentilis non voluit damnare imagi-
nes & statuas Angelorum, sed cum illi à Christiano
obiectum esset: quod Gentiles haberent imagines suo-
rum Deorum, conatus est hoc repellere, sumpto argu-
mento ab exemplo Christianorum, qui & ipsi habe-
rent imagines Angelorum. Si ergo, inquit, non li-
cet nobis pingere nostros Deos, quia incorporei sunt,
neque vobis licebit pingere Angelos, quia & ipsi sunt
incorporei: aut si vobis hoc licet, cur nobis illud non
liceat? Respondit Christianus corporeos esse An-
gelos, ac proinde licetè efformari posse. Hæc tamen
vera causa non est, quia Angeli reuera corporei non
sunt.

3. Aliiter ergo probandum est, Angelos, cum in-
corporei sint, rectè tamen corporea specie efformari:
Primo quidem ex usu veteris testamenti, quia constat
statuas Cherubinorum in templo fuisse erectas. Se-
cundò, ex praxi & consuetudine Ecclesiæ Christi-
anæ, in qua statuas & imagines Angelorum fuerunt
semper in honore, & à sanctis viris approbatæ. Ter-
tiò, quia si Angeli dignati sunt in figura corporea
nobis apparere, cur non liceat eos hoc modo depin-
gere? Simili argumento probant plerique Theologi
Deum licetè pingi in figura corporali, quia frequen-
ter in illa apparuit. Eadem est ratio de Spiritu sancto,
qui ex eadem causa sub specie columbæ depingitur.
An autem in veteri testamento prohibitus fuerit usus
statuarum ac imaginum, nolo hic disputare. Certum
est, si prohibitus fuit, non ex natura rei, sed præce-
pto solum positiuo fuisse prohibitum. Nobis satis est, in
nouo testamento nullam extare huiusmodi prohibi-
tionem.

4. Hinc iam constat, qua forma pingendi sint
potissimum Angeli, nempe sub ea in qua nobis a-
liquando apparuerunt. De hac re sat multa dicta
sunt, capite 20. Plura licebit videre apud Petrum
Thyrazum libro 1. de apparitione Spirituum, in Appen-
dice, cap. 3.



BREVIS REPUTATIO

quarundam Propositionum Philippi
Plessæi Caluinistæ de Eu-
charistia.


OPVSCVLVM XV.

LECTORI.



Philippus Plessæus Calvinista,
ante complures annos scripsit in-
gens volumen de Eucharistia, qua-
tuor libris distinctum, & ex san-
ctorum Patrum testimonio con-
sarcinatum. Qua fide, & quo

euentu id præstiterit, docuit hactenus experien-
tia. Vix lucem aspexerat, plusquam 400. falsæ
citationes in eo deprehensæ sunt. Notauit illas E-
piscopus Ebroicensis, & coram Christianissimo
Galliarum Rege, fidem fecit. Taceo de aliis.
C Author, cum videret in aperto crimine se tene-
ri, opus suum castigauit, & Ministris Calvinianis
in Synodo Gapicensi, remidendum obtulit, à qui-
bus etiam publicè laudatum & probatum est.
An nunc igitur sine omni errore & crimine
tenferi potest? Sic opinantur nonnulli, & nomi-
natim Nobilis D. Frideric. à V Voluvarth, Spi-
rensis Camera Assessor, qui publico scripto, quod
his diebus ad me perlatum est, pronocat omnes
Iesuitas, ut experiantur, an aliquid in opere
Plessæano, iam correcto & castigato, reperire
possint, quod reprehendant. Ego igitur nunc ex-
periar, sed breuiter more Scholastico: Et postissi-
mum ex toto opere has paucas propositiones exa-
minabo.



PROPOSITIONES

PLESSÆI.

I. Duo sunt sacramenta nouæ legis, Baptismus &
Eucharistia, & Augustinus duo tantum illa propriè
agnoscit.

II. Eadem est virtus, præstantia & fructus sacramen-
torum veteris ac nouæ legis.

III. Baptismus in fœdus Dei nos admittit, Eucha-
ristia in eo conseruat & fouet.

IV. In Eucharistia vere quidem & spiritualiter, non
tamen realiter Christum percipimus.

V. Christus non aliter in Eucharistia, quam in Baptismo
presens est, & à fidelibus percipitur.

VI. Hæc Christi verba, Hic est sanguis meus noui Te-
stamenti. Et, Hic calix est nouum Testamentum in meo

sanguine, habens hunc sensum hac est mors, quam passurus sum *A* agnoscit.
pro vobis.

V I I. Nunquam Patribus in mentem venit, ut dicerent corpus, & sanguinem Christi sub specie panis & vini contineri.

V I I I. Apud antiquos Patres nullum est vestigium Transubstantiationis.

I X. Communio sub una specie tam nova est, ut hominis aetatem vix excedat.

X. Antiqui patres multis seculis non agnoverunt Purgatorium.

X I. Idem dicendum est de Invocatione Sanctorum.

X I I. Concupiscentia secundum Augustinum est malum culpa, non pena.

I. Propositio refutatur.

1. **D**einceps tecum ago Domine Pleſſæ. Ais duos esse Sacramenta nouæ legis Baptismum & Eucharistiam: & Augustinum hæc duo tantum proprie agnoscere. Sic enim habes libro 4. capite 1. pag. 648. linea 18. *Sacramentum si proprie definiamus, est sacer ritus à Deo institutus, promissioni gratia in Christi fæcto adiutus. Eius quoque tanquam attributione & testimonio, fideles quisque certus sit: promissionem illam gratia, qui in verbo diuino explicatur, sibi particulatim exhiberi, ratificari, applicari. Et eiusmodi fuerunt in veteri populo, Circumcisio & Pascha. In quorum locum nobis à Christo data, Baptismus & sacra Cæna, Et infra in eodem capite, pag. 654. linea 30. Augustinus duo tantum illa proprie agnoscit.*

2. Hic primum Augustino apertam iniuriam facis: Namis plura proprie agnoscit Sacramenta, quam Baptismum & Eucharistiam. Agnoscit Confirmationem libro secundo contra literas Petiliani cap. 104. cum ait, *Sacramentum Christianis in genere visibilium signorum sacramentum est sacrosanctum, sicut ipse Baptismus.* Agnoscit Ordinem libro secundo contra Epist. Parmeniani, capite 13. ubi confert illum cum Baptismo his verbis, *utrumque Sacramentum est, & quadam consecratione utrumque homini datur: illud, cum baptizatur, istud, cum ordinatur: ideoque in Ecclesia Catholica utrumque non licet iterare.* Agnoscit Pœnitentiam lib. 1. de adulterinis coniugiis, cap. 26. & 28. *Eadem est, inquit, causa baptismi & reconciliationis, sine quibus Sacramentis homines credunt se non debere exire de corpore.* Agnoscit Matrimonium libro primo de nuptiis & concupiscentiis capite decimo. *Huius sacramenti vis est, ut mar & femina coniuncto copulati, quamdiu viuunt, inseparabiliter perseuerent.* Agnoscit Extremam unctionem Sermon. secundo decimo quinto de tempore. *Quoties aliqua infirmitas superuenerit, corpus & sanguinem Christi ille qui agrotat, accipiat, & inde corpusculum suum ungat, ut illud quod scriptum est, impleatur in eo; Infirmatur aliquis: inducat Presbyterus, & orent super eum, ungentes eum oleo, &c.*

3. Vide Pleſſæ, Augustinum non duo tantum, ut tu falsò illi imponis, sed plura sacramenta agnoscere. Et quidem proprie. Nam expresse dicit Confirmationem esse Sacramentum, sicut est Baptismus. At Baptismus est proprie sacramentum, quod nemo negat: Ergo & Confirmatio. Similiter Pœnitentiam confert cum Baptismo. *Eadem est, inquit causa baptismi & reconciliationis.* Et sic de aliis.

4. Obiicis. Augustinus Epist. 118. ad Ianuarium capite primo discrete affirmat, duo tantum esse Sacramenta cum ait, *Christus Sacramentis numero paucissimis, observatione facillimis, significatione prestantissimis, Societatem populi noui colligauit, sicut est Baptismus Trinitatis nomine consecratus, & communicatio corporis & sanguinis ipsius.* En, inquis, Augustinus duo tantum illa proprie

5. Respondeo. Mala fide citas Augustinum Sic enim ipse habet in posterioribus verbis. *Sicut est Baptismus Trinitatis nomine consecratus, & Communicatio corporis & sanguinis ipsius, & si quid aliud in canonicis scripturis commendatur.* Cum simili additione (quam tu ubique dissimulas) loquitur concione 1. in Psalm. 108. *Munus Sacramentorum, inquit, in Baptismo & Eucharistia, & in ceteris sanctis Sacramentis, quale munus est? Quæ autem sint illa cetera sancta Sacramenta, iam paulo ante recensui ex Augustino, nempe Confirmatio, Pœnitentia, Ordo, Matrimonium, Extrema unctionio.*

6. Vnde ergo tu habes binarium Sacramentorum numerum? Ex Augustino non habes, ut ostendi. Nec vllum alium ex antiquis Patribus adducis, qui tecum sentiat. Nec Scriptura tibi patrocinatur. Nusquam dicit, aut insinuat, duo tantum esse Sacramenta. Ausim dicere, nec Nouatores pro te stare. Certè Calvinus, quem tu aliàs sequeris, agnoscit tria, Baptismum, Cænam & Ordinationem. Plerique Lutherani tria, Baptismum, Cænam, Pœnitentiam, Zuinglius tria, Baptismum, Cænam, Matrimonium; Alii plura. An tu aliter sapias quam hi omnes sed sufficiat mihi, quod ostenderim cum Augustino mala fide te egisse.

II. Propositio refutatur.

1. **A**is eandem esse virtutem, præstantiam, & fructum Sacramentorum veteris ac nouæ legis, id est, eandem Baptismi & Circumcisionis, Eandem Eucharistia & Agni Paschalis: nec aliter differre, quam circumstantia temporis & personarum: Vetera significasse Christum venturum, noua significare præsentem: illa solis Iudæis, hæc etiam gentibus data esse. Sic enim scribis libro 4. capite primo pag. 652. linea 44. *Quæ igitur Christianorum prærogatiua? & Sacramenta nostra veteribus quid præstent? Responsio in promptu est. Sermonis Prophetici & Apostolici eadem virius: Christus utrobique sibi par & similis. Idem de Sacramentis utriusque populi dicendum, &c.* Et infra page 653. lin. 4. *Vnde etiam idem utriusque fructus, peccatorum remissio, vita æterna.*

2. Citas pro te illud 1. Corinth. 10. 3. *Omnes eandem escam spiritualem manducauerunt, & omnes eundem potum Spiritualem biberunt: bibebant autem de Spirituali conſequentē eos petra: petra autem erat Christus.* In quo infero, Iudæos eandem nobiscum escam manducasse, & eundem nobiscum potum Sacramentalem bibisse. Imò, in omnibus pares non fuisse, ut addit Calvinus libro 4. Institutionum, capite 14. §. 23. *Opertuit, inquit, nihil esse inæqualitatis inter nos & ipsos.* Et paulo post, *In Sacramentis pares nobis facit (Apostolus, Iudæos Christianis) Nec ullam prærogatiua particulam nobis relinquit.* In eandem sententiam adducis multorum Patrum testimonia, præsertim Augustini, Tertulliani, Origenis, Epiphani, Chrysostomi, & aliorum.

3. Sed valdè erras, mi homo. Primum, quia nec Apostolum, nec Patres ad rem tuam citas. Tu loqueris de circumcissione & Agni Paschali, illi de manna & petra. Secundo, quia malè Apostolum interpretaris. Non dicit Iudæos nobiscum, sed ipsos inter se eandem escam manducasse. Audi verba. *Nolo, inquit, vos ignorare fratres, quoniam Patres nostri omnes sub nube fuerunt, & omnes mare transierunt, & omnes in Moyse baptizati sunt, in nube, & in mari, & omnes eandem escam Spiritualem manducauerunt.* Certè, non confert illos nobiscum, sed inter se. Non enim nobiscum fuerunt sub nube, neque nobiscum mare transierunt, neque

nobiscum in Moyse baptizati sunt.

4. Tertio, quod tibi familiare est, Patres mala fide abs te citantur. Quid illi dicant & quid tu velis, breuiter explicabo. Res sic se habet. Duo spectari possunt in sacramentis, significatio & efficiëntia. Igitur concedunt Patres, omnia sacramenta, tam Mosaica, quam nostra, conuenire aliquo modo in significatione, quia omnia Christum significant: illa venturum; hæc præsentem. Negant in efficiëntia conuenire: quod tu maximè tamen virges. Aiunt nostra conferre gratiam & salutem, Mosaica non item.

5. Audi contra te Augustinum. Ait quidem in significatione esse paria tract. 26. in Ioannem. *In signis, inquit, diuersa sunt, sed in re, qua significantur, paria sunt.* At longè aliter sentit de vi & efficacia. Nam in Psalmo. 73. sic habet; *Sacramenta non sunt eadem, quia alia sunt sacramenta dantis salutem, alia promittentia Saluatorem; Sacramenta novi testamenti dant salutem, sacramenta veteris testamenti promiserunt Saluatorem.*

6. Audi, quid Epiphanius dicat de Circumcisione, quam tu æquè præstantem & efficacem vis esse cum Baptismo. *Figura* (inquit hæresi 8.) *in lege fuerunt: veritas in Euangelio. Illic enim Circumcisio fuit carnalis, qua inseuit tempori usque ad magnam Circumcisionem, hoc est Baptismum, qui circumcidit à peccatis.* Audi Tertulian. 1. li. contra Iudæos, cap. 1. *Si Circumcisio purgat hominem, cur Deus Adam in Circumcisionem non fecerat, cur non circumcidit, vel postquam deliquit, si purgat Circumcisio?* Et infra; *Providens Deus, quod hanc Circumcisionem in signum non in salutem esset daturus.* Quis tam abiecte audeat loqui de nostro Baptismo? Certè Apostolus de eo ait, ad Titum 3. 5. *Saluos nos fecit per lustrum regenerationis.* Et tu dicis, eandem esse Virtutem, eundem fructum Baptismi & circumcisionis, nempe remissionem peccatorum & vitam æternam; At tu erras: aut Patres.

III. Propositio refutatur.

1. **A** Is Baptismum in fœdus Dei nos admittere, Eucharistiam in eodem nos fouere & conseruare. Verba tua sunt hæc, l. 4. c. 1. 47. *Baptismus, Circumcisionis vicarius, nos in Dei fœdus admittit: sacra cœna qua Pascha succedit, nos in eodem & conseruat & confirmat.* Vnde illi propriè Regenerationis nomen; Huius communio corporis & sanguinis Domini.

2. Sed aliter docet Calvinus tuus, vult infantes ex utero materno, longè ante Baptismum in fœdere & promissione Dei contineri. Sic enim loquitur lib. 4. Inst. cap. 16. §. 24. *Infans hereditario iure secundum promissionis formulam, iam à matris utero infœdere continetur.* Et in Antidoto Concilij Tridentini sessione 6. cap. 5. *Quasi vero de nihilo dictum sit, eos nasci sanctos, qui ex fidelibus nascuntur. Inimò, qui iure ad Baptismum eorum admittimus, nisi quod promissionis sunt heredes; Nisi enim iam ante ad eos pertinere vita promissio Baptismum prophatorem, quisquis illis daret.* Et infra; *Non à Baptismo igitur initium habet eorum salus, sed qua iam in verbo fundata erat, Baptismo obfirmatur.*

3. Pugnas ergo cum tuo Caluino. Tu dicis, per Baptismum nos admitti in fœdus Dei. Ille contra, non admitti per Baptismum, sed iam ante admissos, & comprehensos esse ex utero materno, Imò, & tecum ipse pugnas. Cùm enim loco citato, scripsisses hæc verba: *Baptismus Circumcisionis vicarius, nos in fœdus Dei admittit*, post aliquot pagellas contrarium scribis his verbis. *Sacramenta sunt fidelibus data, non ut in fœdere comprehendantur, sed ut eo signo comprehensi significentur.* Hinc colligo, hæc duas contradictorias, Baptis-

mus nos in fœdus Dei admittit. Et Baptismus non admittit nos in fœdus Dei, sed tantum significat, nos iam ante admissos esse, & in fœdere comprehendi. Item hæc duas, Differunt Baptismus & Eucharistia, quod Baptismus in fœdus Dei nos admittat, Eucharistia in eo foueat & conseruet; Et non differunt Baptismus & Eucharistia, quia neutrum admittit nos in fœdus Dei, sed utrumque nos in eo fouet & conseruat.

IV. Propositio refutatur.

1. **A** Is Christum verè quidem & spiritualiter, non tamen realiter in Eucharistia percipi à fidelibus. Sic enim libro quarto capite 3. pag. 675. lin. 59. habes, *Cauendum vero nobis, ne hæc aduerbia, verè & carnaliter seu realiter, confundamus, qua ut longo differunt, ita & in Patribus apertissime distinguuntur.* His & sequentibus verbis docens, hæc duo aduerbia, verè & realiter distinguui. Hæc autem duo, verè, & spiritualiter, simul posse consistere. Denique hæc duo, realiter, & carnaliter, pro eodem usurpari. Itaque Christum in Eucharistia verè & spiritualiter, non tamen realiter aut carnaliter à fidelibus accipi. Eodem sensu dixerat pagina præcedenti, Corpus & Sanguinem Christi nunc sumi à Christianis, sicut olim sumebatur à Patriarchis & Prophetis; nempe spiritualiter, & per fidem, non autem realiter.

2. At alibi planè contrarium asseris. Et quidem in eodem libro 4. capite 2. pag. 660. lin. 23. his verbis. *Dum sacramenta ex præscripto Christi celebrantur, Christum realiter & substantialiter accipimus.* Vides, opinor, contradictionem. Priori loco negas, posteriori affirmas Christum in sacra cœna realiter percipi. Priori admittis, verè quidem & spiritualiter, non tamen realiter: posteriori, etiam realiter & substantialiter.

3. Nimirum in hac re Calvinum tuum imitatus es, qui & ipse nunc asserit, nunc negat realem corporis Christi in Eucharistia præsentiam. Asserit illam in capite 11. prioris ad Corinthi his verbis; *Concludo realiter, ut vulgo loquuntur nobis in cœna dari Corpus Christi.* Negat verò in contensione de re Sacramentaria, prope finem, Christus, inquit, *quatenus homo, non alibi quam in calo, querendus est.* Et ibidem, *Quia tamen Christi corpus finitum est, & calo, & loco continetur, necesse est à nobis tanto locorum intervallo distare, quantum calum abest à terra.*

4. Hinc duo colligas, Plessæe. Vnum Catholicos meritò confirmari posse ac debere in sua sententia, cùm in Concilio Tridentino Session. 13. Can. 1. definiunt Christum in Eucharistia, verè, realiter & substantialiter contineri. Nam etiam ab aduersariis iusfragium habent. Vos enim easdem particulas, verè, realiter, substantialiter, Vi veritatis coacti admittitis & usurpatis, ut iam visum est. Alterum, Calvinitas in hoc puncto dubios ac perplexos esse; quia nunc cum Catholicis fateatur veram, realem & substantialem Christi præsentiam in Eucharistia: nunc cum Zuinglianis, eandem negant ac reipuant. Desinant esse dubii & perplexi. Nam Catholici habent tuam doctrinam à Christo, qui dixit, *Hoc est corpus meum.* Hic est Sanguis meus. Zvinglius à nocturno spiritu contrarium persuasus est. Qui quidem spiritus, albus anaser fuerit, ipsi Zvinglio non constat. Nobis autem constat, Christum esse lucem, viam, veritatem, & vitam.

V. Propositio refutatur.

1. **A** Is Christum non aliter in Eucharistia, quàm in Baptismo præsentem esse, & à fidelibus percipi. Nam libro 4. cap. 3. pag. 672. linea 16. sic habes,

Et infra: *Ad te clamamus & corda n' stri Sanctissima Virgo Et iterum; Intercede hera, & domina, & Regina, & mater Dei pro nobis.* Eusebius lib. 13. præparationis Evangelicæ, cap. 7. *Hæc nos quotidie facimus, qui vera pietatis milites, ut Dei amicos honorantes, ad monumenta quoque illorum accedimus ut æque ipsis facimus, tanquam viris sanctis, quorum intercessione ad Deum non parum iuvare proficemur.* Basilii in oratione in 40, Martyres; *Qui aliqua premittitur angustia, ad hos confugias, qui rursus lætatur, hos ares: ille, ut a malis liberetur, hic ut duret in rebus suis.* Greg. Nyssenus oratione in S. Theodorum, circa finem. *Intercede ac deprecare pro patria apud communiem Regem & Dominum. Timemus afflictiones, expellamus pericula, non longo absunt scelesti Scythæ, bellum adversum ipsi parantur: ut miles pugna pro nobis, ut Martyr pro conversis vivere libertate loquendi.* Et infra, *Quod si maiori etiam opus fuerit deprecatione & aduocatione, fratrum tuorum Martyrum, coge eos: et cum omnibus una deprecare, admons Petrum, excita Paulum &c.* Quid nunc dicis Plessæ? An hi patres non vixerunt in primitiva Ecclesia? an Sanctorum invocationem apertissime non docuerunt? Miror te hæc negare.

XII. Propositio refutatur.

1. **A** Is concupiscentiam secundum Augustinum esse malum culpæ, non pœnæ. Sic enim scribit. lib. 3. c. 19. pag. 587. lib. 46. *Horum igitur vestigiis insistent Augustinus, docet concupiscentiam in his malis esse quæ per patientiam sustinemus, sed quæ per continentiam frenamus: malum igitur culpæ; non pœnæ.*

2. Valde erras Plessæ. Concupiscentia secundum Augustinum, non est culpa, sed pœnæ; non propriè peccatum, sed effectus peccati, non malitia, sed morbus, seu infirmitas. Sic enim de ea loquitur li. 10. de Civitate Dei cap. 25. *Illæ concupiscentiales inobedientia quanto magis absque culpa est in corpore non consentienti; si absque*

A culpa est in corpore dormientis. Et l. 1. contra duas epist. Pelagianorum cap. 13. *Sed hæc concupiscentia, etiam si vocatur peccatum, non videtur quia peccatum est, sed quia peccato facta est, sic vocatur: sicut scriptura manus cuiusque dicitur, quod manus eam fecerit.* Et l. 6. contra Iulianum cap. 5. *Omnis peccato carens iustificari, sed non omni malo.* Et tract. 41. in Ioannem, *Nunquid, quia deleta est tota iniquitas, nulla remansit infirmitas.* Et term. 6. de verbis Apostoli, *Restat ergo cum carne conflictus, quia deleta est iniquitas, sed manet infirmitas.* Et lib. 1. Retract. c. 15. *Hoc peccatum, de quo sit loquens Apostolus, idè peccatum vocatur, quia peccato factum est, & pœna peccati est.*

B 3. Propter hæc testimonia tam clara & perspicua coactus est etiam Calvinus fateri, concupiscentiam non esse peccatum ex sententia Augustini, sed morbum & infirmitatem. Sic enim habet lib. 3. Inst. c. 3. §. 10. *Porrò inter Augustinum & nos hoc discriminis videri potest interesse, quod ipse quidem, cum fideles concedat, quandiu in corpore mortali habitant, si illigatas teneri concupiscentias, ut non possint non concupiscere, suam tamen morbum peccatum vocare non audeat, sed ad illam designandum, infirmitatis nomine contentus, tunc deinde fieri peccatum docet, ubi consensus accedit.*

C *Nos autem pro peccato habemus.*

Epilogus ad Lectorem.

EX hac brevis refutatione, facile intelligis Lector, quid de Plessæ sentire debeas. Nunc sibi, nunc Calvino suo, nunc Patribus contrarius est. Liberrimè vitur his vocibus. *Antiqui Patres non agnouerunt hoc vel illud: Nihil huius aut illius apud antiquos Patres vestigium est: Numquam illis in mentem venit hoc vel illud asserere.* Liberrimè, inquam, sed mendacissimè. Ostendi hoc in paucis, si opus esset, in pluribus demonstrarem. Alia vitia, quæ passim in eodem authore occurrunt, notarunt alij, præsertim Episcopus Ebroicensis, Fronto Ducrus, & si qui præterea sunt quos non vidi.

FINIS.



7. Quod dixi de iuramenti relaxatione, explicandum est. Generatim loquendo, dupliciter tolli potest obligatio à iuramento. 1. impediendo, ne illam ab initio inducat. 2. tollendo iam inductam. Quod ad primum attinet, obligatio iuramenti potest impediri per legem, si lex statuat, ut iuramentum contractui vel promissioni alicui adiectum, sit irritum, & nullam inducat obligationem. Sic Concilium Tridentinum Sess. 25. cap. 16. de Regularibus, irritum reddit iuramentum adiectum renunciationi bonorum, si fiat antea bimestre quod præcedit professionem. Nimirum, ut libertati ingredientium consuleret, & omnem coactionem arceret. Sic in regno Lusitanie irriti redduntur per legem omnes contractus, obligationes, conventiones, promissiones, remissiones, & distractus iuramento confirmati, alioquin ad forum seculare eorum cognitio pertinebat, nisi cum Regis facultate iuramentum appositum fuerit, simili ferè modo in regno Castellæ, exceptis quibusdam contractibus, ut refert Molina disputat. 249. Quod idem factum est, ne lites super huiusmodi contractibus traherentur ad forum Ecclesiasticum. Iuramentum enim facit, ut causa, quæ aliàs morè est civilis, fiat fori mixti, ut patet ex cap. finali. de foro compet. in 6.

8. Obiicit. Quomodo fieri potest, ut lex vel potestas humana impediatur obligationem iuramenti, cum illa naturaliter & necessario resultet ex iuramento? Nam iure naturæ obligamus, ne Deum faciamus testem falsi. Respondet. Dupliciter id fieri potest. Primum si lex humana reddat eum inhabilem ad acceptandum, in cuius favorem factum est iuramentum promissorium. Cum enim hoc iuramentum non obliget, nisi promissio acceptetur à promissario, sanè si hic sit inhabilis ad acceptandum, nulla potest nasci obligatio. Quod autem lex civilis possit inducere talem inhabilitatem, certum est quia si potest aliquem reddere inhabilem ad officia, ad contractus, ad alienationes, ad acquisitionem bonorum, & similia, cur non etiam ad validè acceptandam alterius promissionem? Secundò, potest fieri, si princeps per legem à se positam, condonet seu remittat obligationem, hoc ipso, quo iurans tentat illam inducere. Si enim homo privatus, in cuius favorem sit promissio iurata, potest statim remittere obligationem, & cedere suo iure, cur non Princeps, quatenus est superior illius privati hominis, possit eadem, nomine sui subditi, iuxta de causa remittere?

9. Quod ad secundum attinet, obligatio iuramenti iam inducta potest tolli variis modis. Primum, mutatione materiz, ut si res iurata fiat impossibilis iuranti, aut illicita. Secundò, condonatione, ut si is, in cuius favorem factum est, remittat obligationem. Tertiò, commutatione, ut si ille cui factum est, concedat aliud opus loco illius, quod iuramento promissum est, præstari. Quartò, irritatione, ut quando materia iuramenti promissorii subest alterius potestati. Quintò, dispensatione, ut quando superior dispensat tecum, ut non tenearis alteri præstare, quod cum iuramento illi promissisti. Hoc tamen non potest facere superior, nisi legitima causa subsit, quia non potest ius alterius tollere sine iusta causa. Causæ iustæ sunt hæc. 1. si metu vel fraude extortum. 2. si alia iniustitia intercessit, ut cum vsurarius exigit iuramentum de soluendis vsuris. 3. iniustam poenam. 4. si bonum commune postulet, ut si cum iuramento promittas non accusare. Vide D. Thom. in 2. 2. q. 89. art. 7. & 9. Petrum Arragonium ibid. Sylvestrum V. Iuramentum 5. & alios.

10. Dicit. Quomodo superior potest dispensare in iuramento? Nam licet princeps per suam legem possit aliquo modo impedire, ne oriatur obligatio ex iuramento, ut dictum est paulò ante, tamen non videtur

posse tollere obligationem, postquam inducta est. Hoc enim nihil aliud esset, quam dispensare cum aliquo, ut postquam iuramento aliquid confirmavit, possit esse periurus, & facere Deum testem falsi. Respondet. Aliud est, immediatè tollere obligationem iuramenti semel inductam, aliud est, aliquid ponere & tollere, quo posito vel sublato, sponte cessat obligatio. Illud prius non potest facere Superior, posterius, non solum superior, sed etiam alij possunt. Pro quo notandum est, in iuramento promissorio tacitè includi aliquas condiciones, quibus apposis vel substractis, sponte cessat obligatio iuramenti, sine vllò periculo periurij. Sunt autem hæc, & similes: Promitto & iuro me tibi hoc præstaturum, nempe si velis nisi remittas, nisi Superior, qui materia subest, contradicat, nisi ipse sua auctoritate condonet. Itaque si aliqua harum conditionum ponatur, vel tollatur, ut remittas mihi, quod promisi, vel si superior contradicat aut condonet obligatio iuramenti cessat.

CAPUT V.

Unde oriatur obligatio valide promissionis?

1. Iuxta triplicem promissionem, nempe gratuitam, onerosam, & iuratam de quibus actum est, ponamus tres conclusiones. Primo est. Obligatio, qua quis tenetur in promissione gratuita ac liberali, oritur ex duplici virtute, nimirum Veritatis & fidei. Unde si non præstat, dupliciter peccat. 1. quia mendax est, contra virtutem Veritatis. 2. quia perfidus & infidelis est, contra virtutem Fidei seu fidelitatis.

2. Altera conclusio. Obligatio, qua quis tenetur præstare, quod promissit in contractu oneroso, oritur ex triplici virtute, nempe Veritatis, Fidelitatis & Iustitiæ. Unde si non præstat tripliciter peccat. 1. quia mendax est, 2. quia perfidus seu infidelis. 3. quia iniustus.

3. Tertia conclusio. Obligatio, qua quis tenetur præstare, quod promissit cum iuramento, non solum oritur à virtutibus prædictis, sed etiam à virtute Religionis. Unde si promissio fuit gratuita, accedente iuramento, tenetur ex triplici virtute, Veritatis: Fidelitatis, Religionis: si onerosa, ex quadruplici. Veritatis, Fidelitatis, Iustitiæ & Religionis: Et si non servet, est mendax, perfidus, iniustus, periurus.

4. Hæc generatim. Nunc singulæ virtutes, & earum obligationes speciatim explicandæ sunt. Ac primò, virtus Veritatis ad duo nos obligat. 1. ut sincere, non fictè, promittamus, id est, ut quot verbis promittimus, etiam animo promittamus. 2. ut opere præstemus, quod promissum est. Scholastici explicant his terminis, ut verba nostra confirmemus mentis, & facta confirmemus verbis. Vtrumque enim requiritur, ut quis sit verax in dicendo vel promittendo, ut docet Caietanus in 2. 2. q. 113. art. 1. sub finem, & colligitur ex D. Thoma 2. 2. q. 80. art. unico ad 3.

6. Virtus fidei seu fidelitatis ad unum nos obligat, nempe ut quod promissimus, opere præstemus. Et quamvis hæc obligatio videatur esse eadem cum posteriori obligatione Veritatis, reuera tamen differt. Primum, quod Obligatio Veritatis latius patet, quam Fidelitatis. Hæc enim solum habet locum affirmatione promissoria, illa etiam in non promissoria (D. Thom. loc. cit.) Secundò, quod obligatio Fidelitatis sit maior, quàm Veritatis. Qui enim promittit se aliquid facturum, magis obligatur, quàm qui sine promissione



praesertim si formula stipulationis interuenierit, ut omnes concedunt: Ergo est obligatio stricta: Ergo in re graui sub peccato mortali. *Obicitur*, Promissio ex se non habet tantam vim, ut tribuat actionem in foro externo, sed ex formula stipulationis super addita. *Respondetur*, Hæc formula non reddit promissionem firmiorem in foro conscientiae, sed solum in foro externo, quia praesumitur maiori cum deliberatione facta quando stipulatio interuenit. Deinde, tamen iure Digestorum requiritur stipulatio ut promissio simplex tribuat actionem in foro externo; tamen iure Codicis non videtur requiri, ut plerique colligunt ex lib. 1. si quis argentum, C. de donationibus. Nec regno Castellæ requiritur, ut notat Molina tractat. 2. de iure & iustit. disput. 254. Postremo quicquid sit de iure ciuili, tamen iure canonico conceditur actio ex promissione accepta, etiam si formula stipulationis non interuenierit, ut patet ex cap. 1. de pactis, & est communis sententia Doctorum, teste Gomezio tom. 2. cap. 9. num. 2. & Conarum in cap. Quamuis pactum. part. 2. §. 4. num. 14. & 15. Nec refert quod ius canonicum requirat expressionem causæ, quia dum causam non exprimis cur promittas, videris per errorem promittere: quæ tamen praesumptio cessat in foro conscientiae. Vide Syluestrum V. pactum num. 3. & Nauar. loc. cit.

16. Tertiò probatur testimonio Christi qui expressè docet præceptum fidelitatis esse vnum ex grauioribus præceptis diuinæ legis. Sic enim ait, Matth. 23. 23. *Va vobis Scriba & Pharisei hypocritæ; quia decimatis mentham & anethum, & cuminum, & reliquistis quæ grauiora sunt legis, iudicium & misericordiam, & fidem.* Hic per fidem intelligit fidelitatem in pactis. Hanc ait esse grauioribus, quæ in lege præcepta sunt. Et ita res habet. Nam in veterilege, ea præcepta habebantur maioris momenti, quorum transgressio habebat sacrificio expiari: tale autem fuit præceptum fidelitatis in seruandis pactis, ut colligitur ex illo Levitic. 6. 2. *Anima quæ peccauerit, & contempnit Dominum negauerit proximo suo depositum, quod fidei eius creditum fuerat, reddet omnia, & pro peccato suo offeret arctem immaculatam de grege.* Vnde Christus. *Va vobis Scriba & Pharisei.* Causam addit quia reliquistis fidem. Certè quando Christus minatur alicui; Væ, euidentis signum est magni alicuius criminis perpetrati.

17. Quartò probatur ab effectu. Nam ex seruata pactorum fide, sequitur fauor Dei & hominum, gloria & amplitudo nominis, securitas populi, tranquillitas reipublicæ, belli & pacis incorrupta fœdera. Ex perfidia, omnia contraria. Hoc prolixè explicat Petrus Ribadina lib. 1. de principe Christiano, cap. 15. Et præclaris exemplis illustrat Lipsius lib. 2. monitorum politicorum c. 13. Legantur Historiæ. Quoties per contemptum inuenies illud. *Punica fides: Græca fides: Cretenfes semper mendaces.* Quoties cum summa laude, *Dignum factum: Verbum Regis, sigillum Regis, Germana fides & constantia: ex Iouis tabulis:* & quæ similia sunt.

18. Tertia conclusio Virtus Iustitiæ, qua tenemur promissum præstare in pactis & contractibus onerosis, semper obligat sub mortali, nisi paruitas materię excuset. Ita passim Theologi cum D. Thom. in 2. 2. q. 59. art. 4. Et ratio est, quia iustitia ad hoc obligat, ut des alteri, quod illi iure debetur, iuxta illud Vlpiani: *Iustitia est constans & perpetua voluntas ius suum cuique tribuendi.* At non dare alteri quod illi iure debetur, est peccatum mortale in re graui, quia est aperta iniustitia, quam passim detestatur scriptura. Psal. 5. 6. *Non permanent iniusti ante oculos tuos.* Et Psal. 36. 28. *Imusti perueniunt, & semen impiorum peribit.* Et Deut. 25. 16. *Abominatur Dominus eum, qui facit hæc, & auersatur a facie iustitiam.* Et apud omnes gentes solet grauius animaduerti in eos qui iustitiam violarunt, ut infures,

A homicidas, raptos falsos testes, corruptos iudices, & id genus hominum perditorum.

19. Hæc obligatio iustitiæ, tamen affinis sit obligationi fidelitatis (vtraque enim astringit, ut non violes ius alterius.) Tamen ipsa ab ea differt, & multo maior est. Nam maius ius est, quod oritur ex contractu oneroso, quàm quod ex simplici promissione. Primo, quia promissio potest facilius reuocari, quàm contractus. 2. promissio solum tribuit ius remotum ad rem promissam. 3. si promissor non soluat non tenetur ad compensationem lucris cessantis: at contrahens, si violet contractum, tenetur. 4. promissio non impedit, quo minus res promissa dicatur postea gratis dari: contractus autem impedit donationem gratuitam. Denique maior censetur iniuria, si quis centum aureos ex contractu oneroso debitos non soluat, quàm si ex liberali tantum promissione deberentur.

20. Quarta Conclusio. Virtus Religionis, qua obligat promissum aut pactum iuratum præstare, ne sis periurus: per se obligat sub mortali. Nam periurium est peccatum mortale, & quidem grauissimum, ut omnes fatentur cum D. Thoma in 2. 2. q. 89. art. 3. Ratio est, quia qui falsum iurat, facit Deum, quantum in se est, approbare falsum: quæ est atrox iniuria. Hinc grauissimæ pœnæ constitutæ sunt in periuros. Apud Scythas & Aegyptios plebæbantur capite. Apud Indos manuum pedumque extremorum excisione. Iure ciuili sunt infames si periurium sit in nocumentum alterius: Glosse in li. si quis maior, C. de transactionibus. Iure canonico sunt etiam infames: c. infames, & c. Quicumque, 6. q. 1. quod intellige, si res est notoria. Vide Conarum in cap. 27.

21. Ex dictis constat, quanta sit obligatio promissionis. Nam si gratuita sit; obligat duplici titulo: si onerosa, triplici: si iurata, quadruplici. Et omnis hæc obligatio, excepta vna, ut plurimum est sub mortali. Nunc ad præcipuam quæstionem accedamus.

CAPVT VII.

An in promissione valida & obligandi vim habente, seruanda sit hæreticis fides.

H Actenus ostendi, quænam sit promissio valida & quanta sit eius obligatio? Nunc quæritur, an si alias valida sit, & reuera vim obligandi habeat: desinat obligare ex eo precisè, quod hæretico facta sit: & consequenter, an tenearis implere, quod hæretico promissisti.

2. Suppono, quosdam esse casus, in quibus promissio alias valida, desinit obligare, ex sententia Theologorum & Canonistarum. Primo, si res promissa sit illicita, vel inutilis, vel impossibilis. 2. Si status rerum vel personarum ita mutetur, ut promissor secundum iudicium prudentum non videatur illum euentum voluisse comprehendere; quod ex conditione rei promissæ promissionis, & promissarii dispositione, ceterisque circumstantiis iudicandum est, 3. Quando duo vicissim sibi aliquid promiserunt, & alter non vult impedire promissum. Tunc enim alter non tenetur, sed potest uti compensatione. Hic habet locum ille vericulus *Frangenti fidem, fides frangatur eidem.* 4. quando aliquid promissum est ob causam, quæ non subest, ut si promiseris, quod putes te accepisse ab ipso aliquod beneficium, cum non acceperis. Tunc enim non tenearis implere, Vide D. Thom. in 2. 2. quæst. 110. art. 3. ad 5.

rescribunt; *Primo enim supplicio torquentur, qui illi-
cita docere tamen audent.* De qua re vide D. Augustinum
Epist. 48. ad Vincentium. & Epist. 50. ad Bonifacium
& l. 2. contra literas Petiliani c. 83. vbi ex instituto
probat, Magistratum habere auctoritatem animadu-
uertendi gladio in hæreticos, iuxta illud Roman. 13.
4. *Non enim sine causa gladium perat. Dei enim minister
est: vindex in ira ei, qui male agit.*

16. Hinc iam facile apparet, hæreticos ex eo præci-
pi, quod excommunicati sunt, non priuari dominio &
iurisdictione, siue in subditos, siue in bona tempora-
lia, sed hanc priuationem esse distinctam pœnam ab
excommunicatione, & distincta lege irrogatam. Ma-
net tamen difficultas, an vi huius pœnæ, possis fidem
hæretico promissam non seruare? Hoc enim vrgeri
potest ex obiectione posita. Nam si hæreticus caret
omni iure & dominio rerum temporalium (quocunque
ex capite id fiat) non habebit ius à te quicquam exi-
gendi, ac proinde, licet ratione promissi aut pacti ali-
quid exigat, non teneberis dare. *Respondet.* Duo hic sta-
tuenda sunt, quæ rem totam expedient. Vnum est, Le-
ges canonicas & ciuiles, quibus hæ pœnæ in hæreti-
cos constitutæ sunt esse merè pœnales. Alterum est,
huiusmodi leges non obligare ad executionem pœnæ
ante sententiam Iudicis. D. Thom. 2. 2. q. 62. art. 3.
ad 3.

17. Hinc sequuntur hæc Corollaria. *Primum*, licet
hæretici per leges pœnales priuentur domino bono-
rum temporalium; non tamen tenentur ante senten-
tiam Iudicis spoliare se illis, aut fisco tradere. Ita Syl-
uester V. Hæresi. 1. n. 12. & seq. Dominicus Sotus lib.
1. de iust. q. 6. art. 6. Nauarrus in manuali. c. 23. n. 66.
Valentia in 2. 2. q. 11. p. 3. Azorius l. 8. Instit. cap. 12.
q. 3. & alij. *Alterum*, nec post sententiam Iudicis tenen-
tur sua bona tradere aut offerre fisco, quia executio
pœnæ non spectat ad ipsos, sed ad ministros Iudicis
vel fisci. Tenetur tamen non resistere per vim & frau-
dem. Ita Azor. ibidem q. 4. *Tertium*, quandiu hæreticus
non priuatur suis bonis quoad executionem, eo modo,
quo dictum est, habet ius vtendi & fruendi illis; etiam
ad donandum & constituendum heredem, modo ab-
sit fraus & dolus. Ita Syluester, & alij, & colligitur ex
cap. Cum secundum leges. Ratio sumitur ex voluntate
legislatoris, & recepta consuetudine.

18. Ex his facile colligis, si hæretico ex fide promif-
sionis aut pacti aliquid debeas, an tenearis præstare,
necne. Ante sententiam Iudicis & executionem pœnæ
teneris illi præstare: post sententiam, Iudici vel fisco,
si fueris requisitus. Id tamen raro accidit, præsertim
in Germania & vicinis prouinciis. Non enim est in
vfu, vt bono hæreticorum rapiantur à fisco; nisi ali-
quid interueniat.

CAPVT IX.

*An in contractu matrimonij seruanda sit fi-
des hæreticis?*

1. **M**atrimonium includit duo, nempe contractum
ciuilem, & rationem Sacramenti. Vnde est hic
peculiaris difficultas propter Sacramentum. Catholi-
ci duo docent. Primum, tamen si non facile contrahenda
sunt matrimonia cum hæreticis, si tamen contrahan-
tur, valida esse. Secundò, in iis seruandam esse fidem
conjugalem, Vtrumque explicandum est.

2. *Prima Conclusio.* Si Catholici contrahant matri-
monia cum hæreticis, & nihil aliud obstat, quàm heresi,
validus est contractus. Ita D. Th. in 4. d. 39. q. 1.
Opusc. Rec.

art. 1. ad 5. Nauarrus c. 22. n. 49. Valentia disp. 10.
q. 5. p. 3. & alij passim. Ratio est, quia hæresis non
numeratur inter impedimenta, quæ dirimunt matri-
monium: Ergo non obstat, quò minus matrimo-
nium sit validum, si aliunde non sit defectus. Ante-
cedens, patet quia licet inter eiusmodi impedimenta
numeretur cultus disparitas, hoc tamen intelligitur de
disparitate cultus, quæ est inter fidelem & infidelem
non baptizatum, non autem de illa, quæ est inter Ca-
tholicum & hæreticam baptizatam, vt est communis
Doctorum sententia, & in praxi ita seruat. Ratio
discriminis est, quia per Baptismum, qui est quasi
ianua reliquorum Sacramentorum, tribuitur ius per-
cipiendi reliqua Sacramenta: Ergo, quia Baptismum
susceperunt, habent hoc ius, alij non habent. Ma-
trimonium autem Christianorum est Sacramentum
nouæ legis.

3. *Obici potest* Can. 72. Sextæ Synodi, qui sic ha-
bet; *Non licere virum Orthodoxum cum muliere hæretica,
nec Orthodoxam cum viro hæretico copulari: sed si quid eius-
modi ab ullo ex omnibus factum apparuerit, irritas nuptias
existimari, & nefarium coniugium dissolui.* Hic planè
decernitur, irritum esse matrimonium cum hæreticis
contractum. *Respondet.* Canones illius Concilij non
habent auctoritatem, vt ostendit Bellarmin. lib. 2.
de Roman. Pontifice cap. 28. & libro primo, de con-
ciliis cap. 7. & multi alij. Vnde Beda lib. de 6. statutis
in Iustiniano, canones illos vocat Synodum errati-
cam, & ait à Sergio Pontifice fuisse improbatos.

4. *Altera Conclusio.* In tali contractu, cum vali-
dus & legitimus sit sine dubio, alter alteri fidem ser-
uare debet in iis, quæ ad honestum vsum matrimo-
nij pertinent. Si enim hoc sit in omni alio contra-
ctu legitimo ac valido, multo magis in matrimonia-
li, qui omnino indissolubilis est. Hinc illud Mat-
thæi 19. 5. *Propter hoc dimittet homo patrem & matrem,
& adheret uxori suæ; & erunt duo in carne vna.* Et pau-
lo post: *Quod ergo Deus coniunxit, homo non separat.* Et
Lucæ 16. 18. *Omnis qui dimittit uxorem suam, & alteram
ducit, machatur, & qui dimissam à viro ducit, machatur.*
Et 1. Corinth. 7. 10. *Is autem qui matrimonio iunctus sum,
præcipio non ego, sed Dominus uxorem à viro non discede-
re: quod si discesserit, manere in nuptiis, aut viro suo reco-
ciliari. Et vir uxorem non dimittat.*

5. Hæc generatim de fide conjugali. Speciatim vo-
cò tradunt Theologi, tria potissimum ad illam spe-
ctare. *Primum* est, vt neuter, viuente altero, cum
alia persona copuletur. Nam vinculum matrimonij
indissolubile est, nec aliter, quàm per mortem alte-
rius dissoluitur. Huc pertinent testimonia citata, &
illud Rom. 7. 2. *Quæ sub viro est mulier, viuente viro ad-
ligata est legi: si autem mortuus fuerit vir, soluta est à lege
viri.* Igitur viuente viro vocabitur adultera, si fuerit cum
alio viro: *Alterum* est, vt alter alteri debitum reddat. 1.
Cor. 7. 3. *Vxori vir debitum reddat: similiter autem &
uxor viro.* Mulier sui corporis potestatem non habet, sed
vir. Similiter autem & vir sui corporis potestatem non ha-
bet, sed mulier. Nolite fraudare inuicem, nisi forte ex con-
sensu ad tempus, vt vacetis orationi. *Tertium* est, vt alter
cum altero cohabitaret, & simul familiam administraret,
ita tamen, vt mulier subditæ sit viro, quia vt monet
Apostolus 1. Corinth. 11. 3, *Caput mulieris est vir.* Et 1.
Tim. 2. 12. *Docere autem mulierem non permisso, neque do-
minari in eam.*

6. In his tribus consistit fides conjugalis. Et quidem
quod ad primum attinet, ita fides seruanda est, vt nun-
quam liceat viro Catholico, viuente uxore etiam hæ-
retica, aliam ducere. Hoc optimè probat loca scriptu-
ræ allegata. Quod vero attinet ad thorum & cohabi-
tationem, potest aliquando propter legitimas cau-
sas fieri disortum, manente tamen vinculo conjugali.

li, vt definitum est in Concilio Tridentino. Sess. 24. can. 8. Theologi assignant tres causas. Prima est, si vterque coniunx ex mutuo consensu voueat perpetuam continentiam, & ad religionem transeat. Mat. 10. 29. *Omnes qui reliquerit domum, aut uxorem, propter nomen meum, centuplum accipiet, & vitam æternam possidebit. Secunda*, potest esse crimen alterius coniugis, vt adulterium, de quo Matth. 5. 33. *Omnes qui dimiserit uxorem suam, exceptâ fornicationis causâ, facit eam moechari*. Vel nimia scuitia, ex qua periculum vitæ esset; vel instigatio ad peccandum. Mat. 18. 8. *Si manus tua, vel pes tuus scandalizat te, abscinde eum; & proijce abs te*. Vel aliquid simile. Tertia causa potest esse lepra, vel quicunque alius morbus horribilis & contagiosus. Vide Bellarminum de matrimonio c. 14. Valentiam de eadem materia d. 4. p. 2. & alios passim.

7. Hinc infero, si Catholicus accipiat uxorem hæreticam, & illa patiat virum Catholicum ritu viuere, filios educare, familiam administrare; nec villo flagitio, aut morbo impediatur vitam conjugalem, debere virum in omnibus fidem illi seruare, non minus, quàm si Catholica esset. Contra verò, si vel adultera sit, vel ad hæresin pelliciat, vel liberos in hæresi instituat; posse à se eam dimittere, manente nihilominus vinculo coniugali. Sed, qui si vir promiserit à principio se fore contentum, vt liberi ab uxore hæretica instruantur? Turpis promissio est, & per se irrita: seruari non debet.

CAPVT X.

An in negotio libertatis religionis seruanda sit hæreticis fides?

1. Libertas Religionis potest. 2. Modis venire in pactum. Primò, vt in aliquo regno, prouincia aut ciuitate, concedatur omnibus libertas sentiendi & sequendi, quod quisque vult; ita vt cuiuslibet liberum sit, vel Catholicum esse, vel Lutheranum, vel Caluinistam, vel Anabaptistam. 2. vt solis hæreticis permittatur libertas exercendi suam religionem inter Catholicos. Nunc questio est, an si Princeps vel Magistratus Catholicus de alterutra libertate paciscatur cum hæreticis debeat seruare fidem necne.

2. De hac re ita statuendum est. 1. Libertatem Religionis omnino esse illicitam, & diuino præcepto repugnantem. 2. Reipublicæ esse perniciosam. 3. Non debere præcipi, approbari aut introduci ab villo principe aut magistratu; sed potius omnibus modis, si commodè fieri potest, impediri & profligari. 4. Si autem commodè impediri non possit, nisi cum maiori damno aut malo Reipublicæ, aliquo tempore tolerari posse. 5. Et si hoc modo toleretur, & in pactum deducatur fidem seruandam esse. Hæc Catholicorum sententia est, quæ paucis conclusionibus erit explicanda.

3. Prima Conclusio. Libertas Fidei ac Religionis plane illicita est, & Christianæ doctrinæ contraria. Hoc patet ex decursu totius noui testamēti. Sanè, in Evangelio multa sunt, ex quibus constat, Christum vnam fidem mandasse, variam ac multiplicem prohibuisse. Primò, voluit vnam tantum esse Ecclesiam, vnum ouile, vnum pastorem, vnum Baptismum. Hæc autem siue veritate fidei consistere non possunt. Secundo, voluit discipulos suos attendere à falsis prophetis; at in multiplici religione necesse est, alios esse veros, alios falsos Prophetas. Ergo, si hi excludendi sunt, fides vna re-

tinenda est, varia explodenda. Tertiò, Voluit Ecclesiam suam esse perpetuam, cui omnes inferiorum potestates resistere non possint: at perpetua esse non potest, si vna omnium fides non sit, quod ipse testatur, Lucæ 11. 17. *Omne regnum in seipsum diuisum desolabitur*.

4. Apostoli disertis verbis id confirmant. Roman. 16. 17. *Rogo autem vos fratres, vt obseruetis eos, qui dissensiones & offendicula præter doctrinam, quam vos didicistis, faciunt, & declinate ab illis*. Gal. 1. 8. *Licet nos aut Angelus de calo euangelizet vobis, præterquam quod euangelizauimus vobis anathema sit*. 1. Cor. 1. 10. *Obsecro vos fratres, vt idipsum dicatis omnes, & non sint in vobis schismata*. 1. Cor. 14. 33. *Non enim est dissensionis Deus, sed pacis*. Eph. 4. *Vnus Dominus, vna Fides, vnum Baptisma*. Heb. 13. 9. *Doctrinis variis & peregrinis nolite abduci*. Vides quàm seriò, quàm sollicitè & grauiter hortetur Apostolus, vt vnitatem fidei retineamus. Quod non faceret, si libertas indulgeri possit.

5. Secunda Conclusio. Hæc ipsa libertas, de qua agimus, Reipublicæ noxia & periculosa est, non modò, quoad salutem animarum (de qua re dubitari non potest) sed etiam quoad pacem & tranquillitatem politicam quæ sine veritate fidei conseruari nequit. Hoc testatur Christus, cum ait: *Omne regnum in se diuisum desolabitur*. Hoc testantur omnes authores sacri & prophani, Christiani & Gentiles. Inter ceteros præclare tractat hoc argumentum Iustus Lipsius in libro contra Dialogistam de vna religione.

6. Exempla suppetunt propè infinita. Quas turbas toto Oriente excitauit Artianus quas in Græcia Macedoniani, quas in Africa Donatistæ & Circumcelliones? De his Augustinus Epist. 68. ad Ianuarium Donatistam sic habet, *Peiora mala nobis vestris non faciunt non tantum non fustibus quassant ferroque concidunt, verum etiam in oculos extinguentes, calcem mixto aceto, incredibili excogitatione sceleris mittunt, Domus insuper nostras compilantes, armas, sibi ingentia & terribilia fabricauerunt quibus armati per diuersa discurrunt, comminantes atque ambulantes cades, rapinas, incendia, cæcitates. Quibus rebus compulsi sumus tibi conqueri, Et paulo post. Vos dicitis pati persecutionem, & nos ab armis vestris fustibus & ferro concidimur. Vos dicitis pati persecutionem, & nostra domus ab armis vestris calcem & aceto extinguimur*. Plura ibidem in eandem sententiam. Similia sunt, quæ in imperio Romano fecerunt Iconomachi & Albigenes, Hussitæ in Bohemia, Caluinistæ in Anglia, Belgio, Francia, Polonia. Tædet ac pudet referre, tam nota, prodigiosa sunt.

7. Et quid mirum? nulla vnquam familia fuit, in qua dissentiens religio, pacem non turbaret. Exemplo sic discordia inter Isaac & Ismaëlem in familia Abraham: inter Iacob & socerum Laban in Mesopotamia: inter Moysen & uxorem Sephoram, dum proficiscuntur in Aegyptum. Quomodo ergo in toto regno, prouincia, ciuitate, pax & concordia sperari potest, vbi religionis ac fidei summa est discordia? Vidit hoc olim Iulianus Apostata, qui cum Christianorum Ecclesiam turbare ac pessundare vellet, libertatem & varietatem doctrinarum introduxit. Refert Ammianus & ex illo Lipsius loco supra citato.

8. Accedit duplex ratio. Prior, quia vbi est animorum dissensio, ibi pax esse non potest: atqui summa est animorum dissensio, vbi sectæ, schismata & diuortia doctrinarum sunt: Ergo paci & concordie locus non est. Altera, quia impossibile est, inter superbos seruari vnitatem & amicitiam, at vbi hæresis, ibi superbia: frustra ergo de vnitatem conseruanda cogitatur. Hinc infero. Cum hæretici superbi sint, sanè si à nobis dissident in sacramentorum administratione, si templa & monasteria nostra evertunt, si altaria & imagines destruant, si Episcopis & Clero illudunt, si ritus & cere-

qui uolcum eo in acie configere animum induxeris, vel legationem apud eum obire se tuo posse existimari. Nam barbarum eius & crudelem animum, quisque suspectum habuit. Tum ab aliis timidis cunctis ad hunc fortissimum virum deuentum est; qui nihil moratus, neque prioris refragationis, neque nata ex illa discordia memoria, animo prompto hanc legationem in Thracia obiit. Qua re indicata Gaine, recordatus ille, qua libertate quondam pietatem defendisset, occurris Iacobi, longo sane itinere, & manum ipsius applicuit oculis suis. Qui etiam liberos suos sanctis illius gemitibus admonuit. Ita solet uirtus percellere, & pudore suffundere etiam inuicissimos. Hæc ex Theodoro Cyrensi Episcopo, de Constantia Chrysostomi in propugnanda unitate fidei ac religionis.

Quid dicam de Leone Papa, qui Epistola 76. obiurgat Anatholium Episcopum Constantinopolitanum, quod Catholicis permixtos sinat uiuere eos, qui aliam quam unam Catholicam profitentur religionem? Quid de D. Augustino, qui Epistola 129. Olympium Comitem exhortatur, ut Imperatoris leges in Donatistas hæreticos constitutas euulgat, non aliam ob causam quam quod putaret cum una fide Catholica, diuersas sectas sociari nec posse, nec debere? Longum esset recensere alios, qui dissidia doctrinarum ab Ecclesia Christi seuerissime proscripserunt.

14. *Quarta conclusio.* Tametsi princeps aut Magistratus Catholicus omnibus modis impedire debeat libertatem religionis, ut dictum est; si tamen id facere non possit sine grauiori incommodo boni publici, potest eam tolerare, quam minus malum, ad euitandum maius, quod alioqui sequeretur. Hæc conclusio fundatur in illo communi axiomate: *Ex duobus malis minus eligendum est*, scilicet, si utrumque euitare non possumus. Et ratio est, quia in tali casu, illud minus malum non eligitur præcisè, ut malum quoddam est, sed ut medium utile ad euitandum maius malum; ac proinde eligitur sub ratione boni utilitatis. Ita sentiunt grauissimi authores D. Thomas in 2. 2. quæst. 10. art. 11. ubi ex hoc principio probat, ritus Gentilium & hæreticorum tolerari posse, ad maius euitandum. Caietanus ibidem, Gregorius de Valentia tomo 3. disp. 1. quæst. 10. p. 7. Molina tract. 2. de iure & iustitia, disp. 335. & alij plures. Consentit D. August. lib. 2. de ordine cap. 4. cum ait. *Aufer meretrices de rebus humanis, turbaueris omnia libidines.* Multa in eandem sententiam scribit D. Gregorius apud Gratianum distinct. 13. cap. Nerui.

15. Idem confirmatur ex parabola zizaniorum, quo adfert Christus Matth. 13. Cum enim quærerent serui à patrefamilias, *Vis eamus, & colligamus ea?* Respondit, *Non, ne forte colligentes zizania, eradicetis simul cum eis & triticum. Sinite utraque crescere usque ad messem.* Vult Christus significare, hæreticos aliquando tolerandos esse in medio Catholicorum, præsertim cum periculum est, ne si eradicentur hæretici, simul etiam euellantur Catholici. De qua re pulchrè disputat Maldonatus in illum locum.

16. *Quinta conclusio.* Si princeps vel magistratus Catholicus, paciscatur cum hæreticis de toleranda libertate religionis, quam sine maiori detrimento impedire non potest; sine dubio fides seruanda est, probatur ex dictis. Nam fides seruari debet in omni pacto licito & honesto: atqui licitum & honestum est, tolerare libertatem religionis, ad maius malum euitandum; & de ea toleranda licitè & honestè pacisci potest Princeps Catholicus: Ergo si paciscitur, fidem seruare debet.

CAPVT XI.

An in bello hæreticis seruanda sit fides?

1. **E**X duplici cap. fieri potest, ut Catholicus Princeps gerat bellum cum hæreticis. Primò, propter religionem. Secundò, propter aliam causam civilem. Si de religione agitur; iam dictum est, quousque liceat pacisci de libertate religionis. Si causa civilis est, varia spectari possunt in Hæreticis, contra quos bellum geritur. Primò, Quod hæretici sint. 2. Quod excommunicati. 3. Quod hostes. 4. Quod iniustam causam foueant. Et quidem si præcisè spectetur hæresis vel excommunicatio, ex dictis palam est, quid fieri debeat, hæc enim non obstant, quo minus fides seruanda sit. De reliquis duobus manet quæstio, res ita habet.

2. *Prima conclusio.* Si in hæreticis contra quos bellum geritur, nihil aliud spectes, quam quod hostes sint, omnino fides illis seruanda est in omnibus promissis & pactis, quæ alias licita & honesta sunt. Ita docet D. Thom. in 2. 2. q. 40. art. 3. & sumitur ex D. Aug. c. Noli, 23. q. 1. ubi ait; *Fides, quando permittitur, etiam hosti seruanda est, contra quem bellum geritur.* Et ex Ambrosio lib. 1. Officiorum cap. 29. *Quanta autem iustitia sit, ex hoc intelligi potest, quod nec locis, nec personis, nec temporibus excipiuntur, quæ etiam hostibus reseruantur: ut si constitutus sit cum hoste aut locus aut dies praelio aduersus iustitiam putetur, aut loco prauentire aut tempore.* Et paulo post. *Liquet igitur, etiam in bello, fidem & iustitiam seruari oportere, nec ullum desorium esse posse, si violatur fides.*

3. Et ratio est, quia ad seruandam fidem obligamur ex virtute Veritatis, Fidelitatis, Iustitiæ & Religionis. Hæc autem obligatio non tollitur per hoc præcisè, quod illi quibus promissio facta est, sint hostes & aduersarij. Imò Christus expressè mandat, ut non solum amicos, sed etiam inimicos diligamus. Matth. 5. 44. *Ego autem dico uobis, diligite inimicos vestros, ut sitis filij Patris uestri qui in calis est, qui facit solem suum oriri super bonos & malos.* Sanè, si charitas obligat nos, etiam respectu hostium & inimicorum; cur non similiter Veritas, Fides, Iustitia, Religio? Et, si culpabile est, odisse hostem; cur non etiam fidem illi violare?

4. Est tamen communis exceptio ab hac regula. Non enim tenemur tunc hosti fidem seruare, quando eam ipse nobis non seruat, iuxta regulam iuris in 6. *Frustra sibi fidem quis postulat ab eo seruari, cui fidem à se præstitam seruare recusat.* Eodem spectat illud vulgare, *Frangenti fidem fides frangatur eidem.* Vnde, si induciæ ad tempus essent constitutæ & hostis ea non seruaret, neque nos seruare eas teneremur, etiam si iuramento essent confirmatæ. Nam pactum semper habet tacitam illam conditionem, *Modò tu illi serues. Modò tu vicissim omnia serues.*

5. *Secunda conclusio.* Si in Hæreticis, contra quos bellum geritur, hoc solum spectes, quod iniustam causam foueant, idem de illis iudicandum est, quod de Catholicis iniustam causam fouentibus. Nam in hac re par utrorumque conditio est, unde hæc duæ regulæ generales seruari debent. *Prior*, Tametsi hostis, quisquis ille sit, foueat iniustam causam, si tamen cum illo liberè pactus est in re aliàs licita & honesta, ita ut nulla vis, metus, aut dolo ex parte illius, interuenerit, teneris illi seruare fidem. *Alter*, si autem vi, metu, aut dolo ad paciscendum te induxerit, poteris pactum rescindere, iuxta ea, quæ dicta sunt superius cap. 3. n. 4. & seqq.

6. Obiici potest exemplum Iosue, qui quamvis dolo inductus esset ad paciscendum à Gabaonitis, putauit tamen fidem seruandam esse, neque pactum rescindendum. *Respondet* Iosue voluit prestare fidem, non præcisè vi pacti, sed vi iuramenti, quo pactum confirmauerat, vt habetur Iosue 9. 19. *Iurauimus eis in nomine Domini Dei Israël, & idcirco n. n. possumus eos contingere.*

CAPVT XII.

An in saluo conductu seruanda sit hereticis fides?

1. **P**er saluum conductum intelligitur publica fides & securitas eundi ad certum locum, & redeundi; vt patet ex Bartolo, l. vltimor. ff. de sepulchro violato, & l. Relevati, ff. de panis, & l. Proximum, ff. ad l. Iuliam Maiestatis.

2. Potest autem duobus modis concedi. Primò, iure communi, vt quando datur alicui securitas contra vim iniustam, salua semper iustitia. Secundò, iure speciali, cum derogatione iuris communis, vt quando datur securitas contra omnem vim, siue iustam, siue iniustam, præsertim in illa causa, de qua agitur.

3. De priori saluo conductu, qui datur iure communi agit Mynsingerus in obseruationibus iudicii Imperialis Camere, obseruatione 82. vbi sic habet; *Quando datur alicui securitas, vel saluus conductus, tunc intelligitur solùm de violentia, qua de facto contra ius infertur. Et ideo mo tempore, cuidam, qui habebant saluum conductum, capto propter delictum v. l. maleficium & supplicanti in Camera promando de relaxando, & citatione ad viuendum, &c. petiti processus à Domini: Assessoribus suis denegati.* Eodem modo loquitur de saluo conductu Euerardus Speckan iuris Professor Helmstadii, centuria 1. questionum iuris, question. 1. §. decimo octauo, vbi citat plures auctores in eandem sententiam. Et formula, qua vtuntur Saxones ex Carolina constitutione, est eius modi: *Damus tibi fidem publicam causam dicendi in iudicio, contra vim, non tamen contra iuris executionem.* Ita refert Petrus Bremus in libro de securitatis promissionibus & fide publica, & Ioannes Molanus libro 2. de fide hereticis seruanda capite 3. Eandem formulam secuti sunt Patres Concilij Constantiensis Session. 6. *Ad quod à violentia, iustitia semper salua, omnem saluum conductum nostrum, quantum in nobis est, & fides exigit orthodoxa, presentium tenore offerimus.*

4. De posteriori saluo conductu, qui datur cum derogatione iuris communis, agunt Patres Concilij Tridentini post. Session. decima quinta, vbi dicunt, se omnibus Germanis. Catholicis & Hereticis, largiri publicam fidem & plenissimam securitatem veniendi Tridentinum, ibidem manendi, standi, morandi, proponendi, disputandi, &c. illo etiam addito, vt Religionis prætextu aut delictorum circa eam commissorum, aut committendorum minimè puniantur, &c. et in hac parte dicunt se derogare Concilio Constantiensi, quòd tam plenam securitatem non concefferat, sed cum illa communi clausula, *Iustitia semper salua.*

5. His positis, questio est, An quando Catholicus Princeps, siue secularis sit, siue Ecclesiasticus, concedit hereticis, saluum conductum liberè veniendi & redeundi (siue id faciat iure communi, siue speciali) debeat illi seruare fidem, necne? Affirmant vno consensu omnes Catholici. et ratio sumi potest ex dictis. Nam

A si neque hæresis, neque excommunicatio, vel publica inimicitia obstat potest, quo minus fides seruari debeat in pacti licitis & honestis: non video, cur in saluo conductu seruanda non sit. Sanè Carolus V. Imperator, cū D. Martino Lutero V Vormatiam eunti saluum conductum promississet, nihil contra datam fidem agi passus est. Quinimò rogatus à quodam Principe, cur homini heretico fidem non violaret? respondisse fertur, *Fidem verum promissariam, etiam si toto Orbe exularet, tamen apud Imperatorem consistere oportere.* Præclara vox, & digna Catholico Imperatore. Vide Molanum libro 1. in capite 2.

6. Hic valde miror aduersarios, qui etsi hæc audiunt à nobis, passim tamen clamant nos contrarium docere. Obiiciunt exemplum Ioannis Hussii, & Hieronymi Pragenfis, quos aiunt accepto saluo conductu, nihilominus contra datam fidem combustos esse in Concilio Constantiensi. Addunt, Patres illius Concilij disertis verbis definiuisse, non esse hereticis seruandam fidem. Denique hanc causam obtendunt, cur ipsi ad Concilium Tridentinum, etsi oblato saluo conductu, venire recularint? Quid agamus cum his hominibus? Similes sunt vt dixi Phariseis, qui tamen ex Christo audiuerunt, *Reddite, qua sunt Cesaris, Cesari: & qua sunt Dei, Deo;* tamen ausi sunt illi obicere palam coram Pilato; *Hunc inuenimus subuertentem gentem nostram, & prohibentem tributa dari Cesari.* Planè sic agunt nobiscum Aduersarii. Priuatim, publicè, verbo, calamo, docemus & protestamur, *fidem seruandam esse hereticis;* & tamen in contrariam sententiam, vel inuitos trahere nos volunt.

7. Sed videamus, quid adferant. Aiunt Ioanni Hussio fidem violatam esse. Nego. A quo violata est? An à Patribus Concilij Constantiensis? At Patres fidem illi non dederunt. An ab Imperatore Sigismundo? Is dedit quidem, sed non violauit. Imò, nec Patres, Hoc variis argumentis probarunt alii. Ego hoc duplici contentus sum. *Alterum est,* Qui dat saluum conductum iure communi nihil aliud dat, quàm securitatem contra violentiam iniustam, salua semper iustitia, & iuris executione, vt supra ex Iureconsultorum sententia probatum est: Atqui Imperator dedit Ioanni Hussio saluum conductum iure communi: Ergo nihil aliud dedit, quàm securitatem contra violentiam iniustam: Hanc autem præstitit, quia nihil iniuste passus est Ioannes Hussius: ergo fidem illi seruauit. Imò combustus est, inquiunt. Fateor combustum esse, sed non iniuste. Primò, quia Imperator, cū daret saluum conductum, sub pœna capitis prohibuit illi fugam: At Hussius, contra hanc prohibitionem fuga elapsus est: Iuste igitur puniri potuit. Secundò, quia retractatus à fuga, noluit hæresim abiurare. At leges Imperatoris pœnam capitis decernunt in hereticos pertinaces, l. *Quicumque, C. de Hereticis.* Nulla ergo iniustitia intercessit.

8. Quid hic dicent Aduersarii pro suo Hussio? sanè si illum tueri velint, alterutrum negent necesse est, aut clam fugisse illum, aut in hæresi fuisse pertinacem. At neutrum negare possunt. De fuga testantur omnes probi auctores, Naucerus generat. 48. Cochleus libro 2. historię Hussitarum & alii. Elegantissimè Campianus in rationibus, quas obtulit Academicis Angliæ, ration. 4. vbi sic habet; *Sed nec in Hussio tamen animaduersum fuisse, nisi homo perfidiosus & pestilens, retractatus ex fuga, quamei Sigismundus Imperator periculo capitis interdixerat, violatis etiam conditionibus quas scripto pepigerat cum Cesare vim omnem illius diplomatis enouasset.* Et quamvis V Vitaxerus Calvinista, qui aduersus Campianum scripsit, dicat illum mentiri de fuga Hussii (non etiam aliud occurrebat quod diceret), alii tamen Calvinistæ ingenuè fatentur, quod res est; præsertim Laurentius Humfredus, Theologes

Oxonienſis, qui ingenti volumine eundem Campianum aggreſſus eſt: Is, inquam, fateatur, Huſſium Conſtantia clam profuſiſſe. Sed factum excuſat dupliciter. Primò videbat, inquit Huſſius, ſe obſervari à Patribus, & ſuſpectum haberi; ideoque fugam arripuit. Secundò, fugerunt eodem tempore tres Pontifices, Ioannes, Benediſtus & Eugenius. Non ergo culpandus Huſſius. Verùm, neutra excuſatio ſufficit. Non prior, quia Patres merito obſervabant illum, quem ſcībant palam profeſſum eſſe hæreſin in Bohemia, ne fortè & Conſtantia virus ſuum proleminaret. An ideo contra datam fidem fugiendum erat? Nec poſterior, quia culpa vnius non poteſt patrocinari culpæ alterius. Fugerint ſanè Pontifices (de quo iam non diſputo) an propterea licuit Huſſio contra conventa pacta, impunè fugere? N. ſi fortè, quia Iudas proditor fuit, aliis impunè liceat proditores eſſe. Non ſic, mi homo.

9. Sat de fuga. Iam, quod hæreticus fuerit Huſſius, Aduerſarii negare non poſſunt. Tenuit ille, & pertinaciter defendit doctrinam VVicleſi, cuius inter cætera, ſunt hæc capita. Primò, *Deus debet obedire diabolo*. Secundò, *Si Episcopuſ, vel Sacerdoſ exiſtat in mortali peccato, non ordinat, non conſecrat, nec baptizat, nec conſecrat*. Tertio, *Nulluſ eſt dominuſ ciuiliſ, nulluſ eſt Prælatuſ, nulluſ Episcopuſ, dum eſt in peccato mortali*. Quarto, *Omnia de neceſſitate abſoluta enuntiant*. Quintò, *Iuramenta illicita ſunt, quæ ſunt ad roborandum humanoſ contractuſ, & ciuilia commercia*. Sextò, *Contra ſacram ſcripturam eſt, quod viri Eccleſiaſtici habeant poſſeſſioneſ*. Septimò, *Auguſtinuſ, Benediſtuſ, Bernarduſ, damnati ſunt, niſi penituerint de hoc, quod habuerint poſſeſſioneſ & iuramentuſ Religionuſ*. Octauò, *Omneſ Religionuſ indifferenter introductæ ſunt à Diabolo*. Ita refert Conciliuſ Conſtantienſeſ Selliòne 8: Cochleuſ lib. 1. hitoria Huſſitaruſ, Sanderuſ lib. 7. Monarchia, & alij. Hæc autem dogmata planè hæretica ſunt, quod etiam Lutherani & Caluiniſtæ fateri debent. Ergo Huſſiuſ fuit hæreticuſ & quidem pertinax qui hæc eiurare non voluit.

10. Haſtenuſ de priori argumento, ex quo conſtat, non Imperatoreſ Huſſio, ſed Huſſium Imperatori fidem violari. Alteruſ eſt. Si Huſſio fides violata eſſet, proculdubio, vel ipſe aliquando, vel Hieronymuſ Pragenſiſ, vel certè Bohemi de hac re fuiſſent queſti. At nemo queſtuſ eſt vnquam. Quiſ enim credat, fidem illi eſſe violatam? Sanè, Huſſiuſ, cum ad mortem duceretur, multa libertinè dixit in Eccleſiam Romanam, & ad Chriſtuſ ſupremuſ Iudicem appellauit, vt acta eiſ quæ à diuerſiſ ſcripta ſunt, teſtantur: at de fide violata, ne verbum quidem feciſſe legitur. Similiter Hieronymuſ Pragenſiſ, qui aliquot diebuſ poſt Huſſium exuſtuſ eſt, publicè quidem teſtabatur, Huſſium fuiſſe viruſ bonuſ, iuſtuſ, ſanctuſ, & tali morte indignuſ, ſed, contra datam fidem aliquid paſſuſ eſſe, nunquam meminit. Hac de re legi poteſt epittola Poggij, quam ſcripſit de morte Hieronymi, cuiuſ ipſe ſpectator fuit. Quæ ſanè, vt libenter inuehitur in cleruſ, non diſſimularet, ſi hanc notam potuiſſet Catholicis appingere. Denique Bohemi nobileſ, qui impenſè fauebant Huſſio, & eiſ dogmata tuebantur: cū poſtea ad Conciliuſ Baſilienſe oblato ſaluo conductu, vocati eſſent; miſſa inſigni legatione comparuerunt. Quiſ credat hoc fautores fuiſſe; ſi de fide Huſſio violata, Catholicuſ ſuſpectuſ habuiſſent.

11. Poſſum idem non firmare ex Luthero, qui particularem articuluſ ſcripſit de Ioanne Huſſio, à Leone X. inter cæteroſ damnatuſ; in quo, tametiſi mirifice laudet Huſſium à ſanctitate & doctrina, nihil tamen attingit de ſaluo conductu violato. Ex hiſ omnibuſ concludo: Si vel Imperator Catholicuſ, vel Pa-

egiſſent, aliquiſ ſaltem ex Aduerſariis hoc probrum illiſ obieciſſet: Atqui nec Huſſiuſ, nec Hieronymuſ Pragenſiſ, Bohemi nobileſ, nec Lutheruſ, qui omneſ fuerunt hoſteſ Catholicoruſ, quicquam illiſ obiecit: Ergo euident ſignuſ eſt, nihil tale accidiſſe.

12. De Huſſio ſatis. Venio ad Hieronymuſ Pragenſem de quo hæc certa ſunt. 1. Non accepit ſaluum conductuſ ab Imperatore Sigifmundo. Ita Cochleuſ libro ſecundo hitoria Huſſitaruſ. Molinuſ libro tertio, capite 2. & alij. 2. citatuſ tamen eſt à Concilio Conſtantienſi, oblato ſaluo conductu, cum hac expreſſa clauſula: *ſaluo ſemper iuſtitia*, vt habetur in eodem Concilio Seſſ. 6. & paſſim apud alioſ authoreſ. 3. Citatuſ comparuiſſe, diſputaſſe, conuictuſ eſſe, hæreſim abiuraſſe. Patet ex eodem Concilio Seſſ. 19. vbi ponitur formula abiurationiſ. 4. In hæreſim relapſuſ eſſe, fugiſſe, reductuſ eſſe, exuſtuſ eſſe, ibidem Seſſiòne 21. & apud Cochleuſ, Molinuſ, Campianuſ & alioſ. Hinc concludo, non eſſe illi fidem violatam. Primò, quia datus eſt illi ſaluo conductuſ, cum hac clauſula: *ſaluo ſemper iuſtitia*. Secundò, quia per fugam expirauit ſaluo conductuſ. Tertio, quia in hæreſim quam abiuraſſe, relapſuſ eſt.


13. Super eſt poſtremuſ caput obiectioniſ, quo Aduerſarij contendunt, Patreſ Concilij Conſtantienſiſ definiſſe, *Non eſſe fidem Hæreticis ſeruandam*. Sed apertuſ mendaciū eſt. Verba Concilij Seſſ. 19. ſunt hæc: *Præſentia ſancta Synoduſ ex quouſ ſaluo conductu per Imperatoreſ, Reguſ & alioſ ſæculi Principeſ, hæreticuſ vel de hæreſi diffamaſ, conceſſo, nulluſ fidei Catholica vel iuriſdictioniſ Eccleſiaſtica præiudiciū generari, vel impedimentuſ præſtare poſſe ſeu debere declarat, quo minus dicto ſaluo conductu non obſtante, liceat Iudici competenti & Eccleſiaſtico, de huiſmodi perſonaruſ erroribuſ inquirere, & aliaſ contra eoſ debite procedere, eoſdemque punire, quantum iuſtitia ſuadebit, ſi ſuoſ erroreſ reuocare pertinaciter reſuſcuerint, etiam ſi de ſaluo conductu conſiſi, ad locuſ venerint iudicij, aliaſ non veniri: nec ſic promittentem, cum fecerit, quod in ipſo eſt ex hoc in aliquo remanſiſſe obligatuſ*. Hæc ſunt verba Concilij Conſtantienſiſ, quibuſ Aduerſarij clamant definituſ eſſe, *Non eſſe hæreticuſ ſeruandam fidem*. Sed quiſ non videat, eoſ vel errare, vel calumniari? Duo hiſ verbis decernunt Patreſ Concilij. Alteruſ eſt, quod ſæculariſ poteſtaſ nullo modo poſſit impedire Eccleſiaſticaſ poteſtateſ à ſuo legitimo exercitio; ac proinde, ſi quiſ ſæculariſ princepſ det alicui hæretico ſaluo conductuſ, hoc non debeat obſtare, quo minus liceat eccleſiaſtico Iudici ſuū officiū exercere, id eſt, examinare reuſ & ſecunduſ allegata & probata producere. Quid culpæ in hoc decreto? Nihil vtrique. Nam & iuri & rationi maximè conſentaneuſ eſt; quod ſic oſtendo. Quando ſunt duo Principeſ, qui habent diſtincta iudicia & tribunalia, quoruſ alteruſ altero maiuſ ac ſuperiuſ eſt, tunc inferior Princepſ non poteſt impedire ſuperiorem ab executione ſuæ iuriſdictioniſ; ac proinde ſecuritaſ, quam promittit alicui, non extendit ſe ad tribunal ſuperioris Principiſ, quia *ſuperior legibuſ ac pactiſ inferioriſ non ligatur*, cap. *Cum inferior*, Extra de maiorit. & obediencia. Atqui Princepſ ſæculariſ & princepſ eccleſiaſticuſ habent diſtincta tribunalia, & Eccleſiaſticuſ tribunal eſt ſuperiuſ, cap. *Soluiſ*, titulo *circa*: Ergo princepſ ſæculariſ, quando dat alicui ſubdito ſaluo conductuſ, non poteſt illum extendere ad tribunal ſuperiuſ, ſine ipſiuſ conſenſu, nec per datuſ ſecuritateſ, impedire iuriſdictionem ſuperioris principiſ. Quid certiuſ? Hoc ipſuſ diſerte docent Iuriſconſulti. Everharduſ, quem ſupra citauim. 3. de eadem re ſic habet; *Judex ſuperior, ſaltem fidem à Iudice inferiore ſactam, ratam habere non cogimur, quod reipublica interſit delicta puniri; ſed etiam quod*

quod superior legibus aut pactis inferioris non ligetur, A
etc.

14. *Alium est*; quod secularis princeps, qui promittit alicui securitatem, cum fecerit, quod in ipso est non maneat in aliquo obligatus. Et quis hic dubitet? Sanè is, qui promittit securitatem, non censetur maiorem promittere, quam præstare possit. Si ergo facit, quod in se est, non peccat contra fidem promissionis. Atque hæc duo sunt decreta Concilii Constantiensis, quibus non negat, fidem hæreticis seruandam esse, ut malitiosè obiciunt aduersarij, sed instruit principes seculares, quid in saluis conductibus seruare debeant, & quoutique extendat se illorum potestas & iurisdiclio in præstanda & promutenda securitate.



A P P E N D I X.



Rodiit nuper libellus Calvinisticus incerti authoris, cui titulus est, *Fœderatorum inferioris Germaniæ defensio contra calumniam pacis perturbata & penitus reiecta*. In eo conatur author (quisquis est) probare hæc duo puncta. *Unum*: non fœderatos, ita Hispanos esse in causa, quod hæcenus in Belgio pax non sit constituta. Summa probationis est, quia omnes tractationes, quæ hæcenus de pace habuere sunt variis temporibus, admittæ fuerunt à fœderatis, sed perfidè per Hispanos abruptæ. *Alium*, nec deinceps pacem sperari posse propter varia impedimenta, quæ occurrunt ex parte Hispanorum, tametsi fœderati sunt ad pacem propensissimi. Esse autem hæc impedimenta. 1. quod Hispani persistant in idololatria & tyrannide. 2. quod Rex Hispaniæ, & Archiduces, Albertus ac Isabella, iurant se non velle in suis regnis ac prouinciis tolerare hæreticos. 3. quod habeant fœderatos pro hæreticis, & simul statuunt, non esse hæreticis seruandam fidem. 4. quod fœderatis rebellionis crimen obiciant. 5. quod finis & scopus pacis Hispanicæ non sit alius, quam hæreticorum extirpatio.

Hæc est summa illius libelli. Mihi propositum non est omnia sigillatim refutare (erunt alij, qui prolixè id faciant) sed ea tantum, quæ ad hanc nostram materiam, *de fide hæreticis seruanda*, quoquo modo spectare videbuntur. et ne prolixus, aut molestus sum, reuocabo ad certas propositiones, quæ sic habent.

1. Catholici docent, Non esse fidem hæreticis seruandam.
2. Catholici reipsa non seruant fidem hæreticis, sed contra pacta, conuenta iurata passim agunt.
3. Catholici omnia sua pacta & promissiones hæreticis factas, quoties visum est, rescindunt per Papæ dispensationem.
4. Catholici omnia sua pacta & promissiones hæreticis factas, eludunt per æquiuocationes Iesuiticas.
5. Catholici sunt deteriores Turcis, & multò minùs cum Catholicis, quàm cum Turcis pax iniri potest. 1. quia non seruant fidem. 2. quia sunt hostes Dei. 3. quia nolunt concedere libertatem religionis. 4. quia volunt tueri fidem Apostolicam. 5. quia iurant Pontifici obedientiam.
6. Rex Hispaniæ est notorius hæreticus, & omnibus Euangelicorum viribus deberet expelli ex regno illo Catholico.
7. Sigismundus Imperator dixit se non teneri pro-

missis Ioanni Hussio & Hieronymo Pragensi factis, eo quod contrarium Pontifici antea promississet.

Multò plures & absurdiores propositiones in eodè libello continentur, quas ideo prætermitto, quia ad nostrum institutum non faciunt. Ergo has paucas breuiter examinabo.

Examinatur 1. Propositio Calvinistica.

Deinceps tecum agam, mi homo, quisquis es. Ais Catholicos docere, & in tribus Concilijs, Lateranensi, Constantiensi & Tridentino decretum esse, Hæreticis non esse seruandam fidem. Ut modestissimè dicam mentiris. Nihil tale, vel Catholici docent, vel Concilia decreuerunt. Hoc prolixè ostendi in disputatione, *De fide Hæreticis seruanda*. Ut tamen clariùs appareat, quale sit tuum mendacium, videamus obiter, quid habeant supradicta Concilia. Sanè in Lateranensi, quod sub Iulio II. & Leone X. celebratum est, nihil aliud inuenio, quàm quòd sessione sexta cõcedat omnibus saluum conductum veniendi Romam ad Concilium, *exceptis schismaticis, & alijs à iure communi prohibitis*. At tu hinc colligis definitum esse, quod hæreticis non sit seruanda fides? Nihil minus. Aliud est, schismaticis aut hæreticis negare saluum conuentum, aliud decernere, dato saluo conductu, non esse seruandam illis fidem. De Constantiensi, sat multa dixi, cap. 12. Ex Tridentino contrarium potius colligere debuisti. Nam Sess. 15. non solum Catholicis, sed etiam hæreticis largitur *publicam fidem, & plenissimam securitatem veniendi Tridentum ibidem manendi, standi, morandi, proponendi, discussandi, illo etiam addito, ut religionis prætextu aut delictorum circa eam commissorum aut committendorum minime puniantur*. Quis sane mentis dicat, his verbis decerni, Hæreticis fidem non esse seruandam?

Examinatur 2. propositio.

Ais Catholicos reipsa non seruare fidem hæreticis. Hoc probas primò, quia Archiduces in Austria superiore, contra pacta conuenta & iurata nullam restituerunt, & reiectis Euangelicis, id est, Lutheranis & Calvinisticis, Iesuitas admisserunt. Secundò, quia in Belgio omnes pacis tractationes à fœderatis quidem admittæ sunt, sed ab Hispanis per fidem semper abruptæ.

Respondeo primò, me non defendere facta omnia omnium Catholicorum, sed doctrinam.

Deinde, unde scis Archiduces Austriæ contra pacta iurata id fecisse? Fecerint sanè contra vota Calvinistarum, qui oderunt missas & Iesuitas, sed contra datam fidem fecisse, non facile mihi persuadebis. Cum enim Catholici sint, & Romanæ sedis addictissimi, quod tu fateris & doles, quomodo suæ professionis fuissent tam immemores, ut sponte de retinendis Calvinisticis, & de eliminandis Catholicis paciscerentur? Erras, mi homo, si credis.

E Ad Hispanos quod attinet, ex tuo ore te condemna-
bo. Scribis in eodè libello, fœderatos ante 24. annos communi omnium Belgij ordinum decreto, Hispanorum imperium in æternum abiurasse, ac proinde ab eo tempore, cum Hispanis de pace tractare aut pacisci, nec voluisse, nec potuisse. Hic quæro ex te, quomodo omnes tractationes pacis à fœderatis admittæ sint, si fœderati ante 24. annos iurarint, se, um Hispanis de pace tractare non velle. Sanè aut fœderatos periuros, aut te mendacem esse, necesse est. Iterum quæro, quomodo eadem pacis tractationes ab Hispanis perfidè abruptæ sint, si cum iis de pace tractatum non est? Abi cum tuis mendacijs.

Examinatur 3. propositio.

A Is Catholicos omnia sua pacta & promissiones hæreticis factas, per Papæ dispensationem rescindere. Verbatum sunt hæc: *Quarta ratio in dispensatione Pontificis est: quo enim remedio, qui se adversus scelerum illum istum tueri potest, quo omnes omnium Regum, Principum & populorum contractus, quasi Ecclesia Romana viliat adversantes ad nihilum reducuntur? Noli tantopere timere istum istum. Pontifex non rescindit contractus principum & regum pro suo arbitratu, ut tu putas. Explicabo tibi id clarius.*

Contractus Catholicorum cum hæreticis possunt esse duplices: Alii de fide, religione, & rebus Ecclesiasticis, alii de civilibus & secularibus. Si ergo Catholici Reges aut principes faciant aliquem contractum cum hæreticis in negotio fidei, religionis aut rerum Ecclesiasticarum, vel id faciunt inscio Pontifice, vel conscio. Si inscio, ubi primum intellexerit, potest vel confirmare contractum, si bonus est, vel irritare, si malus. Hoc enim cuique principi licitum est apud suos subditos, in his rebus, quæ à principe dependent. Si conscio & consentiente, non potest postea rescindere pro suo arbitratu, nisi nova aliqua circumstantia interveniat, quod in omni contractu fieri potest, iuxta ea, quæ dicta sunt sup. cap. 7. §. 2.

Si autem Reges aut principes Catholici paciscantur cum hæreticis in rebus civilibus & secularibus, si quidem pacta aliàs honesta sint, & iure civili valida; non potest Pontifex ea rescindere pro suo arbitratu, & in nihilum revocare. Quamvis enim habeat supremam potestatem & jurisdictionem Ecclesiasticam in toto Orbe Christiano, non tamen civilem & temporalem, nisi incertis provinciis & civitatibus, quæ illi, ut seculari principi, subiectæ sunt.

Dicit aliquis, Pontifex arrogat sibi omnem potestatem, quam habuit Christus, cuius se Vicarium profectur: at Christus non tantum habuit potestatem Ecclesiasticam, sed etiam politicam in toto Orbe, iuxta illud Matth. 28. 18. *Data est mihi omnis potestas in celo & in terra*: Ergo Pontifex arrogat sibi utramque potestatem in Orbe Christiano. Resp. Christus secundum humanitatem non habuit dominium aut jurisdictionem temporalem in hoc mundo, ut ipsemet fassus est Joannis 18. 36. *Regnum meum non est de hoc mundo*. Nec Pontifex arrogat sibi plus, quàm quod illi à Christo concessum est.

Cur ergo dispensat aliquando in rebus civilibus? Cur Nicolaus Papa in epistola ad Michaëlem scripsit, *Christus B. Petro vita aeterna clavigero, terreni simul & celestis imperii iura commisit*? Cur Bonifac. 8. in extrauagante, *Vnam sanctam*, de maiestate & obedientia, dicit Pontificem habere duos gladios, iuxta illud Lucæ 22. 39. *Ecce duo gladii hic*? Denique cur in canonibus definitum est, omnes lites & contentiones, tam spirituales, quàm temporales ad iudicium Pontificis pertinere? cap. *Quicumque litem*, & cap. *Quacunque contentiones*, 11. q. 1.

Respondendo separatim ad singula. Hoc præmitto, Pontificem, quatenus Christi vicarius est, directe non habere ullam jurisdictionem temporalem iure diuino, habere tamen indirecte. Prior pars constat, quia nec Christus secundum humanitatem directe eam habuit. Posterior sic explicatur. Pontifex directe habet supremam potestatem & jurisdictionem spirituales in omnes Christianos, etiã in Reges & principes, iuxta illud Christi, *Pasce oves meas*: finis autem huius jurisdictionis est spirituale bonum totius ecclesie militantis, & om-

nium Christianorum: Ergo Pontifex habet ius gubernandi Ecclesiam & omnes Christianos, prout postulat spirituale bonum totius communitatis, ergo ex hac parte potest etiam, saltem indirecte, statuere de rebus temporalibus quando commune bonum id exigat. Non autem nihil aliud est, quàm indirecte habere potestatem secularem.

Ex hoc fundamento facile patet, quando & quomodo Pontifex possit dispensare in civilibus Principum ac Regum Christianorum contractibus. Id enim facere non potest, nisi urgente necessitate boni spiritualis. Huc spectat illud 1. Cor. 13. 10. *Secundum potestatem quam Dominus dedit mihi in edificationem, & non in destructionem*. Ex quo loco sic argumentor, omnis potestas Ecclesiastica data est Pontifici & aliis Prelatis Ecclesie in ædificationem, & non in destructionem: Atqui si Pontifex, sine urgente necessitate boni spiritualis, dispensaret in pactis & contractibus principum secularium, hoc fieret ad destructionem, & non ad ædificationem, quia hæretur occasio violandi fidem promissorum & pactorum sine legitima causa. Ergo non habet à Deo potestatem id faciendi. Hoc sensu recte dixit Dominicus Sotus lib. 8. de iustitia & iure, q. 1. cap. 9. *Pontificem non posse relaxare iuramentum, cum præiudicio eius, cuius interest*.

Porro, verba illa, quæ ex Nicolao Papa allata sunt citantur quidem à Gratiano d. 22. cap. omnes, sed non habentur in epistolis Nicolai Papæ. Si tamen sunt verba Nicolai debent hoc modo intelligi, quod Christus Petro commiserit iura Imperii celestis & terreni, id est, potestatem soluendi in celis & in terris, iuxta illud Matth. 16. 19. *Dabo tibi claves regni celorum. Et quodcumque solveris super terram, erit solutum & in celis*. Nec possunt verba Nicolai aliter accipi; alioqui secum ipse pugnaret. Nam in epistola ad Michaëlem disertè ait Christum distinxisse officia Pontificis & Imperatoris, ne aut Imperator iura Pontificis, aut Pontifex iura Imperatoris præsumeret usurpare.

Quod adfertur de duobus gladiis, ex illo Lucæ 22. 38. *Ecce duo gladii hic*, nihil ad rem facit. Non enim agitur ibi de gladio spirituali & temporali, sed de gladiis propriè dictis. Dixerat Christus, *Qui non habet, vendat tunicam suam, & emat gladium*. Respondabant discipuli, *Eccce duo gladii hic*. Christus autem loquebatur de gladio propriè dicto. Volebat enim significare, non multò post, tantum fore metum & trepidationem Apostolorum, quanta solet esse eorum, qui tunicam vendunt, ut emant gladium ad se defendendum. Atque hic sensus literalis est, quem Bonifacius mysticè interpretatur de potestate spirituali, quam habet Papa directe & de temporali, quam habet indirecte.

Canones autem, qui citati sunt, nihil conuincunt. Prior est Theodosii Imperatoris, qui ex pietate nota debito, detulit hoc Pontifici & aliis Episcopis, ut possent iudicare civiles causas, quæ ad ipsos deferrentur. Nunc autem abrogatus est ille canon, ut glossa ibidem asserit. Posterior est incertæ autoritatis, & ideo notatur per vocem *palam*. Posset tamen exponi hoc modo, ut contentiones civiles, quæ non possunt terminari per Iudices seculares, deuoluantur ad iudicium Ecclesie, per viam correctionis fraternæ, ut docet Innocentius 3. c. Nouit de iudiciis: Quando enim, vel Iudex secularis non vult administrare iustitiam, vel altera pars non vult obedire, recurrendum est ad Iudicem Ecclesiasticum, qui moneat illos sui officii, & si contumaces sint, excommunicationem adhibeat.

Hæc paulò fufius explicavi, ut facerem te securum ab istu dispensationis Pontificiæ, quam videris vehementer pertimescere. Bono sis animo. Dispensatio

ipſius non vergit in destructionem, ſed in ædificatio-
nem.

Examinatur 4. propoſitio.

A Is Catholicos omnia ſua pacta & promiſſiones hæreticis factas eludere per æquiocationes Ieſuiticas. Hoc declaras tali exemplo. Si pax inita ſit inter Catholicos & hæreticos, ea nihil obſtante, Catho-
lici perſequuntur hæreticos, & omni modo conantur eos extirpare. Nec ſe facere cōtra pacta aiunt, eo quod pax, quæ inter ipſos conſtituta eſt, nō eccleſiaſtica, ſed politica ſit, neque facta cum hæreticis, quatenus hæretici, ſed quatenus homines aut ciues ſunt. Dicere itaque ſalua pace, perſequi & extirpare illos non vt homines, ſed vt hæreſin proſequentes.

Hic primū ex te quæro, cur hanc fallendi artem appelles æquiocationem Ieſuiticam? Suſpitor te eſſe ſimilem veſtrorum prædicantium. Illi, renitente etiam conſcientia, paſſim clamant in ſuis cathedris, Ieſuitas omnium fraudum, ac malorum, quæ in mundo ſunt, authores & architectos exiſtere. Nec dubito, ſi ita per-
gant, breui perſuaſum iri populo, Ieſuitas peccatum originale in hunc modum introduxiſſe: Et in auriculari confeſſione conſilium dediſſe Abſaloni, vt paren-tem ſuum Dauidem bello perſequeretur. Sanè, non ita pridem ſimilia iparſa ſunt à tuis Calviniſtis. Quale eſt illud, Ieſuitas Monachiennes in Bauaria, non modo ſuprum virgini obtuliſſe, ſed atrox etiam homicidium perpetrariſſe. Credo te & Prædicantes tuos de his rebus, vt plurimum ſomniare. Sed mittamus hæc.

Ieſuitæ non docent, licere alios fallere aut decipere per æquiocationes. Hoc docent, quod alii Catholici hætenus docuerunt, in omni congreſſu humano, in omnibus contractibus, & promiſſionibus, ſincere, candide, ſecluſa omni ſixione & æquiocatione agen-
dum eſſe. Malè fieri, ſi aliud mente reconditum ha-
beas, aliud verbo ſignifices. Licere quidem, cum res poſtulat, ſilentio aut diſſimulatione prudenter vtī, ſed ſi loqui velis, ſine mendacio, ſine ſuoco, ſine fraude præſtari id oportere.

Vnus caſus eſt, de quo, ſicut & alii doctores diſpu-
tare ſolent, an ſcilicet reus, quando in iudicio rogatur de crimine perpetrato poſſit negare, vel equivoce re-
ſpondere? vtuntur autem hac diſtinctione. Si Iudex iuridicè, ſeu ſeruato ordine iuris interroget, reum tene-
ri ad fatendam veritatem, non autem teneſſi, ſi iuridicè non procedatur. Ita Henricus quodl. q. 34. Sylueſter & Angelus V. confeſſio delicti qu. 1. Nauar. cap. 25. n. 53. D. Thom. in 1. qu. 69. art. 1. & alii paſſim. Et col-
ligitur ex cap. Qualiter & quando, & cap. cum opor-
teat & cap. Inquiſitiones, de accuſationibus. Ratio prioris partis eſt, quia quilibet tenetur obedire ſu-
priori legitimè præcipienti: atqui ſuperior legitimè præ-
cepit, quando ſecundum ordinem iuris interrogat reū: Ergo tunc reus tenetur obedire, dicendo veritatem. Ratio poſterioris eſt, quia Iudex non habet ius inter-
rogandi, niſi ſecundum ordinem iuris. Ergo ſi non ſer-
uat ordinem iuris, non poteſt reo vllam obligationem imponere ad crimen aperiendum, cum ius hanc pote-
ſtatem ei non concedat. Cenſetur autem non ſeruare ordinem iuris, quando interrogat de occulto crimine, de quo neque eſt fama contra reum, neque indicia competentia, neque probatio ſempiena.

Quid ergo faciet reus in tali caſu quo non tenetur fateri crimen à ſe perpetratum? reſpondet D. Thom. loc. cit. poſſe eum, vel per appellatorem, vel aliter li-
cite ſubterfugere, mendacium tamen dicere non licere. Sed quod ſi aperte neget ſe crimen perpetrariſſe, erit men-
dax? Nonnulli putant, ſine vlllo mendacio, negare eum poſſe, quædiu crimen occultum eſt. Ratio eſt,

A quia Iudex non præſumitur interrogare, niſi de crimi-
ne, quod aliquo modo in publicam notitiam dedu-
ctum eſt: ergo ſi reus neget tale crimen à ſe perpetrariſſe, non mentitur, ſi adhuc crimen occultum eſt.

Similis quæſtio moueri ſolet de Iudice, qui publice ſecundum allegata & probata condemnat reum, quem priuata ſcientia nouit eſſe innocentem: An is dicendus ſit mentiri, quando diſerte pronunciat criminolum eſſe ſe, qui reuera talis non eſt? Plerique negant. Ratio e-
dem eſt, quia nihil aliud ille pronunciat, quàm quod ſe-
cundum allegata & probata pronunciare debet: Ergo cum alter ſecundum publicam allegationem & proba-
tionem criminolum ſit (tameſi coram Deo non ſit) poteſt Iudex ſine vlllo mendacio pronunciare, talem eſſe.

B Atque hæc eſt ſententia doctorem de reo in iudicio interrogato: quæ ſi vera eſt, quid calumniariſſi falſa oſtende errorem: Improbè autem facis, quod quæ de reo dicta ſunt, ad alios etiam extendi velis.

Examinatur 5. propoſitio.

A Is Catholicos deteriores eſſe Turcis, & multo minus cum Catholicis, quàm cum Turcis pa-
cem iniri poſſe. Nimis oſtendis, Calvinistas magis ad Turcarum, quàm Catholicorum doctrinam & ſo-
cietatem aspirare. Benè ergo de vobis meritis eſt au-
thor ille, qui *Caluino turciſmum* in lucem dedit.


Sed age, quid habes contra Catholicos? cur eos in-
fra Turcas abiicis? An quia fidem non ſeruant? falſum eſt. An quia hoſtes Dei? Non Catholici, ſed Turcae ſunt Dei hoſtes. An quia nolunt concedere libertatem religionis? ſed neque vos conceditis in Anglia, Hol-
landia, Friſia. An quia tuerentur ſedem Apoſtolicam? Sed hoc ipſum fecit Conſtantine Magnus, Carolus Magnus, Carolus Quintus. Idem facit noſter Impe-
rator Rodolphus. An quia iurant Pontifici obedi-
entiam: obedire, filiorum eſt; reſiſtere, rebellium.

Examinatur 6. propoſitio.

A Is Regem Hispaniæ notorium eſſe hæreticum, & omnibus Ebangelicorum viribus expellendum è regno Catholico. Modèſtus, mi homo. Non ſolū in Regem, ſed etiam in Imperatorem iniurius es. V-
terque eandem fidem tenet. Aut ergo neuter, aut v-
terque hæreticus tibi ſit neceſſe eſt. Collige te. Et cur notorium vocas hæreticum? An non multis iam ſæcu-
lis Catholicus Rex appellatus eſt? Et appellabitur, vt ſpero, deinceps. Sed quod illud regnum Catholicum, ex quo expellere illum vis? Hispanicum, ſine dubio. Ac ſi hoc Catholicum eſt, vt reuera eſt, quomodo Rex hæreticus, qui idem ſentit cum regno Catholico? Ec-
cur vi expellere eum vis? Putabam te pacis, non belli amantiſſe, & hortari velle euangelicos tuos ad manuſuetudinem, non ad arma in Reges corripienda. Sed hoc rebellium proprium eſt. Nolunt obedire ſuis ægibus, ideoque mortem illis inoliuntur.

Examinatur 7. propoſitio.

A Is Sigismundum Imp. dixiſſe, ſe non teneri pro-
miſſis Ioanni Huſſio & Hieronymo Pragenſi factis, eo quod contrarium Pontifici antea promiſſiſſet. Vbi-
que mendax es. Sigismundus Hieronymo Pragen-
ſi nihil promiſit. Huſſio quidem promiſit alium con-
ductum, ſub ea conditione, vt ne fugeret. Fugit autem Huſſius contra pacta conuenta. Merito igitur punitus eſt. Vide, quæ ſupra dixi c. 12. §. 7. & 8.




QVÆSTIONES
Miscellaneæ.

De fide Hæreticis seruanda, contra
quendam Caluinistam Batauum,
qui se fœderatorum inferioris
Germaniæ Defensorem appellat.

OPVSCVLVM II.
LECTORI.

SCRIPSI super Disputationem, de
fide hæreticis seruanda; & in ea de-
monstrans, non minus hæreticus quàm Ca-
tholicus, in rebus aliis iustus & honestus,
fidem integram ac illibatam seruare oportere. An-
nexa erat appendix eiusdem planè argumenti. Ad-
uersarii, qui longè aliter nos sentire arbitran-
tur, plerique mirati sunt, Et se hactenus salidè
persuados esse, ingennè confessi. Ac iam putabam
fore, ut nemo amplius in hac re molestus nobis esset.
Sed, ut inquietum est hominum genus, Caluinista
quidam Batauus, nouam litem nobis insensat, nec
solum probis & conuictis tumultuatur in Catholi-
cos omnes, sed etiam odiosè perfidia illis obicit, qua-
si fidem hæreticis datam ac promissam, impudè vio-
lari posse, verbo ac opere palam testentur. Eius au-
daciæ & mentiendi libidinem in hoc libello, pau-
cis detexi & confutavi. Et sane opus erat, Nam
apud imperitos & simplices faciliè factum fecisset,
præsertim cum ex Conciliorum & Pontificum de-
cretis, quidquid in nos eruat, probare se uideri
velit. Porro, quæ huic homini causa sit hæc collam-
crantem reponendi, faciliè coniectura est. Ex bello
Belgico, quod inter Catholicum Regem Hispaniæ,
& fœderatos Ordines, tot annis geritur, non exigua
quæstus facit. Et quia nunc de pace agitur, omni-
bus modis eam turbare uult, ne quæstus, cessante
bello, mox amittat. Ergo passim inculcat, pacem cum
Catholicis nullo modo iniri posse, eo quod ipsi fœ-
deratos habeant pro hæreticis, & dicant, fidem hæ-
reticis datam, minime seruandam esse. Futuram er-
go, ut ipsam non seruent. Potius igitur in bello
persistendum, ut uenter Bataui huius sustentari
possit. Nempe hoc homini illi consilium, hic scopus.
Tu, beneuole Lector, hunc meum laborem æquo
animo accipias, uelim.



QVÆSTIONES
Miscellaneæ.

DE FIDE HÆRETICIS
seruanda contra Batauum
Caluinistam.

ITIGAS mecum, homo Bataue, de fide Hæ-
reticis seruanda. Et quidem id potissimum
inter nos agitur, quid de hac re sentiant Ca-
tholici. Tu sententiam eorum contineri vis
hoc syllogismo: Hæreticus non est seruanda fides: sed Eu-
angelici, id est, Lutherani & Caluinista, sunt hæretici.
Ergo Evangelicis, id est, Lutheranis & Caluinistis, non
est seruanda fides. Maiorem probas partim ex decretis
Conciliorum & Pontificum, partim ex verbis, factis,
& usu Catholicorum. Minorem sumis sine probatio-
ne, tanquam ab omnibus concessam & receptam. Age
igitur, quando ita vis, resoluamus hunc syllogismum,
& singulas eius propositiones expendamus, idque hoc
ordine.

- 1 An Caluinista sint Evangelici?
- 2 An Caluinista sint Hæretici?
- 3 An Pontifici sint Catholici?
- 4 An Catholici in Concilio Tridentino decernant, Hæreticis
non esse seruandam fidem?
- 5 An hoc ipsum decernant in Concilio Constantiensi?
- 6 An etiam in Lateranensi?
- 7 An decreta Pontificum hoc statuunt?
- 8 An Catholici passim ita scribant & sentiant?
- 9 An Catholici reipsa non seruent Hæreticis fi-
dem?

In his quæstionibus tota controuersia inter nos con-
sistit. Hæc ergo si excussero, nihil restabit, de quo ul-
tra litigemus. Tum interim aduerte, Bataue, ne quid,
quod ad rem pertinet, intactum relinquatur. Nam
conuicta & uerborum iniurias, quibus sæpe me lacer-
as, lubens omittam.

QVÆSTIO I.

An Caluinista sint Evangelici.

NOMINE euangelicorum, in tuis libellis pas-
sim intelligis Lutheranos & Caluinistas. Hic
primum quæro ex te, si tam Lutherani, quàm Caluini-
stæ euangelici sunt: an ab eodem Christi Euangelio
dicantur Evangelici, an à diuersis? Ab eodem dici
non possunt, quia Lutherani ex suo Euangelio do-
cent Christum realiter præsentem esse in Eucharistia,
quod Caluinistæ negant. At in vno eodemque Euan-
gelio, id non affirmatur & negatur. non ergo ab vno
Euangelio Caluinistæ & Lutherani dicti sunt Euan-
gelici. Si autem à duobus, necesse est duo contraria
esse Euangelia, quorum altero asseratur præsentia
Christi in eucharistia, altero negetur. Si contraria
sunt, utrumque à Deo esse non potest. Vel ergo Lu-
therani, vel certè Caluinistæ à Deo non sunt. Hunc
scrupulis

erupulum, ut mihi eximas, velim.

2. Sed relictis Lutheranis, de solis Calvinistis tecum agam. Tu enim non Lutheranus Evangelicus, sed Calvinianus haberi vis. Ais ergo, Calvinistas esse Evangelicos. Hic iterum quæro, sintne doctrina, an moribus Evangelici? Neutrum verisimile est. Non primum, quia quæ Calvinistæ docent non sunt conformia Evangelio. cuiusmodi sunt hæc. 1. Deum esse authorem peccati. 2. Duo tantum esse Sacramenta.

3. Baptismum infantibus hæc non esse necessarium ad salutem. 4. corpus Christi non esse præiens in Eucharistia. 5. Legem Dei esse impossibilem, etiam homini iusto. 6. Omnia iustorum opera esse meram iniquitatem. 7. Fidem esse propriam Electorum. 8. Peccatum originale non tolli per Baptismum. 9. nec reliqua peccata tolli in iustificatione, sed tantum tegi seu occultari. 10. Liberum arbitrium perisse per peccatum primi parentis. 11. Ecclesiam Christi posse errare & alicere. 12. Christum non esse mortuum, nisi pro paucis. Hæc & similia Calvinistarum dogmata non potes mihi ostendere in Evangelio. Quomodo ergo Calvinistæ possunt dici Evangelici? Hic, mi homo, quid quia agas, non evades. Vbi quæro scriptum est in Evangelio, Deum esse authorem peccati? corpus Christi non esse in Eucharistia? Volue & revolve Evangelium Mattæi, Marci, Lucæ & Ioannis. Nusquam inuenies hæc portentosa. Idem aio de cæteris.

4. Iam mores Calvinistarum, tam remotos ab Evangelio esse, quam cælum a terra distat, certissimum est. Ut multa alia omittam, nullo modo conforme est Evangelio, eo vitijs & mendacijs infectari alios. At nihil Calvinistis æquè familiare est. Audi convicia. Calvinus in Antidoto Concilii Tridentini, Catholicos passim vocat *stupidos, quisquilias, asinos, porcos, pœudes, crassos boues, Antichristi legatos, Christi hostes, etiosos venteres, mendicabula, purrida cadavera, silicernia, blaterones, Partes cornutos, Tridentinum cillum, exitialia monstra, degeneres ac spurios magnæ meretricis filios, &c.* Calvinum itrenuè imitantur Calvinistæ, Iosephus Burdo, David Patrus, Gabriel Pouclus, & alij passim. Ne longè abeam, tu ipse in priori tuo libello, quàm maledicus es: Philippum Regem Hispaniæ appellas *raptorem, & notorium hæreticum*: Archiducem Austriæ *perfidum*: Ducem Sabaudie, *crudelē & perfidum*: Sigismundum Regem Poloniæ, *non dissimilem*: Albertum & Claram Eugeniæ, quos tanquam Principes tuos colere debebas, *vera pacis impedimenta*. In posteriori planè scurrilis es. Perpetuo eructas *lupanaria, meretrices, lenones, & multa talia, quæ lubens prætereo*. Suntne hæc, Bataue, conformia Evangelio? Non opinor, Evangelium ait. *Qui dixerit fratri suo fatue, reus erit gehennæ ignis*. et vos vultis esse Evangelici qui multo atrociora convicia in alios delapsi sitis? Non sic Bataue, non sic.

Venio ad vestra mendacia. Vix quicquam scribitis in Catholicos, quod mendacius in peritum non sit, æquæ quædam enormia sunt. Calvinus lib. 4. Institut. cap. 7. §. 17. dicit Pontifices cum Cardinalibus docere, nullum esse Deum, nullum Christum, nullam resurrectionem. Verba eius sunt hæc: *Quasi verò dubium sit, qualem religionis spectem professi sint iam pridem Pontifices cum toto Cardinalium collegio, & hodie profiteantur. Primum enim arcane illius Theologiæ quæ inter eos regnat, caput est, nullum esse Deum. Alium quæcumque de Christo scripta sunt ac docentur, mendacia esse & imposturas. Tertium, doctrinam de vita futura & ultima resurrectione, meras esse fabulas.* Iam pridem hæc ordinaria capiti Pontificum religio. Quid hoc mendacio potest esse mendacius?

5. Sed, an solus Calvinus mendax? etiam affectatipsum hanc artem didicerunt. Gabriel Poge-Opusc. Bec.

A luc. in libro de Antichristo, Catholicos docere, *Quod Papa possit dispensare contra vetus & novum Testamentum, quod possit creare, seu aliquid ex nihilo producere, quod sacramenta à Christo instituta mutare, quod minus peccatum sit, comedere carnes de prohibito, quam adulterium committere.* Hæc & plura alia, quæ idem author habet, an non mendacia, seu potius, mendaciorum portentosa sunt? Quid dicam de Plessio, Patro, & similibus? Scripsit Plessius librum de missa, in quo tot mendacia passim occurrunt, ut Episcopus Ebroicensis publico scripto professus sit, se quingenta loca falso in eo allegata, coram Christianissimo Galliarum Rege, demonstrare posse, ac paratū esse. Iam David Patrus, quot mendaciorum convictus est à nobilitate Mulhusio: Imò tam infamis in hoc genere est, ut ab ipsis Calvinistis, præsertim à Iosepho Scaligero, mendax palam proclamatus sit. et tu, Bataue, vi ceteros omittam, quam probe in hac palestra exercitatus sis, ex tuis verbis paulo post patebit.

6. Ex dictis sic concludo: Quorum neque doctrina, neque facta Evangelio conformia sunt, illi verè Evangelici dici aut haberi non possunt: sed neque doctrina, neque facta Calvinistarum sunt Evangelio conformia, ut probatum est: Ergo Calvinistæ non possunt vere dici aut haberi Evangelici. Possunt tamen per antiphrasin vocari Evangelici, quasi minimè Evangelici, sicut dicitur bellum, quasi minimè bellum.

QVÆSTIO II.

An ergo Calvinistæ sint hæretici?

1. **T**V quidem id negabis. At ego his argumentis convincam. Primum est. Quicumque aliter docet, quàm Apostolus Paulus docuit, hæreticus est: At Calvinistæ aliter docent, quàm Apostolus Paulus docuit: Ergo Calvinistæ hæretici sunt. Maior patet ex illo Gal. 19. *Si quis vobis evangelizaverit, præter id quod evangelizavimus vobis, anathema sit.* Hoc autem faciunt Calvinistæ. Evangelizant enim Deum esse authorem peccati, quod Paulus Apostolus non evangelizavit. Ergo Calvinistæ, secundum Paulum, sunt anathema.

2. **Alium est.** Quicumque deserit Catholicam Christi Ecclesiam, hæreticus est: Calvinistæ deserunt Catholicam Christi Ecclesiam: ergo Calvinistæ hæretici sunt. Maior certa est, etiam Calvino teste, qui lib. 4. Institut. cap. 1. §. 10. vocat *transfugas, desertores religionis, abnegatores Christi, & sacri coniugij violatores*, qui Catholicam Christi Ecclesiam deserunt. Minorem probo, quia Catholica Christi Ecclesia constat multis membris in unitate fidei & charitatis inter se consentientibus, ut patet ex Apostolo 1 Corinth. 12. vers. 12. & 27. At nemo Calvinistarum in unitate fidei & charitatis consentit cum multis membris: ergo nemo Calvinistarum est in Catholica Christi Ecclesia. An tu, Bataue, negare id audes? Imò nec potes. Qui enim sunt illi, cum quibus tu in unitate fidei consentis? Non sunt Pontificij, nec Lutherani, nec Anabaptistæ, nec Turcæ, nec Iudei, nec Gentiles. Vel ergo sunt Calvinus, Beza, Iunius, VVittæxerus, & alij Calvinistæ, vel omnino nullus. At tu ipse fassus es nuper (si meministi) te non curare Calvinum, aut similes: Ergo cum nemine consentis in unitate fidei: ergo non es in Catholica Christi Ecclesia & consequenter hæreticus es. Ego verò, inquit, consentio cum Apostolis & Evangelistis. Sed audi,

posse decretum fuisse & vitam qui eum non servant, annos ita fungos esse putas, Becane, ut fidem illi eisdem servaturos credamus? Illos, inquam, qui linguam iurant & promittunt, & mentem iniuram tenent? qui Evangelicos communem omnium Catholico Romanorum hostem esse iniustum docent, & scribitis, & consequenter talem, cum quo nec fides, nec iusiurandum commune esse debet? Hic primum nihil aliud video, quam incertam & calumniosam exclamationem, deinde neſcitur putida aliquot impendacia. Primum est, Legatos & Regum & Principum Catholicorum vix fuisse tutos Tridenti. Vnde hoc habes? Alterum, decretum fuisse, ut Reges & Principes Catholici ad libitum Pontificis excommunicati, regnis & imperiis suis perire exonerentur. In qua sessione decretum id est? Putas Pontificem tui similem esse, qui audes publice decernere, Regem Hispaniæ suo regno exturbandum esse? Tertium, Pontificis lingua iurare & promittere, & mentem iniuram tenere. Quid si regetam, Calumnias lingua iurare & mentem iniuram tenere? Plures hoc credent, quam illud quartum, nos scribere & docere, Evangelicos esse tales hostes, cum quibus nec fides, nec iusiurandum commune esse debet. Absit, ut hoc dicamus de Evangelicis. Imò nec de hæreticis ita sentimus. Ostendi tibi paulò ante, Patres Concilij Tridentini non solum publicam fidem obtulisse & promississe hæreticis, sed etiam poenam statuisse in eos, qui fidem hæreticis promissam violarent.

8. Pergis porro: *Expressim, ut dictum est ad Constantensem synagoga uni. nudi à Sigismundo Imperatore salus conductus Hussio datus est, & tamen ille, & Hieronymus Pragensis, orthodoxias causa, in xia coniurationem illorum Patrum sententiam, vix exusti fuerunt, hoc in te fidem datam non violare appellas? Quid itaque de Concilio Tridentino salus conductibus tenendum aut timendum putas, in quibus nulla hæreticorum expressa mentio facta est? Est autem tu Becano talis securitate Evangelicos à eruentissimis suppliciis & laniamentis vestris tuos, atque fidem ipsi datam servandam fore, dulce canendo, ut anceps, docere conaris. O fraudem & perfidiam plusquam Græcam, plusquam Punicam. Videris sic argumentari in Constantiensi Concilio fides Hussio & Hieronymo Pragensi violata est: ergo etiam in Tridentino fuisse violata Evangelicis. Nimirum ex mendacio somnium colligis. Nego fidem violatam esse Hussio. Hussius Imperatori fidem violavit, ut ostendi in disputatione de fide hæreticis servanda. Et infra suo loco iterum ostendam. Porro, cum ais, nullam hæreticorum fieri mentionem in salus conductibus Concilij Tridentini aperte repugnare tibi ipsi. Nam alibi contendis, in eodem Concilio definitum esse, *Hæreticis non esse servandam fidem*. Vnde sic regeto; Qui nullam facit mentionem hæreticorum, ille non decernit, hæreticis non esse servandam fidem: atqui Concilium Tridentinum in suis salus conductibus, nullam facit mentionem hæreticorum, ut tu fateris: Ergo non decernit, hæreticis non esse servandam fidem. Quid ergo tu nobis obicis? Cætera, quæ sequuntur, *O fraudem, o perfidiam*, verba sunt quæ strepitum faciunt, & nihil probant.*

9. Deinde quasi ab exordio, incipis scrutari mentem Concilij Tridentini per multas Pagellas, cum ais; *Non abs re futurum esse viri boni credere, circa ambagem Tridentini Concilij parrem qua fidem & societatem publicam Evangelicis datam spectat paulo propius examinare*. His & sequentibus verbis, quæ propter fastidium omitto, nihil aliud facis, quam falsis suspicionibus & interpretationibus mentem Concilij Tridentini pervertere, & in alium sensum trahere. Sed frustra. Nam mens Concilij ex verbis ipsius supra citatis clara & aperta est. Et sanè, idò integra ipsius verba huc transcripsi, ut quis videat & intelligat, quam

Opusc. Bec.

A tu malitiosè & impudenter ea interpreteris. Et tamen audes polliceri, te citra ambagem Concilij decreta examinaturum; Imò nihil aliud, quam ambagem, ubi minime opus est, sectaris. Hec solum à te postulo; & urgeo, ut ex verbis Concilij colligas hanc sententiam, *Hæreticis non est servanda fides*. Quandiu hoc non facis, nihil ad rem facis. Semper tibi occinam; *Hæc Bataue, dic de tribus capillis*.

10. Tandem tamen videris dicere aliquid ad rem; sed planè ex desperatione. Cum enim ex salus conductibus Concilij Tridentini, non posses extundere hanc vocem; *Hæreticis non est servanda fides*; cœpisti omnes angulos totius Concilij excutere, & tandem sess. 25. cap. 20. de reformatione, reperisti hæc verba: *Decernit & precipit (sancta synodus) sacros Canones & Concilia generalia omnia, nec non alias Apostolicas sanctiones in favorem Ecclesiasticarum personarum, libertatis Ecclesiasticæ, & contra eius violatores editas, quæ omnia præsentis etiam decreto innovat, exacte ab omnibus observari debere*. Ex quibus verbis potest fieri tale argumentum pro te: Quæcunque in canonibus sacris, Conciliis generalibus & Apostolicis sanctionibus decreta sunt, ea in Concilio Tridentino renouantur, & exactè observari iubentur: Atqui in Canonibus sacris, Conciliis generalibus & Apostolicis sanctionibus decretum est, non esse hæreticis servandam fidem: Ergo hoc etiam in Concilio Tridentino renouatur & exactè observari iubetur. Hæc, opinor, est vis argumenti tui. Sed audi Bataue, effugium quæris & latebras. Cum enim in salus conductibus Concilij Tridentini non reperias, quod ostensurum te promissisti, abducis nos aliò. Sed hoc etiam frustra. Nam apertè falsum est, quod assumis in argumento, definitum esse in sacris Canonibus, in Conciliis generalibus, & sanctionibus Apostolicis, quod hæreticis non sit fides servanda, ut ex sequentibus patebit. Accedit, quod nunquam Patribus Concilij Tridentini in mentem venerit, eo loco definire aut reuocare, quod tu vis. Nam supra ostendi, Patres in suis salus conductibus disertè statuisse, ut fides & securitas publica, quæ hæreticis promissa & oblata erat, integrè servaretur, & si quis eam violaret, subeundæ poenæ esset obnoxius. Non ergo, ut tu vis, contrarium hic statuerunt. Denique Patres loco citato non renouant omnia simpliciter & absolute, quæ in sacris Canonibus, Conciliis generalibus, & sanctionibus Apostolicis decreta sunt, sed ea tantum, quæ in favorem personarum & libertatis Ecclesiasticæ decreta sunt, ut ex verbis Concilij patet. Iam verò decretum de non servanda fide hæreticis (si quod tale esset, quod tamen non est) non magis esset in favorem Ecclesiasticorum, quam laicorum. Sicut enim ex vi illius decreti, Ecclesiastici liberi essent à servanda hæreticis fide, sic etiam Laici, est enim utrobique par ratio. Sed videamus deinceps, quid ex aliis Conciliis & Canonibus pro te adferas.

QUESTIO V.

An Catholici in Constantiensi Concilio doceant Hæreticis non esse servandam fidem?

1. **H**oc etiam affirmas, in utroque tuo libello, Ego, & alias negavi, & nunc iterum nego. Expendamus ergo verba Concilij sess. 19. quæ sic habet; *Præsentis sancta synodus ex quovis salvo conductu per Imperatores, Reges & alios sæculi Principes, hæreticis, vel de hæresi diffamatis, concesso, nullum fidei Catholica vel infideltioni Ecclesiastica præiudicium generari, vel impedimentum præstari posse, seu debere declaras, quo minus dicta salvo conductu non obstante, liceat iudicio competenti & Ecclesiastico, de huiusmodi personarum erroribus inquirere, &*

Da ij

aliis contra eos debite procedere, eosdemque punire, quantum iustitia suadebit, si suos errores evocare pertinaciter recusaverint, etiamsi de salvo conductu confisi, ad locum venerint iudicij, aliis non venturi: Nec sic promittentem, cum feceris, quod in ipso est, ex hoc in aliquo remansisse obligatum.

2. His verbis, ut vides, duo decernuntur. Primum est, quod secularis potestas nullo modo possit impedire Ecclesiasticam potestatem à suo legitimo exercitio: ac proinde si quis secularis Princeps det alicui hæretico saluum conductum, hoc non debeat obitare, quo minus liceat Ecclesiastico iudici suum officium exercere, id est, examinare eum, & secundum allegata & probata procedere: et ratio est, quia quādo sunt duo Principes, qui habent distincta iudicia & tribunalia, quorū alterū altero maius ac superius est; tunc inferior Princeps non potest impedire superiorem ab executione suæ iurisdictionis, ac proinde securitas, quā promittit alicui, non extendit se ad tribunal superioris Principis, quia superior legibus ac pactis inferioris non ligatur (cap. cum inferior, Extra. de maiestate & obedientia) At qui Princeps secularis, & Princeps Ecclesiasticus habent distincta tribunalia; & ecclesiasticorum tribunal est superius. (cap. solitæ, titulo citato) Ergo Princeps secularis, quando dat alicui subdito saluum conductum, non potest illum extendere ad tribunal superius sine ipsius consensu; nec per datam à se securitatem, impedire iurisdictionem superioris Principis. Quid certius? Hoc ipsum disertè docent Iurecōsulti. Euerardus Specian Iuris Professor Helmestadij. Centuria prima quæstionum iuris, q. 1. de eadem re sic habet: *si lex superior talem fidem à Iudice inferiore factam ratam habere non cogitur: tum quod reipub. inter se distincta puniri: tum etiam quod superior legibus ac pactis inferioris non ligatur.*

3. Alterum est: quod secularis Princeps, qui promittit alicui securitatem, cum fecerit, quod in ipso est non maneat in aliquo obligatus. Et ratio est, quia qui promittit securitatem, non censetur maiorem promittere, quā præstare possit. Si ergo facit, quod in se est, non peccat contra fidem promissionis. Quid autem hoc sit, Principem facere, quod in ipso est, paulò post explicabo. Tu enim & tui similes, sinistre hoc interpretamini.

4. Atque hæc sunt duo decreta Concilij Constantiensis, quibus non decernitur, fidem hæreticis non esse servandam, ut tu malitiosè obicis: sed instruitur Principes seculares, quid in salvis conductibus servare debeant, & quouique extendat se illorum potestas & iurisdic-tio in promittenda & præstanda securitate.

5. Quid tu nunc contra adfers, vel adferre potes? Primum, attodis illud, quod in explicatione prioris decreti dixi, saluum conductum inferioris, id est, Imperatoris, Regis & Principis, non impedire superiorem Ecclesiasticorum iurisdictionem. Atque hinc tria absurda colligis. Vnum, quod debitam Principibus, Regibus & Imperatoribus fidem ac obedientiam denegemus. Alterum, quod publicam eorundem fidem cum summo probro convellamus, & subditos ad rebellionem concitemus. Tertium, quod Principatum Ecclesiasticum, nefando peritio, supra omnes Reges & Imperatores efferramus. Singula videamus. Primum absurdum non potes inferre, nisi hoc modo. Quicumque dicit, saluum conductum Imperatorum, Regum & Principum non impedire superiorem Ecclesiasticorum iurisdictionem, is dicit, Imperatoribus, Regibus, & Principibus non esse debitam fidem & obedientiam præstandam: sed Catholici dicunt prius: ergo & posterius. maior falsitas est. Ut hoc videas, repono tibi similem hunc syllogismum. Quicumque dicit saluum conductum inferioris iudicis, non impedire iurisdictionem superioris iudicis, is dicit, inferiori iudici non esse debitam fidem & obedientiam præstan-

dam: sed Iurecōsulti dicunt prius: Ergo & posterius. Certè, si maior propositio huius syllogismi falsa est, ut reuera est in altero quoque falsam fuisse necesse est. Nihil ergo, Batave, concludis.

6. Alterum absurdum debes simili syllogismo deducere. Qui dicit saluum conductum Imperatorum, Regum & Principum non impedire superiorem Ecclesiasticorum iurisdictionem, is publicam fidem Imperatorum, Regum & Principum convellit, & subditos eorum ad rebellionem concitat: sed Catholici faciunt prius: Ergo & posterius. Regero tibi hoc modo, Qui dicit saluum conductum inferioris iudicis, non impedire iurisdictionem superioris iudicis, is publicam fidem inferioris iudicis convellit, & subditos eius ad rebellionem concitat: sed Iurecōsulti faciunt prius: ergo & posterius. Vides in utroque syllogismo maiorem falsam esse. Ergo iterum nihil efficis.

7. Tertium absurdum sic potest inferri: Qui dicit saluum conductum Imperatorum, Regum & Principum, non impedit superiorem Ecclesiasticorum potestatem, is principatum Ecclesiasticum, nefando peritio, effert supra Imperatores, Reges & Principes. Catholici faciunt prius: Ergo & posterius. In hoc syllogismo concedo maiorem, si omittas illam particulam, nefando peritio. Fateor enim Ecclesiasticam iurisdictionem esse superiorem & præstantiorem iurisdictione temporali seu politica. Nego, hic vultum esse peritium, et ratio est evidens, quia illa iurisdic-tio est præstantior & eminentior, quæ versatur circa obiectum præstantius, & ad præstantiorem finem ordinatur: At iurisdic-tio ecclesiastica versatur circa obiectum præstantius, & ad finem præstantiorem ordinatur: Ergo est eminentior & præstantior. Minor patet, quia iurisdic-tio Ecclesiastica versatur circa res sacras & spirituales: & ordinatur ad finem supernaturalem, nempe ad æternæ gloriæ consecutionem. Iurisdic-tio autem temporalis seu politica versatur circa res civiles & temporales: & ordinatur ad finem naturalem, nempe ad quietem & pacem Reipublicæ conservandam: Ergo Ecclesiastica ratione obiecti & finis præstantior est, quā politica. Quid tu hic absurdi vides? An tu plius æstimas negotia politica, quā Sacramenta & verbum Dei? Principum secularium est, tractare causas politicas: Prælatorum Ecclesiæ est, pascere & gubernare populum Christianum Sacramentis & verbo Dei.

8. Nec ego solus sic sentio. Me cum Episcopi, Pontifices, Imperatores, alij. multis paucos accipe. Gelatius in epistola 10. Ad Anastasium Imperatorem: *Nos, inquit, fili clementissime, quod licet præsidemus humani generis digni, atque tam terrenam, tamen præsidibus divinarum rerum, deuotus colla submittis.* ac Grego. VII. lib. 8. Epist. 21. ad Hermanum Metensem Episcopum: *Qui dubitat Sacramenta Christi, Regum & Principum, omniumque fidelium Patres & Magistros censeri? Nonne mirabilis infamia esse cognoscitur, si filius Patrem, discipulus Magistrum sibi conetur subingere, & iniquis obligationibus illum potestati suæ subicere; à quo credit, non in terra solum, sed etiam in calice posse ligari & solui?* Cyrillus Hierosolymitanus Catech. 17. *Ad hodiernum usque diem cernimus mundanos Principes regi & instrui ab Ecclesiasticis.* Greg. Nazianz. orat. 17. quæ est ad ciues Nazianzenos, & irascentem præfectum: *Quid istur dicitis, an me liberè loquentem æquo animo feretis? Nam vos quoque imperio mox lex Christi subiicit. Imperium enim nos quoque gerimus, addo etiam præstantius & perfectius. Nisi verò æquum est, spiritum carni fasces submittere & celestia terrenis cedere.* Ioannes Chrysost. hom. 83. in Matth. alloquens Diaconum: *Si Dux quispiam, si Consul ipse, si quis Diademate ornatur, indigne adeat; cohibe & coerce: maiorem in illo*

habes potestatem, S. Ignatius Ioannis Evangelistæ discipulus, in Epist. ad Smyrnenes: *Episcopum oportet honorari tanquam principem Sacerdotum, post hunc honorare oportet etiam Regem.* Et in Epist. ad Philadelphienses: *Omnis Clerus & omnis populus, milites, Principes atque Cæsares obediant Episcopo: Episcopus vero Christo: Huius Episcopus in epistola ad Constantinum Imperatorem: Ne te misceas Ecclesiasticis, neque nobis in hoc genere præcipe, sed potius à nobis disce.* Ambrosius Epist. 32. ad Valentinianum Imperatorem: *Quando vidisti clementissimè Imperator in causa fidei laicos de Episcopo iudicasse? Et Epist. 33. Noli te gravare Imperator, ut putes te in ea, quæ divina sunt, imperiale aliquid in habere: Noli te extollere, sed si vis diutius imperare, esto Dei subditus.*

9. Audi & Imperatores. Basilii Imperator in oratione, quam habuit in S. synodo: *Quamcumque, inquit, religionis ac sapientia laicus existat, vel etiam universa virtute interius polleat, donec lapsus est, omnis vocari non desinet. Rursus, Episcopus quamcumque sui reverentia plenus, & nudus omni virute, donec Antistes est & veritatis verbum prædicaverit, Pastoris vacationis & dignitatis damna non patietur. Quæ ergo nobis ratio est in ordine civium Constituta? Pastores, verborum subtilitatem discutiendi, & ea, quæ super nos sunt, quærendi & ambiendi habent. Oportet nos ergo cum timore & fide sincera hos audire, & facias eorum vereri (cum sint ministri Dei omnipotentis) & nihil amplius, quam ea, quæ nostri ordinis sunt requirere.* Theodosius & Valentinianus in Epist. ad synodum Ephesinam: *Candidianum Comitem ad sacram vestram synodum abire iussimus, sed ea lege & conditione, ut cum questionibus & controuersis, quæ circa fidei dogmata incidunt, nihil quicquam commune habeat. Nefas est enim, qui sanctissimorum Episcoporum catalogo ascriptus non est, illum Ecclesiasticis negotiis & consultationibus immiscere.* Honorius in Epist. ad Arcadium Orientis Principem: *Ad illos (id est, Episcopos) divinarum rerum interpretatio, ad nos religionis spectat obsequium.* Iustinianus in Authentica constit. 123. *Si Ecclesiasticum negotium sit, nullam communionem habent cum civilibus Magistratus cum ea disceptatione, sed religiosissimi Episcopi secundum sacros Canones, negotio finem imponunt.* Refert Sozomenus lib. 1. cap. 8. *Constantinum Imperatorem scripsisse, tum ad Episcopos, tum ad Præfides cuiuscunque Prouinciæ: ad illos quidem, ut quæ vellet imperarent; ad hos autem, ut morem gererent episcopis, eorum imperata studiosè facerent.*

10. Vides, Bataue, Prælatos Ecclesiæ Pastores esse, Reges & Imperatores civium numero censi: illos cœlestium, hos terrenarum rerum administratores esse: illos præcipere, hos obtemperare. Et tu contra tot Pontificum, Patrum & Imperatorum testimonia contra ipsam rationem & veritatē, & peruersa contradicendi libidine, audes hunc ordinem turbare & sæcularem magistratum ecclesiastico anteferre. Sættem Calvinum tuum audire debueras; qui ingenuè fatetur quod nos asserimus. Sic enim loquitur lib. 4. Inst. c. 11. §. 4. *Magistratus, si pius est, non vult se eximere communi filiorum Dei subiectione, cuius non postrema pars est Ecclesiæ ex verbo Dei iudicanti se subicere, non tantum abest, ut iudicium illud tollere debeat. Quid enim honorificentius, inquit Ambrosius, quam ut Ecclesiæ filius dicatur Imperator Imperator enim bonus, intra Ecclesiā, non supra Ecclesiā est. Quare illi, qui ut magistratum ornent, Ecclesiā spoliāt hac potestate, non modo falsā interpretatione corrumpunt Christi sententiā (nempe quicquid ligaveritis super terram, erit ligatum & in cœlis, &c.) sed sanctos omnes Episcopos, qui tam multi à tempore Apostolorum extiterunt, non leuiter damnant, quod honorem officiique magistratus falso prætextu sibi usurpauerint.* Hæc Calvinus. Ex quo tria disce. Primum, piū magi-

stratum sponte se subicere iudicio & iurisdictioni Ecclesiasticæ. Impius ergo qui id non facit. Secundò Imperatorem bonum, esse membrum Ecclesiæ, non caput, filium non patrem. Tercio, eos, qui magistratum sæcularem præponunt ecclesiastico, corrumpere sententiā Christi, & damnare sanctos Episcopos, qui à tempore Apostolorum extiterunt. Hoc tu facis, Bataue.

11. Atque hæc dicta sint de priori Concilij Constantiensis decreto, quod tu frustra oppugnare ausus es. Ostendi enim non rectè ex eo inferri tria illa absurda quæ tu malitiosè inferebas. Circa posterius decretum habes etiam, quod reprehendas, præsertim illud, quod dixi, *Principem sæcularem qui promittit alicui securitatem, cum fecerit, quod in ipso est, non manere in aliquo obligatum.* Hoc tu interpretaris, quasi dicerem. *Esse quidem in potestate Principis vel Imperatoris, Evangelicis ad Concilia coniuratorum Patrum abentibus securitatem dare, non autem datam seruare.* Semper hæc erras Bataue: Nihil dixi de Evangelicis. Nec vos Evangelici, sed hæretici estis. Porro verborum meorum non est ille sensus, quem tu fingis, sed longè alius. Attero in Imperatoris potestate esse, non solum dare securitatem, sed etiam datam seruare. Cur ergo non præstat, inquis, ut is, cui securitatem dedit eundi ad Concilium, securus inde exeat. Huiusmodi proculdubio intelligis, qui accepta à Sigismundo Imperatore securitate eundi ad Concilium Constantiense, non exiit securus, sed exultus est. Hic scopulus est in quē semper impingitis. Hic tu, & alius è Batavia Calvinus, Daniel Plancius, multa otiosè disputatis. Et quidem Plancio facilè ignoscā, quia cum Grammaticus sit, suo iure potuit grammaticæ & pueriliter, conquisitis hinc inde aliquot phrasibus litigare. At te, qui iureconsultus haberi vis, non melius ea, quæ communi iure sancita sunt intelligere & interpretari, valde equidem mitior. Audi ergo, quod iurecōsulti dicant. Illorum regula hæc est. *Quando datur alicui saluus conductus, vel securitas iure communi, solum datur contra vim iniustam, non autem contra iuris executionem.* Vnde in omni saluo conductu seu securitate, quæ iure communi data est, exprimi vel intelligi debet hæc clausula: *Salua semper iustitia.* Et quidem Saxones ex Carolina institutione eam exprimūt sub hac formula, *Damus tibi fidem publicam, causam dicendi in iudicio, contra vim, non tamen contra iuris executionem.* Idem fecerunt Patres Concilij Constantiensis sess. 6. cūm ajunt: *Ad quod à violentia, iustitia semper salua omnem saluum conductum nostrum quantum in nobis est, presentium tenore offerimus.* Plura de hac re videri possunt apud Mynsinger in observationibus iudicij Imperialis Cameræ obier. 82. Euerardum Specxan. Centuria 1. questionum iuris, q. 1. §. 18. & alios, quibus consentit clarissimus & consultius vir, D. Matth. Boys, vtriusque Iuris Doctor & Professor Coloniensis, quem etiam consului.

12. Ex hac regula, quam negare non potes, facile iam percipis, quid sit, Principem sæcularem, qui dat alicui saluum conductum seu securitatem, nō manere amplius obligatū, si facit, quod in se est. tantūdem enim est, ac si dicas, non manere obligatum, si præstat quod promittit. Quid autem promittit? Nihil aliud, quam securitatem contra vim iniustam, salua semper iustitia & iuris executione. Si ergo efficit, ut is, cui securitatem dedit, non patiatur aliquam vim iniustam, omnino censetur seruare securitatem à se datā. Et hoc est facere, quod in se est. Nunc sic applica, Sigismundus Imperator dedit Hussio securitatem eundi Constantiam, & inde redeundi contra vim iniustam, salua semper iustitia. Hanc autem præstitit. Nihil

enim iniuste passus est Hussius. Si quid passus est, iuste & legitime passus est. Hoc infra q. 9. clarius tibi demonstrabo. Nam ibi iterum de Hussio agendum erit. Hoc loco satis est, quod aliquando cum tuo Plancio intelligis, quod sit, Imperatorem seu Principem secularem, dato salvo conductu, facere quod in se est. Est enim, defendere contra vim iniustam.

13. Ex dictis concludo te in Concilio Constantiensi, nec discrete potuisse reperire hanc sententiam; *Hæreticis non est seruanda fides*; nec vllum apicem, ex quo illam vel obscure colligeres. Hoc solum te egilisse, ut decreta Concilij, peruersa & odiosa interpretatione, posles quocunque modo traducere. Ego potius contrarium tibi ostendam; nempe Patres Concilij sensisse omnino seruandam esse hæreticis fidem. Cum enim definiant Principem secularem, qui promittit hæretico saluum conductum seu publicam securitatem, & facit quod in se est, non manere in aliquo obligatum, insinuant, talem Principem seruasse fidem quam promiserat, & boni Principis officio functum esse. Quod si putassent, Hæretico non esse seruandam fidem, non fuisset opus eo confugere, sed rotundè dixissent Principem secularem non debere esse sollicitum de seruanda hæreticis fide, nec vllam obligationem oriri ex fide illis promissa. Hoc autem non dixerunt, sed potius Principem qui obligatus est ad seruandam fidem hæreticis promissam, satisfecisse suæ obligationi, si fecit quod in se fuit, id est, si præstitit securitatem contra vim, iniustam.

QUÆSTIO VI.

An in Concilio Lateranensi definitum sit, Hæreticis non esse seruandam fidem?


A Is in duobus Conciliis Lateranensibus id definitum esse quorum alterum sub Gregorio VII. alterum sub Innocentio III. celebratum sit Vtrumque autem fuisse generale, seu œcumenicum. Ex priori producis hæc verba Gregorij VII. *Nos sanctorum predecessorum nostrorum statuta tenentes, eos qui excommunicationis fidelitate aut sacramento constricti sunt, Apostolica auctoritate à sacramento absoluiamus, & ne sibi si soluerem obseruent, omnibus modis prohibemus, quousque ipsi ad satisfactionem veniant.* Addis hunc Gregorium antea dictū fuisse Hildebrandum, & de eo sic scribere Abbatē Vrspergentem, *Cerum est, quod Hildebrandus non fuit electus à Deo, quod fraude & sortibus semetipsum intrusit, ordinem Ecclesiasticum euerit, imperium Christianum turbauit, Regis pacifici mortem machinatus est, periueros defendit, lites, bella & dissidia fons discordiarum semina sparsit, scandala suscitauit, diuortia fecit, denique omnia, quæ videbamus in eos, qui sancte vivebant, rite ordinata, commouit & euerit.* Non itaque mirum est, si à tali Spiritu, cuiusmodi impia decreta, quibus Orbis Christiani tranquillitas perturbatur, Italia & Germania flammis bellorum civilium accendebantur, subditi ut contra Reges & Principes suos rebellarent à sacramento fidelitatis & obedientia ipsis debita soluerentur, &c.

2. Ex posteriori Concilio Lateranensi videntur citari hæc verba Innocentij III. Si verò Dominus temporalis requisitus & motus ab Ecclesia suam terram purgare negligit ab hæretica fidelitate, excommunicationis vinculo innotetur, & si talis facere contempserit infra annum, significetur hoc summo Pontifici, ut ex tunc ipse Vassallos ab eius fidelitate adiuuaret absolutos, & veram exponat Catholicis, ut ipsam, qui eam exterminatis hæreticis absque vlla contradictione possideant.

A 3. Expendam singula. Ac primum, ut vera à falsis separentur notanda sunt tria mendacia, quæ hic admittes. Primum est, quod ais vtrumque Concilium fuisse generale, solum posterius generale fuit, non prius. Alterum, quod addis, Abbatem Vrspergentem supra dicta verba scripsisse de Hildebrando, qui postea Gregorius VII. fuit appellatus. Audi Bataue, Abbas in suo Chronico, circa annum Domini 1080. refert quidem similia verba, non tamen sua, sed quorundam & mulorum qui aduersabantur Gregorio. Et postea subdit verba Anselmi Lucensis Episcopi, quibus defenditur & laudatur Gregorius, in hunc modum: *Ut ergo de beato Gregorio Patre nostro dicam, quod de Cornelio scripsit beatus Cyprianus, factus est Episcopus, de Dei & Christi eius iuuicio, de Clericorum pene omnium, & ut verius dicam, omnium omnium testimonio, de plebis, quæ tunc aderat, suffragio, de sacerdotum antiquorum & bonorum virorum collegio, cum locus Petri & gradus sacerdotalis cathedra vocari &c.* His recitatis subiungit Abbas Vrspergensis; *Hæc priori sententia valde contraria scripsit Anselmus Episcopus, vir literis apprime eruditus, ingenio acutissimus, facundia præcipuus, & quod omnibus maius est, in timore & sancta conuersatione nominatissimus, adeo ut tam in vita, quam post mortem referatur miraculis clarus.* Vides, quid scribat Abbas de Anselmo & quid Anselmus de Gregorio. Nec solus Anselmus, sed alij plerique Gregorium insigniter commendant. Platina de eo sic habet: *Gregorius VII. Hildebrandus antea vocatus, natione Hetruscus, Patria Soanenensis, Patre Bonico, omnium bonorum consensu Pontifex creatus.* Ipsius autem electionis verba ita annotata sunt. *Nos sancta Romana Ecclesia Cardinales, Clerici, Acolyti, Subdiaconi, Presbyteri presenibus Episcopis, Abbatibus, multisque tum Ecclesiastici, tum laici ordinis, eligimus hodie X. Calendas Maij, in Basilica S. Petri ad vineula anno salutis 1072. in verum Christi Vicarium, Hildebrandum Archidiaconum, virum multa doctrina, magnæ pietatis, prudentiæ, iustitiæ, constantiæ, religionis, modestum, sobrium, continentem, Lambertus Schaffnaburgensis eundem Gregorium vocat virum sacris literis eruditissimum, & in tota Ecclesia tempore quoque priorum Pontificum virtutum genere celeberrimum.* Martinus Scotus ait fuisse virum venerabilem, & ipsius decreta recenset ac laudat. Ottho Fusingensis Episcopus de eo sic scribit: *Forma gregis factus, quod verbo docuit exemplo demonstrauit, ac fortis per omnia ableta, se pro muro Domini Israel posere non sinuit.* Cur hæc omnia, Bataue, dissimulas? Cur relictis probatissimis testibus, qui Gregorium commendant, quorundam improborum hominum maledictis fidem habes? Cur falsò Abbatem Vrspergentem contra me citas?

4. Superest tertium mendacium. Ais Gregorium in suo decreto expresse loqui de hæreticis. Non ita est. Expresse loquitur de Excommunicatis. Qui autem erant illi excommunicati? Plerique Catholici, tamen in aia & contumaces. Sic enim legimus in Concilio Romano 4. sub Gregorio: *Statuimus ut nulla unquam persona alicuius potentia, siue Rex, aut Archiepiscopus, Episcopus, Dux, Comes, Marchio, siue miles, aliqua presumptione, temerarioque ausu, fraude, dolo, seu aliqua perturbatione legatis nostris obistere & contrariare ne iustitiam & sinem commoueat, periret.* Quicunque autem temerario ausu, huius nostre constitutionis violator existerit, legatisque nostris ad hanc pacem componendam omnibus fraudem opponere tentauerit, vinculo cum anathematismo ligamus.

Rainerio, Vgizzoni filio inducias triam hebdomadarum damus. Quod si in spacio isto coram presentia nostra iustitiam facere noluerit, eo quod fratrem suum




QVÆSTIONES Miscellaneæ.

De fide Hæreticis seruanda, contra
quendam Caluinistam Batauum,
qui se fœderatorum inferioris
Germaniæ Defensorem appellat.

OPVSCVLVM II. LECTORI.

CRIPSI nuper Disputationem, de
fide hæreticis seruanda; & in ea de-
monstrant, non minus hæreticus quàm Ca-
tholicus, in rebus aliis licitis & honestis,
fidem integram ac illibatam seruare oportere. An-
nexa erat appendix eiusdem planè argumenti. Ad-
uersarii, qui longè aliter nos sentire arbitran-
tur, plerique mirati sunt. Et se hætenus falsò
persuados esse, ingenuè confessi. Ac iam putabam
fore, ut nemo amplius in hac re molestus nobis esset.
Sed, ut inquietum est hominum genus, Caluinista
quidam Batauus, nouam litem nobis intemat, nec
solum probis & conuictis tumultuatur in Catholi-
cos omnes, sed etiam odiosè perfidiâ illis obicit, qua-
si fidem hæreticis datam ac promissam, impune vio-
lari posse, verbo ac opere palam testentur. Eius au-
daciam & mentiendi libidinem in hoc libello, pau-
ca detexi & confutavi. Et sane opus erat. Nam
apud imperitos & simplices facile factum fecisset,
præsertim cum ex Conciliorum & Pontificum de-
cretis, quidquid in nos eruttat, probare se uideri
velit. Porro, quæ huic homini causa sit huius coctam
trambem reponendi, facili coniectura est. Ex bello
Belgico, quod inter Catholicum Regem Hispaniæ,
& fœderatos Ordines, tot annis geritur, non exiguè
quaestum facit. Et quia nunc de pace agitur, omni-
bus modis eam turbare uult, ne quaestum, cessante
bello, mox amittat. Ergo passim inculcat, pacem cum
Catholicis nullo modo iriri posse, eo quod ipsi fœ-
deratos habeant pro hæreticis, & dicant, fidem hæ-
reticis datam, minime seruandam esse. Futuram er-
go, ut ipsam non seruent. Potius igitur in bello
perstendum, ut uenter Bataui huius sustentari
possint. Nempe hoc homini illi consilium, hic scopus.
Tu, beneuole Lector, hunc meum laborem æquo
animo accipias, uelim.



QVÆSTIONES Miscellaneæ.

DE FIDE HÆRETICIS
seruanda contra Batauum
Caluinistam.

Erigas mecum, homo Bataue, de fide Hæ-
reticis seruanda. Et quidem id potissimum
inter nos agitur, quid de hac re sentiant Ca-
tholici. Tu sententiam eorum contineri vis
hoc syllogismo: Hæreticus non est seruanda fides: sed E-
uangelici, id est, Lutherani & Caluinista, sunt hæretici.
Ergo Euangelici, id est, Lutherani & Caluinista, non
est seruanda fides. Maiorem probas partim ex decretis
Conciliorum & Pontificum, partim ex verbis, factis,
& usu Catholicorum. Minorem sumis sine probatio-
ne, tanquam ab omnibus concessam & receptam. Age
igitur, quando ita vis, resoluamus hunc syllogismum,
& singulas eius propositiones expendamus, idque hoc
ordine.

- 1 An Caluinista sint Euangelici?
- 2 An Caluinista sint Hæretici?
- 3 An Pontifici sint Catholici?
- 4 An Catholici in Concilio Tridentino decernant, Hæreticos
non esse seruandam fidem?
- 5 An hoc ipsum decernant in Concilio Constam-
tensi?
- 6 An etiam in Lateranensi?
- 7 An decreta Pontificum hoc statuunt?
- 8 An Catholici passim ita scribant & sentiant?
- 9 An Catholici reipsa non seruent Hæreticis fi-
dem?

In his quæstionibus tota controuersia inter nos con-
sistit. Has ergo si excussero, nihil restabit, de quo ul-
tra litigemus. Tum interim aduerte, Bataue, ne quid,
quod ad rem pertinet, intactum relinquatur. Nam
conuicta & uerborum iniurias, quibus sæpe me lacer-
as, lubens omitтам.

QVÆSTIO I.

An Caluinista sint Euangelici.

E 1. **N**omine euangelicorum, in tuis libellis pas-
sim intelligis Lutheranos & Caluinistas. Hic
primum quaero ex te, si tam Lutherani, quàm Caluini-
sta euangelici sunt: an ab eodem Christi Euangelio
dicantur Euangelici, an à diuersis? Ab eodem dici
non possunt, quia Lutherani ex suo Euangelio do-
cent Christum realiter præsentem esse in Eucharistia,
quod Caluinista negant. At in vno eodemque Euan-
gelio, id non affirmatur & negatur. non ergo ab vno
Euangelio Caluinista & Lutherani dicti sunt Euan-
gelici. Si autem à duobus, necesse est duo contraria
esse Euangelia, quorum altero asseratur præsentia
Christi in eucharistia, altero negetur. Si contraria
sunt, utrumque à Deo esse non potest. Vel ergo Lu-
therani, vel certè Caluinista à Deo non sunt. Hunc
scrupulis



bonæ vitæ, seponamustantisper Ecclesiam Christi in cælis triumphantem, de Ecclesia in terris militante agamus. Et dic iodes, estne hodie in terris aliqua Catholica Christi Ecclesia? Omnino. Ergo sunt etiam hodie in terris membra illius Ecclesiæ in unitate fidei consentientia. Nihil certius. Dic ergo, quæ sunt membra, cum quibus tu consentis? Rem difficilem à te peto. Et sat scio, te non reperiturum, etiam in numero Calvinistarum, quorum arbitrio stare velis in rebus fidei ac religionis. Idem de aliis Calvinistis dico. Singuli sibi sapiunt; nemo socium, cum quo idem sentiat, agnoscit. Omnes ergo extra Ecclesiam; omnes hæretici sunt.

3. *Tertium argumentum*: Calvinistæ publico scripto profitentur, se in omnibus sentire cum Lutheranis, excepto puncto de cœna Domini: At Lutherani apertè clamant, Calvinistas esse hæreticos: Ergo in hoc puncto Calvinistæ illis consentiunt: Ergo suo iudicio hæretici sunt. Quid censes, Bataue, an non Calvinistæ Heidelbergenses nuper libellum ediderunt, in quo sanctè affirmant, se per omnia sentire cum Lutheranis in rebus fidei ac religionis, unico puncto de cœna Domini excepto? Negari non potest. Libellus in manibus est, & ab omnibus legitur. Rursum an non Lutherani palam fatentur, doctrinam Calvinistarum esse impiam, blasphemam, hæreticam? Nec hoc potest negari. Extrat liber Theologorum Vvittenbergensium, Tubingæ hoc anno editus, in quo id perspicuè demonstratur. Sic ergo concludo, Calvinistæ in omnibus punctis fidei ac religionis (excepto unico de cœna Domini) planè dicunt se sentire cum Lutheranis: atqui Lutherani sentiunt dogmata Calvinistarum esse hæretica: Ergo idem sentiunt Calvinistæ: Ergo reuera hæretici sunt.

4. *Addo quartum*, Calvinus natus & baptizatus est in Ecclesia Pontificia, ut constat: ergo Ecclesia Pontificia, tanquam mater, ipsum genuit. Vel ergo, cum ipsum gigneret, fuit casta, vel corrupta. Si casta, hæreticus est Calvinus, qui ipsam deseruit. Si corrupta, spurcius est, qui ex meretrice natus. vides, Bataue, quid velim. Sin minus, accipe hos duos elenchos. Prior est. Qui integram & inuiolatam Christi Ecclesiam deserit, hæreticus & Apostata est. Calvinus (si Ecclesia Pontificia fuit integra) integram & inuiolatam Christi Ecclesiam deseruit: Ergo Calvinus est hæreticus & apostata. Posterior est. Qui agnoscit se natum ex matre corrupta seu meretrice, spurcius est: Calvinus (si Ecclesia Pontificia fuit corrupta) agnoscit se natum ex matre corrupta seu meretrice: Ergo Calvinus est. Simili argumento vltus est August. lib. 3. contra Iulianum cap. 17. Si, inquit, per sanctos Antistites concupuerunt Ecclesiam Manichæi, dic mihi, Iuliane, quæ te peperit, utram casta, an verò meretrix enixa est? Vbi hæc argumenta nonnihil excusseris, plura tibi adferam. Nolo stomachum tuum, qui aliàs nauseabundus est, nimium onerare. Hæc digere; ac deinde redi.

Quæstio III.

An Pontificij sint Catholici?

1. **T**V quidem Bataue, ut Pontificem Antichristum, sic omnes Pontificios vis esse hæreticos & Antichristos. Sed vno hoc Elencho te refellâ. Ibi prudenter cœsendi sunt Catholici, qui ab antiquis temporibus ad nos vsque, publicè semper dicti & habiti sunt Catholici, nullo Catholico reclamante. At Pontificij semper publicè dicti & habiti sunt Catholici, nullo Catholico reclamante: Ergo Pontificij pru-

dentè censendi sunt Catholici. Maior per se nota est. Minorem probo, quia ex tota antiquitate non potest ullum Catholicum Scriptorem produci, qui negavit Pontificios esse Catholicos. Imò, tradit Augustinus, ne aduersarios quidem id negasse unquam, aut negare posse. Sic enim scribit in lib. de vera & falsa religione cap. 7. *Tenenda est nobis Christiana religio, & eius Ecclesiæ communicatio, quæ Catholica est, & Catholica nominatur, non solum à suis, sed etiam ab omnibus inimicis. Velint enim nolintque ipsi quoque hæretici & schismatici alumni, quando non cum suis, sed cum extraneis loquuntur, Catholicam nihil aliud, quam Catholicam vocari: Non enim possunt intelligi, nisi hæc eam nomine discernant, quæ ab universo Orbe muncipatur.*

2. An tu ergo putas, te tuique similes Nonatores titulum nominis Catholici, quem tot sæculorum præscriptione obtinemus, posse nobis clamando eripere? Erras, mi homo. *Melior est conditio possidentis*, inquit Iurecōsultus. Nos sumus in possessione nominis Catholici. Melior ergo nostra, quam vestra conditio est. Nec vestri homines id diffidentur, nam plerique, quia sciunt Pontificios legitima præscriptione vocari Catholicos, non volunt Catholicos, sed euangelici aut Epistolici appellari. Audi quid nuper acciderit Parzo vestro. Is Vvormatiæ rogatus à Pontificio Doctore, cuius scilicet esset? Nullius, inquit, Cuius ergo religionis? Paulinæ, ait: Ergo Catholice, inferebat alter. Nego, inquit Parzus. Tum alter? Quicumque Paulinus est, Catholicus est, non enim nisi Catholicam doctrinam tradidit nobis Paulus: At tu Paulinus es, ut fateris: Ergo Catholicus es. Iterum negat Parzus. Et alter, quid inquam negas? Syllogismus bonus est. Aut maior, aut minor propositio neganda est. Quid tergiversaris? Parzus consternatus abiit. Noluit fateri se Catholicum esse ne videretur fateri, se Pontificium esse. Ita nimirum insculptum est omnium animis ac pectoribus, non alios, quam Pontificios, dici & haberi Catholicos.

3. Fortè dices, Pontificios solo nomine, non autem doctrina Catholicos esse. Sed quæro ex te, an omnino inter Christianos reperiri possit doctrina Catholica? Planè, inquires. Alioquin nemo saluari posset. At apud quos illa reperitur? An apud Anabaptistas? Negat Calvinus, qui illos, tanquam hæreticos condemnat. An apud Lutheranos? At illi docent, Calvinistas esse hæreticos. An apud Calvinistas? At illi proprio consensu, ut paulo ante ostendi, hæretici sunt. Vel ergo nusquam est, vel apud Pontificios est. Sed proprius ad rem. Apud illos non potest esse doctrina Catholica, qui in rebus fidei ac religionis non conspirant cum doctrinâ, quæ primis quingentis annis in Ecclesia Christi tradita est (Tunc enim, teste Caluino l. 1. Inst. c. 11. §. 13. & l. 4. c. 2. §. 3. vigebar sinceræ & Catholica doctrina) Atqui nec Calvinistarum, nec Lutheranorum, nec Anabaptistarum doctrina conspirat cum illa, quæ primis quingentis annis in Ecclesia Christi tradita est: Ergo nec Calvinistarum, nec Lutheranorum, nec Anabaptistarum doctrina est Catholica. Minorè probo, quia Calvinistæ docent, *Deum esse authorem peccati*: Lutherani, *nullum esse liberam arbitrii in homine*. Anabaptistæ, *infames non esse baptizandos*. Hæc autem doctrina non fuit tradita in Ecclesia Christi primis quingentis annis. non ergo est Catholica. Vel igitur nusquam, vel apud Pontificios querenda est Catholica doctrina.

posse decretum fuisse & vitam qui cui non servare, annos ita frangos esse putas, Beane, ut fidem illi eisdem servaturos credamus? Illos, inquam, qui linguam iurant & promittunt, & mentem iniuriam tenent? qui Evangelicos communem omnium Catholico Romanorum hostem esse iniustum docent, & scribitis, & consequenter ealem, cum quo nec fides, nec iusiurandum commune esse debet? Hic primum nihil aliud video, quam inermem & calumniosam exclamationem, deinde neſuntur putida aliquot pendacia. Primum est, Legatos & Regum & Principum Catholicorum vix fuisse tutos Tridenti. Vnde hoc habes? Alterum, decretum fuisse, ut Reges & Principes Catholici ad libitum Pontificis excommunicati, regnis & imperiis suis perfide exuerentur. In qua sessione decretum id est? Putas Pontificem tui similem esse, qui audes publice decernere, Regem Hispaniæ suo regno exturbandum esse? Tertium, Pontificis lingua iurare & promittere, & mentem iniuriam tenere. Quid si regerem, Calumnias lingua iurare & mentem iniuriam tenere? Pures hoc credent, quàm illud quattum nos scribere & docere, Evangelicos esse tales hostes, cum quibus nec fides, nec iusiurandum commune esse debet. Absit, & hoc dicamus de Evangelicis, Imò nec de hæreticis ita sentimus. Ostendi tibi paulò ante, Patres Concilij Tridentini non solum publicam fidem obtulisse & promississe hæreticis, sed etiam poenam statuisse in eos, qui fidem hæreticis promissam violarent.

8. Pergis porro: *Expressim, ut dictum est ad Constantensem synagoga uniendi à Sigismundo Imperatore saluus conductus Hussio datus est, & tamen ille, & Hieronymus Pragensis, orthodoxias causa, in xia coniurationem illorum Patrum sententiam, vini exusti fuerunt, hæc in te fidem datam non violare appellas? Quid itaque de Concilio Tridentini saluis conductibus tenendum aut tinendum putas, in quibus nulla hereticorum expressa mentio facta est? Est autem tu Becano tali securitate Evangelicos à cruentissimis suppliciis & laniis vestris tutos, atque fidem ipsi datam servandam fore, dulce canendo, ut anceps, doceri conaris. O fraudem & perfidiam plusquam Græcam, plusquam Punicam. Videris sic argumentari, in Constantiensis Concilio fides Hussio & Hieronymo Pragensi violata est: ergo etiam in Tridentino fuisset violata Evangelicis. Nimirum ex mendacio somnium colligis. Nego fidem violatam esse Hussio. Hussus Imperatori fidem violavit, ut ostendi in disputatione de fide hæreticis servanda. Et infra suo loco iterum ostendam. Porro, cum ais, nullam hæreticorum fieri mentionem in saluis conductibus Concilij Tridentini, aperte repugnas tibi ipsi. Nam alibi contendis, in eodem Concilio definitum esse, *Hæreticis non esse servandam fidem*. Vnde sic regero; Qui nullam facit mentionem hæreticorum, ille non decernit, hæreticis non esse servandam fidem: atqui Concilium Tridentinum in suis saluis conductibus, nullam facit mentionem hæreticorum, ut tu fateris: Ergo non decernit, hæreticis non esse servandam fidem quid ergo tu nobis obicis? Cætera, quæ sequuntur, O fraudem, o perfidiam, verba sunt quæ strepitum faciunt, & nihil probant.*

9. Deinde quasi ab exordio, incipis servari mentem Concilij Tridentini per multas Pagellas, cum ais; *Non absque futurum esse viri boni crediderunt, circa ambagem Tridentini Concilij partem qua fidem & sacritatem publicam Evangelicis datam spectat paulo propius examinare*. His & sequentibus verbis, quæ propter fastidium omitto, nihil aliud facis, quàm falsis suspicionibus & interpretationibus mentem Concilij Tridentini pervertere, & in alium sensum trahere. Sed frustra. Nam mens Concilij ex verbis ipsius supra citatis clara & aperta est. Et sanè, id id integra ipsius verba huc transcripsi, ut quis videat & intelligat, quàm

Opusc. Bec.

A tu malitiosè & impudenter ea interpretaris. Et tamen audes polliceri, te citra ambagem Concilij decreta examinaturum; Imò nihil aliud, quàm ambagem, ubi unum opus est, sectaris Hoc solum à te postulo; & urgeo, ut ex verbis Concilij colligas hanc sententiam, *Hæreticis non est servanda fides*. Quidam hoc non facis, nihil ad rem facis. Semper tibi occinam; *Hens Bataue, dic de tribus capitulis*.

10. Tandem tamen videris dicere aliquid ad rem; sed planè ex desperatione. Cum enim ex saluis conductibus Concilij Tridentini, non posses extundere hanc vocem; *Hæreticis non est servanda fides*; cœpisti omnes angulos totius Concilij excurrere, & tandem sess. 25. cap. 20. de reformatione, reperisti hæc verba: *Decerni & precipi (sancta synodus) sacros Canones & Concilia generalia omnia, nec non alias Apostolicas sanctiones in favorem Ecclesiasticarum personarum, libertatis Ecclesiastica, & contra eius violatores editas, quæ omnia præsentiam decreto innouas, exacte ab omnibus observari debere*. Ex quibus verbis potest fieri tale argumentum pro te: Quæcunque in canonibus sacris, Conciliis generalibus & Apostolicis sanctionibus decreta sunt, ea in Concilio Tridentino renouantur, & exactè observari iubentur: Atqui in Canonibus sacris, Conciliis generalibus & Apostolicis sanctionibus decretum est, non esse hæreticis servandam fidem: Ergo hoc etiam in Concilio Tridentino renouatur & exactè observari iubetur. Hæc opinor, est vis argumenti tui Sed audi Bataue, effugium quæris & latebras. Cum enim in saluis conductibus Concilij Tridentini non reperias, quod ostensurum te promissisti; adducis nos aliò. Sed hoc etiam frustra. Nam aperte falsum est, quod assumis in argumento, definitum esse in sacris Canonibus, in Conciliis generalibus, & sanctionibus Apostolicis, quod hæreticis non sit fides servanda, ut ex sequentibus patebit. Accedit, quod nunquam Patribus Concilij Tridentini in mentem venerit, eo loco definire aut reuocare, quod tu vis. Nam supra ostendi, Patres in suis saluis conductibus disertè statuisse, ut fides & securitas publica, quæ hæreticis promissa & oblata erat, integrè servaretur, & si quis eam violaret, subeundæ poenæ esset obnoxius. Non ergo, ut tu vis, contrarium hic statuerunt. Denique Patres loco citato non renouant omnia simpliciter & absolute, quæ in sacris Canonibus, Conciliis generalibus, & sanctionibus Apostolicis decreta sunt, sed ea tantum, quæ in favorem personarum & libertatis Ecclesiasticæ decreta sunt, ut ex verbis Concilij patet. Iam verò decretum de non servanda fide hæreticis (si quod tale esset, quod tamen non est) non magis esset in favorem Ecclesiasticorum, quàm laicorum. Sicut enim ex vi illius decreti, Ecclesiastici liberi essent à servanda hæreticis fide, sic etiam Laici, est enim utrobique par ratio. Sed videamus deinceps, quid ex aliis Conciliis & Canonibus pro te adferas.

QVÆSTIO V.

An Catholici in Constantiensis Concilio doceant Hæreticis non esse servandam fidem?

1. **H**oc etiam affirmas, in utroque tuo libello, Ego, & alias negavi, & nunc iterum nego. Expendamus ergo verba Concilij sess. 19. quæ sic habent; *Præsentis sanctæ synodus ex quovis salvo conductu per Imperatores, Reges & alios sacri Principes, hæreticis, vel de hæresi diffamatis, concesso, nullum fidei Catholica vel iurisdictioni Ecclesiastica præiudicium generari, vel impedimentum præstari posse, seu debere declaras, quo minus dicta salvo conductu non obstante, liceat iudicio competenti & Ecclesiastico, de huiusmodi personarum erroribus inquirere*.

Dd iij

aliis contra eos debite procedere, et saltemque punire, quantum instituta suadebit, si suos errores evocare pertinaciter recusaverint, etiamsi de salvo conductu confisi, ad locum venerint iudicij, aliis non venturi: Nec sic promittentem, cum fecerit, quod in ipso est, ex hoc in aliquo remansisse obligatum.

2. His verbis, ut vides, duo decernuntur. Vnum est, quod secularis potestas nullo modo possit impedire Ecclesiasticam potestatem à suo legitimo exercitio: ac proinde si quis secularis Princeps det alicui hæretico salvo conductum, hoc non debeat obitare, quo minus liceat Ecclesiastico iudici suum officium exercere, id est, examinare eum, & secundum allegata & probata procedere. Et ratio est, quia quādo sunt duo Principes, qui habent distincta iudicia & tribunalia, quorū alterū altero maius ac superius est; tunc inferior Princeps non potest impedire superiorem ab executione suæ iurisdictionis, ac proinde securitas, quā promittit alicui, non extendit se ad tribunal superioris Principis, quia superior legibus ac pactis inferioris non ligatur (cap. cum inferior, Extra. de maiestate & obedientia). Atque Princeps secularis, & Princeps Ecclesiasticus habent distincta tribunalia; & Ecclesiasticorum tribunal est superius. (cap. solite, titulo citato) Ergo Princeps secularis, quando dat alicui subdito salvo conductum, non potest illum extendere ad tribunal superius sine ipsius consensu; nec per datam à se securitatem, impedire iurisdictionem superioris Principis. Quid certius? Hoc ipsum disertè docent Iurecōsulti. Euerardus Speran Iuris Professor Helmestadij. Centuria prima quæstionum iuris, q. 1. de eadem re sic habet: *si lex superior talem fidem à Iudice inferiore factam ratiō habere non cogitur: tum quod respub. inter se distincta puniri: tum etiam quod superior legibus aut pactis inferioris non ligatur.*

3. Alterum est: quod secularis Princeps, qui promittit alicui securitatem, cum fecerit, quod in ipso est non maneat in aliquo obligatus. Et ratio est, quia qui promittit securitatem, non censetur maiorem promittere, quā præstare possit. Si ergo facit, quod in se est, non peccat contra fidem promissionis. Quid autem hoc sit, Principem facere, quod in ipso est, paulo post explicabo. Tu enim & tui similes, si aliter hoc interpretamini.

4. Atque hæc sunt duo decreta Concilij Constantiensis, quibus non decernitur, *fidem hæreticis non esse servandam*, ut tu malitiosè obicis: sed instruitur Princeps secularis, quid in salvis conductibus servare debeant, & quoutque extendat se illorum potestas & iurdictio in promittenda & præstanda securitate.

5. Quid tu nunc contra adfers, vel adferre potes? Primum, arrodis illud, quod in explicatione prioris decreti dixi, *salvo conductum inferioris*, id est, Imperatoris, Regis & Principis, non impedire superiorem Ecclesiasticorum iurisdictionem. Atque hinc tria absurda colligis. Vnum, quod debitam Principibus, Regibus & Imperatoribus fidem ac obedientiam denegemus. Alterum, quod publicam eorumdem fidem cum summo probro conuellamus, & subditos ad rebellionem concitemus. Tertium, quod Principatum Ecclesiasticum, nefando periurio, supra omnes Reges & Imperatores efferamus. Singula videamus. Primum absurdum non potes inferre, nisi hoc modo. Quicumque dicit, salvo conductum Imperatorum, Regum & Principum non impedire superiorem Ecclesiasticorum iurisdictionem, is dicit, Imperatoribus, Regibus, & Principibus non esse debitā fidem & obedientiam præstandam: sed Catholici dicunt prius: ergo & posterius, maior falsitas est. Ut hoc videas, repono tibi similem hunc syllogismum. Quicumque dicit salvo conductum inferioris iudicis, non impedire iurisdictionem superioris iudicis, is dicit, inferiori iudici non esse debitam fidem & obedientiam præstan-

dam: sed Iurecōsulti dicunt prius: Ergo & posterius. Certè, si maior propositio huius syllogismi falsa est, ut reuera est in altero quoque falsam fuisse necesse est. Nihil ergo, Bataue, concludis.

6. Alterum absurdum, debes simili syllogismo deducere. Qui dicit salvo conductum Imperatorum, Regum & Principum non impedire superiorem Ecclesiasticorum iurisdictionem, is publicam fidem Imperatorum, Regum & Principum conuellit, & subditos eorum ad rebellionem concitat: sed Catholici faciunt prius: Ergo & posterius. Regeo tibi hoc modo, Qui dicit salvo conductum inferioris iudicis, non impedire iurisdictionem superioris iudicis, is publicam fidem inferioris iudicis conuellit, & subditos illius ad rebellionem concitat: sed Iurecōsulti faciunt prius: ergo & posterius. Vides in utroque syllogismo maiorem falsam esse. Ergo iterum nihil efficis.

7. Tertium absurdum sic potest inferri: Qui dicit salvo conductum Imperatorum, Regum & Principum, non impedit superiorem Ecclesiasticorum potestatem, is principatum Ecclesiasticum, nefando periurio, efficit supra Imperatores, Reges & Principes. Catholici faciunt prius: Ergo & posterius. In hoc syllogismo concedo maiorem, si omittas illam particulam, *refando periurio*. Fateor enim Ecclesiasticam iurisdictionem esse superiorem & præstantiorem iurisdictione temporali seu politica. Nego, hic vultum esse periurium, ac ratio est evidens, quia illa iurdictio est præstantior & eminentior, quæ versatur circa obiectum præstantius, & ad præstantiorem finem ordinatur: At iurdictio Ecclesiastica versatur circa obiectum præstantius, & ad finem præstantiorem ordinatur: Ergo est eminentior & præstantior. Minor patet, quia iurdictio Ecclesiastica versatur circa res sacras & spirituales: & ordinatur ad finem supernaturalem, nempe ad æternæ gloriæ consecutionem. Iurdictio autem temporalis seu politica versatur circa res civiles & temporales: & ordinatur ad finem naturalem, nempe ad quietem & pacem Reipublicæ conservandam: Ergo Ecclesiastica ratione obiecti & finis præstantior est, quam politica. Quid tu hic absurdi vides? An tu plius æstimas negotia politica, quam Sacramenta & verbum Dei? Principum secularium est, tractare causas politicas: Prælatorum Ecclesiæ est, pascere & gubernare populum Christianum Sacramentis & verbo Dei.

8. Nec ego solus sic sentio. Me cum Episcopi, Pontifices, Imperatores, alij. E multis paucos accipe. Geladius. Epistola 10. Ad Anastasium Imperatorem: *Nosti, inquit, fili clementissime, quod licet præstideas humano generi digni, at rerum terrenarum, tamen præsulibus divinarum rerum, devotus colla submittis.* Grego. VII. lib. 8. Epist. 21. ad Hermanum Metensem Episcopum: *Qui dubitas Sacerdotem Christi, Regum & Principum, omniumque fidelium Patres & Magistros conscribi? Nonne mirabilis infamia esse cognoscitur, si filius Patrem, discipulus Magistrum sibi conetur subingere, & iniquis obligationibus illum potestati suæ subicere, à quo credit, non in terra solum, sed etiam in cælis se posse ligari & solvi?* Cyrillus Hierosolymitanus Catech. 17. *Ad hodiernum usque diem cernimus mundanos Principes regi & instrui ab Ecclesiasticis.* Greg. Nazianz. orat. 17. quæ est ad ciues Nazianzenos, & irascentem præfectum: *Quid igitur dicitis, an me liberè loquentem æquo animo feretis? Nam vos quoque imperatores meo lex Christi subiicit. Imperium enim nos quoque gerimus, addo etiam præstantius & perfectius. Nisi verò æquum est, spiritum carni fasces submittere & cælestia terrenis cedere.* Ioannes Chrysost. hom. 83. in Matth. alloquens Diaconum: *Si Dux quispiam, si Consul ipse, siis qui Diademate ornatur, indigne adeas; cohibe & coerce: non enim in illo*

habes potestatem, S. Ignatius Ioannis Evangelistę discipulus, in Epist. ad Smyrnenſes: *Episcopum oportet honorare tanquam principem Sacerdotum, post hunc honore oportet etiam Regem.* Et in Epist. ad Philadelphienſes: *Omnis Clerus & omnis populus, milites, Principes atque Caesares obediant Episcopo: Episcopus vero Christo: Huius Episcopus in epistola ad Constantinum Imperatorem: Ne te misceas Ecclesiasticis, neque nobis in hoc genere praecepe, sed potius a nobis disce.* Ambrosius Epist. 32. ad Valentinianum Imperatorem: *Quando undisti clementissimę Imperator in causa fidei laicos de Episcopo iudicasse? Et Epist. 33. Noli te gravare Imperator, ut putes te in ea, quę divina sunt, imperiale aliquid ius habere: Noli te extollere, sed si vis divinus imperare, esto Dei subditus.*

9. Audi & Imperatores. Basilii Imperator in oratione, quam habuit in S. synodo: *Quantumque, inquit, religionis ac sapientia laicus existat, vel etiam universa virtute interius polleat, donec lapsus est, oris vocari non desinet. Rurſus, Episcopus quantumque sit irreverentia plenus, & nudus omni virute, donec Antistes est & veritatis verbum predicaverit, Pastoris vacationis & dignitatis damna non patietur. Quę ergo nobis ratio est in ordine orium Constitutus? Pastores, verborum subtilitatem discutiendi, & ea, quę super nos sunt, quarendi & ambiendi habent. Oportet nos ergo cum timore & fide sincera hos audire, & facies eorum vereri (cum sint ministri Dei omnipotentis) & nihil amplius, quam ea, quę nostri ordinis sunt requirere.* Theodosius & Valentinianus in Epist. ad synodum Ephesinam Candidianum Comitem ad sacram vestram synodum abire iussimus, sed ea lege & conditione, ut cum questionibus & controuersis, quę circa fidei dogmata incidunt, nihil quicquam commune habeat. Nefas est enim, qui sanctissimorum Episcoporum catalogo ascriptus non est, illum Ecclesiasticis negotiis & consultationibus immiscere. Honorius in Epist. ad Arcadium Orientis Principem: *Ad illos (id est, Episcopos) diuinarum rerum interpretatio, ad nos religionis spectat obsequium.* Iustinianus in Authentica constit. 123. *Si Ecclesiasticum negotium sit, nullam communionem habent cum civilibus Magistris cum ea disceptatione, sed religiosissimi Episcopi secundum sacros Canones, negotio finem imponunt.* Refert Sozomenus lib. 1. cap. 8. Constantinum Imperatorem scripsisse, tum ad Episcopos, tum ad Praesides cuiuscunque Prouincię: ad illos quidem, ut quę vellet imperarent; ad hos autem, ut morem gererent & Episcopis, eorum imperata studiosę facerent.

10. Vides, Bataue, Praelatos Ecclesię Pastores esse, Reges & Imperatores ouium numero censeri: illos coelestem, hos terrenarum rerum administratores esse: illos precipere, hos obtemperare. Erit tu contra tot Pontificum, Patrum & Imperatorum testimonia contra ipsam rationem & veritatę, & peruersa contradicendi libidine, andes hunc ordinem turbare & secularem magistratum ecclesiastico anteferre. Satem Calvinum tuum audire debueras: qui ingenue fateatur quod nos asserimus. Sic enim loquitur lib. 4. Inst. c. 11. §. 4. *Magistratus, si pius est, non vult se eximere communis filiorum Dei subiectione, cuius non postrema pars est Ecclesię ex verbo Dei iudicantis se subicere, non tantum abest, ut iudicium illud tollere debeat. Quid enim honorificentius, inquit Ambrosius, quam ut Ecclesia filius dicatur Imperator Imperator enim bonus, intra Ecclesiam, non supra Ecclesiam est. Quare illi, qui ut magistratum ornent, Ecclesię spoliant hac potestate, non modo falsam interpretationem torripunt Christi sententiam (nempe quicquid ligaueritis super terram, erit ligatum & in cęlis, &c.) sed sanctos omnes Episcopos, qui tam multi a tempore Apostolorum extiterunt, non leuiter damnant, quod honorem officii quę magistratus falso prętextu sibi usurpauerim.* Hęc Calvinus. Ex quo tria disce. Primb, pium magi-

stratum sponte se subicere iudicio & iurisdictioni Ecclesiasticę. Imptus ergo qui id non facit. Secundb, Imperatorem bonum, esse membrum Ecclesię, non caput, filium non patrem. Tu ergo non bonum, sed malum Imperatorem effers supra Ecclesiasticam iurisdictionem. Tertiõ, eos, qui magistratum secularem proponunt ecclesiastico, corrumpere sententiam Christi, & damnare sanctos Episcopos, qui a tempore Apostolorum extiterit. Hoc tu facis, Bataue.

11. Atque hęc dicta sint de priori Concilij Constantiensis decreto, quod tu frustra oppugnare ausus es. Ostendi enim non rectę ex eo inferri tua illa absurda quę tu malitiosę inferebas. Circa posterius decretum habes etiam, quod reprehendas, præsertim illud, quod dixi, *Principem secularem qui promittit alicui securitatem, cum fecerit, quod in ipso est, non manere in aliquo obligatum.* Hoc tu interpretaris, quasi dicerem, *Esse quidem in potestate Principis vel Imperatoris, Evangelicis ad Concilia coniuratorum Patrum abeuntibus securitatem dare, non autem datam seruare.* Semper hęc erras Bataue: Nihil dixi de Evangelicis. Nec vos Evangelicis, sed hæreticis estis. Porrb verborum meorum non est ille sensus, quem tu fingis, sed longę alius. Assero in Imperatoris potestate esse, non solum dare securitatem, sed etiam datam seruare. Cur ergo non præstat, inquis, ut is, cui securitatem dedit eundi ad Concilium, securus inde exeat. Hussium proculdubio intelligis, qui accepta a Sigismundo Imperatore securitate eundi ad Concilium Constantię, non exiit securus, sed expulſus est. Hic scopulus est in quę semper impingitis. Hic tu, & alius ę Bataua Caluinus. Daniel Plancius, multa otiosę disputatis. Et quidem Plancio facilę ignoscam, quia cum Grammaticus sit, suo iure potuit grammaticę & pueriliter, conquisitis hinc inde aliquot phrasibus htigare. At te, qui iureconsultus haberi vis, non melius ea, quę communi iure sancita sunt intelligere & interpretari, valde equidem mitior. Audi ergo, quod iurecõsulti dicant. Illorum regula hęc est. *Quando datur alicui saluus conductus, vel securitas iure communi, solum datur contra vim iniustam, non autem contra iuris executionem.* Vnde in omni saluo conductu seu securitate, quę iure communi data est, exprimi vel intelligi debet hæc clausula: *Salua semper iustitia.* Et quidem Saxones ex Carolina institutione eam exprimunt sub hac formula, *Damus tibi fidem publicam, causam dicendi in iudicio, contra vim, non tamen contra iuris executionem.* Idem fecerunt Patres Concilij Constantiensis sess. 6. cüm ajunt: *Ad quod a violentia, iustitia semper salua omnem saluum conductum nostrum quantum in nobis est, presentium tenore offerimus.* Plura de hac re videri possunt apud Mynſinger in obseruationibus iudicij Imperialis Camerę obier. 82. Everardum Specxan. Centuria 1. questionum iuris, q. 1. §. 18. & alios, quibus consentit clarissimus & consultissimus vir, D. Matth. Boys, vtriusque Iuris Doctor & Professor Colonienſis, quem etiam consului.

12. Ex hac regula, quam negare non potes, facilę iam percipis, quid sit, Principem secularem, qui dat alicui saluum conductum seu securitatem, nõ manere amplius obligatũ, si facit, quod in se est. Tantũ enim est, ac si dicas, non manere obligatum, si præstat quod promittit. Quid autem promittit? Nihil aliud, quam securitatem contra vim iniustam, salua semper iustitia & iuris executione. Si ergo efficit, ut is, cui securitatem dedit, non patiatur aliquam vim iniustam, omnino censetur seruare securitatę a se datã. Et hoc est facere, quod in se est. Nunc sic applica, Sigismundus Imperator dedit Hussio securitatem eundi Constantiam, & inde redeundi contra vim iniustam, salua semper iustitia. Hanc autem præstitit. Nihil

nam sua interdixit, & multa periculis sceleris incur-
re non abhorruit, an abemate cum periculis. Et filium Co-
mitem N. datis induciis usque in palmas simili excommu-
nicatione intodamus; eo quod Lucensem Ecclesiam quie-
scere, sua diripiendo, minime permittit. Et iterum:
Excommunicamus omnes N. rmanos, qui invadere terram
S. Petri laborant, & eos qui Beneventum obsident, &
quintantem Urbem Romanam confundere. Hic aperte con-
stat excommunicari à Gregorio Catholicos Reges;
Episcopos, Comites, Marchiones, Milites, & alios,
qui vel obstant Legatis Pontificis, vel homicidia
& periuria committunt, vel Ecclesiarum bona di-
ripiunt, vel civitates Pontifici subiectas vi obsident.
De his ergo & similibus excommunicatis, paulo post
additur: Nos sanctorum predecessorum nostrorum statu-
ta tenentes, eos qui excommunicatis fidelitate aut sacramen-
to confecti sunt, Apostolica auctoritate à sacramento ab-
solvimus, &c.

3. Hæc de mendaciis. Nunc ad rem. Quæstio no-
stra est, an Gregorius VII. definiat Hæreticis non
esse servandam fidem? Tu affirmas, & probas ex
verbis ipsius supra citatis. Ego nego, & probo ex
iisdem verbis, & eorum sensu ac circumstantiis.
Non enim loquitur Gregorius præcisè de hæreticis, sed
de Excommunicatis, & potissimum ut iam ostendi, de
Catholicis excommunicatis. Nec generatim definit,
non esse eis servandam fidem in publicis vel priva-
tis contractibus, de quo nostra quæstio est, sed so-
lùm, non esse præstandam illis obedientiam à subditis.
Quare? quia priuaret eos usu suæ iurisdictionis. Id
autem rectè fieri posse: sic ostendit. Quicumque legi-
timè priuatur iurisdictione sua, vel usu iurisdictionis
ei nulla debetur obedientia à subditis, sed qui
propter scelera & flagitia sua excommunicantur,
possunt legitima priuari iurisdictione, vel saltem
usu iurisdictionis: Ergo tunc nulla eis debetur à sub-
ditis obedientia. Quid hic culpe est? aut quomodo
tu id trahis ad hæreticos, quod æquè intelligi potest
ac debet de Catholicis? Duo hic ex te queram. *Primum*
est, an non Calvinistæ in Belgio, quoties vi vel actu
occupant Catholicam civitatem, soliti sint Prætores
& Consules Catholicos, prætextu Romanæ religio-
nis, priuare sua iurisdictione, & Calvinistas substitui-
tuere? Non potes negare. An hoc modo non eximant
subditos ab obedientia priorum Consulium & Præto-
rum, qui depositi sunt? Omnino. An hinc licebit mi-
hi concludere, Calvinistas in Belgio definire non
esse servandam fidem Catholicis? Id negabis. Cur
ergo tibi liceat ex facto Pontificum inferre similem
conclusionem? *Alterum est*, An non Imperator legiti-
mè de causa posset aliquem principem imperiali
hanno subiectione, vel quod idem est, proscribere? po-
test utique. An subditi illius Principis eximantur ab
obedientia, quandiu durat proscriptio? Certum est.
An hinc liceat inferre, Imperatorem sancire, non
esse Principibus servandam fidem? Tu videris.

6. Ut hoc clariùs intelligas, distinguendæ sunt hæc
duæ propositiones. *Una*, Hæreticis ex eo præcisè,
quia hæretici sunt, non est servanda fides in villo con-
tractu, aut pactione. *Altera*, tam Catholicis, quàm
Hæreticis in pœnam alicuius magni delicti, possunt
proscribi, & priuari iurisdictione, vel usu iurisdictionis
circa subditos. Prior falsa est; posterior vera. No-
stra quæstio est de prioratu, tu ad posteriora relabe-
ris. Itaque nihil efficis. Fatemur, tam Catholicos,
quàm Hæreticos, propter enormia flagitia priuari
posse temporali dominio & iurisdictione, vel saltem
usu illius, & consequenter subditos eorum legitime
liberari ab obedientia & fidelitate illis præstanda.
Negamus, Hæreticis, quia hæretici sunt, in nullo con-
tractu aut pactione fidem servandam esse. Et tu Ba-

taue, velis nolis fateri nobiscum id debes. An non
scripsisti in priori tuo libello, Philippum Regem
Hispaniæ, propter duo notoria crimina (quæ tu fal-
sè tibi impingis) suo regno priuandum esse, & conse-
quenter subditos ab obedientia & fidelitate illi præ-
standa eximi oportere? Non potes inficiari. An idèd
censes, Catholicis Regibus non esse servandam fi-
dem in villo contractu aut pactione? Attende quid
dicas.

7. Hæc sufficiant de Concilio Romano (quod
tu Lateranense vocas) sub Gregorio VII. celebrato.
Ex quo ut vides, nihil ad rem attulisti præter tua
mendacia. Nam in eo non agitur præcisè de hæreti-
cis, quia hæretici sunt, sed de excommunicatis, siue
illi hæretici, siue Catholicis sint. Nec generatim de
fide servanda in quouis contractu vel pactione; sed
speciatim de fidelitate, seu obedientia subditorum erga
suos Principes & Magistratus. Quod verò adfers ex
Concilio Lateranensi sub Innocentio III. eiusdem
momenti est. Nam Innocentius in verbis à te citatis
non loquitur de Hæreticis, de quibus inter nos con-
trouersia est, sed de Principibus & Prælatibus Catho-
licis, quibus mandat sub pœna excommunicationis,
ut pergent suas provincias ab hæresi: & si id facere
negligant, minatur illis priuationem usus dominiij
ac iurisdictionis in subditos. Hoc patet ex verbis
precedentibus, quæ tu omisisti, forte ut leuorem
deciperes. Ea sic habent: *At oneantur autem & indu-
cantur, & si necesse fuerit, per censuram Ecclesiasticam com-
pellantur seculares potestates, quibuscunque frangan-
tur offi-
ciis, ut sicut reputari cupiunt & haberi fideles, ita pro de-
fensione fidei præstent publice iuramentum, quod de terris
sue iurisdictionis subiectis, universos hæreticos ab Ecclesia de-
notatos, bona fide pro viribus exterminare studebunt, ita
quod amodo, quandocunque quis fuerit in potestatem suam
spiritualem, siue temporalem assumptus, hoc teneatur capi-
tulum iuramento firmare.* Quis non videt Innocentium
loqui de Magistratu fidei seu Catholico, tam Eccle-
siastico, quàm temporali? Et quidem de temporali,
immediate subiungit verba à te superius citata: *Si
verò Dominus temporalis requisitus & monitus ab Ecclesia
suam terram purgare, negligere, &c.*

8. Concludo, falsè te scripsisse, in tribus Conci-
liis, Tridentino, Constantiensi, & Lateranensi, ex-
presse decretum esse, quod hæreticis non sit fides seruan-
da. Nusquam id, non dico, *expresse*, sed nec *implicite*
inuenire potuisti. Ego verò in Tridentino *expresse*;
ex Constantiensi, *implicite*, contrarium ostendi. La-
ranense nihil habet de hæreticis, quia hæretici sunt: sed
de Excommunicatis, siue illi Catholicis, siue hæretici
sint. Hæc omnia ex dictis patent. Nunc relictis Con-
cilis, transeamus ad decreta Pontificum, quæ à te
citantur.

QVÆSTIO VII.

*An Pontifices decernant non esse fidem hæreti-
cis servandam?*

EX antiquioribus duos adducis, qui id decernant;
Enempe Urbanum II. & Gregorium IX. Ex recen-
tioribus tres Sixtum V. Gregorium XIV. & Paulum
V. qui nunc præest Rom. Ecclesiæ. De singulis di-
cam ordine, ac seorsim. Igitur ex Urbano II. in Epist.
ad Episcopum Vapicensem transcribis hæc verba: *Iura-
to milites Hugoni Comiti, ne ipsi quatenus excommunica-
tus est seruiant prohibito. Qui si sacramenta prætulerint,
monentur oportere Deo magis seruire quàm hominibus.*



*Nulli supremus dominus noster Rex Iacobus, est legiti-
mus & verus Rex huius regni, & omnium aliorum maiori-
statis sua dominiorum & terrarum: Et quod Papa nec per
seipsum, nec per ullam aliam auctoritatem Ecclesia vel se-
dis Romanae, vel per ullam media, cum quibuscunque aliis,
aliquam potestatem, nec auctoritatem habeat regem depo-
nendi, &c. Item, iuro ex corde, quod non obstat ali-
qua declaratione vel sententia excommunicationis facta per
Papam contra dictum Regem fidelitatem & obedientiam ipsi
præstabo, &c. Præterea, iuro, quod ex corde abhorreo,
desecto & abiuro tanquam impiam & hereticam hanc dam-
nabilem doctrinam & impositionem, quod Principes per Pa-
pam excommunicati vel privati, possint per suos subditos,
vel aliquos alios quoscunque deponi aut occidi. Et ulterius
credo & in conscientia mea resolvo, quod nec Papa, nec
alii quicunque potestatem habet, me ab hoc iuramento, aut
aliqua eius parte absolventi, quod iuramentum agnosco recte
ac plena auctoritate esse mihi legitime ministratum omnibus-
que indulgentiis ac dispensationibus in contrarium remissio,
&c. Sic me Deus adiuvet.*

18. Catholici, quia videbant hoc iuramentum sine
præiudicio fidei Catholicæ à se præstari non posse, fu-
runt valde perplexi, quid agendum sibi esset. Nam si
iurarent, agebatur de conscientia; sin minus, de carce-
re & morte. Intellexit hoc Pontifex, & eodem anno
1606. mense Septembri, misit illis Breve Apostolicum
in hæc verba; *Dilecti filii, salutem & Apostolicam benedi-
ctionem: magno animi dolore nos semper affecerunt tribulationes
& calamitates, quas pro retinenda Catholica fide ingiter su-
stinuistis. Sed cum intelligamus, omnia hoc tempore magis
exacerbari, afflictio nostra mirum in modum aucta est. Ac-
cepimus namque compelli vos, gravissimis pœnis propositis,
templa hereticorum adire, eorum coram frequentare, concio-
nibus illorum interesse. Profecto credimus proculdubio eos;
qui tanta constantia atque fortitudine, atrocissimas persecutio-
nes, infinitas propemodum miseras hæcenus perpefferunt, ut
immaculatè ambulant in lege Domini, nunquam commis-
suros esse, ut coinquinarentur communione desertorum divina
legis. Nihilominus zelo pastoralis officii nostri impulsus, &
pro paterna sollicitudine, qua de salute animarum vestrarum
assidue laboramus, cogimur monere vos atque obtestari, ut
nullo pacto ad hereticorum templa accedatis, aut eorum con-
ciones audiat, vel cum ipsis in ritibus communicetis, ne Dei
iram incuratis. Non enim licet vobis hæc facere sine detrimen-
to divini cultus, ac vestra salutis. Quomodo enim non
potestis, absque evidentissima gravissimaque divini honoris
iniuria obligari, obliuiscere vos iuramento, quod similiter ma-
ximo cum cordis nostri dolore audiimus propositum vobis
fuisse præstandum, infra scripti tenoris videlicet; Ego A.
B. verè & sincere agnosco, &c. ut supra. Post iuramenti
formam recitatam, pergit Pontifex: Quia cum ita sine
vobis perspicuum esse debet, quod huiusmodi iuramentum, sal-
va fide Catholica & salute animarum vestrarum præstari non
potest, cum multa contineat, qua fidei ac salutis aperte aduer-
santur. Propterea admonemus vos, ut ab hac & similibus iu-
ramentis præstandis omnino caveatis, &c.*

19. Ex his verbis Pauli Pontificis facillè advertis non
esse mentem illius, ut Catholici in Anglia non præ-
stent Regi civilem obedientiam & fidelitatem in re-
bus politicis & secularibus, ut tu falsò criminaris: sed
ne contra conscientiam suam, & professionem fidei
Catholicæ, coniungant se hæreticis, & Ecclesiæ Ro-
manæ potestatem, iurisdictionem, & obedientiam abi-
urent. An tu hoc reprehendas. Batave? Si Imperator
Rodolphus cogeret omnes, qui sub Imperio vivunt,
iurare in professionem fidei Romanæ & Catholicæ:
an tu hoc iuramentum præstares? Non opinor. An
ideò rebellis esset Imperatori, te Iudice? An Forde-
rati Hollandiæ, si te per literas hortarentur, ne ta-
li iuramento te obstringeres, rebellionem cicerent
contra Imperatorem? in causa tua iudex esto. Accipe,
Opusc. Becc.

si vis, aliud exemplum. Multi Calvinistæ vivunt Con-
stantinopoli, & civilem obedientiam Turcarum Im-
peratori præstant, Quid putas, si Imperator eos co-
geret ad iurandum Mahometismum, an rebelles cen-
terentur, si nolent? Imò impii essent, si iurarent. In-
telligis quid velim.

20. Sequitur alterum Breve Apostolicum, quod
sic habet: *Dilecti filii, salutem & Apostolicam benedi-
ctionem. Renunciatum est nobis, reperiri nonnullos apud
vos, qui, cum satis declaravimus per literas nostras, anno su-
periore X. Calendar. Octobris in forma Brevis datas, vos
sua conscientia præstare non posse iuramentum, quod à vobis
tunc exigebatur, & præterea stricte præceperamus, ne ullo
modo præstaretur: nunc dicere audent, huiusmodi literas de
prohibitione iuramenti, non ex animi nostri sententia
nostræque propria voluntate scriptas fuisse, sed potius
aliorum intuitu atque industria, eaque de causa iidem per-
suadere nituntur, mandata nostra dictis literis non esse aten-
denda. Perturbatis sane nobis nuntius, eoque magis, quia
experti obedientiam vestram, filij nostri vniçe dilecti, qui ut
huic sanctæ sedi obeditis, opes, facultates, dignitatem, li-
bertatem, vitam denique ipsam pie ac generose nihil fecistis
nunquam suspicari essemus, potius vocari apud vos in dubium
fidem literarum nostrarum Apostolicarum, ut hoc prætextu
vos ex mandatis nostris eximeretis. Verum agnoscimus ver-
tutem atque frandem adversarij humana salutis, eique potius
quam vestra voluntati tribuimus hanc remissionem. Ea propter
iterum ad vos scribere decrevimus, ac denuo vobis significare.
literas nostras Apostolicas anno præterito X. Calendar.
Octobr. datas de prohibitione iuramenti, non solum motu pro-
prio, & ex certa nostra scientia, verum etiam post longam &
gravem deliberationem de omnibus, qua in illis continentur,
adhibitam, fuisse scriptas, & ob id teneri vos illas omnino ob-
servare, omni interpretatione secus suadente, rectè, &c.
Hæreticis non est servanda fides.*

Hoc breve, ut vides, nihil aliud continet, quàm
firmationem prioris. Vnde sicut prius illud reprehendi
non potest: ita neque hoc posterius, plura de his duo-
bus Breuibz Pauli V. videri possunt apud Matthæum
Tortum, Theologum Papiensem, in libello, qui in-
scribitur: *Responsio Mathæi Torti Presbyteri & Theo-
logi Papiensis, ad librum inscriptum, Triplici nodo tri-
plex cuneus. Concludo ex dictis, apud nullum Pontifi-
cem extare hoc decretum: Hæreticis non est servanda
fides.*

CAPVT VII.

*An Catholici scribant & sentiant, non esse
Hæreticis servandam fidem?*

1. **A**Is multos ita scribere, & sentire, nominatim
Theologos Sorbonistas, Curiam Parliamenti
Parisienfis, Curias aliorum Parliamentorum, Philip-
pum Regem Hispaniæ, & Iacobum Simancam Epif-
copum Pacensem. Videamus, an ita sit. Et quidem de
Theologis Sorbonistis, de Parisiensi & aliis Parla-
mentis, ita scribis: Sic quoque fidem Henrico III. Gal-
liarum Regi Romano Catholico, tanquam hæreticorum
fautori, à subditis servari non deberi, facultatum Theo-
logica rum consultationibus constitutum reperitur, in hunc mo-
dum; Quod populus huius regni solutus & liberatus est à
sacramento fidelitatis, & obedientiæ regi præstita. Quam
Theologorum insaniam deinceps Curia Parliamenti Parisien-
sis, aliique perfido Iesuitarum furere fascinata comprobantur.

EPILOGVS.

Nunc finio Bataue. Satis constat ex dictis Conciliis Pontifices, aliosque authores à te citatos, non id dicere quod tu fingis sed planè contrarium. In Tridentino expressè cautum est, ne fides & securitas hæreticis promissa, villo modo violetur. Iacobus Simanca idem confirmat his verbis; *si fides hæreticis data esset à Principe vel publica potestate, exaltè seruanda esset.* Vnde apparet, dupliciter te peccasse. 1. quia falsò Catholicis impositisti, quod ipsi non docent. 2. quia hoc crimen falsi multis mendaciis confirmare conatus es. Neutrum tamen abhorret ab ingenio Calvinistarum, e quorum numero esse vis. Ego post hanc meliorem mentem tibi opto. Et sanè, si prodesse Catholicis omninò non vis, saltem per mendacia & imposturas obesse noli.

DE ANTICHRISTO
Reformato.

OPVSCVLVM III.

LECTORI.



Dedit nuper ex Hassia libellus Calvinisticus, in quo, duplici elencho conatus est persuadere Author, Papam esse Antichristum. Is iussu Romani & Illustrissimi. D. Attilij Amalthei, Nunciij Apostolici, ad me missus est, ut refutarem. Feci libens, quod potui. Cæterum, quia non unus ille, sed plures alii, eodem spiritu & impudentia eandem materiam tractarunt, omnes una hac Disputatione refutare aggressus sum. Tu, Lector, æquo animo accipias, velim. 1608.

De Antichristo reformato.

Lutherani & Calvinistæ, qui se reformatores ac reformatos vocant, multa in ecclesia Christi reformare aggressi sunt, quæ pridem per Pontifices, ut ipsi aiunt, corrupta erant. Ac primò, ut cætera nunc omittam, nonnulla, quæ difficiliora videbantur, penitus sustulerunt. ut ieiunia, festa, sacrificia, & non pauca Sacramenta. Secundò, fidem speciali privilegio auxerunt. Nam cum antea sine poenitentia & aliis piis operibus parum prodesse posset; nunc, Nouatorum concessione, omnem iustificandi vim & efficaciam sibi vendicant. Tertio, excusso Decalogo, & aliis præceptorum oneribus, veram libertatem asciuerunt. Quartò, ignem Purgatorium, tanquam infamem carnificinam, abrogarunt. Denique ut ad institutum veniam, nouum Antichristum designarunt. Is cuiusmodi sit, ex sequentibus propositionibus innotescet.

I. Propositio: Antichristus propriè dictus, qui in scriptis veteris describitur homo peccati, & filius perditionis, jam pridem in hunc mundum venit.

A II. Propositio. ut est ipsemet Pontifex Romanus sine vlla dubitatione. Omnes enim Notæ Antichristi, quæ in Scriptura fundatæ sunt, optimè quadrant in Pontificem Romanum.

III. Propositio. Sunt autem hæc potissimum.

1. *Deficere à vera fide.* 1. Thess. 1. 3.
2. *Sedere in templo Dei.* ibidem.
3. *Ostendere se tanquam Deum.* ibidem.
4. *Extollere se supra omnem Deum.* ibidem.
5. *Negare Christum.* 1. Ioann. 22.
6. *Idola colere.* Dan. 11. 36.
7. *Facere prodigia & miracula falsa.* 2. Thess. 1. 9.
8. *Imprimere subditis characterem.* Apoc. 13. 16.
9. *Blasphemum esse.* Dan. 7. 25.
10. *Santos persequi.* ibidem.

B IV. Propositio: omnes inquam, hæ notæ quadrant in Pontificem Romanum, ut Inductione patet.

1. *Deficit à vera fide in multis articulis.*
2. *Sedet Roma in Ecclesia Dei.*
3. *Ostendit se tanquam Deum, id est, tanquam visibile Ecclesia Catholica caput.*
4. *Extollit se supra omnem Deum, id est, supra omnem ordinem politicum & Ecclesiasticum.*
5. *Negat Christum, quia doctrinam eius corrumpit.*
6. *Idola colit, quia panem missæicum & imagines adorat.*
7. *Facit falsa miracula Laurenti apud stantem Maria Virginis & alibi.*
8. *Imprimis subditis characterem, ungendo illos chrismate.*
9. *Blasphemus est in Deum, & seruos eius, qui Ecclesiam reformat.*

C 10. *Santos Dei persequitur, ut Hussim, Lutherum, Calvinum & similes.*

V. Propositio. ex his tanquam immotis scripturæ fundamentis aperte concluditur, articulum fidei esse, quod Papa sit Antichristus, & tam indubitatum, quàm quod Deus sit in cælo creator visibilium & invisibilium.

Hæc est brevis resolutio doctrinæ Lutheranorum & Calvinistarum de Antichristo reformato, quæ diuinceps examinanda est. Antequam verò sigillatim singulas propositiones expendamus, prius generalia quædam vicia, quæ in reformando Antichristo admilla sunt à Reformatoribus, breuiter aperienda sunt. Præcipua sunt hæc. 1. contemptus Sanctorum Patrum & totius antiquitatis. 2. praua Scripturæ interpretatio. 3. perpetua mendacia & calumniæ. 4. mutua inter ipsos dissensio. 5. maiorum nostrorum in qua condemnatio. Hæc singula breuiter demonstrabo.

1. Vitium Reformatorum, Contemptus Sancti Patrum.

Adversarii quia videbant se in reformando Antichristo contra venerandam Patrum antiquitatem luctari cæperunt, palam & aperte illorum auctoritatem reicere, & quasi toto cælo aberrassent, illorum suffragia aspernari. Ne longus sim, ex vno disce omnes. Franciscus Iunius Calvinista in suis animaduersionibus, circa 3. librum Bellarmini de Pontifice, qui est de Antichristo, sic passim de illis loquitur.

1. *Patres à vero ut plurimum aberrant.* pag. 402.
2. *Hæc sanctorum Patrum coniectura.*
3. *Hæc mera coniectura & probabilitate carens.* pag. 412.
4. *Hæc non testimonia sunt veritatis aut probabilitatis: sed puri coniecturæ, opiniones & suspensiones vana, quibus boni Patres plus satis indulserunt.* (pag. 425.)
5. *In hoc argumento communem errorem minimè stabilis Sanctorum Patrum auctoritas.* (432.)



drum Romani Pontificis, Nam Roma, inquit, ubi Ca-
 thedra illa est iacet inter maria; & vocatur mons sanctus &
 inclutus propter Ecclesiam Dei. Mira libertas, imò teme-
 ritas in hoc homine, Trahit scripturam, etiam reluctan-
 tem, quò vult. Legat Beatum Hieronymum & alios
 antiquos Patres qui locum illum Danielis optimè in-
 terpretati sunt de vrbe Ierosolymitana, quæ ia-
 cet inter mare Mortuum, & Mediterraneum, ubi
 est Sion mons sanctus & inclutus, ut in Scriptura
 appellatur.

Posterioris generis exempla sunt 7. ista. Primum Ap-
 23. 13. *Et fecit signa magna, ut etiam ignem faceret de celo*
descendere in terram in conspectu hominum. Hinc rectè
 probant Catholici: Pontificem Romanum non esse
 Antichristum, quia non fecit ignem de celo descende-
 re. Pouellus Calvinista lib. 1. cap. 26. §. 15. & Balduinus
 Lutheranus in disp. de Antichristo cap. 6. §. 32. ut ena-
 dant vel potius euadant vim argumenti huius interpre-
 tantur verba Ioan. de igne Excommunicationis, ut
 hic sit sensus: *Antichristus faciet ignem de celo descende-*
re, id est, excommunicabit homines. Et hoc aiunt facere
 Pontificem. O diuinos interpretes! Hoc modo lice-
 bit similia Scripturæ testimonia interpretari. ut v. g. 4.
 Reg. 1. 10. *Respondens Elias dixit quinquagenario: si*
homo Dei sum, descendat ignis de celo, ut deuoret te, &
quinquaginta tuos. Descendit itaque ignis de celo & deuor-
auit eum & quinquaginta qui erant cum eo, id est (iuxta
glossam Nouatorum) Si homo Dei sum; veniat excom-
municatio Pontifica, & percellat vis: venit itaque excom-
municatio & perculsiores. Similiter Luc. 9. 54. *Domine,*
vis dicamus, ut ignis descendat de celo, & consumat illos;
id est, iuxta eandem glossam, Domine, vis dicamus, ut
excommunicentur hi? Inepta sunt hæc. Sed neque cir-
cumstantiæ supradicti loci patiuntur hanc expositio-
nem. Cum enim dicit Ioannes, Et fecit signa magna, ut
etiam ignem faceret de celo descendere; planè significat,
magnum miraculum fore, cum Antichristus faciet
ignem de celo descendere. Imò tale miraculum, quo
seducat homines, ut credant esse opus diuinitatis. At,
quis, quod, aut quale miraculum est, excommuni-
care hominem? Nullum penitus. Deinde cum addit
Ioannes, ut etiam ignem faceret de celo descendere in ter-
ram in conspectu hominum; omnino excludit ignem ex-
communicationis. Is enim non rectè dicitur de celo
descendere in terram in conspectu hominum; sed po-
tius de celo in homines ad terrorem aliorum. Mitto
alia, de quibus infra c. 9.

8 Secundum est Apoc. 13. 15. *Et datum est illi, ut da-*
ret spiritum imagini bestie, & ut loquatur imago bestie, &
faciat, ut quisque non adorauerit imaginem bestie, occi-
datur. Hinc etiam rectè probant Catholici, Papam
 non esse Antichristum, quia non dat spiritum imagini
 bestie, nec facit, ut loquatur imago bestie. Hic ite-
 rum Pouellus Calvinista prorepat cum noua solutione.
 At per imaginem bestie intelligi antiquum Romanum impe-
 rium, quod in Italia quasi demortuum Papa restaurauit, &
 nouo spiritu donauit. Risum tenentis amici. Repugnat
 totus contextus. Primum, quia Antichristus idè faciet
 imaginem bestie loqui, ut palam ostendat se posse fa-
 cere miracula, quæ omnem naturæ vim & efficaciam
 longè excedant, & à solo Deo fieri possint. At restau-
 rare regnum vel imperium, quod antea fere collapsum
 erat, non est tale miraculum. Multi Reges, multi Im-
 peratores humano concilio & industria id fecerunt.
 Deinde, si de Romano Imperio loqueretur Ioannes,
 quomodo cohererent sequentia verba, & faciet, ut
 quisque non adorauerit imaginem bestie occidatur.
 An hic exit sensus, quisque non adorauerit imperium
 Romanum, occidatur a Pontifice? At hoc non modo ri-
 diculum, sed & falsum est: Pontifex non facit occidere
 Reges Hispaniæ, Galliæ, Poloniæ, & similes imperia

A Romano minimè subiectos. Imò fauet ipsis, & eorum
 regna cupit florere, & conseruari.

9. Tertium est. Apoc. 11. 2. *Et dabo duobus testibus meis*
& propheta abunt diebus mille ducentis sexaginta, amittit
saccis. Et paulo post de illorum. *Et cum finierit testimo-*
nium suum, bestia faciet aduersus eos bellum, & vincet il-
los & occidet eos, & corpora eorum iacent in plateis ciui-
tatis magna, ubi & dominus eorum crucifixus est. ex hoc
 loco colligunt Catholici varia argumenta, quibus pro-
 bant, Papam non esse Antichristum. Primum, quia duo
 testes. Elias & Henoch, venturi sunt tempore Anti-
 christi. At illi nondum venerunt. Secundò, Antichri-
 stus occidet illos testes: Hoc Pontifex non facit. Tertio
 illi testes occidentur Ierosolimæ, ubi Christus crucifi-
 xus est. Id hætenus non est factum. Hæc & similia Ca-
 tholici. Quid autem Nouatores? Theodoretus Biblian-
 der in suo Chronico, tabula 14. David Chytræus in
 Commentario illius, & quidam alii dicunt per illos
 duos testes intelligi omnes ministros fideles, ut Luth-
 erum, Zvinglium, Caluinum, & similes, qui ab Anti-
 christo, id est, Pontifici Romano persecutionem pa-
 tientur. Hoc autem aiunt iam contigisse. Sed turpiter
 errant. Primum, quia scriptura apertè dicit ipsum Eliam
 & Henoch venturos esse. Malach. 4. 5. *Ecce ego mittam*
vobis Eliam Prophetam, antequam veniet dies Domini ma-
gnus & horribilis. Et conuerteret cor patrum ad filios, & cor
filiorum ad patres eorum. Eccles. 44. 16. *Henoch placuit*
Deo, & translatus est in paradysum, ut des gentibus pari-
tensiam. Deinde, licet Elias & Henoch in suis perso-
 nis non essent venturi, sed alii similes illis in spiritu &
 virtute tamen per eos non possunt intelligi Lutherus
 aut Caluinus. Primum, quia scriptura dicit, *Dabo duo-*
bus testibus meis, & propheta abunt diebus mille ducentis se-
xaginta, amittit saccis. At Lutherus & Caluinus non
 prophetarunt amitti saccis. Imò saccum excussit Lu-
 therus cum à monasterio profugit. Caluinus nunquam
 assumpsit. et quæ eorum prophetia? Lutheri illa
 est. *Viuam in pestis, moriens ero mors tua, Papa.* Sed
 falsa & inanis. Pridem ipse mortuus est, & adhuc vi-
 uit Papa. Iterum dicit scriptura: *Hi habent potestatem*
claudendi calum, ne pluas diebus prophetia ipsorum, &
potestatem habent super aquas conuerendi eas in sangui-
nem, & percutere terram omni plaga, quotiescunque vo-
luerint. Quid hæc ad Lutherum & Caluinum? Non
 magis, quàm ad Iudam vel Attium. Addit scriptura. *Cor-*
pora eorum iacent in plateis ciuitatis magna, ubi Dominus
eorum crucifixus est. An corpora Lutheri & Caluini ia-
 cuerunt in plateis Ierosolimæ ubi Christus crucifixus
 est? Nihilominus. Pergit scriptura, *Et videbunt detri-*
tibus, & populis, & linguis & gentibus corpora eorum per
tres dies & dimidium: & corpora eorum non fuerint par-
ti in monumentis. Et post tres dies & dimidium spiritus vite à
Deo intravit in illos: & steterunt super pedes suos: &
audierunt vocem magnam de celo dicentem, Ascendite huc; Et
ascenderunt in calum: factus est terra motus magnus, & deci-
ma pars ciuitatis cecidit, & occisa sunt in terra motu septem
hominum millia. Quæso, quid horum simile accidit Lu-
 thero aut Caluino? an corpora eorum per tres dies &
 dimidium iacuerunt in conspectu hominum insepul-
 ta? an iterum post tres dies & dimidium reuixerunt?
 an audierunt vocem de celo, *Ascendite huc?* an ascen-
 derunt cum corporibus in calum in nube? an
 terra motus factus est ingens? an decima pars ciui-
 tatis cecidit? an septem hominum millia occisa sunt?
 Nugæ.

10. Quartum est. Dan. 7. 25. *Sermones contra excelsum lo-*
quetur, & sanctos altissimi conteret; & peribit quod possit
mutare tempora, & leges, & tradentur in manu eius usque
ad tempus & tempora & dimidium temporis. ex hoc loco
 confirmant Catholici, Antichristum regnaturum dilata-
 rat per tempus, & tempora, & dimidium temporis.

id est, per tres annos cum dimidio; ac proinde Pontificem, qui multo plures annos regnavit, Antichristum esse non posse. Mirum est, quam depravare interpretentur Novatores hanc verba, ut arguimento Catholicorum occurrant. Franciscus Junius Calvinista negat Danielem loqui de Antichristo. Afirmat de Antiocho. Quo autore? Impio Porphyrio, qui quod de Antiocho, & non de Antichristo Danielem intelligeret, ab antiquis Patribus refutatus est. Sed maluit Junius Porphyrium, quam sanctissimos Patres sequi. Dicam amplius, maluit Porphyrium, quam sui gregis Calvinistas sequi. Nam illi ex hoc loco probant, has esse proprias Antichristi notas, loqui sermones contra excelsum, sanctos altissimi contere, mutare tempora & leges. Et sane, quod Daniel de Antichristo, non autem de Antiocho propriè & historicè intelligendus sit; ex ipso contextu convinci potest. Agit enim in illo capite de quatuor regnis sibi invicem succedentibus, quorum primum est Assyriorum; alterum Periarum tertium Græcorum; quartum Romanorum. Hæc designat per quatuor bestias, Leænam, ursum, Pardum, & aliam innominatam habentem decem cornua in capite igitur regnum Romanorum, est bestia quarta innominata, habens decem cornua in capite. Addit Daniel, & medio horum cornuum, ortum esse aliud cornu parvulum, quo significetur ille ipse, qui sermones contra excelsum loquitur, & sanctos altissimi contere, & putabit quod possit mutare tempora & leges. Is autem non potest esse Antiochus, quia ille non est ortus ex regno, vel regibus Romanorum; sed ex regno Græcorum seu Macedonum, & ex successoribus Alexandri Magni, qui in Syria & Babylonia regnarunt, ut ex sacris & prophanis historis perspicuum est.

11. Hæc & similia exempla satis ostendunt, quam malè in causa desperata interpretentur scripturam Novatores, siue probandum illis aliquid sit, siue respondendum: & quam falso ac inaniter iacent apud imperitos, se ex immotis scripturæ fundamentis probasse Antichristum. Nunc ad cætera illorum vitia progrediamur.

3. Vitium Reformatorum, Mendacia & Calumnia.

Duplèter in hac materia mentiuntur aduersarij. Primb quia clamant, se ex immotis Scripturæ fundamentis omnia demonstrare. De hoc satis iam dictum est. Secundo, quia passim pro immotis Scripturæ fundamentis, quibus carent, crassa & aperta mendacia in medium adducunt. Ex multis pauca accipe.

1. Calvinus lib. 4. Instit. cap. 7. §. 28. dicit, Pontificem cum Cardinalibus docere nullum esse Deum nullum Christum, nullam Resurrectionem. Verba eius sunt hæc; *Quasi vero dubium sit qualem religionis speciem professi sint iam pridem Pontifices cum toto Cardinalium collegio, & hodie professantur. Primum enim arana illius theologia, quæ inter eos regnat, caput est, nullum esse Deum. Alterum quacunque de Christo scripta sunt ad idem, mendacia esse & impostura. Tertium, doctrinam de vita futura, & ultima resurrectione, narrasse fabulas. Jam pridem hæc ordinaria esse capis Pontificum religio. Quid hoc mendacio potest esse mendacius? Quæro, qui sunt illi Pontifices, & Cardinales, qui ista docuerunt? qui libri in quibus hæc scripta sunt? quæ Cathedra, in quibus hæc populo inculcata? qui auditores? qui hæc au-*

ribus perceperunt? Nulli nusquam?

3. Calvini strenue imitantur ipsius discipuli: inter quos conatur excellere Gabriel Pouchius, hæcælaus Oxoniensis, qui in arte mentiendi bene exercitatus est. Nè molestitus sim pauca ipsius mendacia attingam brevissimè: nam omnia recensere nimis esset fastidiosum.

4. Igitur lib. 1. de Antichristo cap. 17. §. 11. dicit, Catholicos docere, quod Papa possit dispensare contra veteris & novum testamentum. Et nominatum citat Bertachinum in repertorio, Verbo, Papa. At Bertachinus disertè contrarium docet his ipsis verbis, *Papa non potest dispensare in prohibitis testamenti veteris & novo. Item Papa non potest dispensare super usuris, cum sit prohibita iure divino. Item Papa non potest dispensare, quod matrimonium contrahatur inter personas iure divino prohibitas.* Ego miror, quis dispensaverit cum Pouello Calvinista in tam manifesto mendacio. Certè Papa non fecit.

5. Idem author, lib. 1. c. 16. §. 1. & 2. dicit, *Papam sibi vendicare nomen & potestatem Dei.* Hoc probat ex Gratiano dist. 98. cap. 7. ubi Nicolaus Papa gloriatur se Deum appellari à Constantino Imperatore. Addit Pouchius, *Cohorrescat calum & contremiscat terra, & tamen à Romano Pontifice profectam blasphemiam.* R. & ego dicam, cohorescat calum & contremiscat terra, & tantum à Pouello Calvinista profectum mendacium. Nihil tale ex Gratiano aut Constantino proveri potest. Res autem sic habet; Nomen Dei Duplèter scripturis viurpatur. Primb proprie, pro vero Deo ut Genes. 1. *In principio creavit Deus calum & terram.* Exod. 20. *Ego sum Dominus Deus tuus.* Eph. 4. 6. *Unus Deus & pater omnium qui est super omnia & per omnia, & in omnibus nobis.* Secundo metaphoricè, pro hominibus sanctis, vel in dignitate constitutis, ut exod. 22. 9. *Ad Deos virisque causa perueniet ad iudices & inf. 5. 28. Dignos non detrahes, & Principi tuo non maledices & Ps. 81. 6. Deus tuus in synagoga deorum, in medio autem Deus dyndica. & int. v. 6. Ego dixi, Dy estis, & filij excelsi omnes, & Ioann. 10. 34. Nonne scriptum est in lege vestra, Ego dixi, dy estis? Igitur Constantinus Imperator non solum Pontificem, sed omnes Christi Sacerdotes vocavit Deos, hoc posteriori modo, ut habetur apud Gratianum 11. q. 1. c. de Sacerdotibus. Et 12. q. 1. cap. Futuram. Et quid hic culpe est aut quid merito reprehendat hic Pouchius? Ipsemet lib. 1. c. 17. §. 2. facit omnes magistratus hoc sensu Deos vocari posse, Quid ergo mentiendi infectatur eos, qui Pontificem eodem sensu Deum appellant. Nimirum, vult Calumniari.*

6. P. e. go. Idem Calvinista c. 16. §. 6. dicit Glossam in c. *Quarta de translatione Episcopi*, docere, quod Papa possit aliquid facere ex nihilo, id est, creare, quod soli Deo convenit. Mentitur, Glossa id non docet. Sic enim loquitur: *De nullo potest aliquid facere. C. de rei uxoria actione l. unica in principio, & de consecratione dist. 2. c. reuera. Et sententiam quæ nulla est, facit aliquam 3 q. 6. c. Hæc quippe.* Quis non videt aliud Glossam dicere, aliud Calvinista? Mentitur? Glossa dicit, Papam posse efficere, ut contractus vel sententia, quæ alias iure communis nulla seu invalida esset, vigorem, & valorem habeat. Hoc enim potest Imperator facere in causis civilibus. Imò quilibet Princeps aut magistratus apud suos subditos. At Pouellus Calvinista mentiendi & calumniandi cupidus, trahit Glossam in alium sensum, quasi dicat, Papam posse aliquid facere ex nihilo, id est, posse rem aliquam creare, quod solius Dei est, Abi homo cum tua illa nequitia.

Idem c. 16. §. 6. dicit Patres Concil. Tridentini Sess. 21. c. 2. docere, quod Papa possit sacramenta à Christo



2. *Nequaquam de illa, sed de Romana loquitur.* Ita Po-
nellus lib. 1. cap. 4. §. 4. & 5.

8. Videor audire me hereticos apud Salomonem liti-
gantes, quarum altera alteri dicebat, *Mentiris, filius*
meus vivis, & tuus mortuus est. Planè sic agunt Novato-
res. Et huius tanti apud vos dissidij quis author est?
Sanè Deus aut Spiritus sanctus esse non potest. *Non*
enim, ut ait Apostolus, *Est dissensionis Deus sed pacis.*
Si ergo malus spiritus illius author est, merito iuspe-
cti esse debent Novatores, ne fortè malo spiritu im-
pellantur. Sed iam dissidiorum satis sit.

3. *An Papa defecerit à fide?*
4. *An sedeat in templo Dei?*
5. *An ostendas se tanquam Deum?*
6. *An extollas se super omnem Deum?*
7. *An neges Christum?*
8. *An idola colas?*
9. *An facias miracula mendacia.*
10. *An imprimas subditis characterem?*
11. *An sis à phœnis?*
12. *An persequatur Sanctos?*
13. *An sis Articulus fidei, Papam esse Antichristum?*

J. VITIVM REFORMATIVM

Damnāt suos maiores.

1. **A**duersarij clamant aut Gregorium Magnum
aut Bonifacium Papam fuisse primum Anti-
christum inter Pontifices Romanos. Uterque autem
vixit post annum Christi 600. Unde sequitur ab eo
tempore fidem ac Religionem Romanam non fuisse
amplius Christi, sed Antichristi. Quod si ita est, ite-
rum sequitur maiores nostros quotquot in Hassia, Sa-
xonia, Franconia, Bauaria, Palatinatu: ab anno sex-
centesimo vsque ad tempora Lutheri & Caluini ex-
titerunt, nunquam habuisse publicum veræ fidei ac
religionis exercitium, quod sanè incredibile est. Nam
toto illo temporum intervallo, non alia doctrina fidei
publicè prædicata ac recepta est, quàm quæ à Docto-
ribus Pontificiis prædicari & promoueri solet. Si hæc
igitur falsæ & Antichristiana est, omnes maiores no-
stros publicè Antichristianos fuisse oportet. Et quid
hoc aliud est, quàm fateri omnes damnatos esse, & ad
inferorum pœnas amandatos, Absit profectò. Longè
melius de iis sentiendum est. Quis credat S. Bonifa-
cium, S. Lullum, S. Kilianum, S. Burchardum, & si-
miles Episcopos, qui illo tempore in Germania prædi-
carunt, nihil aliud nisi fidem ac doctrinam Antichri-
stianam prædicasse? quis credat, Nobiles, Barones,
Comites, & Principes, qui ab illis instructi sunt, aut
templa in memoriam eorum erexerunt, in falsa reli-
gione instructos esse? Quis credat tanto sæculorum
spacio Lutherum & Calvinum primos esse, qui publi-
cè veram Christi fidem annuntiarent?



SPECIALE EXAMEN ANTI- CHRISTI REFORMATI

ACTENVS generatim
ostendi quædam vitia, quæ
Novatores admiserunt in
reformando Antichristo;
nunc sigillatim singula, quæ ab illis
asserunt, examinanda sunt, idque
hoc ordine.

1. *An Antichristus venerit,*
2. *An Papa sis Antichristus?*

CAPVT I.

An Antichristus venerit.

1. **A**firmant aduersarij. Et probant ex tribus scri-
pturæ locis. Primò ex illo 2. Thess. 2. 7. *my-*
sterium eam operatur iniquitatis. Secundò ex illo 1. Ioan-
nis 2. 18. *Filioli, nouissima hora est, & sicut audistis, qui à*
Antichristus venit, & nunc Antichristi multi facti sunt.
Tertio ex illo 1. Ioannis 4. 3. *Hic est Antichristus de*
quo audistis, quoniam venit, & nunc iam in mundo est.
2. Sed variis modis refutantur. Primò, quia seipso
ingulant. Nam si illata scripturæ testimonia probarent
Antichristum venisse, sine dubio probarent venisse
tempore Apostolorum: at si certum est, tunc venisse,
cur aduersarij de tempore aduentus ipsius dissentiunt?
Cur alij dicunt aduenisse anno 660. alij anno 763.
alij anno 1200. alij alio tempore?
3. Secundo, quia scripturam malè explicant. Ut hoc
ostendam, pauca prænotanda sunt. Primum est, nomen
Antichristi nunquam reperi in Scriptura, nisi apud
Ioannem in epistolis canonicis, iam bis ex illo citauim.
Adhuc bis vel ter citari potest, ut 1. Ioannis 2. 22. *Quis*
est mendax, nisi is, qui negat, quoniam Iesus est Christus?
Hic est Antichristus, qui negat Patrem & Filium. Et c. 4.
3. *Omnis spiritus qui soluit Iesum, ex Deo non est: & hic*
Antichristus, de quo audistis, &c. Et epist. 1. v. 7. *Multis*
seductor es exierunt in mundum, qui non confitentur Iesum
Christum venisse in carnem. Hic est seductor & Antichristus.
Næc sæpius hoc nomen reperi in Scripturis.
4. Alterum est, hoc nomen, *Antichristus*, significa-
re aduersarium seu hostem Christi, ut patet ex
scripturis citatis, in quibus dicitur, *negare Iesum esse*
Christum; negare filium; soluere Iesum non confiteri Iesum
Christum venisse in carnem: partim ex vsu Ecclesiæ, &
sanctorum Patrum, Damascenus lib. 4. de fide cap. 27.
Veniet, inquit, non pro Christo, sed aduersus Christum, qua
enam de causa. Antichristus dicitur. D. Hieronym. q. 11.
ad Algalicum. *Ipsè enim est vniuersorum perditio, qui aduer-*
satur Christo, & ideo vocatur Antichristus. D. Augustinus
tract. 3. in Epist. 1. ad Ioannem: *Latine enim Antichri-*
stus, contrarius est Christo. Consentiant alij Patres.

Tenendum est, dupliciter sumi posse nomen Antichri-
sti, Primò, verè ac propriè, pro singulari eximio quo-
dam Christi hoste, qui ab Apostolo vocatur *homo pec-*
catori & filius perditionis. Secundò mysticè & communi-
ter pro iis omnibus, qui aliquo modo Christum & do-
ctrinam eius oppugnant, ut sunt hæretici. Hoc sensu
Irenæus Valentinianos & Marcionitas, Antichristos
vocat Hilarius, Arianos: Cyprianus, Nouitianos.
Eodem sensu dixit Hieronymus in cap. 1. Prophetæ
Naum. *Totum Antichristi, quot dogmata falsa.* Vide Da-
mascentium loco citat. Augustinum lib. 1. contra ad-
uersarium legis & Prophetarum cap. 12. & alios pas-
sim. Ex Calvinistis, eandem distinctionem tradit Po-
nellus lib. 1. cap. 1. §. 3. Nec alij dissentiant.

His prenotatis, non est controuersia, an Antichristus communiter dictus venerit? Certum enim est venisse ab ipsis Apostolorum temporibus, quia tunc ceperunt esse hæretici, qui Christi fidem oppugnarent. Tota quæstio est, an Antichristus propriè dictus venerit in sua persona? Nos negamus. Aduersarij affirmant, & probant ex testimoniis supra citatis; sed male intellectis. Nam ex illis nihil aliud colligitur, quàm Antichristum communiter dictum, id est hæreticos venisse tempore Apostolorum, quod est verissimum. Et sic illa testimonia explicat Augustinus libro secundo contra aduersarium legis cap. 12. cum ait: *Ad quem pertinet etiam iste, qui se ostendit Antichristum: non unum illum maiorem ceteris: sed ex his aliquem, de quibus dicit Ioannes Euangelista: nunc Antichristi multi facti sunt. Eos enim docebat hæreticos, qui temporibus Apostolorum esse iam ceperant.* Nihil ergo probant aduersarij ex Scripturis de Antichristo propriè dicto.

7. Nos fortiora habemus argumenta, quibus contra aduersarios ostendimus, Antichristum propriè dictum nondum venisse. Non omnia: sed pauca attingam, *Primum est*: Antichristus propriè dictus non veniet, nisi prius euersum & desolatum sit Romanum Imperium: atqui hoc nondum factum est: Ergo Antichristus nondum venit. Maior passim asseritur ab antiquis Patribus, tam Græcis, quàm Latinis. Cyrillus cathechesi 15. ait: *Veniet predictus Antichristus, cum impleta fuerint tempora Romani imperij*, Chrysost. in 2. Thess. 2. *Quando e medio sublatum fuerit Romanum imperium, tunc veniet Antichristus.* Similia habent Theoph. Oecumenius & Ambros. ibidem Lactantius lib. 7. c. 15. Hieronym. q. 11: ad Algasiam, & Tertul. in Apologetico cap. 32. vbi etiam addit, fideles orare pro diuturnitate Romani imperij: eo quod intelligant, Romano imperio euerso, imminere Orbi extremam sub Antichristo calamitatem: Omitto alios,

8. Nec temerè aut sine fundamento hoc dicunt Patres. Habent pro se aperta scripturæ testimonia; habent perpetuam ab Apostolorum temporibus traditionem. Quæ antequam proferantur, prius explicandum est, in quo consistat illa desolatio seu euersio Romani imperij postquam venturus dicitur Antichristus. Aliud enim est inclinatio illius imperij, aliud desolatio seu euersio. Inclinatio facta est variis temporibus. 1. quando Roma capta est à Gothis. 2. quando imperium defecit in Occidente. 3. quando, restituito per Carolum Magnum imperio in Occidente, destructum est in Oriente per Turcas. Porro desolatio seu euersio tunc erit quando imperium Romanum diuidetur ac diuturnetur in decem Reges amisso nomine ac dignitate imperiali.

9. Probant hoc patres ex Daniele & Apocalypsi. Nam cap. Danielis, describitur successio quatuor principum regnorum vsque ad finem mundi, per quamdam statuam, habentem caput aureum, pectus argenteum, ventrem æneum, & tibias ferreas. Explicatio est hæc. Caput aureum significat regnum Chædæorum: pectus argenteum, regnum Persarum: venter æneus, regnum Alexandri & Græcorum: tibias ferreae, regnum Romanorum. Porro ex duabus tibis oriebantur decem digiti, in quibus tota illa statua delinebat, quia scilicet Romanum imperium tandem in decem Reges diuidendum est, & pro ipso desolandum.

10. Eadem quatuor regna apud eundem Daniel. c. 7. designantur per quatuor bestias, Leonem, Vrsum, Pardum, & aliam innominatam, habentem decem cornua in cap. Hæc autem bestia innominata significat imperium Romanum: & decem cornua significant decem Reges, qui imperium illud diuisuri sunt. *Bestia quarta*, inquit Daniel, *regnum quoniam erit in terrâ, quod*

A maius erit omnibus regnis, & denotabit uniuersam terram, & conculcabit & comminuet eam. Porro cornua decem ipsius regni decem Reges erunt.

11. Quod autem illi decem Reges imperium Romanum diuisuri ac distrahuri sint, colligitur ex Ap. 17. vbi Ioannes describit bestiam cum 7. capitibus & 12. cornibus, super quam sedebat mulier circumdata purpura & coccino, habens poculum aureum in manu sua, plenum abominatione & immundicia fornicationis. Nam, ut Angelus ibidem interpretatur: mulier est vrbis magna, quæ sedet super 7. colles, id est, Roma. Decem cornua sunt decem Reges, qui vno tempore simul regnabunt. *Es bi odient fornicariam, & desolatam facient illam & nudam, & carnem eius manducabunt, & ipsum igni concremabunt.* Quibus verbis aperte significat Angelus Romanum imperium per illos decem Reges penitus destructum, ac dissipatum iri.

12. Ad hæc Scripturæ testimonia accedit antiquissima Ecclesiæ traditio, de qua D. Hieronym. in cap. 7. Dan. sic scribit: *Ergo dicamus, quod omnes scriptores Ecclesiastici tradiderunt, in consummatione mundi, quando regnum destruendum est Romanorum, decem futuros Reges, qui orbem Romanum inter se diuident.* Quid clarius dici potest,

13. Constat ergo ex scripturis & Ecclesiæ traditione, Imperium Romanum tunc euertendum ac destruendum, quando in decem Reges diuidetur. Quod autem Antichristus non ante venturus sit aperte conuincitur ex Dan. cap. 7. 24. vbi sic legimus: *cornua decem ipsius regni decem Reges erunt (de quibus hætenus diximus) & alius, confurget post eos (nimirum Antichristus) & ipse potentior erit prioribus, & tres Reges humiliabit: & sermones contra excelsum loquatur, & sanctos altissimi conteret: & putabis quod possit mutare tempora & leges & tradetur in manu eius usque ad tempus, & tempora, & dimidium temporis.* Ex quibus verbis clarè patet, Antichristum venturum post decem illos Reges qui imperium Romanum inter se diuident; & consequenter post Imperij Romani eersionem, quod probandum erat.

14. Idem confirmatur ex citatæ Ecclesiæ traditione. Nam D. Hieronym. cum dixisset omnes Scriptores Ecclesiasticos tradidisse, Regnum Romanum per decem Reges diuidendum: ita subdit de Antichristo: *Tunc undecimum Regum paruulum nasciturum, qui tres Reges de illis decem superaturus sit. Dicitur autem Rex ille habiturus oculos hominis, ne cum putemus diabolum esse, sed unum de hominibus in quo totus satanas habitaturus sit corporaliter. Hæbit etiam os loquens ingenia, quia erit homo peccati, filius perditionis, ita ut in templo Dei sedere audeat, faciens se quasi Deum.* Planissimè loquitur de Antichristo.

15. Habemus ergo, partim ex Daniele & Apocalypsi, partim ex antiqua Patrum & Ecclesiæ traditione, Antichristum non venturum, nisi post eersionem Romani Imperij, quod multi probabiliter confirmant ex illo 2. Thess. 2. 3. *Nisi venerit discessio primum, & reuelatus fuerit homo peccati, intellige, non veniet dies iudicii.* Et infra: *donec de medio fiat: & tunc reuelabitur ille iniquus, quem Dominus Iesus interficiet spiritu oris sui.* Hic enim Apostolus instruit Thessalonicenses, qui ex errore putabant instare diem iudicii. Ponit autem duo ligna, quæ diem illum antecessura sint, nempe defectionem Romani imperij, & aduentum Antichristi. Est ergo sensus verborum Apostoli; Non veniet dies iudicii, nisi discessio primum facta sit ab Imperio Romano, & appareat Antichristus. Ita explicant multi Patres. D. Hieronym. q. 11. ad Algasiam; *Nisi, inquit, venerit discessio primum quæ Græcè dicitur apostasia, ut omnes gentes, quæ imperio Romano subiacent, recedant ab eo: & nisi fuerit Romanum Imperium antea desolatum, & Antichristus præcesserit, Christus non veniet: qui ideo*

venturus est, ut Antichristum destruat. Et infra; *Tantum ut Romanum imperium, quod nunc universas gentes tenet, recedat, & de medio fiat; & tunc Antichristus veniet.* Et Tertull. lib. de resurrectione carnis cap. 24. *Quoniam nisi veniat abscissio primum, huiusque regni, (nempe Romani) & reuelatur delinquentia, homo, id est, Antichristus, filius perditionis.* Et paulo post: *Tantum qui nunc tenet, teneat, donec de medio fiat. Quis nisi Romanus status, cuius abscissio in decem reges dispersa Antichristum superinducet; & tunc reuelabitur ille iniquus.* Similia habent Sedulius, Primasius, Strabus, & alij in eundem locum.

16. Hæc expositio, ut dixi, probabilis est, & potest confirmari ex ipso contextu. Nam Apostolus, antequam scriberet hanc epistolam ad Thessalonicenses, cum adhuc præsens apud illos esset, viva voce tradiderat illis quædam mysteria ad fidem Christianam pertinentia, quorum vnum erat, non prius venturum diem iudicii, quam euersum esset imperium Romanum, & Antichristus apparuisset. Illi autem, relicta hac traditione, nescio quo pacto persuasi erant, diem iudicii iam adesse præ foribus. Igitur reuocat eos ab hoc errore, & simul hortatur, ut in ea traditione, quam coram acceperant, deinceps persistant, & ab ea non sinant se dimoueri. Videamus nunc verba Pauli: Si enim incipit. *Rogamus autem vos fratres, ut non moueamini à vestro sensu, neque terreamini quasi in fine diei Domini.* Ecce error Thessalonicensium. Persuasi erant, instare diem iudicii, & idcirco terrebantur, sequitur instructio Apostoli, *Ne quis vos sedus eas ullo modo, quoniam nisi venerit discessio primum, & reuelatus fuerit homo peccati, non veniet dies iudicii. Num retinetis, quod cum adhuc essem apud vos hæc dicebam vobis?* nempe non venturum diem iudicii, *Nisi venerit discessio primum, & reuelatus fuerit homo peccati.* Quæ autem illa discessio? *donec de medio fiat regnum Romanum, id est, donec omnes discedant ab obedientia regni Romani, & sic regnum illud de medio tollatur. Itaque fratres, stete, & tenete traditiones: præsertim illam, quod dies iudicii venturus non sit, nisi præcesserint duo illa signa, quæ iam commemoravi.*

17. At obiici potest multos, per verba illa Apostoli *nisi venerit discessio primum*, intelligere discessionem seu apostasiam à fide, quæ antecederet diem iudicii, iuxta illud. 18. 9. *Filius hominis veniens, putas inueniet fidem in terra?* Fateor ita esse, sed tamen alij non incommode intelligunt discessionem ab imperio Romano. Et fortasse rectius. Primum, quia totus contextus optime coheret, si interpretemur de imperio Romano ut ostensum est. Secundum, quia constat Apostolum, quasi de industria obsecratissime locutum in illo capite, adeo ut scribat Aug. lib. 20. de ciuit. Dei cap. 19. *Ego prorsus quid dixis me facere horare.* At nulla erat causa, cur obscure loqueretur de defectione à fide, cum Christus apertissime de ea locutus sit, Lucæ 18. 8. *Filius hominis veniens, putas, inueniet fidem in terra?* Erat autem causa cur obscure loqueretur de defectione ab imperio Romano, quia cum Romæ scriberet hanc epistolam si clare scripsisset de euerione imperij Romani, potuisset Neronem offendere, qui erat homo in nos Christianos crudelissimus. Hanc causam attigit D. Hieronym. q. 11. ad Algasia, cum ait: *Non vult aperte dicere, Romanum imperium destruendum, quod ipsi, qui imperant æternam putant. Unde secundum Apocalypsin Ioannis in fronte purpurata meretricis, scriptum est nomen blasphemæ, id est, Roma æterna. Si enim aperte audacterque dixisset, non veniet Antichristus, nisi prius Romanum destrueretur imperium; infra causa persecutionis in orientem tunc Ecclesiam consurgere videbatur.*

18. Sed, quidquid sit de hoc loco Apostoli, qui va-

riè exponi potest, sufficit nobis, quod ex Daniele, Apocalypsi, & antiqua Patrum traditione clarè probatum sit, non prius venturum Antichristum, quam imperium Romanum penitus extinctum sit, ac in decem Reges distributum, quod hæcenus factum non est. Unde concludo: non venisse hæcenus Antichristum. Et hoc sit primum contra Nouatores argumentum.

19. Secundum argumentum est eiusmodi. Elias & Henoch venturi sunt eodem tempore, quo Antichristus: at illi duo nondum venerunt. Ergo nec iste. Maior passim traditur à Patribus, qui illam colligunt à variis scripturæ locis, ut supra visum est in explicatione secundi vitij Reformatorum. Porro, quia aduersarii dicunt Patres, errasse, & scripturam male intellexisse, formabo argumentum hoc modo: Duo Prophetæ venturi sunt eodem tempore, quo Antichristus, qui habebunt potestatem claudendi cælum ne pluat, & conuertendi aquas in sanguinem & percutiendi terram omni plaga: & cum prophetarint diebus 1260. mouebit Antichristus contra illos bellum, & occidet eos: & corpora eorum iacebunt Ierosolymæ, ubi Christus crucifixus est: & post tres dies & dimidium resurgent, & una cum corporibus ascendent in cælum, &c. Atqui duo isti Prophetæ nondum venerunt. Ergo nec Antichristus. Maior secundum omnes Patres sumpta est ex Apoc. c. 11. Minor patet, quia à temporibus Apostolorum ad nos usque nulli duo designari possunt, quibus omnia supradicta conueniant.

20. Franciscus Iunius Calvinista in cap. 6. Bellarmini, respondet, multos pios viros à tempore Bonifacii 8. extitisse, quibus omnia ista conueniant, non secundum literam: sed secundum sensum propheticum, quo vaticinium Ioannis impleri oporteat. Videamus an ita sit. Et primum quæro, quinam illi fuerint, qui habuerunt potestatem claudendi cælum, ne plueret, conuertendi aquas in sanguinem: & percutiendi terram omni plaga? Et quis sic ille sensus propheticus, quo ista accipienda sint? Legimus Eliam Tresbiten, antequam igneo curru tolleretur à terra, clausisse cælum, ne plueret annos tres, & menses sex. Legimus Moïsem in Ægypto conuertisse aquas in sanguinem, & percussisse terram omni plaga coram Pharaone. Sed hæc omnia secundum literam acciderunt. Qui autem sunt, qui secundum sensum propheticum ista fecerunt? Et quid est, *claudere cælum ne pluat*, secundum sensum propheticum? An est idem, quod efficere, ne per modum pluuiæ, gratia Dei descendat de cælo? At boni viri hoc non faciunt, quando conantur alios ad veram fidem convertere, tunc enim maximè opus est diuina gratia de cælo distillante. An è contrario, est idem quod efficere, ne vindicta Dei descendat de cælo? At si hoc fecerunt duo illi Prophetæ de quibus loquitur Ioannes in Apocalypsi, quomodo dicuntur aquas conuertisse in sanguinem? & percussisse terram omni plaga? An non hæc vindicta de cælo est?

21. Iterum quæro, quinam illi fuerint, quos Antichristus bello vicit & occidit, aut quo sensu intelligendum id sit: Nam si bellum, occisio, victoria, non secundum literam, sed secundum sensum propheticum accipienda sunt, ut vult Calvinista: sequitur sanctos illos Prophetas, qui à Deo missi sunt, non corpora aliter, sed spiritualiter ab Antichristo victos & occisos esse. Atqui hoc planè absurdum est.

22. Tertio quæro quando factus sit ille terræ motus quo decima pars ciuitatis cecidit, & occisa sunt septem hominum millia, Prophetis in cælum ascendentibus: Et quo sensu impletum hoc sit: Hæc & similia explicanda erant à Francisco Iunio, si volebat communem Patrum expositionem deserere, & argumenti nostri vim effugere.

13. Ex dictis concludo, Antichristum nondum venisse. Primò, quia Romanum imperium nondum euersum est. Secundò, quia Prophetæ illi de quibus loquitur Ioannes in Apocalypsi, nondum à Deo missi sunt. Tertio, quia aduersarij nullo solido fundamento possunt probare, illum venisse. Solum probant, venisse hæreticos tempore Apostolorum, quod non negamus. Plura argumenta colligi poterunt ex sequentibus.

CAPUT II.

An Papa sit Antichristus?

1. **A**ffirmant aduersarij, & probant variis argumentis, quæ omnia reuocari possunt ad hunc vnum syllogismum; Cuicumque conueniunt omnes notæ Antichristi, quæ in Scripturis fundatæ sunt, is sine dubio est Antichristus: At Pontifici Romano conueniunt omnes eiusmodi notæ: Ergo Pontifex Romanus est Antichristus.

2. Ego vicissimè è contrario repono hunc syllogismum; Is non potest esse Antichristus, cui non conueniunt omnes notæ Antichristi: Ergo Pontifex non potest esse Antichristus. Minor probanda est in sequentibus capitibus, vbi seorsim agam de singulis notis; & ostendam quæ Pontifici Romano nullo modo conuenire.

3. Addam nunc alia quædam argumenta. *Primum* est Antichristus non venit, nisi post euerisionem Romani Imperii: At Pontifex venit ante illam euerisionem: Ergo Pontifex non est Antichristus. *Secundum* est: Antichristus occidet duos illos Prophetas, de quibus agitur in Apoc. 11. c. At Pontifex hoc non facit: Ergo non est Antichristus. Hæc duo sumpta sunt ex præcedenti capite; nec indigent noua probatione aut explicatione.

4. *Tertium* est; Antichristus non regnabit, nisi tres annos cum dimidio. At Pontifex regnauit iam multis sæculis: Ergo Pontifex non est Antichristus. Maior colligitur ex illo Dan. 7. 25. *Sermones contra excelsum loquetur, & sanctos altissimi conteret, & tradentur in manus eius usque ad tempus, & tempora, & dimidium temporis.* Hic per tempus intelligitur vnus annus; & per tempora duo anni, & per dimidium temporis dimidius annus. Ita explicant omnes antiqui Patres. Neque hoc negant Nouatores; sed more suo aiunt Patres errare, & non rectè Scripturam interpretari. Ergo contra assero, Nouatores errare; Patres rectè sentire. Pro Patribus facit Ioannes in Apoc. c. 13. 5. vbi dicit. Antichristum regnaturum mensibus 42. qui rectè faciunt tres annos cum dimidio. Et cap. 11. 3. vbi ait, duos illos Prophetas, qui se opponent regnanti Antichristo prædicaturos diebus 1260. qui idem tempus efficiunt.

5. Hic valde torquent se Nouatores. Aliqui negant hæc testimonia intelligenda esse de Antichristo, vt Franciscus Iunius Calvinista. Sed hunc supra refutauit. Alii fatentur quidem Daniele & Ioannem loqui de Antichristo, non tamen assignare illi tres annos cum dimidio. Hi rursus bipartiti sunt. Nonnulli volunt tempus certum pro incerto positum esse, vt Chytræus & Bullingerus. Sed pugnant contra communem consensum antiquitatis. Adde, tunc solum poni certum numerum pro incerto, quando ponitur aliquis plenus & perfectus numerus, vt decem, centum, mille; non autem, quando parui & magni permixti sunt, concedit Iunius Calvinista in c. 8. Bellarmini. Quorsum enim numerorum varietas & permixtio, si tempus incertum designatur? Denique, si scriptura semel

tantum, aut vno modo meminisset illius numeri, posset aliquis putare, certum pro incerto positum esse. At non semel; sed sæpe illius meminit, neque vno, sed variis modis eundem expressit. Et quidem ter sub hac forma: *Per tempus, & tempora, & dimidium temporis.* Bis vero sub hac: *mensibus quadraginta duobus,* Semel denique sub hac: *diebus mille ducentis sexaginta.* Omnes autem istæ formæ designant tres annos cum dimidio. Primam vide Daniel. 7. 25. & Dan. 12. 7. & Apocal. 12. 14. secundam vide Apocal. 11. 1. & Apocal. 13. 5. Tertiam vide Apocal. 11. 3.

6. Alii respondent diem accipi pro anno, ideoque pro 1260. diebus, totidem annos intelligi oportere. Hoc enim frequenter fieri in Scripturis, iuxta illud Ezechiel. 4. 6. *Diem pro anno dedi tibi.* Et Luc. 13. 33. *Oportet me hodie, & cras, & sequenti die ambulare,* id est, tribus adhuc annis viuere. Ita Magdeburgenses Centur. 1. lib. 2. cap. 4. Sed errant. Primò, quia illum numerum 1260. annorum, non possunt accommodare ad illa verba Danielis & Ioannis, *Tempus, & tempora, & dimidium temporis.* Siue enim per tempus intelligant vnum diem, vnam hebdomadam, vnum annum: siue vnum lustrum, vnum iubilæum, vnum seculum: non efficiunt 1260. annos. Secundò, quia vtitur est Danieli, vt per tempus intelligat annum. Nam cap. 4. aliquoties repetit septem tempora transitura, quibus Nebuchodonosor erit extra regnum suum. Omnes autem docent, per illa septem tempora intelligi debere septem annos. Si enim intelligerentur anni annorum (vt intelligunt Nouatores cum de Antichristo agitur) sequeretur Nabuchodonosorem vixisse extra regnum 2555. annos, quod est absurdum.

7. Nec obstat illud Ezechiel. 4. 6. *diem pro anno dedi tibi.* Nam in illo capite iusserat Deus vt Ezechiel dormiret super latus sinistrum diebus 390. Hæc autem dormitio erat signum dormitionis Dei, per quem totidem annis tollerabat peccata Israëlitarum. Cum ergo dicit Deus Prophetæ: *diem pro anno dedi tibi,* non vult dicere, quod 390. diebus, id est 390. annis deberet dormire, (hoc enim constat esse falsum) sed sensus est, quod sicut Deus patienter sustinuit peccata populi per 390. annos: ita Propheta ad hoc explicandum quiescat totidem diebus super latus sinistrum.

8. Similiter non obstat illud Luc. 13. 33. *Oportet me hodie, & cras, & sequenti die ambulare.* Nam illis verbis non significat Christus, se adhuc tribus annis victurum, vt perperam exponunt Nouatores. (Erat enim vltimus annus vitæ ipsius, cum ista proferret) Sed potius, se tres dies consumpturum in itinere Ierosolymitano, vt interpretantur Augustinus lib. 2. de consensu Evangelistarum, cap. 75. & lib. 6. contra Iulianum cap. 8. Beda, Albertus, Caietanus, & multi alii in illum locum. Et patet ex ipso contextu. Nam mox sequitur; *quia non capit Prophetam perire extra Ierusalem.* Nimirum causam reddit, cur ambulare, id est, in Ierusalem ire debeat.

9. Hactenus tertium argumentum. *Quarum* est Antichristus à Iudæis pro Messia recipietur: At Papa non recipitur ab illis pro Messia: ergo Papa non est Antichristus. Maior passim habetur, tanquam certa apud antiquos Patres Irenæum, Damascenum, Hilarium, Cyrillum, Ambrosium, Hieronymum, Augustinum, Prosperum & alios. Et probant ex duobus Scripturæ locis. Primò, ex illo Ioannis 5. 43. *Ego veni in nomine meo, & non recipitis me; si alius venerit in nomine suo, illum recipietis.* Quis est ille alius, qui in nomine suo venturus est, nisi Antichristus? Hunc ergo recipient Iudæi. Secundò, ex illo 2. Thess. 1. 10. *Et quod charitatem veritatis non receperunt, ut salui fierent, idcirco mittat illis Deus operationem erroris, ut credant mendacio*













CAP V T X.

An Papa imprimat suis Characterem?

1. **E**X Scripturis constat; Antichristum omnes suos asseclas signaturum certo quodam characterē, seu externo signo quo palam ab aliis discernantur; ut colligitur ex illo Apocalypsis 13. 16. *Et faciet omnes pusillos & magnos divites & pauperes, liberos & servos habere characterem in dextra manu sua, aut in frontibus suis: Et ne quis possit emere aut vendere, nisi qui habet characterem, aut nomen bestiae, aut numerum nominis eius.* Et cap. 14. *Si quis adoraverit bestiam & imaginem eius: & acceperit characterem in fronte sua aut in manu sua,* Et alibi saepe.

2. Nunc quaestio est. An etiam Pontifex imprimat suis subditis characterem? Affirmant aduersarii sed dissentunt in modo explicandi, quis sit ille character. Henricus Bullingerus vult esse vñctionem Chrismatis, quo Christiani signantur in fronte quando suscipiunt Sacramentum Confirmationis. Theodoretus Bibliander dicit esse professionem Romanae fidei. Cyrtus addit alia 3. 1. Iuramentum fidelitatis, quod Pontifici praestatur. 2. Vñctionem Sacerdotalem, quae in vertice & in manu accipitur. 3. Procumbere ad statuas, & panem consecratum, & Missis funebribus interesse. Similia habent Franciscus Iunius, Pouellus & alij id genus Nouatores.

3. Hi omnes facile refelluntur. Primò, ex ipso textu. Nam character Antichristi debet habere tres conditiones. Vna est, ut sit communis omnibus, pusillis & magnis, diuitibus & pauperibus, liberis & leuibus. Altera est, ut indifferenter possit imprimi vel in fronte, vel in dextra manu. Tertia est, ut nemo, nisi habens characterem, possit emere aut vendere. Hæc omnia patent ex Scripturis citatis. Atqui istæ tres conditiones non conveniunt vñctioni Chrismatis in Sacramento Confirmationis, nec vñctioni Sacerdotali, nec professioni fidei Romanae, nec iuramento fidelitatis, nec inflexioni corporis ad statuas, ut per se patet. Nam vñctio Chrismatis in Sacramento Confirmationis saepe non confertur omnibus, nec indifferenter in fronte, vel in manu dextra, nec requiritur ad emptionem aut venditionem. Quam multi Romæ in conspectu Pontificis emunt & vendunt non modo Iudei, sed etiam Christiani, qui Sacramentum confirmationis nondum susceperunt? Vñctio Sacerdotalis multò minus confertur omnibus, nec vllò modo ad emendum aut vendendum necessaria est. Professio Romanae fidei non imprimitur in fronte, aut in dextra manu: sed lingua & ore perficitur. Idem est de iuramento fidelitatis. Inflexio similiter, non frontem aut manum: sed genua, aut totum corpus afficit.

4. Accedit, quod omnia ista, quæ à Nauatoribus assignantur pro characterē Antichristi, fuerint vñtata in Ecclesia Romana ante tempora Gregorij Magni: At character Antichristi non fuit vñtatus in Ecclesia Romana ante tempora Gregorij Magni. Ergo character Antichristi non potest esse aliquid eorum, quæ à Nauatoribus assignantur. Maior nota est ex historiis, nec ab aduersariis negari potest. Minorem probò ex illorum concessione. Fatentur enim aut Gregorium Magnum, aut aliquem ex successoribus eius fuisse primum Antichristum inter Pontifices Romanos: Atqui character Antichristi non potuit esse in vñu ante ipsum Antichristum. Piget in re tam manifesta diutius hære.

CAP V T XI.

An Papa sit Blasphemus?

1. **A**Ntichristum fore Blasphemum constat ex illo Daniel. c. 7. 25. *Sermones contra excelsam loquatur.* Et cap. 11. 30. *Aduersus Deum Deorum loquatur magnifica.* Et Apoc. 13. 5. *Datum est ei os loquens magna & blasphemias.* Et paulò post. *Apernis os suum in blasphemias ad Deum, blasphemare nomen eius, & tabernaculum eius, & eos qui in celo habitant.*

2. Hanc etiam notam aduersarii appingunt Pontifici. Aiunt, Pontificem multis modis blasphemum esse. 1. quia Deum in forma humana proponit in templis adorandum. 2. quia fingit Christum esse nouum legislatorem, qui perfectiores leges tulerit quàm Moyles. 3. quia negat Deum habere perfectam iustitiam & misericordiam, astruendo merita & satisfactiones hominum. 4. quia contemnit & multis conuitiis lacessit verbum Dei. 5. quia abutitur nomine Dei in suis incantationibus & exorcismis. 6. quia blasphemat doctrinam Ecclesiae reformatæ, dum eam nouam, incertam, & hæreticam calumniatur, cum tamen non sit noua, sed antiqua licet diu incognita; & sepulta iacuerit. 7. quia derogat existimationi eorum, quos pietas nobis debet reddere quam commendatissimos, quales sunt fideles Ministri Ecclesiae, Lutherus, Calvinus, Beza, Buceus, & similes. Vide Pouellum lib. 1. cap. 33. ubi hæc omnia prolixè enumerat, ut probet Pontificem blasphemum esse.

3. Nescio, risu an indignatione potius digni sint, qui talia proferunt. Videamus singula. Primùm aiunt, Pontificem blasphemum esse, quia pingit Deum in humana specie. Nesciunt, quid sit blasphemia. Est enim peccatum oris, non operis. Et cur non dicunt blasphemum esse Danielem, qui dicit se vidisse Deum in forma humana? *Aspicebam,* inquit, *donec throni positi sunt, & antiquus dierum sedet, & vestimentum eius candidum, quasi nix, & capilli capitis eius quasi lana.* Sanè si Deus ostendit se Danieli in forma humana; & Daniel palam fatetur se vidisse eum in tali forma: cur non liceat eum pingere in tali forma.

4. Secundò, aiunt Pontificem blasphemum esse, quia fingit Christum esse nouum Legislatorem, qui perfectiores leges tulerit, quàm Moyles. Non video, quæ hic blasphemia sit. An non Christus legislator est? Omnino est. Isaias de illo dicit *Dominus iudex noster, dominus legislator noster ipse saluabit nos.* Ipse de seipso dicit. Ioan. 14. 15. *Mandata mea seruate.* Quas ergo leges tulit? Audi Ioann. 3. 5. *Nisi quis renatus fuerit ex aqua & spiritu sancto non potest introire in regnum Dei.* Matth. 28. 19. *Euntes docete omnes gentes, baptizantes eos in nomine Patris & filij & Spiritus sancti.* Lucæ 22. 19. *Hoc facite in meam commemorationem.* Hic apertè vides Christum tulisse leges Sacramentales, quæ à Mose latæ non fuerunt. Solùm quaeri potest, quomodo Christi leges fuerint perfectiores, quàm Moisis. Respondeo cum distinctione: Duplex est Lex. Altera naturalis, altera positiua. Lex naturalis summam comprehenditur in Decalogo, quem Moyles promulgauit in monte Sinai, ut habetur Exodi 20. Christus autem redegit in compendium, cum ait, Matth. 22. 37. *Dilige Dominum Deum tuum ex toto corde tuo, & proximum tuum sicut teipsum.* In his duobus mandatis vniuersa Lex pendet & Propheta. In hac lege naturali, quoad substantiam legis pares sunt Moyses & Christus, ac quoad explicationem, superior

est Christus, quippe qui præcepta Decalogi perfectissime explicauit, ut habetur Matth. 5. Iam si spectemus leges positivas, sine dubio leges Christi simpliciter præstantiores sunt, quàm Mosaicæ: Sicut enim Sacramenta nouæ legis excellentiora sunt Sacramentis antiquæ legis: sic de ipsis legibus Sacramentalibus statuendum est. Miror Nouatores hoc non aduertere. Sed equi sunt, & duces cæcorum.

5. Tertio, aiunt Pontificem blasphemum esse, quia hoc ipso, quod astruit merita & satisfactiones nominum, negat Deum esse perfecte iustum & misericordem. Cur non similiter dicunt, Apostolum blasphemum esse, qui etiam astruit merita & satisfactiones hominum? Rom. 2. 6. *Deus reddet unicuique secundum opera sua* 1. Corinth. 3. 8. *Vniquisque propriam mercedem accipiet secundum suum laborem.* Coloss. 3. 23. & *Domino accipietis retributionem hereditatis.* 2. Titul. 4. 8. *Reposita est mihi corona iustitiæ, quam reddet mihi Dominus in illa die iustus Iudex* 2. Corinth. 17. *Sicut socij passionum estis, sic eritis & consolationis.* Roman. 8. 17. *Si ramentum compatimur, & ut conglorificemur.* Nec verò (ut falso putant aduersarii) minuitur iustitia aut misericordia Dei, per nostra opera meritoria aut satisfactoria. Nam perfecta Dei iustitia in eo elucet quòd pro offensa humani generis infinita, non passus sit tibi satisfieri, nisi per satisfactionem Christi infinitam. Et similiter perfecta misericordia in eo, quod nullo nostro merito ex sola sua liberalitate & benignitate dederit nobis Christum Redemptorem, qui nos à seruitute peccati liberaret.

6. Quarto, aiunt Pontificem blasphemum esse, quia contemnit, & multis conuitiis lacessit verbum Dei, Mendacium est. Pontifex magni facit verbum Dei, & ex eo probat Lutheranos & Calvinistas hæreticos esse: Nec vllum hætenus conuictum in lib. Pontificum repperit, quo verbum Dei incessat. Imò magno conatu & labore id operæ dat, ut verbum Dei quam correctissime imprimatur & legatur. Nouatores potius blasphemus sunt, qui solo verbo scripto contenti, totum verbum Dei traditum reiciunt: Imò ipsum scriptum verbum multis partibus relectis mutilant, & quod residuum est, praua interpretatione peruertunt, Huius rei specimen aliquod supra ostendi.

7. Quinto, aiunt Pontificem blasphemum esse, quia abutitur nomine Dei in suis incantationibus, & exorcismis. Est ne hoc abuti Dei nomine, quando Diabolum in nomine Dei proscribimus, & facessere iubemus? Christus Marci 16. 17. dixit: *In nomine meo Demonia eiicientur.* An Nouatores volunt in nomine alterius id facere?

8. Sexto, aiunt Pontificem blasphemum esse, quia blasphematur doctrinam Ecclesiæ reformatæ, dum eam nouam, incertam, & hæreticam vocat. Verum, hæc non blasphemia, sed veritas est. An doctrina illa noua censeri non debet, quæ à Luthero & Caluino initium habet, & toti Patrum antiquitati contraria est? an incerta non est, quæ singulis præne horis ac momentis mutatur: an hæretica non est, quæ à Catholica Christi Ecclesia ac doctrina differt? Exemplo res erit manifesta. Docet Calvinus Deum authorem esse peccati: Docet Christum desperationis vocem emisisse: docet baptismum non esse ad salutem necessarium: docet peccata non tolli, sed tegi: docet solos prædestinatos habere fidem: docet omnia iustorum opera esse peccata mortalia. An hæc dogmata hæretica non sunt? an non toti Patrum antiquitati contraria? Alibi id latius ostensum est.

9. Septimo, aiunt Pontificem blasphemum esse, quia derogat Luthero, Caluino, Beza, Bucero, Nihil alijs derogat. Dicit hæreticos esse, ut reuera sunt. An vos derogatis Arrio, Macedonio, Nestorio, Eutycheti, &

similibus portentis, quando dicitis hæreticos esse, & ab Ecclesia Catholica damnatos? Nullo modo. Similiter ergo in hac causa est statuere.

10. Ego, si luberet, hæc omnia in aduersarios facillime retorquerem. Dicerem multis modis blasphemos esse. 1. quia fingunt Deum authorem peccati. 2. quia negant Christum esse legislatorem. 3. quia iustitiam Dei in crudelitatem vertunt, asserendo ipsum multos ad æternam penam, sine vlla illorum culpa prædestinare. 4. quia verbum Dei partim reiciunt, partim malè interpretantur. 5. quia ad nomen Iesu prohibent honorem ac reuerentiam exhiberi. 6. quia antiquam Patrum & Ecclesiæ doctrinam contemnunt. 7. quia Pontificem vocant Antichristum. Hæc, inquam, sexcenta alia possem illis obicere, sed non lubet: Res enim nota est.

CAPVT XII.

An Papa persequatur Sanctos?

DE Antichristo sic legimus Dan. 7. 25. *Sanctos altissimi conteret.* Apocal. 11. 7. *Bestia qua ascendit de abyssu, faciet aduersum eos bellum, & vincet illos, & occidet eos.* Et cap. 13. 15. *Et faciet, ut quicumque non adorauerint imaginem bestia, occidantur.*

2. Hoc etiam quadrare in Pontificem Romanum docent aduersarii. Aiunt persecutum esse Vvaldenses, Albigenes, Hussitas: aiunt adhuc persequi Lutheranos & Calvinistas: aiunt ab eo esse excitatum bellum in Gallia, Belgio, & alijs regnis contra fideles Ecclesiæ ministros: multa hominum millia occisa: multum innocentis sanguinis factam profusionem. Et quid non? Quidquid maiorum in Europa fit à Pontifice, & Pontificis fieri asserunt. Vide Pouellam Calvinistam lib. 1. cap. 32.

3. Sed primum demonstrare oportebat, Vvaldenses, Albigenes, Hussitas, Lutheranos, Calvinistas, esse viros sanctos, & fideles Dei ministros. Hoc opus, hic labor est. Nos hæreticos esse dicimus. Hæreticos autem punire, nihil mali est. Imò lege diuina & imperatoria concessum. Moyses iussit occidi multa millia Israëlitarum, eo quod à fide vnius Dei recedentes, idolum vituli adorarent. (Exodi 32. 27.) Elias interfecit Prophetas Baal (3. Regum 18. 40.) Idem fecit Iehu (4. Reg. 10. 25.) Mathathias trucidauit quendam Iudæum idolis sacrificantem (1. Mach. 2. 4.) Taceo similia exempla quàm plurima. Iam leges Imperatoris, quibus pena capitis in hæreticos decernitur, plurimæ & nouissimæ sunt. Nec opus est hic recitare.

4. Quamto nos æquius queri possumus de Nouatoribus, qui carceribus, flammis, inuitatis supplicijs in Catholicos multis iam annis Izuerunt in Anglia, Hollandia, Gallia, & alibi. Extant de hac crudelitate integra volumina. Et quid necesse est infandum renouare dolorem? Legatur theatrum crudelitatis Calvinisticæ. Sat videbis, omnem eos humanitatem exuisse, & penè in feras ferocissimas esse transformatos.

CAPVT II.

*An sit articulus Fidei, Papam esse
Antichristum?*

1. **R** Ili, cūm primum legerem in præfatione Pouel-
li Caluinistæ hæc verba: *Deum sancte testor, me
tamēto scire, Pontificem Romanum esse magnū illum An-
tichristum, quā Deum ipsum esse in celo creatorem visibi-
lium & inuisibilium, & Iesum Christum esse verum Messiam*
Hic vides Calvinistam illum, hos tres articulos ea-
dem certitudine tenere; nempe. *Deus est in celo, Chri-
stus est Messias; Papa est Antichristus.*

2. Hinc sequitur Primò. Symbolum fidei non esse per-
fectum secundum Calvinistas, quia vnus ē tribus præ-
cipuis articulis illi deest. Vnde sicut Catholici annis su-
perioribus correxerunt Calendarium, ita suadeo Cal-
uinistis, vt corrigant Symbolum Apostolorum, Et quia
Lutherus est decimus tertius Apostolus, sic illius nomi-
ne apponant hunc decimum tertium articulum: *Credo
Papam esse Antichristum.*

3. Secundò sequitur, omnes Patres, quotquot à tem-
poribus Apostolorum extiterunt, vsque ad tempora
Lutheri & Caluini, ignorasse vnum ex præcipuis fidei
articulis, quia nescierunt, Papam esse Antichristum,
Merito igitur dubitari potest, an saluari potuerunt
cūm sine perfecta fide impossibile sit placere Deo. Non
sit autem perfecta fides, quæ non credit omnes articu-
los fidei credendos.

4. Tertio sequitur hunc articulum fidei (quod Papa
sit Antichristus) in eo differre ab aliis articulis, quod
alii habeantur in verbo Dei scripto, hic autem manife-
stè deducatur ex immotis Calvinistarum fundamentis
præsertim ex illis tribus, nempe ex contemptu sancto-
rum Patrum antiquorum, ex falsa scripturæ interpreta-
tione, & ex mendacijs apertissimis. Nescio, an indi-
geat res maiori explicatione.

DE ECCLESIA
Romana.*An Ecclesia Romana defecerit?*

OPVSCVLVM IV.



SENSVS est, an Ecclesia
Romana cum alijs Ecclesijs
illi adhzrentibus, ita defece-
rit & degenerauerit vt desie-
rit esse vera Ecclesia: affir-
mat Caluinus l. 4. Inst. cap. 7.
24. his verbis; *Fuerit sane
olim Roma omnium Ecclesiarum mater, verum ex
quo Antichristi sedes fieri cepit desit esse id, quod
erat. Hic duo asserit. Vnum Ecclesiam, & quod
amplius est, omnium Ecclesiarum matrem,*

A Hoc accipimus: Alterum eam iam defecisse, &
factam esse Antichristi sedem. Hoc disceptamus.

2. Potest autem dupliciter intelligi, eam de-
fecisse. Primò in moribus. Secundò, in doctri-
na fidei. Prior defectus non tollit rationem veræ
Ecclesiæ, sed posterior. Est ergo hic status con-
trouersæ, An Ecclesia Romana defecerit in do-
ctrina fidei: Affirmat Idem Caluinus Nec aliter
probat, quā crasso & aperto mendacio. Ait,
Pontifices Romanos pridem docuisse tres gra-
uissimos errores circa fidem: nempe, *nullum esse
Deum, nullum Christum, nullam Resurrectionem.*
Verba Caluini supra citata sunt.

3. Ego contra, non mendacijs, sed firmis ar-
gumentis demonstrabo Ecclesiam Romanam,
sicut olim fuit, ita nunc esse veram Christi Eccle-
siam, neque à sua puritate vnquam defecisse: id-
que tribus modis. 1. ex Scripturis. 2. Patribus. 3.
ex ipso Caluino, & principijs eius Et ne longus
sim, vtar potissimum hoc postremo proband. ge-
nere, præsertim cūm multi alij iam pridem ex
scripturis & Patribus idem argumentum copiosè
tractarint. Vt autem tota res facilius percipiatur,
eam per certas Conclusiones conabor deducere
& explicare. Sit ergo,

CONCLUSIO VI.

D *Concedenda est aliqua visibilis Ecclesia in
terris, quæ sit & dicatur Catholica, Sancta
Sponsa Christi, Domus Dei, columna &
firmamentum veritatis.*

1. **H**Æc tota conceditur à Caluino lib. 4. Inst. cap.
1. per multos §. vbi ex professo disputat de
Ecclesia visibili. Et quidem §. 2. ait nos fide credere
Ecclesiam visibilem, cum dicimus in Symbolo Aposto-
lorum *Credo sanctam Ecclesiam Catholicam.* Itaque dare
Ecclesiam visibilem, est articulus fidei, secundum Cal-
uinum. Et rectè. nam licet externis oculis videamus
multitudinem eorum hominum, ex quibus constata
est Ecclesia visibilis, tamen quod in ea multitudine sit
vera doctrina Christi & Apostolorum, hoc non vide-
mus, sed credimus. Vnde visibilis Ecclesia partim ca-
dit sub aspectum oculorum: partim sub fidem Externis
oculis videmus homines, qui in Ecclesia sunt: interna
fide credimus, veram Christi doctrinam apud eos tradi
& conseruari.

2. Hinc soluitur sophisma illud Lutheranorum: *Quod
fide credimus, hoc non est visibile: Ecclesiam fide credimus
Ecclesia ergo visibilis non est.* Nam maior propositio sic
debet intelligi; quod fide credimus, hoc non est visi-
bile secundum id, quod sub fidem cadit, licet visibile
sit secundum aliquid aliud, quod sub fidem non cadit,
Huius rei varia sunt exempla, Apostoli in Christo
videbant: humanitatem: credebant diuinitatem. In Ba-
ptismo videmus externam aquam & ablutionem, cre-
dimus internam vim regenerandi & peccata remitten-
di. In codice biblicorum videmus chartam, scripturam,
codicem ipsum, credimus quod in eo legitur, verbum









sed esse corpus Christi. Ambros. lib. 4. de Sacramentis cap. 4. *Vbi accesseris consecratio, de pane fit caro Christi.* Et libro de mysteriis initiandis capit. 9. *Fortè dicas, aliud video quomodo tu mihi asseris, quod Christi corpus accipiam? Et hoc nobis adhuc superest, ut probemus, &c.*

4. Baptismum esse infantibus necessarium in salutem Augustinus libro 3. de anima & eius origine capite 9. *Noli credere, noli dicere, noli docere infantes, antequam baptizentur, morte preueniunt, peruenire posse ad originalium indulgentiam peccatorum, si vis esse Catholicus.* Et epistola 28. ad Hieronimum; *Quisquis dixerit, quod in Christo vivificabuntur etiam parvuli, qui sine Sacramento eius participatione de vita exeunt, hic profecto totam condemnat Ecclesiam. Audeant hoc Calvinistæ.*

5. Peccatum originale tolli per Baptismum Augustinus Concion. 1. in Psalm. 115. *Sicut Aegyptios in mari obruit, ita in Baptismo delecta nostra demersa & extincta, lucet clarius intus Propheta dicens; Praecipe in profundum maris omnia peccata nostra.* Ambrosius libro 2. de Sacrament. capite 4. *Merito aqua dulcis est, in qua culpa deuoratur, Lactantius libro 3. cap. 26. Vno lauari malitia omnis abolebitur.*

6. Fidem sine operibus & obseruatione mandatorum non iustificare ad salutem. Clemens Alexandrinus libro 5. Stromatum; *Gratia saluamur, sed non absque bonis operibus* Nazianzen. oration. in sanctum lauacrum, *operare bonum, quia fides sine operibus mortua est.* Chrysostom. homilia 3. in Ioannem; *Nunquid satis est ad vitam eternam, in filium credere? minime.* Hieronymus in capite 26. Ilaix; *Murus & antemurale ponitur in ea. Mors bonorum operum, & antemurale fidei. Non enim sufficit, tantum habere fidei, nisi ipsa fides bonis operibus confirmetur.* Augustinus in libro de fide & operibus capite 14. *Fam illud videamus, quod excusationem est a cordibus religiosis, ne mala securitate salutem suam perdant, si ad eam obtinendum sufficere solam fidem putauerint, &c.*

7. Opera iustorum esse apud Deum meritoria. Augustin. ierm. 162. de tempore; *Deus pro meritis fidei atque bonorum operum dabit suis fidelibus regnum calorum.* Basil. oration. in initium Prouerborum; *Omnes qui viam Evangelicam incedimus, mercatores sumus, per opera mandatorum, nobis possessionem caelestium comparantes.*

8. Legem Dei non esse impossibilem. Basilii oration. in illud, *Attende tibi Impium est dicere impossibilia esse precepta.* Chrysostom. homilia 8. de penitentia; *Nequaquam Dominum accusas, haud mandas impossibilia.* Hieronym. libro 3. contra Pelagianos; *Deus possibilia mandauit, hoc nulli dubium est.* Augustinus libro de natura & gratia capite 43. *Non igitur Deus impossibilia iubet.*

9. Fidem & sanctitatem semel habitam amitti posse, nec esse propriam electorum. Augustin. in libro de correptione & gratia capite 13. *Credendum est: quosdam de filiis perditionis non accepto dono perseverantia usque in finem, in fide, qua per dilectionem & erant, incipere viuere, & aliquandiu fideliter ac iuste viuere, & postea cadere.*


10. Deum per internam gratiam omnes vocare ad fidem, etiam reprobos, & querere illorum salutem, quantum in se est. Ambros. sermon. 8. in Psalm. 118. *Sol iustitia omnibus ortus est, omnibus venit, omnibus passus est, & omnibus resurrexit. Si quis autem non credit in Christum generali beneficio ipse se fraudat, ut si quis clausis fenestris radios solis excludat.* Chrysostom. homilia 7. in Ieremiam, *Illuminat omnem hominem, quantum in ipso est, Si quis autem sponte sua, mentis oculis conuenientibus, ad huius lucis radios aciem dirigere noluerint,*

non ex luminis natura, sed ex sua malitia, in tenebris persistunt.

11. Vides, opinor, aliud Calvinisticam, aliud primitiuam Ecclesiam docere in rebus fidei. Fatetur hoc Calvinus, & manifestè apparet ex his paucis, quæ allata sunt. Calvinisticam hoc tempore non esse veram Christi Ecclesiam, eo quod dissentiat à primitiua Ecclesia, quam constat fuisse veram Catholicam, & Apostolicam Romana igitur Catholica est.


12. Hactenus de priori parte, *Posterior est*, per mille annos à Gregorio Papa usque ad Lutherum, non fuisse Ecclesiam visibilem, præter Romanam, quæ habuerit legitimam successionem Episcoporum, & consenserit cum Ecclesia primitiua in doctrina fidei. Hæc non indiget probatione, quia Calvinistæ non possunt ullam talem Ecclesiam, præter Romanam assignare. Aut si putant se posse, dicant quæso, qui fuerint Doctores illius Ecclesiæ; qui Episcopi & Pastores; qui Martyres, qui Reges, qui Imperatores illi adhererint quihæretici ab illa eiectioni; quæ Academia ab illa confirmata; quæ templa ædificata? Ad nihil horum respondere possunt aliud quàm se ignorare.

13. Sed vrgeo. Si istis mille annis fuit aliqua Ecclesia visibilis, vel fuit cognita hominibus, vel incognita. Si cognita, nominate Doctores & Episcopos, illius nominate prouinciam, ciuitatem, castellum, in quod fuit. Si incognita, vnde vobis de illa constat, qui vobis reuelauit? Nemo vestrum vixit illis temporibus. Qui autem tunc vixerunt, illis incognita fuit, vt dicitis Vnde ergo habetis, eam fuisse? Hic hæreticis. Et ego sisto, donec respondeatis. Interim concludo, neque iam esse, neque hactenus fuisse Ecclesiam ullam visibilem in terris, præter Romanam, quæ cum primitiua in rebus fidei consenserit, & legitimam Episcoporum successionem habuerit.



DE TRIPLICI COENA Caluinistica, Catholica, Lutherana.

OPUSCULUM V.



Era controuersia de Coena Eucharistica potest generatim reuocari ad hæc capita. 1. An Christus sit verè præsens in Eucharistia? 2. An fiat præsens per transubstantiationem, id est; per conuersionem substantiæ panis & vini in corpus & sanguinem Christi, an alio modo? 3. quamdiu maneat ibi præsens an eo solum tempore, quod sumitur & manducatur, an etiam extra summptionem & menducationem, toto illo tempore, quo durant species sacramentales; 4. An totus Christus sit ibi præsens secundum carnem sanguinem, animam rationalem, & diuinitatem? 5. An dum ibi præsens est, possit ac debeat adorari?

2. In his capitibus præcipua disceptatio est;

omissa questione de Communionem sub vtraque specie, quæ peculiarem tractationem requirit. In primo capite dissentiunt à nobis Caluinistæ, in secundo Lutherani. Illi negant Christum præsentem esse in Eucharistia. Hi fatentur quidem præsentem esse, non tamen per transubstantiationem, sed alio modo. Contra vtriusque disputandum est. Primum, contra Caluinistas, de præsentia Christi in Eucharistia. Secundum, contra Lutheranos, de transubstantiatione. Tertium explicandum sententia Catholicorum, non solum de illis duobus, sed etiam de aliis capitulis, quæ paulò ante proposita sunt.

De Genæ Caluinistica, seu de præsentia Christi in Eucharistia.

In scriptis Caluinistis, in his refutandis hic ordo servabitur. 1. explicabo statum questionis de præsentia Christi in Eucharistia. 2. ostendam, Caluinistas negare præsentiam Christi. 3. Caluinistas arguere seipsum. 4. Non intelligere, quid dicant. 5. Scripturam corrumpere. 6. Repugnare Patribus. 7. Divinis miraculis confutari. 8. Nullo fundamento haberi posse. 9. Merito suspectos esse debere.

CAPUT I.

Statum Questionis de Præsentia Christi in Eucharistia.

Potest aliquid, 4. modis esse præsens alicubi. Primum, per signum, figuram, vel imaginem sui, quod paxo Imperator est præsens in effigie, quæ illum representat. Secundum, per apprehensionem; quo pacto amicus amico præsens est, quando de illo reipia cogitat. Tertium, per effectum vel operationem, quo pacto sol est nobis præsens per lumen & calorem, quàm in terris producit. Quartum, per seipsum, quo pacto sol est præsens in celo.

1. Hoc posito, certum est apud omnes, tam Catholicos, quàm aduersarios, Christum præsentem esse tribus prioribus modis in legitimo usu Eucharistia. Primum, quia per externas species panis & vini, tanquam per signa quædam diuinitus instituta, Christi caro & sanguis representatur. Secundum, quia ex illa representatione, Christum fide apprehendimus. Tertium, quia per illa signa operatur in nobis effectum gratiæ & refectionis spiritualis. Est igitur præsens representatiue, obiectiue, & effectiue seu virtualiter. In eodem modo fuit præsens in sacramentis & sacrificiis antiquæ legis. Primum, quia illa Christum figurabant. Secundum, quia Iudei per fidem in Christum venturum credebant. Tertio, quia per Christi futura merita gratiam consequabantur.

3. Tota difficultas est de quarto modo, an scilicet Christus non solum per figuram, & per apprehensionem, & per effectum, sed etiam per seipsum sit præsens in Eucharistia; Caluinistæ negant, ut paulò post videbimus. Vnde sequitur, Christum ex illorum sententia non aliter præsentem esse in Eucharistia, quàm

Opusc. Becc.

olim fuerit in sacrificiis Mosaicis, nempe sacramentaliter, obiectiue & effectiue, non autem per seipsum. Catholici plus tribuunt Eucharistia. Volunt Christum omnibus modis ibi præsentem esse. Hoc in Concilio Tridentino explicant per illas tres particulas: *Verè, realiter, substantialiter*, quasi dicat Christum non solum secundum figuram, sed etiam secundum veritatem, non quæ solum per apprehensionem, sed etiam reipsa, neque solum per effectum & operationem, sed etiam per seipsum & substantiam suam, in Eucharistia præsentem esse.

4. Vnde patet, hunc esse statum questionis: An Christus per seipsum & per substantiam suam sit præsens in Eucharistia, necne? Vel, an verè, realiter & substantialiter sit ibi, necne? Vel an caro & sanguis Christi sit in Eucharistia, & non tantum figura, vel apprehensio, vel operatio carnis & sanguinis? Hæc enim eodem recidunt. Nunc ergo videndum est, quid Caluinistæ de hac re sentiant, & quomodo refutari possint.

CAPUT II.

Caluinistæ negant præsentiam Christi in Eucharistia.

1. Hoc aperte constabit ex tribus illorum propositionibus, quæ hic subiungam. Prima est, corpus Christi, non esse alibi, quàm in celo, ac proinde tanto intervallo distare ab Eucharistia, quanto distat celum à terra. Ita Calvinus in consensione de re sacramentaria, ubi in fine sic ait. *Tollenda est qualitas localis præsentia imaginatio. Nam cum signa hic in mundo sint, oculi cernuntur, palpi tanguntur, Christus, quæ vix hinc est, non alibi, quàm in celo querendus est. Et ibidem: Quia enim corpus Christi finitum est, & calorem loci continet, necesse est, à nobis tanto locorum intervallo distare, quanto celum abest.*

2. Altera propositio est, verba illa Christi, *Hoc est corpus meum*, non propriè sed figuratè intelligenda esse, ut sensus sit, *Hoc est corpus meum*, id est, hic patet est signum seu figura corporis mei. Similiter *Hic est sanguis meus*, id est, *Hoc vinum est signum seu figura sanguinis mei*. Hæc propositio sequitur ex præcedenti. Nam si corpus Christi non alibi, quàm in celo est, non potest verè ac propriè esse in Eucharistia, sed tantum figuratè, ac proinde verba illa. *Hoc est corpus meum*, non possunt intelligi, quasi corpus Christi verè ac propriè sit præsens in Eucharistia, sed quod ibi sit præsens figura, seu sacramentum corporis Christi. Ita Calvinus lib. 4. Instit. cap. 17. §. 21. Plessæus lib. 4. de Eucharistia c. 1. & alij Caluinistæ passim. Verba Plessæi sunt hæc, *Panis significat corpus Christi: Panis est signum corporis Christi: Panis est corpus Christi in signo*

3. Tertia propositio est corpus Christi, cum tantum sit in celo non aliter percipi & manducari à nobis in Eucharistia, quàm sola fide, neque opus esse ad hanc manducationem, ut per seipsum præsens sit, & à celo ad nos descendat, sed sufficere, ut per fidem nos sibi præsentem faciat in celo. Nam per fidem in celum ad Christum assumimus. Ita Calvinus lib. 4. Instit. cap. 17. §. 5. his verbis: *Invenio verò hanc non aliam esse quam, fidei manducationem faciem, ut nulla alia fieri possit. Et §. 31. Christus præsens illis non videtur, nisi ad nos descendat. Quasi verò, si ad se nos euchar (nempe per fidem) non aquè potiamur eius præsentia. Et infra. *Retrahe non est, Christum elicere in terras, ut nobis sit circumdatus: quia scilicet sola fide sufficere nobis contingit.**

Pless. lib. 4. de Eucharistia cap. 1. disertè fatetur, Christum non aliter manducari & bibi in Eucharistia, quàm in Baptismo, aut in verbo Dei, seu Euangelio, quia non aliter manducatur & bibitur, quàm sola fide.

4. In his 3. propositionibus continetur doctrina Calvinistarum, in qua ipsi cum Berengario, Viclefo & Zvinglianis consentiunt; & à Catholicis discrepant. Catholici sic docent. Primum Christum non tantum in celo sed etiam in Eucharistia verè, realiter & substantialiter præsentem esse. Secundò verba illa, *Hoc est corpus meum*, propriè, non figuratè intelligenda esse. Tertiò, non sola fide, sed verè realiter & substantialiter Christum in Eucharistia manducari.

CAPVT III.

Calvinista seipsum ingulanti.

1. **H**Oc breuiter ostendam, discurrendo per singulas propositiones iam allatas. Prima est, corpus Christi non alibi esse, quàm in celo, ac proinde tanto intervallo distare ab Eucharistia, quanto cælum abest à terra. Hanc euertit Calvinus lib. 4. Instit. cap. 17. §. 10. his verbis. *Omnino ista pars tenenda est regula, ut quoties symbola vident à Deo instituta, illic res signatæ veritatem adesse cerò cogitem ac sibi persuadeam.* Et in cap. 11. prioris ad Corinthios, *Christus visibile illud symbolum nobis porrigendo, una dat etiam nobis suum corpus.* Neque enim fallax est, qui vacuis figuris nos laudat: Præiudicando illud mihi est extra controuersiam, veritatem hic cum suo signo coniunctam esse. Quid clarius? Aut veritatem cum suo signo, id est, corpus Christi cum simbolo illud nobis porrigitur, simul porrigi corpus Christi, quod per illud representatur. Euertit ergo, quod antea dixerat, corpus Christi non esse coniunctum cum pane, sed tanto intervallo ab eo distare, quanto abest cælum à terra.

2. *Altera propositio est verba illa Christi, Hoc est corpus meum*, non propriè, sed figuratè intelligenda esse, ut sensus sit; *Hoc est corpus meum*, id est, *Hic panis est signum seu figura corporis mei.* Hanc etiam euertit Calvinus: Nam cum antea docuisset cum Zvinglio, panem esse signum seu figuram corporis Christi absentis, id est, in celo, & non alibi existentis postea oppugnans Zvinglium, asseruit, panem esse signum corporis Christi præsentis, & sic incaute seipsum ingulauit. Hoc patrum patet ex locis iam citatis, ex libello de cœna Domini in fine, ubi contra Zvinglium & Oecolampadium sic ait: *Dum nimis studiosi ac diligenter in hoc toti incumbimus, ut assererent panem & vinum corpus & sanguinem Christi vocari, quod ipsorum signa sint; non cogitarunt sibi hoc interea simul agendum ut adiungerent, ita signa esse, ut nihilominus veritas cum eis coniuncta sit.* Vbi nota Calvinum agnoscere duplex signi genus. Quoddam nudum seu vacuum, quod rem signatam repræsentat tantum, sed non exhibet: quo pacto imago Cæsaris repræsentat Cæsarem sed non exhibet: Et figuræ veteris testamenti repræsentabant, sed non exhibebant Christum. Aliud non nudum & vacuum, sed coniunctum cum re signata: quia non tantum repræsentat illam, sed etiam exhibet. Et huius generis signum vult esse panem Eucharisticum. Huc spectat, quod lib. 4. c. 17. §. 21. ait: *Et si symbolum à re signata differt, quia tamen rem, quæ repræsentanda consecratio est, non figurat tantum, cum vnda & inanis tessera, sed etiam verè exhibet: cur non eius appellatione in ipsum uere competat? Quid si humanius arrogitæ*

symbola, quæ imagines sunt rerum absentium præsentium, quæ tamen præsentium, quas etiam ipsas fallaciter sepe adumbrant, earum sacramentis interdum ornantur: quæ à Deo sunt instituta, multo maiori ratione, verum nomina mutuantur, quorum certam minimeque fallacem significationem semper gerunt, & adiunctam habent secum veritatem. Hoc loco probat Calvinus, panem rectè vocari corpus Christi, tali argumento: Quando signum non tantum repræsentat, sed etiam verè exhibet rem signatam, tunc rectè vocari potest nomine rei signatæ: At panis Eucharisticus non solum repræsentat, sed etiam verè exhibet corpus Christi: Ergo panis Eucharisticus rectè vocari potest corpus Christi præsens esse in Eucharistia, quod tamen Calvinus antea negauerat? Ergo seipsum destruit.

3. *Tertia propositio est, corpus Christi non aliter percipi & manducari, quàm sola fide.* Hanc dupliciter euertit Calvinus. Primum, quia oppugnat Zvinglianos qui fidei manducationem admittunt. Sic enim de iis loquitur lib. 4. cap. 17. §. 5. *Sed hoc non perinde conuenit inter omnes, qualis sit eius participandi ratio. Sum enim, qui manducare Christi carnem, & sanguinem eius bibere uno verbo definimus, nihil esse aliud, quàm in ipsam Christum credere, sed mihi expressus quiddam ac sublimius videtur voluisse docere Christus in præclara illa Coniunctione, ubi carnis sue manducationem nobis commendat.* Secundò, quia expresse docet cum Plessio, corpus Christi verè, realiter, & substantialiter à nobis manducari, ac proinde non sola fide. Sic enim habet in libello de cœna Domini: *Necesse est, nos in cœna vere corpus & sanguinem Christi recipere.* Et infra: *Intelligimus Christum nobis in cœnam veram propriamque corporis & sanguinis substantiam donare.* Et in cap. 11. prioris ad Corinthios: *Concludi redit, ut vulgo loquimur, nobis in cœna dari corpus Christi, Et lib. 4. Instit. cap. 17. §. 32. in sacra cœna iubet me sub symbolis panis ac vini corpus & sanguinem suum sumere, manducare ac bibere. Nihil dubito, quin & ipse vere porrigat: & ego recipiam.* Et Plessius lib. 4. de Eucharistia cap. 2. *Deum sacra cœna ex præscripto Christi celebrant, Christum realiter & substantialiter recipimus.*

4. Vides opinor, Calvinum Caluino contrarium esse, & quod uno loco affirmat cum Zvinglio: altero negare contra seipsum. Neque hoc nouum est. Iam pridem hoc vitium in illo notari, præsertim in questionibus Calvinisticis, quæst. 2. ubi è multis collegi has contradictiones ex Caluino. 3. Fide credimus solam Ecclesiam inuisibilem, fide credimus, non solam inuisibilem, sed etiam visibilem. 1. Nemo potest saluari extra Ecclesiam visibilem: Filij fidelium, qui sine Baptismo decedunt, saluantur extra Ecclesiam visibilem, quam ingressi non sunt.

5. Vniuersumque fidelis est certus certitudine fidei de sua iustitia & prædestinatione. Nemo est certus se habere fide. 4. Fides habet vim iustificandi: Fides, quoad iustificationem, est res merè passiva. 5. Nulla datur iustitia inhærens: semper donamur iustitia inhærente, quando Deo reconciliamur. 6. Homo in statu innocentie liberè peccauit & poterat non peccare: Omnia sunt Deo volente, & Dei voluntas est rerum necessitas. Hæc & similes contradictiones propè infinitæ sunt in Caluino. Rectè in illum conuenit illud Christi: *Omne regnum contra se diuisum desolabitur.*

CAP V T IV.

Caluinistæ non intelligunt, quid dicant.

1. **I**Pse Caluinus hoc fatetur, ut iam ostendam. Dixerat prius cum Zvinglio, panem esse symbolum Christi absentis, eo quod tanto intervallo abesset Christus ab Eucharistia, quanto abest cælum à terra. Postea asserunt contra Zvinglium, & contra seipsum, panem esse symbolum Christi præsentis, ita ut non solum repræsentaret, sed etiam reipsa Christum nobis exhiberet. Videbat hæc duo non coherere. Et tamen, ut superbum est hæreticorum genus, nec hoc, nec illud voluit reuocari; aut ullam repugnantiam in suis verbis agnoscere. Quid ergo? Præten dit rem esse difficilem & mysterij plenam, quæ nec verbis explicari, nec ingenio comprehendi possit. Audi, quid dicat lib. 4. Institut. cap. 16. §. 7. *Nihil restat, inquit, nisi ut eius mysterij admirationem pronuntiam, cui nec mens plane cogitando, nec lingua explicando par esse potest.* Et infra §. 10. *Est autem incredibile videtur, in tanta locorum distantia penetrare ad nos Christi carnem, ut nobis sit in cibum, meminerimus, quantum supra sensus omnes nostros emineat arana spiritus sancti virtus, & quam studium sit eius immensitatem nostro modo velle metiri. Quod ergo mens nostra non comprehendit, concipit fides.* Et Beza in tractatu de re Sacramentaria quæst. 9. *Fatemur incomprehensibile esse mysterium Dei, quo fit, ut quod est, manet in cælis, & non alibi: verè communicetur nobis, qui in terra sumus, & non alibi.*

2. Hic iterum vides morem & ingenium hæreticorum. Cum in aperta contradictione deprehensos se vident, non contradictionem, sed mysterium interpretantur. Quæ potuit esse manifestior contradictio, quam vno loco asserere, corpus Christi nusquam esse, nisi in cælo; & alio corpus Christi coniunctum esse in simbolo panis in Eucharistia? At Caluino & Beza, & non contradictio, sed mysterium est, quod intelligi nequeat. Audi simile exemplum in eodem Caluino. Docuit quodam loco peccata omnia Deo volente & decernente perpetrari. Obiciebant Catholici, hoc consistere non posse cum scriptura, quæ ait, peccata fieri Deo nolente & prohibente: Non posse contrarias esse in Deo voluntates, quarum vna vult, altera non velit peccata ab hominibus committi. Quid Caluinus? Ait mysterium esse quod à nobis capi aut intelligi non possit. Sic enim habet lib. 1. Institut. cap. 18. §. 3. *Quod obiciunt, si nihil enoniat, nisi volente Deo, duas esse in eo contrarias voluntates, quia occulto consilio decernat, quæ lege sua palam vetat, facile diluitur, Quam facile audiamus. Pergit igitur post pauca, & sic diluit, Quomodo Deus diuerso modo idem nolit fieri & velit, non capimus.* Sanè illa diluendi ratio est omnium facillima. Implica te mille contradictionibus; affirma, & nega, quod vis, urgeant aduersarij; facile te expedies cum Caluino, hac voce. *Non capimus. Mysterium est.*

3. Porro, ea dictis animaduerte, Caluinum labi in novam contradictionem. Nam in hac ipsa materia, de qua agimus, obicit impossibile esse, ut idem corpus simul existat in diuersis locis. Vnde infert contra Catholicos, Christum non posse in cælo simul esse, & in Eucharistia. At, si hoc impossibile est quando erit possibile, quod Caluinus docet, Christum esse in cælo, & non alibi; & tamen simul esse in Eucharistia? Nam hinc sequitur aperta hæc contradictio: *Christus in cælo tan-*

rum; Christus non est in cælo tantum. Talis autem contradictio non sequitur ex Catholicorum assertionem. Bis ergo peccat Caluinus. Primò, quod in suo dogmate manifestam contradictionem committant. Secundò, quod velit suum dogma esse possibile, nostrum impossibile, cum tamen in nostro non appareat contradictio.

CAP V T I.

Caluinistæ scripturam corrumpunt.

1. **N**E longus sim vno verbo ostendam. Catholici & scriptura producunt quatuor potissimum argumenta, quibus probant Christum in Eucharistia præsentem esse. Caluinistæ nullum nisi corrumpant scripturam, possunt dissoluere. *Primum* petunt ex figuris Eucharistia. *Alterum* ex promissione Ioannis 6. 51. *Panis, quem ego dabo caro mea est promundi vita.* *Tertium* ex Instit. Matth. 26. 26. *Hoc est corpus meum, quod pro vobis datur.* *Quartum* ex vsu 1. Cor. 10. 16. *Panis quem frangimus, nonne participatio corporis Domini est?* Et c. 11. 27. *Quicumque manducauerit panem hunc, vel biberit calicem Domini indigne, reus erit corporis & sanguinis Domini.* Hæc inquam, sunt argumenta Catholicorum, quæ doctè & copiosè persequitur Bellarm. lib. 1. de Eucharistia cap. 3. & sequentibus.

2. Ergo relictis aliis, vno solo, quod ex institutione sumitur, contentus ero, cuius vim Caluinistæ, nisi corrupto textu, nunquam effugient. Est autem talo. Christus instituit Eucharistia his verbis, *Hoc est corpus meum, quod pro vobis datur: Hic est sanguis meus, qui pro vobis effunditur.* At hæc verba debent propriè non autem figuratè intelligi: Ergo corpus & sanguis Christi propriè & non figuratè sunt in Eucharistia. Minor, in qua tota difficultas est, probatur ex illis verbis Luc. 22. 20. *Hic calix nouum testamentum esse in meo sanguine, qui pro vobis effunditur.* Vbi illud relatiuum, *Qui*, refertur ad calicem, ut patet ex Græco textu, qui sic habet: *τοῦτο τὸ ποτήριον ἐστὶν τὸ καινὸν διαθήκην ἐν τῷ αἵματι μου, ὃ ἐκχυνέται ὑπὲρ ὑμῶν.* Id est, *Hoc poculum nouum testamentum est in meo sanguine quod pro vobis effunditur.* Ex quo loco sic argumentor: In illo poculo, quo Christus tradidit Apostolus bibendum in cæna Eucharistica, vel erat propriè & verè vinum, vel propriè & verè sanguinis Christi. Nam potuit propriè & verè esse vinum, quia poculum vino non est essetium pro salute nostra: Christus autem loquitur de poculo, quod pro salute nostra effusum est. *Hoc inquit, est poculum in meo sanguine, (vel poculum mei sanguinis) quod pro vobis effunditur.* Necesse ergo est, in illo poculo fuisse verè & propriè sanguinem Christi.

3. Hic omninò premuntur Caluinistæ. Nec apparet ullum effugium. Vidit hoc Beza Caluini discipulus, & præ desperatione, cum aliud non posset, maluit textum deprauare, quam errorem deferere. Sic igitur verba Christi mutauit: *τοῦτο τὸ ποτήριον ἐστὶν τὸ καινὸν διαθήκην ἐν τῷ αἵματι μου, ὃ ἐκχυνέται ὑπὲρ ὑμῶν.* Id est, *Hoc poculum nouum testamentum in meo sanguine, qui pro vobis effunditur.* Audax facinus. Ipsemet Beza fatetur in omnibus Græcis codicibus haberi, *Hoc est poculum in meo sanguine, quod pro vobis effunditur;* & tamen omnibus refragantibus, reponit hæc verba. *Hec est poculum in meo sanguine, qui pro vobis effunditur.* Bezam sequuntur alij Caluinistæ, sed plerique non aduertunt fraudem. Si aduertent: nihil dubito, ad sanio rem mentem redirent potiusquam in errorem tam manifestum persistere.

4. Nimirum hic est candor Calvinistarum in tractandis & exponendis scripturis. Et ut omnia impunè ipsis liceant, non admittunt ullum Iudicem in terris. Quisque suo spiritu ducitur. Hinc tot nouæ, inauditæ & monstruæ verbi Dei interpretationes. Et quod hodie placet uni, cras displicet aliis. Nūquam certo vestigio consistunt. Sed de hac realias. Nunc satis sit monuisse, Calvinistas non modo interpretari, sed etiam corrumpere scripturam pro suo arbitrio solere.

CAPVT VI.

Caluinista repugnant Patribus.

1. **S**Andè, qui scripturam tam indignè tractant, non recurebuntur auctoritatem Patrum. Video autem Calvinistas dupliciter in hoc genere peccare. Primò, quod apertè repugnent Patribus. Secundò, quod nihilominus populo persuadeant, Patres ipsis patrocinari. Sic enim loquitur Calvinus in vltima admonitione ad Vespethalum, *Constat vetustos omnes scriptores, quosquis quinque sæculis post Apostolos vixerunt, uno ore nobis patrocinari. Verus dixisset, uno ore nobis refragari, Audiamus illos scriptores.*

2. Origenes Homilia 5. in diuersa loca Euangelij sic scribit. *Quando manducas & bibis corpus & sanguinem Domini, tunc Dominus sub teclum tuum ingreditur. Et tu ergo humanians te ipsum, imitare hunc Centurionem, & dicito, Domine non sum dignus, ut intres sub teclum meum.* Calvinus diceceret, *Domine, cum sis tamen in calce, non potes intrare sub teclum meum.*

3. Hilarius lib. 8. de Trinitate. *De veritate carnis & sanguinis non est relictus ambigendi locus, (nisi apud Calvinistas. Nunc etiam & ipsius Domini professione, & fide nostra vere caro est, & vere sanguis est. Calvinistæ deprauant Domini professionem, ut paulo ante vidimus, & fidem nostram oppugnant, asserentes non verè, sed figuratè carnem esse, nec verè, sed figuratè sanguinem esse.*

4. Cyrillus Hierosolymitan. catheghisi. 4. mystagica, *Cum Christus ipse dicat, Hoc est corpus meum, quis deinceps audeat dubitare? Et infra; Aquam aliquando mutauit in vinum, & non eris dignus, cui credamus, quod vinum in sanguinem transfundatur? Et iterum, Christophori erimus, hoc est, Christum ferentes, cum eius corpus & sanguinem in membra nostra recuperimus. Itemque, Hoc sciens & pro certissimo habens panem hunc, qui videtur à nobis, non esse panem, etiam si gustus panem esse sentiat, sed esse corpus Christi. Et vinum, quod à nobis conspicitur, tamen si gustui vinum esse videatur, non tamen vinum, sed sanguinem Christi esse. Quis dicat Cyrillum Caluino patrocinari? Nemo sanè, qui hæc legerit.*

5. Ambrosius lib. 4. de Sacramento cap. 4. *Panis est ante verba sacramentorum: ubi accesserit consecratio, de pane fit caro Christi. Et libro de mysterijs initiandis c. 9. Foris dicat, Aliud video, quomodo tu mihi asseris, quod Christi corpus accipiam? Et hoc nobis superest ut adhuc probemus. Quamvis vimum exemplis, ut probemus non hoc esse, quod natura formauit, sed quod benedictio consecrauit? maioremque vim esse benedictioni, quam natura, quia benedictione priam natura ipsa mutatur? Vide ibid. quæ sequuntur. Tandem post multa sic concludit, *Seruo ergo Christi, qui panis exhibito facere quod non erat, non potest ea, quæ sicut, in id mutare, quod non erat? Vbi apertè loquitur de reali mutatione panis & vini in carnem & sanguinem Christi quam Calvinistæ oppugnant.**

6. Optatus Mileuitanus lib. 6. contra Parmeniam

A num. *Quid est altare, nisi sedes corporis & sanguinis Christi? Et infra Hoc tamen immane facinus geminatum est, dum fregistis etiam calices Christi sanguinis portatores. Audite Calvinistæ. Calices, quos frangitis, Christi sanguinis sunt portatores, ut ait Mileuitanus. An is vobis patrocinator? Non opinor.*

7. Augustinus concione 1. in Psal. 33. *Ferebatur Christus in manibus suis, quomodo commendans ipsum corpus suum, ait, Hoc est corpus meum. Ferebat enim illud corpus in manibus suis Non solam figuram corporis, ut putant Calvinistæ. Contra quos videtur Damascenus scripsisse lib. 4. de fide cap. 14. Non est, inquit, figura corporis & sanguinis Christi, absit enim hoc, sed est ipsum corpus Domini deificatum. Et Theophylactus in cap. 26. Math. Non dixit, Hoc est figura, sed, Hoc est corpus. Ineffabili enim operatione transformatur, etiam si nobis videatur esse panis.*

8. Nolo esse prolixior in citandis Patribus. Satis iam constat non omne uno ore Calvinistis patrocinari. Nisi patrocinari idem sit, quod refragari: Nihilominus in tanta luce, tam impudentes sunt aduersarij, ut quorundem Patrum auctoritatem obiectare nobis audeant. Aiunt quosdam docere Christum esse in Eucharistia tanquam in signo. Sed facilis responsio est. Dixi supra Christum 4. modis præsentem esse in Eucharistia. 1. per signum seu figuram sui 2. per apprehensionem. 3. per effectum & operationem. 4. per seipsum. Patres ergo, qui dicunt præsentem esse per signum non negant præsentem esse per seipsum. Vbi nota has duas loquendi formulas distinguendas esse, *Christus est in Eucharistia præsens per signum & figuram suam. Et Christus est in Eucharistia præsens per seipsum & figuram suam tantum.* Prior vera est, posterior falsa.

CAPVT VI.

Caluinistæ diuinis miraculis confutantur.

1. **D**uplicia sunt miracula, ut notat D. Thomas 3. p. q. 29. art. 1. ad 1. Quædam sunt obiecta fidei quia creduntur. Quædam testimonia seu motiua fidei quia iuuant vel confirmant fidem. Priore solent esse occulta, ut fides eorum sit magis meritoria. Posteriora debent esse publica & nota, ut possint fidem nostram testari & confirmare.

2. Vtrumque miraculorum genus reperitur circa Eucharistiam. Et quidem miracula prioris generis sunt potissimum quatuor. Primum est, quod substantia panis & vini conuertatur in carnem & sanguinem Christi. Secundum, quod accidentia panis & vini maneant sine subiecto. Tertium, quod corpus Christi existat sine extensione locali. Quartum quod existat in diuersis locis. Hæc occulta sunt, neque sub sensum cadunt.

3. Miracula posterioris generis, quibus confirmari potest præsentia Christi in Eucharistia, sunt varia. Quædam contigerunt ante exortam hæresim Berengarij, ut videre est apud Cyprianum sermone de lapsis. Nicephorum l. 13. c. 7. Sozomenum l. 8. c. 3. Prosperum in lib. de prædicationibus. p. 4. c. 6. Gregorium l. 2. Dialogorum cap. 24. & l. 3. c. 3. Petrum Diaconum in vita eiusdem Gregorij. Alia contigerunt post exortum hæresim Berengarij, de quibus scribit Paschasius in libro de corpore & sanguine Domini cap. 14. Et Guidmundus l. 3. de sacramento. Et his miraculis ipse quoque Berengarius ad euitandam hæresim perimotus est. Alia contigerunt post Ioannem Viclefum, qui Berengarij





quosdam probabiles ex scholasticis Theologis, & eorum solutiones omittendo. Quæ autem sint illæ rationes, & quomodo dissolui debeant, commodius explicabitur inferius, cum sententia Catholicorum de hac tota re ponetur.

CAPUT I.

Caluinista meritis suspecti esse debent.

1. **E**X dictis colligi possunt hæc causæ, cur merito suspecta esse debeat Calvinistarum de Eucharistia sententia. 1. quia seipsam destruit. 2. quia tam obscura & implicata est, ut ne ab ipsis quidem Calvinistis explicari aut intelligi possit. 3. quia defendi nequit, nisi corrumpendo & depravando sacram scripturæ. 4. quia repugnat Patribus, & toti antiquitati. 5. quia diuinis miraculis confutata est. 6. quia nullo firmo fundamento est subnixæ.

2. Addo alias duas causas. *Præmissæ sunt, quod Zwinglius fateatur se eam accepisse à nocturno spirito. Hic autem spiritu merito suspectus est. Primum, quia ipsemet Zwinglius, cui apparuit, de eo sic loquitur: Alius fuit, an alius, nihil memini. Secundum, quia Gretzerus noster in disceptatione de somno Zwinglij, prolixè probat fuisse dæmonem. Idem affirmat Lutherani. Nec Calvinistæ omnino id negant. Hoc patet ex Dauide Parteo, Calvinista Heidelbergensi, in prælectionibus catechisticis in solutione cuiusdam argumenti Lutheranorum, Lutherani sic argumentantur: Doctrina Calvinistica de Eucharistia, profecta est à Dæmone, qui eam Zwinglio inspirauit. Ergo non potest esse vera. Respondet Parteus, retorquendo argumentum hoc modo: Doctrina Lutherani de abroganda Missa est etiam à Dæmone inspirata: Ergo similiter non potest esse vera. Perinde agunt, ut Poëta cecinit: Vt tibi in nigra dicebat caca-bus esse.*

3. *Altera est, quod Iudas proditor credatur fuisse primus author huius doctrine Calvinistarum, ut plerique colligunt ex Euangelio Ioannis cap. 6. Nam cum Christus dixisset: Sunt quidam ex vobis, qui non credunt, (nempe præsentiam corporis mei in Eucharistia,) continuò subiungit Ioannes: Sciebat enim ab initio Iesus, qui essent non credentes, & quis traditurus esset eum. In quem locum ita scribit Augustinus tract. 27. in Ioannem: Sunt quidam, qui non credunt; & ideo non intelligunt quia non credunt. Et paulo post: Ibi erat & Iudas, qui mansit ad insidiandum, non ad intelligendum. Et Chrysostomus Homil. 46. in Ioannem: Intuere Christi sapientiam. Neque Iudam manifestauit, neque latere voluit. Illud ne impudentius contenderes. Hoc ne latere arbitratus, licentius auderet. Prius ergo eum non credentibus annumeratis, cum diceret, Sunt quidam ex vobis, qui non credunt, Cum autem in malitia perseveraret, vehementius arguit. Unus, inquit, ex vobis Diabolus est. Ecce quem ducem sequantur Calvinistæ. Eum, qui Christo teste, Diabolus est. Eum, qui fuit dux eorum, qui comprehenderunt Iesum, Actor. 1. 16.*

De Cæna Lutheranorum, seu de transubstantiatione.

Hactenus contra Calvinistas ostensum est Christum esse præsentem in Eucharistia. Nunc inter Catholicos & Lutheranos manet disceptatio, quomodo fiat præsens. Catholicos docent fieri per transubstantiationem, id est, per conuersionem totius substantiæ panis & vini in corpus & sanguinem Christi. Lutherani volunt manere substantiam panis & vini cum corpore & sanguine Christi; ideoque negant hanc conuersionem asserentes Christum fieri præsentem, vel per vbiuitatem, vel per unionem hypostaticam Christi cum pane & vino, vel certe per simplicem coniunctionem vnius cum altero. Hæc omnia examinanda sunt hoc ordine. 1. An Christus fiat præsens per vbiuitatem. 2. An per unionem hypostaticam. 3. An per simplicem coniunctionem. 4. An per transubstantiationem. Reliquæ quæ subtiliter disputari solent de transubstantiatione, commodius tractabimus infra, cum Catholicorum doctrina explicabitur.

CAPUT II.

An Christus fiat præsens in Eucharistia per vbiuitatem?

1. **A**ffirmat Lutherus in libello, qui inscribitur, *Confessio Martini Lutheri de cæna Domini*, Brentius in apologia pro confessione Vitembergensi, in tractatu de cæna Domini, Illyricus in libro de ascensione Domini, Smidelius in thesibus de maiestate Christi hominis, & plerique alij Lutherani, qui defendunt vbiuitatem, excepto Kemnitio, qui licet vbiuitarius sit in libro de duabus Christi naturis, tamen in examine Concilij Trident. Sess. 13. cap. 4. dicit, fundamentum præsentiae corporis Christi non esse vbiuitatem.

2. Hi authores nituntur his fundamentis. Primum, quod humanitas Christi hypostaticè vnita sit personæ verbi. Secundum, quod hæc vnio hypostatica sit idem, quod communicatio idiomatum; Et in eo consistat, quod attributa diuinæ realiter vnita & communicata sint humanitati Christi. Tertium quod ex hac reali communicatione fiat, ut humanitas Christi verè sit omnipotens, omniscia, vbique præsens. Vide Brentium in libro de maiestate Christi hominis, & Smidelium loco citato.

3. Primum fundamentum verum est; reliqua falsa. His oppono has propositiones, quæ verissime sunt. **Prima est.** Vnio hypostatica distinguitur à communicatione idiomatum seu attributorum diuinorum, & consistit in communicatione substantiæ Verbi. Probatur primo, quia in Christo sunt due naturæ, & vna persona: Ergo vna substantia: Ergo vel ambæ naturæ subsistunt per substantiam verbi, vel ambæ per substantiam humanam creatam: Non posterius: Ergo prius. Ergo verbum diuinum communicat suam substantiam humanitati, & in eo consistit vnio hypostatica. Secundum probatur argumento Concilij Toletani 6. cap. 1. quia solus filius Dei est incarnatus: ergo vnio facta est per communicationem eius, quod est proprium filij; non eius quod est commune alijs personis.



Christi, qui ibi præsens est. Hæc autem fides est certa & infallibilis, ut ipsi volunt, ergo re ipsa consequuntur fructum remissionis peccatorum. Quid ergo necesse est, ad hunc fructum consequendum, ire ad ecclesiam, & eucharisticum panem manducare? Vides, tolli necessitatem eucharistiae si admittatur ubiquitas.

CAPUT II.

An Christus fiat præsens in Eucharistia per unionem hypostaticam?

1. **H**Oc dupliciter intelligi potest, Primò, ut Christus fiat præsens per unionem hypostaticam personæ Verbi cum pane. Secundò, ut fiat præsens per unionem hypostaticam corporis Christi cum pane, accipiendo corpus Christi pro altera parte compositi: hoc posterius videtur sentire Lutherus in libro de captivitate Babylonica, ubi dicit, hanc propositionem, *Panis est corpus Christi*, veram esse propter unionem panis cum corpore.

2. Vtrique unio explicanda & refellenda est. Priorem asseruit Rupertus Tuitiensis libro 6. in Ioannem, circa illa Christi verba, *Panis quem ego dabo, caro mea est*, ubi dicit, Verbum æternum per incarnationem factum hominem, non destruendo, vel mutando, sed assumendo personaliter humanitatem. Et eodem modo, per consecrationem, idem verbum fieri panem, non destruendo, vel mutando, sed assumendo personaliter panem, ubi aperte fatetur, Christum esse panem post consecrationem, sicut est homo post incarnationem. Idem author lib. 2. de divinis officiis cap. 2. & 9. de eadem re multa dicit. Primò, panem fieri corpus Christi, non quod convertatur in carnem Christi, sed quia assumitur à personæ Verbi. Vnde sequitur, panem esse corpus Christi non humanum & carneum, sed panaceum, & longè diversum ab illo, quod de virgine sumptum est. Secundò, hæc duo corpora posse dici unum, quia est vnum suppositum utriusque. Est enim una persona, quæ vtrumque assumpsit. Tertio, hæc duo corpora, panaceum & carneum, esse unum, quia idem Christus est in carne sursum, & in pane deorsum, id est, idem Christus habet duo corpora, vnum carneum in celo, & alterum panaceum in altari. Quarto, impios in Eucharistia nihil accipere, nisi corpus panaceum; pios autem accipere vtrumque. Nam quia idem Christus est sursum in carne, & deorsum in pane, idem solum in pane sumitur ore corporali, quod est commune piis & impiis, in carne autem, quæ est sursum, non sumitur nisi ore spiritali: quo carent impii.

3. Hæc unio sic explicata, facile refellitur. Primò, quia licet non sit impossibilis, tamen non potest probari, factam esse. Nullus enim ante Rupertum illam defendit, nec ex scripturis demonstrari potest. Secundò, quia pugnat cum illis Christi verbis; *Panis quem ego dabo, caro mea est*. Nam secundum Rupertum, panis, quem dat Christus in Eucharistia, non est caro Christi, sed corpus panaceum, Ergo si verba Christi sunt vera, Rupertus sententia est falsa. Tertio, pugnat cum illis verbis, *Hic est sanguis meus*. Quamvis enim panis & vinum hypostaticè unita essent Verbo, sicut eidem Verbo unita sunt caro & sanguis Christi; non tamen licet dicere, *Hoc vinum est sanguis Christi*; sicut non licet dicere, *hæc caro est sanguis Christi*. Nam communicatio idiomatum debet fieri in supposito, ac proinde

termini propositionis debent significare suppositum, & non aliquam partem suppositi. Quarto, pugnat cum præsencia carnis & sanguinis Christi in eucharistia. Vnde omnia argumenta, quibus probari solet, carnem & sanguinem Christi essent in eucharistia, evidenter procedunt contra opinionem Rupertus.

4. Posteriolem unionem asseruit quidam apud Thomam Vvaldensium Tomo 2. de sacramentis cap. 65. & Lutherus loco supra citato. Hæc enim facile refellitur. Nam unio hypostatica non fit in natura, sed in personæ seu substantia. At in Christo homine non est illa persona, nisi Verbi. Ergo si panis hypostaticè unitur Christo, non unitur illi in natura humana, vel aliqua illius parte, sed in personæ Verbi. Hæc autem unio iam refutata est.

CAPUT III.

An Christus fiat præsens in Eucharistia per simplicem conjunctionem?

1. **H**Oc videtur sentire Kemnitius in Examine Concilii Trid. Sess. 13. cap. 4. ubi negat Christum fieri præsensem per ubiquitatem, aut per unionem hypostaticam Christi cum pane. Agnoscit ergo aliam unionem per modum simplicis conjunctionis, quam etiam nonnulli recentiores Lutherani tuerentur.

2. Sed refello Lutheranos ex duobus ipsorum principiis. *Primum est*, illa verba, *Hoc est corpus meum*, propriè esse intelligenda, non metaphoricè, in quo nobiscum conveniunt. *Alterum est*, per pronomen *Hoc*, designari panem, in quo sentiunt cum Calvinistis. Igitur volunt hunc esse sensum verborum, *Hic panis est verè & propriè corpus Christi*. Nunc sic argumentor: Quando duæ res distinctæ ac disparatæ non aliter inter se uniuntur, quàm per simplicem conjunctionem, tunc una non potest verè ac propriè dici altera. Nō enim dicimus, *Equus est propriè asinus*, licet coniungantur ratione loci: neque dicimus, *Christus est propriè lapis marmoreus*, licet fuerint penetratiue in eodem spatio: & sic de cæteris. Atqui panis & corpus Christi sunt duæ res distinctæ, & disparatæ, nec aliter uniuntur, quàm per simplicem conjunctionem, ut suppono ex sententia aduersariorum: Ergo panis non potest verè ac propriè dici corpus Christi.

3. Nec opus est alio argumento in re clara. Qui latine novit, & prudenter rem æstimat facile advertit falsam esse hanc locutionem, *Panis est propriè caro*, *Vinum est propriè sanguis*. Calvinistæ minus in hoc genere peccant, cum dicunt; *Panis est figuratè caro*, *Vinum est figuratè sanguis*. Quamvis enim non minus aberrant à regula & veritate fidei, quàm Lutherani; tamen in modo loquendi cautiore sunt.

4. Quidam ex recentioribus Lutheranis Ioannes Debelus in sua Disputatione de cœna, putat se aliter difficultatem expedire posse. Ait inter panem & corpus Christi esse unionem sacramentalem, & idè Lutheranos propositionem hoc sensu veram esse; *Panis sacramentaliter est corpus Christi*, id est (ut ipse explicat) *manducato benedicto pane in cœna, manducatur etiam corpus Domini, propter unionem sacramentalem, quæ soli Deo cognita est*. Sed hic homo, seu volens, seu imprudens, in Calvinismum labitur. Calvinistæ dicunt; *Panis figuratè est Corpus Christi*. Debelius dicit: *Panis sacramentaliter est corpus Christi*. Quid interest inter has propositiones? Aut dicat Debelius aperte, an panis propriè sit corpus Christi an figuratè? Si propriè, quid

tergine factus? Si figuratè, Calvinista est. Deinde quod addit, *manducato pane benedicto, manducari etiam corpus Christi*, quo sensu id dicit? An vult, corpus Christi manducari, tantum fide seu spiritualiter? At hoc Caluini dogma est, & reijcitur passim à Lutheranis. An potius manducari ore corporis, sicut panis manducatur; Hoc quidem Lutherani asserunt; sed Debelius asserere non potest. Nam ibidem ait, corpus Christi non *Physici*, sed tantum *sacramentaliter* esse præsens. Quomodo ergo *Physici*, seu ore corporali sumi potest, Omnino igitur Calvinista factus est Debelius in Saxonia.

CAPUT IV.

An Christus fiat præsens in Eucharistia per transubstantiationem.

1. Catholici in Concilio Tridentino Sess. 13. Capite 4. can. 4. docent Christum fieri præsente in Eucharistia per *conuersionem totius substantia panis in corpus, & totius substantia vini in sanguinem Christi*; remanentibus solis accidentibus: Et hanc conuersionem rectè appellari *transubstantiationem*, sicut eam appellarunt Patres in Concilio Lateranensi sub Innocentio III.

2. Hanc doctrinam acciperunt Catholici ex antiquis Patribus, qui hanc ipsam conuersionem, non solum apertè tradiderunt, sed etiam variis vocabulis explicare conati sunt; dum alii *transmutationem*, alii *transformationem*, alii *transclementationem*; alii *transitum* seu *migrationem de pane in carnem*; alii aliter eam nuncuparunt. Ex multis citabo paucos.

3. Diuus Ambrosius elegantissimè de hac re expressè scriptum in libro de iis qui mysteriis iniciantur capite nono ubi sic ait fortè dicas, *Aliud video; quomodo enim mihi asseris quod corpus Christi accipiam? Probemus igitur, non hoc esse, quod natura formauit, sed quod benedictio consecrauit; maioremque vim esse benedictionis quàm naturæ, quia benedictione etiam ipsa natura mutatur.* Deinde additis variis exemplis aliarum mirabilium conuersionum, ut virgæ in serpentem; & serpentis iterum in virgam, & aquæ fluminum in sanguinem, petreæ in aquam; tandem ita concludit; *Quod si tantum valuit humana benedictio, ut naturam conuerteret, qui dicimus de ipsa consecratione diuina, ubi verba Saluatoris operantur? Nam sacramentum istud, quod accipis, Christi sermone concipitur. Quod si tantum valuit sermo Helie, ut ignem de calo deponeret, non valebit sermo Christi, ut species mutet elementorum. De totius mundi operibus legistis, quia ipse dixit, & facta sunt, ipse mandauit, & creata sunt. Sermo ergo Christi, qui potuit de nihilo facere, quod non erat, non potest ea que sunt, in id mutare, quod non erant? Non enim minus est nouas res dare, quàm mutare naturas. Sed quoad argumentis retinimur? si utamur exemplis incarnatio isque affirmamus mysterii veritatem. Nunquid natura usus precessit, cum Iesus Dominus ex Maria nasceretur? si ordinem querimus, viro nupta femina generare consuevit. Et hoc, quod conficimus. Corpus ex Virgine est. Et cetera quæ sequuntur in eandem sententiam.*

4. Gregorius Nyssenus in oratione catechistica capite trigésimo septimo. *Rectè nunc quoque credo, Dei verbo sacrificatum panem, in Dei verbi corpus transmutari.* Augustin. sermon. 28. de verbis Domini; *Anno verba Christi quod offertur, panis dicitur: ubi Christi verba de prom-*

issa fuerint iam non panis dicitur, sed corpus appellatur. Et apud Gratianum de consecr. dist. 2. can. Vtrum, Corpus Christi & sanguis, virtute Spiritus sancti, ex panis & vini substantia efficiatur. Et can. Nos autem; *Fideliter fatemur, ante consecrationem panem esse & vinum, quod natura formauit; post consecrationem verò, carnem Christi & sanguinem esse, quod benedictio consecrauit.* Cyprianus sermone de coena Domini; *Panis esto, non effigie, sed natura mutatus, omnipotentia Verbi factus est caro.*

5. Cyrillus Hierosolymitanus catechesi 4. mystagogica *Aquam mutauit in vinum in Cana Galilee sola voluntate: & non erit dignus, cui credatur, quod vinum in sanguinem transmutaret? Si enim ad nuptias corporis inuicatus stupendum miraculum operatus est; cur non multo magis corpus & sanguinem suum, filiis sponsi dedisse confitebimur? Nempe sub specie panis datur tibi corpus; sub specie vini, sanguis Christi. Etiam si sensus tibi aliud renunciet, fides tamen te confirmat.*

6. Damascenus libro 4. capite 14. *Quemadmodum naturaliter panis per cibum, & vinum per potum, in comeditis ac bibentis corpus & sanguinem mutantur: sic propositio panis ac vinum, per Spiritus sancti inuocationem & aduentum, mirabili modo in Christi corpus & sanguinem vertuntur.* Et Chrysostomus Homil. 83. in Mattheum; *Qui hac in altari sanctificat & transmutat, ipse Christus est, qui olim in cena operatus est.*

7. Theophylactus in capite 6. Ioannis; *Attende, quod panis, qui à nobis in mysteriis manducatur, non est tantum figuratio quadam carnis Dei, sed ipsa caro Domini. Non enim dixit; Panis quem ego dabo, figura est carnis meae, sed caro mea est. Transformatur enim panis, arcanis verbis per mysticam benedictionem, carnem Domini.*

8. Gaudentius in tractatu de Paschate Dominus quæ producit de terra panem, de pane rursum, quia potest & promissis, efficit proprium corpus. Et qui de aqua vinum fecit, de vino etiam facit sanguinem suum. Vide similia apud Bedam in lib. de mysteriis Millæ Anselmum in epistola de corpore & sanguine Domini, Bernardum in sermone de coena Domini, & alios passim.

9. Porro, fundamentum huius doctrinæ de conuersione substantiæ panis in corpus Christi, sumitur ex illis verbis, *Hoc est corpus meum.* Hinc dupliciter possumus argumentari. Primò, contra Lutheranos, ex ipsorum concessione. Illi enim concedunt, Christum accepto pane dixisse. *Hic panis est corpus meum.* Vbi hoc intelligunt de pane mutato in corpus Christi, vel de pane, ut panis est. Si de pane mutato, iam nobiscum sentiunt. Si de pane, ut panis, iam fallà est eorum propositio. Nō enim panis triticeus propriè est caro Christi, sicut ne vinum est propriè sanguis Christi. Nisi accurrat, iterum Debelius, & dicat; *Panis est. Sacramentaliter Caro, &, vinum est Sacramentaliter sanguis.* Sed hoc Calvinisticum est, ut dixi, & ab ipsis Lutheranis pridem expulsum.

10. Deinde, possumus absolutè argumentari hoc modo, Hoc quod sub his accidentibus continetur, est verum corpus Christi: Ergo non est verus panis triticeus. Debelius negat consequentiam. Ratio ipsius est, quia duo continentur sub illis accidentibus, nempe substantia panis & corpus Christi, ac proinde utrumque verè dicitur, *Hoc est corpus Christi, & Hic est panis triticeus.* Nam sensus est, Hoc, quod sub his accidentibus continetur, non solum est panis, sed etiam corpus Christi. Sed facilè hoc figmentum refellitur ex ipso Debelio. Nam ipse cum aliis Lutheranis dicit Christum accepisse & fregisse verum panem, & de illo iam fracto dixisse. *Hoc est corpus meum.* Ergo pronomen Hoc, non sumitur pro complexo ex pane & corpore Christi, sed pro solo pane. Non enim Christus accepit & fregit complexum ex pane & corpore Christi, sed solum panem, ut ipsi contra nos contendunt.

11. Accidit





*Apostolis omnibus. Non sinit autem omnium tanquam ab-
eius visus est & mihi.* Concludo Christum eodem tem-
pore & fuisse in cælo ad dexteram Patris, & appa-
ruisse Paulo in terris, ac proinde, non esse impossi-
bile, ut idem corpus sit simul in diuersis locis.

24. Calvinistæ, ut solent in re desperata, conan-
tur hæc omnia eludere. Aliqui dicunt, Paulum
non vidisse Christum in propria persona, sed in
specie aliena, nec audiuisse vocem ex ore Christi,
sed vocem quandam diuinitus factam in aëre, qua-
lis fuit vox Dei Patris super Christum in Iordane
& in monte Thabor, *Hic est filius meus dilectus, in
qua mihi complacui*, Sed facillimè refelluntur. Primò,
ex illis verbis Ananiz, *Deus Patrum nostrorum præordi-
nauit te, ut videres iustum, & audires vocem ex ore eius.*
Vbi illa particula, *Ex ore eius*, aperte conuincit, non
fuisse vocem diuinitus in aëre factam, sed ex ore
Christi profectam. Secundò, quia Paulus, ex illa
visione, qua Christus tum ipsi, tum aliis appa-
ruit post mortem, vult probare, Christum verè
resurrexisse à mortuis, & se cum aliis oculatum esse
testem illius rei. Hoc autem argumentum esset infir-
missimum, si Christus in aliena tantum specie, & non
in propria persona apparuisset. Alioqui, quoties de-
functorum imagines aut spectra apparent, liceret af-
firmare, eos verè à mortuis resurrexisse, quod est
ridiculum.

25. Alij dicunt: Paulum vidisse quidem Christum
in propria persona, non tamen in terra: sed in cælo
apparentem, quo pacto Stephanus eum vidisse legi-
tur Actorum 7. 6. vbi ait, *Ecce video celos apertos, &
filium hominis stantem à dextris Dei.* Ita Calvinus lib.
4. Institut. cap. 17. §. 24. Sed refello Calvinum ex
Caluino. Nam alibi docet, frustra sanctos à nobis
inuocari, *quia non habent*, inquit lib. 3. cap. 20.
§. 24. *tam longas aures, quæ ad voces nostras porrigan-
tur; nec oculos tam perspicaces, qui necessitatibus nostris
aduiuant.* Quomodo ergo Paulus habuit tam lon-
gas aures, & oculos tam perspicaces, ut celos pe-
netrarent, & ibi Christum viderent & audirent?
Ego quidem nihil dubito, quin hoc fieri possit: So-
lùm noto inconstantiam Caluini, qui quod vno loco
negat, alio affirmat.

26. Deinde, contra Calvinum produco illa ver-
ba paulò antè citata: *sequenti nocte assistens ei Domi-
nus ait, constans esto.* Certè si Christus Paulo assiste-
bat, in terra fuisse necesse est, vbi Paulus erat. Non
enim vnus alteri dicitur assistere, nisi propè sit. Si
ergo Christus fuisset in cælo tantum, & Paulus in
terrea, quomodo alter alteri potuisset assistere? Acce-
dit, quod scriptura nullo verbo insinuet Christum in
cælo apparuisse: sæpe autem insinuet, in terra appa-
ruisse: sic enim loquitur Ananias Actor. 9. 17. *Salue
frater, Dominus misit me Iesus qui apparuit tibi in via.*
Non dicit, *qui apparuit tibi in cælo, sed in via.* Et cap. 22.
6. *Subito circumfulsi me lux copiosa.* Vnde illa lux, nisi à
corpore Christi glorioso? Sicut ergo lux erat circa
Paulum, ita verisimile est, Christum non longè ab-
fuisse. Omitto alias circumstantias, quæ ex textu
possunt colligi.

27. Nunc videamus obiectiones Calvinistarum.
Prima illorum propria est, ac proinde parui momen-
ti: reliquæ à Catholicorum disputationibus suffura-
ti sunt. Est autem prima huiusmodi; Angelus Mat-
thæi 29. 5. dicit: *Scio quod Iesum queritis. Non est
hic, surrexerit enim.* Hinc inferunt, idem corpus non
posse simul esse in sepulchro & extra sepulchrum.
Nam Angelus sic argumentatur, Christus surrexit ex
sepulchro: Ergo non est in sepulchro: frustra ergo il-
lum hic queritis. Quæ argumentatio non valeret, si
idem corpus posset simul esse in diuersis locis. Respon-

Opusc. Rec.

A deo. Certum est Angelum bene Calvinistas male
argumentari. Angelus enim argumentatur ad men-
tem mulierum cum quibus loquebatur. Illæ quære-
bant corpus Christi mortuum in sepulchro, ut illud
vngerent. Respondit ergo Angelus, non amplius
ibi esse Christum mortuum, sed iam à mortuis re-
surrexisse, sicut se facturum prædixerat. Quod Ange-
lus candidè ac simpliciter dixit, hoc Calvinistæ ver-
sute trahunt in alium sensum, quasi dixisset: *Impos-
sibile est, ut idem corpus in diuersis locis: Christus extra se-
pulchrum est: Ergo in sepulchro esse non potest.* Nugæ sunt.
Non disputat Angelus cum mulieribus subtiliter ac
philosophicè: sed vulgari modo cum illis agebat. Per-
inde ac si ego alicui sciscitanti & querenti dicerem.
Queris Petrum? Non est domi: iam nunc ad templum
egressus est.

28. *Secunda Obiectio.* Si vnum corpus posset simul es-
se in duobus vel pluribus locis eadem ratione posset
esse in omnibus, & consequenter vbique: ac soli Deo
conuenit esse vbique. Hinc patres probant contra
Macedonianos, Spiritum sanctum esse Deum, quia
est vbique. Similiter contra Eutychetem, huma-
nam Christi naturam non esse confusam cum diuina,
quia diuina est vbique, non autem humana. Respon-
deo. Duplex est differentia inter Deum, & creaturam,
quoad existentiam in loco. *Vna*, quod Deus de facto
sit vbique, non autem creatura. *Altera*, quod Deus ne-
cessario & naturaliter sit vbique per intrinsecam & in-
creatam immensitatem: ac proinde non possit non es-
se vbique. Hoc de creatura dici non potest. Patres er-
go iuxta priorem differentiam argumentantur. Nam si
solum Deus de facto est vbique, ceterè Spiritus sanctus
conuincitur esse Deus, quia est vbique: Et Christi hu-
manitas conuincitur non esse confusa cum diuinitate,
quia non est vbique. Quod si Deus poneret aliquod
corpus in omnibus locis: iam quidem de facto esset
vbique, non tamen naturaliter & per intrinsecam im-
mensitatem: sed contingenter, & per replicationem.

29. *Tertia Obiectio.* Si idem corpus esset in duobus
locis, iam esset simul vnum & multa. Nam corpus, ut
est in terra, non continuatur cum eodem, ut est in cæ-
lo. Ergo est diuisum: Ergo non est vnum. Et tamen po-
nitur esse vnum: Ergo & vnum est non vnum, quæ est
aperta contradictio. Respondeo. Ex duplici locali præ-
sentia eiusdem corporis, non sequitur, idem corpus in
se esse diuisum: sed præsentias inter se diuisas & distin-
ctas inesse eidem corpori. Hoc autem non est contra-
rationem vnius ex parte subiecti, sed ex parte præsen-
tiæ localis. Nos autem non dicimus, esse vnâ præ-
sentiam localem, sed esse duas in vno subiecto. Quod
autem obicitur, corpus existens in terra, non conti-
nuari cum eodem existente in cælo, ac proinde diui-
sum esse: hoc verum est ratione præsentia localis,
non autem ratione corporis secundum se. Est enim
vnum indiuisum corpus, quod habet duas præsentias
locales, non continuatas, ac proinde diuisas. Hinc
etiam soluitur, quod alij obiciunt, fore ut idem à se-
ipso distaret, Nam idem distaret à seipso secundum
diuersas præsentias, non autem secundum entitatem
suam præcisè sumptam.

30. *Quarta Obiectio.* Si idem corpus posset esse in duo-
bus locis; posset etiam bis esse in eodem loco cum sit
par ratio: At cõsequens falsum est: Ergo & antecedens.
Resp. Aliqui negant consequentiam, quia plura acci-
dentia specie differentia possunt esse simul in eodem
subiecto, non tamen plura solo num. differentia. Po-
test ergo idem corpus habere simul plures præsentias
in diuersis locis, quia illæ præsentia differunt specie;
non tamen plures præsentias in eodem loco, quia illæ
differunt solo numero. Alij tamen concedunt duo acci-
dentia solo numero differentia posse simul esse in eo-

Hh iij

dem subiectio: & consequenter, idem numero corpus posse esse in eodem loco per plures presentias loco numero differentes. Nec video ullam pugnantiam.

31. *Quinta obiectio*. Idem corpus non potest simul esse in diuersis temporibus: Ergo nec in diuersis locis. *Respondeo*. Non est par ratio. Nam quod vnum corpus non possit simul esse in diuersis temporibus, non nascitur ex ipso corpore, sed ex temporibus, quæ non possunt esse simul, cum semper fluant. Non enim fieri potest, vt tempus præteritum, & tempus futurum sint simul. Vnde non est mirum, si vnum corpus non possit simul esse in tempore præterito & futuro. Loca autem non fluunt, sed manent; ac proinde ex parte locorum nihil obstat, quo minus vnum corpus possit esse in duobus locis.

32. *Sexta Obiectio*. Si idem corpus ponatur in duobus locis, & in altero, vel utroque *circumscriptiue*, iam erit extra aliquem locum, & non erit extra illum quod implicat contradictionem. Nam quod est *circumscriptiue* in aliquo loco, hoc ita circumscribitur illo loco, vt extra illum locum non sit. Si ergo ponatur in duobus locis, iam erit extra illum locum, quo circumscribitur; & sic non erit *circumscriptiue* in loco. Erit ergo *circumscriptiue* & non *circumscriptiue*, quæ est manifesta contradictio. *Respondeo*. Vt corpus sit *circumscriptiue* in aliquo loco, solum requiritur vt commenturatur illi loco, ita vt termini loci & locati sint simul. Non autem requiritur, vt non sit alibi, tanquam in alio loco. Potest enim duobus locis commenturari, quia hoc non implicat. Sed hinc oritur.

33. *Septima Obiectio*. Corpus existens *circumscriptiue* in loco, est æquale loco teste Aristotele: Ergo si est in duobus locis, est æquale utrique loco simul: Ergo est maius vno loco seorsim sumpto: Ergo non est illi æquale: Ergo simul est æquale & non æquale, quæ est noua contradictio. *Respondeo*. Corpus existens in duobus locis *circumscriptiue*, habet duplicem extensionem localem; & per vnam est æquale vni loco, & per alteram alteri. Vnde nulli apparet hic contradictio.

34. *Octaua Obiectio*. Si idem homo posset esse in duobus locis, sequeretur posse simul viuere & non viuere, calefieri & non calefieri; vulnerari & sanum esse; moueri & quiescere, peccare in vno loco, & bene agere in altero; in vno arare Deum, in altero odisse in vno fidelem esse, in altero hæreticum: in vno beatum, in altero miserum. *Respondeo* primo generatim cum Augustinolib. 22. de ciuitate Dei cap. 11. *Ecce qualibus argumentis omnipotentia Dei humana contradicit infirmitas, quam possidet vanitas*. *Respondeo*, secundo speciatim ad singula per ea quæ sequuntur.

6. *An idem corpus existens in duobus locis habeat utrobique easdem formas siue substantiales siue accidentales?*

35. **H**oc dupliciter intelligi potest. Primò, de iis formis, quæ iam ante erant in corpore in vno loco existente, antequam in altero miraculosè poneretur: vt sensus sit, an corpus, quando diuinitus ponitur in secundo loco, necessario ponatur ibi cum iis formis, quas habebat in priori loco, in quo simul etiam manet? Secundo potest intelligi de iis formis: quæ adueniunt corpori de nouo, postquam existit in duobus locis, vt sensus sit, an corpus existens in duobus locis, si mutetur in vno, necessario mutetur etiam

A in altero? De priori sensu hic agimus de posteriori in sequenti quæstione.

36. Quod ergo ad priorem sensum attinet distinguendum est. Nam quædam formæ per se pendent à loco, vt præsentia localis, propinquitas distantia, situalis non item, vt quantitas, albedo, scientia, paternitas filiatio. Nunc sit, *Prima Conclusio*; Quando idem corpus ponitur in duobus locis, necessario habet diuersas formas prioris generis: vt si Petrus simul existat Romæ & Moguntiz, habebit diuersas præsentias locales, & sic deinceps. Ratio est clara, quia huiusmodi formæ per se pendent à loco: ergo si loca sunt numero distincta, necesse est formas numero esse distinctas.

B 37. *Secunda Conclusio*. Quando idem corpus ponitur in duobus locis, si non fiat nouum miraculum, habet utrobique formas posterioris generis: vt si Petrus existens Moguntiz, ponatur simul Romæ per solam actionem adductiuam, ponetur ibi cum eadem quantitate & qualitate, quam habet Moguntiz. Ratio est quia eiusmodi formæ realiter illi vnitz sunt per actualem inhzrentiam. Hæc autem realis vnio non tollitur per solam actionem adductiuam.

38. Dixi *si non fiat nouum miraculum*, quia sicut Deus per vnum miraculum facit, vt Petrus existat in duobus locis: sic per alterum facere potest, vt in vno loco existens cum calore aut albedine, ponatur simul in alio loco sine calore aut albedine. Potest enim vnionem illam, quæ est inter subiectum & accidens dissoluere in vno loco, & saluam conseruare in altero: cum nulla hic appareat contradictio. Dices. Imò apparet manifesta contradictio, quia si hoc fieret, sequeretur Petrum simul esse calidum & non calidum, simul album & non album. *Respondeo* Hoc solum sequeretur, Petrum esse calidum in vno loco, & non calidum in altero. Hæc autem non est contradictio, quia non est eiusdem de eodem secundum idem. Iterum vrgebis: quia calor non dependet à loco: Ergo prædicatur de Petro, abstrahendo à loco: ergo nihil ad rem facit, siue Petrus sit in vno loco, siue in duobus: ergo sicut implicat contradictionem, Petrum in vno loco esse calidum & in altero non calidum. *Respondeo*. Dupliciter intelligi potest, calorem non pendere à loco. Primò, quod per se non pendeat à loco & hoc verum est. Secundo, quod non requirat præsentiam localem, quando in aliquo loco inhzret suo subiecto, & hoc falsum est. Nam si calor debeat inhzrere Petro in duobus locis existenti, necesse est, vt sicut Petrus habet duas præsentias locales, sic etiam calor, qui illi inhzret in utroque loco, habeat duas præsentias locales. Vnde apparet, nullam esse contradictionem, si dicamus Petrum in vno loco esse calidum & non in altero quia in vno calor præsens est, & non in altero.

E 7. *An idem corpus existens in duobus locis, si mutetur in vno, mutetur etiam in altero?*

39. **D**icam primò de mutatione locali. 2. de alteratione corporis, cuiusmodi est Calefactio. 3. de augmentatione & nutritione. 4. de corruptione vel morte 5. de actionibus vitalibus, quæ sunt per sensum; intellectum, & voluntatem. Huc omnia reuocari poterunt, quæ supra §. 34. tacta sunt. Vt autem res fiat clarior, per certas conclusiones proponenda est.

40. *Prima Conclusio*. Corpus existens in duobus locis, potest in vno moueri localiter, & non in alio, Ra-

tio est, quia duobus locis habet duas presentias locales, quarum una non pendet ab alia: Ergo potest unam mutare non mutando aliam. Hoc modo Christus localiter mouetur in altari, & quiescit in celo. Nec ulla est hic contradictio, ut ex dictis patet §. 38.

41. *Secunda Conclusio.* Corpus existens hic & Romæ, si hic calefiat ab igne vicino, non calefiat Romæ, vi eiusdem ignis: ac proinde potest hic fieri calidum, & Romæ manere frigidum. Ratio est, quia ignis non potest naturaliter agere, nisi intra suam sphaeram: Ergo si hic est, non potest Romæ agere, nisi etiam Romæ sit. Dices, tamen si qui hic est non possit Romæ agere, si præcisè per se spectetur; potest tamen, si spectetur subiectum, in quod agit. Est enim idem subiectum hic & Romæ. Hæc autem subiecti identitas facit, ut quando ignis hic calefacit etiam Romæ calefaciat. *Respondeo*, Non ita est. Primum, quia corpus existens in duobus locis, si in uno moueatur localiter ab agente naturali extrinseco, non ideo mouebitur in altero, ut eiusdem agentis, ut omnes concedunt: Ergo sit sola identitas subiecti non sufficit, ut mutatio facta in uno loco, fiat etiam in altero. Secundum, quia calor, qui Romæ producitur, est nouus effectus realis: ergo ab aliqua causa habente sufficientem vim producendi Romæ talem effectum: sed ignis hic existens non habet hanc vim per se, neque identitas subiecti eam illi confert: Ergo non potest Romæ hunc effectum producere. Tertium, quia si ignis hic existens, effectiue produceret eundem calorem hic & Romæ, iam calor ille haberet duas presentias locales, unam hic & alteram Romæ: sed hæc duæ presentie non sunt ambæ naturales, alioqui idem calor naturaliter esset præsens in duobus locis: Ergo altera debet esse supernaturalis: Ergo non potest produci à naturali virtute ignis.

42. *Tertia Conclusio.* Corpus existens in duobus locis, si in uno quantitatiue augeatur per nutritionem non necessariò augetur in altero. Ratio est, quia fieri potest, ut in uno loco habeat cibum & potum, quo nutriatur, & in altero non habeat. Dices tali casu, cibus & potus, qui porrigitur corpori in uno loco, necessariò porrigitur etiam in altero, propter identitatem subiecti. *respondeo*, hoc etiam refutatum est: quia qui hic porrigit alicui cibum & potum, non potest eadè actione eundem cibum & potum Romæ porrigere.

43. *Quarta conclusio.* Corpus existens in duobus locis, potest in uno corrumpi vel mori, & non in alio. Ratio sumitur ex dictis, quia causa corrumpens potest applicari in uno loco, & non in altero. Dices, fieri non potest, ut causa naturalis expellat formam à materia in uno loco, & non alio. Ratio est, quia non potest naturaliter expellere formam: nisi introducendo aliam: at non potest naturaliter introducere aliam, quamdiu in alio loco manet prior forma in eadem materia; alioqui materia naturaliter maneret sub duabus formis, quod est absurdum. Idem argumentum fieri potest de alteratione, quia idem subiectum non est naturaliter capax contrariarum formarum: ergo etiam in diuersis locis positum non potest eas naturaliter recipere, quia naturalis capacitas subiecti non augetur propter locorum multitudinem: ergo non potest in uno loco calefieri, & in alio manere frigidum: ergo si hic ab igne calefit, etiam alibi calefit vi eiusdem ignis. *Respondeo*, Licet absolutè, & nulla facta suppositione, repugnet eandem materiam recipere contrarias formas virtute agentis naturalis: non tamen repugnat facta suppositione, quod materia sit in diuersis locis, & Deus relinquat causas naturales agere secundum suam virtutem. Ratio est, quia quod materia non possit recipere contrarias formas, non oritur præcisè ex parte materiae, cum illa per se indifferens sit ad recipiendas quaslibet

A formas naturales: sed oritur ex parte formarum, quæ inter se pugnant, nec se mutuò patiuntur in eodem subiecto. Hæc autem repugnantia non est inter formas, nisi sint non solum in eodem subiecto, sed etiam in eodem loco. Vnde si ponantur quidem in eodem subiecto, sed tamen in diuersis locis, non pugnant inter se. Hoc sic ostendo. Nam hæc repugnantia, vel est effectiua, vel formalis. Si effectiua, iam certum est formas debere esse in eodem loco, quia agens & patiens debent esse simul. Si enim distent inter se localiter, ita ut alterum sit extra sphaeram actiuitatis alterius, iam non possunt effectiue inter se pugnare. Si formalis iam multo magis requiritur præsentia localis. Nam formalis repugnantia, qua una forma expellit alteram ab eodem subiecto, non est primarius, sed secundarius effectus formæ, & supponit primum, nempe effectum informandi. Effectus autem informandi, fieri non potest, nisi forma intimè sit præsens in loco, ubi est materia. Ergo repugnantia formalis inter formas, solum est respectu eiusdem subiecti & loci, ac proinde, quod una materia existens in diuersis locis, habeat diuersas formas, non est contra naturalem repugnantiam formarum.

44. *Quinta Conclusio.* Homo existens in duobus locis, si in uno eliceret actus vitales sensitivos vel intellectivos: aliquando eliceret etiam in altero, aliquando non item. Vbi nota, hos actus esse duplices: Nam aliqui pendunt à præsentia obiecti vel agentis extrinseci: alii non pendunt. Vnde statui possunt hæc regulæ. *Prima*; Homo existens in duobus locis, si in uno eliceret actus immanentes, qui requirunt præsentiam obiecti vel agentis intrinseci, non necessariò eliceret illos in alio. Ratio est, quia potest fieri, ut in uno loco sit præsens obiectum vel agens extrinsecum, & non in alio. Hoc modo, si Petrus esset hic & Romæ, posset Romæ videre Pontificem, & non hic: quia Pontifex, aut species eius visibilis non est hic præsens. *Secunda*; Homo existens in duobus locis, si in uno eliceret actus immanentes, qui non pendunt ab extrinseco, ut est actus amoris vel odii circa Deum, eliceret eosdem etiam in altero. Ratio est, quia utrobique haberet idem principium actiuum & passiuum, quod sufficeret ad eandem actionem: Ergo si eliceret illam in uno, eliceret etiam in altero. *Tertia*, Homo existens in duobus locis, non potest in uno amare Deum, & in altero odire; nec potest in uno assentiri: alicui propositioni, & in altero dissentire; ac proinde non potest in uno esse hæreticus, & in altero fidelis. Ratio sumitur ex præcedenti regula, quia homo existens in duobus locis, si in uno amat Deum etiam in altero amat: Et si in uno odit, etiam in altero odit. Ac non potest utrobique simul amare & odire, cum hæc actus sint omninò contrarii: ergo nec potest in uno amare, & in altero odire. Hinc patet discrimen inter calorem & frigus ex una parte, & inter amorem & odium ex altera parte. Nam calor & frigus possunt naturaliter esse in eodem subiecto, si subiectum miraculosè ponatur in duobus locis. Ratio superius assignata est, tum quia subiectum potest in uno loco habere ignem vicinum, à quo calefiat, & non in altero: tum etiam quia eiusmodi formæ non pugnant inter se, nisi sint simul in eodem loco. Amor autem & odium, non possunt naturaliter esse in eodem homine, etiam si homo ponatur miraculosè in duobus locis. Nam, ut dixi non potest homo amare Deum in uno loco, quin etiam amet in altero, cum utrobique præsens sit idem principium amoris; ac proinde, si in uno amat Deum; non potest in altero odire; alioqui utrobique amaret & odiret, quod fieri non potest.

45. *Quæritur*, si non naturaliter, an saltem supernaturaliter & miraculosè id fieri posset? Probabilius est, ne

hic quidem fieri posse. Nam inter actus vitales contrarios, cuiusmodi sunt amor & odium circa idem, tanta est repugnantia ut nullo modo possint esse simul in eodem subiecto. Ratio est, quia unus destruit obiectum alterius. Amor enim versatur circa Deum, quatenus apprehenditur sub ratione boni; odium, quatenus apprehenditur sub ratione mali. At fieri non potest, ut intellectus eodem tempore apprehendat Deum sub ratione boni, & simul sub ratione mali, secundum eandem rationem obiectivam: ergo fieri non potest, ut voluntas simul amore & odio Deum prosequatur secundum eandem rationem obiectivam. *Dices.* Intellectus Romæ existens potest apprehendere Deum sub ratione boni; & Moguntiz existens, potest illum apprehendere sub ratione mali: ergo voluntas potest illum Romæ amare, & Moguntiz odire. *Respondes.* Hoc enim fieri non potest propter naturalem sympathiam eiusdem animæ existentis in vno loco, ad seipsam existentem in alio loco. Quæ quidem sympathia explicari debet, non tam ratione solius animæ, quam ratione potentiarum, quæ inter se subordinatæ sunt, & in eadem anima radicatæ; cuiusmodi sunt sensus & appetitus, itemque intellectus & voluntas. Nam si anima in capite apprehendat aliquod bonum sensibile per imaginationem, statim in corde excitatur ad amandum illud bonum per appetitum sensitivum; nec potest illud odire, tanquam malum. Eodem modo, si eadem anima existeret hic & Romæ; si hic apprehenderet aliquod bonum per intellectum, mox Romæ amaret illud per voluntatem, nec posset illud Romæ odire.

46. Atque hæc breuiter disputata sint ex occasione illius obiectionis, in qua petebatur, si idem corpus existeret in duobus locis, & vno mutaretur, an etiam necessario mutaretur in altero? Nunc ad cætera capita progrediamur.

CAPUT II.

An Christus fiat præsens in Eucharistia per transubstantiationem?

1. **S**upra ostensum est contra Lutheranos, Christum fieri præsentem in Eucharistia, non per Ubiquitatem, aut unionem hypostaticam, aut simplicem coniunctionem, sed per transubstantiationem, id est, per conversionem totius substantiæ panis in corpus & totius substantiæ vini in sanguinem Christi. Nunc breuiter hæc tria explicanda sunt. 1. quid requiratur ad veram conversionem? 2. quid faciat conversio, de qua agimus, circa corpus Christi? 3. quid faciat circa panem?

1. Quod ad primum attinet, conversio propriè dicitur quando vna res convertitur in aliam rem. Alii vocant transiitum vnius rei in aliam. Hinc patet quatuor condiciones requiri ad veram conversionem. Prima est, ut sit inter duos terminos positivos. Secunda, ut vnus terminus definat, & alter in locum eius succedat. Tertia, ut hoc fiat actione aliqua reali, vel certè duabus mutationibus partialibus, quarum altera versetur circa terminum, qui definit, & altera circa terminum qui incipit. Quarta, ut sit connexio inter has duas mutationes partiales, seu inter duos terminos positivos, quorum alter definit, & alter incipit. Si enim nulla esset connexio, iam vnus terminus non diceretur converti in alium. Vide Bellarminum lib. 3. de Eucharistia cap. 18.

A 3. Est autem duplex conversio, Vna substantialis, altera accidentalis. Rursum vna naturalis, ut quando alimentum convertitur in substantiam alterius, ut aer convertitur in ignem, aut calidum in frigidum: altera supernaturalis, eiusmodi est conversio vixoris Loth in statuam salis, aut aquæ in vinum, aut panis in corpus Christi de qua hic agimus.

4. De hac ergo conversione est altera questio, quid efficiat circa corpus Christi? Cum enim duo sint termini huius conversionis, nempe panis & corpus Christi, & vterque terminus aliquo modo mutari debeat: merito queritur, quomodo per hanc conversionem mutetur corpus Christi? Ac primò certum est, mutari accidentaliter, Ratio est, quia acquirit novam præsentiam sacramentalem, quam antea non habebat, Hæc autem præsentia est aliquod accidens: ergo, ut minimum, accidentaliter mutatur.

5. An etiam substantialiter. Multi affirmant. Sed hi bipartiti sunt. Aliqui putant Christum substantialiter vniui speciebus sacramentalibus. Alii, substantialiter conservari in Eucharistia per novam actionem substantialem distinctam ab ea actione, quia in cælo conservatur. Quid mihi videatur, ostendam per tres conclusiones subsequentes.

6. *Prima Conclusio.* Per hanc conversionem, de qua agimus, non fit aliqua substantialis unio inter corpus Christi & species sacramentales. Ratio est, quia triplex unio fingi potest. ut supra dixi: vna sacramentalis: altera formalis physica: tertia effectiva physica. At nulla harum est substantialis. Accedit quod effectivam & formalem supra reiecerimus. Sacramentalis autem non requirit per se mutationem substantialem.

7. *Secunda Conclusio.* Christus in Eucharistia posset quidem conservari substantialiter per actionem substantialem distinctam ab ea, qua conservatur in cælo: non tamen verisimile est, ita fieri. Prior pars probatur, quia per absolutam Dei potentiam fieri potest ut idem effectus producat a duabus causis totalibus & consequenter per duas distinctas actiones, quarum vna non dependeat ab altera: ergo etiam fieri potest, ut conservetur per duas actiones à se mutuo non dependentes. Hic enim nulla apparet repugnantia. Ergo corpus Christi, quod vna actione substantiali conservatur in cælo, posset alia actione conservari in eucharistia. Posterior pars probatur, quia nulla necessitas est, ut dicamus ita fieri. Sicut enim corpus Christi servat vnam & eandem substantiam in cælo, & in Eucharistia: ita per vnam eandemque actionem substantialem potest optimè conservari in utroque loco. Imò, novum miraculum esset, si aliter fieret. Miracula autem non sunt multiplicanda sine necessitate, aut fundamento.

8. *Tertia Conclusio.* In hac conversione, nulla alia fit mutatio circa corpus Christi, quam quod per simplicem actionem adductivam, ut vocant, fiat præsens in Eucharistia, cum antea tantum præsens esset in cælo. Hæc autem est mutatio tantùm accidentalis, ut ex dictis patet. Duo obici possunt. Vnum est, quod dicatur fieri præsens per transubstantiationem, id est, per conversionem substantialem. Alterum est, quod substantia corporis Christi non possit in Eucharistia conservari per eandem actionem, qua conservatur in cælo, cum in cælo naturaliter, in eucharistia supernaturaliter conservetur: eadem autem actio non possit simul esse naturalis & supernaturalis: ac proinde præter actionem adductivam admittenda sit alia conservativa, & quidem substantialis. Ad primum respondeo, Transubstantiationem vocari conversionem substantialem, ratione terminorum totalium, quia scilicet, per eam convertitur vna substantia in aliam substantiam

non autem ratione termini formalis de nouo producti, quasi necesse sit utramque substantiam in se substantialiter mutari. Ad alterum respondeo cum distinctione. Substantia corporis Christi, cum sit vna & eadem in celo & in Eucharistia, conseruatur in utroque loco per vnā & eandem actionem substantialem, & con-naturalem. At præsentia corporis Christi, sicut duplex est, vna naturalis in celo, altera supernaturalis in Eucharistia; necessariò duplici actione proportionata conseruari debet.

9. Sequitur tertia quæstio, quid efficiat hæc conuersio circa panem. Et quidem certum est, substantiam panis desinere. Difficultas est de modo desinendi. Aliqui putant desinere per solam subtractionem influxus diuini; alij per aliquam actionem positiuam. Hæc iterum bipartiti sunt. Quidam docent substantiam panis destrui & expelli per illam eandem actionem, qua corpus Christi introducit. Alij per illam, qua accidentia panis separantur à subiecto, & per se constituuntur. Explicabo rem per sequentes conclusiones.

10. *Prima conclusio* Substantia panis non destruitur per illam eandem actionem, qua corpus Christi introducit. Ratio est, quia substantia panis, & substantia corporis Christi non pugnant inter se formaliter & intrinsecè, ergo actio introductiua vnus, non est per se destructiua alterius. Antecedens patet, quia illæ duæ substantiæ possunt tribus modis spectari. Primo secundum se quatenus substantiæ sunt, & sic nullam dicunt inter se repugnantiam. Secundò, in ordine ad eundem locum seu spatium, & sic etiam non repugnant, quia substantia corporis Christi est in loco indiuisibiliter & sine extensione locali, ac proinde non excludit substantiam panis ab eodem loco. Tertio, in ordine ad species sacramentales, & sic etiam non pugnant inter se, quia substantia corporis Christi nullam habet vnionem physicam cum illis speciebus ac proinde non destruit vnionem substantiæ panis cum iisdem speciebus. *Dices* Substantia panis conuertitur in corpus Christi; sed in omni conuersione, destruitur terminus à quo, per eandem actionem, qua introducit terminus ad quem; ergo etiam in hac conuersione per eandem actionem destruitur substantia panis, qua introducit corpus Christi. *Respondeo*, tamen in conuersione naturali plerumque ita fiat: non tamen est de essentia conuersionis ut, sic fiat. Satis est, ut vnus desinat, & altera incipiat, siue in fiat, per vnā actionem realem, siue per duas mutationes parciales inter se connexas.

11. *Secunda conclusio* Substantia panis non destruitur per solam subtractionem conseruationis diuinæ. Ratio est, quia datur vera actio positua, cuius vi & efficacia destruitur substantia panis, ut ostendam in sequenti conclusione, ergo non destruitur per solam subtractionem influxus diuini. *Quæres*. An non posset destrui per hanc subtractionem. *Respondeo*. Hoc dupliciter intelligi potest. Primo, an absolute loquendo posset sic destrui. Secundò, an facta suppositione quod conuertatur in corpus Christi, posset nihilominus destrui per solam subtractionem, utrumque possibile est. De primo patet, quia quælibet res creata potest desinere per subtractionem concursus diuini. De secundo etiam patet, quia illa subtractio non repugnat conuersioni. *Dices*. Annihilatio repugnat conuersioni, quia quo simpliciter annihilatur, hoc in aliud non conuertitur: sed annihilatio nihil est aliud quam subtractio diuini influxus: ergo hæc subtractio repugnat conuersioni. Si ergo substantia panis desineret per annihilationem seu subtractionem conseruationis diuinæ, iam non diceretur conuertere in corpus Christi. *Resp.* cum distinctione, nam aliud est loqui de sola desitione panis, aliud de tota conuersione, quæ includit desitionem panis, & positionem

A corporis Christi, tanquam duæ mutationes parciales. Si loquamur de sola desitione panis, posset fieri per solam subtractionem influxus diuini, & tunc recte vocaretur annihilatio. Si loquamur de tota conuersione, non posset fieri per solam subtractionem, vel annihilationem; quia requiritur non solum destructionem vnus termini sed etiam positionem alterius.

12. *Tertia conclusio* Substantia panis destruitur vi illius actionis realis, qua accidentia panis separantur à subiecto, & per se constituuntur, ut existant sine subiecto. Ratio est, quia non superest alius modus destructionis, cum priores duo refutati sint. *Dices*. Non est vlla realis actio, per quam accidentia panis separantur à subiecto, nam illa separatio fit per destructionem vnionis, quæ accidentia inhaerent subiecto: illa autem vnio destruitur per totam subtractionem conseruationis diuinæ. *Respondeo*. Duplex actio potest hic cogitari: vna qua Deus producat in accidentibus realem modum existendi per se qui formaliter repugnet cum actuali inhaerentia: altera qua Deus effectiue conseruet accidentia independentes à subiecto sine vilo modo reali super addito. Prior actio habet vim separandi accidentia à subiecto, non tamen posterior. Ratio est, quia vi prioris actionis producit aliquid in accidentibus, quod formaliter repugnat cum actuali inhaerentia, non autem vi posterioris. Nam fieri non potest, ut accidentia ponantur acta per se subsistere sine subiecto, & tamen maneant in subiecto, potest autem fieri ut conseruentur in subiecto duplici actione, vna dependente à subiecto, altera independente. *Dices*, per illam priorem actionem ponuntur quidem accidentia sine subiecto, non tamen idèò destruitur substantia panis. *Respondeo*, per illam actionem sunt hæc tria, Primo producit in accidentibus realem modum existendi: Secundò posito hoc modo, consequenter destruitur actualis inhaerentia, quæ cum illo consistere non potest. Tertio, destruitur substantia panis. Hæc enim naturaliter conseruari non potest nisi conseruetur vnio formæ substantialis cum materia: ac vnio illa pendet ab accidentibus, tanquam à necessariis dispositionibus. ergo ablatis accidentibus, necesse est tolli vnionem. *Dices*. Licet vnio tollatur, tamen adhuc manet materia, quæ est incorruptibilis, ergo non tollitur tota panis substantia. *Respondeo*. Materia non potest naturaliter conseruari sine omni forma substantiali & accidentali; si ergo sit aliqua actio, quæ tollat omnem formam à materia, & non introducat aliam, non poterit materia naturaliter conseruari.

CAPVT III.

Quamdiu Christus maneat præsens in Eucharistia?

E 1. *A*duersarii docent Christum non esse præsentem nisi in ipsa sumptione seu manducatione panis Eucharistici. Quam sententiam excogitauit Martinus Bucerus. Ut per eam conciliaret inter se Lutheranos & Zvinglianos, qui extreme dissidebant. Lutherani dicebant, corpus Christi realiter esse præsens in Eucharistia cum pane & vino, Zvingliani id negabāt. Itaque Bucerus volens eos ad concordiam reducere, asseruit esse quidem præsens in ipsa sumptione, quod erat pro Lutheranis; non tamen extra sumptionem, quod erat pro Zvinglianis. Et quamuis concordia non successerit, tamen utrique libenter amplexi sunt hanc Bucerianam sententiam, quod viderent per eam destrui posse multa Catholicorum dogmata. Si enim Christus non

est præsens nisi in ipsa sumptione, sequitur primò. Christum non adesse quando hostia seruat in pixide, 2. hostiam in pixide seruata non esse adorandam. 3. nec ad ægros deferendam, tanquam Sacramentum. 4. nec honorem ei deferendum in publica processione. 5. nec solemni festo corporis Christi honorandam. 6. nec prodesse sumentibus. 7. ac proinde frustra offerri pro defunctis.

2. Duo tamen notanda sunt. Vnum est, quod quamuis Lutherani & Zvingliani consentiant in eo, quod iam dixi nempe Christum in sola sumptione seu vñu præsente esse, discrepant tamen in altero, in quo etiam antea discrepabant, quò Lutherani agnoscant realem Christi præsentiā: alii non nisi spiritualem & sacramentalem, vt supra explicatum fuit. Alterum est, quod Martinus Kemnitius in 2. p. Examinis. Sess. 13. cap. 6. nonnihil ab aliis dissentiat. Vult enim Christum præsente esse, non tantum in sumptione, sed in tota actione cornæ, id est, dum panis accipitur in manibus, benedicitur, frangitur, distribuitur, sumitur, & etiam dum ex ipsa corna immediatè defertur ad ægros, vt illi comedant, non vt seruent.

3. Catholici longè aliter sentiunt. Aiunt Christum fieri verè, realiter ac substantialiter præsente, vi illorum verborum, *Hoc est corpus meum*; & manere præsente non solù durante actione, sed etiam extra actionem, quamdiu species panis conseruantur. Priorem partem probant, quia verba illa Christi, *Hoc est corpus meum*, fuerunt vera, simul atque prolata sunt: Ergo tunc fuit præsens corpus Christi. Posteriores probant ex antiqua praxi Ecclesiæ & Sanctorum Patrum, qui panem seu hostiam consecratam, non solùm conseruare in pixide, aut ad absentes deportare, sed etiam adorare soliti sunt, vt infra dicemus cap. 6. Hoc autem non facissent, nisi Christum toto illo tempore verè præsente esse existimassent.

CAPVT IV.

An totus Christus Secundum substantiam sit præsens in Eucharistia.

1. **I**N Christo potest spectari quadruplex substantia, nempe diuinitas, anima rationalis, caro & sanguis. Est ergo quaestio: An secundum hanc quadruplicem substantiam sit in Eucharistia ratio dubicandi est, quia non aliter est ibi, quàm per conuersionem panis & vini, at panis & vinum non conuertuntur in diuinitatem aut animam rationalem, sed tantum in carnem & sanguinem: Ergo est ibi tantum secundum carnem & sanguinem. Dicam paucis, quid statuendum sit.

1. *Prima conclusio.* Totus Christus secundum substantiam est in Eucharistia, non solùm sub vtraque specie simul sumpta sed etiam sub singulis speciebus separatim sumptis, vt totus sub specie panis, & totus sub specie vini. D. Thomas quaest. 76. art. 1. & 2. & Concil. Trid. Sess. 23. cap. 3. & Sess. 21. cap. 3. Ratio sumitur ex tribus principis in Scriptura fundatis. Primum est, corpus Christi in eucharistia, Matth. 26. 26. *Hoc est corpus meum*. Alterum est, Christum post resurrectionem non amplius moriturum, sed perpetuo victurum, Rom. 6. 9. *Christus resurgens ex mortuis iam non moritur, mors illi ultra non dominabitur*. Tertium est, Christum esse vnā personam diuinā in duobus naturis subsistentem, Ioannis 1. 14. *Verbum caro factum est* & primo principio sequitur, corpus Christi esse sub

specie panis, & secundo esse ibi corpus viuum & non mortuum; ac proinde, esse corpus inuormatum anima rationali: & tertio, esse ibi personam Verbi, consequenter diuinitatem.

3. *Secunda conclusio.* Licet totus Christus secundum substantiam sit sub specie panis, & totus sub specie vini; non tamen eodem modo est ibi totus. Ita D. Thomas & Concilium citatum. Ratio est, quia aliquid Christi est sub specie panis, vi sacramenti, vt caro; aliquid per naturalem concomitantiam, vt sanguis, anima, persona Verbi. Idem dicendum est de specie vini. Nam vi sacramenti, est ibi sanguis, reliqua per concomitantiam.

4. *Dicitur*, Persona Verbi est vbique per suam immensitatem: ergo non est in Eucharistia per naturalem concomitantiam. *Respondetur*. Persona Verbi potest dupliciter spectari. Primò, secundum se, & sic est vbique per immensitatem increatam. Secundò, quatenus est vnita humanitati, & sic ratione vnionis est in Eucharistia per concomitantiam.

5. Quæres quomodo ipsa vnio sit in eucharistia, an vi sacramenti, an per concomitantiam? Aliqui putant esse vi sacramenti, seu vi illorum verborum, *Hoc est corpus meum*. Primò, quia quando Christus dixit illa verba, locutus est de suo corpore, quatenus erat corpus personæ loquentis, ergo loquutus est de suo corpore, quatenus erat vnium personæ, ergo vi sacramenti erat hoc corpus cum vnione. Secundò, quia corpus propriè significat naturam corpoream subsistentem, ergo ex vi verborum est hic corpus subsistens non est autem subsistens substantia propria, sed substantia Verbi, nec subsistit substantia Verbi nisi, mediante vnione: ergo est ibi corpus cum vnione vi sacramenti. Tertio, non solùm substantia, sed etiam substantia panis conuertitur in corpus Christi vi sacramenti, ergo vi sacramenti est ibi corpus Christi subsistens, ergo est ibi cum vnione hypostatica.

6. Alii contra sentiunt, vnionem esse in eucharistia per naturalem concomitantiam. Ratio est, quia si vnio esset ibi vi sacramenti, etiam persona Verbi esset vi sacramenti, quod tamen falsum est vt patet ex Concilio Trident. Sess. 23. capite 3. vbi ponit diuinitatem inter ea, quæ sunt in eucharistia per concomitantiam. Sequela patet quia vnio non potest esse sine termino vnionis, ergo vbi est vnio vi sacramenti, ibi est persona Verbi, qui est terminus vnionis. Confirmatur, quia vnio nihil est aliud, quàm actualis coniunctio corporis Christi, & personæ Verbi: sed non potest esse actualis coniunctio duorum extremorum, nisi ipsa extrema actu ad sint.

7. Mihi videtur opus esse distinctione. Vt enim loqui possimus de possibili, vel de facto. Si est sermo de possibili, non repugnat vnionem fieri præsente in eucharistia vi sacramenti. Nam si Christus voluisset consecrare per hæc verba, *Hoc est corpus personæ Verbi vnium*: aut per hæc, *Hic est Christus*, iam vitalium verborum esset in sacramento, non solùm corpus, sed etiam vnio corporis cum verbo, seu totus Christus. Hoc enim formaliter verba significarem, & consequenter efficerent per modum diuini instrumenti. Si autem sermo est de facto, vnio non est præsens vi sacramenti, sed per concomitantiam. Nam verba, quibus de facto Christus consecrauit, formaliter non significant vnionem. Quamuis enim fingamus corpus Christi in sacramento non habere vnionem cum persona Verbi, tamen verè posset dicere, *Hoc est corpus meum*. Nam illa particula, *Meum*, solùm denotat identitatem illius corporis cum corpore, quod ratione vnionis est personæ Verbi non autem denotat corpus illud habere talem vnionem vbique existit.

8. Hinc soluitur Primum argumentum prioris opi-



cie Laicis porrigenda. Fatentur quidem, Christum præcepisse communionem; non tamē modum communionis sub vna vel utraque specie sed potius reliquisse liberū, ut Laici, vel sub vna vel sub utraque specie communicarēt. Sicut præcepit Baptisum, non tamen modum Baptismi sub vna, vel trina immersione. Secundō negant vllum sacrilegium aut furtum interuenire. Nā si non extat præceptum de utraque specie; nullum sacrilegium est, vnā sine altera præbere, aut participare. Et rursum si sub vna specie non minus continetur totus Christus quā sub utraque nec minor fructus percipitur ex vna, quā ex utraq; quod postea probabimus, nullum furtum aut detrimentum est, vnā speciem exhibere sine altera. An iure queratur Legatarius, legatum quod in duplici tabella descriptum est in altera totum & integrum sibi exhiberi, sine vllō suo damno aut incommodo? Non opinor. Cur ergo querantur Laici, quando totus Christus, tota hæreditas, totum testamentum, in vna specie, integre ipsis porrigitur? Nulla causa est. Non magis, quā si quis cum parcho exoptulet, quod vna tantum, & non trina immersione, Baptizatus ab eo sit.

3. At inquirunt, si Christus vsum vtriusque, vel alterius speciei liberum reliquit, ut vos dicitis; quomodo audetis Laicis prohibere vtramque speciem? Quod enim iure diuino liberum & licitum est, non potest iure humano prohiberi & illicitum fieri. Hunc modum facile dissoluam suo loco. Nunc tantum obiter quero, an non Christus liberum reliquerit vsum vnius, vel trinae immersionis in Baptismo? Ita sane. Et tamen olim in Concil. Tolet. 4. cap. 5. prohibita fuit trina mersio, & concessa vna. Si hoc benè: cur alterum malè? Sed infra de hoc plura.

4. Iam, Catholicorum contra Aduersarios querelam sic explico. In sacramento Eucharistiæ, iuxta Christi Institutionem, & antiquorum Patrum consensum, hæc tria spectari possunt. Primò, symbola externa, seu species Sacramentales, *Accipit panem & calicem*. Secundò, res sub iis contenta, nempe corpus & sanguis Christi, *Hoc est corpus meum. Hic est sanguis meus*. Tertiò, fructus, qui inde percipitur, *Qui manducat meam carnem & bibit meum sanguinem, habet vitam æternam*. Calvinistæ hæc omnia perdidērunt præter nuda symbola panis & vini. His solis iubent Laicos esse contentos. Carnem & sanguinem Christi tanto intervallo dicunt abesse ab iis symbolis, quanto abest cælum à terra. Et, si caro & sanguis Christi ibi non est, quis fructus inde percipi potest? Lutherani fatentur quidem adesse Christum, sed mortuum. An non mortuum censent, qui obiciunt, Catholicos solam carnem sine sanguine exhibere Laicis? qui putant, sub vna specie dimidium Christum, sub altera, reliquam eius partem contineri.

A 5. Vtrique ergo merito arguendi. Calvinistæ, quia carnem & sanguinem Christi tollunt è Sacramento, & tota hæreditate dissipata, præter nudas tabellas, nihil relinquunt Laicis. Lutherani, quia non viventem & integrum, sed mortuum & dissectum Christum Legatariis distribuunt, eiusque dimidiam partem sub specie panis, reliquam sub specie vini, scorsim sumi à Laicis arbitrantur. Et tamen vtrique tam Lutherani, quā Calvinistæ, postea quam rem ipsam sacrilegè dissiparunt, de solis symbolis litem nobis intendunt. Perinde sane, ac illi, qui absumpto patrimonio, de nudis codicillis altercantur.

B 6. Ceterum quia mihi propositum non est, aduersariorum crimen & miseriam persequi, sed Catholicorum sententiam tueri & explicare; reuocabo illam ad pauca capita, quæ hic breuiter ob oculos proponam, ut vno quasi aspectu videri possint. Deinde, singula scorsim probabo. Spero fore cum Dei gratia, ut Lector perspicue intelligat Catholicos cum Christi, Apostolorum, & Ecclesiæ primitiuarum sensu & doctrina, optime conspirare. Sunt autem hæc capita

CAPITA DOCTRINÆ Catholicorum.

1. *Aliud est institutio diuina, aliud præceptum diuinum.*
2. *Christus instituit Eucharistiā sub utraque specie non tamen præcepit omnibus vsum vtriusque speciei.*
3. *Imo, vsum vnius speciei, cum verbo, cum facto ipso approbauit.*
4. *Quod etiam fecerunt Apostoli.*
5. *Et post Apostolos alij usque ad nostra tempora.*
6. *Et rectè. Nam sub vna specie non minus continetur totus Christus, quā sub utraque.*
7. *Nec minor fructus percipitur ex vna, quā ex utraque, cæteris patribus.*
8. *Et aliunde possunt esse legitime causa, cur potius sub vna, quā sub utraque Laici communicent.*
9. *Propter quas etiam statutum est ab Ecclesia, ut sub vna deinceps communicarem.*
10. *Nec aduersarij quicquam obiciunt ex scripturis, quod dilui commode non possit.*
11. *Sicut nec ex Patribus.*
12. *Aut ex ratione fundata in Scripturis vel Patribus.*
13. *Omnino igitur persistendum est in sententia Catholicorum.*

CAPVT I.

Aliud est Institutio diuina, aliud præceptum diuinum.

1. **V** Ideo non paucos, etiam bonos viros, hic errare. Putant idem esse Institutionem diuinam & præceptum,

& præceptum Quare cum communio sub vtraque specie à Christo instituta sit, quod negare non possumus: consequenter putant, etiam præcepta esse: At non ita res habet. Aliud est institutio, aliud præceptum. Multa à Deo instituta sunt, quæ tamen omnibus præcepta non sunt, ut matrimonium. Ordo Ecclesiasticus, prædicatio Evangelij, officium Baptizandi, & plura alia. Non enim tenentur omnes ex præcepto diuino iure matrimonium, suscipere ordines Ecclesiasticos, prædicare Euangelium, Baptizare Cathecumenos. Vnde sicut hæc consequentia non valet, *Matrimonium à Deo institutum est: Ergo omnibus præceptum est.* Ita similiter hæc non valet: *Communio sub vtraque specie à Christo instituta est: Ergo omnibus præcepta est.*

2. Dices: Hæc exempla bene ostendunt, non omnes teneri ad ea usurpanda, quæ à Deo instituta sunt. Nihilominus, si quis sponte velit ea usurpare, tenetur id facere secundum institutionem diuinam. Itaque videtur formanda hæc regula. *Quamuis iure diuino non teneantur omnes iure matrimonium, suscipere sacros ordines, prædicare Euangelium, baptizare catechumenos; si quis tamen sponte velit aliquid istorum facere, tenetur facere eo modo, quo Deus instituit.* Verbi gratia, si quis velit alterum baptizare, tenetur aqua illum abluisse, & Pronunciare hæc Verba: *Ego te Baptizo in nomine Patris, & Filij, & Spiritus sancti.* Sic enim Christus instituit. Vnde, qui secus fecerit, non modo peccat, sed etiam nihil agit. Idem in ceteris. Ergo similiter, si quis velit communicare, tenetur id facere sub vtraque specie, quia Christus sic instituit. Si aliter facit; & peccat, & fructum Sacramenti non percipit.

3. Respondet. Si illa regula sumatur generatim absque vlla limitatione: sine dubio falsa est, quod etiam aduersarij debent fateri. Hoc ostendo in exemplis allatis. Deus in institutione matrimonij, è costa viri dormientis formauit mulierem, & eam in Paradiso, illi coniunxit. An idèò necesse est quotquot matrimonium ineunt, ut è suis costis fingant sibi sponsas & coniuges? Non opinor. Et Christus in Institutione Eucharistiz, vespere post sumptam cœnam, & lotis discipulorum pedibus, accepit panem & calicem, & facta consecratione, portexit discipulis. An idèò tenentur omnes vespere post sumptam cœnam, & lotis pedibus communicare? Ne aduersarij quidem id possulant. Itaque regula superius allata, limitanda est, & distinctio adhibenda. Nam in ijs, quæ à Deo instituta sunt, duo spectari possunt. 1. ipsorum substantia & essentia. 2. circumstantiæ seu accidentia. Si quis ergo velit usurpare aliquod Sacramentum à Deo institutum, tenetur adhibere omnia quæ ad illius substantiam & essentiam pertinent; reliqua non item. Ad substantiam & essentiam Baptismi pertinent hæc duo, ablutio externa, quæ sit per aquam & formam verborum, *Ego te Baptizo.* Sine his non perficitur Baptismus. Cætera sunt intrinseca; ut quod ablutio fiat vna vel trina immersione; aqua fluminis, vel stagnante: ante vel post prandium: quod totum corpus mergatur, vel aliqua eius pars, quod forma verborum Latino, vel alio sermone proferatur, & sic deinceps. Igitur si infantem perfundas aqua & pronuncies verborum formam, Baptismus legitimus est & effectum sortitur. Nihil autem interest, semel an ter abluas, calidam aquam, an frigidam inspergas: in Iordane, an Rheno: ante, vel post meridiem id facias. Hæc enim iure diuino determinata non sunt. Eodem modo res habet in Eucharistiz Sacramento: Si substantiam & essentiam illius spectes; non aliud requiritur, quam Christus sub externo symbolo panis aut vini consecrari. Si Christus non adsit (ut apud Calvinistas non adest) Sacramentum nullum est. Si adsit quidem, non tamen sub symbolo panis aut vini: ne tunc quidem

Opus. Bec.

A. Sacramentum est. Vtrumque ergo requiritur, & symbolum externum, & Christus in illo symbolo significatus & comprehensus. Perinde est, vnum symbolum, an duo sint. Non minus sub vno, quam duobus Christus præsens est, & quidem totus: nec minus sub vno, quam sub duobus manducatur & bibitur à fidelibus; ut deinceps patebit.

CAPVT II.

B. *Christus instituit Eucharistiam sub vtraque specie, non tamen præcepit omnibus vsum vtriusque speciei.*

1. **D**Vo hic asserimus. Vnum est, Christum sub vtraque specie instituisse Sacramentum Eucharistiz. In hoc omnes conveniunt. Et merito: quia verba institutionis clara & aperta sunt. Matth. 26. 26. Lucæ 22. 19. Marci 14. 22 & 1. Cor. 11. 23. *Accipit Iesus panem, & benedixit ac fregit, deditque discipulis suis, & ait: Accipite & comedite, Hæc est corpus meum. Et accipiens calicem, gratias egit, & dedit illis dicens, Bibite ex hoc omnes, Hic enim est sanguis meus novi testamenti.*

C. 2. Alterum est Christum non præcepisse omnibus vsum vtriusque speciei. Hic dissentiant à nobis aduersarij. Vrgent illi præceptum. Nos dicimus, nullum extare. Hoc dupliciter probamus. Primum, quia aduersarij in tota Scriptura nullum possunt inuenire. Secundò, quia nos è contrario sufficienter convincimus, vnam speciem licet usurpari posse.

3. Prius argumentum sic vrgo. Si in scripturis extaret aliquod præceptum de vtraque specie, vel id colligitur ex sola institutione huius Sacramenti, vel aliunde. Neutrum dici potest: Non prius, quia vtex dictis patet, multa sunt à Deo instituta, quæ tamen præcepta non sunt. Ergo ex sola institutione non potest colligi præceptum. Nec posterius, quia testimonia Scripturæ in quibus aduersarij putant contineri præceptum, reuera non continent præceptum, ut suo loco latius; nunc breuiter sic ostendo. Aduersarios in hac re habemus triplices Hussitas, Lutheranos & Calvinistas. Omnes quidem querunt præceptum, sed nulli inveniunt. Hussitæ querunt in illis verbis, Ioan. 6. 53 *Nisi manducaueritis carnem filij hominis, & biberitis eius sanguinem, non habebitis vitam in vobis.* Antecclamant Lutherani. Negant toto illo capite vel vnum esse apicem, quide Sacramento Eucharistiz intelligatur. Ipsi ergo querunt in illis, Lucæ 22. 19. *Hoc facite.* Sed repugnat Calvinus. Solis Ecclesiæ ministris, non Laicis, id dictum esse à Christo contendit. Calvinus querit in istis, Matth. 26. 27. *Bibite ex hoc omnes.* Sed ad solos Apostolos ea pertinere declarat Marcus, cum ait: *Et biberunt ex illa omnes.* Hinc concludo, aduersarios non convenire inter se de præcepto. Imò, quod amplius est, ita discrepare, ut vbi alij putant se inuenisse præceptum, alij negent ibi esse. Vide plura cap. 10.

4. Posterius sic vrgo. A tempore Christi & Apostolorum, vsque ad annum 1412. semper liberum fuit in Ecclesia, vel sub vna, vel sub vtraque specie communicare: nec vnquam docuerunt Patres, vtriusque speciem diuino iure necessariam esse. Primi, qui hoc dixerunt, fuerunt duo Germani, Petrus Driedensis, & Iacobus Miffensis, qui Præga in Bohemia hanc de communione sub vtraque specie controversiam excitaverunt.

Ergo signum evidens est utrumque speciem diuino iure Preceptam non esse. Hoc argumentum sicut & alterum Prosequar in sequentibus capitulis. Hic obiter attingisse est.

CAPUT III.

*Christus vsum vnius speciei, & ver-
bis, & factocomprobanis.*

1. **Q**uod verbis comprobabit, patet ex cap. 6. Ioannis, ubi agens de fructu Eucharistiae, non lemel, sed triplex dicitur, vnam speciem prodesse ad salutem. Si quis, inquit, manducaueritis ex hoc pane, viuet in aeternum. Et panis, quem ego dabo, caro mea est pro mundi vita. Et iterum. Non sicut manducauerunt Patres vestri manna, & mortui sunt. Qui manducat hunc panem viuet in aeternum. Ex his & similibus verbis concludo, manducationem carnis Christi sub vna specie, prodesse ad salutem. At non prodesset, si vtrique species esset necessaria.

2. Dices, aduersarij negant in illo capite agi de Eucharistia, seu manducatione Sacramenti. Respondeo. Aduersarij sunt triplices, vt dixi, Hussitae, Lutherani & Calvinistae. Horum alij negant, vt Lutherani & nonnulli Calvinistae: alij concedunt, vt Hussitae, & Calvinistae Gallicani, cum Plessio lib. 4. de Eucharistia c. 23. pag. 661. Illi ergo se mutuo destruunt, & nos confirmant. Et ab illis sumo tale argumentum: vel agitur in illo capite de Eucharistia, vel non agitur. Si agitur: errant Lutherani & plerique Calvinistae, qui id negant. Si non agitur, errant Hussitae & Calvinistae Gallicani, quid concedunt. Rursum, si agitur, quod nos cum tota Patrum antiquitate contendimus, res salua est: Eucismus vnam speciem prodesse ad salutem. Si quis, inquit Christus, manducaueritis ex hoc pane, viuet in aeternum. Si non agitur, omnes aduersarij temerarij sunt. Hussitae quidem, quia nouum dogma Eucharisticum astruere conati sunt ex eo scripturae loco, vbi non agitur de Eucharistia. Lutherani vero & Calvinistae, quia hoc Hussitarum dogma amplexi sunt.

3. Iam, quod facto vnam speciem Christus approbavit, vt patet ex Luca cap. 24. 30. vbi duobus discipulis in Emaus sub sola specie panis Eucharistiam porrexit. Sic enim scribit Lucas: Et factum est, dum recumbere cum eis, accepit panem, & benedixit ac fregit, & porrigebat illis. Et aperti sunt oculi eorum, & cognouerunt eum, & ipse euauit ex oculis eorum. Porro, hunc locum intelligi de pane Eucharistico, fatetur Philippus Melancthon in Apologia Confessionis Augustanae, & plures alij ex aduersariis. Et tribus modis probari potest. Primo, autoritate Patrum Sic enim explicant D. Hieronymus in Epitaphio Paulae ad Eustochium; Augustinus lib. 3. de consensu Evangelistarum cap. 25 & sermone 146. de Tempore, & Epistola 59. ad Paulinum q. 8. Author imperfecti operis, homil. 17. in Mattheum in fine, Theophylactus in cap. 24. Lucae, & non pauci alij. Et quidem D. Hieron. loco citato dicit, Christum, consecrando panem Eucharisticum, Cleophae domum in Ecclesiam dedicasse. Verba eius sunt haec: Repetitque itinere venit Nicopolim (nempe Paula Eustochii mater) qua prius Emaus vocabatur, apud quam in fractione panis cognitus Dominus, Cleophae domum in Ecclesiam dedicauit.

4. Secundo, probatur ex ipso contextu. Ac singula pene verba ponderanda sunt. Et factum est, inquit. Ita

loqui solet scriptura, quando grande aliquod mysterium enarrandum est. Sequitur autem mysterium. Accipit panem, & benedixit ac fregit, & porrigebat illis. eisdem plane verbis vsus est Euangelista in vltima cena describenda. Math. 26. 26. Accipit panem & benedixit ac fregit, deditque discipulis suis. Si ergo haec verba intelliguntur de pane Eucharistico, vt omnes fatentur; cur non similiter illo? Non enim inter se differunt. Vnde infero, Christum bis instituisse Eucharistiam: semel Hierosolymis in vltima cena ante passionem: & semel in Emaus, post resurrectionem: illic sub vtraque specie: hic sub vna illic adfuisse Apostolos, qui tunc habebant Sacerdotes; hic duos discipulos, qui adhuc erant Laici.

5. Tercio, probatur ex effectu. Aperti, inquit, sunt oculi eorum, & cognouerunt eum. Vnde autem aperti sunt? Ex sumptione panis Eucharistici. Sic Augustinus libro tertio de consensu Evangelistarum, capite 25. cum ait; Vt cum eis benedictum panem porrigeret, aperirentur oculi eorum, & agnoscerent eum, Et infra. Non autem incongruenter accipimus hoc impedimentum in oculis eorum a facina factum fuisse, ne agnosceretur Iesus. Sed tamen a Christo est facta permissio usque ad Sacramentum panis, vt vniuersae corporis eius participata remoueri intelligatur impedimentum inimici, vt Christus possit agnosci. Et clarissime Theophylactus loco citato, Insinuat & aliud quiddam, nempe quod oculi eorum, qui benedictum panem assumpunt, aperiantur, vt agnoscant illum. Magnam enim & indicibilem vim habet caro Domini.

6. His tribus argumentis, nihil habent aduersarij, quod solide respondeant. Conantur tamen effugere, vt possunt, & singulis aliquid opponunt. Ac primum dicunt, tamen aliqui Patres illum intelligant de pane Eucharistico; alii tamen esse, qui aliter sentiunt. Nihil ergo certi ex Patribus haberi posse. Ergo omnia sic vrgo. Si D. Hieronymus, Augustinus, & alij Patres citati, qui diuersis saeculis vixerunt, putarunt Christum sub vna specie dedisse Eucharistiam discipulis in Emaus, consequenter putarunt, communionem sub vna specie non esse prohibitam iure diuino: Ergo siue Christus dedit Eucharistiam sub vna specie, siue non dedit; tamen Patrum antiquorum sententia est, vnam speciem licite vsurpari posse. An hoc satis non est? Nihil enim aliud hic quaerimus. Et sane dicant aduersarij an putent Augustinum, Hieronymum, & similes Patres in hac roerrasse, necne? putant errasse, quomodo hoc probant? Sin minus, neque nos erramus, qui illos sequimur.

7. Alterum effugium est; ex illis verbis, Accipit panem, benedixit, fregit, porrexit, non posse quicquam convinci. Nam similia verba reperiuntur Marci 6. 41. Accipit quinque panibus, & duobus piscibus, intuens in caelum, benedixit, & fregit panes, & dedit discipulis suis, vt ponerent ante eos. At haec verba non intelliguntur de pane Eucharistico, sed de panibus per miraculum multiplicatis: Ergo nec priora necesse est intelligi de pane Eucharistico. Facilis est responsio Christus in Euangelio ter legitur benedixisse panem. 1. in multiplicatione panum & piscium. 2. in vltima cena. 3. in Emaus. Et semper aliquid mysterij seu miraculi operatus est. Vnde euidenter concludimus, benedictionem Christi circa panem, fuisse semper efficacem, & alicuius mysterij seu miraculi effectricem. Solidum potest esse questio de qualitate mysterij, an scilicet in illa triplici benedictione, quae diuerso loco ac tempore a Christo facta est, semper fuerit idem mysterium seu miraculum, an potius diuersum. Hoc autem non aliunde melius, quam ex circumstantiis, & Patrum interpretatione discerni potest. Et quidem in prima benedictione,





Catholicos *Alium*; Leo Papa non monuit Romanos, ut notarent eos qui abstinere à calice, sed eos qui semper abstinere. Hoc enim significat per illam particulam. *Omnino*, cum ait: *sanguinem redemptionis nostrae haurire omnino declinant*. Ergo hoc fuit discrimen inter veros Catholicos, & occultos Manichæos, quod hi semper, illi aliquando sub vna specie communicarent. Vna igitur species fuit tunc licita. *Tertium*; Dicant Lutherani & Calvinistæ, an Communio sub vna specie fuerit Romæ tunc temporis noua, & primum, introducta à Manichæis: an etiam prius vñtata à Catholicis: Si noua, facillimè poterat notari à Romanis: nec opus erat Pontificis monitione. Si prius vñtata, nihil nos facimus hoc tempore, quod olim à Catholicis factum non sit.

6. Accedit, quod idem Leo in aliis concionibus populo explicarit, quinam essent errores Manichæorum: ut patet ex sermon. 4. de collectis, & sermon. 5. de ieiunio decimi mensis. Romani enim nesciebant, in quibus punctis Manichæi dissiderent à Catholicis. Igitur à Leone Papa instructi sunt. At Leo numquam dixit eos errare in vñu vñus speciei: quod tamen sine dubio fecisset, si vna species diuino iure esset interdicta; præsertim, cum tam seriò ac paternè hortaretur suos ciues, ut ab omni Manichæorum errore essent alieni. Quomodo autem poterunt esse alieni, nisi speciatim de vnoquoque monerentur?

7. Veniamus ad Gelasium Papam, qui successit Leoni in Pontificatu post annos triginta duos. Ille igitur, quia videbat Catholicos aliquando abstinere à calice, sicut fecerant tempore Leonis, & aliorum, qui Leonem proxime secuti sunt: ideòque non satis facile discerni posse à Manichæis: tulit nouam legem, ut deinceps Catholicis nunquam abstinere à calice. Sic enim putabat fore, ut statim quotquot abstinere à calice, noscerentur Manichæi esse, non Catholicos. Nec tamen hoc idè fecit, quod existimaret vnam speciem licitè sumi non posse: sed ne Catholicos, si pergerent abstinere à calice cum Manichæis, paulatim imbuerentur errore Manichæorum. Hi enim duplici de causa abstinere à calice. Primo, quod putarent vinum esse fel Draconis. Secundo, quod negarent Christum esse verè mortuum, & verum sanguinem effudisse. In vtroque errabant. Ne ergo Catholicos viderentur ob eandem causam abstinere, iussit Pontifex, ne deinceps abstinere, ad præcauendam vtriusque erroris suspicionem. Itaque illa verba Gelasij, *Diuisio cuius eiusdemque mysterij sine grandi sacrilegio non potest prouenire*: non significant, vnam speciem non posse sumi sine sacrilegio, ut falso interpretantur Lutherani & Calvinistæ: sed opinionem illam, qua Manichæi putabant abstinendum esse à calice non posse prouenire sine suspicionem nefandæ hæresis. Vide Baronium tomo 6. Annalium, anno Christi 496. vbi doctè & prolixè de hac re disputat contra Nouatores.

8. Porro quod Manichæi fuerint in illo duplici errore, de quo dixi, patet ex Augustino, libro de hæresibus, capite 46. vbi sic ait: *Nam & vinum non bibunt, dicentes fel esse Principum tenebrarum*: Et ibidem, *Afferunt Christum non fuisse in carne vera, sed simulatam speciem carnis humana sensibus præbuisse, ut moriens & resurrectionem mentiretur*. Similia de us scribit Leo Papa sermon. 4. de collectis, in fine, & sermon. 4. de Natiuitate Domini, circa medium, & sermon. 4. de Epiphania, paulo post medium. Eodem spectat illud Gelasij, *Qui proculdubio, quoniam ne vno qua superstitione docentur astringi, &c.* Hinc iterum concludo pro nobis: Gelasius, Augustinus, Leo.

Astinus & Leo damnarunt quidem errores, seu superstitiones, propter quas Manichæi abstinere à calice; non tamen damnarunt ipsam abstinentiam à calice: Ergo putarunt communionem sub vna specie non esse illicitam.

9. Hactenus primum argumentum, quod ex facto Manichæorum delumptum est. *Alium*, tum potest ex vñu Ecclesiæ Orientalis, præsertim Constantinopolitane. Nam sicut Romæ tempore Leonis Papæ, liberum fuit sub vna, vel vtraque specie communicare: sic etiam Constantinopoli tempore Diui Chrysostomi. Hoc euidenter conuincit historia, quam referunt Sozomenus libro 8. cap. 5. Nicephorus libro 13. caput 7. Baronius tomo 5. Annalium, anno Christi 400. in fine, & alij complures. Est autem hæc, *Vir quidam (inquit Nicephorus) Macedonij morbo laborans, uxorem eadem contagione infectam habebat. Hic cum aliquando in magnum illum virum (nempe Diuum Chrysostomum) incidisset, quomodo de Deo sentiendum sit, differentem, statim priori opinione relicta mutatus, dicta illius laudauit, coningemque, ut isdem & ipsa sententiam suam mutaret, cogere institit. Vbi verò illa ex consuetudine & colloquiis quotidianis familiarium muliercularum pendens, admonitionem eius non suscepit, & maritus resapius sentata, nihil effecit: postremò ei denunciavit, nisi communem atque eandem secum de Deo teneret opinionem, minimè se eam secum habitare passurum esse. Mulier postquam id per simulationem annuit, ex ancillis, quam fidem sibi esse credebat, vni, quid facturæ esset, credidit: ut per fraudem virum falleret. Et sacrarum mysteriorum tempore accedens illa donum, sicut mos erat, (qui sacris instituti sunt, quiddam, intelligunt) accepit, atque id retinens, perinde atque orationi vacatura se inclinata submisit, mysteriumque sacrosanctum oculis: Et quæ ei assistebat ancilla, pro eo panem communem domo allatum obtulit, quem illa ori admonens, in lapidis naturam induratum esse dum dentibus alterare conatur, sepsit. Itaque timore percussa, ne quid grauius per Dei vindictam pateretur, propter miraculum, quod præter opinionem acciderat, nulla interposita mora ad magnum illum accedit Patrem, rem aliam exponit, & lapidem ostendit, certo & aperte morsus indicium exhibentem, qui iam materiam priorem ignoraret, nonnumque & alienum colorem oblineret. Et venia delicti petita, deinceps in eadem cum marito opinione perdurauit. Lapis iste ad finem miraculi eius faciendum, longo tempore inter Ecclesiæ donaria asseruatus, spectatoribus miraculo fuit. Hæc Nicephorus.*

10. Ex hac historia tria colligimus, quæ ad rem faciunt. Primo, quot tunc temporis Eucharistia sub specie panis data fuerit communicantibus in manu, ut eam postea sumerent, quisque pro sua deuotione. Secundo, quod illa femina hæretica, ut in gratiam mariti simularet, se Catholicam esse publicè in manu accepit panem Eucharisticum à Sacerdote, tanquam paulo post eum comestura. Tertio, quod digressa à Sacerdote, etiam abiconderit panem Eucharisticum, & pro eo communem ac prophanum ortu ad mouerit, ut saltem communicasse videri posset. Hinc concludo, tunc temporis liberum fuisse, vel sub vna, vel sub vtraque specie communicare. Nam si omnes coacti fuissent sumere de calice, non potuisset illa mulier dissimulare suam fraudem, quia calix non dabatur communicantibus in manu, sed à Diacono eorum ori ad mouebatur, ut habet Cyrillus Catechesi 5. mystagogica.

11. Nihil habent hæc aduersarij, quod solidè respondeant. Plesszus libro primo de Eucharistia capite 11. pag. 163. sola interrogatione conatur eludere. *In illis*

la, inquit, *maritatio de muliere infideli, qua Chryso-
stomum decipere conata, licet Sozomenus panis tan-
tum meminisse in lapidem conuersi, an non de publica
Ecclesia Constantinopolitanae communionis agitur, in
qua utramque speciem administratam, quis unquam
dubitauit? Ac mihi Plessæ non quaestio, an utraque
species publicè fuerit administrata, sed potius, an li-
berum fuerit communicantibus, vel vnâ, vel vtram-
que speciem accipere? Hoc autem liberum fuisse, opti-
mè conuincitur ex historia citata. Nec quisquam,
salua historiarum veritate inficiari id potest.*

12. *Tertium argumentum* sumitur ex communione
domestica, quæ olim apud Catholicos sub altera specie
fuit usitata: Solent enim fideles Eucharistiam domum
deferre, & ibi pro sua opportunitate sumere, vtrahunt
Tertullianus, Basilus, Clemens Alexandrinus, Cypria-
nus, Hieronymus, Augustinus & alij antiqui Patres. Et
quidem Tertullianus libro 2. ad uxorem (ubi horta-
tur eam, ne, cum Christiana sit, nubat Gentili ma-
rito, eo quod non possit exercere officia Christianæ
religionis, quin maritus Gentilis aduertat) inter cæ-
tera sic ait: *Latebis uerum, cum lesulum, cum corpuscu-
lum tuum signas? Non sciet maritus, quid secreto ante
omnem cibum gusses? Et si scieris, panem non illum
credidit esse qui dicitur.* Hinc apparet, fideles solitos
esse domi ante alios cibos sumere panem Eucharisti-
cum. Idem Tertullianus in libro de Oratione, id
sine: *Accepto, inquit, corpore Domini, & reseruat;*
*utrumque saluum est, & participatio sacrificij, & exe-
cutionis officij.* Disputat eo loco, an ieiunium soluat
sumptione Eucharistiæ. Aliqui affirmabant: ideo-
que diebus ieiuniorum putabant abstinendum esse à
communione. Occurrit Tertullianus, corpus Do-
mini, quod in templo distribuitur, domum deferri pos-
se & reseruari ad horam comestionis: sic enim fore,
ut nec ieiunium violetur, nec communio enim fo-
re, ut nec ieiunium violetur, nec communio omitta-
tur.

13. De eadem reservatione Basilus in epistola ad
Cæsariam Patriciam sic scribit: *Illud autem, in per-
secutionis temporibus necessitate cogi quempiam, non
presente Sacerdote aut ministro, communionem propria
manu sumere, nequaquam esse graue, superuacuum
est demonstrare, propterea quod longa consuetudine, hoc
ipso rerum usu confirmatum est. Omnes enim in eremis
solitariam vitam agentes, ubi non est Sacerdos com-
munionem domi seruantes, à seipsis communicant. In
Alexandria uero & in Aegypto, unusquisque eorum,
qui sunt de populo, ut plurimum habet communionem in
domo sua.*

14. Consentunt alij Patres citati. Clemens Alexan-
drinus libro 1 Stromatum, non longè à principio, ait:
*Eriam Eucharistiam cum quidam, ut mos est, diuiserint,
permittunt uniusque ex populo eius partem sumere.* Et
Cypri. serm. de lapsis: *Cum quadam (mulier) arcam suâ
in qua Domini sanctum fuit, manibus indignis tentasset
aperire, igne inde surgente deterrita est: ne auderet attingere.*
*Et alius, qui & ipse maculatus, de sacrificio à Sa-
cerdote celebrato partem cum ceteris ausus est lateuiter
accipere, sanctum Domini edere & contrectare non po-
tuit, & cicerem ferre se apertis manibus inuenit, & Hiero-
nymus in Apologia ad Pammachium pro libris suis
contra Iovinianum: An alius in publico, alius in domo
Christus est? quod in Ecclesia non licet, nec domi licet.*
Et Augustinus. serm. 252. de tempore: *Omnes uiri, quan-
do communicare desiderant, lauant manus suas; Et om-
nes mulieres nuda exhibent lintecola, ubi corpus Christi
accipiant.*

15. Ex his Patrum testimoniis perspicuum est fideles
olim solitos esse Eucharistiam domum deferre, ibique
asseruare ad priuatam communionem. Quod autem so-

liti sint vnâ tantum speciem deferre & conferuare, &
facillimè ostendi potest. Primò, quia citati Patres vnâ
tantum speciei meminere. Secundò, quia plerique
non nisi de vna specie intelligi possunt. Quis enim cre-
dat sanguinem Christi sub specie vini à fidelibus perla-
tum esse in manibus, arca, vel lintecolo? corpus Christi
portari sic potuit: non sanguis. Tertiò, quia D. Acha-
nadius Apologia 2. contra Arianos, disertè ait, nullum
calicem aut populum mysticum alibi reperiri potuisse,
nisi in Ecclesia. Quomodo ergo in domibus Laicorum
asseruati potuissent sanguis Christi sine poculo aut ca-
lice?

16. Hoc argumentum conuicti aduersarij fatentur, vnâ
speciem fuisse, olim usurpatam priuatam in domibus,
non tamen publicè in Ecclesia. Addit Kemnitius eos
iplos, qui priuatim sumebant Eucharistiam sub specie
panis, prius in Ecclesia sumpsisse sub specie vini: et
proinde utramque speciem per interualla temporum
vltupasse. Deinde, se non disputare de priuata, sed pu-
blica cœnæ administratione. Sed primum quero ex
Kemnitio, unde sciat, prius calicem in Ecclesia, deinde
panem Eucharisticum in priuatis domibus solum
fuisse à fidelibus? contrarium planè colligatur ex Ter-
tulliano, cum ait, eodem die, & ieiunium, & commu-
nionem seruari posse, si corpus Domini ad horam co-
mestionis asseruetur. Quin opus erat, ratione ieiunii,
tamdiu abstinere à corpore Christi; si iam antea calix
fuiſſet degustatus? de Eremitis res clarior est. Quo-
modo potuissent calicem sumere in Ecclesia, qui toto
anno communicabant in eremo, & non nisi rarissimè
ad Ecclesiam veniebant? Addo Kemnitium sibi ipſi
repugnare. Nam ex vna parte ait, se tantum disputare
de eo, quod publicè fiebat in Ecclesia; Et ex altera fate-
tur, fideles publicè in Ecclesia solum calicem sumpsisse,
panem Eucharisticum domum asportato. Ergo fatetur
debet, vsum vnius speciei fuisse publicè usurpatum in
Ecclesia: quod tamen vult negare. Denique, quidquid
sit de contradictione Kemnitij, si communio sub vna
specie, licita & usitata fuit in priuatis Laicorum domi-
bus: ceterò diuino præcepto prohibita esse non potuit.
Quod enim simpliciter à Deo prohibitum est, nec pri-
uatum, nec publicè rectè fieri potest. Hoc sensu dixit
Hieronymus loco citato; *Quod in Ecclesia non licet, nec
domi licet.*

17. Plessæus Calvinista, lib. 1. de Eucharistia cap. 12.
pagina 162. propè finem, quia facillè aduertebat hanc
Kemnitij solutionem defendi non posse; aliam viam
ingressus est. Ait, quæ hætenus ex Patribus allata sunt;
nihil aliud, quàm muliercularum & idiotarum extraor-
dinariorum quosdam abusus esse. Et hoc probat, quia com-
munio priuata, de qua hætenus locuti sumus, fuit po-
stea damnata ab Ecclesia in Concilio Toletano 1. can.
14. & in Cæsar. augustino, can. 3. At non esset damnata,
si liceret domi communicare. Sed valde errat Plessæus.
Primò, quia citati Patres loquuntur de priuata com-
munionem, tanquam de re sancta, & longo fidelium
vſu comprobata. Et sanè, si res mala est, cur Alexan-
dria & in tota Aegypto tamdiu fuit tollerata: cur Ter-
tullianus eam suauiter in die ieiunii; cur Basilus definiunt
posse Laicos ex propria manu communicare, sicut eo
tempore faciebant Eremitæ? Secundò, falsum est, in
citatis Conciliis damnatam, esse priuatam commu-
nionem. Non fuit damnata, sed prohibita: nec idè
prohibita, quia in se mala, sed propter irreueren-
tiam, & varios abusus, qui inde sequebantur. Hoc
patet ex ipsis verbis. Sic enim loquitur Concilium
Toletanum can. 14. *Si quis acceptam à Sacerdote Eu-
charistiam non sumperit, velut sacrilegus propellatur.*
quasi dicat. Hætenus multi reperiuntur, qui Eucha-
ristiam acciperent à Sacerdote, non ad sacram refe-
ctionem, sed ad illicitos abusus. Deinceps, ut id fiat

amplius, singuli participant Eucharistiam à Sacerdote acceptam, nec domum secum auferant, alioqui, qui se-
cus facerit, de sacrilegio suspectus erit, & pro sacrile-
gio reputabitur ac punietur. Eodem sensu definiuit
Concilium Cæsar-augustanum can. 3. *Eucharistia gra-
tiam si quis probatur acceptam in Ecclesia non sumpsisse,
anathema sit in perpetuum.* Nimirum contra Priscilla-
nistas, qui ut suam heresin occultarent, publicè cum
Catholicis accipiebant Eucharistiam à Sacerdote, &
nunquam postea sumebant. Hæc nota sunt ex historiis.
Vnde miræ Plessium, quod in re manifesta facum
facere voluerit.

18. Quartum argumentum sumi potest ex commu-
nione Laica, quæ in pœnam magni alicuius delicti, o-
lim dabatur clericis, ablata eis communione clericali.
Huius crebra mentio est in decretis antiquissimorum
Pontificum & Conciliorum. Vide Siricum Papam E-
pist. 1. can. 11. Felicem 3. Epist. 1. can. 2. Concilium
Libertinum can. 76. Sardicense can. 1. & 2. Agathen-
se can. 33. Toletanum 1. can. esp. 4. Toletanum 4.
esp. 17. Braccarense 1. c. 31. Cyprianum lib. 4. Epist. 2.
& alios. Hoc argumento utitur Bellarminus libro 4. de
Eucharistia c. 24. asserens nomine *Laica communio*,
intelligendam esse communionem sub vna specie.
Quod si verum est, argumentum est efficacissimum
pro usu vnius speciei. Alicui tamen, non solum ex
adversariis, sed etiam Catholicis, aliter sentiunt; nempe
communione Laicam fuisse illam, quam sumebant
olim Laici extra chorum; clericalem verò, quam
sumebant Clerici in choro. Vtramque tamen sub
specie panis & vini. Constat enim fuisse olim moris,
ut Laici orarent & communicarent extra cancellos
per ministerium Archidiaconi; Episcopi verò, sacerdo-
tes, & reliqui clerici intra cancellos. Huc spectat
illud ex Concilio Toletano 4. can. 17. *Sacerdotes & Le-
uitæ ante altare communicant, in choro Clerici, extra cho-
rum populus.* Et ex Braccaren. 1. can. 31. *Ingressi sacra-
gium ad communicandum non liceat Laicis, nisi tantum
clericis.* Itaque iuxta hanc sententiam, pœna Clerico-
rum, qui deliquerant, in eo erat posita, ut exclusi ex
choro, cogerentur extra chorum communicare inter
Laicos, & quasi in ordinem Laicorum redigerentur.
Quod si ita est, non videtur hinc sumi posse argumen-
tum pro communione sub vna specie.

19. Ergo de hac re, saluo meliori iudicio, sic sentio,
Primo, verum esse, quod olim Laici extra chorum,
Clerici in choro communicarint. Et hoc sensu, aliam
fuisse communionem Laicam, aliam Clericalem, qua-
rum vna fuerit distincta ab alia, ratione. Vtramque
tamen fuisse publicam. Secundo, verum quoque esse,
quod clerici in pœnam alicuius delicti, soluti sint pri-
uari communione Clericorum, quæ fiebat in choro;
& remitti ad communionem Laicorum, quæ fiebat
extra chorum. Vtrumque patet ex Conciliis citatis,
Toletano & Braccaren. Addo tertio, præter hanc pœ-
nam, fuisse aliam (non nomine, sed significatione) qua
nimirum Clerici, propter enormia quædam flagitia,
priuabantur communione clericali, & remittebantur
ad Laicam, longè alio sensu. Hoc faciliè ostendo.
Nam Felix tertius loco citato, vult Clericos rebapti-
zatos abstinere ab omni communione usque ad diem
obitus, & in ipsa morte non dari illis, nisi communio-
nem laicam. Et Concilium Sardicense c. 2. ne in mor-
te quidem dari illam permitti ob crimina quædam
grauiora. Sic enim ait, *Ita ut nec Laicam in fine commu-
nionem talis accipiat.* Hæc autem testimonia non pos-
sunt intelligi de communione Laica iuxta priorem sen-
sam, quia illa fiebat publicè in templo, & distinguebatur
à clericali, quod hæc fieret in choro, illa extra chorum.
Nihil tale dici potest de communione Laica, quæ pri-
uati dabatur, vel negabatur Clericis in articulo mor-
tis.

Opus. Bee.

At tibi enim non habet locum distinctio communionis
in choro, & extra chorum. Vnde necesse est, fuisse mo-
rem ut in articulo mortis, Clerici sub vtraque, Laici
sub vna specie communicarent. Nam aliàs non videretur,
quod intelligi possit per Laicam communionem, quæ
priuatim ægrotantibus dari solet. Et hoc optime con-
firmant illa verba Concilij Sardicensis, quæ paulo ante
citauimus. *Ita ut nec Laicam in fine communionem talis ac-
cipiat,* quasi dicat Episcopus, qui tam grande crimen
(de quo ibi sermo est) admisit non solum clericali,
sed etiam Laica communionem priuabitur in fine vite,
id est, non solum communionem vtriusque, sed etiam
vnius speciei, in pœnam tanti delicti, abstinere. Si hic
sensus non est, quis alius esse potest? Si autem hic est,
quid amplius requirimus.

20. Addi possent alia argumenta, desumpta ex
communione ægrotorum, ex communione infantium,
& communione ex præsanctificatis, quæ Bellarmi-
nus loco citato persequitur. Sic lubens ea omitto: quia
quæ hæcenus allata sunt, abundè nobis sufficiunt.
Ex his enim perspicue constat, usum vnius speciei ante
mille annos, & eo amplius in Ecclesia Catholica, tum
publicè Romæ & Constantinopoli: tum priuatim in
Eremo & in domibus Laicorum: & in articulo mor-
tis, fuisse receptum & approbatum, tametsi propter va-
rios abusos, fuerit aliquando ad breue tēpus prohibitus
& intermissus. Quod in aliis quoque rebus evenire
solet. Annon trina immersio, quæ fit in Baptismo,
recepta & vñtata fuit tempore Tertulliani? Negari
non potest. Et tamen postea in Concilio Toletano
4. can. 5. propter legitimam causam interdicta.

CAPUT VI.

*Sub vna specie non minus continetur totus
Christus, quam sub vtraque.*

1. **O** Stendi hæcenus, vnam speciem usurpatam fuisse,
primo à Discipulis in Emmaus; deinde à fide-
libus ætate Apostolorum; denique ab aliis, qui postea
successerunt. Nunc duæ causæ explicandæ sunt; cur
rectè factum sit. Vna est, quia sub vna specie non mi-
nus continetur totus Christus, quam sub vtraque. Al-
tera, quia non minor fructus percipitur ex vna, quam
vtraque cæteris paribus. Priorem hic explicabo; po-
steriorem in sequenti capite.

2. Circa priorem causam, primo videndum est, quid
sentiant Catholici. Illi ergo sic statuunt. Primo, in
Christo spectari posse carnem, sanguinem, animam ra-
tionalem, & diuinitatem, seu personam verbi. Secun-
do, Christum secundum hæc omnia contineri in Sacra-
mento Eucharistie; & hoc esse, quod dici solet, Chri-
stum totum contineri in hoc Sacramento. Tertio,
Christum non solum sub vtraque specie simul sumpta,
sed etiam sub vna specie separatim accepta, totum con-
tineri, id est, totum sub specie panis, & totum sub spe-
cie vini. Quarto, aliter tamen contineri sub specie pa-
nis; aliter sub specie vini. Nam sub specie panis conti-
neri solam carnem vi Sacramenti, reliqua per naturalem
concomitantiam. Contra sub specie vini, contineri so-
lum sanguinem vi Sacramenti; reliqua per concomi-
tantiam. Hæc omnia habentur in Conc. Trident. Sess. 4.
c. 3. & Sess. 11. can. 3. & apud D. Thomam in 3. p. q. 76.
art. 1. & 2.

3. Calvinistæ longè aliter sentiant, Primo, Christum,
secundum carnem, sanguinem, & animam rationa-
lem, non esse nisi in celo; ac proinde tanto intervallo



est cibus animæ. Et sicut *Marina* non minus satiabat se reficiebat vires corporis, siue quis plus, siue minus colligisset: sic etiam *Eucharistia* non minus reficit mentem, siue sub vna, siue sub vtraque specie sumatur: modo aliunde non sit impedimentum.

2. Sed ut clarius intelligatur, quod dicimus, explicandum est, quid quisque sentiat de fructu *Eucharistie*. *Lutherani* putant, totum illius fructum in eo consistere, ut fides in nobis excitetur aut confirmetur. Fundamentum eorum duplex est. Vnum, fidem iustificantem nihil aliud esse, quam fiduciam, qua quis certo perituros est, peccata sibi gratuito remissa esse per merita Christi, iuxta diuinam promissionem. Alterum, Sacramenta instituta esse ad hanc fidem in nobis excitandam & confirmandam. Esse enim signa quædam sensibilia, quibus Deus suam promissionem de gratuita peccatorum remissione per merita Christi obsignauit, & nobis reliquit, ut ex eorum aspectu vel usu statim excitemur ad certam fiduciam remissionis peccatorum concipiendam.

3. Ex his fundamentis: quæ tamen falsa & alibi refutata sunt, ostendo *Lutheranos*, si quem fructum ex *Eucharistia* percipiunt, non minorem ex vna quam ex vtraque specie percipere posse, si velint; ac proinde frustra eos urgere vtramque speciem. Hoc autem sic ostendo. Vel fides excitatur ex aspectu Sacramenti, vel ex auditu verborum quæ recitantur in Sacramenti administratione; vel ex ipsa sumptione Sacramenti. Si excitatur ex aspectu Sacramenti; frustra *Lutherani* urgent summptionem vtriusque speciei. Primum, quia *Laici*, tamen si alteram tantum speciem accipiant, possunt tamen vtramque aspicere, quia *Sacerdos* vtramque palam spectandam exhibet. Ergo si solus aspectus sufficit, quid urgent summptionem vtriusque speciei? Secundò, non minus excitatur fides ex aspectu vnius speciei in *Eucharistia*, quam ex aspectu vnius meritionis in Baptismo: Ergo sicut in Baptismo non requiruntur tres meriones ad excitandam fidem, sed vna sufficit: sic etiam in *Eucharistia* non requiruntur duæ speciei, sed vna sufficit. Tertiò, quando *Lutherani* communicant sub vtraque specie, prius vident speciem panis, quam calicis. Vel ergo ex solo aspectu panis excitatur fides, vel non. Si excitatur, quid vltius volunt? Si non excitatur, quid prodest sumere illam speciem? Dicent, excitari quidem fidem ex aspectu panis *Eucharistici*: sed confirmari ex aspectu calicis. Sed quæro; an fides excitata ex priori aspectu, sit vera fides iustificans, nec ne? si est, iam verè credunt *Lutherani* peccata sibi remissa esse. Ergo iam verè remissa sunt. Quid volunt amplius? an quæ semel verè remissa sunt indigent noua remissione? Non opinor. Si autem non est vera fides iustificans, quid ergo est, aut quid tandem prodest? Sed esto: fides semel excitata, confirmanda est. An hoc fieri non potest ex vnius speciei aspectu semel ac identidem repetito? Sicut enim, qui sæpius ac iterato intuetur eandem Christi imaginem, potest sæpius excitari ad commemorandam ipsius mortem & passionem: sic etiam in proposito. Vnde, sicut vna imago, non solum ad excitandam, sed etiam ad confirmandam recordationem sufficiens est: sic planè sentiendum est de vna specie *Eucharistica*. An *Lutherani* putant, vnum Bibliorum codicem non sufficere ad excitandam & confirmandam fidem, nisi alter adsit, qui priori suppetitas ferat? Si ergo non est alius fructus *Eucharistie*, quam solo aspectu excitare fidem remissionis peccatorum; is sanè æquè percipi potest ex vna, quam ex vtraque specie, ut iam ostensum est.

4. Si autem fides excitatur, non ex aspectu Sacramenti; sed ex auditu verborum, quæ in Sacramenti administratione recitantur; nec sic quidem urgeri potest

A summptio vtriusque speciei. Nam *Laici* non minus audiunt illa verba, quando communicant sub vna specie, quam quando sub vtraque. Ergo non minus excitari potest illorum fides in summptione vnius, quam vtriusque speciei. Imò, quid opus est summptione *Eucharistie*, si ex solo verborum auditu fides sufficienter excitatur? Satis erit ad fructum illum percipiendum, si minister clara voce recitet verba institutionis ex Euangelio, & *Laici* ministrum recitantem audiant.

5. Si denique, neque ex aspectu, neque ex auditu, sed ex ipsa Sacramenti summptione fides excitatur, quid tandem illud est, quo potissimum excitatur? Nam multa spectari possunt in summptione. 1. externa actio sumendi. 2. interna fides & deuotio sumantium. 3. species panis & vini, quæ sumuntur. 4. corpus & sanguis Christi, quæ sub illis speciebus continentur. Quid ergo ex his omnibus est, quod fidem excitat in *Lutheranis*? An externa summptio? At illa saluari potest in vna specie? An interna fides & deuotio? At sic fides seipsam excitaret? Imò fides adesset, antequam excitaretur? An species panis & vini? At cum vna species continet totum Christum non minus, quam ambe simul, cur vna non sufficiat? An denique corpus & sanguis Christi? At iam dixi, hæc non minus sub vna, quam sub vtraque specie contineri.

6. Vident, opinor, *Lutherani*, quocumque tandem se vertant, non minorem fructum inuenire se posse in vna, quam in vtraque specie, ac proinde ex hoc capite, non rectè urgere vtramque speciem. Hoc vnum, coronidis loco ab ijs quæro, an per illam fidem, quæ in hoc Sacramentu in ipsis excitatur, credant Christum viuum præsentem esse in *Eucharistia*, an mortuum? Si mortuum errant, quia Christus iam non moritur, ut ait *Apostolus*. Si viuum, etiam errant, saltem sua opinione, qui putant solam carnem esse sub specie panis, & solum sanguinem sub specie vini. At nec sola caro, nec solus sanguis, in se vitam habet. Ergo quidquid credunt, illorum fides erronea est. Quomodo ergo iustificati? Etiam, proculdubio, erronei.

7. Venio ad *Caluinistas* & *Zvvinglianos*. Quid illi sentiant de fructu *Eucharistie*, ne ipsos quidem scire arbitror. Omnia apud ipsos dubia sunt: Et præsertim hæc tria, quæ ad rem maximè faciunt. 1. an Christus sit realiter præsens in hoc Sacramento? 2. quomodo comedatur & bibatur in hoc Sacramento? 3. quis sit fructus manducationis & bibitionis sacramentalis? Hæc, inquam, dubia & incerta sunt apud *Caluinistas*. Expensamus singula seorsim. Ac primùm quæro, an Christus sit realiter præsens in hoc sacramento? *Calvinus* nunc affirmat, nunc negat. Affirmat in c. 11. prioris *Cor.* his verbis. Concludo, realiter, ut vulgo loquuntur, nobis in cena dari Corpus Christi. Negat in consensione de re sacramentaria, in fine, his verbis: Quia tamen Christi corpus finitum est, & calce ut loco continetur, necesse est à nobis tanto locorum intervallo distare, quanto calum abest à terra. *Calvinus* imitatur *Plessius*, qui l. 4. de *Eucharistia* c. 3. p. 675. in fine, negat realem præsentiam, quam tamen antea c. 2. p. 660. asseruerat his verbis: Deum sacra cena præscripto Christi celebratur, Christum realiter & substantialiter accipimus.

8. Secundò quæro: quomodo manducetur & bibatur. Christus in hoc Sacramento? In hac re *Calvinistas* & *Zvvinglianos* dissentire, fatetur *Calvinus* ipse lib. 4. Inst. c. 17. §. 5. cum ait: Sed hoc non perinde inter omnes conuenit, qualis sit eius participandi ratio. Sunt enim, qui manducare Christi carnem, & sanguinem eius bibere, vno verbo definiunt nihil esse aliud, quam in Christum ipsum credere. Sed mihi expressius quiddam ac sublimius videtur valuisse docere Christus in præclara illa cõsione, ubi carnis sue manducationem nobis commendat, neque

vera sui participatione non vivificari. Quid autem hoc est? Sequitur paulo post; *Interim vero hanc non aliam esse quam fidei manducationem fatemur, ut nulla alia fingi possit. Verum hoc inter mea & istorum verba interest, quod illis manducare est duntaxat credere: ego credendo manducari Christi carnem, qua fide noster efficitur, eamque manducationem fructum effectumque esse fidei dico.* Hæc Calvinus. Qui potest capere, capiat. Quid Pleſſæus? Multo facilius se expedit. Ait Christum non aliter manducari & bibi in Eucharistia, quam in Baptismo. Sic enim loquitur libro 4. capite 3. pag. 672. *Cibus in sacra cæna, fons in sacro lavoacro. Et utrobique Christus eodem modo. Et paulo post, ut Christus proinde in sacra cæna non aliter quam in Baptismo suscipiatur, capiatur, gustetur. Et quomodo suscipitur, manducatur & bibitur in Baptismo? Non aliter, inquit alibi, quam in verbo Dei: id est, sola fide. Ergo Pleſſæus iam discedit à Calvino: & nihil plus vult tribuere Eucharistia, quam Baptismo.*

9. Tertio quæro: quis sit fructus manducationis & bibitionis Sacramentalis? Secundum Calvinum; est certitudo seu securitas de vita æterna. Imò tanta certitudo & securitas, ut non magis possimus amittere regnum cælorum, quam Christus, qui iam illud ingressus est. Sic enim habet Calvinus libr. 4. Institution. capit. 17. §. 2. *Magnum vero fiducia ac suavis fructum ex hoc Sacramento colligere possunt pia anime, quod testimonium habens in unum corpus nos cum Christo coaluisse, ut quidquid ipsius est, nostrum vocare liceat. Hinc sequitur, ut nobis securè pondere audeamus, vitam æternam nostram esse cuius ipse est haerens: nec regnum cælorum, quod iam ingressus est, posse magis nobis exidere, quam ipsi, rursum peccatis nostris non posse nos damnari.* Speciosa verba. Longè aliter Pleſſæus Calvinista libr. 4. de Eucharistia capit. 1. p. 652. ubi differtè affirmat; eundem esse fructum Eucharistia & Agni Pæchalis: Et generatim loquendo, eandem esse vim, præstantiam, & effectum Sacramentorum utriusque populi, Iudaici & Christiani. Inter alia sic ait: *Quæ igitur Christianorum prærogativa? & Sacramenta nostra veteribus quid præstant? Responsio in promptu est. Sermonis Prophetici & Apostolici eadem virtus, Christus utrobique: sibi ipsi par & similis. Idem de Sacramentis utriusque populi dicendum.* Ergo, secundum Pleſſæum, eundem fructum nos percipimus ex Eucharistia, quem olim Iudæi ex esu Agni Pæchalis. Quid hinc colligis? Si Pleſſæo credimus, Christianos esse pares Iudæis; si Calvino, pares Christianis in cælo existentibus.

10. Vides, nihil certi esse apud Calvinistas quando de rebus ipsis agendum est. At cum de nudis symbolis movetur controuersia, omnes constanter urgent utramque speciem. Et cur id quæso? An Christus magis sub utraque, quam sub vna præsens est? At secundum ipsos, nec sub vna, nec sub utraque præsens est: sed cælo tantum continetur. An manducatur & bibitur sub utraque potius, quam sub vna? At secundum Pleſſæum, non aliter manducatur & bibitur in Eucharistia, quam in Baptismo. Si ergo vna mensio sufficit ad manducandum & bibendum Christum in Baptismo: cur vna species non sufficiat in Eucharistia? An maior fructus spectari potest ex utraque specie, quam ex vna? At qui ille fructus est? Non alius secundum Calvinum, quam facere nos certos & securos de vita æterna. At ille fructus, secundum principia Calvinistarum, habetur ante perceptionem Eucharistia, quod sic ostendo. Vel enim sermo est de prædestinatis, vel de reprobis. Si de reprobis, illi nunquam certi sunt de vita æterna. Si de prædestinatis, illi per fidem iustificantes habent hanc certitudinem. At si-

A des iustificans præcedit perceptionem Eucharistia. Quid ergo, si fructum quærimus, confert Eucharistia aut quid potius utraque species, quam vna prodest? Nihil video, si Calvinus sequaris principia. Prædestinati omnes fidem habent, quæ delicta non potest. Per hanc securi sunt de vita æterna. Imò, omnes fidelium filij ante Baptismum continentur in fœdere promissionis vitæ æternæ: Et sine Baptismo salvari possunt. Ne magis futuri in cælo beati, qui Baptismo uncti sunt, quam qui non sunt. Quid ergo præsidij quærat ex utraque vel altera specie? Frustra est, apud Calvinistas,

B 11. At, inquit, aliter Pleſſæus sentit de fructu quam Calvinus. Scio, sed nihil melius. Ait fructum Eucharistia & Agni Pæchalis eundem esse. Ait Christum non aliter in Eucharistia, quam in Baptismo manducari & bibi. Ait denique, Baptismum nos admittere in fœdus Dei: Eucharistiam in eo conservare. Hæc neque universè vera sunt, neque inter se coherent, neque rem expediunt. Si enim est idem fructus Eucharistia & Agni Pæchalis: quomodo dicit Augustinus in Psalm. 73. *Sacramenta non sunt eadem, quia alia sunt Sacramenta dantis salutem, alia promittentia Saluatorem, Sacramenta novi Testamenti dant salutem, Sacramenta veteris Testamenti promiserunt Saluatorem.*

Rursum, si Christus non aliter manducatur & bibitur in Eucharistia, quam in Baptismo: quomodo alius est fructus Baptismi, nempe admittere nos in fœdus Dei: & alius Eucharistia, nempe in eodem fœdere nos conservare? Denique, si per Eucharistiam conservamur in fœdere: quomodo id potius per utramque speciem fit, quam per vnam? Et quæro: si prædestinati sub vna tantum specie communicarent, an conservarentur in fœdere, necne? Si conservarentur, res salva est. Sin minus: quid de his futurum esset? Dices, conservandos quidem non tamen vi vnius speciei; sed vi prædestinationis. At idem dicturus esset in sumptione utriusque speciei. Nam etiam tunc, vi prædestinationis conservarentur. Quid ergo, si fructum spectemus, interest inter vnam & utramque speciem? Nondum video. Nisi fortè ad præceptum recurras. Sed de hoc infra. Nunc solum de fructu disputamus.

12. Relinquo Calvinistas, quia nihil solidi apud ipsos inuenio. Negant præsentiam Christi in eucharistia, contra apertam Scripturæ & Sanctorum Patrum sententiam. In explicanda manducatione & bibitione Sacramentali penitus inter se dissident. Nullum fructum, qui huic Sacramento proprius ac peculiaris sit, profectè omnino possunt. Quando solidior, verior, & salubrior est Catholicorum doctrina, quæ initio capitis à me præposita, his paucis assertionibus breviter explicari potest.

13. *Prima Assertio.* Christus in Sacramento Eucharistia, sub specie panis & vini; verè, realiter & substantialiter præsens est: ideoque hoc Sacramentum dicitur constare, partim speciebus Sacramentalibus, quæ oculis cernuntur: partim corpore & sanguine Christi, quæ sub illis speciebus latent. Math. 26. 26. *Hoc est corpus meum. Hic est sanguis meus:* Cyrilli. Hierosolymitanus Catech. 4. mystagogica: *Cum Christus ipse dicat, Hoc est Corpus meum: quis deinceps audeat dubitare?*

E 14. *Altera Assertio.* Hoc Sacramentum institutum est, non ut homines per peccatum mortui, vitam spiritalem inde percipiant, sed ut homines per gratiam vini nutriantur, & maiores vires acquirant. Hinc rectè vocatur *cibus, potus, esca viaticum.* Nam sicut homo, qui corporaliter vivit, indiget cibo & potu corporali, ad nutriendum & conservandum corporaliter, sic etiam qui vivit spiritualiter, indiget cibo & potu spirituali, ad se nutriendum & conservandum spiritualiter. Ioannis 6. 23. *Nisi manducaveritis carnem filij hominis,*

& biberitis eius sanguinem, non habebitis, id est, non consecrabitur vitam in vobis. Rursum, sicut homini corporaliter mortuo non prodest cibum aut potus corporalis: ita homini per peccatum mortuo non prodest, sed potius obest cibum & potus Eucharistiae. 1. Corinthior. 11. 28. *Probat autem seipsum homo, & sic de pane illo edat, & de calice bibat. Qui enim manducat & bibit indigne, iudicium sibi manducat & bibit, non diiudicans corpus Domini.*

15. *Tertia assertio.* Hoc interest inter corporalem & spirituales nutritionem, quod illa fiat cibo & potu, tanquam duabus rebus distinctis: ut aliud sit cibum & aliud potus. Hæc autem fiat una re, quæ simul cibum, simul potus sit. Itaque Christus, qui totus continetur sub specie panis, sub illa eadem specie cibum & potus est: idemque Christus, qui etiam totus continetur sub specie vini, sub eadem quoque specie, cibum & potus est. Non enim differt cibum & potus in spirituali refectione, sicut differt in corporali. Unde manducare & bibere, esurire & sitire indifferenter pro eodem subnuntur in Scriptura. Matth. 5. 6. *Beati, qui esuriunt & sitiunt iustitiam, quoniam ipsi saturabuntur.* Ioann. 5. 33. *Ego sum panis vivus, qui venit ad me, non esuriet; & qui credit in me, non sitiet unquam.*

16. *Quarta assertio.* Hinc fit, ut perinde sit, si nutritionem spirituales spectes, siue sumas Christum sub specie panis tantum, siue sub specie vini tantum, siue sub vtraque simul: quia ubique totus est: ubique cibi ac potus rationem habet; & consequenter, ubique plenam refectionem præstare potest. Unde non minor fructus percipitur ex sumptione vnius, quam vtriusque speciei. Cum enim totus fructus pendeat à Christo, tanquam à fonte bonorum omnium spiritualium: & is æquè sub vna, atque sub vtraque specie præsens sit: æquè sub vna, atque sub vtraque, cibi & potus rationem habeat: necesse est, non minorem fructum ab vna, quam sub vtraque specie sperari posse. Vide, quæ supra dixi, §. 1.

17. *Quinta assertio.* Porro in perceptione huius sacramenti duplex manducatio distinguenda est: una sacramentalis, altera spiritualis. Eos dicimus sacramentaliter manducare Christum, qui hoc sacramentum, in quo Christus sub speciebus sacramentalibus continetur, ore corporali accipiunt, & in stomachum trahunt. Eos autem spiritualiter, qui quando ore in corporis sacramentaliter manducant Christum sub speciebus sacramentalibus, simul etiam percipiunt spirituales animæ refectionem, id est, gratiam sacramentalem, qua anima spiritualiter pascitur & nutritur. Prior manducatio communis est bonis & malis. Omnes enim tam boni, quam mali, possunt ore corporis accipere Christum in Eucharistia: sic undecim Apostoli boni, & Iudas proditor. Posterior, propria iustorum est. Hi enim soli percipiunt spirituales fructum ex sacramentali manducatione. Est autem duplex hic fructus: alter consistit in argumento gratiæ & charitatis habitualis; alter in auxilio gratiæ excitantis, quibus Deus nos præuenit, inuitat, & corroborat ad bene beatèque operandum. Sicut enim in nutritione corporis, non solum augetur caro, sanguis & ossa; sed etiam excitantur spiritus sensitiui & vitales, qui apti sunt ad actiones sensitiuas & vitales promptè exequendas: sic in nutritione animæ, non solum augetur gratia habitualis, & alia dona permanentia sed etiam excitantur motiones dininæ ac supernaturales, quibus homo iustus suaviter impellitur & corroboratur ad pia opera promptè exoranda. Atque hæc breuiter dicta sint de sententia Catholicorum. Nam cetera, quæ subtiliora sunt, in scholis disputauimus.

18. Sunt tamen quedam obiectiones diluendæ, quæ

A non quidem ab aduersariis, sed ab ipse Catholicis, exercitij causa, opponi solent; idque eo fine, ut quod hactenus dictum est, melius intelligatur & explicetur. *Prima est*, si Christus sub vna specie continetur semel totus, & sub altera semel totus: Ergo sub vtraque, continetur bis totus: Ergo plus confert sub vtraque, quam sub vna. *Respondet.* Negatur vltima consequentia; quia etiam sub vna parte panis consecrati continetur semel totus; & sub duobus partibus bis totus; & tamen, si fructum spectes, perinde est, siue quis sumat vnam, siue duas aut tres particulas panis consecrati. Idem est de vno consecrato. Alius plus, alius minus bibit ex eodem calice; & tamen fructus non idè maior aut minor est.

B *19. Secunda Obiectio.* Vnaquæque species per se confert effectum suum; Ergo plus conferunt duæ, quam vna. *Respondet*, cum distinctione, Quando vna species sola sumitur per modum vnius refectionis, tunc confert totum illum effectum, quem conferunt ambe species simul sumptæ per modum vnius refectionis. Quando autem vna species sumitur cum alia, tunc partialiter confert eandem effectum. Simile est, de duabus particulis panis consecrati, aut de duobus hostibus vim consecrati. Dices; vel totus effectus datur in sumptione panis, vel totus in sumptione vini; vel pars in sumptione panis, & pars in sumptione vini. Si totus in sumptione panis; iam nihil efficit sumptio vini; si totus in sumptione vini: nihil efficit sumptio panis. Si pars in sumptione panis, & pars in sumptione vini; ergo plus prodest sumptio vtriusque, quam vnius speciei. *Respondet.* Idem argumentum fieri potest de sumptione duarum particularum panis consecrati, aut de iterato haustu calicis: aut de triplici unctione in Baptismo. Dicendum ergo est, totum effectum conferri in sumptione panis; absolute quidem, si altera species non sequatur: in ordine vero ad alteram, si sequatur. Sicut, si habeas duplicem particulam hostiæ: totum effectum consequens in sumptione prioris: absolute si illam solam sumptieris: in ordine vero ad alteram, si illam adieceris. De duplici haustu par proportio est.

C *20. Tertia obiectio.* Licet totus Christus sit sub vna specie non minus, quam sub vtraque; tamen, ut supra dictum est: vi verborum sola caro est sub specie panis, & solus sanguis sub specie vini: Ergo vi verborum, plus continent duæ species, quam vna: Ergo etiam plus efficiunt. *Respondet.* Parum refert ad effectum Eucharistiæ an caro vel sanguis Christi sit ubi vi verborum, an per naturalem concomitantiam. Hoc satis est, quod totus Christus non minus sit sub vna specie, quam sub vtraque. Nam effectus Eucharistiæ non pendet immediate à vi verborum, sed ab ipso Christo, qui est præsens in Sacramento. Ut hoc melius intelligatur, distinguendi sunt duo effectus, qui pendunt à diuersis causis. Vnus est præsentia Christi in Eucharistia sub speciebus sacramentalibus. Hic immediate efficitur vi istorum verborum: *Hoc est corpus meum; Hic est sanguis meus.* Alter est gratia sacramentalis: seu interna anima nutritio & refectio. Hic immediate efficitur à Christo iam præsentem: Et de hoc disputamus.

E *21. Quarta Obiectio.* Duæ species simul sumptæ plus significant, quam vna: Ergo etiam plus efficiunt; quia efficientia respondet significationi. Antecedens patet, quia duæ species significant integrum conuiuium, constans cibo & potu: Vna species significat alteram tantum partem conuiuij: ut species panis, solum cibum: & species vini, solum potum. *Respondet*, cum distinctione. Nam significatio sacramentalis dupliciter spectari potest. Primo, ex parte rei significatæ. Secundo, ex modo tantum significandi. Hoc ostendo in Baptismo. Exterior enim ablutio spectatur semel, quatenus significat internam abluitionem à peccatis, & semel.

quatenus eam significat, vel per unam, vel per trinam immersionem. Idem est in Eucharistia. Nam hoc Sacramentum spectatur semel, quatenus significat internam animæ refectionem; & semel, quatenus eam significat, vel unius, vel utriusque speciei assumptione. Si ergo priori modo spectetur; significatio illius semper est æque perfecta, quia semper est eadem res significata, nempe refectio animæ. Si posteriori, perfectior est significatio sub utraque, quam sub altera tantum specie, quia modus significandi est perfectior. Efficientia tamen Sacramenti non respondet significationi ex parte modi significandi, sed ex parte rei significatæ.

22. *Quinta obiectio.* Si quis in triduo mortis consecrasset Eucharistiam, non percepisset tantum fructum ex una specie, quantum ex utraque, ut multi fatentur. Ergo neque nunc percipimus tantum ex una, quam ex utraque, quia Eucharistia iam non est alia, quam tunc fuisset. *Respondet.* Non est simile, Nam in illo triduo Christus erat mortuus; & non solum corpus ab anima; sed etiam caro à sanguine separata. Nunc autem vivus est. Vnde si in illo triduo fuisset facta consecratio tunc sub specie panis fuisset caro sine sanguine & anima rationali; & sub specie vini fuisset sanguis sine carne & anima rationali. Plus ergo fuisset sub utraque specie, quam sub una. Hinc aliqui putant, maiorem etiam fructum ab utraque, quam ab una percipi potuisse. Mihi tamen non videtur hoc sequi. Nam vi & efficacia huius Sacramenti, non pender præcisè à carne & sanguine, sed potius à Divinitate, seu persona verbi. Cum ergo in triduo mortis caro Christi, licet à sanguine esset separata, manserit tamen coniuncta tum Divinitati seu persona verbi, retinuit eandem vim & efficaciam quam nunc habet. Ergo etiam in illo triduo, non maior fructus ab utraque specie, quam ab una tantum, sperari potuisset.

23. *Sexta obiectio.* Si est tantus fructus unius speciei, quam utriusque; quare Christus utramque instituit? & quare Sacerdotes non sunt una contenti, si, ut iubent Laicos esse contentos? *Respondet.* Eucharistia non solum est Sacramentum, sed etiam sacrificium novæ legis. Igitur ratio Sacramenti salvari potest in una specie, ratio sacrificij requirit utramque speciem. *Lex* ergo, qui Eucharistiam accipiunt, ut Sacramentum est, una specie contenti sunt. Sacerdotes autem, qui illam, ut sacrificium offerunt, utramque speciem usurpare debent. Plura de hac re in materia de sacrificio Missæ. Hæc pauca pro hoc loco sufficiunt.

CAPVT VIII.

Quæ sint causæ, cur potius sub una quam sub utraque specie, Laici communicent?

1. **H**actenus explicatæ sunt duæ causæ, cur Laici non minus sub una, quam sub utraque specie communicare possint. Prior est, quia totus Christus non minus sub una, quam sub utraque continetur. Posterior, quia non minor fructus ex una, quam ex utraque percipitur. Nunc, aliæ causæ adferendæ sunt, cur expediat eos sub una specie potius, quam sub utraque communicare. Sunt autem potissimum tres. Prima, quia multi sunt abstemij à vino. Altera, quia vinum multis locis haberi non potest, præsertim in tanta copia; ut multa hominum millia possint communicare.

A. Tertia, quia in tanta communicantium multitudine, sæpe esset periculum effusionis aut irreuerentiæ.

2. Hæ causæ sufficientes sunt, si semel statuamus (quod hæcenus probatum est, & infra rursus confirmabitur) utramque speciem iure diuino non esse necessariam, sed alteram sufficere: Nec plus vtilitatis ex utraque, quam ex altera percipi potest. Nam si ita est, prudenter abstinere possumus à calice, propter rationes iam allatas. Nec id negant aduersarij. Solum urgent præceptum de utraque specie, de quo iam non agimus. Excluso ergo præcepto, nihil est, quod amplius obiciant.

3. Imo, quod magis miror, illi ipsi, qui præceptum urgent, putant eas causas quas iam attuli, tantum momenti esse, ut una species licet usurpari possit. Nam Ioannes Brentius in Apologia pro confessione Vvitembergensi faterur, abstemios posse sub una specie communicare. Et Philippus Melancthon in libro de usu integri Sacramenti, affirmat, Ruthenos ob vini inopiam rectè facturos, si pro vino uterentur medone, seu aqua mellita.

4. Ex hac illorum concessione sic argumentor. Si abstemij & Rutheni possunt licetè communicare, & fructum Eucharistiæ percipere, sine specie vini; cur non similiter alij; Dicent sine dubio, ob stare præceptum Christi: abstemios & Ruthenos excusari ab observatione præcepti; reliquos non item. Sed frustra. Sic enim iusto: Brentius, Philippus, & alij aduersarij, putant præceptum Christi in eo consistere, ut una species non sumatur sine altera: vel ut ipsi loquuntur ut Sacramentum Eucharistiæ non mutiletur altera sui parte: Et sacrilegos esse, qui id faciant. Sanè, si ita est, Brentius: Philippus & alij Lutherani omnino sacrilegi sunt, qui contra præceptum Christi, permittunt abstemijs & Ruthenis Sacramentum altera sui parte mutilatum. Adde hoc Dilemma; vel iure diuino prohibitum est communicare sub altera tantum specie, vel non est. Si prohibitum est, cur permittitur abstemijs? Si non est, cur reliquis negatur?

5. Ex dictis colligo hæc duo principia. Vnum est; omnes, tam Catholici, quam aduersarij, permittunt abstemijs communionem sub altera tantum specie nec unquam auditum est à temporibus Apostolorum ad nos usque abstemios fuisse à communione exclusos. Alterum est: Nulli, nec Catholici, nec aduersarij, possunt dispensare in præcepto diuino: sed quidquid diuino iure mandatum est, ut fiat, hoc omnino fieri debet: Et quidquid diuino iure prohibitum est, ne fiat, hoc nullo modo fieri debet. Hinc ita concludo; Ego vel communicatio sub una specie, non est prohibita iure diuino quod nos contendimus: vel, si prohibita est, non potest fieri dispensatio in illa prohibitione: Et sic abstemij erunt repellendi à communione. Eligant hic aduersarij, quod volunt.

CAPVT IX.

Ecclesia legitimè statuit ut Laici communicent sub una specie.

1. **S**i spectemus ius diuinum, semper in Ecclesia fuit liberum Laicis, vel sub una, vel sub utraque specie communicare, ut hæcenus ostensum est. Si autem spectemus ius Ecclesiasticum, res aliter habet. Nam diuersis temporibus propter diuersas causas & occasiones, fuerunt etiam diuersa præcepta Ecclesiastica de hac re.

hac re. Et quidem Gelasius Papa, quia videbat suo tempore Manichæos ex falsa superstitione temper abstinere ab altera specie planè statuit, ut nemo, nisi sub vtraque specie communicaret: alioqui fore, ut Manichæus haberetur, qui à calice abstineret. Contra verò, Patres in Concilio Constantiensi, quia videbant Hussitas in Bohemia, pertinaciter vigere vtramque speciem tanquam ad salutem necessariam: cum tamen Catholici passim sub altera communicarent: usum vtriusque speciei respectu Laicorum, penitus subtrulerunt: non tanè, quod putarent esse malum & illicitum: sed parèim, ut hac ratione, Hussitarum errorem corrigerent & damnarent: partim etiam, ut consuetudinem communicandi sub vna specie, quæ tum multis locis recepta erat, suo decreto approbarent, & sic in tota Ecclesia, maior conformitas & concordia seruaretur. Accedebant etiam & aliæ causæ, quas superiori capite explicauimus.

2. Propter has igitur prudenter statutum est, ut Laici sub vna specie deinceps communicarent. Nec sine Exemplo id factum est. Nam simile quid contigit olim circa mersionem Baptismi. Sicut enim iure diuino semper liberum fuit communicare sub vna, vel sub vtraque specie: sic etiam iure diuino liberum fuit, vnam vel trinam mersionem adhibere in Baptismo. Et rursum, sicut hac libertate non obstante, Ecclesia nunc sub vna, nunc sub vtraque specie voluit Laicos Eucharistiam accipere: sic etiam, nunc vnam, nunc triplicem mersionem voluit adhiberi in Baptismo, propter diuersas causas diuersis temporibus occurrentes. Et quidem in primitiua Ecclesia triplex mersio fuit impetrata, ad designandam Trinitatem personarum in vna Deitate: idque propter hæreticos illius temporis, qui negantes Trinitatem, vna mersione Baptismum conferebant. Hoc patet ex canone 49. Apostolorum, qui sic habet: *Si quis Episcopus aut presbyter non trinam mersionem vnius mysterij celebret, sed semel mergat in Baptismo, deponatur.* Vide etiam Tertullianum in libro de corona militis, & Gratianum de consecratione, distinct. 4. cap. 78. Postea verò noui hæretici orti sunt, qui putabant Baptismum iterandum esse, ideoque Baptizatos rebaptizabant. Ad hunc errorem corrigendum, statutum fuit in Concilio Toletano 4. canon. 5. ut vna mersione Baptismus conferretur, ad designandam vnitatem mortis Christi. Cum enim Baptismus representet nobis Christi mortem & passionem, iuxta illud Romanorum 6. 3. *Quicumque Baptizati sumus in Christo Iesu, in morte ipsius Baptizati sumus:* et Christus semel tantum mortuus sit: nullo modo Baptismus iterandus est, sed semel tantum confereendus. Vnde Apost. Heb. 6. 6. contra eos, qui putabant in noua lege Baptismum repeti posse, sicut in veteri reperebantur lotiones & Baptismata, sic ait: *rumsum crucifigentes sibi metipsis filium Dei, & ostentui habentes.* Et ad Eph. 4. 5. *Vnus Deus, vna fides, vnum Baptisma.*

3. Dicitur: Vnde habet Ecclesia hanc potestatem, ut possit in alteram partem definire & statuere id, quod iure diuino liberum relictum est? Ratio dubitandi est, quia quidquid iure diuino permittitur omnibus Christianis, hoc solo iure humano negari aut tolli non potest. Cum ergo iure diuino, in Baptismo liberum sit, vnam vel trinam mersionem adhibere: & similiter in Eucharistia liberum sit, sub vna vel vtraque specie communicare; quo iure potest Ecclesia, vel vnam mersionem in Baptismo, vel vtramque speciem in Eucharistia prohibere? *Respondet.* Ecclesia, vel potius Prælati Ecclesiæ, habent hanc potestatem à Christo. Sicut enim Rex, qui sibi Vicarium in regni administratione supragat, solet quædam maioris momenti negotia cer-

Opusc. Bec.

tis legibus definire, & illi præscribere: alia in ipsius arbitrio ac potestate relinquere: sic Christus agit cum Pastoribus Ecclesiæ, quos quasi Vicarios sibi subiungit. Quæ enim ad Sacramentorum substantiam, numerum & effectum pertinent: certis legibus ab ipso definita sunt reliquæ, quæ ceteronominas & circumstantias attingunt, Pastoribus arbitrio & prudentiæ commendata. Huius generis sunt, Baptismum conferre semel vel ter immergendo: Eucharistiam sumere sub vna, vel vtraque specie; ante vel post cenam dominicam aut alio die: lotis vel non lotis pedibus, & his similia. De quibus loquitur Apostolus 1. Corinthiorum 11. 34. cum ait; *Cætera cum venero, & disponam.* Vide Augustinum epistola 118. ad Ianuarium, ubi pulchre de hac re disputat.

CAPUT X.

Soluantur obiectiones ex Scripturis.

1. Explicauimus hætenus sententiam Catholicorum, qui putant nullum extare præceptum diuinum de vtraque specie; ac proinde vnam speciem licitè usurpari posse, & temper in Ecclesia usurpatam esse: idque non minori fructu, quàm si ambæ species usurpentur. Nunc aduersariorum argumenta dissoluenda sunt, quæ ipsi in hanc doctrinam adferunt. Sunt autem triplicia: quædam ex Scripturis alia ex Patribus alia denique ex ratione delumpta. Singula ordine discutiamus.

2. Et quidem omnes aduersarii, ut supra monui, querunt in Scripturis præceptum de vtraque specie nec tamen inueniunt. Hussitæ querunt in illis verbis *Nisi manducaueritis carnem filij hominis, & biberitis sanguinem eius.* Lutherani in illis, *Hoc facite.* Calvinistæ in illis: *Bibite ex eo omnes.* Alii ex illis: *Ego enim accepi à Domino, quod & tradidi vobis.* Sunt ergo quatuor obiectiones petite ex Scripturis, quas iam persequar.

3. Prima sumitur ex illo Ioan. 6. 53. *Nisi manducaueritis carnem filij hominis, & biberitis sanguinem eius, non habebitis vitam in vobis.* Hic volunt Hussitæ contineri præceptum Christi de vtraque specie. Nos negamus. Et quod mirum est, nobiscum negant Lutherani & plerique Calvinistæ: non tamen ex eodem principio. Illi, quia putant ibi non agi de Sacramentali manducatione. Nos quia tamen fateamur agi de Sacramentali manducatione, negamus tamen hanc mentionem vtriusque speciei. Igitur duo nos alieimus. Vnum Christum loqui de Sacramento Eucharistie. Alterum, non tamen, præcipere vtramque speciem. In priori iustagantur nobis Hussitæ; in posteriori, Lutherani & multi Calvinistæ. Vtrumque explicandum est.

4. Primb ergo dicimus; Christum in illo c. 6. apud Ioannem, loqui de triplici cibo. 1. de materiali. 2. de spirituali. 3. de Sacramentali. Sicut enim in aliis rebus solet suos auditores ad ipsorum captum instruere, paulatim à notis ad incognita, à sensibilibus ad occulta, à corporalibus ad spiritualia progrediendo; sic etiam hic facit. Et quidem in principio capitis agit de panibus & se multiplicatis, quibus turbæ corporaliter pascuntur & satiantur. At quia propter hoc miraculum, ipsum sequebantur, inde sumpta occasione hortatur eos, ut potius querant cibum spirituale, quàm corporalem. *Operamini* inquit, *non cibum, qui perit, sed qui permanet in vitam æternam.* Hinc ulterius progreditur ad cibum Sacramentalem, cum ait; *Panis quem ego dabo, caro mea est,*

R k

pro mundi vita. Et iterum; *Nisi manducaueritis carnem filij hominis & biberitis sanguinem eius, non habebitis vitam in vobis.* Ac deinceps: *Caro mea veri est cibus, & sanguis meus veri est potus.* et denique: *Non sicut manducauerunt Patres vestri Manna, & mortui sunt. Qui manducat hunc panem vivet in aeternum.* Hæc & similia dixit Christus de Sacramentali manducatione carnis & bibitione sui sanguinis. et credebant illi Petrus, & quidam alii ex Apostolis: Iudas autem, & Capharnaïtz non credebant, de quibus ipse ait, *Sed sunt quidam ex vobis, qui non credunt.* Hos imitantur Lutherani, & multi Calvinistæ.

5. Secundò dicimus (quod ad rem præsentem attinet) illa verba, *Nisi manducaueritis carnem filij hominis & biberitis eius sanguinem, non habebitis vitam in vobis;* continere quidem præceptum de sumenda Eucharistia: non tamen de utraque specie. Duo enim spectari possunt. 1. substantia sumptionis. 2. modus sumptionis. Substantia in eo conluit, ut quis manducet carnem Christi & bibat eius sanguinem. Modus autem in eo, ut quis hoc faciat sub vna, vel sub utraque specie. Igitur substantia sumptionis est in præcepto: non modus. Vult etiam Christus, ut manducemus carnem & bibamus sanguinem ipsius: non tamen vult, ut id faciamus sub utraque specie. Hoc evidenter ostendo, quia nec in verbis citatis nec in toto capite sit villa mentio vini aut calicis: argo neque ex illis verbis, neque ex toto capite conungi potest præceptum de utraque specie. Imò, nec probabiliter inde colligi potest. Unde enim? An ex voce *carnis & sanguinis*? At iam sæpe dixi, carnem & sanguinem Christi non minus sub vna specie, quam sub utraque contineri. Si ergo possum habere carnem & sanguinem sub vna specie: quæ est necessitas utriusque? An ex voce *manducandi & bibendi*? Ne hoc quidem. Nam supra etiam ostendi, *manducationem & bibitionem* sæpe pro eodem sumi. Et Paulus, 1. Corinth. 3. 2. ait; *Lac vobis potum dedi:* postea capite 9. 7. dicit; *Quis pascit gregem, & de lacte gregis non manducat?* Si ergo iuxta Paulum, idem est lac bibere & manducare; cur non idem sit Christum bibere & manducare? Non desunt alia exempla. An non regius Propheta dixit, Psalm. 68. 21. *Dederunt in fœdem meam felle?* quod tamen alio vocabulo, sed eodem sensu interpretatus est Evangelista Math. 27. 34. *Dederunt ei vinum bibere cum felle mixtum.* ecce felle bibitur & manducatur: & hoc capiunt aduersarii. Cui non capiunt, cum dicimus, Christum sub vna specie bibi & manducari?

¶ Puto satisfactum esse Hussitis. Nam si in toto illo capite, quod illi nobis obiciunt, nulla sit mentio utriusque speciei: nec ex vilo apice colligi potest eius necessitas: quid habent, quod urgere nos possunt? Nihil video. Sed tamen ego habeo, quo illos vigere possum: et quidem ex eodem capite. Nam Christus cum dixisset, *Nisi manducaueritis carnem filij hominis, & biberitis eius sanguinem:* postea subiicit; *Non sicut manducauerunt Patres vestri Manna, & mortui sunt: qui manducat hunc panem, vivet in aeternum.* Hic quæro, quid Christus intelligat per panem: vel enim intelligit solam speciem panis: vel intelligit seipsum, id est, carnem & sanguinem suum. Si solam speciem panis: necessariò sequitur contra Hussitas, solam speciem panis sufficere ad salutem. Nam hic erit sensus verborum Christi, *Qui manducat hunc panem,* id est, eucharistiam sub sola specie panis, *vivet in aeternum.* Si autem intelligit seipsum, id est, carnem & sanguinem suum: iterum sequitur contra Hussitas, non solum carnem, sed etiam sanguinem Christi manducari. Erit ergo hic sensus verborum; *Qui manducat hunc panem, id est, qui manducat carnem & sanguinem meum, vivet in aeternum.*

A *num.* Idem ergo est manducare & bibere, quod nos contendimus.

7. Hactenus probavi ex nostris principiis contra Hussitas, non posse colligi præceptum utriusque speciei ex verbis supra citatis. Possum idem probare ex principiis Lutheranorum & Calvinistarum, qui putant citata verba, non de Sacramentali manducatione & bibitione, quæ sit per speciem panis & vini: sed de spiritali, quæ sit per speciem, intelligi oportere. Hoc autem sic facio. Vel Lutherani & Calvinistæ putant vi illorum verborum, *Nisi manducaueritis carnem filij hominis, & biberitis eius sanguinem,* necesse esse, ut sigillatim vno actu fidei manducetur caro Christi, & alio actu fidei bibatur sanguinis Christi: vel certe putant sufficere, ut vno actu simul manducetur & bibatur Christus, & consequenter idem sit, fide manducare, & fide bibere. Illud prius non dicunt: quia putant satisfieri præcepto si totum Christum pro nobis mortuum & crucifixum, vno actu fidei simul apprehendamus. Si ita est, cur non similiter dicamus satisfieri præcepto, si totus Christus sub vna specie manducetur & bibatur? Aut quid necesse est, sigillatim manducare carnem sub specie panis, & sigillatim bibere sanguinem sub specie vini? Sæc multa de prima obiectione, quæ est Hussitarum.

8. *Secunda obiectio* sumitur ex illo Lucæ 22. 19. *Hæc facite in meam commemorationem.* Hic iubet Christus, ut Apostoli faciant, quod ipse fecit. Ipse autem distribuit omnibus præsentibus utramque speciem: argo & Apostoli, & eorum successores debent utramque speciem distribuere. *Respondet.* Valde miror aduersarios, quod hunc locum nobis obiciant: idque duplici de causa. Primò, quia de sensu illius, inter se ipsi dissentiunt. Lutherani volunt ad omnes fideles: Calvinistæ ad solos ecclesiæ ministros pertinere. Hanc litem inter se primum componant. Secundò, quia nihil inde contra nos evincunt. Hoc ostendo. Nam illa verba *Hæc facite in meam commemorationem,* non habentur nisi apud Lucam & Paulum. Ceteri evangelistæ ea omiserunt. At tam Lucas, quam Paulus ponit illa post sumptionem panis, non autem post sumptionem calicis: Ergo ex illis non potest colligi præceptum de sumptione calicis. Frustra ergo fatigant se aduersarii. Dicent fortè, tamen post sumptionem panis sint posita, tamen repeti oportere post sumptionem calicis. At unde hoc constat? Sanè Lucas non repetiuit. Paulus repetiuit quidem, sed cum hac moderatione; *Hæc facite, quotiescumque bibetis in meam commemorationem.* At cum hac moderatione non continent præceptum de sumptione calicis, sed tantum de commemoratione mortis & passionis Christi: idque non absolute, sed sub conditione. Non enim absolute præcipitur illis verbis, ut bibamus calicem: sed sub conditione præcipitur, si velimus bibere calicem, ut faciamus hoc in memoriam Christi. Simile est, quod dixit Christus in Evangelio; *Si vis perfectus esse, vende, & vende omnia quæ habes, & da pauperibus.* Hic non præcepit absolute, ut vendamus omnia nostra, & demus pauperibus: sed sub conditione, ut id faciamus, si velimus sequi perfectionem Evangelicam. Eodem modo cum dicit; *Tu autem cum oraveris, intra in cubiculum tuum:* non præcipit absolute orationem, sed si volumus orare, ut sine inani gloria id præstemus. Eiusmodi exempla sunt infinita in Scriptura, et sanè res tam perspicua est, ut non egeat maiori declaratione. Solum condoleo simplicioribus, qui tam miserè ab aduersariis illuduntur.

9. *Tertia obiectio* sumitur ex illo Matth. 26. 27. *Bibite ex hoc omnes.* Urget hæc verba Calvinus libro 4. Instit. cap. 17. §. 47. cum ait; *Edictum aeterni Dei est, ut omnes bibant,* et §. 48. *Præcipiente verba sunt, Bibite ex hoc calice omnes.* *Respondet.* Calvinus spectat

verba, non sensum: ideoque simpliciter lectori fucum facit. Non enim voluit Christus, ut absolute omnes biberent ex eo calice; sed ut omnes Apostoli, qui presentes erant. Hoc patet ex ipso contextu. Cum enim diuideret panem Eucharisticum in varias partes, & singulis Apostolis singulas porrexisset; calix autem eo modo diuidi non posset; vni ex Apostolis integrum porrexit, cum hac cautione, ut non putaret totum sibi ebibendum esse, sed aliquid inde degustandum, ac deinde reliquis ordine porrigendum. Itaque verba illa, *Bibite ex hoc omnes*, perinde valent, atque illa, Lucæ 22. 7. *Accipite, & diuidite inter vos*, id est, unus non exhauriat totum calicem, sed singuli aliquid bibant. Quod & factum est, ut testatur Marcus c. 14. 24. cum ait: *Et bibent ex eo omnes*, Vtique illi omnes ex eo biberunt, quibus dictum erat à Christo; *Bibite ex hoc omnes*. Quid quæro difficultatis est? non plus, quam si paterfamilias, arrepto calice recentis musti, modicè cum degustaret, & postea filiis degustandum porrigeret cum hac formula, *Bibite ex hoc omnes*, id est, singuli modicum aliquid inde capiant: nemo solus totum exhauriat. An propterea quotquot extra familiam illam essent putarent se cogi præcepto, ut ex eodem calice multum gustarent? ridiculum an?

10. Sed instant aduersarii hoc modo. Iisdem dictum est, *Bibite*, quibus dictum est, *Manducate*. At hoc dictum est omnibus: Ergo & illud. *Respondet*. Vel stupidi, vel importuni sunt, qui sic agunt. Iam ostendi solis Apostolis presentibus dictum esse, *Bibite*. Iisdem dictum est, *Manducate*. Et quid opus est noua probatione? Perstitem in exemplo paulo ante allato. Si paterfamilias, tempore cœnæ diceret famulis & ancillis presentibus, *Manducate & bibite*: an ideo censeretur omnes extraneos præcepto cogere ad manducandum & bibendum? Non opinor. Eodem modo fecit Christus. Dixit Apostolis in vltima cœna presentibus, *Manducate & bibite*. An illis verbis præceptum dedit generale, quo omnes Christianos obligaret? Nihil minus. Vbi ergo, inquires, præceptum dedit, si tibi non dedit? *Responsio* in promptu est. Si quæritur præceptum de vtraque specie: nuiquam dedit. Si de eucharistia, abstrahendo ab vna vel vtraque specie: dedit illis verbis, Ioannis 6. 53. *Nisi manducaueritis carnem filii hominis, & biberitis eius sanguinem, non habebitis vitam in vobis*: Vbi iterum notanda est insignis aduersariorum impudentia: Nam in his ipsis verbis, *Nisi manducaueritis, &c.* vbi reuera præceptum est: præceptum non agnoscunt. In illis autem, *Bibite ex hoc omnes*, vbi præceptum non est, præceptum esse contendunt. Quid agas cum hoc hominum genere? Numquam, contradictionis spiritum habent.

11. Iterum instant: ipsi met Christus alibi fatetur se omnibus dicere, quidquid dicit Apostolis, iuxta illud Marci 13. 37. *Quod vobis dico, omnibus dico*. Atqui Apostolus dixit, *Bibite*. Ergo omnibus hoc dixit. Omnes ergo tenentur viuere calicem. *Respondet*. Et hic aperte fucum faciunt aduersarii, truncando verba Christi. Ipse enim sic dixit: *Quod vobis dico, omnibus dico, vigilate*. Hanc particulam, *vigilate*, omittunt illi boni viri, ex qua tamen sensus totius sententiæ pendet. Non enim est hic sensus: *Omnia simpliciter, quæ vobis dico, omnibus dico*. Nam multa dixit Apostolis, quæ omnibus non dixit, ut Matth. 26. *Omnes vos scandalum patiemini in me, in ista nocte*. Et Ioan. 6. 70. *Nonne ego vos duodecim elegi, & ex vobis unus diaboli est*. Sensus ergo hic est: *Quod dico vobis, ut vigilatis, hoc omnibus dictum vobis*. Omnes enim debent vigilare, ne mors impatorum inueniat. Omnes debent imitari virgines prudentes: iuxta illud Matth. 25. 13. *Vigilate itaque, quia nescitis diem neque horam*.

12. Quarta Obiectio sumitur ex illo 1. Corinth. 11. 23. Opusc. Bec.

Ego enim accepi à Domino, quod & tradidi vobis, &c. Vbi Apostolus ostendit vtramque speciem, non solum ex Christi institutione, sed etiam ex Apostolica traditione, præceptam esse. Hoc enim significat illa particula, *Tradidi vobis*. Vnde fit tale argumentum: Omnis traditio Apostolica est seruanda: sed est traditio Apostolica de vtraque specie. ergo seruanda est. *Respondet*. Aduersarii omnia confundunt. Sanè hæc tria, *institutio, traditio, præceptum*. Omnino distincta sunt. Fateor vtramque speciem à Christo institutam esse, fateor vtramque ab Apostolo traditam: Nego vtramque iure diuino præceptam esse. Et quidem, quod institutio differat à præcepto, multis exemplis probatum est capite 1. Quod autem traditio & præceptum non sunt idem, ex eo patet, quia Apostoli multa tradiderunt primis Christianis, quæ tamen præcepta non sunt. Et ne longe abeam, ex eodem Paulo probari id potest. Sic enim habet in fine citati capitis. *Itaque fratres mei, cum conuenitis ad manducandum, inuicem expectate. Si quis esurit, domum manducat*. An putant aduersarii contineri hic præceptum, quod omnes obligat? Sat scio, non tam scrupulosos esse.

13. Præter hæc & Scripturæ loca, quæ hæcenus allata sunt, audent etiam proferte pro vtraque specie, quod dixit Christus Matth. 19. 6. *Quod Deus coniunxit, homo non separet*. Atqui Deus, inquit, coniunxit vtramque speciem: Ergo Pontifex non potest vnâ ab altera separare. *Respondet*. Ex his, quæ hæcenus allata sunt ab aduersariis, satis constat nihil seos solidi adferre posse. Verum ex hoc loco, planè apparet aut insanos, aut insigniter petulantes esse. Quæ enim connexio est? *Homo non potest separare virum ab uxore*, Ergo non potest communicare sub vna specie? Si sic pergant, sine dubio persuadebunt, nullum rem, quantumuis sceleratum, nullam, feram, pecudem, piscem, aut auem necari ab homine posse. Quare? quia quod Deus coniunxit, homo non separet: sed Deus coniunxit, animam cum corpore tam in hominibus, quam in cæteris animantibus: ergo nemo potest animam separare à corpore, ac proinde nullum viuens interficere. Sed relinquamus has ineptias quæ planè indignæ sunt homine Christiano. Miror autem, aduersarios huiusmodi præiudiis se tueri.

CAPVT XI.

Soluntur obiectiones ex Patribus.

*S*icut aduersarii frustra in Scripturis quæsiuerunt præceptum Christi de vtraque specie: sic frustra quærent in Patribus. Nec tamen minorem conatum hic adhibent, quam ibi. Nam ut cæteros omittam, Pleistox Calumnista libro 1. de eucharistia cap. 10. discurrens per singulas pene ætates, à temporibus Apostolorum ad nos vsque, quotquot potest, corradit Patrum testimonia, pro vtraque specie confirmanda. Sed vel nihil, vel parum ad rem: quod illi homini familiare est. Semper enim extra statum & scopum quæstionis vagatur. Quæstio inter nos & aduersarios, non consistit in eo, an vtraque species fuerit olim in usu, sed potius, an fuerit in præcepto? Patres, quia Pleistox citantur, significant fuisse in usu, quod libenter concedimus (licet etiam vna species fuit in usu, ut supra ostendi) non tamen dicunt fuisse in præcepto, de quo disputamus. Sunt tamè pauci, qui videtur hoc insinuare, de quibus breuiter & sigillatim dicendum est.

1. Omissis ergo Patribus, qui tantum de usu loquuntur inter cæteros, qui videntur loqui de præcepto, primo loco obicit potest Cyprianus, qui in sermone de cœna Domini, sic habet, *Non est huius sacramenti do-*

*Briza, schola Evangelica hoc primum magisterium protulit, & Doctore Christo primum hac mundo innotuit disciplina, ut biberent sanguinem Christiani, cuius esum legis antiqua auctoritas distillissime interdicat. Lex quippe esum sanguinis prohibet: Evangelium precipit, ut bibatur: Respondet. Hoc testimonium Cypri. planè destruit doctrinam Calvinistarum, & nostram confirmat. Vnde miror à Plessæo adductum esse. Hoc ostendo dupliciter. Primò, quia astruit veritatem corporis & sanguinis Christi in Eucharistia, quam Calvinistæ negant. Nam Cyprianus dicit, Christianos bibere sanguinem Christi; Calvinistæ dicunt, non bibere eos sanguinem, sed figuram sanguinis Christi, nempe vinum sacramentale. Quod autem Cyprianus loquatur de vero sanguine, & non figura sanguinis, patet ex antithesi, quam fecit. Ait enim Iudeis in veteri lege fuisse prohibitum, ne biberent sanguinem: Christianis autem in euangelio præceptum esse ut bibant sanguinem. Hoc sanè non potest intelligi de figura sanguinis, sed de vero sanguine. Nam si agatur de figura sanguinis, fatentur Calvinistæ, non minus Iudeos bibisse sanguinem Christi in figura Agni paschalis, & aquæ salientis à petra quam Christiani bibant sanguinem Christi in figura vini. Huc enim spectat, quod Plessæus ait libro 4. de Eucharistia capite primo pag. 653. in fine; *Dicitur idem de Paschæ & cena Dominica. In utroque corpus & sanguis Domini comeduntur & bibuntur. Necessè ergo est Cyprianum loqui de vero sanguine: ac proinde ex sententia Cypriani, verum sanguinem Christi præsentem esse in Eucharistia: quod Calvinistæ negant. Hoc confirmatur ex eodem Cypriano, qui ibidem sic habet; Panis iste quem Dominus discipulis porrigebat, non effigie, sed natura mutatur, omnipotentia verbi, factus est caro. Quid clarius contra Calvinistas? Potuisset addere; Vinum istud, quod Dominus discipulis porrigebat, non effigie, sed natura mutatur, omnipotentia verbi, factum est sanguis. Longè aliter Calvinistæ. Panis & vinum, inquit, nec effigie nec natura mutata sunt, sed tantum significatione: nec facta sunt caro & sanguis, sed figuræ carnis & sanguinis.**

3. Iam verò, cum Cyprianus ait, *Lex esum sanguinis prohibet, Evangelium precipit, ut bibatur*: iterum contra aduersarios facit, non contra nos. Nam præceptum de quo loquitur, non fundat in illis verbis, *Bibite ex hoc omnes*: in quo aduersarii illud fundant; sed in illis, *Nisi manducaueritis carnem filii hominis, & biberitis eius sanguinem non habebitis vitam in vobis*. At hæc verba, ut supra ostendi, continent quidem præceptum de manducatione carnis & bibitione sanguinis Christi: non tamen de utraque specie. Et hoc ipsum sentit Cyprianus. Cum enim citasset illa verba, *Nisi manducaueritis carnem filii hominis, & biberitis eius sanguinem*: paulo post subiicit; *Potus & esus ad eandem perducunt rationem*, quasi dicat, idem est manducare Christum, & bibere Christum. Qui ergo manducat Christum sub vna specie, non solum manducat carnem, sed etiam bibit sanguinem ipsius: ac proinde præcepto Evangelico, de quo loquitur Cyprianus, perfecte satisfacit.

4. *Secundò* obicitur Chrysostomus homil. 18. in posteriorum Corinthiam, ubi ait; *Est autem, ubi nihil differt Sacerdos à subdito, ut quando fruendum est communis mysteriis. Similiter enim omnes, ut illa percipiunt, digni habentur. Non sicut in veteri lege, partem quidem Sacerdos comedebat, partem autem populus: et non licebat populo participem esse cœnam, quorum participes erant Sacerdotes. Sed nunc non sic: verum omnibus unum corpus proponitur, & poculum unum.* Respondet, Nulla hic fit mentio divini præcepti de utraque

A specie. Nec Chrysostomo propositum fuit, eosque de tali præcepto disputare. Hoc solum egit, ut assignaret differentiam inter veterem & novam legem, quoad sacrificia utriusque legis. Nam in veteri lege, nec Sacerdos, nec populus gaudebat toto sacrificio: sed vnam illius partem Sacerdos, alteram populus comedebat. In noua lege non ita res habet; Totum sacrificium, quantum quidem ad victimam, quæ offertur, attinet, æquè à populo æquè à Sacerdote participatur. Vtrique, tam populo, quam Sacerdoti, totus Christus secundum carnem & sanguinem, manducandus & bibendus proponitur. Quis hoc neget? Nec aliud vult Chrysostomus.

5. Ut tamen res melius intelligatur, notandum est, in lege Mosaica fuisse triplex sacrificium, nempe holocaustum, hostiam pro peccato, & hostiam pacificam. Holocaustum erat omnium perfectissimum, quia totum cremabatur in honorem Dei, & nihil ex eo comedebatur. Hostia pro peccato partim cremabatur, partim cedebat in usum Sacerdotum, qui in atrio templi ex ea vescabantur. Hostia pacifica diuidebatur in tres partes, quarum prima cremabatur: altera cedebat sacerdotibus: tertia populo offerenti. Et quidem sacerdotibus cedebat pectusculum & armus dexter, de quo non licebat populo manducare. Hoc igitur est, quod dicit Chrysostomus; *Partem Sacerdos comedebat, partem autem populus: non licebat populo participem esse cœnam, quorum participes erant Sacerdotes*. Non sic in noua lege, Christus, qui est victima, totus populo, totus Sacerdoti porrigitur.

C 6. Quod autem addit Chrysostomus. *Omnibus unum corpus proponitur, & poculum unum*, non debet intelligi de speciebus sacramentalibus, sed de ipso Christo, qui offertur. Non enim sensus est, omnibus Christianis, tam Laicis, quam Sacerdotibus, proponi eandem speciem panis, & eandem speciem vini: quia hoc falsum est, cum singuli accipiant singulas partes panis & vini consecrati, inter se realiter & numero distinctas: sed omnibus proponi eandem Christi carnem, & eundem sanguinem: ita ut Sacerdos nihil carnis, aut sanguinis percipiat, quod non etiam percipiant Laici. Et in hac reponit discrimen inter noui ac veteris Testamenti Sacerdotes & populum.

7. *Tertio* obicitur Leo Papa serm. 4. de Quadragesima, ubi de Manichæis ita scribit; *Ores indigne Christi corpus accipiunt: sanguinem autem redemptionis nostræ haurire omnino declinant. Quod ideo vestram volumus scire sanctitatem, ut vobis huiusmodi homines, & hic manifestentur indicibus, & quorum deprehensa fueris sacrilega simulatio, notati & proditi, à sanctorum societate, sacerdotali auctoritate pellantur.* Respondet. Aduersarii duobus modis hic peccant in citando Leone. Primò, quia Leo his verbis confirmat veritatem corporis & sanguinis Christi in Eucharistia, quam ipsi negant. Secundò, quia non condemnat communionem sub vna specie in Catholicis, qui eam legitimè tunc usurpabant: sed in Manichæis, qui ex sacrilega superstitione est, abstinabant à calice, ut super cap. 6. ostensum est.

E 8. Consulatur historia illius temporis, quæ sic habet. Excisa per Genserium Africa, Manichæi, qui inde eiectioni erant, sub specie pietatis & Catholicæ religionis, in Italiam irrepserunt: & plerique Romam ingressi, volentes suam hæresim occultare, inter Catholicos habitabant, & cum iis publicè sub vna specie communicabant: ut hac ratione pro Catholicis haberi & tolerari possent. Igitur Leo cum primum factus est Pōtifex, statim adiecit animum ad eos penitus extirpandos. Vfus est autè variis mediis. Nā primò pro concione instruxit ciues Romanos, quàm nefanda essent Manichæorum dogmata & sacrilegia. Secundò,



illius est, commemoratio mortis Christi, ad quam tenentur omnes fideles, iuxta illud 1. Cor. 11. 24. *Hoc facite in meam commemorationem.* Et paulo post, *Quotiescumque enim manducabitis panem hunc, & calicem bibetis, mortem Domini annuntiabitis, donec veniat.* At mors Christi non potest integrè significari & representari per unam speciem: Ergo sicut tenentur ad commemorandam Christi mortem: ita etiam ad utramque speciem percipiendam. *Respondet.* Hic syllogismus habet duo vitia. 1. quia constat quatuor terminis. Nam in maiori propositione ponitur *commemoratio mortis Christi*; in minori, *representatio*. Nec autem valde inter se differunt, quia ex Apostolo contra Apostolum concluditur. Nam ex Apostolo sumit, omnes fideles in sumptione Sacramenti eucharistiae debere memores esse mortis Christi, quod verum est. At contra Apostolum concludit, ad commemorationem mortis Christi, necessariam esse utramque speciem. Nam una sufficit, secundum Apostolum. Hoc patet ex ipso textu, cum enim de una specie dixisset, *Accipite & manducate: Hoc est corpus meum, quod pro vobis traditur*: immediate subiunxit; *Hoc facite in meam commemorationem.* Et rursus; cum de altera dixisset; *Hic calix novum Testamentum est in meo sanguine*: iterum immediate subiunxit; *Hoc facite, quotiescumque bibitis in meam commemorationem.* Ergo secundum Apostolum, unaquaeque species per se sumpta, sufficit ad commemorationem mortis Christi. Unde si ex vitioso aduersariorum syllogismo fiat probus ac legitimus: plane contra ipsos concludemus, hoc modo; Omnes fideles in sumptione Eucharistiae, tenentur ad commemorationem mortis Christi, sed commemoratio mortis Christi, potest fieri, per unam speciem, ut ex Apostolo ostensum est: ergo per unam speciem satis sit obligatio. Quid aperius?

3. Sed ne tergiversentur aduersarii exemplo domestico rem explicabo. Quidam vir nobilis ab hoste captus, & in vincula coniectus est, cum amissione bonorum omnium. Imperator liberat illum à vinculis & ut tanti beneficii memor sit, nouo beneficio illum efficit. Numquam, ex mentis Imperatoris, perpetuam annuam illi constituit in pane & vino: ut quotiescumque manducandum aut bibendum est, prioris beneficii memoria illi occurrat. Hic quæro ab aduersariis, an Nobilis ille non possit recordari beneficii Imperatoris, si sumat panem sine vino, aut etiam, si sumat vinum sine pane, Potest utique. Siue enim utatur solo pane, siue solo vino, semper illi in mentem venit, Imperatoris beneficio se viuere & sustentari. Simile est in nostro proposito. Eramus capti ab hoste humani generis & in carcerem compacti. Christus, sua morte & passione liberavit ac redemit nos. Ut tanti beneficii memores essemus, nouo beneficio cumulare nos voluit. Non panem & vinum, sed carnem & sanguinem suum, sub specie panis & vini, in perpetuam alimoniam nobis reliquit. Siue ergo manducemus carnem & bibamus sanguinem illius sub specie panis tantum: siue sub specie vini tantum: siue sub utraque parum interest. Semper enim occurrat cogitatio, alieno beneficio nos viuere, manducare, bibere.

4. Porro, quod supra adieci, commemorationem mortis Christi, differre ab eius representatione, tamen si notum sit, breuiter etiam explicandum est. Et perficiam in exemplo allato. Nobilis ille, qui ab Imperatore liberatus à carcere est, variis modis excitari potest ad recordationem beneficii in se collati. Primum, si ut iam dictum est, annona illi constituta sit in hunc finem, ut quoties manducat aut bibit beneficii sui recordetur. Secundo, si memorie causa, in libello qui quotidie in manibus sit, Imperatoris liberalitatem describam habeat. Tertio, si effigiem, quæ Imperatorem re-

presentat, ex collo gestet, aut domi à fixam conseruet. Omitto alios modos. Nam hi tres ad rem explicandam sufficient. Igitur in tribus illis modis, ubique tenentur commemoratio beneficii: in solo tertio, representatione. Et rursus in tertio modo, commemoratio oritur ex presentatione. Nam hoc ipso quouis, qui beneficio affectus est, intuetur imaginem sui benefactoris, quæ illum representat, non potest non illius meminisse, si animo præsens est. Facile hæc ad propositum applicantur. Variis modis possumus recordari beneficii, quo Christus Redemptor sua morte nos affecit. Primum ex perceptione Sacramenti Eucharistiae, quod in eum finem à Christo institutum est. Secundò, ex lectione Evangelij, in quo mors & passio eius describitur. Tertio, ex aspectu imaginis Christi, quæ ipsum, aut passionem eius representat. Vides, opinor, quo pacto representatio diuersa sit à commemoratione.

10. Atque ex his, quæ clara & aperta sunt, infero, Catholicos in commemoranda Christi morte, multo diligentiores esse, quam aduersarios, præsertim Calvinistas. Nam Catholici, non solum ex perceptione Sacramenti eucharistiae, vel electione Evangelij, sed etiam ex aspectu imaginis Crucifixi, recordantur beneficii à Christo in se collati. At Calvinistæ iam pridem Christi imaginem è suis templis, addo etiam ex animis, proscripterunt & exturbarunt. Sed de hoc alibi. Prosequamur reliquas aduersarium obiectiones.

11. Quintæ obiectio sumitur à simili. Si licet auferre laicis unam partem eucharistiae: licebit etiam auferre unam partem Baptismi. At hoc non licet; Ergo nec illud. *Respondet.* Partes Sacramentorum sunt duplices: alie substantiales seu essentielles: alie solum integrantes. Priores non licet auferre ab ullo Sacramento. Nec Catholici hoc faciunt. Posteriores licet auferre. Nam in Baptismo, ex tribus unctionibus possunt duæ tolli: Una enim sufficit. Et in Eucharistia, ex duabus speciebus potest auferri altera. Hoc Christus fecit in Emaus: Christiani tempore Apostolorum: & alij deinceps, ut supra ostensum est. Nos idem facimus. Porro, aduersarij in hoc genere audaciores sunt. Tollunt ipsi, non solum integrantes, sed etiam essentielles partes Eucharistiae. Et quidem Calvinistæ tollunt carnem & sanguinem Christi: & sola symbola externa relinquunt laicis. Lutherani, à specie panis tollunt sanguinem, animam rationalem, Diuinitatem: & solam carnem exanguem & exanimem sibi reseruant. Plus dico: Aduersarij non solum partes sacramentorum, sed integra tollunt sacramenta. Ex septem, quæ ecclesia Catholica cum Augustino agnoscit, vix duo vel tria illis supersunt. Sed nolo hic hærere.

12. Sexta sumitur ab incommodo. Si potest laicis negari una species poterit negari & altera: & sic nihil habebunt. *Respondet.* Hoc non sequitur: ut patet in simili. Non enim rectè colligis: Si in Baptismo potest tolli una unctio, poterit etiam altera & tertia tolli. Deinde, præceptum Christi est, ut sumamus Eucharistiam, quocumque modo id fiat. Non autem præceptum est ut sumamus sub utraque specie. Potest ergo una species negari. Sicut in simili, potest omitti una aut altera unctio: Non tamen potest Baptismus omitti. Aut, si vis exemplum magis accommodatum: non potest integrè omitti omnis cibus & potus corporalis, quia vita sustentanda est: potest tamen à duabus scutellis omitti una, si in altera sufficiens nutrimentum est. Cum igitur sub specie panis sit totus Christus, totum nutrimentum, tota alimonia; quid tantopere necesse est, alterum adhibere? et hoc pro Catholicis dixerim. Quid porro pro se dicent Calvinistæ qui quidem duas scutellas, sed omnino vacuas, sine omni cibo & potu ob-


stant esurientibus, & sitientibus, id est, qui eterna tantum symbola panis & vini exhibent: & omnem Christi carnem ac sanguinem, quæ nostras animas nutrire oportebat, e medio tollunt. Hæc hætenus.

CAPUT XIII.

Omnia igitur in Catholicis sententia persistenda est.

EX illis, quæ hætenus dicta sunt, duæ rationes deduci possunt, cur in Catholicorum sententia persistendum sit. Prior est, quia Catholici, qui defendunt vñum vñius speciei, habent pro se exemplum Christi, Apostolorum, & totius antiquitatis vique ad nostra tempora. Habent pro se duo solidissima fundamenta, quibus tueri se possunt. Vñum, quia Christus non vñus sub vna, quàm sub vtraque specie, totus & integer continetur. Alterum, quia non minor fructus ex vna, quàm ex altera percipi potest. Aduersarij verò, qui vident necessitatem vñiusque speciei, nullum possunt in scripturis inuenire præceptum de vtraque specie: in illo querendo, penitus inter se dissident: nullo solido argumento suam sententiam stabilire possunt. Imò, vt hætenus vñum est, suis ipsorum argumentis confixi ac refutati sunt.

1. Posterior est: quia Catholici in asserenda communionem sub vna specie, nihil vnquam dixerant, quod offensionem aut scandalo esse possit. Aduersarij verò præsertim Lutherani & Calvinistæ, posteaquam vñum vñius speciei oppugnare ceperunt, in manifestos errores prolapsi sunt. Lutherani, asserendo corpus Christi sub specie panis contineri mortuum & sine sanguine: Calvinistæ, negando vñam Christi partem sub specie sacramentalis præsentem esse. Pudent Lector apud se æstimet, quos in hac sequi tutius sit.



OPUSCULUM VII.

MARTINI BECANI
Theologi Moguntini.

AD FRIDERICVM BAL-
DVINVM

*Theologum Vitembergensem,
De Communionem sub vtraque specie;*

EPISTOLA.

MARTINVS BECANVS
FRIDERICO BALDVINO

S D.

PROVOCAS me ad scribendum, Balduine, vel vt planius dicam, ad litigandum. Aegrè adducor, vt faciam. Et duplex mihi causa. Vna, quod aliis scriptioibus sum occupatissimus. Altera, quod Calvinistas hætenus, non Lutheranos, ex quorum numero

A tuos hostes mihi & aduersarios delegerim. Sed quia ponte me laceassis, quid faciam? En luto me, & ad pugnam capellendam præsto sum. Et ne longè abeam, hoc agitur inter nos, an communio sub vtraque specie sit in præcepto diuino, nec ne? Ego in mea disputatione, quam pridem de hoc argumento scripsi, contendo non esse. Tu in tuis Notis, quas in eandem disputationem meditatus es, contrarium asseris. Vter rectius, in controuersiam nunc venit. De Iudice, qui litem hanc dirimat, non facile inter nos conueniet. Tu enim, sat scio, non alium, nisi te ipsum, vel certe sacram scripturam tuo sensu intellectam, admissurus es. Igitur arbitros designemus, necesse est. Nec abnuo, quin omnes, quos quot lecturi sunt, ex arbitrio sententiam dicant.

1. Longiori præfatione non opus est. Ad rem venio. Negauimus communionem sub vtraque specie, diuino præcepto, omnib⁹ necessariam esse. Et confirmari hoc ordine ac methodo. 1. Aliud est institutio diuina, aliud præceptum diuinum. 2. Christus instituit communionem sub vtraque specie: non tamē præcepit omnib⁹ vñum vñiusque speciei. 3. Imò vñum vñius speciei, tum verbo, tum facto, ipse comprobauit. Verbo quidē Ioan 6 Facto autem in Emaus. 4. Quod etiam id fecerunt Apostoli, vt ex actibus illorum perspicuum est. 5. Et post Apostolos primitiua Ecclesia, tam Orientalis quàm Occidentalis. 6. Et rectè ab iis factum. Nam sub vna specie non minus continetur totus Christus, quàm sub vtraque. 7. Nec minor fructus percipitur ex vna, quàm ex vtraque cæteris paribus.

8. Et aliunde possunt esse legitimæ causæ, cur potius sub vna, quàm sub vtraque communicet laici. Propter quas etiam statutum est ab Ecclesia, vt sub vna deinceps communicarent. 9. Nec aduersarij quicquam obiciunt, quod dilui commodè non possit. Hæc ego. 3. Quid tu verò, Balduine? Primum ais, omnia argumenta, quæ à me allata sunt, pridem solidissimè refutata esse à Ioan. Husso. Deinde, tuam etiam refutationem attexis. Cuius hæc fere capita, seu fundamenta sunt. 1. contendis omnem institutionem diuinam continere præceptum. 2. ac proinde, sicut Christus instituit communionem sub vtraque specie, ita etiam præcepisse. 3. Negas Christum in Emaus vñam speciem suo facto comprobasse. 4. Negas Apostolos id fecisse. 5. Et, si Ecclesia primitiua id fecisset, ais te non sequi Ecclesiam, sed Christum. 6. Addis totum Christum contineri quidem sub vna specie personaliter, nec tamen sacramentaliter. 7. Et maiorem fructum percipi ex vtraque specie, quàm ex vna. 8. Nec aliunde esse causas, cur sub vna potius, quàm sub vtraque communicandum sit. 9. Et hoc efficaciter probari ex illis verbis, *Hoc facite, comedite, bibite.* Hæc scilicet, quæ directè ad rem pertinent.

4. Addis multa alia, ex quibus ea quæ sequuntur. A
 1. Christum secundum humanitatem esse ubique. 2. Christi benedictionem non semper fuisse efficacem. 3. Paulum Apostolum in tertio celo audivisse verba Institutionis Eucharistiæ. 4. antiquos Patres, & nominatim Cyprianum non agnovisse mutationem substantiæ panis, quam vocamus Transubstantiationem. 5. Eucharistiam non esse Sacramentum extra vsum. 6. Ministros non debere sumere Eucharistiam, sed tantum aliis porrigere, sicut Christus fecit. 7. falsum esse, quod Christus porrexerit Eucharistiam post lotionem pedum. 8. hoc Sacramentum, non modo animam, sed & corpus refici. 9. Abstemios posse quidem communicare sub una specie: suadendum tamen, eis esse, ut integrè abstineant.

5. Omitto conuitia, quæ passim inspergisti, quamquam in hoc genere modestior es, quam plerique alii Lutherani in Saxonia. Omitto inepta & frigida argumenta, quæ tibi familiaria sunt. Et cum illa desunt, nuda verborum assertionem, meæ refellis, tua astruis. Denique non raro, cum aliud non occurrit ad conscientias tenerorum, quas tranquillare videri vis importune prouocas: præsertim, quando firmiter argumentis virgeris te sentis. Tunc enim, responsionis loco, identidem inculcas illud: *Non satisfi conscientias tenerorum. Ad conscientias tenerorum appello.* Cum tamen nesciam, quos intelligas nomine tenerorum, qui tam delicatas habent conscientias. Catholicos, certe non intelligis. Nam illorum conscientias abunde fit satis per vnius speciei sumptionem, ut experientia testis est. Nec Calumnias, opinor. Hi enim, non delicati & teneri, sed sacrilegi vobis in hoc Sacramento sunt. An ergo Lutheranos? At illorum conscientia tranquillatur ex illo Lutheri Evangelio: *Sola fides iustificat. Et, nullo opere, nulla lege, Christiano homini opus est, cum perfidens liber sit ab omni lege.* Quid ergo Lutherani curent legem de vtraque specie?

6. Hæc obiter, Balduino, ex tuis notis. Ut singula & omnia refellantur, nihil necesse est. Nam pleraque aut nullius, aut parui admodum momenti sunt. Et legisse, penè refutasse est. Accedit angustia temporis, qua premor. Vix pauci dies supersunt ad nundinas, & iam primum à fidei amico libellum tuum natum sum. Vellem autem, ut iisdem nundinis, quibus lucem aspexit, mea quoque refutatione inclarescat. Ergo, omittis alius, hæc pauca capita excutenda sunt.

1. De Ioanne Husso.
2. De Ubiquitate Christi.
3. An omnis institutio diuina contineat præceptum?
4. An debeamus Christum sequi, non Ecclesiam?
5. An Christi benedictio semper f. erit efficax?
6. An Paulus Apostolus in tertio celo audierit verba institutionis?
7. An Patres agnouerint Transubstantiationem?
8. An ministri debeant tantum porrigere, non autem sumere Eucharistiam?

9. An Christus porrexerit Eucharistiam ante, vel post lotionem?

10. An hoc Sacramentum, non tantum animam, sed & corpus reficiantur?

11. An abstemij sub una specie possint communicare?

Hæc pauca, inquam, hoc tempore. Si alias opportunum erit, fusiùs tecum agere paratus sum. Quamquam, quid dico, fusiùs? Nihil opus nisi alia, quæ maioris ponderis sint à te differantur. Nunc ergo ad rem.

CAPVT I.

De Ioanne Husso.

1. IN Præfatione ad Lectorem, ais, omnia mea argumenta, ante duo ferè sæcula, solidissimè refutata esse à Ioanne Husso. Verba tua sunt hæc; *Ioanne Husso Constantissimi Martyris confessionem in hoc premispicio annotare placet, ex qua liquido constabit, Becanum ea ferè omnia in hac sua Disputatione, quasi data opera, corrasisse, quæ iam ante duo ferme secula solidissimè fuerant refutata.*

2. Sed duo hic occurrunt, quæ velim mihi explices. Vnum est, si Ioannes Hussy ante duo sæcula, solidissimè refutauit mea argumenta, ut tu asseris; quid necesse erat, te iisdem refutandis operam perdere? Vel tu melius id præstas, quàm ille, vel deterius. Si tu melius quomodo ille solidissimè? Si deterius, in quem finem: an ut despici & rideri possis? Hoc alia via poteras assequi. Addo, refutationem Husso, ut à te quidem transcripta est breuissimam esse: tuam multo verbosorem. Quid ergo lectori molestus es, obtrudendo verbosam & inanem, qui breuissima & solidissima contentissimus esse potest.

3. Alterum est, si Hussy quem Germaniæ Cyprianum vocas, solidissimè omnia scripsit de Communionem sub vtraque specie, cur postea in progressu ais, errasse illum quod c. 6. Ioann. de Sacramentali manducatione interpretatus sit? Certe, si ibi errauit, ubi posuit fundamentum Communionis sub vtraque specie: non potuit ex illo fundamento solidissimè omnia refutare. Nisi apud vos Lutheranos, etiam ex falsis principiis, solidissima veritatis assertio procudi possit: quod tibi æstimandum reliquo.

CAPVT II.

De Ubiquitate Christi.

1. Dixeram in mea disputatione, vos Lutheranos (cùm obiciatis nobis, quod laicos fraudemus dimidia parte Christi, exhibendo illis carnem sine sanguine) necessariò supponere, Christum mortuum esse in Sacramento: quod sic probavi. Illum censent Christum esse mortuum, qui putant sub specie panis dimidium Christum, & sub specie vini reliquam eius partem contineri: atqui Lutherani hoc putant, quando obiciunt Catholicis, quod solam carnem Christi exhibeant laicis sub specie panis: Ergo Lutherani censent Christum esse mortuum in Sacramento: quod est absurdum.

2. Ut elueres hanc maculam Balduino, nouis laqueis te implicuisti. Nam p. 12. sic respondes: *Distingue inter naturalem corporis Christi existentiam, & sacramentalem. Secundum illam scire ubi est Christus, ibi totus est: secundum hanc autem manifestum est institutio Christi, quæ cum symbolo panis, corpus: cum symbolo vini sanguinem vinum esse ac*

quatenus eam significat, vel per unam, vel per trinam immersionem. Idem est in Eucharistia. Nam hoc Sacramentum spectatur semel, quatenus significat internam animæ refectionem; & semel, quatenus eam significat, vel unius, vel utriusque speciei assumptione. Si ergo priori modo spectetur; significatio illius semper est æque perfecta, quia semper est eadem res significata, nempe refectio animæ. Si posteriori, perfectior est significatio sub utraque, quam sub altera tantum specie, quia modus significandi est perfectior. Efficacia tamen Sacramenti non respondet significationi ex parte modi significandi, sed ex parte rei significatæ.

22. *Quinta obiectio.* Si quis in triduo mortis consecrasset Eucharistiam, non percepisset tantum fructum ex una specie, quantum ex utraque, ut multi fatentur. Ergo neque nunc percipimus tantum ex una, quam ex utraque, quia Eucharistia iam non est alia, quam tunc fuisset. *Respondet.* Non est simile, Nam in illo triduo Christus erat mortuus; & non solum corpus ab anima, sed etiam caro à sanguine separata. Nunc autem vivus est. Vnde si in illo triduo fuisset facta consecratio tunc sub specie panis fuisset caro sine sanguine & anima rationali; & sub specie vini fuisset sanguis sine carne & anima rationali. Plus ergo fuisset sub utraque specie, quam sub una. Hinc aliqui putant, maiorem etiam fructum ab utraque, quam ab una percipi potuisse. Mihi tamen non videtur hoc sequi. Nam vis & efficacia huius Sacramenti, non pendet præcise à carne & sanguine, sed potius à Divinitate, seu persona verbi. Cum ergo in triduo mortis caro Christi, licet à sanguine esset separata, maneret tamen coniuncta cum Divinitate seu persona verbi; retinuit eandem vim & efficaciam quam nunc habet. Ergo etiam in illo triduo, non maior fructus ab utraque specie, quam ab una tantum, sperari potuisset.

23. *Sexta obiectio.* Si est tantus fructus unius speciei, quam utriusque; quare Christus utramque instituit? & quare Sacerdotes non sunt una contenti, si, cur iubent Laicos esse contentos? *Respondet.* Eucharistia non solum est Sacramentum, sed etiam sacrificium novæ legis. Igitur ratio Sacramenti saluari potest in una specie, ratio sacrificij requirit utramque speciem. *Lex* ergo, qui Eucharistiam accipiunt, ut Sacramentum est, una specie contenti sunt. Sacerdotes autem, qui illam, ut sacrificium offerunt, utramque speciem usurpare debent. Plura de hac re in materia de sacrificio M. II. Hæc pauca pro hoc loco sufficiunt.

CAPVT VIII.

Quæ sint causæ, cur potius sub una quam sub utraque specie, Laici communicent?

1. **H**ætenus explicatæ sunt duæ causæ, cur Laici non minus sub una, quam sub utraque specie communicare possint. Prior est, quia totus Christus non minus sub una, quam sub utraque continetur. Posterior, quia non minor fructus ex una, quam ex utraque percipitur. Nunc aliz causæ adferendæ sunt, cur expediat eos sub una specie potius, quam sub utraque communicare. Sunt autem potissimum tres. Prima, quia multi sunt abstemij à vino. Altera, quia vinum multis locis haberi non potest, præsertim in tanta copia; ut multa hominum millia possint communicare.

A. Tertia, quia in tanta communicantium multitudine, sæpe esset periculum effusionis aut irreverentiæ.

2. Hæ causæ sufficientes sunt, si semel statuamus (quod hætenus probatum est, & infra rursus confirmabitur) utramque speciem iure divino non esse necessariam, sed alteram sufficere: Nec plus utilitatis ex utraque, quam ex altera percipi potest. Nam si ita est, prudenter abstinere possumus à calice, propter rationes iam allatas. Nec id negant adversarij. Solum urgent præceptum de utraque specie, de quo iam non agimus. Excluso ergo præcepto, nihil est, quod amplius obuciant,

3. Imo, quod magis miror, illi ipsi, qui præceptum urgent, putant eas causas quas iam attuli, tanti momenti esse, ut una species licet usurpari possit. Nam Ioannes Brennius in Apologia pro confessione Vvitembergensi fateretur, abstemios posse sub una specie communicare. Et Philippus Melancthon in libro de usu integri Sacramenti, affirmat, Ruthenos ob vini inopiam rectè facturos, si pro vino uterentur medone, seu aqua mellita.

4. Ex hac illorum concessione sic argumentor. Si abstemij & Rutheni possunt licetè communicare, & fructum Eucharistiæ percipere, sine specie vini; cur non similiter alij; Dicent sine dubio, ob stare præceptum Christi; abstemios & Ruthenos excusari ab observatione præcepti; reliquos non item. Sed frustra. Sic enim iusto: Brennius, Philippus, & alij adversarij, putant præceptum Christi in eo consistere, ut una species non sumatur sine altera: vel ut ipsi loquuntur ut Sacramentum Eucharistiæ non mutiletur altera sui parte: Et sacrilegos esse, qui id faciant. Sanè, si ita est, Brennius: Philippus & alij Lutherani omnino sacrilegi sunt, qui contra præceptum Christi, permittunt abstemij & Ruthenis Sacramentum altera sui parte mutilatum. Adde hoc Dilemma; vel iure divino prohibitum est communicare sub altera tantum specie, vel non est. Si prohibitum est, cur permittitur abstemij? Si non est, cur reliquis negatur?

5. Ex dictis colligo hæc duo principia. Unum est; omnes, tam Catholici, quam adversarij, permittunt abstemij communionem sub altera tantum specie nec unquam auditum est à temporibus Apostolorum ad nos usque abstemios fuisse à communione exclusos. Alterum est: Nulli, nec Catholici, nec adversarij, possunt dispensare in præcepto divino: sed quidquid divino in remandatum est, ut fiat, hoc omnino fieri debet: Et quidquid divino iure prohibitum est, ne fiat, hoc nullo modo fieri debet. Hinc ita concludo; Ergo vel communicatio sub una specie, non est prohibita iure divino quod nos contendimus: vel, si prohibita est, non potest fieri dispensatio in illa prohibitione: Et sic abstemij erunt repellendi à communione. Eligant hic adversarij quod volunt.

CAPVT IX.

Ecclesia legitimè statuit ut Laici communicent sub una specie.

1. **S**i spectemus ius divinum, semper in Ecclesia fuit liberum Laicis, vel sub una, vel sub utraque specie communicare, ut hætenus ostensum est. Si autem spectemus ius Ecclesiasticum, res aliter habet. Nam diversis temporibus propter diversas causas & occasiones, fuerunt etiam diversa præcepta Ecclesiastica de hac re.

haere. Et quidem Gelasius Papa, quia videbat suo tempore Manichæos ex falsa superstitione semper abstinere ab altera specie planè statuit, ut nemo, nisi sub vtraque specie communicaret: alioqui fore, ut Manichæus haberetur, qui à calice abstineret. Contra verò, Patres in Concilio Constantienti, quia videbant Hussitas in Bohemia, pertinaciter vigere vtramque speciem tanquam ad salutem necessariam: cum tamen Catholici passim sub altera communicarent: vsum vtriusque speciei respectu Laicorum, penitus subtrulerunt: non tanè, quod putarent esse malum & illicitum: sed parè, ut hac ratione, Hussitarum errorem corrigerent & damnarent: partim etiam, ut consuetudinem communicandi sub vna specie, quæ multis locis recepta erat, suo decreto approbarent, & sic in tota Ecclesia, maior conformitas & concordia seruaretur. Accedebant etiam & aliæ causæ, quas superiori capite explicauimus.

2. Propter has igitur prudenter statutum est, ut Laici sub vna specie deinceps communicarent. Nec sine Exemplo id factum est. Nam simile quid contigit olim circa mersionem Baptismi. Sicut enim iure diuino semper liberum fuit communicare sub vna, vel sub vtraque specie: sic etiam iure diuino liberum fuit, vnam vel trinam mersionem adhibere in Baptismo. Et rursum, sicut hac libertate non obstante, Ecclesia nunc sub vna, nunc sub vtraque specie voluit Laicos Eucharistiam accipere: sic etiam, nunc vnam, nunc triplicem mersionem voluit adhiberi in Baptismo, propter diuersas causas diuersis temporibus occurrentes. Et quidem in primitiua Ecclesia triplex mersio fuit impetrata, ad designandam Trinitatem personarum in vna Deitate: idque propter hæreticos illius temporis, qui negantes Trinitatem, vna mersione Baptismum conferebant. Hoc patet ex canone 49. Apostolorum, qui sic habet: *Si quis Episcopus aut presbyter non trinam mersionem vnius mysterij celebret, sed semel mergat in Baptismo, deponeatur.* Vide etiam Tertullianum in libro de corona militis, & Gratianum de consecratione, distinct. 4. cap. 78. Postea verò noui hæretici orti sunt, qui putabant Baptismum iterandum esse, ideoque Baptizatos rebaptizabant. Ad hunc errorem corrigendum, statutum fuit in Concilio Toletano 4. canon. 5. ut vna mersione Baptismus conferretur, ad designandam vnitatem mortis Christi. Cum enim Baptismus representet nobis Christi mortem & passionem, iuxta illud Romanorum 6. 3. *Quicumque Baptizati sumus in Christo Iesu, in morte ipsius Baptizati sumus:* et Christus semel tantum mortuus sit: nullo modo Baptismus iterandus est, sed semel tantum conferendus. Vnde Apost. Heb. 6. 6. contra eos, qui putabant in noua lege Baptismum repeti posse, sicut in veteri repetebantur lotiones & Baptismata, sic ait: *russum crucifigentes sibi metipsis filium Dei, & ostentui habentes.* et ad Eph. 4. 5. *Vnus Deus, vna fides, vnum Baptisma.*

3. Dicit: Vnde habet Ecclesia hanc potestatem, ut possit in alteram partem definire & statuere id, quod iure diuino liberum relictum est? Ratio dubitandi est, quia quidquid iure diuino permittitur omnibus Christianis, hoc solo iure humano negari aut tolli non potest. Cum ergo iure diuino, in Baptismo liberum sit, vnam vel trinam mersionem adhibere: & similiter in Eucharistia liberum sit, sub vna vel vtraque specie communicare; quo iure potest Ecclesia, vel vnam mersionem in Baptismo, vel vtramque speciem in Eucharistia prohibere? *Respondet.* Ecclesia, vel potius Prælati Ecclesiæ, habent hanc potestatem à Christo. Sicut enim Rex, qui sibi Vicarium in regni administratione subrogat, solet quædam maioris momenti negotia cer-

Opusc. Boc.

tis legibus definire, & illi præscribere: alia in ipsius arbitrio ac potestate relinquere: sic Christus agit cum Pastoribus Ecclesiæ, quos quasi Vicarios sibi subrogauit. Quæ enim ad Sacramentorum substantiam, numerum & effectum pertinent: certis legibus ab ipso definita sunt reliquæ, quæ ceteronominas & circumstantias attingunt, Pastorum arbitrio ac prudentiæ commendata. Huius generis sunt, Baptismum conferre semel vel ter immergendo: Eucharistiam sumere sub vna, vel vtraque specie; ante vel post cenam dominicam aut alio die: lotis vel non lotis pedibus, & his similia. De quibus loquitur Apostolus 1. Corinthiorum 11. 34. cum ait; *Cætera cum venitis, disponamus.* Vide Augustinum epistola 118. ad Ianuarium, ubi pulchre de hac re disputat.

CAPVT X.

Soluantur obiectiones ex Scripturis.

1. Explicauimus hætenus sententiam Catholicorum, qui putant nullum extare præceptum diuinum de vtraque specie; ac proinde vnam speciem licitè usurpari posse, & semper in Ecclesia usurpatam esse: idque non minori fructu, quàm si ambæ species usurpentur. Nunc aduersariorum argumenta dissoluenda sunt, quæ ipsi in hanc doctrinam adferunt. Sunt autem triplicia: quædam ex Scripturis alia ex Patribus alia denique ex ratione delumpta. Singula ordine discutimus.

2. Et quidem omnes aduersarii, ut supra monui, quærunt in Scripturis præceptum de vtraque specie nec tamen inveniunt. Hussitæ quærunt in illis verbis *Nisi manducaueritis carnem filij hominis, & biberitis sanguinem eius.* Lutherani in illis, *Hoc facite.* Calvinistæ in illis: *Bibite ex eo omnes.* Alii ex illis: *Ego enim accepi à Domino, quod & tradidi vobis.* Sunt ergo quatuor obiectiones petite ex Scripturis, quas iam persequar.

3. Prima sumitur ex illo Ioan. 6. 53. *Nisi manducaueritis carnem filij hominis, & biberitis sanguinem eius, non habebitis vitam in vobis.* Hic volunt Hussitæ contineri præceptum Christi de vtraque specie. Nos negamus. Et quod mirum est, nobiscum negant Lutherani & plerique Calvinistæ: non tamen ex eodem principio. Illi, quia putant ibi non agi de Sacramentali manducatione. Nos quia tamen fateamur agi de Sacramentali manducatione, negamus tamen fieri mentionem vtriusque speciei. Igitur duo nos asserimus. Vnum Christum loqui de Sacramento Eucharistiæ. Alterum, non tamen, præcipere vtramque speciem. In priori suffragantur nobis Hussitæ; in posteriori, Lutherani & multi Calvinistæ. Vtrumque explicandum est.

4. Primb ergo dicimus; Christum in illo c. 6. apud Ioannem, loqui de triplici cibo. 1. de materiali. 2. de spiritali. 3. de Sacramentali. Sicut enim in aliis rebus solet suos auditores ad ipsorum captum instruere, paulatim à notis ad incognita, à sensibilibus ad occulta, à corporalibus ad spiritualia progrediendo; sic etiam hoc facit. Et quidem in principio capitis agit de panibus & se multiplicatis, quibus turbæ corporaliter pasta & satiata. et quia propter hoc miraculum, ipsum sequebantur, inde sumpta occasione hortatur eos, ut potius quærant cibum spirituale, quàm corporalem. *Operamini* inquit, *non cibum, qui perit, sed qui permanet in vitam æternam.* Hinc ulterius progreditur ad cibum Sacramentalem, cum ait; *Panis quem ego dabo, caro mea est,*



verba, non sensum: ideoque simplici lectori fucum facit. Non enim voluit Christus, ut absolutè omnes biberent ex eo calice; sed ut omnes Apostoli, qui præsentes erant. Hoc patet ex ipso contextu. Cum enim diuisisset panem Eucharisticum in varias partes, & singulis Apostolis singulas porrexisset; calix autem eo modo diuidi non posset; vni ex Apostolis integrum porrexit, cum hac cautione, ut non putaret totum sibi ebibendum esse, sed aliquid inde degustandum, ac deinde reliquis ordine porrigendum. Itaque verba illa, *Bibite ex hoc omnes*, perinde valent, atque illa, Lucæ 22. 7. *Accipite, & diuidite inter vos*, id est, unus non exhauriat totum calicem, sed singuli aliquid bibant. Quod & factum est, ut testatur Marcus c. 14. 24. cum ait: *Et biberunt ex eo omnes*, Vtique illi omnes ex eo biberunt, quibus dictum erat à Christo; *Bibite ex hoc omnes*. Quid quæstio difficultatis est? non plus, quàm si paterfamilias, arrepto calice recentis musti, modicè eum degustaret, & postea filiis degustandum porrigeret cum hac formula; *Bibite ex hoc omnes*, id est, singuli modicum aliquid inde capiant: nemo solus totum exhauriat. An propterea quotquot extra familiam illam essent putarent se cogi præcepto, ut ex eodem calice multum gustarent? ridiculum: anè.

10. Sed instant aduersarii hoc modo. Iisdem dictum est, *Bibite*, quibus dictum est, *Manducate*, At hoc dictum est omnibus: Ergo & illud. *Respondeo*. Vel stupidi, vel importuni sunt, qui sic agunt. Iam ostendit solis Apostolis præsentibus dictum esse, *Bibite*. Iisdem dictum est, *Manducate*. Et quid opus est noua probatione? Peristam in exemplo paulo ante allato. Si paterfamilias, tempore cœnæ diceret famulis & ancillis præsentibus, *Manducate & bibite*: an ideo censeretur omnes extraneos præcepto cogere ad manducandum & bibendum? Non opinor. Eodem modo fecit Christus. Dixit Apostolis in vltima cœna præsentibus, *Manducate & bibite*. An illis verbis præceptum dedit generale, quo omnes Christianos obligaret? Nihil minus. Vbi ergo, inquires, præceptum dedit, si ibi non dedit? *Responsio* in promptu est. Si quæritur præceptum de vtraque specie: nullum dedit. Si de eucharistia, abstrahendo ab vna vel vtraque specie: dedit illis verbis, Ioannis 6. 53. *Nisi manducaueritis carnem filij hominis, & biberitis eius sanguinem, non habebitis vitam in vobis*: Vbi iterum notanda est insignis aduersariorum impudentia: Nam in his ipsis verbis, *Nisi manducaueritis, &c.* vbi reuera præceptum est: præceptum non agnoscunt. In illis autem, *Bibite ex hoc omnes*, vbi præceptum non est, præceptum esse contendunt. Quid agas cum hoc hominum genere? Nimirum, contradictionis spiritum habent.

11. Iterum instant: ipsemet Christus alibi fatetur se omnibus dicere, quidquid dicit Apostolis, iuxta illud Marci 13. 37. *Quod vobis dico, omnibus dico*. Acqui Apostolus dixit, *Bibite*: Ergo omnibus hoc dixit. Omnes ergo tenentur vsurpare calicem. *Respondeo*. Et hic aperte fucum faciunt aduersarii, truncando verba Christi. Ipse enim sic dixit: *Quod vobis dico, omnibus dico, vigilate*, Hanc particulam, *vigilate*, omittunt illi boni viri, ex qua tamen sensus totius sententiæ pendet. Non enim est hic sensus: *Omnia simpliciter, quæ vobis dico, omnibus dico*. Nam multa dixit Apostolis, quæ omnibus non dixit, ut Matth. 26. *Omnes vos scandalum patimini in me, in ista nocte*. Et Ioan. 6. 70. *Nonne ego vos duodecim elegi, & ex vobis unus diabolus est*. Sensus ergo hic est: *Quod dico vobis, ut vigiletis, hoc omnibus dictum volo*. Omnes enim debent vigilare, ne mors impatorum inueniat. Omnes debent imitari virgines prudentes: iuxta illud Matth. 25. 13. *Vigilate itaque, quia nescitis diem neque horam*.

12. *Quarta Obiectio* sumitur ex illo 1. Corinth. 11. 23. Opusc. Bec.

A *Ego enim accepi à Domino, quod & tradidi vobis, &c.* Vbi Apostolus ostendit vtramque speciem, non solum ex Christi institutione, sed etiam ex Apostolica traditione, præceptam esse. Hoc enim significat illa particula, *Tradidi vobis*. Vnde fit tale argumentum: Omnis traditio Apostolica est seruanda: sed est traditio Apostolica de vtraque specie, ergo seruanda est. *Respondeo*, Aduersarii omnia confundunt. Sanè hæc tria, *institutio, traditio, præceptum*. Omnino distincta sunt. Fateor vtramque speciem à Christo institutam esse, fateor vtramque ab Apostolo traditam: Nego vtramque iure diuino præceptam esse. Et quidem, quod institutio differat à præcepto, multis exemplis probatum est capite 1. Quod autem traditio & præceptum non sunt idem, ex eo patet, quia Apostoli multa tradiderunt primis Christianis, quæ tamen præcepta non sunt. Et ne longe abeam, ex eodem Paulo probari id potest. Sic enim habet in fine citati capitis. *Itaque fratres mei, cum comueritis ad manducandum, inuicem expectate. Si quis esurit, domi manducet*. An putant aduersarii contineri hic præceptum, quod omnes obligat? Sat scio, non tam terripulosos esse.

13. Præter hæc & Scripturæ loca, quæ hætenus allata sunt audent etiam proferre pro vtraque specie, quod dixit Christus Matth. 19. 6. *Quod Deus coniunxit, homo non separet*. Atqui Deus, inquit, coniunxit vtramque speciem: Ergo Pontifex non potest vnâ ab altera separare. *Respondeo*. Ex iis, quæ hætenus allata sunt ab aduersariis, satis constat nihil seos solidi adferre posse. Verum ex hoc loco, planè apparet aut insanos, aut insigniter petulantes esse. Quæ enim connexio est? *Homo non potest separare virum ab uxore*, Ergo non potest communicare sub vna specie? Si sic pergant, sine dubio persuadebunt, nullum rem, quantumvis sceleratum, nullam, feram, pecudem, piscem, aut auem necari ab homine posse. Quare? quia quod Deus coniunxit homo non separet: sed Deus coniunxit, animam cum corpore tam in hominibus, quàm in cæteris animantibus: ergo nemo potest animam separare à corpore, ac proinde nullum viuens interficere. Sed relinquamus has ineptias quæ planè indignæ sunt homine Christiano. Miror autem, aduersarios huiusmodi præsidis se tueri.

CAPVT XI.

Solutio obiectioes ex Patribus.

E Sicut aduersarii frustra in Scripturis quæsiuerunt præceptum Christi de vtraque specie: sic frustra quærent in Patribus. Nec tamen minorem conatum hic adhibent, quam ibi. Nam ut cæteros omittam, Plessæus Calvinista libro 1. de eucharistia cap. 10. discurrens per singulas pene ætates, à temporibus Apostolorum ad nos vsque, quotquot potest, corradit Patrum testimonia, pro vtraque specie confirmanda. Sed vel nihil, vel parum ad rem: quod illi homini familiare est. Semper enim extra statum & scopum quæstionis vagatur. Quæstio inter nos & aduersarios, non consistit in eo, an vtraque species fuerit olim in vsu, sed potius, an fuerit in præcepto? Patres, qui à Plessæo citantur, significant fuisse in vsu, quod libenter concedimus (sicut etiam vna species fuit in vsu, ut supra ostendi) non tamen dicunt fuisse in præcepto, de quo disputamus. Sunt tamè pauci, qui videtur hoc insinuaré, de quibus breuiter & sigillatim dicendum est.

1. Omisissis ergo Patribus, qui tantum de vsu loquuntur inter cæteros, qui videntur loqui de præcepto, primo loco obici potest Cyprianus, qui in sermone de cœna Domini, sic habet, *Nona est huius sacramenti do-*







trahunt esurientibus, & sitientibus: id est, qui externa tantum symbola panis & vini exhibent: & omnem Christi carnem & sanguinem, quæ nostras animas nutrire oportebat, e medio tollunt. Hæc hæcenus.

CAPUT XIII.

Omnino igitur in Catholicæ sententiæ persistendum est.

EX iis, quæ hæcenus dicta sunt, duæ rationes deduci possunt, cur in Catholicorum sententiæ persistendum sit. Prior est, quia Catholici, qui defendunt usum vnius speciei, habent pro se exemplum Christi, Apostolorum, & totius antiquitatis usque ad nostra tempora. Habent pro se duo solidissima fundamenta, quibus tueri se possunt. Vnum, quia Christus non spinus sub vna, quam sub vtraque specie, totus & integer continetur. Alterum, quia non minor fructus ex vna, quam ex altera percipi potest. Aduersarij verò, qui vigent necessitatem vtriusque speciei, nullum possunt in scripturis inuenire præceptum de vtraque specie in illo querendo, penitus inter se dissident: nullo solido argumento suam sententiam stabilire possunt. Imò, ut hæcenus visum est, suis ipsorum argumentis confixi ac refutati sunt.

1. Posterior est: quia Catholici in asserenda communione sub vna specie, nihil vnquam dixerant, quod offensioni aut scandalo esse possit. Aduersarij verò præsertim Lutherani & Calvinistæ, posteaquam usum vnius speciei oppugnare ceperunt, in manifestos errores prolapsi sunt. Lutherani, asserendo corpus Christi sub specie panis contineri mortuum & sine sanguine. Calvinistæ, negando ullam Christi partem sub specie sacramentalis præsentem esse. Pudent Lector apud se æstimet, quos in hac sequi tutius sit.



OPUSCULUM VII.

MARTINI BECANI
Theologi MoguntiniAD FRIDERICVM BAL-
DVINVM

*Theologum Vuttembergensem,
De Communionem sub vtraque specie;*

EPISTOLA.

MARTINVS BECANVS
FRIDERICO BALDVINO

S D.

PROVOCAS me ad scribendum, Balduine, vel ut planius dicam, ad litigandum. Agrè adducor, ut faciam. Et duplex mihi causa. Vna, quod aliis scriptioibus sum occupatissimus. Altera, quod Calvinistas hæcenus, non Lutheranos, ex quorum numero

A tuos hostes mihi & aduersarios delegerim. Sed quia pone me lacessis, quid faciam? En sisto me, & ad pugnam capessendam præsto sum. Et ne longè abeam, hoc agitur inter nos, an communio sub vtraque specie sit in præcepto diuino, nec ne? Ego in mea disputatione, quam pridem de hoc argumento scripsi, contendo non esse. Tu in tuis Notis, quas in eandem disputationem meditatus es, contrarium asseris. Vter rectius, in controuersiam nunc venit. De Iudice, qui litem hanc dirimat, non facile inter nos conueniet. Tu enim, sat scio, non alium, nisi te ipsum, vel certe sacram scripturam tuo sensu intellectam, admissurus es. Igitur arbitror designemus, necesse est. Nec abnuo, quin omnes, quotquot lecturi sunt, ex arbitrio sententiam dicant.

1. Longiori præfatione non opus est. Ad rem venio. Negavi communionem sub vtraque specie, diuino præcepto, omnib' necessariam esse. Et confirmaui hoc ordine ac methodo. 1. Aliud est institutio diuina, aliud præceptum diuinum. 2. Christus instituit communionem sub vtraque specie: non tamē præcepit omnib' usum vtriusque speciei. 3. Imò usum vnius speciei, tum verbo, tum facto, ipse comprobauit. Verbo quidē Ioan 6 Facto autem in Emaus. 4. Quod etiam id fecerunt Apostoli, ut ex actibus illorum perspicuum est. 5. Et post Apostolos primitiua Ecclesia, tam Orientalis quàm Occidentalis. 6. Et rectè ab iis factum. Nam sub vna specie non minus continetur totus Christus, quàm sub vtraque. 7. Nec minor fructus percipitur ex vna, quàm ex vtraque cæteris paribus.

8. Et aliunde possunt esse legitimæ causæ, cur potius sub vna, quàm sub vtraque communice laici. Propter quas etiam statutum est ab Ecclesia, ut sub vna deinceps communicarent. 9. Nec aduersarij quicquam obiciunt, quod dilui commode non possit. Hæc ego. 3. Quid tu verò, Balduine? Primum ais, omnia argumenta, quæ à me allata sunt, pridem solidissimè refutata esse à Ioan. Husso. Deinde, tuam etiam refutationem attexis. Cuius hæc fere capita, seu fundamenta sunt. 1. contendis omnem institutionem diuinam continere præceptum. 2. ac proinde, sicut Christus instituit communionem sub vtraque specie, ita etiam præcepisse. 3. Negas Christum in Emaus vnam speciem suo facto comprobasse. 4. Negas Apostolos id fecisse. 5. Et. 6. Ecclesia primitiua id fecisset, ais te non sequi Ecclesiam, sed Christum. 6. Addis totum Christum contineri quidem sub vna specie personaliter, nec tamen sacramentaliter. 7. Et maiorem fructum percipi ex vtraque specie, quàm ex vna. 8. Nec aliunde esse causas, cur sub vna potius, quàm sub vtraque communicandum sit. 9. Et hoc efficaciter probari ex illis verbis, *Hoc facite, comedite, bibite.* Hæc fere, quæ directè ad rem pertinent.

4. Addis multa alia, ex quibus ea quæ sequuntur. 1. Christum secundum humanitatem esse ubique. 2. Christi benedictionem non semper fuisse efficacem. 3. Paulum Apostolum in tertio celo audiuisse verba Institutionis Eucharistiae. 4. antiquos Patres, & nominatim Cyprianum non agnouisse mutationem substantiæ panis, quam vocamus Transubstantiationem. 5. Eucharistiam non esse Sacramentum intra vsum. 6. Ministros non debere sumere Eucharistiam, sed tantum aliis porrigere, sicut Christus fecit. 7. falsum esse, quod Christus porrexerit Eucharistiam post lotionem pedum. 8. hoc Sacramentum non modo animam sed & corpus refici. 9. Abstemios posse quidem communicare sub vna specie: suadendum tamen illis esse, ut integrè abstineant.

5. Omitto conuitia, quæ passim inspergis, quanquam in hoc genere modestior es, quam plerique alii Lutherani in Saxonia. Omitto inepta & frigida argumenta, quæ tibi familiaria sunt. Et cum illa defunt, nuda verborum assertionem; mearefellis, tua astruis. Denique non raro, cum aliud non occurrit ad conscientias tenerorum, quas tranquillare videri vis importune prouocas: præsertim, quando firmiter argumentis vrgere te sentis. Tunc enim, responsionis loco, identidem inculcas illud: *Non satisfacis conscientias tenerorum. Ad conscientias tenerorum appella.* Cum tamen nesciam, quos intelligas nomine tenerorum, qui tam delicatas habent conscientias. Catholicos certe non intelligis. Nam illorum conscientias abunde sit satis per vnius speciei summptionem, ut experientia testis est. Nec Calumnias, opinor. Hi enim, non delicati & teneri, sed sacrilegi vobis in hoc Sacramento sunt. An ergo Lutheranos? At illorum conscientia tranquillatur ex illo Lutheri Evangelio: *Sola fides iustificat. Et, nullo opere. nulla lege, Christiano homini opus est, cum persedemlibet sit ab omni lege.* Quid ergo Lutherani curent legem de vtraque specie?

6. Hæc obiter, Balduine, ex tuis notis. Ut singula & omnia refellantur, nihil necesse est. Nam pleraque aut nullius, aut parui admodum momenti sunt. Et legisse, penè refutasse est. Accedit angustia temporis, quæ premor. Vix pauciores superant ad quindinas, & iam primum à fidei amico libellum tuum nactus sum. Vellem autem, ut illdem mandinis, quibus lucem aspergitus est, mea quoque refutatione inclarescat. Ergo, omittis alius, hæc pauca capita excutenda sunt.

1. De Ioanne Husso.

2. De Vbiquitate Christi.

3. An in institutione diuina contineatur præceptum?

4. An debeamus Christum sequi, non Ecclesiam?

5. An Christi benedictio semper fuerit efficax?

6. An Paulus Apostolus in tertio celo audiuerit verba institutionis?

7. An Patres agnouerint Transubstantiationem?

8. An ministri debeant tantum porrigere, non autem sumere Eucharistiam?

A 9. An Christus porrexerit Eucharistiam ante, vel post lotionem?

10. An hoc Sacramentum, non tantum animam, sed & corpus reficiat?

11. An abstemij sub vna specie possint communicare?

Hæc pauca, inquam, hoc tempore. Si alias opportunum erit, fusiùs tecum agere paratus sum. Quanquam, quid dico, fusiùs? Nihil opus nisi alia, quæ maioris ponderis sunt à te adferantur. Nunç ergo ad rem.

CAPVT I.

De Ioanne Husso.

1. **I**N Præfatione ad Lectorem, ais, omnia mea argumenta, ante duo ferè sæcula, solidissimè refutata esse à Ioanne Husso. Verba tua sunt hæc; *Ioanne Husso Constantissimi Martyris confessionem in hoc promissio auerare placet, ex qua liquido constabit, Becanum ea ferè omnia in hac sua Disputatione, quasi data opera, corrasisse, quæ iam ante duo ferme sæcula solidissimè fuerant refutata.*

2. Sed duo hic occurrunt, quæ velim mihi explicet. Vnum est, si Ioannes Hussus ante duo sæcula, solidissimè refutauit mea argumenta, ut tu asseris; quid necesse erat, te iisdem refutandis operam perdere? Vel tu melius id præstas, quàm ille, vel deterius. Si tu melius quomodo ille solidissimè? Si deterius, in quem finem: an ut despici & rideri possis? Hoc alia via poteras assequi. Addo, refutationem Husso, ut à te quidem transcripta est breuissimam esse: tuam multo verbosior. Quid ergo lectori molestus es, oberudendo verbosam & inanem, qui breuissima & solidissima contentissimus esse potest.

3. Alterum est, si Hussus quem Germaniz Cyprianum vocas, solidissimè omnia scripsit de Communionem sub vtraque specie, cur postea in progressu ais, errasse illum quod c. 6. Ioann. de Sacramentali manducatione interpretatus sit? Certè, si ibi errauit, ubi posuit fundamentum Communionis sub vtraque specie: non potuit ex illo fundamento solidissimè omnia refutare. Nisi apud vos Lutheranos, etiam ex falsis principiis, solidissima veritatis assertio procudi possit: quod tibi æstimandum relinquo.

CAPVT II.

De Vbiquitate Christi.

1. **D**ixeram in mea disputatione, vos Lutheranos (cùm obicitis nobis, quod laicos fraudemus dimidia parte Christi, exhibendo illis carnem sine sanguine) necessariò supponere, Christum mortuum esse in Sacramento: quod sic probaui. Illum censent Christum esse mortuum, qui putant sub specie panis dimidium Christum, & sub specie vini reliquam eius partem contineri: atqui Lutherani hoc putant, quando obiciunt Catholicis, quod solam carnem Christi exhibeant laicis sub specie panis: Ergo Lutherani censent Christum esse mortuum in Sacramento: quod est absurdum.

2. Ut elueres hanc maculam Balduine, nouis laqueis te implicuisti. Nam p. 12. sic respondes: *Distingue inter naturalem corporis Christi existentiam, & sacramentalem. Secundum illam sane ubi est Christus, ibi totus est: secundum hanc autem manifestum est institutio Christi, quæ cum symbolo panis, corpus: cum symbolo vini sanguinem vniuersum esse ac*

cruciatu usurpatis omnibus Ecclesia civibus præcepta sunt? quomodo consistit cum eo, quod alibi dicitis, Ministros Ecclesie non debere usurpare Sacramentum Eucharistie, sed aliis duntaxat distribuere? Si enim, ex tua sententia, usurpare sacramentum non debent, sane, vel Ecclesie ciues non sunt; vel si sunt, falsum est, quod concludis, omnes Ecclesie ciues præcepto teneri ad totius Sacramenti usurpationem. Sed de hoc iterum cap. 8.

CAPUT IV.

An debeamus Christum sequi, non Ecclesiam?

1. **N**Os quidem, & Christum sequi volumus, qui de seipso dixit; *Ego sum via, veritas & vita*. Et similiter sponsam eius Ecclesiam, de qua idem dixit; *Qui Ecclesiam non audierit, sit tibi sicut Ethnicus, & Publicanus*. At tu, Balduine, nescio quo spiritu impulsus, aliter sentis. Ais enim pag. 92. *Non sequitur Ecclesiam, sed Christum*. Perinde ac si dicas; Non sequitur sponsam, sed sponsum. An nescis, Christum & Ecclesiam indissolubili vinculo coniunctos esse? Audi Apostolum, Eph. 5. 3. *Relinquet homo patrem & matrem suam, & adheret uxori sue; & erunt duo in carne una. Sacramentum hoc magnum est: Ego nunc dico, in Christo & Ecclesia*. An nescis, Ecclesiam fundatam esse supra firmam petram, ut labi non possit? An nescis, *firmamentum esse veritatis*? *In venire Ecclesia*, inquit S. Augustin. *veritas manet*. Quid ergo in mentem tibi venit; ut palam profiteri aulius, te non sequi Ecclesiam, sed Christum? Non potes sequi Christum, nisi & Ecclesiam sequaris? Hoc ipse faceret, cum ait; *Qui vos audit, me audit: & qui vos spernit, me spernit*.

2. Planius tecum agam. Vel putas Christi Ecclesiam errare posse in doctrina, vel non posse. Si non potest errare, cur eam sequi non vis? Si potest, vel tu in Ecclesia non es, vel similiter cum Ecclesia errare potes. Si errare cum illa potes, profecto, sicut illam sequi non audes, ita nec teipsum sequi debes. Imò, nec Discipuli, quos Vuittembergæ instruis, sequi te debent. Quis enim errantem sequatur?

CAPUT V.

An benedictio Christi fuerit semper efficax?

1. **E**Go in mea Disputatione asserui, sed cum duplici limitatione. 1. quod hoc velim intelligi de ea, quæ facta est circa panem. Itaque plena mea assertio est hæc, omnem Christi benedictionem, quam in Evangelio legitur fecisse circa panem, fuisse efficacem, & alicuius mysterij seu miraculi effectricem. Hanc sic probavi, Christus in Evangelio ter legitur benedixisse panem: Primum in multiplicatione panum piscium. Secundò, in ultima cœna. Tertiò in Emaus. Et semper aliquid mysterij seu miraculi operatus est. Ergo omnis Christi benedictio circa panem, quam in Evangelio legimus, fuit efficax.

2. Contra hanc meam assertionem sic scribis, Balduine, pag. 64. *Nulla nos cogit evidens necessitas, ut di-*

camus benedictionem Christi semper importare aliquid mysterij seu miraculi. Nam M. arc. 10. 16. impositis manibus benedixit infantibus ad se allatis, nec quicquam secutum est vel miraculi, vel mysterij. Et benedictio panis ipsi familiaris fuit, non ex peculiari aliquo concilio, sed communi illa ratione, qua cibi omnes sanctificantur per verbum & precationem, 1. Timoth. 4. 5.

3. Nescio, an his verbis directè velis me oppugnare, an solùm aliquid dicere. Si oppugnare vis, certè non efficis, quod conaris. Nam primo, extra rem adfers illud de infantibus. Mea enim assertio fuit hæc, benedictionem Christi circa panem, fuisse semper efficacem. An putas hanc eneruari, si opponas, non fuisse efficacem circa infantes? Ludis Balduine. Et unde, obsecro, tibi constat, circa infantes non fuisse efficacem? *Quia nihil, inquis, miraculi vel mysterij secutum est*. Audio. Sed quomodo id probas? Legamus Evangelium. *Tunc, inquit Matthæus, oblatis sunt ei parvuli, ut manus eis imponeret & oraret*. Hic primò aduerte, quo animo parentes obtulerint Christo suos parvulos. Nempe, ut manus eis imponeret, & oraret. Et quid inde sperare poterant? Aliquid sanè. Sciebant enim, non solum antiquos Patriarchas, eximia quædam beneficia largitos esse suis filiis ac nepotibus per benedictionem, sed etiam Christum, qui tunc præsent aderat, præclara miracula, tum affectu manuum, tum oratione, tum aliis externis signis, in Iudæa perpetrasse. Igitur hac freti confidentia, offerebant illi parvulos, ut & illis similiter aliquid doni, seu gratiæ impartiretur. Quis autem credat, Christum orando pro illis, & sacratissimas manus imponendo, parentum spem elusisse, & nihil peculiare circa parvulos operatum esse? Nemo, nisi Balduinus.

4. Iam quod addis, *benedictionem panis fuisse Christo familiarem*, generatim accipis de quacunque benedictione, quam Christus adhibuit pani, & sic iterum extra scopum vagaris: vel de ea speciatim, cuius aperta sit mentio in Evangelio, & sic non rectè loqueris. Nam in Evangelio non sæpius, quàm ter, inuenio Christum benedixisse panem, ut supra notavi. Quod autem quis legitur ter tantum fecisse, non propriè dicitur fuisse illi familiare. Alias necesse erit fateri Petro familiarem fuisse negationem Christi, quia ter Christum negavit. Similiter Paulo familiare fuisse cædi virgis & naufragium pati, quia ter virgis cæsus & naufragium passus legitur. Quæ omnia absurda sunt.

5. Denique, quod annectis, *benedictionem panis, ex communi consuetudine, non ex peculiari aliquo consilio, fuisse à Christo usurpatam, sine dubio falsum est*. Vel enim loqueris de illa sola benedictione panis, cuius sit mentio in Evangelio, vel de omni. Illud prius dici non potest, quia certum est triplicem illam benedictionem, cuius sit mentio in Evangelio, factam esse ex peculiari concilio. Quis enim negat, Christum ex peculiari concilio benedixisse panem in solitudine, quando aliquot millia hominum faciauit? in cœna vltima, quando sacramentum instituit? in Emaus, quando discipulorum oculos aperuit? Hinc colligo, nec posterius dici posse. Non enim potest generatim verum esse de omni benedictione, quod speciatim falsum est de aliqua: at iam ostendi falsum esse de triplici benedictione Evangelica, quod non sit facta ex peculiari aliquo concilio. Ergo etiam falsum est benedictione generatim sumpta.

CAPVT VI.

An Paulus in tertio Celo audierit verba institutionis Eucharistiae?

HOctu affirmas Balduine, pag. 28. cum ais; *D. Paulus verba institutionis in tertio celo reperta & declarata audierit.* Vis hoc dicere, verba institutionis, quae in vltima cena coram aliis Apost. primum prolata sunt, eadem in tertio celo coram Paulo, (qui in vltima cena non fuerat,) repetita esse & secundum legitimum sensum explicata. Sed vnde hoc habes, mi homo? Scribit quidem Paulus de seipso. 1. Corinth. 11. 23. *Ego enim accepi à Domino, quod & tradidi vobis.* Sed non addit, se accepisse in tertio celo. Nec verisimile est, triplici de causa. Primo, quia quae audiuit in tertio celo, erant arcana verba, quae non licet homini loqui, ut ipse de se fatetur. 2. Corinth. 12. 4. *Raptus est in paradysum, & audiuisti arcana verba, quae non licet homini loqui.* At verba institutionis Eucharistiae non sunt arcana, quae non licet homini loqui. Ergo verba institutionis Eucharistiae, verisimile est, non audiuisset in tertio celo.

2. Sed multo efficacius id conuincio ex his principiis. Primum est, quod raptus Pauli in tertium celum contigerit multis annis post conversionem. Nam conversio eius (in via prope Damascum) facta est anno Domini 35. Raptus autem contigit 14. annis ante scriptam posteriorem epistolam ad Corinthios, ut ipse fatetur 2. Corinth. 12. 2. his verbis. *Scio h. minime in Christo ante annos 14. raptum usque ad tertium celum.* Porro epistola illa scripta est anno Domini 58. Vnde necesse est raptum contigisse anno 44. ac proinde inter conversionem & raptum plusquam octennium intercessisse. Videri potest Bar. tom. 1. Annalium, Serarius in Paulo, & alij, qui hanc rem diligenter examinarunt. Alterum principium est, quod Paulus statim post conversionem cepit Euangelium Christi praedicare, ut patet Act. 9. 20. vbi statim post conversionem, ingressus in Synagogas, praedicabat Iesum, quoniam hic est filius Dei: Et confundebat Iudaeos, qui habitant Damasci. Tertium est, quod Euangelium Christi, quod statim post conversionem cepit praedicare, non dedicerit ab hominibus, sed ab ipso Christo. ut patet ex illo, ad Galat. 1. 11. *Notum vobis facio Euangelium, quod euangelizatum est à me, quia non secundum hominem: neque enim ego ab homine accepi illud, sed per revelationem Iesu Christi.* Quartum est, quod institutio Baptismi & Eucharistiae, pertineat ad Euangelium Christi, ac proinde nemo possit perfecte praedicare Euangelium Christi, nisi sufficienter instructus sit de institutione Baptismi & Eucharistiae, Cum enim sint Sacramenta nouae legis, seu Euangelij, eorum notitia necessaria est ad plenam notitiam nouae legis & Euangelij.

3. Ex his principiis sic concludo, Paulus statim post conversionem (quae octenio praecesserint raptum ipsius ad tertium celum) missus fuit ad praedicandum Christi Euangelium, & sine dubio sufficienter instructus, de iis quae ad illud minus requirebantur: atque notitia institutionis Eucharistiae requirebatur ad munus praedicandi Euangelium Christi. Ergo de illa fuit sufficienter instructus statim post conversionem. Ergo in raptu, qui octennio post contigit, non didicit verba institutionis, sed multo ante perspecta habuit.

4. Hoc ipsum euidenter colligitur ex illo ad Galat.

A 1. 15. *Cum autem placuit ei, qui vocauit me per gratiam suam, ut reuelaret filium suum in me, ut euangelizarem illum in Gentibus, continuo non acquieui carni, & sanguini, neque veni Ierosolymam ad antecessores meos Apostolos, sed abi in Arabiam, & iterum reuersus sum Tamascom.* Hic enim tria insinuantur, quae ad rem nostram faciunt. 1. quod in prima conuersione, quae contigit in via prope Damalcum, reuelatus sit illi filius Dei. 2. quod in eum finem reuelatus sit, ut euangelizaret eum in Gentibus. 3. quod statim profectus sit in Arabiam, ut praestaret quod ipsi iniunctum erat. At cur non potius iuit Hierosolymam ad Petrum & Iacobum, ut ab eis instrueretur, & Iudaeis, qui carne & sanguine coniuncti illi erant Christum annuntiaret. Causa in promptu est, tum quia maiori instructione non indigebat, cum à Christo sufficienter esset edoctus, tum quia Christus non miserat illum ut Iudaeis, sed ut Gentibus Euangelium annuntiaret. Sic enim de illo loquitur ad Ananiam. Act. 9. 15. *Vas electio- nis est mihi iste, ut portet nomen meum coram Gentibus.* Et ipse de seipso ad Galat. 1. 7. *Crediditum est mihi Euangelium praeputij sicut Petro circumcissionis. Qui enim operatus est Petro in Apostolatum circumcissionis, operatus est & mihi inter Gentes.*

5. Accedit tertium argumentum, quia alij Apostoli, qui vltimae cenae praesentes interfuerant, non minus sciebant verba institutionis Eucharistiae, quam Paulus qui praesens non interfuit, sed postea audiuit. At ea quae in tertio celo reuelata sunt Paulo, non erant eque aliis Apostolis perfecta. Ergo inter ea non sunt numeranda verba institutionis. Minor probatur, quia Paulus 2. Corinth. 11. & 12. conferens se cum aliis Apostolis, disertè ait in plerisque se non esse illis inferiorem. *Existimo, inquit, nihil me minus fecisse à magnis Apostolis.* In multis etiam superiorum, praesertim in revelationibus, quae in tertio celo illi acciderunt. At quomodo in iis superior esset, si de institutione Eucharistiae duntaxat, & similibus rebus fuisset ibi instructus? Haec pauca habui, Balduine, quae tibi opponerem. Tu, si quid validius occurrat, vicissim regere, si videbitur.

CAPVT VII.

An Patres agnouerint Transubstantiationem?

TV negas, pag. 65. his verbis; *Quod autem con- uersionis aut mutationis aliquando meminerunt Patres, non intellexerunt Transubstantiationem, qualis in Papatu docetur, sed mutationem sacramentalem, quae elementa externae (panis & vinum) à communi & vulgari usu ad usum mysticum & sacramentalem consecrantur.*

E 1. Duo hic dicis, ut video. 1. quod Patres, quando loquuntur de mutatione seu conuersione, quae fit in Eucharistia, non intelligant talem mutationem, qualis in Papatu docetur. 2. quod intelligant talem, qualis in Lutheranismò defenditur. Mutatio autem, quae in Papatu docetur, consistit in reali & substantiali conuersione, quia substantia seu natura panis mutatur in substantiam seu naturam carnis Christi. Atque apud Lutheranos defenditur, in eo solum consistit, quod panis, retinens substantiam & naturam panis, à communi & vulgari usu transferatur ad usum mysticum & sacramentalem, sicut olim in antiquo Testamento, panis propositionis retinebant quidem



ait Cyril. qui videtur panis non est panis sed corpus Christi. 7. Audiamus & alios. Cyprianus sermone de cœna Domini; Panis iste, inquit, non effigie, sed naturam tantum, Omnipotens verbi factus est caro. Quid clarius? Panis, inquit, mutatus est. Qua vi & virtute? Omnipotentia verbi. Et quomodo mutatus? non effigie, sed natura. Et in quid mutatus? in carnem Christi. Factus est, inquit caro. Longè hæc distant à mutatione, quam Lutherani agnoscunt: ab illa, inquam, mutatione, qua non aliud fit, quam quod panis, qui antea communimense serviebat, nunc ad sacram deputatus sit. Ad hoc enim non requiritur Omnipotentia verbi; non mutatio naturæ; non conversio in carnem Christi.

8. Hilarius lib. 8. de Trinitate; De veritate carnis & sanguinis non est relinquitur ambigendi locus. Nunc enim & ipsius Domini professione, & fidei vestra vere caro est, & vere sanguis est: & hæc accepta atque hausta id efficiunt, ut & nos in Christo, & Christus in nobis sit. Hic explicat Hilarius terminum illius mutationis, quæ fit in Sacramento Eucharistiæ. Nec alium agnoscit, quam verè carnem, & verè sanguinem. Quod brevissimè dixit Gregorius Nyssenus orat. catechetica cap. 37. Recte nunc quoque credo Dei verbo sanctificationem panem, in Dei verbi corpus transmutari. Et hæc ipsa transmutatio est, quam nos Catholici profitemur.

9. Pluribus testimoniis opus non est. Nam ea, quæ adduxi, tam clara & perspicua sunt, ut non nisi ab homine pertinaci ac impudente, eludi non possint. Nec tu aliter Balduino, affirmare ausis, sat scio.

CAPVT VIII.

An Ministri debeant tantum porrigere, non autem sumere Eucharistiam?

1. Hoc tu asseris Balduino; Et nescio, an ullus ante te unquam. Sic enim scribis p. 261. Ministri iubentur facere, quod Christus fecit. Christus autem non edidit consecratum panem (hoc enim apud nullum Evangelistam legitur) sed distribuit panem & calicem omnibus suis communicantibus. Idem ergo & discipuli facere iubentur, nimirum non edere panem consecratum, & bibere de calice benedicto, sed aliis utramque speciem communicare.

2. Verè dictum est, nihil esse tam abiurdum, quod non inueniat authorem. An non absurdum est asserere, Apostolos & alios ministros, Apostolorum successores, iussos esse à Christo non sumere Eucharistiam, sed aliis duntaxat ministrare? Et tu tamen hoc asseris. Sed & illud verè dictum est, oportere mendacem sui memorem esse. Hic peccasti, Balduino. Nam pag. 274. nihil de tuo mendacio cogitans, teipsum mendacij arguis, cum ais; Scimus utique, Apostolis multa esse dicta, præsertim quæ munus ipsorum concernunt, quæ ad alios applicari non possunt. Integra tamen, & hoc verum est, unam esse apud Deum rationem salutis ac iustificationis nostræ, eandem etiam media atque organa, eundem modum, tam quoad Apostolos, quam quoad fideles. Idcirco quomodo omnibus vigilantia atque cura opus est, ne à diabolo circumuenti, gratia Dei fide & salute excidant: ita omnibus aequè isdem modis opus est, quibus in fide confirmari; in pugna contra diabolum animari, & ad salutem conferuari queant: inter quæ media non postremum est Eucharistia sacramentum. Quam ob causam non malè dictum illud. Quod vobis dico, omnibus dico, ad negotium sacramenti accommodatur.

Opusc. Bec.

3. Quomodo poteras apertius teipsum iugulare? Antea sic raciocinabaris Apostoli & alij Ministri iubentur facere, quod Christus fecit: at Christus non sumpsit Eucharistiam, sed tantum aliis porrexit. Ergo Apostoli & alij ministri iubentur non sumere Eucharistiam, sed aliis duntaxat porrigere. Hic autem tu planè immemor sic concludis, Media salutis sunt omnibus æquè necessaria, tam Apostolis, quam aliis: ita qui inter media salutis, præcipuum est Sacramentum Eucharistiæ: Ergo Sacramentum Eucharistiæ omnibus tam Apostolis, quam aliis, æquè necessarium est. Quomodo hæc conclusio cohereticum priori? Hic colligis sacramentum Eucharistiæ omnibus æquè necessarium esse, etiam Apostolis & Ministris. Ibi contra, Apostolos & Ministros, iussu Christi, arceri à perceptione Eucharistiæ. Abi cum tuis ineptiis.

CAPVT IX.

An Christus porrexit Eucharistiam ante, an post lotionem pedum?

1. Hic etiam novi aliquid sedatus es. Forte, ut verè sedarius haberi possis. Sic enim habes p. 309. Scribit Becanus, Christum distribuisse Eucharistiam, lotis prius pedibus, quod falsum est: aliàs sequeretur, Iudam Iscariotem non interfuisse sacramenta, qui post lotionem pedum, accepta ossa egressus scribitur, Ioan. 13. Dicitur Lucam autem testatur, cum Christus sacramentum Cœnæ instituit, manum proditoris sui cum ipso fuisse inmensa.

2. Ergo ex tua sententia, Christus lauit pedes Apostolorum post cœnam Eucharisticam, quod sic probas: Iudas interfuit cœnæ Eucharisticæ: At non interfuisset, si celebrata esset post lotionem pedum, quia post lotionem; accepta ossa, egressus est. Miror tuam subtilitatem. Demus hoc, Iudam interfuisse. Demus etiam, post lotionem pedum, accepta ossa (ut tu loqueris) egressum esse. An hinc sequitur, statim post lotionem, nulla mora interposita, egressum esse; Neque tu affirmare hoc ausis. Nam si inter lotionem pedum, & egressum Iudæ, nihil moræ fuisset interpositum, quomodo ossam accepisset post lotionem, ante egressum? Aut si tantum erat temporis interiectum, ut ossam sumeret: cur non etiam, ut Eucharistiam sumeret?

3. Sed clarius tecum agam. In vltima illa cœna, de qua agimus, multa contigerunt. 1. facta est cœna legalis in qua agnus Paschalis comestus est. 2. cœna communis, in qua vltati cibi appositum. 3. cœna Eucharistica, in qua corpus & sanguis Christi porrectus. 4. lotio pedum. 5. discessio Iudæ. 6. concio Christi, quæ apud Ioannem describitur. Nunc quaestio est, quo ordine hæc omnia gesta sint? quam video à doctissimis viris diligentissimè excussam esse. Sunt autem quæ potissimum sententia. Vna statuit hunc ordinem, ut in loco fuerit cœna legalis. 2. lotio pedum. 3. institutio Sacramenti. 4. cœna communis, in qua Christus dedit Iudæ buccellam panis. 5. discessio Iudæ. 6. concio Christi. Altera hunc statuit, ut 1. fuerit cœna legalis. 2. cœna communis. 3. lotio pedum. 4. institutum Sacramenti. 5. discessio Iudæ. 6. Concio Christi. Vtræque ut magnos authores, ita magna argumenta habet. Nolim ergo hic de toto ordine disputare: solum de lotionem & institutionem Eucharistiæ inter nos contentio est. Et quidem si alterutram illam sententiarum sequamur, res salua est. Ambæ enim lotionem pedum

1. Hic primum consentis cum Beato abstemio posse sub vna specie communicare. Nunc velim solvas mihi hoc dilemma: Vel iure diuino prohibitum est communicare sub vna specie, vel non est. Si prohibitum est: cur permittitur abstemio? Si non est, cur reliquis negatur? Aut sane illud: Vsurpago vnius speciei sine altera, vel est reuera sacrilegium & mutilatio sacramenti, vel non est. Si est, cur permittitur abstemio? Si non est, cur negatur aliis?

3. Præfers tamen concilium Lutheri, vt abstemij integrè abstinere. Causam addis, quia possunt per fidem potiri fructu sacramenti. Porro fructus huius Sacramenti secundum te duplex est, alter augere fidem: alter nutrire corpus. Si ergo abstemij in Sacramento possunt vtrumque fructum percipere per fidem: necessè est fidem ipsorum, quam habent, præstare hunc duplicem effectum. 1. vt augeat seipsam. 2. vt nutriat corpus. At vbi docet hoc scriptura? au vnde habes hanc doctrinam? Deinde, si ita est, quæ potest esse necessitas huius Sacramenti? Ceteri fideles non sunt deterioris conditionis, quam abstemij. Si ergo abstemij sine Sacramento possunt omnia habere, quæ alij per Sacramentum habent; quid opus est vni: pare Sacramento? Es si abstemij consolatur se Baptismo suo, quæ est stipulatio bonæ conscientie cum Deo, cur non alij eodem modo se consolentur? aut quid vltius quærent, præter stipulationem bonæ conscientie cum Deo?

4. Hic reuocas mihi in mentem, quod supra ad initium notavi. Hoc inquam, quod solitus sis, cum argumentis Catholicorum virgeri te putas prouocare ad conscientias tenerorum: & identidem illud occinere; *Sine vtraque specie, non satisfi tenerorum conscientie.* Quomodo, mi Balduine, non satisfi? an non dixisti iam, Baptismum esse stipulationem bonæ conscientie cum Deo? Solum Baptismum iustificare ad consolandas & tranquillandas coram Deo conscientias? Si sufficit, quid opus est vtraque specie, aut quis scrupulus conscientie reliquus esse potest, si per Baptismum, stipulationem bonæ conscientie cum Deo, nactus es? Collige te melius.

EPILOGVS.

Hæc habui, Balduine, quæ breuiter ac amice non tam l'ceptare, quam conferre rectum valui per epistolam. Accipies, opinor, in bonam partem. & non mea sponte, sed tuo potius impulsu, factum à me esse, interpretaberis. Egissem forte prouocare, sed quod initio monui, temporis angustia non patitur. Vix biduum absumus à Nundinis: & iam properas Typographus ad mercatum. Et probe tibi conscius es libellum tuum (cui respondere) vix lucem aspexisse, & cerè iam primum ad hæc Nundina proditurum. Igitur aut festinandum mihi fuit, aut responsio differenda. Hoc nolui, illud arripui. Quod autem in hac ipsa festinatione, parcius forte, quam argumentatio postulabat, de communione sub vtraque specie differacrim, minime mirum est. Nam quæ alias à me de hoc argumento disputata sunt non videntur mihi. Notis magno periculis labefacta esse, a prauide noua defensione non egent. Unum superest, Balduine. Aegre tulisti (vt colligo ex tuo libello) quod in disputatione, Lutheranos cum Calvinistis coniunxerim, quasi indignum ac probrosum sit bonos viros inter improbos annumerari. Ea porro me id fecisse. Nego eo consilio fecisse, quod tu inter, & tuis, quasi sub exilio, vni loqueris, Calvinistarum nomine Lutheranos diffamare conatus sim. Non ita est. Ideo feci, quia in hoc puncto de Communionis sub vtraque specie, conspirant Lutherani cum Calvinistis. Alias, non vni sane f. Et tunc. Scio enim, & tam palam ob Christum annotum est, vos extreme detestari Calvinistas. Et cum ita sis Balduine cur illis præmissis, Opuic. Rec.

A melacessere voluisti? Si prius pugnandus tibi est, res expugnare, si pates. Et cerè potes, si vis. Monstra illorum dogmata sunt, quæ debellare non magni laboris sit. In eo certamine dinceps te exerce. Si tamen nolis, & nil in mole, nullo peras (quod tibi integrè relinquo) à me vicissim plagam expectare oportebit. Valem Balduine, & ad vtriusque seminarium regredere: quod tibi, tamen erroribus anticipatis implicitus sis difficile futurum non existimo, si diuina gratia opem ac subsidium sedulo imploraueris. Moguntia ex Archiepiscopali Collegio nostro, 2. Aprilis, Anno 1610.



OPUSCULUM VIII. SERENISSIMI IACOBI ANGLIAE REGIS,

APOLOGIÆ ET MONITORIÆ
Præfationis ad Imperatorem,
Reges & Principes,

REFUTATIO.

IMPERATORI, REGIBUS,
& Principibus
Christianis,

Martinus Becanus.

Liceat mihi, inuictissime Imperatori, Serenissimi Reges, Illustrissimi Principes: liceat mihi, inquam, priuato homini, vos Christiani orbis Heroës, paucis interpellare. pondeo non fore me importunum. Prodiit, non ita pridem, Serenissimi Regis Angliæ Apologia cum monitoria Præfatione, Vestro Sacratissimo Nomini inscripta, & dedicata. In ea, duo potissimum persuadere conatur Rex, Vnus, vt abiurata Romani Pontificis auctoritate, Vos ipsi in vestris Imperiis, regnis & prouinciis, Ecclesiæ Primatum usurpetis. Alterum, vt deseratis fidem ac religionem, in qua nati & educati estis, aliam, in qua ipse en, amplectamini. De prudentia, qua id facit, non disputo. De euentu cerè quem ipse sperat ausim polliceri, frustra illum laborare, Vosne ea ætate, consilio, constantia, Viros Principes, tam facile permouendos, vt subito ad aliud vitæ ac seclæ institutum prouatis, verisimile sit? Vos, qui hætenus, Maiorum vestrorum exemplo Ecclesiæ Romanæ acerrimi Defensores, non sine immortalis Nominis vestri gloria, fuistis, mox vnius Regis quidem, sed tamen hominis impulsu, mutata sententia eandem oppugnaturus sperare quis

audeat? Absit. Nec mihi propositum est hortari Vos, ut in fide & officio persistatis. Sponte vestra facturi id estis. Hoc tantum agam ut omnes intelligant, rectene, ansecus de Primatu Ecclesie sentiat Serenissimus Rex. Quæso pro vestra Clementia, æqui bonique laborem hunc meum consulite.

LECTORI.

 Christiane Lector, Serenissimus Anglia Rex (quod vere, sed verecunde dico) apertum indicium bellum Pontifici & Ecclesie. Ego, tametsi Rex a Maiestati impar (impar, inquam, dignitate, non causa) hanc iniuriam propulsatum eo. Non tamen mea sponte. Qui ausum, tam parvis viribus? Autoritate, exemplo, ratione impulsus sum, ut velim. Excitarunt me viri magni, & oram, & perliteras. Eorum hortatu rem tantam aggredi ausus sum. Nec sine exemplo. Olim contra Iulianum Imperatorem Gregorius Nazianzen. & Cyril. Alexandrinus, contra Constantium, Hilarius & Lucifer Calaritanus, magno Catholicorum bono se opposuerunt. Cur modo, in simili causa, contra Regem Jacobum, non liceat? Immo necesse est. Quid enim? Ecclesia, fidelium Mater aperto Marte impetitur Hostis potentissimus est. Reges & principes in belli societatem sollicitantur. Subditi perplexi sunt. Ingens omnino periculum est. Nos interea otiosi ac ignavi Spectatores visum? Dedecus sit. Arma spiritualia corripienda sunt. Ecclesie succurrendum: Religio conservanda. Atque utinam multi sint, qui Zelo divino excitati id faciant. Ego, quod potero, conferre paratus sum. Tu benevole Lector, hanc ut interpretaris, velim.

SERENISSIMI
IACOBI ANGLIAE
REGIS,

Apologia, & monitoria Prefationis ad Imperatorem, Reges & Principes,

REFUTATIO.

Multa sunt in libro Serenissimi Regis (siue ipse, siue alius quis author sit) quæ merito refutari possunt. Ego pauca ex iis teligam, ac ea potissimum, quæ vel planè nova, vel certe non admodum protrita sunt. A reliquis, quæ sæpe in disceptationem venerunt, lubens abstinere. Erunt autem duæ partes refutationis: quarum priori discutienda hæc controuersia: *An Rex Anglia in suo regno, iure usurpet sibi Primatum Ecclesie, necne?* Ipse affirmat. Ego contrarium ostendam. Utar autem hac methodo.

1. *An Rex iure naturali habeat Primatum Ecclesie?*
2. *An iure diuino Veteris Testamenti?*
3. *An iure diuino Novi Testamenti?*
4. *An iure Civili vel Canonico?*
5. *An consensu doctorum hominum?*
6. *An iure prescriptionis?*
7. *An secundum principia sua doctrina?*
8. *Si non habet Primatum Ecclesie, quod ergo officium illius circa Ecclesiam sit?*

Posteriori parte refutationis, refellam breuiter aliquot Paradoxa, seu falsa dogmata, quæ passim reperio in libro Serenissimi Regis; & quatenus fortasse, à nemine ex professo refutata sunt, ac præsertim de his capitibus.

1. *De Vicario Christi.*
2. *De Vicario Dei.*
3. *De statu Henoch & Helia.*
4. *De morte Henoch & Helia.*
5. *De duobus Testibus Apoc. 11.*
6. *De B. Virgine Maria.*
7. *De fundamento fidei.*
8. *De Concilio Generali convocando.*

His duabus partibus, perficietur tota Refutatio, in qua, & breuitatem secabor, ne molestus sim, & modestiam, ne offendam. Cur autem nihil addam, vel de Antichristo, de quo tamen copiosè disputat Serenissimus Rex, vel de iuramento fidelitatis, propter quod omnis controuersia nata est nemo mirari debet. Vix dubito, quin Reuerendiss. & Illustriss. Cardinalis Bellarminus de hoc posteriori puncto acturus sit: & quidem suo more, tam solidè ac neruose, ut nihil opus sit, alios in eodem argumento operam ponere. Antichristum verò triplici de causa non attingo. Primo, quia iam ante de illo tractavi in libello, qui inscribitur, *Disputatio de Antichristo reformato*. Secundò, quia in hoc genere nihil fere præter coniecturas à Rege: nihil præter mædacia ab aliis adferri video. Tertio, quia tanta est inter ipsos dissensio, ut se potius conficiant, quam nos. Hoc facile ostendam in solis Anglicanis scriptoribus. Gabriel Pouelus Oxoniensis Baccalaureus in suo tract. de Antichristo sanctè affirmat, hanc propositionem, *Papa est Antichristus*, esse articulum fidei. Verba eius sunt hæc: *Deum sancto testor, me tam certo scire Pontificem Romanum esse magnum illum Antichristum, quàm Deum ipsum esse in celo Creatorem visibilibus, & inuisibilibus, & Iesum Christum esse verum Messiam.* At hoc negat Rex Angliæ. Tamet si enim, non semel dicat, Papam esse Antichristum, non tamen vult adeo certum & exploratum id esse, ut pro articulo fidei habendus sit, sed pro sola coniectura. Sic enim habet in monitoria Prefatione: *Sane, quod ad definitionem Antichristi, nolo rem tam obscuram & involutam tanquam omnibus Christianis ad credendum necessariam, vixisse.* (Quod sine dubio faceret Baccalaureus, si Rex esset.) Et iterum, *Id autem mihi maxime in votis est, ut si cui hanc meam de Antichristo coniecturam libebit refellere, singulis disputationis meæ paribus ordine respondeat.* Coniecturam vocat, non articulum fidei. Nisi fortè hæc duo in Anglia pro synonymis sint. Imò quod amplius est, ingenuè fatetur, se tanti facere Pontificem Romanum, ut ipsi potius, quàm ulli alteri Episcopo daturus esset suffragium, si de Primatu inter ipsos ageretur. Quod si in eo, inquit, *questio adhuc verteretur, meo libens suffragio primum locum Episcopo Romano deferrem: Ego Occidentalis Rex Occidentali Patriarchæ adhererem.* Quomodo ergo potest illum agnoscere pro Antichristo? Iam Sacellanus Regis non minus honorificè de eo sentit. Nimirum, concedit illi potestatem excommunicandi Reges. Aliud, inquit, est privare Regem bonis Ecclesie communibus, quod facit sententia, & potest forte Pontifex: aliud privare bono proprio, id est, regno suo, quod non facit sententia, nec potest Pontifex. Addit quidem particulam, forte, sed inde satis colligitur, quod non credat esse articulum fidei, *Papam esse Antichristum.*

Propter has igitur causas, nihil de Antichristo, nihil de iuramento fidelitatis tractare volui. Porro duas illas partes refutationis, quas paulo ante proposui, ea breuitate & modestia, qua potero, iam aggressurus sum:

idque ad maiorem Dei gloriam; & Ecclesiæ Christi A
edificationem.

Prima pars refutationis,

DE PRIMATV REGIS
ANGLIÆ.



Erenissimus ac potentissimus Rex Angliæ Jacobus in sua *Apologia pro iuramento fidelitatis*, & in *monitoria Prefatione* Ad Imperatorem, Reges & Principes, conatur ostendere se in Angliæ, & vnumquemque Regem in suo Regno, esse caput seu Primum Ecclesiæ. Episcopos & Pontificem, non modò in temporalibus, sed etiam in Ecclesiasticis rebus, inferiores esse Rege ac Principe seculari. Hunc Regis Primatum confirmat Sacellanus ipsius in lib. qui inscribitur *Tortura Terri*: Iure, an iniuria, deinceps inquirendum est.

2. Sed ne confusio oriatur, status controuersie prius explicandus, & certa ab incertis secernenda sunt. Ac primò, non disceptamus de primatu in temporalibus. Illum quisque Rex in suo regno legitime habeat. De Primatu Ecclesiæ, seu de potestate Ecclesiastica totalis est. Solet autem distinguere triplex potestas Ecclesiastica. Vna ordinis, altera iurisdictionis interioris, tertia iurisd. exterioris. 1. refertur ad Sacramenta conficienda, & ministranda. 2. ad regendum populum Christianum in foro conscientie. 3. ad eundem populum regendum in foro exteriori. Igitur ad potestatem ordinis spectat baptismum & sacros ordines conferre, Eucharistiam conficere & ministrare, Chrisma & oleum infirmorum benedicere. Ad potestatem iurisdictionis interioris, ius dicere in foro conscientie, id est, absolueret vel ligare. Ad potestatem iurisdictionis exterioris, Synodum conuocare & in ea præsidere, constitutiones condere, causas audire & cognoscere, controuersias dirimere, beneficia conferre, ministros ecclesiæ constituere, delinquentes excommunicare. Vno verbo; omnium causarum & controuersiarum, quæ ad fidem & religionem pertinent, Iudicem agere.

3. Quando ergo queritur, an Rex Angliæ in suo regno habeat Primatum Ecclesiæ, debet sic intelligi, an habeat triplicem illam potestatem excellentiori modo quam Episcopi & Pontifex? Vel, quod idem est, an in triplici illa potestate, supra Episcopos & Pontificem collocandus sit.

4. Duo certa sunt; vnum in controuersia. Primò, certum est, Regem non vindicare sibi potestatem ordinis; & multo minus in ea superiorem esse Episcopis & Pontifici. Non enim ordinatus & consecratus est ad Sacramenta conficienda & ministranda, ut per se constat. Ne in hoc genere supra Episcopos & Pontificem collocari vult. Nolit enim quod in simili causa dictum sit Oziæ Regi, 2. Paralip. 26. 18. *Non est tui officij Ozia, ut adoleas incensum Domino, sed Sacerdotum, qui consecrati sunt ad huiusmodi ministerium.*

5. Secundò, æquè certum est, non habere potestatem iurisdictionis interioris, quæ in absolueret & ligando consistit. Non enim Regibus, sed Apostolis & Sacerdotibus dictum est. *Accipite Spiritum sanctum: quorum remiseritis peccata, remissa sunt eis, & quorum retinueritis, retenta sunt.*

Opusc. Bee.

6. Tota ergo controuersia versatur circa potestatem iurisdictionis exterioris, an eam Rex habeat in suo regno, & quidem supra Episcopos & Pontificem? id est, an Rex sit supremus Iudex Ecclesiasticus, qui sua autoritate à nullo alio in terris dependente possit conuocare Synodos, eis præsidere, controuersias circa fidem & religionem dirimere, beneficia conferre, Episcopos constituere & deponere, & similes actus religionis exercere? Hoc enim est, habere Primatum in Ecclesia, quoad gubernationem exteriorem. Ut autem distinctè examinetur hæc questio, hoc ordine procedendum est.

1. *An Rex iure naturali habeat Primatum Ecclesiæ?*
2. *An iure diuino veteris Testamenti?*
3. *An iure diuino noui Testamenti?*
4. *An iure civili vel canonico?*
5. *An consensu doctorum hominum?*
6. *An titulo prescriptionis?*
7. *An secundum principia sua doctrina?*
8. *Si Rex non habet Primatum Ecclesiæ, quodnam illius officium circa Ecclesiam sit?*

CAPVT I.

An Rex iure naturali habeat Primatum Ecclesiæ?

1. **N**E ipse quidem auct hoc affirmare. Et ratio est euidens. Nam status politicus seu civilis ex natura rei habet distinctum tribunal & iudicium? Ergo iure naturali necesse non est, ut qui præest vni, præsit etiam alteri. Ergo Rex ex eo præcisè, quia iurisdictionem habet in tribunali politico, non habet etiam ex natura rei in Ecclesiastico. Sicut vicissim Episcopus qui habet iurisdictionem in foro Ecclesiastico non habet ex natura rei in temporali. Nihil certius. Ut tamen res melius explicetur, adiungendæ sunt duæ conclusiones.

2. *Prior conclusio.* In Republica Christiana, duplex est potestas publica. Vna temporalis seu politica; altera spiritalis, seu Ecclesiastica. Ratio est, quia duplex finis Christiano homini propositus est, ad quem debet perungere. Vnus naturalis, qui est pax & tranquillitas Reipublicæ. Alter supernaturalis, qui est æterna beatitudo. Ad hos fines debet peruenire per diuersa media, quæ sint illis proportionata. Huiusmodi autem media inuenire & præscribere communitati, non est cuiusvis, sed eius, qui supra alios potestatem habet. Itaque duplex debet esse potestas publica, vna temporalis seu politica, quæ præscribat media necessaria ad finem naturalem; altera Ecclesiastica seu spiritalis, quæ præscribat media necessaria ad finem supernaturalem. Loquor autem de potestate publica, ut excludam priuatum, qualis est parentum in filios: Virorum in uxores & dominorum in seruos.

3. *Posterior conclusio.* Hæ duæ potestates publicæ in multis differunt, ut facile ex dictis colligi potest. Primò, ex parte finis & mediorum; quia politica respicit finem & media naturalia, Ecclesiastica vero supernaturalia. Secundò, ex parte causæ efficientis, quia politica potest alicui tribui, vel immediatè à Deo, quo pacto tributa est Moysi, Iotæ, Sauli, David: vel à communitate, quo pacto tribuitur Regi Polonia, qui eligitur à Senatu: vel iure successionis, quo pacto in Hispania, Gallia, Anglia, filij succedunt parentibus in reg-

primine: vel iure belli, quo pacto Rex vnus regni, la-
cessitus à Rege alterius regni, potest iusto bello se
vendicare, & regnum illius inuadere. Secus est de po-
testate Ecclesiastica. Cum enim supernaturalis sit,
non potest tribui, nisi à solo Deo, præsertim si sermo
sit de suprema, de qua hic agimus. Tertio, differunt
ratione dignitatis. Nam Ecclesiastica nobilior & ex-
cellentior est quam politica. Vnde Innocentius 3. cap.
Solite, de Maiestate & obedientia, comparat has
duas potestates duobus luminaribus firmamenti, Soli
& Lunæ: Et dicit Ecclesiasticam esse luminare maius,
quod præstet diem spiritualiū; politicā luminare minus,
quod præstet noctem temporalium. Et hoc indicat Chri-
stus cum ait: *Regnum meum non est de hoc mundo*, quasi
dicat: Potestas seu iurisdictio temporalis est de hoc
mundo: at spirituales seu Ecclesiastica est de celo.
Ergo nobilior est. Et Chrysostomus homil. 3. de verbis
Ihs: *Hoc regnum illo maius est. Regia, qua hic sunt,
commissa sunt, Sacerdoti celestia.*

4. Ex dictis duo colligimus. Vnum est, quod hæ
dux potestates ex natura rei distinctæ sint, & ab in-
uicem separari possint. Nulla enim potest esse natu-
ralis connexio inter potestatem naturalem & super-
naturalem. Vnde si homo creatus esset à Deo in statu
pure naturæ, & ad solum finem naturalem (quod
heri potuit) nulla fuisset potestas supernaturalis seu
Ecclesiastica, qualis nunc est: ac proinde civilis seu po-
litica fuisset reipsa separata ab ecclesiastica. Nunc
etiam in statu gratiæ, in quo vtraque potestas locum
habet, vna fuit in Christo sine alia. Nam Christus
habuit Primatum in ecclesia, non tamen in Repu-
blica civilis & temporali: saltem quoad vsum.

5. Alterum est, quod hæ dux potestates, cum ex na-
tura rei distinctæ & separatae sint, non nisi iure diui-
no, vel humano coniungi possunt. Igitur deinceps
inquirendum est, an Rex Angliæ, qui titulo succes-
sionis habet supremam potestatem politicam in suo
regno, habet simul coniunctam potestatem eccle-
siasticam aliquo iure politico, siue diuino, siue hu-
mano.

CAPVT II.

An Rex habeat primatum Ecclesie iure diuino Veteris Testamenti?

1. **H**oc ipse omnino videtur velle. Sic enim ha-
bet in sua Apologia pagin. 155. *Sub veteri testa-
mento Reges haud dubio gubernatores erant Ecclesie intra fi-
nes suos: corruptelas purgare: abusus subtrahere: arcam
ad constitutionem quietis locum pr. duxere: arca deportanda ip-
si præstare: Templum edificare: adificatum dedica-
re: & sua presentia opus consecrationis cohonestare: li-
brum legis tenetis erigunt populo recitari fecerunt: fa-
dus inter Deum populumque reintegrarunt: confregit: ser-
pentem enecum, quamuis & d. ser. o Dei mandato erectum,
& Christum Dominum suo modo figurantem: idola omnia,
Deosque falsos exterminare: reformationes publicas in-
stituerunt, conuocatis eo fine & congregatis promiscue sacer-
dotibus & laicis: exaudierunt summum Pontificem,
aliumque in eius locum subrogauerunt. In summa, cum
ita moderati sunt, qua ad Ecclesiasticum regimen quo-
quomodo pertinet. Nec verò tui, & no. a erunt quibus insi-
gnia honoraria, ab his eorum actionibus discordant.
Pascuntur enim filij Altissimi, imò Dñ, & Vncti Do-
mini, in Dei sedes sedentes. Famuli Dei, imò Angeli*

A *Dei, facti iuxta cor Dei. Lumina Israël, Nutricij Ec-
clesie. Hucusque Rex.*

2. Ex quibus verbis constitui potest hoc argumen-
tum, Reges veteris Testamenti, iure diuino habe-
bant Primatum ecclesie: ergo & Reges noui Testa-
menti. Vel sic potius; Reges veteris Testamen-
ti, iure diuino habebant Primatum ecclesie: at
hoc ius non est abrogatum, sed adhuc manet.
Ergo eodem iure gaudent Reges noui Testamenti.
At duplex peccatum in hoc syllogismo committi-
tur. Nam & maior, & minor propositio falsa est.
Negamus, in veteri Testamento fuisse ius diuinum
de Primatu Regis in Ecclesia. Et, si fuisset; ne-
gamus adhuc durare, & non abrogatum esse. Verum
que breuiter explicandum est persequentes conclu-
siones.

3. *Prima conclusio.* Ius diuinum veteris Testa-
menti continetur lege Moysica. Sunt autem tri-
pliciæ præcepta legis Moysicæ, moralia, ceremo-
nialia, iudicialia; vt docet Diu. Thom. in 1. 2. q.
99. art. 2. & sequentibus. Et colligitur ex illo Deut.
5. 31. *Loquar tibi omnia mandata mea, & ceremonias, at-
que iudicia.* Et Deuter. 6. 1. *Hæc sunt præcepta, & ce-
remonia, atque iudicia, qua mandauit Dominus Deus
vester, vt docerem vos.* Et Rom. 7. 12. *Lex quidem san-
cta, & mandatum sanctum, & iustum, & bonum.* Vbi
Apostolus mandatum legis vocat sanctum, propter
ceremonialia: iustum, propter iudicialia: bonum,
propter moralia, vt explicat D. Thom. lococitato,
art. 4. Ratio huius conclusionis est, quia omnis
Respublica bene instituta, continet tria præcepto-
rum genera: quorum alia ad priuatos singulorum ci-
uium mores; alia ad publicam religionem, & cultum
Dei: alia ad communem politicam & temporalem gu-
bernationem pertinent.

4. *Secunda conclusio.* Præcepta moralia summam
continentur in decem præceptis Decalogi, vt docet
D. Thom. in 1. 2. q. 100. art. 3. et quidem tria prio-
ra respiciunt cultum diuinum, reliqua, iustitiam
cum proximo seruandam. Deus enim colitur tribus
modis 1. per fidelitatem, adhærendo soli vero Deo,
& non habendo Deos alienos. 2. per reuerentiam,
non assumendo nomen Dei in vanum. 3. per famula-
tum colendo sabbathum. Et ita constituantur tria pri-
ma præcepta Decalogi. Cum proximo autem serua-
tur iustitia, si & parentes honoremus, & alios non læ-
damus, neque ore, neque opere, neque corde. Et hæc
est summa reliquorum præceptorum Decalogi. Dices
in Decalogo habetur præceptum de sabbatho sanctifi-
cando, quod non est morale, sed ceremoniale. Res-
pondeo, est morale, quoad substantiam; ceremoniale,
quoad determinationem certi temporis. Nam ratio
naturalis dicitur, Deo deberi aliquem famulatum, cum
ipse sit Dominus omnium. Quando autem præstan-
dus sit illi famulatus, pendet ex libera ipsius deter-
minatione.

5. *Tercia conclusio.* Præcepta ceremonialia, quæ
prescribunt certas ceremonias pertinentes ad re-
ligionem, nihil aliud sunt, quam quædam deter-
minationes eorum præceptorum Decalogi, quæ
ad diuinum cultum referuntur, vt docet Diuus
Thomas, quæst. 101. art. 1. Vnde sequitur, tot es-
se genera præceptorum ceremonialium, quot sunt
genera eorum, quæ ad cultum diuinum pertinent.
Hæc autem sunt quatuor. 1. sacrificia, vt holocaustum,
hostia pacifica, & hostia pro peccato. 2. sacramen-
ta, partim communia omnibus, vt Circumcisio,
abus Agni paschalis, purificationes à quibusdam ex-
terioribus immunditiis, expiationes à peccatis, partim
propria Sacerdotibus, vt consecratio Sacerdotum,
abus panum propositionis & aliorum, quæ erant vti-

bus Sacerdotum deputata, ablutio manuum ac pedum & ratio pilorum.

3. Instrumenta diuini cultus, vt Tabernaculum, Templum, arca foderis, propitiatorium, candelabrum, mensa, duplex altare, vasa, vestes sacerdotales, & similia. 4. obseruantie legales, quibus ex decreto Dei, populus Iudæorum discernebatur ab aliis gentibus, vt certus vsus ciborum & vestium, ac solennitates festorum. Circa hæc quatuor rerum genera versantur præcepta ceremonialia.

6. *Quarta conclusio.* Præcepta iudicialia, quæ præscribunt certam formam conseruandi iustitiam inter homines, nihil aliud sunt, quàm determinationes quædam eorum præceptorum Decalogi, quæ ad iustitiam & politiam humanam conseruandam spectant, vt docet Diuus Thomas, q. 104. art. 1. Vnde etiam sequitur tot esse genera præceptorum iudicialium, quot sunt genera hominum, inter quos iustitia seruari debet. Ea autem sunt quadruplicia. Nam quædam præscribunt certum ordinem iustitiæ inter Principem & populum; quædam inter ipsos populares inter se: quædam inter populum & extraneos, quædam denique inter domesticos eiusdem familiæ, vt inter parentes & filios, inter maritum & vxorem, inter seruum & Dominum verbi gratia. Pro Principe dantur præcepta, quomodo creandus sit, & se genere debeat in officio. Pro popularibus, præcepta emptionis, venditionis, & aliorum contractuum. Circa extraneos, de bello gerendo, de susceptione peregrinorum & aduenarum. Denique circa domesticos, de seruis, de vxoribus, de filiis.

7. *Quinta Conclusio.* Inter hæc triplicia præcepta, triplex potissimum discrimen est. Primum, quod moralia per se contineantur in Decalogo: reliqua extra Decalogum. Alterum, quod moralia sint iuris naturalis; reliqua positiui. Tertium, quod moralia non sint abrogata à Christo, sed melius explicata, Mat. 5. At reliqua abrogata sunt iuxta illud Luc. 16. 16. *Lex & prophetæ usque ad Ioannem.* Et ad Gal. 3. 24. *Lex pedagagus noster fuit in Christo, vt ex fide iustificemur at ubi venit fides, iam non sumus sub pedagogo.* Et Hebr. 7. 12. *Translatio sacerdotii, necesse est, vt & legis translatio fiat.* Et infra v. 18. *Reprobatio sit præcedentis mandati, propter infirmitatem eius & inutilitatem: nihil enim ad perfectum adduxit lex.* Et ratio est, quia lex Mosaica fuit vmbra legis Euangelicæ, teste Apostolo, Coloss. 2. 16. & Hebr. 10. 1. At vmbra cessat, accedente lumine: Ergo veniente lege euangelica, necesse fuit abrogari Mosaicam.

8. Ex dictis sic concludo; Si Rex Angliæ, iure diuino veteris Testamenti habet Primatum Ecclesiæ; vel illud ius diuinum continetur in lege morali, vel in ceremoniali, vel in iudiciali. Certum est non contineri in morali. Nam moralis lex generatim comprehenditur decem præceptis Decalogi, vt dictum est. At in toto Decalogo nulla sit mentio Primatus Regis in Ecclesiâ. Ergo ius diuinum de primatu Ecclesiæ non potest fundari in lege morali. Sed neque in ceremoniali vel iudiciali fundari potest, duplici de causa. Primo, quia vtraque lex per Christum abrogata est: ergo tametsi Reges in veteri Testamento, iure diuino habuissent Primatum ecclesiæ; non tamen sequeretur, Reges in Nouo Testamento gaudere eodem iure, cum iam penitus abrogatum sit. Et hoc patet in similibus exemplis. Nam in veteri Testamento iure diuino statutum erat, vt esset vnum templum, in quo omnes adorarent; vt omnes sacerdotes & ministri Ecclesiæ assumerentur ex sola tribu Levi, vt eorum sacrificia essent cruenta ex animalibus, vt Iudices & reges eligerentur à Deo, non à populo. At hæc omnia iam abrogata sunt. Ergo quæ iure diuino statuta erant in veteri Testamento, non amplius eodem iure debent censerî statuta in Nouo Testamento, vnde sicut hæc consequentia non

A valet; Omnes ministri Ecclesiæ erant olim in eadem tribu: Et ergo & nunc ita fieri debet. Sic neque valet ista; Omnes Reges habebant olim primatum Ecclesiæ. Ergo etiam nunc habent.

9. Addo, numquam in veteri Testamento, diuino iure concessum fuisse Regibus primatum Ecclesiæ. Hoc si probauero, corrumpit totum fundamentum Regalis Hierarchiæ. Probo autem efficaciter tribus rationibus. Prima est, quia totum Ius, quod Deus disposuit circa Reges veteris Testamenti, habetur Deuter. 17. 14. his verbis; *Cum ingressus fueris terram, quam Dominus Deus tuus dabit tibi, & possederis eam & dixeris, Constituum super me Regem, sicut habent omnes per circuitum nationes, eum constitues, quem Dominus Deus tuus elegerit de numero fratrum tuorum. Non poteris alterius gentis hominem Regem facere, qui non sit frater tuus. Cumque fuerit constitutus, non multiplicabis sibi equos, nec reduces populum in Ægyptum, equitatus numero subleuatus, praesertim cum Dominus præceperit vobis, vt nequaquam amplius per eandem viam reuertamini. Non habebis vxoris plurimas quæ alliciant animum eius, neque argenti & auri immensa pondera. Postquam autem sederit in solio regni sui describer sibi Deuteronomium legis huius in volumine, accipiens exemplar à sacerdotibus Leuitica tribus, & habebit secum, legesque illud omnibus diebus vitæ suæ, vt discat timere Dominum Deum suum, & custodire verba & ceremonias eius, quæ in lege præcepta sunt. Nec eleuetur cor eius in superbiam super fratres suos, neque declinet in partem dexteram vel sinistram, vt longo tempore regnet ipse & filius eius super Israël.* Habes hic totam dispositionem iuris diuini circa Reges Veteris Testamenti. Atqui nulla sit mentio Primatus Ecclesiæ. Solum explicantur hæc paucæ conditiones. Prima, vt Rex eligatur à Deo. Secunda, vt ex populo Iudæorum, non ex gentibus assumatur. Tertia, vt non multiplicet equos, nec reducat populum in Ægyptum. Quarta, vt non habeat plurimas vxores, praesertim alienigenas quæ alliciant illum ad idololatriam, sicut accidit Salomoni. Quinta, vt non colligat immensas diuitias, quia ex illarum cupiditate solent reges ad tyrannidem declinare, & iustitiam derelinquere. Sexta, vt à sacerdotibus accipiat præcepta legis Moysæ; eaquæ describat, & diligenter obseruet. Cur autem à Sacerdotibus? quia illorum est iudicare, quæ circa legem & religionem sunt. Septima, vt moderate se gerat erga alios, & non eleuetur cor eius in superbiam super fratres suos. Multo minus supra sacerdotes, episcopos, & Pontifices. Octaua, vt sectetur iustitiam, & non declinet ad dextram vel sinistram, quod solet euenire vel ex fauore & acceptione personarum, vel ex spe lucri, & utilitatis, vel ex odio seu alia perversa affectione.

10. Ex his omnibus ita concludo; Quidquid de Regis electione, officio, & potestate statutum est iure diuino veteris Testamenti, hoc continetur in supradictis conditionibus. Atqui in illis nihil habetur de Primatu Regis in rebus ecclesiasticis: ergo primatus Regis in rebus ecclesiasticis non est de iure diuino veteris Testamenti.

11. Loquor autem de iure diuino, quia constat in veteri Testamento fuisse duplex ius Regum: Alterum diuinum, quod iam explicatum est. & de quo solo hic agimus: alterum vsurpatum seu tyrannicum, quod describitur 1. Reg. 8. 10. his verbis; *Dixit itaque Samuel omnia verba Domini ad populum, qui petierat à se Regem, & ait, hoc erit ius Regis qui imperaturus est vobis. Filios vestros tollet, & ponet in curribus suis, facietque sibi equites & praefores quadrigarum suarum, & constituet sibi tribunos & centuriones & aratres agrorum suorum, & messores segetum, & fabros armorum & currum suorum. Filias quoque vestras faciet sibi vnguentarias, & focarias & panificas. Agros quoque vestros, & vineas & olivæ optimas tollet & dabit seruis suis. Sed & segetes vestras & vinearum redditus addecimabit, vt det Eunuchis & famulis*

Missis. Servos etiam vestros & ancillas & iuvenes optimos & asinos auferet, & ponet in opere suo. Greges quoque vestros adducimabit, vosque eritis ei firmi. Et clamabitis in die illa in facie Regis vestri, quem elegistis vobis: & non exaudiet vos Dominus in die illa, quia petistis vobis Regem. His, inquam, verbis non describitur ius Regis, quod à Deo concessum est, sed quod à tyrannis solet usurpari, ut rectè docet Divus Thomas in 2. quæst. 105. art. 1. ad 5. & fatetur Calvinus libro 4. Institut. capite ultimo, §. 20. et de hoc iure loquitur Christus Matt. 20. 25. & Luc. 22. 25. Reges gentium dominantur eorum; vos autem non sic.

12. Hinc etiam patet, quare Samuel ægrè tulerit quod Iudæi petierint sibi Regem dari; quia nimirum petebant Regem, qui more Gentilium, non qui iure diuino, eos gubernaret, ut apertè colligitur ex illo 1. Regum 8. 4. *Congrega: ergo universi maiores natu Israël, venerunt ad Samuelem in Ramatha. Dixeruntque ei: Ecce, tu genuisti, & filij tui non ambulant in iustis: construe nobis Regem, ut iudicet nos, sicut & universa habent rationes; &c.* Hactenus prima ratio.

13. *Secunda est; Ipsimet Reges Veteris Testamenti ingenuè fassi sunt, se non habere primatum Ecclesiæ, sed sacerdotes: Ergo manifestum est, non ipsos, sed sacerdotes habuisse. Antecedens patet, quia Iosaphat Rex qui sanè fuit optimus, & officij sui minime ignarus, de Regis sacerdotis potestate sic ait. 2. Paralip. 19. 11. Amaria Sacerdos, & Pontifex vester, in his, quæ ad Deum pertinent, presidebit: Porro Zabadias filius Israël, qui est Dux in domo Iudæ, super ea opera erit, quæ ad Regis officium pertinent.* Quid clarius? Hæc duo hic opponuntur: Præsidere his, quæ ad Deum pertinent; Et præsidere his, quæ ad officium Regis pertinent. Illud prius convenit Sacerdoti seu Pontifici: hoc posterius, Vicario Regis. Atqui primatum habere in ecclesia, est vnum ex iis, quæ ad Deum pertinent: Ergo convenit Pontifici, non Regi, aut Vicario Regis.

14. *Tertia ratio. Ille censetur habere primatum Ecclesiæ à Deo, qui in rebus ad legem divinam & eius interpretationem pertinentibus constitutus est supremus Iudex, cui oporteat obedire, ut supra explicatum est: Atqui non Rex, sed Sacerdos constitutus est talis Iudex à Deo: ergo non Rex, sed Sacerdos habet Primatum Ecclesiæ à Deo. Minor patet ex illo Deuter. 17. 8. Si difficile & ambiguum apud te iudicium esse perspexeris inter causam & causam, & iudicium intra portas tuas videris verba varicari: surge & ascende ad locum quem elegerit Dominus iustitias, veniesque ad sacerdotes Levitici generis, & ad iudicem, qui fueris illo tempore, quaresque ab eis qui indicabunt tibi iudicij veritatem. Et facies quodcumque dixerint, qui presunt loco, quem elegerit Dominus, & docuerint te iuxta legem eius, sequerisque sententiam eorum, nec declinabis ad dexteram, neque ad sinistram. Qui autem superbiert, nolens obedire sacerdotis imperio, qui eo tempore ministrat Domino Deo suo, decreto Iudicis, morietur homo ille.* Hic tria notanda sunt. Primum, quod sermo sit de controuersis legalibus, quæ difficultatem habent, & in veramque partem ab inferioribus iudicibus trahuntur. Alterum, quod huiusmodi controuersie non ad Regem, sed ad summum sacerdotem, tanquam ad legitimum Iudicem deferendæ sint. Tertium, quod sub pœna mortis oporteat acquiescere sententiæ sacerdotis. At si Rex esset supra sacerdotem à Deo constitutus, non opus esset stare iudicio Sacerdotis, sed liceret ad Regem tanquam ad superiorem iudicem prouocare. At hoc non licet. Non ergo Rex, sed Sacerdos est supremus Iudex controuersiarum legalium à Deo constitutus.

15. Huc spectat illud Aggæi 2. 12. *Hæc dicit Dominus, Interroga Sacerdotem legem. Non Regem. Et*

Malach. 2. 7. *Labia Sacerdotis custodiam scientiam; & legem requirunt ex ore eius. Non ex ore Regis, sed Sacerdotis. Et quare? Causa mox additur, quia Angelus Domini exercituum est, quasi dicat, Sacerdos est nuncius seu interpret diuinæ voluntatis. Igitur à Sacerdote petendum est, quid Deus fieri à nobis, vel circa nos velit. Quod clarius explicatur Numer. 27. 21. Pro Iosue, si quid agendum erit, Eleazar Sacerdos consulat Dominum. Ad verbum eius egredietur & ingredietur ipse, & omnes filij Israël cum eo, & cetera multitudo. Eodem pertinet illud Levit. 10. 8. Dixit quoque Dominus ad Aaron: Vinum, & omne, quod inebriare potest, non bibetis tu, & filij tui, quando intrabitis in tabernaculum testimonij: ut habeatis scientiam discernendi inter sanctum & prophanum, inter pollutum & mundum: decernisque plures Israël omnia legitima mea. Hic vides, non Regum, sed Sacerdotum esse discernere inter sanctum & prophanum, & legem Dei docere ac interpretari. Vnde sicut Azarias pontifex ad Oziam Regem dixit Paralip. 26. 18. *Non est tui officij Ozia, ut adoleas incensum Domino, sed sacerdotum, qui consecrati sunt ad huiusmodi ministerium: sic etiam potuisset dicere; Non est tui officij Ozias ut discernas inter sanctum & prophanum, sed sacerdotum, qui ad hoc ministerium à Deo constituti sunt.* Et sequenter, *Non est tui officij Rex, ut gubernes Ecclesiam, sed sacerdotum, quibus iure diuino id commissum est.* Rursus sicut Ozias Rex, contra imperium Pontificis volens adolere incensum, lepra percussus est, sic etiam, qui vellet sibi arrogare primatum Ecclesiæ, eadem pœna haud indignus esset.*

16. Ostendi hactenus, Regem Angliæ nihil præsidij pro suo Primatu stabiliendo habere posse ex Veteri Testamento, duplici de causa. Primo, quia Reges in Veteri Testamento non habuerunt primatum Ecclesiæ iure diuino, sed sacerdotes, ut tribus rationibus iam probatum est. Secundò etiam si habuissent, non tamen lequeretur, etiam Christianos Reges habere, cum ius Veteris Testamenti abrogatum sit. Contra hanc posteriorem partem nihil opponit Rex Angliæ. Contra priorem verò multa obiicit, non ex iure, sed ex facto petita, ut supra vidimus, quæ sigillatim discutienda sunt.

1. Obiectio, ex facto Regis Iosaphat.

17. **R**educam omnes obiectiones Regis Angliæ ad formam syllogisticam, ut facilius earum vis appareat. Prima est hæc. Quicumque constituit Levitas & Sacerdotes in aliqua ciuitate, habet Primatum ecclesiæ; Atqui Rex Iosaphat constituit Levitas & Sacerdotes in Ierusalem: ergo habuit Primatum ecclesiæ. Minor patet ex illa 2. Paralip. 19. 8. *In Ierusalem quoque constituit Iosaphat Levitas & Sacerdotes, & Principes familiarum, &c.*

18. *Respondeo.* Si textus integrè citaretur, multo fortius argumentum fieret contra Regem, quam pro Rege. Textus enim sic habet; *In Ierusalem quoque constituit Iosaphat Levitas & Sacerdotes, & Principes familiarum ex Israël, ut iudicium & causam domini indicarent habitatoribus eius. Precepitque eis dicens: Omnem causam, quæ venerit ad vos fratrum vestrorum, qui habitant in urbibus suis, ostendite eis, ut non peccent in Dominum. Amaria autem Sacerdos & Pontifex vester, in his, quæ ad Deum pertinent, presidebit. Porro Zabadias filius Ismael qui est Dux in domo Iudæ, super ea opera erit, quæ ad Regis officium pertinent.* In quo textu tria notanda sunt. Primo, quod Iosaphat rex, non solum Levitas

de Sacerdotes, sed etiam Principes familiarum constituerit in Ierusalem. Secundò, quod illos omnes in eum finem constituerit, ut essent Iudices controuersiarum, quæ in populo oriri solent. Tertio, quod in controuersis ecclesiasticis, quæ ad Deum pertinent, Sacerdotes constituti sint Iudices; in ciuilibus uero, quæ ad officium Regis spectant, Principes familiarum. Hinc sumo tale argumentum contra Regem Angliæ; Sacerdotes iure diuino constituti sunt supremi Iudices omnium controuersiarum, quæ ad Deum & Religionem pertinent: Ergo sacerdotes iure diuino tenent primatum Ecclesiæ: Item, Ea, quæ ad Deum pertinent, distincta sunt ab iis, quæ pertinent ad officium Regis: Ergo Rex ex officio suo, non potest immiscere se iis, quæ ad Deum pertinent: Ergo non tenet primatum Ecclesiæ.

18. Argumentum contrarium facile soluitur. Non enim Iosaphat Rex constituit, id est, creauit & consecrauit Sacerdotes, quia hoc ad officium eius non pertinebat; sed ex iis qui iam antea creati & consecrati erant, certos delegit, qui Iudicium Domini exercerent in Ierusalem; sicut etiam certos delegerat, qui in aliis ciuitatibus populum docerent, ut habetur 2. Paralipom. 17. 7. Vbi notandum est, tria spectari posse in ministris Ecclesiæ Veteris Testamenti. 1. Electionem seu designationem personarum: 2. Consecrationem. 3. Applicationem ad certum usum seu exercitium. Electionem seu designationem non fiebat à Rege, sed à Deo, qui solam tribum Leui ad ministerium sacrum deputauerat, Consecratio uero commissa erat Aaroni, tanquam summo sacerdoti & eius successoribus. Applicatio uero ad certum officium poterat fieri à Rege; sicut etiam nunc fieri potest. Quo pacto Rex Angliæ diceretur in suo regno constituere Iesuitas & sacerdotes, si ex iis iam antea ordinatis & consecratis quosdam aliunde euocaret, quorum alii conciones ad populum haberent, alii confessiones exciperent, alii aliis ministeriis deputarentur. Et hoc passim apud Catholicos in usu est. Nemo tamen propterea censet eos Principes, qui hoc modo Iesuitas ad se vocant, Primatum Ecclesiæ tenere.

II. Obiectio, ex facto Davidis & aliorum Regum.

10. **S**ecunda obiectio est hæc; Qui tollunt abusus & corruptelas ecclesiasticas, habent Primatum in Ecclesia: Reges veteris Testamenti sustulerunt abusus & corruptelas ecclesiasticas: ergo habuerunt Primatum in Ecclesia. Minorem probat Sacellanus Angliæ dupliciter. Primo ex illis uerbis 1. Regum 5. 6. *Et abis Rex & omnes uiri, qui erant cum eo, in Ierusalem, ad Iebuseum habitantem terra, distumque est David ab eis: Non ingredieris huc, nisi abstuleris capos & blandos dicentes: Non ingredietur David huc.* ex quibus uerbis sic argumentatur; Ad Regem Dauidem spectabat, de templo cæcum & claudum tollere: Ergo ad eum spectabat, omnes abusus tollere. Non enim abusus aliunde existunt, quam vel de incuria, quod in officio claudicent, vel de inscitia, quod cæci sint homines. Secundò probat exemplo aliorum Regum, qui in Scriptura reprehenduntur, quod excelsa non sustulerint. At non reprehenderentur, nisi ad eorum officium pertineret, excelsa tollere. Quid autem aliud est tollere excelsa, quam tollere abusus & corruptelas?

21. Respondeo, generatim cum distinctione. Nam

A aliud est, iudicare seu decernere, quænam sint corruptela & abusus in religione: aliud uero, corruptelas & abusus quando certò constat tales esse, tollere & exterminare. Prius pertinet ad officium summi Sacerdotis, ut supra dictum est. Posterius non modo Regi, sed etiam cuilibet paterfamilias concessum est. Quilibet enim, in sua domo postea emendare, quæ certò constat per abulum irreplisse. Vtrumque ostendo exemplis noui Testamenti, Inter Christianos queri solet, an sit abusus seu corruptela, habere & colere imagines, inuocare sanctos, pro defunctis orare, plura possidere beneficia ecclesiastica, voto castitatis se obstringere, certis diebus à carnibus abstinere? de his iudicare, non pertinet ad Principes seculares, sed ad Prelatos Ecclesiæ. At postquam res iudicata est, quilibet Rex in suo regno, quilibet magistratus in sua ciuitate, quilibet paterfamilias in sua domo, potest executionem præstare. Idem scilicet dictum est in veteri Testamento. Deus sæpe per prophetas ostendit, displicere sibi, quod populus adoleret in excelsis. Itaque diuinitus constabat, abulum seu corruptelam esse. Rex in suo regno poterat tollere hunc abulum. Imò tenebatur. Nec idè tamen Primatum habet in Ecclesia. Non magis, quam si Deus per Prophetas ostenderet, conubia fidelium cum Gentilibus sibi displicere: & quisque paterfamilias in sua domo, si quid in hoc genere peccatum esset, in posterum emendaret. An idè Primatum teneret in rebus ad religionem pertinentibus? Nequaquam: Sed executor esset voluntatis diuinæ. Cur autem potius Reges, quam Sacerdotes in veteri Testamento reprehensi sint, quod excelsa non tollerent: idè factum est, quia populus Iudeorum, propter duritiem cordis, non exibat exhortationes & monita Sacerdotum ac Prophetarum: nec aliter quam vi & autoritate Regis, ab errore sinebant se reuocari. Itaque si Rex in hac re negligenter esset, merito à Deo reprehendebatur. Hoc generatim.

D 22. Duo in particulari explicanda sunt. Alterum de abusu adolendi & sacrificandi in excelsis. Alterum, de cæcis & claudis eiciendis. Quod ad prius attinet, tria cetera sunt. Primum est, quod ab egressu filiorum Israel ex Aegypto, fuerint 480. anni, antequam templum à Salomone edificaretur, ut patet ex illo 3. Regum 6. 1. *Factum est ergo quadringentesimo & 80. anno egressionis filiorum Israel de terra Aegypti, edificari coepit domus Domino.* Secundum est, quod toto illo tempore, secundum legem ordinariam, iussi sint Israëlita offerre sacrificia in eo loco, in quo esset tabernaculum fœderis cum Arca, ut habetur Leuit. 17. 4. Porro tabernaculum cum Arca non semper mansit eodem loco. Nam primis 40. annis fuit cum populo in deserto. Postea cum terram promissionis ingressi essent, & ea pacifice possiderent, positum fuit in Silo, iuxta illud Ios. 18. 1. *Congregati sunt omnes filij Israel in Silo, ibique fixerunt tabernaculum testimonij, & fuit eis terra subiecta.* Inde separatim Arca, separatim tabernaculum, in diuersa loca translata sunt. Arca quidem in eum locum, in quo Israëlita bello victi sunt à Philistinis, ultimo anno Heli Sacerdotis, 1. Regum 4. 3. Tunc enim & capta est à Phil. 1. Regum 4. 11. & asportata in Azotum, 1. Regum 5. 1. Et mansit in eorum regione 7. mensibus. 1. Regum 6. 1. Deinde remissa est ab illis in urbem Betlames 1. Regum 6. 12. Postea in Cariathiarim, 1. Regum 7. 1. Ibi que mansit, donec David confirmato iam regno super Iudam & Israël, reduxit eam ex Cariathiarim, 1. Paral. 13. 6. mansitque in domo Obededom Gathai tribus mensibus, 1. Paralip. 15. 25. Tabernaculum autem ex Silo (licet de tempore non satis constet) translatum fuit in Nobe ciuitatem Sacerdotum, ubi erat, cum David fugiebat Saulem 1. Regum 21. 1. Inde uenit in Gabaon

urbem Tribus Benjamin, 1. Paral. 21. 29. Ibi autem A mansit, donec cum Arca illatum est à Salomone in Templum, 3. Reg. 8. 4.

23. Tertium est, quod ab eo tempore, quo perfectum fuit Templum Salomonis, non alibi, quam in illo Templo liceat offerre sacrificia, secundum legem ordinariam, ut patet ex illo Deut. 12. 13. *Cave ne offeras holocausta tua in omni loco, quem videris; sed in eo, quem elegerit Dominus.* Et capite vigesimo sexto 2. *Cumque intraveris terram, quam Dominus Deus tuus tibi datus est possidendam, tolles de cunctis frugibus tuis primitias, pergesque ad locum, quem Dominus Deus tuus elegerit, ut ibi innocetur nomen eius, accedesque ad Sacerdotem, qui fuerit in diebus illis, &c.* Dixi secundum legem ordinariam, quia tam ante, quam post Templi ædificationem licebat ex speciali Dei dispensatione, etiam alibi, quam in Tabernaculo vel Templo, sacrificare. Hoc modo Samuel immolavit in Ramatha & in Galgalis 1. Reg. 7. 17. & capite 11. 14. David in area Urnam Jebusæ, 1. Paral. 21. 26. Elias in monte Carmeli, 3. Reg. 18. 19.

24. Ex his omnibus sequitur, nunquam licuisse, secundum legem ordinariam, immolare vel adolere in Excelsis, ubi non esset Tabernaculum: ut hunc fuisse abusum, quem Deus reprehendit sæpe in scripturis, ut 3. Reg. 3. 3. *Dilexit Salomon Dominum ambulans in preceptis David patris sui, excepto quod in Excelsis immolabat, & accendebat thymiana;* Et 3. Reg. 22. 43. *Etique Josaphat, quod relictum erat in conspectu Domini. Verumtamen excelsa non abstulit. Adhuc enim populus sacrificabat & adolebat incensum in excelsis.* Loquor autem de Excelsis, ubi non esset Tabernaculum, quia in excelsio Gabaon, ubi erat Tabernaculum, licebat immolare, 3. Regum 3. 4. *Abiit Salomon in Gabaon, ut immolaret ibi: illud quippe erat Excelsum maximum, id est, præferebat omnibus Excelsis, quod in eo esset Tabernaculum à Moise factum, ut patet 1. Paral. 21. 29. Tabernaculum autem Domini, quod fecerat Moyses in deserto, & altare holocaustorum, ea semperstare erat in excelsio Gabaon.* Et 2. Paralip. 1. 3. *Et abiit cum universa multitudo in excelsum Gabaon, ubi erat Tabernaculum fœderis Domini, quod fecit Moyses famulus Dei in solitudine.* Vbi obiter notandum est, fuisse duo Tabernacula. Vnum à Moise factum, de quo hæcenus dixi. Alterum à Davide, quod ipse tetendit in Ierusalem, quando eo deduxit Arcam fœderis, de quo 2. Paralip. 1. 4. *Arcam autem Dei adduxerat David de Cariathairim in locum, quem preparaverat ei, & ubi fixerat illi Tabernaculum, hoc est, in Ierusalem.* Et 3. Reg. 2. 50. *Adonias autem timens Salomonem surrexit, & abiit, tenuitque cornu altaris.* Et cap. 2. 28. *Fugit ergo Ioab in Tabernaculum Domini, & apprehendit eum aliarum.* Hæc non possunt intelligi de Tabernaculo à Moise facto, quin illud eo tempore erat in Gabaon, ut supra dictum est. Debet ergo intelligi de Tabernaculo à Davide facto, quod erat in Ierusalem. Vide Abulentiem libro 3. Reg. cap. 1. quæst. 41.

25. Hæcenus de abusu adolendi in Excelsis. Quod ad factum Davidis attinet, qui dicitur cecos & claudos cieisse, parum, vel nihil ad rem facit. Historia sic habet. Intellexerat David diuino instinctu, ut ex Psalmis colligitur, Ierusalem fore Templi ac regni Iudæorum sedem, ac proinde cum exercitu eo profectus est, & à Jebusæis, qui eam colebant, deditiorem illius postulavit. At illi responderunt; *Non ingredieris huc, nisi absteris cecos & claudos, dicentes: Non ingredietur David huc.* Porro quid cecorum & claudorum nomine intelligendum sit, variae sunt authorum interpretationes. Nam aliqui putant; fuisse tantum statuas, seu imagines; alii veros homines. Statuas quidem tripliciter, primo ut per eas supermuros positas significati fue-

rint homines otiosi, quasi dicat; Etiam nobis nihil agētibz, intrare nō poteris, tam scilicet munita urbs nostra est. Secundò, ut per eas significati fuerint ædificia fastigia, quibus ille affixæ essent, quasi dicat; Nisi transeatis ædium nostrarum fastigium, non ingredieris. Tertio, ut fuerint duæ imagines, quarum altera representauerit Isaac cecutientem, altera Iacob claudicantem. Et hæc duæ propterea fuerint ad muros, seu portas civitatis affixæ, ut significarent; Iudæis non licere bello infestare Iebusæos, eo quod parentes eorum, Isaac & Iacob, percussissent olim fœdus pacis cum Rege Abimelech, cuius posterit erant Iebusæi; interpolito etiam iuramento, quod in ore illarum imaginum descriptum erat. Hæc Rabinorum sententia est, sed falsa. Primò: quia si illud fœdus cum Rege Abimelech non est initum à Iacob, seu ab Abraham, ut habetur Genes. 21. 22. Eodem tempore dixit Abimelech ad Abraham: *Deus tecum est in universis qua agis. Iura ergo per Deum, ne noceas mihi & posteris meis.* Dixitque Abraham, *Ego iurabo.* Et infra. *Percusseruntque ambo fœdus.* Secundò, quia si Iebusæi voluissent pacare animum Davidis, & militum eius, per aspectum seu memoriam Isaac & Iacob, non debuissent eos in forma cæci & claudi (quæ potius ad contemptum & derisum spectabat) sed in alia decentiori & augustiori representare. Tertio, quia illa verba, quæ sequuntur, in textu, *cecos & claudos, ediemus animam David;* nullo modo possunt accommodari Isaac & Iacob; neque præ se ferunt desiderium pacis, sed odij potius ac contentionis.

26. Alij ergo rectius sentiunt, fuisse vero homines: quod etiam tripliciter intelligi potest. Primò, quod fuerint ipsimet Iebusæi, qui dixerint Davidi; *Nisi absteris cecos & claudos:* id est, nisi nos absteris, quos tu conuitix militari cecos & claudos appellasti, non ingredieris huc. Secundò, quod fuerint cæci & claudi, non corpore, sed animo, id est, peccatores & flagitiosi. Tertio, quod fuerint verè cæci & claudi, quos in contemptum Davidis posuerint Iebusæi in mœnibus, quasi si dicat. Nostra civitas tam firma & munita est, ut nō egeat aliis defensoribus; quam his cæcis & claudis, qui sufficienter potuerunt eam contra tuum exercitum tueri ac propugnare. Hæc est vera explicatio huius loci, quam sequitur Ioseph. lib. 7. cap. 2. Theodoretus quæst. 16. 17. Glossa interlinearis. Abulenti. quæst. 7. & plures alii. Simile quid legimus contigisse in urbe Tyro, quæ cum esset fortissima, ciues in contemptum obfidendum, posuerunt Pygmæos in mœnibus, quasi illi abundè sufficienter ad eius defensionem, nec indigerent alio propugnatore. De his loquitur Ezechiel Propheta, cap. 27. 11. *Sed & Pygmæi, qui erant in turribus (ò Tyre) pharetras suas suspenderant in mœnibus suis per gyrum, &c.*

27. Ex hac autem expositione, quæ sine dubio literalis & germana est, non potest colligi, Davidem auferendo cecos & claudos, voluisse ostendere, quod abusus & corruptelas Ecclesiæ esset ablaturus, ut fingit Sacellanus Regis Angliæ. Credo, ne quidem in mentem illi hoc venisse, cum ea res gesta est. Sed etsi facere voluisset, non ideo sequeretur, habuisse illum Primatum Ecclesiæ quia ut supra dixi, quilibet paterfamilias potest tollere abusus & corruptelas, quando certò constat, tales esse.

III. Obiectio, ex facto eiusdem Davidis.

28. Tertia obiectio est hæc; Qui perducit Arcam fœderis ad constitutum quietis locum, & Arcæ deportandæ præsumit, tenet primatum Ecclesiæ:

Atqui Rex David perduxit Arcam ad constitutum quietis locum. 1. Paral. 13. 12. & Arcam deportanda prætulavit, 2. Reg. 6. 14. Ergo habuit Primatum Ecclesiæ. Hoc argumentum magnificat Sacellanus Regis & vim facit in eo, quod David saltauerit ante, non post Arcam. Nam hoc ipso, inquit, significauit se Primatum tenere in negotio Arcæ deportandæ. Mira hominis subtilitas. Cur non similiter vim facit in eo, quod boues Arcam præcesserint, non secuti sint?

29. Ut autem magis appareat huius argumenti vanitas, tria notanda sunt. Primum est, quod in arca Domini fuerint hæc tria. *Urna aurea habens manna, & virga Aaron, quæ frondebat, & tabula Testamenti*, vt expressè testatur Apostolus Hebr. 9. 4. Alterum, quod hæc Arca, præsertim quoad manna, quod in ea custodiebatur, fuerit typus seu figura noctæ Eucharistiæ. Ratio autem figuræ consistit in his. 1. Manna datum est Israelitis peregrinantibus in deserto, vt possent ad terram promissionis peruenire. 2. habuit omnem saporem suauitatis corporalis. (Sap. 15. 10.) 3. fuit cibus de celo missus. (Ioan. 6. 31.) 4. fuit expositum dubitationi (Psal. 77. 22.) & contradictioni (Nu. 21. 5.) 5. licet alii plus, alii minus colligerent, eandem tamen menturam postea habebant (Exod. 16. 18.) Hæc omnia accominodantur eucharistiæ 1. quia datur Christianis in deserto huius vitæ peregrinantibus, vt possint ad vitam æternam peruenire. 2. continet omnem saporem suauitatis spiritualis. 3. est cibus de celo missus. 4. exposita est dubitationi Capharnaitarum, & contradictioni Caluinistarum. 5. siue sub magna, siue sub parua hostia sumatur, æquè prodest iumentibus.

30. Tertium est, quod hæc tria distinguenda sunt. 1. Arcam ædificare. 2. eam deducere, comitari, vel præcedere. 3. eandem portare vel attingere. Arcam ædificauit Bezeliel de tribu Iuda, & Oolias de tribu Dan. Exod. 31. 2. Arcam deduxerunt, & ante eam iusserunt, non solus Rex, sed etiam populus, vt patet ex illo 1. Regum 4. 4. *Misit populus in Silo, & tulcrant inde Arcam fœderis Domini exercituum sedentis super Cherubim.* Et 2. Reg. 5. 6. *David autem & omnis Israël iudabant coram Domino in omnibus lignis fœderis.* Et infra, vers. 15. *David & omnis domus Israël ducebant Arcam Testamenti domini in iubilo.* Et 3. Reg. 8. 5. *Rex autem Salomon, & omnis multi tudo Israël, gradiebatur cum illo ante arcam.* Ac nemini licebat eam tangere propter sanctitatem (quam & aliunde & ex eo habebat, quod figura esset Eucharistiæ) nisi solis sacerdotibus. Hinc Oza, quod eam tangere præsumpsisset, cum sacerdos non esset, morte à Deo punitus est. 2. Reg. 6. 6. Imò ne Leuitis quidem hoc licuit. Nam vt patet Nu. 4. iubebantur sacerdotes velo arcam obuolueret, & vt per annos arcæ transmittere, ne Leuitæ, qui iuram portaturi essent eam attingerent.

31. Ut his patet, quàm frivolum sit argumentum Sacellani Regis, quando sic infert, Rex David deduxit & præcessit Arcam Domini: Ergo habuit Primatum Ecclesiæ. Cur non similiter infert, Omnis multitudo Israël gradiebatur ante Arcam: Ergo habuit Primatum Ecclesiæ? Vel sic, Pueri Christiani præcedunt Eucharistiam, quando publicè in processione deportatur, Ergo habent Primatum Ecclesiæ. Ineptè omnia. Potius sic oportebat argumentari, Non licuit Regibus, sed solis sacerdotibus, attingere Arcam Domini: Ergo Sacerdotes præferuntur Regibus, in iis, quæ ad Deum & religionem pertinent.

IV. Obiectio, desumpta ex facto Salomonis Regis.

32. **Q**uarta obiectio est talis; Qui ædificat templum, & Deo dicat, tenet primatum Ecclesiæ: Atqui Rex Salomonis ædificauit Templum, & Deo dedicauit, 1. Paral. 28. 6. Et 2. Paral. 6. 10. Ergo Rex Salomon tenuit primatum Ecclesiæ. Hoc argumentum sic vrget Sacellanus; *Dedicare Deo templum ædificatum est primatum, neque cuiusquam nisi cuius partes in Religione prima. At templum à Salomone dedicatum est, Ergo.*

33. Non vdeo hic plus subtilitatis, quàm in præcedenti argumento. Vt hoc ostendam, tria notanda sunt. Primum est, quod templum Hierosolymitanum, de quo agimus, rei dedica um sit. Primo à Salomone 3. Regum 8. 1. Secundo ab iis, qui à captiuitate Babylonica reuersi sunt, 1. Esdræ 6. 16. Tertio à Machabæis, cum post prophanationem esset iterum renouatum & sanctificatum, 1. Machab. 4. 36. Alterum est, quod dedicare rem aliquam Deo, si vim nominis spectes, nihil aliud sit, quàm dicare illam cultui diuino, seu offerre, & destinare illam ad colendum Deum. Hoc modo (Exod. 35.) dicuntur Israelitæ, tam viri, quàm femine, hyacinthum, purpuram, byssum, coccum, pilos caprarum, pelles arietum, metalla & ligna Setim dedicasse Deo, id est, obtulisse ad cultum diuinum. Eodem sensu Salomon dicitur Templum Deo dedicasse, id est, diuino cultui dedicasse seu mactasse. Hinc non magis colligi potest Primatus Salomonis, qui ligna & lapides; quàm feminarum, quæ aurum, purpuram, & hyacinthum Deo dedicarunt. Tertium est, quod in hac templi dedicatione à Salomone facta, variz ceremoniz usurpatæ fuerint cum solenni letitia. Nam primò, postquam templum ædificatum est, congregati sunt Israelitæ ad Regem Salomonem in Ierusalem. 2. Sacerdotes intulerunt Arcam, tabernaculum, & omnia vasa sanctuarij in Templum. 3. Deus, vt ostenderet sibi placere quod agebatur, nebula impleuit Templum. 4. Salomò gratis Deo actis, multa precatus est, & præsertim vt quicunque essent oraturi Deum in Templo isto, exaudirentur. 5. Finita hac ratione, victimæ & sacrificia Deo oblata sunt. 6. Iterum secuta est benedictio seu gratiarum actio, ac tandem octauo die, populus ad sua cum gaudio dimissus est. Hæc omnia habentur 3. Regum 8.

34. Neque hinc colligi potest Primatus Salomonis, quod sic ostendo. Tria hominum genera spectari hic debent. 1. Salomò. 2. Sacerdotes. 3. Populus. Quid quisque horum fecit in hac dedicatione? Salomò orauit & gratias Deo egit. Sacerdotes portarunt Arcam, Tabernaculum, vasa Sanctuarij, & obtulerunt sacrificia. Populus interfuit, & gratis Deo actis, lætatus est. Si quid ergo pro Primatu Salomonis colligendū est, sic colligi debet; quicunque in templo recens ædificato, orat Deum, vt in eo exaudiatur preces & vota supplicantium: is tenet Primatum Ecclesiæ. Atqui Salomon in templo à se recens ædificato orauit Deum, vt in eo exaudirentur preces & vota supplicantium: Ergo tenuit primatum Ecclesiæ. At maior propositio apertè falsa est. Quasi nemo, nisi qui supremam jurisdictionem in Ecclesia habet, eo modo, quod Salomon, orare possit. Multi mercatores, suis sumptibus, templa in honorem Dei exædificauerunt, & quotidie erigunt; An non licet ipsis orare, vt Deus accepta ea habeat & preces seruorū suorū in iis exaudiat? Ominò sanè, Imò, plerique clerici, quoties dedicatio alicuius tē-

pli occurrit, solent orare hoc modo: *Deus qui nobis per singulos annos huius sancti Templi tui consecrationis reparas diem, & sacris semper mysteriis repraesentas in edumet: exaudi preces populi tui, & presta, ut quisquis hoc templum beneficia petens ingreditur, cuncta se impetrasse laetetur. Per Dominum nostrum Iesum Christum filium tuum, &c.* Itemque hoc modo: *Deus qui inuisibiliter omnia continet, templum hoc potentia tua inhabitationis illustra, & concede, ut omnes, qui huc deprecari conueniunt, ex quacunque tribulatione ad te clamauerint, consolationis tui beneficia consequantur. Per Dominum nostrum, &c.* An hinc inferas, singulos clericos, qui sic orant, supremos esse prelatos in Ecclesia? Nihil minus.

35. Plus dicam. Faciamus in aliqua diocesi Anglicana templum incendio perire vel ab hostibus deuastari. Episcopus suis sumptibus curet restaurari. Conuocet deinde populum sibi subiectum: Inorat vasa sacra: Oret Deum, ut ratum habeat hoc obsequium, & preces subditorum exaudiat: Offerat sacrificium: Bene precetur populo, & gratias Deo actis, dimittat vnumquemque cum gaudio. Quid? An dices hunc episcopum esse Primatem ecclesiae? Si est quid de Rege fiet? Si non est, quid minus fecit quam Salomon? Imò totum id praestitit, Salomon & Sacerdotes simul.

V. Obiectio; desumpta ex facto eiusdem Regis Salomonis.

36. **Q**uinta obiectio est talis: Qui deponit summum sacerdotem ab officio, & alium illi subrogat, necessario habet iurisdictionem supra summum sacerdotem: Atqui Salomon Rex deposuit Abiathar summum Sacerdotem ab officio, & subrogauit illi Sadoc. 3. Reg. 2. 27. Ergo Salomon Rex habuit iurisdictionem supra summum sacerdotem. Hoc est precipuum argumentum pro primatu Regis. Sed sanè parui momenti. Ac primum, sic retorqueri potest: Qui deponit Regem ab officio, & alium illi subrogat, necessario habet iurisdictionem supra Regem: Atqui Ioiada summus sacerdos, non solum deposuit, sed etiam occidit Athalia Reginam, & Ioas in eius locum subrogauit. 4. Reg. 11. Ergo Ioiada summus sacerdos habuit iurisdictionem supra Regem.

37. Sed ad rem. Hæc obiectio duo supponit. Vnum, quod Salomon, quando deposuit Sacerdotem ab officio, usus sit potestate regia. Alterum quod rectè ac legitime ea usus sit. At neutrum probari potest. Imò grauissimi auctores constanter docent, non regia, sed prophetica potestate usum esse; nec ordinaria via, sed ex peculiari Dei instinctu fecisse, quod fecit. Ita Cardinalis Bellarminus, Iacobus Gretserus, & plures alii. Et videtur colligi posse ex illis verbis 3. Reg. 2. 27. *Ei scilicet ergo Salomon Abiathar, ut non esset Sacerdos Domini, ut impleretur sermo Domini, quem locutus est super domum Heli in Silo*, quasi dicat: Olim tempore Heli Sacerdotis predictum fuit à Deo per Samuelem prophetam, fore aliquando, ut officium sacerdotale auferatur à familia Heli, propter peccata filiorum eius. 1. Reg. 2. 31. Vt ergo hæc prophetia impleretur, Salomō diuino instinctu, tanquam verus propheta abstulit sacerdotium ab Abiathar, qui erat ex familia Heli.

38. Quod si ita est, facile apparet, nullius momenti esse obiectionem Regis Angliæ. Nam nihil aliud ex facto Salomonis colligi poterit, quam prophetas accipere aliquando, extraordinariam potestatem à Deo etiam supra Sacerdotes; quod nihil ad rem facit. Non enim disputamus de potestate prophetarum, sed Re-

gum. Nec status controuersus est, an propheta ex peculiari Dei instinctu possint aliquando punire Sacerdotes, sed ad Reges ordinaria sua potestate possint id facere: Hæc valde distincta sunt. Et alterum cum altero minimè connexum est. Non enim sequitur, Salomō Rex ex peculiari Dei instinctu, submouit Abiathar Sacerdotem ab officio sacerdotali: Ergo Iacobus Rex, ordinaria sua potestate, potest idem facere. non magis quam si dicam, Nathan ex peculiari Dei instinctu reprehendit Dauidem Regem: ergo quilibet subditus in Anglia potest ordinaria via reprehendere Iacobum Regem.

39. Sed demus (quod tamen probari non potest) Salomonem in submouendo Sacerdote, usum esse potestate regia, quid quæso hinc efficitur contra nos? Nihil sanè, nisi prius constet legitime ea usum esse. Hoc autem nec in Scripturis sacris disertè exprimitur, nec ex iis euidenter deduci potest. Aliud enim est factum, alicuius recenseri, aliud, probari seu commendari. Legimus quidem in Scriptura, Raziam gladio & præcipitio seipsum occidisse. Legimus à Saule Sacerdotes Domini, ab Abimelech septuaginta fratres. Ab Athalia, semen regium, ab aliis alios interfectos esse. At non legimus, hæc omnia instè ac legitime contigisse. Idem dico de Salomone. Legimus, ab eo depositum esse Abiathar sacerdotem. At non legimus, rectè ac legitime id factum esse. Vel ergo probandum est Regi Angliæ, factum esse legitime, vel nihil contra nos concludit.

40. Dicit fortè, Abiathar grauiter peccauerat contra Salomonem Regem, ac proinde dignus erat, qui puniretur. Potuit ergo Salomon autoritate regia illum punire. Respondeo. Non sequitur. Isto enim, peccauit Abiathar propter iniquam conspirationem, & dignus propterea fuerit, qui officio submoueretur. An ideo à Salomone submoueri legitime potuit? Id minimè consequens est. Non enim quilibet reus à quolibet puniri potest, sed ab eo duntaxat, qui in illum habeat legitimam potestatem ac iurisdictionem. Hanc autem habuisse Reges Iudeorum in Sacerdotes, nondum probatum est. Imò ex ipsis Iudeis contrarium probari potest. Semper enim persuasum ipsis fuit, Reges non habere ullam iurisdictionem in eos, qui ministerio diuino deputati sunt. Hoc satis colligitur ex illo, 1. Reg. 22. 16. *Dixit Rex Saul: morte morieris Abimelech, in & omnis domus patris tui. Et ait Rex emissariis, qui circumstantibus eum, Conuertimini, & interficite Sacerdotes Domini, nam manus eorum cum Dauid est. Noluerunt autem serui Regis extendere manus suas in Sacerdotes Domini.* Ex quibus verbis patet, Regem Saul mandasse suis famulis, ut interficerent Sacerdotes Domini, eo quod conspirassent cum Dauid contra ipsum Regem. Porro famulos Regis, qui erant Iudei, & optimè norant eminentiam sacerdotum supra Reges, non voluisse id facere, etiam si Rex mandasset. Nam certò persuasum illis erat, non posse Regem legitime id mandare, nec Sacerdotes imperio Regis subiacere. Quod etiam aduertens Rex homini barbaro ac gentili imperauit, ut quod famuli facere renuissent, ipse impetritus exqueretur. Quod etiam factum est. Subiungitur enim in textu, *Et ait Rex ad Doeg, Conuertere tu, & irru in Sacerdotes. Conuersusque Doeg Idonæus irruit in Sacerdotes.*

41. Hinc ita concludo, Saul & Salomon fuerunt pares in potestate regia, nec plus iuris habuit Salomon in Sacerdotes, quàm Saul, ex ea præcisè parte, qua Reges erant. Atqui Saul, qua Rex, non habuit legitimam potestatem puniendi Sacerdotes: Ergo nec Salomon. Maior per se nota est. Minor patet ex dictis, quia famuli Saulis non recusassent imperiū sui Regis, si putassent illum habere legitimam potestatem in Sacerdotes. Libentes

benter enim passabant illi in persequendo Davide. Quod ergo nollent parere in occidendis sacerdotibus, qui adhaerebant Davidi, non aliunde provenire potuit, quàm quod putarent, Regem habere potestatem in Davidem, non autem in Sacerdotes. Idem ergo de Salomone, qui Rex erat, statuendum est. Si enim Saul non licuit punire Sacerdotes Domini; nec Salomoni potuit licere, uterque enim quia Rex, pari potestate fuit praeditus.

42. Dices; Non rectè hoc sequitur. Fuit enim aliunde, dispar causa utriusque. Nam Sacerdotes à Saule interfecti, erant innocentes. Abiathar autem, quem Salomon puniuit, erat reus læsæ maiestatis. Quis porro nesciat, aliud esse, interficere innocentes, quod fecit Saul; aliud, punire eos quod fecit Salomon? Est igitur, non rectè ac legitime fecerit Saul; rectè tamen ac legitime fecit Salomon. *Respondet.* Hæc disparitas non obstat. Tamen si enim Sacerdotes, qui iubebantur interfici à Saule, re ipsa fuerint innocentes; nihilominus famuli Saulis, putabant esse nocentes, ac reos læsæ maiestatis. Nec tamen putabant licere Regi, etiam nocentes Sacerdotes interficere. Hæc inde constat; quia parebant Regi in persequendo Davide, ut dictum est; & ideo parebant, quod existimarent Davidem iniuste aspirare ad regnum, ac proinde læsæ maiestatis reum esse. Aliàs sanè non paritur. Cum ergo audissent à Saule, Sacerdotes adherere Davidi, quid aliud suspicari poterant, quàm eos etiam nocentes ac reos esse? Et tamen obtemperabant Sauli in persequendo Davide, non autem in necandis Sacerdotibus. Nec alia de causa, quàm quod verè putarent, Regem habere potestatem puniendi & coercendi laicos, non autem Sacerdotes.

43. Ex his abundè satis factum est argumento Regis quod, ut compendio repetam, quæ dicta sunt, dupliciter formari potest. Primò in hunc modum, *Salomon potestate prophetica legitime puniuit Sacerdotem. Ergo Rex Iacobus, potestate Regia, idem præstare potest.* Secundò sic; *Salomon potestate Regia legitime puniuit Sacerdotem: ergo Rex Iacobus idem præstare potest.* In priori formâ, negatur consequentia; in posteriori antecedens. Nec à Rege Angliæ unquam probari poterit.

V1. Obiectio, ex facto Iosie Regis.

44. Sexta obiectio est hæc. Qui librum legis à tabernaculis erutum, populo recitari facit, & fœdus inter Deum populumque redintegrat, habet Prælatum Ecclesiæ: Vtrumque fecit Rex Iosias, 4. Reg. 23. & 23. Ergo habuit Prælatum Ecclesiæ.

Hoc argumentum virget Sacellanus Regis in hunc modum, *Libro reperto, iudixi Rex conuentum, in eo iubet recitari librum, recitato fœdus novum iniit cum Domino, populum quoque ad fœdus adiuravit. Tum præcipit ipsi Pontifici, reliquisque secundi ordinis Sacerdotibus, ut eijciant à templo, atque exurant vasa omnia, quæ Baalis sacra fuerant, ut excelsa demoliantur. Mandavit post de Paschate novo faciendâ denique, de religione tota in integrum reformanda.*

45. Multæ sunt partes huius argumenti. Prima, quod Rex, reperto libro legis Mosæ, convocavit populum, ut cum illi prælegeret. Fateor. Sed Helcias Pontifex, qui librum reperebat, eo fine miserat Regi, ut id faceret. Secunda, quod Rex iusserit recitari librum Legis. Est. Etiam scemine apud adversarios legitur Biblia, aut ab ancillis recitari iubent. Tertia, quod re-

Opusc. Bec.

A citato libro, fœdus novum iniit cum Deo, id est, quod promiserit Deo se velle custodire omnia præcepta, quæ scripta erant in libro Legis. Annon cuilibet, etiam privato homini hoc licitum est; Optatum sanè, singulis Christianos ita affectos esse, ut in eo cum Deo fœdere, promitterent se legem servaturos. Quarta, quod populum hortatus sit, ut idem præstaret. At hoc non soli Regi, sed cuilibet concionatori licitum est, apud suos auditores. Nisi quod adversarij dicant, Legem servatu impossibilem esse; In quo multum discreant à Iosia, quem tantopere laudant. Quinta, quod præceperit Pontifici & Sacerdotibus secundi ordinis, ut prouicerent de Templo Dei omnia vasa, quæ facta fuerant Baal, & aliis falsis Diis Merito sanè, quia hoc ad illos pertinebat. Nec tam præcepit, quàm eos officij sui commonuit. Sexta quod mandauerit Pascha celebrari, quod diu fuerat intermissum. At à Deo præceptum erat, ut celebraretur. Poterat ergo Rex virgere executionem. Septima, quod totam religionem iusserit in integrum reformati. Bonum factum. Nec tamen iudicium de reformatione, sed executio ad Regem pertinebat; iudicio reservato Sacerdotibus.

VII. Obiectio ex facto Ezechie Regis.

46. Septima obiectio; Ezechias Rex confregit Sacerdotem æneum, quomnis & deserto Dei mandato creatum, & Christum Dominum suo modo figurabat. 4. Reg. 18. 4. Ergo tenuit Prælatum in Ecclesiâ. Hæc duo dicenda sunt. 1. Ex qua causa vel occasione id fecerit Ezechias. 2. Quâ autoritate fecerit. De priori, sic res habet. Serpens æneus ab initio, in bonum usum erectus fuit mandato Dei, iuxta illud Numer. 21. 8. *Locutus est Dominus ad Moysen: Fac serpentem æneum, & pone eum pro signo: qui percussus aspexerit eum, vivet.* Fecit ergo Moyses serpentem æneum, & posuit eum pro signo: quem cum percussus aspicerent, sanabantur. At postea, progressu temporis, abiit in abusum, quia filij Israël adolebant ei incensum ut habetur 4. Reg. 18. 4. idque propterea, quod meminisset, olim ex solo illius aspectu s. natos fuisse quotquot à serpentibus morsu erant in deserto: & putarent, se tunc quoque præsidij aliquid ab eo sperare posse. Hunc abusum volens tollere Ezechias, non alia viâ commodius id facere potuit, quàm serpentem ipsum, qui erat occasio idololatriæ, tollendo & confringendo. At qua autoritate id fecit? Non alia, quàm divina. Deus enim, non solum Regi, sed cuilibet à populo mandauerat, ut auferrent omnem cultum idololatriæ, Deuter. 7. 5. *Aras eorum subverte, & confringe statuas, incosque succide, & sculptilia combure, quia populus sanctus es Domino Deo tuo.* Quid ergo mysterij hic est, quod Ezechias confregerit serpentem æneum, quod quilibet alius facere potuisset?

47. Dices; Serpens æneus, & Dei mandato factus erat, & Christum figurabat. Quid tum, si ideo aliis non licuit, eum confringere, cur Regi licuit? aut si Regi licuit, cur aliis non item? Nusquam legimus, Regi peculiare quid concessum fuisse circa serpentem, quod aliis similiter concessum non sit. Et quid dicimus de Arca Noë? Nonne, & mandato Dei facta fuit, & Christi Ecclesiam figuravit? Omnino. An ideo soli Regi permissum fuit, illam dissolvere, post peractum diluvium? Nemo dixerit.

VIII. Obiectio sumpta ex titulis Regum veteris Testamenti.

48. **R**ex Angliæ, sicut hæcenus ex facto Regum veteris Testamenti conatus est altiare Primatum suum in Ecclesiâ, nunc ad titulos eorum conuertitur. Sunt autem hi, 1. Reges vocantur, Filij altissimi, 2. *Dij*, 3. *Vncti Domini*, 4. *In solio Dei sedentes*, 5. *Familia Dei*, 6. *Angeli Dei*, 7. *Facti in xia cor Dei*, 8. *Lumina Israelis*, 9. *Nutritij Ecclesiæ*. Ergo habent Primatum in Ecclesiâ.

49. Videamus, quid lateat in his titulis. Primus est, Reges, inquit, vocantur Filij, altissimi, iuxta illud 2. Reg. 7. 14. *Ego ero ei (Salomoni) in patrem, & ipse erit mihi in filium*. Sed quæro, an non omnes pii ac fideles sint filij Dei, qui ex Christi institutione dicunt, *Pater noster qui es in calis*? An non de omnibus piis ac fidelibus intelligendū sit illud 1. Ioan. 3. 1. *Videte, qualem charitatem dedit nobis Pater, ut filij Dei nominemur & simus*? Nihil dubito. Cur ergo Rex Angliæ hunc titulum, quem Christus & Apostoli vocant omnibus bonis communem esse, solis Regibus arrogare velit? Et Sacellanus, qui tantopere fauet suo Regi, an se filium Dei esse non putat? An in tota Angliâ, solum Regem eo privilegio gaudere censet? Nisi dicat, omnes quidem pios, sed Reges peculiari quodam modo filios Dei esse. Etiamne improbos? Si soli probi sunt, iam non sanè, quia Reges, sed quia probi, filij Dei sunt.

50. Secundus titulus: Reges vocantur *Dij*, Psalm. 81. 6. *Ego dixi, Dij estis*. Et Exod. 22. 8. *Si iruerint fur, duplum reddet, si latet fur, Dominus domus applicabitur ad Deum*. Mira res. Solent aduersarij grauer acculare Catholicos, quod Pontificem Romanum appellent Deum. Et ipsi suos Reges impudenter appellari sic volunt. Imò Sacra Scriptura testis monis abutuntur. Nam illud, *Ego dixi, Dij estis*, non de solis Regibus, sed de Prophetis quoque intelligendum esse, diuerse explicat Christus Ioan. 10. 34. cum ait; *Nonne scriptum est in lege vestra, quia ego dixi, dij estis? Si illos dixit Deos, ad quos sermo Dei factus est, &c.* Similiter illud, *Dominus domus applicabitur ad Deos*, non de Regibus, qui tunc nulliterant, sed de iudicibus intelligendum esse, quis nescit? Si ergo non soli Reges, sed etiam alij vocari possunt *Dij*: quid est, quod ex hoc titulo colligit Rex Angliæ, Reges, & non alios, esse Primates Ecclesiæ?

51. Tertius titulus: Reges vocantur Christi, seu *vncti Domini* 1. Regum 24. 12. *Non extendam manum meam in Dominum meum, quia Christus Domini est*. Fateor. At non soli Reges, sed etiam Sacerdotes in veteri Testamento vngebantur. Et quanquam hoc neget Sacellanus Regis, ita tamen clarum est, ut negari, nisi impudenter, non possit. Testimonia scripturæ passim obuia sunt. Exodi 29. 7. *Oleum vnctionis fundes super caput eius, atque hoc ritum consecrabis*. Et Levit. 4. 3. *Si Sacerdos, qui vnctus est, peccauerit*. Et Levit. 8. 12. *Fundens oleum super caput Aaron, vnxit eum & consecrauit*. Et Num. 3. 3. *Hæc nomina filiorum Aaron Sacerdotum, qui vncti sunt, & quorum consecrata manus, ut sacerdotio fungerentur*. Et 2. Mach. 1. 10. *Qui est de genere Christorum Sacerdotum*. Imò etiam Prophetæ vngebantur. 3. Reg. 19. 16. *Iehu filium Nam si vnget regem super Israel: Eliseum autem filium Saphat, vnget Prophetam pro te*. Hinc ita concludo: Vtrique tam Sacerdotes, quam Reges, in Veteri Testamento, vo-

cabatur *Vncti Domini*: Ergo si solus illi titulus spectetur, vel utriusque, nemini habebant. Primatum Ecclesiæ, Vtrique, cui de Sacerdotibus negat Rex Angliæ? Siueuti, cur de Regibus assumat? Addo. Vellatio est de externa vnctione, vel de interna. Si de externa, communis ea fuit Regibus, Sacerdotibus & Prophetis, ut dictum est, Si de interna, nemo suum excludit, Omnes vncti sunt. 1. Cor. 1. 21. *Qui vnxit nos Deus*. Et 1. Ioan. 2. 20. *Vos vnctionem habetis à Sancto*.

52. Quartus titulus: Reges dicuntur in solio Dei sedere. 2. Paralip. 9. 8. *Sit Dominus Deus tuus benedictus qui voluit te ordinare super thronum suum, Regem Domini Dei tui*. Sed constat duplex esse regnum: vnum terrenum, alterum spirituale. Duo igitur solia, duo throni distinguendi sunt. Reges sedent in solio regni terreni: Episcopi in solio Ecclesiæ, quod est regnum spirituale. Act. 10. 28. *Attendite vobis & universo gregi, in quo vos Spiritus sanctus posuit Episcopos regere Ecclesiam Dei*. Nec regibus, sed Apostolis dictum est à Christo Mat. 19. 28. *Cum sederis filius hominis in sede maiestatis sue, sedebitis & vos super sedes duodecim iudicantes duodecim tribus Israel*. En, Apostoli Regum iudices erunt: non Reges Apostolorum.

53. Quintus titulus: Reges vocantur serui Dei. 2. Paralip. 6. 15. *Qui prestisti seruo tuo David, Patrem meum, quæcumque iurasti fueras*. Ita est, Sed an soli Reges sunt serui Dei? An non etiam Apostoli & Episcopi? Act. 4. 29. *Et nunc Domine, da seruis tuis cum omni fiducia loqui verbum tuum*. Act. 16. 17. *Isti homines serui Dei excelsi sunt, qui annunciant vobis viam salutis*. Roman. 1. 1. *Paulus seruus Iesu Christi*. An non omnes pii Christiani? Roman. 6. 22. *Nunc autem liberati à peccato, serui autem facti Deo*. Occurrit Sacellanus, omnes quidem pios ac fideles vocari seruos Dei, tamen Regibus per quendam eminentiam conuenit hunc titulum. Audio. Sed in quo consistit hæc eminentia? An quia Reges sunt magis pii, quam ceteri fideles? At non semper id verum est. An quia seruiunt Deo in altiori gradu, quam ceteri. Hoc ipsum est in questione. Ego contendo Apostolos & Episcopos seruire in altiori gradu. Seruiunt Deo in regno Christi, quod non est de hoc mundo. Sunt dispensatores mysteriorum Dei. 1. Cor. 4. 1. *Et quod amplius est, sunt iudicatores Dei*. 1. Cor. 3. 9. Imò sunt patres seu genitores finorum Dei. 1. Cor. 4. 15. *Sunt fundamenta, supra quæ reliqui ædificati sunt*. Ephel. 2. 20. Denique, si plura expectantur, sunt supra conditionem temporum Dei. Ioan. 13. 14. *Iam non dicam vos seruos, quia seruus nescit, quid faciat Dominus eius. Vos autem dixi amicos, quia omnia, quæcumque audiui à Patre meo, nota feci vobis*.

54. Sextus titulus: Reges vocantur Angeli Dei. 1. Reg. 14. 20. *Tu autem Domine mi Rex, sapiens es, facis habet sapientiam Angelus Dei, ut intelligas omnia super terram*. Sed quæ hinc colligi potest? Non aliud, quam ex omnibus Iudæorum Regibus, solum Dauidem vocatum fuisse Angelum Dei, idque à muliere, non ob regiam potestatem, sed ob singularem sapientiam, quæ erat prædicta. Quid si ego plus adferam pro Sacerdotibus? Non de vno tantum, sed de omnibus dictum est illud Malach. 2. 7. *Labia Sacerdotis custodient scientiam, & legem requirunt ex ore eius, quia Angelus Domini exercituum est*. Nunc expēdamus, vter rectius concludat Rex Angliæ, an ego. Regis illatio est hæc: Dauid habuit tantum sapientiam, ut Angelo similis esse videretur: Ergo omnes Reges sunt tales, quisque igitur Rex in suo regno Primatum Ecclesiæ tenet. Inepdè. Hæc autem mea est; Omnes Sacerdotes summi in Veteri Testamento, vocati sunt Angeli Dei, quia Dei voluntatem certo & infallibiliter aliis annuntiabant, quod non poterant Reges: Ergo Sacerdotes in rebus ad Deum pertinentibus erant supra Reges.

55. Septimus Titulus: Reges dicuntur facti iuxta cor Dei. 1. Reg. 13. 14. *Quasi sibi virum iuxta cor suum.* Erit hoc. Quid tum? An quia David Rex fuit vir iuxta cor Dei, omnes Reges tales sunt; Imò, contra res habet. Saul Rex, quia non erat vir secundum cor Dei regno exclusus est; David autem, quia erat talis, Sauli subrogatus. Sic enim loquitur Scriptura, *Dixit Samuel ad Saul, stultus egisti, nec custodisti mandata Domini Dei tui, quæ præcepit tibi. Quod si non fecissent, iam nunc præparasset Dominus regnum tuum super Israel in sempiternum; sed nequaquam regnum tuum ultra consurget. Quasi sibi virum iuxta cor suum, ut esset Dux super populum suum.* Nec vilius momenti est distinctio Sacellani, cum ait; Regem dupliciter dici posse, iuxta cor Dei. 1. quoad personam Regis. 2. quoad officium seu magistratum. Omnes Reges, etiam malos, licet priori modo non sint iuxta cor Dei, posteriori tamen esse. Sed si hoc sufficit, omnes etiam Sacerdotes & Episcopi sunt secundum cor Dei. Imò magis, quam Reges. Nam Deus in Veteri Testamento sponte & ex proprio beneplacito constituit magistratum sacerdotalem: regum autem, non nisi ex importuna Iudæorum postulatione concessit, ut habetur 1. Reg. 8. 5. Igitur Sacerdotum magistratus magis fuit secundum cor Dei, quam Regum.

56. Octavus titulus: Reges vocantur Lucernæ Israelis, 2. Reg. 21. 17. *Tunc iuraverunt viri, David, dicentes: Iam non egredieris nobiscum in bellum, ne extinguas lucernam Israel.* Fatent. Sed etiam Apostoli vocantur à Christo *Lux mundi.* Matth. 5. 14. Et Episcopi septem Ecclesiarum Antiochie, vocantur *septem stellæ*, Apoc. 1. 20. Si ergo Reges idcirco habent primatum in Ecclesia, qui appellantur *Lucernæ*: cur non similiter Apostoli & Episcopi habeant primatum, cum appellantur *stellæ*, & *lux mundi*? Non enim hic titulus minor est quam ille. Hinc formo tale dilemma. Hæc propositio, *Qui vocatur Lucerna, Lux, Stella, habet primatum in Ecclesia*: vel vera, vel falsa est. Si vera, sequitur Apostolos & Episcopos habere primatum Ecclesiæ, quod Rex Angliæ negat. Si falsa, sequitur Regem Angliæ, ex falso fundamento procedere.

57. Nonus titulus: Reges vocantur Nutritij Ecclesiæ. Isai. 49. 23. *Et erunt Reges nutritij tui, & Regina nutritrix tua.* Sed adde quod sequitur *Ulin in terram demisso adorabunt te, & pulverem pedum tuorum lingent.* Loquitur Propheta de futura Christi Ecclesia; & dicit, fore aliquando tempus, quando Reges & Regina Gentiles convertentur ad fidem Christi, & sic magno incremento augebunt Ecclesiam, eamque tanquam sponsam Christi venerabuntur. At hinc non efficiunt Reges & Reginae fore primates Ecclesiæ, sed potius filios & subiectos. Et sanè, si vim faciamus in voce, *Nutritius*, quis magis nutrit Ecclesiam Christi, quam Apostoli & eorum successores, qui per univertum orbem prædicant Evangelium, & omnes gentes, cum suis Regibus & Regina Ecclesiæ Christi aggregant?

58. Hactenus de titulis. Ex quibus sic concludo; Apostoli & Episcopi non habent minores titulos, quam Reges; imò sæpe maiores: si ergo titulis debeat colligi Primatus Ecclesiæ, non minus Apostoli & Episcopi, quam Reges, erunt primates in Ecclesia; imò multo magis. Verumque ostendo inductione. 1. Reges vocantur filij *Altissimi*. Non minus Apostoli. 2. Reges vocantur *Dij*. Etiam Sacerdotes & Iudices Ecclesiastici. 3. Reges unguntur. Etiam Sacerdotes. 4. Reges sedent in solio terreno: At Apostoli & Episcopi in caelesti. 5. Reges sunt *serui Dei*. At Apostoli: iam non *serui*, sed *amici*. 6. Reges sunt *Angeli Dei*. Nec minus Sacerdotes. Imò toti generi Sacerdotum id convenit, non toti Regum. 7. Reges sunt *iuxta cor Dei*. Multo magis Sa-

Opusc. Bec.

A cerdotes & Apostoli & Reges sunt *lucerna Israelis*. At Apostoli *lux mundi*. 9. Reges sunt *nutritij Ecclesiæ*. At Apostoli *Patres Nutritorum*.

Conclusio totius capituli.

59. Hoc capite ostensum est, nullum extare Ius Huminum Veteris Testamenti pro primatu Regum: extaretamen pro primatu Sacerdotum. Nec adversarios vltimum ius pro se hactenus allegasse, sed ex solis Regum facis & titulis argumentatos esse. Hanc autem argumentandi rationem non solum infirmam esse, sed etiam magis nobis, quam ipsis patrocinari. Hæc autem diutius in hoc capite, quia si semel probatum sit, ex veteri Testamento nihil adferri posse pro Primatu Regis, consequenter ostensum erit, Reges nullo modo esse Primates Ecclesiæ. Nam Sacellanus Regis Angliæ fatetur, fundamentum illius Primatus in solo Veteri Testamento quæri oportere: & nullum illius in Novo vestigium aut exemplum existere. Nihilominus tamen, ut servemus ordinem superius assignatum etiam de Novo Testamento aliquid dicendum est.

CAPUT III.

An Rex iure diuino novi Testamenti habeat primatum Ecclesiæ?

1. Ius diuinum Novi Testamenti à Christo conditum est. Is enim, sicut veteres ritus, ceremonias, sacrificia, totam denique synagogam abrogavit: ita nova sacramenta, novum sacrificium, novos ministros, novam Ecclesiam instituit: Et præcepta dedit, quibus omnia, quæ ab ipso instituta essent, legitime gubernari & conservari possent. Nunc ergo quaestio est, quid in hæc tota æconomia sua statuerit de Primatu Ecclesiæ? An cum voluerit esse apud Reges & Principes seculares, an verò apud Apostolos & eorum successores?

2. Repeto quod supra monui, hunc Primatum consistere in exteriori Iurisdictione, cuius potissimi adus sunt hi. 1. Regere Ecclesiam. 2. Synodos convocare. 3. Iisdem præsidere. 4. Lites finire & controversias fieri decidere. 5. Leges & constitutiones condere. 6. Contumaces excommunicare: aut alio modo punire delinquentes. 7. Ministros Ecclesiæ constituere & deponere. Et si qui similes. Igitur inuestigandum est, quinam hanc Iurisdictionem in Ecclesia à Christo acceperint, Apostoli & eorum successores, an Reges & Principes seculares? Id autem ex quadruplici capite inuestigare potest. 1. ex verbis Christi, quibus suam mentem in hac re declaravit. 2. ex testimoniis Apostolorum, qui sine dubio Christi mentem assecuti sunt. 3. ex praxi, quæ illo tempore in Ecclesia servata est. 4. ex aliis circumstantiis.

3. Si verba Christi spectemus, res in promptu est. Legamus Evangelium. Mox inueniemus Petro dictum esse Ioan. 21. 21. *Pasce oves meas.* Et Matth. 16. 18. *Tu es Petrus, & super hanc Petram ædificabo Ecclesiam meam, & portæ inferi non prævalent adversus eam. Et tibi dabo claves regni celorum. Et Lucæ 22. 32. Tu aliquando conversus confirma fratres tuos.* At nusquam legitur Tiberio, Pilato, vel Herodi dictum esse: *Pasce oves meas, Ecclesia mea primatum tenete.*

M m ij

4. Et quid est, *Pasce oves meas*; Constat ex Evangelio, Christum esse Pastorem: Ecclesiam ovile: Christianos oves. Igitur tantumdem est, ac si dixisset: In hoc Pastoralis officio vicariam operam mihi presta. Ovile meum tibi commendo: pasce, quotquot in eo sunt, oves. Vel clarius: Ecclesiam meam tibi commendo, dirige & guberna fideles, quotquot in Ecclesia sunt. Vno verbo, Vicarius meus esto. Quid unquam simile dictum est Regi vel Imperatori; Imò eos ipsos, fides Christi sunt Petro commissos esse, necesse est, exitum ovile commissum est. Recte enim Epiphanius in Ancorato: *Hic est, qui audinis, Pasce oves meas, cui creditum est ovile*. Et Eucherius Lugdunensis in vigilia S. Petri: *primo agnos, deinde oves ei commisit, quia non solum pastorem eum constituit. Pasce igitur Petrus agnos, pasce & oves, pasce & matres, regis & subditos, & Prælatos. Omnium igitur pastor est, quia præter agnos & oves in Ecclesia nihil est*.

5. Iam quid aliud est, Petro non Regi aut Imperatori, datas esse claves Ecclesie, quam datam esse potestatem & officium gubernandi Ecclesiam? Hoc ipsa metaphora planè significat. Et confirmat usus. Solent enim, qui in familia vel urbe præsunt, accipere claves in signum imperij & iurisdictionis. Vnde Dominus apud Isaiam capite 22. cum vellet significare: se potestatem summam Sacerdotis translaturum à Sobno in Eliacim usus est metaphora clauium: Sic enim ait. *Vade, & ingredere ad eum, qui habitat in tabernaculo, ad Sobnam præpositum templi, & dic ad eum; Quid tu hic? Expellam te de statione tua, & de ministerio tuo deponam te: & vocabo solum meum Eliacim, & induam illum tunicam, & cingulo tuo confortabo eum, & potestatem tuam dabo in manu eius, & dabo clauem domus David super humerum eius: & aperiet, & non erit, qui claudat: & claudet, & non erit, qui aperiat*. Eadem metaphora videtur scriptura ad significandum principatum Christi, Ap. 7. 3. *Hæc dicit sanctus & verus, qui habet clauem David: qui aperit & nemo claudit: claudit & nemo aperit*. Hinc Gregorius lib. 4. epistol. 32. *Cunctis Evangelium scientibus liquet, quod voce dominica, omnium Apostolorum principi Petro totius Ecclesie cura commissæ est. Ipsi quippe dicitur. Tibi dabo claves regni caelorum*.

6. Et quis usus harum clauium est; soluere & ligare: aperire & claudere, id est, exercere triplicem potestatem: Vnam intromittendi in Ecclesiam, & eiciendi, prout quisque meretur. Alteram, soluendi vincula peccatorum, legis, voti, iuramenti. Terciam, ligandi per præcepta & pœnas. Vno verbo, exercere supremam iurisdictionem in domo Dei, quæ est Ecclesia.

7. Igitur ex verbis Christi perspicue constat, Petro & eius successoribus, non item Regi commissum esse ovile, conceditas oves, concessa, claves. Videamus nunc, quid Apostoli hac de re dicant. Sanè D. Paulus, tametsi non semel, sed sæpe, de structura & regimine Ecclesie Christi loquatur, nusquam tamen Reges & Principes sæculares, sed ubique Apostolos & Episcopos, nominare solet. Proferam tria ipsius testimonia. Primum est, Act. 20. 18. *Attendite vobis & universo gregi, in quo vos Spiritus sanctus posuit Episcopos regere Ecclesiam Dei*. Verba aperta sunt. Qui ergo constituti sunt præfides & rectores Ecclesie Christi? Episcopi. A quo constituti sunt à Spiritu sancto. Reges ergo vel constituti non sunt, vel à Spiritu sancto non sunt. Alterum est Ephes. 2. 27. *Superadificati super fundamentum Apostolorum & Prophetarum, & ipso summo angulari lapide Christo Iesu*. Hic in structura Ecclesie nullum fundamentum est, præter Christum, Apostolos & Prophetas. At si Reges ad illam structuram pertinerent, & quidem magis, quam Apostoli & Prophetæ, sine du-

A bio dicendum esset: *Superadificati super fundamentum Regum, Apostolorum & Prophetarum*. At Reges omnes sunt: & tamen structura perfecta est. Tercium Ephes. 4. 11. *Et ipse dedit quosdam Apostolos, quosdam autem Prophetas, alios vero Evangelistas, alios autem Pastores & Doctores ad consummationem Sanctorum in opus ministerij in adificationem corporis Christi*. Hic tria spectanda sunt. 1. Adificatio Ecclesie. 2. Opus ministerij. 3. consummatio Sanctorum. Sensus ergo est: Christus volens suos fideles qui in illum credituri sunt, perducere ad consummationem, id est, ad sanctitatem & vitam æternam: ædificavit pro iis Ecclesiam, & in ea constituit Ministros, qui fidelibus præfessent, eosque ad finem suum consequendum, docendo & gubernando iuarent. Et quos illos Apostolos, Prophetas, Evangelistas, Pastores, Doctores. Nulla fit Regum mentio.

8. Ex his testimoniis sic concludo. In Ecclesia Christi est legitimus quidam ordo, seu, ut alij vocant, dispositio & Hierarchia, in qua alij Prælati, alij subditi sunt: alij Pastores, alij oves: alij in fundamento, alij supra fundamentum: alij Doctores, alij Discipuli. Vel ergo Reges includuntur in hac Hierarchia, tanquam Primates, vel tanquam subditi. Si hoc posterius, salua res est. Si illud prius, necesse est maiori potestate præditos esse, quam Apostolos & Episcopos. Nam si vel parum cum illis, vel inferiorem potestatem haberent, non rectè dicerentur, esse Primates Ecclesie. Si ergo maiorem habent, ea sine dubio à Christo ipsis concessa est. At ubi & quibus verbis? Aut ubi Apostoli in suis scriptis & actis illius potestatis à Christo concessæ meminerunt? In testimoniis citatis nihil inuenio. Omnes silent de Regibus: loquuntur de Apostolis. Solus Rex Angliæ cum suo Sacellano, dicit remita habere: *An à vobis, inquit Apostolus, verbum Dei præcessit? aut in vos solos peruenit?* 1. Corinth. 14. 36.

9. Veni ad praxim Ecclesie, quæ tempore Apostolorum servata est. Ea sine dubio, fallere non potest. Quis ergo tunc Ecclesiam gubernavit? Apostoli (Act. 26. 28.) Quis primam Synodum, quæ Hierosolymis celebrata est, indixit? Apostoli: (Act. 15. 6.) Quis huic Synodo cum auctoritate præfedit? Apostoli. Quis sententiam dixit? Apostoli. Quis legem de abstinentia ab immolatis simulachrorum, & sanguine & suffocato sancivit? Apostoli: Quis Corinthium incestuosum excommunicavit? Paulus Apostolus (Cor. 5. 3.) Quis accusationem adversus presbyteros tãquam legitimus Iudex admisit? Timotheus Episcopus (1. Tim. 5. 19.) Quis Ananiam & Saphiram in causa Ecclesiastica punivit? Petrus Apostolus (Act. 5. 3.) Nullæ hic partes Regum, nullum vestigium.

10. Dicat fore Rex eo tempore nullos fuisse Reges Christianos, qui Ecclesiam gubernare, & hæc officia præstare potuissent. Rectè quidem. Sed nec erant Apostoli aut Episcopi Christiani, antequam Christus eos vocaret, & designaret. Sicut ergo novos Apostolos & Episcopos in nova Ecclesia instituit: cur non etiam novos Reges, qui Ecclesie præfessent? et sicut Paulum Ecclesie persecutorem, subito in vas electionis immutavit: cur non similimodo egit cum Tiberio Imperatore, vel Herode Rege?

11. Hinc iam sumo novum argumentum ex circumstantiis in hunc modum: Si Christus voluit Reges esse Primates Ecclesie & supra Apostolos & Episcopos iurisdictionem exercere: cur non statim ab initio, sicut certos Apostolos elegit, sic etiam certos Reges designavit, qui Ecclesie præfiderent? Cur non statim sicut Apostolos instruxit, quo pacto prædicarent Evangelium, administrarent sacramenta, & Ecclesiam propagarent: sic etiam Reges edocuit: qua ratione Apostolis, & Doctoribus in regimine Ecclesiastico præfessent, Synodos

conuocarent, controuersias dirimerent, confirmantes excommunicarent? Cur denique sicut Apostolus præcepit priuata instructionem, promissit Spiritum sanctum cuius instinctu cætera omnia cognoscere, quæ ad ipsorum ministerium pertinebant: Sic non etiam Regibus promissit eundem Spiritum, qui eos in suo officio perfectius omnia edoceret? Nihil horum factum.

12. Concludo, Reges ex institutione Christi non habere Primatum Ecclesiæ, quia nec verba Christi, nec testimonia Apostolorum, nec praxis primæ Ecclesiæ, nec circumstantiæ rerum, vlla ratione id significant. Omnia Apostolis & eorum successoribus patrocinantur. De illis dictum est, Act. 20. 28. *Spiritus sanctus posuit vos regere Ecclesiā Dei.* Et 1. Cor. 4. 1. *Sic nos existimet homo, ut ministros Christi & dispensatores mysteriorum Dei.* Et 1. Cor. 5. 10. *Pro Christo legatione fungimur.* Et Lucæ 10. 16. *Qui vos audit me audit, & qui vos spernit, me spernit.* Et plura in eandem sententiam.

Obiectio.

13. Sed multa obicit Rex Angliæ in sua Apologia, his verbis: *Quid in nouo Testamento? Omnis animæ (Regibus) subiecti iubetur, idque propter conscientiam. Orandum quidem & pro omnibus, sed præcipue pro Regibus & in autoritate constitutis, ut sub iis piam ac pacatam honestamque vitam degamus. Magistratus Dei administrator est ad vltiscendos facinorosos: innocentes autem atque probos remunerandos. Omnibus quidem obtemperandum est superioribus potestatibus, sed potissimum principibus, & in eminentia collocatis. Reddito unicuique quod suum est: timorem, cui timor, amorem, cui amor iure debetur. Date Cæsari, quæ Cæsaris sunt, Deo, quæ Dei sunt. Regnum meum non est de hoc mundo. Quis me constituit iudicem super vos? Reges gentium dominantur eorum. Vos autem non sic.* Hactenus Rex.

14. Sed facilis solutio. Ac primum, ut generatim dicam, quod res est: Hæc testimonia, partim ad quæstionem, de qua agitur, non faciunt, partim quatenus à Christo & Apostolis prolata sunt, pertinent ad Reges & Imperatores æthnicos, cuiusmodi erant Tiberius, Caius, Claudius, Nero, & similes. Certum autem est, Christum & Apostolos non voluisse suis testimoniis significare, Reges & Imperatores Ethnicos habere Primatum in Ecclesia. Qui enim sunt extra Ecclesiam, quomodo Primates sunt in Ecclesia? qui ne quidem membra, quomodo caput? qui hostes Christi, quomodo Vicarii?

15. Speciatim sic respondeo. Illud Rom. 13. 1. *Omnis anima potestatibus sublimioribus subdita sit*, nihil omnino contra nos facit. Habet enim hunc facilem & obuium sensum: *Omnis homo, qui sub potestate est, debet obedire suo superiori in rebus, in quibus superior est.* Quis hoc nescit? Nego autem Reges esse superiores in rebus Ecclesiasticis, ac spiritualibus. Hoc probandum erat. Ex hoc autem loco probati non possunt.

16. Illud etiam 1. Timoth. 2. 2. *Orandum pro omnibus, sed præcipue pro Regibus, & in autoritate constitutis, ut sub iis piam ac pacatam vitam degamus*, partim malè citatum, partim malè intellectum est. Non enim addit Apostolus illam particulam, *præcipue*, nec illam item, *sub iis*: sed illis relictis, sic habet. *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus: pro Regno, & omnibus, qui in sublimitate sunt, ut quietam & tranquillam vitam agamus in omni pietate & castitate.*

Opus. Bec.

A Hinc sanè non efficitur. Reges habere Primatum in Ecclesia. Nec Apostolus eo loco præfert Reges aliis hominibus, sed æqualiter de omnibus loquitur, ut patet ex sequentibus, ubi rationem reddit, cur pro omnibus orandum sit, quia, inquit, *hoc acceptum est coram Salvatore nostro Deo, qui vult omnes homines saluos fieri, & ad agnitionem veritatis venire.* Unus enim Deus, unus & mediator Dei & hominum homo Christus Iesus, qui dedit redemptionem semetipsum pro omnibus. At Deus æquè vult omnes saluos fieri. Et Christus æquè pro omnibus semetipsum tradidit. An Rex Angliæ putat, pro se magis, quàm pro Apostolis & Episcopis, mortuum esse Christum? aut Deum magis velle? ut Rex saluus fiat, quàm eius Sacellanus? Non ita est. Addo D. Paulum ibi loqui de Regibus Gentilibus, qui ad agnitionem veritatis nondum venerant. Vult enim orationes fieri pro illis, ut conuertantur, & salui fiant. At quæ hæc consequentia est? *Orandum est pro Regibus æthnicis, ut ad fidem Christi conuertantur.* Ergo Reges æthnici Primatum tenent in Ecclesia Christi? Planè absurda est.

17. Illud verb. Rom. 13. 4. *Magistratus Dei administrator est ad vltiscendos facinorosos: vel ut vulgata lectio habet: Dei minister est vindex iram ei, qui male agunt: nihil ad rem facit.* Fatemur, Reges portare gladium, & habere potestatem puniendi peccata subditorum: & in ea re iustitiæ diuinæ ministros esse. At negamus hanc potestatem extendi ad causas & tribunal Ecclesiasticum. In hoc tribunali præsidet Apostolus & Episcopi. Illi, ut ostensum est, conuocant synodos; sententiam dicunt; litem dirimunt, nouas constitutiones faciunt: contumaces excommunicant, & similes Ecclesiasticæ iurisdictionis actus ex officio exercent. Reges procul sunt ab hoc tribunali.

18. Eiusdem momenti est illud: *Omnibus quidem obtemperandum est superioribus, sed potissimum Principibus, & in eminentia constitutis.* Omnino sic res habet. Sed addendum est, alios esse superiores in temporalibus, alios in Ecclesiasticis. In utroque genere reperiuntur Principes, quibus obtemperandum sit. In hoc quidem Pontifices: in illo autem Reges. Igitur Pontificibus potissimum obtemperandum est in rebus Ecclesiasticis: Regibus verò in politicis. Quis hoc neget?

19. Porro ex illo Roman. 13. 7. *Reddite unicuique quod suum est, timorem, cui timor: & amorem, cui amor iure debetur:* non video, quomodo Primatus Regum in Ecclesia stabili possit. Non magis quàm si dicam: *Reddite parentibus amorem & timorem*, qui illis iure debetur: Ergo parentes sunt Primates Ecclesiæ. Cur non sic potius: *Reddite Pontifici timorem & amorem* qui illi iure debetur: Ergo Pontifex est Primus Ecclesiæ?

20. Iam illud, Matth. 22. 12. *Reddite quæ sunt Cæsari, Cæsari: & quæ sunt Deo, Deo:* Omnino extraneus est, ut ex Euangelio constat. Quærebant Iudei à Christo, an tenerentur Cæsari Romano, qui tunc Gentilis erat, tributum dare, necne? Christus inspecto numismate, in quo Cæsaris effigies erat impressa, respondit: *Date Cæsari, quæ Cæsaris sunt:* id est, date illi tributum, quod ei debetur. An hinc sequitur, Cæsare Gentilem eo tempore habuisse Primatum Ecclesiæ Christi in Imperio Romano? aut Christum voluisse dicere, obediendum esse Gentili Cæsari in rebus ad Ecclesiam pertinentibus? Nihil minus. Nisi quis putet hanc collectionem esse legitimam: Christiani in Turcia habitantes debent Imperatori Turcarum pendere tributum, quod iure exigit. Ergo debent illum agnoscere Primatem in rebus Ecclesiasticis. Hoc Angli, qui in Turcia sunt, non concesserint.

21. Multò minus ad causam facit illud, Joan. 18. 36. *Regnum meum non est de hoc mundo.* Quid enim; An-

quia Christus, secundum humanitatem, non est Rex temporalis, sed spiritualis: ideo Reges temporales habent Primatum in spiritualibus; Contrarium potius colligendum erat hoc modo, Regnum temporale distinctum est à spirituali: sicut ergo Christus & Apostoli administrant spirituale, ita Reges & Imperatores temporale. Itemque, sicut Christus, quia Rex spiritualis, non vult se immiscere regno temporali: ita Iacobus quia Rex temporalis est, non debet se immiscere regno spirituali.

22. Eodem spectat illud Lucæ 12. 14. *Quis me constituit iudicem, aut dominum super vos?* Ex quo, si aliquid concludi debet ad rem, sic debet: Christus non est constitutus aliorum Iudex in controuersis temporalibus, qualis est de diuidenda inter fratres hereditate. Ergo Rex Angliæ est constitutus Iudex in spiritualibus. At quæ hæc illatio est, iam ante dixi, sic potius inferendum, Christus in causa temporali dixit, *Quis me constituit iudicem super vos?* Ergo similiter Rex Angliæ in causa spirituali debet dicere, *Quis me constituit Iudicem super vos?*

23. Denique illud Lucæ 12. 25. *Reges gentium dominantur eorum: vos autem non sic;* quid prodest ad Primatum, de quo agimus? Nihil sanè, Sensus est: Reges Gentiles solent esse ambigiosi, & multa per tyrannidem facere, ac suis potius quam subditorum commodis studere. Vos autem (mei Apostoli) nolite eos imitari, sed cum modestia & fraterna dilectione Ecclesiam administrate, sicut & ergo facio. Eodem sensu ac spiritu dixit Petrus in priori epistola Canonica, cap. 5. 3. *Pascite qui in vobis est, gregem Dei providentes non coacti, sed spontanei secundum Deum, neque turpis lucri gratia, sed voluntarii: neque ut dominantes in cleris, sed forma facti gregis ex animo.* Hinc iam inferat Rex Angliæ. Apostoli non debent esse ambigiosi & crueles, sicut Reges ethnici: Ergo Rex Angliæ tenet Primatum Ecclesiæ. Quid absurdius? Sic potius, Christiani non debent esse amittiosi, more Gentilium: Ergo Rex Angliæ, cum Christianus sit non debet ambire Primatum Ecclesiæ, quem multis iam sæculis Pontifex Romanus legitime & quiete usurpauit.

24. Ex dictis duo colliguntur. Vnum est, nos ex nouo Testamento, variis testimoniis & argumentis perspicue demonstrasse, Reges seculares non habere Primatum & supremam iurisdictionem in Ecclesia Christi. Alterum, nullum testimonium à Rege, vel Sacro illo allatum esse, quod non potius contra, quam pro ipso faciat. Nunc ad ius canonicum & civile transeamus.

CAPVT IV.

An Rex iure civili vel Canonico habeat Primatum Ecclesiæ?

1. **N**eutro sanè. De canonico, res clara est. Multi extant Canones in contrarium. Ex iis paucos accipe, Primus est Nazianzeni ad Imperatores Constantinopolitanos, apud Gratianum distinct. 10. canon. 7. *libenter accipitis, quo lex Christi sacerdotali vos subiecit potestati, atque istis tribunalibus subdit. Dedit enim & nobis potestatem: dedit & principatum multo perfectiorē principibus vestris.* Ex hoc canone tria habemus. 1. quod principatus Episcoporum sit, multo perfectior, quam Regum. 2. quod Reges in rebus Ecclesiasticis, subiecti sint Episcopis. 3. quod hæc subiectio à Christo sit ordinata. Quid clarius?

A 2. Secundus est Adriani Papæ, d. 53. cap. 1. *Nullus laicorum Principum se inferat electioni, aut promotioni Patriarchæ, Metropolitani, aut cuiuslibet Episcopi; ne videlicet inordinata & incongrua fiat electio, vel confusio, vel contentio: præsertim cum nullam in talibus potestatem quenquam potest statutorum, vel eorum laicorum habere conueniat.* Ex hoc canone etiam tria discimus. 1. Quod nullus Princeps secularis (qualis est Rex Angliæ) debeat se interere promotioni aut electioni Episcoporum. Quanto minus debet præesse & præsidere? 2. quod talis electio, cui se intet Princeps secularis, sit inordinata & confusa. 3. Quod in similibus causis Ecclesiasticis nullam potestatem habet Princeps secularis. Multo minus Primatum.

B 3. Tertius est, ex 6. Synodo aet. 2. distinction. 63. can. 7. *Omnis electio Episcopi à Principibus facta, irrita maneat secundum Regulam, quæ dicit: Si quis Episcopus, secularibus potestatibus usus, Ecclesias per ipsos obtinuerit, deponatur: & segregetur ab Ecclesia omnes, qui illi communicant.* Sanè secundum hunc canonem, omnes Episcoporum electiones irritæ sunt in Angliæ, quotquot à Rege factæ sunt. Vbi ergo Primatus Regis in causis Ecclesiasticis?

C 4. Quartus est Gregorii ad Hermannum Episcopum Metensem, d. 96. can. 9. *Quis dubitet Sacerdotes Christi, Regum & Principum omnium fidelium Patres & Magistros conseri? Nonne miserabilis insania esse cognoscitur, si filius patrem, discipulus magistrum sibi censetur subiugare, & iniquis obligationibus illum suæ potestati subicere, à quo credit, non solum in terra, sed etiam in calis se ligari posse & solui? Omnino hæc res habet. Mirabilis insania est. Reges seculares usurpare sibi Primatum in Ecclesia, & subiugare sibi Episcopos, quorum filij & discipuli esse debent.*

D 5. Quintus est Gelasij Papæ ad Anastasium Imperatorem, dist. 96. can. 10. *Duo sunt, Imperator Augustus, quibus principaliter hic mundus regitur, auctoritas sacra Pontificum, & regalis potestas. In quibus tanto graminis est pondus Sacerdotum, quanto etiam pro ipsis Regibus in diuino sunt reddituri examine rationem.* Et infra: *Nosti itaque ex illorum se pendere iudicio, non illos ad tuam redigi posse voluntatem.* Facto qui possunt, iure non possunt.

6. Sextus est Ioannis Papæ dist. 96. can. 11. *Si Imperator Catholicus est, filius est, non pater Ecclesiæ. Quod ad religionem competit, discere ei conuenit non docere.* Et paulò post: *Ad Sacerdotes enim Deus voluit, quæ Ecclesiæ disponenda sunt, pertinere, non ad sæculi potestates: quas, si fideles sunt Ecclesiæ suæ Sacerdotibus voluit esse subiectas.* Et infra: *Imperatores Christiani subdere debent executiones suas Ecclesiasticis Praesulibus, non præferre.* Igitur, si Rex Angliæ Catholicus est, filius est, non Praesul Ecclesiæ. Si fidelis est, Ecclesiæ Sacerdotibus subiectus est. Si Christianus est, debet se subdere Episcopis, non præferre.

E 7. Septimus est Marcelli Papæ, 11. quæst. 1. can. 5. *Clericum cuiuslibet ordinis, absque Pontificis sui permisso, nullus presumat ad secularem iudicem trahere. Nec laico quenquam clericum liceat accusare.* Nimirum clericus pertinet ad tribunal Ecclesiasticum, non ad politicum siue civile. Vnde rectè Valentinianus, Theodosius, & Arcadius Imperatores; *Continua lege sancimus, ut nullus Episcoporum, vel eorum, qui Ecclesiæ seruiunt, ad iudicia indicum protrahatur, habet enim illi suos indices.*

8. Octauus est Greg. ad Mauricium Imperatorem 11. q. 1. can. 40. *In diuinis eloquiis Sacerdotes aliquando Dei, aliquando Angeli vocantur.* Et paulò post: *Quid igitur mirum, si illos vestra pietas dignetur honorare, quibus in suo eloquio honorem tribuens, eos Angelos aut Deos ipse*

etiam appellat Deus? Vide quæ supra dicta sunt cap. 2. num. 53. & 57.

9. Nonus est Innocentij III. in Decretalibus, de maiestate & obedientia, can. 6. *Non negamus, quin præcellat Imperator in temporalibus, illos duntaxat, qui ab illo accipiunt temporalia: sed Pontifex in spiritualibus excellat, quæ tanto sunt temporalibus digniora, quanto anima præfertur corpori.* Et infra; *Nosse debueras, quod fecit Deus duo luminaria magna in firmamento cæli: luminare maius, ut præfesset diei, & luminare minus, ut præfesset nocti. Vtrumque magnum: sed alterum maius. An firmamentum igitur cæli, hoc est, vniuersalis Ecclesia, fecit Deus duo magna luminaria, id est, duas institutiones dignitates, quæ sunt, Pontificalis auctoritas, & Regalis potestas. Sed illa, quæ præfesset diebus, id est, spiritalibus, maior est, quæ verò carnalibus, minor: ut quanta est inter Solem & Lunam, tanta inter Pontifices & Reges differentia cognoscatur.*

10. Sufficiant hi pauci Canones. Nam plures citare fortasse superuacaneum est: præsertim cum probabile sit, Regem Angliæ non tantum eos facere, ut eorum iudicio stare velit. Quamquam immerito. Omnes enim Cathedralium Academicæ in Angliâ, in quibus locis vtriusque Doctores antiquo ritu legitime promouentur, non minorem iuris Canonici, quam ciuilis auctoritatem esse, luculento testimonio iunt.

11. Extorere ciuili occurrit illud Iustinianij Imperatoris in Authentica constitut. 123. *Si Ecclesiasticum negotium sit nullam communionem habendo ciuiles magistratus cum ea disceptatione, sed religiosissimi Episcopi secundum sacros Canones finem impuunt.* Præclara constitutio. Decernit Imperator politicos & seculares Principes non debere adesse, multo minus præsidere in negotiis & disceptationibus Ecclesiasticis. Quare? quia vult in ea re seruari sacros Canones, quibus cautum est, ut Episcopi, non autem Principes, tractent controuersias ad Ecclesiam pertinentes. Si Rex Angliæ ea mente esset; quia hic Imperator fuit, siue dubio, Prælatum Ecclesiæ Episcopis relinqueret, non sibi arrogaret. Plura in hanc sententiam vide in sequenti cap.

CAPVT V.

An Rex consensu doctorum hominum habeat Primatum Ecclesiæ?

EXcepto Sacellano, & quibusdam aliis adulatores, reclamationes omnes cordati & docti viri Episcopi, Pontifex, Reges, Imperatores, alij. Seligam paucos, ne molestus sumus & incipiamus à primitiua Ecclesiâ.

1. Sanctus Ignatius, Ioannis Eucharistiz discipulus, in Epistola ad Philadelphonicos, sic habet. *Principes subditi estote Cæsari, milites Principibus, Diaconi Presbyteris, Presbyteri vero & Diaconi, atque omnes ceteri simul cum omni populo & militibus, atque Principibus, sed Cæsar obediat Episcopo: Episcopus verò Christo, sicut Patri Christus: & ita vnicuique per omnia seruetur.* Vox digna viro Apostolico. Omnes, inquit, obediant Episcopo; Etiamne Cæsar? Omnino. Quidni & Rex?

3. H. Ius Cordubensis Episcopus, qui interfuit primo Concilio Nicæno, Constantinum Imperatorem sic affatus est; *Desine quæso Imperator, ne te misceas Ecclesiasticis, neque nobis in hoc genere præcipe, sed potius ad nos disce. Tibi Deus imperium commisit, nobis, quæ sunt Ecclesiæ, concedidit. Et quemadmodum, qui summus*

Opus. Bec.

A Imperium malignis oculis carpit, contradicit ordinationi diuina, & a iurante, ne qua nisi Ecclesiæ, a te trahere magno crimini obnoxius fiat. Refert hæc verba Athanasius in epistola ad Iouinianum vitam agentes.

4. S. Ambrosius epist. 33. ad Marcianum sororem suam scribit se Valentiniano Imperatori dixisse, *Noli te grauare Imperator, ut quiescas in ea, quæ a te in Imperiale aliquodius habere. Noli te exio leue, si vis diutius imperare. Esto Deo subditus.* Scriptum est enim, *quæ Dei Deo; quæ Cæsari Cæsari.* Ad Imperatorem palatia pertinent: ad Sacerdotem, Ecclesiæ publicorum sibi munus ius commissum est, non sacrorum. Item plane Ambrosij, qui & Hieronimus, spiritus eadem dicendi libertas, idem zelus. Vnam Sacellanus, & similes, qui in Angliâ sunt, eodem spiritu, in simili causa videntur. Sed pauent; nec expediunt illud Christi apud Matth. 10. 19. *Cum fueritis ante Reges, nolite cogitare, quomodo aut quid loquamini. Dabitur enim vobis in illa hora quod loquamini.* Non enim vos estis, qui loquamini, sed Spiritus Patris vestri, qui loquatur in vobis.

5. Hælio & Ambrosio, in eadem, similis est Athanasius (magis apud Regem Angliæ auctoritatis) quin Epistola citata, grauiter reprehendit Constantinum Imperatorem, quod Ecclesiasticam iurisdictionem sibi usurparet. Ideoque eum vocat *Annichistum Apostatam, fidei desertorem, carnem carnificem filium perditionis, pestem belluam, quæ ex membris humanis & animo sermo conflata est.* Eundem cum Ahabo, Antiocho & Hero te comparat, asserens maiorem omnium esse voracitatem & gurgitem, omni impietatis caput, hæreticorum incitamentum, acerbis radicem, blasphemiarum propugnatorem, religionis euersorem, & quæ similia sunt. Addit denique inauditum esse, quod Reges & Imperatores miscant se causis ad Ecclesiam pertinentibus, & inter alias sic habet. *Quando à condito mundo auditum est, quod iudicium Ecclesiæ, auctoritatem suam ab Imperatore accipit? aut quando unquam hoc pro iudicio agnatum est? Plurima antea Synodi fuerunt, multa iudicia Ecclesiæ habita sunt, sed neque Patres istiusmodi res Principi persuadere conati sunt, nec Princeps se in rebus Ecclesiasticis curiosum prebuit.*

D 6. Conspirant alij Patres S. Martinus Turonensis Episcopus, Maximo Imperatori in faciem dixit, *Non esse & inauditum nefas, quod causæ Ecclesiæ, iudex sæculi indicaret; ut est apud Sulpicium lib. 2. sacræ historiarum in fine.* Et Leonitius Episcopus Tripolitanus, teste Suida, ad Constantinum Imperatorem; *Miror, quomodo ad alia vocatus, aliis rebus te immisceas. Militaribus enim & Politicis rebus præfessus, in his, quæ ad solos Episcopos pertinent, præfesse vis.* Et Cyrillus Hierosolymitanus catechesi 17. *Ad hodiernam usque diem ceruimus mundanos Principes regi & instrui ab Ecclesiasticis. Omitto reliquos.*

7. Nec alia Regum & Imperatorum fuit sententia. Submiserunt se Episcopis & Pontifici; neque causas Ecclesiasticas ad se pertinere arbitrati sunt. Valentinianus senior Imperator cum importunè rogaretur, ut permitteret haberi Concilium, in quo de quibusdam rebus fidei decerneretur, respondit: *Mihi, qui unus è numero locorum sum, non licet eiusmodi negotiis me interponere. Sacerdotes & Episcopi, quibus hæc cura sunt, ubicumque in se liberum fuerit, conueniant.* Refert Sozomenus, lib. 6. hist. c. 7. Nicephorus lib. 11. c. 30. Iustinus lib. 2. c. 2. Baronius tom. 4. Annalium anno 164. 1.

8. Eodem sensu & affectu Theodosius Junior in Epistola ad synodum Ephesinam; *Candidiam Comitem ad hanc sacram vestram synodum abire cōmissimus: sed ea lege & conditione, ut cum questionibus & controuersijs, quæ circa fidei dogmata incidunt, nihil quisquam*

M m iij

commune habeat. Nefas enim est, qui sanctissimorum Episcoporum catalogo adscriptus non est, cum Ecclesiasticis negotiis & consolationibus se immiscere.

9. Basilus Imperator in oratione, quam habuit in octava synodo generali, quæ tempore Adriani Papæ Constantinopoli celebrata est, in causa Photij Patriarchæ; De verbis autem laicis, tam qui in dignitatibus, quam qui absolute versantur, quid amplius dicam, non habeo, quàm quod nullo modo vobis licet de Ecclesiasticis causis sermonem mouere, neque penitus resistere integritati Ecclesiæ & universali synodo aduersari. Hæc enim inuestigare & querere, Patriarcharum, Pontificum, & Sacerdotum est, qui regiminis officium sortiti sunt, qui sanctificandi, ligandi, & solvendi potestatem habent: qui Ecclesiasticas adepti sunt claves: non nostrum, qui pasci debemus, qui sanctificari, qui ligari, vel à ligamentis solui egemus. Nihil clarius dici potuit. Nimirum intellexit Imperator, non Reges, sed Episcopos Ecclesiæ regimen sortitos esse; ideòque non illos, sed hos oportere statuere, quæ ad controuersiam Ecclesiasticam inter Photium & Ignatium spectantes putabantur.

10. Simile exemplum habemus in Constantino Magno, qui, cum Donatistæ non contenti Episcopali iudicio, ad ipsam causam Ecclesiæ decurrissent: ita exclamasse fertur; *O rapida furoris audacia!* Sicut in causis Gentilium fieri solet, appellationem interposuerunt. Ita refert Optatus Mileuitanus libr. 1. contra Parmenianum. De eodem Imperatore scribit August. epist. 165. *Constantinus non est ausus de causa Episcopi indicare. An Rex Angliæ maior Constantiano? Sacellanus ita vult.*

CAPVT IV.

An Rex titulo præscriptionis habeat Primatum Ecclesiæ?

Hoc planè videtur ipse velle. Nam in *monitoria præfatione* disertè ait, aliquos ex suis antecessoribus usurpasse Primatum Ecclesiæ in Angliâ: neque passos esse, ut Pontifex ullam iurisdictionem ibi exerceret, sed ipsos eam sibi vendicasse. Itaque nihil noui se facere, eundem Primatum usurpando.

2. Sed valde frivolum hoc est. Nam si sic licet argumentari, facile erit omnes penè abusus excusare. Ostendam simili exemplo, Rex Achaz in veteri Testamento colebat falsos Deos, & veri Dei cultum negligebat. 4. Reg. 16. 3. Queram, an non rectè id fecerit, nec ne? Dicit rectè se fecisse: & sic probabit. *Aliqui ex meis antecessoribus coluerunt falsos Deos. Ergo nihil noui à me fit. Iure igitur facio.* Quid absurdius? Et tamen sic agit Rex Angliæ. Ostendit paucos & multos, qui obedientiam Pontifici recusarunt; & eorum exemplo inobedientiam suam excusari vult. Sed frustra. Cum enim ius diuinum clarum & liquidum est, quid prodest in contrarium niti; etiam si infinita in contrarium proferantur exempla? At supra ostensum est, Ecclesiæ Primatum ad Episcopos, non autem ad Reges, diuino iure pertinere. Hoc ius nulla præscriptione, nulla consuetudine humana aboleri potest. A Deo, qui homine maior est, vim suam habet. Ergo quamdiu Deus vult, vim suam retineat, necesse est.

3. Addo, si exactis Regum volebat argumentari Rex, si potius concludendum ei erat: *Multo plures ex meis antecessoribus venerati sunt archiepiscopos Pon-*

tificis, quam respuerunt. Ergo & ego venerari eam volo, non respuere. Nec dubium, quin ita sit. Testes sunt Lucius, Edmundus, Osuualdus, Sigebertus, Penda, Ina, Eduardus, Henricus, 2. & complures alij. Extant illorum acta. Ex ijs hæc accipe.

4. Eduardus in epist. ad Nicolaum 2. Pontificem, circa annum Christi 1060. ita scribit: *Summo vniuersalis Ecclesiæ Patri Nicolao, Eduardus gratia Dei Anglorum Rex debitam subiectionem & obedientiam.* Pauca, sed ponderosa verba. Agnoscit illum Patrem & quidem summum Patrem: nec vnius alicuius particularis, sed vniuersalis Ecclesiæ Patrem. Quid amplius? Debitam subiectionem & obedientiam illi promittit. An hoc faceret, si supra Pontificem putaret esse Regiam maiestatem?

5. Nec aliter Henricus 2. in epistola ad Alexandrum 3. quæ habetur apud Petrum Blesensem Secretarium, epist. 136. *Vestra, inquit, magnitudini promitto, me vestra depositioni in omnibus paritum.* Itemque, *Deus extulit vos in eminentiam officij pastoralis, ad dandam scientiam salutis plebi eius.*

6. Regem Regina imitata est, pari animo, pari subiectione. Aleonoram dico, Henrici Regis uxorem. Scripsit illa tres epistolas ad Celestinum Papam, in quibus vocat eum, *Principem Sacerdotem, Vicarium Crucifixi, successorem Petri, Christum Domini, Deum Pharaonis, orbis Episcopum.* Et inter alia sic addit; *Non rex, non Imperator a iugo vestra iurisdictionis eximitur.* Et rursum; *Christi crux antecellit Caesaris Aquilas; gladius Petri gladio Constantini, & Apostolica sedes præiudicat Imperatoris potestati.* Quid clarius? Extant hæc Epistolæ apud eundem Blesensem ep. 144. 145 & 146.

7. Hinc iam tantum apparet, quid omnino tuerentur Reges Angliæ de primatu Romani Papæ. Aulim addere, vix illos in orbe Christiano extitisse Reges, qui tam benè de Pontifice merui sint, quàm Anglicani. Parum putarunt, si in Ecclesiastico regimine illi parent. Ipsum regnum, etiam in temporalibus, feudatarium illi fecerunt. Facetur hoc Henricus 2. in Epist. ad Alexandrum 3. iam citata, his verbis; *Vestra iurisdictionis est regnum Angliæ: & quantum ad feudatary iuris obligationem, vobis dumtaxat obnoxibus teneor & obstringor.*

8. Multò fusius id persequitur Polydorus Virgilius libro 4. historiæ Anglicanæ, ubi de Ina Rege sic scribit. *Officia eius Regis, pietatis plena, infinita produntur: & illud imprimis, quod regnum suum Romano Pontifici vestigale fecerit, singulis argenteis nummis, quos denarios vocant, in singulas domos impositis. Fecit idem, eius exemplo, ut opinor, doctus, Offa Merciorum Rex, qui non multo post id tempus regnavit. Fuit eis annus salutis circiter 740. Hæc vestigal, prout quidam scribunt, auxit postea Atulphus Rex qui vix proximo libro demonstrabitur, totius fere Insulæ imperium tenuit. Omnis Angliæ hoc tempore (nimirum sub Henrico 8.) istud vestigal pietatis & religionis causa, Romano Pontifici pendit domesticum collatum, & nummi illi argentei vocantur vulgo denarij D. Petri, quos Pontificis quæstor, quem non inscienter collectorem nuncupant, exigit. Nos hanc olim quæsturam aliquot per annos gessimus, eiusque muneris obendi causa, primum in Angliam venimus.*

9. Magnum testimonium. Ex quo colligimus, Reges Angliæ, non alia quàm pietatis & religionis causa, suum regnum fecisse Pontifici vestigale. Sanè si Rex Iacobus volebat suorum antecessorem vestigiis insistere: cur hos Reges, qui à pietate & religione commendantur, imitator non est? cur, inquam ab horum pietate & religione tam longe abscedit? Cur, cum illi, tam in temporalibus, quàm Ecclesiasticis, Pontifici

se submitterent; ipse in utrisque illum abiicit & contemnit; Et quod magis mirum est, cur alius quoque Regibus, ut idem faciant, conatur persuadere?

10. Ex dictis sic infero: Si in hoc negotio, præscriptioni locus esset, ea nobis potius fauere, quam Regi. Ab antiquis enim temporibus, ut iam ostensum est, usque ad Henricum 8. Elisabethæ parentem, tota Anglia quotannis solita est Romano Pontifici dare vectigal, in recognitionem supremæ ipsius iurisdictionis Ecclesiasticæ: Ergo hoc suo facto, tam longa consuetudine præscripto, satis testatur, Pontificem esse Primatum Ecclesiæ vniuersalis, atque adeo Anglicanæ.

CAPVT VII.

An Rex ex propria doctrina possit Primatum suum defendere?

1. Inuenio duo principia in libello Regis, quæ si uera sunt. Primatum suum tueri non potest. Vnum est (in quo conuenit cum Bellarmino) quod, qui habet Primatum Ecclesiæ, possit creare & deponere Episcopos: dare illis iurisdictionem & auferre. Vnde Bellarminus, quia vult Pontificem habere Primatum totius Ecclesiæ, consequenter dicit, Pontificem in tota Ecclesia posse id facere. Rex uero quia putat vnumquemque Regem in suo regno, & Imperatorem in suo Imperio, habere Primatum Ecclesiæ, consequenter dicit, vnumquemque Regem in suo regno, & Imperatorem in suo Imperio posse creare Episcopos & deponere: dare iurisdictionem & auferre. Quod autem Rex Angliæ ita sentiat, patet ex ipsius verbis. Sic enim habet in monitoria præfatione: *Primum illud videmus, quod longe Imperatores atque Reges, qui superioribus sæculis religiose Christianèque vixerunt, ab eo abfuerint, ut in se aliquod Pontifici esse crederent: cum contra, Papæ ipsi creauerint, in ordine redegerint; adeoque de sede deiecerint.* Quibus verbis conatur ostendere, Pontifices olim non habuisse Primatum Ecclesiæ supra Reges & Imperatores: sed hos potius habuisse supra illos. Quare? quia potuerunt creare, in ordinem redigere, & de sede deicere Pontifices. Et paulo post: *Sed & per arces complurimas certum ins ac inuictatum apud Imperatores mansit, Romanos Pontifices creandi.* Et in Apologia id confirmat exemplo Regum veteris Testamenti; *Qui, inquit, ex autoritate summæ Pontificis, aliumque in eius locum subrogarunt. In summa, cuncta moderati sunt, quæ ad Ecclesiasticum regimè quoquo modo pertinuerunt.* Eodem modo loquitur Saccellanus Regis in Tortura Torti. *Ad regem, inquit, pertinet, Pontificem ex autoritate, & in locum Abiathari Sadoam surrogare. Facis hoc, credo ad primatum Regis.*

2. Alterum Principium Regis est (in quo dissentit; non solum à Bellarmino, sed etiam à seipso, ut videbimus) quod Episcopi omnem suam iurisdictionem immediate accipiant à Deo. Sic enim habet in monitoria præfatione: *Episcopos esse in Ecclesia debere tanquam institutionem Apostolicam, ac ordinationem proinde diuinam, contra Puritanos, contraque Bellarminum semper sensi, qui negat Episcopos à Deo immediate suam iurisdictionem accepisse. Sed nihil mirum, à Puritanis cum stare, cum Iesuita nihil aliud, quam Puritano papistæ sint.* Hic duo obiter notanda sunt. Vnum est, quod sermo sit de iurisdictione exteriori, de qua etiam questio

nostra est. Hanc enim Bellarminus vult immediate conferri à Pontifice; non autem potestatem ordinis, vel iurisdictionis interioris, ut patet lib. 4. de Pontifice cap. 24. & 25. Alterum est, quod Bellarminus, cum agitur de hac iurisdictione Episcoporum nullo modo consentiat cum Puritanis, ut hic falso illi affingitur. Nam Puritani duo docent. 1. Hanc iurisdictionem conferri à populo vel magistratu sæculari. 2. Equalem esse Episcopis & aliis Ecclesiæ ministris. Tollunt enim omnem ordinem distinctionem, & hierarchiam Ecclesiasticam; & in omnibus volunt esse æqualitatem & paritatem. Hoc fatetur Rex in monitoria præfatione, his verbis; *Et quo studio Episcoporum & Ecclesiastica hierarchia defensionem semper incubus, eodem in consuetudinem illam Anarchiam & Paritatem Puritanorum inuictus sum.* Et infra; *Egone Puritanus, qui suam Episcopis dignitatem restitui, & æqualitatem illam populare repressi?* At Bellarminus in utroque puncto ab us distidet. Nam primò; non vult iurisdictionem Ecclesiasticam conferri à populo, vel magistratu sæculari: sed immediate à Pontifice, mediata uero à Deo, ut diserte facit libro de Pontifice, cap. 15. in solutione quartæ objectionis. *Virumque, inquit, tam ordo, quam iurisdictione, à Deo conferuntur sed, ordo immediate, iurisdictione mediate.* Secundò, vult Episcopos in hac potestate & iurisdictione, superiores esse aliis Sacerdotibus, qui Episcopi non sunt, & quidem iure diuino. Sic enim habet lib. 1. de Clericis cap. 14. *Ecclesia Catholica distinctionem agnoscit, & docet iure diuino Episcopatum Presbyterio maiorem esse, tum ordinis potestate, tum etiam iurisdictione.* Et hoc probat autoritate Concilij Tridentini, & variis argumentis. Itaque tote, quod aiunt, czelo distat à Puritanis. Sed hæc obiter. Nunc ad rem.

3. Ex his ergo duobus principijs, quæ est libello Regis desumpta sunt, conficio hunc syllogismum, contra Regem. Qui habet Primatum Ecclesiæ, potest dare & auferre iurisdictionem Episcopalem, quibus vult, iuxta secundum principium: At Rex Angliæ non potest dare & auferre iurisdictionem Episcopalem, quibus vult: Ergo Rex Angliæ non habet Primatum Ecclesiæ in Anglia. Minorem probo ex primo principio, quia Episcopi omnem suam iurisdictionem accipiunt immediate à Deo: Ergo non accipiunt illam immediate à Rege: Ergo Rex non potest illam immediate dare: Ergo nec auferre.

4. Hinc duo infero. Primum est, quod Rex sibi ipsi contrarius sit. Nam vno loco dicit, iurisdictionem Episcopalem immediate accipi à Deo: altero, eandem dari & auferri immediate à Rege, quæ duo non coherere. Vel ergo Rex non potest illam dare & auferre; & sic non habet primatum Ecclesiæ: vel si potest, falsum est, quod contra Bellarminum dixit, iurisdictionem Episcopalem immediate à Deo conferri. Posterius est, quod Bellarminus, quem Rex oppugnat; consequenter locutus sit; quod Rex facere non potuit. Dixit enim Pontificem habere Primatum Ecclesiæ, & posse dare & auferre iurisdictionem Episcopalem. Dixit etiam hanc iurisdictionem esse quidem à Deo, non tamen immediate ab eo conferri, sed mediante Pontifice. Hæc autem optimè coherere.

5. Ex omnibus, quæ hæcenus disputata sunt, ita concludo; Rex Angliæ, nec iure naturali, nec iure diuino veteris Testamenti, nec iure diuino noui Testamenti, nec iure ciuili aut canonico, nec consensu doctorum hominum, nec titulo legitimæ præscriptionis, nec ex principijs propriæ doctrinæ, potest habere Primatum Ecclesiæ in Anglia: Ergo nullo modo potest eum legitime habere. Facessant igitur Saccellanus & similes adulescentes, qui contrarium illi persuadent.

CAPVT VIII.

Quid sit officium Regis circa Ecclesiam?

O Scendi hactenus prolixè, Reges & Principes seculares non habere Primatum seu iurisdictionem exteriorem in Ecclesia, ac proinde sua auctoritate non posse Ecclesiam regere, synodos conuocare, lites & controuersias fidei dirimere, Ecclesie ministros creare vel deponere, contumaces excommunicare; sed hæc omnia ad Episcopos & Ecclesie Prælatos diuino ac humano iure pertinere. An igitur Regibus in regimine Ecclesiastico nihil reliquum est? An planè ab hæc circa exclusi & immunes sunt? Dicam pauois, quod res est: & dabo Cæsari, quæ Cæsaris sunt; Deo quæ Dei.

1. Ac Primum illud statuendum est contra Politicos, Reges & Principes Christianos non ita debere sua regna ac provincias administrare, ut omnem religionis & Ecclesie curam abiciant, tanquam nihil ad se pertinentem, & usurpent illud Donatistarum: *Quid Imperatori cum Ecclesia?* quod tantopere reprehendit Augustinus lib. 2. contra literas Peuliani cap. 92. Hæc enim & sacris literis, & bonorum Regum exemplis, & rationi ipsi contrarium est. Laudantur in sacris literis Dauid, Ezechias, Iosaphat, Asa & Iosias, quod cultum ac religionem Dei, vel promouerint, vel restaurarint. Eorum exemplum in nouo Testamento imitati sunt Constantinus Magnus, Theodosius, Arcadius, Honorius, Carolus Magnus, Ludouicus, & alij. Contra verò non solum reprehensi, sed etiam puniti sunt qui religionem & fidem contempserunt, ut Ieroboam, Achab, Achaz, Amon. Et ratio est, quia Reges, qui in sublimi potestate positi sunt, sicut ipsi ab inferioribus iure honorantur; sic Deus ipsum, à quo potestatem consecuti sunt, & cui iure naturæ subiiciuntur, merito honorare debent, & ipsius gloriam ac maiestatem ubique propagare. Vnde Agapitus ad Iustinianum Imperatorem: *Honore quolibet sublimiorum cum habeas dignitatem, ô Imperator: honora super omnes, quibus re dignatus est, quoniam iuxta similitudinem celestis regni, tradidisti tibi sceptrum terrena potestatis, ut homines edoceres iusticiam, & eorum, qui quasi canes aduersus ipsam rabiunt, infellaxeris latratum, tum ipsius obtemperando legibus, cum subditos tibi regendo priore.*

3. Secundo statuendum est, eisdem Reges & Principes Christianos, nullo modo in suis regnis ac provinciis debere admittere libertatem fidei ac religionis, si impedire eam possint. Hæc enim literas planè illicita, & Christianæ doctrinæ contraria est. Nam ut alibi dicti, multa in Euangelio sunt, ex quibus constar, Christum vnā fidem mandasse, variā ac multiplicem prohibuisse. Ac primò, voluit vnā tantum esse Ecclesiam, vnum ouile, vnum pastorem, vnum baptismum. Hæc autem sine vnitāte fidei consistere non possunt. Secundò, voluit discipulos suos attendere à falsis prophetis: ac in multiplici religione necesse est, alios esse veros, alios falsos prophetas. Ergo, si hi excludendi sunt, fides vna retinenda est, varia explodenda. Tertio, voluit Ecclesiam suam esse perpetuam, cui omnes inferiorum potestates resistere non possint. At perpetua esse non potest, si vna omnium fides non sit, quod ipse testatur Luc. 11. 17. *Omne regnum in seipsum diuisum desolabitur.* Apostoli disertis verbis idem confirmant. Rom. 16. 17. *Rogo autem vos fratres, ut obseruetis eos, ne in dissensionem & offendiculum, præter doctrinā,*

A quam vos didicistis, faciunt; & declinate ab illis. Gal. 1. 18. *Licet notant Angelos de celo euangelizet vobis, præterquam quod euangelizauimus vobis, anathema sit.* 1. Cor. 1. 10. *Obsecro vos fratres, ut id ipsum dicatis omnes, & non sint in vobis schismata.* 1. Cor. 14. 33. *Non enim est dissensionis Deus, sed pacis.* Ephes. 4. 5. *Vnus Dominus, vna fides, vnum baptisma.* Hebr. 13. 9. *Doctrinis variis & peregrinis nolite abduci.* Vides, quam seridè, quam sollicitè & grauiter hortetur Apostolus, ut vnitatem fidei retineamus. Quod non faceret, si libertas indulgeri possit. Plura in hanc sententiam dicta sunt in disputatione. *De fide hæreticis seruanda*, cap. 10. Nunc illud solum addo ex Augustino epist. 66. *Quæ est peruersio anime, quàm libertas erroris?*

4. Quid ergo facient Reges circa Ecclesiam & religionem, si neque curam illius omnino reuere, nec etiam libertatem indulgere possunt? Dicam Verbo. Debent illam tuere ac defendere, non ut Domini, sed ut ministri: neque ut Iudices, sed ut executores. Hoc olim fecerunt Christiani Principes: Hoc verbo testati sunt Carolus Magnus, ut alios omittam, apud Sigonium lib. 4. de regno Italie, sic ait: *Si Ecclesiarum Deservimus magnificentiā nostram imperimus, eorumque studiis liberior obsequimur: id nobis ad Augustalis excellentiæ culmē proficere credimus.* Si, inquit, obsequitur Ecclesiarum Dei teruis, Obsequium offert; non arrogat sibi Primatum. Vult esse minister in defensione Ecclesie, non Dominus.

5. Idem Carolus, cum à Leone Papa coronam Imperij accepit, hac formula iuraturandi usus est: *In nomine Christi spūdeo atque polliceor ego N. Imperator coram Deo & B. Petro Apostolo, me protectorem ac defensorem fore huius sanctæ Romanæ Ecclesiæ, in omnibus, quatenus diuino fulmine fuero adiutorio prout sciero, poteroque.* Refert Sigonius loco citato.

6. Et iam pridem vsu receptum est in Francia, Hispania, Anglia, Polonia, Hungaria, ut simili iuramento obstringant se Reges, & nominatim promittant, defensuros se Ecclesiam ac religionem, cuiusque Prælati debitam reuerentiam & subiectionem præstuturos. Neque hoc quicquam derogat ipsorum maiestati: imò perhonorificum est. Rectè Ambrosius epist. 32. ad Valentinianum Iuniorē; *Quid est, inquit, honorificentius, quàm ut Imperator dicatur filius Ecclesiæ? Imperator enim bonus, intra Ecclesiam, non supra Ecclesiam est.* Et Theod. Italix Rex ad Ioannem Pontificem: *Sum quidem Index Palatinus, sed vester non desinam esse discipulus. Nam tunc ista relligimus, si à vestris regulis minimè discedamus.*

7. Non ibo longius in hoc genere. Satis, opinor, iam constar, quam curam circa religionis & Ecclesie defensionem habere debeant Reges & Principes seculares. Hoc addo, non deesse exempla huius rei, etiam hoc tempore, præsertim in Francia, Hispania, Polonia, Belgio, Germania, Italia.

Secunda pars refutationis.

DE ERRORIBVS ET PA-
RADOXIS REGIS
ANGLIÆ.

Rex in monitoria præfatione; *Catholica fidei defensorum* se appellat: quo titulo Henricus octavus, propter defensionem contra Lutherum Ecclesiam Romanam, à Leone Pontifice ornatus fuit. At quotiure; Iacobus Henrici successor, eundem sibi vendicat, non video. Primò, quia longè aliter agit, quàm Henricus. Non enim defendit Romanam Ecclesiam contra Lutherum, vt ille: sed eam cum Luthero oppugnat. Secundò, quia in sua præfatione, vbi hunc titulum usurpat, multos habet errores circa fidem; multa paradoxa. Errores sunt hi. 1. Damnandam esse intercessionem Sanctorum. Missam priuatam, communionem sub vna specie, Transubstantiationem, adorationem Christi in Eucharistia, thesaurum Ecclesiæ. 2. Reliquiarum & imaginum cultum esse intolerabilem idololatriam. 3. Nullum esse Purgatorium, nec satisfactiones pro defunctis. 4. Petrum non fuisse Vicarium Christi, nec habuisse Primatum Ecclesiæ. 5. Papam esse Antichristum. 6. Veram crucem Christi, in qua ipse pependit, non esse adorandam. De his & similibus, quia sæpè à nostris refutati sunt, nihil dicam.

1. Paradoxa sunt hæc, 1. Spiritum sanctum esse Vicarium Christi. 2. Regem esse Vicarium Dei, tam in Ecclesiasticis, quàm in temporalibus. 3. Henoch & Heliam ante Christi aduentum fuisse in cælo cum corporibus glorificatis. 4. Non habendos esse pro Christianis, qui credunt Henoch & Heliam ab Antichristo interficiendos. 5. Per duos testes in Apocalypsi, intelligi Vetus & Nouum Testamentum. 6. Beatam Virginem Mariam ita perfudi gaudio cælesti, vt de nobis non possit cogitare. 7. Vnumquemque debere suæ per certam suam scientiam fundamentum fidei collocare. 8. Si Concilium generale conuocandum esse, excludi debere Iesuitas & Puritanos. De his novis, & vix vquam auditis Paradoxis, breuiter agendum est hoc ordine.

1. De Vicario Christi.
2. De Vicario Dei.
3. De Henoch & Helia, an sint in cælo?
4. De Henoch & Helia, an sint interficiendi?
5. De duobus testibus. Apoc. 11.
6. De Beata Virgine Maria.
7. De fundamento fidei.
8. De concilio generali conuocando.

CAPVT I.

De Vicario Christi.

Christum esse monarcham & supremum caput Ecclesiæ faterur Rex. Et rectè. Nam Scriptura aperte id docet Ephes. 1. 22. *Ipsum dedit caput supra omnem Ecclesiam.* Et Ephes. 5. 23. *Vir caput est malis suis: sicut Christus est caput Ecclesiæ.* Et Coloss. 1. 18. *Ipse est*

A caput corporis Ecclesiæ. Et alibi sapius.

2. Quæstio est, an habeat aliquem Vicarium, qui illius vices in Ecclesiæ regimine suppleat? Catholici docent, Petrum & successores eius id præstare. Lutherani & Calvinistæ negant, quia alioqui sequeretur, inquirunt Ecclesiam habere duo capita, nempe Christum & Pontificem: ac proinde monstruosam esse. Rex Angliæ in monitoria præfatione, vtriusque se opponit. Vult quidem aliquem esse Vicarium Christi in Ecclesiæ, quod est contra Lutheranos & Calvinistas: non tamen esse Petrum cum suis successoribus, quod est contra Catholicos: sed esse Spiritum sanctum, quod est nouum commentum.

3. Hic primum quæro, propriè an impropriè loquatur Rex, cum hoc ait? Si propriè, errat, si impropriè, decipit. Verumque ostendo. Et incipio à posteriori. Nam si impropriè loquitur, erit hic sensus, *Petrus non est impropriè Vicarius Christi: Spiritus S. est impropriè Vicarius Christi.* At hoc non venit in controuersiam, inter nos & aduersarios. De Vicario propriè dicto, vtriusque disputamus. Igitur Rex, qui relictæ statu controuersie, aliud respondet, quàm quod in quæstione est, non sincerè agit cum Lectore, sed fallit ac decipit.

4. Si autem propriè loquitur, erit hic sensus; *Petrus propriè nō est Vicarius Christi: Spiritus sanctus propriè est Vicarius Christi.* At hic duplex error est. Alter de Petro, quem alio loco refutabimus: alter de Spiritu sancto, qui hoc vno argumento refelli potest. Vicarius propriè loquendo, minor seu inferior est eo, cuius est Vicarius: si ergo Rex dicit, Spiritum sanctum esse propriè Vicarium Christi, necesse est eum dicere, Spiritum sanctum esse minorem Christo. Hæc autem est hæresis Macedoniana. Rex ergo hæreticus est, si hoc dicat. Quod autem Vicarius propriè loquendo, minor sit eo, cuius est Vicarius, certum est ex communi hominum vi & conceptu, non solum apud Catholicos, sed etiam apud aduersarios. Nam quando Calvinus ait, *Christum esse Vicarium Dei Patris:* Calvinistæ interpretantur hoc de Christo secundum humanitatem, non autem secundum diuinitatem. Et quare obicere? Ne cogantur concedere; Christum secundum diuinitatem minorem esse Patri, quæ est hæresis Ariana. Supponunt ergo Vicarium propriè loquendo, minorem esse eo, cuius est Vicarius. Vide Conradum Vorstium Calvinistam in sua Apologia disp. 2. §. 57.

5. Addam duo dilemmata. *Primum;* Vel Spiritus sanctus est propriè Vicarius Christi secundum humanitatem vel secundum diuinitatem. Si prius, sequitur Spiritus S. esse minorem Christo homine, quod est valde absurdum. Si posterius, sequitur Christum secundum diuinitatem esse caput Ecclesiæ, quod etiam absurdum est. Nam quatenus est caput Ecclesiæ, non habet regnum temporale, vt faterur Rex Angliæ, ex illo Ioan. 18. 36. *Regnū meum non est de hoc mūdo.* Habet autem regnum temporale, quatenus est Deus; Ergo quatenus Deus est, non est caput Ecclesiæ. Vnde Augustinus lib. 1. Trinit. c. 12. *Christus secundum formā Dei, primogenitus omnis creatura secundum formā seruī caput corporis Ecclesiæ.*

6. Alterum. Vel Spiritus sanctus est propriè Vicarius Christi in externo regimine Ecclesiæ, vel in interno. Non prius, quia non apparet fidelibus in externa & visibili specie: nec facit ea visibiliter, quæ fecit Christus in mortali carne. Non enim administrat Sacramenta, non habet conciones in publico; non increpat subditos delinquentes. Nec posterius: quia licet hæc omnia faciat occulta quadam vi, nempe per internam illuminationem, sanctificationem, & increpationem: id tamen non sufficit, vt propterea dicatur esse propriè Vicarius Christi: Primò, quia etiam in Veteri Te-

Ramento illuminabat Prophetas, sanctificabat Patriarchas, increpabat peccatores? Et tamen non erat tunc propriè Vicarius Christi. Secundò, quia is propriè censetur fungi officio Vicarij, qui præstat ea nomine Principis, quæ à Principe, cum præsens est, præstari solent. At Christus, cum præsens erat, visibiliter administrabat Ecclesiam: Ergo Spiritus sanctus, qui hoc non facit, non est propriè Vicarius Christi. Tertio, quia illuminatio, sanctificatio, & increpatio, cum sint opera Trinitatis ad extra (ut loquuntur Theologi) non magis conveniunt Spiritui sancto: quàm alius personis: Ergo nulla causa est, cur in huiusmodi operibus, Spiritus sanctus sit potius Vicarius Filij, quàm Pater aut Filius sit Vicarius Spiritus sancti.

7. Dices fortè Rex, ista opera esse quidem toti Trinitati communia: sed tamen per quandam accommodationem tribui Spiritui sancto, iuxta illud ritum axiomæ: *Potentia Patri, Sapientia Filio, Sanctificatio Spiritui sancto appropriatur*. At hæc responsio seipsam destruit. Nam illuminatio propriè pertinet ad sapientiam. Si ergo sapientia Filio accommodatur, ut in responsione dicitur: necesse est, illuminationem quoque Filio accommodari, quod eidem responsioni repugnat. Et sic sola sanctificatio erit propria Spiritui sancto. At hinc ulterius sequitur Spiritum sanctum non esse Vicarium Christi in sanctificando. Si enim sanctificare est proprium Spiritus sancti, iam in eo opere non agit vices alterius, sed suas. Quomodo ergo alterius Vicarius dici potest? At si potest, cur non similiter Pater est Vicarius aliarum personarum in creando, & Filius in illuminando?

8. Nec video, quid pro Rege adferri possit, nisi fortè illud Ioan. 15. 26. *Cum venerit Paracletus, quem ego mittam vobis à Patre*. Hinc enim videtur colligi, sanctum Spiritum missum esse à Christo, ut Vicarius ei esset. At non rectè inde colligitur. Non enim à solo Filio sed à Patre quoque missus est, iuxta illud Ioan. 14. 26. *Paracletus autem Spiritus sanctus, quem mittet Pater in nomine meo, ille vos docebit omnia*. Si ergo propter missionem à Filio dicendus esset Vicarius Filij, cur non similiter propter missionem à Patre dici posset Vicarius Patris? quod tamen Rex non vult.

9. Occurri potest, non idè præcisè Vicarium appellari, quia mittitur: sed quia mittitur, ut suppleat locum mittentis. Tamen ergo mittatur à Patre & Filio, non tamen utriusque appellari Vicarium, sed solius Filij, quia non mittitur, ut suppleat locum utriusque, sed solius Filij. At hoc iam refutatum est. Ostendi enim, nec in exteriori, nec in interno regimine, propriè supplere illius locum. Si ergo nec ratione missionis, nec ratione officij, & potest appellari Vicarius Christi, nulla ratione appellari ita potest. Et hoc ipsum est, quod contendimus.

10. Loquor autem propriè. Negari enim non potest Spiritum sanctum impropriè saltem vocari aliquo modo posse Christi Vicarium, quia post mortem & discessum Christi, multa per inspirationem docuit Apostolos, quæ Christus volebat eos scire. Et hoc sensu dixit Tertullianus in libro de præscriptionibus cap. 13. *Regula fidei est, Christum in celo receptum sedere ad dexteram Patris: misisse vicariam vim Spiritus sancti, qui credentes agat*.

CAPVT II.

De Vicario Christi.

1. **R**ex Angliæ, sicut ait Spiritum sanctum esse Vicarium Christi in Ecclesia, non tamen in politica temporali, quæa Christus non habuit; sic vult unumquemque Regem in suo regno, Vicarium esse Dei non modo in temporibus, sed etiam in Ecclesiasticis, & quidem supra Episcopos & Pontifices. Hinc in sua monitione præfatione ait: *Nostrum est providere, qui in terris Dei Vicarij sumus*. Itemque, *Nam neque me Pontifice ulla ex parte inferiorem esse credo, pace illius dixerim*.

2. Unde sequitur, duos esse Vicarios in Anglia, nempe Spiritum sanctum & Iacobum Regem: hunc quidem Dei illum autem Christi: alterum in secularibus & Ecclesiasticis simul: alterum in solis Ecclesiasticis. Quod dupliciter refelli potest. Primò, quia inde efficitur, Regem Angliæ maiorem esse Spiritu sancto, ratione officij. Hoc sic ostendo. Qui est Vicarius Dei in secularibus & Ecclesiasticis simul, maior est eo, qui est in solis Ecclesiasticis. At Rex dicit, se in utroque genere esse Vicarium Dei: & Spiritum sanctum in altero tantum esse Vicarium Christi: Ergo in officio Vicarij, facit se maiorem Spiritu sancto.

3. Secundò: Si Rex in Primatu Ecclesiæ supra Apostolos & Episcopos ponendus est, quæro, quem ordinem & locum in hierarchia Ecclesiastica sortiri debeat; An immediatè post Christum? At sic esset supra Spiritum sanctum, quem Christi Vicarium esse vult. An potius post Spiritum sanctum, & tamen supra Apostolos, & eorum successores, ita ut medius inter hos & illuminatus? At Spiritus sanctus immediatè docet Apostolos, & illis immediatè promissus est, ut faceret Rex his verbis: *Nec Christus antequàm in celum ascenderet, pollicitus est se Petrum, qui Apostolos dirigeret ac doceret, relicturum, sed Spiritum sanctum se in eum finem missurum esse prædixit*.

CAPVT III.

De Henoch & Helia, an sint in celo?

1. **R**ex docet Henoch & Heliam per multa annorum millia fuisse in celo cum corporibus glorificatis. Sic enim ait: *Vt autem illi (Henoch & Helias) qui tot millia annorū cali fuerunt in celo, mortalitatis legibus soluti redeant in hanc vitam, sicut commentitium est figmentum, ita natura planè repugnat sanctificatorū corporū*. Unde sequitur, si tot annorum millia fuerunt in celo & celesti beatitudine fuisse, ibi ante Christi mortem & ascensionem. At hoc falsum planè est, & apertè contra scripturam quod tripliciter ostendo.

2. Primo: Scriptura docet celum mansisse clausum toto tempore veteris Testamenti, usque ad Christi passionem. Heb. 9. 6. *In prior tabernaculo semper introibant Sacerdotes, sacrificiorū officia consummantes: in secundo autē semel in anno solus Pontifex non sine sanguine, quem offert pro sua & populi ignorantia*. Hoc significat Spiritum sancto nondum propalatum esse sanctorum viam, adhuc priori tabernaculo habente statum, id est, Quod in veteri Testamento non liceret Sacerdotibus ingredi sancta

sancta sanctorum; per hoc significabat Spiritus sanctus, viam celorum; nondum fuisse tunc apertam & patefactam. Simile est illud Hebr. 10. 19. *Habentes itaque fratres fiduciam in introitu sanctorum in sanguine Christi, quam initiavit nobis viam novam & viuentem per velamen, id est, carnem suam.* Quid clarius? At Christus suo sanguine parasse nobis viam novam ad celum, quod antea adiri non poterat. Ad quod attendens D. Hieronymus in epist. ad Dardanum, sic scribit; *Sanguis Christi clavis paradisi est.* Ex his ita concludo; Toto tempore veteris Testamenti usque ad mortem Christi, clausum & inaccessibile fuit celum propter peccatum Adam; ergo illo tempore, Henoch & Helias ingressi non sunt.

3. Secundo; non solum constat ex Scriptura, celum fuisse clausum usque ad mortem Christi, ut iam dictum est, sed & iam Christum fuisse primum, qui illud ingressus est. Hebr. 6. 26. *Ubi ad n. et ora velaminis, ubi praeursor pro nobis intravit Iesus.* Hic dicitur Christus intrasse interiora velaminis, id est, celum tanquam praeursor reliquorum omnium. An non fuisse praeursor, si Henoch & Helias ante illum intrassent?

4. Tercio; ex Scriptura constat, omnibus semel moriendum esse, iuxta illud Hebr. 9. 27. *S. nunc est omnibus hominibus semel mori.* Et Psalm. 88. 49. *Quis est homo, qui vivet, & non videbit mortem?* quali dicat, Nemo. At Henoch & Helias nondum mortui sunt. Ergo adhuc moriendum illis est: Ergo non sunt in celo cum glorioso & immortali corpore. Maior negari non potest. Minorem concedit Rex, et merito. Nam de Henoch fatetur Apostolus Hebr. 11. 5. cum ait: *Henoch translatus est, ne videret mortem.* De Helia satis constat quia vivus à conspectu Helisari in curru sublatu est per aërem, cum simul ambo sermocinarentur. 4. Reg. 2. 11.

5. Nec habet Rex quicquam, pro novo suo Paradoxo, nisi fortasse illud Ecclesiastici 44. 16. *Henoch placuit Deo, & translatus est in paradysum.* Et illud 4. Regum 2. 12. *Ascendit Helias per turbinem in celum.* Ex quibus locis videtur colligi, ambos in celum Empyreum translatos esse. At certe id non colligitur. Nam illud: *Translatus est in paradysum*, potest explicari vel de paradiso terrestri, in quo fuit Adam; vel de quovis alio aeterno loco, quo nomine Paradisi in Scriptura significari solet. Similiter illud: *Ascendit per turbinem in celum*; rectissime de celo aëreo accipitur, sicut & illud Psalm. 8. 9. *Volucres caeli, & pisces maris.* Non ergo magis convinci potest Heliam; quam volucres, esse in celo beatorum.

6. In quem ergo locum translati sunt, inquires, si non in celum beatorum? Aliqui existimant in paradysum terrestrem, ex quo Adam expulsus est, ut D. Thomas 3. p. q. 45. art. 5. 2. ubi ait *Henoch raptus est in paradysum terrestrem, ubi cum Helia simul creditur vivere usque ad adventum Christi.* Alii, qui putant paradysum illum, tempore diluvii, fuisse aquis obrutum & destrutum; dicunt eos in alio quodam aeterno loco versari. Nihil certi est, nisi quod in celo beatorum non sint. Nec mirum est, non hoc ignorare. Multa alia ignoramus. Neque nos soli. An non fatetur Apostolus de seipso nescire se, an in corpore, an extra corpus, raptus fuerit in paradysum? An non testatur Scriptura, neminem unquam cognovisse, quo loco sepultus sit Moyses? An non D. Augustinus lib. 2. de peccato Originali, c. 23. proponit varias quaestiones, quas ait à nobis certò definiti non posse? Inter quas etiam est illa, de qua nunc agimus. *Ubi morantur sine Henoch & Helias? item quo illa, Ubi fueris Mathusalem tempore diluvii, cum confectus non fuisset in arca Noë? et sanè dicant, qui omnia scire se arbitrantur, si Helias raptus fuit in celum beatorum.*

Opusc. Rec.

A. ut ipsi volunt; quis fuerit baiulus litterarum, quas postquam raptus est, scripsit ad Regem Iuda; ubi charitam & atramentum nactus sit? an currus & equi, quibus eo vestus est, adhuc maneant in celo; & quo pabulo ibi vescantur?

7. An obici potest? Si duo illi viri, Henoch & Helias, non sunt in celo cum corpore immortali: necesse est eos alibi vivere in corpore mortali. Si ita est, sine cibo & potu esse non possunt. Quomodo ergo sustentantur? D. Augustinus lib. 1. de peccatorum meritis & remiss. cap. 3. insinuat tres solutiones. Prima est, si potuit Deus efficere, ut Israelitarum vestes & calceamenta per 40. annos non fuerint attrita in deserto; cur nequeat efficere, ut amici ipsius conferrentur ab interitu, sine cibo & potu? *Altera*, si Helias per 40. dies potuit ambulare sine nutrimento, ante raptum; cur non per totidem annos & secula, postquam raptus est? *Tertia*, si Adam in paradiso fuisset conseruatus ex ligno vitæ, nisi peccasset, cur non, Henoch & Helias, qui putantur esse in eodem loco, & vesci de eodem ligno.

CAPVT IV.

An Henoch & Helias sint interficiendi ab Antichristo.

1. **R**ex ait se non habere pro Christianis eos; qui credunt Henoch & Heliam verè interficiendos esse ab Antichristo. *Hec inquit, quis credat (Deum testor) non modo pro magni nominis Theologo, sed ne pro Christiano quidem habeam.* At hoc credunt antiqui Patres. Antiqui pro Christianis habendi non sunt? Nimis rigida hæc cenura est. Si diceret, se non credere, Henoch & Heliam interficiendos esse ab Antichristo, esset aliquo modo tolerabile. At dicere, non habendos pro Christianis, quid credunt; quid aliud est, quam affirmare, habendos esse pro ethnicis & infidelibus?

2. Sanè antiqui Patres, qui id credunt, meliori fundamento nixuntur quam Rex, qui id negat. Nam hic non alio niti potest, quam quod putet Henoch & Heliam esse in celo beatorum cum corpore glorioso & immortali. Inde enim sequitur, non amplius mori, aut interfici posse. At hoc fundamentum apertè falsum est, ut paulò antè ex Scriptura ostendi. Patres vero qui contrarium sentiunt, fundantur in illo Apoc. 11. 3. *Dabo duobus testibus meis, & prophetabus diebus mille ducentis sexaginta, amicti saccis.* Et infra: *& cum finierint testimonium suum, bestia qua ascendit de abyssu, faciet adversus eos bellum, & vincet illos & occidet eos. Et corpora eorum iacebunt in plateis Civitatis magna, qua vocatur spiritualiter Sodoma & Aegyptus, ubi & Dominus eorum crucifixus est.* Et infra: *Et post tres dies & dimidium, spiritus eorum vivet à Deo intravit in eos, & steterunt super pedes suos, & c.* Ex quibus verbis tria colligi possunt. 1. Tempore Antichristi venturos duos testes qui amicti saccis, Christi fidem & doctrinam publice profiteantur, 2. eos hoc nomine ab Antichristo interficiendos. 3. Post tres dies & dimidium reuocandos ad vitam, & in celum ascensuros.

3. Quod autem hi duo testes futuri sint Henoch & Helias, probant Patres ex antiqua traditione, & variis Scripturae testimoniis. Et loquuntur de hac re, tanquam certa & explorata. Arethas in illum locum, sic scribit; *Fertur ex traditione Praeceptorum Christi, quod*

immortaliter in Ecclesia recipitur, ipsum quoque Henoch venturum cum Helia Thesbite. Venient enim ambo, ut protestentur iis, qui tunc erunt, ne fallacibus Antichristi signis si tem adhibeant. Et Tertullianus in libro de anima, cap. 28. Translati & Henoch Helias, nec mortuorum reperta est, dilata scilicet. Ceterum morituri reservantur, ut Antichristum sanguine suo extinguant. Et D. Hieronymus in epist. 148. ad Marcellam: De Henoch autem & Helia, quos venturos Apocalypsis refert, & effemurari non est istius temporis disputatio. ut D. Ambrosius in 1. Cor. 4. Henoch & Helias ultimo tempore futuri sunt Apostoli. Mirum enim habent ante Christum ad preparandum populum Dei, & monendas omnes Ecclesias ad resistendum Antichristo: quos & persecutiones pari, & occidit, lectio Apocalypsis testatur. D. Augustinus lib. 20. de civitate Dei, cap. 29. Per hunc Heliam magnam mirabilemque Prophetam, ultimo tempore, Iudeos in Christum credituros esse, celeberrimum est in sermonibus cordibusque fidelium. Vocat fideles: & Rex non habeat eos pro Christianis? Similia scribunt Gregorius, Prosper, Iulianus, & alii.

4. Nunc quaero, si omnes hi Patres, & quotquot eorum sententiam secuti sunt, non fuerunt Christiani, ut Rex vult: quinam ergo fuerunt Christiani eo tempore quo illi vixerunt? Vel aliqui, vel nulli necesse est. Si nulli, nulla fuit ecclesia Christi. Unde ergo nos nati & educati in Christo sumus? Si aliqui, quinam illi fuerunt, si praedicti Patres non fuerunt?

5. Obiiciet Rex, non omnes antiquos Patres ita sensisse. Aliquos per duos illos testes intellexisse Heliam & Ieremiam: nonnullos Heliam & Moysen. Fateor. Sed non iuvat hoc causam Regis. Primum, quia Patres, qui nobiscum sentiunt, multo plures sunt, & maiorem auctoritatem habent. eos autem damnare, & nolle pro Christianis agnoscere, magna temeritas est. Secundum, quia reliqui, qui paucissimi sunt non damnant horum sententiam, ut Rex facit: sed solum putant suam esse probabilior. Tertium, illi ipsi, qui aliter sentiunt, tamen negent Henoch, aiunt tamen Heliam interficiendum esse. Ergo saltem ex parte, non minus quam alij, damnantur à Rege, & pro Christianis haberi non possunt. An igitur omnes pro Ethnicis consensere debent, & solus Rex Christianus est?

6. Sed video, quid respondeat. Nimirum se, cum dixit pro Christianis haberi non posse, qui credunt Henoch & Heliam interficiendos ab Antichristo, de iis tantum intellexisse, qui hoc tempore viuunt: non de antiquis Patribus: eos tamen in eodem errore fuerint, excusari posse per ignorantiam. Sic enim habet: Sed nimis anxie studioseque hanc fuisse & sanctam fabulam (nempe de Henoch & Helia interficiendis) refutavi, cui tantum abest, ut credam. ut contra istam eruditio saeculo, hoc qui credat (Deum testor) non modo pro magni nominis Theologo, sed ne pro Christiano quidem habeam. Veteribus autem Theologis, si qui in hac parte erraverint, equior sum, propter rationem, quam supra memoravi. Est autem haec ratio, quam supra memoraverat: Mirum non est, si sapienter Patres hic errarent; & minus recte multa Apocalypsis mysteria intelligant, propterea quod liber ille eorum temporibus adhuc obscurus fuit: & licet mysterium iniquitatis iam cum ageretur, ille tamen homo peccati nondum erat reuelatus. In omnibus enim obscuris prophetiis certissima est regula, nunquam eas satis intelligi posse, usque dum compleantur.

7. Igitur Rex ita sentit. 1. Prophetias non posse intelligi, nisi quando completæ sunt. 2. Prophetiam Apocal. de Antichristo & duobus testibus, non fuisse completam eo tempore, quo vixerunt antiqui Patres: ac proinde non magis esse, si ab eis intellecta non

fuerit: Et hoc modo errorem eorum excusari posse.

3. Eandem prophetiam hoc tempore completam esse, nunc enim venisse Antichristum, & manifestum esse, quod sit Pontifex Romanus; & tamen nusquam apparere Henoch & Heliam: ideoque anilem fabulam esse quicquid antiqui Patres de Henoch & Helia commenti sunt. 4. Quid hoc tempore in tam clara luce, adhuc credunt venturos Henoch & Heliam, non posse haberi pro Christianis: multo minus pro Theologis. Hæc summa est.

8. Sed primum quaero, quis Regem Angliæ constituerit iudicem supra antiquos & recentes Theologos in causa fidei ac religionis? Laici de eiusmodi rebus iudicare non debent, sed episcopi, ut supra ostensum. Deinde iudicium hoc, non modo usurpatum, sed etiam temerarium est. Omnes enim Theologi, quotquot nunc sunt, & olim fuerunt, eo manifestè damnantur. Veteres quidem erroris: moderni autem impietatis. Solus Rex cum suo Sacellano innocens est. Solus ipse, nec erravit cum antiquis Patribus; nec cum modernis Theologis Christiano nomine indignus est. Denique quis spiritus releuavit Regi, prophetiam, Apocalypsis iam completam esse: aut unde illi constet, venisse iampridem Antichristum, & sub nomine Romani Pontificis, orbi Christiano dominari? Hæc noua potentia sunt: sæpe quidem audita: sed accuratè à nostris refutata.

CAPITULUM V.

De duobus testibus Apocalyp. XI.

1. **R**ex Angliæ, ut ostensum est, damnat eos, qui per duos testes, quorum sit mentio in Apocalypsi, putant intelligendos esse Henoch & Heliam: eorum sententiam non aliter, quam Iudaicam & anilem fabulam, aut otiosum somnium interpretatur. Quid ergo ipse sentit? Audite Regis sapientiam. Iam, inquit, illa anilis fabula refutata de duobus illis testibus Henoch atque Helia, restat, ut meam coniecturam interpretemur, de qua quosnam illos testes esse arbitrer. Accigite aures, populi. Rex Angliæ mira dicturus est. Interponet suam, non sententiam, sed coniecturam. Non enim inter Patres & episcopos, qui in conciliis rem definire solent: sed inter Mathematicos, seu coniectores videtur censeri velle. Audite ergo, quid coniectet. Per duos, inquit, hosce testes, intelliguntur vetus ac nouum Testamentum. Hoc sic probat: Illi duo testes interficiendi sunt ab Antichristo, & postea iterum à Deo reuocandi: atqui sacra Scriptura veteris ac noui Testamenti à Pontifice fuit corrupta, neglecta, & quodammodo interfecta: & postea à Lutero & Caluino fuit iterum in pristinum honorem restituta. Ergo coniectura Regis Angliæ verissima est. Magnum, si Deus placet, argumentum.

2. Dicam, quod res est. Tota hæc Regis interpretatio merito suspecta esse debet. 1. quia noua & hætenus inaudita est. 2. quia nititur mera coniectura, & quidem vnius tantum hominis. Nisi fortè Sacellanus coniecturae socius sit. 3. quia non potest esse à Spiritu sancto. 4. quia corrumpit sacram scripturam; imò interficit. Hinc sumo quatuor argumenta. Primum est. Omnis noua doctrina, quæ nunquam antea tradita est, & communi antiquorum Patrum consensui repugnat, merito suspecta esse debet apud fideles: atqui doctrina Regis de duobus testibus est planè noua, nunquam antea tradita, & communi antiquorum Patrum consensui repugnat: ergo merito suspecta esse debet apud fide-

les. Et hic habet locum illud D. Hier. in Epist. ad Patrum machium & Oceanum; *Quisquis assertor es novarum dogmatum, quæ se, ut parcas humanis auribus, parcas fidei, quæ Apostolice ore laudata est. Cur post quadringentos annos (dicam ego, post mille sexcentos) docere nos visis, quod ante nescimus: usque in hanc diem, sine vestra ista doctrina Christianus mundus fuit.*

3. *Alterum*, Illa doctrina, quæ nititur mera coniecturâ, & quidem unius tantum hominis, non debet anteponi doctrinæ plurimorum Patrum, quæ iam pridem à Christianis recepta est. Atque doctrina Regis de duobus testibus, id est, duobus Testamentis, nititur merâ coniecturâ, & quidem solius Regis (aut fortè Sacellani) doctrina autem Patrum de Henoch & Helia, vel saltem de Moïse & Helia, iam pridem recepta est à Christianis: Ergo huic altera anteponi non debet. Porro in scripturis inuenio duplices coniectores: quorum alii à Spiritu sancto, alii ab alio Spiritu instructi, diuinare seu coniectare solent. Prioris generis fuerunt Ioseph, & Daniel, Gen. 40. 22. & Danielis 2. 24. Posterioris hariohi, magi, & malefici apud Chaldeos, Dan. 2. 2. Si constaret Regem Angliæ coniectorem esse prioris generis, par illi fides haberetur, quæ olim Iosepho & Danieli. At nondum hoc constat.

4. *Tertium*, Illa doctrina non potest esse à Spiritu sancto, quæ ex mera unius hominis pendet coniecturâ. Atque doctrina Regis pendet ex mera unius hominis coniecturâ, ut ipse fatetur: Non ergo potest esse à Spiritu sancto. Maiorem sic explico. Duplex potest esse coniectura, seu inspiratio, ut dictum est: Una à Spiritu sancto; altera aliunde. Prior semper est vera, certa, indubitata; posterior sæpe falsa, incerta, lubrica. Prior tribuitur soli Deo, aut Spiritui sancto, non autem homini; posterior contra homini non Deo tribuitur. Hoc patet ex Scriptura. Nam Ioseph, Daniel, & alii Prophetæ diuini, quotiescunque ex Dei inspiratione aliquid locuti sunt, aut reuelarunt: à Deo se habere professi sunt. Genes. 40. *Qui dixerunt, Somnium vidimus, & non est, qui interpretetur nobis. Dixitque ad eos Ioseph, Nunquid non Dei est interpretatio referre mihi quid videritis.* Et Gen. 41. 15. *Cui ille ait, Vidi somnia, nec est, qui edisserat: quæ audiui te sapientissime conicere.* Respondit Ioseph: *Absque me, Deus respondet propterea Pharaoni.* Et Dan. 2. 27. *Respondens Daniel coram Rege ait: Mysteriorum quod Rex interrogat, sapientes, magi, hariohi, & aruspices nequeunt indicare Regi. Sed est Deus in celis reuelans mysteria, qui indi ait tibi Rex Nabuchodonosor, quæ ventura sunt in nouissimis temporibus.* Et generatim loquendo, omnes Prophetæ soliti sunt dicere: *Verbum Domini quod locutus est per os meum.* Longè aliter Rex Angliæ. Non ait se loqui verbum Dei, nec coniecturam suam à Spiritu sancto esse contendit, sed ingenuè fatetur, quod res est, sui capitis coniecturam esse, ideoque non certam, sed tantum probabilem haberi vult. Sic enim loquitur: *Restat v. meam coniecturam interponam.* Et paulo post: *Proponam probabiles coniecturas.* Concludo igitur coniecturam Regis non esse à Spiritu sancto, sed aliunde.

5. *Quartum*, Is censetur errumpere & occidere sacram scripturam, qui eam alio Spiritu interpretatur, quam quo inspirata est: At Rex Angliæ interpretatur scripturam Apocalypsis ex mera sua coniectura: Ergo interpretatur alio Spiritu, quam quo inspirata est. Minor patet ex dictis. Maior nititur tribus principiis. *Primum* est, quod sacra scriptura à Spiritu sancto dictata & inspirata sit. 1. Timoth. 3. 16. *Alterum*, quod eodem Spiritu, quo dictata & inspirata est, debeat intelligi seu explicari & non alio. *Tertium* quod vita scripturæ consistat, non in cortice verborum, sed in vero & germano ipsius sensu. Igitur, qui vero sensu neglecto, alium

Opusc. Bec.

quærit: censetur vitam auferre, quod est scripturam interficere: At qui illam interpretatur ex mera hominis coniectura, & non ex Spiritu sancto, is neglecto vero sensu, illum quærit: Ergo censetur vitam auferre, seu interficere. Hoc autem facere Regem Angliæ, satis iam ostensum est.

6. *Præter hæc 4. argumenta, adhuc vnum addo ex concessione Regis in hunc modum*: Concedit Rex, ut supra visum est, hanc propositionem: *Quandiu prophetia Apocalypsis de Antichristo & duobus testibus ab eo interficiendis, suis obsignata, & nondum opere completa: non est mirum, si Patres errant in eius intell. genia & explicatione. At nunc postquam completa est, adeo placam, faciliorem certam habet intelligentiam, ut qui adhuc dubitat pro Christiano haberi non possit.* Iam sublimo. Atque ipsemet Rex, post completam prophetiam (ut ipse quidem vult) adhuc dubitat de tota re: Ergo Rex suo iudicio pro Christiano haberi non potest. Minorem probabo; quia per solam coniecturam, probabilem colligit, nomine duorum testium intelligi oportere vetus & nouum Testamentum. Hæc autem coniectura non facit rem certam & exploratam. De Antichristo vero sic loquitur: *Sane quod ad definitum Antichristi, notorem tam obscuram & inuolutam, tanquam omnibus Christianis ad credendum necessariam vixere.* Hic disertè fatetur, esse rem adhuc obscuram & inuolutam. Quomodo ergo paulo ante dixit, prophetiam de Antichristo completam esse, & adeo certam, ut hoc exaudito sæculo dubitare nemo possit. Hæc non coherent. Mitto alia absurda, quæ in Regis interpretatione passim occurrunt.

CAPVT VI.

De Beata Maria Virgine.

1. **R**ex in præfatione monitoria, partim benè, partim malè sentit de B. Virgine Maria. Benè quidem cum fatetur veram esse Dei matrem, & supra omnes beatorum hominum ac spirituum ordines ad caelestem gloriam elatam, excepto Christo. Malè vero, cum addit, eam se nostris rebus ac negotiis non immiscere, neque ad nostras preces attendere, eo quod tota gaudio caelesti perfruita sit. *In calis, inquit, in æterno sanctorum animarum receptaculo, in æternam est felicitatem collocata, nunquam à tantis gaudiis vlla terrenarum rerum cura aut solitudine auocanda.* Vis argumenti videtur esse huiusmodi: Qui in æterna felicitate ac gaudio collocati sunt, non possunt inde auocari, & nostris orationibus attendere: at B. Virgo in æterna felicitate & gaudio collocata est: Ergo non potest inde auocari, & nostris orationibus attendere.

2. Ut verum fatear, nouus hic error est. Lutherani & Calvinistæ, qui hætenus negant Sanctorum invocationem, eo fundamento nixi potissimum sunt, quod putarent, Sanctos ignorare, quæ apud nos fiunt: Rex alio nititur. Ait, propter nimium gaudium, quo repleti sunt, non posse attendere ad ea, quæ petimus. Qui error, multò, quàm Lutheranorum & Calvinistarum, grauior est. Nam in de sequitur, nec Christum mediatorem Dei & hominum, nec Angelos custodes posse attendere ad ea, quæ circa nos sunt: imò Christum minus, quàm Angelos posse id præstare, quæ ingens blasphemia est. Hoc autè sequi sic ostendo: Qui in æterna felicitate & gaudio collocati sunt, non possunt nostris rebus ac negotiis attendere, ut vult Rex: At qui Christus secundum humanitatem, & Angeli custodes,

Na

sunt in æterna felicitate & gaudio collocati, quod nemo negauerit. Ergo Christus & Angeli non possunt nostris rebus & negotiis attendere. Rursum : si gaudium cæleste obstat, quo minus beati possint ad res nostras attendere, sanè, quò quis maiori gaudio perfusus est, eo minus poterit attendere. At Christus secundum humanitatem maiori gaudio perfusus est, quàm Angeli. Ergo minus potest ad res nostras attendere, quàm Angeli. Quæ hæc portenta sunt?

3. Hinc satis, opinor, patet, quam vim habeat argumentum Regis. Quali verò Christus, B. Virgo & Angeli custodes, alique Sancti in cælo, non possint attendere nostris rebus, nisi à cælesti gaudio auocentur. Verumque præstare possunt, & suæ cælesti gloria, & simul res nostras procurare. Nec repugnant inter se beatum esse, & aliorum curam suscipere. Alioqui, quomodo Deus ipse, qui omnium rerum etiam minimarum, diligentissimam curam habet, beatus esse possit? Quomodo Christus, qui teste Apostolo, quotidie interpellat pro nobis, pleno gaudio perfrueretur?

4. *Addi Rex*, Inuocationem Sanctorum, inter monitiones, & ante quingentesimum Christi annum in auditis articulis, referendam esse. Itane verò? quid si ego ostendam Sanctorum inuocationem maximè floruisse primis quingentis annis? Nec hoc difficile est. Patres, qui illis annis vixerunt, prolixè id testantur. E multis paucos accipe. Gregorius Nazianzenus oratione in Cyprianum sic ait: *Tu ab alto nos respice, nostramque sermonem ac vitam dirige.* August. l. 7. de baptismo contra Donatistas. c. 1. *Adiuuet nos Cyprianus orationibus suis.* Athanasius in sermone de Deipara: *Inclina aurem tuam in preces nostras, & ne obliuiscaris populi tui.* Et infra: *Ad te clamamus, recordare nostri sanctissima Virgo.* Et iterum: *intercede beata & domina, & regina & Mater Dei pro nobis.* Basilii orat. in quadraginta Martyres: *Qui aliqua promissis angustia, ad hos confugias: qui rursus letatur hos ardet: ille, ut à malis liberetur: hic, ut dires in rebus latis.* Greg. Nyssenus orat. in S. Theodorum: *Intercede ac deprecare pro patria apud communem Regem & Dominum. Timemus afflictiones, expectamus pericula, non longe absunt scelerasti Sogya, bellum aduersum nos par. ueniens, ut miles pugnat pro nobis: ut martyr, pro consensu, utere libertate loquendi.*

5. Hi Patres (& multi alij, quos recensere promptum est) vixerunt primis quingentis annis in Ecclesia, & titulo sanctitatis ac doctrinæ perspicui sunt. Hi ipsi Sanctos in cælo existentes inuocarunt. Quomodo ergo audet dicere Rex, Inuocationem Sanctorum primis quingentis annis in Ecclesia inauditam esse? Nimum credit suo Sacellano, qui contra conscientiam persuadet illi, quod vult. Optandum esset, ut Rex ipse legeret antiquos Patres, & non pateretur se amplius illudi.

A dei: non credere ecclesiæ, vel quicunque alteri, sed suo proprio iudicio acquiescere?

2. Hæc doctrina omnium perniciosissima est, & non solum repugnat scripturis, patribus, & communi Christianorum consensui, sed etiam ipsum Regem & antecessores eius sine dubio condemnat. Hanc posteriorem partem sic ostendo. Rex Angliæ & alij Principes protestantes, vel habent potestatem cogendi suos subditos ad fidem, quam ipsi putant esse veram, vel non habent. Si habent, Ergo subditi tenentur illos sequi & obedire, ergo falsum est vnumquemque debere super sua certa scientia, fundamentum fidei collocare. Non enim subditi super sua scientia sed super scientia Regum & Principum collocare debent fundamentum fidei, si verum est, Reges & Principes habere potestatem, suos subditos ad fidem compellendi. Si autem non habent hanc potestatem, cur eam passim usurpant? Cur Elizabetha coegit subditos ad Calvinismum? Cur Iacobus, interposito iuramento, idem facit? Cur Principes protestantes in Germania eos imitantur? Non enim querunt ex subditis, quid quisque ex sua certa scientia statuatur de rebus fidei & religionis: sed ipsi pro suo arbitrio & authoritate, etiam inuitis subditis, & sæpe reclamantibus, sua dogmata, coniecturas, & ceremonias proponunt, imagines confringunt, crucem Christi eliminant: omnia sacra, astante & dolente populo execrantur.

3. Hinc concludo, Regem Angliæ, vel in doctrina vel in facto errare. Docet vnumquemque debere collocare fundamentum fidei super sua certa scientia. At hoc non permittit suis subditis, ut faciant. Vel ergo hic, vel ibi errat. ego in utroque illum errare sentio. Nam neque Rex ipse, neque subditi debent esse iudices controuersiarum. Quis ergo? Non alius, quàm Prælati Ecclesiæ. Hoc etsi probatum sæpe sit, conabor etiam hic probare. Nec opus est alio, quàm hoc vulgari argumento: Omnes Catholici consentiunt, solum Prælatum Ecclesiasticum esse legitimum Iudicem controuersiarum fidei ac religionis. Aduersarii autem non possunt inter se conuenire de iudice, quia alij volunt esse Spiritum sanctum, alij scripturam, alij internum criticum, alij principem vel magistratum sæcularem, alij vnumquemque priuatum. Ergo potius Catholicis, quàm aduersariis credendum est.

4. Hoc, inquam, argumento satis conuincuntur Aduersarii, nisi valde impudentes sint. Cum enim videant omnes controuersias, quæ inter nos Catholicos oriuntur, statim sopiri per magistratum Ecclesiasticum, quem omnes, tanquam legitimum Iudicem agnoscimus: et de contrario experientia doceat, nullam controuersiam; quæ inter ipsos oritur, finire posse, quia non possunt conuenire de communi iudice: quid aliud statuere ac cogitare debent, quàm nos Catholicos meliori conditione esse, qui lites nostras finire possumus quam ipsos, qui finire non possunt.

CAPVT VII.

De fundamento fidei.

1. **R**ex in monitoria præfatione dicit, debere vnumquemque scrutari scripturas, & super suâ certâ scientia fundamentum fidei collocare. Sic enim loquitur: *Cum Paulo opto, vos omnes scripturas, hac vna in re qualis ego sum: in primis, ut velitis scripturas peruoluere, ex his credendi normam petere, neque super aliorum incertis opinionibus, sed vestra ipsorum certa scientia, fidei fundamenta collocare.* Quid hoc aliud est, quàm dicere debere vnumquemque facere se Iudicem dogmatum fi-

CAPVT VIII.

De Concilio generali conuocando.

1. **R**ex in monitoria præfatione dicit, si Concilium generale indicendum esset, in quo omnes Christiani ad aliquem in religione consensum adduci possent, oportere conuocari omnes Christianos Principes & Ecclesiæ exclusis Iesuitis & Puritanis. Hos enim fatetur se odisse: magis tamen Puritanos, quàm Iesuitas. Quâvis enim isto loco utrosque coniungat: & communi

titulo appelletur *maximos & furiosos incendiarios*, alibi tamē satis ostendit, se Puritanis infestiores esse quā Iesuitis. Sic enim loquitur: *Egone Puritanus, qui a Puritanis non solum avaritia continē vexatus sum, verum etiam in ipso matris utero propemodum exinatus, antequam in lucem editus essem? Ego, qui in meo ad filium libro, multo acius ac vehementius in Puritanos quā Pontificos inuictus sum? cui etiam cum secundo ederetur, prolixam in odium Puritanorum Praefationem Apologeticam preposui?*

1. Igitur ex mente regis, hæc tria servari oportet. Primo, ut indicatur Concilium generale. Secundò, ut tractetur de consensu fidei ac religionis. Tertiò, ut excludatur Iesuitæ & Puritani. Hinc oritur mihi triplex questio. Prima, quinā Christiani adfuturi sint in illo generali Concilio, si Iesuitæ & Puritani excludi debeant? Altera, quis futurus Concilii Præses seu Iudex? Tertia, quis contentus in fide & religione sperari possit? De singulis obiter dicam.

3. Primum ergo quæro, quinam adfuturi sint exclusis Iesuitis & Puritanis? Ratio dubitandi est, quia si de fide & religione agitur (sicut reuera agitur) omnes Catholici, quot quot per orbem Christianum dispersi sunt, cum Iesuitis in fide & religione consentiunt. Et similiter omnes ubique puri Calvinistæ, cum Puritanis. Si ergo Iesuitæ & Puritani, titulo fidei ac religionis excludendi essent; omnes Catholicos & puros Calvinistas eodem titulo excludi oporteret. Faciamus ergo sic esse, excludantur Pontifex, Imperator, Reges Hispaniæ, Galliæ, Poloniæ, Hungariæ, Archiduces Austriæ, Principes Electores, Moguntinus, Treuirensis, Colonienſis, Palatinus, Duces Bavarie, Lotaringiæ, Brabantie, Franconiæ, Italiæ: Et omnes eorum subditi. His omnibus exclusis, qui tandem sunt, qui Concilio generali interesse possint? Nimirum soli Anabaptistæ, Lutherani, & non puri, seu Anglicani Calvinistæ. At hi omnes, respectu aliorum, quos exclusos vult Rex pauculi omnino sunt. Quomodo ergo generale Concilium dici poterit, ubi tam paucis præsentibus, maior pars Christiani orbis absutura est?

4. Et quis huic generali (si Deus placet) Concilio præsedebit? quis omnium controuersiarum, quæ in disceptationem veniunt, supremus Iudex constituetur? Sine dubio Rex Angliæ, vel Daniæ, vel Princeps aliquis Lutheranus. At non ferent hoc Anabaptistæ, qui omnem magistratum execrantur. Sed nec fieri poterit, ut unus aliquis sit Iudex omnium. Nam ut supra dictum est, Rex Angliæ vult unumquodque debere super certa sua scientia fundamentum fidei suæ collocare. Singulos ergo, qui in Concilio adfuturi sunt, Iudices esse necesse est. Singuli super certa sua scientia, non super alterius iudicio vel arbitrio, fidei ac religionis fundamentum collocabunt. Et quis tunc consensus sperari poterit?


5. Rem exemplo declarabo. Conuocetur Concilium, quale vult Rex. Adsint Anabaptistæ, Lutherani, & qui in Angliæ cum Rege sentiunt. Moueatur controuersia, *An infantes, cum adoluerint, iterum baptizandi sint*, aſſerment Anabaptistæ: negent ceteri. Præses, quisquis futurus est, litem dirimat. Quid factu opus? Audiantur primum Anabaptistæ. Eorum, sine dubio, vox hæc erit: *Domine Rex fundamentum fidei de baptismo infantium, super certa nostra scientia collocandum est, ut tu ipse ais. At cerè nobis constat, infantes cum adoluerint, iterum baptizandos esse. In hac scientia fundamentum fidei nostræ immotum stat. Vos si vultis, aliter sentite & facite, per nos licet. Quidam Lutherani cum sociis: Sic illi, Domine Rex nostra certa scientia plane contraria est. Scimus infantes, si semel baptismo lustrati sunt, non iterum lustrandos esse. In hoc pedem firmamus. His utrimque auditis concludet Rex: Unusquisque abſe in suo sensu.*

Ita domum suam, venit Hesperus, ite capella.

Opusc. Bee.

EPILOGVS.

QVæ hætenus contra Serenissimum Angliæ Regem (quem semper & ubique honoris causa nominatum volui) à me disputata sunt: ad duo capita reuocari possunt. Priori ostentum est, Regem in suo regno, nullo penitus iure Primatum Ecclesiæ viurpare posse. Posteriori, noua quædam paradoxa & falsa dogmata, quæ in illius libro reperta sunt, succincta veritate refutari. In utroque ea, quæ potui & debui, modestiā, perpetuo vsus. Itaque ipso, non modo quemcunque Lectorem, sed ipsum quoque Serenissimum Regem, æquo lubentique animo, quidquid à me veritatis studio conscriptum est, accepturum esse.



OPVSCVLVM IX.

REFVTATIO.

TORTVRAE TORTI

SEV

Contra Sacellatum Regis Angliæ, quòd causam sui Regis negligenter egerit.

R^{mo} AC ILLVSTRISSIMO PRINCIPI AC DOMINO D. IOANNI SVICARDO S. SEDIS Moguntinæ Archiepiscopo, S. Romani Imperij per Germaniam Archicancellario, & Principi Electori, Principi ac Domino suo Clementissimo.

M. B.



RODIERVNT nuper, R^{mo} & Illustrissime Princeps, duo libri ex Angliæ: quorum alter Sereniss. Regis Jacobi, alter Sacellani ipsius titulum præ se ferebat. Vtramque, quæ potui breuitate ac modestiā, ut pote Romane Ecclesiæ palam repugnantem, Veritatis studio refutauit. Et quidem prioris refutationem, Illustrissimo Imperatori Rodolpho, Serenissimis Regibus & Illustrissimis Christiani orbis Principibus (inter quos tu emines) inscripsi ac dedicavi: posterioris vero, Amplissimo tuo nomini, speciatim vancupandam censui. Causa duplex est. Vna, quòd cum Catholica fidei ac religionis propugnanda gratia, hic labor à me susceptus sit, nullius patrocinio potius, quàm tuo: qui eiusdem fidei in Germania

N a 53

mania magnus propagator ac protector es, in lucem exire debeat. Altera, quod tua in nostrum Archiepiscopale collegium Moguntinum merita & beneficia iure id exigant. Accipies, opinor, in bonam partem; & quod obsequii ac observantiae testificanda causa sincere à me factum est, serena mente interpretaberis. Deus Opt. Max. Celsitudinem vestram in commodam patriæ & Ecclesiæ diu seruet incolumem.

REFUTATIO TORTURAE TORTI, SEU

In Sacellatum Regis Angliæ.

M Vper scripsisti librum pro tuo Rege, contra Matthæum Tortum, cum hoc titulo; *Tortura Torti*. Nomen tuum non prodis, sed insinuas te esse Sacellatum; Eleemolynarium. Tortorem. Ego quod honorifice citius est, Sacellatum te appellabo. Diligenter autem in eo libro de his tuis potissimum capitulis. Primum, de iuramento fidelitatis, quod Rex tuus exigit à suis subditis. Secundum, de Primatu Regis in rebus Ecclesiasticis. Tertium, de potestate Papæ. Si verba spectem, satis cultus ac elegantes. Si laborem ac diligentiam, non culpo otium. At multa alia sunt, quæ non æquè probem. Hæc maxime. Primum, quod ad conuiciandum sis proiectissimus. Secundum, quod multa falsa & absurda passim inspergas. Tertium, quod Primatum Regis tui, quem asserere volebas, eueras potius, quàm stabilias. Quo nihil turpius. De his tribus hoc ordine dicturus sum.

1. De conuiciis Sacellani.
2. De Paradoxis illius.
3. De Primatu Regis per eum euerso.

Ignosces, spero, si hæc tria modestè ob oculos tibi proponam: tum tui, tum aliorum gratia. Tui, ut te ipsum agnoscas, & si fieri potest, ad iamorem mentem redeas. Aliorum, ut intelligant, non temerè tibi fidendum esse, qui toties & tam enormiter in rebus magni momenti lapsus sis. Audi patienter.

CAPVT I

De conuiciis Sacellani.

Statum in ingressu Torturæ reprehendis Matthæum Tortum: quod totus in conuiciis sit. Sic enim de eo scribis: *Per librum totum a penulari, ita immodeste inmodestus, ita totus in conuiciis, facile ut quisque Matthæum Tortum esse, possit intelligere.* At tu, mi homo, longè superas Matthæum Tortum in hoc genere. Nemini parcis. Omnes ubi minima occasio est, conuicio aliquo lacellis. Clementem VIII. vocas perfidum: Cardinalem Bellarminum, votifragum: Nicolaum Sanderum, mortalium mendacissimum, edmundum Campianum, & alios: qui pro Catholica fide martyrium passi sunt: proditores: Iesuitas, atrocissimorum facinororum auctores: Catholicos de Malchi prosapia, qui

A praeceptis aure dextra, omnia sinistra audiunt, & interpretentur. Omnia, quæ in Matthæum Tortum perueniunt, desumpsi.

2. Hæc & similia conuicia, quæ tibi demerita sunt, ut video, non decent bonum virum. Multo minus Sacellatum aut eleemolynarium Regis, qualem te esse vis. Tortorem forte non admodum dedecant. Nec est, quod te excuses exemplo Matthæi Torti, quasi is prior laceisset te conuicio. Primum, non ita est. Deinde, fuisset sane, an tu Christiani hominis esse putas in malo talionem reddere? Aliter Apostolus nos docuit, Rom. 12. 17. *Nulli malum pro malo reddamus.* Et denique, si reddere volebas, cur aliis non pepercisti? Non satis tibi erat vnus Tortus, quem torqueres, nisi etiam in alios eadem libidine delitantes? Posthac talibus abstine. Et audi illud Proverb. 21. 23. *Qui custodit os suum & linguam suam.* Et Matth. 12. 35. *Ex abundantia cordis os loquitur.* Bonus homo de bono thesauro profert bona: & malus homo de malo thesauro profert mala. Vide quis tuus thesaurus sit, unde profertur tot conuicia. Et caue, quia maledici regnum Dei non possidebunt. 1. Corinth. 6.

CAPVT II.

De Paradoxis Sacellani.

Ad conuicia accedunt Paradoxa, quæ multa sunt in tuo libro. Ex his hæc potissimum.

1. Puritanos in Angliâ sincere iurare in Primatum Regis.

2. Primatum, omni iure deberi Regi.

3. Neminem adhuc negasse, Reges veteris Testamenti, habuisse Primatum in Ecclesia.

4. Reges noui Testamenti, esse Pastores ouium Christi.

5. Reges sæpe in Scriptura vocari *Christos*, seu *Unos Domini*, at Sacerdotes aut Pontifices, nunquam sic vocari.

6. Si Pontifex præter Christum, esset caput Ecclesiæ: monstruosam ac bicipitem fore Ecclesiâ.

7. Si Pontifex haberet potestatem deponendi Reges, meliori conditione fore æthnicos, quàm Christianos Reges.

8. Si Pontifex velit habere regnum temporale, suadendum esse, ut diabolus adeat, & ab eo petat.

9. Excommunicandi potestatem, non esse Petro Apostolo, sed Ecclesiæ datam.

10. Prophetiam Apocalypsis de Antichristo, iam impletam esse, ac prouide claram & minime intricatam.

11. Reges Daniz & Suetiz, necnon Principes Germaniæ, consentire Regi Angliæ in rebus fidei.

12. Regi Angliæ non esse iam liberum mutare religionem, aut Catholicam in regno suo persequi, eo quod his iurauerit, se id non facturum.

13. Bellarminum esse votifragum, eo quod ex Iesuita factus sit Cardinalis.

14. Catholicos docere, fidem non esse seruandam, & perfidiam esse licitam.

15. Catholicos esse de prosapia Malchi, eo quod nihil dextrè, sed omnia sinistra interpretentur. Hæc pauca ex multis breuiter examinanda sunt.

Paradoxum I.

1. **P**rimū ergo ais, Puritanos in Anglia sincerē iurare in Primatum Regis. Verba tua sunt hæc, pag. 379. in fine, *Quos verò Puritanos appellat, si Regum Primatum detestentur, detestandi ipsi. Profitemur enim, subscribunt, iurant indices. Sed & illi quod faciunt, ingenuè faciunt, id est ingenuè prohtentur Primatum Regis, ingenuè subscribunt, ingenuè iurant.*

2. At Rex tuus multo aliter de illis sentit, in monitoria præfatione ad Imperatorem. Reges & Principes. Sic enim de illis loquitur; *Præclara (ane laus, præclara encomium, quo Puritanos ornavi, cum me plus fidei vel in illis offeris, cum manentis, cum limitaneis latronibus quam in hoc genere hominum invenisse professus sim.* Vide nunc, quā longè abeas à tuo Rege, à tuo capite, & Primatu Ecclesiastico. Rex proficitur, se plus fidelitatis invenisse in effensis latronibus, quā in Puritanis. Tu contra asseris, Puritanos ingenuè facere, quod faciunt. Igitur, ingenui tibi sunt, qui Regi plusquam effensæ latrones.

3. Addit Rex; *Ergo à Puritanis, non solum à naturæ cōtinuū vexatus fui; verum etiam in ipsa matris utero prope modum extinctus, antequam in lucem editus essem.* Quid tu ad hoc? An repetes illud tuum iolenne, *Puritanis quod faciunt, ingenuè faciunt?* Nimirum ergo ut tu quidem interpretaris, ingenuè voluerunt Regem in utero materno extinguere, antequam in lucem editus esset. Et hoc, in tuo Sacellano est, ingenuos esse?

4. Pergit Rex; *Ego in meo ad filium libro nullo acris ac vehementius in Puritanos, quā Pontificios invecus sum.* Igitur ex sententia Regis, Puritani deteriores sunt quā Pontificij. At tu Pontificios vocas proditores. Puritani ergo proditoribus deteriores sunt. Et tu tamen scribi, ingenuè eos facere, quod faciunt?

5. Iterum Rex, *Mihi præcipuus labor fuit, deictos Episcopos restituere, & Puritanorum Anarchiam expugnare.* Nimirum, Puritani Anarchiam amant; Monarchiam seu Primatum detestantur. Rex contra; Anarchiam expugnat, Primatum statuit. Nunc quæro, si Primatum detestantur Puritani, quomodo possunt ingenuè iurare in Primatum? Vel ergo Puritani, non amplius Puritani sunt; vel si sunt qui fuerunt; Anarchiam amant & Primatum detestantur. Non ergo ingenuè, sed subdole faciunt, quod faciunt.

6. Vide, quā in omnibus Regi tuo contrarius sis. Quos accusat ille, tu purgas. Sed tamen ab impudentia purgare non poteris. An non grandis impudentia est, & (si vis) impudentia, quod Caluimistæ in Germania & Hollandia, qui nihil aliud, quā Puritani sunt toties ausi fuerunt recudere *Monitoriam* Regis tui *Præfationem* in qua tam apertè perstringuntur? Quid enim magis spectare potest ad illorum ignominiam, quā quod publico Regis testimonio habeantur deteriores latronibus, quippe qui in mortem Regis adhuc in utero materno existentis, crudelissimè conspirant; & hanc tantum ignominiam, typis identidem divulgare, nec infamiam publicam extimescere, nōne impudentia est? Et tibi nihilominus ingenuè faciunt, quod faciunt.

Paradoxum II.

7. **A**is Primatum Ecclesiasticum, omni iure, deberi Regibus. Hæc enim sunt verba tua, p. 90. Opule. Bec.

A *Primatus spiritalis debetur Regibus omni iure.* Videamus, an ita sit. Ius ut nostrum, aliud naturale, aliud positivum est. Hoc iterum, aut divinum, aut humanum. Divinum aliud veteris, aliud novi Testamenti. Similiter, Humanum aliud canonicum, aliud civile. Vis ergo, omni hoc iure Primatum Ecclesiæ deberi Regibus? Ita apparet. At alibi fateris solo iure veteris Testamenti deberi. Non igitur omni iure. Sic enim scribis, pag. 363. *Amore institutioque Israël orditur Apologia, inde enim vim habet, atque nervos suos quasi hac omnis (de Primatu) In Israël enim populo suo regnum instituit Deus, & Ecclesiam in regno, ex mente sua. Exemplum inde nobis sumendum est, cum in Testamento novo nullum habeamus. Nusquam ibi in unum coaluerunt Ecclesia & Imperium, procul se habuit Imperium ab Ecclesia.*

B 8. Agnoscis, opinor, hæc tua verba, quæ te condemnant. Nam si quæstio de Primatu, ut hic affirmas, non aliunde, quā ex more & instituto populi Israël vim suam habet, non ergo ex iure naturali non ex divino novi Testamenti, non ex canonico aut civili. Quomodo ergo ex omni iure? Rursum, si in novo Testamento nusquam in unum coaluerunt Ecclesia & Imperium: Ergo iure novi Testamenti non necesse est, in unum coalescere, Ergo non omni iure. Et lane, si nusquam antea in novo Testamento, quomodo nunc in Anglia, tam serò in unum coalescunt? Hic te ipsum planè constringis.

Paradoxum III.

9. **A**is neminem adhuc negasse, Reges Veteris Testamenti habuisse Primatum Ecclesiæ. Sic enim habes pag. 364. *In Israël autem, nondum os reperi tam durum, quod negare etiam auderet, præcipuas in religionis partes penes Regem exstisse.* At ego, non unum, sed multos reperi, quid id ausi sunt negare. Ausi sunt ex vestra Anglia, Nicolaus Sanderus, lib. 3. de viciis bdi monarchia Ecclesiæ c. 3. in solutione quintæ Objectionis Protestantium, & Thom. Stapletonus lib. 51 principiorum fidei doctrinalium, c. 23. Ausi ex nostris Bellar. lib. 1. de Concilijs. c. 20. Iacob. Gretscius lib. 2. considerationum ad Theologos Venetos, consider. 1. 2. & 3. Adamus Tannerus lib. 1. defensionis Ecclesiæ libertatis, cap. 15. & alij.

D 10. Hi omnes, locis citatis, proponunt argumentum, quo vos uti soletis ad probandum Regis Primatum in rebus Ecclesiasticis. est autem hoc: *Moses, Iosue, David, Salomon, Iosias & alij Reges veteris Testamenti habuerunt Primatum Ecclesiæ.* Ergo etiam Reges novi Testamenti habent. In solutione huius argumenti omnes negant antecedens. Negant, inquam, Reges veteris Testamenti, si præcisè spectemus potestatem Regiam, habuisse primatum Ecclesiæ: tametsi concedant, aliquos ex his habuisse, non ordinario iure, tanquam Reges, sed quatenus erant simul prophetae aut Pontifices, per extraordinariam concessionem.

E Verba Bellarmini sunt hæc, *Respondeo primo, Mosē non solum Principem, sed etiam summū sacerdotem fuisse, ut patet ex Psal 98. Moses & Aaron in sacerdotibus eius. Iosue autem, Davidem, Salomonem, & aliquos alios, non solum Reges, sed etiam Prophetas fuisse, quibus Deus quadam extraordinariè commisit, quæ ad Sacerdotes aliquin ex officio spectabant. Hoc modo Salomon Rex amovit Abiathar à sacerdotio, & constituit Sadoc pro eo. Id enim fecit non ut Rex, sed ut propheta ex divina inspiratione. Dico secundo, alios Reges synagoga, qui boni fuerunt, nunquam se miscuisse in negotijs sacerdotalibus, & si quando se miscuerunt, puni-
N n iij*

nonnullos ex prædictis authoribus, non solum negare antecedens, sed etiam consequentiam argumenti. Itaque duas adhibent solutiones. Prior est hæc: *Negamus Reges veteris Testamenti habuisse primatum Ecclesie.* Posterior hæc: *Etiam si daremus Reges veteris Testamenti habuisse Primatum Ecclesie; non tamen sequeretur, etiam novi Testamenti Reges eum habere.* Cuius rei varias assignant causas. Vide, quæ in eiusdem argumenti solutione à me dicta sunt in Refutatione Apologiæ Regis Angliæ, cap. 2.

Paradoxum IV.

13. **A** Is, Reges novi Testamenti, esse Pastores ouium Christi: & quamuis illa verba, *Pasce oues meas*, Petro dicta sunt, tamen etiam ad Reges Christianos pertinere. Ideò autem illis dicta non esse, quia tempore Christi nulli erant Reges Christiani, quibus cura ouium committi posset. Sic enim habes pag. 53. *Rex noster (Angliæ) est Dux gregis sub Christo Pastorum Principe.* Sunt & alij Reges Christiani ad unum omnes, *suasi iura nossent, & vel vires illis vel animus non deesset.* Et clarius pag. 91. *Neque quicquam ad rem quod de Christo addis, non Regem aliquem, sed Apostolum gregis sui Pastorem designante.* Certe, ut nec Regem sub lege, quia nondum ibi Rex ullus, at ubi iam Rex, tunc nec ei Pastoris nomen negatum: ita sub Euangelio, cum non essent Reges adhuc, qui tam nulli erant, Pastores esse non poterant. At ubi Reges Christo nomen dederant, tum demum, non minus Pastores hi, quam olim Reges Israelis. Quod si autem ab initio sciam nomen Christo dedissent, nullaratio, quo minus gregis Christiani Pastores designari potuissent.

14. Non vnum, sed multa hic Paradoxa. Ac primum quero ex te, si Christi tempore fuisset aliquis Rex Christianus, an Christus dixisset illi, *Pasce oues meas*? Si affirmas; unde constat? aut quis ante te affirmavit? An tu primuses, qui orbi Christiano mysterium hoc patefacis? Si negas; rectè quidem. Sed si Christus non dixisset Regi Christiano, *Pasce oues meas*, qua tu autoritate dicis Iacobo Regi, *Pasce oues Christi*? An tu Petrum ab officio Pastoralis repellis, qui à Christo Pastor constitutus est, & subornas Regem, qui à Christo constitutus non est? Audax facinus; & Sacellano dignum scilicet.

15. Iterum quero; quid sit, *pasce oues meas*? Tu quidem (pag. 52.) interpretaris de pastione verbi & doctrinæ. Et sic iandè ita. At tu idem (pagina 380.) fateris, Regem non pascere oues Christi, verbo & doctrina. Ergo Rex, ex tua concessione, non est Pastor ouium Christi; nec illa verba, *Pasce oues meas*, eo sensu, quod à Christo prolata sunt, possunt ad regem pertinere. Hic non expedit te, sat scio. Aut enim fateri necesse est, verba illa non intelligi de pastione verbi & doctrinæ; aut Regi convenire, ut pascat verbo & doctrina; aut certe Regem non esse Pastorem ouium Christi. At hæc omnia contra te sunt. Vis verba Christi intelligi de pastione verbi & doctrinæ? Vis Regem non pascere oues Christi verbo & doctrina? Vis Regem esse Pastorem ouium Christi? Quid tandem euades?

16. Tercio quero, quare alij Reges Christiani non usurpent sibi officium pastorale, si verè pastores ouium Christi sunt? Facerent, inquis, *sua si iura nossent, & vel vires illis, vel animus non deesset.* At quid hoc aliud est, quam dicere, Regem Angliæ scientem esse, reliquos ignorantes illum vires habere, reliquos impotentes esse: illum animosum, reliquos timidos & ignavos esse? Ita fit, ut dum Regi tuo assentiri vis, in alios contumeliosius existas.

Paradoxum V.

A Is Reges sæpe in scriptura vocari Christos, seu Vnctos Domini: at Pontifices aut Sacerdotes, nunquam sic vocari: ideòque male fecisse Matthæum Tortum, quod Pontificem Romanum eo nomine appellauerit. Verba tua sunt hæc pag. 114. *Mihi vero multo magis improprium videtur, quod Pontificem nouo nomine, nec ei in scripturis sacris usquam attribuit Christum, Domini indigesti.* Et paulò post, *Reges quidem reperio sic in sacris literis sæpe sapius nominatos, Pontifici nomen hoc tributum ibi non memini.* Immo nos *Matthæum, & vel vnum locum designet in tota volumina Bibliorum, ubi nomen hoc ulli Pontifici, sacri illi scriptores attribuerint.*

18. At mi homo, nihil opus est, Matthæum ex Italia accersere, ut vnum locum tibi designet. Ego, qui vobis vicinior sum, plura loca tibi designabo. Audi ergo. Exod. 29. 7. *Oleum unctionis fundes super caput eius (Aaronis) atque hoc ritu consecrabitur.* Et Levitici 4. 3. *Si sacerdos, qui unctus est, peccauerit.* Et Levit. 8. 12. *Fundens oleum super caput Aaron, unxit eum, & consecrauit.* Et Levit. 16. 32. *Expiabit autem Sacerdos, qui unctus fuerit.* Et Num. 3. 3. *Hæc nomina filiorum Aaron Sacerdotum qui uncti sunt, & quorum consecrata manus, ut sacerdotio fungerentur.* Et Num. 35. 25. *Manebis ibi, donec Sacerdos magnus, qui oleo sancto unctus est, moriatur.*

19. En, habes hic varia Scripturæ loca, in quibus sacerdotes dicuntur *Vncti*. Non ergo soli Reges dicuntur *Vncti*. Hoc discere poteras ex Augustino in Ps. 26. circa titulum Psalmi, ubi docet, olim in veteri Testamento, vnctos fuisse Reges & Sacerdotes, idque propterea quod utrique figurarent vnum Christum, qui erat futurus Rex simul & Sacerdos. Verba August. sunt hæc: *Tunc ungebantur Rex & Sacerdos. Dux ista illo tempore vncta persona. In duabus personis præfigurabatur futurus vnus Rex & Sacerdos, utroque munere vnus Christus, & ideo Christus à Chrismate.* Et in Psal. 44. circa illa verba, *Vnxit te Deus*, sic scribit, *Vnctum audis, Christum intellige: Etenim Christus à Chrismate. Hoc nomen quod appellatur Christus, unctionis est.* Nec in aliquo alibi ungebantur Reges & Sacerdotes, nisi in illo regno ubi Christus prophetabatur & ungebatur, & unde venturum erat Christi nomen. Nusquam est alibi omnino, in ulla gentem, in nullo regno.

20. Igitur ex sententia Scripturæ & Augustini, non minus sacerdotes quam reges dicuntur *Vncti*. At inquires, non dicuntur *Christi Domini*, sicut reges. Sed primum, nihil hoc obstat. Non enim de vocibus, sed de re per voces significata, disputamus. Porro hæc dux voces, *Christus*, & *Vnctus*, eandem rem significant. Et, ut loquitur Augustinus, *Hoc nomen, quod appellatur Christus, unctionis est.* Deinde, fallum assumis. Non solum *Vncti*, sed etiam *Christi* vocantur Sacerdotes in Scripturis. Sic enim legimus 2. Mach. 8. 10. *Populus qui est Ierosolymis, & in Iudæa, Senatusque & Iudas, Aristobulus Magistro Ptolomæi Regis qui est de genere Christorum Sacerdotum, & his, in Egypto sunt, Iudeis salutem & sanitatem.* Aduerte. Aristobulus est de genere Christorum Sacerdotum. Sacerdotes igitur *Christi*, *Vncti* vocantur. Quid vis amplius?

21. Dices. Hæc omnia intelliguntur de sacerdotibus veteris Testamenti. Vellem autem videre locum, ubi Pontifex novi Testamenti (nimirum Papa) vocatur, *Christus*, seu *Vnctus*. Audi. Vellem vicissim videre locum, ubi Reges novi Testamenti vocentur eo nomine. An tibi liceat, hoc nomen, quod olim antiquis Regibus,

& Sacerdotibus tributum est à Spiritu sancto; ad Regem Anglię transferre; & nobis non liceat, simili iure, transferre ad Pontificem? Nimis multum tibi arrogas.

22. Addo in nouo Testamento, semel duntaxat reperiri hoc nomen, *Christus Domini*, in eā significatione, de qua agimus: nempe apud Lucam cap. 2. v. 26. ubi dicitur: *Respondit accepit Simon à Spiritu S. non visurum se mortem, nisi prius videret Christum Domini*. Hic Saluator noster appellatur *Christus Domini*, id est, *Unctus à Domino*. Unctus autem, & Rex, & Sacerdos, ut Augustin. supra notauit. Non oleo corporali, ut olim Reges & Sacerdotes in veteri Testamento: sed oleo spirituali, id est, Spiritu Sancto. In eo enim requieuit *Spiritus Domini, Spiritus sapientię & intellectus, Spiritus consilij & fortitudinis, Spiritus scientię & pietatis*, ut est apud Iaiam cap. 11. 3. Et hoc est, quod David prędixit, Psalm. 44. 8. *Vinxit te Deus, Deus tuus oleo laetitiae praeforis tuis*, id est, Deus vinxit te in Sacerdotem & Regem peculiari quodam modo, praeter alios Regibus & Sacerdotibus. Nam te vinxit Spiritu Sancto, illos oleo tantum corporali. Hinc colligo, eum Reges & Sacerdotes veteris Testamenti propterea uncti fuerint oleo corporali, ut essent figura seu typus futuri Messię, qui ungendus erat in Regem & Sacerdotem oleo spirituali, eo magis hoc nomen, *Unctus*, seu, *Christus Domini*, conuenire Sacerdotibus, quam Regibus, quo magis Christus usurpauit officium Sacerdotis, quàm Regis in hac vita. Aut certe si æquę usurpauit vtrumque equali iure, tam Sacerdotes, quàm Reges, vocari posse *Unctos*, seu, *Christus Domini*. Nihil ergo causę, cur hoc nomen tribui velis solum Regibus, & eripi Sacerdotibus: nisi quia tibi sic visum est.

Paradoxum VI.

23. **A** Is si praeter Christum, etiam Pontifex esse caput Ecclesię, monstruam & bicipitem fore Ecclesiā. Sic enim habes, pag. 331. *Monstrum verò corpus, cui plus uno sit capite*. Et infra pag. 328. *Vnicum est caput uni corpori. Ecclesia vnum corpus. Nisi bicipitem aquilamingas, aut bicipitem Geryonem, cui tot capita sunt, quot in mitra Pontificia caruere, Christus erga solus Ecclesię caput, non Papa*.

24. At si ita est, ut tu hic vis: cur alibi affirmas (parum sanè tui memor) Regem esse caput Ecclesię? An non metuis, ne Ecclesiā sit biceps, si non solus Christus, sed etiam Rex tuus, sit caput Ecclesię? Nam sic habes, pag. 338. *Fam verò, ut nomen capitis ad Regem renocetur, arte mirabili non est opus. Praenit nobis voce Spiritus sanctus, 1. Reg. 15. 17. Nonne cum parvulus esses in oculis tuis, caput intertribus Israël factus es. Intertribus verò Israël tribus Levi. Caput ergo Rex vel tribus Levitica: quia in tributum Pontifex Achimelech sub Rege capite suo Chrysostomus hanc vocem capitis: renocauit ad Theodosium, cuius dixit, non solum caput: sed quod in ipso cap. maxime sublime est, capitis verticem, idque omnium in terris hominum.*

25. Miror ego tuam inconstantiam. Dixisti paulò ante, solum Christum esse caput Ecclesię. Cur hoc ut Papam, quem odisti, posses excludere? Nunc etiam Regem vis esse caput. Nec caput modo, sed verticem capitis. Cur hoc? quia Regi placere & blandiri satagis. Ita fit, ut Ecclesiā bicipitem esse, facillè patiaris, si ad Regem attendas: non autem, si ad Pontificem. Et eadem Ecclesiā, nunc pulchra tibi videatur, si ha-

A beat Christum & Regem Anglię ut duo capita: nunc monstruosa, si Christum & Papam. Apage cum tuo capite in quo nunc vnum, nunc duo capita habet Ecclesiā. Videtur in te quadrare illud Ecclesiastici. 27. 12. *Sicutus, ut Luna mutatur: Et Iac. 1. 8. Vir duplex animo inconstans est in omnibus viis suis.*

Paradoxum VII.

26. **A** Is si Pontifex haberet potestatem deponendi Reges, meliori conditione fore Ethnicos, quàm Christianos Reges: eo quod hi deponi à eo possint, non illi. Sic enim habes, pag. 36. *Hac doctrina semel promulgata, non multo post seipsa credo, Christo subiacentur. Quid enim? Rex Ethnicus deponi non potest à Papa Christiano potest. Meliori ergo iure regnantur apud Ethnicos. Quis non de hinc iam (sicut est) manebit Ethnicus? Subditi, qui Ethnici sunt officio suo in Reges laxari nequeunt? At Christiani queunt. Quis non subditi suos malis Ethnicis, quàm Christianis? Quis Christianus Rex esse velit?*

27. Nec cautè, nec Christianè loqueris. Non cautè. Primò, quia quod dixisti, retorqueri potest hoc modo, si Rex Anglię haberet potestatem deponendi Episcopos (quod tu asseris) meliori iure essent Episcopi in Hispania, Gallia, Polonia, quàm in Angliā: Nam hic deponi possunt ad arbitrium Regis, non ibi. Secundo, quia sicut nos fatemur, Reges Christianos deponi posse à Pontifice, si delinquant, non autem Ethnicos: sic tu fateris, Reges Christianos excommunicari posse, non autem Ethnicos: At ex tuo dogmate non rectè inferitur, meliori iure esse Ethnicos, quàm Christianos, cum tamen plus sit priuari bonis Ecclesię spiritualibus per excommunicationem; quàm priuari regno temporali per depositionem: Ergo inulto minus ex nostro dogmate inferri id potest.

28. Nec Christianè. Non enim Christiani hominis est sic argumentari; Delicta Regum puniuntur apud Christianos, non autem apud Ethnicos: ergo malim esse Rex apud Ethnicos, ubi non puniret, si delinquerem: quàm apud Christianos, ubi puniret. Sic planè tu argumentaris. Si, inquis, Christiani Reges, quando meriti sunt deponi possunt; Ethnici, etiam si peccent, non tamen deponuntur: malim Ethnicus esse Rex, quàm Christianus. Nimirum satis ostendis: te plurius facere regnum temporale, quod admittere non velles; quàm caeleste, de quo non magno opere curas.

Paradoxum VIII.

29. **A** Is si Pontifex velit habere regnum temporale, suadendum ei esse, ut diabolum adeat, & ab eo petat: quippe cum ille ius habeat disponendi de regnis huius mundi. Sic enim scribis, pag. 36. *Quod si Pontifici animus est ad regnum mundi, est in Evangelio (memini) mentio de quodam, qui regna mundi posuit se esse, & dicit disponendi ius habere se dixit. Eum adhaerens eo; cum illo transigat.*

30. Ioco, an serio hoc dicis, mi homo? Veroniam modo, vel iniurius es in tuum Regem, vel certe contumeliosus in Pontificem, quorum neutrum te decet. De iniuria in Regem, non negabis. Actum (citra iniuriam) autus fuisses, tuo Regi, cum regnum Anglię

post mortem Elisabethæ petebat, siue ioco, siue seriò respondere in hæc verba: *Si regnare vis in Anglia, diabolum adi, & cum eo transige, qui omnium regnorum distributor est?* non opinor. Alioqui de sacellis actum erat. Cur ergo Pontifici sic loqui ausus es, nisi quia in illum contumeliosius esse vis?

31. At, inquires, Pontifex quærit regnum temporale, quod illi non debetur. Contentus sit regno spiritali. Sed, quid si simile dicam de tuo Rege? Quærit primatum Ecclesiæ, qui illi non debetur. Temporali regno contentus sit. Addo, plus iuris esse Pontifici in regna temporalia, quam Regi tuo in Ecclesiam, quod alio loco demonstrandum est.

Paradoxum IX.

31. **A** Is non Petro Apostolo, sed Ecclesiæ datam esse potestatem excommunicandi, per illa verba. *Dic Ecclesiæ, si Ecclesiæ non audieris, sit tibi sicut Ethnicus.* Itemque per illa. *Quæcunque solueritis super terram, erunt soluta & in calis: & quæcunque ligaueritis super terram, erunt ligata & in calo.* Addis tamen Ecclesiam posse transferre hanc potestatem, in quos voluerit. Sic enim habes pag. 14. *Potestas hæc ibi cui data non Apostolo Petro. Et infra: Vt autem Petro potestas ibi non data, censuram hæc usurpandi, ita nec Petro si usurparet rati habitio promissa. Dicitur enim: Quoscunque ligaueritis. Non Petro igitur, vel Papæ: sed Ecclesiæ.* Et iterum pag. 42. *Res ipsa, rei ipsius promissio, rati habitio, usus denique Ecclesiæ datur: ab Ecclesiæ datur: ab Ecclesiæ, & habetur & transfertur in unum, siue plures, qui eius post vel exercenda, vel denuntianda facultatem habent.*

33. Ex hac tua doctrina sequitur primò, olim tempore Apostolorum potestatem excommunicandi immediatè datam fuisse Ecclesiæ Catholicorum, & ab illa translatum in Paulum Apostolorum, ut eam exerceret in hominem incestuosum & publicè denunciaret. At hoc ipsum apertè negas eodem loco his verbis: *Paulus congregatis Corinthiis, potestatem censura denuncianda facit.* Sanè, si Paulus congregationi, seu Ecclesiæ Corinthiorum facit potestatem denunciandi censuram, ut hic affirmas; quomodo ipse ab eadem Ecclesiæ hanc ipsam potestatem acceperat? Aut, quid obsecro, necesse erat, illam dare Ecclesiæ, si iam ante Ecclesiæ illam habebat à Christo, per illa verba: *Dic Ecclesiæ?* Hæc non cohærent.

34. Secundò sequitur, hoc tempore in Angliâ potestatem excommunicandi esse immediatè in Ecclesiâ Anglicana, non autem in Episcopis Ab Ecclesiâ tamen eam dari posse Episcopis. At si ita est cur Ecclesiâ Anglicana non dat Regi, Primati suo, hanc potestatem? cur potius dat Episcopis, quàm Regi, cum Episcopi subiecti sint Regi in iurisdictione Ecclesiastica, ut vos vultis? An non turpe est, vos potestatem facere Episcopis, ut possint Regem suum, caput suum, Pastorem suum & Primatem excommunicare, & extra Ecclesiam eicere: Et nolle eandem potestatem facere Regi, ut possit subditos suos, eadem pœna coercere? Certè aut valde iniqui estis in Regem vestrum; aut non seriò Primatum Ecclesiæ illi tribuitis. Alterutrum necesse est. Tu nunc vide, quo spiritu illa verba à te scripta sint. pag. 151. *Nos Principi censura potestatem non facimus: Et quare non facitis, si verè Pastorem & Primatem agnoscitis: Sed pergo.*

Paradoxum X.

35. **A** Is, Prophetiam Apocalypsis de Antichristo, iam impletam esse, ac proinde tam claram, ut oculis usurpari possit. Sic enim habes, pag. 186. *Minime verò mirum, si ista, quæ dixi iam, vel claram, vel certam, in Scripturis Patrum interpretationem non habeant. Signatus adhuc liber huius prophetiæ erat. Et paulò post, Mirari tamen non debeas quid si non illis tum adeo explicata omnia fuerint, quam nobis, per Dei gratiam, iam sumus, qui consummata iam prophetiam illam quotidie oculis usurpamus.*

36. Itane verò? At Rex tuus contrarium sentit. Nam in tua monitoria præfatione dilertè ait, prophetiam illam Antichristo obscuram adhuc esse & inuolutam: & per totas coniecturas de illa disputari posse. Verba eius sunt hæc. *Sani quod ad definitionem Antichristi, nolo rem tam obscuram & inuolutam tanquam omnibus Christianis ad credendum necessariam urgere. An, quod Regi tuo obturum & inuolutum est, tibi quotidie oculis usurpatur? Non credam. Pergit Rex: Id autem maxime mihi in uis est, ut si cui hæc meam de Antichristo coniecturam libebit refellere, singulis disputationis meæ partibus ordine respondeat. Tibi Sacellane, necesse non est, singulis respondere. Tu verbo rem conficies, si dixeris: Domine Rex, erras de coniectura: quod oculis usurpatur, extra coniecturam est. Nos omnes oculis quotidie usurpamus mysterium Antichristi: Tu solus in Angliâ non vides. Vicisti.*

37. Nec Regi modo, sed & tibi ipsi contrarius es. Nam si prophetia de Antichristo iam consummata est, & oculis omnium usurpatur, ut tu asseris: quis tandem est Antichristus ille, de quo prophetia loquitur? Papa, inquires. Hoc enim & Rex tuus, non quidem oculis usurpat, sed tamen coniectat. Sit ergo ita. At alibi dicis, Regem tuum à Papa excommunicari posse, quamuis non regno priuari. An ergo Antichristus Regem tuum excommunicare potest? Vide, quid dicas. Et caue ne dum adulando placere vis Regi, per impudentiam displiceas.

Paradoxum XI.

38. **A** Is, Reges Daniæ & Suetiæ, necnon Principes Germaniæ cum multis aliis, idem sentire in rebus fidei, quod Rex Angliæ sentit. Nam pag. 53. sic scribis: *Quod si presentis instituti foret, adocere posses serenissimum magnæ Britanniæ Regem, & qui cum eo sentiunt, Reges Daniæ & Suetiæ, Germaniæ Principes, Respublicas Heluetiæ & Rheniæ, quæque per Galliam, Belgiam, Poloniam, Hungariam, Bohemiam Austriam, Ordines à nobis sunt partem esse dominici gregis, nec minorem, nec minus illustrem partem, quàmque est pars Pauli V.*

39. Etiam si presentis instituti esset, nunquam edocere posses, quæ hic scribis. Hoc sigillatim tibi ostendam. Primùm ais, Regem tuum consentire cum Regibus Daniæ & Suetiæ. At, quid hoc fieri potest? Reges illi Lutherani sunt, & realem Christi in Eucharistia præsentiam agnoscunt: quàm Rex tuus omnino pernegat. Secundò, idem affirmas de Principibus Germaniæ, & aliarum Prouinciæ ordinibus. At hi ipsi nec se non consentiunt, cum alijs apertè Lutheranis

Mij Calvinistę sint. Quomodo ergo dissesti inter se, cum Rege tuo conspirare possunt? Nisi Rex tuus (quod inlinuas) cum Calvinistis profiteatur religionem Calvinisticam, & cum Lutheranis Lutheranam: *omnibus omnia factus ut omnes lucrifaciat*. Tertio esto tamen quod non est: & hi omnes, tam Lutherani, quam Calvinistę, consentiant inter se, & cum tuo Rege: quomodo verum erit, quod addis, *partem esse dominici gregis*? Non capio hoc. Non, inquam, capio, quomodo sint pars gregis, & non totus grex. Vel enim præter eos, qui à te nominati sunt, adhuc alij pertinent ad dominicum gregem, vel nulli. Si alij, quare non nominasti? aut qui illi sunt? Non opinor, ex tua sententia, Pontificios aut Anabaptistas esse. Hoc enim non pateris. Si nulli præter illos, quare partem gregis dominici, & non potius gregem nominasti? Dicam clariùs. Si Reges Anglię, Danię, Suetię, & alij Principes ac ordines, qui cum illis consentiunt, sunt pars gregis dominici, & non totus grex: necesse est, præter eos, aliam esse partem gregis dominici, quæ cum illis non consentiat: ac proinde totum Christi ouile constare duabus partibus, quarum altera ab altera dissesta sit. Itane sentis? Si non, explica te melius.

40. Sed demus hoc quoque. Sint pars gregis dominici, qui cum Rege tuo sentiunt. Qua fronte addis partem illam, *nec minorem, nec minus illustrem esse, quàm quæ est pars Pauli V.* Hoc minus capio. Cum Paulo V. sentiunt Rodolphus Imperator, Reges Hispanię, Gallię, Polonię; Archiduces Austrię: Principes Electorales, Moguntinus; Treuirensis, Colonienfis: Duces Bavariz, Lotharingi, Brabantię, Franco-nię, Hetrurię: Episcopi, Bambergensis, Constantiensis, Spirensis, Vormatiensis, Paderbornensis, &c. ut multos alios omittam. Et tu audes scribere, hanc esse minus aut certè non magis illustrem partem, quàm quæ tuo Regi consentit in religione? Nimis intemperans es in asseuerando. Et Rex tuus, quia stipes non est, facile aduerteret, palpum tibi à te obtundi.

Paradoxum XII.

41. **A** Is, Regi Anglię non esse iam liberum, mutare religionem, aut Catholicam in suo regno admittere, eo quod bis iurauerit, se id non facturum. Sic enim habes, pag. 81. *Nec in eo Regi audiendus, quod consilium das de religione liberè habenda, integrum hoc iam illi non est. Nam non semel periurus sit, quin bis, si te audiat. Quæ enim (si quæ est fidei bis data conscientia) vel conscientia, vel fide ferret in regnis suis ritus vestros, vel usum eorum publicum, qui suscepta primùm Scitiæ, suscepta deinde Angliæ coronaregia, ubique solenni ritu, Deo iusiurandum præstitit de conservanda in statu suo illa colendi Dei formula, nec alia, quam quæ in regnis suis non publicè recepta, & utriusque gentis legibus stabilita esset?*

42. Nimirum, ut video minaris Regi, fore, ut peritus à te habeatur, si religionem Catholicam in suo regno admittat, aut suam deleat, & aliam amplectatur. An ergo putas, nemini integrum esse, mutare religionem, si iuraverit se non mutaturum? Ita apparet. At, si falsa sit religio quam iuravit se servaturum, quid tunc agat? Persistet potius in falsa religione, quàm iuramentum violet? Caue ne dixerit, *Iuramentum aium Iure contulsi, non est vinculum iniquitatis*. Ad-do ego, *nec falsitatis*. Igitur non obstante iuramento, quātumvis sæpè repetito, potest quis mutare religionem, si falsa sit: potest rescindere pactum, si iniquum.

Nihil certius. Quid ergo iam ageres, si Rex tuus diceret, religionem illam, quam modo proficetur, falsam esse? An virgeres iuramentum? At hoc nullum est in re mala. An luaderes, ut abiecta falsa veram amplecteretur? Bene quidem. Sed cui hoc dissimulas? Cui tantopere virges iuramentum, quasi nunquam villo casu vel euentu licitum sit, mutare religionem, quæ iuramento firmata est, etiamsi impia sit? Collige te melius, & tunc loquere.

43. Adhuc vnum abs te quero. Rex tuus in monitoria præfatione, hortatur Reges & Principes Catholicos, ut deserta sua fide ac religione, quam hætenus sub Pontifice professi sunt, amplectantur Anglicanam, quam ipse proficetur. Censat autem plerique, ne illegitimum, in susceptione Regni, iuramentum præstitisse, nunquam se id facturos. Hic quero, inquam, an Rex tuus legitimè ac prudenter eos hortatus sit, ut hoc facerent, nec ne? Si legitimè ac prudenter egit, cur accusas Catholicos, qui in meliori causa simile quid faciunt? Si illegitimè ac imprudenter, cur non monuisti, ut abstineret: cum illi à sacello sis, & fortasse à calamo? Ubique impingis.

Paradoxum XIII.

44. **A** Is Bellarminum esse votifragum, eo quod ex Iesuita factus sit Cardinalis. Sic enim habes, pag. 56. *At votum non video, cur à Adalberto (Torto) nominari debeat, nisi si interposita voti mentione. Domino suo (Bellarmino) gratificari voluit, qui olim Iesuita factus, voti se reum fecit, & hoc votum iam fregit, postquam ostium induit.*

45. Equè, ut apparet, intelligis, quid sit Votifragum esse, ac, quid sit, periurum esse. Et sicut paulo ante volebas Regem tuum pronunciare periurum, si religionem Catholicam in suo regno admitteret, ita nunc Bellarminum pronuncias votifragum, quia dignitatem Cardinalitatus intitus admisit. Certè ad conviciandum valde propensus es. Et cur obiecto Lutherum non dicis Votifragum, qui ex Monacho factus est Maritus (si tamen Maritus, & non potius sacrilegus, fornicator aut adulter) cur non periurum qui abiecta antiqua fide, quam à Christo, Apostolis & maioribus suis sanctissimis simul ac dectissimis acceptam, iuramento firmaverat, novitiam, Christo & veritati repugnantem amplexus est?

46. Ut rem intelligas, sic accipe. Aliud est absolute & simpliciter aliquid vouere, iteu Deo permittere; aliud verò, cum certâ limitatione. Qui priori modo vouet, tenetur præstare, quod promittit. Qui posteriori potest solui obligatione, quando limitatio patitur. Exempla habemus in veteri Testamento. Nam filiz & vxores vouebant cum hac limitatione, si parentes & mariti consentirent. (Num. 30.) Nazariz cum hac, ut certò duntaxat tempore, & non omni vita, vellent se obstringere (Num. 6.) Simili modo fit in nostra Societate. Qui simplici voto se obstringit, non aliter censetur obstrictus, quàm ad arbitrium Superiorum. Unde si Superiores ex iusta causa dimittant illum à Societate, cessat obligatio. Qui autem solenni voto se obstringit, pendet ex arbitrio Papæ, qui illum potest eripere Societati, & in alio statu collocare. Et quid hoc noui est? Quotidie apud vos similia sunt. Promittitis Regi vestro fidelitatem, & obedientiam, sed cum hac duplici limitatione. 1. quādiu manetis in Anglia. 2. quādiu Rex non mutat religionem. Si secus fiat, putatis vos non obstringi.

Paradoxum XIV.

47. **A** Is, Catholicos docere, fidem non esse seruandam, & perfidiam esse licitam. Sic enim habes, pag. 136. *Vos, qui fidem non seruandam, id est, perfidiam licitam legitimamque docetis, etiamne vos quicquam de perfidia audetis hiscere? & in turpitudinem vestram, cuius vel nomen nominare?*

48. At, mi homo, qui sunt illi apud nos, qui sic docent? Si nihil aliud, quam mentiri & calumniari, propositum tibi est, non magnopere miror, te ista scribere. Est enim (quod pace tua dixerim) luculentum mendacium, & aperta calumnia. Si autem veritatis studiosus es, (ut te esse oportuit) cur rem non prius examinasti? Inuenisses sine dubio, aliam doctrinam apud Catholicos. Et si adhuc lubet, videre potes, quæ hoc argumento à me pridem scripta sunt in disputatione, *De fide hereticis seruanda: & in Questionibus Missellanis* de eadem materia. Ibi inuenies, quid Catholici verè sentiant; quid aduersarij falso calumnientur.

Paradoxum XV.

49. **A** Is, Catholicos esse de prosapia Malchi, eo quod omnia audiant & interpretentur sinistra aure, nihil dextra. Sic enim habes pag. 92. *Interea tamen dextra datum, dextra positum, quicquid in iuramento positum. Quod dextra datum est, vos sinistra accepistis, & de Malchi prosapia estis, cui præcisa auris dextra, nec ulla vobis auris relicta, nisi sinistra, qua auditis omnia: omnium quæ à nobis dicuntur sinistra audietores & interpretes.*

50. More tuo, vel nugari pergis, vel contumeliam inferre. Sed non laboro. Faciamus esse, quod dicis? Catholicici sint de prosapia Malchi. Quid hinc efficit? Nihil sanè contra nos. An nescis ex Euangelio, Malcho mox, ut abscissa est auricula dextra, à Christo restitutam esse? & idem restitutam esse, ut nihil sinistra, sed omnia, quæ audiret, dextra interpretaretur? Si ergo nos de prosapia Malchi esse vis, fateri debes, ita nobiscum actum esse à Christo, ut omnia dextris auribus, nihil solis sinistris audiamus & interpretemur.

51. Quod si vicissim luberet iocari, non dicerem vos esse de prosapia Malchi, cui auris abscissa est, sed de prosapia Iudæorum, qui aures habent & non audiunt, iuxta illud Matth. 13. 14. *Audiu audietis, & non intelligetis, & videntes videbitis, & non videbitis. In-crasatum est enim cor populi huius, & auribus grauius audierunt, & oculos suos clauferunt. Et quæ sequuntur. Sed nolo vobiscum sic agere.*

CAPVT III.

De Primatu Regis male defenso à Sacellano.

1. **Q** Via semel propositum tibi est, Regi adulari, quicquid illi placere nosti, omnino tueri & approbare. Hoc animo & affectu, Primatum Ec-

clesiam, quem ipse sibi usurpat, propugnare studeas. Sed infelici sanè euentu. Dupliciter enim peccas in hoc genere. Primo, quia multa suppeditas argumenta, quæ evertunt Primatum Regis: quod tamen per imprudentiam à te factum est. Secundo, quia quæ adfers pro primatu Regis, tam parui momenti sunt, ut res abeant in contemptum. Vtrumque tibi ostendam. Quod ad prius attinet ex tuis principiis colligi possunt hæc argumenta contra Primatum Regis.

I. ARGUMENTVM.

Contra Primatum Regis ex Sacellano.

2. **P**rimum argumentum sic instituo. Ille non habet Primatum Ecclesiæ, qui nullam habet iurisdictionem Ecclesiasticam, nec in foro interiori, nec exteriori: At Rex ex tua doctrina nullam habet iurisdictionem Ecclesiasticam, nec in foro interiori, nec exteriori: Ergo non habet primatum Ecclesiæ. Maior propositio per se nota est, quia nomine Primatus ecclesiæ: nihil aliud hoc loco intelligimus, quam supremam iurisdictionem ecclesiasticam. Qui ergo nullam habet iurisdictionem ecclesiasticam, nec internam, nec externam, non habet Primatum ecclesiæ. At Rex, ex tua doctrina, nullam habet.

3. Non internam. Hæc enim consistit in potestate clauium, seu potestate remittendi peccata in foro conscientiarum, quam Rex non habet, ut fateris, pag. 380. his verbis: *Rex non assumit ius clauium*. Et merito. Non enim regibus, sed Apostolis dictum est à Christo, *Accipite Spiritum sanctum: quorum remiseritis peccata, remissa sunt eis, & quorum retinueritis, retenta sunt.*

4. Nec externam. Hoc euidenter conuincam ex tuis principiis. Sunt autem hæc tria. Primum, quod iurdictio ecclesiastica fori exterioris, non alio loco fundata sit, quam illo Matth. 18. 17. *Die Ecclesia: si Ecclesiam non audieris, sit tibi sicut Ethnicus & Publicanus.* Alterum, quod iurdictio, quæ illo loco fundata est, nihil aliud sit, quam ius censuræ, seu potestas excommunicandi. Tercium, quod Rex non habeat ius censuræ, seu potestatem excommunicandi. Agnoscis, credo, hæc tua principia. Et quidem hoc tertium habes, pag. 151. his verbis, *Nos principi potestatem censuræ non facimus*, et iterum pag. 380. *Rex non assumit ius censuræ*. Duo verò priora pag. 41. his verbis: *Censura duplex est; Publicani & Ethnicus, minor & maior. Minor à Sacramentis excludit modo. De maiore verò, qua arces Ecclesia ipsa, quæ perinde redit, ut Ethnicus, vix quisquam est quin se teatur institutam eam à Christo. Mat. 18. per verba, Die Ecclesia: si Ecclesiam non audieris, sit tibi sicut Ethnicus. De exteriori foro ibi agitur. Exterioris fori iurdictio, illo, nec alio loco fundata est. Attende quid hic dicas. Iurdictio fori exterioris, ubi fundatur in Euangelio? Non alibi, inquis, quam Matth. 18. Benè habet.*

5. Hinc iam ita concludo, Omnis iurdictio Ecclesiastica fori exterioris, fundatur in illo solo loco. *Die Ecclesia*: At iurisdictionem illo loco fundatam non habet Rex: Ergo nullam habet fundatam in Euangelio Christi, sed in cerebro Sacellani. Vide nunc, quid acturus sis cum Rege, qui per tuam doctrinam omni ecclesiastica potestate spoliatus est, ac renoua illa verba, quæ scripsisti, pag. 90. *Primatus spiritualis debetur Regibus omni iure*. Non sanè omni iure, quia ut iam falsus es, non iure euangelico, seu noui Testamenti.

Argu-

Argumentum II.

6. **A**lterum, nec minus efficax argumentum, est huiusmodi. Is non habet Primatum Ecclesie, qui neminem quantumvis reum ac nocentem, potest expellere ab Ecclesia, & tamen ipse, si nocens sit, ab aliis expelli potest: Vel quod idem est, qui neminem potest excommunicare, & tamen ipse ab aliis excommunicari potest. At Rex, iuxta tuam doctrinam, neminem potest excommunicare, seu eicere ex Ecclesia, & tamen ipse ab aliis excommunicari seu eicci potest: Ergo iuxta tuam doctrinam, non habet Primatum Ecclesie.

7. Maior certa est. Et patet in simili exemplo. Nam sicut is non censetur Rex, qui neminem, quantumvis flagitiosum, potest à regno proscribere, & in exilium mittere; & tamen ipse ab aliis, si deliquerit, proscribi & in exilium mitti potest, sic planè se res habet in nostro casu. Nunc sublimo. At Rex neminem potest excommunicare, seu ab Ecclesia arcere, quia non habet ius censure, ut tu loqueris: Et tamen ab aliis potest excommunicari, seu ab Ecclesia arceri, ut fateris: pag. 39. his verbis: *Aliud est privare Regem bonis Ecclesie communibus, quod facit sententia, & potest fore Pontifex: aliud privare bono proprio, id est regno suo, quod non facit sententia, nec potest Pontifex. Privabit censura Pontifex: focietate fidelium, qua fideles sunt; Bonum enim illud spirituale, & ab Ecclesia. Non privabit obedientia subditorum, qua subditi sunt: bonum enim civile hoc, nec ab Ecclesia.* Concludo. Ergo Rex, ex tua sententia non habet Primatum Ecclesie.

8. Atque hoc ipso argumento, quod ex tua doctrina sumptum est non solum probo, Regem non habere Primatum Ecclesie, sed etiam Regem longè aliter sentire quàm tu sentis. Tu enim fateris, ut ex citatis verbis patet, Regem à Pontifice excommunicari posse: Ergo etiam fateri debes Regem in hoc casu inferiorem esse Pontifici. At Rex tuus in monitoria Præfatione, id negat his verbis: *Nam neque Pontifex ulla ex parte inferior est, esse credo, pater illius dixerim.* Si nulla ex parte inferior est, quomodo excommunicari seu puniri ab eo potest? Vide, quo pacto falsus hic tuum Regem.

Argumentum III.

9. **T**ertium argumentum fundatur in illis tuis verbis, pag. 177. *Duo hæc regna. Republica & Ecclesia, quando in duo videntur, hoc ab illo dictum, duas habere: postquam in unum coalescunt, non ut in duobus duo, sed ut in uno unus primus est.* Vis hoc dicere, In hoc mundo, duo esse regna distincta, vnum Republicæ civilis, alterum Ecclesie Christi: hæc quando manent duo, habere duos Primates, seu supremos Principes, quando autem in unum coalescunt, non habere nisi vnum Primatem, seu supremum Principem. Accipio, quod das, & subsumo. At in nova lege quam Christus instituit, manent duo nec in unum coalescunt. Ergo in nova lege debent esse duo distincti Primates, quorum alter præsit Ecclesie, alter Republicæ civili. Ergo Rex Angliæ, si pertinet ad novam Legem, non potest utriusque simul.

10. Quid potes hic tergiversari? Dic obsecro, an tempore Christi, qui novam legem instituit, fuerint Opulc. Bec:

A diuisa hæc duo regna, an verò in vnum coalescerint? Hoc posterius, nec potes, nec audeas firmare: quis si Ecclesia & Republica in unum coalescerent tempore Christi, iam unus utriusque fuisset primas, iuxta tuam doctrinam. Vel ergo Christus fuisset simul primas Ecclesie & Republicæ, quod minime concedis, vel neptius fuisset, quod est contra Scripturam. Superest ergo, ut tempore Christi fuerint diuisa illa duo regna, ac prout habuerint duos distinctos Primates: Ecclesia quidem Christum, Republica verò Regem vel Imperatorem.

11. Iam verò, si tempore Christi, non fuit unus idemque primas Ecclesie, & Republicæ, quomodo fateri debe, quomodo Rex tuus, qui Christi institutum proficitur, utrumque Primatum usurpare sibi audeat? Nisi dicas, eum id facere ex more ludæorum, non Christianorum, ideoque in hac re ludæis similem esse non Christianis. Hoc enim videris velle, cum ais, pag. 163. *A more institutumque Israelitæ orditur Apologia, inde utrumvis habet, atque rationes suas quasi hæc omnis (scilicet de Primatu) in Israël enim populo suo, regnum instituit: Deus, & Ecclesiam in regno, ex more sua. Exemplum inde nobis sumendum est, cum in Testamentum novum habebimus. Nusquam ibi in unum coalescunt Ecclesia & Imperium.*

12. Ex hac, tam luculenta tua confessione, duo colligo. Vnum est, Regem Angliæ sine villo exemplo novi Testamenti, usurpare sibi utrumque Primatum Republicæ & Ecclesie. Alterum, vel Regem Angliæ, vel alios Reges & Imperatores in errore versari. Nam si, ut tu loqueris, nusquam in novo Testamento Ecclesia & Imperium in unum coalescunt, & iam tandem in Angliæ in unum coalescunt, necesse est vel hætenus erratum esse ab omnibus, & vestrum Regem curpius primatum sapere, vel certè, quod credibilis est alios in hoc genere sapuisse: vestrum Regem à meta aberrare.

13. Video quid obici possit. Hoc nimirum quod etiam Pontifex in parte Italiae usurpet utrumque Primatum Republicæ & Ecclesie: Fateor ita esse. Sed illa coniunctio, iure tantum humano introducta est: Tu autem contendis, Regem Angliæ habere utrumque Primatum iure diuino. Hoc probare non potes.

Argumentum IV.

14. **Q**uartum argumentum suppeditas, pag. 35 & 36. cum ais. *Christus enim, cuius hic vicem obtinet, non sic præsit, dum interris fuit. Regnum, quod de mundo fuit non habuit: Regni, quod non habuit, vicem contempsit.* Et paulo post. *Est ille quidem Rex Regum, sed qua Regum Rex est, immortalis est, mortalem nullum Principem habet. Papa mortalis ipse, non aliter Christi Vicarius, quàm qua mortalis Christus.*

15. His verbis conaris probare, Pontificem, tametsi Christi Vicarius sit, non tamen habere regnum temporale. Supponis autem dupliciter spectari posse Christum. 1. quatenus est immortalis seu secundum diuinitatem. 2. quatenus est moralis, seu secundum humanitatem. Hoc posito, sic argumentaris: Christus secundum diuinitatem, seu quatenus est immortalis, est quidem Rex Regum & habet omnia regna huius mundi in sua potestate, non tamen habet vllum vicarium mortalem: At Papa mortalis est: Ergo non est Vicarius Christi, quatenus hic immortalis, seu Deus est Christus porro secundum humanitatem, seu quatenus mortalis est, non habet vllum, quomodo tempus

ale: Ergo non potest habere vllum Vicarium in re-
gno temporalis: Ergo Papa licet Vicarius illius sit, non
est tamen in regno temporalis, sed solum in spirituali.

16. Hæc vis argumenti tui est. Sed, an non vides re-
torqueri posse in tuum Regem? Imò eodem planè ar-
gumento, & regno temporalis, & Primatu Ecclesiæ,
spoliari potest Rex tuus. Quod sic ostendo. Si Rex
tuus habet regnum temporale, vel habet illud tan-
quam Vicarius Dei immortalis, (quod ipse vult) vel
tanquam Vicarius Christi mortalis. Neutrum dici
potest. Non prius; quia Deus immortalis, non ha-
bet Vicarium mortalem, ut tu sponte affirmas: At
Rex tuus, sine dubio, mortalis est: Ergo non est Vi-
carius Dei immortalis. Nec posterius; quia Christus,
quia mortalis, non habet regnum temporale: Er-
go nec Vicarium regni temporalis: Ergo Rex tuus
non est Vicarius Christi in regno temporalis. Aut
ergo omni regno temporalis exutus est; aut, si quod
habet, in eo gubernando debet esse alterius Vicarius,
quam Dei immortalis & Christi mortalis. Hoc non
concesseris. Ergo illud concedendum est.

17. Hinc vterius concludo; Rex tuus non alio titu-
lo arrogat sibi Primatum Ecclesiæ, nisi quia Rex est
temporalis & Vicarius Dei: ut iam ostendi ex tua do-
ctrina, non esse Regem temporalem, nec Vicarium
Dei. Ergo non potest titulo Regis temporalis, ar-
rogate sibi Primatum Ecclesiæ. Hic tu succurre il-
li si potes.

Argumentum V.

18. **Q** Vintum argumentum sumi potest ex illis ver-
bis tuis, pag. 39. *Aliud est priuare Regem
bonis Ecclesiæ communibus, quod facit sententia, & potest
forte Pontifex: aliud priuare bono proprio, id est, regno suo
quod non facit sententia, nec potest Pontifex. Priuabit censu-
ra Pontificis societate fidelium, qua fideles sunt: bonum
enim illud spirituale, & ab Ecclesia: Non priuabit obedi-
entia subditorum, qua subditi sunt: bonum enim civile hoc, nec
ab Ecclesia.*

19. Hic distinguis duplicia bona, quæ Regi con-
ueniant. Alia vocas spiritualia, quæ ab Ecclesia sunt;
alia civilia, quæ ab Ecclesia non sunt. Addis, hæc es-
se propria Regis, quibus per censuram priuari non po-
test: illa communia Ecclesiæ, quibus priuari potest.
Nunc quæro, an Primatus Ecclesiæ, quem Rex vsur-
pat, pertineat ad communia bona Ecclesiæ; an po-
tius ad propria civilia? Alterutrum faceri oportet, si
distinctio tua proba & sufficiens est. Si pertinet ad
bona communia Ecclesiæ, sequitur, quemuis fidelem,
qui in Ecclesia est, non minus esse Primatem Eccle-
siæ, quàm Regem. Nam bona, quæ omnibus Chri-
stianis in Ecclesia existentibus communia sunt, non
magis ab vno, quàm ab alio vsurpari debent. Si autem
pertinet ad bona civilia, sequitur Regem, per censu-
ram Ecclesiasticam non priuari Primatu Ecclesiæ: ac
proinde, postquam excommunicatus est, & extra Ec-
clesiam, more Ethnicorum, constitutus, manere Pri-
matem Ecclesiæ. Quo nihil absurdius.

20. Simile argumentum sumitur ex verbis tuis se-
quentibus, quæ sic habent, pag. 40. *Rex quis, cum
de Ethnicus Christianus fit, non perdit terrenum ius, sed acqui-
rit ius nouum putat in bonis Ecclesiæ spiritualibus. Idem cum
de Christiano fit, sicut Ethnicus vigore sententiæ amittit no-
uum ius, quod acquisierat in bonis Ecclesiæ spiritualibus: sed
retinet tamen terrenum ius, antiquum ius in temporalibus, quod
fuerat illi proprium, priusquam Christianus fieret.*

21. Hic etiam distinguis duplex ius Regis. Alterum
antiquum & terrenum, quod Rex habet antequam est
Christianus. Alterum nouum & spirituale, quod ac-
quirat, quando fit Christianus. Nunc similiter quæ-
ro an Primatus Ecclesiæ, quem Rex tuus vsurpat, per-
tineat ad ius antiquum & terrenum, an potius ad no-
uum & spirituale? Si ad antiquum & terrenum, se-
quitur, Reges æthnicos, antequam Christiani sunt,
habere Primatum Ecclesiæ, quod est absurdum. Si ad
nouum & spirituale, sequitur, æges, quando per ba-
ptismum sunt Christiani, seu membra Ecclesiæ, plus
accipere in baptismo, quam alios homines, quod tu
alibi negas. Contendis enim, omnes mortales, cuius-
cunque sortis aut dignitatis sint, pares esse in iis, quæ
per baptismum acquiruntur.

Argumentum VI.

22. **S**extum argumentum infinuas, pag. 35. cum
ais; *Nec enim Regum subditi, qua subditi, Eccle-
sia pars vlla sunt, sed regni. Antequam de Ecclesia essent,
subditi erant: cum extra Ecclesiam sunt, nihilominus manent
subditi. Qua fideles sunt, pars Ecclesiæ sunt: qua subditi
sunt, regni ac Reipublicæ pars sunt.*

23. Vnde sic argumentor. Iurisdicctio Regis non ex-
tendit se, nisi ad subditos Regis, qua subditi sunt, (si
enim spectentur, qua subditi non sunt, non possunt
subesse iurisdictioni Regis.) At subditi Regis qua sub-
diti, non sunt pars Ecclesiæ, sed tantum Reipublicæ,
ut tu asseris: ergo iurisdicctio Regis, quam habet in
subditos, qua subditi sunt, non potest esse Ecclesia-
stica, sed tantum civilis: ergo non subsunt Regi in ra-
bus Ecclesiasticis, sed tantum in civilibus. Nihil cer-
tius ex tuo principio.

Argumentum Sacellani pro Primatu Regis.

24. **O**stendi hætenus, ex tua doctrina sumi pos-
se firma argumenta ad euertendum Prima-
tum Regis. Nunc videamus, an æquè valida sint, qui-
bus eundem Primatum adstruere conatus es. Omittam
ea, quæ tibi cum Rege communia sunt, & alibi à me
refutata. Vnum, quod tibi peculiare est, excutiam.
Hoc autem proponis, pag. 157. his verbis, *Dixit olim
Iosue populus, in omnibus paritatem se ei, sicut & Moysi:
pariter enim autem & Moysi in Ecclesiasticis. Non interces-
sit tunc Pontifex Eleazarus; ne in omnibus, sed temporalibus.
Quod si quicquam interesse putet, quod Iosue verus Dei cul-
tor fuit: ne in Orthodoxis solis locum habere videatur, Rex
Babel certe, heretico par, nempe idololatra; cui tamen Pro-
pheta non modo non dissuasit populo, sed author etiā fuit sub-
mittendi colla sub iugo eius eique seruiendi. Idem Pharaoni
factum, cuius absque venia, nec pedem mouere voluerunt de
Ægypto, ut Deo sacrificarent. Idem Cyro, cuius itidem abs-
que venia, nec excedere Chaldaea ut Templum edificarent.*

25. Vis argumenti est hæc, non soli Orthodoxi æ-
ges in veteri Testamento, sed etiam Gentiles & ido-
lolatæ habuerunt Primatum Ecclesiæ, ergo idem di-
cendum est de Regibus noui Testamenti. Priorem
partem antecedentis probas exemplo Iosue, cui po-
pulus Iudæorum dixit (Iosue 1. 17.) *Sicut obedimus in
omnibus ad os, ita obedimus & tibi.* At Moysi obedie-
rant, non solum in temporalibus, sed etiam in eccle-

justitias. Ergo & Iosue. Posteriorem probas exemplo trium Regum Gentilium, Nabuchodonosoris in Babilonica, Pharaonis in Egypto, & Cyri in Chaldaea; quibus etiam in Ecclesiasticis subiecti erant Iudæi, quia sine illorum venia non audebant, aut sacrificium offerre, aut Templum ædificare.

26. Ut videas, quàm parum momenti sit in hoc tuo argumento, singulas eius partes breuiter excommunicabo. Ac primò dicam aliquid de Mose. 2. de Iosue, qui illi successit. 3. de Regibus Gentilibus, quos citasti. De Mose certum est, fuisse non modo Principem secularem, sed etiam Ecclesiasticum: aut, si omnia dicenda sunt, quadruplicem personam iustinuisse. Primam, Principis secularis. Alteram, Legislatoris. Tertiam, summi Sacerdotis seu Pontificis. Quartam, Prophetæ. Hoc testatur Philo lib. 3. de vita Moysi in fine cum ait: *Hæc est vita, hic exitus Moysi Regis, Legislatoris, Pontificis, Prophetæ.* Et apertè convincitur ex scripturis. Quod enim fuerit Princeps seu Index secularis, patet ex illo Exodi 18. 13. *Alter die sedit Moses, ut iudicaret populum, qui assistebat Moysi a mane usque ad vespæram.* Vnde August. quæst. 68. in Exodum, *Sedebat, inquit, iudiciaria potestas & solus, populo uniuerso stante.* Quod fuerit Legislator, patet manifestè, tum ex aliis locis, tum ex illo, Ioann. 1. 17. *Lex per Moysen data est.* Quod fuerit Pontifex, seu summus Sacerdos, partim colligitur ex illo, Pl. 98. 6. *Moses & Aaron in Sacerdotibus eius,* partim ex officio Sacerdotali, quod exercuit. Nam (ut habetur Leu. 8.) consecrauit Aaronem in sacerdotem, sanctificauit tabernaculum & altare, obtulit sacrificia & holocausta, obtulit incensum Domino. Hoc autem nemini licebat facere nisi Sacerdoti, iuxta illud 1. Par. 26. 18. *Non est tui officij Oras, ut adoleas incensum Domino, sed Sacerdotum.* Quod denique fuerit Prophetæ, constat ex illo. Nu. 12. 6. *Si quis fuerit inter vos Prophetæ Domini in visione apparebo ei, vel per somnium loquar ad illum. At non talis seruus meus Moses, qui in omni domo mea fidelissimus est. Oræ enim ad os loquar ei, & per aiam, & non per ænigmata, & figuræ Dominum vider.* 26. Iosue non successit Moysi in his omnibus. Non enim in Pontificatu, seu summo sacerdotio. Non in Legislatione. De Prophetia non disputo. Successit tamen in Principatu seculari. Hoc patet ex illo, Numer. 27. 18. *Dixitque Dominus ad Moysen: Tolle Iosue filium Nun, & pone manum tuam super eum. Qui stabit coram Eleazaro Sacerdote & omni mul. tudine, & dabis ei præcepta cunctis videmibus, & partem gloriæ tuæ, ut audiat eum vniuersi Synagoga filiorum Israël. Pro hoc si quid agendum erit, Eleazar Sacerdos consulat Dominum. Ad verbum eius egrediatur & egrediatur ipse, & omnes filij Israël cum eo, & caetera multitudo.* In quibus verbis tria notanda sunt, quæ ad rem nostram faciunt. Primum, quod Iosue sit designatus successor Moysi. Alterum, quod Moyses decessit illi partem gloriæ suæ, id est, quod non dedit illi totam potestatem quam habebat, tam secularem, quàm Ecclesiasticam, sed tantum secularem. Tertium, quod voluerit illum subesse Eleazaro Sacerdoti, & ad eius imperia omnia facere. Hoc enim significant illa verba, *Præ hoc (Iosue) si quid agendum erit, Eleazar Sacerdos consulat Dominum ad verbum eius, id est Eleazari egrediatur & ingrediatur Iosue.*

28. Hinc facile intelliges, quàm alieno sensu à te citatum sit illud: *Sicut in istis obediuius Moysi, ita obediuius & tibi.* Tu enim sic accipis, quasi populus Iudæorum debuerit in omnibus, tam Ecclesiasticis quam secularibus obedire Iosue sicut obediuerat Moysi. Sed erras. Primò, quia in ecclesiasticis debeant obedire Eleazaro Sacerdoti. Secundo, quia illa verba, *Sicut obediuius Moysi,* non sunt prolata à toto populo, sed tantum à Rubenitis, Gaditis, & dimidia tribu Manasse. Nec illi voluerunt dicere quod vellent obedire Iosue


Opulc. Bec.

A in omnibus simpliciter, in quibus Moysi obediuerant (tamen sæpe huic obmurmurarint, & non obediuerint) sed inis tantum, quæ à Moysi circa illos constituta erant nimirum, ut relictis vxoribus, filiis ac iumentis in eo loco, in quo tunc erant, ipsi armati cum reliquis tribubus transirent Iordanem, & pugnarent contra hostes, donec illis debellatis, reliquæ tribus haberent quietam ibi possessionem. Hoc patet ex contextu, qui sic habet: *Rubenitis quoque & Gaditis, & dimidia tribu Manasse ait: Memento sermoneis, quem præcepit vobis Moyses famulus Domini, dicens: Dominus Deus vester dedit vobis requiem & omnem terram. Vxores vestra & filij, ac iumenta manebunt in terra, quam tradidit vobis Moyses trans Iordanem. Vos autem transite armati ante fratres vestros, omnes fortes manu, & pugnate pro eis, donec datus Dominus requiem fratribus vestris, sicut & vobis dedit, & possideant ipsi quoque terram, quam Dominus Deus vester daturus est eis: & sic reuertimini in terram possessionis vestrae, & habitabitis in ea, quam vobis dedit Moyses famulus Domini trans Iordanem contra Solis ortum.* Vnde, quod immediatè sequitur (Omnia, quæ præcepisti nobis faciemus, & quocumque miseris ibimus: sicut obediuius in cunctis Moysi, ita obediuius tibi) refertur ad illa, quæ præcesserunt. At in illis, quæ præcesserunt, nulla sit mentio rerum ecclesiasticarum, sed tantum belli suscipiendi contra hostes, qui terram inhabitabant.

29. Igitur ex hac parte, ut vides, corrumpit tuum argumentum, & ex falso principio procedit. Ex altera parte qua agitur de Regibus Gentilibus & idololatriis, non video, quam vim habeat. Nam tres illi Reges, quos citasti, vel ex tua sententia, fuerunt Primates ecclesiæ Dei, vel non fuerunt. Non dices fuisse, quia non semel contrarium asseris in Tortura tua. Et meritò; quia qui extra ecclesiam Dei sunt, non possunt esse in ea Principes & gubernatores. Si ergo non fuerunt Primates ecclesiæ, sicut reuera non fuerunt, quomodo illorum exemplo probare vis, Regem Angliæ esse primatem ecclesiæ? Hoc solum video te posse efficere, quod sicut Iudæi non audebant egredi ex Egypto, ut Deo sacrificarent, sine venia Pharaonis, qui illos suo iugo crudeliter subiecerat: sic etiam Catholici, qui in Anglia sunt, non audent egredi ad loca Catholica, ut ibi eucharistiam Catholico ritu suscipiant, nisi impetrata venia à Iacobo Rege qui id sine sua voluntate non vult fieri, sub pœna carceris aut capitis. Et sic deinceps. Sed quid hoc ad Primatum Ecclesiæ? Potius ad tyrannidem, vel impietatem spectare dixerim.

EPILOGVS.

HAbes breuiter, quid mihi visum sit de tuo libro quem pro Rege scripsisti. Habes, inquam, hæc tria puncta. Primò, quod sæpe, non tam argumentis, quàm conuitis rem gesseris. Secundo, quod omnia Paradoxis ac falsis opinionibus fœdaueris. Tertio, quod Primatum Regis, quem astruere voluisti, euerteris potius quàm firmaueris. Et hæc omnia ex studio adulandi Regi orta sunt. Igitur si hoc studium represseris, & solam rei veritatem spectaueris, facillimum erit, priora vitia emendare. Quod ut facias, omnino tibi author sim. Facies autem si Deum, qui prima veritas est, præ oculis habebis.



OPUSCULUM X.
DE PURGATORIO
CALVINISTARVM.

LECTORI.



AMVS tibi, benevole Lector, tractatum de Purgatorio Calvinistarum: Nec est, quod quaeras, cur potius de Purgatorio, quam de caelo Calvinistarum, à nobis disputatum sit. Duæ cau-

se in promptu sunt. Prior, quia verus verbum est, Qui, quod vult, dicit, quod non vult, audit. Calvinistæ multa hactenus per calumniam dixerunt de Purgatorio Papistarum. Audiant nunc vicissim de suo Purgatorio, etiam quæ nolint. Posterior, quia tutius est de certis, quam de ambignis differere. In Calvino habemus certa principia, ex quibus Calvinistarum Purgatorium astruamus, ut possitis. At nihil certi habemus de caelo & caelesti gloria. Tamen semper age de hoc puncto Calvinus usque tamen sibi constat. Et, ut semel dicam, triplex illius de una re sententia est. Prima, quod scilicet ac temerarium sit, inquirere, an sancti sint in caelo, & caelesti gloria. Altera, quod omnino sint in caelo, & caelesti gloria. Tertia, quod expectent caelestem gloriam, usque ad diem iudicii.

Primum tradidit lib. 3. Instit. cap. 25. 5. 6. his verbis: Valde se torquent multi disputando, quem locum occupent, & an caelesti gloria fruantur, necne. Atqui stultum & temerarium est de rebus incognitis alius inquirere, quam Deus nobis scire permittat. Et paulo post: Omnia tenentur suspensa, donec Christus appareat Redemptor.

Alteram tradis in Psychopannychia, ubi explicans illa verba Apostoli 2. Corinth. 5. 1. Scimus, quoniam si terrestris domus nostra huius habitationis dissolvatur, quod ædificationem ex Deo habemus in cælis, &c. sic habet. Hæc verba sine interprete loquuntur, nos sensuros Dei præsentiam cum ab hoc corpore separabimur: iam non per fidem ambulaturos, sed per speciem. Et ibidem; Electi Dei, qui ex hac vita transierunt, Deo fruuntur ad satietatem, citra fastidium. Et iterum: In cælesti Ierusalem, Deus pacis dat se videndum suis pacificis, iuxta Christi promissum. Et in cap. 1. epist. ad Philip. Paulus aperte testatur, nos frui Christi præsentia, cum dissolvimur. Et in c. 5. posteriori ad Corin-

A thos; Nihil melius, quam migrare à corpore, ut perveniamus ad Dei contubernium, & illius præsentia vere palamque fruamur.

Tertiam, quæ huic planè contraria est, tradis lib. 3. Instit. c. 25. 5. 6. his verbis: Scriptura ubique iubet pendere ab expectatione adventus Christi, & gloriæ coronam eiusque differt. Et ibidem; Animæ piorum, militiæ labore perfundæ, fruitionem promissæ gloriæ expectant. Propter hanc Calvinus de caelesti gloria inconstans, nihil ausus fuit definire de caelo Calvinistarum, quia videbam rem planè incertam & ambigam esse. At de Purgatorio, ut dixi, certiora quædam principia in Calvino reperi, quæ ad plura inuigilanda viam mihi pararent. His principis, ut potui, usus sum. Velim Lector, æqui bonique consulas: Et si ita vis, ut ipsis, quæ à me posita inchoata, quam perfecta sunt, competer etiam licebit, aliquid ex tuo peno adicias.

DE PURGATORIO
CALVINISTARVM.

CONSTAT Calvinistas (saltem suo ipsorum iudicio) non habere infernum, quia omnes sunt predestinati & electi ad vitam æternam, ut ipsi fateantur. Quæstio est, an habeant Purgatorium? Quando nobiscum agunt, vel disputant, videntur omnino negare. Sed astutus, ut animadverto. Negant enim Papisticum purgatorium, non Calvinisticum. At quidnam hoc est? hactenus ipsi strenuè dissimulant. Et sicut occulta ac invisibilis est eorum Ecclesia, sic occultum voluit esse suum purgatorium. At ego, quantum in me erit, in læcem illud producam, non ab omnibus cognosci possit, idque per sequentia capita hoc ordine.

1. An Calvinistæ habeant aliquod Purgatorium post hanc vitam?
2. Vbi locorum illud sit?
3. Quomodo differat à nostro Purgatorio?
4. Quid agant ibi Calvinistæ?

Argumentum hoc novum est, quia Calvinista novi. Nec aliando commodius, quam ex ipso Calvino, & Calvinistarum fundamentis tractari id potest. Ergo in eo laborandum mihi est, ut quidquid in medium allaturus sum, ex ipsis Calvini & Calvinistarum consensu confirmari possit. Quod etiam spero me effecturum. Iudicium esto penes lectorem.

CAPUT I.

An Calvinistæ habent Purgatorium?

Non certa sunt apud Calvinum, & consequenter apud Calvinistas, qui illius doctrinam sectantur. Unum est, animas iustorum in Veteri Testamento non statim post hanc vitam migrasse in cælum, sed delituisse in quodam carcere, & expectasse adventum Christi Redemptoris. Alterum, nec animas iustorum in nouo Testamento (id est, Calvinistarum) in cælum admitti, sed procul in atrio quodam residere usque ad consummationem sæculorum.

1. Priorem partem expressè docet Calvinus in libello, qui inscribitur Psychopannychia, ubi sic habet;

Nec minus ostendit Apostolus Petrus, animas à morte esse, & vivere ostendit, cum tradidit Christum his, qui in carcere erant, spiritibus predicasse: nec spiritibus modo piorum remissionem ad salutem; sed impiorum quoque spiritibus confusionem. Hic ingenuè fatetur, piorum animas fuisse in illo carcere, ad quem Christi anima post passionem descendit. At carcer ille, non potuit esse infernus damnatorum, nisi dicamus piorum animas damnari, quod absit; nec potuit esse cælum, nisi dicamus cælum in scriptura vocari carcerem, quod hactenus inauditum est. Necesse igitur est fuisse aliquem locum distinctum à cælo & inferno: de quo Calvinus ibidem subdit; Nec verò miretur quisquam, includi carcere sanctos Patres, qui redemptionem Christi expectabant. Hoc videtur addidisse propter quosdam Nouatores, qui mirantur illum carcerem: & putant nihil restare post hanc vitam, nisi cælum & infernum.

3. Posterioriorem partem docet idem Calvinus lib. 3. Inst. c. 10. §. 20: cum ait: *Intelligimus Christum fuisse apparere coram facie Dei, & mortis eius virtutem ad perpetuam pro nobis intercessionem valeat: sic tamen, ut sanctuarium cæli ingressus, ad consummationem, & que secularium, solus populi criminum in atrio residens, vota ad Deum deferat.* Quid clarius? Affirmat solum Christum ingressum esse sanctuarium cæli: reliquos eminus in atrio residere, & inde eorum vota usque ad consummationem sæculorum, à Christo ad Deum Patrem deferri.

4. Hinc rectè concludimus, ex sententia Calvini, animas iustorum noui Testamenti, id est, Caluinistarum, post hanc vitam, in atrio, quod è cælo remotum sit non in ipso cælo commorari. Nunc ergo disquirendum est, an purgentur in hoc atrio à suis peccatis? vel, quod eodem recidit, an hoc atrium sit purgatorium Caluinistarum? Hoc ex alia questione dicendum est, nempe, an animæ Caluinistarum ex hac vita decedant cum aliquo reatu culpæ vel pœnæ, à quo prius purgari debeant, quàm ad cælum admittantur? Affirmantem partem ostendo ex his fundamentis.

I. Fundamentum Purgatorii Caluinistici.

5. Primum fundamentum sumitur ex definitione peccati originalis quæ est huiusmodi, *Peccatum originale est prauitas natura, hoc est, cecitas mentis, & auersio voluntatis & appetitionum omnium à Deo, cum reatu mortis æternæ, ex lapsu primorum parentum iusto Dei iudicio, in omnes homines naturaliter transiens, quia omnes in uno peccarunt.* Ita David Pazus Caluinista in suis thesibus de peccato, thesi 18.

6. Ex qua definitione tria colligimus. Primò totam naturam humanam esse corruptam & deprauatam in Caluinistis. Secundò, hanc deprauationem potissimum consistere in excitata mentis, & auersione voluntatis & appetitionum omnium à Deo. Tertio, huic deprauationi annexum esse reatum æternæ mortis.

7. Hæc omnia sumpta sunt ex Caluino, lib. 2. Inst. c. 1. §. 8. ubi inter cætera sic ait, *Videtur ergo peccatum originale, hereditaria natura nostre prauitatis & corruptio, in omnes animas pariter diffusa, quæ facit reos ira Dei.* Et ibidem. *Omnibus natura nostre partibus vitari ac peruersi sumus.* Et iterum; *Obtalem duntaxat corruptionem, damnati merito conuictique coram Deo tenemur.* Et infra: *Ab Adam non sola in nos pena grassata est, sed instillata ab ipso lues in nobis residet, cui iure pena debetur.* Et §. 9. *Quamobrem dixit, cunctas animas partes à peccato fuisse possessas.* Et infra, *Nihil à mortifera eius tæbe purum est, aut syncrurum.* Et denique, *Hic tantum breuiter attingere volui, totum hominem quasi diluio à capite ad pedes sic fuisse obrutum, ut nulla pars à peccato sit immunis.*

II. Fundamentum.

8. Secundum fundamentum est, hoc ipsum peccatum originale, prout definitum iam est, manere in Caluinistis, quamdiu in hac vita degunt, neque tolli per Baptismum, aut alia Sacramenta. Ita Calvinus lib. 2. Inst. c. 1. §. 8. cum ait: *Hæc peruersitas nunquam in nobis cessat.* Et l. 4. c. 15. §. 10. *Iam perspicuum est, quam falsum sit, quod docuerunt pridè nonnulli, per Baptismum solui nos, & eximi ab originali peccato.* Et in Antidoto Concilij Tridentini Sess. 5. *Manet verò peccatum in nobis, neque per Baptismum extinguatur.*

9. Hinc rursus tria colligimus. Primò Caluinistas, quamdiu in hac vita degunt, habere naturam corruptam & deprauatam. Secundò, esse cæcos mente, & voluntate auersos à Deo. Tertio, esse reos æternæ mortis. Hæc omnia patent ex definitione superius allata. Addo ex verbis Calvini: *Esse omnibus natura partibus vitari ac peruersos: nihil habere purum à mortifera peccati tæbe: à capite usque ad pedes, quasi diluio esse obrutos.* Vno verbo: in Caluinistis, quamdiu hic viuunt, manere culpam peccati originalis & reatum mortis æternæ. Hæc clara sunt ex dictis. Vide disputationem nostram de Authore peccati cap. 4. ubi hæc fusius explicantur.

III. Fundamentum.

10. Tertium fundamentum est, omnia Caluinistarum opera vitari & contaminari ex contagione peccati originalis, quod semper ipsis manet in hac vita: ac proinde omnia ipsorum opera esse inquinamenta sordes, & meram iniquitatem. Ita Calvinus in Antidoto Concilij Trident. Sess. 6. cap. 16. ubi sic habet, *Vitiositas (peccati originalis) quæ in nobis inhaeret, deformat coram Deo, quicquid à nobis operum prodit.* & lib. 3. Inst. cap. 12. §. 4. *Omnia hominum opera nihil sunt, nisi inquinamenta & sordes: & quæ iustitia vulgo habetur, eam apud Deum mera est iniquitas, Et c. 14. §. 9. Habemus, non tamen à sanctis exars opus, quod si in se censetur, non meretur iustam approbationis mercedem.* Et c. 15. §. 3. *Nihil ab homine exit, quantumvis perfectum, quod non sit aliqua macula inquinatum.* Similia habet Pleissius Caluinista lib. 3. de Eucharistia, cap. 12. pag. 616.

11. Ex dictis sequitur, Caluinistas, quamdiu in hac vita sunt, triplex titulo immundos & inquinatos esse. Primò, ratione nature, quæ tota in ipsis corrupta & deprauata est, ut supra ex Caluino & Pareo ostendi. Secundò, ratione intellectus, voluntatis & aliarum animæ potentiarum, quæ omnes à peccato possessæ sunt, ut verbis Calvini utar. Tertio, ratione operum, quæ qualiacunque sint, nihil aliud, quàm sordes, inquinamenta, & meram iniquitatem sunt, ut idem Calvinus fatetur.

IV. Fundamentum.

12. Quartum fundamentum est, nihil immundum aut inquinatum intrare in regnum cælorum, iuxta illud Apoc. 21. 27. *Non intrabit in eam (ciuitatem cælestem) aliquod coinquinatum, aut abominabile faciens & mendacium.* Cum enim ciuitas illa sit aurum mundum & fundamenta eius omni lapide precioso ornata, ut loquitur ibidem Apostolus: æquum est, ut nemo nisi mundus & lotis pedibus ingrediatur. Hoc sensu qui in cælo sunt, dicuntur esse amicti stolis albis, propter candorem & puritatem, iuxta illud Apoc. 7. 13. *Hæ qui amicti sunt stolis albis qui sunt, & vnde veniunt?* Et respondetur; *Hi sunt, qui lauerunt stolas suas, & de albam merum eas in sanguine Agni: ideo sunt ante thronum Dei.*

Eodem spectat illud Ephes. 5. 27. *Ut exhiberet sibi gloriosam Ecclesiam, non habentem maculam aut rugam, sed ut sit sancta & immaculata.* Vbi Apostolus loquitur de Ecclesia in cælis triumphante: de qua intelligi potest & illud Cantic. 47. *Tota pulchra es amica mea, & macula non est in te.*

Astruitur Purgatorium Calvinisticum.

13. Ex his fundamentis sic concludo: Nullus immundus & inquinatus potest intrare in regnum calorum, nisi prius purgetur, & mundetur: atqui Calvinistæ; quamdiu hic viuunt, sunt immundi & inquinati propter peccatum originale; & omnia illorum opera, sunt inquinamenta, sordes, & mera iniquitas, ut ex dictis patet: Ergo non possunt intrare in regnum calorum, nisi prius purgentur & mudentur. Non purgantur autem in hac vita, quia temper hic manent obnoxij peccato originali: Ergo si salui esse velint, post hanc vitam purgari necesse est. Ergo datur aliquod Purgatorium pro Calvinistis post hanc vitam.

14. Non video, quomodo vim huius argumenti eneruare possint Calvinistæ, si sua principia, ex quibus hoc deductum est, tueri velint. Nam si peccatum originale manet in ipsis, quamdiu hic viuunt, non possunt ab eo, nisi post hanc vitam, purgari, vel ergo tunc purgantur, vel non. Si purgantur, purgatorium habent, quod contendimus. Si non purgantur, excluduntur à cælo, quod ipsi nolunt.

15. Mihi tamen occurrunt tria effugia, quæ in ipsorum gratiam probabiliter excogitari possunt. Primum est, si dicant, se non quidem in hac vita, ut benè ex Caluini principijs probatum est, nec etiam post hanc vitam, sed in ipso mortis articulo, & quali per ipsam mortem purgari à peccato originali, & sic vltiori purgatorio non opus esse. Sanè si res ita haberet, beati essent Calvinistæ. Sic enim nec indulgentijs Pontificis, nec sacrificio Missæ, nec alijs viuentium suffragijs indigerent. At non possunt mihi persuadere, per solam mortem purgari ipsos ab omni culpa & reatu pænæ æternæ. Nam si mors haberet hanc vim, non soli Calvinistæ, sed omnes omnino homines munderentur à suis peccatis per mortem, & sic omnes salui fierent. Hoc autem falsum est: Ergo mors non habet hanc vim purgandi. Ergo præter mortem opus est alio purgatorio, ut rectè ex Caluino ostensum est.

16. Dices. Per mortem tollitur concupiscentia carnis, in qua potissimum consistit peccatum originale. Nam quando anima separatur à corpore iam non amplius caro concupiscit aduersus spiritum, neque spiritus aduersus carnem: Ergo tunc anima libera est ab omni contagione peccati originalis. *Respondet*, si hoc argumentum valeret, sequeretur omnes homines per mortem purgari à peccato originali, quia in omnibus tollitur concupiscentia carnis, & illa lucta, quæ inter carnem & spiritum esse solet. Quid ergo privilegij haberent Calvinistæ? Addo, falsum esse in sententia Caluini, peccatum originale consistere in sola concupiscentia carnis. Consistit potissimum in cæcitate mentis auersione voluntatis à Deo, & reatu pænæ æternæ, ut supra ex Caluino & Paræo ostensum est. At per solam mortem non tollitur cæcitas mentis, auersio voluntatis à Deo & reatus pænæ æternæ. Ergo si tollitur, post mortem tolli necesse est in Purgatorio.

17. Alterum effugium est, si dicant, peccatum originale tolli in ipsa morte piorum Calvinistarum, non quod ipsa mors secundum se, sed potius quod fides & patientia morientium, hanc vim tollendi peccata habeat. Sed neque hoc credibile est. Primb, quia sine

A villo fundamento asseritur. Proben ipsi ex Scripturâ (ex qua omnia sua probari volunt) hunc effectum promissum esse fidei morientium. Addo, sæpe fieri, ut in articulo mortis nullus sit actus fidei; quia vis morbi sæpe tanta est, ut omnem rationis & intelligētix vium absorbeat. ac sanè, si fides morientium, cur non similiter viuentium, præstare id possit? Aut cur non potius in baptismo id fiat, in quo & fides excitatur, ut ipsi dicunt, & qui ad hunc finem à Deo institutus est? Et quæ hæc temeritas est negare, peccatum originale tolli per baptismum, quod Scriptura & Patres affirmant; & affirmare, tolli per fidem morientium, quod Scriptura & Patres nunquam insinuarunt.

18. Tertium effugium est si dicant, non opus esse tolli peccatum originale, sed sufficere, quod non imputetur. Non imputari autem fidelibus, qui ad vitam æternam prædestinati sunt, in quorum numero sunt Calvinistæ. Sed si hoc dicunt, consequenter fateri debent, à Calvinistis non tolli cæcitatem mentis, auersionem voluntatis à Deo, & reatum pænæ æternæ. An ergo dicendum est, Calvinistas, quando in cælo erunt fore cæcos mente, auersos à Deo, & reos pænæ æternæ; tametsi hoc ipsis non sit imputandum? Præclari cæcites. Et facile credam, cuiusmodi minimè inuocandos esse. Quis enim patrociniū petat ab eis, qui propter cæcitatem non percipiunt, quid ab ipsis petatur? aut quis apud Deum cupiat habere eos intercessores, qui tota voluntate à Deo alieni sunt? Nemo sanus.

C 19. Ex dictis concludo hoc modo; Calvinistæ nec in hac vita, nec in articulo mortis purgantur à peccato originali, ut probatum est: ergo vel nunquam purgantur, & sic salui esse non possunt, vel necessario post hanc vitam purgantur, & sic post hanc vitam habent Purgatorium. Et hoc apertè fatetur Calvinus l. 3. Inst. c. 25. §. 7. ubi ita scribit, *Æquè prodigiosus est eorum error, qui animas non recepturas, quibus nunc induta sunt, corpora, sed nouis & alijs præditas fore imaginantur. Ac Manichæorum quidem perquam futilis ratio fuit minimè consentaneum esse, ut caro, quæ immunda est, resurgat. Quasi vero nulla sint animarum immunditie, quas tamen à spe celestis vite non arcebam. Perinde igitur fuit, ac si dicerent, purgari diuinitus non posse, quod peccati labe infectum est. Nam illud delirium, quod naturaliter immunda esset caro, quia à Deo creata, nunc prætereo, tantum ostendo, quicquid nunc cælo indignum in nobis est, resurrectioni non obflare. His verbis describit & refutat Calvinus errorem Manichæorum, qui dicebant, animas fidelium in resurrectione non redituras ad eadem illa corpora, quæ in hac vita habuerunt, sed ad alia. Ratio illorum erat, quia corpora, quæ hic habuerunt sunt immunda: ac nihil immundum resurget ad vitam æternam. Eos refutat tali argumento, Non solum corpora, sed etiam animæ fidelium (Calvinistarum) sunt immundæ: atqui immundities animarum non obstat resurrectioni, quia animæ, quæ peccati labe infectæ sunt, possunt purgari ante resurrectionem: Ergo nec immundities corporum obstat potest, quia & corpora diuinitus purgari possunt. Ex hoc Caluini discursu manifestè patet fateri ipsum, animas labe peccati infectas, purgari post hanc vitam ante resurrectionem, & sic ad cælum admitti posse. Faterur ergo, Purgatorium esse, quod etiam supra ex ipsius fundamentis probatum est. At ubi illud sit, & quale, deinceps inuestigare oportet.*

CAPVT II.

Vbi sit Purgatorium Caluinistarum.

1. Sicut ex Caluino didicimus, Purgatorium esse; sic ex ipso querendum est, vbi sit. Ac primum expendenda sunt ipsius verba, quæ supra à me citata, sic habent, *Intelligimus Christum sic apparere coram facie Dei, ut mortis eius virtus ad perpetuam pro nobis intercessionem valeat: sic tamen, ut sanctuarium cæli ingressus, usque ad consummationem seculorum solus populi cernens in atriis residens vota ad Deum deferat.* Ex his verbis tria colligo, quæ ad rem faciunt. Primum, solum Christum ingressum esse sanctuarium cæli. Secundò Calvinistas in atriis residere usque ad consummationem seculorum. Tertio, hoc atrium à cælo remotum esse. Id enim significat illa particula, *cernens*. Igitur ex mente Caluini, Purgatorium seu atrium Caluinistarum, ut ipse vocat, longè distat à sanctuario cæli. Sicut locus ille, in quo diues epulo sepultus est, longè distat à sinu Abraham, iuxta illud Luc. 16. 26. *Magnum chaos firmatum est inter nos & vos, ut hi, qui volunt hinc transire ad vos, non possint; neque inde huc transire.*

2. Porro, vbi præcisè sit illud atrium seu Purgatorium Caluinistarum, quod longè à cælo distat, non audeat, vel potius non vult Caluius definire. Mallet silentio occultari. Sic enim loquitur lib. 2. Instit. cap. 23. §. 6. *De intermedio eorum (animarum) statu curiosis inquirere, neque fas est, neque expedit. Valde se torquent multi disputando, quem locum occupent, & an celesti gloria fruantur, necne. Ex infirmitate; Interea cum scriptura ubique inbeat pendere ab expectatione aduentus Christi & gloria coronam cum quo differat: contemni simus his finibus diuinitus nobis præscriptis, animas piorum militia labore perfunctas, fruitionem promissa gloria expectare: atque ita omnia tenere suspensa donec Christus appareat Redemptor.* Vides, opinor, Caluinum hanc questionem, qua queritur de loco Purgatorii, tanquam curiosam reicere, de qua nec fas sit, nec expedit multa disputare. Satis esse, si constet animas piorum Caluinistarum non esse in cælo, sed in aliquo alio loco, tametsi nobis incognito, neque frui celesti gloria, sed eam expectare usque ad Christi aduentum. Tunc primum fore manifestum, quid de his futurum sit: interea omnia incerta ac suspensa esse.

3. Videamus tamen, (non obstante hac Caluini denunciatione,) an locum illum incognitum, in quo piorum Caluinistarum animæ pugnantur, & quem ipse occultare vult, possimus inuestigando reperire. At vbi de eo inquiramus? Nusquam tutius, quam in scriptura. Calvinistæ, ut quidem ipsi præ se ferunt, nullum dogma, nisi ex scriptura, asserere & confirmare solent. Igitur, ut rem expediamus, ex scriptura constat, varia esse animarum loca post hanc vitam. Primum est cælum, in quo Angeli sunt, Matth. 22. 30. *Sunt sicut Angeli Dei in cælo.* Secundus est infernus in quo diues epulo sepultus est, Luc. 16. 22. *Mortuus est autem diues, & sepultus est in inferno.* Tertius est sinus Abraham in quem anima Lazari ab Angelis deportata est, Luc. 16. 22. *Factus est autem, ut moreretur mendiculus, & portaretur ab Angelis in sinum Abraham.* Quartus est P. aditus, in quem latro admissus fuit, Luc. 23. 43. *Hodie mecum eris in Paradiso.* Quintus est lacus sine aqua, in quo antiqui Patres detinebantur, Zachar. 9. 11.

A 1. quoque in sanguine testamenti sui inlissi videlicet in de lacu, in quo non est aqua. Sextus est carcer, in quem Christus post mortem descendit, 1. Petri 3. 19. *In quo & his, qui in carcere erant, spiritibus, veniens predicauit.* Septimus est sub altari, vbi animæ Martyrum requiescere visæ sunt, Apocal. 6. 9. *Vidi sub altari animas interfectorum propter verbum Dei*

4. In quo igitur horum locorum querenda sunt animæ Caluinistarum post hanc vitam? An in cælo? Ego quidem id vellem. Sed reclamatione Caluini. Solum Christum vult esse in cælo: Calvinistas in atriis expectare usque ad consummationem seculorum. Et ratio illi fauet, Nihil enim immundum & inquinatum intrare potest in cælum, nisi prius purgetur. At animæ Caluinistarum sunt immundæ & inquinatæ peccato originali: Ergo prius purgari debent. Non purgantur autem in hac vita, ut supra ostensum est: Ergo post hanc vitam purgari debent alicubi, antequam cælum ingrediantur. At hunc ipsum locum, in quo purgantur, inuestigamus.

5. An ergo sunt in sinu Abraham? Bene profectum cum illis ageretur, si ibi essent. At non esse ibi, valde probabile est: quod dupliciter ostendo. Primum, ex ipsorum concessione. Nam David Parvus Calvinista in cap. 10. ad Hebr. ver. 20. contendit, per sinum Abraham intelligi cælum. At animæ Caluinistarum non sunt in cælo, ut Calvinus concedit: Non ergo sunt in sinu Abraham. Deinde accedit ratio, quia nemo est in sinu Abraham, nisi qui imitatur fidem Abraham. Hoc non faciunt Calvinistæ: Non ergo sunt in sinu Abraham. Minorem sic probo; Abraham credidit Deo, non solum ea, quæ ipsi possibilis, sed etiam quæ impossibilia videbantur, ut quod esset geniturus filium, cum nec ipse, nec vxor eius Sara propter senectutem, apti essent ad procreandam sobolem. At Calvinistæ solum credunt ea quæ ipsis possibilis, non autem quæ videntur impossibilia. Non enim credunt corpus Christi simul esse in duobus locis, quia hoc impossibile illis videtur, non ergo imitantur fidem Abraham. Hoc clarius sic ostendo, Christus dicit Calvinistis, *Hoc est corpus meum: Hic est sanguis meus.* Illi contra disputant, Impossibile est, idem corpus simul esse in diuersis locis: sed corpus Christi est in cælo: Ergo non simul potest esse in altari. Non sic Abraham. Dicebat illi Deus, *Habebis filium ex Sara.* Si Calvinista fuisset, statim occurrisset in hunc modum. Impossibile est, ut coniuges effati, & senio confecti, generent filium: At ego & vxor mea, sumus effati & senio confecti. Ergo impossibile est, ut generemus filium. Non sic, inquam, argumentatus est Abraham. Quid ergo? Audi, quid de eo dicat Apostolus Rom. 4. 19. *Non infirmatus est fide, nec cor suaderat corpus suum mortuum, & mortuum vuluam Sara. In re promissione etiam Dei non hesitauit diffidentia, sed confortatus est fide, datus gloriam Deo, plenissime sciens, quia quacunque promissit, potens est & facere.* Hæc nullo modo quadrant in Calvinistas. Concludo igitur: qui fidem Abraham non imitantur non posse post hanc vitam esse in sinu Abraham.

6. An forè sunt in Paradiso? Legimus quidem Henoch ed transcriptum esse, Eccles. 44. 16. *Henoch placuit Deo, & translatus est in paradysum.* Legimus etiam Apostolum aliquando ibi fuisse. 12. Corinth. 12. 4. *Raptus est in paradysum, & audiuit arcana verba, quæ non licet homini loqui.* Denique latroni dictum est: *Hodie mecum eris in Paradiso.* An etiam Calvinistæ post hanc vitam ibi sunt? Facile credam, ipsos id affirmare. Hoc inde colligo, quia non ita pridem libellas à Catholicis scriptas & divulgatas est, in quo Lutheranis & Calvinistis proponebantur tres quæstiones, quarum una erat hæc, An ipsi ex suo numero, haberent omnino

aliquem, quem constaret esse saluum & beatum? Nemo alius, post longam disquisitionem ipsis occurrit, nisi latro. Hunc ergo nominandum censuerunt. Constat autem latronem esse in Paradiso. Eundem ergo locum post hanc vitam sibi ipsi pollicentur. Sed valde metuo, nec errent. Imò, aperte errant, si Caluini principia sequantur. Calvinus enim in cap. 12. posterioris ad Cor. int. per Paradisum intelligi vult cælestem gloriam. Animæ autem Calvinistarum non sunt in cælesti gloria, ut testatur idem Calvinus lib. 3. Institut. cap. 25. §. 6. ubi docet eas usque ad diem iudicii, cælestem gloriam expectare. Ergo iam non possunt esse in Paradiso.

7. An igitur sunt in lacu (de quo Zacharias loquitur) in quo non est aqua? Hoc definit non potest, nisi prius constet, quid per lacum intelligatur. Catholici aut limbum antiquorum Patrum, aut certe nostrum purgatorium intelligi putant. Quod si res ita habet, nullo modo dicendum est, animas Calvinistarum post hanc vitam esse in lacu; quia Calvinus, tam limbum, quam nostrum purgatorium, nihil aliud quam fabulam esse vult. Apud Calvinistas inuenio tres opiniones de hac re. Prima est, per lacum intelligi profundas inferos. Ita Calvinus lib. 3. Institut. cap. 16. §. 9. Altera est, intelligi *seruitutem peccati*. Ita Plessius lib. 3. de Eucharistia, cap. 7. pag. 433. Tertia est; intelligi *captiuitatem Babylonicam*. Ita Matthæus Surius in lib. de Purgatorio contra Bellarmum. c. 14. pag. 137. Igitur tota questio versatur in his tribus punctis. Primò, an animæ Calvinistarum post hanc vitam sint in profundis inferis: De quo postea. Secundò, an sint in seruitute peccati? Nihil certius, secundum principia Calvinistarum tradita. Decedunt enim ex hac vita cum peccato originali, id est, cum cæcitate mentis, auersione voluntatis à Deo, & reatu mortis æternæ. Hinc tamen propriè non faciunt nostro instituto; quia non disputamus de statu peccati, in quo sunt animæ Calvinistarum cum de eo satis constet, sed de loco, in quo purgari possint à peccato. Tertio, an sint in captiuitate Babylonica? Secundum sensum literalem non sunt, quia captiuitas illa multis iam sæculis præterit, & omnino finita est. Sunt tamen secundum sensum mysticum: quia sunt in seruitute peccati, ut dictum est. Hæc autem seruitus optimè designatur per captiuitatem Babylonicam, ut fatentur auctores citati.

8. Quid si in carcere sint, in quo Christus prædicauit spiritibus piorum & impiorum, ut explicat Calvinus ex Apostolo Petro? Hic Calvinus omnino tergiversatur. Imò sibi ipsi contrarius est. Nam lib. 2. Institut. cap. 16. §. 9. de hoc loco carcere sic scribit: *Concludere in carcere mortuorum animas, puerile est.* At in *Psychopannychia*, multò aliter: *Nec vero, inquit, mireris quisquam includi carcere sanctos Patres, qui redemptionem Christi expectabant.* Nimirum priori loco oppugnat Catholicos, qui illum carcerem admittunt: posteriori, Anabaptistas, qui illum negant. Igitur si Catholici querant ex Caluino, an animæ priorum Calvinistarum post hanc vitam carcere concludantur? respondet: *Concludere in carcere mortuorum animas puerile est.* Si autem Anabaptistæ interrogent, an animæ piorum carcere includi possint: occurret hoc modo. *Nec vero mireris quisquam, includi carcere sanctos Calvinistas, qui aduentum Christi expectant.* Hæc ex Caluino. Quod ad rem attinet, puto Calvinistas non esse in isto carcere, de quo Petrus loquitur. Verba enim Petri sunt hæc: *In quo & his, qui in carcere erant spiritibus, veniens prædicauit, qui in redudi fuerant aliquando, quando expectabant Dei patientiam in diebus Noë, cum fabricaretur arca.* Ex quibus sic concludo, illi tantum leguntur esse in isto carcere, qui tempore Noë fuerunt increduli: At Calvinistas, suo certè iudicio, nec increduli sunt,

A nec tempore Noë vixerunt. Non ergo sunt in isto carcere.

9. Quid si expectent sub altari, de quo Ioannes loquitur in Apocalypsi? Nec id puto. Nam animæ, quæ leguntur esse sub altari, habent duas condiciones, quæ non conveniunt Calvinistis. Vna est, quod sint animæ interfectorum propter verbum Dei. Altera, quod inducæ sint stolis albis. Neutra potest accommodari Calvinistis. Non prior, quia nec Calvinus, nec Beza, nec Iunius, nec similes alij, propter verbum Dei interfecti sunt. Non posterior, quia per stolam albam intelligitur beatitudo animæ: At animæ Calvinistarum non sunt beatæ, quia manent obnoxii peccato originali, & expectant fruitionem gloriæ usque ad consummationem sæculorum, ut supra ex Caluino ostendi.

10. Quid ergo? an apud inferos sunt? Non auisim affirmare. Sed tamen probabile est, triplici de causa. Primò, quia non sunt in celo, nec in sinu Abraham, nec in Paradiso, nec in lacu aut carcere, nec sub altari, omnino necesse est, vel esse in inferno, vel dari alium locum præter enumeratos. At alium locum in Scriptura non inuenio, nisi fortè Purgatorium Catholicorum, à quo abhorrent Calvinistæ: Ergo nihil reliquum est illis præter infernum. Secundò, quia Calvinus fatetur eos esse in atrio, quod longè distet à celo: At tale atrium est infernus, in quo diues epulo sepultus est, iuxta illud Luc. 16. 26. *Magnū chaos firmatum est inter nos & vos.* Tertio, quia si essent alibi, quam in inferno, Calvinus apertè id explicasset. Nunc autem effugium querit, & ægrè fert, nos curiosius inquirere & disputare de loco, in quo piorum Calvinistarum animæ delitescant. Quis ergo rem totam mentè suspectam non habeat?

11. Atque hæc breuiter, veritatis indagandæ causa à me disputata sint. Fortasse res fiet clarior, ubi Calvinistæ corperint eam diligentius excutere & examinare: quod eos facturos omnino puto. Interea fixum illud sit, quod hæcenus probatum est, Calvinistas post hanc vitam habere aliquod purgatorium, ubicunque tandem illud sit: videri autem verisimile, esse in inferno. Deinceps, quale sit, videamus.

CAPVT III.

Quomodo differat Purgatorium Calvinistarum à nostro?

1. EX his, quæ hæcenus dicta sunt, colligo magnum esse discrimen inter Purgatorium Calvinistarum & Catholicorum. Et quidem triplex. Primum est: Catholici, qui post hanc vitam eunt ad Purgatorium iam ante liberati sunt à peccato originali per Baptismum, & à mortalibus per confessionem & penitentiam. Solus manet in illis reatus peccatorum temporalis, & nonnulla peccata venialia, quæ expiari debent. At Calvinistæ portant omnia secum ad suum Purgatorium, nempe peccatum originale, mortalia, & reatum pænæ æternæ. Indigent ergo fortiori Purgatorio.

2. Alterum est, Calvinistæ manent in suo Purgatorio usque ad consummationem sæculi, ut ex Caluino supra ostensum est. Catholici citius liberantur. Nisi aliqui tantum manent paucis horis: alij certis diebus: nonnulli aliquot annis. Et ratio huius differentiæ duplex est. Prior, quia Catholici possunt iuari indulgentiis & suffragiis viuentium. Vnde fit, ut quo plura

vel pauciora sunt pro illis suffragia, eo ceteris paribus citius aut tardius liberentur. Calvinistæ respuunt huiusmodi præsidia, & tam generosi sunt, ut malint expectare usque ad Christi aduentum, quam à viventibus opem implorare vel admittere. Posterior: quia Catholici nihil habent expiandum in Purgatorio nisi reatum pœnæ temporalis, & aliquot peccata venialia. Ergo quo quisque cum minori reatu pœnæ, & paucioribus venialibus accedit, eo citius liberatur. Calvinistæ verò, ut dictum est, non solum ferunt secum peccatum originale & mortale, sed etiam reatum pœnæ æternæ, quibrevi tempore expiari non potest. Debent igitur expectare aduentum Christi, & videre, si quid tunc solati habere possint, ne cogantur in æternum luere.

3. *Tertium est*; de Purgatorio Catholicorum, saltem apud Catholicos, multa certa sunt. 1. quod sit in loco subterraneo. 2. quod sit distinctum ab utroque Limbo: altero antiquorum Patrum veteris Testamenti, altero paruulorum sine remedio decedentium. 3. quod sit distinctum ab inferno damnatorum. At Purgatorium Calvinistarum, quia recens est nondum penitus perspectum esse potest. Solum constat, remotum esse à sanctuario cæli. At ubi præcisè sit, non audeat Calvinus definire. Nos tamen ostendimus probabile esse, non distingui ab inferno. Infernus autem est in loco subterraneo non procul à centro terræ. Itaque circa centrum terræ querendi sunt Calvinistæ, qui migrant ex hac vita. Nisi naturæ Hollandi alium locum inueniant in Oceano septentrionali.

4. Sed occurrit hic difficilis obiectio. Nam id, quod hic dicimus, non videtur posse consistere cum eo, quod in principio dictum est. Hic enim dicimus, probabile esse, Calvinistas habere suum purgatorium in inferno. At supra, in ingressu disputationis, dictum est, Calvinistas non habere infernum, quia omnes ad vitam æternam prædestinati sunt. Hæc inter se non coherent. Vel igitur hic, vel ibi erratum est. Hic nodus in sequenti capite dissolvendus est. Eo Lectorem remittimus.

CAPVT IV.

Quid agant Calvinistæ in suo Purgatorio?

1. **A**nabaptistæ docent, animas post hanc vitam nihil agere, sed perpétuo quodam sopore, usque ad communem resurrectionem oppressas teneri. Hos redarguit Calvinus in Psychopannychia, & multis Scripturæ testimoniis ostendit eas semper aliquid agere, & minimè opitas aut otiosas esse. Nunc ergo questio est, quid agant? at speciatim id queritur de animabus Calvinistarum, quæ in suo atrio seu Purgatorio usque ad consummationem sæculorum, ut Calvinus vult, mansuræ sunt. Non enim satis apparet, quibus negotiis, præsertim tanto temporis intervallo, distineri & occupari honestè possint.

2. Fateor hoc punctum explicatu difficillimum esse, sed tamè quia spectat ad perfectam cognitionem Purgatorii Calvinistici, prætermitti omnino non debet. Atque utinam Calvinus hoc ipsum paulo tractasset accuratius: minus certè studii ac laboris adhibendum nobis iam esset. Nunc contra res accidit. Vix quicquam habemus ex Caluino, nisi generalia quædam principia, ex quibus tamen, ut opinor, utique res definiri poterit.

3. Sunt autem hæc Caluini principia. 1. animas

A Calvinistarum ex hac vita decedere cum peccato originali, id est, cum cæcitate mentis, auersione voluntatis à Deo, & reatu æternæ mortis. 2. Expectare in suo atrio, seu purgatorio ad consummationem sæculorum. 3. interea nihil certi eas habere de suo futuro statu, sed omnia teneri suspensa usque ad Christi aduentum. Hæc omnia dictis patent.

4. Ex his principiis euidenter deduci possunt hæc quinque corollaria. 1. animas Calvinistarum in suo Purgatorio, multis falsis opinionibus ac erroribus perpétuò deludi & distineri. 2. eadem nihil aut parum affici ad res diuinas: ac potius toto affectu circa terrenas & illicitas occupari. 3. peiori nunc esse conditione quàm fuerint in hac vita. 4. Imò detestari nunc illam fidem & persuasionem, quam in hac vita habuerint. 5. Et quod grauius est, de sua salute & prædestinatione desperare: Hæc singula seorsum probo in hunc modum.

5. *Primo*; sicut illi, qui oculis capti sunt, & cæcitate corporis laborant, non possunt lumen aspicere, nec rectam tenere viam, sed sæpè aberrant, & in foueas seu præcipitia labuntur, iuxta illud Matt. 18. 14. *Cæcus si cæco ducatur præstet, ambo in foueam cadunt*: sic etiam illi, qui laborant cæcitate mentis, non possunt lumen veritatis aspicere, sed multis errorum tenebris deludi necesse est. Atqui animæ Calvinistarum in Purgatorio laborant cæcitate mentis, quia manent in peccato originali, quod cæcitatem mentis includit, ut supra dictum est ex Caluino & Pareo. Ergo non possunt lumen veritatis percipere, sed necessario multis erroribus & falsis opinionibus deluduntur. Sed quibus? Sine dubio, iisdem ut plurimum, quibus in hac vita deludebantur. Cuiusmodi sunt, *se esse omnes Christi, filios Dei, certos de sua salute & prædestinatione; Ecclesiam Christi errare: Papam esse Antichristum; Deum auctorem peccati: Christum desperasse; Imagines semiplis eliminandas, &c.*

6. *Secundo*; Illi quorum voluntas & omnes appetitiones à Deo auersæ sunt, non possunt bene affici ad res diuinas, sed potius in terrenas & illicitas penitus immerguntur: At qui voluntas & omnes appetitiones Calvinistarum in Purgatorio existentium, sunt auersæ à Deo, ratione peccati originalis, cui obnoxij sunt, & quod talem auersionem includit, ut supra dictum est: Ergo Calvinistæ in suo Purgatorio existentes non possunt bene affici ad res diuinas, sed potius in terrenas & illicitas immerguntur. In quas illas? in mendacia, conuitia, perfidiam, crudelitatem, odia, contentiones, similitates, dissidia. Hæc enim amarunt in vita sua; & ut dicit Scriptura, *opera eorum sequantur ipsos*.

7. *Tertio*; Qui dubij & perplexi sunt de sua salute & prædestinatione, peiori conditione sunt, quàm qui certi & securi: Atqui Calvinistæ in Purgatorio existentes, sub dubij & perplexi de sua salute, iuxta tertium Caluini principium paulo ante positum: Et in hac vita fuerunt certi & securi, saltem suo ipsorum iudicio, ut in principio huius disputationis dictum est: Ergo nunc in Purgatorio sunt in peiori conditione, quàm in hac vita fuerint.

8. *Quarto*. Illi meritò damnant, ac detestantur suam fidem, & persuasionem, quam in hac vita habuerunt, qui aperte vident, se miserè per eam delusos ac deceptos esse, præsertim in re omnium grauissima. Atqui Calvinistæ in Purgatorio existentes, aperte vident, se miserè delusos ac deceptos esse per eam fidem ac persuasionem, qua in re vita crediderunt se esse prædestinatos & certos de salute: cum nunc contrarium experiantur, & de tota re dubij ac perplexi sint. Ergo merito nunc detestantur suam fidem & persuasionem, quam in hac vita habuerunt. Et possunt dicere

Iud Sap. 5. 6. *Erramus à via veritatis, & infirma lumen non luxit, & sol intelligentia non est oris nobis.* Hinc soluitur obiectio quæ præcedenti capite §. quarto posita est. Cum enim dicimus, Calvinistas post hanc vitam habere suum Purgatorium in inferno; id rectè conuincimus ex eorum principiis. Cum autem asserimus, eos non habere infernum, sed omnes ad vitam æternam prædestinatos esse; id ex eorum errore & falsa persuasionem affectum esse volumus.

9. Quintò; qui ex vna parte certò sciunt, neminem saluari posse sine vera fide; & ex altera, se in hac vita non habuisse veram fidem, meritò de sua salute desperare possunt: Atqui Calvinistæ in Purgatorio existentes, ex vna parte certò sciunt, se saluari non posse sine vera fide; & ex altera, se in hac vita non habuisse veram fidem, sed inanem persuasionem de certitudine salutis & prædestinationis. Ergò meritò possunt desperare de sua salute.

Sic igitur patet, quid agant Calvinistæ in suo atrio seu purgatorio. Nimirum variis erroribus deluduntur; à diuinis rebus omnino aucti ac alieni sunt: fidem & persuasionem, quam in hac vita secuti sunt, penitus detestantur: & quod omnium molestissimum est, de salute desperant.



OPVSCVLVM XI.

DE TRIPLICI

SACRIFICIO,

NATURÆ,

LEGIS,

GRATIÆ,

LIBELLI TRES.

SACRIFICIUM pertinet ad cultum Dei. Potest autem dupliciter Deus à nobis coli. *Primò*, per internum actum agnitionis, submissionis, charitatis, timoris, & reuerentiæ; quod nobis commune est cum Angelis. *Secundò*, per externum actum laudis, prædicationis, adorationis, voti, oblationis, sacrificii, quod homini proprium est. De hoc postremo cultu hic agimus, nempe de externo, qui exhibetur Deo per sacrificium. Is autem potest tripliciter spectari. *Primò*, nudè secundum se, quatenus nihil aliud est, quàm externa quædam ceremonia, & sic non placet Deo. *Secundò*, quatenus cum interno cultu coniunctus est, siue quatenus procedit ex interna animi agnitione, submissione, reuerentia & amore erga Deum, tanquam creatorem, ac supremum Dominum omnium creaturarum, & sic verè, sacrificii rationem habet.

2. In hoc externo sacrificio, quatenus cum interno coniunctum est, debent hæc quinque spectari. 1. Minister. 2. Materia. 3. Forma. 4. Locus. 5. Finis. Minister non alius, quam Sacerdos est. Materia est res sensibilis seu externa, quæ offertur Deo. Forma consistit in destructione vel mutatione rei oblate. Locus in quo fit destructio vel mutatio, est altare. Finis potest esse quadruplex. 1. Recognitio seu protestatio supremi dominii, quod Deus in nos habet, & simul nostræ subiectionis & seruitutis erga Deum. 2. Gratiarum actio pro beneficiis à Deo acceptis. Novorum beneficiorum impetratio. 4. Expiatio peccati, quod contra Deum commissum est. Cur enim honoramus & colimus Deum, offerendo illi externum sacrificium? Nimirum, ut testemur nos esse seruos Dei cui omnia debeamus; ut hoc externo signo profiteamur, nos gratos esse pro acceptis ab eo beneficiis, ut declaremus, non ab alio, quam ab ipso, nos deinceps beneficia sperare & impetrare posse, ut, si propter peccata nostra offensus est, cum placeamus, & condonationem ac expiationem peccatorum ab eo obtineamus. Ex hoc quadruplici fine, solet distinguatur quadruplex sacrificium. 1. Lætentium. 2. Eucharisticum. 3. Impetratorium. 4. Propitiatorium. De quibus plura in progressu.


3. Porro, cum triplex hominum status spectari possit ab orbe condito ad nos usque, nempe status naturæ, status legis Mosaicæ, & status gratiæ seu Euangelii, fit, ut etiam distinguantur triplicia sacrificia: alia Legis naturæ, alia Legis Mosaicæ, alia Legis gratiæ. De singulis hoc ordine agendum est.

1. De Sacrificiis Legis Naturæ.

2. De Sacrificiis Legis Mosaicæ.

3. De Sacrificiis Legis Gratæ.

Hoc tamen obiter præmonito, quod infra latius explicandum est, omnia sacrificia Legis Naturæ & Mosaicæ (quorum quidem mentio fit in Scripturis) fuisse figuras seu umbras sacrificii illius, quod est in Lege Gratæ.



LIBER PRIMVS.

DE SACRIFICIIS LEGIS

NATURÆ.

PER sacrificia Legis Naturæ debent intelligi, quæ ab Adamo usque ad Moysen oblata sunt, ante Legem scriptam, vel etiam post Moysen, apud eos, qui legem

Mosaricam non acciperunt: siue ex solo natura instinctu oblata sint, siue ex peculiari Dei institutione. Huiusmodi sunt sacrificia Abel, Noë, Abraham, Melchisedech, Isaac, Jacob, Iob. Quibus annumerari potest Agnus Paschalis, qui ante legem scriptam offerri iussus est. De his singulis per totidem capita brevissime differemus.

CAPVT I.

De sacrificio Abel & Cain.

1. **P**rimi, qui in Scripturis leguntur sacrificium obtulisse, sunt duo fratres Abel & Cain. De quibus ita scribit Moyses, Genet. 4. 2. *Fuit Abel pastor ouium, & Cain agricola: Factum est autem post multos dies, ut offerret Cain de fructibus terra munera Domino. Abel quoque obtulit de primogenitis gregis sui, & de adipibus eorum. Et respexit Dominus ad Abel, & ad munera eius. Ad Cain vero, & ad munera illius non respexit.*

2. Hinc duo colligimus. Vnum est, Abelem obtulisse primogenita sui gregis & adipem: Cain autem de fructibus terra. Hic enim agricola erat, ille pastor ouium. Alterum, Abelis oblationem fuisse Deo gratam, non autem Caini. Hoc enim significat illa particula: *Respexit Deus ad Abel & munera eius*, & perinde valet, atque illud Genet. 8. 21. *Oderatus est Dominus odorem suauitatis.*

3. Sed occurrunt aliquot quaestiones. Prima est, unde Abel didicerit offerre Deo sacrificium in principio mundi? An ex Adamo, parente suo. Hoc fieri potuit: quia Adam à Deo immediate instructus erat. An potius ex peculiari Dei instinctu? Et hoc multis contigisse, certum est. An denique ex naturali rationis dictamine? Ita sentit Clemens lib. 6. constit. cap. 29. Et valde verisimile est. Sicut enim naturalis ratio dicat, vnum esse verum Deum, à quo omnia creantur & gubernantur (Roman. 1. 20.) sic etiam dicat, omnem cultum, tam internum quam externum, qui à nobis deferri potest, omnino illi deberi. Et sane, si in Republica civili, etiam apud Ethnicos, naturali lumine constitutum ac receptum est, ut subditi pendant tributa suis Regibus, multò magis, ut supremo creatori ac gubernatori, qui omnium Regum Dominus est, promptum obsequium ac subiectionem exhibeant.

4. Altera est, quo sensu dicatur Abel obtulisse de primogenitis sui gregis, & de adipibus eorum? Potest enim dupliciter intelligi. Primo, quod per modum vnius sacrificii obtulerit aliqua primogenita pinguis, & adipata. Secundo, quod per modum duplicis sacrificij seorsim obtulerit primogenita sui gregis, & seorsim adipem illorum, cumque igne cremando adoleuerit. Hic posterior modus fuit postea in lege Mosarica praescriptus, ut patet exodi 29. & Leuit. 3. et probabile est Abelem eo usum esse.

5. Tertia est, quare sacrificium Abelis fuerit Deo gratum, non autem sacrificium Cain? Ideò sine dubio, quia Abel erat vir iustus, & non solum externo ritu, sed etiam interna fide ac deuotione, obtulit Deo de primogenitis sui gregis. Cain autem non sic. Hoc planè significat Apostolus, Hebr. 11. 4. cum ait, *Fide plurimam hostiam Abel, quam Cain, obtulit Deo, per quam testimonium confectum est esse iustus.* Sensus est, Abel ob-

tulit Deo hostiam meliorem & prestantiorem, quam Cain: Nam Graece legimus, *meliora dedit*, id est, plurimam hostiam. Et quia Latine non recte id dicitur, ut ait interpres, plurimam hostiam. Syriacus sic habet. *Per fidem obtulit Abel hostiam longe prestantiorem, quam Cain.* At quomodo prestantiorem? Duplici titulo. 1. Ratione fidei. 2. Ratione rei oblatæ. Fidem commendat Apostolus: Rem oblatam, Moyses, cum ait; *De primogenitis gregis sui.* Cain autem non legitur obtulisse de primogenitis fructuum; sed de fructibus. Vide Augustin. in quaestionibus veteris Testamenti, quaest. 3.

6. Quarta est: Unde Cain intellexerit, placuisse Deo oblationem Abelis, non autem suam? Plerique docent, eum hoc externo signo cognouisse, nempe, quod Deus, nullo de caelo igne, cremaret & consumperit sacrificium Abelis, intacta prorsus oblatione Cain. Ita Procopius, Hieronymus, Cyrillus & alij. Et Theodotionis versio sic habet: *Inflammati Dominum super Abel, & super sacrificium eius: super Cain vero & super sacrificium eius non inflammati.* Constat sanè ex Scripturis, Deum saepe vnum esse tali signo, Leuit. 9. 24. *Egressus ignis à Domino, deuorauit holocaustum & adipem qui erant super altare. Quod cum vidissent iurba, laudauerunt Dominum.* Et Iud. 6. 21. *Ascendit ignis de porta, & carnes azymesque panes consumpsit.* Et Reg. 18. 38. *Cecidit ignis Domini, & vorauit holocaustum.* Et 1. Paral. 21. 26. *Dauid obtulit holocausta, & pacifica & immolauit Dominum, & exaudiuit eum in igne de caelo super altare holocausti.* Similia habentur 1. Par. 7. 1. & 2. Mach. 1. 12. Si ergo Deus, misso igne, ostendit sibi placuisse sacrificia Aaronis, Gedeonis, Helix, Dauidis, Salomonis & Nehemix, verisimile est, idem factum esse in sacrificio Abelis.

7. Ex dictis tria discimus. 1. eorum sacrificia placere Deo, qui in internam fidem ac deuotionem habent. 2. eorum item, qui optima quæque Deo offerunt. 3. Sacrificium Abelis fuisse typum, seu figuram sacrificii noui Testamenti, in quo offertur Christus, qui est primogenitus in multis fratribus, Rom. 8. 29. Vide Augustin. lib. 22. contra Faustum, cap. 17.

CAPVT II.

De sacrificio Noë.

1. **S**icut Cain & Abel leguntur primi post mundum conditum obtulisse Deo sacrificia, sic Noë primus id fecisse post diluuium. De quo Genet. 8. 29. sic loquitur scriptura: *Edificauit autem Noë altare Domino, & tollens de cunctis pecoribus & volucribus mundis, obtulit holocausta super altare. Oderatusque est Dominus odorem suauitatis.*

2. De hoc sacrificio Noë quædam certa, quædam dubia sunt. Primo certum est, placuisse Deo. Hoc enim significat illa particula: *Oderatus est Dominus odorem suauitatis.* Paraphrasis Chaldaica sic habet: *Suscipit Dominus in beneplacito suo oblationem eius.* Quare? propter fidem & animum offerentis, ut notat Tertulianus lib. 2. contra Marcionem. Secundo certum est, fuisse sacrificium eucharisticum. Nam Noë ita ut ex arca egressus est, memoranti beneficij, quo diuinitus ex aquarum diluuii liberatus est voluit grati animi signum exhibere, ideoque Deo holocaustum de mundi animalibus obtulit.

3. Ac dubium est, Primo: An Noë ex naturali instinctu, an v. ex peculiari Dei præcepto id fecerit? Hoc posterius verisimile. Et colligi potest ex illis verbis

Gen. 7. 2. *Ex omnibus animalibus mundis tolle septena & a septenis, masculum & feminam: de animalibus vero immundis, duo & duo, masculum & feminam.* Hæc dicta sunt illi ante ingressum in Arcam. Vnde apparet Deum voluisse, ut plura munda, quam immunda animalia secum assumeret. Cur autem hoc? quia voluit, ut post diluvium offerret sacrificia de mundis, non autem de immundis, ideoque plura debebant esse munda, quam immunda. Ita Chrys. hom. 24. in Genesim. Theodoretus quæst. 50. in Genesim. & plures alii.

4. Porro difficultas est, quomodo intelligi debeant illa verba; *Ex mundis septena & septena, ex immundis duo & duo.* Aliqui putant hunc esse sensum: Ex unaquaque specie mundorum animalium, tolles septem & septem, id est, quatuordecim, ut verbi gratia, 14. oves, 14. boues, 14. pulleros, & sic deinceps. At ex immundis tolles tantum duo, id est, duos porcos, duos asinos, & sic de aliis. Ita Iustinus Martyr in responsione ad quæst. 43. Orthodoxorum; et Origenes homil. 6. cap. Genesim. Alii rectius affirmant, hunc esse sensum: Ex unaquaque specie mundorum animalium tolles septem, id est, tria paria, quorum singula consistunt mare & femina, & præter tria paria, unum mare sine femina, pro sacrificio. At ex immundis duo tantum, id est, unum mare & unam feminam. Ita Ioseph. lib. 5. Antiquit. cap. 5. Tertull. de monogamia, capite 4. Ambrosius lib. de Noë, cap. 11. Augustin. lib. 15. de civitate Dei, cap. 17. Chrysostom. homil. 24. in Gen. quos sequitur Pederius lib. 11. disput. 3. Martinus Delrio in cap. 7. Genesim.

5. Hinc oritur alia quæstio, cur Noë iussus sit introducere in Arcam ex unaquaque specie septem animalia munda, id est, tria paria ex mare & femina, & præterea unum mare sine femina. Variæ solent adferri coniecturæ. Hæc probabilior est, quod unum par servandum esset ad propagationem speciei, alterum ad usum, quia post diluvium licebat vesci animalibus, tertium ad victimarum sacrificiorum. Septimum porro animal, quod erat mas sine femella, statim peracto diluvio, debebat servare sacrificio.

6. Item quæripotest, an illa distinctio mundorum & immundorum animalium, quæ fuit tempore Noë servata sit tantum in sacrificio, an etiam in cibo? Facilis responsio. In solo sacrificio servata est. Postea, per legem Mosaicam, etiam in cibo servari oportuit, ut patet Lev. 11. 2. & Deut. 14. 3. Vide D. Thomam in 2. qu. 102. ad 4. An autem eadem animalia quæ tempore Noë erant munda vel immunda respectu sacrificii, postea sub lege Mosaica fuerint etiam munda vel immunda respectu comestitionis, non satis constat. Multi tamen ita sentiunt, inter quos Martinus Delrio in cap. 7. Genesim.

7. Ex hoc sacrificio Noë eadem verè discimus, quæ supra ex sacrificio Abelis. Primò, sicut Abel obtulit ex interna fide & devotione, ideoque Deo placuit, sic etiam Noë. Secundò, sicut Abel obtulit de solis primogenitis, sic Noë de solis mundis. Tertio, sicut Abelis oblatio fuit figura sacrificii novi Testamenti, sic etiam oblatio Noë. Nam Christus, qui in sacrificio novi Testamenti offertur, non solum est primogenitus ex multis fratribus, sed etiam est sanctus sanctorum, in quo nulla peccati macula est: et qui verè potuit dicere: Quis ex vobis arguet me de peccato?

CAPUT III.

De sacrificio Abrahe.

1. **T**ria legimus in Gen. De Abrahamo, quæ huc spectant. Primò, quod erexit altare, & nomen Domini invocaverit. Secundò, quod iussus sit sumere vaccam triennem & capram trimam, & arietem annorum trium, turturem quoque & columbam. Tertio, quod iussus sit offerre filium suum unigenitum, sed postea prohibitus, obtulerit pro eo arietem. Hæc paucis explicanda sunt.

2. Primum ergo legimus, quod erexit altare, aut in altariam antea erecto nomen Domini invocaverit. Hoc autem quater fecisse legimus. Primò cum egressus de terra & cognatione sua, venisset in terram Chanaan, prope Sichem, ubi apparuerat ei Dominus Gen. 12. 7. *Apparuit autem Dominus Abram, & dixit ei: semini tuo dabo terram hanc. Qui edificavit ibi altare Domino, qui apparuerat ei.* Secundò, in monte inter Bethel & Hai, Genesim. 12. 8. *Et inde transgrediens in montem, qui erat contra orientem Bethel, extendit ibi tabernaculum, ab occidentem habens Bethel, & ab orientem Hai: edificavit quoque ibi altare Domino, & invocavit nomen eius.* Tertio, ibidem, Genesim. 13. 4. *Reversusque est per isar, qui venerat à meridie in Bethel, usque ad locum, ubi prius fixerat tabernaculum inter Bethel, & Hai: in loco altaris, quod fecerat prius, & invocavit ibi nomen Domini.* Quarto, iuxta conuallem Mambre, quæ est in Hebron, Genesim. 13. 18. *Movens igitur tabernaculum suum Abram, venit & habitavit iuxta conuallem in Mambre, quæ est in Hebron: edificavitque ibi altare Domino.* Vbi obiter notandum est, Abrahamum, quoties erexit altare, non sola voce, vel interna fide, sed etiam externo sacrificio conluisse & invocasse Deum. Hoc inde constat, quia altaria non solent erigi in alium finem, quam ad usum sacrificij. Excipio unum casum. Nam filij Ruben & Gad erexerunt altare iuxta Iordanem, non tam ad usum, quam ad significationem sacrificij. Iosue 22. 26. *Volebant enim significare, se fideles esse & habere ius sacrificij offerendi.* Extra hunc casum, ubicunque altare, ibi sacrificium. Habet enim nomen à sacrificio. Nam Græcè *θεῖον* dicitur, id est, locus victimarum seu sacrificij. An autem Abraham erexit altare ex terra, an ex lapide, non possum definire. Hoc scio in lege Mosaica, diu post Abrahami tempora, præceptum fuisse, ut altaria non aliunde, quam vel ex terra vel ex lapide non secto fierent, ut habetur Exod. 20. 24. *Altare de terra facietis mihi, & offeretis super eo holocausta & pacifica vestra. Quod si altare lapideum feceris mihi, non edificabis illud de sectis lapidibus: si enim levaveris cultum super eo, polluetur.* Deut. 27. 5. *Edificabis ibi altare Domino Deo tuo de lapidibus, quos ferrum non tetigit, & de saxis informibus & impolis, & offeres super eo holocausta, &c.* Quod impletum est Iosue 8. 30.

3. Secundò legimus Abrahamum iussu esse, sumere vaccam triennem, & capram trimam, & arietem annorum trium, turturem quoque & columbam, Genesim. 15. 9. An autem hoc iussus sit facere sacrificij causa, non convenit inter interpretes. Aliqui putant, non tam sacrificij, quam fœderis cum Deo initi causa, iussu esse. Alii, veriusque causa. Quibus assentior. Res autem sic habet. Abraham post devictos Reges, & oblatus Melchisedech decimas, cepit apud se cogitare de futuro eventu. Et partim metuebat invidiam Chananæorum, inter quos versabatur, partim nova bella Assyriorum, quos semel

sed et profligauerat. Igitur nocturno tempore vigilantibus apparuit Deus, & dixit: *Noli timere Abraham: Ego protector tuus sum.* Et iterum: *Suspice caelum & numera stellas si potes. Scieris seminum tuum.* Et denique, *Ego Dominus qui eduxi te de Ur Chaldaeorum, ut darem tibi terram istam, & possideres eam.* Abraham, audita hac triplici promissione (nempe de protectore suo diuina, de copiosa posteritate, & de possessi mter terrae Chanaan) vellet certior, petebat aliquo signo eam confirmari. Igitur à Deo missus est numerus vaccarum, caprarum, arietem, tortorem, & columbam, ut ea in sacrificium offerret: Et quidem signis à Deo missis, contumneret sacrificium, certo libi persuaderet, promissionem fore firmam. *Agnam agnam: quod etiam factum est.* Sic enim habet textus Genes. 15. 9. *Summi tibi vaccam triennem, & capram tinnam, & arietem annorum trium, turpem quoque & columbam.* Qui tollens uniuersa haec, diuisit ea per medium, & diuisit 7 partes contra se alterutroque posuit. (Hæc animalium diffinitio solet adhiberi in feriendis, ad significandum, sed illos simili modo diffecandos esse, si pacta non seruentur. Ierem. 34. 18. & 1. Reg. 11. 7. & Iud. 19. 29.) Et infra vers. 17. *Cum ergo occubisset sol, facta est caligo tenebrosa, & apparuit elibanus fumans, & lampas ignis transiens inter diuisiones illas.* Quotum ignis transiit inter diuisiones animalium? nempe ad consumendum & comburendum in signum sacrificij accepti. Chrysostomus homil. 37. in Genes.

4. Tertiò legimus, Abrahamum iustum esse offerre filium suum unigenitum, sed postea prohibitum, obtulisse pro eo arietem, Gen. 22. 1. *Dixit Deus ad Abraham: Tolle filium tuum unigenitum quem diligis, Isaac, & vade in terram visionis, atque ibi offeres eum in holocaustum super unum montium, quem monstrabo tibi.* Igitur Abrahā de nocte consurgens, tranxit asinum suum, ducens secum duos iuuenes, & Isaac filium suum. Cumque concidisset ligna in holocaustum, abiit ad locum, quem praeceperat Deus. Die autem tertio, eleuatis oculis, vidit locum procul, dixitque ad pueros suos: *Expectate hic cum asino, ego & puer illuc usque propter arces, postquam adorauerimus, reuertemur ad vos.* Tulit quoque ligna holocausti, & imposuit super Isaac filium suum: ipse vero portabat in manibus ignem & gladium. Cumque duo pergerent simul, dixit Isaac patri suo: *Pater mi, ecce ignis & ligna: ubi est vitima holocausti?* Dixit autem Abrahā, *Deus providet sibi vitimam holocausti filii mei.* Pergebat ergo pariter, & venerunt ad locum quem ostenderat ei Deus, in quo adificauit altare, & d. super ligna coposuit: cumque alligasset Isaac filium suum, posuit eum in altare super truncum lignorum, extenditque manum suam, & arripuit gladium, ut immolaret filium suum. Et ecce, Angelus Domini de caelo clamauit, dicens: *Abraham, Abraham.* Qui respondit, *A. Isum.* Dixitque ei: *N. non extendas manum tuam super puerum, neque facias illi quicquam.* Nunc cognoui, quod times Deum, & non pepercisti unigenito filio tuo propter me. Leuauit Abraham oculos suos, viditque post tergum arietem inter vepres haerentem cornibus, quem assumens obtulit holocaustum pro filio.

5. Hæc oblatio continet illustrem figuram oblationis Christi in cruce, ut præter alios diligenter notauit D. August. ser. 71 de tempore. Primò, quia sicut Abraham obtulit filium suum unigenitum Isaac, quem maxime diligebat; sic Deus pater obtulit unigenitum filium suum Christum, iuxta illud Ion. 3. 16. *Sic Deus dilexit mundum, ut filium unigenitum daret.* Vnde rectè Augustinus, *Abraham, inquit, quando Isaac filium suum obtulit, typum habuit Dei patris: Isaac vero typum gessit Domini Salvatoris.* Secundò, sicut Isaac fuit obediens patri in re omnium difficillima, sic Christus fuit obediens Deo patri usque ad mortem, mortem autem

Opusc. Bec.

A crucis. Tertiò, sicut Isaac portauit ligna holocausti super humeros suos, ita Christus portauit lignum crucis. Quattò, sicut Isaac cum ad altare venturus esset, non est immolatus, sed aries pro eo substitutus, ita Christus secundum diuinitatem non est passus, sed secundum humanitatem. In beato Isaac, inquit Augustinus, significata est diuinitas, in ariete humanitas Christi. Quintò, sicut Isaac alligatus erat, & positus super truncum lignorum, ita Christus alligatus erat cruci.

6. Nec desunt, qui putent utramque oblationem eodem loco contigisse. Quod si ita est, multo luculentior erit similitudo inter Isaac & Christum. De ea re sic scribit Augustinus in octauo: *audite aliud sacramentum.* Hieronymus presbyter scripsit, ab antiquis & senioribus Iudaeis cognouisse certissime, quod ibi immolatus sit Isaac, ubi postea Christus crucifixus est. Et paulo post: *Etiā hac antiquorum relatione refertur, quod & Adam primus homo, in ipso loco, ubi crux fixa est, fuerit aliquando sepultus, & ideo Caluaria locum dictum esse, quia caput humani generis ibi dicitur esse sepultum.* Et verè fratres, non incongruè creditur, quia ibi erant fuit medicus, ubi iacebat agrius.

7. Hæc breuiter dicta sunt de sacrificio Abrahami, quorum quatuor priora oblata sunt ab ipso pro gratiarum actione: quintum, pro foderet inter ipsum & Deum inuolatio: sextum, ad figurandam Christi immolationem.

CAPVT IV.

De sacrificio Melchisedech.

1. De hoc sacrificio sic loquitur Moyses, Genes. 14. 18. *At vero Melchisedech Rex Salem, proferens panem & vinum (erat enim Sacerdos Dei altissimi) benedixit ei, & ait: Benedixit Abraham Deo excelsis, & benedixit Deus excelsus, quo protegens, hostes in manibus tuis sunt.*

2. Hinc tria colligimus. Primò Melchisedechum fuisse Sacerdotem Dei altissimi. Secundò, obtulisse panem & vinum in sacrificium, idque in gratiarum actionem pro victoria ab Abrahamo obtenta. Tertiò, ea oblatione præfigurasse sacrificium Christi, quod in vltima cœna sub specie panis & vini peractum est. Atque ea de causa Christum in Scripturis vocari Sacerdotem secundum ordinem Melchisedech, non autem secundum ordinem Aaronis. Nam sacrificium Christi in vltima cœna non fuit eruentum ex animalibus, sicut sacrificia Aaronica: sed inuentum sub specie panis & vini, sicut sacrificium Melchisedechi.

3. De primo puncto nulla est controuersia. Omnes concedunt Melchisedechum fuisse verum Sacerdotem, imò simul Regem & Sacerdotem. Hoc enim aperit significant verba Moyses citata. Et confirmatur ab Apostolo Heb. 7. 1. cum ait: *Melchisedech Rex Salem & Sacerdos Dei summi.* De secundo & tertio puncto difficultatem mouent Nouatores, cum olim nulla fuerit. Negant Melchisedechum obtulisse panem & vinum in sacrificium. Negant in ea re gessisse typum Christi offerentis Eucharistiam. Itaque duplex hinc oritur quaestio. Vna, in quem finem aut usum protulerit Melchisedech panem & vinum? Altera, in qua re Melchisedech fuerit typus seu figura Christi: an in oblatione panis & vini, quod nos affirmamus, an in aliqua alia re, quod contendunt Nouatores?

4. Prior ergo quaestio est, in quem usum protulerit Melchisedech panem & vinum: Calvinus, & qui eum secuti sunt Sectarij, volunt protulisse in corpo-

Pp

telem refectionem Abrahami & sociorum eius, qui sa-
ugati ex praeputio reuertebantur. Contra, omnes antiqui
Patres, quotquot de hac re scripserunt, nobiscum sen-
tunt, prout ille in usum sacrificij. Antequam verba illo-
rum profectam, hoc obiter praeponendum est, statum
controversiae non versari in eo praecise, an panis & vi-
num prolata sint in refectionem Abraham & sociorum
eius, sed potius, an prolata sint in solam corporalem
eorum refectionem & in nullum alium usum? Hoc
enim contendunt Novatores. At nos dicimus, prius
oblata fuisse Deo per modum sacrificij, ac deinde for-
tasse distributa in socios Abraham, ut sacrificij partici-
pes efficerentur. Hoc probamus ex sequentibus testi-
bus.

5. Clemens Alexandrinus lib. 4. Stromatum capite
3. sic habet: *Melchisedech Rex Salem, Sacerdos Dei
altissimi, qui panem & vinum sanctificatum dedit vstro-
mentum in typum Eucharistiae.* Quid clarius: Deduxit, in-
quit, panem & vinum. Sed qualem panem, & quale
vinum? Non prophanum, sed sanctificatum. Nec aliter
quam sacrificando. At in quomodo finem? In typum Eucha-
ristiae.

9. Sanctus Cyprianus lib. 2. epist. 3. ad Caecilium:
In sacerdote Melchisedech, inquit, sacrificij Domini
sacramentum praefiguratum videmus, secundum quod Scri-
ptura divina testis noster, & dicit: *Melchisedech protulit
panem & vinum.* Et paulo post subiungit: *Quod autem
Melchisedech typum Christi portavit, declarat in Psal-
mis Spiritus Sanctus, ex persona Patris ad Filium dicens.
Tu es Sacerdos aeternum secundum ordinem Mel-
chisedech.* Quod do vique hic de sacrificio illo veniens,
& inde descendens, quod Melchisedech Sacerdos Dei
summi fuit, quod panem & vinum obtulit, quod Abraham
benedixit. Nam quis magis Sacerdos Dei summi, quam
Dominus noster Iesus Christus, qui sacrificium Deo pa-
tri obtulit? & obtulit hoc idem, quod Melchisedech ob-
tulit, id est, panem & vinum, sive scilicet corpus &
sanguinem. Hic disertè affirmat Cyprianus, Christum
in ultima coena obtulisse idem sacrificium quod obtu-
lerat Melchisedech, nempe panem & vinum. Et pro-
pter huius sacrificij similitudinem, Christum vocari
Sacerdotem secundum ordinem Melchisedech: Et Mel-
chisedech portasse typum Christi.

9. Idem docet Eusebius Caesariensis, lib. 5. de
monstr. Evang. cap. 3. cum ait: *Quemadmodum Mel-
chisedech, qui Sacerdos gentium erat, nusquam videtur
sacrificiis corporalibus functus, sed solo vino ac pane, ita
Salvator noster, & qui ab eo profecti sunt Sacerdotes, in
omnibus Gentibus, vino ac pane, corporis illius & Salva-
toris sanguinis mysteria representant: quae sane mysteria
Melchisedech tanto ante spiritum divinum cognoverat, &
veram futurarum imaginibus usus fuerat.* Hic paucis
multa complexus est: Primum, Melchisedechum fuisse
sacerdotem gentium, non Iudaeorum. Secundò, nus-
quam legi, quod usus sit sacrificiis ex animalibus, sed
ex solo pane & vino. Tertiò, similiter fecisse Christum
in ultima coena, quando sub specie panis & vini obtu-
lit corpus & sanguinem suum. Quartò, idem facere
omnes Sacerdotes Christianos in toto terrarum
orbe.

8. Et clarissimè D. Hieronymus in epist. ad Mar-
cellam, *Recurrit, inquit, ad Genesim & Melchisedech
Regem Salem huius principem invenies civitatis (Beth-
leem) qui iam tunc in typo Christi, panem & vinum obtu-
lit, & mysterium Christianum in Salvatoris corpore &
sanguine dedicavit.* Et D. Augustinus epist. 95. ad Iono-
centium Papam: *Melchisedech prolato sacramento men-
sa dominica nonis aeternum eius sacerdotium figurare:* Et
lib. 16. de civitate Dei cap. 22. loquens de oblatione
Melchisedech: *Ibi, inquit, primum apparuit sacrifici-
um, quod nunc à Christianis offertur Deo, toto orbe ter-*

Araz. Ne longus sim, idem docent Ambrosius, Epipha-
nius, Chrysostomus, Arnobius, Theodoretus, Eusebius,
Emilianus, Eucherius, & alij passim apud Bellarm. lib. 2.
de Missa cap. 6.

9. Quibus nunc credendum est? An patris illi No-
uatoribus, qui ex odio Romanae Ecclesiae, novum il-
lus commentum effinxerunt? An potius his tot sanctis-
que Patribus, qui ex instinctu Spiritus sancti sacram
Scripturam interpretati sunt? His, sine dubio. Sic e-
nim suadet Ecclesiast. c. 8. 11. *Non te praestant narratio
seniorum: ipsi enim didicerunt à Patribus suis; quoniam
ab ipsis discas intellectum, & in tempore necessitatis do-
bis responsum.*

10. Hinc iam facile dissolvi potest altera quaestio,
quae erat, in qua re Melchisedech fuerit typus seu figu-
ra Christi? Nempe, in oblatione panis & vini. Sic ex-
plicat Patres citati. Et ratio est, quia si Christus,
ut Scriptura testatur, fuit verè Sacerdos secundum
ordinem Melchisedechi, & non secundum ordi-
nem Aaronis, necesse est, cum in sacerdote fuisse ma-
gis similem Melchisedech, quam Aaroni. Hae au-
tem similitudo in eo consistit, quod Christus in ultima
coena non obtulerit sacrificium ex animalibus, ut
Aaron, sed ex pane & vino, Melchisedech.

11. Duo obijci possunt. Unum est, quod Apostolus,
Hebr. 7. multo aliter explicat illam similitudinem, nul-
la scilicet mentione panis & vini. Alterum, quod Chri-
stus in oblatione panis & vini, non magis fuerit similis
Melchisedech, quam Aaroni: quia etiam Aaron ob-
tulit panem & vinum, ut patet Exodi 29. 40. & Num-
28. 5. *Respondet.* Similitudo inter Christum & Mel-
chisedechum consistit quidem in aliis etiam rebus, sed
potissimum in oblatione panis & vini. Hoc sic osten-
do. Consistit primò in notatione nominis. Nam Mel-
chisedech idem est, quod Rex iustitiae. At Christus
est verus rex iustitiae, non solum, quia iustitiae
populum in aequitate, ut habetur Psalm. 71. 2, sed et-
iam quia ex perfecta iustitia pro nobis Deo satisfecit.
Secundò, in notatione officij. Nam Melchisedech
fuit Rex Salem, id est, Rex pacis. Hoc optime con-
venit Christo iuxta illud Ephes. 2. 14. *Ipsa enim est pax
nostra, qui fecit utraque unum.* Et Coloss. 20. *Pa-
cificans per sanguinem crucis, sine qua in terris, sine
qua in caelis sunt.* Tertiò, in origine. Nam Melchi-
sedech introducit sine patre & matre, ad significan-
dam Christi divinitatem & humanitatem, quia Chri-
stus, ut homo, non habuit patrem: ut Deus, non ha-
buit matrem. Quartò, in duratione. Nam Melchise-
dech introducit, neque initium dierum, neque finem
habens; ac proinde repraesentat aeternitatem sacerdo-
tij Christi, cui aliud sacerdotium successorum non est.
In hac repraesentatione defecit sacerdotium Aaronis,
quod fuit temporale, & abrogatum per successionem
sacerdotij Christiani. Quintò, in oblatione. Nam
Melchisedech obtulit panem & vinum, & sic fuit fi-
gura sacrificij incruenti, quod Christus in ultima co-
ena instituit & quod quotidie in Ecclesia repetitur. Aa-
ron autem obtulit animalia occisa, & sic fuit figura sa-
crificij cruenti, quod semel tantum in cruce oblatum
est.

12. In his, inquam, omnibus consistit figura seu si-
militudo inter Melchisedech & Christum: sed tamen,
ut dixi, potissimum in oblatione panis & vini: quod sic
explico Christus in Scriptura vocatur Sacerdos secun-
dum ordinem Melchisedechi, & non secundum ordi-
nem aliorum sacerdotum: Ergo Melchisedech, quate-
nus Sacerdos, habuit aliquid peculiare ac proprium, in
quo esset figura Christi, quod non habuerint alij Sa-
cerdotes. Hoc autem potissimum est oblatio panis &
vini. Nam reliqua, quae habuit Melchisedech, vel non
habuit ut Sacerdos, vel certe non fuerunt illi propria

ac peculiaria. Hoc patet ex dictis. Nam cetera, quae habuit præter oblationem panis & vini, fuerunt hæc. Primum, quod vocatus sit Rex iustitiae. Hoc nihil ad sacerdotium. Secundum, quod tuus sit Rex Salem, id est, pacis. Neque hoc, ut Sacerdos, sed ut Rex habuit. Tercium, quod introductus sit sine patre, sine matre, sine genealogia. Etiam Ios & Helias sic introducti sunt. Quartum, quod introductus sit, neque initium, neque finem dierum habens. Et hoc Hæc convenit. Quid ergo proprium ac peculiare habuit, quod alij non habuerunt? Oblationem panis & vini. In hac ergo potissimum fuit typus et figura Christi.

13. *Dei: Sicut est, cur Apostolus hoc tacuit? Cur cum dixit Melchisedechum fuisse figuram Christi in alijs rebus, præsertim in æternitate sacerdotij, non adiecit, quod possitimum erat, fuisse etiam in oblatione panis & vini?* *Respondeo.* Oporteret attendere ad scopum Apostoli in epistola ad Hebræos. Non voluit ex professo explicare figuram & similitudinem inter Christum & Melchisedechum (si enim hoc voluisset facere, sine dubio dixisset, eam consistere in oblatione panis & vini, sicut omnes antiqui Patres dixerunt, qui de hac rescribunt) sed voluit ostendere excellentiam sacerdotij Christi supra Sacerdotes Aaronicos: Aut si generatim loquamur, excellentiam Christi supra Angelos, Moysen, & sacerdotes Aaronicos. Hebræi enim ad quos scribebat, magnificabant Angelos, quorum ministerio legem acceperant: Moysen, qui legem illis promulgauerat: Sacerdotes Aaronicos, qui in lege ordinati erant. At de Christo humiliter sentiebant. Apostolus ergo, ut rectè eos instrueret, voluit ex professo demonstrare, Christum & Angelis, & Moysen, & Sacerdotibus Leviticis excellentiorem esse. Itaque triplicem instituit comparisonem. Primam inter Christum & Angelos, cap. 1. 4. *Tantum melior Angelis effectus, quanto differentius pra illis nomen hereditavit.* Cui enim dixit aliquando Angelorum, *Filius meus es tu, ego hodie genui te?* Alteram inter Christum & Moysen, cap. 3. 3. *Amplioris enim gloria iste pra Moysen dignus est habitus:* Et infra v. 5. *Moyses quidem fidelis erat in casa domus eius, tanquam famulus: Christus vero tanquam filius.* Terciam inter Christum & Sacerdotes Leviticis, cap. 7. vbi sic raciocinatur: Melchisedech fuit excellentior Aaron: sed Christus est Sacerdos secundum ordinem Melchisedech: Ergo sacerdotium Christi est excellentius sacerdotio Aaronico seu Levitico. Maiorem probat tripliciter. Primum, quia Melchisedech benedixit Abraham, & consequenter Aaroni, qui erat in lumbis Abraham: Maior autem benedicit minori. Secundum, quia accipit decimas ab Abrahamo, & consequenter ab Aaron. Tercium, quia non legitur habuisse initium dierum ac finem.

14. Ex hoc discursu facillè advertis, Apostolum non aliud ex professo egisse, quam ut ostenderet sacerdotium Christi præstantius esse sacerdotio Aaronico, ac proinde Hebræos, qui hæcenus magni fecerant legem & sacerdotium Mosaicum, deinceps debere plius facere legem & sacerdotium Christianum. Vnde ulterius sequitur mirum non esse, si nullam fecerit mentionem oblationis panis & vini. Non enim disputabat de figura & similitudine inter Christum & Melchisedech, ut dictum est, sed de excellentia sacerdotij Christi supra Sacerdotium Mosaicum. Ad hanc autem excellentiam declarandam non opus erat confugere ad oblationem panis & vini, cum aliunde suppetere fac multa argumenta, quæ plus momenti habebant. Nam ex oblatione panis & vini videbat se nihil efficaciter probare posse. Dissent enim Hebræi sacrificia Mosaica, quæ consistebant ex animalibus, non fuisse inferiora sacrificio Melchisedechi, quod consistebat ex pane & vino: ac proinde ex hac parte, Melchisedechum

Opul. Bec.

A non fuisse Aaronem excellentiorem.

15. *Sat multa de prima obiectione. Superest altera, quæ erat talis: Oblatio panis & vini fuit etiam vilitata in sacrificijs Aaronicis, & non tantum in sacrificio Melchisedechi: Ergo propter hanc oblationem non minus Aaron, quam Melchisedech, fuit figura Christi.* *Respondeo.* Quædam innotuit collatio inter sacrificium Aaronis & Melchisedechi, debet institui inter principale & integrum sacrificium utriusque. Oblatio panis & vini erat principale, & integrum sacrificium Melchisedechi, quia nihil aliud legitur obtulisse. At non erat principale & integrum sacrificium Aaronis, sed tantum particula, per modum annexi. Nam principale illius sacrificium constabat ex animalibus. Hinc patet, quomodo Melchisedech potius, quam Aaron fuerit figura Christi in oblatione panis & vini. Nam sicut Melchisedech obtulit panem & vinum, sine animalibus, ita Christus in ultima cæna, obtulit suam carnem & sanguinem sub specie panis & vini, sine specie aut oblatione animalium. Et hæc sufficiant hoc loco de sacrificio Melchisedechi. Si quid amplius dicendum sit, commodius fiet in tertio libello, ubi ostendemus oblationem panis & vini in nouo Testamento esse verum sacrificium, quia figura illius oblationis, quæ præcessit in Melchisedech, fuit verum sacrificium.

CAPVT V.

De sacrificio Isaac & Iacob.

1. *Isaac non nisi semel legitur sacrificium obtulisse, videlicet in Bersabee. De eo sic scribit Moyses, Gen. 26. 23. Ascendit autem ex illo loco in Bersabee, ubi apparuit ei Dominus in ipsa nocte, dicens: Ego sum Deus Abraham patris tui: noli timere, quia ego tecum sum: Benedicam tibi, & multiplicabo semen tuum propter servitium meum Abraham. Itaque edificavit ibi altare: & invocato nomine Domini extendit tabernaculum.* Ex quibus verbis constat primum. Deum promisisse Isaac suam protectionem, benedictionem & copiosam posteritatem. 2. Isaacum ut pro tam liberali promissione gratum se ostenderet, edificasse altare, & sacrificium obtulisse.

2. Iacob sæpius legitur sacrificasse. Primum, in monte Galaad, Genes. 31. 53. Secundum, iuxta oppidum Sichem, Genes. 33. 20. Tercium, in Bethel, Genes. 35. 7. Quartum, in eodem loco, Genes. 35. 13. Quintum, ad puteum iuramenti, Genes. 49. 1.

3. Hæc omnia sacrificia fuerunt Eucharistia, pro diversis beneficiis à Deo acceptis. Iacob enim ut sanctorum hominum mos est, quotiescunque à Deo novum aliquod beneficium accipiebat, statim pro gratiarum actione offerebat illi sacrificium. Igitur primum obtulit in monte Galaad, pro felici compositione litis, quæ inter ipsum & Laban orta erat. Alterum prope Sichem, eo quod in itinere, rediens ex Mesopotamia Syriæ, evasisset iram fratris sui Esau, quam valde metuebat. Tercium in Bethel, propter eandem causam. Quartum in Bethel, pro missione futuri seminis & benedictionis à Deo factæ. Quintum, ad puteum iuramenti, eo quod intellexisset, filium suum Ioseph, quem putarat esse mortuum, adhuc vivere, & dominum in Ægypto.

CAPVT VI.

De sacrificio Iob.

1. **D**E eo sic legimus, Iob 1. 4. *Ibant filij eius & faciebant conuiuium per domos, unusquisque in die suo. Cumq; in orbem transisset dies conuiuij, missebat ad eos Iob, & sanctificabat illos, consurgensque diluculo, offerebat holocausta pro singulis. Dicebat enim, Ne forte peccauerint filij mei. Sic faciebat Iob cunctis diebus.*

2. Ex quibus verbis tria colligimus. 1. Preparationem ante sacrificium. 2. Ipsum sacrificium. 3. Causam seu finem sacrificij. Preparatio significatur illis verbis: *Sanctificabat illos.* Porro sicut triplex est sacrificiū, ut initio dixi, nempe Legis, Naturæ, Legis Mosaicæ, & Legis Gratiæ: sic triplex sanctificatio, quæ præcedit sacrificium, una in Lege Naturæ, de qua hic sermo est. Altera in Lege Mosaicæ, de qua intelligitur illud 1. Reg. 16. 5. *Ad immolādū Domino veni: sanctificamini, & venite mecum, ut immolem.* Sanctificauit ergo Iob & filios eius, & vocauit eos ad sacrificiū. Tertia in Leg. Gratiæ seu Euangelij, de qua Apost. 1. Cor. 11. 28. *Probet autem seipsum homo, & sic de pane illo edat, & de calice bibat. Qui enim manducat & bibit indigne, iudicium sibi manducat & bibit, non diiudicans corpus Domini.* Prima sanctificatio, qualis erat filiorum Iob, fiebat iuxta dictamen rectæ rationis. Altera, quæ erant Iudæorum, fiebat ex præscripto Legis Mosaicæ: Et consistebat in ablatione vestimentorum & in abstinentia ab immundis, & in abstinentia à mulieribus, ut patet Exod. 19. 10. Leuit. c. 22. 4. Et 1. Reg. 21. 4. Tertia, quæ est Christianorum, fit ex præscripto Christi, & consistit in diligenti examine conscientie, & vera cordis contritione ac munditia. 1. Cor. 11. 28.

3. Sacrificium Iob designatur illis verbis: *offerebat holocausta pro singulis.* Nempe præmissa sanctificatione. Cum autem habuisset septem filios, & tres filias: quæstio est, an obtulerit totidem holocausta; Aliqui cum Gregorio putant obtulisse tantum septem pro septem filiis: alii cum Cypriano, decem pro septem filiis, & tribus filiabus. Finis autem, propter quem offerebat, significatur illis verbis: *Ne forte peccauerint filij mei.* Erat ergo sacrificium propitiatorium.

CAPVT VII.

De Agno Paschali.

1. **H**Oc sacrificium Agni paschalis à Deo institutum est, paulò ante egressum filiorum Israël ex Ægypto: ac primò celebratum, pridie egressionis ad vespèram cum mandato, ut postea singulis annis, primo mense anni, die 14. mensis ad vespèram, repeteretur. Quod an semper factum sit, postea videbimus, ad maiorem illius noticiam hæc breuiter examinanda sunt. 1. Qualis debuerit esse Agnus. 2. An pro agno licuerit aliud animal immolare. 3. Quo tempore immolandus fuerit Agnus. 4. Quo loco. 5. Quo ritu. 6. Quinam potuerint ex illo comedere. 7. In quem finem in-

A institutum sit hoc sacrificium Agni. 1. Quoties celebratum à Iudæis.

2. Est ergo prima quæstio, qualis debuerit esse Agnus? *Respondeo.* Debit habere tres condiciones. 1. ut esset masculus. 2. ut anniculus, seu vniustantum anni. 3. ut sine macula, id est, sanus & integer, non morbidus aut vitiosus. Hoc patet ex illo Exod. 12. 3. *Decima die mensis huius tollat unusquisque agnum per familias & domos suas. Erit autem agnus absque macula, masculus, anniculus.* Quæ maculæ seu vitia arcerent quodcunque animal à sacrificio, explicat Moyses Leuit. 22. 21. his verbis. *Homo, qui obtulerit victimam, tam de bobus, quam de ovibus immaculatam offeret, ut acceptabile sit. Omnis macula non erit in eo. Si cæcum fueris, si fractum, si cicatricem habens, si papulas aut scabiem, aut impetiginem, non offeretis ea Domino, nec adolebitis ex eis super altare Domini.*

3. Altera quæstio est, an pro Agno licuerit aliud animal immolare? *Respondeo.* Non licuit aliud immolare, nisi hœdum, qui similiter debebat esse masculus anniculus, & sine macula. Sic enim legimus Exod. 12. 5. *Erit autem agnus absque macula, masculus anniculus: iuxta quem ritum tolleris & hœdum.* Obici potest illud Deut. 16. 2. *Immolabis Pascha Domino Deo tuo de ovibus & de bobus.* Ergo præter Agnū & hœdum, licebat, etiam bouem aut vitulum immolare. *Respondeo.* Nomen *Pascha*, dupliciter sumi solet. Primò, propriè ac strictè pro Agno Paschali, qui immolabatur decimo quarto die mensis primi ad vespèram: Et hoc sensu, non licebat pro agno immolare aliud animal, nisi hœdum, ut dictū est. Secundò, impropriè & latè pro hostiis pacificis, quæ durante solennitate paschali, offerebantur in diebus azymorum, qui sequebantur vespèram & immolationem Agni Paschalis. Huiusmodi autem hostiæ poterant sumi etiam ex bobus: Et hoc sensu intelligitur, quod allatum est ex Deuterio. Vide quæ scripta sunt, Num. 28. 16. Vnde patet tam agnum paschalem, quam ceteras victimas illius solennitatis, vocari *Pascha* in scriptura. Hinc faciliè explicatur illud Ioan. 18. 28. *Erat autem mane, & ipsi non introierunt in prætorium, ut non contaminarentur, sed ut manducarent Pascha.* Vbi per Pascha non intelligitur agnus Paschalis, quem Iudæi pridie ad vespèram comederant: sed victimæ pacificæ, quæ sequentibus azymorum diebus comedi solent, non tamen nisi à mundis & purificatis.

4. Tertia quæstio est, quo tempore immolandus fuerit Agnus? *Resp.* Die decimo quarto mensis primi ad vespèram. Sic enim præceperat Deus Exod. 12. 3. *Decima die tollat unusquisque agnum per familias & domos suas. Et seruabitis eum usque ad quartam decimam diem huius, immolabisq; eum vniuersa multitudo filiorum Israël ad vespèram.* Hoc præceptum, quo ad posteriorem partem, semper seruatum est. Nam Hebræi, non solum in Ægypto ante egressionem, sed etiam postea in monte Sinai & alibi, solebant immolare agnum Paschalem die 14. mensis primi ad vespèram. Excipio vnum casum. Nam si eo die immundi essent, poterat differri vsque ad diem 14. sequentis mensis: quod aliquando etiam factum est. Posterior pars difficultatem habet. Nam aliqui putant Iudæos nunquam, nisi in Ægypto, iustos fuisse, quætere agnum die decima, quem postea immolarent die decima quarta ad vespèram: sed vnicuique liberum fuisse, ut quæreret, quo die velleret. Ita Abulensis in c. 12. Exod. quæst. 4. Ribera lib. 3. de templo, c. 3. & nonnulli alii. Et duplex illorum ratio est. Una, quia postea, quotiescunque fit mentio immolationis agni nunquam repetitur illa pars præcepti de die decimo, quo debebat quæri agnus, sed solum altera pars de die decimo quarto, quo debebat immolari. Ergo signum est, quod illa pars die decimo non obligauerit nisi in Ægypto. Altera, quia erant legitimæ causæ, cur in

*A*gypto debuerint agnum prius quærere & preparare, quàm veniret dies immolationis: quæ tamen causa postea locum non habuerunt. Erant autem hæc 12. Quæ sciebant se post paucos dies egressuros esse ex *A*gypto, & ideo erant valde occupati circa ea præparanda, quæ ad futuram protectionem putabantur esse necessaria. Ne ergo propter hæc occupationem obliuiscerentur agni Paschalis, iussu sunt cunctis illis quærere & preparare. 2. Vt tanto plus temporis haberent ad explorandum, an Agnus esset talis, qualis ex præcepto Dei requirebatur, nempe anniculus, masculus, sine macula. 3. Ut illis diebus quibus Agnus assuebatur ex ipsius aspectu & balatu, facilius cogitarent de futura liberatione ex *A*gypto.

5. Ne ista ratio videretur convincere. Non prior, quia etiam postea, quocumque sit mentio immolationis Agni nunquam reperitur illa pars præcepti, quod deberet comedi cum capite, pedibus & intestinis. Et tamen ita fieri oportebat. Nec posterior, quia illæ tres causæ non magnopere urgent. Imo prima & tertia non cohererent inter se. Nam si in futuram protectionem ita intenti erant Israelitæ, ut periculum esset, ne obliuiscerentur agni paschalis: quid necesse fuit, ut ex aspectu & balatu agni reducerentur in recordationem futuræ protectionis? Secunda nihil efficit. Cur enim in *A*gypto indigebant certis diebus ad explorandum, an Agnus esset anniculus, masculus, & sine macula: si postea non indigebant? An minus cauti & solertes erant in *A*gypto, quàm extra *A*gyptum? Non video, cur id alleramus.

6. *Quarta* questio est, quo loco immolendus fuerit agnus paschalis? *Respondeo*. Distinguenda sunt quatuor tempora. Primum egressionis ex *A*gypto. Secundum peregrinationis in deserto. Tertium, ingressus in Iudæam: Quartum habitationis in Iudæa. Igitur cum adhuc in *A*gypto essent Hebræi, singuli patres familias in sua domo iubebantur immolare & comedere Agnū. Exod. 12. At tempore peregrinationis, immolarunt & comederunt in deserto Sinai, Num. 9. 1. Porro in ingressu in Iudæam, post transitum Iordanis, in campis iuxta Jericho, Josue 5. 10. Denique tempore habitationis in Iudæa, nusquam licebat id facere, nisi in illo loco, ubi esset tabernaculum, iuxta illud Deut. 16. 5. *Non poteris immolare Pascha in qualibet urbe tua, quas Dominus Deus tuus daturus est tibi, sed in loco, quæ elegerit Dominus Deus tuus, ut habiteret nomen eius ibi. Immolabit Pascha vespere, ad solis occasum, quando egressus es de *A*gypto.* Locus autem, in quo habitavit nomen Domini, fuit variis temporibus varius. 1. Galgala. 2. Silo. 3. Nobe. 4. Gabaon. 5. Ierusalem, edificato templo Salomonis. Et hæc causa est, cur tampe in sacris literis fac mentio eorum, qui tempore Paschali Hierosolymam ascendeant. ut 2. Paralip. 30. 1. Luc. 2. 41. & alibi.

9. *Quinta* questio est, quorū coquenda & comedendus fuerit Agnus? *Respondeo*. In prima immolatione, quæ in *A*gypto contigit, servatus est hieriticus ac ordo. 1. Mactabatur agnus, & sanguis eius ponebatur super utroque poste ianue, & super liminari domus, in qua edendus erat. 2. Excoriabatur, dissindebatur, & eluebatur. 3. Assabatur igne. 4. Assatus comedeatur cum capite, pedibus, & intestinis. 5. Adhibebantur azymi panes cum lactuicis agrestibus. 6. Nil ex eo licebat conservare in sequentem diem, sed si quid residuum fuisset, igne comburendum erat. 7. Qui illum comesturierant, debebant accincti esse renibus, calceati, baculum manibus gestantes, festinantes. Vide Exod. 12. Duo hic quæruntur. 1. An hæc omnia sint etiam servata? 2. An Iudæi comedentes Agnum, debuerint stare, an sedere? Nil certi de utroque.

18. *Sexta* questio est, quinam potuerint comedere

Opul. Bec.

A de Agno Paschali? *Respondeo*. Soli Iudæi, non autem alienigenæ, nisi prius essent circumcisi. Exod. 12. 43. Et ratio est, quia circumcisio erat figura Baptismi; & agnus paschalis, sacrificium Eucharistiæ. Sicut ergo in nouo Testamento nemo potest esse particeps sacrificii Eucharistiæ, nisi sit baptizatus: ita in veteri Testamento nemo poterat edere de Agno Paschali, nisi esset circumcitus. Sed, an omnes circumcisi poterant? Certum est immundos non potuisse. Unde, si qui vel Iudæi, vel alienigenæ circumcisi, eo die, quo ordinariè immolabatur Agnus Paschalis, immundi fuissent, debebant prius mundari, & expectare vique ad diem decimum quartum sequentis mensis, sicut factum est. Num. 9. 6. & 2. Paral. 30. 15.

9. *Septima* questio est, in quem finem institutum fuerit hoc sacrificium Agni? *Respondeo*, in duplicem finem. Primum, in memoriam illius beneficii, quod Iudæi consecuti sunt ea nocte, quæ secuta est immolationem agni Paschalis in *A*gypto. Tunc enim Deus percussit omnia primogenita *A*gypti, intactis primogenitis Iudæorum: & liberavit Iudæos à servitute Pharaonis. Secundò in typum & figuram Christi, qui tanquam agnus innocens immolatus & occidendus erat pro humano genere. De priori fine intelligitur illud Exod. 12. 14. *Habebitis hunc diem in monumentum, & celebrabitis eum solemnè Domino in generationibus vestris cultu sempiterno.* Et v. 26. *Et cū dixerint vobis filij vestri: Quæ est ista religio? dicetis eis. Victimam iræ fuit Domino, quādo irā fuit super domos filiorum Israel in *A*gypto, percussiens *A*gyptios, & domos nostras liberans.* De posteriori loquitur Apostolus 1. Cor. 5. 7. *Pascha nostrum immolatus est Christus.* Duo autem spectanda sunt in Agno. 1. Immolatio, quæ erat figura Christi in cruce immolandi. 2. Comestio, quæ erat figura Christi in vltima cœna comedendi sub specie panis & vini. Prior figura in his consistit. Primum, sicut per immolationem agni paschalis, & per aspersionem sanguinis eius super postes & liminaria, liberati sunt Israelitæ à captivitate Pharaonis, & ab Angelo percutiente: sic per immolationem Christi in cruce, & per effusionem sanguinis illius, liberatum est genus humanum à servitute peccati & diaboli. Secundò, sicut agnus vespere immolatus est, sic Christus in fine sæculorum mortuus est pro nobis. Terciò, sicut agnus immolabatur à tota multitudine populi Israelitici: sic Christus morti addictus est, clamante tota Iudæorum multitudine. *Crucifige, Crucifige.* Quartò, sicut agnus erat masculus, anniculus & sine macula: sic Christus in patiendo fortis, in flore ætatis, & sine ullo peccato. Quintò, sicut os non confringebatur in Agno: sic Christi crura in cruce non sunt fracta: quare figuram expressit Evangelista Ioan. 9. 33. Sextò, sicut pro Agno poterat hœdus subrogari: sic Christus, tamen si agnus esset, tamen inter iniquos, id est, inter hœdos reputatus est. Et sicut hœdus solet esse victima pro peccatis: sic Christus pro peccatis totius mundi oblatus est. Hinc etiam Iacob Patriarcha, hœdum pellibus obvolutus fuit ut Christum præfiguraret. Posterior figura consistit in his. Primum, sicut Agnus fuit comestus à Iudæis: sic Christus in Eucharistia comeditur à Christianis. Secundò, sicut ille à solis Iudæis & circumcisis, & in sola civitate Ierusalém: ita hic à solis Christianis & baptizatis, & in sola Ecclesia. Tertio, sicut ille assatus igne corporali: ita hic assatus igne charitatis. Quartò, sicut ille cum azymis panibus & lactuicis agrestibus: ita hic cum magna puritate & dolore de peccatis. Quintò, sicut ille cū capite, pedibus, & intestinis: ita hic cum divinitate, & humanitate, latente sub specie panis & vini. Denique sicut ille à Iudæis succinctis & peregrinantibus ad terram promissionis: ita hic à Christianis properantibus qui ad celestem patriam.

P p iij

10. *Offertorium* quoties à Iudæis celebratum sit *A*
Pascha: *Respon.* Constat ex Scriptura, & sæpe celebra-
tum, & sæpe omisum esse. Ac primò celebratum est in
egressu ex Aegypto, Exod. 12. 28. Secundò, in deserto
Sinai, anno 2. egressionis. Num. 9. 1. Tertiò, in cam-
pestribus Iericho Ios. 5. 10. Quartò, in Ierusalem sub
Ezechia Rege 2. Par. 30. 1. Quintò, in Ierusalem sub
Iosia Rege, 4. Reg. 23. 21. & 2. Par. 35. 1. Sextò, post
reditum ex captivitate Babylonica Ierusalem, 1. Esdr.
6. Septimò, tempore Christi & Apostolorum. Matth.
26. 27. Omisum autem est primò, toto tempore pe-
grinationis, exceptis duobus primis annis. Nam pri-
mo anno celebratum est in Aegypto: secundo in deser-
to Sinai, ut dictum est. Ab eo tempore, per 38. annos
usque ad transitum Iordanis, amisum est. Non enim
Iudæi, qui transibant Iordanem, erant circumcisi, ac
proinde non poterant celebrare Pascha. Vnde Iosue,
cum vellet per transitum Iordanis in Galgala, seu in
campestribus Iericho, renovare immolationem Agni:
prius mandavit omnes circumcidi, Iosue 5. 2. Deinde
tempore Regum, sæpe omisum est. Vnde Ezechias &
Iosias hortati sunt populum, ut omnes venirent He-
rosolymam & ibi iuxta legem celebrarent Pascha. 4.
Reg. 13. 21. & 2. Paral. 30. 1. Denique intermisum est
tempore captivitatis Babylonice. Vnde post captivita-
tem cum Iudæi redissent Ierusalem, coeperunt iter-
rum immolare, ut patet 1. Esdræ 6. 39. Atque hæc ex
Scripturis dicto sufficiant.

CAPVT VIII.

An in supradictis Sacrificiis opus fuerit
Sacerdote.

Omnino opus fuit. Nam generatim loquendo,
sacrificium & sacerdotium ita connexa sunt,
ut sacrificium ab alio, qui non à sacerdote legitime offer-
ri non possit. Hoc significat Apostolus Hebræorum 5.
1. cum ait. *Omnes Pontifex ex hominibus assumptus, pro*
hominibus constituitur in his, quæ sunt ad Deum, ut offe-
rat dona & sacrificia. Et ratio est, quia sacrificium est
præstantissimus cultus exterior, quo Deus ab homi-
nibus colitur: Ergo æquum est, ut non quivis de po-
pulo, sed aliquis electus & ad hoc peculiariter deputa-
tus, tam suo quàm aliorum nomine, sacrificium offerat.
Et hoc est quod ait Apostolus. *Assumptus ex hominibus*
id est, speciatim electus ac deputatus, pro hominibus con-
stituitur, ut offerat sacrificia. Hinc Ozias Rex, cum ele-
ctus & assumptus non esset ad sacrificandum, & tamen
sacrificantis officium usurparet, à Deo punitus est. 2.
Par. 26. 18. Et Saül eandem ab eadem à Deo reiectus
& regno privatus est. 1. Reg. 13. 13.

2. At quoniam in statu legis naturæ fuerunt sacerdo-
tes: Si spectes sacrificiū Agni Paschalis, omnes patres-
familias poterant illud legitime offerre; ac proinde res-
pectu illius sacrificii erant veri sacerdotes. Hoc patet
ex illis, quæ capite præcedenti dicta sunt. Si spectes alia
sacrificia, quæ in illo statu offerebantur, multi existimant
à primogenitis, tanquam ordinariis sacerdotibus, offer-
ri consuevisse. Quod tamen nolim ita generatim accipi,
quia soli primogeniti officio sacerdotali sancti sint.
Etiam alios, qui primogeniti non erant, aliquando fun-
ctos esse constat, ut Abelem & Abrahamum. Igitur hæc
regula servanda est, aut primogenitos, aut patres-fami-
lias, aut eos etiam, qui peculiari Dei instinctu, ad hoc
deputati erant, solitos fuisse sacrificium offerre.



LIBER SECVNDVS.

DE SACRIFICIIS
MOSAICIS.

SACRIFICIA legis Mo-
saica tripliciter dividi pos-
sunt. Primò, ratione mate-
rie. Secundò, ratione forme &
finis. Tertiò, ratione tempo-
ris. Ratione materie, divi-
duntur in victimas, immola-
tiones & libamenta. Ratione forme ac finis in ho-
locausta, hostias pacificas, & hostias pro peccato.
Ratione temporis, in iugo sacrificium, quod quoti-
die: & in alia sacrificia, quæ in certis solennita-
tibus offerebantur. De his hoc ordine dicendum est.

1. De victimis, immolationibus & libami-
nibus.
2. De holocaustis, hostiis pacificis, & hostiis
pro peccato.
3. De iugo sacrificio.
4. De aliis aliarum solennitatum sacrificiis.
5. Addam aliquid de igne, quo utebantur
sacerdotes in sacrificiis.

CAPVT I.

De victimis, immolationibus, & libamentis.

Igitur ratione materie, triplicia erant sacrifi-
cia Mosaiica. 1. Victimæ seu hostiæ. 2. Im-
molationes. 3. Libamenta. Erat autem triplex materia
à Deo designata, quæ in Iudæorum sacrificiis offerri
poterat ac debebat. Primo animalia, ut oves, capræ,
hædi, boues, vituli, columbæ, passeræ, turturæ.
Secundo, fructus terræ, ut panis, simila, sal, thus,
manipulus spinatum virentium, & triticum. Tertiò,
liquores, ut sanguis, vinum, oleum, aqua. Nec ali-
quid his amplius. Cum ergo fiebat sacrificium ex ani-
malibus vocabatur *hestia*, seu *victima*; cum ex fructibus
terre, *immolatio*: cum ex liquoribus, *libamen* seu *liba-*
mentum.

2. Erat autem diversus modus offerendi in hoc tripli-
ci rerum genere. Nam animalia offerebantur macu-
latione & combustione, fructus terræ, immolatione: li-
quores effusione. Porro illa immolatio fructuum erat
etiam varia. Nam panis in frusta dissecabatur: simila
sarragine, clibano vel craticula coquebatur: sal uteba-
tur, thus adolebatur, manipulus spicarum torrebatur,
triticum contrebatur.

3. Hic quaeri potest, cur non alia animalia, nec alios
fructus, nec alios liquores, licent offerri in sacrificiis
Mosaiicis, quàm quæ iam enumerata sunt? Ratio dubi-
tandi est, quia præter illa, sunt alia multa præstantiora.

Optima autem quæque Deo offerenda sunt. Hinc sacrificium Abeli fuit Deo gratum, non autem Cain: quia Abel obtulit de primogenitis animalium: Cain vero non de primis frugum, sed de communibus frugibus. *Respondet*, in hac re debet nobis sufficere voluntas Dei, qui in lege Mosaica sic voluit & ordinavit. Nec tamen desunt rationabiles cause, cui id factum sit: de quibus videtur potest D. Thomas in 1. 2. quæst. 102. & 103.

CAPVT II.

De holocausto, sacrificio pro peccato, & hostia pacifica.

1. **R**atione formæ ac finis, erat etiam triplex sacrificium in lege Mosaica. 1. Holocaustum. 2. Sacrificium pro peccato. 3. Hostia pacifica. Vide D. Thomam 1. 2. quæst. 102. art. 2. ad 8.

2. Holocaustum erat sacrificium perfectissimum, quia in eo tota res oblata comburebatur, & in fumum resoluta, insensum ad Deum ascendebat, ita ut nihil inde cederet in usum humanum. Per hoc enim perfectissimè significabatur, omnia esse ipsius Dei, & omnia ad ipsius honorem referenda. Et in hunc finem erat potissimum institutum hæc genus sacrificij, tamen si interdum etiam pro peccato populi & Sacerdotum offerri poterat.

3. Sacrificium pro peccato, partim cremabatur, partim cecibat in usum Sacerdotum, qui in atrio templi ex eo vivebantur. Per hoc significabatur (ut notat D. Thomas) quod expiatio peccatorum fiat quidem à Deo, sed per ministerium Sacerdotum. Solebat autem offerri pro peccatis quibuscumque externis, & pro peccatis commutis per ignorantiam vel negligentiam circa ceremonias legis Levitic. 4. & 5. Item pro peccato furti, perjurij, calumniæ. Levit. 6. & 7. Porro sicut diversa erant peccata, & diversæ personæ, quæ peccabant: ita etiam diversa erant sacrificia pro peccato. Aliud enim offerebatur pro perjurio, aliud pro aliis peccatis. Similiter, aliud pro Pontifice, aliud pro Rege, aliud aliud pro Synagoga, aliud pro privatis hominibus.

4. Hostia pacifica poterat ex duplici titulo offerri. 1. In gratiarum actionem pro beneficiis à Deo acceptis. 2. Ad bona beneficia à Deo impetranda. Dividebatur autem in tres partes: quarum una comburebatur ad honorem Dei, altera cecibat in usum Sacerdotum: tertia in usum offerentium. Per hoc significabatur, quod salus hominis procedat à Deo, per directionem Sacerdotum, & cooperationem illius, qui saluatur.

5. Ab hac divisione quæ iam explicata est, parum differt illa, qua sacrificium dividitur in Laureuticum, Eucharisticum, Impetratorium, & Propitiatorium. *Laurenticum* dicitur, quod solum fit ad Deum colendum, testando eius principatum, & nostram servitutem seu subiectionem. Hoc potissimum fit holocausto. *Eucharisticum* dicitur, quod fit in gratiarum actionem pro beneficiis acceptis. *Impetratorium*, pro beneficiis accipiendis. Vtrumque in veteri lege dicebatur Hostia pacifica. *Propitiatorium* est, quod offertur pro peccatis, & pro peccatorum pernis ac flagellis evitandis. Hoc idem est, quod sacrificium pro peccato.

6. Adhuc tria notanda sunt ex D. Thoma, quæst. 102. artic. 3. ad 8. & 10. Vnum est, quod si conferamus hæc sacrificia Mosaica inter se, ratione sanctitatis & puritatis: Primum locum obtineat holocaustum: Secundum Hostia pro peccato: Tertium, Hostia pacifica. Opusc. Bæc.

Aca pro beneficio accepto: Quartum, Hostia pacifica pro beneficio accipiendo. Ratio est, quia hæc sacrificia instituta sunt ad cultum & honorem Dei: Ergo quo maior vel minor est oblatio colendi Deum, eo maior vel minor dignitas est sacrificij, quo illum colimus. Obligator autem hoc ordine. 1. Pro, tertia finitatem ipsius maiestatis. 2. Propter offensam in ipsum commissam. 3. Propter accepta beneficia. 4. Propter sperata beneficia: Ergo iuxta hunc ordinem: Primum loco censei debet Holocaustum: Secundo, Hostia pro peccato: Tertio, Hostia pacifica pro beneficio accepto: Quarto, Hostia pacifica pro beneficio accipiendo. Idem ordo dignitatis colligi potest ex parte ipsius sacrificij. Nam holocaustum totum comburebatur in honorem Dei, cetera non item: Ergo ex hac parte ceteris erat præstantius. Hostia pro peccato partim cremabatur ad honorem Dei, partim comedebatur: sed à solis sacerdotibus, non à populo: & in solo aræ, non ubi ipso die sacrificij, non a. Hostia pacifica pro beneficio accepto, partim cremabatur ad honorem Dei, in quo erat pars Hostiæ pro peccato partim comedebatur, non tamen a solis Sacerdotibus, sed etiam à populo: nec in solo aræ, sed ubique in Ierosolymis: & in hoc erat inferior. Hostia pacifica pro impetrando beneficio, poterat comedere, non solum à populo, & extra aræ, sed etiam extra atrium sacrificij. Poterat etiam, conferri in sequenti die, & in hoc erat infra sanctitatem Hostiæ pro beneficio accepto.

7. Alterum est, quod tamen si carnes victimarum sæpe venissent in usum Sacerdotum & populi, ut dictum est, numquam tamen sanguis, aut adeps. Nam sanguis effundebatur ad crepidinem altaris in honorem Dei, adeps vero adhibebatur igne. Huius rei varias assignat causas D. Thomas. Dux videntur esse precipuæ. Una, ut Iudei haberent typum seu figuram futuræ effusionis Christi in ara crucis: & ferventis illius charitatis, quæ se obtulit Deo pro nobis. Altera, ut hac ratione discernerentur ab idololatriis, qui comedebant adipem, & bibebant de sanguine victimarum, ut colligitur ex illo Deut. 32. 17. *Vbi sunt Dei eorum in quibus habebant fiduciam, de quorum victimis comederant adipem, & bibebant vinum libaminum?* Quamvis iam multo ante, etiam in lege naturæ, prohibitum erat fidelibus, ut non sumerent sanguinem animalium, ne quidem extra sacrificium, ut patet Genes. 9. 4. *Carnem cum sanguine non comedetis.* Quod etiam multo post ab Apostolis fuit renovatum in Concilio Apostolorum, Act. 15. 29. *Ut abstinatis ab immolatis simulacrum, & sanguine, & suffocato.*

8. Tertium est, quod tamen si pro diversitate peccatorum, diversa fuerint instituta sacrificia, ut etiam dictum est: non tamen servabatur illa proportio, ut quo maius esset peccatum, eo præstantior esset res oblata in sacrificio: sed contra potius, quo maius esset peccatum, eo vilior species animalis offerebatur, ut ex Rabbi Mose notavit D. Thom. Nam capra, quod est vilissimum animal, offerebatur pro idololatria, quod est gravissimum peccatum. Pro ignorantia vero Sacerdotis, offerebatur vitulus, pro negligentia principis, hircus, Levit. 4. & sequentibus.

CAPVT III.

De iuge sacrificio, quod quotidie
offerebatur.

1. **I**udæi ex præcepto diuino, iubeantur quotidie offerre duos agnos anniculos & immaculatos in holocaustum: alterum mane, & alterum vespere: Et cum his similia conspersam oleo, & vinum pro libamine. Hæc autem oblatio vocabatur iuge sacrificium, vel holocaustum sempiternum, quia quotidie fiebat, & nunquam intermittebatur. Sic enim legimus Exodi 29.38. *Hoc est quod facies in altari: agnos anniculos duos per singulos dies ingeres, unum agnum mane, & alterum vespere, decimam partem simila conspersa oleo infuso, quod habeat mensuram quartam partem hinc & vinum ad libandum eiusdem mensura in agno uno. Alterum vero granum offeres ad vespem iuxta ritum matutinae oblationis, & iuxta ea quæ diximus, in odorem suauitatis. Sacrificium est Domino oblatione perpetua in generationes vestras, ad osium tabernaculi testimonij coram Domino, ubi constitutum, ut loquar ad te.* Et Num. 28. 9. *Hæc sunt sacrificia, quæ offerre debetis. Agnos anniculos immaculatos duos quotidie in holocaustum sempiternum: unum offeretis mane, & alterum ad vespem.*

2. Hoc iuge sacrificium veteris Testamenti, fuit figura sacrificij Missæ in nouo Testamento. Primum, ratione rei oblatæ. Nam sicut in illo offerebatur agnus immaculatus: ita in hoc offertur Christus qui est agnus sine macula, Ioan. 1. 29. *Eccce agnus Dei, ecce qui tollis peccatum mundi.* Secundum, ratione loci. Sicut ille offerebatur in tabernaculo, ita hic in Ecclesia. Tertium, ratione durationis. Sicut ille offerebatur quotidie, ita Christus offertur quotidie. Vnde etiam apud Daniel. cap. 12.11. vocatur iuge sacrificium. Quartum, ratione determinationis temporis. Sicut ille offerebatur mane & vespere: ita Christus à principio mundi usque ad finem, Apocal. 13. 8. *Agnus, qui occisus est ab origine mundi: non quidem re ipsa, sed per energiam.* Quidam, ratione adiuncti. Sicut ille offerebatur cum simila & vino: ita Christus quotidie offertur sub specie panis & vini.

CAPVT IV.

De aliis aliarum solennitatum sacrificiis.

1. **P**raeter iuge sacrificium, quod quotidie offerebatur, erant alia sacrificia, quæ in certis anni solennitatibus offerri debebant ex præscripto legis. Prius ergo dicam de solennitatibus. Tum de earum sacrificiis. Erant autem octo solennitates apud Iudæos. 1. Sabbatum, in memoriam creationis mundi. 2. Neomenia, seu initium mensis Lunaris, pro beneficio diuinæ gubernationis. Nam in principio mensis Lunaris, seu in Nouilunio, magis apparet diuina gubernatio in hisce inferioribus, quia tunc est magna mixtorum corporum mutatio. 3. Pascha in memoriam liberationis Iudæorum. Cui annexa erat solennitas azymorum, quæ post die Paschæ incipiebat in memoriam egressionis ex Aegypto. 4. Pentecoste, seu solennitas hebdomadarum, in memoriam legis datæ in monte Sinai. Lex enim data est quinquagesimo die, seu post expiationem

A septem hebdomadarum à festo Paschæ. 5. Festum Tabernaculorum, in memoriam Isaac liberati. Cum enim Abraham vellet illum immolare, inuenit arietem inter vepres hærentem cornibus, quem ipse loco immolauit. Hebræi, ut illius facti memoriam retinerent, soliti erant tubis corneis clangere: ideoque festum tubarum vel festum cornu appellatum est. 6. Festum expiationis in memoriam illius beneficii, quo Deus, ad intercessionem Moïse, propitiatus est peccato populi, vitulum adorantis. 7. Scenopegia, seu festum Tabernaculorum, in memoriam illius beneficii, quo Deus voluit Iudæos habitare in Tabernaculis, cum egressi ex Aegypto versarentur in solitudine. Hoc festum fuit solenne apud Iudæos. Tunc enim, sicut & in festo Paschæ & Pentecostes, omnes masculini sexus iubeantur venire in Ierusalem, iuxta illud Deut. 16.16. *Tribus vicibus per annum apparebit omnis masculinum tuum in conspectu Domini Dei sui in loco, quem elegerit: in solennitate azymorum, in solennitate hebdomadarum, & in solennitate Tabernaculorum.* 8. Festum cætus atque Collectæ, in quo (ut notat D. Thomas in 1. 2. q. 101. art. 4. ad 10.) colligebantur à populo ea, quæ erant necessaria ad expensas diuini cultus, & significabatur adunatio populi, & pax præstita in terra promissionis.

2. Vbi obiter notandum est, quatuor posteriora festa, id est, festum Tubarum, Expiationis, Tabernaculorum, & Cætus, incidisse in mensem septimum anni. Nam sicut dies septimus, ita mensis septimus, & similiter annus septimus apud Iudæos erat in honore. Et quidem primus dies septimi mensis habebat duo festa, alterum Neomeniæ, quod erat illi commune cum aliis mensibus: alterum tubarum, quod erat illi peculiare. Decimo die erat festum Expiationis: decimo quinto incipiebat Scenopegia, seu festum Tabernaculorum: & durabat per septem dies sequentes. Viginti secundo die, erat festum Cætus atque Collectæ.

3. Hæc sufficiant de festis. Nunc de sacrificiis dicendum est. Ac primum, Sacrificium Sabbati describitur, Numer. 28. 9. his verbis: *Die autem Sabbati offeretis duos agnos anniculos immaculatos, & duas decimas simila oleo conspersa in sacrificio, & liba quæ rite funduntur per singula Sabbata in holocaustum sempiternum.*

4. Sacrificium Neomeniæ ibidem, v. 11. *In Calendis autem offeretis holocaustum Domino vitulos de armento duos, arietem unum, agnos anniculos septem immaculatos, & tres decimas simila oleo conspersa in sacrificio per singulos vitulos & duas decimas simila oleo conspersa per singulos arietes, & decimam decime simila ex oleo in sacrificio per agnos singulos. Holocaustum suauissimi odoris, atque incensum est Domino. Libamenta, autem vini, quæ per singulas fundenda sunt victimas, ista erunt media pars. Hinc per singulos vitulos, tertia per arietem, quarta per agnum. Hoc erit holocaustum per omnes menses, qui sibi anno vertente succedunt. Hircus quoque offeratur Domino pro peccatis.*

5. Sacrificium Paschæ & azymorum, ibidem, v. 16. *Mense autem primo quartadecima die mensis, Pascha Domini erit, & quintadecima die solennitas. Septem diebus vescentur azymis. Quartus dies prima venerabilis & sancta erit: omne opus seruile non facietis in ea, offeretisq; incensum holocaustum Domino, vitulos de armento duos, arietem unum, agnos anniculos immaculatos septem: & sacrificia singulorum ex simila, quæ conspersa sit oleo, tres decimas per singulos vitulos, & duas decimas per arietem, & decimam decime per agnos singulos, id est, per septem agnos. Et hircum pro peccato unum, ut expietur pro vobis, præter holocaustum matutinum, quod semper offeretis. Ita facietis per singulos dies septem dierum in fomitem ignis, & in odorem suauissimum Domino, qui surget de holocausto, & de libertatibus singulorum, &c. Nota hoc loco, non tam*

describi sacrificium Paschæ, seu Agni paschalis, de quo supra satis actum est, quam dierum azymorum qui proxime sequuntur diem Paschæ.

6. Sacrificium Pentecostes, Leuit. 23. 25. *Numerabitis ergo septem hebdomadas plenas, id est, quinquaginta dies: & sic offeretis sacrificium novum Domino ex omnibus habitaculis vestris, panes primitiarum duos de duobus decimis simila fermentata, quos coque- tis in primitias Domini. Offeretisque cum panibus se- ptem agnos immaculatos anniculos, & vitulum de ar- mento unum, & arietes duos, & erunt in holocaustum cum libamentis suis in odorem suavissimum Domino. Fa- cietis & hircum pro peccato, duosque agnos anniculos hostias pacificorum. Cumque eleaveris eos Sacerdos, cum panibus primitiis coram Domino, cedent in usum eius. Et vocabitis hunc diem celeberrimum atque sanctis- simum.*

7. Sacrificium festi Tubarum, Leuitic. 23. 24. *Mense septimo, prima die mensis erit vobis Sabbatum memoriale, clangentibus tubis, & offeretis holocaustum Domino. Quale autem debeat esse hoc holocaustum diversè explicatur, Numer. 29. 1. Mensis septimi prima dies venerabilis & sancta erit vobis. Omne opus servile non facietis in ea, quia dies clangoris est & tubarum. Offe- retisque holocaustum in odorem suavissimum Domino, vi- tulum de armento unum, arietem unum & agnos anni- culos immaculatos septem: & in sacrificiis eorum simila oleo confusa tres decimas per singulos vitulos, duas de- cimas per arietem, unam decimam per agnum, qui simul sunt agni septem, & hircum pro peccato, qui offertur in expiationem populi, prater holocaustum Calendarum cum sacrificiis suis, & holocaustum sempiternum cum libationibus solitis. Vbi nota, in festo Tubarum, tria fuisse sacrificia offerenda. Vnum, ratione festi Tubarum. Alterum, ratione Neomeniæ. Tertium, iuge sacrificium: quod quotidie offerebatur. Et hoc significat Scriptura; cum dicit, prater holocaustum Calendarum, & holocau- stum sempiternum, quasi dicat, prater illa duo sacrificia; offeretis etiam illud tertium, quod iam præscripti.*

8. Sacrificium festi Expiationis, Leuitic. 23. 27. *Decima die mensis septimi, dies Expiationum erit cele- berrimus, & vocabitur sanctus, affligetisque animas ve- stras in eo, & offeretis holocaustum Domino. Hoc holo- caustum describitur, Num. 29. 7. his verbis: Decima dies mensis septimi erit vobis sancta, offeretisque holocaustum Domino vitulum de armento unum, arietem unum, agnos anniculos immaculatos septem: Et in sacrificiis eorum si- mila oleo confusa tres decimas per singulos vitulos, duas decimas per arietem, decimam decimam per agnos singulos, qui sunt simul agni septem: Et hircum pro peccato; absque his, quæ offerri pro delicto solent in expiationem, & holo- caustum sempiternum cum sacrificio & libaminibus eorum. Vbi iterum nota, prater hircum pro peccato, debuisse offerri, primo vitulum, cuius sanguis inferebatur in san- ctuarium: secundò, hircum alium, super quem Sacerdos confitebatur peccata populi, & sic emittebatur in deser- tum, Leuit. 16. Tertio iuge sacrificium. Vide Lyr- num in cap. 19. Numerorum.*

9. Sacrificium Scenopægiæ, seu Tabernaculorum, Leuit. 23. 34. *A quindécimo die mensis septimi, erunt feria tabernaculorum septem diebus Domino. Septem die- bus offeretis holocausta Domino. Hæc holocausta septem dierum sigillatim exprimuntur, Num. 29. 13. his verbis: Primo die offeretis vitulos de armento tredecim, arietes duos, agnos anniculos immaculatos quatuordecim: & in libaminibus eorum simila oleo confusa tres decimas per vi- tulos singulos, duas decimas arietibus duobus, & decimam decimam agnis singulis: Et hircum pro peccato, absque holo- causto sempiterno, & sacrificio & libamine eius. In die altero offeretis vitulos de armento duodecim, &c. Die 3. vitulos undecim, &c. Et sic deinceps. Hoc solùm ad-*

A uerte, quod illis septem diebus, omnia sacrificia sunt eadem, excepto numero vitulorum. Nam primo die offerebantur tredecim vituli: secundo, duodecim: ter- tio, undecim: quarto, decem: quinto, novem: sexto, octo: septimo, septem. Singulis autem diebus, duo arietes, quatuordecim agni, hircus pro peccato, & iuge sacri- ficium.

10. Sacrificium Cætus atque Collectæ, quod trans- actis septem diebus Tabernaculorum, celebrabatur octavo die, describitur Leu. 23. 36. *Dies quoque octavus erit celeberrimus, & offeretis holocaustum Domino: est enim Cætus atque Collecta. Et Num. 29. 35. Die octavo offeretis vitulum unum, arietem unum, agnos anniculos immaculatos septem: sacrificiaque & libamina singulo- rum per vitulos, & arietes, & agnos ita celebrabitis: Et hircum pro peccato, absque holocausto sempiterno, sacri- ficiisque eius & libamine. Sequitur communis clausula. Hæc offeretis Domino in solemnitatibus vestris: prater vota & oblationes spontaneas in holocausto, in sacri- ficio, in libamine, & in hostiis pacificis. Unde constat, generatim loquendo, duplicia fuisse sacrificia: quædam necessaria ex præscripto legis: alia spontanea ex arbitrio & devotione offerentium. De prioribus, quæ fiebant in solemnitatibus, dictum est hætenus. De posterioribus nihil necesse dicere in particulari, quia parum ad no- strum institutum.*

CAPUT V.

De igne, quo utebantur sacerdotes in sacrificijs.

1. **Q** Vinque certa sunt ex Scripturis. Primum est; ignem quendam à Deo cælitus datum esse, qui consumpsit primum sacrificium, quod obtulit Aa- ron in deserto, postquam Sacerdos à Mose consecratus est, quod contigit anno secundo egressionis filiorum Israël ex Egypto. Sic enim legimus Leuit. 9. 24. *Ap- paruit gloria Domini omni multitudini; Et ecce egressus ignis à Domino deuoravit holocaustum, & adipem qui erant super altaria. Quod cum vidissent turba laudave- rant Dominum, ruentes in facies suas.*

2. Alterum est, hunc ignem debuisse perpetuè nu- triri & conservari à Sacerdotibus, ne vquam in al- tari deficeret. Leuit. 6. 12. *Ignis in altari semper arde- bit, quem nutrit sacerdos, subiciens ligna mane per sin- gulos dies. Et infra: Ignis est iste perpetuus, qui nunquam deficiet in altari.*


3. Tertium est, non alio, quam isto igne potuisse uti Sacerdotes ad sacrificia. Hoc inde constat, quia Na- bad & Abiu, filij Aaronis, à Deo puniti sunt, quod alieno igni usi essent. Leuit. 10. 1. *Arripitque Nabad & Abiu filij Aaron thuribulus posuerunt ignem, & in- tensum desuper, offerentes coram Domino ignem alienum quod eis præceptum non erat. Egressusque ignis à Domino, deuoravit eos, & mortui sunt coram Domino. Vide Diu- ti Augustinum, in questionibus super Leuiticum quæ- stionum 31.*

4. Quantum est, hunc ignem à secundo anno egres- sionis ex Egypto, quo cælitus à Deo datus est, perpetuè conservatum fuisse in altari tabernaculi, usque ad tempus captivitatis Babylonicæ, quo & templum in- censum est, & Iudæi in Babylonem abducti sunt. Tunc enim in quodam puteo à Sacerdotibus abscondus est. 2. Mach. 2. 19. *Cum in Persidem ducerentur Patres no- stro Sacerdotes, qui tunc cultores Dei erant: accepti ignis de altari occultè absconderunt in vello, ubi erat puteus*

alius & siccus, & in eo cōtati sunt eum, ita ut omnibus ignotus esset locus: Hinc sequitur, ignem illum, in toto tempore, quod præcessit captiuitatem, toties mutasse locum, quoties tabernaculum cum altari de loco in locum translatum est. Fuit ergo per 39. annos in solitudine. Postea cum filij Israel, transito Iordane, venissent in terram promissionis, fuit successiue in variis locis. 1. in Gilgala. 2. in Silo. 3. in Nob. 4. in Gabaon. 5. in Ierusalem ædificato iam Salomonis templo. Ibiq; mansit vsque ad captiuitatem, vt dictum est.

5. Quantum est, eundem ignem, post solutam captiuitatem, iubente Nehemia, quæsitum fuisse à nepotibus eorum Sacerdotum, qui illum in puteo absconderant, nec tamen inuentum: sed pro eo repertam fuisse aquam crassam, quæ oblato sacrificio, diuinitus in ignem cōiuncta est. 2. Malach. 10. *Cum autem præterissent anni multi, & placuit Deo, vt mitteretur Nehemias à Rege Persidis, nepotes Sacerdotum illorum, qui absconderant, misit in adquirendum ignem: & sicut narrauerunt nobis, non inuenerunt ignem, sed aquam crassam. Et iussit eos haurire & adferre sibi: & sacrificia, quæ imposita erant, sacerdos Nehemias aspergit ipsa aqua, & liqua, & quæ erant superposita. Vtque hoc factum est, & tempus adfuit, quo Sol refulsit, qui prius erat in nubilo, accensus est ignis magnus, ita ut omnes mirarentur.* Porro diem illum, quo ignis hic diuinitus accensus est habuerunt Iudæi pro solennitate. & deinceps festum seu dies *dari ignis appellata est.* Et postea in secundo templo, eodem igne vsi sunt in sacrificiis.

6. Porro in hoc igne: de quo hætenus dictum est, tria spectanda sunt, quæ mysterium habent. 1. quod sit à Deo datus. 2. quod illo solo & non alio licuerit, vti in sacrificiis. 3. quod cum perisset, ex aqua crassa per ministerium Sacerdotum, non sine magno miraculo, recuperatus sit. Hæc, inquam, tria mysterium habent. Ex primo discimus, ignem illum, quo nos in nouo Testamento perficimus sacrificium, cælestem esse, nec alium, quàm ignem diuinæ charitatis. Ex secundo nullo sacrificium Deo gratum esse sine hoc igne charitatis. 2. Corinth. 13. 3. *Si tradidero corpus meum, ita vt ardeam, charitatem autem non habuero, nihil mihi prodest.* Ex tertio, hunc ignem charitatis aliquando in nobis perire per peccatum mortale, quod habet se instar aquæ crassæ: sed postea accedente absolutione sacerdotali, non sine magno miraculo reuiuiscere & recuperari. De hoc igne loquitur Christus, Lucæ 11. 49. *Ignem veni mittere in terram, & quid volo, nisi vt accendantur?* Vide August. in Psal. 96.



LIBER TERTIVS.

DE SACRIFICIO IN STATV GRATIÆ.



IN nouo Testamento duplex est sacrificium. Verum cruentum, quo Christus in ara crucis Deo Patri oblatus est pro expiatione peccatorum nostrorum. Alterum incruentum, quo idem Christus quotidie sub specie panis & vini offertur in altari, partim in memoriam cruenti illius sacrificij, partim ob alias causas, quas infra explicabo.

1. Hæc duo sacrificia dupliciter spectari possunt.

A Primò, quod ad rem oblatam: & sic non sunt duo, sed vnum. Nam in utroque est vna, & eadem res oblata, nempe Christus Dominus. Secundò, quo ad modum & ritum offerendi: & sic duo sunt. Nā Christus in altero oblatus est cruento modo, & sub propria specie humana, per realem sui occisionem: in altero, offertur incruento modo, & sub specie aliena, sine reali sui occisione. De quo plura inferius.

B 3. Verumque sacrificium est quasi primarium prototypon, ad quod præfigurandum omnia alia sacrificia, tam Mosaica, quàm legis naturæ, ordinata sunt. Nam hæc omnia fuerunt typi seu figuræ sacrificij legis gratiæ, teste Apostolo, 1. Corinth. 10. 11. *Hæc omnia in figuris contingebant illis.* Et Hebr. 10. 1. *Lex habuit umbram futurorum bonorum, non ipsam imaginem.* Hoc breuiter sic explico. In sacrificio cruento, quo Christus in cruce oblatus est, multa spectari possunt. Primò, quod fuerit vnigenitus Dei filius. Secundò, quod à Patre oblatus in mortem. Tertio, quod Pauli obiectissimus. Hæc etiam optimè præfigurantur per sacrificium Abraham, quo obtulit vnigenitum filium suum Isaac. Quarto, quod re ipsa occisus sit. Hoc significant omnia sacrificia Mosaica, quæ erant ex animalibus. Quintò, quod effusione sanguinis liberauerit nos à seruitute diaboli. Hoc significat sanguis agni Paschalis, qui super postes domorum aspersus liberauit filios Israel à seruitute Pharaonis. Sextò, quod suo sanguine mundauerit nos à peccatis nostris. Hoc significant sanguis hircorum & aliorum animalium, teste Apostolo, Hebr. 9. 13. *S. enim sanguis hircorum & taurorum inquinat, sanctificat ad emundationem carnis, quāto magis sanguis Christi emundabit conscientiam nostrā ab operibus mortuorum?* Septimò, quod innocens occisus sit. Hoc significat mactatio Agni Paschalis. Vnde Isaias cap. 53. 7. *Sicut onis ad occisionem ducitur, & quasi agnus coram tondente se obmutescit, & non aperiet os suum.* Octauò, quod tamen innocens fuerit, tamen cum latronibus deputatus sit. Hoc significat hircus, qui loco Agni Paschalis offerri poterat. Hircus enim animal sordidum est. Nondò, quod crura eius non sint fracta. Hoc significat Agnus Paschalis, de quo scriptum est, Exodi 12. 46. *Os non comminuetis ex eo.* Decimò, quod se totum Patri obtulerit, nulla parte sibi reueruata. Hoc significant omnia holocausta.

C 4. Similiter in sacrificio incruento multa spectari possunt. Primò, quod quotidie offeratur in Eucharistia. Hoc significat iuge sacrificium de quo supra. Secundò, quod caro Christi verè comedatur in hoc sacrificio. Ioan. 6. 55. *Caro mea verè est cibus.* Hoc significat caro agni Paschalis, quæ verè comedebatur ab offerentibus. Tertio, quod Christus sumatur sub specie panis & vini. Hoc significat sacrificium Melchisedech, qui panem & vinum obtulit. Quarto, quod comesturi ex hoc sacrificio debeant esse puri à peccatis, ne indignè accedant 1. Cor. 11. 29. *Qui enim manducat & bibit indignè, iudicium sibi manducat & bibit, non diiudicans corpus Domini.* Hoc significat tantū beatissimorum Iob. Quintò, quod debeant habere veram contritionem & dolorem de peccatis præteritis. 1. Cor. 11. 28. *Probet autem scriptum homo.* Hoc significant lætæ agrestes in esu agni Paschalis. Sextò, quod debeant esse parati ad currendam viam mandatorum Dei, & contendere ad cælestia. Hoc significant Iudæi, qui accincti lumbis & calceati, & tenentes baculum in manibus, festinanter comedebant agnum Paschalem. Hæc ferè præcipua sunt. Alia minutiona omitto.

5. Et hætenus quidem generatim de utroque sacrificio noui Testamenti. Nunc speciatim hoc ordine de illis agendum est.

1. De sacrificio Christi cruento in ara crucis.
2. De sacrificio Christi incruento in Missa.

3. Quid Propheta de hoc sacrificio prädixerint.
4. Quid Christus de illo prädixerit, antequam esset in-
finitum.
5. Quid Apostolus Paulus de eo sentiat.
6. Quid antiqui Patres.
7. Quid hoc tempore Christiani.
8. In quo consistat essentia illius.
9. An essentialiter differat ab omnibus aliis sacrificiis.
10. An essentialiter differat à Sacramento Eucharistia.
11. Quis sit principalis offerens in hoc sacrificio.
12. Quem valorem & effectum habeat.
13. An valor & effectus illius sit infinitus.

CAPVT I.

De Sacrificio Christi cruento in cruce.

QUOD oblatio & mors Christi in cruce, fuerit verum sacrificium, testatur Apostolus in epistola ad Hebræos per multa capita, & Dns. Augustinus lib. 1. contra aduersarium legis & Prophetarum cap. 18. & alij. Nec ullus inter Christianos de hac redubit.

1. Potest autem sic explicari. Ad sacrificium requiruntur hæc quinque. 1. sacerdos, qui offert. 2. Victimæ seu hostia, quæ offertur. 3. Immutatio victimæ oblatæ. 4. Altare, in quo fit oblatio. 5. finis, propter quem fit. Hæc omnia locum habent in oblatione & morte Christi. Primò, quia ipsemet fuit sacerdos, & quidem summus Sacerdos, seu Pontifex secundum ordinem Melchisedech. Hebr. 5. 5. Secundò, sicut fuit Sacerdos, sic etiam victima, 1. Cor. 5. 7. *Pascha nostrum immolatus est Christus.* Obtulit enim seipsum, Ephes. 5. 2. *Christus tradidit semetipsum pro nobis in oblationem & hostiam Deo in odorem suauitatis.* Tertiò, obtulit se in mortem & destructionem, Phil. 2. 8. *Factus obediens usque ad mortem.* Quartò, obtulit se in ara crucis, Heb. 12. 2. *Qui in cruce, obtulit se, tanquam sacrificium propitiatorium pro peccatis nostris.* 1. Ioan. 2. 2. *Ipse est propitiatio pro peccatis nostris, non pro nostris autem tantum, sed etiam totius mundi.* De hoc sacrificio eleganter Leo Papa epist. cap. 84. *Quod unquam sacrificium sacratius fuit, quam quod verus Pontifex altari crucis per immolationem suæ carnis imposuit?*

3. Dico hic quæri possunt. Vnum est, cum in Christo dux sint naturæ, diuina & humana, an secundum vñ eandemque naturam facit Sacerdos & victima? Aliqui ex Nouatæ bus docent fuisse Sacerdotem secundum diuinitatem: victimam verò, secundum humanitatem: Rectius antiqui Patres, & victimam, & sacerdotem fuisse secundum humanitatem, Ambrosius lib. 3. de fide, cap. 5. *Idem Sacerdos, idem & hostia: sacerdoti tamen & sacrifici humanæ conditionis est officium.* Et infra: *Nemo ergo, ubi ordinem cernit humanæ conditionis, ibi diuinitatis adscribat.* Fulgentius lib. de fide ad Petrum cap. *Solus Sacerdos, sacrificium, & templum, & hæc omnia Deus, secundum rationem serui.* Similia habent Augustinus lib. 2. de consensu Evangelistarum, cap. 3. & Cyrillus in epistola ad Nestorium, Et ratio est manifesta, quia Sacerdos, qui offert Deo sacrificium, agnoscit illum superiorem, & externo cultu proficitur se illi subiectum esse: At Christus secundum diuinitatem, non agnoscit vllum superiorem, nec vlli subiectus est: Ergo secundum diuinitatem non est sacerdos.

4. Alterum est, quomodo Christus secundum humanitatem potuerit simul esse sacerdos & victima, cum

A seipsum non interfecerit aut mactauerit? *Respondet.* Tamenli phisicè seipsum non interfecerit, tamen mortem & passionem ab aliis sibi illatam voluntariè suscepit; & hoc modo se in sacrificium Deo obrulit; *Dicitur.* Hoc etiam faciunt omnes martyres; & tamen non ideo sacerdotes sunt. *Respondet.* Est magna differentia inter Christum & martyres. Primò, quia Christus adeo voluntariè suscepit mortem, vt posset eam evitare, si vellet. Hoc martyres non possunt. Secundò, Christus à Deo constitutus est & consecratus, vt hoc modo se offerret pro peccatis totius mundi. Martyres non item. Hinc Leo Papa epist. cap. 4. 83. *Quamuis multorum sanctorum in cōspectu Domini, pretiosa mors fuerit, nullius tamen infantis occisio, propitiatio fuit mundi.* Martyres enim non ideo offerunt se voluntariè in mortem, vt expient aliorum peccata (hoc enim solius Christi est) sed vt profiteantur fidem in Christum, qui sua morte & passione, sufficienter satisfecerit pro peccatis aliorum.

CAPVT II.

De sacrificio Christi incruento in Missa.

HOC sacrificium incruentum, quod Christus in vltima cœna instituit, & quod quotidie in Ecclesia peragitur, partim conuenit cum sacrificio cruento, partim ab eo discrepat, vt supra insinuat: Conuenit tripliciter. Primò in re oblata. In utroque enim offertur Christus per modum victimæ. Secundò in principali offerente. Nam Christus, qui in utroque est victima, est etiam in utroque principalis Sacerdos, seu Pontifex. Tertiò, in fine. Nam licet olim in cruce, ita nunc in altari offertur pro peccatis nostris: tamen diuerso modo, vt infra explicabimus.

2. Discrepat verò quintupliciter. Primò, in externa specie. Nam Christus in cruce sub propria forma humana: in altari, sub specie panis & vini offertur. Secundò, in modo & ritu offerendi. Nam in cruce per realem mortem: in altari per mysticam consecrationem immolatur. Tertiò, ex parte ministri. Tamen enim Christus utrobique sit principalis offerens, vt dictum est: tamen in altari utitur ministerio Sacerdotum; quo nec in vltima cœna, nec in cruce usus est. Quartò, ex parte effectus. Nam fructus ille qui per cruentum sacrificium acquisitus est, applicatur nobis partim per sacrificium incruentum, partim per sacramenta & alia media, vt docet Concilium Tridentinum Sess. 22. cap. 2. & nos infra latius. Quintò, ex parte significationis. Nam sacrificium crucis non est typus, seu figura vllius alterius sacrificij, sed omnia alia sunt typi seu figuræ illius. Ad sacrificium incruentum, quod quotidie in missa offertur, est representatio cruenti, quod in cruce peractum est. 1. Cor. 11. 24. *Hoc facite in meam commemorationem. Quotiescumque enim manducabitis panem hunc, & calicem bibetis, mortem Domini annuntiabitis donec veniat.* An autem hæc differentie sint essentielles, an tantum accidentales, cap. 9. explicandum est. Inde enim constabit, an cruentum & incruentum sacrificium sint duo sacrificia essentialiter distincta: an potius vnum secundum essentiam, & diuersum secundum accidentia.

CAPVT III.

Quid Propheta de Deo hoc sacrificio prædixerint.

1. **H**oc incrementum sacrificium, quod quotidie in Ecclesia Catholica offerri diximus, non solum diuersis typis ac figuris in veteri Testamento adumbratum fuit, ut supra ostensum est: sed etiam multis Prophetarum vaticiniis pronuntiatur. Ex istis tria potissimum explicabo.

2. Primum est Isaiæ, qui prælixit, in nouo Testamento fore Sacerdotes, altaria, sacrificia. De Sacerdotibus sic scribit, cap. 66. 19. *Mittam ex eis, qui saluati fuerint ad Gentes in mare, in Africam, Lydiam, Italiam & Græciam, ad eos qui non viderunt gloriam meam, & annuntiabunt gloriam meam Gentibus, & adducunt omnes fratres vestros de cunctis gentibus Domino, ad montem sanctum meum Ierusalem, dicit Dominus. Et assumam ex eis in Sacerdotes & Levitas.* Hæc verba sic explicanda sunt. *Mittam ex eis, qui saluati fuerint*, id est, mittam Apostolos & alios discipulos, qui ex Iudæis credituri sunt in Christum. Quod? *Ad gentes in mare, in Africam, Lydiam, Italiam, Græciam*, id est, ad conuertendos Gentiles, qui toto orbe diffusi sunt. *Qui non audierunt de me*, quia non habuerunt legem & Prophetas à quibus audire possent de venuto Messia, & non viderunt gloriam meam, id est, Christum docentem, & miracula facientem, & annuntiabant gloriam meam Gentibus, id est, gloriæ resurrectionis & ascensionis meæ, & præterea miracula facta in confirmationem meæ resurrectionis. *& adducunt omnes fratres vestros*, id est, Christianos, de cunctis Gentibus: *Ad montem sanctum Ierusalem*, id est, ad Ecclesiam Christi, *Et assumam ex eis*, id est, ex Gentilibus iam conuersis, in Sacerdotes, quod factum est in principio Ecclesiæ, quando Clemens, Dionysius Areopagita, & nonnulli alij Gentiles, post conuersionem, ordinati sunt Sacerdotes & Episcopi in Ecclesia Christi.

3. Iam de altaribus & sacrificiis sic habet, cap. 19. *In die illa erit altare Domini in medio terræ Ægypti, & titulus Domini iuxta terminum eius erit in signum, & in testimonium Domino exercituum in terra Ægypti.* Et paulo post: *Ecce cognoscet Ægypti Dominum in die illa & ceciderunt in hostiis & muneribus.* Hic per Ægyptios intelligi possunt, vel veri Ægyptij, vel generatim omnes Gentiles. Est ergo hic sensus. In die illa, quando prædicabitur Euangelium Christi, erit altare in medio terræ Ægypti, id est, altare Christi erit in medio gentium. Non enim ad solos Iudæos pertinebit. Et titulus Domini iuxta terminum eius, erit in signum & in testimonium Domino exercituum in terra Ægypti. Quod optime intelligitur de titulo, quem Pilatus affixit cruci Christi: Iesus Nazarenus Rex Iudæorum. Nam hic titulus toto orbe terrarum erectus est, in signum & testimonium quod ubique Christus prædicetur & agnoscat. Et cognoscet Ægypti Dominum in die illa, per fidem: & ceciderunt in hostiis, id est in sacrificiis, in sacrificio Missæ, quod quauis vnicum sit, tamen multis hostiis ac oblationibus in veteri Testamento fuit præfiguratum, & ideo plurali numero, hostiarum nomine designatur.

4. Hinc constat, Isaiam vaticinatum esse de Sacerdotibus Christianis, qui in altari oblaturi erant sacrificium Missæ. Quod sic ulterius confirmo. In nouo Testamento, iuxta Isaiam, sunt Sacerdotes, altaria, sacri-

ficia. Hoc vel intelligi debet de solo Christo Sacerdote, & eius cruento sacrificio in ara crucis; vel de omnibus Christianis, qui offerunt Deo in ara cordis sui sacrificia spiritualia, id est, orationes & alia bona opera: vel denique de quibusdam Christianis, qui speciatim ad hoc deputati sunt, ut offerant in altari sacrificium incrementum, quod in vltima cæna à Christo institutum est. Præter hæc tria membra, non video quartum. At non potest intelligi primo modo, de solo Christo, quia Isaias loquitur de Sacerdotibus, qui assumpti sunt ex Gentilibus ad fidem conuersis. Hoc Christo accommodari non potest. Nec secundo, de omnibus promiscue Christianis, quia Isaias distinguit Sacerdotes Christianos à reliquo populo Christiano, cum ait; *Assumam ex eis Sacerdotes*: Ergo per Sacerdotes non intelligit omnes Christianos, sed eos duntaxat, qui peculiariter assumpti à Deo sunt ad sacrificandum. Atque hoc est tertium membrum, quod probandum erat. Eodem sensu locutus est Ieremias, cap. 33. 18. *De Sacerdotibus non interibit vir à facie mea, qui offerat holocausta, & incendat sacrificium, & cedat victimas, omnibus diebus, nempe usque ad mundi consummationem.*

5. Alterum vaticinium est Danielis, qui prædixit fore, ut Antichristus in fine mundi auferat iuge sacrificium Christianorum. Sic enim habet cap. 8. 11. *Vsq̃ ad principium fortitudinis, magnificatum est, & ab eo iugis iuge sacrificium, & desecit locum sanctificationis eius.* Et iterum cap. 12. 11. *Et à tempore, cum ablatum fuerit iuge sacrificium, & posita fuerit abominatio desolationis, dies mille ducenti nonaginta.* Prior loco agit de Antiocho Rege, qui abstrulit iuge sacrificium Iudæorum: posterior de Antichristo, qui ablaturus est iuge sacrificium Christianorum. Sicut enim Antiochus fuit figura seu typus Antichristi (ut colligitur ex Dan. 11. 36. & ex Apoc. 13. & ex Apoc. 2. Thess. 2.) sic iuge sacrificium Iudæorum fuit figura iugis sacrificij Christianorum: ut supra notatum est. Porro per hoc iuge sacrificium Christianorum non potest aliud intelligi, quam sacrificium Missæ, quod quotidie in Ecclesia Christi, sine vlla intermissione, offertur, ut rectè præter alios notauit Hippolytus Martyr in lib. de Antichristo. Nam quod aliqui Nouatores dicunt, intelligi prædicationem Euangelij, quæ ab Antichristo impediatur, ridiculum est. Debet enim intelligi de eo sacrificio, cuius figura fuit iuge sacrificium Iudæorum, in quo quotidie duo agni offerebantur Deo in holocaustum: At iuge sacrificium Iudæorum non fuit figura prædicationis Euangelij, sed veri alicuius sacrificij. Sicut enim ipsum erat verum ac propriè dictum sacrificium, quod nemo hætenus negauit, sic debuit esse figura veri & propriè dicti sacrificij, alioquin non esset apta proportio inter figuram & figuratum. Quis autem ynquam dixit, prædicationem Euangelij esse verum & propriè dictum sacrificium, aut quam proportionem habet hæc prædicationum duobus agnis, qui quotidie immolabantur?

6. Tertium vaticinium, & quidem luculentissimum est Malachie, qui prædixit, Sacerdotes Christianos obluros Deo mundum sacrificium omni tempore: & ex hac parte præfert illos Sacerdotibus Moisaicis, qui sæpe immundum offerebant. Verba Malachie c. 1. 6. sunt hæc: *Hæc dicit Dominus exercituum, ad vos, o Sacerdotes, qui despiciitis nomen meum, & dixistis; In quo despeximus nomen tuum? offeris super altare meum panem pollutum & dicitis, in quo polluimus te? In eo quod dicitis, mensa Domini de peccata est. Si offeratis iaculum ad immolandum, nonne malum est? & si offeratis claudum & languidum, nonne malum est? Et infra ver. 10. Non est mihi voluntas in vobis, dicit Dominus exercituum, & munus non suscipiam de manu vestra. Ab ortu enim solis usq; ad occasum, magnus est nomen meum in Gentibus, & in omni loco sacrificatur & offertur nomini meo oblatio munda, quia*

quia magnum est nomen meum in Gentibus, dicit Dominus exercituum.

7. Hic clarè vides, Malachiam agere contra Sacerdotes Iudzorum, & duo prædicare. 1. illorum sacrificia esse abroganda. 2. succellurum novum sacrificium Christianorum. In priori attingit reiectionem seu reprobationem Iudzorum: in posteriori, electionem seu vocationem Gentium. Sed verba Malachie explicanda sunt. *Offeritis super altare meum panem pollutum*, id est, in sacrificiis vestris offeritis panem, qui non est factus & paratus secundum præscriptum legis. *Et dicitis, in quo polluitur te?* id est, polluitis seu contemnitis me, offerendo polluta munera contra præscriptum legis, & tamen quasi nihil agatis mali, queritis, in quo me polluat? *In eo, quod dicitis, mensa Domini despecta est*, id est, In eo polluitis me, quia dicitis non esse magni momenti, etiamsi panes, qui offeruntur in altari, non sint facti secundum legem. *Si offeratis cæcum ad immolandum nonne malum est?* Ad est, an non polluitis & contemnitis me, quando vilissima quæque ex animalibus offeritis mihi, cum tamen prohibuero vobis, ne cæca, clauda, & languida mihi offerretis? *Levit. 22. 22. Non est mihi voluntas in vobis, & munus non suscipiam de manu vestra*, id est, sacrificia vestra, quæ hoc modo contra legem offeritis, mihi non placent. *Ab ortu solis usque ad occasum, magnum est nomen meum in Gentibus*, id est, Christiani, qui ex Gentibus ad fidem convertentur, maiori religione colent nomen meum toto orbe terrarum, quam vos hætenus feceritis in Iudæa; *Et in omni loco sacrificatur & offertur nomini meo oblatio munda*, id est, ubique mihi offeretur à Christianis, non pollutum sacrificium quale vos offeritis, sed mundum.

8. Hætenus verba Malachie. Nunc quæstio est, quid intelligat per sacrificium seu oblationem mundam, quam Christiani Deo offerunt? Catholici interpretantur de visibili & propriè dicto sacrificio, quod consistit in oblatione corporis & sanguinis Christi sub specie panis & vini. Calvinistæ contra, de spiritali & impropriè dicto sacrificio, quod consistit in bonis operibus, ut in oratione, gratiarum actione, patientia, elemosyna. Sed facile refelluntur his argumentis.

9. Primum, Malachias loquitur de oblatione munda, at bona opera Christianorum, secundum Calvinistas, non sunt munda, sed potius sordes, inquinamenta, maculae. Sic enim loquitur Calvinus libro 3. Inst. c. 12. §. 4. *Omnia hominum opera nihil sunt, nisi inquinamenta & sordes: & quæ iustitia vulgo habetur, ea apud Deum nostra est iniquitas*. Et c. 15. §. 3. *Nihil ab homine exis, quantumvis perfectio, quod non sit aliqua macula inquinatum*. Ergo bona opera, saltem secundum Calvinistas, non possunt vocari munda oblatio, de qua Malachias loquitur.

10. Secundò, Malachias opponit oblationem nostram oblationi Iudzorum: & hæc vocat pollutam, illam mundam. Quæro nunc, an opponat vnam alteri ex parte offerentium tantum an potius ex parte rei oblatæ? Non ex parte offerentium tantum, quia sicut Sacerdotes mosaici poterant esse mali & polluti variis peccatis: sic etiam Sacerdotes Christiani. Nec enim omnes sancti & mundi sunt, ergo ex parte rei oblatæ debet esse differentia seu oppositio. Hæc autem in eo consistit, quod panes, libamina, & animalia, quæ offerebantur in veteri Testamento, tamen non semper essent polluta, erant tamè pollutioni obnoxia. Sæpè enim contingebat, habere aliquod vitij seu defectus, ut sacrificio non essent apta, et hoc est, quod conuenitur Deus per Prophetam: *Offeritis super altare meum panem pollutum*. Et iterum *Offeritis cæcum, claudum & languidum, ad immolandum*. Id autem, quod offertur in nouo Testamento, neque re ipsa pollutum est, neque pollutioni seu immunditæ obnoxium. Et quid aliud hoc

Opusc. Bec.

A esse potest, nisi corpus & sanguis Christi? Nam reliqua omnia, quæ à Christianis offerri possunt, tamen sæpe bona & munda sunt (quod negat Calvinus) cuiusmodi tamen sunt, ut pollui & contaminari queant: non minus, quàm panes & animalia Iudzorum.

11. Tertio, Malachias non solum loquitur de munda, sed etiam de noua oblatione, quæ successura sit sacrificio Mosarico, & futura propria Christianorum. At bona opera fidei, spei, charitatis, patientiæ, orationis, neque noua sunt, neque succedunt sacrificio Mosarico, neque sunt propria Christianorum: cum fuerint vlitata ab initio mundi usque ad nostra tempora, à Patriarchis, Prophetis, Apostolis, & eorum successoribus: Ergo bona opera non sunt oblatio munda, de qua loquitur Malachias. *Responder* Hutterius in Triumpho contra Bellarmin. pag. 211. per oblationem mundam non intelligi bona omnia opera, quæ faciunt Christiani, sed prædicationem euangelij, quæ dicitur noua, non simpliciter, sed comparatè, quia nimium clarior & illustrior est in noua lege, quàm in veteri. Sed hic homo, & sibi ipsi contradicit, & nihil aliud, quam somnium suum narrat. Nam paulo post, pag. 21. 4. expressè ait, omnes pios ac fideles noui Testamenti offerre Deo sacrificium mundum, de quo loquitur Malachias. Constat autem non omnes prædicare Euangelium. Quomodo ergo prædicatione euangelij potest esse sacrificium, de quo loquitur Malachias? Non coherent ista inter se. Deinde quæ est proportio inter sacrificia Iudzorum & prædicationem euangelij? aut quæ hæc connexio est: *Sacerdotes Mosaiici offerunt mihi panes pollutos & animalia cæca, clauda & languida: At Christiani prædicabunt Euangelium*? Quanto melior & accommodatior hæc nostra est: *Sacerdotes Mosaiici offerunt mihi victimas pollutas: Christiani offerent sanctam & impolutam*. In hac enim confertur sacrificium cum sacrificio, pollutum cum impolluto: quod in illa non fit.

12. Quartò, accedit autoritas SS. Patrum, qui vaticinium Malachie explicant de sacrificio Missæ. Iustinus Martyr in Dialogo cum Triphone contra Iudeos, sic habet: *De nostris Gentium, quæ in omni loco offeruntur, sacrificijs, hoc est, pane Eucharistia, & poculo similiter Eucharistia, iam tum locutus Malachias, prædixit nos quidem glorificare nomen eius, vos autem prophanare*. Quid clarius dici potuit? Similia habent alij Patres citati apud Bellarminum lib. 1. de Missa capit. 10. & apud Valentiam Tom. 4. disput. 6. quæst. 1. pag. 1. Nec opus est eos hic recensere, quia infra c. 6. d. sententia Patrum ex professo dicturi sumus.

CAPVT IV.

Quid Christus de hoc Sacrificio prædixerit, antequam ab ipso institutum esset.

NON solum Prophetæ in veteri Testamento; (et etiam Christus in Evangelio prædixit fore aliquod verum & propriè dictum sacrificium in ecclesia, quod certè non potest esse aliud, quàm sacrificium in cruentum quod in vittima cæna ab ipso institutum est. Hoc colligitur ex colloquio Christi & mulieris Samaritanæ, quod habetur Ioan. 4. 19. his verbis: *Dicit ei mulier; Domine, video, quia Propheta es tu. Patres nostri in monte hoc adorauerunt, & vos dicitis, quid Ierosolymis est locus ubi adorare oportet. Dicit ei Jesus: Mulier crede mihi, quin venis hora, quando negasti*

monte hoc, neque in Ierosolymis adorabitis Patrem. Vos A adoratis, quod nescitis. nos adoramus, quod scimus, quia solus ex Iudeis est: Sed venit hora & nunc est, quando veri adoratores adorabunt Patrem in spiritu & veritate.

2. Hic constat Christum loqui de adoratione non quacunque, sed de solemnī & publica, quæ sit per sacrificium propriè dictum, ut à multis notatum est. Antequam hoc ostendam, notandum est, vñtatum esse in scripturis, ut per adorationem intelligatur sacrificium, ut patet ex illo Ioan. 12. 20. *Erant autem quidam Gentiles ex his, qui ascenderant, ut adorarent in die festo.* Et Act. 8. 27. *Eunuchus venerat adorare in Ierusalem.* In his locis, adorare est idem, quod sacrificare. Idem enim ex longinquis regionibus veniebant homines in Hierusalem, quia non licebat alio loco sacrificium offerre. Adoratio autem simplex, sicut etiam preces, poterant ubique fieri. Idem patet ex verbis Abrahami, qui cum iussus esset sacrificare filium suum, & iam instructus gladio & igne ad sacrificandum procederet, dixit famulis suis, Genes. cap. 22. vers. 5. *Expectate hic cum asino. Ego autem & puer illius usque properaui. postquam adoraverimus, reuertemur ad vos.* Vbi etiam adorare, est idem, quod sacrificare: quia si loqueretur de simplici adoratione, non fuisset opus ire ad montem, quia illa potuisset ubique fieri. Loquitur ergo de sacrificio, quod illi à Deo imperatum erat.

3. Nunc, quod Christus eodem modo loquatur de adoratione publica & solenni, quæ sit per sacrificium propriè dictum, probatur ex scopo & occasione totius colloquij, hoc modo. Samaritana, aduertens Christum esse Prophetam proposuit illi quæstionem de Schismate Iudeorum & Samaritanorum, quæ erat hæc: veri re-
ctius facerent ac sentirent Samaritani, qui adorabant in monte Garizim iuxta oppidum Sichimorum, an Iudei, qui contendebant, non ibi, sed Hierosolymis in templo adorandum esse? At hæc quæstio intelligebatur de adoratione per sacrificium. Hoc constat ex Iosepho l. 1. antiqu. c. 7. & 8. ubi scribit de origine illius Schismatis inter Iudeos & Samaritanos quæ fuit eiusmodi. Mortuo Salomone diuisum est regnum in duas partes. Vnam, quæ constabat duabus tribubus, retinebat Roboam filius Salomonis: Alteram, quæ constabat decem tribubus, abstraxerat Ieroboam, seruus Salomonis. Prior pars vocabatur regnum Iuda: posterior regnum Israël. Igitur Ieroboam, facta hac separatione, & constituto iam nouo regno, cepit timere, ne decem tribus, quas sibi subiecerat, si singulis annis irent Hierosolymam ad offerendum sacrificium iuxta legem à Deo datam, iterum coniungerent se duabus tribubus & se deserto, ad Regem Roboam, tanquam legitimum Dominum delaberentur. Ut ergo hoc impediret, curauit constari duos vitulos, quorum alterum in Bethel, alterum in Dan collocauit, & per sacrificia pro Diis adorari iussit. Atque ita factum est, ut nemo deinceps Hierosolymam, sacrificij offerendi causa proficisceretur. Hinc prima orta est dissensio religionis quæ longè post, in hunc modum confirmata est. Post captiuitatem Babylonicam, cum Rex Persarum Darius rerum potiretur, fuit Hierosolymis quidam Iudeus ex genere Sacerdotali, nomine Manasses Iaddi, summi Sacerdotis frater, qui in uxorem duxit filiam Sanaballetis Cuthzi, qui sub Dario tunc erat præfectus Samariæ. Propter hoc matrimonium cum Gentili femina contractum, prohibitus est à fratre suo, & à cæteris Iudeis, fungi officio Sacerdotali. Igitur accessit Sanaballetem; & prædixit se non posse filiam ipsius, quam sibi desponderat, retinere, eo quod propter illam arceretur à dignitate Sacerdotali. Malle se uxore, quàm hac dignitate priuari. Sanaballetes, ut satisfaceret homini, promittit se ædificaturum templum in monte Garizim;

æquale templo Ierosolymitano: & in eo summum Sacerdotum se illi daturum pollicetur. Quod etiam factum est. Itaque ab eo tempore ceperunt Samaritani in illo Templo Sacrificia offerre, sicut Iudei in Templo Ierosolymitano offerebant.

4. Ex dictis manifestum est, quæstionem de adoratione, quæ agitabatur inter Iudeos & Samaritanos, semper intellectam fuisse de adoratione per sacrificium quæ certo loco erat alligata: non de adoratione simplici: quæ poterat ubique fieri. Eam ergo Samaritana proposuit Christo, tanquam Prophetæ dissoluendam. *Domine, inquit, video, Prophetam es tu.* Quid sentis de hac nostra controuersia? Aut quis locus ille est, in quo oportet adorare? *Patres nostri in hoc monte adorauerunt.* At Iudei dicunt, *quia Ierosolymis est locus, in quo adorare oportet.* Quid tibi videtur? Respondit Christus: *Mulier, crede mihi, quia venit hora, quando neque in monte hoc, neque Ierosolymis adorabitis Patrem, id est, veniet tempus, quando adoratio per sacrificium, neque huic monti, neque Ierosolymis erit alligata: sed in omni loco offeretur Deo sacrificium.* Quod etiam factum est. Vbi que enim offertur incrementum Christi sacrificium. Et hoc est, quod prædixit Malachias: *In omni loco offeretur nomini meo obla ieiunanda.*

5. Dices: Christus videtur loquutus esse de adoratione interna, quæ sit per fidem & adorationem, non de externa, quæ sit per sacrificium. Hoc colligitur ex illis verbis, quæ sequuntur: *Veri adoratores adorabunt Patrem in spiritu & veritate.* Respondeo. Christus sine dubio locutus est de ea adoratione, de qua rogabatur à Samaritana: rogabatur autem de externa, quæ sit per sacrificium; de ea igitur locutus est. Nec obstant illa verba: *In spiritu & veritate.* Imò maxime ad rem nostram faciunt: quod sic ostendo. Litigabant Iudei & Samaritani de loco sacrificij. A Christo quærebatur quid sentiret. Is, quia videbat ex vtraque parte esse aliquid culpæ, vtrique responsum accommodauit. In Samaritanis erat hæc culpa, quod falsis Diis sacrificarent. Hoc insinuat Christus, cum ait: *Vos adoratis, quod nescitis:* Iudei, tametsi vero Deo sacrificia offerrent, nihil tamen aliud, quàm carnem animalium offerebant, idque ex mera ceremonia, sine interno religionis ac pietatis affectu: quod sæpe à Prophetis obiectum illis est, & à Christo repetitum in Euangelio: *Populus hic labiis me honorat, cor autem longe est à me.* Igitur in sacrificijs Samaritanorum erat error seu fallitas, quia ignorabant verum Deum: in sacrificijs Iudeorum, erat caro sine spiritu, quia offerebant carnes animalium, sine spiritu fidei ac deuotionis. Vtrosque taxat Christus, cum ait: *Veri adoratores adorabunt Patrem in spiritu & veritate.* Nam spiritum carni, veritatem falsitati opponit. est ergo hic sensus. *Veri adoratores, id est, Christiani qui verum Deum legitimè colunt: non falsum, ut Samaritani, nec verum illegitimè, ut Iudei: adorabunt Patrem, id est, sacrificabunt Deo, in spiritu, deuotionis, & in veritate agnitionis, non sola carne, ut Iudei: nec in errore, ut Samaritani.* Et sic res habet. Quod autem Christus loquatur de sacrificio Missæ, quod in vltima cœna ab ipso institutum est dubitari non potest. De quo enim alio loqueretur? Hoc magis ex sequenti capite constabit.

CAPVT V.

Quid sentiat Apostolus Paulus de hoc sacrificio.

1. **I**N A postolo Paulo habemus duo illa seria loca pro sacrificio Eucharistiae. Alter est, 1. Cor. 10. 23. *Fugite ab idolorum cultura. Calix benedictionis cui benedicimus, nonne communicatio sanguinis Christi est? & panis, quem frangimus, nonne participatio Corporis Domini est? Videte Israel secundum carnem: nonne qui edunt hostias participes sunt altaris? Quid ergo? Dico, quod idolis immolatum sit aliquid? aut quod idolum sit aliquid? Sed qui immolant Gentes, demoniis immolant, non Deo. Nolo autem vos socios fieri demoniorum. Non potestis calicem Domini bibere, & calicem demoniorum. Non potestis mensa Domini participes esse, & mensa demoniorum.*

2. Hic agnoscit Apostolus triplicem mensam, seu triplicem altare. Vnum, in quo Gentiles sacrificant idolis seu demoniis. Alterum, in quo Iudaei offerunt Deo victimas ex animalibus. Tertium, in quo Christiani offerunt corpus & sanguinem Christi sub specie panis & vini. At quorsum? Vult probare, Corinthios debere abstinere ab idololatriis, id est, à carnibus, quae idolis seu demoniis sunt oblatae. Hoc sic probat: Qui comedit de victimis, quae in altari idololatriæ immolantur sunt idolis seu demoniis, ille est particeps altaris seu sacrificij idololatriæ, & consequenter est cultor idolorum seu demoniorum: Sed vos, cum sitis Christiani, non debetis esse participes altaris seu sacrificij idololatriæ, neque cultores idolorum (*fugite, inquit, ab idolorum cultura.*) Ergo non debetis comedere de victimis, quae immolatae sunt idolis. Maiorem probat à simili: ut videtur duplici exemplo: altero Christianorum, altero Iudeorum, hoc modo: Christiani, qui sumunt de corpore & sanguine Christi, sunt participes altaris seu sacrificij Christi. At Iudaei, qui comedunt de victimis Mosaicis, sunt participes altaris seu sacrificij Mosaici: Ergo similiter, qui comedunt de victimis, quae immolatae sunt idolis, seu demoniis, sunt participes altaris seu sacrificij idololatriæ. At nemo potest simul esse particeps altaris Christi & idolorum: Ergo si vultis esse participes altaris Christi, debetis abstinere ab altari & sacrificio idolorum: aut si ab hoc non abstinetis, non potestis esse participes altaris Christi. Hic est discursus Apostoli. ex quo patet, non minus apud Christianos, quam apud Iudeos & Gentiles esse altare, sacrificium: & participantes de sacrificio. et quidem sacrificium Christianorum consistere in oblatione corporis & sanguinis Christi, sub specie panis & vini. Hoc enim expressè significat Apostolus, cum ait: *Calix benedictionis, cui benedicimus, nonne communicatio sanguinis Christi est? & panis quem frangimus, nonne participatio corporis Domini est?*

3. Alter locus est Hebr. 7. 12. *Translatio sacerdotio, necesse est, ut & legis translatio fiat.* Vbi sub nomine sacerdotij comprehenditur etiam sacrificium, & per legem intelligitur lex divini cultus. Est ergo hic sententia verborum Apostoli: Sacrificium & lex divini cultus ita connexa sunt, ut vnum sine altero esse non possit: & vno translato, alterum quoque transferri necesse sit. Unde sicut est triplex lex, quae praescribit divinum cultum: Vna naturalis, ab Adamo usque ad Moysen: Altera Moysaica, à Moysen usque ad Christum: Tertia Evangelica à Christo usque ad finem mundi: ita triplex debet esse sacrificium: vnum, quo colligitur Deus

Opusc. Bec.

A iuxta legem naturalem: alterum, quo colitur iuxta Moysaica: tertium, quo iuxta Evangelicam. Et quotiescunque lex divini cultus mutatur, toties sacrificium mutari necesse est.

4. Hoc clarius sic explico. Sicut homo constat duplici parte, nempe anima & corpore, ita lex praescribit illi duplicem cultum, quem tenetur Deo exhibere: vnum internum, alterum externum. Internus consistit in actu fidei, spei, timoris, dilectionis. externus in solo sacrificio. Nam reliqui externi cultus, quicunque illi sint, possunt etiam hominibus exhiberi. Solum sacrificium peculiariter statutum est ad colendum Deum. Et igitur sublato, nihil reliquum est, quo Deum specialiter ratione colamus. Hinc sequitur, legem quae praescribit externum cultum Dei, non aliam praescribere, nisi sacrificium, quia nullus alius est. Deinde eiusmodi legem, nec mutari, nec abrogari, nec restaurari posse, nisi mutato, aut abrogato, aut restaurato sacrificio.

5. Hinc tandem ita concludo. Vbiunque est peculiaris lex & religio, ibi debet esse peculiare sacrificium, quo Deus ex praescripto illius legis colitur: sed apud Christianos est peculiaris lex & religio, nempe Evangelica, distincta à lege naturali & Moysaica: Ergo apud Christianos est peculiare sacrificium, quo Deus colitur, distinctum à naturali & Moysaico. At hoc non potest esse aliud, quam incrementum sacrificij eucharistiae: Ergo illud est. Maior patet ex dictis. Minorem probō, quia si esset aliud, maxime esset cruentum, quod semel in cruce peractum est. Sed non est. Primb, quia illud à Christo, tanquam communi redemptore, pro omnibus oblatum est, tam iis, qui vixerunt in lege naturae & Moysaica, quam qui vivunt in Evangelica: *Pro omnibus enim mortuus est Christus.* Sicut ergo praeter illud, fuit aliud in lege naturae, & aliud in Moysaica: sic etiam aliud est in Evangelica. et sicut sacrificium legis naturae & Moysaicae erat typus seu figura futuri sacrificij cruenti (Hebr. 10.) sic nostrum est imago seu representatio praeteriti (1. Corin. 11.) Secundò, quia lex divini cultus debet obligare eos, qui subiecti sunt legi. Sicut ergo Patriarchae & Prophetae, qui subiecti erant legi naturali & Moysaicae, non obligabantur Deum colere; nisi per sacrificia, quae representabant futurum sacrificium crucis: ita nos, qui subiecti sumus legi Evangelicae, non obligamur Deum colere, nisi per sacrificium Eucharistiae, quod representat praeteritum sacrificium crucis. ergo signum est, quod lex divini cultus, tam in veteri, quam in nouo Testamento, non respiciat immediatè cruentum sacrificium crucis: sed potius alia sacrificia, quatenus illius, siue futuri, siue praeteriti, representativa sunt.

CAPVT VI.

Quid sentiant antiqui Patres de hoc sacrificio.

1. **A**Ntiqui Patres tam disertè & clarè loquuntur de sacrificio Eucharistiae, in quo Christus sub specie panis & vini quotidie offertur in Ecclesia, ut nemo, qui illos aspexerit, de ipsorum sententia dubitare possit. Hoc quinque modis ostendo.

1. Primb, quia quando loquuntur de eucharistia, passim usurpant has voces, *sacrificium, oblatio, immolatio, hostia, victima, offerre, sacrificare, immolare.* Ita Andreas Apostolus, Hippolytus martyr, Ambrosius, Gregorius, Nyssen, Chrysostomus, Augustinus, Cyrillus, Leo, Fulgentius, & alij, apud Bellarm. lib. de Missa, cap. 15.

Qq ij

3. Secundo, quia requirunt altaria ad celebrandam Eucharistiam. Altaria autem non eriguntur, nisi ratione sacrificij. Supponunt ergo, Eucharistiam esse sacrificium. Ita Cyprianus, Eusebius, Optatus Milevitanus, Ambrosius, Nazianzenus, Nyssenus, Chrysostomus, Hieronymus, Augustinus, & alij apud eundem cap. 16.

4. Tertiò, quia ministros, qui eucharistiam offerunt, vocant *Sacerdotes*: & eorum ministerium, *sacerdotium*. Proprium autem munus Sacerdotis est, offerre sacrificium, Hebr. 5. 1. & cap. 8. 3. Ita Gaudentius, Hieronymus, Ambrosius, Eusebius, Cyprianus, Tertullianus, Augustinus, Chrysostomus, & alij apud eundem cap. 17.

5. Quartò, quia docent, eucharistiam celebrari & offerri posse pro vivis & defunctis: pro pace & inopulento: & generatim, pro omnibus necessitatibus, tam corporis, quàm animi: quod sanè non dicerent, nisi putarent esse verum sacrificium. Ita Chrysostomus & Augustinus variis locis, apud eundem capite 19.

6. Quintò, quia dicunt Melchisedechum fuisse verum Sacerdotem, & obtulisse panem & vinum in sacrificium: & hoc modo præfigurasse incruentum sacrificium, quod Christus, sub specie panis & vini instituit in ultima cœna: Eamque ob causam Christum in scriptura vocari *Sacerdotem secundum ordinem Melchisedech*. Ita Clemens Alexandrinus, Cyprianus, Eusebius, Hieronymus, Augustinus, & alij supra citati libro 1. cap. 4.

7. His addi possunt, qui vaticinium Malachie, de quo supra dictum est, interpretantur de sacrificio Eucharistiae, ut Iustinus martyr, Irenæus, Tertullianus, Cyprianus, Eusebius, Chrysostomus, Hieronymus, Augustinus, & plures alij, Apud Bellarminum lib. 1. cap. 10.

8. Ex quibus omnibus abundè constat de sententia antiquorum Patrum, neque necesse est, integra eorum testimonia huc transcribere, cum Aduersarij concedant eos ita sentire. Nam Kemnitius in Examine, de iis sic scribit: *Negari non potest, veteres, quando loquuntur de celebratione cœnae Dominicae, usurpare vocabula sacrificij, immolationis, hostia, victima: item, ut verbis offerre, sacrificare, immolare*. Similia habent Lutherus & Calvinus, ut sequenti cap. videbimus.

CAPVT VII.

Quid sentiant Christiani hoc tempore?

1. Catholici docent Eucharistiam esse veram ac propriè dictum sacrificium, ut patet ex Concilio Tridentino, Sess. 22. c. 1. & sequentibus: & ibid. can. 1. *Si quis dixerit, in Missa non offerri Deo verum & proprium sacrificium, anathema sit*. Et in formula professionis fidei. *Profiteor pariter, in Missa offerri Deo verum, proprium, & propitiatorium sacrificium pro vivis & defunctis*.

2. Lutherani & Calvinistæ negant esse verum sacrificium: & quod gravior est, per contemptum vocant, *horribile sacrilegium, idololatriam, sacrificij crucis, Christi abnegationem, commentum Papisticum, abominationem, exitialem voraginem, & si quæ similia cogitare possunt*. Ita post Calvinum David Paræus in commentario à pistole ad Hebræos, & alij eiusdem farinae Nouatores.

3. Vtri rectius, videndum est. Catholici nituntur quinque fundamentis. 1. figuris veteris Testamenti.

A 2. vaticiniis Prophetarum. 3. colloquio Christi cum Samaritana. 4. autoritate Pauli Apostoli. 5. consensu antiquorum Patrum & totius ecclesiæ. Ex his formant totidem argumenta. Primum, oblatio panis & vini à Melchisedech facta, & celebratio agni Paschalis, & iuge sacrificium Iudæorum, fuerunt typi seu figuræ celebrationis Eucharistiae, sed illæ erant vera sacrificia: Ergo & celebratio Eucharistiae est verum sacrificium. Secundum, Isaias, Daniel & Malachias prædixerunt in nouo Testamento fore Sacerdotes, altaria, & iuge sacrificium seu oblationem mundam in omni loco offerendam. Hoc non potest intelligi, nisi de sacrificio Eucharistiae, ergo de illo vaticinati sunt. Tertium, Christus dedit hoc discrimen inter sacrificium Iudæorum & Christianorum, quod illud fuerit alligatum certo loco: hoc in omni loco offerri possit. est autem locutus de sacrificio propriè dicto: Ergo apud Christianos datur aliquod sacrificium propriè dictum, quod in omni loco offerri potest. Hoc autem non est sacrificium crucis cruentum quod semel tantum, & vno loco oblatum est: ergo est sacrificium eucharistiae incruentum, quod quotidie in omnibus ecclesiis offertur. Quartum, Apostolus volens probare, eos esse participes sacrificij idololatrici, qui comedunt de victimis oblatis in altari idololatrico: usus est tali discursu: Qui sumunt de corpore & sanguine Domini, oblatis in altari Christi, sunt participes sacrificij Christiani. Et similiter, qui sumunt de victimis oblatis in altari Mosaico, sunt participes sacrificij Mosaici: ergo pari ratione, qui sumunt de oblatis in altari idololatrico, sunt participes sacrificij idololatrici. Hic autem discursus supponit, non minus apud Christianos esse verum sacrificium & altare, quàm apud Iudæos olim fuerit. Deinde idem Apostolus docet, sacrificium esse, vbicunque lex est: sed apud Christianos est vera lex: Ergo verum sacrificium. Quintò, omnes Patres cum tota antiquitate, & communi populorum suffragio, docent celebrationem Eucharistiae esse verum sacrificium: At non est verisimile, omnes, quotquot in antiqua Ecclesia vixerunt, in re tanta errasse: ergo potius statuendum est, ita rem habere: & temerarios esse Nouatores qui nunc aliter sentiunt.

D 4. Hæc Catholicorum argumenta sunt. Quid nunc Aduersarij? Fundant se primò in disputatione diaboli cum Luthero. Secundo, in simplici negatione omnium argumentorum, quæ nunc allata sunt. *Si nihil habetur*, (inquit Lutherus de capt. Babylonica) *quod dicatur, iustus est omnia negare, quàm Missam sacrificium esse concedere*. Breue compendium. Tertiò, in contemptu omnium Patrum & totius antiquitatis. Lutherus in libro de abroganda Missa; *Profiteor in primis aduersus eos, qui clamantur sunt, quod contra ritum Ecclesiæ, contra statuta Patrum docuerim, nihil horum me audiuerim*. et in l. contra Regem Angliæ: *Vltimo dicta Patrum inducit Rex pro Missario sacrificio, & videt meam stultitiam, quod solus velim sapere præ omnibus*. Hoc est, quod dixi Thomisticos asinos nihil habere, quod producant, nisi multitudinem hominum, & usum antiquum. Et in l. de Missa priuata: *Hic non moramur, si clamitent Papistæ, Ecclesiæ, Ecclesiæ, Patres, Patres: quia, ut dixi, hominum dicta aut facta, nihil in tam magnis causis curamus*. Scimus enim ipsos Prophetas lapsos esse, adeoque Apostolos: verbo Christi indicamus Ecclesiæ, adeoque ipsos Angelos. Similia habent Nouatores alij. Calvinus l. 4. Inst. c. 8. §. 1. *Pestilentissimo errore Satan totum pene orbem excecavit, ut crederet Missam sacrificium*. Et infra §. 12. *Non est, cur ulla hominum autoritate, vel annorum præscriptione patiamur nos moueri*. Kemnitius in examine Concilii Tridentini. *Neque veterum qualescunque sententia, sed Scriptura canonica regula est in hac controversia*.

5. *Assumat nunc prudens Lector, quos sequi vo-*
let, nos an aduersarios? Nos tenemus viam anti-
quorum Patrum, & cum iis Scripturam interpreta-
mur. Aduersarii reiiciunt totam antiquitatem. Aiunt,
non modo Patres, sed etiam Prophetas, & Apo-
stolos, & totam ecclesiam errasse: se solos non er-
rasse. Imò, se Iudices esse Ecclesie, Apostolorum,
atque adeò Angelorum. Magnus spiritus: magna
presumptio. Videamus tamen, quæ argumenta con-
tra nos adferant. Ea duplicia sunt. Alia, quibus con-
tendunt Eucharistiam non esse sacrificium; alia, qui-
bus vrgent, non esse sacrificium propitiatorium pro
peccatis. Hæc cap. 12. examinabimus. Nunc priora
discutienda sunt. Et quidem hæc potissimum.

Argumenta Nouatorum.

6. *Primum*, Sacrificium debet offerri Deo, non
autem comedi ab hominibus: At eucharistia comedi-
tur ab hominibus: Ergo non est sacrificium. *Respon-*
deo. Maior, quoad posteriorem partem, aperte falsa
est. Nam agnus Paschalis erat verum sacrificium, &
tamen comedebatur ab Hebræis. Nec enim pugnant
hæc duo inter se: Totum sacrificium offertur Deo: &
tamen sacrificium, vel pars eius comeditur ab homini-
bus. Hoc non solum patet in Paschali, qui totus offe-
rebatur Deo, & totus comedebatur à populo: sed etiam
in hostiis pacificis, quæ integræ offerebantur Deo, &
tamen pars earum cedebat in vsum & Sacerdotum &
offerentium. Eodem modo in eucharistia. Tota offer-
tur Deo, & tota sumitur à fidelibus. Offeritur Deo, ad
ipsius gloriam & honorem: sumitur à fidelibus, ad illo-
rum salutem & utilitatem. Potest enim vna eademque
res quatenus honorifica est, seruire vni: & quatenus
utilis est, seruire alteri. Imò cōmune est omnibus crea-
turis inferioribus, vt seruiant Deo ad ipsius gloriam &
honorem, nobis autem, ad nostram commoditatem &
salutem. *Dices*: Holocaustum non comeditur ab homi-
nibus, sed totum consumitur ad honorem Dei: Ergo
saltem eucharistia non est holocaustum, quod tamen
docent Catholici. *Respondeo*. Catholici non docent
esse holocaustum Mosaicum, quod totum debebat
comburī, & in futurum resolui: sed esse perfectius
omnibus sacrificiis Mosaicis, etiam holocaustis, quia
Christus, qui offertur in eucharistia, est præstantior
omnibus animalibus, quæ offerebantur in sacrificiis &
holocaustis Mosaicis.

7. *Alterum*: Id, quod est sacramentum, non potest
simul esse sacrificium: sed Eucharistia est sacramen-
tum: Ergo non potest simul esse sacrificium. Maior
probat, quia sacramentum & sacrificium opponun-
tur. Nam in sacramento accipimus aliquid à Deo: in
sacrificio damus aliquid Deo. At ratio accepti & ratio
dati non possunt simul in vna eademque re consi-
stere. *Respondeo*. Maior falsa est, etiam aduersa-
riorum concessione. Nam Plesszus Calvinista, cum
tota Synodo Capicensi, libro primo de Eucharistia,
cap. 1. expressè ait, agnum Paschalem fuisse simul sa-
cramentum & sacrificium. Quod etiam ex Schola-
sticis docet D. Thom. & plures alii. Si ergo agno Pas-
chali non repugnat simul esse sacramentum & sacrifi-
cium, cur repugnet Eucharistia? Non video. Nec ob-
stat, quod sacramento aliquid accipiamus à Deo, & in
sacrificio aliquid ei offeramus. Nam hæc duo posse
simul consistere, iam ostensum est in agno Paschali:
qui totus offerebatur Deo ad ipsius honorem, & totus
comedebatur à Iudæis ad illorum salutem. Idem fit in
Eucharistia. Et sanè, si id, quod à Deo accipimus,
non liceret offerre Deo, nullum foret sacrificium. Om-
nia enim, quæ Deo offerimus, à Deo accipimus, iuxta

Opusc. Sec.

A illud 1. Paralip. 29. 14. *Tua sunt omnia: Et quæ de manu
tua accepimus, dedimus tibi.*

8. *Tertium*, Christus in vltima cœna, quando in-
stituit Eucharistiam, non dixit, *offerre*, sed *comedite &
bibite*. Ergo Eucharistia ex institutione Christi, non
est sacrificium, sed sacramentum tantum. *Respondeo*.
Tamen non sit vltus illo vocabulo, *offerre*: vltus ta-
men est alio æquipollente, cum dixit: *Hoc facite in
meam commemorationem*, id est, post hæc celebrare Eu-
charistiam, quam nunc instituo, pro gratiarum actio-
te, in memoriam meæ mortis, quam pro vobis, &
toto humano genere subiturus sum: est autem duplex
gratiarum actio. Vna interna, quando quis interno
affectu gratum se exhibet Deo pro accepto beneficio.
Altera externa, quando externo ac sensibili signo de-
clarat internum animi affectum, & gratificandi vo-
luntatem. Vtrâque requirit Christus à nobis pro be-
neficio lux mortis ac passionis. Et quidem internam
vult fieri per internum animi affectum: externam, per
celebrationem Eucharistia. Porro, sicut interna gra-
tiarum actio consistit in interna oblatione, qua quis
affectum suum offert Deo pro accepto beneficio: sic
etiam externa consistit in oblatione, qua externum si-
gnum sui affectus exhibet Deo. Vnde sequitur, om-
nem gratiarum actionem consistere in quadam obla-
tione, respectu Dei benefactoris: Cum ergo celebra-
tio eucharistia, ex Christi institutione, sit quædam
externa gratiarum actio, necesse est eam in externâ
oblatione consistere. Vnde cum dixit Christus: *Hoc
facite in meam commemorationem*: plus dixit, quàm si so-
lùm dixisset, *offerre*. Hoc enim amplius dixit: *Offer-
te in memoriam tanti beneficii, à me accepti.*

9. Idem alia via sic ostendo. Christus obtulit sei-
psum Deo in ara crucis, per modum veri cruenti sa-
crificii, vt omnes fatentur cum Apostolo, Heb. 9.
& 10. Ac simul voluit, vt hæc cruenta oblatio repræ-
sentaretur nobis, & quotidie in memoriam re-
uocaretur per celebrationem eucharistia, cum dixit
Hoc facite in meam commemorationem. Ergo necesse est
in celebratione eucharistia fieri aliquam oblationem
incruentam, quæ sit representatio illius cruentæ obla-
tionis in cruce. Et hoc significat D. August. lib. 26.
contra Faustum cap. 18. cum ait: *Christiani, iam pe-
racti sacrificii in cruce: memoriam celebrant sacrosanctæ
oblatione, & participatione corporis & sanguinis Christi.*
Vbi in eucharistia coniungit hæc duo, *oblationem &
participationem* Christi. Igitur secundum Augusti-
num, & offertur Christus in Eucharistia, & sumi-
tur. Offeritur Deo, ad ipsius honorem: sumitur à
fidelibus ad ipsorum salutem & utilitatem. Et hoc est
quod supra dixi in solutione primi & secundi argu-
menti. Vnde patet, in his omnibus Augustinum no-
biscum sentire contra Nouatores, quod ipsi negare
non audent.

10. *Quartum*: Christus est Sacerdos in æternum: et
ergo nullum habet successorem aut vicarium in Sacer-
dotio. Ergo iam nulli sunt Sacerdotes in terris: Ergo
nec sacrificia propriè dicta. Et confirmatur ex Apo-
stolo, Heb. 7. vbi dicit, idem in veteri Testamēto fuisse
plures Sacerdotes, quorum vnus alteri succederet,
quia singuli erant mortales, ac proinde debebant alij
atque alij sæper succedere. Christus autem est immor-
talis: Ergo non indiget successoribus & vicariis. *Res-
pondeo*. Aliud est, esse successorem alterius: aliud, esse
ministrem seu vicarium. Dupliciter enim hæc dispe-
runt. Primò, quia successor est eiusdem dignitatis ac
potestatis cum eo, cui succedit: non item minister seu
vicarius cum eo, cuius minister aut vicarius est. Se-
cundò, successor non nisi post mortem aut depositio-
nem alterius constituitur. At vicarius seu minister so-
let constitui, dum adhuc vivit, cui subfernit. Vtrâque

Qq iij

pater in Rege. Is quamdio vixit, & in eo officio manet, non habet successorem cum pari potestate: habet tamen vicarios & ministros, qui illi subseruiunt. Similiter fit in nostro proposito. Christus non habet successorem in sacerdotio cum pari potestate, quia semper vivit, ut rectè argumentatur Apostolus. Habet tamen ministros seu vicarios, qui illi subseruiunt in officio sacerdotali. Idem factum est in Aarone, servata proportionem. Quamdio vixit, non habuit successores cum pari potestate: habuit tamen inferiores Sacerdotes & Levitas, qui illi ministrabant. Et quid hic difficultatis est? Nihil sanè. Sed Novatores omnia confundunt, ut facilius decipiant incautos.

11. *Quintum*: Sacrificium crucis habet vim infinitam & æternam: Ergo non indigemus alio sacrificio: Ergo multiplicare tot sacrificia Missæ, nihil est aliud, quam negare virtutem & sufficientiam sacrificii crucis. Et confirmatur ex Apostolo, qui sæpe asserit, vnam oblationem Christi in cruce sufficere, nec alia opus esse. Heb. 9. 26. *Semel ad destructionem peccati, per hostiam suam apparuit.* Et vers. 28. *Christus semel oblatus est ad multorum exhauriendo peccata.* Et cap. 10. 10. *Sanctificationis per oblationem corporis semel.* Et v. 14. *Una oblatione, consummavit in semper æternum sanctificationis.* Quid ergo opus est sacrificio Missæ? *Respondeo.* Hoc argumentum dupliciter potest retorqueri. Primb sic: Sacrificium crucis habet vim infinitam & æternam: ergo non opus est Baptismo, eucharistia, fide, spe, charitate, oratione: ergo multiplicare hæc omnia, nihil aliud est, quam negare virtutem & sufficientiam sacrificii crucis. Secundò sic: Sacrificium crucis habet vim infinitam & æternam respectu omnium hominum, ab initio mundi usque ad finem. Ergo omnia alia sacrificia sunt superflua: Ergo multiplicare tot sacrificia mosaica nihil aliud est quam negare vim & sufficientiam sacrificii crucis. Quid hic dicent Novatores?

12. Sed ad rem. Sacrificium crucis habet infinitam & æternam vim sanctificandi homines: nec opus est alio sacrificio crucis aut eiusdem sacrificii crucis repetitione: Vel quod idem est: non opus est, ut alius Christus moriatur pro nobis, aut ut idem Christus sæpius moriatur. Nam semel moriendo, sufficientissimè satisfecit Deo Patri pro nobis. Et hoc vult Apostolus loco citato. Duo tamen necessaria sunt. Vnum, ut simus memores illius tanti beneficii, vel iam accepti, vel olim promissi. Alterum, ut fructus illius beneficii & satisfactionis in particulari nobis applicetur. Verumque fit per fidem, sacramenta, sacrificia, prædicationem verbi, & similia instrumenta à Deo ordinata, non solum in veteri, sed etiam in novo Testamento. Ergo nihil illorum superfluum est. Sicut ergo non sequitur, sacrificium crucis habet infinitam vim: Ergo superflua sunt sacramenta novæ legis: ita non sequitur: Habet infinitam vim: Ergo superfluum est sacrificium novæ legis. Nec hoc, nec illa superflua sunt. Non enim ordinantur ad augendam vim sacrificii crucis, quæ cum infinita sit, non indiget augmento: sed partim ad illam representandam, partim ad fructum eius nobis applicandum. *Dicti*: quid opus est applicare fructum sacrificii crucis per sacrificium Missæ, cum sufficienter applicari possit per fidem, Baptismum & Eucharistiam? Ergo vicissim dicam, quid opus est applicare per Baptismum & Eucharistiam, cum sufficienter applicari possit per fidem & sacrificium Missæ? O homo, tu quis es, ut dicas Deo, quare ordinasti sic?

13. Hæc sunt præcipua argumenta contra sacrificium Missæ. Alia, vel continent metamendacia, quibz referendis noverit supercedere: vel solum contendunt, Missam non esse sacrificium propitiatorium pro peccatis, quæ in caput 12. resolvimus. Ea porò, quæ iam

illata & soluta sunt, vehementer confirmant nostram sententiam. Nam si ex vna parte spectemus communem consensum antiquorum Patrum & totius Ecclesiæ, cum solidissimis fundamentis ex Scriptura desumptis, ut supra vidimus: ex altera, privatam paucorum opinionem, quæ solum in disputatione Diaboli, in contemptu totius antiquitatis, & in his pauculis nullius momenti argumentis fundata est: facile æstimabimus non decere vnum prudentem ac cordatum, ut propter has quilibet & ineptias, rel. & Christiani orbis consensu; ad hanc novam sectam paucorum hominum sese adiungat.

CAPUT VIII.

In quo consistat essentia huius Sacrificii.

1. **O** Mitto calumnias Novatorum, qui populo pervertunt, essentiam huius sacrificii, apud Catholicos, in quibusdam saltibus, gestulationibus & vestium ornamentis positam esse. Non ita est. Nec ipsi, si viri boni essent, ita loquerentur neque si faciant, necesse est refutare.

2. Catholici sic statuunt: In sacrificio duo spectari posse. 1. rem quæ offertur & sacrificatur. 2. actionem sacrificandi. Hinc duplex oritur questio. Vna quæ sit illares, quæ propriè offertur & sacrificatur in Missa: an scilicet panis & vinum? an verò corpus & sanguis Christi? Altera, quæ sit actio sacrificandi, in qua essentialiter consistit ratio sacrificii? Sunt autem 6. actiones in Missa, de quibz dubitari potest. Prima est oblatio panis & vini ante consecrationem. Secunda est ipsa consecratio, per quam panis & vinum convertuntur in carnem & sanguinem Christi. Tertia est oblatio corporis & sanguinis Christi post consecrationem. Quarta est fractio & commistio sacramenti. Quinta est consumptio sacramenti à Sacerdote consecrate facta. Sexta est distributio & sumptio fidelibus facta. His positis ad utramque questionem respondeo per duas sequentes conclusiones.

3. *Prima Conclusio*, Res, quæ primò & principaliter offertur in sacrificio Missæ est corpus & sanguis Christi sub specie panis & vini. Ratio est evidens, quia sacrificium crucis cruentum, & sacrificium Missæ incruentum, non differunt, quoad substantiam rei oblatae. Sed res oblata in sacrificio crucis, est Christus iuxta illud 1. Cor. 5. 7. *Pascha nostrum immolatus est Christus.* Ergo etiam res oblata in sacrificio Missæ, est Christus. Et hoc definitum est in Concilio Tridentino, Sess. 22. cap. 2. his verbis: *In hoc sacrificio Missæ idem ille Christus inveniunt immolatur, qui in ara crucis semel seipsum cruento obtulit.*

4. *Dicti*: illud principaliter offertur & sacrificatur quod immolatur & destruitur ad honorem Dei, ut patet in omnibus sacrificiis Mosaicis: at solus panis & vinum immolantur & destruntur Eucharistia, non autem corpus & sanguis Christi: Ergo solus panis & vinum principaliter offeruntur & sacrificantur. 2. quia res oblata in sacrificio, supponitur actioni sacrificandi, non autem resultat ex tali actione ut patet in sacrificio agni-Paschalis, ubi res oblata est agnus vivus, non autem cadauer eius, quod ex immolatione resultat. At panis & vinum supponuntur actioni sacrificandi, ergo panis & vinum sunt res oblatae. Christus autem qui per actionem sacrificandi resultat, solum est sacramentum, seu sacer vobis, sicut erat agnus Paschalis

post immolationem. idem colligitur ex praxi Ecclesie, quæ offert panem & vinum, & vocat hostiam, seu rem oblatam. Et in quadam Antiph. dicit: *Sacerdos in æternum Christus secundum ordinem Melchisedech, panem & vinum obtulit*, eodem modo loquuntur Patres. Cyprian. epist. 63. *Panem & calicem mistum vino obtulit*. Iren. l. 9. c. 32. *Præcipit Christus Apostolis, ut primitias creaturarum, scilicet panem & vinum, Deo in sacrificio offerant*. Et Alexand. i. epist. 3. *Panem autem & vinum aqua permixtum, in sacrificio offerantur*.

5. Respondet, res oblata potest esse duplex. Vna per modum materię, quæ supponitur actioni sacrificandi. Altera per modum termini, qui resultat per actionem sacrificandi. Igitur panis & vinum sunt res oblata per modum materię: corpus & sanguis Christi per modum termini resultantis. Idem servata proportionē, factum est in sacrificiis Mosaicis. Nam res oblata per modum materię erat, v. g. agnus vivens: per modum termini, agnus occisus & immolatus. Hoc tamen interest, quod in sacrificiis Mosaicis, res principaliter oblata, non erat terminus, sed materia: in nostro non materia, sed terminus, v. g. Agnus vivus erat res principaliter oblata: & eius destructio seu immolatio erat actio sacrificandi principaliter intenta in cultum Dei. At in eucharistia, non panis & vinum, sed corpus & sanguis Christi, est res principaliter oblata: nec destructio panis & vini est per se intenta, sed solum in ordine ad introductionem corporis & sanguinis Christi, nec in destructione panis & vini, consistit principalis actio sacrificandi, sed in consecratione, quæ substantia panis & vini mutatur in corpus & sanguinem Christi, ut in sequenti conclusione latius explicandum est.

6. *Secunda conclusio*. Sicut res oblata in sacrificiis Mosaicis principaliter consistit in corpore & sanguine Christi, ut iam dictum est, sic actio sacrificandi principaliter consistit in consecratione: seu quod idem est, sicut corpus & sanguis Christi, est ipsa victima, quæ offertur & consecratur. Ratio est, quia oblatio seu sacrificatio victimæ debet fieri à Sacerdote, tanquam à proprio ministro. At in lege evangelica, solus Christus est principalis Sacerdos, alij verò, sunt secundarii Sacerdotes, & quasi ministri seu vicarij, qui in persona Christi offerunt & sacrificant: ergo oblatio seu sacrificatio victimæ debet fieri, vel à Christo (ut contingit in ultima cœna) vel ab alijs secundariis sacerdotibus in persona Christi, ut contingit in sacrificio Missæ. At nulla actio fit à Sacerdotibus in persona Christi, nisi consecratio: Ergo in nulla actione consistit oblatio seu sacrificatio victimæ, nisi in consecratione. Minor probatur inductione, quia nec oblatio panis & vini, quæ fit ante consecrationem, nec similiter ea, quæ fit post consecrationem adhibita est à Christo in ultima cœna, sed postea ab Ecclesia introducta: Ergo neutra fit in persona Christi. Idem dicendum est de illa actione, quæ hostiam consecrata frangitur, & una illius particula miscetur in calicem consecratum, utrumque de sumptione hostiæ & calicis, quæ fit à Sacerdote. Neutram enim be-
gimus à Christo factam esse. Distributio verò, tametsi facta sit à Christo, iuxta illud, *Deditque discipulis suis*, non tamen fit in persona Christi, tanquam sacerdotis, quia non solum à Sacerdotibus, sed etiam à Diaconis fieri potest. Superest ergo sola consecratio, quæ & à Christo tanquam Sacerdote facta est, & quæ fit à sacerdotibus in persona Christi. Cum enim dicunt Sacerdotes in consecratione: *Hic est corpus meum: Hic est sanguis meus*: non loquuntur in propria, sed in Christi persona. Non enim est illorum corpus & sanguis, sed solus Christi. Igitur in sola consecratio-

ne principaliter consistit oblatio victimæ, seu sacrificatio.

7. Et ita sentiunt antiqui Patres. Nam Irenæus libro 4. contra hæreses, cap. 32. dicit Christum docuisse novi Testamenti novam oblationem, cum dixit, *Hoc est corpus meum*. Cyprianus in sermone de cœna Domini sic scribit: *Ex quo à Domino dictum est: Hic est calix meus, hic est sanguis meus, quotiescumque his verbis, & hac fide altare est, panis iste substantialis, & calix benedictionis Iohannis sacratus, existit medicamentum simul & holocaustum*. Vult dicere, per verba consecrationis, effici holocaustum seu sacrificium; quod nos asserimus. Similia habent alij Patres. Et ex scholasticis Bonaventura, & Thomas, Ioannes Maior, Alanus, Casalius, apud Franciscum Suarez, 3. part. tom. 3. disp. 75.

8. Ut tota res melius intelligatur, distinctius explicanda est. Igitur consecratione, quam solam dicimus esse de essentia huius sacrificij, tria spectari possunt. Primum, destructio substantiæ panis & vini, facta in cultum & honorem Dei. Secundum adductio seu præsentia Christi, sub speciebus panis & vini, quæ etiam fit ad honorem & cultum Dei. Tertium mystica quædam mactatio, quæ fit per consecrationem utriusque speciei, quatenus ex vi verborum, corpus & sanguis Christi sacramentaliter separantur, licet re ipsa coniuncti sint per naturalem concomitantiam. Potest ergo disputari, an consecratio habeat rationem sacrificij, quatenus est destructio panis & vini: an verò, quatenus est adductio, seu præsentia Christi, an denique, quatenus est mystica mactatio? Huic annexa est alia questio, an ad rationem huius sacrificij necessaria sit consecratio utriusque speciei, an verò sufficiat consecratio unius.

9. Alioqui putant, consecrationem unius sufficere, quatenus est destructio panis, & adductio corporis Christi: vel destructio vini, & adductio sanguinis Christi: nec opus est consecratione utriusque speciei, in quæ fit mystica mactatio Christi, seu sacramentalis corporis & sanguinis Christi separatio. Ratio illorum est, quia in consecratione unius speciei non solum reperitur actio sacrificandi, sed etiam victimæ quæ sacrificatur & offertur, nempe Christus sub specie sacramentali.

10. Alii rectius sentiunt, consecrationem utriusque speciei necessariam esse, non solum quatenus est destructio substantiæ panis & vini, & simul adductio corporis & sanguinis Christi: sed etiam quatenus est mystica mactatio, quæ fit, quando vi verborum mysticæ separantur corpus à sanguine Christi. Ratio est, quia hoc in cruentum sacrificium Missæ, de quo agimus, debet esse representatio cruenti sacrificij crucis, ut iam dictum est. Ergo debet includere consecrationem utriusque speciei, quatenus habetur ratio nem mysticæ mactationis, id est, quatenus expresse representatur mors & passio Christi. Hoc tenens loquitur Augustinus apud Gratianum, cap. Secundo de consecratione, distinct. 2. cum ait, *Semel immolatus est Christus in semetipso, & tamen quotidie immolatur in Sacramento*.

11. Super sunt aliquæ obviæ difficultates; quarum duæ priores contendunt consecrationem non esse de essentia sacrificij Missæ: reliquæ, non solum consecrationem esse de essentia: sed etiam sumptionem, quæ fit à Sacerdote sacrificante. Prima est, proinde, quæ primum producit victimam, id est, naturam, non est ipsa oblatio seu sacrificium victimæ, sed illius necessarius præcedit, ut patet inductione. Nam prius est Agnus nasci, quam immolari prius est, Christum concipi in utero matris, quam offerri in crucem. At consecratio est quasi productio Christi, quia per

illam sit. Christus præsens, cum antea non esset præsens; Ergo consecratio non est oblatio seu immolatio Christi, sed illam præcedit. *Respondeo.* Hoc argumentum procedit de aliis sacrificiis, in quibus res principaliter oblata, habet se per modum materię; non autem in nostro, in quo res principaliter oblata, habet se per modum termini. Hoc supra à me notatum est. Nunc clarius sic explico. Productio materię, quę offertur in sacrificio, semper est prior oblatione seu sacificatione, ut bene ostenditur in exemplis allatis. At productio termini, qui resultat ex materia, non est prior oblatione seu sacificatione, sed est ipsa oblatio seu sacificatio. Hoc patet in nostro sacrificio.

12. *Secunda obiectio.* In die Parasceves offertur verum sacrificium absque consecratione, quia sit oblatio ex præsanctificatis, ut loquuntur Theologi: Ergo consecratio non est de essentia sacrificij. Antecedens probatur primò, ex oratione, quam ecclesia in officio illius diei profert, cum ait, *In spiritu humilitatis, & in animo contrito suscipiamur à te Domine: & sic fiat sacrificium nostrum in conspectu tuo hodie, ut placeat tibi Domine Deus.* Et postea subdit sacerdos; *Orate fratres, ut meum & vestrum sacrificium &c.* Secundò, quia non est verisimile Ecclesiam illo die carere sacrificio, cum dicat Augustinus. epist. 118. cap. 2. *Omnibus diebus offertur Deo sacrificium in Ecclesia.* *Respondeo.* In die Parasceves non offertur sacrificium incruentum, ut notat D. Thom. 3. part. qu. 83. art. 2. ad secundum, quia eo die cruentum sacrificium oblatum est in cruce. Idem tenent plerique Scholastici in 4. dist. 13. & Rabanus lib. de institutione Clericorum cap. 67. ubi hoc confirmat ex figura huius mysterij. Nam sicut in veteri Testamento, eo die, quo semel in anno summus sacerdos intrabat in sancta sanctorum, alij sacerdotes non sacrificabant, ita in nouo Testamento, eo die, quo Christus tanquam supremus Pontifex, obtulit seipsum in ara crucis, consentaneum est, alios sacerdotes, qui sunt ministri Christi non offerre sacrificium. Eodem spectat illud Hugonis de S. Victore, lib. 3. miscell. cap. 43. *Non sacrificant amici, dum trucidant inimici.* Et ratio est, quam superius attigi, quia nullum potest fieri sacrificium nouę Legis, in quo Christus non sit principle offerens. At in die Parasceves, quando celebratur officium in Ecclesia, nihil fit in persona Christi: Ergo tunc non offertur sacrificium. Nec obstat, quod in oratione Ecclesię, supra allegata, sit mentio sacrificij. Ibi enim nomine sacrificij, non significatur actio sacrificandi, de qua hic disputamus, sed victima, seu hostia sacrificata, quę tunc verè præsens est. Quod autem Augustinus generatim dicit, *omnibus diebus offerri sacrificium in Ecclesia;* non excludit singularem exceptionem vnius alicuius diei.

13. *Tertia obiectio.* De essentia sacrificij sunt hæc duo. 1. ut victima realiter immutetur. 2. ut sumatur à Sacerdote: At neutrum fit per solam consecrationem, nisi accedat sumptio Sacerdotis: Ergo hæc sumptio est de essentia sacrificij. Maior est D. Thom. 3. part. qu. 84. art. 4. ubi citat Dionysium, Augustinum, & illud ex Concilio Toletano XII. *Quale erit sacrificium, cuius neque ipse sacrificans participare esse dignoscitur:* quod etiam citatur apud Gratianum, cap. Relatum, de consecratione, dist. 2. *Respondeo.* In hac obiectioe duo sumuntur. Vnum: quod realis immutatio victimę sit de essentia sacrificij. Hoc verum est, sed cum hac distinctione. Materia, quę offertur, debet realiter immutari, non tamen necesse est, terminum resultantem ex materia, realiter immutari: Et sic fit in nostro sacrificio. Nam panis & vinum, quę sunt materia illius, realiter mutantur in corpus & sanguinem Christi. Alterum quod sumptio à Sacerdote facta, sit de essentia sacrificij Hoc falsum est. Nam in veteri Testamento

holocaustum erat præstantissimum inter omnia sacrificia, & tamen ex eo non sumebat Sacerdos. Sed ex hac solutione oriuntur duę alię obiectioes: vna circa realem immutationem, altera circa sumptionem Sacerdotis. Est ergo.

14. *Quarta obiectio.* Realis immutatio, quę fit in externo & visibili sacrificio, debet esse externa & visibilis: at illa mutatio, quę panis & vinum mutantur in corpus & sanguinem Christi, non est externa & visibilis, sed occulta Ergo non sufficit ad rationem externi & visibilis sacrificij: Ergo requiritur alia mutatio nempe sumptio sacerdotis. *Respondeo.* illa mutatio, quę panis & vinum mutantur in corpus & sanguinem Christi, potest dupliciter spectari. Primò, præcisè, secundum se; & sic occulta est. Secundò, quatenus perficitur externo verbo, *Hoc est corpus meum:* & sic non est occulta, sed sensibilis & externa: quod dici solet de contritione, quę in se spectata, occulta est, quatenus vero per externam peccatorum confessionem manifestatur, non est occulta. Et in nostro sacrificio idem est de Christo, qui est sensibilis & externa victima, non secundum se, sed quatenus per externas species panis & vini repræsentatur.

15. *Quinta obiectio.* Si sumptio sacerdotis non est de essentia sacrificij, ergo non est iure diuino necessaria: hoc autem falsum est, quia sacerdos sacrificans iure diuino tenetur ad sumendum sacramentum sub vtraque specie, ut docet D. Thom. 3. part. quæst. 82. art. 4. Et citat illud, quod supra attigi ex Conc. Toletano: *Quale erit sacrificium, cuius neque ipse sacrificans participare esse dignoscitur:* idem colligitur ex Conc. Tridentino, Sess. 13. c. 8. ubi dicit, *Semper in Ecclesia Dei morum fuisse, ut Sacerdotes celebrantes se ipsos communicarent.* at D. Th. quæst. 82. art. 6. ad 1. ait, si contingat sacerdotem consecrantem non posse sumere Eucharistiam, ut si subita morte aut morbo impediatur, debere alium substitui, qui sacrificium perficiat, quod etiam habetur in regulis Missalis, & apud Gratianum cap. *Illud &c.* Nihil 7. q. 1. *Respondeo.* Est autem præceptum sacerdotibus, ut vtramque speciem sumant; non tamen constat, an sit iuris diuini. Porro, hoc præceptum qualecunque sit, siue iuris diuini, siue humani, non ideo datum est sacerdotibus, ut per sumptionem vtriusque speciei sacrificent, sed ut participant de oblato sacrificio, & ipso opere ostendant, se consentire sacrificio, ut explicat D. Thom. quæst. 82. art. 4. Unde non sequitur, sumptionem pertinere ad essentiam sacrificij, sed tantum ad vsum.

16. *Quæres.* Tametsi sumptio non sit de essentia huius sacrificij, ut iam satis ostensum est, an saltem ordo ad sumptionem sit de essentia illius? Hoc aliqui affirmant. Et sanè probabiliter. Nam hoc sacrificium, tametsi per se primo institutum sit ad cultum Deo exhibendum, sicut omnia alia sacrificia, tamen secundariò institui potuit ad spiritalem animę refectionem: Et sic ordo ad sumptionem potest aliquo modo dici de essentia huius sacrificij, licet ipsa sumptio sit tantum extrinseca eius perfectio. Vide Franciscum Suarez disput. 75.

CAPVT IX.

An sacrificium Missæ essentialiter differat ab omnibus aliis sacrificiis?

1. *Exposui hæcenus, in quo consistat essentia huius sacrificij, tum ex parte rei oblate, tum ex parte*

actionis sacrificandi. Hinc facile constabit, an essentialiter differat ab aliis sacrificiis. 1. ab incremento sacrificio in vittima cœna. 2. à cruento sacrificio in cruce. 3. à sacrificiis veteris Testamenti. Vtcrius constabit, an sit essentialiter perfectius illis omnibus.

2. *Prima conclusio.* Sacrificium Missæ non differt essentialiter ab incremento sacrificio, quod in vittima cœna oblatum est, sed tantum accidentaliter. Prior pars patet, quia illa duo sacrificia conveniunt in re oblata, in actione sacrificandi, & in principali offerente: Ergo conveniunt in essentialibus. Posterior probatur, quia differunt in multis accidentibus. Primum, in qualitate rei oblatæ. Nam in cœna oblatæ est Christus mortalis, nunc offertur immortalis & gloriosus. Secundò, in offerente proximo. In cœna, Christus per se obtulit; nunc offert per ministerium. Tertio, in effectu morali. In cœna fuit meritum & satisfactorium ex parte Christi offerentis; nunc non est tale, quia Christus iam non est in statu merendi & satisfaciendi. Quarto, in significando. In cœna significabat mortem Christi futuram, nunc significat præteritam. Quintò in aliis circumstantiis, partim physicis, in loco, tempore, diversitate panis & vini, partim moralibus, ut in ceremoniis, ritibus, & apparatu vestium. Vide Suarez, disp. 78.

3. *Secunda conclusio.* Sacrificium Missæ convenit cum sacrificio crucis in re oblata, & in principali offerente, differt tamen in multis. Primum in actione & ritu sacrificandi. Secundò, in externa specie rei oblatæ. Tertio, in proximo offerente. Quarto, in effectu. Quintò, in significando. Hæc omnia superius explicata sunt, cap. secundo. Solum queri hic potest, an hæc differentie sint essentialiter? & potissima difficultas est de prima. Nam reliquas accidentales esse, facile concessero. Ergo sic sentio. Sacrificium dupliciter sumi potest. Primum, pro re oblata seu sacrificata. Secundò, pro actione offerendi seu sacrificandi. Priori modo, essentia eius spectari debet ex parte rei oblatæ, seu victimæ: posteriori, ex parte actionis, seu ritus offerendi & sacrificandi. Hunc sequitur primum, sacrificium Missæ, & sacrificium crucis, ex parte rei oblatæ, non distingui essentialiter; ac proinde hoc sensu non esse duo, sed unum sacrificium, secundum speciem essentialem. Secundò, distingui tamen essentialiter ex parte ritus seu actionis sacrificandi; & hoc sensu esse duo sacrificia, non unum. Nam actio utriusque diversa est. Christus enim in sacrificio crucis oblatus est per realem occisionem & mortem; in sacrificio Missæ, offertur per consecrationem. Occisio autem & consecratio, plurimum inter se differunt.

4. Nota tamen, has actiones tripliciter spectari posse. Primum, secundum entitatem physicam, & sic certum est, differre essentialiter. Secundò, quatenus sunt ex motivo alicuius virtutis: Et sic omnes actiones sacrificandi, tam in sacrificiis legis naturæ & Mosaicæ, quam in nostro sacrificio, possunt esse eiusdem speciei & essentia, si fiant ex eodem motivo virtutis, vel diversæ, si ex diverso motivo. Tertio, quatenus sunt externa signa in cultum Dei ordinata, & sic eorum essentia spectari debet ex multis. 1. ex vittima quæ offertur. 2. ex principali offerente. 3. ex actione offerendi, quoad entitatem physicam. 4. ex significatione. Ex his omnibus æstimandum est, an actiones sacrificandi quatenus sunt externa signa ad cultum Dei ordinata, sint eiusdem vel diversæ speciei. Nam si in omnibus conveniant, sunt eiusdem planè speciei, si in omnibus discrepent, sunt planè diversæ speciei, si in quibusdam conveniant, in aliis discrepent, nec planè eiusdem, nec omnino diversæ speciei censi debent.

5. *Tertia conclusio.* Sacrificium Missæ, & essentialiter, & accidentaliter differt à sacrificio veteris Testa-

menti. Essentialiter, tam ex parte rei oblatæ, quam ex parte oblationis seu sacrificiationis. Accidentaliter, in variis circumstantiis. Hæc nota sunt ex dictis. Hinc ulterius colligitur, essentialiter perfectius esse omnibus sacrificiis, excepto sacrificio crucis & victimæ cœnæ. Vide plura apud Suarez disp. 76. sect. 2.

CAPUT X.

An sacrificium Missæ essentialiter differat à Sacramento Eucharistiæ?

1. **D**uo certa sunt. Vnum est, eandem esse actionem realem in utroque mysterio. Est enim una eademque actio, qua conficitur sacramentum Eucharistiæ, & qua fit consecratio seu oblatio sacrificij. Alterum est utrobique esse eundem terminum actionis, nempe Christum sub specie panis & vini. Questio est, an sit etiam una eademque essentia utriusque mysterij? an potius alia sit ratio seu essentia sacrificij, & alia sacramenti? Deinde, si sunt duæ rationes seu essentia distinctæ: utra illarum sit prior ordine temporis, naturæ & perfectionis?

2. *Prima conclusio.* Sacrificium Missæ differt essentialiter à Sacramento Eucharistiæ. Hoc constat ex triplici capite. 1. quia essentia sacrificij partim consistit in actione sacrificandi, partim in re sacrificata. At essentia sacramenti nullo modo consistit in actione, sed in sola re permanente, quæ resultat ex actione. 2. essentia sacrificij Missæ requirit representationem mortis Christi, & consequenter consecrationem utriusque speciei: at essentia sacramenti servatur in una specie. 3. sacrificium per se immediatè ordinatur ad cultum & honorem Dei: sacramentum vero ad nostram sanctificationem.

3. *Secunda conclusio.* Sacramentum prius tempore perficitur, quoad essentiam, quam sacrificium. Patet ex dictis, quia sacramentum essentialiter perficitur per consecrationem unius speciei: at sacrificium per consecrationem utriusque. Constat autem, consecrationem unius speciei, ordine temporis, priorem esse consecrationem utriusque speciei. Quærit, an idem ordo servetur in effectu sacrificij & sacramenti? *Respondet.* In effectu servatur contrarius ordo. Nam effectus sacrificij confertur ex opere operato, peracta consecratione utriusque speciei: effectus autem sacramenti confertur in vi seu sumptione Eucharistiæ, quæ ordine temporis sequitur consecrationem.

4. *Tertia conclusio.* Ordo naturæ seu causalitatis potest esse duplex in hoc mysterio, nempe intentionis & executionis. Ordine intentionis, prius est sacrificium, quam sacramentum; quia principaliter intenditur cultus & honor Dei quam nostra utilitas. Unde etiam potestas sacerdotalis primariò ordinata est ad sacrificium Deo offerendum, & secundariò ad sacramentum conficiendum. Ordine executionis, posterius est sacrificium, quam sacramentum, quia supponit consecrationem unius speciei, in qua perficitur ratio sacramenti, & ulterius requirit consecrationem alterius speciei. *Dices:* Ergo sacrificium & sacramentum possunt re ipsa separari. *Respondet.* Ita est. Nam si sacerdos consecrat unam speciem sine altera perficit sacramentum & non sacrificium.

5. *Quarta conclusio.* Dignitas seu perfectio utriusque mysterij dupliciter spectari potest. 1. Physicè, seu in esse rei. 2. mortaliter, seu in esse virtutis. Si priori mo-

do fiat comparatio, tunc est eadem dignitas sacrificij Missæ & sacramenti Eucharistiæ, tam ex parte actionis, quam ex parte termini, quia utrobique est eadem actio, nempe consecratio, & utrobique est idem terminus actionis, nempe Christus Dominus. Si posteriori tunc maior est perfectio sacrificij quam sacramenti, quia melius est in ratione virtutis, conficere Eucharistiam ad Dei cultum & honorem, quam ad nostram utilitatem. *Dicitur.* Sicut sacrificium ordinatur ad Dei cultum & honorem, sic etiam sacramentum. Rursum sicut sacramentum ordinatur ad nostram utilitatem, sic etiam sacrificium. Ergo utrobique est par ratio. *Respondetur.* Sacrificium per se & principaliter ordinatur ad cultum & honorem Dei; secundariò autem ad nostram utilitatem. Contrà fit in sacramento. Hoc enim per se institutum est ad nostram sanctificationem, & consequenter ad Dei gloriam. *Dicitur 2.* Sacrificium ordinatur ad vsum sacramenti tanquam ad finem finem: finis autem est perfectior, quam medium ad finem: Ergo sacramentum est perfectius quam sacrificium. *Respondetur.* Sacrificium per se & primariò ordinatur ad cultum Dei, ut dictum est, per accidens autem, & secundariò ad vsum sacramenti. Deinde, sæpe fit, rem magis perfectam ordinari ad minus perfectam, ut patet in Incarnatione Verbi, quæ ordinatur ad nostram redemptionem.

CAPVT XI.

Quis sit principalis offerens in sacrificio Missæ?

HOC etiam aliquo modo spectat ad essentiam huius sacrificij explicandam; quæ tamen potissimum consistat tum in actione sacrificandi, tum in re oblata, tamen suo modo pendet etiam à principali offerente, duplici de causa. Primò, quia actio sacrificandi, non solum à re oblata, sed etiam à principali offerente, habet suum valorem & dignitatem. Secundò, quia sacrificium & sacerdotium essentialiter connexa sunt: Ergo non potest perfecte explicari tota ratio sacrificij, nisi constet de principali sacerdote, qui ad illud offerendum ordinatur.

2. Est ergo questio, quis sit principalis offerens in sacrificio Missæ? Cardinalis Bellarminus lib. 2. de Missa c. 4. distinguit triplicem offerentem, nempe Christum, Ministrium, & Ecclesiam. Addit Christum esse primum sacerdotem, & offerre per alios sacerdotes tanquam per ministros; ecclesiam autem non offerre, ut sacerdotem per ministrum, sed ut populum per sacerdotem. Hoc explicandum est.

3. *Prima conclusio.* Christus est summus sacerdos, qui principaliter offert sacrificium Missæ in Ecclesia per sacerdotes alios, tanquam per ministros. Ita Divus Thomas questio. 82. art. 7. ad 3. Et q. 83. art. 1. ad 3. ubi dicit sacerdotem consecrare in persona & virtute Christi & illius vicem gerere. Et Conc. Lateranense in c. Firmiter, de summa Trinitate, & fide Catholica, ubi dicit Christum in hoc mysterio simul esse sacerdotem & sacrificium, & Conc. Trident. Sess. 22. c. 1. & 2. ubi dicit, eundem Christum, qui se in cœna & cruce obtulit esse etiam principalem offerentem in sacrificio Missæ, ac proinde oblationem hanc esse mundam, nec propter sacerdotum offerentium iniquitatem posse inquinari. De eadem re sic scribit Cyprian. epist. 63. *Sacerdos in altari vicem Christi fungitur.*

4. Et probatur ex Apostolo Hebr. 7. 17. ubi ait, Christum esse sacerdotem in æternum secundum ordinem Melchisedech. Hoc non aliter potest intelligi, quam quod Christus, non quidem per se, sed per ministros suos, offerat quotidie sacrificium, eo ritu, quod Melchisedech obtulit, id est, sub specie panis & vini, idque non ad certum ac definitum tempus, sed in æternum, id est, usque ad mundi consummationem. Et hoc sensu distinguit Apostolus inter veterem ac novam legem, quod in veteri plures essent Sacerdotes mortales, quorum unus alteri succedebat: Nunc autem unus sit æternus ac immortalis, qui nullos habet successores, sed tantum ministros. Hic non alius, quam Christus est.

5. Accedit hæc ratio. Sacrificium Missæ, ut suprà ostensum est ex Malachia, debet esse mundum & sanctum; & in eo differt à sacrificiis Mosaicis, quæ sæpe erant polluta & immunda. Et quidem 2. modis. Primò, ex parte rei oblata, iuxta illud Malach. 1. 8. *Si offeratis cæcum ad immolandum, nonne malum est?* Secundò, ex parte principalis offerentis, Isaïe 13. *Ne offeratis ultra sacrificium frustra. Incensum abominatio est mihi.* Causam addit; *Manus enim vestra sanguine plena sunt, Lavamini, mundi estis.* Ergo sacrificium Missæ utroque modo debet esse mundum. 1. ex parte rei oblata. 2. ex parte principalis offerentis. Hoc autem non fieret, nisi Christus simul esset res oblata, & principalis offerens. Nam alij offerentes, qui illius personam gerunt, sæpe immundi ac flagitiosi sunt.

6. *Sed quæres*, an idèd solum dicatur Christus esse principalis offerens, quia alij Sacerdotes in persona Christi offerunt, & alij ministri sunt; *Respondetur.* Hæc causa sine dubio vera ac sufficiens est. Possunt autem alie tres excogitari. Prima, quia Christus instituit hoc sacrificium. Secunda, quia vis & efficacia illius fundatur in meritis Christi. Tertia, quia Christus per humanitatem physicè concurrit ad transubstantiationem, & consequenter ad actionem sacrificandi. Sed nulla harum per se satis est, ut Christus dicatur principalis offerens. Non prima, quia aliud est instituere sacrificium, aliud offerre, Deus in veteri Lege instituit sacrificia Mosaicæ, non tamen idèd fuit principalis offerens. Nec secunda, quia non solum vis & efficacia sacrificij Missæ, sed etiam omnium sacrificiorum veteris Testamenti, & similiter omnium sacramentorum novi Testamenti, fundatur in meritis Christi, & tamen non idèd Christus est principalis offerens aut minister in omnibus sacrificiis & sacramentis. Nec tertia, quia Deus non solum physicè, sed etiam principaliter effecit actionem transubstantiationis. Et tamen non censetur principalis offerens, ut hæc sufficiat de Christo. Nunc de ministris eius videamus.

7. *Secunda conclusio.* Nemo potest esse minister Christi in hoc mysterio, id est, nemo potest in persona Christi offerre sacrificium Missæ, nisi legitime ordinatus sit sacerdos. Hoc patet ex Concil. Niceno. 1. cap. 14. ubi definitum est, *Diaconos non habere potestatem offerendi sacrificium Missæ.* Ergo multo minus potestatem habent alij inferiores Diacono. Et ratio est evidens, quia sacrificium & sacerdotium necessario connexa sunt: Ergo ubi verum est sacrificium, ibi requiritur verum sacerdotium.

8. *Quæres*, an quilibet sacerdos legitime ordinatus, possit legitime offerre in persona Christi? Aliqui putant eos solos id præstare posse qui sunt ab ecclesiâ tolerati, non autem sacerdotes excommunicatos, suspensos, degradatos, schismaticos, hæreticos. Hos enim nec legitime, nec valide offerre sacrificium, etiam si conentur id facere. Ita Magister in 4. dist. 13. Gratianus in cap. *Quod quidem*, 1. q. 1. & nonnulli alij. Ratio est, quia Patres docent extra Ecclesiam non

posse esse vera sacrificia: sed omnes Sacerdotes, qui non tolerantur ab Ecclesia, sunt extra Ecclesiam: ergo non offerunt verum sacrificium.

9. Hæc sententia potest tribus modis intelligi. Primo, quod Sacerdotes præcisi ab Ecclesia non possint valide consecrare Eucharistiam, ac proinde nec sacrificium offerre. Hoc falsum est, quia consecratio facta à vero Sacerdote, cum debita materia, forma, & intentione, semper est valida. Secundò, quos possint quidem valide consecrare Eucharistiam, non tamen sacrificium perficere; quia ad rationem sacrificij necesse est, ut offeratur à Sacerdote, tanquam ministro publico, & mediatore inter Deum & populum: Sacerdos autem præcisi non potest esse mediator inter Deum & populum, quia nemo potest hoc facere, nisi consentiente populo, & per Sacerdotem offerente: at populus non consentit, ut Sacerdos præcisi ab Ecclesia hoc faciat. Hoc etiam falsum est, quia omnis Sacerdos quantumvis ab Ecclesia præcisi potest validum sacrificium offerre, tametsi peccet offerendo, ut sentit D. Thom. quæst. 82. art. 7. & 8. Ratio est, quia potestas ordinis est indelebilis: ergo manet in Sacerdotibus ab Ecclesia præcisi: Ergo valide possunt sacrificare, licet non sine peccato. Tertio potest intelligi quod possint quidem in persona Christi non tamen in persona Ecclesie, offerre sacrificium. Hoc verum est, si bene explicetur. Nam primò certum est, huiusmodi Sacerdotes habere characterem, seu potestatem offerendi sacrificium in persona Christi: ac proinde, si offerant, validum esse sacrificium, tametsi peccent offerendo. Hanc enim potestatem habent vi ordinis, quam nunquam amittunt. Secundò certum est, eosdem Sacerdotes non posse offerre sacrificium in persona Ecclesie, nisi ex commissione Ecclesie: Ergo, si ab ecclesia præcisi sunt, non censentur habere commissionem ecclesie.

10. Vbi notandum est totum officium Missæ constare partim ex substantia sacrificij, partim ex orationibus & ceremoniis. Vnde licet totum perficiatur à Sacerdote tanquam à publico ministro, inter Deum & homines constituto, non tamen eodem modo. Nam in substantia sacrificij, gerit personam Christi in aliis, personam Ecclesie. Igitur Ecclesia non potest illum privare potestate, quam habet ex commissione Christi, potest tamen privare potestate, quam habet ex commissione Ecclesie, quod fit per censuras Ecclesiasticas. Vide Divum Thom. 2. quæstione 82. art. 6. ad 3.

11. Quod autem obijciatur ex Patribus, extra Ecclesiam non esse verum sacrificium, potest dupliciter exponi. Primò, non esse sacrificium verum, id est, non esse efficax & fructuosum, tam offerentibus, quam operantibus. Ita exponit Glossa, in cap. *Extra Ecclesiam*, 1. quæst. 1. cui fauet D. Thomas quæst. 82. art. 7. ad 3. ubi sic habet, *Si Sacerdos ab unitate Ecclesie præcisi, Missam celebrat, quia potestatem ordinis non amittit, consecrat verum corpus & sanguinem Christi, sed quia est ab Ecclesia unitate separatus, orationes eius efficaciam non habent.* Secundò exponi potest, non esse verum sacrificium extra Ecclesiam, id est, extra ritum, quem servat Ecclesia. At quis ille ritus est? Non alius, quam accepto pane & vino pronunciare hæc verba, *Hoc est corpus meum; Hic est sanguis meus.* Extra hunc ritum, nullum sit sacrificium in lege gratiæ.

12. *Tertia conclusio.* Ecclesia, seu fideles qui sunt in Ecclesia, dicuntur etiam suo modo offerre sacrificium, ut passim docent Theologi. Et probatur primò à simili. Nam populus fidelis in veteri Testamento dicebatur offerre sacrificium, ut patet ex illo Exodi 5. 1. *Hæc dicit Dominus Deus Israël. Dimitti populum meum*

A sacrificet mihi in deserto. Et Numer. 26. 3. *Hæc sunt sacrificia, quæ offerro debetis.* Huc spectant exempla Saulis, Davidis, Salomonis, & aliorum, qui leguntur obtulisse, non per se, sed per Sacerdotem, ut notat Augustinus in libro quæstionum veteris Testamenti, qu. 46. Ergo idem, servata proportionem, de populo Christiano dici potest. Et hoc confirmatur ex canone Missæ, præsertim ex illis verbis; *Et omnium circumstantium, pro quibus tibi offerimus, vel qui tibi offerunt.* Itemque ex illis, *Hanc igitur oblationem servitutis nostræ, sed & cunctæ familie sue.* Accedit ratio, quia sacrificium est cultus publicus & solennis totius populi, ac proinde nomine totius populi exhibetur Deo per Sacerdotem.

13. *Quæres,* quo sensu dicatur populus offerre sacrificium? Ratio dubitandi est, quia non videtur illo modo concurrere ad sacrificandum. Vel enim concurrit per internam devotionem, vel per externam oblationem. Posterius falsum est. Prius non sufficit, quia sacrificium est oblatio visibilis & externa; ergo solo interno affectu non potest perfici. *Respondetur.* Populus in veteri Testamento dicebatur offerre duplii titulo. Primò, quia offerebat materiam sacrificij, ut panem, vinum, turtures, agnos, capras, & similia. Secundò, quia Sacerdos illius nomine sacrificabat, ut illi proderet. Vtrumque notat D. Augustin. loco citato. At fideles in novo Testamento dicuntur offerre triplici modo. 1. generatim, quia sunt membra Ecclesie, cuius nomine Sacerdos offert. 2. Speciatim, quia co-operantur sacerdoti sacrificanti, vel ipsi inserviando, vel procurando, ut pro ipsis offerat. 3. quia interno affectu desiderant esse participes sacrificij.

CAPUT XII.

Quem valorem & effectum habeat sacrificium Missæ.

1. **H**Actenus explicata est essentia huius sacrificij, nunc vis & efficacia eius explicanda est. Quæritur ergo, quem valorem & effectum habeat, vel, quod idem est, in quem finem ac usum à Christo institutum sit? Repeto, quod supra dixi, sacrificia Mosæ fuisse quadruplicia. 1. Latreutica. 2. Eucharistica. 3. Impetratoria. 4. Propitiatoria. Vis & efficacia illorum erat huiusmodi. Latreutica valebant ad colendum Deum: Eucharistica, ad gratiarum actionem pro beneficiis à Deo acceptis: Impetratoria, ad acquirenda nova beneficia: Propitiatoria, ad expiationem peccati.

2. Nunc quæstio est, ad quid horum valeat sacrificium Missæ? Catholici docent ad omnia valere. 1. ad colendum Deum. 2. ad gratiarum actionem pro beneficiis acceptis, & nominatim pro beneficio mortis ad placandum Deum, & expianda peccata. Itaque, hoc unum sacrificium simul esse Latreuticum, Eucharisticum, impetratorium, propitiatorium. Lutherani & Calvinistæ, concedunt quidem, reuocari posse ad Latreuticum & Eucharisticum: negant tamen illo modo esse impetratorium & propitiatorium. Hoc ergo examinandum est.

3. *Prima conclusio.* Sacrificium Missæ prodest ad nova beneficia à Deo impetranda, idcirco rectè vocari potest sacrificium impetratorium. Hoc patet ex Liq. turgiis Jacobi, Clementis, Basilij & Chrysostomi, in quibus iubemur inter offerendum orare pro pace, pro

copia fructuum, & aliis beneficiis temporalibus. Item docent antiqui Patres. Tertullianus in lib. ad Scapulam, sic habet: *Sacrificamus pro salute Imperatoris.*

Cyrillus catechesi quinta Mystagogica: *Super ipsa propitiatio hostia obsecramus Deum pro communi Ecclesiarum pace, pro tranquillitate mundi, pro Regibus, pro militibus, pro sociis, pro aegrotis & afflictis, & in summa pro omnibus, qui egent auxilio.* Augustinus lib. 22. de ciuitate Dei, cap. 8. *Vnus ex presbyteris obtulit tibi (nempe in domo infectata à demonibus) sacrificium corporis Christi, orans quantum potuit, ut cessaret illa vexatio, & Deo propitiis miserante, cessauit.* Similia habent Chrysostomus homil. 18. & 21. in Acta Apostolorum, Prosper in lib. de predictionibus Dei, cap. 6. dimidij temporis, Gregorius homil. 37. in Euangelia, Beda lib. 4. huiusmodi Anglicana, cap. 22. & alij.

4. Hæc conclusio fundatur in duobus principiis. Vnum est, quod Missa sit sacrificium propriè dictum. Hoc supra confirmatum est, partim ex scriptura, partim ex communi Patrum & totius Ecclesie consensu. Alterum, quod omnes differentie sacrificiorum veteris Testamenti, contineantur in sacrificio Missæ. Hoc docent Chrysostomus in Psalm. 95. Augustinus libro primo contra aduersarium legis & Prophetarum, capite 20. & Leo Papa sermone octauo de passione Domini. Ex utroque principio sic argumentatur; In veteri Testamento erant aliqua sacrificia impetratoria: Ergo etiam sacrificium Missæ, in quo continentur omnes differentie sacrificiorum veteris Testamenti, est impetratorium. Sequela manifesta est. Antecedens probatur variis exemplis. Primum, Davidis, qui obtulit sacrificium pro peste auertenda & impetrauit. 2. Reg. 24. 25. Secundò Oniæ, qui obtulit pro vita Heliodori, quam etiam impetrauit. 2. Macha. 3. 32. Tertiò Hebræorum, qui obtulerunt pro vita Regis Darij, & filiorum eius. 1. Esdr. 6. 10. Sanè, si hanc vim habuerunt sacrificia Mosaica, cur nostrum non habeat, quod multo illis perfectius est?

3. *Secunda conclusio.* Sacrificium Missæ prodest etiam ad placandum Deum & expianda peccata, ideoque rectè vocari potest sacrificium propitiatorium. Ita Concilium Trident. Sess. 22. cap. 2. & can. 3. & passim antiqui Patres. Iacobus in Liturgia sic habet, *Offerimus tibi incruentum sacrificium pro peccatis nostris, & ignorantis populi.* Basilus in Liturgia, *Effici nos dignor, qui offeramus sacrificium hoc reuerendum ad abolenda delicta nostra, & pro piaculo populi tui.* Chrysostomus, in Liturgia: *Idoneos nos redde ad offerenda tibi sacrificia pro peccatis nostris, & populi ignorantis.* Augustinus quæst. 17. in Leuiticum: *Illis sacrificiis, quæ pro peccatis offerebantur, unum hoc sacrificium significabatur, in quo vera fit remissio peccatorum.* Quid clarius dici potuit? Nec verum est, quod Hutterius Lutheranus in suo Triumpho, ex desperatione contendit, Augustinum loqui de sacrificio crucis, in quo vera fit remissio peccatorum. Omnino loquitur de sacrificio Missæ seu Eucharistie. Sic enim habet; *Sed cum Dominus dicit, Nisi manducaueritis carnem meam, & biberitis meum sanguinem, non habebitis vitam in vobis: quid sibi vult, quod à sanguine sacrificiorum, quæ pro peccatis offerebantur, tam opere populus prohibetur, si illis sacrificiis unum hoc sacrificium significabatur, in quo vera fit remissio peccatorum; à cuius tamen sacrificij sanguinem in alimentum sumendo, non solum nemo prohibetur, sed adhibendum potius omnes exhortantur?* Hic quærit Augustinus, quare Iudæi prohibiti fuerint sumere sanguinem sacrificiorum, quæ in veteri Testamento pro peccatis offerebantur; cum tamen Christiani non prohibeantur, sed inuitentur ad sumendum sanguinem sacrificij illius, in quo fit vera remissio peccatorum, & quod per vetera sacrificia

A sit præfiguratum: Certè Christiani non inuitantur ad sumendum sanguinem sacrificij crucis, sed Eucharistie: nec Christus de sacrificio crucis, sed Eucharistie locutus est, cum dixit, *Nisi manducaueritis carnem meam, & biberitis meum sanguinem, non habebitis vitam in vobis.*

6. Hic vnum Augustini testimonium merito sufficeret homini cordato, præsertim, cum non solus Augustinus ita sentiat, sed alij Patres cum illo, Origenes, Iustinus, Athanasius, Ambrosius, & quos paulo ante citavi, Iacobus, Basilus, Chrysostomus. Accedit ratio, quam superius attigi, quia omnes differentie veterum sacrificiorum continentur in sacrificio Missæ, sed in veteri Testamento erant aliqua sacrificia pro peccatis, quod negari non potest: Ergo & sacrificium Missæ est tale.

7. Duo superiunt explicanda. Vnum est, vnde sacrificium Missæ habeat hanc vim impetrandi beneficia à Deo, & expiandi peccata? Alterum, quo sensu dicatur expiare peccata, an scilicet, quoad culpam, an tantum quoad pœnam? Est ergo prior quæstio, vnde habeat vim impetrandi & propitiandi? *Respondet.* Habet eam ex duplici capite. 1. Ex opere operantis, 2. ex opere operato, vt vocant. Dicam clarius. Duplex fructus accipi potest ex sacrificio Missæ. Alter ex fide & deuotione sacerdotis, qui sacrificat, itemque ex fide & deuotione populi, qui assistit & contentit sacrificanti. Hic autem fructus non debetur sacrificio, quatenus sacrificium est, sed quatenus est actus virtutis. Omnis enim actus virtutis, qui ab homine iusto in hac vita exercetur, habet vim quandam merendi, satisfaciendi, & impetrandi apud Deum. Sicut ergo iustus per actum elemosynæ, aut orationis, aut ieiunij, potest sibi & aliis aliquid impetrare apud Deum; sic etiam per oblationem sacrificij Missæ. Alter fructus est proprius huic sacrificio, quatenus sacrificium est, & ex peculiari Christi promissione illi debitus & annexus. Christus enim sic instituit, vt quotiescunque sacrificium hoc offertur pro impetrandis beneficiis, aut remittendis peccatis sortiatur hunc effectum, nisi ex parte nostra sit aliquod obstaculum. Et hic effectus non pender à deuotione sacerdotis, sed ex liberali Christi promissione (quam per traditionem accipimus) & fundatur in meritis & satisfactionibus Christi. Igitur prior effectus, qui pender à fide & deuotione offerentis, censetur conferri ex opere operantis. Posterior, qui fundatur in meritis & promissione Christi, ex opere operato.

8. Posterior quæstio est, an sacrificium Missæ expiet peccata, quoad culpam, an quoad pœnam? *Respondet.* Immediate non expiat, nisi quoad pœnam temporalem: Nam culpa, præsertim mortalis, non solet ordinariè tolli, nisi 2. modis. Primum, per contritionem extra sacramentum. Secundò, per attritionem in sacramento, potissimum Baptismi & Pœnitentie. Igitur sola pœna temporalis, siue in hac vita, siue in Purgatorio luenda tollitur per sacrificium Missæ. At quomodo hoc fit? per applicationem satisfactionis Christi. Christus enim in cruce abundè satisfecit pro omnibus mundi peccatis, tam quoad culpam, quàm quoad pœnam. Hæc autem satisfactio, quoad culpam, applicatur nobis per fidem, contritionem, & sacramenta: quoad pœnam, per sacrificium Missæ, & aliis modis.

9. Ex dictis faciliè diluuntur obiectiones Aduersariorum, quibus contendunt, hoc sacrificium non esse propitiatorium pro peccatis. *Prima est:* Nulla fit remissio peccatorum sine sanguinis effusione. Hebr. 9. 22. At in eucharistia non est sanguinis effusio: ergo in Eucharistia non fit remissio peccatorum: ergo non est sacrificium propitiatorium. Ita post Caluum, Bal-

diuus in Notis ad Disputationem meam de Communionem sub vtraque specie, David Paræus in c. 9. Epist. ad Hebræos, & alij. *Respondeo.* Hoc argumentum sic potest retorqueri. Nulla fit remissio peccatorum sine sanguinis effusione: At in fide iustificante non est sanguinis effusio: ergo per fidem iustificante non fit remissio peccatorum. Ergo falsum est, quod dicunt aduersarij, peccatores iustificari per fidem. Falsum est, quod clamant fidem iustificantem in eo consistere, quod quis certo credat, remitti sibi peccata, dum credit. Quid hic dicent? Sed ad rem. Verba Apost. sic sunt intelligenda: Non fit remissio peccatorum, in veteri Legē sine effusione sanguinis. Loquitur enim de Iudæis, non de Christianis. *Omnia pene*, inquit, *in sanguine secundum Legem mundantur, & sine sanguinis effusione non fit remissio.* Sensus est, secundum Legem Mosaicam, nullum erat sacrificium pro peccato, sine effusione sanguinis hircorum aut aliorum animalium. Quid hinc colligent aduersarij contra sacrificium Missæ? Non plus sanè quàm contra sacrificium crucis. Sic enim deberent argumentari: *Nulla fiebat remissio peccatorum in veteri Testamento, sine effusione sanguinis hircorum aut aliorum animalium: An in sacrificio Missæ non est effusio sanguinis hircorum aut aliorum animalium: Ergo in sacrificio Missæ non fit remissio peccatorum.* Ineptissimè. Nec in sacrificio crucis facta est effusio sanguinis hircorum aut aliorum animalium. An idèd non est facta remissio peccatorum? Viderint aduersarij, qui sic ludunt in Scripturis.

10. Addo, tamen si Apostolus loquatur de remissione peccatorum in veteri Testamento, quæ non fiebat sine effusione sanguinis animalium, verba tamen eius possè accipi generatim, hoc sensu: Nulla fit remissio peccatorum, siue in veteri, siue in nouo Testamento: sine effusione sanguinis Christi. Nisi enim Christus suum sanguinem pro nobis effudisset, nemo nec in veteri, nec in nouo Testamento potuisset Deo reconciliari, & peccatorum remissionem accipere. Hæc tamen reconciliatio & peccatorum remissio, quæ per effusionem sanguinis Christi facta est, non eodem modo applicatur nobis in nouo Testamento, quo Iudæis applicata fuit in veteri. Illis enim applicabatur per cruenta sacrificia animalium, vt ex Apostolo dictum nobis per sacrificium Missæ incruentum, & per sacramenta Baptismi & pœnitentiæ.

11. *Secunda obiectio.* Nullum sacrificium sæpius iteratum potest perficere cultores, teste Apostolo: At Missæ sacrificium est sæpe iteratum: Ergo non potest perficere cultores, ac proinde nec peccata remittere. Ita David Paræus in c. 10. ad Hebræos, & alij. *Respondeo.* Et hoc argumentum sic retorqueri potest: Nullum sacrificium sæpius iteratum potest perficere cultores, teste Apostolo: At fides & alia pia opera, quæ secundum aduersarios, sunt sacrificia Christianorum sæpius iterantur: Ergo non possunt perficere cultores. In vtroque syllogismo neganda est maior propositio, quæ falsò tribuitur Apostolo. Nam Apostolus solùm confert sacrificia Mosaica cum sacrificio crucis Christi: Et dicit hoc interesse quod Mosaica, tamen sæpius repeterentur, & non tamen potuerint per se perficere & iustificare Iudæos; quod verissimum est. Sacrificium autem crucis, quod semel oblatum est, per se fuerit infiniti valoris, ac proinde sufficientissimum ad iustificandos homines; quod etiam verissimum est. Eo tamen non obstante, necesse est, fructum sacrificij crucis nobis applicari, nec semel tantum, sed quoties indigemus. Sicut ergo potest applicari per fidem & Eucharistiam sæpius iteratam, vt fatentur aduersarij, cur non similiter per sacrificium Missæ sæpius iteratum? Et sic factum est in veteri Testamento. Nam quoties Iudæi in certa quæ-

Opusc. Bec.

Adam peccata prolapsi erant, iubeantur offerre sacrificium propitiatorium.


CAPVT XIII.

An valor & effectus huius sacrificij sit infinitus?

1. **I**N vtramque partem est ratio dubitandi. Videtur esse infinitus, quia res oblata est infinita. Contra, videtur esse finitus, quia oblatio est finita. Sed distinctione opus est. Aliud est valor, aliud effectus sacrificij. Valor significat moralem dignitatem, quam habet, tum ex parte offerentis, tum ex parte rei oblatae. Effectus autem est id, quod de facto datur intuitu illius dignitatis. Hoc posito, sit

1. *Prima conclusio.* Sacrificium Missæ, secundum se, est infiniti valoris ad impetrandum. Ratio est, quia tam ex parte rei oblatae, quàm ex parte oblationis est æquale sacrificio crucis: at sacrificium crucis fuit infiniti valoris: Ergo & sacrificium Missæ est tale.

2. *Secunda conclusio.* Nihilominus effectus illius est finitus; quia ille non debet mensurari secundum valorem & dignitatem sacrificij, sed secundum institutionem & promissionem Christi. Simile est in meritis Christi, quæ secundum se fuerunt infiniti valoris, & tamen habuerunt effectum finitum ex ordinatione Dei.



APPENDIX.

An Christus aliquando appareat in sacrificio Missæ sub forma carnis, aut sanguinis, aut pueri.

1. **M**AGNI Authores referunt huiusmodi apparitiones aliquando factas esse, vt Paschasius in lib. de Eucharistia cap. 14. Guilmundus lib. 3. de eodem Sacramento, Amphilocheus in vita Basilij, vbi refert quendam Hebræum solitum fuisse videre infantem dari manducandum communicantibus. Et in quibusdam locis adhuc extat sanguis, qui hoc modo apparuit.

2. Solent autem tribus modis fieri huiusmodi apparitiones. 1. virtute diuina, 2. per illusionem dæmonum, 3. ex vehementi imaginatione, vel læsione & debilitate phantasie. Igitur opus est discretionem spirituum, ad discernendum, an fiant hoc vel illo modo. Hæc regula seruanda est. Quando à Deo fiunt, potissimum fieri solent ad confirmandum fidem de præsentia Christi in eucharistia. Quod si fiant ob alium finem, res diligenter examinanda est. Maxime autem suspecta esse debet apparitio, quæ fit mulierculis.

3. Huiusmodi apparitiones dupliciter fieri possunt à Deo, vt notat D. Thomas 3. p. q. 76. art. 8. & alij passim. Primò facta immutatione ex parte videntium, vt quando quis putat se videre puerum aut

R 1

carne in Eucharistia, & tamen ex parte rei non sit villa mutatio. Secundò, facta immutatione ex parte Eucharistiae, ut quando reuera apparet species pueri vel carnis in Eucharistia. Porro, ad discernendum, an fiat mutatio ex parte videntium; an ex parte Eucharistiae, duplex signum adfertur à Diuo Thoma. Vnum est, si eodem tempore, vni aut alteri apparet forma pueri, & aliis forma hostiae, mutatio sit ex parte videntium tantum, & non ex parte Eucharistiae. Si enim fieret ex parte Eucharistiae, iam ab omnibus aequaliter perciperetur, & non ab vno vel altero tantum; nisi posito nouo miraculo, quod non facile admitti debet. Alterum, si apparitio carnis aut pueri duret breui tempore, & statim iterum appareat hostia, sicut antea apparuerat; iam etiam mutatio tenet se ex parte videntium, non autem ex parte Sacramenti. Hæc signa probabilia sunt.

4. *Dices.* Nulla apparitio deceptoris potest esse à Deo, quia Deus, sicut non potest mentiri, ita non potest decipere aut fallere aliquem: sed omnes apparitiones, quæ sunt ex parte videntium, nulla facta immutatione in eucharistia, sunt deceptoris, quia nihil aliud sunt, quam illusiones sensuum: Ergo non fiunt à Deo. *Respondes.* Ex hinc æstimandum est, an sint deceptoris necne. Si fiant per præstigia & illusiones

A demonum ad decipiendos homines, sine dubio deceptoris sunt. Si fiant à Deo, ad manifestandam præsentiam corporis Christi in Eucharistia, vel ad similem finem (ut factum est discipulis euntibus in Emaus, quibus apparuit Christus sub specie hominis peregrini) non sunt deceptoris, sed alicuius veritatis aut mysterij significatrices. Huc spectat illud August. l. 2. questionum euangelicarum. cap. 51. *Non omne, quod fingimus, mendacium est, sed quando id fingimus, quod significat nihil, tunc est mendacium. Cum autem fictio nostra refertur ad aliquam significationem, non est mendacium, sed aliqua figura veritatis.*

5. Solet disputari an in his apparitionibus, quando à Deo fiunt, præsertim facta immutatione ex parte Eucharistiae, videatur vera caro, aut sanguis Christi; an tantum externa species carnis aut sanguinis? Diuus Thomas, & nonnulli alij; putant videri solam speciem carnis & sanguinis, non ipsam carnem & sanguinem. Ratio est, quia id, quod apparet, solet aliquando multis annis asseruari. Est autem indecens carnem aut sanguinem Christi asseruari, extra corpus Christi. Multi tamen contrarium sentiunt, ut Alexander Aletius 4. pag. quæst. 53. membr. 4. artic. 3. Gabriel lect. 51. in Canonem, Palacius, distinct. 10. disputat. vltima. Res incerta est, de qua nihil affirmare audeo.

FINIS.





R. P. MARTINI BECANI

SOCIETATIS IESV THEOLOGI OPUSCULORVM THEOLOGICORVM TOMVS TERTIVS

ARGVMENTVM CVIVSQUE OPVSCVLI.

Primum Opusculum inscribitur, Examen Plagæ Regiæ. In quo breuiter refellitur Conradus Graferus Calvinista, qui scripsit Commentarium in Apocalypsin, sub hoc titulo Plaga Regiæ & in eo conatus est probare, Pontificem Romanum esse Antichristum, & omnes plagas, quibus afficiuntur Reges & principes seculares, à Pontifice Romano provenire.

Secundum Opusculum inscribitur, De fide Deo seruanda. In quo proponitur quaestio, An Monachi seruent Deo fidem, & sint liberi in conscientia, qui profugiunt ad Lutheranos & Calvinistas, & ibi uxores accipiunt, nulla habita ratione voti continentis, quo se ante obstrinxerunt? Et resolvitur in negantem partem.

Tertium Opusculum inscribitur, Priuilegia Calvinistarum. In quo recensentur tredecim Priuilegia, collecta ex libris & doctrina Calvinistarum: & breuiter examinantur. Sunt autem hæc. 1. Omnes Calvinistæ sunt sancti ab utero materno. 2. sunt Sacerdotes Dei 3. sunt certi de sua salute & vita æterna. 4. norunt discernere inter Scripturas canonicas & non canonicas. 5. nunquam errant. 6. habent peculiarem doctrinam à cælo delapsam. 7. ad eam tamen non astringuntur. 8. habent etiam peculiare purgatorium. 9. impunè peccant. 10. impunè mentiuntur & calumniantur. 11. impunè maledicta & conuitia in alios iaciunt. 12. possunt suos Reges & Principes interficere. 13. liberi sunt ab omni lege.

Quartum Opusculum inscribitur, Quaestiones Batauicæ. In quo contra quendam Batauum Calvinistam disputantur hæc quaestiones. 1. an Calvinistæ sint Evangelici. 2. an etiam Lutherani sint Evangelici. 3. an & Batauus sit Evangelicus. 4. an sit Calvinista. 5. cur nomen suum non expresserit. 6. cur tam iracundè agat. 7. an Pontifex sit Antichristus. 8. an Iesuitæ sint Regicidæ. 9. an sint proditores. 10. an perduelles. 11. an ingrati in Regem Gallie. 12. quid Rex Gallie sentiat de Iesuitis. 13. an Rex Gallie fuerit vere Catholicus. 14. an Catholici in Concilio Tridentino decernant, hereticis non esse seruandam fidem. 15. an hoc ipsum

Opusc. Bec.

R r ij


decernant in Concilio Constantiensi. 16. an etiam in Lateranensi. 17. an decreta Pontificum hoc statuunt. 18. an Catholici passim ita scribant & sentiant. 19. an Catholici reipsa non seruent hæreticis fidem.

Quintum Opusculum inscribitur, Dissidium Anglicanum de Primatu Regis. In quo ostenditur; Theologos Angliæ, qui defendunt Primatum sui Regis, dissidere inter se in his punctis. 1. an Rex Angliæ habeat aliquem Primatum in Ecclesia. 2. an Primatus ille sit Ecclesiasticus & spiritualis. 3. an Rex ab eo Primatu possit vocari Primas Ecclesiæ. 4. an ab eodem vocari possit supremum Caput Ecclesiæ. 5. an Primatus ille consistat in aliqua potestate vel iurisdictione Ecclesiastica. 6. an Rex ratione sui Primatus possit indicere Concilia & in ijs præsidere. 7. an possit leges Ecclesiasticas condere. 8. an beneficia Ecclesiastica conferre. 9. an Episcopos creare & deponere. 10. an contumaces excommunicare. 11. an Iudicem controuersiarum agere. 12. unde Rex habeat suum Primatum. 13. an subditos possit cogere ad iuramentum Primatus.

Sextum Opusculum inscribitur, Duellum Martini Becani Societatis Iesu Theologi, cum Guilhelmo Thooker, Anglicanæ Theologiæ Professore, & Decano Ecclesiæ Lichfeldensis, De Primatu Regis Angliæ. In quo discutuntur hæc cap. 1. an Rex iure naturalis habeat Primatum Ecclesiæ. 2. an iure diuino Veteris Testamenti. 3. an iure diuino noui Testamenti. 4. an iure ciuili vel canonico. 5. an consensu doctorum hominum. 6. an titulo præscriptionis. 7. an secundum principia suæ doctrinæ. 8. si Rex non habet Primatum Ecclesiæ, quodnam illius officium circa Ecclesiam sit. Et an omnem Ecclesiæ, & religionis curam abicere debeat.

Septimum Opusculum inscribitur, De Pontifice veteris Testamenti, & de comparatione illius cum Rege. In quo agitur de his punctis. 1. De familia Pontificis. 2. de successione. 3. de consecratione. 4. de officio & potestate. 5. de vestibus & ornatu Pontificali. 6. de redditibus annuis. 7. de auctoritate. 8. de comparatione illius cum Rege, in variis capitulis. 9. quæ utilitas hinc percipi possit.





R. PATRIS

MARTINI BECANI SOCIETATIS IESV

THEOLOGI, OPUSCULUM

Primum.

EXAMEN PLAGÆ REGIÆ.



DRODIIT nuper ex Heluetia ingens Tractatus cum hac inscrip-
tione: Plaga Regia, hoc est, Commentarius brevis, & per-
spicuis in Apocalypsin sancti Ioannis, quatenus hæc re-
conditissima Prophetia hucusque per decurrentia Eccle-
siæ Catholicæ fata, impleta est, & hodie potissimum
impletur. Eius exemplar, diebus superioribus, ad me misit
illustris Vir, Marcus Velserus, Duumvir Augustanus. Per-
curri obiter, & notavi, quæ festinanti occurrebant. Quid de
eo sentiam patebit ex hoc brevi Examine, quod subiicio; cuius hæc
sunt capita.

- I. Quis sit author Plagæ Regiæ?
- II. Quis Patronus, cui inscripta & dedicata est?
- III. Quæ ratio nominis? seu, cur vocetur Plaga Regia?
- IV. Quid argumenti tractet?
- V. Quo spiritu ab authore conscripta sit?
- VI. Quam certa sit eius doctrina? Ex quibus omnibus constabit.
- VII. Quo loco habenda sit Plaga Regia?

Ex his paucis capitibus & meam sententiam de Plaga Regia, & illius pretium ac dignitatem
facile intelliges prudens Lector. Quamvis enim, ut dixi, ingens Tractatus sit, qui vel sola mole
ac quantitate posset hominem alias occupatum, à lectione deterrere; nihil tamen ingenti refuta-
tione opus esse censeo. Aliud est, multa scribere; aliud bene, doctè & nervosè scribere. Multa
concessit author Plagæ Regiæ; sed parum solidè probavit. Quid ergo multis refutare necesse est?
Nisi quis otio abundet, quod sane in me locum non habet. Itaque paucis & strictim cum homi-
ne agendum censui.

Opusc. Bec.

R. ij

CAPVT I.

Quis sit author Plaga Regie.

Author illius est Conradus Graferus, qui quidem & sacram Scripturam diligentè legisse, & multos annos in hoc Opere conscribendo laborasse, videri potest. At triplici nomine suspectum merited se facit. 1. quia Calvinista est. 2. quia vbiq; se ipsum laudat. 3. quia alios fastuose præ se contemnit, mendaciis obruit, conuitiis infestatur, & scurriliter illudit. Hæc tria paucis explicabo.

1. Primò igitur Calvinista est. Quis autem nesciat, quàm atrox blasphema, & pestilens Calvinistarum doctrina sit? Hactenus palam docuerunt hos Aphorismos: 1. Deum esse authorem peccati. 2. Deum prædestinare homines ad æterna supplicia, sine vlla ipsorum culpa. 3. Deum non sincerè, sed simulatè agere cum hominibus. 4. Christum non esse mortuum, pro omnibus. 5. Imaginem Christi crucifixi nullo modo in templis tolerandam esse. 6. Sanctos, qui dicuntur cum Christo regnare, esse larvas, bestias, carnifices. 7. Peccatum originale non tolli per baptismum. 8. Ne reliqua tolli in Iustificatione, sed tantum tegi, seu occultari. 9. Omnia iustorum opera nihil aliud esse quàm lordes, inquinamenta, & peccata mortalia. 10. Gratiâ Dei non sufficere ad benè agendum. 11. Omnes filios fidelium esse sanctos ab utero materno, ac proinde non egere Baptismo. At nunc vterius progressi, non sunt contenti illis Aphorismis, sed hos insuper Atheismos adiciunt. 1. Deum non esse infinitum. 2. Deum non esse vbiq; præsentem. 3. Incertum esse, an Deus secundum substantiam sit alibi præsens, quàm in celo. Et quod inde sequitur, Incertum esse, an Christus, cum in terris versatus est, fuerit verus Deus. 4. In Deo esse vera accidentia, realiter distincta à substantia Dei. 5. Decreta Dei (cuiusmodi est decretum prædestinationis, aut reprobationis, aut creationis mundi) non esse ab æterno. 6. Aternitatem Dei non esse indivisibilem, & totam simul, sed successivam. Ita Conradus Vorstius Calvinista in Tractatu de Attributis divinis, quem nuper edidit. Quid nunc sperare possis à Grafero, qui eodem spiritu Calvinistico imbutus est? qui in eodem stadio currit, vtpalmam Atheismi consequatur?

3. Et tamen vbiq; se laudat hic Author. Sed astute. Nam in toto suo volumine, quod sanè ingens est, instituit perpetuum colloquium inter Danielem & Eusebium, Daniel Graferi personam sustinet. Eusebius laudatoris officio fungitur. Et quidquid alter dicit, hic approbat. Quis non videat ex composito rem geri? Non audebat Graferus in propria persona seipsum commendare. Hoc enim quivis aduertisset. Igitur collocutorem adhibuit, qui applausu & præconio exciperet omnia, quæ ab ipso dicerentur. Et hoc strenuè fecit Eusebius. Sic enim passim loquitur: *Cogitationes tuae mihi hic longius progredi videntur, quàm cuiusquam aliorum.* Item: *Tu mihi caliginem, quæ hactenus in Patricij huius lectione oculos meos obscuravit, paulatim abstergis.* Item: *Arguta sunt hæc coniectura.* Item: *Iucunda sunt hæc, & notata digna sunt.* Item: *in hoc tibi nemo contradicit.* Item: *Pulchra sunt hæc cogitationes.* Item: *Hæc profecto per se pia sunt, & pro animo iucundissima.* Item: *Egregium profecto hoc & notatu dignum est.* His & similibus loquendi formulis vbiq; se laudat Graferus sub larva Eusebij collocutoris.

4. Sed qui se ipsum tanti facit, quo loco habet alios

A mortalium? Nullo, vel certè exiguo. Ne longus fiat, ex vno hoc disto. Afferit in sua *Plaga Regia*, Prophetiam Apocalypsis aliis omnibus obscuram esse; sibi non item. Distinguit autem tria genera aliorum hominum. In primo ponit fanaticos. In altero, probos auctores. In tertio, præceptores suos. Primos ait, latibula querere; alteros, nemini satisfacere. Tertios, duri nimis iudicii esse. Addit, sibi præ cæteris obortam esse aliquam lucem, & per eam ingenti desiderio profundissima quæque scrutatum esse; nec suo conatui Dei benedictionem defuisse. In qua re planè similis est Phariseo Evangelico. Nam perinde est, ac si dicat: Domine, gratias tibi ago, quia non sum sicut cæteri Apocalypsis interpretes, fanatici, nemini satisfaciētes; velut etiam Præceptores mei, duri iudicii homines. Mihi vni lux oblata est: Ego profunda mysteriorum penetraui: meo conatui benedictio tua non deest.

5. Nec abstinere à conuitiis. Pontificem vocat *Dracem principem*: Pontifices, *quisquisque Mundi*. Et vix multa similia omittam, quibus omnia plena sunt, disertè affirmat. Spiritum sanctum quædam oscitantem in Apocalypsi descripsisse: quædam *ad nauseam lectoris inculcasse*. Mendacia passim occurrunt. Ait, Catholicos palam docere, *Papam se quidem à Deo posse indicari*. Imò, *Papam habere potestatem dispensandi contra quatuor Evangelia, & contra Pauli Epistolas*. Omitto alia. Illud scurrile est, quod addit, Catholicos accuratè soltos esse disputare, *an moraliter peccet, qui in Ecclesia pedis? An passeris, & alia bruta Ecclesiam defædantia, liceat excommunicare? An mater Maria, in filia conceptione, carnis delectationem senserit?* & quæ eiusdem farinae sunt. Ergo ob has causas merited suspectus est Graferus cum sua *Plaga Regia*.

CAPVT II.

Cui Patrono inscripta & dedicata sit Plaga Regia?

Serenissimo Britannia Regi Iacobo inscripta & dedicata est, cum hoc titulo: *Fidei veri Catholicae propagatori, ac defensori*. Non satis video, quò spectet hic titulus: aut qua conscientia, homo Calvinista, Regem illum appellet Catholicæ fidei defensorem ac propagatorem. Certè Rex Britannia Calvinista non est. Imò Calvinistas seu Puritanos (quod idem est) in sua monitoria præfatione ad Imperatorem, Reges, & Principes, miris modis execratur. Hæc enim de illis scribit: Primò, esse homines furiosos & incendiarios. Secundò, plus se fidei reperisse in esseris lacronibus, quàm in Calvinistis. Tertio, se non solum à natiuitate continuo vexatum fuisse à Calvinistis, sed etiam in utero materno propemodum extinctum antequam nasceretur. Quarto, se in suo libro ad filium, multo acrius ac vehementius in Calvinistas, quàm in Pontificios inuestum esse. Denique, se eidem libro prolixam in odium Calvinistarum, præfationem apologeticam præfixisse. Hæc & similia habet Rex. Quid ergo homini Calvinistæ in mentem venit, ut hunc ipsum Regem, qui tantus Calvinistarum hostis & persecutor est, tam insigni ac specioso titulo exornare ausus sit.

1. Ut res sit clarior, addam duo dilemma. Vnum, vel Rex Britannia verè Catholicus est, vel non est. Si Catholicus est, certè Calvinistæ Catholici non sunt, quos Rex Catholicus persequitur. Si Catholicus non est, cur Calvinista Catholicæ fidei defensorem appellat? Hic sanè alterutrum fateri necesse est, aut Calvinistam mendacem esse, si Rex Catholicus non est: aut

hereticum esse, si P. ex Catholicus est. Nec video, quo modo elabi possit.

3. Alterum, Author Plagæ Regiæ, vel habet veram doctrinam, vel falsam. Si falsam, cur eam Regi Catholico obtrudit? an Regem Catholicum falsitatis Patronum fore existimat? Si veram, quomodo Regem Catholicum à falsitate vindicabit? Nam Rex in multis contrarium sentit, ut c. 6. demonstrandum est.

4. Sed video me frustra hic hærere. Aliud mysterium latet in hac inscriptione. Aliud, quam fidem Catholicam spectavit Graferus, quando Regi Britanniz, tanquam Catholicæ fidei propagatori, Plagam Regiam dedicavit. Quid illud? Facile coniciam, quod res est. Speravit fore, ut vel thesaurum à Rege potentissimo per huiusmodi blandimenta extorqueret, vel certe in Angliam ad lautiores mensas evocaretur. Hic enim est Icopus, in quem collimant eiusmodi Novatores. Vereor tamen, ne Rex fucum aduertat, præsertim si Sacellanus ei ad manum sit.

CAPVT III.

Quid sibi velit hoc nomen Plaga Regia?

1. **G**raferus inscripsit librum suum, *Plagam Regiam*. Hoc dupliciter potest intelligi. Primo, ætiue, quasi Reges plagam aliis immittant. Secundo passiuè, quasi plagam ab aliis patiantur. Igitur Graferus in Præfatione ait; se posteriori modo intelligere. Vult enim hac libri inscriptione significare, Reges & Principes insignem plagam accipere, propter quorundam hominum improbitatem. Et ita est. Insignem plagam accipiunt ab ipso Grafero, qui toto suo volumine id potissimum contendit, Pontificem Romanum esse Antichristum; & omnes Pontifici Romano adherentes, esse Antichristianos. Nunc autem constat, plerisque Reges & Principes adherere Pontifici in causa religionis ac fidei; ut Imperatorem, Reges Galliz, Hispaniz, Poloniz, Hungariz, Archiduces Austriz, Duces Bauariz, Lotharingiz, Burgundiz, Brabantiz, Franconiz, Metrutiz, Principes Electores, Moguntinum, Treuirenses, Coloniensem, & alios complures. Igitur hi omnes à Grafero p. Antichristianis habentur. An non insignis hæc plaga est?

2. Velim tamen à Grafero disertè intelligere quid illi Reges sint, in quorum gratiam Plagam Regiam conscripsit? An illi, qui iam nominati sunt? an potius Rex Britanniz, cui Plaga Regia dedicata est? Verique sanè, & ætiue & passiuè se habent in hoc negotio. Priores quidem ætiue, quia iuste persequuntur Calvinistas; passiuè, quia à Grafero Calvinista habentur pro Antichristianis, ut dictum est. Id multo clarius est in Rege Britanniz. Is enim insignem plagam immisit Calvinistis, quando eos in sua monitoria præfatione, appellauit hæreticos, furiolos, incendiarios, & effrenis latronibus deteriores. Et iam ante, luculentam plagam à Calvinistis acceperat, quando in vtero materno, vitæ ipsius insidiati sunt; antequam in lucem ederetur.

Opusc. Bee.

CAPVT IV.

Quid argumenti tractet author Plagæ Regiæ?

1. **E**xplicat ferè totam Apocalypsin B. Ioann. Et potissimum persequitur septem Epistolas, quæ scriptæ sunt ad totidem Ecclesias Asiaticas, septem Sigilla, quæ à nemine, nisi ab Agno, aperiri poterant, septem Tubas, quæ à totidem Angelis inflatæ sunt, & septem Phialas, quæ à septem Angelis effusæ. His omnibus contineri aut varia Plagarum genera, quæ scilicet nunc patitur ab Antichristo, & iam ante ab illius præcursoribus passa est. Et in hunc scopum omnia dirigit, ut ostendat, Papam esse Antichristum; & omnes Plagas à Papa in ecclesiam & Christianos Reges ac Principes deriuari.

2. Atque hæc est summa totius operis, quod speciatim diuiditur in tres tractatus. Primus inscribitur, *Hypothesis Plagæ Regiæ*. Secundus, *Historia Plagæ Regiæ*. Tertius, *Illustratio Plagæ Regiæ*. In Hypothesi explicat Graferus septem Epistolas, septem sigilla, septem tubas, & quinque priores phialas; in Historia, sextam & septimam phialam, & multa alia de Dracone, bestia, & pseudopropheta. Hæc autem explicatio, ut supra insinuaui, in eum finem ab eo suscepta est, ut populo scilicet persuadeat, Pontificem Romanum esse verum Antichristum. Et hoc ipsum confirmat in tertio Tractatu, id est, in illustratione Plagæ Regiæ. At quomodo confirmat? Non aliter, quam nocturna quadam visione, quam dicit F. Nicolao, Heluetio, Eremitæ dsumitus obtigisse. Ea secundum Graferum sic habet.

Visio Nicolai Eremitæ secundum Graferum.

3. Apparuit F. Nicolao splendens ac perlucidus circulus, seu rotundus campus, in quo inclusum erat caput Papale, redimitum trisido diademate, & in eius fastigio, orbiculus cum cruce. Facies illius capitis erat rubicunda, vultus atrox & valde minax, frons corrugata, truces & micantes oculi, barba hirsuta, cana, & in tres circos discretæ. Superius labrum mystace prominente ferociens. Ex circumferentia circuli tres gladij tendentes in faciem Papæ, quorum primus ex imo circuli, per barbam Papæ, in os eius ingrediebatur; reliqui duo ab utroque latere oculos fodiebant. Contra hos tres gladios, alij totidem ex ipso capite Papali exibant, quorum duo ex naribus, versus utrumque circuli latus tendebant; tertius ex fronte sursum porrigebatur.

Interpretatio visionis secundum Graferum.

4. Hanc visionem interpretatur Graferus hoc modo. 1. Splendens & pellucidus campus est Ecclesia Papistica, seu totius ille terrarum campus, in quo Papa dominatur. 2. Triplex diadema impositum capiti Papali, significat triplicem potestatem, seu tyrannidem Papæ. 3. Facies rubicunda, vultus atrox & minax, frons corrugata, truces & micantes oculi, significant illius feritiam & crudelitatem, quam exercet in pios Calvinistas. 4. Barba hirsuta, designat sylvam traditionum, quæstionum, & legum Pontificalium, ac supellectilem

templariz. 5. Tres cirri barbz, sunt Scholastici, Canonistz, Monachi. Neque huc proprie spectant Iesuite, qui potius sunt quinta essentia ex illis omnibus distillata. 6. Tres gladij ex circulo in caput Papale tendentes, sunt reformati seu Evangelici, qui Papatum oppugnant. 7. Tres alij, ex capite Papali versus circulum egredientes, sunt Catholici, qui Papatum defendunt. Et quidem duo illi, qui ex naribus procedunt, repræsentant duplicem Papæ iurisdictionem, ordinariam, nempe spiritalem & temporalem, eoque spectant omnes Pontificij, qui hætenus ordinariæ pro Papa pugnarunt. At tertius, qui ex fronte sursum accendit, designat Iesuitas, qui subtilitate & acumine plus aliis valent. & sunt quasi extraordinarij & privilegiati Papæ defensores. Porro, quod utrinque sint tres gladij, nec plures pro Papa, quam contra Papam, manifestum lignum est. Pontificios & reformatos pari conatu inter se contendere, & æquali ferè numero, hos Papam oppugnare, illos defendere.

Veritas visionis.

5. Ex hac sua interpretatione concludit Graferus, quod vult, nempe Papam esse Antichristum, & omnes plagas, quibus Ecclesia diuinitus ponitur & affligitur, à Papa tanquam vero Antichristo, provenire. Si totam rem in syllogismum coniicias, emerget hoc argumentum: Quidquid nocturna visio F. Nicolai Helvetij, iuxta Graferi interpretationem significat, hoc sine dubio credendum est, & à serenissimo Britanniz Rege, tanquam fidei verè Catholicæ propagatore ac defensore, pro articulo reformatæ religionis acceptandum. At illa visio, iuxta Graferi interpretationem (tantoperè ab Eusebio commendatam) significat, Papam esse Antichristum: Ergo sine dubio hoc credendum est, & à serenissimo Britanniz Rege, tanquam fidei verè Catholicæ propagatore & defensore, pro articulo reformatæ religionis acceptandum. Atque hæc est medulla & succus Plagæ Regiæ.

CAPUT V.

Quo spiritu à Grafero scripta sit Plaga Regia?

1. **R**Ecè nos monet Apostolus 1. Ioan. 4. 1. *Charissimi, nolite omni spiritui credere, sed probate spiritus, si ex Deo sint.* Causam addit: *quia multi Pseudopropheta exierunt in mundum.* Multi iactant, se habere Spiritum Dei qui tamen agitantur spiritu vertiginis & mendacij. Igitur opus est discretionem spirituum, quam non omnes habent. Habuerunt illam Apostoli & Prophetæ, qui sciebant, se scribere dictante Spiritu sancto, quæ scribebant. Habuit Lucherus, qui sciebat, à diabolo suggeri sibi argumenta contra sacrificium Missæ. At non habuit Zuvinglius, qui dubitabat, ater an albus esset spiritus, qui illa verba, *Hoc est corpus meum*, metaphoricè intelligenda esse, inspiravit.

2. Quid dicimus de Grafero? quo ille spiritu dictante, scripsit Plagam Regiæ? Scio Calvinistas, inter quos Graferus est, solitos esse gloriari de quodam privato spiritu, cuius interna testificatione hæc duo beneficia consequi se aiunt. 1. quod certi sint de sua prædestinatione & vita eterna. 2. quod infallibiliter norint discernere inter Scripturas divinas & non divinas. Ab hoc spiritu vocant se *anabaptistæ*, id est, à Deo doctos, quia scilicet per hunc privatum spiritum docentur in me-

A dictare à Deo, quod sint filij Dei, & quod hæc scripturæ pro canonicis admittendæ sint, illæ respiciendæ. De hoc spiritu multa dixi in Libello de Circulo Calvinistico, contra Davidem Parvum Calvinistam Heidelbergensem. Neque hoc loco de eo agimus, duplici de causa. Primum, quia constat, esse spiritum mendacij & erroris, iuxta illud 1. Ioan. 2. 4. *Qui dicit, se nosse Deum, & mandata eius non custodit, mendax est, & in hoc operari non est.* At Calvinistæ, quando loquuntur ex instinctu privati spiritus, dicunt, se nosse Deum, & esse filios Dei; & tamen mandata eius non custodiunt, quia dicunt ea esse impossibilia: Ergo Calvinistæ, quando loquuntur ex instinctu privati spiritus, mendaces sunt, & veritas in eis non est. Secundò, quia privatus hic spiritus, præterquam quod mendax sit, non pertinet ad nostrum institutum. Non enim disputamus, an Graferus in Plaga Regia interpretatus sit Apocalypsin ex instinctu privati spiritus, necne? Constat non ita esse. Alioqui, cum hic spiritus communis sit omnibus Calvinistis, omnes potuissent Apocalypsin interpretari, non minus feliciter quam Graferus; cum tamen, ipso testante, secus res habeat. Vult enim, neminem hætenus penetrasse mysteria, quæ in Apocalypsi revelata sunt: et sibi soli hanc laudem reservatam esse, non obscure significat.

3. Debet igitur hic esse status quæstionis, an præter illum privatum spiritum, qui omnibus Calvinistis communis est, detur aliquis alius, qui speciatim & quasi extraordinariè concessus sit Grafero in explicanda prophetia Apocalypsis? Vel, quod eodem recidit, An Graferus, tanquam novus Elifas habeat duplicatum spiritum; unum communem cum aliis Calvinistis, cuius instinctu certus sit, se esse filium Dei: alterum sibi, proprium ac peculiarem, qui veram interpretandi rationem illi inspiravit? Difficilis quæstio: de qua ita sentio. Nouum & extraordinarium spiritum Grafero datum esse, non à Deo, sed aliunde. Novus sanè est, quia antiqui interpretes illum non habuerunt. Nemo unquam eo sensu interpretatus est Apocalypsin, quo Graferus. Extraordinarius est, quia præter communem ordinem vni Grafero communicatur. At Deo tamen non est; quod his tribus argumentis ostendo.

D

I. ARGUMENTVM.

Quod spiritus Graferi non sit à Deo.

4. Spiritus Dei non solet dictare mendacia, convitia, scurrilitates. At Graferus in plaga Regia scribit multa mendacia, convitia, scurrilitates, ut supra ostensum est: Non ergo ex Spiritu Dei id facit, sed diaboli. Nam Spiritus Dei in eo distinguitur à spiritu diaboli, quod hic mendacij, ille veritatis sit author & inspirator. De altero intelligitur illud 3. Reg. 22. 22. *Ero spiritus mendax in ore omnium Prophetarum eius.* et Ioann. 8. 44. *Vos ex patre diabolo estis, qui in veritate non steteris. Cum loquitur mendacium, ex propriis loquitur, quia mendax est, & pater eius.* De altero verò illud, Ioan. 14. 16. *Ego rogabo Patrem, & dabit vobis Spiritum veritatis.* Et cap. 15. 26. *Mittam vobis à Patre spiritum veritatis.* Igitur Graferus inter illos computandus est, de quibus prædixit Apostolus 1. Timoth. 4. 1. *Spiritus manifeste dicit, quia in novissimis temporibus discedent quidam à fide, attendentes spiritibus erroris & doctrinis damnosiorum.* et quem fructum sperare inde potest? Audi Prophetam Psal. 5. 7. *Perdes omnes, qui loquuntur mendacium.* Idem est fructus convitiatorum & scurrilitatis, Matth. 5. 23. *sphel. 4.*

II. ARGUMENTVM.

5. Quod à Deo inspiratur, non debet haberi pro probabili tantum coniectura, sed pro certa & infallibili veritate: At omnia ferè, quæ Graſerus adfert in Plaga Regiæ (exceptis mendaciis, cōiitiis, & scurrilitatibus) sunt probabiles tantum coniecturæ. Ergo non sunt inspirata à Deo. Maior clara est. Minorem concedit Graſerus cum Eusebio. Nā alter fatetur, se meras cōiecturas adferre; alter eas approbat & collaudat. Verba Graſeri sunt hæc: *Ex Prophetarum contextu non desunt indicia, ex quibus probabiles coniectura peti possunt.* Item: *hæc meam de temporis momento coniecturam, scilicet, ut spero, probant.* Item: *Coniecturam meam probas materia huius grandinis, à Spiritu sancto non frustra descripta.* Item: *Ex capite primo non obscure coniectura peruenit.* Hæc & similia habet Graſerus ad nauseam. Cui identidem Eusebius: *Argumenta hæc sunt coniectura.* Item: *Ne hæc quidem coniectura absurda est.* Item: *Probabiliter coniciis.* Item: *Et mihi coniectura hæc omnium probatissima videtur.* Item: *Coniectura hæc non adeo absurda, sed tamen nihil amplius, quam coniectura est.* Item: *Dicerem, ne hæc quidem coniecturam valde absurdam esse, si paulò certiori fundamento niteretur.* Item: *Vnde tu verò hæc coniciis?* Item: *Coniectura hæc mihi satis adhuc infirma, & insuper obscura videtur.* Item: *Hæc tamen, non nisi nuda coniectura sunt.* Vno verbo, omnia coniecturis aguntur. Et ausim asserere, toties repeti nomen *Coniectura*, ut ex eo solo repetito, libellus confici possit.

6. Dices; Coniecturæ sæpè sunt à Spiritu sancto, ut patet in coniecturis Iosephi & Danielis: ergo saltem non omnes respuendæ sunt. *Respondeo*: Neque nos omnes respuimus. Sed neque omnes admittimus. Igitur iudicio opus est. Ut hoc clarius intelligatur, notandum est, varias esse coniecturas, quæ tamen ad quinque capita reuocari possunt. 1. quædam immediate suggeruntur à Deo. 2. aliz à diabolo. 3. nonnullæ sumuntur ex signis naturalibus. 4. multæ ex signis moralibus. 5. nec paucæ ex apprehensione seu phantasia alicuius priuati hominis. Itaque aliz sunt diuinæ, cuiusmodi fuerunt Iosephi & Danielis, Gen. 40. & Dan. 2. Aliz diabolicæ, cuiusmodi fuerunt Ariolorum, magorum & maleficorum apud Chaldæos, Dan. 2. Aliz naturales, cuiusmodi sunt Mathematicorum, qui ex signis & dispositionibus naturalibus coniciunt de futura pluuia vel serenitate, Matth. 16. 3. *Falto vespere dicitis serenum erit: rubicundum est enim calum.* *Et mane: Hodie tempestas: ruilat enim triste calum.* Eodem spectant coniecturæ Medicorum, qui ex varia corporum & humorum dispositione coniectant de statu valetudinis. Aliz morales, cuiusmodi sunt virorum prudentium, qui ex moribus & vita aliorum sæpè coniciunt, qualis quisque euasurus sit. Aliz denique phantasticæ, cuiusmodi sunt eorum hominum, qui aut phantasiam habent laxam, aut opiniones præconceptas, aut iudicium perturbatum, aut pertinax propositum persistendi in sententia. Sub quo genere continentur Lunatici, febrecitantes, hæretici, & similis farina homines.

7. Iam, ut ad propositum redeamus, Graſeri coniecturæ diuinæ nō sunt. Hoc patet ex citatis illius & Eusebij verbis. Aiunt enim esse coniecturas *nudas, probabiles, infirmas, obscuras.* Et nihil aliud, quam coniecturas; neque certo nisi fundamento: quod de diuinis dici non potest. Accedit, quod sæpe sint ineptissimæ, quas ne Eusebius quidem probare ausit. Cuiusmodi est illa, qua conatur efficere, per xxiv. seniores (quorum fit mentio Apocal. 4. & sæpè alibi) intelligi oportere Canonem librorum veteris Testamenti, vel cor-

A tē Scriptores illorum. Est autem hæc coniectura: Iosephus cap. 10. v. 7. citat aliquid ex veteri Testamento: cum ait: *In diebus vocis septimi Angeli, cum aperit tuba cisternæ, consummabitur mysterium Dei, sicut euangelizauit per seruos suos Prophetas.* Ergo conici potest, per 24. seniores intelligi Canonem veteris Testamenti. Quis non rideat hanc coniecturam? et tamen *argum* esse vult Eusebius. Sed parum argutè. Nisi & hæc argutam esse velit. Ioannes cap. 10. v. 7. citat aliquid ex veteri Testamento: ergo conici potest per quatuor animalia (quorum etiam fit mentio cap. 4.) intelligi Canonem veteris Testamenti. Et similiter hanc Christus in euangelio citat multa ex veteri Testamento: Ergo conici potest, per duodecim Apostolos, de quibus in eodem Euangelio agitur, intelligi Canonem veteris Testamenti. Apage cum illis coniecturis. ac quis credat diuinas esse?

8. Sed neque naturales aut morales sunt. Non enim ex signis & dispositionibus naturalibus, nec item ex vita & moribus præsentibus coniectat Graſerus, per 24. seniores intelligi Canonem veteris Testamenti, & per quatuor animalia, Canonem noui Testamenti, & per mare vitreum, Scripturam sine Traditionibus, & per duos testes, Ioannem Hussium & Hieronymum Pragensem; & quæ similia sunt. Vnde ergo? Multa coniecit ex Scripturis perperam intellectis; multa ex præconceptis opinionibus; multa ex odio in Catholicos seu Pontificos; multa ex propria phantasia & imaginatione. Vnde necesse est, si non diabolicas, saltem phantasticas esse ipsius coniecturas.

III. ARGUMENTVM.

9. Qui in docendo & interpretando sibi ipsi contrarius est, non docet & interpretatur ex instinctu Spiritus sancti: Graſerus in docendo & interpretando sibi ipsi contrarius est: Ergo non docet & interpretatur ex instinctu Spiritus sancti. Maior patet ex illo 1. Corinth. 14. 33. *Non est dissensionis Deus, sed pacis.* Minorem probo triplici exemplo, multis aliis prætermis- sis. Primum est, quia Graſerus docet, plagas Apocalypticæ ita sibi inuicem succedere, ut priores non cessent, superuenientibus posterioribus, sed potius intendantur & augeantur. At postea contrarium docet. Nam in explicatione phialarum dicit, per quintam phialam intelligi tenebrosam ignorantiam, quæ fuit in Papatu tempore Concilij Constantiensis. Mox addit, sub phiala sexta venisse Iesuitas, qui studio & doctrina plus omnibus profecerint, & Papatum illustrarint. Si ita est, ergo tenebrosa ignorantia Papatus, quæ erat plaga quintæ phialæ, nō est interfecta & aucta, superueniente plaga sextæ phialæ, sed vel omnino sublata, vel certè valde imminuta. Ergo falsum est, quod antè dixit priores plagas intendi & augeri per accessum posteriorum.

10. Alterum est, quia ponit hoc discrimen inter plagas sigillorum & plagas tubarum, quod hæc sint spirituales, & Ecclesiæ vitalia, id est, fidem & doctrinam corrumpant illæ externæ & corporales (ut pestis, fames, persecutio, terræ motus) quæ potius purgant & vegetiorem faciunt ecclesiam. At paulò post dicit, plagas priorum tubarum esse externas, & non corrumpere fidem, sed tantum externa fidei instrumenta: plagas verò posteriorum tubarum esse internas, & corrumpere ipsam fidem. Hinc colligo has duas contradictorias propositiones. Prior est, omnes plagæ tubarum sunt spirituales, & corrumpunt vitalia Ecclesiæ. Posterior, aliquæ plagæ tubarum non sunt spirituales, nec corrumpunt vitalia Ecclesiæ.

17. Tercium est, quia dicit, ad clangorem quintæ tubæ profuissse locustas ad vexandam Christi Ecclesiam. Et per locustas intelligi quatuor hominum genera. 1. Clerum inferioris ordinis. 2. Doctores Scholasticos & Canonistas. 3. Religiosos Monachos. 4. Iesuitas, quos ait præ omnibus eminere. At paulò post dicit, Iesuitas ortos esse sub sexta phiala. Quomodo ergo verum est, profuissse ad clangorem quintæ tubæ? Nam inter quintam tubam & sextam phialam, iuxta Graferi computatum, multi anni intercesserunt. Vel ergo necesse est Iesuitas profuissse in Ecclesiam, multis annis, antequam nati essent, quod est insigne paradoxum, vel Graferum apertè sibi contradicere, quod verissimum est. Omitto similes contradictiones, quæ plurimæ sunt. Nam ex his paucis facillè intelligis, doctrinam Graferi à Deo non esse.

CAPVT VI.

Quàm certa sit doctrina Plagæ Regiæ.

1. **D**octrina Plagæ Regiæ, ut supra dixi, continet interpretationem Apocalypsis. Igitur quæritur est quàm certa sit hæc interpretatio. Ne ipse quidem Graferus, aut kulebius ausit affirmare, omninò certam esse. Ego verò planè incertam, fallacem, & quod amplius est, falsam esse contendo. Quod quidem ex dictis facillè probari potest his tribus argumentis. 1. quia continet multa mendacia & conuitia. 2. quia nititur meris cōiecturis. 3. quia sibi ipsi contraria est. Adde hæc noua argumenta. 1. quia repugnat communi consensui aliorum Interpretum. 2. quia fundatur in falso principio. 3. quia non aliter probatur & illustratur à Grafero, quàm nocturna visione Nicolai Heluetij. 4. quia contradicit Regi Britanniz, quem tamen agnoscit defensorem Catholicæ fidei. De his singulis dicam breuiter.

I. ARGVMENTVM.

1. Qui discedit à communi sententia omnium aliorum Interpretum, tam antiquorum, quam recentium, fateri debet, vel se errare, vel omnes alios: Graferus in explicanda Apocalypsi discedit à communi sententia omnium aliorum Interpretum, tam antiquorum, quàm recentium. Ergo fateri debet, vel se errare, vel omnes alios. Non posterius: Ergo prius. Maior per se nota est. Minorem concedit Graferus. Nam in Præfatione Plagæ Regiæ sic ait: *In horum mysteriorum explanatione ita versatus sum, ut antiquos, sicut & recensitos Interpretum limites aliquoties transgressus sim.* Non aliquoties tantum, sed vniue rsè. Nam post pauca ita pergit: *In istarum rerum applicatione, meo quidem iudicio, ut paulò ante iudicatum est, usus sum, ut nullius hominis auctoritatem mihi passus sim præscribere.* Ne quidem sanctorum Patrum? Non, inquit: Nam præstantissimos etiam Patres impe gisse constat.

2. Igitur Graferus in explicanda & applicanda Prophetia Apocalypsis, usus est suo solius iudicio, & aliorum omnium, tam antiquorum, quàm recentium Interpretum limites transgressus est. Quid ergo de ipso statuendum? Alterutrum sanè è duobus: aut insigniter superbum ac arrogantem esse, qui omnibus factuorè contemptis, solus sapere videri vult; aut speciatim à Deo illuminatum, qui ea mysteria penetrarit, quæ ab omnibus alijs sunt hæcenus signorata. Certè ab arrogantia hominem excusare non possum. Sic enim inter cetera scribit, *Video plerosque fanaticos cum suis opinionibus,*

se sub istarum visionum obscuritate, tanquam denso veprete occultare, & latibula querere. E contrario, ex probatis Authoribus vix quisquam mihi satisfacit. Nostrorum verò olim Præceptorum, de hac ipsa prophetia, valde dura, ut nihil amplius dicam, iudicia sunt. Perinde est, ac si dicat; Alij omnes, aut fanatici sunt; aut mihi non satisfaciunt, aut nimis dura iudicia habent. ego, nec fanaticus sum, & omnibus abundè satisfacio, & moderatum iudicium habeo. Nisi fortè sit verius: Alij fanatici sunt, ego lunaticus: alij mihi non satisfaciunt, ego nemini: alij habent dura iudicia, ego stulta & temeraria, et sic res habet.

II. ARGVMENTVM.

4. Illa doctrina & Interpretatio non potest esse vera quæ fundatur in falso principio: Tota Graferi doctrina & interpretatio Apocalypica fundatur in falso principio: ergo non potest esse vera. Maior per se patet. Minorem probo quia tota interpretatio fundatur in hac basi, quod putet, plagas Apocalypicas, quæ in septem Epistolis, sigillis, tubis & phialis continentur, eo ordine sibi inuicem succedere, quo à Ioanne recensentur, ita ut primo loco eueniant plagæ Epistolarum, deinde sigillorum, mox tubarum, denique Phialarum. Hæc, inquam, est basis totius substructionis Graferianæ. Sic enim loquitur, *Notari velim, res Apocalypicas statim ab illarum reuelatione in mundo operari cœpisse: ea videlicet ratione, ut ab eo tempore cursum suum ad nos usque, motu successiuo peregerint.* Et iterum: *Omnino puto, Ioannem continuata temporis serie integram historiam scribere.* Et paulo post: *Sigilla Tubas, tuba phialas ex se pariunt, ita ut præcedentis plagæ ultimum instrumentum sequenti aditum præfaciat.* Et rursum, *Hæc plagæ ratione oriuntur & immixtionis, una post alteram sibi inuicem succedunt.*

3. At hæc basis infirma est. Nam Ioannes in prædicendis futuris euentibus, non seruat ordinem temporis & successionis, sicut historici faciunt, sed instar aliorum Prophetarum, sæpe ea prius receniet, quæ posterius euentura sunt: & vicissim ea posterius receniet, quæ prius euentura sunt. Hoc manifestè patet ex cap. 11. v. 15. vbi in plaga Tubæ septimæ refert ea, quæ post mortem Antichristi, circa diem iudicij euentura sunt. Sic enim habet: *Septimus Angelus tuba cecinit, & factæ sunt voces magna in celo, dicentes: Factum est regnum huius mundi, Domini nostri & Christi eius, & regnabit in secula seculorum, Amen.* Et 24. *seniores ceciderunt in facies suas, & adorauerunt Deum dicentes: Gralias tibi agimus Domine Deus omnipotens, qui es, & qui eras, & qui venturus es, quia accepisti virtutem tuam magnam, & regnasti.* Et irata sunt Gentes, & aduenit ira tua, & tempus mortuorum iudicari, & reddere mercedem seruicibus tuis Prophetis, & Sanctis, & timentibus nomen tuum pusillis & magnis.

6. Hæc omnia pertinent ad diem iudicij. Tunc enim perfectè regnabit Christus in hoc mundo. (1. Corinth. 15. 24. & Hebr. 2. 8.) nunc iudicabuntur mortui, & quisque pro suo merito accipiet retributionem. et hoc est, quod idem Ioannes predixit c. 10. v. 7. *Indies vobis septimi Angeli, cum cæperis tuba canere consummabitur mysterium Dei.* Quid clarius? Et tamen post vocem septimi Angeli sequuntur septem phialæ, in quibus multa prædicuntur, quæ secundum Graferum, iam re ipsa transierunt. Falsum ergo est, quod fundamenti loco ponit Graferus, Ioannem in plagis recensendis seruare ordinem temporis & successionis. et communi Prophetarum mori contrarium est. Solent enim in futuro, quæ prædictionibus ea sæpe coniungere,

quæ ratione temporis maximè inter se distant : & ab eo , quod in manu habent , repente ad aliquid remotissimum , quasi impetu quodam abrepti , transuolare ; ut passim videre est in Isaia , Ezechiele , & aliis . Quod etiam fecit Christus , Matth. 24. Vbi assumpto Prophetæ officio , immediatè coniunxit extremum diem iudicii cum excidio urbis Hierosolymitanæ , quæ tamen temporibus disjunctissima sunt . Simile quid Ioannem fecisse , certum est .

III. ARGUMENTVM.

7. Qui suam doctrinam , interpretationem & coniecturas non aliter probat & illustrat , quàm incerta visione vnius hominis , quem habet pro idololatra & Antichristiano ; illius doctrina , interpretatio & coniecturæ non possunt esse certæ , sed potius suspectæ : Graferus suam doctrinam , interpretationem & coniecturas non aliter probat & illustrat , quàm incerta visione Nicolai Heluetij , quem habet pro idololatra & Antichristiano : Ergo doctrina , interpretatio & coniecturæ Graferi non possunt esse certæ , sed potius suspectæ . Maior est perspicua . Minor habet duas partes . Prior est , quod visio Nicolai , quæ Graferus probat & illustrat suam interpretationem & coniecturas , sit incerta . Posterior , quod Graferus eundem Nicolaum habeat pro idololatra & Antichristiano .

8. Priorem sic probō : Graferus circa illam visionem tria supponit , in quibus fundatur tota ipsius probatio seu illustratio . Primò , quod facta sit eo modo , quo ab ipso recensetur . Secundò , quod à Deo facta sit . Tertio , quod ipse veram eius interpretationem sit affectus . At hæc omnia dubia & incerta sūt . Ergo tota probatio dubia & incerta est . Singula ostendo . Primò , incertum est , an visio eo modo contingerit , quæ à Grafero describitur . Hoc ipsemet fatetur in persona Eusebij his verbis : *Pontificem eam aliter , aliter alij exprimebant & depingunt : et paulò post in propria persona : Ego non nisi unam apparitionis istius picturam , & descriptionem vidi , quam ex Carolo Bonillo Lutherus , & post hunc alij produciunt , quorum vestigiis me insistere facer .* Igitur cum visio illa seu apparitio , quæ Nicolao Heluetio facta esse dicitur , variis modis describatur & pingatur : Graferus eam descriptionem & picturam elegit , quam Luthero placuisse videt . At , unde constat , hanc veram esse præ cæteris ? Quid si cæteræ veræ sint , hæc falsæ ? Secundò incertum est , vel saltem Graferus certò sibi persuadere non potest , visionem illam , quocunque modo facta sit , à Deo oblatam esse . Nam ipse , sicut & cæteri Calvinistæ , solet ridere visiones Monachorum in Papatu , nec eas aliter , quàm somnia & illusiones appellat . At Nicolaus , de cuius visione agitur , fuit eremita in Papatu , ut paulò post ostendam : Ergo Graferus visionem illi factam , non aliter quàm somnium & illusionem appellare potest . Hiæ ulterius sequitur , incertam esse Graferi interpretationem , duplici de causa . Primò , quia incertum est , an illa sit vera forma visionis quam Graferus interpretatur : Ergo interpretatio non potest esse certa . Secundò , incertum est , an visio à Deo oblata sit . ergo non potest constare , interpretationem à Deo esse . Et si à Deo non est , ab alio spiritu esse , necesse est . De quo viderit Graferus coniector .

9. Posteriorem partem sic probō . Graferus habet omnes Pontificios pro idololatriis & Antichristianis , ut patet ex tota Plaga Regiæ , sed Nicolaus Eremita , de quo agimus , fuit Pontificius : Ergo Graferus habet illum pro idololatra & Antichristiano . Quomodo ergo ex eius visione probare vult suam doctrinam & interpretationem ? Minor patet ex Ioanne Trithemio ,

quo , qui vixit eodem tempore cum Nicolao Eremita , & de eo sic scribit , homil. 15. de abstinentia & ieiunio Monachorum : *Est apud Heluetios homo , Nicolaus nomine , cuius abstinentia totius Germaniæ homines conuerit in admirationem ; & hodie in ore omnium cum sanctitate titulo nominatur .* Is quondam ruricola in quodam Heluetiorum viro existens , more paganorum inter quatuordecimius dicere consuevit , altercantibus villanis . Contigit , cum quodam tempore sententiam sociorum non posse renouare , quoniam perabat iniquam , meivensque saluis anima sua periculum , relictis domo , uxore , filiis , & cunctis mundi negotiis ac rebus , solus in vicinum nemus secessit pro Dei amore , in quo vitam solitarij agit . Et ecce , annus hodie vicesimus est , ex quo solitudinem ingressus , cibum non sumpsit humanum . Omnibus notissima loquor , nec hominem in Germania vivere puto , qui sanam huius miraculi non audierit . Et ne quis forsitan in posterum simulatione deceptus non credat , Heluetios una cum Prasulo Constantiensis Ecclesiæ in testimonium citamus , qui mores & vitam eius curiosissime observat . Acutissimus ingenio vir est , qui cum sit literarum penitus ignarus , tamen quasi alter Eremita quondam Antonius , sensum optime callet Scripturarum . Vidimus , quæ discretissime cum quodam disputavit Magistro de Sacramento Altaris . Hucusque Trithemius .

10. Ex quo testimonio tria colligo . Primò , Nicolaum fuisse Pontificium ; quia Ioannes Trithemius , qui sine dubio erat Pontificus , laudat illum à sanctitate ; quod aliàs non erat facturus . Nec in Helvetia , sub episcopo Constantiensi tunc vlli erant , nisi Pontificij . Secundò , eundem Nicolaum non sine grandi miraculo per viginti annos ab omni cibo abstinuisse . Tertio , fuisse hominem acutissimum , & de Sacramento Altaris optimè discessisse . Nunc quaero , an credat Graferus hæc vera esse ? Si credit , cur insectatur Pontificios , quorum sanctitatem , abstinentiam , & sanam doctrinam de eucharistia negare non potest ? Si non credit , quæ causa est , cur credat , eidem Nicolao visionem diuinitus oblatam esse ? nisi dicat , se priora non credere , quod à Trithemio , qui Pontificius fuit , narrata sint . Bene habet . Sed quis primum narrauit visionem , quæ Nicolao facta est ? Non Calvinista aliquis . Nulli tunc erant Calvinistæ . Si ergo Catholicus , cur credit Catholico de visione narranti , & non credit Catholico sanctitatem , abstinentiam , & sanam doctrinam commendanti ?

IV. ARGUMENTVM.

11. Qui in rebus ad fidem Catholicam pertinentibus contradicit defensori & propagatori fidei Catholicæ , is non rectè ac legitimè facit , Graferus in rebus ad fidem Catholicam pertinentibus contradicit Regi Angliæ , quem fidei Catholicæ defensorem & propagatorem agnoscit : Ergo Graferus non rectè ac legitimè facit . Minor probari potest variis exēplis . Ego hæc unico , quod omni iunior est , contentus ero . Rex Angliæ dicit , se esse caput & Primate Ecclesiæ Christi in Angliæ : ac proinde propria auctoritate posse synodum convocare constitutiones cōdere , causas audire & cognoscere , controuersias dirimere , beneficia conferre , Episcopos creare & deponere , vno verbo , omnia moderari , quæ ad diuinum cultum & religionem pertinent . Et hoc probat exemplo Regum veteris Testamenti , de quibus in Apologia pro iuramento fidelitatis ita loquitur : *Sub veteri Testamento Reges hanc dubio gubernatores erant Ecclesiæ intra fines suos . corruptelas purgare , abusus sustulere : arcem ad constituendum quieti locum perducere ; arce deportanda ipsi praesulantes : Templum*

edificatore, & sua presentia opus consecrationis cohe-
rent: Librum legis è tenebris erutum populo recitari se-
derunt: fœdus inter Deum populumque redintegratum:
confregit serpentem artem, quamvis & diserto Dei man-
dato erectum, & Christum Dominum suo modo figurat-
rem: idola omnia, Deosque falsos exterminauere: reforma-
tiones publicas instituerunt, conuocatis eo fine, & congregatis
promissum Sacerdotibus & laicis: exauclerantur sum-
mum Pontificem, aliumque in eius locum subrogauerunt.
In summa, cuncta moderati sunt, qua ad Ecclesiasticum
regimen quoque modo pertinerunt.

12. Atque hoc est unum ex præcipuis punctis fidei
as Religionis in Anglia. In quo necessario supponit
Rex, Ecclesiam Christi terris conspicuam ac visibi-
lem esse. Nam si caput est visibile, etiam reliqua mem-
bra visibilia: si Pastor visibilis, etiam oues visibiles.
Alioqui monstrosa foret ecclesia, si caput quidem esset
visibile, sed membra inuisibilia: si Pastor visibilis, sed
oues inuisibiles. Et quos, obsecro, ad synodum con-
vocaret Rex, si Ecclesia esset occulta & inuisibilis? fi-
deles, an infideles? Non utique fideles, quia occulti
essent, & inuisibiles. Nec infideles, quia non est ca-
put infidelium.

13. In hoc puncto Graferus opponit se Regi Angliæ.
Vult ecclesiam Christi occultam & inuisibilem esse:
Eosque, qui visibilem esse contendunt, miris modis
exagitat. Aut inexcusabiles esse, & pertinaces, lucis cõ-
spectum fugere, & à Deo excœcari. Quid hinc sequi-
tur? Nihil aliud, quàm Regem Angliæ ex sententia
Graferi inexcusabilem esse & pertinacem; lucis con-
spectum fugere, & à Deo excœcari. Quomodo ergo,
secundum Graferum, Catholicæ fidei defensor & pro-
pagator esse potest? Aut sanè, si illius defensor & pro-
pagator est, quomodo Graferus audet illi tam apertè
in re ferre contradicere, & tam grauem sententiam in
eum pronunciare?

14. Ex iis, quæ hætenus dicta sunt, ita concludo: Qui
in docendo & interpretando nihil aliud adfert, nisi
mendacia, conuitia, scurrilitates inanes, coniecturas,
incertas visiones; & præterea contradicit defensori ac
propagatori fidei Catholicæ, eius doctrina & interpre-
tatio nullo modo probanda est. Graferus in docendo &
interpretando nil adfert nisi mendacia, conuitia, scur-
rilitates, inanes coniecturas, incertas visiones; & præ-
terea contradicit Regi Angliæ, quæ agnoscit defensor-
em & propagatorem fidei Catholicæ: ergo Graferi
doctrina & interpretatio nullo modo probanda est.

CAPVT VII.

Quo loco habenda sit Plaga Regia?

1. **E**X triplici capite æstimari solet quo loco liber
seu Tractatus aliquis habendus sit. 1. Ex Au-
thore. 2. Ex materia, quam tractat. 3. Ex modo tractan-
di materiam. Primò enim quaeritur, quis & qualis sit
Author: doctus, an indoctus? probus, an improbus? ve-
ri, an falsi amans? Deinde, in qua materia tractanda
verietur? sacra, an prophana? seria, an ludicra? sublimi,
an humili? rara, an vulgari? Deinde, quomodo deducat
& illustret materiam, quam tractat? solidis, an infirmis
argumentis vtatur. Et sic deinceps.

2. Nunc singula applicemus. Primò, Author Pla-
gæ Regiæ est Conradus Graferus, homo Calvinianus,
mendax: conuicator, scurrilis, qui omnes alios con-
temnit, & de se solo magnificè loquitur ac sentit. Se-
cundò: versatur in meris coniecturis tractandis. Tertiò,

A non aliter eas probat & illustrat, quàm incerta viso-
ne Nicolai Heluetij. Hinc collige, quo loco habenda
sit Plaga Regia, quæ à Grafero scripta est.

3. An ergo, inquit, ad nihil utilis est Plaga Re-
gia? Omnino est. Tamen enim multi hætenus re-
perti sunt, qui facilem & expeditum mentiendi ac
conuictiandi modum tradiderunt (apud Calvinistas)
nemo tamen coniectandi, & visiones interpretandi,
faciliorem rationem ac methodum inuenit, quàm
Graferus in Plaga Regia. et ne dubites, ex ipso for-
mam seu paradigma hic apponam.

Paradigma coniectandi ex Grafero.

4. Quid intelligit Ioannes in Apocalypsi per 14.
seniores? Canones librorum veteris Testamenti. Vn-
de hoc conicit? Quia citat aliquid ex libris veteris
Testamenti. Quid per mare vitreum, simile crystal-
lo? Verbum dei purum, non permixtum traditionibus. Vn-
de conicit? Quia per maris puritatem viuunt animalia,
per impuritatem moriuntur. Quid per Iridem, similem
Smaragdo? Iudiciorum Dei constantem veri:atem, & im-
mutabilem iustitiam. Vnde conicit? Ex contrario, quia
colores Iridis mutabiles & constantes sunt. Quid per
duodecim tribus filiorum Israël? Ecclesiam Gentiliam,
quæ à duodecim Apostolis collecta est. Vnde conicit?
Quia illi soli sunt peculium Christi. Quid per duas tribus
omissas, Dan & Ephraim? Brachium Papæ spiritua-
le & saculare. Vnde conicit? Quia Michas fuit ex tri-
bu Dan & Ieroboam ex tribu Ephraim. Et Michas
est typus Papæ in spiritualibus; Ieroboam in sacula-
ribus. Quid per duos testes, amictos sacco? Ioannem
Hussium & Hieronymum Pragensem. Vnde conicit?
Quia Papæ resistunt. Quid per Locustas? Clerum infe-
rioris ordinis, Doctores Scholasticos, Canonistas, & diuersos
Religiosos, inter quos Jesuitæ eminent. Vnde conicit? Ex
canon. Quid per stellam de cælo cadentem? Papam.
Vnde conicit? Quia defecit ab Ecclesia. Argutz sanè
coniectura.

Paradigma visiones interpretandi, ex Grafero.

5. Campus rotundus, significat Ecclesiam Roma-
nam. Caput inclusum, Papam. Barba hirsuta, syluam
Traditionum. Tres cirri, Scholasticos, Canonistas,
Monachos. Facies rubicunda, vultus minax, frons
corrugata, truces oculi, scruitiam Papæ & crudelita-
tem in Reformatos. Tres gladij egredientes ex capi-
te, defensores Papæ. Tres alij egredientes ex circulo,
Hostes Papæ. Duo gladij ex naribus, duplicem
Papæ iurisdictionem, spiritualement & sacularem. Ter-
tius gladius ex fronte, acumen Iesuitarum.

6. Ad huius paradigmati imitationem, quilibet ru-
sticus interpretabitur hoc modo: Campus rotundus
significat ecclesiā Catholicam. Caput inclusum, Ro-
manum Pontificem. Barba cana & hirsuta, veneran-
dam Sedis Apostolicæ antiquitatem. Facies rubicun-
da florentem & vegetam in Papatu doctrinam. Vultus
minax & truces oculi, iustam in Hæreticos iram.
Frons corrugata, seriam ac paternam curam anima-
rum. Duo gladij ex naribus egredientes, duplicem
Pontificis potestatem. Tercius ex fronte sursum as-
cendens, orationes & suspiria ad Deum. Tres gladij ex
circulo inuadentes caput Pontificis; conuitia, men-
dacia, & persecutiones Calvinistarum.

7. Vel certè hoc modo: Campus rotundus repræ-
sentat Ecclesiam reformatam. Caput inclusum, Anti-
christum. Barba hirsuta, syluam mendaciorum. Tres
cirri, Calvinistas, Lutheranos, Anabaptistas. Facies
rubicunda,

rubicunda, luxuriam Anabaptistarum. Vultus minax & truces oculi, crudelitatem Calvinistarum. Frons corrugata, senium & defensionem Lutheranorum. Duo gladij egredientes ex naribus, mucosa & solida argumenta Lutheranorum & Anabaptistarum. Tertius egrediens ex fronte sursum, impudentem & superbam Calvinistarum arrogantiam. Tres alij gladij ex circulo tendentes in caput Antichristi, Doctores Scholasticos, Canonistas & Religiosos.

EPILOGVS.

HAbes, Beneuole Lector, quid sentiam de Gra-
leri Plaga Regia. Non defuturi sunt alij, qui pro-
lixè eam refutabunt. Mihi satis est, compendio resu-
tasse. Nec plus operæ meretur Author.

IN GRASERVVM.

*Nalli tu veterum credis, nullique tuorum?
Est tibi vis omnes credere? Nemo facit.*



OPVS CVLVM II.

DE FIDE DEO
SERVANDA,

Vel,

*An Monachi seruent Deo fidem, qui pro-
fugiunt ad Lutheranos & Caluini-
stas, & ibi uxores accipiunt.*

VALDE vñtatum est hoc tempo-
re, vt Monachi, quando peritæ sunt
vitam religiosam, nec tamen audent
apud Catholicos extra sua monaste-
ria viuere pro suo arbitratu; profu-
giant ad Lutheranos aut Caluini-
stas, & ibi quasi privilegium ac dispensationem nacti,
excullo habitu, & ruptis votorum vinculis, quibus ad-
stricti erant, laxiori vitæ operam dant, ac cum primis
feminas sibi copulent, & mox Evangelij prædicandi
officium vsurpent. Si fecerunt Bucerus, Zuinglius,
Petrus Martyr, Pellicanus, Ochinus, Oecolamp-
dius, & innumerabiles alij, qui exemplo Lutheri, de-
serto continentie ac religiosæ vitæ statu, cui sponte se
deuouerant, ad carnales nuptias transierunt; & ex
Monachismatiki ac Prædicantes facti sunt. Eos alij
quotidie imitantur.

2. Est ergo quæstio, an huiusmodi fugitini Monachi
possint bona conscientia, uxores accipere, non obsta-
te voto continentie, quod olim obstrinxerunt? Vel,
quod idem est, an censentur Deo seruare fidem, quam
per votum continentie illi promiserunt? Inueniæ tres
sententias. Prima est ipsorum fugitiuorum, de quibus
quæstio est. Atunt illi, se rectè facere: Et sibi à Deo di-
Opus. Bec.

Actum esse interpretatur illud: Crescite & multiplicami-
ni. Imò præcipuam felicitatem ponunt in vxoribus, vt
testatur Erasmus in epist. ad Scribarum, vbi refert quen-
dam ex illo hominum genere, Basileæ in publica pro-
fessione dixisse, *Testamentum Christi est, Crescite & mul-
tiplicamini.* Et in epist. ad fratres inferioris Germaniæ,
ita de illis scribit: *Vbi contigit vxor, occiditur, valeat &
plaudite.* Et in epist. in ad Vilibald. *Duo tantum querunt
noui Ecclesiastæ, censum & uxorem: cetera præstat illis
Euangelium, hoc est potestatem vtendi, vt volunt.* Huic
fugitiuorum sententiæ, adherent omnes Lutherani &
Caluinistæ. Omnes eandem cantilenam canunt.

B3. Altera sententia est Erasmi, qui ait, se valde mi-
rari, quod Lutherani & Caluinistæ cum suis Mona-
chis fugitiuis, ex vna parte iactent, se agi Spiritu Chri-
sti; & ex alia tam procliuës sint ad carnis voluptates
quali Spiritus Christi non aliud sit, quam spiritus car-
nis. Nam in epistola ad fratres inferioris Germaniæ de
iis sic habet: *Quis non iure admiretur, hos novos Euan-
gelistas non posse viuere sine vxoribus?* Et infra: *Quæ malū
est ista tanta salacitas? Vnde tanta carnis rebellio in iis,
qui se iactant agi Spiritu Christi?* Lucundissimè verò io-
catur in nuptias Lutheri Monachi cum moniali, in epist.
ad Danielem, Mauchium, Vlmannum, vbi inter alia sic
scripsit: *Montini lepidissimis literis nescio, an vacet
nunquam respondere. Nuntiabis illi rem latam, Lutherus,
quod felix faustumque sit, deposito Philosophi pallio,
duxit uxorem, ex clara familia Borna, puellam eleganti
forma, natam annos xxv. sed indotatam, & quæ pridem
deserat esse vestalis. Atque vñscias, auspiciatas fuisse
nuptias pauculis diebus post decantatum hymenæum, no-
na nuptia peperit.* Huic affine est, quod scribit Iustus Ba-
ronius in suo opere de præscriptionibus. Lutherus, inquit,
heri Monachus, hodie sponsus, cras maritus, perendie pa-
ter.

4. Tertia sententiæ est antiquorum Patrum, & om-
nium Catholicorum, qui vñanimi consensu docent,
huiusmodi homines, qui post votum continentie ducunt
uxores, non modo lasciuos ac salaces esse, vt rectè dixit
Erasmus, sed etiam perfidos & aduteros, imò adulteris
deteriores. Quæ sententiæ sine dubio verissima est, & his
paucis propositionibus explicari potest.

1. Homo Christianus, antequam sponte delegerit sibi cer-
tum vitæ genus non tenetur vlla lege naturali aut diuina,
vel præcipi contrahere matrimonium, vel seruare perpe-
tuam continentiam; sed, re adhuc integra, potest alteru-
trum eligere quod vult.

2. Si sponte elegit matrimonium, non peccat: si sponte ele-
git continentiam, etiam non peccat. Vtrumque enim per se
licitum & honestum est. Continentia tamen est excellen-
tior matrimonio: Et potest aliquis ad eam seruandam
voto se obstringere.

3. Postquam aliquis elegit matrimonium, & iam de facto
promisit alteri societatem conjugalem, tenetur illi seruare
fidem: Nec potest pro suo arbitrio, propter aliquas diffi-
cultates occurrentes, à contractu resilire.

4. Similiter postquā aliquis elegit continentiam, & iam
de facto promisit Deo vitam calibem, tenetur etiam ser-
uare fidem: Nec potest pro suo arbitrio, propter aliquas
difficultates, à voto resilire.

5. Qui resilit à matrimonio legitime contracto, obstringit
se peccato perfidia, iniustitia, adulterij sacrilegij. Idem
peccatis, sed multo graviori, se obstringit, qui resilit à voto
continentie semel emissæ.

6. Qui recipiunt, defendunt, & consentiunt alicui re-
siliendi à voto continentie, & non seruanti fidē Deo pro-
missam, non solum incurrunt peccata iam enumerata, nō-
pe perfidia, iniustitia, adulterij, sacrilegij; sed etiam pec-
catum hæresis.

7. Hoc faciunt Lutherani & Caluinistæ: recipiunt enim
Monachos fugitiuos, & corā facto non modo consensunt

sed etiam bene fieri interpretantur. Videant igitur Lutherani & Calvinistæ, quales ipsi sint.

5. Ex his propositionibus quædam conceduntur à Lutheranis & Calvinistis, aliz non item. Priores non egent longa probatione. Posteriores tamen probare possum ex vniuerso consensu antiquorum Patrum & totius Ecclesiæ, nec tamen longior sum, quàm par est, duobus tantum modis confirmabo. 1. ex S. Scriptura. 2. ex D. Augustino. Hos duos Iudices Aduersarij subterfugerent non possunt. De Scriptura clarum est. D. Augustino sic scribit Lutherus: *Augustinus non solum Christianus, verum etiam Doctor supra Doctores omnes Christianitatis effectus est: ita ut Ecclesia Christiana post Apostolos nulli illi æqualem habeat*; Igitur, si ex Scriptura, quæ Aduersarij merito venerantur, itemque ex Augustino, cui post Apostolos nemo æqualis est, demonstrauero verum esse, quod Catholici docent, non video, quid ultra requiri à me possit. Hoc igitur aggredior.

PRIMA PROPOSITIO.

1. **H**omo Christianus, antequam sua sponte delegerit sibi certum vite genus, non tenetur illa lege naturali aut diuina, vel præcipue contrahere matrimonium, vel perpetuam seruare continentiam; sed re adhuc integra, potest alterutrum eligere, quod vult.

2. Hæc propositio continet duas partes. *Vna* est, hominem Christianum non tenei i vlla lege naturali aut diuina ad contrahendum matrimonium. *Alter*a, non tenei vlla lege naturali aut diuina ad perpetuam continentiam. Priorem probō, 1. quia si esset aliqua lex naturalis aut diuina, quæ singulos obligaret ad statum matrimonij, iam omnes peccarent, qui non contraherent matrimonium. Peccasset igitur Christus, Ioannes Baptista, Apostolus Paulus, & multi alij sanctissimi viri in primitiua Ecclesia, qui nunquam matrimonium amplexi sunt. Peccasset Elisabetha Regina Angliæ, quod tamen minime volunt Lutherani & Calvinistæ. Peccarent nunc, quotquot inter Christianos vitam ælibem ducunt. Quis hoc credat? 2. Christus & Apostolus Paulus hortantur nos ad continentiam & castitatem. Hoc non facerent, si matrimonium esset in præcepto.

3. *Dices*: Deus præcepit matrimonium, cum dixit Genes. 1. 28. *Crescite & multiplicamini*. *Respon.* Deus illa verba semel dixit primis parentibus in Paradiso: & semel Noë & filijs eius post diluuium, cum ex arca egressi essent. Verisimiliter dixit post matrimonium iam contractum. Igitur per illa verba non præcepit illis, ut matrimonium contraherent, quod iam contractum erat; sed impertiuu illis benedictionem, ut copiosam sobolem procrearent ad multiplicandum genus humanum, quod tunc valde exiguum erat. Hoc constat ex ipso textu. Nam primo, certum est, Noë & filios eius antequam arcam ingrederentur, habuisse suas uxores Genes. 7. 7. *Ingressus est Noë & filij eius, uxor eius & uxores filiorum eius, cum eo in arcam, propter aquas diluuij*. Secundo, certum est eundem Noë & filios eius cum suis uxoribus, peracto diluuii, egressos esse ex arca Genes. 8. 18. *Egressus est ergo Noë & filij eius, uxor illius & uxores filiorum eius cum eo*. Tertio, certum est, postquam cum suis uxoribus egressi sunt ex arca, tunc illis dictum esse à Deo, *Crescite & multiplicamini*. Hoc enim

A discretè habet historiam. Vnde euidenter sequitur, his verbis non contineri præceptum de matrimonio incedendo, quia matrimonium iam initum erat, sed benedictionem in propaganda posteritate. Et hoc significat textus, cum ait: *Benedixit Deus Noë & filijs eius, & dixit ad eos, Crescite & multiplicamini, & replete terram*.

4. Idem dico de primis parentibus. Nam matrimonium inter illos statim contractum est quando Deus ex costa Adæ dormientis formauit Euam. Tunc enim euigilans ex sopore dixit Adam: *Hoc nunc ex ossibus meis, & caro de carne mea. Hoc vocabitur virago, quoniam de viro sumpta est. Quāobrem relinquet homo patrem & matrem, & adhaerebit uxori suæ*. Quibus verbis tria indicat. 1. Euam esse uxorem suā. 2. maius esse vinculum inter virum & uxorem, quàm inter parentes & filios. 3. hanc coniunctionem conjugalem, quæ tunc inter ipsum & Euam facta est, fuisse figuram coniunctionis Christi in Ecclesia. Sic enim verba Adami interpretatur Apostolus ad Eph. 5. 32. cum ait: *Sacramentum hoc magnum est. Ego autem dico, in Christo & Ecclesia*. Igitur, quod postea dictum est primis parentibus: *Crescite, & multiplicamini*: non continet præceptum de matrimonio contrahendo, sed solemnem benedictionem in propagando humano genere.

5. *Posterior* pars propositionis est, hominem Christianum non teneri vlla lege naturali aut diuina ad perpetuam continentiam. Hanc faciliè concedunt Lutherani & Calvinistæ. Et ratio est euidentis, quia aliqui vltus matrimonij qui cum continentia stare non potest, esset lege naturali & diuina prohibitus, & sic nemini liceret ex legitimo matrimonio procreare sobolem, quod est factum. Et qui olim hoc senserunt, tanquam hæretici ab Ecclesia damnati sunt.

SECUNDA PROPOSITIO.

D 1. **Q**ui sponte eligit matrimonium, non peccat, & qui sponte eligit continentiam, non peccat. Virumque enim per se licitum & honestum est. Continentia tamen est excellentior matrimonio: Et potest aliquis ad eam seruandam voto se obstringere.

1. Hæc propositio habet quatuor partes. *Prima* est, matrimonium esse licitum, & posse contrahi sine peccato. *Alter*a, continentiam esse licitam, & seruari posse sine peccato. *Tertia*, continentiam esse excellentiorem matrimonio. *Quarta*, posse aliquem voto se obstringere ad seruandam continentiam.

E 3. *Primam* partem docet Apostolus 1. Corinth. 7. 28. *Si acciperis uxorem, non peccasti: Et si nupseris virgo non peccauit. Alteram* docet ibidem v. 8. *Dico autem non nuptis & viduis, bonum est illis, si sic permanserint, sicut & ego, id est, si seruent continentiam*. *Tertiam* docet vers. 38. *Igitur, & qui matrimonio iungit virginem suam, bene facit; & qui non iungit, melius facit*. Et ratio est, quia quando inter duos status fit comparatio; ille sine dubio est excellentior, qui ad seruandum Deo est utilior, sed continentia est utilior, quàm matrimonium, ut facetur Apostoli loco citato, vers. 32. cum ait: *Qui sine uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & diuinitas est*. Ergo continetia est excellentior, quàm matrimonium.

4. *Quarta pars*, quod aliquis possit se voto obstringere ad perpetuam continentiam, sine temeritate negari non potest. Nam ita sentiunt omnes antiqui Patres cum Augustino. Et probant triplici exemplo Scripturæ. 1. exemplo beatæ Virginis. 2. exemplo Eunuchorum qui se castrauerunt propter regnum celorum. 3. exemplo quarundam feminarum, quæ propter votum continentie transgressionem, ab Apostolo reprehense sunt.

5. De beata Virgine sic legimus, Lucæ 1. 34. *Dixit Maria ad Angelum, Quomodo fiet istud, quoniam virum non cognosco?* quasi dicat, quomodo fieri ut potest, ego concipiam & pariam filium, cum propter votum continentie, non liceat mihi virum cognoscere? Sic explicat Augustinus in libro de sancta Virgine, cap. 4. ubi ita scribit: *Quomodo fiet istud, quoniam virum non cognosco? quod profecto non diceret, nisi Deo virginem se ante vouisset.* Similiter alij Patres.

6. De Eunuchis sic legimus, Matth. 19. 12. *Sunt enim Eunuchi, qui de matris utero sic nati sunt: Et sunt Eunuchi, qui facti sunt ab hominibus: et sunt Eunuchi, qui seipsos castrauerunt propter regnum celorum.* Qui potest capere, capiat. Quid est, seipsum castrare propter regnum celorum? Nihil aliud, quam ex desiderio obtinendi regnum celorum, obstringere se voto continentie, & amputare libertatem contrahendi matrimonium. Dicit Augustinus in lib. de sancta Virgine, cap. 23. *Quid, inquit, veracius, quid lucidius dici potuit? Christus dicit, Veritas dicit, eos qui pro proposito ab uxore ducenda se continuerint, castrare seipsos propter regnum celorum. Et contra humanam vanitatem pia temeritate contendit (notent hoc Lutherani & Calumnistæ) eos qui hoc faciunt, presentem tantummodo necessitatem molestiarum conjugalem deuitare: in regno celorum amplius, quisquam ceteris non habere.*

7. De feminis sic legimus 1. Timot. 5. 11. *Adulescentes autem viduas denota. Cum enim luxuriata fuerint in Christo, nubere volunt, habentes damnationem, quia primam fidem irritam fecerunt.* Vbi, per primam fidem intelligitur votum continentie, ut omnes antiqui Patres interpretantur. D. Augustinus, in lib. de sancta Virgine, (quem aduersarij non libenter legunt) cap. 33. *Habentes, inquit, damnationem, quoniam primam fidem irritam fecerunt, in eo, id est, quod primo voverunt, non steterunt.* Et lib. 1. de adulterinis coniugiis, cap. 24. *Unde Apostolus de quibusdam, quæ continentiam voverunt, & postea nubere volunt: Habentes, inquit, damnationem, quoniam primam fidem irritam fecerunt.* Et in Psal. 75. *Quid autem ait de quibusdam, quæ voverunt, & non reddiderunt? Habentes, inquit, damnationem, quia primam fidem irritam fecerunt: Voverunt, & non reddiderunt.*

8. Igitur ex sacra Scriptura & D. August. satis probatum est, votum continentie vstitutum fuisse in primitiva Ecclesia: Et quidem laudari eos à Christo, qui huiusmodi voto se sponte obstrinxerunt; vel ut ipse loquitur, *Qui se castrauerunt propter regnum celorum.* Dam-nari autem ab Apostolo, qui voverunt quidem, sed in voto non persistenterunt.

TERTIA PROPOSITIO.

1. **Q**ui semel elegit statum matrimonij, & iam de facto promissit alteri societatem conjugalem, tenetur illi seruare fidem? Nec potest pro suo arbitrio, propter aliquas difficultates occurrentes, à contractu resilire.

Opus. Bec.

2. Hæc propositio habet duas partes. *Una est*, cum qui cum altera contraxit matrimonium, obligari ad seruandam fidem. *Altera*, hanc obligationem non cessare propter aliquas molestias seu difficultates, quæ in statu matrimonij frequenter occurrunt. Priorem partem docet Apostolus Rom. 7. 29. *Que sub viro est mulier alligata est legi: si autem mortuus fuerit vir eius, soluta est à lege viri.* Et 1. Cor. 7. 29. *Mulier alligata est legi, quantum tempore vir eius vivit.* Et hinc probatur posterior pars, quia obligatio legis matrimonij non soluitur, nisi per mortem alterius coniugis, ut dicitur aic Apostolus: Ergo non cessat propter aliquas molestias, quæ occurrunt vivente utroque coniuge. Hinc rectè docent Theologi, vinculum matrimonij esse indissolubile; & in eo distingui à vinculo, seu obligatione aliorum contractuum, qui in certis casibus legitime rescindi possunt.

3. *Quæres*, An ergo in nullo casu dissolui possit matrimonium, quod semel legitime contractum est? Hanc questionem Pharisei proposuerunt Christo in Evangelio, Matth. 19. 3. *Accesserunt ad eum Pharisei sentientes, & dicentes: Si licet homini dimittere uxorem suam quacumque ex causa? Qui respondens, ait eis: Non legis, quia qui fecit hominem ab initio, masculinum & feminam fecit eos? & dixit: Propter hoc dimittet homo patrem & matrem, & adhærebit uxori suæ, & erunt duo in carne una; itaque iam non sunt duo, sed una caro: Quod ergo Deus coniunxit, homo non separet. Dicunt illi: Quid ergo Moses mandavit dare libellum repudij, & dimittere? Ait illis: Quoniam Moses ad duritiam cordis vestri permisisse vobis dimittere uxores vestras: ab initio autem non fuit sic. Dico autem vobis, quia quicumque dimiserit uxorem suam nisi ad fornicationem, & aliam duxerit, mæchatur.*

4. Ex hac Christi responsione colligimus: Primo, matrimonium ex primæ sui institutione, quæ in paradiso facta est, fuisse indissolubile. Quod Deus coniunxit, homo non separet. Secundo, Iudæis quidē concessum fuisse, ut repudiarent suas uxores: Hanc tamen concessionem non fuisse conformem institutioni matrimonij improbitate Iudæorum. Tercio, eandem concessionem in Evangelio reuocatam esse, ac proinde matrimonium apud Christianos manere penitus indissolubile, sicut (ab initio, inquit, non fuit sic) sed exortam à duritia & fuit in prima sui institutione. Quarto, licere quidem in vno casu, nempe fornicationis, dimittere uxorem, quoad totum seu cohabitationem, in nullo tamen casu, nisi mortis, licere aliam ducere. Huc spectat illud Marci 10. 11. *Quicumque dimiserit uxorem suam, & aliam duxerit, adulterium commisit super eam. Et si uxor dimiserit virum suum, & altero nupsit, mæchatur.* Et Luc. 16. 18. *Omnis, qui dimittit uxorem suam, & aliam ducit, mæchatur; Et qui dimissa à viro ducit, mæchatur.* hic nulla fit exceptio. Vnde etiam Apostolus loquitur sine exceptione. Ro. 7. 2. *Que sub viro est mulier, vivente viro (etiam fornicatio) alligata est legi. Si autem mortuus fuerit vir eius (non dicit, si fornicatus fuerit vir eius) soluta est, à lege viri. Igitur vivente viro vocabitur adultera, si fuerit cum alio viro. Si autem mortuus fuerit vir eius, liberata est à lege viri.* Et 1. Cor. 7. 10. *Fis autem, qui matrimonio iuncti, præcipio non ego, sed Dominus, uxorem à viro non discedere: quod si descefferis (ob fornicationem aut aliam causam) manere inuptam, aut viro suo reconciliari.*

5. *Dices*: Si in nullo casu licet viro aliam uxorem ducere, aut uxori alium virum accipere, quamdiu uterque superstes est; certè misera est vir usque conditio. Nam sæpe contingit, uxorem esse fornicariam, bibulam, garrulam, contentiosam, prodigam, veneticam, stultam, & grotam, sterilem, deformem, foetidam. Si ne tunc

§ iij

quidem potest virginitatem accipere, quid ager cum isto monstro? *Respondeo*: Hoc argumentum proposuerunt Apostoli Christo. Mat. 19. 10. his verbis: *Si ita est causa hominis cum uxore, non expedit nubere*, id est, si tam arctum est vinculum matrimonij, ut vir in nullo casu possit suam uxorem dimittere, & aliam accipere, tunc certe præstat nullam accipere. Respondit Christus: *Non omnes capiunt verbum istud*: quasi dicat, Qui prudenter æstimat obligationem & difficultatem matrimonij, sine dubio, malit liber esse, quam se alligari; sed plerique cæco quodam impetu rapiuntur ad matrimonium, neque considerant onera & molestias, quæ inde possunt provenire; sed solam voluptatem, aut aliquid simile propositum sibi habent.

QUARTA PROPOSITIO.

1. **Q**ui semel elegit continentiam, & iam de facto eam Deo per votum consecravit, netur servare fidem, nec potest pro suo arbitratu, propter aliquas molestias aut difficultates occurrentes, a voto resilire.

2. Hæc propositio habet etiam duas partes. *Una* est, eum qui semel vovit Deo continentiam, obligari ad servandam fidem. *Altera*, hanc obligationem non cessare etiam si interdum occurrant aliquæ difficultates. Prior generatim colligitur ex illo Psal. 75. 12. *Vovete & reddite*. Et Deut. 23. 21. *Cum vorum voveris Domino Deo tuo, non tardabis reddere, quia requirit illud Dominus Deus tuus*: Et si moratus fueris, reputabitur tibi in peccatum. Speciatim verò ex illo 1. Tim. 3. 11. *Habentes dationem, quia primam fidem irritam fecerunt*. Loquitur de iunioribus viduis, quæ, ut supra dixi, post mortem maritorum, vovunt Deo continentiam, & postea volunt inire matrimonium. De his ait Apostolus, quod habeant damnationem. Quare? quia votum suum irritum fecerunt. Unde sequitur, qui semel vovit continentiam, non possit sine damnatione inire matrimonium. Hinc Augustinus in Psal. 75. explanans illum versiculum: *Vovete & reddite*, scribit, *Quisq; quod vovere voluerit, voveat: illud attendat, ut quod voverit, reddat. Si respiciat retrorsum, malum est. Nescio quæ castimonialis nubere voluit. Quid voluit? quod & virgo qualibet. Quid voluit? quod & mater ipsius. Aliquid mali voluit? Mali planè. Quare? Quia iam voverat Domino Deo suo. Quid enim dixit de talibus Apostolus Paulus quæ voverunt & non reddiderunt? Habentes, inquit, damnationem, quia primam fidem irritam fecerunt.*

3. Posterior pars ex triplici capite probari potest, 1. ex parte promissionis. 2. ex parte occurrentium molestiarum. 3. ex parte remediorum contra occurrentes molestias. Hinc formotria argumenta. *Primum* est. Maior est obligatio promissionis, quæ Deo fit, quam quæ viro fit: sed nemo propter occurrentes molestias liberatur ab obligatione promissionis uxori factæ, ut supra probatum est. Ergo multò minus ab obligatione promissionis Deo factæ.

4. *Alterum*; Plures & maiores molestiæ solent occurrere in statu matrimonij, quam in statu continentie sed propter molestias occurrentes in statu matrimonij, non licet resilire à matrimonio semel contracto: Ergo multò minus propter molestias occurrentes in statu continentie, licet resilire à voto continentie. *Maior* propositio sic debet intelligi, non quod coniuges sem-

per habeant plures molestias & difficultates, quam cælibes (hoc enim non semper verum est) sed quod plures molestiæ ac difficultates oriuntur ex statu matrimonij, quam ex statu continentie. Nam ex statu continentie, non nisi una omni potest, nempe tentatio carnis. Reliquæ enim, si quæ sunt, ex aliis causis oriuntur. At ex statu matrimonij oriuntur infinitæ. *Prima* est tentatio carnis, iuxta illud 1. Cor. 7. 28. *Si acceperis uxorem, non peccasti. Et si nupseris virgo non peccavit. Tribulationes tamen carnis habebunt huiusmodi*, quasi dicat, Licet viri non peccent, accipiendo uxores, & virgines non peccent, accipiendo maritos; utriusque tamen, cum ad statum matrimonij pervenerint, habebunt tribulationem carnis. Quare? Quia quo plus indulgetur carni, eo fit petulantior: Et qui semel experti sunt copulam conjugalem, impensius tentantur, quam qui nunquam experti sunt.

5. Hanc molestiam partim augent, partim comitantur alia. 1. turpitudine alterius coniugis. 2. longa absentia. 3. diuturnus aut perpetuus morbus. 4. sterilitas. 5. nimia appetentia copulæ. 6. sœtor corporis. 7. anhelus oris. 8. nimia sœritas aut crudelitas. 9. prodigalitas. 10. rebellio. 11. odium, rixæ, iræ, dissensiones. Hinc ita concludo: Si hæc tantæ, ac tam molestæ molestiæ non obstant, quo minus servanda sit fides matrimonij, certe vincta molestia, & non admodum magna, quæ in statu continentie potest occurrere, non obstat, quo minus servanda sit fides continentie.

6. *Tertium argumentum*; Maiora & faciliora sunt remedia in statu continentie ad superandas molestias illius status, quam in statu matrimonij: Ergo, si coniuges tenentur suas molestias superare per minora præsidia & remedia, quæ habent; quanto magis tenentur cælibes id præstare per maiora & faciliora, quæ ipsi habent; *Una*, ut dixi, molestia est in statu continentie, nempe tentatio carnis. At multa & obvia sunt remedia. 1. oratio. 2. assistentia divinæ gratiæ. 3. castigatio corporis. Hæc omnia fuerunt in Paulo Apostolo. Habuit tentationem carnis, ut fateatur de se 1. Corinth. 12. 7. cum ait, *Datus est mihi stimulus carnis*. Adhibuit supradicta remedia. Primum, *Propter quod iter Dominum rogavi*. Secundum, *Omnia possum in eo, qui me confortat*. Tertium, *Castigo corpus meum, & in servitutem redigo*. Hæc remedia non sunt tam obvia in statu matrimonij, Non primum, quia coniuges non possunt tam commodè vacare orationi, quam cælibes, ut ait Apostolus 1. Corinth. 7. 32. *Qui sine uxore est, sollicitus est, quæ Domini sunt, qui autem cum uxore est, sollicitus est quæ sunt mundi*. Nec secundum, quia assistentia Spiritus sancti magis est in iis, qui de Deo, quam quide mundo solliciti sunt. Nec tertium, qui castigatio corporis non facile consistit cum quotidiano usu matrimonij, optimè autem consistit cum statu continentie.

QUINTA PROPOSITIO.

1. **Q**ui resilit à matrimonio, legitime contracto, obstringit se peccato perfidiæ, iniuriæ, adulterij, sacrilegij. Iisdem peccatis sed multò gravius se obstringit, qui resilit à voto continentie.

2. Hæc propositio habet tres partes. *Prima* est, coniugem resilientem à contractu matrimonij, incurere quadruplex peccatum, perfidiæ, iniuriæ, adulterij & sacrilegij. *Altera* cælibem resilientem à voto

continentiæ, incurrere eadem peccata. *Tertio*, hunc A grauius peccare, quàm illum.

3. *Primam* sic ostendo: Vir dimittens uxorem, quam legitimè duxit, & aliam accipiens, peccat primò contra fidem illi datam, quia non præstat, quod promissit, nempe illud 1. Corinth. 7. 3. *Vxor vir debitum reddat. Secundo* contra iustitiam, quia potestatem sui corporis quam uxori dedit, per iniuriam illi aufert. Nam, ut ait Apostolus 1. Corinth. 7. 4. *Ux sui corporis potestatem non habet, sed mulier. Tertio* committit adulterium, iuxta illud Christi, Marc. 10. 11. *Quicumque dimiserit uxorem, & aliam duxerit, adulterium committit super eam. Quarto*, fit sacrilegus, quia violat Sacramentum matrimonij. Hoc quidem negabunt Calvinistæ & Lutherani, quia putant, matrimonium non esse Sacramentum, sed tamen nobiscum sentiunt Augustinus & alij Patres.

4. *Alteram* partem ostendo simili modo. Nam qui post votum continentie ducit uxorem, primò perfidus est, quia non præstat, quod Deo promissit. *Secundo*, iniustus est, quia corpus suum, quod semel Deo obtulit & consecrauit per votum continentie, per summam iniuriam illi aufert, & alteri donat. *Tertio*, adulter est, quia relicta sponsa spiritali, contrahit cum alia carnali. Vnde rectè Augustinus in Psal. 83. *Sanctimonialis si nupserit, Christi adulter reputabitur. Quarto*, sacrilegus est, quia rem Deo consecratam violat per adulterinam coniunctionem.

5. *Tertia* pars sequitur ex dictis. Nam eo grauius censetur aliquis peccare, ceteris paribus, quod peccat contra maiorem obligationem: sed cælibes magis obligantur Deo per votum continentie, quàm coniux coniungi per contractum matrimonij: Ergo ibi maius peccatum est, quàm hic. Vnde Augustinus in lib. de bono viduitatis, ca. 11. docet eos, qui post votum continentie ducunt uxores, adulteris peiores esse. *Plane*, inquit, non dubitanerim dicere, lapsus & ruinas à castitate sanctiore, quæ donetur Deo, adulteris esse peiores. Et hoc sic probat: Si enim ad offensionem Christi pertinet, cum membrum eius fidem non seruat marito, quanto grauius offenditur, cum illi ipsi non seruatur fides in eo, quod exigit oblatum, qui non exegerat offerendum? q. d. Si scemina Christiana offendit Christum, quando non seruat fidem marito, cui matrimonium promissit, quanto magis offendit, quando non teruat fidem ipsi Christo, cui continentiam promissit; Et hoc alibi confirmat exemplo Romanorum, qui grauius puniebant vestales virgines in stupro deprehensas, quàm alias mulieres adulteras. Sic enim scribit lib. 3. de Ciuit. Dei, cap. 5. *Nam & ipsi Romani antiqui, in stupro detectas vestales Sacerdotes, viuas etiam defodiebant: adulteras autem feminas, quamuis aliqua damnatione, nullam tamen morte pledebant: usque adeò grauius, quæ putabant adytum diuina, quàm humana cubilia vindicabant.*

SEXTA PROPOSITIO.

1. **Q**ui recipiunt, defendunt, & consentiunt alicui resiliendi à voto continentie, & non seruanti fidem Deo promissam non solum incurrunt peccata iam enumerata, sed etiam hæresim.

2. Hæc propositio habet duas partes. *Vna* est, quod recipientes, defendentes, & consentientes alicui resiliendi à voto continentie, incurrant eadem peccata, quæ ille, id est sint participes perfidiæ, iniustitiæ, adulterij & sacrilegij. *Alteram*, quod etiam sint hæretici.

Opusc. Bee.

Priorem partem docet Apostolus Rom. 1. 31. cum ait: *Qui talia agunt digni sunt morte: & non solum, qui ea faciunt, sed etiam qui consentiunt facientibus.* Nihil certius Vnde Christus in Euangelio, Lucæ 11. 47. *Va vobis, qui edificatis monumenta Prophetarum: Patres autem vestri occiderunt illos. Profeclo testificamini, quod consentiitis operibus Patrum vestrorum.* Et de Paulo ante conuersionem legimus, Act. 7. 59. *Santas autem erat consentiens neci eius.* Vult significari Saulum fuisse participem homicidij, quia tamen ipse non lapidasset Stephanum consentiebat tamen lapidantibus.

3. *Posteriorem* partem sic proba: Quicumque docet hæresim, hæreticus est. At quicumque docent, licitum esse Monacho, post votum continentie, transire ad matrimonium, docent hæresim, quia docent, Deo non esse seruandam fidem; quæ non modò hæresis, sed etiam impietas est Ergo hæretici sunt. Hoc autem faciunt, qui recipiunt, defendunt, & consentiunt Monachis, post votum continentie transeuntibus ad matrimonium. Hæretici ergo sunt.

SEPTIMA PROPOSITIO.

1. **L**utherani & Calvinistæ recipiunt Monachos hos fugitivos, & eorum facto non solum consentiunt; sed etiam benè fieri interpretantur. Videant ergo, quales ipsi sint.

2. Hæc propositio non indiget noua probatione aut explicatione. Nam clarè & euidenter sequitur ex dictis. Solum repetam compendio, quæ dicta sunt; & concludam duplici hoc syllogismo. Prior est, Quicumque post votum continentie transeunt ad matrimonium, sunt perfidi, iniusti, sacrilegi, & adulteris deteriores, secundum Augustinum, vel, ut loquitur Apostolus, habentes damnationem. Atqui Lutherus, Bucerus, Zuvinglius, Petrus Martyr, Pellicanus, Ochinus, Oecolampadius, & similes Prædicantes, post votum continentie, transeunt ad matrimonium. Ergo sunt perfidi, iniusti, sacrilegi, & adulteris deteriores, secundum Augustinum, vel, ut loquitur Apostolus, habentes damnationem. Res plena est.

3. *Posterior.* Quicumque recipiunt, defendunt & consentiunt huiusmodi Apostatis, non solum participes sunt eorum scelerum, quæ iam enumeravi, sed etiam incurrunt peculiarem hæresim, de fide Deo violanda, ut ostensum est. Atqui Lutherani & Calvinistæ recipiunt, defendunt & consentiunt huiusmodi Apostatis: Ergo præter scelera superius enumerata, incurrunt peculiarem hæresim, de fide Deo violanda. Attendant igitur ad illud Apostoli: *Non solum qui ea faciunt (ut Apostata) digni sunt morte, sed etiam, qui consentiunt facientibus.*

Prima excusatio Aduersariorum.

1. **A**duersarij, ut aliquo modo regant suam turpitudinem, duobus potissimum modis conantur se excusare. *Primò* dicunt, vota pertinere ad Iudæos; non ad Christianos, & in veteri Testamento fuisse visitata ac heita, sed in nouo abrogata, idèbque, minimè seruanda. Ita Petrus Martyr in libro de votis & cælibatu. Et probat quatuor argumentis. 1. quia in veteri Testamento situerantia votorum, non in nouo, saltem quoad Christianos. 2. quia Christiani sunt toti ac penitus obstricti Christo per fidem: Ergo supernataneum est, quod se obstringat per votum. 3. quia libertas Evangelica minuitur per votum: Nam qui voto astringit se

ad continentiam, amittit libertatem ducendi uxorem. 4. quia qui vouet continentiam, iniuriam facit Deo. Quod enim Deus reliquit illi liberum, hoc ipse vult esse necessarium.

2. *Respondet* Petrus Martyr, & sibi ipsi, & aliis repugnat. Sibi quidem dupliciter. *Primo*, quia ex vna parte dicit, eos, qui aliquid Deo vouent, facere iniuriam Deo: Ex altera, Iudæis licita & vtitata fuisse vota. Hæc autem pugnant; nisi dicas, Iudæis licitum & vtitatum fuisse, facere Deo iniuriam, quod absit. *Secundo*, ex vna parte dicit, superuacaneum esse, per votum obstringere te Deo, cui iam totus per fidem obstrictus sis: ex altera, votum obstat libertati Christianæ. Hæc etiam pugnant. Nam si per fidem æquè obstringimur Deo, ac per votum: quomodo libertas potest consistere cum fide, & non cum voto?

3. Quod etiam aliis repugnet, certo certius est. Omnes enim antiqui Patres non modo admittunt, sed etiam confirmant vota in nouo Testamento. Et sanè meritis. Nam & Christus in Evangelio dixit: *Sunt Evangelii qui seipsos castrauerunt propter regnum celorum.* Et Apostolus damnat iuniores viduas, quæ votum continentie fecerunt irritum.

4. Nec obstant argumenta Martyris. *Primo*, qui licet in nouo Testamento non fiat mentio votorum inter Christianos quoad nomen, sit tamen quoad rem significata. Quid enim aliud est, *seipsum castrare*, quàm vouere continentiam? Et quid aliud, *primam fidem irritam facere*, quàm voti transgressore esse? *Secundo*, quia Christiani per fidem non ita sunt obstricti Christo, ut teneantur seruare continentiam. Igitur ad eam seruandam possunt se obstringere per votum. 2. *ratio*, quia libertas Evangelica non consistit in eo, ut quisque faciat, quod velit, sed in eo, quod per Christum liberati sumus à seruitute peccati, Roman. 6. 17. *Liberati à peccato, serui facti estis iustitiæ.* *Quarto*, quia si Iudæi non fecerunt Deo iniuriam per vota, quomodo Christiani faciunt? Nec Christus, quando hortatur nos ad continentiam, hortatur ad iniuriam Deo faciendam, sed ad statum perfectionis.

Altera excusatio.

1. *Secundo* dicunt Aduersarij, quosdam habere donum continentie à Deo, alios non habere. Priores teneri ad continentiam, posteriores ad matrimonium. Hoc probant ex illo Matth. 19. 11. *Non omnes capiunt verbum istud, sed quibus datum est.* Et 1. Cor. 7. 7. *Volo omnes esse, sicut me ipsum, sed unusquisque proprium donum habet ex Deo: alius quidem sic, alius vero sic.* Hinc inferunt, si aliqui vouissent continentiam, & postea adverterent, se non habere donum continentie: optime facturos, si violato voto ad matrimonium se reciperent. *Melius est enim nubere, quàm viri.* Hoc fecisse Lutherum, Bucerum, & similes Apostolicos. Rectè igitur fecisse.

2. *Respondet*: Si hæc vera sunt, sequitur primò, nemini liberam electionem. Vel enim habes donum continentie: & sic obligaris ad continentiam: vel non habes: & sic obligaris ad matrimonium. *Secundo*, sequitur, cum omnes Lutherani & Caluiniani Prædicantes incant matrimonium, nullum ex iis habere donum continentie: nemini à Deo datum esse, ut capiat verbû Christi: nemini, ut sit sicut Paulus Apostolus. Quod sanè mirum est in tam electis Dei famulis. *Tertio*, donum continentie nusquam in Germania, nisi apud Catholicos reperiri. Nam ceteri omnes, aut Lutherani, aut Calvinistæ, aut Anabaptistæ, aut Iudæi sunt. His omnibus solenne est, habere uxores, & cantare canticum, *Crescite & multiplicamini.* *Quarto*, falsum esse, quod docuit Lutherus, non minus matrimonium, quàm

A cibum & potum, omnibus necessarium esse. Nam si, qui donum continentie habent, ne licitum quidem est, multo minus necessarium.

3. Sed, ut multa alia præteream, quero ex hoc hominum genere, an omnes, qui habent donum continentie, sciunt se habere, necne? Hic planè dissentiant. Qui audaciores sunt, affirmant, alij negant. Utroque scutabo. Et priores quidem sic se explicant. Sicut quisque, qui fidem & iustitiam habet, certò scit se habere: ita quisque, qui donum continentie habet, certò scit se habere. At vnde? Ex interno Spiritus sancti instinctu, iuxta illud: *Oner mea vocem meam audiunt.* Sed si ita est, omnino sequitur, Lutherum, Bucerum, & similes apostatas exculari non posse, quod sic ostendo: Vel enim habebant donum continentie, cum vouerent continentiam, vel non habebant. Si habebant, cur matrimonium inierunt? Si non habebant, cur se voto obstrinxerunt? Nec potest prætendi ignorantia. Iam enim concessum est, quotquot habent donum continentie scire se habere: Vnde necesse est, quotquot non habent, scire se non habere. Si ergo Lutherus habuit scivit se habere. Cur ergo contempsit? cur ad nuptias adspirauit? Si non habuit, scivit se non habere: Cur ergo voto se obstrinxit?

4. *Alij*, ut euadant hanc difficultatem, ingenuè faterentur, non semper constare unicuique, an habeat donum continentie, necne: Aut, si habeat, non scire, an semper habiturus sit: Vnde inferunt, temere & inconsideratè eos facere, qui voto adstringunt se ad perpetuam continentiam cum nesciant, an habeant donum continentie; vel, si habent, an perpetuò habituri sine id enim ex euentu pendere. Sicut est, sequitur *Primo*, Lutherum temerè & inconsideratè fecisse, quando continentiam Deo promisit. *Secundo*, eos quoque temerè & inconsideratè facere, qui matrimonium contrahunt, antequam sciant, an habeant donum continentie, necne. *Tertio*, Lutherum multis annis, quibus in Monasterio vixit, habuisse donum continentie: & postea, cum egressus est, amisisse. Sed quando amisit? An ante nuptias? Quid ergo factum est? Nimirum stimulo carnis sensit se agitari. Etiam Paulus Apostolus id sensit. Nam de seipso scribit, *Datus est mihi stimulus carnis.* Et tamen non idè amisit donum castitatis. At præter stimulum accessit etiam consensus & executio operis in Luthero. Nam, ut scribit Erasmus, *statim post hymenæum cantatum, peperit noua nuptia.* Itane verò? Cur non fecit Lutherus, quod Apostolus? *Ter*, inquit, *Dam nam rogavi.* Si id fecisset, sine dubio, quod dictum est Apostolo, fuisset quoque Luthero dictum, *Sufficit tibi gratia mea.*

4. Sed, ut clariùs appareat, quàm vane ac frigide sint excusationes aduersariorum, atteram breuiter testimonia antiquorum Patrum, qui de hac rescripserunt. Sic ergo habent.

Testimonia Patrum.

1. *E*piphanus in Panatio, hæc. 61. *Tradiderunt sancti Dei Apostoli peccatum esse post decretam virginariæ, ad nuptias reuerti.* Enimvero: Si qua vidua fuit, ac Deo dicata, & postea nupsit, iudicium & condemnationem habebit, quod primam fidem reiecit, quanto magis, qua Deo dicata virgo fuit, & nupsit, contra Christum lasciuir, & maiorem fidem reiecit, iudicium habebit.

2. Ambrosius ad virg. deuotam: *Deuonisti animam tuam ad destruenda omnia, que sunt huius sæculi, quid quæris sæculum, cui renanciasti? Reuerti vis ad vomitum tuum, sicut canis, aut velut sus lora, iterum in velutationem.* Et alibi ad virg. lapsam: *Virgo, qua se sponddis Christo, & sanctum velamen accepit, iam nupsit, iam in mortali inuicta*

est viro. Etiam si voluerit nubere: communi lege coniugij, adulterium perpetrat, ancilla mortis efficitur.

3. Basilius in constitut. Monach. Quemadmodum membra corporis, natura vinculo coniungata, à corpore auelli non possunt, aut si auellantur, quæ auulsa sunt, ea emorua sint necesse est: ita quoque Monachus, quotiescumque reliquorum fratrum corpori coniunctus est, & firmiore, quam sit vinculum natura, compage virtutis tenetur, nempe ex pacto, quod is cum Spiritu sancto contraxit, nullo modo putandus est, ab eis posse se diuellere, quibus cum copulatus sit: alioqui si hoc facit, & anima vitam amittit, & una cum ea gratiam Spiritus sancti, ut patet qui initum, ipso auctore, fœdus violauerit.

4. Idem Basilius ibidem: Si enim mulier ad viri societatem lege matrimonij prouecta, & una cum eo copula carnalis consuncta, morte mulatur, si ei insidias fecisse deprehensa sit: quanto is magis subiacebit poenæ grauiori, se abiunxerit, qui spirituali communione copulatus sit, iuste atque sequente ipso Spiritu sancto?

5. Cyprian. epist. ad Pompon. Si superueniens maritus, sponsam suam iacentem cum altero videat, nonne indignatur & fremit & per Zeli dolorem fortassis & gladium in manu sumit? Quid: Christus Dominus & Iudex noster, cum virginem suam sibi dicatam, & sanctitatis suæ destinatam, iacere cum altero cernit, quam indignatur & irascitur, & quas penas incestis eiusmodi cõiunctionibus comminatur? Et infra: Quæ hoc crimen admisit, non mariti, sed Christi adultera est.

6. D. Hieron. lib. 1. cõtra Iovinian. Et si nupserit virgo, inquit Apostolus, non peccauit. Nõ illa virgo, quæ semet Deo cultui dedicauit. Harum enim si qui nupserit, habebit damnationem, quia primam fidem irritam fecit. Si autem hoc de viduis dictum obiecerit, quanto magis de virginibus praualebit, cum etiam his non liceat, quibus aliquando licuit? Virgines enim, quæ post consecrationem nupserint, non tam adultera sunt, quam incesta.

7. Gelasius epist. c. 22. Virgines sacris temere se quosdam sociare cognouimus, & post dictum Deo propositum, incesta fœdera sacrilegæq; miscere, quos protinus aquum est à sacra communione deivndi, & nisi per publicam portamque penitentiam omnino non recipi.

8. Concilium Turonense 2. cap. 16. ante mille annos celebratum: Si qui in monasterio conuersi sunt, nullatenus exinde habeant licentiã euagandi, nec, quod absit, ullus eorum coniugem ducere: & si uxorem duxerit, excommunicetur, & de uxoris malè sociata consortio, etiam indicis auxilio, separetur. Quod si index ad hoc solatiũ dare noluerit, excommunicetur. Qui infelix monachus tali cõiunctione fœdatus, si per cuiuscunque patrocinium se conatus fuerit defendere, & is, qui in hac pertinacitate perdurat, & illi, qui illum exceperint defensandam ab Ecclesia segregentur.


9. Chrysostomus ad Theodorum Monachum: Tam seruare non conuenit privilegia nuptiarum, Angelorum enim societati semel iunctum, illam relinquere, & uxoris laqueis implicari, adulterij crimen incurrere est. Et quamuis frequenter hoc ipsum nuptias voces, ego tamen illud, & adulterio tãto peius affirmo, quanto maior ac melior mortalibus Angelus. Et quid mirum, si nuptiales, quibus offenditur Deus, adulterio cõparantur? Maius longe audies, &c.

10. August. epist. 137. ad Cler. & pop. Hipponens. Simpliciter fateor charitatis vestra, coram Domino Deo nostro, qui testis est super animam meam, ex quo Deo seruire cœpi, quomodo difficile sum expertus meliores, quam qui in monasteriis profecerunt, ita non sum expertus peiores, quam qui in monasteriis ceciderunt (ut Lutherus & similes): ita ut hinc arbitrer in Apocalypsi scriptum. Insuperius tor fiat, & sordibus sordescas adhuc.

11. S. Gregor. epist. ad Venantium: Ananias Drope-

curias voverat, quas postea vitæ persuasione diaboli subtraxit. Sed quæ morte mulatus est, scis. Si ergo illo mortis periculo dignus fui, qui eos, quos dederat numos, Deo abstulit: considera, quanto periculo in iudicio dimisso dignus eris, qui non nummos, sed temetipsum Deo omnipotenti, cui se sub monachali habitu deuoveras, subtraxisti.

Vouete & reddite.



OPUSCULUM III.

PRIVILEGIA CALVINISTARVM.

EST hominum genus, qui in Germania Calvinista; in Bohemia Picardita, in Belgio Gensij: in Anglia Puritani: in Gallia Hugonota, appellantur. Hi ergo, tametsi non ita pridem ebullierint (ut loquitur Augustinus de Pelagianis) multis tamen privilegijs aucti ac donati sunt. Ex his aliqua recensere, & quid de singulis sentiam, breuiter explicabo. Sunt autem ferè hæc.

1. Omnes Calvinista ex utero materno nascuntur sancti & hæres vitae æternæ: idèque nec Baptismo, nec alijs Sacramentis indigent.

2. Omnes sunt sacerdotes, & quotidie offerunt Deo mundam & acceptabilem hostiam, in odorem suauitatis.

3. Omnes certi ac securi sunt de sua iustitia, sanctitate, perseuerantia, prædestinatione, & vitæ æternæ, idèque certi ac securi, quicquid tandem eueniat, perire se non posse.

4. Omnes per internam Spiritus sancti suggestionem norunt discernere inter Scripturas Canonicas, & non Canonicas.

5. Tamei si omnes antiqui Patres errarint, ipsi tamen non errant; quia non ab hominibus, sed à Deo docti sunt, qui errare non potest.

6. Habent propriam ac peculiarem doctrinam à cælo missam, quam reliqui Christiani hoc tempore non habent.

7. In ea defendenda possunt contraria sac pugnantes sententias sequi, cum lubet, & eadem nunc affirmare, nunc negare.

8. Habent etiam proprium ac peculiare Purgatorium post hanc vitam.

9. Etiam si quotidie enormiter peccent, & flagitiose viuunt, tamen peccata ipsis non imputantur.

10. Possunt igitur impune mentiri & calumniari, suumque Euangelium hoc modo propagare, & Catholicorum vitam ac doctrinam traducere.

11. Possunt etiam non modo aduersarios, sed se matius quaque conuictis & maledictis insectari, sine ullo salutis aut sanctitatis dispendio.

12. Possunt denique suos Reges ac Principes saculares deponere, expellere, occidere, cum ipsis vitium est.

13. Et quod omnium maximum est, nulla lege, nec diuina, nec humana obligari sunt, sed ab omni iugo & subiectione immunes ac liberi.

Hoc est quasi Compendium Privilegiorum, quibus hoc tempore gaudent Calvinistæ præ cæteris in Europa Christianis. Nunc singula seorsim discutienda sunt, cõpouissimum sine, ut quæ legitima ac genuina sunt, retineantur: quæ spuria vel subreptitia, rescindantur.

I. PRIVILEGIUM.

Omnes Calvinistæ ex utero materno nascuntur sancti, & hæredes vitæ æternæ, ideoque nec Baptismo, nec aliis Sacramentis egent.

Ita Calvinus in Antidoto Concilij Tridentini Sess. 6. cap. 3. cum ait: *Verum infantes à regno Dei arcere libuit, qui ante erepti sunt ex hac vita, quàm offerri ad Baptismum potuerint: Quasi verò de nihilo dicti sit, eos nasci sanctos, qui ex fidelibus nascuntur. Imò quo iure ad Baptismum eos admittimus, nisi quod promissionis sunt hæredes? Nisi enim ante ad eos pertineret vitæ promissio, Baptismum profanaret, quisquis illis daret. Quod si Deus in regnum suum eos adoptavit, quanta iniuria sit promissionis quasi per se, sine Baptismo, ad eorum salutem non sufficeret? Et ibidem paulò post: *Inclusa est infantium salus in promissione, qua Deus fidelibus testatur, se fore illis & semini eorum in Deum. Hac ratione se nasci pronuntiabant, qui ex Abraham ducebant originem. Huius promissionis beneficio recipiuntur ad Baptismum, quia consensur Ecclesie membra: Non à Baptismo igitur initium habet eorum salus, sed quæ iam in Verbo sancti lata erat, Baptismo obfirmatur. Et lib. 4. Inst. c. 6. §. 24. *Infans à matris utero, in fœdere. Id est, promissione vitæ æternæ, continetur. Et ibid. Filiorum, hæredes dabit, loco habet eorum filios, quorum semini in Patrem se fore pollicitus est.***

2. Ex his & aliis Calvini verbis, quæ ibidem habentur, colligi possunt hæc puncta. Primo, Illam promissionem, quæ Abraham facta est, Gen. 17. 7. *Ero Deus tuus, & semini tui post te, pertinere ad omnes parentes fideles, & eorum filios. 2. Itaque omnes filios fidelium, vi illius promissionis esse sanctos, filios Dei & hæredes vitæ æternæ, nec posse unquam perire. 3. Quamvis ergo moriantur sine Baptismo, nihilominus salvari, vi promissionis. 4. Non enim Baptismum institutum esse, ut infantes per illum efficiantur sancti, sed ut eorum sanctitas obligetur; cum Baptismus nihil aliud sit, quàm publicum sigillum, quo Ecclesia testatur, filios fidelium sanctos esse, & in fœdere promissionis contineri. 5. Unde sicut olim filij Abraham, obfirmabantur sigillo circumcisionis, ita nunc filios fidelium sigillo Baptismi obfirmari. 6. Et sicut olim non circumcidebantur filij infidelium, eò quòd in fœdere promissionis non continebantur, ita nunc filios infidelium non debere admitti ad Baptismum, quia à promissionis fœdere exclusi sunt. 7. Denique ut sigillum Regis consecratur profanari, quando falsè scripturæ, vel epistolæ appenditur, ita merito profanari Baptismum, quando confertur iis, qui promissionem Dei non habent, cuiusmodi sunt omnes infideles.*

3. Ex dictis sic concludo: Omnes filij fidelium ab utero materno nascuntur sancti, filij Dei, membra Ecclesie, hæredes vitæ æternæ, & sine baptismo salvari possunt. At omnes filij Calvinistarum sunt filij fidelium. Ergo omnes filij Calvinistarum ab utero materno nascuntur sancti, filij Dei membra Ecclesie, hæredes vitæ æternæ, & sine baptismo salvari possunt. Maior est Calvinus, quæ negari non debet. Minorem concedunt Calvinistæ. Sequitur ergo privilegiata conclusio.

EXAMEN.

4. Hoc privilegium planè fictitium est, nec ullum in Scripturis fundamentum habet. Imò ex Scripturis manifestè refelli potest. Hoc probò ex tribus principiis.

A Primum est, quòd omnes infantes, tam fidelium, quàm infidelium, nascuntur in peccato originali. Alterum, quòd ratione peccati originalis sunt filij mortis, iræ, & damnationis. Tertium, quòd non possunt effici filij Dei, nisi renascantur in Deo per Baptismum. Singula explicanda sunt.

5. Primum ergo est, omnes infantes, tam fidelium, quàm infidelium, nasci in peccato originali. Hoc olim in Ecclesia dehitum est contra Pelagianos. Et aperte convincitur ex Scripturis. Psal. 50. 7. *Ecce enim in iniquitatibus conceptus sum, & in peccatis concepit me mater mea. Rom. 5. 12. Per unum hominem peccatum in hunc mundum intravit, & per peccatum mors. Ephel. 2. 3. Eramus & nos natura filij iræ, sicut & ceteri. Neque Calvinus id negat, loquitur lib. 2. c. Inst. 1. §. 6. *Andimustia in filios transmitti parentum immunditiam, ut omnes circa ullam exceptionem sua origine sint inquinati.**

9. Alterum est, omnes infantes ratione peccati originalis, in quo concipiuntur & nascuntur, esse filios mortis, iræ & damnationis. Hoc tradit Apostolus Rom. 5. 12. Eph. 2. 3. Et fatetur Calvinus lib. 2. Inst. c. 1. §. 6. his verbis: *Adam unumquemque semen suum in, in quam lapsus erat vitio sit die infectis. Nec vero aliter flaret illud Pauli, natura omnes esse iræ filios, nisi iam in ipso vitio maledicti essent. Et §. 8. Peccatum originale facit eos iræ Dei. Et infra: Atque adeò infantes quoque ipsi suam secum damnationem à matris utero afferunt.*

7. Tertium est, eos, qui nati sunt in peccato originali, non posse salvari aut effici filios Dei, nisi renascantur in Deo per baptismum. Hoc tradit Christus Ioan. 3. 3. *Nisi quis renatus fuerit denuò, non potest videre regnum Dei. Et infra: Oportet vos nasci denuò. Quare denuò? Causa addit: quia quod natum est ex carne, caro est. q. d. Qui nascuntur ex parentibus per carnalem generationem, nascuntur filij iræ & corruptionis, nec possunt salvari, nisi renascantur ex Deo per baptismum. Hinc D. Aug. lib. 3. de anima & eius origine. c. 9. *Noli, inquit, credere, noli dicere, noli docere, infantes antequam baptizantur, morte præventos, pervenire posse ad originalium indulgentiam peccatorum si vis esse Catholicus. Et epist. 28. ad Hieron. Quisquis dixerit, quod in Christo vivificabuntur etiam parvuli qui sine Sacramenti eius participatione de vita exeunt: hic profecto & contra Apostolicam prædicationem venit, & totam condemnat Ecclesiam, ubi propterea cum baptizandis parvulis festinatur & curritur quia sine dubio creditur, alias in Christo vivificari non posse. Condemnat Calvinus lib. 2. Inst. c. 1. §. 6. in fine, cum ait: Satis præclare pronuntiat Christus, omnes prave & vitiosos nasci, ubi docet, quidquid genitum est ex carne, carnem esse: ideoque omnibus clausam esse vitæ ianuam, donec regniti fuerint.**

8. Ex his principiis sic concludo: Quicumque nascuntur in peccato originali, nascuntur filij mortis, iræ & damnationis, nec possunt salvari, aut in Christo vivificari sine Baptismo, & qui aliter sentit, venit contra Apostolicam prædicationem, & condemnat totam Ecclesiam. (Hæc omnia concedit Calvinus.) At omnes Calvinistæ nascuntur in peccato originali (quod etiam concedit Calvinus.) Ergo omnes Calvinistæ nascuntur filij mortis, iræ & damnationis, nec possunt salvari, aut in Christo vivificari sine Baptismo, & qui aliter sentit, venit contra Apostolicam prædicationem, & condemnat totam Ecclesiam. Hinc ulterius infero: Ergo Privilegium Calvinistarum, quo aiunt, se ex utero materno nasci filios Dei, & hæredes vitæ æternæ, ac sine Baptismo salvari posse, non modo subreptitium, sed etiam scripturæ, Apostolicæ prædicationi toti Ecclesie, atque adeò ipsi Calvino contrarium est.

7. Non obstat promissio Abraham facta, imò ex illa ipsa promissione sumo tria argumenta contra Calvinistas: Primum est tale: Promissio, quæ Abraham à Deo

facta est, dupliciter potest explicari. 1. in sensu literali. 2. in sensu mystico. Si explicetur in literali, nihil ad rem Caluin facit. Non enim Deus secundum litteram promittit Abraham & semini eius vitam æternam, sed possessionem terræ Chanaan. Verba promissionis sunt hæc; *Dabo tibi & semini tuo terrā peregrinationis tuæ, omnem terram Chanaan in possessionem æternam.* Si autem explicetur in sensu mystico, tunc quidem potest intelligi de vita æterna: non tamen descendit ad filios per carnalem generationem ex parentibus fidelibus, ut falsò interpretatur Caluinus, sed per fidem in Christum. Hoc docet Apostolus ad Rom. 4. & 9. & ad Gal. 3. & 4. ubi dicens explicat, eos esse filios Abraham, secundum promissionem vitæ æternæ, non qui sunt filij carnis, sed qui sunt filij fidei, id est, qui imitantur fidem Abraham. Sic enim loquitur ad Gal. 3. 7. *Cognoscite quia qui ex fide sunt, ij sunt filij Abrahæ.* Et ibid. v. 9. *Qui ex fide sunt, benedicentur cum fidei Abraham.* Tunc ergo, secundum Apostolum, incipimus esse filij Abraham, vi promissionis, cum incipimus esse fideles. At infantes non incipiunt esse fideles ab utero materno sed in Baptismo: *Illi enim baptizari est, credere,* ut loquitur Augustinus. lib. 1. de peccat. meritis & remiss. c. 27. Ergo infantes non nascuntur sancti ab utero materno, sed efficiuntur sancti, quando per baptismum regenerantur, ut supra ex Evangelio dictum est.

10. *Alterum argumentum:* Post promissionem Abraham factam, Iacob & Esau ex parentibus fidelibus nati sunt; & tamen Esau ab utero materno non fuit sanctus & hæres vitæ æternæ. Ergo non omnes filij fidelium, vi illius promissionis, ab utero materno nascuntur sancti & hæres vitæ æternæ. Minor patet ex illo Rom. 9. 13. *Iacob dilexi, Esau autem odio habui.* Et Heb. 12. 16 *Ne quis fornicator, aut profanus, ut Esau: qui propter unā escam vendidit primitias suas: scitote enim, quoniam & postea cupiens hereditare benedictionem, reprobatus est: non enim invenit penitentiae locum, quamquam cum lacrymis inquisisset eam.* Vide Caluinum lib. 3. Inst. c. 3. §. 25. ubi ibidem fateretur.

11. *Tertium argumentum:* Si propter promissionem Abraham factam, omnes filij fidelium nascuntur sancti & hæres vitæ æternæ; planè sequitur, omnes Iudeos nasci sanctos & hæres vitæ æternæ: Hoc falsum: Ergo & illud. Maioris sequela probatur, quia omnes Iudei nascuntur ex 12. Patriarchis, filiis Iacob. At 12. Patriarchæ fuerunt fideles. Ergo proximi illorum filij fuerunt sancti ab utero materno: Ergo & horum filij & sic deinceps. Quomodo ergo reprobatii sunt? quomodo exclusi ab Evangelio? quomodo excisi à radice? quomodo Gentiles in eorum locum suffecti?

12. *Concludo,* Calvinistas fingere sibi privilegium quod nūquam est, & in ea re similes esse Iudeis in Evangelio. Cum enim Christus, Ioan. 8. identidem illis obiectaret hæc verba: *Moriemini in peccatis vestris, si non credideritis, quia ego sum,* responderunt. *Nos semen Abraham sumus: Paternoster Abraham est.* Quasi dicerent: Omnes filij Abraham ab utero materno sancti sunt: Nos sumus filij Abraham: Ergo ab utero materno sancti sumus: Quomodo ergo tu dicis, in peccatis nos morituros? Planè sic agunt Calvinistæ. Sed quid Christus: *Vos ex patre diabolo estis,* inquit. Non non, v. supra dixi ex Apostolo, *Qui filij carnis, hi sunt filij Dei: sed qui filij sunt promissionis, estimantur in semine.* Rom. 9. 8.

II. PRIVILEGIUM.

Omnes Calvinistæ sunt Sacerdotes à Deo sanctificati, & quotidie offerunt Deo mundam & acceptabilem hostiam in odorem suavitatis.

1. **H**oc probat Calvinus ex illo 1. Pet. 2. 5. *Et ipsi tanquam lapides vivi superadificamini, domus spiritualis, sacerdotum sanctum offerre spirituales hostias.* Et infra v. 9. *Vos autem genus electum, regale sacerdotium, gens sancta, populus acquisitionis.* Sic enim scribit in commentario illius loci: *Hæc singularis est dignatio, quod Deus non modò nos sibi in templum cōsecrat, in quo habiet ac colatur: sed vult simul esse sacerdotes.* Et infra: *Vnde melius apparet, quàm incomparabilis sit erga nos Dei bonitas, qui nos sanctificat, & sacerdotij honorem confert.* Igitur hoc Privilegium, secundum Caluinum, consistit in eo, quod Deus singulari quadam dignatione, & ex incomparabili erga Calvinistas bonitate voluerit eos præ aliis sanctificare, & honorem sacerdotij conferre. *Non fecit taliter omni nationi.*

2. Sed quæ est illa munda & acceptabilis hostia, quæ offerunt hi sancti Sacerdotes? Aunt esse illam, de qua prædixit Malachias c. 1. 11. *In omni loco sacrificatur & offertur nomini meo oblatio munda.* Quæ autem hæc est? Calvinus lib. 4. Inst. c. 18. §. 4. & 16. dicit esse preces, laudes, gratiarum actiones, & generatim omnia bona opera, quæ ad Dei cultum exercentur; idem scribunt David Patras in Comment. cap. 13. Epistolæ ad Hebr. Philippus Plesszus lib. 3. de Eucharistia, c. 1. & alij eiusdem sententiæ sacerdotes.

EXAMEN.

3. Circa hoc Privilegium oritur mihi duplex quæstio: *Una est,* quomodo Calvinistæ possint vocari sacerdotes sancti? Ratio dubitandi sumitur ex Calvino, qui de se & suis similibus ita loquitur lib. 2. Inst. c. 1. §. 8. *Omnia nostra natura nostra partibus vitiat ac peruersi sumus.* Et inf. *Obtalem duntaxat corruptionem damnaui meritis, commisti, quæ coram Deo tenemur.* Et §. 9. *Quomobrem dixi, cunctas animæ partes à peccato esse possessas.* Et ibidem. *Nihil in nobis à mortifera tæbe purum est, aut sincerum.* Hæc si vera sunt, non video, quomodo Calvinistæ possint esse sacerdotes sancti: Nisi quis dicat, simul esse sanctos & vitiatos: simul sanctos, & peruersos: simul sanctos, & à peccato possessos. Sed quis capit hoc mysterium?

4. *Altera quæstio est,* quomodo opera Calvinistarum possint esse vel appellari hostia munda, & Deo acceptabilis? Hic scrupulus oritur etiam ex Calvino, qui de operibus Calvinistarum sic loquitur, in Antid. Concilij Trident. Sell. 6. cap. 16. *Vitiositas, quæ in nobis inhaeret, deformat coram Deo, quicquid à nobis operum prodit.* Et l. 3. Inst. c. 12. §. 4. *Omnia nostra opera nihil sunt, nisi inquinamenta & sordes: & quæ iniustitia vulgò habetur, ea apud Deum mera est iniquitas.* Et cap. 15. §. 3. *Nihil ab homine exit, quātumvis perfectò, quod non sit aliqua macula inquinatum.* Si ergo opera Calvinistarum sunt inquinamenta, sordes, & mera iniquitas coram Deo, quis credat esse oblationem mundam, & acceptabilem Deo. *Domine adauge nobis fidem.* Sed, ut video, Privilegium hoc est.

5. *Num miror.* Calvinistas partim tam impudentes, partim in Catholicos tam iniquos esse, ut illud vaticiniū Malachiz, *In omni loco sacrificatur & offertur nomini meo oblatio munda,* affirmant intelligi oportere de

his operibus, quæ iudicio Calvini sunt meræ sordes & inquinamenta, negent intelligi posse de mundissimo sacrificio corporis & sanguinis Christi, quod quotidie in Ecclesia Deo offertur; de quo tamen intellexerunt antiquissimi Patres. Sic enim scribit Irenæus l. 4. c. 22. *Panem accepit, et gratias agit, dicens: Hoc est corpus meum. Et calicem similiter summi sanguinis confusus est; et novi Testamenti novam desuit oblationem. Quam Ecclesia ab Apostolis accipiens, offert Deo in universam mundum: de qua et in duodecim Prophetis Malachias sic presignificavit. In omni loco sacrificatur, et offertur nomini meo oblatio munda, &c.* Similia habent Tertullianus, Eusebius, Cæsariensis, Chrysostomus, Augustinus & alij.

III. PRIVILEGIUM.

Omnes Calvinistæ certi sunt de sua iustitia, sanctitate, perseverantia, predestinatione, & vita æterna: ideoque certi ac securi, quicquid eandem eveniat, perire se non posse.

1. Ita Calvinus in Antidoto Concilij Trident. Sess. 6. c. 10. *Certò statuimus nobis remissa esse peccata, in eaq; certitudine acquiescimus.* Et ibidem. *Non mirum est, si hac, quam Spiritus Dei prout (Caluinistarum) cordibus obsignat, certitudo Sophistis ignota est.* Per Sophistas intelligit Patres Concilij Tridentini, in quos paulo post invehitur his verbis: *Et cuius, obsecro, improbitas est, id asserere, Nemo scire fidei certitudine potest, si gratia Dei esse consecutum?* Et cap. 13. *Quicumque sunt filij Dei inter media pericula tuos se esse non dubitent: imò periculis infinitis obfessi, suam salutem extra periculum esse confidant.* Et c. 15. *Sua electionis certos esse convenit universos fideles.* Et lib. 3. Inst. cap. 2. §. 16. *Vere fidelis non est, nisi qui confidenter se regni celestis hæc edem glorietur.* Et David Patrus in Prolegomenis ad Olivam Prophetam: *Spiritus sanctus intus contestatur spiritui nostro, de nostra ipsorum conversione, iustificatione, electione.*

2. Hoc Privilegium non intelligitur de certitudine morali, quam etiam nos possumus in hac vita habere de nostra iustitia & sanctitate; sed de certitudine fidei, quam Calvinistæ præ nobis gloriantur se habere, ut ex verbis Calvini perspicuum est. Habet autem tres partes. *Prima* est, quod Calvinistæ habent certitudinem fidei de sua iustitia, sanctitate, & remissione peccatorum. *Alteram*, quod habeant certitudinem fidei de sua perseverantia. *Tertia*, quod eandem habeant de sua predestinatione, & vita æterna.

3. Nititur autem quatuor fundamentis. *Primum* est, fidem non dari, nisi solis predestinatis: ex Calvino lib. 3. Inst. c. 22. §. 10. *Alterum*, fidem semel habitam, nunquam amitti, ex Calvino lib. 3. c. 2. §. 12. & c. 21. §. 6. *Tertium*, solam fidem hominem iustificari, ex Calvino lib. 3. c. 21. §. 19. *Quartum*, qui fidem habet, certum esse de sua fide, ex Apostolo 1. Corinth. 13. 5. *Quis seipsum ostentat, si estis in fide* hinc sequitur, si is, qui fidem habet, certus est de sua fide, certum quoque esse de sua iustitia, quia sola fides iustificat: certum de sua perseverantia, quia fides non amittitur: certum de sua predestinatione, quia fides non datur nisi predestinatis.

EXAMEN.

4. Hoc Privilegium, nec in veteri, nec in novo Testamento, nec in Augustino potui invenire. Tamen enim

ex his facile intelligam, nos habere posse certitudinem quandam moralem de nostra iustitia & predestinatione, non tamen quicquam reperio de certitudine fidei, cui nullus error aut falsitas subesse potest. Nam in veteri Testamento sic legimus, Eccl. 9. 1. *Nescit homo, utrum odio, an amore dignus sit; sed omnia in futurum servantur incerta.* Et Ecclesiast. 5. 3. *De propitiato peccato noli esse sine metu.* Et Pl. 2. 11. *Servite Domino in timore.* Cautam addit: *Ne quando irascatur Dominus, & percutis de via iusta.* In Novo sic, Rom. 11. 20. *Tu autem fide stas, noli alium sapere, sed time.* Et ad Philip. 2. 12. *Cum metu & tremore salutem vestram operamini.* Et Apocal. 3. 11. *Tene quod habes ne alius accipiat coronam tuam.*

5. His consentit Augustinus in lib. de correptione & gratia, cap. 15. cum ait. *Omnes, etiam qui bene currunt, timeant dum occultum est quo perveriant.* Et ibidem: *Quis enim ex multitudine fidelium, quamdiu in hac mortalitate vivitur, in numero predestinatorum se esse presumat?* Et homil. 35. *Quamdiu vivimus hic, de nobis ipsis nos ipsi iudicare non possumus: non dico, quid eras erimus, sed quid hodie simus.* Et serm. 16. de verbis Apostoli. *Et erit quisquam nostrum qui audeat dicere, nullus sum?* Notent hoc Calvinistæ.

6. Et ratio est efficax. Nam inter certitudinem fidei & moralem hoc interest, quod moralis nititur quibusdam signis, aut argumentis, quæ quidem efficiant hominem ita certum, ut moraliter putet, se non errare, tamen si re ipsa aliquando erret. Potest enim huic certitudini aliquando subesse falsum, ut fatetur Calvinus lib. 3. Inst. c. 2. §. 10. *Tot, inquit, vanitatis recessus habet, tot mendacij, latebris secat cor humanum, tam fraudulenta hypocrisis replet, ut seipsum saepe fallat.* Et §. 11. *Experientia ostendit, reprobos interduca simili fere sensu, atque electos, affici, ut ne suo quidem iudicio quicquam ab electis differunt.* At certitudo fidei omnino est infallibilis, quia nititur divina veritate, cui falsum subesse non potest. Tunc ergo dicitur aliquis habere certitudinem fidei de aliqua re, quando rem illam immediate cognoscit per revelationem Dei: quo pacto cognoscimus omnia, quæ in Scripturis à Deo revelata sunt. At non singuli fideles habent revelationem Dei de sua iustitia, perseverantia, & vita æterna: non enim singulis dicitur quod dictum est Magdalene, Luc. 7. 48. *Remittuntur tibi peccata tua:* aut quod latroni, Luc. 23. 43. *Hodie mecum eris in Paradiso.* Non ergo singuli habent certitudinem fidei, quam Magdalena & latro habuerunt.

7. Porro fundamenta, quibus nititur Calvinistarum Privilegium, ficticia sunt. Primum est, fidem non dari, nisi predestinatis. Falsum est. Iudas proditor, Simon Magus, Nicolaus Antiochenus, non fuerunt predestinati, sed reprobis; & tamen fidem habuerunt. De Iuda testatur D. Hieronymus lib. 3. contra Pelagianos, & probat ex illis Christi verbis Ioan. 17. 12. *Pater, quos dedisti mihi, custodi mihi & nemo ex eis perit, nisi filius perditionis.* Nam si pater dedit illum filio, certe bonus tunc erat: Et si postea perit ex grege, certe antequam periret, in Christi grege numerabatur. De Simone Mago testatur S. Lucas, Actor. 8. 2. *Cum vero credidisset Philippo evangelizanti, tunc Simon & ipse credidit, & cum baptizatus esset, adhaerebat Philippo.* De Nicolao Antiocheno scribit idem Lucas, Actor. 6. 3. *Considerate ergo fratres, viros ex vobis boni testimonij septem, plenos Spiritu sancto & sapientia.* Ex his autem septem, unus erat Nicolaus Antiochenus.

8. *Alterum* est, fidem nunquam amitti. Et hoc falsum. Nam Apostolus disertè ait 1. Tim. 2. 19. *Quidam circa fidem naufragaverunt, ex quibus est Hyrcanus & Alexander.* Et c. 4. 1. *In novissimis temporibus discedens quidam à fide.* Et sanè si fides amitti non potest, unde

tot sunt in mundo heretici? Cur dixit Paulus, Rom. 11. 10. *Tu autem fidei fides: noli aliam sapere, sed time!*

9. *Tertium* est; sola fide hominem iustificari. Non ita est. Scriptura non minus requirit timorem, spem, charitatem & penitentiam ab eo, qui vult iustificari, quam fidem, Ecclesiast. 1. 23. *Qui sine timore est, non poterit iustificari.* Et Prou. 28. 25. *Qui sperat in Domino, sanabitur.* Et 1. Ioan. 3. 14. *Qui non diligit, manet in morte.* Et Lu. 7. 47. *Remittuntur ei peccata multa, quoniam dilexit multum.* Et Act. 3. 9. *Poenitemini & convertimini, ut deleantur peccata vestra.* Vnde Augustinus lib. 15. de Trinitate. c. 18. *Ipsam fidem non facit visilem, nisi charitas. Sine charitate quippe fides potest quidem esse, sed non prodesse.* Et hoc probat ex illo Apostoli ad Gal. 5. 6. *In Christo Iesu neque circumcisio aliquid valet, neque praputium sed fides, qua per charitatem operatur.* Non dicit, *sola fides*, sed *fides cum operibus ex charitate factis.* Vnde idem Augustinus in Enchiridio, cap. 8. *Sine amore fides nihil prodest.*

10. *Quartum* est, qui fidem habet, certum esse de sua fide. Hoc, siue verum, siue falsum sit, nihil patrocinatur Calvinistis. Nam, et si is, qui fidem habet, certus esset de sua fide, non deo quoque certus esset de sua iustitia si sola fides non iustificat: nec certus de persequerantia, si fides amitti potest: nec certus de predestinatione, si fides communis est predestinatis & reprobis. At iam ostendi, solam fidem non iustificare, fidem amitti posse, nec solis predestinatis, sed etiam reprobis convenire. Addo, falsum esse, unumquemque fidelem habere certitudinem fidei de sua fide. Non enim dicitur, unicuique à Deo, quod dictum est mulieri in Evangelio: *O mulier, magna est fides tua:* Et iterum: *Fides tua te salvam fecit: Vade in pace.* Negandum tamen non est, possemus habere certitudinem quandam moralem de nostra fide, fundatam in experientia vitali. Sicut enim is, qui gaudet vel tristatur, experitur se gaudere: sic is, qui credit, experitur se credere. Hoc sentio dixit Aug. lib. 13. de Trinit. cap. 1. *Fidem porro ipsam quam vides qui, que in corde suo esse, si credit, vel non esse, si non credit, aliter nonimus.* Et D. Thom. 1. p. q. 87. art. 2. ad 1. *Fides percipitur ab eo, in quo est per interiorum actum cordis. Nullus enim fidem se habere scit, nisi per hoc, quod se credere percipit.*

IV. PRIVILEGIUM.

Omnes Calvinistae per internam Spiritus sancti reificationem, norunt discernere inter Scripturas canonicas & non canonicas: ideoque in hac re non egent iudice controversiarum.

1. **I**Ta David Paræus in disputatione de authoritate Scripturarum, ubi proponit & discutit hanc questionem: *Vnde constat, doctrinam Prophetarum, & Apostolorum esse divinam & canonicam?* Et reiectis aliorum opinionibus, dicit id constare ex interna reificatione Spiritus sancti. Sic enim habet: *Spiritus sanctus testificatur in cordibus electorum, de huius doctrina veritate & certitudine. Filij siquidem Dei legentes vel audientes libros Prophetarum vel Apostolorum audiunt, & agnoscunt loquelam Patris sui, & discernunt eam ab aliis.*

2. Hoc privilegium sic debet explicari. *Primo*, omnes Calvinistae sunt filij Dei. Hoc patet ex privilegiis precedentibus. Omnes enim ab utero materno nascuntur

sancti, & heredes vite æternæ. Omnes certi sunt de sua iustitia, perseverantia & predestinatione. Omnes igitur sunt filij Dei. *Secundo*, filij Dei audiunt & agnoscunt loquelam Patris sui, & eam discernunt ab aliorum loquela: sicut oves agnoscunt vocem pastoris sui, & eam discernunt à voce aliorum, iuxta illud Ioan. 10. 27. *Oves mea vocem meam audiunt.* *Tertio*, in Scripturis canonicis auditur vox & loquela Dei Patris, in aliis non item. Igitur filij Dei, qui agnoscunt loquelam sui Patris, eamque ab aliorum loquela norunt discernere, norunt etiam discernere inter Scripturas canonicas & non canonicas. At Calvinistae sunt filij Dei, de quo nemo dubitat. Igitur discernunt inter Scripturas canonicas & non canonicas. Non ergo necesse est, ut in hac re habeant iudicem controversiarum, quia ipsi per se omnes controversias lapiere possunt.

EXAMEN.

3. Valdè mihi suspectum hoc privilegium est. *Primo*, quia, ut dixi, fundatur in precedentibus privilegiis, quæ planè subreptitia sunt, ut ostensum est. Non enim certi sunt Calvinistae, se esse filios Dei, & oves veri Pastoris. Imò figmentum est, quod iactant, se sanctos nasci ab utero materno. *Secundo*, quia malè interpretantur illud Christi: *Oves mea vocem meam audiunt.* Non enim est hic sensus, quem illi comminiscuntur, *Oves mea vocem meam audiunt*, id est, discernunt inter Scripturas canonicas & non canonicas (nam Pharisei, qui non erant oves Christi, optimè discernebant inter Scripturas canonicas veteris Testamenti, & non canonicas: Et multi alij, qui erant oves, non discernebant) sed hic potius est sensus: *Oves mea vocem meam audiunt*, id est, auditus meis concionibus, & visis tot miraculis à me patratis, credunt me esse filium Dei, quod Pharisei credere non volunt. *Tertio*, quia Calvinistae negant Tobiam, Iudith, Sapientiam, Ecclesiasticum, & Machabæos, pertinere ad Scripturas canonicas: quod tamen affirmant Isidor. lib. 6. Etymol. cap. 1. Augustin. lib. 2. de doctrina Christiana, cap. 8. Gelasius I. in decreto de libris sacris, quod extat in 1. tomo Concilio- rum, Innocentius I. in epist. 3. ad Exuperium cap. ult. & Patres Concilij Carthaginensis tertij, can. 47. Ergo necesse est, vel hos, vel Calvinistas errare in discernendis Scripturis canonicis à non canonicis. Si ergo filij Dei in eo puncto non errant: iterum necesse est, vel hos Patres, vel certe Calvinistas non esse filios Dei. Quis autem neget, Augustinum, Isidorum & similes viros sanctissimos, fuisse filios Dei? Si ergo hoc negari non potest, alterutrum è duobus dicendum est, vel Calvinistas non esse filios Dei, vel falsum esse, quod omnes filij Dei norunt discernere inter Scripturas canonicas & non canonicas.

4. *Idem* argumentum fieri potest de ipsis Calvinistis inter se collatis. Nam Beza, qui est unus ex Patriarchis Calvinistarum, putat caput octavum Ioannis, in quo agitur de adultera, non esse Scripturam canonicam. Alij Calvinistae contra sentiunt: Si ergo omnes filij Dei norunt, discernere inter canonicas & non canonicas Scripturas: planè sequitur, vel Bezam non esse filium Dei, vel certe alios Calvinistas non esse. Hanc item inter se componant. Et quid quæso dicent de Lutheranis, quos appellant suos fratres? Norunt illi discernere, necne? Si norunt, cur reiciant Epistolam Iacobi, ut stramineam, quam admittunt Calvinistae, ut canonicam? Si non norunt, iam non sunt oves, sed hirci. An ergo Calvinistae agnoscunt hircos pro suis fratribus?

5. *Accedit* postremo, quod non possint tueri suum privilegium sine circulo. Hoc alibi prolixè ostendi

contra Danidem Parzum. Nunc breuiter sic repeto: Vnde constat tibi, Parzo, Scripturam Euangelij esse diuinam, & loquelam Dei Patris; Ex interna testificatione Spiritus sancti. Sed vnde constat, illam testificationem esse à Spiritu sancto? Ex Scriptura Euangelij. *Omnes mea vocem meam audiunt.* At vnde scis, hanc esse Scripturam diuinam? Ex interna testificatione Spiritus sancti. Et vnde scis hanc testificationem esse à Spiritu sancto? Ex Scriptura diuina, *Omnes mea vocem meam audiunt.* Et quis dixit tibi, hanc Scripturam esse diuinam? Interna testificatio Spiritus sancti. Et quis dixit hanc significationem esse à Spiritu sancto? Scriptura diuina, iam sæpe citata. Et putas hanc Scripturam diuinam esse? Omnino. Sed vnde scis? Iam sæpe dixi: quid mihi molestus es? Dixisti quidem, sed in circulo. Nec inde exhibis, nisi restituas privilegium.

V. PRIVILEGIUM.

Tametsi omnes antiqui Patres errarint, Calvinistæ tamen non errant: quia non ab hominibus, sed à Deo docti sunt, qui errare non potest.

1. **H**oc privilegium habet duas partes. Una est, quod antiqui Patres in plerisque capitibus fidei ac religionis Christianæ errarint. Altera, quod Calvinistæ, cum sint à Deo docti non errant. Priorem tradit Calvinus variis locis. Ait enim, antiquos Patres, seu primitiuam Ecclesiam errasse in his punctis sequentibus.

1. *Primo, de lib. arbitr. lib. 2. Institut. cap. 2. §. 4. Inter scriptores, inquit, Ecclesiasticos, multorum longe plus a quo Philosophis accesserunt, &c.*

Et infra: *Certe quas retulimus sententias antiquorum Patrum de libero arbitrio) esse falsissimas paulò post constabit.*

3. *Secundo, de cooperatione liberi arbitrij cum gratia Dei. lib. 2. cap. 3. §. 7. Non rectè à Chrysostomo scriptum est, nec gratiam sine voluntate, nec voluntatem sine gratia quisquam posse operari est.*

4. *Tertio, de iustificatione, lib. 3. c. 11. §. 15. Quod ad vulgares Papistas pertinet, vel Scholasticos, dupliciter hic falluntur. Et infra, Schola in deterius semper aberravit, donec tandem precipiti ruina deuoluta sunt ad quendam Pelagianismum. Ac ne Augustini quidem sententia per omnia recipienda.*

5. *Quarto, de persona Mediatoris, lib. 2. c. 14. §. 3. Atque hic excusari non potest veterum error, qui dum ad Mediatoris personam non attendunt, totius fere doctrina, que in Euangelio Ioannis legitur, genuinum observant sensum, sed implicent multis laqueis.*

9. *Quinto, de concupiscentia, lib. 3. cap. 3. §. 10. Neque opus est multum inuestigando laborare, quid hic veteres senserint. Et paulò post: Inter Augustinum & nos hoc discrimen interest, quod ipse concupiscentiam non audeat vocare peccatum, sed infirmitatem, nisi consensus accesserit: Nos autem pro peccato habemus, &c.*

7. *Sexto, de satisfactione, lib. 3. c. 4. §. 38. Parum autem me mouent, que in veterum scriptis de satisfactione passim occurrunt. Video omnes ferè, quorum libri extant, hac in parte lapsos esse.*

8. *Septimo, de oratione pro defunctis, lib. 3. c. 5. §. 10. Cum mihi obiciunt aduersarij, (id est Catholici) ante mille & trecentos annos usque receptum fuisse, ut preces fierent pro defunctis, eos vicissim interrogo, quo Dei verbo, qua reuelatione factum sit. Et infra, de anti-*

A quis Ecclesiæ Doctoribus: Abrepti etiam ipsi, satis, in errorem fuerunt. Et paulò post: Monicam matrem suam in libris Confessionum Augustinus narrat vehementer rogasse, ut sui memoria in peragendis mysteriis fieret ad altare. An de scilicet votum, quod filius non exegit ad normam Scripturæ, sed pro natura affectu probari aliis voluit. Liber autem de cura pro mortuis ab eo compositus, tot hasitationes continet, ut suo frigore merito debeat stulti Zeli calorem extinguere, si quis mortuorum patronus esse appetat.

9. *Octauò, de merito, lib. 3. c. 15. §. 2. Vbi sunt, fateor, passim vetusta Ecclesiæ scriptores nomine Meriti, atque vrinam vocula vnius abusu, erroris materiam posteris non prabuisse.*

10. *Nonò, de solenni penitentia, lib. 4. c. 12. §. 3. Quo in parte excusari nullo modo potest immodica veterum austeritas, que & prorsus à Domini præscripto diffidebat, & erat mirum in modum periculosa.*

11. *Decimo, de Quadragesima lib. 4. cap. 12. §. 20. Et nunc passim inualuerat superstitiosa Quadragesima observatio. Et infra: Mirum est, tam crassam hallucinationem hominibus acuti iudicij obrepere potuisse, qua tot ac tam claris rationibus refellitur.*

12. *Ex his constat, quid sentiat Calvinus de antiquis Patribus, nempe lapsos & crasse hallucinatos esse; implicuisse se multis laqueis; genuinum Euangelij sensum obscurasse: anilia probasse vota: docuisse falsissimas sententias: eorum errores excusari non posse, & quæ similia sunt. Eodem spiritu loquuntur omnes Calvinistæ de antiquis Patribus. Vnum aut alterum exempli gratia adducam.*

13. *Franciscus Iunius in suis Notationibus ad tertium librum Bellarmini de Pontifice, sic passim loquitur. 1. Patres à vero ut plurimum aberrarunt. 2. Hæc testimonia sunt veritatis aut probabilis, sed vane suspicionis, quibus boni Patres satis indulserunt. 3. In hoc argumento communem errorem minimè stabilis sanctorum Patrum auctoritas. 4. Patrum testimonia in hoc casu fidem non obligant. 5. Quam infirma sit Patrum auctoritas, aliquoties ostendi. 6. De interpretationibus Patrum in obscuro hic palpatum, iam satis dictum. Et sic deinceps. Similia habent Conradus Græterus in Plaga Regia, & alij passim.*

14. *Quid verò de se sentiunt Calvinistæ, qui de antiquis Ecclesiæ Doctoribus tam sinistrè loquuntur? Nimirum, ex vtero materno sanctos esse, certos de sua fide iniustitia, persecrantia, & vita æterna; in discernendis Scripturis canonicis à non canonicis, errare non posse: non ab hominibus, sed à Deo doctos esse; de se intelligi oportere, quæ sequuntur, Isaia 54. 13. Dabo vniuersos filios tuos doctos à Domino. Ierem. 34. 34. Non docebit ultra vir proximum suum. Omnes enim cognoscent me à minimo eorum usque ad maximum. Ioan. 6. 45. Erunt omnes discipuli Dei. 1. Ioan. 2. 27. Non necesse habetis, ut aliquis doceat vos in omnibus. Et quid non?*

EXAMEN.

15. *In hoc privilegio videntur id vnum spectare Calvinistæ, ut nobis persuadeant, se plus sapere, quam alios omnes, imò alios quotquot antegressi sunt, cum tota Ecclesiæ primitiua, fuisse fungos & stipites: se demum, non modo homines, sed & sapientes homines, ac diuinitus illustratos esse, in quos error non cadat. Ego verò id persuaderi non possum. Sic potius sentio, insigniter fatuos ac arrogantes oportere esse, qui de seipsis tam magnicèsi, de aliis omnibus tam abiectè scribant ac loquuntur. Debebant memores esse illis Ecclesiast. 8. 9. Ne despicias narrationem Presbyterorum sapientium, ab ipsis enim desces sapientiam & doctrinam. Et paulò*

paulo post : Non te praeceat narratio seniorum : ipsi enim didicerunt à Patribus suis , quoniam ab ipsis discas intellectum , & in tempore necessitatis dare responsum. Debebant imitari S. Augustinū, qui tanti fecit Patres omnes, quotquot ante ipsum scripserunt, ut quoties contra Donatistas de Baptismo, aut contra Pelagianos de peccato originali disputandum ipsi esset, non alio firmiori argumento putaret se posse eos contrungere, quam si ex Patrum consensu ac traditione suam sententiam confirmaret. Eos porro, qui vilipenderent auctoritatem Patrum, grauitè insectabatur. Vnde contra Iulianum disputans, sic eum alloquitur : *I nunc & sancta Ecclesia et tam osque Doctores, qui vita optime gesta, debellatisque suorum temporum erroribus, gloriosissime de hoc saeculo, antequam vos abulliretis, exierunt, tanquam securus insulsa.*

VI. PRIVILEGIUM.

Caluinista habens propriam doctrinam è caelo sibi reuelatam, quam reliqui Christiani hoc tempore non habent.

Capita huius doctrinae sunt varia, quae partim in Aphorismis Calvinistarum, partim in aliis Opusculis à me proposita, & examinata sunt. Sed quia quotidie incrementum capiunt, & noua identidem accedunt; contexam notum Catalogum, in quo praecipua comprehendam, quae haecenus in lucem prodierunt. Sunt autem haec terè.

1. *Primum.* Deus non est infinitus. Ita Conrad. Vorstius in tract. de Attributis diuinis, cum ait: *Deus non est actu simpliciter infinitus, neque essendo, neque operando.* Et iterum: *Est quidem Deus purus actus, sed hoc non ueritas quoniam simul sit in sese finitus.*

2. *Secundum.* Deus non est ubique praesens, sed tantum in caelo. Ita idem Vorstius in tract. citato, cum ait: *In scripturis affirmari omnino uidetur, Deum ratione substantiae suae tantum esse in caelo.* et post citata aliquot Scripturae testimonia, sic concludit: *Simpliciter igitur credamus, quod sacra Scriptura toties inculcat, Deum suae substantiae in caelo habitare: in terra uero uirtute & sapientia sua nobis adesse.*

3. *Tertium.* Substantia Dei est diuisibilis, ac profundenon est tota in qualibet re minima, sed secundum aliquam sui partem. Ita Vorstius ibidem: *Videtur, inquit, esse paradoxum, Deum sic omnis quantitas capientem esse, ut totus substantialiter sit in re qualibet, etiam minima.* Eodem modo loquitur de anima rationali, quam ait esse *corpoream, & uera quantitate praedicam.*

4. *Quartum.* Deus praedestinat homines ad aeternam damnationem, sine ulla ipsorum culpa, solum, quia ipsi ita placet. Ita Calvinus lib. 3. Instit. cap. 23. §. 2. *Homines nudo Dei arbitrio, ista proprium meritum, in aeternam mortem praedestinantur.*

5. *Quintum.* Deus est auctor omnium peccatorum. Ita Calvinus l. 1. c. 18. §. 3. *Jam satis aperse ostendi, Deum vocari eorum omnium auctorem, quae isti censores uolunt otioso tantum eius permissu contingere.* et infra §. 4. *Homo Dei impulsu agit, quod sibi non licet: id est, Homo impellitur à Deo ad peccandum.*

6. *Sextum.* Deus miserè illud hominibus, simulans se uelle illos iuuare, cum tamen nihil minus velit. Ita Calvinus l. 3. cap. 24. §. 13. *Ecco uocem ad eos dirigit, sed ut magis obscurdescant: lumen accendis, sed ut reddantur Opusc. Bec.,*

ut caciores: doctrinam profert, sed quae magis obstupescant: remedium adhibet, sed ne sanentur.

7. *Septimum.* Christus non est in Eucharistia, sed tantum in caelo. Ita Calvinus in confessione cum Tigurinis in re Sacramentaria: *Christus, quatenus homo est, non alibi, quam in caelo querendus est.* Proinde, qui in solemnibus eam uerbis, *Hoc est corpus meum, Hic est sanguis meus, literalis sensum uigens, eos tanquam praeposteros repudiamus.*

8. *Octauum.* Imago Christi crucifixi nullo modo in templis toleranda est. omnesque, qui eam tolerant, sunt idololatri, non minus, quam Gentiles, qui imagines bestiarum colunt. Ita Dauid Parvus in Commém. cap. 1. Epist. ad Rom. *Mutans, inquit, gloriam Dei, & idololatra sunt, non soli Gentiles, qui uel homines, boues, volucres, serpentes, Solem, Lunam, stellas, herbas, fortunam, uel harum rerum imagines pro Deo colunt, quae est crassa idololatria, primo praecepto prohibita; sed etiam inter Christianos, omnes illi, qui imaginem Christi crucifixi, in templis ad representandum Christum, & ad docendum rudiores de Christo, tuentur.* Et ante illum, Beza in colloq. Moimpelg. *Fateor me ex animo Crucifixi imaginem detestari.*

9. *Nonum.* Sancti, qui dicuntur cum Christo regnare, sunt laruae, bestiae, carnifices. Ita Calvinus l. 3. c. 20. §. 27. *Inde colligimus, nihil eos Christo reliquum facere, qui pro nihilo ducunt eius intercessionem, nisi accedant Georgius, & Hippolytus aut similes laruae.* Et in lib. de ratione reformandae Ecclesiae; *Omitto Dominicum & similes carnifices. Omitto Medardum, Lubinum, & similes bestias.*

10. *Decimum.* Peccatum originale non tollitur per baptismum, sed in nobis manet, quamdiu uiuimus. Ita Calvinus lib. 4. cap. 15. §. 10. *Iam perspicuum est, quam falsum sit, per baptismum solui nos & eximi ab originali peccato.* Et in Antidoto Concil. Trident. Sess. 5. *Manet uero peccatum in nobis, neque per baptismum extinguitur.*

11. *Vndecimum.* Omnia iustorum opera sunt sordes, inquinamenta, & peccata mortalia, neque vitam, sed damnationem aeternam promerentur. Ita Calvinus lib. 3. c. 12. §. 4. *Omnia hominum opera nihil sunt, nisi inquinamenta & sordes, & quae iustitia uulgò habetur, ea apud Deum mera est iniquitas.* Et capite 14. §. 9. *Habemus, ne unum à sanctis exire opus, quod non mereatur iustam opprobrii mercedem.* Et §. 12. *Duobus his fortiter insistendum, nullum unquam extitisse pii hominis opus, quod si uero Dei iudicio examinetur, non esset damnabile, &c.* Et in Antidoto Concilii Trident. Sess. 6. cap. 22. *Inde conficiuntur, non esse tantopere exagrandos, qui dixerunt qualibet bona opera, si ex aequo rigore censamur, aeterna poenis damnatione, quam uita praemio digna esse.*

12. *Duodecimum.* Lex Dei est omnino impossibilis obseruatu: nec ab ullo, quantumuis sancto, haecenus seruata est, aut deinceps seruari poterit. Ita Calvinus lib. 2. cap. 7. §. 5. *Quod autem impossibilem legis obseruationem diximus, id explicandum & confirmandum est, ut in Antidoto Concil. Tridentini. Sess. 6. capite 11. Mibi abunde sufficit, neminem extitisse unquam, qui legi Dei satisfecit, nec ullum posse inueniri.* Et ibidem addit, *Prophetas, Patriarchas, & pios Reges, utcumque, spiritu Dei adiuantur, ferendo legis iugo parci non fuisse.*

13. *Decimumtertium.* Fides ac sanctitas est propria electorum, & semel habita amitti non potest. Ita Calvinus libro 3. capite 2. §. 11. *Ergo ut solas electos semine incorruptibili Deus in perpetuum regenerat, ut nunquam dispareat semen uitae, eorum cordibus insitum, ita solido in illis obsignat adoptionis suae gratiam, ut stabilis ac rata sit.* Et §. 12. *Hos interim tenendum est, quantumuis exigua sit*

debilissimis electis, fides, quia tamen Spiritus Dei certa illis arrha est ac sigillum sua ad prionis, nunquam ex eorum cordibus deleri posse eius sculpturam. et cap. 21. §. 6. Iam neque dubium est, cum oras Christus pro omnibus electis, quin idem illis procedat, quod Petro, ut nunquam deficiat fides illorum. Ex quo eliciamus, extra periculum deflectionis esse.

15. *Decimum quartum.* Omnes filij fidelium ab utero materno nascuntur sancti & heredes vitæ æternæ, ac proinde saluari possunt sine baptismo. Ita Calvinus in Antidoto Concil. Trid. Sess. 6. c. 5. et l. 4. Instit. c. 6. §. 24. Verba eius supra citata sunt in Privilegio primo, & ibidem examinata.

16. *Decimum quintum.* Omnes filij illegitimi æternæ damnationi obnoxij sunt, nec ad baptismum admittendi. Ita Calvinista in Synodo Vilenensi, anno 1586. die 11. Martij, ubi decretum est, ne quis paruulos illegitimè natos baptizare audeat, ut refert Adrianus Iungius lib. 3. de doctr. & moribus Evangelicorum c. 17. Et in Palatinatu, anno 1587. articuli quidam Calvinisticæ reformationis disseminati sunt, quorum secundus habebat hæc verba: *Infantes qui ex illegitimo thoro nascuntur, æternæ perditioni ac damnationi obnoxij sunt, nec per baptismum iuari possunt.*

17. *Decimum sextum.* Peccata prædestinatorum nunquam imputantur; reproborum nunquam remittuntur. Ita Calvinus, et quidem priorem partem tradit lib. 3. c. 4. §. 20. ut infra videbimus in Privilegio octauo. Posterioriorem verò l. 4. c. 1. §. 20. ubi docet, nullum peccatum remitti, nisi in Ecclesia. At reprobi, secundum Calvinum in Ecclesia non sunt. Nullum ergo peccatum illis remitti potest.

18. Hæc sunt præcipua capita doctrinæ Calvinistarum, in quibus ipsi à Catholicis, ut plurimum etiam à Lutheranis dissentiant. Nec dubito, quin subsequentijs annis plura alia habituri sint. Interim, quid de his paucis, quæ iam recensui, generatim sentiendum sit breuissimè indicabo.

EXAMEN.

19. Hoc Privilegium, iam initio nascentis ecclesiæ, ab Apostolo explodum est in epistola ad Galat. c. 1. v. 8. ubi ait; *Licet Angelus de celo euangelizet vobis, præterquam euangelizauimus vobis, anathema sit. Sicut prædiximus, nunc iterum dico: Si quis vobis euangelizauerit præter id, quod accepistis, anathema sit.* Sine dubio, nihil aliud acceperunt ab Apostolo, nisi quod est in Evangelio, & in Epistolis eiusdem Apostoli. Iam subsumo. At in Evangelio, vel in epistolis Apostoli non habetur, Deum esse unitum, diuisibilem, solo cælo conclusum, authorem peccati prædestinare homines ad mortem sine ipsorum culpa, illudere mortalibus; Nec item, Christum non esse in eucharistia, imaginem Christi crucifixi eliminandam esse, Sanctos esse larvas, bestias, carnifices, peccatum originale non tolli per baptismum: omnia iustorum opera esse sordēs & inquinamenta: legem Dei esse impossibilem, fidem dari solis prædestinatis, omnes fidelium infantes ab utero materno sanctos esse, omnes illegitimè natos damnari, peccata prædestinatorum nunquam imputari. Hæc, inquam, & similia non acceperunt Galatæ ab Apostolo. Ergo qui hæc & similia euangelizauerit, anathema sit. Hoc autem faciunt Calvinistæ.

Porro, in singulis doctrinæ huius capitibus refutandis, non necesse est hic immorari. Iam alibi id factum est. Hoc vnum addo, ex hac doctrina penitus euerri religionem Christianam nam præcipuum caput religionis Christianæ est, quod Christus sit verus Deus. Hoc evertitur per Calvinistas. Ipsi enim docent, ut ex Vor-

atio ostendi, Deum non esse ubique præsentem secundum substantiam suam, sed tantum in cælo. Vnde necessariò sequitur, Christum, cum in terris versatus est, non fuisse Deum secundum substantiam, sed tantum hominem. Quo quid absurdius apud Christianos? Et huic pernicioso dogmati patrocinatur Paræus, quando docet imaginem Christi crucifixi de templis eliminandam esse, & omnem passionis eius representationem, velut idololatricam, penitus abolendam. O tempora! ô mores!

VII. PRIVILEGIUM.

Caluinistæ non ita astricti sunt ad suam doctrinam, quin possint contrariam amplecti, cum labet: & negare quod antea affirmabant.

1. **H**abemus luculentum exemplum in Caluino, qui hoc Privilegio frequenter usus est. Nam in plerisque capitibus aperte sibi ipsi repugnat. Hoc alia memini me ostendisse. Hic tamen existimo repetendum esse, ne dum alia Privilegia commemoramus, hoc vnum prætermisum esse videatur. Igitur ex contradictionibus Calvinicæ potissimum occurrunt.

2. *Prima* Calvini contradictio. Deus est author peccati; Deus non est author peccati. Priorem partem docet contra Catholicos, libro 1. Instit. cap. 18. §. 3. his verbis: *Iam satis aperte ostendi, Deum vocari eorum omnium auctorem, quæ isti censere volunt otioso tantum eius permisso contingere.* q. d. Catholici volunt peccata fieri Deo tantum permittente. Ego dico, fieri Deo auctore. Posterioriorem docet contra Libertinos, in libro, qui inscribitur, *Admonitio aduersus Libertinos.*

3. *Secunda.* Iste articulus symboli, *Credo Ecclesiam*, intelligi debet de sola Ecclesia inuisibili, quæ est prædestinatorum; Non debet intelligi de sola inuisibili, sed etiam de visibili, quæ est communis prædestinatis & reprobis. Priorem partem docet in paruo Catechismo, cum ait: *Sequitur quarta pars, in qua confirmamur, nos credere unam sanctam Ecclesiam Catholicam.* Et statim explicans, quæ sit illa vna Ecclesia quam credimus, sic addit: *Quid est Ecclesia? Corpus ac societas fidelium, quos Deus ad vitam æternam prædestinauit.* Posterioriorem docet lib. 4. Instit. c. 1. §. 2. *In symbolo*, inquit, *ubi profitemur, nos credere Ecclesiam, id non solum ad visibilem, de qua nunc agimus, refertur, sed ad omnes quoque electos Dei.*

4. *Tertia.* Nemo potest saluari extra Ecclesiam visibilem: aliqui possunt saluari extra ecclesiam visibilem. Priorem partem docet lib. 4. c. 1. §. 4. his verbis: *Nemo de visibili Ecclesia differere propositum est.* Et paulò post: *Extra eius gremium nulla est speranda peccatorum remissio, nec ulla salus.* Posterioriorem docet, tum lib. 4. c. 1. §. 7. tum c. 16. §. 24. 25. Nam altero loco dicit neminem admitti in Ecclesiam visibilem, nisi per baptismum: altero, filios fidelium, qui ante baptismum decesserunt, saluari posse, unde sequitur, aliquos saluari, qui in Ecclesiam visibilem nunquam admissi sunt.

5. *Quarta.* Omnes fideles certi sunt de sua iustitia & remissione peccatorum: Nulli fideles certi sunt de sua iustitia & remissione peccatorum. Priorem partem docet lib. 3. c. 2. §. 16. & alibi. Verba eius citata sunt superius in tertio Privilegio.

Posterioriorem tradit lib. 3. c. 2. §. 10. *Toruantis visceribus habet, ut mandati latebris scæci cor humanum, tam fraudulenta hypocrisis tectum est, ut seipsum sape*

facto. Et §. 11. Experientia ostendit, reprobos interdum simili fore sensu, acque electos, affici, ut in suo quidem iudicio, quicquam ab electis differant.

6. *Quinta.* Fides est causa iustificationis, fides non est causa iustificationis. Priorem partem docet in Antidoto Concil. Trid. Sess. 6. can. 9. *Solam fidem iustificationis causam esse intelligimus, et can. 10. in iustificandi fidei in solidum vindicamus.* Posteriolem docet libro 3. Institut. cap. 3. §. 5. *Quoad iustificationem, res est mere passiva fides.*

7. *Sexta.* Homo in statu innocentie habuit liberum arbitrium; Homo in illo statu non habuit liberum arbitrium. Priorem partem docet libro 1. Institut. c. 15. §. 7. *In hac integritate libero arbitrio pollebat homo, quo si vellet, adipisci posset vitam aeternam.* Et infra: *Potuit Adam stare si vellet, quando non nisi propria voluntate cecidit.* Posteriolem docet libro 3. capite 23. §. 8. *Non dubitabo igitur simpliciter facere, voluntatem Dei esse rerum necessitatem, atque id necessario futurum esse, quod ille voluerit.* et paulo ante §. 6. in fine; *Constat ordinatione & nutu Dei omnia evenire.*

8. *Septima.* Iustitia inherens, quam Catholici admittunt, non est admittenda; iustitia inherens, quam Catholici admittunt, est admittenda. Priorem partem docet in Antidoto Conc. Trid. Sess. 6. c. 8. *Falsum esse contendendo, ullam iustitiam partem in qualitate suam esse vel habitum, qui in nobis resideat.* Posteriolem in libro de vera Ecclesie reformatione; *Nunquam reconciliamur Deo, quin simul donemur iustitia inherente.*

9. *Octava.* Sancti post hanc vitam statim sunt in celesti beatitudine: Sancti post hanc vitam non statim sunt in celesti beatitudine; Imò stultum & temerarium est, alterutrum definire. Primam partem docet in Psychopannychia, ubi explicans Apostolum 1. Cor. 5. sic ait, *Et ergo nihil addamus, verba sine interprete hoc loquantur, nos sensuros Dei presentiam, cum ab hoc corpore separabimur; iam non per fidem ambulantes, sed per speciem quoniam hoc terra pondus, quo premimur, nos à Deo, quasi maceris, longo intervallo separas.* Et ibidem; *Miserum nunc aliquis, cur in sinu Abraha requiescere dicatur electi Dei, qui ex hac vita ad Deum transferunt, nempe quod in sede pacis recipiuntur cum Abraham patre fideli, ubi Deo fruuntur ad satietatem, citra fastidium.* Secundam docet in eodem libello, his verbis; *Semper in cursu est eorum desiderium, donec impleta fuerit Dei gloria, cui implementum adferet dies iudicii.* Tunc verum erit illud: *Satiabor, cum enigilavero, aspectu vultus tui.* et infra: *Expectant quod nondum habent, & suam mercedem eminus vident* Terciam docet lib. 3. Institut. c. 25. §. 6. *Valde se torquent multi disputando, quem locum occupent Sancti, an celesti gloria fruuntur, necne.* Atqui stultum & temerarium est de rebus incognitis aliis inquirere, quam Deus nobis scire permittat. Et paulo post: *Omnia tenentur suspensa, donec Christus appareat redemptor.*

10. *Nona.* Corpus Christi est præsens in Eucharistia; corpus Christi non est præsens in Eucharistia, sed tantum in cælo. Priorem partem docet in cap. 11. prioris ad Corinthios: *Christus visibile illud symbolum nobis porrigendo una dat etiam nobis suum corpus.* Neque enim fallax est, qui vacuis figuris nos ludat. Proinde illud mihi est extra controuersiam, veritatem hic cum suo signo coniunctam esse, id est, corpus Christi cum symbolo panis coniunctum esse, Posteriolem docet in Confessione de re Sacramentaria. *Cum signa hic in hoc mundo sint, oculis cernantur, palpentur manibus, Christus non alibi, quam in cælo querendus est.* Et ibidem: *Quia tamen corpus Christi finitum est, & cælo ut loco continetur, necesse est à nobis tanto locorum intervallo distare, quanto cælum abest à terra.*

11. *Decima.* Animæ sanctorum Patrum veteris Testa-

Opusc. Bec.

menti, ante mortem Christi, fuerunt inclusi in carcere, re, Eadem anima non fuerunt inclusi in carcere. Priorem partem docet contra Anabaptistas in Psychopannychia, cum ait: *Nec verò morietur quisquam, includi in carcere sanctos Patres, qui redemptionem Christi expectabant.* Posteriolem docet contra Catholicos libro 2. Institut. c. 16. §. 9. *Concludere in carcere mortuorum animas puerile est.*

12. Præter has, sunt alie propè infinitæ contradictiones in Caluino, quas colligere longum esset. Calvinum strenuè imitantur Calvinistæ. Et quisque non sibi tantum, sed etiam aliis suæ sectæ hominibus liberrimè contradicit. Imò sic agunt, scribunt, & loquuntur singuli, quasi non nisi pugnantibus ac dissonantibus tabulis in Calvinismo cantandum sit.

EXAMEN.

13. De hoc privilegio, hæc videntur mihi certa. *Primo*, quod à Deo concessum non sit. Nam, ut loquitur Apostolus 1. Corinth. 14. 33. *Non est dissensionis Deus, sed pacis.* Et propterea idem Apostolus 1. Corinth. 10. vehementer dissuadet hoc privilegium cum ait: *Obsecro vos fratres, ut id ipsum dicatis omnes, & non sint in vobis schismata.* *Secundo*, quod ab eo Spiritu concessum sit, qui de seipso dicit 3. Regum 22. 22. *Egrediar, & ero spiritus mendax in ore omnium Prophetarum eius.* *Tertio*, quod non diu duraturum sit, ut prædixit Christus Lucæ 11. 17. *Omne regnum in seipsum divisum desolabitur.* *Quarto*, quod sit proprium hominum superbiorum, iuxta illud Proverb. 13. 10. *Inter superbos semper sunt iurgia.* Quod optimè quadrat in Calvinistas. Nota sunt iurgia inter Gallicanos & Piscatorianos; inter Gommaristas & Vermilianos in Batavia, inter Professores Heidelbergenses & ministros Palatinos: quæ omnia fuse persequitur Petr. Cudsemius in suo libello, quem scripsit de desperata Caluini causa.

VIII. PRIVILEGIUM.

Calvinistæ, sicut habent propriam doctrinam, sic habeant etiam proprium ac peculiare Purgatorium, distinctum à Purgatorio Catholicorum.

1. *Ita* Calvinus lib. 3. Institut. c. 10. §. 20. ubi de suo Purgatorio, quod ipse Atrium appellat, sic loquitur, *Intelligimus Christum sic apparere coram facie Dei, ut sanctuarium cæli ingressus, ad consummationem usque seculorum, solus populus eminus in aëre residens vota ad Deum deferat.* Hic, ut vides, duo affirmat. 1. solū Christum ingressum esse sanctuarium cæli. 2. populum Christianum, id est, Calvinistas, eminus in quodam Atrio residere, & ibi expectare usque ad finem mundi, Per Atrium, ut dixi, intelligit Purgatorium.

2. Porro, hoc Calvinistarum Purgatorium ex his 4. fundamentis deduci debet. *Primum* est, quod peccatum originale nihil aliud sit, quam *prævaricatio naturæ, aversio mentis, & aversio voluntatis à Deo, cum reatu pœnæ æternæ*, ut ex Caluino definit David Parvus in suis thesibus de peccato. *Alium*, quod hoc peccatum maneat in Calvinistis, quamdiu in hac vita degunt, ut docet Calvinus lib. 2. Institut. cap. 1. §. 8. & lib. 4. cap. 15. §. 10. Vnde sequitur, Calvinistas, quamdiu in hac vita degunt, habere naturam corruptam, esse cæcos mente, aversos à Deo, & reos æternæ mortis. *Tertium* est, quod omnia Calvinistarum opera vitientur & contra-

T c ij

minentur ex contagione peccati originalis, quod semper in ipsis manet in hac vita; ac proinde omnia ipsorum opera sint *inquinamenta, sordes, & mera iniquitas*, ut loquitur Calvinus lib. 3. Instit. cap. 12. §. 4. & alibi. Unde sequitur, Calvinistas non modo cæcos esse, & à Deo auersos: sed etiam sordidos, immundos & inquinatos. *Quartum*, quod nihil immundum & inquinatum possit intrare in regnum cælorum, iuxta illud Apocal. 21. 27. *Non intrabit in eam (ciuitatem cælestem) aliquod coinquinatum, aut abominationem faciens & mendacium.*

3. Ex his fundamentis sic concludo: Nullus immundus & inquinatus potest intrare in regnum cælorum, nisi prius purgetur & mundetur. Atqui Calvinistæ, quamdiu hic viuunt, sunt immundi & inquinati propter peccatum originale: & omnia ipsorum opera sunt *inquinamenta, sordes & mera iniquitas*, ut ex dictis patet. Ergo non possunt intrare in regnum cælorum, nisi prius purgentur & mudentur. Non purgantur autem in hac vita, quia semper hic manent obnoxii peccato originali. ergo, si salui esse velint, post hanc vitam purgari necesse est. ergo, datur aliquod Purgatorium pro Calvinistis post hanc vitam. Quis dubitet?

EXAMEN.

4. Circa hoc Calvinistarum Purgatorium tria examinanda sunt. 1. ubi locorum sit? 2. quomodo differat à nostro Purgatorio. 3. quid agant ibi Calvinistæ? Quod ad primum punctum attinet, Calvinus fateretur quidem, Purgatorium suum longè distare à cælo, ut patet ex verbis illius (lib. 3. Instit. cap. 20. §. 20.) supra citatis; non tamen vult patefacere certum locum, ubi sit, ut videre est in lib. 2. c. 25. §. 6. Igitur ex Scripturis hoc inuestigandum est, si fieri potest. Ex iis constat, varia esse animarum loca post hanc vitam. Primus est *Cælum*, in quo Angeli sunt, Matth. 22. 30. Secundus est *Infernus*, in quo diues epulo sepultus est, Lucæ 16. 22. Tertius *Sinus Abrahe*, ad quem anima Lazari ab Angelis deportata est, ibidem. Quartus est *Paradisus*, in quem latro admissus fuit, Lucæ 23. 43. Quintus est *lacus sine aqua*, in quo antiqui Patres detinebantur, Zach. 9. 11. Sextus est *Carcer*, in quem Christus post mortem descendit. Pet. 3. 19. Septimus est *sub Altari*, ubi animæ Martyrum requiescere visæ sunt, Apocal. 6. 9.

5. In quo igitur horum locorum quærendæ sunt animæ Calvinistarum post hanc vitam? An in cælo? Ego quidem vellem. Sed reclamatione Calvinus: Solum Christum vult esse in cælo; Calvinistas in atrio expectare usque ad consummationem sæculorum. Et ratio illi fauet. Nihil enim immundum & inquinatum intrare potest in cælum, nisi prius purgetur. At animæ Calvinistarum sunt immundæ & inquinatæ peccato originali. Ergo prius purgari debent. Non purgantur autem in hac vita, ut supra ostensum est. Ergo post hanc vitam purgari debent alibi, antequam cælum ingrediantur. At hunc ipsum locum in quo purgantur, inuestigamus.

6. An ergo sunt in sinu Abrahe? Benè profectò cum illis ageretur, si ibi essent. At non esse ibi, valdè probabile est, quod dupliciter ostendo. *Primo*, ex ipsorum concessione. Nam David Patrus Calvinista in c. 10. ad Hebræos, contendit, per sinum Abrahe intelligi cælum. At animæ Calvinistarum non sunt in cælo, ut Calvinus concedit. Non ergo sunt in sinu Abrahe. *Secundo*, quia nemo est in sinu Abrahe, nisi qui imitatur fidem Abrahe. Hoc non faciunt Calvinistæ. Nam Abraham credidit Deo, non solum ea, quæ ipsi possibilia, sed etiam, quæ impossibilia videbantur, ut

quod esset geniturus filium, cum nec ipse, nec vir eius Sara, propter senectutem apti essent ad procreandam sobolem. At Calvinistæ solum credunt, ea, quæ ipsis possibilia, non autem, quæ videntur impossibilia. Non enim credunt, corpus Christi simul esse in duobus locis, quia hoc impossibile illis videtur. Non ergo imitantur fidem Abrahe. Quomodo igitur in sinu Abrahe inueniri queant?

7. An fortè sunt in Paradiso? Legimus quidem Henoch eo translatus esse, Ecclesiast. 44. 16. *Henoch placuit Deo, & translatus est in Paradisum.* Legimus & latroni dictum esse, *Hodie mecum eris in Paradiso.* At Calvinistas ibi esse quis credat? Certè Calvinus in capite 12. posterioris ad Corint. per Paradisum intelligi vult cælestem gloriam. Animæ autem Calvinistarum non sunt in cælesti gloria, ut testatur idem Calvinus lib. 3. Inst. cap. 25. §. 6. ubi docet, eas usque ad diem iudicii, cælestem gloriam expectare. ergo iam non possunt esse in Paradiso.

8. An igitur sunt in lacu (de quo Zacharias loquitur) in quo non est aqua? Hoc definiri non potest, nisi prius cõstet, quid per lacum intelligatur. Catholici, aut Limbum antiquorum Patrum, aut certè nostrum Purgatorium intelligi putant. Quod si res ita habet, nullo modo dicendum est, animas Calvinistarum post hanc vitam esse in Lacu: quia Calvinus tam Limbum quàm nostrum Purgatorium, nihil aliud, quàm fabulam esse vult. Apud Calvinistas inuenio tres opiniones de hac re. *Prima* est, per *Lacum* intelligi *profundos inferos*. Ita Calvinus lib. 3. Inst. c. 16. §. 9. *Altera* est, intelligi *seruitutem peccati*. Ita Plessius libro 3. de Eucharistia cap. 7. *Tertia* est, intelligi *Captiuitatem Babylonicam*. Ita Matthæus Surius in libro de Purgatorio contra Bellar. cap. 14. Igitur tota quæstio veritatur in his tribus punctis. *Primo*, an animæ Calvinistarum post hanc vitam sint in profundis inferis? De quo postea. *Secundo*, an sint in seruitute peccati? Nihil certius, secundum principia Caluini hætenus tradita. Decedunt enim ex hac vita cum peccato originali, id est, cum cõcitate mentis, auersione voluntatis à Deo, & reatu mortis æternæ. Hinc tamen propriè non satisfit nostro instituto: quia non disputamus de statu peccati in quo sunt animæ Calvinistarum, cum de eo satis constet: sed de loco, in quo purgari possint à peccato. *Tertio*, an sint in captiuitate Babylonica? Secundum sensum literalem non sunt, quia captiuitas illa multis iam sæculis præterit, & omninò finita est. Sunt tamen secundum sensum mysticum, quia sunt in seruitute peccati, ut dictum est. Hæc autem seruitus optimè designatur per captiuitatem Babylonicam, ut fatentur auctores citati.

9. Quid si in carcere sint, in quo Christus prædicauit, spiritus piorum & impiorum, ut explicat Calvinus ex Apostolo Petro? Hic Calvinus omninò tergiversatur. Imò sibi contrarius est, Nam lib. 2. Instit. c. 16. §. 9. de hoc ipso carcere sic scribit: *Cõcludere in carcere mortuorum animas, puerile est.* At in Psychopannychia multo aliter: *Nec verò*, inquit, *miretur quisquam, includi carcere sanctos Patres, qui redemptionem Christi expectabant.* Nimirum priori loco oppugnat Catholicos, qui illum carcerem admittunt; posteriori Anabaptistas, qui illum negant. Igitur, si Catholici quærant ex Caluino, an animæ piorum Calvinistarum post hanc vitam in carcere concludantur, respondebit: *Cõcludere in carcere mortuorum animas, puerile est.* Si autem Anabaptistæ interrogent, an animæ piorum carcere includi possint, occurrer hoc modo: *Nec verò miretur quisquam, includi carcere sanctos Calvinistas, qui aduentum Christi expectant.* Hæc ex Caluino. Quod ad rem attinet, puto Calvinistas non esse in isto carcere, de quo Petrus loquitur. Verba enim Petri sunt hæc

In quo & his, qui in carcere erant spiritibus veniens predi-
cavit, qui increduli fuerant aliquando, quando expectant Dei
patientiam in diebus Noë, cum fabricaretur arca. ex qui-
bus sic concludo: illi tantum leguntur esse in isto car-
cere, qui tempore Noë fuerunt increduli. At Calvinis-
tæ, suo certè iudicio, nec increduli sunt, nec tempo-
re Noë vixerunt. non ergo sunt in isto carcere.

10. Quid si expectent sub Altari, de quo Ioannes
loquitur in Apocalypsi? Nec id puto. Nam animæ,
quæ leguntur esse sub Altari, habent duas conditio-
nes, quæ non conveniunt Calvinistis. Una est, quod
sint animæ interfectorum propter verbum Dei. Altera,
quod induxerint stolis albis. Neutra potest accom-
modari Calvinistis. Non prior, quia nec Calvinus, nec
Beza, nec Iunius, nec similes alij, propter verbum Dei
interfecti sunt. Nec posterior, quia per stolam al-
bam intelligitur beatitudo animæ. At animæ Calvini-
starum non sunt beatæ, quia manent obnoxii pecca-
to originali, & expectant fruitionem gloriæ, usque
ad consummationem sæculorum, ut supra ex Calvino
ostendi.

11. Quid ergo? An apud Inferos sunt? Non ausim
affirmare. Sed tamen probabile est, triplici de causa.
Primo, qui si non sunt in celo, nec in sinu Abrahæ,
nec in Paradiso, nec in Loco aut carcere, nec sub
Altari; omnino necesse est, vel esse in Inferno, vel
dari alium locum præter enumeratos. At alium locum
in Scriptura nos inuenio, nisi forte Purgatorium Ca-
tholicorum, à quo abhorrent Calvinistæ. Ergo nihil
reliquum est illis, præter Infernum. Secundo, quia
Calvinus fateatur, eos esse in atrio, quod longè dūct
à celo. At tale atrium est Infernus, in quo dives epu-
lo sepultus est, iuxta illud Lucæ 16. 26. *Magnum
chaos firmatum est inter nos & vos.* Tertiò, quia si essent
alibi, quàm in Inferno, Calvinus explicasset. Nunc
autem effugium querit, & ægrè fert, nos curiosius
inquirere & disputare de loco, in quo piorum Calvi-
nistarum animæ delitescunt, ut patet lib. 2. Institut.
cap. 25. §. 6. Quis ergo rem totam meritò suspectam
non habeat?

12. Ex his, quæ hætenus dicta sunt, colligo ma-
gnum esse discrimen inter Purgatorium Calvinistarum
& Catholicorum. Et quidem triplex. Primum est, Ca-
tholici, qui post hanc vitam veniunt ad Purgatorium,
iam ante liberati sunt à peccato originali per Baptis-
mum, & à mortalibus per confessionem & poenitentiam.
Solum manet in illis reatus poenæ temporalis, & non-
nulla peccata venialia, quæ expiari debent. At Calvi-
nistæ portant omnia secum ad iuvum Purgatorium, nè-
pe peccatum originale, mortalia & reatum poenæ æter-
næ. Indigent ergo fortiori Purgatorio.

13. Alterum est; Calvinistæ manent in suo Purgato-
rio usque ad consummationem sæculi, ut ex Calvino
supra ostensum est: Catholici citius liberantur. Nam
aliqui manent tantum paucis horis, alij certis diebus;
nonnulli aliquot annis. Ratio huius differentiae duplex
est. Prior, quia Catholici possunt iuvare indulgentiis &
suffragiis viventium. Vnde fit, ut quo plura vel pau-
ciora sunt pro illis suffragia, eo, cæteris paribus, ci-
tius aut tardius liberentur. Calvinistæ respuunt huius-
modi præsidia, & tam generosi sunt, ut malint expe-
ctare usque ad Christi adventum, quàm à viventibus
openimplorare vel admittere. Posterior, quia Catho-
lici nihil habent expiandum in purgatorio, nisi reatum
poenæ temporalis, & aliquot peccata venialia. Ergo
quo quisque cum minori reatu poenæ, & paucioribus
venialibus accedit, eo citius liberatur: Calvinistæ verò
ut dictum est, non solum ferunt secum peccatum ori-
ginale, & mortalia: sed etiam reatum poenæ æternæ,
qui brevi tempore expiari non potest. Debent igitur
expectare adventum Christi, & videre, si quid tunc

Opusc. Dec.

A solatij habere possint; ne cogantur in æternum
lucere.

14. Tertiū est; De Purgatorio Catholicorum, sal-
tem apud Catholicos, multa certa sunt. Primo, quod sit
in loco subterraneo. Secundo, quod sit distinctum ab
utroque Limbo: altero antiquorum Patrum veteris
Testamenti: altero parvulorum sine remedio deceden-
tium. Tertiò, quod sit distinctum ab inferno damna-
torum. At Purgatorium Calvinistarum, quia recens est,
nondum penitus perspectum esse potest. Solum con-
stat, remotum esse à sanctuario cali. At ubi præcisè sit,
non audet Calvinus definire. Nos tamen ostendimus
probabile esse, non distingui ab inferno. Infernus autè
est in loco subterraneo, non procul à centro terræ. Ita-
que circa centrum terræ querendi sunt Calvinistæ, qui
migrantes ex hac vita. Nisi nautæ Hollandici alium
locum inueniant in Oceano Septentrionali.

15. Sequitur tertia quæstio, quid agant Calvinistæ
in suo Purgatorio? Anabaptistæ docent, animas post
hanc vitam nihil agere, sed perpetuo quodam sopore
usque ad communē resurrectionem oppressas teneri.
Hos redarguit Calvinus in Psychopannychia, & mul-
tis Scripturæ testimoniis ostendit, eas temper aliquid
agere, & minimè sopitas aut otiosas esse. Nunc ergo
quæstio est, quid agant? et speciatim id quæritur de
animabus Calvinistarum quæ in suo atrio seu Purga-
torio usque ad consummationem sæculorum, ut vult
Calvinus, mansuræ sunt: Non enim satis apparet, qui-
bus negotiis, præsertim tanto temporis intervallo, di-
stineri & occupari honestè possint.

16. Fateor hoc punctum explicatu difficillimum esse:
sed tamen, quia spectat ad perfectam cognitionem Pui-
gatorii Calvinistici, prætermitti omnino non debet. At-
que vniū Calvinus hoc ipsum paulo tractasset accura-
tius; minus certè studij ac laboris adhibendum nobis
iam esset. Nunc contra res accidit. Vix quicquid habe-
mus ex Calvino, nisi generalia quædam principia, ex
quibus tamen, ut opinor, utcumque res definiri poterit.

17. Sunt autem hæc Calvini principia. Primum, ani-
mas Calvinistarum ex hac vita decedere cum peccato
originali, id est, cum cæcitate mentis, auersione
voluntatis à Deo, & reatu æternæ mortis. Alterum,
expectare in suo atrio seu Purgatorio usque ad con-
summationem sæculorum. Tertiū, interea nihil certi
cas habere de suo futuro statu, sed omnia teneri sus-
pensa usque ad Christi adventum. Hæc partim patens
ex dictis, partim ex Calvino lib. 2. Institut. cap. 25.
§. 6. ubi ait: *Inter ea cum Scriptura ubique iubeat pen-
dere ab expectatione aduentus Christi, & gloriæ coro-
nam eo usque differat, contenti simus his finibus divini-
tus nobis præscriptis, animas piorum, militia labore
perfunditas, fruitionem promissæ gloriæ expectare: atque
ita omnia teneri suspensa, donec Christus appareat Re-
demptor.*

18. Ex his principiis evidenter deduci possunt hæc
quinque Corollaria. 1. Animas Calvinistarum in suo
Purgatorio, multis falsis opinionibus ac erroribus per-
petuò deludi & distineri. 2. easdem nihil aut parum af-
fici ad res divinas; ac potius toto affectu circa terrenas
& illicitas occupari. 3. peiori nunc esse conditione, quàm
fuerint in hac vita. 4. imò detestari nunc illam fidem &
persuasionem, quam in hac vita habuerunt. 5. Et quod
gravius est, de sua salute desperare. Hæc singula scori-
lim probo, hoc modo.

19. Primo: Sicut illi, qui oculis capti sunt, & cæcitate
corporis laborant, non possunt lumen aspicere, nec re-
ctam tenere viam, sed sepe aberrant, & in foveas aut
præcipitia labuntur, iuxta illud Matthæi 18. 17. *Cæcus si
eaco ducatur proster, ambo in foveam cadit*: sic etiam il-
li, qui laborant cæcitate mentis, non possunt lumen
veritatis aspicere, sed multis errorum tenebris deludi

T t iij

necesse est. Atqui animæ Caluinistarum in Purgatorio laborant excitate mentis, quia manent in peccato originali, quod excitationem mentis includit, ut supra dictum est ex Caluino & Parzo: Ergo non possunt lumē veritatis percipere; sed necessario multis erroribus & falsis opinionibus deluduntur. Sed quibus? Sine dubio, iisdem ut plurimum, quibus in hac vita deludebantur. Cuiusmodi sunt *Deum esse auctorem peccati, Ecclesiam Christi errare, Papam esse Antichristum*.

10. *Secundo*, Illi, quorum voluntas à Deo auersa est, non possunt bene affici ad res diuinas, sed potius in terrenas & illicitas se immergunt: Atqui voluntas Caluinistarum in Purgatorio existentium est auersa à Deo ratione peccati originalis, cui obnoxij sunt, & quod talem auersionem includit, ut supra dictum est. Ergo Caluinistæ in suo Purgatorio existentes non possunt bene affici ad res diuinas, sed potius in terrenas & illicitas se immergunt. In quas illas? in mēdacia, conuitia, perfidiam, crudelitatem, odia, cōtentiones, similitates, dissidia. Hæc enim amantur in vita sua; & ut dicit Scriptura. *Opera eorum sequuntur ipsos.*

11. *Tertio*. Qui dubij & perplexi sunt de sua salute, peiori conditione sunt, quàm qui certi & securi: Atqui Caluinistæ in Purgatorio existentes, sunt dubij & perplexi de sua salute, iuxta tertium Caluini privilegium, paulo ante propositum. Et in hac vita fuerunt certi & securi, ut in alio privilegio dictum est, Ergo nunc in Purgatorio sunt peiori conditione, quàm in hac vita fuerint.

12. *Quarto*, Illi meritò damnant ac detestantur suam fidem & persuasionem, qui apertè vident, se miserè per eam delusos ac deceptos esse, præsertim in re omnium gravissima. Atqui Caluinistæ in Purgatorio existentes, apertè vident, se miserè delusos, ac deceptos esse per eam fidem & persuasionem, qua in hac vita crediderunt, se esse prædestinatos & certos de sua salute, cum nunc contrarium experiantur, & de tota re dubij ac perplexi sint. Ergo meritò nunc detestantur suam fidem & persuasionem, quam in hac vita habuerunt. Et possunt dicere illud Sapient. 5. 6. *Erantimus à via veritatis, & infestum lumen non luxit nobis, & sol intelligentia non est ortus nobis.*

13. *Quinto*, Qui ex vna parte certò sciunt, neminem saluari posse sine vera fide, & ex altera, se in hac vita non habuisse veram fidem, meritò de sua salute desperare possunt. Atqui Caluinistæ in Purgatorio existentes, ex vna parte certò sciunt, se saluari non posse sine vera fide, & ex altera, se in hac vita non habuisse veram fidem, sed inanem persuasionem de certitudine salutis & prædestinationis. Ergo meritò possunt desperare de sua salute.

14. Sic igitur patet, quid agant Caluinistæ in suo atrio seu Purgatorio. Nimirum variis erroribus deluduntur, à diuinis rebus omninò auersi ac alieni sunt, fidem & persuasionem, quam in hac vita secuti sunt, penitus detestantur, & quod omnium molestissimum est, de salute desperant.

IX. PRIVILEGIUM.

Tametsi Caluinista enormiter quotidie peccent, & flagitiose vivant: tamen peccata ipsis non imputantur.

1. Ita Caluinus l. Inst. c. 8. §. 39. *Habeant filij Dei, omne peccatum mortale esse, quia est aduersus Dei voluntatem rebellio, qua cuiusque necessario prouocat S. an-*

gerum (id est, Caluinistarum, qui ex vtero materno sancti sunt) *delicta venialia esse, non ex suapte natura, sed quia Dei misericordia veniam consequuntur.* Ec lib. 3. c. 4. §. 28. *Ceterum fidelium peccata venialia esse, non quia non mortem mereantur, sed quia non imputantur.*

2. Ex his Caluini verbis colliguntur tria puncta. *Primum*, omnia peccata ex natura sua esse mortalia. *Alterum*, peccata impiorum manere mortalia, & nunquam deleri aut veniam consequi. *Tertium*, peccata sanctorum (Caluinistarum, qui ex vtero materno sancti sunt) ex mortalibus fieri venialia, & nunquam illis imputari. Igitur etiam si Caluinistæ committant furta, homicidia, sacrilegia, adulteria, & quæcunque alia enormia flagitia, nihilominus manere sanctos, (quales ex vtero materno nati sunt) nec quicquam illis obesse, quod huiusmodi sceleribus se immergant. At si reliqui tale quippiam perpetrent, reos esse æternæ mortis, nec vnuquam salutem sperare posse. Quis cum tali privilegio non malit esse Caluinista?

EXAMEN.

3. Hoc Privilegium Caluinistarum maius est, quàm fortasse apparet. Nec scio quenquam in veteri aut nouo Testamento qui simili Privilegio usus sit. Vnde facile conici potest, quo loco apud Deum ipsi sint præ aliis mortalibus. Adam propter vnum peccatum inobedientiæ à Paradiso expulsus est; ex immortali, factus est mortalis: & totam suam posteritatem morti ac peccato obnoxiam reddidit. Grauis pœna. At Caluinistis impunè licet esse inobedientes: quotidie violant legem Decalogi, & manent æquè sancti. David vit secundum cor Dei, adulterium & homicidium commiserat. Quid illi factum? Audi Scripturam 1. Reg. 22. 9. *Quare contempsisti Verbum Domini, ut faceres malum in conspectu meo? Vriam Hathæum percussisti gladio, & uxorem illius accepisti in uxorem tibi. Quamobrem non recordor gladii de domo tua usque in sermone piternum.* Si fuisset Caluinista, non accepisset tam duram sententiam. Solo privilegio poterat liberari ab omni pœna. Petrus Apostolus negauit Christum cum periurio. An impunè? Nullo modo. Alioqui tam amarè lacrymatus non esset. Caluinistæ non indigent his lacrymis. Et si enim periuri sint, tamen periurium ipsis non imputatur.

4. Dicam amplius. Core, Dathan & Abiron contra Moysen murmurarunt. Quo euentus? *Dirupta est terra sub pedibus eorum, & aperiens os suum, deuorauit eos cum tabernaculis suis, & vniuersa substantia eorum, descendenteque vini ad infernum.* Num. 17. 31. Caluinistæ quotidie murmurant contra Pontificem & Episcopos: & benè ipsis est, rebelles sunt suis Regibus, & laudem inde merentur.

5. Venio ad nostra tempora. Catholici, si obediunt Pontifici, habentur pro Antichristi satellitibus: si intersint Missæ sacrificio, sacrilegi audiunt; si obseruent ieiunia, de hypocrisi notantur: si diebus festis, abstineant ab externo opere, & impensius vacent diuino cultui, superstitioni habentur: si voueant castitatem, excusari non possunt: si statum religiosum ineant, sexcentis diris deuouentur. Vno verbo, quocunque modo se gerant, rei sunt mortis ac damnationis. Omnia ad supplicium imputantur. Quanto feliciores Caluinistæ! etiam si pessimè agant, nihil tale merentur, Regicidia, sacrilegia, prodiciones, rebelliones, blasphemias, tantum abest, ut ipsis imputentur, ut ne nomina quidem eorum flagitiorum in ipsos conueniant. Mirum, si hoc privilegio fructuari sint post hanc vitam.

X. PRIVILEGIUM.

Caluinista possunt impunè mentiri & calumniari, suumque Euangelium hoc modo propagare, & Catholicorum vitam & doctrinam traducere.

1. **H**Oc Priuilegium præcedenti annexum est. Nam si nulla peccata, quantumuis enotmia, Caluinistis imputantur; certè nec mendacia, nec calumnias imputari necesse est. Impunè igitur mentiri & calumniari possunt. Et hoc strenuè faciunt. Incipiam à mendaciis.

1. Caluinus, qui aliis in hoc genere præluxit, insigno specimen huius Priuilegij exhibuit li. 4. Inst. c. 7. §. 17. ubi ait: Pontifices cum Cardinalibus docere, nullum esse Deum, nullum Christum, nullam resurrectionem. Verba eius sunt hæc: *Quasi verò dubium sit, qualem religionis speciem professi sint iam pridem Pontifices cum toto Cardinalium collegio, & hodie proficantur. Primum enim arcana illius Theologia, quæ inter eos regnat, caput est, nullum esse Deum. Alterum, quæcumque de Christo scripta sunt, ac decantantur, mendacia esse & imposturas. Tertium, doctrinam de vita futura & vltima resurrectione, moras esse fabulas. Iam pridem hæc ordinaria esse capitis Pontificum religio.* Quid hoc mendacio potest esse mendacius? Quanto rectius dixerim; Iam pridem hæc ordinaria esse capitis Caluini mentiendi libido.

2. Sed, an solus Caluinus mendax? etiam affocla ipsius hoc priuilegio se tuentur. Longum esset de singulis seorsim dicere. Paucos duntaxat attingam. Igitur *Gabriel Bouclus* in libro de Antichristo, aliquot mendaciorum plaustris obruere Catholicos conatus est. Ait eos docere hæc puncta. 1. quod Papa possit dispensare contra vetus ac nouum Testamentum. 2. quod possit creare, seu aliquid ex nihilo producere. 3. quod Sacramenta à Christo instituta mutare, quoad eorum substantiam. 4. quod maius peccatum sit, comedere carnes die prohibito, quam adulterium committere. Hæc & similia, quæ ille author commemorat, an non mendaciorum portenta sunt?

3. Quid dicam de Plessio, Parzo, & aliis? Scripsit *Plessius* tractatum de Eucharistia, in quo tot mendacia passim occurrunt, ut *Episcopus Ebroiensis* (qui nunc Cardinalis est) publico scripto protestatus sit, se quingenta loca falso in eo allegata, coram Christianissimo Galliarum Rege demonstrare posse, ac paratum esse. Iam *David Pareus*, quot mendaciorum conuictus est à nostro *Molhusino*; Imò, tam infamis in hoc genere est, ut ab ipsis Caluinistis, præsertim à *Iosepho Scaligero*, palam proclamatus sit mendax. Ex his paucis discite alios. eodem omnes gaudent priuilegio.

4. Audiamus calumnias. Sparserunt Caluinistæ annis superioribus, Iesuitas in Belgio machinatos esse mortem *Mauritio Comiti Nassauio*. Calomnia hæc, publica Magistratum ac Rerum publicarum auctoritate refutata est. Sparserunt, Antuerpiæ infami supplicio affectum fuisse Iesuitam propter enorme crimen. Vniuersa Antuerpia reclamauit. Sparserunt, Iesuitas *Monachienfes* in *Bauaria* non modò stuprum virgini intulisse, sed atrox etiam homicidium patrassè. *Serenissimi Ducis imperio* calumnia hæc solenni diplomate detecta & dissipata est. Sparserunt, quatuor Iesuitas propter enormia facinora, *Cracouia* in *Pols-*
Opusc. Rec.

Ania, mandato *Serenissimi Regis Stephani*, morti destinatos esse. Hanc fabulam ipsemet *Stephanus Rex*, vigente *Reuerend. & Illust. Principe Vvolfgango*, *Archiepiscopo Moguntino*, qui in criminis societatem vocabatur, Regis literis ac sigillo confutauit. Sparserunt non ita pridem, Christianissimum Galliarum ac *Nauarrae Regem Henricum*, instinctu ac consilio Iesuitarum à sicario occisum esse. Sed fatentur ipsi calumniam esse. Et quid dicam cetera? Vno verbo. Caluinistæ Prædicantes, renitente etiam conscientia, passim clamant in suis cathedris, Iesuitas omnium fraudum ac malorum, quæ in mundo sunt, auctores & architectos esse. Nec dubito, si ita pergant, breui futurum, ut ausint populo persuadere Iesuitas peccatum originale in hunc mundum induxisse; & in auriculari confessione consilium dedisse *Cain*, ut fratrem interficeret; & *Abisloni*, ut parentem bello persequeretur.

EXAMEN.

6. Fateor, hoc Priuilegium mentiendi & calumniandi antiquum esse, & crebram eius mentionem fieri in sacris literis vtriusque Testamenti. Sed duo obstant, quo minus probari possit, vnum quod à diabolo, non à Deo, concessum sit Caluinistis. Sicut enim Deus verax est, imò ipsa Veritas. *Ioann. 14. 6. Ego sum via, veritas & vita.* Sic diabolus mendax est, & pater mendacij. *Ioann. 8. 44. Non est veritas in eo: cum loquitur mendacium, ex propriis loquitur, quia mendax est, & pater eius.* Alterum, quod grauis pœna in mendaces & calumniatores à Deo constituta sit. *Proverb. 12. 22. Abominatio est Domino labia mendacia.* Et cap. 19. 3. *Qui mendacia loquitur non effugiet*, *Sapient. 11. 2. Qui quod mentiuntur, occidis animam.*

7. Hinc sequitur, quotquot vsurpant hoc priuilegium, non Dei; sed diaboli filios esse, iuxta illud Christi *Ioan. 8. 44. Vos ex parte diaboli estis, qui in veritate non stetit.* Tales fuerunt duc senes, qui per mendacium & calumniam accusabant *Susannam* de adulterio. Talis vixit *Putipharis* in *Aegypto*, qui *Iosephum* eiusdem flagitij reum esse clamabat, Tales *Pharisæi* in Euangelio, qui de *Ioanne Baptista* dicebant: *Demonium habet: & de Christo Salvatore: Ecce homo vorax, & perator vini, publicanorum & peccatorum amicus.* *Luc. 11. 19.* Tales denique illi, de quibus ipse diabolus, *2. Paralim. 18. 12. Egrediar, & ero spiritus mendax in ore omnium Prophetarum eius.* An igitur tales & Caluinistæ? Facilis coniectura.

XI. PRIVILEGIUM.

Caluinista impunè possunt, non modo Catholicos, sed etiam se mutuo conuictis ac maledictis insectari, sine ullo salutis aut sanctitatis dispendio.

1. **H**Oc priuilegium affine est præcedenti, & ex eodem fronte ortum habet, nempe à diabolo. Est autem in magno vigore ac vso apud Caluinistas. Ac primò, quæ conuicta spargant ipsi in Catholicos, notissimum est. Caluinus in Antidoto Concilij Tridentini, passim eos vocat *stupidos, quisquilias, asinos, porcos, pecudes, crassos boves, otiosos, ventres, mendicabula, putrida cadavera, filicernia, blaterones, Patres corrupti*.
Te tij

Tridentinam colluiam, exitialia monstra, spurios, degeneres, meretricis filios, Christi hostes, Antichristi Legatos. Et quæ similia sunt. Quis non obstupeat ad has voces? Imò quod grauius est, Sanctos cum Christo regnantes, appellat larnas, bestias, canisces, vt supra ostensum est.

2. Gabriel Bonelus in libro de Antichristo, ait Pontificem Romanum esse *Dei hostem, Christi perduellem religionis aduersarium, hereses anistitem, Ecclesie parricidam, pacis turbatorem, seminam impietatis, mancipium diaboli, Cardinales esse locustas vastatrices: Canonicos mendaces & homicidas: Catholicos omnes, quotquot sunt, Saranacæpiæ, & Antichristi satellites. Quis finis conuictorum?*

3. Batavius Caluinista, in tertia defensione fœderatorum inferioris Germania, Regem Hispaniæ Philippum vocat *raptorem & notorium hereticum: Archiduces Austriæ, perfidos; Ducem Sabaudiz, crudelem & perfidum: Sigismundum Poloniæ Regem non dissimilem: Serenissimos Albertum & Claram Eugeniæ, vere pacis impedimentum: & Catholicos omnes, Turcis deteriores.*

4. Iosephus Scaliger in quadam præfatione ad Ioannem Drusium, appellat doctissimum virum Martinum Delrium, *lucum stercore maceratum, demoniacum, rotrimentum insectis, sterquilinum, stercus diaboli, scardæum, larnam, Antichristum, pecus, postremam bestiarum, infame propudium, asinum.*

5. Sed multò clarius apparebit vsus huius privilegiij si ostendam, quomodo se mutuo peccant Caluinistæ. Nec longè abibo. Idem Scaliger, quem Caluiniani, tanquam Deum quendam terrestrem venerantur, in Elencho vtriusque orationis chronologicæ, pulcherrimis epithetis ornat *Davidem Parauum eiusdem sectæ Caluinianæ Professore Heidelbergensem. Ait esse hominem insanum, arrogantem, idiotam, stercore colligentem, profanissimum buccinatorem, asinum, sycophantem, belleborismo egentem, mendacem, communis sensu destitutum.*

6. Si Catholicorum aliquis ita scriberet, quas non tragœdias in eum concitarent Caluinistæ: Scaliger quia Caluinista est, impunè fecit. Imò non vitio, sed virtuti eius tribuitur, quod fecit. Nam Franciscus Gummarus, & ipse Caluinista est, eidem Scaligeri Elencho præfixit præfationem, in qua dicit, *tria potissimum in Scaligero admiranda esse, pietatem, doctrinam, candorem.* Mox sequitur Elenchus, in quo admirandæ illius pietatis, doctrinæ & candoris ea signa, seu vestigia reperiuntur, quæ iam allata sunt.

7. Sed neque Paræus minus candidè & fraternè agit cum suo Scaligero, à quo tam suauiter depexus est. Scripsit epistol. ad amicum anonymum, de Iosephi Scaligeri Elenchis chronologicis, in qua asserit, Elenchos illos esse *insanos, verrinos, maledicos, fures, dicaces, impios, vanos, ridiculos, spurios, olis stercoreibus, sterquilinis, larnis cloacis, lantemis detatos, plenos disteriorum, probrium, sarcasmodum, scommatum, aculeorum, corybantiasmodum, halieborismorum, & similia gryphorum.* Et quod Gummarus *candorem* vocat in Scaligero, Paræus *intemperiem, arrogantiam, maledicentiam, tyrannidem, atrocem iniuriam, & diuinis insultationes interpretatur.* Cui credas?

EXAMEN.

8. Quis nostrum non inuideat Caluinistis hoc privilegium? Nobis seuerè dictum est in Euangelio, Mat. 5. 22. *Qui dixerit fratri suo, fatue, reus erit gehennæ ignis.* Itaque nobis qui Catholici sumus, non licet vti conuictis in proximos; nec alter alterum potest stultum aut fatuum appellare. Et qui id fecerit, non impunè fe-

Ac erit, sed reus erit gehennæ ignis, Caluinistis plus licet. Non solum fatuos, seu stultos se mutuo appellant, sed etiam *stercoreos, profanos, asinos, demoniacos, spurios*, vt iam ostensum est. Et hæc omnia impunè, vt ipsi quidem putant.

9. Dices, Cur ergo Caluinistæ vocant se Euangelicos, si non viuunt secundum Euangelium? Euangelium minatur: *Si quis dixerit fratri suo, fatue, reus erit gehennæ ignis.* Caluinistæ non curant has minas. An igitur Euangelici? Facilis responsio. Euangelici sunt, non facto, sed verbo: aut si vis, Euangelici, in paucis non in omnibus. Legunt in Euangelio, Christum iussisse ad nuptias. & bibisse vinum; ludam habuisse loculos, & prodidisse suum Dominum; mulierem in adulterio deprehensam, pœnam euasisse; Herodis filiam saltasse in conuiuio. Hic planè Euangelici sunt. Iterum legunt, Christum ieiunasse 40. diebus, lauisse pedes Apostolorum; pernoctasse in oratione flexis genibus, precatum esse, crucem sustinuisse. Hic Libertini sunt: non Euangelici.

XII. PRIVILEGIUM.

Caluinistæ possunt suos Reges & Principes sæculares deponere, expellere & interficere, quando ipsis visum est.

1. Ita Calvinus in cap. 6. Danielis, Beza Epist. 4. et David Paræus in cap. 13. Epist. ad Romanos, Batavius Caluinista in famoso libello, qui inscribitur *Fœderationem inferioris Germania defensio tertia*, & alij Verba illorum paulò post citabo.

2. Et quidem Paræus conatur multis argumentis id probare: & assignat varios casus, in quibus liceat vti hoc privilegio, id est, in quibus liceat deponere, expellere, interficere Reges ac Principes. *Primo*, quando degenerant in tyrannos. *Secundo*, quando suos subditos cogunt ad idololatriam, id est, ad Papatum, vt ipse intelligit. *Tertio*, quando prætextu religionis aut iustitiæ, quærunt propria commoda. *Quarto*, quando grauant conscientias subditorum. *Quinto*, quando sunt homicidæ, vt Athalia: vel luxuriosi & ignaui vt Venceslaus, vel stolidi, vt Saül; vel infideles, vt Reges olim Macedonici, vel Pontifici adherentes, vt Catholici.

3. Hoc privilegio, extra iam dictos casus, voluerunt vti Caluinistæ in Scotia, quando Serenissimum Iacobum, qui nunc magnæ Britannix Rex est, adhuc in vtero materno existentem, conati sunt è medio tollere, antequam lucem aspiceret. Res nota est. Et fateatur ipse Rex in sua Monitoria præfatione ad Imperatorem, Reges & Principes, his verbis: *Ego à Puritanis non solum à natiuitate continuo vexatus sum; verum etiam in ipso matris vtero propemodum extinctus, antequam in lucem edirus essem.*

4. Nititur autem hoc privilegium his potissimum fundamentis. *Primum* est, quod peccata Caluinistarum non imputentur ipsis coram Deo, vt supra ex Caluino ostensum est. Sunt enim (suo iudicio) sancti, & hæredes vitæ æternæ, iam inde ab vtero materno, ac proinde nullâ peccata, quantumuis enormia, possunt illos arcere ab ingressu vitæ æternæ. Vnde sequitur, Regicidia ab illis perpetrata, non imputari ipsis à Deo, sed gratis condonari. Posse igitur Caluinistas, salua & secuta conscientia, mactare suos Reges ac Principes,

nec ullam ex eo factam offensam apud Deum extime-
scere. Caueant hic sibi Reges: Caueat Rex Britan-
niæ, ne extra vterum interficiatur, qui in vtero ab
illis interfici non potuit.

5. Alterum est, quod Deus sit author omnium pec-
catorum, nec vllum peccatum à Calvinistis commit-
tatur, nisi Deo instante & impellente. Vnde sequitur
Deum quoque Regicidiorum authorem esse, & om-
nia regicidia, quæ à Calvinistis perpetrantur, Deo
impullore perpetrari. Calvinistas ergo, quando suos
Reges aut Principes interficiunt, bona fide pos-
sunt affirmare, non se, sed Deum auctorem esse illius facti:
se quidem instrumenta esse diuinæ voluntatis, Deum
tamen esse causam principalem. Sic enim loquitur
Calvinus lib. 1. c. 17. §. 5. *Ego plus concedo, fures & ho-*
midas, & alios maleficos, diuinæ esse providentiæ instru-
menta. Et c. 18. §. 1. Inde colligimus, eius probationis, cuius
Satan & scelesti latrones ministri fuerunt, Deum fuisse
auctorem. Et infra ibid. Ergo quidquid agerent homines, vel
Satan ipse. Deus tamen clauum tenet. Et §. 2. de Assyriis:
Vnde apparet, certa destinatione Dei fuisse impulsos: nimi-
rum ad rapinas & homicidia.

6. Tertium est, quod Calvinistis liceat imitari fa-
ctum eorum, qui ante hæc tempora suos Reges ac
Principes interfecerunt aut exauthorarunt. Ita Da-
uid Paræus loco supra citato, ubi adducit varia exem-
pla expulso- rum aut interfecto- rum Regum: quorum
alii propriam tyrannidem: alii ob homicidium: alii ob
lasciviam & ignaviam: alii ob alias causas, à suis sub-
ditis aut mactati, aut regno exuti sunt. Vnde sequitur,
idem licere Calvinistis, itaque Calvinistas, quibus
privilegio mentiri & calumniari fas est, facile inuen-
turos aliquem prætextum, quod dicant, se legitime
suos magistratus exauthorare, aut è medio tollere.

7. Quartum est, quod Pontifex Romanus sit Anti-
christus, & omnes Reges ac Principes Pontifici ad-
hærentes, sint hæretici, idololatæ, Antichristiani.
Hoc passim docent Calvinistæ, ut supra ostendi. Ex
quo inferunt, vi ac bello licitum esse agere non modo
contra Pontificem, sed etiam contra Reges & Princi-
pes Pontifici adhærentes. David Paræus de Pontifice
sic scribit: *Christiani Reges & Principes debent resistere*
tyranni: Pontifici, etiam gladio & vi. Et de Regibus ac
Principibus Pontificis: Subditi aduersus superiorem ma-
gistratum, se & veram religionem, etiam armis iure defendere
possunt, si aliter in conscientia incolumes esse non queant, id
est, si subditi Calvinistæ habeant magistratum Ca-
tholicum, cum quo non sentiunt in conscientia, pos-
sunt armis contra illum agere, & suam conscientiam
vi defendere.

8. Hoc sensu scribit Batavius Calvinistas in suo fa-
moso libello, quem supra citavi: *An non potius Regem*
Hispania quia hæreticus notorius est ex suo regno, omnibus
dominam Evangelicorum viribus expellere oportet? Vocat
illum hæreticum notorium, quia Catholicus est, &
Pontificis auctoritatem agnoscit. Itaque ex sententia
huius Batavi omnes Reges ac Principes, qui tandem
fidem profitentur, cum Philippo Hispaniarum Rege,
possunt è suis regnis expelli à Calvinistis. Quis igitur
tutus & securus?

9. Eodem spectat Calvinus dictum in cap. 6. Danielis:
Principes, inquit, terreni se contra Deum extollunt: sua se-
ipsi potentia priuant: Imò verò indignissimi sunt, qui homi-
num cetera ac numero reponantur. Potius igitur illis est facies
conspicienda, quam ipsorum imperiis obtemperandum, nisi om-
nem superstitionem extirpent & funditus tollant. Vbi per
superstitionem intellegit ritus ac ceremonias Catho-
licorum. Agit enim contra Reges & principes Catho-
licos, qui huiusmodi ritus ac ceremonias non tollunt.
Igitur ex verbis Calvinus pro confirmando privilegio
Calvinistarum, hæc colligimus. Primo, quod Reges

& Principes Catholici, nisi tollant ritus Catholicos
rum, ipso facto privati sint sua potentia & iurisdic-
tione. Secundo, quod indignissimi sunt, qui hominum cetera
tu ac numero reponantur, id est dignissimi, qui è me-
dio tollantur. Tertio, quod facies illis potius sit con-
spicienda, quam ipsorum imperiis obtemperandum.
Videant nunc Catholici Principes, quid à Calvinis-
tae satoribus sperare debeant, nempe sputa, rebellio-
nes, exilia, mortes.

EXAMEN.

10. Dicam modestè, quod sentio. Vigente hoc Pri-
vilegio, vix video, quis Rex aut princeps securus esse
possit inter Calvinistas. Nam si semel incidat in ali-
quem casum ex his, quos supra ex Paræo commemo-
raui, quod facillimè fieri potest: iam morti destinatus
est aut elacrus: si habeatur tyrannus, si Homicida, si
luxuriosus, si ignavus, si infidelis: & quod lætissime pæ-
tet, si Pontificius, actum est de fama, impetio, vici-

11. Quis iam non meritis suspicetur, **HENRICUS**
Galliæ & Navarræ Regem, aut consensu, aut certe
applaudentibus Calvinistis interfectum esse? Erat
Rex Catholicus, & eiusdem fidei ac religionis cum
Philippo Rege Hispaniæ: Igitur secundum Batavi-
um Calvinistam, omnibus omnium Evangelicorum viribus ex re-
gno Gallia expellendus. Non tollebat ritus ac ceremo-
nias Catholicorum, sed potius promouebat. Igitur se-
cundum Calvinum, prius erat sua iurisdictione, indignis-
simus, qui hominum cetera ac numero reponatur, & facies illi
potius conspicienda, quam ipsius imperio obtemperandum. Ad-
hærebat Romano Pontifici, quem communem Chris-
tianorum Patrem appellare solitus est. Igitur secun-
dum Paræum, vi gladio, morte coercendus.

12. Porro, cum hæc omnia tam clara & perspicua sint,
quid Calvinistis in mentem venit, quod passim cla-
ment ac scribant, non se, sed Iesuitas Regicidas esse?
Nimirum vtuntur suo privilegio, id est, mentiuntur
& calumniantur. Alloqui, si reclusis mendaciis & ca-
lumniis, de rei veritate sit quæstio, nemini dubium est;
Calvinistas in hoc puncto reos; Iesuitas innocentes
esse. Hoc prolixè ostensum est à doctissimis viris, Cot-
tono, Scribanio, Costero, Gretsero, Andrea Euda-
mon Ioanne, & aliis. Ego paucis repetam, & declara-
bo. 1. testimonio ipsorum Regum. 2. aliorum testi-
monio. 3. aliunde.

13. Ac primò quid Iacobus magnæ Britanniæ Rex
de hac resentiatur, notum est ex monitoria ipsius præ-
fatione ad Imperatorem, Reges & Principes, quam
supra citavi. Ibi enim multa scribit de Calvinistis, ex
quibus facile ipsius sententia colligi potest. Primo di-
cit, Calvinistas detestiores esse latronibus. Hi enim præ-
uatos tantum homines: illi Reges & Principes inter-
ficiunt. Secundo, se à Calvinistis in vtero materno pro-
pe interemptum esse. Tertio, se sine intermissione ab
iisdem vexari. Quarto, maiori se odio prosequi Calvinis-
tas, quam Catholicos. Quinto, præcipuam se operam
collocasse in purgando regno ab hæresi Calvinista-
rum. Verba Regis sunt hæc: *Præclara sunt laus, præcla-*
ram encomium, quo Puritani ornant, cum me plus fidei, vult
in illis offeris, cum montanis, cum limitaneis latronibus, quam
in hoc genere hominum inuenisse professus sum. Et iterum:
Ego à Puritanis non solum à natiuitate continuo vexatus fui,
verum etiam in ipso matris utero prope modò extinctus, an-
tequam in lucem editus essem. Et rursus: Ego in meo ad Fi-
lium libro multo acius, ac vehementius in Puritanos, quam
Pontificios inuictus sum. Et denique: Mihi præcipuus la-
bor fuit, deiectos Episcopos restituere, & Puritanorum
Anarchiam expugnare.

14. Quid hinc aliud colligas: quam Calvinistas

Sententia Regis Britanniz, in eo latronibus esse deteriores, quod Regum vitæ & sanguini insidientur. Imò, quod Reges ne in vteris quidem maternis securi sint à Caluinistis? Magnum testimonium à magno Rege. Porro, sicut hic Rex ingenuè fatetur, Caluinistas regicidiorum reos esse; sic contra, *HENRICVS* Gallie & Navarra Rex, publico in concessu Præsidum ac Senatorum Curie Parisiensis, Iesuitas ab hoc crimine innocentes esse pronunciauit. Verba eius sunt hæc: *Quod de Pontifice Max. optimè sentiam, eumque reuerentur, id quoque ipse facio. At tamen non sum nescius, nihil ab iis amplius de summi Pontificis potestate dici aut doceri, quam reliqui Theologi, Catholicæque doceat Ecclesia. Neque verò aliquid docens, quod Ecclesiastici mihi non tribuant, quod est tribuendum. Nec unquam inuenius est, qui ab iis necem Regum didicerit. Quare totum hoc, quod illis obiciuntur, nihil est.*

15. Quid poterat dici clariùs pro Iesuitarum innocentia? Clament nunc Caluinistæ, & obiciant, Iesuitas esse Regicidas. Sed vicissim audiant responsum à Rege; Totum hoc, quod illis obicitur, nihil est. Imò conferant inter se iudicia & sententias duorum Regum Henrici & Iacobi. Henricus Iesuitas accusatos de Regicidio, legitimè absoluit, & innocentes pronunciauit. Iacobus Caluinistas ipse accusat, & reos esse vult. Conferant etiam facta vtriusque Regis. Iacobus conatur Regnum suum purgare à Caluinistarum secta. Henricus multò aliter egit cum Iesuitis. *Primo*, reuocauit eos in suum regnum, ex quo erant expulsi. *Secundò*, post reuocationem, voluit illorum esse Patronus ac Parens. *Tertiò*, Flexiz, ubi natus est, Collegium illis instituit ac dotauit. Imò proprium Palatium pro Collegio esse voluit. *Quartò*, in aliis quoque locis noua Collegia erigi & fundari passus est. *Quintò*, ex Iesuitarum numero P. Cottonum elegit, qui ipsi à confessione & concionibus esset. *Sextò*, ipsius studio ac impensis missi sunt Constantinopolim Iesuitæ, ut ibi conuertendis infidelibus operam darent. *Septimo*, insigni elemosyna Collegium Romanum in necessitate subleuauit. *Octauo*, famosam illam Pyramidem, quæ Parisiis in Iesuitarum ignominiam erecta stabat, penitus disturbauit. *Nono*, Collegium non alibi, quam Flexiz in templo Iesuitarum, sepeliri voluit. Quis credat, Regem sagacissimum hæc facturum fuisse, si putasset Iesuitas esse Regicidas?

16. Iam si spectemus ea quæ post mortem magni illius Regis, partim à Regina vidua, partim à filio Ludouico facta sunt, omninò perspicuum erit, nullam apud eos esse, aut fuisse suspicionem de Iesuitis, quasi ipsi Regicidij authores essent. *Primo*, quia P. Cottonus, qui ante eadem erat in aula Regia, postea ibidem mansit cum bona Reginz & Filij voluntate. Imò, adhuc Filij instructor & confessorius est. *Secundo*, quia cor Regis solenni ritu traditum est Iesuitis, qui illud in suo Templo Flexiensi, sicut Rex viuens constituerat, insigni pompa sepelierunt. *Tertio*, quia Ludouicus, tanquam Regni paterni hæres, Regio diplomata, Iesuitarum studia, labores, & Collegia confirmauit. *Quarto*, quia Episcopus Parisiensis, Consiliarius Regis, de eorum innocentia præclare testatus est. *Quinto*, quia Ioannes Antonius Ioualinus, Bibliopola Caluinianus, eo quod libellum famosum in Iesuitas sparsisset, publicè comprehensus, & exilij damnatus est.

17. Et quidem Diploma Ludouici Regis sic habet; *Cum Henricus Magnus Dominus & Pater noster, in obsequij sui bonum subsidiumque suorum commodum, vtile ac valde necessarium fore iudicasset, Iesuitas in regnum suum, terras, & dominia introducere, ac statuere, habito cum Principibus consanguineis nostris, præcipisque Regni ministris, & consilio: ex ipsorum iudicio, ac suo motu proprio, cor-*

ra scientia, plenapoteestate, & auctoritate Regia iussit Iesuitas, edito lato mense Sept. anni 1603. facultatem concessit redeundi, & habitandi in locis ac partibus præfatis edito contentis, aliisque postmodum, literis suis, concedendis; Quo edito in Regio nostro Parlamento Parisiensi registrato 2. Ian. anni milles. sexcent. quarti, præfatus Dominus & Pater noster, eisdem Iesuitis, plurimas Regni huius ciuitates inhabitandi potestatem fecit: quod quidem summa cum subditorum nostrorum voluptate factum, & executioni mandatum est, qui in educatione filiorum suorum ad pietatem, iun-cto bonarum litterarum studio, quidquid optare potuissent, affectu sunt: ac dicto Domino ac Patri nostro adeò probati sunt, ut in ipsorum manus proprium cor deponere statuerit. Quod quidem post eius obitum ipsi traditum, & in Flexianum Templum delatum fuit. Ideo, ne quis voluntatem nostram in dubium reuocare possit, ex certa scientia nostra, plenapoteestate, proprio motu, & auctoritate regia, & eisdem rationes, quæ prædictum Dominum & Patrem nostrum præmouerunt, quæque adhuc perseverant, presentibus manu nostra subscriptis, ex iudicio Dilectissima & honoratissima Regina Regentis Matris nostre, consanguineorum nostrorum Principum, ac præcipuorum regni nostri Ministrorum laudamus, confirmamus, approbamus, & ratam habuimus; laudamus, confirmamus, approbamus, & ratam habemus præfatorum Iesuitarum in hoc regnum nostrum, partes, terras, ac dominia nobis subdita admissionem. Ac quantum opus est, nec foret, denno concessimus ac permisimus, concedimus & permitimus ipsis posse degere ac inhabitare, in quibus admissi sunt, aut in posterum admittentur, observando ea, quæ in præhabito mense Septemb. edito, anni millesimi sexcent. primi tertij, continentur, aliisque litteris ac ordinationibus à prædicto Domino & Patre nostro factis: quibus placet nobis, ac volumus eos uti & gaudere, eadem ratione, qua antè hac usi sum, ac modo videntur & gaudent. Præcipimus Consiliariis nostris in Curia Parliamentis, Seneschalcis, ceterisque iustitiis administris, quorum operarequiretur, quatenus has litteras nostras, ac Iesuitas integrè, pacificè, ac perpetuo uti & gaudere curent, &c.

18. Hactenus Ludouici Regis diploma. Sequitur testimonium Henrici Gondei, Parisiensis Episcopi, & Consiliarij Regij in hæc verba: *Cum post crudele in desuncti Regis personam, quem Deus absoluat, perpetratum parricidium, plurimi rumores in hac ciuitate Parisiensi, in summum Patrum Societatis Iesu damnum disseminati sunt: nos eiusdem Societatis honori ac fama promittere optantes, animaduerso, quod non aliunde, quam ex peruerso atque inimico aduersus dictos Patres animo huiusmodi rumores præcesserint, omnibus, quorum intererit, presentibus manifestamus, præfatos rumores meras esse calumnias & imposturas, malitiose contra ipsos conquisitas & inuentas, in Catholica, Apostolica, & Romana religionis damnum. Atque prædictos Patres non modo penitus ab eiusmodi calumniis immunes esse, verum etiam ipsorum Societatem, tum propter doctrinam, tum propter piam vitam Ecclesia Dei maximè utilem, & huius regno valde præficuam. In quorum fidem, &c. 19. Ad dam etiam publicam Consilij sententiam de Ioualino, qui libellum, Anticottonum nomine, (in quo Iesuitæ à Caluinistis accusabantur de Regicidio) in vulgus sparserat. Ea sic habet:*

Dictum habebitur ex consilij sententia, audito super hac causa Procuratore Regio, quod ad reparationem eorum casuum, quæ fusi in ipsolitis instrumentis continentur, Ioannes Antonius Fonalinus damnatus est, ipsique damnatus ad multam honorariam fore faciendam, ipso die fori, cum forum ageretur, ubi nudato præter indusium corpore, apertoque capite, flexis genibus, suspensa è collo recte ac faciem pondo duarum librarum manu gestans, alta voce, ut exaudiri possit, renuntiabit, quod scelestè & malitiosè per diuersa huius urbis loca proiecerit & sparserit folia, seu chartas impressas, extractas ex libro quodam pernicioso & magno, qui Anticottonus

inscribitur, ad turbendam quietem publicam, excitandas turbas, & seditionem in hac civitate movendam compositio, quod fusi habetur in instrumento litis. Cuius facti petet à Deo Rege, & Iustitia veriam. In ipsius autem presentia, prædicta folia seu cartæ frangantur & dilacerabuntur. Inhibemus autem illi, & interdiciamus sub poena capitis, ne simile qui committat in posterum. Cæterum ad quinque integros annos Regni Gallia exilio illum multavimus & multamus.

20. Ex dictis colligo has antitheses. 1. Calvinistæ docent, Deum esse authorem Regicidiorum: Iesuitæ, non Deum, sed diabolum, iuxta illud Ioannes 8. 44. homicida erat ab initio. 2. Calvinistæ aiunt, Regicidia ipsis non imputari à Deo, ac proinde, secunda conscientia, se posse Reges interficere. Iesuitæ contrarium tenent. 3. Calvinistæ accusantur à Rege Britannia, quod conati sint ipsum in vtero materno interficere, ideoque iatronibus peiores sint. Iesuitæ, ab Henrico Gallia & Navarra Rege, à Regina vidua, à Ludouico hærede, ab Episcopo Parisiensi, à publica Consilij sententia, iudicantur non modò innocentes, sed etiam Regno utiles & proficui. 4. Calvinistæ, propter calumnias & mendacia in Iesuitas sparsa, iubentur exulare à Regno Gallia, tanquam turbulentis & seditiosis. Iesuitæ, propter vitæ & doctrinæ sanctimoniam, non modò retinentur in florentissimo illo regno, sed etiam ad plura loca quotidie admittuntur. Hæc sufficiant prudenti & sano lectori.

XIII. PRIVILEGIUM.

Calvinista nulla lege, nec divina, nec humana obligatur, sed ab omni iugo & subiectione penitus sunt liberi ac immunes.

1. Hoc Privilegium maius est, quàm omnia præcedentia. Debet autem sic deduci ex principiis Calvinistarum; Lex Decalogi est impossibilis; Moyses est abrogatus: Christus nullam tulit: Humana non obligat; Omnino igitur liberi sumus.

2. Et in hoc puncto constituunt Calvinistæ libertatem suam Christianam. De qua Calvinus lib. 3. Inst. c. 19. §. 2. sic loquitur: *Christiana libertas in tribus partibus sita est. Prima, ut fidelium conscientia, dum fiducia sua coram Deo iustificationis querenda est, sese supra legem erigant acque efferant, totamque legis iustitiam obliuiscantur.* Et infra: *Sublata igitur legis mentione, unam Dei misericordiam amplecti convenit.* Et §. 4. *Conscientia libera sum à iugo legis.* Et §. 7. reiecit omnes leges humanas, tam Ecclesiasticas, quàm civiles, quæ latæ sunt circa res adiaphoras. Tertia, inquit, pars libertatis Christianæ est, *ut nulla rerum externarum, quæ per se sunt adiaphora, religione coram Deo teneamur, quin eas nunc omittere indifferenter liceat.* Hinc infert, neminem obligari ad leges humanas, quæ latæ sunt de ieiunio, de diebus festis.

3. Fundatur hoc Privilegium, quoad leges humanas in duobus principiis. Uno, quod Pontifex sit Antichristus. Hinc tolluntur omnes leges Pontificiæ, omnes Canones, omnia decreta. Altero, quod non teneamur obedire Regibus & Principibus, si præcipiant aliquid extra Verbum Dei. Hinc tolluntur omnes leges Imperatoriæ & civiles:

EXAMEN.

4. Ut mihi quidem videtur, hoc Privilegium est proprie hominum rebellium & improborum, qui, ut loquitur B. Iudas in Epistola canonica, *Dominationem spernunt, maiestatem blasphemant.* De quibus Apostolus 2. Tim. 3. 1. *In novissimis diebus erunt homines, seipso amatores, elati, superbi, blasphemæ, superioribus non obediens, ingrati, scelesti, sine pace erimatores.* Et infra: *Quemadmodum Iannes, & Ambres resistunt Moysi, ita & hæc resistunt veritati.*

5. Catholici non utuntur hoc privilegio, sed obtemperant suis Magistratibus, tam Ecclesiasticis, quàm secularibus, quia scriptum est Deut. 17. 12. *Qui superbiens, nolens obedire Sacerdotis imperio, ex decreto iudicis morietur.* Et Matth. 18. 17. *Si Ecclesiam non audieris, sit tibi sicut ethnicus & publicanus.* Et Lucæ 10. 16. *Qui vos audit, me audit; & qui vos spernit, me spernit.* Et Ro. 13. 1. *Omnis anima potestatibus sublimioribus subdita sit. Non enim est potestas, nisi à Deo. Itaque qui resistit potestati, Dei ordinationi resistit.* Et Hebr. 13. 17. *Obedite Prepositis vestris, & subiaceo eis.* De hac re plura alibi separatim.

Epilogus.

Hæc sufficiant hoc loco de Privilegiis Calvinistarum. Ex quibus obiter constat, qui & quales sint Calvinistæ. 1. Sancti sunt ab vtero materno. 2. Sacerdotes Dei. 3. Certi de sua salute & vita æterna. 4. Norunt discernere inter Scripturas canonicas & non canonicas. 5. Nunquam errant. 6. Habent peculiarem doctrinam à cælo delapsam. 7. Ad eam tamen non astringuntur. 8. Habent etiam peculiare purgatorium. Alij infernum vocant. 9. Impune peccant. 10. Impune mentiuntur & calumniantur. 11. Impune coniugia & maledicta in alios iaciunt. 12. Possunt suos Reges & Principes interficere. 13. Liberi sunt ab omni lege. Quid superest? Nempe, ut onusti tot Privilegiis, non curent cælum.



OPUSCULUM IV.

QVAESTIONES BATAVICAE IN Batavum Calvinistam;

V. Batave. Putabam te, cum nuper congressu profligatus esses, non facile ad pugnam rediturum. Redis tamen, sed aliis instructus armis, præsertim furore, iracundia, comitiis. Hoc patet ex tua Apologia, quam nuper occultè sparsisti inter paucos, cum hac inscriptione: *Apologia pro Christiano Batavo, non Calvinista, contra Martini Becani Iesuitæ, Antichristiani Synaducensis, Quaestiones Miscellaneæ, de fide hæreticis servanda.* Cuius quidem Apologiæ cum diebus superioribus, Vir nobilis exemplar mihi in manum traderet, hoc eucorium de te adiecit: *Vere, inquit, Beatus ille, mulier ebria & iracunda est.* Nec erravit. Nam in tota Apologia, instar furentis & insaniens mulierculæ,

nihil aliud, præter convicia, calumnias, rabiem & iracundiam in me exspuis. Et ubique quasi plenis faucibus, erundas lapinaria, leones, meretrices, scortatores, spurios, stupra, adulteria, incestus, veneficia, clanculas, perfidias, prodiciones, sicarios, incendiarios, plagarios, raptos, detractores, ardeliones, archiscurras, Antichristos, lupos, apostatas, impostores, viperas, fadifragos, obrectatores, susurriones, canillatores, sycophantas, sophistas, & sexcenta similia phlegmata, quibus cor tuum plenum esse necesse est, iuxta illud Christi, Matth. 12. 34. *Ex abundantia cordis os loquitur.* Et ibidem: *Malus homo de malothesauro profert mala.*

2. An putas, Batave, me simili armorum genere vel te tecum decretare? Valde erras. Non assuevi his cessibus. Nec mihi convitiatorum ac phlegmatum tam fecundum pectus est, quam tibi. Itaque si hoc modo pergis furere & insanire; lubens tibi cesserò victoriam. Sin, deposita rabie, ad mentem redis, & sobrius, ut Christianum militem decet, pugnare vis, paratus in certamen adsum. Et, si lubet, iam incipio.

3. In Apologia tua, quam opponis Quæstionibus meis Miscellaneis, *De fide hæreticis servanda*, tria potissimum facis. 1. Obiter defendis Calvinistas & Lutheranos, tanquam Evangelicos. 2. Prolixè exagitas Pontificem & Iesuitas. 3. Perfuntoriè agis de fide hæreticis servanda, quod tamen præcipuè tractandum erat. Hæc tria puncta discutiam per sequentes quæstiones hoc ordine:

- I. *An Calvinista sint Evangelici?*
- II. *An etiam Lutherani sint Evangelici?*
- III. *An & Batavus noster sit Evangelicus?*
- IV. *An sit Calvinista?*
- V. *Cur nomen suum non expresserit?*
- VI. *Cur tam iracunde agat?*
- VII. *An Pontifex sit Antichristus?*
- VIII. *An Iesuita sint Regicida?*
- IX. *An sint proditores?*
- X. *An perduellæ?*
- XI. *An ingrati in Regem Galliarum?*
- XII. *Qui Rex Gallia semias de Iesuitis?*
- XIII. *An Rex Gallia fuerit vere Catholicus?*
- XIV. *An Catholici in Concilio Tridentino decernant, hæreticis non esse servandam fidem?*
- XV. *An hoc ipsum decernant in Concilio Constantinensi?*
- XVI. *An etiam in Lateranensi?*
- XVII. *An decreta Pontificum hoc statuam?*
- XVIII. *An Catholici passim ita scribant & sentiant?*
- XIX. *An Catholici re ipsa non servent hæreticis fidem?*

Has posteriores quæstiones, *De fide hæreticis servanda*, reponam hic iisdem verbis, quibus positz sunt in *Quæstionibus meis Miscellaneis*, quas tu oppugnas. Et unicuique earum subiiciam brevem annotatiunculam, in qua notabo, si quid in tua Apologia allatum est in contrarium.

QUÆSTIO I.

An Calvinista sint Evangelici?

1. **T**V identidem affirmas Batave. Sed velim, duos scrupulos mihi eximas. Vnus est, cur dicantur Evangelici? an quia Evangelium recipiunt, Rectè quidem. Sed recipiunt etiam Epistolas D. Pauli, Apocalypsin Ioannis, vaticinia Prophetarum, & ut semel dicam, totum Bibliorum codicem. Cur ergo non

similiter Epistolici, Apocalyptici, Prophetici, aut Bibliaci appellantur.

2. Alter scrupulus magis me premit. Est autem hic: Illi non possunt verè dici Evangelici, quorum neque doctrina, neque mores, neque privilegia, Evangelio conformia sunt; sed neque doctrina, neque mores, neque privilegia Calvinistarum, Evangelio conformia sunt. Ergo Calvinista non possunt verè dici Evangelici. Minor habet tres partes, quæ singulæ probandæ sunt.

Doctrina Calvinistarum.

4. Primam, de doctrina, sic probò. Calvinista docent hæc dogmata, quæ Evangelio conformia non sunt.

Primum. Deus non est infinitus. Ita Conradus Vorstius in Tractatu de attributis divinis, cum ait: *Deus non est aliter simpliciter infinitus, neque essendo, neque operando.* Et iterum: *Est quidem Deus purus alius, sed hoc non vetat, quin simul sit in sese finitus.*

Secundum. Deus non est ubique præsens, sed tantum in cælo. Ita idem Vorstius in Tractatu citato, cum ait: *In scripturis affirmari omnino videtur, Deum ratione substantia sue tantum esse in cælo.* Et post citata aliquot Scripturæ testimonia, sic concludit: *Simpliciter igitur credimus, quod sacra scripturae toties inculcant, Deum sua substantia in cælo habitare: in terra verò, virtute & sapientia suavis adesse.*

Tertium. Substantia Dei est divisibilis, ac proinde non est tota in re qualibet minima, sed secundum aliquam sui partem. Ita Vorstius ibidem: *Videtur, inquit, esse paradoxum, Deum sic omnis quantitatis expertum esse, ut totus substantialiter sit in re qualibet, etiam minima.* Eodem modo loquitur de anima rationali, quam ait esse corpoream, & vera quantitate præditam.

Quartum. Deus prædestinat homines ad æternam damnationem, sine vlla ipsorum culpa, solum, quia ipsi ita placet. Ita Calvinus lib. 3. Instit. cap. 23. §. 2. *Homines nudo Dei arbitrio, citra proprium meritum, in æternam mortem prædestinantur.*

Quintum. Deus est author peccati. Ita Calvinus lib. 1. Instit. c. 18. §. 3. *Iam satis aperte ostendi, Deum rectorum omnium autorem, quæ isti censores volunt otioso tantum eius permisso contingere.* Et infra §. 4. *Homo Dei impulsu agit, quod sibi non licet, id est, homo impellitur à Deo ad peccandum.*

Sexum. Deus miserè illudit hominibus, simulans se velle illos iuvare, cum tamen nihil minus velit. Ita, Calvinus lib. 3. c. 24. §. 13. *Ecce, vocem ad eos dirigit, sed ut magis absurdescent: lumen accendit, sed quæ magis obstupescant: remedium adhibet, sed mori faciunt.*

Septimum. Christus non est in Eucharistia, sed tantum in cælo. Ita Calvinus in consensione cum Tigrinino in re Sacramentaria: *Christus, quatenus homo, non alibi, quam in cælo querendus est.* Proinde qui in solennibus eam verbis, *Hoc est corpus meum, Hic est sanguis meus, li-* teralem sensum urgent, eos tanquam præposteros interpretes repudiamus.

Octavum. Imago Christi crucifixi nullo modo in Templis toleranda est, omnesque, qui eam tolerant, sunt idololatæ, non minus, quam Gentiles, qui imagines bestiarum colunt. Ita David Paræus in Commentario c. 1. Epistolæ ad Romanos. *Mutans, inquit, gloriam Dei, & idololatæ sunt, non solum Gentiles, qui vel homines, boues, volucres, serpentes, Solem, Lunam, stellas, herbas, fortunam, vel harum rerum imagines pro Deo colunt; sed etiam inter Christianos, omnes illi, qui imaginem Christi crucifixi in templis, ad præsentandum Christum, & ad docendum rudiores de Christo tuentur.*

Nonum. Sancti, qui dicuntur cum Christo regnare, sunt larvæ, bestię, carnifices. Ita Calvinus lib. 3. c. 20. §. 27. *Inde colligimus, nihil eos Christo reliquum facere, qui pro nihilo ducunt eius intercessionem, nisi accedant Georgius, & Hippolytus, aut singiles larvæ.* Et in libro de ratione reformandę Ecclesię: *Omisso Dominico, & similes carnifices. Omisso Medardo, Lubino, & similes bestias.*

Decimum. Peccatum originale non tollitur per Baptismum, sed in nobis manet, quamdiu vivimus. Ita Calvinus lib. 4. c. 15. §. 10. *Iam perspicuum est, quam falsum sit, per Baptismum solui nos, & eximi ab originali peccato.* Et in Antidoto Concilij Tridentini, Sess. 5. *Manet vere peccatum in nobis, neque per Baptismum exstinguitur.*

Undecimum. Omnia iustorum opera sunt sordes, inquinamenta, & peccata mortalia; neque vitam promerentur, sed æternam damnationem. Ita Calvinus lib. 3. c. 12. §. 4. *Omnia hominum opera nihil sunt: nisi inquinamenta & sordes; & quæ iusticiæ vulgo habetur, ea apud Deum mera est iniquitas.* Et c. 14. §. 9. *Habemus, ne unum à sanctis exire opus, quod non mereatur iustum opprobrij mercedem.* Et §. 12. *Quibus his fortiter insistendum, nullum unquam extitisse pii hominis opus, quod si severo Dei iudicio examinetur, non esset damnabile.* Et in Antidoto Concilij Tridentini Sess. 6. c. 22. *Inde conficitur, non esse tantopere exagrandos, qui dixerunt, qualibet bona opera, si exaltor rigore censeantur, æterna pœnis damnatione, quam vitæ premio digna esse.*

Duodecimum. Lex Dei est omnino impossibilis observatu, nec ab ullo, quantumvis sancto, hætenus servata est, aut deinceps servari poterit. Ita Calvinus lib. 2. cap. 7. §. 3. *Quod autem impossibile legis observandam diximus, id explicandum & confirmandum est.* Et in Antidoto Concilij Tridentini Sess. 6. c. 12. *Mihi abunde sufficit, neminem extitisse unquam, qui legi Dei satis fecerit, nec ullum posse inveniri.* Et ibidem addit: *Prophetas, Patriarchas & pios Reges, utique spiritu Dei adiunxerunt, ferendo legis iugo pares non fuisse.*

Decimumtertium. Fides ac sanctitas est propria Electorum, & semel habitata amitti non potest. Ita Calvinus lib. 3. c. 2. §. 11. *Ergo ut solos electos semine incorruptibili Deus in perpetuum regenerat, ut nunquam dispareat semen vitæ, eorum cordibus insitum, ita fidem in ipsis obfirmat adoptionis suę gratiam, ut stabilis ac rata sit.* Et §. 12. *Hoc interim tenendum est, quantumvis exigua ac debilis sit in electis fides, nunquam ex eorum cordibus deleri posse eius sculpturam.* Et c. 21. §. 6. *Iam neque dubium est, cum vocat Christus pro omnibus electis, quoniam illis preceatur, quod Petro, ut nunquam deficiat fides illorum. Ex quo elicimus, extra periculum deflectionis esse.*

Decimumquartum. Omnes filij fidelium ex utero materno nascuntur sancti & hæredes vitæ æternæ, ac proinde salvari possunt sine Baptismo. Ita Calvinus lib. 4. cap. 6. §. 24. *Infans à matris utero in fœdere, id est, promissione vitæ æternæ, continetur.* Et in Antidoto Concilij Tridentini Sess. 6. c. 5. *Verum infantes à regno Dei ærelibant: qui ante erepti sunt ex hac vitæ, quam offerri ad baptismum potuerint. Quasi vero de nihilo dictum sit, eos nasci sanctos, qui ex fidelibus nascuntur.*

Decimumquintum. Omnes filij illegitimi æternę damnationi obnoxij sunt, nec ad baptismum admittendi. Ita Calvinus in Synodo Vilenſi, anno 1589. die 22. Martij, ubi decretum est, ne quis parvulos illegitimè natos baptizare audeat, ut refert Adrianus Iungius lib. 3. de doctr. & moribus Evangelicorum. c. 17. Et in Palatinatu, anno 1587. articuli quidam Calvinisticę reformationis disseminati sunt, quorum secundus habebat hæc verba: *Infantes, qui ex illegitimo thoro nascuntur, æternę prodicioni ac damnationi obnoxij sunt: nec per Baptismum iuvantur possunt.*

Opusc. Bec.

A **Decimumsextum.** Peccata Prædestinatorum nunquam impunguntur; reproborum nunquam remittuntur. Ita Calvinus: & quidem priorem partem tradidit lib. 3. c. 4. §. 18. *Fidelium peccata venialia sunt, non quia mortem non mereantur, sed quia non imputantur.* Posteriores verò, lib. 4. cap. 1. §. 20. & 21. ubi docet, nullum peccatum remitti, nisi in Ecclesia. At reprobi, secundum Calvinum, in Ecclesia non sunt. Nullum ergo peccatum illis remitti potest.

Hæc & similia Calvinistarum dogmata non potest mihi ostendere in Evangelio. Concludo igitur, doctrinam Calvinistarum Evangelio conformem esse non posse.

Mores Calvinistarum.

4. Venio ad mores Calvinistarum. An illi conformes sint Evangelio, videndum est. Eos luculenter describit serenissimus Britannię Rex Iacobus, cuius tui authoritatē respuere non debes, quippe cum afferas, *Principem esse, qui pietatis, doctrinæ, omnisque virtutis laude nulli secundus sit.* Is igitur in sua præfatione monitoria ad Imperatorem, Reges & Principes, ita sentit de Calvinistis. *Primo, esse homines furiosos & incendiarios. Secundo, plus se fidei reperisse in efferis latronibus, quam in Calvinistis. Tertio, se non solum à natiuitate continū vexatum fuisse à Calvinistis, sed etiam in utero materno propemodum extinctum, antequam nasceretur. Quarto, se in suo libro ad Filium, multo acrius ac vehementius in Calvinistas, quam in Pontificios inuectum esse. Denique, se eidem libro prolixam in odium Calvinistarum Præfationem apologeticam præfixisse.*

5. Et ne dubites, Bataue, verba Regis integrè hic ascribam. Sic igitur habet: *Exclusis Puritanis, no vitis incendiariis. Et iterum: Præclara sane laus, præclarum encomium, quo Puritanos ornavi, cum me plus fidei, vel in illis efferis, cum montanis, tum limis ante latronibus, quam in hoc genere hominum inuenisse professus sim. Et rursum: Ego à Puritanis, non solum à natiuitate continū vexatus fui; verum etiam in ipso matris utero propemodum extinctus, antequam in lucem editus essem. Et ibidem: Ego in meo ad Filium libro, multo acrius ac vehementius in Puritanos, quam in Pontificios inuectus sum. Cui etiam, cum secundo ederet, prolixam in odium Puritanorum præfationem Apologeticam præposui. Et denique: Mihi præcipuus labor fuit, deiectos Episcopos restituere, & Puritanorum Anarchiam expugnare.*

6. Hæc & similia habet Rex de Calvinistis, quod ipse Puritanos vocat. An tu putas Bataue, evangelicis ea condennare? Et, ut clarius dicam, an putas verè evangelicos esse, quos Rex Britannię, qui pietatis, doctrinæ, omnisque virtutis laude, nulli secundus est, tam graviter infestatur? quos latronibus deteriores esse affirmat quos maiori odio, quam Pontificios, quos tū Antichristianos vocas persequitur, quos tentari regicidij reos agit quorum Anarchiam expugnavit. Non est verisimile. Alterutrum igitur necesse est, aut te toto cælo errare, qui Calvinistas xis esse verè Evangelicos, aut Regem Britannię mendacem esse; qui tam enormis criminis Calvinistas obicit. Nam utrumque simul consistere non potest, ut & verè Evangelici sint, & præterea iis flagitijs obnoxij, de quibus à Rege accusantur. Si tū erras, Bataue, agnosce errorem: Si Rex mendax est, non minus tu mendax es, qui dicis in omni virtute, nulli secundum esse. Hic non effugies.

Privilegia Calvinistarum.

7. Iam Privilegia Calvinistarum, quæ nuper in libello quodam seorsim à me edita & explicata sunt, non magis conformia sunt Evangelio, quàm mores ipsorum. Repetam ea brevissimè. Sic igitur habent. 1. Omnes Calvinistæ ex utero materno nascuntur sancti, & hæredes vitæ æternæ, ideòque nec Baptismo, nec aliis sacramentis indigent. 2. Omnes sunt Sacerdotes, & quotidie offerunt Deo mundam & acceptabilem hostiam in odorem suavitatis. 3. Omnes certi ac securi sunt de sua iustitia, sanctitate, persequerantia, prædestinatione, & vitæ æternæ: ideòque certi ac securi, quicquid tandem eveniat, perire se non possent. 4. Omnes per internam Spiritus sancti suggestionem, norunt discernere inter Scripturas canonicas & non canonicas. 5. Tametsi omnes antiqui Patres erraverint, Calvinistæ tamen non errant: quia non ab hominibus sed à Deo docti sunt, qui errare non potest. 6. Habent propriam ac peculiarem doctrinam è cælo nullam, quam alij Christiani hoc tempore non habent. 7. In ea defendenda possunt contrarias ac pugnantis sententias sequi, cum lubet: & eandem nunc affirmare, mox negare. 8. Habent etiam proprium ac peculiare Purgatorium post hanc vitam. 9. etiam si quotidie quocumque peccent, & flagitiose vivant, tamen peccata ipsis non imputantur. 10. Possunt igitur impunè mentiri & calumniari, suumque Evangelium hoc modo propagare, & Catholicorum vitam ac doctrinam traducere. 11. Possunt etiam, non modo aduersarios, sed se mutuo quoque conuitiis ac maledictis infestari, sine ullo salutis aut sanctitatis dispendio. 12. Possunt denique suos Reges ac Principes sæculares deponere, expellere, occidere, cum ipsis visum est. 13. Et quod omnium maximum est, nulli lege, nec diuina nec humana, obligati sunt, sed ab omni iugo & subiectione liberi ac immunes.

8. Hæc sunt Privilegia Calvinistarum. Quod autem Evangelio conformia non sint, clare à me demonstratum est in libello iam citato. Igitur ex dictis sic concludo, Qui eos dicit verè Evangelicos, quorum neque doctrina, neque mores, neque privilegia, Evangelio conformia sunt, is multum aberrat à veritate: sed tu, Bataue, Calvinistas dicis verè Evangelicos, cum tamen neque doctrina, neque mores, neque privilegia eorum sint conformia Evangelio: Ergo multum aberras à veritate.

QVÆSTIO II.

An etiam Lutherani sint Evangelici.

1. **T**V similiter affirmas: Et utrosque, tam Lutheranos, quàm Calvinistas, Evangelicorum nomine censesti vis. Sed vnum dilemma tibi obiticio, quod & alijs obieci me memini. Est autem hoc. Vel ab eodem Evangelio dicuntur Evangelici, vel à diuersis. Ab eodem dici non possunt, quia Lutherani ex suo Evangelio docent Christum realiter præsentem esse in Eucharistia, quod Calvinistæ negant. At in vno eodemque Evangelio id non affirmatur & negatur. Non ergo ab vno Evangelio Lutherani & Calvinistæ dicti sunt Evangelici. Si autem à duobus necesse est duo contraria esse Evangelia, quorum altero asseratur præsentia Christi in eucharistia, altero negetur. Si

A contraria sunt, utrumque à Deo esse non potest. Vel ergo Lutherani, vel ceteri Calvinistæ à Deo non sunt,

I. Responsum Batavi.

1. Tria respondes ad hoc dilemma. Primum dicis, me astutè & nequiter committere inter se Lutheranos & Calvinistas, eo fine, ut ipsi se mutuo conficiant, nobis interim iucundè spectantibus. Non ita est, Bataue. Ipsi iam pridem, antequam natus essem, mutuis odiis ac iniuriis lacessiti, bellum inter se concieverunt. Neque tu hoc ignoras. Annon Lutherus in colloquijs mentalibus, cum de concordia inter Lutheranos & Sacramentarios (seu Calvinistas) sermo incidisset, ingenuè fassus est, non aliam, quàm quæ inter Christum & Iudam intercessit: sperari posse? Et si quæ tandem ineunda esset, non in Dei, sed in omnium diabolorum nomine iniuri oportere? An non ibidem dilertè dixit, Sacramentarios esse diabolos incorporatos, quorum studium ac conatus eò potissimum spectet, ut nocere alijs possint? Scis, quæ postea secuta sunt. In Conuentu Maulbrunensi, anno 1564. audæ sunt inimicitia inter Lutheranos & Calvinistas. Claudiopoli, anno 1586. in mutua odia iuratum est. In celeberrimo Möpfigardensi Colloquio qui Principe sectarum, Iacobus Andrea & Theodorus Beza interfuerunt, penitus de concordia desperatum. Nec quicquam crebrius ibi, quàm hæc, vel similes voces audita sunt: *Perturbamur conscientia nostra, si vobis assentiremur.* Item: *Pacem non possumus cum perturbatore conscientiarum redimere.* Item, *Inter partes conuenire non potest.* Item: *Tam acerbè utriusque hæc pugnatum est, ut facile appareat, animos ex utraque parte valde exulceratos esse.* Item: *Non possumus per omnia consentire.* Denique, ut multa talia præteream finis Colloquij fuit hic: *Quia, inquit Beza, dexteras fraternitatis nobis porrigere recusatis, & nos pro fratribus agnoscere non vultis; amicitia dexteras etiam nolo.* Cui Iacobus; *Ergo intermittatur.* et sanè intermillum est. Imò creuerunt odia. Nam interea Philippus Nicolai, Thilmanus Heshusius, Conradus Schindenburgius, & multi alij Lutherani præsertim Gifenses & Tubingenses, palam testati sunt, Calvinistas esse hæreticos, & eorum doctrinam esse sacrilegam, execrandam, abominandam, diabolicam.

3. Vides, Bataue, quàm antiquum & pertinax sit odium inter Lutheranos & Calvinistas. Ergo dupliciter hic peccas. Primum, quod utrosque verè Evangelicos esse affirmas. An verè Evangelici sunt, qui se mutuo ut hæreticos & blasphemos detestantur? *Non est dissensionis Deus, sed pacis.* Secundò, quod me, quasi authorem aut incentorem dissidij, quod inter ipsos est, insimules: ego nec author, nec incentor sum, sed spiritus dissidentia, qui in ipsis operatur. Malim utroque ad unitatem ecclesiæ, ex qua egressi sunt, pariter redire. Et illud Apostoli ex animo illis opto, Ephel. 4. 5. *Vnus Dominus, una fides, unum baptisma.* etc. Cor. 10. *Obsecro vos fratres, ut id ipsum dicatis omnes, & non sint in vobis schismata.* Sed videamus reliqua tua responsa.

II. Responsum Batavi.

4. Secundò igitur respondes, Lutheranos & Calvinistas idè esse verè Evangelicos, quia utrique *unum idè quo Christi Evangelium pro integro salutaris doctrina fundamènto habent.* ac hoc confirmas ab effectu, quia Papa Romæ & alibi utrosque, propter idem Evangelium, eodem ligno ustulari facis. Acutè sanè. Sed dic obsecro, quid per vnum idè quo Christi Evangelium intel-

ligis? an vnâ eandemque litteram Euangelij? an vnum eandemque sensum Euangelij? Si hoc solum dicis, vtrosque habere vnâ eandemque litteram, seu externum corticem Euangelij; nihil ad rem dicis. Nam sic etiam Ariani, Macedoniani, Pelagiani, Donatistæ, & alij hæretici habent idem Euangelium. Omnes enim agnoscunt eandem litteram Euangelij. Si autem vis, Lutheranos & Calvinistas habere eundem sensum Euangelij, apertè erras. Nam alio sensu Lutherani, alio Calvinistæ, explicant illud in Euangelio; *Hoc est corpus meum, Hic est sanguis meus.* Itemque illud; *Nisi quia renatus fueris ex aqua & Spiritu sancto, non potest intrare in regnum Dei.* Non ergo vtrique vocari possunt Euangelici, ab eodem sensu Euangelij. Quare si Lutherani sunt veri euangelici, quoad sensum necesse est Calvinistas esse falsos Euangelicos, quoad sensum: Aut si hi veri sunt illos falsos esse, necesse est. Vtrique simul veri esse non possunt.

5. Quod addis, vtrosque propter idem Euangelium eodem ligno vstulari, seu, eodem modo puniri apud Catholicos, partim verum, partim falsum est. Vtrique puniuntur, non propter Euangelium, sed propter hæresin: Et eodem modo puniuntur, quia tametsi non eandem sectentur hæresin, ab eadem tamen fide & Ecclesia defecerunt. Neque hoc nouum videri debet. An nescis Principes sæculares eodem sæpè patibulo suffigere eos, qui diuersa flagitia perpetrarunt? An nescis Arianos, Donatistas, Manichæos, Pelagianos, qui per diuersas semitas ab eadem Ecclesia digressi sunt, eodem igne vstulari apud inferos? Nihil certius!

III. Responsum Batani.

6. Tertio respondes, Lutheranos & Calvinistas, tametsi in quibusdam minoris momenti questionibus, vel, vt Rex Angliæ loquitur, in quibusdam apicibus dissentiant; tamen in *fundamentalibus*, vt tu loqueris, minime discrepare. Hoc sine dubio vis dicere, tametsi dissentiant in rebus quibusdam adiaphoris, quæ parum vel nihil ad rem faciunt, conuenire tamen in iis fidei Christianæ capitibus, ex quibus salus nostra pendet. Falsum est. Nec ipsi Lutherani, de quibus agitur, hoc fatebuntur. Si enim putarent Calvinistas in rebus tantum adiaphoris à se discrepare, cur hætenus tam acerbo & pertinaci odio eos persecuti essent, cur in Colloquio Mompelgardensi dixissent palam, se non posse sine *perturbatione cōscientiarum* cum Calvinistis cōsentire, cur in eodem Colloquio appellassent eos *blasphemos, impios, Samosatēnos, Nestorianos, & Nestorianis deteriores*; cur ibidem obiecissent, Calvinistarum doctrinam alicubi eandem planè esse cum *Turcico Alcorano*. Hæc perpende, Bataue. Et vt punctum tecum agam, an tu putas res adiaphoras & parui momenti esse, cum disputatur de auctore peccati; de prædestinatione ad vitam & mortem, de necessitate baptismi, de Sacramento Eucharistiæ, de Persona Christi Saluatoris, & similibus fidei Christianæ capitibus, Et tamen in his dissentiant Lutherani & Calvinistæ.

7. Dicam clariùs. An putas parui momenti esse, quod Calvinistæ aiunt, infantes fidelium saluari sine baptismo, spurios seu illegitimos, etiam post baptismum, damnari certos homines, & quidem plerisque, citra vllam suam culpam, ita prædestinatos esse ad mortem: vt nulla ope, vel propria, vel aliena, iuuari queant: Certè, de summa rerum, hic agitur. Et tamen hic dissentiant ab illis Lutherani. Negant infantes saluari sine baptismo; negant spurios damnari post baptismum: negant certos homines ita prædestinatos esse ad interitum, vt, velint nolint, perire debeant. f

Opusc. Boc.

A nunc & persuade populo, res adiaphoras esse, de quibus illi contendunt.

8. Sic igitur concludo; Illi non possunt simul esse Euangelici, qui in grauissimis Euangelij dogmatibus dissentiant, & quorum alij alios vocant hæreticos, blasphemos, impios, Samosatēnos, Nestorianos. Nestorianis deteriores, & Turcici Alcorani sectatores: Atqui Lutherani & Calvinistæ dissentiant in grauissimis euangelij dogmatibus, & Lutherani Calvinistas vocant hæreticos, blasphemos, impios, Samosatēnos, Nestorianos, Nestorianis deteriores, & Alcorani Turcici sectatores: Ergo Lutherani & Calvinistæ non possunt simul esse Euangelici.

QUESTIO III.

An Batauus noster sit Euangelicus?

1. **N**unc de te agitur, Bataue. Et questio est. *An Euangelicus sis, nec ne?* Tu non modo affirmas, sed etiam sic probas; Ille est Euangelicus, cuius doctrina & mores Euangelio conformes sunt, sed doctrina & mores Bataui euangelio conformes sunt: Ergo Batauus Euangelicus est. Verba tua sunt hæc: *Ex dictis facile concludes Batauum, cum doctrina & moribus, secundum gratiam Dei in Christo, Euangelio conformes sint, merito Euangelicum esse.*

2. Sed duo obstant in contrarium. Alterum est, quod alibi dicas neminem nisi amentem, de seipso testimonium perhibere posse. Sic enim scribis pa. 43. *Denique cum vosmetipsi vos Catholicos appelletis, omnes facile videns, vestripiter vosmetipsos & alios fallere: Quis enim ita amentis est, quin sciat satis, quod nemo de seipso testimonium perhibere possit?* Quasi dicas; Quicumque perhibet testimonium de seipso, non modo amentis est, sed etiam turpiter seipsum & alios fallit: At Pontificij, cum se Catholicos appellant perhibent testimonium de seipsis: Ergo non modo amentes sunt, sed etiam turpiter seipsos & alios fallunt. Non vides in tuum caput retorqueri hoc posse? Audi. Quicumque perhibet testimonium de seipso, non modo amentis est, sed etiam turpiter seipsum, & alios fallit: At tu Bataue, cum diciste doctrina & moribus euangelicum esse; perhibes testimonium de teipso: Ergo non modo amentis es, sed etiam turpiter teipsum & alios fallis. En, tuote gladio iugulasti. Ecce illud ex Euangelio in te quadrat, Lucæ 29. 22. *De ore tuo iudico te, serue nequam.*

3. Alterum est, quod nihil in tua doctrina & moribus reperiri possit, quod Euangelio conforme sit; multa quæ difformia sint. Capita tuæ doctrinæ, quæ hætenus videre potui, sic habent. 1. Pontificij sunt Antichristiani. 2. Rex Hispaniæ est notorius hæreticus. 3. Hollandi non debent inire pacem cum Rege Hispaniæ. 4. In Concilio Tridentino, Lateranensi & Constantiensi expressè definitum est; fidem Hæreticis seruandam non esse. 5. Catholici sunt Turcis deteriores. 6. Non seruant fidē datam. 7. Lutherani & Calvinistæ sunt euangelici. 8. Nec inter se dissentiunt, nisi in rebus adiaphoris. 9. Non peccat contra Euangelium, qui inimico suo dicit, *Falsus*. 10. Augustinus, Bellarminus & multi alij Catholici consentiunt cum Caluino in materia de prædestinatione ad mortem. Hæc, & similia puncta, quæ passim occurrunt in tuis libellis, nou facile ostendes in Euangelio.

4. Porro, mores tui tantum distant ab Euangelio, quantum à celo terra. Perpetuè eruntas mendacia, cōiugia, lupanaria, meretricia, quæ parum Euangelica sunt. At cum in euangelio scriptum sit, *Diligite inimicos*

V u ij

tu contra facis. Vbi que iracundè ac furiosè deb accharis in alios. Romanum Pontificem appellas *Draconem*, *Antichristum*, *scortatorem*, Reges & Principes Catholicos, *Amichristianos*, & idololatrias: Regem Hispaniæ, *raptores* & *notorium hereticum*: Archiduces Austriæ, *perfidios*: Ducem Sabaudia, *crudelium* & *perfidum*: Sigismundum Poloniæ Regem, *non dissimilem*: Cardinalem Bellarminum, cuius modestia & integritas etiam hosti nota est, *ardelionem* & *archiscorram*, Suntne hæc Bataue, conformia Evangelio? Non opinor. Evangelium dicit, *Qui dixerit fratri suo, fatue, reus erit gehenne ignis*. Et tu vis esse euangelicus, qui multo atrociora conuitia in alios dispumas? Aliter Apostolus. Rom. 12. 14. *Benedicite persequentibus vos, benedicite, & nolite maledicere. Nulli malum pro malo reddentes*. Et infra, *Si esurierit inimicus tuus, ciba illum*.

vitæ ac sanguini Regum insidiantur, & latronibus deteriores sunt. Tu longè aliter. Ais Calvinistas esse verè Evangelicos. Et tamen calumniam interpretaris, quod te Calvinistam, id est, verè Evangelicum appellatim. Quis non stupeat? Conferamus nunc Regis prudentiam cum tua. Rex sic argumentatur: Ille perperam facit, qui virum bonum recenset inter eos, qui latronibus deteriores sunt: At quidam author recenset Regem Angliæ inter Calvinistas, qui latronibus deteriores sunt: Ergo perperam facit. Tu sic, Bataue: Ille calumniator est, qui bonum virum recenset inter eos, qui verè Evangelici sunt: At Becanus recenset Batauum inter Calvinistas, qui verè Evangelici sunt: ergo Becanus calumniator est. Iudicet orbis Christianus.

QVÆSTIO IV.

An Batauus sit Calvinista?

1. **H**ætenuſ Calvinistam te appellavi, ut scis, Bataue. Nec sine causa. Sic enim mecum ratiocinabar: Batauus nec Iudæus est, nec Turca, nec Gentilis: sed Christianus. Porro, inter Christianos, quatuor ferè hominum genera sunt. 1. Catholici seu Pontificij. 2. Lutherani. 3. Calvinistæ. 4. Anabaptistæ. At Batauus, nec Pontificius est, nec Lutheranus, nec Anabaptista: Ergo Calvinistam esse, verisimile est. Nec alij aliter sentiunt. Nam & assidue versaris inter Calvinistas, & eos verè Evangelicos esse contendis, & non ita pridem, eorum doctrinam & Aphorismos defendere conatus es.

2. Nihilominus, quod valde miror, ægrè fers, quod Calvinistam te esse dixerim. Imò, calumniam & mendacium interpretaris. Sic enim scribis, pag. 16. *Inter prima calumniarum tuarum, Becane, capita referam, quod fœderatorum defensorem, Calvinistam appellares*. Et paulo post, *Initio ergo hic, Becane, cum Batauum Calvinistam dicis, te primi parentis tui spiritus ductum, impudentissimè memini, ipse vides*. Quis non suspicetur, si hæc legat, te extreme Calvinistas execrari? te probri & ignominia loco ducere, inter Calvinistas recenseri? Quid hoc rei est? Tu ne probum putas, recenseri inter Evangelicos, inter reformatos, inter viros bonos, qui ab utero materno sancti sunt? Non capio hoc mysterium.

3. Dic paucis. Vel idem sectaris in doctrina & moribus, quod Calvinistæ, vel diuersum. Si idem Calvinista es. Si diuersum euangelicus non es. Priorem sequelam sic probo. Ille, & doctrina & moribus, Calvinista est, qui in doctrina & moribus sectatur idem, quod Calvinistæ: Ergo si tu in doctrina & moribus sectaris idem, quod Calvinistæ; sine dubio & doctrina & moribus Calvinista es. Posteriores sic probo. Ille, nec doctrina, nec moribus Evangelicus est, qui in doctrina & moribus sectatur diuersum ab Evangelicis: Ergo si tu in doctrina & moribus sectaris diuersum à Calvinistis, qui tuo iudicio Evangelici sunt, nec doctrina nec moribus, Evangelicus esse potes.

4. Hic planè constrictus es. Et quomodo in hinc foueam incidisti? Facile coniciam. Scripserat quidam author Regem Angliæ Calvinistam, seu Puritanum esse. Egerrimè id tulit Rex. Tu Regem imitari voluisti. An non pari prudentia. Nam Rex, non modo Calvinistam se esse, negauit, sed & causam attulit, cur Calvinista esse non velit. Nimirum, quia Calvinistæ,

QVÆSTIO V.

Cur Batauus nomen suum non expresserit?

1. **A**liquot iam libellos scripsisti, Bataue, qui annis superioribus, non palam, sed occultè inter Evangelicos tuos sparsi sunt. In iis, aut *Batauum Christianum* & *Euangelicum*, aut *fœderatorum inferioris Germaniæ defensorem* te appellas. At aliud tibi nomen est, quod vbi que dissimulas. Quid causæ? Hic aliud ego, aliud Bataui tui sentiunt. Mea sententia est, idè te id facere, ut securius mentiri & calumniari possis. Non frustra dictum est in Evangelio, Ioan. 3. 20. *Qui male agit, odit lucem, ut non arguantur opera eius*. Et apud Apostolum 1. Thes. 5. 7. *Qui ebrii sunt, nolite ebrii fieri*. Et sane, si vir bonus esses, non pueret te tui nominis. Candidè ac rotundè fatereris te esse, qui es. Nunc, cum secus facias, quis te meritò suspectum non habeat? cum lucem fugias, quis tenebrionem non interprete-

2. Sic ego sentio. At aliter tui Bataui, ut dixi. Aiunt, de nomine familiæ, pridem tibi litem intentatam esse. Verum id, an falsum sit, non disputo. Nec mea interest, iure, an iniuria, ex illustri familia titulum tibi vendices, impurius, an legitimus sis. Hoc suadeo, si dolo irrepsisti, caue, ne Scioppius aduertat. Aliàs, idem tibi euenturum est, quod Burdoni accidit. Si spurius es, Calvinistæ id nesciant. Nam illi, suo decreto, quotquot illegitimo thoro nati sunt, æternæ damnationi transcribunt. Facile intelligis, quid velim. Quod tamen secreto inter nos dictum sit.

QVÆSTIO VI.

Cur Batauiscam iracundè agas?

1. **Q**uam iracundè & furiosè te geras in tua Apologia, facile constat ex iis, quæ initio à me allata sunt. Et clarius constabit Lectori, si contextum Apologiæ tuæ inspiciat. Sed quæ huius furoris ac insanie causa? Non difficilis coniectura est. Scripseram in meis Quæstionibus Miscellaneis, de fide hæreticis seruanda, in hunc modum; *Batauus, ex bello Belgico, quod inter Catholicum Regem Hispaniæ, & Fœderatos Ordines, tot amisgeritur, non exiguum quaestum facit. Et quia nunc de pace agitur, omnibus modis eam turbare vult, ne quaestum, cessante bello, maxè amittat: Ergo passim incendat, pacem cum Catholicis nullo modo iniri posse, eo quod ipsi Fœderatos habeant pro hæreticis, & dicant, fidem hæreticis*

Latam minime seruandam esse. Futurum ergo, ut ipsi iam non seruent. Potius igitur in bello persistendum, ut venter Batani huius sustentari possit.

2. Nimirum, hæc verba pupugerunt te, Bataue. Sed tamen vera fuisse euentus docet. Nam paulò post, inita pace inter Regem Hispaniæ & Fœderatos Ordines, cum iam pabulum, quod ex bello dabatur, subtrahum tibi esset, cœpisti esurire, & initar famelici canis, cui ossa erepta sunt, insanos latratus edere. Hinc illi furiosi & iracundi iambi, quibus me & alios Pontificios, in tota Apologia, tam potenter insectaris. Et valde metuo, ne quotidie maior rabies te inuadat. Quid enim speres subsidij cessante bello? *Fodere non uales, mendicare erubescis.* Et quod bellum sperare potes, ex quo quæstum facias? Nisi fortè Mauris persuadeas, ut reductis copiis, Hispaniæ regna, ex quibus nuper eiekti sunt, recuperatum eant, aut Afris, ut firmissimum Hollandorum perfugium, quod in potestatem Philippi Regis redactum est nouo bello adoriantur: quæ certè Moschis, ut Moscouiam suam, quæ à Sigismundo Poloniæ Rege occupata est, suo iure restituant. Sed sinamus hæc, ne lacrymas tibi excutiant.

QVÆSTIO VII.

An Pontifex sit Antichristus?

1. **P**rimum, pro tua modestia, ais Pontificem esse Meretricem Babylonicam, Draconem Romanum, Depastorem Catholicum, Iouem Capitolinum, scortatorem, hæreticum, blasphemum, tyrannum, & quæ eius generis similia sunt. Deinde, duplici syllogismo probas Antichristum esse. Prior est. *Ille est verus Antichristus, quem sacra littera salam esse demonstrant: atqui sacra littera demonstrant Pontificem Romanum esse verum Antichristum: Ergo Pontifex Romanus est verus Antichristus.* Minorem probas altero syllogismo, qui est talis: *Cuiusque competunt omnes notæ offensuales, quibus verus Antichristus in sacris litteris designatur, is verus Antichristus est: Atqui notæ omnes offensuales, quibus verus Antichristus in sacris litteris designatur, competunt Pontifici Romano: Ergo Pontifex Romanus est Antichristus.* In sacris autem litteris hæ notæ Antichristo tribuntur, nimirum, quod sit mysterium iniquitatis, homo peccati, filius perditionis, Pastor, & Rex vniuersalis, regnum exercens, sese opponens & offerens aduersus quicquid dicitur Deus habens regnum super Reges, sedens in templo Dei super septem montes, præ se ferens se esse Deum: cuius iniquitatis mysterium quidem tempore D. Pauli agi capium, sed apertè dominatum suum exercere capis collabente Romani Imperij dignitate: spirituale & civile gladium usurpans, (omitte similia, quæ sequuntur) Atqui hæ omnes & singulæ notæ competunt Pontifici Romano. Ergo Pontifex Romanus verus Antichristus est.

2. Hi tui syllogismi sunt, Bataue. Sed quid tuos dico? Tui non sunt. Nam posteriorem, quantus est, propè ad verbum suffuratus es ex Gabriele Pouelo Baccalaureo Oxoniensi. Vnde priorem habeas, nescio. Verisimile est, ab aliquo Professore Heidelbergensi dictatum esse. Tu certè, quia neutrius vim percipis, vtrumque coniunxisti, ut chartam impleres. Alioqui, si rem spectes, alter ab altero nihil differt. Nam prior sic habet, *Ille est verus Antichristus, quem sacra littera salam esse demonstrant.* Posterior sic; *Ille est verus Antichristus, cui competunt notæ, quibus sacra littera designant verum Antichristum.* Planè, idem vtriusque Opusc. Bec.

A sensus est, tametsi verba nonnihil discrepent. Tu tamen, quod alter in Germania, alter in Anglia procusatus sit, vtrique scorsim peculiarem vim inesse, pueriliter arbitratus es. Sed facile condono tibi hunc lapsum, quia caudicum non Theologum agis.

3. Ad maiora venio. In posteriori syllogismo, duo præstanda tibi sunt. Alterum, ut doceas, illis notis, quas ex Pouelo transcripsisti, Antichristum in Scriptura designari. Alterum, quod rei caput est, ut easdem notas Pontifici Romano ostendas conuenire. Vtrumque facturum te promittis, neutrum præstas. Nam de priori sic scribis: *Hæ notæ ad calcem huius libelli, in synopsis, collatione cum veris notis Christi & testimoniis Scriptorum Pontificiorum facta, demonstrabuntur.*

B At synopsis illa non reperitur ad calcem libelli. Suspitor nondum confectam esse ab eo, cui commiseras. Virge hominem, ut fidem tuam liberes. De posteriori, quod maximè in controuersiam venit, sic oscitanter tubnectis: *Quod autem hæc ita sint (id est, quod omnes hæ notæ conueniant Pontifici) res ipsa, & quamplurimi probatissimi authores Christiani & orthodoxi, iam perspicue demonstrarunt, ut nullus, nisi qui amorem veritatis non receperunt, & caca obedientia, ut baculi vel cadauera feruntur, de his dubitare possit.* Quid hoc est, Bataue? Initio promittebas te (te, inquam, non alios) id demonstraturum. Nunc, cum ad rem venit, in fugam te coniciis. Alij, inquis, probatissimi authores demonstrarunt. At tuum erat demonstrare. Cur fidem non seruas? Nimirum aduertis, quæ à probatissimis illi a authoribus allata sunt, pridem à nostris refutata esse. C Et plerisque mendacij conuictos. Nec tamen aliud occurrit, quo rem tam difficilem perficias. Gaudeo sanè, & tuo, & meo nomine. Tuo, quod tam dextè, scilicet pugnam declinaueris. Meo, quod non necesse sit, hic hære. Nihil enim à te allatum est, quod responsione indigeat.

4. Sed tamen, duo te monitum velim. Vnum, ut posthac non plus oneris suscipias, quam ferre possis. Alterum, ut in scribendo sis cautior. Nam parum consideratè scripsisti, neminem posse dubitare, quin Papa sit Antichristus, nisi qui amorem veritatis non receperunt, & caca obedientia, ut baculi vel cadauera feruntur. Hoc addo, propter Serenissimos Reges & Principes, qui vel negant, Papam esse Antichristum, vel certè dubitant. Negant Imperator Rodolphus, Reges Galliarum, Hispaniarum, Poloniarum, Hungariarum, Archiduces Austriarum, Duces Lotharingiarum & Bavariarum, Principes Electores, Moguntinus, Treuicentis, Coloniensis, & plurimi alij. Dubitat Rex Angliarum in sua Monitoria Præfatione. An tu ergo censes, hos Reges & Principes non recipere amorem veritatis, aut esse, velut baculos & cadauera, qui nihil iudicij ac rationis habeant? Nimis proterues es, si hoc dicis.

QVÆSTIO VIII.

An Iesuitæ sint regicidæ.

1. **P**er multa conuitia, quibus ex more & privilegio Calvinistarum proscindis Iesuitas, conaris probare hæc puncta. 1. Iesuitas esse regicidas. 2. esse proditores 3. perduelles. 4. ingratos in Regem Galliarum, benefactorem suum. Quæ singula scorsim examinanda sunt. Ac primum, ut probes Regicidas esse, præmittis duo principia. Vnum est, quod Pontifex sit Antichristus. Alterum quod Iesuitæ singulari voto ac iuramento obstricti sint Pontifici. Hinc inferis, *Proclina nunc fueris demonstrare, Iesuitas, primarios Regum &*

Principum Christianorum parricidas esse. Igitur, hoc est argumentum tuum; Pontifex est Antichristus: Iesuitae sunt obstricti Pontifici: Ergo Iesuitae sunt participes Regum & Principum Christianorum.

2. In breui argumento tria peccata. Nam & maior propositio falsa est; & minor male intellecta; & conclusio, vi formae non sequitur. Nego Pontificem esse Antichristum. Negant mecum Reges & Principes, quos supra enumeravi. Negat maior pars orbis Christiani. Tu nec probas nec probare potes. Imò, quod ante monui, defectu probationis, datam fidem violasti. Quod assumis, Iesuitas Pontifici obstrictos esse, non sanè intelligis. Fateor obstrictos esse, in haereticorum & Gentilium conversione procuranda: Nego in parricidiis Regum perpetrandis. Et de hoc tamē agitur. Vide ergo, quid aptè inferre possis. Aut, si adhuc videre non potes, accipe hunc similem syllogismum. Rex Angliae est Antipontificius: subditi Anglicani singulari iuramento obstricti sunt Regi Angliae: Ergo subditi Anglicani sunt parricidae Regum & Principum Pontificiorum. Rectene id sequitur, Bataue, an secus? Confer cum tuis Heidelbergensibus.

3. Ergo, si huius loci esset, multo facilius probarem Calvinistas esse Regicides: Sed nuper id feci in libello, *De privilegiis Calvinistarum*. Vius sum autem triplici potissimum argumento. Primò, ex testimonio Serenissimi Regis Angliae, qui in sua Monitoria Praefatione ad Reges & Principes, ingenuè fatetur, Calvinistas vitæ ac sanguinis Regum insidiari & Latronibus deteriores esse. Altero, ex testimonio ipsorum, Calvinistarum, praesertim Caluini, Bezz, Parzi & Bataui, qui disertè scribunt, Reges & principes, ob varias causas, à subditis deponi, expelli & interfici posse. Tertiò, ex fundamentis doctrinae Calvinisticae, ex quibus euidenter sequitur, Regicidia Calvinistis licita esse. Nolo ista hic repetere. Remitto te, Bataue, ad privilegia Calvinistarum.

QUESTIO IX.

An Iesuita sint Proditores?

1. **D**uplici argumento probas proditores esse. Pri-
mo sic, *Proditor est, qui secreta alicuius Principis a se prodit & reuelat, ut qui mittit litteras vel nuncios ad hostes* (De poenit. dist. 6. c. Sacerdos. De poena & remiss. can. Omnis Cardinal. in Clement. 1. §. quia rex de statu Monach.). *At Iesuita secreta Regum & Principum non modo Evangelicorum, sed etiam Pontificum reuelant suo Generali & Generali Pontifici; Ergo Iesuita sint proditores Regum & Principum, non modo Evangelicorum, sed etiam Pontificum.*

2. Hic primum miror, te ex iure canonico citare tres canones, cum primus nihil ad rem faciat, reliqui duo non reperiantur in locis à te allegatis. Primus sic habet, *Sacerdos ante omnia caueat, ne de his, qui ei confitentur peccata, alicui recitet, non propinquis, nò extraneis. Nam si hoc fecerit, deponatur, & omnibus diebus vite suae ignominiosus peregrinando pergat.* Iam vide, quid aptè citaueris hunc canonem. Canon dicit, Confessarium non debere alteri reuelare peccata quae audiuit in confessione, nec amico, nec inimico. Et ita est. An ergo dicit proditor esse, qui secreta Principum concilia reuelant hosti? Nihil minus. Non uero, proditores esse, qui id faciant: sed nego, in isto canone hoc definiri. In canone fit solum mentio de peccatis, quae in sacramentali confessione audita sunt, non de consiliis Principum,

que contra hostem aguntur. Reliqui duo canones, ut dixi, perperam à te citati sunt.

3. Sed relinquamus canones, quos nec legisti, nec intelligis. Ad rem veniamus. Tria igitur ex te quaero. *Primum*, unde sciant Iesuitae secreta Regum & Principum Evangelicorum, quae reuelant suo Generali, ut tu obicis. An immediatè ab ipsis Regibus & Principibus Evangelicis? At sic ipsi Evangelici culpandi sunt, quod ea effutiant apud Iesuitas, quae secreta esse cupiunt. An verò à consiliariis Regum & Principum Evangelicorum? At sic non Iesuitae, sed Conciliarij essent proditores, quia secreta suorum Regum & Principum reuelarent aliis. *Alterum*, an Generalis & Pontifex sint hostes Regum & Principum Pontificiorum? Neutiquam. Amici sunt, non hostes. Cur ergo dicis Iesuitas esse proditores, quando secreta Regum & Principum Pontificiorum reuelant, non hostibus, sed amicis? *Tertium*, unde constet Iesuitas secreta Regum & Principum reuelare Generali & Generali Pontifici? & ipsorum, inquis, Constitutionibus. Nam singulis mensibus suarum Constitutionum tenentur scribere Generali. Bene habet. Sed, an vi suarum Constitutionum tenentur scribere secreta Regum & Principum? Hoc nusquam inuenies, nisi forte in tuo cerebello. Rectores tenentur scribere de statu suorum Collegiorum; non de secretis Regum & Principum.

4. Secundo, sic argumentaris; *Proditor etiam is est, qui scit, & non reuelat, quali Garnetus vester fuit in Britannia, quem vos tamen in numerum sanctorum Martyrum cooptastis.* Mira res. Quod antea edificasti, nunc destruis. Antea dicebas proditorem esse qui scit, secreta alteri & reuelat. Nunc contra dicis proditor (esse), qui scit, & non reuelat. Ibi citabas canonem, qui decernit, Sacerdotem non debere reuelare peccata in confessione audita. Hic, contra eundem canonem, decernis, Garnetum debuisse reuelare peccata in confessione audita: & quia id non fecerit, proditorem esse. Nimirum, hic spiritus novorum Evangelicorum est. Modo aiunt, mox negant, ut calumniari possint. Sed dic, Bataue, quid tu ageres, si ex officio exciperes peccata contentum in Anglia? Reuelares ea Regi? An si peccares in canonem quem citasti, & omnibus diebus vite tuae ignominiosus esses? An potius non reuelares? Rectè quidem, sed cur igitur Garnetum proditorem vocas, quod non fecerit, quod nec tu facturum esses? An ille proditor est, tu non esses, in eadem causa? Nimis apertè hallucinaris.

QUESTIO X.

An Iesuitae sint perduelles?

1. **D**E hac re ita scribis, Bataue: *Nunc probabo, Iesuitas Regum & Principum perduelles esse. Primo enim vis supra ostensum est, Iesuita Antichristi, Relictum Principis, praecipua corporis pars sint, an non ex vi argumenti à toto ad partes, positionis veritas consequitur? Item, Constitutione Ludouici Bavari Imperatoris statutum reperitur, quod quicumque diceret, Imperium dependere à Papa, reus esset criminis laesae Maiestatis. Atqui Iesuita non tantum imperia & regna, sed etiam ipsos Imperatores & Reges à Pontifice dependere scribunt & docent; Ergo Iesuita sunt rebelles, & rei laesae Maiestatis.*

2. His verbis duo argumenta complexus es. Vnum sumitur à toto ad partes hoc modo; Pontifex est Princeps rebellium: Ergo singulae partes, quae adharent corpori seu Ecclesiae Pontificiae, rebelles sunt. At Iesuitae sunt praecipua pars illius corporis: Ergo Iesuitae sunt

maximè rebelles. Itane, Bataue? Non vides hinc confici etiam Imperatorem, Reges Galliz, Hispaniz, Poloniz, Hungariz, Archiduces Austriz, Duces Bauariz & Lotharingiz, in rebellium numero à te censeri? Sunt enim partes, Ecclesiz Pontificiz. Si ergo à toto ad partes valet argumētum, ut tu asseris, necessariò efficitur, si Pontifex est Princeps & caput rebellium, omnes Reges & Principes Pontificios rebelles esse. Absit, mi homo. Sic potius accipe. Nemo propriè rebellis est, nisi respectu superioris potestatis: ergo si Reges & Principes Pontificij sunt rebelles, debet in terris dari aliqua potestas superior, cui rebelles sint: At nulla in terris potestas est, quæ superior sit Regibus & Principibus Pontificiis, cui rebelles sint: Non ergo rebelles à te censeri debent. Fateor quidem Pontificem esse superiorem; sed quis Regum aut Principum Pontificiorum illi rebellis est?

3. *Alterum est*, Quicumque dicit Imperium dependere à Papa, est rebellis, & reus læsæ maiestatis, ut decernit Ludouicus Imperator in sua Constitutione, apud Albericum: sed Iesuitæ dicunt Imperium & Imperatores dependere à Papa. Ergo Iesuitæ sunt rebelles, & rei læsæ maiestatis. *Respondet*. Circa maiorem propositionem tripliciter debetis. Primò, quia non satis est explicas, cum vno sensu vera, altero falsa esse possit, ut paulò post dicam. Secundò, quia non aliter eam confirmas, quàm ex constitutione Ludouici Imperatoris, qui fuit schismaticus, & ab Imperio depositus. Tertio, quia Constitutionem dicti Imperatoris allegas ex Alberico, nec addis, quem Albericum intelligas: illumne, qui vixit tempore Ludouici Imperatoris? an alterum, quia adhuc putatur in Anglia superstes esse? Suspicio te ipsum nescire.

4. Similiter debetis in minori propositione. Nam Iesuitæ non aliud docent in hoc puncto, quàm alij Catholici seu Pontificij. Vel ergo omnes Catholicos damnare debes rebellionis & criminis læsæ maiestatis, vel, si solos Iesuitas damnare vis, iniquè cum illis agis. Porro, ut præstem, quod promisi, sic res habet. Imperator in confirmatione & coronatione dependet à Pontifice: in communi regimine, non dependet.

QUESTIO XI.

An Iesuita sint ingrati in Regem Galliz, Henricum IV.

1. **I**D tu affirmas his verbis, *Hunc Augustissimum Principem* (Henricum IV.) *postquam* *invenimus* *beneficiorumque & fiduciarum* *vestrarum* *terrore*, *in retia venatoris Romani compulsi*, *is seque vos maioribus beneficiis, opibus, & prerogativis cumulavit*, *quàm ab ullo Regum in universa terrarum orbe habemus factum est*, *ad perpetuam turpissima vestra ingratitudinis memoriam*, *cum antiquissimo iure & honore demudatis*, *nimirum Ecclesiæ primogenituræ*, *quàm ipsi raptam vel fraude subduclam*. Hispaniarum Regi vendidisti, cum quasi natu primum diligi, & filium Ecclesiæ quasi natu maximum, per universam orbem proclamantes, ut videre est apud Richeomum in Apologetica Expostulatione, c. 17. & 18:

2. Tria hic dicis, Bataue. 1. Regem Galliz plurima beneficia contulisse in Iesuitas. 2. Iesuitas per summam ingratitudinem, eripuisse Regi Galliz benefactori suo, debitum titulum ac honorem, & Regi Hispaniz vendidisse. 3. Eundem Regem, timore licitarum & beneficiorum à Iesuitis compulsum esse fieri Catholicum. Primum punctum verissimum est. Fatentur Iesuitæ, multis beneficiis se auctos & ornatos esse à Christia-

A nissimo Rege. De tertio, paulò post seorsim videbimus. Secundum, de quo hic agitur, omnino falsum est. Nego Iesuitas ingratos fuisse in Regem Galliz. Et quomodo tu id probas? Ita obscure, ut dubium sit, quid velis. Potest enim dupliciter intelligi tua probatio. *Primò* sic: Cum Rex Galliz antiquissimo iure vocetur *Primogenitus Ecclesiæ*, Richeomus Iesuita abstulit illi hunc titulum, & dedit Regi Hispaniarum. Si hic sensus tuus est, (quem sanè verba tua præ se ferunt) aperte mendax es. Nam Richeomus in sua Apologetica Expostulatione, quam citas, disertis verbis alloquitur Regem Galliz, eumque *Primogenitum Ecclesiæ filium* appellat, nulla facta mentione Regis Hispaniarum. *Secundò* sic, Cum Rex Galliz antiquissimo iure vocetur *Primogenitus Ecclesiæ* Richeomus Iesuita non dignatur illum hoc titulo in solidum, sed cum diminutione. Non enim absolute appellat illum *Primogenitum Ecclesiæ*, sed *quasi Primogenitum*: Ergo insinuat Regem Hispaniarum esse *verè Primogenitum*, Regem autem Galliz, non *verè*, sed *quasi Primogenitum*. Si hic sensus tuus est, (qui sine dubio esse debet) tripliciter peccas.

3. *Primò*, quia falsum narras. Non enim Richeomus vocat illum *quasi Primogenitum*, sed absolute *Primogenitum*. Verba eius sunt hæc, c. 17. *Parce qu'il n'estoit pas assés de parler emmerement & en general comme les Centuriateurs, contre la puissance du saint Siege, deuant vostre Maïesté, qui aime & honore le saint Siege, & en est aimé & honore, comme fils aîné de l'Eglise*. Quæ latine sic sonant, *Cum videret suum sibi non esse loqui aperte, & generalim, ut Centuriatores fecerunt, contra potestatem Sanctæ Sedis coram vestra Maïestate, quæ amat & honorat Sanctam Sedem, & ab ea amatur atque honoratur, ut Filius Primogenitus Ecclesiæ*. Et rursum cap. 19, sic scribit; *Siro, ie m'assure que ceste response, sans en dire davantage suffit à vostre Maïesté, qui estes fils aîné de l'Eglise*. Quod Latine sic redditur; *Domine, per unum mihi est, hoc responsum, etsi nihil aliud addatur, sufficiens vestra Maïestati, quæ estis Filius Primogenitus Ecclesiæ*. Vides, Bataue, Richeomum absolute, & sine ulla restrictione, Regem Galliz vocare Filium Primogenitum Ecclesiæ; nec verbum addere de Rege Hispaniarum. Quæ ergo tua impudentia est, ut palam asseras, Richeomum rapuisse Regi Henrico Primogenituram ecclesiæ, & eam Regi Philippo vendidisse? Videris narrare tua somnia.

4. *Secundò* peccas, quia etiam si Richeomus dixisset, Regem Galliz honorari & amari à Pontifice, *quasi Primogenitum Ecclesiæ* (ut Latinus interpres aliquando vertit) non ideo negasset, *verè Primogenitum* esse. Nam & Scriptura facta disertè ait Christum esse *quasi Unigenitum* Dei Patris (Ioan. 1. 15.) & tamen non negasset esse *verè Unigenitum*. Nam, ut rectè notat D. Augustin. in Psal. 125. & alij plerique Patres illæ particulæ, *Quasi, tanquam, sicut*, non semper similitudinem, sed aliquando veritatem significant. Quod multis exemplis confirmat ibidem Augustinus. Itaque non plus roboris est in tuo argumento, quàm in hoc simili; qui vocat Christum *quasi Unigenitum* Dei filium, rapit illi suum titulum, & ingratus est: Atqui Ioannes Euangelista vocat illum *quasi Unigenitum* Dei filium: ergo, rapit illi suum titulum & ingratus est, quid ineptius? & tamen hæc forma dissuadendi tua est, Bataue.

5. *Tertio* peccas, cum facis hanc elumbem consequentiam; Richeomus negat Regem Galliz esse *verè Primogenitum Ecclesiæ*. Ergo affirmat, Regem Hispaniz esse. Perinde, ac si diceret; Becanus negat Regem Angliz esse Primate[m] Ecclesiæ: Ergo affirmat, Regem Daniz esse. Omnino ridiculè. Poteras eadè facilitate sic concludere: Richeomus negat, Regem

Gallie esse Primogenitum Ecclesiæ: Ergo affirmat, Regem Hungariæ esse. Vis dicā, Bataue? Vbiq; impingis, Iesuitæ non sunt tibi similes, vt vni blandiantur, alteri detractum aliquid velint. Vnicuique tribuunt, quod illi debetur. Regem Hispaniæ vocant *Catholicum*, Regem Galliæ *Christianissimum*, gloriosissimum, excellentissimum, *Primogenitum Ecclesiæ*. Nam his titulus pridem ab aliis ornatus est, vt videre poteris apud Gregorium Magnum lib. 3. Epist. 6. Indict. 14. & apud Gratianum 3. q. 6. can. *hec quippe*: & 11. q. 3. can. *excellensissimus*: & apud Ioannem Azorium tom. 2. Instit. moral. lib. 11. c. 3. & alibi.

6. Audisti peccata tua, Bataue. Audi & duo dilemmata. *Primum* est, Vel Rex Galliæ intellexit expostulationem Apologeticam Richiæomi, quando illi dedicata & oblata est, vel non intellexit. Si intellexit, mirum est, non aduertisse, quod tu aduertisti, se spoliari Primogenitura Ecclesiæ. Si non intellexit, mirum est, to intellexisse, qui vix vllum authorem bene intelligis. *Posterius*, Vel Rex Galliæ, tuo iudicio, est Primogenitus Ecclesiæ Pontificiæ vel reformatæ. Si Pontificiæ, magna ignominia cum afficis, cum Ecclesiam Pontificiam vocas *Ecclesiam rebellium*. Quid enim hoc aliud est, quàm Regem Galliæ esse primogenitum rebellium. Si reformatæ, mendax es, cum ais, Iesuitas primogenituram Ecclesiæ rapuisse Regi Galliæ, & vendidisse Regi Hispaniæ. Nam neque illi Reges, neque Iesuitæ solliciti sunt de primogenitura Ecclesiæ reformatæ. Ea libenter vobis concesserunt.

QVÆSTIO XII.

Quid Rex Gallie sentiat de Iesuitis?

1. **P**lanè diuersum à te sentit. Tu ais Regicidas, proditores, perduelles esse. Rex, innocentes & bonos viros. Hoc primum patet ex oratione ipsius Regis, quam habuit coram Senatu Parisiensi, in qua refutat omnes calumnias, quæ Iesuitis oblici solent. Nam paulò post, in tui gratiam, integrè huc transcribam. Secundò, ex factis eiusdem Regis, quæ orbi Christiano nota sunt. Nam primò, reuocauit Iesuitas in suum regnum, ex quo erant expulsi. 2. Post reuocationem, voluit illorum esse patronus ac parens. 3. Flexiæ, vbi natus est, collegium illis instituit ac dotauit. Imò, proprium palatium pro collegio esse voluit. 4. In aliis quoque locis, noua collegia erigi & fundari passus est. 5. Ex Iesuitarum numero P. Cottonum elegit, qui ipsi à confessione & concionibus esset. 6. Ipsius studio ac impensis missi sunt Constantinopolim Iesuitæ, vt ibi conuertendis infidelibus operam darent. 7. Insigni elemosyna collegium Romanum in necessitate subleuauit. 8. Famofam illam Pyramidem, quæ Parisiis in Iesuitarum ignominiam erecta stabat, penitus disturbauit. 9. Cor suum non alibi, quàm Flexiæ in Templo Iesuitarum, sepeliri voluit. Quis credat Regem sagacissimum hæc facturum fuisse, si putasset Iesuitas esse Regicidas?

2. Accedat testimonium Serenissimi Principis Ludouici, quem Rex hæredem ac successorem reliquit. Is in suo diplomate sic habet: *Cum Henricus Magnus, Dominus & Pater noster, in obsequij sui bonum, subditorumque suorum commodum vtile ac valde necessarium fore indicasset, Iesuitas in regnum suum, terras & dominia introducere ac statuere, habito cum Principibus consanguineis nostris, præcipuisque regni ministris maturo consilio, ex*

A ipsorum iudicio, ac suo proprio motu, certâ scientia, plena potestate, & auctoritate regia eisdem Iesuitis, edito lato mense Septembri anni 1603, facultatem concessit redeundi & habitandi in locis ac partibus præfato edito contentis, aliisque postmodum, literis suis, concedendis. Quod edito in Regio nostro Parlamento Parisiensi registrato, 2. Ianuarij anni 1604, præfatus Dominus & Pater noster, eisdem Iesuitis, plurimas regni huius ciuitates inhabitandi potestatem facit, quod quidem summa cum subditorum nostrorum voluntate factum, & executioni mandatum est, qui in educatione filiorum suorum ad pietatem, iuncto bonarum literarum studio, quidquid optari potuissent, affectus sunt; ac dicta Domino & Patri nostro adeo probati sunt, vt in ipsorum manus propriam cor deponere statuerit. Quod quidem post eius obitum ipsis traditum, & in Flexianum Templum delatum fuit. Ideo ne quis voluntatem nostram in dubium reuocari possit, ex certa scientia nostra, plena potestate, proprio motu, & auctoritate Regia, ob easdem causas, quæ prædictum Dominum & Patrem nostrum permouerunt, quæque adhuc persueuerant, præsentibus manu nostra subscriptis, ex iudicio dilectissima & honoratissima Regia regem Mariæ nostra, consanguineorum nostrorum Principum, laudamus, confirmamus, approbamus, & ratam habuimus, laudamus, confirmamus, approbamus, & ratam habemus præfatorum Iesuitarum in hoc regnum nostrum admissionem.

3. Quid amplius vis, Bataue? Habes testimonia duorum Regum, parentis & filij, quibus contra te, & tui similes calumniatores, probitas & innocentia Iesuitarum defenditur. Quæro, quis vnquam Rex de Calvinistis tam honorificè sensit aut locutus est? Nemo Hercule, nemo. Rex Angliæ, habet eos pro latronibus & Regicidis. Quid speres à reliquis? I nunc, & vendè diplomata, resolutiones, processus, extracta, relata, quibus tuam Apologiam (nescio, qua fide) ad nauseam infarciuisti: Et caue, ne tibi eueniat, quod Iouliano Parisiis accidit. Nosti historiam: sin minus, vide priuilegia Calvinistarum. Ibi inuenies.

QVÆSTIO XIII.

An Rex Gallie fuerit verè Catholicus & Pontificius?

1. **T**V insinuas, non fuisse animo Catholicum & Pontificium, sed si scis & beneficiis Iesuitarum compulsus esse, vt simularet se esse, qui non erat. Verba tua sunt hæc: *Hunc Augustissimum Principem beneficiarum & siccarum vostrarum terror, in reia veneratoris Romani compulsiis*. Hic prodixit naturam & mortem Calvinistarum, quibus solenne est, aliud interius sentire, aliud exterius simulare. Putas, Regem Galliæ fecisse, quod Calvinistæ in simili casu facerent; nempe, exteriori ritu, professum esse religionem Pontificiam: Interiori tamen affectu, fuisse verè Calvinistam.

2. Aliud tibi narrabo, Bataue, Rex Galliæ in præcipuis fidei capitibus nonquam animo Calvinianus, sed semper Catholicus fuit. Nec temerè hoc dico, vt tu soles. Ipsemet coram quatuor episcopis, Bituricensi, Cenomanensi, Nannetensi, & Ebroicensi, id professus est. Cum enim eos ad se accersiuisset, vt de Catholica religione plenius instrueretur, palam dixit, se in duobus punctis, nempe, *De præsentia corporis Christi in Eucharistia: & de Romana Ecclesia*, instructione non indigere:

eo quod semper cum Catholicis credidisset, corpus Christi esse verè præsens in Eucharistia: Et Romanam Ecclesiam esse veram Christi Ecclesiam.

3. Nec dubita. Episcopi testes sunt. et Ludouicus Richeomus rem totam narrat in præfatione ad ipsum Regem quæ præfixa est libro de Missa, contra Pleisum. Ibi Regem sic alloquitur: *Accersitis non in ipsa Episcopis Bituricensi, Cenomanensi, Nannetensi, & Ebroicensi, qui te de Catholicæ religionis erudirent, neque autem opus est tibi esse de præsentia reali corporis Salvatoris in Eucharistia, quod eam semper credidisses, neque de Ecclesia Romana, quam etiam sensissas esse Dei Ecclesiam.*

4. Illud porro planè ridiculum est, quod dicis de beneficiis Iesuitarum, quibus Rex compellitur sit ad recta venatoris Romani: (Sic tu Pontificem appellas.) An Rex tam potens, tam magnanimus & cordatus, tot victoriis gloriosus, timeret sibi à Iesuitis, qui pauci tunc erant in regno Galliarum? Aut non putabat vires & munitiones Gallicanas sibi sufficere, ut pauculis, qui in regno erant, ab aditu prohiberet?

QUESTIO XLV.

An Catholici in Concilio Tridentino doceant, Hæreticis non esse seruandum fidem?

1. **I**D tu affirmas in utroque tuo libello. et quidem in posteriori, quem contra me scribis, multis verbis & ambagibus conaris id persuadere; quod valde miror. Nam in toto Concilio ne apicem quidem inuenias, qui tecum sentiat. Imò multa sunt, quæ te mendacem arguunt. Hoc, ut omnes clarè videant, ponam ipsa verba Concilij, quæ in tribus diuersis Sessionibus, ubi agitur de saluo conductu, seu publica fide & securitate, disertè habentur. Igitur Sess. 13. in fine, sic habet: *Sacrosancta generalis Tridentina Synodus, omnibus & singulis, sine clericis, sine secularibus personis uniuersæ Germaniæ, cuiuscunque gradus, status, conditionis & qualitatibus sint, quæ ad æcumenicam hoc & generale concilium accedere voluerint, ut de iis rebus, quæ in ipsa synodo tractari debent omni libertate conferre, proponere & tractare, ac ad ipsum æcumenicum concilium liberè & tuto venire, & in eo manere & commorari ac articulos, quæ illis videbitur, tam scripto quam verbo offerre, proponere, & cum patribus, siue iis, qui ab ipsa sancta synodo delicti fuerint, conferre, & absque ullis comitiis & contumeliis disputare, necnon quando illis placuerit, recedere possint & valeant, publicam fidem & plenam securitatem, quam saluum conductum appellant, cum omnibus & singulis clausulis, & decretis necessariis & opportunis, etiam si specialiter, & non per verba generalia exprimi deberent, quæ pro expressis haberi voluit, quantum ad ipsam sanctam synodum spectat, emittit. Placuit præterea sanctæ synodo, ut si pro maiori libertate ac securitate eorum, certos tam pro commissis quam pro committendis per eos delictis, iudices eis deputari cupiant, illos sibi beneuolos nominent etiam si delicta ipsa quantumcunque enormia, ac hæresim spectantia fuerint.*

2. Ecce rursus Sess. 15. in fine; *Sacrosancta generalis Tridentina synodus, inherendo saluo conductui in penultima sessione dato, & illum iuxta tenorem infra scriptum, ampliato, uniuersis fidem facit, quod omnibus & singulis Sacerdotibus, Electoribus, Principibus, Ducibus, Marchionibus, Comitibus, Baronibus, Nobilibus, militariibus, popularibus & aliis quibuscunque viris, cuiuscunque status & conditionis, aut qualitatibus existant, Germanicæ prouinciæ & nationis ciuitatibus, & aliis locis eiusdem, & omnibus aliis*

A Ecclesiasticis & secularibus, præsertim Augustanæ confessionis personis, qui, aut quæ, una cum ipsis ad hoc generale Tridentinum Concilium venient aut mittentur, ac profecturi sunt, aut huc usque venerant, quocunque nomine censeantur, aut valeant nuncupari, tenore presentium publicam fidem & plenissimam verissimamque securitatem, quam saluum conductum appellant, liberè ad hanc ciuitatem Tridentinam veniendi ibidemque manendi, standi, morandi, proponendi, loquendi, una cum ipsis a synodo quibuscunque negotiis tractandi, examinandi, discutiendi, & omnia quacunque ipsis libuerit ac articulos quoslibet, amscripto quam verboliter offerendi, propalandi, eosque scripturis sacris, & beatorum Patrum verbis, sententiis & rationibus declarandi, asserendi & persuadendi, & si opus fuerit, etiam ad obiecta Concilij generalis respondendi, & cum eis qui à Concilio delicti fuerint disputandi Christiane, ac charitate, absque omni impedimento conferendi, & approbando, & contumeliis penitus semotis, & signanter, quod causa est introuersa secundum sacram scripturam, & Apostolorum traditiones, probata Concilia Catholica Ecclesia consensum & sanctorum Patrum auctoritates in prædicto Concilio Tridentino tractentur. Illo etiam addito, ut religionis prætextu, aut delictorum circa eam commissorum, aut committendorum minime puniantur, impariter ac omnino concedit, si ceterum, ut propter illorum præsentiam, neque in itinere aut quocunque loco eundo, manendo aut redeundo, nec in ipsa ciuitate Tridentina à diuinis officiis quouis modo cessatur. Et ut his peractis, vel non peractis, quandocunque ipsis libuerit, aut maiorum suorum mandato & assensu ad propria reuerti optabunt aut aliquis eorum optabit, mox absque ulla retentione, & occasione, aut mora, saluis rebus eorum & suorum pariter honore, & personis vice versa, possint iuxta beneplacitum liberè & secure redire, de scientia tamen ab eadem synodo deputandæ, ut tunc opportuno eorum securitati, absque dolo & fraude provideatur. Vult etiam sancta synodus, in hac publica fide, salubrique conductu, omnes quascunque clausulas includi ac contineri, ac pro inclusis haberi, quæ pro plena, efficaci & sufficienti securitate, in eundo, stando & redeundo, necessaria & opportuna fuerint. Illud etiam, ad maiorem securitatem & pacis ac conciliationis bonum, exprimens, quod quispiam, aut illorum aliqui siue in itinere Tridentinum veniendo, siue ibidem morando, aut redeundo, aliquid quod enorme, quod absit, egerint aut commiserint, quo possit huius fidei publica & assurationis beneficium eis concessum annullari, aut cassari, vult & concedit, ut in huiusmodi facinore deprehensi, ab ipsis duntaxat, & non ab aliis, condigna animaduersione, cum emenda sufficienti, per partem ipsius Synodi merito approbanda, & laudanda, & mox puniantur, illorum assurationis forma, conditionibus & modis omnino manentibus illibatis. Pari foriniter etiam vult, ut si quisquam, vel aliqui ex ipsa Synodo, siue in itinere, aut manendo, aut redeundo, aliquod enorme, quod absit, egerint aut commiserint, quo possit huius fidei publica & assurationis beneficium violari, aut quoquomodo tolli, in huiusmodi facinore deprehensi ab ipsa Synodo duntaxat, & non ab aliis, condigna animaduersione & emenda sufficiente, per partem Dominorum Germanorum Augustanæ Confessionis tunc hic presentium, merito laudanda & approbanda, mox puniantur, presentis assurationis forma, conditionibus & modis omnibus manentibus illibatis. Vult præterea ipsa Synodus, quod liceat ipsis Ambassadoribus, omnibus, & singulis, toties, quotiescunque opportunitas fuerit seu necessarium, ad eam capiendam exire de ciuitate Tridentina, & reuerti ad eandem, nec non nuntium vel nuntios suos ad quacunque loca pro suis necessariis negotiis ordinandis liberè mittere, seu destinare, ac ipsos missos seu destinatos, seu missionem & destinatum suscipere toties quoties eis videbitur expedire, ita quod aliqui vel aliqui per deputandos Concilio socientur, qui eorum securitati provideant vel provideant. Qui quidem saluus conductus & securitas stare ac durare

debeat, à tempore, & per tempus, quo in ipsius Synodi & suorum sessionis curam ipsos suscipi contigerit, & usque ad Tridentinum perducere, ac tototempore mansionis eorum ibidem, & rursus, post sufficientem audientiam habitam, spatio viginti dierum premissio, cum ipsi petierint aut Concilium habita huiusmodi audientia, ipsis recessum indixerit, à Tridentino usque in quem quisque elegerit sibi locum patrum, Deo fauente, restituer, dolo & fraude prorsus exclusis. Quæ quidem omnia pro universis & singulis Christi fidelibus, pro omnibus Principibus, tam Ecclesiasticis, quam secularibus quibuscunque, atque omnibus aliis clericis & secularibus personis, cuiuscunque status & conditionis existant, aut quocunque nomine censeantur, inuolabiliter observanda promittit, & bona fide spondet insuper omni fraude & dolo exclusis, vera & bona fide promittit ipsam Synodum nullam vel manifestè, vel occulte occasionem quaesituram; aut aliqua auctoritate, potentia, iure vel statuto, privilegio legum vel canonum, aut quorumcunque Conciliorum, præsertim Constantinensis & Senensis, quacunque forma verborum expressa, in aliquod huius fidei publicæ; & plenissimæ asservationis, ac publicæ & liberæ audientia, ipsis per ipsam Synodum concessa, præiudicium quouis modo usuram, aut quencunque uti permissuram: quibus in hac parte pro hac vice derogat. Quod si sancta Synodus, aut aliquis ex ea, vel suis, cuiuscunque conditionis, vel status, aut præminentiæ, præscriptæ asservationis & salui conductus formam & modum in quocunque puncto vel clausula violaverit (quod tamen aduersere digneatur Omnipotens,) & sufficiens emenda non fuerit mox subsequuta, & ipsorum arbitrio merito approbata & laudanda, habeant ipsam Synodum, & habere poterunt incidisse in eas pœnas, quas iure diuino & humano, aut consuetudine, huiusmodi saluorum conductuum violatores incurrere possunt, absque omni excusatione, aut quavis in hac parte contradictione.

3. Hæc omnia totidem verbis repetuntur Sessione decima octaua in fine; & postea sic subditur: Eadem sacrosancta Synodus in Spiritu sancto legitimè congregata, omnibus, & singulis aliis, qui nobiscum in istis, quæ sunt fidei, communionem non habent ex quibuscunque regnis, nationibus, prouinciis, ciuitatibus ac locis, in quibus publice & impune prædicatur, vel & dectur, siue creditur contrarium eius, quod sancta Romana sanctæ Ecclesiæ dat fidem publicam siue saluum conductum sub eadem forma & eisdem verbis, quibus datur Germanis.

4. Hactenus citauit ipsa verba Concilij, in quibus fit mentio publicæ fidei, seu salui conductus. ex iis omnibus, si potes, Bataue, extunde mihi hanc vocem: *Hæreticis non est seruanda fides*: Nec tu, nec quisquam alius id poterit. Quid ergo molestus mihi es? Cur contra conscientiam tuam clamas, in Concilio Tridentino decretum esse, *Hæreticis non esse seruandam fidem*? Imò apertè contrarium decretum est. Nam si verba & sententiam Concilij attendas, inuenies hæc duo statui ac decerni. *Primum* est, ut omnibus Catholicis ac hæreticis, cuiuscunque status aut conditionis sint, liceat publica fide & securitate venire ad ciuitatem Tridentinam, ibidem manere, stare, proponere, disputare, domum redire. *Alium* est, ut nemini liceat hanc publicam fidem ac securitatem omnibus promissam, villo modo violare: Et si quis, siue Catholicus, siue hæreticus, eam violauerit, legitimè puniatur, subeundo illas pœnas, quæ iure diuino & humano in violatores fidei constitutæ sunt. Hæc est summa decreti. Ex quo duo colligo, quæ ad rem faciunt. *Primo*, Concilium velle ac serio mandare, ut fides publica, quæ hæreticis promissa est, omnino seruetur. *Secundo*, Concilium sentire, eum, qui promissam hæreticis fidem violauerit non solum humano, sed etiam diuino iure puniri posse. Quid clarius dici aut definiri potest? & tu in tam clara luce latebras quæris & ambages?

5. Ne tamen nihil videaris agere, multa obijcis, quæ

A vel apertè falsa sunt, vel ad rem non faciunt. Ponam obiectiones tuis verbis. Primum ergo sic ait, *Sed cum delinquentibus & peccatoribus fides publica, plenissima & verissima securitas, huius Concilij decretis, vestra fidei sociis promittatur, pique interim undique omni perfidia genere inuoluti atrocissima opprimantur, an non vni istiusmodi decretis & oracula ex latronum antro qui aliquam mentem præditus est, edita esse dicet?* Audi Bataue. An non potius, qui aliqua mente præditus est, dicet, te calumniari? fides publica, & securitas plenissima, non tantum nostræ, sed etiam vestræ fidei sociis promissa est. Consule verba Concilij paulo ante citata. Deinde, qui sunt illi pii viri, qui atrocissimè oppressi sunt contra publicam fidem à Concilio datam, Si potes eos nominare, fatebor decreta Concilij ex latronum antro prodisse. Si non potes, dicam te ex eodem antro eructare mendacia, An satis tibi est, calumniam istam in charitatem conuicere, ut imponas simplicioribus? Hoc bonum virum non decet.

B 6. Sed pergis: *Et ad id tamen, locusta effrons es, ut illo saluo conductu, per illos coniuratos Patres (quorum maiori parti nulla erat fides) Evangelicis, quos tu hæreticos mentiris, fidem datam seruandam esse, decretum fuisse, ostentare audeas, cum ne vlla quidem in illo hæreticorum fiat mentio, sed è contra instinctu Pontificum, indecessuque Cardinalium & Episcoporum conatu, ne Regibus & Principibus quidem, licet Catholico Romanis, maiestas & fides integra seruentur, imò iisdem ipsis, ut omni alio bello inter ipsos suspenso, fœdera inter se mutua ad extirpandos Evangelicos, suaderetur, conciliarent.* Interim dum coniurati illi Patres ipsos Reges & Principes, meretricum more, regia & principali potestate in præmium opera sibi fortiter nauata, penitus exuerantur: Et Pontifex per Italiam, Cæsar per Hispaniam, Germaniam & Belgium & Franciscus II. & Carolus IX. per Galliam, re ipsa ad opprimendos Evangelicos Principes & populos, & Tridento quidem procul in unum conspirabant, & Tridenti, in ipso viperarum & latronum antro, Christianis Evangelicis orthodoxis fidem publicam & tuam securitatem ad vitantium suam ab igne, ferro & veneno liberandam, profuerant locusta cantas. Multa hic dicis Bataue, 1. me effrontem locustam esse. Condoneo hoc tibi. 2. Patres Concilij fuisse coniuratos. Nihil absurdi, si in bono coniurarunt 3. maiori illorum parte nullam fuisse fidem. Tantumdem probas, ac si dicam, tibi nullam esse fidem. 4. me mentiri, asserendo Evangelicos esse hæreticos. At nunquam ego asserui, Evangelicos, sed Calvinistas esse hæreticos. Nego autem Calvinistas esse Evangelicos. 5. In Concilio nullam fieri mentionem hæreticorum. Ergo tu mendax es, qui dicis, in Concilio definiri, nullam hæreticis seruandam esse fidem. 6. omni conatu laboratum esse à Cardinalibus & Episcopis, ne fides integra seruaretur Regibus & Principibus, etiam Romano Catholicis. Hoc dicis, non probas. Et putidum mendacium est. 7. suatum esse iisdem Regibus & Principibus, ut inter se fœdera iniherent, ad extirpandos Evangelicos. Volebas dicere, hæreticos. Nam Evangelici extirpandi non sunt. 8. Patres Concilij conatos esse, penitus exuere Reges & Principes Romano Catholicos regia & principali potestate. Aut fabulam, aut somnium narras. Quis genius tibi hoc inspirauit? 9. Pontificem, Imperatorem, & duos Reges Galliarum, Carolum & Franciscum, re ipsa conspirasse ad opprimendos Evangelicos. Semper hinc erras. Calvinistæ non sunt Evangelici. Et iniuriam facis Imperatori, & Galliarum Regibus, quod eos in malo conspirasse interpretaris. Itane Imperatorum & Regum fama publicè tu traducis, 10. Tridentum, tempore Concilij, fuisse antro viperarum & latronum. Ergone Legati Imperatorum, Regum, & Principum, viperæ & latrones tibi sunt. Parum Evangelicè loqueris, Bataue.

7. Iterum pergis : Tu fidem publicam plenissimam que securitatem Tridenti in ipsis venabulis venatoribus & lupis & depastores, misellis ouiculis Christianis & orthodoxis, ad demonstrandas Pontificum & sequacium eorum, in doctrina & moribus errores, in medium prodeuntibus promissam seruandam esse decantare audes, ubi Catholicorum Regum & Principum Legatis Pontificiis, de morum tantum, aut precipue reformatione agitur, vix tutis esse licebat? ubi ipsis Regibus & Principibus Catholico-Romanis ad libitum Iouis Capitolini excommunicatis, Imperia & regna perfide auferri posse decretum fuit? vix qui non seruant, amos ita fungos esse putas, Becane, ut fidem illi eosdem serua uros credamus? Illos inquam, qui lingua iurant, & promittunt, & mentem iniuram tenent? qui Evangelicos communem omnium Catholico-Romanorum hostem esse iniustum docetis & scribitis, & consequenteralem, cum quo nec fides, nec infirmandum commune esse debet? Hinc primum nihil aliud video, quam inermem & calumniosam exclamationem. Deinde, neſtuntur putida aliquot mendacia. Primum est, Legatos Regum & Principum Catholicorum vix fuisse tutos Tridenti. Vnde hoc habes? Alterum decretum fuisse, ut Reges & Principes Catholici ad libitum Pontificis excommunicati, regnis & imperiis suis perfide exuerentur. In qua sessione decretum id est? Putas Pontificem tui similem esse, qui audes publice decernere, Regem Hispaniæ suo regno exturbandum esse? Tertium, Pontificios lingua iurare & promittere, & mentem iniuram tenere. Quid si regeram, Calvinistas lingua iurare, & mentem iniuram tenere? Plures hoc credent, quam illud. Quorum, nos scribere & docere, Evangelicos esse tales hostes, cum quibus nec fides nec iurandum commune esse debet. Absit, ut hoc dicamus de Evangelicis. Imò nec de hæreticis ita sentimus. Ostendi tibi paulò ante, Patres Concilij Tridentini non solum publicam fidem obtulisse & promississe hæreticis, sed etiam pœnam statuisse in eos, qui fidem hæreticis promissam violarent.

8. Pergis porro : Expressim, ut dictum est, ad Constantiensem synagoram venienti à Sigismundo Imperatore saluus conductus Hussio datus est, & tamen ille & Hieronymus Pragensis, orthodoxias causa, iuxta conuerſorum illorum Patrum sententiam, vini exusti fuerunt; hocine tu fidem datam non violare appellas? Quid itaque de Concilio Tridentini saluis conductibus tenendum aut timendum putas, in quibus nulla hæreticorum expressa mentio facta est? Et tamen tu Becane, tali securitate Evangelicos à cruentissimis suppliciis & lanionis vestris tutos, atque fidem ipsis datam seruandam fore, dulce canendo, ut auceps, docere conaris? O fraudem & perfidiam plusquam Græcam, plusquam Punicam! Videris sic argumentari : In Constantiensi Concilio fides Hussio & Hieronymo Pragensi violata est : Ergo etiam in Tridentio fuisset violata Evangelicis. Nimirum ex mendacio somnium colligis. Nego, fidem violatam esse Hussio. Hussius Imperatori fidem violauit, ut ostendi in disputatione de fide hæreticis seruanda. Et infra suo loco iterum ostendam. Porro, cum ais, nullam hæreticorum fieri mentionem in saluis conductibus Concilij Tridentini, aperte repugnasti tibi ipsi. Nam alibi contendis, in eodem Concilio definitum esse, Hæreticis non esse seruandam fidem. Vnde sic regero : qui nullam facit mentionem hæreticorum, ille non decernit, hæreticis non esse seruandam fidem : Atqui Concilium Tridentinum in suis saluis conductibus nullam facit mentionem hæreticorum, ut tu fateris : Ergo non decernit, hæreticis non esse seruandam fidem. Quid ergo tu nobis obicis? Cætera, quæ sequuntur, O fraudem! O perfidiam! verba sunt, quæ strepitum faciunt, & nihil probant.

A 9. Denique quasi ab exordio, incipis scrutari mentem Concilij Tridentini per multas pagellas, cum ais : Non ab re futurum esse viri boni crediderunt, citra ambagem, Tridentini Concilij partem, quasi fidem & securitatem publicam Evangelicis datam spectat, paulò propius examinare. His & sequentibus verbis, quæ propter fastidium omitto, nihil aliud facis, quam fallis suspicionibus & interpretationibus, mentem Concilij Tridentini pervertere, & in alium sensum trahere. Sed frustra. Nam mens Concilij, ex verbis ipsius supra citatis, clara & aperta est. Et sanè, idem integra ipsius verba huc transcripsi, ut quivis videat & intelligat, quàm tu malitiosè & impudenter ea interpreteris. Et tamen audes polliceri, te citra ambagem, Concilij decreta examinaturum? Imò nihil aliud, quàm ambagem, ubi minimè opus est, sectaris. Hoc solum à te postulo, & urgeo, ut ex verbis Concilij colligas hanc sententiam, hæreticis non est seruanda fides. Quamdiu hoc non facis, nihil ad rem facis. Semper tibi occinam; Hæus Bataue, dic de viribus capellis.

10. Tandem tamen videris dicere aliquid ad rem sed planè ex desperatione. Cum enim ex saluis conductibus Concilij Tridentini, non posses extundere hanc vocem, hæreticis non est seruanda fides, cœpisti omnes angulos totius Concilij excutere, & tandem Sess. 23. c. 20. de reformatione, reperisti hæc verba : Decernit & præcipit (sancta Synodus) sacros Canones & Concilia generalia omnia, nec non alias Apostolicas sanctiones in fauorem Ecclesiasticarum personarum, libertatis Ecclesiasticæ, & contra eius violatores editas, quæ omnia præſenti etiam decreto innouat, exactè ab omnibus obseruari debere. Ex quibus verbis potest fieri tale argumentum pro te : Quæcunque in Canonibus sacris, Conciliis generalibus, & Apostolicis sanctionibus decreta sunt, ea in Concilio Tridentino renouantur, & exactè obseruari iubentur. Atqui in Canonibus sacris, Conciliis generalibus, & Apostolicis sanctionibus decretum est, non esse hæreticis seruandam fidem Ergo hoc etiam in Concilio Tridentino renouatur, & exactè obseruari iubetur. Hæc, opinor, est vis argumenti tui Sed audi, Bataue, effugium quæris, & lacebras. Cum enim in saluis conductibus Concilij Tridentini non reperias, quod ostensurum te promissisti; abducis nos aliò. Sed hoc etiam frustra. Nam apertè fallum est, quod assumis in argumento, definitum esse in sacris Canonibus, in Conciliis generalibus, & sanctionibus Apostolicis, quod hæreticis non sit fides seruanda, ut ex sequentibus patebit. Accedit, quod nunquam Patribus Concilij Tridentini in mentem venerit, eo loco definire aut renouare, quod tu vis. Nam supra ostendi, Patres in suis saluis conductibus disertè statuisse, ut fides & securitas publica, quæ hæreticis promissa & oblata erat, integrè seruaretur; & si quis eam violaret, subeundæ pœnæ esset obnoxius. Nam ergo, ut tu vis, contrarium hic statuerunt. Denique, Patres loco citato non renouant omnia simpliciter & absolute, quæ in sacris Canonibus, Conciliis generalibus, & sanctionibus Apostolicis decreta sunt : sed tantum, quæ in fauorem personarum & libertatis Ecclesiasticæ decreta sunt, ut ex verbis Concilij patet; iam verò decretum de non seruanda fide hæreticis (si quod tale esset, quod tamen non est) non magis esset in fauorem ecclesiasticorum, quàm laicorum. Sicut enim ex vi illius decreti, ecclesiastici liberi essent à seruanda hæreticis fide, sic etiam Laici. Est enim utrobique par ratio.

ANNOTATIO.

i. Circa hanc quæſtionem nihil novi adfers in tua Apologia, præter vnum dilemma, quod putas esse in-

solubile. Est autem hoc: Quando vos Catholici promittitis hæreticis securitatem de ipsis non puniendis, vel simulatè id facitis, vel verè. Si simulatè, utimini interna æquivocatione. Si verè, peccatis contra Canones, in quibus decernitur, hæreticos puniendos esse. Sed quorsum, Bataue, hoc dilemma? Planè extra chorum vagaris. Hic solùm queritur, an Concilium Tridentinum definiat, *hæreticis non esse seruandam fidem*. Tu affirmas. Hoc ergo probandum tibi est. Id non facis tuo dilemmate. Nisi fortè sic velis argumentari: Catholici in promittenda securitate, vel utuntur æquivocatione, vel peccant contra Canones: Ergo in Concilio Tridentino definitum est, hæreticis non esse seruandam fidem. Si hoc inferis, planè ineptus es. Si aliud, nihil ad rem dicis.

2. Quid si retorqueam dilemma? Accipe igitur: Quando vos Calvinistæ promittitis securitatem Pontificis quæ habetis pro hæreticis & Antichristianis, vel simulatè promittitis, vel verè. Si simulatè, utimini interna æquivocatione. Si verè, peccatis contra leges Imperatorias, in quibus decernitur, hæreticos puniendos esse. Quid dicis, Bataue?

3. Addo Concilium Tridentinum, quando promittit hæreticis securitatem de ipsis non puniendis, non simulatè, sed verè promississe. Nec tamen peccasse contra Canones. Primò, quia Concilium generale, cùm repræsentat totam Ecclesiam, est supra Canones. Secundo, quia non promittit perpetuam & absolutam securitatem, sed solùm pro eo tempore, quæ duraturum erat Concilium, & cum hac conditione, ut illi omnes, qui vellent Tridentinum venire, & ibi de rebus ad fidem & religionem spectantibus, modestè conferre vel disputare, securi essent Tridenti & in itinere, tum eundo, tum redeundo. Talis securitas non prohibetur in Canonibus.

4. Sed duo obiicis. *Unum est*, quod durante Concilio Tridentino multi mactati sint in Hispania, Gallia, Anglia, Belgio. *Respondeo*: Nemo mactatus est contra promissam securitatem. Nam, ut dixi, securitas illi promissa est, qui vellent venire Tridentum, & ibi de controuersis disputare. Hoc nemo hæreticorum fecit. Nemo ibi comparuit. Nemo ad iter se accinxit. Nemo igitur mactari potuit contra promissam securitatem. Hoc poteris intelligere ex verbis Concilij supra citatis, quæ sic habent, *Tridentina Synodus omnibus & singulis, qui ad generale Concilium accedere voluerint, ut de iis rebus, quæ in ipsa Synodo tractari debent, omni libertate conferre, proponere & tractare, ac ad ipsum Concilium liberè & tuto venire, necnon quando ipsis placuerit, recedere possint, publicam fidem & plenam securitatem concedit*. Igitur promissio Concilij est hæc: Omnes illi, qui venient Tridentum & ibi disputabunt, securi ac salui erunt Tridenti, & in itinere. Non autem hæc, quam tu imaginaris; Omnes illi, qui turbabunt Hispaniam, Galliam, Angliam, Belgium & contemnunt Concilium Tridentinum, erunt securi & salui, vbicunque fuerint. Iam intelligis, opinor, Bataue.

5. Secundo obiicis, *Legatos Regum & Principum Catholicorum vix fuisse tutos Tridenti*. Iam supra respondi, putidum mendacium id esse. Tu tamen sic probas; Quia Legatus Henrici II. Galliarum Regis, dixit Tridentinis Patribus, *Regem suum non posse ad Concilium Episcopos sui regni mittere, quando adituri ipsis, nec liber, nec tutus esset*. *Respondeo*. Nec probas, quod probandum est, nec bona fide agis. Probandum est, Legatos Regum Catholicorum vix Tridenti fuisse tutos. Hoc non probas exemplo iam allato. Nam Legatus Regis Galliarum erat tutus Tridenti. Solùm excusabat suum Regem, quod episcopos non misisset ad Concilium eo quod in itinere non fuissent tuti sine periculo: non

A quidam ex ea parte, ut tu mala fide interpretaris, quod metuerent sibi à Concilio Tridentino, sed quia gliscente bello inter Gallos & Hispanos, itinera omnia erant periculosa propter milites aduersæ partis.

QVÆSTIO XV.

An Catholici in Constantiensi Concilio doceant, Hæreticis non esse seruandam fidem?

1. **H**OC etiam affirmas in utroque tuo libello. Ego & alii negavi, & nunc iterum nego. Expendamus ergo verba Concilij Session. decimæ octauæ quæ sic habent: *Præsentis sanctæ synodus ex quous saluo conductu per Imperatorem, Reges & alios saculæ Principes, hæreticis vel de hæresi diffamatis, concessio, nullum fidei Catholica vel iurisdictionis Ecclesiastica præiudicium generari, vel impedimentum præstari posse seu debere declarat, quominus, dicto saluo conductu non obstante, liceat Iudici competenti & Ecclesiastico, de huiusmodi personarum erroribus inquirere, & alias contra eos debite procedere, eosdemque punire, quantum iustitia suadebit, si suos errores renouare pertinaciter recusauerint, etiam si de saluo conductu confisi, ad locum venerint iudicij, alias non venturi: Nec sic promittentem, cum fecerit, quod in ipso est, ex hoc in aliquo remansisse obligatum.*

2. His verbis, ut vides, duo decernuntur. *Primum est*, quod secularis potestas nullo modo possit impedire Ecclesiasticam potestatem à suo legitimo exercitio; ac proinde si quis secularis Princeps det alicui hæretico saluum conductum, hoc non debeat obstare, quominus liceat ecclesiastico iudici suum officium exercere, id est, examinare eum, & secundum allegata & probata procedere. et ratio est, quia quando sunt duo Principes, qui habent distincta iudicia & tribunaia, quorum alterum altero maius ac superius est, tunc inferior Princeps nō potest impedire superiorem ab executione suæ iurisdictionis, ac proinde securitas, quam promittit alicui, non extendit se ad tribunal superioris Principis, quia superior legibus ac pallis inferioris non ligatur. (capit. cū inferior, extra de maiestate & obedientia) Atqui Princeps secularis, & Princeps Ecclesiasticus habent distincta tribunaia; & Ecclesiasticum tribunal superius. (cap. solus, titulo citato.) Ergo Princeps secularis, quando dat alicui subdito saluum conductum, non potest illum extendere ad tribunal superius, sine ipsius consensu; nec per datam à se securitatem, impedire iurisdictionem superioris Principis. Quid cæsius? Hoc ipsum disertè docent Iurisperiti. Euerardus Spechan Iuris Professor Helmestadij, centuria prima quæstionum iuris, quæstion. 1. de eadem re sic habet; *Iudex superior talem fidem à Iudice inferiore factam, ratam habere non cogitur: tum quod Reipublica interfit, delicta puniri, tum etiam quod superior legibus, aut pallis inferioris non ligatur.*

3. *Alterum est*, quod secularis Princeps, qui promittit alicui securitatem, cū fecerit, quod in ipso est, non maneat in aliquo obligatus. Et ratio est, quia qui promittit securitatem, non censetur maiorem promittere, quàm præstare possit. Si ergo facit, quod in se est, non peccat contra fidem promissionis. Quid autem hoc sit, Principem facere, quod in ipso est, paulò post explicabo. Tu enim & tui similes sinistrè hoc interpretamini.

4. Atque

4. Atque hæc sunt duo decreta Concilij Constantiensis, quibus non decernitur, *fidem hæreticis non esse seruandam*, ut tu malitiose obicijs; sed instruuntur Principes seculares, quid in saluis conductibus seruare debeant, & quouique extendat se illorum potestas & iurisdicção in promittenda & præstanda securitate.

5. Quid tu nunc contra adfers, vel adferre potes? Primum, attedis illud, quod in explicatione prioris decreti dixi, *saluum conductum inferioris*, id est Imperatoris, Regis & Principis, non impedire *superiorem Ecclesiasticorum iurisdictionem*. Atque hinc tria absurda colligis. Vnum, quod *debitam Principibus, Regibus & Imperatoribus fidem ac obedientiam denegamus*. Alterum, quod *publicam eorundem fidem cum summo probra conuellamus, & subditos ad rebellionem concitemus*. Tertium, quod *Principatum Ecclesiasticum, nefando periurio, supra omnes Reges & Imperatores offeramus*. Singula videamus. Primum absurdum non potes inferre, nisi hoc modo: Quicumque dicit, *saluum conductum Imperatorum, Regum & Principum non impedire superiorem Ecclesiasticorum iurisdictionem*, is dicit, Imperatoribus, Regibus & Principibus non esse debitam fidem & obedientiam præstandam: sed Catholici dicunt prius: Ergo & posterius. Maior falsa est. Vt hoc videas, repono tibi similem hunc syllogismum: Quicumque dicit *saluum conductum inferioris Iudicis non impedire iurisdictionem superioris Iudicis*, is dicit, inferiori Iudici non esse debitam fidem & obedientiam præstandam: sed Iureconsulti dicunt prius: Ergo posterius. Certè, si maior propositio huius syllogismi falsa est, ut reuera est, in altero quoque falsam fuisse necesse est. Nihil ergo, Bataue, concludis.

6. Alterum absurdum debes simili syllogismo deducere: Qui dicit *saluum conductum Imperatorum, Regum & Principum non impedire superiorem Ecclesiasticorum iurisdictionem*, is publicam fidem Imperatorum, Regum & Principum conuellit, & subditos eorum ad rebellionem concitat; sed Catholici faciunt prius: Ergo & posterius. Regeo tibi hoc modo: Qui dicit, *saluum conductum inferioris Iudicis non impedire iurisdictionem superioris Iudicis*, is publicam fidem inferioris Iudicis conuellit, & subditos illius ad rebellionem concitat; sed Iureconsulti faciunt prius: Ergo & posterius. Vides in utroque syllogismo maiorem falsam esse. Ergo iterum nihil efficit.

7. Tertium absurdum sic potest inferri: Qui dicit *saluum conductum Imperatorum, Regum & Principum non impedire superiorem Ecclesiasticorum potestatem*, is principatum Ecclesiasticum, nefando periurio, effert supra Imperatores, Reges & Principes. Catholici faciunt prius: Ergo & posterius. In hoc syllogismo concedo maiorem, si omittas illam particulam, *nefando periurio*. Fateor enim Ecclesiasticam iurisdictionem esse superiorem & præstantiorem iurisdictione temporali seu politica. Nego, hic ullum esse periurium. Et ratio est euident, quia illa iurisdicção est præstantior & eminentior, quæ versatur circa obiectum præstantius, & ad præstantiorem finem ordinatur: At iurisdicção Ecclesiastica versatur circa obiectum præstantius, & ad finem præstantiorem ordinatur: Ergo est eminentior & præstantior. Minor patet, quia iurisdicção Ecclesiastica versatur circa res sacras & spirituales, & ordinatur ad finem supernaturalem, nempe ad æternæ gloriæ consecutionem. Iurisdicção autem temporalis seu politica versatur circa res ciuiles & temporales; & ordinatur ad finem naturalem, nempe ad quietem & pacem reipublicæ conseruandam. Ergo Ecclesiastica, ratione obiecti & finis, præstantior est, quàm politica. Quid tu hic absurdi vides? Antuplus æstimas negotia poli-

Opule. Bec.

tica, quàm sacramenta & verbum Dei? Principum secularium, est tractare causas politicas. Prælatorum Ecclesiæ est, pacere & gubernare populum Christianum Sacramentis & verbo Dei.

8. Nec ego solus sic sentio. Mecum Episcopi, Pontifices, Imperatores, alij. E multis paucos accipe. Gelasius 1. Epistola 10. ad Anastasium Imperatorem; *Noli*, inquit, *fili clementissime, quod licet præstas humanæ generi dignitate rerum terrenarum; tamen præstabis diuinarum rerum, demotis collo submissis*. Et Gregor. VII. lib. 8. Epistol. 21. ad Hermanum Merenien Episcopum; *Qui dubitas Sacerdotes Christi, Regum & Principum, omniumque fidelium Patres & Magistros censere? nonne mirabilis insania esse cognoscitur, si filius Patrem, discipulus Magistrum sibi conetur subingere, & iniquis obligationibus illum potestati suæ subicere, à quo credit, nos in terra solum, sed etiam in cælis se posseligari & solui*. Cyrillus Hierosolymitanus Catech. 17. *Ad hodiernum usque diem cernimus mundanos Principes regi & instrui ab Ecclesiasticis*. Gregor. Nazianzenus orat. 17. quæ est ad ciues Nazianzenos, & irascentem Præfectum: *Quid igitur dicis? an me liberè loquentem a quo animo feretis? Nam vos quoque imperio meo, lex Christi subiecit. Imperium enim nos quoque gerimus; addo etiam præstantius & perfectius. Nisi verò æquum est, spiritum carni fasces submittere, & cælestia terrenis cedere*. Ioann. Chrysostomus homil. 83. in Matth. alloquens Diaconum; *Si dux quispiam si Cōsul ipse, si is qui diademate ornatur, indignè adeat; cohibe & coërce; maiorem eni illo habes potestatem*. S. Ignatius, Ioannis Euangelistæ discipulus, in Epistol. ad Smyrnenes. *Episcopum oportet honorare, tanquàm principem Sacerdotum, post hunc honorare oportet etiam Regem*. Et in Epistol. ad Philadelphenses: *Omnis Clerus, & omnis Populus, Milites, Principes, atque Casares obediunt Episcopo: Episcopus verò Christo*. Hosius Episcopus in Epistola ad Constantium Imperatorem; *Ne se misceas Ecclesiasticis, neque nobis in hoc genere præcipe sed potius ea à nobis discere*. Ambrosius Epistol. 32. ad Valentinianum Imperatorem: *Quādo audisti, clementissime Imperator, in causa fidei laicos de Episcopo iudicasse? Et Epistol. 33. Noli te granare Imperator, ut putes te in ea, quæ diuina sunt, imperiale aliquod ius habere: Noli te extollere: Sed si vis diutius imperare, esto Dei subditus*.

9. Audi & Imperatores. Basilius Imperator in oratione, quam habuit in 8. Synodo: *Quantaunque*, inquit, *religione ac sapientia laicus existat, vel etiam si vniuersa virtute interius polleat, donec laicus est, vni vocari non desinet. Rursus, Episcopus quantacunque sit irreuerentia plenus, & nudus omni virtute, donec Antistes est, & veritatis verbum prædicauerit, Pastoris vocationis & dignitatis damna non parietur. Quæ ergo nobis ratio est in ordine orium constitutis? Pastores, verborum subtilitatem discutiendi, & ea, quæ super nos sunt, querendi & ambiendi habent. Oportet nos ergo cum timore & fide sincera hos audire, & facies eorum venerari (cum sint ministri Dei omnipotentis) & nihil amplius, quàm ea quæ nostri ordinis sancti, requirere. Theodosius & Valentinianus in Epistol. ad Synodum Ephesinam: *Candidianum Comitem ad sacræ vestram Synodum abire iussimus, sed ea lege & conditione, ut cum questionibus & controuersis, quæ circa fidei dogmata incidunt, nihil quicquam commune habeat. Nefas est enim, qui sanctissimorum Episcoporum catalogo ascriptus non est, illum Ecclesiasticis negotiis & cōsultationibus immiscere*. Honorius in Epistol. ad Arcadium Orientis Principem. *Ad illos (id est, Episcopos) diuinarum rerum interpretatio; ad nos, religionis spectat obsequium*. Iustinianus in Authentica constitut. 123. *Si Ecclesiasticum negotium sit, nullam communionem habento ciuilibus**

Magistratus est ea disceptatione; sed religiosissimi Episcopi secundum sacros Canones, negotio suum imponunt. Refert Sozomenus l. 1 c. 8. Constantinum Imperatorem scripsisse, cum ad Episcopos, tum ad præfides cuiuscunque Prouinciæ, ad illos quidem, ut quæ uellent, imperarent; ad hos autem, ut morem gererent Episcopis, eorumque imperata studiosè facerent.

10. Vides, Bataue, Prælatos Ecclesiæ Pastores esse, Reges & Imperatores, quorum numero censeri: illos cælestium, hos terrenarum rerum administratores esse, illos præcipere, hos obtemperare. Et tu contra tot Pontificum, Patrum & Imperatorum testimonia contra ipsam rationem & veritatem, ex peruersa contradicendi libidine, audes hunc ordinem turbare, & sæcularem magistratum Ecclesiastico anteferre: Saltem Caluini tuum audire debueras, qui ingenuè fatetur, quod nos uerissimus. Sic enim loquitur lib. 4. Inst. c. 11. §. 4. *Magistratus, si pius est, non uolet se eximere communi filiorum Dei subiectione, cuius non postrema pars est, Ecclesia ex verbo Dei iudicanti se subicere; tantum abest, ut iudicium illud tollere debeat. Quid enim honorificentius (inquit Ambrosius) quam ut Ecclesia filius dicatur Imperator? Imperator enim bonus, intra Ecclesiam, non supra Ecclesiam est. Quare illi, qui ut magistratum ornent, Ecclesiam spoliant hac potestate, non modo falsa interpretatione corrumpunt Christi sententiam (nempe quicquid ligaueritis super terram, erit ligatum & in cælis, &c.) sed sanctos omnes Episcopos, qui tam multis à tempore Apostolorum existerunt, non leniter damnant, quod honorem officiumque magistratus falso prætextu sibi usurpauerint.* Hæc Calvinus, ex quo tria disce. Primum, pius magistratus sponte se subicere iudicio & iurisdictioni Ecclesiasticæ. Impius ergo, qui id non facit. Secundò Imperatorem bonum, esse membrum Ecclesiæ, non caput; filium, non patrem. Tu ergo non bonum, sed malum Imperatorem effers supra Ecclesiasticam iurisdictionem. Tertiò, eos, qui magistratum sæcularem præponunt Ecclesiastico, contumpere sententiam Christi, & damnare sanctos Episcopos, qui à tempore Apostolorum existerunt. Hoc tu facis, Bataue.

11. Atque hæc dicta sunt de priori Concilij Constantiensis decreto, quod tu frustra oppugnare ausus es. Ostendi enim non rectè ex eo inferri tria illa absurda, quæ tu malitiosè inferebas. Circa posterius decretum habes etiam, quod reprehendas, præsertim illud, quod dixi, *Principem sæcularem, qui promittit alicui securitatem, cum fecerit quod in ipso est, non manere in aliquo obligatum.* Hoc tu interpretaris, quasi dicerem. *Esse quidem in potestate Principis vel Imperatoris, Evangelicis ad Concilia coniuratorum Patrum abeuntibus securitatem dare, non autem datam seruare.* Semper hic erras Bataue. Nihil dixi de Evangelicis. Nec vos Evangelici, sed hæretici estis. Porro verborum meorum non est ille sensus, quem tu fingis, sed longè alius. Affero in Imperatoris potestate esse, non solum dare securitatem, sed etiam datam seruare. Cur ergo non præstat, inquis, ut is, cui securitatem dedit eundi ad Concilium, securus inde exeat? Hussium proculdubio intelligis, qui accepta à Sigismundo Imperatore securitate eundi ad Concilium Constantiense, non exiit securus, sed exustus est. Hic scopulus est, in quem semper impingitis. Hic tu & alius è Batavia Calvinianus, Daniel Plancius, multa otiosè disputatis. Et quidem Plancio facilè ignoscam, quia cum Grammaticus sit, suo iure prout Grammaticè & pueriliter, conquisitis hinc inde aliquot phrasibus, litigare. At te, qui Iureconsultus haberi vis, non melius ea, quæ communi iure sancita sunt, intelligere & interpretari, valde equidem miror. Audi ergo, quid Iurecōsulti dicant. Illorū regula hæc est. *Quando datur alicui saluus conductus, vel se-*

curitas iure communi, solum datur contra vim iniustā, non autem contra iuris executionem. Unde in eundi saluo conductu seu securitate, quæ iure cōmuni data est, exprimi vel intelligi debet hæc clauula; *Salua sēper iustitia.* Et quidem Saxones ex Carolina institutione eam exprimunt sub hac formula: *Damus tibi fidem publicam, causam dicendi in iudicio, contra vim, non tamen contra iuris executionem.* Idem fecerunt Patres Concilij Constantiensis Sess. 6. cum aiunt: *Ad quod à violentia, iniustitia semper salua, omnem saluum conductum nostrum, quantum in nobis est, presentium tenore offerimus.* Plura de hac re uideri possunt apud Mynsingerum in observationibus Iudicij Imperialis Cameræ: obseruatione 82. Euerardum Spechan centuria 1. quæstionum iuris, quæst. 1. §. 18. & alios, quibus consentit, clarissimus & consultissimus vir Dominus Matthæus Boys, utriusque Iuris Doctor & Professor Colonien-sis, quem etiam consului.

12. Ex hac regula, quam negare non potes, facilè iam percipis, quid si Principem sæcularem, qui dat alicui saluum conductum seu securitatem, non manere amplius obligatum, si facit, quod in se est. Tantundem enim est, ac si dicas, non manere obligatum, si præstat, quod promittit. Quid autem promittit? Nihil aliud, quàm securitatem contra vim iniustam, salua semper iustitia & iuris executione. Si ergo efficit, ut is, cui securitatem dedit, non patiatur aliquam vim iniustam, omnino censetur seruare securitatem à se datam. Et hoc est facere, quod in se est. Nunc sic applica: Sigismundus Imperator dedit Hussio securitatem eundi Constantiam & inde redeundi, contra vim iniustam, salua semper iustitia. Hanc autem præstitit. Nihil enim iniuste passus est Hussius. Si quid passus est, iuste & legitime passus est. Hoc infra quæst. 19. claris tibi demonstrabo. Nam ibi iterum de Hussio agendum erit. Hoc loco satis est, quod aliquando cum tuo Plancio intelligas, quid sit, Imperatorem seu Principem sæcularem, dato saluo conductu, facere quod in se est, Est enim, defendere contra vim iniustam.

13. Ex dictis, concludo, te in Concilio Constantensi, nec diserte potuisse reperire hanc sententiam: *Hæreticis non est seruanda fides; nec ullum apicem, ex quo illam vel obscure colligeres.* Hoc solum te egisse, ut decreta Concilij peruersa & odiosa interpretatione posses quocunque modo tradere. Ego potius contrarium tibi ostendam; nempe Patres Concilij sensisse, omnino seruandam esse hæreticis fidem. Cum enim definiant, Principem sæcularem, qui promittit hæretico saluum conductum seu publicam securitatem, & faciat quod in se est, non manere in aliquo obligatum; planè insinuant, talem Principem seruasse fidem, quam promiserat, & boni Principis officio functum esse. Quod si putassent, Hæretico non esse seruandam fidem, non fuisset opus eò confugere: sed rotundè dixissent, Principem sæcularem non debere esse sollicitum de seruanda hæreticis fide, nec ullam obligationem oriri ex fide illis promissa. Hoc autem non dixerunt; sed potius Principem, qui obligatus est ad seruandam fidem hæreticis promissam, satisfecisse suæ obligationi, si fecit, quod in se fuit, id est, si præstitit securitatem contra vim iniustam.

ANNOTATIO.

§. Multas pagellas consumis in Apologia tua circa hanc quæstionem, & tamen ipsam punctum, de quo agitur, planè dissimulas. Agitur de Concilio Constantensi, an in eo definitum sit, hæreticis non esse seruandam

dam fidem? Ego ostendi, non esse hoc definitum. Tu quia contrarium probare non potes, nullum de hac re Verbum facis. Quid ergo? Primum, ægrè fers, quod dixerim Ecclesiasticam iurisdictionem esse superiorem iurisdictione civili. 2. Excursus in laudem Regis Angliæ, quod scripserit monitoriam Praefationem ad Reges & Principes. 3. Exagitas Bozium & Bellarminum, quod defendant auctoritatem Pontificis. 4. In ipsum Pontificem multa contumeliosè effundis. Nimirum hi sunt loci communes, qui vobis seruiunt in necessitate, quando aliud non habetis.

1. Et quidem de Pontifice, Bellarmino & Bozio, nullam dicam. Quorsum enim? Quid sentiam de monitoria Praefatione Regis Angliæ, iam pridem intellectam. Porro, quod iurisdictionem Ecclesiasticam civili superiorem esse dixerim, non diffiteor. Nec dixi solum, sed etiam probavi. Argumenta, quæ tu in contrarium adfers, planè futilia sunt. *Primum*, sic obicis: Nusquam in Scriptura legitur, quod Praefati Ecclesiæ in omnibus sint supra Reges & Principes. *Respondeo*. Nec ego dixi, in omnibus. Hanc particulam tu aspingis. A quo, quod in iurisdictione Ecclesiastica sint supra Reges & Principes, satis fusiè ostendi in libello contra Primatum Regis Angliæ. Eum consule, si libet. *Secundo* obicis illud Roman. 13. 1. *Omnis anima potestati sublimioribus subdita sit*. Et illud ex Euangelio: *Reges gentium dominantur eorum; vos autem non sic*. *Respondeo*. Hæc testimonia in eodem libello clarè à me explicata sunt. Quid necesse est repetere, cum nihil noui adferas?

3. *Tertiò* sic obicis: *Cum D. Paulus Ecclesia primitivæ formam describit, non B Petrum primo loco, tanquam caput nominat, sed dicit Ecclesias veras esse membra Christi, nullum autem eorum esse caput, sed solum Christum*. Quare etiam non unum Apostolum tanquam Vicarium Christi nominat, sed inter membra Christi, primum collocat omnes Apostolos; deinde Prophetas; tertio Doctores, &c. *Respondeo*, Ex tuis verbis te convincam, Bataue. Dicis, inter membra Christi, primo loco collocari omnes Apostolos, secundo Prophetas, tertio Doctores. Si ita est, necessariò sequitur, Reges esse infra Apostolos, Prophetas & Doctores. Non enim sunt caput Ecclesiæ, ut concedis, sed membra. At inter membra, primum locum tenent Apostoli: Ergo sunt supra Reges: Ergo iurdictio Ecclesiastica est superacivilem. Quid clariù?

4. *Quartò* obicis; D. Paulus vocat Christum *magnum autem Pastorem*. Et mox addis; *Tu nunc, Bataue, ex sacris litteris Batauum doce, vel Christum, vel Apostolos aliud corporis mystici Christi caput ministeriale & visibile constituisse, & eris ipsi magnus Apollo*. *Resp.* Si solus Christus est caput Ecclesiæ, & nullus alius est caput ministeriale & visibile, quomodo verum est, quod toties repetis Reges esse Vicarios Christi in Ecclesia? Nihil enim aliud est, esse Vicarium Christi in Ecclesia, quam esse caput ministeriale in Ecclesia. Tu igitur doce me, Bataue, vel Christum, vel Apostolos constituisse Vicarium Christi in Ecclesia, & ego docebo te, constituisse caput ministeriale in Ecclesia.

5. *Postremò* obicis, *Fidem Christianam haud dubiè non fieri circa invisibilia versari: aliud enim est videre, aliud credere*. At cum doceamur credere sanctam Ecclesiam Catholicam, statuimus, eam esse invisibilem. Invisibili autem Ecclesia duo capita assignere, mysticū & visibile, monstrum esset, nec vilo modo aut proportionem cōstaret. nec vis dicere; Corpus invisibile nō potest habere caput visibile, alioqui non esset proportio. At Ecclesia est corpus invisibile. Ergo non habet caput visibile. Minorem sic probas? Quod fide credimus, hoc non est visibile. *Opusc. Bec.*

6. *Respondeo*. Non intelligis quæ dicis: Quæ ex te, an Christus in hac vita existens, non fuerit visibile? Sine dubio. An tunc non fuerit caput Ecclesiæ? Nihil certius. An Ecclesia fuerit tunc monstruosa? Absit, Quid ergo vrget, caput Ecclesiæ debere esse invisibile? Iterum quæro. An & tu visibile sis: An membrum Ecclesiæ? An Ecclesia, cuius membrum es, visibile, sit, an invisibilis? Quid hæres? Dic aliquid.

7. Audi Bataue. Res sic habet. Non repugnat, rem aliquam & visibilem esse, tamen cadere sub fidem, sed diverso respectu. Huius rei varia sunt exempla. Apostoli in Christo videbant humanitatem; credebant divinitatem. In Baptismo, videmus externam aquam & abluitionem; credimus internam vim regenerandi, & peccata remittendi. In Codice Bibliorum videmus chartam, scripturam & codicem ipsum; credimus quod in ea legitur, Verbum Dei esse. Idem ergo iudicium est de Ecclesia. Est aliquid in ea, quod videmus: est aliquid, quod credimus. Videmus homines, ex quibus conflatur Ecclesia: credimus, veram doctrinam apud eam & conservari. Eodem modo, videmus Christum, qui est caput Ecclesiæ, Pontificem, qui est Vicarius Christi: credimus, Christum habere supremam iurisdictionem in Ecclesia, & Pontificem habere vicariam seu delegatam.

QUESTIO XVI.

An in Concilio Lateranensi definitum sit, Hæreticis non esse servandam fidem?

1. **A** Is in duobus Conciliis Lateranensibus id definitum esse, quorum alterum sub Gregorio VII. alterum sub Innocentio III. celebratum sit. Vt utique autem fuisse generale, seu œcumenicum. Ex prioribus producis hæc verba Gregorij VII. *Ne sancti oris predecessorum nostrorum statuta tenentes, eos qui excommunicationis fidelitate aut Sacramēto cōstricti sunt, Apostolica auctoritate à sacramēto absolvimus, & ne sibi fidelitatem observent, omnibus modis prohibemus, quousque ipsi ad satisfactionem veniant*. Addis, hunc Gregorium antea dixisse fuisse Hildebrandum, & de eo sic scribere Abbatem Visbergensem: *Certū est, quod Hildebrandus non fuit electus à deo, quod fraude & sordibus semetipsum intrusit, ordinem Ecclesiasticum evertit, Imperium Christianum turbavit, Regis pacifici mortē machinatus est, periculas defendit, lites, bella & dissidia fovit, discordiarum semina sparsit, scandala suscitavit, divortia fecit, denique omnia, quæ videbantur inter eos, qui sancte vivebant, rite ordinata, commovit & evertit*. Non itaque mirum est, si à tali spiritu, huiusmodi impia decreta, quibus orbis Christiani tranquillitas perturbabatur, Italia & Germania flammis bellorum civilium accendebantur, subditi, ut contra Reges & Principes suos rebellarent, à sacramēto fidelitatis & obedientiæ ipsis debita soluerentur, &c.

2. Ex posteriori Concilio Lateranensi citas hæc verba Innocentij III. *Siverò Dominus temporalis, requisitus & monitus ab Ecclesia suam terram purgare negligeret ab hæretica fœditate, excommunicationis vinculo innodetur, & si satis facere contempserit infra annum, significetur hæc summo Pontifici, ut ex tunc ipse Vassallos ab eius fidelitate denunciaret absolutos, & terram exponat Catholicis occupandam, qui eam exterminatis hæreticis absque ulla contradictione possideant*.

3. Expendamus singula. Ac primum, ut vera à falsis separentur, notanda sunt tria mendacia, quæ hic admittes. Primum est, quod ais Vtrumque Concilium fuisse generale: solum posterius generale fuit, non prius. Alterum, quod addis Abbatem Visbergensem supra dicta verba scripsisse de Hildebrando, qui postea Gregorius VII. fuit appellatus. Audi Bataue. Abbas in suo Chronico, circa annum Domini 1080. refert quidem similia verba, non tamen sua, sed quorundam xmulorum, qui aduersabantur Gregorio. Et postea subdit verba Anselmi Lucensis Episcopi, quibus defenditur & laudatur Gregorius, in hunc modum: *Ut ergò de B. Gregorio Patre nostro dicam, quod de Cornelio scripsit beatus Cyprianus, factus est Episcopus, de Dei & Christi eius iudicio, de Clericorum penè omnium, & ut verius dicam, omnino omnium testimonio de plebis, quæ tunc aderat, suffragio, de sacerdotum antiquorum & bonorum virorum collegio, cum locus Petri & gradus sacerdotalis cathedra vacaret, &c.* His recitatis, subiunxit Abbas Visbergensis: *Hæc priori sententia valde contraria scripsit Anselmus Episcopus, vir literis apprime eruditus, ingenio acutissimus, facundia præcipuus, & quod omnibus maius est, in Dei timore & sancta conuersione nominatissimus, adeò vitam in vita, quàm post mortem referatur miraculis clarus.* Vides, quid scribat Abbas de Anselmo, & quid Anselmus de Gregorio. Nec solum Anselmus, sed alij plerique Gregorium insigniter commendant Plantina de eo sic habet; *Gregorius septimus, Hildebrandus antea vocatus, natione Heinricus, Patria Saxonensis, Patre Bonicio, omnium bonorum consensu. Pontifex creatur, ipsius auctoritate electi. verba ista annotata sunt. Nos sancta Romana Ecclesie Cardinales Clerici, Acolybi, Subdiaconi, Presbyteri, præsentibus Episcopis, Abbatibus, multisque sum ecclesiastici, tum laici ordinis, eligimus hodie X. Calendas Maij, in Basilica S. Petri ad vincula, anno salutis 1072. in verum Christi Vicarium, Hildebrandum Archidiaconum, virum multa doctrina, magna pietatis, prudentia, iustitia, constantia, religionis, modestiæ, sobrii, continentem.* Lambertus Schaffnaburgensis eundem Gregorium vocat *virum sacris litteris eruditissimum, & in tota Ecclesia, tempore quoque priorum Pontificum, virtutum genere celeberrimum.* Marianus Scotus ait fuisse *virum venerabilem*, & ipsius decreta recenset ac laudat. Otto Prisingensis, Episcopus de eo sic scribit: *Forma gregis factus, quod verbo docuit, exemplo demonstrauit, ac fortis per omnia aibla, se pio munro domui Israel ponere non timuit.* Cur hæc omnia, Bataue, dissimulas? Cur relictis probatissimis testibus, qui Gregorium commendant, quorundam improborum hominum maledictis fidem habes? Cur falso Abbatem Visbergensem contra me citas?

4. Superest tertium mendacium. Ais Gregorium in suo decreto expresse loqui de *Hæreticis*. Non ita est. Expresse loquitur de *Excommunicatis*. Qui autem erant illi excommunicati? Plerique Catholici, tametsi mali & contumaces. Sic enim legimus in Concilio Romano. 4. sub Gregorio; *Statuimus, ut nulla unquam persona alicuius potentia, sine Rex, aut Archiepiscopus, Episcopus, Dux, Comes, Marchio, sine miles, aliqua presumptione, temeritate, ausu, fraude, dolo, seu aliqua perturbacione legatis nostris obistere & contrariari, ne iustitiam & finem componant peritentes. Quicunque autem temerario ausu, huius nostre constitutionis violator existerit, legatisque nostris ad hanc pacem componendam cunctis fraudem opponere tentauerit, vinculo cum anathematis alligamus.* Et paulò post; *Rainerio V. gizoni filio, inducias trium hebdomadarum damus. Quod si in spatio isto coram presentia nostra iustitiam facere noluerit, ad quod finem suum manu sua intenderit, &*

multa pericuria, ut scelestus, incurrere non abhorruit; anathemate eum percutimus. Et filium comitis N. datis inducijs usque in palmas simili excommunicatione innodamus, eo quod Lucem Ecclesiam quiete manere, sua dissipando, minimè permittit, & cetera. Excommunicamus omnes Normanos, qui inuadere terram S. Petri laborant, & eos qui Beneuentum obsident, & qui tentant Urbem Romanam confundere. Hic aperte constat, excommunicari à Gregorio Catholicos Reges, Episcopos, Comites, Marchiones, Milites, & alios qui vel obistunt Legatis Pontificis, vel homicidia & pericuria committunt, vel Ecclesiarum bona diripiunt, vel ciuitates Pontifici subiectas, vi obsident. De his ergo & similibus excommunicatis, paulò post additus; *Nos sanctorum predecessorum nostrorum statuta tenentes, eos qui excommunicati fidelitate aut sacramento constricti sunt, Apostolica auctoritate à Sacramento absolimus.*

5. Hæc de mendacijs. Nunc ad rem. Quæstio nostra est, an Gregorius VII. definiat. Hæreticis non esse seruandam fidem? Tu affirmas, & probas ex verbis ipsius supra citatis, Ego nego, & probò ex eisdem verbis, & eorum sensu ac circumstantijs. Non enim loquitur Gregor. præcisè de *hæreticis*, sed de *Excommunicatis*, & potissimum, ut iam ostendi, de Catholicis excommunicatis. Nec generatim definit, non esse iis seruandam fidem in publicis vel priuatis contractibus, de quo nostra quæstio est, sed solum, non esse præstandam illis obedientiam à subditis. Quare? quia priuauerat eos vñ suæ iurisdictionis. Id autem rectè fieri posse sic ostendo? Quicumque legitime priuatur iurisdictione tua, vel vñ iurisdictionis, ei nulla debetur obedientia à subditis: sed qui propter scelera & flagitia sua excommunicantur, possunt legitime priuari sua iurisdictione, vel alteri vñ iurisdictionis: Ergo tunc nulla eis debetur à subditis obedientia. Quia hic culpa est, aut quomodo tu id trahis ad hæreticos, quod æquè intelligi potest ac debet de Catholicis? Duo hic ex requiram. Vnum est, an non Calvinistæ in Belgio, quoties vi vel actu occupant Catholicam ciuitatem, soliti sint Prætores & Consules Catholicos, prætextu Romane religionis priuare sua iurisdictione, & Calvinistas substituere? Non potes negare. An hoc modo non eximant subditos ab obedientia priorum Consulium & Prætorum, qui depositi sunt? Omnino. An hinc licebit mihi concludere, Calvinistas in Belgio definire, non esse seruandam fidem Catholicis? id negabis. Cur ergo tibi liceat ex facto Pontificum inferre similem conclusionem? Alterum est, an non Imperator legitima de causa posset aliquem Principem imperiali banno subicere, vel quod idem est, proscribere? Potest utique. An subditi illius Principis eximantur ab obedientia, quamdò durat proscriptio? Certum est. An hinc liceat inferre, Imperatorem lancire, non esse Principibus seruandam fidem? Tu videris.

6. Ut hæc clariùs intelligas, distinguenda sunt hæc propositiones. Vna, *Hæreticis ex eo præcisè, quia hæretici sunt, non est seruanda fides in villo contractu, aut pactione.* Altera, tam Catholicis, quàm Hæreticis in pactionem alicuius magni delicti, possunt proscribi, & priuari iurisdictione, vel vñ iurisdictionis circa subditos. Prior falsa est; posterior vera. Nostra quæstio est de priori, tu ad posteriorem relaberis. Itaque nihil efficit. Fatemur, tam Catholicos, quàm hæreticos, propter enormia flagitia priuari posse temporali dominio & iurisdictione, vel saltem vñ illius: & consequenter subditos eorum legitime liberari ab obedientia & fidelitate illis præstanda. Negamus. Hæreticis, quia hæretici sunt, in nullo contractu aut pactione fidem seruandam esse. Et tu, Bataue, velis nolis fateri nobiscum id debes. An non scripsisti in priori tuo

libello, Philippum Regem Hispaniæ, propter duo nota crimina (quæ tu falso illi impingis) suo regno privandum esse, & consequenter subditos ab obedientia & fidelitate illi præstanda eximi oportere. Non potes inficiari. An idcirco censet, Catholicis Regionibus non esse servandam fidem in villo contractu aut pactione? Attende, quid dicas.

7. Hæc sufficiant de Concilio Romano (quod tu Lateranensis vocas) sub Gregorio VII. celebrato. Ex quo, ut vides, nihil ad rem attulisti, præter tua mendacia. Nam in eo non agitur præcisè de hæreticis, quia hæretici sunt; sed de excommunicatis, siue illi hæretici, siue Catholici sint. Nec generatim de hâc servanda in quovis contractu vel pactione: sed speciatim de fidelitate, seu obedientia subditorum erga suos Principes & Magistratus. Quod verò adfers ex Concilio Lateranensi sub Innocentio III. eundem momenti est. Nam Innocentius in verbis à te citatis non loquitur de Hæreticis, de quibus inter nos controversia est; sed de Principibus & Prelatis Catholicis, quibus mandat sub pena excommunicationis, ut purgent suas provincias ab hæresi; & si id facere negligant, mittatur illis perimationem vltus Domini ac vltimationis in subditos. Hoc patet ex verbis præcedentibus, quæ tu omisisti, forte, ut lectorem deciperes. Ea sic habent: *Moneantur autem & inducantur, & si necesse fuerit, per censuram Ecclesiasticam compellantur seculares potestates, quibuscumque fungantur officiis, ut sicut reputari cupiunt & haberi fideles, ita pro defensione fidei præstent publice iuramentum quod de terris suis, ditionis subsidio, universos hæreticos ab Ecclesia denotatos bona fide pro viribus extirpare studebunt, ita quodammodo, quandocunque quis fuerit in potestatem siue spirituales, siue temporales assumptus, hoc teneatur capitulum iuramento firmare.* Quis non videt Innocentium loqui de magistratu fidei seu Catholico, tam Ecclesiastico, quam temporali? Et quidem de temporali, immèdiate subiungit verba à te superius citata; *Si vero Dominus temporalis requisitus & monitus ab Ecclesia, suam terram purgare negligeret, &c.*

8. Concludo, falsè te scripisse, in tribus Conciliis, Tridentino, Constantiensi & Lateranensi, *expresse* decretum esse, *quod hæreticis non sit fides servanda.* Nusquam id, non dico, *expresse*: sed nec *implicitè* invenire potuisti. Ego verò ex Tridentino, *expresse*, ex Constantiensi, *implicitè*, contrarium ostendi. Lateranense nihil habet de hæreticis, quia hæretici sunt: sed de *excommunicatis*, siue illi Catholici, siue hæretici sint. Hæc omnia ex dictis patent. Nunc relictis Conciliis, transicamus ad decreta Pontificum, quæ à te citantur.

ANNOTATIO.

1. Multa gratis in hanc quæstionem, quæ vel mendacia, vel coniectura, vel inania verba sunt, vel certe ad rem non faciunt. Percutram obiter Primum ergo sic incipis: *Quod Bataucum falsitatis in allegatione Abbatis Versbergensis accusas, vitiligum est, & in te retorqueri potest, qui uni, quam pluribus testibus, plus fidei haberi velis.* Iudicet Lector ex iis, quæ dicta sunt, an non merito falsitatis te accusaverim: Et nunc iterum accuso. Dicis, me plus fidei habere vel uni, quam pluribus. Falsum est. Non vnum ego, sed plures citavi auctores, qui commendant Gregorium VII. quem tu malitiosè reprehendis. Citavi Anselmum, Platnam, Lambertum Schaffnaburgensem, Marianum Scotum, Ottonem Frisingensem. Et eorum verba fideliter transcripsi; quod negare non potes.

2. Pergis? *Et tu Becane, Acta Concilij Moguntini, cuius alma Urbis uberibus lactaris, arroderè potius, Opusc. Bec.*

A quam tueri cupis, dum eorum fidem, ut impium illum Pontificem vindices, in dubium vocas. O ingratus venenem. Nescio, vigilans, an leviuans hæc scripturus. Næ ego sanè, in tota hac quæstione, nullum verbum feci de villo Concilio Moguntino, multò minùs atroci. Nec tam ingratus sum in hanc Almam, Catholicam & Archiepiscopalem urbem Moguntiam, an quæ multos iam annos vivo, ut ipsius honori vel existimationi quicquam detractum velim. Illud porro: *O ingratus ventrem*, dabo operam, ut in me locum non habeat. Tu interim de tuo ventre sollicitus sis.

3. Iterum pergis; *Nugas fallacis cumulas, Becane, cum in canone, Nos excommunicamus, ne as expresse hæreticos excommunicari.* Manes tui similis, Batauc. Nihil dixi de canone, *Nos excommunicamus.* Nec tu faci in repertis ulum in iure canonico. Hoc dixi, Gregorium VII. in suo decreto, quod incipit, *Nos sanctorum*, non loqui expresse de hæreticis, ut tu falso affirmabas, sed de excommunicatis. Et hoc puto metatis confirmasse. Nec tu contrarium probas.

4. Adde: *Sed audi, quæ loquor non omnes, qui Pontifici Romano non obediunt, hæreticos esse dicatis, licet de cætero sint Pontifices.* Audio, Batauc: sed nihil præter mendacium. Eos dicimus hæreticos, qui aliquid pertinaciter defendunt contra veram fidem, qualis tu es. Eos verò, qui Pontifici non obediunt, si de cætero Pontifici sint, non hæreticos, sed Schismaticos appellamus. Vide D. Thom. 2.2. q. 39. & alios Theologos, qui distinguunt inter hæresim & schismam: Hæresim dicunt esse contra fidem, schismam contra charitatem. Hæc tu non intelligis.

5. Imple adhuc aliquot pagellas, in quibus nihil occurrit notatione dignum, præter mendacia & calumnias: Et tandem ita concludis, *Redi itaque Impostor in abyssum, unde non ita pridem exiliisti.* Nimirum, sic deceat novos Evangelicos loqui. Porro ex mendacis vnum est, quod dissimulare non possum. At Vincentium in Speculo Historiali, lib. 15. c. 84. accusare Gregorium VII. de hæresi, rebellionem & peritio. Ac in toto illo libro, nullam eius mentionem facit. Persequitur ibi historiam, quæ contigit sub Imperatoribus; Constantino, Constante & Valente. Greg. VII. multis licet post vixit. Facit quidem mentionem illius lib. 26. c. 44. 45. & 51. sed nihil dicit de hæresi, rebellionem, vel peritio. At illud damna de Simoniacos. An hoc malum est?

QVÆSTIO XVII.

An Pontifices decernant, non esse fidem Hæreticis servandam?

1. EX antiquioribus duos adducis, qui id decernant, nempe Urbanum II. & Gregorium IX. Ex recentioribus tres, Sixtum V. Gregorium XIV. & Paulum V. qui nunc præest Romanæ Ecclesiæ. De singulis dicam ordine, ac seorsim. Igitur ex Urbano II. in Epistola ad Episcopum Vapientem transcribis hæc verba: *Iuratos milites Hugoni Comiti, ne ipsi, quando excommunicatus est, seruiant, prohibeo. Qui si sacramenta præstenderint, non teneantur oportere Deo magis seruire, quam hominibus. Fidelitatem enim, quam Christiano Principi iuraverunt, Deo eiusque Sanctis aduersant, & eorum præcepta calcant, nulla cohibentur auctoritate persolvere.* Addis hunc Urbanum II. in Gregorij VII. sacrilegia & impietates successisse, ideoque à Bennone Cardinali appellatum esse *Turbanum, schismaticum, hæreticum, Arianum, & hypocritam.* Addis deinde, ab Hugone Comite cuius

mentio facta est, Evangelicos in Gallia, forte *Hugonotas* appellari.

2. *Respondet tibi ad singula.* Ac primò, decretum Urbani nihil ad rem facit. Nam Hugo Comes, qui vi illius decreti priuatus est subiectione & fidelitate militum, non fuit hæreticus, sed Catholicus. Nostra autem quæstio de hæreticis est. Deinde nihil à te reprehendi potest in illo decreto. Hoc ostendam in simili exemplo. Si Mauritius Comes, qui nunc pro Fœderatis ordinibus Hollandiæ Dux belli est, apertam defectionem moliretur, aut ordinum iudicio, iniustum bellum susciperet: an non Fœderati ordines legitimè putarent se facturos, si illum prosequerentur, & iuratos illi milites, sacramento fidelitatis, quo illi obstricti sunt, absoluerent? Omnino, inquit. At similis fuit causa Hugonis Comitis. Nam iudicio Urbani Papæ, iniquum bellum moliebatur contra sedem Apostolicam: ideòque simili modo puniri potuit. Res clara est Omnes Reges & Imperatores, quicumque talem belli Ducem nacti sunt, hac pœna dignum esse censent. Et hic valet illud pro militibus: *Foramentum non est vinculum iniquitatis.*

3. Quod addis Urbanum II. in Gregorij VII. *saecrilegia & impietates* successisse, ideòque à Benno appellatum esse *Turbarum, schismaticum, hæreticum*, non eget longa responsione. Ostendi supra, Gregorium non fuisse sacrilegum & impium; sed doctum, pium, prudentem, iustum, constantem, religiosum, modestum, sobrium, continentem. Si in has virtutes successit Urbanus, bene factum est. Successisse autem, restantur probati authores. Platina de eo sic scribit, *Urbanus II. Otto antea vocatus, post mortem Victoris, Pontifex creatur, ac meritis quidem. Doctrina enim & sanctitate visa, quoniam grandis magistratu dignus erat.* Plura vide apud Baronium tom. xi. Annalium Ecclesiasticorum. Porro Benno ille, quem tu citas contra Urbanum, homo fuit mendacissimus, ut clarè & copiosè ostendit idem Baronius tom. citato. Et mirum est, vos Calvinistas, quando testibus agendum est, semper suffragia petere ab iis, qui propter mentiendi libidinem in omnibus historiis infames sunt. Talis est tuus Benno.

4. Quod deinde subdis, fortè ab Hugone illo Comite Evangelicos in Gallia dictos esse *Hugonotas*, bene est, quod dicis, fortè. Nam Florimundus Remundus in libro de Antichristo, cap. 3. longè aliam illius nominis originem esse demonstrat. Aut milites Calvinianos qui in coniuratione Ambianensi, in mortem Regis totiusque familiæ Regis conspirauerant, habuisse hanc tesseram, ut obuios quosque alloquerentur his verbis, *Allez, vous à Nantes?* Et, si rogati responderent, *Huc nos*, intelligerentur essei conscij & socij conspiracy, Hinc factum esse, ut ex illa voce, *Huc nos*, frequenter reperta & usurpata, socij omnes, *Hugonota* nuncuparentur. Sed esto sanè? d. Cui fuerint Hugonotæ ab Hugone Comite. Non magna laus est. Nam Hugo iste fuit homo improbus & rebellis qui iniusto bello sedem Apostolicam, cuius tamen fidem & religionem profitebatur, opprimebat. Annon illis similes vis esse Hugonotas?

DE GREGORIO IX.

Ex Gregorio IX. in Epistola ad Archiepiscopum Mediolanensem adducis hæc verbi: *Absolutos se nonerint à debito fidelitatis & totius obsequij, quicumque lapsi manifestè in hæresin, aliquo pacto, quacunque firmitate vallato, tenebantur obstricti.* Nunc videris aliquid

A ad rem dicere. Nam quæ hætenus à te allata sunt, nullius momenti fuisse, iam ostensum est. Videmus ergo de hoc Gregorij testimonio. Dico breuiter, nihil obesse nostræ causæ. Hoc sic ostendo: Nostra quæstio est, an hæreticis, ex eo præcisè, quia hæretici sunt, non debeat seruari fides? Nos id negamus. Et ratio est, quia nec ex natura rei, nec iure diuino, alterum alteri connexum est. Si enim natura hæresis id exigeret, ut ei, qui hæresi infectus esset, non seruaretur fides; iam contra ius naturæ peccarent, quicumque seruarent hæreticis fidem, etiam in rebus minimis. Hoc autem falsum est. Non ergo ex natura rei connexa sunt hæc duo, *Hæreticum esse, & non seruare illi fidem.* Sed neque iure diuino connexa sunt. Nusquam enim in scriptura legimus; *Hæreticis non esse seruandam fidem.* Imò contrarium ex ea ostendi in Disputat. de fide hæreticis seruanda. cap. 7. §. 10. & seqq. 6. Quomodo ergo Gregorius dicit hæreticis non deberi fidelitatem & obedientiam à subditis? Dicam. Gregorius nouam pœnam constituit in hæreticos sui temporis, quæ nec natura rei, nec iure diuino constituta & determinata erat. Hæc autem pœna fuit legitimè constituta pro illo tempore. Ostendo in simili exemplo. Sicut hæresis peccatum est, ita furtum, adulterium, homicidium, perurium & blasphemia, peccata sunt. Nunc quæro. An homicidio, ex natura rei, vel iure diuino, hæc pœna annexa sit, ut homicidis, ex eo præcisè, quia homicidæ sunt, non præstatur obedientia à subditis? Minimè. An Rex non posset hanc pœnam statuere in homicidas? Omnino. Faciamus ergo Regem in suo regno sancire hanc legem:

B *Absolutos se nonerint à debito fidelitatis & totius obsequij, quicumque lapsi manifestè in homicidium, aliquo pacto, quacunque firmitate vallato, tenebantur obstricti.* An hæc lex erit iniqua? Nullo modo. An ex hac lege licebit inferre, homicidis, ex eo præcisè, quia homicidæ sunt, non esse seruandam fidem? nequaquam, ergo nec lex Pontificis iniqua est. Nec ex ea licet inferre, Hæreticis, ex eo præcisè, quia hæretici sunt, non esse seruandam fidem. Credo. Bataus, te hoc satis percipere. Addam tamen aliud exemplum, ut res fiat clarior. Fœderati in Hollandia statuunt hanc legem: Si quis Capitaneus tempore excubiarum repertus fuerit ebrius; nonerint omnes milites, se absolutos esse ab omni fidelitate, deinceps illi præstanda. Quid ais iusta, an iniusta lex est? Iusta, inquit, Rectè. An ergo mihi liceat concludere, Fœderatos docere, nulli ebrio, ex eo præcisè, quia ebrius est, seruandam esse fidem? Negabis. Et hoc rectè. Quod ergo in Fœderatis laudabile esse fateris, cur reprehendis in Pontificibus? Et si ex lege Fœderatorum non sequitur vllum absurdum, cur ex simili lege Pontificum absurdum colligis?

C Sed accipe aliud exemplum à Iureconsultis. Imperator L. Nullus. C. de summa Trinitate & fide Catholica, sancit hanc legem: *Nullus hæreticis ministeriorum sit locus. Et l. quicumque. C. de hæreticis: Vltimo etiam supplicio coerceantur, qui illicita docere tentauerint.* E Hic etiam quæro, sintne iustæ hæc leges Imperatorum, necne? Omnino iustæ sunt, & laudatæ ab Augustino Epist. 48. ad Vincentium, & Epist. 50. ad Bonifacium. An inde liceat inferre, Imperatores decernere, Hæreticis, ex eo præcisè, quia hæretici sunt, nec locum, nec vitam concedi posse? Absit. Quid ergo? Imperatores statuissent certam pœnam in hæreticos sui temporis, quæ ex natura rei, nec iure diuino definita & statuta erat.

7. Sed accipe aliud exemplum à Iureconsultis. Imperator L. Nullus. C. de summa Trinitate & fide Catholica, sancit hanc legem: *Nullus hæreticis ministeriorum sit locus. Et l. quicumque. C. de hæreticis: Vltimo etiam supplicio coerceantur, qui illicita docere tentauerint.* E Hic etiam quæro, sintne iustæ hæc leges Imperatorum, necne? Omnino iustæ sunt, & laudatæ ab Augustino Epist. 48. ad Vincentium, & Epist. 50. ad Bonifacium. An inde liceat inferre, Imperatores decernere, Hæreticis, ex eo præcisè, quia hæretici sunt, nec locum, nec vitam concedi posse? Absit. Quid ergo? Imperatores statuissent certam pœnam in hæreticos sui temporis, quæ ex natura rei, nec iure diuino definita & statuta erat.

8. Hæc sufficerent tibi abundè. Sed addo, leges pœnales, siue sint Imperatoris, siue Ecclesiasticæ, non obligare ad executionem pœnæ, nisi post sententiam iudicis, ut docet D. Thomas in 2.2. quæst. 62. artic. 3. ad 3. Et colligitur ex cap. cum secundum leges, de Hæreticis in 6. Hinc infero, etiam si Gregorius decernat, *Absolutos*

esse à debito fidelitatis, qui aliquo pacto obstricti sunt manifestis hæreticis; non tamen vi illius decreti, re ipsa hæreticos privari vltu suæ iurisdictionis, sed solum post latam à iudice sententiam: Et quamdiu sententia lata non est, manere in possessione domini & iurisdictionis. Nunc autem à tempore Concilij Constantiensis non fertur sententia, nisi in paucissimos, & quidem rarissimè. Vide, quæ in simili casu dixit de pœna amissionis bonorum temporalium, in disput. de fide hæreticis servanda. c. 8.

9. Nescio, quid amplius à me requiras: Nisi forte summi velis exemplum à te ipso. Ergo accipe. Tu scripsisti, Regem Philippum, propter notoriam heresim, privandum esse suo regno. Sanxisti ergo hanc legem: *Absolutos se nonerint à debito fidelitatis & totius obsequij, quicumque Philippo Regi in heresim lapsi, aliquo pacto, quacunque firmitate vallati, tenebantur obstricti.* Hæc tua lex, si verba, si sensum spectes, planè similis est legi, quam Gregorius Pontifex sancivit. Dic ergo lodes, iustam ac iniustam sancivisti? Hoc posterius negabis. Instam igitur esse vis. An ergo Bataus definiuit, *Nalli Regi heretico, ex eo praxis, quia hæreticus est servandam esse fidem?* Hoc quidem semel aut iterum tibi propoli, sed repetendum sæpe est, ut tuo exemplo discas, quomodo de aliis indicandum tibi sit. Si te excusatum vis, cur alios in simili causæ accusas? Si agnoscis crimē, prius in te corripes; ac deinde curam in alios transfer.

De Sixto V. & Gregorio XIV.

10. Ais, Sixtum V. de Henrico Rege Navarre, & Principe Condeo, propter Evangelij professionem excommunicatis, tanquam hæreticis, sic rescripsisse: *Proceres, feudatarios, vassallos, & populos regnorū, ducatum, principatum, & aliorum Dominiorum, etiam aliorum superiorū non recognoscentiū, acceteros omnes, qui illis quomodocunque iuraverint, ab omni prorsus fidelitatis & obsequij debito absolutos esse, &c.*

11. Quid hinc inferis? An hanc tuam cancelinam, Ergo hæreticis, ex eo praxis, quia hæretici sunt, non est servanda fides? Iam sæpe dixi, frustra id esse. Sixtus duos tantum Principes, & eos quidem nominatim, affecit hac pœna. At tu illam omnibus communem esse vis? Si Federati Hollandiæ, nominatim duos Prætores Petrum & Cornelium, propter crimen defectionis privarent vltu iurisdictionis? an tu hanc pœnam in omnes extenderes, quotquot sunt aut erunt eiusdem criminis socij? *Pœna restringenda, fauores ampliandi sunt:* inquiunt Iureconsulti.

12. Quod addis, duos illos Principes propter Evangelij professionem excommunicatos esse, falsum est. Propter Calvinismum excommunicati sunt. Calvinistæ non sunt Evangelici, sed hæretici. Nec Henricus qui tunc Navarra nunc potentissimus Galliarum Rex est, id distinetur, Calvinismum deseruit. Pontificiam religionem amplexus est. An tu contendis, ex Evangelico hæreticum factum esse? Dic verbo. Aut tunc hæreticus erat, aut nunc est. Cave dicas, nunc esse. Fuit ergo, iam non est. An ægrè tulit illam pœnam Sixto V. impositam? Imò, accepit, tanquam medicinā, & sanatus est. Utinam tu Regem illum imitaberis. Amat Pontificem, amat Cardinales, amat Iesuitas, amat omnes Catholicos. Regina illi Catholica est, Filij & filie Catholicè educantur. Quid vis amplius? aut quid vrges?

13. Sed forte malis, ipsum Regem de se loquentem audire, quàm me de ipso. Bene est. Audi ergo, quæ Parisius in ipsa Regia Lupara coram Senatu Parisiensi, pridie Natiuitatis Christi, anno 1603 dixerit pro Iesuitis, & de suo erga nos affectu, apud illos, qui multa dixerant & consultauerant de Iesuitis in Gallia non re-

stituendis. Verba eius hæc sunt.

Quod viris à Societate Iesu Poissiacum obsecris, teneantur; utinam reliqui ita sese in eo gessissent, atque unus duove ex iis, qui perreperunt etiam interfuerunt; sanè res multò melius Catholicis cessissent. Quamobrem & tunc, non eorum ambitio, sed virtus erudit. Et sanè obstupesco, dum dispicio, undenam illis vitium ambitionis affingitis, iis, inquam, qui dignitates atque sacerdotia, quacunque ipsis offeruntur, respiciunt; quique veniunt, sed ad eadem nunquam aspirant, nec verò aliud in hoc mundo cupiunt, quam omnibus summo gratis prestare operam, qui ea velint uti.

At displicet hoc nomen Iesuitarum. Cur igitur non displiceant, qui se religiosos Trinitatis nominant? Quod si istos eiusdem esse probitatis, quales sunt Iesuita, arbitramini, cur item filias vestras eodem nomine & virtute non estimatis, qualis Parisiis extant, quæ filia Dei nominantur? Quin etiam, cur vos non iactatis, non minus esse Ordinis Spiritus sancti, quàm sunt iidem, qui ordinis sancti Spiritus sunt equites mei? Sanè malim dici Iesuita, quàm alio nomine Religiosus.

Sed additis; Sorbona eos damnavit. Sanè quidem sed eos non nenerat. Qui si ab antiqua Sorbona passi sunt repulsam, iam re melius perspecta, qui sunt non Sorbona, ab iisdem Iesuitis excoluntur, quos & idè magnopere commendant.

Quod autem hætenus permisso, & ut dicitis, per modum provisionis in Gallia vivere: hanc mihi gloriam Deus reservabat (quam quidem, ut gratiam celestem agnosco) nempe, ut eos statim atque omnino stabiliam. Itaque post hæc Edicto & Decreto apud nos erant. Reges mei prædecessores voluerunt eos admittere. Volo ego eosdem statuere.

De Academia Parisiensi, qua iis fuerit adversata, id inde accidit, quod aliis diligentiores fuere, atque aptiores, (Testabatur hoc frequentia studentium, quæ ad illorum Collegium confluebat) quòdque in eam nondum erant admissi. At nunc eos non respuit. Inbebo enim, ut admittantur, quod cogimini à me petere, ut efficiam.

Obsecris, doctiores, qui sunt in vestro Senatu, nil didicisse à Iesuitis. Si doctiores sint seniores, id ipsum fateor: ipse enim, antequam Iesuita Gallis innotescerent, disciplinis alibi operam dederunt. Sed enim non meliores, alios secus de iis loqui, eosque adeò, qui vestri sunt ordinis. Et verò ipsis oculis cernimus, eorum absentia relictam esse desertam Academiam vestram, ad eosque etiam extra regnum nostrum accurrere. Decreta nihil curantes, & pœnas, quas adversus eiusmodi homines promulgastis.

Quod Federatis adhaferint, id temporum iniuria, non autem ipsis est adscribendū. Corè minore culpa quàm alij, id fecerunt. Accertus sum eandem illorum conscientiam cum iis beneficiis iunctam, quæ erga illos conferam, mihi magis, quàm Federatis eos esse deinde curam.

Bona indolis adolescentes (dicitis) ad se alliciunt. Ego verò eo magis hoc nomine istos astimo. Nonne nos fortiorum militum delectum habitemus? Quod si studiis & commendationibus inter vos locus non esset, anne aliquem vestro ceterum dignum cooperaretis in Senatum? Si Iesuita suos vobis præceptores aut Concionatores traderent ignaros, eos sine dubio irideatis. At cum ingenio valeant, eos arguitis? Quod sint ad rem attentiores, calumnia est. In universo regno, quantacunque collegia obtinuerant, redditus annui eorum omnium non excedebant duodecim siue quindecim aureorum millia. Non ignore cum Biturigis & Lugduni septem siue octo in unoquoque collegio: Præceptores eorum viderent, triginta etiam siue quadraginta unumquodque istorum operarios aluisse;

Ceterum si quideris hac in re animadvertendum, iam A id Edicto meo precautum.

Vos autem obedientia, quo se Pontifici maximo ob-
stringunt, non adigentur, ut externis propius adha-
reant, quam fiet fidelitatis iuramento, quod mihi pra-
stabunt. Quare nec aliquid, quod suo Principi naturali
adversetur, attentabunt. Porro votum illud Pontificum
eò tantum spectat, cum eorum operis, qui pater est Ec-
clesia, & Pontifex Maximus, uti velis ad converten-
dos infideles. Ac plano liquet, ingentes Indiarum tra-
ctus, &que hæreticorum regiones ad Catholicam fidem
per eosdem accessisse. Idque est, quod saepe dixi, si His-
pania suis Iesuitis usque est, cur Gallia Gallis Iesuitis nō
vireat? An aliis deterioribus sumus? Hispaniæne Gallis est
est amabilior? Quod si Hispania suis est amabilis, cur
Gallia non erit Gallis?

Additis, Iesuitæ ingrediuntur, ut possunt. Ita verò
& alij faciunt. Quin & ipse, ut potui, in meum regnum
ingressus sum. Sed & credere & fieri debemus, magnā
eorum esse patientiam, quam certe admiror. Hæc enim,
& ipsa visa probitate perficiunt omnia.

Neque verò eos minoris æstimo, quod summe egregiè
colant infirmitatem. Propterea enim stabis illorum socie-
tas. Quæ causa fuit, cur nulla in re leges eorum immuta-
verim. Quod si quid nonnullarum conditionum imminui,
quæ non probarentur externis, satius est, ut exteri leges à
nobis accipiant, quam ut ab iis accipiamus. Ac quid,
quid huius rei sit, mei mecum subditi iam conveniant.

Quod nonnulli Ecclesiastici Iesuitis adversantur,
scientiam semper odio habuit imperitia. Observavi au-
tem, cum de iis restitendis loqui cupi, duo imprimis ge-
nera hominum restitisse, hæreticos & improbos Ecce-
siasticos. Quod quidem acriorum mihi stimulum ad eos
renovandos addidit.

Quod de Pontifice maximo optime sentiant, cumque
teneantur, id quoque ipse facio. Ac tamen non sum
nescius, nil ab iis amplius de Summi Pontificis potestate
dici, decorisve, quam reliqui Theologi, Catholicique do-
ctores Ecclesie. Neque verò aliquid docent, quo Ecclesia-
stici mihi non tribuant, quod est tribuendum. Nec un-
quam invenimus est, qui ab iis necem Regem didicerit.
Quare totum hoc, quod illis obicitur, nihil est. Triginta
& amplius anni effluxere, cum in Gallia iuventutem
excolant, centumque Scholasticorum milia ex eorum
Collegiis, aut studia absoluerunt, aut ad ea, quæ iuri, pruden-
tia siue medicina sunt, accesserunt. Anne istorum ali-
quis id se didicisse, vel audivisse à Iesuitis fassus est?
Addo, Mō istri extant hæreticorum, qui plures annos apud
Iesuitas vixerunt. Interrogate eos, quid de vita Iesu-
itarum sentiant. Profectò censendum est, eos quam pes-
sime de iis locuturos, nisi aliam ob causam, certe ut
sui de iis emigrationem excusent. Iam verò mihi liqui-
do constat, id fuisse ab iis quaesitum respondisse autē, de
moribus Iesuitarum nihil esse, quod obloqui quisquam
possit. Quod verò ad doctrinam attinet, neminem latere
quid doceant. Sane pauci huic examini se subicerant, &
conscientiam eius opus est esse secutam, quid adversarij
sententia stare velit.

De Barerio, qui me voluit interficere tantum abest, ut
Iesuitæ eius confessionem (quemadmodum dicitis) exce-
perit, ut à Iesuita præmonitus de tota re fuerim: Bar-
eriumque alter Iesuita monuerit, damnationem æternam
incursum si id unquam attentasset.

De Castello nil unquam cruciatibus & tormentis ex-
torqueri potuit adversus Varadæm, neque contra alium
quemlibet Iesuitam. Quod nisi ita res habet, cur eis pe-
percistis; nec supplicium de eis sumpsistis, qui & in ve-
stra potestate, & ad eò erant in vinculis.

Sed demus (non tamen concedentes) aliquem ipsorum
id ausum fuisse. Anne omnes Apostoli ob unum Iudam

A plebendi fuerint? aut ego satisfaciam pro Iatrocinis,
criminibusque omnibus, quæ post hæc commiserint, qui
sub me militaverunt? Tunc me Deus reddere & humilem,
& saluum voluit: quare ei gratias ago. Ipse me docet, ut
illatas cōdonem iniurias, quod propter eum facio libens.
Quin & quotidie pro meis hostibus oro. Tantum abest ut
hæc meminisse velim, ad quæ parum Christianè me hor-
tamin. Quod quidem mihi accidit à vobis in ætē. Om-
nes egemus gratia Dei: Hanc eam bono etiam pretio, ut
mea erga alios gratia non parcam.

De fororis nostræ matrimonij dispensatione, iam eius
Sæuitas eā concessit: ac scimus Patres Iesuitas in negotio
istò non fuisse adversarios. Quod si Hispanus, & Iesuita,
& Cardinalis operam mihi suam præstuit, quæ benedi-
B ctionem à nostro Sancto Patre Summo Pontifice conse-
querer, cum fidem Catholicam sum amplexus, cur meos
naturales subditos in suspicionem vocatis? Ex eis noscā,
quæ noscenda indicantur, neque illis aliud, quam quod
mihi libuerit, communicabo. Sinit, ut tractem & ducam
ipse hæc societatem. Difficiliores & minus aptos ad
mentem adduxi. Fraque mea voluntas obtemperate.

14. Credo iam satisfactum tibi esse, Bataue. Audisti
Regis verba, mentem, sententiam. Pontificem vocat
Patrem Ecclesie, Iesuitarum patrocinium suscipit con-
tra adversarios. Calvinistas pro hæreticis, Pontificios
pro Catholicis agnoscit. Sibi à Deo factam esse grati-
tatur, quod ex hæretico Catholicus effectus sit. Quid
vis amplius? Quod adfers ex Gregorio XIV. nihil dis-
crepat à dictis. Pergo igitur.

C DE PAULO V.

15. De Paulo V. sic scribit: An non & Brevia illa
duo Pauli V. Pontificis nuper contra Clementissimam,
& erga ipsos Pontificios moderatissimam Principem, Iaco-
cobum I. magnum Britannia Regem, crudeli ingratitu-
dine, & immoderate tyrannidis appetitu emissa, ad sub-
ditorum in optimum suum Principem rebellionem cien-
das, idem apertissime testantur?

16. Primum, quod ais Iacobum Regem esse clemen-
tissimum & moderatissimum in Pontificios: nescio,
quomodo intelligi velis. Hoc scio, non solum parentes
ipsius fuisse Pontificios, sed etiam totam Guisianam
familiam, ex qua Serenissima mater eius originem du-
xit, Pontificiæ religioni esse addictissimam. Addo, Se-
renissimam matrem, optimam Scotiz Reginam, ini-
quissimo iudicio à Calvinistis Angliæ, morte damna-
tam esse. Causam ergo Rex habet, cur in Pontificios,
ex quorum prosapia est, merito sit moderatissimus.
Imò causam non habet, cur ipse Pontificius non sit.
Nisi fortè Calvinistarum vi & importunitate impedi-
tus, præstare id non potest.

17. Sed ad rem. Ais duo Brevia Pauli Pontificis
contra hunc Regem esse emissa, quibus subdito-
rum erga optimum Principem rebellio excitatur.
Prudenter autem facis (vel potius astutè) quod
Brevia illa non transcribas, ne ex verbis ipsius Pon-
tificis, impudentia tua argui possit. Ut ergo res
totè clara sit, ponam hæc, non modo Brevia Apo-
stolica, sed etiam causam, ob quam concepta &
missa sunt. Rex Angliæ anno 1606. coëgit omnes
Catholicos, qui in Anglia versantur, & conceptis
verbis præstarent hoc iuramentum, quod sequitur:
Ego A.B. verè & sincerè agnosco, profiteor, testifi-
cor, & declaro in conscientia mea, coram Deo &
mundo, quod supremus Dominus noster Rex Iacobus, est
legitimus & verus Rex huius regni, & omnium aliorum
maiestatis sue Dominiorum & terrarum: Et quod Papa
nec per seipsum, nec per ullam aliam auctoritatem
Ecclesie vel Sedis Romana, vel per ulla media, cum
quibuscunque aliis, aliquam potestatem, nec auctorita-

tem habeat Regem deponendi, &c. Item, iuro ex corde, quod non obstante aliqua declaratione, vel sententia excommunicationis facta per Papam, contra dictum Regem fidelitatem & obedientiam ipsi prestabo, &c. Præterea, iuro, quod ex corde abhæreo, detestor & abiuro tanquam impium & hæreticam hanc damnablem doctrinam & propositionem, quod Principes per Papam excommunicati vel depravati, possint per suos subditos, vel aliquos alios quoscunque deponi aut occidi. Et ulterius credo & in conscientia mea resolvo, quod nec Papa, nec alius quicumque potestatem habet, me ab hoc iuramento, aut aliqua eius parte absolendi: quod iuramentum agnosco recte ac plena auctoritate esse mihi legitime ministratum, omnibusque indulgentiis ac dispensationibus in contrarium renuncio, &c. Sic me Deus adiuvet.

1. Catholici, quia videbant hoc iuramentum sine præiudicio fidei Catholicæ à se præstari non posse, fuerunt valde perplexi, quid agendum sibi esset. Nam si iurarent, agebatur de conscientia; sin minus, de carcere & morte. Intellexit hoc Pontifex, & eodem anno 1606. mensis Septembris, misit illis Breve Apostolicum in hæc verba: *Dilecti filij, salutem & Apostolicam benedictionem.* magno animi dolore nos semper affecerunt tribulationes & calamitates, quas pro retinenda Catholica fide ingitur sustinistis. Sed cum intelligamus, omnia hoc tempore magis exercebar, afflictio nostra miram in modum aucta est. Accepimus namque compelli vos, gravissimis pœnis propositis, templa hæreticorum adire, eorum coram frequentare, concionibus illorum interesse. Profecto credimus proculdubio eos, qui tanta constantia atque fortitudine, atrocissimas persecutiones, infinitas propemodum misérias hactenus perpassi sunt, ut immaculatè ambulant in lege Domini nunquam commissuros esse, ut coinquinentur communionem desertorum diuine legis. Nihilominus zelo pastoralis officij nostri impulsus, & pro paterna sollicitudine, qua de salute animarum vestrarum assidue laboramus, cogimur monere vos atque obtestari, ut nullo pacto ad hæreticorum templi accedatis, aut eorum conciones audiat, vel cum ipsis in ritibus communicetis, ne Dei iram incurrat. Non enim licet vobis hac facere sine detrimento diuini cultus, ac vestra salutis. Quemadmodum etiam non potestis, absque euidentissima gravissimæque diuini honoris iniuria, obligari vobis iuramento, quod similiter maximo cum cordis nostri dolore audimus propositum vobis fuisse præstandum, infra scripti tenoris videlicet; Ego A. B. verè & sincerè agnosco; &c. ut supra. Post iuramenti formam recitatam, pergit Pontifex: Quia cum ita sint, verbis eis vobis ipsis perspicuum esse debet, quod huiusmodi iuramentum, salva fide Catholica & salute animarum vestrarum præstari non potest, cum multa contineat, qua fidei ac salutis aperit aduersantur. Propterea admonemus vos ut ab hoc & similibus iuramentis præstandis omninò cæneatis. &c.

19. Ex his verbis Pauli Pontifici, facilè aduertis, non esse mentem illius, ut Catholici in Anglia non præstent Regi civilem obedientiam & fidelitatem in rebus politicis & secularibus, ut tu falsò criminaris: sed ne contra conscientiam suam, & contra professionem fidei Catholicæ, coniungant se hæreticis, & Ecclesiæ Romanæ potestatem, iurisdictionem & obedientiam abiurent. An tu hoc reprehendas, Bataue? Si Imperator Rodolphus congeret omnes, qui sub Imperio viuunt, iurare in professionem fidei Romanæ & Catholicæ? an tu hoc iuramentum præstares? Non opinor. An idò rebellis esses Imperatori, te Iudico, - An Fœderati Hollandiæ, si te per litteras hortarentur, ne tali iuramento te obstringeres rebellionem cicerent

A contra Imperatorem? in causa tua, iudex esto. Accipe, si vis, aliud exemplum. Multi Calvinistæ viuunt Constantinopoli, & civilem obedientiam Turcarum Imperatori præstant. Quia putas, Si Imperator eos cogeret adiurandum Matometulum, an rebelles censerentur, si nolent? Imò, impij essent, si iurent. Intelligis, quid velim.

20. Sequitur alterum Breue Apostolicum, quod sic habet: *Dilecti filij, salutem & Apostolicam benedictionem.* Renuntiatum est nobis, reperiri nonnullos apud vos, qui cum satis declarauerimus per litteras nostras, anno superiore X. Calend. Octob. in forma Breuis datas, vos iura conscientia præstare non posse iuramentum, quod à vobis tunc exigebatur, & præterea stricte perporamus, ne villo modo id præstaretis: nunc dicere audent; huiusmodi litteras de prohibitione iuramenti, non ex animi nostri sententia, nostraque propria voluntate scriptas fuisse, sed potius aliorum intus atque industria: eaq; de causa iudicari se adere nituntur, mandata nostra dictis litteris non esse attendenda. Perurbani sane nos hic nuncius, eoque magis, quia experti obedientiam vestram (filij nostri unice dilecti) qui ut hinc sancta sedis obediretis, opes, facultates, dignitatem, libertatem, vitam denique ipsam pie ac generosè nihil fecistis: nunquam suspicari effemus, potuisse vocari apud vos in dubium fidem litterarum nostrarum Apostolicarum, ut hoc prætextu vos ex mandatis nostris eximeretis. Verum agnosimus versutiam atque fraudem aduersarij humani salutis, eique potius, quam vestra voluntatis tribuimus hanc renitentiam. Ea propter iterum ad vos scribere decreuimus, ac denuò vobis significare, litteras nostras Apostolicas anno præterito X. Calend. Octob. datas de prohibitione iuramenti, non solum motu proprio, & ex certa nostra scientia, verum etiam post longam & grauem deliberationem de omnibus, qua in illis continentur, adhibitam, fuisse scriptas, & ob id teneri vos illas omninò obseruare, omni interpretatione secus suadente, reiecta, &c.

31. Hoc Breue, ut vides, nihil aliud continet, quàm confirmationem prioris. Vnde sicut prius illud reprehendi non potest: ita neque hoc posterius. Plura de his duobus Breuib; Pauli V. videri possunt apud Matthæum Tortum, Theologum Papiensem, in libello, qui inscribitur: *Responsio Matthæi Torti Presbyteri & Theologi Papiensis, ad librum inscriptum, Triplici nodo triplex cuneus.* Concludo ex dictis, apud nullum Pontificem exrare hoc decretum: *Hæreticis non est seruanda fides.*

ANNOTATIO.

1. In hac questione ostendi, Pontifices, qui à te citati erant, nunquam docuisse, fidem hæreticis seruandam non esse; Et quia multa dixerat de Rege Galliarum, ascripti orationem, quam ipse coram Senatu Parisiensi recitauit. Quid tu ad hæc, Bataue? Primò repetis, quod supra refutauimus, eos, qui Pontifici non obediunt, etiam si de cætero Pontificij sint, hæreticos à nobis censeret. Falsum est. Secundò, dicis, inquam, comparisonem me instituisse inter Pontificem & ordines Fœderatos: eo quod Pontifex sit Antichristus, Raptor, Tyrannus: Ordines autem Fœderati, sint legum diuinarum ac humanarum defensores. Nimirum, quia tu dicis, credendum est. Tertiò, multa inferis ex eo, quod posuisti, Pontificem esse Antichristum. Sed, ut hoc falsum: sic illa vana sunt: Quartò, orationem, quam dixi à Rege Galliarum prolata esse, non liberè ab eo prolata, sed per sic as Iesuitarum extortam esse ais: & multis mendacijs refertam. Sic duplici calumnia operas Christianissimæ Regem: & quod timidus fuerit, & quod mædax. Quintò, multa in laudem Regis Angliæ, multa in contemptum Pontificis & Bellarmini adfers, quæ nihil ad rem faciunt.

2. Hæc obiter attigi. Est aliud, quod urges. Dixeram Sixtum V. duos tantum Principes, Navarræ & Condumæ, ea pœna affectisse, ut eis non prestaretur obedientia à subditis. Tu obicis Bellarminum, quasi is contrarium sentiat. Sic autem ille habet; *Iam supra docuimus, supremum uniuscuiusque Ecclesiæ Rectorem id iuris habere, ut si princeps ab Ecclesiâ unitate per hæresin vel schisma deficiat, possit eum excommunicare, vel excommunicatû declarare, & subditos eius à fide & obedientia liberare.* Audi, Batauc. Non satis præsentibis es. Bellarminus idem dicit, quod ego dixi, nempe, Pontificem posse excommunicare Principes, & eorum subditos à fide & obedientia liberare. An tu hinc colligas, Sixtum V. quando duos Principes Navarræ & Condumæ, excommunicavit, non eos solos, sed eorum quæque subditos eadem pœna affectisse? Ad te redi. Liberare subditos, non est pœna afficere.

QUÆSTIO XVI.

An Catholici scribant & sentiant, non esse hæreticis servandam fidem.

1. **A** Is multos ita scribere, & sentire, nominatione Theologos Sorbonistas, Curiam Parliamenti Parisiensis, Curias aliorum Parliamentorum, Philippum Regem Hispaniæ, & Iacobum Simancam Episcopum Pacensem. Videmus, an ita sit. Et quidem de Theologis Sorbonistis, de Parisiensi & aliis Parliamentis, ita scribis; *Sic quoque fidem Henrico III. Galliarum Regi Romano Catholico, tanquam hæreticorum fautori à subditis servari non debere, facultatem Theologicarum consultationibus constitutum reperitur, in hunc modum: Quod populus huius regni solutus & liberatus est à sacramento fidelitatis, & obedientia regi præstita. Quam Theologorû insaniam deinceps curia Parliamenti Parisiensis, aliæque perfido Iesuitarum favore fascinata comprobant. Postquam autem, interfecto per emissarium vestrum Iacobum Clementem parricidam inelemeutissimû, Henrico III. ad Regni Gallici gubernacula, iure successionis Henricus IV. venit, Sorboniarum Collegium, multo rigidius in eum eandem sententiam repetiuit. Multa hic dicis. 1. Theologos statuisse, populum regni Gallicani solutum & liberatum esse à sacramento fidelitatis, & obedientia regi præstita. Id verum est, post latam iudicis sententiam, ut supra dixi. Et vestri Theologi Calviniani idem decernerent, si quis Prætor propter legitimam causam à Fœderatis proscriptus esset. Imò tu id decernis de Philippo Rege antequam sententia lata sit. Nisi tu forte hanc auctoritatem ferendæ sententiæ tibi usurpas. 2. ais hæc Theologorû insaniam à Curia Parliamenti Parisiensis, & aliis curiis fuisse comprobatum. Vide, an tu sanus sis, qui & Theologos, & tot prudentissimos ac consultissimos viros & Præsides, qui in illis Parliamentis sunt, insanos vocas. 3. addis, Curias illas perfido Iesuitarum favore fuisse fascinatas. Nec perfidi, nec furiosi sunt Iesuitæ, ut tu clamas, non probas. Nec prudentissimi & constantissimi viri, qui in curiis sunt, patiuntur se à perfidis & furiosis fascinari. 4. Iacobum Clementem vocas parricidam & emissarium Iesuitarû. An parricida sit, non disputo. Nego Iesuitarum emissarium fuisse. Henricus IV. quæ tunc Christianissimus Galliarum Rex est, ab eis infamia nos purgavit, ut supra audisti. Is & optimus, & potentissimus nostræ causæ patronus est. An tu eum ad tribunal tuum vocare vis? 5. Sorbonum Collegium multo rigidior sententiam dedisse ais in*

A Henricum IV. Henrici III. successorem. Non repetito, quæ de hac re dixi superius. Tu consule. Interim Christianissimus ac Clementissimus Rex contentus est. Vinam & tu sis.

2. De Philippo Hispaniæ Rege sic habes; *Quia iam in convitiis & calumniis & cornibus suis, Becane, fœderatos insectari non desinis, etiam patium illud, quod Rex vester Catholicus, Pius ille, scilicet, cunctarum gentium parens, Philippus II. Hispaniarum, in translatione Belgarum Provinciarum Archiducibus facta, apposuit, si libet introspecte, ut qua supra vos docere & decernere probatum est, non antiquis tantum exemplis, quorum infinitus est numerus, sed recentibus rerum testimoniis confirmetur. Et si, inquit Philippus II. quod Deus prohibeat, aliquis ex suis descendens ab hac fide (scilicet Romana) discederet, & incideret in aliquam hæresin, postquam à Pontifice pro tali declaratus eris distarum provinciarum administratione, possessione & proprietate privati erunt, earumque subditi & vasalli non amplius illi teneantur obedire. Quid nunc blaterabis, Becane, ulterius? nimirum hos fidem (quia relicta abominanda vestra idolemania, & expulsus vestris erroribus, Evangelij lucem amplexi sunt) Deo fregisse, itaque eam ipsis non debere, & multo minus frangi posse? Dignum patella operculum. Et hæc multa garris. Primò, affirmas me convitiis, calumniis & cornibus Fœderatos insectari. Non ita est. Nihil aliud de Fœderatis in tota appendice scripsi, quàm hæc pauca verba; *Sane aut Fœderatos perituros, aut te mendacem esse, necesse est.* Hoc cum scripsi, supponebam illos perituros non esse, sed te mendacem. Nam ad veritatem propositionis disiunctivæ (qualis illa mea est) sufficit alteram partem veram esse, etiam si altera falsa sit. Consule præcepta Logicæ. Secundò, Philippum, per ironiam, vocas pium cunctarum gentium Parentem. Audis dicere, magis pium fuisse, quàm villus sit Calvinista Batauvus, qui illi, tanquam legitimo Domino rebellis est. Tertiò, Decretum Philippi arodus, quasi Evangelicis Regibus & Principibus infustum. Aut certe iniustum non est. Faciamus Fœderatos Hollandiæ conferre alicui viro nobili, cuiusque posteris, Præfecturam Frisiæ, cum hac moderatione; *Si aliquis ex suis descendens, ab hac fide, scilicet Calvinistica, discederet, & incideret in aliquam hæresin, postquam à Superintendentente pro tali declaratus eris supradicta Frisia præfectura privabitur, & subditi Frisia non amplius illi tenebuntur obedire.* Quid censes de hoc decreto? Iustum est, inquis. At planè simile est decretum Philippi. Vel ergo utrunque, vel neutrum iustum sit, necesse est. Nisi tu putas Fœderatos rebelles plus iuris habere in Frisiâ, quàm Regem Philippum in Provincias Belgicas, quas patrimonij loco accepit à potente suo, Carolo V. Imperatore. Quintò ex decreto Philippi vis probare, Catholicos docere, Non esse hæreticis servandam fidem. Ergo similiter ex Fœderatorum decreto colligi poterit, Calvinistas docere, Non esse Catholicis servandam fidem. Utrunque par ratio est. Sextò, fidem Pontificiâ vocas abominandam idolemaniam; Calvinistas verò, Evangelij lucem amplexos esse, ait. Armi homo; Lux Evangelij per totum orbem diffusa est, Calvinistæ vix in vno vel altero Europæ angulo cogniti sunt.*

3. Ex Iacobo Simanca, in Instit. Catholica cap. 46. n. 52. transcribis hæc verba; *Ad hæreticorum panem & odium pertinet, quod fides illis data servanda non sit (ut in Concilio Constantiensi factum) non obstante iuramento. Item; cum hæreticis nullum commercium pacem nullam esse posse, idèque fidem illis datam, etiam iuramento firmatam, nullo modo servandam esse.* Vis dicam, Batauc. Ubique mala fide agis. Iacobus Simanca multo aliter loquitur & sentit, quàm tu illi imponis.

disputat eo loco, an fides hæreticis seruanda sit? Respondet, seruandam esse in rebus licitis & honestis; alias non idem. Pitotem partem tradit his verbis. Si fides hæreticis data esset à Principe, vel publica potestate, exakte seruanda esset, si modo quod addidisset, non sit de illo genere rerum, quas lex aut inspirata, aut naturalis vetat prestare. Non enim videtur esse veritum eorum, quæ ad naturam aut gentium ius attinent, habere cum hæretico commercium? Quid elarius dici potuit? Posteriores tradit his verbis: Accedis, quod cum hæreticis nullum commercium, nec pax ulla Catholicis esse debeat. Quamobrem fides illi data, etiam iuramento firmata, contra publicum bonum, contra salutem animarum, contra iura diuina & humana, nullo modo seruanda est. In multis promissis, inquit, fideris, rescindo fidem: Et iuramentum esse non debet vinculum iniquitatis. Hic iam apparet tua fraus & impostura. Priori loco dicit Simanca, in rebus licitis, exakte seruandam esse hæreticis fidem. Hoc tu dissimulasti. Posteriori dicit, non esse seruandam contra publicum bonum, contra salutem animarum, contra iura diuina & humana. Hanc limitationem tu omisit. Et adhuc disputas de fide seruanda, qui in citandis authorum sententiis, omnem fidem abicere ausus es?

ANNOTATIO.

Quæ in hanc questionem scribis, Bataue, merâ conuicta sunt in Theologos Parisienses, in Curias & Parliamentum Gallicana, in Regem Hispaniarum, & alios Reges Pontifici adhaerentes. Quid tecum hic agam? Si regero conuicta, tui similis sum: si dissimulo, triumphum canis. Hoc malim. Addis, Simancam & Molanum pro te esse. Iudicet Lector. Batauorum pietatem, iustitiam, & prudentiam mirè extollis. Non inuideo. Quid præterea? Nihil ad rem.

QUESTIO XIX.

An Catholici re ipsa non seruent hæreticis fidem?

1. **D**isputavi hætenus de doctrina, nunc de facto Catholicorum disputandum est. Ais ergo Catholicos re ipsa frangere seu violare fidem hæreticis datam. Id probas aliquot exemplis. Primum est, quia Joanni Hussio datus est saluus conductus ab Imperatore Sigismundo, & tamen saluo conductu non obstante, combustus est in Concilio Constantiensi, ac proinde publica fides illi violata est. Multa de Hussio dixi in disputatione, de fide hæreticis seruanda, cap. 12. Sed quia importunus esse non desinis, paucis repetam.

2. Igitur duobus argumentis probo, Joanni Hussio non esse violatam fidem. *Unum est*; Qui dat saluum conductum iure communi, nihil aliud dat, quàm securitatem contra violentiam iniustam, *salua semper iustitia, & iuris executione*, ut supra q. 15. § 11. ostensum est. Atqui Sigismundus Imperator dedit Joanni Hussio saluum conductum iure communi, quod etiam non negas: ergo nihil aliud dedit, quàm securitatem contra violentiam iniustam. Hanc autem præstitit, quia nihil iniuste passus est Hussius. Ergo fidem illi seruauit. Imò combustus est, inquit. Fateor combustum esse, sed non iniuste. Primum, quia Imperator, cum daret illi saluum conductum, sub poena capitis prohibuit illi fugam. At Hussius contra hanc prohibitionem fuga elapsus est. Iuste igitur puniri potuit. Secundò, quia

A retractus fuga, noluit hæresim abinotare. At leges Imperatoris poenam capitis decernunt in hæreticos pertinaces, l. *quicumque*, C. de hæreticis. Nulla ergo iniustitia intercessit.

3. Quid hic dicis, Bataue, pro tuo Hussio? De hæresibus, & silendo contentis. De fuga, negas. At probi authores affirmant, Campianus Martyr in rationibus Academicis Nauclerus generat. 48. Cochleus lib. 2. historiarum Hussitarum, & alij plures. Imò, ex tuis Calvinistis, Laurentius Humfredus in suo volumine, quod contra Campianum scripsit. 12, inquam, non solum fatetur fugam Hussii, sed etiam conatur excusare dupliciter. Primum, quia Hussius, inquit, videbat se obseruari à Patribus, & suspectum haberi; ideoque cepit de fuga meditari. Secundò, fugerunt eodem tempore tres Pontifices, Ioannes, Benedictus, & Eugenius. Non ergo culpandus Hussius, si & ipse fugerit. Sanè, si Humfredus putasset Hussium non fugisse; quid opus erat hac duplici excitatione? Neutra tamen sufficit. Non prior; quia Patres mentò obseruabant illum, quemiciebant palam professum esse hæresim in Bohemiam; ne forte & Constantiam virus suum profeminaret. An ideo contra fidem datam fugiendum erat? Nec posterior, quia culpa vnius non potest patrocinari culpæ alterius. Fugerunt sanè Pontifices (de quorum non disputo) an propterea licuit Hussio contra contenta pacta impune fugere? Non sic, in homo.

4. At, inquis, in formula Concilij Constantiensis non legitur damnatus, esse Hussius propter fugam, sed propter hæresim. Quid tum? Poterat utroque titulo damnari. Patres Concilij iudicabant sufficere crimen hæresis. Vnde, quicquid sit de fuga, iterum concludo, legitime damnandum esse Hussium, saluo conductu non obstante: Is enim legitime damnari potest, non obstante saluo conductu, qui legitime conuincitur de hæresi, quam abinotare non vult, quia saluus conductus qui communi iure datur, non impedit iustitiam & iuris executionem. Atqui Hussius fuit legitime conuictus de hæresi, quam abinotare non voluit; Ergo Hussius potuit legitime damnari, non obstante saluo conductu. Hic vertaste, quo vis, non saluabis Hussium. An negas pertinaces hæreticos puniri posse? At hoc decernunt leges Imperatoris. An Hussium negas fuisse pertinacem hæreticum? At pertinaciter docuit multas hæreses, ut ostendi in citata disputatione. An prætextu saluum conductum illi datum? At is via ordinaria, non solet dari, nisi *salua iustitia & iuris executione*, ut fatentur Iureconsulti. Nullam ergo rimam inuenies, qua elabaris.

5. *Alterum argumentum*. Si Hussio fides violata esset, proculdubio, vel ipse aliquando, vel Hieronymus Pragensis, vel certè Bohemi de hac re fuissent questi. At nemo questus est unquam. Quis ergo credat, fidem illi esse violatam? Sanè Hussius, cum ad mortem duceretur, multa liberrimè dixit in Ecclesiam Romanam, & ad Christum supremum Iudicem appellauit, ut acta eius, quæ à diuersis scripta sunt, testantur. At de fide violata, ne verbum quidem fecisse legitur. Similiter Hieronymus Pragensis, qui aliquot diebus post Hussium exultus est, publicè quidem testabatur Hussium virum bonum, iustum, sanctum, & talitè morte indignum; sed contra fidem datam aliquid passum esse, nunquam meminit. Denique Bohemi Nobiles, qui impensè fauebant Hussio, & eius dogmata tuebantur; cum postea ad Concilium Basileense, oblato saluo conductu, vocati essent; missa insigni legatione comparuerunt. Quis credat hoc facturos fuisse, si de fide Hussio violata, Catholicos suspectos habuissent.

6. Possum idem confirmare ex Luthero, qui particularem articulum scripsit de Ioanne Hussio, à Leone X.

inter ceteros damnatum? in quo, tametsi minime laudet Hussium à sanctitate & doctrina, nihil tamen attingit de saluo conductu violato. Ex his omnibus ita concludo; si vel Imperator Catholicus, vel Patres Concilij Constantiensis contra fidem publicam egissent, aliquis saltem ex aduersariis hoc probrum illis obiecerit. Atqui nec Hussius ipse, nec Hieronymus Pragensis, nec Bohemi Nobiles, nec Lutherus, qui omnes fuerunt hostes Catholicorum, quicquam illis obiecit. Ergo evidens signum est, nihil tale accidisse. Quid hic respondes Bataue?

7. De Hussio satis. Alterum exemplum est de Hieronymo Pragensi, quem etiam ais contra fidem datam combustum esse. Sed audi paulisper. Consulamus historias. Ex his hæc certa sunt. Primum, Hieronymum non accepisse saluum conductum ab Imperatore Sigismundo. Ita Cochleus lib. 2. histor. Hussitarum, Molanus lib. 3. de fide hæreticis seruanda cap. 2. & alij. Secundo, citatum tamen esse à Concilio Constantiensi oblato saluo conductu, cum hac expressa clausula; *salua semper iustitia*, ut habetur in eodem Concilio, Sess. 6. & passim apud alios authores. Tertiò, citatum comparuisse, disputasse, conuictum esse, hæresim abiurasse. Pater ex eodem Concilio Sess. 19. ubi ponitur formula abiurationis. Quartò, in hæresim relapsum esse fugisse, reductum esse, exultum esse, ibidem Sess. 21. & apud Cochleum, Molanum, Campianum, & alios. Hinc concludo, non esse illi fidem violatam. Penult, quia datus est illi saluus conductus cum hac clausula, *salua semper iustitia*. Secundo, quia per fugam expirauit saluus conductus. Tertiò, quia in hæresim, quam abiurauerat relapsus est. Hæc tu Bataue, omnia dissimulas.

8. Tertium exemplum est de Archiducibus Austriæ, quos ais contra pacta conuenta & iurata, Missam restituisse, & electis Euangelicis, id est, Lutheranis & Calvinistis, Ielutias admisisse. Sic enim ais in priori tuo libello, in Gallia, Missa Romana per omnes omnium urbes & pagos remissa & restituta est; quod & per Hungaria & Polonia regna, etiam contra pacta & conuenta & iurata, à pace iniuncta, tentatum fuit: in Austria vero superiore, cum tali successu, ut Archiduces pro Baronibus, Nobilibus & aliis subditis Euangelicis obedientibus, qui expulsi sunt, Iesuitas & Nuncios Romanos receperint. Posui verba tua, ut intelligaste tui immemorem fuisse, quando in posteriori libello scripsisti, me illam particulam, *iurata* falso addidisse. Non addidi falso, sed ex tuo libello transcripsi. Sed ad rem. Vnde scis, Archiduces & Austriæ contra pacta iurata id fecisse? Hic hæres & tergiuersaris. Hoc tandem responsi das, nobis Iesuitis satis constare de hac perfidia: nec opus esse, ut à te instruamur. Sed si hoc satis est, simili modo dicam te milites contra datam fidem egisse. Si quæras, unde sciam? Eludam simili responso, tibi ipsi satis constare de tua perfidia, nec opus esse, & à me instituaris. Quanquam adhuc dispar ratio est. Nam tu cum homo priuatus sis, audes Archiducibus, qui ex Imperatoria familia sunt, tale probum. sine teste, publico scripto obicere? Ex quidem in ipso Imperio, ubi illi domestici sunt, tu extraneus & peregrinus? Sed hic Calvinistarum mor & morbus est.

ANNOTATIO.

Hic agitur potissimum de Ioanne Hussio & Hieronymo Pragensi. Tu planè de illis siles. Et prudentior, quia vides te nihil effecturum. Interim, more tuo, debacharis in Iesuitas, eosque appellas impios, regicides, proditores, veneficos, incendiarios, calumniatores, perfidos.

A dos, rebelles progeniem viperarum. Nimirum, Ergo vicit Batauus.

EPILOGVS.

1. **O** Stendi hætenus, quid de tuis libellis sentiendum sit. Bataue. Et ut compendio repetam, quæ dicta sunt, de his punctis acculari potes. 1. Quod suspecta te reddas; quia tui nominis te putet. 2. Quod instat litigantis mulierculæ, ubique iracundè te geras. 3. Quod multis conuictis oneres Regem Hispaniæ, Archiduces Austriæ, & alios Catholicos Principes. 4. Quod petulantissimè debaccheris in Pontificem & Ielutias. 5. Quod multum verborum habeas, parum rei, in quo genere imitaris forenses rabulas, quorum dux esse potes. 6. Quod falso alleges Canones & authores, quos nunquam legisti. 7. Quod dixeris, in tribus Conciliis, Tridentino, Constantiensi & Lateranensi, expressè definitum esse, quod fides hæreticis seruanda non sit: Et hoc nunquam probare potueris: & quod amplius est, in ultimo libello, totum hoc punctum penè dissimulaueris. Hæc & similia. Bataue, si emendes, non tuæ solùm, sed & omnium Batauorum famæ & existimationi consulens, qui vnus ob culpam, omnes in suspicionem veniunt. Et tamen inter illos multi viri boni sunt.

2. Illud præterea à te peto, si posthac in me scripturuses, ut libelli tui palam prodeant in lucem, cum nomine authoris, Typographi & loci. Sic enim maiori confidentia tecum agam: & vterque totius orbis Christiani arbitrio subiacebit. Et sanè videmini causæ vestræ diffidere, quando suppresso nomine, clam spargitis libellos vestros inter eiusdem tantùm factionis homines: & accuratè cauetis, ne in manus Catholicorum deueniant. Idem faciunt Nouatores Angli, qui iam aliquot opuscula dicuntur in me scripsisse, quæ nec vidi hætenus, nec videre potui. Nimirum metuunt, ne si id lucem veniant, ipsorum opera arguantur, quia mala sunt.



OPVSCVLVM V.

DISSIDIUM


ANGLICANVM DE PRIMATV REGIS,

Ad Catholicos in Angliæ.



S Aluete Illustrissimi Domini, inuictissimi Athleta. Ad vos venio, interpellandi causa. Si molestum non est, audite me paucis, non diu vos tenebo. Ante biennium scripsi duos libellos de Primatu Regis: Alterum contra Apologiam & Menitortam Prasationem Serenissimi & Potentissimi Iacobi, Magnæ Britannie Regis: Alterum contra Tarturam Torti, seu, contra Sacellanum Regis. Egrè hoc tulerunt Academici vestri & confestim, in causa Regia, bellum mihi indixerunt. Hi præsertim, Guillelmus Tooker, Richardus

Richardus Thomsonius, Robertus Barbillus, Henricus Salcolbrigiensis. Nec defugio. Quin multa sunt, quæ mercedant alacriorem. Primum, causa æquitas: Tum, vestra fides & constantia. Denique, Aduersariorum inter se dissidia, & intestinae dissensiones. De causa, quam defensorum sum, æquitate, quid attinet, dicere? Pugnaturus sum pro Ecclesia Christi, pro honore & obedientia Præsulum, pro Maiorum exemplo & consuetudine. Es hic, quinquam extimescam? Iam, vestra fides & constantia, quam quotidiani carceres, vincula, supplicia, mortes pro Christo obita, toti orbi testatissimam faciunt, cui torporem non excutias? cui calcar & animum non addas? Verè de vobis usurpare possim illud ex Apostolo: Spectaculum factis estis Deo, Angelis & hominibus. Deo, qui intuetur vestra certamina: qui vires suppeditas ad victoriam, & coronam præparat ad triumphum. Angelis, qui mirantur, vos in carne fragili potentissimos inferorum Principatus non formidare: & simul gaudent, tam gloriosos pugiles, suæ custodiæ commissos esse, Homini-
bus, qui in toto orbe diffusi, vestro exemplo, vestra virtute & patientia, ad similia certamina, pro Christo subauda, vehementer accendantur. Porro, dissidia Aduersariorum inter se tanta sunt, tamque distrahta ac dissipata eorum vires ut magnopere metuendos esse non putem. Si nescitis, hunc Libellum vobis offero de dicoque, in quo, quibus in capitibus ipsi dissentiant, sigillatim explicatum est. Eam, si vocat, legite, & bene de euentu sperate. Interea ad pugnam me parabo: & cum tempus aduenerit, spectatores vos esse cupio. Valete, & meam interpellationem æqui bonique consulite.



DISSIDIUM ANGLICANVM,

De

PRIMATV REGIO.

P R I M A T V S Regius in Ecclesia Anglicana, res noua est. Ortū habuit sub Henrico Octauo. floruit sub Edouardo Sexto & Elisabetha: nunc sub Iacobo, tot dissidiis domesticis laceratur & disceperitur, vt diu stare non possit. Rectè Christus in Euangelio: Omne regnum in se diuisum, desolabitur. Porro, quæ & quanta sint illa dissidia; in his paucis questionibus demonstratum est.

- I. An Rex Angliæ habeat aliquem Primatum in Ecclesia?
- II. An Primatus ille sit Ecclesiasticus & spiritualis?
- III. An Rex ab eo Primatu possit vocari Primas Ecclesie?
- IV. An ab eodem vocari possit supremum caput Ecclesie?
- V. An Primatus ille consistat in aliqua potestate, vel iurisdictione Ecclesiastica?

Opusc. Bec.

- VI. An Rex, ratione sui Primatus possit indicare Concilia & in eis præsidere?
- VII. An possit leges Ecclesiasticas condere?
- VIII. An beneficia Ecclesiastica conferre?
- IX. An Episcopos creare & depone?
- X. An contumaces excommunicare?
- XI. An iudicem controuersiarum agere?
- XII. Vnde Rex habeat suum Primatum?
- XIII. An subditos possit cogere ad iuramentum Primati?

In his questionibus extremè dissentiunt Aduersarij. Sunt autem hi ferè: Sacellanus in Tortura Tori. Guilielmus Tooker Decanus Lichfeldensis in Duello, seu singulari certamine cum Martino Becano. Richardus Thompsonius in Elencho refutationis Tortura Tori. Robertus Burhillus in responsione pro Tortura Tori. Henricus Salcolbrigiensis in refutatione examinis Becanici. Præter hos citabo etiam Nicolaum Sandgerum de schismate Anglicano, Genebrardum in Chronologia, Polydorum Virgilium in historia Anglicana, Augustum Thuanum in libris historiarum sui temporis, Caluinum in Commentario supra Prophetam Amos. Et si qui alij sint,

QVÆSTIO I.

An Rex Angliæ habeat aliquem Primatum in Ecclesia?

1. Primum dissidium est de nomine Primatus. Pleaque admittunt hoc nomen. At Richardus Thomsonius malit Suprematum quàm Primatum appellare. Ratio ipsius est, quia Primatus significat potestatem eiusdem ordinis: at Rex in Ecclesia Anglicana non habet potestatem eiusdem ordinis cum Episcopis & Pastoribus, sed altioris ac diuersi ordinis. Ergo non habet Primatum, sed Suprematum. Verba Thomsonij p. 33. sunt hæc: Nos in Anglico nostro idiomate belliores longe sumus, quàm per inopiam Latini sermonis nobis Latino esse licuit. Non enim dicimus, The Kings Primacie, Regis Primatum, sed, The Kings Supremacie, Regis Suprematum. Quo vocabulo nos quoque deinceps utemur. Ad utrum enim differunt Primatus & Suprematus. Illud enim potestatem eiusdem ordinis videtur significare, hoc non item.

2. Hinc duo colligimus: Vnum est, omnes Angelos, qui utuntur nomine Primatus, vel errare, vel improprie loqui, si Thomsonio credimus. Nam si proprie significet potestatem eiusdem ordinis, planè sentiunt, Regem habere potestatem eiusdem ordinis cum Episcopis & Prælatibus Ecclesie. At hic, iuxta Thomsonium, error est. Vel igitur errant, vel improprie loquuntur.

3. Alterum est, de re significata coniecturam sumi posse ex voce significante. Vox Suprematus, noua, nuper inuenta est; incognita antiquis Patribus, inusitata in Scripturis, orbi Christiano inaudita. Quid porro significat? Supremam potestatem Regis in Ecclesia. Et hæc igitur noua est. Sane, si antiqui Patres, tam Latini, quàm Græci, agnouissent hanc potestatem, reperissent aliquod saltem vocabulum, quo eam proprie expressissent. Id vero à nemine factum est.

Y Y.

QVÆSTIO II.

An Primatus ille, quem Rex habet in Ecclesia sit Ecclesiasticus & spiritualis?

1. **H**Oc alterum dissidium est. Sub Henrico & Edouardo semper appellatus est Primatus Ecclesiasticus & spiritualis, ut patet ex Sanderò, qui sic habet: *Calvinus Henrici Primatum Ecclesiasticum oppugnavit. Item: Episcopus Rossensis, quod Henrici Primatum Ecclesiasticum nollat conspici, ad mortem producit. Item: Multi in custodiis propter negatum Ecclesiasticum Regis Primatum detenti. Item: Henricus mandavit, ut filius in fide Catholica educaretur, excepto Primatu Ecclesiastico, quem ei reliquit. Item: Stephanus Vintonensis, Edmundus Londinensis, Cuthbertus Dunelmensis, Nicolaus Vigorniensis, & Daim Cicestrensis Episcopi, timidi restiterunt pueri Regis Primatu spirituali; imò simpliciter subscripserunt.*

2. Sub Maria, quæ Edouardo fratri successit, sublatu est hic titulus in Comitibus Londinensibus, ut testatur Jacobus Thuanus lib. 9. historiarum sui temporis, his verbis: *Antiqua in iisdem Comitibus, Primatus Ecclesiastici titulus. At sub Elizabetha iterum restitutus est, ut refert idem author lib. 15.*

3. Hoc tempore, sub Jacobo, in controuersiam vocatur. Aliqui non audet appellare Primatum Ecclesiasticum & spiritalem, sed Primatum quoad Ecclesiastica & spiritalia. Inter quos est Sacellanus Regis in Tortura Torti, pag. 90. ubi sic habet: *Neque verò quoad spiritalia, alium nos Regi Primatum tribuimus, neque quoad temporalia, alium Pontifici detrahimus, quam debemus. Prior ille Regibus omni iure, posterior hic Pontifici, nullo iure debetur. Ego, cum primum legerem hæc verba Sacellani, putabam illum pro eodem usurpare hæc duo, Primatus spiritualis, & Primatus quoad spiritalia. Et similiter hæc duo, Primatus temporalis, & Primatus quoad temporalia. At defensores & interpretes Sacellani, Thomionius & Burhillus, aliter sentiunt. Sic enim de hac re scribit Burhillus, pag. 55. Non dicit (Sacellanus) Primatum spiritalem, sed Primatum quoad spiritalia, deberi Regibus omni iure. Et pag. 133. in fine: Et si enim Regi tribuimus Primatum in Ecclesiam, non tamen Primatum spiritalem aut Ecclesiasticum ei tribuimus, sed potius Primatum quoad res & personas spirituales & Ecclesiasticas. Et Thomionius pag. 31. Non dicit (Sacellanus) Primatum Ecclesiasticum aut spiritalem, quasi formaliter intelligat; sed quoad spiritalia, id est, obiective & materialiter, quo se idem author, pag. 95. ait: Diximas Regem gubernare quidem Ecclesiastica, sed non Ecclesiastici.*

4. Igitur, si quæras in Anglia, an Rex habeat Primatum ecclesiasticum, nec ne? Respondebitur hoc modo. Henricus, Edouardus & Elizabetha habuerunt Primatum ecclesiasticum; Jacobus non habet ecclesiasticum, sed solum quoad ecclesiastica. Ergo ne minus hic habet, quam illi habuerunt? Sic apparet, ergo ne tam brevi intervallo occisus & imminutus est Primatus Regis in Anglia? Ita aiunt, ergo ne prope interitum est? Non dubito. Quid causa? Audi extrinsecus: Quod cito fit, cito perit: Audi ex sacro codice: Si est ex hominibus consilium hoc aut opus, dissolvetur, Actor. 5. 38.

QVÆSTIO III.

An Rex ab hoc Primatu possit vocari Primas Ecclesie?

1. **H**enricus Salcolbrigensis simpliciter affirmat. Sic enim scribit pag. 140. *Dico Regem Angliæ, Ecclesiæ Anglicanæ Primatum esse. Imò, tam certum ac indubitatum hoc esse vult, ut putet peccare contra publicam professionem Anglicanam, qui id neget. Nam pag. 177. sic habet: Angliæ Regem, Anglicanæ Ecclesiæ Primatem esse, in Professione publica Anglicanæ veritatis sacris litteris nixæ ponitur.*

2. Tookerus & Burhillus simpliciter negant. Sic enim habet Tookerus pag. 3. *Olera autem malitiam, ac clamitare audaciam tuam illud videtur, cum Regem caput Ecclesiæ, Primatemque confingas. Et Burhillus pag. 133. Nec Primatem quidem omnino Regem nostrum dicimus, multo vero minus Primatem Ecclesiasticum.*

3. Hinc formo duplex argumentum: Alterum ex Tookero, in hunc modum: Qui dicit, Regem esse Primatem ecclesiæ, audax & malitiosus est. At Henricus Salcolbrigensis dicit Regem esse Primatem ecclesiæ, ergo audax & malitiosus est. Alterum ex Henrico, hoc modo: Qui negat Regem esse Primatem ecclesiæ, peccat contra publicam professionem veritatis in Anglia receptæ. At Tookerus negat, Regem esse Primatem ecclesiæ, ergo peccat contra publicam professionem veritatis in Anglia receptæ. Nimirum, sic mulus mulum scabit.

4. Sed queri potest, vter rectius sentiat in hac re, Salcolbrigensis, qui affirmat, Regem esse Primatem ecclesiæ, an Tookerus, qui negat? Hæc lis pendet ex alia questione, an scilicet hæc duo nomina, *Primas & Primatus*, sint necessarid connexa seu coniugata? Salcolbrigensis putat, necessarid connexa esse. Igitur, quia semel dixit, Regem habere Primatum ecclesiæ, consequenter affirmat, Regem esse Primatem ecclesiæ. Valet enim apud ipsum hoc argumentum à coniugatis: *Rex habet Primatum. Ergo: Rex Primas est. Sicut & istud: Sacellanus habet Episcopatum. Ergo Episcopus est.*

5. Tookerus contra sentit. Nam pagina 6. disertè ait, Regem habere quidem Primatum ecclesiæ, non tamen esse Primatem Ecclesiæ. Et è contrario, Archiepiscopum Cantuariensem non habere Primatum Ecclesiæ, sed tamen esse Primatem Ecclesiæ. Igitur negat duas consequentias à coniugatis. 1. *Rex habet Primatum. Ergo Primas est.* 2. *Archiepiscopus est Primas. Ergo Primatum habet.* Forte & hæc negaret. 1. *Sacellanus habet Episcopatum. Ergo Episcopus est.* 2. *Tookerus Decanus est. Ergo Decanatum habet.*

QVÆSTIO IIII.

An Rex à suo Primatu possit vocari supremum Caput Ecclesiæ?

1. **H**ic titulus primum usurpatus cepit ab Henrico Octauo, ut testantur passim authores, tam aduersarij, quam nostri. Sic enim scribit Jacobus Thuanus lib. 1. historiarum sui temporis: *Henricus, post diuortium, se caput Ecclesiæ constituit. Et Polydorus Virgilius lib. 27. historię Anglicanæ: Interca, post diuor-*

tium, habetur Concilium Londini, in quo Ecclesia Anglicana formam potestatis, nullis ante temporibus visam induit. Henricus enim Rex, Caput ipsius Ecclesie constituitur. Et Geneb. arduus lib. 4. Chronologia: Henricus anno 1534. in publicis Comitiis, se caput Ecclesie Anglicane appellavit. Et Nicolaus Sand. in schismate Anglicano: Ex qua dicendi formula primam occasionem sumptam aiunt, ut Rex supremum caput Ecclesie Anglicane diceretur. Item: Propebantur eis nova Concistorum decreta, & iubebantur iurando affirmare, Regem supremum Ecclesie esse caput. Et Calvinus in c. 7. Amos Propheta: Qui tantopere extulerunt Henricum Regem Anglia, certe fuerunt homines inconsiderati. Dederunt enim illi summam rerum omnium potestatem, & hoc ino graniter semper vulneravit. Erant enim blasphemii, cum vocarent eum summum caput Ecclesie sub Christo.

2. Eodem titulo usus est Edouardus Henrici filius & successor, ut patet ex Rescripto illius ad Thomam Crammerum, Archiepiscopum Cantuariensem, quod sic incipit: *Edouardus, Dei gratia, Anglia, Francia, & Hybernia Rex, supremum in terris Ecclesie Anglicane & Hybernicæ, tam in causis spiritualibus, quam temporalibus, Caput, Reuerendo Thoma Cantuariensi Archiepiscopo salutem.* Eundem titulum tribuit illi Crammerus in Rescripto ad Episcopos sibi subiectos, sic habet: *Thomas, permissione divina, Cantuariensis Archiepiscopus, perillusterrimum in Christo Principem Edouardum Regem Sextum, supremum in terris Caput Ecclesie Anglicane & Hybernicæ, sufficienter & legitimè autorisatus, tibi & domino Londinensi Episcopo, & omnibus fratribus Coepiscopis, vice & nomine Regia Mæstatis, quibus in hac parte fungimur, mandamus, ut imaginetur Ecclesie, cuiusque Diocesis, tollantur.* Et Nicolaus Sanderus in schismate Anglicano: Quamprimum visum est Henrici Octavi mortem divulgare, statim Edouardus Henrici filius, novum ætatis annum agens, Rex Angliæ proclamatur, & summum Ecclesie Anglicane in terris Caput, proxime secundum Christum constituitur.

3. Elisabetha, tametsi scæmina esset, non tamen putavit, inferiorem se esse patri & fratri, in hac re. Itaque & ipsa supremum ecclesie Anglicanæ Caput appellata est. Sic enim de ea scribit Iacobus Thuanus lib. 15. Historiarum sui temporis: *Elisabetha, recepto à patre & fratre titulo, Ecclesie caput per Angliam caput appellari.*

4. At hoc tempore, sub Iacobo, periclinatur hic titulus. Admittit quidem illum Sacellanus in Tortura Torti: sed Tookerus & Burhillus repudiant. Verba Tookeri, quæ paulò ante citavi, sunt hæc: *Offensum autem malitiam, & clamitavit audaciam tuam videtur illud, cum Regem Caput Ecclesie Primatèque confingas.* Similiter Burhillus, pag. 133. reprehendit quendam, tanquam *Potulcum, & Audaculum*, quod dixisset, Regem esse *Caput, pastorem & Primatem episcoporum.*

5. In hoc dissidio, quid agat Rex? Si admittit titulum *supremi Capitis Ecclesie in Anglia*, murmurabunt Tookerus & Burhillus: si respuit, quid dicet Sacellanus? Forte sopiri hæc lis poterit, si Rex, ut Sacellano dedit Episcopatum Eliensem, ita Tookero & Burhillis duos similes largiatur. Tunc faciliè, ne ingrati videantur, concedent Regi hunc titulum, & multo ampliorem.

QVÆSTIO V.

An Primatus Regis consistat in aliqua potestate vel iurisdictione Ecclesiastica?

1. **H**ic magnum inter Anglos dissidium est. Nec facile intelligitur, nisi præmissa distinctione. Igitur potestas ecclesiastica triplex est, ut docent Theologi. Una ordinis, altera iurisdictionis interioris, tertia iurisdictionis exterioris. Ad primam spectat, Sacramenta conferre & ministrare: ad secundam, regere Ecclesiam in foro conscientiarum: ad tertiam regere eandem in foro externo. Certum est, Regem, ratione Primatus, non habere potestatem ordinis. Hoc fatetur Tookerus pag. 14. cum ait: *Reges non habent potestatem administrandi Sacramenta.* Certum quoque, non habere iurisdictionem fori conscientiarum. Et hoc fatetur, pag. 63. Omnis, inquit, *iurisdiclio in foro interiori, Sacerdotum est, nulla Regum.*

2. Tota controuersia est, an habeat Rex iurisdictionem Ecclesiasticam in foro exteriori. Hic litigant Angli. Aliqui affirmant, alij negant, alij distinguunt. Affirmat Tookerus pag. 305. his verbis: *Qui habet plenissimam & amplissimam iurisdictionem in foro exteriori, potest eandem dare & auferre. Rex eam habet. Ergo potest eandem dare & auferre.* Totum hoc liquet ex veteri & novo Testamento. Et Henricus Salcolbrigientis, p. 140. *Reges, sacro oleo uncti; capaces sunt iurisdictionis spiritualis.* Et ibidem ex legibus Anglicanis: *Rex est persona mixta, ut potest, qui Ecclesiasticam & temporalem iurisdictionem habet, & quidem supremam.* Et pag. 144. *Per leges Ecclesiasticas in hoc regno approbatas, unus Sacerdos duo beneficia habere non potest, nec Bastardus sacris iniciari. Verum Rex Ecclesiastica potestate & iurisdictione, quam habet, in utroque dispensare potest.*

3. Negant Thomsonius & Burhillus, ut quidem Thomsonius, pag. 80. sic scribit: *Primatus Ecclesie non est definiendus per iurisdictionem Ecclesiasticam, sed per gubernationem supremam.* Et pag. 95. *Diximus Regem gubernare quidem Ecclesiasticam, sed non Ecclesiasticè, quia scilicet non habet iurisdictionem ecclesiasticam, sed duntaxat temporalem.* Burhillus verò, pag. 234. concedit hanc propositionem negativam: *Rex nullam habet iurisdictionem Ecclesiasticam, nec in foro interiori, nec in exteriori.*

4. Distinguit Episcopus Eliensis, apud Tookerum p. 305. his verbis: *Habet Rex omnem iurisdictionem spirituales in foro exteriori, exceptis quibusdam cæsiis.* Igitur ad hanc questionem, an Rex, quatenus est Primas seu caput ecclesie habeat aliquam iurisdictionem Ecclesiasticam seu spirituales fori exterioris, sic respondendum est Primo, cum Tookero & Salcolbrigienti: *Habet amplissimam, plenissimam, supremam.* Secundo, cum Episcopo Eliensi: *Habet aliquam, non omnem.* Tertio, cum Burhillis & Thomsonio. *Nullam, nullam penitus habet.*

QVÆSTIO VI.

An Rex propria autoritate possit Synodos inducere?

1. **S**equitur dissidium de officiis Primatus Regij. Sunt autem sex officia, de quibus disputari potest. Primum, Indictio Synodorum. Secundum, sanctionio legum Ecclesiasticarum. Tertium, collatio be-

neficiorum. Quartum, creatio & depositio Episcoporum. Quintum, excommunicatio. Sextum, controuersiarum decisio. Est ergo quaestio, an hæc officia pertineant ad Primum Regis? Dicam de singulis ordine.

1. Primum quaeritur, An Rex, ratione sui Primatus, possit propria autoritate conuocare Synodos, & in eis praesidere? Hoc certe persuasum fuit tempore Henrici, Edouardi, & Elisabethæ. Nam sub Iacobo controuertitur. Afirmat Salcolbrigienfis, p. 121. his verbis: *Christiani principes in regnis suis cum laude propria auctoritate Synodos conuocauerunt. Constitutiones conderunt, causas audierunt & cognouerunt. Et p. 146. Rex Angliæ potest Synodos indicare omnium Ordinum æccllesiasticas, & in istisdem praesidere. Et p. 155 Reges Angliæ suprema, non auctoritate, de iure, Synodos conuocauerunt.*

3. Tookerus in hoc puncto varius est, & nunc sibi ipsi, nunc aliis contradicit. Hoc patet ex variis eius testimoniis. Primum habetur, pag. 37. ubi sic ait: *A quibus magis æquum est indicare Concilia, quam ab illis, penes quos semper fuit auctoritas ea congregandi? Cum autem communiter triplex poni soleat Concilium, Generale, Provinciale, & Diocesanicum, Concilium generale solum Papa iussu celebrari vultis. Sed neque illud, nisi ab Imperatoribus & Regibus simul consentientibus hodie indicere debet. Provinciale à Metropolitanis, cum suis suffraganeis: Diocesanicum ab Episcopo, cum Curatis, Rectoribus & Clericis Dioceseos.* Ex hoc testimonio colligitur, Regem Angliæ nullum Concilium propria autoritate posse indicare. Non Generale, quia hoc pertinet ad communem consensum Regum & Imperatorum. Nec Provinciale quia hoc pertinet ad Metropolitanum. Nec Diocesanicum, quia hoc pertinet ad Episcopum. Quid ergo reliquum est Regi?

4. Alium habetur pag. 41. his verbis: *Abunde liquet ex Conciliis ipsis & historia Ecclesiastica, Provincialia Concilia & Nationalia ab Imperatoribus ac Regibus fuisse congregata. Hoc planè pugnat cum præcedente. Ibi asseritur, Concilia Provincialia indicere à Metropolitanis: hic à Regibus & Imperatoribus. Ibi, distinguitur triplex tantum Concilium, Generale, Provinciale, Diocesanicum: hic additur quartum, Nationale.*

5. Tertium habetur pag. 42. ubi proponit hanc quaestionem: *Quo iure tantam sibi potestatem arrogat Pontifex solus? Num diuino? Et paulò post iubdit: Erat Apostolorum omnium, non vnus tantummodo, & indicare Concilium, & statuere cum verborum solemnitate; Visum est Spiritui sancto, & nobis.* Quasi dicat; Iure diuino, non solus Petrus, sed omnes Apostoli, pari potestate, indixerunt Concilium Hierosolymitanum, & sancierunt legem de lingua & suffocato: Ergo similiter, iure diuino, non solus Pontifex, sed omnes Episcopi, pari potestate, debent indicare Concilium, & sancire leges Ecclesiasticas. Sanè, si ita est, omnino sequitur, potestatem indicendi Concilia, non ad Reges & Principes seculares: sed ad Apostolos & eorum successores, iure diuino pertinere.

6. Quartum habetur, pag. 63. ubi ait: *Mixtum autem ius, & resultans ex utroque, & iure Regio & Episcopali, est legum sanctio, & Synodorum indictio, & praesidendi in eis prærogatiua, & controuersiarum decisio, aliorumque actuum, qui his finitimi sunt, exercitium: qua fere ab origine Primatus Regis descendunt, & communicantur Sacerdotibus.* Hoc iterum pugnat cum præcedente. Ibi dicitur, indictmentem Synodorum, iure diuino, ad Apostolos pertinere, Hinc dicitur primariò pertinere ad Reges, & ab illis ad Episcopos derivari. Hæc non coherent.

QVAESTIO VII.

An Rex possit leges Ecclesiasticas conderet

1. **C**onstat, Henricum VIII. tum per se, tum per Vicarium suum generalem, id fecisse. De Henrico sic scribit Sanderus in schismate Anglicano: *His diebus, vigilantissimus hic Ecclesia Pastor Henricus, quo in posterum sciretur, quæ cuiusque nuptiæ esset legem ediderat perpetuam de nuptiis, Comissionem etiam auctoritate firmatam, quæ statuebat, ut si quæ personæ in Lemitico non prohibita, solo consensu, per verba de præsentia, matrimonium, nulla carnis copula subsessuta, contraxerint, ea vero ante postea, vel eorum altera, nuptiis cum altera personæ in Lemitico non prohibita contractis, carnali copula easdem consummauerint, hæc posteriores, quas firmasset copula, non priores illæ quas solus consensus statuisset, rata atque legitima haberentur: adeo, ut cum dimittitur gentium fuisset regula, Nuptias non concubitus, sed consensus facit: iam deinceps Henrici regula esse cæperit. Nuptias non consensus, sed concubitus facit. Et tamen ipsa legislator, contra suam ipsius regulam, uxorem Annam Chæmensem, cuius nuptias, non solo consensu sed septem etiam mensium concubitu firmauerat, eo solum prætextu reiecit, ipsaque viuente aliam superinduxit, quod alteri nescio cui, consensum antea præbuisse fingeretur. Huius ergo legis tantopere postea puduit ipsos Protestantibus, ut mortuo Henrico, eam ipsi reuocauerint, æque irritam fecerint.*

2. De vicario autem generali, sic habet: *Septembri mense, auctoritate sua Vicaria, Canones quosdam Ecclesiasticos, quos Iniunctiones vocabat; sigillo Vicariatus sui munitos, Archiepiscopis Episcopis, Abbatibus, & reliquo Clero præscripsit, in quibus, præter cetera, iubeantur Parochi sub gravissimis poenæ ut orationem Dominicam cum salutatione Angelica, Symbolum item fidei, & decem Decalogi præcepta aliæque huiusmodi, Angli in posterum in Ecclesiis docerent.*

3. Angli, qui hoc tempore scribunt de Primatu Regis, non consentiunt in hoc puncto. Nam aliqui dicunt sanctionem legum Ecclesiasticarum, iure diuino, pertinere ad Episcopos; alij ad Reges & Imperatores. Priorem partem docet Tookerus, p. 42. ubi ait, Apostolorum in Concilio Hierosolymitano sancivisse hanc legem Ecclesiasticam: *Visum est Spiritui Sancto, & nobis nihil ultra imponere vobis oneris, nisi hæc necessaria, ut abstinereis vos ab immolatis simulachrorum, & sanguine, & suffocato.* Et hoc fecisse eos iure diuino. Posteriores docet Thomsonius, p. 80. ubi dicit, Episcopos & Concilia non posse condere ullam legem Ecclesiasticam, quæ habeat vim legis; nisi accedente auctoritate Regis vel Imperatoris. Verba eius sunt hæc: *Decreta Conciliorum & Patrum Ecclesiasticis censuris & indubitanter tantum stent, nisi legum vim Casarea aut ipsi afflasset.*

4. Hic iam patet dissidium. Nam illa lex Ecclesiastica, quam Apostoli condiderunt, habuit sine dubio vim legis. Hoc enim colligitur ex illis verbis: *Visum est, nihil ultra imponere vobis oneris, nisi hæc necessaria.* Hanc autem vim non habuit ab afflatu autæ Cæsare, quia neque Tiberius, neque Pilatus, neque Herodes, neque ullus alius Princeps secularis, qui tunc vixit afflauit illi vim legis: sed habuit ab ipsis Apostolis. Ipsi enim auctoritate & potestate Apostolica, quam à Christo acceperant, legem illam sanxerunt & promulgarunt. Eandem potestatem nunc habent Episcopi, non Reges aut Imperatores.

QVASTIO VIII.

An Rex propria auctoritate possit conferre beneficia Ecclesiastica.

1. **A**ffirmat Henricus Salcolbrigienfis, pag. 121. his verbis: *Christiani Principes in suis regnis, cum laude, propria auctoritate, beneficia contulerunt.* Et pag. 150. *Andin f. esuita, non modo collationes beneficiorum ad Angliæ Reges spectare, sed ad eosdem illos spectare, uti Ecclesiæ Anglicanæ Primates, vel supremos Ordinarios?* Et pag. 142. *Rex ratione suprema sue Ecclesiastica iurisdictionis, presentabit ad liberas Capellas.*

2. Negat Toxerus, pag. 36. ubi de Regibus Angliæ sic loquitur: *Beneficia autem curata, vel non curata, non conferunt omnino in quæpiam, maiora minora: multo minus dignitates Ecclesiasticas, siue Episcopatus, siue Archiepiscopatus, per uniuersum ambitum regni sui. Eorum certe collatio vel institutio est, quorum est destitutio, id est, Episcoporum comprouincialium, qui potestatem habent personas ipsas sacrandi. Hoc habet iuris Regia Maiestas, quod minor & subordinata potestas habet ius, inquam, nominandi & presentandi apud nos.*

3. En triplex dissidium inter hos duos authores, & quidem in re quotidiana & vulgari. Primum est; Henricus dicit, collationem beneficiorum spectare ad Reges Angliæ, quatenus sunt Primates Ecclesiæ Anglicanæ: Toxerus contra, non ad Reges, sed ad Episcopos pertinere. Alterum: Henricus dicit, Reges propria auctoritate sæpe contulisse beneficia: Toxerus, nunquam conferre aut contulisse. Tertium; Henricus dicit, Reges, ratione supremæ iurisdictionis ecclesiasticæ, presentare ad beneficia: Toxerus, Reges in hac re non habere plus iuris, quam subditos & inferiores. Hoc, inquit, iuris habet Regia maiestas: quod minor & subordinata potestas habet. Vti credat Rex Iacobus, si pingue beneficium, aut Archiepiscopatus conferendus sit?

QVASTIO IX.

An Rex possit Episcopos creare & deponere?

1. **A**ffirmat Henricus Salcolbrigienfis, pag. 121. *Christiani, inquit, Principes in suis regnis, cum laude, propria auctoritate Episcopos creauerunt & deposuerunt.* Et pag. 144. *Rex Angliæ Archidiacono Richmundia Episcopalem concessit iurisdictionem.* Et pag. 155. *Reges Angliæ, suprema sua auctoritate, de iure atque cum laude omnium ordinum, Episcopos elegerunt, ac proinde deponere potuerunt.* Et pag. 167. *Constat Christianos Principes cum laude Episcopos elegisse & deposuisse etiam Romanos.*

2. Negat Toxerus, loco citato. Ibi enim duo requirit, ad constituendum seu creandum Episcopum. 1. Consecrationem personæ. 2. Episcopatum. Addit, Regem neutrum præstare posse. Nec enim posse conferre illa beneficia, multo minus Episcopatum aut Archiepiscopatum: nec habere potestatem sacrandi personas. Vnde etiam alibi fatetur, tantum abesse, ut Rex Iacobus possit Episcopos creare & deponere, ut po-

Opusc. Boc.

Atius agnoscat se illorum alumnus & discipulum. Sio enim scribit pag. 3. 11. *Serenissimus ac piensissimus Rex noster Iacobus non habet quicquam antiquius & honorificentius, quam ut cum Valentiniano filium se Ecclesiæ profiteretur, & cum Theodorico Itali Rege, se alumnus Ecclesiæ, & discipulum Archiepiscoporum suorum & Episcoporum, libenter recognoscat.*

3. Hoc dissidium magni momenti est. Nam si Rex non potest creare seu constituere Episcopos, ut ait Toxerus: planè sequitur, Thomam Crammerum, qui à Rege creatus est Archiepiscopus Cantuariensis, non fuisse verum, sed falsum Episcopum: non Pastorem, sed prædonem: non per ostium intrasse in ouile ouium, sed aliunde ascendisse. ex quo rursum tria sequuntur. I. Omnes alios Episcopos, qui postea, vel à Crammero, vel à Rege creati sunt, fuisse similes Crammero. II. Quidquid ab iis auctoritate & iurisdictione Episcopali factum est, nullius roboris & momenti esse. III. Eosdem teneri ad restitutionem omnium prouentuum, quos ratione Episcopatum acciperunt. Quid hic concilij capiendum? Videant Academicici.

QVASTIO X.

An Rex possit subditos contumaces excommunicare?

1. **H**ic Angli redigunt Regem suum ad Communionem ordinem: Et quæ prius illi concesserant, videntur hic reuocare. Aiunt, Regem non posse quenquam suorum subditorum excommunicare: posse tamen ab iis excommunicari, & ex Ecclesiâ Anglicanâ, cuius supremum caput est, expelli. Priorem partem tradit Toxerus, pag. 15. his verbis: *Rex non habet potestatem distrigendi gladium spirituale, vel quæpiam excommunicandi.* Et Sacellanus p. 132. *Non Principis censurâ potestatem non facimus.* Et Thomtonius, p. 33. *Excommunicare nullo modo ad Suprematum Ecclesiæ pertinet.* Et pag. 84. *Omnes fatemur, Regem excommunicandi potestatem nullam habere.*

2. Postiorem tradit Burhillus, pag. 137. cum ait: *Quod Ambrosio licuit in Theodosium, idem & aliis in Regem simili de causa, liceat, id est, sicut Ambrosio Episcopo licuit excommunicare Theodosium Imperatorem, ita & nostris Episcopis licet excommunicare Iacobum Regem, si similiter peccet.* Et pag. 142. *Supremus Ecclesiæ gubernator, nempe Rex, potest citi ex Ecclesiâ.* Et pag. 167. *Rex, nisi iustissime excommunicatus, non amittit Primatum.*

3. Non video, quomodo hæc cohererant cum iis, quæ hætenus tributa sunt Regi. Tributum illi est, quoddam sit Primas, & supremum cap. Ecclesiæ Anglicanæ: quoddam sit supra omnes personas, tam Ecclesiasticas, quam laicas, in suo regno: quoddam habeat supremam, amplissimam & plenissimam iurisdictionem ecclesiasticam, non minus quam politicam & temporalem. Et tamen cum tantus sit, non potest quenquam suorum subditorum, nec laicum, nec Ecclesiasticum, quantumvis rebellem & contumacem, excommunicare? Imò cum tantus sit, potest à suis subditis excommunicari, & citi ex Ecclesiâ Anglicanâ, cuius supremum caput est? Non capio hoc mysterium.

4. Addam tria argumenta, quæ augebunt difficultatem. Primum est: Qui habet supremam, amplissimam & plenissimam iurisdictionem Ecclesiasticam in alijs

quo regno, potest exercere omnes actus, qui pertinent ad iurisdictionem ecclesiasticam illius regni; sed Rex habet supremam, amplissimam & plenissimam iurisdictionem ecclesiasticam in regno Angliæ, ut fassentur Tookerus & Salcolbrigienfis. Ergo potest exercere omnes actus pertinentes ad iurisdictionem ecclesiasticam regni Angliæ. Ergo etiam potest excommunicare. Nam excommunicatio, quæ per sententiam fit, ecclesiasticæ iurisdictionis actus est. Vel contra, si vis: Qui non potest exercere omnes actus ecclesiasticæ iurisdictionis in aliquo regno non habet supremam, amplissimam & plenissimam iurisdictionem ecclesiasticam in illo regno; sed Rex Angliæ non potest exercere omnes actus ecclesiasticæ iurisdictionis in suo regno, quia non potest quenkum excommunicare. Ergo non habet supremam, amplissimam & plenissimam iurisdictionem ecclesiasticam in suo regno.

5. *Alterum est*: Qui alteri dat potestatem excommunicandi, is sine dubio habet potestatem excommunicandi, quia nemo potest alteri dare, quod ipse non habet: sed Rex Angliæ dat episcopis potestatem excommunicandi. ergo ipse habet potestatem excommunicandi. Minor probatur ex Tookero, p. 304. ubi fatetur, episcopos omnem iurisdictionem ecclesiasticam fori exterioris accipere à Rege. At potestas excommunicandi pertinet ad iurisdictionem fori exterioris, ut expressè docet Sacellanus, p. 41. & Tookerus, p. 305. cum ait: *Rex habet omnem iurisdictionem spirituales in foro exteriori, exceptis quibusdam censuris.* excepit autem excommunicationem. Vbi iterum notanda est contradictio Tookeri. Nam censuras, inter quas est excommunicatio, refert ad iurisdictionem fori exterioris. Rectè quidem. Sed duo addit, pugnant. 1. Regem dare episcopis omnem iurisdictionem fori exterioris. 2. Regem non habere omnem iurisdictionem fori exterioris.

6. *Tertium est*: Qui alicui alteri subiectus est, in iurisdictione ecclesiastica fori exterioris, non habet supremam, plenissimam, & amplissimam iurisdictionem ecclesiasticam fori exterioris, sed Rex alicui alteri, nempe episcopo subiectus est in iurisdictione ecclesiastica fori exterioris, quia potest ab eo per sententiam excommunicari, & ex ecclesia eiici, ut fatetur Burhillus: Ergo non habet supremam, plenissimam & amplissimam iurisdictionem ecclesiasticam fori exterioris. Vel, si mauis, contra. Qui nulli alteri subiectus est in iurisdictione ecclesiastica, non potest ab ullo per sententiam excommunicari: sed Rex, si habet supremam iurisdictionem ecclesiasticam, nulli alteri subiectus est in iurisdictione ecclesiastica: ergo non potest ab ullo per sententiam excommunicari. Aduersus, opinor, hæc non coherere.

QUESTIO XI.

An Rex sit Index omnium controuersiarum in Ecclesia?

1. **C**ontrouersie, quæ oriuntur in ecclesia, sunt duplices: alie circa fidem & religionem; alie circa res alias ecclesiasticas. Ist ergo prior quaestio, an Rex ratione sui Primatus, sit supremus iudex omnium controuersiarum, quæ pertinent ad fidem & Religionem? Affirmat Henricus Salcolbrigienfis, pag. 63. his verbis, *Si luce clarius est, Christianos Principes cum laude, controuersias fides dyudicasse & diremisse, etiam in vniuersalibus Conciliis, id est, Nicæno, I. Constantinopoli-*

tano, I. xphesino, Chalcedonensi, Constantinopolitano II. Constantinopolitano III. Nicæno II. Constantinopolitano IV. in quibus variae controuersie fidei diiudicatae & direptæ sunt, præsertim de diuinitate Christi, contra Arium, de diuinitate Spiritus sancti, contra Macedonium, de vna Christi persona, contra Nestorium, de duabus in Christo naturis, contra eutychem & Dioscorum: & sic deinceps. Has omnes controuersias, ait Salcolbrigienfis, ab Imperatoribus & principibus, secularibus diiudicatas ac direptas esse.

2. Contrarium asserit Tookerus, qui nullo modo vult Reges aut Imperatores esse indices controuersiarum fidei. Sic enim habet p. 3. *Olere autem malitiam ac clamitare audaciam suam illud videtur, cum Regem caput Ecclesie. Primatemque confingas, omniumque causarum & controuersiarum, quæ ad fidem & religionem pertinent, iudicem tribuas.* et p. 50. *Rex in suo regno, omnibus superior sit, nulli subditus: Fidei iudex ne appellatur quidem.* et p. 3. 13. *Reges Christiani non sunt fidei ac religionis indices.*

3. Igitur, si in Anglia oriretur dissensio de aliquo puncto fidei ac religionis, ut v. g. de reali præsentia Christi in eucharistia, quid facerent Academici? quid ciues, quid reliqui subditi? An adirent Regem tanquam iudicem, & ab eo sententiam peterent? Non faceret Tookerus. An alium iudicem postulerent? An alium non ferret Salcolbrigienfis. Quid ergo futurum esset? Id planè, quod hæcenus factum est in dissensione de Primatu Regio. Semper litigant Angli de hoc Primatu: nunquam finiri lis potest. Quid causæ? quia diuersi diuersè sentiunt, & certum iudicem, qui litem dirimat, reperire non possunt, vel potius, non volunt. Hæc hæreticorum proprietas est.

4. *Posterior quaestio*, An Rex sit iudex omnium controuersiarum, quæ alias res ecclesiasticas concernunt? Affirmat Salcolbrigienfis, p. 165. cum ait: *Audire controuersias Episcopales ab Imperatore direptas?* Quid sentiat Tookerus, non satis constat. Aliquando videtur affirmare, ut p. 24. *Nemini, inquit, dubium est, quin in primitiua Ecclesia, de rebus & personis ecclesiasticis ius dicerent Imperatores.* At p. 23. videtur negare: *Non est princeps, inquit, supra res, sed supra personas.* Et pag. 49. *Rex in suo regno supremus est, non supra res, sed supra homines.* Vbiq; dissidium.

QUESTIO XII.

Vnde, & quo titulo Rex habeat Primatum in Ecclesia?

1. **S**ensus est, an Rex ex eo præcisè, quia Rex est, an ex eo potius, quia Rex Christianus est, habeat Primatum ecclesiæ? Priorem partem videtur amplecti Thomsonius, p. 78. cum ait: *Omnis Princeps, etiam Paganus, obiectiua habet supremam potestatem in omnes omnino personas suorum subditorum, & generatim in res ipsas, siue ciuiles siue, siue sacre, ut in cultu diuino & religione præcuranda, saltem quoad modum & exercitium.* et p. 94. *Primatus est Regium bonum, quo censura tolli non potest. Nec est absurdum, Regem velut ethnicum, esse Primatem Ecclesie.* Et ibidem, *Rex ethnicus, cum Christo initiatur, non acquirit Primatum de nouo. Cui consentit Burhillus, p. 251. Rex, inquit, titulo Regis temporalis, potest sibi vindicare & assumere Primatum Ecclesie.* et p. 267. *Rex, nisi iniuste excommunicatus, non amittit Primatum in rebus ecclesiasticis.*

2. Contrarium docet Sacellanus in Tortura Torti. p. 39. ubi asserit, Primatum Ecclesie convenire Regi, non quia Rex, sed quia Rex Christianus est; idemque Reges Ethnicos non habere Primatum Ecclesie, quādiu Ethnici sunt, sed eam accipere, quando fiunt Christiani; & rursum amittere, quando excommunicantur. Verba eius sunt hæc: *An non Regi Ethnico prestare fidem fas? Imò nefas non prestare. In Ethnico enim est vera potestas temporalis, idque sine ordine ad potestatem Ecclesiasticam. Et paulò post: Rex quivis, cum de Ethnico, Christianus fit, non perdit terrenum ius, sed acquirit ius novum. Fidem, cum de Christiano fit sicut Ethnicus, vigore sententiae amittit novum ius, quod acquisierat, sed retinet terrenum ius in temporalibus, quod fuerat illi proprium, priusquam Christianus fieret.*

3. Ex sententia Thomasonij & Burchilli sequitur, omnes Reges, siue Christiani, siue Ethnici, siue cuiuscunque sectæ ac religionis sint, habere Primatum Ecclesie in suis regnis. Igitur, omnes Anglos & Scotos, qui vivunt Constantinopoli subiectos esse Imperatori Turcarum in rebus Ecclesiasticis: qui in Hispania, subiectos esse Philippo Regi, qui Romæ, Pontifici: & sic deinceps. Quid ergo facient, si Turcarum Imperator iubeat eos Alcoranum sequi: si Rex Hispaniæ, ad Meliam audiendam adigat: si Pontifex ad orandum pro defunctis hortetur: si Rex Gentilis ad idololatriam impeliat? An parebunt imperio? At contra conscientiam. An non parebunt? Sic actum est de Primatu Ecclesie. Dicent forte, se patieturos, ubi visum est, argone subditi erunt iudices suorum Regum? argone Catholici in Anglia poterunt usurpare hanc vocem: *Andi Rex in hoc puncto visum est parere suo imperio, in isto non est?*

QVÆSTIO XIII.

An Rex possit cogere suos subditos ad iuramentum Primatus?

1. **H**Actenus actum est de dissidio Anglorum circa naturam, officia, & originem Primatus Regij. Nunc superest quæstio practica, quæ proximè conscientiam attingit, an scilicet Rex possit cogere suos subditos, ut sub iuramento affirmant, se agnoscere Primatum Regium, de quo dictum est? Vel, se agnoscere Regem, tanquam Primatem & supremum caput Ecclesie Anglicanæ, cui tanquam Primati & supremo capiti velint fidelitatem polliceri, non minus in rebus Ecclesiasticis & spiritualibus, quàm in politicis & temporalibus. Habet autem duo puncta hæc quæstio. *Unum est, an Rex Angliæ de facto exigat, vel exegerit tale iuramentum à subditis? Alterum, an si exigat, subditi in conscientia teneantur illud prestare? De utroque seorsum dicam.*

PRIVS PUNCTVM.

2. Igitur prius punctum est, an Rex Angliæ exigat vel aliquādo exegerit tale iuramentum à suis subditis? Constat, Henricum Octavum exegisse. Sic enim scribit Nicolaus Sanderus in Schismate Anglicano: *Lawentius Cochus, Prior Canonici Dunelmensis, una cum tribus Monachis, & duobus Laicis, Egidio Horno, & Clemente Philpotts, quod nollent Ecclesiasticum terreni Regis Primatum iuramento confiteri, exclusi à terris, ad celestem aterni Regis gloriam transmissi sunt. Et iterum: Proponerantur eis nova Comitiorum decreta & iubeantur iurando affirmare, Regem Ecclesie supremum esse caput;*

A 3. Henricum imitata est Elisabetha: parentem suam. Et quidem totum iuramentum, quod exegit, est huiusmodi: *Ego A. B. prorsus testificor & declaro in conscientia mea, Reginam esse solam supremam gubernatricem, & istius Regni Angliæ, & aliorum omnium suarum Maiestatis dominiorum & regionum, non minus in omnibus spiritualibus atque Ecclesiasticis rebus ve causis, quàm in temporalibus, & quod nemo externus Princeps, persona, Prelatus, status, vel Potentatus, aut factio aut iure habet aliquam iurisdictionem, potestatem, superioritatem, præminenciam, vel authoritatem Ecclesiasticam aut spiritualem in hoc regno regno. Ideoque plene renuncio & repudio omnes forinsecas iurisdictiones, potestates, superioritates atque authoritates.*

B 4. Idem nunc facit Iacobus Rex, qui non vno tantum, sed duplici iuramento obstringit suos subditos altero Primatus: altero fideiatis. Prius sic incipit: *Ego A. B. palam testor, & ex conscientia mea declaro, quod Maiestas Regia, unicuique est supremus Gubernator huius Regni, omniumque aliorum suarum Maiestatis dominiorum & territoriorum, tam in omnibus spiritualibus sine Ecclesiasticis rebus & causis, quàm in temporalibus: Et quod nullus extraneus Princeps, persona, Prelatus, status aut potentatus, habet aut habere debet ullam iurisdictionem, potestatem, superioritatem, præminenciam vel authoritatem Ecclesiasticam sine spiritualem intra hoc regnum, &c.* Posterius sic incipit: *Ego A. B. vere & sincere agnosco, professus testificor, & declaro in conscientia mea, coram Deo & Munda, quod supremus Dominus noster Rex Iacobus, &c.*

C 5. Hoc utrumque iuramentum integrè habetur in Apologia Regis: Et in utroque exigitur à subditis, ut palam profiteantur & agnoscant, Regem & Iacobum esse supremum gubernatorem ac Dominum totius Angliæ, non solum in rebus politicis ac temporalibus, sed etiam in Ecclesiasticis & spiritualibus: Et quod nec Papa, nec cuius alius extraneus habet ullam potestatem, aut iurisdictionem in Ecclesia Anglicana. Porro prius iuramentum primò introductum est ab Henrico Octavo, ut fatetur Iacobus in Apologia, his verbis: *Sub Henrico Octavo primò introductum est iuramentum Primatus, sub eoque Thomas Morus & Roffensis supplicio affecti, idque parim ob eam causam, quod iuramentum illud recusarent. Ab eo deinceps omnes mei prædecessores, quosque sunt hanc religionem amplexi, idem sibi, aut non multis secuti asseruerunt.* Posterius à Iacobo excogitatum est.

ALTERVM PUNCTVM.

6. Est ergo quæstio, an omnes subditi, qui in Anglia sunt, teneantur in conscientia prestare utrumque hoc iuramentum, quotiescunque Rex illud exigit? an potius debeant carceres, tormenta, & mortem ipsam sustinere, quàm id prestare? Catholici nihil dubitant de priori. Certum fixumque illis est, vitam potius amittere cum gloriosissimis Martyribus s. Thoma Moro & episcopo Roffensi, quàm Primatum Regium adituere, & Pontificium abiurare. De posteriori, ante paucos annos, non nihil dubitatum est. Nam aliqui ex Catholicis, quia non satis videbant vim & scopum illius iuramenti, aliquantisper hæsitaverunt, an talia conscientia iurare possent, necne. Quæ tamen dubitatio non diu duravit, sed confestim à Paulo V. Pontifice Maximo, & Cardinali Bellarmino sublata est. Nam Pontifex misit duo Brevia Apostolica ad Catholicos in Angliam; & Bellarminus scripsit Epistolam ad Blacnellum Archiepiscopum de hac ipsa re. Uterque negat, salva conscientia, id fieri posse. Et ratio illorum est, quia nemo salva conscientia, potest abnegare fidem.

Catholicam; sed qui præstaret iuramentum à Rege propositum, abnegaret fidem Catholicam, non quidem generatim, sed tamen quoad aliquem eius articulum; Ergo nemo, salva conscientia, præstare potest hoc iuramentum.

7. Hanc rationem, quæ sanè optima est, admittunt Catholici, non idem Auerſarij. Ego, in gratiam Catholicorum, qui in Anglia sunt, statui duas alias adferre, præsertim contra iuramentum Primatus, quæ ne ab aduersariis quidem repudiari poterunt. Prima est hæc, Nemo in conscientia tenetur affirmare sub iuramento, quod vel aperte falsum, vel certè dubium est: At, quod Rex sit Primas & supremum Caput Ecclesiæ, cui non solum in temporalibus, sed etiam in Ecclesiasticis parandum sit, vel aperte falsum, vel certè dubium est. Ergo nemo in conscientia tenetur hoc affirmare sub iuramento. Maior per se nota est, quia ne affirmare quidem licet, quod vel falsum, vel dubium est, multo minus, sub iuramento affirmare. Minor probatur, quia tam apud Calumnistas, quàm apud Catholicos, aperte falsum censetur, quod Rex sit Primas & supremum caput Ecclesiæ. Apud Anglos vero, qui Regi adhærent, in dubium vocatur. Nam ex illis, alij affirmant, alij negant hæc puncta, quæ sequuntur. 1. Rex est Primas Ecclesiæ. 2. Rex est supremum Caput Ecclesiæ. 3. Rex habet Primatum Ecclesiasticum. 4. Rex habet potestatem & iurisdictionem Ecclesiasticam. 5. Rex potest propria auctoritate convocare Synodos, & in eis præsidere. 6. Potest conferre beneficia Ecclesiastica. 7. Potest creare & deponere Episcopos. 8. Est iudex controversiarum fidei. Sanè, si hæc & similia puncta, apud ipsos Anglos, qui Regi fauent, incerta sunt, cum ab aliis negentur, ab illis affirmantur, totum Primatum incertum esse, necesse est. Quæ ergo temeritas & imprudentia est, obligare velle Catholicos in conscientia, ut iurati affirment id, quod ipsi falsum, alij dubium esse sentent?

8. Articulatorius dicam, quod dixi. Iuramentum Primatus Regij continet tot partes, quot sunt, vel putantur esse officia Primatus Regij. Sunt autem, vel putantur esse varia officia, ut supra vidimus est, nempe, convocare Synodos, lanciare leges Ecclesiasticas, conferre beneficia, creare Episcopos, fidei controversias dirimere. Igitur, variz sunt partes iuramenti Primatus Regij. Ex illis, hanc unam seorsim accipiamus: Ego A. B. in conscientia mea iuro me fidelem & obsequentem fore Regi, quocumque proprio auctoritate creabit Episcopos, quos vult, & deponet ab officio, quos vult. Si hæc pars exigatur ab omnibus, qui in Anglia sunt, quid futurum putamus? An omnes, etiam illi, qui Regi adhærent, iuraturi sunt? Faciant, qui volunt; Toxicius certè, si vir constans est, facturus non est. Negat enim creationem & depositionem Episcoporum ad Regem pertinere. Et si is factus non est, qui alioqui agnoscit Primatum Regium (saltem verbo; quomodo Catholici compellentur, ut faciant, qui illum penitus ignorant? Quod dixi de hac parte, de reliquis similiter dicendum est.

9. Altera ratio est hæc: Iacobus Rex sæpe protestatur, se non plus iuris vindicare sibi in Ecclesiâ, quàm olim fecerunt Reges in veteri Testamento, ac proinde Primatum suum iisdem terminis definiri, quibus olim in veteri Testamento definebatur. Atqui Reges in veteri Testamento non poterant subditos suos cogere ad huiusmodi iuramentum: Pro A. B. palam testor, & ex conscientia mea declaro, quod Ieroboam est unusquisque Gubernator huius regni Israëliti, tam in spiritualibus, quàm in temporalibus: Et quod nullus extraneus habet aut habere debet ullam iurisdictionem, potestatem, superioritatem, præminentiam, vel auctoritatem in hoc regno. Ergo nec Iacobus Rex potest cogere subditos

A ad simile iuramentum. Maior patet ex Apologia Regis Minorem sic declaro. Post mortem Salomonis, regnum in duas partes, Deo disponente, diuisum est: quarum altera decem tribus, altera duas complectebatur. Igitur duo deinceps erant regna distincta; duo Reges, quorum alter ab altero non pendeat in regimine temporali. Alter vocabatur Rex Israël; alter Rex Iuda. Vterque habebat suos successores. Primi, post diuisionem factam, fuerunt Ieroboam Rex Israël, & Roboam Rex Iuda. In utroque regno erant Leuitæ & Sacerdotes. At summus Pontifex non poterat simul in utroque commorari, sed in altero tantum, ac potissimum in regno Iuda. Nihilominus præerat omnibus Leuitis ac Sacerdotibus, qui in utroque regno veritabantur. Nec Ieroboam poterat legitimè dicere suis Leuitis ac Sacerdotibus: Nolite obtemperare summo Pontifici, qui habitat in regno Iuda; mihi soli obedire, ab illius iurisdictione & potestate exempti estis. Et si dixisset, sine dubio peccasset. Si ergo Ieroboam Rex non potuit Leuitas & Sacerdotes sui regni eximere à iurisdictione & potestate extranei Pontificis; quo iure id facit Iacobus Rex Angliæ? præsertim cum allicerat, se non plus iuris vindicare sibi in Ecclesiâ, quàm Reges veteris Testamenti sibi vindicarunt.

EPILOGVS.

1. Quæ hætenus dicta sunt, ad tria capita possunt reuocari. Primum est, Primatum Regis in Ecclesiâ, rem esse nouam, quæ ab Henrico Octauo primum introducta est, nec alibi hætenus, quàm in regno Angliæ usurpata. Alterum, tot esse dissensiones Anglorum circa hunc Primatum, ut, quid sit, & quæ vim habeat, certò inter ipsos constare non possit. Tertium, iuramentum huius Primatus, nec exigi à Rege, nec à subditis præstari posse.

2. Hinc aliz tres quæstiones, quæ circa subditos moueri poterant, facile dissoluentur. Sunt enim tria subditorum genera in Angliâ. 1. Henriciani (ut alij eos vocant) qui & agnoscunt, & iurant Primatum Regium. 2. Puritani, seu puri Calvinistæ, qui non quidem agnoscunt, sed tamen iurant. 3. Catholici, qui nec agnoscunt, nec iurant.

3. sit ergo prima quæstio, quid dicendum sit de Henricianis, qui & agnoscunt, & iurant Primatum Regis? Respondeo: Illi stultè & inconsideratè agunt. Ratio est, quia, ut supra dixi, stultum ac temerarium est, rem dubiam & incertam iuramento confirmare. At Primatus Regis, res planè dubia & incerta est apud Henricianos, ut patet ex illorum dissidiis, quæ hætenus explicata sunt. Ergo eiusmodi Primatum iuramento confirmare stultum ac temerarium est.

4. Altera quæstio, quid dicendum de Puritanis seu puris Calvinistis, qui pridem non agnoscunt Primatum Regis, sed tamen, si iubeantur, iurant? Respondeo: Sunt periuri & politici. Ratio est, quia aliud sentiunt, aliud iuramento affirmant. Sentiant cum Caluino, Reges & Principes seculares non habere Primatum in rebus spiritualibus & ecclesiasticis, sed solum in temporalibus; & tamen cum Henricianis, Regi, tanquam Primati & supremo Capiti Ecclesiæ Anglicanæ, sub iuramento fidelitatem promittunt: Hoc autem faciunt ad externam pacem & politiam conseruandam, quæ pluris ab illis, quàm fides & religio æstimatur; Ideoque Politici potius, quàm Christiani appellandi sunt. De quibus verè dixit Iacobus Rex, se plus fidei in effecis latronibus, quàm in isto hominum genere reperisse.

3. *Tertia quaestio*, quid dicendum de Catholicis, qui nec agnoscunt Primatum Regis, nec iuramento confirmant. *Respondetur*: Sunt homines recti, qui coram Deo ambulant in veritate: simplices, qui quod corde sentiunt, ore profitentur: cordati, qui cum Eleazaro mori malint, quàm vel externo signo in rem illicitam consentire: similes Apostolis, qui Deo magis, quàm hominibus obedire satagunt; similes Martyribus Ecclesiae primitivae, qui libere coram persecutoribus profitentur, se esse, quod sunt.

6. At in feriunt, inquires: Si enim recenseret iuramentum, coguntur subire carceres, tormenta, supplicia. Sanè, non ideo miseri, sed beati. Sic enim docuit nos Christus in Evangelio, Matth. 5. 10. *Beati, qui persecutionem patiuntur propter iustitiam, quoniam ipsorum est regnum caelorum.* At durum est, pati. Quomodo durum, quod cum gaudio & delectatione fit? Audi, quid de Apostolis dictum sit, Actor. 5. 41. *Ibant gaudentes à conspectu Concilii, quoniam digni habiti sunt pro nomine Jesu contumeliam pati.* Audi, quid Apostolus de seipso dicat, 2. Corinth. 4. *Superabundo gaudio in omni tribulatione nostra*

7. Vnde hoc gaudium? ex duplici dono Spiritus sancti, spe & charitate. Spes futurae gloriae facit nos laetos & erectos in adversitatibus, Rom. 8. 18. *Non sunt vanae pœssiones huius temporis ad futuram gloriam, quae revelabitur in nobis.* Et Rom. 12. 12. *Spe gaudentes, in tribulatione patientes.* Et Heb. 10. 34. *Rapinam bonorum vestrorum cum gaudio suscepistis, cognoscens, vos habere meliorem & manentem substantiam. Nolite itaque amittere confidentiam vestram, quae magnam habet remunerationem. Patientia enim vobis necessaria est, ut voluntatem Dei facientes reperceatis promissionem.*

8. Nec minor vis charitatis, Rom. 8. 35. *Qui nos separabit à Charitate Christi? tribulatio? an angustia? an fames? an nuditas? an periculum? an persecutio? an gladius? Sed in his omnibus superamus propter eum, qui dilexit nos. Certus sum enim, quia neque mors, neque vita, neque Angeli, neque Principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quae est in Christo Iesu Domino nostro.*

9. Accedunt exempla Christi & aliorum Sanctorum quae etiam magnam vim habent ad excitandos & corroborandos Catholicorum animos, ut libenter patientur in hac vita carceres, vincula, tormēta, mortē ipsam. 1. Pet. 2. 23. *Si bene facientes, patienter susteneris; hac est gratia apud Deum.* In hoc enim vocati estis, quia & Christus passus est pro nobis, vobis relinquens exemplum, ut sequamini vestigia eius: qui peccatum non fecit, nec immanis est dolor in ore eius: qui cum malediceretur, non maledicebat: cum pateretur, non comminabatur: tradebat autem iudicanti se iniuste.

10. Et Heb. 11. 36. *Alii ludibria & verbera experti, super & vincula & carceres: lapidati sunt, secti sunt, tentati sunt, in occisione gladii mortui sunt: circumierunt in peloris, in pellibus caprinis, egemes, angustii, afflicti, quibus dignus non erat mundus, in solitudinibus errantes in montibus & speluncis, & in cavernis terrae.*

11. Et iterum cap. 12. 1. *Idcirco & nos per patientiam curramus ad propositum nobis certamen, aspicientes in auctorem fidei & consummatorem Iesum, qui propositio sibi gaudio sustinuit crucem, confusione contempta, atque in dextra sedis Dei sedet. Recogitare enim eum, qui talem sustinuit à peccatoribus adversum semetipsum contradictionem, ut ne fastidimini, animi vestris deficientes. Nondum enim usque ad sanguinem restitistis.*

12. Et 2. Cor. 11. 23. *In laboribus plurimis, in carceribus abundanter, in plagis supra modum, in moribus frequenter. A Iudeis quinquies quadragenas una mi-*

nus accepi. Ter virgis caesus sum, semel lapidatus sum, tot naufragium feci, nocte & die in profundo maris fui, in itin-ribus saepe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in falsis fratribus, in labore & crumina, in vigiliis multis, infame & siti, in iniuriis multis, in frigore & nuditate.

13. Et rursum capite 12. 9. *Libenter gloriabor in infirmitatibus meis: ut inhabitem in me virtuti Christi. Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo. Cum enim infirmus, tunc potens sum.*

14. His similibus sacrarum litterarum testimoniis muniti fuerunt Thomas Morus & Episcopus Rossensis quando potius mortem oppetere, quàm impio iuramento se obstringere voluerunt: His alij, qui eos in glorioso certamine secuti sunt: His denique, qui nunc in Anglia carceres occupant, catenis alligantur, potestionibus exuuntur, suo sanguine perpurgantur.

SANCTVS CYPRIANVS

Epistola 9.

Pretiosa mors hac est, quae emic immortalitatem precio sanguinis sui.

Et in fine Epistolae.

O beatam Ecclesiam nostram, quam temporibus nostris gloriosus Martyrum sanguis illustrat. Erat antea in operibus fratrum candida: nunc facta est in Martyrum cruore purpurea.

Et Epistola 24.

Quid gloriosius aut felicius ulli hominum poterit ex divina dignatione contingere, quàm inter ipsos carnifices interitum confiteri Dominum Deum? quam inter sententia saecularis potestatis tormenta, etiam extorreo, & excruciato, & excarnificato corpore, Christum Dei Filium, eisi recedente, sed tamen libro spiritu confiteri? quàm relicto Mundo calum petiisse? quàm desertis hominibus inter Angelos stare? quàm collegam passionis cum Christo in Christi nomine factam esse?



OPVSCVLVM VI.

DVELLVM

MARTINI BECANI

CVM GVILLIELMO TOOKERO

De Primatu Regis Angliae.

ROVOCATVS me ad Duellum, Tooker, in causa Regia: & Primatum Serenissimi Regis Iacobi, quem exiguo libello nuperi oppugnavi, singulari certamine contra me tueri ac propugnare vis. Non defugio. Video autem

triplici armorum genere instructum te esse. fastu, con-
tuitis, eloquentia. Fastum & arrogantiam in eo maxi-
mè ostendis, quod magnificè de te ipso sentias ac lo-
quaris, de me contemptum. In quate imitaris Dare-
tem Virgilianum, qui cum entello cestibus depugna-
turus, mirè iactabat se in omnem partem. Sic planè tu
facis, *Mæa*, inquis, *paries sunt, ut districto gladio stem-
in acie hac argumentatione, & mucrone potam lacerare ac
transuerberem. et iterum: Neque video, cur in isto cer-
tamino Theologus Metadialogum, Orthodoxus Iesuitam, De-
canus Becanum perbellè possit perturbare. Benè habet
Tookere; pertunde me, si potes, & districto gladio
pete hoc latus. Non fugiam.*

2. Coniugia, quibus me proscindis, obuia sunt.
Vocas me *Terra si iun, Emissarium Satana, incendia-
rium, sanguinarium, nihil nisi mactationem ac eadem
Principum meditantem ac impie docentem, garrulum, ru-
sticum, imperitum, inuerecundum, ira audum in oculis,
asperum in voce, rancidulum in luto &, ano procreatum,
curiosum stolidum.* Videris de industria, hæc verborum
emblemata comportasse, ut disertus appareris. Sed
ego ista contemno. Nec me feris, sed aërem ver-
beras.

3. Eloquentiam tuam non culpo, sed laudo. Utinam
cum pari modestia & eruditione coniuncta esset. Nec
tamen nego, quin alicubi modestus & eruditus sis.
Hic certè, ubi malè causæ patronus es, eloquens esse
potes, eruditus esse non potes. Si quid tamen adferes,
quod laude dignum iudicabitur, non dissimulabo.

4. Hæc igitur, Tookere, tua arma sunt. Ego istis pu-
gnare non didici. Soleo abstinere à fastu, conuitis, grā-
diloquentia, & rem, de qua disceptatio est, modèstè,
breuiter ac nude proponere & examinare. Et sic tecum
nunc agam. Audi igitur. Disceptamus de Primatu Re-
gis in ecclesia Anglicana. Ego in meo libello, quem de
hæc re scripsi ante biennium, conatus sum ostendere,
eiusmodi Primatum nullo iure ac titulo deberi Regi.
Tu, in tuo Duello, contrarium statuis: & quæ à me
dicta sunt, putas refutari abs te posse. An ita sit, disqui-
rendum nunc est. Nec commodius id fieri potest, quàm
si repetā singula libelli mei capita; & singulis leorsim
subiciam breuem Commentarium, in quo discutian-
tur ea, quæ à te in contrarium adferuntur. Igitur li-
bellus meus sic incipit.



LIBELLVS

MARTINI BECANI,

De Primatu Regis Angliæ.



ERENTISSIMVS ac Potentissimus
Rex Angliæ Jacobus in sua Apologia pro
iuramento fidelitatis, & in memorata Pre-
fatione ad Imperatorem, Reges & Princi-
pes, conatur ostendere, se in Angliæ, &

vnumquemque Regem in suo regno, esse caput seu Pri-
matum Ecclesiæ; Episcopos & Pontificem non modo
in temporalibus, sed etiam in Ecclesiasticis rebus infe-
riores esse Rege ac Principe seculari. Hunc Regis Pri-
matum confirmat Sacellanus ipsius in libro, qui inscri-
bitur *Tortura Torti*; Iure, an iniuria, deinceps inqui-
rendum est.

2. Sed ne confusio oriatur, status controuersiarum prius
explicandus, & certa ab incertis secernenda sunt. Ac
primo, non disceptamus de Primatu in temporalibus.

A Illum quisque Rex in suo regno legitimè habeat. De
Primatu ecclesiæ, seu de potestate Ecclesiastica, to-
talis est. Solet autem distinguì triplex potestas Eccle-
siastica. Vna ordinis; altera iurisdictionis interioris;
tertia iurisdictionis exterioris. Prima refertur ad Sa-
cramenta conficienda & ministranda. Secunda, ad re-
gendum populum Christianum in foro conscientiarum.
Tertia ad eundem populum regendum in foro exteriori.
Igitur ad potestatem ordinis spectat, Baptismum &
sacros Ordines conferre, Eucharistiam conficere &
ministrare, Chrisma & oleum infirmorum benedicere.
At potestatem iurisdictionis interioris, ius dicere
in foro conscientiarum, id est, absoluerè vel ligare. Ad
potestatem iurisdictionis exterioris Synodum conuo-
care, & in ea præsidere, constitutiones condere, cau-
sas audire & cognoscere, controuersias dirimere, be-
neficia conferre, ministros Ecclesiæ constituere, de-
linquentes excommunicare. Vno verbo, omnium cau-
sarum & controuersiarum, quæ ad fidem & religio-
nem pertinent, iudicem agere.

3. Quando ergo quaeritur, an Rex Angliæ in suo
regno habeat Primatum Ecclesiæ, debet sic intelligi,
an habeat triplicem illam potestatem excellentiori
modo, quàm Episcopi & Pontifex? Vel, quod idem
est, an in triplici illa potestate, supra Episcopos &
Pontificem collocandus sit?

4. Duo certa sunt: vnum in controuersia. Primo,
certum est, Regem non vindicare sibi potestatem or-
dinis: & multo minus in ea superiorem esse Episcopis
& Pontifici: Non enim ordipatus & consecratus est
ad Sacramenta conficienda & ministranda, ut per se
constat. Nec in hoc genere supra Episcopos & Ponti-
ficem collocari vult. Nouit enim, quid in simili cau-
sa dictum sit Ozia Regi 2. Paral. 26. 1h. *Non est tui
officij Ozia, ut adoleas incensum Domino, sed Sacerdos sum,
qui consecraui iuxta ad huiusmodi ministerium.*

5. Secundo, æquè certum est, non habere pote-
statem iurisdictionis interioris, quæ in absoluendo &
ligando consistit. Non enim Regibus, sed Apostolis
& sacerdotibus dictum est: *Accipite Spiritum sanctum,
quorum remisistis peccata, remissa sunt eis, & quorum ra-
tineritis, retenta sunt.*

6. Tota ergo controuersia versatur circa potestatem
iurisdictionis exterioris, an eam Rex habeat in suo re-
gno, & quidem supra Episcopos & Pontificem? id
est, an Rex sit supremus iudex Ecclesiasticus, qui sua
authoritate à nullo alio in teris dependente, possit
conuocare Synodos, eis præsidere, controuersias cir-
ca fidem & religionem diuina, beneficia conferre,
Episcopos constituere & deponere, & similes actus
religionis exercere? Hoc enim est habere Primatum
in Ecclesiæ, quoad gubernationem exteriorem. Ut au-
tem distinctè examinetur hæc quaestio, hoc ordine pro-
cedendum est.

- I. An Rex iure naturali habeat Primatum Ecclesiæ?
- II. An iure diuino veteri Testamento?
- III. An iure diuino noui Testamenti?
- IV. An iure civili vel canonico?
- V. An consensu diuinitatum bonarum?
- VI. An titulo prescriptionis?
- VII. An secundum principia sua doctrine?
- VIII. Si Rex non habeat Primatum Ecclesiæ, quodnam il-
lius officium circa Ecclesiæ sit?

COMMENTARIVS.

1. IN primo aditu, hæc mihi obiicis, Tookere: quæ
nec Regem Angliæ, nec Sacellanum eius, ap-
pellam eo nomine, quod debui: quod indignis modis

laccessam Regem; quod solitus sim Regibus maledicere, & Pontifici adulari, quod sim curiosus in aliena Republica & Ecclesia; quod non intelligam statum quæstionis de Primatu Regis, quod nullum seruem ordinem ac methodum, quod multa dicam, nihil probem. Singula expendamus.

2. *Primum ergo obicit*, quod Regem Angliæ non appellem eo nomine, quo debui. Sic enim scribis in Duello tuo, pagina 2. *Quem* (Regem Iacobum) *virtutem honoris causa, & virtutum suarum admirabilitate, nominasses, sicut debuisses.* Respondeo. Ego plus honoris illi tribui, quam tu. Vocavi illum *Serentissimum & Potentissimum* Regem, tu: *Clarissimum* appellas. Nisi plus sit in Anglia, *Clarissimum* vocari, quam *Serentissimum & Potentissimum*: quod sanè vix credam. Sed fortè hoc te malè habet, quod *Angliæ*, non *Britannia* Regem appellarim. At, si hoc peccatum est non ego duntaxat, sed vos Angli quoque culpandi estis. Nam vester Henricus Salcolbrigienſis in suo libello, qui inscribitur, *Refutatio examini Bocanici*: rariò *Britannia*, sæpè *Angliæ* Regem vocat. Deinde, nescis Tookere, quod Philolophis notum & vſitatum est, sæpè à principali parte sumi denominationem? Britannia vult tres partes complectitur, Angliam, Scotiam, Hyberniam. Inter eas præcipua est Anglia. Igitur Regem vestrum, qui & Angliæ, & Scotiæ, & Hyberniciæ, vno verbo, totius Britanniciæ Rex est, non malè Angliæ Regem appellavi. Annon Rex Philippus, multorum regnorum Dominus est? Plurimum sanè, quam vester Rex. Et tamen non egè fert, Hispaniciæ Regem se appellari. Quid tu ergo vitio mihi vertis, quod, ut alterum Hispaniciæ, sic alterum Angliæ Regem nominarim? Vſus sic obtinet. Nec tamen velim esse tam pertinax, quin alium titulum illi tribuam, si ita vſum illi sit.

3. *Secundò obicit*, quod nec Sacellanum debito honore proſecutus ſim. Sic enim habes pagina 3. *Quem tu vocas Sacellanum, non omni laude dignissimum, Episcopum Eliensem dicimus: At quem virum? doctissimum fortissimumque Ecclesia Heruim, omni literatura abundantissimum, qui propter multiplicem ac reconditiorem Theologia cognitionem, apud nos auctorissimus, ut pote, qui literis Latinis, Græcis, Hebraicis, Chaldaicis, ac Arabicis instructissimus sit, iure merito appellatur.* Respondeo. Non ſciui esse Episcopum Eliensem. Nec tunc erat, cùm scripsi. Si interea Episcopatum adeptus est, non inuideo. Possum tamen dubitare, an idèò Episcopus vocari debeat. Et sanè tu me facis disputare. Scribis enim pag. 6. non ſemper valere argumentum à coniugatis & negas hanc conſequentiam: *Rex Angliæ habet Primatum Ecclesiæ Angliæ, Ergo est Primas Ecclesiæ Anglicanæ.* Igitur ſcrupulum mihi iniicis, quid de hac ſimili conſequentia dicturus eſſes, *Sacellanus habet Episcopatum: Ergo est Episcopus Eliensis.* Itemque de hac, *Tookerus habet Decanatum Ecclesiæ Lichefeldensis: Ergo est Decanus Ecclesiæ Lichefeldensis.* Quod addis Sacellanum esse virum magnæ eruditionis, & quinque linguarum peritissimum, non video, quid ad rem faciat. Nisi forte adulandi gratia, id dictum à te sit. Sed tamen, qui tot linguas callet, vti nam vel vna verum loqueretur. Et cum Græcè instructissimus sit, cur, & Typographum non monuit ut pro barbarâ voce *Sacellanus*, veram ac germanam *Antistitem*, substitueret?

4. *Tertiò obicit*, quod indignis modis laccessam Regem Angliæ. Sic enim scribis in dedicatoria Epistola? *Audax negotium, hominem priuatum, personam publicam & sacrosanctam; certe filium, eundemque Iesuitam & emissarium Satana, clarissimum; doctissimumque Regem, unctum Domini indignis modis laccessero. Quid est indignius, quam plurimas contumelias iniuriasque imponere op-*

A timo Regi, perinde ac si ageret cum Iuliano Atheo, & Constantio Ariano? Respondeo. Quod metere me huius & Emallarium Satana appellas, lubens tibi ignosco. Facis, ut Calvinistæ ſolent, Hoc miror, quæ dicas; me indignis modis Regem laccessere, & plurimas contumelias ac iniurias illi imponere. Ab hoc vito puto me esse alienissimum. et, si vnquam aliàs, maxime in hoc libello, quem tu oppugnas, modestiam & status ſum. Nec opus est longa probatione. Lector, quisquis est, iudicet. Fateor in Prefatione libelli me tempſiſſe, ſicut olim Iuliano & Constantio Imperatoribus in causa ſiuei oppoſuerunt & Patres; ita nunc Iacobo Regi in ſimili caſu reſiſtere nos poſſe. Sed hæc contumelia aut iniuria non eſt. Vera contumelia eſt, cum vos ſcribitis Pontifici, tanquam Antichriſto, reſiſtendum eſſe.

5. *Quartò obicit*, quod ſolitus ſim maledicere Regibus, & Pontifici adulari. Sic enim ais in epistola dedicatoria: *Adduco ad excellentiam vestram hoc meum Duellum, sine ſingulare certamen, cum Martino Becano Iesuita, Professore Mathematico, Regibus obrectare ac maledicere, Pontificibus vero Romanis assentari, eorumque tribunaia adulari, & lambere ſolet.* Respondeo: Vtrumque fallum eſt. Imò, ſi modum loquendi ſpectes, plus honoris Regi Angliæ, quam Pontifici viceat tribuere. Regem, ut dixi, voco *Serentissimum & Potentissimum* Pontificem, nonniſi *Pontificem* aut *Papam* appello, ſine alio verborum ſpendore. Tu potius in hoc genere peccas. Nam ſi Pontifici calumnioſè maledicis, & filio Regis immodicè aſſentaris. Illum vocas *Antichriſtum* hunc, *Decus & delicias humani generis, Principem orbis terrarum maximum, Catholica religionis propugnaculum & eruditum.*

6. *Quintò obicit*, quod ſim curiosus in aliena Republica & Ecclesia, Sic enim habes in eadem Epistola: *Iesuita hic Primatum Regio deropente ſaltus eſt inimicus: curiosus in aliena Republica & Ecclesia.* Respondeo. Si idèò curiosum me dicis in aliena Ecclesia, quia oppugno Primatum Anglicanum, cùm in Anglia natus non ſim; tu certè non minus curiosus es, qui oppugnas Primatum Romanum, cum Romæ natus non ſis. An & Regem tuum curiosum eſſe dixeris? Nam & ille Primatum Romanum oppugnare, & Imperatorem noſtrum, alioque Reges & Principes ad eum deſerendum hortari auſus eſt. Sed audi Tookere. Non curiosi, ſed Chriſtiani hominis officiũ eſt, oppugnare & hæreſes & errores, in quacunque Rempublicam vel Eccleſiam irreperint. Hoc Apoſtoli, hoc antiqui Patres, hoc moderni ſcriptores faciunt. Cur mihi idem non liceat?

7. *Sextò obicit*, quod diſputem de Primatu Regis, & tamen non intelligam, quid ſit Primatus. Sic enim habet in Epistola dedicatoria: *Iesuita hic neſcit, de quibus aſſertat, inſ & ſas, legemque Primatus in regno Britanniciæ penitus ignorat, nec in ſingulis magis ſapit, quam betula.* Respondeo: Primatus Eccleſiæ duplex eſt: alter verus, qui iure diuino debetur Pontifici, non ſolum in regno Britanniciæ, ſed etiam in toto orbe Chriſtiano: alter fictus, qui humana præſumptione tribuitur vſtro Regi. Prior primatus eſt antiquiſſimus, cuius ignorantia obicere mihi non potes. Conſiſtit enim, ut dixi, in ſuprema poteſtate & iuriſdictione, qua Pontifex gubernat Eccleſiam in foro exteriori: & officia eius ſunt, quæ ſupra recitavi. Huiusmodi autem Primatum non conuenire vſtro Regi in hoc libello demonſtratum à me eſt. Poſterior Primatus, res planè noua, & nupèr ſub Henrico Octauo excogitata primũ eſt: nec vſquam ſerè, niſi in Anglia vſurpatur. Huius vim ac naturam, ſi ignorem, mirum non eſt. Vos ipſi, qui in Anglia eſtis, ignoratis. Hoc apertè patet ex vſtro diſſidio. Diſſideris enim in his punctis: 1. An Pri-

status vestri Regis sit Ecclesiasticus & Spiritualis A
Thomsonius & Burhillus negant; alij affirmant. 2. An Rex ab hoc Primatu vocari possit Primas Ecclesie? Tu negas; Henricus Salcolbrigienſis affirmat. 3. An ab eodem Primatu vocari possit ſupremum Caput Ecclesie Anglicane? Tu iterum negas; multi alij affirmant. 4. An Primatus Regis conſiſtat in aliqua iuriſdictione Eccleſiaſtica? Tu affirmas cum Henrico; Thomsonius & Burhillus negant. 5. An ad Primatum Regis pertineat conuocare Synodos, ſancire leges Eccleſiaſticas, conferre beneficia, creare & deponere Episcopos, controuerſias dirimere. Hic, quot capita apud vos; tot ſenſus. Hæc omnia ſufius explicauimus in alio libello, qui inſcribitur, *Diffidium Anglicanum, de Primatu Regis*. Cum ergo inter vos non poſſit certò conſtare, quam vim habeat Primatus Regis in Anglia, ubi educati eſtis, qua fronte audeſ mihi obſistere, quod ignorem illius vim & energiam? *Medice cura te ipſum.*

8. *Septimo obijcis*, quod nullum ſeruem ordinem ac methodum. Sic enim habes in Duello, pag. 35. *Verum tamen ut ad ea, quæ abſ te propoſita, nullo tamen ordine, nulla methodo diſpoſita vel diſquiſita ſunt, reuertamur, &c.* Reſpondeo. Duo à me propoſita ſunt in hoc libello. 1. Hæc quaſtio, an Rex Angliæ legitimè habeat Primatum in Eccleſia? In ea tractanda ſeruauimus hunc ordinem 1. an habeat Primatum iure naturali. 2. an iure diuino veteris Teſtamenti. 3. an iure diuino noui Teſtamenti. 4. an iure civili vel canonico. 5. an conſenſu doctorum hominum. 6. an titulo præſcriptionis. 7. an ſecundum principia ſuæ doctrinæ. Quid tibi nunc diſplicet in hoc ordine? Deinde propoſita ſunt à me officia Primatus eccleſiaſtici, nimirum hæc; conuocare Synodos, in iis præſidere, conſtitutiones condere, cauſas audire & cognoscere, controuerſias dirimere, beneficia conferre, miniſtros Eccleſiæ conſtituere, delinquentes excommunicare. Et quid hic culpæ eſt? An debebam de ſingulis ſeorſim diſputare? Fuiſſet ſuperuacaneum. Satis erat oftendere, hæc officia nec iure naturali, nec iure diuino, aut humano, nec titulo præſcriptionis, nec alio modo, conuenire Regi Angliæ, quod etiam à me factum eſt. Si tamen deſideras peculiarem Tractatum de his omnibus & ſingulis poteris videre *Diffidium Anglicanum de Primatu Regis*: ibi inuenies & erubeſces.

9. *Octauo obijcis*, quod multa dicam, nihil probem. Sic enim ais in Epistoſa dedicatoria: *Ieſuita hic multa allegat, nihil probat: varia argumentorum, ut æmorum, genera colligit ac compoſitat, Syllogiſmos, Enthyememata, Dilemmata, quibus oppugnat chariſſimi Regis noſtri ius Primatus in Eccleſia. Verum tamen in arcem cauſa non inuadit, nullum locum expugnat, ne proſiciat hylum.* Reſpondeo. Videris mihi declamare. Tookere: tot genera Phraſum colligis & compoſitas. An ego aliquid effecerim vel expugnauerim meis argumentis, paulò poſt, cum ad ſingula libelli mei capita venerimus, facile apparebit: Sed tamen, ſi nihil effeci vel expugnaui, ut tu quid obijcis, quid necelle fuit tantum virum, quantus tu in oculis tuis es, in me refutando tantopere deſudare? quid opus erat, diſtincto gladio, ut tu loqueris, ſtare in hac acie argumentationis?

CAPVT I.

An Rex iure naturali habeat Primatum Eccleſiæ?

1. **N**E ipſe quidem auſit hoc affirmare. ut ratio eſt euident. Nam ſtatus politicus ſeu civilis ex natura rei diſtinctus eſt ab Eccleſiaſtico ſeu ſpirituali. Ergo ex natura rei habet diſtinctum tribunal & iudicium. Ergo iure naturali necelle non eſt, ut qui præeſt vni, præſit etiam alteri. Ergo Rex ex eo præciſe, quia iuriſdictionem habet in tribunali politico, non habet etiam ex natura rei in eccleſiaſtico. Sicut viceſim. Episcopus, qui habet iuriſdictionem in foro Eccleſiaſtico, non habet ex natura rei in temperali. Nihil certius. Ut tamen res melius explicetur, adiungendæ ſunt duæ conſiſiones.

1. *Prior conſiſio.* In Republica Chriſtiana duplex eſt poteſtas publica. Vna temporalis ſeu politica, altera ſpiritualis, ſeu Eccleſiaſtica. Ratio eſt, quia duplex finis Chriſtiano homini propoſitus eſt, ad quem debet pertingere. Vnus naturalis, qui eſt pax & tranquillitas Rei pub. alter ſupernaturalis, qui eſt æterna beatitudo. Ad hos fines debet peruenire per diuerſa media, quæ ſint illis proportionata. Huiusmodi autem media inuenire & præſcribere communitati, non eſt cuiuſvis, ſed eius, qui ſupra alios poteſtatem habet. Itaque duplex debet eſſe poteſtas publica, vna temporalis ſeu politica quæ præſcribat media neceſſaria ad finem naturalem, altera Eccleſiaſtica ſeu ſpiritualis, quæ præſcribat media neceſſaria ad finem ſupernaturalem. Loquor autem de poteſtate publica, ut excludam priuatam, qualis eſt parentum in filios, virorum in vxores, & dominorum in ſeruos.

3. *Posterior Conſiſio.* Hæ duæ poteſtates publicæ in multis differunt, ut facile ex dictis colligi poteſt. Primo, ex parte finis & mediorum, quia politica reſpicit finem & media naturalia, eccleſiaſtica verò ſupernaturalia. Secundo, ex parte cauſæ efficientis, quia politica poteſt alicui tribui, vel immediate à Deo, quo pacto tributa eſt Moſi, Iſue, Sauli, Dauidi: vel à communitate, quo pacto tribuitur Regi Poloniæ, qui eligitur à Senatu: vel iure ſucceſſionis, quo pacto in Hispania, Gallia, Anglia, filij ſuccedunt parentibus in regimina vel iure belli, quo pacto Rex vnius regni, laeſſus à Rege alterius regni, poteſt iuſto bello ſe vindicare, & regnum illius inuadere. Secus eſt de poteſtate eccleſiaſtica. Cum enim ſupernaturalis ſit, non poteſt tribui, niſi à ſolo Deo, præſertim ſi ſermo ſit de ſuprema, de qua hic agimus. Tertio, differunt ratione dignitatis. Nam eccleſiaſtica nobilior & excellentior eſt, quàm politica. Vnde Innocentius 3. c. *Solita, de M. aioris, & obedientia*, comparat has duas poteſtates duobus luminaribus firmamenti, Soli & Lunæ. Et dicit, Eccleſiaſticam eſſe luminare maius, quod præeſt diei ſpiritalem, politicam, luminare minus, quod præeſt nocti temporalium. Et hoc indicat Chriſtus, cum ait: *Regnum meum non eſt de hoc mundo*, quaſi dicat, Poteſtas ſeu iuriſdictione temporalis eſt de hoc mundo: at ſpiritualis ſeu eccleſiaſtica eſt de cælo. Ergo nobilior eſt. Et Chryſoſt. homil. 4. de verbis Iſaiæ: *Hoc regnum illo maius eſt. Regi ea, quæ hic ſunt, commiſſa ſunt: Sacerdoti cæleſtia.*

4. *Ex dictis duo colligimus.* Vnum eſt, quod hæ duæ poteſtates ex natura rei diſtinctæ ſunt, & ab inuicē ſeparari poſſunt. Nulla enim poteſt eſſe naturalis connexio inter

intet potestatem naturalem & supernaturalem. Unde si homo creatus esset à Deo in statu puræ naturæ, & ad solum finem naturalem (quod fieri potuit) nulla fuisset potestas supernaturalis seu Ecclesiastica, qualis nunc est: ac proinde civilis seu politica fuisset reipsa separata ab Ecclesiastica. Nunc etiam in statu gratiæ, in quo utraq; potestas locum habet, vna fuit in Christo sine alia. Nam Christus habuit Primatum in Ecclesia, non tamen in Republica civili & temporali, saltem quo ad vsum.

5. Alterum est, quod hæc duæ potestates, cum ex natura rei distinctæ & separatæ sint, non nisi iure divino, vel humano coniungi possint. Igitur deinceps inquirendum est, an Rex Angliæ, qui titulo successoris habet supremam potestatem politicam in suo regno, habeat simul coniunctam potestatem Ecclesiasticam aliquo iure positivo, siue divino, siue humano.

COMMENTARIUS.

1. **H**ic, ut tuis verbis utar, Tookere, partim *em-
inus*, partim *cominus* aggredi me vis. Adsum, ut excipiam tuos istos. Quid ergo *eminus*? Primum ex Isidoro & D. Thoma, transcribis definitionem iuris naturalis, gentium & civilis. Nihil me lædis. Poteras plura alia transcribere. Deinde, prolixè probas ex Aristotele, Platone, S. Augustino, & Ioanne Diredeno, consentaneum esse iuri naturali, seu rectæ rationi, ut vxor marito, filius parenti, subditus superiori honorem deferat. Quis hoc nescit? Mox subdis; *Sed ista *eminus* iam *cominus* congre-
diar*. Benè est, congregere *cominus*: nam *eminus* non successit.

2. *Cominus* sic pugnas, ut pleraque probes, quæ à me dicta sunt, pauca improbes; quædam otiosa, & nonnulla etiam pugnantia adferas. Singula persequar: Ac primum, fateris verum esse, quod initio capitis dixi, statum politicum ex natura rei distinctum esse ab Ecclesiastico, habere distinctum iudicium ac tribunal; nec Regem ex eo præcisè, quia iurisdictionem habet in tribunali politico, habere etiam in ecclesiastico. Sic enim scribis pagina 56. *Cum syllabarim ista dixeris* (nempe quæ iam potui) *habes ex nostris neminem tibi contradicentem*. Gaudeo sanè. Nec hoc duelli, sed paucis symbolum est. Et, si ita pergis, non feries me, sed iuvabis.

3. Secundò, fateris verum esse, quod in prima conclusione dixi de duplici potestate publica; vna civili, altera Ecclesiastica: & similiter, quod in secunda dixi, Ecclesiasticam civili nobiliorem esse; denique, quod in fine capitis dixi, alteram ab altera separari posse. Verba tua sunt hæc, pag. 56. *Due sunt potestates publicæ, altera civilis, altera spiritalis: duo sunt tribuna-
lia, alterum status politici, alterum Ecclesiastica politica*. Et pag. 66. *Potestas Ecclesiastica, ratione regiminis animarum, adificationis Ecclesie, consummationis Sancto-
rum, omnibus numeris solati & perfectionis absolutior est quacunque potestate civili* et pag. 78. *Illa ambæ potestates aliquando coniunctæ, aliquando separatæ fuerunt, quod ex plu-
ribus exemplis liquet*.

4. Præterea ultro concedis, diversa esse officia Sacerdotum & Regum. Nam Sacerdotum est, inquis, fundare, plantare, irrigare & stabilire Ecclesias. Regum est, easdem ditare & gladio defendere. Illi, curam animarum habent, hi corporum. Illi gladium spiritua-
lem distinguunt, hi corporalem.

5. Hactenus mecum sentis, Tookere, & pacificus es. Nunc arma corripis. Sed ioco an seriò? Videamus.

Opusc. Rec. 2

A Dixi in secunda conclusione, duas illas potestates differre ex parte causæ efficientis: Et quidem Ecclesiasticam, præsertim supremam, immediatè esse à solo Deo; civilem verò, vel à Deo, vel à communicate, vel ex iure successionis, vel aliunde. Hic videris à me dissentire. Nam pag. 57. sic scribis: *Ex quo autem prin-
cipio tam regalis, quam sacerdotalis potestas, tanquam à suo fonte derivatur ac dimittit, breviter perpendendum est. Potestates, quæ sunt, à Deo sunt, & non est potestas, nisi à Deo*. Si his verbis me oppugnas, facile tibi occurram. Fatebor omnem potestatem esse à Deo, vel mediatè, vel immediatè. Nec habebis, quod obicias. Nam eodè modo respondeas ad similem objectionem, cap. 7. pag. 304.

B 6. Dixi ibidem, easdem duas potestates differre ex parte finis, eo quod civilis respiciat finem natura-
lem, Ecclesiastica supernaturalem. Et hoc videris improbare. pag. 65. cum ait: *An non summa potestas Ecclesiastica, quæ est Sacerdotum in foro interiore, & su-
prema potestas Regum in foro exteriori, salutem animarum potissimum intuat?* Audi Tookere. Si potestas civilis spectetur præcisè secundum se, non extendit se, nisi ad finem naturalem: et hoc efficaciter convinci potest ex eo, quod sub finem capitis notavi. Nam si homo creatus esset in statu puræ naturæ, quod fieri potuit, non fuisset ordinatus ad finem supernaturalem, qui consistit in clara Dei visione, quæ nunc perficiuntur Sancti in celo, sed ad finem naturalem, qui consistit in naturali contemplatione Dei, quatenus author naturæ est. Neque hoc potes negare, si Theologus es. Nosti enim distingui solere duplicem beatitudinè: alteram naturalem, de qua disputat Aristoteles in Ethicis, alteram supernaturalem, de qua passim agunt Scholastici. Similiter, Deum dupliciter spectari posse. Primò, ut est author naturæ, & sic esse finem naturalem, ad quem homo tendit in statu puræ naturæ. Secundò, ut est author gratiæ, & sic esse finem supernaturalem, ad quem homo tendit in statu gratiæ, in quo iam sumus.

C 7. Hinc facilè diluitur tua obiectio. Cum enim dicis, potestatem civilem spectare salutem animarum, id dupliciter intelligi potest. Primò, de naturali salute animarum, & sic verum est. Secundò, de superna-
turali salute animarum, & sic distinguendum est. Si enim civilis potestas spectetur præcisè in se, non attingit supernaturalem salutem animarum: potest tamen attingere, quatenus potestati Ecclesiasticæ, in hoc statu gratiæ, subordinata est.

D 8. Puto satisfactum tibi nunc esse. Imò, iam sponte arma deponis, & quasi ex prælio fatigatus, incipis otiosè te oblectare, & coram Spectatoribus, ne dilabentur, ludicra quædam spectacula exhibere. Quæ illa? Ex Aristotele proponis duo schemata Dialectica, quæ singula constant quatuor propositionibus, in hunc modum:

Omnis potestas
est à Deo.

Aliqua potestas
est à Deo.

Omnis potestas
in foro exteriori
Ecclesie est à
Deo.

Aliqua potestas
in foro exteriori
Ecclesie est à
Deo.

E 9. In utroque schemate mirè te recreas. Sed quorsum? An putas Spectatoribus hoc modo te satisfacturum? Erras Tookere. Venerunt spectare robustum

Nulla potestas est
à Deo.

Aliqua potestas
non est à Deo.

Nulla potestas
in foro exteriori
Ecclesie est à
Deo.

Aliqua potestas
in foro exteriori
Ecclesie non est
à Deo.

pugilem, non morionem, & sanè, res ipsa, de qua agimus, non ludicra, sed ierta est. Alioqui, si ludendum esset, reponerem tibi vicissim vel arborem Porphyriam, vel certè schema aliquod ex Modalibus. Quid verò existimas dicturum Regem, cum intelliget te, qui defensor ipsius esse vis, relictà causa regia, his lulis occupari?

10. Sed vide obsecro, quì fiat. Dum ita securus es, implicas te aliquot contradictionibus. Ex iis pauca. accipe. Als pag. 63. indictionem Synodorum, Sanctionem legum, & similia, esse iuris mixti, id est resultantis ex iure Regio & Episcopali, habere tamen suam originem à Primatu Regio, & ab eo communicari Episcopis & sacerdotibus. Verba tua sunt hæc: *Mixtum autem ius & resultans ex utroque & iure regio & Episcopali, est legum sanctio, & synodorum indictio, & præsidentis in iis prerogativa, & controuersiarum decisio, & beneficiorum collatio, & Episcoporum constitutio & depositio, quæ forè ab origine Primatus regis descendunt & communicantur Sacerdotibus.*

11. At alibi negas hæc omnia. Nam pag. 42. doces: indictionem Synodorum, & sanctionem legum Ecclesiasticarum, iure diuino, pertinere ad Apostolos. Rursum pag. 313. de iudice controuersiarum sic scribis: *Reges Christiani non sunt fidei ac religionis iudices.* Similiter, de collatione beneficiorum, pag. 36. *Beneficia autem curata vel non curata, non conferunt Reges omnino in quempiam, multo minus dignitates Ecclesiasticas, sive Episcopatus sive Archiepiscopatus.* Eorum certe collatio vel institutio est, quorum est destinatio, id est, Episcoporum comprouincialium, qui potestatem habent performare ipsas faciendi. Hæc vna contradictio est. Audi alteram.

12. Als pag. 66. potestatem Ecclesiasticam perfectionem esse quacunque civili. Paulo ante citavi tua verba. At mox contrarium affirmas, cum subdis: *Potestas Ecclesiastica non præfulget civili, potestatis eminentia.* Quasi dicas: Civilis eminentior est, quàm Ecclesiastica. At quomodo eminentior? an perfectione? Hoc iam negasti. An amplitudine? Hoc falsum est. Nam suprema potestas Ecclesiastica extendit se ad omnes homines, etiam ad Reges & Imperatores. Omnes ei subiecti sunt.

13. Ut verbo repetam, quæ dicta sunt, sic accipe **TOOKER.** Eminus pugnando, nihil effecisti. Cominus, primum quidem fuisti pacificus; tùm frigide luctatus es; deinde, otiosè te oblectasti, postremò, contradictionibus te implicuisti. Et sic finis duelli citra hoc caput.

CAPVT II.

An Rex habeat Primatum Ecclesie, iure diuino veteris Testamenti?

1. **H**oc ipse omnino videtur velle. Sic enim habet in sua Apologia pag. 155. *Sed veteri Testamento Reges habebant dubio gubernatores erant Ecclesia infra fines suos: corruptelas purgare: abusus sustulere: arcam ad constitutum quietis locum perduxere: arca deportanda ipsi præfuerunt: Templum edificare: adificatum dedicare: & sua presentia epus consecrationis cohonestarunt: librum legis, tenebris præcunctis populo recitari fecerunt: fœdus inter Deum populumque redintegrarunt: confregere serpentem æneum, quamvis & disrumpit Dei mandato erutum & Chri-*

stum Dominum suo modo figuratum, idola omnia dissipare falsos exterminare, reformationes publicas institueret, conuocatis sine & congregatis promiscue sacerdotibus & laicis: exauferantur summum Pontificem, aliumque in eius locum subrogauerunt. In summa, curata moderati sunt, quæ ad Ecclesiasticum regimè quoque modo pertinebant. Nec verò tituli & nomina, quibus insigniuntur, honoraria, ab his etiam alienis discordant. Vocantur enim filii Altissimi, imò Dei & Vniuersi Domini, in Dei solio sedentes. Famuli Dei, imò Angeli Dei, facti iuxta cor Dei, Lumina Israelis, Nutriti Ecclesie. Hucusque Rex.

2. Ex quibus verbis constitui potest hoc argumentum, Reges veteris Testamenti, iure diuino habebant Primatum Ecclesie: ergo & Reges noui Testamenti. Vel sic potius, Reges veteris Testamenti, iure diuino habebant Primatum Ecclesie: at hoc ius non est abrogatum, sed adhuc manet. ergo eodem iure gaudent Reges noui Testamenti. At duplex peccatum in hoc syllogismo committitur. Nam & maior, & minor propositio falsa est. Negamus, in veteri Testamento fuisse ius diuinum de Primatu Regis in ecclesia. et, si fuisset, negamus adhuc durare, & non abrogatum esse. Vtrumque breuiter explicandum est per sequentes conclusiones.

3. **Prima Conclusio.** Ius diuinum veteris Testamenti continetur lege Mosaica. Sunt autem triplicia præcepta legis Mosaicæ, moralia, ceremonialia, iudicialia: vt docet Diu. Thom. in 1. 2. quæst. art. 99. art. 1. & seqq. Et colligitur ex illo Deut. 5. 31. *Loquar tibi omnia mandata mea, & ceremonias, atque iudicia.* Et Deuter. 6. 1. *Hæc sunt præcepta & ceremonia, atque iudicia, quæ mandauit Dominus Deus vestris, vt docerem vos.* Et Roman. 7. 12. *Lex quidem sancta, mandatum sanctum, & iustum, & bonum.* Vbi Apostolus mandatum legis vocat sanctum propter ceremonialia: iustum, propter iudicialia: bonum, propter moralia, vt explicat Diu. Thom. loco citato, art. 4. Ratio huius conclusionis est, quia omnis Res publica bene instituta, continet tria præceptorum genera, quorum alia ad priuatos singulorum ciuium mores: alia ad publicam religionem, & cultum Dei: alia ad communem politiam, & temporalem gubernationem pertinent.

4. **Secunda Conclusio.** Præcepta moralia summam continentur in decem præceptis Decalogi, vt docet D. Thom. in 1. 2. q. 100. art. 3. Et quidem tria priore respiciunt cultum diuinum, reliqua, iustitiam cum proximo seruandam. Deus enim colitur tribus modis. 1. per fidelitatem, adherendo soli vero Deo, & non habendo Deos alienos. 2. per reuerentiam, non assumendo nomen Dei in vanum. 3. per famulatum, colendo sabbatum. Et ita constituuntur tria prima præcepta Decalogi. Cum proximo autem seruatur iustitia, si & parentes honoremus, & alios non lædamus, neque ore, neque opere, neque corde. Et hæc est summa reliquorum præceptorum Decalogi. Dices, in Decalogo habetur præceptum de sabbatho sanctificando, quod non est morale, sed ceremoniale. **Respondet.** Est morale, quoad substantiam; ceremoniale, quoad determinationem certæ temporis. Nam ratio naturalis dicitur, Deo deberi aliquem famulatum, cum ipse sit Dominus omnium. Quando autem præstandus sit illi famulatus, pendet ex libera ipsius determinatione.

5. **Tertia Conclusio.** Præcepta ceremonialia, quæ præscribunt certas ceremonias pertinentes ad religionem, nihil aliud sunt, quàm quædam determinationes eorum præceptorum Decalogi, quæ ad diuinum cultum referuntur, vt docet D. Thom. q. 101. art. 1. Vnde sequitur, tot esse genera præceptorum ceremonialium quot sunt genera eorum, quæ ad cultum diuinum pertinent. Hæc autem sunt quatuor. 1. sacrificia, vt holocaustum, hostia, pacifica, & hostia pro peccato. 2.

Sacramenta, partim communia omnibus, vt Circumcisio, eius Agni Paschalis, Purificationes à quibusdam exterioribus unmunditiis, expiationes à peccatis, partim propria Sacerdotibus, vt consecratio Sacerdotum, Eius panum propositionis & aliorum, quæ erant vñibus Sacerdotum deputata, ablutio manuum ac pedum, & rasio pilorum. 3. Instrumenta diuini cultus, vt Tabernaculum, Templum, Arca fœderis, propitiatorium, candelabrum, mensa, duplex altare, vasa, vestes sacerdotales, & similia. 4. obseruant legales, quibus ex decreto Dei, populus Iudæorum discernebatur ab aliis gentibus, vt certus vius ciborum & vestium, ac sollemnitates festorum. Circa hæc 4. rerum genera versantur præcepta ceremonialia.

6. *Quarta Conclusio.* Præcepta iudicialia, quæ præscribunt certam formam conseruandi iustitiam inter homines, nihil aliud sunt, quam determinationes quædam eorum præceptorum Decalogi, quæ ad iustitiam & politiam humanam conseruandam spectant, vt docet D. Thomas quæst. 104. art. 1. Vnde etiam sequitur, tot esse genera præceptorum iudicialium, quot sunt genera hominum, inter quos iustitia seruari debet. Ea autem sunt quadruplicia. Nam quædam præscribunt certum ordinem iustitiæ inter Principem & populum: quædam inter ipsos populares inter se, quædam inter populum & extraneos: quædam denique inter domesticos eiusdem familiz, vt inter parentes & filios, inter maritum & uxorem, inter seruum & Dominum, v. g. Pro Principe dantur præcepta, quomodo creandus sit, & se gerere debeat in officio. Pro popularibus, præcepta emptionis, venditionis, & aliorum contractuum. Circa extraneos, de bello gerendo, de susceptione peregrinorum & aduenarum. Denique circa domesticos, de seruis, de vxoribus, de filiis.

7. *Quinta Conclusio.* Inter hæc triplicia præcepta, triplex potissimum discriminē est. Primum, quod moralia per se contineantur in Decalogo, reliqua extra Decalogum. Alterum, quod moralia sint iuris naturalis, reliqua positui. Tertium, quod moralia non sint abrogata à Christo, sed melius explicata, Matth. 5. At reliqua abrogata sunt, iuxta illud Luc. 16. 16. *Lex & Prophetæ usque ad Ioannem.* Et Galat. 3. 24. *Lex pedagógus noster fuit in Christo, ut ex fide iustificemur: at ubi uenit fides, iam non sumus sub pedagogo.* Et Hebr. 7. 12. *Translatio sacerdotio, necesse est, ut & legis translatio fiat.* Et infra v. 18. *Reprobatio sit præcedentis mandati, propter infirmitatem eius & inutilitatem: nihil enim ad perfectum adduxit lex, et ratio est, quia lex Moisaica fuit umbra legis Euangelicæ, teste Apostolo, Col. 2. 16 & Hebr. 10. 1.* At umbra cessat, accedente lumine. Ergo veniente lege euangelicæ, necesse fuit abrogari Moisaicam.

8. *Ex dictis sic conclusio.* Si Rex Angliæ, iure diuino veteris Testamenti habet Primatum Ecclesiæ, vel illud ius diuinum continetur in lege morali, vel in ceremoniali, vel in iudiciali. Certum est non contineri in morali. Nam moralis lex generatim comprehenditur decem præceptis Decalogi, vt dictum est. At in toto Decalogo nulla sit mentio Primatus Regis in Ecclesia. Ergo ius diuinum de Primatu Ecclesiæ non potest fundari in lege morali. Sed neque in ceremoniali vel iudiciali fundari potest, duplici de causa. Primo, quia vtræque lex per Christum abrogata est: Ergo tametsi Reges in veteri Testamento, iure diuino habuissent Primatum Ecclesiæ, non tamen sequeretur, Reges in nouo Testamento gaudere eodem iure cum iam penitus abrogatum sit. Et hoc patet in similibus exemplis. Nam in veteri Testamento iure diuino statutum erat, vt esset vnum templum, in quo omnes adorarent, vt omnes sacerdotes & ministri Ecclesiæ assumerentur

Opusc. Ber.,

A ex sola tribu Leui; vt eorum sacrificia essent cruentæ ex animalibus: vt Iudices & Reges eligerentur à Deo, non à populo. At hæc omnia iam abrogata sunt. Ergo quæ iure diuino statuta erant in veteri Testamento, non amplius eodem iure debent censeri statuta in nouo Testamento. Vnde sicut hæc consequentia non valet: *Omnes ministri Ecclesiæ erant olim in eadem tribu: Ergo & nunc ita fieri debet.* Sic neque valet ista: *Omnes Reges habebant olim primatum Ecclesiæ. Ergo etiam nunc habent.*

9. *Addo,* nunquam in veteri Testamento, diuino iure concessum fuisse Regibus Primatum Ecclesiæ. Hoc si probaui, corrumpit totum fundamentum Regaliæ Hierarchiæ. Probo autem efficaciter tribus rationibus. *Prima* est, quia totum ius, quod Deus disposuit circa Reges veteris Testamenti, habetur Deut. 17. his verbis: *Cum ingressus fueris terram, quam Dominus Deus tuus dabit tibi, & possederis eam & dixeris, Constituam super me Regem sicut habent omnes per circuitum nationes, cum constitueris, q. em Dominus Deus tuus elegerit de numero fratrum tuorum. Non poteris alterius gentis hominem Regem facere, qui non sit frater tuus. Cuique fuerit constitutus, non multiplicabis sibi equos, nec reducet populum in Ægyptum equitans numero subleuatus, præsertim cum Dominus præceperit vobis, ut nequaquam amplius per eandem viam reuertamini. Non habebis vxores plurimas, quæ alliciant animam eius, neque argenti & auri immensa pondera. Postquam autem sederis in solio regni sui, describet sibi Deuter. 17. legis huius in volumine, accipiens exemplar à sacerdotibus Leuiticis tribus, & habebit secum, legeque illud omnibus diebus vitæ suæ, ut discat timere Dominum Deum suum, & custodire verba & ceremonias eius, quæ in lege præcepta sunt. Ne eleuetur cor eius in superbiam super fratres suos, neque declinet in partem dexteram vel sinistram, ut longotempore regnet in se & filiis eius super Israël.* Hæc hic totam dispositionem iuris diuini circa Reges veteris Testamenti. Atqui nulla sit mentio Primatus Ecclesiæ. Solum explicantur hæc pauca conditiones. *Prima*, vt Rex eligatur à Deo. *Secunda*, vt ex populo Iudæorum, non ex gentibus assumatur. *Tertia*, vt non multiplicet equos, nec reducat populum in Ægyptum. *Quarta*, vt non habeat plurimas vxores, præsertim alienigenas, quæ alliciant illum ad idololatriam, sicut accidit Salomoni. *Quinta*, vt non colligat immensas diuitias, quia ex illarum cupiditate solent Reges ad tyrannidem declinare, & iustitiam derelinquere. *Sexta*, vt à Sacerdotibus accipiat præcepta legis Moisaicæ, eaque describat, & diligenter obseruet. Cur autem à Sacerdotibus? quia illorum est iudicare, quæ circa legem & religionem sunt. *Septima*, vt moderate se gerat erga alios, & non eleuetur cor eius in superbiam super fratres suos. Multò minus supra Sacerdotes, Episcopos & Pontifices. *Octaua*, vt sequeatur iustitiam, & non declinet ad dextram vel sinistram, quod solet euenire, vel ex fauore & acceptione personarum, vel ex spe lucri, & utilitatis, vel ex odio seu alia peruersa affectione.

10. Ex his omnibus ita concludo: Quicquid de Regia electione, officio & potestate statutum est iure diuino veteris Testamenti, hoc continetur in supradictis conditionibus: Atqui in illis nihil habetur de Primatu Regis in rebus Ecclesiasticis: Ergo Primatus Regis in rebus Ecclesiasticis non est de iure diuino veteris Testamenti.

11. Loquar autem de iure diuino, quia constat in veteri Testamento fuisse duplex ius Regium, Alterum diuinum, quod iam explicatum est, & de quo solo hic agimus: alterum usurpatum seu tyrannicum, quod describitur 1. Regum 8. 10. his verbis: *Dixit itaque Samuel omnia verba Domini ad populum, qui petierat à*

se Regem, & ait: *Hoc erit ius Regis qui imperaturus est vobis. Filios vestros tollet, & ponet in curribus suis, facietque sibi equites & praefectores quadrigarum suorum & constituet sibi tribunos & centuriones, & aratores, agros suos, & messores segetum, & fabros armorum & currum suorum. Filias quoque vestras faciet sibi unguentarias, & focarias, & panificas. Agros quoque vestros, & vineas, & oliueta optima tollet, & dabit servis suis. Sed & segetes vestras, & vinearum redditus addecimabit, ut det Eunuchis & famulis suis. Servos etiam vestros & ancillas & iuvenes optimos, & asinos auferet, & ponet in opere suo. Greges quoque vestros addecimabit, vosque eritis ei servi. Et clamabitis in die illa à facie Regis vestri, quem eligitis vobis: & non exaudiet vos Dominus in die illa, quia peristis vobis Regem. His, inquam, verbis non describitur ius Regis, quod à Deo concessum est, sed quod à tyrannis solet usurpari, ut rectè docet Div. Thom. in 2. q. 105. artic. 1. ad 5. & fateatur Calanus libro 4. Institut. cap. vltim. §. 26. ut de hoc iure loquitur Christus Matth. 20. 25. & Luc 22. 25. *Reges gentium dominantur eorum: vos autem non sic.**

12. Hinc etiam patet, quare Samuel Regem tulerit, quod Iudaei petierunt sibi Regem dari; quia nimirum petebant Regem, qui more gentilium, non qui iure divino, eos gubernaret, ut apertè colligitur ex illo 1. Reg. 8. 4. *Congregati ergo universi maiores natu Israel, venerunt ad Samuel in Ramatha. Dixeruntque ei: Ecce, tu fecisti, & filij tui non ambulant in iustis: constituens nobis Regem, ut iudicet nos, sicut & universae habent nationes, &c.* Haecenus prima ratio.

13. Secunda est, Ipsi met Reges veteris Testamenti ingenuè fassi sunt, se non habere Primatum Ecclesiae, sed sacerdotes: ergo manifestum est, non ipsos, sed sacerdotes habuisse. Antecedens patet, quia Iosaphat Rex, qui sanctus fuit optimus, & officij sui minime ignarus, de Regis & Sacerdotis potestate sic ait, 2. Paralip. 19. 11. *Amarias sacerdos & pontifex vester, in his, quae ad Deum pertinent, praesidebit. Porro Zabadias filius Israel, qui est dux in domo Iuda, super ea opera erit, quae ad Regis officium pertinent.* Quid clarius? Haec duo hic opponuntur: Praesidere in his, quae ad Deum pertinent: Et, praesidere his, quae ad officium Regis pertinent. Illud prius convenit Sacerdoti seu Pontifici; hoc posterius, Vicario Regis. Atqui Primatum habere in Ecclesia, est unum ex his, quae ad Deum pertinent. Ergo convenit Pontifici, non Regi, aut Vicario Regis.

14. Tertia ratio: Ille censetur habere Primatum Ecclesiae à Deo, qui in rebus ad legem divinam, & eius interpretationem pertinentibus, constitutus est supremus iudex, cui oporteat obedire, ut supra explicatum est: Atqui non Rex, sed Sacerdos constitutus est talis iudex à Deo: Ergo non Rex, sed Sacerdos habet Primatum Ecclesiae à Deo. Minor patet ex illo Deut. 17. 8. *Si diffilis & ambiguum apud te iudicium esse percipieris inter sanguinem & sanguinem, causam & causam, lepram & lepram. Et iudicium intra portas videris verba vacillare: surge, & ascende ad locum, quem elegerit Dominus Deus tuus: Veniesque ad sacerdotes Levitici generis, & ad Iudicem qui fuerit illo tempore: quaresque ab eis, qui indicabunt tibi iudicium veritatem. Et facies quodcumque dixerint, qui praesunt loco, quem elegerit Dominus, & docuerim te iuxta legem eius, sequarisque sententiam eorum nec declinabis ad dexteram, neque ad sinistram. Qui autem superbi erit, nolens obedire Sacerdoti Imperio, qui eo tempore ministrat Domino Deo tuo, & deest tibi iudicis, morietur homo ille.* Hic tria notanda sunt. Primum quod sermo sit de controuersis legalibus, quae difficultatem habent, & in utraque partem ab inferioribus iudicibus trahuntur. Alterum, quod huiusmodi controuersiae non ad Regem, sed ad summum Sacerdotem, tanquam ad legitimum Iudicem

A deferendae sint. Tercium, quod sub poena mortis oporteat acquiescere sententiae Sacerdotis. At si Rex esset supra Sacerdotem à Deo constitutus, non opus esset stare iudicio sacerdotis, sed liceret ad Regem, tanquam ad superiorem iudicem provocare. At hoc non licet. Non ergo Rex, sed Sacerdos est supremus iudex controuersiarum legalium à Deo constitutus.

15. Huc spectat illud Aggei, 2. 12. *Hec dicit Dominus: Interroga Sacerdotes legum: Non Regem. Et Malach. 2. 7. Labia Sacerdotum custodient scientiam, & legem requirunt ex ore eius. Non ex ore Regis, sed Sacerdotis, ut quare? Causa mox additur; quia Angelus Domini exercituum est, quasi dicat, Sacerdos est nuntius seu interpret diuinæ voluntatis. Igitur à Sacerdote petendum est, quid Deus fecerit à nobis, vel circa nos velit. Quod clarius explicatur Num. 27. 21. *Pro Iosue, si quid agendum erit, Eleazar sacerdos consulat Dominum. Ad verbum eius egredietur & ingredietur ipse, & omnes filij Israel cum eo, & caetera multitudo* Eodem pertinet illud Levit. 10. 8. *Dixit quoque Dominus ad Aaron: Vinum, & omne, quod enebriare potest, non biberis tu, & filij tui, quando intrabis in tabernaculum testimonij, ut habeatis scientiam discernendi inter sanctum & profanum, inter pollutum & mundum; doceasque filios Israel omnia legitima mea.* Hic vides, non Regem, sed Sacerdotem esse, discernere inter sanctum & profanum, & legem Dei docere ac interpretari. Vnde sicut Azarias Pontifex ad Oziam Regem dixit 2. Paral. 26. 18. *Non est tui officij Ozia, ut adoleas incensum Domino, sed Sacerdos n. qui consecrati sunt ad huiusmodi ministerium: sic etiam potuisset dicere: Non est tui officij Ozia, ut discernas inter sanctum & profanum, sed Sacerdotum, qui ad hoc ministerium à Deo constituti sunt.* Et consequenter, Non est tui officij Rex, ut gubernes Ecclesiam, sed Sacerdotum, quibus iure divino id commissum est. Rursus, sicut Ozias Rex contra Imperium Pontificis volens adolere incensum, lepra percussus est: sic etiam, qui vellet sibi arrogare Primatum ecclesiae, eadem poena haud indignus esset.*

16. Ostendi haecenus, Regem Angliae nihil praesidij pro suo Primatu stabiliendo habere posse ex veteri Testamento, duplici de causa. Primo, quia Reges in veteri Testamento non habuerunt primatum ecclesiae iure divino, sed Sacerdotes, ut tribus rationibus iam probatum est. Secundo, etiam si habuissent, non tamen sequeretur, etiam Christianos Reges habere, cum ius veteris Testamenti abrogatum sit. Contra hanc posteriorem partem nihil opponit Rex Angliae. Contra priorem verò multa obicit, non ex iure, sed ex facto petita, ut supra vidimus, quae sigillatim discutienda sunt.

1. Obiectio, ex facto Regis Iosaphat.

17. **R**educam omnes obiectioes Regis Angliae ad formam syllogisticam, ut facilius earum vis appareat. Prima est haec: Quicumque constituit Levitas & Sacerdotes in aliqua ciuitate, habet Primatum Ecclesiae. Atqui Rex Iosaphat constituit Levitas & Sacerdotes in Ierusalem: Ergo habuit Primatum Ecclesiae. Minor patet ex illo 2. Paral. 19. 8. *In Ierusalem quoque constituit Iosaphat Levitas & Sacerdotes, & Principes familiarum, &c.*

18. Respondeo. Si textus integrè citaretur, multò fortius argumentum fieret contra Regem, quam pro Rege. Textus enim sic habet: *In Ierusalem quoque constituit Iosaphat Levitas & sacerdotes & Principes familiarum ex Israel, ut iudicium & causam Domini indicarent habitatoribus eius. Praecepitque eis, dicens: Omnem causam, qua venerit ad vos fratrum vestrorum, qui habitant in urbibus suis, ostendite eis, ut non peccent in Dominum, Amarrias autem Sacerdos & Pontifex vester, in his, quae ad*

profidebis. Porro Zabadias filius Jfmael, qui est Dux in domo Iuda, super ea operaberis, quæ ad Regis officium pertinent. In quo textu tria notanda sunt. Primo, quod Iosaphat Rex, non solum Levitas & Sacerdotes, sed etiam Principes familiarum constituerit in Ierusalem. Secundo, quod illos omnes in eum finem constituerit ut essent Iudices controuersiarum, quæ in populo oriri solent. Tercio, quod in controuersis Ecclesiasticis, quæ ad Deum pertinent, Sacerdotes constituti sint Iudices; in cælibus vero, quæ ad officium Regis spectant, Principes familiarum. Hinc Iuno tale argumentum contra Regem Angliæ; Sacerdotes iure diuino constituti sunt supremi Iudices omnium controuersiarum, quæ ad Deum & religionem pertinent: Ergo Sacerdotes iure diuino tenent Primatum ecclesiæ. Item; Ea, quæ ad Deum pertinent distincta sunt ab his, quæ pertinent ad officium Regis: Ergo Rex ex officio suo, non potest immiscere se his, quæ ad Deum pertinent: Ergo non tenet Primatum Ecclesiæ.

19. Argumentum contrarium faciliè soluitur. Non enim Iosaphat Rex constituit, id est, creauit & consecrauit Sacerdotes, quia hoc ad officium eius non pertinebat; sed ex his, qui iam antea creati & consecrati erant, certos delegit, qui iudicium Domini exercerent in Hierusalem: sicut etiam certos delegerat, qui in aliis ciuitatibus populum docerent, ut habetur 2. Paralipomenon 17. 7. Vbi notandum est, tria spectari posse in ministris Ecclesiæ veteris Testamenti. 1. Electionem seu designationem personæ. 2. Consecrationem. 3. Applicationem ad certum vsum seu exercitium. Electio seu designatio non fierat à Rege, sed à Deo, qui solum tribum Leui ad ministerium sacrum deputauerat. Consecratio vero commissa erat Aaroni, tanquam summo Sacerdoti: & eius successoribus. Applicatio vero ad certum officium poterat fieri à Rege, sicut etiam nunc fieri potest. Quo pacto Rex Angliæ diceretur in suo regno constituere Levitas & Sacerdotes, si ex his iam antea ordinatis & consecratis, quosdam aliunde euocaret, quorum alij conciones ad populum haberent, alij confessiones reciperent, alij aliis ministris deputarentur. Et hoc passim apud Catholicos in vsum est. Nemo tam en propterea cenet, eos Principes, qui hoc modo Levitas ad se vocant, Primatum Ecclesiæ tenere.

II. Obiectio, ex facto Davidis & aliorum Regum.

20. **S**ecunda Obiectio est hæc: Qui tollunt abusus & corruptelas Ecclesiasticas, habent Primatum in Ecclesia: Reges veteris Testamenti sustulerunt abusus & corruptelas Ecclesiasticas: Ergo habuerunt Primatum in ecclesia. Minorem probat Sacellanus Regis Angliæ dupliciter. Primo ex illis verbis 2. Reg. 5. 6. *Et abiit Rex & omnes viri qui erant cum eo, in Hierusalem, ad Iebusæum habitatorum terre: distansque est David ab eis: Non ingredieris huc, nisi abstuleris cecos & claudos; dicentes; Non ingreditur David huc.* Et quibus verbis sic argumentatur: Ad Regem Davidem spectabat, de templo cecum & claudum tollere. Ergo ad eum spectabat, omnes abusus tollere. Non enim abusus aliunde existunt, quam vel de infirmitate, quod cæci sint homines; vel de incuria, quod in officio claudicent. Secundo probat exemplo aliorum Regum, qui in Scriptura reprehenduntur, quod excelsa non sustulerint. At non reprehenderentur, nisi ad eorum officium pertineret, excelsa tollere. Quid autem aliud est tollere excelsa, quam tollere abusus & corruptelas?

21. *Respondet* 1. generationem cum distinctione. Nam Opusc. Sec.

A aliud est iudicare seu decernere, quam sint corruptelas & abusus in religione: aliud vero, corruptelas & abusus, quando certò constat tales esse, tollere & exterminare. Prius pertinet ad officium Iuniorum Sacerdotis, ut supra dictum est. Posterius non modo Regi, sed etiam cuilibet patrifamilias concessum est. Quilibet enim in sua domo potest ea emendare, quæ certo constant, per abulum irrepsisse. Vtrumque ostendo exemplis noui Testamenti. Inter Christianos quæritur, an sit abusus seu corruptela, habere & colere imagines, inuocare sanctos, pro defunctis orare, plura possidere beneficia Ecclesiastica, voto castitatis se obstringere, certis diebus à carnibus abstinere; de his iudicare non pertinet ad Principes seculares, sed ad Prælatos ecclesiæ. At postquam res iudicata est, quilibet Rex in suo regno, quilibet Magistratus in sua ciuitate, quilibet paterfamilias in sua domo, potest executionem præstare. Idem factum est in veteri Testamento, deus ipse per Prophetas ostendit, displicere sibi, quod populus adoluit in Excelsis. Itaque diuinitus contabatur, abulum seu corruptelam esse. Rex in suo regno poterat tollere hunc abulum. Imò tenebatur. Nec idè tamen Primatum habebat in Ecclesia. Non magis, quam si Deus per prophetas ostenderet, connubia fidelium cum Gentilibus sibi displicere, & quisque paterfamilias in sua domo, si quia in hoc genere peccatum esset, in posterum emendaret. An idè Primatum teneret in rebus ad religionem pertinentibus? Nequaquam: Sed executor esset voluntatis diuinæ. Qui autem potius Reges, quam Sacerdotes in veteri Testamento reprehensi sunt, quod excelsa non tollerent; idè factum est, quia populus Iudæorum propter duritiem cordis, non curabat exhortationes & monita Sacerdotum ac prophetarum: nec aliter, quam vi & auctoritate Regis, ab errore lineabant se renocari. Itaque si Rex in hac re negligentior esset, meritò à Deo reprehendebatur. Hoc generatim.

22. Duo in particulari explicanda sunt. Alterum, de abusu adolendi & sacrificandi in Excelsis. Alterum, de cæcis & claudis euocandis. Quod ad prius attinet, tria certa sunt. Primum est, quod ab egressu filiorum Israel ex Aegypto, transacti fuerint 480. anni, antequam templum à Salomone edificaretur, ut patet ex illo 3. Reg. 6. 1. *Factum est ergo quasi ingentesimo & octuagesimo anno egressionis filiorum Israel de terra Aegypti, edificari cepit domus Domini.* Secundum est, quod toto illo tempore, secundum legem ordinariam, iussi sint Israelitæ offerre sacrificia in eo loco, in quo esset tabernaculus foederis cum Arca, ut habetur Leuit. 17. 4. Porro tabernaculum cum Arca non semper mansit in eodè loco. Nam primis 40. annis fuit cum populo in deserto. Postea, cum terram promissionis ingressi essent, & ea pacificè possiderent, positum fuit in Silo; iuxta illud Ioue 18. 1. *Congrega ique sunt omnes filij Israel in Silo, ibique fixerunt tabernaculum testimonij & fuit eis terra subiecta.* Ince reparatiua Arca, separatiua tabernaculum, in diuersa loca translata sunt. Arca quidem in eum locum, in quo Israelitæ bello victi sunt à Philistinis, vltimo anno Heli Sacerdotis, 1. Reg. 4. 3. Tunc enim & capta est à Philistinis, 1. Reg. 4. 11. & alportata in Azorim, 1. Reg. 6. 1. Et mansit in eorum regione septem mensibus, 1. Reg. 6. 1. Deinde remissa est ab illis in vibem Bethshames, 1. Reg. 6. 12. Postea Cariathiarim, 1. Reg. 7. 1. Ibi que mansit, donec David, confirmato iam regno, super Iudæ & Israel, reduxit eam ex Cariathiarim, 1. Par. 13. 6. mansitque in domo Obededom Gethæi tribus mensibus, 1. Paral. 13. 25. Tabernaculū autem ex Silo (licet de tempore non satis constet) translātū fuit in Nobe ciuitatē Sacerdotū, vbi erat, cum David fugio- bat Saulem, 1. Regum 21. 1. Inde venit in Gabaon, urbē

Tribus Benjamin; 1. Paral. 21. 29. Ibi autem mansit, donec cum Arca illatum est à Salomone in Templum. 3. Reg. 8. 4.

23. Tercium est, quod ab eo tempore quo perfectum fuit Templum Salomonis, non alibi, quam in Templo licuerit offerre sacrificia, secundum legem ordinariam, ut patet ex illo Deuter. 12. 13. *Cave ne offeras holocausta tuum in omni loco, quem videris; sed in eo, quem elegerit Dominus.* Et cap. 26. 1. *Cumque intraveris terram, quam Dominus Deus tuus tibi daturus est possidendam, tolles de cunctis frugibus tuis primitias, pergesque ad locum, quem Dominus Deus tuus elegerit, ut ibi invoetur nomen eius, accedesque ad Sacerdotem, qui fuerit in diebus illis, &c.* Dixi, secundum legem ordinariam, quia tam ante, quam post Templi ædificationem; licebat ex speciali Dei dispensatione, etiam alibi, quam in Tabernaculo vel templo sacrificare. Hoc modo Samuel immolavit in Ramatha & in Galgalis, 1. Reg. 7. 17. & cap. 11. 14. David in area Ornani Iebulzi, 1. Paral. 21. 26. Elias in monte Carmeli, 1. Reg. 18. 19.

24. Ex his omnibus sequitur nunquam licuisse, secundum legem ordinariam, immolare vel adolere in Excelsis, ubi non esset tabernaculum: Et hunc fuisse abusum, quem Deus reprehendit Isepe in Scripturis, ut 3. Regum 3. 3. *Dilexit Salomon Dominum, ambulans in preceptis David patris sui, excepto, quod in Excelsis immolabat, & accendebat thymiana.* Et 3. Reg. 22. 43. *Fecitque Iosaphat, quod rectum erat in conspectu Domini. Verum tamen ecce sanon abstulit. Adhuc enim populus sacrificabat, & adolebat incensum in Excelsis.* Loquor autem de Excelsis, ubi non esset Tabernaculum, quia in Excelsio Gabaon, ubi erat Tabernaculum, licebat immolare, 3. Regum 3. 4. *Abiit Salomon in Gabaon, ut immolaret ibi: illud quippe erat Excelsum maximum, id est, præferebatur omnibus Excelsis, quod in eo esset Tabernaculum à Mose factum, ut patet 1. Par. 21. 29. Tabernaculum autem Domini, quod fecerat Moses in deserto, & altare holocaustorum ea tempeste erat in Excelsio Gabaon.* Et 2. Paralipomen 1. 3. *Et abiit cum universa multitudo in Excelsion Gabaon, ubi erat tabernaculum fœderis Domini, quod fecit Moses famulus Dei in solitudine.* Vbi obiter notandum est, fuisse duo tabernacula. Vnum à Mose factum, de quo hætenus dixi. Alterum à Davide, quod ipse tetendit in Hierusalem, quando eum deduxit arcam fœderis, de quo 2. Paralipom. 1. 4. *Arcam autem Dei abduxerat David de Cariath-arim in locum, quem preparaverat ei, & ubi fixerat illi Tabernaculum, hoc est, in Hierusalem.* Et 3. Reg. 1. 50. *Adonias autem timens Salomonem, surrexit & abiit, & misitque coram Altaris.* et cap. 2. 28. *Fugit quoque Joab in Tabernaculum Domini & apprehendit cornu Altaris.* Hæc non possunt intelligi de tabernaculo à Mose facto quia illud eo tempore erat in Gabaon, ut supra dictum est. Debet ergo intelligi de Tabernaculo à Davide facto, quod erat in Hierusalem, Vide Abulensem libro tertio Reg. capite primo quæst. 41.

25. Hætenus de abusu adolendi in excelsis. Quod ad factum Davidis attinet, qui dicitur, cæcos & claudos eiecisse, parum, vel nihil ad rem facit. Historia sic habet: Intellexerat David divino instinctu, ut ex Psalmis colligitur, Hierusalem fore templi ac regni Iudæorum sedem, ac proinde cum exercitu eò profectus est, & à Iebulzis, qui eam colebant, deditionem illius postulavit. At illi responderunt: *Non ingredieris huc, nisi abstuleris cæcos & claudos, dicentes: Non ingredietur David huc.* Porro quid cæcorum & claudorum nomine intelligendum sit, varix sunt authorum interpretationes. Nam aliqui putant, fuisse tantum statuas seu imagines; alij vero homines. Statuas quidem tripliciter. Primum, ut per eas super muros politas significati fuerint homines otiosi, quasi dicat, Etiam nobis nihil agentibus in-

A trare nos poteris; tam scilicet munita urbs nostra est. Secundò, ut per eas significata fuerint ædium fastigia, quibus illæ affixæ essent, quasi dicat: Nisi transiens ædium nostrarum fastigium, non ingredieris. Tertiò, ut fuerint duæ imagines, quarum altera repræsentaverit Isaac cæcutientem, altera Iacob claudicantem: Et hæc duæ propterea fuerint ad muros seu portas civitatis affixæ, ut significarent, Iudæis non licere bello infestare Iebulzos, eo quod parentes eorum, Isaac & Iacob, percussissent olim fœdus pacis cum Rege Abimelech, cuius posteri erant Iebulzi, interposito etiam iuramento, quod in ore illarum imaginum descriptum erat. Hæc Rabinorum sententia est; sed falsa. Primum, quia illud fœdus cum Rege Abimelech non est initum à Iacob, sed ab Abraham, ut habetur Genes. 21. 22. *Eodem tempore dixit Abimelech ad Abraham. Teus tecum est in omni re qua agis. Iura ergo per Deum ne nocuas mihi & posteris meis. Dixitque Abraham: Ego iurabo.* Et infra: *Percusseruntque ambo fœdus.* Secundò, quia si Iebulsei voluissent pacare animum Davidis, & militum eius, per aspectum seu memoriam Isaac & Iacob, non debuissent eos in forma cæci & claudi (quæ potius ad contemptum & derisum spectabat) sed in alia decentiori & augustiori repræsentare. Tertiò, quia illa verba quæ sequuntur in textu, *cæcos & claudos odientes animam David*, nullo modo possunt accommodari Isaac & Iacob, neque prætereferunt desiderium pacis, sed odij potius ac contentionis.

C 26. Alij ergo rectius sentiunt, fuisse veros homines quod etiam tripliciter intelligi potest. Primum, quod fuerint ipsimet Iebulzi, qui dixerint David: *Nisi abstuleris cæcos & claudos:* id est, nisi nos abstuleris, quos tu conuitio militari cæcos & claudos appellasti, non ingredieris huc. Secundò, quod fuerint cæci & claudi, non corpore, sed animo, id est peccatores & flagitiosi. Tertiò, quod fuerint verè cæci & claudi, quos in contemptum Davidis posuerunt Iebulzi in mœnibus, quasi dicat, Nostra civitas tam firma & munita est, ut non egeat aliis defensoribus, quam his cæcis & claudis, qui sufficienter poterunt tam contra tuum exercitum tueri ac propugnare. Hæc est vera explicatio huius loci, quam sequitur Ioseph. l. 7. c. 2. Theodoret. q. 16. 17. Glossa interlinearis, Abulens. q. 7. & plures alij. Simile quid legimus contigisse in urbe Tyro, quæ cum esset fortissima, ciues in contemptum obsidentium, posuerunt Pygmæos in mœnibus quasi illi abundè sufficerent ad eius defensionem, nec indigerent alio propugnatore. De his loquitur Ezechiel Propheta c. 27. 11. *Sed & Pygmei, qui erant in turribus tuis (ò Tyre) pharetras suas suspenderant in muris tuis per gyrum, &c.*

E 27. Ex hac autem dispositione, quæ sine dubio literalis & germana est, non potest colligi, David auferendo cæcos & claudos, voluisse ostendere, quod abusus & corruptelas Ecclesiæ esset ablaturus, ut fingit Sacellanus Regis Angliæ. Credo ne quidem in mentem illi hoc venisse, cum ea res gesta est. Sed, etsi id facere voluisset, non ideo sequeretur, habuisse illum Primum Ecclesiæ, quia, ut supra dixi, quibus paterfamilias potest tollere abusus & corruptelas, quædo certò constat, tales esse.

III. Obiectio, ex facto eiusdem Davidis.

28. Tertia obiectio est hæc, Qui perducit Arcam fœderis ad constitutum quietis locum, & Arcæ deportandæ præiulcat, tenet Primum Ecclesiæ: Atqui Rex David perduxit Arcam ad constitutum quietis locum 1. Paral. 13. 12. & Arcæ deportandæ præiulcat, 2. Reg. 6. 14. Ergo habuit Primum Ecclesiæ. Hoc argumentum magni facit Sacellanus Regis, & vim

facit in eo, quod David saltaverit ante, non post Arcam. Nam hoc ipso, inquit, significatur se Primatum tenere in negotio Arce deportanda. Mita hominis subtilitas. Cur non similiter vim facit in eo, quod boves Arcam præcesserint, non secuti sint?

29. Ut autem magis appareat huius argumenti vanitas, tria notanda sunt. Primum est, quod in arca Domini fuerint hæc tria. *Urna aurea habens manna, & Virga Aaron, que franduerat, & tabula Testamenti*, ut expressè testatur Apost. Heb. 9. 4. alterum, quod hæc Arca, præsertim quoad manna, quod in ea custodiebatur, fuerit typus seu figura nobis & eucharistiae. Ratio autem figuræ consistit in his: Primum, Manna datum est Israelitis peregrinantibus in deserto, ut possent ad terram promissionis pervenire. Secundò, habuit omnem saporem suavitatis corporalis (Sapient. 15. 20.) Tertiò, fuit eis de celo missus (Ioan. 6. 31.) Quartò fuit expositum dubitationi (Psal. 77. 32. & contradictioni (Num. 21. 5.) Quintò, licet alij plus, alij minus colligerent, eandem tamen menturam postea habebant, (Exod. 16. 18.) Hæc omnia accommodantur Eucharistiae. 1. quia datur Christianis in deserto huius vite peregrinantibus, ut possint ad vitam æternam pervenire. 2. continet omnem saporem suavitatis spiritualis. 3. est eis de celo missus. 4. exposita est dubitationi Capharnitarum, & contradictioni Calumnistarum. 5. siue sub magna, siue sub parva hostia sumamus, æquè prodest sumentibus.

30. Tertium est, quod hæc tria distinguenda sint. 1. Arcam ædificare. 2. eam deducere, comitari, vel præcedere. 3. eandem portare vel attingere. Arcam ædificaverunt Bezaiel de tribu Iuda, & Oolias de tribu Dan, Exod. 31. 2. Arcam deduxerunt, & ante eam luserunt, non solus Rex, sed etiam populus, ut patet ex 1. Reg. 4. 4. *Misit populus in Silo, & tulerunt inde arcam fœderis Domini exercituum, sedentis super Cherubin.* Et 2. Reg. 6. 5. *David autem & omnis Israël ludebant coram Domino in omnibus lignis fabrefactis.* Et inf. à v. 15. *David & omnis domus Israël ducebant Arcam Testamenti Domini in Iubilo.* Et 3. Reg. 8. 5. *Rex autem Salomon, & omnis multitudo Israël gradiebatur cum illo ante arcam.* At nemini necesse erat tangere, propter sanctitatem (quæ & aliunde, & ex eo habebat, quod figura esset eucharistiae) nisi soli Sacerdotibus. Hinc Oza, quod eam tangere præsumpsisset, cum Sacerdos non esset, mortis à Deo punitus est. 2. Reg. 6. 6. Imò ne Leuitis quidem hoc licuit. Nam ut patet Num. 4. iubebantur Sacerdotes velo arcæ obvoluere, & velleres per annulos arcæ translinquere, ne Leuitæ, qui illam portaturi essent, eam attingerent.

31. Ex his patet, quàm frivolum sit argumentum Sacellarii Regis, quando sic infert: Rex David deduxit & præcessit Arcam Domini: Ergo habuit Primatum ecclesiæ. Cur non similiter infert: Omnis multitudo Israël gradiebatur ante Arcam, ergo habuit Primatum ecclesiæ? Vel sic, Pueri Christiani præcedunt Eucharistiam, quâdo publicè in processione deportatur, Ergo habent Primatum ecclesiæ. Ineptè omnia. Potius sic oportebat argumētari, non licuit Regibus, sed solis Sacerdotibus attingere Arcam Domini: ergo Sacerdotes præferuntur Regibus, in iis, quæ ad Deum & religionem pertinent.

IV. Obiectio, desumpta ex facto Salomonis Regis.

32. Quarta obiectio est talis: Qui ædificat templum, & Deo dedicat, tenet primatum ecclesiæ: Atqui Rex Salomon ædificavit Templum, & Deo dedicavit. 1.

A Paral. 28. 6. Et 1. Paral. 6. 10. Ergo Rex Salomon tenuit Primatum ecclesiæ: hoc argumentum sic virget Sacellarius: *Dedicare Deo templum, actus est primarius, & que cuiusquam, nisi cuius partes in Religione prima. At templum à Salomone dedicatum est. Ergo.*

33. Non video hic plus subtilitatis, quam in præcedenti argumento. Ut hoc ostendam, tria notanda sunt. Primum est, quod templum Hierosolymitanum, de quo agimus, ter dedicatum sit. Primum à Salomone. 3. Reg. 8. 1. Secundò ab eis, qui è captivitate Babylonica reversi sunt. 2. Esdræ 6. 16. Tertiò à Machabæis, cum post prophanationem esset iterum reconditum & sanctificatum, 1. Machabæorum 4. 36. Alterum est, quod dedicare rem aliquam Deo, si vim nominis spectes, nihil aliud sit, quam dedicare illam cultui divino, seu offerre, & destinare illam ad colendū Deum. Hoc modo (Exod. 35.) dicuntur Israelitæ, tam viri quam feminae, hyacinthum, purpuram, byllem, coccum, pilos caprarum, pelles arietum, metalla & ligna centum dedisse Deo, id est, obtulisse ad cultum divinum. Eodem sensu Salomon dicitur templum Deo dedisse, id est, divino cultui dedisse seu mancipasse. Hinc non magis colligi potest Primatus Salomonis qui ligna & lapides, quàm feminarum, quæ aurum, purpuram & hyacinthum Deo dediderunt. Tertium est, quod in hac templi dedicatione à Salomone facta variz ceremoniz usurpatæ fuerint cum solenni lætitia. Nam primò, postquam ædificatum est, congregati sunt Israelitæ ad Regem Salomonem in Ierusalalem. 2. Sacerdotes intulerunt Arcam, tabernaculum, & omnia vasa sanctuarij in templum. 3. Deus, ut ostenderet sibi placere, quod agebant, nebula implevit templum. 4. Salomon, gratis Deo actis, multa precatus est, & præsertim, ut quicunque essent oraturi Deum in templo isto, exaudirentur. 5. Finita hac oratione, victimæ & sacrificia Deo oblata sunt. 6. Iterum secuta est benedictio seu gratiarum actio, & octavo die populus ad sua cum gaudio dimissus est. Hæc omnia habentur 3. Reg. 8.

34. Neque hinc colligi potest Primatus Salomonis, quod sic ostendo. Tria hominum genera spectari hic debent. 1. Salomon. 2. Sacerdotes. 3. populus. Quid quique horum fecit in hac dedicatione? Salomō oravit, & gratias Deo egit. Sacerdotes portarunt Arcam tabernaculum, vasa sanctuarij, & obtulerunt sacrificia. Populus interfuit, & gratis Deo actis, lætatus est. Si quid ergo pro primatu Salomonis colligendum est, sic colligi debet. Quicunque in templo recens edificato, orat Deum, ut in eo exaudiantur preces & vota supplicantium, is tenet Primatum ecclesiæ: Atqui Salomon in templo à se recens ædificato oravit Deum, ut in eo exaudirentur preces & vota supplicantium: Ergo tenuit Primatum ecclesiæ. At maior propositio aperte falsa est. Quasi nemo, nisi qui supremam iurisdictionem in ecclesia habet, eo modo, quò Salomon, orare possit. Multi mercatores, suis sumptibus, templa in honorem Dei erexerunt, & quotidie erigunt. An non liceat ipsis orare, ut Deus accepta ea habeat, & preces servorum suorum in iis exaudiat? Omnino sanè. Imò, plerique clerici, quoties dedicatio alicuius templi occurrit, solent orare hoc modo: *Deus qui nobis per singulos annos huius Templi tui consecrationis reparas diem, & sacris semper mysterijs representas in columen, exaud preces populi tui, & presta, ut qui quis hoc templum beneficia petiturus ingreditur, cuncta se impetrasse lateatur. Per Dominum nostrum Jesum Christum filium tuum, &c.* Itemque hoc modo: *Deus qui inuisibiliter omnia comites, templum hoc potentia tua inhabitatur illustra, & concede, ut omnes, qui hac deprecandi conveniunt, ex quacunque tribulatione ad te clamaverint, consolationis tue beneficia consequantur. Per Dominum nostrum &c.* An hinc inferas, singulos

clericos, quia sic orant, supremos esse Prælatos in Ecclesia? Nihil minus.

35. Plus dicam. Factamus in aliqua diœcesi Anglicana templum incendio perire, vel ab hostibus deuastari. Episcopus suis sumptibus curet restaurari. Conuocet deinde populum sibi subiectum: Inerat vasa sacra: Oret Deum, ut ratum habeat hoc obsequium, & preces subditorum exaudiat: Offerat sacrificium: Bene precetur populo, & gratis Deo actis, dimittat unumquemque cum gaudio: Quid? An dices hunc episcopum esse Primatem Ecclesiæ? Si est, quid de Rege hinc? Si non est, quid minus fecit, quam Salomon? Imò totum id præstitit, quod Salomon & Sacerdotes simul.

V. Obiectio, desumpta ex facto eiusdem Regis Salomonis.

36. **Q**uinta obiectio est talis; Qui deponit summum sacerdotem ab officio, & alium illi subrogat, necessario habet iurisdictionem supra summum Sacerdotem: Atqui Salomon Rex deposuit Abiathar summum Sacerdotem ab officio, & subrogauit illi Sadoc. 3. Reg. 2. 27. Ergo Salomon Rex habuit iurisdictionem supra summum Sacerdotem. Hoc est præcipuum argumentum pro primatu Regis. Sed sane parui momenti. Ac primum sic retorqueri potest: Qui deponit Regem ab officio, & alium illi subrogat, necessario habet iurisdictionem supra Regem: Atqui Ioiada summus sacerdos, non solum deposuit, sed etiam occidit Athalia reginam, & Ioas in eius locum subrogauit. 4. Reg. 11. Ergo Ioiada summus Sacerdos habuit iurisdictionem supra Regem.

37. Sed ad rem. Hæc obiectio duo supponit. Vnum, quod Salomon, quando deposuit Sacerdotem ab officio, usus sit potestate regia. Alterum, quod rectè ac legitimè ea usus sit. At neutrum probari potest. Imò grauissimi Authores constanter docent, non regia, sed prophetica potestate usum esse, nec ordinaria via, sed ex peculiari Dei instinctu fecisse quod fecit. Ita Cardinalis Bellarminus, Iacobus Gretserus & plures alij. Et videtur colligi posse ex illis verbis. 3. Reg. 2. 27. *Eiecit ergo Salomon Abiathar, ut non esset Sacerdos Domini, ut impleteretur sermo Domini, quem locutus est super domum Heli in Silo:* quasi dicat, Olim tempore Heli Sacerdotis prædictum fuit à Deo per Samuelem Prophetam, fore aliquando: ut officium Sacerdotale auferatur à familia Heli propter peccata filiorum eius, 1. Reg. 2. 31. Ut ergo hæc prophetia impleretur, Salomon diuino instinctu, tanquam verus Propheta abstulit sacerdotium ab Abiathar, qui erat ex familia Heli.

38. Quod si ita est, facile apparet, nullius momenti esse obiectionem Regis Angliæ. Nam nihil aliud ex facto Salomonis colligi poterit, quam Prophetas accipere aliquando extraordinariam potestatem à Deo, etiam supra Sacerdotes, quod nihil ad rem facit. Non enim disputamus de Potestate Prophetarum, sed Regum. Nec status controuersus est, an Prophetæ ex peculiari Dei instinctu possint aliquando punire Sacerdotes, sed an Reges ordinaria sua potestate possint id facere? Hæc valde distincta sunt. Et alterum cum altero minimè connexum est. Non enim sequitur Salomon Rex peculiari Dei instinctu, submouit Abiathar Sacerdotem ab officio sacerdotali: Ergo Iacobus Rex, ordinaria sua potestate potest idem facere. Non magis quàm si dicam: Nathan ex peculiari Dei instinctu reprehendit Dauidem Regem: ergo quilibet subditus in Angliâ potest ordinaria via reprehendere Iacobum Regem.

A 39. Sed demus (quod tamen probari non potest) Salomonem in submouendo Sacerdote, usum esse potestate regia, quid quæso hinc efficitur contra nos? Nihil sane, nisi prius constet legitimè ea usum esse. Hoc autem nec in Scripturis sacris disertè exprimitur, nec ex iis euidenter deduci potest. Aliud enim est, factum alicuius recenseri, aliud probari seu commendari. Legimus quidem in Scriptura, Baziam gladio & præcipitio scriptum occidisse. Legimus à Saule sacerdotes Domini, ab Abimelech septuaginta fratres, ab Athalia, semine regium, ab aliis alios interfectos esse. At non legimus, hæc omnia iustè ac legitimè contigisse. Idem dico de Salomone. Legimus, ab eo depositum esse Abiathar sacerdotem. At non legimus, rectè ac legitimè id factum esse. Vel ergo probandum est Regi Angliæ, factum esse legitimè, vel nihil contra nos concludit.

40. *Dicit fortè, Abiathar grauitèr peccauerat contra Salomonem Regem, ac proinde dignus erat, qui puniretur.* Potuit ergo Salomon autoritate regia illum punire. *Respondet.* Non sequitur. Esto enim, peccauerit Abiathar propter iniquam conspirationem, & dignus propterea fuerit, qui officio submoueretur. An ideo à Solomone submoueri legitimè potuit? Id minimè consequens est. Non enim quilibet reus à quolibet puniri potest, sed ab eo duntaxat, qui in illum habet legitimam potestatem ac iurisdictionem. Hanc autem habuisse Reges Iudæorum in Sacerdotes, nondum probatum est. Imò ex ipsis Iudæis contrarium probari potest. Semper enim persuasum ipsis fuit Reges non habere ullam iurisdictionem in eos, qui ministerio diuino deputati sunt. Hoc satis colligitur ex illo, 1. Reg. 22. 16. *Dixit Rex Saul: morte morieris Abimelech, tu & omnis domus Patris tui. Et ait Rex emissariis, qui circumstant eum, Convertere imitè, & interficite Sacerdotes Domini, nam manus eorum cum Dauid est. Noluerunt autem serui Regis extendere manus suas in Sacerdotes Domini.* ex quibus verbis patet Regem Saulem mandasse suis famulis, ut interficerent Sacerdotes Domini, eo quod conspirassent cum Dauid contra ipsum Regem. Porro famulos Regis, qui erant Iudæi, & optimè norant eminentiam Sacerdotum supra Reges, non voluisse id facere, etiam si Rex mandasset. Nam certò persuasum illis erat, non posse Regem legitimè id mandare, nec sacerdotes imperio Regis subiacere. Quod etiam aduertens Rex homini Barbaro ac Gentili imperauit, ut quod famuli facere renuissent, ipse impetterritus exqueretur. Quod etiam factum est. Subiungitur enim in textu. *Et ait Rex ad Doeg, Convertere tu, & irruè in Sacerdotes: Conuersusque Doeg Idumæus irruit in Sacerdotes.*

41. Hinc ita concludo: Saul & Salomon fuerunt pares in potestate regia, nec plus iuris habuit Salomon in Sacerdotes, quàm Saul, ex ea præcisè parte, quia Reges erant. Atqui Saul, quia Rex, non habuit legitimam potestatem puniendi Sacerdotes: ergo nec Salomon. Maior per se nota est. Minor patet ex dictis, quia famuli Saulis non recusassent imperium sui Regis, si putassent illum habere legitimam potestatem in Sacerdotes. Libenter enim parebant illi in persequendo Dauidem. Quod ergo nollent parere in occidendis sacerdotibus, qui adhærebant Dauidi, non aliunde provenire potuit, quàm quod putarent, Regem habere potestatem in Dauidem, non autem in Sacerdotes. Idem ergo de Salomone, quia Rex erat, statuendum est. Si enim Sauli non licuit punire Sacerdotes Domini, nec Salomoni potuit licere. Vterque enim, quia Rex, pari potestate fuit præditus.

42. *Dicit, Non rectè hoc sequitur.* Fuit enim aliunde, dispar causa utriusque. Nam Sacerdotes à Saule interfecti erant innocentes. Abiathar autem, quem Salomon puniuit, erat reus læsæ maiestatis. Quis porro nescit, aliud esse, interficere innocentes, quod fecit

Saul aliud punire reos, quod fecit Salomon? Ergo igitur, non rectè ac legitime fecerit Saul, rectè tamen ac legitime fecit Salomon. *Respondeo*, Hæc disparitas non obstat. Tamen enim Sacerdotes qui iubebantur interfici à Saule, re ipsa fuerint innocentes, nihilominus famuli Saulis, putabant esse nocentes ac reos læsæ maiestatis: Nec tamen putabant licere Regi, etiam nocentes Sacerdotes interficere. Hoc inde constat, quia parebant Regi in persequendo Davide, ut dictum est: & ideo parebant, quod existimarent Davidem iniuste aspirare ad regnum, ac proinde læsæ maiestatis reum esse. Alas sanè non parituri. Cum ergo audissent à Saule Sacerdotes adherere Davidi, quid aliud suspicari poterant, quàm eos etiam innocentes ac reos esse? Et tamen obtemperabant Sauli in prosequendo Davide, non autem in necandis Sacerdotibus. Nec alia de causa, quàm quod verè putarent, Regem habere potestatem puniendi & coercendi laicos, non autem Sacerdotes.

43. Ex his abundè satisfactum est argumento Regis, quod ut compendio repetam, quæ dicta sunt dupliciter formari potest. Primum, in hunc modum, *Salomon potestate prophetica legitime puniit Sacerdotem: Ergo Rex Iacobus potestate regia, idem prestare potest*. Secundò sic, *Salomon potestate regia legitime puniit Sacerdotem: Ergo Rex Iacobus idem prestare potest*. In priori forma negatur consequentia in posteriori, antecedens. Nec à Rege Angliæ vnquam probari poterit.

VI. Obiectio, ex facto Iosia Regis.

44. **S**exta obiectio est hæc. Qui librum legis è tenebris erupit, populo recitari facit, & fœdus inter Deum populumque redintegrat, habet primatum Ecclesiæ: Vtrumque fecit Rex Iosias, 4. Reg. 22. & 23. Ergo habuit Primatum Ecclesiæ. Hoc argumentum viget Sacerdantis Regis in hunc modum: *Libro recepto, indicxit Rex cornutum, in eo iubet recitari librum, recitato fœdus novum iniri cum Domino, populum quoque ad fœdus adiuvant. Tum precipit ipsi Pontifices, reliquisque secundis ordinis Sacerdotibus, ut eruant è templo atque ex urant vasa omnia, quæ Baal sacra fuerant, ut excelsa demoliantur. Mandavit post de Paschate novo faciendo denique de religione tota in integrum reformanda.*

45. Multæ sunt partes huius argumenti. Prima, quod Rex, reperto libro legis Mosaicæ, convocavit populum, ut eum illi prælegeret. Fateor, Sed Helcias Pontifex, qui librum repperat, eo sine miserat Regi, ut id faceret. Secunda, quod Rex iusserit recitari librum Legis. Etto. Etiam forinsecus apud aduersarios legunt Biblia, aut ab ancillis recitari iubent. Tertia, quod recitato libro fœdus novum inierit cum Deo, id est, quod promiserit Deo, se velle custodire omnia præcepta, quæ scripta erant in libro Legis. An non cuilibet, etiam privato homini, hoc licitum est? Optimum sanè singulos Christianos ita affectos esse, ut inito cum Deo fœdere, promitterent, se legem servaturos. Quarta, quod populum hortatus sit, ut idem præstaret. At hoc non soli Regi sed cuilibet concionatori licitum est apud suos auditores. Nisi quod aduersarij dicant, Legem servatu impossibilem esse. In quo multum discrepant à Iosia, quem tantopere laudant. Quinta, quod præceperit Pontifici & Sacerdotibus secundis ordinis, ut prouicerent de templo Dei omnia vasa, quæ facta fuerunt Baal, & aliis falsis Diis. Merito sanè, quia hoc ad illos pertinebat. Nec tam præcepit, quàm eos officij sui commouit. Sexta, quod mandauerit Pascha celebrari, quod diu fuerat intermissum. At à Deo præceptum erat, ut celebraretur. Poterat ergo Rex virgere executionem. Septima, quod

A totam religionem iusserit in integrum reformari. Bonum factum. Nec tamen iudicium de reformatione: sed executio ad Regem pertinebat, iudicio reformato Sacerdotibus.

VII. Obiectio, ex facto Ezechie Regis.

46. **S**eptima obiectio, Ezechias Rex confregit serpentem æneum, *quanti & deserto Dei mandato erectum, & Christum Dominum suo modo figurantem*, 4. Reg. 18. 4. Ergo tenuit Primatum in Ecclesia. Hic duo dicenda sunt. 1. Ex qua causa vel occasione id fecerit Ezechias. 2. Qua autoritate fecerit. De priori, sic res habet. Serpens æneus ab initio, in bonum vsu erectus fuit mandato Dei iuxta illud Num. 21. 8. *Locutus est Dominus ad Moysen: Fac serpentem æneum, & pone eum pro signo: qui percussus aspexerit eum, viuet. Fecit ergo Moyses serpentem æneum, & posuit eum pro signo: quem cum percussus aspicerent, sanabantur*. At postea progressu temporis, abiit in abusum, quia filij Israel adolebant ei incensum, ut habetur 4. Reg. 18. 4. idque propterea, quod meminissent, olim ex solo illius aspectu sanatos fuisse, quotquot à serpentibus morfi erant in deserto: & putarent, se tunc quoque præsidij aliquid ab eo sperare posse. Hinc abusum volens tollere Ezechias, non alia via commodius id facere potuit quàm serpentem ipsum, qui erat occasio idololatricæ, tollendo & confringendo. At qua autoritate id fecit? Non alia, quàm diuina. Deus enim per solum Regem, sed cuilibet è populo mandauerat, ut auferrent omnem cultum idololatricæ, Deut. 7. 5. *Aras eorum subuertite & confringite statuas, Lucosque occidite, & sculptilia comburite, quia populus sanctus es Domino Deo tuo*. Quid ergo mysterij hic est, quod Ezechias confregit serpentem æneum, quod quilibet alius facere potuisset?

47. *Dices*: Serpens æneus, & Dei mandato factus erat & Christum figurabat. Quid tum? Si ideo aliis non licuit, eum confringere, cur Regi licuit? aut si Regi licuit cur aliis non item? Nusquam legimus, Regi peculiare quid concessum fuisse circa serpentem, quod aliis similiter concessum non sit. ut quid dicemus de arca Noë. Nonne, & mandato Dei facta sunt, & Christi Ecclesiam figuravit? Omnino. An ideo soli Regi permissum fuit, illam dissolvere, post peractum diluuium? Nemo dixerit.

VIII. Obiectio, sumpta ex titulis Regum veteris Testamenti.

48. **R**ex Angliæ, sicut hætenus ex facto Regum veteris Testamenti conatus est astruere Primatum suum in Ecclesia, ita nunc ad titulos eorum conuertitur. Sunt autem hi. 1. Reges vocantur *Filij Altissimi*, 2. *Dij*, 3. *Vncti Domini*, 4. *in solio Dei sedentes*, 5. *Famuli Dei*, 6. *Angeli Dei*, 7. *Facti iuxta cor Dei*, 8. *Lumina Israelis*, 9. *Neutrity Ecclesiæ*. Ergo habent Primatum in ecclesia.

49. Videamus, quid lateat in his titulis. Primus est, Reges, inquit, vocantur *filij Altissimi*, iuxta illud, 2. Reg. 7. 14. *Ergo ero ei (Salomon) in Patrem, & ipse erit mihi in filium*. Sed quæro, an non omnes pii ac fideles sunt filij Dei, qui ex Christi institutione dicunt, *Pater noster, qui es in celis*, An non de omnibus piis ac fidelibus intelligendum sit aliud 1. Ioan. 3. 1. *Videte, qualem charitatem dedit nobis Pater, ut filij Dei nominemur & simus*. Nihil dubito. Cur ergo Rex Angliæ hunc titulum

quem Christus & Apostoli volunt omnibus bonis communem esse, solis Regibus arrogare vult? Et Sacellanus, qui tantopere fauet suo Regi, an se filium Dei esse non putat? An in tota Anglia, solum Regem eo privilegio gaudere censet? Nisi dicat, omnes quidem pios, sed Reges peculiari quodam modo filios Dei esse. Etiamne improbos? Si soli probi sunt, iam non sanè, quàm Reges, sed quàm probi, filij Dei sunt.

5. Secundus titulus; Reges vocantur *Dij* Psal. 81. 6. *Ergo dixi Dij estis.* Et Exod. 12. 8. *Si inuenitur fur, duplum reddet, si latro fur, Dominus domus applicabitur ad Deos.* Mira res, solent aduersarij grauitè accusare Catholicos, quod Pontificem Romanum appellent Deum. Et ipsi suos Reges impunè appellari sic volunt. Imò sacre Scripturæ testimoniis abutuntur. Nam illud, *Ego dixi, dij estis*, non de solis Regibus, sed de Prophetis quoque intelligendum esse, disertè explicat Christus Ioan. 10. 14. cum ait: *Nonne scriptum est in lege vestra, quia ego dixi, dij estis? Si illos dixit Deos, ad quos serui Dei factus est, &c.* Similiter illud *dominus domus applicabitur ad Deos*, non de Regibus, qui tunc nulli erant, sed de iudicibus intelligendum esse, quis nescit? Si ergo non soli Reges, sed etiam alij vocari possunt *Dij*, quid est, quod ex hoc titulo colligit Rex Angliæ, Reges, & non alios, esse Primates Ecclesiæ?

51. Tertijs titulus: Reges vocantur Christi, seu vincti Domini, 1. Reg. 14. 11. *Non extendam manum meam in dominum meum, quia Christus Domini est.* Fateor, Ac non soli Reges, sed etiam sacerdotes in veteri Testamento vngentur: et quauquam hoc neget Sacellanus Regis, ita tamen clarum est, vt negari, nisi impudenter, non possit. Testimonia Scripturæ passim obuia sunt. Exodi 29. 7. *Oleum vntionis fundes, super caput eius, a quo hoc ritu consecrabitur.* Et Leuit. 4. 3. *Si Sacerdos, qui vntus est, peccauerit.* Et Leuit. 8. 12. *Fundens oleum super caput Aaron, vntus eum & consecrauit.* Et Num. 3. 3. *Hac nomina filiorum Aaron Sacerdotum, qui vnti sunt, & quorum consecrari manus, vt sacerdotio fungerentur.* Et 2. Machab. 1. 10. *Qui est de genere Christianorum Sacerdotum* Imò etiam Prophetæ vngentur, 3. Reg. 19. 16. *Iohis filium. Nam si vnges Regem super Israel. Eliseum autem Saphat, vnges Prophetam pro te.* Hinc ita concludo: Verique, tam sacerdotes, quàm Reges, in veteri Testamento, vocabantur *vnti Domini*: ergo si solus ille titulus spectetur, vel vtrique, vel neutri habebant Primatum in Ecclesiâ. Si vtrique, cur de Sacerdotibus negat Rex Angliæ? Si neutri, cur de Regibus affirmat? Addo, vel sermo est de externa vntione, vel de interna. Si de externa, communis ea fuit Regibus, Sacerdotibus & Prophetis, vt dictum est. Si de interna, nemo fidelium excluditur. Omnes vincti sunt, 2. Cor. 1. 21. *Qui vnti nos Deus.* Et 1. Ioan. 2. 20. *Vos vntionem habetis à Sancto.*

52. Quartus titulus, Reges dicuntur in solio Dei sedere, 2. Paral. 9. 8. *Sic Dominus Deus tuus benedictus, qui voluit te ordinare super thronum suum, Regem Domini Dei tui.* Sed constat, dup. ex esse regnum: vnum terrenum, alterum spirituale. Duo igitur solia, duo throni, distinguendi sunt. Reges sedent in solo regni terreni: Episcopi in solio Ecclesiæ: quod est regnum spirituale. Act. 20. 28. *Attendite vobis & vniuerso gregi, in quo vos Spiritus S. posuit Episcopos, regere Ecclesiam Dei.* Nec Regibus, sed Apostolis dictum est à Christo. Matth. 19. 28. *Cum sederit Filius hominis in sede maiestatis sue, sedebitis & vos super sedes duodecim iudicantes duodecim tribus Israel.* an, Apostoli Regum iudices erunt, non Reges Apostolorum.

53. Quintus titulus, Reges vocantur *Serui Dei*, 2. Paral. 6. 15. *Quia prastitisti seruo tuo David, patri meo, quacunque locutus fueras ei.* Ita est. Sed an soli Reges sunt serui Dei. An non etiam Apostoli & Episcopi? Ad

A 4. 29. *Et nunc Domine, da seruis tuis cum omni fiducia loqui verbum tuum.* Act. 16. 17. *Isti homines serui Dei excelli sunt, qui annunciant vobis viam salutis.* Rom. 1. 1. *Panlus seruus Iesu Christi.* An non omnes pij Christiani Rom. 6. 22. *Nunc autem liberati à peccato, serui autem facti Deo.* Occurrit Sacellanus, omnes quidem pios ac fideles vocari seruos Dei, sed tamen Regibus per quandam eminentiam conuenire hunc titulum audio. Sed in quo consistit hæc eminentia? An quia Reges sunt magis pij, quàm ceteri fideles? An non semper id verum est? An quia seruiunt Deo in altiori gradu, quàm ceteri? Hoc ipsum est in questione. Ego contendo, Apostolos & Episcopos seruire in altiori gradu. Seruiunt Deo, in regno Christi, quod non est de hoc Mundo. Sunt dispensatores mysteriorum Dei, 1. Cor. 4. 1. et quod amplius est, sunt *adimari Dei*, 1. Cor. 3. 9. Imò sunt *Patres* seu *genitores* filiorum Dei. 2. Cor. 4. 15. Sunt *fundamenta*, supra quæ reliqui edificati sunt Ephes. 2. 20. Deinde, si plura expetantur, sunt supra conditionem serutorum Dei, Ioan. 15. 14. *Iam non dicam vos seruos, quia seruus nescit, quid faciat Dominus eius: vos autem dixi amicos, quia omnia, quacunque audiri à Patre meo, nota feci vobis.*

54. Sextus titulus; Reges vocantur *Angeli Dei*, 2. Reg. 14. 10. *Tu autem Domine, mi Rex, sapiens es, sicut habet sapientiam Angelus Dei, vt intelligas omnia super terram.* Sed quid hinc colligi potest? Non aliud, quàm ex omnibus Iudæorum Regibus, solum Dauidem vocatum fuisse Angelum Dei, idque à muliere, non ob regiam potestatem, sed ob singularem sapientiam, qua erat præditus. Quid si ego plus adferam pro Sacerdotibus? Non de vno tantum, sed de omnibus dictum est illud Malach. 2. 7. *Labia Sacerdotis custodiens scientiam, & legem requirent ex ore eius, quia Angelus Domini exercituum est.* Nunc expendamus, vter rectius concludat, Rex Angliæ, an ego. Regis illatio est hæc: Dauid habuit tantum sapientiam, vt Angelo similis esse videretur: Ergo omnes Reges sunt tales: quisque igitur Rex in tuo regno Primatum Ecclesiæ tenet. Ineptè. Hæc autem mea est: Omnes Sacerdotes tum in veteri Test. vocati sunt Angeli Dei, quia Dei voluntatem certò & infallibiliter aliis annuntiabant, quod non poterant Reges: Ergo Sacerdotes in rebus ad Deum pertinentibus erant supra Reges.

55. Septimus titulus; Reges dicuntur facti iuxta cor Dei, 1. Reg. 13. 14. *Quia fuit Dominus sibi virum iuxta cor suum.* Esto hoc. Quid tum? An quia Dauid Rex fuit iuxta cor Dei, omnes Reges tales sunt? Imò, contra res habet. Saul Rex, quia non erat vir secundum cor Dei, à regno exclusus est: Dauid autem, quia erat talis, Sauli subrogatus. Sic enim loquitur Scriptura: *Dixit Samuel ad Saul: Sulte egisti, nec custodisti mandata Domini Dei tui, quæ præcepit tibi. Quod si non fecisses, iam nunc prastitisset Dominus regnum tuum super Israel in sempiternum: sed nequaquam regnum tuum ultra consurget. Quia fuit Dominus sibi virum iuxta cor suum, vt esset Dux super populum suum.* Nec vilius momenti est distinctio Sacellani, cum ait, Regem dupliciter dici posse iuxta cor Dei, 1. quoad personam Regis. 2. quoad officium seu magistratum. Omnes Reges, etiam malos, licet priori modo non sint iuxta cor Dei, posteriori tamen esse. Sed, si hoc sufficit, omnes etiam Sacerdotes & Episcopi sunt secundum cor Dei. Imò magis, quàm Reges. Nam Deus veteri Testamento sponte, & ex proprio beneplacito constituit magistratum sacerdotalem: regium autem, non nisi ex importuna Iudæorum postulatione concessit, vt habetur 1. Reg. 8. 5. Igitur Sacerdotum magistratus magis fuit secundum cor Dei quàm regum.

56. Octauus Titulus: Reges vocantur *Lucerna Israelis* 2. Reg. 21. 17. *Tunc inuenerunt viri David decem.*

Iam non credideris nobiscum in bellum, ne extinguas lucernam Israel; Fateor. Sed etiam Apostoli vocantur à Christo *Lux Mundi*, Matth. 5. 14. Et Episcopi septem Ecclesiarum Asiæ vocantur *septem stella*: Apoc. 1. 20. Si ergo Reges idèò habent Primatum in ecclesia, quia appellantur *Lucerna*: cur non similiter Apostoli & Episcopi habeant Primatum, cum appellantur *stella & lux mundi*? Non enim hic titulus minor est, quàm ille. Hinc formo tale dilemma: Hæc propositio: *Qui vocatur Lucerna, Lux, Stella, habet Primatum Ecclesie*: vel vera, vel falsa est. Si vera, sequitur. Apostolos & episcopos habere Primatum Ecclesie, quod Rex Angliæ negat si falsa sequitur, Regem Angliæ ex falso fundamento procedere.

57. Non ut titulus: Reges vocantur *Nutricij Ecclesie* Isa. 49. 23. *Et erunt Reges nutricij tui, & Reginæ nutricie tue*. Sed adde quod sequitur: *Vultu in terra dimisso adoraverunt, & pulverem pedum tuorum lingent*. Loquitur Propheta de futura Christi ecclesia; & dicit, fore aliquando tempus, quando reges & reginæ Gentiles convertentur ad fidem Christi, & sic magno incremento augebunt Ecclesiam, eamque tanquam sponsam Christi venerabuntur. At hinc non efficitur reges & reginas fore primates Ecclesie, sed potius filios & subiectos. Et tanè, si vim faciamus in voce *Nutricius*, quis magis nutrit Ecclesiam Christi quàm Apostoli & eorum successores, qui per uniuersum orbem prædicarunt euangelium, & omnes gentes, cum suis regibus & reginis, Ecclesie Christi aggregarunt.

58. Hactenus de titulis. ex quibus sic concludo: Apostoli & Episcopi non habent minores titulos, quàm Reges: imò sæpe maiores: si ergo ex titulis debeat colligi Primatus Ecclesie, non minus Apostoli & episcopi, quàm Reges, erunt primates in Ecclesia; imò multò magis. Vtrumque ostendo inductione 3. Reges vocantur *filij Altissimi*. Non minùs Apostoli 2. Reges vocantur *Dij*. Etiam Sacerdotes & iudices Ecclesiastici. 3. Reges unguntur. Etiam sacerdotes. 4. Reges sedent in solio terreno: At Apost. & Episcopi in caelesti. 5. Reges sunt *serui Dei*: At Apost. *iam non serui, sed amici*. 6. Reges sunt *Angeli Dei*. Nec minùs Sacerdotes, imò toti generi Sacerdotum id conuenit; non toti Regum 7. Reges sunt *intra cor Dei*. Multò magis Sacerdotes & Apostoli. 8. Reges sunt *lucerna Israelis*. At Apostoli *lux mundi*. 9. Reges sunt *nutricij Ecclesie*. At Apostoli Patres nutriciorum.

Conclusio totius capitis.

59. **H**oc capite ostensum est nullum extare idis diuinum veteris Testamenti pro Primatu Regum: extare tamen pro Primatu Sacerdotum. Nec aduersarios ullum ius pro se hactenus allegasse, sed ex solis Regum factis & titulis argumentatos esse. Hanc autem argumentandi rationem non solum infirmam esse, sed etiam magis nobis, quàm ipsis patrocinari. Hæsi autem diutius in hoc capite, quia si semel probatum sit, ex veteri Testamento nihil adferri posse pro Primatu Regis consequenter ostensum erit, Reges nullo modo esse Primates Ecclesie. Nam Sacellanus Regis Angliæ fateatur, fundamentum illius Primatus in solo veteri Testamento quæri oportere: & nullum illius in nouo vestigium aut exemplum existere. Nihilominus tamen, vt seruemus ordinem superius assignatum, etiam de nouo Testamento aliquid dicendum est.

Commentarius.

1. **C**irca hoc caput, quod in hac questione præcipuum est, duo potissimum facis Tookere, Primo, quædam inepta ac futilia in medium adfers. Hæc lubens præteribo. Secundo, contendis mecum de quibusdam Scripturæ testimoniis, quæ ex veteri Testamento desumpta sunt. In his discutiendis, quia verè ad rem faciunt, aliquantisper immorandum est. Nec sine fructu, vt spero.

I. Testimonium scripture discutitur.

2. **I**gitur primam testimonium habetur Deutero. 17. 14. his verbis: *Cum ingressus fueris terram, quam Dominus Deus tuus dabit tibi, & possederis eam, & dixeris. Constituam super nos Regem, sicut habent omnes per circuitum nationes; cum constitueris, quem Dominus Deus tuus elegerit de numero fratrum tuorum. Non poteris alterius gentis hominem regem facere, qui non sit frater tuus. Cumque fueris constitutus, non multiplicabis sibi equos, nec reduces populum in Ægyptum, equitatus non subleuatus, præsertim cum Dominus præceperit vobis, vt nequaquam amplius per eandem viam reuertamini. Non habebis uxores plurimas, quæ alligant animum eius, neque argenti & auri immensa pondera. Postquam autem sederis in solio regni sui, describet sibi Deuteronomium legis huius in volumine, accipiens exemplar à Sacerdotibus Leuitica tribus, & habebit secum, legesque illud omnibus diebus vite sue, vt discat timere Dominum Deum suum, & custodire verba & ceremonias eius, quæ in lege præcepta sunt. Nec eleuetur cor eius in superbiam super fratres suos, neque declinet in partem dextram vel sinistram, vt longo tempore regnet ipse, & filius eius super Israël.*

3. Ex hoc testimonio sic argumentatus sum: Quid? quid de Regis electione, officio & potestate, statutum est iure diuino veteris Testamenti, hoc continetur in his verbis Deuteronomij, quæ iam citata sunt: sed in illis nihil habetur de Primatu Regis in rebus Ecclesiasticis: Ergo Primatus Regis in rebus Ecclesiasticis non funditur in iure diuino veteris Testamenti.

4. Quid tu hic Tookere? Negas maiorem & minorem. Maiorem, quia multa, inquis, statuta sunt iure diuino veteris Testamenti circa Regem, quæ non habentur in illis verbis Deuteronomij, vt v. g. de vñctione, inauguratione, & diuinatione Regis. Audi, mi homo. Non dixi, omnia vniuersè, quæ statuta sunt circa Regem, haberi in illis verbis Deuteronomij; sed omnia quæ pertinent ad electionem, potestatem & officium Regis. Vñctio & inauguratio ab iis distincta sunt, igitur hæc propositio negari poterat, si à me fuisset proposita: *Quicquid de Regis electione, vñctione, inauguratione, potestate & officio, statutum est iure diuino veteris Testamenti, hoc habetur in cap. 17. Deuteronomi*. Hæc autem non potest negari: *Quicquid de Regis electione, officio & potestate statutum est iure diuino veteris Testamenti, hoc habetur in cap. 17. Deuteronomi*. Nec ad eam elidendam valet instantia de vñctione & inauguratione.

5. Quod addis de diuinatione, sumpsisti ex illo Prouer. cap. 16. 10. *Diuinitio in labijs Regis; in iudicio non errabit os eius*. Sed non video, quod ad rem faciat. Primo, quia nos hic agimus de illis, quæ iure diuino

Statuta sunt in veteri Testamento, & querimus, an inter ea debeat recitari Primatus Regis in ecclesia? At non omnia, quæ habentur in proverbiis, statuta sunt iure diuino veteris Testamenti. Aliud est, hoc aut illud haberi in verbo Dei; aliud, hoc aut illud statutum esse iure diuino. Quæ tu confundis Toozere. Secundò, quia magni auctores interpretantur illum locum quem citasti ex Proverbiis, de sola Christo, qui est Rex Regum, non de aliis Regibus. Nec sine causa. Nam Christus nunquam errat in iudicio, alij sæpe errant. Tertiò, quia ceteri, qui eundem locum interpretantur de aliis regibus non intelligunt de iudicio regum in rebus Ecclesiasticis, sed solum in civilibus: neque de quouis Rege in particulari, sed tantum de aliquibus. Quo pacto Salomon non erravit in iudicio circa filium meretricis; nec Daniel in iudicio circa Susannam. An tu putas, Salomoni & Danieli omnes similes esse? Utinam id quidem sit.

6. Negas etiam minorem. Negas, inquam, in illo capite Deuteronomij, nihil haberi de Primatu regis. Dic ergo in quibus verbis vel apicibus habetur aliquid de Primatu? In istis, inquis: *Describes tibi Rex Deuteronomium legis huius in volumine, accipiens exemplar à Sacerdotibus Leviticis tribus, & habebis secum, legetque illud omnibus d'obus vite sue, ut discat timere Dominum suum, & custodire verba & ceremonias eius, quæ in lege præcepta sunt.* Sed primum quæro, An Rex Angliæ putet, hæc verba ad se pertinere: necne? Si ad illum non pertinent, quomodo primatus eius probari inde potest? Si pertinent, cur non servat, quæ in eis præcepta sunt? Non enim custodit ceremonias & iudicia, quæ in Deuteronomio præscribuntur de agno paschali, de ciborum delectu, de libello repudiij, de stupro, adulterio, & fisco, suspendio, de aliis sexcentis.

7. *Dices foris*, non opus esse, ut Rex Angliæ servet omnia simpliciter, quæ in Deuteron. scripta sunt, sed ut servet præcepta Decalogi. Nam reliqua præcepta ceremonialia, & iudicialia abrogata sunt. Esto sanè. Sed quid inde colligis pro Primatu? An ex eo, quia Rex servare debet præcepta Decalogi, probare vis. Regem in ecclesia Primatum obtinere? Valdè erras. Etiam alij, qui reges non sunt, servare ea debent, nec ideo in ecclesia Primatum habent. At, inquis, hoc Regi præ aliis peculiare est, quod non solum ipse servare ea debeat, sed & operam dare, ut subditi ea servant. Primum nego, hoc illi peculiare esse. Etiam parentes curare debent, ut Decalogus servetur à domesticis. Deinde, sit illi peculiare. Nondum probatum est, Sacerdotes & episcopos, in rebus Ecclesiasticis, subditos Regi esse. Nec facile id probaturus es.

II. Testimonium discutitur.

8. Secundum testimonium habetur in eodem cap. Deut. v. 8. his verbis. *Si difficile & ambiguum, apud te iudicium esse perspexeris inter sanguinem & sanguinem, causam & causam, lepram, & lepram, & iudicium intra portas meas videris verba variari: surge, & ascende ad locum, quem elegerit Dominus Deus tuus. Veniesque ad Sacerdotes Levitici generis, & ad Iudicem, qui fuerit illo tempore: quævisque ab eis qui indicabunt tibi iudicij veritatem. Et facies, quodcumque dixerint, qui præstant loco quem elegerit Dominus, & d'curant te iuxta legem eius; sequerisque sententiam eorum, nec declinabis ad dextram, neque ad sinistram. Qui autem superbia fuerit, non erit obediens Sacerdotis imperio, qui eodem tempore ministrat Domino Deo tuo, & decreto Iudicis, morietur homo ille, & auferet malum de Israël.*

A 9. Circa hoc testimonium tria notavi. 1. Quid sensus sit de controuersis legalibus, quæ difficultatem habent, & in utramque partem ab inferioribus iudicibus trahuntur. 2. Quod huiusmodi controuersie ad summum Sacerdotem, tanquam ad legitimum iudicem deferendæ sint. 3. Quod sub pena mortis oporteat acquiescere sententiæ sacerdotis.

10. Hinc dupliciter argumentatus sum. Primò sic: Ille censetur habere Primatum Ecclesiæ, qui in rebus ad legem diuinam & eius interpretationem pertinentibus constitutus est supremus iudex in terris cui oporteat obedire: Atqui non Rex, sed Sacerdos constitutus est talis iudex à Deo: Ergo non Rex, sed Sacerdos habet Primatum Ecclesiæ. Secundò sic: Si Rex esset supra Sacerdotem in causis Ecclesiasticis, non opus esset stare iudicio Sacerdotis, sed liceret ad Regem, tanquam ad superiorem Iudicem provocare. At hoc non licet: Non ergo Rex, sed Sacerdos est supremus iudex in controuersis legalibus à Deo constitutus.

11. Hic vertis te in omnem partem, Toozere. Ac tria potissimum dicis. Primò, in testimonio Deuteronomij citato latam esse legem à Deo, quia iubentur subditi in rebus ambiguis ire ad summum Sacerdotem, & illius iudicio acquiescere, scilicet omni provocacione ad Regem. Hoc pro me facit. Secundò, legem illam esse iudicalem, ac proinde abrogatam. Hic te iugulas. Nam si concedis, in veteri Testamento fuisse talem Legem à Deo latam (etiam si iam abrogata sit) necessario debes concedere, Sacerdotem in veteri Testamento fuisse supremum iudicem in causis legalibus, cui omne debuerint obedire: Et quod inde sequitur, Sacerdotem in veteri Testamento habuisse Primatum Ecclesiæ. At hoc ipsum est, quod contendimus. Quid ergo præsidij habes ex veteri Testamento pro Primatu Regis? Nihil sanè.

12. Tertiò dicis, etiam si Lex illa non esset abrogata, sed adhuc vigeret, non tamen obfuturam Primatum Regis: Non enim latam esse pro solo Sacerdote, sed simul pro Sacerdote ac Iudice. Itaque ex illa lege non confirmari auctoritatem solius Sacerdotis, sed auctoritatem duarum personarum coniunctam, nempe Sacerdotis & Iudicis: et per Iudicem intelligi Regem. Audi Toozere. Dabo tibi, quod vis, legem illam latam esse pro duabus personis, id est, pro Sacerdote & Iudice. Sed primum unde probas, per Iudicem intelligi ipsum Regem? Textus loquitur de Sacerdote & Iudice, qui habitaturi erant in eo loco, quem elegeret Dominus Deus, id est, in loco in quo futurum erat Tabernaculum vel Templum Domini. At Rex non semper habitabat in eo loco, ubi erat Tabernaculum: Ergo per Iudicem habitantem in eo loco non intelligitur Rex.

13. Sed etiam hoc dabo tibi, per Iudicem intelligi Regem, ac proinde legem illam Deuteronomio coniunctam latam esse pro Sacerdote & Rege. Sed quo sensu hoc intelligis? Video quatuor modis intelligi posse. Primò, ut uterque per modum vnius fuerit iudex in quacunque controuersia, tam Ecclesiastica, quam civilis, nec Rex sine Sacerdote, nec Sacerdos sine Rege, potuerit sententiam ferre. Secundò, ut Sacerdos scorsim fuerit supremus iudex in ecclesiasticis, & rex scorsim in civilibus. Tertiò, ut solus Sacerdos fuerit supremus iudex in omnibus, tam civilibus, quam Ecclesiasticis: cui tamen Rex fuerit subordinatus. Quartò, ut solus Rex fuerit supremus iudex in omnibus cui Sacerdos fuerit subordinatus.

14. Primus sensus nec verus est, nec tibi patrocinatur. Non enim verum est, regem & Sacerdotem, per modum vnius Iudicis, debuisse coniunctim de quacunque controuersia sententiam ferre. Hoc patet ex ipso

textu

textu, qui sic habet: *Si difficile & ambiguum apud te iudicium esse perspexeris inter sanguinem & sanguinem, causam & causam, lepram & lepram.* Vbi illa particula, *inter causam & causam*, communis est & extendi potest, tam ad causam ecclesiasticam, quam civilem. Illa verò, *inter sanguinem & sanguinem*, significat causam civilem: illa denique, *inter lepram & lepram*, denotat causam ecclesiasticam, ad solos Sacerdotes iudicabant de lepra ut expresse habetur in *Leuit. cap. 13. & 14.* per totum. Vnde Christus in Euangelio non misit leprosum ad Regem, sed ad solum Sacerdotem. *Vade, inquit, ostende Sacerdoti, Matth. 8. 4.* Hinc infero, in controuersia de lepra, non fuisse duos Iudices per modum vnius, sed solum Sacerdotem fuisse Iudicem sine Rege. Falsum ergo est, legem Deuteronomij latam esse à Sacerdote & rege coniunctim, per modum vnius. Sed etiamsi lata sic esset, non faceret pro te Tookere. Nam inde sequeretur, Primatum ecclesie in veteri Testamento non pertinuisse ad solum Regem quod tu contendis; sed coniunctim ad Regem & Sacerdotem, quod tu minime vis.

15. Secundus sensus omnino contra te est. Afferit enim in veteri Testamento fuisse duos supremos Iudices, alterum in controuersis Ecclesiasticis, nempe Pontificem, alterum in civilibus, nempe Regem aut Vicarium illius. Vbi ergo Primatus Regis in ecclesiasticis? et hoc sensu videtur hanc legem Deuteronomij, de qua agimus, interpretatus esse Iosaphat Rex, 2. Par. 19. 11. cum dixit, *Amarias Sacerdos & Pontifex vester, in his, que ad Deum pertinent, præsidentibus. Porro Zabadias filius Ismael, qui est Dux in domo Iuda, super ea opera erit, que ad Regis officium pertinent.* De quibus verbis paulò post iterum dicemus.

16 Tertius sensus non minus contra te facit. Eò asseritur, in veteri Testamento solum Sacerdotem fuisse supremum Iudicem controuersiarum: Regem autem fuisse illi subordinatum, tanquam executorem. Hoc tu non vis. Alij tamen volunt, præsertim illi, qui sic legunt textum: *Qui autem superbierit, nolens obedire Sacerdotis imperio, ex decreto iudicis morietur.* Vbi illa particula, *nolens obedire Sacerdotis imperio*, significat, Sacerdotem fuisse supremum Iudicem cuius imperio erat obtemperandum. Illa verò, *ex decreto iudicis morietur*, denotat Regem vel Vicarium illius fuisse executorem sententiæ à Sacerdote latæ. Et ita sentit Cardinalis Bellar. lib. 4. de Pontifice cap. 1.

17. Quartus sensus pro te quidem faceret, si verus esset, sed tamen verus non est. Afferit tamen in veteri Testamento solum Regem fuisse supremum Iudicem in omnibus controuersis, tam ecclesiasticis, quam civilibus, & Sacerdotem fuisse illi subordinatum. Quod sine dubio falsum est. Hoc primò patet ex illa particula, *inter lepram & lepram.* Nam ut supra, dixi, Rex in veteri Testamento non iudicabat de lepra, sed solus Sacerdos. Deinde ex illa particula, *Qui voluerit obedire Sacerdotis imperio morietur.* Quæ significat, ab Imperio & sententiâ Sacerdotis non licuisse provocare ad alium iudicem, ac proinde non fuisse alium Iudicem supra Sacerdotem, ex quibus omnibus concludo, testimonium Deuteronomij, de quo hactenus actum est, nullo modo patrocinari Regibus, in questione de Primatu ecclesie, sed Sacerdotibus.

Amarias & Sacerdos & Principes familiarum ex Israel, & iudicium & causam Domini iudicauerunt habitatoribus eius, Præcepitque eis dicens: Omnem causam, que venerit ad vos fratrum vestrorum, qui habitant in urbibus suis, ostendite eis, ut non peccent in Dominum. Amarias autem Sacerdos & Pontifex vester in his, que ad Deum pertinent, præsidentibus. Porro Zabadias, filius Ismael, qui est Dux in domo Iuda, super ea operaberis, que ad Regis officium pertinent.

19. Hoc testimonio vos abutimini pro primatu Regis stabiliendo, nos rectè utimur ad eundem Primatum destruendum. Facitis autem duo argumenta. Alterum est Iacobi Regis, in hunc modum: Quicumque constituit Levitas & Sacerdotes in aliqua civitate, habet Primatum Ecclesie: Atqui Rex Iosaphat constituit Levitas & Sacerdotes in Ierusalem: Ergo habuit Primatum ecclesie. Hoc argumentum supra à me solutum est. Dixi, tria spectari posse in Levitis & Sacerdotibus veteris Testamenti. 1. Electionem seu designationem personæ ad officium diuinum. 2. Consecrationem. 3. Applicationem ad exercitium in certo aliquo loco. Igitur Regem Iosaphat nec elegisse, nec consecrassè Levitas & Sacerdotes (cum electio ad solum Deum, consecratio ad summum Pontificem pertinuerit) sed tantum applicasse ad exercitium in certo aliquo loco, id est, vocasse Levitas & Sacerdotes, qui iam consecrati erant, ut seruirent Deo in Ierusalem, qui prius alibi seruierant. Hinc autem non rectè colligi Primatum Ecclesie. Nam & nunc Principes Catholicos simile quid facere, quando aliunde vocant Iesuitas in suas ditiones, ut ibi concionentur, & alia officia diuina peragant; nec tamen idè Primatum Ecclesie sibi arrogare. Hæc fuit mea solutio. Tu nihil contra eam adfers, Tookere, nisi quod displicet tibi exemplum Iesuitarum, quo solutionem illustravi. Si usus fuisset exemplo prædicantium, sine dubio nihil habuisses, quod opponeres.

20. Alterum argumentum à te prodit. Est autem huiusmodi. Iosaphat Rex constituit sibi duos Vicarios seu delegatos: vnum in rebus diuinis & Ecclesiasticis, nempe Amariam Pontificem, alterum in civilibus & temporalibus, nempe Zabadiam: ergo Iosaphat Rex habuit supremam iurisdictionem in vtrisque rebus, tam Ecclesiasticis, quam civilibus, quia in vtrisque habuit sub se vicarium seu delegatum. *Respondet.* Antecedens falsum est. Primò, quia si Iosaphat habuisset sub se Pontificem, tanquam vicarium in Ecclesiasticis, sicut habuit sub se Zabadiam tanquam Vicarium in civilibus planè sequeretur, quod sicut in civilibus poterat omnia per se facere, quæ faciebat per Zabadiam, ac etiam in ecclesiasticis potuisset omnia per se facere, quæ faciebat per Pontificem: At hoc falsum est: Ergo & illud, ex quo sequitur. Maior per se nota est, quia quidquid facit aliquis per vicarium, qui committit seu delegat suas vices potest facere sine Vicario, non delegando illis suas vices sed sibi retinendo. Minor probatur, quia Iosaphat non poterat per se exercere vllum officium summi Sacerdotis seu Pontificis. Non enim poterat introire in sancta sanctorum, nec offerre sacrificium, nec leprosos expiare, & quæ similia sunt. Secundò, quia Vicarius, qui habet potestatem delegatam, ab eo habet cuius vicarius est: sed Pontifex in veteri Testamento non habebat suam potestatem à Rege, sed à Deo, mediante consecratione: Ergo non erat Vicarius Regis. Maior patet ex ipsius terminis, quia habere potestatem delegatam, nihil aliud est, quam habere potestatem ab alio sibi concessam & demandatam. Minor constat exitu consecrandi Pontificem, Exodi 29.

21. Hæc sufficiant de vestris argumentis. Nos ex eodem Scripturæ loco, multò fortius argumentamur

III. Testimonium discutitur.

18. Tertium testimonium habetur, 2. Paral. 19. 8. his verbis: *In Ierusalem quoque constituit Iosaphat Le-*
Opusc. Rec.

contra Primatum Regis; & quidem dupliciter. Primò sic: Qui præsides in iis omnibus, quæ ad Deum & ecclesiam pertinent, habet Primatum ecclesiæ: Atqui in veteri Testamento, non Rex, sed Pontifex præsidebat in iis omnibus, quæ ad Deum & ecclesiam pertinebant; Ergo in veteri Testamento non Rex, sed Pontifex habebat Primatum ecclesiæ. Nec est, quod obicias, Pontificem nomine Regis præsedis. Hoc enim iam ante refutatum est.

22. Secundò sic: in veteri Testamento, Zabadias præsidebat in iis omnibus, quæ pertinebant ad officium Regis; at non præsidebat in rebus Ecclesiasticis. Ergo res ecclesiasticæ non pertinebant ad officium Regis. Maior & minor disertè habentur in textu. Conclusio legitimè sequitur. Vel sic. Quæcunque pertinebant ad officium Regis, commissa erant Zabadiæ: ac res ecclesiasticæ non erant illi commissæ: ergo non pertinebant ad officium Regis. at quis dubitet?

IV. Testimonium discutitur.

23. Quartum testimonium habetur, 2. Reg. 5. 6. his verbis: *Et abiit Rex, & omnes viri; qui erant cum eo in Ierusalem, ad Iebusæum habitantem terra, dicitumque est David ab eis: Non ingredieris huc, nisi abstuleris cecos & claudos, dicentes: Non ingredietur David huc.*

24. Ex hoc loco conatus est Sacellanus confirmare Primatum Regis in hunc modum; Ad Davidem Regem spectabat, cecos & claudos è templo tollere. Ergo ad eum spectabat, omnes abusus & corruptelas tollere. Ergo habebat Primatum ecclesiæ. Sed iam supra dixi, nec priorem nec posteriorem consequentiam legitimam esse. Tu tamen, Tookere, utramque legitimam esse vis. Itaque tecum agendum mihi iam est. Et quia totalis pendet ex vero sensu illorum verborum. *Non ingredieris huc, nisi abstuleris cecos & claudos.* Primò discutiendum est, quid cecorum & claudorum nomine intelligi debeat? Vel, quod idem est, an illa verba propriè, an metaphoricè intelligenda sint?

25. Tu, cum Sacellano, (quem episcopum alienum vocas) metaphoricè interpretatus es. Nec tamè in explicanda metaphora, cum illo consentis. Nam ille, per claudos & cecos, generatim intelligit omnes abusus & corruptelas quæ possunt esse in ecclesia. Omnes enim, ut ipse ait, oriri solent, *vel ex infirmitate, quod cæci sint homines, vel ex insuetudine, quod in officio claudum dicunt.* Tu non omnes, sed aliquas tantum corruptelas intelligi putas; ac eas potissimum, quæ sunt in ministris ecclesiæ. Et in eum sensum citat illud ex Levitico. *Cæcus & claudus non ingredietur in templum Domini, ut obeat ministerium.* Sacellanus sic argumentatur: Illius est tollere omnes abusus, cuius est tollere cecos & claudos, cum hæc duo idem sint (nisi quod alterum propriè, alterum metaphoricè intelligi debeat.) Atqui Davidis erat tollere claudos & cecos: Ergo illius erat tollere omnes abusus. Tu aliter, in hunc modum: Illius est tollere omnes abusus, cuius est tollere aliquos, cum omnium sit eadem ratio: Atqui Davidis erat tollere aliquos: ergo illius erat tollere omnes.

26. Dicam, Tookere. Ambo cæci & claudi estis; tu & Sacellanus. Cæci, in explicanda Scriptura; claudi in argumentando Testimonium Scripturæ, quod citatum est, non metaphoricè de abusus, sed propriè de hominibus verè cæcis & claudis, ad litteram in-

telligendum est. Hoc primò constat ex re gesta, quæ sic habet: David Rex obsidebat Ierusalem & arcem Sion, in qua habitabant Iebusæi, qui ab obitu Iosue vsque ad id tempus expelli inde non potuerant, propter loci firmitatem ac munitionem. Quare Iebusæi quod putarent se inexpugnabiles esse, irridebant conatum Davidis, & per contemptum ponebant aliquot cecos & claudos in mœnibus, qui acclamabant Davidi: *Non ingredieris huc.* Quo facto significabant, non alio, quam cecorum & claudorum præsidio se egere ad urbem suam, contra tantum Davidis exercitum, propugnandam ac conservandam.

27. De qua re ita scribit Ioseph. libr. 7. antiq. Iudaic. c. 2. *David cum omnibus his copiis. Hierosolyma est profectus, Iebusæi vero, qui non urbem incolabant, Chananeorum & ipsi generis, clausis ad eius adventum poris, & in mœnibus quotquot erant cæci vel claudi, aut alioqui mutili, in contemptum Regis collocatis, distabant hos ad arcendum hostem sufficere, freti munitionum firmitate. Quo ludibrio ad iram concitatus, oppugnationem aggreditur, & cum strenua militum opera uteretur, omnibus aduentibus, ut unus urbis expugnatione, ceteris, si qui similiter pertinaces essent, metus incuteretur, ut inferiorem urbis partem occupat. Resistente autem sola arca decrevit propositis honoribus ac premiis, militem ad rem alacriter gerendam excitare: promissit, quæ ei, qui per subiectam vallem in arcem euassisset, totius exercitus imperium se commissurum: & cum eo certatim omnes eniterentur, cupiditate summa præfectura accensi, Sarnia filius Joab, alios prævenit, & conscensa arce, clamore sublato, à Rege promissum copiarum imperium poposcit. Simile habent alij, ut Theodoretus quæst. 16. 17. Abulensis. q. 7. Glossa interlinearis, Lyranus, &c.*

18. Hinc patet, nomen cecorum & claudorum non metaphoricè pro abusus, sed propriè pro verè cæcis & claudis accipi oportere. Quod etiam confirmant illa verba, quæ sequuntur in textu sacro: *Proposuerat David in die illa premium, qui percussisset Iebusæum, & terigisset domum fistulas, & abstulisset cecos & claudos odientes animam David.* Vbi illa particula *odientes animam David*, non potest aliter intelligi, quam quod cæci & claudi, qui stabant in mœnibus, essent hostes & aduersarij Davidis. De abusus certè intelligi non potest. Quis enim sic loquitur, *abusus oderunt animam David?*

29. Posita hac interpretatione, quæ verissima est, videamus, quam vim habeat argumentum tuum, Tookere. Sic sanè formandum esset: Iebusæi per contemptum dixerunt Davidi. Non ingredieris in hanc civitatem, nisi prius abstuleris cecos & claudos ex mœnibus: ergo ad Davidem iure diuino spectabat, tollere abusus & corruptelas Ecclesiæ. Consequentia probatur, quia Tookerus & Sacellanus sunt boni viri, quibus negari nihil potest.

V. Testimonium discutitur.

30. Quintum testimonium habetur, 2. Reg. 6. 2. his verbis: *Surrexerunt David & abiit, & universus populus cum eo, ut adducerent Arcam Dei.* et infra vers. 14. *David saltabat totis viribus ante Dominum, accinctus Ephod lineo. Et David & omnis domus Israël ducebant arcam testamenti Domini in iubilo, & in clangore bucinae.*

31. Ex hoc testimonio putat Sacellanus stabiliri posse Primatum Regis, in hunc modum: David præcessit arcam Domini: ergo habuit Primatum Ecclesiæ. Sed iam supra dixi, ineptā esse consequentiam. Sicut etiā hæc inepta est: Populus Israël præcessit arcam Domini:

Ergo habuit Primatum ecclesie. Et similiter hæc: Pueri Christiani præcedunt venerabile Sacramentum Eucharistie, quando in publica processione deportatur. Ergo habent Primatum ecclesie. Adieci, hanc legitimam esse. Non licuit Regibus, sed solis Sacerdotibus, attingere arcam Domini. Ergo Sacerdotes præferuntur Regibus, in iis, quæ ad Deum & religionem pertinent.

32. Hæc tu ægrè fers, Tookere. Et multa quæ parum ad rem faciunt, in medium adfers. Primò dicis, me, cum ista scriberem fortasse inter scyphos iussisse, & Iannissilius Anglici, olim Papa vel Papissa de Moguntia, recordatum esse. An putas me tui vel Thomsonij similem esse, ut quotidie inter scyphos incedam? De te sic scribunt, qui norunt: *Guilielmus Tookerus, misticter genialis & anticus, comedit bibisque laute*. Item: *Culinam tantum & Bacchum sapit*. Item: *Homo est turbulentissimus, violentus, indoctus*. De Thomsonio sic: *Richardus Thomsonius notus omnibus nomine Barbaus est, sed ex parentibus Angelis, rhetor, poëta, & potator insignis*. Nescio si aliter similis illi in Anglia Byibia. Item: *Quidam vir gravis sapius hominem adiit, sed semper ebrium invenit, & ad integrum diem, sobrium reperire, factu difficile, imò impossibile existimat*. Nos, Tookere, in hac schola non exercemus.

33. Et quæ est illa Papissa de Moguntia, de qua loqueris? Constat, apud vos fuisse faminam, quæ Ecclesie Anglicanæ supremum in terris Caput, post Christum, appellata est, magno sanè vestro dedecore. Apud nos, nec est, nec fuit, quæ similem titulum aut honorem sibi arrogaret. Neque tam molles ac delicati sumus, ut in rebus ad Ecclesiam pertinentibus, unius forme arbitrio, dirigi ac gubernari nos sinamus. Antiqua fides & religio, quam sequitur, cordatos & robustos cultores habet. Vobis, qui novella ac molliori fide imbuti estis, volupe est, vel mulierculæ, vel androgyni alicuius imperio subiaccere. Aptissime à quodam dictum est.

*Roma viros Papas; Papissas Angliæ cole
Subuehit; androgynos stulta Genua colit.*

34. Sed videamus cætera. Se undò, gitor dicis, Ecclesiam nostram similem esse Michol filia Saulis. Sic ut illa irrisset Davidem ante arcam saltantem, sic nos videre & subsannare vestra solemnia. Magnum mylterium narras Tookere. Sed erras in personis. Puritani ridet & subsannant solemnia Catholicorum; ridet Exorcismos in Baptismo, ridet Sacramenta Confirmationis, Ordinis, Pœnitentiæ, extreme Vnctionis; ridet cantum, organa, sacrificia, ieiunia, festiuitates, solennes processiones, & quæ similia sunt. Nihil horum apud vos est; aut si adhuc aliquid est, à Puritanis, qui vobiscum habitant, ridetur & subsannatur. Nos certè innocij sumus.

35. Tertiò dicis, Eucharistiam, quæ in solemnî processione deportatur, nihil aliud esse, quàm libum, frustulum, crustulum, idolomaniam. Et nos, quæ eam prosequimur, Asinos esse, clistellis superstitionum onustos. Hoc est, quod dixi, Tookere. Tu cum Puritanis rides nostra solemnia; non nos vestra. Nos David; vos Micholi similes in hac re estis. David in solemnî processione deducebat arcam, & præ gaudio saltabat, canebat, exultabat. Et quo magis à femina ridebatur, eo maiori conatu ac pietate, inchoatum opus perficiebat. Ita planè nunc sit. Nos Catholici in solemnî processione deducimus sacrosanctam Eucharistiam, & præ gaudio exultamus, ac omni campanarum, musicorum, organorum & ceterorum genere, Deum nostrum honoramus: et quo magis à vobis irridemur (qui in hoc negotio forminx, non viri estis) eo plus incrementi capit nostra deuotio, & in Deum charitas ac reuerentia. Neque nos turbat, quòd asini à te vocemur, quod cli-

Opusc. Bec.

A tellis superstitionum onusti esse dicamur. Iam pridem edocti sumus, calumnias & iniurias patienter pro Christo ferre. Hoc vnum dolemus, quod sacram Eucharistiam tam enormi blasphemia lacerare ausus es. Quanquam aliud à te expectari vix potest. *Culinam tantum & Bacchum sapis*. Res diuinæ ludibrio tibi sunt.

36. Atque hæc hæcenus effudisti. Addis duo, quæ ad causam spectant: vnum circa Sacellani, seu episcopi Eliensis argumentum; alterum circa meum. De illius argumento sic scribis: *Rectè conclusit Eliensis Episcopus: David saltant & premit in negotio arca deportanda: Ergo Primatum tenet. Et est vnum, inter cætera, argumentum pro Primatu Ecclesie*. Sed paulo post cogam te aliter canere.

37. Meum argumentum erat hoc: Non licuit Regibus, sed solis Sacerdotibus, attingere arcam Domini. Ergo Sacerdotes præferuntur Regibus, in iis, quæ ad Deum & religionem pertinent. Hanc illationem concedis cum hac limitatione: *Sacerdotes præferuntur Regibus, non quidem in omnibus, quæ ad religionem pertinent, sed tamen in quibusdam, id est, in liturgiis, concionibus, clauibus, sacramentis*. Benè habet, Tookere. Accipio, quod das. Porro ex hac tua cōcessione colligi possunt hæc due propositiones. Vna, Sacerdotes præferuntur Regibus in quibusdam rebus ad religionem pertinentibus. Altera, Reges vicissim præferuntur Sacerdotibus in quibusdam rebus ad religionem pertinentibus. Hinc primò sequitur, nec solum Regē, nec solum Sacerdotem, habere absolutè Primatum in ecclesia Anglicana. Nam in quibusdam Rex superior est in aliis Sacerdos. Secundò sequitur eum alteri in Ecclesie Primatu præferendum esse qui alteri præfertur in rebus Ecclesie dignioribus: Atqui Sacerdos, ex tua sententia, præfertur Regi in Liturgiis, concionibus, clauibus, Sacramentis, quæ sunt res Ecclesie digniores. Ergo Sacerdos præfertur Regi in Primatu Ecclesie. Itane est Tookere?

38. Sed magis te vrgebo, in hunc modum: Sacerdos præfertur Regi in Sacramentis, & consequenter in negotiis ad Sacramenta pertinentibus, ut iam disertè confessus es: At arca Domini in veteri Testamento erat Sacramentum, quod tu etiam expressè affirmas: Ergo Sacerdos in veteri Testamento præferbatur Regi in negotio ad arcam pertinente. Ergo iam penitus euanesceit argumentum Sacellani, quod antea defendebas.

Alia Testimonia.

39. Super sunt alia quinque testimonia, de quibus inter nos contentio est. Primum de ædificatione & dedicatione templi à Salomone facta. Alterum de Abia- thar summo Sacerdote, quem Salomon exauthorauit. Tertium de Iosia Rege, qui scdus inter Deum & populum redintegravit. Quartum de Ezechia, qui serpētem æneum confregit. Quintum de titulis, quibus reges in veteri Testamento honorantur. Sed hæc omnia iam superius à me explicata & discussa sunt. Nec tu quicquam adfers, Tookere, quòd noua disquisitione indigeat. Nā ineptias, & pueriles declamationes, in quibus studium ac operam perdis, non tanti facio, ut hoc loco refutandas existimem. Igitur pergo ad tertium caput, in quo agitur de iure noui Testamenti.

CAPVT III.

*An Rex iure diuino noui Testamenti habeat
Primum Ecclesie?*

1. **I**us diuinum noui Testamenti à Christo conditum est. Is enim, sicut veteres ritus, ceremonias, sacrificia, totam denique synagogam abrogauit: ita noua Sacramenta, nouum sacrificium, nouos ministros, nouam Ecclesiam instituit: Et præcepta dedit, quibus omnia, quæ ab ipso instituta essent legitimè gubernari & conseruari possent. Nunc ergo quaestio est, quid in hac tota Oeconomia sua statueri de Primatu Ecclesie? An eum voluerit esse apud Reges & Principes seculares, an verò apud Apostolos & eorum successores?

2. Repeto quod supra monui, hunc Primatum consistere in exteriori iurisdictione, cuius potissimi actus sunt hi. 1. Regere Ecclesiam. 2. Synodos conuocare. 3. Iisdem præsidere. 4. Lites finire & controversias fidei decidere. 5. Leges & constitutiones condere. 6. Contumaces excommunicare; aut alio modo punire delinquentes. 7. Ministros Ecclesie constituere & deponere. Et si qui similes. Igitur, inuestigandum est, quinam hanc iurisdictionem in Ecclesia à Christo acceperint? Apostoli & eorum successores, an Reges & Principes seculares? Id autem ex quadruplici capite inuestigari potest. Primò, ex verbis Christi, quibus suam mentem in hac re declarauit. Secundò, ex testimoniis Apostolorum, qui sine dubio Christi mentem assecuti sunt. Tertiò, ex praxi, quæ illo tempore in Ecclesia seruata est. Quartò, ex aliis circumstantiis.

3. Si verba Christi spectemus, res in promptu est. Legamus Euangelium. Mox inueniemus, Petro dictum esse Ioan. 21. 22. *Pasce oues meas.* et Matth. 16. 18. *Tu es Petrus, & super hæc petram ædificabo Ecclesiam meam, & porta inferorum non praualebit adversus eam. Et tibi dabo Claves regni calorum.* et Luc. 22. 32. *Tu aliquando*

conuersus confirma fratres tuos. At nusquam legimus, Tiberio, Pilato, vel Herodi dictum esse: *Pasce oues meas: Ecclesia mea Primatum teneat.* 4. Et quid est, *Pasce oues meas*? Constat ex euangelio, Christum esse Pastorem: ecclesiam esse ouilem: Christianos, oues. Igitur tantundem est, ac si dixisset: In hoc pastoralis officio vicariam operam mihi præstas. Ouile meum tibi commendo; pasce, quotquot in eo sunt, oues. Vel clariùs: Ecclesiam meam tibi commendo: dirige & gubernas fideles, quotquot in Ecclesia sunt. Vno verbo. Vicarius meus esto. Quid vnquam simile dictum est Regi vel Imperatori? Imò eos ipsos, si oues Christi sunt, Petro commissos esse, necesse est, cui totum ouile commissum est. Rectè enim Epiphanius in Ancorato: *Hic est, qui audiuit, Pasce oues meas; cui creditum est ouile.* et Eucherius Lugdunensis in vigilia S. Petri: *Prius agnos, deinde oues & commisit, quia non solum pastorem, sed pastorem pastorem enim constituit. Pascit igitur Petrus agnos, pascit & oues; pascit filios, pascit & matres: regit & subditos, & Prælatos. Omnium igitur pastor est, quia præter agnos & oues in Ecclesia nihil est.*

5. Iam, quid aliud est, Petro, non Regi aut Imperatori, datas esse claves ecclesie, quam datam esse potestatem & officium gubernandi ecclesiam? Hoc ipsa metaphoræ planè significat. Et confirmat vsus. Solent enim qui in familia vel vrbe præsunt, accipere claves in si-

gnum imperij & iurisdictionis. Vnde Dominus apud Isai. c. 22. cum vellet significare, se potestatem summi sacerdotis translaturum à Sobna in Eliacim, vsus est metaphoræ clauium. Sic enim ait: *Vade, & ingredere ad eum, qui habitat in tabernaculo, ad Sobnam præpositum templi, & dic ad eum: Quid tu hic? Expellam te de statione tua, & de ministerio tuo deponam te. & vocabo seruum meum Eliacim & induam illum tunica tua, & cingulo tuo confortabo eum, & potestatem tuam dabo in manibus eius: Et dabo clauem domus David super humerum eius: & aperiet, & non eris qui claudas, & claudes, & non eris qui aperias.* Eadem metaphoræ vititur scriptura ad significandum principatum Christi, Apocalip. 3. 7. *Hæc dicit sanctus & verus, qui habet clauem David: qui aperiet & nemo claudet: claudet & nemo aperit.* Hinc Gregor. lib. 4. epist. 33. *Cunctis Euangelium scientibus liquet, quod voce dominica, omnium Apostolorum principi Petro totius Ecclesie cura commissæ est. Ipse quippe dicitur, Tibi dabo claves regni calorum.*

6. Et quis vsus harum clauium est? soluere & ligare, aperire & claudere, id est exercere triplicem potestatem; Vnam intromittendi in Ecclesiam, & eiciendi, prout quisque meretur. Alteram, soluendi vincula peccatorum, legis, voti, iuramenti. Tertiam, ligandi per præcepta & penas. Vno verbo: exercere supremam iurisdictionem in domo Dei, quæ est ecclesia.

7. Igitur ex verbis Christi, perspicuè constat, Petro & eius successoribus, non item Regi commissum esse ouile, conceditas oues, concessas claves. Videamus nunc, quid Apostoli hac de re dicant. Sane D. Paulus, tametsi non semel, sed sæpe, de structura & regimine Ecclesie Christi loquatur, nusquam tamen Reges Principes seculares, sed vbique Apostolos & Episcopos, nominare solet. Proferam tria ipsius testimonia. Primum est Act. 20. 28. *Attendite vobis & uniuerso gregi, in quo vos Spiritus S. posuit Episcopos regere Ecclesiam Dei.* Verba aperta sunt. Qui ergo constituti sunt præfides & Rectores Ecclesie Christi, episcopi. A quo constituti sunt? A Spiritu sancto. Reges ergo vel constituti non sunt, vel à Spiritu sancto non sunt. Alterum est, Eph. 2. 20. *Superædificati super fundamentum Apostolorum & Prophetarum, ipso summo angulari lapide Christo Iesu.* Hic in structura Ecclesie nullum fundamentum est, præter Christum, Apostolos & Prophetas. At si Reges ad illam structuram pertinerent, & quidem magis, quàm Apostoli & Prophetæ, sine dubio dicendum esset: *Superædificati super fundamentum Regum, Apostolorum & Prophetarum.* At Reges omisi sunt; & tamen structura perfecta est. Tertium est. Eph. 4. 11. *Et ipse dedit quosdam quidem Apostolos, quosdam autem Prophetas, alios verò Euangelistas, alios autem Pastores & Doctores ad consummationem sanctorum in opus ministerii in ædificationem corporis Christi.* Hic tria spectanda sunt. 1. Ædificatio Ecclesie. 2. Opus ministerii. 3. Consummatio sanctorum. Sensus ergo est: Christus volens suos fideles, qui in illum credituri sunt, perducere ad consummationem, id est, ad sanctitatem & vitam æternam ædificauit pro iis ecclesiam, & in ea constituit ministros, qui fidelibus præsentent, eosque ad finem suum consequendum, docendo, & gubernando iunarent. Et quos illos? Apostolos, Prophetas, Euangelistas, Pastores, Doctores. Nulla sic Regum mentio.

8. Ex his testimoniis sic concludo. In ecclesia Christi est legitimus quidam ordo, seu, ut alij vocant, dispositio & Hierarchia, in qua alij Prælati, alij subditi sunt: alij Pastores, alij oues: alij in fundamento, alij supra fundamentum: alij Doctores, alij discipuli. Vel ergo Reges includuntur in hac hierarchia, tanquam primates, vel tanquam subditi. Si hoc posterius; salua res est.

Si illud prius, necesse est, maiori potestate præditos esse, quàm Apostolos & episcopos. Nam si vel parem eum illis, vel inferiorem potestatem haberent, non rectè diceretur esse Primates Ecclesiæ. Si ergo maiorem habent, ea sine dubio à Christo ipsis concessa est. At ubi & quibus verbis? Aut ubi Apostoli in suis scriptis & actis illius potestatis à Christo concessæ meminerunt? In testimoniis citatis nihil inuenio. Omnes silent de Regibus: loquuntur de Apostolis: Solus Rex Angliæ cum suo Sacellano, dicit rem ita habere: *An à vobis, inquit Apostolus, Verbum Dei processit: aut in vos solus pervenit?* 1. Cor. 14. 36.

9. Venio ad praxim Ecclesiæ, quæ tempore Apostolorum servata est. ea, sine dubio, fallere non potest. Quis ergo tunc Ecclesiam gubernavit? Apostoli. (Act. 20. 28.) Quis primam Synodum, quæ Hierosolymis celebrata est, indixit? Apostoli, Act. 15. 6. Quis huic synodo cū autoritate præsedie? Apostoli. Quis sententiam dixit? Apostoli. Quis legem de abstinentia ab immolatis simulachrorum, & sanguine & suffocato sancivit? Apostoli. Quis Corinthium incestuosum excommunicavit? Paulus Apostolus (1. Cor. 5. 3.) Quis accusationem aduersus Presbyteros, tanquam legitimus iudex, admisit? Timotheus Episcopus. (1. Tim. 5. 19.) Quis Ananiam & Saphiram in causa Ecclesiastica puniuit? Petrus Apostolus (Act. 5. 3.) Nullæ hic partes Regum; nullum vestigium.

10. Dicet fortè Rex, eo tempore nullos fuisse Reges Christianos, qui Ecclesiam gubernare, & hæc officia præstare potuissent. rectè quidem. Sed nec erant Apostoli aut Episcopi Christiani, antequam Christus eos & episcopos in noua Ecclesia instituit: cur non etiam novos Reges, qui Ecclesiæ præessent? ut sicut Paulum Ecclesiæ persecutorem, subito in vas electionis immutauit: cur non simili modo egit cum Tiberio Imperatore, vel Herode Rege?

11. Hinc iam sumo nouum argumentum ex circumstantiis in hunc modum: Si Christus voluit Reges esse Primates Ecclesiæ, & supra Apostolos & episcopos iurisdictionem exercere: cur non statim ab initio, sicut certos Apostolos elegit, sic etiam certos Reges designauit, qui Ecclesiæ præsidere? Cur non statim, sicut Apostolos instruxit, quo pacto prædicarent euangelium, administrarent sacramenta, & Ecclesiam propagarent: sic etiam Reges docuit, qua ratione Apostolis, & doctoribus in regimine ecclesiastico præessent, synodos conuocarent, controuersias dirimerent? Cur denique sicut Apostolis, præter priuatam instructionem, promisit Spiritum sanctum, cuius instinctu cetera omnia cognoscerent, quæ ad ipsorum ministeriū pertinebant: sic non etiam Regibus promisit eundem Spiritum, qui eos in suo officio perfectius omnia edoceret? Nihil horum factum.

12. Concludo, Reges ex institutione Christi non habere Primatum Ecclesiæ: quia nec verba Christi, nec testimonia Apostolorum, nec praxis primæ Ecclesiæ, nec circumstantiarum vlla ratione id significant. Omnia Apostolis & eorum successoribus patrociniatur. De illis dictum est. Act. 20. 28. Spiritus Sanctus posuit vos regere Ecclesiam Dei. et 1. Cor. 4. Sic nos existimamus homines, ut ministrum Christi, & dispensatores mysteriorum Dei. Et 2. Cor. 5. 20. Pro Christo legatione fungimur. Et Luc. 10. 16. Qui vos audit, me audit, & qui vos spernit, me spernit. Et plura in eandem sententiam.

OBIECTIO.

13. Sed multa obiicit Rex Angliæ in sua Apologia his verbis. *Quid in domino Testamento: Omnis anima iis (Regibus) subici iubetur, idque propter conscientiam. Orandum quidem & pro omnibus, sed præcipue pro Regibus & in auctoritate constitutis, ut sub iis piam ac pacatam, honestamque vitam degamus. Magistratus Dei administrator est ad ulciscendos facinorosos, innocentes autem, atque probos remunerandos. Omnibus quidem obtemperandum est superioribus potestatibus, sed potissimum principibus, & in eminentia collocatis. Reddere unicuique quod suum est: timorem, cui timor: amorem, cui amor iure debetur. Date Cesari, quæ Cesaris sunt: Deo quæ Dei sunt: Regnum meum non est de hoc mundo. Quis me constituit iudicem super vos? Reges gentium dominantur eorum. Vos autem non sic. Hactenus Rex.*

14. Sed facilis solutio. Ac primum ut generatim dicam, quod res est: Hæc testimonia partim ad questionem, de qua agitur, non faciunt: partim quatenus à Christo & Apostolis prolata sunt, pertinent ad Reges & Imperatores Ethnicos, cuiusmodi erant Tiberius, Caius, Claudius, Nero & similes. Certum autem est, Christum & Apostolos non voluisse suis testimoniis significare, Reges & Imperatores ethnicos habere Primatum in Ecclesia. Qui enim sunt extra Ecclesiam quomodo Primates sint in Ecclesia? qui ne quidem membra, quomodo caput? qui hostes Christi, quomodo Vicarius?

15. Speciatim sic respondeo. Illud Roman. 13. 1. *Omnis anima potestatibus sublimioribus subdita sit: nihil omnino contra nos facit. Habet enim hanc facilem & obuium sensum: Omnis homo, qui sub potestate est, debet obedire suo superiori, in rebus, in quibus superior est. Quis hoc nescit? Negò autem, Reges esse superiores in rebus Ecclesiasticis ac spiritualibus. Hoc probandum erat. Ex hoc autem loco probari non potest.*

16. Illud etiam. Timoth. 2. 2. *Orandum pro omnibus, sed præcipue pro Regibus, & in auctoritate constitutis, ut sub iis piam ac pacatam vitam degamus, partim malè citatum, partim malè intellectum est. Non enim addidit Apostolus illam particulam, præcipue, nec illam item sub iis, sed illis relictis, sic habet: Obsecro igitur primū omnium fieri obsecrationes, orationes, postulationes, gratiarum actiones pro omnibus hominibus: pro Regibus, & omnibus, qui in sublimitate sunt, ut quietam & tranquillam vitam agamus in omni pietate & castitate. Hinc sanè non efficitur, Reges habere Primatum in Ecclesia. Nec Apostolus eo loco præfert Reges aliis hominibus, sed æqualiter de omnibus loquitur, ut patet ex sequentibus, ubi rationem reddit, cur pro omnibus orandum sit, quia, inquit, hoc acceptum est coram Salvatore nostro Deo, qui vult omnes homines saluos fieri, & ad agnitionem veritatis venire. Vnus enim Deus, vnus & mediator Dei & hominum, bonus Christus Iesus, qui dedit redemptionem semetipsum pro omnibus. At Deus æquè vult omnes saluos fieri: Et Christus æquè pro omnibus mortuus est, æquè pro omnibus semetipsum tradidit. An Rex Angliæ putat, pro se magis, quàm pro Apostolis & Episcopis, mortuum esse Christum? aut Deum magis velle, ut Rex saluus fiat, quàm eius Sacellanus? Non ita est. Addo D. Paulum ibi loqui de Regibus Gentilibus, qui ad agnitionem veritatis nondum venerant. Vult enim orationes*

fieri pro illis, ut converterantur, & salvi fiant. At quæ hæc consequentia est? *Orandum est pro Regibus ethnicis ut ad filium Christi convertantur: Ergo, Reges ethnici Primatum tenent in Ecclesia Christi: Planè absurda est.*

17. Illud verb^o, Rom. 13. 4. *Magistratus Dei ad- ministrator est ad utrescendos facinorosos: vel ut vulgata lectio habet: Dei minister est vindex iram ei qui malum agit: nihil ad rem facit.* Fatemur, Reges portare gladium & habere potestatem puniendi peccata subditorum & in ea re, iuxta divinæ ministris esse. At negamus hanc potestatem extendi ad causas & tribunal Ecclesiasticum. In hoc tribunali præsident Apostoli & episcopi. Illi, ut ostensum est, convocant synodos, sententiam dant; litem dirimunt; novas constitutiones sanciunt; contumaces excommunicant; & similes ecclesiasticæ iurisdictionis actus ex officio exercent. Reges procul sunt ab hoc tribunali.

18. Eiusdem momenti est illud: *Omnibus quidem obtemperandum est superioribus, sed potissimum Principibus & in emmentia consuevis.* Quinimo sic res habet. Sed addendum est, alios esse superiores in temporalibus; alios in ecclesiasticis. In utroque genere reperiri Principes, quibus obtemperandum sit. In hoc quidem Pontifices; in illo autem Reges. Igitur Pontificibus potissimum obtemperandum esse in rebus ecclesiasticis; Regibus vero in politicis. Quis hoc neget?

19. Porro ex illo Roman. 13. 7. *Reddite unicuique quod suum est: timorem, cui timor, & amorem, cui amor iure debetur;* non video, quomodo Primatus Regum in ecclesia stabiliri possit. non magis, quam si dicam: *Reddit parentibus amorem & timorem, qui illis iure debetur: ergo parentes sunt Primates ecclesie.* Cur non sic porro: *Reddite Pontifici timorem, & amorem, qui illi iure debetur: ergo Pontifex est Primas ecclesie?*

20. Idem illud, Matth. 22. 21. *Reddite; quæ sunt Cæsaris, Cæsari, & quæ sunt Dei, Deo:* omnino extra scopum est, ut ex Evangelio constat. Quærebant Iudæi à Christo, an tenerentur Cæsari Romano, qui tunc Gentilis, erat, tributum dare, necne? Christus, inspecto numismate, in quo Cæsaris effigies erat impressa, respondit. *Date Cæsari, quæ Cæsaris sunt:* id est, date illi tributum, quod ei debetur. An hinc sequitur, Cæsarem Gentilem eo tempore habuisse Primatum Ecclesie Christi in Imperio Romano? aut Christum voluisse dicere, obediendum esse Gentili Cæsari in rebus ad Ecclesiam pertinentibus? Nihil minus. Nisi quis putet, hanc collectionem esse legitimam; Christiani in Turcia habitantes debent Imperatori Turcarum pendere tributum quod iure exigat? ergo debent illi agnoscere Primatem in rebus Ecclesiasticis. Hoc Angli, qui in Turcia sunt, non concesserint.

21. Multò minus ad causam facit illud, Ioann. 18. 36. *Regnum meum non est de hoc mundo.* Quid enim? An quia Christus, secundum humanitatem, non est Rex temporalis, sed spiritualis; ideo Reges temporales habent Primatum in spiritualibus? Contrarium potius colligendum erat hoc modo: Regnum temporale distinctum est à spirituali: sicut ergo Christus & Apostoli administrant spiritualiter: ita Reges & Imperatores temporale. Itemque, sicut Christus, quia Rex spiritualis, non vult se immiscere regno temporali: ita Iacobus, quia Rex temporalis est, non debet se immiscere regno spirituali.

22. Eodem spectat illud Lucæ 12. 14. *Quis me constituit Iudicem, aut divisorem super vos?* ex quo, si aliquid concludi debet ad rem, sic debet: Christus non est constitutus aliorum iudex in contrariis temporalibus,

bus, qualis est de dividenda inter fratres hereditate. Ergo Rex Angliæ est constitutus iudex in spiritualibus. At quæ hæc illatio est? Iam ante dixi, sic potius inferendum esse: Christus in causa temporalis dixit, *Quis me constituit Iudicem super vos?* ergo similiter Rex Angliæ in causa spiritali debet dicere, *Quis me constituit Iudicem super vos?*

23. Denique illud Lucæ 22. 15. *Reges gentium dominantur eorum, vos autem non sic:* quid prodes ad Primatum, de quo agimus? Nihil sanè. Sensus est: Reges Gentiles solent esse ambitiosi, & multa per tyrannidem facere, ac suis potius, quam subditorum commodis studere. Vos autem (mei Apostoli) nolite eos imitari, sed cum modestia & fraterna dilectione ecclesiam administrare, sicut & ego facio. Eodem sensu ac spiritu dixit Petrus in priori epist. can. cap. 5. 3. *Pascite, qui in vobis est, gregem Dei, providentes non coactè, sed spontanei, secundum Deum: neque turpis lucri gratia, sed voluntarie: neque ut dominantes in ceteris, sed formæ facti gregis ex animo.* Hinc iam inferat Rex Angliæ: Apostoli non debent esse ambitiosi & crudeles, sicut Reges ethnici: ergo Rex Angliæ tenet Primatum ecclesie. Quid absurdius? Sic potius: Christiani non debent esse ambitiosi, more Gentilium: ergo Rex Angliæ, cum Christianus sit, non debet ambire Primatum ecclesie, quem multis iam sæculis Pontifex Romanus legitime & quietè usurpavit.

24. ex dictis duo colliguntur. Unum est, nos ex nouo Testamento, variis testimoniis & argumentis perspicuè demonstrasse, Reges sæculares non habere Primatum & supremam iurisdictionem in ecclesia Christi. Alterum, nullum testimonium à Rege, vel Sacellano allatum esse, quod non potius contra, quam pro ipso faciat. Nunc ad ius Canonicum & Civile transeamus.

COMMENTARIUS.

1. In hoc capite probavi Primatum seu supremam gubernationem Ecclesie, non deberi Regibus, iure noui Testamenti, sed Apostolis & eorum successoribus. Id autem quatuor modis probavi. Primo, ex verbis Christi, quibus suam mentem in hac re declaravit. Secundo, ex testimoniis Apostolorum, qui sine dubio Christi mentem assecuti sunt. Tertio, ex praxi quæ illo tempore in ecclesia servata est. Quarto, ex circumstantiis. Deinde solui obiectiones, quæ à Iacobo Rege; pro Primatu Regio allatæ erant. Videamus nunc: Toxere, quid tu sentias de his omnibus, & singula seorsim discutiamus.

Ex verbis Christi.

2. Igitur ex verbis Christi sic argumentatus sum: Dicitur Petro Apostolo, non autem Tiberio, Herodi, aut Pilato, *Pasce oves meas.* ergo Apostolis, non Regibus, aut Imperatoribus commissa est gubernatio ecclesie. Dupliciter respondes ad hoc argumentum. Primo, his verbis: *Dicitur Petro, date Cæsari, quæ Cæsaris sunt, Dicitur Petro, date Herodi, Dicitur Petro, date Pilato, Ego sum veritas.* Sed non video, quæ ratiocinatio hæc spectent. Nisi, quod verisimile est, velis ratiocinari: Christus dixit de Tiberio, *Reddite Cæsari, quæ Cæsaris sunt.* ergo significavit, Tiberium habere Primatum ecclesie. Similiter Christus dixit de Herode. *Dicitur Petro, date Pilato, quæ Pilati sunt.* ergo significavit, Pilatum habere Primatum ecclesie. Denique, Christus dixit coram Pilato,

Ego sum veritas: Ergo testatus est, Pilatum præfisse Ecclesiam: Age, Toxere: Vis hoc inferre, vel aliud? Si hoc, ineptè. Si aliud, otiosè.

3. Secundò respondes, quidquid Petro dictum est, non soli Petro, sed aliis quoque Apostolis dictum esse, ac proinde, ex verbis Christi non posse conuinci, Petrum præ aliis Apostolis habere Primatum Ecclesie; sed potius, omnes Apostolos in hac re pares esse, nec alterum alteri præferendum. Vbi es, Toxere? nõ quæritur hic, an Petrus præ aliis Apostolis habeat Primatum Ecclesie (quod alio loco, si opus erit, disputabitur) sed solum an Christus, in nouo Testamento voluerit Apostolos & eorum successores, an verò Reges & Imperatores, præfisse suæ Ecclesie? Ego pro Apostolis pugno: tu pro Regibus & Imperatoribus. Ego contendo, Petro non Herodidictum esse, *Pasce oues meas*. Tu vicissim contendis, de Herode, non de Petro dictum esse, *Dicere illi vulpecula*. Vter recitat? An ego, qui Pastori oues committo; an tu, qui vulpeculam in ouile intromittis?

Ex Testimoniis Apostolorum.

4. Produxi tria testimonia D. Pauli, quæ confirmant Primatum episcoporum, non Regum aut Principum secularium. Primum est, Act. 20. 28. *Assendite vobis & inuiscite gregi, in quo vos Spiritus S. posuit Episcopo regere Ecclesiam Dei*. Alterum, Ephesiorum, 2. 20. *super adificationem super fundamentum Apostolorum & Prophetarum: ipso summo angulari lapide Christo Iesu*. Tertium Ephesiorum 4. 11. *Ipse dedit quosdam quidem Apostolos, quosdam autem Prophetas, alios verò Euangelistas, alios autem Pastores & Doctores ad consummationem Sanctorum in opus ministerii in adificationem corporis Christi*. In quibus testimoniis ex professo agitur de structura & gubernatione ecclesie in nouo Testamento; & tamen nulla fit mentio Regum aut Principum secularium, sed Apostolorum & Prælatorum Ecclesie.

5. Respondes, D. Paulum in citatis testimoniis non loqui de exteriori regimine Ecclesie (de quo dicis, illum alibi agere) sed tantum de prædicatione Euangelij & Sacramentorum administratione. Non ita est, Toxere. Loquitur etiam de exteriori regimine. Hoc clarè indicant illa verba, *Spiritus S. posuit vos Episcopos regere Ecclesiam Dei*. Deinde, si alibi loquitur de exteriori regimine profer vel vnum locum, ubi dicat externum regimè Ecclesie, non ad episcopos, sed ad Reges & Imperatores pertinere. Nunquam id facies.

6. Addis, eo tempore, quo Apostoli vixerunt, non opus fuisse Regibus, qui in externo regimine præessent ecclesie, eo quod satis præsidij ad eam rem esset in ipsis Apostolis qui tunc coruscabant miraculis, & alia patrabant admiratione digna. Sic enim habes: *Satis præsidij fuit in ipsis (Apostolis) ad illud tempus prima Ecclesia, cum ipsi coruscarent miraculis, viri utique magnas facerent, Demonia partim eicerent, partim subiicerent sibi ipsis in nomine Christi, obstinatos ac rebelles Sasanæ traderent ad destructionem carnis*. Et post aliquot pagellas iterum: *Pro illis temporibus erat satis præsidij in Apostolis. Apostolicisque viris, atque Euangelistis pro gubernanda Ecclesia*.

7. Rectè. Fateris ergo, Apostolos eo tempore gubernasse ecclesiam, non Reges aut Imperatores. Hoc ipsum est, quod urgemus. Quid ergo paulò ante mutabas de Tiberio, Herode & Pilato? Aut cur illis Primatum ecclesie ascribebas? Non illi sed Apostoli rege-

bant tunc Ecclesiam, ut tu ipse concedis. Et, quæ iure regebant? Non alio tanè, quàm iure noui Testamenti. At hoc ius mutatum non est. Ergo gubernatio Ecclesie, eodem iure, quod tunc pertinebat ad Apostolos, nunc pertinet ad episcopos, Apostolorum successores. Nihil certius. Nec tu amplius tergiversari hic potes. Sic enim te constringo: Quidquid iuris habuerunt Apostoli in exteriori regimine ecclesie, hoc acciperunt Episcopi, qui illis successerunt, singuli in suis Proinciis: At Apostoli habuerunt plenum & perfectum ius in exteriori regimine Ecclesie, independentè à Regibus & Imperatoribus: Ergo etiam episcopi qui illis successerunt, eodem iure vti sunt. Minor à te concessa est, & paulò post iterum concedetur. Maiorem probò, quia in toto nouo Testamento non potes mihi vel apicem ostendere, qui insinuet ius illud, quod Apostolis concessum est, fuisse postea reuocatum; & ab Apostolis ad Reges & Imperatores, non autem ad Episcopos transiisse.

8. Hæc sufficiant de tribus testimoniis, quæ ex D. Paulo, pro Primatu episcoporum à me allata sunt. Adieceram, ex occasione duas quæstiones, quas hic repetam. Vna erat, cum in Ecclesia Christi sit legitimus quidam ordo in quo alij Prælati, alij subditi sunt; alij Pastores, alij oues, alij doctores, alij discipuli; an Reges includantur in hoc ordine, tanquam Primates, an tanquam subditi? Tu respondes, includi, ut subditos. Verba tua sunt hæc: *Includuntur, ut subditi, & toti Ecclesia Catholica subiecti*. Vicia confessio. At hinc sequitur, quod nos volumus, Episcopos in Ecclesia superiores esse Regibus. Hi enim, ut fateris, subditi sunt; illi Prælati, Hi oues, illi pastores: hi discipuli, illi Doctores. Quod etiam alibi iniquè falsus es, his verbis: *Sereniss. ac piensiss. Rex nostræ Jacobus, non habet quicquam antiquius & honorificentius, quàm v. cum Valentiniano filium si Ecclesie profiteatur, & cum Theodorico Italia Rego, se alumnum Ecclesie, & discipulum Archiepiscoporum suorum, & Episcoporum libenter recognoscit*.

9. Altera quæstio erat, an Apostoli in suis scriptis vnquam significarint, Reges habere maiorem potestatem in Ecclesia, quàm episcopos. Hic tergiversaris, Toxere: & post longam digressionem, quam instituis contra Pontificem, tandem ita subiungis: *Inuenio, nihil promissum fastui Pontificio, multum autem, honoris Regis consultum & attributum. Honorandos omnes, honorandum Regem præcipuè: orandum pro omnibus ac deinde, (ac si primum locum dedisset Regibus) & pro omnibus in sublimitate constitutis. Addis hæc duo testimonia: Omnis anima potestatibus sublimioribus subdita sit. Et, Subditi estote omni humane ordinationi, sine Regi ut præelentis*.

10. Videamus, quid in his verbis præsidij sit. Ex his fieri possunt hæc quatuor argumenta. Primum. Omnes sunt honorandi, sed præcipuè Reges: Ergo Reges habent maiorem potestatem in Ecclesia, quàm episcopi. Respondes. Antecedens verum est, si Reges conferantur cum suis subditis, & quidam in rebus civilibus. Ibi enim magis honorandi sunt, quàm subditi. Falsum, si conferantur cum episcopis, ac potissimum in rebus Ecclesiasticis. Nam ibi episcopi plus honorandi, quàm Reges. Episcopi, ut Magistri: Reges, ut discipuli, ut paulò ante falsus es. Hinc S. Ignatius, Ioannis euangelistæ discipulus, in epistola ad Philadelphenses *Omnis, inquit, Clerus simul cum omni populo, & militibus atque Principibus, sed & Cæsare obediunt Episcopo, Episcopus verò Christi et Cyrillus Catecheli 17. Ad hodiernam usque diem cernitur, mandatos Principum regi & instrui ab Ecclesiasticis*.

11. Alterum: Orandum est pro omnibus, & quidam

fieri pro illis, ut converteantur, & salvi fiant. At quæ hæc consequentia est: *Orandum est pro Regibus ethnicis ut ad fidem Christi converteantur*. Ergo, Reges ethnici *Permittunt tangi in Ecclesia Christi*. Plane abunda est.

17. Illud verò, Rom. 13. 4. *Magistratus Dei ad minister est ad vitiscendo facinorosos; vel ut vulgata lectio habet: Dei minister est vindex in iram ei qui malum agit* nihil ad rem facit: Patemur Reges portare gladium & habere potestatem puniendi peccata subditorum & in ea re iustitiam duntaxat ministros esse. At negamus hanc potestatem extendi ad causas & tribunal Ecclesiasticum. In hoc tribunali præsentantur Apostoli & episcopi. Illi, ut ostensum est, convocant synodos, sententiam dicunt; item dirimunt; novas constitutiones sanciunt; contumaces excommunicant & similes ecclesiasticæ iurisdictionis actus ex officio exercent. Reges procul sunt ab hoc tribunali.

18. Eiusdem momenti est illud: *Omnes quidem obtemperandum est superioribus, sed potissimum Principibus & in eminentia constitutis*. Omnino sic res habet. Sed addendum est, alios esse superiores in temporalibus; alios in ecclesiasticis. In utroque genere reperiuntur Principes, quibus obtemperandum sit. In hoc quidem Pontifices; in illo autem Reges. Igitur Pontificibus potissimum obtemperandum esse in rebus ecclesiasticis; Regibus verò in politicis. Quis hoc neget?

19. Porro ex illo Roman. 13. 7. *Reddite unicuique quod suum est: timorem, cui timor, & amorem, cui amor iure debetur*; non video, quomodo Primatus Regum in ecclesia stabiliri possit. non magis, quam si dicam: Reddit parentibus amorem & timorem, qui illis iure debetur; ergo parentes sunt Primates ecclesie. Cur non sic potius: Reddite Pontifici timorem, & amorem, qui illi iure debetur: ergo Pontifex est Primas ecclesie?

20. Iam illud, Matth. 22. 21. *Reddite; quasunt Caesaris, Caesari, & quasunt Dei, Deo*: omnino extra scopum est, ut ex Evangelio constat. Quærebant Iudei à Christo, an tenerentur Caesari Romano, qui tunc Gentilis, erat, tributum dare, necne? Christus, inspecto numismate, in quo Caesaris effigies erat impressa, respondit. *Date Caesari, quæ Caesaris sunt*: id est, date illi tributum, quod ei debetur. An hinc sequitur, Caesarem Gentilem eo tempore habuisse Primatum Ecclesie Christi in Imperio Romano? aut Christum voluisse dicere, obediendum esse Gentili Caesari in rebus ad Ecclesiam pertinentibus? Nihil minus. Nisi quis putet, hanc collectionem esse legitimam; Christiani in Turcia habitantes debent Imperatori Turcarum pendere tributum quod iure exigit? ergo debent illi agnoscere Primatem in rebus Ecclesiasticis. Hoc Angli, qui in Turcia sunt, non concesserint.

21. Multo minus ad causam facit illud, Ioann. 18. 36. *Regnum meum non est de hoc mundo*. Quid enim? An quia Christus, secundum humanitatem, non est Rex temporalis, sed spiritualis; ideo Reges temporales habent Primatum in spiritualibus? Contrarium potius colligendum erat hoc modo: Regnum temporale distinctum est à spirituali: sicut ergo Christus & Apostoli administrant spirituale: ita Reges & Imperatores temporale. Itemque, sicut Christus, qua Rex spiritualis, non vult se immiscere regno temporali: ita Iacobus, qua Rex temporalis est, non debet se immiscere regno spirituali.

22. Eodem spectat illud Lucæ 12. 14. *Quis me constituit Iudicem, aut divisorem super vos?* ex quo, si aliquid concludi debet ad rem, sic debet: Christus non est constitutus aliorum iudex in controversiis temporalibus.

Abus, qualis est de dividenda inter fratres hereditate. Ergo Rex Angliæ est constitutus iudex in spiritualibus. At quæ hæc illatio est? Iam ante dixi, sic potius inferendum esse: Christus in causa temporali dixit, *Quis me constituit Iudicem super vos?* ergo similiter Rex Angliæ in causa spirituali debet dicere, *Quis me constituit Iudicem super vos?*

23. Denique illud Lucæ 22. 25. *Reges gentium dominantur eorum, vos autem non sic*: quid prodes ad Primatum, de quo agimus? Nihil sanè. Sensus est: Reges Gentiles solent esse ambitiosi, & multa per tyrannidem facere, ac suis potius, quam subditorum commodis studere. Vos autem (mei Apostoli) nolite eos imitari, sed cum modestia & fraterna dilectione ecclesiam administrare, sicut & ego facio. Eodem sensu ac spiritu dixit Petrus in priori epist. can. cap. 5. 3. *Pascite, qui in vobis est, gregem Dei, providentes non coacti, sed spontanei, secundum Deum: neque turpis lucri gratia, sed voluntarie: neque ut dominantes in ceteris, sed formæ facti gregis ex animo*. Hinc iam inferat Rex Angliæ: Apostoli non debent esse ambitiosi & crudeles, sicut Reges ethnici: ergo Rex Angliæ tenet Primatum ecclesie. Quid absurdius? Sic potius: Christiani non debent esse ambitiosi, more Gentilium: ergo Rex Angliæ, cum Christianus sit, non debet ambire Primatum ecclesie, quem multis iam sæculis Pontifex Romanus legitime & quietè usurpavit.

24. Ex dictis duo colliguntur. Unum est, nos ex novo Testamento, variis testimoniis & argumentis peripicue demonstrasse. Reges seculares non habere Primatum & supremam iurisdictionem in ecclesia Christi. Alterum, nullum testimonium à Rege, vel Sacellano allatum esse, quod non potius contra, quam pro ipso faciat. Nunc ad ius Canonicum & Civile transeamus.

COMMENTARIUS.

IN hoc capite probavi Primatum seu supremam gubernationem Ecclesie, non deberi Regibus, iure novi Testamenti, sed Apostolis & eorum successoribus. Id autem quatuor modis probavi. Primo, ex verbis Christi, quibus suam mentem in hac re declaravit. Secundo, ex testimoniis Apostolorum, qui sine dubio Christi mentem assecuti sunt. Tercio, ex praxi quæ illo tempore in ecclesia servata est. Quarto, ex circumstantiis. Deinde solvi obiectiones, quæ à Iacobo Rege, pro Primatu Regio allatæ erant. Videmus nunc, Tookere, quid tu sentias de his omnibus, & singula seorsim discutiamus.

Ex verbis Christi.

Igitur ex verbis Christi sic argumentatus sum: Dicitur Petro Apostolo, non autem Tiberio, Herodi, aut Pilato, *Pasce oves meas*. Ergo Apostolis, non Regibus, aut Imperatoribus commissa est gubernatio ecclesie. Dupliciter respondes ad hoc argumentum. Primo, his verbis: *Dicitur est Tiberio, date Caesari, quæ Caesaris sunt, Dicitur est de Herode, Dicite illi vulpecula, Dicitur est coram Pilato, Ego sum veritas*. Sed non video, quærum hæc spectent. Nisi, quod verisimile est, velis ratiocinari: Christus dixit de Tiberio, *Reddite Caesari, quæ Caesaris sunt*. Ergo significavit, Tiberium habere Primatum ecclesie. Similiter Christus dixit de Herode. *Dicite illi vulpecula*, ergo vulpeculæ commisit suam ecclesiam. Denique, Christus dixit coram Pilato,

Ego sum veritas: Ergo testatus est, Pilatum præesse A Ecclesiæ: Age, Tookere: Vis hoc inferre, vel aliud Si hoc, ineptè. Si aliud, otiosè.

3. Secundò respondes, quidquid Petro dictum est, non soli Petro, sed aliis quoque Apostolis dictum esse, ac proinde, ex verbis Christi non posse conuinci, Petrum præ aliis Apostolis habere Primatum Ecclesiæ; sed potius, omnes Apostolos in hac re pares esse, nec alterum alteri preferendum. Vbi es, Tookere? nõ queritur hic, An Petrus præ aliis Apostolis habeat Primatum Ecclesiæ (quod alio loco, si opus erit, disputabitur) sed solum an Christus, in nouo Testamento voluerit Apostolos & eorum successores, an verò Reges & Imperatores, præesse iux Ecclesiæ? Ego pro Apostolis pugno: tu pro Regibus & Imperatoribus. Ego contendo, Petro non Herodi dictum esse, *Pasce oues meas*. Tu vicissim contendis, de Herode, non de Petro dictum esse, *Dicere illi vulpecula*. Vter rectus? An ego, qui Pastori oues committo; an tu, qui vulpeculam in ouile intromittis?

Ex Testimoniis Apostolorum.

4. Produxi tria testimonia D. Pauli, quæ confirmant Primatum episcoporum, non Regum aut Principum secularium. Primum est, Act. 20. 28. *Attendite vobis & toti gregi, in quo vos Spiritus S. posuit Episcopos regere Ecclesiam Dei*. Alterum, Ephesiorum, 2. 20. *super edificasti super fundamentum Apostolorum & Prophetarum: ipse summo angulari lapide Christo Iesu*. Tertium Ephesiorum 4. 11. *Ipse dedit quosdam quidem Apostolos, quosdam autem Prophetas, alios vero Euangelistas, alios autem Pastores & Doctores ad consummationem Sanctorum in opus ministrandi in edificationem corporis Christi*. In quibus testimoniis ex professo agitur de structura & gubernatione ecclesiæ in nouo Testamento; & tamen nulla fit mentio Regum aut Principum secularium, sed Apostolorum & Prælatorum Ecclesiæ.

5. Respondes, D. Paulum in citatis testimoniis non loqui de exteriori regimine Ecclesiæ (de quo dicis, illum alibi agere) sed tantum de prædicatione Euangelij & Sacramentorum administratione. Non ita est, Tookere. Loquitur etiam de exteriori regimine. Hoc clare indicant illa verba, *Spiritus S. posuit vos Episcopos regere Ecclesiam Dei*. Deinde, si alibi loquitur de exteriori regimine profer vel vnum locum, ubi dicat externum regimè Ecclesiæ, non ad episcopos, sed ad Reges & Imperatores pertinere. Nunquam id facies.

6. Addis, eo tempore, quo Apostoli vixerunt, non opus fuisse Regibus, qui in externo regimine præessent ecclesiæ, eo quod satis præsidij ad eam rem esset in ipsis Apostolis qui tunc cotrascabant miraculis, & alia patrabant admiratione digna. Sic enim habes: *Satis præsidij fuit in ipsis (Apostolis) ad illud tempus* E *primæ Ecclesiæ, cum ipsi coruscarent miraculis, virutesque magnas facerent, Demonia partim eiicerent, partim subiicerent sibi ipsis in nomine Christi, obstinatos ac rebelles Satane traderent ad destructionem carnis*. Et post aliquot pagellas iterum: *Pro illis temporibus erat satis præsidij in Apostolis. Apostolicisque viris, atque Euangelistis pro gubernanda Ecclesia*.

7. Rectè. Fateris ergo, Apostolos eo tempore gubernasse ecclesiā, non Reges aut Imperatores. nõ ipsum est, quod vrgemus. Quid ergo paulò ante muscabas de Tiberio, Herode & Pilato? Aut cur illis Primatum ecclesiæ ascribebas? Non illi sed Apostoli rege-

bant tunc Ecclesiā, vñ ipse concedis. Et, quò iure regabant? Non alio tanè, quàm iure noui Testamenti. At hoc ius mutatum non est. Ergo gubernatio Ecclesiæ, eodem iure, quod tunc pertinebat ad Apostolos, nunc pertinet ad episcopos, Apostolorum successores. Nihil certius. Nec tu amplius tergiversari hic potes. Sic enim te constringo: Quidquid iuris habuerunt Apostoli in exteriori regimine ecclesiæ, hoc acciperunt Episcopi, qui illis successerunt, singuli in suis Provinciis: At Apostoli habuerunt plenum & perfectum ius in exteriori regimine Ecclesiæ, independentè à Regibus & Imperatoribus: Ergo etiam episcopi qui illis successerunt, eodem iure vñ sunt. Minor à te concessa est, & paulò post iterum concedetur. Maiorem probo, quia in toto nouo Testamento non potes mihi vel apicem ostendere, qui insinuet ius illud, quod Apostolis concessum est, fuisse postea reuocatum; & ab Apostolis ad Reges & Imperatores, non autem ad Episcopos transiisse.

8. Hæc sufficiant de tribus testimoniis, quæ ex D. Paulo, pro Primatu episcoporum à me allata sunt. Adieceram, ex occasione duas quæstiones, quas hic repetam. Vna erat; cum in Ecclesia Christi sit legitimus quidam ordo in quo alij Prælati, alij subditi sunt; alij Pastores, alij oues, alij doctores, alij discipuli; an Reges includantur in hoc ordine, tanquam Primates, an tanquam subditi? Tu respondes, includi, vt subditos. Verba tua sunt hæc: *Includuntur, vt subditi, & toti Ecclesia Catholica subiecti*. Vera confessio. At hinc sequitur, quod nos volumus, Episcopos in Ecclesia superiores esse Regibus. Hi enim, vt fateris, subditi sunt; illi Prælati, Hi oues, illi pastores: hi discipuli, illi Doctores. Quod etiam alibi iniquè fallus es, his verbis: *Sereniss. ac piensiss. Rex nostr. Iacobus, non habet quicquam antiquius & honorificentius, quàm v. cum V. aleminiano filium si Ecclesia proficiatur, & cum Theodorico Italia Rege, se alumnum Ecclesiæ, & discipulum Archiepiscoporum suorum, & Episcoporum libenter recognoscat*.

9. Altera quæstio erat, an Apostoli in suis scriptis vnquam significarint, Reges habere maiorem potestatem in Ecclesia, quàm episcopos. Hic tergiversaris, Tookere: & post longam digressionem, quam instituis contra Pontificem, tandem ita subiungis: *Inuenio, nihil promissum fastui Pontificio, multum autem, honori Regio consultum & attributum. Honorandos omnes, honorandum Regem præcipuè: orandum pro omnibus ac deinde, (ac si primum locum dedisset Regibus) & pro omnibus in sublimitate constitutis*. Addis hæc duo testimonia: *Omnis anima potestatibus sublimioribus subdita sit. Et, Subditi estote omni humane ordinationi, sine Regi vt præcel-* lenii.

10. Videamus, quid in his verbis præsidij sit. Ex iis fieri possunt hæc quatuor a gumenta. Primum. Omnes sunt honorandi, sed præcipuè Reges: Ergo Reges habent maiorem potestatem in Ecclesia, quàm episcopi. Respondes. Antecedens verum est, si Reges conferantur cum suis subditis, & quidem in rebus civilibus. Ibi enim magis honorandi sunt, quàm subditi. Falsum, si conferantur cum episcopis, ac potissimum in rebus Ecclesiasticis. Nam ibi episcopi plus honorandi, quàm Reges. Episcopi, vt Magistri: Reges, vt discipuli, vt paulo ante fallus es. Hinc S. Ignatius, Ioannis euangelistæ discipulus, in epistola ad Philadelphienfes *Omnis, inquit, Clerus simul cum omni populo, & militibus atque Principibus, sed & Cæsari obediunt Episcopo, Episcopus verò Christi*. Et Cyrillus Catecheli 17. *Ad hodiernam vsque diem cernimus, mandatis Principum regi & instrui ab Ecclesiasticis*.

11. Alterum: Grandum est pro omnibus, & quidè

clericos, quia sic orant, supremos esse Prælatos in Ecclesia? Nihil minus.

35. Plus dicam. Factamus in aliqua diœcesi Anglicana templum incendio perire, vel ab hostibus devastari. Episcopus suis sumptibus curat restaurari. Convocat deinde populum sibi subiectum: Inferat vasa sacra: Oret Deum, ut ratum habeat hoc obsequium, & preces subditorum exaudiat: Offerat sacrificium: Bene precetur populo, & gratis Deo actis, dimittat unumquemque cum gaudio. Quid? An dices hunc episcopum esse Prælatum Ecclesiæ? Si est, quid de Rege huc? Si non est, quid minus fecit, quàm Salomon? Imò totum id præstitit, quod Salomon & Sacerdotes simul.

V. Obiectio, desumpta ex facto eiusdem Regis Salomonis.

36. **Q**uinta obiectio est talis: Qui deponit summum sacerdotem ab officio, & alium illi subrogat, necessario habet iurisdictionem supra summum Sacerdotem: Atqui Salomon Rex deposuit Abiathar summum Sacerdotem ab officio, & subrogavit illi Sadoc. 3. Reg. 2. 27. Ergo Salomon Rex habuit iurisdictionem supra summum Sacerdotem. Hoc est præcipuum argumentum pro primatu Regis. Sed sane parum momenti. Ac primum sic retorqueri potest: Qui deponit Regem ab officio, & alium illi subrogat, necessario habet iurisdictionem supra Regem: Atqui Ioiada summus sacerdos, non solum deposuit, sed etiam occidit Athalia reginam, & Ioas in eius locum subrogavit. 4. Reg. 11. Ergo Ioiada summus Sacerdos habuit iurisdictionem supra Regem.

37. Sed ad rem. Hæc obiectio duo supponit. Vnum, quod Salomon, quando deposuit Sacerdotem ab officio, usus sit potestate regia. Alterum, quod rectè ac legitimè ea usus sit. At neutrum probari potest. Imò gravissimi Authores constanter docent, non regia, sed prophetica potestate usum esse, nec ordinaria via, sed ex peculiari Dei instinctu fecisse quod fecit. Ita Cardinalis Bellarminus, Iacobus Gretlerus & plures alij. Et videtur colligi posse ex illis verbis. 1. Reg. 2. 27. *Eiecit ergo Salomon Abiathar, ut non esset Sacerdos Domini, ut impleretur sermo Domini, quem locutus est super domum Heli in Silo:* quasi dicat, Olim tempore Heli Sacerdotis prædictum fuit à Deo per Samuelem Prophetam, fore aliquando: ut officium Sacerdotale auferatur à familia Heli propter peccata filiorum eius, 1. Reg. 2. 31. Ut ergo hæc prophetia impleretur, Salomon divino instinctu, tanquam verus Propheta abstulit sacerdotium ab Abiathar, qui erat ex familia Heli.

38. Quod si ita est, facile apparet, nullius momenti esse objectionem Regis Angliæ. Nam nihil aliud ex facto Salomonis colligi poterit, quàm Prophetas accipere aliquando extraordinariam potestatem à Deo, etiam supra Sacerdotes, quod nihil ad rem facit. Non enim disputamus de Potestate Prophetarum, sed Regum. Nec status controversia est, an Prophetæ ex peculiari Dei instinctu possint aliquando punire Sacerdotes, sed an Reges ordinaria sua potestate possint id facere? Hæc valde distincta sunt. Et alterum cum altero minimè connexum est. Non enim sequitur. Salomon Rex peculiari Dei instinctu, submovit Abiathar Sacerdotem ab officio sacerdotali: Ergo Iacobus Rex, ordinaria sua potestate potest idem facere. Non magis quàm si dicam: Nathan ex peculiari Dei instinctu reprehendit Dauidem Regem: ergo quilibet subditus in Angliâ potest ordinaria via reprehendere Iacobum Regem.

A 39. Sed demus (quod tamen probari non potest) Salomonem in submovendo Sacerdote, usum esse potestate regia, quid quæso hinc efficitur contra nos? Nihil sane, nisi prius constet legitimè ea usum esse. Hoc autem nec in Scripturis sacris disertè exprimitur, nec ex iis evidenter deduci potest. Aliud enim est, factum alicuius recenseri, aliud probari seu commendari. Legimus quidem in Scriptura, Baziam gladio & præcipitio seipsum occidisse. Legimus à Saule sacerdotes Domini, ab Abimelech septuaginta fratres, ab Athalia, semine regium, ab aliis alios interfectos esse. At non legimus, hæc omnia iuste ac legitimè contigisse. Idem dico de Salomone. Legimus, ab eo depositum esse Abiathar sacerdotem. At non legimus, rectè ac legitimè id factum esse. Vel ergo probandum est Regi Angliæ, factum esse legitimè, vel nihil contra nos concludit.

40. Dicit foris, Abiathar graviter peccaverat contra Salomonem Regem, ac proinde dignus erat, qui puniretur. Potuit ergo Salomon autoritate regia illum punire. *Respondeo.* Non sequitur. Esto enim, peccaverit Abiathar propter iniquam conspirationem, & dignus propterea fuerit, qui officio submoveretur. An ideo à Solomone submoveri legitimè potuit? Id minimè consequens est. Non enim quilibet reus à quolibet puniri potest, sed ab eo duntaxat, qui in illum habet legitimam potestatem ac iurisdictionem. Hanc autem habuisse Reges Iudæorum in Sacerdotes, nondum probatum est. Imò ex ipsis Iudæis contrarium probari potest. Semper enim persuasum ipsis fuit Reges non habere ullam iurisdictionem in eos, qui ministerio divino deputati sunt. Hoc satis colligitur ex illo, 1. Reg. 22. 16. *Dixit Rex Saul: morte morieris Abimelech, in conspectu domus Patris tui. Et ait Rex emissariis qui circumstantibus eum, Convertere imini, & interficite Sacerdotes Domini, nam manus eorum cum David est. Noluerunt autem servi Regis extendere manus suas in Sacerdotes Domini.* ex quibus verbis patet Regem Saulem mandasse suis famulis, ut interficerent Sacerdotes Domini, eo quod conspirassent cum Davide contra ipsum Regem. Porro famulos Regis, qui erant Iudæi, & optimè norant eminentiam Sacerdotum supra Reges, non voluisse id facere, etiam si Rex mandasset. Nam certò persuasum illis erat, non posse Regem legitimè id mandare, nec sacerdotes imperio Regis subiacere. Quod etiam aduertens Rex homini Barbaro ac Gentili imperavit, ut quod famuli facere renuissent, ipse imperterritus exqueretur. Quod etiam factum est. Subiungitur enim in textu. *Et ait Rex ad Doeg, Convertere tu, & irruere in Sacerdotes: Converterisque Doeg Idumæus irruit in Sacerdotes.*

41. Hinc ita concludo: Saul & Salomon fuerunt pares in potestate regia, nec plus iuris habuit Salomon in Sacerdotes, quàm Saul, ex ea præcisè parte, quia Reges erant. Atqui Saul, quia Rex, non habuit legitimam potestatem puniendi Sacerdotes: ergo nec Salomon. Maior per se nota est. Minor pater ex dictis, quia famuli Saulis non recusassent imperium sui Regis, si putassent illum habere legitimam potestatem in Sacerdotes. Libenter enim parebant illi in persequendo Idem ergo de Salomone, quia Rex erat, statuendum est. Si enim Sauli non licuit punire Sacerdotes Domini, nec Salomoni potuit licere. Vterque enim, quia Rex, pari potestate fuit præditus.

42. Dicit, Non rectè hoc sequitur. Fuit enim aliunde, dispar causa utriusque. Nam Sacerdotes à Saule interfecti erant innocentes. Abiathar autem, quem Salomon puniuit, erat reus læsæ maiestatis. Quis porro nescit, aliud esse, interficere innocentes, quod fecit

Saul aliud punire reos, quod fecit Salomon? Ergo igitur, non rectè ac legitime fecerit Saul, rectè tamen ac legitime fecit Salomon. *Respondet*, Hæc disparitas non obstat. Tamen enim Sacerdotes qui iudicabantur interfici à Saule, re ipsa fuerint innocentes, nihilominus famuli Saulis, putabant esse nocentes ac reos læsæ maiestatis: Nec tamen putabant licere Regi, etiam nocentes Sacerdotes interficere. Hoc inde constat, quia parebant Regi in persequendo Davide, ut dictum est: & ideo parebant, quod existimarent Davidem iniuste aspirare ad regnum, ac proinde læsæ maiestatis reum esse. Al. as tanè non parituri. Cum ergo audissent à Saule Sacerdotes adhzrere Davidi, quid aliud suspicari poterant, quàm eos etiam innocentes ac reos esse? Et tamen obtemperabant Sauli in proseguendo Davide, non autem in necandis Sacerdotibus. Nec alia de causâ, quàm quod verè putarent, Regem habere potestatem puniendi & coercendi laicos, non autem Sacerdotes.

43. Ex his abundè satisfactum est argumento Regis, quod ut compendio repetam, quæ dicta sunt dupliciter formari potest. Primò, in hunc modum, *Salomon potestatem prophetica legitime puniit Sacerdotem: Ergo Rex Iacobus potestatem regia, idem prestare potest*. Secundo sic, *Salomon potestatem regia legitime puniit Sacerdotem: Ergo Rex Iacobus idem prestare potest*. In priori forma negatur consequentia in posteriori, antecedens. Nec à Rege Angliæ vnquam probari poterit.

VI. Obiectio, ex facto Iosia Regis.

44. **S**exta obiectio est hæc. Qui librum legis è tenebris erupit, populo recitari facit, & fœdus inter Deum populumque redintegrat, habet primatum Ecclesiæ: Vtrumque fecit Rex Iosias, 4. Reg. 22. & 23. Ergo habuit Primatum Ecclesiæ. Hoc argumentum urget Sacellanus Regis in hunc modum: *Libro recepto, indicit Rex conuentum, in eo iubet recitari librum, recitato fœdus novum iniri cum Domino, populum quoque ad fœdus adiuvant. Tum precipit ipsi Pontifici, reliquisque secundio-dinis Sacerdotibus, ut eiciant è templo atque exurant vasa omnia, quæ Baal sacra fuerant, ut excelsa demoliantur. Mandavit post de Pascha novo faciendo denique de religione tota in integrum reformanda.*

45. Multæ sunt partes huius argumenti. Prima, quod Rex, reperto libro legis Mosaicæ, convocavit populum, ut cum illi prælegeret. Fateor, Sed Helcias Pontifex, qui librum receperat, eo sine miserat Regi, ut id faceret. Secunda, quod Rex iussit recitari librum Legis. Etto. Etiam fœminæ apud aduersarios legunt Biblia, aut ab ancillis recitari iubent. Tertia, quod recitato libro fœdus novum inierit cum Deo, id est, quod promiserit Deo, se velle custodire omnia præcepta, quæ scripta erant in libro Legis. An non cuilibet, etiam privato homini, hoc licitum est? Optimum sanè singulos Christianos ita affectos esse, ut inito cum Deo fœdere, promitterent, se legem seruaturus. Quarta, quod populum hortatus sit, ut idem præstaret. At hoc non soli Regi sed cuilibet concionatori licitum est apud suos auditores. Nisi quod aduersarij dicant, Legem seruatu impossibilem esse. In quo multum discrepant à Iosia, quem tantopere laudant. Quinta, quod præceperit Pontifici & Sacerdotibus secundi ordinis, ut proicerent de templo Dei omnia vasa, quæ facta fuerant Baal, & aliis falsis Diis. Merito sanè, quia hoc ad illos pertinebat. Nec tam præcepit, quàm eos officij sui cominonuit. Sexta, quod mandauerit Pascha celebrari, quod diu fuerat intermissum. At à Deo præceptum erat, ut celebraretur. Poserat ergo Rex urgere executionem. Septima, quod

A totam religionem iussit in integrum reformari. Bonum factum. Nec tamen iudicium de reformatione: sed executio ad Regem pertinebat, iudicio reuerato Sacerdotibus.

VII. Obiectio, ex facto Ezechie Regis.

46. **S**eptima obiectio, Ezechias Rex confregit serpentem æneum, quannus & deserto Dei mandatum erectionem, & Christum Dominum suo modo figurantem, 4. Reg. 18. 4. Ergo tenuit Primatum in Ecclesiâ. Hic duo dicenda sunt. 1. Ex qua causa vel occasione id fecerit Ezechias. 2. Qua autoritate fecerit. De priori, sic res habet. Serpens æneus ab initio in bonum vsu erectus, fuit mandato Dei iuxta illud Num. 21. 8. *Locutus est Dominus ad Moysen: Fac serpentem æneum, & pono eum pro signo: qui percussus aspexerit eum, viuet. Fecit ergo Moyses serpentem æneum, & posuit eum pro signo: quem cum percussus aspicerent, sanabantur.* At postea progressu temporis, abiit in abusum, quia filij Israel adolebant ei incensum, ut habetur 4. Reg. 18. 4. idque propterea, quod meminissent, olim ex solo illius aspectu sanatos fuisse, quotquot à serpentibus morfi erant in deserto: & putarent, se tunc quoque præsidij aliquid ab eo sperare posse. Hinc abusum volens tollere ezechias, non alia via commodius id facere potuit quàm serpentem ipsum, qui erat occasio idololatricæ, tollendo & confringendo. At qua autoritate id fecit? Non alia, quàm diuina. Deus enim per solam Regis, sed cuilibet in populo mandauerat, ut auferrent omnem cultum idololatricæ, Deut. 7. 5. *Aras eorum subuertite & confringite statuas, Lucosque necidite, & sculptra comburite, quia populus sanctus es Domino Deo tuo.* Quid ergo mysterij hic est, quod Ezechias confregit serpentem æneum, quod cuilibet alius facere potuisset?

47. *Dices*: Serpens æneus, & Dei mandato factus erat & Christum figurabat. Quid tum? Si ideo aliis non licuit, eum confringere, cur Regi licuit? aut si Regi licuit cur aliis non item? Nusquam legimus: Regi peculiare quid concessum fuisse circa serpentem, quod aliis similiter concessum non sit. ut quid dicemus de arca Noë, Nōne, & mandato Dei facta fuit, & Christi Ecclesiam figuravit? Omnino. An ideo soli Regi permissum fuit, illam dissolvere, post peractum diluuium? Nemo dixerit.

VIII. Obiectio, sumpta ex titulis Regum veteris Testamenti.

48. **R**ex Angliæ, sicut hætenus ex facto Regum veteris Testamenti conatus est astruere Primatum suum in Ecclesiâ, ita nunc ad titulos eorum conuertitur. Sunt autem hi. 1. Reges vocantur *Filij Altissimi*, 2. *Dij*, 3. *Viri Domini*, 4. *intellio, Dei sedentes*, 5. *Famuli Dei*, 6. *Angeli Dei*, 7. *Facti iuxta cor Dei*, 8. *Lumina Israelis*, 9. *Nutriti Ecclesiæ*. Ergo habent Primatum in ecclesiâ.

49. Videamus, quid lateat in his titulis. Primus est, Reges, inquit, vocantur *filij Altissimi*, iuxta illud, 2. Reg. 7. 14. *Ergo ero ei (Salomon) in Patrem, & ipse erit mihi in filium.* Sed quæro, an non omnes pij ac fideles sunt filij Dei, qui ex Christi institutione dicunt, *Pater noster, qui es in calis*, An non de omnibus pijs ac fidelibus intelligendum sit aliud 1. Ioan. 3. 1. *Videte, qualem charitatem dedit nobis Pater, ut filij Dei nominemur & simus.* Nihil dubito. Cur ergo Rex Angliæ hunc titulum

quem Christus & Apostoli volunt omnibus bonis communem esse, solis Regibus arrogare vult? Et Sacellanus, qui tantopere fauet suo Regi, an se filium Dei esse non putat? An in tota Anglia, solum Regem eo privilegio gaudere censet? Nisi dicat, omnes quidem pios, sed Reges peculiari quodam modo filios Dei esse. Etiamne improbos? Si soli probi sunt, iam non sanè, quàm Reges, sed quàm probi, filij Dei sunt.

5. Secundus titulus; Reges vocantur *Dij* Psal. 81. 6. *Ergo dixi Dij estis.* Et Exod. 22. 8. *Si inuenitur fur, duplum reddet, si latet fur, Dominus domus applicabitur ad Deum.* Mira res, solent aduersarij grauitè accusare Catholicos, quod Pontificem Romanum appellent Deum. Et ipsi suos Reges impudè appellari sic volunt. Imò sacre Scripturæ testimoniis abutuntur. Nam illud, *Ego dixi, dij estis*, non de solis Regibus, sed de Prophetis quoque intelligendum esse, disertè explicat Christus Ioan. 10. 14. cum ait: *Nōne scriptum est in lege vestra, quia ego dixi, dij estis? Si illos dixit deos, ad quos serui, dei factus est, &c.* Similiter illud *dominus domus applicabitur ad deos*, non de Regibus, qui tunc nulli erant, sed de iudicibus intelligendum esse, quis nescit? Si ergo non soli Reges, sed etiam alij vocari possunt *Dij*, quid est, quod ex hoc titulo colligit Rex Angliæ, Reges, & non alios, esse Primates Ecclesiæ?

51. Tertius titulus: Reges vocantur Christi, seu vincti Domini, 1. Reg. 14. 11. *Non extendam manum meam in dominum meum, quia Christus domini est.* Fateor, At non soli Reges, sed etiam sacerdotes in veteri Testamento vngentur: et quanquam hoc neget Sacellanus Regis, ita tamen clarum est, vt negari, nisi impudenter, non possit. Testimonia Scripturæ passim obuia sunt. Exodi 29. 7. *Oleum vntionis fundes, super caput eius, a quo hoc ritum consecrabitur.* Et Leuit. 4. 3. *Si Sacerdos, qui vntus est, peccauerit.* Et Leuit. 8. 12. *Fundens oleum super caput Aaron, vnxit eum & consecrauit.* Et Num. 3. 3. *Hæc nomina filiorum Aaron Sacerdotum, qui vnti sunt, & quorum consecrata manus, vt sacerdotio fungerentur.* Et 2. Machab. 1. 10. *Qui est de genere Christorum Sacerdotum.* Imò etiam Prophetæ vngentur, 3. Reg. 19. 16. *Iohu filium. Nam si vnges Regem super Israhel: Eliseum autem Saphat, vnges Prophetam pro te.* Hinc ita concludo: Vtrique, et in Sacerdotes, quàm Reges, in veteri Testamento, vocabantur *vnti domini*: ergo si solus ille titulus ipectetur, vel vtrique, vel neutri habebant Primatum in Ecclesiæ. Si vtrique, cur de Sacerdotibus negat Rex Angliæ? Si neutri, cur de Regibus affirmat? Addo, vel sermo est de externa vntione, vel de interna. Si de externa, communis ea fuit Regibus, Sacerdotibus & Prophetis, vt dictum est. Si de interna, nemo fidelium excluditur. Omnes vnti sunt, 2. Cor. 1. 21. *Qui vnxit nos deus,* Et 1. Ioan. 2. 20. *Vos vntionem habetis à Sancto.*

52. Quartus titulus, Reges dicuntur in solio Dei sedere, 2. Paral. 9. 8. *Sic dominus deus tuus benedictus, qui voluit te ordinare super thronum suum, Regem domini dei tui.* Sed constat, dup. ex esse regnum: vnum terrenum, alterum spirituale. Duo igitur solia, duo throni, distinguendi sunt. Reges sedent in solo regni terreni: episcopi in solio Ecclesiæ: quod est regnum spirituale. Act. 10. 28. *Attendite vobis & vniuerso gregi, in quo vos Spiritus S. posuit Episcopos, regere Ecclesiam dei.* Nec Regibus, sed Apostolis dictum est à Christo. Matth. 19. 28. *Cum sederit Filius hominis in sede maiestatis sue, sedebitis & vos super sedes duodecim iudicantes duodecim tribus Israel.* an, Apostoli Regum iudices erunt, non Reges Apostolorum.

53. Quintus titulus, Reges vocantur *Serui dei*. 2. Paral. 6. 15. *Quia prastitisti seruo tuo dauid, patri meo, quacunque locutus fueras ei.* Ita est. Sed an soli Reges sunt serui Dei. An non etiam Apostoli & Episcopi? Act.

A 4. 29. *Et nunc domine, da seruis tuis cum omni fiducia loqui verbum tuum,* Act. 16. 17. *Isti homines serui dei excelsi sunt, qui annunciant vobis viam salutis.* Rom. 1. 1. *Paulus seruus Iesu Christi.* An non omnes pij Christiani Rom. 6. 22. *Nunc autem liberati à peccato, serui autem facti deo.* Occurrit Sacellanus, omnes quidem pios ac fideles vocari seruos Dei, sed tamen Regibus per quandam eminentiam conuenire hunc titulum auidio. Sed in quo consistit hæc eminentia? An quia Reges sunt magis pij, quàm ceteri fideles? An non semper id verum est? An quia seruiunt Deo in altiori gradu, quàm ceteri? Hoc ipsum est in questione. Ego contendō, Apostolos & Episcopos seruire in altiori gradu. Seruiunt Deo, in regno Christi, quod non est de hoc Mundo, Sunt dispensatores mysteriorum dei, 1. Cor. 4. 1. et quod amplius est, sunt adiutores Dei, 1. Cor. 3. 9. Imò sunt *Pares* seu *genitores* filiorum Dei. 2. Cor. 4. 15. Sunt *fundamenta*, supra quæ reliqui ædificati sunt Ephes. 2. 20. Deinde, si plura expetantur, sunt supra conditionem seruatorum Dei, Ioan. 15. 14. *Iam non dicam vos seruos, quia seruus nescis, quid faciat dominus eius: vos autem dixi amicos, quia omnia, quacunque audiuimus à Patre meo, nota feci vobis.*

54. Sextus titulus; Reges vocantur *Angeli Dei*, 2. Reg. 14. 20. *Tu autem domine, mi Rex, sapiens es, sicut habet sapientiam Angelus dei, vt intelligas omnia super terram.* Sed quid hinc colligi potest? Non aliud, quàm ex omnibus Iudæorum Regibus, solum Dauidem vocatum fuisse Angelum Dei, idque à muliere, non ob regiam potestatem, sed ob singularem sapientiam, qua erat præditus. Quid si ego plus adferam pro Sacerdotibus? Non de vno tantum, sed de omnibus dictum est illud Malach. 2. 7. *Labia Sacerdotis custodiens scientiam, & legem requirent ex ore eius, quia Angelus domini exercituum est.* Nunc expendamus, vter rectius concludat, Rex Angliæ, an ego. Regis illatio est hæc: Dauid habuit tantum sapientiam, vt Angelo similis esse videretur: Ergo omnes Reges sunt tales: quisque igitur Rex in suo regno Primatum Ecclesiæ tenet. Ineptè. Hæc autem mea est: Omnes Sacerdotes summi in veteri Test. vocati sunt Angeli Dei, quia Dei voluntatem certò & infalibiliter aliis annuntiabunt, quod non poterant Reges: Ergo Sacerdotes in rebus ad Deum pertinentibus erant supra Reges.

55. Septimus titulus; Reges dicuntur facti iuxta cor Dei, 1. Reg. 13. 14. *Quia fuit Dominus sibi virum iuxta cor suum.* Esto hoc. Quid cum? An quia Dauid Rex fuit iuxta cor Dei, omnes Reges tales sunt? Imò, contra res habet. Saul Rex, quia non erat vir secundum cor Dei, à regno exclusus est: Dauid autem, quia erat talis, Sauli subrogatus. Sic enim loquitur Scriptura: *Dixit Samuel ad Saul: Stulte egisti, nec custodisti mandata Domini Dei tui, quæ præcepit tibi. Quod si non fecisses, iam nunc præparasset Dominus regnum tuum super Israel in sempiternum: sed nequaquam regnum tuum ultra confurget.* Quæ fuit Dominus sibi virum iuxta cor suum, vt esset Dux super populum suum. Nec vllius momenti est distinctio Sacellani, cum ait, Regem dupliciter dici posse iuxta cor Dei, 1. quoad personam Regis. 2. quoad officium seu magistratum. Omnes Reges, etiam malos, licet priori modo non sint iuxta cor Dei, posteriori tamen esse. Sed, si hoc sufficit, omnes etiam Sacerdotes & Episcopi sunt secundum cor Dei. Imò magis, quàm Reges. Nam Deus veteri Testamento sponte, & ex proprio beneplacito constituit magistratum sacerdotalem: regium autem, non nisi ex importuna Iudæorum postulatione concessit, vt habetur 1. Reg. 8. 5. Igitur Sacerdotum magistratus magis fuit secundum cor Dei quàm regum.

56. Octauus Titulus: Reges vocantur *Lucerna Israhel* 2. Reg. 21. 17. *Tunc iurauerunt viri Dauid dicentes.*

Iam non credideris nobiscum in bellum, ne extinguas lucernam Israel; Fateor. Sed etiam Apostoli vocantur à Christo *Lux Mundi*, Matth. 5. 14. Et Episcopi septem Ecclesiarum Asiæ vocantur *septem stelle*: Apoc. 1. 20. Si ergo Reges idèò habent Primatum in ecclesia, quia appellantur *Lucerna*: cur non similiter Apostoli & Episcopi habeant Primatum, cum appellantur *Stella & lux mundi*? Non enim hic titulus minor est, quàm ille. Hinc formo tale dilemma: Hæc propositio: *Qui vocatur Lucerna, Lux, Stella, habet Primatum Ecclesie*: vel vera, vel falsa est. Si vera, sequitur. Apostolos & episcopos habere Primatum Ecclesie, quod Rex Angliæ negat si falsa sequitur, Regem Angliæ ex falso fundamento procedere.

37. Non institutus: Reges vocantur *Nutricij Ecclesie* Isa. 49. 23. *Et erunt Reges nutricij tui, & Regina nutrix tua* Sed adde quod sequitur: *Vultu in terra dimisso adoravimus te, & pulverem pedum tuorum lingent.* Loquitur Propheta de futura Christi ecclesia; & dicit, fore aliquando tempus, quando reges & reginæ Gentiles convertentur ad fidem Christi, & sic magno incremento augebunt Ecclesiam, eamque tanquam sponsam Christi venerabuntur. At hinc non efficitur reges & reginas fore primates Ecclesie, sed potius filios & subiectos. Et lanè, si vim faciamus in voce *Nutritus*, quis magis nutrit Ecclesiam Christi quàm Apostoli & eorum successores, qui per uniuersum orbem prædicarunt euangelium, & omnes gentes, cum suis regibus & reginis, Ecclesie Christi aggregarunt.

38. Hactenus de titulis. ex quibus sic concludo: Apostoli & Episcopi non habent minores titulos, quàm Reges: imò sæpe maiores: si ergo ex titulis debeat colligi Primatus Ecclesie, non minus Apostoli & Episcopi, quàm Reges, erunt primates in Ecclesia; imò multò magis. Vtrumque ostendo inductione 3. Reges vocantur *filij Altissimi*. Non minus Apostoli 2. Reges vocantur *Dij*. Etiam Sacerdotes & iudices Ecclesiastici. 3. Reges unguntur. Etiam sacerdotes. 4. Reges sedent in solio terreno: At Apostoli & Episcopi in celesti. 5. Reges sunt *serui Dei*: At Apostoli iam non *serui*, sed *amici*. 6. Reges sunt *Angeli Dei*. Nec minus Sacerdotes, imò toti generi Sacerdotum id conuenit; non toti Regum 7. Reges sunt *inimici* Dei. Multò magis Sacerdotes & Apostoli. 8. Reges sunt *lucerna Israelis*. At Apostoli *lux mundi*. 9. Reges sunt *nutricij Ecclesie*. At Apostoli *Patres* nutritiorum.

Conclusio totius capitis.

39. Hoc capite ostensum est nullum extare idis diuinum veteris Testamenti pro Primatu Regum: extare tamen pro Primatu Sacerdotum. Nec aduersarios ullum ius pro se hactenus allegasse, sed ex solis Regum factis & titulis argumentatos esse. Hanc autem argumentandi rationem non solum infirmam esse, sed etiam magis nobis, quàm ipsis patrocinari. Hæsi autem diutius in hoc capite, quia si semel probatum sit, ex veteri Testamento nihil adferri posse pro Primatu Regis consequenter ostensum erit, Reges nullo modo esse Primates Ecclesie. Nam Sacellanus Regis Angliæ fatetur, fundamentum illius Primatus in solo veteri Testamento quæri oportere: & nullum illius in nouo vestigium aut exemplum existere. Nihilominus tamen, vt seruemus ordinem superius assignatum, etiam de nouo Testamento aliquid dicendum est.

Commentarius.

1. Circa hoc caput, quod in hac questione præcipuum est, duo potissimum facis Toxere, Primo, quædam inepta ac futilia in medium adfers. Hæc lubens præteribo. Secundo, contendis mecum de quibusdam Scripturæ testimoniis, quæ ex veteri Testamento desumpta sunt. In his discutiendis, quia verè ad rem faciunt, aliquantisper immorandum est. Nec sine fructu, vt spero.

1. Testimonium scripturæ discutitur.

2. Igitur primam testimonium habetur Deutero. 17. 14. his verbis: *Cum ingressus fueris terram, quam Dominus Deus tuus dabit tibi, & possederis eam, & dixeris, Constituam super nos Regem, sicut habent omnes per circuitum nationes; eum constitues, quem Dominus Deus tuus elegerit de numero fratrum tuorum. Non poteris alterius gentis hominem regem facere, qui non sit frater tuus. Cumque fueris constitutus, non multiplicabis sibi equos, nec reducet populum in Ægyptum, equis autem non subleuatus, præsertim cum Dominus præceperit vobis, vt nequaquam amplius per eandem viam reuertamini. Non habebis uxores plurimas, quæ alligant animum eius, neque argenti & auri immensa pondera. Postquam autem sederis in solio regni sui, describet sibi Deuteronomium legis huius in volumine, accipiens exemplar à Sacerdotibus Leuitica tribus, & habebit secum, legeque illud omnibus diebus vite sue, vt discat timere Dominum Deum suum, & custodire verba & ceremonias eius, quæ in lege præcepta sunt. Nec eleuetur cor eius in superbiam super fratres suos, neque declinet in partem dextram vel sinistram, vt longè tempore regnet ipse, & filius eius super Israël.*

3. Ex hoc testimonio sic argumentatus sum: Quid? quid de Regis electione, officio & potestate, statutum est iure diuino veteris Testamenti, hoc continetur in his verbis Deuteronomij, quæ iam citata sunt: sed in illis nihil habetur de Primatu Regis in rebus Ecclesiasticis: Ergo Primatus Regis in rebus Ecclesiasticis non funditur in iure diuino veteris Testamenti.

4. Quid tu hic Toxere? Negas maiorem & minorem. Maiorem, quia multa, inquis, statuta sunt iure diuino veteris Testamenti circa Regem, quæ non habentur in illis verbis Deuteronomij, vt v. g. de vñctione, inauguratione, & diuinatione Regis. Audi, mi homo. Non dixi, omnia uniuersè, quæ statuta sunt circa Regem, haberi in illis verbis Deuteronomij; sed omnia quæ pertinent ad electionem, potestatem & officium Regis. Vñctio & inauguratio ab iis distincta sunt, igitur hæc propositio negari poterat, si à me fuisset proposita: *Quicquid de Regis electione, vñctione, inauguratione, potestate & officio, statutum est iure diuino veteris Testamenti, hoc habetur in cap. 17. Deuteron.* Hæc autem non potest negari: *Quicquid de Regis electione, officio & potestate statutum est iure diuino veteris Testamenti, hoc habetur in cap. 17. Deuteron.* Nec ad eam elidendam valet instantia de vñctione & inauguratione.

5. Quod addis de diuinatione, sumpsisti ex illo Prouer. cap. 16. 10. *Diuinitas in labijs Regis; in iudicio non errabis os eius.* Sed non video, quod ad rem faciat. Primo, quia nos hic agimus de iis, quæ iure diuino

Statuta sunt in veteri Testamento, & querimus, an inter ea debeat recenseri Primatus Regis in ecclesia? At non omnia, quæ habentur in proverbiis, statuta sunt iure divino veteris Testamenti. Aliud est hoc aut illud haberi in verbo Dei; aliud, hoc aut illud statutum esse iure divino. Quæ tu confundis Tookere. Secundò, quia magni authores interpretantur illum locum quem citasti ex Proverbiis, de sola Christo, qui est Rex Regum, non de aliis Regibus. Nec sine causa. Nam Christus nunquam errat in iudicio, alij sæpe errant. Tertiò, quia ceteri, qui eundem locum interpretantur de aliis regibus non intelligunt de iudicio regum in rebus Ecclesiasticis, sed solum in civilibus: neque de quovis Rege in particulari, sed tantum de aliquibus. Quo pacto Salomon non erravit in iudicio circa filium meretricis; nec Daniel in iudicio circa Susannam. An tu putas, Salomon & Daniel omnes similes esse? Veinam id quidem sit.

6. Negas etiam minorem. Negas, inquam, in isto capite Deuteronomij, nihil haberi de Primatu regis. Dic ergo in quibus verbis vel apicibus habetur aliquid de Primatu? In istis, inquis: *Describes sibi Rex Deuteronomium legis huius in volumine, accipiens exemplar à Sacerdotibus Leviticis tribus, & habebis secum, legetque illud omnibus de ebus vite sue, ut discat timere Dominum suum, & custodire verba & ceremonias eius, quæ in lege præcepta sunt.* Sed primum quero, An Rex Angliæ putet, hæc verba ad se pertinere: necne? Si ad illum non pertinent, quomodo primatus eius probari inde poterit? Si pertinent, cur non servat, quæ in his præcepta sunt? Non enim custodit ceremonias & iudicia, quæ in Deuteronomio præscribuntur de agno paschali, de ciborum delectu, de libello repudiij, de stupro, adulterio, & infanticidio, suspendio, de aliis sexcentis.

7. Dices: forte, non opus esse, ut Rex Angliæ servet omnia simpliciter, quæ in Deuteronomio scripta sunt, sed ut servet præcepta Decalogi. Nam reliqua præcepta ceremonialia, & iudicialia abrogata sunt. Esto sanè. Sed quid inde colligis pro Primatu? An ex eo, quia Rex servare debet præcepta Decalogi, probare vis. Regem in ecclesia Primatum obtinere? Valdè erras. Etiam alij, qui reges non sunt, servare ea debent, nec idè in Ecclesia Primatum habent. At, inquires, hoc Regi præ aliis peculiare est, quod non solum ipse servare ea debeat, sed & operam dare, ut subditi ea servant. Primum nego, hoc illi peculiare esse. Etiam parentes curare debent, ut Decalogus servetur à domesticis. Deinde, sit illi peculiare. Nondum probatum est, Sacerdotes & episcopos, in rebus Ecclesiasticis, subditos Regi esse. Nec facilè id probaturus es.

II. Testimonium discutitur.

8. Secundum testimonium habetur in eodem cap. Deut. v. 8. hic verbis. *Si difficile & ambiguum, apud te iudicium esse perspexeris inter sanguinem & sanguinem, causam & causam, lepram, & lepram, & iudicium intra portas tuas videris verba variari: surge, & ascende ad locum, quem elegerit Dominus Deus tuus. Veniesque ad Sacerdotes Levitici generis, & ad Iudicem, qui fuerit illo tempore: quæresque ab eis qui indicabunt tibi iudicij veritatem. Et facies, quo tempore dixeris, qui præsum loco quem elegerit Dominus, & duceris te iuxta legem eius; sequerisque sententiam eorum, nec declinabis ad dexteram, neque ad sinistram. Qui autem in peccatis fuerit, non erit obedire Sacerdotis imperio, qui eodem tempore ministrat Domino Deo tuo, & decreto Iudicis, morietur homo ille, & auferes malum de Israël.*

9. Circa hoc testimonium tria notavi. 1. Quid sensum sit de controuersis legalibus, quæ difficultatem habent, & in utramque partem ab inferioribus iudicibus trahuntur. 2. Quod huiusmodi controuersie ad summum Sacerdotem, tanquam ad legitimum iudicem deferendæ sint. 3. Quod sub pœna mortis oporteat acquiescere sententiæ sacerdotis.

10. Hinc dupliciter argumentatus sum. Primò sic: Ille censetur habere Primatum Ecclesiæ, qui in rebus ad legem diuinam & eius interpretationem pertinentibus constitutus est supremus iudex in terris cui oportet obedire: Atqui non Rex, sed Sacerdos constitutus est talis Iudex à Deo: Ergo non Rex, sed Sacerdos habet Primatum Ecclesiæ. Secundò sic: Si Rex esset supra Sacerdotem in causis Ecclesiasticis, non opus esset stare iudicio Sacerdotis, sed liceret ad Regem, tanquam ad superiorem Iudicem prouocare. At hoc non licet. Non ergo Rex, sed Sacerdos est supremus Iudex in controuersis legalibus à Deo constitutus.

11. Hic vertis te in omnem partem, Tookere. Ac tria potissimum dicis. Primò, in testimonio Deuteronomij citato latam esse legem à Deo, quia iubentur subditi in rebus ambiguis ire ad summum Sacerdotem, & illius iudicio acquiescere, seclusa omni prouocatione ad Regem. Hoc pro me facit. Secundò, legem illam esse iudicalem, ac proinde abrogatam. Hic te iugulas. Nam si concedas, in veteri Testamento fuisse talem Legem à Deo latam (etiam si iam abrogata sit) necessario debes concedere, Sacerdotem in veteri Testamento fuisse supremum iudicem in causis legalibus, cui omne debuerint obedire: Et quod inde sequitur, Sacerdotem in veteri Testamento habuisse Primatum Ecclesiæ. At hoc ipsum est, quod contendimus. Quid ergo præsidij habes ex veteri Testamento pro Primatu Regis? Nihil sanè.

12. Tertiò dicis, etiam si Lex illa non esset abrogata, sed adhuc vigeret, non tamen obscuram Primatum Regis: Non enim latam esse pro solo Sacerdote, sed simul pro Sacerdote ac Iudice. Itaque ex illa lege non confirmari auctoritatem solius Sacerdotis, sed auctoritatem duarum personarum coniunctam, nempe Sacerdotis & Iudicis: et per Iudicem intelligi Regem. Audi Tookere. Dabo tibi, quod vis, legem illam latam esse pro duabus personis, id est, pro Sacerdote & Iudice. Sed primum vnde probas, per Iudicem intelligi Regem? Textus loquitur de Sacerdote & Iudice, qui habitaturi erant in eo loco, quem elegeret Dominus Deus, id est, in loco in quo futurum erat Tabernaculum vel Templum Domini. At Rex non semper habitabat in eo loco, ubi erat Tabernaculum: Ergo per Iudicem habitantem in eo loco non intelligitur Rex.

13. Sed etiam hoc dabo tibi, per Iudicem intelligi Regem, ac proinde legem illam Deuteronomio coniunctam latam esse pro Sacerdote & Rege. Sed quo sensu hoc intelligis? Video quatuor modis intelligi posse. Primò, ut uterque per modum vnius fuerit Iudex in quacunque controuersia, tam Ecclesiastica, quam civilis, nec Rex sine Sacerdote, nec Sacerdos sine Rege, potuerit sententiam ferre. Secundò, ut Sacerdos seorsim fuerit supremus Iudex in ecclesiasticis, & rex seorsim in civilibus. Tertiò, ut solus Sacerdos fuerit supremus Iudex in omnibus, tam civilibus, quam Ecclesiasticis: cui tamen Rex fuerit subordinatus. Quartò, ut solus Rex fuerit supremus Iudex in omnibus cui Sacerdos fuerit subordinatus.

14. Primus sensus nec verus est, nec tibi patrocina-
tur. Non enim verum est, Regem & Sacerdotem, per modum vnius Iudicis debuisse coniunctim de quacunque controuersia sententiam ferre. Hoc patet ex ipso
textu

recta, qui sic habet: *Si difficile & ambiguum apud te iudicium esse perpexeris inter sanguinem & sanguinem, causam & causam, leproam & leproam.* Vbi illa particula, *inter causam & causam*, communis est & extendi potest, tam ad causam ecclesiasticam, quam civilem. Illa verò, *inter sanguinem & sanguinem*, significat causam civilem: illa denique, *inter leproam & leproam*, denotat causam ecclesiasticam, ad solos Sacerdotes iudicandam de lepra: vt expresse habetur in *Leuit. cap. 13. & 14.* per totum. Vnde Christus in Euangelio non misit leprosum ad Regem, sed ad solum Sacerdotem. *Vade, inquit, ostende Sacerdoti.* *Matth. 8. 4.* Hinc infero, in controuersia de lepra, non fuisse duos Iudices per modum vnus, sed solum Sacerdotem fuisse Iudicem sine Rege. Falsum ergo est, legem Deuteronomij latam esse à Sacerdote & rege coniunctim, per modum vnus. Sed etiam si lata sic effect, non faceret pro te *Too kere*. Nam inde sequeretur, Primum ecclesie in veteri Testamento non pertinuisse ad solum Regem quod tu contendis; sed coniunctim ad Regem & Sacerdotem, quod tu minime vis.

15. Secundus sensus omnino contra te est. Afferit enim in veteri Testamento fuisse duos supremos Iudices, alterum in controuersis Ecclesiasticis, nempe Pontificem, alterum in civilibus, nempe Regem aut Vicarium illius. Vbi ergo Primatus Regis in ecclesiasticis? ac hoc fenis videtur hanc legem Deuteronomij, de qua agimus, interpretatus esse Iosaphat Rex, 1. Par. 19. 11. cum dixit, *Amarias Sacerdos & Pontifex vester, in his, que ad Deum pertinent, præsides.* Porro Zabadias filius Ismael, qui est Dux in domo Iuda, super ea opera eris, quia ad Regis officium pertinent. De quibus verbis paulo post iterum dicemus.

16. Tertius sensus non minus contra te facit. Ed asseritur, in veteri Testamento solum Sacerdotem fuisse supremum Iudicem controuersiarum: Regem autem fuisse illi subordinatum, tanquam executorem. Hoc tu non vis. Alij tamen volunt, præsertim illi, qui sic legunt textum: *Qui autem superbiuerit, nolens obedire Sacerdoti imperio, ex decreto iudicis morietur.* Vbi illa particula, *nolens obedire Sacerdoti imperio*, significat, Sacerdotem fuisse supremum Iudicem cuius imperio erat obtemperandum. Illa verò, *ex decreto iudicis morietur*, denotat Regem vel Vicarium illius fuisse executorem sententia à Sacerdote lata. Et ita sentit Cardinalis Bellar. lib. 4. de Pontifice cap. 1.

17. Quartus sensus pro te quidem faceret, si verus esset, sed tamen verus non est. Afferit tamen in veteri Testamento solum Regem fuisse supremum Iudicem in omnibus controuersis, tam ecclesiasticis, quam civilibus, & Sacerdotem fuisse illi subordinatum. Quod sine dubio falsum est. Hoc primum patet ex illa pauca, *inter leproam & leproam.* Nam vt supra dixi, Rex in veteri Testamento non iudicabat de lepra: sed solus Sacerdos. Deinde ex illa particula, *Qui voluerit obedire Sacerdoti imperio morietur.* Quæ significat, ab Imperio & sententia Sacerdotis non licuisse prouocare ad alium Iudicem, ac proinde non fuisse alium Iudicem supra Sacerdotem, ex quibus omnibus concludo, testimonium Deuteronomij, de quo hæcenus actum est, nullo modo patrocinari Regibus, in quaestione de Primatu ecclesie, sed Sacerdotibus.

III. Testimonium discutitur.

18. Tertium testimonium habetur, 1. Paral. 19. 8. His verbis: *In Ierosalem quoque constituit Iosaphat Le-*
Opusc. Bec.

uitas & Sacerdotes Principes familiarem ex Israel, et iudicium & causam Domini iudicarent habitatores eius, Præceptumque est: *Quemque causam, qui veneris ad vos fratrum vestrorum, qui habitant in urbibus suis, ostenderit eis, et non presciterit in Dominum. Amarias autem Sacerdos & Pontifex vester in his, que ad Deum pertinent, præsides.* Porro Zabadias, filius Ismael, qui est Dux in domo Iuda, super ea opera eris, que ad Regis officium pertinent.

19. Hoc testimonium vos abutimini pro primatu Regis stabilendo, nos rectè vtitur ad eundem Primatum destruendum. Factus autem duo argumenta. Alterum est Iacobi Regis, in hunc modum: Quicumque constituit Leuitas & Sacerdotes in aliqua ciuitate, habet Primatum Ecclesie: Atqui Rex Iosaphat constituit Leuitas & Sacerdotes in Ierosalem: Ergo habuit Primatum ecclesie. Hoc argumentum supra à me solutum est. Dixi, tria spectari posse in Leuitis & Sacerdotibus veteris Testamenti. 1. Electionem seu designationem persone ad officium diuinum. 2. Consecrationem. 3. Applicationem ad exercitum in certo aliquo loco. Igitur Regem Iosaphat nec elegisse, nec consecrasset Leuitas & Sacerdotes (cum electio ad solum Deum, consecratio ad summum Pontificem pertinent) sed tantum applicasse ad exercitum in certo aliquo loco, id est, vocasse Leuitas & Sacerdotes, qui iam consecrati erant, vt ibi seruirent Deo in Ierosalem, qui prius ibi seruiuerant. Hinc autem non rectè colligi Primatum Ecclesie. Nam & nunc Principes Catholicos simile quid facere, quando aliunde vocant Iesuitas in suas ditiones, vt ibi conueniant, & alia officia diuina peragant; nec tamen ideo Primatum Ecclesie sibi arrogare. Hæc fuit mea solutio. Tu nihil contra eam adfers, Too kere, nisi quod displicet tibi exemplum Iesuitarum, quo solutionem illustraui. Si vnus fuisset exemplo predicantium, sine dubio nihil habuisses, quod opponeres.

20. Alterum argumentum à te prodit. Est autem huiusmodi. Iosaphat Rex constituit sibi duos Vicarios seu delegatos: vnum in rebus diuinis & Ecclesiasticis, nempe Amariam Pontificem, alterum in civilibus & temporalibus, nempe Zabadiam: ergo Iosaphat Rex habuit supremam iurisdictionem in vtriusque rebus, tam Ecclesiasticis, quam civilibus, quia in vtriusque habuit sub se vicarium seu delegatum. *Respondendo.* Antecedens falsum est. Primum, quia si Iosaphat habuisset sub se Pontificem, tanquam vicarium in Ecclesiasticis, sicut habuit sub se Zabadiam tanquam Vicarium in civilibus plane sequeretur, quod sicut in civilibus poterat omnia per se facere, quæ faciebat per Zabadiam, ac etiam in ecclesiasticis potuisset omnia per se facere, quæ faciebat per Pontificem: At hoc falsum est. Ergo & illud, ex quo sequitur. Maior per te nota est, quia quidquid facit aliquis per vicarium, qui committit seu delegat suas vires potest facere sine Vicario, non delegando illis suas vires sed sibi retinendo. Minor probatur, quia Iosaphat non poterat per se exercere vllum officium summi Sacerdotis seu Pontificis. Non enim poterat introire in sancta sanctorum, nec offerre sacrificium, nec leprosos expiare, & quæ similia sunt. Secundò, quia Vicarius, qui habet potestatem delegatam, ab eo habet cuius vicarius est: sed Pontifex in veteri Testamento non habebat suam potestatem à Rege, sed à Deo, mediante consecratione: ergo non erat Vicarius Regis. Maior patet ex ipsis terminis, quia habere potestatem delegatam, nihil aliud est, quam habere potestatem ab alio sibi concessam & demandatam. Minor constat ex ritu consecrandi Pontificem, Exodi 29.

21. Hæc sufficiant de vestris argumentis. Nos ex eodem Scripturae loco, multò fortius argumentamur

contra Primatum Regis; & quidem dupliciter. Primò sic: Qui præsides in iis omnibus, quæ ad Deum & ecclesiam pertinent, habet Primatum ecclesiæ: Atqui in veteri Testamento, non Rex, sed Pontifex præsidebat in iis omnibus, quæ ad Deum & ecclesiam pertinebant; Ergo in veteri Testamento non Rex, sed Pontifex habebat Primatum ecclesiæ. Nec est, quod obicias, Pontificem nomine Regis præsedisse. Hoc enim iam ante refutatum est.

22. Secundò sic: in veteri Testamento, Zabadias præsidebat in iis omnibus, quæ pertinebant ad officium Regis; at non præsidebat in rebus Ecclesiasticis. Ergo res ecclesiasticæ non pertinebant ad officium Regis. Maior & minor disertè habentur in textu. Conclusio legitimè sequitur. Vel sic. Quæcunque pertinebant ad officium Regis, commissa erant Zabadiæ: ac res ecclesiasticæ non erant illi commissæ: ergo non pertinebant ad officium Regis. at quis dubitet?

IV. Testimonium discutitur.

23. Quantum testimonium habetur, 2. Reg. 5. 6. his verbis: *Et abiit Rex, & omnes viri; qui erant cum eo in Ierusalem, ad Iebusæum habitatorem terræ, dictumque est David ab eis: Non ingredieris huc, nisi abstuleris cecos & claudos, dicentes: Non ingredietur David huc.*

24. Ex hoc loco conatus est Sacellanus confirmare Primatum Regis in hunc modum; Ad Davidem Regem spectabat, cecos & claudos è templo tollere. Ergo ad eum spectabat, omnes abusus & corruptelas tollere. Ergo habebat Primatum ecclesiæ. Sed iam supra dixi, nec priorem nec posteriorem consequentiam legitimam esse. Tu tamen, Tookere, utramque legitimam esse vis. Itaque tecum agendum mihi iam est. Et quia tota lis pendet ex vero sensu illorum verborum. *Non ingredieris huc, nisi abstuleris cecos & claudos.* Primò discutiendum est, quid cecorum & claudorum nomine intelligi debeat? Vel, quod idem est, an illa verba propriè, an metaphoricè intelligenda sint?

25. Tu, cum Sacellano, (quem episcopum alienum vocas) metaphoricè interpretatus es. Nec tamè in explicanda metaphora, cum illo consentis. Nam ille, per claudos & cecos, generatim intelligit omnes abusus & corruptelas quæ possunt esse in ecclesia. Omnes enim, ut ipse ait, oriri solent, *vel ex infirmitate, quod cæci sint homines, vel ex incuria, quod in officio claudum dicunt.* Tu non omnes, sed aliquas tantum corruptelas intelligi putas; ac eas potissimum, quæ sunt in ministris ecclesiæ. Et in eum sensum citat illud ex Levitico. *Cæcus & claudus non ingredietur in templum Domini, ut obeat ministerium.* Sacellanus sic argumentatur: Illius est tollere omnes abusus, cuius est tollere cecos & claudos, cum hæc duo idem sint (nisi quod alterum propriè, alterum metaphoricè intelligi debeat.) Atqui Davidis erat tollere claudos & cecos: Ergo illius erat tollere omnes abusus. Tu aliter, in hunc modum: Illius est tollere omnes abusus, cuius est tollere aliquos, cum omnium sit eadem ratio: Atqui Davidis erat tollere aliquos: ergo illius erat tollere omnes.

26. Dicam, Tookere. Ambo cæci & claudi estis; tu & Sacellanus. Cæci in explicanda Scriptura; claudi in argumentando Testimonium Scripturæ, quod citatum est, non metaphoricè de abusus, sed propriè de hominibus verè cæcis & claudis, ad litteram in-

telligendum est. Hæc primò constat ex re gestâ, quæ sic habet: David Rex obsidebat Ierusalem & arcem Sion, in qua habitabant Iebusæi, qui ab obitu Iosue vsque ad id tempus expelli inde non potuerant, propter loci firmitatem ac munitionem. Quare Iebusæi, quod putarent se inexpugnabiles esse, irridebant conatum Davidis, & per contemptum ponebāt aliquot cecos & claudos in mœnibus, qui acclamabant Davidi: *Non ingredieris huc.* Quo facto significabant, non alio, quam cecorum & claudorum præsidio se egere ad urbem suam, contra tantum Davidis exercitum, propugnandam ac conservandam.

27. De qua re ita scribit Ioseph. libr. 7. antiq. Iudaic. c. 2. *David cum omnibus his copiis Hierosolyma est profectus, Iebusæi vero, qui cum urbem incolebant, Chananeorum & ipsi generis, clausi ad eius adventum poris, & in mœnibus quotquot erant cæci vel claudi, aut alioqui mutili, in contemptum Regis collocatis, distabant hos ad arcendum hostem sufficere, freti munitionum firmitate. Quod ludibrio ad iram concitatus, oppugnationem aggreditur, & cum strenua militum opera uteretur, omnibus adstantibus, ut unius viri bis expugnatione, ceteris, si qui similiter pertinaces essent, metus incuteretur, vi inferiorem urbem partem occupat. Resistente autem sola arca decrevit propositis honoribus ac premiis, militem ad rem alacriter gerendam excitare: promissit, quæ ei, qui per subiectam vallem in arcem evasisset, totius exercitus imperium se commissurum: & cum eo certatim omnes emiterentur, cupiditate summa præfectura accensi, Sarnia filius Joab, alias prævenit, & conscensa arce, clamore sublato, à Rege promissum copiarum imperium poposcit. Simile habent alij, ut Theodoretus quæst. 16. 17. Abulens. q. 7. Glossa interlinearis, Lyranus, &c.*

18. Hinc patet, nomen cecorum & claudorum non metaphoricè pro abusus, sed propriè pro verè cæcis & claudis accipi oportere. Quod etiam confirmant illa verba, quæ sequuntur in textu sacro: *Proposuerat David in die illa premium, qui percussisset Iebusæum, & terigisset domum fistulas, & abstulisset cecos & claudos odientes animam David.* Vbi illa particula *odientes animam David*, non potest aliter intelligi, quam quod cæci & claudi, qui stabant in mœnibus, essent hostes & adversarii Davidis. De abusus certè intelligi non potest. Quis enim sic loquitur, *abusus odierunt animam David?*

29. Posita hac interpretatione, quæ verissima est, videamus, quam vim habeat argumentum tuum, Tookere. Sic sanè formandum esset: Iebusæi per contemptum dixerunt Davidi. Non ingredieris in hanc civitatem, nisi prius abstuleris cecos & claudos ex mœnibus: ergo ad Davidem iure diuino spectabat, tollere abusus & corruptelas Ecclesiæ. Consequentia probatur, quia Tookerus & Sacellanus sunt boni viri, quibus negari nihil potest.

V. Testimonium discutitur.

30. Quintum testimonium habetur, 2. Reg. 6. 2. his verbis: *Surrexerunt David & abiit, & universus populus cum eo, ut adducerent Arcam Dei.* at infra vers. 14. *David saltabat totis viribus ante Dominum, accinctus Ephod lineo. Et David & omnis domus Israël ducebant arcam testamenti Domini in iubilo, & in clangore buccinae.*

31. Ex hoc testimonio putat Sacellanus stabiliri posse Primatum Regis, in hunc modum: David præcessit arcam Domini: Ergo habuit Primatum Ecclesiæ. Sed iam supra dixi, ineptâ esse consequentiam. Sicut etiâ hæc inepta est: Populus Israël præcessit arcam Domini:

Ergo habuit Primatum ecclesie. Et similiter hæc: Pueri Christiani præcedunt venerabile Sacramentum Eucharistie, quando in publica processione deportatur. Ergo habent Primatum ecclesie. Adieci, hanc legitimam esse. Non licuit Regibus, sed solis Sacerdotibus, attingere arcam Domini. Ergo Sacerdotes præferuntur Regibus, in iis, quæ ad Deum & religionem pertinent.

32. Hæc tu ægrè fers, Tookere. Et multa quæ parum ad rem faciunt, in medium adfers. Primò dicis, me, cum ista scriberem fortasse inter scyphos iussisse, & Joannis illius Anglici, olim Papa vel Papissa de Moguntia, recordatum esse. An putas me tui vel Thomsonij similem esse, ut quotidie inter scyphos incedam? Dete sic scribunt, qui norunt: *Guilielmus Tookerus, minister genialis & aulicus, comedit bibitque laurè.* Item: *Culinam tantum & Bacchum sapit.* Item: *Homo est turbulentissimus, violentus, indoctus.* De Thomsonio sic: *Richardus Thomsonius novus omnibus natione Barinus est, sed ex parentibus Anglis, rhetor, poëta, & potator insignis. Nescio si aliter similis illi in Anglia Bythia.* Item: *Quidam vir gravis sapius hominem adiit, sed semper ebrium invenit, & ad integram diem, sobrium reperire, factu difficile, imò impossibile existimat.* Nos, Tookere, in hac schola non exerceamus.

33. Et quæ est illa Papissa de Moguntia, de qua loqueris? Constat, apud vos fuisse fæminam, quæ Ecclesie Anglicanæ supremum in terris Caput, post Christum, appellata est, magno sanè vestro dedecore. Apud nos, nec est, nec fuit, quæ similem titulum aut honorem sibi arrogaret. Neque tam molles ac delicati sumus, ut in rebus ad Ecclesiam pertinentibus, unuscuique arbitrio, dirigi ac gubernari nos sinamus. Antiqua fides & religio, quam sequitur, cordatos & robustos cultores habet. Vobis, qui novella ac molliori fide imbuti estis, volupe est, vel mulierculæ, vel androgyni alicuius imperio subiacere. Aptissimè à quodam dictum est.

Roma viros Papas, Papissas Angliaculo subuehit; androgynos stulta Genæa colit.

34. Sed videamus cætera. Se undò igitur dicis, Ecclesiam nostram similem esse Michol filie Saulis. Sic illa irrisset Davidem ante arcam saltantem, sic nos ridere & subsannare vestra solemnia. Magnum mylterium narras Tookere. Sed erras in personis. Puritani ridet & subsannant solemnia Catholicorum; idem Exorcismos in Baptismo, ridet Sacramenta Confirmationis, Ordinis, Pœnitentiæ, extreme Vnctionis; ridet cantum, organa, sacrificia, ieiunia, festiuitates, solennes processiones, & quæ similia sunt. Nihil horum apud vos est; aut si adhuc aliquid est, à Puritanis, qui vobiscum habitant, ridetur & subsannatur. Nos certè innoxij sumus.

35. Tertio dicis, Eucharistiam, quæ in solemnibus processione deportatur, nihil aliud esse, quàm libum, frustulum, crustulum, idolomaniam. Et nos, qui eam prosequimur, Asinos esse, ditellis superstitionum onustos. Hoc est, quod dixi, Tookere. Tu cum Puritanis rides nostra solemnia; non nos vestra. Nos David; vos Micholi similes in hac re estis. David in solemnibus processione deducebat arcam, & præ gaudio saltabat, canebat, exultabat. Et quo magis à fæmina ridebatur, eo maiori conatu ac pietate, inchoatum opus perficiebat. Ita planè nunc fit. Nos Catholici in solemnibus processione deducimus sacrosanctam Eucharistiam, & præ gaudio exultamus, ac omni campanarum, musicorum, organorum & cercorum genere, Deum nostrum honoramus: et quo magis à vobis irridemur (qui in hoc negotio fæminæ, non viri estis) eo plus incrementi capit nostra deuotio, & in Deum charitas ac reuerètia. Neque nos turbat, quod asini à te vocemur, quod cli-

Opusc. Bcc.

A tellis superstitionum onusti esse dicamur. Iam pridem edocti sumus, calumnias & iniurias patienter pro Christo ferre. Hoc vnum dolemus, quod sacram Eucharistiam tam enormi blasphemia lacerare ausus es. Quamquam aliud à te expectari vix potest. *Culinam tantum & Bacchum sapit.* Res diuinæ ludibrio tibi sunt.

36. Atque hæc hæcenus effudisti. Addis duo, quæ ad causam spectant: vnum circa Sacellani, seu episcopi Eliensis argumentum; alterum circa meum. De illius argumento sic scribis: *Rectè conclusis Eliensis Episcopus: David saltans & prauit in negotio arca deportanda: Ergo Primatum tenuit. Et est vnum, inter cætera, argumentum pro Primatu Ecclesie.* Sed paulo post cogam te aliter canere.

37. Meum argumentum erat hoc: Non licuit Regibus, sed solis Sacerdotibus, attingere arcam Domini. Ergo Sacerdotes præferuntur Regibus, in iis, quæ ad Deum & religionem pertinent. Hanc illationem concedis cum hac limitatione: *Sacerdotes præferuntur Regibus, non quidem in omnibus, quæ ad religionem pertinent, sed tamen in quibusdam, id est, in liturgiis, concionibus, clauibus, sacramentis.* Benè habet, Tookere. Accipio, quod das. Porro ex hac tua cōcessionem colligi possunt hæc duæ propositiones. Vna, Sacerdotes præferuntur Regibus in quibusdam rebus ad religionem pertinentibus. Altera, Reges vicissim præferuntur Sacerdotibus in quibusdam rebus ad religionem pertinentibus. Hinc primò sequitur, nec solum Regem, nec solum Sacerdotem, habere absolutè Primatum in ecclesia Anglicana. Nam in quibusdam Rex superior est in aliis Sacerdos. Secundò sequitur eum alteri in Ecclesie Primatu præferendum esse qui alteri præfertur in rebus Ecclesie dignioribus: Atqui Sacerdos, ex tua sententia, præfertur Regi in Liturgiis, concionibus, clauibus, Sacramentis, quæ sunt res Ecclesie digniores. Ergo Sacerdos præfertur Regi in Primatu Ecclesie. Itane est Tookere?

38. Sed magis te vrgebo, in hunc modum: Sacerdos præfertur Regi in Sacramentis, & consequenter in negotiis ad Sacramenta pertinentibus, ut iam disertè confessus es: At arca Domini in veteri Testamento erat Sacramentum, quod tu etiam expressè affirmas: Ergo Sacerdos in veteri Testamento præferbatur Regi in negotio ad arcam pertinente. Ergo iam penitus euanescit argumentum Sacellani, quod antea defendebas.

Alia Testimonia.

39. Super sunt alia quinque testimonia, de quibus inter nos contentio est. Primum de ædificatione & dedicatione templi à Salomone facta. Alterum de Abiathar summo Sacerdote, quem Salomon exauthorauit. Tertium de Iosia Rege, qui fœdus inter Deum & populum redintegrait. Quartum de Ezechia, qui serpētem æneum confregit. Quintum de titulis, quibus Reges in veteri Testamento honorantur. Sed hæc omnia iam superius à me explicata & discussa sunt. Nec tu quicquam adfers, Tookere, quod noua disquisitione indigeat. Nā ineptias, & pueriles declamationes, in quibus studium ac operam perdis, non tanti facio, ut hoc loco refutandas existimem. Igitur pergo ad tertium caput, in quo agitur de iure noui Testamenti.

CAPVT III.

An Rex iure diuino noui Testamenti habeat
Primum Ecclesie?

1. **I**Vs diuinum noui Testamenti à Christo conditum est. Is enim, sicut veteres ritus, ceremonias, sacrificia, totam denique synagogam abrogauit: ita noua Sacramenta, nouum sacrificium, nouos ministros, nouam Ecclesiam instituit: Et præcepta dedit, quibus omnia, quæ ab ipso instituta essent legitimè gubernari & conseruari possent. Nunc ergo quaestio est, quid in hac tota Oeconomia sua statueri de Primatu Ecclesie? An eum voluerit esse apud Reges & Principes seculares, an verò apud Apostolos & eorum successores?

2. Repeto quod supra monui, hunc Primatum consistere in exteriori iurisdictione, cuius potissimi actus sunt hi. 1. Regere Ecclesiam. 2. Synodos conuocare. 3. Iisdem præsidere. 4. Lites finire & controversias fidei decidere. 5. Leges & constitutiones condere. 6. Contumaces excommunicare; aut alio modo punire delinquentes. 7. Ministros Ecclesie constituere & deponere, et si qui similes. Igitur, inuestigandum est, quinam hanc iurisdictionem in Ecclesia à Christo acceperint? Apostoli & eorum successores, an Reges & Principes seculares? Id autem ex quadruplici capite inuestigari potest. Primo, ex verbis Christi, quibus suam mentem in hac re declarauit. Secundo, ex testimoniis Apostolorum, qui sine dubio Christi mentem assecuti sunt. Tertio, ex praxi, quæ illo tempore in Ecclesia seruata est. Quarto, ex aliis circumstantiis.

3. Si verba Christi spectemus, res in promptu est. Legamus Euangelium. Mox inueniemus, Petro dictum esse Ioan. 21. 22. *Pasce oues meas.* et Matth. 16. 18. *Tu es Petrus, & super hæc petram ædificabo Ecclesiam meam, & porta inferorum non praualebunt aduersus eam. Et tibi dabo Claves regni calorum. et Luc. 22. 32. Tu aliquando conuersus confirma fratres tuos.* At nusquam legimus, Tiberio, Pilato, vel Herodi dictum esse: *Pascite oues meas: Ecclesia mea Primatum tenere.*

4. Et quid est, *Pasce oues meas*? Constat ex euangelio, Christum esse Pastorem: ecclesiam esse ouilem Christianos, oues. Igitur tantundem est, ac si dixisset: In hoc pastoralis officio vicariam operam mihi præsta. Ouile meum tibi commendo; pasce, quotquot in eo sunt, oues. Vel clariùs: Ecclesiam meam tibi commendo: dirige & gubernare fideles, quotquot in Ecclesia sunt. Vno verbo. Vicarius meus esto. Quid vnquam simile dictum est Regi vel Imperatori? Imò eos ipsos, si oues Christi sunt, Petro commissos esse, necesse est, cui totum ouile commissum est. Rectè enim Epiphanius in Ancorato: *Hic est, qui audiuistis, Pasce oues meas; cui creditum est ouile.* et Eucherius Lugdunensis in vigilia S. Petri: *Prius agnos, deinde oues & commisit, quia non solum pastorem, sed pastorem pastorem eum constituit. Pascit igitur Petrus agnos, pascit & oues; pascit filios, pascit & matres: regis & subditos, & Prælatos. Omnium igitur pastor est, quia præter agnos & oues in Ecclesia nihil est.*

5. Iam, quid aliud est, Petro, non Regi aut Imperatori, datas esse clauas ecclesie, quam datam esse potestatem & officium gubernandi ecclesie? hoc ipsa metaphora planè significat. Et confirmat vsus. Solent enim qui in familia vel vrbe præsunt, accipere clauas in su-

Agnum imperij & iurisdictionis. Vnde Dominus apud Isai. c. 22. cum vellet significare, se potestatem summi sacerdotis translaturum à Sobna in Eliacim, vsus est metaphora clauium. Sic enim ait: *Vade, & ingredere ad eum, qui habitat in tabernaculo, ad Sobnam præpositum templi, & dic ad eum: Quid tu hic? Expellam te de statione tua, & de ministerio tuo deponam te: & vocabo seruum meum Eliacim & induam illum tunica tua, & cingulo tuo confortabo eum, & potestatem tuam dabo in manus eius: Et dabo clauem domus David super humerum eius: & aperiet, & non erit qui claudat, & claudet, & non erit qui aperiat.* Eadem metaphora vitur scriptura ad significandum principatum Christi, Apocalip. 3. 7. *Hæc dicit sanctus & verus, qui habet clauem David: qui aperiet & nemo claudet: claudet & nemo aperit.* Hinc Gregor. lib. 4. epist. 33. *Cunctis Euangelium scientibus liquet, quod voce dominica, omnium Apostolorum principi Petro totius Ecclesie cura commissæ est. Ipse quippe dicitur, Tibi dabo clauas regni calorum.*

6. Et quis vsus harum clauium est? soluere & ligare, aperire & claudere, id est exercere triplicem potestatem; Vnam introuitendi in Ecclesiam, & eiiciendi, prout quisque meretur. Alteram, soluendi vincula peccatorum, legis, voti, iuramenti. Tertiam, ligandi per præcepta & pœnas. Vno verbo: exercere supremam iurisdictionem in domo Dei, quæ est ecclesia.

7. Igitur ex verbis Christi, perspicuè constat, Petro & eius successoribus, non item Regi commissum esse ouile, conceditas oues, concessas clauas. Videamus nunc, quid Apostoli hac de re dicant. Sane D. Paulus, tametsi non semel, sed sæpe, de structura & regimine Ecclesie Christi loquatur, nusquam tamen Reges Principes seculares, sed vbique Apostolos & Episcopos, nominare solet. Proferam tria ipsius testimonia. Primum est Act. 20. 28. *Attendite vobis & uniuerso gregi, in quo vos Spiritus S. posuit Episcopos regere Ecclesiam Dei.* Verba aperta sunt. Qui ergo constitui sunt præfides & Rectores Ecclesie Christi? Episcopi. A quo constituti sunt? A Spiritu sancto. Reges ergo vel constituti non sunt, vel à Spiritu sancto non sunt. Alterum est, Eph. 2. 20. *Superædificati super fundamentum Apostolorum & Prophetarum, ipso summo angulari lapide Christo Iesu.* Hic in structura Ecclesie nullum fundamentum est, præter Christum, Apostolos & Prophetas. At si Reges ad illam structuram pertinerent, & quidem magis, quàm Apostoli & Prophetæ, sine dubio dicendum esset: *Superædificati super fundamentum Regum, Apostolorum & Prophetarum.* At Reges omisi sunt; & tamen structura perfecta est. Tertium est, Eph. 4. 11. *Eripse dedit quosdam quidem Apostolos, quosdam autem Prophetas, alios verò Euangelistas, alios autem Pastores & Doctores ad consummationem sanctorum in opus ministerii in ædificationem corporis Christi.* Hic tria spectanda sunt. 1. Ædificatio Ecclesie. 2. Opus ministerii. 3. Consummatio sanctorum. Sensus ergo est: Christus volens suos fideles, qui in illum credituri sunt, perducere ad consummationem, id est, ad sanctitatem & vitam æternam ædificauit pro iis ecclesiam, & in ea constituit ministros, qui fidelibus præessent, eosque ad finem suum consequendum, docendo, & gubernando iunarent. Et quos illos? Apostolos, Prophetas, Euangelistas, Pastores, Doctores. Nulla sic Regum mentio.

8. Ex his testimoniis sic concludo. In ecclesia Christi est legitimus quidam ordo, seu, vt alij vocant, dispositio & Hierarchia, in qua alij Prælati, alij subditi sunt: alij Pastores, alij oues: alij in fundamēto, alij supra fundamentum: alij Doctores, alij discipuli. Vel ergo Reges includuntur in hac hierarchia, tanquam primates, vel tanquam subditi. Si hoc posterius; salua res est.

Si illud prius, necesse est, maiori potestate praeditos esse, quam Apostolos & episcopos. Nam si vel parem tum illis, vel inferiorem potestatem haberent, non recte dicuntur esse Primates Ecclesiae. Si ergo maiorem habent, ea sine dubio à Christo ipsis concessa est. At ubi & quibus verbis? Aut ubi Apostoli in suis scriptis & actis illius potestatis à Christo concessae meminerunt? In testimoniis citatis nihil inuenio. Omnes silent de Regibus: loquuntur de Apostolis. Solus Rex Angliae cum suo Sacellano, dicit rem ita habere: *An à vobis, inquit Apostolus, Verbum Dei processit? aut in vos solus pervenit?* 1. Cor. 14. 36.

9. Venio ad praxim Ecclesiae, quae tempore Apostolorum servata est. 22, sine dubio, fallere non potest. Quis ergo tunc Ecclesiam gubernavit? Apostoli. (Act. 20. 28.) Quis primam Synodum, quae Hierosolymus celebrata est, indixit? Apostoli, Act. 15. 6. Quis huic synodo cum autoritate praesedit? Apostoli. Quis sententiam dixit? Apostoli. Quis legem de abstinentia ab immolatis simulachrorum, & sanguine & suffocato sancivit? Apostoli. Quis Corinthium incestuosum excommunicavit? Paulus Apostolus (1. Cor. 5. 3.) Quis accusationem adversus Presbyteros, tanquam legitimus iudex, admisit? Timotheus Episcopus. (1. Tim. 5. 19.) Quis Ananiam & Saphiram in causa Ecclesiastica punivit? Petrus Apostolus (Act. 5. 3.) Nullae hic partes Regum; nullum vestigium.

10. Diceret forte Rex, eo tempore nullos fuisse Reges Christianos, qui Ecclesiam gubernare, & haec officia praestare potuissent. recte quidem. Sed nec erant Apostoli aut Episcopi Christiani, antequam Christus eos & episcopos in nova Ecclesia instituit: cur non etiam novos Reges, qui Ecclesiae praesentent? ut sicut Paulum Ecclesiae persecutorem, subito in vas electionis immutavit: cur non simili modo egit cum Tiberio Imperatore, vel Herodo Rege?

11. Hinc iam sumo novum argumentum ex circumstantiis in hunc modum: Si Christus voluit Reges esse Primates Ecclesiae, & supra Apostolos & episcopos iurisdictionem exercere: cur non statim ab initio, sicut certos Apostolos elegit, sic etiam certos Reges designavit, qui Ecclesiae praesiderent? Cur non statim, sicut Apostolos inivit, quo pacto praedicarent Evangelium, administrarent sacramenta, & Ecclesiam propagarent: sic etiam Reges docuit, qua ratione Apostolis, & doctoribus in regimine ecclesiastico praesentent, synodos convocarent, controversias dirimerent? Cum denique sicut Apostolis, praeter privatam instructionem, promissit Spiritum sanctum, cuius instinctu cetera omnia cognoscerent, quae ad ipsorum ministerium pertinebant: sic non etiam Regibus promissit eundem Spiritum, qui eos in suo officio perfectius omnia edocuerent? Nihil horum factum.

12. Concludo, Reges ex institutione Christi non habere Primatum Ecclesiae; quia nec verba Christi, nec testimonia Apostolorum, nec praxis primae Ecclesiae, nec circumstantiae rerum vlla ratione id significant. Omnia Apostolis & eorum successoribus patrocinautur. De illis dictum est. Act. 20. 28. Spiritus Sanctus posuit vos regere Ecclesiam Dei. Et 1. Cor. 4. Sic nos existimate homines, et ministros Christi, & dispensatores mysteriorum Dei. Et 2. Cor. 5. 20. Pro Christo legatione fungimur. Et Luc. 10. 16. Qui vos audit, me audit, & qui vos spernit, me spernit. Et plura in eandem sententiam.

OBJECTION.

13. Sed multa obiicit Rex Angliae in sua Apologia his verbis. Quid in novo Testamento: Omnis anima iis (Regibus) subiaci iubetur, idque proprium conuenientiam. Orandum quidem & pro omnibus, sed praecipue pro Regibus & in auctoritate constitutis, ut sub iis piam ac pacatam, honestamque vitam degamus. Magistratus Dei administrator est ad ulciscendos facinorosos, innocentes autem, atque probos remunerandos. Omnibus quidem obtemperandum est superioribus potestatibus, sed potissimum principibus, & in eminentia collocatis. Reddite unicuique quod suum est: timorem, cui timor: amorem, cui amor iure debetur. Date Caesari, quae Caesaris sunt: Deo quae Dei sunt: Regnum meum non est de hoc mundo. Quis me constituit iudicem super vos? Reges gentium dominantur cerum. Vos autem non sic. Haecenus Rex.

14. Sed facilis solutio. Ac primum ut generatim dicam, quod res est: Haec testimonia partim ad questionem, de qua agitur, non faciunt: partim quatenus à Christo & Apostolis prolata sunt, pertinent ad Reges & Imperatores Ethnicos, cuiusmodi erant Tiberius, Caius, Claudius, Nero & similes. Certum autem est, Christum & Apostolos non voluisse suis testimoniis significare, Reges & Imperatores ethnicos habere Primatum in Ecclesia. Qui enim sunt extra Ecclesiam quomodo Primates sint in Ecclesia? qui ne quidem membra, quomodo caput? qui hostes Christi, quomodo Vicarius?

15. Speciatim sic respondeo. Illud Roman. 13. 1. Omnis anima potestatibus sublimioribus subdita sit: nihil omnino contra nos facit. Habet enim hanc facilem & obuium sensum: Omnis homo, qui sub potestate est, debet obedire suo superiori, in rebus, in quibus superior est. Quis hoc nescit? Nego autem, Reges esse superiores in rebus Ecclesiasticis ac spiritualibus. Hoc probandum erat. Ex hoc autem loco probari non potest.

16. Illud etiam. Timoth. 2. 2. Orandum pro omnibus, sed praecipue pro Regibus, & in auctoritate constitutis, ut sub iis piam ac pacatam vitam degamus, partim male citatum, partim male intellectum est. Non enim addidit Apostolus illam particulam, praecipue, nec illam item sub iis, sed illis relictis, sic habet: Obsecro igitur primum omnia fieri obsecrationes, orationes, postulationes, gratiarum actiones pro omnibus hominibus: pro Regibus, & omnibus, qui in sublimitate sunt, ut quietam & tranquillam vitam agamus in omni pietate & castitate. Hinc sane non efficitur, Reges habere Primatum in Ecclesia. Nec Apostolus eo loco praefert Reges aliis hominibus, sed aequaliter de omnibus loquitur, ut patet ex sequentibus, ubi rationem reddit, cur pro omnibus orandum sit, quia, inquit, hoc acceptum est coram Salvatore nostro Deo, qui vult omnes homines salvos fieri, & ad agnitionem veritatis venire. Unus enim Deus, unus & mediator Dei & hominum, homo Christus Iesus, qui dedit redemptionem semetipsum pro omnibus. At Deus aequè vult omnes salvos fieri: Et Christus aequè pro omnibus mortuus est, aequè pro omnibus semetipsum tradidit. An Rex Angliae putat, pro se magis, quam pro Apostolis & Episcopis, mortuum esse Christum? aut Deum magis velle, ut Rex saluus fiat, quam eius Sacellanus? Non ita est. Addo D. Paulum ubi loqui de Regibus Gentilibus, qui ad agnitionem veritatis nondum venerant. Vult enim orationem

fieri pro illis, ut conuertantur, & salui fiant. At quæ hæc consequentia est: *Omnium est, pro Regibus ethnicis ut ad fidem Christi conuertantur: Ergo, Reges ethnici Primatum tenent in Ecclesia Christi.* Planè absurda est.

17. Illud verò, Rom. 13. 4. *Magistratus Dei ad minister est ad ulciscendos facinorosos, vel ut vulgata lectio habet: Dei minister est, vindex in iram ei qui malum agit: nihil ad rem facit.* Fatemur, Reges portare gladium & habere potestatem puniendi peccata subditorum & in ea re iustitiæ diuinæ ministros esse. At negamus hanc potestatem extendi, ad causas & tribunal Ecclesiasticum. In hoc tribunali præsent, Apostoli & episcopi. Illi, ut ostensum est, conuocant synodos; sententiam dicunt; litem dirimunt; nouas constitutiones faciunt; contumaces excommunicant; & similes ecclesiasticæ iurisdictionis actus ex officio exercent. Reges procul sunt ab hoc tribunali.

18. Eiusdem momenti est illud: *Omnibus quidem obtemperandum est superioribus, sed potissimum Principibus & in eminentia constitutis.* Omnino sic res habet. Sed addendum est, alios esse superiores in temporalibus; alios in ecclesiasticis. In utroque genere reperiuntur Principes, quibus obtemperandum sit. In hoc quidem Pontifices; in illo autem Reges. Igitur Pontificibus potissimum obtemperandum esse in rebus ecclesiasticis; Regibus verò in politicis. Quis hoc neget?

19. Porro ex illo Roman. 13. 7. *Reddite unicuique quod suum est: timorem, cui timor, & amorem, cui amor iure debetur;* non video, quomodo Primatus Regum in ecclesia stabiliri possit. non magis, quam si dicam: Reddite parentibus amorem & timorem, qui illis iure debetur: ergo parentes sunt Primates ecclesiæ. Cur non sic potius: Reddite Pontifici timorem, & amorem, qui illi iure debetur: ergo Pontifex est Primas ecclesiæ?

20. Iam illud, Matth. 22. 21. *Reddite; quæ sunt Cæsaris, Cæsari, & quæ sunt Dei, Deo:* omnino extra scopum est, ut ex Euangelio constaret. Quærebant Iudæi à Christo, an tenerentur Cæsari Romano, qui tunc Gentilis erat, tributum dare, necne? Christus, inspecto numismate, in quo Cæsaris effigies erat impressa, respondit. *Date Cæsari, quæ Cæsaris sunt:* id est, date illi tributum, quod ei debetur. An hinc sequitur, Cæsarem Gentilem eo tempore habuisse Primatum Ecclesiæ Christi in Imperio Romano? aut Christum voluisse dicere, obediendum esse Gentili Cæsari in rebus ad Ecclesiam pertinentibus? Nihil minus. Nisi quis putet, hanc collectionem esse legitimam; Christiani in Turcia habitantes debent Imperatori Turcarum pendere tributum quod iure exigat: ergo debent illi agnoscere Primatem in rebus Ecclesiasticis. Hoc Angli, qui in Turcia sunt, non concesserint.

21. Multò minus ad causam facit illud, Ioann. 18. 36. *Regnum meum non est de hoc mundo.* Quid enim? An quia Christus, secundum humanitatem, non est Rex temporalis, sed spiritualis; idè Reges temporales habent Primatum in spiritualibus? Contrarium potius colligendum erat hoc modo: Regnum temporale distinctum est à spirituali: sicut ergo Christus & Apostoli administrant spirituale: ita Reges & Imperatores temporale. Itemque, sicut Christus, quia Rex spiritualis, non vult se iuniscere regno temporali: ita Iacobus, quia Rex temporalis est, non debet se immiscere regno spirituali.

22. Eodem spectat illud Lucæ 12. 14. *Quis me constituit Iudicem, aut diuisorem super vos?* ex quo, si aliquid concludi debet ad rem, sic debet: Christus non est constitutus aliorum iudex in controuersis temporalibus,

qualis est de diuidenda inter fratres hereditate. Ergo Rex Angliæ est constitutus iudex in spiritualibus. At quæ hæc illatio est? Iam ante dixi, sic potius inferendum esse: Christus in causa temporalis dixit, *Quis me constituit Iudicem super vos?* ergo similiter Rex Angliæ in causa spirituali debet dicere, *Quis me constituit Iudicem super vos?*

23. Denique illud Lucæ 22. 15. *Reges gentium dominantur eorum, vos autem non sic:* quid prodes ad Primatum, de quo agimus? Nihil sanè. Sensus est: Reges Gentiles solent esse ambitiosi, & multa per tyrannidem facere, ac suis potius, quam subditorum commodis studere. Vos autem (mei Apostoli) nolite eos imitari, sed cum modestia & fraterna dilectione ecclesiam administrare, sicut & ego facio. Eodem sensu ac spiritu dixit Petrus in priori epist. can. cap. 5. 3. *Pascite, qui in vobis est, gregem Dei, providentes non coacti, sed spontanei, secundum Deum: neque turpis lucrigratia, sed voluntarie: neque ut dominantes in ceteris, sed formæ facti gregis ex animo.* Hinc iam inferat Rex Angliæ: Apostoli non debent esse ambitiosi & crudeles, sicut Reges ethnici: ergo Rex Angliæ tenet Primatum ecclesiæ. Quid absurdius? Sic potius: Christiani non debent esse ambitiosi, more Gentilium: ergo Rex Angliæ, cum Christianus sit, non debet ambire Primatum ecclesiæ, quem multis iam sæculis Pontifex Romanus legitime & quietè usurpauit.

24. ex dictis duo colliguntur. Vnum est, nos ex nouo Testamento, variis testimoniis & argumentis perspicue demonstrasse, Reges seculares non habere Primatum & supremam iurisdictionem in ecclesia Christi. Alterum, nullum testimonium à Rege, vel Sacellano allatum esse, quod non potius contra, quam pro ipso faciat. Nunc ad ius Canonicum & Civile transeamus.

COMMENTARIUS.

1. IN hoc capite probavi Primatum seu supremam gubernationem Ecclesiæ, non deberi Regibus, iure noui Testamenti, sed Apostolis & eorum successoribus. Id autem quatuor modis probavi. Primò, ex verbis Christi, quibus suam mentem in hac re declarauit. Secundò, ex testimoniis Apostolorum, qui sine dubio Christi mentem assecuti sunt. Tertio, ex praxi quæ illo tempore in ecclesia seruata est. Quarto, ex circumstantiis. Deinde solui obiectiones, quæ à Iacobo Rege; pro Primatu Regio allatæ erant. Videamus nunc, Tookere, quid tu sentias de his omnibus, & singula seorsim discutiamus.

Ex verbis Christi.

2. Igitur ex verbis Christi sic argumentatus sum: Dictum est Petro Apostolo, non autem Tiberio, Herodi, aut Pilato, *Pasce oues meas.* ergo Apostolis, non Regibus, aut Imperatoribus commissa est gubernatio ecclesiæ. Dupliciter respondes ad hoc argumentum. Primò, his verbis: *Dictum est Tiberio, date Cæsari, quæ Cæsaris sunt, Dictum est de Herode, Dicite illi vulpecula. Dictum est coram Pilato, Ego sum veritas.* Sed non video, quæ res hæc spectent. Nisi, quod verisimile est, velis ratiocinari: Christus dixit de Tiberio, *Reddite Cæsari, quæ Cæsaris sunt.* ergo significauit, Tiberium habere Primatum ecclesiæ. Similiter Christus dixit de Herode. *Dicite illi vulpecula.* ergo vulpeculæ commisit suam ecclesiam, Denique, Christus dixit coram Pilato,

Ego sum veritas: Ergo testatus est, Pilatum præfisse Ecclesiam: Age. Tookere: Vis hoc inferre, vel aliud? Si hoc, ineptè. Si aliud, otiosè.

3. Secundò respondes, quidquid Petro dictum est, non soli Petro, sed aliis quoque Apostolis dictum esse, ac proinde, ex verbis Christi non posse conuinci, Petrum præ aliis Apostolis habere Primatum Ecclesie; sed potius, omnes Apostolos in hac re pares esse, nec alterum alteri præferendum. Vbi es, Tookere? nõ queritur hic, an Petrus præ aliis Apostolis habeat Primatum Ecclesie (quod alio loco, si opus erit, disputabitur) sed solum an Christus, in nouo Testamento voluerit Apostolos & eorum successores, an verò Reges & Imperatores, præfisse suæ Ecclesie? Ego pro Apostolis pugno: tu pro Regibus & Imperatoribus. Ego contendo, Petro non Herodi dictam esse, *Pasce oues meas*. Tu vicissim contendis, de Herode, non de Petro dictum esse, *Dicere illi vulpecula*. Vter rectius? An ego, qui Pastori oues committo; an tu, qui vulpeculam in ouile intromittis?

Ex Testimoniis Apostolorum.

4. Produxi tria testimonia D. Pauli, quæ confirmant Primatum episcoporum, non Regum aut Principum secularium. Primum est, Act. 20. 28. *Attendite vobis & toti gregi, in quo vos Spiritus S. posuit Episcopo regere Ecclesiam Dei*. Alterum, Ephesiorum, 2. 10. *super adificationem super fundamentum Apostolorum & Prophetarum: ipsi summo angulari lapide Christo Iesu*. Tertium Ephesiorum 4. 11. *Ipsa dedit quosdam quidem Apostolos, quosdam autem Prophetas, alios verò Evangelistas, alios autem Pastores & Doctores ad consummationem Sanctorum in opus ministrandi in adificationem corporis Christi*. In quibus testimoniis ex professo agitur de structura & gubernatione ecclesie in nouo Testamento; & tamen nulla fit mentio Regum aut Principum secularium, sed Apostolorum & Prælatorum Ecclesie.

5. Respondes, D. Paulum in citatis testimoniis non loqui de exteriori regimine Ecclesie (de quo dicis, illum alibi agere) sed tantum de prædicatione Euangelij & Sacramentorum administratione. Non ita est, Tookere. Loquitur etiam de exteriori regimine. Hoc clarè indicant illa verba, *Spiritus S. posuit vos Episcopos regere Ecclesiam Dei*. Deinde, si alibi loquitur de exteriori regimine profer vel vnum locum, ubi dicat externum regimè Ecclesie, non ad episcopos, sed ad Reges & Imperatores pertinere. Nunquam id facies.

6. Addis, eo tempore, quo Apostoli vixerunt, non opus fuisse Regibus qui in externo regimine præessent ecclesie, eo quòd satis præsidij ad eam rem esset in ipsis Apostolis qui tunc coruscabant miraculis, & alia patriabant admiratione digna. Sic enim habes: *Satis præsidij fuit in ipsis (Apostolis) ad illud tempus prima Ecclesia, cum ipsi coruscarent miraculis, viris testisque magnas facerent, Demonia partim eiecissent, partim subicerent sibi ipsis in nomine Christi, obstinatos ac rebelles Satane traderent ad destructionem carnis*. Et post aliquot pagellas iterum: *Pro illis temporibus erat satis præsidij in Apostolis, Apostolicisque viris, atque Evangelistis pro gubernanda Ecclesia*.

7. Rectè. Fateris ergo, Apostolos eo tempore gubernasse ecclesiam, non Reges aut Imperatores. Hoc ipsum est, quod vrgemus. Quid ergo paulò ante multabas de Tiberio, Herode & Pilato? Aut cur illis Primatum ecclesie ascribebas? Non illi sed Apostoli rege-

bant tunc Ecclesiam, ut ipse concedis. Et, quò iure regebant? Non alio tanè, quàm iure noui Testamenti. At hoc ius mutatum non est. Ergo gubernatio Ecclesie, eodem iure, quod tunc pertinebat ad Apostolos, nunc pertinet ad episcopos, Apostolorum successores. Nihil certius. Nec tu amplius tergiversari hic potes. Sic enim te constringo: Quidquid iuris habuerunt Apostoli in exteriori regimine ecclesie, hoc acceperunt Episcopi, qui illis successerunt, singuli in suis Proinciis: At Apostoli habuerunt plenum & perfectum ius in exteriori regimine Ecclesie, independentè à Regibus & Imperatoribus: Ergo etiam episcopi qui illis successerunt, eodem iure vti iunt. Minor à te concessa est, & paulò post iterum concedetur. Maiorem probò, quia in toto nouo Testamento non potes mihi vel apicem ostendere, quò minuet ius illud, quod Apostolis concessum est, fuisse postea reuocatum; & ab Apostolis ad Reges & Imperatores, non autem ad Episcopos transiisse.

8. Hæc sufficiant de tribus testimoniis, quæ ex D. Paulo, pro Primatu episcoporum à me allata sunt. Adieceram, ex occasione duas quæstiones, quas hic repetam. Vna erat, cum in Ecclesia Christi sit legitimus quidam ordo in quo alij Prælati, alij subditi sunt; alij Pastores, alij oues, alij doctores, alij discipuli; an Reges includantur in hoc ordine, tanquam Primates, an tanquam subditi? Tu respondes, includi, vt subditos. Verba tua sunt hæc: *Includuntur, vt subditi, & toti Ecclesia Catholica subiecti*. Vera confessio. At hinc sequitur, quod nos volumus, Episcopos in Ecclesia superiores esse Regibus. Hi enim, vt fateris, subditi sunt; illi Prælati, Hi oues, illi pastores: hi discipuli, illi Doctores. Quod etiam alibi iniquè fastus es, his verbis: *Sereniss. ac piensiss. Rex noster Iacobus, non habet quicquam antiquius & honorificentius, quàm v. cum Valentiniano filium si Ecclesia proficiatur, & cum Theodorico Italia Rege, se alumnum Ecclesie, & discipulum Archiepiscoporum suorum, & Episcoporum libenter recognoscat*.

9. Altera quæstio erat, an Apostoli in suis scriptis vnquam significarint, Reges habere maiorem potestatem in Ecclesia, quàm episcopos. Hic tergiversaris, Tookere: & post longam digressionem, quam instituis contra Pontificem, tandem ita subiungis: *Inuenio, nihil prorsus fastus Pontificio, viduum autem, honoris Regio consulum & aatributum. Honorandos omnes, honorandum Regem præcipue: orandum pro omnibus ac deinde, (ac si primum locum dedisset Regibus) & pro omnibus in sublimitate constitutis*. Ad id hæc duo testimonia: *Omnis anima potestatibus sublimioribus subdita sit. Et, Subditi estote omni humane ordinationi, sine Regi vt præcelenti*.

10. Videamus, quid in his verbis præsidij sit. Ex iis fieri possunt hæc quatuor argumenta. Primum. Omnes sunt honorandi, sed præcipue Reges: Ergo Reges habent maiorem potestatem in Ecclesia, quàm episcopi. Respondes. Antecedens verum est, si Reges conferantur cum suis subditis, & quidem in rebus civilibus. Ibi enim magis honorandi sunt, quàm subditi. Fallum, si conferantur cum episcopis, ac potissimum in rebus Ecclesiasticis. Nam ibi episcopi plus honorandi, quàm Reges. Episcopi, vt Magistri: Reges, vt discipuli, vt paulò ante fastus es. Hinc S. Ignatius, Ioannis euangelistæ discipulus, in epistola ad Philadelphienles *Omnis, inquit, Clerus s. mulcum omni populo, & militibus atque Principibus, sed & Cesare obediunt Episcopo, Episcopus verò Christo*. Et Cyrillus Catecheti 17. *Ad hodiernam vsque diem cernimus, mandatos Principes regi & instrui ab Ecclesiasticis*.

11. Alterum: Orandum est pro omnibus, & quidè

primo loco pro Regibus: ergo Reges habent maiorem potestatem in Ecclesia, quam Episcopi. *Tertium.* Omnis anima debet esse subiecta sublimioribus potestatibus: Ergo Reges, Ecclesie regimine praeferuntur Episcopis. *Quartum:* Subiecti estote Regi: ergo Rex est supra Episcopos. Hæc argumenta soluta sunt capite præcedenti; & paulò post iterum de illis agendum est. Igitur ad alia pergamus.

Ex praxi Ecclesie.

12. De hac re ita scripsit; Venio ad praxim ecclesie, quæ tempore Apostolorum servata est. Ea, sine dubio fallere non potest. Quis ergo tunc Ecclesiam gubernavit? Apostoli. Act. 20. 28. Quis primam Synodum, quæ Hierosolymis celebrata est, indixit? Apostoli. Act. 15. 6. Quis huic Synodo cum autoritate præsedit? Quis legem de abstinētia ab immolatis simulachrorū, & sanguine & suffocato sancivit? Apostoli. Quis Corinthium incestuosum excommunicavit? Paulus Apostolus. 1. Cor. 5. 3. Quis accusationem aduersus presbyteros, tanquam legitimus Iudex admisit? Timotheus Episcopus. 1. Tim. 5. 19. Nullæ hic partes Regum, nullum vestigium.

13. Tu respondes his verbis: *Omnia concedantur.* Valde liberalis es, Tookere: & metuo, ne Rex aut Sacellanus tibi offendatur. Concedis, Apostolos gubernasse Ecclesiam, indixisse Synodum, in Synodo cum autoritate præsedisse, sententiam dixisse, legem ecclesiasticam sancivisse, contumaces excommunicasse, in causis Ecclesiasticis legitimos iudices fuisse. Satis est, plus non desidero. Iam si possum argumentari: Qui propria autoritate gubernat Ecclesiam, & reliqua omnia facit, quæ spectant ad gubernationem Ecclesie, is habet Primatum in ecclesia: At Apostoli propria autoritate gubernarunt Ecclesiam, & reliqua omnia fecerunt, quæ spectabant ad gubernationem ecclesie. Ergo Apostoli habuerunt Primatum in ecclesia. *Omnia*, inquis, *concedantur.* Igitur pergo, ut supra feci; episcopi, qui succedunt Apostolis, habent idem ius in exteriori gubernatione ecclesie, quod habuerunt Apostoli: At Apostoli habuerunt ius Primatus: Ergo episcopi, eorum successores, habent idem ius Primatus. Quid nunc ages cum vestro Rege? quid cum Sacellano? Quamvis hunc facile placabis, ut opinor, quia cum iam sit episcopus alienus, putabit suo honori valde consultum esse, si asseras, Episcopos habere Primatum ecclesie, non Reges. At Rex, sine dubio murmurabit.

Ex circumstantiis.

14. ex circumstantiis sic argumentatus sum: Si Christus voluit Reges esse Primates Ecclesie, & supra Apostolos & Episcopos iurisdictionem exerceres, cur non statim ab initio, sicut certos Apostolos elegit, sic etiam certos Reges designavit, qui Ecclesie præficerent, cur non statim, sicut Apostolos instruxit, quo pacto prædicarent Euangelium, administrarent Sacramenta, & Ecclesiam propagarent: sic etiam Reges edocuit, qua ratione Apostolis & Doctoribus in regimine Ecclesiastico præessent, Synodos convocarent, controuersias dirimerent, contumaces excommunicarent? Cur denique, sicut Apostolis, præter priuatam instructionem promisit Spiritum sanctum cuius instinctu cetera omnia cognoscerent, quæ ad ipsorum ministerium pertinebant: sic non etiam Regibus promisit eundem Spiritum, qui eos in suo officio perfectius omnia edoceret? Nihil horum factum.

A 15. In hoc meo argumento continetur hæc tri-membris quaestio: Si Christus voluit, Reges habere Primatum Ecclesie, cur initio certos aliquos non designavit? cur non instruxit? cur Spiritum sanctum non promisit? Hic tu irasceris, Tookere; & vocas me, *Novitium in fide Christi, mirum, stultum, delirum.* Ignosco tibi. Nec iam solū, sed vsque septuagies septies, si pergis. Mox obicis, cum tam multa quæram de Regibus, cur non similiter quæram.

Dic, quibus in terris inscripti nomina Regum Nascuntur flores?

Dicam tibi. Non soleo nugari in te seria: neque extra chorum saltare. De primatu Ecclesie nunc agitur, non de floribus: nec ex Virgilio, sed ex Evangelio lis finienda est. Igitur pergam te vegere, dum respondeas. Si, inquam, Christus voluit, Reges præesse Ecclesie, cur neminem designavit? cur non instruxit? cur Spiritum sanctum non promisit? Tandem aliquid extorli. *Ad hæc tria*, inquis, *unusmodi & simplex responsio nostra.* O *altam sapientia cognitionisq; Dei opulentiam!* quàm penitus recordata eius indicia! quàm abstrusa sunt eius rationes! Quis enim mentem Domini novit, aut quis eius fuit consiliarius? Scrutare, si libet, profunda Dei: abyssus abyssum innocat. Nondum veneras plenitudo temporis, ut vocarentur Reges: ab ortu solis vsque ad occasum eius univrsus orbis terrarum vocandus erat. Pro illis temporibus erat satis praesidi in Apostolis pro gubernanda Ecclesia.

16. Hæc non simplex, sed triplex responsio est. C Prima. Nescio, Deus novit. Altera, nondum erat tempus, ut vocarentur Reges. Tertia, Satis erat praesidij in Apostolis pro gubernanda Ecclesia. Prima reliquas destruit. Nam si nescis quod quaeritur, quomodo scis? Quæ huius ex te, cur Christus ab initio non designavit aliquem Regem, qui gubernaret Ecclesiam, si volebat Ecclesiam à Regibus gubernari? Respondes, idè non fecisse, tum quia nondum erat tempus vocandi Reges: tum etiam, quia nulla erat necessitas, quia Apostoli per se poterant regere Ecclesiam. Hæcine vera causa est, Tookere? Omnino inquis. At, si veram causam scis, quomodo nescis? Aut si nescis, quomodo scis? An profunda Dei iudicia scrutatus es? An Consiliarius eius fuisti?

D 17. Nondū acquiesco. Disceptamus inter nos, An Christus Apostolos & eorum successores voluerit præesse Ecclesie, an verò Reges & Principes seculares? Prior pars à me asseritur: posterior à te. Hactenus ostendi, verba Christi, testimonia Pauli, praxim Ecclesie, pro me stare. Nunc de circumstantiis agitur. Ex iis sic disputo: Omnes circumstantiæ, quæ faciunt ad Primatū, fauent Apostolis, nullæ Regibus: Ergo, si ex circumstantiis iudicandum est, Apostoli, non Reges, habuerunt Primatū Ecclesie. Antecedens probo, quia Christus cum intueret novæ Ecclesie formam, Apostolos vocavit, elegit, instruxit, claves commisit, Spiritus sancti charismata impertivit. Nihil horum factum est Regibus. Nulli à Christo vocati electi, instructi sunt; nullis clavē Ecclesie tradidit: nullis Spiritum sanctū largitus est. Quid ergo verisimile sit, non Apostolos, sed Reges, ecclesie gubernatores à Christo designatos esse? Hic certè homini prudenti non satisfacies, Tookere, si exclames: *O altam sapientia cognitionisq; Dei opulentiam.* Adde aliam circumstantiam, quæ non parum momenti habet, Apostoli non solū à Christo vocati, electi, instructi, potestate clavium & Spiritu sancto donati sunt: sed etiam re ipsa Ecclesiam gubernarunt, Synodum indixerunt, legē sanciverunt, contumaces excommunicarunt, in causis ecclesiasticis legitimi Iudices fuerunt. Nihil horū affirmari potest de Regibus. Quæ ergo temeritas est Primatū Ecclesie negare. Apostolis, quibus omnes circumstantiæ patro-

cinantur, & aſtruere Regibus, qui omni circumſtan-
tiarum præſidio deſtituti ſunt? Utinã. Tookere, quod
alibi importunè facitis, hic opportunè faceretis. Ali-
bi vociferamini, Eccleſiam noſtram corruptam eſſe,
nec aliter repurgari poſſe, quàm ſi ad priſtinum ſta-
tum, in quo fuit tempore Apoſtolorum, reuocetur.
At, mi homo, tempore Apoſtolorum, non Reges,
ſed Apoſtoli gubernabant Eccleſiam, ut ipſe faſtus
es. Cur ergo Eccleſiam veſtram Anglicanam ad nor-
mam Apoſtolicam non reducitis? Cur illius ſupre-
mam gubernationem tranſfertis in Reges & Regi-
nas, & non potius Apoſtolorum ſucceſſoribus ſactam
ſectam conſeruatis? Conſule Sacellanium.

O B I E C T I O.

18. Dilecti ſuperius obiectionem Iacobi Regis, quæ
nitebatur aliquot Scripturæ testimoniis. Singula ſeor-
ſim à me diſcuſſa ſunt, & apertè oſtenſum, nullo mo-
do Primatum Regis confirmari ex iis poſſe. Tu tamen
nō quieſcis, Tookere; ſed partim conaris promouere
testimonia à Rege allata; partim alia quædam in ſub-
ſidium adiungis. Nominatim hæc duo. 1. Dicitur eſſe
de Herode; *Dicite vulpecula illi.* 2. Dicitur eſſe coram
Pilato. *Ego ſum veritas.* Quid vis? An ut excutiam hæc
duo? Nihil quidem necesse; ſed tamen, ſi omninō vr-
ges, faciam non inuitus. Igitur ex priori non aliter po-
tes confirmare Primatum Regis quàm hoc modo,
Chriſtus monitus à Pharifæis, ut fugeret, eo quod
Herodes vellet illum occidere, reſpondit illis: *Ite &
dicite vulpi illi: Ecce cicio demonia, & ſanitates perficio
hodie & cras, & tertio die conſummor.* Ergo Herodes ha-
bebat tunc Primatum Eccleſiæ. Probatuſ conſequen-
tia, quia *vulpes habent foueas, filius autem hominis non ha-
bet, ubi caput ſuum reclinet.* Ex poſteriori ſic: Chriſtus
dixit coram Pilato: *Ego ad hoc veni in Mundum, ut te-
ſtimonium perhibeam veritati.* Ergo Pilatus habebat ſu-
premam adminiſtrationem Eccleſiæ. Conſequentia
probatuſ, quia *quod ſcripſi, ſcripſi.* Itane ſentis, Domi-
ne Tookere? Certè, magni acuminis Theologus es.
Quis neget?

C A P V T IV.

An Rex iure civili vel canonico habeat Pri- matum Eccleſiæ?

1. **N**eutro ſane. De Canonico, res clara eſt.
Multi extant Canones in contrarium, ex iis
paucos accipe. Primus eſt Nazianzeni ad Imperato-
res Conſtantinopolitanos, apud Gratianum, diſtinct.
10. cant. 6. *Libenter accipitis, quod Lex Chriſti ſacer-
dotali vos ſubiecit poteſtati, æque iſtis tribunalibus ſubdi-
t. Dedit enim & vobis poteſtatem: dedit & principatum mul-
to perfectiorem principibus veſtris.* ex hoc Canone tria
habemus. 1. quod Principatus Episcoporum ſit mul-
to perfectior, quàm Regum. 2. quod Reges in re-
bus Eccleſiaſticis, ſubiekti ſint Episcopis. 3. Quod
hæc ſubiectio à Chriſto ſit ordinata. Quid cla-
rius?

2. Secundus eſt Adriani Papæ, diſt. 36. c. 1. *Nul-
lus laicorum Principum ſe inferat electioni aut promotioni*

A *Patriarchæ, Metropolitæ, aut cuiuſlibet Episcopis, ne videli-
cet inordinata & incongrua fiat electio, vel conſuſio, vel con-
ſentio: præſertim cum nullam in ſalibus poteſtatem quæm-
quam poteſtatiuorum, vel cæterorum Laicorum habere con-
ueniat.* Ex hoc canone etiam tria diſcimus. 1. quod
nullus Princeps ſæcularis (qualis eſt Rex Angliæ)
debeat ſe inferere promotioni aut electioni Episco-
porum. Quanto minus debet præſe & præſidere.
2. quod talis electio, cui ſe inferit Princeps ſæcula-
ris, ſit inordinata, & conſuſa. 3. Quod in ſimilibus
cauſis Eccleſiaſticis nullam poteſtatem habeat Prin-
ceps ſæcularis. Multo minus Primatum.

3. Tertius eſt, ex 7. Synodo act. 2. diſtinct. 63.
can. 7. *Omnis electio Episcoporum à Principibus facta, irri-
ta maneat, ſecundum Regulam, qua dicit: Si quis Episco-
pus, ſæcularibus poteſtatibus uſus, Eccleſiam per ipſos ob-
tinuerit, deponatur: & ſegregetur ab Eccleſia omnes, quæ
illi, communicant.* Sanè ſecundum hunc Canonem,
omnes Episcoporum electiones irritæ ſunt in Angliæ,
quotquot à Rege factæ ſunt. Vbi ergo Primatus Re-
gis in cauſis Eccleſiaſticis?

4. Quartus eſt Gregorij ad Hermannum Episco-
pum Metenſem, d. 96. can. 9. *Quis dubiet Sacerdo-
tes Chriſti Regum & Principum omnium fidelium Patres
& Magiſtros cenſeri? Nonne miſerabilis infania eſſe cog-
noſcitur, ſi filius patrem, diſcipulus magiſtrum ſibi conetur
ſubiugare, & iniquis obligationibus illum ſua poteſtati ſub-
iicere, à qua credis, non ſolum in terra, ſed etiam in calis
ſe ligari poſſe & ſolui? Omninō ſic res habet. Miſera-
bilis infania eſt, Reges ſæculares uſurpare ſibi Pri-
matum Eccleſiæ, & ſubiugare ſibi Episcopos, quo-
rum filij & diſcipuli eſſe debent.*

5. Quintus eſt Gelafij Papæ ad Anaſtaſium Im-
peratorem, diſt. 96. can. 10. *Duo ſunt, Imperator An-
guſte, quobus principaliter hic mundus regitur, authoritas
ſacra Pontificum, & regalis poteſtas. In quibus tanto gra-
uius eſt pondus Sacerdotum, quanto etiam pro ipſis Regibus
in diuino ſunt reddituri examens rationem. Et infra: No-
ſti itaque ex illorum te pendere iudicio, non illos ad tuam re-
digi poſſe voluntatem. Facto quidem poſſunt; iure non
poſſunt.*

6. Sextus eſt Ioannis Papæ diſt. 96. can. 11.
Si Imperator Catholicus: filius eſt, non Præſul Eccleſiæ.
D *Quod ad religionem conuenit, diſcere ei conuenit, non do-
cere. et paulo poſt: Ad Sacerdotes enim Deus voluit,
qua Eccleſia diſponenda ſunt, pertinere, non ad ſæculi po-
teſtates: quas, ſi fideles ſunt, Eccleſia ſua Sacerdotibus
voluit eſſe ſubiectas: Et infra: Imperatores Chriſtiani ſub-
dere debent executiones ſuas Eccleſiaſticis Præſulibus, non
præſerre. Igitur, ſi Rex Angliæ Catholicus eſt; fi-
lius eſt, non Præſul Eccleſiæ. Si fidelis eſt, Eccleſiæ
ſacerdotibus ſubiectus eſt. Si Chriſtianus eſt, debet
ſe ſubdere Episcopis; non præſerre.*

7. Septimus eſt Marcelli Papæ 11. q. 1. canon.
3. *Clericum cuiuſlibet ordinis, abſque Pontificis ſui per-
miſſu, nullus præſumas ad ſæcularem iudicem trahere. Nec
laico quæquam clericum liceat acenſare. Nimiſum cle-
rici pertinent ad tribunal Eccleſiaſticum, non ad po-
liticum ſeu civile. Vnde rectè Valentianus, Theodo-
ſius, & Arcadius Imperatores: Continua lege ſacci-
mus, ut nullus Episcoporum, vel eorum qui Eccleſiæ ſer-
uiunt, ad iudicia iudicum protrahatur. Et abſque illis
ſuos iudices.*

8. Octauus eſt Gregorij ad Mauritium Imper. 11.
q. 1. can. 40. *In diuinis eloquiis Sacerdotes aliquando
Dij, aliquando Angeli vocantur. et paulo poſt: Quid
igitur mirum, ſi illos veſtra Pietas dignetur honorare, qui-
bus in ſuo eloquio honorem tribuens, eos aut Angelos, aut
Deos ipſemet appellat Deus? Vide quæ ſupra dicta ſunt.*
c. 2. n. 35. & 57

9. Nonus eſt Innocentij 3. in Decretalibus, de marj

ioritate & obedientia, can. 6. *Non negamus, quin prae-
cellat Imperator in temporalibus, illos duntaxat, qui ab illo
accipiunt temporalia: sed Pontifex in spiritualibus excellit,
quae saepe sunt temporalibus digniora, quanto anima prae-
fretur corpori. Et infra; Nolle debueras, quod fecit Deus
duo luminaria magna in firmamento caeli: luminare maius,
ut praesesset nocti. Vtrumque magnum, sed alterum maius.
Ad firmamentum igitur caeli, hoc est, vniuersalis Ecclesiae,
fecit Deus duo magna luminaria, id est, duas instituit di-
gnitates, quae sunt, Pontificalis auctoritas, & Regalis po-
testas. Sed illa, quae praestitit diebus, id est, spiritualibus
maior est: quae verè carnalibus, minor: ut quanta est inter
Solem & Lunam, tanta inter Pontifices & Reges differen-
tia cognoscatur.*

10. Sufficiant hi pauci Canones. Nam plures ci-
tare, fortasse superuacaneum est: praesertim cum
probabile sit, Regem Angliae non tanti eos facere
ut eorum iudicio itare velit. Quamquam immerito.
Omnes enim cathedrae Academicæ in Anglia, in
quibus Iuris vtriusque Doctores antiquo ritu legi-
timè promouentur, non minorem Iuris canonici
quàm civilis auctoritatem esse, luculento testimo-
nio sunt.

11. Ex iure civili occurrit illud Iustiniani Imperato-
ris, in Authentica constit. 123. *Si Ecclesiasticum nego-
tium sit, nullam communionem habent cum civilibus magistratibus
cuncta disceptatione, sed religiosissimi Episcopi secundum
sacros Canones finem imponunt.* Praeclara constitutio.
Decernit Imperator, politicos & saeculares Princi-
pes non debere adesse, multò minus praesidere in ne-
gotiis & disceptationibus Ecclesiasticis. Quare? quia
vult in ea reseruare sacros Canones, quibus cautum
est, ut Episcopi, non autem Principes, tractent con-
trouersias ad ecclesiam pertinentes. Si Rex Angliae ea
mente esset, quia hic Imper. fuit sine dubio, Primatum
ecclesiae episcopis relinqueret, non sibi arrogaret.
Plura in hanc sententiam, vide in seq. cap.

COMMENTARIUS.

1. IN hoc capite adduxi nouem Canones ex Iure
canonico & vnam constitutionem Imperialem
ex Iure civili, contra Primatum Regis. Circa Cano-
nes; duo generatim dicit. Primò, me paucos ex mul-
tis delibasse; ideoque obiicis mihi illud Poëtæ:

Tecum habita, & noris, quàm sit tibi curia supellex.
Sed ineptè. Tibi hoc obiici debet, mihi non potest. An
non legisti in vtroque Testamento. *In ore duorum vel
 trium testimonium stabit omne verbum?* Ego ex Iure canonico,
non duos tantum aut tres, sed nouem testes ad-
duxi pro mea causa: Tu pro tua, ne vnum quidem. I-
gitur, si testibus agitur, non mihi, sed tibi, supellex cura-
ta est; aut, ut verius dicam, nulla. Recipe ergo versicu-
lum tuum, sed vno duntaxat verbulo immutatam;
Tecum habita, & noris, quàm sit tibi nulla supellex.

2. Secundò dicit, te non magnificare Canones; nec
aliud esse, quàm additamenta, paleas, traditiones; idque
confirmas auctoritate Cornelij Agrippæ. Mira res.
Vnus Agrippa, homo non bonè notus, pluris tibi est
quàm tot grauissimi auctores, quorum sententiae in Iu-
canonicum relatae sunt, & ab omnibus Academiis anti-
quioribus receptae. Quid censes dicturos, qui apud vos
in Anglia, vtriusque Iuris Doctores, solemnè ritu re-
nunciantur? An equo animo, tam in Ius canonicum
cōtumeliam laturos sunt? Sed dum celum necessitas,
Aliter facere non potuisti. Si enim admitteres aucto-
ritatem Canonum, cadendum esset causa, quæ susce-
pisti. Nā Canones tibi aduersantur. Maius igitur hos

A repudiare, quàm iniquam causam deferere.

3. Atque hæc generatim. Porò in singulis Ca-
nonibus seorsum discutiendis tria potissimum præ-
stas, quæ non nisi ab homine iracundo, & parum
cauto proficisci possunt. Primum est, quæ ferè con-
uicio excipias Pontifices & Synodos generales, à
quibus conditi sunt Canones. Hoc iracundiae signū
est. Alterum, quòd nihilominus pleraque admittas,
quæ in ipsis Canonibus contra Primatum Regium
decreta sunt. In quo debebas esse cautior, si Regio
Primatui consultum esse cupiebas. Tercium, quæ
dum Pontificum & Synodorum generalium aucto-
ritatem apertè contemnis, in ipsos quoque Reges &
Imperatores, tametsi id minimè aduertas, contu-
meliosus sis. Singula ostendam.

4. Quod ergo ad primum punctum attinet, de
Adriano Pontifice sic scribis: *Adriani auctoritatem ni-
hil moramur.* De Gregorio sic: *Gregorius durus pater,
vel potius capitalis hostis Henrici quarti, diuersis ac factis
similibus Antichristo.* Et iterum: *Vox plena fastus &
iactantia, plena stuporis & contumelia: digna sanè vox
Ioue Capitolino vestro, id est, Romano Pontifice.* De
Gelasio sic: *Gelasii aliorumque dictata Pontificum Ro-
manorum admittere non tenentur, quippe quæ pro turri illa
Babylonica immoderati Principatus extruenda maxime fa-
ciunt.* De Ioanne Pontifice: *Nazianzenus melius cal-
let officium suum, quàm Ioannes Papa.* De Innocentio:
*Innocentius cæcus amore sui ac ambitione inflatus, fastuo-
sus, impudens, contumeliosus, blasphemus, Antichristus.*
De septima Synodo generali, quæ est Nicæna secun-
da: *Hæc Nicæna Synodi auctoritas imbecillior est, quàm
ut nostram causam ledat.* Denique de me, qui horum
auctoritate usus sum, sic habes: *Non modo nequam
es & improbus, sed etiam fatuus.*

5. Et tamen cum tam iracundus sis, Tookere,
in auctores Canonum, quæ in ipsis Canonibus san-
cita sunt, non tardè vera esse cōcedis. Circa primū, qui
est Nazianzeni, sic scribis: *Reges & Praesides subiiciun-
tur Sacerdotibus in rebus Ecclesiasticis.* Circa quartum:
*Quis dubitat Sacerdotes Christi, Regum ac Principum esse
se Patres & Pedagogos in Christo?* Circa quintum Ge-
lasij: *Quæ dicis ille Pontifex, dabuntur omnia.* Circa sex-
tum: *Si Imperator vere Catholicus est, filius est Ecclesia
Catholica, non Praesul.* Ex quibus omnibus formatur
hæc propositio: Rex Angliae subiicitur Sacerdoti-
bus in rebus Ecclesiasticis, & est illorum filius ac dis-
cipulus, non Praesul aut Primatum tenens. Et quid
aliud hoc loco contendimus? Non enim agimus de
Primatu in temporalibus & politicis, sed solùm de
Primatu in Ecclesiasticis. Si ergo in Ecclesiasticis Rex
Angliae subiectus est Sacerdotibus, tanquam filius
ac discipulus; res salua est.

6. Iam, quòd etiam in Reges & Imperatores ini-
quissimus sis, nisi te moneam, non facilè aduertes.
Audi igitur. Inter nos & vos contentio est, quis in-
dixerit octo prima Concilia generalia, quis approba-
uerit, quis cum auctoritate eis praesederit? Nos Pon-
tifici, vos Imperatori adtribuitis. Igitur ex vestra sē-
tentia, septima Synodus à Cōstantino, octaua à Ba-
silio Imperatoribus indicta, cōfirmata & approbata
est. At tu de septima sic scribis: *Hæc Synodi auctoritas
imbecillior est, quàm ut causam nostram ledat.* De Adriano
verò cuius Canō ex octaua Synodo descriptus est, sic
habes: *Adriani auctori atē nihil moramur.* Quid hoc aliud
est, quàm apertè quidē in ipsas Synodos ac Pontifices,
occultè autē in Imperatores, cōtumeliosū esse? Nam,
si Cōstantinus Imp. indixit & approbauit septimā Sy-
nodū, sanè cū de Synodo sinistrè sētiās ac loquaris,
de Imperatore quoq; sinistrè sētiā ac loqui censeri
debes. Itaq; tua illa verba, quæ paulò ante effudisti,
Hæc Synodi auctoritas imbecillior est, perinde valent;

Hæc Constantini Imperatoris. Et 350. Episcoporum auctoritas imbecillior est. Simile est de Basilio Imper. Nam si is indixit & approbavit oſtavianum Synodum, ex qua Canon Adriani desumptus est; quidquid de hoc Canone dixeris de Imperat. dixisse existimandus es. Itaque pro illis verbis, *Adriani auctoritatem nihil moramur*, poteris sic scribere, *Imperatoris auctoritatem nihil moramur*. Iam aduertis, Toozere quàm benè meritis sis de tuo Rege Sacellano adi, vt te purget.

7. Sed nondum purgandi tempus. Adhuc pergis in tua calumnia. Et sicut circa Canones à me citatos, occultè perstringis Reges & Imperatores; sic apertè id facis circa Imperatoriam constitutionem à me citatam. Citavi autem constitutionem Iustiniani Imperatoris, quæ sic habet: *Si Ecclesiasticum negotium sit, nullam communionem habent ciuiles magistratus cum ea disceptatione, sed religiosissimi Episcopi secundum sacros Canones finem imponunt.* In qua constitutione decernit Imperator, seculares Principes non debere adesse, multo minus præſe aut præſidere in negotiis & disceptationibus Ecclesiasticis. Et in ea re seruari vult sacros Canones, quibus cautum est, vt Episcopi, non autem Principes tractent controuersias ad Ecclesiam pertinentes.

8. Hic, inquam apertè perstringis Imperatoriam auctoritatem; & quidem tripliciter. Primò, quia cum ego in hac vna Iustiniani Constitutione tantum momenti esse viderem, vt illam arbitraret sufficere pro mea causa (tuam enim sine dubio euerit) tu per contemptum mihi obicis illud ex Poëta, *Pauperis est numerare pecus*. Secundò, quia huic ipsi Constitutioni opponis, nescio quas alias sanctiones, quod nihil aliud est, quàm illius auctoritatem eneruare. Tertiò, quia Imperator in sua Constitutione, allegat antiquos Canones, & non solum allegat, sed etiam, pia veneratione, *Sacris* appellat. At tu, cum tuo Agrippa, parui pendens Imperatoris in hac re iudicium, & auctoritatem, eosdem Canones, illiberali conuitio, *palearum* nomine vocasti. I nunc, & Regum ac Imperatorum patronum te esse, persuade. Vnius assentator es, aliorum hostis. Hoc sequenti Commentario clariùs ostendam.

CAPVT V.

An Rex, consensu doctorum hominum habeat Primatum Ecclesiæ?

1. **E**Xcepto Sacellano, & quibusdam aliis adulatoribus, reclamant omnes cordati & docti viri: Episcopi, Pontifices, Reges, Imperatores alij. Seligam paucos, ne molestus sim: & incipiam à primitiua Ecclesia.

2. S. Ignatius, Ioannis Euangelistæ discipulus, in Epistola ad Philadelphienſes, hic habet: *Principes, subditi estote, Cæsari, milites Principibus Diaconi Presbyteris: Presbyteri verò & Diaconi, atque omnis clerus, simul cum omni populo & militibus atque Principibus, sed & Cæsare, obediant Episcopis: Episcopus verò Christo, sicut Patri Christus: & ita vni ac per omnia seruetur.* Vox digna viro Apostolico. Omnes, inquit, obediant Episcopo: Etiamne Cæsar? Omnino. Quidni & Rex?

3. Hosius Cordubensis Episcopus, qui interfuit primò Conc. Nicæno, Constantinum Imperatorem sic affatus est; *Desine queso Imperator, ne temisceas Ecclesiasticis, neque nobis in hoc genere præcipe, sed potius en-*

à nobis disce. Tibi Deus imperium commisit; nobis quæ sunt Ecclesia, concedidit. Et quemadmodum, qui tuum Imperium malignis oculis corpis, contradicit ordinationi diuinæ: ita & tu caue, ne quæ sunt Ecclesia, ad te trahens, magno crimini obnoxius fias. Refert hæc verba Athanasius in Epistola ad solitariam vitam agentes.

4. S. Ambrosius epist. 33. ad Marcellinam sororem suam scribit se Valentiniano Imperatori dixisse, *Noli te grauare Imperator, vt putes te in ea, quæ diuina sunt, imperiale aliquod ius habere. Noli te extollere, si vis diutius imperare. Esto Deus subditus.* Scriptum est enim, *quæ Dei, Deo, quæ Cæsaris, Cæsari.* Ad Imperatorem palatia pertinent: ad Sacerdotem, Ecclesia. Publicorum tibi mercedum ius commissum est, non sacrorum. Idem planè Ambrosij, qui & Hosij spiritus, eadem dicendi libertas, idem zelus. Vtinam Sacellanus & similes, qui in Anglia sunt, eodem spiritu, in simili causa vterentur. Sed pauent, nec expendunt illud Christi, apud Matt. 10. 19. *Cum steteritis ante Reges, nolite cogitare, quomodo aut quid loquamini. Dabitur enim vobis in illa hora, quid loquamini. Non enim vos estis, qui loquamini, sed Spiritus Patris vestri, qui loquitur in vobis.*

5. Hosio & Ambrosio, in ea re similis est Athanasius (magis apud Regem Angliæ auctoritatis) qui in epistola citata, grauiter reprehendit Constantinum Imperatorem, quod Ecclesiasticam iurisdictionem sibi vsurparet, ideoque eum vocat *Antichristum, Apostatam, fidei desertorem, canem, carnificem, filium perditionis, pestem, bellum*, quæ ex membris humanis & animo ferino conflata est. Eundem cum Achabo, Antiocho, & Herode comparat, asserens, malorum omnium esse voragineam & gurgitem, omnis impietatis caput, hæreticorum incitamentum, acerbicatis radicem, blasphemiarum propugnatorem, religionis euerſorem, & quæ similia sunt. Addit denique inauditum esse, quod Reges & Imperatores misceant se causis ad Ecclesiam pertinentibus. & inter alia sic habet: *Quando à condito auro auditum est, quo iudicium Ecclesiæ, auctoritatem suam ab Imperatore accepit: aut quando unquam hoc pro iudicio agnitum est? Plurima antea Synodi fuerunt, multa iudicia Ecclesiæ habita sunt: sed nunquam Patres istiusmodi res Principi persuadere conati sunt: nec Princeps se in rebus Ecclesiasticis curiosum præbuit.*

6. Conspirant alij Patres S. Martinus Turon. Episc. Maximo Imper. in faciem dixit: *Nonum esse & inauditum nefas, quod causam Ecclesiæ Index saculi iudicaret*, vt est apud Sulpitium l. 2. sacræ historiarum in fine. Et Leontius Episc. Tripolitanus, teste Suida, ad Constantium Imperatorem: *Miror quomodo ad alia vocatus aliis rebus te immiscens. Militariibus enim & politicis rebus præfectus, in his quæ ad solos Episcopos pertinent præesse vis.* Et Cyrillus Hierosolymitanus catechesi 17. *Ad hodiernam vsque diem terminus mundanos Principes regi & instrui ab Ecclesiasticis.* Omitto reliquos.

7. Nec alia Regum & Imperatorum fuit sententia. Submiserunt se episcopis & Pontifici: neque causas ecclesiasticas ad se pertinere arbitrati sunt. Valentinianus senior Imperator, cum importunè rogaretur, vt permetteret haberi Concilium, in quo de quibusdam rebus fidei decerneretur, respondit: *Mihi, qui vnius è numero laicorum sum non licet, eiusmodi negotiis me interponere. Sacerdotes & Episcopi, quibus hæc cura sunt, ubicunque ipsis liberum fuerit, conueniant.* Refert Sozom. lib. 6. hist. cap. 7. Niceph. lib. 11. cap. 30. Rufin. lib. 1. cap. 2. Baron. tom. 4. Annal. anno 304.

8. Eodem sensu & affectu Theodosius Iunior in Epistola ad synodum Ephesinam: *Candidianum Comitem ad hanc sacram vestram Synodum abire iussimus: sed ea lege & conditione, vt cum questionibus & controuersis, quæ*

circa fidei dogmata incident, nihil quicquam commune habere. Nefas enim est, qui sanctissimorum Episcoporum catalogo adscriptus non est, cum Ecclesiasticis negotiis & consulationibus se immiscere.

9. Basilius Imperator in oratione, quam habuit in octava Synodo generali, quæ tempore Adriani Papæ, Constantinopoli celebrata est, in causa Photij Patriarchæ: *De vobis autem laicis, tam qui in dignitatibus quam qui absolute versamini, quid amplius dicam, non habeo, quam quod nullo modo vobis licet de Ecclesiasticis causis sermonem mouere, neque penitus resistere integritati Ecclesiæ, & uniuersali Synodo aduersari. Hac enim inuestigante & querere, Patriarcharum, Pontificum & Sacerdotum est qui regimini officium sortiti sunt, qui sanctificandi, ligandi, & soluendi potestatem habent: qui Ecclesiasticas adepti sunt claves: non nostrum, qui pasci debemus, qui sanctificari, qui ligari, vel à ligamentis solui egemus.* Nihil clarius dici potuit. Nimirum intellexit Imperator, non Reges, sed Episcopos, Ecclesiæ regimen sortitos esse; ideoque non illos, sed hos oportere statuere, quæ ad controuersiam Ecclesiasticam inter Photium & Ignatium spectare putabantur.

10. Simile exemplum habemus in Constantino Magno, qui cum Donatistæ non contenti episcopali iudicio ad ipsum causam ecclesiæ detulissent, ita exclamasse fertur: *O rabida furoris audacia! Sicut in causis gentiliū fieri solet, appellationem interposuerunt.* Ita refert Optatus Mileuitanus lib. 1. contra Parmenianum. De eodem Imperatore scribit Aug. epist. 165. *Constantinus non est ausus de causa Episcopi iudicare.* An Rex Angliæ maior Constantino? Sacellanus ita vult.

COMMENTARIUS.

1. **I**N hoc capite citavi septem Patres & quatuor Imperatores, contra Primatum Regium. Patres quidem, Ignatium, Hosium, Athanasium, Ambrosium, Martinum, Leontium, Cyrillum. Imperatores, Valentinianum, Theodosium, Basilium, Constantinum.

2. Tu, circa Patres, longè alius es, Tookere, quam fuisti. Agis sobriè, modestè, pacificè: at quæcūque ab eis dicta sunt, vltro concedis sub hac vel simili loquendi formula: *Rectissime: res ita se habet verò nihil verius: omnia, ut veritati consentanea, conceduntur.* Gaudeo, nam subito in alium virum mutatum te esse; præsertim si animo etiam, & non pelle tantum mutatus es. Porro ex iis, quæ à Patribus dicta, à te concessa sunt, compendio hæc colligi possunt. 1. Rex Angliæ obediatur episcopo; Episcopus Christo. 2. Non misceat se ecclesiasticis negotiis. Non enim illi commissa sunt. 3. Palatia ad illum pertinent, non ecclesiæ. 4. Nihil illi cum Synodis. 5. Nec vllam ecclesiæ causam iudicare debet. *Omnia, inquis, ut veritati consentanea conceduntur.* Accipio.

3. Circa Imperatores duriores. Et valde suspicor, te ad ingenium hic redire. Iracundè fers, quod tam clare locuti sint contra Primatum Regium: & accusas eos, quasi plus æquo tribuerint episcopis, & hac ratione, suæ ipsorum authoritati plurimū derogarint. Sic enim scribis de Valentiniano: *Quod Episcopis tantam rem reliquisset diiudicandam, non solertiam, sed timiditatem & inertiam hominis denotat.* Et de Basilio: *Est, præiudicet sibi Basilius Imperator, aliisque, haud quidem veritari præiudicat.* Et de Constantino: *Non est ausus iudicare in persona propria, forsan ignarus Canonum & decretorum Ecclesiæ.*

4. Quid audio, Tookere? Tunc Imperatorum Christianorum censor factus es? Et quia non sentiunt ad tuum palatum, ideo inertiam, timiditatem, præ-

iudiciū, & ignorantiam illis obiciis? Video, quid spectes. Tuo Regi placere vis; reliquos non æstimas. Ille, sapientissimus, doctissimus, clarissimus, prudensissimus, religiosissimus, deuotissimus tibi est; reliqui, inertes, timidi, præiudiciosi, ignari. Hoc est, quod supra dixi, vnius assentatorem te esse; reliquorum hostem.

CAPVT VI.

An Rex titulo præscriptionis habeat Primatum Ecclesiæ?

1. **H**OC planè videtur ipse velle. Nam in monitionia præfatione, disertè ait; aliquos ex suis antecessoribus usurpasse Primatum Ecclesiæ in Angliæ; neque passos esse, ut Pontifex vllam iurisdictionem ibi exerceret, sed ipsos eam sibi vendicasse. Itaque nihil noui se facere, eundem Primatum usurpando.

2. Sed valde friuolum hoc est. Nā si sic liceret argumētari, facile erit omnes penè abusus excusare. Ostendam simili exemplo. Rex Achas in veteri Testamento colebat falsos Deos, & veri Dei cultum negligebat. 4. Reg. 16. 3. Quæram, an rectè id fecerit, necne? Dicet, rectè se fecisse: & sic probabit: *Aliqui ex meis antecessoribus coluerunt falsos Deos. Ergo nihil noui à me fit. Iure igitur facio.* Quid absurdius? at tamen sic agit Rex Angliæ. Ostendit paucos è multis, qui obedientiam Pontifici recusarunt: & eorum exemplo inobedientiam suam excusari vult. Sed frustra. Cum enim ius diuinum clarum & liquidum est, quid prodest in contrarium niti, etiamsi infinita in contrarium proferantur exempla? At supra ostensum est, ecclesiæ Primatum ad Episcopos, non autem ad Reges diuino iure pertinere. Hoc ius nulla præscriptione, nulla consuetudine humana aboleri potest. A Deo, qui homine maior est, vim suam habet. ergo quamdiu Deus vult, vim suam retineat, necesse est.

3. Addo, si ex factis Regum volebat argumentari Rex, sic potius concludendum ei erat. *Multo plures ex meis antecessoribus venerati sunt auctoritatem Pontificis, quam respuerunt.* Ergo & ego venerari eam volo, non respuere. Nec dubium, quin ita sit. Testes sunt Lucius, Eduinus, Osualdus, Sigbertus, Penda, Ina, Eduardus, Henricus 1. & complures alii. Extant illorum acta. Ex iis hæc accipe.

4. Eduardus in epist. ad Nicolaum 1. Pontificem, circa annum Christi 1060. ita scribit: *Summum vniuersalis Ecclesiæ Patri Nicolaus, Eduardus gratia Dei Anglorum Rex debitam subiectionem & obedientiam.* Pauca, sed ponderosa verba. Agnoscit illum Patrem, & quidem summum Patrem, nec vnius alicuius particularis, sed vniuersalis Ecclesiæ Patrem. Quid amplius: debitum subiectionem & obedientiam illi promittit. An hoc faceret si supra Pontificem putaret esse Regiæ maiestatem?

5. Nec aliter Henricus 2. in epistola ad Alexandrum 3. quæ habetur apud Petrum Blesensem Secretarium epist. 136. *Vestra, inquit, magnitudinis promissio, me vestra dispositioni in omnibus pariturum.* Itemque: *Deus extulit vos in eminentiam officii pastoralis, ad dandam scientiam salutis plebi eius.*

6. Regem ægina imitata est, pari animo, pari subiectione Aleonoram dico, Henrici Regis uxorem. Scripsit illa tres epist. ad Celestinum Papam, in quibus vocat eum, *Principem Sacerdotum, Vicarium crucifixi, successorem Petri, Christum Domini, Deum Pharaonis, orbis Episcopum.* Et inter alia sic addit: *Non Rex, non Imperator a iugo vestra iurisdictionis eximitur. Et rursum: Christi crux antecellit Caesaris Aquilas: gladius Petri gladio Constantini: & Apostolica sedes præiudicat Imperatorie potestati.* Quid clarius? Extant hæc epistolæ quod

apud eundem Blesensem, epist. 144. 145. & 146.

7. Hinc iam satis apparet, quid olim tenent Reges Angliæ de Primatu Romani Papæ. Aulim addere, ut illos in orbe Christiano extitisse Reges, qui tam bene de Pontifica meruissent, quam Anglicani. Parum putarent, si in Ecclesiastico regimine illis parerent. Ipsum regnum, etiam in temporalibus, feudatarium illi fecerant. Patetur hoc Henricus I. in epistola ad Alexandrum III. iam citata his verbis: *Vest a iurisdictionis est regnum Angliæ: & quantum ad feudatarij iuris obligationem, vobis duntaxat obnoxius tenet & obstringor.*

8. Multo fufius id persequitur Polydorus Virgilius lib. 4. hystorie Anglicanæ, ubi de Ina Regis sic scribit: *Officia eius Regis, pietatis plena, infusa prodantur, & illud imprimis, quod Regnum suum Romano Pontifici vestigale fecerit, singulis argenteis numeris, quos denarios vocant, in singulas domos impositis. Fecit idem, eius exemplo, ut opinor, ductus Offa Merciorum Rex, qui non multo post id tempus regnavit. Fuit id annus salutis circiter 740. Hoc vestigal, prout quidam scribunt, auxis postea Atulphus Rex, qui ut proximo libro demonstrabitur, totius ferè Insule imperium tenuit. Omnis Angliæ hoc tempore (nimirum sub Henrico VIII. istuc vestigal pietatis & religionis causa a Romano Pontifici pendit domesticationis collatum, & nummi isti argentei vocantur vulgo denarij D Penn, quos Pontificius quæstor, quem non infrequenter collectorem nuncupant, exigat. Nos hanc olim quæsturam aliquot per annos gessimus, cuiusque muneris obeundi causa, primum est in Angliam venimus.*

9. Magnum testimonium. Ex quo colligimus, Reges Angliæ non alia, quam pietatis & religionis causa, illum regnum fecisse Pontifici vestigale. Sanè si Rex Iacobus volebat suorum antecessorum vestigijs insistere; cur hos Reges, qui à pietate & Religione commendantur, imitatus non est? cur, inquam, ab horum pietate & religione tam longè abicedit? Cur cum illi, tam in temporalibus, quam Ecclesiasticis, Pontifici se submitterent; ipse in utroque illum abiect & contemnit? Et quod magis mirum est, cur alijs quoque Regibus, ut idem faciant, conatur perlinadere?

18. Ex dictis, sic infero; Si in hoc negotio, præscriptionis locus esset, ea nobis potius laueret, quam Regi. Ab antiquis enim temporibus, ut iam ostensum est, usque ad Henricum 8. Elisabethæ parentem, tota Angliæ quotannis solita est Romano Pontifici dare vestigal, in recognitionem supremæ illius iurisdictionis Ecclesiasticæ; Ergo hoc senfacto, tam longa consuetudine præscriptum, satis testatur; Pontificem esse Primatum Ecclesiæ universalis, jactque adeo Anglicanæ.

COMMENTARIUS.

1. **H**ic quaeritur, an Rex Angliæ titulo præscriptionis habeat primatum Ecclesiæ. Posui duo argumenta: unum, quo Rex vitur, alterum, quo vit deberet. Prius, quo vitur, est hoc: *Aliquis ex meis antecessoribus usurparunt Primatum Ecclesiæ: Ergo, titulo præscriptionis, passum & ego usurpare.* Posterius, quo vit deberet, est hoc: *Plures & meliores ex meis antecessoribus usurparunt Primatum Ecclesiæ, sed auctoritatem Pontificis agnouerunt: Ergo & mihi idem faciendum est.*

2. Hoc posterius confirmavi exemplis multorum Regum. Prius verò, dupliciter oppugnavi. Primum à simili argumentandi formula. Sicut enim non sequitur: *Aliqui ex meis antecessoribus fuerunt idololatre: Ergo & ego possum esse.* Sic etiam sequitur: *Aliqui usura-*
Opusc. Bec.

A parum Primatum Ecclesiæ: Ergo & mihi licet. Secundò, quia præscriptio non habet locum in iis, quæ sunt iuris divini: At primatus Ecclesiæ iure divino pertinet ad Pontifices & Episcopos: Ergo Reges, titulo præscriptionis non possunt illum usurpare.

3. Hic tu tria facis. Tookere. Primum, Regem Angliæ, qui nunc est, commendas ab obsequiis. Secundò, antecessores eius, quos ego laudavi, reprehendis, quod Pontificis auctoritatem agnouerunt, ac venerati sunt. Tertio, multa disputas de præscriptione, quid sit, & quas condiciones habeat. Singula expendamus.

4. Igitur de eloquentia Regis, he scribis: *Serenissima maiestas, tanquam aureum flumen verborum fundens, sic præfatur: Nunc verò, ut cetera exteriorum Regum facta præteream, satis erit decessorum meorum aliquos, qui in Angliæ regnarunt, exempla memorare. Et proinde recitat ea quæ sequuntur. Sed, mi Tookere, quid hoc ad rem? Aliud est, eloquentem esse; aliud, bene argumentari. Non quaeritur hic, quo verborum apparatu vel splendore vitatur Rex Angliæ; sed quàm nervosè probet, Primatum Ecclesiæ, nullo præscriptionis ad se pertinere. Ego vigeo, non posse hoc illum probare: tu ad aureum verborum flumen recurris. Quid hoc aliud est, quàm forum declinare? aut, sciscitanti de alijs, respondere acceperis?*

5. Iam alios Reges, qui hunc antecesserunt, & omni laude propter eximiam erga Romanos Pontifices pietatem ac reverentiam, dignissimi sunt, mirum est, quàm petulantè infectis. His, in crassissimis tenebris vixisse, simplices, infatuatos, bestia Romana oblandiantes, magnos assentatores, auro poculo fornicationum purpurata meretricibus inebriatos: dixisse multa inania, verborum portenta, vanitatis commenta, præpostera. Pontifices verò, quibus obtemperaverunt, fuisse candidos, Antichristos, Diabolos. N mirum ut præcedenti capite, Christianos Imperatores, Valentinianum, Basilium, Constantinum, multis alijs communis persecutus es, ita nunc Catholicissimos Angliæ Reges non minori contumelia exagrandos esse censuisti. Quis iam non videt, Tookere, quod sæpe dixi, omnium, Regum ac Imperatorum hostem te esse, vnius Iacobi assentatorem? Adeò, ut ne us quidem parcas, qui hoc tempore, in Europa, rerum potiuntur Regibus, inquam, Hispaniæ, Galitiæ, & Magno Hetruriz Duci: quibus nescio, quàm notam appingere ausus est.

6. De præscriptione sic habes: *Quia autem latissimus caput hic proponebatur, in quo tua excurrere possit oratio, totus hic de præscriptione locus à te prætermittitur, quæ lenipede transilis. Est autem præscriptio vel usucapio, acquisitio domini, utilis vel directi, per continuationem possessionis, ac longi temporis lege definiti. Ad illam complendam quatuor requiruntur, continuatio possessionis, bona fides, iustus titulus, & quod res non sit vitiosa. Audi Tookere. Non opus erat, meam orationem excurrere in hunc campum de præscriptione. Eius rei duas rationes iam supra insinuaui. Una est, quia præscriptio non habet locum in iis quæ sunt iuris divini: At Primatus Ecclesiæ divino iure pertinet ad Apostolos, qui Ecclesiæ propria auctoritate gubernarunt, Synodum indixerunt, legem sanciverunt, controversias dirimerunt, ut supra tu ipse fallus es. Hoc ius divinum hætenus mutatum non est, nec vlla hominum præscriptione mutari potest: Altera, quia si agendum esset lege præscriptionis, potior esset mea causa, quàm tua: Nam plures fuerunt Reges & Imperatores Christiani ante hæc tempora, qui agnouerunt auctoritatem Pontificis in spiritalibus, quam qui respuerunt. Et Pontifex sine vlla interruptione, per tot annorum spatia, manet in continuata possessione, quod de Regibus Angliæ dici non potest.*

CAPVT VII.

An Rex ex propria doctrina possit Primatum suum defendere.

INuenio duo principia in libello Regis, quæ si vera sunt, Primatum suum tueri non potest. Vnum est (in quo conuenit cum Bellarmino) quod, qui habet Primatum Ecclesiæ, possit creare & deponere Episcopos; dare illis iurisdictionem & auferre. Vnde Bellarminus, quia vult, Pontificem habere Primatum totius Ecclesiæ, consequenter dicit, Pontificem in tota Ecclesiâ posse id facere. Rex verò, quia putat, vnumquemque Regem in suo Regno, & Imperatorem in suo Imperio habere Primatum Ecclesiæ; consequenter dicit, vnumquemque Regem in suo regno, & Imperatorem in suo Imperio posse creare Episcopos & deponere; dare iurisdictionem & auferre. Quod autem Rex Angliæ ita sentiat, patet ex ipsius verbis. Sic enim habet in monitoria præfatione: *Primum illud videamus, quàm longè Imperatores atque Reges, qui superioribus saculis Christianè & Christianèque vixerunt, ab eo abfuerint, ut in se aliquod Pontifici esse crederent: cum contra, Papas ipsi creauerint, in ordinem redegerint, adeoque de sede decesserint* Quibus verbis conatur ostendere Pontifices olim non habuisse Primatum Ecclesiæ supra Reges & Imperatores; sed hos potius habuisse supra illos. Quare? quia potuerunt creare, ordinem redigere, & de sede deicere Pontifices. Et paulo post: *sed & per atate complurimas certum ius ac inuolatum apud Imperatores mansit. Romanos Pontifices creandi.* Eam Apologia id confirmat exemplo Reg. veteris Testamenti. *Qui, inquit, exauthorauerunt summum Pontificem, aliumque eius locum subrogauerunt. In summa cuncta moderati sunt, quæ ad Ecclesiasticum regimen quoquo modo pertinebant.* Eodẽ modo loquitur Sacellanus Regis in Tortura Torti: *A Regem, inquit, pertinet, Pontificem exauthorare, & in locum Abiathari Sadocum surrogare. Facis hoc, credo, ad Primatum Regis.*

2. Alterum principium Regis est, (in quo dissentit, non solum à Bellarmino, sed etiam à seipso, ut videbimus) quod Episcopi omnem suam iurisdictionem immediatè accipiant à Deo: Sic enim habet in monitoria præfatione: *Episcopos esse in Ecclesia debere, tanquàm institutionem Apostolicam, ac ordinationem proinde diuinam, contra Puritanos, contraque Bellarminum semper sensi, qui negat Episcopos à Deo immediatè suam iurisdictionem accepisse. Sed nihil mirum à Puritanis cam stare, cum Lesuita nihil aliud, quàm à Puritano Papiste sint.* Hic duo obiter notanda sunt. Vnũ est, quod sermo sit de iurisdictione exteriori, de qua etiã quæstio nostra est. Hanc enim Bellarminus vult immediatè conferri à Pontifice; non autem potestatem ordinis, vel iurisdictionis interioris, ut patet lib. 4. de Pontifice, cap. 24. & 25. Alterum est, quod Bellarminus, cum agitur de hac iurisdictione Episcoporum, nullo modo consentiat cum Puritanis, ut hic falso illi asstringitur. Nam Puritani duo docent. 1. Hanc iurisdictionem conferri à populo, vel Magistratu seculari. 2. Aequalem esse in Episcopis & aliis Ecclesiæ ministris. Tollunt enim omnem ordinem distinctionem, & Hierarchiam Ecclesiasticam, & in omnibus volunt esse æqualitatem & paritatem. Hoc fatetur Rex in monitoria præfatione, his verbis: *Et quo studeo in Episcopis, & Ecclesiastica Hierarchia defensionem semper incubui, eodem in confusam illam Amarchiam & Rarilitatem Puritanorum in neclius sum.* Et

A infra: *Egone Puritanus qui suam Episcopis dignitatẽ reſtitui, & æqualitatem illam popularem repressi? At Bellarminus in viroque puncto ab iis dissidet. Nam primò, non vult iurisdictionem Ecclesiasticam conferri à populo, vel magistratu seculari; sed immediatè à Pontifice, mediatè verò à Deo; ut disertè fatetur lib. 4. de Pontifice cap. 25. in solutione quartæ obiectionis. Vtrumque, inquit, iam ordo, quàm iurisdiclio à Deo confertor: sed ordo immediatè, iurisdiclio mediatè. Secundo, vult Episcopos in hac potestate & iurisdictione, superiores esse aliis Sacerdotibus, qui Episcopi non sunt, & quidem iure diuino. Sic enim habet lib. 1. de Cler. c. 14. Ecclesia, Catholica distinctionem agnoscit, & docet iura diuina Episcopos à presbyterio maiorem esse, in ordinis potestate, tam etiam iurisdictione. Et hoc probat autoritate Conc. Trident. & variis argumentis. Itaque toto, quod aiunt, cælo distat à Puritanis. Sed hæc obiter. Nunc ad rem.*

3. Ex his ergo duobus principijs, quæ ex libello Regis desumpta sunt, conficio hunc syllogismum, contra Regem: Qui habet Primatum Ecclesiæ, potest dare & auferre iurisdictionem Episcopalem, quibus vult, iuxta primum principium: At Rex Angliæ non potest dare & auferre iurisdictionem Episcopalem, quibus vult: Ergo Rex Angliæ non habet Primatum Ecclesiæ in Angliâ: Minorem probo ex secundo principio, quia Episcopi omnem suam iurisdictionem accipiunt immediatè à Deo: Ergo non accipiunt illam immediatè à Rege: Ergo Rex non potest illam immediatè dare: Ergo nec auferre.

C 4. Hinc duo infero, Primum est, quod Rex sibi ipsi contrarius sit. Nam vno loco dicit iurisdictionem Episcopalem immediatè accipi à Deo: altero, eandem dari & auferri immediatè à Rege; quæ duo non coherent. Vel ergo Rex non potest illam dare & auferre: & sic non habet Primatum Ecclesiæ: vel si potest, falsum est: quod contra Bellarminum dixit. Iurisdictionem Episcopalem immediatè à Deo conferri. Posterius est, quod Bellarminus, quem Rex oppugnat, consequenter locutus sit, quod Rex facere non potuit. Dixit enim Pontificem habere Primatum Ecclesiæ, & posse dare & auferre iurisdictionem Episcopalem. Dixit etiam hanc iurisdictionem esse quidem à Deo, non tamen immediatè ab eo conferri, sed mediante Pontifice. Hæc autem optime coherent.

5. Ex omnibus, quæ hæctenus disputata sunt, ita concludo: Rex Angliæ, nec iure naturali, nec iure diuino veteris Testamenti, nec iure diuino noui Testamenti, nec iure civili aut canonico, nec consensu doctorum hominum, nec titulo legitimæ præscriptionis, nec ex principijs propriæ doctrinæ, potest habere Primatum Ecclesiæ in Angliâ: Ergo nullo modo potest cum legitimè habere. Facessant igitur Sacellanus & similes adulatores, qui contrarium illi persuadent.

COMMENTARIVS.

1. **I**N hoc capite ex duobus principijs Regis Angliæ probatur, illum non habere Primatum Ecclesiæ. Vnum principium est, quod is, qui habet Primatum Ecclesiæ, possit dare & auferre iurisdictionem Episcopalem, quibus vult. Alterum, quod Episcopi omnem suam iurisdictionem immediatè accipiant à Deo. Ex quibus sic argumentatus sum: Qui habet Primatum Ecclesiæ, potest dare & auferre iurisdictionem Episcopalem, quibus vult. At Rex Angliæ non potest illam dare & auferre, quibus vult. Ergo non habet Primatum Ecclesiæ.

2. Hic multum sudas, Tookere, ut succurras tuo Regi. Priori principio concesso, distinguis posterius, asserens, Episcopos habere omnem iurisdictionem à Deo vel mediata, vel immediata: Et quidem iurisdictionem fori interioris haberet totam immediatè à Deo; iurisdictionem verò exteriorem, partim immediatè à Deo, partim immediatè à Rege. Hanc distinctionem fore periculis & inculcas. Sed frustra. Nihil enim profutura est Regi, quod sic ostendo: Quando Rex Angliæ dicit, Episcopos habere suam iurisdictionem immediatè à Deo, addit, id id dicere contra Bellarminum. Igitur, quid Bellarminus sentiat, videndum est. In autem lib. 4. de Pontifice cap. 24. & 25. dilertè docet, iurisdictionem interiorem immediatè conferri à Deo; exteriorem immediatè à Pontifice & mediata à Deo. Priorem partem concedit Rex Angliæ, posteriorem negat. Vult, tam exteriorem, quam interiorem, immediatè esse à Deo. Sic enim loquitur contra Bellarminum: *Episcopos esse in Ecclesia, auctores institutionem divinam, semper sensi contra Bellarminum, qui negat, Episcopos à Deo immediatè suam iurisdictionem accepisse.* Quæ postiora verba debent intelligi de exteriori tantum iurisdictione; alioquin falsa essent. Nam Bellar. non negat, Episcopos accepisse interiorem iurisdictionem immediatè à Deo, sed aperte affirmat. Si ergo id quod Bellarminus negat, Rex Angliæ affirmat, necesse est ipsum affirmare, quod Episcopi suam iurisdictionem exteriorem immediatè habeant à Deo.

3. Iam ergo repeto argumentum, quod initio posui, hoc modo; Qui habet Primatum Ecclesiæ, potest dare & auferre iurisdictionem Episcopalem fori exterioris: Rex Angliæ non potest hanc dare & auferre, sed solus Deus, ut ipsemet fateatur contra Bellarminum: Ergo Rex Angliæ non habet Primatum Ecclesiæ. Quid iam prodest hic tua distinctio, Tookere? aut quoniam ea necessaria est? Argumentum procedit de sola iurisdictione externa, de qua sola dissentient Rex & Bellarminus. Hanc totam Bellarminus vult immediatè esse à Pontifice; Rex immediatè à Deo.

4. Sed mirum non est, te hic laborare, ubi agitur de Ecclesiastica iurisdictione fori exterioris. Id vobis in Angliæ commune est. Nemo in ea explicanda cum alio contentit. Ac tria potissimum sunt, in quibus dissidetis. Primum est, in quo consistat hæc iurdictio exterior; an in sola potestate censuræ, seu excommunicationis, ut vult Sacellanus in Tortura Torti; an præterea in aliquo alio, ut tu contendis: Alterum, an Rex Angliæ habeat omnem iurisdictionem exteriorem, & quidem absolutissimè & perfectissimè, ut tu asseris? an nullā planè, ut Sacellano, Thomsonio & Barbillo placet? an aliquam eius portionem, ut alibi tibi visum est? Tertium, an Episcopi accipiant eam totam immediatè à Deo, Rex cum Sacellano affirmat? an aliquam eius partem immediatè à Deo, aliquam immediatè à Rege, quod tuum commentum est? De hac re plura dixi, tum in *Refutatione Tortura Torti*; Tum in *Dissidio Anglicano de Primatu Regis*.

CAP V'T VIII.

Quod sit ergo officium Regis circa Ecclesiam?

1. **O**stendi hætenus prolixè, Reges & Principes seculares non habere Primatum, sed iurisdictionem exteriorem in Ecclesia, ac proinde sua auctoritate non posse Ecclesiam regere; Synodos convocare, lites & controuersias huius dimicare, Ecclesiæ ministros creare vel deponere, contumaces excommunicare;

sed hæc omnia ad Episcopos & Ecclesiæ Prælatos diuino ac humano iure pertinere. An agitur Regibus in regimine Ecclesiastico nihil reliquum est? An planè ab hac cura exclusi & immunes sunt? Dicam paucis, quod res est: & dabo Cætan, quæ Cætanis sunt, Deo, quæ Dei.

2. Ac primò illud statuendum est contra Politicos; Reges & Principes Christianos non ita debere sua regna ac provincias ad ministrare, ut omnem religionis & Ecclesiæ curam abiciant, tanquam nihil ad se peruenientem, & usurpent illud Donatarum: *Quid Imperatori cum Ecclesia*, quod tantopere reprehendit Augustinus lib. 2. contra literas Petilianæ c. 92. Hoc enim & sacris literis, & bonorum Reg. exemplis, & rationi ipsi contrarium est. Laudantur in sacris literis David, Eleazar, Iotapat, Aia, & Iosias, quod cultum ac religionem Dei, vel promouerint, vel restituerint. Eorum exemplum in nouo Testamento imitati sunt Constantinus Magnus, Theodosius, Arcadius, Honorius, Carolus Magnus, Ludouicus, & alij. Contra verò non solum reprehensi, sed etiam puniti sunt, qui religionem & fidem contempserunt, ut Ieroboam, Achab, Achaz, Amon. Et ratio est, quia Reges, qui in sublimi potestate positi sunt, sicut ipsi ab inferioribus iure honorantur; sic Deum ipsum, à quo potestatem consecuti sunt, & cui iurenaturæ subiciuntur, merito honorare debent, & ipsius gloriam ac maiestatem ubique propagare. Vnde Agapitus ad Iustinianum Imperatorem: *Honore quolibet sublimiorem cum habeat dignitatem, Imperator, honora super omnes, qui hæc te dignatus est, Deum: quoniam iuxta similitudinem celestis regni, tradidit tibi sceptrum terrena potestatis, ut homines edoceres iusti custodiam, & eorum, qui quasi canes aduersus ipsam rabiunt, infestaueris latratum, cum ipsius obtemperando legibus, tum subditos tibi regendo proiure.*

3. Secundò statuendum est, eosdem Reges & Principes Christianos, nullo modo in suis regnis ac provinciis debere admittere libertatem fidei ac religionis, si impedire eam possint. Hæc enim libertas planè illicita, & Christianæ doctrinæ contraria est. Nam ut alibi dixi, multa in Evangelio sunt, ex quibus constat, Christum vnam fidem mandasse: variam ac multiplicem prohibuisse. Ac primò, voluit vnam tantum esse Ecclesiam, vnum ouile, vnum pastorem, vnum baptisma. Hæc autem sine unitate fidei consistere non possunt. Secundò, voluit discipulos suos attendere à falsis Prophetis: at in multiplici religione necesse est, alios esse veros, alios falsos Prophetas. Ergo, si hi excludendi sunt; fides vna retinenda est, varia explodenda. Tertio, voluit Ecclesiam suam perpetuam, cui omnes inferiorum potestates resistere non possint. Ac perpetua esse non potest, si vna omnium fides non sit: quod ipse testatur Lucæ 11. 17. *Omne regnum in se ipsum diuisum, desolabitur.* Apostoli ditertis verbis idem confirmant. Rom. 16. 17. *Rogo autem vos fratres, ut obseruetis eos, qui dissensiones & offendicula, præter doctrinam, quam vos didicistis faciunt, & declinate ab illis.* Galat. 1. 8. *Licet nos aut Angelus de celo Euangelizet vobis, præterquam quod Euangelizauimus vobis, anathema sit.* 1. Corint. 1. 10. *Obsecro vos, fratres, ut id ipsum dicatis omnes, & non sint in vobis schismata.* 1. Corint. 14. 33. *Non enim est dissensionis Deus, sed pacis.* Ephes. 4. 5. *Vnus Dominus, vna fides, vnum baptisma.* Hebr. 13. 9. *Doctrinis variis & peregrinis nolite abduci.* Vides, quàm seriò, quàm sollicitè & grauiter horretur Apostolus, ut unitatem fidei retineamus. Quod non faceret, si libertas indulgeri possit. Plura hæc sententiam dicta sunt in Disputat. De fide hereticis seruanda, capite 10. Nunc illud solum addo ex Augusti-

noxiis. 66. *Qua est peior mors anima, quàm libertas erroris?*

4. Quid ergo facient reges circa Ecclesiam ac religionem, si neque curam illius omninò reuere, nec etiam libertatem indulgere possunt? Dicam verbo. Debent illam tueri ac defendere: non ut *Domini*, sed ut *ministri*: neque ut *Iudices*, sed ut *executores*. Hoc olim fecerunt Christiani Principes: Hoc verbo testati sunt Carolus Magnus, ut alios omittam; apud Sigonium lib. 4. de regno Italix, sic ait: *Si Ecclesiarum Dei seruis magnificentiam nostram impertimus, eorumque studiis libenter obsequimur, id nobis ad Augustalis excellentia culmen proficere credimus. Si, inquit, obsequitur Ecclesiarum Dei seruis. Obsequium offert, non arrogat sibi Primatum. Vult esse minister in defensione Ecclesiarum, non Dominus.*

5. Idem Carolus, cum à Leone Papa coronam Imperij accepit: hac formula iurissurandi usus est: *In nomine Christi spò deo atque pollicor ego N. Imperator coram Deo & B. Petro Apostolo, me protectorem ac defensorem fore huius sancte Romane Ecclesie, in omnibus, quatenus diuino fultus fuero adiutorio, prout sciero poterique.* Resert Sigonius loco citato.

6. Et iam pridem vsu receptum est in Fràcia, Hispania, Anglia, Polonia, Hungaria, ut simili iuramento obstringant se Reges, & nominatim promittant, defensores se Ecclesiam ac religionem, eiusque Prelatis debitam reuerentiam & subiectionem præstituros. Neque hoc quicquam derogat ipsorum maiestati, imò perhonorificum est. Rectè Ambrosius epist. 32. ad Valentinianum Iuniorem: *Quid est, inquit, honorificentius, quàm ut Imperator dicatur filius Ecclesie? Imperator enim bonus intra Ecclesiam, non supra Ecclesiam est.* Et Theodoricus Italix Rex ad Ioannem Pontificem: *Sunt quidam Index Palatinus, sed vesternam desuam esse discipulus. Nam tunc ista rectè gerimus, si à vestris regulis minimè discedamus.*

7. Non ibo longius in hoc genere. Satis opinor, iam constat, quam curam circa Religionis & Ecclesie defensionem habere debeant Reges & Principes sæculares. Hoc addo, non deesse exempla huius rei, etiam hoc tempore, præsertim in Francia, Hispania, Polonia, Belgio, Germania, Italia.

COMMENTARIUS.

1. **T**ria dixi in hoc cap. Primò, Reges non debere omnem curam Ecclesie abicere. Secundò, nec permittere libertatem religionis. Tertiò, debere tueri ac defendere Ecclesiam, non ut *Dominos*, sed ut *ministros*; non ut *Iudices*, sed ut *executores*. Quod dupliciter probaui. 1. Exemplo Caroli Magni. 2. Ex formula iuramenti, quo Reges se obstringunt Ecclesie.

2. Duo priora puncta concedis, Tookere. Circa tertium tergiversaris. Ac primò, ad exemplum Caroli Magni, qui non arrogauit sibi Primatum, sed obsequium Episcopis promisit, respondes his verbis: *Habebat Primatum re, sed obsequium nomine ac simulatione officij præ se ferebat*: Quid hoc est, mi homo? An putas Imperatorem illum fuisse Puritanum, qui promitteret quidem Episcopis sua obsequia, sed verbo tantùm & simulatione, non autem re ipsa? Vbiq; in Imperatores iniquos es.

3. Secundò, ad formulam iuramenti, qua tum Carolus, tum alij Reges vsi sunt, respondes hoc modo: *Iuramenti formula non est pro Ecclesia Catholica, sed Romana Catholica.* Vix scio, quid velis. Si hoc vis, Carolum Magnum & alios Reges iurasse, se defensores, non totam

A Ecclesiam Catholicam, sed illam tantùm partem Ecclesie Catholice, quæ Romæ est; partim erras, partim pro nobis facis. In eo erras, quod putes, iuramentum ipsorum ad vnicam tantum Ecclesie partem pertinuisse. Iurarunt olim, & nunc iurant, quotquot in Hispania, Francia, Polonia, Hungaria, sceptræ regalia suscipiunt, se veram religionem & Ecclesiam, non Romæ tantùm, sed etiam in suis regnis, perpetuò defensores. In eo pro nobis facis, quod agnoscas Ecclesiam Romanam, tempore Caroli Magni ac deinceps, Catholicam fuisse, quæ aliàs soliti es negare.


4. Tertiò, valdè laudas Henricum VIII. Angliæ Regem, tum, quòd accepit titulum *Defensoris Ecclesie*, tum maximè, quod cum *illius titulationem in Evangelica lucis crepusculo perspexisset, instinctu quodam diuinitatis exarserit ad religionem promouendam, & superstitiones euertendas, magna orbis terrarum admiratione.* Quicquid sit de illo Rege, cui bene esse cupio, satis constat, non aliunde, quàm à Romano Pontifice (cui vobis insensu estis sine causa) accepisse titulum *Defensoris Ecclesie*, nec alterius Ecclesie, quàm Pontificis, quam Catholicam appellamus: nec ob aliam causam, quàm quod contra Patriarcham vestrum Lutherum, Pontificiam Ecclesiam defendisset. Si postea defecit ab illius Ecclesie vnitatem, non instinctu diuinitatis, sed carnis ac luxurie, factum esse manifestum est. Nec orbis Christianus est, cum promouisse religionem, sed illius Ecclesie, cuius antea fuerat Defensor deseruisse veritatem: & illius Regine, quam legitimo matrimonio sibi sociauerat, repudiasset eorum & cohabitationem. Nec id in lucis Evangelicæ, sed in hæresis Lutherane crepusculo accidisse, certum est.

5. Quartò, laudas Edouardum sextum, Henrici filium his verbis, *Id ipsum in Edouardo sexto, postea Rege, altero huius ætatis Gratiano, meminisse poterunt omnes, qui ut olim Gratianus Gentilius superstitionum hostis acerrimus, titulum & stolam Pontificiam aspernabatur, sic neque minimam falsi cultus umbram, ceremoniamve fucatam, etiamnum patiebatur, primatu nihilominus Christiano sibi retento, quo salubris Ecclesia consuleret, ac in longinquinum temporis prouideret.* Vt cetera omittam, quod adulteriora sunt, quid obsecro intelligis per Primatum Christianum, quem Rex ille retinuit? Sine dubio, eundem Primatum, quem à parente acceperat. Ac si Primatus ille Christianus fuit, cur illum hoc tempore non desertis vestro Regi? cur tanquam ludibrium vestræ Ecclesie pridem explosistis? Nam Edouardus quidem, ut patet ex ipsius rescripto ad Thomam Crammerum Archiepiscopum Cantuariensem, ratione sui Primatus, quem tu Christianum vocas, appellabat se *supremum in terris Ecclesia Anglicana caput*: quem sanè titulum vos nullo modo permittitis vestro Regi.


6. Quintò, laudas Elisabetham Reginam, quam Henrici filia, Edouardi soror fuit. De ea sic scribis: *Virisque horum vestigia infusa est, patris & fratris, Elisabetha, nostra, sed fœlicissima memoria, ac omni immortalitate dignissima Regina.* Vtinam taceres de fœmina, quam nec sponsam, nec virginem appellare ausi estis. Mirabuntur posteri, fuisse aliquando tempus, eum Angli, non modo in temporalibus, sed etiam in spiritualibus, vnius fœminæ arbitrio se submiserint, & illam tanquam supremam Ecclesiam Anglicanæ Dominam ac caput venerati sint. Sed mittamus hæc. Nam parum ad rem faciunt.

EPILOGVS.

Qua hactenus à me scripta sunt, ut in bonam partem accipias, Tookere, omnino abs te peto. Quanquam merito queri non potes. Primò, quia maiori modestia in te usus sum, quàm tu in me. Secundò, auiorem causam defendo, quàm tu. Tertiò, ego Dei gloriam, & Ecclesie utilitatem spero: tu vnus Regis gratiam & fauorem aucuparis.



OPVSCVLVM VII.

DE PONTIFICE
VETERIS TESTAMENTI.

Res hominum status ab orbe condito ad nos vsque distinguendi sunt. 1. Status naturæ, ab Adamo vsque ad Moysen. 2. Status legis Mosaicæ, seu veteris Testamenti, à Moysen vsque ad Christum. 3. Status gratiæ seu Evangelij, à Christo vsque ad finem mundi. In statu naturæ omnes primogeniti erant Sacerdotes, & diuino cultui peculiariter mancipati. In statu legis Mosaicæ, voluit quidem Deus omnes primogenitos sibi sanctificare (Exod. 13. 2.) sed tamen in illorum locum, ex xxi. tribubus Israël, elegit sibi tribum Leui, & eam diuino seruitio præ cæteris destinauit, iuxta illud Num. 3. 12. Ego tui Leuitas à filiis Israël, pro omni primogenito in filiis Israël, eritque Leuitas mei. Et cap. 8. 6. Tolle Leuitas de medio filiorum Israël, & purificabis eos. Et infra: Statues Leuitas in conspectu Aaron & filiorum eius, & consecrabis oblatos Domino, ac separabis de medio filiorum Israël, ut sint mei: Et postea ingredientur tabernaculum fœderis, ut seruiant mihi. Et iterum. Tui Leuitas pro sanctis primogenitis filiorum Israël, ut seruiant mihi in Tabernaculo, & orent pro eis, ne sit in populo plaga.

2. Porro in tribu Leui, tria hominum genera distinguuntur. 1. Leuitæ propriè dicti. 2. Sacerdotes. 3. Summus Sacerdos seu Pontifex. Tamen enim omnes, qui erant ex tribu Leui, generatim vocati fuerint Leuitæ, seu filij Leui: tamen ex vsu Scripturæ, Leuitæ propriè dicti distinguebantur à Sacerdotibus & Pontifice. Nam illi soli vocabantur Sacerdotes, qui offerebant victimas & sacrificia. Illi verò Leuitæ, qui Sacerdotibus ministrabant. Inter Sacerdotes, qui erat summus, vocabatur Pontifex. De eo potissimum hic agimus. Et quidem hoc ordine.

I. De familia Pontificis.

II. De Successione.

III. De Consecratione.

IV. De Officio.

V. De Vestibus & ornatu.

VI. De Redibus.

VII. De auctoritate apud populum.

VIII. De comparatione illius cum Rege.

IX. Quæ utilitas hinc colligi possit.

CAPVT I.

De familia Pontificis.

IN Tribu Leui erant multæ familiæ, quæ omnes iterum diuino destinabantur. Pontificatus, seu summum Sacerdotium secundum legem ordinariam, erat in sola familia Aaronis. Habuit autem Aaron quatuor filios, Nadab, Abiu, Eleazar, & Ithamar. Num. 3. 2. Hi omnes simili à Moysen consecrati sunt: Aaron quidem in summum Sacerdotem seu Pontificem, filij eius, in simplices seu minores sacerdotes. Exod. 29. per totum. Duo primi, Nadab, & Abiu, occisi sunt à Deo, quod ignem alienum obtulissent, Leuit. 10. 1. & sine liberis decesserunt. 1. Paral. 24. 2. Reliqui duo, Eleazar & Ithamar, manserunt in officio sacerdotali, cum hoc tamen discrimine, ut Eleazar succederet patri in Pontificatu, non autem Ithamar: Et rursus Eleazaro succederet filius eius primogenitus; & huic etiam primogenitus, & sic deinceps. Alij omnes, essent simplices Sacerdotes.

CAPVT II.

De successione Pontificum.

1. **A**ron fuit primus Pontifex à Deo constitutus, & à Moysen consecratus, cum iure successionis Eccl. 45. 8. Quod addo, propter Moysen, qui fuit etiam Pontifex, & quidem ante Aaronem; Sed extraordinarius, & sine iure successionis. Nam filij Moysi non erant Pontifices; imò ne Sacerdotes quidem, sed tantum Leuitæ, qui seruebant Sacerdotibus, 1. Paral. 23. 14.

2. Aaroni successit Eleazar, filius eius, cum pari potestate; & huic similiter Phinees, cui propter zelum diuini honoris, promissit Deus sempiternum Pontificatû, iuxta illud Num. 25. 13. Et tunc ipsi, quàm semini eius, pactum Sacerdotij sempiternum, quia zelatus est pro Deo suo, & expiauit scelus filiorum Israël. Et 1. Mach. 2. 34. Phinees pater noster, zelando Zelum Dei, accepit testamentum Sacerdotij æternum. Idem repetitur Eccl. 45. 28.

3. Hic duæ occurrunt difficultates. Vna; Cur Deus promissit Phineez & semini eius Pontificatum sempiternum, cum ei deberetur iure successionis? Nam Phinees erat primogenitus Eleazari: primogenitus autem ex Dei ordinatione, succedebat patri in Pontificatu. Altera, quomodo hæc promissio fuerit impleta, cum constet, Heli & multos alios fuisse Pontifices, qui tamen non erant ex semine Phineez, sed ex familia Ithamar.

4. Ad priorem sic respondeo. Ius successionis in eo consistebat, ut patri succederet filius primogenitus, si viveret. Si autem pater adhuc superstiti, moreretur primogenitus, tunc secundogenitus in eius locum subrogaretur. Itaque primogenitus nunquam erat certus, se successorum Patri in Pontificatu, nisi mortuo patre. Nam illo viuo, non erat certus, se victurum post patrem; Deus ergo viuenti adhuc Eleazaro, promissit fore, ut Phinees, qui erat primogenitus Eleazari, superstiti esset parenti suo, & ei in Pontificatu succederet cum suis posteris, quod etiam factum est.

no epist. 66. *Quæ est prior mors anima, quàm libertas erroris?*

4. Quid ergo facient reges circa Ecclesiam ac religionem, si neque curam illius omninò relicere, nec etiam libertatem indulgere possunt? Dicam verbo. Debent illam tueri ac defendere: non ut *Dominus*, sed ut *ministri*: neque ut *Iudices*, sed ut *executores*. Hoc olim fecerunt Christiani Principes: Hoc verbo testati sunt Carolus Magnus, ut alios omittam; apud Sigonium lib. 4. de regno Italix, sic ait: *Si Ecclesiarum Dei servis magnificentiam nostram imperimus, eorumque studiis libenter obsequimur, id nobis ad Augustalis excellentia culmen proficere credimus. Si, inquit, obsequitur Ecclesiarum Dei servis. Obsequium offert, non arrogat sibi Primatum. Vult esse minister in defensione Ecclesie, non Dominus.*

5. Idem Carolus, cum à Leone Papa coronam Imperij accepit: hac formula iuravit. Idem vult: *In nomine Christi spòdeo atque pollicor ego N. Imperator coram Deo & B. Petro Apostolo, me protectorem ac defensorem fore huius sanctæ Romanæ Ecclesiæ, in omnibus, quatenus divino fultus fuero adiutorio, prout sciero poterique.* Rofert Sigonius loco citato.

6. Et iam pridem vsu receptum est in Fræcia, Hispania, Anglia, Polonia, Hungaria, ut simili iuramento obstringant se Reges, & nominatim promittant, defensores se Ecclesiam ac religionem, eiusque Prælati debitam reuerentiam & subiectionem præstituros. Neque hoc quicquam derogat ipsorum maiestati, imò perhonorificum est. Rectè Ambrosius epist. 32. ad Valentinianum Iuniorem: *Quid est, inquit, honorificentius, quam ut Imperator dicatur filius Ecclesiæ; Imperator enim bonus intra Ecclesiam, non supra Ecclesiam est.* Et Theodoricus Italix Rex ad Ioannem Pontificem: *Sunt quidem Index Palatii, sed vesternæ desinam esse discipulus. Nam tunc ista rectè gerimus, si à vestris regulis minimè discedamus.*

7. Non ibo longius in hoc genere. Satis opinor, iam constat, quam curam circa Religionis & Ecclesiæ defensionem habere debeant Reges & Principes sæculares. Hoc addo, non deesse exempla huius rei, etiam hoc tempore, præsertim in Francia, Hispania, Polonia, Belgio, Germania, Italia.

COMMENTARIUS.

1. **T**Ria dixi in hoc cap. Primò, Reges non debere omnium curam Ecclesiæ abicere. Secundò, nec permittere libertatem religionis. Tertiò, debere tueri ac defendere Ecclesiam, non ut Dominos, sed ut ministros; non ut Iudices, sed ut executores. Quod dupliciter probavi. 1. Exemplo Caroli Magni. 2. Ex formula iuramenti, quo Reges se obstringunt Ecclesiæ.

2. Duo priora puncta concedis, Toxere. Circa tertium tergiversaris. Ac primò, ad exemplum Caroli Magni, qui non arrogavit sibi Primatum, sed obsequium Episcopis promisit, respondes his verbis: *Habebat Primatum re, sed obsequium nomine ac simulatione officij præ se ferebat*: Quid hoc est, mi homo? An putas Imperatorem illum fuisse Puritanum, qui promitteret quidem Episcopis sua obsequia, sed verbo tantum & simulatione, non autem re ipsa? Ubique in Imperatores iniquus es.

3. Secundò, ad formulam iuramenti, qua tum Carolus, tum alij Reges vsi sunt, respondes hoc modo: *Iuramenti formula non est præ Ecclesiæ Catholica, sed Romana Catholica.* Vix scio, quid velis. Si hoc vis, Carolum Magnum & alios Reges iurasse, se defensores, non totam

A Ecclesiam Catholicam, sed illam tantum partem Ecclesiæ Catholicæ, quæ Romæ est; partem erras, partim pro nobis facis. In eo erras, quod putes, iuramentum ipsorum ad vnicam tantum Ecclesiæ partem pertinuisse. Iurarunt olim, & nunc iurant, quotquot in Hispania, Francia, Polonia, Hungaria, sceptræ regalia suscipiunt, se veram religionem & Ecclesiam non Romæ tantum, sed etiam in suis regnis, perpetuò defensores. In eo pro nobis facis, quod agnoscas Ecclesiam Romanam, tempore Caroli Magni ac deinceps, Catholicam fuisse, quæ aliàs soliti es negare.


B 4. Tertiò, valde laudas Henricum VIII. Angliæ Regem, tum, quod accepit titulum *Defensoris Ecclesiæ*, tum maximè, quod cum illius tituli rationem in Evangelica lucis crepusculo perspexisset, instinctu quodam diuinitatis exarserit ad religionem promouendam, & superstitiones euertendas, magna orbis terrarum admiratione. Quicquid sit de illo Rege, cui bene esse cupio, satis constat, non aliunde, quàm à Romano Pontifice (qui vestram infensis estis sine causa) accepisse titulum *Defensoris Ecclesiæ*, nec alterius Ecclesiæ, quàm Pontificis, quam Catholicam appellamus: nec ob aliam causam, quàm quod contra Patriarcham vestrum Lutherum, Pontificiam Ecclesiam defendisset. Si postea defecit ab illius Ecclesiæ vnitatem, non instinctu diuinitatis, sed carnis ac luxuriæ, factum esse manifestum est. Nec orbis Christianus est, cum promouisse religionem, sed illius Ecclesiæ, cuius antea fuerat Defensor deseruisse veritatem: & illius Regiæ, quam legitimo matrimonio sibi sociauerat, repudiassetorum & cohabitationem. Nec id in lucis Evangelicæ, sed in hæresis Lutherianæ crepusculo accidisse, certum est.

C 5. Quartò, laudas Edoüardum sextum, Henrici filium his verbis, *Id ipsum in Edouardo sexto, postea Rege, altera huius ætatis Gratiano, meminisse poterunt omnes, qui ut olim Gratianus Gentilium superstitionum hostis acerrimus, titulum & stolam Pontificiam aspernabatur, sic neque minimam falsi cultus umbram, ceremoniamve fœdatam, etiamnum patiebatur, primatu nihilominus Christiano sibi retento, quo salubrius Ecclesiæ consulere, ac in longinqua temporis prouideret.* Vt cætera omittam, quæ aduertiore sunt, quid obsecro intelligis per Primatum Christianum, quem Rex ille retinuit? Sine dubio, eundem Primatum, quem à patre acceperat. Ac si Primatus ille Christianus fuit, cur illum hoc tempore non desertis vestro Regi? cur tanquam ludibrium vestræ Ecclesiæ pridem explosistis? Nam Edouardus quidem, ut patet ex ipsius rescripto ad Thomam Crammerum Archiepiscopum Cantuariensem, ratione sul Primatus, quem tu Christianum vocas, appellabat se *supremum in terris Ecclesiæ Anglicanæ caput*: quem sanè titulum vos nullo modo permittitis vestro Regi.

D 6. Quintò, laudas Elisabetham Reginam, quæ Henrici filia, Edouardi soror fuit. De ea sic scribis: *Virisque horum vestigia insecuta est, patris & fratris, Elizabetha, nostra, sed felicissima memoria, ac omni immortalitate dignissima Regina.* Utinam taceres de scemina, quam nec sponsam, nec virginem appellare ausi estis. Mirabuntur posterum, fuisse aliquando tempus, eum Angli, non modo in temporalibus, sed etiam in spiritualibus, vnius scemine arbitrio se submiserint, & illam tanquam supremam Ecclesiam Anglicanæ Dominam ac caput venerati sint. Sed mittamus hæc. Nam parum ad rem faciunt.

EPILOGVS.

Que hactenus à me scripta sunt, ut in bonam partem accipias, Tookere, omnino abs te peto. Quanquam merito queri non potes. Primò, quia maiori modestia in te usus sum, quàm tu in me. Secundò, auiorem causam defendo, quàm tu. Tertiò, ego Dei gloriam, & Ecclesie utilitatem specto: tu unius Regis gratiam & favorem aucuparis.



OPVSCVLVM VII.

DE PONTIFICE
VETERIS TESTAMENTI.

Res hominum status ab orbe condito ad nos usque distinguendi sunt. 1. Status naturæ, ab Adamo usque ad Moysen. 2. Status legis Mosaicæ, seu veteris Testamenti, à Moysen usque ad Christum. 3. Status gratiæ seu Evangelij, à Christo usque ad finem mundi. In statu naturæ omnes primogeniti erant Sacerdotes, & diuino cultui peculiariter mancipati. In statu legis Mosaicæ, voluit quidem Deus omnes primogenitos sibi sanctificari (Exod. 13. 2.) sed tamen in illorum locum, ex xii. tribubus Israël, elegit sibi tribum Leui, & eam diuino seruitio præ cæteris destinauit, iuxta illud Num. 3. 12. *Ego tui Leuitas à filiis Israël, pro omni primogenito in filiis Israël, eritque Leuitas mei.* Et cap. 8. 6. *Tolle Leuitas de medio filiorum Israël, & purificabis eos.* Et infra: *Statues Leuitas in conspectu Aaron & filiorum eius, & consecrabis oblatos Domino, ne separabis de medio filiorum Israël, qui sint mei: Et postea ingredientur tabernaculum fœderis, ut seruiant mihi.* Et iterum, *Tuli Leuitas pro omnibus primogenitis filiorum Israël, ut seruiant mihi in Tabernaculo, & erent pro eis, ne sit in populo plaga.*

2. Porro in tribu Leui, tria hominum genera distinguuntur. 1. Leuitæ propriè dicti. 2. Sacerdotes. 3. Summus Sacerdos seu Pontifex. Tametsi enim omnes, qui erant ex tribu Leui, generatim vocati fuerint Leuitæ, seu filij Leui: tamen ex usu Scripturæ, Leuitæ propriè dicti distinguebantur à Sacerdotibus & Pontifice. Nam illi soli vocabantur Sacerdotes, qui offerebant victimas & sacrificia. Illi verò Leuitæ, qui Sacerdotibus ministrabant. Inter Sacerdotes, qui erat summus, vocabatur Pontifex. De eo potissimum hic agimus. Et quidem hoc ordine.

I. De familia Pontificis.

II. De Successione.

III. De Consecratione.

IV. De Officio.

V. De Vestibus & ornatu.

VI. De Redibus.

VII. De auctoritate apud populum.

VIII. De comparatione illius cum Rege.

IX. Qua utilitas hinc colligi possit.

CAPVT I.

De familia Pontificis.

IN Tribu Leui erant multæ familie, quæ omnes seruitio diuino destinabantur. Pontificatus, seu summum Sacerdotium secundum legem ordinatum, erat in sola familia Aaronis. Habuit autem Aaron quatuor filios, Nadab, Abiu, Eleazar, & Ithamar. Num. 3. 2. Hi omnes simul à Moysen consecrati sunt: Aaron quidem in summum Sacerdotem seu Pontificem, filij eius, in simplices seu minores sacerdotes. Exod. 29. per totum. Duo primi, Nadab, & Abiu, occisi sunt à Deo, quod ignem alienum obtulissent, Leuit. 10. 1. & sine liberis decesserunt. 1. Paral. 24. 2. Reliqui duo, Eleazar & Ithamar, manserunt in officio sacerdotali, cum hoc tamen discrimine, ut Eleazar succederet patri in Pontificatu, non autem Ithamar: Et rursus Eleazar succederet filius eius primogenitus; & huic etiam primogenitus, & sic deinceps. Alij omnes, essent simplices Sacerdotes.

CAPVT II.

De successione Pontificum.

1. **A**ron fuit primus Pontifex à Deo constitutus, & à Moysen consecratus, cum iure successionis Eccl. 45. 8. Quod addo, propter Moysen, qui fuit etiam Pontifex, & quidem ante Aaronem; Sed extraordinarius, & sine iure successionis. Nam filij Moysi non erant Pontifices; imò ne Sacerdotes quidem, sed tantum Leuitæ, qui seruebant Sacerdotibus, 1. Paral. 23. 14.

2. Aroni successit Eleazar, filius eius, cum pari potestate; & huic similiter Phinees, cui propter zelum diuini honoris, promissit Deus sempiternum Pontificatû, iuxta illud Num. 25. 13. *Erit tam ipsi, quàm semini eius, pactum Sacerdotij sempiternum, quia zelatus est pro Deo suo, & expiauit scelus filiorum Israël.* Et 1. Mach. 2. 54. *Phinees pater noster, zelando Zelum Dei, accepit testamentum Sacerdotij æternum.* Idem repetitur Eccl. 45. 28.

3. Hic dux occurrunt difficultates. Vna; Cur Deus promiserit Phineez & semini eius Pontificatum sempiternum, cum ei deberetur iure successionis? Nam Phinees erat primogenitus Eleazari: primogenitus autem ex Dei ordinatione, succedebat patri in Pontificatu. Altera, quomodo hæc promissio fuerit impleta, cum constet, Heli & multos alios fuisse Pontifices, qui tamen non erant ex semine Phineez, sed ex familia Ithamar.

4. Ad priorem sic respondeo. Ius successionis in eo consistebat, ut patri succederet filius primogenitus, si uiuere. Si autem patre adhuc superstite, moreretur primogenitus, tunc secundogenitus in eius locum subrogaretur. Itaque primogenitus nonquam erat certus, se successorum Patri in Pontificatu, nisi mortuo patre. Nam illo uiuo, non erat certus, se victurum post patrem; Deus ergo uiuente adhuc Eleazaro, promissit fore, ut Phinees, qui erat primogenitus Eleazari, superstes esset parenti suo, & ei in Pontificatu succederet cum suis posteris, quod etiam factum est.

3. Ad posteriorem duplex est responsio. Una, promissionem illam fuisse verè impletam: quia ius Pontificatus semper mansit apud posteros Eleazari & Phineez, tamen si usus illius iuris aliquandiu fuerit in familia Ithamar. Itaque postero Eleazari & Phineez, semper fuisse Pontifices de iure; posteros verò Ithamar, fuisse aliquando Pontifices de facto. Altera, promissionem illam non fuisse absolutam, sed conditionatam; ac proinde, quan diu servata est conditio, validam fuisse promissionem: quando autem desit servari, revocata esse. Fuisse autem hanc conditionem, ut ius Pontificatus maneret apud posteros Eleazari & Phineez, quandiu bene ac legitimè eo fungerentur: si secus facerent, priuarentur illo iure. Fecisse autem secus; itaque priuatos esse.

6. Ego, salvo meliori iudicio, puto, utramque responsionem temperandam esse hoc modo. Duo spectari possunt in Pontificatu. 1. Ius seu potestas ordinaria. 2. Vius seu exercitium. Ius absolute promissum est Phineez & posteris eius. Vius seu exercitium, sub conditione, si non offenderent. Itaque posteris Phineez semper fuerunt Pontifices de iure, posteris verò Ithamar, fuerunt aliquando de facto.

7. Post Phineez, in eadem linea successerunt hi tres, Abisue, Bocci, Ozi. Deinde, translatus est Pontificatus ad posteros Ithamar; ac primum ad Heli, ut tradit Iosephus lib. 5. antiquit. in fin. & alij. Hic tria disputari solent. Primo, quare hæc translatio facta sit? *Respondet*: In penam peccati & negligentie cultus diuini. Secundo, quamdiu manserit Pontificatus in familia Heli? *Respondet*: Vique ad tempora Salomonis, qui eiecit Abiathar, & assumpsit Sadoc, (ut paulò post dicam.) Tertiò, quis successerit Heli in Pontificatu? *Respondet*: Heli habet duos filios Sacerdotes, Ophni, & Phineez. 1. Reg. 1. 3. Vterque mortuus est ante patrem. 1. Reg. 4. 11. Itaque neuter potuit illi in Pontificatu succedere. Porro, Ophni nullum legitur reliquisse filium. Phineez reliquit duos, Achitob & Ichabod posthumum 1. Reg. 4. 21. & 1. Reg. 14. 3. Achitob successit Heli, a quo suo in Pontificatu, & alij deinceps hoc ordine.

I. HELI Pontifex & Iudex, 1. Reg. 1.

II. ACHITOB, nepos Heli, 1. Reg. 14. 3.

III. ACHIAS, filius Achitob, sub Saule, ibidem.

IV. ABIMELECH, filius Achitob, & frater Achia, 1. Reg. 14. 3. qui David fugienti dedit panes propositionis, & gladium Goliath. 1. Reg. 21. & ob eam causam à Saule, cum alijs Sacerdotibus, occisus est, 1. Reg. 22.

V. ABIATHAR, filius Abimelech, qui euasit manum Saulis, & fugit ad Davidem. 1. Reg. 22. 20. Mansit autem in Pontificatu usque ad tempora Salomonis, 3. Reg. 2. 27.

8. Post Abiathar iterum rediit Pontificatus ad familiam Eleazari & Phineez. Nam Salomon, ut insinuavi, eiecit Abiathar propter conspersionem cum Adonia factam, & in locum eius subrogauit Sadoc, qui erat ex linea Eleazari. 3. Reg. 2. 27. Porro à Sadoc usque ad captiuitatem Babylonicam, fuit hic ordo Pontificum, quantum ex Scripturis colligi potest.

I. SADOCH, vocatur in Pontificem sub Salomone, 1. Paral. 29. 12.

II. AGAIMAAS } filij Sadoc.

III. AZARIAS,

IV. AMARIAS sub Iosaphat Rege. 2. Paral. 19. 11.

V. IOIADA, sub Athalia & Ios. 4. Reg. 12. 7. & 2.

Paral. 23. per tot. Vxor eius fuit filia Regis Ioram. 2. Paral. 21. 11. Mortuus est, cum esset annorum centum & 30. 2. Paral. 24. 15.

VI. ZACHARIAS, filius Ioia, sub finem regni

Ios. 2. Paral. 24. 10. qui iussu Regis à populo lapidatus est, in atrio domus Domini, ibid. v. 21.

VII. AZARIAS qui reprehendit Oziam Regem, eo quod vellet adolere incensum super Altare Ithymiamatis, 2. Paral. 26. 17.

VIII. VRIAS, sub Rege Achaz, 4. Reg. 16. 10.

IX. AZARIAS, sub Ezechia. 2. Paral. 31. 10.

X. SOBNA, sub eodem, contra quem propheta Isaias cap. 22. v. 15. usque ad finem capitis.

XI. ELIACIM, filius Helcie, sub Manasse, quem Isaias cap. 37. v. 36. pradiit, loco Sobna, collocandum in Pontificatu.

B XII. HELCIAS, sub Iosia, 4. Reg. 23. & 2. Paral. 34.

XIII. SARAIAS, qui cum Sedecia Rege duellus est in captiuitate Babylonicam, 4. Reg. 25. 18. Jerem. 32. 24.

9. Sub initium captiuitatis, cum Saraias Pontifex ductus esset in Babylonem, successit illi Phallur, filius Emmer, qui Ieremiam vinxit in carcerem, Jerem. 20. 1. An autem fuerit verus & legitimus Pontifex, merito à quibudam dubitatur. Porro, post captiuitatem Babylonicam, Primus Pontifex fuit Iosue, filius Iosedec, ex familia Eleazari, cum hac successione.

I. IOSUE, filius Iosedec, sub Cyro & Dario; 1. Esdr. 3. 2. capi cum Zorobabel adificare templum in Ierusalem, 1. Esdr. 5. 2.

C II. IOACIM, filius Iosue.

III. ELIASIB, filius Ioacim.

IV. IOADA, filius Eliasib.

V. IOATHAN, filius Ioada

VI. IEDDOA, filius Ioathan, ibidem, qui ab alijs vocatur Iaddus. Hunc Alexander Magnus, Hierosolymam accedens, adorauit, teste Iosepho lib. 13. cap. ult. Cuius frater Manasses adificauit templum Samaritanum in Garizim, apud eundem Iosephum, lib. 11. cap. 7.

VII. ONIAS 1. Iaddi filius.

VIII. SIMON, filius Onia, cognomento Iustus, Iosephus lib. 12. cap. 3.

IX. ELEAZARVS, frater Simonis, qui petente Ptolomæo Philadelpho, misit in Egyptum 72. interpretes, qui vetus Testamentum ex Hebraico sermone in Græcum transtulerunt, Ioseph. lib. 12. cap. 2.

X. MANASSES, Iaddi filius, Onia frater, Ioseph. lib. 12. cap. 3.

XI. ONIAS 2. Simonis iusti filius, qui iam senior, tributum Ptolomæo Energetæ negauit. Vnde multa mala fuissent consecuta, nisi Iosephus Tobia & sororis Pontificis, filius, legationem suscepisset ad Ptolomæum.

XII. SIMON 2. frater Onia secundi, de quo Iosephus lib. 12. cap. 4. sub finem.

XIII. ONIAS 3. filius huius Simonis, ad quem Rex Spartiarum Arius misit legationem cum literis. 1. Mach. 12. 20. De hoc Onia, viro sanctissimo multa habentur, 2. Mach. 3. & 4.

XIV. IASON, frater Onia, quo vivente adhuc Onia, malis artibus ab Antiocho Rege, Pontificatum obtinuit per triennium, 2. Mach. 4. 7.

XV. MENELAVS, qui cum non esset de genere Sacerdotali (erat enim ex tribu Benjamin) Iasonem post 3. annos de Pontificatu deiecit; & sibi illum à Rege deferri curauit, 2. Machab. 4. 24. Sed cum promissas Regi pecunias non solueret, iterum depositus est, subrogato in eius locum Lysimach. 2. Mach. 4. 41.

XVI. LYSIMACHVS, Menelai frater, qui à populo interfestus est. 2. Mach. 4. 41.

XVII. ALGINVS, ex familia Aaronis, qui merito Pontificatus amisit, eo quod ritibus gentiliū se contaminaſſet. (2. Mach. 3. 14.)

XVIII. MATHATHIAS Machabæorum Pater, quem alij affirmant, alij negant fuiſſe Pontificem. Vide noſtrum Serarium in commentariis lib. 3. Mach. c. 2.

XIX. IUDA MACHABÆVS, Mathathia filius, de quo Joſephus lib. 12. cap. 17.

XX. IONATHAS, frater Iuda, 1. Mach. 12. 6.

XXI. SIMON Iuda & Ionatha frater, 2. Mac. 14. 10.

XXII. IOANNES HYRCANVS, Simonis filius 1. Mach. 16. 24.

10. Reliqui Pontifices, qui deinde ſecuti ſunt vſque ad tempora Chriſti & Apoloſtorum, ex profana hitoria petendi ſunt. Nam in Scripturis ſacris nulla ſit eorum mentio. Solū ex Euangelio conſtat. Annam & Capharnaiſſe Pontifices, de quibus hic nihil dicendum eſt. Illud porro in hac tota ferie ac ſucceſſione Pontificum notari debet, generalem fuiſſe legem, ſed orationem Dei, & nullas Pontificatus, niſi per mortem, deſingere; nec alios, priore adhuc viuentes, ſubrogari poſſe. Quæ tamen lex, præſertim quando Reges & Principes æculares immutauerunt ſe rebus Eccleſiaſticis, aliquoties ſeruata non eſt. Primo ſub Salomone, qui eceſſit Aſatnar à ſummo ſacerdotio, & ſubrogauit illi Sadoc. Secundò, ſub Antiocho Rege, cuius authoritate primū quidem Onias Pontificatus hinc compulſus eſt, cum ſalon & Menelaus ſucceſſiue ſubſtituti, domū illi ipſi, ac gradu iterum deiectioni ſunt. Tertio, ſub Herode, qui pro ſuo arbitrio poſuit & remouit, quos voluit. Et quidem Antiochus & Herodes, in hac re, abuſi ſunt potestate regia, & merito ab omnibus reprehenduntur. De Salomone, rectène, an ſecus fecerit, quæſitum eſt; de qua infra latius.

CAPVT III.

De conſecratione Pontificis.

I. TAmēſi Leuitæ, Sacerdotes, & Pontifex, iure ſucceſſionis haberent ſua officia, non tamen poterant ea actu exercere, niſi prius certo ac legitimo ritu conſecrati eſſent. Ritus conſecrandi Leuitas, habentur Num. 8. 6. his verbis: Tolle Leuitas de medio filiorum Iſrael & purificabis eos iuxta hunc ritum. Aſpergantur aqua lotationis, & rasant omnes pilos carnis ſue. Cūq; lauauerint veſtimenta ſua, & mēſi ſati fuerint, tollent bonem de armentis, & libamentum eius, ſimilam oleo conſperſam; bonem autē al. erum de armento tu accipies pro peccato: Et applicabis Leuitas co. a. Tabernaculo ſæderis, conuocata omni multitudine filiorū Iſrael. Cūq; Leuita fuerint co. a. Domino, P. nēt filij Iſrael manus ſuas ſuper eos. Et offeret Aaron Leuitas, munus in conſpectu Domini à filiis Iſrael ut ſeruiant miniſterio tuo. Leuita quoque ponent manus ſuas ſuper capita boū, è quibus unum facies pro peccato, & alterum in holocauſtum Domini ut dep. eceris pro eis. Statueſq; Leuitas in conſpectu Aaron & filiorum eius, & conſecrabis oblatos Domino, ac ſeparabis de medio filiorum Iſrael ut ſine mei. Et poſtea ingredientur in tabernaculum ſæderis, ut ſeruiant mihi. Sicq; purificabis & conſecrabis eos in oblationem Domini, quonia dono donati ſunt mihi à filiis Iſrael. Pro primogenitis accepi eos. Et paulò poſt. Leuita purificati ſunt, & lauauerunt veſtimenta ſua. Eleuauitque eos Aaron in conſpectu Domini, & orauit pro eis, ut purificati ingredientur ad officia ſua in tabernaculum ſæderis coram Aaron & filiis eius.

1. In quoru tria generatim ſpectanda ſunt, 1. Purificatio. 2. Conſecratio. 3. Applicatio ad vſum miniſterij.

1. Purificatio, Leuitarum. 1. Conſecratio. 3. Applicatio ad vſum miniſterij. Purificabantur Leuitæ, ante conſecrationem quatuor modis. 1. Aſperſione aquæ lotationis. 2. Ratione pilorum totius corporis. 3. Lotione veſtimentorum. 4. Oblatione ſac. iei. pro peccato.

3. Aqua lotationis, leu expiationis, dicebatur: cui cineres vacæ rufæ mēſi erant. Huius aſperſione mundabantur, quicunque contraxerant aliquam immunditiam legalem, ſue ex contractu cadaueris, ſue aliunde. (Num. 19. per totum.) Nec vlli immundo licebat accedere tabernaculum, niſi prius hac aqua mundatus & expiatus eſſet. (ibidem.)

4. Ratio pilorum totius corporis, & lotio veſtimentorum, non ſolū in purificatione leuitarum, ſed etiam in expiatione leproſorum adhiberi ſolita eſt. (Leuit. 14. 7.) Diuerſo tamen modo. Nam leproſi ideo radebant pilos capitis, barbz, ſuperiorum & totius corporis, & lauabant veſtimenta, ut nihil apud ſe haberent, in quo lepra poſſet foueri aut occultari. Leuitæ verò, ut per illam externam mundationem monerentur, le interius ab omni lepra ſpirituali purgatos eſſe oportere. Nec Deum minus adhorere ab his miniſtris qui animo ac mente inquinati, quā homines ab iſis qui lepra corporali infecti ſunt.

5. Poſt peractam hanc purificationem Leuitarum, ſequēbatur eorum conſecratio, quæ in eo conſiſtebat, quod Aaron acciperet eos à filiis Iſrael, loco primogenitorum, & offerret illos Deo in miniſterium tabernaculi, & pro illis oraret, ut bene fungerentur ſuo officio. Hoc ſignificant illa verba ſuperius citata, Offeret Aaron Leuitas, munus in conſpectu Domini à filiis Iſrael, ut ſeruiant in miniſterio eius. Et iterum: Eleuauit eos Aaron in conſpectu Domini, & orauit pro eis.

6. Cū hoc modo iam eſſent conſecrati, applicabatur ad vſum miniſterij, eo ipſo, quod in tabernaculum ſæderis Domini, iuxta illud, Purificati ingredientur ad officia ſua in tabernaculum ſæderis coram Aaron & filiis eius. Hæc de Leuitis.

7. Ritus conſecrandi Pontificis & Sacerdotis, habetur Exod. 28. 1. his verbis: Sed & hoc facies, ut & mihi in ſacerdotio conſecrentur. Tolle Vitulū de armentis & arietes duos immaculatos, panesq; azymos &c. Et paulò poſt: Aaron & filius eius applicabis ad oſtium tabernaculi teſtimoniū. Cūq; lauaueris patre cum filiis ſuis aqua, indues Aaron veſtimēſ ſuis, & oleū unctiois fundes ſuper caput eius, atq; hoc ritu cōſecrabitur. Filios quoque illius applicabis, & indues tunicis lineis, cingesq; balteo. Et inf. Tolles quoq; arietē alterū ſuper cuius caput Aaron & filij eius ponent manus. Quomcumq; immolaueris, ſumes de ſanguine eius, & pones ſuper extremam auriculā dextræ Aaron & filiorū eius, & ſuper pollices manus eorū ac pedes dextræ, fundesq; ſanguinē ſuper altare per circuitū. Cūq; tuleris de ſanguine, qui eſt ſuper altare, & de oleo unctiois, aſperges Aaron & veſtes eius, filios & veſtimēta eorum. Conſecraſq; ipſis & veſtibus, tolles adipem de arietē, & candā, & arinā, quæ operit vituli, ac reticulum iecoris, & duos renes, atque adipē qui ſupereos, atque dextrā, eo quod ſit aries conſecrationis, totāque panis vnius cruſtulā cōſperſam oleo, lagarū de caſtro azymorum, quod poſitū eſt in conſpectu Domini: poneſque omnia ſuper manus Aaron & filiorum eius, & ſanctificabis eos eleuans coram Domino, &c. Hæc omnia prolixè repetuntur, Leuit. 8. per totum.

8. Atque hic eſt ritus, quo Aaron in Pontificem, & filij eius in Sacerdotes, à Moſe conſecrati ſunt. In quo etiam tria ſpectari debent. 1. Purificatio Pontificis & Sacerdotum. 2. Cōſecratio. 3. Applicatio ad vſum miniſterij. Purificatio fiebat duobus modis. Primò, lotione totius corporis. Secundò, oblatione ſac. iei. pro peccato, Conſecratio perficiebatur hoc ordine. 1. poſt lot.

B B b iij

tionem, Pontifex ornatus Pontificali, & Sacerdotes sacerdotali induebantur. 2. Pontifex ungebatur oleo vntionis in capite; non item Sacerdotes. 3. Tam Pontifex quam Sacerdotes, in extremo auriculæ dextræ, & similiter in pollice manus ac pedis dextri, tangebantur sanguine arietis immolati. 4. Non solum Pontifex & Sacerdotes, sed etiam vestes eorum, sanguine arietis & oleo vntionis aspergebantur. Denique multa ex canistro panum, & ex arietis immolato, dabantur illis in manus, ut ea leuarent coram Domino: quo signo, non solum datur illis potestas sacrificandi, sed iunul applicabantur ad vsum ministerij, quod potissimum consistebatur in sacrificando.

9. Cæterum, ut maior esset solennitas huius actionis, triplex in ea sacrificium offerebatur. 1. Vitulus in hostiam pro peccato. 2. Aries vnus in holocaustum. 3. Aries alter in hostiam pacificam. Igitur tota series actionis procedebat hoc modo & ordine. Primò, Aaron, & filij eius, qui erant consecrandi, publicè coram toto populo adducebantur ad tabernaculum, & ibi lauabantur aqua. 2. Aaron induebatur habitu Pontificali, & super caput eius fundebatur chrisma, seu oleum vntionis. 3. Filij Aaronis induebantur habitu sacerdotali, non tamen fundebantur oleum vntionis super capita illorum. 4. Adducebantur ad ostium tabernaculi, vitulus & duo arietes: & præterea afferebantur panes azymi in canistro, cum quibusdam aliis ad eundem vsum pertinentibus.

10. Deinde sequebatur primum sacrificium, id est, immolatio vituli pro peccato, hoc modo. Aaron & filij eius imponebant manus super caput vituli, qui mactabatur. 1. pars sanguinis eius ponebatur super cornua altaris pars altera fundebatur ad basim eius. 3. totius adeps, qui operit intestina, & reticulum iccoris, & duo renes cum suo adipe, incendebantur super altare. 4. Carnes, corium, & simus comburebatur foris extra castra.

11. Mox succedebat secundum sacrificium, id est, immolatio vnus arietis in holocaustum, hoc ordine. 1. Impositi asper caput eius manibus, mactabatur. 2. sanguis eius aspergebatur super altare per circuitum. 3. corpus locabatur in partes. 4. intestina lauabatur. 5. pedes & intestina iam lota ponebantur super caput & alias partes. 6. hæc omnia incendebantur super altare.

12. Postea mactabatur alter aries in hostiam pacificam, hoc ritu. 1. Moses sumebat de sanguine eius, & oblinebat extremum auriculæ dextræ Aaronis & filiorum eius; itemque pollicem manus ac pedis dextri. 2. Spargebat sanguinem super altare per circuitum. 3. sumebat de sanguine, qui erat super altare, & de oleo vntionis, & aspergebat Aaronem & filios eius, & vestes eorum. 4. sumebat adipem, caudam, pinguedinem, quæ operit intestina, reticulum iccoris, duos renes cum adipe eorum, armum dextrum, portionem panis, crustulam oleatam, & lagnum, & tradebat Aaroni & filijs eius, ut leuarent coram Domino. 5. suscipiebat iterum omnia de manibus eorum & incendebat super altare in holocaustum.

13. Circa hanc totam actionem & solennitatem eius, multa disputari possent. 1. de variis Iudæorum purificationibus. 2. de generibus sacrificiorum. 3. de sacris vestibus Pontificem & Sacerdotum. 4. de tabernaculo & structura eius. Sed hæc, vel non spectant ad institutum nostrum, vel de illis infra agendum est. Triatamen hoc loco discutienda sunt. 1. quamdiu durauerit hæc tota actio & solennitas consecrationis. 2. quare tot ceremoniarum adhibita sint. 3. an omnes semper adhibita sint. Igitur est.

QVÆSTIO I.

Quamdiu durauerit hæc tota actio consecrationis Aaronicæ.

14. Ceterum est, primam consecrationem, qua Aaron in Pontificem, & filij eius in Sacerdotes consecrati sunt, durasse septem diebus. Hoc enim expressè præceptum erat à Deo, iuxta illud Exod. 29. 3. *Omnia quæ præcepi tibi, facies super Aaron & filijs eius, Septem diebus consecrabis manus eorum, & vitulum pro peccato offeres per singulos dies ad expiandū. Et Leuit. 8. 33. De ostio tabernaculi non exibitis septem diebus, vsq; ad diem, quo complebitur tempus consecrationis vestre. Septem enim diebus finitur consecratio. Die ac nocte manebitis in tabernaculo, observantes custodias Domini, ne moriamini. Sic enim mihi præceptum est.*

15. Potest tamen duobus modis hoc intelligi. 1. Quod tota actio consecrationis paulatim & successivè, spacio septem dierum peracta sit, ita ut Aaron & filij eius, primum quidem loti sint; deinde sacro habitu ornati, tum vnti, & aspersi: ac si deinceps, donec tandem die septimo finis actionis sit impositus. 2. Quod tota consecratio cum omnibus ritibus ac ceremoniis, primo die fuerit integrè absoluta, & postea per sequentes dies quotidie integrè repetita; ita ut Aaron & filij eius, septies fuerint loti aqua, septies induiti sacro habitu, septies vnti, tincti, & aspersi, & septies eterna sacrificia Deo oblata. Hoc videtur probabilius. 1. Quia Iosephus Lyranus, & multi alij ita sentiunt. 2. Quia colligitur ex illis verbis paulò ante citatis; *Septem diebus consecrabis manus eorum, & vitulū pro peccato offeres per singulos dies.* Vbi illa particula, *per singulos dies*, planè significat quotidie oblatum fuisse vitulum pro peccato, & quotidie consecratas manus Aaronis & filiorum eius.

16. *Dices*, Inde non sequitur, quotidie omnes ceremonias fuisse repetitas, sed tantum aliquas. Fateor, non sequi eidenter, sed solum probabiliter. Et idèd, præter duas expositiones iam allatas, potest dari tertia, quæ sit media inter vtramque, nimirum, quod tota consecratio, cum omnibus ritibus ac ceremoniis, primo die fuerit integrè absoluta, & postea per sequentes dies non quidem integrè, sed tamen aliqua ex parte, quotidie repetita. Nam verisimile est, Aaronem & filios eius non nisi semel, id est, primo die, fuisse lotos aqua. Quid enim necesse erat, secundo die iterum lauari, & similiter tertio ac sequentibus, cum iam semel loti ac purgati essent? Idem dici potest de effusione olei sacri super caput Aaronis. Nihil tamen definitio, sed solum in re dubia, quid probabile sit, interpretor.

17. Manet vna difficultas; an etiam consecratio aliorum Pontificum, qui Aaroni successerunt, durauerit septem diebus? Resp. Certum est, debuisse sic fieri; an semper factum, incertum. Prior pars dupliciter probari potest: Primò, ex præcepto Dei generali, quod allatū est. *Septem diebus finitur consecratio.* Secundo speciatim ex illo. Exod. 29. 29. *Vestem autem sanctā, quam videret Aaron, habebunt filij eius post eum, ut ungantur in ea, & consecrentur manus eorum. Septem diebus videret illa, qui Pontifex pro eo fuerit constitutus de filiis eius, & qui ingreditur tabernaculū testimonij, ut minister in sanctuario.* Posterior pars probatur, quia incertum est an consecratio Eleazari, qui proximè successit Aaroni parent suo, durauerit septem diebus. Sic enim legimus. Num. 4. 20. 25. *Tolle Aarū & filium eius cum eo, & ducet eos in*

montem Hor. Cumque videretur patrem veste sua, induit ea Eleazarum filium eius. Aaron colligitur, & morietur ibi. Fecit Moses, ut praeceperat Dominus, & ascenderunt in montem Hor coram omni multitudine. Cumque Aaron spoliasset vestibus suis, induit eis Eleazarum filium eius. Ille mortuo in montis supercilio, descendit cum Eleazaro. Ex quibus verbis colligimus, Eleazarum non alio ritu consecratum esse à Mose, quam quod ascenderit in montem Hor, & ibi acceperit vestem Pontificiam, & statim iterum descenderit. De qua re dicemus latius in questione tertia.

QUESTIO II.

Quare tot ceremonia adhibita sint in consecratione Pontificis & Sacerdotum?

1. **E**ius trires causae assignari possunt. Una subditur ex parte officij sacerdotalis. Altera ex parte eius qui suscipit illud officium. Tertia ex parte populi, seu subditorum. Igitur prima causa, cur Deus voluerit Pontificem & Sacerdotes consecrari tot ritibus, ceremoniis ac solemnitatibus, est haec, ut ostenderet praestantiam, dignitatem & sanctitatem officij Sacerdotalis: Et, quod nemo ad officium tam sanctum ac diuinum deberet accedere, nisi prius à Deo speciatim electus, & publice coram populo in hunc finem esset consecratus. Hinc grauissimè puniuntur, qui ingressi sunt in officium Sacerdotale, cum non essent consecrati. Exemplum habemus in Chore, Jeroboam, & Ozia. Chore viuis à terra absorptus est. Numer. 16. Jeroboam manus repente exaruit. 3. Reg. 13. Ozias lepra percussus est. 2. Paral. 26.

19. Secunda causa est, ut ipsimet Pontifices & Sacerdotes, ex illis ritibus ac ceremoniis, caperent duplicem utilitatem. Primum quidem, ut meminerent se debere esse sanctos & puros coram Domino, qui ad tam sanctum & purum ministerium electi à Deo, & consecrati essent. Et sanè, tanto maiorem sanctitatem ac puritatem ab ipsis, quam à populo requiri, quanto ipsi, quam populus, in sanctiori gradu ac statu essent collocati. Secundò, ut in aduersitatibus & periculis, quae saepe occurrunt in tali officio, possent seipsum solari & erigere. Nam sicut illi, qui praesunt aliis in rebus temporalibus, saepe vel à suis subditis, vel ab hostibus affliguntur; sic multo magis contingit illis, qui in cura animarum principatum tenent. Hoc in veteri Testamento experti sunt Aaron, Numer. 16. Zacharias, 2. Paral. 23. Azarias, 2. Paral. 26. Et in nouo, Apostoli, Matth. 10. 16. Ecce ego mitto vos, sicut oves in medio luporum. Ioan. 16. 2. Venit hora, ut omnis qui interficit vos, arbitretur, obsequium se praestare Deo. Et nominatim S. Paulus 2. Cor. 11. 23. In laboribus plurimis, in carceribus abundantiis, in plagis supra modum, in mortibus frequenter. Ter virgis casus sum, semel lapidatus sum, ternum fraxium feci, &c. Cum ergo huiusmodi viti, tot miseris expositi sint, necesse est habeant aliquid quo se solentur, ne oneri succumbant. Id in veteri Testamento factum est per solennes ritus ac ceremonias, quibus Sacerdotes & Pontifices ex mandato Dei consecrabantur. Nam inde certò illis constabat, se à Deo speciatim electos ac designatos esse, ut in tali officio Deo ministrarent, ac proinde ut omnia aduersa, quae tali officio annexa essent, libenti ac forti animo sustinerent. Ex quo vltèrius facillè sibi persuadebant, quidquid ratione vocationis acerbum ac molestum cerneret, non nisi in bonum exitum, diuina

ordinatione cessurum, simile est in nouo Testamento.

20. Tertia causa est, ut etiam subditi ex tali ceremoniarum solemnitate fructum aliquem perciperent. Qui quidem fructus erat duplex. Alter, quod ex publica consecratione certò agnoscerent suos Pastores, quibus ipsorum salus commissa esset. Alter, quod scirent, quantum honorem & reuerentiam, propter sanctitatem officij, praestare illis oporteret. De quo puncto alibi iterum dicendum erit.

21. Ex dictis duo colliguntur. Vnum est, quod etiam in nouo Testamento nulli debeant esse ministri Ecclesiae, nisi à Deo speciatim electi, & solenni ritu consecrati; quod vrget Apostolus Hebr. 5. 4. *Nec quisquam sumit sibi honorem, sed qui vocatur à Deo, tanquam Aaron.* Hoc non seruatur apud Lutheranos & Calvinistas. Ibi ingerunt se ex turba, qui volunt, modo garrice noriat ac calumniari. Alterum, quod in veteri Testamento, tanto res aliqua maioris momenti fuerit apud Deum, quanto pluribus, sanctioribus & sollemnioribus ritibus ac ceremoniis, voluerit eam Deus honorare. At multo plures, sanctiores & sollemniores ritus adhibebantur in consecratione sacerdotum ac Pontificum, quam Regum, ut suo loco ostendemus.

QUESTIO III.

Quomodo omnes ceremonia semper adhibita sint?

22. **S**ensu est, an quotiescunque post Aaronem, facta fuit consecratio alicuius Pontificis, adhibita sint omnes ceremoniae, quae in consecratione Aaronis adhibita sunt; nimirum, lotio ornatus, vinctio in capite, tinctio, aspersio, sacrificium, & sollemnitas septem dierum. Non videtur id factum esse in consecratione Eleazari, qui proxime successit Aaroni. Nam nihil aliud in ea factum est, ut supra dixi, quam quod in monte Hor, induit vestem Pontificalem, qua vltus fuerat Aaron, & cum ea descendit ad populum.

23. In hac difficultate sunt tres opiniones. Prima, quod Eleazarus ex speciali Dei voluntate ac dispensatione, factus sit Pontifex sine solenni ritu consecrationis, per solam assumptionem vestis Pontificalis. Altera, quod ritus consecrationis verè adhibitus sit, non quidem in monte Hor (propter defectum tabernaculi, quod manserat in inferiori loco, in medio castrorum) sed postea, cum ex monte redissent ad tabernaculum; vel certè, cum expugnassent & occupassent terram duorum Regum Amorithorum; vel denique, cum post transitum Iordanis, venissent in terram promissionis. Tertia, quod non opus fuerit adhibere totam sollemnitatem, sed solam vinctiorem & ornatum Pontificalem. Ratio est, quia Eleazarus iam ante solenni ritu consecratus fuerat Sacerdotes cum tribus fratribus & Aaron patre. Ergo iam adhibita fuerant omnes ceremoniae, quae erant communes Sacerdotibus & Pontifici. Ergo solùm necesse erat eas adhibere, quibus Pontifex distinguebatur à Sacerdotibus. Illae autem erant duae tantum, nempe, vinctio in capite, & assumptio ornamenti Pontificalis. Vtraque potuit adhiberi in monte Hor. Et de altera quidem constat, de altera verò credibile est adhibitam esse.

24. Ego, saluo meliori iudicio, sic sentio. Primum, ex praecepto diuino necessarium fuisse, ut quicumque Pontifex crearetur, septem diebus maneret in tabernaculo; in habitu Pontificali. Secundò, ut vingeretur oleo vinctiorem in capite. Tertiò, ut pollex dextrae manus ac pedis itemque extremum auriculae dextrae; tingeretur sanguine arietis immolati. Haec tria colliguntur ex verè

his Exodi 29. 29. supra citatis. Nec dubito, quin servata sint in consecratione Eleazari, tamen Scriptura expresse id non dicat. De lotionis nihil certi defini potest.

CAPVT IV.

De officio Pontificis.

Pontifex habebat quædam officia communia cum aliis Sacerdotibus; quædam sibi propria ac peculiaria. Communia erant hæc decem. Primum, offerre victimas seu sacrificia super altare holocausti. (Leuit. 1. 2. 3.) Secundum, in eodem altari, in usum sacrificiorum, alere seu nutrire perpetuum ignem, subiiciendo illi quotidie ligna. (Leuit. 6. 12.) Tertium, bis quotidie, id est, mane & vespere, ponere & adolere incensum super altare thymiamatis. (Exod. 30. 1.) Erant enim duo altaria legitima: Vnum holocausti, in quo victimæ seu sacrificia offerebantur: alterum thymiamatis, in quo aromata suauissimi odoris incendebantur. Hoc aureum; illud æreum. Quartum, bis quotidie, affuso oleo olivarum, concinnare lucernas, quæ erant in candelabro aureo, iuxta Altare thymiamatis. (Exod. 25. 37. & Leuit. 24. 8.) Quintum, singulis Sabbatis duodecim panes calidos ponere supra mensam propositionis, & veteres inde remouere ac comedere. (Exod. 25. 23. & Leuit. 24. 5.) Sextum, immolare vaccam rufam extra castra. (Num. 19. 3.) Septimum, adiutare mulieres in casu zelotypiæ. (Num. 5. 11.) Octauum, discernere inter lepram & lepram. (Leuit. 13. per totum.) Nonum, expiare seu mundare leprosos, puerperas, menstruosas & semisfluos. (Leuit. 12. & sequentibus.) Decimum, Legem Dei scire interpretari, & alios docere. (Aggæi 2. 12. & Malac. cap. 2. vers. 7.)

2. Propria erant hæc quatuor. Primum, semel in anno intrare in Sanctuarium. Secundum, consecrare Levitas & Sacerdotes. Tertium, in controuersis legalibus ultimam ferre sententiam, cui omnes sub pœna capitis tenebantur obedire. Quartum, in rebus dubiis, quæ maioris essent momenti, consulere Deum. Hæc, quia propriè ad institutum nostrum pertinent, breuiter explicanda sunt.

1. Pontificis officium.

Igitur primum officium Pontificis erat, semel in Anno, nimirum in solenni die expiationis seu propitiationis, introire in sanctuarium, seu in Sancta sanctorum (Heb. 9. 7.) Et instituere publicam expiationem totius populi Israelitici ab omnibus peccatis & immunditiis toto anno contractis. (Leuit. 16. per totum.) Vbi notandum est duplicem fuisse expiationem in veteri testamento. Vnam privatam & particularem, qua vel leprosi, vel puerperæ, vel alij, qui haberent aliquam immunditiam legalem, expiari solent: alteram publicam & vniuersalem, qua tota multitudo seu Ecclesia Israelitarum mundabatur. Prior fiebat sæpe in anno; posterior, de qua hic agimus, semel duntaxat: Prior à quouis Sacerdote: posterior à solo Pontifice: Prior extra Sanctuarium: posterior, partim in Sanctuario, partim extra. Fiebat autem hoc ritu. Primò, totus populus eo die cessabat ab omni opere seruili, & ieiunabat usque ad vespeream. Secundò, Pontifex laudabat

A se aqua, & induebat vestes Pontificales. Tertio, antequam inciperet publicam expiationem, præmittebat tres alias, quæ tamen publicæ subseruiebant: vnam sibi ipsius & familie suæ, oblatione vituli pro peccato, & arietis in holocaustum. Alteram Tabernaculi & Sanctuarij, partim vapore, seu nebula accensorum aromaticum, partim septena asperione sanguinis ex immolato vitulo & hirco: Tertiã altaris thymiamatis, sola asperione sanguinis.

4. His peractis, sequebatur publica expiatio, hoc modo. Pontifex, qui ab initio miserat sortem super duos hircos, vt alter immolaretur pro peccato, alter viuus mitteretur in desertum; hunc statuebat in conspectu multitudinis, & posita vtræque manu super caput eius, confitebatur omnes iniquitates & peccata filiorum Israel, eaque capiti astantis hirci imprecabatur; & sic mittebat eum in desertum, quasi auferentem & portantem peccata totius populi. Vnde & hircus, seu caper Emissarius, dictus est. Hæc omnia prolixè habebatur, Leuit. 16.

II. OFFICIUM.

5. **S**ecundum officium Pontificis erant, consecrare Levitas & Sacerdotes, iuxta eum ritum, qui describitur, Exod. 29. Leuit. 8. & Num. 8. De quo ritu superius actum est. Hoc officium Pontificis designabatur per vntionem capitis vt rectè notat Dignus Thomas in 1. 2. quæst. 102. artic. 5. ad 8. Et ratio est, quia sicut oleum vntionis, seu factum Chrisma, quod effundebatur in caput Pontificis, defluebat inde ad alia membra, iuxta illud Psalm. 192. *Sicut unguentum in capite, quod descendit in barbam, barbam Aaron*: sic potestas offerendi sacrificia, & ministrandi in Tabernaculo, à Pontifice per legitimam consecrationem descendebat ad Sacerdotes & Levitas, tanquam à capite Synagoga in membra inferiora.

6. Porro in hoc oleo vntionis duo spectanda sunt nempe compositio & vsus. Modus componendi habetur Exodi 30. 22. his verbis: *Loquutus est Dominus ad Moysen, dicens: Sume tibi aromata prima myrrha & electa quingentos siclos, & cinnamomi medium, id est, ducentos quinquaginta siclos, calami similiter ducentos quinquaginta, cassia autem quingentos siclos in pondere sanctuarij, olei de oliuetis mensuram hin: faciesque vntionis oleum sanctum; unguentum compositum opere vnguentarij.*

7. Mox subiungitur vsus illius olei, his verbis: *Et unges ex eo tabernaculum testimonij, & arcam testamenti, mensamque cum vasis suis, candelabrum & utensilia eius, altaria thymiamatis & holocausti, & vniuersam suppellectilem, qua ad cultum eorum pertinet. Sanctificabisque omnia, & erunt sancta sanctorum: qui tetigerit ea, sanctificabitur. Aaron & filios eius unges, sanctificabisque eos, vt sacerdotio fungantur mihi. Filiis quoque Israel dices: Hoc oleum vntionis sanctum erit mihi in generationes vestras. Caro hominis non ungetur ex eo, & iuxta compositionem eius non facietis aliud, quia sanctificatum est, & sanctum eris vobis. Igitur, non licebat vti hoc oleo vntionis, nisi ad vngendum Pontificem, Sacerdotes, tabernaculum, & ea, quæ erant in tabernaculo. Solus tamen Pontifex vngebatur in capite, non item Sacerdotes. Aliæ res aut personæ non poterant vngi hoc oleo, ne quidem Reges, vt latius probandum est 8. quæst. 4.*

III. OFFICIUM.

1. **T**ertium officium Pontificis erat in controuersis legalibus agere supremum iudicem, & pronuntiare vltimam sententiam, cui omnes sub pœna mortis tenebantur obedire seu acquiescere. Ita Iosephus lib. 2. contra Apionem, ubi ita habet: Pontifex ante alios Sacerdotes Deo sacrificat, leges custodit, diiudicat controuersas, conuictos delicti ponit: cui qui non obedit, ut pœnas luit, tanquam in Deum impius. Et manifestè colligitur ex eo Deut. 17. 12. Qui autem superbierit, nolens obedire Sacerdoti imperio, morietur homo ille, & auferes malum de Israel.

2. Hic aliqua notanda sunt. Primum est, quod duplices fuerint controuersie legales in populo Hebræorum; alie propriè pertinebant ad Sacerdotes, ut controuersia de lepra: alie ad magistratum politicum, ut controuersia de sanguine. (Deuter. 17. 8.) Vtrique dictæ sunt legales, duplici de causa. Primò, quia obtinebantur ex ipsa lege, non satis bene intellecta: priores quidem ex lege ceremoniali, posteriores verò ex iudiciali. (2. Paral. 19. 10.) Secundò, quia per veram legis interpretationem erant diuicendæ. (Deuteronom. 17. 10.)

3. Alterum est, quòd in singulis ciuitatibus constituti fuerint inferiores iudices, qui ex officio debebāt iudicium controuersas dirimere, ut habetur Deuter. 16. 18. Iudices & magistratūs constituēs in omnibus portis tuis, quas Dominus Deus tuus dederit tibi, per singulas tribus tuas, ut iudicent populum iusto iudicio, nec in alteram partem declinent. Et 2. Paral. 19. 5. Constituit iudices terra in cunctis ciuitatibus Iuda munis, per singula loca. Erant autem duo illorum genera: alij Sacerdotes, qui iudicabant de controuersis ceremonialibus; ut de lepra: alij laici, qui de iudicialibus, ut de sanguine.

4. Tertium est, quod quando inferiores iudices non poterant inter se conuenire, nec controuersias ad sedelatas, propter peculiarem aliquam difficultatem, dirimere, necesse fuerit confugere Hierosolymam ad superiores iudices, quibus, tanquam supremus iudex, præsidebat Pontifex, & illius sententiæ, sub pœna mortis, oportebat acquiescere, iuxta illud Deuter. 17. 8. Si difficile & ambiguum apud te iudicium esse perspexeris inter sanguinē & sanguinē, causam & causam, lepram & lepram, & iudicium intra portas tuas, videris verba variari, surge & ascende ad locum, quem elegerit Dominus Deus tuus, veniesq; ad Sacerdotes. Leuitici generis, & ad iudicem, qui fuerit illo tempore; quareque ab eis, qui iudicabunt tibi iudicij veritatem. Et mox additur: Qui autem superbierit, nolens obedire Sacerdoti imperio, morietur homo ille. Quod intelligitur de summo Sacerdote seu Pontifice, qui alijs Sacerdotibus in iudicio præsidebat, ut clarius exprimitur 2. Paral. 19. 11. his verbis: Amarias autem Sacerdos & Pontifex vester, in his, quæ ad Deum pertinent, præsidebit.

5. Hinc colligimus, apud Hebræos duplex fuisse tribunal & Concilium: vnum maius, alterum minus. Inter ea fuit multiplex discrimin. Primò, quia maius tantum erat in Ierusalem: minus, in singulis ciuitatibus. Secundò, in maiori diiudicabantur difficiliiores controuersie: in minori faciliores. Tertio, in maiori præsidebat Pontifex; non item in minori. Quarto, à minori licebat appellare ad maius: non contra à maiori ad minus. Quintò, in maiori erant septuaginta per-

6. A sonæ, præter Pontificem: in minori viginti tres. Secundo maius vocabatur Sanhedrin, vel Synedrion, vel Concilium Seniorum, minus non item.

7. Vtrumque Concilium habuit suam originem sub Mose. Et minus quidem institutum est, ex concilio Iethron; maius verò ex mandato Dei. Vocatio minoris instituendi describitur, Exod. 18. 13. his verbis: Altera autem die sedit Moyses ut indicaret populum, qui assistebat Moysi à mane usque ad vespem. Quod cum videret cognatus eius, ait. Quid est hoc, quod facis in plebe? cui solus sedes, & omnis populus p. astolatur de mane usque ad vespem? Cui respondit Moyses: Venit autem me populus, querens sententiā Dei. Cuiq; acciderit eis aliqua dyceptatio, venient ad me ut iudicem inter eas, & ostendā præcepta Dei & leges. At ille: Non boram, inquit, rem facis: multo labore consumeris & tu, & populus iste, qui tecum est. Vltra vires tuas est negotiū; solus illud non poteris sustinere. Sed audi verbum meū atque cōsilia, & erit Deus tecum. Prævide de omni plebe viros potentes & timemes Deum, in quibus sit veritas, & qui odeant auaritiā: & constitue ex eis tribunos, & centuriones, & quinquagenarios & Decanos, qui iudicent populum omni tempore: quidquid autem maius fuerit, referant ad te, & quasi minora tantummodo iudicent: leuiusq; sit tibi partitio in alios onere. Quibus auditis, Moyses fecit omnia, quæ ille suggererat: Et eleuit viros septuaginta de cunctis filiis Israel, constituit eos principes populi tribunos, & centuriones, & quinquagenarios, & Decanos. Qui iudicabant plebem omni tempore: quidquid autem grauius erat, referebant ad eum, faciliores tantummodo indicantes.

8. De maiori Concilij institutione sic legimus, Num. 11. 16. Et dixit Dominus ad Moysen: Congrega quod mihi septuaginta viros de senibus Israel, quos tu nosti, senes populi tui ac magistratū: & daces eos ad ostiū tabernaculi faderis, faciesque ibi stare tecum, ut descendam & loquar tibi. Et auferam de spiritu tuo, iradāq; eis, ut sustentent tecum onus populi, & non tu solus graueris. Exod. 24. Venit ergo Moyses, & narrauit populo verba Domini, congregans septuaginta viros de senibus Israel, quos stare fecit circa tabernaculum. Descenditq; Dominus per nubem, & locutus est ad eum, auferens de spiritu, qui erat in Moysi, & dante septuaginta viris. Cumque requieuisset in eis spiritus, prophetauerunt, nec ultra cessauerunt.

9. Porro, cum vtrumque Concilium, progressus temporis, penè collapsum esset, iterum restructum ac renouatum fuit à Iosaphat Rege Iuda, ut habetur 2. Paral. 19. 4. his verbis: Habitauit ergo Iosaphat in Ierusalem, rursusq; egressus est ad populum de Bersabee usque ad montem Ephraim, & renouauit eos ad Dominū Deū Patrum suorum. Constituitq; Iudices terra in cunctis ciuitatibus Iuda munis per singula loca: & præcipiens iudicibus. Videte, ait, quid faciatis, nō enim hominis exercetis iudicium, sed Domini: & quodcumque indicaueritis, in vos redundabit. Hæc omnia intelliguntur de minori Concilio, iam sequitur de maiori: In Ierusalem quoque constituit Iosaphat Leuitas & Sacerdotes, & Principes familiarum ex Israel, ut iudiciū & causam Domini indicarent habitatoribus eius, Præcepitque eis dicens: Sic agitis in timore Domini fideliter, & corde perfectò. Omne causam, quæ venerit ad vos fratrum vestrorum, quæ habitant in urbibus suis, intercognitionē & cognitionē ubique; quæstio est de lege, de mandato, de ceremoniis, de iustificationibus: ostendit eis, ut non peccent in Dominum, & ne veniat ira super vos & super fratres vestros. Amarias autē Sacerdos & Pontifex vester, in his, quæ ad Deum pertinent, præsidebit. Vbi vides, Pontificem fuisse præsidem seu caput totius Concilij seniorum.

10. Igitur, ut verbo repetam, quæ dicta sunt, sub Mose in deserto, res ita gesta est. Primò, solus Moyses

(qui erat Pontifex extraordinarius) iudicabat omnes omnino controversias, quæ in populo oriebantur: Deinde, ut hoc onere nonnihil subleuaretur, additi sunt illi tribuni, centuriones, quinquagenarii, & decani, qui minores causas iudicarent, & grauiore ad illum remitterent. Denique, ad maius solatium, septuaginta seniores electi sunt, qui etiam in causis grauioribus illi assisterent. Post mortem Moïse, cum iam filij Israël venissent in terram promissionis, duplex tribunal ac iudicium constitutum est: Vnus Hierosolymis, pro causis difficilioribus: alterum in singulis ciuitatibus, pro facilio ribus. Hoc posterius respondebat Concilio tribunorum ac Decanorum. Illud prius Concilio septuaginta seniorum.

17. Hoc addi potest, aliter in deserto sub Moïse, aliter in terra promissionis sub alijs Pontificibus, adum esse. Et quidem duplici discrimine; altero ex parte Pontificis, altero ex parte Concilij seniorum. Nam Pontifex post ingressum in terram promissionis, non dirimebat controversias, nisi ex lege scripta. Omnia enim, quæ ad ceremonias & iudicia pertinebat, ex ea dici mi poterant. At Moïse, prædictum antequam lex integrè scripta esset, multas dirimebat ex viua Dei voce & oraculo. Cuiusmodi sunt illæ tres. Prima, quid faciendum esset cum alijs, qui propter immunditiam legalem non poterant cum alijs celebrare Pascha; (Nu. 9. 6.) Secunda, qua pœna deberet affici, qui inuentus erat colligere ligna in die Sabbati; (Nu. 15. 32.) Tertia, an filix Salphaad possent habere hæreditatem inter cognatos Patris sui? (Num. 27. 1.) De his controversiis nihil tunc erat scriptum in lege. Igitur Moïse viua voce consuluit Deum & accepto responso, voluntatem Dei executus est. Actunc primum hæc omnia in legem scriptam relata sunt.

18. Ex parte Concilij seniorum, erat hoc discrimen. Septuaginta seniores, qui à Moïse electi sunt, acceperunt spiritum prophetiæ in ipsa electione (Numer. 11. 25.) De alijs, qui postea in illorum locum, per intervalla temporis, subrogati sunt, non constat, accepisse. Hoc tamen credibile est, singulari Dei assistentia vfos esse, quous de rebus difficilioribus consultandum esset. Et maximè hanc assistentiam Pontifici, qui omnibus præsidebat, speciatim concessam fuisse, quando supremi iudicis officio, in ferenda sententia, fungebatur. De quare dicam aliquid cap. 8. q. 6. conclus. 4.

IV. OFFICIUM.

19. **Q**uartum officium Pontificis erat, in rebus gerendis, quæ maioris momenti essent, consulere Deum, & ab eo responsum accipere. Hoc officium distinguitur à præcedenti. Nam aliud est, interpretari legem, & ex eius interpretatione controversias legales dirimere: aliud verò, sciscitari à Deo, an hoc vel illud negotium suscipiendum sit; de quo hic agimus. Igitur in veteri Testamento, si quando circa res gerendas aliqua dubitatio maioris momenti oriebatur, recurrendum erat ad Pontificem, qui consulebat Deum, & accepto ab eo responso, docebat alios, quid faciendum esset. Erat autem duplex obligatio in hoc officio. Una eorum, qui volebant rem aliquam maioris momenti aggredi. Nam antequam hoc facerent, tenebantur accedere Pontifici, & ab eo consilium petere. Altera Pontificis, qui debebat rem illam Deo proponere, & ab eo sciscitari, rectène, an secus suscipi possit.

20. Viraque obligatio tollitur ex illo, Num. 17. 18.

A Dixit Dominus ad Moïsem: Tolle Iosue filium Num, virum in quo est spiritus, & pone manum tuam super eum. Qui stabit coram Eleazar sacerdote & omni multitudine, & dabit ei præcepta cunctis videntibus, & partem gloria tua, ut audiat cum omni synagoga filiorum Israël. Pro hoc si quid agendum erit, Eleazar Sacerdos consulat Dominum. Ad verbum eius egredietur & ingredietur ipsi, & omnes filij Israël cum eo, & cetera multitudo. Hæc posteriora verba hæc spectant. Quorum sensus est Iosue, qui erit Dux populi, non progredietur cum exercitu, nec suscipiet bellum cum vicinis hostibus, nec vim rem aliam magni momenti aggredietur, nisi ad mandatum & directionem Eleazar Pontificis, qui in huiusmodi casibus, quid faciendum sit, à Deo suscitabitur, & Iosue deinde certiore faciet.

21. Porro non solus Iosue, sed alij quoque Principes ac Reges, qui deinceps secuti sunt, hoc præcepto obligabantur. Semper in negotiis arduis debebant recurrere ad Pontificem, & ex arbitrio illius vel agere quippiam, vel omittere. Et bene cum his adum est, qui hoc fecerunt, male cum iis, qui neglexerunt. Exempla prioris generis sunt hæc. Primò, David Rex, cum intellexisset insidias sibi parari à Saule, accessit Abiathar Pontificem, & per eum quæsit à Deo, an tuto possit esse in urbe Ceila; & an ciues Ceilæ essent eum tradituri Saule (1. Reg. 23. 9.) Secundò, iam David, alio tempore, per eundem Pontificem consuluit Deum, an deberet persequi Amalecitas, qui spoliaverant & succenderant urbem Siceleg. (1. Reg. 30. 6.) Quod autem Davidi familiare fuerit, hoc modo, Deum interrogare, patet 1. Reg. 22. 15. ubi Achimelech Pontifex accusatus apud Saulem, quod Davidi adhaereret, & pro eo Dominum consulisset, respondit Regis; Num hodie capi pro eo consulere Deum? q. d. Impius ante hæc tempora id feci.

22. Exempla posterioris generis sunt hæc. Primò, Iosue & alij Principes filiorum Israël, decepti sunt à Gabaonitis, eo quod fœdus cum illis pacti essent non consulto prius per Pontificem Deo; (Iosue 9. 14.) Secundò, Saul elatus victoria, & præfatus suis viribus cum vellet, inconsulto Deo, Philisthæos persequi, monitus à Pontifice est, nec id faceret. Et cum postea consulisset Deum, nullum responsum ab eo impetravit. Itaque non potuit uti victoria, sicut animo destinauerat (1. Reg. 14. 36.) Tertio, filij Israël pugnaturi cum Beniaminis: consuluerunt quidem Deum per Pontificem, sed tamen, quia magis confidebant suis copiis, quàm Dei oraculo, multi ex iis cæsi ac fugati sunt. (Jud. 20. 22.)

23. **Q**uæres, quomodo vel ritu solitus sit Pontifex consulere Deum in huiusmodi casibus? **R**espondeo. Aliiter Moïse, aliter alij Pontifices, soliti sunt id facere. Moïse, ingressus Tabernaculum fœderis, facie ad faciem cum Deo loquebatur, sicut tollet homo cum amico loqui. (Exod. 33. 11.) Alij Pontifices qui postea secuti sunt, induti Ephod, loquebantur cum Deo, non quidem facie ad faciem, sed aliquo alio peculiari modo, qui tamen apud authores & interpretes non satis compertus est, ut latius dicam in sequenti capite, question. 3.

CAPUT V.

De vestibus & ornatu Pontificis.

Leuitæ non habebant sacrum ornatum, sed soli Sacerdotes & Pontifex. Nec tamen utebantur, nisi eo tempore, quo in Tabernaculo vel Templo ministrabant. Erant autem 8. ornamenta Pontificis. 1. feminalia linea. 2. vestis linea. 3. balteus seu cingulum. 4. tunica hyacinthina. 5. Ephod seu superhumeralis. 6. Rationale iudicii. 7. Cidaris seu tiara. 8. Lamina aurea. De his agitur Exo. 28. per totum. Et quidem quatuor ex his erant propria Pontifici, ut tunica hyacinthina, Ephod, Rationale & Lamina aurea, reliqua communia cum aliis Sacerdotibus. De singulis aliquid dicendum est.

1. Igitur Pontifex, cum ad ministrandum accedebat primo loco induebat feminalia, seu femoralia linea, ad tegendam carnem turpitudinis suæ, à venibus usque ad femora, ut loquitur Scriptura (Exo. 28. 42.) Erant autem hæc feminalia veluti caligæ quædam, quas pedibus insertas (ut ait Iosephus) quasi dimidiatas braccas ad illa cōstringebat. At qui putant ex bysso retorta fuisse cōfecta. Nobis sufficit, quod à Moise linea appellantur.

3. Post feminalia, proximè induebat tunicam lineam quæ duplici nomine fuit appellata, Primò, *linea stricta* Exo. 28. 4. Secundò, *subusula linea*. (Leu. 8. 7.) Inuenio duas causas, cur stricta fuerit appellata. Vna est, quia ad cutem stringebatur. Non enim erat laxa & ampla, sed quantitati corporis commensurata. Altera, quia balteo seu singulo stringebatur. (Leu. 8. 7.) Probabile est, fuisse similem tunicæ Ioab de qua, 1. Reg. 20. 8. Porro Ioab vestitus erat tunica stricta ad mensuram habitus sui. Nisi quod hæc fuerit exterior, illa interior.

4. Hæc vestis linea stringebatur balteo seu cingulo inter umbilicum & pectus, De quo D. Hier. ita scribit ad Fabiolam; *Hoc cingulum, in similitudinem pellicis columbæ, qui cecidit senectutem, sic in rotundum textum est, ut marisupium longius paret. Textum est autem sub tegmine cocti, puparum hyacinthi, & flamine byssino, ob decorem & fortitudinem atque ita polymista arte distinctum, ut diversos flores ac gemmas, artificis manu non tæuas, sed additas arbitris. Lineam tunicam, inter umbilicum & pectus, hoc stringunt balteo. Similia habet Ioseph lib. 3. ant. c. 8.*

5. Post balteum sequebatur tunica Hyacinthina, quæ erat laxa per modum vestis lalaris. In eius simbria inferiori per circuitum pendeant mala punica & tintinnabula aurea, ut ex eorum sonitu perciperetur ingressus & egressus Pontificis, quando intrabat vel exibat sanctuarium (Exo. 28. 35.) Dicebantur autem mala punica, non quod reuera essent, sed quia ex Hyacintho purpura & cocco bis tincto, cōfecta erant instar malorum puniceorum (Exo. 28. 33.)

6. Super tunicam Hyacinthinam, erat Ephod, seu superhumeralis, quo tegebat humeros & anteriorem partem usque ad cingulum. Erat autem contextum ex auro, Hyacintho, purpura, cocco bis tincto, & bysso retorta. (Exo. 28. 6.) In utroque latere versus humeros habebat duos lapides onychinos, aureo inclusos, vnum à dextris, alterum à sinistris in quibus sculpta erant nomina duodecim filiorum Israël: rex nomina in vno lapide & rex in altero, iuxta ordinem natiuitatis eorum. (Exo. 28. 9.) 7. In anteriori parte super humeralis ad pectus Pontificis, ligabatur Rationale iudicii, Hebræi vocant Hosien id est, pectorale: Græci *ἀσπὴν* vel *ἀσπίς* id est, rationale. Conficiebatur autem ex eadem materia, qua Ephod, nempe ex auro, Hy-

Opusc. Bec.

A cintho, purpura, cocco bis tincto, & bysso retorta. Figura quadrangulum densitate, duplex ad Ephod relatum: longitudine & latitudine, mensura palmi. (Exo. 28. 16.) In hoc rationali erant 12. lapides pretiosi, inclausi auro & distincti per quatuor ordines, in quibus etiam sculpta erant duodecim nomina filiorum Israël: (ibid. v. 17.) Atque ita cōfectum & exornatum, catenis aureis & falcibus tam firmiter affigebatur super humerali, ut à se inuicem non potuerint separari, ibid. v. 28. Porro in rationali posita erat *Doctrina & Veritas*, super pectus Pontificis, v. 30. Hebræicè *Prin & Thumim*.

B 8. In capite erat Cidaris seu Tiara, id est, mitra quædam ex bysso cōfecta, quæ affigebatur lamina aurea, super frontem Pontificis, cum hac inscriptione. *Sanctum Domino*. (Exo. 28. 36.) Sic enim loquitur textus: *Facies & laminam de auro purissimam, in qua sculpte opere calloris. Sanctum Domino. Libabitque eam vitia hyacinthina, & erit super Tiaram, imminens fronti Pontificis.*

8. Hæc breuiter dicta sint de ornatu Pontificis. Tria supersunt explicanda. Primum, quid significauerint ornamenta Pontificis, quæ hætenus enumeravi. Alterum, an solus Pontifex vsus fuerit Ephod seu superhumerali. Tertium, in quem finem vsus fuerit. Est ergo

QVÆSTIO I.

C Quid significauerint ornamenta Pontificis.

D iuus Thomas in 1. 2. qu. 102. art. 5. ad 8. adfert duas significationes: vnam literalem; alteram mysticam. Secundum literam, inquit, ornamenta Pontificis designabant dispositionem huius mundi, hoc modo. 1. Feminalia linea, & vestis linea, significabant terram, ex qua linum nascitur. 2. Balteus Oceanum, qui cingit terram. 3. Tunica hyacinthina, aërem, qui hyacinthini coloris est. 4. Tintinnabula illius tunicæ, contritua aëris. 5. Mala punica, coruscationes, quæ sunt in aëre. 6. Ephod seu superhumeralis, cælum lyderium. 7. Duo onychini, duo hemisphærias vel certè, Solem & Lunam. 8. Duodecim gemmæ in pectore, duodecim signa Zodiaci. 9. Tiara, cælum empyreum. 10. Lamina aurea, Deum omnibus præsentem. 11. At mysticè designabant virtutes, quæ debent esse in Pontifice. Ac primò, feminalia linea significabat castitatem: vestis linea puritatem vitæ: cingulum, discretionem: tunica hyacinthina, cælestem conuersationem: tintinnabula aurea, sanam doctrinam: mala punica bonos mores: superhumeralis, sufferentiam infirmitatum populi: rationale in pectore cum nominibus filiorum Israël, charitatem & sollicitudinem pro fidelibus. Tiara in capite, rectam intentionem: Lamina aurea in fronte, ingenij memoriam ac recordationem Dei. Hæc ex D. Thoma.

E 12. Alij non male de Christo interpretantur. Nam ille fuit verus ac primarius Pontifex, cuius typum gesserant Aaron & successores eius. In illo perfectissimè fuerunt omnes virtutes, per ornamenta Pontificalia designatæ. Ille suis humeris portauit duas gemmas, id est, pretium redemptionis duorum populorum, Iudeorum scilicet & Gentilium. ille in suo pectore insculpta habuit nomina electorum. Ille, quacunque incessit, ex strepitu prædicationis Evangelij, & suauissimo virtutum odore percipi potuit ac observari.

QVÆSTIO II.

An solus Pontifex vsus fuerit Ephod seu Superhumeralis?

13. **R**atio dubitandi est, quia legimus, alios quoque præter Pontificem, vsos esse, nempe Leuitas, Sacerdotes, Reges. Nam de Samuele, qui erat Leuita, sic habemus. 1. Reg. 1. 13. *Samuel autem ministrabat ante faciem Domini puer, accinctus Ephod lineo.* De Sacerdotibus, 1. Reg. 12. 18. *Doeg I dumas irruit in Sacerdotes, & trucidauit in die illa octoginta quinque viros vestitos Ephod lineo.* De Dauid Rege, 2. Reg. 6. 14. *Dauid saltabat coram viribus ante Dominum accinctus Ephod lineo.*

14. **R**espondeo. Duplex fuit Ephod seu Superhumeralis in veteri Testamento. Vnum contextum ex auro, purpura, hyacintho, cocco bis tincto, & bysso rectora. Alterum simplex, lineum candidum. Priori solus Pontifex utebatur; posteriori, alij. Ita D. Hieron. in epist. 127. ad Fabiolam, & epist. 130. ad Marcellam, Abulensis lib. 1. Reg. can. 12. quæst. 27. Ribera lib. 3. de templo, cap. 10. & alij passim.

QVÆSTIO III.

In quem finem solitus sit Pontifex gestare Ephod?

15. **E**X Scriptura constat in tribus casibus solitum esse gestare. Primò, in consecratione. Quando enim mortui Pontifice, alius subrogabatur, necesse erat solemni ritu eum consecrari; quod fiebat, assumptione habitus Pontificalis, & unctione capitis. (Exod. 29. 29. Secundò, in ingressu Sanctuarij, quando sacrificabat & deprecabatur pro populo. (Exod. 28. 29.) Tertiò, quando consulebat Deum in rebus dubijs. De hoc sæpi potissimum hic agimus.

16. Igitur notandum est, in veteri Testamento fuisse tres modos consulendi Deum in rebus dubijs, & accipiendi ab eo responsa. 1. Per visiones & somnia. 2. Per Sacerdotes. 3. Per Prophetas. Hoc colligitur ex illo, 1. Reg. 28. 6. *Consuluit Saul dominum, & respondit illi, neque per somnia, neque per sacerdotes, neque per Prophetas.*

17. Modus consulendi per Sacerdotes (de quo solo hic agimus) sic habebat: Rex aut princeps, aut populus Israelitarum, si quando dubitabant, quid in rebus magni momenti agendum sibi esset, iubebantur, adire Pontificem seu summum Sacerdotem, qui indutus Ephod, consulebat pro ipsis Deum. (Num. 27. 21.) Eius rei varia exempla allata sunt capite præcedenti. Nihilominus superiunt quædam dubia, quæ hoc loco discuti possunt. Ac primò quaeritur, an is qui per Pontificem consulebat Deum, debuisset in propria persona præsens esse Pontifici? **R**espondeo: Tamen si sæpius id fieret, non tamen necesse erat fieri. Nam sicut absens poterat agere cum Propheta, sic etiam cum Pontifice. Secundò, an immediate suam questionem proposuerit Pontifici, an Deo coram Pontifice? **R**espondeo: Immediate Pontifici, & Pontifex Deo. Itaque plures sentiunt. Tertiò, an hæc propositio debuerit fieri coram Arca? **R**espondeo. Fiebat coram Arca, si adesset; secus si abesset. Quarto, quomodo Deus solitus sit dare responsa Pontifici interroganti? **R**espondeo: Authores dissentiunt.

A Aliqui putant, per Angelum voce humana loquentem. Alij per occultam Spiritus sancti reuelationem. Alij per schedulam. Alij, inter quos Iosephus, per splendorem gemmarum seu lapidum, qui erant in Rationali supra pectus Pontificis. Hoc sic explicant. Si lapides seu gemmæ plus solito splenderent, signum erat feliciter successurum, de quo quaerebatur, si minus solito male successurum si nec plus, nec minus, sed more naturali splenderent, signum erat, Deum non velle respondere, & sic putant accidisse, quando Saul consuluit Deum per Sacerdotem.

18. Vltimò quaeri potest quando cessauerit hic modus consulendi Deum per Pontificem, & accipiendi ab eo responsa? Abulensis putat cessasse eo tempore, quod inter Alexandrum Magnū & Machabæos intercessit. Genebrardus, eo tempore, quo Ioas Rex occidit optimum Pontificem Zachariam. Alij denique, ab initio captiuitatis Babylonice, quando sacrificium cessauit. Nam verisimile est, Iudæos propter sua peccata, vno eodemque tempore, & oraculo, & sacrificio spoliatos fuisse, quod contigit ad initium captiuitatis Babylonice. Quo videtur spectare illud Osee 3. 4. *Dies multas sedebunt filij Israël sine Rege, & sine Principe, & sine sacrificio, & sine Altari, & sine Ephod.*

CAPVT VI.

De Reditibus Pontificis.

1. **S**icut Deus ex XII. Tribubus Israel, elegit vnam pro diuino seruitio, vt supra dictum est, nempe tribum Levi, in qua erant Leuitæ. Sacerdotes & Pontifex; sic eandem tribum, tanquam sibi peculiariter mancipatam, voluit in suam curam suspicere, & de certis rebus paternè illi providere, iuxta illud Num. 18. 20. *Dixit Dominus ad Aaron. In terra eorum nihil possidebitis, neque habebitis partem inter eos: Ego pars & hereditas tua in medio filiorum Israël.* Hinc etiam postea factum est, vt in diuisione terræ promissionis, singulae tribus acceperint suam portionem, excepta tribu Levi, quæ per reliquas tribus dispersebatur.

2. Porro Deus, in stipendium pro ministerio, liberaliter illis concessit, quæ sequuntur. Primò, vt haberent 48. vrbes cum agris suis ad pastum iumentorum. Secundò, vt aliarum tribuum decimis alerentur. Tertiò, vt acciperent primitias. Quartò, vt haberent, quæ offerebantur Deo. De his singulis breuiter agendum est. Ac

I. DE VRBIBVS.

3. **D**E Urbibus sic legimus, Num. 35. 1. *Has quasque locutus est Dominus ad Moysen in caespitibus Moab supra Iordanem contra Iericho: Præcipe filiis Israël, vt dant Leuitis de possessionibus suis vrbes ad habitandum, & suburbana earum per circuitum, vt ipsi in oppidis maneant, & suburbana sint pecoribus ac iumentis.* Et Iosue 21. 1. *Accesserunt Principes familiarum Levi ad Eleazarum Sacerdotem, & Josue filium Nun, & dixerunt. Dominus præcepit per manum Moysi, vt darentur nobis vrbes ad habitandum, & suburbana earum ad alenda iumenta.* Et infra y. 39. *Itaque ciuitates vniuersæ Leuitarum in medio possessionis filiorum Israël fuerunt quadraginta octo cum suburbanis suis singula per familias distributa.* Hæc autem erant earum nomina:

1. Hebron
2. Labna
3. Ictar
4. Estemo
5. Holon
6. Dahir
7. Ain
8. Iota
9. Bethsames
10. Gabaa
11. Gabaa
12. Anathoth
13. Almon
14. Sichem
15. Gazor
16. Cibusaim
17. Bethoron
18. Eltheo
19. Gabaa-hon
20. Aialon
21. Gethremmon
22. Thanaab
23. Gethremmon
24. Gaulon

25. Bofra
26. Cefion
27. Dabereib
28. Iaramoth
29. Engannim
30. Masal
31. Abdon
32. Helcath
33. Robab
34. Cedes
35. Hammoth-Dur
36. Carhan
37. Iecnan
38. Cariba
39. Damna
40. Naalol
41. Bofor
42. Iaser
43. Iethfen
44. Mophaad
45. Ramothin Galaad
46. Manama
47. Hesebon
48. Iazer

4. Ex his 48. ciuitatibus tredecim primæ datæ sunt Sacerdotibus, reliquæ Leuitis (Iosue 21.) Porro ex omnibus, sex erant ciuitates refugij, quorum nomina recensentur, Iosue 20. 7. Sunt autem hæc. 1. Cedes in Nephthali. 2. Sichem in Ephraim. 3. Hebron in Iuda. 4. Bofor in Ruben. 5. Ramoth in Galaad. 6. Gaulon in Manasse. Tres primæ citra, reliquæ trans Iordanem. Iosue 21. 7. Omnes æquali spacio inter se distabant, Deut. 19. 7. Omnes sitæ erant in montibus, vt eminus videri possent, excepta Bofor, quæ sola erat in plano, sed tamen patente loco & conspicuo. Iosue 21. 8.

II. De Decimis.

Duo certa sunt, duo controuersa. Primum certum est, Leuitas accepisse decimas fructuum, pecorum & iumentorum à filiis Israel, id est, ab aliis tribubus, vt patet ex illo Num. 18. 21. *Filiis autem Leuiti dedi omnes decimas Israelis, in possessionem pro ministerio, quo seruiunt mihi in Tabernaculo fuderis.* Secundum certum est, Leuitas ex his decimis, quas accipiebant ab aliis tribubus, iterum dedisse decimas decimarum, vt patet ex eodem cap. vers. 26. *Præcipe Leuitis, atque de numeris: Cum acceperitis à filiis Israel decimas, quas dedi vobis, primitias earum offerre Domino, id est, decimam partem decima, vt reputetur vobis in oblationem primitiarum: tam de arvis, quam de torcularibus, & vniuersis, quorum accipitis primitias offerre Domino, & date Aaron Sacerdoti.*

6. Prior controuersia est, an Leuitæ communiter dicti (id est, tota tribus Leui, vt complectitur Leuitas propriè dictos, Sacerdotes & Pontificem) an potius Leuitæ propriè dicti, quatenus distinguuntur à Sacerdotibus & Pontifice acceperint decimas ab aliis tribubus filiorum Israel? Abulensis & quidam alij intelligunt de Leuitis propriè dictis. Alij rectius cum Iosépho de Leuitis communiter dictis, id est, de tota tribu Leui. Quod colligitur ex illo 2. Esdræ 10. 37. *Ipsi Leuitæ decimas accipient ex omnibus ciuitatibus operum nostrorum. Erit autem Sacerdos filius Aaron cum Leuitis in decimis Leuitarum, & Leuitæ offerent decimam partem decima suæ in domo Dei nostri.* Igitur Leuitæ & sacerdotes simul Opusc. Bec.

A accipiebant decimas à filiis Israel: & postea Leuitæ ex suis decimis dabant alias decimas sacerdoti seu Pontifici. Hinc iam oritur.

7. Posterior controuersia, an decimæ decimarum, quæ dabantur à Leuitis propriè dictis datæ fuerint soli Pontifici seu summo Sacerdoti an generatim omnibus Sacerdotibus? Lyranus & Abulensis putant soli Pontifici fuisse datas, ex illo Num. 19. 29. *Date Aaron Sacerdoti.* Ioséphus, non soli Pontifici, sed generatim omnibus Sacerdotibus. Alij denique, soli quidem Pontifici datas fuisse, sed ad custodiendum & distribuendum Sacerdotibus iuxta illud, Num. 18. 8. *Locutus est Dominus ad Aaron; Ecce dedi tibi custodiam primitiarum mearum, id est, vt custodias & distribuas filiis tuis Sacerdotibus, sicut mox sequitur: Omnia, quæ sanctificantur à filiis Israel, tradidi tibi & filiis tuis pro officio sacerdotis legitima sempiterna.* Quo etiam spectat illud, 2. Esdræ 10. 38. *Leuitæ offerent decimam partem decima suæ in domo Dei nostri ad gazophylacium in domum thesauri, id est, vt custodiatur in gazophylacio, & inde Sacerdotibus suo tempore distribuatur.*

8. Igitur summa omnium hæc est. Tribus Leui, quæ tota erat diuino seruitio consecrata, accipiebat decimas ab aliis tribubus, quæ erant laicæ. Porro cum in tribu Leui essent tria hominum genera nempe, Leuitæ propriè dicti, Sacerdotes, & Pontifex, Leuitæ ex suis decimis, dabant iterum decimas Pontifici & Sacerdotibus, quia hi in altiori gradu & ordine seruebant Deo quam Leuitæ: ac proinde sicut plus honoris, sic etiam plus bonorum temporalium pro sustentatione illis debebatur.

9. Pro maiori explicatione eorum, quæ dicta sunt, notandum est, apud Hebræos fuisse tria decimarum genera. Primum earum, quas ceteræ tribus singulis annis tenebantur dare tribui Leuitæ, pro sustentatione. De his iam dictum est. Alterum earum, quas singuli patres familias debebant quotannis apud se seruare, & postea cum Leuitis comedere in loco, vbi erat Tabernaculum vel templum, idque tribus anni temporibus, nempe in Paschate, Pentecoste, & festo Tabernaculorum. De his intelligendum est illud Deuter. 14. 22. *Decimam partem separabis de cunctis fructibus tuis, qui nascuntur in terra per annos singulos, & comedes in conspectu Domini Dei tui in loco, quem elegerit, ut in eo nomen illius inuocetur, &c.* Tertium earum, quas tertio anno singuli separare debebant in propriis domibus, & cum Leuitis, peregrinis, pupillis & viduis communicare, iuxta illud Deut. 14. 28. *Anno tertio separabis aliam decimam ex omnibus, quæ nascuntur tibi eo tempore, & repones intra ianuas tuas. Venietque Leuitæ, qui aliam non habent partem nec possessionem rectam, & peregrinus ac pupillus & vidua, qui intra portas tuas sunt, & comedent & saturabuntur: & benedicas tibi Dominus Deus tuus.* Et Deut. 26. 12. *Quando compleueris decimam cunctarum frugum tuarum, anno decimarum tertio dabis Leuitæ, & aduenæ, & pupillo, & viduæ, vt comedant intra portas tuas, & saturentur.* Igitur Leuitæ; tamen si omnium harum decimarum essent aliquo modo participes; tamen ex primo genere potissimum sustentabantur, vt dictum est.

III. De primitiis & primogenitis.

Soli Sacerdotes & Pontifex, non autem Leuitæ propriè dicti accipiebant primitias & primogenita à filiis Israel. Porro primitiæ soluebantur ter in

anno, ut notant Lyrantus & alij. Primò, in Paschate de nouis spicis, Secundò in Pentecoste de nouis papi-
bus. Tertio in Septembri in feito Tabernaculorum,
de nouis fructibus. Nam illis tribus anni temporibus,
tenebantur omnes mates venire ad locum, quem ele-
gerat Dominus Deut. 16. 16.

11. De primitiis spicarum, quæ in Paschate offere-
bantur, intelligitur illud Leuit. 23. 10. *Cum ingressi
fueritis terram, quam ego dabo vobis, & messueritis segetem,
feretis manipulos spicarum, primitias messis vestrae, ad Sa-
cerdotem, qui eleuabit fasciculum coram Domino, ut acce-
ptabile sit pro vobis altero die Sabbati, & sanctificabit illum.*
Ritus autem offerendi describitur. Leu. 2. 14. his verbis,
*Si autem obtuleris munus primarum frugum tuarum Domino
de spicis adhuc virentibus, torrebis igni, & confringes in mo-
rem faris, & sic offeres primitias tuas Domino, fundens su-
pra oleum, & ibi imponens, quia oblatio Domini est.*

12. De primitiis panum, quæ offerebantur in Pen-
tecoste, intelligitur illud Leuit. 23. 15. *Numerabis ser-
go ab altero die Sabbati, in quo obtulisti manipulum primi-
tiarum, septem hebdomadas plenas, usque ad alteram diem
expletionis hebdomada septima, id est, quinquaginta dies:
& sic offeretis ex omnibus habitaculis vestris, panes primi-
tiarum deos de duabus decimis simila fermentata, quos co-
quetis in primitias Domini, &c.*

13. De primitiis nouorum fructuum, quæ offere-
bantur in Septembri intelligitur illud, Num. 18. 13.
*Vniuersa frugum initia, quas gignit humus, & Domino de-
portantur, cedent in usus tuos: qui mundus est in domo tua
vescentur tuis.* Et Deuter. 18. 4. *Dabunt Sacerdoti primitias
frumentis, vini, & olei.* Et Deut. 26. 2. *Tolles de cunctis
fructibus tuis primitias, & pones in carthallo, pergesque ad lo-
cum, quem Dominus Deus tuus elegerit, accedeque ad Sa-
cerdotem qui fuerit in diebus illis, &c.*

14. Est autem magna differentia inter hæc tria ge-
nera primitiarum. Primò, quia primitiæ in Paschate
erant ex solis spicis: in Pentecoste, ex solis panibus:
in Septembri, ex variis terræ fructibus. Secundò, pri-
mitiæ spicarum dabantur in ipsa collectione fructuum
terræ, nec ulli licebat quidquid comedere de nouis
fructibus, antequam primitiæ spicarum Deo oblata
essent, Leuit. 23. 14. At primitiæ in Pentecoste & Se-
ptembri offerebantur ex fructibus iam collectis, & do-
mini æseruatis. D. August. quæst. 32. super Numeros.
Tertio, primitiæ panum & fructuum cedebant inte-
grè in vsum Sacerdotum; primitiæ verò spicarum non
integrè: Nam vnus manipulus spicarum consume-
batur per modum sacrificij, reliqui comedebantur à
Sacerdotibus.

15. Porro, sicut primitiæ, sic etiam primogenita
dabantur Pontifici & Sacerdotibus. Exod. 13. 2. &
Num. 13. 3. Erant autem tria genera primogenitorum:
alia hominum: alia pecorum mundorum: alia im-
mundorum. Igitur, singula primogenita primi & ter-
tij generis redimebantur pretio quinque siclorum,
quod dabatur Sacerdotibus: primogenita secundi ge-
neris per se illis offerebantur. Num. 18. 15.

IV. De Oblatis.

6. **P**er Oblata, generatim loquendo, intelliguntur
ea, quæ à filijs Israël offerebantur Deo in vsum
Sacerdotum. Erant autem triplicia. Nam quædam ex
præcepto offerebantur, ut decimæ, primitiæ, &
primogenita, de quibus iam dictum est. Alia sponte,
& ex mera deuotione alia denique ex voto. De hoc

A duplici genere multa habentur, Leuit. 22. 18. Leuit.
23. 38. Num. 15. 3. & alibi. Hæc iterum erant varia.
Nam quilibet, vel sponte vel ex voto poterat offerre
hostias, libamenta, panes, pecuniam, & quæ similia
sunt. Id autem potissimum fiebat in tribus anni tem-
poribus, ut supra dictum est, nempe in Paschate, Pen-
tecoste, & feito Tabernaculorum. Tunc enim tene-
bantur omnes venire ad locum; vbi erat Templum
vel Arca propitiatorij. Deut. 16. 16.

17. Ex dictis colligi potest, quàm diuites fuerint Sa-
cerdotes in veteri Testamento præ aliis omnibus.
Nam primò accipiebant decimas à duodecim tribu-
bus Israel. Vbi notandum est, præter tribum Leui
fuisse duodecim tribus filiorum Israel, nempe, tribum
Ruben, Simeon, Iuda, Zabulon, Issachar, Dan,
Oad, Aser, Nephthali, Ephraim, Manasse, Benia-
min. Igitur singulæ hæc tribus, diuidebant sua bona in
10. partes, & vnā dabant tribui Leui, reliquis no-
uem sibi reseruatis. Quo fit, ut tribus Leui multo
fuerit ditior, quàm ceteræ. Nam singulæ ceterarum
habebantur tantum nonnem partes; Tribus autem Le-
ui, duodecim. Præter has decimas, quæ communes
erant omnibus, an tribu Leui Sacerdotes iterum acci-
piebant decimas decimarum à Leuitis, & sic non so-
lum erant ditiores, quam homines aliarum tribuum,
sed etiam, quàm Leuitæ. Deinde, accedebant primi-
tiæ, primogenita, oblata, quæ si omnia computen-
tur, in magnum thesaurum excrecere necesse erat
reditus & possessiones sacerdotales.

CAPVT VII.

De auctoritate Pontificis.

1. **D**eus multis modis in veteri Testamento voluit
Pontifici austruere & conciliare auctoritatem
apud populum. Primò, pbblica & solenni consecra-
tione, quæ præfente populo durabat per septem dies.
D Secundò, vñctione sacri olei, quod in cultum vsum
prophanum adhiberi poterat. Tertio, ornatu Pon-
tificiali, qui & gemmis pretiosis, & aurea lamina, &
tinnabulis aureis, & malis punicis, omnem alium,
ornatum etiam regium, longe superabat Quarto, ma-
gna copia reddituum annorum, quæ quidem apud il-
lum populum magni erat momenti. Quintò, frequen-
ti colloquio cum Deo, præsertim in rebus dubiis pro-
ponendis. Sexto variis illustribus miraculis. Ex his
aliqua recensebo.

2. Primum contigit in primo sacrificio, quod Aaron
obtulit in suo Pontificatu. Tunc enim ignis de celo
descendit, qui coram populo holocaustum deuorauit.
Quo miraculo ostendit Deus, se approbare sacerdo-
tium seu Pontificatum Aaronis, Leuit. 9. 24. *Appa-
ruitque gloria Domini omni multitudini: Et ecce egressus ig-
nis à Domino, deuorauit holocaustum, & adipem, qui erant
super altare. Quod cum viderent turbe, laudauerunt Domi-
num, ruentes in facies suas.* vide simile Exemplum 3.
Reg. 18.

3. Secundum contigit in seditione Core, Dathan
& Abiron, quid cum iuis, sociis vini à terra absorpti
sunt, eo quod rebellionem excitassent contra Prima-
tum Moysi & Aaronis. Num. 16. 1. *Ecce autem Core,
& Dathan, atque Abiron surrexerunt contra Moysen, alii-
que filiorum Israel ducenti quinquaginta viri proceres Sy-
nagoge, & qui tẽpore Concilij per nomina vocabantur, Cuius-
que stetit aduersum Moysen & Aaron disceptans: Sufficiens*

vobis, quia omnis multitudo sanctorum est, & in ipsis est Dominus, Cur eleuamini super populum Domini? Et infra v. 32. Confestim dirupta est terra sub pedibus eorum, & aperiens os suum, deuorauit illos cum tabernaculis suis, & vniuersa substantia eorum, descenderuntque viui in infernum.

4. Tertium contigit in seditione populi, qui partim incendio periit, partim per intercessionem Aaronis saluatus est. Num. 16. 41. *Murmurauit autem omnis multitudo filiorum Israel contra Moysen & Aaron, sequenti die dicens: Vos interfecistis populum Domini. Cumque oriretur seditio, & tumultus increpesceret: Moyses & Aaron fugerunt ad tabernaculum federis. Quod, postquam ingressi sunt operuit nubes, & apparuit gloria Domini. Dixitque Dominus ad Moysen. Recediso de medio huius multitudinis, etiam nunc delebo eos. Cumque iacerent in terra, dixit Moyses ad Aaron: Tolle thuribulum & hausto igne de altari, mitte incensum de super, pergens cito ad populum, ut roges pro eis: iam enim egressa est ira a Domino, & plaga defecit. Quod cum fecisset Aaron, & cucurrisset ad mediam multitudinem, & quousiam vastabat incendium, obtulit thimiam stans inter mortuos ac viuentes, pro populo deprecatus est, & plaga cessauit. Fuerunt autem, qui percussi sunt 14000. hominum, absque his qui perierunt in seditione Cori.*

5. Quartum contingit circa virgam Aaronis, hoc modo: Cum populus saepe murmuraret contra Aaronem Pontificem, & aliae tribus filiorum Israel aegre ferrent, quod ex sola tribu Leui assumeretur Pontifex qui aliis omnibus imperaret; voluit Deus in posterum praeuere huiusmodi murmura, & manifesto signo declarare, Aaronem legitime a se electum esse, cui omnes, tanquam summo Sacerdoti, deberent obsequi. Itaque mandauit Moysi, ut acciperet duodecim virgas a duodecim tribubus Israel, in quibus singulis notata essent singula nomina Tribuum Israel. Has cum virga Aaronis poneret in Tabernaculo testimonij, & sequenti die iterum produceret. Tunc enim fore, ut vna ex omnibus miraculose flourer, & is deinceps, cuius virga floruisse, tanquam legitimus Pontifex haberetur. Factum est. Sequenti die, sola Virga Aaronis inuenta est germinasse, & turgentibus gemmis emisisse flores, qui foliis dilatatis, in amygdalas deformati viscebantur. Ex quo omnes manifeste collegerunt, deinceps soli Aaroni tanquam Pontifici a Deo electo & designato, non autem aliarum tribuum Principibus, in rebus ad Deum spectantibus, obtemperandum esse. Et ne posteros id lateret mandauit Deus, ut virga Aaronis, ad perpetuam rei memoriam, in Arca conseruaretur. Haec omnia habentur Num. 17. per totum.

CAPVT VIII.

De Comparatione Pontificis cum Rege.

Constat, magnam fuisse dignitatem & eminentiam vtriusque, tam Regis, quam Pontificis, in populo Hebraeorum. Si tamen comparatio instituenda est, maior fuit Pontificis, quam Regis. Nam Pontifex multis titulis praececellit Regi. His potissimum: Primò, originis & antiquitatis. Secundò, familiae. Tertio, inaugurationis. Quarto, vñctionis. Quintò, ornatus. Sextò, officij. Septimò, exemptionis. Octauò, authoritatis apud populum. De singulis per singulas quaestiones agendum est. Sic ergo.

Opusc. Bec.

QVÆSTIO I.

An Pontifex praececellerit Regi titulo originis & antiquitatis?

1. **V**Troque praececellit. Primum quidem, titulo originis. Nam Pontificatus habuit originem suam a solo Deo, regnum ex importunitate populi. Deus enim ex se, & quasi proprio motu instituit Aaronem Pontificem in ecclesia Hebraeorum, cum perpetuo iure successionis Hebr. 5. 4. At Regem non tam ipse instituit, quam petenti & murmuranti populo in penam ipsorum, concessit. 1. Reg. 8. 4. Et aegre concessit. Quod ex triplici capite colligi potest. Primò, quia conatus est illis persuadere, ne peteret (ibi v. 11.) Secundò, quia prae dixit fore, ut aliquando poeniteat ipsos suae petitionis. (ibi v. 18.) Tertio, quia miraculo ostendit, petitionem sibi displicere. 1. Reg. 12. 16. Sic enim legimus: Dixit Samuel ad vniuersum Israel: *Statete & videte rem istam grandem, quam acturus est Dominus in conspectu vestro. Nunquid non messistis tritici est hodie? Innocabo Dominum, & dabis voces & pluias: & scietis & videbitis, quia grande malum feceritis vobis, in conspectu Domini, petentes super vos Regem. Et clamauit Samuel ad Dominum, & dedit Dominus voces & pluias in illa die. Et timuit omnis populus nimis dominum & Samuelem, & dixit vniuersus populus ad Samuelem, ora pro seruis tuis ad Dominum Deum tuum, ut non moriamur. Addidimus enim vniuersis peccatis nostris malum, ut peteremus nobis Regem.*

2. Praececellit etiam in titulo antiquitatis. Nam Primus Pontifex fuit Aaron, qui tempore Moysi a Deo speciatim electus, & a Mose consecratus est, statim post egressum populi ex Aegypto. Levit. 8. 1. At primus Rex fuit Saul, quem constant amplius, quam 400. annis post Moysen, secutum esse. Vixit enim tempore Samuelis, a quo etiam vñctus est. Porro inter Moysen & Samuelem intercesserunt hi Iudices, Iosue, Othoniel, Aod, Barac, Gedeon, Abimelech, Thola, Iair, Iephthae, Abesan, Ahilon, Abdon, Sampson, Heli.

QVÆSTIO II.

An Pontifex praececellerit Regi titulo familiae?

3. **C**ertum est praececelluisse. Primò, quia Pontifex assumebatur ex sola tribu Leui, quae quod speciatim consecrata esset diuino cultui, habebatur inter omnes tribus honoratissima. At Rex, ex qualibet tribu assumi poterat. Saul fuit ex tribu Benjamin, David cum posteris, ex tribu Iuda, Ieroboam ex tribu Ephraim, Baasa ex tribu Issachar, & sic deinceps. Porro tanta erat praeellentia tribus Leuiticae prae aliis, ut Pontifex non posset accipere uxorem ex aliis tribubus, eo quod essent infra statum & dignitatem connubij Pontificalis, ut patet Levit. 21. 14. vbi de Pontifice sic dicitur: *Accipiet puellam de populo suo, ne commisceat stirpem generis sui vulgo gentis suae.* 1. Accipiet uxores ex tribu Leui, non ex aliis tribubus. Nā aliae tribus sunt quasi vulgus si conferantur cum Tribu Leui. Nō decet autem, ut Principes vel Magnates accipiant uxores ex communi hominum plebe. Erat tamen aliqua dispensatio in hac re. Nam Pontifex poterat accipere uxorem ex familia Regia, si veller. Hoc fecit

Ccc. ij

Ioioda Pontifex, qui habuit Iosabeth filiam Regis Ioram & sororem Regis Ochozæ: 2. Paral. 22. 11. Erat autem illa dispensatio concessa propter has causas. Primò, quia dignitas Regia proximè accedebat ad Pontificalem. Secundò, quia facilius poterat seruari pax in communi populo, & si Reges & Pontifices per connubia inter se conspirarent. Tertio, minus erat periculum idololatriæ. Nam Reges, qui Pontifici coniuncti erant, non facile recedebant à cultu & religione veri Dei. Vide Lynam in cap. ult. Numerorum.

4. Secundò, Pontifex non assumebatur ex qualibet familia trib. Leuiticæ, sed ex sola familia Aaronis: nec quilibet promiscuè ex familia Aaronis, sed primogenitus, carens omni macula & deformitate. Leu. 21. 17. At in Regibus non habebatur ratio primogenituræ, ut rectè notauit Pineda lib. 2. de rebus Salomonis cap. 1. Certe Dauid Salomon, & plures alij non fuerunt primogeniti. Multò minus habebatur ratio maculæ aut deformitatis. Nusquam legimus, aliquem propter maculam aut deformitatem à regno exclusum esse. Aliud est de lepra. Ozias, propter lepram, quia morbus contagiosus est, ab aliorum contubernio fuit merito segregatus: 2. Paral. 26. 21.

5. Tertio, Hoc etiam facit ad prærogatiuam & honestatem familiæ Pontificalis, quod non licuerit Pontifici in uxorem accipere viduam, aut repudiatam, aut sordidam, aut meretricem, sed tantum virginem de populo suo, iuxta illud Leuit. 21. 13. *Virginem ducet uxorem. Viduam autem & repudiatam, & sordidam, atque meretricem non accipiet, sed puellam de populo suo.* Hoc in Regibus non seruabatur. Dauid accepit viduam & adulteram Vidua erat Abigail, adultera Bethsabee. Et hoc capite, non solum Regibus, sed etiam Sacerdotibus præcellerat Pontifex. Nam & Sacerdotes poterant accipere viduas, quod Pontifici, propter dignitatem status, non licebat.

QUESTIO III.

An Pontifex præcelleret Regi titulo Inaugurationis?

6. **N**emo dubitat. Nam Pontificis inauguratio, ex speciali Dei cura & providentia, fiebat cum solenni pompa ac cæremonia, præsentem vniuerso populo; & durabat totis septem diebus, ut supra cap. 3. explicatum est. De Regis inauguratione nihil certum aut stabile erat statutum à Deo. Legimus quidem aliquos fuisse vinctos; alios fausta populi acclamatione assumptos; alios per Pontificem introductos: sed nusquam legimus mandatum fuisse à Deo, ut omnes certo ritu ac cæremoniis inaugurarentur. Imo constat, plerisque sine vlla solennitate, vel solo titulo successionis accepisse regnum, vel per vim & fraudem inuasisse. Vincti sunt Saul, Dauid, Salomon, Ioas, Iehu: acclamatum à populo, Salomoni & quibusdam alijs, per Pontificem introductus Ioas per vim & fraudem ingressi Baaza, Zambri, Sellum, Manathem, Phacee, Oice, & plures alij.

7. Nullius inauguratio fuit tam solennis, quam Salomonis, quæ describitur 3. Reg. 1. 38. his verbis: *Descendit ergo Sadoc Sacerdos & Nathan Propheta, & Bananias filius Ioiadæ, & Cerahi & Pholethi: & imposuerunt Salomonem super malam Regis Dauid, & adduxerunt eum in Gihon. Sumpsitque Sadoc sacerdos cornu olei in Tabernaculo, & unxit Salomonem, & cecinerunt buccinæ, & dixit omnis populus, Vivas Rex Salomon. Et ascendit vniuersa multitudo post eum, & populus canentium tibiis, & latantium*

A gaudio magno, & insonuit terra à clamore eorum. Sed tamen neque hæc solennitas erat à Deo præscripta, nec ab omnibus Regibus seruata, nec comparanda cum solennitate inaugurationis Pontificum. Primò, quia inauguratio Pontificum durabat septem diebus. Secundò, fiebat coram Tabernaculo & Sanctuario. Tertio, constabat pluribus ritibus ac cæremoniis. Quarto, quotidie triplici sacrificio: per septem dies honorabatur. Nihil tale apud Reges.

QUESTIO IV.

An Pontifex præcelleret Regi titulo Vnctionis?

8. **O**mnino præcelluit. Et quidem tripliciter. Primò, quia omnes Pontifices ex præscripto Dei ungebantur, & nisi vincti essent, non admittebantur ad officium Pontificale. Exod. 29. & Leuit. 8. At nullum extabat præceptum Dei, quo omnes Reges ad vñtionem astringerentur. Nec legitur vñctos esse nisi paucos. Ex Regibus Iuda, vñcti sunt Saul, Dauid, Salomon, Ioas: ex Regibus Israel, Iehu. De cæteris, an vñcti sunt, non constat. Et verisimile est, plerisque non esse.

9. Secundò, Pontifices ungebantur publicè coram populo apud Tabernaculum Domini. At Reges, si qui ungebantur, non omnes publicè ungebantur. Certe Saul, Dauid, Iehu, priuatim vñcti sunt. Saul à Samuele, in extrema parte ciuitatis, nullo alio præsentem. 1. Reg. 9. 27. Dauid ab eodem Samuele, in domo patris sui, in Bethlehem. 1. Reg. 16. 13. Iehu à filio Prophetæ, in cubiculo seorsim 4. Reg. 9. 6.

10. Tertio quod præcipuum est, Pontifices ungebantur oleo sancto, id est vnguentum compositum ex oleo, myrrha, cinnamomo, calamo, calia. Exod. 30. 23. At Reges oleo simplici & communi. Quod, tametsi aliqui negent, ve iustum tamen est. Et tribus argumentis probari potest. Primum sumitur ex lege Dei. Nam Deus præceperat, ut nullus hominum ungeretur oleo sancto, nisi Pontifex & Sacerdotes. Sic enim legimus, Exod. 30. 30. *Aaron & filios eius unges, sanctificabisque eos, ut sacerdotio fungantur mihi. Filiis quoque Israel dices: Hoc oleum vñctionis sanctum eris mihi in generationes vestras. Caro hominis non ungetur ex eo, & iuxta compositionem eius non facietis aliud, quia sanctificatum est, & sanctum erit vobis. Homo, quicumque tale composuerit, & dederit ex eo alieno, exterminabitur de populo suo.* Ex quo præcepto, duo colligimus. 1. quod nemo præter Aaronem & filios eius, id est, præter Pontificem & Sacerdotes, potuerit vngi oleo sancto, quod ex variis aromatibus confectum erat. 2. quod nulli licuerit conficere simile oleum, aut alicui extraneo communicare.

11. Alterum argumentum sumitur ex phrasi Scripturæ. Nam oleum sanctum, quo Pontifex & Sacerdotes ungebantur, nunquam in Scriptura appellatur oleum absolute & simpliciter, sed oleum vñctionis, vel oleum vñctionis sanctum, vel oleum sanctæ vñctionis. Exod. 29. 7. *Oleum vñctionis fundes super caput eius.* Et cap. 30. 25. *Faciesque vñctionis oleum sanctum, vnguentum compositum opere vnguentarij, &c.* Et infra v. 31. *Hoc oleum vñctionis sanctum erit vobis.* Et Leuit. 8. 10. *Tulit vñctionis oleum, quo linunt Tabernaculum cum omni suppellectili sua.* Et cap. 21. 12. *Oleum sanctæ vñctionis Dei sui super eum est.* Et alibi sæpius. Et rectè est, quia non erat oleum simplex ac purum, sed vnguentum confectum ex oleo & variis aromatibus, ut iam an-

te dixi, ac proinde non oleum simpliciter, sed oleum unktionis, vel unguentum appellari debuit. At oleum, quo Reges ungebantur, nunquam appellatur oleum unktionis, sed oleum simpliciter & absolute, quia non erat compositum ex oleo & aromatibus, sed purum ac simplex oleum. 1. Reg. 10. 1. Tulit Samuel lenticulam olei, & effudit super caput eius, id est, Saulis. Et cap. 16. 1. Dixit Dominus ad Samuelem. Vtique quò tu luges Saul, cum ego proiecerim eum, ne regnet super Israel? imple cornu tuum oleo, & veni, in mittam te ad Isai Bethlehemitem: prout enim in filiis eius mihi Regem. Et infra vers. 13. Tulit ergo Samuel cornu olei, & unxit Davidem in medio fratrum eius. Et 4. Regum 9. 1. Helisus unxit unum de filiis Prophetarum, & ait illi: Tolle lenticulam olei, & vade in Ramoth Galaad. Cumque veneris illuc, videbis Iehu, filium Iosaphat. Et paulò post: Tenensque lenticulam olei, fundes super caput eius, & dices: Haec dicit Dominus: Unxi te Regem super Israel. Hinc optimè concludo, Reges non fuisse unctos oleo sancto, quo Pontifex ungebatur, sed puro, simplici ac vulgari.

12. Ad maiorem explicationem huius argumenti, notandum est, in Scriptura veteris Testamenti, præsertim quæ ad ceremonias Indæorum spectat, quadruplex oleum reperiri. Primum, quo utebantur in lucernis candelabri aurei, iuxta altare thymiamatis. Alterum, quod adhibebatur in sacrificiis. Tertium, quo ungebantur Reges. Quartum, quo Pontifices & Sacerdotes. Hoc ultimum, quotiescunque de eo fit mentio, vocatur Oleum unktionis, vel Oleum sanctæ unktionis, ut dixi. Reliqua, nudo ac simplici nomine olei contenta sunt. Hoc satis ostensum est de oleo Regum. De oleo lucernarum, patet ex illo, Levit. 24. 2. Præcipe filiis Israel, ut adferant tibi oleum de olivis purissimum ac lucidum, ad concinnandas lucernas ingiter. De oleo sacrificiorum, ex illo Levitic. secundo, 1. Anima, cum obtuleris oblationem sacrificij Domino simila erit eius oblatio, fundesque super eam oleum, & ponas ibi.

13. Tertium argumentum sumitur ex illis verbis Leviticor. 21. 10. Pontifex, id est, Sacerdos maximus inter fratres suos, super cuius caput fustum est unktionis oleum, & cuius manus in sacerdotio consecrata sunt, vestitusque est sanctis vestibus, caput suum non discooperiat, vestimenta non scindet, & ad omnem mortuum non ingredietur omnino, super patre quoque suo & matre non contaminabitur: Nec egredietur de sanctis, ne polluat Sanctuarium Domini, quia oleum sanctæ unktionis Dei sui super eum est. Ego Dominus. In quibus verbis continetur hæc lex, ut Pontifex externo ritu non lugeat mortuos, nec egressus de Sanctuario, prosequatur funera mortuorum, ne quidem parentum suorum. Et ratio legis additur, quia oleum sanctæ unktionis fustum est super caput eius; ac proinde nullo modo debet contaminari. Contaminaretur autem, si lugeret mortuos, aut funera eorum prosequeretur. Unde sic argumentor: Ideo Pontifex non poterat lugere mortuos, & eorum funera prosequi, quia oleum sanctæ unktionis fustum erat super caput eius: At Reges poterant lugere mortuos, & prosequi funera mortuorum. Hoc enim David fecit in morte Saulis & Ionathæ. Ergo oleum sanctæ unktionis non erat fustum super caput eorum.

14. Vbi notandum est discrimen inter Pontificem, Sacerdotes & Reges. Solus Pontifex ungebatur oleo unktionis in capite, & ideo non lugebat viros mortuos, ne quidem parentes. Sacerdotes non ungebantur quidem in capite, sed tamen in vestibus aspergebantur, partim sanguine arietis immolari, partim oleo sanctæ unktionis. Exod. 29. 21. Et ideo poterant quidem lugere propinquos & consanguineos, non tamen alios.

A Lev. 21. 2. Reges nec in capite, nec in vestibus habebant oleum sanctæ unktionis, sed oleum simplex & vulgare; & ideo poterant lugere omnes mortuos, quos volebant.

15. Præter hæc tria argumenta, quæ videntur esse solida, accedunt alia tria, non quidem æquè efficacia, sed tamen valde probabilia. Primum, quia oleum sanctum non poterat attraheri, nisi à Pontifice & Sacerdotibus: at Saul, David & Iehu, non sunt uncti à Pontifice vel Sacerdotibus, sed à Prophetis: non ergo uncti sunt oleo sancto. Alterum, quia Elias Prophetæ à Deo iussus est ungere Iehu in Regem Israel, & Hazaelem in Regem Syriæ, & Helisum in Prophetam. 3. Reg. 19. 15. Et verisimile est, quod ex eadem lenticula vel cornu olei potuisset eos ungere. At Hazaelem non poterat ungere oleo sancto, quia erat homo Gentilis: Ergo verisimile est, nec Iehu, nec Helisum oleo sancto, sed simplici unctos esse. Tertium, quia David ter unctus est. Primb à Samuele, in Bethlehem, in domo patris sui. 1. Reg. 16. 13. Secundo, in Hebron, in Regem Iuda. 2. Reg. 2. 4. Tertio, in Hebron, in Regem Israel. Secundo, Reg. 5. 3. Nec credibile est, toties unctum esse oleo sancto; quia ne quidem Pontifex, pro quo factum erat oleum sanctum, toties ungebatur.

16. Dices, quomodo ergo Salomon unctus est oleo sancto, si nemo aliud nisi Pontifex & Sacerdotes, poterat eoungi? Sic enim de eo scriptum est, 3. Reg. 1. 39. Sumpsit Sadoc Sacerdos cornu olei de Tabernaculo, & unxit Salomonem. At oleum, quod in Tabernaculo aservabatur, erat sanctum. Respondeo. Authores hic dissentiunt. Aliqui putant, Salomonem ex peculiari dispensatione unctum esse oleo sancto. Alij rectius id negant, asserentes, in Tabernaculo duplex oleum fuisse aservatum: alterum confectum ex aromatibus, quo Pontifices & Sacerdotes; alterum simplex, quo Reges ungebantur.

QVÆSTIO V.

An Pontifex præcelleret Regi, titulo ornamentorum.

17. Hoc disertè affirmat Ecclesiasticus, cap. 45. Vbi cum sigillatim descripsisset ornamenta Aaronis Pontificis, tandem subiungit, nunquam ab initio mundi fuisse illis similia, nec deinceps fore aliquem, extra numerum Pontificum, qui similibus usus sit. Verba eius sunt hæc: Sic pulchra ante ipsum non fuerunt talia usque ad originem. Non est indutus illa alienigena aliquis, sed tantum filij ipsius soli, & nepotes eius, per omne tempus. Et hoc facile demonstrari potest. Nam Pontifex in sua veste Pontificali habebat aurum, purpuram, hyacinthum, coccum bis tinctum, & byssum retortam: in simbrina, mala pumica & tintinnabula aurea: in capite, diadema seu tiaram, cum lamina aurea: in præcore, duodecim gemmas pretiosas: in humeris, duos ladias onychinos, auro inclusos. De his cap. 5. actum est.

18. Nihil simile habebant Reges. Nec aliud ferè de illis legimus, quàm quòd soliti sint gestare diademam in capite. Nec tamen de omnibus; sed de tribus duntaxat hoc legimus, nempe de Saule, Davide & Ioas. Et quidem Saul habuit diadema in capite, quando occisus est in bello contra Philistinos. Quod diadema postea à quodam adolescente allatum est ad Davidem, ut habetur 2. Reg. 1. 10. Et ait adolescens: Tuli diademam, quod erat in capite eius, & attuli ad te Dominum.

monum huc. David autem, eum expugnasset Rabba, ciuitatem Ammonitarum, & accepisset coronam idoli Melchom, fecit sibi inde diadema, ut patet ex illo 1. Paral. 20. 2. Tulit autem David coronam Melchom de capite eius, & inuenit in ea auri pondo talentum & preciosissimas gemmas, fecitque sibi inde diadema. Denique, de Ioas sic legimus, 2. Paralipomenon 23. 11. Eduxerunt filium Regis, & imposuerunt ei diadema. At quæ est proportio diadematis Regij cum tam multiplici ornatu Pontificali?

QVÆSTIO VI.

An Pontifex præcelluerit Regi titulo officij?

19. **C**onstat, multis modis præcelluisse. Primò, quia officium Pontificis erat excellentius, quàm Regis. Secundò, quia Pontifex in suo officio non dependebat à Rege; & tamen Rex sæpe dependebat à Pontifice. Tertio, quia Pontifex, propter suum officium Pontificale, poterat etiam præstare ea, quæ ad officium Regis pertinebant; non tamen Rex poterat præstare, quæ ad officium Pontificis spectabāt. Quarto, quia in omnibus controuersis legalibus, tam Ecclesiasticis, quàm politicis, supremus iudex erat Pontifex, non Rex. Quintò, quia iurisdicctio Pontificis latius patebat, quàm Regis. Hæc omnia paulò accuratius explicanda sunt. Nam in his punctis potissimum consistit prærogatiua Pontificis p̄o Rege. Sit ergo.

10. **Prima Conclusio.** Officium Pontificis in lege Mosæ fuit multo excellentius, quàm Regis. Ratio est, quia officium Pontificis erat spirituale, concernens salutem animæ; officium Regis temporale, concernens pacem externæ politice. Ad Pontificem pertinebat, offerre Deo sacrificia, intrare in Sanctuarium, expiare populum à peccatis, consecrare Leuitas & Sacerdotes legem Dei interpretari, in rebus dubiis responsa à Deo accipere. Ad Regem, præstare populo in temporalibus, conseruare iusticiam civilem, suscipere bellum contra hostes. Nam ad hæc præstanda petierunt filij Israël libi dari Regem, ut habetur 1. Reg. 8. 19. his verbis: *Noluit populus audire vocem Samue- lis, sed dixerunt: Nequaquam. Rex enim erit super nos, & erimus nos quoque, sicut omnes gentes: Et iudicabis nos Rex noster, & egredietur ante nos, & pugnabis bella nostra pro nobis.*

11. **Secunda conclusio.** Pontifex in suo officio non dependebat à Rege: Et tamen Rex sæpe dependebat à Pontifice. Prior pars probatur, quia Pontifex poterat omnia præstare, quæ ad suum officium pertinebant sine villo subsidio Regis. Poterat enim offerre sacrificium, intrare Sanctuarium, expiare populum, consecrare Leuitas & Sacerdotes, legem interpretari, Deum consulere: Et in his omnibus non indigebat subsidio Regis. Posterior pars probatur ex contrariis principio. Nam Rex non poterat omnia præstare, quæ ad officium suum pertinebant, sine subsidio Pontificis. Non enim poterat suscipere bellum, aut aliam rem magni momenti aggredi, nisi prius consulto per Pontificem oraculo. Huc suprà, cap. 4. §. 20. ostensum est ex illo, Num. 27. 21. *Pro hoc (Principe seculari) si quid egendum erit, Eleazar Sacerdos consulat Domi-*

num. Ad verbum eius (Eleazari) egredietur & ingre- dietur ipse. (Iosue, vel quicumque alius Princeps sa- cularis) & omnes filij Israël cum eo, & cætera multi- tudo. Quod ibidem variis exemplis confirmatum est. Neque necesse est hic repetere.

12. **Tertia conclusio.** Pontifex, præter officium suum pontificale, poterat enim præstare ea, quæ ad officium Regis pertinebant, & multo plura: At Rex non poterat præstare, quæ ad officium Pontificis spectabant. Prior pars probatur exemplo Ioiadæ Pontificis sanctissimi. Is omnia fecit, & fortasse plura, quàm Rex facere potuisset. Nam generatim loquendo, Ioas filium Ioiam constituit Regem, & Athalias Reginam deposuit ac interfecit. Speciatim verò hæc gessit. 1. conuocauit omnes Principes familiarum Israël, Cen- turiones, Sacerdotes, Leuitas, & reliquam populi multitudinem: & dedit illis lanceas, clypeos, & reliqua arma ad bellum necessaria. 2. mandauit illis, ut Ioas filium Regis, qui tunc erat puer septem annorum, susceperent in Regem. 3. ut hoc commodius & sine tumultu fieret, distribuit illos in certas classes. Nam aliquos posuit ad custodiam portarum Sur; alios ad custodiam domus Regiæ; reliquum populum voluit esse in atrijs Templi Salomonis. 4. Speciatim præcepit Leuitis, ut armati circumstarent filium Regis, & quocumque ille iret, ipsi comitarentur. 5. Mandauit populo qui erat in atrijs Templi Salomonis, ut instructi pignoribus, alij starent ad dextram partem Templi, alij ad sinistram, ut filius Regis per medium possit transire. 6. His ita constitutis ac dispositis, adduxit filium Regis, & imposuit diadema super caput eius, & vnxit eum, & dedit in manu eius Legem Deuteronomij, & declarauit illum Regem, acclamante vniuerso populo, *Vivat Rex.* 7. Declarato iam Rege, accessit ad Centuriones & Principes exercitus, ut Athalias Reginam educerent extra septa Templi, & gladio interficerent. 8. Interfecta Athalia, pepigit fœdus inter se, & nouum Regem, & vniuersum populum; ut omnes vnanimiter seruirent verò Deo, & idola detestarentur. Ac mox, vi huius fœderis, ingressi templum Baal, confregerunt altaria & simulachra, & Mathan sacerdotem Baal ante aras interfecerunt. 9. Constituit nouum ordinem in Templo Salomonis, & singulis Leuitis ac Sacerdotibus sua officia partitus est. Postremò cum omnia ex animi sententia successissent, conuocatis Centurionibus, Principibus, & vniuerso populo, nouum Regem ex domo Dei deduxit in Domum Regiam, & collocauit eum in solio Regali. Hæc omnia habentur 2. Paralip. 23. & 4. Reg. 11. Et in his omnibus vsus est Ioiada Pontifex imperio & authoritate Pontificali. Quid amplius faceret Rex?

13. Posterior pars, quod nimirum Rex non potuerit ea præstare, quæ ad officium Pontificis pertinebant, facile probari potest inductione. Non enim poterat offerre sacrificia, nec intrare Sanctuarium, nec expiare populum, nec consecrare Leuitas & Sacerdotes, nec legem Dei interpretari, nec in rebus dubiis, accepto Rationali, responsa à Deo petere. Et, si aliquid horum tentasset, reprehendebatur à Pontifice, & à Deo puniebatur. Habemus exemplum in Ozia Rege, qui cum vellet adolere incensum super altare thymiamatis: pri- mum à Pontifice reprehensus, deinde lepra percussus est. *Non est tui officij Ozia (dicebat Pontifex) ut adoleas incensum Domino, sed Sacerdotum, hoc est, filiorum Aaron, qui consecrati sunt ad huiusmodi ministerium. Egredere de sanctuario ne contempseris. (2. Paralipom. 26. 18.)* Et paulò post: *Statimque orta est lepra in fronte eius coram Sacerdotibus.* Porro, Deus tam ægrè tulit hoc factum Ozia Regis, ut non solum lepra, sed etiam terræ motu puniendum esse consuevit. (Zach. 14. 5.)

5. 24. Nec dissimile exemplum est in Saule Rege. Cum enim irruentibus Philistinis, videret populum à se dilabi, putabat se rectè facturum, si ipse per se (cum Sacerdos non adesset) offerret holocaustum & pacifica, ad placandum Deum. Sed mox à Samuele reprehensus est, his verbis *Saul egisti*, 1. Reg. 13. 13. Non solum reprehensus est, sed etiam punitus amissione regni. *Quod si non fecisses*, inquit Samuel, *iam nunc prae- rasset Dominus regnum tuum ultra consurgeret. Quasi si Dominus sibi virum iuxta cor suum, & praecepit ei Dominus, ut esset Dux populi sui.*

25. *Quarta conclusio.* Si aliqua controuersia legalis fuisset orta, siue in rebus Ecclesiasticis, siue in temporalibus & inferiores Iudices, qui erant in singulis ciuitatibus non potuissent in ea definienda inter se conuenire, recurrendum erat ad Pontificem, tanquam ad supremum Iudicem, non autem ad Regem: Et omnes sub poena mortis tenebantur Pontificis sententiae acquiescere. Hoc supra probatum est, ex Scriptura & Iosepho. Nunc ratione explicandum est, hoc modo. Controuersiae legales, quae oriebantur ex lege Moysica non satis benè intellecta, non poterant dirimi & diiudicari, nisi per veram legis interpretationem: Ergo illius erat dirimere & diiudicare eiusmodi controuersias, cuius erat interpretari ipsam legem. At Sacerdotum, & maxime Pontificis, non autem Regum aut Principum saecularium erat interpretari legem. Ergo Sacerdotum, & maxime Pontificis, non autem Regum & Principum saecularium erat dirimere & diiudicare controuersias legales. Minor probatur ex illo Aggæi 2. 12. *Hac dicit Dominus: Interroga Sacerdotes legem.* Et Malach. 2. 7. *Labia Sacerdotis custodiens scientiam: & legem requirere ex ore eius.* Non ex ore Regis, sed Sacerdotis. Et cauiam mox additur; *Quia Angelus Domini exercituum est*, quasi dicat, sacerdos est nuncius seu interpres diuinæ voluntatis. Igitur à Sacerdote petenda est legis diuinæ interpretatio: Et omnes controuersiae, quae ex lege diuina oriri possunt, à Sacerdote dirimendae sunt.

26. Sed quæres, quare interpretatio legis, & consequenter decisio controuersiarum legalium, pertinuerit potius ad Pontificem, quam ad regem, aut quoscunque alios? Ratio dubitandi est, quia poterat fieri, ut non minus alij essent periti in lege, quam Pontifex: imò etiam magis. *Respondet.* Si spectemus industriam humanam, certum est, non minus alios, quam Pontificem, potuisse legem intelligere & interpretari. Si autem spectemus assistentiam Spiritus sancti, quæ potissimum in hoc negotio spectanda est, ea Pontifici potius, quam aliis, fuit promissa & communicata. Exemplum habemus in Mose. Nam si Deus concessit illi maiorem assistentiam, quam septuaginta senioribus, qui illi in officio subseruiebant. Hoc colligitur ex illo Num. 11. 17. *Dixit Dominus ad Moysen: Ausculta de spiritu tuo, & tradamque eis, ut sustentent tecum onus populi.* Vbi per spiritum intelligi debet aliquod donum gratiae, quod requiritur in eis, qui rectè volunt alios gubernare, & eorum controuersias dirimere. Est ergo hic sensus: *Ausculta de spiritu tuo, & tradamque eis*, id est, Dabo illis donum gratiae, sed infra illud donum quod tu habes: Tibi, qui supremus Iudex es, plus dari oportuit, quam illis, qui inferiores sunt.

27. *Quinta conclusio.* Pontificis iurisdictio in veteri Testamento latius patebat, quam Regis. Et quidem duplici sensu. 1. Quia ad plures causas se extendebat. Nam non solum controuersiae legales in causis Ecclesiasticis; sed etiam in temporalibus, subiectae illi erant, ut iam dictum est. 2. Quia ad plures homines & loca se extendebat. Nam post mortem Salomonis, facta

regni diuisione, Rex Iuda nihil habebat iuris ac potestatis in regno Israël: nec vicissim Rex Israël in regno Iuda, at Pontifex in utroque regno habebat suam iurisditionem. 1. Quia in utroque poterat exigere decimas, primitias, & pretia primogenitorum. 2. Quia in utroque habebat Leuitas sibi subiectos. 3. Quia ad illum, tanquam supremum Iudicem, pertinebant controuersiae utriusque regni. 4. Quia Reges utriusque regni, non poterant bellum suscipere, aut aliam rem magni momenti aggredi, nisi consulto per Pontificem oraculo. Hinc sequitur, Regem Israël, non fuisse supremum & absolutum Dominum in suo regno, sed debuisse etiam pendere à Pontifice, qui habitabat in regno Iuda. Et quidem multis modis ab eo pendebat, ut iam explicatum est.

QUESTIO VII.

An Pontifex praeceuerit Regi, titulo Exemptionis.

18. **E**Xemplo duplex est: Vna in rebus Ecclesiasticis; altera in temporalibus. Pontifex utroque modo exemptus erat à potestate Regis; non item Rex à potestate Pontificis. Quod tamen si facile constare possit ex dictis, seorsim tamen explicandum est. Ac primò dicam de exemptione Pontificis in rebus Ecclesiasticis. Secundò, de exemptione eiusdem in temporalibus. Tertiò, ostendam, nec in Ecclesiasticis, nec in temporalibus, Regem fuisse penitus exemptum à potestate Pontificis. Sit ergo.

29. *Prima conclusio.* Pontifex in rebus ecclesiasticis, seu ad diuinum cultum pertinentibus, erat exemptus à potestate Regis: Et quidem triplici titulo. 1. quia Rex non poterat illi quicquam imperare in eo genere. 2. non poterat illum ad suum tribunal trahere in controuersis Ecclesiasticis. 3. non poterat illum punire, si deliquisset. Hæc conclusio ex duplici fundamento probari potest. Prius est, quod Pontifex fuerit supremus Iudex in causis & controuersis ecclesiasticis, ut iam ante probatum est. Ex quo sequitur. 1. non potuisse illum trahi ad tribunal Regis. 2. non potuisse puniri à Rege. 3. non fuisse subiectum imperio Regis. Ratio est, quia supremus Iudex, in eo genere, in quo supremus Iudex est, non potest ab alio iudicari, puniri, aut imperium accipere. Nihil certius.

30. Posterius est, quod omnes Leuitae in rebus ad cultum diuinum pertinentibus; fuerint exempti à potestate Regis. Vnde sequitur, multò magis Pontificem fuisse exemptum. Quod autem Leuitae fuerint exempti, certum est. Nam Deus separauerat illos à reliquo populo filiorum Israël, & eos loco primogenitorum, quibus illi debebantur, suos esse volebat, iuxta illud Num. 3. 12. *Ego tuli Leuitas à filiis Israël pro omni primogenito, eruntque Leuitae mei. Meum est enim omne primogenitum, ex quo percussus genitor in terra Aegypti.* Et Num. 8. 12. *Statuesque Leuitas in conspectu Aaron & filiorum eius, & consecrabis oblatos Domino; ac separabis de medio filiorum Israël. ut sint mei: quoniam dono donati sunt mihi à filiis Israël. Pro primogenitis accepi eos. Mea sunt enim omnia primogenita filiorum Israël, tam ex hominibus, quam ex iumentis.* Vnde sic argumentor: Si Deus voluisset accipere primogenita filiorum Israël, tam ex hominibus, quam ex iumentis, quæ illi speciali iure debebantur;

certe filij Israël nullam amplius habuissent potestatem aut iurisdictionem in eadem primogenita, postquam semel Deo fuissent tradita: At Deus eodem iure specialis, quo poterat accipere primogenita, accepit Levitas, loco primogenitorum: Ergo postquam Levitæ semel Deo traditi & consecrati essent, non amplius erant sub potestate aut iurisdictione aliorum, sed solius Dei. Poterat tamen Deus, si vellet, eos iterum subiicere aliorum potestati. Noluit autem subiicere potestati Regis, sed Pontificis, ut disertè habetur Num. 8. 18. his verbis: *Tuli Levitas pro cunctis primogenitis filiorum Israël, tradidique eos dono Aaron & filiis eius de medio populi.* Igitur Levitæ, sicut Pontifici, non Regi, donati à Deo erant; sic Pontifici, non Regi debebant obtemperare. Quod etiam expressè constat ex illo. Numer. 18. 1. *Dixitque Dominus ad Aaron: Excubabunt Levitæ ad præcepta tua.* Hinc infero: Si Levitæ in cultu divino exempti erant ab Imperio Regis, ut reuera erant; multò magis Pontifex erat exemptus. Nam si hic exemptus non fuisset, nec Levitæ poterant esse exempti, quia sub eisdem erant Pontifici.

31. Hoc argumentum sic confirmo. Non solum primogenita privatorum hominum, sed etiam Principum ac Regum debebuntur Deo: sicut ergo privati homines nullam amplius habuissent iurisdictionem aut potestatem in sua primogenita, si semel fuissent Deo tradita; ita nec Reges & Principes. At eadem erat ratio Levitarum, quæ fuisset primogenitorum: Ergo nec Reges & Principes habebant amplius potestatem aut iurisdictionem in Levitas, postquam semel Deo erant traditi & consecrati.

32. *Secunda conclusio.* Pontifex in bonis temporalibus & causis politicis exemptus erat à potestate Regis. Et quidem quadruplici titulo. 1. quia Rex non poterat illi quicquam imperare in eo genere. 2. non poterat illum trahere ad suum tribunal, aut sententiam contra ipsum pronuntiare, 3. non poterat illum punire, si deliquisset. 4. non poterat ab illo exigere tributum, vestigal, & similia onera, quæ Magistratus solet exigere à suis subditis. Tria priora membra facillè probantur ex præcedenti conclusione. Nam Pontifex erat supremus iudex, non solum in causis Ecclesiasticis, sed etiam in temporalibus: At supremus iudex, in eo genere, in quo supremus iudex est, non potest ab alio iudicari, puniri aut imperium accipere. Dices, quomodo ergo Abiathar Pontifex punitus est à Salomone? Nam Salomon, eo quod conspirasset cum Adonia; deposuit illum ab officio Pontificali, & alium in eius locum subrogavit. *Respondet.* Si Salomon autoritate regia id fecit, non legitime fecit. Nec enim, quidquid à Regibus factum est, legitime factum esse putandum est. Nonne Abimelech Pontifex à Saule Rege interfectus est in Nobè? (1. Reg. 22. 17.) Nonne Zacharias imperio Iox lapidatus? (2. Paralip. 2. 24. 21.) An ideo hæc quia à Regibus facta sunt, legitime facta sunt? Nemo dixerit.

33. Superest quartum membrum de exemptione Pontificis ab onere tributorum & similium gravaminum; quod sic probari potest. Onera, ad quæ præstanda tenebantur filij Israël, erant hæc. 1. Debebant parati esse ad bellum, & subsidia in bellum conferre. 2. Singulis annis dare dimidium sicti pro usu Tabernaculi. 3. Singulis annis dare decimas omnium bonorum in sustentationem Sacerdotum ac Levitarum. 4. Primogenita hominum & iumentorum, vel Domino offerre, vel pretio redimere. 5. Conferre necessaria pro familia & sustentatione Regis. 6. Permittere alienationem domorum suarum in perpetuum. Ab his omnibus exemptus erat Pontifex; quod inductio-

A ne probandum est.

34. At primum exemptus erat ab onere belli: nec solus ipse, sed omnes Levitæ. Cum enim Deus mandasset Moysi in deserto Sinai, ut numeraret omnes filios Israël, qui per ætatem apti essent bello, speciatim excepit Levitas, quos voluit ab hoc onere immunes esse, ut servirent in Tabernaculo. Num. 1. 48. *Tribum Levi noli numerare, neque pones summam eorum cum filiis Israël, sed constitue eos super Tabernaculum testimonij & cuncta vasa eius, & quidquid ad ceremonias pertinet.* Hoc tamen notandum est, tametsi immunes essent à bello, potuisse nihilominus interesse, quadruplici ex causa. Primo, ut in re dubia consulere Deum pro Rege & exercitu. Hoc fecit Achias Pontifex in bello Saulis contra Philistæos. (1. Reg. 14.) Secundo, ut excitarent animos militum ad strenuè pugnandum, iuxta illud Deuter. 20. 1. *Si exieris ad bellum contra hostes tuos, & videris equitibus & currus, & maiorem, quam tu habeas, adversarii exercitus multitudinem, non timoris eos: quia Dominus Deus tuus tecum est, qui eduxit te de terra Egypti. Appropinquante autem iam praelio, stabis Sacerdos ante aciem, & sic loquetur ad populum: Audi Israël, vos hodie contra inimicos vestros pugnam commistis; non perimiscat cor vestrum, nolite metueri, nolite cedere; nec formidetis eos: quia Dominus Deus vester in medio vestri est, & pro vobis contra adversarios dimicabit, ut eruat vos de periculo.* Tercio: ut custodirent Arcam Domini, quæ aliquando in exercituum filiorum Israël, ad maiorem ipsorum consolationem, adducebatur. Hoc modo Ophni & Phinees, filij Heli Pontificis, fuerunt in exercitu contra Philistæos, & occisi sunt (1. Reg. 4. 11.) Quarto, ut in summa necessitate, si nihil aliud subsidij adesset, ipsi arma corripierent, & pro patriis legibus ac ceremoniis pugnarent. Hoc fecerunt Mathathias, & filij eius Machabæi, Iudas, Ionathas, Simon, & Ioannes, Hyrcanus, qui erant ex genere sacerdotali. (1. Machab. 2. & seqq.)

35. Secundum onus filiorum Israël erat, quod deberent conferre dimidium sicti in usum Tabernaculi, Exod. 30. 11. *Locutusque est Dominus ad Moysen, dicens: Quando ruleris summam filiorum Israël iuxta numerum, dabunt singuli pretium pro animabus suis Domino, & non erit plaga in eis, cum fuerint recensiti. Hoc autem dabis omnis, qui transit ad nomen dimidii sicti, iuxta mensuram templi. Sictus viginti obolos habet, Media pars sicti offeretur Domino. Qui habetur in numero, à viginti annis & supra, dabit pretium. Dives non addet ad medium sicti, & pauper nihil minuet. Susceptamque pecuniam, quæ collocata est à filiis Israël, trades in usum Tabernaculi testimonij.* Ab hoc onere solus Pontifex erat exemptus, sed etiam Levitæ. Quod sic ostendo: Illi soli debebant dare dimidium sicti, qui postea à Mose erant recensendi in numero filiorum Israël, ut apertè constat ex verbis citatis. At Levitæ non erant recensendi in illo numero, ut paulò ante ostensum est ex illo, Num. 1. 48. *Tribum Levi noli numerare.* Ergo Levitæ non tenebantur ad solvendum illud pretium pro usu Tabernaculi: Ergo nec Pontifex.

E 36. Tertium onus Israelitarum erat, quod singulis annis deberent dare decimas bonorum suorum pro sustentatione Levitarum. (Levit. 27. 30. & Num. 18. 24. & Deuter. 12. 6.) Ab hoc onere exemptus erat Pontifex. Et quod amplius est, ipse cum aliis Levitis erat particeps decimarum, & postea ab ipsis Levitis accipiebat decimas decimarum ut supra, cap. 6. §. 5. ostensum est ex illo, Num. 18. 26. *Præcipe Levitis, atque denuntiatio: Cum acceperitis à filiis Israël decimas, quas dedi vobis, primitias earum offerte Domino, id est, decimam partem decimæ, ut reputetur vobis in oblationem primitiarum, tam de arvis, quam de secularibus, &*

Priores, quorum accipitis primitias, offerte Domino. & Aaron Sacerdos.

37. Quartum erat, quod primogenita hominum & iumentorum, vel pretio deberent redimere, vel Pontifici offerre. Num. 18. 5. *Dixit Dominus ad Aaron: Quidquid primogenitum est vulva cuncta carnis, quam offerunt Domino, sine ex hominibus, sine de pecoribus fueris, intus vis erit: ita duntaxat, ut pro hominis primogenito pretium accipias, & omne animal, quod immundum est, redimi facias, cuius redemptio erit post unum mensem siclis argenti quinque pondere Sanctuarii. Primogenitum autem bouis & ovis & capra non facies redimi, quia sanctificata sunt Domino. Ab hoc onere eximebatur Pontifex. Nam ceteri, qui hoc onere tenebatur, debant Pontifici offerre sua primogenita, vel eentè pretium illorum, ut iam dictum est. At cui obtulisset Pontifex? Si sibi ipsi, nullum erat onus. Si alicui alteri, cui tandem? Nemo à Deo designatus est.*

38. Quintum erat, conferre necessaria ad luxum & familiam Regis. De hoc onere locutus est Samuel, cum vellet filios Israël abstergere à petendo Rege. Sic enim legimus, primo Regum 8. 10. *Dixit itaque Samuel omnia verba Domini ad populum qui petierat à se Regem, & ait: Hoc eritius Regis, qui imperaturus est vobis. Filios vestros tollet, & ponet in curribus suis, facietque sibi equites & praefores quadrigarum suarum, & constituet sibi tribunos & cenones, & arduos agrorum suorum & messores segetum, & fabros armorum & currum suorum. Filias quoque vestras faciet sibi unguentarias & focarias & panificas. Agros quoque vestros, & vineas & oliveta optima tollet, & dabit servis suis. Sed & segetes vestras, & vinearum rediens addecimabit, ut det omnibus & familiis suis. Servos etiam vestros, & ancillas, & iuvenes optimos, & asinos auferet, & ponet in opere suo. Greges quoque vestros addecimabit, vosque eritis ei servi. Et clamabitis in illa die à facie Regis vestri, quem elegistis vobis, & non exaudiet vos Dominus. Ab hoc onere & Pontifex, & omnes Levitae erant exempti. Quod aperte constat ex verbis citatis. Primò, quia Levitae non petebant Regem, sed populus aliarum tribuum. Secundò, Levitae non erant futuri centuriones & tribuni in bello. Erant enim exempti ab onere belli, ut dictum est. Tertiò, Levitae non habebant alias possessiones, nisi 48. civitates cum suburbanis earum. Num. 35. 2. At suburbana Levitarum non poterant vendi, & dari servis Regum, iuxta illud. Levit. 25. 34. *Suburbana autem eorum non veneant, quia possessio sempiterna est.**

39. Sextum erat, permittere alienationem domorum suarum in perpetuum. Levit. 25. 29. *Qui vendiderit domum intra urbem muros, habebit licentiam redimendi, donec unusimpleatur annus. Si non redemerit, & anni circulus fuerit evolutus, emptor possidebit eam, & postea eius in perpetuum, & redimi non poterit, etiam in iubileo. Ab hoc onere eximebantur Levitae, ac proinde etiam Pontifex. Nam ibidem sic additur: *Edes Levitarum, qui in urbibus sunt, semper possunt redimi: si redempta non fuerint, in iubileo revertentur ad dominos, &c.**

40. Igitur, ut summam colligam, quae dicta sunt, Pontifex erat exemptus non solum ab omni onere, quod Regi praestandum erat, sed etiam ab alijs oneribus, quae Levitis, Sacerdotibus, & Tabernaculo praestabantur. Ad hanc exemptionem revocari potest, quod omnes civitates refugii, in quibus erat summa immunitas, fuerint Levitarum, nulla filiorum Israël. Quae immunitas non parum facit ad praerogativam Pontificis. Primò, quia civitates Levitarum subiectae erant Pontifici. Secundò, quia quotquot homicidae involuntarii, siue incolae, siue externi, ad eas confugebant poterant ibi tuto commorari, usque ad mortem,

A Pontificis. Mortuus autem Pontifex, impudens ad propria revertebatur. Ios. 20. 6.

41. Tertia conclusio. Rex, neque in causis Ecclesiasticis, neque in temporalibus, erat planè exemptus à potestate Pontificis. Non quidem in Ecclesiasticis. Nam Pontifex in eo genere poterat illi imperare, & etiam punire, si deliquisset. Habemus luculentum exemplum in Ozia Rege, 2. Paral. 26. 16. his verbis: *Cum roboratus esset Ozias, gloriatus est cor eius in introitum suum, & neglexit Dominum Deum suum, ingressusque templum Domini, addere voluit incensum super altare thymianatis: Statimque ingressus post eum Azarias Sacerdos, & cum eo Sacerdotes Domini octoginta, viri fortissimi, resistentes Regi, &que dixerunt, Non est tui officij, Ozia, ut addeas incensum Domino, sed Sacerdotum: Egrede de Sanctuario, ne contempseris. Fratresque Oziam tenens in manibus, ut adoleret incensum, minabantur Sacerdotibus. Statimque ortus est lapsus in fronte eius, coram Sacerdotibus, qui expulerunt eum, &c. Vides, quanta fuerit imperium summi Sacerdotis in Regem, praesertim in rebus ad divinum cultum pertinentibus. Rex, elatus multis victoriis, voluit se immiscere in officium Sacerdotum. Quid Pontifex? Opposuit se Regi, & audacter illi dixit. Audi Rex: res divinae non spectant ad tuum officium, sed ad nostrum. Egrede de Sanctuario: Nisi parueris, non abibis sine poena. Quid Rex? Irascitur, minatur, punitur, expellitur, imperio abdicatur. Debat meminisse illius praeccepti: Deut. 17. 20. *Non eleuetur cor eius in superbiā, super fratres suos, cum sederit in solio regni sui.**

42. Sed neque in temporalibus omnino exemptus fuit Rex. Primò, quia saepe non poterat bellum suscipere, nisi consulto prius Pontifice. Secundò, quia in controuersis legalibus, non solum Ecclesiasticis, sed etiam politicis, debebat acquiescere Pontifici, tanquam supremo iudici. Hae saepe dicta sunt Tertio, quia debebat illi dare decimas, primitias, oblationes & preria primogenitorum. Nusquam enim legimus, Regem ab onere fuisse exemptum. Et hoc sufficiant de hoc puncto.

QUESTIO VIII.

An Pontifex praecelluerit Regi, titulo auctoritatis?

43. **M**aior semper fuit auctoritas Pontificis apud populum, quam Regis. Quod dupliciter ostendi potest. Primò ex dictis. Nam auctoritas Pontificis, ut supra ostensum est, crescebat ex varijs capitibus. 1. Ex solenni consecratione. 2. Ex unctione olei sacri. 3. Ex ornatu. 4. Ex copia annorum redituum. 5. Ex frequenti colloquio cum Deo. 6. Ex varijs & illustribus miraculis. In his omnibus (exceptis fortè divitiis) Rex erat inferior Pontifici. Nec enim consecratio ipsius erat tam solennis; nec ungebatur oleo sanctae unctionis; nec in ornatu erat par Pontifici; nec immediate consulebat Deum in rebus dubijs; nec auctoritas ipsius tot miraculis erat à Deo confirmata.

44. Ex affectu idem ostendi potest. Nam populus plus honoris ac reverentiae tribuebat Pontifici, quam Regi. Imò, si inter Pontificem & Regem lis aliqua vel disceptatio intercederet, Pontifici potius adhaerebant, quam Regi. Hoc accidit Sauli. Cum enim mandaret suis subditis, ut interficerent Achimelech Pontificem, noluerunt Regi obedire. Nimirum, plurius est

nabant vitam Pontificis: quàm mandatum Regis. Plus dicam. Ipsa reges vitro deferabant Pontifici: Nec soli Hebræorum Reges, sed etiam Gentilium. Exemplo sint Ioas Rex Iuda, & Seleucus Rex Asia. Ioas venerabatur Ioradum Pontificem, ut parentem; & co vivente, nihil faciebat, nisi ex eius directione & præcepto. 4. Reg. 12. 2. Seleucus adeo suspiciebat Oniam Pontificem, ut in eius gratiam, magno honore ac muneribus prosequeretur templum Hierosolymitanum. 2. Machab. 3. 1.

Conclusio huius capitis.

43. **I**N hoc capite institui comparationem inter Pontificem & Regem veteris Testamenti: Et ostendi Pontificem multis titulis Regi præcelluisse. 1. titulo originis & antiquitatis. 2. familie. 3. inaugurationis. 4. vñctionis. 5. ornatus. 6. officij. 7. exemptionis. 8. authoritatis. Et hæc omnia ex sacris literis confirmavi. Nunc coronidis loco, attexam testimonia Philonis & Iosephi, qui ambo, ut pote Hebræi nati fuerunt rerum Hebræicarum peritissimi.

44. Igitur Philo in libro de legatione ad Caium, recitans Epistolam Agrippæ ad eundem Caium, Imperatorem Romanum, inter cetera sic habet: Equidem, et nos, Iudeus natus sum: natale solum mihi sunt Hierosolyma, ubi altissimi Dei templum situm est. Auctores quoque Reges habui, & ex his, aliquot etiam summos Pontifices, quàm illi dignitatem pluris faciebant, quàm Regiam, rati quàm Deus antestaretur homini, tanto Pontificatum regno excellere: notum. Ad illius enim curam, divinas res, humanas, adhibere pertinet.

47. Iosephus non quidem tam apertè confert inter se Pontificem & Regem, ut Philo: sed tamen æquæ ipsa idem sentit. Sic enim scribit lib. 2. contra Apionem; in commendationem legis Moysiæ: Sed quænam pulchrior aut iustior esse queat lex, quàm te & Deum facit: omnium moderatorem, & Sacerdotibus res maximas committit: et administrandas commisit: rorùmque ceterorum Sacerdotum gubernationem summo omnium Pontifici credidit. Et pauld post: Erat autem eorum munus legem ceteraque instricta diligenter curare. Nam & omnium inspectores, & contraveniarum Judices, & condemnatorum puniores constitui sunt Sacerdotes. Quisnam igitur principatus fieri possit hoc sanctior? aut quis bonos Deo convenientior? ubi & plebs universa ad pietatem est bene comparata, & Sacerdotibus concedita est cura præcipua, & universa Respublica instrictæ & cunctis eiusdem administratur?

CAPUT IX.

Quæ utilitas percipi ex dictis possit.

1. **T**Riplex percipi potest. Una ex parte Catholicorum: ex altera parte aduersariorum: tertia ex parte Regum & Principum secularium. Ut hoc clarius ostendam, præmittendum est, Pontificem veteris ac novi Testamenti, v. g. Aaronem & Petrum, non minus inter se distare, quàm vetus ac novum Testamentum inter se distant. Porro inter vetus & novum Testamentum tanta distantia est, quanta inter umbram & corpus, inter imaginem inchoatam & perfectam, inter literam occidentem & spiritum vivificantem, inter sanguinem taurorum & Christi, inter servitutem & libertatem. Ergo tanta etiam inter Pontificem

A utriusque testamenti, v. g. inter Aaronem & Petrum distantia est. Ille umbram expressit; hic corpus: ille inchoate imaginis minister fuit; hic perfectæ: ille secutus est literam occidentem: hic spiritum vivificantem: ille tauros & arietes immolavit, hic pretiosum corpus & sanguinem Christi dispensator est: ille vixit sub iugo servitutis, hic in libertate filiorum Dei. Igitur, maior & excellentior hic, quàm ille. Hoc posito, facilius explicabo triplicem utilitatem, de qua dictum est.

I. Utilitas ex parte Catholicorum.

1. **C**atholici, ex iis, quæ dicta sunt, sic possunt ratiocinari: Noster Pontifex multò excellentior & dignior est, quàm Pontifex veteris Testamenti fuit. Si ergo Hebræi, qui murmurabant contra suum Pontificem, à Deo severe puniti sunt: quid nobis sit, si similiter murmuremus? et sane Apostolus de hac re nos præmouit, 1. Corinth. 10. 1. His verbis, *Nolo vos ignorare fratres: quoniam Patres nostri omnes sub nube fuerunt, & omnes mare transierunt, & omnes in Mose baptizati sunt in nube & in mari: & omnes eandem escam spirituales manducaverunt, &c.* Sed non in pluribus cornu benedictionis est Deus: nam prostrati sunt in deserto. Hæc autem in figura facta sunt nostri, ut non simus concupiscentes malorum, sicut & illi concupierunt: neque idololatra efficiamur, sicut quidam ex ipsis: neque fornicemur, sicut quidam ex ipsis fornicati sunt, & ceciderunt una die viginti tria milia: neque tentemus Christum, sicut quidam eorum tentaverunt, & à serpentibus perierunt: neque murmuraverimus, sicut quidam eorum murmuraverunt, & perierunt ab exterminatore. Hæc autem omnia in figura contingebant illis: scripta sunt autem ad correptionem nostram, in quos fines seculorum decernuntur.

3. Ex quibus his verbis tria colligimus, quæ maxime huc spectant. Primum est, quod omnes Hebræi magnis beneficiis à Deo affecti fuerint. Nam omnes miraculose transierunt mare rubrum: omnes sub nube protecti sunt: omnes manna de celo comederunt, omnes biberunt ex petra consequente. Alterum, quod multi illorum abusi sint beneficiis sibi concessis, & ingrati in Deum existerint: Et nominatim, quod aliqui murmuraverint contra Moysen & Aaronem Pontificem. Tertium, quod propterea graviter à Deo puniti sint. Hinc infert Apostolus: Si nos Christiani, qui maiora beneficia à Deo consecuti sumus, peccemus in Deum, & nominatim, si murmuremus contra Pontificem, forte, ut multò gravius à Deo puniamur. Et sic est. Maneamus ergo coniuncti cum Pontifice & Episcopis, & sequamur Basilium eiusdem Apostoli, qui nos alibi sic hortatur: *Obedite Præpositis vestris, & subiacete eis. Ipsi enim pervigilant, quasi rationem pro animabus vestris redditori, ut cum gaudio faciant, & non gementes. Hoc enim non expedit vobis.* Hebr. 13. 17.

II. Utilitas ex parte Adversariorum.

4. **A**dversarii sic possunt ratiocinari: Certè, si prudenter æstimemus ea, quæ in veteri Testamento scripta sunt de Pontifice Hebræorum iniquè agimus cum Pontifice Romano: & in multis eum accusamus, ubi innocens est. Primum, obicimus illi arrogantiam, quod Pontificem Maximum se appellet. Et tamen constat, hunc titulum concessum fuisse Pontifici in V. Testamento: & quidem ab ipso Deo. Sic enim legimus

legimus Levit. 21. 10. *Dixit Dominus ad Moysen: Pontifex, id est, Sacerdos maximus inter fratres suos caput suum non discooperiet.* Qui titulus frequenter reperitur in libris Machabæorum, & in Evangelio, sub hac voce, *Summus Sacerdos.* Si ergo Pontifici in Veteri Testamento licuit usurpare hunc titulum, cur in nouo non liceat præsertim cum Pontifex in nouo maior & excellentior sit quàm in veteri?

5. *Secundò*, obuiamus illi celibatum & uirginitatem. Sed profectò non alia de causa, quàm ut nostram lasciuiam & turpitudinem excusamus. Alioqui si ex veteri Testamento pensanda res est, sic argumentari oportebit: Pontifex veteris Testamenti, propter sanctitatem officij, quod gerebat, non poterat inire matrimonium cum uirga, vel repudiata, vel corrupta, sed tantum cum uirgine ex sua tribu. At in nouo Testamento maior est sanctitas officij, quod gerunt ministri Ecclesiæ: Ergo magis deberent colere castimoniam uitæ, quàm in populo Hebræorum factum est. Hoc facit Pontifex Romanus, qui exemplo Christi Ioannis Baptistæ, & multorum aliorum, ab omni abstinet matrimonio. At nos non facimus, qui nullo discrimine & uiduas, & repudiatas, & corruptas, amplexamur. In qua re nec Pontificem veteris Testamenti, nec Christum, nec Ioannem Baptistam, nec Apostolos, sed nescio quos perulcos homines uidemur imitari. Præstaret sequi consilium Apostoli, 1. Corinth. 7. 7. *Volo, inquit, omnes esse, sicut meipsum.* Et infra: *Dico autem non nuptis, Bonum est illis, si sic permaneant sicut & ego.* Et rationem adiungit: *Qui sine uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & diuisus est.* Hoc saluberrimum documentum nos contemnimus.

6. *Tertiò*, obuiamus illi, quod gloriatur de continuata serie & successione suorum antecessorum in Ecclesia Romana. At nihil culpræ hic est. Nam etiam in veteri Testamento successio Pontificum accuratissimè seruata est, & speciali miraculo à Deo confirmata. Voluit enim Deus successionem Pontificum manere in tribu Leui, & nullo modo transire in alias tribus. Et in eius rei perpetuam memoriam effecit, ut uirga solius Aaronis, non autem uirga aliorum tribuum, repente frondesceret, & frondescens in Arca Testamenti conseruaretur. Nos hic impingimus. Nam relicta legitima successione, quæ est in Ecclesia Romana, instituimus novos ministros, qui alios ante se nullos agnoscunt, in quo similes sumus Ieroboamo, qui asciuit Sacerdotes, qui non erant de tribu & successione Leui. (3. Reg. 12.)

7. *Quartò*, obuiamus illi, quod tam ipse, quàm alij Episcopi & Sacerdotes, solenni ritu unguantur & consecrantur: & per contemptum solemus appellare *Uncti.* Sed parum prudenter. Nam constat, Deum in veteri Testamento præcepisse, ut Pontifex in capite ungeretur oleo sanctæ unctionis: Et similiter, ut tam Pontifex, quàm Sacerdotes, & eorum vestimenta, sanguine, & oleo aspergerentur. Et quanquam huiusmodi ceremoniarum, quæ in veteri Testamento seruatz sunt, præsertim circa unctionem, non necessariò seruari debeant in nouo Testamento; tamen cum à Deo introductæ & approbatæ fuerint, male esse non possunt. Cur ergo, ut otiosas & ridiculas execramur? Cur vel easdem, vel similes usurpare non liceat, cum nusquam prohibita sint? Alioqui, quid dicemus de unctione Regum & Imperatorum in nouo Testamento? An & illa repu-

Opusc. Bec.

dianda est? Nemo hoc dixerit. At si illam retinere fas est, cur in alteram tam iniqui sumus? Nostri Ministri, qui sine unctione & consecratione, sine successione & uocatione, vel ex testrinis, vel ex popinis, in officia Ecclesiastica subito sese ingerunt, nulum possunt proferre exemplum ex tota antiquitate, quo tueri se queant.

8. *Quintò*, obuiamus illi pompam & splendorem in ornatu Pontificali. Et tamen scimus, Pontificem in veteri Testamento, ex peculiari Dei institutione, gestasse purpuram, hyacinthum, byssum, tinnabula aurea, & mala punica, in sacra veste, Tiaram cum aurea lamina in capite: duodecim gemmas in pectore: duos lapides onychinos in humeris, aureos inclusos. An etiam Deum accusabimus, qui hunc tam rarum & insignem ornatum, præscripsit Pontifici in Synagoga Hebræorum? Dicamus potius cum Dauide, *Dilexi decorem domus tue:* Nec usurpemus illam Iudæ proditoris vocem, *Uti quid perditio hac?*

9. *Sextò*, obuiamus illi diuitias & potentiam temporalem. Sed immeritò. Nam constat Pontificem in veteri Testamento fuisse longè ditissimum, & quidem Deo sic disponente. Accipiebat decimas à duodecim tribubus Israel: decimas decimarum à Leuitis: primitias, primogenita, oblationes à toto populo. Sane, si Pontifex Romanus singulis annis acciperet decimas omnium bonorum à toto orbe Christiano: si decimas decimarum ab Ecclesiasticis & Religiosis: si denique primitias primogenita, & oblationes omnium fidelium; fortassè ditior esset, quàm modo est. Si ergo Deus in veteri Testamento uoluit Pontificem hoc modo locupletare, cur nos similem fortunam inuidemus Pontifici in nouo Testamento?

10. *Septimò*, obuiamus illi nimiam auctoritatem, qua utitur in Ecclesia Christi. In quò similes sumus Hebræis, qui etiam suum Pontificem Aaronem hac calumnia onerabant. Sed Deus, & miraculo, & uitione testatus est, se uelle, ut omnes Aaroni obedi- rent. Quid ergo nos volumus aut molimur? Singuli superiores esse non possumus. Vnum aliquem esse necessè est, qui alijs præsit. Si is Pontifex est, quid molesti illi sumus? Nimirum, hæc nostra cecitas & infirmitas est, ut semper aliquid carpamus. Et certum est, si abrogato Pontifice, Rex aliquis vel Imperator præesset omnibus in Ecclesia, simili calumniæ fore obnoxium. Igitur, posthac moderatè agendum nobis est, & si verè Christiani esse uoluimus, ab omni iniqua criminatione abstinendum.

III. Vilis ex parte Regum.

11. **Q**uilibet Rex potest hoc modo ratiocinari: Deus dedit mihi coronam, sceptrum, potentiam, & in solio regali me collocauit. Et quamuis natura par sim alijs, officio tamen & dignitate, multis superior sum. Agnosco hoc Dei beneficium. Ergo ne ingratus sim, faciam, quod benè & laudabiliter fecerunt pij Reges in veteri Testamento: Et omitam, quod in alijs reprehensum est. David Rex, quoties rem magnam ac difficilem volebat aggredi, prius Deum consulebat per Pontificem: & semper prosperatus est. Insistam eius vestigijs: & si similis occurrat casus, non dedignabor à Prælati Ecclesiæ consilium petere. Illi, Pastores nostri

D d d

sunt: Deum pro nobis deprecantur: assistentiam Spiritus sancti habent.

12. Ioas Rex, quandiu secutus est monita & directionem Ioiadæ Pontificis, fecit rectum coram Domino. (4. Reg. 12. 2.) At ubi deflexit, & secularium Principum obsequiis delinquit, priorem vivendi rationem deseruit, mox impius & homicida factus est, & in penam peccati, à propriis servis miserè interfectus interit. (2. Paralip. 24. 17.)

13. Ozias Rex, contempto Pontificis imperio, voluit sese in eius officium immiscere: & subito lepra percussus, & regno exutus est. (2. Paral. 26. 18.)

A Nec minor fuit ultio circa Saulem. Nam & ipse suo gladio confossus, & regno cum suis posteris in perpetuum spoliatus est. (1. Reg. 31. 4.)


14. Ieroboam, ut regnum suum confirmaret, ausus est defectionem facere à legitimo Pontifice, & sacrificio, & altari. Et in eorum locum constituit novos Sacerdotes, qui non erant de tribu Levi, & erexit novum altare in Bethel; & novo ritu immolavit. Sed pessimo euentu. Nam & manus eius repente exaruit, & altare scissum est, & tota eius familia penitus deleta & extincta est (3. Reg. 12. & 13.) Hæc me vestigia terrent.

Finis Libri tertij





TITVLI CALVINISTARVM:



MNES Sæctarij, quotquot hætenus extiterunt, aliquo peculiari titulo vti sunt, quo à Catholicis discernerentur. Et alij quidem ab authoribus suarum sæctarum, alij à doctrina & professione; alij aliunde suos titulos mutati sunt. Primi generis sunt Simoniani, Menandriani, Nicolaitæ, Cerinthiani, Marcionitæ, Taciani, Noëtiani, Sabelliani, Ariani, Donatistæ, Pelagiani, Manichæi. Secundi, Gnostici, Nazaræi, Encratitæ, Alogiani, Ophitæ, Cathari, Apostolici, Ascitæ, Antropomorphitæ. Tertii, Cataphryges, Pepoziani, & similes. De his omnibus agit Augustinus in libro de hæresibus, & alij, qui catalogum Hæreticorum scripserunt. Et Irenæus, Philastrius, Epiphanius, Theodoretus, Euthymius, Damascenus, Isidorus, Rabanus, Honorius, Gratianus.

At nulli vnquam vsurparunt tot titulos, quot nunc Calvinistæ. Vocant se generatim Euangelicos, reformatos, *brodders*, Orthodoxos: & speciatim in Heluetia appellantur Zuingliani & Sacramentarij; in Germania, Calvinistæ; in Belgio Geusii; in Gallia, Huguenotti; in Anglia, Puritani; in Bohemia Picarditæ. De singulis aliquid dicendum est, ne posterius nesciant, fuisse aliquando homines, qui ex singulari privilegio, tot tamque speciosos titulos adepti sint.

TITVLVS I.

Euangelici.

DE hoc titulo multa disputari possunt. 1. quare Calvinistæ vocent se Euangelicos. 2. an soli ipsi, an etiam Lutherani sint Euangelici. 3. vnde acceperint Euangelium. 4. an habeant Euangelium integrum. 5. an habeant legitimam Euangelij versionem. 6. an legitimum sensum. 7. quomodo argumententur ex Euangelio. 8. an ex solo Euangelio possint suam doctrinam confirmare. 9. an ex solo Euangelio suas controuersias dirimere. 10. an in vita & moribus sint conformes Euangelio.

QVÆSTIO I.

Quare Euangelici vocent se Euangelicos?

Dicam, quod ipsi dicunt. Vocant se Euangelicos duplici de causa. Primo, quia reiecta Traditione, solo Euangelio contenti sunt. Secundo, quia firmiter apprehendunt promissiones euangelij. In utroque aiunt se differre à Catholicis. Nam hi præter Euangelium, admittunt etiam Traditionem, neque promissiones euangelij firmiter apprehendunt, vt Calvinistæ, sed dubiè. Verumque seorsim examinandum est.

Opusc. Dec.

A 3. Primo igitur vocant se Euangelicos, quia solo Euangelio contenti sunt. Sed quomodo solo Euangelio? An ergo reiciunt Acta Apostolorum, & istas Pauli, Apocalypsin Ioannis, vaticinia Prophetarum, & reliquum Bibliorum codicem? Nullo modo. Omnia ista recipiunt. Cur igitur, sicut vocant se euangelicos, non similiter vocant se Apostolicos, Epistolares, Apocalypnicos, Propheticos, Bibliacos? Facilis responsio. Volumus in omnibus, quantum fieri potest, dissentire à Catholicis. At Catholici, vt sunt recti & simplices, planè ac propriè loqui solent. Calvinistæ figuratam locutionem amant. Itaque per synecdochen vsurpant partem pro toto, id est, Euangelium pro Scriptura: Et cum dicunt Euangelio contentos se esse, nihil aliud volunt, quàm sola Scriptura contentos se esse, qua Catholici contenti non sunt.

4 Dices, Neque Calvinistæ sola Scriptura contenti sunt, quia præter Scripturam, admittunt etiam Catechismum Heidelbergensem. Et quod amplius est, parem aut maiorem auctoritatem illi tribuunt quàm Scripturæ.

C Hoc fatetur Vorstius Calvinista in Pleniori Responsione ad postremam admonitionem Ministrorum Leuardenis, pag. 17. his verbis, *Mul. ex nostris nullum plane discrimen inter Catechismum & ipsam Dei verbum amplius agnoscunt: & isto fere præterito, in illo solo simpliciter acquiescunt.* Et iterum pag. 20. *Non desunt ex Calvinistis, qui dolo, ac Catechismi faciant, animæ pure diuinum scriptum esse putant, aut pariter acris literis fide dicunt.*

5 Sunt & alij, qui non modo Catechismum, sed etiam confessionem Belgicam eodem loco habent, quo Scripturam, aded vt integram totius fidei ac religionis normam ex tribus conflaram esse statuunt: Scripturâ, Catechismo, Confessione: Et hæreticus apud eos censetur,

Odd ij

qui aliquid istorum neget; Evangelicus, qui illis per omnia conformis sit. Exemplum vidimus in Iacobo Arminio, Professore Leideni. Nam i. virille, tametsi Calvinianus esset, tamen apud Ministros Calvinianos suspectus fuit de heresi, quod dixisset *Catechismum Heidelbergensem & Confessionem Belgicam in Synodicali, examini subiiciendam esse*, ut ipsemet totidem verbis refert in Apologia, seu in Responsione ad 31. articulos in vulgus sparsos (pag. 310.) Idem Arminius, quotiescunque probare volebat suos articulos, qui heretici habebantur, hereticos non esse, utebatur apud Ordines patrum hoc argumēto. Nihil continent contrarium Scripturæ, Catechismo, confessioni: Ergo heretici non sunt. Sic enim scribit in Declaratione sententiae suæ, pag. 154. *Quippe qui mihi conscius non essem vilius doctrina, sine Leide, seu A. n. terodam: à me proposita, me Verbo Dei, Confessione & Catechismo contraria esset, &c.* Et pag. 165. *Nihil unquam docui, quod cum Verbo Dei, cum Confessione Ecclesiarum Belgicarum, aut Catechismo pugnaret.* Et alibi sæpius.

6. Denique alij sunt ex eodem Calvinistarum numero, qui quasi repudiato Verbo Dei solum Catechismum & Confessionem, tanquam perfectissimam Normam ac Regulam fidei amplectuntur, ut patet ex Adolpho Venatore, Ministro Alemariensi, in tractatu de præcipuis doctrinæ controuersis. Nam pag. 174. ponit hunc illorum articulum, *Vera, optima, certissima & perfectissima Norma totius fidei Christianæ est, Confessio Belgica & Catechismus Heidelbergensis.* Item hunc pag. sequenti, *Ex verbo Dei non potest pura doctrina clare intelligi, sed solum ex Confessione & Catechismo.* Item, *Verbum Dei non est Christianis tam necessarium ac utile, quam Confessio & Catechismus.* Item, *ubi Confessio & Catechismus est, non egemus Verbo Dei.* Item, *Authores Confessionis & Catechismi fuerunt prudentiores & fideliores pro Ecclesia, quam Apostoli & Evangelistæ.*

7. Ex his omnibus videtur manifestè intelligi, Calvinistas solo Evangelio contentos non esse, ac proinde, ex hac quidem parte, Evangelicos vocari non posse. Fateor. Nec habeo, quo illos excusem. Hoc solum dico, eos in hoc puncto, sicut etiam in aliis, uti suo privilegio, id est, varios ac inter se disiectos esse. Nam, ut rectè ostentum est, aliqui affirmant, se admittere solum Evangelium: alij cum Evangelio Catechismum & Confessionem: alij hæc duo sine Evangelio. Diuisi ergo sunt. Addo, & atheos esse. An non athei, qui repudiato Dei verbo, humana scripta ac placita, tanquam idola venerantur? Hoc teste Vorstio Calvinista, faciunt Calvinistæ. Quid potèd sentiant de Traditione, incertum ferè est Verbo negant, re ipsa concedunt, ut in progressu videbimus. Arque hæc de priori causa sufficiant.

8. Altera causa, cur se vocent evangelicos, hæc est, quia firmiter apprehendunt promissiones Evangelij, id est, certò sibi persuadent, promissiones Evangelij ad se pertinere. Vel, ut clarius dicam, unusquisque certus est, utramque promissionem, tam remissionis peccatorum, quam vitæ æternæ, sibi in particulari applicari, ac proinde se electum, iustum, prædestinatum, filium ac hæredem Dei esse, nec villo modo petire se posse. De qua certitudine scribit Calvinus in Antidoto Concilij Trid. sess. 6. can. 15. his verbis, *Sua electionis certus esse conuenit vniuersos fideles.* Et alibi non semel. Sed hæc ipsa certitudo incerta est apud Calvinistas, ut fatetur Arminius. Nam inter articulos, quos tanquam dubios & incertos obtulit Legato Palatino, sunt etiam hi duo. 1. *An quis fidelis certus esse possit, se à fide non defecturum?* 2. *An fideles credere teneantur, se à fide non defecturos?* Si hi duo articuli apud Calvinistas incerti sunt, ergo incertum est, an Calvinistæ sint certi de perseverantia & vita æterna: Ergo incertum, an firmiter apprehendant promissiones Evangelij de vita æterna: Ergo incertum, ex ipsorum quidem opinione, an sint veri Evangelici. De hac re plura Titulo 3. quæst. 2.

QUESTIO II.

An soli Calvinistæ sint Evangelici?

9. **A** iunt ipsi, non se solos, sed etiam Lutheranos esse Evangelicos. Imò, se & Lutheranos in Evangelio fratres esse. At Lutherani, tametsi non negent se Evangelicos, negant tamen Calvinistarum fratres esse. Hostes, quàm fratres haberi malunt. Nec ullam pacem inter se, & Calvinistas constare volunt. Certè Lutherus in colloquiis mensibus, cum de concordia inter Lutheranos & Calvinistas sermo incidisset, ingenuè confessus est, non aliam quàm quæ inter Christum & Iudam intercessit, sperari posse. Et, si quæ tandem ineunda esset, non in Dei, sed omnium diabolorum nomine, initi oportere. Ibidem discretè dixit Calvinistas esse *diabolas incorporatos*, quorum studium ac conatus eo potissimum spectet, ut alius nocere possint.

10. Scimus, quæ postea secuta sunt. In conuentu Maulbrunensi, anno 1564. ausc sunt inimicitie, Claudiopoli, anno 1586. in mutua odia iuratum est. In celeberrimo Mompelgardensi Colloquio, qui principes sectarum, Iacobus Andreæ Lutheranus, & Theodorus Beza Calvinista interfuerunt, penitus de concordia desperatum. Nec quicquam crebrius ibi, quàm hæc, & similes voces auditz: *Perturbamur conscientia nostra, si verbis assentiremur.* Item, *Pacem non possumus cum perurbatione conscientiarum redimere.* Item, *Inter partes conueniri non potest.* Item, *Tam acerbi hactenus ut inque pugnatum est, ut facile appareat, animos ex utraque parte valde exaceratos esse.* Item, *Non possumus per omnia consentire.* Denique, ut multa talia præteream, finis colloquij fuit hic: *Quia, inquit Beza, dexteras fraternitatis nobis porrigere recusatis, & nos pro fratribus agnoscere non vultis, amicitia dextrarum vobis nolo.* Cui Iacobus; *Ergo intermittatur.* Et sanè intermissum est. Imò creuerunt odia. Nam interea Philippus Nicolai, Tilmannus Heshusius, Conradus Schlussenburgius, & multi alij Lutherani, præsertim Giesenses & Tubingenses, palam scriptis suis testati sunt, Calvinistas esse hereticos, & illorum doctrinam tanquam *sacrilegam, execrandam, abominandam & diabolicam* oppugnarunt.

11. Vnde apparet, antiquum & pertinax odium esse inter Lutheranos & Calvinistas. Quod quidem Lutherani non dissimulant. At Calvinistæ, nescio quod occulto pretextu (si tamen occultus est) fingunt se amicitiam colere cum Lutheranis, & eorum in Evangelio fratres esse. Nec in villo ferè puncto grauiori, quod ad fidem pertineat, ab illis dissidere. Faciamus sic esse, ac deinceps, utroque Evangelicos, utroque in Evangelio concordos esse supponamus: Hac tamen conditione, ut ea res non sit fraudi Lutheranis, qui hæc concordiam penitus respuunt, sed solis Calvinistis, qui eam dubio mentiantur.

QUESTIO III.

Vnde Evangelici acceperint Evangelium?

12. **A** B Apostolis & Prophetis aiunt se accepisse. Audio. Sed, an proximè & immediatè ab il-

lis acceperunt? Non opinor. Nam inter Apostolos & Euangelicos multa secula intercesserunt. A quib, ergo proximè & immediatè? Non aliunde, quam à Catholicis. Nam codex Euangelij, quo primum usus est Lutherus, Euangelicorum parens, non alibi, quàm in loco Catholico; nec ab alio, quàm à typographo Catholico excusus est. Igitur à Catholicis habent Euangelium, si quod habent.

13. Porro Catholici à suis maioribus eundem codicem nacti sunt, & illi rursum à suis maioribus, atque ita deinceps, usque ad tempora Apostolorum ascendendo. Nam Apostoli, quasi per manus, tradiderunt illum suis Discipulis, Ignatio, Polycarpo, Dionysio, Papiæ Clementi: Hi deinde Iustino, Ireneo, Tertulliano, Origeni, Cypriano: Hi rursum Athanasio, Hilario, Optato, Basilio, Nazianzeno, Ambrosio, Hieronymo, Chrysostomo, Epiphania: Et isti postea Augustino, Paulino, Orosio, Prospero, Fulgentio: qui & ipsi suis successoribus per eandem traditionem reliquerunt.

14. Nunc quæro, an Euangelici admittant hanc traditionem, necne? Si admittunt, salua res est. Nec iam amplius Euangelici sunt, quia solo Euangelio contenti non sunt. Si reiciunt, Euangelium quoque reiciant, necesse est. Nam euangelium, non nisi per traditionem, ab Apostolis accepimus. Si respuunt traditionem, unde astruent Euangelium? Rectè Augustinus lib. 28. contra Faustum, cap. 2. *Sicut ego credo, inquit, illum librum esse Manichæi, quoniam ex ipso tempore, quo Manichæus vivebat in carne, per Discipulos eius certa successione propositorum vestrorum ad nostra usque tempora custoditus atque perductus est: sic & in istum librum crede esse Mæthæi, quem ex illo tempore, quo Mæthæus ipse in carne vixit, non interrupta serie temporum, Ecclesia certa connexionis successione usque ad tempora ista perduxit.*

15. Iterum quæro, an maiores nostri, qui proximè vixerunt ante Lutherum, tradiderint nobis verum & sincerum Euangelium, an corruptum & depravatum? Si verum, laudanda est traditio, per quam verum Euangelium accepimus: laudandi Catholici, qui sacrum illum thesaurum ab omni corruptione purum & illibatum conseruauerunt. Si corruptum, quis postea correxit & emendauit? An Euangelici? Sed ex quo codice? Nam omnes Bibliorum codices, qui tunc exstabant, à Catholicis erant editi & conseruati. An forte ex antiquis Patribus? Sed & Patrum illorum libri, non nisi apud Catholicos reperiuntur. Si ergo Catholici codicem Euangelij deprauassent, quomodo constabit, non similiter codices Patrum deprauasse? Aut si hic bona fide egerunt, & illic bona fide egisse credendum est. Concludo, aut Euangelicos non habere verum Euangelium; aut per traditionem à Catholicis habere. Si verum non habent, veri euangelici non sunt. Si à Catholicis per traditionem habent, agnoscant beneficium, & quod euangelici sint, Catholicis & traditioni acceptum ferant.

QVÆSTIO IV.

An Euangelici habeant integrum Euangelium?

16. **I**ntegrum quidem acceperunt à Catholicis, sed bonam illius partem decoxerunt. Nam in Catholico Bibliorum codice, quem Lutherus primum à Catholicis nactus est, erant multæ partes, quæ nunc à bonis illis viris excisæ & reiectæ sunt, ut Opusc. Bec.

A Esther, Indith, Tobias, Sapientia, ecclesiasticus, Machabæi. Habent ergo mutilum & delumbatum euangelium, non integrum. Nec deinceps euangelici, sed Decoctores euangelij appellari debent.

17. Dicent sine dubio, quod solent, eas partes, quæ ab ipsis excisæ sunt, non fuisse canonicas euangelij partes, sed accessorias. At unde hoc ipsis constat? An ex Patrum & ecclesiæ traditione? Imò contrarium ex ea constat. Nam Catholici, quidquid habent in suo Bibliorum codice, non aliunde, quam à suis maioribus per traditionem acceperunt. Si hanc traditionem admittunt euangelici, totum Bibliorum codicem admittant necesse est. Si respuunt, totum codicem respuere necesse est.

18. Vel sic apertius. Traditio illa, per quam nos Catholici Bibliorum codicem à maioribus nostris accepimus, vel certa & infallibilis, vel incerta & fallax est. Si certa & infallibilis, cur euangelici tergiversantur? cur totum codicem non admittunt, quem certa & infallibili traditione accepimus? Si incerta & fallax, quomodo certo & infallibiliter ipsis constat, extare legitimum Bibliorum codicem? An ex incerta & fallaci traditione? miseri sunt, si hoc sentiunt.

19. Occurrent fortè, traditionem illam, partim infallibilem, partim fallacem esse: Infallibilem, respectu eorum librorum, quos ipsi admittunt: fallacem, respectu aliorum, quos non admittunt. An ergo vna eademque traditio, in vno verax, in altero fallax est? an in vno nos rectè dirigit, in altero decipit? Unde hoc probant euangelici? An ex eo præcisè, quia ipsis sic videtur? Nimis frigidè. An ex alia traditione? Sed de illa redibit similis quæstio, An ex antiquis Patribus? Sed & illi, vel infallibiles in hoc puncto, vel fallaces sunt. Si fallaces, cur eorum testimonium admittitur? Si infallibiles, victoria nostra est. Nam illi planè conspirant cum Traditione, quam nos virgemus. Quod sic ostendo.

20. Traditio, quam virgemus, exhibet nobis illos scripturæ libros, qui in Concilio Tridentino sess. 4. recensentur, hoc ordine. ex veteri Testamento.

1. Genesis, Exodus, Leuiticus, Numeri, Deuteronomium.
2. Iosue, Iudicum, Ruth.
3. Libri quatuor Regum, & duo Paralipomenon.
4. Duo Esdræ.
5. Tobias, Iudith, Esther.
6. Iob, Psalterium.
7. Parabola, ecclesiastes, Cantica.
8. Sapientia, ecclesiasticus.
9. Prophetæ maiores quatuor, minores duodecim.
10. Duo libri Machabæorum.

Ex Nouo Testamento.

1. Quatuor Euangelia.
2. Actus Apostolorum.
3. Quatuordecim apostolorum Pauli.
4. Dux Petri, Tres Ioannis.
5. Vna Iacobi; Vna Iudæ.
6. Apocalypsis Ioannis.

21. Hos libros acceperunt Patres Concilij Tridentini per traditionem à Concilio Florentino, quod plusquam centum annis præcessit. Nam in illo Concilio recensentur iidem planè libri, qui in Tridentino. Rursum, Patres Concilij Florentini acceperunt eosdem per continuatam traditionem à Galasio Papa in Concilio Romano, ut patet ex cap. *Sancta Romana*, dist. 18. Iterum Gelasius ab Augustino lib. 2. de doctr. Christiana, cap. 8. ubi sic scribit.

22. *Totus Canon Scripturarum his libris continetur: quinque Moyses, id est, Genesi, Exodo, Leuitico, Numeris, Deuteronomio, & uno libro Iesu Nave, uno Iudicum*

uno libello, qui appellatur Ruth, qui magis ad regnorum principia videtur pertinere: Deinde, quatuor Regum, & duobus Paralipomenon, non consequentibus, sed quasi à latero adiunctis, simulque pergentibus. Hac est historia, quæ sibi met annexa tempora continet, atque ordinem rerum. Sunt alia; tanquam ex diverso ordine, quæ neque huic ordini, neque inter se coniectantur, sicut est Iob, & Tobias, & Esther, & Iudith, & Machabeorum libri duo, & Esdra duo, qui magis subsequi videntur ordinatam illam historiam, usque ad regnorum, vel Paralipomenon terminatam.

23. Deinde Prophetæ, in quibus David unus liber Psalmorum, & Solomonis tres, Proverbia, Cantica Canticorum & Ecclesiastes. Nam illi duo libri unus, qui Sapientia, & alius, qui Ecclesiasticus inscribitur, de quadam similitudine, Salomonis esse dicuntur. Nam Jesus filius Sirach eos scripsisse constantissimè perhibetur. Qui tamen, quoniam in auctoritatem recipi meruerunt, inter propheticos numerandi sunt. Reliqui sunt eorum libri, qui propriè Prophetæ appellati sunt: Duodecim Prophetarum libri singuli, qui annexi sibi met, quoniam nunquam sunt iuncti sunt, pro uno habentur: quorum Prophetarum nomina sunt hæc; Osea, Joel, Amos, Abdias, Ionas, Michæas, Naum, Abacuc, Sophonias, Aggeus, Zacharias, Malachias. Deinde quatuor Prophetæ sunt maiorum voluminum, Isaias, Ieremias, Daniel, Ezechiel. His quadragesima quatuor libri veteris Testamenti terminantur auctoritas.

24. Non autem quatuor libri Evangelij, secundum Mattheum, Marcum, Lucam, Ioannem: quatuordecim Epistolæ Pauli Apostoli: Petri duabus: tribus Ioannis: una Iude & una Iacobi: Actibus Apostolorum libro uno: & Apocalypsis Ioannis libro uno. Hactenus Augustini verba.

25. Hinc perspicuè patet, eos sdem planè libros tam veteris, quam novi Testamenti, fuisse olim in canonem receptos ab Augustino, qui postea à Gelasio, ac deinde à Concilio Florentino & Tridentino recepti sunt, & nunc etiam à Catholicis recipiuntur: Et Traditionem, quam vrgemus; à nostro tempore usque ad Augustini ætatem deduci posse. Sed & longius progredimur. Nam Augustinus eundem canonem, per eandem Traditionem accepit à Concilio Carthaginensi tertio, quod alij quintum aut sextum vocant: Et Patres huius Concilij ab Innocentio primo, epist. 3. ad Exuperium, c. 7. Vixit autem Innocentius anno Domini 402. Igitur ab illo tempore primitivæ Ecclesiæ ad nos usque per continuam Traditionem perseveravit idem ille Scripturarum Canon, quem nos Catholici nunc tenemus & amplectimur. Ex illo autem canone, ut initio dixi, non paucas partes pro suo arbitrio Evangelici exciderunt. In quos optimè quadrat, quod de Manichæis scripsit Augustinus in libro de bono perseverantia c. 11. *Scripturas sic accipiant, ut suo quodam privilegio, imo sacrilegio; quod volunt, sumant; quod nolent, reijciant.*

26. Hoc clarius ostendi potest ex eo canon e, quem ipsi nunc habent. Quanquam is non unus, sed duplex est. Nam alium habent Lutherani, alium Calvinistæ, Lutherani ex suo Canone excludunt hos libros veteris Testamenti, Esther, Iudith, Tobiam, Sapientiam, Ecclesiasticum, Machabæos: Hos item novi Testamenti, Epistolam ad Hebræos, Epistolam Iacobi, epistolam Iudæ & Apocalypsin. Calvinistæ, hos in novo Testamento admittunt, illos è veteri excludunt. Igitur triplex hoc tempore est Canon Scripturarum 1. Catholicus. 2. Lutheranus. 3. Calvinianus. Nos Catholicum, ut ostendi, per continuatam Traditionem deducimus usque ad tempora primitivæ Ecclesiæ, cumque auctoritate Gelasij, Augustini,

A Innocentij, & omnium aliorum Patrum, qui interea in Ecclesia floruerunt, solide confirmamus. Quod nec Lutherani, nec Calvinistæ prestare possunt. Nam Canon Lutheran. nec à Catholicis, qui modo sunt, nec à Patribus & Conciliis citatis, nec ab ipsis Calvinistis, qui Lutheranorum fratres esse volunt, unquam admittus aut confirmatus est. Idem dico de Canone Calvinistarum. Neque enim Catholici, neque Patres & Concilia citata, neque Lutherani illum recipiunt.

27. Scio, quid dicturi sunt. Dicent alios esse Patres Augustino antiquiores, qui cum ipsis sentiant. Sunt autem hi fere decem: Melito Sardinensis apud Eusebium li. 4. Historiæ Ecclesiasticæ, cap. 26. Origenes apud eundem lib. 6. cap. 18. Eusebius ipse, lib. 3. cap. 25. Athanasius in Synopsi, Hilarius præfatione in Psalmos, Epiphanius hæresi 8. Cyrillus Hierosolymitanus catechesi 4. Nazianzenus in carmine de veris & germanis Scripturæ libris. Hieronymus in Prologo Galeato, & in epist. 103. ad Paulinum. Rufinus in expositione symboli. Hi omnes consignarunt Canonem Scripturarum. et quidem Melito, Hilarius, Epiphanius, Canonem veteris Testamenti, Eusebius, novi: reliqui utriusque, Omnes autem in suo Canone videntur dissentire à Catholicis, & favere Lutheranis ac Calvinistis. Sic enim passim hi iactant, sed falsè. Nam neque dissentiunt à Catholicis, neque favent Lutheranis & Calvinistis. Vtrumque perspicuè demonstrabo.

28. Ac primò non dissentire à Catholicis, certum est: quod ex duplici principio ostendi potest. *Primum est:* Quandiu quæstio aliqua ecclesiastica in utrâque partem manet dubia, ita ut nihil adhuc certi in alteram partem ab Ecclesia definitum sit; tandiu liberum est, hanc vel illam partem probabiliter amplecti. Quando autem in alteram legitimè definita est, tunc illi parti adherere omnes debent. *Alterum,* Qui ante definitionem ecclesiæ, re adhuc dubia existente, unam partem probabiliter amplectuntur, non censentur propriè dissentire ab illis, qui post definitionem ecclesiæ, alteri adherent. Nam sicut hi adherent definitioni ecclesiæ, sic etiam alij fecissent, si res fuisset tunc definita. Et sicut alij ante definitionem ecclesiæ, probabilem partem amplexi sunt, sic etiam hi facerent, si Ecclesia nihil definiuisset. Non ergo propriè, hi illis contrarij sunt.

29. Ac sic fit in proposito. Nam ante Innocentium Primum, nondum erat certè definitum ab ecclesia, qui libri essent Canonici, qui non essent; ac proinde Melito, Origenes, Eusebius, Athanasius, Hilarius, Epiphanius, Cyrillus, Nazianzenus, Hieronymus, Rufinus, alterutram partem probabiliter amplecti poterant. Ac post definitionem ecclesiæ (quæ primitivè ab Innocentio facta, & postea in variis Conciliis confirmata est) Augustinus, & reliqui Patres, definitioni ecclesiæ adhererunt. Ergo propriè non consentur dissensisse ab iis, qui ante definitionem ecclesiæ, alterutram partem probabiliter secuti sunt.

30. Hic discursus, generatim loquendo, per se clarus est. Indiget tamen aliqua declaratione in particulari. Igitur ante definitionem ecclesiæ, tametsi certè apud omnes constaret, quosdam libros, tam veteris, quam novi Testamenti, Canonicos esse, de nonnullis tamen erat dubium, præsertim de his. Esther, Iudith, Tobia, Sapientia, Ecclesiastico, Machabæis, Epistola ad Hebræos, Epistola Iacobi & Iudæ, posteriore Petri, secunda & tertia Ioannis, Apocalypsi, libello Pastoris, Revelatione Petri, Actibus Petri, &c.

31. Huc patet ex authoribus citatis. Nam Origenes

Hilarius, Epiphanius, Cyrillus, Hieronymus, Rufinus posuerunt librum Esther in Canone: Melito & Nazianzenus excluderunt: Athanasius nihil certi determinavit. De Tobia & Iudith, dubiè loquitur Hilarius: de Sapientia & Ecclesiastico, Epiphanius. Similiter, de Epistola ad Hebræos, de posteriore Petri, de secunda & tertia Ioannis, dubitatum est apud Origenem. Apocalypsis posita fuit in Canone ab Athanasio, Rufino, Hieronymo, Origene: omissa à Cyrillo & Nazianzeno: in dubium vocata ab Eusebio. Denique de his & similibus, idem Euseb. libro tertio capite vigesimo quinto, sic scribit; *Ut omnem novi Testamenti Canonem designemus, primò nobis omnium Euangeliorum celestis quadriga iungatur: his Actus Apostolorum copulentur: post hos, Pauli epistola socientur: consequatur verò has, prima Iacobi epistola, similiter & Petri prima. Hac sunt, de quibus nulla unquam prorsus existit dubitatio. Sequenti loco iam sum illa, de quibus à nonnullis dubitatum est, Reuelatio Ioannis, Epistola Iacobi & Iudæ: Petri quoque secunda, & item Ioannis secunda, & tertia. Post has iam Scriptura est, qua dicitur Actus Pauli; sed & libellus, qui appellatur Pastoris, & Reuelatio Petri, de quibus quàm maximè dubitatur. Ferunt etiam Barnabæ Epistola, & Doctrina, qua dicitur Apostolorum. Quidam autem his sociant etiam Euangelium, quod dicitur secundum Hebræos, quo præcipue videntur illi Hebræi, qui Christum suscipere videntur, sed in Ecclesia ei contradicuntur, &c.*

31. Hæc omnis dubitatio per Innocentium Papam sublata est, qui rogatus ab Exuperio, Episcopo Tolosano, quid de his dubiis libris statuendum esset, Apostolica autoritate definiuit, in Canone ponendos esse, quos iam nos ponimus; excludendos alios. Quam definitionem secutus est Augustinus cum aliis Episcopis Africæ, in Concilio Carthaginensi: Exuperius cum Episcopis Galliarum: Gelasius in Concilio Romano: totus denique orbis Christianus, usque ad hæc nostra tempora. Soli ferè Lutherani & Calvinistæ, qui se euangelicos vocant, sine causa tergiversantur; & à consensu tot Patrum & Conciliorum, ad paucos illos Patres, qui ante definitionem Innocentij scripserunt, importunè provocant. Sed frustra. Nam Patres illi nullo modo ipsis patrocinantur. Quod ex dictis faciliè probari potest.

32. Primò, quia Patres illi inter se non conveniunt in Canone. Nec mirum. Nam cum res nondum esset definita ab ecclesiâ, alij hanc, alij illam partem probabiliter sequebantur. Ergo non omnes saltem possunt allegari pro Lutheranis & Calvinistis, nisi Lutherani & Calvinistæ velint discrepantem eorù sententias sequi. Secundò, nec Lutherani & Calvinistæ inter se conveniunt in Canone. Nam Calvinistæ admittunt Epistolam ad Hebræos, Epistolam Iacobi & Iudæ, & Apocalypsin Ioannis, quas reiciunt Lutherani. Ergo, si qui Patres fauent Calvinistis, non fauent Lutheranis: & vicissim, si qui his fauent, illis non fauent. Tertio, plerique ex illis Patribus ingenuè fatentur, de quibusdam libris dubium esse, an sint Canonici, nec ne. At Lutherani & Calvinistæ non volunt esse dubium, sed certum: Ergo aliunde, quàm ex illis Patribus, debent ostendere certitudinem, quod tamen non faciunt. Atque hæc generalia sunt argumenta.

33. Addo hæc specialia. Primò, Origenes, Hilarius, Epiphanius, Cyrillus, Hieronymus, Rufinus admittunt librum Esther, quem Lutherani & Calvinistæ reiciunt. Ergo saltem illi sex non fauent Lutheranis & Calvinistis. Secundò, Origenes, Athanasius, Hieronymus, Rufinus admittunt Apocalypsin quam Lutherani reiciunt: Et è contrario, Cyrillus

A & Nazianzenus reiciunt Apocalypsin, quam Calvinistæ admittunt. Ergo priores Patres repugnant Lutheranis; posteriores Calvinistis. Tertio, Aliqui ex illis Patribus dubitant de Tobia, Iudith, Ecclesiastico, Sapientia, an pertineant ad Canonem, nec ne. At Lutherani & Calvinistæ certò affirmant esse extra Canonem: ergo hanc certitudinem non habent ab illis Patribus. Vnde ergo.

34. Concludo, nihil præsidij ex tota antiquitate pro se habere Euangelicos: nullum Concilium, nullos Patres posse adduci, qui per omnia probent ipsorum Canonem. Nam Patres, qui scripserunt ante Innocentium, in multis ab illis discrepant, ut iam ostensum est. Qui autem secuti sunt Innocentium, nostrum Canonem consignarunt, & per continuatam multorum sæculorum Traditionem, nobis reliquerunt. Hoc nuper in familiari congressu, modestè ac amicè obieci quibusdam Euangelicis: Qui primò quidem non credebant rem ita habere, ut dixi; sed, cum allatis in medium Augustini & aliorum Patrum libris, apertè rem totam demonstrassem, falsi sunt se hoc præsidio destitutos, iam non alio, quàm ad Iudæorum auctoritatem posse confugere, & eorundem Canonem sequi ac venerari. Sed, miserè perit fugium! An putant, omnes Christianos errasse hactenus in Canone; solos Iudæos non errasse? Cur igitur non respuunt Canonem novi Testamenti, quem Iudæi respuunt? An etiam Christum negaturi sunt, quia Iudæi illum negant?

35. Sed tamen, quia Iudæorum Canonem pro se allegant, dicam quod res est. Fateor, in Canone Iudæorum, qui tempore Esdræ consignatus est, non fuisse Tobiam, Iudith, Sapientiam, Ecclesiasticum, Machabæos. At inde non sequitur, excludendos esse ex Canone, quem Christiani nunc habent. Primò, quia gravissimi Authores scribunt, præter Canonem, qui tempore Esdræ consignatus est, fuisse alium Canonem, qui multò post fuerit consignatus. Itaque libros illos, tametsi in priori Canone non fuerint, fuisse tamen in posteriori, & ex illo translatos in Canonem Christianorum. De qua re videri potest Genebrardus lib. 2. Chronologia & Serrarius in prolegomenis Bibliacis capite 8. quæstione 16.

36. Secundò, ut hoc non sit minimè necesse est, ut illi soli habeantur Canonici apud Christianos, qui tales habiti sunt apud Iudæos, ut rectè notat Augustinus lib. 18. de civitate Dei cap. 36. cum ait: *Machabæorum libro, non Iudæi, sed Ecclesia pro Canonico habet.* Et ratio manifesta est, quia libri Machabæorum nondum erant scripti tempore Esdræ quando Canon Iudæorum consignatus est. Quid ergo mirum si in illum Canonem relati non fuerint? Idem post Augustinum notavit Isidorus in libro Prolegomenorum, de libris veteris ac novi Testamenti, *Hebræi, inquit, non recipiunt libros Tobia, Iudith & Machabæorum; Ecclesia tamen eosdem inter Canonicas Scripturas enumerat.* Et item, *Sapientia & Ecclesiasticus parum cum reliquis Canonicis libris tenere noscuntur auctoritatem.*

37. Et lib. 6. etymolog. cap. 1. scribit, Hebræos facere tres ordines librorum veteris Testamenti: Primum legis, secundum Prophetarum, tertium Hagiographorum: Et in primo ordine ponere quinque libros Moysi. In secundo librum Iosue, Iudicum, primum & secundum Regum, Isaiam, Hieremiam, Ezechielem, & duodecim minores Prophetas. In tertio, Job, Psalterium, Proverbia, Ecclesiasten, Cantica canticorum, Daniellem, duos libros Paralipomenon, Esdræ, Esther. Præter hos tres ordines, ait quartum à Christianis additum esse. Quartus,

inquit, est apud nos ordo veteris Testamenti eorum librorum, qui in Canone Hebraico non sunt. Quorum primus Sapientia liber est: secundus, Ecclesiasticus: tertius, Tobias: quartus Iudith: quintus & sextus, Machabæorum.

38. Atque hæc sufficiant de Canone scripturarum. Vnde summam colligo, Canonem quem noui Evangelici nunc habent, non esse sincerum ac legitimum; quia nec à Catholicis, qui modo sunt, nec à Patribus, qui Innocentium præcesserunt, nec ab aliis, qui illum secuti sunt, receptus aut confirmatus est. Nec ex Iudæorum Canone confirmari potest, ut iam proximè ex Augustino & Isidoro demonstravi. Maneat ergo, quod initio dixi, Evangelicos accepisse quidem integrum euangelium à Catholicis, sed multas inde partes exemisse & decoxisse; ideoque non Evangelicos, sed Decoctores Evangelij vocandos esse.

QUESTIO V.

An Evangelici habeant legitimam Evangelij versionem?

39. **M**Ita res. Evangelici admittunt sacra Biblia (tamen si forte mutilata,) quæ à nostris maioribus tradita ipsis sunt: non admittunt versionem, quæ similiter à nostris maioribus tradita ipsis est. Non, inquam, admittunt veterem & vulgatam Editionem, quæ tot sæculis in Ecclesia viguit, & communi Christianorum consensu recepta, & à Concilio Tridentino confirmata est. Nouas versiones quotidie moluntur, latinas & vernaculas omnis generis.

40. Latine sunt hæc. Prima Sebastiani Munsteri, Anno 1534. & 1546. quæ est omnium celeberrima. Secunda Oecolampadij, Anno 1535. Tertia Leonis Iudæ, & Theodori Bibliandri, quam Leo, ex Iudæo Zuinglianus factus, inchoavit; Bibliander, adiuvantibus Conrado Pelicano & Petro Cholino perfecit anno 1544. Et solent vocari Biblia Tigurina, quod Tiguri edita sint. Quarta Sebastiani Castalionis, anno 1556. Basileæ. Quinta Iunij & Tremellj, primum Genevæ edita anno 1590. & postea Hano-viæ anno 1602. Sexta Theodori Bezzæ, Elisabethæ Regina Angliæ dedicata. Septima Genevensis, quæ teste Geneb. a do præfatione in Origenem, est rhapsodia ex variis Munsteri, & aliorum parvis ac ceteris confusa.

41. Vernaculæ sunt plures. Prima Germanica Lutheri, sapius ab ipso recognita. Secunda, Germanica Tigurinorum in Helvetia. Tertia, Belgica. Quarta, Polonica. Quinta, Danica: Sexta, Gallica Genevensis. Septima, Gallica Castalionis. Octava, Anglica Londinensis. Nona, Italica sine loci & authoris nomine, quæ Genevæ edita, anno 1562. ut ex typo colligitur. Decima, Hispanica, etiam sine loci & authoris nomine, quæ apud Bernates in Helvetia videtur evulgata, quia præfixum habet Vrsum, vastantem ac vorantem mel. Præter has generales, vel utriusque, vel alterius testamenti versiones, sunt alie speciales propè infinitæ. Nam aliqui ex Evangelicis Psalterium, ut Bucerus, Calvinus, Musculus, alij alias partes transtulerunt.

42. Quid porro de hac tanta versionum varietate sentiant, tunc ipsi Evangelici, qui earum authores sunt, & etiam Catholicis, paucis explicandum est. Evangelici sic sentiunt. Lutherus in comment. de novissimis Davidis verbis, in præfatione; Omnino,

A inquit, melius esset, amisso studio Hebraica lingua, simpliciter retinere illam hæcenus receptam & usitatam versionem Bibliorum, quam tot novæ versiones exulari, quibus nihil proficitur, nisi quod dissimilitudo & discrepantia lectionum, memoriam legentium turbat, & studium remoratur, ac in multis locis incertiores, quam fuerat, dimittit. ut in libro prophetiarum suarum, qui à Georgio Vvaldero, Hallensi Prædicante collectus est; Tæ multa, inquit, nostro tempore sunt versiones Bibliorum, ut paulatim tam multa futura sint Biblia, quam multi scoli in Hebraica lingua magistros se proficiuntur.

43. Et Rheuchinus (alias Capnion) in Hebræas concordantias Rabbi Nathan, multa translationes Bibliorum in lucem prodent, quas melius fuisset non natas esse, vel statim interisse. Addit Kemnitius in prima parte Examinis, sect. 4. Vt ite est, exstare certam aliquam versionem, quæ in citationibus allegatur. Et V Vit-taxerus controuersia 1. q. 2. cap. 7. Consule factura esset Ecclesia, si non cuius pro arbitratu suo permitteret novam versionem edere.

44. Similiter Robertus Stephanus initio suorum Bibliorum anno 1557. Nullum vertendorum Bibliorum finem fieri, & non minus varias eorum interpretationes, quam varios interpretes hodie existere, iam pridem multis queruntur, qui ex re Ecclesiæ esse existimant, certam aliquam ex tanto numero eligere, &c. In hac cum & nos opinione essemus, &c.

45. Denique, ut alios omittam Theodorus Beza in cap. 10. Actuum Apostolorum, in digressionem, de dono linguarum; Eo res iam deuenit, ut qui scripturam ex Græco conuertunt in latinum, aut aliud aliquod idioma, quidvis sibi in interpretando licere putent. Quos si reprehendas, statim audies, interpretis officio fungi, non qui verbum conuertat à verbo, sed qui sententiam exprimat. Ita fit ut dum quisque iudicium suum libere sequi mavult, quam religiose Spiritus sancti interpretem agere, plurima non tam conuertat, quam pervertat. Cui libidini & audacienis succurratur, ne aut ego vehementer fallor, aut intra paucos annos, paulatim ipsarum, quoque rerum possessione depellemur.

46. Nec dissimilis est censura de singulis versionibus in particulari. Lutheri versionem carpunt Tigurini, Osiandriani, Bucerus, Munsterus, Lutherus ipse. Nam Tigurini multis sanis illam excipiunt, conqueritur Stoltzius in defensione Lutheri. Osiandriani obiciunt illi dolum & falsitatem: Bucerus, manifestos & non paucos lapsus: Munsterus, multorum versuum omissionem. Denique Lutherus ipse post 10. annos fatius est, se crebrius errasse, eò quod Rabbinorum glossis nimium credidisset, ut testatur Cochleus in Actis Lutheri, Lindanus in Dubitantio, & alij.

47. Versionem Bezzæ damnat Castalio in præfatione ad Anglam, Samuel Huberus in libro de ultimæ tubæ clangoribus, Hugo Bruchtonus, & quis non? Vicissim versionem Castalionis reprehendit Beza in suis annotationibus, tanquam falsam, ineptam, imperitam, audacem, blasphemam, vitiosam, ridiculam, execrandam, erroneam, impiam, peruersam. Et in responsione ad defensiones Castalionis, de eadem sic loquitur; Translationem novæ Testamenti, non Latinam, tum Gallicam, à Sebastiano Castalione istic scriptam & excusam, optimo iure reprehensam fuisse in meis annotationibus, non solum ut indoctam sed etiam ut multis locis impiam, & à Sancti Spiritus sententia prorsus discrepantem, vobis, ut existimo, non constabat, cum edende sua defensionis potestatem illi faceretis; sed nunc tandem, ut spero, conspicue intelligitis.

48. Munsteri versionem perstringunt Tigurini &

Pelicanus in suis præfationibus. Denique cum Tigurinorum Biblia à Typographo oblata essent Luthero, hoc responsum ab eo accepit: *Ne posthac mihi aliquid mittas, quod à ministris Tigurina Ecclesie profectum sit. Nullum enim cum eis posthac commercium habere, nec eorum libros recipere aut legere volo, quandoquidem ipsi iam damnati sunt, & alios quoque miseros homines secum ad inferos abducunt, &c.* Ita refert Hospinianus Calvinista in historia Sacramentaria, anno 1544.

39. Hæc Euangelici de Euangelicia. Venio ad Catholicos. Ex iis multi accuratè de hac re scripserunt, præsertim Cochleus in Actis Lutheri, & in libello de nouis translationibus, Genebrardus præfatione in Origenem, Serarius in Prolegomenis Bibliacis, c. 20. Gresserus in primo tomo defensionis Bellarminianæ, & alij. Omnes sentiunt, novas illas Euangelicorum versiones, nullo modo tolerari posse ac debere. Et meritò. 1. quia à malis authoribus prodierunt. 2. quia eò spectant, ut veterem ac vulgatam editionem penitus aboleant. 3. quia corruptæ ac vitiosæ sunt. 4. quia Iudaismum introducunt. 5. quia planè ridiculæ sunt. 6. quia Grammaticam potius quàm Theologiam sapiunt. 7. quia sunt aridæ, insipidæ & sine Spiritu. 8. quia inter se pugnantes. 9. quia variabiles & inconstantes. De singulis dicam aliquid.

I. Vitium nouarum versionum.

40. Primò igitur, versionum istarum non boni authores sunt. Nam aliqui ex illis fuerunt Monachi apostatæ, ut Lutherus, Munsterus, Oecolampadius, Pelicanus, Bucerus. Alij, primùm Iudæi, mox Zuingliani, ut Leo Iuda, minister Tigurinus. Alij, primùm Iudæi, deinde Monachi, tum apostatæ, deinde Calvinistæ, ut Tremellius. Alij primùm Christiani, tum athei. dehinc Calvinistæ, ut Franciscus Iunius, qui per integrum biennium fuit atheus, ut ipsemet scribit in vita sua. Alij denique lasciuia & luxuria diffuentes ut Calvinus, Beza, & plerique iam nominati. Quid boni in re sacra ac diuina ab his sperare possis? *Mali cornu, malum ouum.*

41. Certè Lutherus, ut alios præteream, ita scribit de hac materia, partim in colloquiis mensalibus, partim in præfationibus librorum noui Testamenti, ut meritò suspectus esse debeat. Sunt autem hæc ipsius placita. 1. Argumentum libri est ferè, ut argumentum fabulæ. 2. Scriptori illius libri scripsit eo modo, quo Terentius scripsit suas comædias. 3. Non credo omnia facta esse eo modo, quo in libro Iob referuntur. 4. Odi librum Esther, & cuperem non exstare. 5. Liber Tobie est poemata in quo de mulieribus agitur, & exemplar administrandæ familiæ. 6. Multa in hoc libro ridicula & stulta continentur. 7. Liber Iudith non est historia, sed figmentum, compositum ad imitationem Virgilianæ Æneidos & Homericæ Iliados. 8. Author libri, qui Ecclesiastes inscribitur, videtur ocreis & calcaribus destitutus, equitare tantum in soccis, sicut ego soleo, cum adhuc essem in cœnobio. 9. Ecclesiasticus, qui hunc librum composuit est concionator legalis & Iurista: docet, quomodo vita hæc externa & civilis benè sit instituenda; sed non est Propheta; nihil docet de Christo. Est liber, sicut Thalmuth, ex variis libris collectus. 10. Libri Regum præcedunt centum & mille cubitos scripto Paralipomenon. Ideò libris Regum plus credendum, quàm libris Paralipomenon. 11. Multa in libro Apocalypsis desidero, ut neque Apostolicum, neque Propheticum

A iudicem. 12. Nullo modo aduertere queo à Spiritu sancto compositum esse. 13. Spiritus meus non potest cum hoc libro concordare. 14. Epistola Iacobi, comparatione euangelij, straminea est, & Apostolico Spiritu destituta. 15. Ioannis Euangelium est vnicum, tenerum, verum, genuinum & principale Euangelium, & tribus reliquis longè longè, præferendum & anteposendum. Hæc Lutherus. Quis credat hunc hominem in vertendis Bibliis à Spiritu sancto fuisse illuminatum? Eadem est ratio de aliis, quos recensui.

II. Vitium.

B 42. Secundò, Hoc potissimùm agunt noui isti verfores, ut suis versionibus veterem ac vulgatam Editionem penitus obsecurent & aboleant. In quare imitantur Aquilam, Symmachum & Theodotionem, qui & ipsi novas versiones olim moliti sunt; in eum finem, ut abolerent versionem Lxx. Interpretum quæ tunc erat celeberrima: Et ut omnia oracula & vaticinia de Christo, quæ à Lxx. Interpretibus clare erant expressa, in gratiam Iudæorum redderent obscuriora, ut testatur D. Hieronymus prologo in Iob à se versum, Epiphanius in libro de ponderibus & mensuris, & alij plures. Hos, inquam, imitantur nostri Euangelici. Volunt vulgatam Editionem suppressere, & clariora quædam illius testimonia, quæ ipsorum hæc resibus contraria sunt, penitus obcurare. Exempla obuiasunt, ut iam videbimus.

III. Vitium.

D 43. Tertio, Versiones Euangelicorum, tum aliis, tum his potissimùm modis corruptæ ac deprauatæ sunt. 1. adiectione. 2. detractioe. 3. mutatione. Adiectione. Nam 1. Cor. 9. 5. vbi Apostolus dicit, *Nunquid non habemus potestatem mulierem sororem circumducere?* Lutherus de suo adiecit; *in uxorem.* Similiter Rom. 3. 28. vbi Apostolus dicit; *Arbitramur iustificari hominem per fidem;* Lutherus adiecit; *solum.* Et rogatus ab amico, cur id fecisset, respondit his verbis; *Sed tuus Papista morosus & difficilis præbere se vult de voce, (Sola) statim dic; Papista, & asinus eadem res est: Sic volo, sic iubeo: sit pro ratione voluntas. Nolumus enim Papistarum esse discipuli, sed præceptores.* Et infra; *Rogate, ne quid aliud huiusmodi assillis respondeas de voce (Sola) sed tantum dicas; Lutherus vult: ille Doctores est omnium Doctorum in Papam, &c.* (In epistola ad amicum, de voce, Sola.)

E 44. Detractione. Nam Act. 15. 41. Beza & alij Euangelici omittunt totum illum versiculum; *Præcipiens custodire præcepta Apostolorum & seniorum.* Et 2. Pet. 1. 10. vbi Apostolus ait; *Saturare, ut per bona opera certam vestram vocationem & electionem faciatis;* omittunt tres illas voculas, *per bona opera.* Nimirum, oderunt bona opera, contenti suo sterquilinio; nec volunt Apostolis & senioribus subiecti esse.

45. Mutatione. Nam Lucæ 22. 20. vbi Græcus textus habet: *ἵνα τὸ αἷμα τοῦ καινοῦ διαθήκης ἐκχυνθῇ ὑπὲρ ὑμῶν*, id est, *hoc poculum novum Testamentum est in meo sanguine, quod pro vobis effunditur:* Beza sic mutavit, *ἵνα τὸ αἷμα τοῦ καινοῦ διαθήκης ἐκχυνθῇ ὑπὲρ ὑμῶν*, id est, *in meo sanguine, qui pro vobis effunditur.* Ne scilicet cogere tur fateri, quod Catholici urgent, in illo poculo, quod Christus in vltima cœna dedit Apostolis, fuisse sanguinem Christi. Quæ hæc impossura est?

IV. Vitium.

46. Quartò, Versores illi nihil aliud fecè spirant, quàm Rabinismum; ut Iudæos potius dixeris, quàm Christianos. Eminent in hoc genere Munsterus, qui in suis Notationibus ad nauseam repetit has voculas, *Rabi Salomon, David Kimbi, Aben Ezra, Rabi Menahem, Rabi Moses de Cozi, Moses Gerundensis, Arba Tora, Rabi Calonymus, Rabi Jacob, Abraham de palmis, &c.* Vix unquam inuenies nomen Hieronymi, Augustini, Ambrosij, Gregorij, Chrysostomi, Basilij, Cyrilli, Nazianzeni. Omnia Rabinis plena sunt. Putant enim boni isti Evangelici, latentem thesaurum reperiri posse in libris Rabinorum, qui apud Christianos reperiri non possit. In quo magnopere falluntur, teste Luthero, in præfatione super Psalterium, ubi ait; se sperasse recentiores Hebraistas adducturos eximium quid & pretiosum; sed sibi idem evenire, quod olim Salomoni, qui cum speraret pretiosissima queque ex India se accepturum, nihil aliud acceperit, quàm simias & pavones. Plerosque versores simias imitari, & vel Rabinos, vel veterem translationem referre; vel interpretationes suas pavonum quasi ornamenti insignire, immixtis Hebraicis vocabulis, &c. Vide Matthæum concione 12. de vita & actis Lutheri.

V. Vitium.

47. Quintò, Planè ridiculi sunt innouandis hominum & locorum propriis nominibus: Nec ridiculi modo, sed etiam obsecuti ut à paucis intelligi vix possint. Nam ubi nos in vulgata editione habemus, *Isaias, Hieremias, Ezechiel, Osee, Abdias, Micheas, Habacuc, Sophonias;* Iunius & Tremellius vertunt; *Iesehabia, Iirmeia, Iechezkel, Hofsheah, Hobadia, Mica, Chabakkuk, Tzephania.* Et ubi nos legimus: *Visio Isaiæ filij Amos, quam vidit super Judam & Ierusalem in diebus Ozia, Ioathan, Achaz, & Ezechia Regum Iudæ:* Oecolampadius vertit, *Visio Iesaiæ filij Amos quam vidit super Iehudab & Ierusalem, in diebus Tziabn, Iothan, Abbaz, Iehizkiahn Regum Iehudab.*

48. Similiter, ubi nos legimus: *Verba Ieremiæ filij Helcia, de sacerdotibus, qui fuerant in Anahoth, in terra Benjamin:* Iunius & Tremellius legunt, *Verba Iirmeia filij Chilkia, de sacerdotibus, qui erant Hanaothis, in terra Benjaminis.* Munsterus vero, *Verba Iirmeia huius filij Hilkiahn, de sacerdotibus, qui erant in Anahoth in terra Benjaminis.*

49. Item, ubi nos legimus: *Verbum Domini, quod factum est ad Sophoniam filium Chusi, filii Godolia, filii Amaria, filii Ezechia, &c.* Illi sic vertunt, *Verbum Iehoua, quod fuit ad Gzephaniam filiam Cusebi, filii Godalia, filii Amaria, filii Chizkia, at rursum, ubi nos, Nonne frater erat Esau Iacob, dicit Dominus, & dilexi Iacob, Esau autem odio habui?* Illi sic, *Nonne frater fuit Hesaui Iahakobo? dictum Iehoua: Dilexi autem Iahakobum, Hesaum vero odio habui:* Quæ hæc nominum portenta sunt? Si reuiviscerent maiores nostri, putarent nostra Biblia interuisse, & alia in illorum locum subrogata.

VI. Vitium.

50. Sextò, Grammaticam magis olent, quàm Theologiam. De qua re conqueritur Genebrardus, præfatione in Origenem, his verbis. *Castalionis versio est affectata, plus habens pompa & phalerarum, quàm rei & firmitatis: plus ostentationis, quàm substantia: plus*

A fuci, quàm succi: plus hominis, quàm Spiritus: plus fumus, quàm flamma: plus humanarum cogitationum, quàm divinarum sensuum: plus filiorum, quàm fructuum. Tec verbis vix adhuc explicio hominis vanitatem. Elegantiæ polletetur, & tamen verba interdum usurpat alienissima à Ciceronis puritate. Præterea ex inferis sustinat Genios, pollubra & similia pagana vocabula, quæ pridem sepulta oportuit, nedom in Scriptura contextum illata. *Mysteria* ex oculis subducit, submutatis verbis. *Vbi dixit Deus, Fiat firmamentum: ille, Iussu Deus, ne ullum divini verbi, per quod omnia facta sunt, vestigium in prima rerum conditione appareat.*

51. Et Beza in Castalionem; *De latino sermone; quantum ipse tibi placeat, nemo non videt.* Et paulò post: *Arbitror inolerandam esse audaciam, si quis ab illa nuda quidem & simplici; sed veretamen divina & plena masculina maiestatis elocutione discedens, Prophetici & Apostolici sermonis puritatem, quasi fucis quodam orationis inficiat.* Et infra. *Moror te vetera & omnibus trita vocabula exiunxisse, ut nova & plerisque obscura substitueres.* Et iterum: *cum de re constet, & vocabula longissimo usu trita sunt omnibus, unde tandem hoc novandi studium, nisi ex stulto & ambitioso ingenio?*

VII. Vitium.

52. Septimò, Hinc fit, ut arida, insipida, & sine Spiritu sint huiusmodi versiones, quod unico exemplo facile ostendam. In vulgata Editione sic legimus: *Dixit Dominus Domino meo, sede à dextris meis, donec ponam inimicos tuos scabellum pedum tuorum.* Quæ verba cum sequentibus, non modo clara sunt, sed etiam mellita, suavia, & plena Spiritu ac consolatione. Iunius & Tremellius sic vertunt: *Dixit Iehoua Domino meo, sede ad dexteram meam, donec disposuerò inimicos tuos in scabellum pedum tuorum.* Scipionem robustum tuum emissurus est Iehoua, Tziiane, dicens, Dominare in medio inimicorum tuorum. Populus tuus populus voluntarius die copiarum tuarum in decoris locis sanctitatis: Indo ab utro sibi aderis ros iuventa tua accuratissime. Castalio sic vertit, *Ait Iona Domino meo sede ad meam dexteram, donec tuos hostes effecero scabellum pedum tuorum. Sceptum tua potentia mihi ter ex Sione Iona ad dominandum inter hostes tuos.*

Tua copia voluntaria erunt, quæ die expeditionem cum sacra maiestate facies: ex utero aurora habebis rorem tua iuventutis. Quam hæc sicca, arida, spinosa, & tetrica sunt! Aptissima tamen ad cantum è choro eliminandam. Non enim video, quis contentus ex huiusmodi verbis, vel ad aures fidelium oblectandas, vel ad animos in Deum erigendos, oriri possit.

VIII. Vitium.

53. Octavò, Mirè inter se dissentiunt versores Evangelici, ut ex Cochleio & Grefero ostendi potest hoc exemplo. Nos in citato Psalmo sic legimus: *Tecum principium in die virtutis tuae in splendoribus sanctorum; ex utero ante Luciferum genui te.* Evangelici, quisque pro suo Spiritu ac cerebro, sic vertunt. 1. Lutherus, *Post victoriam tuam offeret tibi spontaneæ populus tuus in sancto docere: filii tui nascentur tibi, sicut ros ex aurora.* 2. Pelicanus: *Populus tuus oblationes liberales in die virtutis tuae in decoribus sanctitatis ex utero aurora tibi ros generationis tue.* 3. Felinus, vel potius Buccius: *Populus tuus aderit spontaneus in die, quæ virtutem tuam declarabis, in urbe sancto splendore insigni, ut ros maturus aderit ab utero iuventutis tuae.* 4. Munsterus: *Populus tuus spontaneus est (voluntarius) in die exercitus tui, in magnificentissimis sanctitatis, ab utero au-*

aurea est tibi res natiuitatis. 3. Ianius & Tremellius: *Populus tuus populus voluntarius die copiarum tuarum, in decoris locis sanctitatis: inde ab utero tibi aderit & iuuentia tua accuratissimi.* 6. Castalio. *Tua copia voluntaria erunt, qua die expeditionem cum sacra maiestate facies: Ex utero aurea habebis rorem tue iuuentutis.* 7. Zuinglius in suo Psalterio: *Populus autem tuus in die triumphi tui vota offeret cum sancta pompa.* 8. Leo Iuda in Bibliis Tigurinis: *Flabos promptissimum populum, cum educa tua copias: tibi autem est res generationis tua in summo decore & sanctitate ex utero aurea.* Alij aliter.

34. Hinc constat, verissimum esse, quod supra ex Luthero, Beza, & alijs Euangelicis dixi, hanc variam & multiplicem Bibliorum versionem adferre multa incommoda. Nam 1. parit confusionem. 2. turbat memoriam. 3. remoratur studium Lectoris. 4. eundem dubium ac perplexum à se dimittit. Denique sub tanta verborum ac phrasum diuersitate, rem ipsam facillimè prodigit. Quanto feliciores Catholici, qui unam, certam, constantem ac uniformem sequuntur Editionem: Et tamen toto orbe diffusi sint, una tamen loquuntur lingua, & iidem Spiritus sancti verbis ac formulis assueti sunt. His rectè accommodari potest illud, Genes. 11. 1. *Erat autem terra labij unius, & sermonem eorundem.* Et paulo post, *Ecce, vnum est populus & vnum labium omnibus.* Euangelicis vero, quod sequitur: *Confundamus linguam eorum, ut non audiat unusquisque vocem proximi sui.* & rursum: *Vocatum est nomen eius Babel, quia ibi confusum est labium vniuersae terrae.* Vno verbo, Catholici & Euangelici repræsentant duas familias, in quibus altera, pater & mater, filij & filiae, serui & ancillæ, eodem loquuntur idiomate, & singuli singulos probè intelligunt: in altera, cotidem idiomatica sunt, quot capita, vbi præter Gallicè, mater Hispanicè, filij Latinè, filiae Belgicè, serui Italicè, ancillæ Germanicè loquuntur; vbi poscenti panem, porrigitur lapis; volenti bibere, miscetur pharvacum: & sic deinceps.

IX. Vitium.

55. Nonò, Magna inconstantia est in versionibus Euangelicorum. Quod hodie placet, cras displicet: quod prius conforme Græco vel Hebraico textui, nunc disforme: quod antea ad mentem Spiritus sancti, postea secus. Certè, prima Lutheri versio, quantis lætæ is inchoata, deducta, perfecta; quanto plausu accepta & confirmata est! Nam primò, aliquot verueces mactati sunt. 2. immane quoddam vitium, in quo totus Catechismus depictus & descriptus videbatur, à Luthero exhaustus. 3. iucundè ac hilariter decantari versus ex Virgilio de Didone. *Dulces exunia, &c.* 4. Festum translationis Bibliorum institutum. (Testis est Mattheus Lutheri discipulus, & ex illo Gretserus & alij.) At non multò post, eadem Versio ab omnibus repudiata, & non semel ab ipso autore recognita est. Nec mirum. Nam supra mille errores, & quidem non exigui, in ea sunt deprehensi. Atque hæc sufficiant de nouis Bibliorum versionibus, quas Euangelici hætenus moliti sunt. Sequitur nunc

QVÆSTIO VI.

An Euangelici habeant verum sensum Euangelii

56. Solet distingui duplex Scripturæ sensus. Alter literalis seu historicus, alter spiritualis, seu

mysticus. Literalis est, quem verba Scripturæ proximè & immediatè significant, siue sint verba propria siue figurata. Mysticus est, quem verba Scripturæ remotè & mediante sensu literali significant: vel quem sensus literalis proximè significat: vel, quod eodem recidit, quem res proximè significata per verba, significat.

57. Vtrumque insinuat Apostolus, 1. Corinth. 10. 1. cum ait; *Patres nostri omnes sub nube fuerunt, & omnes mare transierunt, &c.* Nam in his & sequentibus verbis latet duplex sensus, Vnus literalis, qui proximè & immediatè significatur per illa verba, nempe filios Israël, quando ex Ægypto egrediuntur, transiunt mare rubrum, ambulante sub nube, comedunt manna in deserto, bibisse aquam de petra manantem. Alter mysticus, quem res ipsa proximè significata per verba, significat. Nam exitus Israelitarum ex Ægypto per Moysen, significat exitum nostrum ex seruitute peccati per Christum: mare rubrum, significat Baptismum: manna corpus Christi in eucharistia, aqua, sanguinem Christi.

58. Mysticus à Theologis subdividitur in allegoricum, anagogicum, & morale seu tropologicum. Sicut enim tres sunt virtutes Theologicæ, Fides, Spes, Charitas, ita tres sensus mystici. Allegoricus respondet fidei, anagogicus spei, moralis charitati. Nam allegoricus est, quando verba Scripturæ mediante sensu literali, significant res credendas: anagogicus, quando res sperandas: moralis, quando res agendas.

59. Alij sic definiunt. Sensus allegoricus est, quando verba Scripturæ, præter sensum literalem, quem habent, significant aliquid pertinet ad fidem vel Ecclesiam militantem: quo pacto, Abraham, qui secundum sensum literalem habuit duos filios, vnum ex ancilla, alterum ex libera; allegoricè significat Deum qui habet duos populos, vnum Iudeorum ex Synagoga, alterum Christianorum ex Ecclesia: hunc sub libertate gratiæ Christi, illum sub seruitute legis Mosaicæ. (ad Gal. 4. 22.)

60. Anagogicus est, quando verba Scripturæ, præter sensum literalem, significant aliquid pertinet ad vitam æternam vel Ecclesiam triumphantem, quem speramus: quo pacto illud Psalm. 94. 11. *Quibus iuravi in ira mea, si introibam in requiem meam,* secundum litteram intelligitur de terra promissionis in Palæstina, ac anagogicè, de vita æterna, vbi est vera requies (Hebr. 4. 3.)

61. Moralis est, quando verba Scripturæ præter sensum literalem, significant aliquid pertinet ad instructionem morum, vel ad officia charitatis: quo pacto illud Deut. 25. 4. *Non alligabis os bovi trituranti,* secundum litteram intelligendum est de veris bobus: ac moraliter de concionatoribus, qui non debent impediri, quò minus petant sustentationem à populo. 1. Cor. 9. 2.

62. Est ergo quadruplex Scripturæ sensus. 1. Literalis. 2. Allegoricus. 3. Anagogicus. 4. Moralis. Qui omnes ostendi solent in voce *Hierusalem*. Nam vox illa significat literaliter, urbem Palestinæ, Allegoricè, Ecclesiam militantem, Anagogicè Ecclesiam triumphantem, moraliter Animam hominis in hac vita. Omnes item notari solent in Epistola ad Galatas, cap. 4. Nam literalis est in illis verbis *Abraham duos filios habuit, vnum de ancilla, & vnum de libera.* Allegoricus in illis, *Hæc sunt duo testamenta, &c.* Anagogicus in illis, *Illam autem, qua sursum est Hierusalem.* Moralis in illis, *Quomodo tunc is, qui secundum carnem fuerat, persequatur eum, qui secundum spiritum, ita & nunc.*

63. Notandum est à viris doctis, iuxta hos quo-

tuor sensus Scripturæ, quatuor esse Doctores Ecclesiæ, Hieronymum, Ambrosium, Augustinum, Gregorium. Et singulos in singulis sensibus explicandis excelluisse: Hieronymum in literali, Ambrosium in allegorico, Augustinum in anagogico, Gregorium in morali.

64. Nos hic agimus de sensu literali, qui precipuus est, & quasi fundamentum aliorum. Et quia verba Scripturæ torqueri possunt ad varios sensus literales, quaestio est, an Evangelici habeant verum & legitimum sensum literalem, necne? Aiunt se habere. At unde habent? An à Catholicis? Negant. An ab antiquis Patribus? Et hoc negant. An ex aliqua certa traditione, quæ per singulas ætates deduci ad eos possit? Ne hoc quidem. Unde ergo? Immediatè, inquit, à Deo. Hinc se *mediatos*, id est, à Deo doctos appellare soliti sunt.

65. Hic vide obsecro, quàm varias origines fingant sibi isti Nouatores. Codicem Bibliorum, ut fatentur à Catholicis habent per Traditionem: Versionem, e suo quisque capite ac cerebro sensum & interpretationem, immediatè à Deo. Si Catholicis credunt in vno, cur non in reliquis? Si ab illis accipiunt Codicem, cur non versionem & sensum? An putant eos errare in versione & sensu, non errare in Codice? Sed relicto Codice & versione, de quibus actum est, agamus nunc de sensu. Hunc aiunt se immediatè habere à Deo. Quod merito mirum videri potest. Nam primò, cui non mirum sit, solos Lutheranos & Calvinistas, non item antiquos Patres aut modernos Catholicos habere legitimum Scripturæ sensum à Deo? Cui non mirum sit, cum Lutherani & Calvinistæ sint fratres Evangelici, alios ab aliis in Scripturæ sensu dissentire? An Deus, qui illos fratres esse voluit in Evangelio, non voluit esse fratres, sed hostes in sensu Evangelij? Non capio hoc mysterium. Cui non mirum sit, ipsos Calvinistas inter se de vero sensu disceptare? An Deus qui immediatè illos docet diversos ac discrepantes sensus eorum animis inspirat? Non est verisimile. *Non enim dissensionis est Deus, sed pacis.* Denique cui non mirum, nullum hactenus Evangelicum extitisse, præter unum Graecum, qui verum sensum Apocalypsis à Deo assecutus sit? quod tamen Graecus in sua *Plaga Regia* profectetur. Nam disertè scripsit, Apocalypsin alijs omnibus obscuram, soli sibi claram & peruiam esse. Distinguit autem tria genera aliorum hominum. 1. fanaticos. 2. probos auctores. 3. præceptores suos. Primos ait latibula quaerere: Secundos, nemini satisfacere: Tercios, durissimi iudicii esse. Addit, sibi præ illis omnibus obortum esse lucem, qua profundissima quæque scrutatus sit, ac intimè penetrarit. Cui, inquam, hoc altissimum non sit.

66. Sed omittamus hæc mira: Et rem ipsam propius inspiciamus. Aiunt igitur boni isti viri, se verum & legitimum Scripturæ sensum à Deo habere. Ego contra contendo, non à Deo, sed aliunde: non verum & legitimum, sed corruptum & adulterinum habere. Quod sic probo. Sensus Scripturæ quatuor modis corrupti potest. 1. adiectione. 2. detractio-
ne. 3. mutatione. 4. falsa interpretatione. His omnibus modis ab Evangelicis corruptus est. Tria priora membra superius probata sunt. Quartum facile probari potest. Extant enim infinita propè Scripturæ testimonia, quæ Evangelici falsò interpretantur. Ex his aliqua recensibo.

67. Legimus Matt. 19. 17. *Si vis ad vitam ingredi, serua mandata.* Hoc Calvinus, non seriò, sed ironicè à Christo dictum esse interpretatur, ut sensus sit, *De seruis mandata, quia illorum observatio nec*

A prodest, nec possibilis est, Impium dogma. Quamquam Calvinus tam impius est, ut fidenter asserat, Christum in omnibus fere rebus, quæ ad salutem animæ spectant ironicè nobiscum agere, & contra mentem loqui. Sic enim scribit lib. 3. Instit. cap. 24. §. 23. *Ecce, vocem ad eos dirigit, sed ut magis obsterdescant: lumen accendit, sed ut reddat eos ceciores: doctrinam profert, sed qua magis obsterdescant: remedium adhibet, sed ne sanentur.* Sanè, si ita est; quis credat illi dicenti & invitanti, *Venite ad me omnes, qui laboratis & onerati estis, & ego reficiam vos?* Quis non statim excipiat; Tu quidem vocem ad me dirigis, sed ut magis obsterdescam: lumen accendis, sed ut hanc ceciores doctrinam profers, sed qua magis obsterdescam: remedium offers, sed ne sanus efficiar. Quid ergo te audiam?

68. Item legimus Matth. 3. 1. *Venit Ioannes Baptista predicans in deserto, & habebat vestimentum de pilis camelorum, & zonam pelliceam circum lumbos suos. Escam autem erat locusta & mel silvestre.* Et Marci. 1. 6. *Erat Ioannes vestitus pilis cameli, & locustas edebat & mel silvestre.* Evangelici, quia metuunt, ne Eremitarum aut Monachorum viuendi ratio ex hoc loco confirmetur, omnia secus, quàm Catholicis interpretantur. Nam per desertum, non intelligunt solitudinem, sed vicum aut vicum in montanis situm: per pilos Cameli, non rudem aut hispidam vestem ex pilis contextam, sed pretiosam & undulatam, quam Regem deceat: per locustas, non animal insectum, sed sanctos marinos, qui à piscatoribus capti in ripam Iordanis eiciebantur, eo quod lege Mosaica immundi, & prohibiti essent. (Leuitic. 11.) Ioannem tamen non curasse legem Mosaicam, sed secutum esse libertatem Evangelicam, quæ in eo consistit, ut quouis ciborum genere pro arbitrio vescamur. Vide Maldonatum in capite tertio Matthæi, ubi fusiùs hanc Evangelicorum interpretationem proponit ac refutat.

69. Item Lucæ 22. 20. *Hic est calix novum Testamentum in meo sanguine.* Et Matth. 26. 28. *Hic est sanguis meus novi Testamenti.* Lutherani sic interpretantur; Hoc vinum est meus sanguis. Calvinistæ plerique sic; Hoc vinum significat meum sanguinem. Plessius lib. 4. de Eucharistia, c. 2. pag. 600. sic; *Hæc est acerba illa mors & passio, quam paulò post sustinerebo.* Quæ hæc licentia & perversitas est?

70. Item, Ioan. 3. 5. *Nisi quis renatus fuerit ex aqua & Spiritu sancto, non potest intrare in regnum Dei.* Calvinus per aquam intelligit Spiritum sanctum. (lib. 4. Instit. capite 16. §. 25.) Hinc consequenter affirmat, Christum non loqui de Baptismo aquæ, sed de interna hominis renouatione. Si ita est, non poterit ex Scriptura probari, aquam esse necessariam ad Baptismum: ac proinde, si quis diceret, infantes posse baptizari in vino vel ceruisia, non posset à Caluino ex scriptura refutari. Tamen enim ex alijs scripturæ testimonijs constet, quosdam in aqua baptizatos esse, non tamen ex illis constet, necessario id factum esse. Aut ergo Baptismus aquæ non est necessarius, aut necessitas illius, non aliunde, quàm ex citato loco probari potest. Eligant Calvinistæ.

71. Item, Ioan. 20. 26. *Venit Iesus ianuis clausis, & stetit in medio eorum, id est, intrauit per fenestram, ut Oecolampadius vult: Vel, Non expectauit, donec Apostoli aperirent, sed ipse aperuit ianuas, & intrauit, ut exponit Calvinus in vltima admonitione ad Vespethalum, & lib. 4. Instit. cap. 17. §. 29. ne cogatur penetrationem corporis admittere: Nec ianuis, inquit, clausis intrare, tantundem valet, ac penetrare per solidam materiam, sed sibi aditum præfacere diuina virtute.*

virtute, ut reponebat ceteris inter discipulos plane admi-
rabili modo, cum obierat esset fore.

72. Item, Act. 27. Non derelinques animam meam
in inferno. B. hic explicat: Non derelinques cadaver
meum in sepulchro. Quod exemerat in sepulchro est ex
animam in cadaver, ex inferno sepulchrum. Vix simi-
lem inueneris Ouidio. Sed, quid non facit despe-
ratio? Non potuit alio modo eludere argumentum
Catholicorum, quod ipsi probant Christum secun-
dum animam descendisse ad inferos.

73. Item Hebr. 13. 4. Honorabile coniugium in pro-
bitis, & totus immaculatus, fornicatores enim &
adulteros indiget Deus. Plausus factus est; Hono-
rable coniugium in omnibus suis partibus, ita, ut in
nulla re illud violetur, & praesertim ut totus vester sit
immaculatus, quia adulteri a Deo puniuntur. At
Calvinus & Beza in suis annotationibus aliter expli-
cant, hoc sensu: Matrimonium est honestum & li-
citum in omnibus, id est, inter quoslibet homines, sed
inter eiusdem ordinis homines. Nimirum, ut huc pro-
beant, etiam inter Monachos & Moniales honora-
tum & licitum esse matrimonium. An etiam inter fra-
tres & sorores?

74. Item, Apocal. 11. 3. Et dabo duobus testibus
meis, & prophetabunt diebus illis dicentis (sexaginta
annis). Hinc Euangelici per duos testes, intelli-
gant Lutherum & Calvinum, ut Bibliander in sua
Chronico, vel vetus & novum Testamentum, ut Rex
Angliae in thronica praefatione. Neuter recte. Nam
multa dicuntur de illis duobus testibus, quae nullo
modo conveniunt Luthero & Calvano, vel nouo &
veteri Testamento. Sunt autem haec, quod sint ami-
ci facis, 2. quod habeant potestatem claudendi cae-
lum, ne pluat, & conueniendi aquas in sanguinem, &
peccandi terram omni plaga, quod resurgat volue-
rim, 3. quod corpora eorum iacebunt Hierosolyma
insepulta per tres dies & dimidium, 4. quod postea
resurgescent, 5. quod audient hanc vocem, de celo,
Ascende huc, 6. quod tunc magnus terra motus futu-
rus sit, 7. quod decima pars civitatis cadat, 8. quod
septem milia hominum occidantur. Quid haec ad Lu-
therum & Calvinum? Quid ad vetus & novum Tes-
tamentum?

75. Item, Apocal. 19. 13. Et fecit (Antichristus)
signa magna, ut terram ignem faceret de caelo descen-
dere. Hic per ignem de caelo descendente intelli-
gant Euangelici excommunicationem Papae, ut Pa-
uellus Caluista lib. 2. de Antichristo, cap. 26. &
Balduinus Lutheranus in disputatione de Antichristo,
cap. 6. Ut hoc modo probent Papam esse Antichri-
stum, sed omnino ridiculo. Primum, quia eodem
sensu explicari possent sequentia loca. Luc. 9. 4.
Domine, vis dicimus, ut ignis de caelo descendat, id est,
ut descendat excommunicationis Papae. Et 4. Reg. 1. 10.
Helias dixit; Si homo Dei sum, descendat ignis de
caelo, ut deuoret te, & quinquaginta iuor, id est,
descendat excommunicationis Papae, ut deuoret vos. Se-
cundo, quia cum dicit Ioannes: Et fecit signa ma-
gna, ut terram faceret ignem de caelo descendere, plura
significat magnum signum seu miraculum fore, cum
Antichristus faciet ignem de caelo descendere: ito-
tale miraculum, quo decipiat homines, ut credant
esse opus diuinitatis. At quid, quod non quale mi-
raculum est, excommunicare hominem? Nullum
penitus.

76. Haec pauca exempla (vel sexcenta alia omni-
um) manifeste continent, Euangelicos non ha-
bere verum Euangelij sensum a Deo, sed vnum-
quemque ex suo cerebro fingere sibi sensum, quem
vult, atque adeo verum Euangelij sensum, multis
modis, praesertim adiectione, detractione, mutua-
tione. Opus. Bec.

A. uona, & falsa interpretatione ab eis corruptum esse
ac deprauatum. In quos optime quadrat illud Ter-
tulliani in libro de praescriptionibus, cap. 17. Ista ha-
eres non recipit quasdam Scripturas: & si quas re-
cipit, adlectionibus & detractionibus ad dispositio-
nem instituit suae inuentionis. Et si recipit, non re-
cipit integras. Et si aliquatenus integras praestat, nihil-
ominus diuersas expositiones commentaria peruersit.
Tantum veritatem obstrictis adulter sensus, quantum
& corruptor stylus.

Quarta Vlt.

Quomodo Euangelici argumententur ex Euangelio.

77. I Dem est argumentandi modus, qui interpre-
tandi. Hoc aliquot exemplis demonstrabo. Et
quidem in punctis, quae inter nos & ipsos contro-
ueruntur, cuiusmodi sunt haec. 1. de traditionibus,
2. de iudiciis, 3. de libero arbitrio, 4. de com-
munione sub utraque specie, 5. de inuocatione San-
ctorum, 6. de Antichristo, 7. de Ecclesia, 8. de capite
Ecclesiae, 9. de Primatu Ecclesiae Regio, 10. de fide
parulorum, 11. de usu caluum, 12. de matrimonio.
Ex his paucis est facili coniectura de aliis.

De Traditionibus.

78. Igitur Euangelici contra traditiones sic dispu-
tant ex Scriptura, Deus non vult, ut aliquid adda-
mus ad verbum Dei scriptum: ergo Catholici pec-
cant, qui addunt traditiones non scriptas. Anteco-
dens patet ex illo Deuter. 4. 2. Non additis ad ver-
bum, quod vobis loquitur. Ex cap. 12. 32. Quod praece-
pi tibi, haec facite, Domine, nec addas quicquam
nec minuas. Respondet. Haec duo testimonia ineptis-
sime citantur contra traditiones. Non enim intelli-
genda sunt de verbo Dei scripto quatenus opponitur
traditioni non scriptae, ut male interpretantur Euan-
gelici, sed praeus intelligendum est generatim de prae-
ceptis iudicialibus & ceremonialibus, quae tunc non
erant scripta, sed tantum viva voce a Deo per
Mose tradita: posterius speciatim de vno praecepto
ceremoniali, nempe de praecepto sacrificandi. Hoc
patet ex ipso contextu, qui posteriori loco illo habet.
Quando disperdideris Domini Deus tuus gentes, ad
quas inueneris possidentem, & possidentibus, quae
habitaueris in terrarum earum, aut in ciuitatibus earum, &
requiras ceremonias earum, dicens: Sicut fecerunt
gentes istae Deus suos, ita & ego faciam. Non facies sicut
militar Domini Deus tuus. Omnes enim abominationes
quas aliter aliter Domini, fecerunt Deus sui, offerentes
filios & filias & comburentes igni. Quod praecepto tibi
hoc tantum facito Domine, nec addas quicquam, nec
minuas. Sensus est, Quando veneris in terram Palesti-
nam, ad quam tendis, & obtuleris Domino Deo tuo
sacrificium, non imitaberis Gentiles, qui falsis diis
offerunt filios & filias per ignem, sed hoc tantum
offeres, quod ego tibi praecepi, nempe ex animalibus
ovibus, capris, hircis, boues, vitulos, columbos, pastores,
turtures, ex fructibus terrae, panem, simitum, salem,
thuris, manipulum spicarum, & ceterum: ex
liquoribus, sanguinem, vinum, oleum, aquam, & ceterum
facito Domine, nec addas quicquam, nec mi-
nuas.

79. Hinc, seruat proportionem, facile colligitur,
quis sit sensus, prioris testimonij, nempe hic: Ego de-
di vobis praecepta ceremonialia, quae praescribunt
ritum colendi Deum, & praecepta iudicialia, quae
praescribunt ritum seruandi iustitiam in rebus po-

litibus ac temporalibus. Veraque debent integra A
servare, sicut à me tradita sunt, non addendo quicquam ex ritu Gentilium, inter quos videtur estis, nec etiam aliquid detrahendo, verbi gratia: Dedi vobis præceptum ceremoniale de sacrificio, & prohibui ne offeratur ea, quæ à Gentilibus offerri solent, sed ea tantum, quæ à me speciatim determinata sunt, quibus nec addere, nec detrahere quicquam debetis. Similiter dedi vobis præceptum iudiciale de puniendis maleficiis. Hoc etiam servate. Nec licebit vobis vel grauiorem, vel minorem penam in illos statuere pro vobis arbitrio, sed simpliciter id facere. Ad id ego facendum esse statui. Idem est de ceteris præceptis in particulari.

10. Hic est legitimus sensus veteris testamenti, ut ex contextu patet. Quem sensum abbi aliis verbis explicat Scriptura. Nam quod hic dicit, *Non addes quicquid ad præcepta mea, quæ dedit vobis, nec minues, hoc alibi dicit, Non declinabis ab eis, vel ad dextram, vel ad sinistram.* Deut. 17. 20. *D. fca timere Dominum Deum suum, & custodire verba & ceremonias eius, neque declines in partem dextram vel sinistram.* Eccap. 18. 14. *Si audieris mandata Domini Dei tui, quæ ego præcipio tibi hodie, & non declinaveris ab eis, nec ad dextram, nec ad sinistram, &c.* Eccl. 31. 29. *Nou enim quod post mortem meam inique ageris, & declinabis cito de via, quam præcepi vobis.* Et Iosue. 1. 7. *Constitue te iuxta, & esto obstrictus valde, ut custodias & facias omnem legem, quam præcepit tibi. Atque si seruis meis, ne declines ab ea ad dextram vel ad sinistram.*

11. Igitur vis argumenti evangelicorum, ex priori testimonio, est hæc: Iudei debebant integre servare præcepta ceremonialia & iudicialia, quæ à Deo erant ipsis præscripta, nec poterant vel ad dextram vel ad sinistram ab eis declinare, id est, non poterant aliquid eorum, quæ præscripta erant, omittere, nec etiam ex ritibus Gentilium aliquid addere: Ergo nos Christiani, præter Scripturam, non debemus adnoscere Traditiones, quas à Christo & Apostolis acceperimus. Ex posteriori, hæc Iudei debebant ex tantum offerre in sacrificium, quæ à Deo erant determinata, nec poterant omittere aliquid eorum, quæ Deus fieri mandaverat, nec aliquid ex sacrificiis Gentilium adficere: Ergo nos Christiani non possumus servare Traditiones, quæ ab Apostolis ad nos peruenierunt, Spectatum admissi, si um teneatis amici.

12. Eiusdem farinae argumentum est, quod sumunt ex illo 1. Timoth. 3. 16. *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus.* Ex quo loco dupliciter argumentantur Evangelici. Aliqui sic: Omnis Scriptura est utilis ad docendum & arguendum. Ergo superflue sunt Traditiones. Perinde, ac si dicas: Omnis cibus est utilis ad nutriendum; Ergo superflue sunt potus. Vel, Omnis elemosyna est utilis ad salutem, Luc. 11. 41. Dan. 4. 24. Ergo superflue sunt oratio, superflue sunt sacra, superflue sunt sacramenta. Miteretis horum hominum.

13. Alii sic: Omnis Scriptura est utilis, id est, sufficiens; Ergo, superflue sunt Traditiones. Sed quæ hæc interpretatio est? An idem sunt utilem esse, & sufficientem esse? Si idem sunt, iam illud 1. Timoth. 4. 3. *Pietas ad omnia utilis est, hoc est sic interpretari, Pietas ad omnia sufficiens est.* Ergo reliqua omnia superflue sunt, superflue sunt cibus & potus, superflue sunt conciones, sacramenta, suspicia. Quare? quia pietas ad omnia utilis, id est, sufficiens est. Et similiter illud 1. Timoth. 4. 11. *Atque cum affinis, & ad doctrinam, est enim mihi utilis in ministerium, id est, iusta*

ficiens: Ergo Timotheus, Titus, Onesimus, & alij superflui sunt. Quis non videt, si hæc licentia interpretandi Scripturam semel admittatur, totam corrumpi & adulterari posse?

14. Sed ut clarius agnoscant evangelici suam interpretationem, textus Apostoli considerandus est. Igitur Apostolus in citato capite hortatur Timotheum Episcopum; ut suos subditos instruat in fide & bonis operibus, & redarguat adversarios, qui corrupti sunt, & reprobi circa fidem resistunt veritati. Et, ut ostendat eum id posse præstare, subdit: *Tu vero permansisti in his, quæ didicisti, & credita sunt tibi, sciens à quo didicisti, & quia ab infantia sceras litteras nostras, quæ te possunt instruere ad salutem, per fidem, quæ est in Christo Jesu; Omnis enim Scriptura utilis est, &c.* Vbi præter sacras litteras, quas ait Timotheum ab infantia novisse, intelligit Scripturam veteris Testamenti. Nam eo tempore, cum Timotheus erat infans, nondum erat Scriptura novi Testamenti.

15. Igitur Apostolus in illo textu hoc argumentatur: Omnis Scriptura divinitus inspirata, utilis est ad docendos subditos, & redarguendos adversarios: At Scriptura veteris Testamenti, quæ ab infantia novit, est divinitus inspirata: Ergo Scriptura veteris Testamenti utilis est ad docendos subditos, & redarguendos adversarios. Cum ergo cognitione Scripturæ veteris Testamenti instructus sis, magnum ex ea præsidium habes ad præstandum quod dixi.

16. Ex eodem principio licet sic concludere: Omnis Scriptura divinitus inspirata, utilis est ad docendum & arguendum: At Scriptura novi Testamenti est divinitus inspirata: Ergo est utilis ad docendum & arguendum. Qui ergo cognitione huius Scripturæ instructus est, magnum ex ea præsidium habet ad utrumque præstandum.

17. Porro, ex utroque discursu patet, hæc tres propositiones veras esse secundum Apostolum. 1. Omnis Scriptura divinitus inspirata, utilis est ad docendum & arguendum. 2. Scriptura veteris Testamenti utilis est ad docendum & arguendum. 3. Scriptura novi Testamenti utilis est ad docendum & arguendum. Sicut ergo non sequitur 1. Scriptura veteris Testamenti est utilis: Ergo Scriptura novi Testamenti est superflua: Nec contra; Scriptura novi Testamenti est utilis: Ergo Scriptura novi Testamenti est superflua: Ita etiam non sequitur; Veraque Scriptura, tam veteris, quam novi Testamenti est utilis: Ergo Traditio est superflua.

18. Si Evangelici hoc non aduertunt, ceteri sunt. Si aduertunt, reuocent errorem, nec deinceps Traditionibus tam infestis sint. præsertim cum Apostolus alibi eas commendat. Nam 2. Thess. 2. 14. sic scribit, *Itaque fratres, stete, & tenete Traditiones quas didicistis, sive per sermonem, sive per epistolam nostram.* Cur ex hoc loco, tam claro & perspicuo, non confirmant Traditiones, sicut nos facimus? Cur ex alio, perspicuo intellectu, reuocant Traditiones, quas Apostolus Thessalonicensibus tantopere commendat? Non video aliam causam, quam quia hæretici & perimaces sunt.

De fide iustificantiæ.

19. Evangelici docent, solam fidem iustificare, & sufficere ad salutem: quod probant ex illo Rom. 3. 28. *Arbitramur hominem iustificari per solam fidem.* Et Luc. 7. 50. *Fides tua te saluam fecit.* Luc. 8. 50. *Crede tantum, & salua eris.* Sed absque, ne quid dicam grauius. Nam primum locum manifeste pertrahunt, ut supra monui. Apostolus enim sic habet, *Arbitramur iustificari hominem per fidem, sine operibus*

legis, id est, Arbitramur opera legis Mosaicæ, seu ceremonias legales iam mortuas & abrogatas esse post aduentum Christi: & quamvis in veteri Testamento profuerunt ad iusticiam quandam legalem & externam; nunc tamen nihil prodesse ad iusticiam fidei, quæ consistit in interna renouatione animi. Euangelici cum Luthero sic vertunt, *Arbitramur iustificari hominem per solam fidem*. Magna perversitas. Nam constat ex aliis Scripturæ locis, hominem non sola fide, sed etiam spe, dilectione, oratione, Baptismo, Euangelio saluari & iustificari, Rom. 8. 24. *Spe salui facti sumus*. Et 1. Ioan. 3. 14. *Qui non diligit, manet in morte*. Et Philip. 1. 19. *Scio, quia hoc proueniet mihi ad salutem per uestram orationem*. Et ad Titum 3. 5. *Saluos nos fecit per lauacrum regenerationis*. Et 1. Cor. 15. 1. *Notum facio vobis Euangelium, per quod saluamini*.

90. Si in his singulis testimoniis adderemus particulam, *sola*, sicut fecit Lutherus in testimonio Apostoli ad Romanos; emergerent hæc propositiones. 1. Iustificamur per solam spem. 2. per solam dilectionem. 3. per solam orationem. 4. per solum Baptismum. 5. per solum Euangelium. Quid absurdius? Sed, an etiam Euangelici hanc glossam addituri sunt ad illum locum, 1. Tim. 2. 15. *Mulier saluabitur per filiorum generationem*, id est, per solam filiorum generationem? Si faciant, magnum erit privilegium pro vxoribus Prædicantium. Et deinceps impudenter erant adulteræ, impudenter criminatrices, modo filios generent.

91. Alter locus est, Lucæ 7. 50. *Fidestua te saluam fecit*. Hinc etiam colligunt Euangelici, solam fidem sufficere ad salutem. Sed eodem euentu, quo ante. Nam Christus, qui ibi dixit Magdalenz, *Fidestua te saluam fecit*; dixit etiam Simoni de Magdalena, *Remittuntur ei peccata multa, quoniam dilexit multum*. Verumque ergo verum est, *Fidestua te saluam fecit*, & *Dilectio tua te saluam fecit*. Et sicut hinc non licet inferre, solam dilectionem sufficere: ita nec inde, solam fidem sufficere. Vtraque necessaria est, & fides, & dilectio: magis tamen dilectio, iuxta illud 1. Corint. 13. 13. *Nunc autem manent, Fides, Spes, Caritas, tria hæc: maior autem horum est caritas*. Et paulo ante, *Si habuero omnem fidem, charitatem autem non habuero, nihil sum*. Vnde Augustinus lib. 15. de Trinitate c. 18. *Ipsam fidem non facis utilem, nisi caritas. Sine charitate quippe fides potest quidem esse, sed non & prodesse*. Quod confirmat ex illo Apostoli ad Gal. 5. 6. *In Christo Iesu, neque circumcisio aliquid valet, neque praputium, sed fides qua per charitatem operatur*. Nam fides non est efficax ad iustificandum sine charitate, iuxta illud Iacobi 2. 26. *Sicut corpus sine spiritu mortuum est, ita & fides sine operibus charitatis mortua est*.

92. Tertius locus est, Lucæ 8. 30. *Crede tantum, & salua eris*. Verba sunt Christi. Ex quibus concludunt Euangelici, solam fidem ad salutem efficere. Sed multo absurdius, quam ante (quanquam omnia absurdissime). Nam Christus non loquitur ibi de iustificatione, seu remissione peccati, sed de resurrectione puellæ mortuæ. Loquitur enim Iairo Principi Synagogæ, cuius filia moriebatur: Et dicit illi, *Noli timere, etiam si mortua sit filia tua: crede tantum, me posse illam resuscitare, & salua eris*. Quid hoc ad fidem iustificantem, de qua agimus? Nihil penitus. 1. quia fides iustificans respicit salutem animi, non corporis, ut Euangelici fatentur. 2. respicit salutem illius, qui habet fidem, non alterius. Non enim Petrus iustificatur per fidem Pauli, nec Paulus per fidem Petri, sed quisque per fidem quæ in ipso est.

De libero Arbitrio.

93. Euangelici docent, nos in hoc statu naturæ lapsæ non habere liberum arbitrium, sed amissum esse per peccatum primi parentis. Quod sic probant, Scriptura dicit, nos non posse bene aut male agere pro arbitrio, iuxta illud Isaia 41. 23. *Bene aut male, si potestis, facite*. Ergo non habemus libertatem arbitrij. Est argumentum Lutheri. Sed valde crassum. Nam Isaia non loquitur de hominibus, sed de idolis gentium. Et sicut David irridet idola gentium, Psal. 113. 12. cum ait; *Simulachra gentium, argentum & aurum, opera manuum hominum. Os habent, & non loquuntur: oculos habent, & non videbunt: nares habent, & non odorabunt*; Isaia exprobrat illis imbecillitatem, quod cum Dijs habeantur à stultis hominibus, non possint tamen bene aut male facere, id est, non possint cultoribus suis prodesse, nec contemptoribus nocere.

94. Itaque vis argumenti Lutherani est hæc: Idola, vel statua ex auro & argento facta, non possint suis cultoribus prodesse, nec aliis nocere. Ergo nos non habemus liberum arbitrium. Perinde ac si ita ratiocineris. Idola non possint ambulare: ergo nos non habemus pedes. Cur non etiam sic? Idola non habent cerebrum: Ergo Euangelici non sapiunt. Vel sic; Idola habent dura capita: Ergo Euangelici sunt pertinaces.

De Communionis sub utraque specie.

95. Euangelici docent, Christum non solum instituisse, sed etiam præcepisse communionem sub specie vini; ac proinde Catholicos, qui communicant tantum sub specie panis, peccare contra præceptum Christi. Hoc autem præceptum contineri illis verbis, Matth. 6. 27. *Bibite ex hoc omnes*. Urget hunc locum Calvinus lib. 4. Inst. cap. 17. §. 47. *Edictum, inquit, æterni Dei est, omnes bibant*. Et §. 48. *Præcipientis verba sunt, Bibite ex hoc calice omnes*. Sed Calvinus spectat nuda verba, non sensum; ideoque simplici lectori suum facit. Non enim voluit Christus, ut omnes absolute biberent ex eo calice, sed ut omnes Apostoli, qui præsentibus erant. Hoc patet ex ipso contextu. Cum enim diuisisset panem Eucharisticum in multas partes, & singulis Apostolis singulas porrexisset, calix autem eo modo diuidi non posset, vni ex Apostolis integrum porrexisset, cum hac cautione, ut non putaret totum sibi ebibendum esse, sed aliquid inde degustandum, ac deinde reliquis ordine porrigendum. Itaque verba illa, *Bibite ex hoc omnes*, idem valent, atque illa, Lucæ 22. 7. *Accipite & diuidite inter vos*, id est, vnus non exhauriat totum calicem, sed singuli aliquid bibant. Quod & factum est, ut testatur Marcus cap. 14. 24. *Et biberunt ex eo omnes*. Vtique illi omnes ex eo biberunt quibus dictum erat à Christo, *Bibite ex hoc omnes*.

96. Quid quæso hic difficultatis est? Nō plus, quam si paterfamilias, arrepto calice recentis musti, porrigeret eum filiis degustandum, cum hac formula, *Bibite ex hoc omnes*, id est, singuli modicum inde capiant: nemo solus totum exhauriat. An propterea, quotquot extra familiam illam essent, putarent se cogi præcepto, ut ex eodem calice mustum gustarent? Ridiculum sanè.

97. Sed instant Euangelici, hoc modo: Illis dictum est, *Bibite*, quibus dictum est, *manducate*: at hoc dictum est omnibus: ergo & illud. *Respondes*. Vel stupidi, vel importuni sunt, qui sic agunt. Iam ostendimus solis Apostolis præsentibus dictum esse, *Bibite*.
Ecc ij

uno libello, qui appellatur Ruth, qui magis ad regnorum principia videtur pertinere: Deinde, quatuor Regum, & duobus Paralipomenon, non consequentibus, sed quasi à latere adiunctis, simulque pergentibus. Hac est historia, quæ sibi met annexa tempora continet, atque ordinem rerum. Sunt alia; tanquam ex diverso ordine, quæ neque huic ordini, neque inter se connectuntur, sicut est Iob, & Tobias, & Esther, & Iudith, & Machabeorum libri duo, & Esdra duo, quæ magis subsequi videntur ordinem illam historiam, usque ad regnorum, vel Paralipomenon terminatam.

23. Deinde Prophetæ, in quibus David unus liber Psalmorum, & Solomonis tres, Proverborum, Cantica Canticorum & Ecclesiastes. Nam illi duo libri unus, qui Sapientia, & alius, qui Ecclesiasticus inscribitur, de quadam similitudine, Solomonis esse dicuntur. Nam Jesus filius Sirach eos scripsisse constantissime perhibetur. Qui tamen, quoniam in auctoritatem recipi meruerunt, inter propheticos numerandi sunt. Reliqui sunt eorum libri, qui propriè Prophetæ appellati sunt: Duodecim Prophetarum libri singuli, qui annexi sibi met, quoniam nunquam se iuncti sunt, pro uno habentur: quorum Prophetarum nomina sunt hæc: Osea, Joel, Amos, Abdias, Ionas, Michæas, Naum, Abacuc, Sophonias, Aggeus, Zacharias, Malachias. Deinde quatuor Prophetæ sunt maiorum voluminum, Isaias, Ieremias, Daniel, Ezechiel. His quadraginta quatuor libri veteris Testamenti terminantur auctoritas.

24. Non autem quatuor libri Evangelij, secundum Mattheum, Marcum, Lucam, Ioannem: quatuordecim Epistolæ Pauli Apostoli: Petri duabus: tribus Ioannis: una Iude & una Iacobi: Actibus Apostolorum libro uno: & Apocalypsis Ioannis libro uno. Hactenus Augustini verba.

25. Hinc perspicuè patet, eosdem planè libros tam veteris, quam novi Testamenti, fuisse olim in canonem receptos ab Augustino, qui postea à Gelasio, ac deinde à Concilio Florentino & Tridentino recepti sunt, & nunc etiam à Catholicis recipiuntur: Et Traditionem, quam vrgemus, à nostro tempore usque ad Augustini ætatem deduci posse. Sed & longius progredimur. Nam Augustinus eundem canonem, per eandem Traditionem accepit à Concilio Carthaginensi tertio, quod alij quintum aut sextum vocant: Et Patres huius Concilij ab Innocentio primo, epist. 3. ad Exuperium, c. 7. Vixit autem Innocentius anno Domini 402. Igitur ab illo tempore primitivæ Ecclesiæ ad nos usque per continuam Traditionem perseveravit idem ille Scripturarum Canon, quem nos Catholici nunc tenemus & amplectimur. Ex illo autem canone, ut initio dixi, non paucas partes pro suo arbitrio Evangelici exciderunt. In quos optimè quadrat, quod de Manichæis scripsit Augustinus in libro de bono perseverantia c. 11. *Scripturas sic accipiant, ut suo quodam privilegio, imo sacrilegio; quod volunt, sumant; quod nolunt, reiciant.*

26. Hoc clarius ostendi potest ex eo canon e, quem ipsi nunc habent. Quanquam is non unus, sed duplex est. Nam alium habent Lutherani, alium Calvinistæ, Lutherani ex suo Canone excludunt hos libros veteris Testamenti, Esther, Iudith, Tobiam, Sapientiam, Ecclesiasticum, Machabeos: Hos item novi Testamenti, Epistolam ad Hebræos, Epistolam Iacobi, epistolam Iudæ & Apocalypsin. Calvinistæ, hos in novo Testamento admittunt, illos è veteri excludunt. Igitur triplex hoc tempore est Canon Scripturarum 1. Catholicus. 2. Lutheranus. 3. Calvinianus. Nos Catholicum, ut ostendi, per continuatam Traditionem deducimus usque ad tempora primitivæ Ecclesiæ, cumque auctoritate Gelasij, Augustini,

A Innocentij, & omnium aliorum Patrum, qui interea in Ecclesia floruerunt, solide confirmamus. Quod nec Lutherani, nec Calvinistæ præstare possunt. Nam Canon Lutheran. nec à Catholicis, qui modo sunt, nec à Patribus & Conciliis citatis, nec ab ipsis Calvinistis, qui Lutheranorum fratres esse volunt, unquam admissus aut confirmatus est. Idem dico de Canone Calvinistarum. Neque enim Catholici, neque Patres & Concilia citata, neque Lutherani illum recipiunt.

27. Scio, quid dicturi sunt. Dicent alios esse Patres Augustino antiquiores, qui cum ipsis sentiant. Sunt autem hi fere decem: Melito Sardensis apud Eusebium li. 4. Historiæ Ecclesiasticæ, cap. 26. Origenes apud eundem lib. 6. cap. 18. Eusebius ipse, lib. 3. cap. 25. Athanasius in Synopsi, Hilarius præfatione in Psalmos, Epiphanius hæresi 8. Cyrillus Hierosolymitanus catechesi 4. Nazianzenus in carmine de veris & germanis Scripturæ libris. Hieronymus in Prologo Galeato, & in epist. 103. ad Paulinum Ruffinum in expositione symboli. Hi omnes consignant Canonem Scripturarum. Et quidem Melito, Hilarius, Epiphanius, Canonem veteris Testamenti, Eusebius, novi: reliqui utriusque, Omnes autem in suo Canone videntur dissentire à Catholicis, & favere Lutheranis ac Calvinistis. Sic enim passim hi iactant, sed falsè. Nam neque dissentiunt à Catholicis, neque favent Lutheranis & Calvinistis. Vtrumque perspicuè demonstrabo.

28. Ac primò non dissentire à Catholicis, certum est: quod ex duplici principio ostendi potest. Primum est: Quandiu quæstio aliqua ecclesiastica in utraque partem manet dubia, ita ut nihil adhuc certi in alteram partem ab Ecclesia definitum sit; tam diu liberum est, hanc vel illam partem probabiliter amplecti. Quando autem in alteram legitimè definita est, tunc illi parti adhaerere omnes debent. Alterum, Qui ante definitionem ecclesiæ, re adhuc dubia existente, unam partem probabiliter amplectuntur, non censentur propriè dissentire ab illis, qui post definitionem ecclesiæ, alteri adhaerent. Nam sicut hi adhaerent definitioni ecclesiæ, sic etiam alij fecissent, si res fuisset tunc definita. Et sicut alij ante definitionem ecclesiæ, probabilem partem amplexi sunt, sic etiam hi facerent, si Ecclesia nihil definiuisset. Non ergo propriè, hi illis contrarij sunt.

29. Ac sic fit in proposito. Nam ante Innocentium Primum, nondum erat certè definitum ab ecclesia, qui libri essent Canonici, qui non essent; ac proinde Melito, Origenes, Eusebius, Athanasius, Hilarius, Epiphanius, Cyrillus, Nazianzenus, Hieronymus, Ruffinus, alterutram partem probabiliter amplecti poterant. Ac post definitionem ecclesiæ (quæ primitivè ab Innocentio facta, & postea in variis Conciliis confirmata est) Augustinus, & reliqui Patres, definitioni ecclesiæ adhaeserunt. Ergo propriè non censentur dissensisse ab iis, qui ante definitionem ecclesiæ, alterutram partem probabiliter secuti sunt.

30. Hic discursus, generatim loquendo, per se clarissimus est. Indiget tamen aliqua declaratione in particulari. Igitur ante definitionem ecclesiæ, tametsi certè apud omnes constaret, quosdam libros, tam veteris, quam novi Testamenti, Canonicos esse, de nonnullis tamen erat dubium, præsertim de his. Esther, Iudith, Tobia, Sapientia, Ecclesiastico, Machabeis, Epistola ad Hebræos, Epistola Iacobi & Iudæ, posteriore Petri, secunda & tertia Ioannis, Apocalypsi, libello Pastoris, Revelatione Petri, Actibus Petri, &c.

31. Huc patet ex authoribus citatis. Nam Origenes

Hilarius, Epiphanius, Cyrillus, Hieronymus, Rufinus posuerunt librum Esther in Canone: Mehto & Nazianzenus excluderunt: Athanasius nihil certi determinavit. De Tobia & Iudith, dubie loquitur Hilarius: de Sapientia & Ecclesiastico, Epiphanius. Similiter, de Epistola ad Hebræos, de posteriore Petri, de secunda & tertia Ioannis, dubitatum est apud Origenem. Apocalypsis posita fuit in Canone ab Athanasio, Rufino, Hieronymo, Origene: omissa à Cyrillo & Nazianzeno: in dubium vocata ab Eusebio. Denique de his & similibus, idem Euseb. libro tertio capite vigesimo quinto, sic scribit; *Ut omnem noui Testamenti Canonem designemus, primò nobis omnium Euangeliorum celestis quadriga iungatur: his Actus Apostolorum copulentur: post hos, Pauli epistola socientur: consequatur verò has, prima Ioannis epistola, similiter & Petri prima. Hæc sunt, de quibus nulla unquam prorsus existit dubitatio. Sequenti loco iam sum illa, de quibus à nonnullis dubitatum est, Reuelatio Ioannis, Epistola Iacobi & Iudæ: Petri quoque secunda, & item Ioannis secunda, & tertia. Post has iam Scriptura est, qua dicitur Actus Pauli; sed & libellus, qui appellatur Pastoris, & Reuelatio Petri, de quibus quàm maximè dubitatur. Ferunt etiam Barnabæ Epistola, & Doctrina, qua dicitur Apostolorum. Quidam autem his sociant etiam Euangelium, quod dicitur secundum Hebræos, quo præcipue videntur illi Hebræi, qui Christum suscipere videntur, sed in Ecclesia ei contradicatur, &c.*

31. Hæc omnis dubitatio per Innocentium Papam sublata est, qui rogatus ab Exuperio, Episcopo Tolosano, quid de his dubiis libris statuendum esset, Apostolica autoritate definiuit, in Canone ponendos esse, quos iam nos ponimus; excludendos alios. Quam definitionem secutus est Augustinus cum aliis Episcopis Africæ, in Concilio Carthaginensi: Exuperius cum Episcopis Galliarum: Gelasius in Concilio Romano: totus denique orbis Christianus, usque ad hæc nostra tempora. Soli ferè Lutherani & Calvinistæ, qui se euangelicos vocant, sine causa tergiversantur; & à consensu tot Patrum & Conciliorum, ad paucos illos Patres, qui ante definitionem Innocentij scripserunt, importunè protuocant. Sed frustra. Nam Patres illi nullo modo ipsis patrocinantur. Quod ex dictis facile probari potest.

32. Primò, quia Patres illi inter se non conueniunt in Canone. Nec mirum. Nam cum res nondum esset definita ab ecclesia, alij hanc, alij illam partem probabiliter sequebantur. Ergo non omnes saltem possunt allegari pro Lutheranis & Calvinistis, nisi Lutherani & Calvinistæ velint discrepantem eorù sententias sequi. Secundò, nec Lutherani & Calvinistæ inter se conueniunt in Canone. Nam Calvinistæ admittunt Epistolam ad Hebræos, Epistolam Iacobi & Iudæ, & Apocalypsin Ioannis, quas reiciunt Lutherani. Ergo, si qui Patres fauent Calvinistis, non fauent Lutheranis: & vicissim, si qui his fauent, illis non fauent. Tertio, plerique ex illis Patribus ingenuè fatentur, de quibusdam libris dubium esse, an sint Canonici, nec ne. At Lutherani & Calvinistæ non volunt esse dubium, sed certum: Ergo aliunde, quàm ex illis Patribus, debent ostendere certitudinem, quod tamen non faciunt. Atque hæc generalia sunt argumenta.

33. Addo hæc specialia. Primò, Origenes, Hilarius, Epiphanius, Cyrillus, Hieronymus, Rufinus admittunt librum Esther, quem Lutherani & Calvinistæ reiciunt. Ergo saltem illi sex non fauent Lutheranis & Calvinistis. Secundò, Origenes, Athanasius, Hieronymus, Rufinus admittunt Apocalypsin quam Lutherani reiciunt: Et è contrario, Cyrillus

A & Nazianzenus reiciunt apocalypsin, quam Calvinistæ admittunt. Ergo priores Patres repugnant Lutheranis; posteriores Calvinistis. Tertio, Aliqui ex illis Patribus dubitant de Tobia, Iudith, Ecclesiastico, Sapientia, an pertineant ad Canonem, nec ne. At Lutherani & Calvinistæ certò affirmant esse extra Canonem: ergo hanc certitudinem non habent ab illis Patribus. Vnde ergo.

34. Concludo, nihil præsidij ex tota antiquitate pro se habere Euangelicos: nullum Concilium, nullos Patres posse adduci, qui per omnia probent ipsorum Canonem. Nam Patres, qui scripserunt ante Innocentium, in multis ab illis discrepant, ut iam ostensum est. Qui autem secuti sunt Innocentium, nostrum Canonem consignarunt, & per continuatam multorum sæculorum Traditionem, nobis reliquerunt. Hoc nuper in familiari congressu, modestè ac amicè obieci quibusdam Euangelicis: Qui primò quidem non credebant rem ita habere, ut dixi; sed, cum allatis in medium Augustini & aliorum Patrum libris, apertè rem totam demonstrassem, falsi sunt se hoc præsidio destitutos, iam non alio, quàm ad Iudæorum auctoritatem posse confugere, & corum Canonem sequi ac venerari. Sed, quod miserum periculum! An putant, omnes Christianos errasse hætenus in Canone; solos Iudæos non errasse? Cur igitur non respuunt Canonem noui Testamenti, quem Iudæi ceperunt? An etiam Christum negaturi sunt, quia Iudæi illum negant?

35. Sed tamen, quia Iudæorum Canonem pro se allegant, dicam quod res est. Fateor, in Canone Iudæorum, qui tempore Esdræ consignatus est, non fuisse Tobiam, Iudith, Sapientiam, Ecclesiasticum, Machabæos. At inde non sequitur, excludendos esse ex Canone, quem Christiani nunc habent. Primò, quia grauissimi Authores scribunt, præter Canonem, qui tempore Esdræ consignatus est, fuisse alium Canonem, qui multò post fuerit consignatus. Itaque libros illos, tametsi in priori Canone non fuerint, fuisse tamen in posteriori, & ex illo translatos in Canonem Christianorum. De quare videri potest Genebrardus lib. 2. Chronologiae & Serranus in prolegomenis Bibliacis capite 8. questione 16.

36. Secundò, ut hoc non sit minimè necesse est, ut illi soli habeantur Canonici apud Christianos, qui tales habiti sunt apud Iudæos, ut rectè notat Augustinus lib. 18. de ciuitate Dei cap. 36. cum ait: *Machabæorum libro, non Iudæi, sed Ecclesia pro Canonici habet.* Et ratio manifesta est, quia libri Machabæorum nondum erant scripti tempore Esdræ quando Canon Iudæorum consignatus est. Quid ergo mirum si in illum Canonem relati non fuerint? Idem post Augustinum notauit Isidorus in libro Prolegomenorum, de libris veteris ac noui Testamenti, *Hebræi, inquit, non recipiunt libros Tobia, Iudith & Machabæorum; Ecclesia tamen eosdem inter Canonicas Scripturas enumerat.* Et item, *Sapientia & Ecclesiasticus parem cum reliquis Canonicis libris tenere noscuntur auctoritatem.*

37. Et lib. 6. etymolog. cap. 1. scribit, Hebræos facere tres ordines librorum veteris Testamenti: Primum legis, secundum Prophetarum, tertium Hagiographorum: Et in primo ordine ponere quinque libros Moysi. In secundo librum Iouæ, Iudicum, primum & secundum Regum, Isaiam, Hieremiam, Ezechielem, & duodecim minores Prophetas. In tertio, Job, Psalterium, Proverbia, Ecclesiasten, Cantica canticorum, Daniëlem, duos libros Paralipomenon, Esdras, Esther. Præter hos tres ordines, ait quartum à Christianis additum esse. Quartus,

inquit, est apud nos ordo veteris Testamenti eorum librorum, qui in Canone Hebraico non sunt. Quorum primus Sapientia liber est: secundus, Ecclesiasticus: tertius, Tobias: quartus Judith: quintus & sextus, Machabæorum.

38. Atque hæc sufficiant de Canone scripturarum. Vnde summam colligo, Canonem quem noui Evangelici nunc habent, non esse sincerum ac legitimum; quia nec à Catholicis, qui modo sunt, nec à Patribus, qui Innocentium præcesserunt, nec ab aliis, qui illum secuti sunt, receptus aut confirmatus est. Nec ex Iudæorum Canone confirmari potest, ut iam proximè ex Augustino & Isidoro demonstravi. Maneat ergo, quod initio dixi, Evangelicos accepisse quidem integrum euangelium à Catholicis, sed multas inde partes exemisse & decoxisse; idcircoque non Evangelicos, sed Decoctores euangelij vocandos esse.

QUESTIO V.

An Evangelici habeant legitimam Evangelij versionem?

39. **M**ira res. Evangelici admittunt sacra Biblia (tametsi fœdè mutilata,) quæ à nostris maioribus tradita ipsis sunt: non admittunt versionem, quæ similiter à nostris maioribus tradita ipsis est. Non, inquam, admittunt veterem & vulgatam Editionem, quæ tot sæculis in Ecclesia viguit, & communi Christianorum consensu recepta, & à Concilio Tridentino confirmata est. Nouas versiones quotidie moluntur, latinas & vernaculas omnis generis.

40. Latine sunt hæc. Prima Sebastiani Munsteri, Anno 1534. & 1546. quæ est omnium celeberrima. Secunda Occolampadij, Anno 1535. Tertia Leonis Iudæ, & Theodori Bibliandti, quam Leo, ex Iudæo Zuinglianus factus, inchoauit; Bibliander, adiuvantibus Conrado Pelicano & Petro Cholino perfecit anno 1544. Et solent vocari Biblia Tigurina, quodd Tiguri edita sint. Quarta Sebastiani Castalionis, anno 1556. Basileæ. Quinta Iunii & Tremellj, primum Genevæ edita anno 1590. & postea Hano-viæ anno 1602. Sexta Theodori Bezzæ, Elisabethæ Regina Angliæ dedicata. Septima Genevensis, quæ teste Genebrardo præfatione in Origenem, est rhapsodia ex variis Munsteri, & aliorum parvis ac cenoni-bus confusa.

41. Vernaculæ sunt plures. Prima Germanica Lutheri, sæpius ab ipso recognita. Secunda, Germanica Tigurinorum in Helvetia. Tertia, Belgica. Quarta, Polonica. Quinta, Danica. Sexta, Gallica Genevensis. Septima, Gallica Castalionis. Octava, Anglica Londinensis. Nona, Italica sine loci & authoris nomine, quæ Genevæ statim edita, anno 1562. ut ex typo colligitur. Decima, Hispanica, etiam sine loci & authoris nomine, quæ apud Bernates in Helvetia videtur evulgata, quia præfixum habet Vrsum, vastantem ac vorantem mel. Præter has generales, vel utriusque vel alterius testamenti versiones, sunt etiam speciales propè infinitæ. Nam aliqui ex Evangelicis præteritum, ut Bucerus, Calvinus, Musculus, alij alias partes transtulerunt.

42. Quid porro de hac tanta versionum varietate sentiant, tum ipsi Evangelici, qui earum autores sunt, tum etiam Catholici, paucis explicandum est. Evangelici sic sentiunt. Lutherus in comment. de novissimis Davidis verbis, in præfatione; Omnino,

A inquit, melius esset, omisso studio Hebraica lingua, simpliciter retinere illam hæcenus receptam & usitatam versionem Bibliorum, quam tot novas versiones cumulari, quibus nihil proficitur, nisi quod dissimilitudo & discrepantia lectionum, memoriam legentium turbat, & studium remoratur, ac in multis locis incertiora, quam fuerat, dimittit. Et in libro prophetiarum suarum, qui à Georgio Vvaldero, Hallensi Prædicante collectus est, T& multa, inquit, nostræ tempore sunt versiones Bibliorum, ut paulatim tam multa futura sint Biblia, quam multi scilicet in Hebraica lingua magistros sese proficiuntur.

43. Et Rheucelinus (alias Capnion) in Hebræas concordantias Rabbi Nathan, multa translationes Bibliorum in lucem prodeunt, quas melius fuisset non natas esse, vel statim interisse. Addit Kemnitius in prima parte Examinis, sect. 4. Vnde est, exstare certam aliquam versionem, quæ in citationibus allegatur. Et V Vitæcerus controuersia 1. q. 2. cap. 7. Consultæ factura esset Ecclesia, si non cuius pro arbitrata suo permitteret novam versionem edere.

44. Similiter Robertus Stephanus initio suorum Bibliorum anno 1557. Nullum vertendorum Bibliorum finem fieri, & non minus varias eorum interpretationes, quam varios interpretes hodie existere, iam pridem multi queruntur, qui ex re Ecclesiæ esse existimant, certam aliquam ex tanto numero eligere, &c. In hac cum & nos opinione essemus, &c.

45. Denique, ut alios omittam Theodorus Beza in cap. 10. Actuum Apostolorum, in digressionem, de dono linguarum; Eo res iam devenit, ut qui scripturam ex Græco convertunt in latinum, aut aliud aliquod idioma, quidvis sibi in interpretando licere putent. Quos si reprehendas, statim audies, interpretis officio fungi, non qui verbum convertat à verbo, sed qui sententiam exprimat. Ita fit ut dum quisque iudicium suum libere sequi mavult, quam religiose Spiritus sancti interpretem agere, plurima non tam convertat, quam pervertat. Cuiuslibet & audacia nisi occurratur, ne ante ego vehementer fallor, ante intra paucos annos, paulatim ipsarum, quoque rerum possessione depellemur.

46. Nec dissimilis est censura de singulis versionibus in particulari. Lutheri versionem carpunt Tigurini, Osiandri, Bucerus, Munsterus, Lutherus ipse. Nam Tigurini multis sanis illam excipiunt, conqueritur Stoltzius in defensione Lutheri. Osiandri obiciunt illi dolum & falsitatem: Bucerus, manifestos & non paucos lapsus: Munsterus, multorum versuum omissionem. Denique Lutherus ipse post 10. annos fatius est, se crebrius errasse, ed quod Rabinorum glossis nimium credidisset, ut testatur Cochleus in Actis Lutheri, Lindanus in Dubitantio, & alij.

47. Versionem Bezzæ damnat Castalio in præfatione ad Anglam, Samuel Huberus in libro de ultimæ tubæ clangoribus, Hugo Bruchtonus, & quis non? Vicissim versionem Castalionis reprehendit Beza in suis annotationibus, tanquam falsam, ineptam, imperitam, audacem, blasphemam, vitiosam, ridiculam, execrandam, erroneam, impiam, peruersam. Et in responsione ad defensiones Castalionis, de eadem sic loquitur; Translationem novæ Testamenti, tum Latinam, tum Gallicam, à Sebastiani Castalione istic scriptam & excusam, optimo iure reprehensam fuisse in meis annotationibus, non solum ut indoctam sed etiam ut multis locis impiam, & à Sancti Spiritus sententia prorsus discrepantem, vobis, ut existimo, non constabat, cum edenda sua defensionis potestatem illi faceretur; sed nunc tandem, ut spero, conspicue intelligitis.

48. Munsteri versionem perstringunt Tigurini &

Pelicanus in suis præfationibus. Denique cum Tigurina Biblia à Typographo oblata essent Luthero, hoc responsum ab eo accepit: *Ne posthac mihi aliquid mittas, quod à ministris Tigurina Ecclesia profectum sit. Nullum enim cum eis posthac commercium habere, nec eorum libros recipere aut legere uolo, quandoquidem ipsi iam damnati sunt, & alios quoque miseros homines secum ad inferos abducunt, &c.* Ita refert Hospi-
 1544. nianus Caluinita in historia Sacramentaria, anno

39. Hæc Euangelici de Euangelicis; Venio ad Catholicos. Ex iis multi accuratè de hac re scripserunt, præsertim Cochleus in Actis Lutheri, & in libello de nouis translationibus, Genebrardus præfatione in Origenem, Serarius in Prolegomenis Bibliacis, c. 10. Gresserus in primo tomo defensionis Bellarminianæ, & alij. Omnes sentiunt, nouas illas Euangelicorum versiones, nullo modo tolerari posse ac debere. Et merito. 1. quia à malis authoribus prodierunt. 2. quia eò spectant, ut veterem ac vulgatam editionem penitus aboleant. 3. quia corruptæ ac vitiosæ sunt. 4. quia Iudaismum introducunt. 5. quia planè ridiculæ sunt. 6. quia Grammaticam potius quàm Theologiam sapiunt. 7. quia sunt aridæ, insipidæ & sine Spiritu. 8. quia inter se pugnantes. 9. quia variabiles & inconstantes. De singulis dicam aliquid.

I. Vitium nouarum versionum.

40. Primò igitur, versionum istarum non boni authores sunt. Nam aliqui ex illis fuerunt Monachi apostatæ, ut Lutherus, Munsterus, Oecolampadius, Pelicanus, Bucerus. Alij, primùm Iudæi, mox Zuingliani, ut Leo Iuda, minister Tigurinus. Alij, primùm Iudæi, deinde Monachi, tum apostatæ, deinde Caluinitæ, ut Tremellius. Alij primùm Christiani, tum athei, dehinc Caluinitæ, ut Franciscus Junius, qui per integrum biennium fuit atheus, ut ipsemet scribit in vita sua. Alij denique lasciuia & luxuria diffuentes ut Calvinus, Beza, & plerique iam nominati. Quid boni in re sacra ac diuina ab his sperare possis? *Mali corui, malum ouum.*

41. Certè Lutherus, ut alios præteream, ita scribit de hac materia, partim in colloquiis mensalibus, partim in præfationibus librorum noui Testamenti, ut merito suspectus esse debeat. Sunt autem hæc ipsius placita. 1. Argumentum libri est ferè, ut argumentum fabulæ. 2. Scriptor illius libri scripsit eo modo, quo Terentius scripsit suas comædias. 3. Non credo omnia facta esse eo modo, quo in libro Iob referuntur. 4. Odi librum Esther, & cuperem non exstare. 5. Liber Tobie est poemata in quo de mulieribus agitur, & exemplar administrandæ familiaris. 6. Multa in hoc libro ridicula & stulta continentur. 7. Liber Iudith non est historia, sed figmentum, compositum ad imitationem Virgilianæ Æneidos & Homerice Iliados. 8. Author libri, qui Ecclesiastes inscribitur, videtur ocreis & calcaribus destitutus, equitare tantum in soccis, sicut ego soleo, cum adhuc essem in cœnobio. 9. Ecclesiasticus, qui hunc librum composuit est concionator legalis & Iurista: docet, quomodo vita hæc externa & civilis benè sit instituenda; sed non est Propheta; nihil docet de Christo. Est liber, sicut Thalmuth, ex variis libris collectus. 10. Libri Regum præcedunt centum & mille cubitos scripto Paralipomenon. Idèò libris Regum plus credendum, quàm libris Paralipomenon. 11. Multa in libro Apocalypsis desidero, ut neque Apostolicum, neque Propheticum

iudicem. 12. Nullo modo aduertere queo à Spiritu sancto compositum esse. 13. Spiritus meus non potest cum hoc libro concordare. 14. Epistola Iacobi, comparatione euangelij, straminea est, & Apostolico Spiritu destituta. 15. Ioannis Euangelium est vnicum, tenerum, verum, genuinum & principale Euangelium, & tribus reliquis longè longè, præferendum & anteponendum. Hæc Lutherus. Quis credat hunc hominem in vertendis Bibliis à Spiritu sancto fuisse illuminatum? Eadem est ratio de aliis, quos recensui.

II. Vitium.

42. Secundò, Hæc potissimùm agunt noui isti verfores, ut suis versionibus veterem ac vulgatam Editionem penitus obsecurent & aboleant. In quare imitantur Aquilam, Symmachum & Theodotionem, qui & ipsi nouas versiones olim moliti sunt; in eum finem, ut abolerent versionem Lxx. Interpretum, quæ tunc erat celeberrima: Et ut omnia oracula & vaticinia de Christo, quæ à Lxx. Interpretibus clare erant expressa, in gratiam Iudæorum redderent obscuriora, ut testatur D. Hieronymus prologo in Iob à se versum, Epiphanius in libro de ponderibus & mensuris, & alij plures. Hos, inquam, imitantur nostri Euangelici. Volunt vulgatam Editionem supprimere, & clariora quædam illius testimonia, quæ ipsorum hæc resibus contraria sunt, penitus obcurare. Exempla obuiasunt, ut iam videbimus.

III. Vitium.

43. Tertiò, Versiones Euangelicorum, tum aliis, tum his potissimùm modis corruptæ ac deprauatæ sunt. 1. adiectione, 2. detractio, 3. mutatione, Adiectione. Nam 1. Cor. 9. 5. vbi Apostolus dicit, *Nam quid non habemus potestatem mulierem sororem circumducendi?* Lutherus de suo adiecit; *in uxorem.* Similiter Rom. 3. 18. vbi Apostolus dicit; *Arbitramur iustificari hominem per fidem;* Lutherus adiecit; *sola.* Et rogatus ab amico, cur id fecisset, respondit his verbis; *Sic tuus Papista morosum & difficilem præbere se vult de voce, (Sola) statim dic; Papista, & asinus eadem res est: Sic volo, sic iubeo: sit pro ratione voluntas. Nolumus enim Papistarum esse discipuli, sed præceptores.* Et infra; *Rogate, ne quid aliud huiusmodi a se illis respondeat de voce (Sola) sed tantum dicas; Lutherus vult: ille Doctores est omnium Doctorum in Papatu, &c.* (In epistola ad amicum, de voce, Sola.)

44. Detractione. Nam Act. 15. 41. Beza & alij Euangelici omittunt totum illum versiculum; *Præcipiens custodiri præcepta Apostolorum & seniorum.* Et 2. Pet. 1. 10. vbi Apostolus ait; *Satage, ut per bona opera certam vestram vocationem & electionem faciatis;* omittunt tres illas voculas, *per bona opera.* Nimirum, oderunt bona opera, contenti suo sterquilinio; nec volunt Apostolis & senioribus subiecti esse.

45. Mutatione. Nam Lucæ 12. 25. vbi Græcus textus habet: *ἢ τί τὸ ποτὶς ἰσχυρὸν ἐστὶν ἐν ἐμοὶ αἷμα;* id est, *hoc poculum nouum Testamentum est in meo sanguine, quod pro vobis effunditur:* Beza sic mutauit, *ἢ τί τὸ ποτὶς ἰσχυρὸν ἐστὶν ἐν ἐμοὶ αἷμα;* id est, *in meo sanguine, qui pro vobis effunditur.* Ne scilicet cogeretur fateri, quod Catholici vident, in illo poculo, quod Christus in vltima cœna dedit Apostolis, fuisse sanguinem Christi. Quæ hæc impostura est?

IV. Vitium.

46. Quartò, Versores illi nihil aliud ferè spirant, quàm Rabinismum; ut Iudæos potius dixeris, quàm Christianos. Eminent in hoc genere Munsterus, qui in suis Notationibus ad nauseam repetit has voculas, *Rabi Salomon, David Kimbi, Aben Ezra, Rabi Menahem, Rabi Moses de Cozi, Moses Gerundensis, Arba Tora, Rabi Calonymus, Rabi Jacob, Abraham de palmis, &c.* Vix unquam inuenies nomen Hieronymi, Augustini, Ambrosij, Gregorij, Chrysostomi, Basilij, Cyrilli, Nazianzeni. Omnia Rabinus plena sunt. Putant enim boni isti Euangelici, latentem thesaurum reperiri posse in libris Rabinorum, qui apud Christianos reperiri non possit. In quo magnopere falluntur, teste Luthero, in præfatione super Psalterium, ubi ait; *se sperasse recentiores Hebræos adducturos eximium quid & pretiosum; sed sibi idem evenire, quod olim Salomoni, qui cum speraret pretiosissima queque ex India se accepturum, mihi aliud acceperit, quàm simias & pavones.* Plerosque versores simias imitari, & vel Rabinos, vel veterem translationem referre; vel interpretationes suas pavonum quasi ornamenti insignire, immixtis Hebræicis vocabulis, &c. Vide Matthæum concionæ 12. de vita & actis Lutheri.

V. Vitium.

47. Quintò, Planè ridiculi sunt innouandis hominum & locorum propriis nominibus: Nec ridiculi modo, sed etiam obicuri ut à paucis intelligi vix possint. Nam ubi nos in vulgata editione habemus, *Isaias, Hieremias, Ezechiel, Osæ, Abdias, Micheas, Habacuc, Sophonias;* Iunius & Tremellius vertunt; *Ieschabiah, Iirmeia, Iechazkel, Hoscheah, Hobadia, Mica, Chabakkuk, Tzephania.* Et ubi nos legimus: *Visio Isaiæ filij Amos, quam vidit super Judam & Ierusalem in diebus Ozia, Ioathan, Achaz, & Ezechia Regum Iudæ;* Oecolampadius vertit, *Visio Iesaiæ filij Amos quam vidit super Iehudab & Ierusalem, in diebus Tziabon, Iothan, Abhar, Iehbizkiah Regum Iehudab.*

48. Similiter, ubi nos legimus: *Verba Ieremiæ filij Helcia, de sacerdotibus, qui fuerunt in Anathoth, in terra Benjamin;* Iunius & Tremellius legunt, *Verba Iirmeia filij Chilkia, de sacerdotibus, qui erant Hana-thoth, in terra Benjaminis.* Munsterus verdò, *Verba Iirmeia in filij Hilkiah, de sacerdotibus, qui erant in Anathoth in terra Benjamin.*

49. Item, ubi nos legimus: *Verbum Domini, quod factum est ad Sophoniam filium Chusi, filij Godolia, filij Amaria, filij Ezechia.* &c. Illi sic vertunt, *Verbum Iehoua, quod fuit ad Gzephania filiam Cuschi, filij Gedalia, filij Amaria, filij Chizkia.* et rursum, ubi nos, *Nonne frater erat Esau Iacob, dicit Dominus, & dilexi Iacob, Esau autem odio habui?* Illi sic, *Nonne frater fuit Hosaia Iahakob?* dicitur Iehoua: *Dilexi autem Iahakobum, Hosaum verò odio habui:* Quæ hæc nominum portenta sunt? Si reuiuiscerent maiores nostri, putarent nostra Biblia interuisse, & alia in illorum locum subiogata.

VI. Vitium.

50. Sextò, Grammaticam magis olent, quàm Theologiam. De qua re conqueritur Genebrardus, præfatione in Origenem, his verbis. *Castalionis versio est affectata, plus habens pompæ & phalarum, quàm rei & firmitatis: plus ostentationis, quàm substantia: plus*

A fuci, quàm succi: plus humanis, quàm Spiritus: plus fumus, quàm flamma: plus humanarum cogitationum, quàm diuinorum sensuum: plus filiorum, quàm fructuum. Tot verbis vix adhuc explico hominis vanitatem. Elegantiæ polletur, & tamen verba interdum vsurpat alienissima à Ciceronis puritate. Præterea ex inferis suscitatis Genios, pollubra & similia pœgana vocabula, quæ pridem sepulta oportuit, nudum in Scripturæ contextum illata. *Mysteria ex oculis subducit, submutatis verbis.* Vbi dixit Deus, *Fiat firmamentum:* ille, *Iussit Deus, ut vllum diuini verbi, per quod omnia facta sunt, vestigium in prima verum conditione appareat.*

51. Et Beza in Castalionem; *De Latino sermone; quantum ipse tibi placeat, nemo non videt.* Et paulò post: *Arbitror inueterandam esse audaciam, si quis ab illa nuda quidem & simplici; sed vere tamen diuina & plena masculina maiestatis elocutione discedat.* Prophetici & Apostolici sermonis puritatem, quasi fucò quodam orationis inficiat. Et infra, *Mirari vetera & omnibus tria vocabula expunxisse, ut noua & plerisque obscura substitueres.* Et iterum: *cum de re constet, & vocabula longissimo vsu tria sunt omnibus, vnde tandem hoc nouandi studium, nisi ex studio & ambitioso ingenio?*

VII. Vitium.

52. Septimò, Hinc fit, ut arida, insipida, & sine Spiritu sint huiusmodi versiones, quod vnico exemplo facile ostendam. In vulgata Editione sic legimus: *Dixit Dominus Domino meo, sede à dextris meis, donec ponam inimicos tuos scabellum pedum tuorum.* Quæ verba cum sequentibus, non modo clara sunt, sed etiam mellita, suauia, & plena Spiritu ac consolatione. Iunius & Tremellius sic vertunt: *Dixit Iehoua Domino meo, sede ad dexteram meam, donec disposuerò inimicos tuos in scabellum pedum tuorum.* Scipionem robustum tuum emissurus est Iehoua, Tziane, dicens, Dominare in medio inimicorum tuorum. Populus tuus populus voluntarius discipulorum tuorum in decoris locis sanctitatis: Indò ab utero sibi adierit iuuentia tua accuratissime. Castalio sic vertit: *Ait Iona Domino meo sede ad meam dexteram, donec tuos hostes effecerò scabellum pedum tuorum. Sceptum tua potentia mihi ter ex Sione Iona ad dominandum inter hostes tuos.*

D *Tua copia voluntaria eruit, quæ dicit expeditionem cum sacra maiestate facies: ex utero aurora habebis rorem tuæ iuuentutis. Quam hæc sicca, arida, spinosa, & tetrica sunt! Aptissima tamen ad cantum à choro eliminandum. Non enim video, quis contentus ex huiusmodi verbis, vel ad aures fidelium oblectandas, vel ad animos in Deum erigendos, oriri possit.*

VIII. Vitium.

53. Octauò, Mirè inter se dissentiunt versores Euangelici, ut ex Cochleto & Grotio ostendi potest hoc exemplo. Nos in citato Psalmo sic legimus: *Tecum principium in die virtutis tuæ in splendoribus sanctorum; ex utero ante Luciferum genuite.* Euangelici, quisque pro suo spiritu ac cerebro, sic vertunt. 1. Lutherus, *Post victoriam tuam offeret tibi spontaneæ populus tuus in sancto docere: filii tui nascentur tibi, sicut ros ex aurora.* 2. Pelicanus: *Populus tuus oblationes liberales in die virtutis tuæ in decoribus sanctitatis ex utero aurora tibi ros generationis tuæ.* 3. Felinus, vel potius Buccius: *Populus tuus adierit spontaneus in die, quo virtutem tuam declarabis, in urbe sancto splendore insigni, ut ros maturus adierit ab utero iuuentutis tuæ.* 4. Munsterus: *Populus tuus spontaneus est (voluntarius) in die exercitus tuæ, in magnificentissimis sanctitatis, ab utero au-*

aurora est tibi res maiestatis. 3. Iamius & Tremellius: Populus tuus populus voluntarius die copiarum tuarum, in decoris locis sanctitatis: inde ab utero tibi aderit & iuveniet tua accuratissimi. 6. Castalio. Tua copia voluntaria erunt, qua die expeditionem cum sacra maiestate facies: Ex utero aurora habebis rorem tua iuvenietis. 7. Zuinglius in suo Psalterio: Populus autem tuus in die triumphi tui vota offerat cum sancta pompa. 8. Leo Iude in Bibliis Tigurinis: Habes promptissimum populum, cum educes tuas copias: tibi etiam est res generationis tua in summo decore & sanctitate ex utero aurora. Alij aliter.

34. Hinc constat, verissimum esse, quod supra ex Luthero, Beza, & alijs Euangelicis dixi, hanc variam & multiplicem Bibliorum versionem adferre multa incommoda. Nam 1. parit confusionem. 2. turbat memoriam. 3. remoratur studium Lectoris. 4. eundem dubium ac perplexum à se dimittit. Denique sub tanta verborum ac phrasum diversitate, rem ipsam facillimè prodigit. Quanto feliciores Catholici, qui unam, certam, constantem ac uniformem sequuntur Editionem: Et tamen toto orbe diffusi sint, una tamen loquuntur lingua, & iisdem Spiritus sancti verbis ac formulis affecti sunt. His rectè accomodari potest illud, Genes. 11. 7. *Erat autem terra labij unius; & sermonum eorundem.* Et paulò post, *Ecce, unus est populus & unum labium omnibus.* Euangelicis verò, quod sequitur: *Confundamus linguam eorum, ut non audiat unusquisque vocem proximi sui.* et rursum: *Vocatum est nomen eius Babel, quia ibi confusum est labium unius terræ.* Vno verbo, Catholici & Euangelici repræsentant duas familias, in quarum altera, pater & mater, filij & filia, servi & ancilla, eodem loquuntur idiomate, & singuli singulos probè intelligunt: in altera, totidem idiomatica sunt, quot capita, ubi præter Gallicè, mater Hispanicè, filij Latinè, filia Belgicè, servi Italicè, ancilla Germanicè loquuntur; ubi poscenti panem, porrigitur lapis; volenti bibere, miscetur pharmacum: & sic deinceps.

IX. Vitium.

35. Nonò, Magna inconstantia est in versionibus Euangelicorum. Quod hodie placet, cras displicet: quod prius conforme Græco vel Hebraico textui, nunc disforme: quod antea ad mentem Spiritus sancti, postea secus. Certè, prima Lutheri versio, quantis lætur is inchoata, deducta, perfecta; quanto plausu accepta & confirmata est? Nam primò, aliquot verueces mactati sunt. 2. immane quoddam vitium, in quo totus Catechismus depictus & descriptus videbatur, à Luthero exhaustus. 3. iucundè ac hilariter decantari versus ex Virgilio de Didone, *Dulces exuvia, &c.* 4. Festum translationis Bibliorum institutum. (Testis est Matthæus Lutheri discipulus, & ex illo Gretserus & alij.) At non multò post, eadem Versio ab omnibus repudiata, & non semel ab ipso auctore recognita est. Nec mirum. Nam supra mille errores, & quidem non exigui, in ea sunt deprehensi. Atque hæc sufficiant de novis Bibliorum versionibus, quas Euangelici hactenus moliti sunt. Sequitur nunc

QVÆSTIO VI.

An Euangelici habeant verum sensum Euangelij?

36. Solet distingui duplex Scripturæ sensus. Alter literalis seu historicus, alter spiritualis, seu

mysticus. Literalis est, quem verba Scripturæ proximè & immediatè significant, siue sint verba propria siue figurata. Mysticus est, quem verba Scripturæ remotè & mediante sensu literalis significant: vel quem sensus literalis proximè significat: vel, quod eodem recidit, quem res proximè significata per verba, significat.

57. Utique insinuat Apostolus, 1. Corinth. 10. 1. cum ait; *Patres nostri omnes sub nube fuerunt, & omnes mare transierunt, &c.* Nam in his & sequentibus verbis latet duplex sensus, Vnus literalis, qui proximè & immediatè significatur, cum illa verba, nempe filios Israël, quando ex Ægypto egrediuntur, transiisse mare rubrum, ambulasse sub nube, comeditisse manna in deserto, bibisse aquam de petra manantem. Alter mysticus, quem res ipsa proximè significata per verba, significat. Nam exitus Israëlitarum ex Ægypto per Moysen, significat exitum nostrum ex servitute peccati per Christum: mare rubrum, significat Baptismum: manna corpus Christi in eucharistia, aqua, sanguinem Christi.

58. Mysticus à Theologis subdividitur in allegoricum, anagogicum, & morale seu tropologicum. Sicut enim tres sunt virtutes Theologicæ, Fides, Spes, Charitas, ita tres sensus mystici. Allegoricus respondet fidei, anagogicus spei, moralis charitati. Nam allegoricus est, quando verba Scripturæ mediante sensu literalis, significant res credendas: anagogicus, quando res sperandas: moralis, quando res agendas.

59. Alij sic definiunt. Sensus allegoricus est, quando verba Scripturæ, præter sensum literalem, quem habent, significant aliquid pertinens ad fidem vel Ecclesiam militantem: quo pacto, Abraham, qui secundum sensum literalem habuit duos filios, unum ex ancilla, alterum ex libera; allegoricè significat Deum qui habet duos populos, unum Iudeorum ex Synagoga, alterum Christianorum ex Ecclesia: hunc sub libertate gratiæ Christi, illum sub servitute legis Mosaicæ. (ad Gal. 4. 21.)

60. Anagogicus est, quando verba Scripturæ, præter sensum literalem, significant aliquid pertinens ad vitam æternam vel Ecclesiam triumphantem, quem speramus: quo pacto illud Psalm. 94. 11. *Quibus iuravi in ira mea, si introibant in requiem meam,* secundum litteram intelligitur de terra promissionis in Palæstina, at anagogicè, de vita æterna, ubi est vera requies (Hebr. 4. 3.)

61. Moralis est, quando verba Scripturæ præter sensum literalem, significant aliquid pertinens ad instructionem morum, vel ad officia charitatis: quo pacto illud Deut. 25. 4. *Non alligabis os boni trituranti,* secundum litteram intelligendum est de veris hominibus: at moraliter de concionatoribus, qui non debent impediri, quò minus petant sustentationem à populo. 1. Cor. 9. 2.

62. Est ergo quadruplex Scripturæ sensus. 1. Literalis. 2. Allegoricus. 3. Anagogicus. 4. Moralis. Qui omnes ostendi solent in voce *Hierusalem*. Nam vox illa significat literaliter, urbem Palæstinæ, Allegoricè, Ecclesiam militantem, Anagogicè Ecclesiam triumphantem, moraliter Animam hominis in hac vita. Omnes item notari solent in Epistola ad Galatas, cap. 4. Nam literalis est in illis verbis, *Abraham duos filios habuit, unum de ancilla, & unum de libera.* Allegoricus in illis, *Hæc sunt duo testamenta, &c.* Anagogicus in illis, *Illam autem, qua sursum est Hierusalem.* Moralis in illis, *Quomodo ranciis, qui secundum carnem fuerat, persequabantur eum, qui secundum spiritum, is & nunc.*

63. Notandum est à viris doctis, iuxta hos quo-

tuor sensus Scripturæ, quatuor esse Doctores Ecclesiæ, Hieronymum, Ambrosium, Augustinum, Gregorium. Et singulos in singulis sensibus explicandis excelluisse: Hieronymum in literali; Ambrosium in allegorico; Augustinum in anagogico, Gregorium in morali.

64. Nos hic agimus de sensu literali, qui precipuus est, & quasi fundamentum aliorum. Et quia verba Scripturæ torqueri possunt ad varios sensus literales, quaestio est, an Evangelici habeant verum & legitimum sensum literalem, necne? Aiunt se habere. At unde habent? An à Catholicis? Negant. An ab antiquis Patribus? Et hoc negant. An ex aliqua certa traditione, quæ per singulas ætates deduci ad eos possit? Ne hoc quidem. Unde ergo? Immediatè, inquit, à Deo. Hinc se *seorsim*, id est, à Deo doctos appellare soliti sunt.

65. Hic vide obicere, quàm varias origines fingant sibi isti Novatores. Codicem Bibliorum, ut latentur à Catholicis habent per Traditionem: Versionem, e suo quisque capite ac cerebro sensum & interpretationem, immediatè à Deo. Si Catholicis credunt in vno, cur non in reliquis? Si ab illis accipiunt Codicem, cur non versionem & sensum? An putant eos errare in versione & sensu, non errare in Codice? Sed relicto Codice & versione, de quibus actum est, agamus nunc de sensu. Hunc aiunt se immediatè habere à Deo. Quod merito mirum videri potest. Nam primò, cui non mirum sit, solos Lutheranos & Calvinistas, non item antiquos Patres aut modernos Catholicos habere legitimum Scripturæ sensum à Deo? Cui non mirum sit, cum Lutherani & Calvinistæ sint fratres Evangelici, alios ab aliis in Scripturæ sensu dissentire? An Deus, qui illos fratres esse voluit in Evangelio, non voluit esse fratres, sed hostes in sensu Evangelij? Non capio hoc mysterium. Cui non mirum sit, ipsos Calvinistas inter se de vero sensu disceptare? An Deus qui immediatè illos docet diuersos ac discrepantes sensus eorum animis inspirat? Non est verisimile. *Non enim dissensionis est Deus, sed pacis.* Denique cui non mirum, nullum hæcenus Evangelicum extitisse, præter vnum Graferum, qui verum sensum Apocalypsis à Deo assecutus sit? quod tamen Graferus in sua *Plaga Regia* proficetur. Nam discretè scripsit, Apocalypsin alijs omnibus obscuram, soli sibi claram & peruiam esse. Distinguit autem tria genera aliorum hominum. 1. *fanaticos.* 2. *probris mulieres.* 3. *præceptores suos.* Primos ait *latibula quarere*: Secundos, *nemini satisfacere*: Tercios, *durissimi iudicii esse.* Addit, sibi præ illis omnibus obortum esse lucem, qua profundissima quæque scrutatus sit, ac intimè penetrarit. Cui, inquam, hoc mirum non sit.

66. Sed omittamus hæc mira: Et rem ipsam propius inspiciamus. Aiunt igitur boni isti viri, se verum & legitimum Scripturæ sensum à Deo habere. Ego contra contendo, non à Deo, sed aliunde: non verum & legitimum, sed corruptum & adulterinum habere. Quod sic probo. Sensus Scripturæ quatuor modis corrumpi potest. 1. adiectione. 2. detractio-
ne. 3. mutatione. 4. falsa interpretatione. His omnibus modis ab Evangelicis corruptus est. Tria priora membra superius probata sunt. Quartum facile probari potest. Extant enim infinita propè Scripturæ testimonia, quæ Evangelici falsè interpretantur. Ex iis aliqua recensibo.

67. Legimus Matt. 19. 17. *Si vis ad vitam ingredi, serua mandata.* Hoc Calvinus, non seriò, sed ironicè à Christo dictum esse interpretatur, ut sensus sit; *Nec serues mandata, quia illorum observatio nec*

prodest, nec possibilis est, Impium dogma. Quamquam Calvinus tam impius est, ut fidenter aliter, Christum in omnibus fere rebus, quæ ad salutem animæ spectant ironicè nobiscum agere, & contra mentem loqui. Sic enim scribit lib. 3. Inst. cap. 24. §. 13. Ecce, vocem ad eos dirigis, sed ut magis obsterdescant: lumen accendis, sed ut reddamur cæciores: doctrinam proferis, sed quam magis obstupescamus: remedium adhibes, sed ne sanentur. Sanè, si ita est, quis credat illi dicenti & iuvanti, Venite ad me omnes, qui laboratis & onerati estis, & ego reficiam vos? Quid non statim excipiat; Tu quidem vocem ad me dirigis, sed ut magis obsterdescam: lumen accendis, sed ut fiam cæcior: doctrinam proferis, sed quam magis obstupescam: remedium offers, sed ne sanus efficiar. Quid ergo te audiam?

68. Item legimus Matth. 3. 1. *Veni Ioannes Baptista prædicans in deserto, & habebat vestimentum de pilis camelarum, & zonam pelliceam circumlumbos suos. Escam autem erat locusta & mel silvestre.* Et Marci. 1. 6. *Erat Ioannes vestitus pilis cameli, & locustas edebat & mel silvestre.* Evangelici, quia metuunt, ne Eremitarum aut Monachorum viuendi ratio ex hoc loco confirmetur, omnia secus, quàm Catholicis interpretantur. Nam per desertum, non intelligunt solitudinem, sed vibem aut vicum in montanis situm: per pilos Cameli, non rudem aut hispidam vestem ex pilis contextam, sed pretiosam & undulatam, quam Regem deceat: per locustas, non animal insectum, sed caneros marinos, quos à piscatoribus capti in ripam Iordanis eiciebantur, eo quod lege Mosaica immundi, & prohibiti essent. (Leuitic. 11.) Ioannem tamen non curasse legem Mosaicam, sed secutum esse libertatem Evangelicam, quæ in eo consistit, ut quouis ciborum genere pro arbitrio vescamur. Vide Maldonatum in capite tertio Matthæi, ubi fulidè hanc Evangelicorum interpretationem proponit ac refutat.

69. Item Lucæ 22. 20. *Hic est calix novum Testamentum in meo sanguine.* Et Matth. 26. 28. *Hic est sanguis meus novi Testamenti.* Lutherani sic interpretantur; Hoc vinum est meus sanguis. Calvinistæ plerique sic; Hoc vinum significat meum sanguinem. Plessius lib. 4. de Eucharistia, c. 2. pag. 600. sic; Hæc est acerba illa mors & passio, quam paulò post sustinuit. Quæ hæc licentia & peruersitas est?

70. Item, Ioan. 3. 3. *Nisi qui renatus fuerit ex aqua & Spiritu sancto, non potest intrare in regnum Dei.* Calvinus per aquam intelligit Spiritum sanctum. (lib. 4. Instit. capite 26. §. 25.) Hinc consequenter affirmat, Christum non loqui de Baptismo aquæ, sed de interna hominis renouatione. Si ita est, non poterit ex Scriptura probari, aquam esse necessariam ad Baptismum: ac proinde, si quis diceret, infantes posse baptizari in vino vel ceruisia, non posset à Calvinio ex scriptura refutari. Tamen enim ex alijs scripturæ testimoniis constat, quosdam in aqua baptizatos esse, non tamen ex illis constare, necessario id factum esse. Aut ergo Baptismus aquæ non est necessarius, aut necessitas illius, non aliunde, quàm ex citato loco probari potest. Eligant Calvinistæ.

71. Item, Ioan. 20. 26. *Veni Iesus iamuis clausis, & stetit in medio eorum,* id est, intrauit per fenestram, ut Oecolampadius vult: Vel, Non expectauit, donec Apostoli aperirent, sed ipse aperuit ianuas, & intrauit, ut exponit Calvinus in vltima admonitione ad Vvestphalum, & lib. 4. Instit. cap. 17. §. 19. ne cogatur penetrationem corporis admittere: *Nec iamuis,* inquit, *clausis intrare, tantundem vult, ac penetrare per solidam materiam, sed sibi adiunxerat pacificare diuina virtutem.*

virtute, ut reponebat iterum inter discipulos plane admi-
rabili modo, cum obierat essent foris.

72. Item Act. 2. 27. *Non dereliquis animam meam
in inferno.* Beza sic explicat. *Non dereliquis cadaver
meum in sepulchro.* Quod haec metamorphosis est? *Et
animam sic cadaver, ex inferno sepulchrum?* Vix simi-
lem invenies in Ovidio. Sed, quid non facit despe-
ratio? Non potuit alio modo cingere argumentum
Catholicorum, quo ipsi probant Christum secun-
dum animam descendisse ad inferos.

73. Item Hebr. 13. 4. *Honorable conjugium in om-
nibus, & torus immaculatus, fornicatores enim &
adulteros iudicabit Deus.* Plures sensus est; Hono-
rate conjugium in omnibus suis partibus, ita ut in
nulla re illud violatis, & praeteritum ut totus vester sit
immaculatus, quia adulteri a Deo puniuntur. At
Calvinus & Beza in suis annotationibus aliter expli-
cant, hoc sensus: Matrimonium est honorarium & li-
citur in omnibus, id est, inter quoslibet homines, sed
inter eum, qui ordinis homines. Numquam, ut huc pro-
beant, citant inter Monachos & Moniales honora-
rium & licitur esse matrimonium. An etiam inter fra-
tres & sorores?

74. Item, Apocal. 11. 3. *Et dabo duobus testibus
meis, & prophetabunt diebus mille ducentis sexaginta
annis.* Hinc Evangelici per duos testes, intel-
ligunt Lutherum & Calvinum, ut Bibliander in sua
Chronico, vel vetus & novum Testamentum, et Rex
Angliae in monitionis praefatione. Neuter recte. Nam
multa dicuntur de illis duobus testibus, quae nullo
modo conveniunt Luthero & Calvino, vel novo &
veteri Testamento. Sunt autem haec, quod sint ami-
ci, facis, 1. quod habeant potestatem claudendi cae-
lum, ne pluviae, & conserendi aquas in sanguinem, &
parturiendi terram omni plaga, quae scilicet volue-
rint. 2. quod corpora eorum iacebunt Hierosolyma
insepulta per tres dies & dimidium. 3. quod postea
resurgescent. 4. quod audient hanc vocem de caelo,
Ascende huc. 5. quod tunc magnus terra motus futu-
rus sit. 6. quod decima pars civitatis correat. 7. quod
sepies milia hominum occidantur. Quid haec ad Lu-
therum & Calvinum? Quid ad vetus & novum Tes-
tamentum?

75. Item, Apocal. 19. 13. *Et fecit (Antichristus)
sicut magna, ut visam ignem faceret de caelo descen-
dere.* Hic per ignem de caelo descendente intelligi-
gunt Evangelici excommunicationem Papae, ut Po-
uellus Calumnita lib. 1. de Antichristo, cap. 26. &
Baldwinus Lucheranus in disputatione de Antichristo,
cap. 6. Ut hoc modo probent Papam esse Antichri-
stum, sed omnino ridicule. Primum, quia eodem
sensu explicari possent sequentia loca. Luc. 9. 19. *Domine, vis dicimus, ut ignis de caelo descendat id est,
ut descendat excommunicatione Papae.* Et 4. Reg. 1. 10.
*Heliar dixit; Si homo Dei sum, descendat ignis de
caelo, ut deuoret te, & quinquaginta iuor, id est,
descendat excommunicatione Papae, ut deuoret vos.* Se-
cundo, quia cum dicit Ioannes: *Et fecit signa ma-
gna, ut visam faceret ignem de caelo descendere;* plane
significat magnum signum seu miraculum fore, cum
Antichristus faciet ignem de caelo descendere: ino-
tale miraculum, quo decipiat homines, ut credant
esse opus divinitatis. At quare, quod aut quale mi-
raculum est, excommunicare hominem? Nullum
penitus.

76. Haec pauca exempla (ut sexcenta alia omi-
tam) manifeste conuincunt, Evangelicos non ha-
bere verum Evangelij sensum a Deo, sed vnum-
quemque ex suo cerebro fingere sibi sensum, quem
videt deque adeo verum Evangelij sensum, multis
modis, praesertim adiectione, detractione, muta-

Opule. Bec.

tionem, & falsa interpretatione ab eis corruptum esse
ac depravatum. In quos optime quadrat illud Ter-
tulliani in libro de praescriptionibus, cap. 17. *Ista ha-
restis, non recipitis quasdam Scripturas, & si quas re-
cipitis, adiectionibus & detractionibus ad dispositio-
nem vestram suis interhectis. Et si recipitis, non recipi-
tis integras. Et si aliquatenus integras praestatis, nihil
luminis diversae expositiones commentata perveniunt.*
*Tantum devitatis obstrepsit adulter sensus, quantum
& corruptior phylis.*

Quaestio VII.

Quomodo Evangelici argumententur ex Evangelio.

77. **I**dem est argumentandi modus, qui interpre-
tandi. Hoc aliquot exemplis demonstrabo. E-
quidem in his punctis, quae inter nos & ipsos contro-
versantur, cuiusmodi sunt haec. 1. de traditionibus.
2. de hierosolitanee, 3. de libero arbitrio, 4. de com-
munionis sub utraque specie, 5. de invocatione San-
ctorum, 6. de Antichristo, 7. de Ecclesia, 8. de capite
Ecclesiae, 9. de Primatu Ecclesiae Regio, 10. de filio
parvulorum, 11. de esu, calicem, 12. de matrimonio.
Ex his paucis est facili coniectura de aliis.

De Traditionibus.

78. Igitur Evangelici contra traditiones sic dispo-
nunt ex Scriptura, Deus non vult, ut aliquid adda-
mus ad verbum Dei scriptum: ergo Catholicos pec-
cant, qui addunt traditiones non scriptas. Anteco-
dens patet ex illo Deuter. 4. 2. *Non addeis ad ver-
bum, quod vobis loquitur.* Ex cap. 32. 32. *Quod praecepi
tibi, haec serva facito Domino, nec addas quicquam
nec minuas.* Respondeo. Haec duo testimonia inepte
sunt exantur contra traditiones. Non enim intelli-
genda sunt de verbo Dei scripto quatenus opponitur
traditioni non scriptae, ut male interpretantur Evan-
gelici, sed prius intelligendum est generatum de prae-
ceptis iudicialibus & ceremonialibus, quae tunc non
dum erant scriptae, sed tantum viva voce a Deo per
Moysen tradita: posterius speciatim de his praeceptis
ceremonialibus, nempe de praecepto sacrificandi. Hoc
patet ex ipso contextu, qui posterior loco habet.
*Quanda disperdiderit Dominus Deus tuus gentes, ad
quas ingressus es possidendas, & possederis eas, utque
habitaveris in terra earum, cave, ne admittas eas, &
requiras ceremonias earum, dicens: Sicut solent
gentes istae Deos suos, ita & ego eorum. Non facies si-
militer Domino Deo tuo. Omnes enim abominationes,
quas abierunt Domini, fecerunt Dei sui, offerentes
filios & filias, & comburentes igni. Quod praeceptum tibi
hoc tantum facito Domino, nec addas quicquam, nec
minuas. Sensus est; Quando veneris in terram Palesti-
nam, ad quam tendis, & obdieris Domino Deo tuo
sacrificandi, non imitaberis Gentiles, qui falsis diis
offerunt filios & filias per ignem, sed hoc tantum
offerres, quod ego tibi praecepi, nempe ex animalibus
ovibus, capris, hircis, boues, vitulos, columbas, passerces,
turtures, ex fructibus terrae, panem, similitam, saltem,
thurs, manipulum spicarum, visentium, & tritum: ex
liquoribus, sanguinem, vinum, oleum, aquam. Hoc
tantum facito Domino, nec addas quicquam, nec mi-
nuas.*

79. Hinc, servata proportione, facile colligitur,
quis sit sensus, prioris testimonij, nempe hic. Ego de-
di vobis praecepta ceremonialia, quae praescribunt
ritum colendi Deum, & praecepta iudicialia, quae
praescribunt ritum servandi iustitiam in rebus po-

legis, id est, Arbitramur opera legis Mosaicæ. seu ceremonias legales iam mortuas & abrogatas esse post aduentum Christi: & quamvis in veteri Testamento profuerunt ad iustitiam quandam legalem & eternam; nunc tamen nihil prodesse ad iustitiam fidei, quæ consistit in interna renouatione animi. Euangelici cum Lutero sic vertunt, *Arbitramur iustificari hominem per solam fidem*. Magna perversitas. Nam constat ex aliis Scripturæ locis, hominem non sola fide, sed etiam spe, dilectione, oratione, Baptismo, Euangelio saluari & iustificari, Rom. 8. 24. *Spe salui facti sumus*. Et 1. Ioan. 3. 14. *Qui non diligit, manet in morte*. Et Philip. 1. 19. *Scio, quia hoc promerietur mihi ad salutem per vestram orationem*. Et ad Titum 3. 5. *Saluos nos fecit per luanctum regenerationis*. Et 1. Cor. 15. 1. *Notum facio vobis Euangelium, per quod saluamini*.

90. Si in his singulis testimoniis adderemus particulam, *sola*, sicut fecit Lutherus in testimonio Apostoli ad Romanos; emergerent hæc propositiones. 1. Iustificamur per solam spem. 2. per solam dilectionem. 3. per solam orationem. 4. per solum Baptismum. 5. per solum Euangelium. Quid absurdius? Sed, an etiam Euangelici hanc glossam addiderunt sunt ad illum locum, 1. Tim. 2. 15. *Mulier saluabitur per filiorum generationem*, id est, per solam filiorum generationem? Si faciant, magnum erit privilegium pro vxoribus Prædicatorum. Et deinceps impudenter erant adulteræ, impudenter criminatrices, modo filios generent.

91. Alter locus est, Lucæ 7. 50. *Fides tua te saluam fecit*. Hinc etiam colligunt Euangelici, solam fidem sufficere ad salutem. Sed eodem euentu, quo ante. Nam Christus, qui ibi dixit Magdalenz, *Fides tua te saluam fecit*; dixit etiam Simoni de Magdalena, *Remittuntur ei peccata multa, quoniam dilexit multum*. Vtrumque ergo verum est, Fides tua te saluam fecit, & Dilectio tua te saluam fecit. Et sicut hinc non licet inferre, solam dilectionem sufficere: ita nec inde, solam fidem sufficere. Vtique necessaria est, & fides, & dilectio: magis tamen dilectio, iuxta illud 1. Corint. 13. 13. *Nunc autem manent, Fides, Spes, Caritas, tria hæc: maior autem horum est caritas*. Et paulo ante, *Si habueris omnem fidem, charitatem autem non habueris, nihil sum*. Vnde Augustinus lib. 15. de Trinitate c. 18. *Ipsam fidem non facis utilem, nisi charitas*. *Sine charitate quippe fides potest quidem esse, sed non & prodesse*. Quod confirmat ex illo Apostoli ad Gal. 5. 6. *In Christo Iesu, neque circumcisio aliquid valet, neque praputium, sed fides qua per charitatem operatur*. Nam fides non est efficax ad iustificandum sine charitate, iuxta illud Iacobi 2. 26. *Sicut corpus sine spiritu mortuum est, ita & fides sine operibus charitatis mortua est*.

92. Tertius locus est, Lucæ 8. 30. *Credet tantum, & salua eris*. Verba sunt Christi. Ex quibus concludunt Euangelici, solam fidem ad salutem efficere. Sed multo absurdius, quam ante (quanquam omnia absurdissime). Nam Christus non loquitur ibi de iustificatione, seu remissione peccati, sed de resurrectione puellæ mortuæ. Loquitur enim Iairo Principi Synagogæ, cuius filia moriebatur: Et dicit illi, *Noli timere, etiam si mortua sit filia tua: crede tantum, me posse illam resuscitare, & salua eris*. Quid hoc ad fidem iustificancem, de qua agimus? Nihil penitus. 1. quia fides iustificans respicit salutem animi, non corporis, ut Euangelici fatentur. 2. respicit salutem illius, qui habet fidem, non alterius. Non enim Petrus iustificatur per fidem Pauli, nec Paulus per fidem Petri, sed quisque per fidem quæ in ipso est.

De libero Arbitrio.

93. Euangelici docent, nos in hoc statu naturæ laicæ non habere liberum arbitrium, sed amissum esse per peccatum primi parentis. Quod sic probant, Scriptura dicit, nos non posse bene aut male agere pro arbitrio, iuxta illud Isaia 41. 23. *Bene aut male, si potestis, facite*. Ergo non habemus libertatem arbitrij. Est argumentum Lutheri. Sed valde crassum. Nam Isaia non loquitur de hominibus, sed de idolis gentium. Et sicut David irridet idola gentium, Psal. 113. 12. cum ait; *Simulachra gentium, argentum & aurum, opera manuum hominum. Os habent, & non loquuntur: oculos habent, & non videbunt; nares habent, & non odorabunt*; Isaia exprobrat illis imbecillitatem, quod cum Dii habeantur à stultis hominibus, non possint tamen bene aut male facere, id est, non possint cultoribus suis prodesse, nec contemptoribus nocere.

94. Itaque vis argumenti Lutherani est hæc: Idola, vel statua ex auro & argento facta, non possint suis cultoribus prodesse, nec aliis nocere. Ergo nos non habemus liberum arbitrium. Perinde ac si ita ratiocineris. Idola non possint ambulare: ergo nos non habemus pedes. Cur non etiam sic? Idola non habent cerebrum: Ergo Euangelici non sapiunt. Vel sic; Idola habent dura capita: Ergo Euangelici sunt pertinaces.

De Communionem sub utraque specie.

95. Euangelici docent, Christum non solum instituisse, sed etiam præcepisse communionem sub specie vini; ac proinde Catholicos, qui communicant tantum sub specie panis, peccare contra præceptum Christi. Hoc autem præceptum contineri illis verbis, Matth. 6. 27. *Bibite ex hoc omnes*. Viget hunc locum Calvinus lib. 4. Inst. cap. 17. §. 47. *Edictum, inquit, æterni Dei est, omnes bibant*. Et §. 48. *Præcipientis verba sunt, Bibite ex hoc calice omnes*. Sed Calvinus spectat nuda verba, non sensum; ideoque simplici lectori suum facit. Non enim voluit Christus, ut omnes absolute biberent ex eo calice, sed ut omnes Apostoli, qui præsentibus erant. Hoc patet ex ipso contextu. Cum enim diuississet panem Eucharisticum in multas partes, & singulis Apostolis singulas porrexisset, calix autem eo modo diuidi non posset, vni ex Apostolis integrum porrexit, cum hac cautione, ut non putaret totum sibi ebibendum esse, sed aliquid inde degustandum, ac deinde reliquis ordine porrigendum. Itaque verba illa, *Bibite ex hoc omnes*, idem valent, atque illa, Lucæ 22. 7. *Accipite & diuidite inter vos*, id est, vnus non exhauriat totum calicem, sed singuli aliquid bibant. Quod & factum est, ut testatur Marcus cap. 14. 24. *Et biberant ex ea omnes*. Vtique illi omnes ex eo biberunt quibus dictum erat à Christo, *Bibite ex hoc omnes*.

96. Quid quæso hic difficultatis est? Nō plus, quam si paterfamilias, arrepto calice recentis musti, porrigeret eum filiis degustandum, cum hac formula, *Bibite ex hoc omnes*, id est, singuli modicum inde capiant: nemo solus totum exhauriat. An propterea, quotquot extra familiam illam essent, putarent se cogi præcepto, ut ex eodem calice mustum gustarent? Ridiculum sanè.

97. Sed instant Euangelici, hoc modo: Illis dictum est, *Bibite*, quibus dictum est, *manducate*: at hoc dictum est omnibus: ergo & illud. *Respondet*. Vel stupidi, vel importuni sunt, qui sic agunt. Iam ostendimus, solis Apostolis præsentibus dictum esse, *Bibite*.

35. ubi eandem Apostoli sententiam expressit his verbis: *Elevabitur & magnificabitur adversus omnem Deum, & adversus Deum Deorum loquetur magnifica. Be Deum patrum suorum non reputabit, nec quinquam Deorum curabit.* Certè aliud est extolli supra omnem Deum, etiam Deum Deorum, aliud extolli supra omnem Deum, etiam Deum Deorum, aliud, extolli supra omnem ordinem Ecclesiasticum & politicum. Illud prius convenit Antichristo: hoc posterius potest etiam bonis viris convenire. An non Moyses, antequam Aaron consecraretur, erat supra omnem ordinem ecclesiasticum & politicum apud Iudæos? An non Constantinus Imperator (ex sententia Evangelicorum) erat supra omnem ordinem Ecclesiasticum & politicum in generali Concilio Nicæno? An idè Antichristus? Videant Evangelici.

107. *Æquè nova & falsa explicatio est hæc. Ostendens se tanquam sic Deum, id est, exhibens se pro visibili capite Ecclesiæ.* Nam ostendere se tanquam Deum ponitur ab Apostolo, tanquam nota quædam Antichristi, quæ sine dubio culpanda est. Exhibere autem se pro visibili capite Ecclesiæ, non est nota Antichristi, sed privilegium Petri & successorum eius. An non Petrus constitutus fuit visibilis Pastor omnium Ecclesiæ, quando dixit illi Christus, *Pasce oves meas?* Omnino. At Pastor respectu sui gregis, non est brachium aut tibia, sed caput, & quidem caput visibile: Ergo Petrus fuit visibile caput sui gregis, id est, omnium Christianorum, sed totius Ecclesiæ Christi. An idè Antichristus? Absit.

De Ecclesiæ.

108. Evangelici docent, Ecclesiæ posse deficere & errare: imò iampridem defecisse & errasse: Et hoc prædictum esse à Daniele, cap. 9. 27. *Deficiet hostia & sacrificium.* Mira res. Existunt clarissima testimonia in contrarium, ut Matth. 16. 18. *Super hanc petram ædificabo Ecclesiæ meam, & porta inferi non prevalebunt adversus eam.* Et Matth. 28. 20. *Ecce ego vobiscum sum omnibus diebus, usque ad consummationem sæculi.* Et 1. Timot. 3. 15. *Ecclesiæ est columna & firmamentum veritatis.* Et Psalm. 47. 9. *Deus fundavit eam in æternum.* Et Dan. 2. 44. *Suscitabit Deus regnum, quod in æternum non dissipabitur.* Omitto reliqua.

109. Cur Evangelici tam multis & clavis testimoniis fidem non habent? Cur vnum illud ex Daniele, quod obscurum est, his omnibus anteponunt? Nimirum in hac re imitantur Donatistas, qui dicebant Ecclesiæ in sola Africa remansisse: & citabant illud ex Cantico, cap. 1. 6. *Indica mihi, quem diligit anima mea, ubi pascas, ubi cubas in meridie.* Vnde sic ratiocinabantur; Ecclesiæ cubat in meridie, sed Africa est in meridie: Ergo cubat in Africa: Igitur extra Africam non est. Quos refellit Augustinus in libro de unitate Ecclesiæ, cap. 16. hoc potissimum argumento: Multa sunt clara Scripturæ testimonia, quæ docent Ecclesiæ toto orbe diffusam esse: ergo Donatistæ perperam faciunt, cum ex vno obscuro conantur probare, Ecclesiæ in sola Africa remansisse.

110. Verba Augustini sunt hæc, *Scrutamini Scripturas canonicas, & eruite aliquid manifestum, quo demonstratis Ecclesiæ in sola Africa remansisse, &c.* Aliquid proferre, quod non egeat interprete, nec unde convincamini, quod de alia re dictum sit, & vos illud ad vestrum sensum detorquere conemini. Videris enim nunc illud unicum, quod proferre consuevistis. Vbi pascis, ubi cubas in meridie, quemadmodum exussis omnibus eiusdem loci verbis, longè aliud indicat, quam vos putatis. Et si hoc sonaret, quod vultis, *Maximè*

Amianista vbi in eo vincerent. *Magis enim meridies provincia, Byzantium Tripoli, ubi illi sunt, quicunque sunt, quam Numidia, ubi vos propolletis.* Ita ergo ipsi possunt germanius & distinctius gloriari de meridie, ut eos excludere ab hac sententia non possitis, nisi in illis verbis verum sensum & Catholicam tenentis. Aliquid ergo proferre, quod non contra vos verius interpretetur, sed quod interprete omnino non egeat. Sicut non eget interprete; Tu enim vocaberis voluntas mea, & terra tua orbis terrarum, &c. Sicut non eget interprete; Eritis mihi testes in Ierusalem, & in tota Iudæa & Samaria, & usque in totam terram. Sicut non eget interprete; Prædicabitur hoc Evangelium regni in universo orbe, &c.

111. Simili modo refellendi sunt Evangelici. Scrutantur Scripturas canonicas, & eruant aliquid manifestum, quo demonstrarent Ecclesiæ errasse vel defecisse. Aliquid proferant, quod non egeat interprete. Sicut non eget interprete: *Porta inferi non prevalebunt adversus eam.* Sicut non eget interprete, *Ecclesiæ est columna & firmamentum veritatis, &c.* Nam illud, quod proferunt ex Daniele, *Deficiet hostia & sacrificium*, nihil ipsis patrocinatur, nisi ipsi sint interpretes. Nam alij non interpretantur de defectione Ecclesiæ Christianæ, sicut ipsi, sed de defectione Synagoga Iudæorum. Ex eo autem, quod Synagoga defecerit, non sequitur, Ecclesiæ defectoram esse. Hæc enim promissionem habet de sua firmitate & stabilitate, quam illa non habuit. Hæc designatur per Sarā, quæ semper mansit cum Abrahamo: Illa per Agar, quæ repudiata est. Deinde etsi daremus Daniele variationem de defectione Ecclesiæ, quomodo probarent Evangelici, vaticinium iam impletum esse? Non enim sequitur; Daniel prædixit defecturam hostiam & sacrificium: Ergo iam defecit. Imò, in Ecclesiæ non defecit. Adhuc quotidie offertur sacrificium corporis & sanguinis Domini apud Catholicos. Tertio, si hoc etiam domus, Ecclesiæ defecisse, quid aliud sequitur, quam Evangelicos non esse in Ecclesiæ? Nam si Ecclesiæ non est, in Ecclesiæ esse non possunt. Igitur extra Ecclesiæ sunt. At extra Ecclesiæ non est salus, ut fatetur Calvinus lib. 4. Instit. c. 1. §. 4. his verbis: *Extra eius gremium nulla est speranda peccatorum remissio, nec ulla salus.* Loquitur autem de Ecclesiæ visibili, qua hîc agimus. Denique si Ecclesiæ potest deficere & errare (sive id iam factum sit, sive non sit) poterit etiam errare Ecclesiæ, in qua Evangelici fingunt se esse. Si potest errare, quomodo constabit non errasse? Aut quis fidem ei habebit, si dicat se non errare, sed tamen errare posse? Quid si erret, hoc asserendo? Nihil igitur certum apud Evangelicos.

De capite Ecclesiæ.

112. Evangelici ridet nos, quod dicamus Pontificem, Petri successorem esse caput Ecclesiæ. Et obiciunt nobis Apostolum, 1. 12. asserentem, *Ecclesiæ esse corpus Christi.* Vnde sic ratiocinantur; Vnum corpus, nisi monstruosum sit, habet vnum tantum caput: At Ecclesiæ est vnum corpus: ergo, nisi monstruosum sit, habet vnum tantum caput. At caput illius est Christus (1. p. 4. 15.) ergo Papa non potest esse illius caput; alioqui haberet duo capita, & sic esset monstruosum.

113. Sed ipsi potius ridentur sunt. Primo, quia sicut nos dicimus, Pontificem esse caput Ecclesiæ Romanæ sive universitatis, ita ipsi dicunt, Regem Angliæ esse caput Ecclesiæ Anglicanæ: Ergo argumentum, quo nos oppugnant, in ipsos retorqueri potest, hoc modo: Vnum corpus, nisi monstruosum sit, habet vnum tantum caput: At Ecclesiæ Angli-

canis est vnum corpus: ergo, nisi monstrosa sit, habet vnum tantum caput. At caput illius est Christus: Ergo Rex Angliæ non potest esse illius caput; alioqui haberet duo capita, & sic esset monstrosa. Quid hic dicent?

114. Secundò, non intelligunt distinctionem inter corpus naturale, & mysticum. Putant eandem esse vtriusque rationem; ac proinde sicut in corpore naturali est vnum tantum caput, vna lingua, vnum pectus, vnum cor, vnus stomachus, duo oculi, duo brachia, duo pedes, & sic deinceps; ita putant fieri debere in corpore mystico, quod est Ecclesia. Sed valde errant. Nam tot sunt membra Ecclesie, quot veri Christiani: At plures sunt Christiani, quàm membra humani corporis: Ergo etiam plura sunt membra Ecclesie, quàm humani corporis. Non igitur est eadem vtriusque ratio. Vnde nec valet hæc consequentia, In corpore naturali est vnum tantum caput, duo pedes, duæ manus: ergo similiter sit in corpore mystico, id est, in Ecclesia. Faciamus tamen valere, vt Evangelici statim opinantur. Faciamus in Ecclesia ipsorum, esse vnum tantum caput, nempe Christum, duos tantum oculos, Parzum & Oecolampadium: duo brachia, Zuinglium & Bucerum: duas manus, Iunium & Tremellium, duos pedes Beza & Smidelinum: vnum stomachum, Lutherum: vnum cor, Caluicum: vnam linguam, Melancthonem. Quid fiet de reliquis Prædicantibus? Nullus illorum poterit esse caput, aut lingua, aut cor, aut stomachus, aut oculus, aut brachium, aut manus? Quid de illorum vxoribus & liberis? Quid de ciuibus, rusticis, militibus? quid de Nobilibus, Baronibus, Comitibus, Principibus, Regibus? An erunt tantum capilli & excrementa illius corporis? Respondete Evangelici.

115. Nos Catholicè edocui sumus. Agnoscimus in corpore Ecclesie tot oculos, quot Prælatos, qui vigilat pro grege sibi commisso: tot linguas, quot Prophetas & Concionatores: tot brachia, quot protectores: tot manus, quot dispensatores mysteriorum Dei: tot pedes, quot Apostolos discurrentes per orbem vniuersum, & Euangelium pacis annuntiantes: tot stomachos, quot operarios, & sic deinceps. Igitur ex nostra sententia, sicut corpus Ecclesie non est monstrosus, si habeat mille oculos, mille manus, mille brachia; sic monstrosus non est, si habeat duo capita: Vnum primum in cælo, quod est Christus: alterum secundarium seu Vicarium in terra, quod est Pontifex. Et vicissim, sicut ex sententia Evangelicorum monstrosus est, si habeat duo capita: sic etiam monstrosus est, si habeat plures oculos, quàm duo: plura brachia, quàm duo: plures pedes, quàm duos. Nullus ergo apud illos vigilat, nisi Parzus & Oecolampadius: nullus protector Ecclesie est, nisi Bucerus & Zuinglius: nullus annunciat orbi Euangelium, nisi Beza & Smidelinus. Quid ergo Oliander, Bibliander, Sneppius, Mulculus, Capnion, Selneccerus, Pelicanus, Kamnitius, Ochinus, Brentius, Bullingerus, & similia propudia? An tantum feces & excrementa sunt Ecclesie Evangelicorum? Doleo ad eam miseriam redactos esse.

De Primatu Ecclesie Regis.

116. Evangelici in Angliæ docent, Regem habere Primatum Ecclesie Anglicanæ. Id Sacellanus in Responsione ad Apologiam Cardinalis Bellarmini, conatur probare ex illis verbis Moysi, Num. 27. 16. *Provideat Dominus Deus spirituum omnis carnis, hominem, qui sit super multitudinem hanc, & possit exire & intrare ante eos, & educere eos vel introducere, ne sit populus Domini, sicut ovis sine pastore.* Dixitque

A Dominus ad eum: *Tolle Iosue filium Nun, virum in quo est Spiritus, & pone manum tuam super eum.* Ex quibus sic argumentatur: Qui à Deo Spirituum præficiuntur aliis, sciunt ad se pertinere curam spirituum: At Iosue, & alij Reges ac Principes, à Deo Spirituum præficiuntur aliis: ergo sciunt ad se pertinere curam spirituum: Ergo habent Primatum spirituum seu ecclesiasticum.

117. Mira subtilitas in hoc homine. Et quia spiritus, ubi vult, spirat, poterit hoc modo formare argumentum: Qui à Deo spirituum omnis carnis, præficiuntur aliis, sciunt ad se pertinere curam spirituum omnis carnis: At Rex Angliæ à Deo spirituum omnis carnis præficitur aliis: Ergo scit ad se pertinere curam spirituum omnis carnis. Non ergo debet se continere intra suam insulam, sed etiam ad externos, præferri ad Imperatorem, Reges, Principes, dirigere Monitorias præfationes, colque in religione instruere. Scit enim ad se pertinere curam spirituum omnis carnis, id est, omnium hominum, *Omnis quippe caro corrumpet viam suam*, Genes. 6. 12. Vel certe hoc modo: Qui à Deo cæli & terræ præficitur aliis, scit ad se pertinere curam cæli & terræ: Rex Angliæ à Deo cæli & terræ præficitur aliis: Ergo scit ad se pertinere curam cæli & terræ: Nimirum, *magnus Dominus, & laudabilis nimis.*

118. Quis non videt hunc Evangelicum ineptire, nec ad scripturæ sensum advertere? Ineptiam istam ostendi. Et sensus verborum Moysi est alius, quàm ipse putat. Est autem hic: Ego quidem iam morti vicinus sum, & alius in hoc officio temporali subrogandus mihi est, qui sit Dux exercitus: sex quis potissimum idoneus sit, omnino me latet, *Dominus Deus spirituum omnis carnis*, id est, cognitor & inspector cogitationum omnium hominum, facile providebit vicum bonum, qui ad gubernandum aptus sit.

119. Itaque quod dixit Moyses, *Dominus Deus spirituum omnis carnis*, hoc dixit Apostolus, *Hebr. 4. 12. Discretor cogitationum & intentionum cordis.* Et similiter quod pleno sensu dictum est à Moysi, *Dominus Deus spirituum omnis carnis provideat bonum, qui sit super hanc multitudinem*: hoc similis sententia dictum est à Petro, *Act. 1. 24. Tu Domine, qui nosti corda omnium, ostende quem elegeris ex his duobus vnum.*

120. Eodem sensu intelligendum est illud, Num. 16. 22. *Deus spirituum vniuersæ carnis, cum vno peccante, contra omnes ira tua desaniet?* Domine Deus, qui es cognitor & inspector omnium, tu scis, quis peccaverit ex tanta multitudine, & qui innocentes sint. Puniat ille, non isti. Non enim æquum est, vt vno peccante puniantur omnes.

121. Hinc apparet, quæ sit vis argumenti Sacellani. Est autem hæc: Dominus Deus, qui est inspector cordium, designat Reges & Principes: Ergo Reges & Principes habent Primatum Ecclesie. Itane verò? Cur non etiam sic? Dominus Deus, qui est inspector cordium, designat Apostolos & Episcopos: Ergo Apostoli & Episcopi habent Primatum Ecclesie. Vel sic denique: Dominus Deus, qui est inspector cordium, designavit Sacellanus Episcopum Eliensem: Ergo Sacellanus habet Primatum ecclesiasticum & secularem. Tam enim secularis, quàm ecclesiasticus Primatus deduci potest ex illo antecedente.

122. Sacellano similis est Toxerius, qui in Duello suo ad eundem scopum ita ratiocinatur: *Dictum est de Tiberio, Date Casari, quia Casaris sunt. Dictum est de Herode, Dicite illi vulpecula. Dictum est coram Pilato, Ego sum veritas.* Quid iacer? Nimirum, quod Sacellanus; Ergo Reges habent Primatum Ecclesie.

Ingeniosa connectio : sed quæ in Insula fortunata, non sibi locum habet.

123. Iam facile credam, quod aliàs audiui, euangelicos in Anglia, quidlibet ex quolibet probare posse. Nec opus est multis exemplis. Ex vno disce reliqua. Si quæras ex illis, quare Lutherus & Henricus VIII. à rapu virginum & generationibus exorsi sunt suum Euangelium? mox respondent, quia scriptum est, *Israhel Euangelij Jesu Christi: Abraham genuit Isaac: Isaac autem genuit Iacob: Iacob autem genuit Iudam & fratres eius, &c. Omnes itaque generationes, &c.* De hac Euangelicorum subtilitate in Anglia, extat libellus cum hac inscriptione, *Præstans.*

De fide parvulorum.

124. Euangelici cum Luthero docent, infantes habere actum fidei, cum baptizantur. Quod confirmant ex illo Lucæ 1. 44. *Exultavit in gaudio infans in utero mæo.* Vnde sic colligunt: Ioannes habuit actum fidei, cum adhuc infans in utero materno sanctificaretur: Ergo etiam reliqui infantes habent actum fidei, cum in baptismo sanctificantur. Perinde, ac si dicas: Alina Balaam locuta est cum à domino suo percuteretur, Nu. 22. 28. Ergo etiam reliquæ alinæ loquuntur, cum vapulant, præsertim in Silesia.

125. Vel sic: Elisabetha repleta est Spiritu sancto, quando gestavit infantem in utero: ergo omnes mulieres replentur Spiritu sancto, quando uterum gestant. Oportet beatas uxores Prædicantiur. Vel sic: Iacob in utero matris suæ supplantavit fratrem suum Esau, Gen. 25. 26. ergo, quoties nascuntur gemelli, idem fit.

De esu carniæ.

126. Euangelici, quia non libenter agunt penitentiam, conantur populo persuadere, licitum esse carniæ vesci in Quadragesima, & aliis diebus, quibus ecclesia prohibet illarum usum. et probant ex illo, Matt 23. 11. *Non quod intrat in os coinquinat hominem.* At carnes, quando comeduntur, intrant in os: ergo non coinquinant hominem: ergo licitum est carnes comedere, non obstante ecclesiæ prohibitione. Ineptissimè quidem; sed tamen, ut suo ventri & abdomini satisfaciant, populariter.

127. Sanè, si Adam & Eva in Paradiso scivissent hunc modum argumentandi, potuissent contra Deum sic disputare: Quod intrat in os, non coinquinat hominem: sed fructus arboris, à quo iussisti nos abstinere, intravit in os nostrum: ergo non potuit nos coinquinare. Cur igitur nobis irasceris? Cur, quasi reos, de Paradiso eiicis? Possent & ebriosi contra Apostolum similiter argumentari; Quod intrat in os, non coinquinat hominem. Cur ergo scribis: 1. Cor. 6. 10. *Ebriosi regnum Dei non possidebunt?*

128. Dicam, quod res est. In cibo & potu sumendo, duo spectari possunt. 1. Ipse cibus & potus secundum naturam & substantiam suam. 2. animus sumendi cibum & potum. Igitur cibus & potus, qui intrat in os, ex natura & substantia sua non coinquinat hominem, cum sit creatura Dei. *Omnis enim creatura Dei bona est* (1. Tim. 4. 4.) At animus sumendi cibum & potum, potest coinquinare hominem dupliciter. Primum, si sit animus intemperans, qui desiderat plure cibi & potus, quam ratio præscribit. Sic coinquinantur ebriosi. Secundò, si sit animus inobediens, qui contra Dei vel Ecclesiæ præceptum, desiderat cibum & potum. Sic Adam & Eva coinquinati sunt in Paradiso, quia Deus præceperat

illis, ut abstinerent à fructu arboris scientiæ boni & mah. Sic coinquinantur Euangelici, quia ecclesiæ illis præcipit, ut certis anni temporibus abstineant ab esu carniæ, & tamen non volunt obtemperare.

129. Dicent, Ecclesiam non posse prohibere cibos, qui natura boni sunt. At cur obsecro non possit? An non sanguis, & pullus columbinus suffocatus, natura sua, bonus est? Nemo dubitat. Et tamen ecclesia, tempore Apostolorum, prohibuit illius usum. (Act. 15. 20.) An non caro, natura sua, bonus cibus est? An non vinum, bonus potus? Omnino. et tamen Medici, in certo morborum genere, prohibent illorum usum. et nisi Medicorum præcepto obsequaris, graviter peccas, qui tibi ipsi causa mortis es. Licet hoc Medicis, & non liceat Prælati ecclesiæ? Licet illis, pro sanitate corporis, non liceat his pro sanitate animæ?

De Matrimonio.

130. Euangelici, sicut pugnant pro esu carniæ, sic etiam pro vxoribus. Aunt matrimonium singulis à Deo præceptum esse illis verbis, Genes. 1. 28. *Crescite & multiplicamini.* Et quamvis asserant, alia Dei præcepta esse impossibilia, hoc tamen accuratè servandum esse sentent. At ego nullum hic video præceptum. Nam illa verba, *Crescite & multiplicamini*, his à Deo prolata sunt: semel primis parentibus in Paradiso; & semel Noë & filiis eius post diluvium, cum ex arca egressi essent. At utrobique post matrimonium iam contractum prolata sunt. Non ergo continent præceptum matrimonij contrahendi, sed benedictionem pro matrimonio iam ante contracto.

131. Hoc constat ex ipso textu. Nam primò certum est, Noë & filios eius, antequam arcam ingrederentur habuisse suas uxores, Gen. 7. 7. *Ingressus est Noë & filij eius, uxor eius & uxores filiorum eius, cum eo in arcam propter aquas diluvij.* Deinde certum est eundem Noë & filios eius cum suis vxoribus, peracto diluvio, egressos esse ex arca. Gen. 8. 18. *Egressus est ergo Noë & filij eius, uxor illius & uxores filiorum eius cum eo.* Tertio certum est, postquam cum suis vxoribus egressi sunt ex arca, tunc illi dictum esse à Deo, *Crescite & multiplicamini.* Hoc enim disertè habet historia. Vnde euidenter sequitur, his verbis non contineri præceptum de matrimonio incundo, quia iam ante erat initum, sed benedictionem in propaganda posteritate. Et hoc significat textus, cum ait, *Benedixit Deus Noë & filiis eius, & dixit ad eos, Crescite & multiplicamini, & replete terram.*

132. Idem dico non primis parentibus. Nam matrimonium inter illos tunc contractum est, quando Deus ex costa Adæ dormientis formavit Evam. Tunc enim Adam euigilans ex sopore dixit; *Hoc nunc os ossibus meis, & caro de carne mea. Hæc vocabitur virago, quoniam de viro sumpta est. Quamobrem relinquet homo patrem & matrem, & adhaerebit uxori suæ.* Quibus verbis tria indicat. 1. Evam esse vxorem suam. 2. maius esse vinculum inter virum & vxorem, quam inter parentes & filios, 3. coniunctionem coniugalem, quæ tunc inter ipsum & Evam erat facta, figuram fuisse futuræ coniunctionis Christi cum Ecclesia. Sic enim verba Adami interpretatur Apostolus Ephes. 5. 32. cum ait; *Sacramentum hoc magnum est. Ego autem dico in Christo & Ecclesia.* Igitur quod postea dictum est primis parentibus. *Crescite & multiplicamini*, non continet præceptum de contrahendo matrimonio, quia iam erat contractum, sed solennem benedictionem ad propagandum genus humanum.

QUESTIO VIII.

An Evangelici ex solo Evangelio possint suam doctrinam confirmare?

133. **H**oc quidem iactant se posse facere: sed frustra. De qua re audi, quod nuper contigit. Habuit colloquium inter duos Principes de fide & religione, quorum alter erat Serenissimus Vaudimontius Catholicus; alter Illustrissimus Marchio Durlacensis Evangelicus. Vaudimontius, ut exploraret, an Evangelici possint prestare, quod pre se ferunt, id est, an ex sola, nuda, ac simplici Scriptura, reiectis Traditionibus & auctoritate Patrum, possint suam doctrinam confirmare; obtulit Marchioni quosdam articulos Evangelicorum in scripto, presertim hos. 1. *Missam non esse sacrificium propitiatorium.* 2. *Matrimonium non esse Sacramentum.* 3. *Duo tantum esse Sacramenta.* 4. *Non esse Purgatorium.* 5. *Nos sola fide iustificari.* 6. *Santos non esse innocentes.* Hos, inquit, articulos vestri Prædicantes probent mihi ex sola, nuda, ac simplici Scriptura: nihil addant de suo, nihil de alieno: solis Scripturæ verbis utantur. Si desperent posse se id consequi, ingenuè fateantur. Quid fit? Marchio, convocatis sex Prædicantibus, rem totam illis exponit. Conferunt illi inter se capita; & tandem facta consultatione, respondent perit se rem impossibilem. Non posse se illos articulos ex solis Scripturæ verbis confirmare, sed aliis etiam prædiis, præsertim interpretatione & consequentiis opus esse. Sic Christum fecisse, quando Saduceos refellebat. Non nudis Scripturæ verbis, in asserta mortuorum resurrectione, sed argumentis & consequentiis usum esse.

134. Tum Vaudimontius: Si, inquit, non aliter quam vestra interpretatione, & vestris consequentiis pugnare vultis, quid futurum est, si vestram interpretationem non admittamus? Et certe non admittimus. Quid si vestre consequentiæ sint dubiæ ac incertæ? Quis tunc erit Iudex? An Plato, vel Aristoteles aliquis accersendus? Quid, si Catholici tam probi sint Dialectici, quam vos estis? Quid, si vim & naturam consequentiarum tam bonè perspectam habeant, quam vos habetis? Quid si etiam ingenio, arte, subtilitate, & exercitatione longè vos superent, quod non raro fit? Certe, cum in Colloquio Ratisbonensi formam argumentandi vgerent, non ausi fuistis eam admittere, cæci, quod res erat, longè, vos illis in hac palæstra inferiores esse. Nec est quod Christi exemplum prouocetis. Ausim dicere, neminem inter vos esse, qui vim & efficaciam illius consequentiæ, quæ Christus contra Saduceos usus est, suo Marte penetrare & explicare possit. Tentate, si vultis. Est autem hæc consequentia: *In libro Moysi scriptum est, Ego sum Deus Abraham, & Deus Isaac, & Deus Iacob: Ergo mortui resurgent.* Matt. 22. 31. Huius *qm* explicare, si potestis; sed seclusa Traditione & expositione Patrum, quam contemnitis.

135. Hæc & his similia, non minus verè quam ingeniosè Vaudimontius. Cuius exemplo ut insistam, peto ab Evangelicis, ut ex sola & simplici Scriptura ostendant duo tantum esse Sacramenta nouæ legis, Baptismum & Eucharistiam: reliqua, quæ Catholici adiciunt, non esse Sacramenta. Vel, ut speciatim præstent tria. Primò, ostendant ex sola & simplici Scriptura, nomen Sacramenti tribui Baptismo & Eucharistia; non item Confirmationi, Ordini, Pœnitentiæ, Matrimonio, Extremæ unctioni. Secundò, ex eadem Scriptura definiant Sacramentum. Tertiò,

demonsrent definitionem convenire Baptismo & Eucharistia, non autem reliquis. Hæc si præstiterint, salua res est. At nunquam præstabunt.

136. Ac primò, ubi inuenient locum Scripturæ, in quo nomen Sacramenti tribuitur Baptismo & Eucharistia? Nusquam. At ego inueniam, ubi tribuitur matrimonio. Sic enim scribit Apostolus, Ephes. 5. 31. *Propter hoc relinquet homo patrem & matrem suam, & adhærebit uxori suæ, & erunt duo in carne una. Sacramentum hoc magnum est: ego autem dico in Christo & Ecclesia,* quasi dicat: Quod homo relinquat parentes suos, & adhæreat uxori, hoc est magnum Sacramentum, quia est signum coniunctionis Christi cum Ecclesia, id est, repræsentat coniugium Christi & Ecclesiæ.

137. Secundò, ubi inuenient definitionem Sacramenti in Scriptura? Lutherus quidem in lib. de capt. Babylonica cap. vii. sic definit, *Sacramentum est promissio signo externo annexa.* Melancthon in Apologia Confessionis Augustanæ, artic. 3. sic, *Sacramentum est ritus, qui habet mandatum Dei, & cui addita est promissio gratia & remissionis peccatorum.* Calvinus lib. 4. Instit. cap. 14. §. 1. sic: *Sacramentum est symbolum externum, quo benevolentia erga nos suæ promissionem conscientis nostris Dominus obfigurat, ad sustinendam fidei nostræ imbecillitatem: & nos vicissim pietatem erga eum nostram, tam coram se & Angelis, quam apud homines testamur.* Plessius lib. 4. de Eucharistia, cap. 1. pag. 648. sic, *Sacramentum est sacer ritus à Deo institutus, promissioni gratia in Christo facta adiunctus, quo tanquam archæ bonæ & testimonio, fidelis quisque certus sit, promissionem illam gratia, qua in verbo diuino explicatur, sibi particulatim exhiberi, ratificari, applicari.*

138. At hæc definitiones non habentur in Scriptura. Imo, nec inter se conueniunt: Nam Lutherus in sua definitione supponit, promissionem esse de essentia Sacramenti: Melancthon, annexam esse Sacramento: Calvinus & Plessius, non esse annexam Sacramento, sed potius, Sacramentum annexum seu additum esse promissioni. Non enim esse promissionem de effectu & efficacia Sacramenti, sed de effectu & efficacia diuinæ erga nos benevolentia, & meritum Christi. Itaque secundum Melancthonem, sic exprimenda esset promissio: Si quis Sacramentum Baptismi aut Eucharistia susceperit, promitto illi remissionem peccatorum. At secundum Calvinum & Plessium, hoc modo, Promitto vobis remissionem peccatorum & vitam æternam, & hanc ipsam promissionem declaro & obfigno per Sacramenta.

139. Tertiò, quidquid sit de definitionibus iam allatis, quas Evangelici commentisunt, quomodo ex sola & simplici Scriptura poterunt demonstrare, eas convenire Baptismo & Eucharistia? Non videri. experiamur tamen. Vna definitio est hæc: *Sacramentum est ritus qui habet mādātum Dei, & cui addita est promissio remissionis peccatorum.* Pro bent Evangelici ex Evangelio, hanc definitionem convenire eucharistia. Pro bent, inquam, ex Evangelio, eucharistiam habere annexam promissionem remissionis peccatorum. Vel, quod idem est, euangelium promittere nobis remissionem peccatorum, si ad hoc Sacramentum accedamus. Nunquam poterunt. Non enim hoc Sacramentum à Deo institutum est, ut homini remittat peccata, vel ut ex impio & peccatore faciat iustum & sanctum, sed ut iustitiam & sanctitatem, quæ in illo est, foueat, conseruet & augeat. Imò, tantum abest, ut remittat peccata, ut etiam ob sit peccatori, si cum conscientia peccati accedat. Hinc Apostolus 1. Corinth. 11. 28. *Probet autem seipsum homo, & sic de pane illo edat, & de calice bibat. Qui enim manducat & bibit indigne, iudicium sibi mādatur & bibi.* Et Chri-

flus in vltima cœna non voluit. Apostolis porrigere Eucharistiam nisi præmissa pedum lotionem. Nimirum ut significaret, æminem, nisi lotum, purum & immaculatum, ad mensam Christi admittendum esse. Et ratio sumitur ex ipsa natura huius Sacramenti. Quid enim aliud est Eucharistia, quàm cibus & potus spiritualis, quo anima reficitur, & vegetatur? Ioan. 6. 55. Sicut ergo cibus & potus corporalis non prodest corpori mortuo, sed vitam habenti; sic etiam seruata proportionem de Eucharistia dicendum est.

140. Non dicam hic plura de Sacramentis. Sufficiat insinuasse, Euangelicos non posse ex sola & simplici Scriptura probare, duo tantum esse Sacramenta. An abunde possint, ipsi videant. Nunc pergerem ad alios ipsorum articulos, quos similiter ex Scriptura probare non possunt; sed vereor, ne nimia prolixitate, lectori molestus sim. Hoc solum addo, in aliis articulis eodem fere modo procedendum esse, quo in isto de Sacramentis processimus.

QVÆSTIO IX.

An Euangelici ex solo Euangelio possint suas controuersias dirimere?

141. **E**uangelici habent varias controuersias de rebus ad fidem & religionem pertinentibus: alias inter se, alias cum Anabaptistis, alias cum Catholicis. Nullas ex sola & simplici Scriptura finire possunt. Hoc vno aut altero exemplo ostendam. Est inter ipsos controuersia de sensu verborum Christi, *Hoc est corpus meum*. Lutherani dicunt propriè; Calvinistæ, figuratè intelligenda esse. Vtrique prouocant ad solam Scripturam. Lis tamen finire non potest. Quid causæ? quia Scriptura nihil aliud pronunciat, quàm hæc nuda & simplicia verba, *Hoc est corpus meum*. An autem hæc verba propriè, an figuratè intelligi debeant, non definit Scriptura. Vnde ergo probant Calvinistæ figuratè intelligi oportere? An ex antecedentibus & consequentibus? Sed Lutherani dicunt, se ex antecedentibus & consequentibus contrarium colligere. An ex collatione aliorum Scripturæ locorum? Sed Lutherani pro se vrgent hanc collationem. An ex interno & priuato spiritu? Sed & hunc Lutherani non minus sibi arrogant, quàm Calvinistæ. Quomodo ergo finire hæc lis poterit? Non aliter, quàm si vtrique prouocent ad traditionem & auctoritatem Ecclesiæ: Hoc olim Augustinus in disputatione contra Donatistas & Pelagianos facere solitus est. Nam quando non poterat eos ex simplici & nuda Scriptura confutare, ad Patrum & Ecclesiæ auctoritatem confugebat. Nos Catholici idem facimus.

142. Est & alia inter Euangelicos controuersia de exorcismo & similibus ceremoniis, quæ in Baptismo adhiberi solent. Lutherani eas admittunt; Calvinistæ reiciunt. Neutri tamen ex sola Scriptura suam sententiam possunt confirmare. Non quidem Lutherani, quia Scriptura nusquam dicit eiusmodi ceremonias usurpandas esse; sed ex sola traditione Ecclesiæ id habemus. Nec Calvinistæ, quia ipsi non alio argumento eas oppugnant, quàm quod ex Scripturis probari non possint. Ac hoc argumentum contra ipsos est. Nam & ipsi præscribunt varios ritus in Baptismo, quos ex Scriptura probare non possunt. Sunt autem hi. 1. ut infans in Ecclesia coram vniuerso populo baptizetur; idque vel die Dominico, vel aliquo alio, quo populus ad concionem ve-

nire solitus est. 2. ut illi, qui adferunt infantem ad Baptismum, interrogentur, an spondeant, se infantem, eum adoleuerit, in fide & moribus instructuros. 3. ut nomen imponatur infanti baptizando. 4. ut formula Baptismi pronuncietur lingua patria. 5. ut recitetur Symbolum, Oratio Dominica, & aliæ preces. Hos ritus præscribit Calvinus in libello de *formula Sacramentorum formulandorum*. At quomodo hirtus ex Scriptura probari possunt? Si ergo Calvinistæ reiciunt omnes ceremonias, quæ ex Scriptura probari non possunt, hæc etiam reici necesse est, propter eandem rationem.

143. Iam verò inter Euangelicos & Anabaptistas, non de ritibus & ceremoniis, quibus infantes baptizantur, sed de ipso Baptismo controuersia est. Anabaptistæ negant infantes baptizandos esse: Lutherani & Calvinistæ affirmant. Nec tam ex Scriptura possunt conuincere Anabaptistas, sed ex sola traditione & praxi Ecclesiæ. Hinc enim prætendit Melancthon in locis, titulo de *Baptismo parvulorum*. Sed meritò ridetur ab Anabaptistis. Nam si in aliis controuersis reicit traditionem, & ad solam Scripturam prouocat, cur hic contrarium facit? Omnes similes controuersias, quæ hoc tempore apud ipsos vigent. Nulla hætenus finire poterit. Quid deinceps futurum sit, nescio. Hoc ausim polliceri, quamdiam relicta traditione & auctoritate Ecclesiæ, solam Scripturam pro se vrgent, nullam concordiam sperari posse. Nam apud ipsos, quisque pro suo cerebro interpretabitur Scripturam, ut vult; Et cum omnes superbi & arrogantes sint, nullus alteri, vel in minimo, cessurus est.

QVÆSTIO X.

An Euangelici in vita & moribus sint conformes Euangelio?

144. **E**x triplici capite ostendam non esse. 1. ex propria ipsorum confessione. 2. ex propriis illorum factis. 3. ex propria doctrina. Et ex hoc tertio capite patebit, magnum esse discrimen inter Euangelicos & Catholicos. Nam Euangelici, secundum suam doctrinam non possunt bene vivere; Catholici, secundum suam, non possunt malè.

145. Quod ergo ad primum caput attinet, ipsi Euangelici, tam Lutherani, quàm Calvinistæ, ingenuè fatentur, quod res est. Et quidem Lutherus in *Postilla domestica* Ienæ impressa, conc. 1. primæ Dominicæ Aduentus, sic scribit: *Mundus ex hac doctrina (Euangelicorum) quotidie redditur deterior. Iam homines singulis septenis diabolis obsidentur, cum antea (in Papatu) unico diabolo tantum obfessi fuissent. Diabolus iam cateruatim in homines ingreditur, ut nunc in tam splendida Evangelij luce sint auariores, cadidiores, inuistiore, crudeliores, proteriores, multò denique deteriores, quàm prius in Papatu fuerant.*

146. Calvinus verò in cap. 11. Daniel. v. 34. *In exiguo illorum numero, qui sese ab idololatriis Papatus subdlexerunt, maior pars plena est perfidia & dolis. Præclarum quidem Zelum simulant, si tamen intus excutias, reperies plenos esse fraudibus. Et in commentario 2. Pet. 12. Vix eorum decimus quisque est, quò alio sine Euangelio nomen dederit, quàm ut solutus in omnem lasciuiam diffunderet.*

147. Et Andreas Musculus in lib. de nouissimo die, *Quod si fateri veritatem velimus, tum hoc de nobis Euangelicis testari cogimur, magis quàm nos, scortationibus, usuris, circumuentionibus fraudibusque de-*

ditos, in toto iam mundo nusquam inveniri. Et infra ibidem: *Res ipsa loquitur, & nobis licet innitis confessionem veritatis extorquet, quod iam peiores, irreligiosiores, ingratiore, infideliores, petulantiores homines, maioraque scelera & peccata in uniuerso orbe, ne inter Turcas quidem, aut Iudaeos, aut Paganos inueniantur, quam in istis locis, ubi verbum Dei quam diligentissime predicatur.*

148. Idem author in lib. de Prophetia Christi, *Iterum cogor dicere, quia verum est, contumaciores homines, in quorum animis, omnes omnis virtutis & honestatis scintillae sunt extinctae, & apud quos nihil iam pro peccato habetur nusquam, nec apud Ethnicos, Iudaeos, Turcas inveniri, quam inter Evangelicos, apud quos omnino vincit solus ac liber viget diabolus. Vique paucis rem omnem eloquar, illud nunc est, coque nostra Lutheranorum res rediit, ut si quis videre cupiat magnam turbam nebulonum, atheorum, usurariorum & deceptorum, ei adenda sit ciuitas aliqua, in qua Euangelium predicatur. Ibi catenatim id genus hominum inueniet.*

149. Porro Serenissimus Britanniae Rex Iacobus, in sua Praefatione monitoria ad Imperatorem, Reges, & Principes, de suis Evangelicis, praesertim Puritanis seu Calvinistis, ita sentit. Primo, esse homines furiosos & incendiarios. 2. plus se fidei reperisse in effertis laconibus, quam in Calvinistis. 3. se non solum à nativitate continuo vexatum fuisse à Calvinistis, sed etiam in utero materno propemodum extinctum, antequam nasceretur. 4. se in suo libro ad filium, multo acius in Calvinistas, quam in Pontificios inuectum esse. 5. se eidem libro prolixam in odium Calvinistarum Praefationem Apologeticam praefixisse.

150. Hæc de primo capite. Sequitur alterum, in quo facta Evangelicorum expendenda sunt. Ex quibus conabit. 1. Evangelicos esse superbos & arrogantes. 2. impudicos. 3. mendaces. 4. calumniatores. 5. conuitatores. 6. perfidos. Quæ omnia Evangelio contraria sunt. Superbia eorum in eo maxime elucet, quod omnes alios præ se contemnant. Lutherus in libro contra Henricum VIII. Regem Angliæ, scribit indignos esse Principes, Reges & Pontifices, qui sibi in detrahendis calceis ministerium exhibeant. Et, *se nihil curare, si mille Augustini, & mille Cypriani contra stent.* Et Calvinus lib. 3. Instit. cap. 4. §. 38. *Parum me mouent, quæ in veteram scriptis de satisfactione passim occurrunt. Video omnes fere, quorum libri extant, aut hac in parte lapsos esse, aut nimis asperè ac durè loquutos.* Et Franciscus Iunius in suis animaduersionibus circa tertium librum Bellarmini de Pontifice, *Patres à vero ut plurimum aberrarunt.*

151. De impudicia & scurtilitate, quid necesse est dicere? Habemus viua exempla in Lutero, Beza, Batauo & similibus. Pudet referre, quæ impurissime ab illis facta & scripta sunt. Legantur colloquia mensalia Lutheri, versiculi Bezae, Apologia pro Christiano Batauo, Flores Calvinistici. Nihil aliud penè occurret, quam lupanaria, lenones, meretrices, scortatores, spurij, stupra, adulteria, incestus. Rectè de illis scripsit Erasmus in Epistola ad fratres inferioris Germaniæ, *Quis non inre admiretur, hos novos Evangelistas non posse vivere sine vxoribus?* Et infra: *Quæ malum, est ista salacitas? Vnde tanta carnis rebellio in iis, qui se iactant agi spiritu Christi?*

152. Mendacia passim obuia sunt. In quibus maxime excellit Calvinus, qui lib. 4. Instit. c. 7. §. 27. scribit, Pontifices cum Cardinalibus docere, nullum esse Deum, nullum Christum, nullam resurrectionem. Quid hoc mendacio potest esse mendacius? Praeceptorem imitantur discipuli. Gabriel Pouellus in li-

bro de Antichristo, scribit Catholicos docere hæc puncta. 1. quod Papa possit dispensare contra vetus ac nouum Testamentum. 2. quod possit creare, seu aliquid ex nihilo producere. 3. quod possit Sacramenta à Christo instituta mutare quoad eorum substantiam. 4. quod maius peccatum sit, comedere carnes die prohibito, quam adulterium committere. Quis non stupeat ad hæc portenta? Et tamen Calvinistis familiaria sunt.

153. Audiamus calumnias, Sparserunt Evangelici annis superioribus, Iesuitas in Belgio machinatos esse mortem Mauritio Comiti Nassouio. Calumnia hæc, publica Magistratum ac Rerumpublicarum auctoritate, refutata est. Sparserunt, Antuerpiæ infami supplicio affectum fuisse Iesuitam propter enorme crimen. Vniuersa Antuerpia reclamauit. Sparserunt, Iesuitas Monachienfes in Bauaria, non modo stuprum virgini obtulisse, sed atrox etiam homicidium patrasse. Serenissimi Ducis imperio, calumnia hæc solenni diplomate detecta & dissipata est. Sparserunt, quatuor Iesuitas, propter enormia facinora, Cracouiæ in Polonia, mandato Serenissimi Regis Stephani, morti destinatos esse. Hanc fabulam ipsemet Stephanus Rex, urgente Reuerendissimo & Illustrissimo Principe Vvolfango, Archiepiscopo Moguntino, regis litteris ac sigillo confutauit. Sparserunt non ita pridem, Christianissimum Galliarum ac Navarrae Regem Henricum, instinctu ac consilio Iesuitarum, à sicario occisum esse. Sed fatentur ipsi calumniam esse. Et quid dicam cetera? Vno verbo, Evangelici Prædicantes, renitente etiam conscientia, passim clamant, in suis cathedris, Iesuitas omnium fraudum ac malorum, quæ in mundo sunt, auctores & architectos esse. Nec dubito, si ita pergant, breui futurum, ut audent populo persuadere, Iesuitas peccatum originale in hunc mundum induxisse: & in auriculari confessione consilium dedisse Caino, ut fratrem Abelem interficeret; & Absaloni, ut Dauidem parentem suum bello persequeretur.

154. Venio ad conuitia & maledicta, quibus non modo Catholicos, sed etiam se mutuo insectantur evangelici. Calvinus in Antidoto Concilij Tridentini, Catholicos passim vocat *stupidos, quisquilias, asinos, porcos, pecudes, crassos boues, otiosos vires, mædæ cabula, putrida cadavera, siliernia, blasphemes, Patres cornutos, Tridentinam colluuiam, exitialia monstra, spurios, degeneres, meretricis filios, Christi hostes, Antichristi legatos, & quæ similia sunt.* 155. Gabriel Pouellus in libro de Antichristo, ait Pont. Romanum esse *Dei hostem, Christi perduellem, religionis aduersarium, hæreseos antistitem, Ecclesiæ parricidam, pacis turbatorem, sentinam impietatis, mancipium diaboli, Cardinales esse locustas vastatrices: Canonicos, mendaces & homicidas: Catholicos omnes, quorquot sunt, Satanae mancipia, & Antichristi satellites.*

156. Batauus Calvinista in tertia Defensione Federatorum inferioris Germaniæ, Regem Hispaniæ Philippum vocat *Raptorem, & notorium hereticum: Archiduces Austriæ, perfidos: Ducem Sabaudiae, crudelem & perfidum: Sigismundum Poloniæ Regem, non dissimilem: Serenissimos Principes Albertum & Claram Eugeniæ, vera pacis impedimentum: Catholicos omnes, Turcis deteriores.* 157. Iosephus Scaliger in quadam Praefatione ad Ioannem Drusium, appellat Martinum Delrium, *lutum stercore materatum, demoniacum, retrimetum infestum, sterquilinum, sterens diaboli, scarabæum, larnam, Antichristum, pecus, postremam bestiarum, infame propudium, asinum, &c.*

158. Nec benigniores sunt in suos fratres: Nam idem Scaliger, quem Calvinistæ tanquam Deum

quendam terrestrem venerantur, in Elencho vtriusque Orationis chronologicæ, pulcherrimis epithetis ornat Davidem Patrum, eiusdem sectæ Calvinistæ, Professore Heidelbergensem. Aut esse hominem insanum, arrogantem, idiotam, stercorea colligentem, prophanitatum buccinatorem, asinum, syerphantiam, belleborisino egentem, mendacem, communis sensu destitutum.

159. Sed neque Patrus illi parcat. Nam in quadam epistola ad amicum anonymum, De Iosephi Scaligeri chronologicis, asserit Elenchos illos esse insanos, voraces, maledicos, furiles, dicaces, impios, vanos, ridiculos, spuros, oleis, stercoreibus, sterquiliniis, latrinis, cloacis lutescentis, olis plenis, differtorum, proborum, sarcasmorum, scommatum, aculeorum, corybanisimorum, belleborisimorum, & similibus gryphorum. Sic mulus mulum scabit.

160. De perfidia, verum est illud Calvini testimonium, quod supra citavi; Maior pars Calvinistarum plena est perfidia & dolis. Pædarnum quidem Zelum simulant, si tamen intus excutias, reperies plenos esse fraudibus. Eius rei multa extant exempla, quæ parum in examine concordie Anglicanæ, partim alibi à me proposita sunt. Summa ferè hæc est; Calvinistas in Hollandia fide publica interposita promississe multis civitatibus liberum Catholicæ religionis exercitium; & tamen postea, contra fidem datam, idem exercitium prohibuisse & exterminasse. Ut mentio dicant Catholici, En hæc promissa fides est.

161. Superest tertium caput, in quo demonstrandum est, Euangelicos, si suam doctrinam sequantur, bonos viros esse non posse; Catholicos autem, si suæ doctrinæ conformes sint, malos esse non posse. Nam doctrina euangelicorum, nititur his principiis, 1. præcepta Decalogi esse impossibilia. 2. Bona opera nullius esse meriti aut valoris apud Deum. Imò, nihil

aliud esse quàm sordes, inquinamenta, meram iniquitatem. 3. Electos necessario salvari, quidquid agant: reprobos necessario perire, quocunque se vertant. 4. Electis nec imputari, nec obesse furta, homicidia, adulteria: reprobis nihil prodesse bona opera aut desideria. Quid hinc aliud sequitur, quàm ut nemini curæ sit, aut bene agere, aut peccata vitare? Nam 1. si præcepta Decalogi impossibilia sunt, quis potest evitare furta, homicidia, adulteria? 2. Si bona opera nullius valoris aut meriti sunt apud Deum, quid necesse est de iis sollicitos nos esse? Imò, si nihil aliud quàm sordes & inquinamenta, vitanda potius quàm accumulanda sunt. 3. Si electi necessario salvantur, quidquid agant, seu non liberrimè indulgeant suis cupiditatibus? cur veniri & veniri impune non seruiant? Et è contrario, si reprobis bona opera non profunt, quorsum iis præstandis operam dent? Longè aliter sentiunt Catholici: Longè alia habent principia, quæ si sequantur, mali esse non possunt: Sed de his alibi.

162. Concludo, Euangelicos in vita & moribus, non Euangelio, sed suæ sectæ conformes esse; nec, quamdiu euangelici sunt, quales nunc sunt, euangelio conformes esse posse. Quod tamen limitandum est. Nam, quando legunt in euangelio, Christum iuisse ad iurias, & bibisse vinum; Iudam habuisse loculos, & Dominum suum prodidisse, mulierem in adulterio deprehensam, impune dimissam esse; Herodis filiam saltasse in convivio; filium prodigum cum meretricibus luxuriose vixisse, & nihilominus lauto prandio à parente exceptum esse: tunc omni modo euangelici sunt. At contra, cum legunt in Euangelio, Christum ieiunasse 40. diebus, lavisse pedes Apostolorum, pernoctasse in oratione, flexis genibus præcatum esse, crucem & passionem sustinuisse, tunc non euangelici, sed Libertini sunt.



TITVLVS SECVNDVS REFORMATI.



VNC Titulum duplici sensu usurpant sibi Calvinistæ. 1. quia ipsi Ecclesiam reformatunt. 2. quia sunt membra Ecclesiæ reformatæ. Priori sensu, Reformatores potius appellandi sunt; posteriori, Reformati. Porro, circa priorem sensum, ex quo posterior dependet, multa disputari possunt. 1. an Calvinistæ reuera reformatint Ecclesiam. 2. qua auctoritate id fecerint, seculari, an Ecclesiastica. 3. iuxta quam normam & regulam fecerint. 4. quid potissimum in Ecclesia reformauerint, & quomodo. Vbi speciatim disquiri potest, quomodo reformauerint. Symbolum fidei doctrinam Patrum, Sacramenta, Ceremonias Sacramentorum, Ministros Ecclesiæ, Tempia & Monasteria, Festa & ieiunia, De singulis dicam ordine.

QVÆSTIO I.

An Calvinistæ reformatunt Ecclesiam?

1. Calvinistæ cum suo Præceptore, lib. 4. Inst. c. 1. agnoscunt duplicem ecclesiam: vnā occultam & invisibilem, quæ soli Deo cognita est: al-

teram perspicuam & visibilem, quæ etiam hominibus cognita est. Prior, sicut soli Deo cognita est, ita à solo Deo reformari potest. Igitur de posteriori quæstio est, an Calvinistæ visibilem Christi ecclesiam reformatint, nec ne? Aiant se reformasse. Ego tamen non satis assequor, quid velint. Quæ enim est illa visibilis Christi ecclesia, quam ipsi reformatunt? An non Catholica, quam Papisticam vocant? an aliqua alia distincta? Gerere nostra non est. 1. quia ipsi

negant nostram esse reformatam. 2. negant se esse in nostra Ecclesia, cum tamen non negent se esse in reformatam. 3. hortantur alios, ut nostram deserant, & ad suam transeant, inculcantes identidem illud Mat. 23. *Recedite, recedite: exite inde, exite de medio eius.* 4. nostram vocant Ecclesiam idololatricam & Antichristianam. Denique contra nostram libellum ipse fecerunt cum hac inscriptione, *Cacitas Ecclesia.* Nostram igitur non reformatunt. Quam ergo? Aut nullam, aut aliquam distinctam à nostra. Si nullam, cur usurpant titulum sine re? Si distinctam, quanam illa est?

1. Fortè hunc scerpulum eximer nobis Calvinus ipse. Nam in libro *de necessitate reformanda Ecclesia*, quem anno 1544. obtulit Carolo V. Imperatori in Comitibus Spirensibus, duas habet propositiones, ex quibus gestora perspicui potest. Una est, Catholicam seu Romanam Ecclesiam, propter varios abusus, qui in eam irreperunt, necessarè reformatam esse. Altera, se nihil melius posse præstare, quàm si vigeant hanc reformationem, eo quod sit Ecclesia Christi, de qua reformatam agitur. Ubi, inquit, melius aut bonius, ubi etiam hoc quidem tempore, in re magis necessaria, operam mihi collocare liceat, quàm si Christi Ecclesie, laboranti nunc graniter? & extremò in discrimine agenti pro mea virili adesse coner? Hinc eria infero. 1. Catholicam seu Romanam Ecclesiam, quam Calvinus ait grauer laborare, esse Christi Ecclesiam, 2. Calvinum & alios Nouatores, qui deserunt Catholicam seu Romanam Ecclesiam, deseruisse Christi Ecclesiam, & formasse sibi nouam, quæ Christi esse non potest. Itaque non posse vocari Reformatores, sed Formatores, nec ipsorum Ecclesiam esse Reformatam, sed recens formatam & novam. 3. Calvinum & alios nouatres, in hac quidem re, eo modo se habere respectu Catholicorum, quo olim Samaritani se habebant respectu Iudæorum. Nam illi, sub Rege Ieroboam, non reformabant Ecclesiam Iudæorum, sed nouam formabant, erigentes altare contra aliud, & constituentes novos Sacerdotes, qui non erant de filiis Levi, 3 Reg. 12. 31. Plaudè sic faciunt Calvinistæ.

3. Astringit, inquit, nullo modo Ecclesiam Christiformasse censendi sunt? Facilis responsio. Suam, quæ Christianon est, propriè formatunt: nostram, quæ Christi est, improprie reformatunt. Et quidem duplici sensu. Primò, quia eam ipsi fuerint aliquandò in nostra Ecclesia, tanquam palea inter triticum, aut Ioha inter herbas; & postea eandem egressi sint, sanè suo egressu, à multis paleis & lolis eam liberant: quæ non parua reformatio est. Secundò, quia nobis, qui manemus in Ecclesia Catholica, dederunt occasionem reformati nos ipsos in bonis moribus, & tollendi omnes abusus ac scandala, quantum in nobis est. Hinc in Concilio Tridentinò, tot canones, tot decreta, tot reformationes. Quæ omnia eò spectant, ut Ecclesia nostra in puriorem statum restitueretur; nec Adversarij habeant, quod merito calumniari possint. Hoc modo omnes hæretici quotquot unquam existerunt, Ecclesiam reformatisse censendi sunt. De qua re videri potest. Augustinus in libro de vera religione.

QUESTIO II.

Qua auctoritate Calvinistæ reformatunt Ecclesiam?

DE hac ipsa re contendunt inter se Calvinistæ. Aliqui volunt ius ac potestatem refor-

mandi pertinere ad Consistorium & Ministros Ecclesie: alij ad Reges & Principes seculares. Et quidem Genevæ in Gallia. Tiguri in Helvetia, Basileæ in Germania. Ministri cum Consistorio usurpant sibi hoc ius: At in Anglia, Hollandia, Zelandia, Frieslandia, Reges & Magistratus seculares.

5. Priorem sententiam tuetur Calvinus lib. 4. Inst. c. 11. §. 15. ubi expressè ait, causas ecclesiasticas olim in Ecclesia non spectasse ad Reges & seculares tribunalia, sed ad Episcopos & Ministros Ecclesie. Verba eius sunt hæc: *Ecclesiastica causa ad Episcopalem iudicium referebatur. Quò admodum, si quis Clericus nihil in leges deliquisset, Canonibus tantum reus agebatur, non citabatur ad commune tribunal, sed Episcopum habebat in ea causa iudicem. Similiter, si fidei questio ageretur, aut qua ad Ecclesiam propriè pertineret, cognitio deferrebat Ecclesie.* In eandem sententiam citat ex Ambrosio hæc verba, *Si Scripturas aut vetera exempla intuemur, quis est, quò abnuat, in causa fidei, Episcopos solere de Imperatoribus Christianis, non Imperatores de Episcopis indicare?*

6. Pollentorem defendit Serenissimus Angliæ Rex Jacobus, in Apologia pro Iuramento fidelitatis, ubi eam confirmat hoc argumento: Quidquid iuris ac potestatis habuerunt Reges in veteri Testamento, hoc etiam habent in nouo: *At Reges in veteri Testamento, corruptelas purgare, abusus sustinere, reformationes publicas instituire, & cuncta moderari sunt, quæ ad Ecclesiasticum regimen quoquo modo pertinerant.* Ergo eadem potestas concessa est Regibus in nouo Testamento. Hoc sensu affirmat se habere primatum Ecclesie Anglicanæ, quem etiam subditi ipsius tenentur iuramento confirmare sub hac formula: *Ego A. B. palam testor, & ex conscientia mea declaro, quod maiestas Regia, unicuique est supremus Gubernator huius regni, tam in omnibus spiritualibus sine Ecclesiasticis rebus & causis, quàm in temporalibus, & c.* Et hoc iuramentum præstant Calvinistæ in Anglia. Scind, an fidei, ipsi vident.

7. Exemplum huius Regis imitantur nobiles ac potentes DD. Status in Hollandia, qui & ipsi arrogat sibi ius reformandi Ecclesiam, convocandi Synodos, præscribendi leges ecclesiasticas, ut nuper visum est in Synodo Ultræctina, cuius decreta in lucem edita sunt ab ipsis DD. Statibus, sub hoc titulo: *Christiana Ecclesiarum Ordinationes civitatis, oppidorum, & Provinciae Ultræctinae, conclusæ Ultræcti, die 24. Augusti, Anno 1612. & editæ à Nobilibus & Potentibus DD. Statibus eiusdem Provinciae.* Porro, capita Reformationum seu ordinationum, quæ in hac Synodo Præsidentibus DD. Statibus tractata sunt, recensentur hoc ordine. 1. de vocatione Prædicantium. 2. de officio eorundem. 3. de publicis precibus. 4. de Baptismo. 5. de cena. 6. de feriis & festis. 7. de ieiuniis & diebus Rogationum. 8. de canto Ecclesiastico. 9. de Senioribus. 10. de Diaconis seu Eleemosynariis. 11. de Ecclesiasticis congregationibus. 12. de disciplina Cleri. 13. de disciplina plebis. 14. de scholis, Ludimagistris & custodibus.

8. Hinc patet, controversum adhuc esse apud Calvinistas, quinam debeant Ecclesiam reformare, laici an Ecclesiastici, Principes, an Prædicantes? Vtrique sibi vendicant hoc ius. Vtrique pro se Calvinum habent, qui in hac re varius est. Nam loco supra citato, satis significat, ad Episcopos hanc curam pertinere. At alibi contrarium sentit. Nam in libro de necessitate reformandæ Ecclesie, expressè vult, Imperatoris ac Principum officium esse, Ecclesiam purgare & reformare. Similiter in epist. 87. valde commendat Protectorem Angliæ, quòd Ecclesiam Anglicanam

Anglicanam reformatiorem aggrediatur sic. Sic enim scribit, *Est sane de quo gratias agamus Deo & Patri nostro, quod opera tua vii volueris ad tantum opus, ut per te imprimis purum & sincerum suum cultum in regno Angliæ restitueret. ac ibidem hortatur illum, ut Catholicos, qui reformationem non admittunt, gladio coerceret. Atque, inquit, m' ventur gladio ultore coerceri, quem tibi tradidit Dominus. Et paulo post, ut illud assequaris, nunquam manum remittas ab incepta plena & integra Ecclesiæ reformatione prosequenda. Et iterum; Da operam obsecro, ut veri Templi ipsius Reformatoris nomen referas. Et circa finem: Tu igitur amplissime Domine, uti feliciter illam Christianissimi restitutionem integram in regno Angliæ institueris, sic pergendum tibi esse existima.*

9. Rursum in Epistola 186. ex professo disputat cum quodam Comite vel Principe Poloniæ, quis ex officio debeat Ecclesiam Polonicam reformare. Calvinus contendit Comiti & aliis Principibus hanc curam incumbere. Comes reiecit eam à se, & ad Episcopos spectare asserit. Verba Calvinii, Comitem alloquentis, sunt hæc; *In hoc porro cardine vertitur, quidquid mihi est cum tua Excellentia disceptationis, quod partium tuarum non esse existimas, quicquam tentare vel aggredi, ut repurgetur à sordibus Papæ Ecclesia Polonica, &c.*

10. Igitur Calvinus, ut in plerisque aliis, sic etiam in hoc puncto bilinguis est. Nam aliquando Regibus & Principibus secularibus, aliquando Episcopis ecclesiæ curam & reformationem commissam esse disputat. Hinc fit, ut eandem litem inter se agitent Calvinistæ. Miror autem litem istam apud eos non finire. Præsertim cum aliis iactare soliti sint, omnes omnino lites, quotquot in Ecclesia excitantur, ex solo Dei Verbo decidi ac finire posse. Consultant verbum Dei, & litigare desinant.

QUESTIO III.

Quam regulam servant Calvinistæ in reformatione Ecclesiæ?

11. Calvinus præscribit hanc regulam, ut nulla fiat reformatio in Ecclesia, nisi iuxta expressum Dei verbum. Itaque vult hoc solum credendum aut faciendum esse, quod expressè dicitur aut fieri præcipitur in Scriptura. Cætera omnia, quæ vel traditione, vel autoritate hominum introducta sunt, penitus esse respuenda. Sic enim scribit in libro de necessitate reformationis Ecclesiæ; *Porro, universalis est regula, quæ purum Dei cultum à vitioso discernit, ne comminiscamur ipsi, quod nobis visum fuerit, sed quid præscribat is, qui solus iubendi potestatem habet, spectemus. Et ibidem; Deus non modo iram habet, quidquid colendi sui studio, præter mandatum suum suscipimus, sed palam quoque abominatur. Et infra; Cum verbum Dei notam esse dixerimus, quæ verum eius cultum à vitioso praxoque discernat, inde colligere proprium est, totam colendi Dei formam, quæ hodie mundo est usitata, nihil quam meram esse corruptionem. Et rursum; Satis hoc valere debet ad repudiandum quemcumque cultum, si nullo Dei mandato approbetur. Et epist. 87. ad Protectorem Angliæ; Cum de legitima reformatione, & quæ Deo accepta sit, agitur, ad ipsam purum Dei verbum redeundum nobis est. Et epist. 193. Simul etiam evincimus, controversias omnes de Dei cultu, ex verbo ipsius esse dirimendas: Et cultum Dei ex mandato ipsius instituendum. Et epist. 395. ad quendam Curatum; Nilam est, nostram à nobis Ecclesiam reformatam esse ex meo ipsius verbo, quod unum est pro regula, ad quam & instituenda illa sit & iudicanda*

Opusc. Rec.,

A legitime. Et lib. 4. Inst. cap. 1. §. 19. *Responsum mihi & piis omnibus fas est, quidquid ad Christi institutionem addere ausi sunt homines.*

12. Eandem regulam tradit Sacellanus Regis Angliæ in responsione ad Apologiam Cardinalis Bellarmini, pag. 37. his verbis; *Non audemus vota nostra præcæque ad Sanctos dirigere, cum præceptum ea de re nullum acceperimus. Præceptum autem acceperimus in lege, discretis verbis, Quod tibi præceperò, hoc tantum facies, (Deuter. 12. 39.) Inde, id tantum audemus, de quo præceptum habemus.*

B 13. Et DD. Status Hollandiæ, in Synodo Ultrajectina, in prologo suarum curationum, §. Obstringimus nos in forma iuramenti & obligationis, quod in hac provincia non aliam velimus amplecti & sequi doctrinam, regulam, mensuram & munus fidei & vitæ Christianæ, quam solum verbum Dei, quod in libris veteris ac novi Testamenti expressum est.

C 14. Nullus tamen illorum servat hanc regulam, quod dupliciter ostendi potest. Primum, quia nusquam in verbo Dei præceptum est, quod sæculares in Angliæ & Hollandiæ; Prædicantes in Galliæ & Helvetiæ debeant reformare Ecclesiam. Hoc tamen fit in praxi. Igitur contra assignatam regulam fit. Secundo, quia utriusque, tam sæculares in Angliæ & Hollandiæ, quam Prædicantes in Galliæ & Helvetiæ, multas leges pro reformatione condiderunt, quæ in verbo Dei scriptæ non sunt, sed ab ipsis excogitantur. Quod variis exemplis in progressu demonstrabitur.

QUESTIO IV.

Quomodo Calvinistæ reformati sacram Scripturam?

D 15. Multis modis illam reformatunt, vel, ut verius dicam, deformant. Primum, quia spoliaverunt illam traditione, quæ germana illi soror est. Nam sicut Scriptura est verbum Dei scriptum; ita traditio est verbum Dei non scriptum, sed traditum. Secundò, aliquot partibus seu membris illam mutilaverunt; non secus, quam si aliqui nares & aures abscidissent. Tertiò, reliquum corpus tot versionibus & sectionibus transmutaverunt, ut vix amplius sibi ipsi sit simile. Hæc tria superius explicata sunt. Quarto, cum antea esset norma seu regula, non solum fidei, sed etiam vitæ ac morum, hoc posterius officium illi iussurati sunt. Non amplius agnoscunt illam, ut regulam practicam, quæ dirigat in ipsos agendo; sed tantum, ut speculativam, quæ dirigat in credendo.

E 16. Quæres, Quam ergo regulam & normam sequuntur Calvinistæ in vita & moribus? Respondeo. Non verbum Dei, sed Lutheri & Calvinii. Itaque respuunt illud Christi, Matth. 19. 17. *Si vis ad vitam ingredi, serva mandata.* Et in eius locum substituerunt, quod Calvinus ait, *Si vis ad vitam ingredi, ne servas mandata, quia nec necesse, nec possibile est ea servare: Tantum crede, & sufficit.* Similiter respuunt illud Matth. 19. 29. *Omnis, qui reliquerit uxorem propter nomen meum, vitam æternam possidebit.* & arripiunt illud Lutheri, *Si non vult uxor, veniat ancilla.*

fff

QVÆSTIO V.

Quomodo Calvinistæ reformarint Symbolum fidei?

17. **S**ymbolum fidei duobus modis reformarunt, explicatione & additione. Nam primò, aliter explicant articulos Symboli, quam hæcenus fuerint explicati. Hoc pridem multis exemplis à nostris ostensum est: Ego vnico ostendam. Decimus Symboli articulus habet, *Descendit ad inferos*. Nos Catholici interpretamur, Christum verè descendisse *ad inferos terre partes*, ut loquitur Apostolus, (ad Ephes. 4.9.) Et ita nobiscum interpretati sunt sancti Patres, tam Latini, quàm Græci, apud Bellarminum lib. 4. de Christo c. 14. Calvinistæ, reiecta hac interpretatione, nouum commenti sunt, hoc sensu; *Christus descendit ad inferos*, id est, *portulit in cruce diros cruciatus damni ac periculi hominis, ut coactus fuerit, urgente angustia exclamare, Deus meus, ut quid dereliquisti me?* (Verba sunt Caluini, lib. 2. Instit. cap. 16. §. 10. & 11.) et hanc expositionem confirma, Catechismus Heidelbergensis, qui apud plerisque Calvinistas parem eam Scriptura auctoritatem habet. Nam quæst. 44. dicit Christum descendisse ad inferos, id est, *in enarrabilibus animi angustis, cruciatibus & terroribus in cruce demorsum fuisse*. Itaque secundum Calvinistas, hæc est connexio Symboli; *Crucifixus, mortuus & sepultus est; descendit ad inferos, tertia die resurrexit à mortuis*, id est, primò cruci affixus est: deinde, mortuus in cruce mox positus in sepulchro: postea rediens ad crucem, diros cruciatus passus est: denique resurrexit à mortuis. O ut præposterus.

18. Altera pars reformationis consistit in additione. Nam Calvinistæ addiderunt vnum articulum ad Symbolum fidei, nempe hunc, *Credo Papam esse Antichristum*: quem tanta firmitate credunt, quanta istù: *Credo in Deum Patrem omnipotentem, creatorem cali & terra*. Sic enim Pouellus Calvinista, in præfatione libri de Antichristo scribit: *Deum sanctè testor, me tam certe scire, Pontificem Romanum esse magnum illum Antichristum, quàm Deum esse in calo, creatorem visibilium & invisibilium, & Iesum Christum esse verum Messiam*.

19. Itaque apud Calvinistas sunt tredecim articuli fidei & de decimoquarto adiciendo, nunc seribendum, qui est huiusmodi: *Credo Regem Angliæ habere Præmum Ecclesiæ*. Nam hunc articulum iuramento confirmant Calvinistæ in Angliæ: et quamuis in Catechismo Heidelbergensi aut confessione Belgica nondum definitum sit, an debeat censeri articulus fidei: tamen Sacellanus Regis valdè inclinatur in partem affirmantem. Nam in responsione ad Apologiam Cardinalis Bellarmini, pag. 25. ponit hanc quæstionem Bellarmini: *Quomodo fides Anglorum de Principatu Regis, potest dici Catholica, id est, semper credita, cum ore Henricum V I I I. audita non sit?* Cui respondent his verbis: *Respondes, creditam eam semper, vel ante annum ter millefimum*. Et paulò post; *Quomodo ergo Catholica non est?* Vnde sic concludo, Quidquid creditur fide Catholica, vocari potest articulus fidei: At Præmatus Regis Angliæ creditur fide Catholica, iuxta Sacellanum: ergo vocari potest articulus fidei. Sed præstat hanc litem suspendere, donec Catechismus Heidelbergensis aut confessio Belgica (quæ est norma & regula Christianæ fidei in Batavia) suam sententiam interponat. Cui fortè acquiescet Sacellanus.

QVÆSTIO VI.

Quomodo Calvinistæ reformarint doctrinam Sanctissimorum Patrum?

20. **C**alvinistæ post reformationem Scripturæ Sac Symboli, ad reformandos Sanctissimos Patres animum adiecerunt, quos in plerisque punctis errasse & hallucinatos esse contendunt. Et quidem Calvinus in sequentibus punctis de illis sic loquitur.

21. Primò, De libero arbitrio lib. 2. Inst. cap. 2. §. 4. *Certe, quas retulimus Patrum sententias esse falsissimas paulò post constabis*. Et infra: *Tametsi Græci præ aliis in extollenda humane voluntatis facultate modum excesserunt, veteres tamen omnes, excepto Augustino, in hac re vacillant*. Et iterum: *Qui postea secuti sunt, sensim alij post alios in deterius continuo delapsi sunt*.

22. Secundò, De cooperatione liberi arbitrij cum gratia lib. 2. Inst. c. 3. §. 7. *Non recte à Chrysostomo scriptum est nec gratiam sine voluntate, nec voluntatem sine gratia quicquam posse operari*. Et infra §. 10. *Idud ergo iterum à Chrysostomo repetitum repudiari necesse est. Quem trahis, volentem trahis*.

23. Tertiò, De persona mediatoris, lib. 2. c. 14. §. 3. *Atque hic excusari non potest veterum error, qui dum ad mediatoris personam non attendunt, totius fere doctrinæ, quæ in Evangelio Iohannis legitur, genuinum obscurant sensum, sequo implicanti multis laqueis*.

24. Quartò, De iustificatione, lib. 3. cap. 11. §. 15. *Quod ad vulgares Papistæ pertinet vel Scholasticos, dupliciter hic falluntur*. Et paulò infra; *At nec Augustini quidem sententia per omnia accipienda est. Tametsi enim egregie hominem omni iustitia laudo spoliatur; ac totam Dei gratiam transcribit, gratiam tamen ad sanctificationem refert, quæ in vita nouitatem per Spiritum regeneratur*.

25. Quintò, De satisfactione, lib. 3. c. 4. §. 38. *Pauca autem me mouent, quæ in veterum scriptis de satisfactione passim occurrunt. V ideo omnes fere, quorum libri extant, hac in parte lapsos esse, aut nimis aspero ac dure locutos*.

26. Sextò, De oratione pro defunctis lib. 3. cap. 5. §. 10. *Cum ergo mihi obiiciunt aduersarij, ante mille & trecentos annos vsu receptum fuisse, ut preces fierent pro defunctis, eos vicissim interrogo, quo Dei verbo, quæ reuelatione, quæ exemplo factum sit*. Et infra: *Ipsi etiam veteres, qui preces fundebant pro mortuis, & mandato Dei, & legitimo exemplo, hic se destitui videbant. Cur ergo audebant? In eo dico aliquid humani passos esse, ideoque ad imitationem irabendum non esse cunctando, quod fecerunt*.

27. Septimò, De merito, lib. 3. cap. 15. §. 2. *Primum de merito nomine id mihi præfari necesse est, quicumque primus illud operibus humanis ad Dei iudicium comparatis aptauit, eum fidei sinceritati pessime consuluisse*. Et paulò post; *V si sunt fatores, passim verusti Ecclesiæ Scriptores hoc nomine, atque vnam vocula vnius abusu, erroris materiam postea ioris non præbuerunt*.

28. Octauò, de solenni poenitentia, lib. 4. cap. 12. §. 8. *Quæ in parte excusari nullo modo potest immodica veterum austeritas, quæ & prorsus à Domini præscripto dissidat, & erat mirum in modum periculosa*. Et mox ibidem: *Quicumque igitur sano iudicio rem estimabit, desiderabit hic eorum prudentiam*.

29. Nonò, De quadragesima, libro 4. capite 12. §. 20. *Tunc passim inualuerat supersticiosa Quadragesima observatio, quia & vulgus extremum aliquod obsequium Deo se in ea præstare existimabat, & Pastores eam commendabant, &c. Ac mirum est, tam crassam hallucina-*

tionem hominibus acuti iudicii obrepere potuisse.

30. Decimo, de Laicis baptizantibus in necessitate, lib. 4. c. 15. §. 20. Quod autem multis ab hinc saeculis adeoque ab ipso fere Ecclesia exordio, usu receptum fuit, ut in periculo mortis laici baptizarent, non video, quam firma ratione defendi queat.

31. Hæc Calvinus contra venerandam Ecclesie & Patrum antiquitatem. Calvinum sequuntur Calvinistæ. Vt alios omittam, Franciscus Junius in suis animadversionibus circa 3. librum Cardinalis Belarmini de Pontifice, sic passim loquitur. 1. Patres & vero v. plurimum aberrarunt. 2. Hæc non testimonia sunt veritatis, sed suspiciones vane, quibus boni Patres plus satis indulserunt. 3. In hoc argumento communem errorem minime stabili, Sanctorum Patrum autoritas. 4. Hæc non diu norum Prophetarum effata sunt, sed diuinationes falsa erratum. 5. Patrum testimonia in hoc casu fidem non obligant. 6. Negamus horum auctori auctorem in hoc genere magnam esse cum bona Patrum ipsorum venia. 7. Quam infirma sit Patrum autoritas, aliquoties ostendimus. 8. De interpreta- tionibus Patrum in obscuro hic palpatum iam satis dictum. 9. Nos auctoritatis æquæ, ac non opinionibus humanis credimus, &c.

32. Eodem modo loquuntur alij Calvinistæ. Omnes in eadem schola edocti sunt. Omnes contempta Patrum antiquorum autoritate, tuo iudicio stare & sapere volunt: immemores illius Ecclesiæ. 8. 11. Non te pretereas narratio seniorum: ipsi enim didicerunt a Patri- bus suis; quoniam ab ipsis discere intellectum, & in tempore necessitatis dabis responsum.

QVÆSTIO VII.

Quomodo Calvinistæ reformati Sacramenta?

33. Tribus potissimum modis. Nam primò, Tutulerunt quinque Sacramenta, & duo tantum retinuerunt, Baptismum & eucharistiam. Secundo, dicunt Baptismum non esse necessarium ad salutem, sed infantes sine baptismo saluari posse. Tertio, negant Christum in Eucharistia realiter præsentem esse. In hac tamen triptici reformatione, nec cum antiquis Patribus, nec inter se conueniunt: adeò ut opus sit nouæ reformatione, qua ad concordiam reuocentur. Quod faciliè ostendam.

34. Primò, ergo dicunt, duo tantum esse Sacramenta, Baptismum & Eucharistiam; & Augustinum illa duo tantum agnoscere. Ita Pleßzus lib. 4. de eucharistia, cap. 1. p. 648. & 654. De August. fallum est. Nam præter illa duo, agnoscit etiam Confirmationem, lib. 2. contra litteras Petiliani, c. 104. cum ait; Sacramentum Chrismatum est in genere visibilium signorum: Sacramentum est sacrosanctum, sicut ipse Baptismus. Agnoscit Ordinem, lib. 2. contra Epistol. Parmeniani, c. 13. Vbi confert illum cum Baptismo, his verbis, Vtrumque Sacramentum est, & quadam consecratione utrumque homini datur: illud, cum baptizatur: istud, cum ordinatur, ideoque in Ecclesia Catholica utrumque non licet iterare. Agnoscit Pœnitentiam, lib. 1. de adulterinis coniugiis, cap. 16 & 18. Eadem est, inquit, causa Baptismi & reconciliationis, sine quibus Sacramentis homines credunt se non debere exire de corpore. Agnoscit matrimonium, lib. 1. de nuptiis & concupiscentiis, cap. 12. Huius Sacramentum est, ut mas & femina coniugio copulati, quandiu viuunt, inseparabiliter perseverent. Agnoscit extremam unctionem, serm. 215. de tempore; Quoties aliqua infirmitas supervenerit, corpus & sanguinem Christi, ille, qui egrotat, accipiat; Et inde corpusculum suum vineat, ut illud, quod scriptum est, impleat.

Opulc. Bec.

A tur in eo; Infirmitas aliquis, inducat præbiteros, & orant super eum, ungentes eum oleo, &c.

35. Hinc iam apparet, Pleßzum Augustino iniuriam facere, & ab illo plurimum dissentire. Sed etiam à suis Evangelicis dissentit. Et primò quidem à Caluino, qui agnoscit tria Sacramenta, Baptismum, Cœnam & Ormationem. Secundo, à Zuinglio, qui etiam agnoscit tria, Baptismum, Cœnam, Matrimonium. Tertio, à multis Lutheranis, qui & ipsi agnoscunt tria, Baptismum, Cœnam, & Pœnitentiam. Quarto, à communi regula Calvinistarum, superius assignata. Non enim potest Pleßzus ex verbo Dei scripto, quæ est vnica reformationis regula, planum facere, duo tantum esse Sacramenta. Potest tamen ex Catechismo Heidelbergensi (quem alij volunt esse regulam & mensuram fidei, morum, ac reformationis) cui vel maior, vel certè par autoritas debeatur cum verbo Dei scripto, ut supra visum est. Nam Catechismus, sicut & Pleßzus, agnoscit duo tantum Sacramenta, Baptismum & Cœnam, & hic iubet Plauto quiescere.

36. Secundo dicunt, Baptismum non esse necessarium ad salutem, sed infantes sine Baptismo saluari posse. Ita Calvinus in Antidoto Concilij Tridentini less. 6. cap. 5. & l. 4. Instit. c. 16 §. 24. & alij Hic etiam dissentiant ab Augustino, & inter se. Nam Augustinus libro 3. de anima & eius origine, capite 9. ait; Noli credere, noli docere, noli docere, infantes antequam baptizentur, morte præventos peruenire posse ad originalium indulgentiam peccatorum, si vis esse Catholicus. Et epist. 128 ad Hieronymum; Quisquis dixerit, quod in Christo vivificabuntur etiam parvuli, qui sine Sacramenti eius participatione de vita exeunt, hic profectò, & contra Apostolicam prædicationem venit, & totam condemnat Ecclesiam: ubi propterea cum baptizandis parvulis festinatur & curritur, quæ sine dubio creditur, alias in Christo vivificari non posse.

37. Quod etiam inter se dissentiant, certum est. Nam Calvinus lib. 4. Instit. cap. 16 §. 24. sic loquitur; Infans heredi ario iure secundum promissionis formulam, iam à matris utero in fœdere continetur. Et in Antidoto, loco citato, Quasi verò de nihilo dictum sit, eos nasci sanctos, qui ex fidelibus nascuntur. In d quo iure ad Baptismum eos admittimus, nisi quod promissionis sint heredes? Nisi enim iam ante ad eos pervenerit via promissio, Baptismum prophanaret, quisquis illis daret. Et infra: Non à Baptismo igitur initium habet eorum salus, sed quæ iam in utero fundata erat, obsignatur.

38. Contrarium scribit Pleßzus lib. 4. de eucharistia cap. 1. p. 648. his verbis: Baptismus circumcissionis vicarius, non in Dei fœdus admittit: sacra Cœna quæ Paschali successit, nos in eodem confouet & confirmat. Urdo illi propriè Regeneratio nomen, huic Communio cap. 1. & sanguinis Domini. Quis non advertat dissidium? Pleßzus dicit, per Baptismum nos admitti in fœdus Dei. Calvinus contra, non admitti per baptismum, sed iam ante, ex utero matris admissos, & comprehensos esse.

39. Sed & Pleßzus secum ipse pugnat. Cum enim loco citato scripsisset hæc verba, Baptismus admittit nos in fœdus Dei: Cœna in eodem confouet & conservat post aliquot pagellas sic scribit: Sacramenta sunt fidelibus data, non ut in fœdere comprehendamur, sed ut eo fœdere comprehensi significemur. Hinc colligo has duas contradictorias. 1. Baptismus admittit nos in fœdus Dei. 2. Baptismus non admittit nos in fœdus Dei, sed tantum significat nos iam ante admissos & comprehensos esse. Itæ has duas. 1. Baptismus & Cœna differunt, quod Baptismus admittat nos in fœdus Dei, Cœna in eodem foueat & conservet. 2. Non differunt.

FFF ij

tunt in eo, quia nec Baptismus nec Cœna admittit nos in fœdus, sed amissos esse significat.

40. Tertiò dicunt, Christum in Eucharistia non esse realiter presentem. Vbi rursus inter se dissentiunt. Nam Plessius lib. 4. cap. 3. pag. 675. disertè scribit, hæc duo aduerbia, *Verè*, & *realiter*, distinguuntur, hæc autem duo, *Verè*, & *Spiritualiter*, simul posse consistere. Denique hæc duo, *Realiter*, & *Carnaliter*, pro eodem usurpari. Itaque Christum in Eucharistia verè & spiritualiter, non tamen realiter aut carnaliter à fidelibus accipi. At contrarium asserit. 2. pag. 660. his verbis; *Dum sacra cœna ex præscripto Christi celebratur, Christum realiter & substantialiter accipimus*. Manifesta contradictio. Priori loco negat, posteriori affirmat Christum in sacra Cœna realiter accipi. Priori admittit, verè quidem & spiritualiter, non tamen realiter; posteriori, etiam realiter & substantialiter.

41. In hac re Calvinum imitatus est, qui & ipse nunc asserit, nunc negat realem corporis Christi in Eucharistia præsentiam. Asserit in c. 11. prioris ad Corinthios, cum ait, *Concludo realiter, ut vulgè loquuntur, nobis in cœna dari corpus Christi*. Negat in confessione de re Sacramentaria, prope finem: *Christus, inquit, quia unus homo, non alibi, quam in calo querendus est*. Et ibidem: *Quia tamen corpus Christi finitum est, & calo, vel loco continetur, necesse est à nobis tanto locorum intervallo distare, quanto calum abest à terra*.

42. Hinc duo colligimus. Vnum Catholicos merito confirmari posse ac debere in sua sententia, cum in Concilio Trident. sess. 13. can. 1. definiunt, Christum in Eucharistia, verè, realiter & substantialiter contineri. Nam etiam ab aduersariis suffragium habent. Ipsi enim easdem particulas, verè realiter & substantialiter, vi veritatis coacti admittunt & usurpant, ut iam ostensum est. Alterum, Calvinistas in hoc puncto dubios & perplexos esse, quia nunc cum Catholicis fatentur veram, realem & substantialem Christi præsentiam in Eucharistia, nunc cum Zuinglianis eandem negant ac respuunt. Desinant esse dubij & perplexi. Nam Catholici habent suam doctrinam à Christo, qui planissimis verbis dixit, *Hoc est corpus meum*. Zuinglius à nocturno Spiritu aliter persuasus est. Qui quidem Spiritus albus an ater fuerit, ipsi Zuinglio non constat. Nobis autem constat Christum esse lucem, viam, veritatem & vitam.

QVÆSTIO VIII.

Quomodo Calvinistæ reformarint ceremonias Sacramentorum.

43. Incipiam à ceremoniis Baptismi. Ac primò, Calvinistæ reiciunt Exorcismum, & alias ceremonias, quas Catholici adhibent in hoc Sacramento. Ratio ipsorum est, quia nullæ ceremoniæ usurpandæ sunt, nisi de quibus extat expressum mandatum in Evangelio: At nullum extat mandatum de ceremonijs, quas Catholici usurpant in Baptismo. Ergo tales ceremoniæ nullo modo sunt usurpandæ. Hæc ratio fundatur in regula superius assignata.

44. Igitur his ceremoniis relictis, Calvinistæ alias præscribunt. et quidem DD. Status in Synodo Vltratiectina præscribunt has. 1. ut Baptismus publicè conferatur in Ecclesia, quando fit concio, præsentem populo. 2. ut in iis locis ubi rarè fit concio, designentur duo alij dies per septimanam, quibus Baptismus conferri possit. 3. ut infantes, qui propter infirmitatem ad Ecclesiam sine periculo portari non pos-

sunt domi quocunque tempore baptizari liceat. 4. ut ipsimet parentes offerant suos infantes ad Baptismum, & pro iis respondeant. 5. ut nomina infantum baptizatorum, & similiter parentum, ac præterea tempus accepti Baptismi ab Aedituo in quodam registro consignentur. 45. At hi boni viri, quod paucis ipsorum dixerim, parum sui memores sunt: Primò, quia violant regulam à se assignatam, & faciunt contra iuramentum ac obligationem, qua se obstrinxerunt, Nam, ut supra vidum est, obstrinxerunt se in forma iuramenti & obligationis, quod in sua Prouincia, non aliam velint amplecti & sequi regulam, normam, & mensuram cultus diuini & ceremoniarum Ecclesiasticarum, quam solum verbum Dei scriptum. Ac in verbo Dei scripto non habetur quòd infantes debeant publicè baptizari in Ecclesia, quando fit concio; aut quod in iis locis, ubi rarè fit concio debeant assignari duo dies, quibus baptizentur, aut, quod parentes debeant eos portare ad Baptismum, &c. Ergo DD. Status non præstant suum iuramentum.

46. Secundò, repugnant etiam Calvino, qui tamen aliquæ eorum probet, quæ à DD. Statibus præscripta sunt, non tamen omnia. Non enim permittit, ut infantes domi, seu priuatim baptizentur, etiam si adsit periculum vitæ. Vult potius omitti Baptismum, & infantes sine Baptismo decedere. Sic enim scribit Epist. 185. *Fastum est administrare Baptismum, nisi in cœnâ fidelium*. Et paulò post; *Si enim infans clam baptizetur, & nullis adhibitis testibus, illud neque respondens ordini à Domino posito, neque Apostolorum exemplo*. Et Epist. 302. *Infantes non baptizamus, nisi pro publica concione, quia absurdum videtur, ut solennis illa receptio paucos tantum habeat testes*. Et Epist. 326. *Adulterium ergo Baptismum censemus, qui administratus est à priuato homine*. Et lib. 4. Instit. c. 15. §. 20. *hio obicit, At periculum est, ne is, qui agitat, si absque Baptismo decesserit, regenerationis gratia priuetur*. Et mox respondet, *Minime vero. Infantes nostros, atquequam nascantur, se adoptare in suos pronunciat Deus*.

47. Tertiò, repugnant Augustino & aliis antiquis Patribus, qui Exorcismum & alias Catholicorum ceremonias approbarunt. Sic enim scribit Augustinus in lib. de ecclesiasticis dogmatibus c. 31. *Illud etiam, quod circa baptizandos in universo mundo Sancta Ecclesia uniformiter agit, non otioso contemplantur intuitu*. Cum sine parvuli, sine iuuenes ad regenerationis veniant Sacramentum, non prius fontem vitæ adeant, quàm exorcismis & exsufflationibus Clericorum, Spiritus ab eis immundus abigatur: ut tunc verè appareat, quomodo Princeps huius mundi mittatur foras, & quomodo prius alligetur foris, & deinceps vasa eius diripiantur, in possessionem translata victoris, qui captivam ducit captivitatem & dedit dona hominibus. Et li. 2. de gratia Christi, & peccato originali, contra Pelagium, c. 40. *Ipsa Sancta Ecclesia Sacramenta satis indicant, parvulos à partu etiam recentissimos, per gratiam Christi de diaboli servitio liberari. Excepto enim quod in peccatorum remissionem non fallaci, sed fidei mysterio baptizantur, etiam prius exorcizantur in eis, & exsufflantur potestas contraria, cui etiam verbis eorum, à quibus portantur, sese renunciare respondent*. Et lib. 2. de nuptijs & concupiscentiis c. 18. *In Ecclesia toto orbe diffusa, ubique omnes baptizandi infantes non ob aliud exsufflantur nisi ut ab eis Princeps mundi mittatur foras*. Et infra cap. 29. *Antiquissima Ecclesia Traditionem, exorcizantur, & exsufflantur parvuli, ut in regnum Christi à potestate tenebrarum transferantur*. Nos paratiores sionus cum Ecclesia Christi in huius fidei antiquitate firmata, quolibet maledicta, & contumelias perpeti; quam Pelagiani cuiuslibet eloquij predicatione laudari. Similia habent alij Patres.

48. Venio ad ceremonias Sacramenti Eucharistiae. Idem DD. Status in Synodo Ultraeclina praescribunt tria puncta circa vltim Eucharistiae, his verbis. 1. *Cena Domini, iuxta institutionem Christi, saltem quater per annum in urbibus, nempe die Natiuitatis Christi, Paschatis, Pentecostes, & semel in mense Septembri celebrabitur. In pagis vero, saltem bis, in Natali scilicet & Paschate.* 2. *Auditores sermo ad illam inuocabuntur, utque sese bene probent, admonebuntur: & qui omnium primum ad mensam Domini sunt accessuri alicui suorum Praedicantium, cui confessionem fidei succedunt, sese insinuant.* 3. *Qui veniunt ex locis peregrinis, cupientes de mensa Domini participare, ante omnia testimoniales prioris conuersationis litteras Praedicantibus locorum, ubi admitti perunt, exhibebunt.*

49. Etiam hic parum sui memores sunt DD. Reformatores. Violant iterum Regulam a se assignatam, & contra iuramentum ac obligationem suam, praescribunt ordinationes, quae expressè in scriptura non habentur. Vbi enim in Euangelio scriptum est, quod Cena Domini, singulis annis quater in urbibus, & bis in pagis celebrari debeat? Aut ex qua parte Euangelij demonstrari potest, Rusticos ad hoc Sacramentum rariùs quàm ciues obligari? An non legerunt apud Apostolum, Rom. 10. 12. *Non est distinctio Iudei & Graeci: Nam idem Dominus omnium, diues in omnes, qui inuocant illum?* Cur ergo introducunt distinctionem rusticorum & ciuium? Rursus ubi in Euangelio scriptum est, quod fideles debeant se insinuare praedicanti, & fidem suam coram illo profiteri? aut, quod peregrini debeant prioris suae conuersationis litteras testimoniales exhibere? Nusquam.

50. Si DD. Status volebant ex sola Scriptura Reformationem instituere, cur non praescripserunt suis Praedicantibus ac subditis; ut ea seruarent ad amissum, quae in scriptura expressa sunt? Ibi legimus. Christum lauisse pedes Apostolorum, & sic Eucharistiam illis distribuisse. 2. Monuisse Apostolos, ut ipsi deinceps idem facerent. Si ego, inquit, laui pedes vestros, & vos debetis alter alterius pedes lauari. 3. Non solum alios Apostolos, sed etiam Iudas proditorem ad hoc mysterium fuisse admissum. 4. Haec omnia vesperi post Cenam legalem contigisse. Cur haec negliguntur à Reformatoribus? Cur mane, & non potius vesperi sumunt Eucharistiam? Cur illotis pedibus accedunt? Cur non promiscuè bonos & malos admittunt? Nec est quod vicissim haec nobis obiciant. Non obstrinximus nos iuramento ad nudam solius Scripturae litteram. Etiam Traditio & auctoritas Ecclesiae apud nos valet. Illam sequimur: Ex illa, Scripturae sensum ac mentem accipimus.

51. Relinquamus Scripturam. Cur saltem DD. Status Calvinum suum non audiunt? Is in libello de formula Sacramentorum administrandorum, ponit etiam has duas ordinationes. 1. *Ut Ministri verbi, panem; Seniores verò calicem populo distribuant.* 2. *ut canatur Psalmus aliquis aut locus Scripturae, rei, qua Sacramento designatur, congruens atque conueniens, clara & magna voce recitetur.* Cur has non praescribunt & usurpant Reformatores Ultraeclini? An ideò, quia in Euangelio praescriptae non sunt? & quia iuramento se obstrinxerunt, nihil, nisi quod in Euangelio expressum est, se praescripturos? Sed iam pridem, violato hoc iuramento transgressiores sunt.

52. Vnum hic occurrit admiratione dignum: Calvinus tamen duo tantum, vel ad summum tria sacramenta agnoscat, Baptismum, Cenam & Ordinationem; tamen cum agit de caeremoniis, & ritibus, quibus Sacramenta administranda sunt, simul

Opusc. Bec.,

A agit de ritu, quo Matrimonium celebrari debet. Quotum hoc, si Matrimonium Sacramentum non est? Tria autem praescribit, quae seruari vult. 1. *Ut palam in Ecclesia, tribus diebus dominicis continuis publicetur Matrimonium, antequam contrahatur.* 2. *ut post trinum publicationem, in exorsu concionis sponsus & sponsa sistant se in Ecclesia.* 3. *ut Minister publicus inuicem dicendi sic faciat; Auditorium nostrum in nomine Domini, qui fecit caelum & terram. Amen, &c.* Quid his opus est si Matrimonium, non Sacramentum, sed contractus tantum civilis est? Certè, contractus merè ciuiles ad Curiam potius, quàm ad Ecclesiam pertinent: & à seculari Magistratu, non à Ministro verbi Dei, promulgandi & confirmandi sunt. Sed latet mysterium. Nam ad ministros verbi spectat Euangelium Christi praedicare. Euangelium autem Christi incipit à matrimonio & generatione. Sic enim legimus. *Abraham genuit Isaac: Isaac autem genuit Iacob, &c.*

QVÆSTIO IX.

Quomodo Calvinistae reformati ministros Ecclesiae?

53. **T**ribus potissimum modis. 1. tollendo ordinem & hierarchiam Ecclesiasticam, quae viget apud Catholicos inter ministros Ecclesiae, 2. liberando eos à coelibatu, & vxores concedendo. 3. nouas leges Ecclesiasticas praescribendo. De singulis dicam aliquid.

54. Primò igitur Calvinistae in sua reformatione, sustulerunt ordinem & hierarchiam Ecclesiasticam, quae apud nos est. Haec autem in eo consistit, ut supremus omnium sit Pontifex: hunc proximè sequantur Episcopi: Episcopis inferiores sunt Presbyteri, Diaconi; Diaconis Subdiaconi, & sic deinceps. Hanc hierarchiam ex parte retinent Calvinistae in Anglia, in gratiam sui Regis: extra Angliam, penitus reiciunt. Quo nomine male audiunt ab eodem Rege, qui in Monitoria praefatione ad Imperatorem, Reges & Principes, de hac re ita scribit, *Quo studio in Episcoporum & Ecclesiastica Hierarchia defensionem semper incubui, eodem in confusam illam Anarchiam & parilitatem Puritanorum inuictus sum. Et infra, Mihi praecipuus labor fuit, deiectione Episcopos restituere, & Puritanorum Anarchiam expugnare. Et rationem addit, quia cum in ceteris rebus ordo quidam ac dispositio sit, etiam in Ecclesia esse necesse est.*

55. Secundò, liberarunt Ministros à coelibatu, & singulari privilegio cum illis dispensarunt, ut possint vxores ducere. Quae quidem dispensatio sortitur apud illos effectum. Nam omnes passim, tam Superintendentes, quàm simplices Praedicantes, vxoribus associati sunt. Huic dispensationi occasionem dedit Lutherus, de quo Erasmus in Epistola ad Danielem Mauchium Vltmanum, ita scribit; *Minimi lepidissimis lueris, nescio, an vacet nunc respondere. Nunciabis illi rem laetam. Lutherus, quod felix faustisque sis deposito Philosophi pallio, duxit vxorem, ex clara familia Borna, puellam eleganti forma, natam annos 26. sed indotatam, & quae pridem desiderasse vestalis. Atque ut scias auspicias fuisse nuptias, pauculis diebus post decantatum hymenaeum, nona nuptia peperit. Huic affine est, quod scribit Iustus Baronijs in suo opere de praescriptionibus; Lutherus, inquit, heri Mauchus, hodie sponsus, cras maritus, perinde pater. Ab eo tempore, omnes Ministri, apud Lutheranos & Calvinistas, sponsi, mariti*

ff liij

ti & patres esse coeperunt. Et tamen dicant se Evangelicos, & spiritu Christi affatos esse, tamen ita proclives sunt ad carnis voluptates, quasi spiritus Christi nihil aliud sit, quam spiritus carnis. Quam rem vehementer admittatur idem Erasmus in epistola ad fratres inferioris Germaniae, cum ait; *Quis non iure admiretur hos novos Evangelistas non posse vivere sine uxoribus?* Et infra; *Qua malum est ista tanta salacitas? Unde tan a carnis rebellio in iis, qui se iactant agi spiritu Christi?*

56. Quanquam, si ipsis Prædicantibus credendum est aliquo modo exculandi sunt. Audent enim se uxores accipere, non solum eo fine, ut lascivix & libidini satisfaciunt (qui tamen præcipuus est) sed etiam, ut in administrandis Ecclesiarum Sacramentis habeant aliquid subsidij à Prædicantissis, ne si soli sint, oneri succumbant. Huius rei luculenta extant exempla. Vnum referam, quod hoc anno 1613. contigit in Paschate, & à viro fide digno, Constantia ad nos, perscripsum est. his verbis; *Adest hinc horis quinque episcopus in Helvetia, ubi pauci Catholici, haereticis vero plurimi. Hoscum vellet in festo Paschatis suam curam sumere Prædicant, promulgavit publice, præmittendam esse ab omnibus confessionem, quod hactenus non fuit in usu; ita amen, ut non nummos, more Papistarum, sed quassecum ferrent. Venerunt illi diligenter: sed cum tanta multitudini confitentium simul, & sua offerentium satisfacere non posset, iubet adesse, & venire in partem laboris Prædicantissam. Venit illa, & confitentium peccata excepit, & orationum oblationes. Verum & huic labor cum videretur nimis, ancillam vocat, qua suam pariter operam fideliter præstitit retro aliare. Iam vide, quam huic Prædicanti necessaria fuerit, non modo Prædicantissa, sed etiam ancilla in tam sacro opere peragendo. Quod si anno sequenti, pro singulis ovibus singulæ gallinæ à confitentibus exigerentur (iuxta illud, *Abunde virgine in virtutem*) non sufficeret hic Ternarius, sed etiam filij & filij illius Triadis in partem laboris vocandi essent.*

57. Venio ad leges ecclesiasticas, quæ à reformatoribus circa Ministeriorum vocationem & officium constitutæ sunt. Et quidem DD. Status in Synodo Vltraiectiona, præter alias, quæ plurimæ sunt, etiam has condiderunt. 1. ut nullus eligatur Minister verbi ante expletum 25. ætatis annum, nisi habeat dispensationem à DD. Statibus. 2. ut non admittatur ad officium Ministerij, nisi prius examinatus ab iisdem Statibus. 3. ut præstet iuramentum, quod velit solam Scripturam sequi, & politicæ subiectus esse. 4. ut in officij sui introitu stipuletur, se omnes Ecclesiasticas ordinationes, quæ à DD. Statibus factæ sunt, graviter servaturum. 5. ut in concione abstinere à quibusdam subtilioribus materiis. 6. ut post prandium explicet Catechismum Heidelbergensem. 7. ut omnes controuersias, quæ à Prædicantibus aut Superintendentibus dirimi non possunt ad DD. Status deferantur. Hæ leges seorsim examinandæ sunt.

58. Igitur prima lex est, ut nullus eligatur minister Verbi ante expletum 25. ætatis annum, nisi gravi urgente necessitate, & cum dispensatione DD. Statuum (cap. 1. de vocatione Prædicantium, §. 11.) Hanc legem, quod valde mirum est, videntur DD. Status desumpsisse ex Concilio Tridentino, sess. 23. cap. 12. de Reformatione, ubi sic legimus; *Nullus in posterum ad presbyteratus ordinem, ante 25. ætatis suæ annum promoveatur.* Magis mirum est, DD. Status reseruire sibi potestatem dispensandi in hac ætate. Vel enim hæc ætas iure diuino, vel tantum humano constituta est. Si diuino, quomodo DD. Status possunt in eo dispensare? Si tantum humano, quid opus est

A dispensatione? præsertim cum DD. Status non semel professi sint se non admittere vllumius aut constitutionem humanam, nec aliam in reformatione sequi velle regulam, quam solum verbum Dei. Si ergo in verbo Dei non præscribitur ætas 25. annorum, cur eam urgent DD. Status? Si autem præscribitur, cur in ea dispensant?

59. Secunda lex est, ut nullus admittatur ad officium Ministerij, nisi prius examinatus à DD. Statibus (c. 1. §. 7. & sequentibus) Vbi etiam determinantur puncta, in quibus debeat fieri examen. Sunt autem hæc. 1. De Deo, essentia diuina, & attributis diuinis. 2. De Scriptura, eiusque perfectione, perspicuitate, autoritate & certitudine. 3. De mundi creatione & gubernatione. 4. De peccato; eiusque origine, & efficacia. 5. De lege & Evangelio; necnon vtriusque discrimine & usu. 6. De Christi persona, officio, & beneficiis. 7. De fide & penitentia. 8. De iustificatione. 9. De obedientia fidei, charitate, & bonis operibus, & eorum meritis. 10. De Ecclesia. 11. De officiis & ministerio à Christo in eadem instituto. 12. De administratione Evangelij. 13. De Baptismo & Cœna. Ad hæc puncta debet is, qui examini subijcitur, ex claris scripturæ testimoniis respondere, & suam responsionem confirmare, & aduersariorum obiectiones diluere.

60. Ex hac lege duo colligimus. Vnum est DD. Status vel eximie doctos & exercitatos esse oportere, qui in his subtilissimis & difficillimis materiis possint præesse examini, & solide iudicare, quid recte aut perperam responsum sit: vel certe non satis prudentes, qui arrogant sibi officium examinandi in iis rebus, quas ipsi non intelligunt. Et quomodo intelligant, si verum est, quod audio, plerisque eorum, vel in mercatura, vel in re nautica, vel in coquenda ceruisia potius, quam in scholis, statem truisse. Alterum est, aut frustra hoc examen institui, aut vix illum admitti posse ad ministerium. Nam quotus quisque est inter Prædicantes, qui supra dicta puncta ex claris Scripturæ testimoniis explicare, confirmare ac tueri possit. Rara avis in terris. Vel ergo paucissimi admittuntur ad ministerium: vel si promiscue admittuntur, quid isto examine opus est?

61. Addo, multa esse puncta ex iis, quæ posita sunt, in quibus inter se pugnant Calvinistæ. Ex quo alterutrum sequi necesse est, vel eiusmodi puncta non posse ex claris Scripturæ testimoniis confirmari; vel certe Calvinistas non acquiescere claris Scripturæ testimoniis. Si prius datur, cur DD. Status tam imprudenter agunt, ut volunt ea confirmari ex claris Scripturæ testimoniis, quæ ex iis confirmari non possunt? Si posterius, cur Calvinistæ tam pertinaces sunt, ut claris Scripturæ testimoniis non acquiescant? Cur in tot sectas distracti sunt? cur aliud Arminiani, aliud Gummaristæ sentiunt? Cur plerique opponunt se Vorstio? Cur alij Piscatorem, alij Venatorem insectantur? Sane DD. Status qui volunt ad se deferri controuersias de fide & religione, & deberent componere hæc dissidia, & mandare singulis ac omnibus, ut ibi clara Scripturæ testimonia suppetunt, simpliciter acquiescant.

62. Tertia lex est, ut is, qui ad Ministerium examinatus est præstet iuramentum, quod velit solam Scripturam sequi (c. 1. §. 17.) Non satis intelligo, quid velint DD. Status. Nam & ipsi iurant se nihil velle ordinare, nisi cum verbo Dei scripto; & cogunt alios iurare, nihil docturos, nisi ex verbo Dei scripto. At ubi in verbo Dei scriptum est, quod magistratus politicus debet exigere huiusmodi iuramentum à Ministris Ecclesiarum? Nusquam ubi scriptum est, quod Ministri debeant huiusmodi iuramentum

præstare? Nusquam. Contrarium inuenio apud Apostolum, Thell. 2. 14. *Tenete Traditiones, quas didicistis, & non tantum verbum scriptum.* Denique ubi scriptum est, quod liceat multa iuramento promittere, & tamen nihil eorum præstare, quæ promiseris? Nusquam, nisi in practica Calvinistarum.

63. Accedit legem hanc contrariam esse legi sextæ. Nam in lege sexta volunt DD. Status, ut ministri Ecclesiæ post prandium explicent Catechismum Heidelbergensem. At in hac lege decernunt, ut solam Scripturam doceant ac sequantur. Hæc autem duo non coherent. Nam multa sunt in Catechismo Heidelbergensi, quæ non sunt in Scriptura. Si ergo solam Scripturam docere debent, non possunt Catechismum Heidelbergensem explicare. Aut si hunc etiam explicant, certè solam Scripturam non docent.

64. Quarta lex est, ut Minister in officij sui introitu stipuletur, se omnes Ecclesiasticas ordinationes, quæ à DD. Statibus factæ sunt, gnauiter seruaturum (c. 1. §. 16. cap. 9. §. 3.) Hæc lex destruit omnia ferè, quæ hætenus edificata sunt. Ac primò destruit regulam, quæ in Reformatione seruanda est. Nam in illa regula obstringunt se DD. Status, in forma iuramenti & obligationis, quod in sua provincia non aliam velint amplecti & sequi doctrinam, regulam, mensuram, & amissam fidei ac morum, quam solam verbum Dei, quod in libris veteris ac noui Testamenti expressum est. At ordinationes Ecclesiasticæ DD. Statuum, non sunt verbum Dei, expressum in libris veteris ac noui Testamenti: Ergo, si DD. Status velint has ordinationes seruati, faciunt contra suum iuramentum & obligationem. In eadem regula dicit Calvinus, *Deum non modò irritum habere, quidquid colendi sui studio, præter mandatum suum suscipimus, sed palam quoque abominari.* At hæc ordinationes Batauicæ sunt præter mandatum Dei: Ergo Deus non modò irritas habet, sed etiam palam abominatur. Iterum dicit Calvinus, *Respuere piis omnibus fas esse, quidquid ad Christi institutionem addere ausi sunt homines.* At Bataui, (homines, sine dubio) ausi sunt ad Christi institutionem addere nouas ordinationes Ecclesiasticas: Ergo piis omnibus fas est eas respuere. Quomodo ergo coguntur iurare miseri Prædicantes se eas gnauiter seruaturus?

65. Quinta lex est, ut Ministri in concionibus abstineant à quibusdam materiis: Et nominatim, ut nihil dicant, ex quo sequi possit, Deum quinquam ad condemnationem creasse, vel ad peccandum cogere; vel ad salutem vocare, qui eam absolute decreuerit non dare, vel quicquam facere, quod iniustitia speciem habeat. c. 2. §. 4. Hic DD. Status reformant suam id est. Calvinianam Ecclesiam. Nam Calvinus docuit hæc puncta. 1. quod Deus quosdam homines prædestinauerit & creauerit ad æternam condemnationem, sine vlla ipsorum culpa. 2. quod sit author peccati. & quotidie impellat homines ad peccandum. 3. quod aliquos externo signo vocet ad salutem, quos tamen non vult saluos esse, sed perire. Hæc & similia docuit Calvinus, ut infra, Titulo quarto, ostendam. Igitur Calvinus doctrina, iuxta hanc legem, non debet amplius à Ministris Calvinianis pro concione promulgari. Est enim falsa & impia. Vtinam DD. Status ubique sperant, ut hic sapiunt.

66. Sexta lex est, ut Ministri diebus dominicis post prandium explicent Catechismum Heidelbergensem in iis locis, ubi ea consuetudo iam inualuit (cap. 2. §. 6.) Hæc lex iam anterefutata est, quia repugnat legi tertie, in qua præcipitur, ut Ministri iurent, se in sua doctrina & concione non aliud, quàm solam Scripturam secuturos. Nisi id fortè sic accipiendum sit quod ante prandium, quando sobrij sunt, debeant explicare solam Scripturam: post prandium, quando

A laute conuiuati, Catechismum Heidelbergensem. Non video alium modum conciliandi istas leges. Nam certum est multa haberi in Catechismo, quæ non habentur in Scriptura.

67. Septima lex est, ut omnes controuersie de fide & religione, quæ à Prædicantibus & Superintendentibus dirimi non possunt, deferantur, ad DD. Status, & eorum iudicio dirimantur, (cap. 12. §. 20. & 21.) Et ut hoc commodius fiat, volunt DD. Status, ut Biblia semper in Synodis ad manus sint, ut omnes deliberationes, & resolutiones secundum ea dirigantur. (cap. 12. §. 16.) Hæc lex omnium ineptissima est. 1. quia homines laicos, quales sunt DD. Status, constituit supremos iudices controuersiarum fidei. 2. quia Prædicantes & Superintendentes, secundum hanc legem debent esse subiecti laicis in controuersis fidei: Et consequenter, Pastores debent esse subiecti omnibus, Episcopi subditis, Doctores discipulis. 3. Hæc lex destruit secundam. Nam in secunda decernitur, ut nullus admittatur ad officium Ministri, nisi præmisso examine, ex claris Scripturæ testimoniis respondeat ad omnia interrogata: At omnes Ministri, quotquot post examen ad ministerium admissi sunt, id præstiterunt, iam nulla potest esse inter eos controuersia. Nam omnes controuersie ex claris Scripturæ testimoniis sublatae sunt. Aut, si adhuc aliquae restant, quæ à Ministris dirimi non possunt, iam Ministri non sunt legitime examinati, ac proinde à Ministerio repellendi essent. Denique, si aliquae sunt controuersie, quæ ab ipsis dirimi non possunt, quomodo dirimi poterunt à militibus mercatoribus, nautis & ceruicæ coctoribus, qui nomine DD. Statuum intelliguntur? Aut quomodo verum erit quod Ministri & Prædicantes iactare solent, Scripturam esse facilem, & ab omnibus intelligi posse? quomodo verum erit Calvinistas esse *siue doctos, siue indoctos* id est, immediate à Deo docti, & non ab hominibus?

68. Sed, ut hæc omnia dissimulem, non video, quis effectus sit huius legis. Nam tantum abest, ut per hanc legem sopiatur controuersia in Hollandia, quæ inter Prædicantes pridem excitatae sunt, ut etiam nouæ quotidie accumulentur. Nullus apud illos litium finis est. Quotidie volitant libelli, quibus se mutuo lacerant Vorstiani, Arminiani, Gummaristæ, Venetoriani, Bertiani. Si viget lex, cur Scriptores hi non rediguntur ad concordiam? Si non viget, ut quid etiam chartam occupat?

69. Laudo nihilominus studium & industriam DD. Statuum, qui per suas leges & ordinationes hoc efficere conati sunt ut Ministri & Prædicantes, qui hætenus apud suos, mortalium omnium vilissimi & abiectissimi habiti sunt, deinceps aliquo saltem loco habeantur, si non summo. Quanquam difficile erit hoc obtinere. Nam ab initio Reformationis notatum est, tria potissimum genera ad ministerium fuisse admissa. 1. Monachos libidinosos & apostatas. 2. circumforaneos, factores, coriarios. 3. qui aliquâ publica infamiâ notati erant. Per hos, si Deus placet, Ecclesiæ Reformatio inchoata est. Quis horum velit esse successor, nisi qui simillimus sit? Plura de hac re dixi in Examine concordie Anglicanæ. Hoc solum nunc addo, plerisque illorum accommodari posse, quod de vno per anagrammatismum iocosè scriptum est: *Nomine quem signas, I N R E S T I M uide Minister.*

QUESTIO X.

Quomodo Calvinistae reformati Templum & Monasteria

70. **T**emplorum & Monasteriorum reformatio, primum à Lutherò inchoata, deinde à Calvinistis perfecta est. Sunt autem multi effectus huius Reformationis. 1. quorundam templorum ac Monasteriorum auersio. 2. aliorum profanatio. 3. direptio bonorum ecclesiasticorum. 4. incestus nuptiae Monachorum & Monialium. 5. stupra per vim oblata monialibus. 6. crucis Christi & aliarum imaginum contemptus & eliminatio. 7. defraudatio pauperum & peregrinorum. 8. Egestas & punitio eorum, qui templa & Monasteria expilarunt.

71. Scribit Nicolaus Sanderus lib. 1. de Schismate Anglicano, in sola Anglia, intra unius anni spacium (qui fuit annus 1535.) trecenta septuaginta sex Monasteria à nouis Reformatoribus sub Henrico octauo, occupata & vestata esse. Quam multa porro in Gallia per Higonotas, in Belgio per Geusios, in Germania per Albertum Brandeburgicum, & in bello rusticano, partim ferro, partim incendio perierunt? Res nota est. Alia non quidem euerfa, sed tamen per summum sacrilegium, vel in horrea, vel in stabula equorum, vel in armamentaria, vel in prophanas officinas conuersa & mutata sunt. Cuiusmodi vidi non pauca.

72. Iam, quod thesauri ecclesiae direpti & exportati sunt? De qua re audi Sanderum, qui loco citato sic scribit, *Oppressus hoc primo impetu Henricus, monasteria trecenta septuaginta sex, ex quorum spoliis cesserunt in fiscum Regium, annui census ad centum & viginti milia aureorum: in suppellectili vero bonisque mobilibus ad quadraginta fere milia; praeter ea quae ministri Regi sibi quique rapuerant. Ex quo conijci potest, quid triennio post accideret, cum uniuersa simul monasteria totius regni eueris.*

73. Quod Sanderus scribit de Anglia, hoc etiam in Germania & alibi factum est, ut non modo fatentur, sed etiam conqueruntur ipsi aduersarij, praesertim Lutherus in cap. 49. Genesios. Riuus in lib. de scientia. Sarserius in lib. de ratione conseruandi veteram religionem, Hadrianus Sarauia in lib. de diuersis gradibus Ministrorum ecclesiae. Hi omnes mirè conqueruntur, quod Principes saeculares diripiant, & abliguriant bona ecclesiastica, & patientur suos Praedicantes fame contabescere. Lutheri verba sunt haec, *Nisi superesset spoliū Aegypti quod rapimus Papae, omnibus fame pereundum esset, &c. Alimur ergo de spoliis Aegypti, collectis sub Papatu, & hoc ipsum tamen, quod reliquum est, etiam diripitur à magistratu. Spoliantur Parochiae, non aliter, ac si fame necare nos velint, &c. Pharaon rex Aegypti consurget in iudicio proximo, & condemnabit Principes & Magistratus Germania, propterea quod illa suos sacerdotes coluit, aluit & abstulit à bonis eorum, &c. Nostri Principes rapiunt & compilant omnia quae inueniunt in Monasteriis & Parochiis, &c. Similia habent alij.*

74. Et tamen, quae Dei vindicta est, nihilo ditiores facti sunt huiusmodi direptores, sed potius ad egestatem redacti, quod testantur iidem authores. Nam Lutherus in colloquio Sympliciis sic habet, *Experientia constat eorum qui in bona ecclesiastica inuolant, tandem ad mendicantem redactos esse. Quod etiam declarat festina similitudine: Nam idem ait illis contin-*

Agere, quod aquila illi; quae ex sacrificio; quod Ioui paratum erat partem carnis assatae furtim abripiens, simul quoque carbonem ignitum tulit, & in nidum intulit, ex quo natum incendium, non modo nidum, sed & pullos adhuc implumes absumpsit.

75. Et Sanderus loco citato; *Illud etiam non minus est memorabile, quod statim post has primas Monasteriorum rapinas, tam vehementer Henricus egerere cepit, ut octavo deinde mense nonnullas prouincias ad arma usque compulerit, ob grauissimas nouorum tributorum exactiones. Sed multò magis id postea contigit, cum uniuersorum canoniorum benarapuisse, ut suo loco dicitur. Nempe pag. 168. ubi sic pergit Sanderus: Subsecutus est annus Domini 1544. & trigesimus sextus Henrici regni, quo ostendere voluit misericors & iustus Deus, quam inuisa sibi fuerint, & quam ipsi Regi in hoc etiam mundo inuitiles, omnes illae rapinae, quas de Ecclesia Christi fecerat. Cum enim tot ac tam monasteriorum in Anglia thesauri essent, ut eorum vel decima pars, etiam auarissimi Regis mentem ex-
Bplere potuisset; tamen Henricus cum thesauros ubique omnes cum crucis argenteas, aureas omni aequae sacra vasa, cum altarium ornamenta, cum omnem suppellectilem pene milia monasteriorum, cum omnia pradia, fundos, fructus, iura & actiones in suam potestatem redegeret, cum praeterea decimas & annatas omnium beneficiorum per uniuersam Angliam exigeret: & adeo, cum ipsum plumbum, ligna atque lapides monasteriorum ubique venderet, ex eoque debuisset in aeternum omnia ciuibus suis tributa & vectigalia remississe (id quod se facturum simulabat ut cives eo libentius in monasteriis auerendis, ipsius libidini assensum preberent) imò cum debuerit quocumque Christiani orbis Rege, argenti praesertim & auri ditior existisse, tamen adeo in contrarium ea res ex Dei iustissima voluntate cessit, ut multò pauperior intra paucos annos post expilationem istam fuerit, quam unquam ante, aut ipse, aut maiores eius fuerint. Quin ille solus, ut ex actis Regum Angliae, annalibusque constat, pluratributa & vectigalia ciuibus suis imposuit, quam omnia simul Reges per quingentos ante annos fecerant, &c.*

76. Nec solis direptoribus obfuit haec direptio, sed etiam, quod maximè deplorandum est, pauperibus & peregrinis longè perniciosissima. Multa enim fuerunt monasteria, quae iam extincta sunt, in quibus pauperes & peregrini liberalem eleemosynam accipiebant, & aliquando hospitio etiam suscipiebantur. Quid dico de pauperibus? Etiam Principes, Comites, Barones, Nobiles, si quando cum apparatu curruum & equorum iter facerent, non raro ad Abbatis, vel prandendi vel cenandi causa, diuertebant, & magno charitatis affectu tractabantur. Haec omnis hospitalitas per novos Reformatores in plerisque locis, cum magno multorum damno sublata est. Possem id multis exemplis demonstrare, nisi passim obuia essent. Vnum adferam, quod à viro fide digno accepti in Germania, fuit Monasterium Monialium, in quo pia consuetudine receptum erat, ut pauperes eleemosynam petaturi, magna voce inelamarent nomen Iesu. Audito hoc nomine, mox aderat, qui eleemosynam petenti largiretur. Accidit postea, cum hoc ipsum Monasterium in prophanos usus versum esset à Calvinistis, ut quidam pauperculus, memor antiquae consuetudinis, occineret hoc nomen, Iesu. Cui mox per fenestram responsum est, *Iesus non amplius hic habitat. Verissimè dictum. Non habitat apud Calvinistas.*

77. Quid dicam de incestis nuptiis Monachorum & Monialium? quid de stupris per vim oblatis? Nam & hic nouae Reformationis effectus est: sed pudendus. Si tamen pudor est in huiusmodi Reformatoribus, quales Lutherani & Calvinistae sunt. In Anglia, ut testatur Sanderus, vno anno, plusquam decem

millia Monachorum & Monialium ad seculum redire compulsi sunt, & votum castitatis cum incestis nuptiis permutare. Notum est, quid antea in Saxonia in hoc genere contigerit: quot curus Monialibus onusti, ex diversis Monasteriis auigante Luthero V Vittembergam adducti sint. Omisso exte-
ra, quæ castæ aures non ferunt.

78. Illud extremæ impietatis est, quod nec ipsi Saluatoris cruci vel imagini à Reformatioribus par-
sum sit. Alij verbis, alij factis in eam Izuerunt. Au-
diamus verba. Beza in Colloq Mompelgardensi sic
habet: *Face me ex animo Crucifixi imaginem detestari.*
Petrus in cap. 1. epistolæ ad Rom. dub. 18: *Idolola-
tra sunt qui imaginem Christi Crucifixi in templis ad re-
presentandam Christum, & ad docendum rudiores de
Christo tuentur.* Carolostadius apud Lutherum, tomo
2. V Vittemberg. fol. 4. *Si Crucifixi imaginem vide-
ris, expue in faciem eius.* Lutherus ipse apud Grefe-
rum lib. 2. de Sancta Cruce, cap. 18. *Similes effino,
mihi in acie vel Sacerdos, vel vexillum cruce insigni-
tum, vel etiam ipsa Crucifixi imago occurreret, non aliter
me inde prouiperem, quam si ipse cacodamon solis ardenti-
bus me insequeretur.*

79. Veniamus ad facta. Refert Reginaldus lib. 2.
Caluinoturcismi cap. 18. Caluinum prohibuisse ne
imago Christi Crucifixi à collo gestaretur. Obtem-
peratum est. Non amplius imago Christi, sed eius
loco aurea vel argentea Caluinis imago gestari cœ-
pit. Quade re monitus Caluinus à modestioribus,
respondit: *Si quis hoc spectaculo offenditur, eruat sibi
oculos, vel abeat citò, & suspendat se.* Hoc leue Dittora
sunt quæ sequuntur. Scribit Petrus Hansonius in ad-
monitione ad Germanos contra Caluinistas, novos
Reformatores Varadini in Hungaria, imaginem Cru-
cifixi primo in aqua abiecisse, extractamque rosa commi-
nisse, eo modo, quo latronibus brachia & crura, impul-
sa rursus confringuntur; his adiunctis blasphemis: *Lauro et,
non Deus: Latronis tibi premia ferenda sunt.*

80. In Anglia, sub Edouardo Rege (vt scribit
Sanderus lib. 2. de schismate Anglicano) demoliti
sunt imaginem Crucifixi, & in eius locum subrogarunt
insignia Regis Angliæ, nempe tres Leopardos, & triali-
tia: hinc serpentis, inde canis pedibus expansi sustenta-
ta. Quod perinde erat, ac si dixissent, se non Christum,
cuius imaginem contumeliosè deiecissent, sed Regem ter-
renum, cuius insignia eodem loco erexerant, colere &
adorare.

81. In Gallia, atrociora patrata sunt, teste Ros-
seo, qui in libro de iusta Reipub. in Regem autho-
ritate, sic scribit, *Auranti in Provincia, post ordina-
ria illa Caluiniani Evangelisii facinora, disturbata Ec-
clesias, euerfa Sanctorum monumenta, exusta corpora, &
inter alia patrum & primum Apostolum suum sanctum
Eutropium, & huiusmodi cetera, ad extremum scite forma-
tam Christi crucifixi imaginem templo educunt, furibus-
que alligatam imponunt asino, & per omnes plateas &
compita, perpetuis eam maledictis, & una continuis fla-
gellis & verberibus afficientes circumducunt, & deinde in
semen prociunt.* Et ibidem: *In diocesi Carnotensi, longe
ultra hanc diritatem progressi sunt, qui in Ecclesiam quan-
dam, ubi Sacerdos diuinum illud Christianorum sacrificium
peragebat, irruentes, proculcata suis pedibus sacra Ho-
stia, & effuso sanguine, calice loco manule abutentes, &
Sacerdotem ad urinam ebibendam compellentes, mox eun-
dem cum crucifixi Christi imagine alitè colligarunt, &
Christum cum Sacerdote plurimorum sclopetorum glandi-
bus transfixerunt.*

82. In Hollandia, nouum contamelix genus com-
menci sunt Geusij. Nam statuam Christi Crucifixi,
næ in templo Gorcomensi visebatur, infami pati-
culo affixerunt, vt refertur in theatro crudelitatis

A hzreticorum, f. 381. Plura videri possunt apud
Iacobum Gretserum lib. 2. de Sancta Cruce, cap.
18. & alibi.

83. In hoc tamen genere Lutherani Calvinistis mo-
derationes sunt. Tolerant illi sacras imagines, saltem
aliquas in suis templis: Hi nullas penitus. Nullas,
inquam, sacras, at profanas plurimas. Audio in qui-
busdam Calvinistarum ecclesiis, pro columba, quæ
Spiritus sanctum repræsentat, Bubonem substitui:
pro statu Apollolorum, statuas nobilium colloca-
ri: pro historia passionis Christi, syluas & venatio-
nes in parietibus depingi. Quæ res valde affligit
subditos: adeo, vt illi etiam, qui hætenus fuerunt
Lutherani, & nunc à suis Principibus ad Calvinis-
mum compelluntur, hæc vna potissimum de causa
vehementer à Calvinismo abhorreant, & eorum in
templis communionē subterfugiant. Referam quod
ante hos annos contigit. Non longè à Moguntia
pagus est, ubi antea Lutherani, nunc Calvinistæ sunt.
Cum fieret mutatio, nouus Prædicans à Calviniano
Principe submissus est, qui sublati à templo imagi-
nibus, nihil aliud, præter mensam & suggestum
reliquit integrum. Tum rusticos die Dominica ad
communione venire iussit. Illi quod penam me-
auerent, si non parerent, venerunt quidem cæterua-
tum ad ostium templi, sed cum nullus ante alios in-
gredi vellet, foris omnes substituerunt. Prædicans qui
ad mensam pane ac vino instructam eos expectabat,
alta voce hortatus est, vt accederent. Nemo voluit.
Nectamen recessit quisquam ab ostio, sed simul
omnes quasi attoniti & offensi persistebant. Vidit
hoc quidam aulicus, qui accinctus gladio & grandi
Molosso comitante, iter isthac faciebat. Et propius
accedens sciscitatus est à Rusticis, quid tergiversa-
rentur in limine? Cur templum non ingrederentur?
Cur à Prædicante communionem non acciperent?
Responderunt illi, se hætenus Lutheranos fuisse,
nec posse bona conscientia Calvinisticam cœnam
manducare. Tunc ille; Nihil, inquit, periculi est:
Accedite, præbo vos exemplo: Quod me videtis
facere, & vos facite. Et mox templum ingressus, ad
ad mensam accessit cum cane (rusticis interim ad
ostium expectantibus) & arreptam è mensa buccel-
lam panis, cani deuotandam obiecit, & abscessit.
Hoc spectaculo offensus est Prædicans, recreati Ru-
stici: Ille murmurare, hi ridere & cachinnos tollere.
Natro rem, vt ab ipsis rusticis accepi.

84. Ex iis, quæ hætenus dicta sunt, facile constat,
quid de huiusmodi reformatioribus sentiendum sit.
Ex fructibus earum, inquit Christus, cognoscitis eos,
Fructus eorum iam enumerati sunt: sed planè diuersi
ab illorum fructibus, qui olim templa & monasteria
fundarunt. Horum fructus erant hi. 1. Pietas erga
Deum. 2. quotidianus Dei cultus. 3. perpetua conti-
nentia & castitas. 4. studium abstinentiæ. 5. hospitali-
tas & largæ elemosynæ. 6. doctrina cum sanctitate
coniuncta. Hos fructus non tolerant noui reforma-
tores: et tamen, quasi boni viri essent, externam
quandam modestiæ speciem præ se ferunt. Quo in
genere illud occurrit memorabile, quod initio Cal-
uinismi fertur in Germania contigisse, arant in con-
uiuio illustres aliquot viri ac feminae. Quidam ex il-
lis, calicem vini obtulit Capitano Calviniano, ea
conditione, vt porrectum vno haustu ebiberet. Hic
statim excepit, se saluæ conscientia id facere non pos-
se. Tum matrona Catholica, quæ assidebat, subri-
dens: Bone Deus, inquit, mi cognate, tam angusta
conscientia tibi nunc est, vt vnum calicem transmi-
tere non possis, qui hætenus tot templa & monaste-
ria transmisisti sine scrupulo? Aptissimè.

QVÆSTIO XI.

Quomodo Calvinistæ reformati festis

85. **I**Nitio suæ reformationis sustulerunt omnia festa, præter diem dominicum, ut impleteretur quod dictum est per Prophetam, Psal. 73. 8. *Dixerunt in cordis suo cognatio eorum simul. Quiescere faciamus omnes dies festos Dei à terra.* Hoc fatetur Calvinus epist. 118. ad Ministrum Burensem, his verbis; *Antequam urbem hanc primo adventu ingressus essem, abrogati erant dies festi omnes, præter dominicum Farello & Vireo hoc utile visum fuerat. Ego recepta consuetudini libenter acquievi. Eandem quoque rationem nova hæc Bernarium Provincia secuta initio fuerat. Et alibi hortatur alios ut in eadem consuetudine persistant.* Nam epist. 51. ad Mōpelg. Ministros sic scribit; *In festis non recipiendis cuperem vos esse constantiores.* Et paulo post, *In Papatu magna celebritate Conceptionem & Assumptionem Virginis coluerunt. Quid habebat servus Christi quod dicat, si suggestum conscenderis illis diebus, nisi ut eorum stultitiam videas qui tales ferias excogitantur?*

86. Non diu duravit hæc reformatio. Nam progressu temporis, alij præter diem dominicum, nova festa instituerunt: alij vetera, quæ semel repudiaverant, resumpserunt. Et quidem in Palatinatu, feria quarta cuiuscunque hebdomadis, iam pridem sacra esse cepit. Occasio fuit hæc. Quærebantur famuli & ancillæ, deteriori conditione se esse apud Calvinistas, quàm apud Catholicos: Hic multa esse festa, quibus respirare liceat, ibi assiduo labore se opprimis neque tantillum temporis permitti quo vel laceras vestes reficere fas sit Visa est legitima querela. Igitur à magistratu, feria quarta assignata ipsis est, quæ ab herili opere aliquantulum cessare possint, & consuendis aut reficiendis vestibus operam dare. Quo etiam factum est, ut hoc festum patrio sermone à quibusdam vocetur, *Das siickfest.*

87. In Hollandia, nova constitutio à DD. Statibus facta est, quæ præter diem dominicum, septem festa, quæ nobis cum ipsis communia sunt, permittuntur. Verba constitutionis sunt hæc, *Præter Dominicam, quæ antiqua consuetudine, cultu divino sacra & sanctificari solet, nulla alia festa celebrabitur, quam dies prima & secunda natiuitatis Domini dies Circumcisionis, feria sexta Parasceses tempore solum antemeridiano, dies secunda Paschæ & Pentecostes ac denique dies Ascensionis Domini. Ad qua festa populus, ut sese ad concionem parat ac recipiat dominica proximè antecedente commonebitur, & interdicitur omnibus cauponibus & Tabernariis, ne durante predicatione, hospitibus prouideant: alij etiam, ne pila ludant, aut ullam insolentiam, quæ cultus diuini perturbare possit, exerceant, sub certa pena à nobis statuenda.*

88. In hac constitutione aliqua notanda sunt. Primum est, quod DD. Status, non aliter, quam antiqua consuetudine, seu traditione Ecclesiæ probare possint, diem dominicum diuino cultu celebrandum esse. Gaudeo, quod tamen agnoscant vim traditionis, tam quoties oppugnantur. Sed doleo, quod iterum sui obliti sint. Obligarunt enim se sub forma iuramenti, quod non aliā regulam, normam & amussim sequi velint, quam solam Scripturam. Nunc etiam consuetudinem & traditionem ecclesiæ sequuntur.

89. Alterum est, quod obligent suos subditos, ut præter dominicam, colant alia septem festa, quæ enumerata sunt. In quo sæpius peccant. 1. contra

A iuramentum à se præstitum, 2. contra consilium Caluini, in festis non recipiendis, cuperem vos esse constantiores, 3. contra consuetudinem Calvinistarum, cui Calvinus libenter acquieuit, 4. contra regulam Caluini, *Deus non irritum habet, quid quid colendi sui studio, præter mandatum suum suscipimus, sed palam quoque abominatum*, 5. contra libertatem Caluini & piorum omnium, *Respuere mihi & piis omnibus fas est, quidquid ad Christi institutionem addere ausi sunt homines.* Nisi forte DD. Status Catholicis in hoc puncto adherere malint, quam Caluino rectè. Utinam etiam in aliis.

90. Tertium est quod non velint alia festa coli, præter illa septem assignata, iuxtaquam regulam? Nimirum: *Sic volo, sic iubeo: sit præratione voluntas.* Alioqui, si liceat illa septem colere, cur alia non liceat? Cur non festum dedicationis Templi? Præsertim cum Christus suo exemplo id approbauerit. Cur non festum sanctissimæ Trinitatis? Cur non Transfigurationis? Cur non similia?

91. Quartum est, quod sub pœna à se statuenda, prohibeant vsum hospitij & lusum pilæ, durante predicatione. Quid ergo futurum est, si peregrini ad hospitium diuertant, & propter urgentem necessitatem non possunt expectare finem predicationis? Adeone barbari & inhumani erunt Batavi, ut ieiunos abire iubeant? Absit.

92. Quintum est, quod hæc constitutio contraria sit alteri constitutioni, quæ proximè antecedit. Nam in proximè antecedenti capite. De sacra Cœna habetur hæc constitutio, *Cena Domini, iuxta institutionem Christi, saltem quater per annum in urbibus, nempe die natiuitatis Christi, Paschæ, Pentecostes, & semel in mense Septembri celebrabitur*, Ergo in mense Septembri debet esse festum aliquod, distinctum ab illis septem, quæ in altera constitutione recensita sunt. Ergo præter illa septem adhuc vnum est, quod coli necesse sit.

QVÆSTIO IV.

Quomodo Calvinistæ reformati ieiunia?

93. **C**irca ieiunia eodem ferè modo, quo circa festa, progressi sunt. Nam primò sustulerunt omnia ieiunia, quæ à Catholicis seruari solent, præsertim ieiunium Quadragesimæ, quatuor temporum, vigiliarum, & abstinentiam à carnibus feria sexta & sabbato. Moti sunt hoc potissimum fundamento, quod ieiunia debeant esse libera, non coacta. Nam libertas Christiana (inquit Calvinus lib. 3. Instit. cap. 19. §. 2.) in eo consistit, ut nulla rerum ex eternarum, quæ per se sunt adiaphora, religione coram Deo teneantur, quin eas nunc usurpare, nunc omittere indifferenter liceat.

19. Hæc reformatio cauè stetit Calvinis. Nam propter violatum Quadragesimæ ieiunium, aliquot ipsorum millia perierunt. Historiam rei gestæ narrat Brudenbachius lib. 7. collationum cap. 38. his verbis; *Anno 1575. in septimana sancta, milites comitis Ludouici à Nassau, contempta religione veteri, carnibus passim vescabantur, & immodica latitia offerebantur. Quocirca D. Philippus Olmenus, vir multa experientia, magna pietatis, animisagacis, Parochum id temporis agentem in loco non valde à castris militum istorum remoto, suos confortabat, ut sacrum Quadragesimæ tempus pergerens religiosè peragere: Illos quidem, diuinis humanisque sancti-
tibus contemptis, nunc strenuè comessari, carnibus vicitate & laxari, sed ingubre & funestum Paschahabi*

uros: Si vero, ac suos fausto ac felici Paschate gauderent. Quod & factum. Nam Catholicis post expletos sancta Quadragesima labores, Paschalem solennitatem festinis gaudiis celebrantibus ecce subito feria quarta Pascha, unus ille Ludowici exercitus cum ipso Comite Ludowico, omnibusque Antesignanis, cassis & interfectus est, paucissimis fuga saluatis. Adhuc esca erant in ore eorum (inquit Psalmista) & ira Dei ascendit super eos, & gladium Catholicorum deuorauit carniuiros. Hæc strages contigit in Ericeto Mokeni, vulgò, auff der Mœctor hahnen, & à multis authoribus in lucem edita est.

95. Fortè hoc exemplo permoti sunt DD. Status Hollandiæ, ut in Synodo Vltraiektina; non quidem approbarent Catholicorum ieiunia, sed tamen ut noua instituerent. Nam in cap. de ieiuniorum & rogationum diebus, sic decernunt; Præter extraordinarios ieiuniorum & orationum dies, quos communes habemus cum unitis Prouinciis, volumus ut deinceps semel ordinari in anno, nempe post Pascham, unum aut alterum generale ieiunium seruetur per hanc totam prouinciã, &c.

96. Ego tamen vehementer miror hoc ipsorum decretum. Nolunt seruari antiquum Ecclesiæ præceptum de ieiunio; volunt suum nouum seruari. Nolunt cum Catholicis in Quadragesima ieiunare, volunt soli ieiunare post Pascha. Et cur præcisè post Pascha? Duplex occurrit ratio. Vna, quia tunc haberi possunt reliquæ seu fragmenta piscium, quæ ex

A Catholicorum Quadragesima supersunt. Valde enim recreantur nostris reliquiis. Altera, quia, ut iam dixi, post Pascha cæius est exercitus Calvinistarum. Sicut ergo Catholicici ieiunant in Quadragesima in honorem mortis & passionis Christi, ita Calvinistæ post Pascha, in memoriam illius cladis, quam ab Hispanis passi sunt.

97. Fundamentum illorum, quod initio allatum est, nihil euincit. Primò, quia in ipsos retorqueri potest. Nam si libera sunt ieiunia, cur nouo decreto ab ipsis imperantur? Deinde, non expedit esse libera. Nam si essent, à paucis seruarentur. Hoc docet experientia apud Lutheranos & Calvinistas, qui liberas esse volunt. Attexam, quid D. Pistorio contigerit. Habebat is parentem grandævum in Hassia, quem orabat Catholicum esse. Multis utrinque actum est. Tandem respondit senex, sibi omnia probari, quæ apud Catholicos sunt, hoc vno excepto, quod nimis seuerè imperent ieiunia. Hæc liberè, non coactè suscipi oportere. Cui filius: Mihi pater, inquit, cum apud vos libera sint, quotuiusque vestrum ea seruat? Quis liberè abstinere à carnibus, cum habere eas possit? De te loquar. Quoties obsecro, ab adolescentia tua ad hanc usque ætatem, quæ iam decrepita est, liberè ieiunasti? Hic hæsit senex attonitus, & paulisper se colligens, Nunquam per Deum, inquit Germanicè, Niemal by Gods. Testimonium hoc verum est.



TITVLVS TERTIVS.

Θεοδιδάκτος

Id est.

A Deo docti.



ALVINISTÆ vocant se Θεοδιδάκτες, id est à Deo doctos. Et in ea re dicunt se esse similes Apostolo scribenti ad Galatas. Neque enim ego ab homine accepi illud, neque didici, sed per revelationem Iesu Christi. Et de se interpretantur prædictum esse per Isaiam Prophetam, c. 54. 13. 1. abo universos filios tuos doctos à Domino. Et per Ieremiam, c. 31. 34. Non docebis ultra vir proximum suum. Omnes enim cognoscent me à minimo eorum usque ad maximum. Quibus adiungunt illud Ioan. 6. 45. Erant omnes docibiles Dei. Et 1. Ioan. 2. 27. Non necesse habetis, ut aliquis doceat vos: unctio eius docet vos de omnibus.

2. Hoc titulo defendunt omnia sua facta: Et quidquid illis obiici potest, sub prætextu huius tituli evanescit. Nam si dicas, Cur Calvinistæ recipiunt codicem Bibliorum, quem nos habemus? Respondent, sic à Deo docti sumus. Cur non recipiunt omnes Bibliorum partes, quas Catholicici recipiunt? Sic Deus inspiravit. Cur versionem, quam Catholicici sequuntur, repudiant, & novas quotidie moluntur? Ex instinctu Spiritus sancti id fit. Cur sensum Scripturæ, quem Patres secuti sunt, ipsi non sequuntur? Non ab hominibus, sed à Deo illum accipimus. Et sic deinceps.

3. Aiunt autem se à Deo doceri, per privatum spiritum, id est, per internam reificationem Spiritus sancti, qui unicuique privatim suggerit omnem veritatem. Hic autem privatus Spiritus etiam potissimum in ipsis operatur. Primò, facit eos certos de sua iustitia, perseverantia, prædestinatione & vita æterna. Secundò, per eum norunt discernere, quæ Scripturæ sint divinæ & Canonice, quæ non sit. Vel, quod idem est, quæ vox sit divina, quæ non sit, iuxta illud Ioan. 10. 27. Oves meæ vocem meam audiunt. Tertio, per eius instinctum discunt verum sensum & interpretationem Scripturæ: ac proinde possunt omnes controuersias fidei ac religionis, quæ

fundantur in Scriptura per veram Scripturæ interpretationem dirimere & componere. Hæc omnia paucis examinanda sunt, hoc ordine, 1. qualis sit privatus ille Spiritus quem Calvinistæ dicunt se habere. 2. an per illum Spiritum certi sint de præsentis sua iustitia, & de futura perseverantia & vita æterna. 3. an per eundem Spiritum norint discernere inter Scripturas canonicas & non canonicas. 4. an per illum possint dirimere controuersias fidei ac religionis.

QVÆSTIO I.

Qualis sit spiritus Calvinistarum.

4. **H**Oc merited disputari potest. Non enim frustra monet nos Apostolus, 1. Ioan. 4. 1. *Charissimi, nolite omni spiritui credere, sed probare spiritus, si ex Deo sint*, Causam addit, quia multi pſend propheta exierunt in mundum. Multi iactant se habere spiritum Dei, qui tamen agitantur spiritu vertiginis & mendacij. Igitur opus est discretionem spirituum, quam non omnes habent. Habuerunt illam Apostoli & Prophetæ, qui sciebant se scribere, dictante Spiritu sancto, quæ scribebant. Habuit Lutherus, qui sciebat à diabolo suggeri sibi argumenta contra sacrificium Missæ. At non habuit Zuinglius, qui dubitabat, ater an albus esset Spiritus, qui illa verba, *Hoc est corpus meum*, metaphoricè intelligenda esse inspirante?

5. Quid dicemus de Spiritu Calvinistarum? albus, an ater est? bonus an malus? Nihil ex me dicam; sed tantum quid alij sentiant. Igitur Smidelinus contra Grynæum, sic scribit; *Spiritus Calvinisticus mendax est, homicida, aser, pessimus, fugitiuus, lubricus, diabolicus falsus, furiosus, verbosus, crassus, cæcus, Calvinismus, Arianismus, & Mahometismus, fratres sunt & sorores tres caligæ eiusdem panni. Camarina, in quam multa hæreses confluxerunt; ut ima Satana ira.*

6. Et Lutherus apud Gretserum, lib. 1. contra Goldastum c. 12. *Spiritus, inquit, Calvinistarum est diabolicus Spiritus, mendax Spiritus, rebellionis & dissensionis Spiritus, fugitiuus, inconstans & vertiginosus Spiritus. Et ibidem, Calvinistæ sunt fanatici, progenies viperina, animicide, impij blasphemæ, deceptores sanguinarij, infernales molossi, Germanici, Turcæ, à Sathana missi & obsessi, Ab hac meretrix baptizari per diabolat, transdiabolat, superdiabolat.*

7. Et Serenissimus Angliæ Rex Iacobus in Basiliæ suo Doro, dicit esse *Spiritus fanaticos, periuros, perfidos, nihil nisi seditionem & calumniam spirare, sine ratione maledicta ingerere. Et in fine Monitoriæ Præfationis, esse homines perniciosos, obstinatos, & legumini- pariter reluctantes. Et Thomasonus in Elencho refutationis Torturæ Torti, esse factiosos, puros puros Pharisæos, antiquitatis osiores.*

8. Non habeo, quod addam. Et malim aliorum testimonia, quàm mea, hoc loco adducere. Nec Calvinistæ repudiare illa possunt, quia partim sunt testimonia Lucheranorum, quos ipsi agnoscunt pro fratribus; partim Serenissimi Regis Angliæ, quem Christianæ fidei Propagatorem & Defensorem profitentur. Hoc solum addi potest, non mirum esse, si tales sint Calvinistæ, quales esse de scripsimus. Nam, ut supra ostendi, non possunt esse alij, si sequantur suæ sectæ, ac religionis principia, de quibus plura in sequenti titulo.

A

QVÆSTIO II.

An Calvinistæ per privatum Spiritum certi sint de sua iustitia & prædestinatione.

2.

Affirmat Calvinus in Antidoto Concilij Tridentini, less. 6. c. 10. his verbis, *Certò statimimus, nobis remissa esse peccata, in eaque certitudine acquiescimus. Et ibid. Non mirum est, si hæc, quam Spiritus Dei, priorem cordibus obſignat, certitudo Sophistis ignota est. Et c. 13. quicumque sunt filij Dei, inter media pericula turos se esse non dubitant, imò periculis infinitis obsessi, suam salutem extra periculum esse confidunt. Et can. 15. Sua electionis certos esse conueniunt universos fideles. Et l. 1. Inst. c. 2. §. 16. Vere iudeis non est, nisi qui confidunt se regni celestis heredem gloriatur. Et David Parvus in Prolegomenis ad Oteam prophetam: Spiritus sanctus intus conestatur Spiritui nostro, de nostra ipsorum conversione, iustificatione, electione.*

10. Magnum hoc Calvinistarum privilegium est. Nec intelligitur de certitudine morali, quam etiam nos sine privilegio habere possumus de nostra iustitia & sanctitate, sed de certitudine fidei, quam Calvinistæ præ nobis gloriantur se habere, ut ex verbis Calvini perspicuum est. Habet autem tres partes. Prima est, quod Calvinistæ habeant certitudinem fidei de sua iustitia, sanctitate & remissione peccatorum. Altera, quod habeant certitudinem fidei de sua perseverantia. Tertia quod eandem habeant de sua prædestinatione & vita æterna.

11. Nititur autem quatuor fundamentis. Primum est, fidem non dari nisi solis prædestinatis (Calvin. li. 3. Inst. c. 22. §. 10.) Alterum, fidem semel habitam nonquam amitti (lib. 3. c. 2. §. 12. & c. 21. §. 6.) Tercium, sola fide hominem iustificari (lib. 3. cap. 11. §. 19.) Quartum, qui fidem habet, certum esse de sua fide iuxta illud 1. Corinth. 1. 3. §. *Vosmetipsos tentate, si estis in fide* Hinc sequitur, si is, qui fidem habet certus est de sua fide, certum quoque esse de sua iustitia, quia sola fides iustificat certum de sua perseverantia quia fides non amittitur: certum de sua prædestinatione, quia fides non datur, fide prædestinatis.

12. Hoc Privilegium nec in veteri, nec in nouo Testamento, nec in Augustino potui inuenire. Tametsi enim ex iis facile intelligam, nos habere posse certitudinem quandam moralem de nostra iustitia & prædestinatione, non tamen quicquam reperio de certitudine fidei, cui nullus error aut falsitas subesse potest. Nam in veteri Testamento sic legimus, Ecclesiast. 9. 1. *Nescit homo, utrum odio, an amore dignus sit, sed omnia in futurum seruantur incerta.* Et Ecclesiastici. 5. 5. *De propitiato peccato noli esse sine metu.* Et Psalm. 2. 11. *Servite Domino in timore.* Causam addit, *Ne quando irascatur Dominus, & pereatis de via iustæ.* In nouo sic, Rom. 11. 10. *Tu autem fide stas: noli altum sapere, sed timere.* Et ad Philipp. 2. 12. *Cum metu & tremore salutem vestram operamini.* Et Apoc. 3. 11. *Tene, quod habes, ne alius accipiat coronam tuam.*

13. His consentit Augustinus in lib. de corruptione & gratia. c. 13. cum ait, *Omnes, etiam qui bene currunt, timeant, dum oculum est, quo perueniant.* Et ibid. *Quis enim ex multitudine fidelium, quandiu in hac mortalitate*

calente diuinit in numero predestinatorum se esse præsument. Et homil. 35. Quamdiu uiuimus hic, de nobis ipsis nos ipsi iudicare non possumus: non dico: quid cras erimus, sed quid hodie sumus. Et ser. 16. de verbis Apostoli; *Eratis quiscum nostrum, qui audeat dicere, iustus sum?* Noceat hoc Calvinista.

14. Et ratio est efficax. Nam inter certitudinem fidei & moralem hoc interest, quod moralis nitatur quibusdam signis & coniecturis, aut argumentis, quæ quidem efficiant hominem ita certum, ut moraliter putet se non errare, tamen re ipsa aliquando erret. Potest enim huic certitudini aliquando subesse falsum, ut fateretur Calvinus lib. 3. Inst. cap. 2. §. 10. *Tot, inquit, vanitatis recessus habet, tot mendaciarum, tot falsitates cor humanum, tam fraudulenta hypocrisis, totum est, ut se ipsum saepe fallat.* Et §. 11. *Experientia est, edit reprobus interdum simili fere sensu atque electos affici, ut ne suo quidem iudicio, quicquam ab electis differant.* At certitudo fidei omnino est infallibilis; quia nititur diuina veritate, cui falsum subesse non potest. Tunc ergo dicitur aliquis habere certitudinem fidei de aliqua re, quando rem illam immediatè cognoscit per reuelationem Dei; quo pacto cognoscimus omnia, quæ in Scripturis à Deo reuelata sunt. At non singuli fideles habent reuelationem Dei de sua iustitia, perseuerantia & vita æterna. Non enim singulis dicitur quod dictum est Magdalene, *Lucæ 7. 48. Remittuntur tibi peccata tua*: aut quod dictum est Latroni, *Lucæ 23. 43. Hodie mecum eris in Paradiso*. Non ergo singuli habent certitudinem fidei, quam Magdalena & Latho habuerunt.

15. Porro fundamenta, quibus nititur Calvinistarum privilegium, fictitia sunt. Primum est, fidem non dari, nisi prædestinatis. Falsum est. Iudas proditor, Simon Magus, & Nicolaus Antiochenus, non fuerunt prædestinati, sed reprobi, & tamen fidem habuerunt. De Iuda testatur D. Hieronymus lib. 3. contra Pelagianos, & probat ex illis Christi verbis. *Ioan. 17. 12. Pater, quos dedisti mihi, custodini; & nemo ex eis perierit, nisi filius perditionis.* Nam si Pater dedit illum filio, certè bonus tunc erat, & si postea perit ex grege, certè antequam periret, in Christi grege numerabatur. De Simone Mago testatur S. Lucas, *Act. 8. 2. Cum verò credidissent Philippo euangelizanti, tunc Simon & ipse credidit, & cum baptizatus esset, adhaerebat Philippo.* De Nicolao Antiocheno scribit idem Lucas, *Act. 6. 3. Considerate ergo fratres, viros ex vobis boni testimonii septem, plenos Spiritu sancto & sapientia.* Ex iis autem septem, vnus erat Nicol. Antiochenus.

16. Alterum est, fidem nunquam amitti. Et hoc falsum. Nam Apostolus disertè ait. *1. Tim. 1. 19. Quidam circa fidem naufragauerunt, ex quibus est Hymeneus & Alexander.* Et cap. 41. *In notissimis temporibus discedent quidam à fide.* Et sanè si fides amitti non potest, unde tot sunt in mundo hæretici? Cur dixit Apostol. *Ro. 11. 20. Tu autem fide stas, soli autem sapere, sed time*

17. Tertium est, sola fide hominem iustificari. Non ita est. Scriptura non minus requirit timorem, spem, charitatem & penitentiam ab eo, qui vult iustificari, quam fidem, *eccl. 1. 28. Qui sine timore est non poterit iustificari.* Prouerb. 28. 25. *Qui sperat in Domino, sanabitur.* 1. Ioan. 3. 14. *Qui non diligit, manet in morte.* Act. 3. 19. *Pœnitimini & conuertimini, ut deleantur peccata vestra.*

18. Quartum est, qui fidem habet, certum esse de sua fide. Hoc, siue verum, siue falsum sit nihil patrocinatur Calvinistis. Nam et si is, qui fidem habet, certus esset de sua fide, non ideo quoque certus esset de sua iustitia, si sola fides non iustificat: nec certus de perseuerantia, si fides amitti potest: nec certus de prædestinatione, si fides communis est prædesti-

natis & reprobis. At iam ostensum est, solam fidem non iustificare; fidem amitti posse; nec solis prædestinatis, sed etiam reprobis conuenire. Addo, falsum esse, vnumquemque fidelem habere certitudinem fidei de sua fide. Non enim dicitur vnicuique à Deo, quod dictum est mulieri in Euangelio, *O mulier, magna est fides tua.* Negandum tamen non est, posse nos habere certitudinem quandam moralem de nostra fide fundatam, in experientia vitali. Sicut enim is, qui gaudet vel tristatur, vitaliter expetit se gaudere vel tristari: sic etiam is qui credit, expetit se credere. Hoc sensu dixit Aug. lib. 13. de Trinit. cap. 1. *Fidem porro ipsam, quam videt quisque in corde suo esse, si credit, vel non esse, si non credit, aliter nominamus.* Et D. Thomas 1. p. quæst. 87. art. 2. ad 1. *Fides percipitur ab eo, in quo est, per interiorum actum cordis. Nullus enim fidem se habere scit, nisi per hoc, quod se credere percipit.*

QUESTIO III.

An Calvinistæ per priuilegium spiritum norint discernere inter Scripturas Canonicas & non Canonicas?

19. **A**ffirmat David Paræus in disputatione de authoritate Scripturarum, ubi proponit & discutit hanc quæstionem, *Vnde constat, doctrinam Prophetarum & Apostolorum esse diuinam & Canonicam?* & reiectis aliorum opinionibus, dicit id constare ex interna testificatione Spiritus sancti. Sic enim habet, *Spiritus sanctus testificatur in cordibus electorum de huius doctrina veritate & certitudine. Filij siquidem Dei, legentes vel audientes libros Prophetarum vel Apostolorum audiunt & agnoscunt loquelam Patris sui, & discernunt eam ab aliis.*

20. Hoc enim magnum Priuilegium est: & debet sic explicari. Primò, omnes Calvinistæ sunt certi de sua iustitia, perseuerantia & prædestinatione, ut patet ex præcedenti privilegio: Omnes igitur sunt filij Dei. Secundò, filij Dei audiunt & agnoscunt loquelam Patris sui, & eam discernunt ab aliorum loquela, sicut oues agnoscunt vocem Pastoris sui, & eam discernunt à vocibus aliorum, iuxta illud Ioan. 10. 27. *Oues mea vocem meam audiunt.* Tertiò, in Scripturis canonicis auditur vox & loquela Dei Patris, in aliis non item. Igitur filij Dei qui agnoscunt loquelam sui Patris, eamque ab aliorum loquela norunt discernere, norunt etiam discernere inter Scripturas canonicas & non canonicas. At Calvinistæ sunt filij Dei, de quo nemo dubitat: Ergo discernunt inter Scripturas canonicas & non canonicas.

21. Sed meritò suspectum mihi est hoc privilegium, Primò, quia fundatur in præcedenti privilegio, quod subreptitium est, ut dixi. Non enim certi sunt Calvinistæ, se esse filios Dei, & oves veri Pastoris. Secundò, quia malè interpretantur illud Christi, *Oues mea vocem meam audiunt.* Non enim est hic sensus, quem ipsi comminiscuntur, *Oues mea vocem meam audiunt*, id est, discernunt inter Scripturas canonicas & non canonicas (nam Pharisei, qui non erant oues Christi, optimè discernebant inter Scripturas canonicas veteris Testamenti, & non canonicas: & multi alij, qui erant oues non discernere) sed hic potius est sensus, *Oues mea vocem meam audiunt*, id est, auditis meis concionibus, & visis tot miraculis à me patrat, credunt me esse filium Dei, quod Pharisei credere non volunt. Tertiò, quia Calvinistæ negant,

Tobiam, Iudith, Sapientiam, ecclesiasticum & Machabæos pertinere ad Scripturas canonicas, quod tamen affirmant Augustinus, & alij Patres titulo primo citato. Ergo necesse est, vel hos, vel Calvinistas errare in discernendis Scripturis canonicis à non canonicis. Si ergo filij Dei in eo puncto non errant, iterum necesse est, vel hos Patres, vel certè Calvinistas non esse filios Dei. Quis autem negat Augustinum, & similes viros sanctissimos, fuisse filios Dei? Si ergo hoc negari non potest, alterutrum è duobus dicendum est, vel Calvinistas non esse filios Dei, vel falsum esse, quod omnes filij Dei norint discernere inter Scripturas canonicas & non canonicas.

22. Idem argumentum fieri potest de ipsis Calvinistis inter se collatis. Nam Beza, qui est vnus ex Patriarchis Calvinistarum, putat caput octauum Ioannis in quo agitur de adultera, non esse Scripturam canonicam. Alij Calvinistæ contra sentiunt. Si ergo omnes filij Dei norunt discernere inter canonicas, & non canonicas Scripturas, planè sequitur, vel Bezam non esse filium Dei, vel certè alios Calvinistas non esse. Hanc litem inter se componant. Et quid quæso dicent de Lutheranis, quos appellant suos fratres? Norunt illi discernere, an non: Si norunt, cur reiciunt Epistolam Iacobi, vt stramineam quam admittunt Calvinistæ, vt canonicam? Si non norunt, iam non sunt oues, sed hirci. An ergo Calvinistæ agnoscunt hircos pro suis fratribus?

23. Accedit postremo, quod non possunt tueri suum privilegium sine circulo. Hoc alibi prolixè ostendi contra Patrum. Nunc breuiter sic repeto. Vnde constat tibi, Patre, Scripturam euangelicè esse diuinam, & loquelam Dei Patris? Ex interna testificatione Spiritus sancti. Sed vnde constat illam, testificationem esse à Spiritu sancto? ex Scriptura euangelij, *Oues mea vocem meam audiunt*. At vnde scis hanc Scripturam esse diuinam? ex interna testificatione Spiritus sancti. Et vnde scis, hanc testificationem esse à Spiritu sancto? Ex Scriptura diuina, *Oues mea vocem meam audiunt*. Et quis tibi dixit, hanc Scripturam esse diuinam? interna testificatio Spiritus sancti. Et quis dicit hanc testificationem esse à Spiritu sancto? Scriptura diuina iam sæpe citata: Et putas hanc Scripturam diuinam esse? Omnino. Sed vnde scis? Iam sæpe dixi: quid mihi molestus es? Dixisti

A quidem, sed in circulo. Nec inde exhibis, nisi restituas privilegium.

QVÆSTIO IV.

An Calvinistæ per priuatum spiritum possint dirimere omnes controuersias fidei ac religionis?

24. **H**æc quæstio necessariò connexa est cum precedentibus. Nam si Calvinistæ sunt filij Dei, & norunt discernere Scripturas canonicas & non canonicas, seu inter vocem Dei & hominum, necesse est, vt etiam norint, quid significet vox Dei, vel quo sensu prolata sit. Vt enim aliquis dicatur audire vocem Dei, non satis est vt externum sonum percipiat, sed vltius requiritur, vt sensum illius assequatur. Alioqui externa vox, quæ sonat tantum, & non sensu percipitur, parum prodest. Cum ergo Calvinistæ affirmant, se per internam testificationem Spiritus sancti discernere inter Scripturam diuinam & non diuinam, consequenter etiam asserunt, se nosse sensum & interpretationem Scripturæ diuinæ. Ex quo deinde sequitur, omnes controuersias, quæ fundantur in Scriptura diuina, dirimi ab ipsis posse, quia dirimi possunt ex vero sensu & interpretatione Scripturæ diuinæ.

25. Sed hoc iam satis refutatum est titul. 2. quæst. 6. & 9. Nam quæst. 6. ostendi, Calvinistas non habere verum & legitimum Scripturæ sensum. et qu. 9. non posse eos ex sola Scriptura dirimere omnes controuersias, quæ de fide inter nos & ipsos oriuntur. Nec opus est hic repetere, quæ ibi dicta sunt. Hoc solùm ab ipsis nunc peto, cur DD. Status Hollandiæ mandauerint, vt omnes controuersie, quæ prædicantibus dirimi non possunt, ad ipsos, tanquam ad supremos Iudices deferantur? Vel ehiræ Prædicantes habent priuatum spiritum; quem Calvinistæ sibi vendicant, vel non habent. Si habent, cur ipsi non dirimunt controuersias? quid opus est ad DD. Statuum tribunal confugere? Si non habent, cur asserunt se habere? aut quomodo certi sunt de sua iustitia, perseverantia, & prædestinatione? Non capio hæc mysteria.



TITVLVS QVARTVS. ORTHODOXI.



ALVINISTÆ vocant se Orthodoxos, id est, *recte sentientes*. Nam ipsorum iudicio, Catholici cum antiquis Patribus male sentiunt de rebus fidei & religionis; ipsi recte. Quod ex dictis confirmari potest hoc modo; Illi recte sentiunt qui sunt veri Euangelici, Reformati, & à Deo docti: Calvinistæ sunt tales, vt probatum est: Ergo recte sentiunt. Merito igitur Orthodoxi appellantur.

2. Ego contra sentio, non Orthodoxos, sed Cacodoxos id est, *male sentientes*, rectius appellari posse, quod facile ostendo. Nam Calvinistæ docuerunt hætenus hæc paradoxa. 1. Deus prædestinat homines ad æterna supplicia, sine vlla ipsorum culpa. 2. Eisdem occulta vi impellit & necessitat ad omnia flagitiorum genera perpetranda, vt habeat occasionem eos damnandi & puniendi. 3. Insuper mandat,

ut eos ad peccandum inducat. 4. Merito igitur omnium peccatorum author dicens est. 5. Nec tamen hac libidine ac crudelitate sanari potest. Quin miris modis illudic miseris: simulans se velle eos iuvare, cum nihil minus habeat in animo. 6. Christus non est mortuus pro omnibus. 7. Imago Christi crucifixi nullo modo toleranda est omnesque Catholici & Lutherani, qui eam tolerant, sunt veri idololatri, sicut gentiles, qui imagines bestiarum colunt. 8. Sancti, qui dicuntur cum Christo regnare, sunt latrones, bestiae, carnifices. 9. Peccatum originale non tollitur per Baptismum, sed manet in nobis, quandiu vivimus. 10. Nec reliqua peccata tolluntur in iustificatione, sed tantum teguntur & occultantur. 11. Omnia iustorum opera sunt sordes, inquinamenta & peccata mortalia. 12. Gratia Dei non sufficit ad bene agendum. 13. Lex Dei est impossibilis. 14. Omnes filii fidelium sunt sancti ab utero materno, ac proinde non egent Baptismo. 15. Qui autem ex choro illegitimo nascuntur, aeternae damnationi obnoxii sunt, nec ad Baptismum admittendi. 16. Peccata praedestinatorum, quantumvis enormia, nunquam illis imputantur; reproborum nunquam remittuntur.

3. Praeter haec & similia paradoxa adiiciunt hos Atheismos. 1. Deus non est infinitus. 2. Deus secundum substantiam non est alibi praesens, quam in caelo: Et quod inde sequitur, Christus, cum in terris versatus est, non fuit verus Deus. 3. In Deo sunt vera accidentia, realiter distincta a substantia Dei. 4. Decreta Dei, cuiusmodi est decretum praedestinationis aut reprobationis, non sunt ab aeterno. Aeternitas Dei non est indivisibilis & tota simul, sed successiva. Haec singula ex illorum scriptis ostendam.

A

I. Paradoxum Calvinisticum.

4. Deus ab aeterno praedestinavit plerumque homines ad aeternam mortem & damnationem sine ulla ipsorum culpa aut merito, solum quia ipsi ita placuit.

Ita Calvinus lib. 3. Instit. c. 21. §. 1. his verbis Palam est, Dei nunc fieri, ut aliis vitio offeratur salus; alij ab eius aditu arceantur. et cap. 23. §. 1. Ad imine consentaneum est preparationem ad meritum alio transferre, quam ad arcem consilium Dei. Et ibidem §. 2. Homines modo Dei arbitrio, citra proprium meritum, in aeternam mortem praedestinantur. et §. 3. Dicitur esse a Deo creati, quos ad exitium vitios sine dubitatione praescibat, idque ita factum, quia sic voluit, et plura deinceps in eadem sententiam.

5. Certè, haec tam atrocia sunt, ut hominem prope ad desperationem adigant. Nam quo animo sis, si ex Calvino audias, homines nudo Dei arbitrio in aeternam mortem praedestinari: Nihil prodesse bona opera, nihil obesse peccata: solo Dei nutu omnia fieri. Aliter antiqui Patres. Tertullianus in lib. de resurrectione carnis; Deus, inquit, de suo optimus, de nostro iustus. Itaque de suo vult omnes homines salvos fieri & neminem perire. De nostro, reddit unicuique secundum opera eius. Et Aug. lib. 3. contra Iulianum cap. 18. Bonus est Deus, iustus est Deus: potest sine bonis operibus liberare, quia bonus est: non potest sine malis operibus damnare quia iustus est.

6. Ipsi Calvinistae execrantur hanc Calvini doctrinam: Nam Iacobus Arminius in Articulis, quos obligavit Legato Palatino, sic dixerit scribit; Horrendum est, homines nudo Dei arbitrio, citra proprium meritum, in aeternam mortem praedestinari. Item; Horrendum est, hominum alios ad aeternam vitam, alios ad aeternam mortem creatos esse. Item, Non bene dictum, preparationem ad meritum non alio transferendam, quam ad arcem consilium Dei.

Opusc. Rec.

Paradoxum II.

7. Deus occulta quadam vi movet, impellit & necessitat homines ad omnia flagitiorum genera perpetranda.

Ita Calvinus lib. 1. Instit. c. 18. §. 2. his verbis; Quantum ad arcenos motus spectat, quod de corde Regis praeferat Salomon flecti huc illuc, pro: Deo visum est, ad totum certe genus humanum extenditur, tantumdenique valet, ac si dixisset, quidquid animis concipimus, arcana Dei inspiratione ad suum finem dirigi. Et certe, nisi Deus intus operaretur in mentibus hominum, non recte dictum esset, auferre labium a veracibus, & a sensibus prudentiam, auferre cor Principibus terre ut errant per devia. Et infra loquens de Assyris. Unde apparet, certa destinatione Dei fuisse impulsos. Et ibidem §. 4. Homo inst. Dei impulsu agit, quod sibi non licet. Quid est, quod homini agere non licet? Nimirum, non licet adulterari, furari, occidere. Et tamen impulsu Dei hoc agit, id est, adulteratur, furatur, occidit si Calvino credimus. An vero quia impulsu Dei id facit, excusatur? Minimè, inquit Calvinus. Sic enim habet lib. 3. Instit. c. 23. §. 9. Excusabiles peccando haberi volunt reprobis, quia evadere nequeant peccandi necessitatem, praesentim cum ex Dei ordinatione sibi iniiciatur evadendi necessitas. Nos vero inde negamus rite excusari. &c.

8. Vides, ex Calvinis sententia: hominem a Deo impelli ad peccandum necessitate quadam a Deo injecta, quam evadere non potest, & tamen non ideo excusari a peccato. O dura necessitas! Non sic sacra Scriptura loquitur, Ecclesiast. 15. 21. Nemo mandavit Deo impie agere. Et Sapient. 14. 9. Odio est Deo impius & impietas eius. Et Iacob. 1. 13. Nemo cum tentatur dicat, quoniam a Deo tentatur. Deus enim inventator malorum est, ipse autem neminem tentat.

Paradoxum III.

9. Deus mandat, urget & incitat Satanam, ut miseros homines ad peccandum inducat.

G g 1 j

Ita Calvinus lib. 1. Instit. c. 18. §. 1. Scimus Satanam se coram Deo sistere ad excipienda iussa, non minus, quam Angelos, qui sponte obediunt, diverso quidem modo & fine, sed tamen, ne quid aggredi possit, nisi volente Deo. Et infra, Ergo quidquid agerent homines, vel Satan ipse, Deus tamen clauum tenet, ut ad exequenda sua iudicia conuertat eorum conatus. Vult Deus perfidum Regem Achab decipi: operam suam offert diabolus ad eam rem: mittitur cum certo mandato, ut sit spiritus mendax in ore omnium Prophetarum. Et ibid §. 2. Dei impulsu, Satan suas partes agit & perficit. Et infra, Dicitur Satan excicare infidelium mentes: sed unde hoc? nisi quod à Deo ipso manat efficacia erroris? Et l. 2. c. 4. §. 2. Satan cum sit instrumentum ira Dei pro eius nutu ac imperio huc atque illuc se inflectit, ad exequenda eius iudicia. Et §. 5. Porro Satana ministerium intercedere ad reprobos instigandos, quoties huc atque illuc Dominus providentia sua eos destinat, vel ex uno loco satis constiterit. Et infra, Spiritus ergo impurus, Dei spiritus vocatur, quia ad eius nutum potentiamque respondet, instrumentum magis ipsius in agendo, quam à se ipso auctor.

10. Quò iam se vertat miser homo (si hæc doctrina vera est) quando à Deo, ut principali agente; & à diabolo, tanquam Dei instrumento: ad peccatum & sempiternum exitum pertrahitur?

Paradoxum IX.

11. Deus simpliciter dicendus est auctor omnium peccatorum, quæ ab hominibus committuntur.

Ita Calvinus lib. 1. Instit. c. 18. §. 3. Jam satis aperio ostendi Deum vocari eorum omnium auctorem, quæ isti censes volunt otioso tantum eius permissu contingere. Loquitur de peccatis, de quibus disputare cœperat, nominatim de cecitate & tyrannide Achab: de incestu Abialonis; de conuitio Semei; de apostasia decem tribuum; de cædibus, rapinis, & incendiis Chaldæorum in Iudæa, de rabie furentium Iudæorum in Christum, de iniquissimo Pilati iudicio, & de aliis similibus. Horum omnium ait auctorem esse Deum, ridetque Catholicos, qui hæc sola Dei permissione putant euenire. Eodem sensu dixerat §. 1. Abialon incestu patris thori polluens, detestabile scelus perpetrat: Deus tamen hoc opus suum esse pronunciat.

12. Ex hoc paradoxo sic concludo, Qui dicit Deum esse auctorem peccati, transformat Deum in diabolum, (teste Caluino, in Instructione contra Libertinos, cap. 14.) sed Calvinus dicit Deum esse auctorem peccati, ut iam ostensum est: Ergo Calvinus transformat Deum in diabolum. Nos Catholici rectius affirmamus cum Prospero in responsione ad capitula Gallorum, cap. 14. Bonorum Deus auctor est, non malorum. Et cum Fulgentio lib. 1. ad Monimum cap. 19. Deus non est visor, cuius est auctor.

Paradoxum V.

13. Deus non solum prædestinat homines ad æternam damnationem, & ad peccandum impellit, sed etiam multis modis illudat miseris, simulans se velle eos iuuare, cum tamen nihil minus velit.

Ita Calvinus lib. 3. cap. 14. §. 13. his verbis, Ecce vocem ad eos dirigis, sed ut magis obscurdescam, lumen accendis, sed ut rediantur ceciores, doctrinam proferis, sed qua

A magis obstruiscant, remedium adhibet, sed ne sanentur.

14. Certè si ita nobiscum agit Deus (ut describit hic Calvinus) quis ab eo remedium petat? Nemo, nisi qui sanari non velit. Videtur Calvinus Deum facere similem illi medico, qui dicebat:

Si vis sanari de morbo, nescio, quali.

Accipias herbam, qualem sed nescio, vel quam.

Ponas, nescio quo, sanabere, nescio quando.

Et quis Caluini doctrina imbutus, credat Christo vocanti & dicenti, Venise ad me omnes, qui laboratis & onerati estis, & ego reficiam vos? Quis non statim excipiat? Tu quidem vocem ad me dirigis, sed ut magis obscurdescam, lumen accendis, sed ut cæcior eundam, doctrinam proferis, sed qua magis obstruiscam; remedium offers, sed ne sanari possim. Quid ergo te audiam?

Paradoxum VI.

15. Christus non est mortuus pro omnibus, sed tantum pro paucis.

Ita Calvinus, lib. 3. Inst. cap. 22. §. 10. his verbis: Si omnes vellet saluos, custodem illis præficeret Filium, & omnes in eius corpus sacro fidei vinculo inferret. Num constat singulare esse patris amoris pignus, filiis quos adoptauit, reconditum. Sensus est, Deum non velle omnes homines saluos esse, quia non vult Christum omnibus prodesse, sed tantum prædestinatis.

16. Aliter loquitur Scriptura. 2. Corinth. 5. 15. Pro omnibus mortuus est Christus. Et 1. Timoth. 2. 6. Qui dedit redemptionem semetipsum pro omnibus. Et 1. Ioan. 2. 2. Ipse est propitiatio pro peccatis nostris; non pro nostris aut tantum, sed etiam pro totius mundi. Et sanè, nisi ita esset, cur instituisset pro omnibus Sacramenta? cur imposuisset omnibus præceptum fidei & Baptismi? cur misisset Apostolos ad omnes gentes? Nisi hæc omnia fide & simulacè à Deo facta esse interpretentur Calvinistæ.

Paradoxum VII.

17. Imago Christi crucifixi nullo modo toleranda est, omnesque Catholici & Lutherani, qui eam tolerant, sunt idololatræ sicut gentiles, qui imagines bestiarum colunt.

Ita David Pareus Calvinista in cap. 1. Epist. ad Romanos, dub. 18. his verbis, Mutant gloriam Dei, & idololatræ sunt, non soli gentiles, qui vel homines, boues, volucres, serpentes, solem, lunam, stellas, herbas, fortunam, vel harum rerum imagines pro Deo colunt, sed etiam inter Christianos, omnes illi, qui imaginem Christi crucifixi in templis ad representandum Christum, & ad docendum rudiores de Christo tuentur. Et ante illum Beza in colloquio Mōpelgartensi, Fateor me ex animo crucifixi imaginem detestari.

18. O tempora! ô mores! Qui Christi Domini ac Saluatoris nostri imaginem tuentur, tum ad representandum beneficium passionis eius, tum ad docendum rudiores de hoc ipso beneficio in nos collato, vocantur Idololatræ. At Calvinistæ, qui eam execrantur, conspuunt & eliminant, censentur (si Diis placet) Orthodoxi, sancti, prædestinati, oues veri Reformati. Quis hoc credat, nisi Iudæus aut Gentilis?

Paradoxum VIII.

19. Sancti, qui dicuntur cum Christo regnare, sunt larvæ, bestię, carnifices.

Ita Calvinus lib. 3. Instit. cap. 10. §. 27. his verbis: *Inde colligimus, nihil eos Christo reliquum facere qui pronibilo ducunt eius intercessionem, nisi accedant Georgius, & Hippolytus, aut similes larvæ. Et in li. de ratione reformatæ Ecclesiæ; Omisso Dominicum & similes carnifices: Omisso Adardum, Lubinum & similes bestias.*

20. His Caluini verbis oppono illud Augustini. Serm. 26. de Sanctis: *Quisquis honorat martyres, honorat & Christum: & qui spernit Sanctos, spernit & Christum. An non spernit Sanctos, qui eos appellat larvas, bestias, & carnifices? Ergo & Christum spernit.*

Paradoxum IX.

21. Peccatum originale non tollitur per Baptismum, sed manet in nobis, quandiu vivimus.

Ita Calvinus lib. 4. Instit. cap. 15. §. 10. *Famperficium est, quam falsum sit, per Baptismum solui nos & eximi ab originali peccato. Et in Antidoto Concilij Tridentini sess. 5. Manet verò peccatum in nobis, neque per Baptismum extinguatur. Hoc autem peccatum nihil aliud est, teste Caluino & Parzo, quam pravitatis natura, cecitas mentis, & aversio voluntatis à Deo, cum reatu pœnæ æternæ.*

22. Hinc sequitur primò, Calvinistas, quamdiu in hac vita sunt, esse depravatos cæcos, aversos à Deo, & reos pœnæ æternæ. Secundo, eosdem Calvinistas post hanc vitam, vel habere Purgatorium, in quo purgentur ab hoc peccato, vel si non habent, manere depravatos, cæcos, aversos à Deo, & reos pœnæ æternæ. Si hoc posterius dent, miseri sunt: si illud prius, mutati sunt, quia agnoscunt iam Purgatorium quod hactenus oppugnaverunt. Quamquam hoc Purgatorium diversum à nostro sit, ut alibi dixi.

Paradoxum X.

23. Reliqua peccata non tolluntur in iustificatione, sed tantum teguntur & occultantur. Teguntur autem per iustitiam Christi, fide à nobis apprehensam.

24. Ita Calvinus lib. 3. Instit. c. 11. §. 2. *Iustificatur ille fide, qui Christi iustitiam per fidem apprehendit, qua vestitus in conspectu Dei, non ut peccator, sed tanquam iustus appareat. Et VVitaxerus ad rationem 8. Campani, Neque nos illius verbi pudet, quando iustitiam, dilecti occultationem esse dicimus. Et Catechismus Heidelbergensis 4. 36. Christus mediator sua innocentia atque perfecta sanctitate, nostra peccata tegit, ne in conspectum Dei veniant. Et Parzus in suis thesibus de peccato, Peccata in nobis non tolluntur, sed in iudicio Dei, id est, non imputantur.*

25. Oppono verba Scripturæ, Ioann. 1. 29. *Eccce Agnus Dei, ecce qui tollit peccata mundi.* Act. 3. 19. *Pœnitentini & convertimini, ut deleantur peccata vestra.* Heb. 9. 28. *Christus semel oblatu est ad multorum exhaurienda peccata.* Michæc 7. 19. *Proiciet in profundum maris omnia peccata nostra.* Unde sic concludo, id, quod tollitur, deletur, exauritur & longissimè proicitur ab homine, certè non manet in homine: sed in iustificatione, peccatum tollitur, deletur, exauritur & longissimè proicitur ab homine, ut testatur Scriptura: Ergo non manet in homine post iustificationem. Et sanè, si maneret, homo iustificatus nihil aliud esset, quam sepulchrum dealbatum, quod intus plenum est ossibus mortuorum & omni spurcizia.

Opusc. Bec.

Paradoxum XI.

26. Omnia iustorum opera sunt sordes, inquinamēta, & peccata mortalia, neque vitam, sed damnationem æternam promerentur.

Ita Calvinus lib. secundo Instit. cap. 12. §. 4. *Omnia hominum opera nihil sunt, nisi inquinamēta & sordes: Es qua iustitia vulgò habetur, ea apud Deum mera est iniquitas. Et c. 14. §. 9. Habemus, ne unum à Sanctis exire opus, quod non mereatur iustæ opprobrij mercedem. Et §. 11. Dubius hic fortiter insistendum, nullum unquam extitisse pium hominis opus, quod si fœvere Dei iudicio examinetur, non esse damnabile, &c. Et c. 15. §. 3. Nihil ab homine exit, quantumvis perfectum, quod non sit aliqua macula inquinatum. Et in Antidoto Concilij Tridentini, sess. 6. can. 22. Inde conficitur, non esse tantopere exagitandos, qui dixerunt, quædicer bona opera, si exacto rigore censentur, æternam potius damnationem, quam vitam præmio digna esse.*

27. Contrarium docet Christus, Matth. 5. 17. *Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est.* At quomodo videbunt homines Apostolorum opera bona, si omnia iunt damnabilia? Aut quomodo glorificabunt Patrem cœlestem, si sunt inquinamenta & mera iniquitas? Et Apostolus 2. Petri 1. 10. *Satagite, ut per bona opera certam vestram vocationem faciatis.* Vbi hortatur nos ad bona opera. At si nulla sunt bona, sed omnia mortifera & damnabilia, quomodo ad exhortari poterit? Et alius Apostolus 1. Cor. 4. 4. *Nihil mihi conscius sum, Secundum Calvinum debebat dixisse; Male mihi conscius sum, quia omnia mea opera scio esse damnabilia & meram iniquitatem. Hoc potius dixit; Bonam certamen certavi, &c.*

Paradoxum XII.

28. Gratia Dei non sufficit ad bene agendum, seu ad præcepta divina observanda.

Ita Calvinus in Antidoto Concilij Tridentini sess. 6. c. 12. ubi expressè ait, *Prophetas, Patriarchas, & pios Reges, utcumque Spiritu Dei adiuvantur, ferendo longinquo pares non fuisse: id est, non potuisse servare legem divinam, etiam si auxilio gratiæ divinæ adjuvantur.* Impia vox.

29. At ipsi Prophetæ, Patriarchæ & pii Reges aliter loquuntur. Psal. 18. 32. *Viam mandatorum tuorum cucurri, cum dilatasti cor meum.* Et Ezech. 36. 27. *Spiritus meus ponam in medio vestri, & faciam ut in præceptis meis ambuletis.* Et Apostolus ad Philipp. 4. 13. *Omnia possum in eo, qui me confortat.* Et Rom. 8. 26. *Spiritus adiuvat infirmitatem nostram: atque Corinth. 12. 7. Datus est mihi stimulus carnis mee Angelus Satana, qui me collaphizet. Propter quod ser Dominum rogamus, ut discederet à me: & dixit mihi, Sufficit tibi gratia mea.*

Paradoxum XIII.

30. Lex Dei est impossibilis, nec ab ullo quantumvis sancto hactenus servata est, aut deinceps servari poterit.

Ita Calvinus, loco citato his verbis: *Mihi abundè sufficit, neminem extitisse unquam, qui legi Dei satisfecerit nec ullum posse inveniari.* Et postea subdit, quod dixi, nec Prophetas, Patriarchas, & pios Reges, servasse legem, etiam si gratia Dei adjuvantur,

G g g iij

et lib. 2. Institut. c. 7. §. 5. *Quod autem, inquit, impossibile legis observationem diximus, id explicandum & confirmandum est, &c.*

31. Fœlices Caluinistæ, qui quoties homicidia, furta, adulteria, aut similia flagitia commiserunt, vno Caluini verbo excusantur, *Lex Dei est impossibilis*. Fœliciores utique essent, si lectori aut carnifici persuadere id possent, repugnat illis Christus, Matth. 11. 30. *In gremio meum suauis est, & onus meum leue*. Et Apostolus 1. Ioann. 5. 3. *Hæc est Charitas Dei ut mandata eius custodiamus, & mandata eius gratia non sint*. Et Augustinus lib. de natura & gratia, c. 43. *Deus impossibilia non iubet*.

Paradoxum XIV.

32. Omnes filij fidelium ab utero materno nascuntur sancti & hæredes vitæ æternæ, ac proinde saluari possunt sine Baptismo.

Ita Caluinus in Antidoto Concilij Tridentini sess. 6. cap. 5. *Verum infantes à Regno Dei arcerelibuit, qui ante erepti sunt in hac vita, quam offerri ad Baptismum poterit. Quasi verò de nihilo dictum sit, eos nasci sanctos, qui ex fidelibus nascuntur. Imò quo iure ad Baptismum eos admittimus, nisi quod promissionis sunt hæredes? Nisi enim ante ad eos pertineret vita promissio, Baptismum profanaret, quisquis illis daret. Quod si Deus in regnum suum eos adopravit, quanta iniuria sit promissioni, quasi per se ad eorum salutem non sufficiat? Et infra, *Inclusa est infanctum salus in promissione, qua Deus fidelibus testatur, se fore illis & semini eorum in Deum. Hac ratione sibi nasci pronuntiabat, qui ex Abraham ducebant originem. Huius promissionis beneficio recipiuntur ad Baptismum, quia censentur Ecclesie membra. Non à Baptismo igitur initium habet eorum salus, sed quæ iam in verbo fundata erat, Baptismo obsignatur*. Et lib. 2. Institut. cap. 6 §. 24. *Infans à matris utero, in fœdere, id est, in promissione vitæ æternæ, continetur*. Et ibidem, *Filiorum, haud dubiè, loco habet eorum filios, quorum semini in patrem, se fore pollicitus est*.*

33. Ex his, & aliis Caluini verbis, quæ ibidem habentur colligi possunt hæc puncta. 1. Illam promissionem quæ Abraham facta est, Genes. 17. 7. *Ero Deus tuus, & semini tui post te*, pertinere ad omnes parentes fideles & eorum filios. 2. Itaque omnes filio, fidelium, vi illius promissionis, esse sanctos, & hæredes vitæ æternæ, nec posse vnquam petire. 3. Quamuis ergo moriantur sine Baptismo, nihilominus seruari vi promissionis. 4. Non enim Baptismum institutum esse, ut infantes per illum efficiantur sancti, sed ut eorum sanctitas obsignetur; cum Baptismus nihil aliud sit, quàm publicum sigillum, quo Ecclesia testatur, filios fidelium sanctos esse, & in fœdere promissionis contineri. 5. Vnde sicut olim filij Abraham obsignabantur sigillo Circumcisionis, ita nunc filios fidelium sigillo Baptismi obsignati. 6. Et sicut olim non circumcidebantur filij infidelium, eo quod in fœdere promissionis non continerentur; ita nunc filios infidelium non debere admitti ad Baptismum, quia à promissionis fœdere exclusi sunt. Denique sicut sigillum Regis censetur profanari, quando falsæ scripturæ vel epistolæ appenditur, ita merito profanari Baptismum, quando confertur iis qui promissionem Dei non habent, cuiusmodi sunt infideles.

34. Hæc Caluini sententia manifestè falsa est, & ex Scripturis refelli potest. Hoc probò ex tribus principis. Primum est, quod omnes infantes, tam fidelium, quàm infidelium, nascuntur in peccato originali (Roman. 5. 12. & Eph. 2. 3.) Alterum quod ca-

35. Nec obstat promissio Abraham facta. Imò ex illa ipsa promissione, sumo tria argumenta contra Caluinistas. Primum est tale. Promissio, quæ Abraham facta est, dupliciter potest explicari. 1. in sensu literali. 2. in sensu mystico. Si explicetur in literali, nihil ad rem Caluini facit. Non enim Deus secundum literam, promisit Abraham & semini eius vitam æternam, sed possessionem terræ Chanaan. Verba promissionis sunt hæc, *Dabo tibi & semini tuo terram peregrinationis tuæ, omnem terram Chanaan in possessionem æternam*. Si autem explicetur in sensu mystico, tunc quidem potest intelligi de vita æterna, non tamen descendit ad filios per carnalem generationem ex parentibus fidelibus, ut falso interpretatur Caluinus, sed per fidem in Christum. Hoc docet Apostolus ad Rom. 4. & 9. & ad Galat. 3. & 4. ubi disertè exponeat, eos esse filios Abraham secundum promissionem vitæ æternæ, non qui sunt filij carnis, sed qui sunt filij fidei, id est, qui imitantur fidem Abraham. Sic enim loquitur ad Galat. 3. 7. *Cognoscite, quia qui ex fide sunt, ipsi sunt filij Abraham*. Et ibid. v. 9. *Qui ex fide sunt, benedicentur cum fidei Abraham*. Tunc ergo secundum Apostolum, incipimus esse filij Abraham, ut promissionis, cum incipimus esse fideles. At infantes non incipiunt esse fideles ab utero materno, sed in Baptismo. *Illis enim baptizari, est credere, ut loquitur Augustinus lib. 1. De peccatorum meritis, & remiss. cap. 27*. Ergo infantes non nascuntur sancti ab utero materno, sed efficiuntur sancti, quando per Baptismum regenerantur, ut supra ex Euangelio dictum est.

36. Alterum argumentum. Post promissionem Abraham factam, Iacob & Esau ex parentibus fidelibus nati sunt: Et tamen Esau ab utero materno non fuit sanctus & hæres vitæ æternæ, ut patet ex illo Rom. 9. 13. *Iacob dilexi, Esau autem odio habui*. Ergo non omnes filij fidelium, vi illius promissionis, ab utero materno nascuntur sancti, & hæredes vitæ æternæ.

37. Tertium. Si omnes nascuntur sancti, planè sequitur, omnes Iudeos nasci sanctos. Omnes enim nascuntur ex duodecim Patriarchis, filiis Iacob: Ac duodecim Patriarchæ fuerunt fideles: Ergo proximi illorum filij fuerunt sancti ab utero materno: Ergo & horum filij, & sic deinceps. Quomodo ergo reprobati sunt? quomodo exclusi ab Evan-

quomodo excisi à radice : quomodo gentiles in eorum locum suspecti :

Paradoxum XV.

Qui autem ex thoro illegitimo nascuntur, eternæ damnationi & perditioni obnoxij sunt, nec ad Baptismum admittendi.

38. Ita Calvinistæ in Synodo Viliensi, anno 1589. die 11. Martij, vbi publicè decretum est, ne quis parvulos illegitimè natos baptizare audeat, vt refert Adrianus Iunius lib. 3. de doctrina & moribus Evangelicorum, cap. 17. Et in Palatinatu, anno 1587. articuli quidam Calvinisticæ reformationis disseminati sunt, quorum secundus habebat hæc verba; *Infantes, qui ex illegitimo thoro nascuntur, æternæ perditioni & damnationi obnoxij sunt, nec per Baptismum iuvare possunt.* Scio, hos articulos à quibusdam Calvinistis rejici, tanquam supposititios. Sed quidquid sit, videtur hæc sententia apertè sequi ex principiis Caluini. Ipse enim docet, promissionem Abrahæ & aliis fidelibus parentibus factam, iure hereditario descendere ad filios per carnalem propagationem, eo modo, quo civilia pacta, feuda, & bona hereditaria parentum ad filios deriuantur: Atqui omni iure, tam diuino, quàm humano, pacta & bona paterna deriuantur ad filios legitimos, non autem ad illegitimos: ergo illegitimi non continentur in promissione Abrahæ facta: Ergo sigillo Baptismi obsignari non debent. Itaque ad illos spectat illud Saræ Genes. 21. 10. *Eisico ancillam hanc & filium eius. Non enim eris heres, filius ancillæ cum filio meo, Isaac.*

39. Hæc doctrina, cuius Calvinistas merited iam pudet, falsa est. An non Christus pro omnibus mori voluit, tam legitimis, quàm illegitimis? Hos enim nunquam legitur exclusisse. An non pro omnibus Baptismum instituit? In Christo, inquit Apostolus ad Galat. 3. 28. *non est Iudeus neque Græcus; non est servus neque liber, non est masculus, neque femina.* Et Petrus Act. 10. 34. *In veritate comperi, quia non est personarum acceptor Deus.* Et sanè habemus clarum exemplum in Scriptura. Iephthæ, qui fuit fortissimus Iudæitarum, ex muliere meretrice natus est, vt legimus in libro Iudicum, cap. 11. An propterea eternæ damnationi fuit obnoxius? Minimè profectò. Nam Apostolus Hebr. 11. 32. inter Sanctos veteris Testamenti illum recenset, *qui per fidem victricis regna, operati sunt iustitiam, adepti sunt re promissiones, &c.*

40. Accedit testimonium Augustini lib. 2. contra duas Epistolas Pelagianorum, cap. 6. & 7. vbi proponit hanc questionem; An infantes propter merita, vel demerita parentum, prædestinentur vel reprobentur? et respondet negativè, quia sepe fit, inquit, vt infans natus ex parentibus optimis & sanctissimis, sine Baptismo moriatur & pereat. Natus verd ex parente fornicatore & matre meretrice, per Baptismum regeneretur & salvetur.

Paradoxum XVI.

41. Peccata prædestinatorum, quantumvis enormia, nunquam imputantur; reproborum, nunquam remittuntur.

Ita Calvinus, partim lib. 3. Institut. cap. 4. §. 28. his verbis; *Cæterum fidelium peccata venialia esse, non quia non mortem mereantur, sed quia non imputantur, &c.* partim lib. 4. cap. 1. §. 20. & 21. vbi docet, nullum peccatum remitti, nisi in ecclesia. At re-

A. probi in Ecclesia non sunt, teste Caluino: ergo reprobis nullum peccatum remittitur. Et lib. 3. capite 11. §. 19. vbi ait, sola fide hominem iustificari: At fides nunquam datur reprobis, teste eodem Caluino, lib. 3. cap. 12. §. 20. Ergo reprobi nunquam iustificantur, ac proinde nunquam remittitur illis vllum peccatum.

42. Hæc doctrina, vel omnibus sceleribus ianuam aperit, vel desperationem ingerit. Nam qui cogitat, nulla fidelium peccata imputari, liberrimè ac impudè in omnia flagitia se præcipitabit. Contra, qui in aliam cogitationem se vertit, quid aliud persuadere sibi poterit, quàm nullam esse spem veniæ & condonationis? Sic quisque aut in Scyllam, aut in Charybdim incidat, necesse est. Et hæc quidem dicta sunt de Paradoxis Calvinistarum: si non de omnibus, cùm multò plura sint, saltem de aliquibus. Dicendum aliquid est de ipsorum Atheismis.

Atheismus Calvinistarum I.

43. Deus secundum essentiam, aut essentialem perfectionem non est simpliciter infinitus, sed finitus.

Ita Conradus Vorstius Calvinista in suo Tractatu de Deo & Attributis diuinis, pag. 234. his verbis *Deus non est actu simpliciter infinitus, neque essendo, neque operando.* et pag. 235. *Est quidem Deus purus actus, sed hoc non vetat, quin simul in sese sit finitus.* Hunc Atheismum conatur probare his quinque argumentis. 1. quia Scriptura non vocat Deum infinitum: ergo infinitus non est. 2. Substantia Dei videtur ab Angelis: ergo infinita non est. 3. Nec materia, nec vllus numerus, nec vlla magnitudo, nec vlla alia creatura est infinita: Ergo nec Deus. 4. Potentia Dei non est infinita, quia non extenditur ad impossibilia: Ergo nec essentia. 5. esse actu infinitum, & esse actu hoc aliquid, sunt contradictoria: sed Deus est actu hoc aliquid. Ergo non est actu infinitus. Hæc singula discutienda sunt.

44. Primum ergo ait, *Scripturam non vocare Deum infinitum.* Fallum est. Nam Scriptura sic habet, Psalm. 144. 3. *Magnus Dominus, & laudabilis nimis, & magnitudinis eius non est finis.* Et Baruch. 3. 25. *Magnus est, & non habet finem, excelsus & immensus.* Quæ testimonia non possunt intelligi de magnitudine molis seu quantitatis, quæ in Deo non est: sed de magnitudine virtutis seu perfectionis. est ergo hic sensus; Deus ita magnus est in virtute & perfectione, vt non habeat finem seu terminum suæ virtutis & perfectionis. Vnde sic argumentor: Sicut illud est finitum in virtute & perfectione, quod habet finem seu terminum suæ virtutis & perfectionis: ita è contrario, illud est infinitum in virtute & perfectione, quod non habet finem seu terminum suæ virtutis & perfectionis: At Deus non habet: Ergo infinitus est, &c.

45. Secundò ait, *substantiam Dei videri ab Angelis, & ideo infinitam non esse.* Hæc planè ostendit, se timidum & imbellem disputatorem esse, qui vt subterfugiat communem difficultatem, quæ oritur ex clara & intuitiua Dei visione, infinitatem Dei tueri non audet, est autem hæc difficultas; *Substantia Dei est infinita: Ergo ab intellectu finito, qualis est hominum & Angelorum, clare & intuitiue videri non potest.* Omnes alij authores, tam Latini, quàm Græci concedunt antecedens; & de sola consequentia solliciti sunt, quam Catholici negant. Armeni concedunt. Putant enim Catholici, rectè coherere hæc duo. Dei

substantiam infinitam esse, & tamen videri posse ab intellectu finito, non quidem per solas naturæ vires, sed accedente auxilio Dei supernaturali. Armeni, tamen si negent coherere, ac proinde alterum negandum esse censent; non tamen negant Deum infinitum esse, sed potius, cum infinitus sit, à finito intellectu videri non posse. Omnium stupidissimus & timidissimus est Vorstius Calvinista, qui nec coherentiam, quam Catholici statuunt, potest intelligere; nec infinitatem Dei, quam omnes alij defendunt, meri ac defendere ausus est.

46. Tertio sic ratiocinatur: *Nulla creatura est infinita: Ergo nec Deus.* Ineptissime profectò. Perinde est ac si dicam; *Nulla creatura est omnipotens: Ergo nec Deus.* Alij authores multò rectius colligunt contrarium ex creaturis, in hunc modum; Ideo creaturæ finitæ sunt in genere Entis, quia deest illis aliqua perfectio, vel gradus perfectionis, in genere Entis. Nulla enim est, quæ contineat in se omnes perfectiones, & omnes gradus perfectionis, qui sunt possibili in latitudine Entis. Ergo è contrario, idè Deus est infinitus in genere Entis, quia nulla deest illi perfectio vel gradus perfectionis in toto complexu Entis. Hæc ratio optima est, & potest explicari hoc duplici syllogismo.

47. Prior est. Cui deest aliqua perfectio, vel gradus perfectionis in genere Entis eo potest dari aliquid perfectius in genere Entis: Ergo non est infinite perfectum. Atqui singulis & omnibus creaturis deest aliqua perfectio, vel gradus perfectionis in genere Entis. Nam elementis deest, vita; plantis, & brutis ammantibus, intelligentia; Angelis & hominibus, vis creandi. Vno verbo, singulis deest independentia ab alio. Omnes enim creaturæ dependent à Deo in esse & conservari. Nulla independens, nulla sibi sufficiens est. Omnes ergo finitæ ac limitatæ sunt in perfectione.

48. Posterior est. Cui nulla deest perfectio, vel gradus perfectionis in genere Entis, eo nihil potest dari perfectius in genere Entis: Ergo est infinite perfectum in genere Entis: Atqui Deo nulla deest perfectio, vel gradus perfectionis in genere Entis: Nulla enim concipi aut cogitari potest, quæ in Deo non sit, vel formaliter, vel eminenter. Formaliter, si est increata. Eminenter, si creata, vel creabilis. Hæc tota ratio procedit à priori. Ostendit enim radicem infinitatis in Deo, & finitatis in creatura. Idè enim Deus infinitus est in perfectione, quia nihil perfectionis illi deest, idè creaturæ finitæ, quia aliquid illis deest.

49. Quarto, sic pergit Vorstius; *Potentia Dei non extenditur ad impossibilia: Ergo non est infinita: Ergo nec essentia infinita est.* Non minus ineptè quàm antè. An putat Novator infinitam fore potentiam, si ad impossibilia se extenderet? Imò potentia non esset, si id fieret. Sicut enim scientia non dicitur, nisi respectu scibilium; sic neque potentia, nisi respectu possibilium. Ex eo ergo censeretur debet maior vel minor potentia, quo ad plura vel pauciora possibilis extenditur. Impossibilia enim non cadunt sub potentiam. Et, si caderent, impossibilia non essent.

50. Quintò, sic concludit; *Esse infinitum actu, & esse hoc aliquid, sunt contradictoria: Deus est actu hoc aliquid: Non ergo actu infinitus est.* Iam dixi, id actu infinitum esse in genere Entis, quod actu inter se continet omnes perfectiones posibles in genere Entis. Deus, tamen si sit actu hoc aliquid, simul tamen in actu continet in se omnes perfectiones posibles in genere Entis: Ergo, tamen si sit actu hoc aliquid, simul tamen actu infinitus est. Non ergo sunt con-

tradictoria hæc duo, *Esse actu infinitum, & Esse actu hoc aliquid.* Addo, neque hæc duo pugnare inter se. *Deus est actu hoc aliquid, & Deus est actu omnia.* Nam formaliter, est hoc aliquid: Eminenter, est omnia.

Atheismus II.

§1. Deus secundum substantiam suam non est ubique præsens in hoc mundo, sed tantum in celo.

Ita Vorstius loco citato, pag. 235, his verbis; *In Scripturis affirmari omnino videtur, Deum ratione substantia sua tantum esse in celo.* Et post citata aliquot Scripturæ testimonia, sic concludi pag. 237. *Simpli- oiter igitur credamus, quod sacra Scriptura toties inculcat; Deus sua substantia in celo habitare: in terra verò, virtutes & sapientia sua nobis adesse.* Citat autem hæc testimonia, Psalm. 113. 16. *Cælum cælò Domino; terram autem dedit filiis hominum.* Et Psalm. 122. 1. *Ad te levavi oculos meos, qui habitas in celis.* Et quæ similia sunt.

52. Iam pridem ostendi, hoc temerè & impiè dici à Vorstio. Temerè, quia contra Scripturam & Patres. Nam Scriptura sic loquitur, Ierem. 23. 24. *Cælum & terram ego impleo, dicit Dominus.* Cyprianus autem in lib. de vanitate idolorum; *Dei templum, totus est mundus.* Et infra, *Deus est totus ubique diffusus.* Et August. Epist. 57. ad Dardanum; *Est ergo Deus per cuncta diffusus. Ipse quippe ait per Prophetam, Spiritus Domini replevit orbem terrarum. Eique dicitur in quodam Psalmo, Quò ibo à spiritu tuo, & à facie tua quò fugiam? Si ascendero in cælum, tu illuc es: si descendero in infernum, ades, quia substantialiter Deus ubique diffusus.* Et lib. 72 de Civ. Dei, cap. 30. *Deus ubique totus, implens cælum & terram præ se potentia, non absente natura.*

53. Impiè, quia Arianismum introducit. Nam si Deus secundum substantiam non est alibi, quàm in celo, planè sequitur, Christum, cum in terris veritaretur, non fuisse verum Deum secundum substantiam. At hoc impium est, Ergo & illud, ex quo sequitur. Mirum est, quas ambages hic querant Vorstiani. Non audent palam negare divinitatem Christi, & tamen, itane hac assertionem, non possunt eam tueri.

54. Aliqui igitur dicunt, Christum, cum in terris esset, fuisse verum Deum, non ratione substantiæ Deitatis, sed ratione personæ Verbi. Non enim humanitatem Christi immediatè unitam fuisse Deitati vel essentiæ Divinæ, sed personalitati. Itaque personalitatem Verbi fuisse in terris, cum Christus in terris esset, non substantiam Deitatis aut essentiæ. Novus hic error est, qui planè destruit divinitatem. Primò, quia supponit personam divinam posse existere in terris sine deitate, seu essentiæ divina, quod falsum est. Non enim persona & essentia sunt duæ res distinctæ, quæ loco seiungi possint, sed una res simplicissima, in qua nulla est compositio aut distinctio actualis ex parte rei. Imò non minor identitas est inter personam & essentiæ, quàm inter Petrum & eundem Petrum. At impossibile est, ut Petrus sit in terra, sine seipso: Ergo etiam impossibile est, ut persona divina sit in terra sine essentiæ. Secundò, si persona Verbi fuisset in terra sine divinitate & essentiæ falsum esset illud Apostoli, ad Col. 2. 9. *In Christo inhabitat omnis plenitudo divinitatis corporaliter.* Tertio, vel persona Verbi fuisset simul in celo & in terra, vel tantum in terra. Si prius, sequitur unam eandemque rem posse simul esse in distinctis locis.

quod negant Calvinistæ Si posterius, sequitur personam Verbi realiter separatam fuisse ab essentia, ac proinde essentiam tum temporis non fuisse in tribus personis, sed tantum in duabus. Ex quo ulterius sequitur, omnes personas realiter ab essentia separari posse; idcircoque, quod Deus sit trinus & unus, rem esse contingentem, & non necessariam, quod est absurdissimum.

55. Alij dicunt, Christum, cum in terris esset, fuisse verum Deum ratione subsistentiæ diuinæ; non quoddam substantia Verbi sine diuinitate & essentia fuerit in terra, quod iam refutatum est, sed quod substantia Verbi, manens in cælo, potuerit efficere, ut humanitas Christi, quæ erat in terra, diuinitus subsisteret sine humana substantia. Et hic nouus error est, ex quo sequuntur tria absurda. 1. Christum non fuisse verum Deum, cum in terris esset. Nam si nec deitas, nec persona seu substantia diuina in illo fuit, iam nihil in illo fuit, à quo intrinsecè & propriè esset Deus. 2. vnumquemque nostrum fore Deum; eo modo, quo Christus fuit, si Deus vellet nos miraculosè sustentare, sine propria substantia humana. 3. Christum, non magis fuisse filium, quàm Patrem aut Spiritum Sanctum. Nam illa sustentatio; qua fingitur Christus substituisse sine persona Verbi præsentem, debuit esse opus Dei ad extra, ut loquuntur Scholastici: Ergo debuit esse opus totius Trinitatis: Ergo non magis sustentatus fuit à Filio, quàm à Patre & Spiritu sancto: Ergo tam potuit vocari Pater & Spiritus sanctus, quàm Filius. Quæ omnia absurda sunt.

56. Denique alij dicunt, substantiam Dei, tametsi ordinatè sit tantum in cælo tamen eo tempore, quo Christus in terra vixit, fuisse in carne Christi, & non alibi. Quod quidam amicus Vorstij, in litteris ad me datis, conatus est confirmare ex Apostolo. Sic enim scribit, *Equidem non satis video, quomodo omnis plenitudo diuinitatis in carne Christi habet corporaliter, si Deus per substantiam totus habitat non tantum in carne, sed etiam extra carnem in aliis locis mundi.* Igitur ex huius hominis sententia, Deus secundum substantiam non est alibi, quàm in carne Christi: ac proinde cum caro Christi esset in terra, Deus secundum substantiam non erat in cælo, sed tantum in terra: nec vbi que in terra, sed in sola Christi carne. Quæ quidem sententia, non solum noua & inaudita, sed etiam absurdissima est. Primò, quia concedit Deum substantialiter de loco in locum moueri, sicut caro Christi mouetur, quod est contra Augustinum libro 16. de ciuitate Dei, capite 3. Chrysostomum Homil. 17. in Genesim, & alios Patres. Secundò, quia si Deus secundum substantiam, eo tempore, quo Christus in terra vixit, non fuit in cælo, sed tantum in terra, necesse est, tres personas diuinas non fuisse tunc in cælo, sed tantum in terra, quia personæ diuinæ non possunt separari à substantia diuina, ut dictum est. Ac consequens est absurdum. Ergo & illud, ex quo sequitur. Minor patet ex Euangelio, vbi Christus, cum in terris viueret, dixit Discipulis; *Angeli conam in cælis semper vident faciem Patris mei, qui in cælis est.* (Matth. 18. 10) Ergo Deus Pater tunc erat in cælo: Ergo & substantia Dei Patris. Ergo Deus secundum substantiam non erat in sola Christi carne.

57. Dices, Quomodo ergo verum est, quod dicit Apostolus, plenitudinem diuinitatis habitare in Christo? Respondeo. Non pugnant, sed optimè coherent hæc duo inter se. 1. Deum secundum substantiam vbiq; esse in hoc mundo. 2. Deum specialimodo, nempe per vnionem hypostaticam, habitare in Christo; & non alibi. Hoc posterius asserit Apostolus: illud citius Scriptura & Patres supra citati.

Antisimul III.

58. In Deo sunt vera accidentia, realiter distincta à substantia Dei.

Ita Vorstius pag. 207. vbi de decretis diuinis sic loquitur; *Quæ certè accidentia quadam sunt, ab ipsa substantia longè diuersa.* Et hoc probat tribus argumentis. Primò, quia decreta Dei sunt multa, cum aliud sit decretum creandi homines, aliud prædestinandi, aliud reprobandi: At substantia Dei est vnica: ergo decreta non sunt substantia, sed accidentia. Secundò, decreta Dei sunt libera, quia possunt esse & non esse: Substantia Dei est necessaria, quia non potest non esse: Ergo decreta non sunt substantia. Tertiò, decreta Dei non sunt ab æterno: Substantia Dei est ab æterno: Ergo, &c.

59. Hic Atheismus tribus rationibus refelli potest, quarum prima sumitur ex infinitate substantiæ diuinæ. Altera ex concessione Vorstij. Tertia ex fundamentis illius. Prima est hæc: Quod in se infinitè perfectum est, non potest vltius in seipso perfici. At substantia diuina in se infinitè perfecta est, ut paulo ante probaui: ergo non potest vltius in se perfici. At perficeretur in se, si reciperet in se accidentia realia, quæ sunt perfectiones quædam reales. Maior patet, quia quod in se infinitè perfectum est, hoc in se continet perfectiones possibiles, vel formaliter, vel eminenter: Ergo vltius perfici non potest. Deinde excludit à se omnem defectum & imperfectionem: Ergo etiam omnem potentiam passiuam seu receptiuam, cum talis potentia supponat carentiam seu defectum: Ergo non potest in se recipere vltiorem perfectionem: Ergo nec accidentia.

60. Altera ratio. Quidquid bonitatis & perfectionis est in creaturis, hoc totum est in Deo per modum simplicis formæ, ut disertè & verè concedit Vorstius (tametsi imprudenter) At in creaturis est aliquid perfectionis substantialis, & aliquid accidentalis: Ergo hoc totum est in Deo per modum simplicis formæ. Porro simplex illa forma non potest esse composita ex substantia & accidente; alioqui simplex non esset. Nec est simplex forma accidentalis: alioqui Deus non esset substantia: Ergo est simplex forma substantialis. Nullum ergo accidens in Deo est.

61. Tertia ratio. Argumenta Vorstij, quibus hincitur, infirma sunt. Nam primò sic argumentatur; *Decreta Dei sunt multa: substantia Dei est vnica: Ergo decreta Dei non sunt substantia, sed accidentia.* Duplīciter peccat hic syllogismus. 1. in forma. 2. in materia. In forma peccat, quia conclusio non legitimè inferitur. Quod patet in hoc simili syllogismo, *Personæ diuinæ sunt multe: substantia Dei est vnica: Ergo personæ diuinæ non sunt substantia, sed accidentia.* Quis nō videt, negandam esse consequentiam? In materia peccat, quia maior propositio apertè falsa est. Non enim in Deo sunt multa Decreta, eo sensu quo id asserit Vorstius, id est, non sunt multi actus voluntatis, quorum vno decernat Deus creare mundum, alio, prædestinare quosdam ad vitam, alio reprobare ad mortem: sed est vnus simplex actus, quo hæc omnia decernit. Simile est in scientia Dei. Non enim sunt multe scientiæ in Deo, id est, non sunt multi actus intellectus, quorum vno cognoscat Petrum, alio Paulum, alio Ioannem: sed est vna simplex scientia, seu vnus simplex actus intellectus, quo omnia, tam creaturas quàm seipsum intelligit. Et ratio est, quia actus intelligendi & volendi in Deo, nihil

est aliud, quam ipsa essentia, seu substantia Dei, quatenus per modum actus significatur. Hoc sensu dicunt Patres & Scholastici, non differre in Deo hæc tria, *Esse, posse, operari*, seu, Essentiam, potentiam & actionem & operationem. Unde sicut essentia Dei est una & simplex, sic etiam una & simplex scientia; unum & simplex decretum. Et hæc omnia simul sumpta, una & simplex Deitas. Vel, ut rectè loquitur Vorstius, hæc omnia sunt in Deo *per modum simplicis forme*.

62. Hinc facile intelliguntur hæc duo consecutaria. Unum, sicut essentia Dei, licet in se una & simplex sit, potest tamen esse in tribus distinctis personis, scilicet scientia Dei, licet in se una & simplex sit, potest versari circa distincta obiecta scilicet, Et similiter decretum circa distincta obiecta decernibilia. Alterum, sicut multitudo personarum non obstat quo minus essentia Dei sit una, sic multitudo obiectorum non obstat, quo minus scientia & decretum sit unicum. Hoc interest, quod essentia Dei quæ in se unica est, non possit ratione trium personarum, in quibus est, vocari triplex essentia: cum tamen scientia Dei, quæ similiter in se unica est, possit ratione diversorum obiectorum, vocari multiplex scientia: et eodem modo decretum. Ratio discriminis est, quia aliter se habet essentia Dei ad distinctas personas; aliter scientia & decretum Dei ad distincta obiecta. Nam essentia Dei, tametsi sit in tribus personis realiter inter se distinctis, ipsa tamen est realiter idem cum singulis personis: & singulæ personæ quæ inter se realiter distinguuntur, sunt realiter idem cum essentia. Non sic res habet in scientia & decreto Dei. Nam neque scientia Dei, quæ versatur circa distincta obiecta intelligibilia, est realiter idem cum singulis; neque etiam decretum Dei, quod versatur circa distincta obiecta decernibilia, est realiter idem cum singulis.

63. Alterum Vorstij argumentum est hoc: *Decreta Dei sunt libera, quia possunt esse & non esse: substantia Dei est necessaria: Ergo decreta Dei non sunt substantia Dei*. Sed maior propositio, iuxta cum sententiam, quem intendit Vorstius aperte falsa est. Non enim decreta Dei secundum existentiam sunt libera, sed quoad terminationem, quia liberè terminantur ad sua obiecta, ut in prima parte Theologiæ Scholasticæ explicatum est. Simile est de persona Verbi, quæ necessariò quidem existit, sed tamen liberè terminatur ad humanitatem Christi. De tertio argumento, in quo quaeritur, an decreta Dei sint ab æterno, separatim agendum est.

Atheismus I V.

64. Decreta Dei, cuiusmodi est decretum prædestinationis aut reprobationis, non sunt ab æterno, vel quod idem est, non sunt Deo coæterna.

Ita Vorstius loco citato, pag. 17. his verbis; *Libera Dei decreta ante mundi creationem producta sunt*. Et pag. 207. *Hæc eadem decreta non sunt simpliciter æterna*. Quod sic probat. Omnis causa libera antecedit suum effectum ordine temporis seu durationis. Nam libera actio voluntatis necessariò supponit deliberationem in intellectu. Qui enim liberè decernit aliquid facere, prius deliberat, antequam decernat. At Deus est causa libera respectu liberorum decretorum: Ergo tempore seu duratione antecedit suâ decreta. Non ergo decreta Dei possunt esse Deo coæterna.

65. Ex his colligo. 1. Decreta Dei esse produ-

cta. 2. Non esse æterna, 3. non posse esse æterna, quia causa libera necessariò præcedit suum actum ordine durationis. Singula discutiamus. Primum ait, decreta Dei producta esse. An putat Deum more hominum & Angelorum producere in se novas actiones intellectus & voluntatis, quæ sint accidentia distincta ab ipsius substantia? Non ita est. In Deo nulla sunt accidentia, ut supra probatum est. Immediatè intelligit, amat & decernit per suam substantiam quæ simul est intellectio, amor & decretum: et sine ulla sui mutatione terminari potest ad varia obiecta. Solum accedit externa quædam denominatio, & respectus rationis, quæ substantia Dei, per modum intelligentis, amantis & decernentis, refertur ad rem intellectam, amatam & decretam, simile est in persona Verbi, quæ sine ulla sui mutatione, terminata est ad humanitatem Christi: Nec aliud ex illa terminatione secutum est in persona, quàm respectus terminantis ad humanitatem terminatam. Hoc interest, quod hæc terminatio facta sit in tempore; altera ab æterno.

66. Secundò ait, Decreta Dei non esse ab æterno. Sed se ipsum iugulat. Nam p. 66. sic scribit; *Certum est, decretum Dei de omnibus rebus ad finem suum ordinandis, de quæ bonis efficiendis, malis autem permittendis, iam inde ab æterno factum esse, idemque in æternum permanens: Et hoc sensu, nec originem ullam habere, nec finem unquam invenire*. Non poterat sibi apertius contradicere, quàm hic facit. Nunc quaero, an hoc decretum, quod Vorstius fatetur ab æterno esse, liberè à Deo productum sit, necne? Si liberè productum est, & quidem ab æterno, certè non omnis causa libera antecedit suum effectum ordine durationis. Si productum non est, cur ait, omnia decreta Dei producta esse ante mundi creationem? Hic Novatorum mos est. Quod uno loco affirmant, alio negant.

67. Tertio ait, Deum non posse ab æterno habere liberum decretum. Quare? quia causa libera necessariò præcedit suum effectum ordine durationis. Falsum est. An nescit Vorstius, actiones intellectus & voluntatis spirituales ac indivisibiles esse, & in instanti produci posse? An nescit Angelos habuisse liberum actum dilectionis Dei in primo instanti suæ creationis? An nescit Christum, secundum humanitatem, in instanti conceptionis liberè mortem acceptasse pro humani generis redemptione? Hoc docet D. Thom. & alij graves Theologi. Si ergo Christus & Angeli possunt habere liberas actiones sibi coæternas; non poterit Deus habere liberum decretum sibi coæternum? Quæ hæc philosophia est? At Vorstius hoc negat de Christo & Angelis. Quare? quia putat eos ante liberum actum voluntatis indigere prævia deliberatione; nec fieri posse, ut eodem instanti simul deliberent & decernant. Sed cur quaeso id fieri non potest, si duo isti actus sunt spirituales ac indivisibiles, sicut reuera sunt? Et, si singuli in instanti produci possunt separatim, cur non simul in eodem instanti? Nihil hic video difficultatis. Nec vidit D. Tho. & alij Theologi. Demus tamen Vorstio, quod vult, Christum & Angelos nihil posse decernere, nisi prævia deliberatione secundum ordinem temporis. An ideo Deus ad has angustias redigendus est? Absit.

68. Addam duo dilemmata pro Vorstio. Vnum est; Si decreta Dei sunt posteriora ipso Deo, vel ergo Deus finito, vel infinito tempore antecessit sua decreta. Si finito, æternus non est. Si infinito, miser est, qui nihil potest decernere, nisi post infiniti temporis durationem. Alterum; Vel Deus ab æterno scivit, creationem mundi esse possibilem, & sapienter à se fieri posse; vel ignoravit. Si scivit,

non eguit deliberatione. Si ignorauit, à quo postea didicit?

Atheismus V.

69. *Æternitas Dei non est indiuisibilis, & tota simul, sed diuisibilis & successiua.*

Ita Vorstius, pag. 226. his verbis: *Uulgo putant, æternitatem totam simul existere, & omnibus temporum differentiis coexistere: quæ sententia omnino falsa est, & aliquot rationibus hic obicitur refutanda.* Summa autem rationum ipsius est hæc: Si æternitas coexistit omnibus temporum differentiis, seu partibus, sequitur primò, omnes partes temporis, id est, præteritum, præsens & futurum, simul inter se coexistere, respectu æternitatis. Secundo, Deum posse efficere, ut præteritum non sit verè præteritum, & futurum non sit verè futurum, quia utrumque in æternitate præsens est. Tertiò, primum annum mundi conditi, esse hunc ipsum annum præsentem. Quia tò, res in æternitate nunquam oriri aut interire, quia semper æternitati præsentis sunt.

70. Propter hæc friuola argumenta ausus est Vorstius communem Patrum ac Theologorum sententiam deferere, & ipsam æternitatis naturam penitus euertere. Quod sic ostendo; Æternitas Dei non est accidens, sed substantia Dei, ut concedit Vorstius, p. 27. At substantia Dei est indiuisibilis, & tota simul, in qua nullæ sunt partes sibi inuicem succedentes, alioqui esset mutabilis & corruptibilis: Ergo etiam æternitas Dei est indiuisibilis, & tota simul, in qua nullæ sunt partes sibi inuicem succedentes: Ergo tota coexistit omnibus temporum differentiis. Non quidem eo sensu, quæm imaginatur Vorstius, quasi omnes partes seu differentie temporis simul inter se

existant (hoc enim falsum est, quia præteritum, præsens & futurum, nunquam sunt simul) sed quod singulæ partes temporis, dum actu sunt, coexistant æternitati. Nam pars temporis præterita, cum adhuc præsens esset, coexistebat æternitati: Et quæ nunc præsens est, coexistit æternitati: & futura, cum erit præsens, coexistet æternitati.

71. Hinc facillè soluuntur argumenta contraria. Nam prima consequentia, à qua cætera dependent, neganda est. Non enim sequitur, si tota æternitas coexistit omnibus partibus temporis, ipsas etiam partes simul inter se coexistere. Nam tota æternitas non coexistit omnibus partibus simul sumptis & existentibus, ut supponit Vorstius, sed singulis diuisim sumptis, & sibi mutuo succedentibus, v.g. Hodie tota æternitas coexistit hodierno diei, cras tota coexistet crastino diei, & perendie perendino; & sic deinceps. Hinc autem non sequitur, hodiernum, crastinum & perendinum diem, simul inter se existere, sed potius vnum alteri succedere. Hoc ostendo in simili exemplo. Totum cælum, quantum quantum est, hodie coexistit Vorstio; & post aliquot annos, eo mortuo, coexistet filio Vorstij; & eo etiam mortuo, coexistet nepoti Vorstij, & sic deinceps per singulas generationes. Hinc non sequitur, Vorstium, filium, nepotem & reliquos posteros, quotquot erunt, simul inter se existere. Hæc solutio facillè accommodabitur ad reliquas consequentias, quæ ex Vorstio allatae sunt.

72. Concludo, Calvinistas, qui huiusmodi Atheismos & paradoxas suis auditoribus obtundunt, non posse vocari Orthodoxos, sed Cacodoxos. Non enim rectè, sed perperam sentiunt, qui negant Deum infinitum, nobis præsentem, indiuisum, & quæ similia sunt.

TITVLVS QVINTVS ZVINGLIANI.



ALVINISTÆ vocantur Zuingliani, quia sequuntur dogma Zuinglij de Sacramento Eucharistiae, nempe, Christum in Eucharistia non esse realiter præsentem. Et illa Christi verba, *Hoc est corpus meum*, explicant cum Zuinglio, in hunc sensum; *Hic panis significat corpus meum*. Hoc patet ex libello Caluini, qui interibitur; *Consensio mutua in re Sacramentaria, Ministrorum Tigurinae & Geneuensis Ecclesiae*. In quo libello ostendit, se in Sacramento Eucharistiae planè consentire cum Zuinglio, & aliis Ministris Ecclesiae Tigurinae in Heluetia. Porro ut constet, quam speciosus ac honorificus sit hic titulus, qui ex nomine Zuinglij desumptus est, tria breuiter explicanda sunt. i. qualis fuerit Zuinglius, quem alij Zvvinglium, alij Cinglium appellare solent. 2. quo præceptore usus sit. 3. quomodo ex hac vita decesserit.

QVÆSTIO I.

Qualis fuerit Zuinglius.

1. **H**Ulricus Zuinglius, præter alia vitia, quibus erat obnoxius fuit homo valde inconstans. Ex Catholico factus est Lutheranus: ex Lutherano, Carolistadinus, ex Carolistadiano, nouus hæreticus.

Acha. Nam primò credidit cum Catholicis, Christum esse verè præsentem in Eucharistia sub specie panis & vini. Deinde cum Luthero docuit, Christum esse quidem verè præsentem, non tamen sub specie panis & vini, sed simul cum ipso pane & vino. Postea cum Carolstadio negauit esse præsentem, & illa verba, *Hoc est corpus meum*, explicauit cum eodem Carolstadio, hoc sensu, *Hic sedes corpus meum: vel, Hoc est corpus meum, quod hic mensa assidet*. Denique, reiecta hac explicatione, nouam excogitauit, nempe

hanc, *Hoc est corpus meum*, id est, *Hoc significat corpus meum*: vel, *Hic panis significat corpus meum*, quam nunc sequuntur Calvinistæ.

2. Hanc tamen inconstantiam ex parte conatus est excusare, in libro de vera & falsa religione: Nam ibi dicitur fatetur, se quidem multo ante in animo sensit, Christum non esse presentem in eucharistia; noluisse tamen id palam profiteri, sed tempori servire. Itaque publicè quidem docuisse sententiam Lutheri; occultè tamen eam damnasse, & alteri adhæsisse. Et in eo similem fuisse Dispensatoris Evangelico, de quo Christus, Luc. 12. 42. *Quis putas, est fidelis dispensator, & prudens quem constituit Dominus super familiam suam, ut det illis in tempore tritici mensuram?* Nam sicut hic dispensator, non quovis, sed certo tempore, nec in quavis, sed in certa mensura, distribuit tritici in familiam Domini sui (in quo consistit ipsius prudentia & fidelitas) ita te, non quolibet, sed certo tempore, & in certa mensura, tuam doctrinam in familiam Christi distribuisse.

3. Verùm hæc non tam excusatio, quàm accusatio quidam est. Nam si Zuinglius iam ante credebat, sententiam Lutheri falsam esse, & tamen, ut tempori serviret, publicè eam profitebatur; certè duplici scelere se obstringebat, mendacio & hæresi. Mendacio, quia loquebatur contra mentem: Hæresi, quia docebat sententiam, quam iudicabat hæreticam. Nō ergo similis fuit dispensatori Evangelico. Nam is, tamen si non quovis, sed suo tempore, distribuat tritici in familiam; nunquam tamen falsum & fictitium distribuit, ut Zuinglius fecit. Fuit nihilominus similis illis, qui in re mala serviunt tempori, cuiusmodi sunt multi politici, qui apud Turcas sequuntur Mahometum, apud Iudæos, Moysen; apud Christianos, Evangelium. Multi item Prædicantes, qui accommodant se suis Principibus: Et sub Principe Lutherano Lutherum, sub Calviniano Calvinum profitentur. Exempla quotidie obvia sunt.

4. Referam, quod mihi accidit. Ante annos quatuordecim cum in quodam itinere essem, diverti ad rusticorum hospitem, ex quo amicè fescitatus sum, quam religionem profiteretur. Respondit, toties eo loco mutari religionem, ut sciret, quam sequi vellet aut deberet. At vester, inquam, Prædicans quam sequitur? Annis, ait, superioribus Lutheranam secutus est: nunc Zuinglianam profiteri cepit. Quid causæ? Quia Dominus loci, qui Lutheranus erat, mortuus est: Nunc Zuinglianus successit. Prædicans ergo, ne cogatur solum vertere, tempori se accommodat. Tum ego: Non possem hominem convenire? Omnino, ait hospes. Bacchus est: si haustum vini promiseris, mox aduolabit. Et sic factum est. Cum iam adesset: Audio, inquam, mi Domine, Paro, hum te esse, & hoc anno religionem mutasse. Ita est, ait: Mutavi religionem, & pro falsa veram amplexus sum, quam nunc publicè profiteor. ergone, dixi, hætenus mentientes? Obmutuit homo, & proripuit se foras, hospite suavissimè aridente. ex vno disce omnes.

QVÆSTIO II.

Quo præceptore usus sit Zuinglius?

5. Sicut varius & inconstans fuit in doctrina, sic variis usus est præceptoribus. Catholicam doctrinam didicit à suis maioribus, qui Catholici erant, Lutheranam à Luthero, Carolstadianam à Carolstadio, suam, id est, Zuinglianam, à nocturno Spiritu.

A Hoc ipse metisfateretur in libello, quem inscripsit, *Sed fidem de Eucharistia*. Ibi enunretur, se coram Senatu Tigurino conatum fuisse probare, hæc verba Christi, *Hoc est corpus meum*, habere hunc sensum, *Hoc significat corpus meum*. Nam particulam *Est*, sæpè accipi pro *Significat*. Sicut Luc. 8. 12. *Semen est verbum Dei*. Et Matth. 13. 38. *Ager est mundus*: Restitisse autem sibi quendam Scribam, qui contendeat, verba Christi Catholico sensu intelligenda esse, nec à propria significatione recedendum. Exempla autem, quæ ex Luca & Matthæo allata sunt, esse valde dissimilia. In illis enim continentur parabolas, quod non sit in verbis cœnz. Tandem in somno astitisse sibi monitorem, qui suggereret alium Scripturæ locum, in quo, sine vlla parabola, verbum, *Est*, sumitur pro *significat*. Et se huic monitori acquiescisse.

6. Verba Zuinglij, inter alia, sunt hæc, *Cum à Senatu nos recepissimus, cupimus cogitare omnia, omnia revolvere, quo scilicet proderemus exempla, qua nulla cum parabola coniuncta forent. Attamen aliud nihil exemplorum occurrebat, quàm quod in commentario (de vera & falsa religione) proditum est, aut quod occurrebat, erat illorum simile. Cum verò tredesima Aprilis lux appeteret, visus sum mihi in somno, multo mihi radio, denuo contendere cum adversario Scribæ, sicque chmuisse, ut quod verum scirem, negante lingua beneficium suum, proloqui non possem. Qui me angor, ut solens nonnunquam somnia fallaci ludere nocte (nihil enim aliud, quàm somnia narramus, quod ad nos attingit: tamen si levia non sit, quod per somnia didicimus) vehementer turbare videbatur. Ibi ài uxoris visus est monitor adesse (ater fueris, an albus, nihil memini) qui diceret; Quin ignave respondes ei, quod Exodi 12. dicitur; *Est enim phase, hoc est, transitus Domini*. Protinus et hoc phasina visum est simul expergesio, & lecto exilio: locum apud Septuag. primum undique circumspicio, ac de eo coram tota concione pro virili dissero, &c.*

7. Hinc duo colligimus, quæ ad rem faciunt. Vnū est, Zuinglium à nocturno monitore didicisse sensum verborum Christi. Hunc enim monitorem dixisse, sicut in illis verbis Exodi, *Est enim phase, id est, transitus Domini*, particula, *est*, sumitur pro *significat*, sic etiam in verbis Christi, *Hoc est corpus meum*, sumi posse ac debere. Alterum; eundem monitorem ex machina apparuisse; non tamen meminisse Zuinglium, albus an ater esset. Hinc apud alios lis orta. Zuingliani contendunt, fuisse album; Lutherani atrum. De qua re eleganter disputat Gretserus in libello, qui inscribitur, *Disceptatio de somnio Zuinglij*. Et multis argumentis convincit, atrum fuisse, non album, id est, malum spiritum, non bonum.

8. Hoc pro certo statuendum est, si bonus fuit Spiritus, veram doctrinam inspirasse: si malus, falsam. Nam de bono Spiritu scriptum est. Ioan. 14. 16. *Ego rogabo Patrem, & dabit vobis Spiritum veritatis*. De malo, 3. Reg. 22. 22. *Egrediar, & ero Spiritus mendax in ore omnium Prophetarum*. Hinc deduco tria consectaria. 1. Qui certò scit, suam doctrinam à bono Spiritu inspiratam esse, certò etiam scit veram esse. 2. Qui certò scit à malo spiritu inspiratam esse, certò scit falsam esse. 3. Qui dubitat, à bono an malo spiritu inspirata sit, etiam dubitat vera an falsa sit. Iam sub fumo. At Zuinglius dubitat, an sua doctrina à bono, an malo spiritu inspirata sit: Ergo etiam dubitat vera an falsa sit. Cur ergo, ut veram amplectatur: cur auditoribus, ut veram proponit? In hoc, alios in illo, seipsum decipit.

9. Iam, si Zuinglius de sua doctrina dubitat, etiam Zuinglianos dubitare necesse est. Nam hi, quidquid habent in hoc genere, à Zuinglio habent. Vel ergo credunt

credunt Zuinglio, vel non credunt. Si credunt, fateri debent incertum esse, albus an ater fuerit spiritus, à quo Zuinglius edoctus est. Hæc enim asserit Zuinglius. Si non credunt, cur doctrinam eius amplectuntur? Videant ne ex eorum numero sint, de quibus prædictum est ab Apostolo 1. Tim. 4. 1. *In novissimis temporibus discedent quidam à fide, attendentes spiritibus erroris, & doctrinis Demoniorum.*

QVÆSTIO III.

Quomodo Zuinglius mortuus sit?

QUOD aliis Hæresiarchis, hoc etiam Zuinglio accidit. Plurique male perierunt. Velut alios omittam, Ebion in balneo opprellus est. Montanus & Maximilla, laqueo iniecto, sibi ipsis mortem consciverunt. Arius intestina effudit. Nestorio linguam vermes exederunt. Luthorus, Oecolampadius, Osiander, Carolstadius, Bucerus, Caluinus, similem ferè exitum sortiti sunt. Zuinglius, de quo agimus, in eodem numero censeri debet. Sed malum aliorum, quàm meis verbis hæc omnia demonstrare.

11. Igitur de Ebione, qui tempore S. Ioannis Apostoli & Evangelistæ, negavit Christi divinitatem, sic scribit Epiphanius, hæresi 30. *Sanctus Ioannes prædicans in Asia, mirabile opus fecisse narratur ad veritatis delineationem. Cum enim vitam deperet admirandam, & dignitatem veritatis ipsius decenssem, & penitus non laudaretur, coactus est a Spiritu Sancto progredi usque ad balneum, dixitque: Accipite mibi que pertinent ad balneum. Et cum comites ipsum sequentes mirarentur, venit ad ipsum balneum: & ubi pervenisset ad eum, qui lauantium vestes suscipere solet, interrogavit, Quis est intus in balneo? At olearius, servandis vestibus inserviens, ad Ioannem dixit: Ebion intus est. Ioannes vero, statim intelligens Spiritus sanctus ductum, ob quam causam impulisset ipsum usque ad balneum venire, velut dixi, memoria videlicet gratia, ut relinqueret nobis veritatis argumentum, qui sint servi Christi, qui verò vasa diaboli, statim ubi se ipsum turbasset, & leniter flevisset, ut omnes audirent in testimonium ac declarationem impolluta veritatis doctrinæ: Estinate, inquit, fratres, egrediamur hinc, ne cadas balneum, & pereamus cum Ebione, qui est in balneo, propter ipsius impietatem, &c.*

12. De Montano & Maximilla, qui in stabant Spiritum sanctum à Christo promissum, sibi potius, quàm Apostolis datum esse (teste Augustino in libro de hæresibus) sic scribit Eusebius libro 5. Historiæ Ecclesiasticæ cap. 16. *Montanus & Maximilla alio mortis genere interisse dicuntur. Aiunt enim plurimi, istos utrosque ab iusano spiritu motos, se ipsos, non quidem simul, sed quemque sua mortis tempore, laqueo suspendisse, atque ita in morem Iudæ proditoris, vitam terminasse.*

13. De Ario hæresiarcha, sic scribit Epiphanius, hæresi 68. *Arius ad fellam progressus, necessarij oneris deponendi gratia, crepuit, quemadmodum & Iudas quondam: atque sic finem adeptus est in loco immundo & graeculenti. Et multò accuratius Socrates lib. 1. Historiæ Ecclesiasticæ cap. 38. Cum Arius egressus esset palatium, stipatus satellitibus illis, qui cum Eusebio erant, per mediam urbem (Constantinopolim) celebris ingrediebatur: Et cum proximè ad forum, quod Constantini dicitur, venisset, ubi purpurea posita est columna, metus conscientie illum apprehendit, ac simul una cum metu, mota est alui laxitas. Percontatus, nam in propinquo alicubi secessus esset, ac cognito esse retrò forum Constantini, illico secessit: ubi hō-*

Opusc. Bec.

minem animi defectio corripuit, & una cum excrementis, ipse quoque confestim excidit, ac copia sanguinis consecuta est, & simul reliqua intestina una cum splene ac iecore coniunctim sunt prolapsa. Protinus itaque mortuus est. Secessus ille ad hunc usque diem Constantinopoli retrò forum Constantini ostenditur, & cunctis præsentibus ac digito illum notantibus, modum mortis Arii perpetuo memorabilem reddit.

14. De Nestorio scribit Euagrius lib. 1. hist. Ecclesiasticæ. 7. fuisse à Theodolio Imperatore in exilium missum propter blasphemiam doctrinam de Christo. Et postea subiungit: *Quin & de morte illius quendam scripsisse percepi, qui dixerit eum, cum primam linguam ipsius à vermibus depasta esset, ad maiora & perpetua, ipsoque condigna migrasse tormenta.*

15. Venio ad recentiores. De Luthero scribit Cochleus in lib. de actis & scriptis Lutheri, hoc modo: *Lutherus anno 1546. die 16. Februarij, peracta in publico cum aliis cena, eaque largiter sumpta, & facilius hilariter extratta eadem nocte interijt. Et Thomas Bozius, tomo 2. de signis Ecclesiæ, lib. 23. cap. 3. Lutherus cum vespere laetè cenasset, ac latus somno se dedisset, ea nocte suffocatus interijt. Audivi haud ita pridem compertum testimonio sui familiaris, qui sum puer illi serviebat, & superioribus annis ad nostros se recepit, Lutherum sibi metipsum, laqueo iniecto, necem miserrimam attulisse; sed datum protinus cunctis domesticis rei confectis in siRANDUM, ne factum divulgarent, obhonorem Evangelij.*

16. De Oecolampadio sic pergit idem author; *Oecolampadius ante Lutheri interitum nocte dum dormiret, improvisa morte est strangulatus. Id cum percepisset Lutherus, Oecolampadi infensissimus, quod ab ipso secessisset, editis scriptis exclamabat, sibi esse exploratissimum, Oecolampadium igneis diaboli telis confossum. Et Lindanus in Dubitatio. Dialogo 3. pag. 310. Nunc de Oecolampadij subitanea morte quia actinet commemorare? quem aiunt ad uxoris latius in lectulo deprehensum mortuum, siue sub vita finem desperasse, & igneis Satana telis & bastis confossum (vix Lutherus ait in libro de primata Missa) subito perisse. Alij suis ipsius manibus clam esse peremptum animamque effudisse scribunt.*

17. De Osiandro idem Lindanus eodem loco sic subdit: *Certè de Osiandro narrat Palladius, quod plane minus, ut bestia, horribiliter extinctus est, anno 1525. die 17. Octobris.*

18. De Carolstadio scribit Bozius loco citato, his verbis, *Eundem casum, quem Oecolampadius, subiit Carolstadius, ut affirmat Minister quidam Lutheranus in epistola typis excusa. Et Lutherani in Historia Confessionis Augustanæ, Lipsiæ edita, pag. 40. Differi nemo potest, Carolstadium tandem ab ipso Satana suffocatum interisse.*

19. De Bucero idem Bozius ibidem: *Bucero dicunt animam penè agentis astrisse horrendum demonem, quò cunctos astantes timore exanimavit, à quo, ut animam auheret secum, fuerit percussus. Nam lecto disturbatus, effusus per cubiculum passimque illic visceribus, multisque cruciatibus exanimatus expiravit.*

20. De Caluino multi multa. Bozius sic: *Calvinus, totos quatuor annos, nonem morbis dirissimis (id Bozius discipulus eius primarius scriptum reliquit) miserrimè excruciatum interijt: cholica, dolore articulorum, calculo, hemorrhoidibus, febri, asthma, hemierania, pituita, sanguinis vomitione. Demum pediculis undique scandentibus (ut testatur qui ipsius vitam Gallico sermone scripsit) exesus, infelicitissimè ac turpissimè obiit.*

21. Denique de Zuinglio sic scribit Cochleus in libro de actis Lutheri, circa annum Christi 1531. Rg;

H h h

percutus in ea strage Zuinglius, omnis perfidia discor-
diaque inter Helueticos author, à duobus Catholicis,
prænotus in facie adhuc spirans, quem illi non cogno-
scentes interrogarunt, an vellet confiteri. At ille ta-
cuit, velut mortuus. Superueniens autem alius, qui eum
cognovit, lethale inflixit vulnus, Capitaneisque proxi-
mis indicauit. Qui iusserunt eum sisti publico iudicio,
in quo sanè indicatus est, ut proditor, atque combustus
ut hæreticus. Et Surius in commentario rerum in orbe
gestarum, anno 1531. Cæsi sunt ex Tigurinis 1500. &
in iis omnium malorum incensor & caput Zuinglius,
qui inuenitus à duobus Catholicis adhuc spirans, in-

terrogatusque an confessione expiare se vellet, mor-
tuum se simulans, nihil respondit, &c. Hæc omnia
ex aliorum fide.

22. Concludo; Calvinistas, qui à Zuinglio Zuing-
ghiani appellantur, non posse merito de hoc titulo
gloriarì. 1. quia Zuinglius fuit homo inconstans,
2. qui suam doctrinam à diabolo accepit, ut contem-
dunt Catholici & Lutherani: vel certè dubium est, à
diabolo an à bono Angelo acceperit, ut ipse fateretur.
Iure igitur suspectus est. 3. quia tanquam proditor, &
author seditionis miserè interfectus est. Videant Cal-
vinistæ qualem suæ sectæ ducem habeant.



TITVLVS SEXTVS SACRAMENTARIJ.



ALVINISTÆ dicti sunt Sacramentarij, quia sequuntur nouum
dogma de Sacramento Eucharistiae, in quo dissentiunt à Catholicis &
Lutheranis. Hi enim affirmant, Christum realiter in hoc Sacramento
præsentem esse, quod Sacramentarij negant. Porro primus illorum au-
thor fuit Andreas Carolstadius, de quo suprà dictum est. Nam is anno
1524. primus coepit docere, nihil esse in cœna præter panem. Eum
secuti sunt Zuinglius, Oecolampadius, Bullingerus, Ochinus, Petrus
Martyr, Calvinus, Beza, Boquinus, Klebitius, & alij. De quibus hæc di-

sputari possunt. 1. Vnde orti sint primi Sacramentarij. 2. quales fuerint. 3. à quo hauserint suam
doctrinam. 4. quomodo eam conati sint propagare.

QVÆSTIO III.

Vnde orti sint primi Sacramentarij?

1. **P**rimi Sacramentarij, ut Carolstadius, Oe-
colampadius, ex Lutheranis orti sunt. Cum
enim antea Lutheri adhererent, postea ab eo defe-
cerunt, & ex Lutheranis facti sunt Sacramentarij.
Quod ægerimè tulit Lutherus. Vnde perpetuum
odium inter Lutheranos & Sacramentarios natum
est, quod ab anno Christi 1524. (quo primum coepit
hæc secta) hucusque pertinacissime perseverat. De
quo videri potest Historia Confessionis Augustanæ,
quæ à Lutheranis ab anno 1521. usque ad annum 1561.
continuè deducta est, & Lipsiæ anno 1585. latine
impressa. Ex ea constabit, quid utrinque per singulos
annos tentatum sit: quàm infestis animis inter se de-
certarint: quoties de concordia inter ipsos ineunda
frustra actum, & tandem etiam desperatum sit. At-
tigi hoc in primo titulo, quæst. 2.

2. Porro præcipui ex Sacramentariis, qui de re Sa-
cramentaria scripserunt, sunt hi. 1. Carolstadius, pri-
mus eorum author. 2. Zuinglius, Pastor Tigurinus.
3. Ioannes Oecolampadius, antea Professor Heidel-
bergenfis. 4. Martinus Bucerus. 5. Volfangus Ca-
pito, Minister Ecclesiæ Argentinenfis. 6. Bernardi-
nus Ochinus. 7. Ioannes Calvinus. 8. Petrus Mar-
tyr. 9. Vvिल्helmus Klebitius. 10. Petrus Boquinus.
11. Theodorus Beza. 12. Dauid Pareus. Ex Lutherani-
sistis. 1. Lutherus ipse. 2. Theobaldus Billicanus,
Pastor Nordlingenfis. 3. Urbanus Regius, Minister
Augustanus. 4. Pomeranus, Minister Vvittenber-
genfis. 5. Ministri Sueuici, quorum libellus inscribi-
tur. *Syngramma Suenicum*. 6. Andreas Osiander,

B Prædicans Notibergenfis, Ioachimus Vvestphalus,
Minister Hamburgensis. 8. Tilmannus Heshusius.
9. Lutherani, qui Historiam Confess. Augustanæ de
Cœna Domini conscripserunt, quorum vltima verba in
fine historię sunt hæc. *Deo soli gloria, diabolo & squa-
mis ipsius Sacramentariis, Zuinglianis & Calvinianis
perpetua ignominia & confusio. Amen.* Omitto re-
centiores, qui quotidie adhuc altercantur, cuiusmodi
sunt Gelenenses, Tubingenses, Lenenses, & alij.

QVÆSTIO II.

Quales fuerint primi Sacramentarij.

3. **L**ongum esset de singulis seorsim dicere. Di-
cam potissimè de Carolstadio, qui fuit primus
eorum author. Multa autem occurrunt quæ de eo di-
ci possunt. 1. quomodo uxorem duxerit. 2. Quid pas-
sus sit cum à Lutheri defecisset. 3. quos socios habue-
rit quando Sacramentarius factus est. 4. quos libros
scripserit. 5. Quid Lutherani de eo sentiant.

4. Igitur, ut à primo incipiam, Carolstadius inter
omnes Nouatores primus fuit, qui contra solenne
votum castitatis, quod sacerdotio annexum est, in-
cessas nuptias contraxit, etiam anto Lutherum. Et vè
maior solennitas huius sacrilegij, aliud sacrilegium
accessit. Nam nouis nuptiis noua Missa celebrata est.
Quibus porro verbis ea peracta sit, adscribam ex Co-
chyro in libro de Actis Lutheri, anno 1525.

5. Ad introitum Missæ cantatum est, *Dixit Domi-
nus Deus, Non est bonū hominem esse solum: faciamus
ei adiutorium simile sui.* Versus, *Adhærebit homo ux-
ori suæ, & erunt duo in carne una.* Oratio, *Deus, qui
post longam & impiam Sacerdotum inuicem causa-*

tem, beatum Andream Carolstadium, ea gratia donare dignatus es, ut primum, nulla habita Papistici iuris ratione, uxorem ducere ausus fuerit: de qua sumus, ut omnes Sacerdotes, recepta sana mente, eius vestigia sequentes, eiectis concubinis, aut eisdem ductis, ad legitimum consortium thori conuertantur. Per Dominum nostrum Iesum Christum Filium tuum, &c.

6. Secreta: Sacrificium nostrum quasumus Domine benignus suscipias, ut quod tua maiestati in Andream Carolstadij nuptialibus primum deuote offerimus, eius officio, à cunctis defendamur periculis. Per Dominum nostrum, &c.

7. Complenda: Sine nobis, Domine, auxilio sumpti Sacramenti mysteria, & sicut Andream Carolstadij connubiali celebritate letamur: ita fac, quasumus, Sacerdotum coniugia toto orbe feliciter auspiciantur, feliciter succedant, & quam felicissime finiantur. Per Dominum, &c. Vide plura apud Cochleum, & alios.

8. Idem Carolstadius, cum iam defecisset à Luthero, & ex Lutherano Sacramentarius factus esset (quod contigit anno 1524.) multa passus est. Nam primum, urgente apud Electorem Saxoniæ Luthero, compellus est egredi ex Saxonia. Deinde impetrato reditu, cum videt se ab omnibus contemni, vitam rusticanam professus est, & simul institorem egit. De qua re ita scribunt Lutherani in Historia Confessionis Augustanæ, anno 1524. pag. 38. Et quia propterea, quæ proterve ac male multis in locis egurat, in summo fuit apud omnes contemptu, neque ullam vocationis alienius recuperanda spem concipere facile potuit, rei domesticæ sese dedens, primo in exiguo quodam pago, postea in oppidulo Kemberga quod uno tantum milliaribus Vvittembergæ abest, sedem locauit. Utque esset, unde familiam aleret, rusticam simul & institorem egit: vinum adustum, placentas, specula, ligulas, & similes merces verum exponens. Interdum etiam lignorum aggregum, aliquot ligni plaustra ex sylua Loberina in urbem Vvittembergensem importauit. Eundem quoque cum reliquis rusticis culum fumens, tunica inesset rusticæ crassioris filii, ense abiectus vatore & ferrugineo, ex obsoleto & lacera vagina promicante, pileo etiam operens simpliciore de rustico. Simili quoque cum reliquis rusticis nomine appellari gauderet (Neider Andies) idque eam ob causam, ut singularem aliquam sanctimoniam speciem hac ratione sibi conciliaret.

9. Præcipui socij, quibus intimè se coniunxit Carolstadius, fuerunt hi tres. 1. Nicolaus Pelargus, homo plane rudis & illiteratus. 2. Marcus Stubnerus. 3. Thomas Muncerus. Hi simulabant se habere frequentes visiones & colloquia cum Deo, & nosse futura, & secreta cordium: ideoque à Luthero, per ironiam, cælestes Prophetæ appellati sunt. Nam Lutherus, anno 1525. volens refutare Carolstadium, à quo sæpe læssus erat, scripsit tractatum, cum hoc titulo, *Aduersus cælestes Prophetas*. Porro, axioma horum Prophetarum erat, *Non omnia ea, quæ credi oporteat, ex scripto Dei verbo petenda, sed longè excellentius ac fide dignius esse, si quis peculiarem aliquam reuelationem per insomnium aut visionem sibi factam, proferre possit*. Hanc enim, non mortua littera, sed viva Dei vocis manifestationem esse aiebant, eoque prætextu multos simplicibus misere seducebant. Ita, præter alios, referunt Lutherani in historia citata, pag. 46. & alibi.

10. Quod ad scripta Carolstadij attinet, anno 1524. scripsit librum, in quo negat veram & substantialem Christi in cœna præsentiam: & illa verba, *Hoc est corpus meum*, sic explicat, *Hic sedet corpus meum*. In illo libro, ut postea referam, disertè scribit, virum quendam sibi apparuisse, qui illam explanationem ipsi reuelauit. Eum autem virum fuisse Pa-

atrem cælestem. De aliis ipsius libellis videri potest historia citata.

11. Quid porro Lutherani sentiant de Carolstadio, facile constabit ex eorum scriptis. Philippus Melancthon in epistola quadam ad Fredericum Myconium, libello de sententiis veterum, in articulo cœnæ præfixa, sic scribit, *Carolstadius primum excitauit hunc tumultum, homo ferus, sine ingenio, sine doctrina, sine sensu communi, quem nullum unquam humanitatis officium aut intelligere aut facere animaduertimus: tantum abest, ut in eo significatio aliqua Spiritus sancti animaduersa sit, Imò exant manifesta signa impietatis*. Et quæ sequuntur in eadem sententiam. Omitto aliorum iudicia.

QUESTIO III.

A quo Sacramentarij hauserint suam doctrinam?

12. Sacramentarij partim inter se conueniunt, partim discrepant. In eo conueniunt, quod negent Christum realiter in cœna præsentem esse. Discrepant autem in sensu, quo verba Christi, *Hoc est corpus meum*, explicanda sint. Nam aliter à Carolstadio; aliter à Zuinglio explicata sunt.

13. Quod ergo ad priorem doctrinæ partem attinet, in qua conueniunt, videntur eam sumplisse ex Luthero, ut notat Cardinalis Bellarminus lib. 1. de Eucharistia, cap. 1. Nam Lutherus multa scripsit, ex quibus ea doctrina deduci poterat. Ceterum in epistola ad Argentoratenses sic habet: *Ingenue hoc fateor, si Carolstadius vel alius quispiam ante quinquennium docere me potuisset, in cœna nihil adesse præter panem & vinum, officium admodum gratum is mihi præstisset*. Et paulo post: *Imò si quis hodierno die solidis fundamentis demonstrare posset, nudum tantum panem & vinum ibi adesse; nimium in eam sententiam me propendere animaduertio*. Deinde in libro de captiuitate Babylonica capite de Eucharistia, scribit verba Christi, *Hoc est corpus meum*, habere hunc sensum, *Hic panis est corpus meum*. Quæ sententia non potest propriè accipi; quia impossibile est ut panis propriè sit corpus Christi. Vnde poterant discipuli Lutheri colligere, panem non propriè, sed figuratè, seu significatiuè esse corpus Christi.

14. De altera doctrinæ parte, in qua dissentiant Sacramentarij, iam ante insinatum est. Nam Carolstadius explicat verba Christi, hoc modo. *Hoc est corpus meum*, id est, hic sedet corpus meum ad mensam. Zuinglius hoc modo; *Hoc est corpus meum*, id est, hic panis significat corpus meum. Et quidem Carolstadius addit, se suam explanationem didicisse à cælesti Patre: Zuinglius, à nocturno monitore. At Lutherani, sicut hunc monitorem, ita illum cælestem Patrem, non alium, quam diabolum, aut eius matrero fuisse interpretantur. Sic enim scribit Egidius Hunnius Lutheranus, libro de cœna Domini, cap. 14. *Gloriatu est Carolstadius, venisse ad se quendam virum, qui admoneret de explanatione verborum cœna, quod vocula, Hoc, cum in modum, quem ipse tradebat, esset accipienda: Et hunc virum fuisse Patrem cælestem*. Respondit autem Lutherus, virum illum non Patrem cælestem, sed aut diabolum ipsum, aut certè huius fuisse matrero. Similia scribunt Authores historie Confessionis Augustanæ, anno 1524 pag. 37.

15. Illud obiter hic addendum est, tres illos Novatores, Lutherum, Carolstadium, Zuinglium, sic

singuli nomen dogma de Eucharistia sectati sunt, ita singulos scripto testatos esse, à quo spiritu suum dogma acceperint. Et quidem Lutherus rotundè dixit, quod res erat se à diabolo accipisse. Carolstadius mendacio usus est, asserens, à cœlesti Patre edoctum se esse Zuinglium, qui utriusque discipulus fuit, nec apertè voluit fateri cum Luthero, diaboli discipulum se esse; nec apertè mentiri cum Carolstadio. Patrem cœlestem ad se venisse: sed rem in medio reliquit, simulans se non meminisse, albus an ater fuerit monitor, à quo instructus est. Soli Luthero in hoc puncto creditur. De Luthero dici potest, *Confessus est, & non negavit*. De Carolstadio, *mentitus est in capite suum*. De Zuinglio, *Quousque claudicas in viamque partem? Et, vinam calidus esses, an frigidus*.

QVÆSTIO IV.

Quomodo Sacramentarij conati sint suam sectam propagare?

16. **V**arij variis modis id facere conati sunt. 1. Carolstadius per visiones & revelationes Patris cœlestis. 2. Zuinglius per monitorem nocturnum. 3. Bucerus & Leo Iudæ per fraudes. 4. Calvinus per miraculum. 5. Beza per æquivocationem. De his tribus ultimis aliquid dicendum est. Nam de Carolstadio & Zuinglio iam ante dixi.

17. Igitur prima fraus fuit hæc. Bucerus per literas & internuncios passim apud Theologos, & præsertim apud Lutheranos, sub specioso pacis & confessionis prætextu; diligenter agebat, ne quis publicis scriptis Zuinglio & aliis Sacramentariis se opponeret: sperans hac ratione fore, ut Sacramentarij, si neminem haberent aduersarium, facilius in sua secta progredierentur. Refert Historia Confess. August. pag. 83.

18. Secunda fraus. Leo Iudæ, Ecclesiæ Tigurinæ Pastor, sub ficto nomine Ludovici Leopoldi libellum scripsit anno 1526, cum hoc titulo, *Doctissimi Erasmi Roterdami ac Lutheri opinio de cœna Domini nostri Jesu Christi*. In quo libello affirmat, Erasmus & Lutherum, non aliam, quàm spirituales Christi præsentiam, in cœna agnoscere; ut horum autoritate, reliquos in eandem sententiam protraheret. Sed ab ipso Erasmo refutatus est. Scripsit enim acrem Epistolam ad Legatos Helveticorum (qui tunc Badenæ in negotio cœnæ congregati erant) in qua sunt hæc verba, *Sparsus est ante paucos dies libellus cui titulus, Erasmi & Lutheri opinio de cœna Domini, in quo difficile sit pronunciare, utrum plus habeat stultitia, an malitia. Cùm in singulis paginis nomen iteretur Erasmi, ipse qui scripsit, ausquam est ausus apponere suum nomen, nisi quod in calce subiicit nomen fictitium, quod ipsum statim argumentum est mala conscientia, &c.*

19. Tertia fraus, Bucerus anno 1526. Latinum Pomerani in Psalmos commentarium, vertit Germanicè, & Basileæ excudi curavit. Huius versionis occasione, Sacramentariorum dogma callidè & insidiosè Pomerani commentatio inseruit, ut Lectores putarent Pomeranum, qui alioqui Lutheranus erat, in hoc puncto consentire Sacramentariis. Sed Pomeranus, fraude intellecta, eodem anno de illa falsitate publico scripto conquestus est, in quo sic habet: *Non feram, quod meis sententiis, & sub nomine meo admixta sunt, quæ ego sanè non possum (ita me amet Christus) non impia iudicare, nempe quæ vel in 3. Psalmo, cuius initium est, Confitebor tibi, &c. de Eucharistia inserta sunt, quasi ego sim assertor illius opi-*

nionis, quæ contra manifesta verba institutionis Christi negatur à fidelibus in Eucharistia verum corpus Christi edi, & verum eius sanguinem bibi, &c.

20. Quarta fraus. Idem Bucerus eodem anno 1526. Ecclesiasticam Lutheri Postillam latinitate donavit, opere in certos tomos distributo. In Præfatione autem & in Annotationibus quarti tomi, eodem quo ante in Psalterio Pomerani vius artificio, viam suam Sacramentarium, sub Lutheri nomine, in cœdis Lutheranis instillare conatus est. De qua item falsitate conquestus est Lutherus in Epistola ad Secerium, anno 1527. his verbis: *In quarto tomo temperare sibi non potuit anhelus ille, & sui sensus propagandi incredibili furore cupidus spiritus, quin præfatione diti & sacrificationum annotationibus virulentis, meum opus crucifigeret: ita ut non fuerint contenti miseri homines suum virum propriis & tam infinitis libris sparsisse, nisi & alienos libros eo veneno illitos perdant, &c.* Extat hæc Epistola tomo secundo Epistolarum Lutheri, pag. 349. Vide plura in Historia Confess. August. pag. 90. & 91.

21. Hæc de fraudibus. Venio ad miraculum Calvini, quod Genevæ contigit. Res sic habet. Cùm vellet suam doctrinam, & vitæ scilicet sanctimoniam miraculo confirmare, pretio conduxit quendam Brulleum nomine, ut simularet se mortuum esse. Factum est. Interea vxor Brullei, totius rei conscia, plorabat apud mariti lectulum. Accessit Calvinus, quasi aliud acturus, cum magno comitatu; & sciscitatus est, quid vellet sibi fletus & eiulatus iuvine? Responsum est, afflictam esse propter mortem mariti, qui iam iam extinctus esset, magno rei familiaris incommodo. Tum Calvinus, Bono, inquit, animo estote. Et mox, flexis genibus, aliquantisper orans, ac deinde lectulum accedens, apprehensa manu iacentis, sic eum affatus est; Impero tibi in nomine Iesu, ut surgas & ambules. Nihil fit. Repetit iterum & tertid. Sed frustra. Nam qui se fraudulentè mortuum simulabat, Deo sic disponente, reuera mortuus inventus est. Nec alia fuit vis miraculi Calvini, quàm ut sanus moreretur. Quale miraculum, talis doctrina. Rem gestam prolixè describit Hieronymus Bolsecus, Medicus Lugdunensis, in vita Ioannis Calvini, cap. 13. & alij plures.

22. Beza hoc miraculo territus, aliam viam ingressus est. Scripsit Confessionem, in qua asseruit, corpus Christi verè & realiter esse præsens in cœna. Addebat in eam confessionem consensum Ecclesiæ Helveticorum & Genevensium. Hoc idè fecit, ut Lutheranis, qui agnoscunt veram & realem Christi præsentiam in cœna, dolo ad Sacramentarios pertraheret, quasi eadem esset illorum, quæ Lutheranorum sententia. Sed quo eventu? Lutherani ceperunt triumphare de Sacramentariis, & palam clamare, ipsos, Beza teste, suam sectam deseruisse, & cum Lutheranis sentire. Tum Helvetij, qui Sacramentarij erant, graviter in Beza inuecti sunt, quod de ipsorum mutata sententia falsè id sparsisset. Beza ad æquivocationis asylum confugiens, respondit, se quidem vera scripsisse, sed à Lutheranis malè fuisse intellecta. Non enim loquutum se esse de cœna Domini, quæ celebratur in terris (de qua tamen erat questio) sed de cœna, quæ celebratur in cælo, ubi Christus verè & realiter præsens est. En candorem Sacramentarium. Refert hanc historiam Claudius Sanctes in Responsione ad Apologiam Bezzæ, & Cardinalis Bellarminus lib. 1. de Eucharistia cap. 2.

23. Ex dictis colligi potest, quid de Sacramentariis sentiendum sit. Nam primus illorum authorum fuit Carolstadius, qui per falsas visiones & revelationes populum seducebat. Propagator fuit Zuinglius.

qui à nocturno monitore edoctus est. Successo es fuerunt Bucerus, Leo Iudæ. Calvinus, Beza: & similes, qui vel fraudibus & imposturis, vel fictis miraculis, vel æquiuocationibus, eandem sectam attru-

conati sunt. De toto genere repeto, quod supra ex Lutheranis posui: Deo soli gloria, diabolo & squamis ipsius Sacramentariis, Zuinglianis & Calvinianis perpetua ignominia & confusio. Amen.

TITVLVS SEPTIMVS. CALVINISTÆ.



H Titulus notissimus est. Dicti sunt Calvinistæ à Ioanne Caluino Nouiodunensi, qui sectam hanc plurimum promouit. Quare autem fuerit Calvinus in moribus & doctrina, iam pridem à multis proditum est. Ego obiter tantum attingam. In moribus fuit superbus, arrogans, crudelis, vindictæ cupidus, spurcus, infamis, & propter præputeram libidinem ac Sodomiam, candenti lilio multus. Videri potest Hieronymus Bolsecus, qui accuratè & authenticè hæc omnia præscripsit:

1. In doctrina fuit pestilentissimus, ex duplici capite. Primo, propter blasphemias de Deo sententias. Secundo, propter inconstantiam & perpetuas contradictiones, quibus omnia ipsius scripta plena sunt. De priori capite dictum est Titulo quarto. Nam ibi commemoravi quendam ipsius paradoxam, quæ de Prædestinatione & authore peccati disseminauit. De quibus ipsi quoque Calvinistæ conqueruntur. Certè Iacobus Arminius, celeberrimus Calvinianæ Doctrinæ Professor, in Declaratione sententiæ suæ, ad Nobiles & Præpotentes DD. Ordines Hollandiæ, diuinitè scribit, doctrinam Caluini de Prædestinatione, multis nominibus sibi non probari. Quia non est fundamentum salutis. 2. Nam Euangelij partem in se comprehendit. 3. In nullo antiquo Concilio, siue generali, siue particulari, est approbata. 4. Nec ab illis antiquis Patribus. 5. Non congruit cum Harmonia Confessionum Ecclesiarum reformatarum. 6. Nec cum Confessione Belgica aut Catechismo Heidelbergensi. 7. Pugnat cum sapientia, iustitia & bonitate Dei. 8. Cum libertate hominis. 9. Cum actu creationis. 10. Cum natura & uoluntate moris æternæ. 11. Cum natura peccati. 12. Cum natura gratiæ. 13. Immoriam Deo facit & ignominiam Christo. 14. Obest salutis hominum multis modis. 1. Quia impedit dolorem de peccatis. 2. Aufert sollicitudinem conversionis.

3. Inhibet studium bonorum operum. 4. Extinguit ardorem orandi. 5. Ingenerat desperationem. Hæc singula fusè ibidem persequitur.

3. Et in Epistola Dedicatoria, quæ præfixa est Collationi Arminij cum Francisco Iunio, valde exagittatur eadem Caluini doctrina. 1. Quia est caput & fons omnium errorum. 2. Aliena est à Scriptura, reuera ratione & bonis moribus. 3. Nemo potest saluari, qui ex ipsius tenore vitam suam instituit. 4. Ex illa necessario sequitur, Deum esse authorem peccati. 5. facit Deum crudelem. Quod ibidem declaratur exemplo Tiberij, his verbis, *Fertur quondam Tiberius Caesar Virginem quandam strangulati vo-*

B luisse. Cur? Quia ita libebat. Sed cum uideret id patria mos, quo non licebat incemeratam occidere, misit Virginem ad Lenonem, & decreto suo vitam ipso sternens, stupratam occidi iussit. Ignosce, ô bone Christe, Ecclesia tua Doctoribus, Caluino, Placcatori, & similibus, qui de Deo ad exemplum Tiberij docere, scribere non verentur. Hæc Calvinianus de Caluini dogmato.

4. Venio ad contradictiones Caluini, quæ plurimæ sunt. Ex iis aliquot recensabo. Prima est de authore peccati. Nam lib. 1. Instit. cap. 18. §. 3. docet Deum esse authorem peccati. Verba ipsius supra citata sunt. Contrarium docet in Instructione contra Libertinos, cap. 14. cum ait: *Temulentis isti, à Deo omnia fieri perscrupentes, cum mali authorem constituent.* Et infra: *Cum Deus nihil magis proprium sit, quam sua bonitas, ipsum à se abnegari oporteret, & in diabolum transmutari, ut malum efficeret, quod ei ab illis tribuitur.* Ex hac contradictione oritur alia intra affectus Caluini. Nam aliqui negant illum sensisse, Deum esse authorem peccati, ut Iunius & Gomarus: Alij affirmant, ut Arminius & Venator: Alij, nunc hoc, nunc illud assecunt, ut David Patrus.

5. Secunda, de Ecclesia. Nam in paruo Catechismo docet, hunc articulum Symboli, *Credo Ecclesiam*, debere intelligi de sola Ecclesia inuisibili, quæ est prædestinatorum. Sic enim habet, *Sequitur quarta pars, in qua confitemur nos credere unam sanctam Ecclesiam Catholicam.* Et statim explicans, de quæ Ecclesia loquatur, sic addit: *Quid est Ecclesia? Corpus ac societas fidelium, quos Deus ad vitam æternam prædestinauit.* Contrarium docet libro quarto Institut. capite primo, §. secundo, asserens non tantum de inuisibili, sed etiam de visibili intelligendum esse, in qua permixti sunt reprobi & prædestinati: *In Symbolo, inquit, ubi confitemur nos credere Ecclesiam, id non solum ad visibilem, de qua nunc agimus, refertur, sed ad omnes quoque electos Dei, &c.*

6. Tertia, de Ecclesia visibili. Nam lib. 4. cap. 1. §. 4. docet, neminem saluari posse extra Ecclesiam visibilem, cum ait: *Verum, quia nunc de visibili Ecclesia differere proposuimus est, discamus vel una Matris elogio, quam utilis sit nobis eius cognitio, imò necessaria: quando non alius est in vitam egressus, nisi nos ipsa concipiat in utero, nisi pariat, nisi nos alacris suis uerbis, &c. Adde quod extra eius gremium, nulla speranda est peccatorum remissio, nec ulla salus.* Contrarium docet libro quarto capite primo §. 7. & capite 16. §. 24. & 25. Nam priori loco asserit neminem admitti in Ecclesiam visibilem, nisi per Baptismum: posteriori, filios

fideliū saluari sine Baptismo. Vnde sequitur, aliquos saluari extra Ecclesiam visibilem.

6. Quarta, de certitudine iustitiar. Nam lib. 3. cap. 2. §. 16. docet omnes fideles certos esse de sua iustitia & remissione peccatorum: Verè, inquit, fidelis non est, nisi qui confidenter se regni celestis heredem gloriatur. Et in Antidoto Concilij Tridentini sess. 6. cap. 10. Certò statimur, nobis remissa esse peccata. Et can. 13. Sua electionis certos esse convenit univēros fideles. Contrarium docet lib. 3. Institut. cap. 2. §. 10. Tot, inquit, vanitatis recessus habet, tot mendacij latebris foetet cor humanum, tam fraudulenta hypocrisis oblitum est, ut seipsum saepe fallat. Et §. 11. Experientia ostendit, reprobos interdum simili fere sensu, atque electos afficere, ut ne suo quidem iudicio quicquam ab electis differant.

8. Quinta, de fide iustificante. Nam in Antidoto Concilij Tridentini, sess. 6. can. 9. docet fidem esse causam iustificationis, his verbis, Solam fidem iustificationis causam esse intelligimus. Et can. 12. Viminis, a dō fidei in solidum vindicamus. Contrarium docet lib. 3. Institut. cap. 13. §. 1. cum ait, Quod iustificationem, res est mera passiva fides.

9. Sexta, de libero arbitrio. Nam lib. 3. cap. 35 §. 8. docet hominem in statu innocentie habuisse liberum arbitrium, In hac, inquit, integritate libero arbitrio pollebat homo, quo si vellet, adipisci posset vitam æternam. Et infra, Po ut Adam stare, si vellet, quando non nisi propria voluntate cecidit. Contrarium docet lib. cap. 13. §. 8. Non dubitabo, inquit, simpliciter fateri voluntatem Dei esse veram necessitatem, atque id necessario futurum esse, quod ille voluerit. Et paulo ante §. 6. in fine, Constat ordinatione & natu Dei omnia evenire. Omnia igitur necessariò eveniunt, si voluntas Dei est necessitas rerum.

10. Septima, de iustitia inherente. Nam in Antidoto Concilij Tridentini, sess. 6. cap. 8. docet, iustitiam inherētem quam Catholici admittunt, non esse admittendam, Falsum, inquit, esse contendere, ullam iustitiam partem in qualitate suam esse, vel habitum, qui in nobis resideat. Et lib. 3. Institut. cap. 11. §. 23. Vides, non in nobis, sed in Christo esse iustitiam nostram. Contrarium docet in libro de necessitate reformationis Ecclesie, his verbis, Nunquam reconciliantur Deo, quin simul donemur iustitia inherente.

11. Octava, de Sanctis. Nam in Psychopannychia docet, Sanctos post hanc vitam statim esse in cælesti beatitudine. Verba, inquit, Apostoli sine interprete hoc loquuntur, nos sensuros Dei præsentiam, cum ab

A hoc corpore separabimur. Iam non per fidem ambulantes, sed per speciem: quoniam hoc terra pondus, quo premimur, nos à Deo, quasi materies, loco intervallo separat. Contrarium docet in eodem libello, his verbis, Semper in cursum est eorum desiderium. Et infra, Expectant quod nondum habent, & suam mercedem minime vident. Et lib. 3. Institut. cap. 25. §. 6. V. Idē se torquent multi disputando, an Sancti celestī gloria fruantur, necne. Et paulo post, Omnia cadunt suspensa, donec Christus appareat Redemptor.

12. Nona de Eucharistia. Nam in cap. 11. prioris ad Corinthios docet Corpus Christi esse præsens in Eucharistia: Christus, inquit, visibile illud Symbolum nobis porrigendo, unā dat etiam nobis suum corpus. Neque enim fallax est, qui vānis figuris nos ludat. Contrarium docet in consensione de re Sacramentaria: Cum signa hic in mundo sint, oculis cernantur, palpentur manibus; Christus non alibi quāvis in celo querendus est. Et ibidem. Quia tamen corpus Christi finitum est, & celo ut loco continetur, necesse est, à nobis tanto locorum intervallo distare, quanto celo abest à terra.

13. Hæc brevitè de Caluino. Eum strenuè imitantur Calvinistæ, si non superant. Et, ut compendio dicam, tripliciter possim spiritum pleni sunt. 1. Spiritu contradictionis, dissensionis & dissidij. 2. Spiritu impietatis & atheismi. 3. Spiritu perfidiæ, rebellionis & crudelitatis. De primo spiritu legi potest D. Petrus Cudfemius in libello qui inscribitur, De desperata Calvini causa. Hic ostendit, in quot sectas & factiones divisi ac distracti sint Calvinistæ. Et res ipsa loquitur. Ausim dicere, vix duos esse, qui consentiant. De secundo spiritu fusè scripserunt duo doctissimi viri, Franciscus Feuardentius in Theomachia Calvinistica, & Guilielmus Reginaldus in Calvinotureismo. Prior recenset & refutat multas impias & blasphemias opinionēs, quibus Calvinistæ imbuti sunt. Idem nos supra fecimus. Posterior ostendit, Calvinismum parum distare à Turcismo vel Atheismo: & qui verè Calvinista est, vix abesse, quin Turca vel Atheus sit. Cui stipulatur Godefridus à Valle, qui Lutetia anno 1572. publicè exultus est. Hic libellum scripsi de arte nihil credendi, in quo, inter cætera omnia falsa, hoc vnum verum dixit oportere prius Calvinistam fieri, qui atheus esse velit. Quod & ipse contigit. De tertio spiritu, qui est perfidiæ, rebellionis & crudelitatis, multa à multis scripta sunt. Et si scripta non essent, sufficeret vox populi & quotidiana experientia. Nihil addam.

TITVLVS OCTAVVS. GEVSI.



ALVINISTÆ dicti sunt Geusij, id est, mendici. Quem titulum adepti sunt in Belgio, anno 1566. Occasio fuit hæc. Philippus Rex, cum adverteret novas hæreses paulatim in Belgio pullulare, scripsit litteras ad Illustrissimam Belgij Gubernatricem Margaretam, Principem Parmensem, quibus ad fidei Catholicæ conservationem promovendam, seriò mandabat, ut Edicta Caroli V. Imperatoris, & Decreta Concilij Tridentini exactò servarentur. Hoc aliqui sinistè interpretati sunt quasi Rex, sub hoc prætextu, Inquisitionem Hispanicam vellet in Bel-

Egium introducere. Itaque anno 1566. die quinto Aprilis Brederodius & quidam alij ex Nobilibus federatis Illustrissimæ Gubernatrici, quæ tunc Bruxellæ erat, libellum supplicem exhibuerunt, quo postulabant Edictorum executionem prorogari. Mirabatur Gubernatrix. Cui Barlemontius Eques auri velleus; *Ma Dame, ne craignez ces hommes, car ce ne sont que des Geux*: id est, Mea Domina, ne timeas ab istis hominibus: non enim sunt, nisi Geusij seu mendici. Volebat per contemptum dicere, non esse magni momenti. Hinc factum est, ut primò Brederodius cum suis adfectis, postea omnes Calvinistæ, sup-

pellarent se *Geus*, seu *Geusios*. Et publicè ab ipsis clamatum est, *Vincite Geus*, id est, vivant & proficiant Geusij. Quin etià, ut aliquam speciem mendicorum præ se ferrent, vñ sunt veste cineritia, & ad latus appenderunt lignea vascula, qualibus mendici vñ solent. Ita referunt Scriptores illius temporis, præsertim Petrus Opmeerus Amstelrodamus in opere Chronologico orbis univèrsi, Surius in Commentario rerum in orbe gestarum, Aubertus Miræus in Chronico, & alij.

2. Quid porro deinceps factum aut tentatum sit à Geusis, non est huius loci sigillatim commemorare. Quædam tantùm capita attingam. Ac primum eodem anno, quoticum illum acceperunt, sparsæ ab ipsis sunt chartæ minaces, & libelli factiosi. 2. Ha-

bita conuenticula in agris. 3. Cum æmissum ad hereticas conciones. 4. Excitati tumultus in ciuitatibus: & identidem repetitum, *Ad cades, ad cades*. 5. Gandavi, Antuerpiæ, Buiciducis, Tornaci, Valencenis, item in Hollandia, Zelandia, Frisia, imagines fractæ ac disturbatæ. 6. Tempia & Monasteria passim vastata. 7. Gandavi celeberrima & instructissima Bibliotheca Abbatæ Blandiniensis perditæ ac dissipata. 8. Iniuria venerabili Eucharistiæ Sacramento irrogata. 9. Franciscani & Carthusiani è suis Monasteriis expulsi. 10. Moniales ludibrio & alienæ libidini expositæ. Hæc omnia, vno isto anno. Sequentibus, funelliora patrata sunt. Legantur auctores citati, & Theatrum crudelitatis Calvinistarum.



TITVLVS NONVS. HUGONOTÆ.



HALVINISTÆ in Gallia vocantur Hugonotæ vel Hugonoti. Vnde acceperint hunc titulum, non certò constat. Aliqui putant accepisse ab Hugone Comite: alij, quod verisimilius est, ex alia occasione, quam refert Florimundus. Remundus in libro de Antichristo cap. 3. ait milites Calvinianos, qui in coniuratione Ambianensi, in mortem Regis totiusque familie Regis conspirauerant, habuisse hanc tesseram, ut obuios quosque alloquerentur his verbis, *Allez vous à Nantes?* Et si rogati responderent, *Hue nos*, intelligerentur esse consocij & socij conspirationis. Hinc factum esse, ut ex illa voce *Hue nos*, frequenter repetita & usurpata, socij omnes *Hugonotæ* appellati sint. Ut ut sit, Calvinistæ de hoc titulo gloriari non possunt. Nam si illum ab Hugone Comite acceperunt, meminerint à factioso & rebelli homine se accepisse, quales & ipsi sunt. Si autem à tessera scdissimæ conspirationis, quid aliud cogitare debent, quàm quod res est, suo scelere se hunc titulum comparasse?

2. Porro, Hugonotarum in Gallia mores & ingenium apertissimè depinxit Ludovicus Richomus in doctissimo opere, quod *Idolatriam Hugonicam* inscripsit, & Henrico Quarto Francorum & Navarrozorum Regi Christianissimo dedicauit. Ibi distinguit duplicem idolatriam: vnâ materiale & externam, qualis fuit olim Gentilium & Samaritanorum, qui Solem, Lunam, Venerem, Iouem, Martem, Virtutes, & similia idola adorabant: Alteram spiritualem & internam, cuius Notæ ac qualitates sunt hæc. 1. Fastus & superbia. 2. Luxuria. 3. Mendacium. 4. Calumnia. 5. Vana Scripturarum ostentatio. 6. Fraus & crudelitas. 7. Odium Sedis Apostolicæ. 8. Discordia. 9. Pertinacia. Has omnes Notas ostendit Hugonotis perfectissimè convenire. Et ut taceream de alijs, triplici argumento confirmat, crudelitatem maximè domesticam ac familiarem ipsis esse.

3. Primò, quia crudeles sunt in animas infantum, qui sine Baptismo ex hac vita decedunt. Persuadent enim populo hæc duo falsa principia. 1. Filios fidelium sine Baptismo saluari posse. 2. Filiis infidelium non prodesse Baptismum. Et, quod ex utroque se-

quitur, parentes de baptizandis infantibus minimè sollicitos esse oportere. Ex qua persuasione fit, ut plurimi infantes moriantur sine Baptismo, & æternæ damnationi sint obnoxij. Certè immanis hæc crudelitas est: Et maior sine dubio, quàm olim crudelitas Herodis, qui in corpora duntaxat, non autem in animas infantum à se occisorum sauebat.

4. Secundò, Etiam in animas aliorum fidelium, qui post Baptismum, adulta ætate, migrant ex hoc mundo, crudelitatem exercent. Nam constantissimè urgent non esse orandum pro fidelibus defunctis, nec in altera vita vllas Purgatorij pœnas superesse, quæ ab ipsis subeunda sint. Ex quo similiter fit, ut animæ fidelium defunctorum priuentur multis precibus ac suffragiis, eoque diuinus cogantur Purgatorij flammam sustinere.

5. Tertiò, Nec minus in corpora Catholicorum descendunt. Hoc ostendit variis exemplis, quæ in Gallia contingere. Nam primò, in Delphinatù, Rupellæ & alibi, multos Catholicos propter fidem & religionem ex altissimis rupibus & editissimis turribus, in saxa præcipitarunt. Secundò, multos item præter omnem misericordiam & legem, in Bazatenses & Nemausenses puteos acervatim contruserunt. Tertiò, Eugolinæ corpora Sanctorum Eutropij & Benignæ suffusa, flammis concremarunt. Quarto, Similiter, capite sancti Eparchi, tanquam globo missili, ad metas petulantissimè colluserunt. Quintò, Vultu in agro Bazatensi, corpus Clementis V. extractum è tumulo, eadem barbaria tractarunt. Sextò Alibi etiam variis in locis, incredibili cum impietate, capiti S. Matthæ Apostoli, Barberiaci: parti cranij S. Ioannis Baptistæ, in oppido, cui à sanctis Angelis nomen est: portioni sanguinis eiusdem Precursoris, quæ Vasati asseruabatur: reliquis etiam S. Hilarij, Pictavis: S. Martini, Turonis: S. Aniani, Aureliæ: S. Irenæi, Lugduni: S. Iuliani, Cœnomanis, S. Eutropij, Seausicæ, infinitas contumelias intulerunt. Septimo, Induti sacris vestibus & portantes sacra Sanctorum corpora, per iocum cantularunt, *Requiem æternam dona eis Domine*. Postremò, nequid crudelitati deesset, in sepulchra Regum ac Principum, immanissimè debacchari sunt. Quæ omnia fusè prosequitur citatus auctor lib. 2: Idolatriæ Hugonicæ, cap. 26. & sequentibus.

H h h iij

TITVLVS DECIMVS PVRITANI.



CALVINISTÆ in Scotia & Anglia vocantur Puritani, quia puram Calvinianam doctrinam per omnia sequuntur. Hic titulus non tantum à vulgo, sed ab ipso quoque Serenissimo Rege Jacobo illi tribuitur, ut patet ex monitoria ipsius præfatione. Porro, quid lateat sub hoc titulo, vel potius, quid & quales sint, qui passim Puritani appellantur, ex eodem serenissimo Rege, cuius ipsi auctoritatem respicere non audent, clarissime intelligi potest. Isigitur in citata præfatione, ita de illis sentit. *Primò*, esse homines furiosos & incendiarios. *Secundò*, plus fidei reperisse in effers latronibus, quam in Puritanis. *Tertio*, se non solum à natiuitate continuò vexatum fuisse à Puritanis, sed etiam in utero materno propemodum extinctum, antequam nasceretur. *Quartò*, se in suo libro ad filium, multo acrius ac vehementius in Puritanos, quam in Pontificios inuictum esse. Denique se eodem libro prolixam in odium Puritanorum præfationem Apologeticam præfixisse.

2. Hæc & similia habet Rex de Puritanis. Qui tamen alibi monet, se loqui de Puritanis sibi subiectis, non de extraneis. Sic enim scribit in Appendice ad Memoriam præfationem: *Puritanorum nomine non alios intelligo, quam subditos, qui sub imperio meo degentes legum imperiis reluctari, animis obstinarent.* Et infra: *Quidquid inibi de Puritanis dixi, de iis solis accipiendum, qui intra ditionis meae fines perniciaci huic disciplinæ se tradiderunt. Mihi enim aliocui est discretissimum, rebus alienis me non immiscere, sed alia reformatæ religionis Ecclesias Christiana sua libertati committere.* Et ibidem: *Absit itaque à me, ut per indicem, quos Deus à iurisdictione mea voluit esse immunes.*

3. Itaque ex sententia Regis, Puritani, qui in Anglia & Scotia degunt, sunt incendiarii, regicidæ, perfidi, pernicaces, obstinati, legum imperiis reluctantes. De aliis Puritanis (id est Calvinistis) qui extra Angliam & Scotiam sunt, non vult Rex indicare, an sint similes illis, neque: quia non sunt ipsius iurisdictioni subiecti. Quod si essent, etiam de illis sententiam ferret.

4. Sacellanus videtur aliter sentire, quam Rex. Nam in Tortura sic loquitur de Puritanis; *Quos verò Puritanos appellat, si Regiū primatum detestantur detestandi ipsi. Pontificetur enim, subscribunt, iurāt in dies. Sed & illi, quid faciunt, ingenuè faciunt, id est ingenuè profitentur Primatum Regis, ingenuè subscribunt, ingenuè iurant.* Itane verò? At Rex dicit esse homines pernicaces, obstinatos, legum imperiis reluctantes, in quibus minus fidei ac fidelitatis sit, quam in latronibus.

5. Hanc dissensionem inter Regem & Sacellanum memini me aliàs notasse & obiecisse. Sed eam conantur excusare Burhillus & Thomsonius. Et quidem Burhillus in responsione pro Tortura Torti, dicit Regem loqui de Puritanis in Scotia: Sacellanum de Puritanis in Anglia. Hos ingenuos, illos per-

A fidos esse: non vicio religionis, cum eandem verique sectentur religionem: sed quia alios mores hi, alios illi. Multo aliter Thomsonius in Elencho. Distinguit enim duo genera Puritanorum in Anglia, qui non moribus tantum, sed etiam religione inter se distent. Alios vocat *factiosos homines, puras putos Pharisæos, antiquitatis oserei*: Alios, *bonos quidem & probos viros, qui summam doctrinam Anglicanā probant, sed tamen in disciplina & praxi Ecclesiæ quadam desiderant, quæ dicere non possunt.* Addit, Regem loqui de prioribus, Sacellanum de posterioribus.

B 6. Vtri credam, Burhilli an Thomsonio? Neutri potius. Verumque enim refellit Rex. Nam, ut paulo antenotavi, discretè dicit, se loqui de Puritanis suæ ditioni ac imperio subiectis, & eos solos excludere, qui ab ipsius iurisdictione immunes sunt. Nec eorum, qui in Anglia sunt, distinguit duo genera, alterum proborum, alterum factiosorum hominum: sed simpliciter affirmat, quosquor intra ditionis suæ terminos, perniciaci Puritanorum disciplinæ se tradiderunt, esse homines perfidos, incendiarios, legum imperiis reluctantes, ac effers latronibus deteriores.

C 7. Et sanè, res ipsa loquitur ita esse. Primò, quia conati sunt hunc ipsum Regem in utero materno extinguere, antequam lucem aspiceret. Secundò, quia Serenissimam matrem eius Mariam, primò quidem diuturno carcere, deinde etiam capitis supplicio mulctarunt. An non utrumque extremæ perfidiæ & crudelitatis exemplum est? An plus à latronibus sperare possis? Tertio, infinitos prope Catholicos, cuiuscunque sexus aut conditionis, vario tormentorum genere persecuti sunt. *Non ignota loquor.* Extant tabulæ & testes. Ex his vnum producam, qui quatuor annis, & eo amplius, in Turri Londinensi, propter fidem Catholicam detentus fuit, & Diarium seu Indiculum eorum & rerum, quæ tunc contigerunt, posteritati reliquit. Nomen illi est, Edouardus Rishonus. Diarium eius habetur ad finem operis Nicolai Sanderi de *Schismate Anglicano*, his fere verbis.

D 8. Anno 1580. die 15. Iunii, Guilielmus Tirvitus, clarissimi viri Roberti Tirviti, Equitis Aurati filius primogenitus, religionis Catholicæ causa comprehensus, quod in Sororis nuptiis Missam audivisse diceretur, in turrim coniectus est. Die 18. Robertus Tirvitus, Guilielmi frater, eadem de causa captus: Et licet vehementer ægrotaret, nulla tamen intercessione aut fidei sponsione obtinere potuit, ut in turrim non coniceretur, unde paulò post mortuus est. Erant hoc ipso tempore, in hoc eodem carcere Hiberni Proceres Catholici, Archiepiscopus Armacanus, Comes Kildarensis & Claudiacensis, Baro Deluinus, Nugentus item Menusque Nobiles.

E 9. Die 5. Decembris, Rodolphus Ceruinus, Thomas Cotamus, Robertus Ionsonus, Lucas Kirbæus Presbyteri, Nicolaus etiam Roscarocus, & Henricus

Ortonus laici Nobiles, ex aliis carceribus in Turrim A perduci. Die 10. eiusdem, Thomas Cotanus, & Lucas Kibzus torturam passi: Rodolphus Ceruinus & Robertus Ionsonus equulei tormento grauissimè vexati. Die 19. Ceruinus iterum equuleo subiectus.

10. Anno 1581. In Ianuario, Christophorus Thomsonus, & Nicolaus Rolcarocus, equuleo torti. In Martio, Alexander Briantus, acutissimis aciculis sub ungues immixtis, iubetur confiteri quo in loco P. Perionium viciisset, quod tamen facere constantissimè recusauit. Postea in lacum conicitur, ac deinde grauissimo subiectus equuleo, martyrium passus est.

11. In Iulio, P. Edmundus Campianus, cum multis aliis in carcerem tractus, & ter postea equuleo tortus, ac tandem in Decembri, patibulo affixus, martyrium consummauit.

12. Anno 1582. Ioannes Hartus & Arturus Pittus Presbyteri, ad aliquot dies in lacum dimissi Antonius Fugatus, post duorum annorum incarcerationem,

& grauissimos equulei cruciatus, extrinctus est. Ioannes Paynus, martyrio coronatus. Eum secuti Thomas Fordus, Ioannes Shirus, Robertus Ionsonus, Guilielmus Filixus, Lucas Kibzus, Laurentius Richardsonus, Thomas Cotanus.

13. Anno 1583. in carcerem compinguntur Ioannes Mondinus, Ioannes Hartus, Stephanus Brimbleus, Ioannes Someruilus, Hugo Hilus, Franciscus Trogmortonus, D. Ioannis Trogmortoni, Equitis Auiati primogenitus, & multi alij, quorum plerique etiam equuleo subiecti sunt. D. Edouardus Ardenus suspendio interemptus.

14. Anno 1584. Guilielmus Carterus, Georgius Haddocus, Ioannes Mondenus, Iacobus Fennus, Thomas Hemerfordus, Ioannes Nutterus, Franciscus Trogmortonus, martyrium passi: plurimi alij capiti & crudelissimè torti. Vide plura apud eundem authorem, apud Sanderum de schismate Anglicano: itemque in concertatione Ecclesiae Catholicae in Anglia, & in Theatro crudelitatis Calvinistarum.



TITVLVS VNDECIMVS. PICARDITÆ.



ALVINISTÆ in Bohemia vocantur Picarditæ. De origine huius Tituli non satis mihi constat. Probabilis coniectura est, ex Picardia sumptum esse, eo quod Calvinus, Calvinistarum parens, Nomoduni in Picardia natus sit. Sed nolim de re incerta temerè

quicquam affirmare. Si tamen ita est, rari exempli est. Nam apud Augustinum in libro de Hæresibus, vix illos repettas hæreticos, qui à loco vel Prouincia nomen sortiti sunt, nisi Cataphryges & Pepuzianos. De quibus sic scribit, *Cataphryges sunt, quorum auctores fuerunt, Montanus tanquam parasceus, & duo Prophetissæ ipsius, Prisca & Maximilla. His nomen prouincia Phrygiæ dedit, quia ibi existerunt, ibique vixerunt. Et paulò post: Pepuziani à loco quodam nominati sunt, quam civitatem deserens tam dicit Epiphanius. Hanc autem isti diuinum aliquid esse arbitantes, Hierusalem vocant: tantum dantes mulieribus principatum, ut sacerdotio quoque apud eos honorentur. Dicunt enim Quintilla & Priscilla in eadem civitate Pepaza, Christum specie femina reuelatum. His igitur annumerari possunt Pi-*

carditæ, si à Picardia nomen hoc mutuati sunt.

1. Vnum superest, ut quæ hætenus fuisse explicata sunt, compendio reperamus. Igitur Calvinistarum tituli sunt hi, 1. Evangelici, quia solo Euangelio contenti sunt: vel potius, quia repudiato Euangelio, Confessionem Belgicam, & Catechismum Heidelbergensem pro Idolo habent. 2. Reformati, quia Ecclesiam Catholicam reformauerunt: vel potius, quia nouam Ecclesiam formauerunt & sinxerunt, erigentes altare contra altare; sicut olim Samaritani. 3. A Deo docti, quia à Deo suam doctrinam acceperunt: vel potius à nocturno monitore, qui ater an albus fuerit; non audent affirmare. 4. Orthodoxi, quia de fide ac religione rectè sentiunt: vel potius, quia non rectè sentiunt, sed multa paradoxa & atheismos introducunt. 5. Zuingliani, quia à Zuinglio, sicut Ariani ab Ario, originem trahunt. 6. Sacramentarij, quia de Sacramento Eucharistiæ nouum dogma excogitarunt.

7. Calvinistæ, quia Calvinus eorum Sectam propagauit. 8. Geusij, quia in Belgio pro mendicis & abiectis hominibus habitati sunt. 9. Hugonotæ, quia in Galia, processera prodicionis vsurparunt illam vocem, *Hus nos*. 10. Puritani, qui in Anglia puram Caluini doctrinam profitentur. 11. Picarditæ, quia ipsorum propagator Calvinus in Picardia natus est.

TITVLVS DECIMVS PVRITANI.



CALVINISTÆ in Scotia & Anglia vocantur Puritani, quia puram Calvinii doctrinam per omnia sequuntur. Hic titulus non tantum à vulgo, sed ab ipso quoque Serenissimo Rege Jacobo illis tribuitur, ut patet ex monitoriis apud præfatione. Porro, quid lateat sub hoc titulo, vel potius, quid & quales sint, qui passim Puritani appellantur, ex eodem serenissimo Rege, cuius ipsi auctoritatem respicere non audent, clarissime intelligi potest. Igitur in citata præfatione, ita de illis sentit. *Primò*, esse homines furiosos & incendiarios. *Secundò*, plus se fidei reperisse in effers latronibus, quam in Puritanis. *Tertio*, se non solum à natiuitate continuò vexatum fuisse à Puritanis, sed etiam in utero materno propemodum extinctum, antequam nasceretur. *Quartò*, se in suo libro ad filium, multo acrius ac vehementius in Puritanos, quam in Pontificios inuectum esse. Denique se eodem libro prolixam in odium Puritanorum præfationem Apologeticam præfixisse.

2. Hæc & similia habet Rex de Puritanis. Qui tamen alibi monet, se loqui de Puritanis sibi iubeatis, non de extraneis. Sic enim scribit in Appendice ad Memoriam præfationem: *Puritanorum nomine non alios intelligo, quam subditos, qui sub imperio meo degentes legum imperiis reluctari, animis obstinarent.* Et infra: *Quidquid inibi de Puritanis dixi, de iis solis accipiendum, qui intra ditionis meae fines perniciaci huic disciplina se tradiderunt. Mihi enim aliique est discretissimum, rebus alienis me non immiscere, sed alia reformata religionis Ecclesias Christiana sua libertati committere.* Et ibidem: *Absit itaque à me, ut eos indicem, quos Deus à iurisdictione mea voluit esse immunes.*

3. Itaque ex sententia Regis, Puritani, qui in Anglia & Scotia degunt, sunt incendiarii, regicidæ, perfidi, pernicaces, obstinati, legum imperiis reluctantes. De aliis Puritanis (id est Calvinistis) qui extra Angliam & Scotiam sunt, non vult Rex iudicare, an sint similes illis, necne; quia non sunt ipsius iurisdictionis subiecti. Quod si essent, etiam de illis sententiam ferret.

4. Sacellanus videtur aliter sentire, quam Rex. Nam in Tortura sic loquitur de Puritanis; *Quos verò Puritanos appellat, si Regiū primatum detestentur de se ipsi. Pontificetur enim, subscribunt, iurāt in dies. Sed & illi, quid faciunt, ingenuè faciunt, id est ingenuè profiteantur Primatum Regis, ingenuè subscribunt, ingenuè iurant.* Itane verò? At Rex dicit esse homines pernicaces, obstinatos, legum imperiis reluctantes, in quibus minus fidei ac fidelitatis sit, quam in latronibus.

5. Hanc dissensionem inter Regem & Sacellanum memini me aliàs notasse & obieciisse. Sed eam conantur excusare Burhillus & Thomsonius. Et quidem Burhillus in responsione pro Tortura Torti, dicit Regem loqui de Puritanis in Scotia: Sacellanum de Puritanis in Anglia. Hos ingenuos, illos per-

A fidos esse: non viris religionis, cum eandem utrique sectentur religionem: sed quia alios mores hi, alios illi. Multo aliter Thomsonius in Elencho. Distinguit enim duo genera Puritanorum in Anglia, qui non moribus tantum, sed etiam religione inter se distent. Alios vocat *factiosos homines, puros putos Phariseos, antiquitatis oses*: Alios, *bonos quidem & probos viros, qui summam doctrinam Anglicanā probant, sed sament in disciplina & praxi Ecclesiæ quadam desiderant, quæ dicere non possunt.* Addit, Regem loqui de prioribus, Sacellanum de posterioribus.

B 6. Vtri credam, Burhilli an Thomsonio? Neutri ponus. Vtrumque enim refellit Rex. Nam, ut paulo antenotavi, disertè dicit, se loqui de Puritanis suæ ditioni ac imperio subiectis, & eos solos excludere, qui ab ipsius iurisdictione immunes sunt. Nec eorum, qui in Anglia sunt, distinguit duo genera, alterum proborum, alterum factiosorum hominum: sed simpliciter affirmat, quosque intra ditionis suæ terminos, perniciaci Puritanorum disciplinæ se tradiderunt, esse homines perfidos, incendiarios, legum imperiis reluctantes, ac effers latronibus deteriores.

C 7. Et sanè, res ipsa loquitur ita esse. Primò, quia conati sunt hunc ipsum Regem in utero materno extinguere, antequam lucem aspiceret. Secundò, quia Serenissimam matrem eius Mariam, primùm quidem diuturno carcere, deinde etiam capitis supplicio mulctarunt. An non vtrumque extremæ perfidiae & crudelitatis exemplum est? An plus à latronibus sperare possis? Tertio, infinitos prope Catholicos, cuiuscunque sexus aut conditionis, vario tormentorum genere persecuti sunt. *Non ignota loquer.* Extant tabulæ & testes. Ex his vnum producam, qui quatuor annis, & eo amplius, in Turri Londinensi, propter fidem Catholicam detentus fuit, & Diarium seu Indiculum eorum & rerum, quæ tunc contigerant, posteritati reliquit. Nomen illi est, Edouardus Rishonus. Diarium eius habetur ad finem operis Nicolai Sanderi de *Schismate Anglicano*, his se hæc verbis.

D 8. Anno 1580. die 15. Iunii, Guilielmus Tirritus, clarissimi viri Roberti Tirriti, Equitis Aurati filius primogenitus, religionis Catholicæ causa comprehensus, quod in Sororis nuptiis Missam audivisse diceretur, in turrim coniectus est. Die 18. Robertus Tirritus, Guilielmi frater, eadem de causa captus: Et licet vehementer ægrotaret, nulla tamen intercessione aut fidei sponione obtinere potuit, ut in turrim non coniceretur, unde paulò post mortuus est. Erant hoc ipso tempore, in hoc eodem carcere Hiberni Proceres Catholici, Archiepiscopus Armacanus, Comes Kildarensis & Claudiarensis, Baro Deluinus, Nugentus item Menusque Nobles.

E 9. Die 5. Decembris, Rodolphus Ceruinus, Thomas Cotamus, Robertus Ionsonus, Lucas Kirbus Presbyteri; Nicolaus etiam Roscarocus, & Henricus

Ortonus laici Nobiles, ex aliis carceribus in Turrim A perducti. Die 10. eiusdem, Thomas Coramus, & Lucas Kirbzus torturam passi: Rodolphus Ceruinus & Robertus Ionsonus equulei tormento grauissimè vexati. Die 19. Ceruinus iterum equuleo subicitur.

10. Anno 1581. In Ianuario, Christophorus Thomsonus, & Nicolaus Rotcarocus, equuleo torti. In Martio, Alexander Briantus, acutissimis aciculis sub ungues immixtis, iubetur confiteri quò in loco P. Personum videret, quod tamen fateri constantissimè recusauit. Postea in lacum conicitur, ac deinde grauissimo subiectus equuleo, martyrium passus est.

11. In Iulio, P. Edmundus Campianus, cum multis aliis in carcerem tractus, & ter postea equuleo tortus, ac tandem in Decembri, paubulo affixus, martyrium consummavit.

12. Anno 1582. Ioannes Hartus & Arturus Pittus Presbyteri, ad aliquot dies in lacum dimissi Antoni- nus fugatus, post duorum annorum incarcerationem,

& grauissimos equulei cruciatus, extinctus est. Ioannes Paynus martyrio coronatus. Eum secuti Thomas Fordus, Ioannes Shurtus, Robbertus Ionsonus, Guilielmus Fithrus, Lucas Kirbzus, Laurentius Richardsonus, Thomas Coramus.

13. Anno 1583. in carcerem compinguntur Ioannes Mondinus, Ioannes Hartus, Stephanus B. in xicus, Ioannes Somercuilus, Hugo Hilus, Franciscus Trogmortonus, D. Ioannis Trogmortoni. Equitis Auriati primogenitus, & multi alij, quorum plerique etiam equuleo subiecti sunt. D. Edouardus Ardenus suspendio interemptus.

14. Anno 1584. Guilielmus Carterus, Georgius Haddocus, Ioannes Mondenus, Iacobus Fennus, Thomas Hemerfordus, Ioannes Nutters, Franciscus Trogmortonus, martyrium passi: plurimi alij capti & crudelissimè torti. Vide plura apud eundem authorem, apud Sanderum de schismate Anglicano: itemque in concertatione Ecclesie Catholice in Anglia, & in Theatro crudelitatis Calvinistarum.



TITVLVS VNDECIMVS. PICARDITÆ.



ALVINISTÆ in Bohemia vocantur Picarditæ. De origine huius Tituli non satis mihi cernitur. Probabilis coniectura est, ex Picardia sumptum esse, eo quod Caluinus, Calvinistarum parens, Nomoduni in Picardia natus sit. Sed nolim de re incerta temerè

quicquam affirmare. Si tamen ita est, rari exempli est. Nam apud Augustinum in libro de Hæresibus, vix illos repetas hæreticos, qui à loco vel Prouincia nomen sortiti sunt, nisi Cataphryges & Pepuzianos. De quibus sic scribit, *Cataphryges sunt, quorum ambrosii fuerunt, Montanus tanquam parasceus, & duo Prophetisse ipsius, Prisca & Maximilla. His nomen prouincia Phrygiæ dedit, quia ibi existerunt, ibique vixerunt.* Et paulò post: *Pepuziani à loco quodam nominati sunt, quare civitatem deserant tam dicit Epiphanius. Hæc autem isti diuina aliquid esse arbitrentes. Hierusalem vocant: tantum dantes mulieribus principatum, ut sacerdotio quoque apud eos honorentur. Dicunt enim Quintilla & Priscilla in eadem civitate Pepuza, Christum specie femina reuelatum.* His igitur annumerari possunt Pi-

carditæ, si à Picardia nomen hoc mutuati sunt.

2. Vnum superest, ut quæ hætenus fusè explicata sunt, compendio repetamus. Igitur Calvinistarum tituli sunt hi. 1. Evangelici, quia solo Evangelio contenti sunt: vel potius, quia repudiato Evangelio, Confessionem Belgicam, & Catechismum Heidelbergensem pro Idolo habent. 2. Reformati, quia Ecclesiam Catholicam reformauerunt: vel potius, quia nouam Ecclesiam formauerunt & sinxerunt, erigentes altare contra altare; sicut olim Samaritani. 3. A Deo docti, quia à Deo suam doctrinam acceperunt: vel potius à nocturno monitore, qui ater an albus fuerit; non audent affirmare. 4. Orthodoxi, quia de fide ac religione rectè sentiunt: vel potius, quia non rectè sentiunt, sed multa paradoxa & atheismos introducunt. 5. Zuingliani, quia à Zuinglio, sicut Ariani ab Ario, originem trahunt. 6. Sacramentarij, quia de Sacramento eucharistie nouum dogma excogitarunt.

7. Calvinistæ, quia Caluinus eorum Sectam propagauit. 8. Geusij, quia in Belgio pro mendicis & abiectis hominibus habitati sunt. 9. Hugonotæ, quia in Gallia, pro reffera productionis usurparunt illam vocem, *Hæc nos.* 10. Puritani, qui in Anglia puram Caluini doctrinam profitentur. 11. Picarditæ, quia ipsorum propagator Caluinus in Picardia natus est.



OPUSCULUM SECUNDUM DE

PRIMATU ECCLESIAE REGIO:

EXAMEN

CONCORDIAE

ANGLICANÆ, IN RICHARDVM

HARRIS, PRÆDICANTEM ANGLICANVM,

Et eiusdem Concordiæ Architectum.



LEGI libellum tuum, Richarde, de Concordia Anglicana, quem nuper in me scripsisti. Eum nouem dierum spatio abs te confectum esse, affirmas Serenissimo Regi in Epistola dedicatoria. Nimium festinasti. Debebas meminisse illius adagii, *Sat cito, si sat bene*. Itemque illius, *Canis festinans cecos parit catulos*. Nam certè parvus ille tuus, quem tam subito effudisti, nihil aliud quàm cæcum, informe, & sine omni sensu ac mente, monstrum est. Quo magis miror, ausum te fuisse Serenissimo Regi illam exhibere, dicam, an obtrudere? Non metuebas, ne Rex, qui & ipse literarum gnarus est, & in scribendo multò quam tu, exercitior, non modo aduerteret tuam præcipitantiam & ignauiam, sed etiam aspectum illius deformis ac monstrosi foetus fastidiret? Sed nimirum, qui tuus sit ipor est, ne cogitasse quidem de hac re visuses. Et tamen interest, te scire ne deinceps impingas grauius. Monebo te ergo, & sigillatim significabo, in quibus potissimum putem te deliquisse. Attende, si iuari vis.

3. In libello tuo, de quo agimus, hæc sunt. Primum, Inscriptio libelli. Secundum, Epistola dedicatoria ad Serenissimum Britannia Regem. Tertium, Præfatio ad Catholicos in Anglia. Quartum, Responsio ad dissidium Anglicanum de primatu Regis, quod nuper à me scriptum est. In qua quidem responsione, dissidium in concordiam transformare conatus es. De his ordine dicam quod sentio.

Examen inscriptionis.

3. **I**Gitur inscriptio libelli tui, est hæc: *Concordia Anglicana, de primatu Ecclesie Regio, aduersus Becanum de Dissidio Anglicano*. Multo aptior fuisset hæc, *Concordia vulpium Anglicanarum de Primatu Ecclesie Regio*. Scis, quid velim. Talis nimirum est Anglorum concordia de primatu Regio, qualis olim fuit in vulpeculis Samsonis, si meministi. Vulpeculæ illis caudis iungebantur, capitibus dissident. In caudis erat concordia; in capitibus dissidium. Sic in Anglia sit circa primatum Regium. Academicæ & Prædicantes, quorum tu vnus es, caudis colligati sunt; capitibus dissident. Concordia est

in adulatione; dissidium in re ipsa. Omnes blandiuntur Regi, & mollissimis verbis speciosos titulos illi tribuunt. At cum queritur, quid lateat sub illis titulis, aut quam potestatem & jurisdictionem in Ecclesia Anglicana exercere possit Serenissimus Rex: omnes abeunt in diuersas partes: Et quot capita, tot dissidia. De quo alibi latius.

Examen Epistola Dedicatoria.

4. **I**N Epistola dedicatoria, de solis Iesuitis sermo iubi est. Eorum originem, progressum, studium ac conatum, non aliter narras, quàm si iuramento te obstrinxisses, mentiundo & calumniando velle ipsis nocere, si posses. Quod faciliè ostendam, percurrendo

lingulas epistolæ periodos. Sic ergo incipis, anno Christi circiter 1516. *cita mœnia, Ignatius Loyola auctor, ex qua novi cuiusdam, & cæteris inusitati nominis Societas, uniuersa (si Diis placet & Deabus nris ador.) Iesuitarum natio est prognata, qua quidem infinitis exemplis intelligimus, nihil turbulentius, nihil furiosius, nihil in omni genere, Regibus, rebusque publicis Christianis perniciosius existere.*

5. Nimirum, hæc tam grandis calumnia, captanda apud Regem beneuolentia loco, à te posita est. Sed primum, unde habes, Ignatium anno 1516. exortum esse, vel, ut tu loqueris, reformatum; Vir ille, si primum eius ortum spectes, anno Christi 1491. in hunc mundum natus est. In adolescentia, militiæ ac vanitati se dedit. Anno deinde 1521. accepto luculento vulnere ad Deum conuersus est; & relicto militari Baltheo, virtuti ac pietati se mancipauit. Postea, anno 1528. Lutetiam Parisiorum ad grauiora studia se contulit. Denique anno 1534. aliquot Socios, qui eiudem propoliti erant, auctoritate coniunctos sibi esse voluit. Eisdem eo ipsorum Societas à Pontifice approbata & confirmata est. Hæc omnia in publicis huiusmodi consignata sunt. Et tu ista, nescis; Sed tam præceps fuisti in scribendo, ut parum cuius tibi esset quid scriberes. Putasti satis esse, si nouem dierum ipatio, rem totam, quantumuis mala fide, expedites.

6. Sed hoc relinquo. Ad calumniam venio, quam subdis. Est triplex est. Prima, quod Ignatium vocas *cita mœnia*, id est, *radicem amaritudinis*. Malitiose quidem, sed, quod mirum est, verissime. Si nescis, audi. Ignatius eo sensu, radix amaritudinis est, quo Christus lapis offensionis & petra scandali, quo Apostolus odor mortis in mortem. Iam intelligis, opinor. Sin minus, explicabo, Christus, respectu credentium, fuit lapis angularis, electus, pretiosus: respectu non credentium, lapis offensionis & petra scandali, 1. Petri. 2. 8. Similiter Apostolus, respectu eorum, qui saluificabant, odor vite in vitam: respectu aliorum, qui peribant, odor mortis in mortem, 2. Corint. 2. 15. Paucis modo dicendum de Ignatio. Radix suauitatis est ille, qui Pontificem agnoscunt: alius qui illum aspernantur, radix amaritudinis. Hoc experientia vos doceat.

7. Altera calumnia est, quod nationem Iesuitarum quæ ex Ignatio originem trahit, *non cuiusdam & inusitati nominis Societatem appellas*. Et ut manifestè significes, calumniosè te id facere, addis, *Si Diis placet, & Deabus nris ador.* sine dubio displicet tibi nomen Iesuitarum, & Societatis Iesu. Malles, non à Iesu, sed à Diis & Deabus infernalibus (quibus videris esse familiarior) nomen desumptum esse. Ac per me quidem licet, ut tibi tuæque Societati indas nomen quod velis. Nec inuideo, vocari vos Puritanos, Calvinistas, Picarditas, Geufios, Hugonotos, & si quid simile apud Nouatores vñtatum est. Saltem nobis per te, liceat vii nomine, quo hæcenus vsi sumus. Vocemur Iesuita, vocemur Socij Iesu, vocemur de Societate Iesu. Nihil hic mali, nihil pudendi est: Iesum, ut animo, ita voce libenter agnoscimus & profitemur. Eum hac re imitatur fideles primitiue Ecclesie, qui se Christianos appellabant, Act. 11. 26. Quid enim interest inter nomen Christianorum & Iesuitarum? Idem qui est Christus, est & Iesus. Si à Christo Christianos, cur non à Iesu Iesuitas appellari fas sit? Sed vobis non capiunt hæc nomina. In Lutherum, Calvinum, Zuinglium propensores estis. Ab illis titulum accipere, summum apud vos decus est. Credo tamen, qui prudentiores sunt, nobis potius, quam vobis assipulari. Audi si lubet, Magnam illum Gallicum Regem, Henricum Quartum, de hac redif-

A ferentem in Oratione, quam habuit pro defensione Iesuitarum, coram Senatu Parisiensi, anno 1603. Sic enim loquitur: *At displicet nomen Iesuitarum. Cur igitur non displicent, qui se Religiosi Trinitatis nominant? Cur non filia vestra, qua Filia Dei nominantur? Cur non Equites mei, qui se Ordinis Spiritus sancti vocant? Sane malum dici Iesuita, quam alio nomine Religiosus.* Aptissime ad tuam criminationem retundenda.

8 Tertia & præcipua calumnia est, quod dicis, Iesuitis nihil turbulentius, nihil furiosius, nihil in omni genere, Regibus rebusque publicis Christianis perniciosius existere. Et quomodo hoc probas? Multis mendaciis, quæ tuis verbis hic reponam. Sic igitur scribis, Iesuitarum consilio, suasio, instinctu, sepius impulsu, 1. animus est additus sceleroso Balthasaro, ut Auracum Principem Guilielmum proditoris interficeret. 2. Insignis patria vindex Stephanus Boissay veneno extinctus est. 3. Quorum scilicet in officina est culter, quo interfectus est Henricus Valesius Tertius, Rex Gallia, & sic, qua peris Henricus Quartus. 4. Funestam sibi expeditionem Africanam suscepit Sebastianus Lusitania Rex ultimus. 5. Turbas in tempestinas excitauit Sigismundus Polonia Rex, unde anticum regnum amisit. 6. Subditos suos in exilium populi Ferdinandus Archidux Austria, unde postea profugus, ditionem suam Turcis deuastandam reliquit. 7. Aded dementatus est Guilielmus Bauaria Princeps, ut vitam monasticam Republica gubernaculo, cum magno Republica detrimento pertraheret. 8. Iesuitarum auaritia & ambitione celeberrima Republica Veneta ad extremas nuper redacta est difficultates, unde tamen prudenter & animosè se expedit. 9. Iesuitarum denique consilio & sacramento nefandissimi proditores obfirmati, pulvere suo pyrio abstruse recondito, magno Britannia Monarcha Serenissimo, Regina, Principi, totique regno (nisi gratia id auerisset, & diuina, & summa) exitium ac vastitatem attulissent. Hæcenus tua verba.

9. Dum hæc legerem, occurrebat illud ex Psalmista, Narrauerunt mihi iniqui fabulationes, Psal. 118. 85. Nam certè, præter fabulas, nihil narrasti. Et miror, te vno quasi spiritu, tam multa, tam crassa & putida mendacia efflare potuisse. Nisi fortè, quod probabile est, priuatim in hac maledicendi palestra, aliquot annis te exercearis, antequam publicè specimen dares. Sed poteras eadem facilitate, & eodem mentiendo æstu narrare etiam hæc quæ sequuntur. Iesuitarum consilio, suasio, instinctu. 1. Serenissimus Rex Iacobus in vtero materno penè extinctus est, antequam in lucem editus. 2. Serenissima eius mater Maria, capite plexa. 3. Primogenitus eius filius Henricus, veneno sublatus. 4. In Galliis conspiratio Hugonotorum in eadem totius familie regis occultè conciliata. 5. Inter Reges Danicæ & Suevicæ cruentissimum bellum nuper excitatum. Cur ab his, & similibus abstinuisti? Nam si mentiri volebas, eadem fronte poteras hæc in chartam conicere, quæ illa superiora. Sed videbas, incertique similes quadrare ea potius quam in Iesuitas. Cur hæc saltem, quæ temotiora sunt, non attingisti Iesuitarum consilio & suasio, Adam & Eua, in Paradiso legem Dei transgressi sunt: Cain fratrem suum Abelem interfecit: Abalon contra parentem conspirauit: Archithophel laqueo se suspendit: David adulterium commisit: Salomon idololatra factus est: Ieroboam subditos à cultu veri Dei abstraxit: Iudas Christum prodidit. An nimis antiqua hæc sunt? Sic suspicor. Vobis Nouatoribus noua placent.

A abstinere ab hac calumnia. Et quia non es, nemo fidem tibi habet.

De Principe Aurais.

10. **S**ed tamen videamus, quid garriendo profeceris. Primum ais, *Iesuitarum consilio & instinctu, animam esse additum Balthasaro, ut Auraisum Principem Guilielmum proditorie interficeret.* Quis tibi hoc dixit? An tu primus es, qui de hoc crimine reos agis Iesuitas? Si primus es ubi sunt testes, ubi tabulae, quibus id probas? Nihil horum adducis. Et tamen accusatori non creditur, nisi vel testibus crimen probet, vel certe confitentem habeat reum. Neutrum hic fit. An forte alius ante te, accusatoris officio perfunctus est? Sed quis ille? coram quo Iudice? quo euentu? An rei condemnati, an liberè abire permissi sunt? Nihil respondet ad hæc omnia? sine dubio impoliter es.

11. Et sanè tantùm abest ut Iesuitarum consilio Princeps ille interfectus sit, ut nulla unquam ea de re fuerit suspicio: nec tunc quidem, quando interfectus est. Imò, si historiam rei gestæ expendamus (quod tu, quia semper festinas, facere non soles) omnia alia potius suspiciantur. Historia sic habet. 1. Balthasar Gerardus Burgundus, anno 1584. à Regina Galliarum missus est ad Principem Auraisum, qui tunc Delphis in Hollandia erat, ut eum de morte Alienconij certiorum redderet. 2. Hoc officio perfunctus est Balthasar. 3. Et quia sciebat, Principem Auraisum à Philippo Hispaniarum Rege, tanquam perduellum & patriæ hostem, proscriptum esse? putabat se gratum Regi & patriæ facturum, si illum è medio toileret. 4. Itaque data opportunitate, aggreditur accubantem ad mentam, & scilopo traiecit. 5. Et cum fugam pararet comprehenditur, torquetur, & examinatur accuratissime. 6. Porro, toto illo examine & cruciatu, qui plures sanè dies duravit, nec ipse dixit verbum de Iesuitis, nec ab aliis ipsis interrogatus est. Nulla enim erat de Iesuitis suspicio. Solum percunctati sunt, an ab Hispaniarum Rege, vel alio quopiam, mercede ad hanc eadem perpetrandam conductus esset. Negavit factum; & constanter asseruit, se nec pæce, nec pretio, sed solo conscientie instinctu, & desiderio liberandi patriam à tyranno oppressam, hoc facinus aggressum esse. Nec dolere de successu, nec ullum mortis aut tormenti genus extimescere. Facerent illi secum quod vellent, se constanter omnia perpeffurum. Hæc historia rei gestæ, quam & viri fide digni, qui interfuere, testantur veram esse & iam pridem typis divulgata est. Vide, si lubet, Michaëlem ab Ilsele in *Commentario rerum in orbe gestarum*, circa annu Christi 1584. Laurentium Beycehink in *Opere Chronologico uniuersi orbis*, & alios eiusdem temporis scriptores.

12. An tu Richarde, ex hac historia colligis Iesuitarum consilio eadem illam perpetratam esse? Nec inde, nec ex circumstantiis illius id colligi potest. Circumstantiæ sunt hæc. 1. Nulli tunc erant Iesuitæ in eo loco, ubi cædes facta est. 2. Nulli erat suspicio de Iesuitis. 3. Nunquam auditum est Reginam Galliarum, aut Balthasarum ab ea missum, cum Iesuitis de interfectione Principis egisse. 4. Filius Principis, Comes Mauritius, nunquam Iesuitis obiecit hoc crimen. 5. Imò cum ipsi Mauritio, aliquot annis post, sic intentata esset, nec decissent, qui Iesuitarum consilio intentatam calumniarentur, nihil tamen à Mauritio contra ipsos tentatum est. 6. Neque iam suspectos habet Iesuitas de hoc crimine. Quid tu ergo, mi homo, in suspensionem eos vocas? Si vir bonus esses,

De Stephano Borskay.

13. **S**ecundò ais, *Iesuitarum consilio & instinctu, insignem patriæ vindicem, Stephanum Borskay, veneno extinctum esse.* Et hoc quomodo probas? Nec violente, nec ligno, non apice. Solùm ab eo persuasus es, qui dicebat, 3. Reg. 21. 22. *Ero Spiritus mendax in ore omnium Prophetarum*, id est, Prædicantium. Loquitur enim de talibus Prophetis, quales vos estis, Cur vero Stephanum Borskay appelles insignem patriæ vindicem, non satis intelligo. Hoc contat, rebellem fuisse Imperatori, & cum Turcis conspirasse. An tu eos igitur patriæ vindices interpretaris, qui in maiestatem Regiam aut Imperatoriam contumaces, à Christiani nominis & sanguinis infensissimis hostibus subsidium petunt? Sic apparet. Sed caue, ne Rex tuus id relicitat. Quamquam tam stupidus es, ut non aduertas, ubi, & quando linguam fixare necesse sit. Porro de veneno ut scias, si adhuc nescis, audi quod res est. Ab eo datum est, qui non Catholicus, sed Calvinista, aut certe, Lutheranus erat. Nunc concludo quod vis. Addo, in tota Transylvania, ubi res contigit, nullum fuisse tunc Iesuitam. Vestri Prædicantes dominabantur.

14. Si nimis pauca dixit, lege historiam huius temporis, & pluram uenies; sed parùm ad eorum stomachum. Quod si tibi, qui omnia festinanter facis, non lubet tantum otij in historiarum lectionem impendere; ego laborem hunc subibo, & suggeram quid auctores de hac re scribant. Sic igitur Ianfonius in Mercurio Gallobelgico, circa annum Christi 1606. *Sed ecce, vix hos mox represso, alius exoritur. Borskay quodam Istano duce, qui vel odio Belgiosæ Comitum, vel rerum nouandarum studio, vel ambitionis aestu percitus, huius tragediæ (cuius iam epistolam sane cruentam & fuestam videmus) telum exorsus est. Constat is ex Turcis, Tartaris, Hungaris & Transylvanis magnum exercitum, iamque palam Transylvania Principatum, cuius à Turcis facta ipsi spes erat, affectabat. Et paulo post: Hac victoria, quamvis perfide parata, elatus Borskayus, magnam rerum gerendarum spem animo concepit, Sultano maxime hominis ambitionem & vanitatem promissis alente. Monitus, ut tormenta in tutum locum deduceres, arroganter respondit, aliam restare prædam, ad quam extorquendam his vii vellet. Post hac, accepta à Sultano magna vtauri, publice proclamari iussit, nudam aliam ob causam bellum à se susceptum, quàm religionis. Ita sanctissimo nomine, etiam maxime nefarij conatus velantur. Et infra, circa annum 1605. Georgius Basta Borskayum rebellium Ducem litteris admonuit, ut mutaret animum, arma poneret, seditiosorum mentes ad obedientiam Cæsari debitam renocaret. Hæc & similia Ianfonius de Borskayo.*

15. Iam tu vide, mi Richarde, quæ sit fuerit vir ille, quem insignem patriæ vindicem appellasti. Nimis enim, homo odio, ambitione, & rerum nouandarum studio æstuans; cruentæ & fuestæ tragediæ author; Turcarum stipatus præsidio; Principatum Transylvaniæ à Turcis promissum, palam affectans; perfidus, elatus, vanus, arrogans, nefarius, & contra Imperatorem rebellium Dux. Taceo cetera.

De

De Henrico III.

16. **T**ertio ais, In officina Iesuitarum cunsum esse cultum, quo interfectus est Henricus III. Galliarum Rex. Mitto te ex Gallia exemplum petere. Nescis, qui in Gallia, initio turbarum conspirarunt in necem Regis & totius familiae Regiae? Loquor de Ambianensi Hugonotorum conspiratione. Nescis quis anno 1562. in æde S. Crucis Francisci II. Regis corpus flammis tradiderunt? Nescis, qui eodem anno, Ludouici XI. Regis statuam ludificati sunt, & abscissis cruribus, brachiis ac capite, reliquum truncum in cloacas abiecerunt? Nescis qui anno sequenti, Franciscum Guisium, ad Ligerim, tribus sclopeti globis traiecerunt? Interroga fratres tuos, & dicent tibi. Nihil tale unquam aggressi Iesuitæ: Fratrum tuorum hæc prærogativa est.

17. Quod de Henrico III. adfers, more tuo facis. Vis dicam planius? Mentiris. Henricus ille, anno 1589. à Iacobo Clemente, monacho Dominicano interfectus est. An tu monachum Dominicanum, & Iesuitam pro eodem accipis? Aut si distinguis, an monachum istum à Iesuitis ad internecionem Regis inductam esse affirmas? at nemo vir bonus, ante te, hoc affirmavit. An alij fortè ignorarunt? Mirum est omnes ignorasse. Magis mirum est, Henricum IV. successorem eius, in oratione sua pro defensione Iesuitarum, dixisse hæc verba; *Nec unquam inuentus est, qui ab iis (Iesuitis) necem Regum didicerit. Quare totum hoc, quod illis obicitur, nihil est.* Audis, Richarde? Nihil est, inquit magnus ille Rex quod obicitis. Nullus unquam vel ante, vel post Iacobum Clementem inuentus est, qui à Iesuitis necem Regum didicerit. Si credis Regi, mendax es: si non credis, mendacem facis. Vtrumque alienum à bono viro. Interim remitto te ad Ianssonium, qui totam rem gestam luculentè describit in Mercurio Gallobelgico, ad annum Christi 1589. Vide, an aliquid ibi contra Iesuitas reperire possis.

De Henrico IV.

18. **Q**uarto ais, etiam sicam, qua periit Henricus IV. in officina Iesuitarum cunsum esse. Hic vel maxime minor tuam impudentiam. Collige te, quæso, & adverte, quæ in Gallia post mortem illius Regis facta sunt. Omnia testantur Iesuitarum innocentiam. Sunt autem hæc ferè. 1. Iesuita Cotonus, qui ante eadem erat in aula Regia, post etiam mansit; & adhuc manet. 2. Cor Regis traditum est Iesuitis, & solenni pompa apud ipsos in collegio Flexiensis sepultum. 3. Ludovicus, filius & hæres, regio diplomate, Iesuitarum studia, labores & industriam approbavit. 4. Episcopus Parisiensis, consiliarius Regius, de illorum innocentia præclare testatus est. Denique, Ioannes Antonius Iouilianus, Bibliopola Calvinianus, eo quod libellum famosum in Iesuitas sparsisset, publicè comprehensus, & exilij damnatus est. Hæc sunt clarissima testimonia pro innocentia Iesuitarum. Et ne dubites, planius ea confirmabo.

19. Igitur Ludouici Regis diploma sic habet, *Cum Henricus Magnus dominus & pater noster, in obsequiis bonum, subditorumque suorum commodum, utile ac valde necessarium iudicasset, Iesuitas in regnum suum introducere ac statuere, habito cum Principibus consanguineis nostris, præcipuisque regni ministris maturo consilio, ex ipsorum iudicio, ac suo motu proprio, certa scientia, plena potestate, &*

Opulc. Bec.

A authoritate Regia eisdem Iesuitis, Edicto lato mense Septembris anni 1603. facultatem concessit redeundi & habitandi in locis ac partibus præfato Edicto contentis, aliisque post modum, literis suis concedendis. Quo Edicto in Regio nostro Parlamento Parisiensi registrato 2. Ianuarij, anni 1604. præfatus Dominus & pater noster eisdem Iesuitis plurimas regni huius civitates inhabitandi potestatem fecit: quod quidem summa cum subditorum nostrorum voluptate factum, & executioni mandatum est, qui in educatione filiorum suorum ad pietatem, iuncto bonarum litterarum studio, quidquid optare potuissent, affectu sunt, ac dicto Domino ac Patri nostro adeo probati sunt, ut in ipsorum manus proprium cor deponere statuerit. Quod quidem post eius obitum ipsis traditum, & in Flexianum Templum delatum fuit. Ideo, ne quis voluntatem nostram in dubium revocare possit, ex certa scientia nostra, plena potestate, proprio motu, & authoritate Regia, ob easdem rationes, quæ prædictum Dominum & Patrem nostrum permoverunt, quæque adhuc perseverant præsentibus manu nostra subscriptis, ex iudicio dilectissime & honoratissime Reginae Regentis Matris nostra, consanguineorum nostrorum Principum, ac præcipuorum regni nostri Ministrorum laudamus, confirmamus, & ratam habuimus, laudamus, confirmamus & ratam habemus præfatorum Iesuitarum in hoc regnum nostrum partes, terras, ac dominia nobis subdita admissionem. Ac quantum opus est, aut foret, de uno concessimus ac permisimus, concedimus & permitimus ipsis posse degere ac inhabitare, in quibus admissi sunt, aut in posterum admittentur, observando ea, quæ in præhabito mense Septembris Edicto anni 1603. continentur, aliisque literis ac ordinationibus à prædicto Domino ac Patre nostro factis: quibus placet nobis ac volumus eos uti & gaudere, eadem ratione, qua antehac uti sunt, ac modo utuntur & gaudent. Præcipimus Consiliariis nostris in Curia Parlamenti Seneschallis, ceterisque Iustitiæ administris, quorum opera requiritur, quatenus has literas nostras, ac Iesuitas integrè, pacifice, ac perpetuo uti & gaudere curent, &c.

20. Hactenus Ludouici Regis diploma. Sequitur testimonium Henrici Gondij, Parisiensis Episcopi, & Consiliarii Regij, in hæc verba, *Cum post crudelitatem parricidii, plurimi rumores in hac civitate Parisiensi, in summum Patrum Societatis Iesu damnum disseminati sint, nos eiusdem societatis honori ac fama providere optantes, animadverso, quod non aliunde, quam ex perverso atque inimico adversus dictos Patres animo huiusmodi rumores processerint, omnibus, quorum intererit, præsentibus manifestamus, præfatos rumores meras esse calumnias & imposturas, malitiose contra ipsos conquistas & inventas, in Catholica, Apostolica & Romana religionis damnum. Atque prædicto Patres, non modo penitus ab eiusmodi calumniis immunes esse; verum etiam ipsorum Societatem, tum propter doctrinam, tum propter piam vitam, Ecclesie Dei maxime utilem, & huic Regno valde proficuum. In quorum fidem, &c.*

21. Addam etiam publicam Concilij sententiam de Ioviniano, qui libellum Anticotonum nomine (in quo Iesuitæ à Calvinistis accusabantur de Regicidio in vulgus sparserat. Ea sic habet, *Dictum habebitur ex Concilij sententia, audito super hac causa Procuratore Regio, quod ad reparationem eorum casuum, qui fusi in ipsolitis instrumentis continentur, Ioannes Antonius Iouilianus damnatus est, ipsique damnatus ad multam honorariam foro faciendam, ipso die fori, cum forum ageretur, ubi nudato præter indussum corpore, apertoque capite, flexis genibus, suspensa è collo veste, ac facem pondo duarum librarum manus gestans, alia voce ut exaudiri possit, renunciabit, quod scelestè & malitiose per diversa huius urbis loca proiecerit & sparserit folia, seu chartas impressas extrahas ex libro quodam pernicioso & maligno qui Anticotonus inscribitur ad turbandam quietem publicam, excitandam turbas, & seditionem in hac urbe movendam, composito;*

quod fufius habetur in instrumento litis. Cuius facti peres à Deo, Rege & Iuftitia veniam. In ipfius autem praefentia praedicta folia feu charta frangantur & dilacerabuntur. Inhibemus autem illi, & interdiciamus fub poena capitis, ne fimile quid committat in posterum. Caeterum ad quinque integros annos Regni Gallia exilio illum multauimus & multauimus.

22. Quid iam dicis, Richarde? Adhuc clamas, more Praedicatorum, Henricum Quartum, confilio Iefuitarum interfectum effe? At Ludouicus, filius & haeres illius in fuo diplomate longè aliter de ipsis fentit. Et Henricus Gondius, Confiliarius Regius, ait meram calumniam & impofturam effe, malitiofè & peruerfo animo, à te ac tui fimilibus confictam. Et Confilium Praetoris Parifienfis grauiffimè punit Louilianum, quod eandem calumniam fpargere & propagare aulus fit. Caue, ne fimile quid tibi eueniat.

De Sebastiano Lufitania Rege.

23. Quid ais, Sebastianum Lufitania Regem, Iefuitarum confilio & inflinctu, funeftam sibi expeditionem Africanam fufcepiffe. Quid obiecto hic capis? An, quod Rex ille expeditionem Africanam contra Mauros fufceperit? Nihil hoc mali effe. An quod ipfi funefta fuerit hæc expeditio? At etiam funefta fuit expeditio, quam olim filij Ifraël contra tribum Benjamin fufceperunt. Nam 40. milia ex illis interfecta funt. An igitur accusabis Deum, cuius confilio & inflinctu expeditio illa fufcepta effe? Non opinor. Neque tamen verum effe, quod obiectis, Iefuitarum confilio feciffe Regem Lufitaniae, quod fecit. Lege bonos authores, qui initium, progressum & exitum Africanæ illius expeditionis descripferunt, praefertim Michaellem ab Iffelt in Commentario rerum in orbe geftarum, circa annum 1578. Aubertum Myrum in Chronico, & Genebrardum in Chronologia eiufdem anni. Hi in tota narratione, nullam Iefuitarum mentionem faciunt. At sine dubio feciffent, fi Iefuitarum confilio & inflinctu coepta fuiffet expeditio.

24. Si hoc parum tibi effe, lege Hieronymum Mendozam Lufitanum, qui peculiari libello de hac re edito, luculentiffimè redarguit eos, qui Iefuitas in hoc negotio fufpectos habent. Lege teftem omni exceptione maiorem, Fernandum Rebillum, & ipfum Lufitanum, qui in doctiffimo fuo opere, quod fcripfit de *Obligationibus Iuftitiae & Religionis*, dilerte profitetur, fe coram adfuiffe, & oculatum inspectorem fuiiffe earum rerum, quæ tunc gerebantur, certoque fibi conftare, Iefuitas, & nominatim P. Ludouicum Gonfaluum, qui tunc Sebastiani Praeceptor & Confefarius erat, omnibus modis egiffe, vt Rex in Africam non tranfired, nifi prius Principem aliquam fœminam, fiue Hispaniarum, fiue Galliarum Regis filiam, matrimonio fibi coniungeret, & ex ea aliquot regni hæredes in Lufitania relinqueret. Si id nollit, faltem nulla ratione, nifi ex confilio Pontificis & Epifcoporum Lufitaniz de Africana profectio-
ne cogitaret. Cum nihilominus Sebastianus propofiti fui tenax, nollit à cœpto defiftere, eundem P. Gonfaluum mox ab aula Regia ad Collegium Conimbricenfem, quod plusquam centum & triginta miliaria ab aula distabat, profectum effe, indeque epistolam ad Sebastianum iam in Africa existentem dediffe, qua ipfum ex Africa in Lufitaniam reuocabat. Et verò, tunc rediiffe Regem in Lufitaniam: At poftea, mortuo P. Gonfalu, in Africam reuerfam effe.

ibique in bello contra Mauros periiffe. Hæc, Richarde, fi vir bonus es, negare non potes: Et fineges, omnem hiftoriae fidem negare & labefactare necesse effe. Quod, an prudentis fit, tu ipfe videris.

De Sigismundo Polonia Rege.

25. Sextò ais, Sigismundum Polonia Regem, confilio Iefuitarum, excitaffe intempeftiuas turbas, unde autum regnum amiferit. Audi Richarde. Rex ille in uisus effe, domi militæque fortunatiffimus: Iefuitas amore ac beneficiis protequitur; numquam de iis queftus effe. Quid tu ergo quæreris? Cur, vt Iefuitis obtrectes, etiam Sereniffimo & potentiffimo Regi iniuriam facis? Cur obiectis, intempeftiuas turbas ab eo excitatas? Cur autum regnum, culpa ipfius, amiffum? Vbi que calumniandi occasionem quæris? Et hic quidem præpofterè. Nam cum alij hunc ipfum Regem, vt pientiffimum & catholiciffimum Principem merito venerentur, tu inter intempeftiuos turbatores accenferi vis. Sicut paulo ante, è contrario, cum alij Stephanum Botskayum, vt perfidum & Rebillum Ducem alpernati funt, tu insignem patriæ vindicem interpretatus es. Nimirum ex illis produifti, quibus dictum effe, *Isaia 5. 20. Vae, qui dicitis malum bonum, & bonum malum; ponentes tenebras lucem, & lucem te nebras.*

26. Quod addis de amiffio regno Sueciæ quod iure illi debetur, vtinam dolentis ea vox effet, non infultantis. Et valdè credibile effe, optare te potius quemlibet rebellium Ducem, quam optimum & moderatiffimum Regem, ad Sueciæ coronam reuocari. Causa in promptu effe. Nam ipfe Catholicus; tu hæreticus es. Et tam arctè Catholicus, vt ne puer quidem, cum septennis adhuc effet, à fide Catholica dimoueri vnquam potuerit, cum non deciffent, qui & minis, & blanditijs ad defectionem intigarent. Hinc tot victoriæ diuinitus illi concessæ.

De Ferdinando Archiduce Austriae.

27. Septimò ais, Ferdinandum Austria Archiducem, confilio & inflinctu Iefuitarum, fubditos fuos in exilium pepuliffe. Esto, pepulerit in exilium aliquot fubditos, qui ab illo in fide & religione pertinaciter diffidebant. Esto, fecerit hoc confilio Iefuitarum, quod tu dicis, fed non probas. An apud vos non idem fiet? An non Reges & Reginae vestræ in exilium pellunt fubditos, qui Catholicam & autam religionem profitentur? Et quod crudelius effe, an non bonorum priuatione, carceribus, fqualoribus, ferro, laqueo, & equuleo in eos animaduertant? An non Praedicatorum confilio & inflinctu hoc faciunt? Nega, fi audes. Exempla publica & quotidiana funt. Scio, qui hanc poenam apud vos fufcineant: nec alia, quam religionis causa licet alio prætextu. Et fratres vestræ Hollandia, quid faciunt? An non publico edicto prohibent exercitium Catholicorum? An non Catholicos Sacerdotes & Parochos extra patriam faciffere iubent? Res nota effe.

28. Et tamen inter vos & nos magna distantia effe, Vos iniquè, nos iufte facimus, quod facimus. Vos enim expellitis Catholicos ex iis locis, vbi ab antiquis temporibus floruit & vixit Catholica religio, & fubmittitis Nouatores, qui in iisdem locis peregrini & incogniti funt. Sic facitis in Anglia, Hollandia alibi. Olim foli Catholici ibi vixerunt. Nunc iis

in exilium actis, ingrediuntur Lutherani, Calvinistæ, Mennonistæ, & neicio quæ monstra Prædicantium; de quorum doctrina & Evangelio nihil scitum fuit à nostris maioribus. At nos eam ipsam fidem ac religionem, quam maiores nostri professi sunt, & ab antiquis Patribus per traditionem acceperunt, ubique factam rectam conservare cupimus, & novas novorum Prædicantium sectas ac dissensiones, tanquam perniciosa lolia, iure merito eradicamus. Sic facimus in Austria, Bavaria, Franconia, Vvestphalia.

29. Accedit, quod vos in vestro negotio promovendo non modo iniqui sitis, ut iam dixi, sed etiam perfidi. Extant pacta conuenta, quæ quotidie à vobis violantur. Et ne longè abeam, in Belgio, publica fide pacti estis, non impedituros exercitium Catholicorum Harlemij, Goesæ, Amsterodami, Ultraicæ, Grauiæ. Quotidie impeditis; quotidie proscribitis, arceitis, comprehenditis Sacerdotes, qui huic exercitio destinati sunt. O perfidiam! O fidem punicam!

30. Vis, proferam pacta, quæ extant? Accipe. Ex pactis in dedicatione Harlemensi, anno 1577. articulus secundus sic habet, *Ad religionem quod attinet, functiones Romanæ religionis in urbe Harlemensi exercendas, tam inter Ecclesiasticos & religiosos, quam inter seculares, inter viros aque ac feminas, quibus illa placebunt: Et quidem detrimento, iniuria omni famota ita severe, ut promulgandum sit & servandum & dictum, quo mandabitur, ut omnes, qui Romanæ religionis sectatoribus iniuriam ullam, impedimentum, aut detrimentum intulerim, velut perturbatores publicæ tranquillitatis sine conniventia aut indulgentia acerbè castigandos.*

31. Ex pacto conuento cum Goësanis & Suistbeuerlandis initio anno 1577. articulus I. sic habet; *Quandoquidem urbs Goësanorum & Insula Suistbeuerlandia, præteritis bellis magna ex parte non conspiraverunt cum aliis Insulis & urbibus Zelandiæ, adhaerunt etiam exercitio Catholice Romanæ religionis, non aliter, quam illi, qui in Brabantia, Flandria, aliisque provinciis vivunt; Placet dicto Principi, ut in dicta urbe & Insula, eadem redigio continetur: promittendo rata fore, quæcunque in hanc rem articulo IV. pacificationis concessa & decreta sunt & proinde non permittendum ulla ratione ut ullus, quicumque ille fuerit in dicta urbe & insula quidquam molietur adversus publicam tranquillitatem & pacem, nominatim vero adversus dictam Catholicam Romanam religionem, & illius exercitia: non etiam permittendum, ut ullus, religionis illius causa, iniuriam, vexationem, molestiam ullam subeat.*

32. Et satisfactione data Amsterodamensibus anno 1578. articulus I. sic habet: *Nec in urbe Amsterodamensi, nec in toto dominio illius ac territorio, ullam aliam licebit promulgare, docere, vel exercere religionem, præterquam antiquam, Catholicam Romanam. Et nulli licebit quicumque qualiscunque fuerit, quicquam agere aut moliri contra publicam tranquillitatem, præsertim contra Catholicam Romanam religionem, aut functiones illius, aut illius causa, quæcunque dicto factone vexare aut ledere, aut scandalum adferre. Qui id egerint, plectuntur velut perturbatores publicæ tranquillitatis ac pacis.*

33. Ex fœdere pacto cum Ultraicænsibus, anno 1579. articulus V. sic habet: *Qui Romana sunt religionis, pro parochiali templo retinebunt sibi Ecclesiam S. Gertrudis, cui annectentur, qui in Parocia sunt S. Nicolai. Qui verò suberant Parocia Burkercke & Parocia S. Jacobi, adoptent sibi, velut Parochiale templum, Ecclesiam Prædicantium, ibique libere suas functiones omnes observent & peragant.*

34. Ex reconciliatione urbis Grauiæ, anno 1602. articulus IV. sic habet: *Veteribus & novis Beginis & fratribus cruciferis Monasterij S. Agatha potestas sit manendi in suis Monasteriis, & ibidem tranquille agendi.*

Opusc. Bec.

Adi, absque ullius infestatione. Placet quæque ut idem fruantur viantur suis rebus, tam patrimonialibus, quam monasterialibus, nec liceat census eorum aut conscribere, aut suspendere, quocunque demum prætextu. Idem eodem modo concedetur omnibus aliis Ecclesiasticis personis utriusque capituli in hac urbe, quibuscunque placebit istis servare residentiam: quibus etiam pastorem huius urbis super hac adductum communerari & eodem nostro statu gaudere volumus. Articulus verò III. sic habet: Omnes Ecclesiastici, seu viri, seu femina, nullo deinceps, Catholici etiam cives & inquilini manebunt in exercitio Catholice religionis, sine cuiusquam contumelia, viventes in omni tranquillitate. Quam ad rem concedetur iis Ecclesiæ novi Beginarij, ut in illa & Matrimonium & Baptismus Catholicorum persequerentur, non ullo unquam tempore e medio tollatur.

35. Hæc omnia pacta à vobis violantur. Ite nunc, & perluadete populo; Catholicos fidem datam non servare; vos illibatam tenere: Contra fit; Catholici servant, vos minimè. De quo argumento plura dicere, nisi iam pridem contra Batavum quendam, aliquot libellis, satis prolixè id pertractassem. Ad te remitto. Et quod Batavo dictum est, tibi dictum puta, altis enim eiusdem farinae homines.

De Guilhelmo Bavaria Duce.

36. *O* Ctaud ais, Guilhelmu Bavaria Ducem, concilio Iesuitarum adeo dementem esse, ut vitam Monachicam Republica gubernaculo, cum magno Republicæ detrimento præstulerit. Quid audio? Serenissimus Bavariæ Dux Guilhelmus, qui in Germania prudentissimus semper habitus est, te iudice dementatus est? Nescio: maiori impudentia, an calumnia hoc dicas. Non legisti illud in Evangelio: *Qui dixerit fratri suo, Fæse, reus eris gehennæ ignis?* Et tu tantò Principi probum hoc obicis? Sed cur obsecro, dementatum putas? Quia, inquis, *Monachicam vitam Republica gubernaculo præstulit.* At, mi homo, etiam Angli Reges id fecerunt, Sigebertus, Elteredus, Chencredus, Offa, Inas, Ceolulphus: etiam alij Reges, Rachiarius & Pipinus in Italia, Bamba in Hispania. Veremundus in Castella, Ramirus in Aragonia, Carolomannus in Austrasia, Trebellius in Bulgaria, Ioannes in Armenia: Etiam Imperatores, Lotharius & Hugo: nec pauci Duces, Algerius Aquitaniz, Anselmus Mutinz, Vigellius Spoleti, Guilhelmus Burgundiz, Dietlandus Sueviz, Franciscus Gandiz. Hi omnes deposito sceptro ac diademate privatam ac religiosam vitam amplexi sunt, ut videtur est apud Hieronymum Platum libro secundo de bono status religiosi capite 26. & alios Scriptores. An tu idè dementatos fuisse dixeris? Non sapis ea, quæ Dei, sed quæ mundi sunt. Et quæ coram Deo summa sapientia est, tu, qui carnalises, dementiam interpretaris. Longè aliter res habet, quàm tu putas, Status religiosus, sceptro ac diademate præferendus est. Audi Chrysostomum de hac re differentem in sermone de comparatione Regis & Monachi, ubi inter cætera sic ait, *Rex urbibus, provinciis, populisque multis præsidet: at Monachus invidia, avaritia, voluptate, et aliis animi morbis imperat, & cogitationem supra res omnes humanas erectam tenet. Atque hunc quidem Regem verius, quàm illum dixerimus, quippe qui, si libidini sitimoribus feriat, non ipse populis imperat, sed ea quibus ipse patet, & quorum ex præscriptione monetur. At Rex quidem cum Barbaris bellum gerit, idque pro terrarum finibus, pro opibus, pro auro: At Monachus cum demonibus depugnat, quorum & impetus acriores, & natura excellentior est, atque idè victoria præclarior: finis autem pro pietate, pro*

Dei cultu. Qualis autem utriusque vite consuetudo? Hunc videas cum Prophetis versantem, Pauli sapientiam haurientem à Mose ad Eliam, ab Elia ad Ioannem, à Joanne ad alium quempiam transeuntem. Itaque ut fieri solet, eorum quibuscum versatur, similis efficitur. Rex verò cum parasitis, cum adulatoribus, cum militibus gloriosis vitam traducit: Vigilat ille de nocte, ut cum Deo colloquatur, ut cum angelis vivat, ut celestibus bonis fruatur. Hunc autem, qui gentibus & populis dominatur, videas eo tempore in lecto distentum & stertentem, parum à mortuo differrentem. Rex, ut valde sit beneficus, aurum tamen largitur: ille verò spiritum gratia atque ipsorum etiam corporum beneficia à Domino impetrat precibus suis: & nihil equi oderunt, fugiuntque demones, ut Monachi preces, ad quas leges ipsi non raro compulsi confugiunt, ut Ahab ad Eliam, Ezechias ad Isaiam. Denique mors Regi horribilis est; Monacho etiam grata: Et ille mortem semper rimetur, eamque ob causam milites semper adhibet sui corporis custodes: Hic autem non modo neminem timet, sed etiam alias urbesque totas precibus suis, tanquam muro communit. Hæc & similia Chrysostomus.

37. Quæ tamen non ideo adduxi, quasi verum sit Serenissimum Bavarix Ducem Guilielmum Monachicam aut religiosam vivendi disciplinam amplectum esse, quod tu falso comminisceris, sed potius ut ostenderem, quàm inanis sit hæc tua ratiocinatio? *Monachicam vitam prædidit Reipublicæ gubernaculo: Ergo dementatus est.* In qua quidem ratiocinatione, & antecedens falsum est, & inepta consequentia.

38. Quòd porro addis, magno Reipublicæ detrimento id factum esse, grandis in Serenissimi Principis filium calumnia est. Nam perinde est ac si dicas, Maximilianum Guilielmi filium, non tam bene administrare Rempublicam, quàm Guilielmus ante eum fecit; ideoque magnum Reipublicæ detrimentum esse, quod parens filio administrationem commiserit. Nec alio fundamento nititur hæc calumnia, quàm mera inscitia & impudentia, quæ summa in te est. Unde enim tibi constat de illo Reipublicæ Bavarorum detrimento? An subditi Bavarix apud te questi sunt? Ne notus quidem in Bavaria es. Nemo scit, tale portentum, quale tu es, in Anglia inclusum esse. An Prædicantes tibi narrarunt? At fabulas illi narrant, sicut & tu soles. Sed tamen, si narrarunt, quod illud Reipublicæ detrimentum est? An fides Catholica labefactata? An opes patriæ exhaustæ? An pax Reipublicæ perturbata? Nihil horum. Floret nunc Bavaria sub Serenissimo Maximiliano filio, sicut floruit sub Serenissimo Guilielmo parente. Uterque prudentissimus est, uterque populo suo charissimus, uterque in gubernatione felicissimus. Hoc interest, quod alter alteri, filius parenti, junior seniori, hæreditario iure in officio subrogatus sit. Nec sine exemplo hoc factum. An nescis Carolum V. superiori sæculo, sponte cessisse Imperio, & fratri Ferdinando, qui ipso iunior erat, regendum commisisse? Cur, quod licuit in Imperio, non liceat in Bavaria? Sed video quid te premat. Serenissimus Maximilianus, superioribus annis, Donauerdam occupavit; Catholicæ religionis exercitium restituit; Prædicantes vestros abire iussit. Hoc te male habet. Hoc magnum scilicet Reipublicæ detrimentum est.

De Venetis.

39. **N**ond ais, *Rempublicam Venetorum, ambitione & avaritia Iesuitarum, ad extremas difficultates nuper redactam esse.* Mirus homo es. Videris mihi,

A paucis illis diebus, quibus libellum tuum effudisti, totum orbem Christianum obivisse. Nam primum ex insula vestra in vicinam Hollandiam deportatus es. Mox in Galliam excurristi. Inde in Lusitaniam & Africam delatus. Repente in Poloniam, Sueciam, Austriam & Banariam deuectus. Denique, transmissio mari, Venetias appulisti. Quæso te, quomodo id factum est? An idem tibi euenit, quod olim Helix contigit, qui à spiritu Dei arreptus, in remotissima loca, quasi momento temporis, deferri solitus est? Credat hoc tuus Heliseus: Ego certè persuaderi non possum. An fortè per somnium hæc omnis tua peregrinatio peracta est? Hoc verisimilius. Nisi (quod aliquis suspicari possit) is, qui apud Iob loquitur; *Circumiteram, & perambulabam, te comitem itineris sui esse voluerit.* Nolim hoc asserere.

40. Sed ad rem. Ais Venetos, *Ambitione & avaritia Iesuitarum, ad extremas difficultates fuisse nuper redactos.* Et sine dubio, loqueris de lite, quæ inter Venetos & Pontificem fuit orta. Sed bis peccas. Primum, quia cum lis illa sopita sit, tu illam tuo flabello resuscitare non debes. Hoc seditiosorum hominum est, & ab illo spiritu solet inspirari, qui dormientibus alijs, in medio tritici superseminat zizania. Nosti quem dicam. Secundò, falsum est litem illam Iesuitarum ambitione & avaritia fuisse excitatam. Extant acta utriusque partis: Volue & reolve quoties lubet: Non inuenies culpam apud Iesuitas nisi in tuo cerebello.

De Anglis.

41. **D**ecimò ais, *Proditores in Anglia, consilio & sacramento Iesuitarum, conatos esse Regem cum tota familia à medio tollere.* Proditionem non probo. At Iesuitarum consilio subornatam esse, fabula est, quam multi refellerunt. Tu nondum refellisti quod fratribus Calvinistis obiicitur, conatos fuisse serenissimum Regem vestrum in utero materno extinguere, antequam lucem aspexisset. Nec unquam refelles, nisi Regem ipsum mendacij arguas. Ipse enim de hoc crimine pridem eos accusavit. Si oblitus es, audi. In præfatione Monitoria sic scribit: *Ego à Puritanis (id est, Calvinistis) non solum à natiuitate continuò vexatus fui, verum etiam in ipso matris utero propemodum extinctus, antequam in lucem editus essem.*

42. Hæc non libenter audis Malles de Iesuitis, quibus proditione obiicis, audire aliquid. Sed quorsum? Si negem factum, non poteris probare. Et verò à Catholicis negatum hæcenus est: à vobis probatum nunquam. Quid frustra tecum litigabo? Remitto te ad bonos auctores, qui nullo sinistro affectu, sed solo veritatis studio, rem totam publici iuris esse voluerunt. Eorum vox hæc est, totam accusationem ex odio Iesuitarum, à vobis confectam esse.

43. Et vide, quàm parùm legitima sit accusatio. Plerique vestrum sic eam instituunt: Garnetus Iesuita audiuit confessiones eorum, qui fuerunt authores conspirationis in Regem: ergo in confessionibus factus est certior de eorum conspiratione. Ergo debuit monere Regem de hac re: Non monuit. Dignus igitur suspendio est: Et verò suspendatur. Tu sic instituis: Garnetus Iesuita audiuit confessiones eorum, qui fuerunt authores conspirationis: Ergo sciuit aliquid de conspiratione: Ergo consilio ipsius conspiratio facta est. Nam hanc particulam, *consilio Iesuitarum*, tu addis, quam alij prætermittunt.

44. Nec tua, nec aliorum valet consequentia. Tua

hæc est; Garnetus scivit aliquid de conspiratione proditorum: ergo consilium dedit ut conspirarent. Inepuissimè. Perinde est, ac si dicas; Deus scivit aliquid de conspiratione proditorum: ergo consilium dedit, ut conspirarent. Sic ex Caluini schola didicisti. Aliorum hæc est, Garnetus in sacramentali confessione intellexit factam esse conspirationem: ergo debuit Regi significare. Quin potius sic inferendum erat; Garnetus in sacramentali confessione intellexit factam esse conspirationem: ergo non debuit significare, sed secretò apud se seruare. Nescitis, quæ in confessione dicta sunt, sub sigillo dicta esse, & nullo modo (citra voluntatem penitentis) prodii aut manifestari posse? Nescitis, Deo potius, quàm homini dicta esse? Nisi etiam in Deum accusationem institui posse arbitramini.

Nova accusationis capita.

45. **N**ondum est finis mendaciorum ac calumniarum tuarum. Pergis eodem itinere, eadem fronte, qua cœpisti. Quid ergo restat? Adducis noua accusationis capita. Sed antequam illa persequamur, quid, hætenus à te effectum sit, obiter commemorabo. Summa eorum, quæ calumniosè effudit, hæc est. Primò, Iesuitas esse homines turbulentos, furiosos, Reipublicæ noxios. Secundò, eosdem à Regibus & Principibus in consilium adhiberi, & adhibitos esse, præsertim à Sebastiano in Lusitania, Sigismundo in Polonia, Ferdinando in Austria, Guilielmo in Bauaria. Tertio, hos ipsos Reges ac Principes, esse homines intempestiuos, demenciaeos, sibi metipsis funestos, Reipublicæ detrimentosos. Est hoc, mi Richarde, Regum ac Principum patrociniū suscipere, quod tu facere videri vis? Nemini persuaseris. Potius est, per latera Iesuitarum, reges ipsos ac Principes confodere. Si id negas, adigam te, ut reuoces quod dixisti: Et quidem hoc dilemmate; Reges illi ac Principes quos nominasti, vel, te Iudice, probi & prudentes sunt, vel improbi & imprudentes. Si hoc posterius asseris, non patronus, sed accusator eorum es. Si illud prius, etiam Iesuitas probos ac prudentes esse affirmare debes, quod tamen negasti. Nam certè reges & Principes, qui probi ac prudentes sunt, improborum ac imprudentium hominum consiliis uti non solent. Hic vide quid respondeas.

46. Audicturus es, Reges illos ac Principes, de quibus sermo tibi est, probos quidem esse, sed non satis nosse malitiam & flagitia Iesuitarum? Audio. Sed si illi non norunt, qui ipsis familiares sunt, quomodo tu nosti, qui vix vnquam eos saluasti? et obsecro te, cur illi eos, quos tu nosti, non norint? An non chartæ Prædicantium, quæ clamant noxios esse Iesuitas, æquè ac Regum & Principum, quam ad tuas aures deferri possunt? Ne dubita. Sed narrabo tibi quod res est. Norunt viri Principes, quotidie fumosos libellos à vobis Prædicantibus spargi & erubescere in Iesuitas, sed non credunt vobis. Sciunt, mentendi ac calumniandi studio vos id facere. Sciunt; alios esse Iesuitarum mores; alios à vobis fingi & promulgari. Ex quo collige, quod opportunum hoc loco est, nullius fidei homines vos esse apud Magnates: Quia quantumuis elanosè vociferemini, Iesuitas esse improbos ac furiosos, illi vobis etiam iuramento asserentibus, fidem non habent. Et quod mirum est, quod maximè vos vultis perditos & exterminatos, omni ope tuerentur illi ac defendunt. Hæc vobis radix amariudinis est, de qua supra querebais: *Hic lapis offensionis & pæne scandali.*

Opusc. Bec.

47. Si nescis, & hoc accipe. Illustrissimus Imperator Matthias, Potentissimi Reges Hispania, Gallia, Lusitania, Polonia, Hungaria, Bohemia, Reuerendissimi & Illustrissimi Principes Electores, Suichardus Moguntinus, Lotharius Treuirensis, Ferdinandus Coloniensis: Serenissimi Archiduces Austria, Duces Bauaria, Lotharingia, Brabantia: Reuerendissimi & Illustrissimi Principes Imperij, Bambergensis, Herbipolensis, Paderbornensis, Monasteriensis, Hildesienensis, Spirensis, Vormatiensis, Argentinenensis, Constantienensis, Augustanus, & quotquot præterea in Italia Principes sunt: Hi omnes, inquam, in suis Imperijs, regnis ac prouincijs, non modo admittunt Iesuitas, sed etiam fauore ac liberalitate prolixè eos prosequuntur. Nec curant vestras calumnias & mendacia, quibus obruere eos vultis. Imò cum necesse est, publicis testimonijs, edictis ac diplomatibus, illorum innocentiam tuerentur, & vestras criminationes retundunt, quod non semel factum est.

I. ACCUSATIONIS

CAPITULUM

48. **S**ed videamus nunc reliqua accusationis tuæ capita. Primum est, *Iesuitas in Gallia & in omni regno propositum esse, ut Academicos omnes, vel maxime Sorbonicos, possessionibus suis iniuria pellant, atque in eorum omnium fortunas longè latèque ac impare dominentur.* Vnde hoc scis? An ipsi suum propositum tibi apauerunt? Non credam. An ex tumore Prædicantium audiuisti? Sic opinor. Nam illorum calumnia est, Iesuitas auaros ac ambiciosos esse. Sed sæpius refutata. Et quidem luculentissimè ab Henrico IV. Galliarum Rege, qui in oratione sæpe citata sic habet: *Quod Iesuitæ sint ad rem attentiores, calumnia est.* (Aduerte calumniator.) Et rursum: *Sane obstupesco, vnde nam illis virum ambitionis affingitis.* Merito obstupescit Rex. Et tu, mi homo, obstupesceres, si ratione uti velles. Nam Iesuitæ, quod non ignoras, plerique honesto loco nati sunt: nec pauci inter illos, ex nobilissimis Baronum, Comitum ac Principum familiis oriundi. Quæ porro insania esset, huiusmodi homines, cum sponte deseruerint opes ac dignitates; quibus in domo paterna augeri & cumulari poterant; nunc in statu religioso, vbi paupertatis & modestiæ schola est, in alienas opes ac dignitates velle grassari? Absit hoc à liberali indole, quæ in tali hominum genere esse solet. Sed vos, vestro pede vultis metiri alios. Vos, inquam, Prædicantes, qui domi pauperes & famelici, in ecclesiasticorum bona & possessiones inuaditis; Monasteriorum redditus ac fundos deprædamini, Sacerdotia, Prioratus & Abbatias, in vxorum & liberorum vestrorum vsum conuertitis. Nosti cetera.

49. Et vero, ne hoc præteream, quis vnquam ex familia Baronum, vel Comitum, vel Principum repertus est, qui in vestram Prædicantiam tribum transcribi aut transire dignatus sit? Nemo, opinor. Aut, si aliquis, quis ille est? At plurimi tales, inter Iesuitas sunt. Ex iis aliquos recensèbo. Ac primò occurrit Pater Ignatius, è præcipua Cantabrigie nobilitate; Loiolani Comititis filius. Secundò, P. Franciscus Borgia, Dux Candiensis. Tertio, Pater Claudius Aquaiua, Adriensis Ducis filius. Quarto, Pater Rudolphus Aquaiua, eiusdem nepos, & duorum Cardinalium frater. Quintò, Pater Antonius de Padilla, Adelantadus Castellæ. Sextò, Pater Innicus de

Guevara, Bouini Dux. Septimò, P. Antonius Cordubensis, Ducis Feriz filius. Omitto infinitas propè alios, qui ex nobilissimis Galliz, Italiz, Hispaniz, Angliz, Scotiz, Belgii, Germaniz, Poloniz familiis oriundi, Iesuitarum Societatem amplexi sunt, & quotidie amplectuntur.

50. Audi rem lepidam, quæ in Polonia contigit, & nostro huic instituto, accommodatam. Accepi ab homine, qui interfuit. Instructum erat solenne prandium, ad quod vocati viri Principes, tum Catholicæ, tum alterius religionis, non pauci. Ibi, ut fieri solet, disceptatio de fide orta est. Qui doctiores habebantur, sua quisque proferebat. Astabat niles Catholicus, qui quoddam literis operam non dedisset, audiebat quidem, sed tacebat. Rogatus à quodam, festiue magis, quam serio, quid ipsi de tota re videretur, respondit sine fuco, Catholicis se adherere. Et quo argumento inquit alter, probas te rectè id facere? Tum ille; Ego quidem, ait, literarum rudis sum, sed tamen, si bona vestra venia liceat, dicam pro me, quod occurrit. Annuit iste, sicut & ceteri, qui assidebant. Hortantur hominem ut pro se loquatur. Nec mora: Conuertit se primùm ad virum Principem alterius religionis, & sic eum affatur. Domine mi, habes filios tres aut quatuor. Si vnus ex illis Prædicantis officium obire vellet, quid factururus esses? Ille, præ indignatione, stomachabundus respondit, malle se, ut quotquot haberet filios, in malam crucem irent potius, quam ut quisquam tam infami nota familiam suam funestaret. Siluit aliquantisper miles, & mox ad alium Principem, qui Catholicus erat, conuersus; Quid tu, inquit, de hac quaestione sentis? Si filius tuus Iesuitarum familie se adiungeret, quo animo tu id ferres? Equissimo, inquit ille: Et vtinam Deus hanc mentem illi inspiraret, ut tam laudabili Societati se adiungat. Tum miles, Nihil iam opus est, inquit, de religione amplius disputare. Audistis, qui Catholicam docent, in pretio esse; qui alteram infames censeri. Secutus est risus & applausus: Et magno ludibrio, qui Prædicantibus fauebant, sublata mensa, discesserunt.

51. Huc etiam spectat, quod memini, cum in Belgio adhuc adolescens essem, Virum nobilem solitum esse per iocum dicere, duo mala per nouam religionem sublata esse, *morbos & flagitia*. Nam neque circumforaneos amplius, neque carnifices vsquam apparere: utrosque noui Euangelij præcones factos esse. Intellegis mysterium. Quàm verè id dixerit non disputo. Hoc scio, sæpe locum habere, quod in Proverbio dicitur; *Locustem vera dicere quid verat*? Sed quia hæc bilem tibi mouent, ad tuas calumnias & mendacia, quorum odore vehementer video te oblectari, redeamus.

II. ACCUSATIONIS

C A P V T.

61. **I**gitur secundum accusationis tuæ caput est, Iesuitas acriter persequi Sacerdotes Pontificios; & putare, suam salutem in sacerdotum ruina, suam gloriam in sacerdotum infamia, suam felicitatem in sacerdotum calamitate positam esse. Hic videris puerili quadam loquentia calumniam exornare voluisse. Sed frustra: Nam hoc quidem fuco, præsertim apud homines cordates, nihil efficies. Aliis argumentis opus est, si persuadere vis. Et sane, nunquam persuadebis. Nam aliter res ipsa loquitur. An non Iesuitæ palam tam editis libris, tum publicis concionibus, ac tri-

me defendunt auctoritatem & piscporum & totius ordinis ecclesiastici immunitatem tuerentur? An non Parochis aliisque sacerdotibus prolixè offerunt suam operam in excipiendis subditorum confessionibus, in habendis ad populum exhortationibus, in instruenda per catechesin iuuentute? An non erudiunt & promouent alumnos Principum, qui ad functiones Ecclesiasticas deputati sunt? An non variorum ordinum religiosos, qui ad ipsorum scholas mittuntur, omni studio ac conatu, quo par est, iuuant, excitant, & ad maiora quotidie pietatis ac doctrinæ incrementa cohortantur? Nihil certius, ac extant passim exempla in Germania, Bauaria, Austria, Franconia, Belgio, alibi. Tu nihilominus tam maleuolus es, ut hoc interpreteris, quasi Iesuitæ nihil aliud, quam Sacerdotum ruinam, infamiam, & calamitatem in votis habeant? Abi vpera. Nihil antiquius habent, quàm illorum salutem, gloriam & felicitatem. Ac omnino dant operam, ut dignitas, splendor, & maiestas ecclesiastica, quæ per hæreses collapsa videri poterat, pristino nitore restituatur.

53. Sed quid moror in accusatione hac depellenda? In vestrum caput illa redundat. Vos hic rei ac nocentes estis. Vos, inquam, Prædicantes, qui ne nomen quidem Sacerdotis ad aures, sine stomacho, admittitis: qui in Anglia, Scotia, Hollandia, seuerissimis edictis, sacerdotes omnes proscribitis: qui illorum sacerdotia & prouentus ecclesiasticos in spuria vitulina absumitis. Et tamen, quasi viri boni essetis, totam hanc inuidiam in Iesuitas, qui innocentes sunt, detorquere, & vestram impudentiam quasi velo quodam obtegere satagitis. Sed nemo, ut supra dixi, vobis credit.

III. ACCUSATIONIS

C A P V T.

54. **T**ertium accusationis caput est, Iesuitas suam dignitatis suæ splendorem constituere in Regum coronis vel illudendis, vel labefactandis, vel transferendis, vel funditus delendis. Iterum narras tua somnia Richarde. Sed tamen, de quibus Regibus hoc intelligis? An de Rege Hispaniæ? At vos insensilli estis, non Iesuitæ. Vos ut verbis vestris vtar, *omnibus omnium Evangelicorum armis*, ex regno suo expellendum esse decernitis. Vos coronam eius in Indiis illusam & labefactatam videre optatis. Vos in Hollandia, Phrygia, legitimam eius iurisdictionem excluditis. Vos denique passim conquerimini, potentiam illius, Iesuitarum studio ac industria, plus æquo quotidie crescere.

55. An de Rege Galliæ? At iam supra monui, Regem Galliæ Henricum IV. cor suum Iesuitis tradi, & in illorum templo sepeliri voluisse, quod & factum est. An hoc voluisset, si suam coronam per Iesuitas illusam, deletam aut labefactatam aduenisset? Nihil minus. At cur vobis sectæ Calvinianæ Prædicantibus cor suum non credidit? Nimirum, ut apud Æsopum est, *terrebat illum vestigia*. Sciebat, quàm crudeliter, quàm ignominiosè in corpus Francisci, & statim Ludouici Vndecimi, essetis olim in Gallia debacchari.

56. An de Rege Poloniæ? At ipsius corona quotidie crescit, magno Iesuitarum applausu; non minore Prædicantium luctu. An de Regibus Daniæ & Sueciæ? At illi ipsi inter se nuper contendebant; & alter alterius coronam labefactare conatus

est. Nec Iesuitarum consilio id fecerunt. Utinam nec vestro.

57. An denique de Regē Britanniz? Sed plus ille à vobis Prædicantibus sibi metuit, quàm à Iesuitis. At meritò. Adhuc meminit, quid sibi in Scotia, quid Serenissimæ Matri in Anglia acciderit à vestris Calvinistis. Vis repetam? Vestri Calvinistæ conati sunt illi vitam & coronam, cum adhuc in utero materno clauderetur, per summum scelus eripere: Matri verò re ipsa eripuerunt. Certè si de vna corona securus non fuit, quid nunc fiet, cum etiam altera insignitus est? An qui vnam illi inuidistis, alteram non inuidebitis? Caueat sibi Rex. Notæ sunt Calvinistarum fraudes.

IV. ACCUSATIONIS

CAPIT.

58. **Q**uartum accusationis tuæ caput est, Iesuitas persuadere Regum subditis, se non tam Regum suorum, ut pote Papæ Vassallorum, quàm Romani Pontificis supremi in temporalibus Domini totius mundi subditos esse. Et iterum; Iesuitas invidiam vnicè incumbere, id erigere moliri, ut Papæ sit & agnoscat totius mundi Dominus in temporalibus: Reges verò omnes non fundi Domini, sed Papæ Vassalli regnis suis pro arbitrio Pontificis exuendi. Post hæc verba incipis exclamare in Iesuitas, & hortari Reges Christianos, ut ipsos è suis regnis expellant. Sed quid proficis? Nihil Reges Christiani, ut non semel dixi vobis Prædicantibus non credunt. Imò hanc ipsam calumniam quam inuidiosissimè obiiicis, iam pridem Christianissimus Galliarum Rex, Henricus Quartus, in sua oratione, coram Senatu Parisiensi, retutavit his verbis; *Quod Iesuitæ de Pontifice Maximo optime sentiant, eumque venerantur, id quoque ipse facio. Actamen non sum nescius, nihil ab iis amplius de Summi Pontificis potestate dici aut doceri, quàm reliqui Theologi Catholici docet Ecclesia. Neque vero aliquid docem, quod Ecclesiastici mihi non tribuant, quod est tribuendum.* Quid clarius dici potuit, aut quid aptius ad tuam criminationem retundendam? Iesuitæ, inquit Rex, nihil amplius docent de potestate Pontificis, quàm reliqui Theologi & Ecclesia Catholica. Iam sublime quod vis, & concludes quod non vis. Si non potes iuuabo te. Quæro igitur, an reliqui Theologi & Ecclesia Catholica benedocant de potestate Papæ, an secus? Si benè, quid peccant Iesuitæ, qui idem docent? Si malè, cur solos Iesuitas in invidiam vocas? Cur non similiter reliquos Theologos & Ecclesiam Catholicam, cum qua Iesuitæ consentiunt, eadem accusatione perstringis? Sed nihil opus est hac dissertatione. Lege libros Iesuitarum, & vide quid doceant. Lege, inquam, Bellarminum lib. 5. de Pontifice c. 2. Ludovicum Molinam tractat. 2. de iustitia disput. 19. concl. 1. Ioannem de Salas in tract. de legibus disp. 7. sect. 4. & alios. Nihil inuenies pro tua calumnia.

Obiectiones in Becanum.

59. **E**t hætenus quidem in totum Iesuitarum ordinem debacchatus es. Nunc speciatim in me calamum stringis, his verbis; *Farina istius Iesuiticæ vultus existit Becanus.* Verum est. Ego Iesuiticæ, at tu Prædicanticæ farinæ vnus existis. Nec mihi hoc probro, ut tu putas, sed honori ducendum esse interpretor. Nam farina Iesuitica, si nescis, ex puro tritico,

at Prædicantica, ex glandibus, fabis & lolis collecta est. Et hæc quidem portatur à furibus, qui post tres dies suspendendi sunt; & volucres cæli ex ea comedunt (Gen. 40. 16.) De illa verò prædictum est ab Helia 3. Reg. 17. 14. *Hydria farina non deficiet, nec lectylus olei minuetur usque ad diem, in qua Dominus datus erit pluviam super faciem terræ.* Intelligenti pauca.

60. Sed tamen, quid habes contra Becanum? Hæc obiiicis. Primò, quod variè sentiam de primatu Regio in temporalibus. Secundò, quod oppugnem primatum Regium in spiritualibus. Tertio, quod eundem primatum labe dissidii Anglicani aspergere conatus sim. Quarto, quod hoc misere, falsè, frivole, pueriliter & scurriliter fecerim. Quintò, quod nesciam in quo consistat primatus Regius in spiritualibus. Singula discutiam.

OBIECTIO I.

61. **P**rimò ergo sic obiiicis: *Becanus in primatu Regio in temporalibus varius est. Nam in hoc libello (id est, in dissidio Anglicano) Paulum V. Pontificem & Bellarminum commendat, qui scriptis suis Roma huic transmissis, eundem oppugnant: In illo autem contra Regis Præfationem Monitoriam, eadem his verbis suis, suis propitiis, primatum in temporalibus quisque Rex in suo regno legitima habeat.*

62. Respondeo. Scripsi varios libellos de primatu Regio. Tu duos ex iis citas: Alterum, qui inscribitur, *Dissidium Anglicanum de primatu Regio*: Alterum qui inscribitur, *Serenissimi Iacobi Angliæ Regis Apologia, Monitoria Præfationis Refutatio.* In his duobus ais me varium esse, & in priori aliter sentire, quàm in posteriori. Non ita est, mi homo. Ego varius non sum, sed tu ineptus es; at quod rectè à me dictum est, tu sinistrè interpretaris. In priori libello commendavi Paulum Quintum Pontificem, & Bellarminum Cardinalem, non quod primatum Regium in temporalibus oppugnant, ut tu falsò affirmas, sed quod dixerint, Catholicos non posse salva conscientia præstare iuramentum fidelitatis, sub ea verborum formula, quâ illis à Rege propositum est. Et causam addidi, quia in ea formula dicitur, Pontificem in nullo casu posse Regem, quantumvis flagitiosum & Republicæ nocentem deponere. Hoc cum falsum sit iuramento confirmari non potest.

63. In posteriori scripsi hæc verba, *Primatum in temporalibus quisque Rex in suo regno legitima habeat.* Tu putas hæc verba pugnare cum priori mea sententia. Non pugnant non magis quàm hæc duo inter se: Rex habet primatum temporalem in suo regno. Et, Rex potest priuari Primatu temporali. Quis hoc neget? Ne vos quidem in Anglia. An non Serenissima Maria, Serenissimi Iacobi mater habuit primatum temporalem in Scotia? Omnino habuit. An per vos, de facto, priuata non est? Nemo dubitat. An tunc, cum priuaretur, vestro iudicio pugnant hæc duo inter se, *Regina habet primatum temporalem.* Et, *Regina priuatur à vobis primatu temporali*? Si tunc non pugnant, quomodo nunc pugnant? Aut si vos non eratis tunc varij, quomodo in meliori causa me varium esse affirmas? Repeto quod dixi, *Tu ineptus es; Ego varius non sum.*

OBIECTIO II.

64. **S**ecundò sic obiiicis: *Becanus primatu Regio in spiritualibus & Ecclesiasticis perimaciter infestat.*

adversarius est. Respondeo. Et tu primatui Apostolico in spiritualibus & Ecclesiasticis pertinaciter infestus es. Vter nunc rectius facit? Tu qui auferis Apostolis & Episcopis quod Christus illis dedit an ego, qui non do Regibus, quod Christus illis non dedit? Audiamus argumenta utriusque partis. Ergo pro Apostolis & episcopis vrgeo illud, Actor. 10. 28. Attendite vobis & universo Gregi, in quo vos spiritus sanctus posuit Episcopos regere Ecclesiam Dei. Vos pro regibus sic argumentamini; Dicitur est de Tiberio, Date Caesaris quae Caesaris sunt. Dicitur est de Herode, Dicite illi vulpecula. Dicitur est coram Pilato, Ego sum veritas. Quid concluditis? Hoc scilicet, Ergo Reges habent primatum ecclesiae. Pudeat vanitatis & inscitiae. Et tamen Tookerus vester in duello sic concludit.

OBIECTIO III.

65. Tertio sic obicitis. *Becanus enim primatum Regium in spiritualibus, suis scriptiunculis concutere non potuerit (neque enim ipsa inferorum porta eundem possunt euertere) Dissidij cum Anglicani labe aspergere, & tenebris offusis: quo minus appareat, obscurare conatus est. Respondeo. An meis scriptiunculis Primatum Regium in spiritualibus concusserim, iudicent illi, qui ab assentandi studio alieni sunt. Tu certe, qui Regis assentator es, iudex esse non potes. Dissidium Anglicanum de primatu Regis, quod nuper euulgavi, nondum à te sublatum est. Scripsisti quidem Concordiam Anglicanam de eodem Primatu, sed quae solo nomine Concordia est. Nam certe, tantum abest, ut sub praetextu concordiae sustuleris Dissidium Anglicanum, ut potius à te auctum & confirmatum sit. Hoc infra ostendam. Quod addis, *Portas inferorum* non posse primatum Regium in spiritualibus euertere; non prudenter facis. Nam illa sententia de primatu Apostolico, non de Regio, à Christo prolata est. Nec ullus tunc erat Primatus Regius in spiritualibus. Iam primum in Anglia novum illud monstrum orbi Christiano, infelici portu natum est.*

OBIECTIO IV.

66. Quarto sic obicitis; *Sed quam id misere, false, friuole, pueriliter, scurriliterque quasi fecit, Tractatus iste meus de concordia in primatu Ecclesiae Regio Anglicana, facit manifestum. Respondeo. Non possum aliam laudem à Prædicante expectare. Et vitio mihi vertendum esset, si à te laudari vellem. Sed tamen quam vera sint, quae obicitis examinandum est. Primum ais, in misere, friuole & pueriliter scripsisse, quod scripsi. Si ita est, cur paulò post (nimirum in Praefatione ad Catholicos in Anglia) disertè fateris, me pulchre, astute & scienter id fecisse? Hæc non coherent. Aut quid opus erat tanto Heroe, quantus scilicet tu es, qui miseram, friuolam & puerilem scriptionem refutaret? Addis, etiam falsò & scurriliter me scripsisse. An putas me vnum esse ex grege Calvinistarum, inter quos tu vnus es? Calvinistarum privilegium est, mentiri & scurras agere. In meis libellis, quotquot scripsi, nulla scurrilitas, ut opinor, nullum mendacium demonstrari potest. In Caluino, Beza, Parro, Grasero, Batauo, & similibus Nouatoribus, ista propudia querenda sunt. Nec diu, & laboriosè querenda, ubique obuia sunt.*

OBIECTIO V.

67. Quintò sic obicitis; *Becanus, levis armaturæ vix miles gregarius, hæret in ipso limine & quæpiam clausula et. Primatum siquidem Ecclesiae Regium ponit in potestate excommunicandi, beneficia conferendi, & supremum fidei controuersiarum Iudicem agendi. Respondeo. Si me conferam cum Scriptoribus Catholicis, qui hæcenus vestros errores ac hæreses refellerunt, fateor me esse levis armaturæ gregarium militem. Et hoc nomine, quam maximè gaudeo, quod ecclesia nostra Catholica tam instructum ac ordinatum habeat exercitum in quo alij sunt cataphracti, alij leuis armaturæ milites: alij Duces seu Imperatores belli, alij in communem gregem redacti. Hic ordo apud vos non est. Singuli volunt esse militiæ Principes: nemo putat se aliis inferiorem esse. Nimirum hoc faciunt hæresis & superbia.*

68. Sed tamen aduerto, nostros gregarios milites plus negotij vobis facessere, quam vellentis: Et qui Duces belli apud vos sunt (quales omnes esse vultis) vix vni ex nostris gregariis pares esse posse. Quanti Duces apud vos sunt, episcopus alienus, Decanus Lichfeldensis, Ricardus Thomsonius, Robertus Burhillus, Henricus Salcolbrigiensis, & similes? Et tamen hi omnes, quantis possunt viribus in me vnum, qui gregarius tantum miles sum, ut tu affirmas, impetum faciunt. Nec fugio ex acie. Sto, staboque, *quandiu spiritus hos reget & us.*

69. Poterò, si tuo iudicio, gregarius miles ego sum, non video, quid sibi velint illa tua verba, quæ ibidem scribis: *Primatum Regium in temporalibus, Bellarminus, in spiritualibus, Becanus, ad conuellendum, Primarius à Papa designati & constituti sunt Emissarij* Nam si ego cum Bellarmino Primarius sum, quomodo vix gregarium appellas? Aut, si vix gregarius sum, quomodo primarius esse possum? Mendacem oportet sui memorem esse, ut est in proverbio.

70. Quod audis, *hæret me in ipso limine*, vide, quam verum sit. Potius dicam, mentiri te in ipso limine. Non enim, ut tu falsò mihi imponis, pono Primatum Ecclesiae Regium in potestate excommunicandi, beneficia conferendi, controuersias fidei dirimendi. Nullum enim agnosco Primatum Ecclesiae Regium. Mera chimera est, Hoc solùm dico, inter vos Anglos dissidium esse, an illa potestas, quam recensui, pertineat ad Primatum Ecclesiae Regium, quem vos fingitis, nos repudiamus. Et ita res habet. Verè in hoc puncto dissidetis inter vos, ut ostendi in *dissidio Anglicano*, & alibi ostensurus sum.

Epilogus epistolæ Richardi.

71. Atque hic est finis obiectionum tuarum contra Becanum. Deinceps, epilogi loco, conuertere te ad Serenissimum Regem, his verbis, *Iam verò, tractatus hic meus, licet minutus, ut pote nonem dierum labore confectus, sub ala Maiestatis vestra: Regio nomine, velut numine relictus gestit prodire, suppliciter ac dimissè rogans Maiestatem vestram, ut primatum Ecclesiae Regium, quem nos arte accuratèque defendimus calamo, vos digni mini scepro propugnare, v.g. Aduersarios illi omnes perditæ rebelles virga ferrea comminere, in primis verò Jesuitas, quibus haud pauci è transmarinis regionibus clanculum repentes, subditos vestros quam plurimos, venenato illius exotici ac*

heretici dogmatis poculo, de Primatu Papali, infectum; neque latius serpsit, & per omnes venas, nervos, arterias regnorum vestrorum, sensim sine sensu disseminatur, novam hanc, calidissimam, periculosissimam, & maxime compendiosam rationem, antiquus ille serpens, eorum mentibus iniecit, ut novum erigerent sodalium, quod Dine Maria vocant, constans ex viris & mulierculis laicis, non tantum plebeis, sed etiam primariis nonnullis viris, etiam in Magistratu constitutis, quibus imponitur frequens confessio, qua secreta rerum publicarum & regnorum expiscantur. Quod quidem novum ac nuper institutum, in secta Jesuitica propagationem, in temporale totius mundi & absolutum Papa dominium, in regum denique ruinam vere Christianorum, affabre concinnatum, Pontifex confirmavit, & plenaria indulgentia adornavit.

72. Hic est Epilogus epistolæ tuæ Dedicatoriæ ad serenissimum Regem, in quo tot vitia sunt, quot in malo scriptore esse possunt. Sunt autem hæc præcipua. 1. Rusticitas. 2. iactantia. 3. crudelitas. 4. calumniæ. 5. mendacium. Rusticitas est, quod cum tota epistola sit dedicatoria ad serenissimum, ne semel quidem, nec in principio, nec in progressu, honoris causa, Regem compellaveris, sed iam demum in Epilogo id facias. In exordio factum oportuit. Ibi aut salutandus Rex erat, aut captandæ benevolentiae loco aliquid illi insinuandum. Tu tam præposterus fuisti, ut nulla vel reuerentiæ, vel obsequij præmissa significatione, epistolam tuam à mendaciis & calumniis ordiri volueris; & tandem in fine, omnem illam mendaciorum & calumniarum cloacam, in sinum Regiæ maiestatis effundere. Parum urbanè.

73. Iactantia est, cum addis, *Nos Primatum Ecclesiæ Regiæ arte accuratè que defendimus calamo*. Sine dubio, alludis ad illud ex Fabulis, *Nos per omnia natamur*. Nam fabulis video te oblectari. Ad marginem notari poterat, *Hic auctor commendat seipsum*. Sed tamen, quàm tu accurate id feceris, postea videbimus. Nunc solum moneo, prodigiosæ cuiusdam iactantiæ signum esse, cum ita loqueris. *Becanus misere, falsè, frivole, pueriliter, scurriliter scribis. Ergo arte & accurate*.

74. Illud porro crudelitatis argumentum est, quod tam scribè hortaris serenissimum Regem, ut omnes, quotquot non agnoscunt Primatum Ecclesiæ Regiæ, id est, omnes Catholicos, *virga ferrea comminuat*. Itane, mi Richarde, qui Evangelij Christi præco esse vis, optas omnes Catholicos ferro trucidari? Agnosco spiritum Calvinisticum sanguinarium virulentum. Similem notavi in Tookero vestro, qui & ipse florentissimum Principem Henricum, serenissimi Regis primogenitum, in suo Duello, ad similem carnificinam cohortatus est.

75. Calumniæ duplex est. Una, quod doctrinam de Primatu Pontificis, *venenatum exoticum & heretici dogmatis poculum* appellas. Altera, quod asseris Sodalitium B. Mariæ Virginis ex instinctu diaboli erectum, in eoque primarios viros, & qui in Magistratu sunt, adscriptos esse. Ex priori sequitur, invidiosissimum Imperatorem Matthiam, potentissimos Hispaniæ, Galliciæ, Poloniæ, Bohemiæ, & Hungariæ Reges, serenissimos Austriæ, Bavariæ, Lotharingiæ, Brabantiae Archiduces & Principes, & quotquot præterea Primatum Pontificis agnoscunt, hæreticos esse, & ex venenato poculo exoticum spiritum bibisse. Ex posteriori, viros primarios, qui in Magistratu sunt, diabolico sodalicio mancipatos esse. Satin sobriè hæc scripsisti, mi homo?

76. Mendacium triplex. Primum, Sodalitium B. Mariæ Virginis novum esse, ac nuper à Jesuitis institutum. Alterum, Jesuitas per illud Sodalitium moliari, ut Papa in totum orbem habeat absolutum dominium temporale. Terrium, Jesuitas in excipiendis con-

sessionibus, scrutari secreta regnorum & rerum publicarum. Hoc triplici mendacio obsignas epistolam tuam ad serenissimum Regem. Sed Rex facilè aduertet signaturæ falsitatem. Et quis non aduertat Ego memini, Sodalitatem B. Virginis ante annos 34. floruisse Busciducis in Brabantia, cum nulli essent ibi Jesuitæ. Nam hi ante biennium istam urbem primum ingressi sunt. Nec tunc illius Sodalitij scopus erat, ut Papa haberet absolutum dominium temporale in totum mundum, ut tu invidiosè comminisceris, sed ut ciues probi essent, & in vera fide ac religione constanter perseverarent, quod etiam, magno vestro luctu & lualore, factum est. Porro, in confessionibus audiendis hoc agitur, ut conscientia ab omni scelere purgetur, facilius divino servitio mancipentur, & æterna felicitate post hanc vitam frui possint. Secreta regnorum & rerum publicarum ad illud tribunal non spectant.

EXAMEN

Præfationis ad Catholicos in Angliæ.

Hæcenus discussi Epistolam tuam Dedicatoriæ ad Serenissimum Regem, & nullam ferè eius partem præpergrèssus sum. Nunc vno tantum verbo, Præfatio tua ad Catholicos discutienda est. Igitur in ea præfatione præter alia, hoc vnum præcipuè occurrit notatu dignum, quod per calumniam & mendacium scribis, me de proditoribus usurpasse illud Apostoli, *Spektaculum facti estis Deo, & Angelis, & hominibus*. Non usurpavi de Proditoribus, sed de iis Catholicis, qui propter fidem & religionem, vel in carceribus apud vos detinentur, vel in exilium missi sunt, vel bonis omnibus ac fortune spoliati, vel etiam martyrio affecti. Nosti qui sint.

EXAMEN

Responsionis ad dissidium Anglicanum.

Hæcenus Epistola tua Dedicatoria cum Præfatione examinata est, in qua nihil præter mendacia & calumnias reperire potui. Venio nunc ad id, quod controuersia inter nos caput est, nimirum, ad concordiam tuam Anglicanam, vel potius ad Responsionem, qua conaris dissidium Anglicanum, quod vobis obieci, ad concordiam reuocare. In qua quidem responsione, ut candidè dicam quod sentio, plus etiam, quàm in Epistola Dedicatoria, videris festinasse. Quo factum est, ut duo gravissimi errores à te commissi sint. Vnus in citandis authoribus. Alter in augendo potius, quam tollendo dissidio. De utroque dicam.

Falsæ Richardi citationes.

1. ET quidem authores, qui à te citati sunt, adèd mala fide citati sunt, ut facilè appareat, nunquam te ipsos inspexisse. Citasti Concilia, Patres, Ius canonicum, Historicos, omne genus testium, sed, ut plurimum, præuè, oscitanter, distortè, ridiculè. Et quod mirum est in solis quinque pagellis plasmam

viginti falsę citationes notatz à me sunt. Aliquot earum recensibo, ex quibus, quid de ceteris sentiendum sit, facilis erit coniectura.

3. Igitur pag. 4. ex Gratiano dist. 9. cap. *Innocent.* citas Pontificem asserentem: *Sibi datam esse omnem potestatem, tam in celo quam in terra.* Sed falsò Nam dist. 9. nullus extat eiusmodi canon. Imò percurte omnes distinctiones, quotquot apud Gratianum sunt, non inuenies. Extat quidem vnus in secunda parte Decreti 22. quæst. 4. cuius initium est, *Innocens*: sed ibi nulla sit mentio eorum verborum, quæ à te citata sunt.

4. Ibidem ex Chrysostomo hom. 33. in Mattheum, citas hæc verba; *Quicumque desiderat Primatum in terra, inueniet confusionem in celo.* Iterum falsò. Nam verba illa non habentur in Chrysostomo, sed in alio autore, qui Chrysostomo coniunctus est. Nec prudenter à te citata sunt. Nam si nudè ea spectes, non minus contra Regem Angliæ, quam contra Pontificem citari poterant. Nam sicut tu iubumis: *Pontifex desiderat Primatum in terra. Ergo inueniet confusionem in celo*, Sic ego iubtumam; *Rex Angliæ desiderat Primatum in terra: Ergo inueniet confusionem in celo.* Si autem sensum spectes qui reuera spectari debet, non faciunt contra Primatum, sed contra ambitionem. Nam author distinguit hæc duo; desiderare honorem Primatus, & consequi Primatum. De priori sic loquitur; *Primatum honoris concupiscere, vanitas est. De posteriori sic; Primatum autem consequi, iudicij Dei est.* Loquitur autem promiscuè de utroque Primatu tam seculari, quam Ecclesiastico, ut ex textu patet. Igitur sensus est, vanitatis arguendos esse qui ambiunt Primatum honoris. Qui verò legitimè & sine ambitu consequuntur Primatum, diuino iudicio consequi. Quis hoc neget?

5. Pag. 5. citas ex vita Bonifacij VIII. quæ habetur in sexto Decretalium hæc verba: *Bonifacius VIII. per supplicationum solennia; Imperatoris habitum ornatus inaccessit Corona aurea, Cesaris in modum, redimitus, toga picta fulgens stricteoque, iussu ipsius, prelato gladio.* Etiam falsò. Nihil tale ibi est. Sed nec in Platina, à quo constat totam vitam Bonifacij accurate scriptam esse. Fortè, in fabulis Anglicanis simile aliquid reperisti. Sed illæ fidem extra Italiam non habent.

6. Pag. 7. citas ex c. *Cum inter nonnullos*, in extrauag. pag. 22. hæc verba, *Reges & Imperatores, de iussu & voluntate Christi, à Papa accipiunt potestatem.* Nescio, magis falsò, an ridiculè. Falsò quidem, quia in illo capite nihil tale habetur. Ridiculè, verò quia pro Extrauagante Ioannis 22. posuisti Extrauagantem pag. 22. Et cum in sexto Decretalium habeantur hæc verba. *Extrauag. Cum inter, Ioann. 22. de verborum significatione*; tu ex mera inscitia & ignauia, supposuisti hæc. *Extrauag. Cum interp. 22. An idem tibi est, Ioannes, & pagina?* Certè pueri in citando ineptiores esse non possunt Nisi aliter proficias, Doctores Canonici iuris ad Baccalaureatum nunquam te admissuri sunt.

7. Pag. 8. citas ex Concilio Africano c. 92. hæc verba, *Adtransmarinam iudicia qui putauerit appellandam à nullo inter Africam in communionem suscipiatur.* Vnde colligis, non licuisse tunc appellare ad Pontificem Romanum? At hæctenus nullum vidi Concilium Africanum quod cap. 92. habeat huiusmodi verba. Et constat ex optimis authoribus, semper licitam & vsitatam fuisse appellationem ad sedem Apostolicam. Vide Concilium Sardicense cap. 3. 4. & 7. & Honorium Imper. in Epist. ad Arcadium, quæ refertur in tomo primo Conciliorum, inter epistolas Innocentij primi.

8. Ibidem ex Concilio Constantinop. 2. can. 36. citas hæc verba Cypriani, *Nemo nostrum Episcopum esse Episcoporum constituit.* At nec illa verba ibi repe-

riuntur, nec Ciprianus vnquam interfuit vlli Concil. Constantin. Vbiq; rudis & peregrinus es. Nullam temporum aut locorum cognitionem habes. Et repente Magister esse vis?

9. Ibidem adducis hæc verba; *Plenitudo potestatis Papa superat omnem legem positam: Et sufficit, quod in Papa sit pro ratione voluntas,* cum hac citatione: *Extra de constitut. Ecclesiast. Sancta Maria. n. 9.* Iterum falsò & ridiculè. Nam neque illa verba habentur ibi, neque locum legitimè citasti. Sic oportuit citare. *Extra: de Constitutionibus, c. Eccl. sancta Maria,* Saltem nunc aliquid addisce, ne semper in citando puer ac ignauus videaris.

10. Ibidem ex Gratiano, 9. qu. 3. *Neque ab Augusto*, citas hæc verba, *Et si totus mundus seminiaret in aliquo negotio contra Papam, standum esset sententia Papæ. Jura enim omnia in serinio pectoris sui habere videtur.* Nihil proficis, Richarde. Adhuc semel docebo te. Debebas hoc modo citare, *Cap. Nemo indicabit, 9. quæst. 3.* Nam initium capitis non incipit ab his verbis *Neque ab Augusto*, ut tu somnias, sed ab his, *Nemo indicabit.* Nec tamen ibi reperiuntur verba à te citata.

11. Pag. 9. citas ex glossa dist. 19. cap. *Si Romanorum*, hæc verba, *Quod Papa approbat vel reprobat, & nos approbare vel reprobare debemus. Quisquis ergo non obediis statutis Romana Ecclesia, hæreticus est censendus.* At glossa non habet hæc posteriora verba. A te, nouo Glossatore, addita sunt. Quanti autem momenti sint huiusmodi noui Glossatores in Anglia, non satis scio. Certè, extra Angliam nullius sunt.

12. Pag. eadem citas ex alia glossa, dist. 40. c. *Si Papa*, hæc verba, *Sacrilegius instar esset, disputare de facto Pape.* Sed eadem fide, qua ante. Glossa non habet huiusmodi verba sed potius contraria. Sic enim disertè loquitur, *Si notorium est crimen Papa, & inde scandalizatur Ecclesia, & incorrigibilis sit, credo quod inde possit accusari.* Facile apparet te nec Canones, nec Glossas vidisse vnquam. In fabulis melius versatus es.

13. Pag. 10. Ex beato Rhenano, qui scripsit annotationes in librum Tertuliani aduersus Praxeam, citas hæc verba, *Episcopus Romanus Montanizans*, id est, sequitur hæresin Montani. Iam toties te monui de mala fide. Sed video oleum & operam in te perdere. Beatus Rhenanus in suis Annotationibus non habet illa verba, sed hæc, *Rectissime egit Romanus Pontifex, qui illam confictam Montani prophetiam damnauit.* Quæ planè repugnant istis prioribus, nisi in tua Grammatica idem valeant hæc duo, *Montanizare, & Montanum damnare.* Sed scio, quæ erroristui causa sit Typographus. vel alius quispiam (præter Annotationes Rhenani) posuit ad marginem libri Tertulliani quasdam notulas, quæ Lectori indicant materiam, de qua agitur. Itaque quodam loco posuit has duas voces, *Episcopus Romanus*, quia ibi sermo erat de Episc. Romano. Et paulò post, posuit separatim hanc *Montanizat*, quia scilicet Tertullianus defendebat ibi Prophetiam Montani, quam Pontifex damnauerat. Tu, nulla habitatione veritatis ac fidei, coniunxisti illas voces hoc modo, *Episcopus Romanus Montanizat.* Pudeat imposturæ.

14. Pag. 11. ex Concil. Constantinop. act. 6. 13. citas hæc verba, *Anatematicari curauimus Honorium, qui fuerat Papa antiqua Roma, quia in omnibus mentem Sergij secutus est, & impia dogmata confirmans.* Nec dum rectè citare didicisti. Sic oportuit. *Concil. 6. Generali. Act. 13.* Deinde sequeris fraudem & versutiam Græcorum, qui ex inuidia inseruerunt nomen Honorij, cum constet Honorium non fuisse ibi damnatum, ut ex Athanas. Bibliothecario & aliunde probat, Bel-

larmen. libro 4. de Roman. Pont. capite 11.

15. Pag. 12. ex Gratiano, dist. 81. ca. Si quis, citat hæc verba Pontificis, *Qui præcepto nostro obedire noluerit (scilicet ad necandum Dominum suum Regemque nativum) idololatriæ peccatum & paganitatis incurrit.* Non legisti hoc caput. Nec initium eius est, *Si quis*, sed, *Si quis*. Nec Pontifex ibi decernit, eum incurrit peccatum idololatriæ, qui non voluerit ipsi obedire in necando nativo Rege, ut tu nequiter calumniaris; sed presbyteros & diaconos, qui moniti non voluerint abstinere à crimine fornicationis; itémque eos, qui huiusmodi presbyterorum & diaconorum, postquam Ecclesiæ introitus interdictus ipsis est, officium audire præsumpserint. Consule canonem & inuenies.

16. Ibidem ex Bellarmino lib. 4. de Roman. Pont. cap. 5. §. ultimo, citat hæc verba: *Si Papa præcipere vitium, aut prohibere vir. utem, Ecclesia tenetur credere, virtutem esse malam, & vitium esse bonum.* Pessima fide, Bellarmin. sic habet; *Non potest fieri, ut Pontifex erret, præcipiendo aliquod vitium, vel prohibendo virtutem quæ tunc erraret etiam circa fidem: Nam fides Catholica docet, omnem virtutem esse bonam, omne vitium esse malum. Si autem Papa erraret, præcipiendo vitia, vel prohibendo virtutes, teneretur Ecclesia credere vitia esse bona, & virtutes malas, nisi vellet contra conscientiam peccare.* Ex hoc dilecti patet, Bellarminum absolute non affirmare id, quod tu illi asingis, sed sub conditione argumentari hoc modo: Dato vno absurdo, sequitur aliud. Si ergo demus vnum absurdum, nempe, Pontificem posse errare in necessariis præceptis morum, sequitur alterum absurdum, nempe, subditos debere credere erranti.

17. Omitto reliquos autores, qui in iisdem pagellis, & alibi falso à te citati sunt, præsertim Cyprianum, Martinum Polonum, Æneam Sylvium, Concilium Carthagenicæ, Hostiensem, Panormitanum, Clementem, plures alios, quos certum est, nunquam te legisse. Quid putas dicturum Serenissimum Regem, quando hæc intelliget? Qua fronte, quibus oculis aspexitur est tuum libellum, quem tot falsitatum criminibus infamem, ipsius Regiæ Maiestati, nullo veri aut honesti respectu, dedicasti? Meminisses saltem quid in simili casu Philippo Plessæo contigisset. Nosti, opinor, historiam. Aut si nescis, sicut pleraque alia nescis, verbo repetam. Plessæus superioribus annis scripsit Tractatum de Eucharistia. In eo plusquam 400. falsæ citationes ab Episcopo Ebroicensi qui nunc Cardinalis est, notatæ sunt. et cum Plessæus tergiversaretur coram Christianissimo Rege Henrico Quarto, publice de hoc crimine convictus est. Sape alterius malo. et certè si tuus libellus ad eam molem, qua Plessæi Tractatus est, servata proportionem exerceceret, non 400. tantum, sed 800. aut mille falsitates in eo reperiri possent. Nisi forte aliter rem institueres, quam hæcenus cœpisti.

DISSIDIUM.

Quam ignavus & improbus fuisti in vitandis authoribus, tam infelix es in componendo Dissidio, & asserenda Concordia Anglicana. Nec mirum. Non enim potest esse stabilis ac vera concordia, quæ non nisi falsis tabulis ac testibus probari potest. Nec dissidium tolli, sed augeri necesse est, eum à veritate receditur. quod sanè tibi accidit. Non sustulisti dissidium, sed auxisti. Id facile ostendam repetendo singula Dissidij capita, quæ aliàs à me posita sunt, & simul discutiendo, quid tu ad singula respondeas? Sunt autem hæc capita.

- A 1. An Rex Angliæ habeat aliquem primatum in ecclesia?
2. An Primatus ille sit ecclesiasticus & spiritualis?
3. An Rex ab eo primatu vocari possit Primas ecclesiæ?
4. An ab eodem vocari possit supremum caput Ecclesiæ?
5. An Primatus ille consistat in aliqua potestate vel iurisdictione ecclesiastica?
6. An Rex, ratione sui Primatus, possit indicere Concilia, & in iis præsidere?
7. An possit leges ecclesiasticas condere?
8. An beneficia ecclesiastica conferre?
9. An episcopo creare & deponere?
10. An contumaces excommunicare?
11. An iudicem controuersiarum agere?
12. Vnde Rex habeat suum Primatum?

In his capitibus, ut aliàs ostendi, extremè dissident Scriptores Anglicani, præsertim hi. 1. Sacellanus in Tortura Torti. 2. Guilielmus Toocker in Duello. 3. Richardus Thomsonius in Elencho refutationis Torturæ Torti. 4. Robertus Burhillus in responsione pro Tortura Torti. 5. Henricus Salcolbrigiensis in refutatione examinis Becanici. An tu eos ad concordiam redegeris, breuiter inquirendum est.

I. CAPUT DISSIDII.

An Rex Angliæ habeat aliquem Primatum Ecclesiæ.

1. **P**rimum dissidium est de nomine *Primatus*. Plerique admittunt hoc nomen. At Richardus Thomsonius malit *Suprematum*, quam *Primatum* appellare. Ratio ipsius est, quia Primatus significat potestatem eiusdem ordinis. At Rex in Ecclesia Anglicana non habet potestatem eiusdem ordinis cum Episcopis & Pastoribus, sed altioris ac diuersi ordinis. Ergo non habet Primatum, sed Suprematum. Verba Thomsonij, pag. 33. sunt hæc: *Nos in Anglico nostro idiomate belliores longe sumus, quam per inopiam Latini sermonis, nobis Latine effelicuit. Non enim dicimus, The Kings Primacie Regis Primatum, sed, The Kings Supremacie Regis Suprematum. Quo vocabulo nos quoque deinceps utemur. Multum enim differunt Primatus & Suprematus. Illud enim potestatem eiusdem ordinis videtur significare, hæc non item.*

2. Hinc duo colligimus. Vnum est, omnes anglos, qui vtuntur nomine Primatus, vel errare, vel improprie loqui, si Thomsonio credimus. Nam si proprie loquuntur, cum Primatus proprie significet potestatem eiusdem ordinis, planè sentiunt Regem habere potestatem eiusdem ordinis cum episcopis & Prælatibus ecclesiæ. at hîc, iuxta Thomsonium, error est: Vel igitur errant, vel improprie loquuntur.

3. Alterum est, de re significata coniecturam sumi posse ex voce significante *Vox Suprematus*, noua & nuper inuenta est, incognita antiquis Patribus: inusitata in Scripturis; orbi Christiano inaudita. Quid porro significat? Supremam potestatem Regis in Ecclesia. Et hæc igitur noua est. Sanè, si antiqui Patres, tam Latini, quam Græci agnouissent hanc potestatem reperissent aliquod saltem vocabulum, quo eam proprie expressissent. Id verò à nemine factum est.

Responsio Richardi examinatur.

D Vo hic obiicis, Richarde. Primò, hanc litem esse de nomine. Ita est. Nec aliud vgeo. Nisi quod ego Dissidium; tu litem appelles. Igitur ex mea sententia, Angli dissident, ex tua litigant de nomine Primatus. At si dissident & litigant, ubi Concordia est, quam promittis? Nimirum, in ipso ingressu de concordia desperas. Et si litem de nomine dirimere non potes, quid de re ipsa futurum est?

5. Sed tamen, si Thomsonium audis, hæc lis de nomine contemnenda non est. Nam qui aiunt Regem habere Primatum ecclesie significabant habere Potestatem eiusdem ordinis cum Episcopis & Pastoribus. At hic magnus, non modo in voce, sed in re ipsa error est: Igitur non modo in voce, sed in re ipsa errat qui ita loquuntur; quid respondes ad hoc? Planè dissimulas.

6. Secundò obiicis hanc meam consequentiam non valere: Thomsonius nouam vocem *Suprematus* excogitauit. ergo res ipsa noua est. Et similiter esse huic: Patres in Concilio Nicæno nouam vocem *Imperium* excogitarunt: Ergo res ipsa noua est. Hanc potius admitti posse: Vox *Iesuitarum* nuper inuenta est. Ergo Iesuitæ sunt nouitij. Vbiq; erras, Primò quia falsò imponis mihi illam consequentiam. Non dixi esse consequentiam, sed coniecturam. Secundò, quia tibi ipsi contrarius es. Nam ex vna parte negas hanc consequentiam. Vox *Suprematus* noua est: Ergo res noua est. Ex altera, admittis hanc; Vox *Iesuitarum* noua est: Ergo res noua est. Si hæc valet, cur illa non valeat? Aut contra, si illam negas, cur hanc admittis? Tertio, falsum est, vocem Iesuitarum nouam esse. Tam antiqua est, quam vox Christianorum. Et vtraque voce, idem significatur. Hoc supra monui. At Calvinistarum, Puritanorum, Geusiorum, Hugonotorum vox noua est. Quartò, ridiculum est, vnum Thomsonium conferre cum tot Patribus Concilij Nicæni, & quod his licuit, etiam illi licitum esse, affirmare. Esto, Patres illi, qui totam Ecclesiam representabant, vnanimi consensu, & ex instinctu Spiritus sancti, excogitarint nouam vocem in negotio fidei ac religionis; an idèò quilibet priuatus homo, ex priuato cerebro, præsertim aliis aliter sentientibus, legitimè facere id potest? Nisi fortè in eo sit apta cõparatio, quod sicut Patres illi excogitarunt nouam vocem *Imperium*, ad abolendam vocem *Imperium*, quâ Ariani utebantur; sic Thomsonius excogitarit nouam vocem *Suprematus*, ad abolendam vocem *Primatus*, qua Rex, Sacellanus, Burhillus & alij Academicij vtuntur. Et rursum, sicut Patres Nicæni habebant omnes pro hæreticis, qui utebantur voce *Imperium*, sic Thomsonius habeat pro hæreticis, qui vtuntur nomine *Primatus*. At, quæ hæc concordia est? Immane potius dissidium.

II. CAPVT DISSIDII.

An Primatus ille, quem rex habet in Ecclesia, sit Ecclesiasticus & spiritualis?

1. **S** Vb Henrico & Edouardo, semper appellatus fuit Primatus Ecclesiasticus & spiritualis, vt patet ex Sanderò de Schismate Anglicano, ubi sic habet, *Caluinus Henrici Primatū Ecclesiasticum oppugnauit. Item, Episcopus Roffensis, quod Henrici Primatum Ecclesiasticum nolle confiteri, ad mortem producit. Item,*

A Multi in custodia propter negatum Ecclesiasticum Regis Primatum detenti. Item, Henricus mandauit, vt filius in fide Catholicæ educaretur, excepto Primatus Ecclesiastici titulo, quem ei reliquit. Item, Stephanus Vinconensis, Edmundus Londinensis, Cuthbertus Dunelmensis, Nicolaus Vigorniensis, & Datus Cicestrensis Episcopi, nimirum restiterunt pueri Regis Primatus spirituali: Imò simpliciter subscripserunt.

2. Sub Maria, quæ Edouardo fratri succedit, sublatu est hic titulus in Comitibus Londinensibus, vt testatur Iacobus Thuanus lib. 9. Historiarum sui temporis his verbis; *Antiquatus iisdem Comitibus, Primatus Ecclesiastici titulus. At sub Elisabetha iterum restitutus est, vt refert idem author lib. 15.*

3. Hoc tempore, sub Iacobo, in controuersiam vocatur. Aliqui non audent appellare Primatum Ecclesiasticum & spiritualem, sed Primatum quoad ecclesiastica & spiritualia. Inter quos est Sacellanus Regis in Tortura Torti, pag. 90. Vbi sic habet, *Negamus quoad spiritualia, alium nos Regi Primatum tribuimus, neque quoad temporalia, alium Pontifici detrahimus, quam debemus. Priorille, Regibus omni iure posterior hic, Pontifici nullo iure debetur. Ego, cum primum legerem hæc verba Sacellani, putabam illum pro eodem vltipare hæc duo, Primatus spiritualis, & Primatus quoad spiritualia. Et similiter hæc duo, Primatus temporalis, & Primatus quoad temporalia. At defensores & interpretes Sacellani, Thomsonius & Burhillus, aliter sentiunt. Sic enim de hac re scribit Burhillus, pag. 55. Non dicit (Sacellanus) Primatum spiritualem, sed Primatum quoad spiritualia, deberi Regibus omni iure. Et pag. 133. in fine, Et si enim Regi tribuimus Primatum in Ecclesia, non tamen Primatum spiritualem aut Ecclesiasticum ei tribuimus, sed potius Primatum quoad res & personas spirituales & Ecclesiasticas. Et Thomsonius pag. 31. Non dixit (Sacellanus) Primatum Ecclesiasticum aut spiritualem, quasi formaliter intelligat; sed quoad spiritualia, id est, obiectiui & mater. aliter. Quo sensu idem author pag. 95. ait; Diximus Regem gubernare quidem Ecclesiasticam, sed non Ecclesiasticè.*

4. Igitur, si quæras in Anglia, an Rex habeat Primatum Ecclesiasticum, necne? Respondebitur hoc modo: Henricus, Edouardus & Henricus habuerunt Primatum Ecclesiasticum; Iacobus autem habet ecclesiasticum, sed solum, quoad Ecclesiastica. Ergone minus hic habet, quam illi habuerunt? Sic apparet. Ergone tam breui intervallo accisus & imminutus est Primatus Regis in Anglia? Ita aiunt. Ergone prope interitum est? Non dubito. Quid cauta? Audi ex triuio; *Quod cito fit, cito perit.* Audi ex sacro Codice, *Si est ex hominibus consilium hoc aut opus, dissoluetur (Act. 5, 38.)*

Responsio Richardi examinatur.

5. **H**ic tria respondes. Primò, Primatum Regium sub Henrico, Edouardo, Elisabetha, Iacobo, vnum & eundem semper fuisse, esse, & fore. Secundò, ab hoc Primatu posse Regem, iure diuino, vocari supremum caput ecclesie, indicare Concilia, leges ecclesiasticas condere, Pontifices etiam summos constituere & deponere. Tertio, eos qui negant hunc Primatum Regis esse ecclesiasticum & spiritualem, hoc tantum velle, quod Rex non possit ea exequi, quæ proprie sunt Sacerdotum, sed ea tantum, quæ Regum. Singula discutiam.

6. Igitur primò dicis, Primatum Regium sub illis Regibus, vnum & eundem semper fuisse, esse, & fore. At contrarium ego ostendi. Nam sub Henrico, Edouardo,

adouardo & elizabetha, fuit spiritualis & Ecclesiasticus: iam sub Iacobo non est. Qualis post Iacobum futurus sit, non possum augurari. Tu quidem affirmas vnum & eundem fore, qui nunc est. & haecenus fuit, sed de futuris contingentibus, ut Philosophi loquuntur, non est determinata apud nos veritas. Nec vaticinium tuum fidem apud non meretur. Valeat apud Prædicantes Angliæ, quantum potest, extra Angliam, fabula est.

7. Secundò dicis Regem Angliæ, ratione sui Primatus, vocari posse, supremum caput ecclesiæ, indicare Concilia, leges Ecclesiasticas condere, Pontifices etiam summos constituere & deponere. At hæc partim negantur ab Anglis scriptoribus, quos ad concordiam reuocare vis, partim noua figmenta sunt. Certè Tookerus & Burhillus, nullo modo admittunt Regem vestrum appellari posse caput Ecclesiæ, ut infra ostendam. Igitur ab illis aperte dissides in hoc puncto. Vbi ergo Concordia? Larua duntaxat est. Quod addis, eundem Regem posse etiam summos Pontifices constituere & deponere, figmento simile est. Nemo ante hoc dixit. Nec ipse Rex ausit sibi hoc arrogare. Quid enim iuris aut potestatis habet Rex Angliæ extra suum regnum, ut Romæ vel alibi constituat summum Pontificem, qui præsit toti orbi Christiano? aut, posteaquam constitutus est, ab officio iterum deponat? Audi, quid ipse de hac re sentiat, post finem præfationis Monitione, ubi ad Lectorem ita scribit: *Mibi de rebus alienis me non immiscere. Et paulò post, Absit à me eos ut iudicem, quos Deus à iurisdictione mea voluit esse immunes. eos autem censet immunes, qui extra ditionem ipsius sint.*

8. Tertiò dicis, eos qui negant Primatum Regis esse spirituale & Ecclesiasticum, hoc tantum velle, quod Rex non possit ea exequi, quæ propriè Sacerdotum, sed quæ Regum sunt. At sic non tollis dissidium, sed auges. Nam si hæc duo idem valent, Rex non habet Primatum Ecclesiasticum, & Rex non potest exequi, quæ propriè Sacerdotum sunt, ut tu supponis, necesse est, eos qui vnum concedunt etiam alterum concedere, & qui vnum negant, etiam alterum negare. At aliqui concesserunt Henricum & Edouardum habuisse Primatum Ecclesiasticum, ut supra ostendi. Ergo etiam concesserunt, potuisse ea exequi, quæ propriè sunt Sacerdotum. Et nunc aliqui negant, Iacobum habere Primatum Ecclesiasticum: ergo etiam negant, posse ea exequi, quæ propriè sunt Sacerdotum. ergo manent dissidium. Si autem illa duo non idem valent, falsa est tua concordia. Si denique tibi idem valent, alius diuersa sunt: iam inter te & alios dissidium est. Quocunque te vertas, non apparet concordia.

9. Sed esto, Consentiant Angli in eo, quod Rex non possit exequi, quæ Sacerdotum, sed quæ propriè Regum sunt; adhuc lis sublata non est. Nam de hoc ipso puncto, quænam scilicet propriè Regum sunt, litigant inter se Angli. Alij affirmant hæc esse, conuocare Concilia, sancire leges Ecclesiasticas, creare Episcopos & Pontifices. Alij negant. Igitur in re ipsa manet dissidium, nec modus loquendi, in quo videntur conuenire, idem apud ipsos significat.

Opusc. Rec.

III. CAPVT DISSIDII.

An Rex à suo Primatu possit vocari Primatus Ecclesiæ?

1. **H**enricus Salcolbrigiensis simpliciter affirmat. Sic enim scribit p. 140. *Dico Regem Angliæ, Ecclesiæ Anglicanæ Primatem esse.* Imò tam certum & indubitatum hoc esse vult, ut putet peccare contra publicam professionem Anglicanam, qui id neget. Nam pag. 177. sic habet; *Anglia Reg. m. Anglicana Ecclesiæ Primatem esse, in professione publica Anglicana veritatis sacris literis nixæ ponitur.*

2. Tookerus & Burhillus simpliciter negant. Sic enim habet Tookerus pag. 3. *Olere autem malitiam, & clamitare audaciam tuam illud videtur, cum Regem caput Ecclesiæ Primatemque confugas.* Et Burhillus pag. 133. *Nec Primatem quidem omnino Regem nostrum dicimus, multo minus Primatem Ecclesiasticum.*

3. Hinc formo duplex argumentum. Alterum ex Tookero, in hunc modum, Qui dicit Regem esse Primatem Ecclesiæ, audax & malitiosus est: At Henricus Salcolbrigiensis dicit Regem esse Primatem Ecclesiæ: Ergo audax & malitiosus est. Alterum ex Henrico, hoc modo, Qui negat Regem esse Primatem Ecclesiæ, peccat contra publicam professionem veritatis in Anglia receptæ: At Tookerus negat Regem esse Primatem Ecclesiæ: Ergo peccat contra publicam professionem veritatis in Anglia receptæ. Nimirum, sic mulus mulum scabit.

4. Sed quæri potest, vter rectius sentiat in hac re, Salcolbrigiensis, qui affirmat Regem esse Primatem Ecclesiæ, an Tookerus, qui negat? Hæc lis pendet ex alia questione, an scilicet hæc duo nomina, *Primas*, & *Primatus*, sint necessario connexa seu coniugata? Salcolbrigiensis putat necessariò connexa esse. Igitur, quia semel dixit, Regem habere Primatum Ecclesiæ, consequenter affirmat, Regem esse Primatem Ecclesiæ. Valet enim apud ipsum hoc argumentum à coniugatis: *Rex habet Primatum: Ergo Rex Primas est.* Sicut & istud: *Sacellanus habet Episcopatum: Ergo Episcopus est.*

5. Tookerus contra sentit. Nam pag. 6. discrete ait, Regem habere quidem Primatum Ecclesiæ, non tamen esse Primatem Ecclesiæ. Et è contrario, Archiepiscopum Cantuariensem non habere Primatum Ecclesiæ, sed tamen esse Primatem Ecclesiæ. Igitur negat has duas consequentias à coniugatis. 1. *Rex habet Primatum: Ergo Primas est.* 2. *Archiepiscopus est Primas: Ergo Primatum habet.* Fortè & has negaret: 1. *Sacellanus habet Episcopatum: Ergo Episcopus est.* 2. *Tookerus Decanus est: Ergo Decanatum habet.*

Responsio Richardi examinatur.

6. **H**ic primò duo mihi obiicis. Deinde Tooker & Burgilli mentem ex iuramento ipsorum interpretaris. Denique, ex dissidio concordiam moliris. At nihil horum rectè. Hæc igitur mihi obiicis. 1. asinum me esse, qui dicam Anglos in hoc puncto dissidere. 2. me mihi ipsi repugnare. Nam hoc loco distinguere inter Primatem & caput ecclesiæ, alibi pro eodem sumere. Audi Richarde. Si asinus sum, quid mecum contendis? An cum solis asinis luctari didicisti? Putas, opinor, cum aliquo Prædicante negotium

KKK

tibi esse. Non sum ex illa tribu. Nec repugnantia in me inuenies. Non enim distinguo inter Primatem & Caput Ecclesie, ut tu vis, sed ostendo. Anglos de utroque inter se dissentire, quod verissimum est. Nā alij affirmant, alij negant, Regem esse vel Primatē, vel Caput Ecclesie.

7. Porro, qui Tookerus & Burhillus sentiant, aut sentire debeant de hoc puncto, colligis ex ipsorum publica professione & iuramento. Ais utrunque palam professos esse, subscripsisse, iurasse, Regem esse unicum supremum Gubernatorem in rebus omnibus Ecclesiasticis, & supra omnes personas Ecclesiasticas in regno Anglia. Sit ita. At ego non quæro quid de supremo Gubernatore professi sint, aut iurauerint; sed qui scripserint de Primatu Ecclesie, seu, quid scripserint de hac questione, An Rex possit vocari Primas Ecclesie? Uterque scripsit, non posse. Utraque contrarius est Henricus, qui scribit, posse. Igitur inter illos dissidium est.

8. Hoc tamen dissidium sic putas componi posse: Tookerum & Burhillum, qui negant Regem esse Primatem Ecclesie, non negare eo sensu, quo id affirmat Henricus, sed sensu Papistico, id est, negare Regem esse Primatem Ecclesie sacerdotalem. Falsum est. Nam verba Burhilli sunt hæc. *Nec Primatem quidem omnino Regem nostrum dicimus; multo minus Primatem Ecclesiasticum.* Igitur Burhillus non tantum negat Regem esse Primatem Ecclesiasticum & sacerdotalem, sed omni modo ac sensu negat. Quod etiam aliunde poteras colligere. Nam Tookerus & Burhillus, locis citatis, contra me disputant. Igitur eo sensu negant Regem esse Primatem Ecclesie, quo ego dixeram, Regem usurpare sibi Primatum Ecclesie. Nam si alio sensu negent, non rectè me oppugnant. At ego non dixeram, Regem usurpare Primatum Ecclesie sacerdotalem. Imò contrarium dixeram. Verba mea, in refutatione Apologie Serenissimi Regis, sunt hæc; *Certum est, Regem non vendicare sibi potestatem ordinis, multo minus in ea superiorem esse Episcopis & Pontifici.* Et postea subiungo, Regem usurpare sibi Primatum Ecclesie, quoad gubernationem exteriorē. Et hoc sensu, velle esse Primatem seu Caput Ecclesie. At Tookerus & Burhillus apertè id negant. Henricus affirmat. Manet ergo dissidium. Imò auctum est. Nam antea consistebat inter Henricum, Tookerum & Burhillum; nunc etiam inter te & ipsos. Nam aliter interpretaris mentem Tookeri & Burhilli, quàm ipsi velint.

IV. CAPVT DISSIDII.

An Rex à suo Primatu possit vocari supremum caput Ecclesie.

1. **H**ic titulus primum usurpari cœpit sub Henrico VIII. ut testantur passim authores, tam aduersarij, quàm nostri. Sic enim scribit Iacobus Thuanus, lib. 1. historiarum sui temporis; *Henricus post diuorium, se caput Ecclesie constituit.* Et Polydorus Virgilius libro 27. historię Anglicanę, *Inter ea, post diuortium, habetur Consilium Londini, in quo Ecclesia Anglicana formam potestatis nullis ante temporibus visam induit. Henricus enim Rex, caput ipsius Ecclesie constituitur* et Genebrardus lib. 4. chronologię, *Henricus anno 1534. in publicis comitiis, se caput Ecclesie Anglicanę appellauit.* et Nicolaus Sanderus in schismate Anglicano, *Ex qua dicendi formula primatum occasionem sumptam auit, ut Rex supremum caput Ecclesie Anglicanę diceretur.* Item, *Propetiebatur eis nona Comitiarum de-*

A creta, & inebantur iurando affirmare, Regem supremum Ecclesie esse caput. Et Calvinus in c. 6. Amos Prophetę, *Qui tamopere extulerunt Henricum Regem Anglia, certe fuerunt homines inconfederati. Dederunt enim illi summam rerum omnium potestatem, & hoc modo grauius semper vulnerauit. Erant enim blasphemę, cum vocarent eum summum caput Ecclesie sub Christo.*

2. Eodem titulo vti est Edouardus, Henrici filius & successor, ut patet ex rescripto ipsius ad Thomam Crammerum, Archiepiscopum Cantuariensem quod sic incipit, *Edouardus, Dei gratia, Anglia, Francia, & Hibernia Rex, supremum in terris Ecclesie Anglicanę & Hybernice, tam in causis spiritualibus, quàm temporalibus, caput.* Reuerendo Thome Cantuariensi Archiepiscopo salutem. Eundem titulum tribuit illi Crammerus in Rescripto ad Episcopos sibi subiectos, ubi sic habet, *Thomas permissione diuina, Cantuariensis Archiepiscopus, per Illustrissimum in Christo Principem Edouardum Regem VI. supremum in terris caput Ecclesie Anglicanę & Hybernice, sufficienter & legitime authorizatus, tibi Edmundo Londinensi Episcopo, & omnibus fratribus Coepiscopis, vice & nomine Regis Maiestatis, quibus in hac parte fungimur, mandamus, ut imagines ex Ecclesiis eiusque diocesis tollantur.* Et Sanderus in schismate Anglicano, *Quàm primum visum est, Henrici VIII. mortem diuulgare statim Edouardus Henrici filius, nomen patris annuum agens, Rex Anglia proclamatur & summum Ecclesie Anglicanę in terris caput, proxime secundū Christum constituitur.*

3. Elisabetha, temet si fœmina esset, non tamen putauit inferiorem se esse patri & fratri, in hac re. Itaque & ipsa supremum Ecclesie Anglicanę caput appellata est. Sic enim de ea scribit Iacobus Thuanus libro 15. historiarum sui temporis, *Elisabetha, recepto à patre & fratre titulo, Ecclesie caput per Anglicanos capi appellari.*

4. At hoc tempore, sub Iacob, periclitatur hic titulus. Admittit quidem illum Sacellanus in Tortura Torti, sed Tookerus & Burhillus repudiant. Verba Tookeri, quę paulò ante citauimus, sunt hæc, *Olera autem malitiam & clauitarem audaciam tuam videtur illud, cum Regem caput Ecclesie, Primatemque confingas.* Similiter Burhillus pag. 133. reprehendit me, tanquam *scurrilem, petulcū & audaculum*, quòd dixissem, Regem Anglię velle esse caput, pastorem & Primatem Ecclesie Anglicanę.

5. In hoc dissidio quid agat Rex si admittit titulum supremi capitis Ecclesie in Anglia; murmurabunt Tookerus & Burhillus: si respuit, quid dicet Sacellanus? Fortè sopiri hæc lis poterit, si Rex, ut Sacellano dedit episcopatum Eliensem, ita Tookero & Burhillis duos similes largiatur. Tunc faciliè, ne ingrati videantur, concedent Regi hunc titulū, & multo ampliorē.

Responsio Richardi examinatur.

6. **P**rimū ais, hæc tria vocabula, *Caput, Primas, supremus Gubernator*, vnā candemque rem significare. Secundò, omnes Scriptores Anglicanos palam ac publicè profiteri, Regem esse supremū caput Ecclesie Anglicanę sub Christo. Tertiò, Tookerum & Burhillum, quando id negant, non negare eo sensu, quo alij id allerunt, sed eo sensu, quo Papistę innuant Papam esse caput Ecclesie, nempe Sacerdotale. Hoc autem caput dicis esse huiusmodi. Primo, *Cuius morione omnes subiecti sunt.* (Ex Clemente Papa.) Secundo, *A quo in consortium indiuiduę unitatis assumpti: quasi quodam capite, donis sua Deus voluit in corpus omne diffunderet.* (Cap. Fundamenta, de

electione & electi potestate in 6.) Tercio, à quo omnes Episcopi descendunt: tanquam membra à capite. (ex Durando, de Minist. & ordin. lib. 2.) Quarto, Quod potest omnia, quæ Christus potest. (ex Hostiensis cap. quando.) Denique, cuius Christi quæ unum est tribunal & consistorium. (Ex Abbate, de electione, cap. Venerabili.)

7. Accipio, quod primo loco dixisti, nomen Capitis & Primatus, eandem rem significare. At hinc concludo, falsa esse, quæ addis. Nam si nomen Capitis & Primatus eandem rem significant, necesse est, Tiberium & Barthilium eodem sensu, quo negant Regem esse Primatem Ecclesiæ, negare etiam esse caput Ecclesiæ. An non solum negant esse Primatem ecclesiasticum & sacerdotalem, sed omni modo ac sensu, ut eodenter paulo ante ostendi. Ergo similiter omnimodo ac sensu negant esse caput Ecclesiæ. Nihil certius.

8. ut quid, obsecro, dicturus es Sacellano, qui in Tortura Torti pag. 331. sic scribit; *Monstruosum verò corpus, cui plus uno sit capite.* Et infra pag. 398. *Vnicum est caput uni corpori. Ecclesia unum corpus. Nisi bicipitem a nullam fingas, aut trici, item G regnem, cui res capita sunt, quo in mitra Pontificia corona. Christus ergo solus Ecclesiæ caput, non Papa.* Ex quibus verbis sic concludo, Ecclesia Anglicana est unum corpus: ergo nisi monstruosa sit, habet unum tantum caput: At caput illud, sine dubio, est Christus: Ergo vel Rex non est caput illius, vel certe habet duo capita, & sic monstrum est. Quid, inquam, hic dicturus es? An Sacellanus loqui etiam de capite tantum Sacerdotali? Sed si de illo tantum loquitur, maius monstrum concedit in Angliā, quàm apud nos. Nam magis monstruosum est, si unum corpus habeat duo capita diversi generis; quàm si duo eiusdem. Verbi gratia. Plus monstrum est, si iufans habeat duo capita, alterum hominis, alterum canis; quàm si utrumque hominis. Ergo si Sacellanus putat, Ecclesiā fore monstruosam, si habeat duo capita Sacerdotalia, Christum & Pontificem, multo magis censebit monstruosam, si habeat duo capita diversi ordinis, alterum Sacerdotale, alterum alterius formæ, ac naturæ. Hoc autem fieret, si non solum Christus, sed etiam Rex esset supremum caput Ecclesiæ Anglicanæ. Si ergo omnes Angli palam profitentur, ita rem habere etiam omnes profitentur, Ecclesiā Anglicanam monstruosam ac bicipitem esse.

9. Dices fortè, Sacellanus loqui de tota Ecclesia Christiana, non de aliqua eius parte, cuiusmodi est Ecclesia Anglicana. Esto, At sic non tollitur monstrum, sed crescit. Nam si Ecclesia monstruosa esset, si ipsa tota constaret duobus capitibus totalibus: multo magis monstruosa esset, si ipsa tota constaret uno capite totali, & singulæ ipsius partes constarent singulis capitibus partialibus. Hoc facile ostendi potest proportionem corporis humani. Illud enim non solum monstruosum esset, si in toto trunco haberet duo capita totalia, sed multo magis, si in singulis membris præter unum caput totale, haberet singula capita partialia, ut verbi gratia unum caput in pectore, alterum in ventre, tertium in brachio, quartum in femore, & sic deinceps. Tale monstrum vos fingitis in Angliā.

10. Quæ porrò adducis de Capite Ecclesiæ Papistico breuiter attingam. Primò, citas illud ex Clemente Papa: *Cuius motioni omnes subiecti sunt.* Cur non addis locum, ubi Clemens hoc habet, Non vidisti, opinor, Clementem. Nimirum festinasti. Deinde, non aduertis, in præiudicium Serenissimi Regis id citatum à te esse? Nam si Rex vester, vetu affirmas, non est tale caput, cuius motioni omnes, in Angliā subiecti sunt, Opusc. Bee.

A consequens est, ex tua quidem sententia, non omnes in Angliā obligatos esse parere Regi. Quod casus, ne dixeris. Nam modus ille loquendi: *Omnes subiecti sunt motioni capitis*, nihil aliud significat ex communi hominum usu, quàm omnes subiectos esse imperio sui Superioris. An tu igitur eximis aliquos ab imperio & motione vestri capitis in Angliā? Fortasse te, & tui similes Prædicantes.

11. Secundò, citas ex Iure Canonico truncata aliquot verba, quæ nec legisti ibi, nec intelligis. Ut intelligas, integrè citabo. Sic igitur habent, *Huius mutationis Sacramentum ita Tenetur ad omnium Apostolorum voluit officium pertinere, ut in beato Petro Apostolorum omnium summo principaliter collocaret, ut ab ipso, quasi quodam capite, dona sua velut in corpus omne diffunderet. Hunc enim in consortium individue unitatis assumptum, id quod ipse erat, Dominus voluit nominari, dicendo: Tu es Petrus, & super hanc Petram edificabo Ecclesiam meam.* Verba sunt Nicolai Pontificis. Continent autem tria puncta. Primum, quod Christus Sacramentum prædicationis Euangelij (nam de illo expressè loquitur Pontifex) principaliter posuerit in Petro, quando per vitum exhibuit illi vas quoddam velut lineum magnum, è celo submissum. In quo erant omnia quadrupedia, & serpentes terre & volatilia celi. Et dixit illi: *Surge Petre, occide & manduca.* Act. 10. 11. Alterum, quod virtutem & effectum Euangelij, voluerit à Petro tanquam à capite per prædicationem diffundi in Gentiles, quod & factum est. Tertium, quod assumpserit Petrum in consortium, individue unitatis, non ratione naturæ & substantiæ, ut tu falsò imaginaris: sed ratione nominis ac dignitatis. Nam voluit illum vocari petram & fundamentum eiusdem Ecclesiæ, cuius ipse petra & fundamentum est. Quid iam colligis hinc contra Pontificem? Nihil penitus. Solum prodis ignauiam & ignorantiam tuam.

12. Tercio, citas ex Durando hæc verba: *Et Pontifice omnes Episcopi descendunt tanquam membra à capite.* Et negas, Regem Angliæ esse tale caput. Verè id quidem: Sed contra Academicos Anglicanos. Nam Episcopos descendere à Pontifice, tanquam à capite, nihil aliud apud nos est, quàm accipere iurisdictionem fortis exterioris à Pontifice. At secundum Academicos vestros, Episcopi in Angliā accipiunt huiusmodi iurisdictionem à Rege ut patet ex Duello Tockeri pag. 64. & 304. Ergo secundum vestros Academicos Episcopi in Angliā descendunt à Rege, tanquam à capite. Ergo tu dissides ab Academicis. At tamen concordiam, specioso titulo, polliceris. Reliqua, quæ ex Hostiensis & Abbate citas, nec bene citas, nec intelligis. Piget toties monere, & nihil impetrare.

V. CAPVT DISSIDII.

An Primatus Regis consistat in aliqua potestate vel iurisdictione Ecclesiastica?

1. **H**ic magnam inter anglos dissidium est. Nec facile intelligitur, nisi præmissa distinctione. Igitur potestas ecclesiastica triplex est, ut docent Theologi. Vna ordinis: altera iurisdictionis interioris: tertia iurisdictionis exterioris. Ad primam spectat Sacramenta conficere & ministrare: ad secundam, regere Ecclesiam in foro conscientiarum: ad tertiam regere

eandem in foro externo. Certum est, Regem, ratione primatus, non habere potestatem ordinis: Hoc fateatur Tookerus pag. 14. cum ait: *Reges non habent potestatem administrandi Sacramenta*. Certum quoque non habere iurisdictionem fori conscientia. Et hoc fateatur pag. 63. Omnis, inquit, *iurisdiclio in foro interiori, Sacerdotum est, nulla Regum*.

2. Tota controuersia est, an habet Rex iurisdictionem ecclesiasticam in foro exteriori. Hic litigant Angli. Aliqui affirmant; alij negant, alij distinguunt. Affirmat Tookerus pag. 305. his verbis. *Qui habet plenissimam & amplissimam iurisdictionem in foro exteriori potest eandem dare & auferre. Totum hoc liquet ex veteri & nouo Testamento*. Et Henricus Salcolbrigien- sis pag. 140. *Reges sacro oleo uncti capaces sunt iurisdictionis spiritualis*. Et ibidem ex legibus Anglicanis: *Rex est persona mixta, ut pote, qui & Ecclesiasticam & temporalem iurisdictionem habet, & quidem supremam*. Et pag. 144. *Per leges Ecclesiasticas in hoc reyno approbatas, unus Sacerdos duo beneficia habere non potest, nec Bastardus saceris initiari. Verum Rex, Ecclesiastica potestate & iurisdictione, quam habet in utroque dispensare potest*.

3. Negant Thomsonius & Buxhillus. et quidem Thomsonius pag. 80. sic scribit. *Primatus Ecclesie non est definiendus per iurisdictionem Ecclesiasticam, sed per gubernationem supremam*. et pag. 95. *Diximus Regem gubernare quidem Ecclesiastica, sed non Ecclesiasticè, quia scilicet non habet iurisdictionem ecclesiasticam, sed dumtaxat temporalem*. Buxhillus verò pag. 134. concedit hanc propositionem negatiuam: *Rex nullam habet iurisdictionem Ecclesiasticam, nec in foro interiori, nec in exteriori*.

4. Distinguit episcopus eliensis apud Tookerum: pag. 305. his verbis: *Habet Rex omnem iurisdictionem spirituales in foro exteriori, ex episcopis quibusdam censuris*. Igitur ad hanc quæstionem, an Rex, quatenus est Primas seu Caput ecclesie, habeat aliquam iurisdictionem ecclesiasticam seu spirituales fori exterioris, sic respondendum est. Primò, cum Tookero & Salcolbrigien- si, *Habet amplissimam, plenissimam, supremam*. Secundò, cum episcopo eliensis: *Habet aliquam non omnem*. Tertiò cum Buxhillo & Thomsonio: *Nullam, nullam penitus habet*.

Responsio Richardi examinatur.

1. **D**upliciter respondes ad hoc dissidium, generaliter & speciatim, pro generali responsione citas legem Anglicanam, quæ iam obtinet, his verbis, *Ea Ecclesiastica iurisdiclio, quæ potestate aliqua spirituali vel Ecclesiastica antea exercebatur, vel legitime exerceri poterat, ad visitandum statum & ordinem Ecclesiasticum, item ad reformandum, in ordinem redigendum, & corrigendum homines Ecclesiasticos, omnimodos errores, hæreses, schismata; imperiali huius Regni corona in perpetuum unita & annexa est, quæ Rex Anglia, plena potestate sua per litteras suas patentes, possit assignare, & autoritate mouere & natiuis subditis eos, quos idoneos existimare ad exequendum & exercendum, sub sua Celsitudine, omnimodam iurisdictionem, privilegia, præminetia, ullo modo spectantes ad iurisdictionem spirituales vel Ecclesiasticam infra hoc regnum*. Deinde, sic argumentaris, Omnes Angli Protestantes, in iuramento Primatus, quod susceperunt, palam testantur, se propugnatuos omnem iurisdictionem, quæ coronæ regni Anglicani annexa est: At iurisdiclio ecclesiastica, per legem iam citatam, annexa illi est:

A Ergo omnes palam testantur se iurisdictionem Regis ecclesiasticam propugnatuos. Omnes ergo, sine dissidio, agnoscunt Regem habere huiusmodi iurisdictionem.

6. In hac generali responsione supponis, legem Anglicanam, quam citasti, intelligendam esse de Primatu Ecclesie, & proinde cum dicit, *Ecclesiasticam iurisdictionem annexam esse coronæ Regiæ*, nihil aliud velle, quàm Primatum Ecclesie annexum esse coronæ Regiæ. Quod etiam disertè affirmat vester Henricus Salcolbrigien- sis pag. 140. Vbi ex eadem lege Anglicana, quam fateatur ab Elisabetha factam esse, conatur ostendere, Regem Angliæ esse Primatem ecclesie Anglicanæ. Accipio, quod vltro offertis. At hinc colligo varia dissidia. Primum, inter legem iam citatam, & Thomsonium. Nam lex definit Primatum ecclesie per iurisdictionem Ecclesiasticam, ex vestra concessione. At Thomsonius expressè dicit, non esse definiendum per iurisdictionem Ecclesiasticam, ut supra ostendi: Ergo Thomsonius dissentit à lege Anglicana, quæ iam obtinet.

7. Alterum inter eandem legem & Thomsonium. Nam lex dicit, Regem habere iurisdictionem Ecclesiasticam. At qui habet iurisdictionem Ecclesiasticam, gubernat ecclesiasticè, sicut qui habet politicam, gubernat politicè, cum sit par ratio. At hoc negat Thomsonius pag. 95. cum ait: *Diximus Regem gubernare quidem Ecclesiastica, non Ecclesiasticè*. Ergo hinc rursus dissentunt.

8. Tercium, inter Sacellanum & Salcolbrigiensem. Nam Salcolbrigien- sis ait, hanc legem ab Elisabetha factam esse. Ergo tunc primum Primatus ecclesie unitus est coronæ Regiæ, cum antea unitus non esset. Ergo Primatus Ecclesie Regis, res noua est. At Sacellanus dicit esse antiquissimam, & iam inde à temporibus Moysi vsitatam. Dissident ergo hi duo inter se.

9. Dices fortè, Primatum Ecclesie iam ante sub Henrico VIII. & adouardo unitum fuisse coronæ Regiæ; sed cum postea sub Maria separatus esset à coronâ, & Pontifici ac episcopis restitutus, tandem ab Elisabetha, per legem iam citatam, iterum coronæ fuisse annexum. Quod insinuat Salcolbrigien- sis, pag. 141. et videtur colligi posse ex ipsa lege: quæ sic habet: *Ea Ecclesiastica iurisdiclio, quæ antea (sub Maria) exercebatur, vel legitime exerceri poterat, potestate aliqua spirituali vel Ecclesiastica, nempe Pontificis & episcoporum &c.* Hoc etiam accipio. Sed tamen, si ita est, Primatus ecclesie Regis planè eueritur, quod sic ostendo. Si iurisdiclio ecclesiastica, seu Primatus ecclesie (quæ duo idem hinc valent, ex tua concessione) sub Maria exercebatur, & legitime exerceri poterat à Pontifice & Episcopis; ergo tunc legitime separatus fuit à coronâ Regiæ: ergo iure diuino non est unitus coronæ Regiæ. Nam si iure diuino unitus illi esset, non posset ab ea separari & legitime exerceri. Hæc de prima tua responsione.

10. Speciatim verò respondes pro Thomsonio, Buxhillo & eliensis. Pro Thomsonio sic: *Eam quæ leges Angliæ vocant iurisdictionem Ecclesiasticam Thomsonius vocaret potius supremam gubernationem*. Audi Richarde. Thomsonius non dicit, Primatum ecclesie potius vocari supremam gubernationem, quam iurisdictionem ecclesiasticam, quasi utroque nomine vocari possit, ut tu interpretaris: sed simpliciter affirmat, nullo modo vocari posse iurisdictionem ecclesiasticam. Sic enim scribit pag. 80. *Maiores propositio falsa est*. (Nimirum hæc: Ille non habet Primatum ecclesie, qui nullam habet iurisdictionem,

Ecclesiasticam) nimirum ficticia & falsa definitione Primatus, seu Suprematus Ecclesie, qui non erat Romano per iurisdictionem Ecclesiasticam, sed per gubernationem supremam definiendus. Igitur, ex sententia Thomsonij falsum & fictitium est asserere Primatum Ecclesie consistere in iurisdictione Ecclesiastica. At hoc asserit lex Anglicana. Ergo secundum Thomsonium, assertio illius falsa & ficticia est. Hæcne vestra est concordia?

11. Pro Burhillo sic respondes; Burhillus Regi omnem Ecclesiasticam iurisdictionem, in foro etiam exteriori, detrahit, nimirum sacerdotalem. Hic supponis Sacerdotatione ordinis seu sacerdotij habere aliquam iurisdictionem ecclesiasticam in foro exteriori. At hoc negat vester Tookerus pag. 63. his verbis Sacerdotum omnis iurisdictione in foro exteriori. Ergo dum vis excusare Burhillum, dissentis à Tookero. Hoc non est componere dissidium, sed ut unum effugas, alterum lemmare

12. Pro Eliensi non aliter respondes, quam citando quædam ipsius verba ex Tortura Torti pag. 151. præsertim hæc: Nos Principi censuræ potestatem non facimus, in eoque plus multo Abbatisa vos, quam nos Regina tribuimus. At hæc verba, nec tollunt dissidium, nec vera sunt: priorem partem dupliciter probo. Primum sic, Eliensis nullam agnoscit iurisdictionem Ecclesiasticam fori exterioris, nisi potestatem censuræ, ut patet ex Tortura pag. 41. At Rex non habet potestatem censuræ, iuxta verba eiusdem Eliensis à te citata: Ergo Rex nullam habet iurisdictionem fori exterioris. At hoc est contra Henricum, Tookerum, legem Anglicanam, & ipsum Eliensem. Nam Henricus & Tookerus dicunt, habere supremam, amplissimam, plenissimam. Lex Anglicana dicit habere omnimodam. Eliensis apud Tookerum dicit, habere aliquam, non omnimodam. Igitur repeto hæc questionem supra propositam. An Rex habeat aliquam iurisdictionem Ecclesiasticam in foro exteriori? Et respondetur his modis. Primum, cum Henrico & Tookero; *Habet amplissimam, plenissimam, supremam.* Secundum, cum lege Anglicana, *Habet omnimodam.* Tertium cum Eliensi, *Habet aliquam, non omnem.* Quartum, cum eodem Eliensi, Burhillo & Thomsonio: *Nullam, nullam penitus habet.*

13. Secundum sic; Scriptores Anglicani non faciunt Regi potestatem censuræ, iuxta verba Eliensis citata: At lex Anglicana facit illi potestatem censuræ: Ergo Scriptores Anglicani dissentiunt à lege Anglicana. Minor probatur, quia lex Anglicana tribuit illi omnimodam potestatem & iurisdictionem ad corrigendos homines Ecclesiasticos, ut ex verbis ipsius patet. Unde sic concludo; Qui habet omnimodam potestatem corrigendi ecclesiasticos, habet etiam potestatem corrigendi illos per censuram, quia hic modus corrigendi per censuram, est præcipuus & maximè utilis in externo foro ecclesiastico. At Rex, iuxta legem Anglicanam, habet omnimodam potestatem corrigendi Ecclesiasticos: ergo etiam habet potestatem corrigendi illos per censuram. Igitur in hoc puncto dissidium est inter Scriptores Anglicanos & legem Anglicanam.

14. Posterior pars, quod scilicet verba Eliensis à te citata non sint vera, facile probari potest. Nam falsum est, nos plus tribuere Abbatisæ, quam vos Reginx. Vos omnia tribuitis Reginx, quæ Regi. Nam sicut Henricus VIII & Edouardus, sic Elisabetha habuit apud vos Primatum Ecclesie, & appellata fuit supremum caput Ecclesie Anglicanæ. Hoc nos Abbatisæ non tribuimus. Nec verum est, Abbatisam apud nos habere potestatem censuræ, quod Eliensis insinuat, & tu aperte affirmas in epistola

Opusc. Bee.

A Dedicatoria ad Serenissimum Regem, his verbis: Potestas excommunicandi apud Papistas, competit Abbatisis & Priorissis. Et pag. 41. Apud vos feminæ capaces & compotes sunt iurisdictionis spiritalis, Sacerdotalis, vel Episcopalis; potestatis etiam clericos excommunicandi, absolventi, visitandi, instituendi. Hoc, inquam, verum non est. Abbatisæ apud nos, potestatem excommunicandi non habent, sicut Elisabetha apud vos habuit, Audi quid de hac re sentiam nostrican. Mulierem, 35. quæst. 5. sic legimus: Mulierem constat subiectam domino viri esse, & nullam auctoritatem habere: nec docere enim potest, nec testis esse, neque fidem dare, nec iudicare: quanto magis non potest imperare? Hoc apud nos servatur. At apud vos, Elisabetha habuit omnimodam potestatem iudicandi & corrigendi Ecclesiasticos errores, hæreses, schismata: habuit imperium in clero & populo: nulli, nulli penitus voluit esse subiecta. Rursum, cap. De Monialibus, De sententia excommunicationis sic legimus; De monialibus, tunc à nobis fratres requiritur, per quem eis sit beneficium absolutionis impendendum, si vel in se invicem, vel in conversos & conversas suas, aut clericos etiam, manus iniecerint temerè violentas: Super hoc igitur tua consulationi taliter respondemus, ut per Episcopum, in cuius diocesi monasteria fuerint, absolvantur. Hinc colligunt Canonistæ, moniales excommunicatas, non posse absolui ab Abbatisa, sed ab Episcopo. Si absolui non possunt ab Abbatisa: ergo nec excommunicari. Nam una eademque potestas est excommunicandi, & absolventi ab excommunicatione. Et hoc in praxi apud nos servatur. Vide Suarez tom. 5. d. 2. sect. 2. & 3.

15. Quod tu addis, feminas etiam sacerdotales, iurisdictionis compotes apud nos esse, novum mendacium est, quod nec Tookero placet. Nam, ut ipse ait, omnis iurdictio Sacerdotum est fori exterioris. At feminæ non habent ullam iurisdictionem fori interioris, ut etiam fatetur Eliensis loco à te citato, his verbis: Negantur feminis, quæ ordinis sunt, vel interioris fori. Ubique dissensionem facis.

VI. CAPVT DISSIDII.

An Rex propria auctoritate possit Synodos indicere?

1. S Equiter dissidium de officiis Primatus Regij. Sunt autem sex officia, de quibus disputari potest. Primum, indictio Synodorum. Secundum, sanctio legum Ecclesiasticarum. Tertium, collatio beneficiorum. Quartum, creatio & depositio Episcoporum. Quintum, excommunicatio. Sextum, controuersiarum decisio. Est ergo questio, an hæc officia pertineant ad Primatum Regis? Dicam de singulis ordine.

2. Primum queritur, an Rex, ratione sui Primatus, possit propria auctoritate convocare Synodos, & in iis præsidere? Hoc certo persuasum fuit tempore Henrici, Eduardi & Elisabethæ. Nunc sub Iacobo controuertitur. Affirmat Salcobrigiensis pag. 128. his verbis: Christiani Principes in regnis suis cum laude, propria auctoritate Synodos convocarunt, constitutiones condiderunt, causas audierunt & cognoverunt. Et pag. 146. Rex Angliæ potest Synodos indicere, & in iis præsidere, et pag. 155. Reges Angliæ suprema sua auctoritate, de iure, Synodos convocarunt.

KKK iiij

3. Tookerus in hoc puncto varius est, & nunc sibi ipsi, nunc aliis contradicit. Hoc patet ex variis eius testimoniis. Primum habetur pag. 37. vbi sic ait, *A quibus magis æquum est indici Concilia, quam ab illis, penes quos semper fuit autoritas ea congregandi? Cum autem communiter triplex poni soleat Concilium, Generale, Provinciale & Diocesani, Concilium generale solius Papa iussu celebrari vultis. Sed neque illud, nisi ab Imperatoribus & Regibus simul consentientibus, hodie indici debet. Provinciale à Metropolitano, cum suis Suffraganeis. Diocesani ab Episcopis cum Curatis, Rectoribus & Clericis Diocesanos.* Ex hoc testimonio colligitur. Regem Angliæ, nullum Concilium, propria autoritate, posse indicere. Non Generale, quia hoc pertinet ad communem consensum Regum & Imperatorum. Nec Provinciale, quia hoc pertinet ad Metropolitanum. Nec Diocesani, quia hoc pertinet ad Episcopum. Quid ergo reliquum est regi?

4. Alterum habetur pag. 41. his verbis: *Abundè liquet ex Conciliis ipsis & historiâ Ecclesiastica, Provincialia Concilia & Nationalia ab Imperatoribus ac Regibus fuisse congregata.* Hoc planè pugnat cum præcedente. Ibi asseritur, Concilia Provincialia indici à Metropolitanis: hic, à Regibus & Imperatoribus. Ibi distinguitur triplex, tantum Concilium, Generale Provinciale, Diocesani: hic additur quartum, Nationale.

5. Tertium habetur pagina 42. vbi proponit hanc questionem, *Quo iure iure tantam sibi potestatem arrogat Pontifex solus? Num divino?* Et paulò post subdit, *Erant Apostolorum omnium, non unius tantummodo, & indicere Concilium, & statuere cum verborum solemnitate, Visum est Spiritui sancto, & nobis.* Quasi dicat; Iure divino, non solus Petrus, sed omnes Apostoli, pari potestate, indixerunt Concilium Hierosolymitanum, & sancierunt legem de sanguine & suffocato. Ergo similiter iure divino, non solus Pontifex, sed omnes Episcopi, pari potestate, debent indicere Concilium, & sancire leges Ecclesiasticas. Sanè, si ita est, omnino sequitur potestatem indicendi Concilia, non ad Reges & principes sæculares, sed ad Apostolos & eorum successores, iure divino pertinere.

6. Quartum habetur pag. 63. vbi ait, *Mixtum autem ius, & resultans ex utroque, & iure Regio, & Episcopali, est legum sanctio, & Synodorum indictio, & præsidendi in his prærogative, & controversiarum decisio, aliorumque aliorum, qui his finitimi sunt, exercitium: quæ ferè ab origine Primatus Regis descendunt, & communicantur Sacerdotibus.* Hoc iterum pugnat cum præcedente. Ibi dicitur, indicationem Synodorum, iure divino, ad Apostolos pertinere. Hic dicitur, primario pertinere ad Reges, & ab illis ad Episcopos derivari. Hæc non coherent.

Responsio Richardi examinatur.

7. **H**ic tria præmittis, antequam componas dissidium. Ac primò dicis, hætenus de nominibus grammaticè litigatum esse. Sit ita. Sed qui illi sunt, qui de nominibus Grammaticè litigant? Non alij certè, quàm vestri Angli quorum lites & dissidia hætenus propè sita sunt. Igitur hoc asseris, Anglos vestros, qui de primatu Regis scripserunt, non nisi de vocibus, de nominibus, de titulis, more Grammaticorum, inter se disceptasse, nec aliud, præter umbras ac titulos, sub pretextu Primatus Regis, suo

A Regi tribuisse. Ingenua confessio. Ex qua sequitur hæc puncta esse merè nominalia: An Rex habeat Primatum Ecclesiæ? An Primatum Ecclesiasticum? an iurisdictionem Ecclesiasticam? an sit Primas, & supremum caput Ecclesiæ Anglicanæ? Et sic potius dici oportere: An non Primatus Ecclesiæ, cui nihil aliud lubest, honoris causa tribui possit Regi? An etiam nomen, seu titulus supremi capitis Ecclesiæ? & sic deinceps. Vno verbo: An Rex sit nominalis vel Titularis Primas, & caput Ecclesiæ Anglicanæ? Et tamen, quod mirantur exteri, hæc his Grammatica de nominibus, adeo incaluit in Angliā, ut capite plecterentur, qui alteri parti nollent acquiescere. Nam Rossensis Episcopus, ut supra notavi, supplicio affectus est, quod Henrici VIII. Primatum titulare nollet confiteri. Alij propter eandem causam, in carceribus detenti sunt. Non metuis Richarde, ne similis pœna expectet alios, qui in hac lite nominali & Grammatica, inter se dissentiunt? Fortè, ne id accadat, maturè ad cōcordiam reuocare eos vis, & litem quæ tot mortibus ac suppliciis stetit, nominali concordia sopire aut extinguere. Bonam scilicet operam nauas.

8. Mox quæris, an sex illa officia, quæ initio capituli à me enumerata sunt, propriè spectent ad Primatum Petri? Et, an ex Scripturis probari possit. Petrum aliquando exercuisse huiusmodi officia? At hæc quæstiones sunt extra scopum, Richarde. Hoc solum hic quæritur, an Angeli putent hæc officia pertinere ad Primatum Ecclesiæ, quem Rex sibi usurpat? Hic dissident Angli. Hic tu illis succurre, si potes.

9. Postremo addis Reges Christianos, ex sententia Henrici Salcolbrigienfis, posse exercere omnia ista officia, excepta excommunicatione. Scio Henricum ira sentire. Sed quæritur, an alij Angli idem sentiant? Iam ostendi Tookerum dissentire, non modò ab Henrico, sed etiam à seipso: Et vno loco asserere, indicationem Synodorum iure divino pertinere ad Apostolos, alio ad Reges & Imperatores. Hoc dissidium componendum tibi est. Et iam accingeris ad opus.

10. Igitur, his præmissis, pro Tookero sic scribit, *Neque in hoc puncto Tookerus ab Henrico, vel à seipso varius est. Cum Hierosolymitanum illud primum Concilium congregatum est, utrum regnarent Principes Christiani, an Ethnicis? At quæritur de iure Christianis. An igitur idem hic sonant Sophista & Iesuita? Vix video, quid velis. Sed tamen respondebo ad quæstionem à te propositam. Cum Concilium Hierosolymitanum congregatum est, regnarent Principes ethnici. Nec ab illis, sed ab Apostolis legitime congregatum est. Et quidem iure divino, ut faceret Tookerus, loco supra citato. Hinc infero, potestatem indicendi Concilia iure divino pertinuisse tunc ad Apostolos & eorum successores, non ad Reges & Principes sæculares. Et hoc concedit Tookerus. Quomodo ergo verum est, quod alibi dicit, potestatem indicendi Concilia primario conuenire Regibus, & ab illis ad Episcopos derivari? Hoc dissidium compone, si potes. Nec poteris. Nam si Apostoli habuerunt hanc potestatem iure divino, certè non habuerunt à Regibus. Et, si illi non habuerunt à Regibus quomodo eorum successores habeant à Regibus. Aut vnde Reges, qui aliquot sæculis floruerunt post Apostolos, hanc potestatem consecuti sunt? Hic Rhodus, hic saltus.*

11. Pergis, *At si Petrus tunc vicus ille Primas Ecclesiæ, cum solus Concilium illud non induxerit? Cur Iacobus Presidem in Concilio egerit? Si Petrus supra Concilium, quid illa sibi verba voluit, visum est nobis?* Hæc nihil ad rem præsentem. Non disputamus hic, an Petrus fuerit vicus Primas Ecclesiæ, aut solus Concilium

induxerit: sed, an Rex iure diuino habeat potestatem indicendi Concilia, nec ne? Nos negamus et ex vltra concessione sic argumentamur, Petrus & alij Apostoli habuerunt illam potestatem iure diuino: Ergo Reges non habent. Aut si habent, necesse est, ab Apostolis, post aliquot secula, ad Reges iure diuino translatum esse. At hec translatio ex scripturis probari non potest.

12. Concludis: Concilia Provincialia à Metropolitano, Diocesana ab Episcopo, quidni conuocentur vi legis Ecclesiastica Christianorum principum? praesertim cum (ut rectè D. Tookerus) eorum indictio primario ad Reges pertineat, & ab illis ad Episcopos deriuetur. At ex Tookero iam contrarium ostendi. Nam ipse affirmat Apostolos iure diuino habuisse potestatem indicendi Concilia, non vi legis Ecclesiasticae Principum Christianorum, qui tum nulli erant. At Apostolis successerunt Episcopi. Igitur & hi eandem potestatem habent iure diuino, non vi legis Principum Christianorum. Quod repetis ex Tookero, indictionem Conciliorum primario pertinere ad Reges, & ab illis ad Episcopos deriuari, non cohaeret cum eo, quod, haecenus à Tookero concessum est de Apostolis & eorum successoribus. Nam si hi iure diuino nacti sunt hanc potestatem, certè à Regibus nacti non sunt. Igitur Tookerus adhuc varius est, & secum ipse non sentit.

A tu Regio, non consentiunt in hoc puncto. Nam aliqui dicunt, sanctionem legum ecclesiasticarum, iure diuino, pertinere ad Episcopos: alij ad Reges & Imperatores. Priorem partem docet Tookerus, p. 42. ubi ait, Apostolos in Concilio Hierosolymitano sancivisse hanc legem Ecclesiasticam: *Visum est Spiritui sancto, & nobis, nihil ultra imponere vobis oneris, nisi haec necessaria, ut abstinereis vos ab immolatis simulacrorum, & sanguine & suffocato.* Et hoc fecit eos iure diuino. Posteriorem docet Thomsonius, p. 80. ubi dicit, Episcopos & Concilia non posse condere ullam legem ecclesiasticam, quae habeat vim legis, nisi accedente autoritate Regis vel Imperatoris. Verba eius sunt haec: *Decreta Conciliorum & Patrum Ecclesiasticis censuris & impositis tantum stent, nisi legum vim Caesarea auctoritas ipsis afflasset.*

B 4. Hinc iam patet dissidium. Nam illa Lex Ecclesiastica, quam Apostoli condiderunt, habuit sine dubio vim legis. Hoc enim colligitur ex illis verbis, *Visum est nihil ultra imponere vobis oneris, nisi haec necessaria.* Hanc autem vim non habuit ab afflatu auctoritatis, quia neque Tiberius, neque Pilatus, neque Herodes, neque ullus alius Princeps saecularis, qui tunc vixerit, afflauit illi vim legis: Sed habuit ab ipsis Apostolis. Ipsi enim auctoritate & potestate Apostolica, quam à Christo acceperant, legem illam sanxerunt & promulgarunt. Eandem potestatem nunc habent Episcopi, non Reges aut Imperatores.

VII. CAPVT DISSIDII.

An rex possit leges Ecclesiasticas condere?

1. **C**onstat Henricum VIII. tum per se, tum per Vicarium suum generalem, id fecisse. De Henrico sic scribit Sanderus in Schismate Anglicano: *His diebus, vigilantissimus hic Ecclesiae Pastor Henricus, quo in posterum sciretur, quae cui rursus nuptia esset, legem ediderat perpetuam de nuptiis, Comitum etiam auctoritate firmatam, qua stantebatur, ut si qua persona in Levitico non prohibita, solo consensu, per verba de praesentibus, matrimonium, nulla carnis copula subsequuta, contraxerint, etiam verò ambo postea, vel eorum altera nuptiis cum altera persona in Levitico non prohibita contractis, carnali copula easdem consummarent, haec posteriores, quas firmasset copula, non priores illa, quas solus consensus statuisset rata atque legitime haberentur, adeo ut cum olim iuris gentium fuisset regula: Nuptias non concubitus sed consensus facit, iam deinceps Henrici regula esse coepit: Nuptias non consensus, sed concubitus facit. Et tamen ipse legislator, contra suam ipsius regulam, uxorem Annam Cluensem, cuius nuptiae non solo consensu, sed septem etiam mensium concubitu firmatae, eo solum praetextu rejicit, ipsaque vineque aliam superinduxit, quod alteri, nescio cui, consensum antea praebuisse fingeretur. Huius ergo legis tantopere postea puduit ipsos Protestantes, ut mortuo Henrico, eam ipsi reuocauerint, atque irritam fecerint.*

2. De Vicario autem generali sic habet. *Septembris mense auctoritate sua Vicaria, Canones quosdam Ecclesiasticos sigillo Vicariatus sui munitos, Archiepiscopis, Abbatibus, & reliquo Clero praescripsit, in quibus, praeter cetera, iubebantur Parochi sub gravissimis penis, ut orationem Dominicam cum salutatione Angelica, Symbolum item fidei, & decem Decalogi praecepta aliisque huiusmodi Anglicae in posterum in Ecclesiis decernerent.*

3. Angli, qui hoc tempore scribunt de Prima-

Responsio Richardi examinatur.

1. **D**E lege Ecclesiastica, quam tulit Henricus VIII. prudenter dissimulas. Pudet te, credo, de ea mentionem facere. Circa dissidium inter Tookerum & Thomsonium tua dicis. Primo, componi illud posse, distinctione temporum. Alia enim fuisse tempora persecutionis, sub Regibus ethnicis: alia pacis, sub Regibus Christianis. Itaque Apostolos sancivisse leges Ecclesiasticas, tempore persecutionis quod asseritur à Tookero: Reges Christianos, tempore pacis, quod asseritur à Thomsonio.

D 6. Sed quæro, an Apostoli, qui tempore persecutionis sanxerunt leges Ecclesiasticas, iure diuino habuerint potestatem eas sanciendo? Affirmat Tookerus, et rectè. Nam à Christo eam acceperunt. Iterum quæro, an hæc potestas, cessante persecutione, tandem ab Apostolis ad Reges & Imperatores, iure diuino translata sit? Si non est, manet apud Apostolos & eorum successores, nec Reges eam usurpare debent. Si est unde translatio hæc probari potest? Non enim temere asserenda est. Certè ex scripturis canonicis probari non potest. Nam de illa translatione, nulla ibi fit mentio. Et tu dissertè affirmas, solis scripturis canonicis in hac re credendum esse. Si ergo translatio probari non potest, non poterit etiam, distinctione temporum pacis & persecutionis, componi hoc dissidium. Alia ergo via insistendum tibi est.

E 7. Secundo ais, Thomsonium non negare, Legem Apostolicam habuisse vim legis Ecclesiasticae, sine afflatu auctoritatis Caesareae, sed non habuisse vim corporalibus censuris constrictam. Hoc constare ex ipsius verbis supra citatis, quæ sic habent: *Decreta Conciliorum & Patrum Ecclesiasticis censuris tantum stent, nisi legum vim Caesarea auctoritas ipsis afflasset.* Si ita est, iam hæc duæ propositiones, secundum Thomsonium, veræ sunt. Prior, *Decreta Conciliorum & Episcoporum, ex se habent vim legis Ecclesiasticae, & quidem vim cogendi per censuras Ecclesiasticas, Posterior, Eadem decreta ex se non*

cogendi per censuras seu poenas corporales, sed illam debent accipere à Regibus qui gladium portant. At hinc sequitur, quod nos contendimus, Reges tantum subleuare Prælati Ecclesiæ in externa executione. Quamuis enim hi Prælati possint propria autoritate leges ecclesiasticas condere, & subditos per censuras ecclesiasticas ad earum observationem compellere; non tamen possunt vigere executionem per poenas corporales, sine adminiculo Principum secularium, præsertim ubi est effusio sanguinis. Quod verissimum est. Si ita sentit Thomsonius nobiscum sentit. Sin aliter, concordia tua nulla est. Elige quod vis.

8. Tercio ait, stultum esse existimare, leges Episcoporum habere tantam vim & auctoritatem, quantum habuit lex Apostolica. Quod dupliciter probas. Primo, quia lex Apostolica habetur in sacris litteris; non autem leges Episcoporum. Secundo, illa fuit diuinitus inspirata; hæc non item. Hinc tacite conclusis, etiam si Apostoli iure diuino habuissent potestatem condendi leges: non tamen Episcopos eam habere. Non vides, Richardo, te tuo gladio feriri posse? Nam quod obicis sic regeram. Lex Henrici Regis de nuptiis, de qua supra dictum est, non habetur in sacris litteris, nec à Deo inspirata est. Ergo non habet eam vim & auctoritatem, quam habuit lex Apostolica: Ergo licet Apostoli iure diuino habuerint potestatem condendi leges ecclesiasticas, non tamen Rex Angliæ eam habet. Quid hio dicturus es non video. Nam certum est, legem Henrici Regis non haberi in sacris litteris, quod non negabis. Certum quoque, & Deo inspiratam non esse. Nec dixisse illum, cum legem conderet, *Visum est Spiritui sancto & mihi, Nuptias non consensu, sed concubitu fieri & obsequari*. Non enim Spiritus sancti, sed alterius inspiratio illa est. Intelligis mysterium.

9. Sed hanc legem Henrici, vndeunque inspirata sit, tibi ac tuis Prædicantibus relinquo. Ego pro Episcopis respondebo. Ais igitur, Episcoporum leges non habere eam vim ac potestatem, quam habuit lex Apostolica, eo quod hæc scripta sit in sacris litteris, illæ non item. Si hæc intelligis de vi ac potestate obligandi quæ legi propria est, non rectè ratiocinaris. Alioqui, quid dicturus es de legibus Perlarum, Medorum, & aliorum gentilium, quarum in sacris litteris sit mentio? An ideo plus potestatis ad obligandum habent, quam leges Principum Christianorum, quæ ibi scriptæ non sunt? Et lex vestra Anglicana, per quam Primatus Ecclesiæ unitus est coronæ Regiæ, an minorem vim habet quam Edictum Assueri, eo quod hoc in sacra historia scriptum sit, illa non item? Audi Richardo. Dicam, quod res est. Lex humana (qualis etiam fuit Apostolorum) non accipit maiorem vim obligandi ex eo præcise, quod in hoc vel illo Codice scripta sit, sed ex eo potius, quia Legislator maiori usus est potestate, & voluit eam magis obligare. Vnde hæc dux regulæ seruandæ sunt. Vna, Lex habet vim obligandi ex potestate & voluntate Legislatoris, iuxta illud Vlpiani, *Quid Principi placuit, legis habet vigorem*. Altera, Lex habet eandem vim obligandi, siue scripta sit, siue non sit, modo ex potestate & voluntate Legislatoris sufficienter sit promulgata, iuxta illud Aristotelis, lib. 10. Ethicorum, cap. 9. *Scriptæ sint leges, an non scriptæ, interesse nihil videtur*.

10. Quod addis, Legem Apostolicam diuinitus fuisse inspiratam, non nego. Sed quare tu negas, Episcoporum leges diuinitus inspirari? Non rectè id facias. Nam Episcopi sunt successores Apostolorum, ac prouide assistentia Spiritus sancti, quæ Apostolis promissa est, etiam successoribus eorum promissa

A censeri debet, iuxta illud Ioannis 14. 16. *Ego rogabo Patrem, & alium Paracletum dabit vobis, ut maneat vobiscum in æternum, Spiritum veritatis*. Quomodo potest in æternum manere cum Apostolis, nisi simul intelligantur successores Apostolorum? Eodem spectat illud Matt. 28. 20. *Ego vobiscum sum omnibus diebus usque ad consummationem sæculi*. Quod necesse est sic interpretari, ego vobiscum & cum vestris successoribus sum in gubernatione Ecclesiæ, usque ad finem mundi. 11. An etiam negabis, Regum & Principum leges à Deo inspirari? Quid ergo fiet de legibus vestris Anglicanis? Sanè, si semel populo persuaseris, non esse diuinitus inspiratas, actum erit de earum auctoritate. Nemo magnopere in conscientia obligatum se arbitrabitur. Aut si hæc à Deo inspiratas concesseris, cur Episcopis tam infestus es, ut eorum existimationi detractum velis? Non intelligat hoc Archiepiscopus Cantuariensis, aut certè Episcopus Eliensis. Alioqui, non feceris impudè.

12. Hæc de dissidio, Tandem, desperata Concordia, petis à me, ut in gratiam Thomsonij reddam solidam rationem, cur Episcopi in Concilio Constantinopolitano quinto, scripserint ad Theodosium Imperatorem hæc verba, *Rogamus Clementiam tuam, ut per litteras tue pietatis, ratum esse iubeas, confirmesque Concilij decretum*. At ego vicissim à te peto, ubi vnquam legeris, tempore Theodosij Imperatoris celebratum fuisse quintum Concilium Constantinopolitanum. Vbi que erras. Non fuit quintum, sed primum, quod inter Concilia generalia secundum locum obtinet. Illius Concilij Patres scripserunt ad seniore Theodosium verba à te citata. Cur id fecerint, quid rationem à me petis? Tu ipse iam dedisti Hanc nimirum, quod tametsi Patres illi condidissent decretum, quod haberet vim legis ecclesiasticæ, & vim etiam cogendi per censuras Ecclesiasticas, rogarent tamen Imperatorem, ut ipse confirmaret idem decretum, apponendo vim cogendi per poenas temporales. Hæc tua ratio est, quæ paulò antè defendebas Thomsonium. Vel igitur solida est, vel non est. Si solida est, cur illa contentus non es? cur aliam à me postulas? Si solida non est, non solidè defendisti Thomsonium. Ego igitur iure abs te aliam postulem, quæ solidè illum defendas.

VIII. CAPVT DISSIDII.

An Rex propria auctoritate possit conferre beneficia Ecclesiastica?

1. Affirmat Henricus Saltcolbrigensis, pag. 127. his verbis. *Christiani Principes in suis regnis cum laude propria auctoritate beneficia contulerunt*. Et pag. 150. *Audin Testis, non modo collationes beneficiorum ad Angliæ Reges spectare, sed ad eosdem illos spectare, uti Ecclesiæ Anglicanæ Primates, vel supremos Ordinarios?* Et pag. 142. *Rex ratione supreme sue Ecclesiasticæ iurisdictionis, presentabit ad liberas capellas*.

2. Negat Tookerus, pag. 36. ubi de Regibus Angliæ sic loquitur: *Beneficia autem curata vel non curata, non conferunt omnino in quempiam, maiora minoraue multo minus dignitates Ecclesiasticas, siue Episcopatus, siue Archiepiscopatus, per vniuersum ambitum Regni sui. Eorum certe collatio vel institutio est, quorum est destitutio, id est, Episcoporum comprouincialium, qui potestatem habent personas ipsas sacrandi. Hoc habet iuris Regia Majestas,*

quod minor & subordinata potestas habet, ius inquam, nominandi & presentandi apud nos.

3. En triplex dissidium inter hos duos auctores, & quidem in re quotidiana & vulgari. Primum est, Henricus dicit collationem beneficiorum spectare ad Reges Angliæ, quatenus sunt Primates Ecclesiæ Anglicanæ: Tookerus contra, non ad Reges, sed ad Episcopos pertinere. Alterum, Henricus dicit, Reges propria autoritate sæpe contulisse beneficia. Tookerus, nunquam conferre aut contulisse. Tertium, Henricus dicit, Reges ratione supremæ iurisdictionis Ecclesiasticæ, præsentare ad beneficia: Tookerus, Reges in hac re non habere plus iuris, quam subditos & inferiores. *Hoc, inquit, ius habet Regia maiestas, quod minor & subordinata potestas habet. Vt credat Rex Iacobus, si pingue beneficium: aut Archiepiscopatus conferendus sit?*

Responsio Richardi examinatur.

4. **A** Is Henricum & Tookerum re ipsa non dissentire. Nam Henricum loqui de collatione, donatione, præsentatione & nominatione: Tookerum, de institutione presbyterorum aut sacratione Episcoporum. Igitur Henricum affirmare, Regem posse conferre, donare, præsentare, & nominare ad beneficia, quod non negat Tookerus: Hunc verò negare, Regem posse instituere presbyteros & sacrare Episcopos, quod non affirmat Henricus. Nullum ergo inter ipsos esse dissidium. Fateor nullum esse si ita sentiant, ut dicis. At aliter eos sentire, manifestè conuincitur ex eorum verbis. Nam Tookerus disertis verbis hæc duo dicit. Primum Regem Angliæ, *per uniuersum ambitum regni sui, nulla penitus conferre beneficia, siue maiora, siue minora, siue curata, siue non curata.* Secundò, Regem hoc solum iuris circa beneficia habere quod habent subditi & inferiores, nempe *ius nominandi & presentandi.* Hinc formo duplex argumentum. Vnum, Conferre beneficia minora, & non curata, non est idem, quod instituere Presbyteros & sacrare Episcopos, quia minora & non curata beneficia, possunt conferri clericis inferioribus, antequam perueniant ad presbyterium vel Episcopatum: Ergo Tookerus, cum negat Regem conferre beneficia minora & non curata, non loquitur de institutione presbyterorum aut sacratione Episcoporum, ut tu fingis. Nisi consequenter affirmes, sola simplicis beneficii collatione, apud vos institui presbyteros & sacrare Episcopos, quod credibile non est. Alterum, Qui non habet aliud ius circa beneficia Ecclesiastica, quam nominandi & presentandi, non potest ea donare vel conferre, quia plus est donare vel conferre, quam nominare & presentare. At Rex Angliæ, iuxta Tookerum, non habet aliud ius, quam nominandi & presentandi: Ergo non habet ius donandi & conferendi.

5. Vides Tookerum adhuc dissidere ab Henrico? Henricus concedit Regi ius donandi & conferendi beneficia. Tookerus presentandi duntaxat & nominandi. Et tu ab utroque dissides. Primum à Tookero, quia cum ille aperte loquatur de collatione beneficiorum, tu fingis illum loqui de sola institutione presbyterorum & sacratione Episcoporum. Deinde, ab Henrico, quia ipse dicit, collationem beneficiorum pertinere ad Regem Angliæ, tanquam ad Primum Ecclesiæ Anglicanæ: quod tu negas cum Tookero. Sic enim scribis: *Ostendat Iesuita, beneficiorum collationem ad Primum Ecclesiæ Christianæ pertinere, & victoriam portari.* Non est meum hoc ostendere, sed Henrici, qui id affirmat. Meum est tantum ostendere, Anglos

A inter se dissidere de hoc puncto. Hoc iam feci. Reportem igitur victoriam.

6. Atque hæc generatim de hoc dissidio. Nunc, quia ego posui triplicem partem huius dissidii, tu similiter opponis triplicem concordiam. Quo euentu, paucis examinandum est. Prima pars dissidii est hæc: Henricus dicit, collationem beneficiorum spectare ad Reges Angliæ, quatenus sunt Primates Ecclesiæ Anglicanæ: Tookerus contra, non ad Reges, sed ad Episcopos pertinere. Tu opponis hanc concordiam: *Henricus dicit, collationes quorundam beneficiorum spectare ad Reges Angliæ per viam lapsus, quatenus sunt Primates Ecclesiæ Anglicanæ: Tookerus, non ad Episcopos, ob lapsum temporis plusquam sesqui annis, sed ad solos Reges pertinere.* Falsum est. Tookerus nulla facta mentione lapsi temporis, simpliciter ait, ad Episcopos, non ad Reges pertinere. Deinde vel Tookerus per collationem beneficiorum idem intelligit, quod Henricus, vel diuersum. Si diuersum, non est concordia. Si idem falsum est quod antea dixisti, Henricum loqui de collatione seu donatione: Tookerum de sola institutione presbyterorum & sacratione Episcoporum. Igitur à tempore dissides.

7. Altera pars dissidii est: Henricus dicit Reges propria autoritate sæpe contulisse beneficia: Tookerus nunquam conferre aut contulisse. Tu opponis hanc concordiam: *Henricus dicit, Reges propria autoritate, sæpe contulisse beneficia: Tookerus quandoque 40. 50. 60. aut plura beneficia singulis annis contulisse.* Hoc affingis Tookero, qui nihil tale habet. Imò disertè scribit, Regem nulla beneficia, siue maiora, siue minora, siue curata, siue non curata, in toto regni ambitu, vnquam contulisse. Deinde, paulò ante dixisti, Tookerum loqui tantum de institutione presbyterorum & sacratione Episcoporum. An ergo Rex Angliæ aliquando singulis annis instituit 40. 50. 60. aut plures presbyteros, aut totidem Episcopos sacrauit? Vbi que te implicas.

8. Tercia pars dissidii est: Henricus dicit, Reges, ratione supremæ iurisdictionis Ecclesiasticæ, præsentare ad beneficia: Tookerus, Reges in hac re non habere plus iuris, quam subditos & inferiores. Tu opponis hanc concordiam: *Henricus dicit, Reges, ratione supremæ iurisdictionis Ecclesiasticæ, præsentare ad leueras Capellas, neque Episcopos aut Archiepiscopos, easdem posse visitare: Tookerus dicit solos Reges non subditos & inferiores, nisi ex donatione Regis, hoc ius habere.* At ubi Tookerus hoc dicit? tu fingis eum dicere, quod non dicit. Imò contrarium dicere, iam antea ostendi, nempe, ius præsentandi commune esse Regi & subditis. Verba eius sunt hæc, *Hoc habet ius Regia Maiestas, quod minor & subordinata potestas habet, ius inquam, nominandi & presentandi apud nos.* At tu hinc colligis, solos Reges, non subditos, habere hoc ius? Nec ullam Tookerus mentionem facit de liberis capellis.

IX CAPVT DISSIDII.

An Rex possit Episcopos creare & deponere.

1. **A**ffirmat Henricus Salcolbrigienfis, pag. 121. his verbis, *Christiani Principes in suis regnis, cum laude propria autoritate, Episcopos creantur & deposuerunt.* at pag. 144. *Rex Angliæ Archidiacono Richmundi Episcopalem concessit iurisdictionem.* at p. 155. *Reges Angliæ suprema sua autoritate de iure, atque cum laude omnium ordinum Episcopos elegerunt, ac proinde deponere poterunt.* at p. 167. *Constat Christianos Principes cum laude Episcopos elegerisse & deposuisse, etiam Romanos.*

2. Negat Tookerus loco citato. Ibi enim duo requiruntur ad constituendum seu creandum Episcopum. 1. Consecrationem personarum. 2. Episcopatum. Addit, Regem neutrum præstare posse. Nec enim posse conferre illa beneficia, multo minus Episcopatum aut Archiepiscopatum, nec habere potestatem sacrandi personas. Unde etiam alibi fatetur, tantum abesse, ut Rex Iacobus possit Episcopos creare & deponere: ut potius agnoscat se illorum alumnus & Discipulum. Sic enim scribit pag. 311. *Serenissimus ac potentissimus Rex noster Iacobus non habet quicquam antiquius & honorificentius, quam ut cum Valentiniano filium se Ecclesie profiteatur, & cum Theodoro Italia Rege, se alumnus Ecclesie & discipulum Archiepiscoporum suorum & Episcoporum libenter recognoscat.*

3. Hoc dissidium magni momenti est. Nam si Rex non potest creare seu constituere Episcopos, ut ait Tookerus, plane sequitur, Thomam Crammerum, qui à Rege creatus est Archiepiscopus Cantuariensis non fuisse verum, sed falsum Episcopum: non pastorem, sed prædorem: non per ostium intrasse in civile opium, sed aliunde ascendisse. ex quo rursus tria sequuntur. Primo, omnes alios Episcopos, qui postea, vel à Crammero, vel à Rege creati sunt, fuisse similes Crammero. Secundo, quidquid ab iis, auctoritate & iurisdictione Episcopali factum est, nullius roboris & momenti esse. Tercio, eosdem teneri ad restitutionem omnium proventuum, quos ratione Episcopatum acceperunt. Quid hic consilij capiendum? videant Academici.

Responsio Richardi examinatur.

4. **H**ic duo facis. Primo, confirmas sententiam Henrici, auctoritate Serenissimi Regis. Secundo, contendis Tookerum idem sentire cum Henrico & Rege. Hoc posterius punctum examinandum est. De priori nihil attinet dicere. Scio sententiam Henrici ex Monitoria Serenissimi Regis Prefatione contineri posse. Neque de hoc controuersia est.

5. Igitur Tookerum sentire cum Henrico & Serenissimo Rege, probas tribus argumentis. Primo, quia *quæ solide à Rege disputata sunt*, libenter amplectitur Tookerus, ut orthodoxa: At solide à Rege disputatum est, se posse creare & deponere Episcopos. Ergo hoc libenter amplectitur Tookerus, ut orthodoxum. Secundo, quia Tookerus, pag. 317. & 312. scribit, Reges habere Primatum Ecclesie: Ergo fatetur eos habere potestatem creandi & deponendi Episcopos. Tercio, quia pag. 151. scribit Salomonem Regem, propria auctoritate, deposuisse summum Pontificem: Ergo sentit, Regem Angliæ idem posse facere.

6. Misere me tui Richarde. Magnum suscipis laborem, & nihil proficis. Verba Tookeri clarissima sunt, quæ sic habent, *Reges Angliæ non conf. r. ut omnino in quempiam beneficia curata vel non curata, maiora minoraque: multo minus dignitates Ecclesiasticas, sine Episcopatu, sine Archiepiscopatu, per uniuersum ambitum regni sui. Eorum certe collatio vel institutio est; quorum est destitutio, id est Episcoporum comprouincialium, qui potestatem habent personas ipsas sacrandi.* Ex quibus sumuntur hæc tres propositiones. Prima, Reges Angliæ non conferunt ulli Episcopatum, aut Archiepiscopatum. Altera, Reges Angliæ non habent potestatem sacrandi personas. Tertia, Collatio, institutio, & destitutio, non est Regum, sed Episcoporum. Quid hinc aliud colligas, quam Reges Angliæ, ex sententia Tookeri, non posse creare & deponere Episcopos?

7. Porro argumenta, quæ contra obijcis, causam

A tuam non iuuant. Vel enim solida sunt, vel non sunt. Si solida sunt, solide probant Tookerum à seipso dissentire. Et si ita est, non ostendunt concordiam, sed dissidium. Si solida non sunt, frustra à te afferuntur. Ut quid chartam occupant? at sanè, meo iudicio, solida non sunt. Repetam singula, & discutiam. Primum est: *Quæcunque solide à Rege disputata sunt, libenter amplectitur Tookerus, ut orthodoxa.* At solide à Rege disputatum est, se posse creare & deponere Episcopos: Ergo hoc libenter amplectitur Tookerus, ut orthodoxum. Hic primum, negabitur minor propositio. Quam falsam esse, facile ostendam ex opposito discursu, in hunc modum: Quæcunque Tookerus non libenter amplectitur, ut orthodoxa, non sunt solide à Rege disputata: sed,

B Regem posse creare & deponere Episcopos, non libenter amplectitur Tookerus, ut orthodoxum, quia in verbis supracitatis contrarium asserit: ergo Regem posse creare & deponere Episcopos non est solide à Rege disputatum. Deinde, reperi potest argumentum, hoc modo: Quæcunque solide à Rege disputata sunt, libenter amplectuntur Academici Anglicani, ut orthodoxa: At à Rege in Monitoria Prefatione, solide disputatum est de Antichristo: ergo Academici Anglicani libenter hoc amplectuntur, ut orthodoxum. In hoc discursu consequens falsum est, quia Gabriel Pouellus, Baccalaureus Oxoniensis non sequitur doctrinam Regis de Antichristo. Nam Rex dicit hanc propositionem, *Papa est Antichristus*, non esse certam: At Baccalaureus dicit esse articulum fidei. Sic enim scribit: *Deum testor, me tam certo scire, Pontificem Romanum esse Antichristum, quam Deum ipsum esse in celo creatorem visibilium & invisibilium.* At si consequens falsum est, cum forma syllogismi bona sit necesse est, alterutram præmissarum falsam esse. Vel igitur maior, vel minor falsa est. Vera sit, perinde mihi est. Sufficit, si demonstrarem, nullius momenti fuisse argumentum tuum.

8. Alterum est tale: *Tookerus scribit Regem Angliæ habere Primatum Ecclesie: Ergo fatetur eum posse creare & deponere Episcopos.* At hæc consequentia, apud vos, nulla est. In eo principium petit. Nam hoc ipsum controuertitur inter Anglos, an creare & deponere Episcopos sit officium Primatus Ecclesie? ac proinde controuertitur, an hæc sit bona connexio: Rex habet Primatum Ecclesie? ergo potest creare & deponere Episcopos. Alij affirmant apud vos, alibi negant. Tu affirmantem partem, quæ probanda est, sumis pro argumento. Quid hoc aliud, quam principium petere? eodem vitio laborat tertium argumentum, quod est huiusmodi: *Tookerus scribit Salomonem deposuisse Pontificem. Ergo sentit Regem Angliæ idem posse.* Hæc enim consequentia nulla est. Nam grauissimi auctores docent, aliud de Regibus in veteri, aliud in nouo Testamento statuendum esse. Itaque constanter negant hanc & similes consequentias: Reges in veteri Testamento hanc vel illam potestatem habuerunt: ergo etiam Reges in nouo Testamento habent vel non habent. De qua re alias scripsi.

X. CAPVT DISSIDII.

An Rex possit subditos contumaces excommunicare?

1. **H**ic Angli redigunt Regem suum ad communem ordinem: at quæ prius illi concesserant, videntur hic renocare. Aiunt, Regem non posse ququam suorum subditorum excommunicare, posse sa-

men ab iis excommunicari, & ex Ecclesia Anglica, A cuius supremum caput est, expelli. Priorem partem tradit Tookerus pag. 15. his verbis. *Rex non habet potestatem distringendi gladium spiritualem, vel quempiam excommunicandi.* Et Sacellanus pag. 151. *Nos Principi censura potestatem non facimus.* Et Thomionius pag. 83. *Excommunicare nullo modo ad Suprematum Ecclesie pertinet.* Et pag. 84. *Omnes faciemur, Regem excommunicandi potestatem nullam habere.*

2. Posteriores tradit Burchillus pag. 137. cum ait; *Quod Ambrosio licuit in Theodosium, idem & aliis in Regem simili de causa liceat,* id est, sicut Ambrosio Episcopo licuit excommunicare Theodosium Imperatorem; ita & nostris Episcopis licet excommunicare Iacobum Regem, si similiter peccet. et pag. 142. *Supremus Ecclesie gubernator, nempe Rex. Potest eici ex Ecclesia.* Et pag. 167. *Rex etsi iustissime excommunicatur, non amittit Primatum.*

3. Non video, quomodo hæc cohereant cum iis, quæ hæcenus tributa sunt Regi. Tributum illi est, quod sit primas & supremum Caput ecclesie Anglicanæ, quod sit supra omnes personas tam Ecclesiasticas, quam laicas, in suo regno, quod habeat supremam, amplissimam & plenissimam iurisdictionem Ecclesiasticam, non minus, quam politicam & temporalem. et tamen, cum tantus sit, non potest quæquam suorum subditorum, nec laicum, nec ecclesiasticum, quatumvis rebellem & contumacem, excommunicare. Imò, cum tantus sit, potest à suis subditis excommunicari, & eici ex ecclesia Anglicana, cuius supremum Caput est. Non capio hoc mysterium.

4. Addam tria argumenta, quæ augebunt difficultatem. *Primum est,* qui habet supremam, amplissimam & plenissimam iurisdictionem Ecclesiasticam in aliquo regno, potest exercere omnes actus, qui pertinent ad iurisdictionem ecclesiasticam illius regni: sed Rex habet supremam, amplissimam & plenissimam iurisdictionem ecclesiasticam in regno Angliæ ut fassentur Tookerus & Salcolbugiësis. Ergo potest exercere omnes actus pertinentes ad iurisdictionem Ecclesiasticam regni Angliæ. Ergo etiam potest excommunicare. Nam excommunicatio, quæ per sententiam fit, ecclesiasticæ iurisdictionis actus est. Vel contra si vis: *Qui non potest exercere omnes actus Ecclesiasticæ iurisdictionis in aliquo regno, non habet supremam, amplissimam & plenissimam iurisdictionem Ecclesiasticam in illo regno: sed Rex Angliæ non potest exercere omnes actus ecclesiasticæ iurisdictionis in suo regno, quia non potest quemquam excommunicare: ergo non habet supremam, amplissimam & plenissimam iurisdictionem Ecclesiasticam in suo regno.*

5. *Alterum est;* Qui alteri dat potestatem excommunicandi, is sine dubio habet potestatem excommunicandi, quia nemo potest alteri dare, quod ipse non habet: sed Rex Angliæ dat episcopis potestatem excommunicandi: Ergo ipse habet potestatem excommunicandi. Minor probatur ex Tookero p. 304. ubi fassetur, episcopos omnem iurisdictionem Ecclesiasticam fori exterioris accipere à Rege. At potestas excommunicandi pertinet ad iurisdictionem fori exterioris, ut expressè docet Sacellanus p. 41. & Tookerus p. 305. cum ait: *Rex habet omnem iurisdictionem spirituales in foro exteriori, exceptis quibusdam censuris.* Excipit autem excommunicationem. Vbi iterum notanda est contradictio Tookeri. Nam censuras, inter quas est excommunicatio, refert ad iurisdictionem fori exterioris. Rectè quidem. Sed duo addit, quæ pugnant. 1. Regem dare Episcopis omnem iurisdictionem fori exterioris. 2. Regem non habere omnem iurisdictionem fori exterioris.

6. *Tertium est,* Qui alicui alteri subiectus est in iurisdictione ecclesiastica fori exterioris non habet supremam plenissimam & amplissimam iurisdictionem Ecclesiasticam fori exterioris: sed Rex alicui alteri, nempe Episcopo, subiectus est in iurisdictione Ecclesiastica fori exterioris, quia potest ab eo per sententiam excommunicari, & ex Ecclesia eici, ut fassetur Burchillus. Ergo non habet supremam, plenissimam & amplissimam iurisdictionem Ecclesiasticam fori exterioris. Vel, si mauis, contra. Qui nulli alteri subiectus est in iurisdictione Ecclesiastica, non potest ab ullo per sententiam excommunicari: Sed Rex, si habet supremam iurisdictionem Ecclesiasticam, nulli alteri subiectus est in iurisdictione ecclesiastica: Ergo non potest ab ullo per sententiam excommunicari. Aduertis, opinor, hæc non coherere.

Responsio Richardi examinatur.

1. **R**espondes, nullum hîc esse dissidium. Omnes scriptores Anglicanos fateri, Regem non habere potestatem excommunicandi. Audi Richarde. Maximum hîc dissidium est. Primò, quia omnes scriptores Anglicani, qui hoc fatentur, manifestè à se ipsis dissident, ut conuincunt argumenta à me allata. Deinde, ut supra monui, dissident à lege Elizabethæ. Nam illa lege sancitum est, Regem habere omnimodam potestatem corrigendi ecclesiasticos: At sub hac omnimoda potestate continentur etiam potestas corrigendi per censuras Ecclesiasticas, ut per excommunicationem, suspensionem & interdictum. Si ergo omnimodam habet, etiam hanc habet: aut si hanc non habet, omnimodam non habet.

8. Argumenta à me allata conaris dissoluere; sed frustra. Ad primum tria dicis. Primò, negas maiorem propositionem, quæ erat hæc, *Qui habet supremam amplissimam & plenissimam iurisdictionem Ecclesiasticam in aliquo regno, potest exercere omnes actus, qui pertinent ad iurisdictionem Ecclesiasticam illius regni.* Sed non video cur neges. Nam sicut hæc vera est, qui habet supremam, amplissimam & plenissimam iurisdictionem civilem in aliquo regno potest exercere omnes actus, qui pertinent ad iurisdictionem civilem illius regni sic etiam ista. At enim par ratio.

9. Secundò dicis, potestatem excommunicandi non pertinere ad Primatum Ecclesie: Et hoc probas, quia alioqui sequeretur, omnes episcopos & Archidiaconos habere Primatum ecclesie, quia omnes illis possunt excommunicare. Hoc non sequeretur, quia potestas excommunicandi, tametsi pertineat ad primatum ecclesie, potest tamen ab eo derivari ad inferiores Prelatos ad quos non derivatur Primatus. Et hoc sensu nos decimus, Pontificem ratione sui Primatus habere potestatem excommunicandi, independentem ab ullo homine reliquos habere eandem dependentem à Pontifice qui potest illam dare & auferre. Eodem sensu vos dicatis, Regem vestrum ratione sui Primatus, habere potestatem indicendi Concilia independentem ab ullo homine, in suo regno. Episcopos verò habere eandem dependentem à Rege, qui potest illam dare & auferre. Quæro nunc an apud vos valeat hæc consequentia, Si potestas indicendi Concilia pertinet ad Primatum Ecclesie Anglicanæ, sequitur omnes episcopos habere Primatum ecclesie quia omnes possunt indicere Concilia, dependentem à Rege. Si valet, eueritis vos ipsos. Si non valet, cur eam adhibes?

10. Tertio dici, Regem, tametsi non possit excommunicare, posse tamen cum consensu ordinum re-

gni vel Parlamenti, cedere leges Ecclesiasticas, quoniam vi hic aui ille excommunicari debeat. Quid hoc est, Richardo, Henricus Salcolbrigienſis iam ante dixit, Regem propria auctoritate puelle leges Ecclesiasticas condere, Et tu altringis illum ad conſenſum ordinum, vel Parlamenti, Nouum diſſidium hoc eſt. Quid ergo fiet, ſi Rex propria auctoritate, ſine conſenſu ordinum vel Parlamenti, decernat aliquid circa res vel perſonas Eccleſiaſticas Habebit decretum hoc vim aliquam & robur, an ſecus? Apud Henricum habebit, quia illi ſufficit ſola Regis auctoritas. Apud te vileſcet, quia auctoritas Regis, ſine conſenſu ordinum aut Parlamenti ex tua quidem ſententia, nullius momenti eſt. Nimirum detrahis Primati & Capiti eccleſiæ Angli- canz.

11. Quod addis, leges eccleſiaſticas à Rege latas, habere quidem vim excommunicandi, quam tamen Rex non habeat, nouum paradoxum eſt. Hæc enim certiffima Iureconſultorum eſt regula; Quicumque habet poteſtatem condendi legem poenalem, habet etiam poteſtatem puniendi. Vel quod idem eſt, qui poteſt infligere poenam per legem à ſe latam; poteſt etiam infligere per ſententiam. Quæ regula applicanda eſt poteſtati civili & eccleſiaſtica, ſeruata proportionem, hoc modo: Princeps qui poteſt ferre legem civilem, prohibentem aliquid ſub poena exilij aut amiſſionis bonorum, poteſt etiam per ſententiam infligere huiusmodi poenam. Similiter Epico- pus, qui poteſt ferre legem Eccleſiaſticam prohibentem aliquid ſub poena excommunicationis, poteſt etiam per ſententiam infligere eandem poenam excommu- nicationis. Cur Regem excipis ab hac communi re- gula? Cur illum in anguſtias redigis? Si poteſt ferre legem Eccleſiaſticam, quæ ſubditos obliget ſub poena excommunicationis: Cur non poteſt eandem poenam per ſententiam infligere in delinquentes? Nulla ratio eſt.

12. Hæc de primo argumento. Alterum erat hoc, Rex dat alteri poteſtatem excommunicandi: Ergo ipſe habet poteſtatem excommunicandi: aut ſi non habet, non poteſt alteri dare. Tu negas conſequentiam: Et ve- oſtendas non temerè te id facere, adducis ex Diuo Bernardo hæc verba, *Comerte gladium tuum in vagi- nam. Tuus ergo & ipſe: tuo forſitan nunt, etſi non ma- manne uaginandus. Perque ergo Eccleſia, & ſpiritalis ſcilicet gladius, & materialis: ſed is quidem pro Eccle- ſia, ille vero, & ab Eccleſia exercendus eſt, ille Sacerdo- tis, is militis manu ſed ſane ad nutum Sacerdotis & inſum Imperatoris.* Locum in quo habeat illa Verba Bernardus, non cites, quia feſtinasti. Sed quidquid de loco ſit, qui mihi notus eſt, non rectè negas conſequentiam. Ego ſanè ſic eam probaui; Nemo poteſt alteri dare quod ipſe non habet: Ergo ſi Rex dat alteri poteſta- tem excommunicandi, necesse eſt ipſum habere eam poteſtatem. Quid ad hoc reſpondeſ? Nihil. Nec Ber- nardus te iuuat, ſed damnat. Primò, quia diſerte con- firmat meam conſequentiam, quam tu negas. Nam lib. 2. de conſideratione, c. 5. ſic loquitur de Apoſtolo Petro, *Nec enim tibi ille dare, quod non habuit, potuit. Quod habuit, hoc dedit.* Ex quo principio ſic argumen- tatur, Nemo poteſt alteri dare quod non habet: ſed Petrus non habuit poſſeſſiones temporales: Ergo non potuit eas alteri dare. Habuit autem eam totius Ec- cleſiæ: nam igitur ſucceſſori dedit. Ex eodem princi- pio ſic ego concludo, Nemo poteſt alteri dare quod non habet: Sed Rex Angliæ dat Epico- pis poteſtatem excommunicandi, ex veſtra ſuppoſitione: Ergo ipſe habet poteſtatem excommunicandi: vel ſi non habet, non poteſt eam dare. Vides, mi homo, Bernardum eodem modo argumētatum eſſe, quo ego ſum? Et eam eſſe vim in meo, quæ in ipſius argumento eſt? Igitur

A pro me facit Bernardus, non prote.

13. Potrò ſententia Bernardi, quæ à te citata eſt, mul- to minus iuuare te poteſt. Primò, quia confirmat po- teſtatem Pontificis, quam tu negas. Secundò, quia ni- hil ad propoſitum noſtrum facit. Nos enim diſputa- mus, an hæc conſequentia ſit bona, *Hic dat alteri pote- ſtatem excommunicandi: Ergo ipſe habet poteſtatem ex- communicandi.* ego affirmo, Tu negas. Bernardus, quem citas, nihil de illa dicit. De alia duplici loqui- tur. Vna eſt, Pontifex habet gladium ſeu poteſtatem temporalem indirectè: Ergo per ſe poteſt omnia offi- cia illius poteſtatis exequi. Hanc negat. Altera eſt hæc, Pontifex habet gladium ſeu poteſtatem ſpiritualem directè: Ergo per ſe poteſt illum exorcere. Hanc con- cedit ſed vide, an pro tuo ſtomacho. De noſtra, ne meminit quidem, præſertim in verbis à te citatis. At alibi, non ſolum meminit, ſed etiam confirmat, vt iam antedixi.

14. Tertium meum argumentum erat huiusmodi. *Qui alicui alteri ſubiectus eſt in iuriſdictione. Eccleſiaſtica fori exterioris, non habet ſupremam, pleniffimam & am- pliſſimam iuriſdictionem Eccleſiaſticam fori exterioris: ſed Rex alicui alteri, nempe Epico- po, ſubiectus eſt in iuriſ- dictione Eccleſiaſtica fori exterioris, quia poteſt ab eis ex- communicare, & ex Eccleſia eici: Ergo Rex non habet ſupremam, pleniffimam & ampliſſimam iuriſdictionem Eccleſiaſticam fori exterioris.* Tu reſpondeſ ſi hoc argu- mentum obtineat, Pontificem non fore Primatem eccleſiæ, quia ſubiectus eſt Sacerdoti, qui conſite- tur. Valdè erras Richarde: Nec diſtinguis inter iuriſdictionem fori exterioris & interioris. Primatus eccleſiæ non conſiſtit in iuriſdictione fori interioris, ſed exterioris. Itaque qui habet Primatum, non po- teſt alteri eſſe ſubiectus in foro exteriori, poteſt ta- men in interiori. Meum argumentum procedit de fo- ro exteriori. Et rectè. Si tu ſimiliter velis procedere de interiori, ſic concludendum tibi erit; *Qui alicui al- teri ſubiectus eſt in iuriſdictione fori interioris, non habet ſu- premam, pleniffimam & ampliſſimam iuriſdictionem fori interioris.* At Pontifex alicui alteri, nempe conſeſſario ſuo, ſubiectus eſt in iuriſdictione fori interioris: Ergo Pontifex non habet ſupremam, pleniffimam & ampliſſimam iuriſdi- ctionem fori interioris. Totum conceſſero. Nam Ponti- fex, ſicut in externa iuriſdictione eſt ſupra omnes Chriſtianos, ſic in interna eſt par aliis Sacerdotibus. Nam poteſtas abſoluendi à peccatis, ſeu interna iuriſdictione in habitu immediatè à Chriſto confertur omnibus Sacerdotibus, vi ordinis: Nec quo ad ha- bitum eſt maior in vno, quàm in alio, ſed in omni- bus æqualis. Hoc intereſt, quod alij habent plures, alij pauciores ſubditos, in quos legitimè exercere poſſint hanc iuriſdictionem fori conſcientiæ.

XI. CAPVT DISSIDII.

An Rex ſit Iudex omnium contro- uerſiarum in Eccleſia?

CONTRouerſiæ, quæ oriuntur in Eccleſia, ſunt duplices: aliz circa fidem & religionem; aliz circa res alias Eccleſiaſticas. Ego prior quæſtio, an Rex, ratione ſui Primatus, ſit ſupremus Iudex omniū controuerſiarum, quæ pertinent ad fidem & religio- nem? Affirmat Henricus Salcolbrigienſis p. 163. his verbis: *Sic luce clarius eſt, Chriſtianos Principes, cum laude, controuerſias fidei dyndicaffe & diremiſſe, etiam in vniuerſalibus ecclē Concilijs i- eſt.* Nicæno I. Con- ſtantiopo-

Constantinopolitano I. Ephesino. Chalcedonensi. Constantinopolitano II. Constantinopolitano III. Nicæno II. Constantinopolitano IV. in quibus variz controuersiz fidei diudicatz & dirempiz sunt; prefertim de diuinitate Christi, cōtra Arium, de diuinit. Spiritus sancti, contra Macedonium; de vna Christi persona contra Nestorium, de duabus in Christo naturis contra Eutychen & Dioscorum, & sic deinceps. Has omnes controuersias, ait Salcolbrigienfis, ab Imperatoribus & Principibus secularibus diudicatas ac dirempas esse.

2. Contrarium asserit Tookerus, qui nullo modo vult Reges aut Imperatores esse Iudices controuersiarum fidei. Sic enim habet pag. 3. *Olere autem malitiam ac clamitare audaciam tuam illud videtur, cum Regem caput Ecclesie Primatemque consingas, omniumque causarum & controuersiarum, que ad fidem & religionem pertinent, Iudicem tribuas.* Et pag. 30. *Rex in suo regno, omnibus superior sit, nulli subditus, fidei Iudex ne appelletur quidem.* Et p. 313. *Reges Christiani non sunt fidei ac religionis Iudices.*

3. Igitur si in Anglia oriretur dissensio de aliquo puncto fidei ac religionis, vt v. g. de reali præsencia Christi in Eucharistia: quid facerent Academici? quid ciues, quid reliqui subditi? An adirent Regem, tanquam Iudicem, & ab eo sententiam peterent? Non faceret Tookerus: An alium Iudicem postularent? At alium non ferret Salcolbrigienfis. Quid ergo futurum esset? Id planè, quod hactenus factum est in dissensione de Primatu Regio. Semper litigant Angli de hoc Primatu: nunquam finitilis potest. Quid causæ? quia diuersi sentiunt, & certum Iudicem, qui litem dicimat, reperire non possunt: vel potius, non volunt. Hæc hæreticorum proprietas est.

4. Posterior quæstio: An Rex sit Iudex omnium controuersiarum, quæ alias res Ecclesiasticas concernunt? Affirmat Salcolbrigienfis p. 165. cū ait, *Andin controuersias Episcopales ab Imperatore dirempas?* Quid sentiat Tookerus, non satis constat. Aliquando videtur affirmare, vt pag. 24. *Nemini, inquit, dubium est, quin in primitiua Ecclesia, de rebus & personis Ecclesiasticis, iudicerent Imperatores.* At pag. 23. videtur negare: *Non est princeps, inquit, supares, sed supra personas.* Et pag. 49. *Rex in suo regno supremus est, non supares, sed supra homines.* Vbiq; dissidium.

Responsio Richardi examinatur.

5. **A** Is nullum hie esse dissidium inter Henricum & Tookerum: Vtrumque idem negare, vtrūque idem asserere. Miror impudentiam tuam, Richarde. Repetantur verba vtriusque, quæ paulo ante posui, & apparebit dissidium. Verba Henrici sunt, *Luce clariusest, Christianis Principes cum laude controuersias fidei dyudicasse & dirempisse.* Verba Tookeri, *Reges Christiani non sunt fidei ac religionis Iudices.* Hæc illis ex diametro repugnant. Nam si Reges Christiani non sunt Iudices fidei quomodo cum laude iudicant & dirimunt controuersias fidei? Et vicissim, si cum laude iudicant & dirimunt controuersias fidei, quomodo Iudices fidei non sunt? Nemo tam cæcus sit qui non videat hoc dissidium.

6. Quod prætendis, Henricum non loqui de supremo Iudice, frustra est. Nam hic per supremum Iudicem non intelligimus eum, qui absolute & simpliciter supremus est, quem constat esse Deum, (neque enim disputamus, an Rex sit Deus) sed supremum inter homines in hac vita. Iam autem certū est, Hen-

ricum sentire, Regem esse supremum fidei Iudicem inter homines in hac vita, qui nullum alium mortaliū in hoc genere agnoscit supra Regem. At Tookerus nec supremum vult esse inter homines, nec villo modo Iudicem. *Fidei, inquit, Iudex, ne appelletur quidem Rex.*

7. Poteras hoc ex alio capite aduertere. Nam quæstio de supremo Iudice controuersiarum fidei eo sensu solet ac debet accipi, quo quæstio de supremo capite Ecclesie, & supremo Præside Conciliorum: At hæc non intelligitur de supremo cap. & Præside absolute, qui est Deus, sed de supremo inter homines in hac vita degentes: Ergo & illa simili proportionem intelligi debet. Vtraque autem quæstio inter vos & nos controuertitur. Nos dicimus, supremum caput, Præsidentem ac Iudicem, esse Pontificem: Vos Regem aut Imperatorem. Inter vos tamen dissidium est, dixi. Nam Henricus discrete affirmat, Reges Christianos in primis octo Concilijs generalibus, fuisse Præsides & Iudices controuersiarum fidei: & sine dubio, intelligit fuisse supremos, inter eos, qui Concilijs interfuerunt, id est, supra Episcopos & Pontifices. At Tookerus absolute, & sine vlla distinctione, id negat cum, inquit: *Fidei Iudex, quo appelletur quidem Rex.* Nimirum, Irenicissimi Regis vestri sententiam sequitur, qui in controuersijs fidei, emituit vnumquemque ad priuatam suam conscientiam. Sic enim scribit in Monitoria sua præfatione: *Opio, vt velitis Scripturas peruoluere, ex his credēdi normam petere, neque super aliorum incertis opinionibus, sed vestra ipsorum certa scientia, fidei fundamentum collocare.* Quod perinde est, ac si dicat, nullum esse certum Iudicem in negotio fidei, sed vnumquemque proprio iudicio debere acquiescere. Igitur Tookerus sentit quidem eum serenissimo Rege, sed tamen dissidet ab Henrico, vt ostensum est. Tu in vtramque partem claudicas.

8. Repeto ergo & illud quod ante posui: Si in Anglia oriretur dissensio de aliquo puncto fidei, vt v. g. de reali præsencia Christi in Eucharistia, quid facerent Academici? quid ciues, quid reliqui subditi? An adirent Regem, tanquam supremum in Anglia Iudicem, & ab eo sententiam peterent? Id quidem faceret Henricus. At Tookerus stomachabundus diceret, Regem nec esse, nec villo modo nominari posse fidei Iudicem. Et ipsemet Rex vnumquemque ad propriam conscientiam amandaret. Quid tu faceres, Richarde? Claudicares, vt dixi, in vtramque partem.

9. Quæ adfers de controuersijs Catholicorum inter se, intelligis, nec ad dissidium Anglorum componendum faciunt. Sunt autem hæc 1. an Pontifex sit vniuersalis Episcopus. 2. an fides Hæreticis seruanda sit. 3. an corpus Christi in Eucharistia frangi possit. 4. an sit ibi præsens sine quantitate. Ais Catholicos in his punctis dissidere & litem finiri non posse. Hoc quidem falsum est: sed tamen si gratis tibi dem, quid obsecro, efficies? An indecolliges, Anglos inter se non dissidere? Nihil minus, Nisi sic velis ratiocinari: Catholici dissident inter se in quibusdam punctis: Ergo Angli non dissident in puncto de Primatu Ecclesie. Ineptissime. Perinde, ac si ita concludas, Bataui litigant in foro: Ergo Scoti non litigant in curia.

gni vel Parlamenti, condere leges Ecclesiasticas, quarum vi hic aui ille excommunicari debeat. Quid hoc est, Richardae, Henricus Salcolbrigienſis iam ante dixit, Regem propria auctoritate poſſe leges Eccleſiaſticas condere, Et tu aſtringis illum ad conſenſum ordinum, vel Parlamenti, Nouum diſſidium hoc eſt. Quid ergo fiet, ſi Rex propria auctoritate, ſine conſenſu ordinum vel Parlamenti, decernat aliquid circa res vel perſonas Eccleſiaſticas Habebit decretum hoc vim aliquam & robur, an ſecus? Apud Henricum habebit, quia illi ſufficit ſola Regis auctoritas. Apud te vileſcet, quia auctoritas Regis, ſine conſenſu ordinum aut Parlamenti ex tua quidem ſententia, nullius momenti eſt. Nimiam detrahis Primati & Capiti eccleſiae Angli- canae.

11. Quod addis, leges eccleſiaſticas à Rege latis, habere quidem vim excommunicandi, quam tamen Rex non habeat, nouum paradoxum eſt. Hæc enim certiffima Iureconſultorum eſt regula; Quicumque habet poteſtatem condendi legem poenalem, habet etiam poteſtatem puniendi. Vel quod idem eſt, qui poteſt infligere poenam per legem à ſe latam; poteſt etiam infligere per ſententiam. Quæ regula applicanda eſt poteſtati civili & eccleſiaſticae, ſeruata proportionem, hoc modo: Princeps qui poteſt ferre legem civilem, prohibentem aliquid ſub poena exilij aut amiſſionis honorum, poteſt etiam per ſententiam infligere huiusmodi poenam. Similiter Epicoſopus, qui poteſt ferre legem Eccleſiaſticam prohibentem aliquid ſub poena excommunicationis, poteſt etiam per ſententiam infligere eandem poenam excommunicationis. Cur Regem excipis ab hac communi regula? Cur illum in anguſtias redigis? Si poteſt ferre legem Eccleſiaſticam, quæ ſubditos obliget ſub poena excommunicationis: Cur non poteſt eandem poenam per ſententiam infligere in delinquentes? Nulla ratio eſt.

12. Hæc de primo argumento. Alterum erat hoc, Rex dat alteri poteſtatem excommunicandi: Ergo ipſe habet poteſtatem excommunicandi: aut ſi non habet, non poteſt alteri dare. Tu negas conſequentiam: Et ut oſtendas non temerè te id facere, adducis ex Diuo Bernardo hæc verba, *Conuerſe gladium tuum in vaginam. Tuus ergo & ipſe: tuo forſitan nuntio, eſſi non tua manu euaginandus. Vterque ergo Eccleſia, & ſpiritalis ſcilicet gladius, & materialis: ſed is quidem pro Eccleſia, ille vero, & ab Eccleſia exercendus eſt, ille Sacerdos, is militis manu, ſed ſane ad nuntium Sacerdotis & inſum Imperatoris.* Locum in quo habeat illa Verba Bernardus, non cites, quia feſtinasti. Sed quidquid de loco ſit, qui mihi notus eſt, non rectè negas conſequentiam. Ego ſanè ſic eam probaui; Nemo poteſt alteri dare quod ipſe non habet: Ergo ſi Rex dat alteri poteſtatem excommunicandi, necelle eſt ipſum habere eam poteſtatem. Quid ad hoc reſpondeſ? Nihil. Nec Bernardus te iuuat, ſed damnat, Primò, quia diſcretè conſtat meam conſequentiam, quam tu negas. Nam lib. 2. de conſideratione, c. 5. ſic loquitur de Apoſtolo Petro, *Nec enim tibi ille dare, quod non habuit, potuit. Quod habuit, hoc dedit.* ex quo principio ſic argumetur, Nemo poteſt alteri dare quod non habet: ſed Petrus non habuit poſſeſſiones temporales: Ergo non potuit eas alteri dare. Habuit autem eam totius Eccleſiae: nam igitur ſucceſſori dedit. Ex eodem principio ſic ego concludo, Nemo poteſt alteri dare quod non habet: Sed Rex Angliæ dat Epicoſpis poteſtatem excommunicandi, ex veſtra ſuppoſitione: Ergo ipſe habet poteſtatem excommunicandi: vel ſi non habet, non poteſt eam dare. Vides, mi homo, Bernardum eodem modo argumetatum eſſe, quo ego ſum? ut eam eſſe vim in meo, quæ in ipſius argumento eſt? Igitur

A pro me facit Bernardus, non prote.

13. Porro ſententia Bernardi, quæ à te citata eſt, multo minus iuuare te poteſt. Primò, quia conſtat poteſtatem Pontificis, quam tu negas. Secundò, quia nihil ad propoſitum noſtrum facit. Nos enim diſputamus, an hæc conſequentia ſit bona, *Hic dat alteri poteſtatem excommunicandi: Ergo ipſe habet poteſtatem excommunicandi.* ego affirmo, Tu negas. Bernardus, quem citas, nihil de illa dicit. De alia duplici loquitur. Vna eſt, Pontifex habet gladium ſeu poteſtatem temporalem indirecè: Ergo per ſe poteſt omnia officia illius poteſtatis exequi. Hanc negat. Altera eſt hæc, Pontifex habet gladium ſeu poteſtatem ſpiritualem directè: Ergo per ſe poteſt illum exercere. Hanc concedit ſed vide, an pro tuo ſtomacho. De noſtra, ne meminit quidem, præſertim in verbis à te citatis. At alibi, non ſolum meminit, ſed etiam confirmauit, ut iam antedixi.

14. Tertium meum argumentum erat huiusmodi. *Qui alicui alteri ſubiectus eſt in iuriſdictione Eccleſiaſtica fori exterioris, non habet ſupremam, pleniffimam & ampliſſimam iuriſdictionem Eccleſiaſticam fori exterioris: ſed Rex alicui alteri, nempe Epicoſpo, ſubiectus eſt in iuriſdictione Eccleſiaſtica fori exterioris, quia poteſt ab eo excommunicare, & ex Eccleſia eiſci: Ergo Rex non habet ſupremam, pleniffimam & ampliſſimam iuriſdictionem Eccleſiaſticam fori exterioris.* Tu reſpondeſ ſi hoc argumentum obtineat, Pontificem non fore Primatem eccleſiae, quia ſubiectus eſt Sacerdoti, qui conſtituitur. Valdè erras Richarde: Nec diſtinguis inter iuriſdictionem fori exterioris & interioris. Primatus eccleſiae non conſiſtit in iuriſdictione fori interioris, ſed exterioris. Itaque qui habet Primatum, non poteſt alteri eſſe ſubiectus in foro exteriori, poteſt tamen in interiori. Meum argumentum procedit de foro exteriori. Et rectè. Si tu ſimiliter velis procedere de interiori, ſic concludendum tibi erit; *Qui alicui alteri ſubiectus eſt in iuriſdictione fori interioris, non habet ſupremam, pleniffimam & ampliſſimam iuriſdictionem fori interioris. At Pontifex alicui alteri, nempe conſeſſario ſuo, ſubiectus eſt in iuriſdictione fori interioris: Ergo Pontifex non habet ſupremam, pleniffimam & ampliſſimam iuriſdictionem fori interioris.* Totum conſeſſario. Nam Pontifex, ſicut in externa iuriſdictione eſt ſupra omnes Chriſtianos, ſic in interna eſt par aliis Sacerdotibus. Nam poteſtas abſoluendi à peccatis, ſeu interna iuriſdictione in habitu immediatè à Chriſto confertur omnibus Sacerdotibus, vi ordinis: Nec quo ad habitum eſt maior in vno, quàm in alio, ſed in omnibus æqualis. Hoc intereſt, quod alij habent plures, alij pauciores ſubditos, in quos legitimè exercere poſſint hanc iuriſdictionem fori conſcientiae.

XI. CAPVT DISSIDII.

An Rex ſit Iudex omnium controuerſiarum in Eccleſia?

Controuerſiae, quæ oriuntur in Eccleſia, ſunt duplices: aliae circa fidem & religionem; aliae circa res alias Eccleſiaſticas. Ego prior quaſtio, an Rex, ratione ſui Primatus, ſit ſupremus Iudex omnium controuerſiarum, quæ pertinent ad fidem & religionem? Affirmat Henricus Salcolbrigienſis p. 163. his verbis: *Sic luce clarius eſt, Chriſtianos Principes, cum laude, controuerſias fidei diiudicaſſe & diremiſſe, etiam in vniuerſalibus eſſe Conciliis i. eſt, Nicæno I. Conſtantinopo-*

Constantinopolitano I. Ephesino, Chalcedonensi, Constantinopolitano II. Constantinopolitano III. Nicæno II. Constantinopolitano IV. in quibus variz controuersiz fidei diiudicatz & diremptæ sunt; præsertim de diuinitate Christi, cõtra Arium, de diuinit. Spiritus sancti, contra Macedonium; de vna Christi persona contra Nestorium, de duabus in Christo naturis contra Eutychen & Dioscorum, & sic deinceps. Has omnes controuersias, ait Salcolbrigienfis, ab Imperatoribus & Principibus secularibus diiudicatas ac diremptas esse.

2. Contrarium asserit Tookerus, qui nullo modo vult Reges aut Imperatores esse Iudices controuersiarum fidei. Sic enim habet pag. 3. *Olera autem malitiam ac clamitorem audaciam tuam illud videtur, cum Regem caput Ecclesiæ Primatemque constringas, omniumque causarum & controuersiarum, quæ ad fidem & religionem pertinent, Iudicem tribuas.* Et pag. 50. *Rex in suo regno, omnibus superior sit, nulli subditus, fidei Iudex ne appelletur quidem.* Et p. 313. *Reges Christiani non sunt fidei ac religionis Iudices.*

3. Igitur si in Anglia oriretur dissensio de aliquo puncto fidei ac religionis, vt v. g. de reali præsentia Christi in Eucharistia: quid facerent Academici? quid ciues, quid reliqui subditi? An adirent Regem, tanquam Iudicem, & ab eo sententiam peterent? Non faceret Tookerus: An alium Iudicem postularent? At alium non ferret Salcolbrigienfis. Quid ergo futurum esset? Id planè, quod hactenus factum est in dissensione de Primatu Regio. Semper litigant Angli de hoc Primatu: nunquam finitilis potest. Quid causæ? quia diuersi sentiunt, & certum Iudicem, qui litem dirimat, reperire non possunt: vel potius, non volunt. Hæc hæreticorum proprietas est.

4. Posterior quæstio: An Rex sit Iudex omnium controuersiarum, quæ alias res Ecclesiasticas concernunt? Affirmat Salcolbrigienfis p. 165. cum ait, *Andin controuersias Episcopales ab Imperatore diremptas?* Quid sentiat Tookerus, non satis constat. Aliquando videtur affirmare, vt pag. 14. *Nemini, inquit, dubium est, quin in primitiua Ecclesiâ, de rebus & personis Ecclesiasticis, ius dicerent Imperatores.* At pag. 23. videtur negare: *Non est Princeps, inquit, suprà res, sed suprà personas.* Et pag. 49. *Rex in suo regno supremus est, non suprà res, sed suprà homines.* Vbiq; dissidium.

Responsio Richardi examinatur.

5. **A** Is nullum hic esse dissidium inter Henricum & Tookerum: Vtrumque idem negare, vtrumque idem asserere. Miror impudentiam tuam, Richarde. Repetantur verba vtriusque, quæ paulo ante posui, & apparebit dissidium. Verba Henrici sunt, *Luce clariusest, Christianis Principes cum laude controuersias fidei diiudicasse & diremisse.* Verba Tookeri, *Reges Christiani non sunt fidei ac religionis Iudices.* Hæc illis ex diametro repugnant. Nam si Reges Christiani non sunt Iudices fidei quomodo cum laude iudicant & dirimunt controuersias fidei? Et vicissim, si cum laude iudicant & dirimunt controuersias fidei, quomodo Iudices fidei non sunt? Nemo tam cæcus sit qui non videat hoc dissidium.

6. Quod prætendis, Henricum non loqui de supremo Iudice, frustra est. Nam hic per supremum Iudicem non intelligimus eum, qui absolute & simpliciter supremus est, quem constat esse Deum, (neque enim disputamus, an Rex sit Deus) sed supremum inter homines in hac vita. Iam autem certum est, Hen-

A ricum sentire, Regem esse supremum fidei Iudicem inter homines in hac vita, qui nullum alium mortaliū in hoc genere agnoscit supra Regem. At Tookerus nec supremum vult esse inter homines, nec villo modo Iudicem. *Fidei, inquit, Iudex, ne appelletur quidem Rex.*

7. Poteras hoc ex alio capite aduertere. Nam quæstio de supremo Iudice controuersiarum fidei eo sensu solet ac debet accipi, quo quæstio de supremo capite Ecclesiæ, & supremo Præside Conciliorum: At hæc non intelligitur de supremo cap. & Præside absolute, qui est Deus, sed de supremo inter homines in hac vita degentes: Ergo & illa simili proportionem intelligi debet. Vtraque autem quæstio inter vos & nos controuertitur. Nos dicimus, supremum caput, Præsidem ac Iudicem, esse Pontificem: Vos Regem aut Imperatorem. Inter vos tamen dissidium est, dixi. Nam Henricus disertè affirmat, Reges Christianos in primis octo Concilijs generalibus, fuisse Præsides & Iudices controuersiarum fidei: & sine dubio, intelligit fuisse supremos, inter eos, qui Concilijs interfuerunt, id est, supra Episcopos & Pontifices. At Tookerus absolute, & sine vlla distinctione, id negat cum, inquit: *Fidei Iudex, qui appelletur quidem Rex.* Nimirum, serenissimi Regis vestri sententiam sequitur, qui in controuersijs fidei, emitit vnumquemque ad priuatam suam conscientiam. Sic enim scribit in Monitoria sua præfatione: *Opio, vt velitis Scripturas perolusare, ex his credendi normam petere, neque super aliarum incertis opinionibus, sed vestra ipsorum certa scientia, fidei fundamentum collocare.* Quod perinde est, ac si dicat, nullum esse certum Iudicem in negotio fidei, sed vnumquemque proprio iudicio debere acquiescere. Igitur Tookerus sentit quidem cum serenissimo Rege, sed tamen dissidet ab Henrico, vt ostensum est. Tu in vtramque partem claudicas.

8. Repeto ergo & illud quod ante posui: Si in Anglia oriretur dissensio de aliquo puncto fidei, vt v. g. de reali præsentia Christi in Eucharistia, quid facerent Academici? quid ciues, quid reliqui subditi? An adirent Regem, tanquam supremum in Angliâ Iudicem, & ab eo sententiam peterent? Id quidem faceret Henricus. At Tookerus stomachabundus diceret, Regem nec esse, nec villo modo nominari posse fidei Iudicem. Et ipsemet Rex vnumquemque ad propriam conscientiam amandaret. Quid tu faceres, Richarde? Claudicares, vt dixi, in vtramque partem.

9. Quæ adfers de controuersijs Catholicorum inter se, intelligis, nec ad dissidium Anglorum componendum faciunt. Sunt autem hæc 1. an Pontifex sit vniuersalis Episcopus. 2. an fides Hæreticis seruanda sit. 3. an corpus Christi in Eucharistia frangi possit. 4. an sit ibi præsens sine quantitate. Ais Catholicos in his punctis dissidere & litem finiri non posse. Hoc quidem falsum est: sed tamen si gratis tibi dem, quid obsecro, efficies? An inde colliges, Anglos inter se non dissidere? Nihil minus, Nisi sic velis ratiocinari: Catholici dissident inter se in quibusdam punctis: Ergo Angli non dissident in puncto de Primatu Ecclesiæ. Ineptissimè. Perinde, ac si ita concludas, Bataui litigant in foro: Ergo Scoti non litigant in curia.

XII. CAPVT DISSIDII.

Vnde & quo titulo Rex habeat Primatum in Ecclesia?

1. Sensus est, an Rex ex eo præcisè, quia Rex est, aut ex eo potius, quia Rex Christianus est, habeat Primatum Ecclesiæ? Priorem partem videtur amplecti Thomsonius pag. 78. cum ait: Omnes Principes etiam Pagani, obiective habent supremam potestatem in omnes omnino personas suorum subditorum, & generatim in res ipsas, siue civiles sint, siue sacre, ut in cultu divino & religione procuranda, saltem quoad modum & exercitium. Et pag. 94. Primatus est Regium bonum, quod censura tolli non potest. Nec est absurdum, Regem velut Ethnicum, esse Primatum Ecclesiæ. Et ibid. Rex Ethnicus, cum Christo initiat, non acquirit Primatum de novo. Cui consentit Burhillus pag. 251. Rex, inquit, titulo Regis temporalis, potest sibi vendicare & assumere Primatum Ecclesiæ. Et pag. 267. Rex si iussimè excommunicatus, non amittit Primatum in rebus Ecclesiasticis.

2. Contrarium docet Sacellanus in Tortura Torti, p. 39. ubi asserit Primatum Ecclesiæ conveniri Regi, non quia Rex, sed quia Rex Christianus est, ideoque Reges ethnicos non habere Primatum Ecclesiæ, quamdiu ethnici sunt, sed cum accipere, quando fiunt Christiani, & rursus amittere, quando excommunicantur. Verba eius sunt hæc, *Annon Regi ethnico præstare si lelem fas? Imò nefas non præstare. In ethnico enim est vera potestas temporalis, idque sine ordine ad potestatem Ecclesiasticam. Et paulo post, Rex quicquid, cum de ethnico Christianus fit, non perdit terrenum ius, sed acquirit ius novum. Idem, cum de Christiano fit sicut ethnicus, vigore sententiæ amittit novum ius, quod acquisiverat, sed retinet terrenum ius in temporalibus, quod fuerat illi proprium, priusquam Christianus fieret.*

3. Ex sententia Thomsonij & Burhilli sequitur, omnes Reges, siue Christiani, siue ethnici, siue cuiuscunque sectæ ac religionis sint, habere Primatum Ecclesiæ in suis regnis. Igitur omnes Anglos & Scotos, qui vivunt Constantinopoli, subiectos esse Imperatori Turcarum in rebus Ecclesiasticis, qui in Hispania subiectos esse Philippo Regi, qui Romæ, Pontifici, & sic deinceps. Quid ergo facient, si Turcarum Imperator iubeat eos Alcoranum sequi, si Rex Hispaniæ ad Missam audiendam adigat, si Pontifex, adorandum pro defunctis hortetur, si Rex gentilis ad idololatriam impellat? An parebunt imperio? At contra conscientiam facerent. An non parebunt? Sic actum est de Primatu Ecclesiæ. Dicent fortè, se parituros, ubi visum est. Ergo ne subditi erunt Iudices suorum Regum? Ergo ne Catholici in Anglia poterunt usurpare hanc vocem? *Audi Rex in hoc puncto visum est parere tuo imperio, in isto non est.*

Responsio Richardi examinatur.

4. Hic, quia nimis apertum dissidium est, in quo componendo videris desperare, in me impetum macundè facis. Ac tria potissimum obicis. 1. vel obliuionem vel insaniam. 2. malam dialecticam. 3. infertiam. Expendamus singula.

5. Primò ergo sic obicis: *Iesum in hoc loco, vel sui*

obliuio cepit, vel occupavit insaniam. Passim asserit, Regem nullum, siue Ethnicum, siue Christianum, aliquem in Ecclesia habere Primatum. Hic querit, unde & quo titulo Rex habeat Primatum in Ecclesia? Querit igitur originem eius rei, quam rem nullam esse, proinde originem nullam habere statuit. Si tollit suppositum, videlicet, Regem habere Primatum Ecclesiæ, vel ex eo, quia Rex est, vel ex eo, quia Rex Christianus est, ineptus est Sophista. Si concedit, cum hoc constet Serenissimum Iacobum, & ortu Regem esse, & religione Regem Christianum, insanus est rixator. Nam si habet Rex Primatum Ecclesiæ, quid refert utrum habeat illum ex eo præcisè, quia Rex, an quia Rex Christianus? &c.

6. Respondeo. In hoc quidem puncto, nec obliuiosus, nec insanus sum, Richarde. Tollo quidem suppositum ex mea sententia, id est, nego Regem habere Primatum Ecclesiæ: sed tamen concedo ex vestra sententiâ, quia vos asseritis habere. Igitur ex mea sententia non disputo, unde & quo titulo Rex habeat Primatum Ecclesiæ? Nam si omnino non habet, frustra disputem unde habeat. At ex vestra sententiâ, qui dicitis habere merito disputare potui, unde & quo titulo habeat, iuxta eandem vestram sententiam. Et hoc ideo feci, ut ostenderem vos in hoc puncto dissidere. Nam Thom. & Burhillus dicunt, Regem ex eo præcisè, quia Rex est, habere Primatum Ecclesiæ: Sacell. non ex eo, quia Rex, sed quia Rex Christianus est. Itaque ex sententia Thomsonij, & Burhilli, omnes Reges, tam Ethnici, quàm Christiani, sunt Primates & Capita Ecclesiæ: ex Sacellani sententia, soli Christiani. Magnum sane dissidium. Hoc cõpone, si potes. De mea obliuione vel insaniam sollicitus ne sis.

7. Quod addis, nihil referre, quo titulo Rex habeat Primatum Ecclesiæ, modo habeat: novum dissidium est. Imò magni refert iuxta Thomsonium & Sacellanum. Nam si habes ex eo præcisè, quia Rex est non potest amittere, quamdiu Rex est: si ex eo, quia Christianus est, potest amittere. An tu putas nihil referre, an Primatus Ecclesiæ amitti possit, nec ne? Si amitti potest, Rex securus non est: Si non potest, dormiat in vtramque aurem.

8. Secundò obicis, quod sim malis Dialecticus. Sic enim ais me argumentari: *Omnes Reges, am Ethnici quàm Christiani, habent Primatum Ecclesiæ in suis regnis, iuxta Thomsonium & Burhillum: Ergo omnes in illis regnis viuentes tenentur omnia facere, quæ ab illis Regibus iam impie mandata sunt.* Hoc argumentum multis verbis exagitas. Nec repugno quia non est meum, sed tuum. Hoc meum est: Omnes Reges tam Ethnici, quàm Christiani, habent Primatum Ecclesiæ in suis regnis, iuxta Thomsonium & Burhillum: Ergo omnes Scoti & Angli viuentes in illis Regnis, subiecti sunt Regibus in rebus Ecclesiasticis, tanquam Primatum in Ecclesia habentibus. Hoc rectè. Quo posito, non tam disputo, quàm quero, quid Angli & Scoti facturi essent, si Reges mandarent ipsis aliquid pertinens ad Ecclesiam & Religionem? Et questionis meæ tria sunt membra. 1. an semper, & in omnibus essent parituri. 2. an potius nunquam? 3. an aliquando, cum ipsis visum esset? Si semper & in omnibus parerent, facerent contra conscientiam. Si nunquam, non agnoscerent Primatum. Si tunc solum, cum ipsis visum esset, constituerent se iudices sui Primatus ac Capitis. Hec tripartita questio reprehendi non potest. Et merito responsum ab illis peto. Aut à te, si illi neque.

9. Tertiò obicis, me ex infertia malè interpretari verba Sacellani. Verba eius in Tortura Torti pag. 39. sunt hæc: *Domini non fundantur in fide: & ut in fide non fundantur, sic infidelitate non emertuntur. Quin Rex quicquid, cum de Ethnico Christianus fit, non perdit terrenum*


ius, sed acquiritur nouum. Ais me hæc verba sic interpretari, quasi Rex quiuisset, cum de Ethnico sit Christianus, acquirat nouum ius, id est, Primatum Ecclesie. Vnde vltius inters, me eodem sensu interpretari verba Bellarmini lib. 4. de Pontifice, cap. 3. cum ait, *Quando Rex sit Christianus, non perdit regnum terrenum, quod in re obtinebat, sed acquirit nouum ius, id est, Primatum Ecclesie, me interprete. Mox subiicit: Habemus hic confitemur reum Cantemus triumphum. Nam plane enicimus, Christianos Principes habere Primatum in Ecclesia. Ponit enim Bellarminus dogmatice, Reges Ethnicos cum fiant Christiani, acquirere nouum ius, hoc est (inquit Becanus) Primatum Ecclesie, Reges ergo Christiani Ecclesie Primatum habent.*

10. Audi Richarde. Nimis citò triumphum canis. Non interpretatus sum Bellarmini, sed Sacellani verba. Et licet vtriusque verba videantur esse eadem, præsertim hæc, *Quando Rex sit Christianus, non perdit terrenum ius, sed acquirit ius nouum*, non tamen eodem sensu prolata sunt. Quod manifestum est ex antecedentibus & consequentibus. Nam Bellarminus scribit; *Quando Rex sit Christianus, non perdit regnum terrenum, quod iure obtinet, sed acquirit nouum ius ad vitam æternam.* Quibus posterioribus verbis clare explicat, quid intelligat per nouum ius, nempe ius ad vitam æternam, quod non solum Reges ethnici, sed etiam subditi eorum acquirunt, quando fiunt Christiani. At Sacellanus alio sensu intelligit, Reges acquirere nouum ius, quando fiunt Christiani, quia scilicet acquirunt Primatum Ecclesie. Quod aperte conuincitur potest ex verbis præcedentibus. Sic enim ait, *In Ethnico Rege est vera potestas temporalis, idque sine ordine ad potestatem Ecclesiasticam.* Quid hæc aliud est, quàm in Rege Ethnico esse potestatem temporalem, non tamen Primatum Ecclesie, qui consistit in potestate Ecclesiastica? Cum ergo paulò post addit: *Rex quiuisset, cum de Ethnico sit Christianus, non perdit terrenum ius sed acquirit ius nouum.* vult sic intelligi, acquirat nouum ius, id est, potestatem ecclesiasticam, seu Primatum Ecclesie. Nam antea habebat potestatem temporalem sine ecclesiastica, postea vtramque habet. Idem constat ex verbis sequentibus, cum ait, *Cum de Christiano sit sicut Ethnicus, vigore sententia amittit nouum ius, quod adquisierat.* Quod est illud nouum ius, quod amittit vigore sententiae, seu excommunicationis? Certè non est ius ad vitam æternam, de quo loquitur Bellarminus, quia illud ius amittitur per propriam culpam non per excommunicationem, sed

est ius Primatus Ecclesiastici, de quo loquitur Sacellanus. I nunc Richarde, & triumphas.

EPILOGVS.

HAktenus examinaui libellum tuum, Richarde, quem sub titulo *Concordie Anglicanæ*, Serenissimo regi dedicasti. In eo deprehendi tria potissimum vitiorum genera. 1. calumnias & mendacia. 2. fallas, deprauatas, & pudendas citationes. 3. lites & dissidia intestina. ex quibus colugo triplex coniectarium. Primum est, causam vestram Anglicanam, de Primatu Ecclesie Regio, penitus desperatam iam esse, si non aliis fundamentis, quàm tuis calumniis, imposturis & dissidiis subnixæ est. Alterum, conatum ac laborem, quem in Regis gratiam & defensionem suscepisse vides ex plus ignominia, quàm honoris, Regis Maiestati attulisse. Tertium, libello tuo hunc potius titulum fuisse præfigendum, *Concordia vulpium Anglicanarum de Primatu Ecclesie Regio.* Causam supra insinuauit. Nec dubito quin hæc omnia à Serenissimo etiam Rege deprehensa sint. Si deinceps scribendi animus tibi est, tollenda sunt hæc vitia, quæ ne in homine quidem ethnico, multo minus in Christiano, tolerari fas sit. Alioqui, si pergas, vt cœpisti, non te modo, sed totam Angliam ludibrio expositurus es. Et exteri credent, non iam Fortunatam Insulam, sed monstrorum parentem esse, ex qua tot portenta quotidie nasci cœperunt. Quamquam ego, non tam indolentis quæ in plerisque bona est, quam vobis Prædicantibus, ascribendum id esse existimem. Vos mancipia ventris ac libidinis, quidquid fidei, pietatis & auitæ modestiæ in gente Anglorum est, vestris calumniis, mendaciis, fraudibus, adulationibus omninò eueritis, & contraria vitia promouetis. Similes profectò cornicibus, quæ in Anglia sunt, de quibus Gerardus Mercator in suo Atlante, sic scribit, *Nusquam gentium maior cornicum multitudo, genus autem ibi maleficum, non enim modo maturas fruges deuorat, sed cum nascuntur, rostro semen euellit, sic ut agricolis necesse sit, per id tempus pueros locare per arua ac cubus instructos, qui eas abigant.* Planè, tales vos estis. Non modo religionis, pietatis, & aliarum virtutum maturas fruges, quantum in vobis est, destruitis, sed etiam, cum alibi nascuntur, rostro semen omne euellitis, & nisi arcubus abigamini, parum bonæ frugis in tota Insula sperari potest. Ignosce, si errem.




OPVSCVLVM TERTIVM:
MARTINI BECANI
SOCIETATIS IESV THEOLOGI

AD IOANNEM SARTORIUM

Ministram Lutheranum.

DE INSTITVTIONE ET VSV
SS. EVCHARISTIAE.

EPISTOLA.



ANDEM tertia tua Epistola, quam postremam fore insinuas, ad me perlatam est: in qua quidem, desperata causa, conuictis rem geris: ac me mendacem verulentum, inuidum, quadrupedem, cauillatorem, sycophantam appellas. Quod facile tibi condono. Prædicantium ista disputandi ratio est. Deinde, transcriptis ex Luthero & Kemnitio aliquot pagellis, terrere me vis. Sed frustra. Poteras integros ipsorum tomos describere: Non me terruisses. Denique ad Balduinum, & nescio quos alios Ministros Lutheranos me remittis. Quasi verò, quidquid hi dixerint, oraculum mihi esse debeat. Vno verbo, nihil in tota Epistola tuum est præter conuicta. In iis robur omne, ac firmamentum collocasti. Nec aliud à te sperare possum, nisi abiecto ministerio, Catholicam & auitam religionem amplectaris: quod sane, ut aliquando euenit, & nuperrime tibi precatus sum, & nunc iterum ex animo precor. Quamquam, nisi dispulsa prius cæcitate, numquam id futurum est. Ad hanc porro dispellendam, operæ pretium me facturum arbitror, si quæ hætenus inter nos acta sunt, compendio reperiā, & quasi in tabella ante conspectum tibi proponam. Ex eorum quippe consideratione, nisi omninò animum obstinaueris, facile agnosces tuam tenuitatem: & quam infirma sint subsidia, quibus causa tua nititur, nullo negotio animaduerteres:

*Statu controversia inter Sartorium
& Becanum.*

Igitur, ut ab initio disputationis inter nos habitæ exordiar, aliquot iam menses sunt, cum publicè in cathedra absentem me irritasti. Interea per epistolas utrinquo actum est: Et tu quidem accusationis; ego rei simul ac patroni officio perfunctus

A. sum. Caput accusationis est. quod in libello meo de communione sub utraque specie (quem Reuerendissimo & Illustriss. Principi ac Domino, D. Ioanni Suicardo, Archiepiscopo & Electori Moguntino, ante quinque annos dedicaui,) scripserim hæc verba: *Christus his instituit canam Eucharisticam: semel in Hierosolymis sub utraque specie: & semel in Emmaus sub altera specie.* Itemque hæc: *Si naturam rei spectes una species sine altera consecrari potest: si ius Ecclesiasticum, non potest.* In utrisque dixisti nouum & absurdum dogma contineri.

Et hoc eum publicè pro concione: cum primatim in litteris ad me datis. Ego contra, non nouum, sed magnis auctoribus, qui ante me scripserunt, assertum fuisse contendit. Atque hic controuersia, quæ inter nos versatur, cardo est. Nunc videamus, quo argumento me oppugnaveris: & vicissim quid à me responsum sit.

Argumentum Sartorii contra Becanum.

3. **P**rimum ac principale argumētum quo me oppugnasti in prima tua Epistola est hoc: *In omnium Pontificiorum scriptis non memini me legere dogma illud Becani: Ergo nouum & absurdum dogma est.* Iam sepe negavi consequentiam, nec hætenus à te probata est. Multa alia sunt, quæ in scriptis Pontificiorum non legisti. Anideo noua & absurda? Quam multos nouimus Predicantes, quoniam vltimum Pontificiorum scriptum legerunt. Imò, quam multos, qui ne legere quidem norunt. An ideo noua & absurda omniaque ab illis lecta non sunt?

4. Dicam clarior. Tria supponis in hoc argumento. Primo, te omnium Pontificiorum scripta legisse. Secundo, in nullius Pontificij scripto reperiri id quod à me dictum est. Tertio, omnia noua & absurda esse, quæ in scriptis Pontificiorum non habentur. Nisi hæc tria supponas, inane est argumentum. Si autem supponis, tribus vitiis laborare necesse est. Nam duo priora aperte falsa sunt: tertium, si verum est, euertit totam Lutheranorum sectam. Singula demonstrabo.

Primum vitium argumenti Sartoriani.

5. **I**gitur primò supponis, te omnia Pontificiorum scripta legisse, quod sine dubio falsum est. Vnde argumentum, quod nititur hac falsa suppositione, non modo ineptum & ridiculum, sed etiam stolidum esse conuincitur. Quod aliquot exemplis nuper à me ostensum est. Ea hic repeto.

1. Primò, Faciamus aliquem, qui natus sit nisi in Saxonia fuerit, Viennam venire, vbi peregrinum quempiam Hispanicè vel Italicè loquentem audiat. Deinde, coram viris prudentibus, quæstant, sic ratiocinetur: *In omnibus Europæ provinciis non memini me audire hoc idioma: Ergo nouum & absurdum est.* Quid illi, qui audient, dicunt? Nihil aliud, quam hominem insanire. Et merito. Nusquam fuit, nisi in Saxonia. Non fuit in Belgio, non in Anglia, non in Gallia, non in Hispania, non in Italia, non in Polonia: et tamen fidenter assertit, *In omnibus Europæ Provinciis non memini me audire hoc idioma.* Thralonica vox. Simulat se fuisse, vbi nec fuit. Et quod deterius est, iudicat omnia idiomatica noua & absurda esse, quæ ipse non audierit.

6. Accipio aliud. Sartorius Viennæ in Templo sancti Stephani videt Rectorem Vniuersitatis cum alius Academicis sacrificio Missæ interesse. Domum reuersus conscendit cathedram, & publicè affatur auditores in hunc modum: Audite rem nouam & absurdam. Vidi Academicos Viennenses sacrificio Missæ interesse, quod in omnibus Christi orbis Academicis non memini me videre. Quid hic auditores? Mulierculæ, quæ ex voce & barba omnis metuantur, accipient oraculi loco, quod dignum est: et vxori Sartorianæ gratulabuntur, quod talem maritum nacta

Opusc. Bec.

lit. qui tanquam ocularis testis, omnium Academicorum instituta perspecta habeat. Longè aliter prudentiores. Quid, inquit, venit in mentem isti homini, quod tam temerè de omnium Academicorum more & consuetudine affirmare ausus sit? Nullam vidit Academicam, nisi vnam aut alteram in Saxonia. Non vidit Louanensem in Belgio, non Parisiensem in Gallia, non Salmanticensem in Hispania, non Bononiensem in Italia, non Moguntinam in Germania, non Herpibolentem in Franconia, nec Ingolstadtensem in Bavaria. non alias alibi: Et tamen, quasi omnes vidisset, audacter pronunciat: *In omnibus Christi orbis Academicis non memini me videre Academicos sacrificio Missæ interesse.* Homo sine dubio stolidus, qui nihil, nisi inanem gloriam aucupatur. Hæc illi.

7. Eodem modo tu agis, mi homo: *In omnium, inquis, Pontificiorum scriptis non memini me legere dogma illud Becani: Ergo nouum & absurdum est.* Mirantur simplices & putant te omnia legisse. Rident alij, qui te melius norunt. Et sic taciti apud te: Certè, homo ille mirè stolidus ac temerarius est. Non aliter scribit ac loquitur, quam si omnia Pontificiorum scripta peruolutasset. Et tamen constat, pleraque ne quidem visa à eo esse. Legerit fortasse Bellarminum, aut Sapletonum, aut Pistorium. At alios sexcentos nec legit, nec vidit. Non legit Alexandrum Alentem, post Bonaventuram, non Egidium, non Gandauensem, Scotum, Richardum, Marcellum, Paludanum, Ariminensem, Almainum, Baconium, Aureolum, Capreolum, Ferrariensem, non similes alios: qui tamen inter Pontificios celeberrimi sunt. Vix nomina eorum illi nota sunt. Quæ ergo insania est, cum istos non legerit, ausum esse scribere, *In omnium Pontificiorum scriptis non memini me hoc legere.* Hæc non ego, sed tui auditores.

Secundum vitium.

8. **S**ecundò supponis, in nullo Pontificiorum scripto meum dogma contineri. Hoc etiam falsum est. Nam multos, citavi Pontificios, qui mecum sentiunt. Et quidem pro priori parte dogmatis (quod scilicet Christus semel sub vtraque & semel sub vna specie instituerit cœnam eucharisticam) citavi Alphontium Salmeronem tomo 9. tract. 35. Maldonatum in cap. 24. Lucæ, Gregorium de Valentia tom. 4. disput. 6. quæst. 8. puncto 5. 6. 7. Henricum Henriquez lib. 8. de eucharistia cap. 13. num. 2. & cap. 44. num. 3. Toletum in cap. 6. Ioannis, notat. 27. Hensium in castigatione voluminis Aetholici, art. 18. 6. 3. Ioannem Hesselium, Cardinalem Hosium, Rupertum Lincomensem, Balduinum Cantuariensem, Gilbertum Abbatem, & alios allegatos ab Henriquez lib. 8. cap. 16. in glossa marginali.

9. Pro posteriori (quod scilicet, si spectemus naturam rei, vna species sine altera consecrari possit) citavi eundem Salmeronem, & alios ab eo allegatos, ut duos Innocentios Pontifices, Albertum Magnum, Alexandrum Alensem, Ioannem de Turrecremata, Angelum, Gabrielem Biel, Adriam Papam, & authorem Summæ Pisanæ. Item Antonium 3. par. tit. 13. cap. 6. §. 1. circa finem, Genebrardum in Chronico, Claudium tep. 10. de Eucharistia, c. 3. & 4. Tapperum art. 14. Henriquez lib. 8. cap. 13. num. 1. Hi omnes docent, quod ego. Falsum igitur est, quod supponis in tuo argumento, in nullo Pontificiorum scripto meum dogma reperiri. Hic, quia constrictum te aduertis, variis modis conaris eluctari. 1. per incon-

stantiam & mendacium. 2. per malam fidem. 3. per meram contentionem de vocibus & vocabulis 4. per temeritatem. Quæ omnia in progressu ostendam, præsertim §. 13. & sequentibus.

Tertium vitium.

10. **T**ertio supponis, omnia dogmata, quæ in scriptis Pontificiorum non habentur, nova & absurda esse. Quod si falsum est, ruit argumentum tuum. Si verum, tota Lutheranismi secta evertitur. Sic enim licebit ratiocinari: In omnium Pontificiorum scriptis non habentur hæc dogmata Lutherana. 1. Humanitas Christi est ubique. 2. Sancti non sunt inuocandi. 3. Non est orandum pro mortuis. 4. Infantes, cum baptizantur, habent actualem motum fidei. 5. Duo tantum sunt Sacramenta. 6. Matrimonium non est Sacramentum. Ergo hæc dogmata Lutherana nova & absurda sunt. Quid hic respondes, mi Sartori? Alterutrum fatearis necesse est, vel legitimam esse consequentiam, vel illegitimam; Si legitima est, ruit Lutheranismus. Si illegitima, tua est.

11. Iam vides, opinor, triplici vitio laborare argumentum, quod à te factum est. Nititur enim tribus principiis, quorum duo priora manifestè falsa sunt: tertium, tuæ sectæ, quam defendis, penitus contrarium. Disce deinceps melius argumentari; nec temerè aliquid affirmes de scriptis aliorum, quæ non legisti. Alioqui, si semel hæc argumentandi forma admittatur, actum erit de tuo capite. Nam rustici, qui te audient concionantem, statim hoc enthymemate te inuadent: *In omnium Lutheranismi scriptis non meminimus nos legere, quod tu hodie in cathedra affirmasti: Ergo novus & absurdus homo es.* Et quid, obsecro, responderes, si sic tecum agerent? Remitteres eos, sine dubio, ad agros & vineas, in quibus melius, quam in libris versati essent. Rectè. Et ego ad nuptias rusticorum, vel ad Lutheri colloquia mensalia tere mitto in quibus melius, quam in scriptis Pontificiorum, versatus es. Ex eorum officina poteris sic rectè argumentari: In omnibus Lutheri colloquiis mensalibus, quæ diligenter euolui, non memini me quidquam legere pium aut honestum, sed omnia scurrilitate plena sunt: Ergo Lutherus in colloquiis parum pius & honestus, sed insigniter scurrilis est. Vel sic: In omnibus nuptiis, quæ hoc anno in mea parochia celebratæ sunt, non memini me tam suauiter bibere & saltare, quam heri in nuptiis Melibæi: ergo Melibæus optimè de me meritis est. Hoc facile credent, qui te norunt.

12. Et hæc hæctenus de primario argumento, quo me oppugnasti. Quod quàm debile ac inuolidum sit, facile iam perspicis, si cerebrum habes. Igitur si in hoc certamine, cuius tu auctor es, perstare vis, aut fateri, quod res est, nihil te hæctenus effecisse: aut sitam obitinato es animo, ut fateri nolis, responde sigillatim ad singula vitia, quæ iam obiecta sunt. Nec putes satis esse, si conuictis me obruas, ut in postrema epistola à te factum est. Nam illa quidem minime melædunt: & tibi apud viros prudentes parum gratiæ conciliant.

Sartorius mendacio se defendit.

13. **I**N prima epistola absolutè dixeras, in nullo Pontificiorum scripto meum dogma re-

periri posse. Mox produxi aliquos recentiores Pontificios, in quibus reperitur. Non poteris negare. Igitur ut laqueum, quo te tenebam, exueres, mendacio usus es, & in altera epistola asseruisti, non de omnibus, sed de veteribus Pontificiis, qui ante ortum Iesuitarum scripserunt, locutum te esse. Quod manifestè falsum est. Nam speciatim etiam, & quidè maximè locutus es de iis, qui fuerunt in Concilio Tridentino. Consule epistolam tuam, & inuenies. At Pontificij, qui fuerunt in Concilio Tridentino, non sunt antiquiores Iesuitis. Imò inter illos fuerunt aliqui Iesuitæ, ut Iacobus Laynes, Alphonsus Salmeron, & Ioannes Cuuillonius.

14. Hoc mendacium, si meministi, nuper tibi obieci. Nec in tertiam epistolam, quæ interea à te scripta est potuisti te purgare, sed silentio dissimulasti. Quam in te laudo candorem tuum. Putabas satius esse nihil dicere, quàm apertum mendacium negare; aut excusare. Et sic est. Sed tamen, quid mentiendo profecisti? Nihil penitus. Nam esto, de solis veteribus Pontificiis locutus fueris. Manebit nihilominus inepta hæc consequentia: *In omnibus veteribus Pontificiis non meminimus legere hoc dogma: Ergo novum & absurdum est.* Nam hic etiam supponis, omnes veteres Pontificios à te lectos esse, & in nullo illorum meum dogma reperiri posse: quæ ambo falsa sunt. Vix illos legisti: & iam ante multos citavi, qui mecum sentiunt.

Sartorius litigat de nomine.

15. **Q**uia mendacium non successit, cœpisti litigare de nomine: Et importunè vsisti, ut producerem aliquem Pontificium, qui vteretur his ipsis verbis, quibus ego usus sum, *Christus bis instituit cenam semel sub utraque, semel sub una specie.* Produxi Alphonsum Salmeronem. Iterum vsisti, ut aliquem ex veteribus producerem. Respondi, de vocibus non esse litigandum, si de sensu constaret. Veteres non quidem eisdem vocibus, sed tamen eodem sensu scripsisse, quo ego scripsi. Scripsisse, inquam, Christum Hierosolymis sub utraque, & in xmaus sub una specie cōsecrare & porrexisse Eucharistiam. Nihil aliud me velle. Nec modum loquendi, quo usus sum, (tamen si fortè à paucis, in hac quidem materia vsitatus sit) absurdum videri oportere. Sicut enim rectè ac Latine dicimus, Imperatorem bis diuerso tempore instituisse solenne prandium; aut Sartorium bis diuersis diebus instituisse tantam cenam: Ita rectè ac Latine dici posse, Christum bis instituisse Eucharisticam cenam. Idque confirmavit ex communi sensu & consensu Eccl. quæ in festo Corporis Christi (ut patet ex Missali Romano) sic publicè legit: *Die enim solennis agitur, in qua mensa prima recolitur huius institutio.* Cur dicitur prima, nisi quia datur secunda? Prima facta est Hierosolymis sub utraque; secunda in xmaus sub una specie.

16. Sed nondum acquiescis. Iterum in postrema epistola vrges, ut producā aliquem ex veteribus, qui vtatur his verbis, *Christus bis instituit cenam.* At ego vicissim te vrgeo, ut producas aliquem ex veteribus, qui vtatur his vocibus, quibus tu vteris, *Christus semel tantum instituit cenam; vel, Christus non instituit bis cenam.* Quid si id præstare non possis? An non tuo te gladio iugulaueris? Nihil certius. Nam si mecum cōtendas hoc modo; (Hæc voces, Christus bis instituit cenam, non habentur in antiquis Scriptoribus: Ergo dogma, quod his vocibus significatur, novum & absurdum est.) Ego vicissim regeram hoc modo; Hæc voces, Christus non instituit bis cenam, non ha-

bentur in antiquis Scriptoribus; Ergo dogma, quod A his vocibus significatur, novum & absurdum est.)

17. At obicis auctoritatem Lutheri & Kemnitij, qui asserunt hoc interesse inter institutionem & consecrationem, quod institutio includat mandatum, non item consecratio. Unde videris sic velle concludere; Institutio includit mandatum: at Christus semel tantum dedit mandatum de sumenda cœna, nempe Hierosolymis (nam in Emaus non dedit.) Ergo semel tantum instituit cœnam, non bis; etiam si daremus bis consecrasse. Miror te, Sartori. Primò, quia legem quam mihi præscribis, tu ipse non servas. Præscribis, ut producam veteres auctores; & reicis Alphonsum Salmeronem, Maldonatum, Tertium & alios Iesuitas, tanquàm novitios. At Lutherus & Kemnitius æquè novitij sunt. Cur igitur eos adducis? Cur non veteres Scriptores, quos à me citari postulas, citas ipsos pro te? In promptu causa est, quia non potes. Secundò, quo argumento probant Lutherus & Kemnitius, institutionem Hierosolymis factam includere mandatum de porrigenda & sumenda utraque specie? Hoc enim Catholici negabunt. Et negarunt hæcenus. Vos nondum probastis, Imò in hoc omnis controuersia est, an extet aliquod mandatum Christi de utraque specie. Tu vis, ut credam Luthero & Kemnitio, qui asserunt extare. Quid si velim, ut credas melioribus auctoribus, qui negant extare? Tertio, syllogismus, quem sumis ex Luthero & Kemnitio, vitiosus est. Nam maior propositio, si est vniuersalis, falsa est. Non enim omnis institutio includit mandatum. Nam multa sunt à Deo instituta, quæ non sunt mandata, ut matrimonium, ordo Ecclesiasticus, lotio pedum ante communionem. Si est particularis, frustra est. Nam ex puris particularibus nihil concluditur. Igitur si sic formes syllogismum (Omnis institutio includit mandatum: At Christus non dedit bis mandatum de cœna: Ergo non instituit bis cœnam) neganda est maior propositio. Si autem sic (Aliqua institutio includit mandatum: Christus non dedit bis mandatum de cœna: ergo non instituit bis cœnam) neganda est consequentia. Si hoc capis, bene est: sic minus, Dialecticos consule.

Sartorius mala fide agit.

18. **I**N prima epistola, mala fide citasti mea verba, & in altera negasti te id fecisse. Sed interea conuicti te de hoc crimine. Nam verba mea sunt hæc: *Si species naturam rei, una species sine altera consecrari potest: si ius Ecclesiasticum, non potest.* Tu, omittis quatuor primis vocabulis, citasti hoc modo: *Vna species sine altera consecrari potest.* Quid hoc aliud est, quàm tollere distinctionem, in qua sensus totius sententiæ fundatus est? Nam si queratur, an liceat vnam speciem sine altera consecrare? optimè respondebitur cum hac distinctione: licet, si species naturam rei non licet, si ius Ecclesiasticum. Hanc distinctionem tu omisitisti. estne hoc bona fide agere? Simili exemplo rem declarabo. Si apud Catholicos queratur, an die Veneris sacro, quo Christus mortuus est, liceat carnes comedere? prudenter responderetur; Si species naturam rei, licet: si ius Ecclesiasticum, non licet. At impudenter, si absolute dixeris; Licet. Item, si queratur sit apud Iureconsultos, an possessiones bonorum temporalium diuisæ, & suæ unicuique propriæ sint? Vel, an liceat dicere, Hæc ager meus, ille tuus est? Communis responsio est: Si præcisè species ius naturæ, omnia communia & indiuisa sunt: si ius gentium, sua cuique propriæ & diuisa. An hæc bona fide actu-

rum te putas, si neglecta hac distinctione, absolute dixeris, hoc modo; Omnia communia & indiuisa sunt? Nihil minus. Peruerteris sensum, si sic agas, & furibus occasionem dabis aliena rapiendi.

19. Hoc crimen malæ fidei, quod tibi nuper obieceram, non potuisti diluere in vltima tua Epistola, & ideo cautè dissimulasti. est autem Prædicantibus valde familiare ac domesticum, si vltima excenta exempla præteream, vnum adferam, quod lepidum simul ac memorabile est. Iacobus Hailbrunnerus, Lutheranus Superintendens, scripsit annis superioribus ingens Volumen cui titulus est. *Ecclesiæ Catholicæ Dabstumb.* Id tuo calculo approbarunt Theologi & Prædicantes Lipsienses, Vitebergenses, Dreidentenses, Turbingenses & Sturgardenses. Inter quos etiam tuus Il Idunus. In eo volumine, inter cætera conatus est auctor probare, Ecclesiam Romanam non esse veram Ecclesiam, hoc argumento: non potest esse vera Christi Ecclesia sine gratia: Ergo illa non est vera ecclesia, à qua defecit gratia: sed gratia iam pridem defecit ab Ecclesia Romana, ut fatentur ipsi Pontificij, ac nominatim Nicolaus Lyranus, in 2. Thessal. 2. Ergo Ecclesia Romana non est vera Ecclesia. Hoc argumento putabat se Catholicos posse constingere. Sed detecta est impostura. Nam Catholici inspecto Lyrano inuenerunt hæc verba; *Gratia defecit ab Ecclesia Romana.* Hailbrunnerus pro *Gratia*, posuerat *Gratia*. Vbi fides, candor? Miror autem vel maximè tot Prædicantes, tot Consistoriales, tot Theologos & Academicos Lutheranos, qui Hailbrunneri Tractatum legerunt & approbarunt, aut non notasse hanc fraudem, aut si notarunt, dissimulasse. In altero negligentes ac supino, in altero impostores fuisse, necesse est. Omitto similia, quæ passim obuia sunt.

Sartorius in auctoribus, quos citat, peregrinus est.

20. **H**Oc dupliciter nuper ostendi: et nunc iterum ostendo. Primò quia in altera tua Epistola sic scribis: *Non possum inficiari, Alphonsum tuum allegare Gabrielem Biel, & alios ex veteribus Pontificijs, sed quibus in scriptis a doceant, non addit.* Hic aperte ostendis, te nunquam legisse Alphonsum. Nam ille quidem non solum allegat Gabrielem, & alios ex veteribus Pontificijs, sed etiam ad marginem dicitè addit libros & capita, in quibus id docent, de quo ipse agit. Hoc tu negas. Vel ergo non legisti Alphonsum, ut dixi: vel si legisti, mendax es. Si mendax es, cur deinceps tibi credam? Si non legisti, cur temerè affirmas quod nescis? Ubique impingis.

21. Deinde in eadem Epistola sic scribis: *Ille Concilia, Constantiense, Basileense & Tridentinum ex professo & summo conatu hoc egerunt, ut vnam speciem aicis obtruderent, & quibuscunque rationibus possent, id palliarent, propugnarent, confirmarent, ut ex Gersonis scripto liquet.* Hic etiam peregrinus es. Nam Gerson mortuus est Anno Christi 1419. At Concilium Basileense & Tridentinum postea inchoata sunt. Basileense quidem, anno 1431. Tridentinum vero, anno 1545. Quomodo ergo ex scripto Gersonis liquere potest, quid in istis Concilijs actum sit? Nisi fingas Prophetam fuisse, qui aliquot annis, antequàm illa Concilia celebrarentur, vaticinatus fuerit, quid in illis futurum esset. At de hoc vaticinio nihil hæcenus Viennæ auditum. Si in tua Bibliotheca reperitur, quæto participes nos officio. Alioqui, quomodo credam, quod tam audacter pronuncias ex Gerson. Concilium Basileense & Tridentinum ex professo & summo

conato egisse, quod scribis? Potius credam, te ex A professo & summo conatu hoc agere, ut mendacio nos obvias. Quod tamen frustra est. Nouimus fraudes & impoturas Prædicantium.

22. Hæc duo puncta nuper attigi. De priori nihil respondes. Circa posterius, cum aliud non possis, sy-cophantam, & virulentum me appellas. Nam Gerson, inquis, interfuit Concilio Constantiensi, & quæ ibi acta sunt, posteritati reliquit. Non nego hoc. Sed disputo, verum non esse, quod tu asseris, Gersonem scripsisse, quid in tribus illi Conciliis gestum sit. Nam Gerson non vixit, quando duo posteriora celebrata sunt.

Sartorius oppugnat Ecclesiam Catholicam, seu Romanam.

23. **I**N secunda Epistola, duplici argumento contendis, Ecclesiam nostram Catholicam Christo contrariam esse. Primum, quia Christus consecrauit sub vna specie in Emaus: Ecclesia prohibet vnius speciei consecrationem. Secundo, Christus Laicis concessit calicem: Ecclesia negat. Hinc infero, Ecclesiam nostram non esse sponsam Christi. Antiqua hæc cantilena est. Iam pridem vestri homines clamant, Romanam Ecclesiam à fide defecisse, apostatasse, meretricem factam esse. Quod olim etiam Donatistæ calumniati sunt. Sed audi, quid illis & vobis respondeat S. Augustinus concil. 2. in Psal. 101. *Existunt, inquit, qui dicant: Illa Ecclesia, quæ fuit omnium gentium, iam non est: perijt. Hoc dicunt, qui in illa non sunt. O impudentem vocem, abominabilem, detestabilem, præsumptuosam & falsitatis plenam!* Hæc in vos quadrant. Non estis in Ecclesia Christi, qui dicitis illam perijt.

24. Addo, vos, cum hoc dicitis, repugnare Christo, Lutheræ, vos ipsi. Christo quidem, quia ipse dixit, *Super hanc petram ædificabo Ecclesiam meam, & porta inferi non præualebunt aduersus eam.* Vos dicitis, iam præualuisse. Lutheræ etiam, quia Ecclesia Romana seu Pontificia genuit Lutherum, & aliquot annos educauit. Si ergo tunc fuit meretrix, necesse est Lutherum fornicum esse, & meretricis filium. Quis ergo pater illius est? Denique vobis ipsis, quia ostenditis non credere vos symbolam fidei. Nam articulus symboli est, *Credo sanctam Ecclesiam Catholicam.* Quod de ecclesia visibili intelligendum esse, non modo Catholici & Calumnistæ consentiunt, sed etiam Philippus Melancthon, vestræ Augustanæ Confessionis parens, in Examine ordinandorum. Vnde sic concludo: Articuli fidei semper veri sunt, nunquam falsi. Ergo semper verum est, dari ecclesiam visibilem, quæ sancta & Catholica sit. Ergo etiam verum fuit eo tempore, quo Lutherus paruit. At tunc non alia fuit visibilis Ecclesia, quæ sancta & catholica dici poterit, quam Romana seu Pontificia. Ergo illa sola tunc fuit sancta & Catholica. Si hoc creditis, salua res est. Si non creditis, infacies estis, & symbolo fidei injuriam irrogatis.

25. Argumenta quæ obicis, in te retorqueo, hoc modo. Primum, Christus porrexit eucharistiam vespere post coenam. Hoc Ecclesia Lutherana per contrariam consuetudinem abrogauit. Christo ergo contraria est. Secundo, Christus, antequam porrigeret Eucharistiam, lauit pedes discipulorum, & dixit *Si ego laui pedes vestros, & vos debetis alter alterius lavare pedes.* Nec hoc seruat Ecclesia Lutherana: Ergo hic etiam deseruit institutionem Christi. Hæc dissolue, & tua dissolueris.

26. Addo tamen in aliorum gratiam, qui hæc forte lecturi sunt, communem regulam, ex qua solida solutio petenda est. Hanc scilicet: *Ea, quæ Christus in utramque partem libera nobis reliquit, in alteram ab Ecclesia determinari possunt.* Liberum reliquit, ut Baptismus vel vna, vel trina immersione conferri possit. Ecclesia tamen primitiua imperauit trinam immersionem, ad designandam Trinitatem personarum in vna deitate propter hæreticos illius temporis, qui negantes Trinitatem, vna immersione Baptismum conferebant. (Canon. 49. Apostolorum.) Item, liberum reliquit, ut vel mane vel vespere sumatur Eucharistia. Ecclesia matutinum tempus, quia deuotioni videtur aptius, determinauit. Similiter liberum reliquit, ut laici vel sub vna, vel sub utraque specie communicarent. Ecclesia propter legitimas causas, quæ aliqui commemoravi, vult vna contentos esse.

27. Habemus similia exempla in aliis. Ius naturæ reliquit liberum, ut hunc vel illum agrum liceat mihi possidere; in hoc vel illo flumine piscari, has aut illas feras capere. At ius gentium, facta rerum diuisione, unicuique primum aliquid assignauit, & illam possidendi, piscandi, venandi libertatem sustulit. Sicut ergo in hoc casu, ius gentium non censetur esse contrarium iuri naturæ, ita seruata proportionem, in altero, de quo agimus, dicendum est. Nec video, quid possis tergiversari. Nam quod obicis in tertia epistola, *Ecclesiam non posse contra Christi institutionem & mandatum mutare quidquam in substantiali*, nihil ad rem facit. Fateor Ecclesiam id non posse. Et hoc ipsum definit Concilium Tridentinum sess. 21. c. 1. Gaudeo te idem sentire. Nec nos dicimus, Ecclesiam mutasse aliquid in substantialibus contra mandatum Christi, sed solam asserimus, ea quæ Christus in utramque partem libera reliquit, posse ab ecclesia in alteram partem ex legitima causa determinari.

Sartorius laudat Ecclesiam Lutheranam.

28. **I**N tertia epistola sic scribis: *Sit tua Ecclesia Christo contraria: Nostra audit vocem Pastoris & sponsi sui, & sequitur eam, id quod vera Ecclesia nostra est, & sponsa sui.* Speciosum Encomium, sed ambiguum. Quis enim ille est pastor & sponsus, cuius vocem audis & sequitur Ecclesia vestra Lutherana? Certè Christus non est. Nam eius vocem non sequimini. Vox Christi est, *Pœnitentiam agite.* Vos subterfugitis. Vox Christi est, *Sic luceat lux vestra coram hominibus, ut videant opera vestra bona, & glorificent patrem vestrum, qui in cælis est.* Vos contra clamatis bona opera, nihil prodesse, solam fidem sufficere. Vox Christi est, *Si vis ad vitam ingredi, serua mandata.* Vos populo persuadetis, legem Dei impossibilem esse, mandata eius seruari non posse. Vox Christi est, *Hoc genus demoniorum non eiicitur, nisi per orationem & ieiunium.* Vos pridem sustulistis omnia ieiunia. Denique vox Christi est, *Omnis qui reliquerit domum, aut uxorem propter nomen meum, vitam æternam possidebit.* Quis vnquam ex vestris Prædicantibus hanc vocem secutus est? Vix ancillæ apud vos tute sunt: tantum abest, ut uxores propter Christum relinquantis.

Sartorius contemnit Iesuitas, tanquam novos homines, cum potius Lutherani sint novi.

29. **I**N secunda & tertia Epistola relictis Iesuitas, tanquam homines novos, & totam Societatem Iesu per contemptum *Novam* appellas, aliaque scominata in eam conicis. Hic si velim tecum contendere, non sum tibi par. Scio Prædicantes apprimere exercitatos esse in hoc genere, ubi Pontifex & Iesuitæ exagivandi sunt. Sed tamen, si modestè interrogationi locus est, cur obsecro, Societatem Iesu novam dicis? Sanè, si nomen spectes, non nova, sed vetus est. Audi Apostolum 1. Corinth. 1. 9. *Fidelis Deus per quem voca iestis in Societatem filij eius Jesu.* Qui locus, si de omnibus Christianis intelligi potest, ut tu fateris, etiam de nobis potest intelligi. Nam & nos Christiani sumus. Igitur qui hoc nomen *Societatis Iesu* usurpat, non novum, sed vetus & Apostolicum nomen usurpat. Sed cur vos, inquis, præ aliis id usurpatis? Dicam. Non repugnamus, quin alij quoque usurpèt, si velint. Sicut enim omnes, qui in Christum credunt Christiani; sic omnes, qui Iesum credunt, Iesuitæ appellari possunt. Rursum, sicut illi, qui quasi proprio ac peculiari nomine Christianos se vocant (ut aliqui Saxoniz Duces) non idèò reprehendi possunt: ita nos, qui quasi peculiari nomine Iesuitæ appellamur, non idèò iustam reprehensionem incurrimus. Quod si à te reprehendimur, id studio calumniandi fieri putandum est.

30. Explicabo rem totam clariùs. Quotquot vivunt in Imperio, Imperatori subiecti sunt. Eorum tamen duplex est genus. Alij communi tantum lege illi subiecti sunt, ut rustici, ~~libres~~, mercatores, nobiles. Alij peculiari quadam ratione, ut milites, qui speciali iuramento se illi obstringunt, & hoc nomine stipendia capiunt. Hi per certa vexilla & centurias distributi sunt. Et alij quidem à suis Centurionibus vel Chiliarchis qui unicuique centuriz vel cohorti præfunt, sua nomina sortiuntur: alij ab ipso Imperatore, qui omnium caput est, Cæsarianos se vocant. Simile est in Ecclesia. Quotquot in ea vivunt, Iesu Christo subiecti sunt. Eorum etiam duplex est genus. Alij communi lege illi subiecti sunt, ut laici & sæculares homines, alij peculiari quadam ratione, ut Religiosi qui speciali voto se illi obligarunt. Horum varij sunt ordines ac instituta. Et alij quidem à suis Prælati vocant se Franciscanos, aut Dominicanos, aut Augustinianos, aut Bernardinos, aut Benedictinos: Alij à Domino Iesu, qui omnium caput est, Iesuitæ appellantur. Quid hic mali est? Si milites Cæsaris, Cæsarianos; cur milites Iesu, Iesuitas vocari fas non sit?

31. Igitur Iesuitarum nomen, non novum, sed vetus & Apostolicum est. At neque doctrina eorum nova. Nam in omnibus Academijs, ubique, Theologiam profitentur, publicas habent prælectiones ex D. Thoma Aquinate, & illius doctrinam interpretantur. Hæc autem doctrina, non nova, sed vetus est. Non ergo, si doctrinam spectes, novi, sed veteres sunt Iesuitæ. Quod etiam vestro iudicio confirmari potest. Nam vos palam asseritis, Papatum cum superiori sæculo penè collapsus esset, humeris Iesuitarum fuisse sustentatum, ne penitus rueret ac periret: & nunc etiam sustentari. Quod sine dubio intelligitis de doctrina Papatus. At doctrina Papatus, non nova, te etiam fatente, sed vetus est. Si ergo hanc sustentant Iesuitæ, non novam, sed veterem sustentant.

32. Vos potius & nomine, & doctrina novi. Nomi-

A ne quidem, quia nomen Lutheranorum nec in Scriptura, nec in villo antiquo authore reperiri potest. In angulo Saxoniz natum est ante paucos hos annos. Doctrinam verò, quia dogmata Lutherana, vel eum ipso Luthero, vel post Lutherum orta sunt. Nusquam inuenies in antiquis Patribus hæc dogmata Lutherana. 1. Humanitas Christi est ubique. 2. Sancti non sunt inuocandi. 3. Non est orandum pro mortuis. 4. Infantes, cum baptizantur, habent actualem motum fidei. 5. Duo tantum sunt Sacramenta. 6. Matrimonium tam est singulis necessarium, quam cibus & potus. 7. Si non vult vxor, veniat ancilla. 8. Vota monastica non sunt seruanda. 9. Monachus, exemplo Lutheri, potest ducere Monialem. 10. Lutherus legitime missus est ad Ecclesiam reformandam. Hæc, si potes, ostende in antiquis Scriptoribus. Non poteris. Nova sunt. Vos igitur novi, qui ista docetis.

Sartorius duo alia obicit Iesuitis, quæ potius conveniunt Lutheranis.

33. **N**on satis visum tibi est Iesuitas vocare novos homines, sed etiam duo alia, quæ maioris momenti sunt, illis obicis. Vnum est, quod regantur spiritu diaboli. Alterum, quod veniant quidem in vestimentis ovium, sed tamen intrinsecus sint lupi rapaces. Verumque sine fundamento. Si vellem regere, facile ostenderem, Lutheranis potius, quam Iesuitis ista convenire. Ac de priori videtur res manifesta. Nam Lutherani habent eundem spiritum cum Luthero. At Lutherus disertè scribit, se cum diabolo disputasse, & à diabolo persuasum esse, ut Missam priuatam aboleret; quod etiam factum est. Ergo cum eam instinctu diaboli abrogavit, spiritu diaboli impulsus fuisse necesse est. Hic iam quæro, mi Sartori, verè an falsò id scripserit Lutherus? Si verè scripsit, verum est diaboli, spiritu ac impulsu actum esse. Si falsò, mentitus est. An non potuit mentiri, nisi spiritu diaboli ageretur, quia diabolus est pater mendacij, siue ergoverè, siue falsò scripserit, semper convincitur, spiritu diaboli actum fuisse non Dei.

34. De posteriori res æquè certa est. Nam Lutherani dicunt, se reformare Ecclesiam Christi, prædicare purum ac sincerum Evangelium, abolere superstitiones & abusus Papistarum: vno v. r. o., nihil aliud spectare, quam gloriam Dei. Hæc sunt vestimenta ovium, quibus se regunt. Quid interim fit? Luporum more, in gregem dominicum delatant, & omnia salutis præsidia de medio tollunt. Quod frater illorum Calvinus, in cap. 12. Danielis v. 34. testatur; his verbis: *In exiguo illorum numero, qui sese ad idolatriam Papatus subdixerunt, maior pars plena est perfidia & doli. Præclarum quidem zelum simulant, sed tamen insus exitias, reperies plenos esse fraudibus.* Testimonium hoc verum est. Audi ipsum Lutherum, in postilla domestica Ienæ impressa, conc. 2. primæ Dominicæ Adventus: *Mundus ex hac nostra doctrina quotidie redditur deterior. Iam homines singuli septenis diabolis obsidentur, &c.* Vide quæ ibidem sequuntur.

Sartorius in Becanum contumeliosus est, & seipsum commendat.

35. **I**N postrema tua epistola, ut supra insinuavi, multis verborum contumeliis me afficis, & inter alia probra, nominatim mihi obicis mendacia, scominata, cōiugia, calumnias, liuorem, vitium, bile,

acerbitatem. Et quasi tu ab his omnibus immunis esses, addiste sequi præceptum illud Christi; *Nolite maledicere maledicentibus.* Non secus, ac Phariseus in E. angelio dicebat; *Non sum sicut cæteri hominum, raptores, iniusti, adulteri: velut etiam hic publicanus.* Lucæ 18. 11. Nosti cætera.

36. Nolo pro mea defensione loqui. Loquantur alij, qui ex scriptis me norunt, non modo Catholici, sed etiam Calvinistæ & Lutherani. Ex Catholicis, Cardinalis Bellarminus in quadam epistola ad me data, sic scribit: *Locutus sum cum sanctissimo Patre nostro Papa, & cum reverendissimo Pat. Nost. Generali: & utrique visum est, Reu. V. extra hanc responsionem (ad librum cuiusdam heretici) delegare. Rogo igitur Reu. V. est, ut placeat hunc laborem suscipere, & solita sua perspicuitate & breuitate cum solida eruditione coniuncta, librum istum confutare. Iussit autem Dominus Papa, ut admonerem Reu. Vest. nomine suo, ut causa à mordacitate, ut hactenus cauit, & hinc magnam laudem apud omnes commernis. Decet enim Catholicos Scriptores, ac præsertim Religiosos, modestia & gravitate, ac ut relinquam hæreticis petulantiam, ut isdem relinquunt falsitatem, &c.*

37. Ex Calvinistis, Henricus Salcolbrigienſis in refutatione Becanici examinis plagæ Regiæ, in præfat. one ad Henricum Magnæ Britannię heredem, serenissimi Jacobi Regis filium, sic incipit: *Ex omni illa hominum colluie, qui tractatus contra Augustissimi Monarchæ librum de Apologia Juramenti fidei scitis scriptum, suos emisserunt; existit Becannus ab impudentissima illa contrariandi rabie remotior.*

38. Denique ex vestris Lutheranis, Albertus Grauerus, Theologiæ Professor in Academia Ienensi, in disputatione Antijesuitica nona de Pontifice Romano, circa initum, §. 5. sic scribit: *Et quoniam ante sexcentium Martinus Becannus, Jesuita Moguntinus, alias præter morem reliquorum plerorumque modestus, & à comitiis maxima ex parte sibi temperans, ac rebus ipsis, sine personarum inestimatione disputans, quod in ipso, quamvis adversario, laudandum, &c.*

39. Adhibui tres testes pro meâ innocentia. Et quia in ore duorum, vel trium testium, stæ omne verbum, frustra me accusas. Contra te non egeo testibus. Epistolæ quas scribis, testimonium contra te dicunt. Plenæ sunt conuictis, præsertim vltima, quam tertio loco accepi. Quod nihilominus addis, te sequi præceptum illud Christi; *Nolite maledicere maledicentibus; si me spectes, facile concessero.* Tamen enim mihi maledixeris, non tamen maledicenti maledixisti.

Sartorius ridiculam questionem proponit de Alphonso Salmerone.

40. **C**Um nuper tibi respondiſsem, in Alphonso Salmerone repertum hanc propositionem, (*Christus bis instituit cenam Eucharisticam*) quam tu nunquam repertis obieceras: & simul addidiſsem, eundem Alphonsum magnæ auctoritatis virum esse, tum quod multa opera edidiſſet, tum quod Concilio Tridentino interfuiſſet; scribebas te mirari, *cur non perſuaſerit Patribus illius Concilij, ut canonibus hoc etiam dogma adderent, Christus bis instituit Eucharistiam.* Vis dicam? Metuebant, ne si plures Canones scriberentur, maiorem ignem ubique excitarent Lutherani. Si hoc non capis, dicam apertius. Lutherus vester, deserto monasterio, rapuit à clauſtro Monialem, & incestis nuptiis sibi copulauit. Hoc

ne fiat, prohibent Canones Iuris canonici. Ne Canonibus pleſteretur, totum Codicem combuſſit; ex quo magna flamma excitata est. Periculum erat, ne discipuli ipsius (inter quos vnus es) eandem carnificinam exercerent in Codicem Concilij Tridentini; præsertim si plures in eo eſſent Canones, quâ ipsi velent. Igitur ad pauciores contracti sunt.

41. Serid, an ioco hoc dixerim, parum interest. tu accipe; ut vis. Si non tecum, sed cum viro docto negotium mihi eſſet, facile, & vno quasi verbo, illi satisfacerem. Norunt viri docti, solas controuersiarum decisiones solitas referri in Canones; non item probationes & argumenta, quibus illæ confirmantur. Controuersia tunc erat inter Catholicos & Lutheranos, an sub vna specie licere communicare. Decisum fuit, liceret. Hæc decisio relata est in Canonem his verbis: *Si quis dixerit, ex Dei præcepto vel necessitate salutis, omnes & singulos Christi fideles vtramque speciem sanctissimi Eucharistia Sacramenti sumere debere, anathema sit.* At testimonia Scripturæ, & alia argumenta, quibus illa decisio confirmari poterat, non sunt posita in Canone. Quamvis ergo Catholici ut confirmet illam decisionem, adducant etiam testimonium Lucæ, & inde probent Christum sub vna specie dedisse Eucharistiam in tmaus, & sub vtraque in vltima cœna, non tamen necesse est, ut hæc probatio in Canonem fuerit transcripta. Hæc tu, quia nescis, miraris. At alij, qui Ius Canonicum & Ciuile legerunt, non mirantur. Sciunt in vtroque vel nudas leges, vel nudas sæpe decisiones contineri. Et hæc quidem in Iure Canonico, *Canones*: in Ciuili, *Rescripta* appellari solent. Vel nunc saltem discet aliquid.

Sartorius à Balduino subsidium petit.

42. **B**Is petis subsidium à Friderico Balduino, Lutheranæ Prædicante: semel in prima tua epistola, & semel in tertia. Priori loco, ut me terreas, obicis Balduinum ante quadriennium contra me scripſiſſe. Non nego. Sed nec terreor. Scripſit etiam contra Nicolaum Serarium, qui tunc mecum Moguntia erat. Sed vicissim ab vtroque refutatus est. Et publicè extant libelli nostri. De meo nihil dicam. Legant alij, & iudicent. Serarius certè tam neruose constrinxit hominem, ac tam solidè probauit, diabolum fuisse Lutheri Præceptorem, ut nemini deinceps dubium eſſe poſſit. Quod tu quidem moleſtè fers, & purum putum mendacium eſſe dicis. Sed alij; quibus plus prudentiæ est, aliter sentiunt. Nec tamen quicquam de hac re dixiſſem (quam ſcio vobis odioſam eſſe) niſi Balduinum mihi obieciſſes. Et quorſum obieciſti? Planè extra scopum. Scripſerit ſanè Prædicans aliquis contra me, ſcripſerit contra Serarium: quid hinc efficis? An idèd conſequentia tua, quam ſupra dixi vitioſam eſſe, ſaluæ & proba eſt? Tam proba, quàm quæ ſequitur: *Balduinus ſcripſit in Becannum. Ergo Sartorius bonus Dialecticus eſt.* Omnino ſcilicet.

43. Poſteriori loco, ais eundem Balduinum, ſicut & alios Lutheranos, ſolidè reſponſiſſe ad ea, quæ de libertate eccleſiæ à me allata ſunt. Itaque non opus eſſet tua reſponſione. Breui ſcilicet compendio rem totam conficis. Poteris deinceps in omni controuerſia, hac ratione te expedire. Et quidem facilimo negotio. Quid enim promptius eſt, quàm in ſigulis difficultatibus, quæ vobis obicimus, remittere nos

ad alios, qui aliquando idem argumentum tractarunt? Ac hoc non est disputare, sed fugere. Nec mihi Viennæ à Balduino, sed à Sartorio bellum indicitur est. Igitur Sartorius pugnet, non Balduinus. Negtamen abnuo, ut Balduini, si lubet, opem implores: sed ita, ut tu etiam in acie stes, & ictum aduersarij excipias. Cur ultro me lacesisti? Cur absentem, & nihil de Sartorio vel scientem, vel cogitantem, in Cathedra aggressus es? Imò, si vis, omnes Prædicantes & Conuitaliales, quotquot Hailbrunneri Tractatum approbant, in subsidium voca. Vno hoc dilemmate prosternam vniuersos: Vel Gratia & Græcia sunt diuersa, vel idem. Si diuersa, cur confunditis, & alterum pro altero ponitis? Si idem filij Dei non estis. Valebit enim hic syllogismus: Quicumque sunt extra Græciam, sunt extra Gratiā: At vos omnes Lutherani, qui approbastis Tractatum Hailbrunneri, estis extra Græciam, quia estis in Germania: Ergo estis extra Gratiā. Non igitur filij Dei estis. Quid tibi videtur, Sartori? Sed pergo ad alia.

Sartorius promittit sibi victoriam ex Scriptura

44. **A**lteram tuam Epistolam sic concludis: *Sacre Scripture ductu, ex tuo dogmate triumphum planè agere possem.* Hoc idè facis, quia iam ante scripseram tibi his verbis: *Non successit tibi probatio ex scriptis Pontificiorum. Vide, an ex verbo Dei aliquid possis efficere.* Igitur respondes, te non modo posse aliquid efficere, sed etiam triumphum agere, si ex verbo Dei me oppugnare velles. Videris vnus esse ex illis, qui ante victoriam canunt triumphum. Experire primum quid possis, & produca aliquid ex Scriptura, quo me oppugnes. Scio te non ausurum: vel certè, si ausis eodem successu disputaturum, quo hætenus ex scriptis Pontificiorum disputasti. Vtrobique puer es, & ne consequentiam quidem vnam legitime formare potes.

45. Sunt & alia duo, quæ te merito absterrete debent. Vnum est, quod vos Lutherani non habeatis legitimum Scripturæ Canonem. Nos habemus. Næ nostrum Canonem, qui in Concilio Tridentino sess. 4. consignatus est, per continuatam Traditionem accepimus à Galasio Pontifice in Concilio Romano, ab August. lib. 2. de doctrina Christiana cap. 8. ab Innocentio primo, Epist. 3. ad Exuperium cap. 7. & ab aliis Patribus, qui interea in Ecclesia floruerunt. Vestrum, vos ipsi excogitastis. Planè nouitius es. Nec reperies vel duos ex antiquis Scriptoribus, qui per omnia vobiscum in Canone consentiant.

46. Alterum est, quod nec legitimum Scripturæ sensum aut versionem habeatis. Tot Bibliorum versiones apud vos sunt, quot Magistelli, qui aliquid Græcè aut Hebraicè noverunt: Tot sensus & interpretationes, quot capita. Quisque fingit sibi sensum, quem vult. Apud nos Catholicos vna versio est, quæ multis sæculis in Ecclesia viguit: vnus sensus, quem perpetua Maiorum Traditio nobis reliquit. Nobis rectè accomodari potest illud Genes. 11. 1. *Erat terra labij vnius, & sermonum eorundem.* Et infra; *Eccce vnus est populus: & vnum labium omnibus.* Vobis, quod sequitur: *Confundamus linguam eorum, ut non audiant vnusquisque vocem proximi sui.* Et rursum: *Vocatum est nomen eius Babel, quia ibi confusum est labium vniuersæ terre.*

47. Hæc nuper ad te scripsi. Et planè putabam te

aliquid responsum in tertia tua Epistola, quam interea misisti. At nihil factum est. Nihil quo me oppugnes, adduxisti ex verbo Dei. Nihil de Canone Lutheranorum, nihil de Scripturæ sensu aut versione à te responsum est. Omnia dissimulasti. Et merito. Nam omnes versiones, quibus Lutherani vtuntur, nouitæ sunt: nulla vetus, nisi nostra. At quidquid nouum est, absurdum est, tu in altera Epistola, si meministi, argumentaris. Omnes igitur Lutheranorum versiones, tuo iudicio absurdæ sunt. Idem dicam de Canone. Vester nonus est: Absurdus igitur. Et hîc valet (si tamen quidquam valet) solennis illa tua consequentia: *In omnium veterum authorum scriptis non memini reperire vel Canonem, vel versionem, qua Lutherani vtuntur: Ergo tam Canon, quam versio nona & absurda est.* Sic iterum tuo gladio te mactas.

Sartorius magni se facit.

48. **Q**uanti te æstimes, ex triplici capite colligi potest. Primò, quia promittis tibi triumphum, si ex verbo Dei pugnandum sit. Sed inanis hæc iactantia est, ut iam ostendi. Secundò, persuades Sartori, te omnium Pontificiorum scripta legisse. Vix paucorum legisti. Denique, in altera tua epistola putas me sollicitum esse, quasi metuum à te refutari. Noli quæso hoc putare. Scio te tantum non esse, quem debeam extimere. Et quid obsecro formidabile in te est? Legitimum Scripturæ Canonem & versionem non habes. Veteres authores ne nosti quidem. Vix Gersonem aspexisti. Totum præsidium, quo nitens, vel conuitia sunt, vel pagella aliquot ex Luthero & Kemnitio transcriptæ. Opumè in te quadrat illud Apoc. 3. 17. *Dicis quod diues sum & locupletatus & nullus ego. Et nescis, quia tu es miser & miserrabilis, & pauper & nudus.* Si tu aliud de te sentis non bene te nosti. Nec est quod Sculptori in hac re credas; qui nuper eximia specie effigiem tuam efformauit. Decepit te. Comam & barbaram exornauit; sed cerebrum non apparet.

49. Ignosce, quod tam candidè tecum agam. Et memineris illius, quod est in Proverbiis c. 27. v. 6. *Meliora sunt vulnera diligētis, quàm fraudulenta oscula edictis.* Nec interpreteris conuitium esse quod scribo. Tunc conuitium est, quando qui ex odio personæ coniecit in aliquem verba odiosa, sine sufficienti causâ aut fundamento: quo pacto plerique vestrum, vocant nos Suitas aut Ranas. Non enim apparet vlla rationabilis causa, cur nos potius, quàm Prædicantes Lutherani debeant sic appellari. Quid enim turpe aut detestabile reperias in turibus & ranis, quod nobis potius, quam vobis accomodari possit? Nihil penitus. Mera igitur conuitia sunt. At conuitium non est, quando quis aliquid iocosum aut asperum coniecit in alterum, non ex odio personæ, sed ex merito causæ; de qua agitur: ut si dicam Sartorium non esse probum Dialecticum, quia reuera non probè argumentatur; indectum esse, quia reuera doctus non est; mendacem, quia reuera in flagranti mendacio deprehenditur; male fidei, quia reuera mala fide egisse conuincitur: Et sic deinceps. Atque hæc hætenus, mi Sartori. Si satisfactum tibi est, gaudeo: sin minus, percribe ad me quid vltius desideres; dabo operam, ut satisficiam. Vale, & rem totam coram Deo expende. Viennæ 3. Octobris, Anni 1614.

Tuus, si vis,

MARTINVS BECANVS Societatis
Iesv Theologus.

OPVSCVLVM QVARTVM:
AD D. GEORGIVM N.
NVPER E CALVINIANO
Factum Catholicum.

DE COMPARATIONE ECCLESIAE ET
SYNAGOGAE.

EPISTOLA.

1.



CCEPI Epistolam tuam, humanissime D. Georgi, in qua multis argumentis conaris demonstrare, Ecclesiam Christi deficere & errare posse. Non quod reuera ita sentias, cum iam Catholicam fidem, abiecta hæreli Calviniana, ut ais, sincerè complectaris: sed quòd aliter à me doceri cupias quàm hactenus à Calvinianis Professoribus Heidelbergæ instructus es. Porro vis ac robur argumentorum omnium, quæ multis verbis & ambagibus à te allata sunt, videtur esse huiusmodi: *Synagoga Iudæorum ipsa defecit ac repudiata est: Ergo etiam Ecclesia*

deficit ac repudiari potest. Sequelam probas ex variis prærogatiuis, quas Synagogam præ Ecclesia habuisse affirmas. Sunt autem hæ. Prima, quod Scriptura disertè præferat Synagogam Ecclesiæ. Altera, quod plures & excellentiores promissiones factæ sint Synagogæ, quàm Ecclesiæ. Tertia, quod Synagoga arctius cum Deo coniuncta fuerit, quam sit Ecclesia. Nam Synagoga, inquis, fuit filia Dei, cum Ecclesia non sit filia, sed sponsa. At filia quantumvis peccet, semper manet filia. Sponsa verò, si enormiter delinquat, non semper manet sponsa, quia sponsalia sæpè dissolviuntur. Si ergo Synagoga non obstantibus his prærogatiuis, à Deo repudiata est, cur Ecclesia repudiari non possit?

2. Hoc breui compendio, nisi fallor, totius Epistolæ tuæ robur complexus sum. Nunc, quia doceri à me vis, & omnes scrupulos, quibus adhuc angi & cruciari te ais, eximi vehementer optas, faciam equidem, quod & officij mei ratio exigit, & Christianæ charitatis regula faciendum esse præscribit. Nec de methodo laborandum est. Singula eodem ordine, quo iam proposita sunt, sigillatim discutiam. Ac futurum confido, ut ex eorum discussione facilè intelligas, nihil aliud apud Calvinistas, quàm meras fraudes ac imposturas te imbibisse. Sit ergo

QVÆSTIO I.

An Scriptura præferat Synagogam Ecclesiæ?

3. **D**Vplici testimonio probas affirmantem partem. Prius habetur Deuteronom. 4. 7. *Non est alia natio tam grandis, quæ habeat Deos propinquantes sibi, sicut Deus noster adest cunctis obsecrationibus nostris. Quæ est enim alia gens sic in clypea, ut habeat ceremonias iustæque iudicia & universam legem, quam ego proponam hodie ante oculos vestros?* Posterius Psalm. 147. 8. *Qui annunciat verbum suum Jacob: iustitias & iudicia sua Israël, Non fecit taliter omni nationi: & iudicia sua non manifestavit illis.* Ex utroque formari potest tale argumentum: Si nulla est natio tam grandis, nulla

A gens tam in clypea, quæ cum Synagoga & populo Iudæorum conferri possit; certè nec populus Christianus cum ea conferri potest: At verum est antecedens: Ergo & consequens.

4. Audimi Georgi: Mera inscitia hæc est. Nam Scriptura non confert ibi Synagogam Iudæorum cum Ecclesia Christi, quæ tunc nondum erat in rerum natura; sed cum aliis gentibus ac nationibus, quæ tunc temporis colebant idola. Et ponit tres illius prærogatiuas. Prima est, quòd haberet apud se Tabernaculum fœderis, in quo Deus dabat certissima responsa de rebus dubiis: & orationes populi in quacunque necessitate benignè audiebat. Altera, quod haberet legem Decalogi in tabulis lapideis à Deo scriptam. Tertia, quòd præter legem Decalogi, haberet etiam præcepta ceremonialia, quæ ad cultum

cultum veri Dei promouendum, & iudicialia, quæ ad A
dorem & iustitiam conseruandam erant utilissima.

5. Hæ fuerunt prærogatiuæ Synagogæ respectu
aliarum gentium, quæ tunc erant, non tamen respec-
tu Ecclesiæ Christi, quæ nunc est. Nam aliæ gentes,
quæ tunc erant, non habebant quicquam eorum, quæ
iam dicta sunt. Habebant quidem responsa Dæmonū,
qui in idolis loquebantur, sed sæpe falsa, incerta, am-
bigua. Habebant legem Decalogi scriptam in cordi-
bus; sed propter quotidiana peccata quasi deletam
& obliteratam. Rom. 7. 11. Habebant præcepta cere-
monialia, non tamen ad veri Dei cultum, sed ad ido-
latriam accommodata. Habebant etiam iudicialia,
sed sæpe iniqua, Tyrannica, inhumana.

6. At Ecclesia Christi, quæ nunc est, superat Sy-
nagogam in his omnibus. Primò, quia Synagoga ni-
hil aliud habebat, quam tabernaculum fœderis, in
quo Deus per Angelos loquebatur Iudæis. At Eccle-
sia habet ipsum Dei Filium incarnatum, qui in pro-
pria persona locutus est Apostolis, Ioan. 1. 18. *Vni-
genitus Filius, qui est in sinu Patris, ipse enarrabit.* Et Hebr.
12. *Nonisime diebus istis locutus est nobis in Filio, quem
constituisti heredem uniuersorum.*

7. Secundò, Synagoga habebat nudam legem
Decalogi, quæ solum præcipiebat, quid agendum esset,
nullam verò gratiam ex se præstabat: At Ecclesia præ-
ter legem præcipientem, accepit etiam gratiam, quæ
præbeat vires & facultatem præstandi id, quod præ-
cipitur, Ioannis 1. 17. *Lex per Moysen data est: gratia
& veritas per Iesum Christum facta est.* Vbi notanda est
triplex antithesis. Prima inter legem & gratiam, qua-
si inter corpus & animam, inter litteram & spiritum.
Nam sicut corpus per se est pondus, quod onerat,
nisi vegetetur ab anima: & sicut littera occidit, nisi
adsit spiritus, qui viuificet: sic lex per se molesta est,
quia iubet, difficilia quæ à nobis præstari non pos-
sunt, nisi gratia nos iuuet. Altera inter Moysen &
Christum, quasi inter seruum & dominum, inter
præconem legis & Legislatorem. Tertia inter dare
& facere. Moyses non fecit legem, sed acceptam à Deo
dedit populo & promulgauit, quia non legislator, sed
minister legislatoris (Hebr. 3. 5.) At Christus non tan-
tum dedit gratiam, sed etiam fecit, quia ipse est au-
thor & fons omnis gratiæ de cuius plenitudine nos omnes
accepimus. (Ioan. 1. 16.)

8. Tertiò, Synagoga, cum esset ancilla non do-
mina; habebat quidem præcepta ceremonialia & iu-
dicialia, sed quæ timorem & seruitutem spirabant. At
Ecclesia, quæ non est ancilla, sed libera, non habet
præcepta timoris & seruitutis, sed potius, quæ ad
amorem & libertatem accommodata sunt (Rom. 8.
35. *Non enim accepimus Spiritum seruitutis iterum in ti-
more, sed spiritum adoptionis filiorum, in quo clamamus,
Abba Pater.* Et Gal. 4. 31. *Itaque fratres, non sumus
ancilla filij, sed libera, qua libertate Christus nos libera-
uit*) De prioribus præceptis dictum est Act. 15.
20. *Quid tentatis Deum, imponere iugum super ceruices
discipulorum, quod neque Patres nostri, neque nos portare
possumus?* De posterioribus Matth. 11. 30. *Iugum meum
suauis est, & onus meum leue.*

9. Hæc, meo iudicio, tam clara sunt, vt non egeant
longiori interprete. Et omninò mihi persuadeo, in
hoc quidem puncto abunde satisfactum tibi esse.
Porro de Calvinianis professoribus, qui te aliter in-
struxerunt, quid dicturus es? Sanè, si ignorant, quæ
iam dixi, stupidi sunt, & à cathedris amouendi. Si
norunt, maleuoli & deceptores, qui aliter docent,
quàm sentiunt.

Opusc. Bec.

QUESTIO II.

An Synagoga habuerit plures & excellen-
tiores promissiones, quam habeat Ecclesia?

10. **H**oc tu Georgi, quanquam non tuo, sed
Caluinistarum sensu ac iudicio, affirmas.
Et ne temerè videaris id facere, adducis tres promif-
siones, quæ Synagogæ factæ sunt. Prima est 3. Re-
gum 9. 3. *Dixit Dominus ad Salomonem: Exaudiui ora-
tionem tuam & deprecationem tuam, quam deprecatus es
coram me. Sanctificauimus domum hanc, quam edificasti, vt
ponerem nomen meum ibi in sempiternum. Et erunt oculi mei
& conuenium ibi cunctis diebus.*

11. Secunda est Psalm. 134. 1. 13. *Elegit Dominus Sion,
elegit eam in habitationem sibi. Hæc requies mea in sæcu-
lum sæculi: hic habitabo, quoniam elegi eam. Viduam eius
benedicens benedicam: pauperes eius saturabo panibus. Sa-
cerdotes eius induam salutaribus, & sancti eius exultatione exul-
tabunt. Illuc producam cornu David, parauimus lucernam Chri-
stomæ. Inimicos eius induam confusione: super ipsam au-
tem efflorescit sanctificatio mea.*

12. Tertia est Zachar. 2. 5. *Et ego ero ei, ait Domi-
nus, murus ignis in circuitu: & in gloria ero in medio eius. Et
ibidem: Qui tetigerit vos, tangit pupillam oculi mei: Et
iterum: Ecce ego venio, & habitabo in medio vestri, ait Do-
minus.*

13. Ecce, inquis, quam præclaras promissiones ha-
buit Synagoga, & quidem ab ipso Deo: cum inter-
im Ecclesia non habeat nisi vnicam à Christo:
Portæ inferi non preualebunt aduersus eam: quæ nullo
modo cum istis conferri potest. Miror te Georgi.
Videris apud Calvinistas, curato Christo, Iudaï-
smum imbibisse: quod ex duplici capite ostendi po-
test. Primò, quia Christum opponis Deo, quasi ipse
Deus non esset. Secundò, quia nimis honorificè lo-
queris de Synagoga: nimis abiectè de Ecclesia; quasi
illi maiores, quam huic promissiones factæ sunt. Cum
tamen Apostolus Hebr. 8. 6. contrarium disertè as-
serat, his verbis: *Nunc autem melius sortitus est mini-
sterium, quanta & melioris Testamenti Mediator est, quod
in melioribus re promissionibus sancitum est.* Quid apertius
contra te dici potuit? Nouum, inquit, Testamen-
tum in melioribus re promissionibus sancitum est,
quàm vetus. Vel, quod in idem recidit, Ecclesia Chri-
sti meliores habet promissiones, quàm Synagoga Iu-
dæorum, quod manifestè apparebit, si conferamus
vtriusque promissiones inter se.

14. Igitur ex tribus illis promissionibus, quas
ais Synagogæ factas esse, tertia non est facta Synago-
gæ, sed Ecclesiæ, vt infra ostendam. Reliquæ duæ non
sunt absolutæ, sed conditionatæ. Nam priori hæc
conditio annexa est: *Si autem auersione auersi fueritis
vos, & filij vestri, non sequentes me, nec custodientes man-
data mea, & ceremonias meas, quas proposui vobis, sed
abieritis & colueritis Deos alienos, auferam Israel de su-
perficie terra, quam dedi eis: Et templum, quod sanctifi-
caui nomini meo, proiciam à conspectu meo; erisque Israel
in proverbium: & in fabulam cunctis populis.* Posteriori
hæc: *Si custodierint filij tui Testamentum meum & testi-
monia mea hæc, quæ docebo eos.*

15. Vides, opinor, quam fragili conditione fulean-
tur hæc promissiones. Nimirum vt tam faciliè rescindi
possint quàm faciliè peccare homo potest. Longè ali-
ter res habet in promissionibus Ecclesiæ factis. Nam
hæc & plures sunt, quàm duæ: & absolutæ sunt, non
conditionatæ: & tanta firmitate nitæ, vt de earum
effectu dubitandum non sit. Eas tibi breuiter, nec ta-
M m m

men omnes, sed quæ primum memoriz occurrent, hoc loco proponam. Sunt autem duplices: aliz in veteri, aliz in nouo Testamento factæ & consignatæ. Prioris generis sunt hæc.

Prima promissio Ecclesie facta in veteri Testamento.

16. **P**rima habetur apud Isaiam c. 54. Nam toto illo capite expresse agitur de ecclesia Christi, quæ ex gentilibus erat colligenda, ut non solum Hieronymus & alij scriptores, sed Apostolus quoque in epistola ad Galatas cap. 4. interpretatus est. Sunt autem multa, quæ ibi promittuntur Ecclesie. 1. fecunditas. 2. amplitudo. 3. firmitas, stabilitas & perpetuitas. 4. victoria contra hereticos & alios hostes.

17. Fecunditas promittitur v. 1. his verbis: *Lauda sterilis, quæ non paris: & hinni, quæ non pariebas: quoniam multi filij deserte magis, quam eius, quæ habet virum, dicit Dominus.* Vel, ut habet Apostolus loco citato: *Laudate steriles, quæ non paris: erumpite & clama, quæ non parituri: quoniam multi filij deserte magis, &c.* quasi dicat: O Ecclesia gentilium, quæ ante aduentum Christi fuisti sterilis, & non peperisti Deo filios, propter defectum fidei (vixisti enim in idololatria) latere nunc & exulta, quia paries plures filios, quam peperit Synagoga. Hæc, quæ hætenus fuit fecunda, cessabit parere: Tu verò, quæ sterilis fuisti, & deserta à Deo, incipies parere, & eris longè fecundior, quam illa fuit. Sicut prædictum est 1. Reg. 2. 5. *Sterilis peperit plurimos: & quæ multos habebat filios, infirmata est.*

18. Amplitudo promittitur, v. 2. *Dilata locum sententiarum tuarum, & polle tabernaculorum tuorum extendendo, ne parcas: longas fac funiculas tuas, & clauos tuos consolida.* 3. *Ad dextram enim & ad laeuam penetrabis, & semen tuum gentes hereditabit, & ciuitates desertas inhabitabis.* id est, propter multitudinem filiorum, quos paritura es, debes dilatate terminos habitationis tuæ: quia Palestina, in qua sola hætenus Synagoga templum & certam sedem habuit, non sufficere tibi ad habitandum. Opus erit maiori loco & spacio. Vno verbo, totum terrarum orbem occupabis, & omnes gentes erunt tibi in hereditatem.

19. Firmitas & perpetuitas promittitur, v. 4. *Noli timere, quia non confunderis, neque erubescas, non enim te pudebit, quia confusions adolescentia tua obliuisceris, & opprobrii viduitatis tuæ non recordaberis amplius.* 5. *Quia dominabitur tui, qui fecit te, Dominus exercituum nomen eius: & redemptor tuus sanctus Israel, Deus omnis terra vocabitur.* 6. *Quia ut mulierem derelictam & meretricem spiritu vocauit te Dominus, & uxorem ab adolescentia abiectam, dixit Deus tuus.* 7. *Ad punctum in modico dereliquit te, & in miserationibus magnis congregabit te.* 8. *In momento indignationis abscondi faciem meam parumper à te, & in misericordia sempiterna misertus sum tui, dixit redemptor tuus Dominus.* id est: Tamen si ante Christi aduentum vixeris in confusione, merore & opprobrio, propter idololatriam, & toto illo tempore (quod tamen modicum fuit, respectu futuri temporis) fueris à Deo quasi abiecta & derelicta, deinceps tamen non est quod timeas ullam confusionem. Nam Deus, qui creauit te, misertus est tui & decreuit præclara beneficia in posterum tibi conferre. Ac primò, sua morte & passione te redempturus est. 2. In magnis miserationibus congregabit te. 3. Non temporaria, sed sempiterna misericordia prosequeretur te. 4. Dominabitur tui, non sicut Dominus ancillæ, sed sicut maritus uxori dominari solet. Quam verò potens maritus ille sit, ex duplici capite

estimari potest. Primò ex nomine; quia *Deus exercituum nomen eius.* Habet enim sub se omnes Angelos, qui sunt illius milites & ministri. Secundò ex hereditate; quia quando assumet te in sponsam, totum terrarum orbem accipiet à Patre in hereditatem, sicut promissum illi est Psalm. 2. 8. *Postula à me, & dabo tibi gentes in hereditatem tuam, & possessionem tuam terminos terræ.* Et ideò, Deus omnis terra vocabitur. Si ergo talem sponsum habitura es, quem extimescas Angeli, qui sunt ministri sponsi, pugnabunt pro sponsa. Et totus orbis, qui dabitur sponso, dabitur etiam sponsæ, quia vtrique erunt omnia communia.

20. De qua promissione ut sis secutior, audi quid dicat Dominus, v. 9. *Sicut in diebus Noë istud mihi est, cui iuravi, ne inducerem aquas Noë ultra supra terram: sic iuravi, ut non irascar tibi, & non incipiam te,* id est, sicut olim iureiurando promisi Noë, quod non amplius vellem dissipare terram diluuii (Genes. 9. 11.) Ita nunc iureiurando promitto tibi, quod non amplius velim tibi irasci: multo minus abiicere, & abiectam deserere. Nam, ut dixi, misericordia sempiterna misertus sum tui. Addo ad maiorem confirmationem, v. 10. *Mentes enim commouebuntur, & colles contremiscent: misericordia autem mea non recedet à te, & fœdus pacis mee non mouebitur,* id est: etiam si montes de loco suo mouerentur, & colles contremiscerent; non tamen misericordia mea recedet à te, & fœdus pacis mee non mouebitur, sed fixum & irrevocabile mansurum est.

21. Sequitur v. 11. *Pauper cula tempestate conuulsa, absque ulla consolatione,* id est: hætenus fuisti pauper cula, quia vixisti sine cognitione veri Dei: fuisti instabilis, quia variis idolorum erroribus, quasi tempestatibus conuulsa & agitata es: fuisti sine consolatione, quia falsi dii, quos coluisti, non potuerunt te iuuare. At nunc bono sis animo: *Ecce ego sternam per orbem lapides tuos, & fundabo te in Sapphiris.* 12. *Et ponam iaspidem propugnacula tua: & portas tuas in lapides sculptos, & omnes terminos tuos in lapides desiderabiles,* id est: Ego ita fundabo & stabiliam te, ut tempestate conuelli non possis: ita muniam te portis & propugnaculis, ut sis inexpugnabilis.

22. Superest promissio victoriæ contra hostes, v. 16. *Ecce ego creauit fabrum sufflantem in igne priuas, & proferentem vas in opus suum. Et ego creauit interfectorem ad disperdendum,* id est, (ut interpretatur Hieronymus.) ego creauit diabolum, qui omnium malorum artifex est. Ille suscitabit contra te ignem, & conflabit vasa iniquitatis, id est, impios homines, ut Simonem magum, Arium, Donatistas, Pelagianos, Anabaptistas, Calvinianos, & similes sectarios, qui te oppugnabunt. Sed noli timere. Nam ex altera parte: creauit etiam interfectorem ad disperdendum, id est, excitauit alios, qui partim externa vi (quod faciunt Catholici Reges & Imperatores) partim calamo & vna voce (quod faciunt Doctores Ecclesie) disperdent aduersarios tuos. ver. 17. *Omne vas, quod fictum est contra te, non dirigetur: Et omnem linguam resistentem tibi in iudicio, condemnabis,* id est: Omnes aduersarij, quos diabolus sufflans contra te excitabit, non habebunt successum, quia non est consilium contra Deum: et omnes hereticos, qui tibi resistent in causa fidei ac religionis, de errore conuictos condemnabis. Quod etiam factum est. Nam Ecclesia condemnauit Arianos, & alios hereticos, qui illam hætenus oppugnavunt. Atque hæc sufficiant de prima promissione, quæ luculentissima est.

Secunda promissio Ecclesie, facta in veteri Testamento.

23. **S**ecunda promissio habetur Ierem. 31. ver. 31. *Ecce dies veniens, dicit Dominus: & feriam domui Israel & domui Iuda fœdus novum. 32. Non secundum pactum, quod pepigit cum patribus eorum in die, qua apprehendi manum eorum, ut educerem eos de terra Egypti: pactum quod irritum fecerunt: & lego dominatus sum eorum, dicit Dominus. 33. Sed hoc erit pactum, quod feriam cum domo Israel, post dies illos, dicit Dominus: Dabo legem meam in visceribus eorum, & in corde eorum scribam eam: Et ero eis in Deum, & ipsi erunt mihi in populum. 34. Et non docebit ultra vir proximum suum, & vir fratrem suum dicens: Cognosce Dominum. Omnes enim cognoscent me à minimo eorum usque ad maximum ait Dominus: quia propitiabor iniquitati eorum, & peccati eorum non memorabor amplius.*

24. Hic Deus per Prophetam confert inter se duas promissiones seu pacta: vnum veteris, alterum novi Testamenti: Et ostendit novum Testamentum meliori promissione vel pacto sancitum esse, quàm vetus ut interpretatur Apostolus Hebr. 8. 6. Primum, quia pactum veteris Testamenti irritum factum est, propter peccata Iudæorum Pactum novi Test. non irritabitur. Igitur hoc firmitus est, quàm illud fuit. Secundò, Deus in veteri Testamento dominatus est Iudæorum, id est, seuerè & imperiosè egit cum illis, sicut domini solent egere cum seruis. Vel, ut explicat Apostolus, *vituperavit, neglexit, & abiectit illos*, eo quod irritum fecissent pactum. At in nouo Testamento paternè, non seuerè agit cum Christianis, quia per mortem Filij sui placatus est. Tertio, in veteri Testamento dedit legem scriptam in tabulis lapideis: At in nouo dat scriptam in cordibus seu visceribus Christianorum. Vel, quod idem est, in veteri dedit solam externam legem difficilia præcipientem: non autem internas vires ad præstandum id, quod præciebatur. At in nouo, non solum dat legem præcipientem, sed etiam gratiam & charitatem adiuantem. Quartò, in veteri populus facillè recedebat à Deo, & conuertebatur ad idola. Nam ex vna parte, nō habebat tanta præsidia ad perseverandum in cultu veri Dei, quanta nos habemus, et ex altera, occurrebant multa, quæ auocarent à Deo, 1. fragilitas naturæ humanæ. 2. astutia diaboli. 3. onus Legis Moysæ, quod illis erat à Deo impositum. 4. minæ & terrores, quibus quasi inuiti cogebantur portare illud onus. 5. conuersatio cum gentilibus, inter quos vivebant, & à quibus vndique cincti erant. Atque ex his causis fiebat, ut nisi alij alios assiduè incitarent, ad colendum Deum, facillè illius obliuiscerentur. Aliiter fit in nouo Testam. Christiani multo maiora habent præsidia. Habent Christum pro se passum & mortuum. Habent corpus & sanguinem Christi quotidie in sacrificio Missæ. Habent Sacramenta, quæ internam gratiam & charitatem conferunt. Denique ut alia taceam, ipsum nomen, quo Christianos se appellant, tam alte infixum est eorum cordibus, ut eradi non possit.

25. Hæc obiter dicta sint de sensu verborum Ieremix. Ad maiorem tamen explicationem duo notanda sunt. *Vnum est*, legem Deo legi tripliciter spectari posse. Primum, quatenus per dictamen rectæ rationis, seu per lumen naturale, scripta & impressa est in cordibus hominum. Sic data est omnibus hominibus, etiam gentilibus. (Rom. 2. 15.) Secundò, quatenus scripta est in tabulis lapideis. Sic data fuit Iudæis, non gentilibus. Tertio, quatenus scripta est in cordibus seu visceribus hominum, non solum per lumen naturale, sed etiam per Spiritum sanctum, qui præbet gratiam & vires ad legem perfectè implendam.

Opusc. Bec.

Adam. Sic datur Christianis. Sicut ergo Iudæi habebant quandam prærogatiuam respectu gentilium, eo quod acceperint legem scriptam in tabulis lapideis: sic Christiani habent prærogatiuam respectu Iudæorum, eo quod acceperint eandem legem scriptam in suis cordibus, seu in tabulis cordis carnalibus, ut loquitur Apostolus 2. Corinth. 3. 3.

26. Alterum est, Iudæos accepisse legem à Deo, intercedente pactione inter ipsum & illos. Nam ipse obligauit se, quod vellet illos protegere, & omnium bonorum temporalium abundantiam præstare, si seruarent legem quam acceperint. Summus, quod vellet illos affligere bello, peste, fame, captiuitate, & abiecere à facie sua, tanquam seruos refractarios & inobedientes. Illi vicissim obligarunt se, quod vellet seruare legem à Deo acceptam, & illi obtemperare. (Exodi 19. 8. & 24. 6.) Hæc mutua obligatio confirmata fuit sanguine victimarum, quem Moyses, tanquam Mediator inter partes paciscentes, respexit in populum, cum hac protestatione: *Hic est sanguis fœderis, quod pepigit Dominus vobiscum super cunctis sermonibus suis.* Exodi 24. 8.

27. Quia ergo Iudæi ex sua parte non seruauerunt hoc pactum, etiam ex parte Dei rescissum est. ac hæc est causa, cur ipsi à Deo puniti, abiecti & reprobati sint. In eorum locum successerunt Christiani, cum quibus noua pactio à Deo inita est, sub hac formula: *Dabo legem meam in visceribus eorum, & in corde eorum scribam eam. Et ero eis in Deum, & ipsi erunt mihi in populum.* Mediator fuit, non Moyses, sed Christus, qui non animalium, sed proprio sanguine confirmauit hanc promissionem his verbis: *Hic est sanguis meus noui Testamenti, qui pro multis effundetur in remissionem peccatorum.* (Matth. 26. 28.) et ita confirmauit, ut nunquam integrè rescindenda aut irritanda sit. Poterit quidem rescindi aut irritari, respectu huius aut illius hominis in particulari, qui si peccet, & non velit pœnitere de peccato, merito reicitur à Deo: non tamen potest irritari respectu totius ecclesiæ, seu populi Christiani, quia Deus absolute non vult. Hoc patet ex eodem Ieremia, capite citato, v. 35. ubi sequitur in hunc modum: *Hæc dicit Dominus, qui dat solem in lumine diei, ordinem lune & stellarum in lumine noctis; qui turbat mare, & sonant fluctus eius, Dominus exercituum nomen illi. 36. Si defecerint leges istæ coram me, dicit Dominus, tunc & semen Israel deficiet, ut non sit gens coram me cunctis diebus. 37. Hæc dicit Dominus: Si mensurari potuerim cæli sursum, & inuestigari fundamenta terræ deorsum: & ego abiciam vniuersum semen Israel propter omnia, quæ fecerunt; dicit Dominus.*

28. Ex quibus verbis colliguntur duo argumenta, quibus Deus confirmat pactum suum fore perpetuum. Vnum est huiusmodi: 1º, qui paciscor vobiscum sum idem ille Deus, qui naturalem legem & ordinem constitui soli, lune, stellis & mari: soli, ut luceret per diem: lune & stellis, ut lucerent per noctem: mari, ut sonaret & ageretur, ad meum imperium. Si hæc lex non deficiet, neque pactum, quod vobiscum iniui, defecturum est. Igitur quamdiu videtis solem, lunam, stellas & mare seruare legem & ordinem naturalem, quem illis præfixi, tãdiu cogitare duraturum pactum quod vobiscum initum est. Alterum. Sicut impossibile est, ut aliquis vestrum possit mensurare cælos sursum & fundamenta terræ deorsum: ita nunquam futurum est, ut ego abiciam vos, & non sim vester protector, iuxta pactum, quod vobiscum iniui.

Tertia promissio Ecclesie facta in veteri Testamento.

29. **T**ertia promissio habetur Zachariæ 2. 1. *Et leuavi oculos meos, & vidi: Et ecce vir, & in*

Mmm ij

stantiam & mendacium. 2. per malam fidem. 3. per meram contentionem de vocibus & vocabulis 4. per temeritatem. Quæ omnia in progressu ostendam, præsertim §. 13. & sequentibus.

Tertium vitium.

10. **T**ertio supponis, omnia dogmata, quæ in scriptis Pontificiorum non habentur, nova & absurda esse. Quod si falsum est, ruit argumentum tuum. Si verum, tota Lutheranismi secta euertitur. Sic enim licebit ratiocinari: In omnium Pontificiorum scriptis non habentur hæc dogmata Lutherana. 1. Humanitas Christi est vbique. 2. Sancti non sunt inuocandi. 3. Non est orandum pro mortuis. 4. Infantes, cum baptizantur, habent actualem motum fidei. 5. Duo tantum sunt Sacramenta. 6. Matrimonium non est Sacramentum. Ergo hæc dogmata Lutherana nova & absurda sunt. Quid hic respondes, mi Sartori? Alterutrum fatearis necesse est, vel legitimam esse consequentiam, vel illegitimam; Si legitima est, ruit Lutheranismus. Si illegitima, tua est.

11. Iam vides, opinor, triplici vitio laborare argumentum, quod à te factum est. Nititur enim tribus principiis, quorum duo priora manifestè falsa sunt: tertium, tuæ sectæ, quam defendis, penitus contrarium. Disce deinceps melius argumentari; nec temerè aliquid affirmes de scriptis aliorum, quæ non legisti. Alioqui, si semel hæc argumentandi forma admittatur, actum erit de tuo capite. Nam rustici, qui te audient concionantem, statim hoc enthymemate te inuadent: *In omnium Lutheranicorum scriptis non meminimus nos legere, quod tu hodie in cathedra affirmasti: Ergo nouus & absurdus homo es.* Et quid, obsecro, responderes, si sic tecum agerent? Remitteres eos, sine dubio, ad agros & vineas, in quibus melius, quam in libris versati essent. Rectè. Et ego ad nuptias rusticorum, vel ad Lutheri colloquia mensalia te remitto in quibus melius, quam in scriptis Pontificiorum, versatus es. Ex eorum officina poteris sic rectè argumentari: In omnibus Lutheri colloquiis mensalibus, quæ diligenter euolui, non memini me quidquam legere pium aut honestum, sed omnia scurrilitate plena sunt: Ergo Lutherus in colloquiis parum pius & honestus, sed insigniter scurrilis est. Vel sic: In omnibus nuptiis, quæ hoc anno in mea parochia celebratæ sunt, non memini me tam suauiter bibere & saltare, quam heri in nuptiis Melibæi: Ergo Melibæus optimè de me meritis est. Hoc facile credent, qui te norunt.

12. Et hæc hæctenus de primario argumento, quo me oppugnasti. Quod quàm debile ac inualidum sit, facile iam perspicis, si cerebrum habes. Igitur si in hoc certamine, cuius tu author es, perstare vis, aut fateri, quod res est, nihil te hæctenus effecisse: aut si tam obstinato es animo, ut fateri nolis, responde sigillatim ad singula vitia, quæ iam obiecta sunt. Nec putes satis esse, si conuictis me obruas, ut in postrema epistola à te factum est. Nam illa quidem minimè meliædunt: & tibi apud viros prudentes parum gratiæ conciliant.

Sartorius mendacio se defendit.

13. **I**n prima epistola absolute dixeras, in nullo peccatus Pontificiorum scripto meum dogma re-

periri posse. Mox produxi aliquot recentiores Pontificios, in quibus reperitur. Non poteras negare, Igitur ut laqueum, quo te tenebam, exueres, mendacio usus es, & in altera epistola asseruisti, non de omnibus, sed de veteribus Pontificiis, qui ante ortum Iesuitarum scripserunt, locutum te esse. Quod manifestè falsum est. Nam speciatim etiam, & quidè maximè locutus es de iis, qui fuerunt in Concilio Tridentino. Consule epistolam tuam, & inuenies. At Pontificij, qui fuerunt in Concilio Tridentino, non sunt antiquiores Iesuitis. Imò inter illos fuerunt aliqui Iesuitæ, ut Iacobus Laynes, Alphonsus Salmeron, & Ioannes Cuiuillonius.

14. Hoc mendacium, si meministi, nuper tibi obieci. Nec in tertia epistola, quæ interea à te scripta est potuisti te purgare, sed silentio dissimulasti. Quia in re laudo candorem tuum. Putabas satius esse nihil dicere, quàm apertum mendacium negare, aut excusare. Et sic est. Sed tamen, quid mentiendo profecisti? Nihil ponitus. Nam esto, de solis veteribus Pontificiis locutus fueris. Manebit nihilominus inepta hæc consequentia: *In omnibus veteribus Pontificiis non memini me legere hoc dogma: Ergo nouum & absurdum est.* Nam hic etiam supponis, omnes veteres Pontificios à te lectos esse, & in nullo illorum meum dogma reperiri posse: quæ ambo falsa sunt. Vix ullos legisti: & iam ante multos citavi, qui mecum sentiunt.

Sartorius litigat de nomine.

15. **Q**uia mendacium non successit, cœpisti litigare de nomine: Et importunè vsisti, ut producerem aliquem Pontificium, qui vteretur his ipsis verbis, quibus ego usus sum, *Christus bis instituit cœnam semel sub utraque, semel sub vna specie.* Produxi Alphonsum Salmeronem. Iterum vsisti, ut aliquem ex veteribus producerem. Respondi, de vocibus non esselitigandum, si de sensu constaret. Veteres non quidem isdem vocibus, sed tamen eodem sensu scripsisse, quo ego scripsi. Scripsisse, inquam, Christum Hierosolymis sub utraque, & in Emmaus sub vna specie cōsecrare & porrexisse Eucharistiam. Nihil aliud me velle. Nec modum loquendi, quo usus sum, (tamen si fortè à paucis, in hac quidem materia vsitatus sit) absurdum videri oportere. Sicut enim rectè ac Latine dicimus, Imperatorem bis diuerso tempore instituisse solenne prandium; aut Sartorium bis diuersis diebus instituisse tantam cœnam: Ita rectè ac Latine dici posse, Christum bis instituisse Eucharisticam cœnam. Idque confirmauit ex communi sensu & consensu Eccl. quæ in festo Corporis Christi (ut patet ex Missali Romano) sic publicè legit: *Dies enim sollemnis agitur, in qua mensa prima recolitur huius institutio.* Cur dicitur prima, nisi quia datur secunda? Prima facta est Hierosolymis sub utraque; secunda in Emmaus sub vna specie.

16. Sed nondum acquiescis. Iterum in postrema epistola vrges, ut producam aliquem ex veteribus, qui vtatur his verbis, *Christus bis instituit cœnam.* At ego vicissim te vrgeo, ut producas aliquem ex veteribus, qui vtatur his vocibus, quibus tu vteris, *Christus semel tantum instituit cœnam; vel, Christus non instituit bis cœnam.* Quid si id præstare non possis? An non tuo te gladio iugulaueris? Nihil certius. Nam si mecum cōtendas hoc modo; (Hæc voces, Christus bis instituit cœnam, non habentur in antiquis Scriptoribus: Ergo dogma, quod his vocibus significatur, nouum & absurdum est.) Ego vicissim regeram hoc modo; Hæc voces, Christus non instituit bis cœnam, non ha-

ventur in antiquis Scriptoribus; Ergo dogma, quod A his vocibus significatur, novum & absurdum est.)

17. At obicis auctoritatem Lutheri & Kemnitij, qui asserunt hoc interesse inter institutionem & consecrationem, quod institutio includat mandatum, non item consecratio. Vnde videris sic velle concludere; Institutio includit mandatum: at Christus semel tantum dedit mandatum de sumenda cœna, nempe Hierosolymis (nam in Emaus non dedit.) Ergo semel tantum instituit cœnam, non bis; etiam si daremus bis consecrasse. Miror te, Sartori. Primò, quia legem quam mihi præcibis, tu ipse non servas. Præcibis, ut producam veteres auctores; & reicis Alphonsium Salmeronem, Maldonatum, Tertium & alios Iesuitas, tanquã novitios. At Lutherus & Kemnitius æquẽ novitij sunt. Cur igitur eos adducis? Cur non veteres Scriptores, quos à me citari postulas, citas ipsos pro te? In promptu causa est, quia non potes. Secundò, quo argumento probant Lutherus & Kemnitius, institutionem Hierosolymis factam includere mandatum de porrigenda & sumenda utraque specie? Hoc enim Catholici negabunt. Et negarunt hæcenus. Vos nondum probastis, Imò in hoc omnis controuersia est, an extet aliquod mandatum Christi de utraque specie. Tu vi, ut credam Luthero & Kemnitio, qui asserunt extare. Quid si velim, ut credas melioribus auctoribus, qui negant extare? Tertiò, syllogismus, quem sumis ex Luthero & Kemnitio, vitiosus est. Nam maior propositio, si est vniuersalis, falsa est. Non enim omnis institutio includit mandatum. Nam multa sunt à Deo instituta, quæ non sunt mandata, ut matrimonium, ordo Ecclesiasticus, lotio pedum ante communionem. Si est particularis, frustra est. Nam ex puris particularibus nihil concluditur. Igitur si sic formes syllogismum (Omnis institutio includit mandatum: At Christus non dedit bis mandatum de cœna: Ergo non instituit bis cœnam) neganda est maior propositio. Si autem sic (Aliqua institutio includit mandatum: Christus non dedit bis mandatum de cœna: Ergo non instituit bis cœnam) neganda est consequentia. Si hoc capis, bene est: sis minus, Dialecticos consulte.

Sartorius mala fide agit.

18. **I**N prima epistola, mala fide citasti mea verba, & in altera negasti te id fecisse. Sed interea conuicti te de hoc crimine. Nam verba mea sunt hæc: *Si species naturam rei, una species sine altera consecrari potest: si ius Ecclesiasticum, non potest.* Tu, omittis quatuor primis vocabulis, citasti hoc modo: *Vna species sine altera consecrari potest.* Quid hoc aliud est, quàm tollere distinctionem, in qua sensus totius sententiæ fundatus est? Nam si queratur, an liceat vnã speciem sine altera consecrare? optimè respondebitur cum hac distinctione: licet, si species naturam rei non licet, si ius Ecclesiasticum. Hanc distinctionem tu omisitisti. æstne hoc bona fide agere? Simili exemplo rem declarabo. Si apud Catholicos queratur, an die Veneris sacro, quo Christus mortuus est, liceat carnes comedere? prudenter responderetur; Si species naturam rei, licet: si ius Ecclesiasticum, non licet. At impudenter, si absolute dixeris; Licet. Item si queratur sit apud Iureconsultos, an possessiones bonorum temporalium diuisæ, & suis vnicuique propriæ sint? Vel, an liceat dicere, Hic ager meus, ille tuus est? Communis responsio est: Si præcisè species ius naturæ, omnia communia & indiuisa sunt: si ius gentium, sua cuique propria & diuisa. An hic bona fide ager-

rum te putas, si neglecta hac distinctione, absolute dixeris, hoc modo; Omnia communia & indiuisa sunt? Nihil minus. Peruerteres sententiam, si sic agas, & furibus occasionem dabis aliena rapiendi.

19. Hoc crimen malæ fidei, quod tibi nuper obieceram, non potuisti diluere in vltima tua Epistola, & ideo cautè dissimulasti. est autem Prædicantibus valde familiare ac domesticum, atque alia sexcenta exempla præteream, vnum adferam, quod lepidum simul ac memorabile est. Iacobus Hailbrunnerus, Lutheranus Superintendens, scripsit annis superioribus ingens Volumen, cui titulus est, *En catholisch Dabstumb.* Id tuo calculo approbarunt Theologi & Prædicantes Lipsienses, Vitebergenses, Dreidentenses, Tübingenses & Sturgardenses. Inter quos etiam tuus Illudinus. In eo volumine, inter cætera conatus est author probare, Ecclesiam Romanam non esse veram Ecclesiam, hoc argumento: non potest esse vera Christi Ecclesia sine gratia: Ergo illa non est vera ecclesia, à qua defecit gratia: sed gratia iam pridem defecit ab Ecclesia Romana, ut fatentur ipsi Pontificij, ac nominatim Nicolaus Lyranus, in 2. Thessal. 2. Ergo Ecclesia Romana non est vera Ecclesia. Hoc argumento putabat se Catholicos posse constringere. Sed detecta est impostura. Nam Catholici inspecto Lyrano, inuenerunt hæc verba; *Gratia defecit ab Ecclesia Romana.* Hailbrunnerus pro *Gratia*, posuerat, *Gratia*. Vbi fides, candor? Miror autem vel maxime tot Prædicantes, tot Consistoriales, tot Theologos & Academicos Lutheranos, qui Hailbrunneri Tractatum legerunt & approbarunt, aut non notasse hanc fraudem, aut si notarunt, dissimulasse. In altero negligentes ac supino, in altero impostores fuisse, necesse est. Omitto similia, quæ passim obuia sunt.

Sartorius in auctoribus, quos citat, peregrinus est.

20. **H**Oc dupliciter nuper offendi. et nunc iterum ostendo. Primò quia in altera tua Epistola sic scribis: *Non possum inficiari, Alphonsum tuum allegare Gabrielem Biel, & alios ex veteribus Pontificijs, sed quibus in scriptis a doceam, non addit.* Hic aperte ostendis, te nunquam legisse Alphonsum. Nam ille quidem non solum allegat Gabrielem, & alios ex veteribus Pontificijs, sed etiam ad marginem dilate addit libros & capita, in quibus id docens, de quo ipse agit. Hoc tu negas. Vel ergo non legisti Alphonsum, ut dixi vel si legisti, mendax es. Si mendax es, cur deinceps tibi credam? Si non legisti, cur temere affirmas quod nescis? Vbi que impingis.

21. Deinde in eadem Epistola sic scribis: *Ille Concilia, Constantiense, Basileense & Tridentinum ex professo & summo conatu hoc egerunt, ut vnã speciem aicis obtinerent, & quibuscunque rationibus possent, id palliarent, propugnarent, confirmarent, ut ex Gersonis scripto liquet.* Hic etiam peregrinus es. Nam Gerson mortuus est Anno Christi 1419. At Concilium Basileense & Tridentinum postea inchoata sunt. Basileense quidem, anno 1431. Tridentinum vero, anno 1545. Quomodo ergo ex scripto Gersonis liquere potest, quid in istis Concilijs actum sit? Nisi fingas Prophetam fuisse, qui aliquot annis, antequam illa Concilia celebrarentur, vaticinatus fuerit, quid in illis futurum esset. At de hoc vaticinio nihil hæcenus Viennæ auditum. Si in tua Bibliotheca reperitur, quæro participes nos esse. Alioqui, quomodo credam, quod tam audacter pronuncias ex Gerson, Concilium Basileense & Tridentinum ex professo & summo

conatu egisse, quod scribis? Potius credam, te ex A professo & summo conatu hoc agere, ut mendacio nos obruas. Quod tamen frustra est. Nouimus fraudes & imposturas Prædicantium.

22. Hæc duo puncta nuper attigi. De priori nihil respondes. Circa posterius, cum aliud non possis, syncophantem, & virulentum me appellas. Nam Gerson, inquis, interfuit Concilio Constantiensis, & quæ ibi acta sunt, posteritati reliquit. Non nego hoc. Sed disputo, verum non esse, quod tu asseris, Gersonem scripsisse, quid in tribus illi Conciliis gestum sit. Nam Gerson non vixit, quando duo posteriora celebrata sunt.

Sartorius oppugnat Ecclesiam Catholicam, seu Romanam.

23. **I**N secunda Epistola, duplici argumento contendis, Ecclesiam nostram Catholicam Christo contrariam esse. Primum, quia Christus consecrauit sub vna specie in Emaus: Ecclesia prohibet vnius speciei consecrationem. Secundo, Christus Laicis concessit calicem: Ecclesia negat. Hinc infero, Ecclesiam nostram non esse sponsam Christi. Antiqua hæc cantilena est. Iam pridem vestri homines clamant, Romanam Ecclesiam à fide defecisse, apostatasse, meretricem factam esse. Quod olim etiam Donatista calumniati sunt. Sed audi, quid illis & vobis respondeat S. Augustinus concil. 2. in Psal. 101. *Existant, inquit, qui dicant: Illa Ecclesia, quæ fuit omnium gentium, iam non est: perijt. Hoc dicunt, qui in illa non sunt. Omnipudenter vocem, abominabilem, detestabilem, per sumptionis & falsitatis plenam!* Hæc in vos quadrant. Non estis in Ecclesia Christi, qui dicitis illam perijt.

24. Addo, vos, cum hoc dicitis, repugnare Christo, Lutheri, vos ipsis. Christo quidem, quia ipse dixit, *Super hanc petram ædificabo Ecclesiam meam, & porta inferi non præualebunt aduersus eam.* Vos dicitis, iam præualuisse. Lutheri etiam, quia Ecclesia Romana seu Pontificia genuit Lutherum, & aliquot annos educavit. Si ergo tunc fuit meretrix, necesse est Lutherum spurium esse, & meretricis filium. Quis ergo pater illius est? Denique vobis ipsis, quia ostenditis non credere vos symbolum fidei. Nam articulus symboli est, *Credo sanctam Ecclesiam Catholicam.* Quod de ecclesia visibili intelligendum esse, non modo Catholici & Calumnistæ consentiunt, sed etiam Philippus Melancthon, vestræ Augustanæ Confessionis parens, in Examine ordinandum. Unde sic concludo: Articuli fidei semper veri sunt, nunquam falsi: Ergo semper verum est, dari ecclesiam visibilem, quæ sancta & Catholica sit: Ergo etiam verum fuit eo tempore, quo Lutherus natus est. At tunc non alia fuit visibilis Ecclesia, quæ sancta & catholica dici poterit, quam Romana seu Pontificia. Ergo illa sola tunc fuit sancta & Catholica. Si hoc creditis, salua res est. Si non creditis, infideles estis, & symbolum fidei mutam irrogatis.

25. Argumenta, quæ obicis, in te retorqueo, hoc modo. Primum, Christus porrexit eucharistiam vespere post cenam. Hæc Ecclesia Lutherana per contrariam consuetudinem abrogauit. Christum ergo contraria est. Secundo, Christus, antequam porrigeret Eucharistiam, lauit pedes discipulorum, & dixit: *Si ego laui pedes vestros, & vos debetis alter alterius lavare pedes.* Nec hoc servat Ecclesia Lutherana: Ergo hic etiam deservit institutionem Christi. Hæc dissolvas, & tua dissolueris.

26. Addo tamen in aliorum gratiam, qui hæc forte lecturi sunt, communem regulam, ex qua solida solutio petenda est. Hanc scilicet: *Ea, quæ Christus in utramque partem libera nobis reliquit, in alteram ab Ecclesia determinari possunt.* Liberum reliquit, ut Baptismus vel vna, vel trina immersione confecti possit. Ecclesia tamen primitiva imperavit trinam immersionem, ad designandam Trinitatem personarum in vna deitate propter hæreticos illius temporis, qui negantes Trinitatem, vna immersione Baptismum conferebant. (Canon. 49. Apostolorum.) Item, liberum reliquit, ut vel mane vel vespere sumatur Eucharistia. ecclesia matutinum tempus, quia devotioni videtur aptius, determinavit. Similiter liberum reliquit, ut laici vel sub vna, vel sub utraque specie communicarent. Ecclesia propter legitimas causas, quæ aliqui commemoravi, vult vna contentos esse.

27. Habemus similia exempla in aliis. Ius naturæ reliquit liberum, ut hunc vel illum agnum liceat mihi possidere; in hoc vel illo flumine piscari, has aut illas feras capere. At ius gentium, facta rerum divisione, unicuique primum aliquid assignavit, & illam possidendi, piscandi, venandi libertatem sustulit. Sicut ergo in hoc casu, ius gentium non censetur esse contrarium iuri naturæ, ita servata proportionem, in altero, de quo agimus, dicendum est. Nec video, quid possit tergiversari. Nam quod obicis in tertia epistola, *Ecclesiam non posse contra Christi institutionem & mandatum mutare quidquam in substantiali*; nihil ad rem facit. Fateor ecclesiam id non posse. Et hoc ipsum definit Concilium Tridentinum sess. 21. c. 2. Gaudeo te idem sentire. Nec nos dicimus, Ecclesiam mutasse aliquid in substantialibus contra mandatum Christi, sed solum asserimus, ea quæ Christus in utramque partem libera reliquit, posse ab ecclesia in alteram partem ex legitima causa determinari.

Sartorius laudat Ecclesiam Lutheranam.

28. **I**N tertia epistola sic scribis: *Sit tua Ecclesia Christo contraria: Nostra audit vocem Pastoris & sponsi sui, & sequitur eam, id quod vera Ecclesia nunc est certissima.* Speciosum Encomium, sed ambiguum. Quis enim ille est pastor & sponsus, cuius vocem audit & sequitur Ecclesia vestra Lutherana? Certè Christus non est. Nam eius vocem non sequimini. Vox Christi est, *Pœnitentiam agite.* Vos subterfagitis. Vox Christi est, *Sic luceat lux vestra coram hominibus, ut videant opera vestra bona, & glorificent patrem vestrum, qui in cælis est.* Vos contra clamatis bona opera, nihil prodesse, solam fidem sufficere. Vox Christi est, *Si vis ad vitam ingredi, serva mandata.* Vos populo persuadetis, legem Dei impossibilem esse, mandata eius servari non posse. Vox Christi est, *Hoc genus demoniorum non eiicitur, nisi per orationem & ieiunium.* Vos pridem sustulistis omnia ieiunia. Denique vox Christi est, *Omnis qui reliquerit domum, aut uxorem propter nomen meum, vitam æternam possidebit.* Quis unquam ex vestris Prædicantibus hanc vocem secutus est? Vix ancillæ apud vos tute sunt: tantum abest, ut uxores propter Christum relinquantis.

Sartorius contemnit Iesuitas, tanquam novos homines, cum potius Lutherani sint novi.

29. **I**N secunda & tertia Epistola relictis Iesuitas, tanquam homines novos, & totam Societatem Iesu per contemptum *Novam* appellas, aliaque scommata in eam coniecis. Hic si velim tecum contendere, non sum tibi par. Scio Prædicantes apprimè exercitatos esse in hoc genere, ubi Pontifex & Iesuitæ exagitandi sunt. Sed tamen, si modestè interrogationi locus est, cur obsecro, Societatem Iesu novam dicis? Sanè, si nomen spectes, non nova, sed vetus est. Audi Apostolum 1. Corinth. 1. 9. *Fidelis Deus per quem voca i estis in Societatem filij eius Jesu.* Qui locus, si de omnibus Christianis intelligi potest, ut tu fateris, etiam de nobis potest intelligi. Nam & nos Christiani sumus. Igitur qui hoc nomen *Societatis Iesu* usurpat, non novum, sed vetus & Apostolicum nomen usurpat. Sed cur vos, inquis, præ aliis id usurpatis? Dicam. Non repugnamus, quin alij quoque usurpèt, si velint. Sicut enim omnes, qui in Christum credunt Christiani; sic omnes, qui Iesum credunt, Iesuitæ appellari possunt. Rursum, sicut illi, qui quasi proprio ac peculiari nomine Christianos se vocant (ut aliqui Saxoniz Duces) non idè reprehendi possunt: ita nos, qui quasi peculiari nomine Iesuitæ appellamur non idè iustam reprehensionem incurrimus. Quod si à te reprehendimur, id studio calumniandi fieri putandum est.

30. Explicabo rem totam clariùs. Quotquot vivunt in Imperio, Imperatori subiecti sunt. Eorum tamen duplex est genus. Alij communi tantum lege illi subiecti sunt, ut rustici, ~~homines~~ mercatores, nobiles. Alij peculiari quadam ratione, ut milites, qui speciali iuramento se illi obstringunt, & hoc nomine stipendia capiunt. Hi per certa vexilla & centurias distributi sunt. Et alij quidem à suis Centurionibus vel Chiliarchis qui unicuique centuriz vel cohorti præfunt, sua nomina sortiuntur: alij ab ipso Imperatore, qui omnium caput est, Cæsarianos se vocant. Simile est in Ecclesia. Quotquot in ea vivunt, Iesu Christo subiecti sunt. Eorum etiam duplex est genus. Alij communi lege illi subiecti sunt, ut laici & seculares homines, alij peculiari quadam ratione, ut Religiosi qui speciali voto se illi obligarunt. Horum varij sunt ordines ac instituta. Et alij quidem à suis Prælati vocant se Franciscanos, aut Dominicanos, aut Augustinianos, aut Bernardinos, aut Benedictinos: Alij à Domino Iesu, qui omnium caput est, Iesuitæ appellantur. Quid hic mali est? Si milites Cæsaris, Cæsarianos; cur milites Iesu, Iesuitas vocari fas non sit?

31. Igitur Iesuitarum nomen, non novum, sed vetus & Apostolicum est. At neque doctrina eorum nova. Nam in omnibus Academijs, ubicunq; Theologiam profitentur, publicas habent prælectiones ex D. Thoma Aquinate, & illius doctrinam interpretantur. Hæc autem doctrina, non nova, sed vetus est. Non ergo, si doctrinam spectes, novi, sed veteres sunt Iesuitæ. Quod etiam vestro iudicio confirmari potest. Nam vos palam asseritis, Papatum cum superiori sæculo penè collapsus esset, humeris Iesuitarum fuisse sustentatum, ne penitus rueret ac periret: & nunc etiam sustentari. Quod sine dubio intelligitis de doctrina Papatus. At doctrina Papatus, non nova, te etiam fatente, sed vetus est. Si ergo hanc sustentant Iesuitæ, non novam, sed veterem sustentant.

32. Vos potius & nomine, & doctrina novi. Nomi-

A ne quidem, quia nomen Lutheranorum nec in Scriptura, nec in vilo antiquo authore reperiri potest. In angulo Saxoniz natum est ante paucos hos annos. Doctrinam verò, quia dogmata Lutherana, vel cum ipso Luthero, vel post Lutherum orta sunt. Nusquam inuenies in antiquis Patribus hæc dogmata Lutherana. 1. Humanitas Christi est ubique. 2. Sancti non sunt inuocandi. 3. Non est orandum pro mortuis. 4. Infantes, cum baptizantur, habent actualem motum fidei. 5. Duo tantum sunt Sacramenta. 6. Matrimonium tam est singulis necessarium, quam cibus & potus. 7. Si non vult vxor, veniat ancilla. 8. Vota monastica non sunt seruanda. 9. Monachus, exemplo Lutheri, potest ducere Monialem. 10. Lutherus legitime missus est ad Ecclesiam reformandam. Hæc, si potes, ostende in antiquis Scriptoribus. Non poteris. Nova sunt. Vos igitur novi, qui ista doceris.

Sartorius duo alia obicit Iesuitis, quæ potius conueniunt Lutheranis.

33. **N**ON satis visum tibi est Iesuitas vocare novos homines, sed etiam duo alia, quæ maioris momenti sunt, illis obicis. Vnum est, quod regantur spiritu diaboli. Alterum, quod veniant quidem in vestimentis ovium, sed tamen intrinsecus sint lupi rapaces. Vtrumque sine fundamento. Si vellem regere, facile ostenderem, Lutheranis potius, quam Iesuitis ista conuenire. Ac de priori videtur res manifesta. Nam Lutherani habent eundem spiritum cum Luthero. At Lutherus discretè scribit, se cum diabolo disputasse, & à diabolo persuasum esse, ut Missam priuatam aboleret; quod etiam factum est. Ergo cum eam instinctu diaboli abrogauit, spiritu diaboli impulsus fuisse necesse est. Hic iam quæro, mi Sartori, verè an falsò id scripserit Lutherus? Si verè scripsit, verum est diaboli spiritu ac impulsu actum esse. Si falsò, mentitus est. An non potuit mentiri, nisi spiritu diaboli ageretur, quia diabolus est pater mendacij, siue ergo verè, siue falsò scripserit, semper convincitur, spiritu diaboli actum fuisse non Dei.

34. De posteriori res æquè certa est. Nam Lutheranis dicunt, se reformare Ecclesiam Christi, prædicare purum ac sincerum Evangelium, abolere superstitiones & abusus Papistarum: vno verbo, nihil aliud spectare, quam gloriam Dei. Hæc sunt vestimenta ovium, quibus se regunt. Quid interim fit? Luporum more, in gregem dominicum deserviunt, & omnia salutis præsidia de medio tollunt. Quod frater illorum Calvinus, in cap. 17. Danielis v. 34. testatur, his verbis: *In exiguo illorum numero, qui sese ad idololatriam Papatus subdixerint, maior pars plena est perfidia & dolis. Præclarum quidem zelum simulant, si tamen inius ex-cusias, reperies plenos esse fraudibus.* Testimonium hoc verum est. Audi ipsum Lutherum, in postilla domestica lenæ impressa, conc. 2. primæ Dominicæ Aduentus: *Mundus ex hac nostra doctrina quotidie redditur deterior. Iam homines singuli septenis diabolis obsidentur, &c.* Vide quæ ibidem sequuntur.

Sartorius in Becanum contumeliosus est, & seipsum commendat.

35. **I**N postrema tua epistola, ut supra insinuaui, multis verborum contumelijs me afficis, & inter alia probra, nomihatim mihi obicis mendacia, scommata, cōiicia, calumnias, luorem, virum, bilē,

acerbitatem. Et quasi tu ab his omnibus immunis esses, addiste te sequi præceptum illud Christi; *Nolite maledicere maledicentibus.* Non iecus, ac Pharizæus in E. angelio dicebat; *Non sum sicut ceteri hominum, raptores, iniusti, adulteri: velut etiam hic publicanus.* Lucæ 18. 17. Noli cætera.

36. Nolo pro mea defensione loqui. Loquantur alij, qui ex scriptis me norunt, non modo Catholicis, sed etiam Calvinistæ & Lutherani. Ex Catholicis, Cardinalis Bellarminus in quadam epistola ad me data, sic scribit: *Locus sum cum sanctissimo Patre nostro Papa, & cum reuerendissimo Pat. Nost. Generali: & utrique visum est, Rem. V. extra hanc responsionem (ad librum cuiusdam heretici) delegare. Rogo igitur Rem. V. ut placeat hunc laborem suscipere, & solitas perspicuitate & breuitate cum solida eruditione coniuncta, librum istum confutare. Iussit autem Dominus Papa, ut admonerem Rem. V. nomine suo, ut causa à mordacitate, ut hactenus cecit, & hinc magnam laudem apud omnes commoveret. Decet enim Catholicos Scriptores, ac præsertim Religiosos, modestia & gravitas, ac ut relinquunt hereticis potulaniam, ut isdem relinquunt falsitatem, &c.*

37. Ex Calvinistis, Henricus Salcolbrigienfis in refutatione Becanici examinis plagæ Regiæ, in præfatione ad Henricum Magnæ Britanniæ heredem, serenissimi Iacobi Regis filium, sic incipit: *Ex omni illa hominum celluie, qui tractatus contra Augustissimi Monarchæ librum de Apologia Iuramenti fidelitatis scriptum, suos emisit; existis Becanus ab impudentissima illa conuicti andi rabie remior.*

38. Denique ex vestris Lutheranis, Albertus Grauerus, Theologiæ Professor in Academia Ienenli, in disputatione Antijesuitica nona de Pontifice Romano, circa initium, §. 5. sic scribit: *Et quoniam ante sexennium Martinus Becanus, Jesuita Moguntinus, alias prætermore n reliquorum plerorumque modestus, & à conuictis maxima ex parte sibi torperans, ac rebus ipsis, sine personarum inestimatione disputans, quod in ipso, quamvis aduersario, laudandum, &c.*

39. Adhibui tres testes pro meâ innocentia. Et quia in ore duorum, vel trium testium, stæ omne verbum, frustra me accusas. Contra te non egeo testibus. Epistolæ, quas scribis, testimonium contra te dicunt. Plenæ sunt conuictis, præsertim vltima, quam tertio loco accepi. Quod nihilominus addis, te sequi præceptum illud Christi; *Nolite maledicere maledicentibus; si me spectes, facile concessero.* Tamen enim mihi maledixeris, non tamen maledicenti maledixisti.

Sartorius ridiculam questionem proponit de Alphonso Salmerone.

40. **C**um nuper tibi respondiſsem, in Alphonso Salmerone reperti hanc propositionem, (*Christus bis instituit cenam Eucharisticam*) quam tu nusquam reperti obieceras: & simul addidiſsem, eundem Alphonſum magnæ auctoritatis virum esse, tum quod multa opera edidiſſet, tum quod Concilio Tridentino interfuiſſet; ſcribebas te mirari, *cur non perſuaſeris Patribus illius Concilij, ut canonibus hoc etiam dogma adderent, Christus bis instituit Eucharistiam.* Vis dicam? Metuebant, ne ſi plures Canones ſcriberentur, maiorem ignem ubique excitarent Lutheranis. Si hoc non capis, dicam apertius. Lutherus vester, deſerto monaſterio, rapuit à clauſtro Monialem, & inceſſus nuptiis ſibi copulauit. Hoc,

ne fiat, prohibent Canones Iuris canonici. Ne Canonibus pleſteretur, totum Codicem combuſſit; ex quo magna flamma excitata eſt. Periculum erat, ne diſcipuli ipſius (inter quos vnus eſt) eandem carniſcinam exercerent in Codicem Concilij Tridentini; præſertim ſi plures in eo eſſent Canones, quâ ipſi velent. Igitur ad pauciores contracti ſunt.

41. Serio, an ioco hoc dixerim, parum intereſt. tu accipe; ut vis. Si non tecum, ſed cum viro docto negotium mihi eſſet, facile, & vno quaſi verbo, illi ſatisfacerem. Norunt viri docti, ſolas controuerſiarum deciſiones ſolitas referri in Canones; non item probationes & argumenta, quibus illæ confirmantur. Controuerſia tunc erat inter Catholicos & Lutheranos, an ſub vna ſpecie licere communicare. Deciſum fuit, liceret. Hæc deciſio relata eſt in Canonem his verbis: *Si quis dixerit, ex Dei præcepto vel neceſſitate ſalutis, omnes & ſingulos Chriſti fideles vramque ſpeciem ſanctiſſimi Eucharistiæ Sacramenti ſumere debere, anathema ſit.* At teſtimonia Scripturæ, & alia argumenta, quibus illa deciſio confirmari poterat, non ſunt poſita in Canone. Quamvis ergo Catholici ut confirmet illam deciſionem, adducant etiam teſtimonium Lucæ, & inde probent Chriſtum ſub vna ſpecie dediſſe Eucharistiæ in zmaus, & ſub vtraque in vltima cœna, non tamen neceſſe eſt, ut hæc probatio in Canonem fuerit transcripta. Hæc tu, quia neſcis, miraris. At alij, qui Ius Canonacum & Ciuile legerunt, non mirantur. Sciunt in vtroque vel nudas leges, vel nudas ſæpe deciſiones contineri. Et hæc quidem in Iure Canonico, *Canones*: in Ciuili, *Reſcripta* appellari ſolent. Vel nunc ſaltem diſce aliquid.

Sartorius à Balduino ſubſidium petit.

42. **I**s petis ſubſidium à Friderico Balduino, Lutheranico Prædicante: ſemel in prima tua epistola, & ſemel in tertia. Priori loco, ut me terreas, obicis Balduinum ante quadriennium contra me ſcripſiſſe. Non nego. Sed nec terreor. Scripſit etiam contra Nicolaum Serarium, qui tunc mecum Moguntia erat. Sed viciffim ab vtroque refutatus eſt. Et publicè extant libelli noſtri. De meo nihil dicam. Legant alij, & iudicent. Serarius certè tam neruoſè conſtrinxit hominem, ac tam ſolidè probauit, diabolum fuiſſe Lutheri Præceptorem, ut nemini deinceps dubium eſſe poſſit. Quod tu quidem moleſtè ſers, & purum purum mendacium eſſe dicis. Sed alij, quibus plus prudentiæ eſt, aliter ſentiunt. Nec tamen quicquam de hac re dixiſſem (quam ſcio vobis odioſam eſſe) niſi Balduinum mihi obieciſſes. Et quorſum obieciſti? Planè extra ſcopum. Scripſerit ſanè Prædicans aliquis contra me, ſcripſerit contra Serarium: quid hinc efficiſ? An id eodè conſequentia tua, quam ſupra dixi vitioſam eſſe, ſalua & proba eſt? Tam proba, quam quæ ſequitur: *Baldunus ſcripſit in Becanum. Ergo Sartorius bonus Diſtinctus eſt.* Omnino ſcilicet.

43. Poſteriori loco, ais eundem Balduinum, ſicut & alios Lutheranos, ſolidè reſponſiſſe ad ea, quæ de libertate eccleſiæ à me allata ſunt. Itaque non opus eſt tua reſponſione. Breui ſcilicet compendio rem totam conficis. Poteris deinceps in omni controuerſia, hac ratione te expedire. Et quidem facilimo negotio. Quid enim promptius eſt, quàm in ſigulis difficultatibus, quæ vobis obicimus, remittere nos

ad alios, qui aliquando idem argumentum tractarunt? At hoc non est disputare, sed fugere. Nec mihi Viennæ à Balduino, sed à Sartorio bellum indictum est. Igitur Sartorius pugnet, non Balduinus. Nec tamen abnuo, ut Balduini, si lubet, opem implores: sed ita, ut tu etiam in acie stes, & ictum aduersarij excipias. Cur ultro me lacecessisti? Cur absentem, & nihil de Sartorio vel scientem, vel cogitantem, in Cathedra aggressus es? Imò, si vis, omnes Pizdicantes & Constitutores, quotquot Hailbrunneri Tractatum approbarunt, in subsidium voca. Vno hoc dilemmate prosternam vniuersos: Vel Gratia & Græcia sunt diuersa, vel idem. Si diuersa, cur confunditis, & alterum pro altero ponitis? Si idem filij Dei non estis. Valebit enim hic syllogismus: Quicumque sunt extra Græciam, sunt extra Gratiā: At vos omnes Lutherani, qui approbastis Tractatum Hailbrunneri, estis extra Græciam, quia estis in Germania: Ergo estis extra Gratiā. Non igitur filij Dei estis. Quid tibi videatur, Sartori? Sed pergo ad alia.

Sartorius promittit sibi victoriam ex Scriptura

44. **A**lteram tuam Epistolam sic concludis: *Sacra Scriptura dultu, ex tuo dogmate triumphum planè agere possem.* Hoc ideo facis, quia iam ante scripseram tibi his verbis: *Non successit tibi probatio ex scriptis Pontificiorum. Vide, an ex verbo Dei aliquid possis efficere.* Igitur respondes, te non modo posse aliquid efficere, sed etiam triumphum agere, si ex verbo Dei me oppugnare velles. Videris vnus esse ex illis, qui ante victoriam canunt triumphum. experire primum quid possis; & produce aliquid ex Scriptura, quo me oppugnes. Scio te non auium: vel certè, si ausis eodem successu disputaturum, quo hactenus ex scriptis Pontificiorum disputasti. Vtrobique puer es, & ne consequentiam quidem vnā legitime formare potes.

45. Sunt & alia duo, quæ te merito abstertere debent. Vnum est, quod vos Lutherani non habeatis legitimum Scripturæ Canonem. Nos habemus. Nā nostrum Canonem, qui in Concilio Tridentino sess. 4. consignatus est, per continuatam Traditionem accepimus à Galasio Pontifice in Concilio Romano, ab August. lib. 2. de doctrina Christiana cap. 8. ab Innocentio primo, Epist. 3. ad Exuperium cap. 7. & ab aliis Patribus, qui interea in Ecclesia floruerunt. Vestrum, vos ipsi excogitastis. Planè nouitius es. Nec reperies vel duos ex antiquis Scripturibus, qui per omnia vobiscum in Canone consentiant.

46. Alterum est, quod nec legitimum Scripturæ sensum aut versionem habeatis. Tot Bibliorum versiones apud vos sunt, quot Magistelli, qui aliquid Græcè aut Hebraicè norunt: Tot sensus & interpretationes, quot capita. Quisque fingit sibi sensum, quem vult. Apud nos Catholicos vna versio est, quæ multis sæculis in Ecclesia viguit: vnus sensus, quem perpetua Maiorum Traditio nobis reliquit. Nobis rectè accomodari potest illud Genes. 11. 1. *Erat terra labii vnius, & sermonum eorundem.* Et infra: *Ecce vnus est populus: & vnum labium omnibus.* Vobis, quod sequitur: *Confundamus linguam eorum, ut non audiat vnusquisque vocem proximi sui.* Et rursum: *Vocatum est nomen eius Babel, quia ibi confusum est labium vniuersæ terra.*

47. Hæc nuper ad te scripsi. Et planè putabam te

A aliquid responsurum in tertia tua Epistola, quam interea misisti. At nihil factum est. Nihil quo me oppugnes, adduxisti ex verbo Dei. Nihil de Canone Lutheranicorum, nihil de Scripturæ sensu aut versione à te responsum est. Omnia dissimulasti. Et meritò. Nam omnes versiones, quibus Lutherani vtuntur, nouitæ sunt: nulla vetus, nisi nostra. At quidquid nouum est, absurdum est, tu in altera Epistola, si meministi, argumentaris. Omnes igitur Lutheranicorum versiones, tuo iudicio absurdæ sunt. Idem dicam de Canone. Vester nouus est: Absurdus igitur. Et hæc valet (si tamen quidquam valet, solennis illa tua consequentia: *In omnium veterum authorum scriptis non memini mereperire vel Canonē, vel versionem, quæ Lutherani vtuntur: Ergo tam Canon, quam versio noua & absurda est.* Sic iterum tuo gladio te mactas.

Sartorius magni se facit.

48. **Q**uanti te æstimes, ex triplici capite colligi potest. Primò, quia promittis tibi triumphum, si ex verbo Dei pugnaneum sit. Sed inanis hæc iactantia est, ut iam ostendi. Secundò, persuades Lectori, te omnium Pontificiorum scripta legisse. Vix paucorum legisti. Denique, in altera tua epistola putas me sollicitum esse, quasi metuum à te refutari. Noli quæso hoc putare. Scio te tantum non esse, qui me debeam extimere. Et quid obicere formidabile in te est? Legitimum Scripturæ Canonem & versionem non habes. Veteres authores ne nosse quidem. Vix Gersonem aspexisti. Totum præsidium, quo nitris, vel conuitia sunt, vel pagella aliquot ex Luthero & Kemnitio transcripta. Optimè in te quadrat illud Apoc. 3. 17. *Dicis quod diues sum & locupletatus & nullus ego. Et nescis, quia tu es miser & miserabilis, & pauper & nudus.* Si tu alud de te sentis non bene te nosti. Nec est quod Sculptori in hac te credas; qui nuper eximia specie effigiem tuam efformauit. Decepit te. Comam & barbā exornauit; sed cerebrum non apparuit.

49. Ignosce, quod tam candidè tecum agam. Et meminere illius, quod est in Prouerbis c. 27. v. 6. *Meliora sunt vulnera diligentis, quàm fraudulenta oscula odibilis.* Nec interpreteris conuitium esse quod scribo. Tunc conuitium est, quando qui ex odio personæ concit in aliquem verba odiosa, sine sufficienti causā aut fundamento: quo pacto plerique vestrum, vocant nos Suitas aut Ranas. Non enim apparet vlla rationabilis causā, cur nos potius, quàm Pizdicantes Lutherani debeant sic appellari. Quid enim turpe audetabili reperias in turibus & ranis, quod nobis potius, quam vobis accommodari possit? Nihil penitus. Mera igitur conuitia sunt. At conuitium non est, quando quis aliquid iocosum aut asperum concit in alterum, non ex odio personæ, sed ex merito causæ, de qua agitur: ut si dicam Sartorium non esse probum Dialecticum, quia reuera non probè argumentatur; indoctum esse, quia reuera doctus non est; mendacem, quia reuera in flagranti mendacio deprehenditur; malæ fidei, quia reuera mala hæc egisse conuincitur. Et sic deinceps. Atque hæc hactenus, mi Sartori. Si satisfactum tibi est, gaudeo: sin minus, per se tibi ad me quid vltius desideres; dabo operam, ut satisficiam. Vale, & rem totam coram Deo expende. Viennæ 8. Octobris, Anni 1614.

Tuus, si vis,

MARTINVS BECANVS Societatis
Iesv Theologus.




OPUSCULUM QVARTVM:
AD D. GEORGIVM N.
NUPER E CALVINIANO
Factum Catholicum.

DE COMPARATIONE ECCLESIAE ET
SYNAGOGAE.

EPISTOLA.

1.



CCEPI Epistolam tuam, humanissime D. Georgi, in qua multis argumentis conaris demonstrare, Ecclesiam Christi deficere & errare posse. Non quod reuera ita sentias, cum iam Catholicam fidem, abiecta haeresi Calviniana, ut ais, sincerè complectaris: sed quòd aliter à me doceri cupias quàm hactenus à Calvinianis Professoribus Heidelbergæ instructus es. Porro vis ac robur argumentorum omnium, quæ multis verbis & ambagibus à te allata sunt, videtur esse huiusmodi:

Synagoga Iudæorum ipsa defecit ac repudiata est: Ergo etiam Ecclesia defecit ac repudiari potest. Sequelam probas ex variis prærogatiuis, quas Synagoga præ Ecclesia habuisse affirmas. Sunt autem hæc. Prima, quod Scriptura disertè præferat Synagoga Ecclesiam. Altera, quod plures & excellentiores promissiones factæ sint Synagoga, quàm Ecclesiam. Tertia, quod Synagoga arctius cum Deo coniuncta fuerit, quàm sit Ecclesia. Nam Synagoga, inquis, fuit filia Dei, cum Ecclesia non sit filia, sed sponsa. At filia quantumvis peccet, semper manet filia. Sponsa verò, si enormiter delinquat, non semper manet sponsa, quia sponsalia sæpè dissoluntur. Si ergo Synagoga non obstantibus his prærogatiuis, à Deo repudiata est, cur Ecclesia repudiari non possit?

2. Hoc breui compendio, nisi fallor, totius Epistolæ tuæ robur complexus sum. Nunc, quia doceri à me vis, & omnes scrupulos, quibus adhuc angis & cruciari te ais, eximi vehementer optas, faciam equidem, quod & officij mei ratio exigit, & Christianæ charitatis regula faciendum esse præscribit. Nec de methodo laborandum est. Singula eodem ordine, quo iam proposita sunt, sigillatim discutiam. Ac futurum confido, ut ex eorum discussione facilè intelligas, nihil aliud apud Calvinistas, quàm meras fraudes ac imposturas te imbibisse. Sit ergo

QVÆSTIO I.

An Scriptura præferat Synagoga Ecclesiam?

3. **D**Vplici testimonio probas affirmantem partem. Prius habetur Deuteronom. 4. 7. *Non est alia natio tam grandis, quæ habeat Deos, appropinquantes sibi, sicut Deus noster adest cunctis obsecrationibus nostris. Quæ est enim alia gens sic inclita, ut habeat ceremonias iustæque iudicia & universalem legem, quam ego proponam hodie ante oculos vestros?* Posterius Psalm. 147. 8. *Qui annunciat verbum suum Jacob: iustitias & iudicia sua Israël. Non fecit taliter omni nationi: & iudicia sua non manifestavit illis.* Ex utroque formari potest tale argumentum: Si nulla est natio tam grandis, nulla

A gens tam inclita, quæ cum Synagoga & populo Iudæorum conferri possit; certè nec populus Christianus cum ea conferri potest: At verum est antecedens: Ergo & consequens.

4. Audimi Georgi: Mera inscitia hæc est. Nam Scriptura non confert ibi Synagoga Iudæorum cum Ecclesia Christi, quæ tunc nondum erat in rerum natura; sed cum aliis gentibus ac nationibus, quæ tunc temporis colebant idola. Et ponit tres illius prærogativas. Prima est, quòd haberet apud se Tabernaculum fœderis, in quo Deus dabat certissimam responsa de rebus dubiis: & orationes populi in quacunque necessitate benignè audiebat. Altera, quod haberet legem Decalogi in tabulis lapideis à Deo scriptam. Tertia, quòd præter legem Decalogi, haberet etiam præcepta ceremonialia, quæ ad cultum

cultum veri Dei promouendum, & iudicialia, quæ ad A
dæcem & iustitiam conseruandam erant utilissima.

5. Hæ fuerunt prærogatiue Synagogæ respectu
aliarum gentium, quæ tunc erant, non tamen respec-
tu Ecclesiæ Christi, quæ nunc est. Nam aliæ gentes,
quæ tunc erant, non habebant quicquam eorum, quæ
iam dicta sunt. Habebant quidem responsa Demoni,
quæ in idolis loquebantur, sed hæc falsa, incerta, am-
bigua. Habebant legem Decalogi, scriptam in cordi-
bus; sed propter quotidiana peccata quasi deletam
& obliteratam. Rom. 1. 21. Habebant præcepta cere-
monialia, non tamen ad veri Dei cultum, sed ad ido-
latriam accommodata. Habebant etiam iudicialia,
sed sæpe iniqua, tyrannica, inhumana.

6. At Ecclesia Christi, quæ nunc est, superat Sy-
nagogam in his omnibus. Primò, quia Synagoga ni-
hil aliud habebat, quam tabernaculum sordens, in
quo Deus per Angelos loquebatur Iudæis. At Eccle-
sia habet ipsum Dei Filium incarnatum, qui in pro-
pria persona locutus est Apostolis, Ioan. 1. 18. *Vni-
genitus Filius, qui est in sinu Patris, ipse enarrabit.* Et Hebr.
12. *Nonnullis diebus istis locutus est nobis in Filio, quem
constituit heredem uniuersorum.*

7. Secundò, Synagoga habebat nudam legem
Decalogi, quæ solum præcipiebat, quid agendum esset,
nullam verò gratiam ex se præstabat: At ecclesia præ-
ter legem præcipientem, accepit etiam gratiam, quæ
præbeat vires & facultatem præstandi id, quod præ-
cipitur, Ioannis 1. 17. *Lex per Moysen data est: gratia
& veritas per Iesum Christum facta est.* Vbi notanda est
triplex antithesis. Prima inter legem & gratiam, qua-
si inter corpus & animam, inter litteram & spiritum.
Nam sicut corpus per se est pondus, quod onerat,
nisi vegetetur ab anima: & sicut littera occidit, nisi
adsit spiritus, qui viuificet: sic lex per se molesta est,
quia iubet, difficilia quæ à nobis præstari non pos-
sunt, nisi gratia nos iuuet. Altera inter Moysen &
Christum, quasi inter seruum & dominum, inter
præconem legis & Legislatorem. Tertia inter dare
& facere. Moyses non fecit legem, sed acceptam à Deo
dedit populo & promulgauit, quia non legislator, sed
minister legislatoris (Hebr. 3. 5.) At Christus non tan-
tum dedit gratiam, sed etiam fecit, quia ipse est au-
thor & fons omnis gratiæ de cuius plenitudine nos omnes
accepimus. (Ioan. 1. 16.)

8. Tertiò, Synagoga, cum esset ancilla non do-
mina; habebat quidem præcepta ceremonialia & iu-
dicialia, sed quæ timorem & seruitutem spirabant. At
ecclesia, quæ non est ancilla, sed libera, non habet
præcepta timoris & seruitutis, sed potius, quæ ad
amorem & libertatem accommodata sunt (Rom. 8.
25. *Non enim accepimus spiritum seruitutis iterum in ti-
more, sed spiritum adoptionis filiorum, in quo clamamus,
Abba Pater.* Et Gal. 4. 31. *Itaque fratres, non sumus
ancilla filij, sed libera, qua libertate Christus nos libera-
uit*) De prioribus præceptis dictum est Act. 15.
10. *Quid tentatis Deum, imponere iugum super cervicem
discipulorum, quod neque Patres nostri, neque nos portare
possumus?* De posterioribus Matth. 11. 30. *Iugum meum
suauis est, & onus meum leue.*

9. Hæc, meo iudicio, tam clara sunt, vt non egeant
longiori interprete. Et omninò mihi persuadeo, in
hoc quidem puncto abunde satisfactum tibi esse.
Porro de Calvinianis professoribus, qui te aliter in-
struxerunt, quid dicurus es? Sanè, si ignorant, quæ
iam dixi, stupidi sunt, & à cathedris amouendi. Si
norunt, maleuoli & deceptores, qui aliter docent,
quàm sentiunt.

Opusc. Bec.

QUESTIO II.

*An Synagoga habuerit plures & excellen-
tiores promissiones, quàm habeat Ecclesia?*

10. **H**Oc tu Georgi, quanquam non tuo, sed
Caluinistarum sensu ac iudicio, affirmas.
Et ne temerè videaris id facere, adducis tres promif-
siones, quæ Synagogæ factæ sunt. Prima est 3. Re-
gum 9. 3. *Dixit Dominus ad Salomonem: Exaudiui ora-
tionem tuam & deprecationem tuam, quam deprecatus es
coram me. Sanctificauimus domum hanc, quam edificasti, vt
ponerem nomen meum ibi in sempiternum. Et erunt oculi mei
& conuenium ibi cunctis diebus.*

11. Secunda est Psalm. 134. 1. 13. *Elegit Dominus Sion,
elegit eam in habitacionem sibi. Hæc requies mea in secu-
lum sæculi: hic habitabo, quoniam elegi eam. Viduam eius
benedicens benedicam: pauperes eius saturabo panibus. Sa-
cerdotes eius induam salutari, & sancti eius exultatione exul-
tabunt. Illuc producam cornu Dauid, parauimus lucernam Chri-
sto meo. Inimicos eius induam confusione: super ipsum an-
tem efflorescit sanctificatio mea.*

12. Tertia est Zachar. 2. 5. *Et ego ero ei, ait Domi-
nus, murus ignis in circuitu: & in gloria ero in medio eius. Et
ibidem: Qui tetigerit vos, tangit pupillam oculi mei: Et
iterum: Ecce ego venio, & habitabo in medio vestri, ait Do-
minus.*

13. Ecce, inquis, quam præclatas promissiones ha-
buit Synagoga, & quidem ab ipso Deo: cum inte-
rim Ecclesia non habeat nisi vnicam illam à Christo:
Porta inferi non preualebunt aduersus eam: quæ nullo
modo cum istis conferri potest. Miror te Georgi.
Videris apud Calvinistas, exarato Christo, Iudaï-
smum imbibisse: quod ex duplici capite ostendi po-
test. Primò, quia Christum opponis Deo, quasi ipse
Deus non esset. Secundò, quia nimis honorificè lo-
queris de Synagoga: nimis abiectè de Ecclesia; quasi
illi maiores, quàm huic promissiones factæ sint. Cum
tamen Apostolus Hebr. 8. 6. contrarium disertè as-
serat, his verbis: *Nunc autem melius sortitus est mini-
sterium, quanta & melioris Testamenti Mediator est, quod
in melioribus re promissionibus sanctum est.* Quid aperte
contra te dici potuit? Nouum, inquit, Testamen-
tum in melioribus re promissionibus sanctum est,
quàm vetus. Vel, quod in idem recidit, Ecclesia Chri-
sti meliores habet promissiones, quàm Synagoga Iu-
dæorum, quod manifestè apparebit, si conferamus
vtriusque promissiones inter se.

14. Igitur ex tribus illis promissionibus, quæ
ais Synagogæ factas esse, tertia non est facta Synago-
gæ, sed Ecclesiæ, vt infra ostendam. Reliquæ duæ non
sunt absolutæ, sed conditionatæ. Nam priori hæc
conditio annexa est: *Si autem auersione auersi fueritis
vos, & filij vestri, non sequentes me, nec custodiennes man-
data mea, & ceremonias meas, quas proposui vobis, sed
abieritis & colueritis Deos alienos, auferam Iffrael de su-
perficie terra, quam dedi eis: Et templum, quod sanctifi-
caui nomini meo, proiciam à conspectu meo; erisque Iffrael
in proverbium: & in fabulam cunctis populis.* Posteriori
hæc: *Si custodierint filij tui Testamentum meum & testi-
monia mea hæc, quæ docebo eos.*

15. Vides, opinor, quam fragili conditione fulean-
tur hæc promissiones. Nimirum vt tam facillè rescindi
possint quàm facillè peccare homo potest. Longè ali-
ter res habet in promissionibus Ecclesiæ factis. Nam
hæc & plures sunt, quàm duæ: & absolutæ sunt, non
conditionatæ: & tanta firmitate nitæ, vt de earum
affectu dubitandum non sit. Eas tibi breuiter, nec ta-

M mm

men omnes, sed quæ præcipuum memorie occurrent, A hoc loco proponam. Sunt autem duplices: aliz in veteri, aliz in nouo Testamento factæ & consignatæ. Prioris generis sunt hæc.

Prima promissio Ecclesie facta in veteri Testamento.

16. **P**rima habetur apud Isaiam c. 54. Nam toto illo capite expresse agitur de ecclesia Christi, quæ ex gentilibus erat colligenda, ut non solum Hieronymus & alij scriptores, sed Apostolus quoque in epistola ad Galatas cap. 4. interpretatus est. Sunt autem multa, quæ ibi promittuntur Ecclesie. 1. fecunditas. 2. amplitudo. 3. firmitas, stabilitas & perpetuitas. 4. victoria contra hereticos & alios hostes.

17. Fecunditas promittitur v. 1. his verbis: *Lauda sterilis quia non paris: & hinni, quia non pariebas: quoniam multi filij deserta magis, quam eius, quæ habet virum, dicit Dominus.* Vel, ut habet Apostolus loco citato: *Latare sterilis, quia non paris: erripe & clama, quia non parituris: quoniam multi filij deserta magis, &c.* quasi dicat: O Ecclesia gentilium, quæ ante aduentum Christi fuisti sterilis, & non peperisti Deo filios, propter defectum fidei (vixisti enim in idololatria) latere nunc & exulta, quia paries plures filios, quam peperit Synagoga. Hæc, quæ hætenus fuit fecunda, cessabit parere: Tu verò, quæ sterilis fuisti, & deserta à Deo, incipies parere, & eris longè fecundior, quam illa fuit. Sicut prædictum est 1. Reg. 2. 5. *Sterilis peperit plerimos: & quæ multos habebat filios, infirmata est.*

18. Amplitudo promittitur, v. 2. *Dilata locum tentoris tui, & possessa tabernaculorum tuorum extende, ne parcas: longas fac funiculas tuas, & clauos tuos consolida.* 3. *Ad dextram enim & ad laeam penetrabis, & semen tuum gentes hereditabis, & ciuitates desertas inhabitabis,* id est, propter multitudinem filiorum, quos paritura es, debebis dilatare terminos habitationis tuæ: quia Palestina, in qua sola hætenus Synagoga templum & certam sedem habuit, non sufficeret tibi ad habitandum. Opus erit maiori loco & spacio. Vno verbo, totum terrarum orbem occupabis, & omnes gentes erunt tibi in hereditatem.

19. Firmitas & perpetuitas promittitur, v. 4. *Noli timere, quia non confunderis, neque erubescas, non enim te pudebit, quia confusionis adolescentia tua obliuisceris, & opprobrii viduitatis tuæ non recordaberis amplius.* 5. *Quia dominabitur tui, qui fecit te, Dominus exercituum nomen eius: & redemptor tuus sanctus Israël, Deus omnis terra vocabitur.* 6. *Quia ut mulierem derelictam & meretricem spiritum vocauit te Dominus, & uxorem ab adolescentia abiectam, dixit Deus tuus.* 7. *Ad punctum in modico dereliquit te, & in miserationibus magnis congregabit te.* 8. *In momento indignationis abscondi faciem meam parumper à te, & in misericordia sempiterna misertus sum tui, dixit redemptor tuus Dominus,* id est: Tametsi an te Christi aduentum vixeris in confusione, merore & opprobrio, propter idololatriam, & toto illo tempore (quod tamen modicum fuit, respectu futuri temporis) fueris à Deo quasi abiecta & derelicta: deinceps tamen non est quod timeas ullam confusionem. Nam Deus, qui creauit te, misertus est tui & decreuit præclara beneficia in posterum tibi conferre. Ac primò, sua morte & passione te redempturus est. 2. In magnis miserationibus congregabit te. 3. Non temporaria, sed sempiterna misericordia prosequetur te. 4. Dominabitur tui, non sicut Dominus ancille, sed sicut maritus uxori dominari solet. Quam verò potens maritus ille sit, ex duplici capite

estimari potest. Primò ex nomine; quia *Deus exercituum nomen eius.* Habet enim sub se omnes Angelos, qui sunt illius milites & ministri. Secundò ex hereditate; quia quando assumeret te in sponsam, totum terrarum orbem accipiet à Patre in hereditatem, sicut promissum illi est Psalm. 2. 8. *Postula à me, & dabo tibi gentes in hereditatem tuam, & possessionem tuam terminos terre.* Et idèò, Deus omnis terra vocabitur. Si ergo talem sponsum habitura es, quem extimescas? Angeli, qui sunt ministri sponsi, pugnabunt pro sponsa. Et totus orbis, qui dabitur sponso, dabitur etiam sponse, quia vtrique erunt omnia communia.

20. De qua promissione ut sis secutior, audi quid dicat Dominus, v. 9. *Sicut in diebus Noë istud mihi est, cui iuravi, ne inducerem aquas Noë ultra supra terram: sic iuravi, ut non irascer tibi, & non increpem te,* id est, sicut olim iureiurando promisi Noë, quod non amplius vellem dissipare terram diluuiò (Genes. 9. 11.) Ita nunc iureiurando promitto tibi, quod non amplius velim tibi irasci: multo minus abiicere, & abiectam deferere. Nam, ut dixi, misericordia sempiterna misertus sum tui. Addo ad maiorem confirmationem, v. 10. *Mentes enim commouebuntur, & colles contremiscent: misericordia autem mea non recedet à te, & fœdus pacis mea non mouebitur,* id est: etiamsi montes de loco suo mouerentur, & colles contremiscerent; non tamen misericordia mea recedet à te, & fœdus pacis meæ non mouebitur, sed fixum & irrevocabile mansurum est.

21. Sequitur v. 11. *Paupercula tempestate conuulsa, absque ulla consolatione,* id est hætenus fuisti paupercula, quia vixisti sine cognitione veri Dei: fuisti instabilis, quia variis idolorum erroribus, quasi tempestatibus conuulsa & agitata es: fuisti sine consolatione, quia falsi dii, quos coluisti, non potuerunt te iuuare. At nunc bono sis animo: *Ecce ego sternam per orbem lapides tuos, & fundabo te in Sapphiris.* 12. *Et ponam iaspidem propugnacula tua: & portas tuas in lapides sculptos, & omnes terminos tuos in lapides desiderabiles,* id est: Ego ita fundabo & stabiliam te, ut tempestate conuelli non possis: ita muniam te portis & propugnaculis, ut sis inexpugnabilis.

22. Superest promissio victoriæ contra hostes, v. 16. *Ecce ego creauit fabrum sufflantem in igne prunas, & proferentem vas in opus suum. Et ego creauit interfectorem ad disperdendum,* id est, (ut interpretatur Hieronymus.) ego creauit diabolum, qui omnium malorum artifex est. Ille suscitabit contra te ignem, & conflabit vasa iniquitatis, id est, impios homines, ut Simonem magum, Arium, Donatistas, Pelagianos, Anabaptistas, Calvinianos, & similes sectarios, qui te oppugnabunt. Sed noli timere. Nam ex altera parte: creauit etiam interfectorem ad disperdendum, id est, excitauit alios, qui partim externa vi (quod faciunt Catholici Reges & Imperatores) partim calamo & viva voce (quod faciunt Doctores Ecclesie) disperdent aduersarios tuos. ver. 17. *Omne vas, quod fictum est contra te, non dirigitur: Et omnem linguam resistentem tibi in iudicio, condemnabis,* id est: Omnes aduersarij, quos diabolus sufflans contra te excitabit, non habebunt successum, quia non est consilium contra Deum: et omnes hæreticos, qui tibi resistent in causa fidei ac religionis, de errore conuictos condemnabis. Quod etiam factum est. Nam Ecclesia condemnauit Arianos, & alios hæreticos, qui illam hætenus oppugnant. Atque hæc sufficiant de prima promissione, quæ luculentissima est.

Secunda promissio Ecclesie facta in veteri Testamento.

23. **S**ecunda promissio habetur Ierem. 31. ver. 31. *Ecce dies veniens, dicit Dominus: & feriam domui Israel & domui Iuda fœdus novum. 32. Non secundum pactum, quod pepigimus patribus eorum in die, qua apprehendi manum eorum, ut educrem eos de terra Egypti: pactum quod irritum fecerunt: & ego dominatus sum eorum, dicit Dominus. 33. Sed hoc erit pactum, quod feriam cum domo Israel, post dies illos, dicit Dominus: Dabo legem meam in visceribus eorum, & in corde eorum scribam eam: Et erit eis in Deum, & ipsi erunt mihi in populum. 34. Et non docebit ultra vir proximum suum, & vir fratrem suum dicens: Cognosce Dominum. Omnes enim cognoscent me à minimo eorum usque ad maximum ait Dominus: quia propitiabor iniquitati eorum, & peccati eorum non memabor amplius.*

24. Hic Deus per Prophetam confert inter se duas promissiones seu pacta: vnum veteris, alterum novi Testamenti: Et ostendit novum Testamentum meliori promissione vel pacto sancitum esse, quàm vetus ut interpretatur Apostolus Hebr. 8. 6. Primò, quia pactum veteris Testamenti irritum factum est, propter peccata Iudæorum Pactum novi Test. non irritabitur. Igitur hoc firmitus est, quàm illud fuit. Secundò, Deus in veteri Testamento dominatus est Iudæorum, id est, seuerè & imperiosè egit cum illis, sicut domini solent egere cum seruis. Vel, ut explicat Apostolus, *visperauit, neglexit, & abiecit illos*, eo quod irritum fecissent pactum. At in nouo Testamento paternè, non seuerè agit cum Christianis, quia per mortem Filij sui placatus est. Tertio, in veteri Testamento dedit legem scriptam in tabulis lapideis: At in nouo dat scriptam in cordibus seu visceribus Christianorum. Vel, quod idem est, in veteri dedit solam externam legem difficilia præcipientem: non autem internas vires ad præstandum id, quod præciebatur. At in nouo, non solum dat legem præcipientem, sed etiam gratiam & charitatem adiuuantem. Quarto, in veteri populus facillè recedebat à Deo, & conuertebatur ad idola. Nam ex vna parte, nō habebat tanta præsidia ad perseuerandum in cultu veri Dei, quanta nos habemus, & ex altera, occurrebant multa, quæ auocarent à Deo, 1. fragilitas naturæ humanæ. 2. astutia diaboli. 3. onus Legis Moysæ, quod illis erat à Deo impositum. 4. inimici & terrores, quibus quasi inuiti cogebantur portare illud onus. 5. conuersatio cum gentilibus, inter quos vivebant, & à quibus vndique cincti erant. Atque ex his causis fiebat, ut nisi alij alios assiduè incitarent, ad colendum Deum, facillè illius obliuiscerentur. Aliter fit in nouo Testam. Christiani multo maiora habent præsidia. Habent Christum pro se passum & mortuum. Habent corpus & sanguinem Christi quotidie in sacrificio Missæ. Habent sacramenta, quæ internam gratiam & charitatem conferunt. Denique ut alia taceam, ipsum nomen, quo Christianos se appellant, tam alte infixum est eorum cordibus, ut eradi non possit.

25. Hæc obiter dicta sint de sensu verborum Ieremix. Ad maiorem tamen explicationem duo notanda sunt. Vnum est, legem Deo **P**rogit tripliciter spectari posse. Primò, quatenus per dictamen rectæ rationis, seu per lumen naturale, scripta & impressa est in cordibus hominum. Sic data est omnibus hominibus, etiam gentilibus. (Rom. 2. 15.) Secundò, quatenus scripta est in tabulis lapideis. Sic data fuit Iudæis, non gentilibus. Tertio, quatenus scripta est in cordibus seu visceribus hominum, non solum per lumen naturale, sed etiam per Spiritum sanctum, qui præbet gratiam & vires ad legem perfectè implendam.

Opusc. Bec.

Adam. Sic datur Christianis. Sicut ergo Iudæi habebant quandam prærogatiuam respectu gentilium, eo quod acceperint legem scriptam in tabulis lapideis: sic Christiani habent prærogatiuam respectu Iudæorum, eo quod acceperint eandem legem scriptam in suis cordibus, seu in tabulis cordis carnalibus, ut loquitur Apostolus 2. Corinth. 3. 3.

26. Alterum est, Iudæos acceperint legem à Deo, intercedente pactione inter ipsum & illos. Nam ipse obligauit se, quod vellet illos protegere, & omnium bonorum temporalium abundantiam præstare, si seruarent legem quam acceperint. Siminibus, quod vellet illos affligere bello, peste, fame, captiuitate, & abiectione à facie sua, tanquam seruos refractarios & inobedientes. Illi vicissim obligarunt se, quod vellet seruare legem à Deo acceptam, & illi obtemperare. (Exodi 19. 8. & 24. 6.) Hæc mutua obligatio confirmata fuit sanguine victimarum, quem Moyses, tanquam Mediator inter partes paciscentes, respersit in populum, cum hac protestatione: *Hic est sanguis fœderis, quod pepigit Dominus vobiscum super hæc istis sermonibus suis.* Exodi 24. 8.

27. Quia ergo Iudæi ex sua parte non seruauerunt hoc pactum, etiam ex parte Dei rescissum est. Et hæc est causa, cur ipsi à Deo puniti, abiecti & reprobati sint. In eorum locum successerunt Christiani, cum quibus noua pactio à Deo inita est, sub hac formula: *Dabo legem meam in visceribus eorum, & in corde eorum scribam eam. Et erit eis in Deum, & ipsi erunt mihi in populum.* Mediator fuit, non Moyses, sed Christus, qui non animalium, sed proprio sanguine confirmauit hanc promissionem his verbis: *Hic est sanguis meus noui Testamenti, qui pro multis effundetur in remissionem peccatorum.* (Matth. 26. 28.) Et ita confirmauit, ut nunquam integrè rescindenda aut irritanda sit. Poterit quidem rescindi aut irritari, respectu huius aut illius hominis in particulari, qui si peccet, & non velit pœnitere de peccato, merito reicitur à Deo: non tamen potest irritari respectu totius ecclesiæ, seu populi Christiani, quia Deus absolute non vult. Hoc patet ex eodem Ieremia, capite citato, v. 33. ubi sequitur in hunc modum: *Hæc dicit Dominus, qui dat solem in lumine diei, ordinem lune & stellarum in lumine noctis: qui turbat mare, & sonant fluctus eius, Dominus exercituum nomen illi. 36. Si defecerint leges istæ coram me, dicit Dominus, tunc & semen Israel deficiet, ut non sit gens coram me cunctis diebus. 37. Hæc dicit Dominus, Si mensurari potuerint cæli sursum, & inuestigari fundamenta terræ deorsum: & ego abiciam vniuersum semen Israel propter omnia, quæ fecerunt, dicit Dominus.*

28. Ex quibus verbis colliguntur duo argumenta, quibus Deus confirmat pactum suum fore perpetuum. Vnum est huiusmodi: ego, qui paciscor vobiscum sum idem ille Deus, qui naturalem legem & ordinem constitui soli, lune, stellis & mari: soli, ut luceret per diem: lune & stellis, ut lucerent per noctem: mari, ut sonaret & ageretur, ad meum imperium. Si hæc lex non deficiet, neque pactum, quod vobiscum iniui, defecturū est. Igitur quamdiu videtis solem, lunam, stellas & mare seruare legem & ordinem naturalem, quem illis præfixi, tādū cogitare duraturum pactū quod vobiscum iniui est. Alterum. Sicut impossibile est, ut aliquis vestrum possit mensurare cælos sursum & fundamenta terræ deorsum: ita nūquam futurum est, ut ego abiciam vos, & non sim vester protector, iuxta pactum, quod vobiscum iniui.

Tertia promissio Ecclesie facta in veteri Testamento.

29. **T**ertia promissio habetur Zacharia 1. 1. *Et leuauit oculos meos, & vidi: Et ecce vir, & in*

Mmm ij

nam eius funiculus mensuram. 2. Et dixi: Quo tu vadis? Et dixit ad me: ut metiar Ierusalem, & videam quantitas latitudo eius & quanta longitudo eius. 3. Et ecce Angelus, qui loquebatur in me, egr. diebatur, & Angelus alius egrediebatur in occursum eius. 4. Et dixit ad eum: Curre, loquere ad puerum istum, dicens: Absque muro habitabitur Ierusalem pro multitudine hominum & iumentorum in medio eius. 5. Et ego ero ei, ait Dominus, murus ignis in circuitu: & in gloria ero in medio eius. Et infra v. 8. Qui tetigerit vos, tangit pupillam oculi mei. Et iterum v. 10. Lauda & letare filia Sion, quia ecce ego venio, & habitabo in mediis tuis, ait Dominus. 11. Et applicabuntur gentes multe ad Dominum in die illa, & erunt tibi in populum, & habitabo in medio tui.

30. In hoc capite, nomen Ierusalem accipitur duobus modis. Primò literaliter pro vrbe Ierusalem. Secundò, mysticè pro ecclesia Christi, quod frequenter fit in Scriptura. Nec immeritò, quia ecclesia habuit ortum seu initium suum in vrbe Ierusalem: et quidem triplici titulo. Primò, quia ibi Christus crucifixus est, ex cuius latere morientis formata est Ecclesia. Secundò, quia ibi prima legis Evangelicæ promulgatio facta est in die Pentecostes. (Act. 2.) Tertiò, quia ibi nouum Testamentum in vltima cæna conditum, & Christi sanguine confirmatum est (Matt. 26. 28.)

31. Porro Deus per Prophetam promittit hic ecclesiæ, quòd multis partibus superatura sit urbem Ierusalem. Primò, magnitudine. Nam longitudo & latitudo vrbis Ierusalem erat certis terminis definita & circumdata. At Ecclesia, propter multitudinem fidelium, non poterit definiri & circumdari, sed toto orbe diffundetur.

32. Secundò, munitione & protectione. Nam vrbs Ierusalem fuit munita muris lapideis. Ecclesia pro muris lapideis, habebit Deum protectorem. Cuius protectio describitur primum his verbis: Ego ero ei murus ignis in circuitu. Id est: Non ero murus lapideus, qui transcendendi aut penetrari potest, sed murus igneus, qui transiliri non potest, & qui solo aspectu terreat hostes appropinquantes. Deinde illis verbis: Qui tetigerit vos, tangit pupillam oculi mei, id est, grauissimè me offendit.

33. Tertiò, maiestate & gloria. Ego, ait Dominus, in gloria ero in medio eius, quasi dicat, Non solum protegam Ecclesiam, sed etiam gloriosam reddam. Vel, ut loquitur Theodoret. Non modo ei omne robur supeditabo, sed & illustrem & admirandam reddam, ut eius gloria per omnem orbem terrarum peruagetur. De hac gloria loquitur Isaias c. 60. 1. Surge, illuminare Ierusalem, quia venit lumen tuum & gloria Domini super te orta est. 2. Quia ecce tenebra operient terram, & caligo populos: super te autem orietur Dominus, & gloria eius in te videbitur. Et ambulabunt gentes in lumine tuo, & reges in splendore ortus tui. et Baruch. cap. 5. 3. Deus ostendet splendorem suum in te, qui sub cælo est: Vel ut Græcus textus habet: Deus ostendet omni terra & nationi, quæ sub cælo est, splendorem tuum.

34. Est autem notanda differentia inter gloriam Synagogæ & ecclesiæ. Nam in Synagoga seu in veteri Testamento non erat alia gloria, quam quòd aliquando appareret vel nubes caliginosa, vel ignis in medio nubis caliginosæ sursum ascendens: idque in signum præsentis diuinæ, vel ad puniendum, vel ad protegendum. Sic enim legimus Exodi 16. 10. Et ecce gloria Domini apparuit in nube. Et capite 24. 15. Operuit nubes montem, & habitauit gloria Domini super Sinai, regens illum nube sex diebus: septimo autem die vocauit eum de medio caliginis. Erat autem species gloria Domini, quasi ignis ardens super verticem montis in conspectu filiorum Israël. Et cap. 40. 32. Operiet nubes sta-

bernaculum testimonij, & gloria Domini implebit illud. Nec poterat Moses ingredi testum fæderis nube operiente omnia, & maiestate Domini coruscante.

35. At in ecclesia multò amplior gloria est. Primò, quia Filius Dei in propria persona apparuit nobis, qui est lux vera, non tantum illuminans aliquam nubem aut montem, sed illuminans omnem hominem venientem in hunc mundum. Ioann. 19. Secundò, quia in natiuitate ipsius, claritas Dei circumfulsit omnes, qui aderant: & Angeli apparuerunt: & audita est vox dicentium: Gloria in altissimis Deo, & in terra pax hominibus bone voluntatis. Lucæ 2. 14. Tertiò, quia post aliquot dies, præter communem rerum ordinem, visa est stella in Oriente, & stupendo miraculo duxit tres Magos ad locum, in quo natus erat Christus, Matth. 2. 2. Quartò, cum idem Christus, in Iordane baptizaretur à Ioanne, aperti sunt ei cæli: & vidit spiritum Dei descendentem sicut columbam, & venientem super se: Et ecce vox de cælis dicens: Hic est Filius meus dilectus, in quo mihi complacui. Matth. 3. 16. Quintò, quando cum Petro, Ioanne & Iacobo ascendit in montem Thabor, transfiguratus est coram ipsis. Et resplenduit facies eius sicut Sol: vestimenta autem eius facta sunt alba, sicut nix. Et ecce apparuerunt illis Moses & Elias cum eo loquentes. Matth. 17. 2. Sextò, in morte Christi, Velum templi scissum est, terra mota est, petra scissa sunt, monumenta aperta & multa corpora sanctorum, qui dormierant surrexerunt: insuper & tenebra factæ super universam terram. Septimò, in die Pentecostes, factus est repente de cælo sonus, tanquam aduenientis Spiritus vehemens, & repleuit totam domum, ubi Apostoli erant sedentes. Et apparuerunt illis dispersa lingua tanquam ignis, sedisque supra singulos eorum: & repleti sunt omnes Spiritu sancto, & coeperunt loqui variis linguis. Act. 2. 2. Octauò, S. Stephanus, cum lapidaretur à Iudæis, Vidit cælos apertos, & Iesum stantem à dextris Dei. Nondò, Saulus in itinere versus Damascum, cælesti luce circumfusus est, & cadens in terram, audiuit vocem dicentem sibi: Saule, Saule, quid me persequeris? Act. 9. 4. Ac postea raptus in tertium cælum, audiuit arcana verba, quæ non licet homini loqui, 2. Corinth. 12. 4. Denique, ut omnia alia præteream, ineffabilis gloria est, quod Christus quotidie in eucharistia nobis appareat, sub aliena quidem specie, sed tamen in propria natura & persona, verus Deus & verus homo. Nihil simile in veteri Testamento.

Tres aliæ promissiones ex nouo Testamento.

36. PRÆTER eas promissiones, quas attuli ex veteri Test. sunt aliæ tres luculentissimæ quæ à Christo in nouo Testamento factæ sunt. Prima habetur Matth. 16. 18. Super hanc petram ædificabo Ecclesiam meam, & porta inferi non preualebunt aduersus eam. Hæc vnica (quam tu more Calvinistico, parui æstimas) meritò sufficeret homini Christiano, etiamsi alia non esset. Est enim planè absoluta, & non pendet à fragili aut caduca aliqua conditione. Itaque de illius euentu dubitare non possumus. Ad ficabo, inquit, Ecclesiam meam, non super arenam mobilem & fluentem, sed super firmam & immobilem petram, quæ nulla tempestate concuti aut loco moueri possit. Et porta inferi non preualebit aduersus eam. Per portas inferi intelligit potentiam diaboli. Itaque sensus est: Nulla diaboli potentia poterit vincere aut superare ecclesiā. Vel, etiamsi diabolus per tyrannos

per hereticos, per schismaticos, omni arte & machinatione oppugnet Ecclesiam, nunquam tamen expugnabit. Hæc est communis expositio interpretum, quam sequitur Augustinus lib. 1. de symbolo ad catechumenos cap. 6.

37. Alij sic explicant: Etiam si tyranni, heretici & schismatici conentur omni ope ac presidio se defendere contra ecclesiam, non tamen poterunt illi resistere. Qui sensus videtur colligi ex ipsa metaphora quæ usus est Christus. Nam portæ urbium solent plerumque muniri & custodiri, ut resistent hosti, sustinendo ipsius impetum ac impressionem: non autem ut vincant hostem, invadendo illum & expugnando. Cum ergo dixit, *Portæ inferi non prevalebunt adversus eam*, videtur idem esse, ac si dixisset: *Portæ inferi non sustinebunt vim & impetum illius*. Quod etiam eventus docet. Nam quotquot hæcenus heretici oppugnaverunt Ecclesiam, ab ipsa victi & damnati sunt. At hoc sensu dixit Isaias cap. 54. 17. *Omni linguam resistentem tibi in iudicio condemnabit*. Vide supra 5. 22.

38. Vtraque expositio bona est. Posterior tamen, quam sequitur Maldonatus, videtur plus tribuere Ecclesie, quam prior. Nam plus est, vincere & debellare hostem, quam non vinci & debellari ab hoste. Plus est Ecclesiam tam esse potentem, ut aduersarii non possint illi resistere, quam esse tam potentem, ut aduersarii non possint illam expugnare. Ad hoc enim sufficit par potentia, ad illud requiritur maior & efficacior. Igitur iuxta hanc expositionem, promissio Christi continet duas partes. Una est, *E* edificabo ecclesiam super petram, ut non corrumpatur, non vincatur, non expugnetur. Altera: Ecclesia non solum non vincetur, non expugnabitur, sed etiam vincet & expugnabit super aduersarios: Vel aduersarii non poterunt sustinere vim & impetum Ecclesie oppugnantis.

39. Secunda promissio habetur Mat. 28. 19. *Euntes ergo docete omnes gentes: baptizantes eos in nomine Patris, & Filij, & Spiritus sancti: docentes eos servare omnia quaecunque mandavi vobis: Et ecce ego vobiscum sum omnibus diebus usque ad consummationem sæculi*. Quasi dicat, *E*go mitto vos in universum orbem, ut apud ethnicos prædicetis evangelium & sacramenta administretis. Occurrent quidem multa pericula & aduersitates, quia diabolus, qui ubique habet suos cultores & idololâtras, crudelissime vos persequetur: Sed fortis estote animo: ego non derelinquam vos: adero vobis & successoribus vestris in omni necessitate usque ad finem mundi. Ego, inquam, adero, qui nuper dixi: *Nondum relinquam vos orphanos* (Joan. 14. 18.) *Ego qui dixi, Confidite, ego vici mundum*. (Joan. 16. 33.) *Ego, contra quem princeps huius mundi non habet quicquam*, (Joan. 14. 30.) *Ego cui Pater promisit, Ponam inimicos tuos scabellum pedum tuorum*. (Psalm. 109. 21.) *Ego ille ipse, qui Ieremias dixi, Ne timeas à facie eorum, quia tecum ego sum, ut eruant te*. (Ierem. 1. 8.) *Ego denique, qui ezechiel dicit, Ecce dedi faciem tuam valentioris faciebus eorum, & frontem tuam durioris frontibus eorum. Ut adimantem & filicem dedi faciem ne timeas eos*. (Ezech. 3. 8.) Sicut his duobus Prophetis adfui ad breue tempus, ita vobis adero omnibus diebus usque ad consummationem sæculi.

40. De hac promissione scribit S. Prosper lib. 2. de vocatione gentium cap. 2. his verbis: *Ego vobiscum sum omnibus diebus usque ad consummationem sæculi, id est, Cum sicut ones introieritis in medium lapidum, nolite de vestra infirmitate trepidare, sed de mea potestate confidite, qui vos usque ad consummationem sæculi in omni hoc opere non derelinquam: non ad hoc, ut nihil patiamini, sed quod multo maius est, præstipimus, ut nulla*
Opusc. Bec.

A scientiam crudelitatis superemini. In mea enim potestati prædicabitur, & per me fiet, ut inter contradicentes, inter furentes, Abrahæ filij de lapidibus suscitentur. Ego infirmabo, quod docui, ego faciam quod promisi.

41. Et eleganter Gennadius Scholarius in oratione de azymo, sect. 9. Christus dicit: *nunquam suam errantem Ecclesiam, quia se semper cum ea mansurum pollicitus est*. Si ergo verus est Christus, & promissionem suam veram esse oportet. Ita enim dixit: *Ego vobiscum sum omnibus diebus usque ad consummationem sæculi*. Nosque ita credimus, eum cum Ecclesia sua semper esse permansurum, nec eam derelicturum unquam. Si vero secundum vos, cum ea se semper mansurum pollicitus est, sed dereliquit illam, & errare permisit, ex necessitate mendax est. Si vero mendax, Deus non est. Videte in quam absurditatem incidistis, Christum vocando mendacem. Nam hoc omnem iniquitatem & blasphemiam superat.

42. Tertia promissio habetur Lucæ 22. 31. *Autem Dominus: Simon, Simon, Ecce Satanas expetivit vos, ut cribraret sicut triticum: Ego autem rogamus pro te, ut non deficiat fides tua. Hic Christus alloquitur Petrum, tamquam caput ecclesie, & in Petro omnes successores illius. et prioribus quidem verbis ostendit periculum, quod à diabolo imminerebat Petro & Ecclesie, posterioribus ostendit remedium. Primum igitur dicit, diabolum omni conatu moliri & moliturum esse, ut nocuat ecclesie. Mox addit, se sua oratione protegere & protecturum esse Ecclesiam, ne superetur à diabolo.*

43. Sic explicat Lucius I. Papa & Martyr in epistola ad Episcopos Gallie & Hispanie, cum ait: *Ecclesia Romana Apostolica est: & mater omnium Ecclesiarum, quæ à iustis Apostolica traditionis nunquam errasse præbatur, nec hereticis novitatibus depravata succubuit, secundum ipsius Domini pollicitationem dicens: Ego rogamus pro te, ut non deficiat fides tua*.

Similia habet Agatho Papa in epistola ad Constantinum Imperatorem, quæ approbata est in sexta Synodo generali, Act. 8. Et Nicolaus primus in epistola ad Michaelem, & Divus Bernardus in epistola 190. ad Innocentium, & plures alij.

44. Habes in Georgi. varias promissiones in veteri ac novo Testamento Ecclesie factas: quarum summa hæc est. Primum, Ecclesia erit fecundior, quam Synagoga: *Multis filiis deserti magis, quam eius, quæ habet virum*. Secundo, erit amplior: *Dilatata locum tentorii tui, ad dextram enim & laevam penetrabis*. Tercio, erit stabilis & perpetua: *Non confunderis neque erubescies: in misericordia sempiterna miseris sum tui*. Quarto, erit inexpugnabilis: *Portæ inferi non prevalebunt adversus eam*. Quinto, erit victrix, & debellatrix suorum hostium: *Omni linguam resistentem tibi in iudicio, condemnabit*.

45. Neque pendent hæc promissiones ab aliqua conditione ex parte nostri, sed absolutæ sunt, & in Dei bonitate ac tutela fundatæ. Ego, inquit, *er cum vobis usque in circuitum*. Item, *Ego vobiscum sum omnibus diebus usque ad consummationem sæculi*. Item, *Ego rogamus pro te, ut non deficiat fides tua*. Denique, *Qui tetigeris vos, tangit pupillam oculi mei*. Nec modo absolutæ, sed etiam iuramento confirmatæ. Sicut, inquit, olim iureiurando promisi. *Noc quod non amplius vellem dissipare terram diluvio ita iureiurando promitto ecclesie, quod non velim illi irasci*. Nihil addam. Solum cupio te advertere in quo errore hæcenus versatus sis.

QUESTIO III.

An Synagoga fuerit Deo coniunctior, quam sit Ecclesia.

46. *I*dem quidem astruit hoc argumento: *Filia est coniunctior patri, quam sponsa suo sponso*:
M m m ij

At Synagoga fuit filia Dei; ecclesia sponsa illius est: A Ergo Synagoga fuit illi coniunctior, quam Ecclesia. Maiorem probas, quia filia, quantumvis peccet, semper manet filia. At sponsalia inter sponsum & sponsam dissolui possunt. Minorem non aliunde confirmas, quam ex illo Zach. 2. 10. *Lauda & laetare filia Sion.*

47. Vis dicam quod sentio? Saepe hic peccas. Primo, quia non distinguis inter filiam naturalem & adoptivam. Synagoga, si fuit filia Dei, non fuit nisi adoptiva. At filia adoptiva, si peccet, potest priuari iure adoptionis. Nunquid non Iudas fuit filius Dei adoptivus, cum eligeretur in Apostolum? Nemo dubitat. An per crimen proditoris desit esse quod erat.

48. Deinde ex eo, quod scriptum est apud Prophetam: *Lauda & laetare filia Sion*, non recte probas Synagoga fuisse filiam Dei. Primo, quia Propheta per filiam Sion non intelligit Synagogam, sed Ecclesiam, ut supra ostendi. Secundo, etiam si intelligeret Synagogam, nihil aliud inde colligi posset, quam Synagogam fuisse filiam Sion. At esse filiam Sion, non est idem, quod esse filiam Dei. Si hoc nescis, breviter explicabo. huc vocula, *Filia Sion*, tribus modis accipitur in Scriptura. Primo, pro urbe Ierusalem, quae ideo vocata fuit filia Sion, quia erat sub tutela & protectione montis Sion. Sic accipitur Isaia 1. 8. *Derelinquetur filia Sion, ut umbraculum in vinea, & sicut civitas, quae vastatur.* Et Thren. 2. 8. *Cogitavit Dominus dissipare murum filiae Sion.* Et alibi saepius. Secundo, pro feminis habitantibus in urbe Ierusalem. Sic accipitur Isaia 3. 16. *Pro eo, quod elevarunt filiae Sion, & ambulaverunt extenso collo, & nutibus oculorum ibant, & plaudebant, ambulabant pedibus suis, & composito gradu incedebant, decalabunt Dominus verticem filiarum Sion.* Tercio, pro ecclesia Christi. Sic accipitur apud Zachariam loco citato. Et ratio est, quia filia Sion significat urbem Ierusalem, iuxta primam acceptionem. At Ecclesia mystice designatur per urbem Ierusalem, ut 5. 30. explicatum est: ergo etiam per filiam Sion. Nihil ergo praesidij habes ex Zacharia, ut iam vides.

49. Postremo peccas, quia dum attendis ad ea, quae Calviniani professores tibi obtrudunt, negligis ea, quae in sacris literis de Ecclesia & Synagoga scripta sunt. Quae ista? Ut multa alia omittam, accipe hae paucas. Primo, Apostolus comparat Synagogam cum ancilla, Ecclesiam cum Domina: illam cum Agar, quae fuit repudiata; hanc cum Sara, quae fuit uxor Abraham. (Ad Galat. 4.) Ex quo sequitur, quanto dignior est conditio Dominae, quam ancillae, tanto digniorem esse ecclesiam quam Synagogam.

50. Deinde Christus, qui est sponsus Ecclesiae, sic illam alloquitur in Cantico Canticorum, cap. 1. ver. 7. *O pulcherrima inter mulieres, egredere.* Et ibidem v. 14. *Eccce tu pulchra es amica mea, ecce tu pulchra es, oculi tui columbini.* Et cap. 2. v. 2. *Sicut lilium inter spinas, sic amica mea inter filias.* Et c. 4. v. 7. *Tu pulchra es amica mea, & macula non est in te. Veni de Libano sponsa mea: coronaberis de capite Amanae, &c. Vulnerasti cor meum soror mea sponsa, &c.* Et cap. 5. v. 1. *Veni in hortum meum soror mea sponsa.* Et cap. 6. v. 3. *Pulchra es amica mea, suavis & decora.* Eccl. 8. *Vna est columba mea, perfecta mea, una est matris suae, electa genitricis suae. Viderunt eam filiae, & beatissimam, prae dicantque regi, & laudaverunt eam. Quae est ista, quae progreditur, quasi aurora consurgens, pulchra ut Luna, electa ut Sol, terribilis ut castrorum acies ordinata?*

51. Vbi vquam legisti similia de Synagoga? Hae potius de illa legisti, Jerem. 2. 20. *In omni colle sublimi, & sub omni ligno fructuoso tu prosternebaris meretrix. Et paulo post: Si laueris te nitro, & multiplicaveris tibi herbas hyssopum, maculata es in iniquitate tua coram me, dicit*

Dominus tuus. Et cap. 3. v. 1. *Tu fornicata es cum amatoribus multis.* Et ibidem: *Leva oculos tuos in directum, & vide, ubi non prostrata sis. In viis sedebas, expectans eam, quasi latro in salitudine: & polluisti terram in fornicationibus tuis, & in malitiis tuis, &c. Frangit mulieris meretricis facta est tibi: nolueris erubescere.* Et cap. 5. v. 11. *Pravagatione pravagationis est in me domus Israel, & domus Iuda, ait Dominus. Et Osee 2. 2. Ipsa non uxor mea, & ego non vir eius. Auferat fornicationes suas a facie sua, & adulteria sua de medio uberum suorum, ne forte expoliam eam nudam, & statuum eam secundum diem nativitatis suae. Et alibi plura.*

52. Hae confer cum iis, quae Ecclesiae dicta sunt, & facile intelliges, Ecclesiam Deo coniunctiorem esse quam fuerit Synagoga. An non Domina coniunctior est, quam ancilla? An non sponsa quam adultera? An non decora, quam fornicaria? An non pulchra, quam maculata? An non coronata, quam spoliata? An non amica, quam pravagationis? Et quid opus est pluribus? Ipsi sponsus & sponsa testantur mutuum suum amorem, quo arctissime inter se coniuncti sunt. Sic loquitur sponsus: *Vulnerasti cor meum soror mea sponsa, vulnerasti cor meum in uno oculorum tuorum & in uno crine collisui, &c.* Et sic sponsa vicissim: *Fulex in floribus, & stipite me malis, quia amore langueo.*

COMMENTARIUS.

53. **A**Tque hae hactenus mi D. Georgi. Quae velum eo candore accipias, quod a me scripta sunt. et tu ipse iam vide, quam infirmum ac debile sit argumentum, quo hactenus a Calvinianis Professoribus persuasus es, ecclesiam Christi errare ac deficere posse. Repetam id, si non tuis verbis, saltem tuo sensu. Est autem hoc.

54. Synagoga habuit tres prerogativas praeecclesia, quia & magis commendata est in Scripturis, & excellentiores habuit promissiones, & arctius cum Deo fuit coniuncta. At, non obstantibus his prerogativis, potuit errare ac deficere, & re ipsa erravit ac defecit: ergo multo magis Ecclesia, quae has prerogativas non habet, potuit errare ac deficere.

55. Sic tu, vel tui potius Calvinistae. (Quamquam non amplius tui, si Catholicus es, ut te esse dicis.) At iam ostendi omnes illas prerogativas esse mera figmenta: Et Ecclesiam multis patribus Synagogae praefereendam esse. Quod si ita est, ruit fundamentum, quo tota argumentatio tua nixa est. Vale, & Deum pro me ora. Vienna Austriae ex collegio Societatis Iesu, anno 1615. mense Februario.

Tuus ex animo

Martinus Becanus Societatis Iesu Theologus.

Appendix.

NE haeceat in iis, quae dicta sunt, mi D. Georgi, distinguenda sunt hae tres propositiones. Prima: Synagoga abrogata est, Ecclesia non abrogabitur. Hae verissima est. Altera: Totam Synagogam, an equam abrogaretur, erravit in fide: Totam Ecclesiam nunquam erravit in fide. Prior pars falsa, posterior vera est. Tertia, Etiam si tota Synagoga errasset in fide, non ideo consequens est, totam Ecclesiam errasse aut erraturam in fide. et hae verissima.

OPUSCULUM QUINTUM AD ILLUSTREM VIRVM

DE ORATIONE PRO DEFUNCTIS EPISTOLA.



Non ita pridem, illustris A
Domine, ab autore Calui-
niano schedam mihi obtuli-
sti, in qua ille solido, ut pu-
tabat, argumento conatus
est orationem pro defunctis,
quam Catholici antiquo
more usurpant, penitus la-
befactare & refellere. Quis

author ille sit, nolim curiose perscrutari, praesertim
cum nec mea magnopere intersit; nec ad rem, de qua
agitur, disentiendam necessarium. Hoc unum ex te
audire memini, esse hominem dignitate illustrem, &
opinionis virtutis ac doctrinae apud Calvinistas cele-
berrimum. Porro argumentum, quo utebatur, est
huiusmodi:

Quidquid non est ex fide, est peccatum.

Orare pro mortuis non est ex fide:

Ergo est peccatum.

Probatio minoris.

Quidquid sit cum dubitatione, vel hesitatione
aliqua, non est ex fide:

Orare pro mortuis, sit cum dubitatione vel hesi-
tatione aliqua:

Ergo non est ex fide.

Huius syllogismi maior probatur, quia fides est hy-
pothesis rerum sperandarum. Si hypothesis, non ad-
mittit hesitationem.

Minor probatur, quia qui orant pro mortuis, igno-
rant statum mortuorum, id est, utrum mortui sint ex
numero saluorum vel damnatorum, pro quibus nul-
lis opus orationibus; an vero ex his, qui purgationis
poenis ad tempus addicuntur pro quibus forsan lo-
cum haberent, aut habere possunt prores pro illorum
liberatione conceptae.

2. De hoc argumento (quod totidem verbis ab au-
thore propositum est) quid equidem sentirem, ami-
ce ac familiariter sciscitatus es. Dixi tunc breuiter, D
quod occorrebat. Nunc, quia aliquid otij a prelo ho-
nibus Academicis natus sum, paulo fufius rem expli-
cabo. Non quod necesse sit, te hominem Catholicum,
& in similibus controuersis probe versatum, a me in-
strui, sed quia mei officij est, honeste amicorum po-
stulationi morem gerere. Igitur de toto negotio sic
sentio: 1. Bonum ac utile esse, orare pro defunctis. 2.
Argumentum, quod in contrarium adfertur, nisi tribus
principiis, quorum primum infirmum est: reliqua
aperte falsa. 3. idem argumentum in aduersarium re-
torqueri posse. Hec tria, eo ordine quo proposita
sunt, sigillatim demonstrabo.

Bonum ac utile est orare pro defunctis.

3. PRimo igitur, quod bonum ac utile est orare pro
defunctis, dupliciter probari potest. 1. Ex Scri-
ptura. 2. ex comuni praxi & iudicio primitiuae ec-
clesiae. Ex Scriptura habemus luculentum testimo-
nium, lib. 2. Machab. cap. 12. v. 43. vbi Iudas Ma-
chabeus iussit offerri sacrificium pro defunctis. Et
factum eius ibidem approbatur his verbis: *Sancta ergo
& salubris est cogitatio pro defunctis exorare, ut a peccatis
solvantur.* Quod autem libri Machabaeorum sint ve-
re sacri & canonici, testatur Gelasius Papa in Con-
cilio Romano (ut habetur Tom. 2. Conciliorum).
Augustinus lib. 2. de doctrina Christiana cap. 8. In-
nocentius Primus epist. 3. ad exuperium cap. 7. &
plerique alij. Nec obstat, quod in Hebraeorum Ca-
nonem relati non sint. Nam Canon iste, tempore
scriptae consignatus est, cum libri Machabaeorum non
dum extarent. Non igitur in illum Canonem referri
poterant.

4. De communi praxi & iudicio primitiuae ecclesiae
scribit Augustinus in libro de cura pro mortuis geren-
da, capite 1. his verbis: *In Machabaeorum libris legi-
mus, oblatum pro mortuis sacrificium. Sed, etsi nusquam in
Scripturis veteribus legeretur, non parua tamen est vniuersae
Ecclesiae, quae in hac consuetudine claret, auctoritas: ubi pre-
cibus Sacerdotis, quae Domino Deo ad eius altare funduntur,
locum suum habet etiam commendatio mortuorum.* Et cap.
4. *Non sunt permittenda supplicationes pro spiritibus mor-
tuum, quas faciendas pro omnibus in Christiana & Ca-
tholica societate defunctis suscepit Ecclesia.*

5. Porro, quantum manenti in hoc puncto sit vniuer-
sa ecclesiae auctoritas, ex eo generatim constare po-
test, quod ecclesia in rebus ad fidem & salutem pec-
tinentibus, errare non possit. Est enim firmamentum &
columna veritatis: contra quam portae inferi nunquam
preualebunt. Speciatim vero ex alio triplici capite.
PRimo, quia ecclesia in hoc puncto sequitur exem-
plum Iudae Machabaei, quod a Scriptura approbatum
est, ut paulo ante ostendi. Secundo, sequitur do-
ctrinam & institutionem Apostolorum, ut testatur
Chrysostomus homilia 69. ad populum: *Non temere,
inquit, ab Apostolis haec sancita fuerunt, ut in commendis
mysteriis defunctorum agatur commemoratio.* Et ante illum
Tertullianus in libro de corona militis. Tercio, quia
haeretici olim haberi sunt, qui in hoc puncto ab Ec-
clesia dissentiebant.

M m m

et ecclesia dissentiebant, ut patet ex Augustino libro de heresibus cap. 53. ubi sic scribit: *Aeriani ab Aerio quondam sicut nominati, qui cum esset presbyter, doluisse ferunt, quod Episcopus non potuit ordinari: & in Arianorum heresim lapsus, propria quoque dogmata addidisse nonnulla, docens, orare vel offerre pro mortuis oblationem non oportere.* De quo plura vide apud Epiphanium heresi 75.

Argumentum, quod contra adfertur, nititur infirmis & falsis principiis.

6. **A**rgumentum, quo aduersarius usus est, nititur his tribus principiis. Vno quod illud Apostoli Romanorum 14. v. 23. *Omne quod non est ex fide, peccatum est*: intelligendum sit de ea fide, quam idem Apostolus Hebræorum 11. vers. 1. dicit esse *hypostasim seu substantiam rerum sperandarum, argumentum non apparetur*. Altero, quod hæc fides excludat omnem dubitationem & ignorantiam, etiam illam, qua quis ignorat statum illius, pro quo orat: adeo ut is non censeatur orare ex fide, sed contra fidem, qui dubitat aut ignorat, in quo statu alter sit, pro quo orat. Tertio, quod generatim loquendo, quicumque orat pro defunctis, ignoret statum, in quo sunt.

7. At primum principium, vel falsum, vel certe infirmum est. Nam plerique Scripturæ Interpretes aperte docent, fidem, de qua Apostolus loquitur, non sumi pro hypostasi rerum sperandarum (quod tamen ut certum & indubitatum supponit author Calumnianus) sed potius pro persuasionem seu dictamine conscientie quo quis iudicat, hoc vel illud sibi licitum esse, aut prohibitum. Itaque hunc esse sensum Apostoli: Tunc hominem peccare, quando agit contra dictamen vel persuasionem propriæ conscientie. Quidquid enim sic reclamante & renitente conscientia, siue alias ex se bonum, siue malum sit, peccatum est. Atque ita sentiunt Chrysostomus, Ambrosius, Theodoretus, Theophylactus, Oecumenius, & alij in Commentario illius loci. Et præterea Innocentius Papa capite finali, de præscriptionibus. Item ex recentioribus, non modo Catholici, sed etiam Calumnianus ipse: *Ad erro, inquit, prævaricationis arguitur, qui contra testimonium conscientie pergit.*

8. Et hunc esse legitimum sensum Apostoli patet ex decursu totius capitis. Instruit enim novos Christianos (qui partim ex Iudæis, partim ex gentilibus conuersi erant ad Christum) quomodo deberent se gerere in via ciborum. Iudæi putabant legem Mosaicam de ciborum discrimine adhuc seruandam esse: ac proinde abstinere ab iis cibis, qui secundum legem Mosaicam erant immundi & prohibiti. Gentiles vero nullum faciebant discrimen inter cibos, sed promiscue omnibus utebantur. Hic oriebatur contentio inter illos. Nam Iudæi indicabant Gentiles male agere, quod à certis cibis non abstinere. Et vicissim Gentiles indicabant Iudæos supersticiosos esse, quod abstinere. Utrosque arguit & instruit Apostolus in toto capite. Ac primum sic ait: *Is, qui manducat, non manducantem non spernat. & qui non manducat, manducantem non iudicat.* Deum enim illum assumpsit, quasi dicat. Gentilis, qui manducat cibos lege prohibitos non spernat Iudæum abstinentem ab eiusmodi cibis. Et Iudæus, qui abstinet, non iudicat Gentilem male agere, si non abstinat. *Unusquisque in suo sensu abundet, id est, cum ista res de ciborum discrimine sit indifferens (ipostando præcisè legem Mosaicam, quæ tunc erat abrogata) quisque sentiat & faciat, quod sibi*

videtur. Iudæus abstinat, Gentilis manducet, si vult. Neuter tamen alterum iudicet, quasi male agat. *Non qui manducat, Domino non manducat, & gratias agit Deo.* Ostendit neutrum male agere, ac proinde neutrum temere iudicandum esse. Nam Gentilis, qui manducat cibos legem Mosaicam prohibitos, ad Dei gloriam manducat: Et Iudæus qui abstinet, ad Dei gloriam abstinet. Uterque enim gratias agit Deo: ille, quia promiscue vitat omnibus: hic, quia vescitur licitis. De lege Mosaicam concessis. *Non ergo amplius inimicem iudicemus, sed hoc iudicare magis, ne ponatis offendiculum fratri vel scandalum, id est: Quandoquidem ostendi utrumque bene agere, & Iudæum abstinendo, & Gentilem manducando cum gratiarum actione, non amplius debet alter alterum iudicare, quasi male agat.* Hoc tamen cauendum est, ne alter alterum in hac parte offendant, aut scandalizet. Scio & confido in Domino Iesum, quia nihil commune per ipsum, nisi ei, qui existimat quid commune esse, illi commune est. Vbi commune idem est quod immundum, seu lege Mosaicam prohibitum, ut patet ex alio loco, Actor. 10. 14. *Nunquam manducaui omne commune & immundum.* Est ergo sensus: Scio legem Mosaicam, quæ ponit discrimen inter cibos mundos & immundos à Christo abrogatam esse, ac proinde nullam escam apud Christianos immundam esse vi legis Mosaicæ, nisi ei, qui ex erronea conscientia iudicat immundam esse, eo quod putet legem Mosaicam ex ea parte adhuc obligare. De quo infra subdit: *Qui autem discernit, si manducauerit, damnatus est; qui non ex fide. Omnis autem, quod non est ex fide, peccatum est, quasi dicat, Qui discernit inter cibos mundos & immundos, existimans non licere manducare immundos, si nihil minus manducat, proprio iudicio damnatus est, quia facit contra persuasionem seu dictamen propriæ conscientie. Quidquid autem sit contra dictamen propriæ conscientie, peccatum est.*

9. Ex quo discursu manifestè colligimus, Apostolum non loqui de ea fide, quæ est substantia rerum sperandarum, & à qua propriè fideles nominantur sed de ea, quæ consistit in persuasionem conscientie circa honestatem vel turpitudinem facti. Est autem magnum discrimen inter utramque fidem. Nam prior versatur circa mysteria à Deo reuelata: posterior circa res licite faciendas aut non faciendas. Prior credimus vera esse, quæ à Deo reuelata sunt: posterior iudicamus, licite aliquid fieri vel non fieri posse. Prior excludit omnem errorem circa suum obiectum: posterior potest esse cum errore. Nam qui credit vera esse, quæ à Deo reuelata sunt, non errat. At qui iudicat hoc licitum, illud prohibitum esse, potest errare, & sæpe errat. De priori loquitur Apostolus Hebr. 11. 6. *Sine fide impossibile est placere Deo.* Et Rom. 3. 28. *Arbitramur hominem iustificari per fidem.* De posteriori intelligenda est Regula iuris in 6. *Posseffor male fidei non præscribit.* Et axioma iureconsultorum, *Ad præscrip. tionem requiritur bona fides:* ut interpretatur Innocentius in Magnò Concilio Lateranensi, cum ait, *Quoniam omne, quod non est ex fide, peccatum est, synodali iudicio desinimus, ut nulla valeat absque bona fide præscriptio, tam canonica quam civilis; cum generaliter sit omni constitutioni, & consuetudini derogatio, quæ absque mortali peccato non potest observari. Unde oportet, ut qui præscribit, in nulla temporis parte habeat rei alienæ conscientiam.* Quæ verba referuntur in iure canonico cap. finali, de præscriptionibus.

10. Ex dictis formis tale argumentum. Apostolus Roman. 14. agit de Iudæis & Gentilibus ad Christum conuersis, qui habebant contrarias persuasiones, non circa mysteria fidei à Deo reuelata, sed circa cibos, licite manducandos, vel non manducandos. Iudæi

putabant aliquos illicitos & immundos esse: Gentiles, nullos esse illicitos aut immundos. Neutri tamen ex parte erant culpandi: quia persuasio illorum, licet esset contraria, erat tamen de re (saltem eo tempore) indifferente. At si fuisset contraria persuasio circa mysteria fidei à Deo reuelata, non fuisset de re indifferente, nec utrique fuissent sine culpa. Non enim licet de mysteriis à Deo reuelatis habere contrarias persuasiones: nec ibi locum habet quod dicit Apostolus: *Unusquisque in suo sensu abundet.*

11. Hæc sufficiant de primo principio. Ex quo si aduersarius velit aliquid concludere, formandus erit hic syllogismus: Quicumque facit aliquid contra dictamen propriæ conscientiæ, peccat: At Catholici, dum orant pro defunctis, faciunt aliquid contra dictamen propriæ conscientiæ; Ergo peccant. In quo syllogismo maior vera est, sed minor falsa. Non enim Catholici iudicant in conscientia illicitum esse orare pro defunctis, sed licitum & laudabile. Non ergo orant contra dictamen suæ conscientiæ; sed ex dictamine suæ conscientiæ.

Alterum principium discutitur.

12. **A**lterum principium aduersarij est, fidem Christianam, quæ est hypostasis rerum sperandarum, excludere omnem penitus dubitationem, etiam illam, qua quis ignorat statum illius, pro quo orat. Hoc aperte falsum est. Solum excludit dubitationem circa proprium obiectum, id est, circa articulos à Deo reuelatos, qui per fidem creduntur. Nam de illorum veritate non licet dubitare. At de aliis rebus, quæ à Deo reuelatæ non sunt, salua fide, dubitari potest, verbi gratia; non licet dubitare de Trinitate personarum in Deo, de morte & passione Christi, de eiusdem resurrectione & ascensione ad cælos, de missione Spiritus sancti, de futura mortuorum resurrectione: quia hæc omnia à Deo reuelata sunt. Potest tamen aliquis, salua fide, dubitare, an personæ diuinæ, præter tres subsistentias relativas, habeant aliquam subsistentiam absolutam? an Christo in sua passione dextrum, an sinistrum latus fuerit lancea perforatum? an Christum ad cælos ascendentem comitati sint Adam & Eua? an Spiritus sanctus æqualiter datus sit omnibus, quibus in Pentecoste datus est? an omnes mortui resurrecturi sint in eadem corporis quantitate? Nam hæc & similia, speciatim à Deo reuelata non sunt.

13. Idem dico in nostro casu. Nam qui orat pro se, vel pro alio, non debet dubitare de iis, quæ sub fidem cadunt: potest tamen dubitare de aliis quæ sub fidem non cadunt: verbi gratia. Non debet dubitare de his duobus. Primò quod Deus promiserit se exauditurum nostras orationes, si debito modo ab eo aliquid petamus, & aliunde nihil obstat. Secundò, quod Deus sit verax & fidelis in promissis. Nam utrumque cadit sub fidem: utrumque à Deo reuelatum est. Prius quidem Ioan. 16. 23. *Amen amen dico vobis, si quid petieritis Patrem in nomine meo, dabit vobis.* Posterius verò Hebr. 10. 24. *Fidelis est, qui re promissit.* Igitur, qui orat Deum, de neutro debet dubitare, iuxta illud Iacobi cap. 1. vers. 5. *Si quis vestrum indiget sapientia, postulet à Deo, qui dat omnibus assuenter, & non improperat: & dabitur. Postulet autem in fide, nihil habetans. Qui enim habet, similis est fluctui maris, qui à vento mouetur & circumfertur. Non ergo aestimet homo ille, quod accipiat aliquid à Domino.*

14. Potest tamen, qui orat, salua fide dubitare de his tribus. Primò, an impetraturus sit, quod petit pro se. Secundò, an impetraturus sit, quod petit pro altero. Tertiò, in quo statu sit alter, pro quo aliquid petit. Nam hæc tria non sunt speciatim à Deo reuelata, ut ostendam de singulis.

15. Ac primò, qui orat, salua fide dubitare potest, an sit impetraturus, quod petit pro se. Quamuis enim certa ac infallibilis sit hæc Dei promissio, *Si quid petieritis Patrem in nomine meo, dabit vobis*: non tamen est absoluta sed conditionata: Debet enim intelligi cum hac duplici conditione. Vna, *Dabitur vobis, si pie & perseueranter petieritis.* (Luc. 11. 8. & cap. 18. 5.) Altera, *Dabitur vobis, si expediat.* At nos sæpe dubitamus, an expediat, necne. Et reuera sæpe non expedit, quando putamus expedire. Habemus clarum exemplum in Apostolo Paulo, qui ter Dominum rogauit, ut auferretur ab eo stimulus carnis. Et sine dubio putabat expedire, ut id fieret. Et tamen non expedit: ideoque quod petiuit, non impetrauit. Sic enim de seipso testatur 2. Corinth. 12. 7. *Ne magnitudo reuelationum extollas me, datus est mihi stimulus carnis meæ, Angelus Satana, qui me colaphizat. Propter quod ter Dominum rogavi, ut discederes à me. Et dixit mihi: Sufficit tibi gratia mea: nam virtus in infirmitate perficitur. Vnde Augustinus tractatu 7. in Ioannem: Noui Deus, quid nobis expediat. Id agamus tantum, ut cor nostrum sanum sit à peccatis. Et quando flagellamur forte in corpore, ipsum deprecemur. Rogauit cum Paulus Apostolus, ut auferret ab eo stimulus carnis, & noluit auferre. Nunquid perturbatus est? & nunquid contristatus dixit se desertum? Magis dixit, se non desertum quia non ablatum est, quod volebat auferri, ut illa infirmitas sanaretur.*

19. Secundò, potest quis salua fide dubitare, an impetraturus sit, quod petit pro alio: idque ex duplici caute. Primò, quia Deus non promissit se exauditurum orationes nostras, quas fundimus pro aliis, sed quas fundimus pro nobis ipsis, ut passim docet Theologi cum Augustino tractat. 102. in Ioan. ubi explicans illam Christi promissionem: *Si quid petieritis Patrem in nomine meo dabit vobis, ut ea beneficia significata sciatur his verbis, quæ ad eos, qui petunt, proprie per inuunt. Exaudiuntur quippe omnes Sancti pro seipsis, non autem pro omnibus exaudiuntur vel amicis, vel inimicis suis, vel quibuslibet aliis: quia non vnicuique dictum est, Dabit, sed, Dabit vobis.*

Secundò, quia sæpe fit, ut alius, pro quo aliquid petimus, indignus sit propter sua flagitia, ut notat D. Thomas in 2. 2. q. 83. art. 7. ad 2. his verbis: *Contingit quandoque, quod oratio pro alio facta non impetrat, etiam si fiat pie & perseueranter propter impedimentum, quod est ex parte eius pro quo oratur.* Et hoc dupliciter confirmari potest. Primò, testimonio Dei qui apud Ieremiam cap. 7. vers. 16. ait: *Tu ergo noli orare pro populo hoc, quia non exaudiam te.* Causam addit: *quia libant Diis alienis, & ad iram undiam me prouocant.* Et cap. 15. v. 1. *Si steterit Moyses & Samuel coram me, non est anima mea ad populum istum.* Secundò, exemplo Christi & Stephani protomartyris. Nam Christus orauit pro omnibus crucifigentibus se, Lucæ 23. v. 34. *Pater dimitte illis: non enim sciunt, quid faciunt.* Et similiter Stephanus pro omnibus lapidantibus se, Act. 7. 59. *Domine, ne statuas illis hoc peccatum.* Et tamen neuter pro omnibus impetrauit quia propter superbiam & duritiam cordis non erant digni.

17. Tertiò, potest quis salua fide dubitare de statu alterius, pro quo orat. Potest enim dubitare, dignus an indignus sit: iustus an impius: prædestinatus an reprobus: viuus an mortuus: in cælo an apud inferos. Et sic deinceps. Hæc enim sub fidem non cadunt. Certe Stephanus, cum oraret pro lapidantibus, non

sciebat in quo statu quisque illorum esset: an scilicet A ex eorum numero, quibus ad salutem profutura esset oratio sicut profuit Saulo: an ex aliorum numero, quibus profutura non esset, cuiusmodi erant plerique Pharisei. Et tamen pro omnibus, sine exceptione, oravit: *Nescitis illis hoc peccatum.* An ideo oratio eius non fuit ex fide? Absit. Similiter Apostolus Paulus, dum Romæ esset in vinculis, scribebat ephe-siis & Colossensibus, ut instanter & omni tempore pro ipso orarent (Ephes. 6. 19. & Coloss. 4. 3.) Nec dubium est, quin id fecerint. Et tamen, dum postea, elapso temporis interuallo, pro absente orarent, merito poterant dubitare in quo statu ipse tunc esset: an adhuc Romæ teneretur in vinculis, an capite iam plexus, an aliò ablegatus esset. An ideo non orabant ex fide? Et quid opus est antiquis exemplis? Hoc ip- B so tempore, non modo Catholici, sed etiam Lutherani & Calvinistæ, frequenter orant pro absentibus ægrotis: Et dum orant, sæpe nesciunt, viui an mor-tui sint, pro quibus orant. Nec ideo putant se pec- care, quasi non orent ex fide.

Tertium principium discutitur.

18. **T**ertium aduersarij principium est, eos, qui orant pro defunctis, ignorare illorum statum. Quod etiam falsum est, si absolute & sine limitatione asseratur. Nam duobus modis potest aliquis orare pro defunctis. Primò generatim pro iis omnibus, qui sunt in Purgatorio, quicunque tandem illi sint. Et sic non ignorat statum eorum pro quibus orat. Imò me- lius perspectum habet, quàm statum aliorum, qui nobiscum viuunt. Nam de illis, qui in purgatorio sunt, determinatè hæc nouit. Primò, quod habeant fidem, spem, charitatem; & consequenter, quod sint in statu gratiæ. Secundò, quod certò futuri sint hæredes vitæ æternæ. Tertiò, quod antequam adeant hæreditatem vitæ æternæ, debeant prius aliquid sus- tinere ac pati. Quartò, quod per nostras preces & suffragia iuuari possint, ut citius ab illa pœna liberen- tur. At de illis, qui adhuc degunt in hac vita, tam multa in hoc genere non nouit. Si ergo, salua fide, potest orare pro degentibus in hac vita, quorum sta- tum ignorat; multò magis pro degentibus in Purga- torio, de quorum statu non dubitat.

19. Secundò, potest speciatim orare pro aut illo defuncto in particulari, ut v. g. pro patre aut matre. Et sic, ut plurimum, verum est, quod ignoret statum illius pro quo orat. Non enim certò scit, an pater, pro quo orat sit in Purgatorio, an alibi. Nec ideo ta- men, aut malè, aut frustra orat. Non malè, quia non requiritur in orante, ut sciat statum illius pro quo orat, ut iam ostensum est. Potest enim orare cum hac con- ditione: Offero tibi Domine has preces pro parente meo defuncto, si indiget. Nec frustra, quia etiam si nihil impetret ei, pro quo orat (quod sæpe fit) non ideo vacua & infructuosa est oratio. Prodest enim ipsi oranti, iuxta illud Davidis Ps. 34. v. 13. *Oratio mea in si- nu meo conuertetur*, id est; Tamen si non profit aliis pro quibus oranti, (quia indigni sunt) ego tamen non sum frustratus mea mercede, ut explicat Diu. Thom. in 2. 2. q. 83. art. 7. ad 2. Simile est illud Matth. 10. 13. *Intrantes autem domum, salutate eam, dicentes: Pax huic domui. Et, si quidem fueris domus illa digna, veniet pax vestra super eam: si autem non fueris digna, pax ve- stra reuertetur ad vos.*

20. Ut hoc melius intelligatur, notandum est ex communi sententia Theologorum, orationem ho- minis iusti, præterquam quòd adferat menti conso- lationem spirituales, habere triplicem vim seu effi- caciā. Vnam merendi, quatenus procedit ex cha- ritate. Alteram satisfaciendi, quatenus est pœnalis. Tertiam impetrandi, quatenus est petitio. Vide Diu. Thomam in 2. 2. quæst. 83. artic. 15. & in supplemen- to quæst. 15. artic. 1. Valentiam com. 3. disp. 6. qu. 2. pag. 4. Cardinalem Bellarminum lib. 1. de Indul- gentiis cap.

21. Prima efficacia est illi communis cum quouis opere bono, quod procedit ex charitate. Nam om- ne opus bonum hominis iusti in hac vita, quod à cha- ritate vel elicitur, vel impetratur, meritorium est, ut docet D. Thomas priori loco citato. Sicut è con- trario, quod procedit ab homine qui non habet cha- ritatem, quantumvis alioqui bonum & honestum vi- deatur, non est meritorium iuxta illud Apostoli 1. Co- rinth. 13. 1. *Si linguis hominum loquar & Angelorum, charitatem autem non habeam, factus sum velus æsonans, aut cymbalum tinniens. Et si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest.*

22. Altera efficacia illi communis est cum quouis opere pœnali. Nam omne opus hominis iusti quod in executione aliquam pœnam vel molestiam adfert operanti, satisfactorium est pro pœna temporali pec- catis debita. Hinc vsitatum est in Ecclesia Catholi- ca, ut Sacerdotes imponant pœnitentibus aliquod opus laboriosum pro satisfactione, ut v. g. ieiunium, flagellationem corporis, longam orationem, & simi- lia pietatis exercitia. Nam sicut per confessionem & absolutionem tolluntur peccata, quoad culpam; sic per opera pœnalia tolluntur quoad pœnam. Vtrum- que tamen sit ex meritis Christi, quæ nobis per eius- modi media applicantur.

23. Tertia efficacia est illi propria ac peculiaris. Nam sicut ieiunio, præter communem vim merendi ac satisfaciendi, peculiare est corpus macerare, & spiritui subiicere: eleemosynæ proximorum miseriæ succurrere: sic orationi, aliquid à Deo impetrare. Nam ideo propriè oramus seu petimus, ut impetre- mus iuxta illud Matth. 7. 7. *Petite & dabitur vobis.*

24. Hinc infero orationem hominis iusti in hac vita nunquam esse sine fructu. Tamen enim non semper impetrat, quod petitur; nihilominus retinet efficaciam merendi & satisfaciendi. Nam homo ius- tus, quotiescunque legitime orat, meretur aug- mentum gratiæ, & satisfacit Deo pro aliqua pœna temporali, cui obnoxius est.

Argumentum aduersarii retorquetur in ipsum Aduersarium.

25. **H**actenus ostendi, argumentum aduersarij nullam habere vim, ex duplici capite. Pri- mò, quia oppugnat Scripturam, & communem Ec- clesiæ consuetudinem. Secundò, quia nititur falsis principiis seu fundamentis. Nunc ex alio capite idem demonstrabo, facta prius duplici suppositione. Vna est, quod sicut nos Catholici oramus pro defunctis; sic etiam aduersarij orant pro viuentibus. Altera, sicut nos aliquando dubitamus, in quo statu sint defuncti, pro quibus oramus; sic etiam aduersarij sæpe dubi-

tant, in quo statu sint illi, pro quibus ipsi orant. Nam sæpe orant pro absentibus ægrotis, aut in necessitate constitutis; & tamen eo ipso tempore, quo orant, non sciunt præsentem illorum statum. Et aliquando fit; ut quos putant ægrotos adhuc esse, iam mortui sint, aut sani.

Præmissa hac duplici suppositione retorqueo argumentum in aduersarios hoc modo:

Quidquid non est ex fide, est peccatum.

Oratio Calvinistarum pro absentibus non est ex fide:

Ergo est peccatum

Probatio minoris.

Quidquid fit cum dubitatione, vel hæsitatione aliqua non est ex fide:

Oratio Calvinistarum pro absentibus fit cum dubitatione, vel hæsitatione aliqua:

Ergo non est ex fide:

Huius syllogismi maior probatur, quia fides est hypostasis rerum sperandarum. Si hypostasis, non admittit hæsitationem.

Minor probatur, quia Calvinistæ, qui orant pro absentibus, ignorant statum absentium, id est verum absentes sint ex numero viuientium, an mortuorum.

Quid hic dicent aduersarij? An concedēt argumentum hoc esse efficax? Si efficax est, damnat ipsos aduersarios. Si non est, non obest Catholicis in simili casu. Quorsum ergo obtruditur? Sed ut clarius appareat efficax non esse, respondebo ad utrumque syllogismum in forma ex iis, quæ dicta sunt. Igitur prior syllogismus debet formari hoc modo:

Quicquid fit contra dictamen conscientie, peccatum est.

Orare pro defunctis vel absentibus, fit contra dictamen conscientie:

Ergo peccatum est.

Maiores vera est; minor falsa ut supra insinuavi. Nihil ergo legitime concluditur. Posterior formandus est hoc modo.

Quidquid fit cum aliqua dubitatione circa res à Deo reuelatas non est ex fide.

Orare pro defunctis vel absentibus fit cum aliqua dubitatione circa res à Deo reuelatas:

Ergo non est ex fide.

Hic iterum maior vera, minor falsa est. Nec probatio minoris vim habet. Nam qui ignorat statum defunctorum aut absentium, non dubitat de aliqua re à Deo reuelata; sed de eo, de quo, salua fide, dubitari potest, ut supra explicatum est.

EPILOGVS.

26. **H**æc sunt. Ornatissime Domine, quæ ad diluendum aduersarij argumentum opportuna videbantur. Si plura dixi, quam necesse est, facile, ut opinor, ignoscas. Currentem calamum cohibere quis potest? Si pauciora, paratus sum addere quæ desunt. Tantum indica, & faciam. Interea, quod initio monui, certo tibi persuadeas velim non eo animo à me scripta hæc esse, ut te instruam (satis in simili materia instructus es) sed ut morem tibi geram. Rogasti ut facerem: feci. Amicis hoc familiare est.

27. Quod attinet ad aduersarium, tuæ discretionis ac prudentie est, vel exhibere illi hanc meam charitam, vel apud te seruare. Ingenium & stomachum hominis non noui. Si tu nosti (quod verisimile est) fac ex æquo & bono, quod in Domino videbitur. Ego certe (saluo meliori iudicio) non eodem modo cum

A omnibus agendum censeo. Quod ut liberius explicem, sic accipe.

28. Triplex ferè aduersariorum genus est. Alij in suo errore pertinaces sunt, alij zelosi, alij dubij seu fluctuantes. Pertinaces sunt, qui agnoscunt se recedere à communi sensu Ecclesiæ, & tamen persistunt in sua opinione. Hi propriè dicuntur hæretici. Zelosi sunt, qui cum ex quadam ignorantia persuasum habeant, suam sectam esse veritati consentaneam, magno studio ac ardore illam tuentur, parati etiam vitam pro ea exponere, ut prę se ferunt. Dubij sunt, qui simplici ac recto corde querunt veram fidem & religionem: Et quia per se non possunt eam reperire, debent ab alijs iuari ac instrui.

29. Primi similes sunt Phariseis: secundi, Apostolo Paulo ante conuersionem: tertij, Nicodemo in Euangelio, & Eunuchus in Actibus Apostolorum. Et primi quidem rarissime conuertuntur, propter superbiam & duritiam cordis, iuxta illud Ioannis 12. 39. *Propterea non poterant credere, quia Deus excacauit oculos eorum, & indurauit eos eorum.* Secundi verò, qui non ex malitia, sed ex ignorantia errant, sæpe à Deo misericordiam consequuntur, ut Paulus de seipso testatur 1. Timoth. 1. 13. *Misericordiam Dei consecutus sum, quia ignorans feci in incredulitate.* Tertij denique, si incidant in bonos viros, à quibus instruuntur, facile iuari solent: quo pacto Nicodemus à Christo, & Eunuchus à Philippo instructus & adiutus est.

30. Igitur, cum his omnibus, ut dixi, non eodem modo agendum est. Ac primo, pertinaces non facile admittendi sunt ad disputationem de fide & religione, quia cum sint superbi & contumaces, non volunt respicere, etiam si manifestè conuincantur. Nec inter omnes hæresiarchas vllum hactenus constat respicuisse, nisi Berengarium. Vnde rectè Apostolus ad Tit. 3. 10. *Hæreticum hominem post unam & secundam correptionem deuota, quia subuersus est, & proprio iudicio condemnatus.* Et Christus Matth. 23. v. 14. *Sinite eos & cæci sunt & duces cæcorum.* Si tamen cum illis agendum est, propter fructum aliorum, tria seruari debent. Primo, coercendi sunt intra limites certæ alicuius materie, ne ex vna in aliam dilabantur. Hoc enim fit sine fructu. Secundo restringendi ad formam syllogisticam, ut vis argumenti appareat. Tertiò, palam confundendi & increpandi. Sic Christus agebat cum Phariseis Matthæi 23. vers. 13. *Va vobis Scribæ & Pharisei hypocritæ.* Et Ioannes Baptista Matthæi 3. vers. 7. *Progenies viperarum.* Et Stephanus Actor. 7. vers. 51. *Dura ceruice & incircumcisis cordibus: vos semper Spiritui Sancto resistitis.* Hæc confusio dupliciter prodest. Primo, quia per eam minuitur authoritas hæreticorum. Secundo, alij, qui illis adhærent, incipiunt eos contemnere & detestari. Debet tamen esse confusio rationabilis, quæ non fiat per conuitia & maledicta, sed per iustam reprehensionem, aut apertam victoriam.

31. Cum zelosis, qui pertinaces non sunt, contrario modo, id est, modestè & beneuolè agendum est. Nec tam rationibus & argumentis obruendi, quam Deo per orationem commendandi sunt. Sic Stephanus orabat pro Saulo, qui ex præpostero zelo defendebat Synagogam, & persequabatur Ecclesiam. De quo Aug. serm. 1. de Sanctis. *Si, inquit, S. Stephanus non sic orasset, Ecclesia Paulum non haberet.* Et serm. 4. *Ideo de terra creatus est Paulus, quia in terra inclinatus exauditus est Stephanus.*

32. Dubij denique seu fluctuantes, qui sincerè querunt veritatem, fraternè & ad cuiusque caput accommodatè tractandi sunt: Et aliter docti & ingeniosi, aliter rudes & idiotæ instruendi. Sumamus exemplum à Christo. Is simplicem Iudæorum urbem

instruebat per parabolas & similitudines. Discipulis in Emaus euntibus, Moſen & Prophetas interpreta- batur. Nicodemo Baptiſmi neceſſitatem ex analogia humanę generationis explicabat. Mulieri Samarita- nę ſe Meſſiam eſſe ex eo perſuadebat, quod oſtende- ret ſe omnia ſcire, quę circa illam eſſent. Hoc ipſa faſſa eſt Ioan. 4. 29. *Venite & videte hominem, qui di- xit mihi omnia quęcumque feci. Nunquid ipſe eſt Chriſtus?*

33. Hęc generatim de triplici errantium genere à me dicta ſint. Nunc vide, in quo genere ſit aduerſa- rius, de quo agimus. Non credo pertinacem eſſe. Aut ſi eſt, ægrè ſanabitur. Nihilominus experire, ſi vis, quid in tam clara luce dicturus ſit. Facilius cum illo tranſiges, ſi non pertinax, ſed vel zelofus, vel dubius


A eſt. Zelofum precibus, dubium rei perſpicuitate ad mentem reuocabis. Quod ut fiat, Deum Opt. Max. ſupplex oro, & te incolumem, illum Catholicum eſſe ex animo precor. Vale Illuſtris Domine, & Deum viciffim pro me ora.

Viennę in diebus Rogationum, Anno Chriſti mil- leſimo ſexcentefimo decimoquinto.

Illuſtri. Dom. V.

Addiſſimus.

MARTINVS BECANVS.



DE INVOCATIONE SANCTORVM.



ATHOLICI docent. San- ctos cum Chriſto in cælo re- gnantes, pię & cum fructu à nobis inuocari poſſe: Ad- uerſarij id negant. Primò, quia cedit in iniuriam Dei, qui ſolus vult inuocari. Deuteronomii ſexto, v. deci- motertio & Matthæi quar- to, v. 10. *Dominum Deum tuum adorabis, & illi ſoli ſeruias.* Secundò, cedit in iniu- riam Chriſti, qui ſolus eſt mediator & interceſſor pro nobis apud Deum, primæ ad Timoth. 2. v. 5. *Vnus me- diator Dei & hominum, homo Chriſtus Ieſus.* Tertio, eſt ſignum diſſidentię, quia quando confugimus ad San- ctos, videmur diſſidere de bonitate Dei, quia ipſe non ſit paratus nos iuuare. Quarto, eſt inutile, quia Sancti non audiunt preces noſtras, quas ad ipſos fun- dimus, vel ut loquitur Caluinus lib. 3. Inſtitutionum, cap. 20. §. 24. non habent *tam longas aures, ut ad noſtras voces porrigantur.* Quintò, nullum extat præceptum de Inuocatione Sanctorum. Nihil autem licet facere, quod præceptum non eſt Deuteronomii 11. verſ. quin- quageſimo nono. *Quod tibi præcipio, hoc tantum facito.* Sexto, hęc inuocatio noua eſt, nec in primatiua Ec- cleſia uſurpata. Denique multi à Catholicis inuo- cantur, ut Sancti, qui nunquam in rerum natura ex- ſtiterunt, cuiuſmodi ſunt Sanctus Georgius, Sanctus Chriſtophorus, Sanctus Hippolytus, Sancta Catha- rina, quos Caluinus *Latrias* appellat libro tertio Inſti- tutionum cap. vigefimo §. 27.

2. Hęc argumenta magni ſunt ab aduerſariis. Sed reuera nullius momenti ſunt. Primò, quia pugnant contra quotidianam experientiam. Quotidie expe- riuntur Catholici prodeſſe ſibi inuocationem Sancto- rum. Nam alii ſanctatem corporis, alii donum caſti- tatis, alii proſectum in ſtudiis, alii alia beneficia per Sanctorum interceſſionem à Deo petunt & impe- trant. De quare legantur authenticæ Scriptores, San-

Actus Ambroſius libro quarto Epistolarum, Episto- la trigefima quarta, quę eſt de Sancta Agnete, Au- guſtinus libro vigefimo ſecundo de Ciuitate Dei ca- pite octauo, Theodoretus libro quinto Hiſtoriz, capite vigefimo quarto, Nilus in episto- la in ſeptima Synodo Actor. quarto recitata, Gregorius Turo- nenſis in libro de gloria Martyrum & Confefſorum, Gregorius Romanus in libro tertio Dialog. capite ſecundo, & ſequentibus, & alii quamplurimi. At- que hęc experientia efficaciffimum pro nobis argu- mentum eſt.

3. Accedit, quod pleraque, quę ab aduerſariis ad- feruntur, in ipſos retorqueri poſſint. Quæro enim, An liceat inuocare eos, qui nobiſcum in hac vita degunt? Omnino iniquent. Et recte. Nam Apoſto- liſid fecerunt. Coloſſenſ. quarto, v. ſecundo. *Orationi inſtate, orantes ſimul & pro nobis, ut Deus aperiat nobis oſtium ſermonis ad loquendum myſterium Chriſti.* Et pri- mæ Theſſalonicenſium quinto, v. vigefimo quinto. *Fratres orate pro nobis.* Et ſecundæ Theſſalonicenſ. ter- tio, v. primo, *De cætero fratres orate pro nobis, ut ſermo Dei currat.* Et Iacobi quinto, verſ. decimo ſexto, *Ora- to pro inimicem, ut ſaluemini.*

4. Iterum quarto: An hęc inuocatio cedat in iniu- riam Dei aut Chriſti? Itemque, an ſit ſignum diſſi- dentię? Nullo modo. Alioqui Apoſtoli illam non uſurpaſſent. Cui ergo inuocatio quam facimus ad Sanctos in cælo regnantes, ſingitur cedere in iniu- riam Dei & Chriſti? aut cur putatur eſſe ſignum diſ- ſidentię? Hic hærent aduerſarij, & latibula quæ- runt. Sed in lucem educendi ſunt, quod fiet, ſi legi- time explicentur teſtimonia Scripturæ, quę ab ipſis allata ſunt: et ſingula ipſorum argumenta ſeorum diſſoluantur. Vtrumque præſtabo hoc ordine.

1. An Sancti in veteri Teſtamento fuerint in cælo?

2. An fuerint in ſtatu beatitudinis ſeu æternę glo- rię?

3. Si nec in cælo, nec in ſtatu beatitudinis fuerint, in quo ergo loco & ſtatu fuiſſe credendum eſt?

4. An

4. An sancti in nouo Testamento sint in celo & A statu beatitudinis?
5. Si non sunt, an tamen, quæ apud nos geruntur?
6. Et si sunt, an pro nobis intercedant?
7. Et si intercedunt, an liceat ab illis petere, ut intercedant? Vel quod idem est, an liceat ipsos invocare?
8. An hæc invocatio fieri possit sine iniuria Dei?
9. An sine iniuria Christi mediatoris?
10. An sine iniuria?
11. An ideo omittenda sit, quia præcepta non est?
12. An in priuata Ecclesia fuerit vltimata?
13. An alij Sancti invocentur à nobis qui nunquam fuerunt in terris natæ?

His paucis questionibus res tota perspicue exhibetur. Et simul constabit, tutius ac valius esse invocare Sanctos in celo regnantes, quam nobiscum in hac vita degentes, duplici de causa. Primo, quia non dubitamus de sanctitate eorum, qui in celo sunt, possumus autem dubitare de sanctitate eorum, qui nobiscum sunt. Secundo, quia certum est, illos aptiores esse ad intercedendum, quia nos tunc quia alicui vinculo cum Deo coniuncti sunt, tunc quia liberi à molestiis huius vite, quæ nos sæpe impediunt, vel orationi vacare vel non liceat, vel non libeat.

Q V Æ S T I O I.

An Sancti in veteri Testamento fuerint in celo?

Hæc due questiones distinguende sunt. Vna, an fuerint in celo: Altera, an in statu beatitudinis, seu æternæ gloriæ? Nam prior agit de loco, posterior de statu. Constat autem, neque locum, neque statum à loco necessariam habere dependentiam. Quod triplici exemplo demonstrari potest. 1. quia Christus in hac vita mortali fuit in statu beatitudinis, non tamen in celo. 2. Angeli distantes nostri, quando nobiscum versantur, non sunt in celo, & tamen sunt in statu beatorum, quia fruuntur clara Dei visione. (Matth. 18. 10.) Tercio, Daemones initio creationis, antequam peccarent, fuerunt in celo, & tamen non erant beati.

2. Quod ergo ad priorem questionem attinet, certum est, Sanctos in veteri Testamento non fuisse in celo, sed in aliquo alio loco; de quo dicemus quod Ratio est, quia celum, propter peccatum primi parentis, fuit clausum hominibus vsque ad mortem Christi; nec vllus ante Christum, illud ingressus est, quod variis scripturæ testimoniis probari potest.

3. Primo, ex illo Hebr. 6. 20. *Vsq. ad interiora velaminis, ubi præcursor pro nobis introit Iesus. secundum ordinem Melchisedech. Pontifex æternus in æternum.* Vbi per interiora velaminis, quæ erant in templo Salomonis, intelligitur celum & celestis gloria, ut explicant interpretes, illius loci. Est ergo sensus Christum intrasse celum, tanquam præcursorem reliquorum, quia scilicet primus fuit inter homines, qui post peccatum primi parentis, celum ingressus est. Unde sequitur Sanctos veteris Testamenti ante illam non fuisse ingressos.

4. Secundo, ex illo Hebr. 9. 8. *Hoc sanctum, quia Spiritu sancto, nondum per opus altaris, etiam Sanctorum, adhuc priore Tabernaculo habente statum.* Q. 5. Per hoc, quod Iudæi in veteri Testamento non poterant ingredi in Sanctum Sanctorum, sed solum Pontifex

voluit significare. Spiritus sanctus, viam ad celum non fuisse apertam, quamdiu durauit vetus Testamentum; sed apertam per Christum, tempore passionis, quando velum templi scissum est. (Matth. 27. v. 51.)

5. Tercio, ex illo Hebr. 10. 19. *Ad abentes itaque fratres fiduciam in introitu Sanctorum in sanguine Christi, quam initiavit nobis viam, nouam per velamen, id est, carnem suam.* Quid clarius? Christus suo sanguine parauit nobis nouam viam ad celum, quod antea clausum. Ad quod alludens D. Hieron. in Epist. ad Dardanum erat ait; *Sanguis Christi clavis Paradisi est.* Et D. Th. 3. part. quæst. 49. art. 3. *Per passionem Christi aperta est nobis ianua regni celestis.* Pura Scripturæ & Patrum testimonia citabo quæst. 3. 8. 3. & 4.

6. Dices: Henoch, & Helias iuerunt in celum translati, multo ante Christi aduentum. Nam de Henoch sic legimus Genes. 5. 24. *Ambulauit cum Deo, & non apparuit, quia sumpsit eum Deus,* nempe ex terra in celum, quod clarius exprimitur ecel. 4. 4. 16. *Henoch placuit Deo, translatus est in Paradisum,* similiter de Helia, 4. Reg. 2. 12. *Ascendit Helias per turbinem in celum.*

7. Respondeo. Hic vnum certum est, alterum incertum. Certum est, nec Henoch, nec Heliam fuisse translatum in celum, in quo nunc Sancti sunt, sed in aliquem alium locum. Nam celum, in quo nunc Sancti sunt, clausum fuit hominibus per peccatum primi parentis, vsque ad mortem Christi, ut ex Apostolo demonstratum est. Neque testimonia allata contrarium conuincunt. Ex eo enim, quod legimus Henoch translatum esse in Paradisum, non sequitur translatum esse in celum beatorum. Nam Paradisi nomine intelligi potest, vel Paradisus terrestris, in quo Adam fuit; vel aliquid aliud. Nec Christus, cum latroni dixit: *Hodie mecum eris in Paradiso,* intellexit celum beatorum, quia constat Christum eo die non venisse in illud celum, sed in die Ascensionis. Similiter quod legimus, Heliam per turbinem ascendisse in celum, nihil aliud significat, quam ex terra subleuatum esse in ærem, & alio transportatum. Est enim frequens in Scriptura, ut per celum intelligatur aer, ut Psal. 8. 9. *Volucres celi & pisces maris.* et Matth. 6. 26. *Respice volatilia celi, et anni.*

8. Incertum tamen est, in quem locum translati sint Henoch & Helias. Aliqui putant, in Paradisum terrestris, ex quo Adam expulsus est, ut D. Thoma 1. p. q. 49. art. 5. ad 2. vbi ait: *Henoch raptus est in Paradisum terrestris, ubi cum Helia simul creditur viuere vsque ad aduentum Antichristi.* Alij quia existimant Paradisum illum tempore diluuij fuisse aquis obrutum & destructum, dicunt eos in alio quodam antea loco versari. Nihil definire possumus. Nec mirum videri debet, nos hoc ignorare. Multa alia ignorant. Neque nos lohi. An non fatetur Apostolus de seipso, nescire se in corpore, an extra corpus, raptus fuerit in Paradisum? (2. Cor. 12. 3.) An non testatur Scriptura nemini vnquam constituisse, quo loco Moles sepultus sit? (Deut. 34. 6.) Et dicant, obsecro, qui omnia scire se arbitrantur, ex quo loco Helias post raptum, scripserit epistolam ad Ioram Regem Iudæ? (2. Paral. 21. 12.) Et quis epistolæ illius fuerit nuncius aut baiulus? Dicant similiter, an eurus ille cum equis, quo in celum uolatus est, in celo adhuc sit? Et quid agat ibi equi, & quo pabulo vescantur? In his & similibus præstat ignorantiam modestè facere, quam temere aliquid definire.

QVÆSTIO II.

An Sancti in veteri Testamento fuerint in statu beatitudinis?

1. **D**isputavi de loco. Nunc de statu inquirendum est. De quo Catholici sic sentiunt. 1. Sanctos veteris Testamenti usque ad mortem Christi non fuisse beatos. 2. Cœpisse tamen esse beatos, statim post mortem Christi. 3. Prius igitur fuisse beatos, quam in cœlum ingresses, quia post mortem Christi expectarunt 40. dies, antequam cum Christo in cœlum ascenderent. Hæc tria per totidem conclusiones declarabo.

2. **PRIMA CONCLUSIO.** Sancti veteris Testamenti non fuerunt in statu beatitudinis ante mortem Christi. Ita D. Thom. 3. p. q. 49. art. 5. & q. 52. art. 5. Et probatur ex Apost. Hebr. 11. 13. ubi ait *fuxta fidem defuncti sunt omnes isti, non acceptis repromissionibus, sed à longe eas aspicientes, et infra v. 39. Hi omnes testimonio fidei probati, non acceperunt repromissionem, Deo promissis melius aliquid providere, ut non sine nobis consummarentur.* ex quo loco manifestè constat. Nōc. Abraham, & alios Sanctos veteris Testamenti, de quibus loquitur Apostolus, non statim post hanc vitam accepisse primum æternæ beatitudinis, quod illis promissum erat, sed debuisse expectare aduentum Christi.

3. **Et ratio duplex est.** Vna, quia Deus non voluit quatenquam admittere ad statum beatitudinis, nisi prius persolutum esset pretium, quo per Christum redempti sumus à statu servitutis, & ad statum libertatis filiorum adoptati. Hoc autem pretium non fuit persolutum, nisi in morte Christi. Tunc enim sanguis ipsius pro nobis effusus est. (Coloss. 1. 14.) Tunc deletum est *chirographum decreti, quod erat contrarium nobis & cruci affixum est*, ut loquitur Apostolus ad Coloss. 2. 14.

4. **Altera, quia non decebat, ut Sancti veteris Testamenti prius adirent hereditatem æternæ vitæ, quam Sancti novi Testamenti: præsertim cum illi fuerint filij Synagogæ, hi sint filij Ecclesiæ: Illi filij ancillæ, hi filij liberæ, (ad Galat. 4. 31.) Debebant igitur expectare, ne si se nobis consummarentur, et Apostolus ait. Quo etiam spectat parabola Evangelica de denario diurno, qui non prius datus est illis operariis, qui summo mane conducti erant ad vineam, quam aliis, qui circa horam undecimam acceperant.**

5. **Contra hanc Conclusionem tria obijci possunt.** Primo, illud Hebr. 11. 33. *Sancti per fidem vicerunt regna, operati sunt iustitiam, adepti sunt repromissiones.* Vbi sermo est de Sanctis veteris Testamenti. Hi ergo, ante aduentum Christi, adepti sunt repromissionem vitæ æternæ. **RESPONDEO.** Iam ante contrarium ostendi ex eodem capite. Nec tamen Apostolus sibi ipsi contrarius est. Distinguit enim duplicem promissionem, quæ antiquis Patribus à Deo facta est. Vnam vitæ æternæ, quam non sunt consecuti ante Christi aduentum, iuxta illud: *Hi omnes testimonio fidei probati non acceperunt repromissionem.* Alteram boni alicuius temporalis, quam per fidem consecuti sunt, iuxta illud: *Adepti sunt repromissiones.*

6. **Prior promissio erat una & eadem respectu omnium iustorum: posterior diuersa ac multiplex, & respectu paucorum.** Nam Abrahamo promissus fuit fi-

lius: Dauidi regnum: Ezechiz sanitas: aliis aliud quippiam. Illud ergo: *Adepti sunt repromissiones*, non intelligitur de omnibus sanctis veteris Testamenti, sed de aliquibus tantum, ut hic sit sensus: Aliqui per fidem vicerunt regna, ut Iosue: Alij adepti sunt repromissiones temporales, ut Abraham, Dauid, Ezechias: Alij obtinuerunt ora Leonum, ut Sampson, Dauid, Daniel: Alij exstinxerunt impetum ignis, ut pueri in fornace Babylonica: Alij aliud fecerunt. Et mox sequitur: *Hi omnes testimonio fidei probati, non acceperunt repromissiones*, quasi dicat: Quamuis omnes illi fuerint sancti, & singuli per fidem aliquid eximium consecuti sint in hac vita: nemo tamen accepit præmium vitæ æternæ, quod illis promissum fuit, quia Deus non prius voluit illud donare, quam veniret Christus, cuius merito & intercessione erat donandum. Hoc est, quod ante dixerat, cap. 9. v. 15. *Et morte eius intercedente, repromissionem accipiant, qui vocati sunt, æternæ hereditatis.*

7. **Secundo obijciatur illud ecclesiast. 11. 27. Facile est coram Deo in die obitus retribuere unicuique secundum vias suas.** Hinc enim videtur colligi unumquemque statim post mortem accipere præmium vel poenam, prout meritis est. Et confirmatur exemplo Lazari & Epulonis: quorum hic cruciatum, ille consolationem statim percepisse legitur. (Luc. 16. 25.) **RESPONDEO.** Hæc obiectio nihil aliud probat, quam iustos, qui in hac vita affliguntur, statim post hanc vitam percipere gaudium & consolationem: Impios vero, qui hic perfruantur voluptatibus, percipere dolorem & cruciatum. Potest autem duplex esse gaudium post hanc vitam. Vnum de superatis miseriis huius vitæ & simul de securitate æternæ beatitudinis obtinendæ. Alterum de ipsa beatitudine iam obtenta. Igitur in veteri Testamento, Sancti statim post hanc vitam percipiebant prius gaudium: non tamen posterius, nisi post mortem Christi. Sed hinc oritur.

8. **Tertia obiectio.** Impij statim post mortem sunt in æterna damnatione: Ergo & iusti statim in æternæ beatitudine. Sic enim seruatur debita proportio. Nam sicut iustitia exigit, ut poena impiorum, quam quisque meritis est, non differatur, sic etiam de præmio iustorum sentiendum est, iuxta illud: Leuit. 19. 15. *Non morabitur opus mercenarii tui apud te usque mane.*

9. **RESPONDEO.** Hæc proportio non potuit seruari in veteri Testamento. Tunc enim erat dispar ratio poenæ ac præmij: damnationis ac beatitudinis. Quod dupliciter ostendo. Primo, quia via ad poenam & damnationem iam erat aperta per peccatum primi parentis. (Rom. 5. 12.) Via autem ad præmium & beatitudinem nondum erat aperta, sed aperienda per mortem & satisfactionem Christi. Secundo, quia qui tunc peccabant mortaliter, per se merebantur poenam & damnationem, sine vlla dependentia ab alio. Qui autem bene agebant, non merebantur per se præmium & beatitudinem, sed dependentes à futuro merito & passione Christi. Hi ergo debebant expectare Christum, antequam acciperent perfectum præmium, quod in clara Dei visione consistit. Illi autem poterant statim puniri, quia sine vlla dependentia à futuro tempore, poenam erant commeriti.

10. **SECUNDA CONCLUSIO.** Sancti veteris Testamenti, statim post mortem Christi, consecuti sunt statum beatitudinis, seu visionem beatificam. Ita Divus Thomas locis citat. Et ratio sumitur ex dictis, quia sicut Adam suo peccato exclusit nos à beatitudine, ita Christus per suam mortem nos admisit. (Rom. 5. 18.) Huc spectat illud Hebræor. 9. 15. *Christus novi Testamenti mediator est, ut*

merito intercedente, in redemptionem earum praeparationem, quae erant sub priori Testamento, repromissionem accipiant, qui vocati sunt, aeterna hereditatis.

11. Et confirmatur primo, quia Deus, cum sit optimus & liberalissimus, statim confert premium, si nullum aliunde sit impedimentum. At post mortem Christi, nullum erat impedimentum, nec ex parte Dei cuius iam satisfactum erat à Christo per effusionem proprii sanguinis: nec ex parte Sanctorum, qui ab omni peccato erant expiati, ut suppono: ergo post mortem Christi datum est illis premium aeternae beatitudinis.

12. Secundo idem colligitur ex illo Matth. 27. 51. *Velum templi scissum est in duas partes à summo usque adorsum.* Qui locus, tamen si admittat varias interpretationes, ut videre est apud Maldonat. non male tamen accommodari potest ad nostrum propositum. Significat enim Christo in cruce moriente, apertam esse ianuam vitae aeternae, quae antea per peccatum primi parentis oclusa fuerat; & licere omnibus qui velint, ingredi. Nam velum templi Salomonis, quod prohibebat Iudaeis aditum ad Sancta Sanctorum, fuit typus seu figura quae demonstrabat non patere accessum nobis ad aeternam beatitudinem nisi per mortem & sanguinem Christi. Quod testatur Apostolus Hebr. 10. 19. cum ait: *Habentes itaque fratres, fiduciam in introitu Sanctorum in sanguine Christi, quam initiavit nobis viam novam, & viventem, per velamen, id est, carnem suam.* Videantur Interpretes illius loci.

13. Hoc ipsum fuit significatum per Arcam Testamenti, quae, ut aliqui notant, fuit figura crucis Christi. Nam sicut per Arcam, quam portabant Sacerdotes Aaronici, divisa sunt aquae Iordanis, & populo Hebraeorum patefactus est aditus ad terram promissionis. (Iosue 3. 14.) ita per crucem Christi, quae portabat Sacerdotem secundum ordinem Melchisedech, divinum est velum templi, & populo Dei reposita est ianua seu introitus ad aeternam felicitatem, quae fidelibus promissa est.

14. Tertia Conclusio. Sancti veteris Testamenti, de quibus dictum est, post dies 40. cum Christo in caelum ascenderunt, qui est proprius beatorum locus. Constat ex illo aphei. 4. 8. *Ascendens in altum captivam ducit captivitatem.* id est, Christus tanquam victor, & triumphator ascendens in caelum, ducit secum Patriarchas, Prophetas, aliosque Sanctos veteris Testamenti, qui antea quasi captivi detinebantur, & quos ipse post mortem, cum ad inferos descenderet, à captivitate liberauerat. Hinc sequitur, prius fuisse beatos, quam ad caelum pervenirent. Nam statum beatitudinis adepti sunt statim post mortem Christi, ut dictum est. Deinde expectarunt per 40. dies quibus expletis, una cum Christo in caelo assumpti sunt.

15. Hic duo soleat curiosè à nonnullis investigari. Alterum, ubi fuerint per illos 40. dies? Aliqui putant mansisse in Limbo Patrum, de quo paulò post in sequenti quaestione. Alij cum Christo conversatos esse super terram, licet ab hominibus non viderentur. Alij denique in Paradiso terrestri cum Henoch & Helia, tantisper habitasse. Nihil certi definire possumus. Hoc unum videtur certum, ubicunque fuerint, fuisse in statu beatitudinis: antequam cum Christo in caelum ascenderent.

16. Alterum quidnam fuerint illi Sancti? Si generatim loquamur, certum est fuisse illos omnes, qui nihil habebant expiandum in Purgatorio. Si speciatim, crediderim eos fuisse, qui commendantur

Opus. Bee.

A ab ecclesiastico cap. 44. & sequentibus, ut sunt Noë, Abraham, Isaac, Iacob, Moyses, Aaron, Milnes, Iosue, Caleb, Samuel, Nathan, David, Helizaeus, Ezechias, Iosias, Ezechiel, Duodecim Prophetae, Zorobabel, Nehemias, Ioseph, Sech, Sem. His addo Latronem cum Christo crucifixum, pueros innocentes ab Herode interfectos, Ioannem Baptistam. Item Adam & Eadam, Iob, Tobiam, Melchisedech, Abel & alios. Denique quos Apostolus Hebr. 11. recenset. Excipio tamen Henoch & Heliam, qui alibi adhuc commorantur. De quibus supra quaestione prima §. 7. & 8.

QVÆSTIO III.

In quo loco & statu fuerint Sancti veteris Testamenti ante Christi mortem.

1. **D**iximus nec in caelo fuisse, nec in statu aeternae beatitudinis. In quo ergo statu & loco fuisse credendum est? Catholici sic statuunt. 1. fuisse in loco quodam subterraneo. 2. retinuisse fidem, spem, & charitatem, 3. non tamen potuisse mereri per actus fidei, spei & charitatis. 4. fuisse in gratia confirmatos, ut peccare amplius non potuerint. 5. orasse pro se, & pro viventibus in hac mortali vita, saltem in communi, licet à viventibus non fuerint invocati. 6. Perfusus fuisse magno gaudio & consolatione. Singula breviter explicabo per sequentes conclusiones.

2. Prima Conclusio. Sancti veteris Testamenti, usque ad mortem Christi, detinebantur in quodam loco subterraneo, quem Scriptura variis nominibus appellat. Primo Infernum, ut Genes. 37. 35. *Descendam ad filium meum lugens in infernum.* Secundo, lacum sine aqua, ut Zach. 9. 11. *Tu quoque in sanguine Testamenti tui emisisti vinolos tuos de lacu in quo non est aqua.* Tertio, Sinum Abraham, ut Luc. 16. 22. *Factum est, ut moreretur Mendicus, & portaretur ab Angelis in sinum Abraham.* Quarto, Carcerem, ut 1. Petr. 3. 19. *In quo & his, qui in carcere erant, spiritibus veniens predicavit.*

3. Theologi Lumbum Patrum vocare solent. Et hic ipse locus est, ad quem anima Christi descendit post mortem de quo Ephes. 4. 9. *Descendit in inferiores partes terrae.* Et in Symbolo: *Descendit ad inferos.* ut August. lib. 20. de Civitate Dei, cap. 15. *Non absurde creditur antiquos Sanctos, qui venturi Christi tenuerunt fidem apud inferos fuisse, donec eos inde sanguis Christi, & ad ea loca descensus erueret.* Et Cyprianus in Sermone de vinctione Chrismatis in fine: *Passus est Rex illudi, & vita occidi, descendensque ad inferos captivam ab antiqua captivitate reduxit.* Et Hieronymus in caput 4. ad ephesios: *Inferiora terra inferni accipitur, ad quem Dominus noster, Salvatorque descendit, ut Sanctorum animas, quae ibi tenebantur inclusae, secum ad caelos victor abduceret.*

4. Huc spectat, quod lib. 7. Regum capite 18. vers. 12. legimus Samuelem visum esse de terra ascendere. Quamvis enim aliqui putent fuisse imaginem, aut phantasiam Samuelis; probabilius tamen est fuisse ipsum Samuelem, qui ex loco subterraneo, seu ex Lumbo Patrum ascenderit, ut annunciarer Sauli quae eventura essent in bello contra Philisthaeos suscepto. Sic enim sentiunt gravissimi auctores, Basilus, Ambrosius, Hieronymus Augu-

Nnn ij

stinus, & alij apud Bellarminum lib. 4. de Christo A cap. 11. et merito, quia Ecclesiasticus cap. 46. v. 23. expresse, dicit Samuelem post mortem prophetasse. *Post hac*, inquit, *dormiuit Samuel*, & *notum fecit Regi* (Saul), & ostendit illi finem vite sue. Ostendit autem, ut habetur 1. Reg. 28. v. 19. his verbis: *Cras tu & filij tui mecum eris*, &c.

5. Secunda Conclusio. Sancti veteris Testamenti existentes in loco subterraneo seu Limbo Patrum, retinebant fidem, spem & charitatem, usque ad mortem Christi: At post mortem Christi, solam charitatem. Prior pars patet, quia cum essent iusti, ut suppono, non poterant esse sine charitate: Et cum non essent otiosi, non poterant esse sine actu charitatis. Actus autem charitatis, cum sit supernaturalis, requirit aliquam cognitionem supernaturalem & sibi proportionatam. Hæc autem cognitio ante mortem Christi, non poterat esse clara visio diuinæ essentiae, in qua beatitudo consistit: Ergo debuit esse obscura cognitio fidei. Porro, cum hæc cognitio fidei coniuncta fuisse spes futuræ beatitudinis, quam impensè expectabant.

6. Posterior similiter patet, quia post mortem Christi erant beati ut supra ostensum est: ergo habebant claram & intuitivam Dei visionem, in qua consistit beatitudo. At fides cum sit obscura, non potest manere cum clara visione. Sublata autem fide, tollitur spes. Mansit igitur sola charitas, de qua Apostolus 1. Corinth. 13. 8. *Charitas nunquam exci-*

7. Tertia Conclusio. Sancti existentes in Limbo Patrum, tamen retinebant fidem, spem, & charitatem, ut dictum est: non tamen per actus illarum virtutum poterant aliquid mereri de condigno. Ratio est, quia licet illi actus essent boni, laudabiles, & Deo grati; non tamen erant meritorij propter circumstantiam status, in quo exercebantur. Deus enim voluit, ut nullus actus esset meritorius, nisi in hac vita mortali. Hic voluit esse tempus laboris & certaminis, meriti & demeriti, non post hanc vitam. Vnde frequenter hortatur nos Scriptura, ut si quid apud Deum mereri cupimus, id in hac vita faciamus. 2. Corinth. 6. 2. *Ego nunc tempus acceptabile*, *Eccen nunc dies salutaris*. Et Gal. 6. 10. *Dum tempus habemus*, *operemur bonum*. Et Aug. in Enchiridio capite 110. *Hic omne meritum comparatur, quo possit post hanc vitam relaxari qui suam, vel gravari. Nemo autem desperet, quod hic neglexerit, cum morietur, apud Deum promereri.*

8. Quarta Conclusio. Idem Sancti sic erant in gratia & charitate confirmati, ut peccare amplius non possent, nec gratiam & charitatem amittere. Erant enim extra statum nunc vite mortalis, ac proinde extra statum merendi ac demerendi, ut dictum est. Deus enim statuit, ut talis quisque maneat post hanc vitam, qualis fuit in ipsa morte cum ex hac vita decessit, iuxta illud Ecclesiasticus 1. versu 2. *Si cecideris lignum ad Austrium, vin ad Aquilonem, in quocunque loco cecideris, ibi erit*. Hic per casum significatur mors: per Austrium status gratiæ: per Aquilonem, status peccati. Scisus ergo est, omnem hominem, vel in gratia, vel in peccato mortali ex hac vita decedere: Et quantum ad hoc, in eo statu, in quo decedit, perpetuo permanere, ut exponit Hieronymus & alij, Sancti igitur veteris Testamenti, quia in statu gratiæ ex hac vita decesserunt, ut supponimus, non potuerunt gratiam peccando amittere, sed omnino impeccabiles perse uerant.

9. Quæritur, Vnde factum sit, quod essent impeccabiles? Ratio est, quia constat neminem natura

sua esse impeccabilem, iuxta illud Rom. 3. 4. *Omnis homo mendax*. Vnde ergo impeccabilitas illa, si ex natura non est, provenire potest?

Respondetur. Si generatim loquamur, potest provenire ex triplici causa. Primo ex vniione hypostatica. Sic solus Christus est impeccabilis. Secundo, ex visione beatifica. Sic omnes beati sunt impeccabiles. Tertio, ex singulari Dei protectione & gubernatione. Sic Beata Virgo in hac vita, & omnes iusti in Limbo Patrum vel in Purgatorio fuerunt impeccabiles.

10. Quinta Conclusio. Idem Sancti in Limbo existentes, non solum pro se & redemptione sua, sed etiam pro aliis in hac vita mortali degentibus, obnixè Deum orabant. Prior pars certa est, quia constat, eos pro se, & redemptione sua orasse cum adhuc essent in hac vita. Isaia 45. 8. *Rorate cæli desuper, & nubes pluant iustum: aperiantur terra, & germinet Saluatorem*. Et cap. 64. 1. *Utinam distinperes cælos, & descenderes*. Et Psalm. 78. 8. *Cito anticipa nos misericordie tue*. Ergo multo magis id fecerunt post hanc vitam, cum ad orandum liberiores & expeditiores essent, propter depositionem corporis, quod deuotionem impedire solet, præsertim cum non minus expectarent tunc Saluatorem, quam ante.

11. Posterior pars aperte colligitur ex Scriptura. Nam 1. 2. Machab. cap. 15. vers. 12. expresse dicitur, *Oniam & Ieremiam qui iam defuncti erant, vivos esse orare pro omni populo Iudeorum, & vniuersa ciuitate sancta*. Adem spectat illud Ierem. 15. 1. *Si steterint Moyses & Samuel coram me, non est anima mea ad populum istum*. Q. d. Tanta est malitia & ingratitude populi Iudeorum, ut etiam Moyses & Samuel (qui tunc erant in Limbo Patrum) pro illo apud me intercederent, non exaudirent illos, cum tamen alias solus sum eos exaudire, quia mihi charissimi & conuinctissimi sunt. Vide Maldonatum in illum locum.

12. Quæritur, an Sancti in Limbo orauerint pro uiuentibus in comuni tantum, an etiam pro hoc aut illo in particulari? Respondetur. Dupliciter intelligi potest, aliquem pro hoc aut illo orare in particulari. Primo ut oret pro persona particulari, non tamen in negotio particulari, sed generatim sub hac forma: *Oro seu deprecor pro Petro, ut omnia feliciter illi succedant*, 2. ut oret non solum pro persona particulari, sed etiam in negotio particulari, ad hunc modum: *Oro seu deprecor pro Petro, ut ex febre, quæ affligitur, conualeseat*. Igitur Sancti in Limbo poterant utroque modo pro uiuentibus orare. Priori quidem, quando habebant noticiam alicuius personæ, non tamen in particulari sciebant illius statum aut necessitatem. Posteriori quando & personam & particularem eius necessitatem cognoscebant. Poterant autem tripliciter cognoscere. Primo, ex ea notitia, quam ex hac vita secum asportauerant, quo pacto diues epulo in inferno sciebat statum & necessitatem suorum fratrum (Lucæ 16. 28.) Secundo, ex relatione aliorum hominum, qui quotidie ex hac vita ad illos commigrabant, quo pacto nos, qui Viennæ sumus, multa cognoscimus de negotiis Pragensibus, ex relatione eorum, qui Pragâ Viennam veniunt. Tertio, ex colloquio Angelorum, qui aliquando consolandi causa illos adibant, quo pacto Tobias multa cognouit ab Angelo Raphael, cum ab illo in regionem Medorum ducebatur. (Tobias 6.)

13. Dices: Si Sancti in Limbo orabant pro uiuentibus in particulari, sicut iam explicatum est, ergo

viuentes poterant illos inuocare. At nunquam legimus in veteri Testamento, quod viuentes inuocauerint Sanctos in Limbo existentes. Nullus enim legitur dixisse, *Sancte Abraham ora pro nobis*: cum tamen in nouo Testamento confidenter dicamus, *Sancta Maria ora pro nobis*.

14. Respondeo. Aliud est Sanctos pro nobis orare: aliud, Sanctos à nobis inuocari. Vt ipsi orent pro nobis, non requiritur alia cognitio, quam vel solius personæ, pro qua orant; vel simul etiam particularis necessitatis, in qua persona constituta est. Vt autem à nobis inuocentur, requiritur alia cognitio, quæ nimirum intelligant, aut præcipiant præces nostras, quas ad ipsos fundimus. Et in hac re magna est differentia inter Sanctos veteris ac noui Testamenti. Nam hi, ratione sui status, possunt infallibiliter cognoscere orationes viuentium, quæ ad ipsos diriguntur: Illi ratione sui status, non poterant. Quod fusius explicabo quæstione 5.

15. Hic tamen obiter notandum est, Sanctos dupliciter à nobis inuocari posse. Primo, directè, quod tunc fit, quando oratio nostra immediatè dirigitur ad ipsos Sanctos, vt si dicam, *Sancte Petre ora pro nobis*. Secundo, indirectè, quod tunc fit, quando oratio nostra immediatè dirigitur ad Deum, representando illi merita Sanctorum; vt si dicam, *Domine Deus adiuua nos propter merita Sanctorum tuorum*. Priori modo non fuerunt inuocati Sancti in veteri Testamento, vt dictum est; sed tamen posteriori. Hoc patet exemplo Moïsis & Azariæ. Nam Moïses Exodi 32. 13. sic orauit: *Recordare Domine Abraham, Isaac & Iacob seruum tuum*. Similiter Azarias in fornace Babylonica, Dan. 3. 34. *Ne quæsumus Domine iras in perpetuum propter nomen tuum, neque auferas misericordiam tuam à nobis propter Abraham dilectum tuum, & Isaac seruum tuum, & Israël sanctum tuum*.

16. Simile quid fit in rebus humanis. Nam duobus modis possum petere patrocinium aut subsidium alicuius amici apud Imperatorem. Primo, directè, vt si dicam illi: Obsecro mi Petre, promoue causam meam apud Cæsaream Maiestatem. Secundo, indirectè, vt si dicam Imperatori: Obsecro Iunictissime Imperator, præsta mihi hoc beneficium, si non mei causa, saltem in gratiam Petri, quem & scio charum tibi esse; & si coram adesset, sine dubio pro me intercederet. In priori casu necesse est, vt Petrus cognoscat meam petitionem, in posteriori, non item.

17. Sexta Conclusio. Sancti existentes in Limbo, carebant omni pœna ignis, & magno gaudio ac consolatione afficiebantur: tum ob statum gratiæ, in quo sciebant se esse confirmatos: tum ob infallibilem spem futuræ gloriæ, quam à venturo Messia expectabant. Hoc patet exemplo Lazari, de quo dicitur Lucæ 16. 25. *Nunc autem hic consolatur*. Quæres, An nullam omnino pœnam habuerint? Respondeo. Habuerant temporalem pœnam damni, vt loquuntur Theologi, id est, carentiam visionis beatificæ, vsque ad aduentum Christi. Et probabile est ex hac distatione secutum esse aliquem animi dolorem, vt docet D. Thomas 3. p. quæst. 52. art. 2. ad 2. Et citat illud Proverb. 13. 12, *Spes qua differtur, affligit animam*. Vnde D. Gregorius libro 13. Moralium cap. 16. *Græue*, inquit, *tedium electis fuit, post solutionem carnis, adhuc speciem non videre Creatoris*. Quod tedium non immerito B. Iob tenebras vocat. Nimirum cum ait cap. 17. vers. 13. *Si sustinero, infernus domus mea est, & in tenebris straxi lectulum meum*.

QVÆSTIO IV.

An Sancti noui Testamenti sint in celo & statu beatitudinis?

1. **D**E hac re sunt tres Calumnie sententiæ inter se pugnantes. Prima, quod stultum ac temerarium sit inquirere, An Sancti sint in celo & celesti gloria. Altera, quod omnino sint in celo & celesti gloria. Tertia, quod expectent celestem gloriam vsque ad diem iudicii.

2. Primam tradit lib. 3. Instit. cap. 25. §. 6. his verbis: *Valde se torquent multi disputando, quem locum occupent, & an celesti gloria fruantur, necne. Atqui stultum ac temerarium est, de rebus incognitis altius inquirere, quam Deus nobis scire permittat*. Et paulo post: *Omnia tenentur suspensa donec Christus appareat Redempteur*.

3. Alteram tradit in Pſychopannychia, vbi inter alia sic habet: *Electi Dei, qui ex hac vita transferunt, Deo fruuntur ad satietatem, citra fastidium, et ibidem: In celesti Ierosalem Deus pacis dat se videntem suis pacificis, iuxta Christi promissum*. Et alibi, vt paulo post videbitur.

4. Tertiam tradit lib. 3. Instit. c. 25. §. 6. *Serpens*, inquit, *ubique iubet nos pendere ab expectatione aduentus Christi, & gloria coronam consequi deferri*. Et ibidem: *Animarum militum labore persuffe, fruitionem promissæ gloriæ expectant*.

5. Catholici constanter docent cum Patribus Concilij Tridentini, Sanctos noui Testamenti, si nihil purgandum aut expiandum habeant, regnare cum Christo in celo, & frui celesti beatitudine. Ratio est, quia non debent esse deterioris conditionis, quam Sancti veteris Testamenti. At hi statim post mortem Christi admissi sunt ad celum & celestem gloriam, vt supra ostensum est: Ergo etiam Sancti noui Testamenti statim admittuntur.

6. Et confirmatur primo ex Apostolo 2. Cor. 5. 1. vbi ait: *Scimus, quoniam si terrestris domus nostra huius habitationis dissoluatur, quod adificationem ex Deo habemus, domum non manu factam, æternam in celis, id est: Quando ex hoc mortali corpore discedimus, sumus cum Deo in celis. An statim? Omnino. Sequitur enim: Dum sumus in corpore, peregrinamur à Domino. Audemus autem, & bonam voluntatem habemus magis peregrinari à corpore, & presentes esse ad Dominum*. Vbi vides hæc duo connexa esse: *Dum sumus in corpore, peregrinamur à Domino*. Et similiter hæc duo: *Dum peregrinamur à corpore, presentes sumus ad Dominum*. At Sancti, qui in nouo Testamento moriuntur, peregrinantur à corpore: ergo presentes sūt ad Dominum.

7. Hoc testimonio conuictus est Calvinus in Pſychopannychia, vbi ait: *Vt nihil addamus, verba Apostoli sine interprete hoc loquuntur, nos sensuros Dei presentiam, cum ab hoc corpore separabimur: iam non per fidem ambulaturos, sed per speciem, quoniam hoc terrene pondus, quo premimur, nos à Deo, quasi maceris longo intervallo separat*.

8. Secundo confirmatur ex eodem Apostolo, Philip. 1. 23. *Coarctor*, inquit, *est duobus, desiderium habens dissolui, & esse cum Christo, multo magis melius: permanere autem in carne, magis necessarium propter vos, quasi dicat: Ex vna parte cupio mori, vt possim esse cum Christo: ex altera cupio viuere, vt possim vobis prodesse*. Hoc non diceret, si Sancti post hanc vitam non statim essent cum Christo,

Non iij

sed alibi delitescerent vsque ad diem iudicii. Vnde Calvinus in Commentario illius loci scribit: *Paulus aperit testatur, nos frui Christi presentia, cum dissolui-
mur.*

9. Idem docent Patres Græci & Latini apud Bellarminum lib. 1. de Sanctis, cap. 4. & 5. Et ratio est, quia Deus, si aliunde nihil obstat, promptior est ad miserendum & remunerandum, quàm ad puniendum, Psal. 144. 9. *Suavis Dominus universis: & miserationes eius super omnia opera eius.* Et hoc sensu dicunt Theologi, Deum punire impios citra condignum, & remunerari iustos ultra condignum. At impios statim punit post hanc vitam in inferno (Luc. 16. 22.) Ergo etiam iustis, si aliunde nihil obstat, statim post hanc vitam confert præmium in cælo. At certum est nihil iam obstat: tum quia cælum per Christum sanguinem apertum est: tum etiam, quia Sancti veteris Testamenti pridem illud ingressi sunt. Cur ergo Sancti novi Testamenti non statim ingrediantur, præsertim si nihil in Purgatorio expiandum habent? Non video causam dilationis.

10. Dices, Præmia non solent distribui, nisi præmisso examine & iudicio: sed in nouissimo primum die fiet examen & iudicium (Matth. 25. 31.) Ergo tunc primum distribuenda sunt præmia. Respondeo. Duplex est iudicium: Alterum particulare post hanc vitam, in quo distribuuntur præmia & poenæ animarum. Et de hoc multi interpretantur illud Hebræor. 9. 27. *Statutum est hominibus semel mori, post hoc autem iudicium.* Alterum generale in nouissimo die, in quo distribuuntur præmia & poenæ corporum de quo Matth. 24. 30. *Tunc parebit signum Filij hominis in cælo, & tunc plangent omnes tribus terræ, & videbunt Filium hominis venientem in nubibus celi cum virtute multa & maiestate.* De utroque iudicio scribit Augustinus lib. 1. de anima & eius origine, cap. 4. D. Thomas 3. p. q. 59. artic. 5. & alij passim.

11. Dices 2. Anima Christi non ascendit in cælum, nisi relumpto prius corpore: Ergo nec animæ Sanctorum debent ascendere, nisi relumptis prius corporibus, quod fiet in fine mundi, alioqui discipuli essent supra Magistrum, & serui supra Dominum. Respondeo. Contrarium potius sequitur. Nam ex speciali privilegio factum est, quod Christus ante generalem corporum resurrectionem, resumpserit corpus suum gloriosum: quod privilegium debebatur illi, ratione vocationis hypostaticæ. Et ex ea parte superavit suos discipulos ac seruos.

QVÆSTIO V.

An Sancti in cælo sciant quæ apud nos geruntur.

1. **N**on est quæstio, An simpliciter & absolute sciant omnia, quæ apud nos fiunt; sed an sciant ea, quæ ad ipsos aliquo modo spectant: cuiusmodi, inter cætera, sunt etiam orationes nostræ, quæ ad ipsos diriguntur. Aduersarij negant. Primo, quia scriptura dicit, solum Deum nosse cogitationes nostras: mortuos verò nihil scire de nobis, vt 3. Reg. 8. 39. *Tu nosti solus cor omnium filiorum hominum.* Et Ecclesiastæ 9. 5. *Viuentes sciunt se morituros: mortui vero nihil nouerunt amplius.* Et Iob. 14. 21. *Sine nobiles fuerint filij eius, sine ignobiles, non intelliget, nempe post mortem.* Et Isaia 63. 16. *Abraham nesciuit nos, & Israël ignorauit nos.*

2. Deinde, quærit Calvinus lib. 3. Instit. cap. 20.

§. 24. vnde constet nobis, Sanctos habere tam longas aures, quæ ad nostras voces porrigantur; & oculos tam perspicaces, qui necessitatibus nostris aduigilent? Quid Catholici sentiant, breuiter explicandum est per duas conclusiones, quarum prima agit de Angelis: posterior de alijs Sanctis.

3. Prima Conclusio. Angeli cognoscunt ea, quæ apud nos geruntur. Hoc concedunt aduersarij. Et probatur clarissimis Scripturæ testimonijs. Primo, quia cognoscunt nostras orationes, & illas Deo efficiunt, vt deservatur Angelus Raphaël, Tob. 12. 12. his verbis: *Quando orabas cum lachrymis, ego obtuli orationem tuam Domino.* (Vide Augustinum epist. 120. ad Honoratum, cap. 29.) Et de alio Angelo legimus Apocal. 8. 3. *Alius Angelus venit, & stetit ante altare, habens thuribulum aureum: & data sunt illi incensa multa, vt daret de orationibus Sanctorum omnium super altare aureum, quod est ante thronum Dei. Et ascendit fumus incensorum de orationibus Sanctorum, de manu Angeli coram Deo.*

4. Secundo cognoscunt internam conuersionem & poenitentiam peccatoris. Luc. 15. 7. *Dico vobis, quod ita gaudium erit in cælo super uno peccatore poenitentiam agente, quàm super nonaginta noueris iustis, qui non indigent poenitentia.* Et infra v. 10. *Ita dico vobis, gaudium erit coram Angelis Dei super uno peccatore poenitentiam agente.*

5. Tertio, cognoscunt omnem cultum, quem Deo exhibemus. Psal. 137. 1. *In conspectu Angelorum psallam tibi.* Vsitatum est in Scripturis, facere aliquid in conspectu Dei, in conspectu Angelorum, in conspectu hominum, id est, inspiciente Deo, Angelis, hominibus. Quem modum loquendi vsurpat etiam Calvinus lib. 5. Instit. cap. 14. §. 1. cum ait, nos in vsu seu perceptione Sacramentorum, *testari coram Angelis nostram erga Deum pietatem.*

6. Quarto, cognoscunt habitum & honestatem mulierum in publicis conuentibus, vbi fit oratio. 1. Corinth. 11. 5. *Omnis autem mulier orans aut prophetans, non velato capite, deturpat caput suum.* Et infra v. 10. *Idcirco debet mulier velamen habere supra caput propter Angelos.* Vel, vt alij legunt: *Idcirco debet mulier potestatem habere supra caput propter Angelos.* Vtriusque tamen lectionis idem est sensus, quasi dicat: Mulier cum orat, debet esse velato capite propter Angelos, vt habeat illos testes & inspectatores sui pudoris & obedientiæ erga virum. Nam velamen, quod mulier gestat in capite, significat, eam subiectam esse potestati viri: Et virum quasi insidere & dominari ipsius capiti. Vide Chrysostomum, Theophylactum, Theodoretum, Anselmum, & D. Thomam in Comment. illius loci.

7. Secunda Conclusio. Non soli Angeli, sed etiam alij Sancti in cælo viuentes cognoscunt ea, quæ apud nos geruntur: præsertim nostras orationes, quas ad ipsos fundimus, & necessitates, in quibus versamur. Hoc varijs argumentis probari potest. Primum sumitur ex Apocalypsi Ioannis. Alterum ab exemplo Sanctorum in hac vita degentium. Tertium ab exemplo Angelorum. Quartum ex natura & lege amicitiae, qua Sancti in cælo, Deo intimè coniuncti sunt. Quintum ex autoritate Patrum. Singula seorsim proponam, ac deinde respondebo ad testimonia Scripturæ in contrarium allata.

I. ARGUMENTVM.

Ex Apocalypsi Ioannis.

8. **P**rimum argumentum sic propono : Ioannes in Apocalypsi expresse tradit, Sanctos in cælo non solum cognoscere nostras orationes, sed etiam Deo offerre. Nam cap. 5. v. 1. sic habet : *Et vidi in dextera sedentis supra thronum, librum scriptum intus & foris, signatum sigillis septem. Et vidi Angelum fortem, predicantem voce magna: Quis est dignus aperire librum & solvere signacula eius? Et nemo poterat neque in cælo, neque in terra, neque sub terra aperire librum, neque respicere illum. Et ego flebam multum, quoniam nemo dignus inuentus est aperire librum, nec videre eum. Et vnus de senioribus dixit mihi: Ne fleueris: ecce vicit Leo de tribu Iuda, radix David, aperire librum, & solvere septem signacula eius. Et vidi, & ecce in medio throni, & quatuor animalium, & in medio seniorum, Agnum stantem tanquam occisum, &c. Et venit, & accepit de dextera sedentis in throno librum. Et cum aperuisset librum, quatuor animalia, & viginti quatuor seniores ceciderunt coram Agno, habentes singuli citharas & phialas aureas plenas odoramentorum, quæ sunt orationes Sanctorum.*

9. Hic describit Ioannes visionem suam, quam habuit in raptu, quæ erat huiusmodi. Deus Pater sedebat in throno cælesti, & tenebat in manu dextera librum septem sigillis signatum, quem nemo poterat aperire seu interpretari, nisi Christus, qui est Agnus pro nobis occisus. Cùm ergo is librum aperuisset, adorauerunt illum quatuor animalia, & viginti quatuor seniores, qui habebant phialas aureas plenas odoramentorum, quæ sunt orationes Sanctorum.

10. Multa hic disputari solent. 1. de libro septem sigillis signato. 2. de quatuor animalibus. 3. de viginti quatuor senioribus. 4. de phialis aureis, quæ erant plene odoramentorum. Sed non omnia sunt huius loci. Solum duo posteriora spectant ad nostrum propositum. Igitur per viginti quatuor seniores intelliguntur Sancti Veteris ac Noui Testamenti, qui tunc temporis cum Christo erant in cælesti gloria: non quidem omnes, sed præcipui. De quibus hæc tradit Ioannes. Primo, quod fuerint circumamicti vestimentis albis (cap. 4. v. 4.) Secundo, quod habuerint aureas coronas in capitibus. (ibidem.) Tercio, quod fuerint redempti sanguine Christi ex omnibus, & lingua, & populo, & natione. (cap. 5. v. 9.) Quarto, quod præter illos fuerint multi alij Sancti in cælo, (cap. 7. v. 13.)

11. Hi igitur seniores, id est, præcipui Sancti, qui tunc regnabant cum Christo, habebant in manibus phialas aureas plenas odoramentorum, quæ sunt orationes Sanctorum, id est, offerebant Deo orationes eorum, qui in hac vita mortali debebant: non secus, quam Angeli, qui idem dicuntur præstare. Tobie cap. 12. v. 12. & Apocalyp. 8. v. 3. v. supra ostensum est.

12. Vbi tria notanda sunt. Primum. Ioannem alludere ad ritum, & consuetudinem Templi Salomonis, in quo coram altari ponebantur phialæ aureæ & argenteæ plene odoramentorum. Nam Salomon, curauit fieri centum phialas ex auro purissimo. (2. Paralipomenon 4. 8. & 21.) Et post captiuitatem Babylonicam, cum Cyrus restitueret Iudæis vasa aurea & argentea, quæ abstulerat Nabuchodonosor,

A numeratæ sunt aureæ phialæ trigintæ, & argenteæ mille. (1. Esdr. 9. Huc spectat illud Zachariæ 14. 20.) *Et erunt lebetes in domo Domini, quasi phialæ coram altari,* id est: Tam multi erunt lebetes in templo ad coquendas carnes victimarum, quam multæ phialæ ad odorem Deo offerendum.

13. Alterum, per odoramenta, quæ erant in phialis, Ioannem aptissime interpretatum esse orationes iustorum in hac vita: Et quidem duplici de causa. Primo, quia orationes iustorum ascendunt sursum, non secus, quam odoramenta. Secundo, quia sunt suauissimi odoris coram Deo. Vtrunque significat Propheta, cùm ait, Plal. 140. 2. *Dirigatur oratio mea sicut incensum in conspectu tuo.*

B 14. Tercium, orationes iustorum fuisse à senioribus oblatas Deo in phialis aureis: idque etiam duplici de causa. Primo, quia orationes iustorum procedunt ex charitate, quæ significatur per aurum. Sicut enim aurum inter metalla, sic charitas inter virtutes præstantissima est. Secundo, orationes iustorum sunt maximi pretij, apud Deum, sicut aurum apud homines.

15. Atque hæc habentur in priori parte illius quinti capitis in Apocalypsi. In posteriori, refert Ioannes triplicem gratiarum actionem fuisse oblatam Christo, eo quod librum signatum septem sigillis aperuisset. Primam à viginti quatuor senioribus. Alteram ab Angelis. Terciam ab omni creatura, quæ est in cælo, & in terra, & sub terra. Et postea, quatuor animalia dixisse, Amen. Vbi iterum notandum est, per quatuor animalia (vt multi interpretantur) intelligi quatuor Euangelistas: vel certe aliquos alios cum Christo in cælo regnantes. Hi ergo, quicunque tandem fuerint, suo applausu approbarunt orationem & gratiarum actionem, quæ fiebat ab iis non solum, qui in cælo, sed etiam qui in terra, & sub terra erant. Vnde de identidem loquitur, Sanctos in cælo non ignoraret, quæ apud nos fiunt.

II. ARGUMENTVM.

Ab exemplo Sanctorum in hac vita degentium.

16. **S**ecundum argumentum est tale. Quidquid conceditur Sanctis in hac vita degentibus, hoc multo magis conceditur Sanctis in cælo regnantibus, præsertim si illorum statui non repugnet, sed potius consentaneum sit: At Sanctis in hac vita degentibus conceditur, vt cognoscant occulta aliorum desideria, machinationes, & opera, etiam absentium: Ergo multo magis id conceditur Sanctis in cælo regnantibus, cùm illorum statui non repugnet, sed consentaneum sit. Maior videtur per se nota. Minor probatur variis exemplis ex Scriptura desumptis.

E 17. Primo, quia Samaël cognouit omnia, quæ erant in corde Saülis. 1. Regum 9. 19. *Et respondit Samaël Saül dicens: Omnia, quæ sunt in corde tuo, indicabo tibi. Et de asinis, quas undique perdidisti, ne sollicitus sis, quia inuenta sunt.*

18. Secundo, Elifus sciuit omnia, quæ à famulo absente erant perpetrata. 4. Reg. 5. 25. *Et dixit Elifus: Vnde venit Giezi? Qui respondit: Non in infernus tuus quoquam. At ille ait: Nonne cornu meum in presenti erat, quando reuersus est homo de curru suo in occursum tui? Nunc igitur accepisti argentum, & accepisti vestes, ut emas oliveta, & vineas, & onas*

& bones, & seruat, & anellat. Sed & lepra Naaman adhærebit tibi, & semini tuo, usque in sempiternum.

19. Tertio, idem Elifzus sciebat omnia secreta consilio Regis Syriæ, & reuelabatur Regi Israël. 4. Regum 6. 8. *Rex autem Syriæ pugnabat contra Israël, consiliumque iniecit cum servis suis, dicens: In loco illo, & illo ponamus insidias. At isit itaque vir Dei ad Regem Israël, dicens: Cane, ne trans eas in locum illum, quia ibi Syrii in insidiis sunt. At isit itaque Rex Israël ad locum, quem dixerat ei vir Dei, & præoccupauit eum, & obseruauit se ibi non semel, neque bis. Conturbatumque est cor Regis Syriæ pro hac re: & conuocatis seruis suis ait: Quare non indicatis mihi, quis proditor mei sit apud Regem Israël? Dixitque unus seruorum eius: Nequaquam Domine mi Rex, sed Elifzus Propheta, qui est in Israël, indicat Regi Israël omnia verba, quæcumque locutus fueris in conclave tuo.*

20. Quarto, Daniel sciebat occultum somnium Nabuchodonosoris, & interpretationem illius. Dan. 2. 26. *Et dixit Rex Danieli: Putasne uerè potes mihi indicare somnium, quod uidi, & interpretationem eius? Respondens Daniel coram Rege ait: Myſterium, quod Rex interrogat, sapientes, Magi, arioli, & aruspices nequeunt indicare Regi. Sed est Deus in cælo reuelans myſteria. Qui etiam reuelauit Danieli, ut ibidem sequitur.*

21. Quinto, Petrus Apostolus sciebat occultam fraudem Ananiz & Sapphiræ circa pretium agri. Act. 5. 1. *Vir quidam nomine Ananias cum Sapphira uxore sua uendidit agrum, & fraudauit de pretio agri, conscia uxore sua: & adferens partem quandam, ad pedes Apostolorum posuit. Dixit autem Petrus: Anania, cur sentas Sabbanas cor tuum, mensiri te Spiritui sancto, & fraudare de pretio agri? Omitto similia exempla, quæ passim occurrunt.*

22. Ex quibus omnibus sic concludo: Si Samuel, Elifzus, Daniel, Petrus, & alij potuerunt in hac uita mortali cognoscere occulta consilia, conatus, & actiones aliorum, etiam absentium; certè poterunt & nunc cognoscere, cum in cælo sunt. Nec enim uerisimile est, in exilio fuisse melioris conditionis, quàm nunc sint in patria: Et remotos à conspectu Dei, cognouisse multa ex Dei reuelatione, quæ nunc in aula & præsentia Dei cogantur ignorare. Absit. Reclamat bonitas Dei: reclamat recta ratio: reclamat exemplum viginti quatuor seniorum, de quibus supra dictum est.

23. Dices, Ex toto hoc discursu nihil aliud sequitur, quàm quod huiusmodi cognitio, sicut in hac uita paucis concessa est, sic etiam in cælo paucis concedi possit. Ex quo non licet inferre, quod omnibus in cælo existentibus sit communis. **R E S P O N D E O.** Hoc optimè licet inferre, si diuinum consilium & prouidentiam in hac respiciamus. Nam quod Deus in hac uita solet paucis & raro concedere, per modum priuilegij transiens; hoc in altera concedit omnibus per modum doni permanentis.

24. Exemplum habemus in Christo, cui speciatim in hac uita, pro breui tempore, quædam concessa sunt, quoad usum & exercitum. Primo, ut facies eius splenderet sicut Sol. (Matth. 17. 2.) Secundo, ut ambularet super aquas. (Matth. 14. 25.) Tertio, ut clausas ianuas penetraret. (Ioan. 10. 19.) Quarto, ut subito euanesceret ex oculis hominum, & quasi inuisibilis esset. (Lucæ 24. 31.)

25. Hæc & similia concedentur omnibus Sanctis post diem iudicij. Tunc enim habebunt corpora gloriosa, cum his quatuor dotibus, claritate, subtilitate, agilitate, & impassibilitate, ut docent Theologi in 4. distinct. 44. & 49. De quibus extant expressa Scripturæ

testimonia. De claritate, Matth. 13. 43. *Tunc iusti fulgebunt sicut Sol.* De impassibilitate. 1. Corinth. 15. 53. *Oporret corruptibile hoc inducere incorruptionem, & mortale hoc immortalitatem.* De agilitate. Sap. 3. 7. *Fulgebant iusti, & tanquam scintilla in arundine to discurrunt.* De omnibus simul 3. Cor. 15. 44. *Seminatur in corruptione, surget in incorruptione: seminatur in ignobilitate, surget in gloria: seminatur in infirmitate, surget in uirtute; seminatur corpus animale, surget corpus spirituale.*

26. Igitur sicut hæc dotes corporis, quæ in hac uita paucissimis & rarissimè conceduntur, in cælo omnibus concedentur, non ad breue tempus, sed perpetuo: sic etiam, seruata proportionem de dotibus animi dicendum est. In hac uita paucis & raro conceditur, cognoscere occultas aliorum cogitationes & desideria; quod in cælo commune est omnibus. In hac uita concessum est Moysi & Paulo (ut multi putant) uidere essentiam Dei, in cælo omnes vident. In hac uita Stephanus Protomartyr uidit Filium hominis stantem à dextris Dei (Act. 7. 55.) in cælo omnes fruuntur hac uisione. Et sic de similibus. Rationem huius rei clariùs explicabo inferiùs in 4. Argumento.

III. ARGUMENTVM.

Ab exemplo Angelorum.

27. **T**ertium est hoc: Quidquid conuenit Angelis ratione beatitudinis, hoc etiam conuenit aliis Sanctis in cælo existentibus, qui & ipsi beati sunt: At Angeli, ratione beatitudinis, cognoscunt ea, quæ apud nos geruntur: Ego etiam alij Sancti in cælo existentes ea cognoscunt.

28. Maior patet, quia Angeli, tametsi in natura differant ab aliis Sanctis, tamen in beatitudine non differunt, sed æquales sunt iuxta illud Christi, Lucæ 20. 25. *Illi uerò, qui digni habebuntur sæculo illo, & resurrectione ex mortuis, neque nubent, neque ducunt uxores: neque enim ultra mori poterunt: æquales enim Angelis sunt, & filij sunt Dei.* Ergo quidquid competit Angelis ratione beatitudinis quatenus sunt filij Dei; hoc etiam aliis competere necesse est, qui in eodem statu sunt.

29. Minor probatur: quia quod Angeli infallibiliter cognoscant ea, quæ apud nos sunt, præsertim internas præces, cõtritionem & pœnitentiã, hoc non habet ex solis naturæ uiribus, (alioqui etiam Dæmones, qui in natura illis æquales sunt, infallibiliter ea cognoscerent, quod falsum est) sed habet ex statu beatitudinis. At in hoc statu, ut dixi, nō differunt ab aliis Sanctis. Ergo & alij Sancti, ratione sui status, possunt idè præstare.

30. Simile est in Consistorio Imperatoris, in quo multi sunt Consiliarij. Tametsi enim alij ab aliis differant, quoad natiuam originem & nobilitatem, cum alij nati sint Comites, alij Barones, alij plebei; omnes tamen æquales sunt, quoad statum in quo uersantur, quia omnes sunt in arcano Consilio Imperatoris, & æqualem in dicenda sententia libertatem & potestatem habent. Ex quo rectè sequitur, quidquid secreti cognoscit unus, ratione sui status, hoc etiam alios cognoscere, qui in eodem statu sunt.

31. Dices, quod Angeli cognoscant nostras orationes & necessitates, hoc non videntur habere ratione beatitudinis, sed ratione officij. Cum enim ex officio sint custodes hominum, necesse est eos cognoscere quæ circa homines fiunt. Respondet. Contrarium uerum est. Quod ex eo patet, quia si hæc

lerent notitiam illam ratione solius officij, iam soli Angeli custodes, qui nobiscum versantur, haberent illam notitiam; non item reliqui, qui in celo sunt. Hoc autem falsum est. Nam de illis, qui in celo sunt, dictum est Luca 15. 10. *Gaudium erit coram Angelis Dei super uno peccatore poenitentiam agente.* Quod intelligendum est de Angelis in celo existentibus, ut patet ex verbis precedentibus, quæ hic habentur: *Gaudium erit in celo super uno peccatore poenitentiam agente.* Hinc infero, si omnes Angeli, sive in celo, sive in terra sint, cognoscunt internas nostras cogitationes & affectiones, quod non habeant eam notitiam ex copratise, quia custodes nostri sunt, sed ex eo, quia beati sunt, quod deinceps magis explicabo.

IV. ARGUMENTVM.

Ex natura & lege amicitia.

32. **Q**uartum argumentum sic propono. Lex amicitia requirit, ut amicorum omnia sint communia, non solum quoad bona externa, quibus se mutuo iudant in necessitate, sed etiam quoad interna consilia & secreta, quæ sibi inuicem, quantum exigit cuiusque status & conditio, solent communicare. Hanc legem non modo commendant ethnici Philosophi, sed etiam Christus in Evangelio, cum ait, Ioan 15. 15. *Ego nunc dico vobis seruos, quia seruus nescit quid faciat Dominus eius. Vos autem dixi amicos, quia omnia, quaecumque audivi a Patre meo, nuncia feci vobis.* Cum ergo Sancti in celo sint amici Dei, & intime cum illo coniuncti, lex amicitia requirit, ut Deus, qui omnia nouit, non patiatur amicos suos ignorare ea, quæ apud nos sunt, præsertim orationes nostras, quæ ad ipsos diriguntur.

33. Dices, Si hoc argumentum conuincit, planè sequitur, non solum Sanctos in celo cognoscere nostras orationes, sed etiam Sanctos in limbo cognouisse. Nam & illi erant amici Dei, ac proinde Deus ex lege amicitia debebat illis reuelare orationes, quæ ad ipsos fundebantur.

34. Respondeo. Amicitia duplex est. Vna inter æquales, ut inter Principes, vel ciues, vel milites, vel agricolas. Altera inter inæquales, ut inter Deum & homines, inter Principem & inferiores Principe. Prior vocatur amicitia æqualitatis, posterior excellentie seu propioris. De hac nos agimus. Igitur lex amicitia, quæ inter inæquales est, hæc requirit, ut bona amicorum sint communia, non simpliciter & absolute, sed seruata proportionē cuiusque status ac conditionis. Hoc patet primo in amicitia humana. Nam Princeps, qui habet varios amicos, quorum alii nobiles, alii plebei sunt; nemque alii domestici, alii extranei; non tenetur ex lege amicitia æqualiter omnibus suis bona communicare, sed unicuique iuxta exigentiam sui status ac ordinis.

35. Idem fit in amicitia diuina. Nam & Deus habet varia amicorum genera: Alios in hac vita mortali; alios in limbo, vel purgatorio; alios in celesti beatitudine. Horum omnium status diuersus est. Nam primi sunt in statu obsecræ fidei (1. Cor. 14. 12) cum periculo excidendi ab amicitia, si peccent. (Rom. 11. 20.) Secundi sunt etiam in statu obsecræ fidei, sed sine periculo peccandi, ut quæ 3. conclus. 4. explicatum est. Terti sunt in statu claræ visionis, quia Deum præsentem contemplantur, & omnis miseris expertes sunt. Aroc. 22. 5.

36. Propter hanc statuum diuersitatem, Deus non æqualiter communicat illis sua bona, sed seruat pro-

portionem. Nam illis, qui in celo sunt, immediate donat seipsum per claram & incommutam visionem diuinæ essentia, in qua omne bonum perfectissimè continetur. Cæteris vero non communicat seipsum clarè & immediate, sed obsecrè & mediatè: idque partim per creaturas, in quibus aliquo modo refulcet ipsius bonitas & sapientia (Rom. 1. 20.) partim per fidem, quam ex auditu percipiunt. (Rom. 10. 17.)

37. Hinc facile declarari iam potest, quod querebatur, quare scilicet Sancti in celo cognoscant nostras orationes, quas sancti in limbo non cognoscebant, cum & illi essent amici Dei? Causa hæc est. Nam Sancti in celo clarè & intuitiue vident diuinam essentiam, in qua tanquam in viuo speculo, creature omnes repræsentantur. Sicut ergo is, qui speculum corporeum intuetur, clarè & distinctè videt, quæ in illo apparent; sic Sancti, qui essentiam diuinam intuentur, clarè & distinctè vident creaturas in illo apparentes. Hoc interest, quod speculum corporeum, quale apud nos est, naturaliter ac necessarid ostendat ea omnia, quæ in ipso repræsentantur, quia non habet libertatem seu potestatem, ut quædam ex eis occultet, & quædam manifestet. At Deus, in quo omnes creature, tanquam in viuo exemplari continentur, potest quasdam nobis manifestare, quasdam occultare, prout ipsi visum est. Hinc à Theologis vocatur speculum voluntarium. Omnes tamen Sancti in eo speculo clarè intuentur, quæ aliquo modo ad ipsos pertinent; ac proinde etiam orationes, quæ ad ipsos funquantur.

38. Alia sunt ratio Sanctorum in limbo existentium. Nam illi non erant in statu claræ visionis, sed in statu obsecræ fidei, ac proinde non poterant quæquam cognoscere in essentia diuina, tanquam in speculo repræsentante; sed quidquid cognoscebant, aliunde debebant accipere. Ac potissimum, ut supra dixi, ex triplici capite. Primo ex ea notitia, quam ex hac vita secum asportauerant. Secundo ex relatione aliorum hominum, qui ex hac vita ad illos veniebant. Tertio, ex colloquio Angelorum, qui aliquando consolandi causa illos adibant. At ex nullo horum capitum poterant semper & infallibiliter cognoscere orationes viuentium. Non ex primo, quia Abraham ex ea notitia, quam secum ex hac vita in limbum asportauerat, non potuit scire, quid reliqui in hac vita degentes, post mortem ipsius essent petaturi. Nec ex 2. quia qui ex hac vita veniebant ad limbum, non poterant Abrahamo referre, quid quisque oraret, vel oraturus esset in hac vita. Nec ex tertio, quia Angeli non semper erant in limbo: Ergo non semper poterant ibi manifestare quid fieret in terra.

39. Dices: Saltem aliquando poterant. Respondeo. Hoc concedimus: Nec est contra nos. Dices 2. Deus poterat id præstare. Respondeo. Poterat quidem, sed non constat factum esse. Si tamen aduersarij factum esse contentant, non repugnabimus: sed sic potius ratiocinabimur. Si Sancti in limbo cognouerunt orationes viuentium ex peculiari Dei reuelatione, cur Sancti in celo non cognoscant? Quæ hætenus dicta sunt, deinceps autoritate Patrum confirmabimus.

V. ARGUMENTVM.

Ex autoritate Patrum.

40. **A**ugustinus lib. 22. de ciuit. Dei, cap. 29. de hac re ita scribit. Si Propheta Elisæus puerum suum Giezi absens corpore vidit accipientem munus;

ra, qua dedit illi Naaman Syrus; quanto magis Sancti videbunt omnia, etiam unde sunt corpore absentes; Tunc enim erit perfectum illud, de quo loquens Apostolus: Ex parte, inquit, scimus, & ex parte prophetamus: cum autem venerit, quod perfectum est, euacuabitur quod ex parte est.

41. Ad hoc confirmandum profert illud 1. Cor. 13. 11. Cum essem paruulus, loquebar ut paruulus sapiebam ut paruulus, cogitabam ut paruulus. Quando autem factus sum vir, euacuauit, quae erant paruuli. Videmus nunc per speculum in enigmate: tunc autem facie ad faciem. Nunc cognosco ex parte: tunc autem cognoscam, sicut & cognitus sum. Et mox subiungit: Si ergo in hac vita, ubi hominum mirabilium prophetia ita comparanda est illi vita, quasi paruuli ad iuuenem, vidis tamen Elisam accipientem munera, seruum suum ubi ipse non erat: ita nec cum venerit, quod perfectum est, illi Sancti ad ea quae videnda sunt oculis corporeis, quibus Elisam absens ad seruum suum videndum non indiguit, indigebunt; Nam secundum Interpretes 70. ista sunt ad Giezi verba Propheta: Nonne cormecum secum habui, & non quod conuerfus est vir de curru suo obuiam tibi, & accepisti pecuniam, &c. Sicut autem ex Hebraeo interpretatus est presbyter Hieronymus: Nonne cormecum, inquit, in praesenti eras, quando reuersus est homo de curru suo in occursum tui? Corde ergo tuo se dixit hoc vidisse Propheta, adiuo quidem mirabiliter, nullo dubitante, diuinitus. Sed quanta amplius tunc omnes munere isto abundabunt, cum Deus eris omnia in omnibus.

42. Prosper Aquitanicus lib. 1. de vita contemplatiua, cap. 4. Haec est contemplatiua vita beata, ad quam qui bonorum operum consummatione peruenierint, beatis Angelis similes erunt, & simul cum Deo sine fine regnabunt. Quod hic crediderunt, ibi videbunt, sui Creatoris substantiam mundis cordibus contemplantes, & Ibi eis exuberabit tanta letitia, tanta caelestium gratiarum gaudiorum, ut & remuneratori suo pro tantis muneribus gratias agant, & nullum fastidium ex ipsa affluentium bonorum perceptione sustineant. Ibi ita patebant singulorum singulis mentes, sicut corporalibus oculis subsacent facies corporales, ut infra: Neclatebit tam perfecti beatos aliqui secretum, qui quod est longe praestantius, ipsum visari sunt Deum.

43. Gregorius Magnus lib. 4. Dialog cap. 33. Quia in illa aeterna hereditate omnes communi claritate Deum contemplantur, quid est, quod ibi nesciant, ubi scientiam omnia sciunt?

44. Beda ad cap. 16. Lucæ: Qui creatoris sui claritatem vident, nihil in creatura agitur, quod videre non possint. Cui simile est illud Alcuini de diuinis officiis, c. 39. Nec dubitandum est, fidelium petitiones a spiritibus iustorum sciri, quia qui inus claritatem Dei vident, non est credendum, quia sit aliquid foris, quod ignorent. Plura testimonia citabo quæst. 12.

Soluantur obiectiones aduersariorum.

45. **S**Vpotest, ut exequantur testimonia Scripturæ contra nos illata. Primum est 3. Reg. 8. 39. Tu nostris solus cor omnium filiorum hominum. Respondeo. Multa soli Deo tribuuntur, quæ etiam aliis conueniunt, sed diuerso sensu, v. g. Solus Deus dicitur bonus. (Matth. 19. 17.) Solus iustus (2. Machab. 1. 25.) Solus pius. (Apocal. 15. 4.) Solus potens & immortalis. (1. Timoth. 6. 15.) Solus faciens mirabilia. (Psalm. 71. 18.) Et tamen hæc omnia conueniunt etiam hominibus: non quidem per essentiam, ut Deo, sed per participationem. Nam Deus ista omnia habet à se: homines à Deo. Idem est, in nostro casu. Solus

A Deus dicitur nosse corda hominum, quia solus ex se nouit. Nihilominus & alij possunt nosse, non quidem ex se & virtute sua, sed accepta à Deo cognitione aut reuelatione.

46. Alterum est ecclesiastæ 9. 5. Videntes sciunt se morituros: in rui veronihil norunt amplius. In quem locum sic scribit Lutherus: Salomon sentire videtur mortuos sic dormire, ut prorsus nihil sciant. Et planè credo non esse in Scriptura locum ferriorem pro mortuis dormientibus, & nihil intelligentibus rerum nostrarum, contra Sanctorum inuocationem. Respondeo. Quid sentiat Salomon, ex pleno contextu petendum est, qui sic habet: Nemo est, qui sitaper vinat, & qui huius rei habeat fiduciam. Melior est canis viuus leoni mortuo. Videntes enim sciunt se esse morituros: mortui verò nihil norunt amplius, nec habent ultra mercedem, quasi dicat: Suspectemus negotium æternæ salutis, de eo in hac vita laborandum est, non post mortem. Nam hæc vita utilior est ad merendum, quam tempus post mortem. Quamuis enim hic viuimus, cogitamus nos morituros, ac proinde possumus agere penitentiam, quod mortui non possunt. Nam mortui nullum amplius norunt remedium, quod possit illis prodesse ad vitæ emendationem, aut quo possint mereri aliquid apud Deum. Vide quæ supra dicta sunt quæst. 3. concl. 3.

47. Tertium est Iob. 14. 21. Siue nobiles fuerint filij eius, siue ignobiles, non intelligit. Respondeo. Gregorius lib. 12. Moral. cap. 14. interpretatur hunc locum de hominibus carnalibus, qui in hac vita valde solliciti sunt de suis filiis: & post hanc vitam, quando sunt in inferno, nihil predest illis filiorum status aut conditio quia tunc nesciunt, an filij bene vel male se gerant in hac vita. Verba Gregorij sunt hæc: Sicut hi qui adhuc viuunt sunt, mortuorum animæ quo loco habeantur, ignorant: ita mortui vitam in carne viuentium, post eos qualiter disponatur, nesciunt. Quod tamen de animabus sanctis sentiendum non est, quia quæ inus omnipotentis Dei claritatem vident, nullo modo credendum est, quia foris sit aliquid, quod ignorent. Sed carnales quique, quia amorem præcipuum filiis impendunt, hoc eos beatus Iob nescire postmodum asserit, quod hic vehementer amauerunt: ut siue nobiles siue ignobiles sint filij, nesciant, quorum eos semper cura fatigabat.

48. Quartum est Isaia 63. 16. Abraham nesciuit nos, & Israël ignorauit nos. Respondeo. Ex hoc loco nihil aliud possunt colligere aduersarij (quantum attinet ad præsentem quæstionem) quam quod Abraham & Iacob, tunc temporis ignorauerint, quid in hac vita gereretur. Quod etsi concedatur, non est contra nos. Nam Abraham & Iacob non erant tunc in cælesti gloria, sed in limbo. Nos autem hic disputamus de Sanctis in cælesti gloria existentibus.

49. An autem ille sit sensus istius loci, merito quæri potest. Videtur alius esse, ut patet ex antecedentibus & consequentibus, quæ sic habent: Attendo de cælo, & vide de habitaculo sancto tuo, &c. Tu enim Pater noster, & Abraham nesciuit nos, & Israël ignorauit nos: Tu Domine Pater noster, redemptor noster, à sæculo nomen tuum. Q. d. Merito confugimus ad te, o Pater cælestis, quia Abraham & Iacob non possunt nos liberare, sed tu solus. Vel, ut Hieronymus interpretatur Abraham & Iacob non agnoscunt nos amplius pro suis filiis, propter peccata nostra.

50. Quod attinet ad Caluinum, ego vicissim quæro an Paulus habuerit tam longas aures, ut ad illam Christi vocem porrigerentur: Saule, Saule, quid me persequeris? scilicet in eum Caluinus dicat, Christum in cælo existentem hanc vocem emisisse. Item, an Stephanus habuerit oculos tam perspicaces, ut potuerit dicere: Video cælos apertos, & Filium hominis stantem à dextris Dei. Addo Sanctos in cælo non in-

digere oculis & auribus corporalibus ad cognoscendum ea, quæ apud nos geruntur, sicut nec Angeli indigent. Sufficit notitia intellectus, quam habent ex intuitu diuinæ essentia, ut dictum est.

VI. QVÆSTIO.

An Sancti intercedant pro nobis

Hic dissentiunt aduersarij. Nam Philippus Melancthon in Apologia Confessionis Augustanæ art. 21. docet hæc tria. Primo, constare ex Scripturis quod Angeli orant pro nobis. Secundo, non constare ex Scripturis, quod alij Sancti orant pro nobis. Tertio, Si tamen orant pro nobis, non orare nisi generatim pro Ecclesia. Aliter sentiunt Rex Angliæ in Monitoria Præfatione, & Guiljelmus Tookerus in Duello: Aiunt, Sanctos nec generatim, nec speciatim pro nobis orare. Ratio illorum est, quia gaudium cœlestē, quo fruuntur in cœlo, non permittit illos cogitare de nobis, aut ad res nostras attendere. Est enim tantum gaudium, ut plane auocet mentem à rebus inferioribus, & fixam teneat in contemplatione solius diuinitatis, cuius aspectu perscuntur.

2. Catholici sic statuunt. Primo, Angelos non solum generatim, sed etiam in causis ac necessitatibus particularibus, nostri curam gerere, & pro nobis orare. Hoc patet primo ex illis Zachariæ 1. 12. Respondit Angelus Domini, & dixit: Domine exercituum usquequo non miseraberis Ierusalem & urbium Iudæ, quibus iratus es? Iste iam septuaginta annus est. Vbi orat Angelus pro restauratione Ierusalem & altarum vrbium, quæ tempore captiuitatis Babylonicæ fuerant à Nabuchodonosore deuastatæ.

3. Deinde ex iis Scripturæ locis, vbi Angeli dicuntur nostras orationes Deo offerre, ut Tobia 12. 12. & Apocal. 8. 3. Nam eo ipso, quod nostras orationes Deo offerunt, censentur etiam suas adiungere, ut nostræ facilius à Deo exaudiantur.

4. Præterea ex Daniele cap. 18. vbi introducuntur quatuor Angeli, quorum vnus erat Princeps Persarum; alter Græcorum; tertius captiuorum in Perside; quartus populi Dei. Singuli geriebant curam eorum quos habebant sibi commissos. Denique ex aliis locis, vbi agitur de custodia Angelorum.

5. Secundo statuunt, Sanctos qui olim in Limbo erant, ut minimum generatim orasse pro viventibus. Hoc supra ostensum est exemplo Oniæ & Ieremiæ qui orarunt pro populo & templo Iudæorum (lib. 2. Machab. c. 15. v. 12. & seqq.)

6. Tertio, Sanctos qui nunc in cœlo sunt, orare pro nobis in particulari, sicut & Angeli faciunt. Nam sicut Angeli offerunt orationes nostras Deo, sic & ipsos facere, supra demonstratum est exemplo viginti quatuor seniorum. (Apoc. 5. 8.)

7. Accedit ratio, quæ sumitur ex duobus principiis. Vnum est, quod Sancti in cœlo sigillatim cognoscant nostras necessitates, ut dictum est. Alterum, quod vinculo charitatis & beneuolentiæ nobis coniuncti sint. Sumus enim membra vnius Ecclesiæ Christi. Illi quidem membra Ecclesiæ triumphantis in cœlo; nos autem, militantis in terra. Sicut ergo illi, qui in hac vita nobiscum agunt, & nobis charitate coniuncti sunt, libenter nos iuuant in nostris necessitatibus; sic etiam de Sanctis in cœlo, & quidem potiori iure, sentiendum est. Non enim minus illi amant, quam qui in terris sunt.

8. Et sanè, si diues Epulo in inferno fuit sollicitus pro fratribus suis, quanto magis Sancti in cœlo pro

A nobis? Et, si Onias & Ieremias, cum nondum essent beati, orabant pro populo Iudæorum, quanto magis nunc cum beati sunt, pro omnibus orare putandum est?

9. Idem docent antiqui Patres. Origines hom. 3. in Cantica: Omnes Sancti, qui de hac vita decesserunt, habentes adhuc charitatem erga eos, qui in hoc mundo sunt, si dicantur eorum gerere salutis eorum, & iuuare eos precibus suis atque interuentu suo apud Deum, non erit inconueniens. Scriptum est enim in Machabæorum libris ita: Hic est Ieremias, Propheta Dei, qui semper orat pro populo.

10. Athanasius de interpretatione Psalmorum ad Marcellinum: Verum cauendum, ne quis Psalmos secularibus ad loquendum verbis ornos, neue conetur dilationes immutare, aut omnino aliud pro alio substituere, sed simpliciter, ut scripta sunt, recitet & psallas, ut Sancti, qui ista verba suppeditarunt, sua esse agnoscant, comprecantur nobiscum, ut potius Spiritus sanctus, qui ita locutus est in Sanctis, conspiciens ibi sua verba resonare, nostram operam coadiuuet.

11. Gregorius Nyssenus oratione funebri in Meletium Episcopum: In adytis ac penetralibus sacerdos est, in interioribus veli, quo præcursor pro nobis ingressus est Christus. Reliquis carnis tegumentum: non amplius signo & umbra cœlestium seruit, sed in ipsam rerum imaginem inuatur: non amplius per speculum, atque per transennam & ænigma, sed ipse facie cum facie collata intercedit apud Deum. Intercedit autem pro nobis, & pro populi erratis.

12. Cyprianus lib. 1. ad Cornelium in fine: Memores nostri inuicem sumus, concordēs atque unanimēs, vtrouque pro nobis semper oremus, pressuras atque angustias mutua charitate relenemus. Et si quis hinc nostrum prior diuina dignationis celeritate præcesserit, perseneret apud Deum nostra dilectio, pro fratribus & sororibus nostris apud misericordiam Patris non cessat oratio.

13. Hieronymus contra Vigilantium c. 3. Dicis in libello tuo, quod dum vivimus, mutuo pro nobis orare possumus; postquam autem mortui fuerimus, nullius sit pro alio exaudienda oratio; præsertim cum Martyres, vltionem sui sanguinis obsecrantes, impetrare non quærant. Si Apostoli & Martyres, adhuc in corpore constituti, possunt orare pro ceteris, quando pro se adhuc debent esse solliciti; quanto magis post coronas, victorias & triumphos? Nus homo ad oses sexcentis millibus armorum impetrat à Deo veniam: & Stephanus, imitator Domini sui, & primus Martyr in Christo, pro persecutoribus veniam deprecatur. & postquam cum Christo esse coeperint, minus valebant? Paulus Apostolus ducentas septuaginta sex sibi dicit in nani animas condonatas: & postquam resolutus esse coeperit cum Christo, iunior ora clausurus est, & pro illis, qui in toto orbe ad suum Euangelium crediderunt, mutare non poterit.

14. Augustinus in expositione Ps. 85. sub fine: Dominus noster Iesus Christus adhuc interpellat pro nobis. Omnes Martyres, qui cum illo sunt, interpellant pro nobis. Non transeunt interpellationes ipsorum, nisi cum transferit gemitus noster.

15. Nec desunt aduersarij, qui idem sentiant. Lutherus in responsione ad condemnationem doctrinæ Louanienſium: Non negamus unquam, nos meritis & precibus Sanctorum quantumlibet imperfectis iuuari, &c. (Tomo primo Ienensi, Anno 1584. pag. 472.)

16. Ioannes Oecolampadius ad Serm. Chrysostomi de Iuuentio & Maximo Martyribus: Sancti in cœlis sua adhuc charitate flagrantēs, non desinunt pro nobis intercedere.

17. Philippus Melancthon in Locis communibus Manlij fol. 151. Dicam tibi manifestum testimonium ex nouo Testamento, probans quod mortui sint solliciti de

Ecclesia & nobis. Ita enim ait Matthaeus: Helias & Moyses loquebantur cum Christo de rebus futuris. Non dubium est, quin Sancti ipsi, qui sunt in caelo, nostri curam in terra viventium assiciantur.

18. Ioannes Brentius ad cap. 16. Lucem. Ergone morini intercedunt pro vitiis? Certè negari non potest, quin hi qui viuunt cum Christo, bene cupiant Ecclesia & membris eius. Si enim Angeli orant pro nobis, quemadmodum Zacharias testatur, & si Christus ipse apud Patrem pro nobis intercedit, quomodo non & Sancti afficerentur erga nos in Christo & per Christum charitate, & optarent nobis à Deo felicia quaeque?

19. Ratio autem, quae initio in contrarium allata est, in ipsos auctores retorqueri potest. Nam si visio diuinitatis, & gaudium quod ex ea sequitur, obstarèt, quominus Sancti possint nostri curam gerere, & ad res nostras attendere, plane sequeretur, nec Christum secundum humanitatem, nec Angelos custodes, cum & ipsi videant diuinitatem, & coelesti gaudio perfruantur, posse curam nostri gerere, nec ad res nostras attendere. Quod tamen nemo dixerit.

QUESTIO VII.

An liceat inuocare Sanctos in caelo existentes?

1. **T**amet si aliqui ex aduersariis concedant, Sanctos pro nobis orare seu intercedere, ut iam ostensum est, negant tamen rectè à nobis inuocari posse. Quare? quia putant hanc inuocationem vel cedere in iniuriam Dei, vel in iniuriam Christi, vel esse signum infidelitatis, vel aliquid simile. Quae omnia refutabimus in sequentibus questionibus. Nunc generationem ex dictis sic concludo: Si Sancti intelligunt nostras orationes, & pro sua charitate parati sunt nos iuuare, & apud Deum pro nobis intercedere, cur nobis non liceat ab ipsis petere, ut hoc faciant? Petierunt hoc maiores nostri ante nos, ut quæst. 12. demonstrabo.

2. Et habemus exemplum in Scripturis. Nam Ap. 1. 4. sic legimus: *Ioannes septem Ecclesiis, quae sunt in Asia. Gratia vobis & pax ab eo, qui est, & qui erat, & qui venturus est: & à septem spiritibus, qui in conspectu throni eius sunt: & à Iesu Christo, qui est testis fidelis, primogenitus mortuorum.* Quo loco Ioannes precatur fideles in Asia, & pacem & gratiam à Deo Patre à septem Angelis, & à Christo Iesu Redemptore nostro. Vnde sic argumentor: Sicut illi inuocant Deum & Christum, qui à Deo & Christo petunt aliquod bonum spirituale, siue pro se, siue pro aliis; sic etiam inuocant Angelos, qui ab Angelis petunt aliquod bonum spirituale: At Ioannes pro fidelibus in Asia petit aliquod eiusmodi bonum, nempe & pacem & gratiam, non solum à Deo & Christo, sed etiam ab Angelis: Ergo inuocat Deum, Christum, & Angelos.

3. Diuerso tamen modo ab illis petit. A Deo, tanquam auctore omnium bonorum Iacobi 1. 17. *Omne datum optimum, & omne donum perfectum de sursum est, descendens à Patre luminum, apud quem non est transmutatio.* A Christo, tanquam ab eo, qui per suam mortem meruit nobis omne bonum spirituale. Eph. 1. 3. *Benedixit Deus & Pater Domini nostri Iesu Christi, qui benedixit nos in omni benedictione spirituali in Christo, id est, per merita Christi.* Ab Angelis, tanquam ab iis, qui in eiusmodi negotio curam nostri habent. Heb. 1. 14. *Omnes sunt ministrarii spiritus, in ministerium missi propter eos, qui hereditatem sapientiae salutis.*

4. Dices. Per septem spiritus, de quibus loquitur Ioannes, non intelliguntur Angeli, sed Spiritus sanctus sepius formis, qui confert nobis septem dona. Vel certè, dona ipsa, quae à Spiritu sancto conferuntur. Respondeo. Ita aliqui putant. Sed alij rectius intelligunt septem Angelos, quorum frequens in Scriptura mentio est. Ratio sumitur ex illis verbis: *Qui in conspectu throni Dei sunt.* Nam ista verba, si vltimam Scripturae species, conueniunt illis tantum, qui Deo assunt, & ministrant, quales sunt Angeli, v. p. Tob. 12. 15. *Ego sum Raphael Angelus, vnus ex septem, qui stant ante Dominum.* Et Apoc. 8. 2. *Vidi septem Angelos stantes in conspectu Dei.* Et alibi saepius.

5. At nusquam legimus, quod Spiritus sanctus aut dona Spiritus sancti dicantur esse in conspectu throni Dei. Imo absurdè loqueretur, qui diceret, Spiritum S. esse in conspectu throni Dei, cum ipse sit Deus, & sedeat in throno Dei, in cuius conspectu sunt Angeli. Equè absurdè loqueretur, qui diceret, dona Spiritus sancti esse in conspectu throni Dei, cum eiusmodi dona sint in nobis, qui in hac vita degimus, & procul absumus à conspectu throni Dei. Vide Riberam ad cap. 1. Apoc.

QUESTIO VIII.

An inuocatio Sanctorum fiat sine iniuria Dei?

1. **A**dversarij ex hoc capite sic argumentantur: Solus Deus vult inuocari, iuxta illud Deut. 6. 13. & Matth. 4. 10. *Dominum Deum tuum adorabis, & illi soli seruias.* Ergo Catholici faciunt iniuriam Deo quando inuocant Sanctos.

2. Respondeo 1. Hoc argumentum retorqueri potest in aduersarios, hoc modo. Solus Deus vult inuocari, iuxta Scripturam citatam: Ergo aduersarij faciunt iniuriam Deo, qui inuocant Sanctos in hac vita existentes. Et Apostolus fecit iniuriam Deo, cum scripsit Thessalonicensibus: *Fratres orate pro nobis.* & similiter Iacobus cum Christianos hortatus est: *Orate pro inuicem, ut saluemini.*

3. Respondeo 2. Illa verba: *Dominum Deum tuum adorabis, & illi soli seruias,* sic de bene intelligi: Non adorabis falsos Deos, sicut gentiles faciunt, sed vnum verum Deum, cui soli, tanquam vero Deo, diuinum cultum exhibebis. Qui sensus clare exprimitur, Exod. 20. 3. *Non habebis Deos alienos coram me. Non adorabis eos, neque coles.* Ego sum Dominus Deus tuus.

4. Sicut ergo contra hoc præceptum non peccant illi, qui petunt suffragia viventium in terra: ita nec illi, qui petunt suffragia viventium in caelo. Et ratio est, quia neutri adorant eos, tanquam Deos, sed petunt intercessionem eorum apud verum Deum. At petere intercessionem apud verum Deum, non est colere aut adorare falsos Deos. Sicut petere intercessionem Aulicorum apud Imperatorem, non est colere Aulicos, tanquam Imperatores, sed tanquam amicos & domesticos Imperatoris. Res vulgo nota est.

QUESTIO IX.

An inuocatio Sanctorum fiat sine iniuria Christi?

1. **N**on fieri probant aduersarij, hoc modo Christus est vnicus Mediator noster, per quem habemus accessum ad Patrem. (aphel. 2. 18. & 1. Timoth. 2. 5.) Ergo non est recurrendum ad Sanctos.

Hoc

Hoc enim cedit in iniuriam Christi, quasi ipsius intercessio non sufficiat, sed egeat auxilio Sanctorum.

2. Respondeo 1. Hoc argumentum æquè procedit de Sanctis huius vitæ, ac alterius. Si ergo propterea quia Christus est vnicus Mediator noster, non liceret recurrere ad Sanctos in cælo existentes; non liceret eadem ratione recurrere ad eos, qui nobiscum viuunt; quod tamen est contra aduersarios. Si autem sine vlla iniuria Christi Mediatoris possumus inuocare Sanctos nobiscum degentes, (vt reuera possumus) cur non similiter, Sanctos in cælo triumphantes? Non enim apparet, cur hoc magis sit Christo iniuriosum, quàm illud.

3. Respondeo 2. Christus dicitur vnicus Mediator noster, non quia solus est, sed quia principalis est. Et quidem quatuor ob causas est principalis. 1. quia non tantum officio, sed etiam natura Mediator est, seu medius inter Deum & hominem, cum vtriusque naturæ sit particeps. 2. quia nos Deo reconciliavit, non deprecando tantum, sed condignum pretium & satisfactionem exhibendo. Tertio, quia hoc fecit ex propriis. Habebat enim vim illam ex se, id est, ex natura suæ personæ. Quarto, quia est Mediator omnium, quantum est ex parte ipsius. Pro omnibus enim mortuus est.

4. At Sancti sunt tantum Mediatores secundarij, quia nec ex propriis reconciliant nos Deo: nec per modum solutionis, sed deprecationis; neque respectu omnium, sed aliquorum: Recte tamen dicuntur Mediatores, quia verè intercedunt, pro nobis deprecando, & Dei dona nobis impetrando. Sicut Moses dicitur sequester & medius inter Deum & populum (Deut. 5. 5.) quia scilicet pro populo ad Deum locutus est, & pactum Dei ad populum detulit.

5. Neque hæc intercessio seu mediatio, vt ita dicam, villo modo obcurat officium Mediatoris Christi. Primo, quia intercessio viuentium in terris non obcurat illud, vt dictum est: Ergo nec intercessio Sanctorum in cælo existentium. Secundo, quia sicut nos pro nobis ipsi possumus orare Deum, sine iniuria Christi: sic Sancti nobiscum possunt idem prestatere adiubentur enim quasi comprecatores, vt nostris orationibus suas adiungant. Tertio, quia omnem vim intercedendi, & impetrandi, quam habent acceperunt ex meritis Christi. Vnde potius ad honorem ipsius cedit, quod ipse sit principalis Mediator, & alij sint secundarij, qui ab ipso in omnibus dependeant. Sicut cedit ad honorem Regis, quod alij omnes, si quid rectè faciunt in Republica, ipsius imperio & autoritate faciant.

QVÆSTIO X.

An inuocatio Sanctorum sit signum diffidentiae?

1. **A**ffirmant aduersarij. Quia videmur diffidere de bonitate Dei, quando ad Sanctos confugimus, præsertim cum ipse paratus sit nos iuare: Et hortetur nos Apostolus, vt cum fiducia ad eum accedamus (Hebr. 4. 16.)

2. Catholici contra sentiunt. Primo, quia sicut Paulus Apostolus non diffidebat de bonitate Dei, quando petebat suffragia viuentium in terra; ita neque nos, quando petimus suffragia viuentium in cælo. Secundo, quia licet Deus paratus sit nos audire, quando soli illum accedimus, tamen magis paratus est, quando cum amicis ipsius, illum accedimus.

3. Et sanè in hac re imitatur exempla Scripturæ. Nam Iob. 42. 8. dicit Deus ad amicos Iob. *Ita adser-*
Opus. Bee

uium meum Iob, & offerre holocaustum pro vobis. Iob autem seruus meus orabit pro vobis: faciem eius suscipiam, vs non vobis imputetur stultitia.

4. Item. Genes 20. 7. dicit Deus ad Abimelech Regem Geraræ: *Nunc ergo redde viro suo, (id est Abrahamo) uxorem, quia Propbeta est, & orabit pro te, & vives.*

5. Item, Act. 7. 59. Stephanus orauit pro persecutoribus suis, inter quos erat Saulus: *Domine, ne statuas illis hoc peccatum.* Et exauditus est. Vnde Augustinus serm. 1. de Sanctis: *Si Stephanus non orasset, Ecclesia Paulum non haberet.* In his exemplis nullum est signum diffidentiae.

QVÆSTIO XI.

An ideo non liceat inuocare Sanctos, quia non habemus de hac re præceptum diuinum?

1. **S**ic sentiunt aliqui ex aduersariis, & nominatim Sacellanus Regis Angliæ in responsione ad Apologiam Cardinalis Bellarmini. Et probant ex illo Deut. 12. 32. *Quod precipio tibi, hoc tantum facito.*

2. Sed errant. Nam multa sunt, quæ legitimè fieri possunt, & tamen à Deo præcepta non sunt. Cuiusmodi sunt, hæc 1. Seruare virginitatē. 2. Dare omnia pauperibus. 3. Sæpius quotidie flexis genibus orare. 4. Sacros Ordines suscipere. 5. Agros colere, aut mercaturam exercere.

3. Nec deest luculentum exemplum in Scriptura. Nam legitimis apud Ieremiam, cap. 35. Rechabitas cum tota sua posteritate semper abstinuisse à vino, nunquam ædificasse domos, nec plantasse vineas, ideoque à Deo fuisse commendatos: Et tamen nullo præcepto diuino ad id præstandum erant obligati, sed tantum humano.

4. Illud porro ex Deuter. *Quod precipio tibi, hoc tantum facito.* non debet generatim accipi pro quacunque re, quam facimus; sed speciatim pro sacrificio, vt sensus sit: *Quod tibi præcipio, hoc tantum offerro in sacrificium, & non aliud.* Videatur textus illius loci.

QVÆSTIO XII.

An inuocatio Sanctorum fuerit usurpata in primitina Ecclesia?

1. **N**egant aduersarij: Et inter se dissentiunt. Nam Philippus Melanchthon in Apologia Confessionis Augustanæ art. 21. dicit veteres Scriptores ante Gregorium, nullam fecisse mentionem inuocationis Sanctorum. At Kemnitius in Examine Concilii Tridentini, sess. 22. affirmat inuocationem Sanctorum cœpisse post tempora Augustini, qui vixit ducentis ferè annis ante Gregorium. Et in eodem Examine, sess. 25. ait, authorem inuocationis beatorum Mariæ fuisse Petrum Gnaphæum, circa annum Christi 480.

2. Quæ omnia apertè falsa sunt. Nam & ipse Augustinus, & alij Augustino antiquiores discretè scribunt de inuocatione Sanctorum, vt patet ex ipsorum verbis & testimoniis, quæ sequuntur.

3. Origenes in tractatu, qui inscribitur Threni seu Planctus: *Incipiam me genibus prosternere, & deprecari omnes Sanctos, vt mihi, non audenti petere Deum pro-*

*Perniciem peccati, succurrant. O Sancti Dei vos la-
chrymis & fletu pleno dolore deprecor, ut praece-
cordis eius pro me misero &c.*

4. Nectarius Constantinopolitanus oratione de S.
Theodoro Martyre: *O splendor Martyrum, & decus
Sanctorum. O vere Dei domus. O custos & inuictissime de-
fensor fidelium, ne oblitiscaris nostra paupertas & humili-
tatis; sed semper pro nobis intercedere ne te pigeat, o vir im-
primis admirande, &c.*

5. Ephrem Serm. de sanctis Martyribus: *Precamur
beatissimi Martyres, qui pro Domino Salvatore, proque
illius charitate sponte tormenta subistis, atque adeo fami-
liarius Deo coniuncti estis, ut pro nobis miseris & peccato-
ribus, & negligentia squalore fordentibus Dominum inuer-
pellare dignemini, ut superuenias in nos gratia Christi, qua
corda nostra radio sanctae charitatis illustret, &c.*

6. Gregorius Nazianzenus oratione in Cypria-
num, in fine: *Tu uero nos ab alio propitius respice, no-
sti, anque sermonem ad vitam dirige, & sanctum ouile hoc
pascere, aut una rege ac reliqua, quantum possibile est, ad
meliora dispone, molestosque lupos, syllabarum & verbo-
rum venatores illos abige: ac sancta Trinitatis, cui nunc
estas, splendorem nobis perfectiorem & clariorem gratifi-
care, quam adoramus, quam glorificamus &c.*

7. Item oratione in laudem Basilij Magni, in fine:
*Tu autem sacrum ac diuinum caput, ex alio nos respice, &
carnis stimulum, instructionem nostram à Deo nobis datam,
aut tuas siste precibus, aut fortiter me ferre persuade, totam-
que vitam nobis in melius permuta, &c.*

8. Gregorius Nyllenus oratione in laudem sancti
Theodori Martyris, circa finem: *Multorum beneficio-
rum indigemus: intercede ac deprecare pro patria apud com-
muniem Regem & Dominum, &c. Timemus afflictio-
es: expectamus pericula: non longe absint scelesti Scythae, bel-
lum aduersum nos parturientes. Ut miles, propugna pro no-
bis: Vt Martyr, pro conseruis uere libertate lequendi, &c.
Pete pacem, ut hi publici conuentus non desinam: ne do-
bacchetur atque grassetur aduersus templum altaria ue rabio-
sus ac sceleratus barbarus: ne conculet sancta profanus &
impius. Nos enim etiam, quod incolumes & integri conser-
uari sumus, tibi beneficium acceptum referimus. Petimus au-
tem etiam futuri temporis praesidium atque securitatem.
Quod si maiori etiam opus fuerit aduocatione ac deprecatio-
ne, fratrum tuorum Martyrum coge chorum, & cum om-
nibus unà deprecare. Multorum iustorum preces, multi-
tudo ac populorum peccata luant. Admonere Petrum, excita
Paulum, &c.*

9. Ambrosius in libro de Viduis, circa medium:
*Obsecrandi sunt Angeli pro nobis, qui nobis ad praesidium
dasi sunt: Martyres obsecrandi, quorum videmur nobis
quoddam corporis pignote patrocinium uendicare. Possunt
pro peccatis rogare nostris, qui proprio sanguine, etiam si
qua habuerunt peccata, lauerunt. Isti enim sunt Dei Mar-
tyres, nostri praesides, speculatores uiae, actuumque nostrorum.
Non erubescamus eos intercessores nostra infirmitatis adhi-
bere, &c.*

10. Hieronymus epist. 27. ad Eustochium Virgi-
nem de Epitaphio Paulae matris, cap. 14. *Vale, o
Paula, & cultoris tui ultimam senectutem orationibus iuna.
Fides & opera tua Christo sociant: praesens facilius, quod
postulas, impetrabis.*

11. Chrysostomus homil. 26. in epistolam postero-
rem ad Corinthios, non longè à fine: *Quin sepulchra
seruatorum Crucifixi regis aulis sunt splendidiora, non ad fi-
ciorum amplitudine ac splendore, sed quod multo amplius
est, conuenientium studio. Nam & ipse ille purpura indu-
tus, peregre proficiscitur, sepulchra illa complexurus, & fastu
posito consistit Sanctos rogans, ut si apud Deum patroci-
nentur: Et tabernaculorum artificem (id est, Paulum
Apostolum) ac piscatorem (Petrum) patronos etiam
mortuos precatur, ipse diadema gestans. Audebisne igitur,*

*dicere quaso, horum Dominum dicere mortuum, cuius famuli
etiam mortui, huius mundi Regum sunt Patroni? Atque id
cernat quis non Roma tantum fieri, sed etiam Constantina-
poli.*

12. Hi omnes Patres Augustino antiquiores sunt.
Vnde constat aduersarios vel mentiri, vel ut mini-
mum errare, cum aiunt, Inuocationem Sanctorum
cepisse post August. Iam uero, quid ipse August.
sentiat, notissimum est. Nam in lib. Mediationum c.
24. sic scribit: *Felices Sancti Dei omnes, qui iam pertran-
sistis huius mortalitatis pelagus, & peruenire monstris ad
portum perpetuae quietis, securitatis & pacis: securi & tran-
quilli, semperque festini atque gaudentes: Obsecro vos per
uestram charitatem, qui securi estis de uobis, solliciti estis
de nobis: securi estis de uestra immarcescibili gloria, solliciti
estis de nostra multiplici miseria. Per ipsum uos rogo, qui
uos elegit, qui uos tales fecit, de cuius pulchritudine iam sa-
tiamini, de cuius immortalitate iam immortales facti estis,
de cuius beatissima uisione semper gaudetis. Estote igitur
memores nostri, subuenite uobis miseris, qui adhuc in salo
huius uiae circumstantibus agitatur procellis. Et paulo
post: Intercedite, orate constanter atque indefinenter pro
nobis miseris, multumque negligentibus peccatoribus.*

13. Et ibidem c. 40. *Sancta & immaculata Virgo Dei
genitrix Maria, & Mater Domini nostri Iesu Christi,
intervenire pro me digneris apud illum, cuius inuicisti effici
templum. S. Michael, S. Gabriel, S. Raphael, Sancti Chori
Angelorum atque Archangelorum, Patriarcharum atque
Prophetarum, Apostolorum, Euangelistarum, Marty-
rum, Confessorum, Sacerdotum, Leuitarum, Monachorum,
Virginum omniumque iustorum: per illum qui uos elegit, &
de cuius contemplatione gaudetis, uos rogo, rogo, ut pro
me culpabili ipsi Deo supplicare dignemini, &c.*

14. Et lib. 7. de Baptismo contra Donatistas cap.
1. inuocat Sanctum Cyprianum, his uerbis: *Adiuuet
itaque nos orationibus suis, in istius carnis mortalitate, tan-
quam in caliginosa nube laborantes, ut donante Domino,
quantum possimus, bona eius imitemur. Et lib. 22. de Ci-
uitate Dei cap. 8. refert miracula, quibus Sancto-
rum inuocatio confirmata est. Haec legant aduersa-
rij, & intelligent se in errore uersari.*

Q V A E S T I O XIII.

*An S. Georgius, S. Christophorus, S. Hippolytus,
S. Catharina (qui inuocantur à Catholicis) ex-
stiterint aliquando in rerum natura?*

Aliqui ex aduersariis negant unquam existisse.
Et quidem Philippus Melancthon in Apo-
logia Confessionis Augustanae art. 21. de S. Christo-
phoro sic scribit: *Christophorum pinxit aliquis uir pru-
dens, ut significaret per allegoriam, magnam oportere robur
animi esse in his, qui ferrent Christianam, id est, qui docerent
Euangelium, aut confiterentur, quia necesse sit subire ma-
xima pericula. Deinde stolidi Monachi apud populum
docuerunt inuocare Christophorum, quasi talis Polyphemus
aliquando existisset.*

1. Et Calvinus lib. 3. Instit. c. 20. §. 27. Georgium
& Hippolytum appellat laruas. Et Raynoldus Cal-
uiniarius lib. 1. de Roman. idol. ait, illos, sicut & Chri-
stophorum ac Catharinam, vocari laruas à Caluino,
eò quod nunquam existerint in rerum natura. Simi-
lia habent Kemnitius, in parte 3. Examinis, Francis-
cus Gomarus, in alijs recentiores.

3. Ratio ipsorum est, quia multa scribuntur de
Georgio, Christophoro, Hippolyto & Catharina,
quae ficta, fabulosa & apocrypha sunt. Quae sanè
ratio nulla est. Nam multa etiam fabulosa scripta

sunt de Anchise, Aenea, Hectore: multa etiam de Luthero & Caluino, quæ Lutherani & Calvinistæ signæ esse contendunt. An hinc liceat inferre Anchisem, Aeneam, Hectorem, Lutherum & Calvini- num, nunquam extitisse in rerum natura? Nullo modo.

4. Aliud est non extitisse Sanctos illos de quibus agimus: aliud, historia; quædam, quæ de ipsis scriptæ sunt, apocryphas & incertas esse. Hoc posterius concessero, non illud prius. Sicut Gelasius Papa apud Gratianum (c. Sancta Romana, distin. 15.) concedit Librum de infantia Saluatoris, Itinerarium Petri Apostoli, Euangelium Thadæi, & similia scripta, quæ ibi recenset, esse apocrypha: non tamen concedit Saluatorem, Petrum & Thadæum nunquam extitisse in rerum natura. Hæc generatim dicta sint. Nunc de singulis seorsim agam, cum nostro **SERARIO**.

De Sancto Georgio.

Sicut non aliunde probari potest, Constantinum, Arcadium & Honorium Imperatores aliquando in rerum natura fuisse, nisi ex probatis authoribus, qui id testantur; sic etiam de nostris Sanctis statuendum est. Sunt autem & plurimi, & probatissimi authores, qui testantur S. Georgium aliquando extitisse.

1. Græci in suo Martyrologio, ubi eum *μυροφύων* & *τρυφύων* id est, magnum Martyrem & quasi antesignanum appellant.

2. Æthiopes in Missa, ubi vocatur, *Sydu honoris*, seu *Stella splendida*.

3. Latini in Martyrologiis, Missalibus, & Ritualibus omnibus.

4. Vrbs Diospolis seu Lydda, ubi Martyrio affectus est. Nam ibi extat Templum S. Georgij, ut constat ex Guiljelmo Tyrio lib. 7. belli sacri.

5. Iustinianus Imperator, qui in honorem S. Georgij Basilicam ædificauit, teste Procopio lib. 1. ædific. Iustiniani.

6. Manuel Cornnenus, qui in Orientali Ecclesia Festum S. Georgij obseruari voluit, ut patet ex quadam ipsius Constitutione, quæ sic habet, *Festus est 23. Aprilis, quippe quia sum magnificus Martyr Georgius honoretur.*

7. Sidonius Episcopus Moguntinus, qui eidem S. Georgio templum erexit, quod sæpe visitauit. De quo Venantius Fortunatus libro 1. epigram. 13. sic canit:

*Martyris egregij pollens micat aula Georgi,
Cuius in hunc mundum spargitur altus honor,
Carere, cade, fame, vinculis, sibi frigore, flammis,
Confessus Christum, duxit ad astra caput.
Qui virtute potens, Orientis in arce sepulchrum,
Ecce sub occiduo cardine præbet opem.*

Ergo memento preces & reddere dona viator:

Obtinat hic meritis quod petit alma fides.

Condidit Antistes Sidonius isti a decenter,

Proficiant anima, quæ noua templa, sua.

8. Gelasius Papa loco supra citato, ubi tametsi narrationem quandam de S. Georgio dicat esse apocrypham & incertam; tamen ipsum Georgium recipit in numerum Martyrum.

9. S. Gregorius Magnus lib. 9. epist. 68. ad Marinianum Abbatem expressè scribit se velle, ut Ecclesia S. Georgij restauretur.

10. Gregorius Turonensis in lib. de gloria Martyrum, c. 101. agit de Reliquiis & miraculis S. Georgij.

11. Basilii Magni in Liturgia orat deum per un-

Opus. Bec.

tercessionem tum aliorum Sanctorum, tum etiam S. Georgij, ut patet ex Arabico exemplari Iosephi Scaligeri, quod à Victorio Sialach Latine cōuersum est.

12. S. Germanus, Ierosolymam profectus, accepit brachium S. Georgij à Iustina Imperatrice; & cum magna veneratione Parisios detulit, teste Aimoino l. 2. de gestis Francorum, c. 20. & l. 3. c. 91.

13. Zacharias Pontifex inuenit caput S. Georgij cum inscriptione nominis, & in Templo eiusdem Martyris reposuit, ut patet ex vitis Pontificum.

14. S. Anno extruxit templum in honorem S. Georgij, quod adhuc Colonia Agrippinæ celeberrimum visitur.

15. Nicephorus Imperator implorauit opem S. Georgij & victoriam in bello obtinuit, teste Cedreno in Compendio historiarum.

16. Idem fecit Chunibertus Francorum Rex, apud Paulum Diaconum lib. 6. de gestis Longobardorum, cap. 5. Et Edoiardus tertius Anglorum Rex, & alij plures. Vide Nicéphorum lib. 7. c. 15. Baronium Tom. 7. Annal. Serarium in Litaneuticis, libro secundo, quest. 20.

De S. Christophoro.

Aduersarij tria obiciunt contra hunc Sanctum. Primo, quod nomen Christophori non sit proprium, sed appellatiuum. Secundo, quod historia ipsius non sit certa. Tertio, quod pingatur instar alicuius Gigantis. Vnde Daniel Chaimerus Calvinista in Epistolis Iesuiticis, pag. 46. *Quis, inquit, posset Christophorum negare portentum esse?* Et Melancthon loco supra citato, itemque Chytræus in Onomastico, per ludibrium vocant illum Polyphemum. Sed multo, & antiquiores, & meliores Authores defendunt S. Christophorum contra huiusmodi obrectantium dicacitatem.

1. Sanctus Eulogius in Martyrio alterius cuiusdam Christophori, à Saracenis interfecti.

2. Sanctus Gregorius Magnus lib. 8. Epist. 33.

3. Beda, Ado, & Vsuardus in Martyrologio, die 25. Iulij.

4. Martyrologium Romanum, in quo sic legimus. *In Lycia S. Christophori Martyris, qui sub Decio ferreis virgis attritus, & à flamma æstuantis incendio Christi virtute sanatus, ad ultimum sagittarum ictibus confusus, Martyrium capitis obtruncatione completis.*

5. Græci in Menologio, ad diem 7. Idus Maias.

6. Ecclesia Hispanica. Nam Cordubæ fuit Templum & Monasterium S. Christophori.

7. Ruggerus Fuldenis, ex quo Vicelius scripsit Epitomen vitæ S. Christophori in suo Hagiologio.

8. Antiqua Ludouici Imperatoris Litania, quæ adhuc extat Francofurti in Archivo S. Bartholomæi.

9. Petrus Damianus scripsit pulchrum Sermonem de sancto Christophoro, qui est serm. 34. in 2. Tom.

Nec obstant argumenta contraria. Primo, quia multa sunt nomina appellatiua, quæ tanquam propria vulgo vsurpantur, ut Christophorus, Christianus, Theophilus, Philippus, Philzmon.

Secundò, tametsi quædam in historia S. Christophori sint incerta, non idèò negandum est, S. Christophorum aliquando fuisse in rerum natura. Nam multa etiam incerta sunt in historiis aliorum Sanctorum, quos propterea tamen non reieciimus.

Tertiò, de pictura S. Christophori, itemque de statura giganteæ scribunt Baronius in Martyrologio, Hieronymus Vida in Hymnis, Ioannes Molanus de picturis cap. 23. & alij. Ac certum est, multos etiam hoc tempore esse gigantes; ac proinde fieri potuisse,

ut & Sanctus Christophorus in gigantea fuerit mole ac quantitate. Incertum tamen an reipsa fuerit.

De S. Catharina.

De S. Hippolyta.

NOS agnoscimus tres Sanctos Hippolytos. Primum Antiochenum Presbyterum, de quo in Martyrologiis die 29. Ianuarij. Alterum Portuensum Episcopum, de quo die 22. Augusti. Tertium, qui pingitur ab equis distractus, ideoque & nomine & re Hippolytus est. Hunc tertium negant aduersarij. Sed multi pro illo sunt testes:

1. Prudentius in libro de coronis, ubi inter cetera de hoc Hippolyto iam equis alligato, sic, scribit:

Ultima vox audita piri venerabilis hac est:

Hi rapiant artus, tu rape Christe animam.

2. Boda, Vsuarius, & Ade in Martyrologiis.

3. Martyrologium Romanum.

Obiiciunt aduersarij, fuisse apud Gentiles quendam Hippolytum Thesei filium, quem Ouidius in Metamorphosi, & Euripides in Phædra, scribunt ab equis dilaceratum esse. Sed hoc non obstat, quominus apud Christianos etiam fuerit alius Hippolytus, qui eodem genere mortis affectus sit. Imo gentilis ille putatur fuisse occasio, cur noster Christianus simili carnificinæ ab Ethnico tyranno adludicaretur, ut refert Prudentius loco citato, his versibus:

Ille supinatus resident cervice, quis, inquit,

Dicitur, affirmant dicier Hippolytum.

Ergo sit Hippolytus: quoniam torbetque iugales;

Imereaque feris dilaceratus equis.

ET hanc reiciunt aduersarij. Et quidem Daniel Chamierus: *Quæ, inquit, quæso illa est Catharina, nisi idolum fictum ad instar ethnica Palladis? Sed illam agnoscunt & prædicant, qui sequuntur.*

1. Græci in Menologio, die 24. Nouemb.

2. Latini in Martyrologio Romano.

3. Euthymius in P'ial. 44. Explicans illum versum: *Delectauerunt te filia Regum*, sic addit: *Qualis fuit sanctissima Catharina.*

4. Sanctus Paulus Eleanus, ut patet ex ipsius vita apud Baronium Tom. 10. Annalium.

5. S. Bonauentura in serm. de S. Catharina.

6. S. Antoninus in hist. part. 1. tit. 8. cap. 1.

7. Sepulchrum S. Catharinæ, quod etiam nunc videtur in monte Sinai.

8. Templum ibi constructum: sicut & alia in alijs locis, quam plurima.

9. Monachi, qui assidue in illo monte Deum laudant, & S. Catharinam colunt.

10. Dies festus qui in ipsius honorem toto Orbe celebratur.

11. Academix, quæ illam studiosorum patronam elegerunt.

12. Sigilla, quibus Academix multis in locis videntur.

13. Reliquiæ & miracula de quibus Thomas Cantipratanensis l. 2. c. 59. Cæsius l. 7. c. 32. & lib. 8 c. 8. & 9.

Hæc totius Christiani orbis testimonia pluris valere debent apud prudentem Lectorem, quam paucorum hominum, qui nuper exorti sunt, contradicendi studium & arrogantia. Plura videantur apud Serarium loco citato.





ASSERTIONES DE VOCATIONE MINISTRORVM ECCLESIAE VETERIS ET NOVI TESTAMENTI.

Authore eodem R. P. MARTINO BECANO.

ASSERTIO I.

Opulus Dei, tam in veteri, quam in nouo Testamento, duobus modis regi ac gubernari solet. 1. in rebus politicis quæ ad externam Reip. pacem & tranquillitatem spectant. Hoc fit per Reges, Principes, & alios Magistratûs sæculares. 2. in rebus fidei ac religionis, quæ salutem animæ non concernunt. Hoc fit per Ministros Ecclesiæ, de quibus nunc agimus.

II.

In utroque gubernandi genere necessaria est legitima vocatio. Nam neque Reges & Principes sæculares possunt usurpare regimen temporale, neque Ministri Ecclesiæ, ecclesiasticum, nisi legitimo titulo ad hoc officium deputati & admissi sint. Et, si aliter faciant, priores quidem appellantur Tyranni: posteriores vero, fures & latrones, iuxta illud Christi Ioan. 10. v. 1. *Qui non intrat per ostium in ouile ouium, sed ascendit aliunde, ille fur est & latro.*

III.

Hoc loco, relicta Regum ac Principum sæcularium vocatione, tantum agam de Vocatione Ministrorum ecclesiæ, de qua Scriptura sic loquitur. Hebr. 5. v. 4. *Nec quisquam sumit sibi honorem, sed qui vocatur à Deo, tanquam Aaron.* Et Rom. 10. vers. 15. *Quomodo vero predicabunt, nisi mittantur?* Et Ieremix 23. vers. 21. *Non mittebam Prophetas, & ipsi currebant: non loquebar ad eos, & prophetabant.*

IV.

Agam autem hoc ordine. 1. De ordinaria & extraordinaria Vocatione Ministrorum Ecclesiæ veteris Testamenti. 2. de ordinaria & extraordinaria Vocatione Ministrorum ecclesiæ noui Testamenti. 3. Quod Ministri Lutherani & Calviniani, nec ordinaria, nec extraordinaria Vocatione legitimè vocati sint; ac proinde quod qui illos audiunt, patiantur se decipi.

De ordinaria Vocatione Ministrorum veteris Testamenti.

V.

Dvplex solet distingui Vocatio. Vna ordinaria, quæ fit à Deo, mediante consensu & cooperatione eorum hominum, quorum interest: quo pacto Parochus vocatur ex consensu Episcopi, Episcopus ex consensu Pontificis; Pontifex ex consensu Cardinalium. Altera extraordinaria, quæ immediate fit à solo Deo; quo pacto vocati sunt Moyses, Propheta, Apostoli.

VI.

Igitur in veteri Testamento Ministri Ecclesiæ, qui ordinariè vocabantur, erant triplices. 1. Pontifex, seu summus sacerdos. 2. Alij Sacerdotes inferiores. 3. Leuitæ. Omnes de tribu Leui, quæ speciatim cultui diuino erat destinata. Num. 3. vers. 1. & 1. cap. 8. v. 13.

VII.

In illorum Vocatione multa spectari possunt. 1. Electio seu designatio certæ personæ. 2. Purificatio præcedens consecrationem. 3. Ipsa consecratio. 4. Applicatio ad usum ministerij. 5. Potestas & officium ministerij.

VIII.

Electio seu designatio personæ fiebat per hæreditariam successionem. Nam filij succedebant parentibus: quo pacto Aaroni successit Eleazar; Eleazaro Phinees, & sic deinceps. Ecclesiast. 45. v. 7.

IX.

In purificatione seruabantur ritus à Deo præscripti. Cuiusmodi erant hi. 1. Aspersio aquæ lustralis. 2. Rasio pilorum. 3. Lotio corporis & vestium. 4. oblatio sacrificij pro peccato. Numer. 8. vers. 6. & 1. mod. 29. vers. 4.

O o o ij

X.

Post purificationem sequebatur consecratio. Et quidem Leuitæ consecrabantur hoc modo. 1. separabantur de medio filiorum Israël. 2. Pontifex offerebat illos Deo in ministerium Tabernaculi, & pro illis orabat, ut bene fungerentur suo officio. (Numer. 8. v. 9.) Cum hoc modo iam essent consecrati, applicabantur ad vsum ministerij, eo ipso, quod intramitterentur in Tabernaculum fœderis Domini, (Num. 8. vers. 22.)

XI.

Pontificis autem & Sacerdotum consecratio perficiebatur hoc modo. 1. post lotionem, Pontifex ornatus Pontificali, & Sacerdotes Sacerdotali induebantur. (Exodi 29. vers. 4.) Deinde Pontifex ungebatur oleo vñctionis in capite; non item sacerdotes, (Exodi 29. vers. 7.) Tertio, tam Pontifex, quam Sacerdotes in extremo auriculæ dextræ, & similiter in pollice manus ac pedis dextri, tangebantur sanguine arietis immolati. (Exodi 29. vers. 20.) Quarto, non solum Pontifex & Sacerdotes, sed etiam vestes eorum, sanguine arietis, & oleo vñctionis aspergebantur. (Ibidem, vers. 21.) Denique, multa ex canistro panum, & ex ariete immolato, dabantur illis in manus, ut ea leuarent coram Domino. Quo signo, non solum dabatur illis potestas sacrificandi, sed simul applicabantur ad vsum ministerij, quod potissimum consistebat in sacrificando. (Ibidem vers. 22. & seq.)

XII.

Cæterum, ut maior esset solennitas huius actionis, triplex in ea sacrificium offerebatur. 1. Vitulus in hostiam pro peccato. 2. Aries in holocaustum. 3. Aries alter in hostiam pacificam. (Exodi 29. vers. 1. & Leuit. 9. vers. 2.)

XIII.

Cur vero tot ceremoniarum adhibita fuerint in consecratione Pontificis & Sacerdotum, tres causæ assignari possunt. Una ex parte officij Sacerdotalis. Altera ex parte Pontificis & sacerdotum. Tertia ex parte populi seu subditorum.

XIV.

Igitur prima causa est, quia Deus, tot ritibus ac solennitatibus, voluit ostendere præstantiam, dignitatem & sanctitatem officij Sacerdotalis. Et quod nemo ad officium tam sanctum ac diuinum deberet accedere, nisi prius speciatim à Deo electus; & publice coram populo in hunc finem esset consecratus. Hinc gravissimè puniti sunt, qui ingesserunt se in officium Sacerdotale, cum non essent consecrati. Exemplum habemus in Chore, Ieroboam, & Ozia. Chore viuis à terra absorptus est. (Numer. 16. vers. 31.) Ieroboamo manus repente exaruit, (3. Reg. 13. vers. 4.) Ozias lepra percussus est. (2. Paralip. 26. vers. 19.)

XV.

Altera causa est, ut ipsimet Pontifices & Sacerdotes ex illis ritibus ac ceremoniis caperent duplicem utilitatem. Primo quidem, ut memissent se debere esse sanctos, & puros coram Domino, qui ad tam sanctum & purum ministerium electi à Deo & consecrati essent. Deinde, ut in aduersitatibus & periculis, quæ sæpe occurrunt in tali officio, possent seipsos solari & erigere. Nam sicut illi qui præfunt aliis in rebus temporalibus, sæpe vel à suis subditis, vel ab hostibus affliguntur; sic multo magis contin-

A git illis, qui in cura animarum principatum tenent.

XVI.

Hoc in veteri Testamento experti sunt Aaron, Zacharias, Azarias, Et in nouo, Apostoli. Matth. 10. vers. 16. *Ecce ego mitto vos sicut oves in medio luporum*, Et Ioan. 16. v. 2. *Veni hora ut omnis qui interficiet vos, arbitretur obsequium se præstare Deo*. Et nominatim sanctus Paulus 2. Cor. 12. vers. 22. *In laboribus plurimis, in carceribus abundantius, in plagis supra modum, in mortibus frequenter. Ter virgis casus sum, semel lapidatus sum, naufragium feci, &c.*

XVII.

Cum ergo huiusmodi viri, tot miseriis expositi sine necesse est, ut habeant aliquid, quo se solentur, ne oneri succumbant. Id in veteri Testamento factum est per solennes ritus ac ceremonias, quibus sacerdotes & Pontifices ex mandato Dei consecrabantur. Nam inde certò illis constabat, se à Deo speciatim electos ac designatos esse, ut in tali officio Deo ministrarent, ac proinde, ut omnia aduersa, quæ tali officio annexa essent, libenti ac forti animo sustinerent. Ex quo ulterius facile sibi persuadebant, quidquid ratione Vocationis acerbum ac molestum eueniret, non nisi in bonum exitum, diuina ordinatione, cessurum.

XVIII.

Tertia causa est, ut etiam subditi ex tali ceremoniarum solennitate fructum aliquem perciperent. Qui quidem fructus erat duplex. Alter, quod ex publica consecratione certò agnoscerent suos Pastores, quibus ipsorum salus commissa esset. Alter, quod sentent quantum honorem & reuerentiam, propter sanctitatem officij, præstare illis deberet.

XIX.

Nunc venio ad officium & potestatem Ministrorum. Pontifex habebat quædam officia communia cum aliis Sacerdotibus; quædam sibi propria ac peculiaris. Communia erant hæc decem.

D Primum offerre victimas seu sacrificia super altare holocausti. (Leuit. 1. v. 2. & 3.)

Secundum in eodem altari, in vsum sacrificiorum, alere seu nutrire perpetuum ignem, subiciendo illi quotidie ligna. (Leu. 6. v. 12.)

Tertium, bis quotidie, nempe mane & vespere, ponere & adolere incensum super altare tymiamatis. (Exodi 30. vers. 1.) Erant enim duo altaria legitima: Vnum holocausti, in quo victimæ, seu sacrificia offerebantur. Alterum tymiamatis, in quo aromata suavissimi odoris incendebantur. Hoc aureum, illud æreum.

Quartum, bis quotidie, affuso oleo oliuarum, concinnare lucernas: quæ erant in candelabro aureo iuxta altare tymiamatis. (Exodi 25. v. 27. & Leuit. 24. vers. 2.)

E Quintum, singulis Sabbatis duodecim panes calidos ponere super mensam propositionis, & veteres inderemouere ac comedere. (Exodi 25. v. 23. & Leuit. 24. vers. 5.)

Sextum immolare vaccam rufam extra castra. (Numer. 19. v. 3.) Ex cineribus huius vacce fiebat aqua lustrationis, seu expiationis.

Septimum, adiurare mulieres in casu Zelotypiæ. (Numer. 5. v. 11.) ubi etiam describitur ritus adiurandi.

Octauum, discernere inter lepram & lepram. (Leuit. 13. per totum, & Deut. 17. v. 8.) Priori loco continetur modus discernendi.

Nonum, expiare seu mundare leprosos, puerperas,

menstruosas, & seminifluos. Leuit. 12. & seq.

Decimum, Legem Dei scire, interpretari; & alios docere. Aggei 2. v. 12. & Malachię 2. v. 6. *Labia Sacerdotis custodient scientiam, & legem requirent ex ore eius.*

XX.

Propria erant hæc quatuor. Primum, semel in anno, nimirum in solenni die expiationis, seu propitiationis, introire in Sanctuarium, seu in Sancta Sanctorum. Hebr. 9. v. 7. et instituere publicam expiationem totius populi ab omnibus peccatis & immunditiis toto anno contractis Leuitici 19. per totum.

XXI.

Vbi notandum est, duplicem fuisse expiationem in veteri testamento. Vna priuatam & particularem, quia vel leprosi, vel puerperæ, vel alij, qui haberent aliquam immunditiam legalem, expiari solent. Alteram publicam & vniuersalem, qua tota multitudo seu ecclesia Israelitarum mundabatur.

Prior fiebat sæpè in anno: posterior de qua hic agimus, semel duntaxat. Prior à quouis sacerdote: posterior à solo Pontifice. Prior extra Sanctuarium, posterior partim in Sanctuario, partim extra.

Fiebat autem hoc ritu. Primò, totus populus eo die cessabat ab omni opere seruii & ieiunabat vsque ad vesperam. 2. Pontifex lauabat se aqua, & induebat vestes Pontificales. 3. Antequam inciperet publicam expiationem, præmittebat tres alias, quæ tamen publicæ subseruiebant. Vnam sui ipsius & familiæ suæ oblatione vituli pro peccato, & arietis in holocaustum. Alteram Tabernaculi & sanctuarij, partim vapore seu nebula accensorum aromaticum; partim septena aspersione sanguinis ex immolato vitulo & hircò. Tertiã altaris thymiamatis, sola aspersione sanguinis.

XXII.

His peractis, sequebatur publica expiatio, hoc modo: Pontifex, qui ab initio miserat sortem super duos hircos, vt alter immolaretur pro peccato, alter, viuus mitteretur in desertum; hunc statuebat in conspectu multitudinis, & posita vtraque manu super caput eius, confitebatur omnes iniquitates & peccata filiorum Israël, eaque capiti astantis Hirci imprecabatur; & sic mittebat eum in desertum, quasi auferentem & portantem peccata totius populi. Vnde Hircus seu caper Emiliarius dictus est. Hæc omnia prolixè habentur Leuit. 16.

Secundum officium Pontificis erat, consecrare Leuitas & Sacerdotes, iuxta eum ritum, qui describitur exodi 29. Leuit. 8. & Num. 8. De quo ritu superius actum est.

Tertium, in controuersis legalibus agere supremum Iudicem, & pronunciare vltimam sententiam, cui omnes sub pœna mortis tenebantur obedire & acquiescere, (Deut. 17. v. 12. & 2. Paralip. 19. v. 11.)

Quartum, in rebus gerendis, quæ maioris momenti essent, consulere Deum, & ab eo responsum accipere. Hoc officium distinguitur à præcedenti. Nam aliud est, interpretari legem, & ex eius interpretatione controuersias legales dirimere: Aliud vero, sciscitari à Deo, an hoc vel illud negotium suscipiendum sit: de quo hic agimus.

XXIII.

Igitur in V. T. si quando circa res agendas aliqua dubitatio maioris momenti oriebatur, recurrendum erat ad Pontificem, qui consulebat Deum, & accepto ab eo responso, docebat alios quid faciendum esset. Erat autem duplex obligatio in hoc officio. Vna eorum, qui volebant rem aliquam maioris momenti aggredi. Nam antequam hoc facerent, tenebantur

accedere Pontificem, & ab eo consilium petere. Altera Pontificis, qui debebat rem illam Deo proponere, & ab eo sciscitari, rectene, an secus suscipi posset. Num. 27. v. 21.

XXIV.

Sic Dauid Rex, cum intellexisset insidias sibi parari à Saule, accessit Abiathar Pontificem, & per eum quæsiuit à Deo, an tutò posset morari in vrbe Ceila? & an ciues Ceilicæ essent eum tradituri Sauli? 1. Reg. 23. v. 9.

Idem Dauid alio tempore, per eundem Pontificem consuluit Deum, an deberet persequi Amalecitas, qui spoliauerant & succenderant oppidum Siceleg. 1. Reg. 30. v. 6.

Quod autem Dauidi familiare fuerit hoc modo Deum interrogare, patet 1. Reg. 22. v. 35. vbi Achimelech Pontifex accusatus apud Saulem, quod Dauidi adhereret, & pro eo Dominum consulisset, respondit Regi: *Num hodie cepi pro eo consulere Deum? Quid sæpe ante hæc tempora id feci. Nihil noui facio.*

XXV.

Aliis porro, qui negligebant consulere Deum per Pontificem, male succedebat. Ac primo, Iosue & alij Principes filiorum Israel, decepti sunt à Gabaonitis, eo quod fœdus cum illis pacti essent, non consulto prius Deo. Iosue 9. v. 14.

Secundò Saul elatus victoria, & præfusus suis viribus, cum vellet, inconsulto Deo, Philistæos persequi, monitus à Pontifice est, ne id faceret. ac cum postea consulisset Deum, nullum responsum ab eo impetrauit. Itaque non potuit vti victoria, sicut animo destinauerat. 1. Reg. 14. v. 36.

Tertiò, filij Israel pugnaturi cum Beniamitis: consuluerunt quidem Deum per Pontificem, sed tamen, quia magis confidebant suis copiis, quam Dei oraculo, multi ex iis cæsi ac fugati sunt. Iudicum 20. vers. 22.

XXVI.

Quæres quomodo vel ritu solitus sit Pontifex consulere Deum in huiusmodi casibus? Respondeo. Aliter Moyses, qui erat extraordinarius Pontifex aliter alij, qui erant ordinarij, soliti sunt id facere. Moses ingressus Tabernaculum fœderis, facie ad faciem cum Deo loquebatur, sicut solet homo cum amico loqui. exodi 33. v. 11. Alij Pontifices, qui postea secuti sunt, induti phod, loquebantur cum Deo, non quidem facie ad faciem, sed aliquo alio peculiari modo, qui tamen apud Scriptores & Interpretes non satis compertus est.

De extraordinaria Vocatione Ministrorum veteris Testamenti.

XXVII.

Extraordinariè vocabantur illi, vt dixi, qui à solo Deo, sine ministerio aliorum hominum vocabantur: quo pacto vocati sunt Moyses ad officium Pontificale; Helias & alij Prophetæ ad docendum & arguendum populum.

Hæc Vocatio, quia fiebat à solo Deo, debebat ita fieri vt populo euidenter constaret, talem vel talem Prophetam docendi causa, ad se missum à Deo esse. Ideoque, necesse erat, huiusmodi Vocationem aliquo euidenti signo, vel miraculo authenticè comprobari. Quod semper etiam factum est.

XXVIII.

et quidem de Missione Moysis sic loquitur Scriptura. Exodi 3. & 4. *Moses pascabat oues, & apparuit ei*

Dominus in flamma ignis, & ait: Veni, & mittam te ad Pharaonem, ut educaſ filios Iſraël de Aegypto. Respondens autem Moſes, ait: Non credent mihi, neque audient vocem meam, ſed dicent: Non apparuit tibi Dominus. Dixit ergo ad eum: Quid eſt, quod tenes in manu tua? Reſpondit: Virga: Dixitque Dominus: Proiice eam in terram. Proiecit, & verſa eſt in Colubrum. Dixitque Dominus: Extende manum tuam & apprehende caudam eius: Extendit & tenuit, verſaque eſt in virgam. Vt credant, inquit, quod apparuit tibi Dominus Deus patrum tuorum. Dixitque Dominus rursus: Mittere manum tuam in ſinum tuum. Quam cum miſiſſet in ſinum protulit leproſam inſtar niſis. Retrahe, ait, manum tuam: Retraxit & protulit iterum, & erat ſimilis carni reliquæ. Si non crediderint, inquit tibi, neque audierint ſermonem ſigni prioris, credens verbo ſigni ſequentis. Quod ſi nec duobus quidem hiſ ſignis crediderint, neque audierint vocem tuam, ſume aquam fluminis, & effunde eam ſuper aridam, & quidquid haſeris de flumine, vertetur in ſanguinem, &c.

XXIX.

Ex hiſ verbis perſpicuum eſt, Miſſionem quæ immediate à ſolo Deo fit per ſe non ſufficere, nec acceptari à populo, niſi evidenti miraculo, vel etiam pluribus, ſi opus eſt, à Deo confirmata ſit.

Hæc autem confirmatio ex duplici cauſa neceſſaria eſt. Primò ex parte eius qui mittitur. Si enim aſſerat quidam, à Deo ſe miſſum eſſe, ſed tamen probare non poſſit, tanquam impoſtor repellatur. Secundo, ex parte eorum, ad quos mittitur. Nam & illi, ſi prudenter rem æſtimant, non temere credent à Deo miſſum eſſe, niſi probari id poſſit. Et, ſi deficiat probatio, non alio, quàm Seductoris loco hominem habituri ſunt. Hoc ſignificavit Moſes cum dixit: *Non credent mihi, neque audient vocem meam, ſed dicent, Non apparuit tibi Dominus.*

XXX.

Idem ſolet contingere in miſſione humana. Naſi ſi Imperator mittat aliquem Moguntiam aut Coloniã, ut Commiſſarium agat, non audebit comparere, nec ſi compareret, acceptabitur, niſi exhibeat authenticum teſtimonium, quo doceat, authoritate Imperatoria ſe miſſum eſſe.

XXXI.

Quod dixi de Moſe, de aliis quoque Prophetis dicendum eſt: Omnes ſuam miſſionem miraculis apud populum confirmarunt. Et qui id facere potuerunt, pro legitimis Dei Miniſtris habiti ſunt: qui ſecus, tanquam impoſtores reiekti.

Multa eius rei extant exempla. Ex iis pauca accipe. Tempore Achab Regis, fuit diſſertatio inter Heliam & Prophetas Baal. Tam hi, quàm ille, legitimè ſe miſſos affirmabant. Quo euentu? Helias, conuocato vniuerſo populo, qui in utramque partem claudicabat, non alio argumento uſus eſt, quàm quod diceret, ſe ſuam miſſionem evidenti miraculo comprobare poſſe: Prophetas Baal non poſſe.

Quod etiam factum eſt hoc modo. Duo boues in fruſta conciſi, & ſuper ligna poſiti ſunt in holocauſtum: alter pro Helia, alter pro Prophetis Baal. Hi inuocato nomine Deorum tuorum, non potuerunt de cælo impetrare ignem, quo holocauſtum conſumeretur Helias, inuocato Deo Iſrael, impetravit. Itaque holocauſtum ab eo poſitum, igne de cælo miſſo, conſumptum eſt.

Quo miraculo permotus populus, interfectis Prophetis Baal velut impoſtoribus, Heliam tanquam à Deo miſſum acceptavit. 3. Reg. 18. v. 20. Auxerunt fidem & alia miracula, quæ ab eo patrata ſunt.

XXXII.

Heliam ſecutus eſt Eliſæus: qui & ipſe variis mi-

raculis authoritatem ſibi aſtruxit. Porro reliqui Prophetæ, qui de venturo Chriſto vaticinati ſunt, ſua quoque vaticinia euidenter comprobarunt. De quibus Rupertus in Prologo in Oſeam ſic ſcribit: Cum Prophetæ miſſerentur ad prænunciandum de longinquo Chriſti aduentu, ſimul etiam de propinquo datum vel inunctum eſt illis, prophetare illud, in quo citius veraces comprobari poſſent, ſcilicet imminentem ab Aſſyriis Iſraëliſ captiuitatem: itemque instantem Iuda quoque Babylonis tranſmigrationem: & præterea, nonnulla etiam minora, quæ literis eorum legimus inſerta. Cum igitur verò eueniſſet captiuitas ſeu tranſmigrationis illa, ſicut per illos veritas prophetica prædixerat, palam conſtitit, quod veraciter fuiſſent locuti in nomine Domini, & quod Dominus miſiſſet eos. Atque ita completa prophetia pars, illud quoque quod reliquum vel maximum erat de præmiſſione & aduentu Meſſiæ, verum fore conuincebat.

XXXIII.

Similia habet Hieronymus in c. 37. Iſaïæ, ſuper illa verba: *Tibi autem hoc erit ſignum: vbi ſic ait, Idcirco vel maxime Prophetæ apud populum, ſermones ſuos habebant fidem, quia non ſolùm de hiſ, poſt ſæcula futura erant: ſed etiam qua incontinenti, & poſt non grande temporis ſpaciũ eſſent implenda, memorabant; ut quod intra biennium & Rex Aſſyrius interiret, & urbi Hieruſalem ſecuritas redderetur. Vide eundem in c. 7. Amos in principio, & Chryſoſt. hom. 11. in Matth. Atque hæc ſufficiant de Vocatione Miniſtrorum veteris Teſtamenti.*

De Vocatione Miniſtrorum Eccleſiæ noui Teſtamenti: At primum de Ordinaria.

XXXIV.

Miniſtri Eccleſiæ noui Teſtamenti, generali nomine vocantur Clerici. Eorum varia ſunt genera 1. Episcopii, inter quos eminet Pontifex. 2. Presbyteri ſeu Sacerdotes, non episcopii. 3. Diaconi. 4. Subdiaconi. 5. reliqui inferiores, ut Acoluthi, exorciste, Lectores, Oſtiani.

Nos hic potiffimum agimus de episcopis, Presbyteris & Diaconis, quorum aperta ſit mentio in ſcriptis Apoſtolorum. Igitur, quod ad Ordinariam eorum Vocationem attinet, eadem ferè ſpectari in ea poſſunt quæ in Vocatione Miniſtrorum veteris Teſtamenti. 1. electio, ſeu designatio certæ perſonæ. 2. purificatio. 3. consecratio ſeu ordinatio. 4. applicatio ad vltimum miniſterij, quam nos in nouo Teſtamento Miſſionem appellamus. 5. potestas & officium.

XXXV.

Et quidem electio ſeu designatio certæ perſonæ ad miniſterium eccleſiaſticum, nõ fit in eccleſia Chriſti per naturalem propagationem, ſicut fiebat in Synagoga: ſed propriè ſpectat ad ipſum Clerum, cuius eſt idoneas perſonas eligere & designare: tametiſi ex conceſſione & conuiuentia Cleri, poſſit aliquando permitti Laicis. Bellarmin. libro 1. de Clericis capite 2. & 7.

XXXVI.

Purificatio verò, ſi præciſè ſpectemus ius diuinum noui Teſtamenti, non neceſſario eſt externa & ceremonialis, ſicut in lege Moſaica; ſed interna & ſpiritualis, quæ potiffimum conſiſtit in pura conſcientia, & digna animi diſpoſitione ad tam ſacrum officium ſuſcipiendum & obeundum. Quam puritatem ſignificabant, non modo externæ ludæorum purificationes, de quibus ſupra; ſed etiam lotio pedum, quam Chriſtus adhibuit Apoſtoliſ, antequam illis Sacerdotij dignitatem conferret.

XXXVII.

Ipsa porro Ordinatio, iuxta ritum euangelicum; fieri debet ab episcopo per manuum impositionem, & nullo modo ab homine laico vel seculari. Quod variis modis demonstrari potest.

XXXVIII.

Primo, quia Ministri nouæ legis non sunt inferioris conditionis, quàm Ministri Moisaici: At hi non poterant consecrari à laicis, sed à solis Sacerdotibus, ut supra ostensum est: ergo nec illi possunt.

XXXIX.

Secundo quia quotquot tempore Apostolorum ordinati sunt per manuum impositionem, semper ab episcopis, nunquam à laicis ordinatos esse, constat ex Scriptura. Sic Stephanus, Philippus, Prochorus, Nicanor, Timon, & Nicolaus, ab Apostolis; qui Episcopi erant, in Diaconos ordinati sunt. Act. 6. v. 6. Sic Presbyteri Lycaoniz à Paulo & Barnaba ordinati sunt. Act. 14. Sic Timotheus à certu episcoporum ordinatus est. 1. Timoth. 4. versu 14. *Noli negligere gratiam, quæ data est tibi cum impositione manuum presbyterij.* Sic alij, ab ipso Timotheo ordinati sunt. 1. Timoth. 5. v. 22. *Manus cito nemini imposueris.*

XL.

Tertio, idem post tempora Apostolorum seruatum est. Hoc constat ex canonibus Apostolorum, quorum primus sic habet: *Episcopus à duobus vel tribus Episcopis ordinatur.* Secundus sic: *Presbyter ab uno Episcopo ordinatur, & Diaconus, & reliqui Clerici.*

Item: ex Generali Synodo Nicæna prima, Can. 4. *Episcopum oportet ab omnibus Episcopis (si fieri potest) qui sunt in provincia eius, ordinari. Si vero hoc difficile fuerit, vel aliqua urgente necessitate, vel itineris longitudine, certus unus Episcopus debet in uicinis esse congregati, &c.*

Similia habentur in aliis Conciliis posterioribus. Quod autem Episcopus in ordinatione Ministrorum debeat adhibere impositionem manuum, constat et iam ex variis Conciliis, patribus, & perpetua ecclesiæ praxi ac consuetudine. Neque ullus id negat.

XLI.

Notandum tamen est, manuum impositionem in nouo Testamento, ad varios effectus solitam esse adhiberi. Primo, ad sanandos ægros. Marci 16. v. 18. *Super ægros manus imponent, & bene habebunt.*

Secundo, ad impertiendam benedictionem. Matth. 23. v. 13. *Tunc obliti sunt ei paruuli, ut manus eis imponeret.* Et Marci 10. v. 16. *Et complexus eos, & imponens manus super illos, benedicebat eis.*

Tertio, ad felicem comprecationem. Sic aliqui intelligunt illud Act. 13. v. 3. *Tunc ieiunantes, & orantes imponentesque eis manus, dimiserunt illos,* nempe Paulum & Barnabam.

Quarto, ad Spiritum Sanctum conferendum. Act. 8. v. 17. *Tunc imponebant manus super illos, & accipiebant Spiritum Sanctum.* Et Act. 19. v. 6. *Et cum imposuisset illis manus Paulus, uenit Spiritus Sanctus super eos.*

Quinto, ad conferendam gratiam in ordinatione Ministrorum. 2. Tim. 1. v. 6. *Admone te, ut resuscites gratiam Dei, quæ est in te per impositionem manuum mearum.* Eodem spectant testimonia, quæ thes. 74. allata sunt.

XLII.

Atque hæc sufficiant de Ordinatione. Sequitur Missio, quæ differt ab Ordinatione. Nam in Ordinatione confertur potestas Ordinis: cuiusmodi est potestas baptizandi, consecrandi eucharistiam, remittendi peccata. In Missionem confertur iurisdictio in Ordine ad executionem, id est, assignantur subditi, quos illi, qui dicuntur mitti, debeant docere, gubernare, Sacramenta administrare. Sic Parochi dicuntur mitti in Parochiam, quando assignantur illis

A Parochiani: Episcopi in Episcopatum, quando assignantur Diocesani. Sic Apostoli missi sunt in omnem terram, quando omnes populi ac gentes à Christo illis assignabantur. De qua Missionem loquitur Scriptura Matth. 10. v. 16. *Ego mitto uos sicut oues in medio luporum.* Et c. 28. v. 19. *Euntes docete omnes gentes, Baptizantes eos in nomine Patris, & Filij, & Spiritus Sancti.* Et Marci 16. v. 15. *Euntes in mundum uniuersum, predicate Euangelium omni creatura.* Et Rom. 10. v. 15. *Quomodo predicabunt, nisi mittamur?*

XLIII.

Est autem magnum discrimen inter Episcopos & Presbyteros, ex parte potestatis & officij. Tamen enim pares sint in potestate, consecrandi Eucharistiam; tamen in multis Episcopi sunt superiores, 1. quia maiorem habent iurisdictionem. 2. quia possunt conferre Sacramentum Confirmationis, ordinare Ministros, consecrare Tempia & altaria, quæ Presbyteri non possunt. Vide Damasum Episc. 3. Gregorium III. in Epistola ad Bonifacium, S. Leonem in epistola ad Episcopos Germaniz & Galliz.

De extraordinaria Vocatione Ministrorum noui Testamenti.

XLIV.

C Onstat Apostolos extraordinariè vocatos ac missos esse ad prædicandum Christi euangelium, & Sacramenta ab eo instituta administranda. Qui tamen, sicut supra de Mose & Prophetis dictum est, suam Vocationem & Missionem multis signis ac prodigiis, coram uniuerso mundo debuerunt contestari.

Res omnibus nota est. Locuti sunt variis linguis in die Pentecostes. Dæmonia expulerunt: mortuos ad vitam reuocarunt: omnia morborum genera, vel verbo, vel umbra, vel semicinctio curarunt. et ut semel complectar omnia: *Prædicauerunt ubique Domino cooperante, & sermonem confirmante sequentibus signis.* (Marci 16. v. 20.)

Quod etiam speciatim de se testatur Paulus, Rom. 15. v. 19. cum ait, se gentibus euangelium per uisum esse in uirtute signorum & prodigiorum. Et 2. Corinth. 12. v. 12. *Signa, inquit, Apostolatus mei facta sunt super uos in signis, & prodigiis, & uirtutibus.*

XLV.

Et quid dico de Apostolis? Ipsemet Christus non aliter persuadere potuit, à Deo Patre se missum esse, nisi per miracula. Habebat quidem ipse pro se uaticinia omnium Prophetarum. (Lucæ 24. v. 27.) Habebat testimonium Ioannis Baptistæ: *Eccæ Agnus Dei, ecce qui tollis peccata mundi.* Habebat testimonium Patris celestis: *Hic est Filius meus dilectus, in quo mihi complacuit, ipsum audite.* Et tamen inter tot Missionis suæ præsidia adhuc opus erat miraculis. Nec alio potèntiori, quàm miraculorum subsidio uisus est apud Iudæos, ut se Filium Dei comprobaret.

De quo ipse sic loquitur, Ioan. 10. v. 37. *Si non facio opera Patris mei, nolite credere mihi. Si autem facio, & si mihi non uultis credere, operibus credite, ut cognoscatis & credatis quia Pater in me est, & ego in Patre.* Et rursum c. 14. v. 31. *Nō creditis, quia ego in Patre, & Pater in me est; Aliqui propter opera ipsa credite.* et alibi sapius.

XLVI.

Dices, Etiam Ioannes Baptista extraordinariè missus est ad baptizandum & prædicandum; & tamen suam Missionem nullo miraculo confirmauit. Nullum enim miraculum ab eo factum legimus. Respondeo: Tamen ipse nullum miraculum fecerit: Deus tamen

multis miraculis illius sanctitatem, Vocationem & Missionem testatus est. Primò, quia natus fuit ex matre sterili. 2. quia adhuc clausus vtero materno, ad præsentiam B. Virginis, præ gaudio exultauit. 3. quia mater ipsius Elisabeth Spiritu sancto repleta est. 4. quia pater, qui antea mutus erat, viua voce prophetauit. Hæc & similia, quæ circa illius natiuitatem contigerunt, manifestè portendebant quid de eo in posterum esset sentiendum. Vnde vicini præ admiratione dicebant: *Quis puer iste erit?* Accedebat summa vitæ austeritas, vaticinium Isaïæ, & alia eiusdem generis.

Quod Lutherani & Calviniani Ministri non sint legitime à Deo vocati.

XLVII.

HOc facillè ex dictis probari potest. Nam potestas & iurisdictio, quæ confertur Ministris Ecclesiæ, vel confertur illis à Deo, mediante episcopo, & tunc dicuntur ordinariè vocati & missi: vel immediatè à solo Deo, & tunc dicuntur extraordinariè vocati & missi. Neutro modo confertur Ministris Lutheranis & Calvinianis.

XLVIII.

Non priori modo: quod dupliciter ostendo. Primò quia Lutheri ipsi, qui est parens omnium Ministrorum Lutheranorum, non est collata potestas & iurisdictio ab Episcopo. Tamen enim ante defectionem (cum adhuc monachus esset) à Catholico Episcopo Sacerdos seu presbyter ordinatus sit, ac proinde ab eo acceperit potestatem consecrandi Eucharistiam; non tamen accepit ab eo potestatem & iurisdictioem reformandi religionem & statum ecclesiæ in tota Saxonia & vicinis partibus; nec abroganda Festa, ieiunia, vota monastica; nec comburendi ius Canonicum: nec oppugnandi doctrinam Catholicorum. A quo ergo accepit?

XLIX.

Secundò, Alii Ministri Lutherani, qui vel Lutheri posteriores sunt, vel simul cum illo vixerunt duplices. Nam aliqui ex illis, ab Episcopis Catholicis Sacerdotes ordinati sunt, & postea à fide Catholica ad Lutheranam transierunt, vt Munsterus, Oecolampadius, Pellicanus, Bucerus: alij non sunt à Catholicis ordinati. De prioribus idem dicendum est, quòd de Lutheri. Posteriores verò, à quo ordinati sunt? Non à Catholicis Episcopis, vt suppono. Nec à Lutheri, quia ipse non fuit episcopus. Nec ab alijs Ministris Lutheranis, quia nec ipsi Episcopi sunt. Aut si sunt, à quo ordinati sunt? Nec à seculari Magistratu, quia is non habet potestatem ordinandi. Nec à communi plebe, propter eandem causam. A quo ergo?

L.

Vt magis appareat vis huius argumenti, duo queram ex Lutheranis. Vnum est: An ipsi putent, episcopos Catholicos habere legitimam potestatem ordinandi Sacerdotes, & alios Ecclesiæ Ministros, necne? Si habent potestatem, sequitur in ecclesia Catholica veros esse Episcopos & Sacerdotes: Et consequenter, verum Eucharistiæ Sacramentum ab illis confici & administrari. Si non habent, sequitur Lutherum, Munsterum, Oecolampadium, Pellicanum, qui à Catholicis episcopis ordinati sunt: non fuisse legitime ordinatos, ac proinde non fuisse veros Sacerdotes: Nec verum Eucharistiæ Sacramentum ab iis confici potuisse. Imò sequitur, tempore defectionis Lutheri,

A nullum in Orbe Christiano fuisse legitimum Episcopum aut Sacerdotem. A quo ergo ipse ordinatus & missus est? Loquor de Missionem, quæ ab homine fit. Nam de altera, quæ immediatè à solo Deo fit, paulo post dicam.

LI.

Alterum est: An putent, vltos vnquam fuisse legitimos Episcopos & Sacerdotes in Ecclesia Christi, à temporibus Apostolorum vsque ad tempora Lutheri, qui ab alio, quàm ab episcopo ordinati sint? Si putant fuisse aliquos, quero, qui illi fuerint quo tempore vixerint, quas ecclesias administrauerint, à quo sacram Ordinationem acceperint? Si nullus fuit, cur ipsi, contempta Christiani Orbis perpetua consuetudine, nouitatem sectantur, & ab hominibus secularibus, vel alijs, qui episcopi non sunt, ad Ministerium mitti se sinunt?

LII.

Pudendum est quod dicam: sed tamen dissimulare non possum. Adeo nihil antiqui moris & pietatis est apud Lutheranos & Calvinistas in hoc Ministerio ecclesiastico, de quo agimus, vt opifices. Ludimagistri, Aduocati, ad nuntium alicuius Comitis aut Baronis, & non raro, ad imperium alicuius formine, publicè cathedram ascendere, & Ministerium vsurpare non erubescant. Et rursus, si aliter Dominis visum sit, Ministerium deserere, & ad opificium redire cogantur.

LIII.

Novi etiam, qui in ipso Ministerij exercitio, tãta seruitute suis Dominis temporalibus obnoxij sunt, vt sine ipsorum expresso consensu, nec Ministerium suum tueri, nec Lutheranam religionem defendere, nec illius defendendæ causâ cum Catholicis, vel voce, vel calamo disputare audeant. In qua re duplex peccatum est. Alterum Dominorum secularium, qui arrogant sibi potestatem, quam non habent. Alterum Prædicantium, qui & authoritatem Ecclesiasticam prostituunt, & homini plus tribuunt quam Deo, cuius tamen Ministros se profitentur.

Longè aliter Apostoli, qui in simili causa dicebant: *Obedire oportet Deo magis, quàm hominibus.* Act. 5. vers. 29.

LIV.

Haftenus de priori Vocationis modo, qui quidem fit à Deo, sed tamen mediante consensu & cooperatione eorum hominum, ad quos spectat. Nunc probandum est, Ministros Lutheranos & Calvinianos non esse vocatos posteriori modo, id est, non esse immediatè à Deo missos ad docendum populum, reformandam ecclesiam, Sacramenta administranda. Quod varijs rationibus probari potest.

Prima Ratio.

LV.

QVicumque haftenus vel in veteri, vel in nouo Testamento à Deo immediatè vocati & missi sunt, debuerunt coram populo suam vocationem & missionem aliquo euidenti miraculo comprobare, & qui non potuerunt probare, pro falsis Prophetis & impostoribus habiti sunt, vt haftenus explicatum est: At neque alij Ministri Lutherani & Calviniani possunt vltò euidenti signo vel miraculo probare, se immediatè à Deo vocatos & missos esse: ergo pro falsis Prophetis & impostoribus habendi sunt.

LVI.

Nec enim verisimile est, plus illis, quam Prophetis & Apostolis, privilegij concessum esse. Si ergo Prophetis, si Apostolis, si Christo ipsi creditum non est, nisi euidenti miraculo se missos esse conuincerent;

quomodo Luthero & Caluino credam, qui nullo modo convincere id possunt?

LVII.

Dicent forte, satis evidens diuinæ missionis signum esse, quod infiniti prope homines, statim à principio, doctrinā Lutheri & Caluini amplexi sint. Inde enim colligi posse, doctrinam fuisse efficacem & diuinitus inspiratam. Sed frustra. Nam etiam in veteri Testamento, infiniti prope homines adhærebant falsis Prophetis, tamen in hoc non poterat colligi, vel ipsos à Deo missos, vel eorum vaticinia diuinitus fuisse inspirata. Contrarium potius colligitur, quod sic ostendo. Inter veros & falsos Prophetas hoc erat discrimen. Veri prædicabant iram & vindictam Dei propter peccata hominum; euerfiones urbium, dirptionem bonorum, captiuitates populorum, & similia incommoda, quæ amatoribus huius mundi ingrata sunt. Falsi omnia contraria vaticinabantur, vt pacem, victoriam, felicitatem, rerum omnium abundantiam: & ideo à plerisque libenter audiebantur.

LVIII.

De his loquitur Ieremias cap. 14. v. 12. *Edixi, Domine Deus, Propheta dicunt eis: Non videbitis gladium, & fames non erit in vobis; sed pacem veram dabit vobis in loco isto. Et dixit Dominus ad me: Falsi Propheta vaticinantur in nomine meo. Non misi eos, & non præcipi eis, neque locutus sum ad eos. Visionem mendacem, & diuinationem fraudulentam, & eductionem cordis sui prophetant vobis. Idcirco hæc dicit Dominus de Prophetis, qui prophetant in nomine meo, quos ego non misi, dicens (Gladius & fames non erit in terra hac) in gladio & fame consumentur Propheta illi. Vide plura 3. Reg. 22. & alibi.*

LIX.

Simile est de veris & falsis Apostolis. Veri Apostoli, qui à Christo missi sunt, proponunt res difficiles, arduas, carni ac sensui humano repugnantes, et perpetuo clamant: *Pœnitentiam agite: Mortificate membra vestra, quæ sunt super terram: Abstinete à c. malis desideris: Sobrii estote & vigilate.* At Lutherus & Calvinus qui veri Apostoli non sunt, contrario modo procedunt. Abrogant ieiunia: oderunt castitatem: concedunt libidines & quidquid carni allubescit. Eorum vox est: *Sola fides iustificat: Bona opera non profunt: Decalogus obseruari non potest: Crescite & multiplicamini: Si non vult vxor, veniat ancilla.* Hanc vocem plerique libentius audiunt, quam vocem Christi & Apostolorum. Ad quos spectat illud Rom. 8. v. 5. *Qui secundum carnem sunt, quæ carnis sunt, sapiunt.*

LX.

Atque hinc apparet, omnia conuenire Luthero & Caluino, quæ de falsis Prophetis scripta sunt. Nam primo, falsi Prophetæ dicebāt se missos à Deo. Secundo, non poterant probare se missos. Tertio, semper fausta, & quæ populo grata erant, vaticinabantur. Similiter noui illi Prophetæ. Longè aliter veri Prophetæ & Apostoli. Hi non verbis tantum, sed signis & virtutibus probabant se missos: Nec quæ hominibus blanda & grata, sed quæ Deo accepta erant, annuntiabant. Vnde Paulus ad Galatas 1. 10. *Si adhuc hominibus placerem, Christi seruus non essem.*

Secunda Ratio.

LXI.

Quicumque hactenus immediatè à solo Deo missi sunt ad instruendum populum in fide ac religione, ita fuerunt diuinitus illustrati, & à Spiritu S. directi, vt nullum vnquam mendacium, errorem aut falsitatem populo proposuerint: At Lutherus & Calui-

nus multa mendacia, errores & falsitates populo proposuerunt: Ergo non fuerunt immediatè à Deo missi ad instruendum populum in fide & religione.

Maiores propositio patet inductione, quia Moses, Prophetæ, Apostoli, Christus, nihil fallum aut erroneum docuerunt. Quod de singulis e. a. tur Christus. De Mose Ioann. 5. v. 46. *Si crederetis Moysi, crederetis & mihi: de me enim ille scripsit.* De Prophetis, Luc. 24. v. 25. *O stulti & tardi corde ad credendum in omnibus, quæ locuti sunt Propheta. Cum venerit ille Spiritus veritatis, docebit vos omnem veritatem.* De seipso, Ioann. 6. v. 14. *Ego sum via, veritas & vita.*

LXII.

Et ratio est, quia coi stat Deum non posse mentiri aut fallum dicere. Si ergo aliquis assereret à Deo immediatè se missum esse ad docendam veritatem, & vel semel deprehenderetur mentiri, aut fallum dicere, iam tota ipsius missio merito redderetur suspecta: Et prudenter iudicarem, si in vno puncto nos decipisset, in aliis quoque posse decipere. Quod fateatur Lutherus in assertionem art. 25. cum ait: *Propterea in nullo alio verbo vobis credimus, donec hoc mendacium dilueritis. Suffici, inquam, eritis in omnibus, semel deprehensi in tam crassa temeritate, &c.*

LXIII.

Iam verò Lutherus & Calvinus, non semel, sed sæpe in errore & falsitate deprehensi sunt. Nam, vt alia præteream, Lutherus docuit hominem in nulla actione, nec bona, nec mala, habere vltimum liberi arbitrii; sed à Deo tam ad bene, quam ad male operandum, fatali quadam necessitate compelli. Sic enim scribit in assertionem, art. 36. *Liberum arbitrium est figmentum in rebus, seu titulus sine re: quia nulli est in manus sua quippiam eo, ita & mali aut boni, sed omnia ab Deo sunt, contra quem nihil possumus. Quod & Poë. a. voluit, quando dixit: Certe stant omnia lege.*

LXIV.

Similiter Calvinus docuit, Deum esse authorem peccati (l. 1. Instit. c. 18. §. 3.) Deum ab æterno prædestinasse plerisque homines ad æternam mortem & damnationem, sine vlla ipsorum culpa aut meritis, solum quia ipsi ita placuit. (lib. 3. cap. 21 §. 7 & c. 23. §. 2. & alibi.) Deum mandare, vrgere & incitare Satanam, vt multos homines ad peccatum inducat. (lib. 1. c. 18. §. 1. & 2. Item l. 2. c. 4. §. 2. & 5.)

LXV.

Hos Lutheri & Caluini errores merito detestamur. Primo, quia in Deum sunt impij & blasphemij. 1. quia hominibus horrorem ac desperationem incutunt. 3. quia tollunt à medio omnes consolationes, exhortationes, mandata, prohibitiones, iudices, tribunalia, totam denique potestatem. Nam hæc omnia frustra sūt, si homo non habet liberum arbitrium. Quis credat authores eiusmodi errorum immediatè à Deo missos ad docendum esse?

Alia Rationes.

LXVI.

Tertia ratio. Lutherus à Diabolo accepit doctrinam suam de abroganda Missa: Ergo ad docendum non est missus à Deo. hoc argumentum fuscè prosequitur Nicolaus Serarius in libro, *De Lutheri Magistro*: et in altero, quem opposuit Apologia. Frederici Balduini Ministri Saxonici, qui frustra conatus est Lutherum ab hac ignominia liberare.

LXVII.

Quarta, Lutherus & Calvinus affirmant, nihil credendum esse, nisi quod scriptum est in Verbo Dei: At ibi non est scriptum, eos à Deo ad reformandam Ecclesiam missos esse: Ergo secundum ipsorum sententiam, hoc credendum non est.

LXVIII.

Quinta, Deus non solet homines publica infamia notatos mittere ad docendum populum: At Lutherus & Calvinus fuerunt publica infamia notati: Ergo non est verisimile, à Deo missos esse ad docendum populum. Minor patet, quia is iure Cæsareo infamis est, qui nuptias cum eo constituit, quem uxorem ducere, vel non potest, vel fas non est. (L. Quid ergo, ff. de his qui notantur infamia.) At Lutherus constituit nuptias cum Moniali, quam uxorem ducere non poterat, nec fas erat: Ergo iure Cæsareo fuit infamis. Et in ea infamia mansit vsque ad finem vitæ; quia quas nuptias Monachus cum Moniali sacrilegè contraxit, in iis postea perseveravit.

LXIX.

Idem, ex alio capite, dico de Caluino. Is enim & facto & iure infamis est, qui ob graue flagitiū publico iudicio condemnatur. (L. 1. ff. De his qui notantur infamia.) At Calvinus Nouioduni in Picardia, propter crimen Sodomie publico iudicio condemnatus fuit ad pœnam ignis (quæ tamen pœna, per intercessionem Episcopi, in vitulationem ferri candentis mutata est.) Ergo iure & facto fuit infamis. Vide Bolsecum, medicum Lugdunensem, in vita Calvini c. 5. & alios.

LXX.

Ex dictis colligo, Ministros Lutheranos & Calui-

nianos non esse legitimos Ecclesie Christi Pastores, quia nec à Deo immediate missi sunt; nec ab illo Episcopo iurisdictionem acceperunt. Videant subditi, an illorum curæ turò committere se possint. Nos meliori loco sumus. Nam in nostra Ecclesia, non solum nostro, sed etiam Lutheranorum iudicio, legitimi Sacerdotes & Episcopi ordinantur.

ALIE THESES MISCEL-
LANE.

1. Intellectus creatus lumine glorie elevatus capax est visionis beatificæ.
2. Essentia diuina oculis corporis videri non potest.
3. Tres sunt persona diuina, & una natura.
4. Primum peccatum primi parentis, traducitur per originem in posteros.
5. Ex hominibus, ordinario generationis modo ab Adamo descendens, sola Dei Mater peccatum originale non contraxit.
6. Efficacia gratia non est sita in Physica prædeterminatione.
7. Adamo per peccatum non lapso, Christus non fuisset incarnatus.
8. In Christo sunt dua nature, & una persona.

DE IUDICE
CONTROVERSIARVM.

A GIMVS de Iudice Controversiarum in negotio fidei ac religionis. De quo aliter aduersarii sentiunt, aliter Catholici. Aduersarii vt plurimum, docent, solâ Scripturam esse normam & Iudicem Controversiarum fidei ac religionis: Et ex ea sola, seclusis traditionibus & auctoritate Ecclesie, controversias omnes finire ac decidi posse: Hoc probant tripliciter.

1. Primò, quia Deus in veteri Testamento remittit Iudæos ad solam Scripturam, tanquam ad Iudicem, Isaia 8: 20. *Ad legem & testimonium.* Idem facit Christus in nouo, Ioan. 5: 39. *Scrutamini Scripturas.* Et hoc Christi consilium secuti sunt Beroenses, de quibus scriptum est, Act. 17: 11. *Quotidie scrutantes Scripturas si hec ita se haberent.*

3. Secundò, Deus in V. T. mandauit vt nihil adderetur ad Scripturam, Deut. 4: 2. *Non additis ad verbū, quod vobis loquor.* Et c. 12: 32. *Quod præcipio tibi hoc tantum facito Domino: nec addas quicquam, nec minuas.* Similiter Christus & Apostoli in noua lege, damnant omnes Traditiones, & sola Scriptura voluit nos esse contentos, vt Matth. 15: 6. *Irrūm fecistis mandatum Dei propter Traditionem vestram.* Et Galat. 1: 13. *Persequabar Ecclesiam Dei, abundantius amulator existens paternarum mearum Traditionum.* Et Coloss. 2: v. 8. *Videte, ne quis vos seducat per Philosophiam, & inanem fallaciam, secundum Traditionem hominum.*

4. Tertiò, Paulus discretè fatetur solam Scripturam per se sufficere 2. Timoth. 3: 16. *Omnis Scriptura diuinitus inspirata utilis est ad docendū, ad arguendū, ad corripiendū, ad erudiendū in iustitia, vt perfectus sis homo*

A Dei, ad omne opus bonum instructus. Hinc idem Apostolus execratur illos qui aliquid putant Scripturæ addendū esse, Galat. 1: 9. *Si quis euangelizauerit vobis præter id, quod accepistis, anathema sit.* Quod etiam facit Ioannes Apoc. 12: 18. *Concestor omni audienti verba prophetia libri huius: si quis apposuerit ad hæc, apponet Deus super illū plagas scriptas in libro isto.* Sic Aduersarii Catholici distinguunt inter Iudicem & Normā: Iudicem vocant, qui fert sententiā inter partes litigantes. Normā, secundum quam fertur sententiā à Iudice posita hac distinctione, tria docent. 1. Ecclesiam esse Iudicē Controversiarum. 2. Normā, quod sequitur Ecclesia in ferenda sententiā non esse solam Scripturā, sed Scripturam & Traditionem simul. 3. Ecclesiam iuxta hanc Normā, dupliciter sententiā pronunciare posse: vel per Pontificem, qui est Pastor Ecclesie: vel per Concilia à Pontifice, approbata, quæ representant Ecclesiam. Et utroque modo sententiā esse infallibilem. Nā neq; Pontificē in fide errare posse cui in Petro dictū est: *Ego pro te rogavi, vt non deficiat fides tua.* Neque Concilia legitime celebrata propter illam Christi pronuisionem: *Ecce ego vobiscum sum omnibus diebus vsque ad consummationē sæculi.*

6. Ad hanc sententiā confirmandam, & priorem refellendam, vtar sex argumentis, quibus perspicuè demonstrabo, solam Scripturam Controversiarum Iudicem esse non posse. Primum sumetur ex officio Iudicis quod Scripturæ non competit. Secundum ex parte ipsius Scripturæ, in qua duo spectanda sunt: Litera & sensus, Litera occidit, teste Apostolo. Sensus sæpè obscurus ac intellectu difficilis est, vt alio Iudice ac interprete opus sit. Tertiū ex parte Controversiarū, de quarū Iudice quæstio est. Nam aliquæ controversiæ

controversiæ

controuersie sunt, quæ ex Scriptura dirimi non possunt, cum nulla de iis in Scriptura fiat mentio. Quartum ex usu & praxi Veteris Test. ubi non Scriptura, sed Pontifex pro Iudice agnoscebatur. Quintum ex simili usu & praxi Noui Test. Sextum ex analogia Iudicis Controversiarum civilium & politicarum. Nam Iudex eiusmodi Controversiarum non est. Lex scripta, sed Princeps, aut Consistorium Principis.

7. Deinde examinabo testimonia Scripturæ, initio contra nos allata. Ex quorum examine seu discussione, tria licebit colligere. 1. Quædam ex illis non tam aduersariis, quam nobis patrocinari: præsertim illud, quo maximè gloriatur, *Scrutari Scripturas*. 2. Quædam nihil ad rem facere, de qua agimus. 3. Aduersarios, qui in Scriptura victoriam quarunt, sensum & mentem Scripturæ penitus ignorare. Incipiam à nobis argumentis.

Solam Scripturam non esse Iudicem.

I. ARGUMENTVM.

Ex officio Iudicis.

8. **P**rimum argumentum, quod sumitur ab officio Iudicis, sic propono: Qui est Iudex inter duos litigantes, debet ita pronunciare sententiam, ut uterque litigantium clarè intelligat quænam sit sententia Iudicis. Et alter eorum fateatur, illam pro se, alter contra se latam esse. Alioquin nisi id fiat, non cessabunt à lite, sed uterque suam causam prosequetur. At Scriptura non potest hoc præstare. Ergo non potest esse Iudex Controversiarum. Maior per se clara est. Minorem probo, quia Lutherani & Calvinistæ multis iam annis litigant de his punctis.

- 1 De Baptismo paruulorum.
- 2 De reali præsentia Christi in Eucharistia.
- 3 De prædestinatione.
- 4 De persona Christi.
- 5 De Exorcismo.
- 6 De numero & Canone librorum Scripturæ.

Et tamen Scriptura, quam volunt esse Iudicem, non potest dirimere aut finire has ipsas controversias. Nec hætenus auditum est, ita pronunciasse sententiam, ut vel Lutherani, vel Calvinistæ fassi sint contra se pronunciatam esse. Hoc constat ex eventu. Nam utique pergunt in studio & ardore litigandi: quod sine dubio non facerent, si putarent sententiam clarè semel esse latam. Tunc enim vel ultro cessarent à suscepta contentione, & sententiæ acquiescerent: vel certè, si existimarent iniuste secum actum esse, ad alium Iudicem prouocarent. Neutrum fit.

9. Ut magis appareat vis huius argumenti, duo consideranda sunt. Vnum, quod tam Lutherani, quam Calvinistæ palam fateantur, se non alium Iudicem, quam solam Scripturam agnoscere. Et hanc ipsam Scripturam esse claram, perspicuam, & ad omnes controversias sopiendas, per se sufficientem: nec ullam falsitatem subesse illi posse. Alterum, quod nihilominus utrique nihil aliud efficiant litigando apud hunc Iudicem, quam ut quotidie crescant eorum lites, & ipsi erga se mutuo infestiores euadant. Ex quibus alterutrum sequi necesse est: vel Scripturam hætenus non pronunciasse claram, perspicuam, & sufficientem sententiæ: vel certè, si pronunciauit, Lutheranos & Calvinistas peruicaces esse, qui clarè, perspicue, & sufficienti sententiæ non voluit acquiescere. Alterutrum ipsi eligant.

II. ARGUMENTVM.

Ex parte Scripturæ.

10. **I**n Scriptura duo spectanda sunt, *Litera & sensus*: sicut in homine corpus & anima. De Opusc. Dec.

A illis, ut aliqui interpretantur, locutus est Apostolus 2. Cor. 3. 6. cum ait: *Litera occidit, spiritus autem viuificat, &c.* Si lequaris verum Scripturæ sensum, qui est quasi spiritus & anima viuificans, proderit tibi ad salutem. Si autem neglecto vtro & legitimo sensu, hæreas tantum in externa litera, & conuenias illum esse sensum, quem externa litera præ se fert, sæpè errabis. Quam interpretationem sequitur Augustinus Ser. 70. de tempore: *Frequenter, inquit, admonui charitatem vestram fratres dilectissimi, quæ diebus istis in Ecclesia recitantur, non hoc tantum attendere debeamus, quod ex litera cognoscimus, sed remoto velamine literæ, viuificantem spiritum fideliter requiramus, sic enim dicit Apostolus: Litera occidit, spiritus autem viuificat. Denique infelices Iudæi & plus infelices hæretici, qui dum solum litera afficiuntur sensum, quasi corpus sine anima, ita sine viuificante spiritu mori remanserunt. Similia habet 1.3 de doctrina Christiana, c. 5.*

11. Hoc posito, duo probanda sunt. Vnum est, quod Scriptura, si literam spectes, non possit esse Iudex Controversiarum. Alterum, quod neque, si sensum spectes, possit esse Iudex. Priorem partem sic probo: Ille non potest esse infallibilis Iudex Controversiarum, qui ducit homines in errorem & hæresim: At Scriptura, si nudam illius literam spectemus, ducit hominem in errorem & hæresim: Ergo non potest esse infallibilis Iudex Controversiarum.

12. Maior per se nota est, quia propterea quarimus infallibilem Iudicem, ne erremus: ergo qui ducit nos in errorem, non est infallibilis Iudex. Minor patet ex Apostolo, quia Scriptura secundum literam occidit, id est, in lapsum & errorem ducit.

12. Sic olim occidit Iudæos, qui omnia, quæ in Mose & Prophetis prædicta erant de Christo, intelligebant secundum externam literam, & sensum interius latentem non percipiebant. et hoc est, quod ait Apostolus 2. Corinth. 3. 15. *Vsq̃ue in hodiernum diem, cum legitur Moyses, velamen positum est super cor eorum, id est:* Adhuc Iudæi non intelligunt Moysen, quem quotidie legunt, quia non penetrant internum ipsius sensum, sed externa litera contenti sunt. Vel clarius: Non agnoscunt Christum, qui in Mose, sub externis ceremoniis ac sacrificiis, tanquam sub velamine occultus est. Adhuc hærent in ipso velamine, & non considerant, quid sub illo lateat reconditum.

13. Quod etiam obicit illis Christus Ioan. 5. 39 *Scrutinini Scripturas, quia vos putatis in ipsis vitam æternam habere: Et illæ sunt, quæ testimonium perhibent de me, & non vultis venire ad me, ut vitam habeatis.* Q. d. Si vultis certo cognoscere me esse Messiam à Deo promissum, de quo Moyses & Prophetæ scripserunt, non tantum debetis legere Scripturas quoad externam literam, sed multo magis scrutari internum sensum & spiritum, qui sub externa litera, quasi sub umbra aut figura delitescit. Hoc hætenus non fecistis. Tamen si enim persuasum vobis sit, in Scripturis sitam esse vitam æternam, tamen nescitis, in qua parte sita sit. Non est sita in externa litera, in externis ceremoniis & figuris, ut vos putatis; sed in spiritu, in sensu, in mystico. Ibi me querite & inuenietis.

14. Nec solos Iudæos, sed etiam hæreticos *Litera occidit*. Nam multi in suis erroribus propterea perierunt, quod relicto Scripturæ sensu, quem sequitur sancta & Catholica Ecclesia, alium sensum, secundum externam literam, fuerint amplexi. Quod aliquot exemplis obiter demonstrabo.

15. Sabelliani dicebant, non esse tres personas diuinas, sed vnam tantum, quæ tamen haberet tria nomina, propter diuersa officia seu operationes. Eandem enim personam vocari Patrem, Filium, & Spiritum

Sanctum, sed diverso respectu. Patrem, quatenus est author omnium creaturarum: Filium, quatenus assumpsit humanam naturam ex Virgine: Spiritum sanctum, quatenus sanctificat nos per suam gratiam. Ex eorum sententia sequebatur, Patrem esse mortuum & passum. Nam si una tantum est persona, quæ dicitur Pater, Filius, & Spiritus sanctus; sanè si illa persona mortua & passa est, necesse est, Patrem mortuum & passum esse. Hinc (teste Augustino in lib. de hæresib. c. 41.) Patri passiani appellati sunt. Vnde hic tantus error Ex litera occidente. Nam secundum externam literam intelligebant illud Ioan. 10. 30. *Ego & Pater unum sumus*. Ex quo inferebant, Patrem & Filium (& consequenter Spiritum Sanctum) esse unum, quoad personam: cum tamen secundum sensum ecclesiæ, sint unum, quoad essentiam; & duo, quoad personam.

16. Ariani dicebant, Christum non esse Deum, sed inferiorem Deo. Vnde hoc? quia relicto sensu ecclesiæ secundum literam explicabant verba Christi, Ioan. 14. 28. *Pater maior me est*, id est, absolutè maior. At ecclesiæ sensus est, Christum secundum humanitatem, esse minorem Deo Patri: Secundum divinitatem, æqualem. Et priori modo intelligendum esse illud, *Pater maior me est*: posteriori illud: *Ego & Pater unum sumus*: Et sic omnia optimè coherere. Vide Athanasium oratione 2. contra Arianos, Hilarium l. 5. & n. de Trinitate, Augustinum libro tertio contra Maximinum c. 24. & 25. & lib. de Trinitate c. 7.

17. Macedoniani negabant Spiritum Sanctum esse Deum. Ex quo principio? Ex litera occidente. Nam secundum literam accipiebant illud Apostoli 1. Cor. 2. 10. *Spiritus omnia scrutatur, etiam profunda Dei*. Vnde sic concludebant: Qui scrutatur, quærit: qui quærit, dubitat: qui dubitat, ignorat: qui ignorat, Deus non est: Ergo Spiritus Sanctus non est Deus. At ecclesiæ locum illum sic interpretatur: *Spiritus omnia scrutatur*, id est, omnia penetrat & comprehendit. Quo sensu dicitur etiam Deus Pater omnia scrutari, 1. Paralip. 28. 9. *Omnium corda scrutatur Deus*. Et Psal. 7. 10. *Scrutans corda & renes Deus*. Et Ierem. 17. 10. *Ego Dominus scrutans corda*. Vide Theodoretum, Theophylactum, D. Thamam, & alios in Commentario illius loci.

18. Manichæi asseriebant, vetus Testamentum nouo contrarium esse. Quare? quia rem totam æstimabant secundum externam literam; quam si inspectes, alterum alteri videtur repugnare. Nam vetus dicit, Deum creasse omnia. (Genes. 1. 1.) Nouum dicit, Verbum creasse omnia (Ioan. 1. 3.) Rursum, vetus dicit, hominem factum esse ad imaginem Dei. (Genes. 1. 27.) Nouum dicit, hominem esse ex Diabolo. (Ioan. 8. v. 44.) Item vetus dicit, Deum die septimo quiescere ab omni opere. (Gen. 2. 2.) Nouum dicit, Deum usque modo operari. (1. Ioan. 5. 17.) Contra hos agit D. Aug. in lib. contra Adimantum Manichæi discipulum, & ex sensu Catholicæ Ecclesiæ, conciliat inter se loca, quæ secundum literam videntur sibi aduersari. Non repugnat, Deum fecisse omnia, & tamen fecisse per Verbum, veluti per suam artem seu ideam. Nec repugnat, hominem factum esse ad imaginem Dei, quoad naturam: & tamen esse ex Diabolo, quoad malitiam. Denique non repugnat, Deum quiescere die septimo ab opere creationis mundi; & tamen semper operari in gubernando & conseruando mundo.

19. Pelagiani negabant peccatum originale, asserentes peccatum Adami nocuisse ipsi soli, non autem posteris. Ex quo fundamento? Ex litera occidente: quia scriptum est, Ezech. 18. 20. *Filius non portabit iniquitatem Patris*. At sensus illius loci secundum mentem Ecclesiæ Catholicæ, est hic: Filius, qui non est particeps peccati Patris, non portabit iniquitatem Patris: Si autem particeps est, portabit. (Vide Augustinum

A in lib. post collationem, c. 7.) Nunc autem constat: posteros fuisse participes peccati primi parentis, iuxta illud Rom. 3. 12. *In quo omnes peccauerunt*. Sed quomodo peccauerunt omnes in Adamo? Hoc alibi explicandum est. Hic obiter dico, omnes in eo peccasse, quia Deus iniit pactum cum Adamo, tanquam cum capite & communi radice seu principio totius posteritatis, ut, si ipse seruaret præceptum de non gustando fructu prohibito, tam ipse, quam posterius manerent in Paradiso: si non seruaret, tam ipse, quam posterius essent rei, ac veluti transgressores ex Paradiso eiicerentur, quod & factum est.

B 20. Fuerunt etiam antiquiores hæretici, qui negabant carnis resurrectionem, quia scriptum est, Ioan. 6. 63. *Spiritus est, qui uiuificat, caro non prodest quidquam*. Ex quo loco secundum externam literam intellecto, sic argumentabantur: Quorsum caro si nihil prodest, esset resurrectura? (Refert Tertullianus in lib. de resurrectione carnis, c. 37.) ex eodem loco Calvinistæ faciunt hanc similem consequentiam: Quorsum Christus daret nobis suam carnem in Sacramento eucharistie, si nihil prodest? utrique decepti sunt ex litera occidente. Alioqui liceret etiam concludere in hunc modum: Si caro non prodest quicquam, cur Christus eam assumpsit? cur Verbum caro factum est? cur pro nobis Cruci eam affixit? Certè non fecit hæc frustra. Vide Maldonatum in caput sextum Ioannis.

Posterior pars argumenti.

De Scriptura, quoad sensum.

21. **A** Tque hæc sufficiant de priori parte, in qua tum autoritate Apostoli, tum variis exemplis demonstratū est, Scripturam, si literam externam spectemus, non posse esse infallibilem Iudicem Controuersiarum, quia litera occidit, & varios errores ac hæreses parit. Altera pars est. Nec Scripturam, si sensum spectemus, posse esse Iudicem. Quam sic probabo: Scriptura, quoad verū & legitimum sensum, læpè est obscura, & difficilis intellectu ac proinde, sæpè oritur controuersia de vero & legitimo ipsius sensu. Omnis autem controuersia requirit aliquem Iudicem. Debet ergo esse aliquis Iudex, qui definiat, hunc esse legitimum sensum, illum non esse. At hic Iudex non potest esse ipsa Scriptura, de cuius mente & sententia controuersia mouetur: Ergo aliquis alius, distinctus à Scriptura. In hoc discursu sunt aliquot principia, quæ sigillatim explicabo: Primum est.

Quod Scriptura quoad sensum, sæpè sit obscura, & difficilis intellectum.

22. **H** Oc testatur Petrus Apostolus in posteriori Epistola canonica, cap. 3. versu 16. ubi loquens de Epistolis sancti Pauli, sic ait: *In quibus sunt quedam difficultia intellectu*. Et variis modis confirmari potest. Primò, exemplo discipulorum eorum in Æmaus, qui non intelligebant Scripturas, nisi Christus interpretaretur. (Lucæ 24. 27.) Secundò, exemplo eunuchi Regine Æthiopum, qui rogatus à Philippo, an intelligeret Isaiam Prophetam, quem legebat? respondit: *Quomodo possum, si non aliquis ostenderit mihi?* (Act. 8. 31.) Tertiò, exemplo Apostolorum, qui multa eorum, quæ à Christo dicebantur, non intelligebant Matt. 13. 19. Accesserunt ad eum discipuli eius dicentes *Ediffere nobis parabolam Tizaniarum agri*. Et Matt. 16. 1. *Quare non intelligitis, quia non de pane dixi uobis?* Et Luc. 18. 14. *Et ipse nihil bo-*

non intellexerunt; & eius verbum istud absconditum ab eis. Quarto; Consensu omnium Interpretum. Nam si Scriptura esset facilis, quid opus esset tot interpretibus; tot Commentariis; tot questionibus & controuerſiis? Quinto; inductione. Constat obſcuriſſimam esse prophetiam Ezechielis de visione quatuor animalium. Constat prophetiam Danielis de 70. Hebdomadibus, & de abominatione desolationis, multorum ingenia exercuisse, & adhuc exercere. De qua Christus Mat. 24. 15. *Qui legit intelligat.* Constat totam Ioannis Apocalypſim plenam esse reconditis mysteriis. Et ut loquitur D. Hieronymus in epistola ad Paulinum, *tot habere Sacramenta, quot verba.*

23. Iam vero, quod in reliquo Bibliorum Codice, multa etiam obſcura, & intricata sunt norant illi, qui legerant. Et ut alios omittam, & quantur illi, qui olim in assidua Scripturae lectione diligenter occupati, fatebantur se multa ignorare, ideoque ad Augustinum, Hieronymum, & alios doctissimos Patres, discendi studio, confugebant. Testantur hoc Epistolae illorum Patrum, ex quibus aliqua proferam.

Damasus Papa consuluit Hieronymum super his questionibus.

1. Quid significet, quod in Genesi scriptum est, *omnis qui occiderit Cain, septuplum punietur.* Gen. 4. 15. Epist. 124. 125. inter Epistolas Hieronymi.

2. Si omnia fecit Deus bona valde, quare Noë de mundis & immundis animalibus praecepit, cum immundum nihil bonum esse possit? ibidem.

3. Cur Abraham fidei suae signum in Circumcisione suscepit? & cur Isaac vir iustus, & Deo charus, non illi, cui voluit, sed cui noluit, deceptus errore, benedixit? ibidem.

4. Quae sit interpretatio visionis Isaia Prophetæ de Seraphim & Trifragio? Epist. 142.

Euagrius eundem consuluit de hac questione: An Melchisedech, qui benedixit Abraham, fuerit diuinitatis naturæ, nec de hominibus æternandus? Epistola 1. 26.

Dardanus de hac: Quenam sit illa terra promissionis quam I. dæi reddentes ex Aegypto dicuntur possedisse? Non enim videtur fuisse Palaestina, quia illa iam antea fuerat a maioribus ipsorum possessa, ac promissa non tam fuit promissa, quam reddita. Epistola 119.

Vitalis quaesivit ab eodem An pro vero credendum sit, Salomonem & Achaz, quod Scriptura commemorat, vndecimo ætatis anno filios genuisse? Epist. 133.

Cyprianus quaesivit: quæ sit vera explicatio, difficultissimi illius Psalmi, qui incipit: *Domine refugium factus es nobis.* Epist. 139.

Marcella, nobilis apud Romanos femina, multa illi proposuit.

1. Quid sit Ephodbad, & quid Teraphim apud Hebræos? Epist. 130.

2. Quid significet *Alleluia, Amen, Maranatha?* Epist. 137.

3. Quid sit *Diapsalma?* Epist. 138.

4. Quid sit *pauis doloris*? quid *filii excussorum*? de quibus sit mentio in Psalm. 126. Epistola 141.

5. Quæ sint illa, quæ *nec oculis vidis, nec auribus audis, nec in cor hominis ascenderunt, quæ Deus praprauit in, qui diligunt eum?* Et quomodo rursum Apostolus inferat: *Nobis autem reuelauit Deus per spiritum suum*? et si reuelatum est Apostolo, an ille & aliis reuelauerit? Epistola 148.

7. Cum dicat Apostolus 1. Thessal. 4. 16. *Deinde, nos qui viuimus, qui clememur, simul rapiemur cum illis in nubibus obuiam Christo in aera:* An hoc ita intelligendum sit, ut aliqui non ante moriantur quam uant

Opusc. Bec.

A cum Christo ad celum; præsertim cum & Christus mortuus sit Henoch, atque Elias mortui esse dicantur in Apocalypſi Ioannis. Ne scilicet ullus sit, qui non gustauerit mortem. (ibidem.)

Præcipia, Virgo Romana, petiuit ab illo explanationem illius Psalmi: *Eructauit cor meum verbum bonum.* Epist. 140.

Sunja & Fretella, ex Cætarum & Germanorum finibus, ad eodem per epistolam interrogarunt: An in ea contentione, qua Latini dissentiunt a Græcis in Placito Davidis, Hebræi magis cum his, quam cum illis conueniant? Epist. 135.

Hedibia, nobilis apud Gallos femina, misso in Bethlehæm Apodemio, proposuit illi has difficultates.

1. Quomodo accipiendum sit illud Christi, Mat. 26. 29. *Non bibam amodo de gemmine uitis; uine in die illud, cum illud uobiscum bibam nouum in regno Patris mei.* (Epist. 150.)

2. Cur Mattheus dixerit, Christum uespere, Mat. cur, mane surrexisset. ibid.

3. Quid significet, quod in Mattheo scriptum est, *Veli templi scissum est in duas partes. a summo usque deorsum* & quæ sequuntur ibid.

4. Quomodo Christus secundum Ioannem, infusa uir spiritum Sanctum in Apostolos, & tamen secundum Lucam post Ascensionem semisurum Spiritum sanctum reprobuit? ibid.

5. Quid significet illud Apostoli, Roman. 9. 14. *Quid ergo dicemus? Nunquid iniquitas apud Deum?* uelque ad eundem locum, *Nisi Dominus Sabaoth reliquisset nobis semen, sicut Sodoma facti essemus.* ibid.

6. Quid sit, quod idem Apostolus scribit, 1. Cor. 2. 16. *Aliis odor mortis in mortem: aliis odor uitæ in uitam.* Et ad hæc quædam idoneus? ibid.

Agathia ex eadem Gallia, per eundem Apodemium hæc illi proposuit.

1. Cur Ioannes discipulos suos mittit ad Christum, & interrogent eum: *Tu es, qui uenisti in mundum exprophetauisti?* cum prius ipse de eodem dixerit, *Ecco Agnus Dei, ecce qui tollis peccata mundi.* Epist. 151.

2. Quid significet illud Mat. 12. 20. *Arundinem quassauimus non confringet: & linum sumigans non extinguet.* ibid.

3. Quid item illud, Mat. 16. 24. *Si quis uult uenire post me, abneget semetipsum.* ibid.

4. Quæ illud Mat. 24. 19. *Ue pregnantibus & nutriendis in illis diebus.* ibid.

5. Quo sentiat accipiendum illud Lucæ 9. 51. *Factum est autem, dum compleretur dies assumptionis eius, & ipse faciem suam firmavit, ut iret in Ierusalem.* Et paulo post subditur de Samaritanis: *Et non receperunt eum, quia facies eius erat eunus in Ierusalem.* ibid.

6. quis sit uilheus iniquitatis, qui voce Domini laudatus est. ibid.

7. Quid sibi uelit Apostolus, Roman. 9. 7. cum ait: *Pix enim pro isto quis moritur: nam pro bono forsitan quis audeat mori.* (ibid.)

8. Quid item, Rom. 7. 8. *Occasionem autem acceptam, peccatum per mandatum operatum est in me unam concupiscentiam.* ibid.

24. Omitto similes de Scriptura questionēs, quæ ex toto ferè Orbe Christiano ad S. Hieronymum deferbantur. Venio ad S. Augustinum, ad quem nec pauciores, nec à paucioribus de ara sunt.

Volusianus hæc illi detulit: Quomodo Deus immensus claudipotuerit utero Virginis? Et, an interea temporis deseruerit curam mundi? (Epist. 2. inter Epistolas S. Augustini.)

Marcellinus, cur Deus mutauit sacrificia Mosai- ca, quæ semel instituit? præsertim cum ea, quæ semel

recte instituta sunt, mutari nisi iniuste non possint. A Epist. 4. & 5.

Ideam Marcellinus: Quomodo Magi Pharaonis potuerunt inuenire aquam, quam in sanguinem mutarent. Cum iam antea tota aqua Egypti fuerit à Mose in sanguinem transmutata? Epist. 7.

Bonifacius Episcopus: Qui hanc, ut infantibus in Baptismo proit parentum fides, cum post Baptismum non nocet illis parentum impietas? Item: Quomodo susceptores in Baptismo respondeant, infantes credere, cum reuera non credant, & incertum sit, an aliquando sint credituri? Epist. 23.

Darda us: Quomodo Christus homo credatur nunc esse in celo, cum ipse in Cruce Latroni dixerit: Hodie mecum eris in Paradiso? Et, An hinc sequitur, Christum nomen, sicut Deum, ubique esse? Epist. 57.

Paulinus: Quid sit, quod dicitur Psalm. 133. Sanctis qui sunt in terra eius, misericorditer omnes voluntates suas interdic. Epist. 58. & c.

Item, quid illud Psal. 67. 22. Vermissionem Deus commisit capiti inimicorum suorum: Verticem capilli perambulauit in dei etis suis.

Item, cum apostolus dicit Eph. 4. 11. Ipse dedit quosdam quidem Apostolos, quosdam autem Prophetas, alios vero Euangelistas, alios autem Pastores & Doctores: quomodo distinguenda sint hæc nomina, & quæ sit cuique nomini officiorum, vel gratiarum proprietates? Quid proprium sit apostolorum, quid Prophetarum, quid euangelistarum, quid Pastorum, quid Doctorum? ibid.

Item, cum idem apostolus scribit 1. Tim. 2. 1. Obsecro primum omnium fieri obsecrationes, orationes, postulationes, gratiarum actiones, quod discumen sit in hac verborum diuersitate. ibid.

Item, quid significet illud quod apostolus dicit de Iudæis. Rom. 11. 28. secundum Euangelium quidem inuenerit propter eos, secundum electionem autem, charissimi propter Patres. ibid.

Item, quid illud Colossen. 2. 18. Ne quis vos educat, volens in his, et ceteris religionibus Angelorum, quæ non vidit ambulans, frustra et stans sensu carnis sue, & non tenens caput. & c. ibid.

Eusebius Episcopus: Quisam sint illi spiritus, de quibus loquitur Petrus in priori Epistola canonica, c. 3. 19. In quo & his qui in carcere erant, spiritibus veniens prædicauit. Epistola 98 & 99.

Honoratus: Quid libi velit vox illa Domini? Psal. 21. 2. Deus Deus meus, quare me dereliquisti? Epist. 120.

Item, quid sit, quod apostolus ait, Eph. 3. 17. Ut in charitate radicati & fundati, possitis comprehendere cum omnibus Sanctis, quæ sit latitudo & longitudo, & sublimitas, & profundum. ibid.

Item, quæ sint quinque Virgines stultæ, & quæ sapientes? Math. 25. v. 2. ibid.

Item, quæ sint tenebræ exteriores. Matt. 12. 13.

Item, quomodo intelligendum sit, Verbum caro factum est, Ioan. 1. 14. ibid.

Simplicianus: Quid velit apostolus Rom. 7. ubi ait: Quid ergo dicemus? Lex peccatum est? Absit. tunc ad eum locum: Infelix ego homo, quis me liberabit de corpore mortis huius? lib. 1. ad Simplicianum, quest. 1.

Item: Quid item, cum ait, Rom. 9. 10. Sed & Rebecca ex vtro concubitu habens Isaac; a vtro hostem: vique ad illud: Nisi Dominus Sabaoth reliquisset nobis semen. ibid. q. 2.

Item, quomodo dictum sit 1. Reg. 10. 10. Et insinuit spiritus Domini super Saul, cum alibi dicatur: Exegit autem eum Dominus nequam. 1. Reg. 16. 14. l. 2. quest. 1.

Item: Quomodo dictum sit 1. Regum 15. 11. Pœnitentem, quod confiteremur Saul Regem. ibid. quest. 1.

Item, an Spiritus immundus, qui erat in Pythoïssa, potuerit efficere, ut Samuel, qui erat mortuus, à Saule videretur, & loqueretur cum eo? ibidem q. 3.

Item de eo, quod dixit Helias 3. Reg. 17. 20. Domine Deus meus, etiamne viduam, apud quam ego & ceterique sustentor, afflixisti, ut interficeret filium eius? ibid. quest. 5.

Ex his questionibus manifeste apparet, Scripturam in multis locis obicuri ac intellectu difficilem esse: Et homines etiam doctissimos, quorum iam mentio facta est, palam profiteri, se non posse omnia percipere, nisi à doctioribus intendantur. Quæ porro sint causæ huius obicuriæ, iam explicandum est.

Causa obicuriæ Scripturæ.

25. Inuenio duas potissimum causas: Vnam ex parte earum rerum, quæ tractantur in Scriptura. Alteram ex parte modi, quo tractantur. Res quæ tractantur, sunt fere quadriplex. 1. Historiæ, ut patet in Genesi, Exodo, Numeris, Deuteronomio, Iosue, libro Iudicum, Regum, Paralipomenon, Esdra, Iudith, Tobix, Eubet, Machabæorum, itemque in Euangelio & Actibus Apostolorum. 2. Vaticinia seu Prophetiæ, quæ in Psalmis, in maioribus & minoribus Prophetis, & in Apocalypsi Ioannis, maiore parte, consignatæ sunt. 3. Mytheria, id est præsertim de Trinitate, de Incarnatione Verbi, de prædestinatione & reprobatione, de vi & efficacia Sacramentorum, de præsentia Christi in eucharistia, de fidelium iustificatione, de resurrectione mortuorum: & quæ similia sunt. 4. Præcepta & documenta moralia de virtutibus ac vitis. Tamen ergo, neque in his, neque in historiis, sit fortasse magna obicuriæ ex parte rerum, summa tamen est in prophetiis & mytheriis fidei. Hæc enim superant humanum caput & intelligentiam. Et non percipiuntur à nobis nisi in ænigmatæ, ut loquitur apostolus 1. Cor. 13. 12.

26. Iam vero modus tractandi sæpe obicurius est, propter has causas. Primo, quia in Scriptura multæ sunt locutiones figuratæ. Sunt enim frequentes tropici, schemata, hyperbola, metaphora, allegoria, parabola, quibus tanquam inuolueris multæ veritates occultantur, quæ Lectori non ita innotescunt.

Auget hanc obicuriæ, quod aliquando vnum idemque vocabulum, nunc propriè, nunc figuratè vsurpetur in eadem sententia: ut Ioan. 4. 13. Qui bibit ex aqua hac, sitiet iterum: qui autem bibet ex aqua, quam ego dabo ei, non sitiet in æternum. Vbi bibere ex aqua, & sitire in priori parte sententiæ sumitur corporaliter, in posteriori, spiritualiter.

Item, in eodem cap. v. 35. Nonne vos dicitis, quod adhuc quatuor menses sunt, & messis venit? Ecce dico vobis: Leuate oculos vestros, & videte vides, quia alba sunt iam ad messim. Hic etiam nomen Messis, primum propriè, deinde figuratè accipitur.

Item Ioan. 9. 39. Et dixit Iesus: In iudicium ego in hunc mundum veni, ut qui non vident, videant, & qui vident, & cetera. Prior pars verborum intelligitur de visu corporali, posterior de spirituali.

Item 2. Cor. 5. 21. Eum, qui non nouerat peccatum, pro nobis peccatum fecit. Vbi peccatum priori loco sumitur propriè pro peccato, posteriori figuratè pro hostia, quæ offertur pro peccato. Nā sensus illius loci est, Deum voluisse, ut Christus, qui non peccauerat, esset hostia pro peccato totius humani generis. Vide Orig. lib. 3. comm. in epist. ad Romanos. & Augustin. li. 2. de consensu Euangelist. c. 30.

27. Secundo: Non solum occurrunt figuræ in vocibus & dictionibus, ut iam ostendi, sed etiam in re-

bus ipse. Nam vna res sepe est figura, vel typus alterius rei per illam significata. Quo pacto Agnus Paschalis fuit figura Christi: Mare rubrum, Baptismi: Manna Eucharistiae: Mons Sion, Ecclesiae. Et si de ceteris. Hinc triplex oritur obscuritas.

Vna, quia non statim constat, quae res cuius rei figura sit v. g. Non constaret, Agar ancillam Abraham, fuisse figuram Synagogae, & Saram uxorem Abraham fuisse figuram ecclesiae; nisi Apostolus ex instinctu Spiritus sancti id explicasset. Galat. 4. 24. Similiter non constaret, virgam vigilantem, quam vidit Ieremias, significasse celerem executionem diuinæ sententiae contra Iudaeos & gentiles. Ierem. 1. 11. et ollam succensam fuisse typum Nabuchodonosoris. Ierem. 13. et per Ieremiam prohibitum ducere uxorem, praefiguratum fuisse imminuentem Iudaeæ vastitatem. Ierem. 16. 2. et per calicem furoris Domini, potentiam & furorē Regis Babylonis. Ierem. 25. 15. et per lumbare computrescens, interitum populi in captiuitate, Ierem. 13. v. 1. Et per lagunculam implendam vino, habitatores Ierusalem inebriandos vino furoris Domini. Ierem. 49. 12. Et per duos calathos fenum optimarum & pessimarum, duo genera hominum, quorum alij felices erant, qui transiiebant cum Rege; alij miseri, qui remanebant Ierolymis. Ierem. 24. 2. et per lutum in manu figuli, populum Iudaeorum in manu Dei. Ierem. 18. 6. et per catenas & vincula Ieremiae, captiuitatem variarum gentium. Ierem. 27. 2. Et per contractionem lagunculæ testis, contractionem populi & ciuitatis Ierusalem. Ierem. 19. 10. Et per quatuor bestias, quatuor regna seu imperia. Dan 7. 3. Et per arietem, Regem Medorum ac Persarum: Per hircum, Regem Graecorum, Daniel 8. 20. Hæc inquam, & similia non constarent nisi sigillatim à Deo essent explicata: Et postquam explicata sunt, vix adhuc intelliguntur sine interprete.

Alterā, quia vna res aliquando est figura rerum diuersarum, etiam repugnantium. Sic Ionas fuit typus Christi, Matth. 12. 40. Sicut fuit Ionas in ventre ceti tribus diebus & tribus noctibus; sic eris Filius hominis in corde terræ tribus diebus & tribus noctibus. Idem Ionas fuit typus populi Iudaeorum, qui Christo erant contrarii. Nam sicut Ionas dolebat de poenitentia Ninuitarum; Iona 4. 1. ita Iudaei postea doluerunt de redemptione gentium. Augustin. apostol. 49. qu. 6. Quod dixi de Iona, dicendum quoque est de Diluuiō, de Petra, de similibus. Nam diluuium fuit ex vna parte figura baptismi fidelium, ex altera, supplicij infidelium. Augustin. Epist. 99. ad Euodiu. Et Petra, qui Christus est, fuit pereuntibus lapis offensionis & scandali: credentibus verò, in caput anguli, 1. Petri 2. 8. & Rom. 9. 32.

Postrema, quia aliquando fit, vt res aliqua, quæ est figura alterius, repræsentet illam in vno, & omnino dissimilis sit in alio. Quo pacto femina fornicaria, quam Oseas Propheta iussus est accipere in uxorem, fuit typus Synagogæ: quam in eo repræsentabat, quod sicut ipsa commiserat fornicationem carnalem, ita Synagoga spiritalem, quæ in cultu idolorum consistit. At in eo discrepabat, quod ipsa postquam Oseæ nupsit, non rediit ad carnalem fornicationem, vt multi probabiliter putant: Synagoga verò, postquam Deo fuerat reconciliata, iterum in idololatriam lapsa est.

28. Tertio, sepe etiam in Scriptura occurrunt apparentes contradictiones, quæ Lectori magnam parant difficultatem. Aliquas ex his recensebo.

1. Dicit Moyses, Deum creasse cælum & terram sex diebus, & septimo die quiescisse. Genes. 1. 2. et contra, ecclesiasticus c. 18. 1. dicit: *Quæ*

Opusc. Bec.

uit in æternum, creauit omnia simul.

2. Moyses refert, filios Israël in Ægypto fuisse annis quadringentis. Genes. 15. 13. Quod etiam repetit Stephanus Act. 7. 8. At contra Apostolus ait fuisse annis quadringentis & triginta. Galat. 3. 17.

3. Genes. 32. 30. dicit Iacob Patriarcha: *Vidi Deum facie ad faciem, & salua facta est anima mea.* At contra Exod. 33. 20. dicit Deus: *Non videbitur homo, & viuet.*

4. Exod. 20. 5. dicitur: *Ego sum Dominus Deus tuus, visitans iniquitatem patrum in filios, in tertiam & quartam generationem.* At contra Ezech. 18. 25. *Filius non portabit iniquitatem patris.*

Item Exod. 20. 12. *Honora patrem tuum, & matrem tuam, vt sis longæuus super terram.* At contra Luc. 14. 26. *Qui non odit patrem suum, & matrem, non potest esse meus discipulus.*

Item, Deuter. 6. 13. *Dominum Deum timebis, ac per nomen eius iurabis.* At contra Matth. 5. 34. *Ego autem dico vobis, non iurate omnino.*

Item, 1. Reg. 15. 21. *Poenitet me, quod constituerim Saul Regem.* At contra Rom. 11. 29. *Sine potestate estis dona & vocatio Dei.*

Item, 3. Reg. 8. 9. *In arca autem non erat aliud nisi duo tabule lapideæ, quas posuerat in ea Moyses in Horeb.* At contra Hebr. 9. 4. *In arca erat vna habens manna, & virga Aaron, qua fronderat, & tabula testamenti.*

Item, Psalm. 1. 5. *Non resurgent impij in iudicio.* At contra 1. Corinth. 15. 51. *Omnes quidem resurgemus, sed non omnes immutabimur.*

Item, Psalm. 61. 12. *Semel locutus est Deus.* At contra Hebr. 1. 1. *Altiſſariam, multisque modis olim Deus loquens Patribus in Prophetis, nouissime diebus istis locutus est nobis in filio.*

Item, Psalm. 115. 2. *Omnis homo mendax.* At contra apoc. 14. 5. *In ore eorum non est inuentionis mendacium.*

Item, Prouerb. 6. 6. *Vade ad fornicatorem, o piger, & discite sapientiam: quæ parat in aſtate cibum suum; & congregat in messe, quod comedat.* At contra Matth. 6. 24. *Noliſſe sollicitus esse in crastinum.*

Item, Prouerb. 22. 28. *Ne transgrediaris terminos antiquos, quos posuerunt Patres tui.* At contra Ezechiel. 20. 18. *In præceptis Patrum vestrorum nolite incedere, neque iudicia eorum custoditis.*

Item, Prouerb. 26. 4. *Ne respondeas stulto iuxta stultitiam suam, ne efficiaris ei similis.* At contra ibidem. *Responde stulto iuxta stultitiam suam, ne sibi sapiens esse videatur.*

Item, Sap. 1. 13. *Deus mortem non fecit.* At contra Ecclesiast. 11. 14. *Bona & mala, vita & mors pauperat & honestas à Deo sunt.*

Item, Sapient. 11. 25. *Diligis omnia, quæ sunt, & nihil odisti eorum, quæ fecisti.* At contra Rom. 9. 13. *Iacob dilexi, & Esau autem odio habui.*

Item, Ecclesiast. 10. 15. *Initium omnis peccati est superbia.* At contra 1. Timoth. 6. 10. *Radix omnium malorum est cupiditas.*

Item, Ecclesiast. 12. 6. *Benefac humilibus, & non dedas impiis: prohibe panes illi dari.* At contra Luc. 6. 30. *Omni petenti retribue.*

Item, Ecclesiast. 24. 28. *Qui edunt me, adhuc esuriunt; & qui bibunt me, adhuc sitiunt.* At contra Ioan. 4. 13. *Quilibet ex aqua, quam ego dabo ei, non sitiet in æternum.*

Item, Iona 3. 4. *Adhuc quadraginta dies & Ninive subuertetur.* At contra long. 4. v. 11. *Ego parcam Ninive ciuitati magne.*

Item, Matth. 10. 8. *Gratis accepistis, gratis date.* At contra Luc. 10. 7. *Dignus est operarius mercede sua.*

Item, Matth. 10. 10. *Nihil tulistis in via, non peram, neque calceamenta, neque virgam.* At contra Marc. 6. 8.

Et precepit eis, ne quid tollerent in via, nisi virgam tantum.

Item, Matth. 17. 1. Post dies sex assumpsit Iesus Petrum, & Iacobum, & Ioannem. At contra Luc. 9. 28. Factum est autem post haec verba feri dies, octo, & assumpsit Petrum, &c.

Item Matth. 18. 15. Si peccauerit in te frater tuus corripere eum inter te, & ipsum solum. At contra 1. Timoth. 5. 20. Peccantes coram omnibus argue, ut & ceteri timorem habeant.

Item Marci 10. 19. Nemo bonus, nisi unus Deus. At contra Luc. 6. 45. Bonus homo de bono thesaurum cordis sui profert bonum.

Item, Marci 16. 15. Predicatio Evangelium omni creaturae. At contra Matth. 10. 5. In viam gentium ne abieritis; & in civitates & amaranorum ne intraveritis; sed ite ad oves, quae perierunt domus Israel.

Item, Luc. 22. 28. Vos estis, qui permanistis mecum in temptationibus meis. At contra Matth. 26. 31. Omnes vos scandalum patiemini in me.

Item, Ioann. 5. 31. Si ego testimonium perhibeo de meipso, testimonium meum non est verum. At contra Ioann. 8. 14. Et si ego testimonium perhibeo de meipso, verum est testimonium meum.

Item, Ioann. 5. 34. Ego testimonium ab homine non accipio. At contra Ioann. 15. v. 27. Et vos testimonium perhibebitis de me.

Item, Ioann. 6. 55. Qui manducat meam carnem, & bibit meum sanguinem, habet vitam aeternam. At contra ibidem: Spiritus est, qui vivificat, caro non prodest quicquam.

Item, Ioann. 15. 15. Omnia quaecunque audivi a Patre revelata feci vobis. At contra Ioann. 16. 12. Adhuc multa habeo vobis dicere.

Item, Ioann. 20. 1. Maria Magdalene venit ad monumentum, cum adhuc tenebra essent. At contra Marci 16. 2. Venit ad monumentum, orto iam Sole.

Item Rom. 2. 25. Circumcisio quidem prodest, si legem obsequeris. At contra Galat. 5. 2. Si circumcidamini, Christus vobis nihil proderit.

Item, Rom. 7. 28. Arbitramur iustificari hominem per fidem sine operibus. At contra Iacob 2. 20. Fides sine operibus mortua est. Et ibidem: Videtis, quoniam ex operibus iustificatur homo, & non ex fide tantum.

Item, Rom. 9. 16. Voluntati eius quis resistit? At contra Act. 7. 51. Vos semper Spiritui sancto resistitis, sicut & Patres vestri.

Item, Rom. 11. 34. Quis cognovit sensum Domini? At contra 1. Corinth. 2. 16. Nos autem sensum Christi habemus.

Item, 1. Cor. 13. 3. Si distribueris in cibos pauperem, & omnes facies caritatem, charitatem autem non habueris, nihil tibi prodest. At contra Luc. 11. 41. Date elemosynam, & ecce omnia munda sunt vobis.

Item, 1. Corinth. 15. 22. Sicut in Adam omnes moriuntur, ita & in Christo omnes vivificabuntur. At contra Ioann. 5. 21. Filius, quos vult, vivificat.

Item, Galat. 1. 10. An quero hominibus placere? si ad hoc hominibus placerem Christi servus non essem. At contra 1. Corinth. 10. 33. Sine offensione estote, sicut & ego per omnia a omnibus placeo.

Item Galat. 6. v. 2. Alter alterius onera portate. At contra ibid. v. 5. Unusquisque onus suum portabit.

Item, 1. Timoth. 6. 16. Deus habet lucem inaccessibilem. At contra Psalm. 33. 6. Accedite ad eum, & illuminamini.

Item, 1. Ioan. 1. 8. Si dixerimus, quoniam peccatum non habemus, ipsi nos seducimus. At contra 1. Ioann. 3. 9. Omnis qui natus est ex Deo, peccatum non facit.

Haec & similes apparentes contradictiones, quae

passim in Scriptura occurrunt, saepe remanent. Lectorem, & negotium facessunt etiam viris doctissimis. Testantur hoc antiqui Patres, qui in huiusmodi contradictionibus conciliandis multum operam posuerunt, ut Augustinus in libris de consensu evangelistarum, & alij praeterea, qui Scripturam interpretati sunt. Quorum labores si ad nos non pervenissent, in magnis adhuc tenebris versaremur.

Atque haec sit tertia causa obscuritatis Scripturae.

29. Quarta est, quod verba Scripturae saepe efficiant ambiguum sensum, ex defectu distinctionis. Nam aliquando, ubi distinctione opus est, nulla adhibetur distinctio. Quod fit in his fere casibus: 1. Quando agitur de Deo. 2. Quando de Christo. 3. Quando de adventu Christi. 4. Quando de Ecclesia. Nam in Deo spectari potest, vel unitas essentiae, vel trinitas personarum, in Christo, vel humana natura, vel divina. Adventus Christi duplex est: alter in nativitate; alter in die iudicii. Ecclesia similiter, vel militans est in terra, vel triumphans in caelo. Cum ergo Scriptura loquitur vel de Deo, vel de Christo, vel de adventu Christi, vel de ecclesia, saepe dubium & obscurum est, quo sensu de illis loquatur: An scilicet de Deo, quatenus est unus in essentia, an quatenus est trinus in personis? An de Christo, quia Deus, an quia homo est? An de primo ipsius adventu, an de secundo? An de Ecclesia militante, an de triumphante? De singulis dabo exemplum.

30. De Deo loquitur Scriptura, Matth. 6. ver. 9. *Pater noster, qui es in caelis.* Dubium est, an loquatur de Deo, quoad unitatem essentiae, an quoad distinctionem personarum. Vel, ut proponunt Scholastici, an nomen Patris sumatur ibi essentialiter, quatenus est commune tribus personis? An personaliter, quatenus convenit soli primae personae? In utraque partem auctores sunt. Verisimilius tamen est, sum essentialiter. Quod ex verbis illis Christi colligi potest, Ioann. 10. 17. *Ascendo ad Patrem meum, & Patrem vestrum.* Vbi utroque modo sumitur. Nam Pater Christi, quoad aeternam generationem, est prima persona divina, quatenus distinguitur a Filio & Spiritu sancto. Noster autem Pater, quoad creationem, gubernationem, & adoptionem, est tota Trinitas, quatenus est unus Deus. Itaque cum ait: *Ascendo ad Patrem meum*, loquitur de sola prima persona, cum addit: *Et Patrem vestrum*, loquitur de tribus personis, quatenus sunt unum in essentia.

31. De Christo sit mentio, Coloss. 1. 15. *Qui est imago Dei invisibilis, primogenitus omnis creatura: omnia per ipsum, & in ipso creata sunt.* Et ipse caput corporis Ecclesiae, primogenitus ex mortuis, &c. Hic etiam dubium est, an haec intelligi debeant de Christo secundum divinitatem, an secundum humanitatem? Multi volunt, aliqua prior, alia posteriori modo intelligi oportere. Quibus assentior. Nam Christus, secundum divinitatem, est imago Dei Patris. Et per ipsum, ac in ipso creata sunt omnia. At secundum humanitatem est caput Ecclesiae, & primogenitus ex mortuis. Vtroque sensu potest dici primogenitus omnis creaturae, iuxta varias interpretum explicationes, ut videre est in Commentario illius loci.

32. De adventu Christi sermo est, Hebr. 1. 6. *Et cum iterum introducit primogenitum in orbem terrae, dicit: Adoremus eum omnes Angeli Dei.* et hic quaestio est, an sermo sit de priori adventu, qui factus est in nativitate, an de posteriori, qui fiet in die iudicii? Si spectemus particulam, *iterum*, videtur esse sermo de posteriori: si alias circumstantias de priori. Videantur interpretes.

De Ecclesia scribit Apostolus, Galat. 4. 26. *Illo*

autem que sursum est Iherusalem libera est, que est mater nostra. Scriptum est enim: Latere sterilis que non parit: erumpit & clamat, quia non paritur, quia multi filij deserta, magis quam eius, quod habet virum. At difficultas est, an loquatur de Ecclesia militante, an triumphante? Quae difficultas habet etiam locum alibi, vt Hebr. 12. 22. Accessistis ad Sion montem & ciuitatem Dei uiuentis, Iherusalem celestem, & Ecclesiam primitiuorum. Et Eph. 5. 25. Christus dilexit Ecclesiam & seipsum tradidit pro ea, ut illam sanctificaret, mundans lauacro aqua in verbo uita, ut exhiberet ipse sibi gloriosam Ecclesiam, non habentem maculam aut rugam.

34. Ad hoc genus obsecutionis potest etiam reuocari, quod quae in Scriptura dicuntur de Christo, aliquando intelligantur de capite Ecclesiae, quod est Christus; aliquando de corpore seu membris Ecclesiae; aliquando de utroque, vt notat August. lib. 3. de doctrina Christiana cap. 31.

De capite Ecclesiae intelligitur illud Matth. 28. 20. Ecce ego uobiscum sum omnibus diebus usque ad consummationem saeculi. Vbi Christus tanquam caput Ecclesiae, promittit corpori & membris illius, perpetuam suam assistentiam, protectionem, & gubernationem.

De corpore seu membris Ecclesiae, intelligitur illud Actuum 9. 4. Saule, Saule, quid me persequeris? Non enim Saulus persequebatur per ionam Christi, (quia Christus iam erat in caelo ubi eum persequi non poterat) sed discipulos Christi, qui erant membra Ecclesiae. Item illud Zachar. 13. 8. Post gloriam misit me ad gentes. Vbi Christus loquitur in persona Apostolorum. Q. D. Pater meus, celestis mitte me. id est, Apostolos ad conuersionem gentium. Sed quando mittet? Post gloriam, id est, postquam in resurrectione & ascensione ostendero meam gloriam & diuinitatem. Eodem sensu, Augustinus in expositione Psal. 147. interpretatur illud Matthaei 24. v. 23. Tunc si quis uobis dixerit: Ecce hic est Christus, aut illic, nolite credere. Putat enim per Christum intelligi Ecclesiam Christi. Verba eius sunt haec: Exurgam pseudo Christi & pseudoprophetae, & dicent: Ecce hic, & ecce illic. Non enim de ipso capite dicent: Ecce hic & ecce illic: sed certum est enim, quod Christus in caelo est) sed de Ecclesia. Et ex hoc loco confutatur Donatistas, qui dicebant: Ecce hic in Africa est Ecclesia, & non alibi.

De utroque intelligitur illud Isaie 61. 10. Induit me vestimentis salutis & inducunt in istius circumdedit me, quasi sponsam decoratam corona, & quasi sponsam coronatam monilibus suis. Vbi Christus nominatur ipse & sponsa, id est, caput & corpus. Et Psal. 2. v. 2. Astitērunt Reges contra, & principes conuenerunt aduersus Dominum, & aduersus Christum eius. Quod in capite impletum est, & quotidie impletur in membris.

35. Quinta causa obscuritatis est, quod saepe in Scriptura, ubi minime putamus, subito fiat transitus de sensu literalis ad mysticum, de carnalibus ad spiritualia, de temporalibus ad aeterna, de Regibus Israel ad Regem Christum: Et e contrario. Hoc maxime fit in Psalmis & Prophetis, vt videre est cap. 7. Isaie, ubi ab historia duorum Regum (quorum alter erat Rasin Rex Syriae, alter Phacee Rex Israel) statim fit transitus ad B. Virginem. Ecce, inquit, Virgo concipiet, & pariet filium, & vocabitur nomen eius Emanuel. Et cap. 14. ubi a Rege Babylonis fit transitus ad Luciferum. Et Psal. 71. ubi a Salomone fit transitus ad Christum. Adorabunt enim omnes Reges terre. Et Ioan. 6. ubi a panibus hordeaceis fit transitus ad panem Fidei mysticum seu Sacramentum. Et alibi saepe. Vide D. Hieronymum lib. 5. in

A. Isaia c. 16. & nostrum Riberam in cap. 1. Osee, v. 34.

36. Sexta est, quod in historiis Scripturae, saepe non seruetur ordo rerum gestarum. Item quod saepe supputatio annorum non appareat liquida. Denique quod saepe euentus libri, qui quidem si existerent, multum lucis adferre, & edoceri, sed qui non exstant, relinquunt ambiguum & suspensum. Cuiusmodi libri sunt hi.

1. Liber bellorum Domini. (Num. 21. 14.)
2. Liber iustorum, m. 10 ue 10. 13.
3. Liber uerborum dierum Salomonis. 3. Reg. 12. 41.
4. Liber sermonum dierum Regum Iuda & Regum Israel 3. Reg. 14. & deinceps.
5. Liber Samuelis Videntis de rebus a Davide gestis. 1. Paralip. 29. 29.
6. Liber Nathan Prophetae de iisdem rebus. Ibid.
7. Volumen Gad Videntis. Ibidem.
8. Liber Nathan Prophetae de rebus a Salomone gestis. 2. Paralip. 9. 29.
9. Liber Amiae Silonitis de iisdem, ibi dem.
10. Visio Addo Videntis, contra Ieroboam filium Nabat ibidem.
11. Historia Regum Israel, conscripta a Iehu filio Hanani. 2. Paralip. 20. 34.
12. Historia Ozir Regis, conscripta ab Isaia filio Amos. 2. Paralip. 26. 22.
13. Sermones Hozai, de rebus Manasse. 2. Paralip. 35. 19.
14. Lamentatio Ieremiae in funere Iosiae Regis 1. 35. 25.
15. Volumen Ieremiae de euerfione urbis, & captiuitate populi. Ierem. 36. 6.
16. Liber Ieremiae de vastatione Babylonis. Ierem. 51. 60.
17. Liber dierum sacerdotij Ioannis Hyrcani. 1. Machab. 16. 24.
18. Descriptiones Ieremiae Prophetae, 2. Machab. 2. 1.
19. Liber Henoch. In epistola Iudae Apostoli.

37. Praeter has causas sunt plures aliae, quas obiter attingam. 1. Quod aliquando connectuntur sententiae, inter quas vel connectio non est, vel non apparet. 2. Quod saepe occurrant Hebraismi, qui a paucis intelligi possunt. 3. Quod saepe non videatur apte responderi ad questionem propositam. 4. Quod saepe uerba ambigua sint, vt recte discerni queat, quo sensu accipi debeant. Vt 1. Cor. 3. v. 11. Fundamentum alud nemo potest ponere, praeter id, quod positum est Christus Iesus: Si quis autem superedificat super fundamentum hoc, aurum, argentum, lapides pretiosos, ligna, fenum, stipulam, uniuscuiusque opus manifestum erit. Dies enim Domini declarabit, quia in igne reuelabitur, & uniuscuiusque opus, quale sit, ignis probabit. Si cuius opus manserit, quod superedificauit, mercedem accipiet. Si cuius opus arserit, detrimentum patietur: ipse autem saluus erit, sicutamen quasi per ignem.

38. Hic locus plane diffusus est. Quia non satis constat, quid intelligendum sit per aurum, argentum, fenum, stipulam. 2. Quid per diem Domini. 3. Quid per ignem. 4. Quid sit ardere & detrimentum pati. Denique, quid sit, saluum fieri quasi per ignem. Vnde Augustinus in libro de fide & operibus, c. 15. disertè scribit, hunc locum esse vnum ex illis, de quibus loquitur Petrus in posteriori Epistola cap. 3. v. 16. cum ait: In Epistolis Pauli quaedam esse difficultia intellectu.

39. Aequè obscurum est illud 1. Corinth. 15. 29. Quid facient, qui baptizantur pro mortuis, si mortui non resurgunt? Vt & quid baptizantur pro illis?

Non enim facile est explicare, quid hoc loco significet, Baptizant; Item, quid pro mortuis baptizari. De quare extant sex diversæ opiniones apud Bellar. l. 1. de Purgat. c. 4.

40. Similiter illud Hobr. 6. 4. *Impossibile est, eos, qui emel sunt illuminati, gustaverunt etiam domum celestem, & participes facti sunt Spiritus sancti, &c. & prolapsi sunt, rursus renouari ad penitentiam, rursus crucifigentes sibi metipsos Filium Dei.*

Quæ verba obscurissima sunt, & ex illis male intellectis orta est hæresis Nouatianorum, tempore Cypriani, qui dicebant, lapsis non esse dandam penitentiam, nec veniam; ideoque Catharos, id est, puros, ac mundos se appellabant.

Atque hæc sufficient de causis, propter quas Scriptura, quoad verum & legitimum sensum, impeditur ac obscura est. At hinc oritur alia quæstio, quæ etiam paucis explicabitur.

Cur Deus voluerit Scripturam esse obscuram?

41. **H**ic merito queri potest, cur Scriptura, quæ alioqui ex parte rerum ac mysteriorum, quæ tractat, valde obscura est, adhuc obscurior facta sit ex modo tractandi, Deo sic volente & disponente? cur non potius, eodem volente & disponente factum est, ut mysteria, quæ ipsa per se obscura sunt, tam clarè proponerentur, ut ab omnibus intelligi possint? variz sunt rationes, ex his aliquas attingam.

42. Prima ratio. Deus sicut in amicis rebus, ita etiam in Ecclesia, voluit seruare ordinem, ut alij essent, qui docerent; alij qui discerent. At hic ordo non seruaretur, si Scriptura esset tam clara, ut ab omnibus intelligi & explanari possit. Quo spectat illud Ephes. 4. 11. *Ipse dedit quosdam quidem Apostolos, quosdam autem Prophetas, alios vero Euangelistas, alios autem Pastores & Doctores, ad consummationem Sanctorum in opus ministerij, in edificationem corporis Christi, id est Ecclesie* Et 1. Cor. 12. 29. *Nunquid omnes Apostoli? nunquid omnes Prophetæ? nunquid omnes Doctores? nunquid omnes interpretantur?* quasi dicat: Minimè. Aliorum est docere & interpretari; aliorum discere & auscultare. Quod ibidem pulchra declaratur similitudine, quæ ab humano corpore sumpta est. Nam sicut in humano corpore multa sunt membra, & non omnia eundem actum seu officium exercent: ita in Ecclesia, quæ est corpus Christi, multi sunt fideles, & non omnes eandem à Deo gratiam & operationem habent. Nam vni datur sermo sapientia, alteri operatio virtutum, alij discretio spirituum, alij interpretatio sermonum. Et ut alibi loquitur idem Apostolus, unicuique sicut Deus diuisit mensuram fidei. (Rom. 12. 3.) Vnde ibidem addit: *Dico omnibus, qui sunt inter vos, non plus sapere, quam oportet sapere. Quod perinde est, ac si dicat: sicut oculi non usurpant sibi officium audiendi, nec aures, videndi, nec brachia, ambulandi, nec pedes, comedendi, quia hoc illis à natura concessum non est: ita in Ecclesia, non omnes debent usurpare officium docendi, nec omnes Scripturam interpretandi, nec omnes miracula operandi (quia hoc esset plus sapere; quam oportet sapere) sed quisque facit, aut facere debet quod ipsi à Deo in diuisione gratiarum datum est.*

43. Contra hunc ordinem ac diuinam ordinationem peccant aduersarij, qui omnibus, etiam laicis & mulierculis permittunt libertatem legendi, & interpretandi Scripturam, cum ad hoc officium à Deo minime vocati, ac proinde nec idonei sint. Et eo res iam rediit, ut nullus fere sit caupo, aut sartor, aut

A chirurgus (sive Lutheranus, sive Calvinista) qui non putet, suo Marte Scripturam intelligere, aut interpretari se posse, ideoque alterius opem vel instructionem non indigere. Audiant illud Apostoli prima Corinthiaca 12. v. 21. *Non potest oculus dicere manui: Operatus non indigeo: Aut iterum caput pedibus non estis mihi necessarij.*

44. Audiant & illud 1. Timoth. 2. 11. *Mulier in silentio discat cum omni subiectione. Docere autem mulierem non permitto, neque dominari in virum, sed esse in silentio.* Et 1. Cor. 14. 34. *Mulieres in Ecclesia taceant. Non enim permittitur eis loqui, sed subditas esse, si quid autem volunt discere, domini viros suos interrogent.* Quare hoc? ut seruaretur ordo à Deo in Ecclesia constitutus. Nunquid omnes doctores? nunquid omnes interpretantur? Non, sed diuisiones gratiarum sunt. Vnde consequens est, mulierculas quæ multa garrunt ex Scripturis, & suam sententiam in controuersiis fidei ferre non erubescunt, stultissime sibi arrogare quod non habent. In qua re imitantur suam Euam, quæ in Paradiso non potuit tacere, sed tacente viro, cepit disputare cum serpente, & statim ab eo victa & decepta est. (1. Tim. 2. 14.) Atque ipsa deinde suum virum decepit. (Gen. 3. 6.) multæ hoc tempore sunt filie Eue, quæ idem faciunt.

45. Secunda ratio. Si Scriptura esset facilis, non tantum intelligeretur à fidelibus, qui sunt in Ecclesia, sed etiam ab infidelibus, qui sunt extra Ecclesiam: Et sic paulatim maiestas & auctoritas ipsius labefacteretur. Hoc sensu accipi potest illud Matth. 7. 6. *Nolite dare sanctum canibus, neque mittitis margaritas vestras ante porcos, ne forte conculcent eas pedibus suis, ut interpretatur D. Thom. in 1. p. 2. q. 1. art. 9 ad 2 & Augustin. (vel quilibet author illic est) hom. 7. in Apocalyp.*

46. Tertia: Si Scriptura esset facilis & perspicua, non solum apud infideles, sed etiam apud Christianos esset in minori estimatione, quam par est. Imo non paucis esset occasio superbiæ & arrogantiæ. Nam si viderent omnia, quæ de altissimis mysterijs disputantur, plana & obuia sibi esse; sine dubio magni se facerent, & suo ingenio ac industria putarent omnia comprehendere se posse. Nunc contra fit. Vident tantam esse Scripturæ obtusitatem, ut suis viribus superare eam non possint; ideoque & aliorum instructio indigere se sentiunt, & ad Deum serio confugiunt, ut oculos ad videndum aperiat, & mentem illuminet, & mysteriorum arcana patefaciat. Hoc fecit David Psalm. 118. 18. *Revela oculos meos, & considerabo mirabilia de lege tua.* Et infra v. 34. *Dam mihi intellectum, & serua abor legem tuam.* Et rursum v. 135. *Faciem tuam illuminata super seruum tuum, & doce me iustificationes tuas.* Et merito, quia Scripturæ sensus non potest haberi, nisi ab eo, qui Scripturæ author est. At author Scripturæ est Spiritus sanctus, & ideo Scriptura vocatur verbum Dei: Ergo non nisi à Spiritu sancto potest haberi illius sensus. Quod spectat 1. Petri 1. 20. *Propheta Scriptura propria interpretatione non fit. Causam addit: Non enim voluntate humana allata est aliquando propheta: sed Spiritu sancto inspirati, locuti sunt sancti Dei homines.*

47. Atque hinc fit, ut homines elati ac superbi, qui suo iudicio prudentes sunt, & proprio ingenio multum tribuunt, non allequantur legitimum sensum; quia Deus superbis resistit, humilibus autem dat gratiam. Et hoc est quod ait Christus in Euangelio, Matth. 23. v. 25. *Confitetur tibi Pater, quia abscondisti hæc à sapientibus & prudentibus, & revelasti à parvulis.* Et Apostolus Roman. 1. 22. *Dicentes se esse sapientes, stulti facti sunt.*

*Ex Scripturae obscuritate necesse est ori-
ri multas controuersias apud
Christianos.*

48. **H**oc est alterum principium ex iis, quæ su-
pra à me posita sunt §. 21. Nec indiget alia
confirmatione, quam quotidiana experientia. Con-
stat enim omnibus sæculis, à tempore Apostolorum
ad nos usque, semper ortas fuisse aliquas controuer-
sias de legitimo Scripturæ sensu. Et ut taceam de iis,
quæ tempore Arii, Macedonij, Donati, & aliorum
veterum hæreticorum excitatæ sunt, certè nostro
hoc tempore propè infinitæ decurrunt, ex quibus
aliquas insinabo. Verbi gratia controuersia est.

1. Quo sensu intelligenda sint Christi verba: *Hoc
est corpus meum* Lutherani sic intelligunt: Hic panis
est corpus meum. Calvinistæ sic: Hic panis signifi-
cat corpus meum. Catholici ab utrisque dissentiunt.

2. Quomodo intelligendum illud Ioan. 3. 5. *Nisi
quis renatus fuerit ex aqua & Spiritu sancto, non potest in-
troire in regnum Dei.* Catholici & Lutherani intelli-
gunt de necessitate Baptismi, aquæ; & inde colligunt,
infantes sine Baptismo saluari non posse. Calvinistæ
hæc omnia negant.

3. Quo animo Christus locutus sit, cum adols-
centi Euangelico dixit Matth. 19. 17. *Sicis ad vi-
tam ingredi, serua mandata.* Calvinus ironice dictum
esse interpretatur; Catholici, serio.

4. An ex verbis illis, Ioan. 20. 26. *Periit Iesus ianuas
clausas, & stetit in medio eorum;* colligi possit, Chri-
stum ianuas clausas penetrasse. Affirmant Catholi-
ci. Negant alij. Et quidem Oecolampadius putat,
illum, dum ianua essent clausæ, per fenestram stre-
pissè. Alij, nescio, quas ianuas comminiscuntur.

5. An Christus, Ioan. 6. 54. loquatur de Sacra-
mento Eucharistiæ, cum ait: *Nisi manducaueritis car-
nem Filij hominis & biberitis sanguinem, non habebi-
tis vitam in vobis.* Affirmant Catholici: Negant Lu-
therani.

6. An Christus obliget omnes Laicos ad sumptio-
nem calicis, cum ait Matth. 26. 27. *Bibite ex hoc om-
nes.* Affirmat Calvinus lib. 4. Instit. cap. 17. §. 47.
Edictum, inquit, æterni Dei est, ut omnes bibant. Et §.
48. *Præcipientis verba sunt, Bibite ex hoc calice omnes.*
Catholici docent, ad solos Apostolos pertinere illa
verba ut declarat Marcus cap. 4. 24. cum ait: *Et bi-
berunt ex eo omnes.*

7. An peccatum propriè sumatur apud Apostolum
Rom. 6. 12. *Non regnet peccatum in corpore vestro mor-
tali.* Affirmant Lutherani & Calvinistæ; & inde col-
ligunt concupiscentiam, de qua ibi loquitur Apo-
stolus, esse peccatum originale. Catholici docent,
nomen peccati impropriè ibi sumi, pro causa pecca-
ti; quia concupiscentia, licet propriè peccatum non
sit, instigat tamen ad peccatum.

8. An ex illo loco, Rom. 1. 18. *Arbitramur iustifi-
cari homines per fidem sine operibus legis,* colligi possit,
solam fidem iustificare. Affirmant Lutherani: Ne-
gant Catholici.

9. An illud Apostoli 1. Cor. 3. 15. *Ipse autem saluus
erit, sic tamen quasi per ignem,* intelligi possit de igne
Purgatorio? Affirmant Catholici cum Augustino in
P. 1. d. 37. & alijs antiquioribus. Negant Lutherani
& Calvinistæ.

10. An Apostolos habuisse uxores colligi possit ex
illo 1. Corinth. 9. 5. *Numquid non habemus potestatem
mulierem sororem circumducendi, sicut & ceteri Apostoli?*

Alii: Affirmant Lutherani ex glossa Lutheri, quæ sic
habet: *mulierem circumducendi uxorem.* Sed Catholici
non admittunt hanc glossam.

11. De qua fide loquatur Christus, Lucæ 8. 50.
Credet, autem & salua eris. Lutherani interpretantur de
fide iustificante; cuius effectus est remissio peccati.
Catholici de fide, quæ Iaius Princeps Synagogæ
credebat, filiam suam, quæ iam erat mortua, à
Christo resuscitari posse.

12. Quis sit sensus illius loci, Isaiæ 41. 23. *Bene aut
male, si potestis, facite.* Lutherus ex hoc loco probat,
homines non habere libertatem arbitrij, quia non
possunt bene aut male facere, pro arbitrio. Catholi-
ci rident hoc argumentum, quia non est ibi sermo
de hominibus, sed de idolis gentium, quæ tamen
colantur à gentibus, quasi dii essent, non tamen
sunt dii, quia non possunt suis cultoribus prodesse,
nec contemptoribus nocere.

13. An ex eo, quod de Ioanne Baptista scriptum
est, Luc. 1. 44. *Exultauit in gaudio infans in utero mæ-
conuincti possit, omnes infantes, dum baptizantur,
habere fidem actualem? Affirmant Lutherani: ne-
gant Catholici.*

14. An Deus præceperit omnibus matrimonium
cum dixit, Genes. 1. 28. & Genes. 9. 1. *Crescite &
multiplicamini?* Lutherani volunt illis verbis conti-
neri præceptum de matrimonio contrahendo: Ca-
tholici vero, benedictionem pro matrimonio iam
ante contracto, ut patet ex ipso contextu, Genes. 1. 9.

15. An iste locus, 1. Tim. 2. 5. *Vnus mediator Dei
& hominum homo Christus Iesus;* excludat inuocatio-
nem & intercessionem Sanctorum in celo. Affirmat
aduersarij: Nos negamus quia non excludit inuoca-
tionem Sanctorum in terra. Alioquin Apostolus non
dixisset, 1. Theisal. 5. 25. *Fratres, orate pro nobis.*

16. Qui sint illi duo testes, de quibus hic mentio in
Apocal. cap. 11. 3. *Et dabo duobus testibus meis, & pro-
phætabunt diebus mille ducentis sexaginta annis.*
Aliqui ex aduersariis intelligunt Lutherum & Cal-
uinum, alij, vetus & nouum Testamentum: Catho-
lici vero, Ilenoch & Heliam, vel certè Moysen &
Heliam.

17. Quid significet, quod de Antichristo scriptum
est, Apocal. 13. 13. *Et fecit signa magna, ut etiam ignem
faceret de celo descendere.* Aduersarij per ignem de celo
descendentem intelligunt excommunicationem Pa-
palem, ut Pouelus Calvinista lib. 1. de Antichristo,
cap. 26. & Balduinus Lutheranus, in disputatione
de Antichristo, cap. 6. ut hoc modo probent Pa-
pam esse Antichristum. Catholici contemnunt has
ineptias.

*Index harum controuersiarum non potest
esse Scriptura.*

49. **C**ertum quidem est, in his & similibus con-
trouersias, quæ versantur circa sensum Scri-
pturæ, opus esse aliquo iudice, qui eas dirimat, &
clare pronunciet, hunc esse legitimum sensum, il-
lum non esse. At hunc iudicem non posse esse Scri-
pturam ipsam, duobus argumentis euidenter de-
monstrabo.

Primum sumitur ex dictis in hunc modum: Index
debet clare pronunciare sententiam, ut ab utraque
parte litigante intelligi possit, alioqui frustra illam
promulgaret. At Scriptura, quando sensus ipsius
obscurus & ambiguus est (quod sæpè fit, ut supra
ostendi §. 22. & sequentibus) non potest clare pro-
nunciare sententiam, ut ab utraque parte litigante

intelligi possit. Si enim in tali casu clarè pronuncietur sententiam, iam sensus ipsius non esset obscurus, sed clarus, quod est contra suppositionem. Ergo in tali casu non potest esse iudex.

10. Dices. Tamen si sensus Scripturæ in vno loco aliquando obscurus est, tamen in alio potest esse clarus: ac proinde Scriptura per illum locum qui clarus est, potest ferre sententiam de alio, qui obscurus est.

R E S P O N D E O Hoc quidem obtendunt aduersarij: sed frustra. Nam primo, si ita est, cur ipsi per hanc viam non finiunt controuersias, quas inter se habent? cur inquam, Lutherani & Calvinistæ, cum altercantur de aliquo Scripturæ loco, qui obscurus est, non recurrunt ad alium, qui clarus est? Aut, si id faciunt, cur nullus altercandi apud illos est finis? **N**on hic herent.

31. Deinde, aliud est verba Scripturæ esse clara: aliud, sensum Scripturæ esse clarum. Nam claritas verborum pendet ex cognitione Grammaticæ: claritas autem sensus, ex intentione & consilio Spiritus sancti. At sepe fit, ut aliquis habeat sufficientem cognitionem Grammaticæ, & tamen nesciat intentionem Spiritus sancti. Ergo in tali casu, verba Scripturæ poterunt esse clara, non tamen sensus verborum, qui à Spiritu sancto intenditur, erit clarus. Hoc ostendam in exemplo. Verba Christi in Scriptura sunt hæc: *Hoc est corpus meum. Hic est sanguis meus.* Quæ verba, si naturam illorum significationem spectes, sunt clara & perspicua; & ab omnibus non modo Christianis, sed etiam Iudæis, Turcis, & Ethnicis intelligi possunt. At de sensu illorum, qui à Spiritu sancto intentus est, infinitè prope apud Christianos controuersie sunt. Simile est de illis verbis apud Iohannem: *Maria Magdalene venit ad monumentum, cum adhuc tenebra esset.* Itemque de illis apud Marc. *Veni ad monumentum orto iam Sole.* Quid clarus & notandus dicitur potuit? Et tamen, quia priora videntur contrariè cum posterioribus, merito dubitari solet, qui germanus illorum sensus sit, & quomodo conciliari inter se possint ac debeant.

32. Addo non raro etiam fieri, ut idem locus Scripturæ, quem vna pars litigantium putat clarum & perspicuum esse, ob alteram censetur esse obscurus ac intricatus. Quid in tali casu, facto opus est? Aut quis iudex adhibendus? Scriptura certe pro indice adhiberi non potest. Nam de illius sensu & sententia controuersia est, cum alij claram, alij obiectam esse contendunt: Et ab aliis in hanc, ab aliis in aliam partem distrahatur. Quid ergo consilij? Inne dubio, alius iudex querendus est. Verbi gratia: His inter nos & Calvinistas est de vero ac locali descensu Christi ad inferos, quem illi negant, nos autemimus. Et venimus duplici testimonio. Altero ex Symbolo fidei, *Descendit ad inferos.* Altero ex cap. 2. Act. v. 27. *Non derelinques animam meam in inferno.* Vtrumque dicimus clarum & perspicuum esse. Calvinistæ de utroque negant: & obiectissimè sua interpretatione, vtrumque faciunt obscurissimum. Ac prius quidem interpretantur hoc sensu: *Descendit ad inferos, id est, perdidit in cruce diros cruciatus damnati ac perdit hominis, ut coactus fuerit, urgente angustia, exclamare: Deus meus, ut quid dereliquisti me?* Ita Calvinus lib. 2. Institut. cap. 16. §. 10. & 11. & Catechismus Heidelbergensis, quest. 44. Posterius autem, hoc sensu: *Non derelinques cadaver meum in sepulchro.* Ita Beza in Commentario: quid hic agendum? Aut quem iudicem compellabimus? Si Scripturam consulimus, nihil aliud ipsa dicet, quam quod antea dixit: Nullum iota, nullum apicem additura est. De eo autem quod antea dixit controuersia est: ergo per id, quod antea

dixit controuersia finiri non potest. Si ergo post oī tam controuersiam, Scriptura nihil noui dicit, sed manet in antiquis terminis, certe per illam finiri non potest, sed necesse est, vel alium iudicem adire, vel alteram partem litigantium sponte cedere, vel denique vtramque in lite perleugrare.

33. Alterum argumentum. Multa sunt testimonia Scripturæ, quorum verus ac legitimus sensus haberi non potest, nisi ex traditione & auctoritate Ecclesiæ: Ergo si oriatur controuersia circa eiusmodi testimonia, sola Scriptura non potest esse iudex: sed oportebit confugere ad traditionem & auctoritatem Ecclesiæ. Verbi gratia Christus dicit, Matth. 28. 19. *Docete omnes gentes baptizantes eos in nomine Patris & Filij & Spiritus sancti.* Sensus verus & legitimus est, quod in Baptismo pronunciantur debeant hæc verba: *Ego te baptizo in nomine Patris & Filij & Spiritus sancti.* Et quod Baptismus sine tali verborum pronuntiatione non sit validus. In hoc consentiunt nobiscum aduersarij. At si aliquis negaret hunc esse sensum, & diceret, non esse opus pronuntiare hæc verba: *In nomine Patris & Filij, & Spiritus sancti;* sed sufficere, si quis inter baptizandum habeat internam voluntatem & intentionem baptizandi in nomine sanctissimæ Trinitatis, quomodo illum confutaremus? An ex solis Scripturæ verbis? Nihil minus. Nam illa, verba *Baptizantes eos in nomine Patris,* &c. non dicunt vocalem Trinitatis inuocationem adhiberi oportere. Vnde ergo constat oportere? Ex praxi & traditione Ecclesiæ. Si hanc respicis, non habebis vllum præiudicium contra aduersarium, qui negaret, vocalem prolationem necessariam esse.

34. Aliud exemplum. Christus dicit, Ioann. 3. 5. *Nisi quis renatus fuerit ex aqua & Spiritu sancto, non potest introire in regnum Dei.* Hic locus, secundum verum ac legitimum sensum, intelligitur de necessitate Baptismi aquæ, ut nobiscum fatentur Lutherani. At Calvinistæ hoc negant. Quomodo ergo refelli poterunt à Lutheranis? Non certè ex verbis citatis. Nā tamen si nominetur ibi aqua, non tamen additur expresse, quod debeat intelligi vera aqua. Nam & alibi nominatur ignis, ut Lucæ 3. 16. *Ipse vos baptizabit in Spiritu & igni,* & tamen non intelligitur verus ignis. Vnde ergo constabit in priori loco, veram aquam intelligi oportere? Aut vnde Lutheranis contra Calvinistas id probabunt? Non aliunde quam ex praxi & traditione Ecclesiæ.

35. Aliud. Christus in vltima cœna non solum instituit eucharistiam, sed etiam lotionem pedum adhibuit. Et quidem in institutione eucharistiæ dixit: *Comedite, Bibite.* In lotionem autem pedum: *Et vos debetis alter alterius lavare pedes.* Hic aduersarij dicunt, priora verba continere præceptum, posteriora non item: Ac proinde fideles diuino præcepto obligari ad sumendam Eucharistiam sub vtraque specie, non tamen ad lotionem pedum. Nunc quæro, vnde hoc ipsis constet? aut quo prætextu existiment se teneri quidem ad sumptionem vtriusque speciei, sed tamen liberos esse à lotionem pedum? Non possunt prætexere Scripturæ verba. Nam illa contrarium potius præferunt. Hæc enim, *Comedite & Bibite,* non plus videntur significare, quam si Paterfamilias dicat suis hospiti-bus: *Comedite, bibite, laticestote.* Ac si Paterfamilias ita loqueretur, non censeretur illos velle sub præcepto obligare. Cum ergo Christus eodem modo locutus sit, vnde constabit, eum voluisse nouo præcepto obligare omnes fideles ad vtramque speciem? Hæc autem verba, *Vos debetis alter alterius lavare pedes,* videntur significare præceptum, non minus quam si Dominus dicat seruo: *Tu debes mensam parare.* Vnde igitur sciunt se his verbis non

obligari ad lauandos pedes, cum tamen hæc uerba obligationem præ se ferant? Ex sola praxi & traditione Ecclesiæ: Nam Ecclesia nunquam usurpauit hanc lotionem, tanquam necessariam, quod tamen fecisset, si diuino præcepto putasset se ad illam obligari.

59. Omnino similia exempla, quæ passim occurrunt. Et ex dictis concludo in hunc modum Scriptura potest dupliciter spectari, 1. quoad externam litteram, 2. quoad internum sensum, qui à Spiritu sancto intentus est. Neutro modo potest esse Iudex controuersiarum. Non priori, quia externa littera sæpe ducitur errorem. Nec posteriori, quia sensus Scripturæ sæpe obscurus & ambiguus est, ita ut opus sit alio Iudice, qui definiat hunc esse legitimum & à Spiritu sancto intentum; illum non esse. Atque hæc sufficiant de secundo argumento, quod ex parte Scripturæ desumptum est.

III. ARGUMENTVM.

Ex parte controuersiarum.

57. **H**oc argumentum sic propono: Multæ sunt controuersie circa fidem & religionem, quarum vel nulla sit mentio in Scriptura, vel certe non sufficiens ad hoc, ut Scriptura de illis sententiam ferre possit: Ergo in iis dirimendis alius Iudex querendus est. Eiusmodi autem controuersie sunt hæc.

58. Prima: An libri Tobie, Iudith, Sapientie, Ecclesiastici, & Machabæorum sint canonici & diuini, nec ne? Negant Lutherani & Calvinistæ. Nos affirmamus. At quis erit Iudex, qui litem hanc dirimat? Scriptura esse non potest. Nec Lutherani & Calvinistæ, quod bene notandum est, ad Scripturam prouocant, sed ad Canonem & Traditionem Iudæorum. Aiunt libros istos in Canone Hebræorum, qui extat apud Hieronymum, non reperiri; ideoque pro canonicis ac diuinis haberi non posse. Fatentur igitur alium in hac causa Iudicem, quam Scripturam, esse oportere. Et quem illum? Traditionem Iudæorum. Mira res. Pluris Iudæos, quam Christianos faciunt: Et cum ipsi Christiani esse uelint, Christi & Apostolorum Traditionibus infestissimi sunt, & Iudæorum Traditionem in pretio habent. Cur nondicunt cum Augustino lib. 18. de Ciuitate Dei, cap. 36. *Machabæorum libros non Iudæi, sed Ecclesia pro canonicis habet*? Et cum Ildoro in lib. Proæmiorum de libris ueteris ac noui Testamenti. *Hebræi non recipiunt libros Tobie, Iudith, & Machabæorum; Ecclesia tamen eosdem inter canonicas Scripturas enumerat*. Et ibidem: *Sapientia & Ecclesiasticus parem cum reliquis canonicis libris tenere nascuntur auctoritatem*.

59. Secunda: Quot sint Sacramenta nouæ legis? Aduersarij dicunt esse duo, Baptismum & Eucharistiam: Catholici, septem. Quid autem Scriptura? Nihil de hoc numero definit: ac proinde Iudex in hac controuersia esse non potest. Vnde ergo Catholici habent septenarium, si ex Scriptura non habent? Ex traditione & consensu Ecclesiæ. Vnde aduersarij binarium? Hoc ipsi viderint. Certè ex Scriptura non habent. Aut si putant se habere, speciatim præstent hæc tria. Primo, ostendant ex Scriptura nomen Sacramenti tribui Baptismo & Eucharistiæ; non item Confirmationi, Ordini, Pœnitentiæ, Matrimonio, Extremæ vnctioni. Secundo, ex eadem Scriptura definiant Sacramentum. Tertiò, demonstrent

A definitionem conuenire Baptismo & Eucharistiæ non autem reliquis. Hæc si præstiterint, salua res est. At nunquam præstabunt.

60. Ac primo, ubi inuenient locum Scripturæ, in quo nomen Sacramenti tribuitur Baptismo & Eucharistiæ? Nusquam. At ego inueniam, ubi tribuitur Matrimonio. Sic enim scribit Apostolus, Ephes. 5. 31. *Propter hoc relinquet homo patrem & matrem suam, & adheret uxori suæ, & erunt duo in carne una. Sacramentum hoc magnum est. Ego autem dico in Christo & Ecclesia. Q. d. Quod homo relinquat parentes suos, & adhaereat uxori, hoc est magnum Sacramentum, quia est signum coniunctionis Christi cum Ecclesia, id est, repræsentat coniugium Christi & ecclesiæ.*

B 61. Secundò, ubi inuenient definitionem Sacramenti in Scriptura? Lutherus quidem in lib. de captiuitate Babylonica, capite ultimo, sic definit: *Sacramentum est promissio signo externo annexa*, Melancthon in Apologia Confessionis Augustanæ, art. 13. sic: *Sacramentum est ritus, qui habet mandatum Dei, & cui addita est promissio gratiæ, id est, gratuita reconciliationis, seu remissionis peccatorum*, ut ipse explicat in Locis communibus, Tit. de Numero Sacramentorum. Calvinus lib. 4. Instit. cap. 14. §. 1. sic: *Sacramentum est symbolum externum, quo beneuolentia erga nos sua promissionem conscientie nostris Dominus obsignat, ad sustinendam fidei nostræ imbecillitatem*. At hæc definitiones non habentur in Scriptura; Imò nec inter se conueniunt. Nam Lutherus in sua definitione supponit, promissionem esse de essentia Sacramenti: Melancthon, annexam esse Sacramento: Calvinus; non esse annexam Sacramento, sed potius Sacramentum annexum & additum esse promissioni. Non enim esse promissionem de effectu Sacramenti, sed de effectu diuinæ erga nos beneuolentiæ. Itaque secundum Melancthonem sic exprimenda esset promissio: Si quis Sacramentum Baptismi aut Eucharistiæ susceperit, promitto illi remissionem peccatorum. At secundum Calvinum, hoc modo: Promissi uobis remissionem peccatorum & vitam æternam: & hanc ipsam promissionem declaro & obsigno per Sacramenta.

D 62. Tertiò, quidquid sit de definitionibus iam à latis, quas aduersarij commenti sunt, quomodo ex Scriptura poterunt demonstrare, eas conuenire Baptismo & Eucharistiæ? Non video. Experiamur tamen. Vna definitio est hæc: *Sacramentum est ritus, qui habet mandatum Dei, & cui addita est promissio remissionis peccatorum*. Probent aduersarij ex Scriptura, hanc definitionem conuenire Eucharistiæ. Probent, inquam, ex Scriptura, Eucharistiam habere annexam promissionem remissionis peccatorum. Vel, quod idem est, Deum in Scriptura promittere nobis remissionem peccatorum, si ad hoc Sacramentum accedamus. Nunquam poterunt. Non enim hoc Sacramentum à Deo institutum est, ut homini remittat peccata, vel ut ex impio & peccatore faciat iustum & sanctum, sed ut iustitiam & sanctitatem, quæ in illo est, foueat, conseruet & augeat. Imò, tantum abest, ut remittat peccata, ut etiam ob sit peccatori si cum conscientia peccati accedat. Hinc Apostolus 1. Corinth. 11. 28. *Probet autem seipsum homo, & sic de pane illo edat, & de calice bibat. Qui enim manducat & bibit indigne, iudicium sibi manducat & bibit*. Et Christus in vltima cœna non uoluit Apostolis porrigere eucharistiam, nisi præmissa pedum lotionem. Nimirum ut significaret, neminem, nisi lotum, purum, & immaculatum à culpa mortali, ad mensam Christi admittendum esse. Et ratio sumitur ex ipsa natura huius Sacramenti. Quid enim aliud est Eucharistia, quam cibus & potus spiritualis, quo ani-

ma reficitur & vegetatur? (Ioanni. 6. 55. *Caro mea vere est cibus, & sanguis meus vere est potus, &c.*) Sicut ergo cibus & potus corporalis non prodest corpori mortuo, sed vitam habenti; sic etiam seruata proportionem, de Eucharistia dicendum est.

63. Tertia Controversia: An exorcismus & alie ceremonie in Ecclesia Catholica videntur possint adhiberi in Baptismo? Lutherani eas admittunt. Calvinistae reuiciunt. Neutri tamen ex Scriptura suam sententiam possunt confirmare. Non quidem Lutherani, quia Scriptura nusquam dicit, Eiusmodi ceremonias usurpandas, sed ex sola Traditione Ecclesie id habemus. De qua scribit August. lib. 2. de nuptiis, & concupiscentiis, cap. 29. *Antiquissima, inquit, Ecclesia Traditione exorcizantur & exsufflantur parvuli, ut in regnum Christi à potestate tenebrarum transferantur.* Nec Calvinistae; nisi forte hoc modo: Nullae ceremonie usurpandae sunt in Ecclesia, nisi de quibus extat mandatum in Scriptura. At nullum extat mandatum de ceremoniis, quas Catholici usurpant in Baptismo; Ergo tales ceremonie non sunt usurpandae. Sed maior propositio est falsa, & scriptis Calvinistis contraria est. Nam Calvinistae usurpant multas ceremonias in Baptismo, de quibus nullum extat mandatum in Scriptura. Cuiusmodi sunt hæc. 1. Ut infans in Ecclesia coram vniuerso populo baptizetur; idque vel die Dominico, vel aliquo alio, quo populus ad concionem venisse solitus est. 2. Ut illi, qui adferunt infantem ad Baptismum interrogentur, an ipsis deant, se infantem, cum adoleuerit, in fide & moribus instructuros. 3. Ut nomen imponatur infanti baptizando. 4. Ut formula Baptismi pronuncietur lingua patriæ. 5. Ut recitetur Symbolum, oratio Dominica, & alie preces.

Hæc ceremonias præscribit Calvinus in libello: *De formula Sacramentorum ministrandorum.* At ubi, obicere, de his extat mandatum in Scriptura? Nusquam. Vel igitur condemnet has ceremonias, necesse est: vel fateatur, non omnes damnandas esse, quæ in Scriptura mandatum non habent.

64. Quarta Controversia: An baptizati ab hæreticis sint rebaptizandi? Affirmavit olim Cyprianus, Episcopus Carthagenensis, cum quibuldam aliis. Negabat Augustinus, qui veriore partem amplectebatur, nec aliunde, quam ex Apostolica Traditione, & praxi Ecclesie, se tuebatur. Sic enim scribit lib. 2. de Baptismo contra Donatistas cap. 7. *Quoniam consuetudinem, (scilicet non repetendi baptismum) credo ex Apostolica Traditione venientem.* Et lib. 5. cap. 23. *Consuetudo illa, quæ opponitur Cypriano, ab Apostolorum Traditione exordium sumpsisse credenda est.* Huic consuetudini cessit Cyprianus, quia videbat se omni præsidio Scripturæ destitutum esse.

65. Sunt & alie similes controversie quæ ex sola Scriptura decidi non possunt, sed alio Iudice opus habent. Eas obiter insinuabo. Sunt autem hæc. 1. An Baptismus vna immersione conferri debeat? 2. An Christiani loco Sabbathi debeat colere diem Dominicam? 3. An B. Maria manserit Virgo post partum? 4. An Petrus Apostolus fuerit Romanæ Ecclesie Episcopus? 5. An Symbolum fidei sit vere canonicum & Apostolicum? 6. An in veteri Testamento fuerit aliquod externum remedium pro fornicis, contra peccatum originale?

IV. ARGUMENTVM.

Ex usu & praxi veteris Testamenti ubi non Scriptura, sed Pontifex pro Iudice agnoscebat.

66. Certum est, in veteri Testamento omnes controversias legales, quæ erant maioris momenti, à summo Sacerdote seu Pontifice, tanquam à supremo in terris Iudice, non autem à Scriptura, dirimi ac defini debuisse. Hoc testatur Iosephus lib. 2. contra Apionem cum ait: *Pontifex ante alios Sacerdotes Deo sacrificat, lege custodit, diiudicat controversias, conuictos delicti purat: cui qui non obedit, is penas luit, tanquam in Deum impius.*

67. Et manifestè colligitur ex illo Deuter. 17. 8. *Si difficile & ambiguum apud te iudicium esse perpexeris inter sanguinem & sanguinem, causam & causam, lepram & lepram, & iudicium intra portas videris verba variari; surge & ascende ad locum, quem elegeris Dominus Deus tuus, veniesque ad Sacerdotes Levitici generis, & ad Iudicem qui fuerit illo tempore, quæresque ab eis, qui indicabunt tibi iudicij veritatem. Et facies quodcumque dixerint, qui præsum loco quem elegeris Dominus, & docuerint te iuxta legem eius, sequerisque sententiam eorum. Non declinabis ad dextram neque ad sinistram. Qui autem superbia, nolens obedire Sacerdotis imperio, qui eo tempore ministrabat Domino Deo tuo, & decreto iudicis, morietur homo ille.*

68. Circa hunc locum aliqua notanda sunt. Primum est, quod varie fuerint controversie illi populo Iudæorum. Hæc quidem duæ speciatim recensentur. Vna de sanguine; altera de lepra. Alibi tamen summam insinuantur quatuor genera, ut 2. Paralip. 19. 10. *Vbiunque questio est de lege, de mandato, de ceremoniis, de iustificationibus.* Nam aliquæ, ut ibi interpretatur Lyranus, oriebantur ex lege decalogi; alie ex mandatis moralibus, quæ sunt extra legem Decalogi; alie ex præceptis ceremonialibus ad diuinum cultum spectantibus; alie denique ex præceptis iudicialibus: quæ ad externam pacem & iustitiam conseruandam erant accommodata.

69. Alterum est, quod in singulis ciuitatibus constituit fuerint inferiores iudices, qui ex officio debebant huiusmodi controversias dirimere, ut habetur Deut. 16. 18. *Iudices & Magistros constitues in omnibus poris tuis, quos Dominus Deus tuus dederit tibi per singulas tribus tuas, ut iudicent populum in isto iudicio, nec in alteram partem declinent.* Et 2. Paralip. 19. 5. *Constituit Iudices terra in cunctis ciuitatibus Iudæ munitis per singula loca.*

70. Tertium est, quod quando inferiores Iudices non poterant inter se conuenire, nec controversias ad se delatas, propter peculiarem aliquam difficultatem, dirimere; necesse fuerit confugere Hierosolymam ad superiores Iudices, quibus tanquam supremus Iudex, præsidebat Pontifex: Et illius sententia, sub pena mortis, oportebat acquiescere. Hoc patet ex verbis paulo ante citatis: *Si difficile & ambiguum apud te, (id est, in ciuitate tua, in qua habitas) iudicium esse perpexeris, &c.*

71. Hinc colligimus, duplex apud Iudæos fuisse Tribunal & Concilium: Vnum maius; alterum minus. Inter ea fuit multiplex discrimin. Primo, quia maius tantum erat in Ierusalem: minus in singulis ciuitatibus. Secundo, in maiori diiudicabantur maiores controversie; in minori faciliores. 3. in maiori præsidebat Pontifex; non item in minori. Quar-

to, à minori licebat appellare ad maius: non contra-
à maiori ad minus. Quinto, in maiori erant septua-
ginta personæ, præter Pontificem: in minori vigin-
tites. Sexto, maius vocabatur Sanhedrin, vel Sy-
nedrion, vel Concilium Seniorum: minus non
ita. De maiori sæpe fit mentio in Euangelio, ve
Marc. 14. 55. & Luca 9. 21. & Act. 4. 5. Videantur
Interpretes.

72. Vtrumque Concilium habuit suam origi-
nem sub Mose. Et minus quidem institutum est, ex
consilio lethro: maius vero ex mandato Dei. Oc-
casio minoris instituendi describitur Exod. 18. vers. 13.
his verbis: *Altera autem die sedet Moses, ut iudicaret
populum, qui assistebat. Mosi a mane usque ad vespertem.
Quod cum vidisset cognatus eius, ait: Quid est hoc, quod
facis in plebe? cur solus sedes, & omnis populus præstolat
de mane usque ad vespertem? Cui respondit Moses: Ve-
nit ad me populus, querens sententiam Dei. Cumque acci-
deret eis aliqua disceptatio, ventum ad me, ut iudicem in-
ter eos, & ostendam præcepta Dei & leges. At ille, Non bo-
nam, inquit, rem facis: stulto labore consumeris & tu, & popu-
lus iste, qui tecum est. Ultra vires tuas est negotium: Solus
illud non poteris sustinere. Sed audi verba mea, aliqua consi-
lia, & erit Deus tecum. Prævide de omni plebe viros potentes,
& timentes Deum, in quibus sit veritas, & qui oderint auar-
itiam: & constitues eos in tribunos & centuriones, & quin-
quagenarios, & decanos, qui iudicent populum omni tempo-
re. Quidquid autem maius fuerit, referant ad te: & ipsi mi-
nora tantummodo iudicent: leniusque fiet tibi, partito in alios
onere. Quibus auditis, Moses fecit omnia, que ille suggesse-
rat: Et electis viris strenuis de cunctis Israël, constituit eos
Principes populi, tribunos & centuriones, & quinquagena-
rios, & decanos, qui iudicabant plebem omni tempore. Quid-
quid autem granius erat, referebat ad eum, faciliora tantum-
modo iudicantes.*

73. De maioris Concilij institutione sic legi-
mus, Numer. 11. 16. Et dixit Dominus ad Mosén: Con-
grega mihi septuaginta viros de senibus Israël, quos tu no-
bis, quod senes populi sint ac magistri: & duces eos ad ostium
Tabernaculi fœderis, faciesque ibi stare tecum, ut descen-
dam & loquar tibi: Et auferam de spiritu tuo, tradam-
que eis, ut sustentent tecum onus populi, & non tu solus
graueris. Et intra ve. 17. 24. Venit ergo Moses, & nar-
rauit populo verba Domini, congregans septuaginta viros de
senibus Israël, quos stare fecit circa Tabernaculum.
Descenditque Dominus per nubem, & locutus est ad eum,
auferens de spiritu, qui erat in Mosé, & datus septuaginta
viris. Cumque requiescisset in eis spiritus, prophetauerunt,
nec ultra cessauerunt.

74. Porro cum Concilium, progressu tempo-
ris, pene collapsum esset, iterum restitutum & reno-
uatum fuit à Iosaphat Rege Iuda, ut habetur 2. Pa-
ral. 19. 4. his verbis: *Habitauit ergo Iosaphat in Ierusa-
lem: rursumque egressus est ad populum de Bersabee usque
ad montem Ephraim, & reuocauit eos ad Dominum Deum
Patrum suorum. Constituitque iudicem terra in cunctis ciui-
tatibus Iuda militibus per singula loca. Et precipiens iudi-
cibus, Videte, ait, quid faciatis: non enim hominis exer-
cetis iudicium, sed Domini: Et quidcunque iudicaueritis, in
vobis redudabile. Hæc omnia intelliguntur de minori
Concilio. Iam: sequitur de maiori: In Ierusalem
quoque constituit Leuitas & Sacerdotes, & Principes fa-
miliarum ex Israël, ut iudicarent & causam Domini dicere-
rent habitatoribus eius. Præcepitque eis dicens: Sic agatis in
timore Domini fideliter, & corde perfecto. Omnem causam,
qua venerit ad vos fratrum vestrorum, qui habitant in vr-
bibus suis, inter cognationem, & cognationem, ubicunque
questio est de lege, de mandato, de ceremoniis, de insti-
tutionibus, ostendite eis, ut non peccent in Dominum, &
ne veniat ira super vos, & super fratres vestros. Amarias
autem Sacerdos & Pontifex vester, in his, quæ ad Domi-*

Opusc. Bee.

*perueniunt, præsidebit. Porro Zabadias filius Ismael, qui
est dux in domo Iuda, super ea operabitur, quæ ad Regis of-
ficium pertinent. Pontificem fuisse Præsidem, seu caput
Concilij Seniorum.*

75. Igitur, ut verbo repperam quæ dicta sunt, sub
Mose in deserto, res ita gesta est. Primo solus Mosés
(qui erat Pontifex extraordinarius) iudicabat omnes
omnino controuersias, quæ in populo oriebantur:
Deinde ut hoc onere non nihil subleuaretur, additi
sunt illi Tribuni, Centuriones, quinquagenarii, &
Decani, qui minores causas indicarent, & grauiora
ad illum remitterent. Denique ad maius solatium, se-
ptuaginta seniores electi sunt, quæ etiam in causis gra-
uioribus illi assisterent. Post mortem Mosi, cum iam
filii Israël venissent in terram promissionis, duplex
Tribunal ac iudicium constitutum est: Vnum Hiero-
solymsis, pro causis difficilioribus, alterum in singu-
lis ciuitatibus, pro facilioribus. Hoc posterius respon-
debat Concilio, Tribunalum ac Decanorum: illud
prius Concilio septuaginta seniorum.

76. Hic addi potest, aliter in deserto sub Mose,
aliter in terra promissionis sub aliis Pontificibus, &
tum esse. Et quidem duplici discrimine: altero ex
parte Pontificis, altero ex parte Concilij Seniorum.
Nam Pontifex post ingressum in terram promissio-
nis, non dirimebat controuersias, nisi ex lege scripta.
At Mosés, præsertim antequam lex integrè scripta
esset, multas dirimebat ex viua Dei voce & oraculo.

Cuiusmodi sunt illæ tres. Prima, quid faciendum es-
set cum iis, qui propter immundiciam legalem non
poterant cum aliis celebrare Pascha? (Numer. 9. 6.)
Secunda, quæ poenâ deberet affici, qui inuentus erat
colligere ligna in die Sabbati? (Numer. 15. 32.) Ter-
tia, an filia Salphaad possent habere hæreditatem in-
ter cognatos patris sui? (Numer. 27. 1.) De his con-
trouersis nihil tunc erat scriptum in lege. Igitur Mo-
ses viua voce consuluit Deum, & accepto responso,
voluntatem Dei executus est. At tunc primum hæc
omnia in legem scriptam relata sunt.

77. Ex parte Concilij Seniorum, erat hoc dis-
crimen: Septuaginta seniores, qui à Mose electi sunt,
acceperunt spiritum prophetiæ in ipsa electione.
(Numer. 11. 25.) De aliis, qui postea in illorum lo-
cum, per intervalla temporis, subrogati sunt, non
constat accepisse. Hoc tamen credibile est, singularem
Dei assistentiam vlos esse, quoties de rebus difficilio-
ribus consultandum esset: Et maximè hanc assisten-
tiam Pontifici, qui omnibus præsidebat, spectatim
concessam fuisse, quandoq; supremi iudicis officio in-
ferenda sententia, fungebatur. De qua re dicam ali-
quid paulo post.

Obiectio.

78. **D**ices: Hæc omnia procedunt de contro-
uersis legalibus, in quibus Pontifex erat
supremus Iudex, ut bene probatum est, non autem
de controuersis fidei, in quibus sola Scriptura erat
iudex.

R. S. P. O. N. D. O. Hoc sine fundamento di-
citur. Nam omnes controuersie, siue essent de fide,
siue de aliis rebus, vocabantur legales, duplici de
causa. Primo, quia oriebantur ex ipsa lege non satis
bene intellecta. Secundo, quia per veram legis Inter-
pretationem erant dirimendæ. (Deuter. 17. 10.)
Omnes porro, sine vlla exceptione, pertinebant ad
Pontificem, tanquam ad supremum Iudicem: etiam
illæ, quæ erant de fide & religione. Hoc manifestè
constat ex illis verbis paulò ante citatis: *Amarias,
Pontifex vester, in his, quæ ad Deum pertinent, præsidebit.*
At controuersie de fide & religione, maxime ad

Deum pertinent : Ergo Pontifex in illis controuersis præsidebat. Quid autem est, præsidere in controuersis, nisi iudicem agere? Item ex verbis præcedentibus. *Vbiunque quaestio est de lege, de mandato, de ceremoniis, de iustificationibus*, omnes hæc quaestiones deferrebantur ad Pontificem : et præter has non erant ullæ aliæ. Ergo nulla erat exempta à iurisdictione Pontificis.

79. Et confirmatur exemplo. Nam inter controuersias fidei, (de quibus maxime nunc agimus) erat una præcipua de Messia. At hæc ipsa, quando dubitatum fuit tempore Herodis : An Messias iam natus esset, deferrebat ad Concilium Sacerdotum, in quo Pontifex præsidebat, ut patet ex euangelio Matt. 2. 3. *Audienti autem Herodes Rex, turbatus est, & omnis Ierosolyma cum illo. Et congregans omnes Principes Sacerdotum, & Scribas populi, sciscitabat ab eis, ubi Christus nasceretur. At illi dixerunt ei : In Bethlehemi Iudæ. Sic enim scriptum est per Prophetam : Et tu Bethlehem terra Iudæ, nequaquam minima es in Principibus Iudæ : Ex te enim exiet dux, qui regat populum meum Israel.* Vbi tria notanda sunt. Primo, quod Rex Herodes, & totus Hebræorum populus dubitauerit de loco, in quo Messias esset nasciturus. Secundo, quod hanc dubitationem non ausi fuerint ipsi per se discutere, sed derulerint illam ad ordinarium Concilium Sacerdotum. Tertio, quod Sacerdotes, ut satisfacerent officio suo, dissoluerint hanc dubitationem ex Scriptura, tanquam ex norma & regula cui se conformabant.

80. Porro, quod Scriptura ipsa per se, nec fuerit, nec potuerit esse iudex huiusmodi controuersiarum, facile probari potest. Nam Scriptura, quæ tunc exstabat, præsertim primis aliquot sæculis, non erat ferè alia, quàm lex Mosaiica, seu volumen fœderis ac Deuteronomij. De hoc autem volumine tria sunt certa. Primo, primarium ipsius Exemplar, quod Autographum vocant, fuisse conscriptum à Mose, & à Sacerdotibus positum in Arca fœderis Domini, ibique asseruatum, ut esset authenticum instrumentum ex quo certo ac legitime constare posset, quænam esset Dei voluntas & dispositio, (Deuteronom. 31. 24.) Secundo, interpretationem illius, in re dubia commissam fuisse Sacerdotibus, ac potissimum summo Sacerdoti seu Pontifici. (Deuteronom. 17. 8. & Aggæi 2. 12. & Malachia 2. 7.) Tertio, hoc ipsum exemplar authenticum, semel tantum in septennio, quando erat annus remissionis, debuisse à Sacerdotibus prælegi vniuerso populo, in solennitate Tabernaculorum Deut. 31. v. 10.

81. Hinc sequitur primo, populum non habuisse primarium & authenticum Exemplar legis Mosaiicæ, sed solos Sacerdotes. Si ergo, extra solennitatem Tabernaculorum, quocunque tempore septennij, orta fuisset aliqua controuersia legalis, populus non potuisset consulere authenticum exemplar, quod non habebat, sed debuisset adire Sacerdotem, & ab eo tanquam ordinatio Iudicis, petere sententiam definitiuam. Secundo sequitur, etiam si populus habuisset exemplar, non tamen potuisse ex illo controuersiam ullam dirimere. Non enim populi, sed Sacerdotis, & maxime Pontificis erat, legem Mosaicam, ex qua nascebantur controuersie, interpretari.

82. Sed quæres : Quare interpretatio legis, & consequenter decisio controuersiarum legalium, pertinebat potius ad Pontificem, quàm ad alios? Ratio dubitandi est, quia poterat fieri, ut non minus alij essent periti in lege, quàm Pontifex : imo etiam magis.

RESPONDEO. Si spectemus industriam humanam, certum est, non minus alios, quàm Pontificem,

potuisse legem intelligere & interpretari. Si autem spectemus assistentiam Spiritus sancti, quæ penissimum in hoc negotio spectanda est, ea Pontifici potius, quàm alijs, fuit communicata. Exemplum habemus in Mose. Nam Deus concessit illi maiorem assistentiam, quàm septuaginta senioribus, qui illi in hoc officio subleuebant. Hoc colligitur ex illo. Num. 11. 7. *Dixit Dominus ad Moysen : Auferam de spiritu tuo, & tradamque eis, ut sustentent tecum onus populi.* Vbi per spiritum intelligi debet aliquod donum gratiæ, quod requiritur in iis, qui rectè volunt alios gubernare, & eorum controuersias dirimere. Est ergo hic sensus : Auferam de spiritu tuo, & tradam eis, id est, dabo illis donum gratiæ, sed infra illud donum, quod tu habes. Tibi, qui supremus Iudex es, plus dari oportuit, quàm illis, qui subiecti sunt.

V. ARGUMENTVM.

Ex usu & praxi noui Testamenti.

83. Sicut in Veteri Testamento, viam ostendi, non Scriptura, sed Pontifex & Concilium Seniorum, fuit Iudex controuersiarum, sic etiam in nouo hactenus seruatum est. Hoc ostendam breui inductione. Ac primo tempore Apostolorum fuit orta controuersia de circumcisione : An scilicet noui Christiani, qui tunc fidem Euangelij recipiebant, non possent saluari, nisi circumciderentur, & legalia seruarent? Quæ controuersia potissimum intelligebatur de gentilibus ad fidem conuersis, erat autem duplex de hac re sententia : Una quorundam, qui ex Iudæis facti erant Christiani, qui dicebant gentiles per fidem Christi non posse saluari, nisi circumciderentur, & ceremonias legis Mosaiicæ obseruarent. Altera Pauli & Barnabæ qui asserabant, non opus esse circumcisione, & obseruatione legalium. (Actuum 15. 1.)

84. At quomodo decisa & finita est hæc controuersia? An ad solam Scripturam, tanquam ad communem Iudicem delata est? Nihil minus. Sed potius ex consensu utriusque partis delecti sunt aliqui, qui Hierosolimam irent ad Apostolos, ut ipsi in solenni Concilio de tota re cognoscerent, & definitiuam sententiam pronunciarent. Quod & factum est. Nam ex una parte designati sunt Paulus & Barnabas; ex altera, alij, qui simul Hierosolimam profecti, Apostolos & seniores adierunt. Hi coacto Concilio, & inuocato Spiritu sancto, responderunt his verbis : *Visum est Spiritui sancto, & nobis, nihil ultra imponere vobis oneris, quàm hæc necessaria; ut abstinere ab immundis simulacris, & sanguine, & suffocato, & fornicatione.*

Quæ verba, per modum Epistolæ, missa sunt ad gentiles Christianos, de quibus agebatur : Et sepius est : Non volumus vobis imponere onus circumcisionis & legalium, quod graue est : sed abstinere ab iis, quæ iam dicta sunt, quod graue non est.

85. Hic duo, quæ ad rem faciunt, notanda sunt. Primum est, quod hæc controuersia de circumcisione & legalibus sufficienter potuisset determinari per Paulum & Barnabam, qui ambo erant Apostoli, & Prophetæ, & Doctores. (Act. 13. 1.) Ambo à Spiritu sancto speciatim delecti, ut euangelium gentibus predicarent. Act. 13. 2. etiam re ipsa illud prædicauerant in multis locis ac prouincijs. Act. 14. 26. Neuter tamen voluit hoc officium viurpare, ut suo exemplo docerent, huiusmodi controuersias, quæ fidem ac religionem concernunt, ad ordinarios Ecclesiæ Prælatos, vel ad Concilia Prælatorum deferri oportere.

86. Alterum eſt, quod in Concilio Apoſtolorum, A in quo controuerſia illa propoſita & definita eſt, nullum Scripturæ testimoniū, quod directè ad circumciſionem pertineret, allatum ſit; cū tamen in vtramque partem non defutura fuiſſent testimonia, ſi ex illis ſolis oportuiſſet litem finire ac terminare. Nam pro circumciſione adduci potuiſſet illud Gen. 17. 10. *Hoc eſt pactum meum, quod obſervabitis inter me & vos, & ſemen tuum poſt te. Circumcidetur ex vobis omne masculinum: & circumcidetis carnem præputii veſtri, ut ſit ſignum fœderis inter me & vos, &c. Tam vernaculus, quam emptitiuſ circumcidetur, & quicumque non fuerit de ſtirpe veſtra: Eritque pactum meum in carne veſtra in fœdus æternum.* At ſi pactum eſt æternum, ut hic dicitur, ſemper ſervari neceſſe eſt; etiam in lege Evangelica: Nec ſolum à Iudæis, ſed etiam ab aliis qui non ſunt de ſtirpe Iudæorum. Contra verò occurrebat illud Deuteronom. 30. 6. *Circumcidet Dominus Deus tuum cor tuum, & cor ſemini tui.* Vbi inſinuatur, circumciſionem carnis non duraturam in nouo Teſtamento, ſed ei ſuccelluram circumciſionem cordis. Sicut etiam Ierem. 4. 4. *Circumcidimini Domino, & auferite præputium cordium veſtrorum.* Q. d. Non requiro circumciſionem carnis, ſed cordis, quæ conſiſtit in interna contritione & dolore de peccatis. Hæc & ſimilia vtrinque adduci poterant ex Scriptura. At factum non eſt: ſed Apoſtoli in Concilio congregati, ex directione & aſſiſtentia diuina, quam Chriſtus promiſerat illis, & eorum ſucceſſoribus, ſententiam protulerunt.

87. Poſt tempora Apoſtolorum, aliz atque aliz controuerſiz, diuerſis locis ac ætatibus exortæ ſunt, C quas ſimiliter à Pontifice Romano, vel à Conciliis ab eo approbatis, deciaſ ac diremptas eſſe, notum eſt ex hiſtoriis Eccleſiaſticis. ac qui illorum ſententiz noluerunt acquieſcere, pro hæreticis habiti & damnati ſunt. Producam exempla aliquot illuſtiora, quæ primum occurrunt.

88. Prima Controuerſia fuit: An Paſcha deberet celebrari cum Iudæis die decimaquarta primi menſis, ut volebant multi in Aſia, qui propterea, Quartodecimani appellati ſunt: an verò tantum die Dominica, ſicut nunc ſit. Hæc tandem poſt multa Concilia Epiſcoporum deciaſ ac finita eſt à Victore Papa, Anno Chriſti 198. Vide Eusebium libro quinto Hiſtoriæ Eccleſiaſticæ, capite 23. & ſequentibus.

89. Secunda: An eccleſia poſſit illos abſolvere à peccatis, qui poſt Baptiſmum lapſi eſſent? Negavit D Nouatianus. Sed damnatus eſt in Concilio Romano ſub Cornelio Papa, Anno Chriſti, 255. Vide Baronium circa eundem annum.

90. Tertia: An in Deo ſint tres perſonæ realiter diſtinctæ? Negavit Sabellius aſſerens vnā tantum eſſe perſonam, quæ habet tria officia creationis, redemptionis, & ſanctificationis. Sed damnatus eſt in Concilio Alexandrino, tempore Sylueſtri Papæ, Anno Chriſti ccc. xix. iuxta Baronium.

91. Quarta: An Chriſtus ſit purus homo; ſicut cæteri mortales, & nihil amplius habeat in natura & hypotaſi, quam nos habemus? Affirmauit Paulus Samolaſtenus: Sed damnatus eſt in Concilio Antiocheno, tempore Dionyſii Papæ, Anno Chriſti 266. iuxta Baronium. Vide Euseb. lib. 7. cap. 27.

92. Quinta: An Chriſtus ſit verbum Patris æternum, & eiſdem cum Patre ſubſtantiz? Negavit Arius, aſſerens eſſe Verbum Verbi, non ab æterno, ſed in tempore à Deo ex nihilo creatum, & alterius à Deo ſubſtantiz: ac proinde Deum non ſemper Patrem fuiſſe, ſed tempus aliquando exiſti-

Opus. Bec.

tiſſe, cū non eſſet Pater. Sed damnatus eſt in Generali Concilio Nicæno I. ſub Sylueſtro Papa & Conſtantino Imperatore, Anno 325. Vide duas epiſtolas Alexandri Epiſcopi Alexandrini, quarum vna exſtat apud Socratem, lib. 1. cap. 3. altera, apud Theodoretum, lib. 1. cap. 4.

93. Sexta: An in Chriſto ſint duę perſonæ, ſicut ſunt duę naturæ, diuina & humana? Affirmauit Neſtorius Epiſcopus Conſtantinopolitanus. Sed damnatus eſt in Generali Concilio Ephelino, ſub Cœleſtino Papa, & Theodoſio Imperatore, Anno 434. & prius à Cyrillo in Concilio Alexandrino Anno 43. Vide Baronium.

94. Septima: An in Chriſto ſint duę naturæ? Eutyches & Diolcorus dixerunt, ante vnionem hypotaſtici fuiſſe duas naturas, diuinam & humanam: Poſt vnionem, duas in vnā coaluiſſe, & vnā factam eſſe. Sed damnati ſunt in Generali Concilio Chalcedonenſi ſub Leone Papa, & Marciano Imperatore, Anno 454. Vide Gabrielem Vaſquez, tom. 1. in 3. partem D. Thomæ, diſp. 14.

95. Octaua: An in Chriſto ſit vnā tantum voluntas? Macharius Antiochenus Patriarcha, Cyrus Alexandrinus, Sergius Conſtantinopolitanus, & quidam alij, tamen agnoſcerent in Chriſto duas naturas, dixerunt tamen vnā tantum eſſe voluntatem, nempe diuinam, ut refert Diuus Thomas in 3. parte quæſtion. 18. artic. 1. Ideoque Monotheliæ appellati ſunt. Eorum ſententia damnata eſt in Generali Concilio Conſtantinopolitano III. ſub Agathone Papa, & Conſtantino IV. Imperatore, Anno 679. iuxta Baronium. An autem nomine voluntatis intellexint potentiam, an operationem, videri poteſt apud Gabrielem Vaſquez, Tomo citato, diſput. 73 capite 1.

96. Nona: An Spiritus ſanctus ſit Deus? Negarunt Macedoniani, de quibus Auguſtinus in libro de hæreſibus cap. 52. ſic ſcribit: *Macedoniani ſunt à Macedonio Conſtantinopolitana Eccleſia Epiſcopo, quos & ſchismaſticos Greci dicunt, eo quod de Spiritu ſancto ligent. Nam de Patre & Filio rectè ſentiunt, quod vni ſint eiſdemque ſubſtantia vel eſſentia: Sed de Spiritu ſancto hoc nolunt credere, creaturam cum eſſe dicentes.* Hi damnati ſunt in Generali Concilio Conſtantinopolitano primo ſub Damaso Papa & Theodoſio Imperatore, Anno 383.

97. Decima: An Baptiſmus repeti, ſeu reiterari poſſit? Quæ controuerſia dupliciter poteſt intelligi: Primo, an Baptiſmus, ſi ſemel valide collatus ſit, repeti poſſit? Affirmauit Marcion, teſte Epiphanio hæreſi 42. paulo poſt principium, vbi de Marcione ſic ſcribit: *Cum corripuiſſet incinſitate ſua virginem, & auſuſſet, atque in magno delicto inueſtus eſſet, excogitauit praſtigiator ſibi ipſi ſecundum lauacrum, aſſerens licere uſque ad tria lauacra, hoc eſt, tres Baptiſmos dare in remiſſionem peccatorum: quod ſi quis lapſus eſſet poſt primum, poenitentia acta, accipiat ſecundum, & tertium ſimiliter, ſi in delicto poſt ſecundum comperiatur.*

Secundo: An Baptiſmus, qui ab hæreticis collatus eſt, repeti poſſit? Affirmarunt Donatiſtæ, qui baptizatos à Catholicis rebaptizabant, teſte Auguſtino in libro de hæreſibus capite 49. eo quod Catholicos haberent pro hæreticis, & Baptiſmum ab hæreticis collatum putarent eſſe inualidum, ut explicat Vaſquez diſput. 146. capite 2. Hi damnati ſunt in Concilio Romano ſub Melchiade Papa, Anno trecentefimo decimotertio, apud Baronium.

98. Vndecima: An homo ſine gratia Dei, per ſolas naturæ vires poſſit implere legem, ſi velit? Affirmarunt Pelagius & Cæleſtius. Sed damnati ſunt in

Concilio Carthagenensi & Mileuitano, sub Innocentio I. Anno 416. iuxta computum.

99. Duodecima: An parvuli nascantur in peccato originali, & ad illud peccatum abolendum indigeant Baptismo? Negant iidem auctores, Pelagius & Celestius, teste Augustino in libro de hæresibus c. 88. Vbi de illis sic habet, *Parvulos etiam negant secundum Adam carnaliter natos, contagium mortis antiquæ primæ naturæ contrahere. Sic etiam eos sine ullo peccati originali vinculo asserunt nasci, ut prorsus non sit, quod eis oporteat secundam naturam dimitti: Sed eos propterea baptizari, ut regeneratione adoptati, admittantur ad regnum Dei, de bono in melius translati, non ista renovatione ab aliquo malo obligationis veteris absoluti.* Hic error damnatus est in Concilio Mileuitano cap. 2. & postea à Zosimo Papa, ut testatur idem Augustinus in libro de peccato originali cap. 6. & sequentibus.

100. In his & similibus controuersis, quas breuitatis causa omitto, tria considerata sunt. Primo, quod altera pars litigantium clare & perspicue damnata sit. Secundo, quod hæc condemnatio facta sit ab Ecclesia Catholica, tanquam à Iudice: quæ aliquando tulit sententiam per Pontificem, qui est caput seu Pastor Ecclesiæ: aliquando per Concilia, quæ repræsentant Ecclesiam. Tertio, quod Lutherani & Calvinistæ agnoscant hanc damnationem legitime factam esse. Fatentur enim Nouatianum, Sabelium, Samosatenum, Arium, Nestorium, Eutychen, & Dioscorum, Monothelitas, Macedonianos, Donatistas, Pelagianos, merito damnatos esse, & pro hæreticis haberi oportere. Nec aliunde, quam ex Catholice Ecclesiæ decisione. Quod si sola Scriptura esset Iudex, & Ecclesia suam sententiam non interposuisset, in hodiernum vsque diem durarent istæ controuersie; nec adhuc clare & palam omnibus constaret supradictos auctores pro hæreticis habendos esse. Nunc cum ab Ecclesia damnati sint, res certa & indubitata est.

101. Dices, quid si Ecclesia errasset in ferenda sententia? Respondeo. Hoc tantum est, ac si dicas: Quid si Christus, Apostoli, & Prophetæ mentiti essent? Nam illi testati sunt, Ecclesiam errare aut deficere non posse. Est enim ut loquitur Christus, *fundata supra petram, & porta inferi non preualebunt aduersus eam.* (Matth. 16. 18.) atque columna & firmamentum veritatis. (1. Timoth. 3. 15.) *Nunquam confundetur neque erubescet.* (Isaïa 54. 4.) *Iaspis est propugnaculum eius.* (ibidem v. 12.) *Et omnis lingua resistens illi in iudicio, condemnabitur,* ibidem v. 17.

VI. ARGUMENTVM.

Ex Analogia Iudicis controuersiarum civilium.

102. **H**Oc argumentum, quod rem maximè illustrabit, proponi potest hoc modo: Inter res fidei ac religionis ex vna parte, & inter res civiles ac politicas ex altera, potest spectari multiplex analogia. 1. Sicut in politicis ac civilibus sepe oriuntur lites ac controuersie, quæ requirunt aliquem Iudicem, qui sententiam ferat inter partes litigantes, sic etiam fit in fide ac religione. 2. Sicut in controuersis civilibus distinguuntur hæc tria: Iudex; Lex scripta, & Consuetudo: sic etiam in controuersis fidei, hæc tria, Iudex, Scriptura vtriusque Testamenti, & Traditio. 3. Sicut Princeps vel Magistratus secularis fungitur officio Iudicis in decisione con-

Atrouersiarum civilium: Sic etiam Princeps Ecclesiæ, vel Synodus Ecclesiastica fungitur officio Iudicis in definitione controuersiarum fidei. 4. Sicut Lex scripta est quasi norma quædam seu regula, quam sequitur Iudex secularis in decidendis controuersis civilibus: sic etiam Scriptura vtriusque Testamenti est quasi norma quædam seu regula, quam sequitur Iudex Ecclesiasticus in decidendis controuersis fidei. 5. Sicut sola Lex scripta non est sufficiens & integra norma omnium controuersiarum civilium, sed lex scripta & consuetudo simul: sic etiam sola Scriptura vtriusque Testamenti non est sufficiens & integra norma omnium controuersiarum fidei, sed Scriptura & Traditio simul.

B 103. Hæc clara sunt. Nimilominus ne quis dubitet, singula breuiter explicabo. Ac primo, quod Princeps vel Magistratus secularis fungatur officio Iudicis in controuersis civilibus, non eget longa probatione. Hoc enim testatur quotidiana experientia in omnibus regnis ac prouinciis. Nam ubique contentiones, & causæ civiles deferuntur ad Principem vel Magistratum secularem, quem partes litigantes agnoscunt pro legitimo suo Iudice. Quod etiam ex utroque Iure, tam civili, quam canonico, nouissimum. Nam in utroque exstant Tituli: *De officio Iudicis ordinarii & delegati.* Nec ullus in hac re tam peregrinus aut stupidus est, ut per Iudicem ordinarium, aut delegatum intelligat legem scriptam: cum constet illum esse ordinarium, qui ordinariam habet iurisdictionem & potestatem: illum verò delegatum, qui accepta ab ordinario potestate, vicem illius gerit.

C 104. Deinde, quod lex scripta non possit esse Iudex, facile probari potest. ut quidem in his tribus casibus. Primo, quando ipsa obscura aut ambigua est: Tunc enim opus est alio Iudice seu Interprete, qui mentem illius explicet. Secundo, quando vna lex videtur alteri repugnare, quod frequentissimè contingit. Tunc etiam Iudex adhibendus est, qui eas inter se conciliet. Tertio, quando verba legis, quæ generalia sunt, restringenda essent in aliquo casu particulari, & tamen restricta non sunt. Quod tunc fit, quando occurrit aliquis casus particularis, quem legislator, cum legem conderet, non prævidit euenturum. Et, si prævidisset, non voluisset illum sub lege sua comprehendere. In tali igitur casu, contra verba legis iudicandum. Et quis erit tunc Iudex? Non lex ista. Nam illa seipsam non destruit aut iudicat. Alius ergo distinctus à lege.

D 105. Postremo, quod sola lex scripta non possit esse sufficiens norma pro decisione quarumcumque controuersiarum civilium, sed præter legem scriptam admittenda sit etiam Consuetudo, certissimum est apud Iureconsultos. Ac potissimum in duplici casu. Primo, quando mouetur aliqua controuersia de qua nulla exstat lex scripta. Tunc enim Consuetudo, si adsit, vim legis obtinet; nec minus, quam lex ipsa seuari debet, iuxta illud: *Ea quæ longa consuetudine comprobata sunt, ac per annos plurimos obseruata, velut acita ciuium conuentio, non minus, quam ea, quæ scripta sunt iura, seruantur.* (Leg. 35. ff. De legibus.) Secundo, quando extat quidem lex scripta, sed ambigitur de sensu ac mente illius, nec aliunde quam ex consuetudine & Traditione, de ea constare potest. Tunc enim locum habet illud: *Optima legum interpret est Consuetudo.* (Leg. 37. ff. De legibus.) Itemque illud: *Imperator noster Severus rescripsit in ambiguitatibus, quæ ex legibus proficiuntur, Consuetudinem, aut rerum perpetuo similiter iudicarum an-*

theoriam, vim legis obsequere debere, ibidem Leg. 18.

106. Dices: Quid si occurrat aliqua controuersia, quæ nec ex lege scripta, nec ex Consuetudine domini possit, quæ tunc erit norma, quam iudex sequi debet?

Respondeo. Tunc ex naturali equitate debet rem componere. hoc autem fit in eo potissimum casu, quando occurrit aliquis casus, qui comprehenditur quidem sub verbis legis, non tamen sub mente Legislatoris, ut supra dictum est. Tunc enim iudex ex equo & bono debet sententiam pronuntiare. Idem fieri potest in controuersis suis. Nam si occurreret aliqua controuersia, quæ neque aperte ex Scriptura, neque ex traditione decideri posset, recurrendum esset ad auxilium Spiritus sancti, qui tametsi in omni casu adesse solet, in hoc tamen specialiter doceret nos omnem veritatem, ut Christus promittit. Et hoc re-

A medio vsi sunt Apostoli in Concilio Hierosolymitano, ubi agebatur de circumcisione & obseruatione legalium, (supra 6. 85.)

107. Atque hæc sunt argumenta, quibus hæcenus probatum est, iudicem controuersiarum hæc non posse esse Scripturam, sed ecclesiam. Nunc superest, ut testimonia Scripturæ, quæ initio proposita sunt, & ab aduersariis contra nostram doctrinam obici & inculcari solent, diligenter expendamus: non quidem eo ordine, quo proposita sunt, sed quo in Scriptura veteris ac noui Testamenti singula sigillatim occurrunt. ex eorum autem discussione, ut supra inlinuam, manifeste constabit, quædam eorum nihil ad rem facere: alia nobis potius, quam aduersariis patrocinari. Et ut libere dicam, quam res est, aduersarios, qui perperam de Scriptura gloriantur, nihil minus, quam Scripturæ sensum & intelligentiam assequi.

EXAMINANTVR TESTIMONIA SCRIPTURÆ CONTRA NOS ALLATA.

I. TESTIMONIA.

Deuter. 4. 2. Non addetis ad verbum, quod loquor vobis. Et Deuter. 12. 32. Quod vbi præcipio, hoc tantum facite Domino, nec addas quicquam, nec minuas.

108. **H**inc colligunt aduersarij, generatione hæc duo. Primo, omnes traditiones, quas Catholici adimunt, repudiandas esse. Quare? Quia mihi ad verbum Dei scriptum addendum est.

Secundo, omnia præcepta humana (huiusmodi est præceptum de ieiunio quadragesimali, de abstinentia à carnibus die Veneris & Sabbati, de calibatu Sacerdotum, & quæ similia sunt) nullo modo obseruari oportere. Quare? Quia hoc tantum faciendum est, quod Deus præcipit. Ergo quod homines præcipiunt faciendum non est. Vixumque inoptissime. Quod dupliciter ostendam. Primo, refellendo falsam aduersarij interpretationem. Secundo, veram & legitimam astruendo.

109. Ac primo, quod falsa sit aduersarij interpretatione, ne ipsi quidem negare poterunt, nisi omnino velint esse impudentes. Nam si omnis traditio repudianda est, repudiandus erit Apostolus, qui dixit 2. Thessalonicens. 2. 14. Tenete traditiones, quas didicistis, siue per sermonem, siue per epistolam nostram. Similiter, si omnia præcepta humana contemnenda sunt, & hoc solum faciendum, quod Deus præcipit, quid dicemus de Rechabitis, qui accuratissime seruauerunt præceptum parentis sui, Ionadab? An perperam fecerunt? Hoc quidem dicendum esset iuxta aduersarios. At longe aliter res se habet. Nam ab ipso Deo, hoc nomine commendati sunt. Si hoc nesciunt aduersarij, audiant Ieremiam Prophetam, cap. 35. 1. vbi sic ait: Verbum quod factum est ad Ieremiam à Domino in die-

A bus Joakim filij Iosia Regis Iuda, dicens: Vade ad domum Rechabitarum, & loquere eis, & introduce eos in domum Domini in unam ecclesiam thesaurorum, & dabis eis bibere vinum, &c. Et introduxi eos in domum Domini, &c. Et posui coram filiis domus Rechabitarum scyphos plenos vino, & calices, & dixi ad eos: Bibite vinum. Qui responderunt: Non bibemus vinum, quia Ionadab filius Rechab, pater noster, præcepit nobis, dicens: Non bibemus vinum, & filij vestri usque in sempiternum. Et domum non edificabitis, & sementem non facietis, & vineas non plantabitis, nec habebitis: sed in Tabernaculis habitabitis, & in diebus vestris, ut in diebus multis super faciem terræ, in qua vos perambulauimus. Obedimus ergo voci Ionadab filij Rechab, pateris nostri, in omnibus quæ præcepit nobis, ita ut non bibemus vinum omnibus diebus nostris, & mulieres nostræ, filij & filie nostræ, & non edificauimus domos ad habitandum, vineam & agrum, & sementem non habuimus: sed habitauimus in Tabernaculis, & obedientes fuimus iuxta omnia, quæ præcepit nobis Ionadab pater noster, &c. Factum est verbum Domini ad Ieremiam. Et ac dicit Dominus exercituum Deus Israel: Vade, & dic viris Iuda, & habitatoribus Ierusalem: Quia non recipietis disciplinam, ut obediat verbum meum, dicit Dominus. Prevaluerunt sermones Ionadab filij Rechab, quos præcepit filiis suis, ut non biberent vinum, & non biberunt usque ad diem hanc: quia obedierunt præcepto patris sui. Ego autem locutus sum ad vos, de mano consurgens, & loquens, & non obedistis mihi. Misique ad vos omnes seruos meos, Prophetas, consurgens disculo, & dicens: Conuertimini, unusquisque à via sua pessima, & bona facite studia vestra, &c. Et non inclinastis aurem vestram, neque audistis me. Firmauerunt itaque filij Ionadab, filij Rechab præceptum patris sui, quod præceperat eis. Populus autem eius non obedivit voci. Ideo hæc dicit Dominus exercituum Deus Israel: Ecce ego adducam super Iudam, & super omnes habitatores Ierusalem uniuersam afflictionem, quam locutus sum aduersus illos, & non audierunt: vocaui illi, & non responderunt mihi. Domus autem Rechabitarum dixit Ieremias. Hæc dicit Dominus exercituum Deus Israel: propterea, quia obedistis præcepto Ionadab patris vo-

stri & custodisti omnia mandata eius, & fecisti omnia
qua precepit tibi: propterea haec dicit Dominus exercituum
Deus Israel. Non deficiet vir de stirpe Jonathab filij Re-
chab: stans in conspectu meo cunctis diebus.

110. In hoc exemplo tria notanda sunt. Primo,
preceptum illud quod datum fuit Rechabitis, fuisse
difficilimum. Quia enim difficilior, quam viros &
uxores, filios & filias, non tantum ad in eue tempus
more Nazaeorum; sed in perpetuum abstinere ab
omni vino, nunquam habitare in domibus, nunquam
serere agros, nunquam plantare vineas? Secundo,
hoc preceptum non fuisse diuinum, sed humanum,
ut patet ex antichet, quam Deus facit. Sic enim ar-
gumetur. Si Rechabites seruauit preceptum, quod
ab homine acceperunt, quanto magis Iudaei habe-
bant seruare preceptum, quod a Deo acceperunt.
Tertio, Rechabites non solum recte ac laudabiliter
fecisse, quod obseruauit preceptum patris sui
Jonadab, sed etiam meritos esse a Deo peculiarem
benedictionem; sicut a contrario, Iudaeos meritos
esse poenam & afflictionem. Nam Rechabitis dicitur:
Non deficiet vir de stirpe vestra, stans in conspectu
meo cunctis diebus. Iudaeis autem: Ego a lacum super vos
afflictionem.

111. Hinc, si sapient, colligant aduersarij nostri
haec pauca. Primo, Catholicos non minus recte ac
laudabiliter facere, seruando preceptum Ecclesiae,
quam Rechabites fecerunt, seruando preceptum pa-
tris sui Jonadab. Non enim minus laudabile est,
obedire communi Matri Ecclesiae, quam obedire
priuato homini. Et sicut Rechabites non pecca-
runt contrarium, Deut. 12. 32. Quod tibi precipio, hoc
tantum facito Domino: ita nec Catholicos peccare.
Secundo, Catholicos propterea non peccare, nec
hactenus defecisse, quia diligenter seruauit precepta
Ecclesiae: quo quique accuratius obseruat, eo ma-
ioribus a Deo beneficiis cumulatur. Alios vero pro-
pterea non proderant, quia ex una parte contemnunt
precepta Ecclesiae, in quo deficiunt a Rechabitis: et
ex altera, non seruauit precepta Decalogi, in quo si-
miles sunt Iudaeis, et, ut aliquam tunc ignauam pra-
texant excusationem, aut precepta Decalogi esse
impossibilia, in quo faciunt Deum Tyrannum, quia
praecipiat homini, quod ab homine praestari non
possit.

112. Atque hinc faciant de falsa aduersariorum
interpretatione. Vera interpretatio est haec. Illud
Deuteronom. 1. 2. Non addideris ad verbum, quod loquor
vobis; nec auferetis de eo: ne autem intelleximus
esse de preceptis ceremonialibus & iudicialibus, quae
a Deo per Moysen data sunt. Et est hic sensus: Ego
dedit vobis precepta ceremonialia, quae praescribunt
ritum colendi Deum, & precepta iudicialia, quae
praescribunt ritum seruandi iustitiam in rebus politi-
cis, ac temporalibus. Veraque debetis integre &
perfecte seruare. Hoc enim significat illud: Non
addideris, nec auferetis. Quod alius quidem verbum, sed
eodem sensu, explicat alius, cum dicitur: Non de-
clinabis ab eis, vel ad dextram, vel ad sinistram. Ut
Deuteronom. 17. ver. 20. Descendit enim Dominum Deus
suum, & ostendit verba, & ceremonias eius, neque declinet
in partem dextram vel sinistram. Et cap. 18. 14. Si audie-
ritis iudicia Domini Deus vestrus, quae ego precepit vobis hodie &
non declinaveris ab eis, neque ad dextram, neque ad si-
nistram, &c. Et capite 31. 29. Noui, quia post mortem
meam inique agitis. & declinabitis cito de via, quam
precepi vobis. Et Ioue 1. 1. Confortare igitur, & esto
robustus, valde, ut custodias: facias omnem legem quam
precepit tibi. Ad os ferunt enim, ne declines ab ea ad
dextram vel sinistram. Igitur ex eo loco sic intellecto,
sicut reuera intelligi debet, non aliter possunt argu-

mentari aduersarij, quam hoc modo. Iudaei debe-
bant perfecte ac integre seruare precepta Dei, non
declinando ab eis vel ad dextram, vel ad sinistram.
Ergo nos Christiani, praeter Scripturam, non
debemus admittere traditiones, quas ab Apo-
stolis accepimus. Spectatum admissi, risum teneant
amici.

113. Illud vero Deuteronom. 12. 32. Quod precipio
tibi, hoc tantum facito Domino, nec addas quicquam,
nec minuas. Speciatim intelligitur de vno precepto
ceremoniali, nempe de precepto sacrificandi, ut ex
contextu patet. Et est hic sensus: Quando veneris
in terram Palaestinam, ad quam tendis & obiturus
Domino Deo tuo sacrificium, non imitaberis gen-
tiles, qui tales Deo offerunt suos filios, & filias pec-
torem: sed hoc tantum offeres, quod ego tibi pre-
cipio, nempe ex animalibus oues, capras, haedos,
boves, vitulos, columbas, passeris, turtes. Ex
fructibus totae, panem, similitam, saleem, thurs, ma-
nipulum, spicatum, vitentium, & triticum: Ex li-
quoribus sanguinem, vinum, oleum, aquam. Hoc
tantum facito, ad est, offeretis Domino: nec addas quic-
quam ex sacrificiis gentium; nec minuas ex his, quae
iam enumerata sunt: ex hoc etiam loco monaster
quam hoc modo licet aduersariis concludere. Iu-
daeii debebant eas tantum offerre in sacrificium, quae
a Deo erant determinata: ergo nos Christiani non
possumus seruare precepta Ecclesiae. Etenim idem fa-
ciat cum praecedenti.

II. TESTIMONIUM

Matth. 8. 20. Ad legem magis, & ad testi-
monium.

114. Hinc colligunt aduersarij, Iudaeos in vetere
Testamento, quandoque dicebatur
aliqua controuersia, multos fuisse ad legem & testimo-
nium, id est, ad Scripturam, nunquam ad Iudicem.
Sed valde errant. Primo, quia iam supra ostensum
est, Iudaeos controuersiarum in veteri Testamento
non fuisse Scripturam, sed Pontificem. Secundo,
quia illa verba: Ad legem & testimonium, multo aliter
accipienda sunt, quam putant aduersarij, ut patet
ex praecedentibus, quae sic habent. Cum dixerint ad
vos: Querite & Pythonissas, & divinos, qui stridentem
excitantibus suis, & magis non populi a Deo suo re-
garet pro vniuersis moribus? Ad legem magis, & ad testi-
monium. Quod si non dixerint iuxta verbum hoc, non erit eis
maius malum. Vbi dicitur agitur contra illos, qui de
futuris eventibus solent consulere Pythonissas, &
artolos, & remittuntur partem ad legem, quae id pro-
hibeat. Deuter. 18. 9. Quando ingressus fueris ter-
ram, quam Dominus Deus tuus dabit tibi, caue ne iuraris
vultis abominabiles illarum gentium, nec imitaberis in te, qui
Pythones, consultat aut divinos, aut querit a mortuis veri-
tatem. Partem ad testimonium Prophetarum, qui
a Deo constituti erant, ut futura praedicarent.
(1. Reg. 22. versu 7.) Dixit autem Iosaphat: Non
est hic Propheta Domini quispiam, ut interrogamus
per eum.

115. Igitur sensus illorum verborum, Ad legem ma-
gis & ad testimonium, est hic: Si vultis fieri ceteros
de futuris eventibus, non debetis consulere Pytho-
nissas, sicut fecit Saul. (1. Reg. 28. 7.) quia hoc Deus
per legem suam fieri prohibuit, ad quam vos remit-
to: sed consulite Prophetas Domini, quorum officium
est de futuris pronuntiare. Quid hoc facit ad Iudi-
cem controuersiarum? Nihil penitus. Nisi aduersarij

velint hoc modo ratiocinari: de futuris euentibus non licet conſulere Pythoniſſas: Ergo ſola Scriptura eſt Iudex controuerſiarum: Ineptiſſime: Et tamen, quod mireris, præcipui illorum Rabbini ſic inopunt. De quibus bene præmoſuit nos Chriſtus: *Sinite illos, ceciderunt, & ducetis cæcam*

III. TESTIMONIUM

Matth. 15. 6. *Irritum feſtiſtis mandatum Dei propter Traditionem veſtram.* Et Coloff. 2. 8. *Mate, ne quis vos decipiat per Philoſophiam & inanem ſubtilitatem ſecundum Traditionem hominum.* Et Petri. 1. 13. *Redemptiſſis de uana veſtra conuerſatione paterna Traditionis.*

Hinc colligunt aduerſarij, omnes Traditiones à Chriſto & Apoſtoliſ dampnatas eſſe, & ſola Scriptura contentos nos eſſe oportere. At non certe. Nam citata culi uobis inſeruntur de Traditionibus Iudaicis, quæ à Phariſæis & Iſrahæliticis non autem de Traditionibus Chriſti & Apoſtolorum, quas aduerſarij oppugnant, & nos defendimus. Erant autem vana Iudeorum Traditiones, ut ex Scriptura patet.

117. Prima quod ante ſumptionem cibi lauanda eſſent manus. Matth. 23. 1. *Adiſcunt ad eum Scribae & Phariſæi, dicentes: Quare diſcipuli tui non benediſcunt Traditionem ſeniorum? Non etiam lauant manus ſuas cum panem manducant.*

118. Secundæ, quod etiam inter comedendum illa ſortis ſeruus eſſet & agenda. Mat. 23. 2. *Phariſæi & omnes Iudei, niſi erubescant lauer manus, non manducant, tenentes Traditionem ſeniorum.* Hinc in nuptijs Canæ Galilee erant, *lex hydrye poſite ſecundum purificatioem Iudeorum.* (Ioan. 4. 6.) in quibus hydrye erat aqua ad lauandas manus inter prandendum.

119. Tertiæ, quod venientes de foris non deberent cibos exere, niſi loti eſſent. Mat. 23. 4. *Et ſi foris miſi baptizentur, non comedunt. Et alia multa ſunt, quæ tradita vobis ſenioribus baptizata calceum & dæcorum, & armentorum, & leæprum.*

120. Quartæ, quod cum peccatoribus non offerendum eſſet cibis. Matth. 23. 19. *Et prædicat Phariſæi, diſcebant diſcipuli eum: Qui cum publicanis & peccatoribus manducant. Ad agiſſet eſſet? Et Luc. 11. 30. Et mirum habebant Phariſæi & Scribae eorum, dicentes: Ad diſcipulos eius. Quare cum publicanis & peccatoribus manducatis & bibitis?*

121. Quinta, quod ne quidem permittendum eſſet, ut quis à peccatoribus tangeretur. Luc. 11. 39. *Idem autem Phariſæus, qui vocauerat eum, ait intraſe, dicens: Hic ſi eſſet Propheta, ſciret utique, quæ eſt hæc mulier, quæ tangit eum, quia deſcendit deſcendit. Vbi miſeſte apparet, Phariſæum fuiſſe iuratum, quod Chriſtus à muliere peccatrice pateretur ſe contrectari, eo quod hoc eſſet contra morem & Traditionem Phariſæorum, quorum vox erat hæc: *Reſponde mihi, non appropinquet mihi quia imitatus eſt.* (Mat. 23. 5.)*

122. Sextæ, quod in Sabbato non liceret agros ſynare. Luc. 6. 7. *Obſervabant autem Scribae & Phariſæi, ſi in Sabbato curare, an inuenirent, unde accuſarent eum.* Et Ioan. 9. v. 16. *Dicebant ergo ex Phariſæis quidam: Non eſt hic homo, à Deo, qui Sabbatum non cuſtodit. Loquebantur de Chriſto, qui ex eo à natiuitate vitam reſtituerat in Sabbato.*

123. Septimæ, quod famelici non poſſent ſpicæ

A velleri: & comedere in Sabbato. Matthæi 12. v. 1. *Abiit Ieſus per ſara Sabbato: diſcipuli autem eius eſorientes & operiunt vellere ſpicæ & manducare. Phariſæi autem videntes dixerunt ei: Ecce diſcipuli tui faciunt, quod non licet facere Sabbatis.*

124. Octavæ, quod frequenter eſſet ieiunandum & orandum. Matth. 9. v. 14. *Quare nos & Phariſæi ieiunamus frequenter, diſcipuli autem tui non ieiunant? Et Luc. 12. 3. Quare diſcipuli Ioannis ieiunant frequenter, & obſervationes faciunt, tu autem edis & bibis.*

125. Nona, quod omnium rerum, etiam minimarum, decimæ offerrentur Deo. Mat. 23. v. 23. *Uos vobis Scribae & Phariſæi, qui decimas mentham & anethum & cymimum, & reliquiſtis quæ graviora ſunt legis, iudicium & miſericordiam, & fidem. Hæc oportuit facere, & illa non omittere. Hæc decimate idem eſt, quod decimas dare. Eſt ergo hic ſenſus: Vos Phariſæi, decimas omnium rerum, etiam minimarum, quod non facitis ex præcepto in lege Moſaica, ſed ex veſtra Traditione non ſcripta. Et inter im negligitis, quæ vobis in lege præcepta ſunt. Hæc debetis facere, & illud non omittere. Vbi notandum, ut non fuiſſet ullum præceptum in lege Moſaica, de dandis decimis rerum minimarum, quarum hic hic mentio, ſed tantum de decimis vini, frumenti, & olei. (Deut. 14. 22.) Nihilominus Phariſæi in hac re habebant peculiarem conſuetudinem, & Traditionem præ aliis Iudeis, quia dabant decimas omnium oleum, quod alij non faciebant. (Luc. 11. 42.)*

C 126. Quæſtione elicitur quidam ex Phariſæis, Luc. 18. 11. *Non ſum ſicut cæci hominum, &c. Ieiunabo in Sabbato: decimas de omnibus, quæ poſſideo.* Vide Ianſen in concord. Euangelica. cap. 84.

127. Decimæ, quod qui iurarent per templum aut altare, non eſſet reus eriminis: qui autem iuraret per aulam templi, vel per oblationes, quæ in altari fiebant eſſet reus. Matth. 23. verſ. 16. *Per vobis diſcitur, qui dicitis, quicunque iuraverit per Templum, nihil eſt: qui per aulam, non iuravit in doro Templi, debet. Stulti & cæci. Quid enim maius eſt, aurum an Templum, quod ſanctificatum eſt? Et quicunque iuraverit in altari, nihil eſt: qui nunc autem iuraverit in doro, quod eſt ſuper illud, id eſt, Quid minus eſt, aurum an altare, quod ſanctificatum eſt domine?*

D 128. Undecimæ, quod filij non tenerentur reipſa parentes, ſed hos honorare, aut illis benefacere, ſed quod abunde iuſſiceret, munus aliquod Deo offerre. Mat. 15. verſ. 4. *Quare vos transgredimini mandatum Dei propter Traditionem veſtram? Nam Deus dixit, Honora patrem & matrem. Et quicunque maledixerit patri aut matri, morte morietur. Vos autem dicitis: Quicunque dixerit patri aut matri: Ad minus, quodcumque eſt ex me, tibi præſtat: & non honorificabis patrem ſuum, aut matrem ſuam. Et irritum feſtiſtis mandatum Dei propter Traditionem veſtram.*

E 129. Hæc ſunt præcipua Traditiones Phariſæorum, quarum ex Euangelio licet colligere. Et quamquam aliqua ex illis eſſent bonæ ex ſuo genere, alie male, alie dubie, vel inuileſi Phariſæi tamen propter omnes reprehendebantur à Chriſto ob hæc cauſas.

130. Primo, quia ipſi ex earum obſervatione quærebant inanem gloriam, & opinionem ſanctitatis apud homines: in nihil aliud, quam ſancti eſſent. Matth. 23. 5. *Omnia vero opera ſua faciunt, ut videantur ab hominibus.* Hinc paſſim in euangelio vocantur Hypocrite, & ſophiſta deſubata.

131. Secundo, quia ex quorundam obſervatione ſectabantur etiam opes ac diuitias: præſertim ex longis orationibus, quas in eum finem recitabant. Mat. 23. 14. *Per vobis Scribae & Phariſæi hypocriſis, quia co-*

medicis domos viduarum, orationes longas orantes. Et Marci 12. 40. *Cauete à Scribis, qui deuorant domos viduarum sub obtentu prolata orationis.* Vbi comedere, seu deuorare domos viduarum, nihil aliud est, quam spoliare seu exhaustire. Nam viduæ veniebant ad Phariseos tanquam ad viros sanctos (quippe qui sanctitatem simulabant) & eorum orationes pretio emebant.

131. Tertio, quia superstitiose minutiora quædam seruabant, & alia maiora negligebant, ut paulo antedictum est. Dabant enim decimas rerum etiam vilissimarum, & negligebant iudicium & misericordiam in diiudicandis causis, quæ ad ipsos deferbantur. Et hoc sensu accipi potest illud Matth. 23. 24. *Excolantes culicem, camelum autem glutientes.*

132. Ex dictis patet non omnes Traditiones Iudæorum à Christo fuisse reprehensas; licet Pharisei, quod male illis vterentur, merito fuerint reprehensi. Nam vna inter cæteras Traditiones erat hæc: *Decimare mentham, rutam, & omne oliu.* Quæ sane ex se fuit bona. Nam bonum est, decimas dare Deo, non solum aliquarum, sed omnium earum rerum quas possidemus. Et hoc confirmat Christus, cum ait: *Hoc oportuit facere, & illa non omittere*, id est, oportuit seruare præceptum de iudicio & misericordia, & non omittere Traditionem de decimatione menthæ & omnium olerum.

133. Vnde vltorius sequitur, Lutheranos & Calvinistas, dum promiscue damnant omnes Traditiones, damnare etiam sententiam Christi, qui aliquas illarum approbavit. Nam ex Christi sententia, sunt aliquæ Traditiones, quas non oportet omittere. Ex illorum sententia omnes repudiandæ sunt, & sola Scriptura admittenda. Hæ sententiæ inter se pugnant. Vtram vero amplectemur? Christum si lapimus.

134. Ex quo rursum infero, Lutheranos & Calvinistas ex hoc capite non aliter posse concludere, quam hoc modo: Aliquæ Traditiones Iudæorum erant malæ: Ergo omnes Traditiones Christianorum sunt malæ. Quæ consequentia nulla est. Hæc multo est melior: Iudæi, præter Scripturam, habuerunt aliquas Traditiones, quas non oportebat omittere, Ergo etiam Christiani possunt habere. Quamquam magna inter utraq; differentia est. Nam Traditiones Christianorum, quas hoc loco defendimus, sunt à Christo & Apostolis acceptæ, quales non erant Iudæicæ.

IV. TESTIMONIUM.

Ioan. 5. v. 39. *Scrutamini Scripturas.*

135. **E**Cce, inquit aduersarij, Christus remittit nos ad scripturam tanquam ad Iudicem controuersiarum. Hoc certe non dicerent, si intelligerent mentem Christi. Christus in illo capite disputat cum Iudæis, qui negabant ipsum esse Filium Dei: Ipse autem probat se esse, quatuor testimoniis. Primo, Testimonio Ioannis Baptiste. *Vos, inquit, misistis ad Ioannem, & testimonium perhibuit veritati.* Erat autem hoc ipse testimonium, *Eccc Agnus Dei, ecce qui tollis peccata mundi.* Et iterum: *Ego testimonium perhibeo, quia hic est Filius Dei.* (Ioan. 1. v. 34.)

Secundo, testimonio miraculorum, quæ petrabat. *Ego, inquit, habeo testimonium maius Ioanne. Opera enim quæ dedis mihi Pater, ut perficiam, hæc testimonium perhibent de me, quia Pater misit me.*

Tertio, Testimonio Dei Patris. *Et qui misit me Pa-*

Ater, ipse testimonium perhibuit de me. Nempe cum dixit de cælo: *Hic est Filius meus dilectus, in quo mihi complacui, ipsum audite.* Matth. 3. 17. & Luc. 9. 35.

Quarto, testimonio Scripturarum veteris Testamenti: *Scrutamini, ait, Scripturas, quia vos promissum ipsi vitam æternam habere: & illæ sunt quæ testimonium perhibent de me, & non vultis venire ad me, ut vitam habeatis, quasi dicat: Si non vultis recipere tria priora testimonia, quæ tamen efficacissima sunt, (alioquin illa non produxisset) saltem non potestis reiecere testimonium Scripturarum, de quibus tantopere gloriamini. Ille ipse, si attente scrutemini, perhibent testimonium de me, quod sum Messias à Deo promissus. Quare ergo non creditis?*

136. Hinc concludo, aduersarios ex hoc loco se ipsos potius, quam nos oppugnan. Nam ipsi contendunt, solam Scripturam esse iudicem controuersiarum: Et Christum ad solam Scripturam nos remittere. At contrarium verum est. Nam Christus in controuersia, quam habebat cum Iudæis, *An ipse esset Filius Dei*, non remisit illos ad solam Scripturam, sed primo ad testimonium Ioannis Baptiste, deinde ad testimonium miraculorum, quæ ostendebant ipsum esse Deum: postea ad testimonium Dei Patris, qui voce de cælo delapsa idem confirmabat: demumque, ut omnia experiretur, ad testimonium Scripturarum.

137. Nos Catholici in hac re, Christum imitamur. Nam in controuersis, quas habemus cum aduersariis, non solum utimur testimonio Scripturæ, sed etiam sanctorum Patrum, & matris ecclesiæ, & miraculorum, quæ sepe sunt pro confirmatione nostræ fidei. Aduersarij autem, quasi Christo prudentiores essent, nihil volunt audire, nisi ex illis Scripturis. In quo similes sunt Iudæis, contra quos Christus agit. Nam Iudæi repugnant quocunque alio testimonio, solam Scripturam adnitebant: Et hanc ipsam neque tunc intelligebant, neque adhuc intelligunt, ut testatur Apostolus secunda Corinthia. 3. v. 14. cum ait: *Obscuratis sunt sensus eorum.* Et infra: *usque in hodiernam diem cum legitur Moyses, velamen positum est super cor eorum.* Idem aduersarij nostri, qui in hac causa nepotes illorum sunt, accommodari potest.

V. TESTIMONIUM.

Act. 17. 11. *Quotidie scrutantes Scripturas, si hæc ita se haberent.*

138. **H**ic iterum clamant aduersarij, Beroenses non temere credidisse, quæ ab Apostolis dicebantur, sed omnia examinafle iuxta normam Scripturæ: Equum igitur esse, ut nos illorum exemplum imitemur, & solam Scripturam pro norma ac Iudice agnoscamus. Sed frustra. Quod facile constabit, si constet de re ipsa, de qua tunc agebatur. Fuit huiusmodi: Paulus Apostolus, ut expresse habetur in eodem capite, primum quidem Thessalonicæ, deinde de apud Beroenies, disserabat ex Scripturis, adaperiens & insinuans, quia Christum operis facti, & resurgere a mortuis: Et quia hic est Iesus Christus, quem ego annuncio vobis. Quid vero Beroenies? sequitur ibidem: *Disceperunt verbum cum omni auditate, quotidie scrutantes Scripturas, si hæc ita se haberent.*

139. Igitur hic est sensus illius loci: Beroenses cum audirent Paulum citare quædam testimonia Scripturæ veteris Testamenti, quibus astuebat Christi mortem & resurrectionem, scrutabantur, an illis ipsis

teſtimoniis conſentanea eſſent, quæ à Paulo dice-
bantur. Non quidem eo animo, quali dubitarent de
morte & reſurrectione Chriſti, quippe quæ ſatis
confirmata erat ab Apoſtolo per virtutem miracu-
lorum, (1. Theſſalon. 1. 5.) ſed vt magis in fide cõ-
firmarentur, ſi viderent ea, quæ Paulus prædica-
bat, multo ante per Prophetas fuiſſe præuia & præ-
ſignificata. 140. Ex hoc ſenſu, quid obicere conclu-
dent aduerſarij? Nihil ad rem, de qua agitur. Niſi
forte ſic velint concludere: Beronenſes ſcrutaban-
tur teſtimonia Scripturæ à Paulo citata. Ergo ſola
Scriptura eſt index controuerſiarum. Quod perinde
eſt, ac ſi dicas: Lutherani ſcrutantur teſtimonia Au-
guſtini à Bellarmino citata: Ergo ſolus Auguſtinus
eſt index controuerſiarum. Vel ſic: Ruſſici ſcrutan-
tur teſtimonia Lutheri à Prædicante citata: Ergo
ſolus Lutherus eſt index controuerſiarum. Vel ſic:
Kemaitius in examine Concilij Tridentini ſcruta-
tur traditiones à Catholicis allegatas: Ergo ſola tra-
ditio eſt index controuerſiarum. Vel denique ſic:
Diſcipuli ſcrutantur teſtimonia Ciceronis à Præce-
ptore citata: Ergo ſolus Cicero eſt author Latinita-
tis. Apage cum illis conſequentiis. Et tamen apud
aduerſarios, quia meliores non habentur, in pretio
ſunt.

VI. TESTIMONIUM.

Galat. 1. 9. *Si quis euangelizauerit vobis præter
id, quod accepiſtis, anathema ſit.*

141. **E**Rgo, inquiunt aduerſarij, præter Euange-
lium non licet admittere traditiones. At ego
contra ſic infero: Si quis euangelizauerit vobis præ-
ter id, quod Paulus euangelizauit, anathema ſit: At
Lutherani & Caluiſtæ euangelizant aliquid præ-
ter id quod Paulus euangelizauit, quia appugnant
traditiones, quas ipſe commendauit. (2. Thſl. 2. 14.)
Tene traditiones. Ergo Lutherani & Caluiſtæ ana-
thema ſunt.

142. Sed videamus ſcopum Apoſtoli. Nam inde
apparebit an damnentur hoc loco traditiones, nec-
ne. Scopus Apoſtoli eſt hic. Galatæ docti erant à
Paulo, ceremonias legis Moſaicæ abrogatas eſſe,
tamen poſſe per huiusmodi ceremonias iuſtifica-
ri, ſed per fidem in Chriſtum, (cap. 2. 16.) Ab hac
doctrina fuerunt poſtea abducti per quosdam falſos
apoſtolos, qui doce- bant eos non poſſe ſaluari per fi-
dem in Chriſtum niſi ſimul circumciderentur, &
alias legis Moſaicæ ceremonias obſeruent (vt pa-
tet ex decurſu totius epistolæ, præſertim cap. 1. v.
6. & cap. 3. v. 1. & cap. 4. v. 9. & cap. 5. v. 1.) cõ-
tra huiusmodi falſos Apoſtolos agit Paulus, cum
dicit: *Si quis euangelizauerit vobis præter id, quod accepi-
ſtis, anathema ſit,* quali dicat: Accepiſtis à me, ho-
minem iuſtificari per fidem in Chriſtum, non autem
per obſervationem legis Moſaicæ. Si quis aliter vos
iſtituit, alſerendo non prodeſſe fidem in Chriſtum,
ſed deſcedat circumciſio & alie ceremoniæ legales,
anathema ſit. At hinc non ſequitur, traditiones Apo-
ſtolicas eſſe teneandas, ſed potius conſeruandas,
quia non ſunt præter, aut contra id, quod Paulus
euangelizauit Galatis de iuſtificatione, ſed potius
ſunt id, quod ipſe Theſſalonicenſibus euangelizauit
cum dixit: *Tene traditiones, quas didiciſtis,*

VII. TESTIMONIUM.

2. Timoth. 3. 16. *Omnis Scriptura diuinitus in-
ſpirata utilis eſt ad docendum, ad arguendũ,
ad corripiendam, ad erudiendum in iuſtitia,
vt perfectus ſit homo Dei, ad omne opus bo-
num inſtructus.*

143. **E**X quo loco dupliciter argumẽtantur aduer-
ſarij; Aliqui ſic: Omnis Scriptura eſt vti-
lis ad docendum & arguendum: Ergo ſuperuacaneæ
ſunt traditiones. Perinde ac ſi dicas: Omnis cibus
eſt utilis ad nutriendum: Ergo ſuperuacaneus eſt
potus. Vel, omnis eleemoſyna eſt utilis ad ſalutem.
(Luc. 11. 41. & Dan. 4. 24.) Ergo ſuperuacanea
oratio, ſuperuacanea Sacramenta. Miſeret me ho-
rum hominum.

144. Alij ſic: Omnis Scriptura eſt utilis, id eſt,
ſufficiens: Ergo ſuperuacaneæ traditiones. Sed quæ
hæc interpretatio eſt? An idem ſunt, vtilem eſſe, &
ſufficientem eſſe? Si idem ſunt, iam illud Timoth.
4. 8. *Pietas ad omnia utilis eſt,* licebit ſic interpreta-
ri: Pietas ad omnia ſufficiens eſt: Ergo reliqua om-
nia ſuperuacanea ſunt. Et ſimiliter illud 2. Timoth.
4. 1. *Marcum aſſume, & adduc tecum: eſt enim mihi vti-
lis in miniſterium,* id eſt, ſufficiens: Ergo Timotheus,
Titus, Onesiſmus, & alij ſuperuacanei ſunt. Quis
non videt, ſi hæc licentia interpretandi Scripturam
ſemel admittatur, totam corrumpi, & adulterari
poſſe?

145. Sed vt clarius res ipſa percipiatur, textus Apo-
ſtoli conſiderandus eſt. Igitur Apoſtolus in citato ca-
pite hortatur Timotheum Epiſcopum, vt ſuos ſub-
ditos inſtruat in fide & bonis operibus; & redarguat
aduerſarios, *qui corrupti mente, & reprobi circa fidem,
conſtitunt veritati.* Et vt oſtendat eum id poſſe præſta-
re ſubdit. *Tu vero permanc in iis, qua didiciſti, & credi-
ta ſunt tibi, ſciens à quo didiceris: Et quia ab infantia ſa-
cras literas noſti, quare poſſunt inſtruere ad ſalutem, per
fidem, qua eſt in Chriſto Jeſu. Omnis enim Scriptura di-
uinitus inſpirata utilis eſt ad docendum, &c.* Vbi per ſa-
cras literas, quas ait Timotheum ab infantia nouiſ-
ſe, intelligit Scripturam veteris Teſtamenti. Nam
eo tempore, quo Timotheus erat infans, nondum
exſtabat Scriptura noui Teſtamenti.

146. Apoſtolus ergo in illo textu ſic argumenta-
tur: Omnis Scriptura diuinitus inſpirata utilis eſt ad
docendos ſubditos, & redarguendos aduerſarios. At
Scriptura veteris Teſtamenti, quam ab infantia no-
ſti, eſt diuinitus inſpirata: ergo eſt utilis ad docendos
ſubditos, & redarguendos aduerſarios: cum ergo co-
gnitione illius Scripturæ inſtructus ſis, magnum ex
ea præſidium habes ad præſtandum quod dixi.

147. Ex eodem principio licebit ſic concludere:
E Omnis Scriptura diuinitus inſpirata, utilis eſt ad do-
cendum & arguendum: At Scriptura noui Teſtamẽ-
ti eſt diuinitus inſpirata: Ergo eſt utilis ad docendum
& arguendum. Qui ergo cognitione huius Scriptu-
ræ inſtructus eſt, magnum ex ea præſidium habet ad
vtrumque præſtandum.

148. Porro ex vtroque diſcurſu patet, has tres pro-
poſitiones veras eſſe ſecundum Apoſtolum. 1. Om-
nis Scriptura diuinitus inſpirata utilis eſt ad docen-
dum & arguendum. 2. Scriptura veteris Teſtamenti
utilis eſt ad docendum & arguendum; Scriptura no-
ui Teſtamenti utilis eſt ad docendum & arguendũ,
Sicut ergo non ſequitur: Scriptura veteris Teſtamẽti

ciare. Nam si mandaces sunt etiam in hoc puncto mentiri possunt. Nihil ergo certi est.

155. Sed absit. ut nos ita loquamur aut sentiamus. Longe aliter res habet; At primo quidem fateamur, Scripturam certam ac infallibilem esse, quia Verbum Dei est: sed addimus, cum saepe obicura sit, non facile vnicuique constare posse de legitimo illius sensu. Itaque alio Iudice opus esse, qui infallibiliter decernat, quis legitimus Scripturae sensus sit. Hic autem Iudex non potest esse quilibet homo priuatus: quia alioqui tot essent diversi Iudices, quot diuersa capita & sententiae: & si nulla controuersia componi posset. Quisque enim diceret, se bene sentire reliquos male. Necessse igitur est, ut sit aliquis publicus Iudex, cuius auctoritate decernendi & definiendi, inter partes litigantes potestatem habeat.

156. Deinde asserimus, homines dupliciter spectari posse. Primo quatenus sunt filij Adam, & obnoxij variis naturae corruptionibus. Sic sine dubio prouident ad mendacium & falsitatem. (Gene. 8. 21. & Psalm. 58. 6.) Secundo, quatenus à Spiritu sancto diriguntur & gubernantur ad aliorum instructionem. Sic infallibiles & sine mendacio sunt. Talis in veteri Testamento fuit Moses cum senatu Seniorum (Numer. 11. 17.) Tales alij Pontifices, qui deinde secuti sunt. (Deut. 17. 9. Agg. 2. 12. & Malac. 2. 7.) Tales Prophetæ, Isaias, Ieremias, Ezechiel, Daniel, & alij. (Ier. 17.) Tales in nouo Testamento Apostoli, quibus dictum est, Ioann. 15. 16. *Mittam vobis à Patre Spiritum veritatis. Ecce. 16. 13. Cum autem venerit ille Spiritus veritatis, docebit vos omnem veritatem: At ubi omnis veritas, ibi nullum mendacium.*

157. Talis denique fuit, & hunc etiam est Ecclesia, quæ propter perpetuam Spiritus sancti assistentiam & directionem, nunquam errauit. hæcenus, nec deinceps errare poterit. Est enim ædificata supra firmam petram, & porta inferi non praualebunt aduersus eam. (Matt. 16. 18.) Est columna & firmamentum veritatis. (1. Tim. 3. 15.) Nunquam confundetur, neque erubescet. (Ila. 54. 4. *Iaspis est propugnaculum eius.* Ibid. v. 12.) *Et omnem linguam resistentem illi iudicio iudicabit.* Ibid. v. 17.) Est igitur infallibilis Iudex, quem quærimus.

158. Sed, An omnes & singuli, qui in Ecclesia sunt, habeant hanc assistentiam & directionem Spiritus sancti, ut in fide errare non possint? Facilis responsio. Singuli quidem habent, sed dependenter ab ipsa Ecclesia. Quando enim cuncti manent coniuncti cum Ecclesia, errare non possunt: si dissentiant ab Ecclesia, iam errant. Quod duplici similitudine declarari potest. Vna sumitur ex proportionem humani corporis. Nam si quæras, an singula membra, quæ sunt in humano corpore, habeant in se spiritus vitales & sensitiuos, quibus vita conseruatur, respondendum est, singula quidem habere, sed dependenter à capite & corde. Nam à capite & corde, tanquam à duplici principio, deriuantur huiusmodi spiritus in reliqua membra. Vnde, si intercipiantur, aut occidantur meatus illi seu canales, per quos fit illa spirituum deriuatio & distributio, necesse est reliqua membra destitui spiritibus, & officium suum exerceere non posse. Sin pateant, & aperti sint, res salua est, etiam in Ecclesia. Singuli fideles, qui sunt quasi membra Ecclesie, habent quidem assistentiam & directionem Spiritus sancti, sed dependenter à Pontifice, qui est velut caput Ecclesie, & à Concilijs, quæ sunt quasi tot Ecclesie. Quando ergo singuli manent colligati cum doctrina Pontificis & Conciliorum, participant de assistentia & gubernatione Spiritus sancti, & in fide errare non possunt. Sin per discordiam & prouaciam, discedant à capite &


A corde, iam occidunt sibi omnes meatus, ut assistentia & directio diuina ad eos deriuari non possit. Et sic à veritate abducuntur, & erroribus obnoxij sunt. Quod contigit Arrio, Nestorio, Macedonio, Pelagio, & sexcentis alijs. Non nobis contingat, audiamus consilium Apostoli, qui vbiq; heritatur nos ad consensum & unitatem doctrina. ut Romanorum 16. v. 17. *Rogo autem vos fratres, ut obseruatis eos qui dissensiones & offendicula, præter doctrinam, quam vos didicistis faciunt, & declinate ab illis.* Et 1. Cor. 11. 10. *Obsecro vos fratres, ut id ipsum discatis omnes, & non sum in vobis schismata.* Et Ephe. 4. 3. *Seruate unitatem spiritus in vinculo pacis. Vnum corpus, & unus spiritus: Sicut vocati estis in vna spe vocationis vestrae unus Dominus, una fides, unum Baptisma.* Et Heb. 13. 9. *Doctrinis vanis & peregrinis nolite abduci;*

B 159. Altera similitudo sumi potest à grege ouium, qui optimè representat Ecclesiam (Ioan. 10.) Nam sicut totus grex in vno stabulo, vel loco collectus, habet perpetuam assistentiam Pastoris, qui furca & canibus defendit illum à ferocia luporum, sic etiam tota fidelium ecclesia, in vna fide & spiritu collecta, habet perpetuam assistentiam diuini illius Pastoris, qui dixit: *Ego sum pastor bonus. & cognosco oues meas.* Ioan. 10. 14. Et iterum: *Eccce Ego vobiscum sum omnibus diebus usque ad consummationem sæculi.* Matth. 28. 20. Item sicut singule ouicula, quamdiu manent coniunctæ cum grege & Pastore, immunis ac tutæ sunt à mortu luporum, sic etiam singuli Christiani, quamdiu manent coniuncti cum ecclesia, id est, cum doctrina & consensu Ecclesie, immunis ac tuti sunt à periculo erroris, & infidelitatis. Tandem sicut ouicula, quæ aberrant à grege, destituuntur protectione Pastoris, ac proinde luporum insidijs expositæ sunt, sic Christiani, qui descendunt à comuni sensu & doctrina Ecclesie, destituuntur assistentia Spiritus sancti, ideoque erroribus expositos esse necesse est.



APOLOGIA.

Pro Iudice Controuersiarum, contra Gardium.



Ideo te legi se libellum meum de iudice Controuersiarum, cui Gardi. In quo quidem, ex argumentis conatus sum probare, non Scripturam, sed Ecclesiam esse Iudicem Controuersiarum fidei ac religionis. 1. Ex parte Iudicis, quod Scriptura non conuenit. 2. Ex parte Scripturae, in qua duo spectanda sunt, littera & sensus. Littera saepe turis in errorem, ac proinde infallibilis Iudex esse non potest. Sensus saepe obscurus est, ut indigeat alio iudice & interprete. 3. Ex parte Controuersiarum, quæ multæ sunt, quæ ex Scriptura dirimi non possunt, quoniam nulla de iis in Scriptura fiat mentio. 4. Ex usu & praxi veteris Testamenti, ubi non Scriptura, sed Pontifex agnoscebat pro Iudice. 5. Ex simili usu & praxi noui Testamenti. 6. Ex Analogia Iudicis Controuersiarum civilium & politicarum. Nam index eiusmodi Controuersiarum, non est lex scripta, sed Princeps ac Consistorium principis.

2. Hunc libellum magno V. lumine aggressus es oppugnare: in quo, quidquid ex Aunty. Virakeri, & aliorum prædicamentum scriptis corradere potuisti, contra me aggressus es. Nec ego id fero. Quin potius id gaudio, ultra mihi occasione offerri confirmandi ea quæ assui, & repellendi,

qua à te obijciuntur. Sed nec terrore voluminis tui manent. *A* dine. Mole magnum est, non robore, & plus inanis iactantia, quam solide eruditionis in eo reperta. De quo alij sunt iudices. Interim oppono breuem hanc Apologiam, in tria capita distributam. Quorum primo ostensus sum, multa vitia toto volumine à te commissa esse. Aliero, argumenta à me proposita, adhuc firma stare nec à te conuelli potuisse. Tertio obiectiones, quibus me oppugnasti nullius esse ponderis ac momenti. Et sic finiam.

CAPVT I.

Detegantur vitia à Gardio commissa.

Vitia, quæ Lectori passim obuia sunt in tuo volumine, nec pauca, nec exigua sunt. Non omnia sed aliqua ex his recensabo. Et hæc potissimum. *Primo*, in ipso operis tui ingressu, promittis magnam modestiam, in progressu, petulantissimam, & conuictorum plenus es. *Secundo*, statum questionis de Iudice controuersiarum clarè ac fideliter à me propositum, falsò reprehendis, & multis ambagibus inuoluis, ac obscurum reddis. *Tertio*, Multa malitiosè mihi affingis, quæ nunquam dixi, & his refutandis non parum temporis ac chartæ, otiosè consumis. *Quarto*, Quæ bono sensu à me dicta sunt, sinistrè accipis: non lecus, quàm si aeneus qui ex bonis floribus venenum haurit. *Quinto*, Scripturam inatè interpretaris. *Sexto*, Scripturæ testimoniis, ad tuas assertiones confirmandas, non raro abuteris. *Septimo*, Vulgatam editionem, quæ multisiam sæculis in Ecclesia viguit, temerè & imperitè accusas, ac eius locum, vel tuam, vel alterius privati hominis versionem substituis. *Octauo*, Libros Tobie, Iudith, Sapientie, Ecclesiastici, & Machabeorum, nunc reiecis, nunc admittis, nunc laude, nunc vituperio dignos censas. *Nono*, ita passim te geris, quasi in Scriptura nihil difficile aut obscurum tibi sit, sed omnia plana, aperta, perspicua, quod arrogantis animi signum est. *Decimo*, Mala fide citas Augustinum, & alios Patres, in quo merito suspectum te reddis. *Vndecimo*, Non raro, ubi necesse non est, longas instituis digressiones, quæ ad rem præsentem non faciunt, ut hac arte vel prætextu, tuo volumini opinionem concilies, si non apud peritos, qui ex doctrina, saltem apud mulierulas, quæ ex mole rem æstimare solent, Omitto alia similia. De istis, quæ iam recensui, dicam aliquid, sed fortè plus, quam optes.

I. VITIUM GARDII.

Primò igitur, in ipso operis tui ingressu, promittis magnam modestiam, his verbis. *Ea vix modestia, quæ nec ipsi Becano, nec magno ipsius Patrone, nec aliis quibuscunque moderatis ingenis displicere poterit. Speciosa promissio, sed vanissima.* Nam paulò post, quasi data fidei obitus, his conuictis insectari me incipis. 1. Becanus est excus. 2. Impudens. 3. imprudens Iesuita. 4. Helleboro purgandus. 5. Puerilis. 6. Superstitiosus. 7. Sophista. 8. Audax & inconsideratus. 9. Entusiasta. 10. Hæreticus. 11. Pseudocatholicus. 12. Insensatus. 13. Nouus Phariseus. 14. Absurdus disputator. 15. Hospes in codice Bibliorum. 16. Paulo Apostolo in faciem contradicit. 17. Scripturam arguit. 18. Ipsum Deum aliqua ex parte reum facit. 19. Crassè hallucinatur. 20. Omnibus eruditis ludibrio se exponit. Sic de me. De meis dictis ita pronuncias. 1. Sunt falsissima. 2. Absurdissima. 3. Blasphema. 4. Rifu digna. 5. Fragmenta putidissima. 6.

A Puerilia & leuicula. 7. Somnia. 8. Crassi & portentosi errores. 9. Scopæ dissolutæ. 10. Inanes contestationes. 11. Pueriles ineptiæ. 12. Calumnix virulentæ. 13. Sarcasmi. 14. Crude voces. 15. Ne cassam quidē nucem valent. Et sic deinceps.

3. Hæc scilicet illa modestia est, quam promittis, mi Gardi: eamque & mihi, & magno meo Patrono Cardinali, & aliis moderatis ingenis placitum interpretatis. Itanè verò? An putas nos stipites aut fungos esse, qui huiusmodi scommata non aliter, quàm singularis cuiusdam modestiæ ac humilitatis tesseras acceptum simus? Ego tamen, ut de me loquar, non tam succensco tibi, quàm condoleo quod videam te omni veritatis præsidio destitutum, non nisi moris ac latrati pugnare posse. Nec speram scommata, quæ in me conuici, quia scriptum est. *Prou. 26, 4. Ne respondeas stulto iuxta stultitiam suam ne efficiar: sicut stultus.* Quid porro magnus meus Patronus, quod alij moderati homines dictum sint facili coniectura est. Omnes dicent, quod vnus dixit, Gardium in veste omnia ingressum esse, sed mox lupum apparuisse. Vel quod alius, Gardiū, quantumvis modestiæ pallio se obtegat, Prædicantiam naturam exuere non posse.

II. VITIUM GARDII.

Secundò statum questionis de Iudice controuersiarum fideliter à me propositum, falsò reprehendis: Et quod clarè à me dictum est, multis ambagibus obscurum facis. Statum sic proposui. Agimus de iudice controuersiarum in negotio fidei ac religionis. De quo aliter aduersarij sentiunt, aliter Catholici aduersarij, ut plurimum docent, solam Scripturam esse Normam & Iudicem controuersiarum fidei ac religionis, & ex ea sola, seclusis traditionibus & autoritate Ecclesiæ, controuersias omnes finiri ac decidi posse.

5. Catholici distinguunt inter Iudicem & Normam. Iudicem vocant, qui fert sententiam inter partes litigantes. Normam, secundum quam fertur sententia à Iudice. Posita hac distinctione, tria docent. 1. Ecclesiam esse Iudicem controuersiarum. 2. Normam quam sequitur Ecclesia, non esse solam Scripturam, sed scripturam & Traditionem simul. 3. Ecclesiam iuxta hanc Normam dupliciter sententiam pronuntiare posse. Vel per Pontificem, qui est Pastor Ecclesiæ, vel per Concilia à Pontifice approbata, quæ representant Ecclesiam: ut utroque modo sententiam esse infallibilem. Sic ego in meo libello §. 1. & 5. Ac ut opinor, satis clarè.

6. Tu multis modis hæc peccas. Primò quia obijcis mihi falsitatē his verbis. *Falso assertis Becanum, nos solam Scripturam facere Iudicem controuersiarum fidei ac religionis. Nam & Ecclesiam admittimus Iudicem diuerso tamen gradu & respectu.* Ac ego non falsò, sed verè id assero. Loquor enim de tali iudice, cuius sententia sit infallibilis, ut discretè explicauim. §. 5. 11. & 12. Certe autem est, vos solam Scripturam agnoscere pro infallibili Iudice, ut testati estis in vestris thesibus, quas in Colloquio Ratisbonensi de Norma & Iudice publicè disputandas exhibuistis. Et tu ipso fatetis his verbis, *Nos respondemus solam Scripturam sacram esse infallibilem Iudicem controuersiarum fidei ac religionis.* Quid vero falso à me assertum est? Non video. Sed, si quid video, tu falsò arguis, quod verè à me dictum est.

7. Secundò, confundis Normam & Iudicem, quæ distinguenda sunt: & utriusque officium tribuis Scripturæ, quam & Iudicem & Normam esse vis. Nam Iudicem appellas verbis proxime citatis. Normam verò

vero alibi cum ais: *Index Ecclesiasticus secundum Scripturam tanquam Normam & regulam iudicat & pronunciat*, At si Scriptura est Norma, secundum quam pronunciat sententia, certe ipsa non est index, qui pronunciat sententiam. Sicut si lex Imperatoris est Norma, secundum quam dirimuntur lites ciuiles, non potest esse index, qui dirimit lites ciuiles.

8. Quod sic clarius explicabo. Scriptura potest conferri vel cum Deo, tanquam auctore; vel cum iudice Ecclesiastico; vel cum ipsis controuersis. Respectu Dei, nec est index, ut per se constat; nec vox iudicis, quia Deus non est auctor Scripturae, sed index, sed ut Legislator. Est autem diuersa utriusque ratio. Nam Index (ut hoc loco sumitur) non pronunciat sententiam, nisi requisitus ab aliis, qui litem seu controuersiam diuidentem in se proponunt. At legislator ex se, & non requisitus solent legem statuere, tanquam Norma, secundum quam actiones nostras instituere debeamus. Ecce fecit Deus. Non enim requisitus à nobis, sed ex se vltro proposuit nobis Scripturam per modum legis, Normæ, seu Regulæ, quam in doctrina & moribus sequi necesse sit.

9. Respectu Ecclesiastico, non est etiam Index, sed Norma. Quod sit norma concedis. Quod non sit Index, dupli- ter probo. Primo, quia Scriptura, respectu vniuersi & eiuſdem non potest simul esse Index & Norma: At respectu iudicis Ecclesiastici est Norma, ex concessis: Ergo respectu eiuſdem non est Index. Secundo, quia aliqui essent duo iudices in ferenda sententia, nempe Scriptura, & Index ecclesiasticus. Et Scriptura quidem, ex tua sententia, per se infallibilis & sufficiens ad quancumque litem dirimendam: Index vero Ecclesiasticus, ex se fallibilis & non sufficiens. At quid opus est, adhibere Iudicem fallibilem & non sufficientem? si in promptu habes infallibilem, & per se sufficientem? Certe, qui habet vniuersum pharmacum per se efficax & sufficiens ad morbum depellendum, frustra adhibet aliud, quod nec, efficax, nec sufficiens est.

10. Denique respectu controuersiarum, certum est, Normam esse, non iudicem. Norma est, quia controuersia à Iudice Ecclesiastico deciduntur iuxta Scripturam, ut facis. At Index non est ob rationes iam allatas. 1. quia non potest simul esse Index & Norma respectu eiuſdem. 2. aliqui duo essent iudices in sententia ferenda, quod est superuacaneum. Accedit 3. quod aliquando oritur controuersia de ipſo Scripturae sensu quæ à Iudice Ecclesiastico de- terminari debet, ut tu ipse testaris his verbis: *Ecclesia ex ipsa Scriptura iudicat; qui verum eius sensum teneat*. Igitur ex tua concessione, Ecclesia est Index; Scriptura non est, nec potest esse, quia de ipsius sensu ac sententia mouetur controuersia.

11. Tertio peccas, quia constituis te ipsum Iudicem Ecclesie & Conciliorum. Nam ex vna parte asseris, solam Scripturam esse infallibilem Iudicem: Ex altera Ecclesiam & Concilia, si sequantur Scripturam, falli non posse, si non sequantur, posse. At hoc asserendo, si non aperte, saltem occulte viſtuas tibi officium Iudicis supra Ecclesiam & Concilia. Quis enim in hac vita iudicabit, an Ecclesia & Concilia in decidendis controuersis sequantur legitimum Scripturae sensum necne? Tu solus, tuo iudicio. Nam si sequantur illi sensum, quem tu sequeris, iudicabis non falli, si non sequantur, iudicabis falli. Igitur eò res re- ducitur, ut omnes errent, qui à te dissentiant; Non errent, qui consentiunt. Itane verò?

12. Quarto peccas, quia tibi ipsi contradicis. Nam vno loco sic ais: *Ex omnibus Conciliis & Pastoribus Ecclesia, tota Ecclesia nec errat, nec deficit*. Item, concedimus Ecclesiam totam simul non que errare, neque errare posse.

Opus. Bec.

A Vbi agnoscis discrimen inter Ecclesiam & Concilia, quod Ecclesia non possit errare, Concilia possint. Et alibi contrarium asseris his verbis: *Ecclesia est columna & firmamentum veritatis super omnia fundamenta prophetarum & Apostolorum cui firmius innititur & adheret, veritatem sustentans, & conseruare potest, si ab eo recedat, & ipsum corrumpere, & veritatem perdere necesse est*. Hic discrete affirmas, Ecclesiam, si discedat à fundamēto Scripturae, corrumpere & deficere. Ergo iam nullum agnoscis discrimen inter Ecclesiam & Concilia. Ambo enim errare possunt, si discedant à Scriptura: Non possunt, si non discedant. Est ergo utroque par ratio. Vides labyrinthum, quem in gressus es?

III. VITIUM GARDII.

13. Tercio, multa, multoties mihi asseris, quæ nunquam dixi; & his refutandis multas pagellas frustra consumis. Ex illis aliqua proponam. Pri- mo dixi, Scripturam quoad verum & legitimum sen- sum, saepe, seu multis locis obſcuram esse, (5. 21. & 23. in fine.) Tu, dissimulata vtraque particula saepe & multis locis, fingis me dixisse, Totam Scripturam esse obſcuram. Et argumenta mea quibus ostendi, saepe, seu multis locis obſcuram esse, conaris illudere hac ironica illatione, Ergone tota obſcura est? Quasi ergo vo- luerim probare totam obſcuram esse; quod nunquam mihi in mentem venit. Hoc est solum facere Lectori.

14. Secundo dixi, ex obſcuritate Scripturae oriri controuersias inter Christianos. (5. 48. in titulo.) Et ostendi hoc variis exemplis. Inter alia, adduxi illud Christi, *Hoc est corpus meum*. De quo inter nos & vos controuersia est. Tu fingis me dixisse, controuersias oriri ex obſcuritate verborum; & obicis illa verba, *Hoc est corpus meum*, esse clarissima, ideoque con- trouersiam, si quæ est, ex verborum obſcuritate oriri non potuisse. At aliud est, in Gardi, obſcuritas Scripturae, aliud obſcuritas verborum. Prior latius patet, quam posterior. Nam cum duo sint in Scriptura, verba & sensus qui dicit ex obſcuritate Scripturae oriri con- trouersias, non vult significare, ex sola obſcuritate verborum oriri, sed vel ex obſcuritate verborum, vel ex obſcuritate sensus, etiam si verba clarissima sint. Itaque controuersia circa dictum Christi, *Hoc est cor- pus meum*, oritur quidem ex obſcuritate Scripturae, non tamen verborum, sed sensus. Nam verba clara sunt; sensus non item.

15. Sed quæres, quomodo sensus possit esse obſcu- rus, quando verba clara & aperta sunt? Hoc osten- dam in simili exemplo. Si quis manu apprehenderet serpentem, & demonstrando serpentem diceret: *Hic est panis meus*: Verba quidem secundum naturam si- gnificationem, clara essent, sed tamen nescies, quo sensu, alter ea proferret, præsertim cum id quod manu teneret, non haberet formam panis, sed serpen- tis. Itaque per illos existimare, vel metaphoricè illum loqui, vel iocari. Simile quid fecit Christus. Accepit panem in manus, & demonstrando dixit: *Hoc est corpus meum*. Quæ verba, si spectes naturam ipsorum si- gnificationem, non minus clara sunt quam priora, sed tamen posset aliquis dubitare, quomodo, cum nihil videat in manibus Christi nisi panem, dicatur nihil-ominus caro humana.

16. Tertio dixi, inter alias causas obſcuritatis Scri- pturae, quas multas recensui, etiam hanc esse, quod in historicis Scripturae saepe non seruetur ordo rerum gestarum, quod supputatio annorum non semper ap- pareat liquida, quod saepe citentur libri, qui non ex- tant. (5. 36.) Tu fingis me sic argumentatum esse: *Scriptura in quibusdam locis est obſcura, propter neglectum ordinem rerum gestarum, supputationem annorum non satis liquidam, & libros quosdam citatos, sed amissos*. Ergo tam obſcura est, ut in controuersis fidei non possit certus & per-

R. R.

Spicimus sensus ex ea haberi. Non est meum hoc argumentum, sed tuum figmentum. Solum volui ostendere, Scripturam multis locis obsecram esse, quod tu non negas & inde concludere, si de his ipsis locis, in quibus obscura est, oriatur controuersia, non posse tam decidi, nisi ab aliquo iudice, qui definiat, quo sensu Scriptura, quando obscura est, accipienda sit. Et quid hic mali? An putas, Gardi, tam stupidum me esse, ut sic inferam? Scriptura est obscura in supputatione septuaginta hebdomadarum Danielis: ergo ex Scriptura non potest haberi certus ac perspicuus sensus, in controuersia de mysterio Trinitatis? Vel sic, Prophetæ non semper scribunt res gestas, eo ordine, quo gesta sunt, Ergo & Scriptura non potest certo constare, Baptismum esse necessarium. Vel sic, Liber bellorum Domini (qui citatur Nu. 21. 14.) amissus est: Ergo sola fides iustificat. Absit, ut sic ineptiam. Hanc prerogatiuam Prædicantibus relinquo.

17. Quarto dixi, Apostolos in Concilio Hierosolymitano definisse controuersiam de Circumcisione, nulla Scripturæ testimonio in medium allato, quod directe ad Circumcisionem pertineret. (5. 26.) Tu fingis, me sic argumentatum esse Apostoli definierunt controuersias non ex Scriptura, sed ex directione & assistentia Spiritus sancti: ergo etiam successores Apostolorum debent definire controuersias non ex Scriptura, sed ex directione Spiritus sancti. Hoc figmentum simile priori est: excogitatum, ad conciliandam mihi inuidiam apud Lectorem: quasi ego sim hostis Scripturæ. Longè alia mihi mens est. Volui ostendere non omnes controuersias, quæ hactenus in ecclesia definitæ sunt, ex sola Scriptura definitas esse. Dedi instantiam de controuersia Circumcisionis. Quid hic mali? Nihil, nisi quod oculus tuus malus est, qui omnia sinistrè aspicit.

18. Quinto dixi, post tempora Apostolorum, varias controuersias fuisse decidas vel à Pontifice romano, vel à Conciliis ab eo approbatis (5. 87.) Tu fingis non dixisse, Pontificem Romanum præsedisse non tantum Conciliis generalibus, sed etiam particularibus. Et hoc conaris refutare multis exemplis, quia varia Concilia particularia celebrata sunt, quibus Pontifex non præsedit, sed loco eorum Episcopi. At frustra. Nam aliud est, præsedere Conciliis, aliud, approbare Concilia. Pontifex multa approbauit, quibus non præsedit. Nec ego dixi controuersias fuisse decidas in Conciliis, quibus Pontifex præsedit, sed quæ Pontifex approbauit.

19. Sexto dixi, quod in hodiernum usque diem non constaret omnibus clare & palam, Nouatianum, Sabellium, Samosatenum, Atrium, Nestorium pro hæreticis haberi oportere, si ecclesia suam sententiam non interpolasset. (5. 100.) Tu fingis me dixisse, si ecclesia per Concilia suam sententiam non interpolasset. Et hinc inferis miras consequentias. 1. ante definitionem Conciliorum: nullum palam hæreticum habendum esse. 2. male iudicasse Iulianum, Tertullianum, & alios Patres, qui hæreticos sui temporis agnouerunt pro hæreticis antequam publico Concilio declarati essent hæretici: nec hoc tempore Photinianos in Polonia pro hæreticis haberi oportere, cum publico Concilio nondum damnati sint. Haec & similia portenta quæ inferi oriuntur ex tua fisione, non ex mea assertionem. Non enim asserui Ecclesiam debere suam sententiam interponere per Concilia, sed absolute dixi debere interponere. Potest autem variis modis id fieri. 1. per Pontificem. 2. per Concilia generalia. 3. per Concilia particularia. 4. per consensum populi Christiani.

10. Septimo dixi, legem civilem non posse esse iudicem controuersiarum civilium, præsertim in his

A casibus, 1. quando ipsa obscura aut ambigua est. 2. quando una videtur alteri repugnare. 3. quando verba legis, quæ generalia sunt, restringenda essent in aliquo casu particulari, & tamen restricta non sunt. Quod dixi tunc fieri quando occurrit aliquis casus particularis, quem Legislator, cum leges conderet, non prouidit euenturum (5. 104. Tu fingis, vel certe videtur fingere (quia subdole & ambigue loqueris) me hoc dixisse non solum de lege civili, sed etiam diuina. Ac inter alia sic exclamas: *Nihil magis absurdum vel impium est, quam asserere Spiritum Sanctum non prouidisse omnes casus & controuersias particulares, quæ aliquando exortura essent.* Sed inanis est exclamatio. Nec aliud efficias, quam quod ætem verberas, & cum tua phantasia luctaris. Non dixi hoc de Spiritu Sancto, sed de legislatore humano, iuxta illud Sap. 9. 14. *Cogitationes mortalium timida & incerta prouidentia nostra.*

21. Octauo dixi, Lutheranos illa verba Lucæ 8. 50. *Credetis enim & salua eritis*, interpretari de fide iustificante Catholicos de fide, qua Iairus Princeps Synagagæ credebat, filiam suam à Christo reuocari posse (5. 48.) Tu arguis me fallitatis, his verbis: *Falso tribuitur Lutheranis talis interpretatio.* At tu merito fallitatis arguendus es. Nam Iacob. Herbrandus, inter Lutheranos sui temporis celeberrimus, in Epitome Compendij Theologiæ, tit. de iustificatione, interpretatur, eo sensu, quo dixi. Proponit enim hanc questionem. *Vnde desumpta est particula, Sola, cum dicitur, Sola fide homo iustificatur?* Et respondet. *Ex Luca 8. ubi Christus inquit ad Iairum, Solum crede.*

22. Nono dixi, Lutheranos dicere, quod infantes, dum baptizantur habeant, fidem actualem. (5. 48.) Quid tu verò? *Aur nescis*, inquis, *aut non intelligis Beccanus, quid dicat Lutherani de fide actuali infantium in Baptismo?* Scio quid dicant, sed nescio quid sentiant. Non enim consentiunt inter se. Omnes quidem clamant, Baptismum non prodesse infantibus nisi fidem habeant. Sed qualis sit illa fides, & quando incipiat esse in infantibus, varix sunt inter vos dissensiones. De quibus infra cap. 2. §. 51.

23. Onitio similia, quæ falso in me dicis. Vnum addam, quod concernit omnes Catholicos. Ais illos docere, multa esse credenda ad salutem necessaria, de quibus tot in Epistolis Pauli ne unicum quidem iota legitur. *qualia sunt.* 1. Iustificatio & meritum operum. 2. Sacrificium Missæ. 3. Communio sub una specie. 4. Purgatorium. 5. Inuocatio Sanctorum. 6. Celibatus in ministrorum Ecclesiæ. 7. Ieiunium in discrimine & delectu ciborum.

24. Luculentum mendacium, & multiplex. Primum, quia quædam ex illis euidenter deducuntur ex Epistolis Pauli, ut meritum operum: quædam ex Epistola Iacobi, ut iustificatio operum: quædam ex aliis Scripturæ locis, ut sacrificium Missæ, Purgatorium, Inuocatio Sanctorum. Nec opus est, ut omnia probentur ex solo Paulo. Deinde Catholici non docent, omnia ista, quæ recensent, esse credenda necessaria ad salutem. Imo docent, sufficere ad salutem, si quis expresse credat articulos fidei in Symbolo Apostolorum comprehensos, modo reliqua, quæ ab Ecclesia proponuntur, pertinaciter non neget. Vide D. Thomam in 2. 2. q. 2. art. 5. Dominicum Bannes ibid. art. 7. dub. 2. Valentianum Tom. 3. disp. 1. quest. 2. p. 3. Serarium in explicatione Symboli Athanasij & alios: denique ubi legisti apud Catholicos, celibatum Sacerdotum, & delectum ciborum esse articulos fidei ad salutem necessarios? Hoc forte legisti, utrumque ab ecclesia præceptum esse. At aliud est, præceptum esse ab Ecclesia, aliud, esse articulum fidei. Similiter aliud est, necessarium esse ad salutem ex obligatione obedientiæ, aliud, necessarium esse ad salutem obligatione fidei,

Nec scis quare dissimulas? Si nescis disce.

IV. VITIVM GARDII.

25. **Q**uarto, quæ ego bono sensu dixi, sinistre interpretaris. Quod duplici exemplo demonstrabo. 1. nus est tale, dixi Deo volente ac disponente Scripturam esse obscuram. Et assignavi tres rationes, cur Deus voluerit obscuram esse. 1. ut in Ecclesia seruetur ordo inter Doctores & discipulos, seu inter Pastores & oues, qui non seruetur, si Scriptura esset tam clara, ut promiscuè ab omnibus intelligi possit. 2. ut maior sit authoritas & maiestas Scripturæ, quæ vilesceret, si omnibus, etiam infidelibus, esset clara & obuia. 3. ut non detur nobis occasio arrogantiae, quæ sine dubio daretur, si putaremus altissima fidei mysteria facile comprehendere à nobis posse, (§. 45. & sequentibus.)

26. Tu interpretaris me hoc dixisse ad arguendam Scripturam & Deum. Sic enim scribis: *Becanus aquè ac Bellarminus Scripturam summam arguit obscuritatis.* Item, *Becanus non alia de causa, tot scrupulos obscuritatis in Scripturis usque adeo superstitiosè inquirat, ut vel odiosas, vel tadiofas illas reddat, & tandem nostrorum etiam hominum manibus excutiat.* Item, *Videat Becanus, quid Deo aliquando respondere velis, vel in agone mortis, vel in extremis die, cur Scripturam sacram, tot modis obscuritatis arguere voluerit.* Item, *Non satis fuit ipsi, Scripturam obscuritatis arguere, nisi Deum ipsum aliqua ex parte reum faceret.* Denique sic exclamas; *Certe non caret periculo, ne dicam blasphemiam, cruda hæc vox Becani, Scripturam, Deo volente & disponente, obscuram esse.*

27. Malitiosè hæc omnia. Ego non arguo Scripturam propter obiectatam, sed laudo. Sicut enim laudari potest ab origine, quia diuina est: & à certitudine, quia infallibilis est: sic etiam ab obscuritate, quia reconditis mysteriis & prophetiis plena est. Quod pulchrè explicat Theodoretus præfatione in Ezechielem Prophetam, ubi variis exemplis ostendit, ea omnia, quæ pretiosa sunt, ab hominum sensibus remotiora esse. Primo, quia Margaritæ in profundo maris occultantur. Secundo, aurum argentique venæ in terræ superficie non exstant, sed in intimis eiusdem partibus conteguntur. Tertiò, quæ item in domibus pretiosissima sunt, non solum palam exponere, sed in præniis, impositis etiam vinculis & sigillis custodire. Quarto, consilia quoque earum rerum, quæ sunt maioris alicuius ponderis, non omnibus temerè, sed fidelioribus tantum amicis aperta esse volumus. Hinc infert, cum his omnibus, quæ iam dixi præstantiora sunt diuina, quæ in Scripturis continentur, merito factum esse, ut ab hominum sensu & intelligentia essent remotiora.

28. Nec vllum hic video periculum aut blasphemiam in Deum, nisi tu quoque blasphemus sis. Nam etiam omnia, quæ dixi de obscuritate Scripturæ, sinistre accipis & varis criminationibus insectaris, idem tamen dicis, quod ego dixi. Primo dixi, Scripturam Deo volente ac disponente obscuram esse. Tu dicis, *Deum passim in Scripturis quedam intellectui nostro difficilia & obscura proponere voluisse.* Item, *Deum in Scripturis, passim tot verbis, tot phrasibus, tot tropis, tot prophetiis, tot mysteriis inuolutum non paucaproposuisse, &c.* Vt totius verbis. Secundo assignavi tres rationes, cur Deus id fecerit. Tu eadem ter repetis, semel meis, semel antiquorum Patrum, semel tuis verbis. Nimirum, ut Volumen tuum, eiusmodi verborum & sententiarum repetitione, exeresceret.

29. Vide nunc, mi homo, an exclamatio, quam in me facis, non æque in te quadrare possit. Sic exclamatio.

Opul. Bec.

A mas. Certe non caret periculo, ne dicam blasphemiam, cruda hæc vox Becani, Scripturam Deo volente & disponente obscuram esse. Liceat & mihi exclamare. Certe non caret periculo, ne dicam blasphemiam, cruda hæc vox Gardij. Deum in Scripturis passim voluisse quedam difficilia & obscura intellectui nostro proponere. Eadem tua vox, quæ mea: si mea cruda & blasphemica, cur non similiter tua? Hic apparet, Gardi, te non veritatis studio, sed calumniandi libidine, ad scribendum accessisse.

B 30. Venio ad posterius exemplum in simili causa. Dixi in Scriptura duo spectari posse, literam & sensum, sicut in homine, corpus & animam. De illis locutum esse Apostolum, 2. Corinth. 3. 6. cum ait: *Litera occidit spiritus autem viuificat*, id est, nuda Scripturæ litera neglecto sensu, ducit in errorem, sensus in veritatem & vitam. Adieci hanc esse Augustini interpretationem, serm. 70. de tempore, ubi ait: *Frequenter admonui charitatem vestram, fratres dilectissimi, quæ diebus estis in Ecclesia recitantur, non hoc tantum attendere debeamus, quod ex litera sonare cognoscimus, sed remoto velamine litera viuificantem spiritum fideliter requiramus: si enim dicit Apostolus: Litera occidit, spiritus autem viuificat. Denique infelices Judæi, & plus infelices hæretici, qui dum solum litera aspiciunt sonum, quasi corpus sine anima, ita sine viuificante spiritu mortui remanserunt.* (§. 10.)

C 31. Hic etiam, quod bono sensu, ex Apostolo & Augustino, dixi, male reprehendis. Ac duo obicis. 1. falsam esse interpretationem. Non enim Apostolum loqui de litera & sensu Scripturæ: sed per literam intelligere legem mosaicam, & per spiritum, Evangelium & illius gratiam. 2. literam Scripturæ per se non occidere, seu in errorem ducere, sed per accidens.

D 32. At si mihi hæc obicis, cur non similiter Augustino & Apostolo obicis, Augustinus interpretatur locum Apostoli de litera & sensu Scripturæ. Idem ego facio. mihi obicis, falsam esse interpretationem. Obice & Augustino. Quid respondebit? Non esse falsam, per accommodationem. Idem ego respondeo. Nec tu, nisi temerè, negare id poteris. Nam certum est, eundem Scripturæ locum, qui secundum sensum literalem de vnate intelligitur, posse etiam, sine falsitate, alicui alteri accommodari. Verbi gratia, legimus Deut. 25. 4. *Non alligabis os boui triturantis.* Quod secundum sensum literalem intelligitur de veris bobus, qui in area triturant, seu grana frumenti excutiant: Et tamen Apostolus 1. Corinth. 9. 9. per accommodationem intelligit de Prædicatoribus Evangelij, hoc sensu, *Non alligabis os boui triturantis*, id est, non negabis alimoniam iis, qui annunciant tibi Verbum Dei. Item, legimus Cantic. 1. 4. *Nigra sum, sed sermo*, &c. et Cantic. 2. 2. *Sicut lilium inter spinas, sic amica mea inter filias.* Vtrumque secundum sensum literalem intelligitur de Ecclesia: Et tamen sine vlla falsitate, accommodatur B. Virgini. Omitto alia exempla. Cur non idem fieri potest circa locum Apostoli, *litera occidit, spiritus autem viuificat*? Intelligatur sanè, secundum sensum literalem, de lege Mosaiica & Evangelio quod non negat Augustinus. Nihilominus accommodate intelligi potest de litera & sensu Scripturæ. Neque vlla apparet hic falsitas.

33. Hæc pro Augustino. Apostolus dixit, *Litera occidit*, id est, lex Mosaiica occidit, seu in mortem ducit. Ego dico, *Litera occidit*, id est, litera Scripturæ occidit, seu in errorem ducit. Mihi obicis literam Scripturæ per se non occidere. Obice & Apostolo, legem Mosaicam per se non occidere. Quid respondebit Apostolus? Se non dicere, quod per se occidat, sed occasionaliter. (Rom. 7. 8.) Idem responsum à me accipe.

34. Explicabo hoc clarius. Lex Mosaiica, teste Apo-

R r r ij

Nolo, est sancta, iusta, bona. (Rom. 7. 12.) quia res sanctas, iustas, & bonas percipit. Sanctas, quoad præcepta ceremonialia, quæ ad cultum Dei pertinent. Iustas, quoad iudicialia, quæ ad externam iustitiam in Republica conservandam ordinantur. Bonas, quoad moralia, quæ in Decalogo continentur. Quomodo ergo, si sancta, iusta, & bona est, dicitur occidere, seu in mortem ducere? Non per se, quia, ut dixi, per se præcipit res sanctas, iustas, & bonas: sed per accidens, quia non præbet vires & subsidia, quibus exequamur quod præcipit. Et ex hac parte, est quasi occasio peccati. Nam si nihil præciperet, non peccaremus: quia vero præcipit, & non iuvat, est occasio peccati. Vide August. lib. 2. contra aduersarium legis & Prophetarum cap. 7.

35. Eodem modo, externa Scripturæ litera est quidem diuina, & à Deo inspirata, quatenus continet sensum diuinum, & à Deo inspiratum, sed tamē quia aliquando non accipitur in illo sensu, qui à Deo inspiratus est, sed in alio, quem nos fingimus; idē tæpe est occasio erroris. Et hoc est, quod in libello meo dixi. Si quis, neglecto vero sensu, hæreat tantum in externa litera, sæpe erraturum. Nec tu id negabis. Fateris enim non raro contingere, ut verus sensus, qui latet sub externa litera, non possit à nobis percipi, nisi ex diligenti variorum locorum Scripturæ inter se collatione, accipiat externam literam iuxta eum sensum, qui primo occurrit, poterit à vero sensu aberrare. Quod multis exemplis Veterum hæreticorum à me ostensum est. Vide Theodoretum præfatione in Cantica Canticorum.

V. VITIUM GARDII.

36. **Q**uinto, Scripturam male interpretaris. Quod variis exemplis demonstrabo. Primum est Matth. 19. 17. *Si vis ad vitam ingredi, serua mandata.* Quod tu interpretaris hoc sensu: Frustra quæris vitam æternam in operibus seu obseruatione mandatorum legis. Est quidem necessaria obseruatio legis ad vitam æternam consequendam, sed cum ea impossibilis sit homini in hac vita, confugiendum est ad Christum, qui perfectissime legem impleuit, ut ipsius iustitia seu impletio legis imputeur tibi per fidem.

37. At hic sensus, & tibi contrarius, & à textu alienus & simpliciter falsus est. Nam tu sæpe inculcas hanc regulam: Quando verba Scripturæ per se clara sunt, non alium sensum quærendum esse, quam qui ex ipsis verbis immediate colligitur. At hæc verba, *Si vis ad vitam ingredi, serua mandata*, per se clara sunt: Ergo nō alius sensus, iuxta tuam regulam, quærendus est, quam qui ex ipsis immediate colligitur. At ex ipsis immediate non colligitur, obseruationem mandatorum legis impossibilem esse. Cur ergo hunc sensum, contra tuam regulam, amplexus es?

38. Est etiam alienus à textu. Nam ex eo contrarium colligitur. Cum enim Christus dixisset Adolescenti, *Serua mandata*, respondit Adolescens, se à iuuentute ea obseruasse. Non igitur impossibile est ea obseruare. Nec mentitus est Adolescens, alioqui Christus arguisset illum de mendacio. At non arguit, sed dilexit propter candorem & simplicitatem. (Matth. 10. 21.) Deinde proposuit illi aliquid, quod erat difficilius quam obseruatio legis, *Seruis, inquit, perfectus esse, vende que habes, & da pauperibus, & sequere me.* At hoc non erat impossibile, quia Apostoli id iam præstiterant, ut omnium nomine testatur Petrus: *Eccenot reliquimus omnia, & secuti sumus te:* Ergo multo minus obseruatio legis est impossibilis.

39. Denique absolute falsus est, quia continet duas

A propositiohes absolute falsas. Vna est, præcepta Decalogi non posse seruari. Vbi mirari soleo Lutheranos & Calvinistas, qui cum ex vna parte id allerant, ex altera tamen gloriantur se seruare duo alia præcepta, quæ in Decalogo non sunt, nempe præceptum de matrimonio, & de calice. Hæc duo, quæ vos fingitis, accurate vrgetis. Reliqua, quæ Deus proponit, elamatis impossibilia esse. Et parui penditis eorum transgressionem modo credatis à Christo seruata esse. Breue compendium, sed ad inferos. Altera est, nos vitam æternam consequi per solam iustitiam Christi, quia ipse legem impleuit, & non per propriam, qua nos legem obseruamus, & bona opera læciamur. Et hæc fallā. Audi quid Christus diciturus sit in die iudicii: *Venite benedicti Patris mei, possidete paratum vobis regnum.* Causa sequitur: *Esuriui enim, & dedistis mihi manducare, &c.* Ex tua interpretatione deberet dicere. Nihil quidem boni fecistis, sed tamen credidistis me fecisse, quod sufficit.

40. Secundum est Matthæi 26. 26. *Hoc est corpus meum.* Quod sic interpretaris: Hoc, quod vobis porrigo, est reuera panis: & in, cum, sub pane, corpus meum. Hunc sensum ais manifestè colligi ex circumstantiis verborum Christi. Nā Christus accepit verum panem, potexit, & demonstrando dixit. *Hoc id est, hic panis, quem videtis, est corpus meum,* id est, in hoc pane, cum hoc pane, & sub hoc pane, est corpus meum. Videris nugari in re seria. Et dupliciter peccas. Primo, quia fingis nouam & absurdam interpretationem, quæ ne quidem Luthero vestro placere potuit. Nam in libro de Captiuitate Babylonica, titulo de Cæna Domini sic explicat: *Hoc est corpus meum, id est, Hic panis est corpus meum.* et citans illud 1. Corinth. 10. 16. *Panis, quem frangimus, nonne participatio Corporis Domini est?* mox addit. *Non dicit Apostolus, In pane est, sed, Ipse panis est participatio Corporis Christi.* Vbi excludit eam interpretationem, & suam astringit. Neutram tamen probo.

41. Quod autem sensum illum fictitium conaris confirmare ex circumstantiis verborum Christi, frustra est. Nam sicut Christus in vltima cæna accepit verum panem, & demonstrando dixit: *Hoc est corpus meum:* sic etiam in Cæna Galileæ accepit verā aquam, & demonstrando dixit, vel dicere potuit: *Hoc est vinum.* At ex tali circumstantia ridicule colligitur hic sensus: *Hoc est vinum, id est, Hoc est aqua, & in, cum, & sub aqua, vinum.* Ergo non minus ridicule colligitur hic sensus. *Hoc est corpus meum, id est, Hoc est panis, & in, cum, & sub pane, corpus meum.*

42. Tertium est Ioan. 5. 39. *Scrutamini Scripturas.* Ais hoc loco contineri generale mandatum, quo omnes sine discrimine, tam Laici, quā Ecclesiastici, obligati sint ad legendam, consulendam, & scrutandam Scripturam. Deinde hinc colligi, solam Scripturam esse, supremum infallibilem Iudicem controversiarum. Denique me fateri debere, quod Christus remisit hinc Iudæos ad Scripturam, tanquam ad infallibilem Iudicem, licet non velim fateri, quod ad eam solam remisit, sed etiam ad testimonium Ioannis Baptistæ, miraculorum, & Patris cœlestis, ut dixi in libello meo §. 133.

43. Erras in his omnibus. Ac primo, nullum ibi mandatum est, quo omnes obligati sint ad legendam & scrutandam Scripturam. Non enim obligantur cæci & idiotæ, qui nō possunt legere, & scrutari. Nec mulieres, quæ iubentur viros suos interrogare, non Scripturam cōsultare, iuxta illud 1. Corinth. 14. 35. *Si quid volunt discere, domi viros suos interrogent.* Nec passim alij Christiani, qui nō sūt Pastores & Doctores Ecclesiæ, quia Scripturæ Moysi & Prophetarum, de quibus solis ibi sermo est, non sunt illis ad salutem necessariæ,

cum habeant sufficiens subsidium ex Euangelio & A scriptis Apostolorum.

44. Deinde, perperam ex illo loco colligis, solam Scripturam esse supremam & infallibilem Iudicem controuersiarum. Primo, quia Christus non agit ibi, nisi de hac sola controuersia. An ipse sit Filius Dei? Et probat se esse, non solum ex Scriptura, sed etiam testimonio Dei patris dicentis, *Hic est Filius meus dilectus, in quo mihi complacui*. At hoc testimonium Dei Patris, non est minoris authoritatis, quam Scriptura, sed eiusdem. Si ergo Scriptura potest vocari supremus & infallibilis Iudex, ut tu eam vocas, cur non etiam testimonium Dei Patris esse deterioris conditionis, quam sit Scriptura? Absit.

45. Denique falsum est, quod ego fatear, aut fate-ri debeam, Scripturam esse supremam, & infallibilem Iudicem controuersiarum. Nunquam ex mea sententia hoc dixi. Fateor quidem esse supremam & infallibilem Normam, sed non Iudicem. Norma est, quia secundum illam deciduntur controuersia fidei ac religionis. Iudex non est, quia ipsa non pronunciat executiuam sententiam inter partes litigantes, sed hoc facit Ecclesia per assistentiam Spiritus Sancti.

46. Quartum est Isaia 8. 19. *Cum dixerint ad vos: Quaerite à Pythonibus & diuinis, qui strident in incantationibus suis: Nunquid non populus à Deo suo requirit, pro uiuis & mortuis? Ad legem magis, & ad testimonium*. Quod ego in meo libello interpretatus sum de particulari lege scripta, quæ prohibet consulere Pythones & harios de futuris euentibus. (Deut. 18. 9.) et de testimonio Prophetarum, qui à Deo constituti erant, ut futura prædicerent; et hunc dixi esse sensum; Si uultis fieri certiores de futuris euentibus, non debetis consulere Pythones & harios, sicut fecit Saul; quia hoc Deus per legem suam prohibuit, ad quam vos tenetis: sed consulite Prophetas Domini, quorum officium est de futuris pronunciare. (Is. 114 & 115.) Tu hanc meam interpretationem uocas commentum, & ais, in tota Scriptura nullum locum monstrari posse ubi vox testimonij significet testimonium Prophetarum futura prædicentium. At ego monstrabo locum; Actor. 10. 43. *Huius omnes Propheta testimonium perhibent, remissionem peccatorum accipere per nomen eius, omnes qui credunt in eum*.

47. Videamus tuam interpretationem: ais hoc loco, legem, & testimonium pro eodem accipi, nempe pro Scriptura; & contineri generale mandatum, quo omnes, in quibuscunque rebus dubiis, obligati sint non recurrere ad Pythones & harios, sed ad solam Scripturam. Non ita est. Tamen si enim verum sit, legem & testimonium aliquando sumi pro eodem, quod non nego, tamen hoc loco distincta sunt. Et per legem intelligitur lex illa particularis, Deut. 18. 9. *Quantum ingressus fueris terram, quam Dominus Deus tuus dabit tibi, caue ne imitari uelis abominationes illarum gentium: nec inueniantur in te, qui Pythones consulat aut diuinos, aut quærat à mortuis ueritatem*. Et per testimonium intelligitur responsum Sacerdotum & Prophetarum, quod uia uoce soliti erant dare, quando in rebus dubiis à populo vel Rege consulebantur.

48. Hoc dupliciter probō. Primo, quia si lex & testimonium, loco citato, sumeretur pro Scriptura; & mandatum esset, ut Iudei, in rebus dubiis, recurre-
rent ad solam Scripturam, ut tu interpretaris, iam omnes illi peccassent contra hoc mandatum, qui in rebus dubiis consulebant Prophetas & Sacerdotes, ut Dauid, Iosaphat, & alii plures in Scriptura laudati. Imo Deus dedisset duo contraria mandata: Vnum, quo iubebantur in rebus dubiis consulere solam Scripturam, ut tu vis: alterum, quo iubebantur

consulere Sacerdotes & Prophetas, Deut. 17. 8 & Deut. 18. 14. & 15. Hæc absurda sunt: ergo & illud, ex quo sequitur.

49. Secundo, quia si Iudei de iis omnibus, de quibus gentiles consulebant Pythones & harios, debuissent consulere legem & testimonium, id est, solam Scripturam, ut tu contendis, debuissent etiam consulere solam Scripturam de futuris euentibus, de quibus uel maxime Gentiles consulebant Pythones & harios: At Scriptura nihil determinate poterat pronunciare de futuris euentibus: ergo frustra illam consulissent. Deus autem nihil frustra mandat fieri. Dabo exemplum, quo res illustretur. Iosaphat Rex Iuda uolebat scire, quis esset futurus euentus, si obsideret Ramoth Galaad: an scilicet posset eam expugnare, nec ne? si in hoc casu consulisset Scripturam, nihil responsi accepisset. Quid ergo fecit? Consuluit Prophetam, ut uia uoce responsum ab ea acciperet. (3. Reg. 22. 5.) Idem in simili casu fecerunt Dauid, & alii. et rectè. Frustra ergo urges, ad solam Scripturam remissos fuisse.

50. Quintum est 2. Timoth. 3. 16. *Omnia Scriptura diuinitus inspirata ualis est ad docendum, ad arguendum, ad corripiendum, ad erudiendum in iustitia, ut perfectus sis homo Dei ad omne bonum opus instructus*. Hoc interpretaris de Scriptura ueteris Testamenti: Et inde colligis, Scripturam V. T. esse perfectam, sufficientem, & integram Normam fidei ac morum. Ex quo ulterius inferis, multo magis Scripturam utriusque Testamenti esse talem Normam. At ego ex tua interpretatione, sic infero contra te: Si Scriptura ueteris Testamenti est perfecta, sufficiens, & integra Norma fidei ac morum, ut concedis, iam omnes omnino controuersia fidei ac morum, ex sola Scriptura ueteris Testamenti decidi ac finiiri possunt; quia si aliqua non posset, iam non esset sufficiens & integra Norma: At conueniens est falsum: Ergo & illud, ex quo sequitur. Minor parte, quia hæc controuersia ex ea sola definiiri non possunt. 1. an Baptismus sit necessarius ad salutem? 2. an debeat conferri in nomine Patris, & Filij, & Spiritus Sancti? 3. an Christus sit præsens in Eucharistia, salua panis & uini substantia? 4. an communicandum sit sub utraque specie? Et sic de aliis.

51. Sextum est. Hebr. 4. 12. *Uerus enim est sermo Dei & efficax, & penetrabilior omni gladio ancipiti*. Hic per sermonem Dei intelligis uerbum Dei scriptum, id est, Scripturam. Et inde concludis, Iudicem Ecclesiasticum non debere conscientias cogere vi externa, sed Verbo Dei scripto, propter illius efficaciam. Non rectè. Primo, quia non loquitur Apostolus de Verbo Dei scripto, sed de Verbo Dei increato, de quo Ioan. 1. 1. *In principio erat Verbum, & Verbum erat apud Deum*. Hoc patet ex scopo Apostoli. Vult enim causam reddere, cur Hebræi, si deficiant à fide, & hanc incredulitatem merito debeant timere tandem poenam: quam eorum maiores propter similem defectionem & incredulitatem in deserto perpeSSI sunt. (1. Corinth. 10. 9.) Causa hæc est, quia Christus, qui est sermo seu Verbum Dei, iurauit se puniurum incredulitatem & obdurationem Iudeorum. (Hebr. 3. 12. & sequentibus.) At quod iurauit se facturum, sine dubio facturus est, quia non deest illi potentia, cum sit Verbum Dei efficax, & penetrabilior omni gladio.

52. Deinde, quæ sequuntur in eodem textu, non conueniunt Verbo Dei scripto, sed increato, id est, Christo Filio Dei. Cuiusmodi sunt hæc. 1. Quod sit discretior cogitationum & intentionum cordis. 2. Quod omnia nuda & aperta sint oculis eius, & quod nulla creatura sit inuisibilis in conspectu eius. Videantur Interpretes, Theodoretus, Oecumenius, D. Thomas, Lysanus, Caietanus, Vasquez, & plures alii.

Nolo, est sancta, iusta, bona. (Rom. 7. 12.) quia res sanctas, iustas, & bonas percipit. Sanctas, quoad præcepta ceremonialia, quæ ad cultum Dei pertinent. Iustas, quoad iudicialia, quæ ad externam iustitiam in Republica conservandam ordinantur. Bonas, quoad moralia, quæ in Decalogo continentur. Quomodo ergo, si sancta, iusta, & bona est, dicitur occidere, seu in mortem ducere? Non per se, quia, ut dixi, per se præcipit res sanctas, iustas, & bonas: sed per accidens, quia non præbet vires & subsidia, quibus exequamur quod præcipit. Et ex hac parte, est quasi occasio peccati. Nam si nihil præciperet, non peccaremus: quia vero præcipit, & non iuvat, est occasio peccati. Vide August. lib. 1. contra aduersarium legis & Prophetarum cap. 7.

35. Eodem modo, externa Scripturæ litera est quidem diuina, & à Deo inspirata, quatenus continet sensum diuinum, & à Deo inspiratum, sed tamē quia aliquando non accipitur in illo sensu, qui à Deo inspiratus est, sed in alio, quem nos fingimus; idē sæpe est occasio erroris. Et hoc est, quod in libello meo dixi. Si quis, neglecto vero sensu, hæreat tantum in externa litera, sæpe erraturum. Nec tu id negabis. Fateris enim non raro contingere, ut verus sensus, qui latet sub externa litera, non possit à nobis percipi, nisi ex diligenti variorum locorum Scripturæ inter se collatione, accipiat externam literam iuxta eum sensum, qui primo occurrit, poterit à vero sensu aberrare. Quod multis exemplis veterum hæreticorum à me ostensum est. Vide Theodoretum præfatione in Cantica Canticorum.

V. VITIVM GARDII.

36. **Q**uinto, Scripturam male interpretaris. Quod variis exemplis demonstrabo. Primum est Matth. 19. 17. *Si vis ad vitam ingredi, serua mandata.* Quod tu interpretaris hoc sensu: Frustra quæris vitam æternam in operibus seu obseruatione mandatorum legis. Est quidem necessaria obseruatio legis ad vitam æternam consequendam, sed cum ea impossibilis sit homini in hac vita, confugiendum est ad Christum, qui perfectissime legem impleuit, ut ipsius iustitia seu impletio legis imputetur tibi per fidem.

37. At hic sensus, & tibi contrarius, & à textu alienus & simpliciter falsus est. Nam tu sæpe inculcas hanc regulam: Quando verba Scripturæ per se claresunt, non alium sensum quærendum esse, quam qui ex ipsis verbis immediate colligitur. At hæc verba, *Si vis ad vitam ingredi, serua mandata*, per se clara sunt: Ergo nō alius sensus, iuxta tuam regulam, quærendus est, quam qui ex ipsis immediate colligitur. At ex ipsis immediate non colligitur, obseruationem mandatorum legis impossibilem esse. Cur ergo hunc sensum, contra tuam regulam, amplexus es?

38. Est etiam alienus à textu. Nam ex eo contrarium colligitur. Cum enim Christus dixisset Adolescenti, *Serua mandata*, respondit Adolescens, se à iuuentute ea obseruasse. Non igitur impossibile est ea obseruare. Nec mentitus est Adolescens, alioqui Christus arguisset illum de mendacio. At non arguit, sed dilexit propter candorem & simplicitatem. (Matth. 10. 21.) Deinde proposuit illi aliquid, quod erat difficilius quam obseruatio legis, *Seruis, inquit, perfectus esse, vende que habes, & da pauperibus, & sequere me.* At hoc non erat impossibile, quia Apostoli id iam præstiterant, ut omnium nomine testatur Petrus: *Ecce nos reliquimus omnia, & secuti sumus te.* Ergo multo minus obseruatio legis est impossibilis.

39. Denique absolute falsus est, quia continet duas

A propositiohes absolute falsas. Vna est, præcepta Decalogi non posse seruari. Vbi mirari soleo Lutheranos & Calvinistas, qui cum ex vna parte id allerant, ex altera tamen gloriantur se seruare duo alia præcepta, quæ in Decalogo non sunt, nempe præceptum de matrimonio, & de calice. Hæc duo, quæ vos fingitis, accurate vrgetis. Reliqua, quæ Deus proponit, elamatis impossibilia esse. Et parui penditis eorum transgressionem modo credatis à Christo seruata esse. Breue compendium, sed ad inferos. Altera est, nos vitam æternam consequi per solam iustitiam Christi, quia ipse legem impleuit, & non per propriam, qua nos legem obseruamus, & bona opera sectamur. Et hæc falsā. Audi quid Christus dicturus sit in die iudicij: *Venite benedicti Patris mei, possidete paratum vobis regnum.* Causa sequitur: *Esuriui enim, & dedistis mihi manducare, &c.* Ex tua interpretatione deberet dicere. Nihil quidem boni fecistis, sed tamen credidistis me fecisse, quod sufficit.

40. Secundum est Matthæi 26. 26. *Hoc est corpus meum.* Quod sic interpretaris: Hoc, quod vobis porrigo, est reuera panis: & in, cum, sub pane, corpus meum. Hunc sensum ais manifestè colligi ex circumstantiis verborum Christi. Nā Christus accepit verum panem, porrexit, & demonstrando dixit. *Hoc, id est, hic panis, quem videtis, est corpus meum*, id est, in hoc pane, cum hoc pane, & sub hoc pane, est corpus meum. Videris nugari in re seria. Et dupliciter peccas. Primò, quia fingis nouam & absurdam interpretationem, quæ ne quidem Luthero vestro placere potuit. Nam in libro de Captiuitate Babylonica, titulo de Cæna Domini sic explicat: *Hoc est corpus meum*, id est, Hic panis est corpus meum. et citans illud 1. Corinth. 10. 16. *Panis, quem frangimus, nonne participatio Corporis Domini est?* mox addit. *Non dicit Apostolus, In pane est, sed, Ipse panis est participatio Corporis Christi.* Vbi excludit tuam interpretationem, & suam astringit. Neutram tamen probo.

41. Quod autem sensum illum fictitium conaris confirmare ex circumstantiis verborum Christi, frustra est. Nam sicut Christus in vltima cæna accepit verum panem, & demonstrando dixit: *Hoc est corpus meum*: sic etiam in Cæna Galileæ accepit verā aquam, & demonstrando dixit, vel dicere potuit: *Hoc est vinum.* At ex tali circumstantia ridicule colligitur hic sensus: *Hoc est vinum*, id est, Hoc est aqua, & in, cum, & sub aqua, vinum. Ergo non minus ridicule colligitur hic sensus. *Hoc est corpus meum*, id est, Hoc est panis, & in, cum, & sub pane, corpus meum.

42. Tertium est Ioan. 5. 39. *Scrutamini Scripturas.* Ais hoc loco contineri generale mandatum, quo omnes sine discrimine, tam Laici, quā Ecclesiastici, obligati sint ad legendam, consulendam, & scrutandam Scripturam. Deinde hunc colligi, solam Scripturam esse, supremum infallibilem Iudicem controversiarum. Denique me fateri debere, quod Christus remisit hic Iudæos ad Scripturam, tanquam ad infallibilem Iudicem, licet non velim fateri, quod ad eam solam remisit, sed etiam ad testimonium Ioannis Baptistæ, miraculorum, & Patris cœlestis, ut dixi in libello meo 5. 133.

43. Erras in his omnibus. Ac primo, nullum ibi mandatum est, quo omnes obligati sint ad legendam & scrutandam Scripturam. Non enim obligantur cæci & idiotæ, qui nō possunt legere, & scrutari. Nec mulieres, quæ iubentur viros suos interrogare, non Scripturam cōsultare, iuxta illud 1. Corinth. 14. 35. *Si quid volunt discere, domi viros suos interrogent.* Nec passim alij Christiani, qui nō sūt Pastores & Doctores Ecclesiæ, quia Scripturæ Moysi & Prophetarum, de quibus solis ibi sermo est, non sunt illis ad salutem necessariæ,

eum habeant sufficiens subsidium ex Euangelio & scriptis Apostolorum.

44. Deinde, perperam ex illo loco colligis, solam Scripturam esse supremam & infallibilem Iudicem controuersiarum. Primo, quia Christus non agit ibi, nisi de hac sola controuersia, An ipse sit Filius Dei? Et probat se esse, non solum ex Scriptura, sed etiam testimonio Dei patris dicentis, *Hic est Filius meus dilectus, in quo mihi complacui*. At hoc testimonium Dei Patris, non est minoris authoritatis, quam Scriptura, sed eiusdem. Si ergo Scriptura potest vocari supremus & infallibilis Iudex, ut tu eam vocas, cur non etiam testimonium Dei Patris esse deterioris conditionis, quam sit Scriptura? Absit.

45. Denique falsum est, quod ego fatear, aut fateari debeam, Scripturam esse supremam, & infallibilem Iudicem controuersiarum. Nunquam ex mea sententia hoc dixi. Fateor quidem esse supremam & infallibilem Normam, sed non Iudicem. Norma est, quia secundum illam deciduntur controuersiae fidei ac religionis. Iudex non est, quia ipsa non pronunciat executiuam sententiam inter partes litigantes, sed hoc facit Ecclesia per assistentiam Spiritus Sancti.

46. Quartum est Isaia 8. 19. *Cum dixerint ad vos: Querite à Pythonibus & diuinis, qui strident in incarnationibus suis: Numquid non populus à Deo suo requiret, pro uinis à mortuis? Ad legem magis, & ad testimonium.* Quod ego in meo libello interpretatus sum de particulari lege scripta, quae prohibet consulere Pythones & harios de futuris euentibus. (Deut. 18. 9.) et de testimonio Prophetarum, qui à Deo constituti erant, ut futura praedicerent; et hunc dixi esse sentum; Si uultis fieri certiores de futuris euentibus, non debetis consulere Pythones & harios, sicut fecit Saul, quia hoc Deus per legem suam prohibuit, ad quam vos renitto: sed consulite Prophetas Domini, quorum officium est de futuris pronunciare. (Is. 14 & 115.) Tu hanc meam interpretationem uocas commentum; & ais, in tota Scriptura nullum locum monstrari posse ubi vox testimonij significet testimonium Prophetarum futura praedicentium. At ego monstrabo locum, Actor. 10. 43. *Huius omnes Prophetae testimonium perhibent, remissionem peccatorum accipere per nomen eius, omnes qui credunt in eum.*

47. Videamus tuam interpretationem: ais hoc loco, legem, & testimonium pro eodem accipi, nempe pro Scriptura; & contineri generale mandatum, quo omnes, in quibuscunque rebus dubiis, obligati sint non recurrere ad Pythones & harios, sed ad solam Scripturam. Non ita est. Tamen enim verum sit, legem & testimonium aliquando sumi pro eodem, quod non nego, tamen hoc loco distincta sunt. Et per legem intelligitur lex illa particularis, Deut. 18. 9. *Quam ingressus fueris terram, quam Dominus Deus tuus dabit tibi, caue ne imitari uelis abominationes illarum gentium: nec immeniaris in te, qui Pythones consulat aut diuinos, aut queras à mortuis ueritatem.* Et per testimonium intelligitur responsum Sacerdotum & Prophetarum, quod uia uoce soliti erant dare, quando in rebus dubiis à populo vel Rege consulebantur.

48. Hoc dupliciter probo. Primo, quia si lex & testimonium, loco citato, sumeretur pro Scriptura; & mandatum esset, ut Iudaei, in rebus dubiis, recurrebant ad solam Scripturam, ut tu interpretaris, iam omnes illi peccassent contra hoc mandatum, qui in rebus dubiis consulebant Prophetas & Sacerdotes, ut Dauid, Iosaphat, & alii plures in Scriptura laudati. Imo Deus dedisset duo contraria mandata: Vnum, quo iubebantur in rebus dubiis consulere solam Scripturam, ut tu vis: alterum, quo iubebantur

Opusc. Bec.

A consulere Sacerdotes & Prophetas, Deut. 17. 8 & Deut. 18. 14. & 15. Hæc absurda sunt: ergo & illud, ex quo sequitur.

49. Secundo, quia si Iudaei de iis omnibus, de quibus gentiles consulebant Pythones & harios, debuissent consulere legem & testimonium, id est, solam Scripturam, ut tu contendis, debuissent etiam consulere solam Scripturam de futuris euentibus, de quibus vel maxime Gentiles consulebant Pythones & harios: At Scriptura nihil determinate poterat pronunciare de futuris euentibus: ergo frustra illam consulissent. Deus autem nihil frustra mandat fieri. Dabo exemplum, quo res illustretur. Iosaphat Rex Iuda volebat scire, quis esset futurus euentus, si obsideret Ramoth Galaad: an scilicet posset eam expugnare, nec ne? si in hoc casu consulisset Scripturam, nihil responsi accepisset. Quid ergo fecit? Consuluit Prophetam, ut uia uoce responsum ab ea acciperet. (3. Reg. 22. 5.) Idem in simili casu fecerunt Dauid, & alii, et rectè. Frustra ergo urges, ad solam Scripturam remissos fuisse.

50. Quintum est 2. Timoth. 3. 16. *Omnis Scriptura diuinitus inspirata ualis est ad docendum, ad arguendum, ad corripiendum, ad erudiendum in iustitia, ut perfectus sit homo Dei ad omne bonum opus instructus.* Hoc interpretaris de Scriptura ueteris Testamenti: Et inde colligis, Scripturam V. T. esse perfectam, sufficientem, & integram Normam fidei ac morum. Ex quo ulterius inferis, multo magis Scripturam utriusque Testamenti esse talem Normam. At ego ex tua interpretatione, sic infero contra te: Si Scriptura ueteris Testamenti est perfecta, sufficiens, & integra Norma fidei ac morum, ut concedis; iam omnes omnino controuersiae fidei ac morum, ex sola Scriptura ueteris Testamenti decidi ac finiri possunt; quia si aliqua non posset, iam non esset sufficiens & integra Norma: At conueniens est falsum: Ergo & illud, ex quo sequitur. Minor patet, quia hæc controuersiae ex ea sola definiri non possunt. 1. an Baptismus sit necessarius ad salutem? 2. an debeat confecti in nomine Patris, & Filij, & Spiritus Sancti? 3. an Christus sit praesens in Eucharistia, salua panis & uini substantia? 4. an communicandum sit sub utraque specie? Et sic de aliis.

51. Sextum est. Hebr. 4. 12. *Verbum enim est sermo Dei & efficax, & penetrabilior omni gladio ancipiti.* Hic per sermonem Dei intelligis uerbum Dei scriptum, id est, Scripturam. Et inde concludis, Iudicem Ecclesiasticum non debere conscientias cogere vi externa, sed Verbo Dei scripto, propter illius efficaciam. Non rectè. Primo, quia non loquitur Apostolus de Verbo Dei scripto, sed de Verbo Dei increato, de quo Ioan. 1. 1. *In principio erat Verbum, & Verbum erat apud Deum.* Hoc patet ex scopo Apostoli. Vult enim causam reddere, cur Hebraei, si deficiant à fide, & fiant increduli, merito debeant timere eandem poenam: quia eorum maiores propter similem defectionem & incredulitatem in deserto perpeSSI sunt. (1. Corinth. 10. 9.) Causa hæc est, quia Christus, qui est sermo seu Verbum Dei, iurauit se puniurum incredulitatem & obdurationem Iudaeorum. (Hebr. 3. 12. & sequentibus.) At quod iurauit se facturum, sine dubio facturus est, quia non deest illi potentia, cum sit Verbum Dei efficax, & penetrabilior omni gladio.

52. Deinde, quæ sequuntur in eodem textu, non conueniunt Verbo Dei scripto, sed increato, id est, Christo Filio Dei. Cuiusmodi sunt hæc. 1. Quod sit discretor cogitationum & intentionum cordis. 2. Quod omnia nuda & aperta sint oculis eius, & quod nulla creatura sit inuisibilis in conspectu eius. Videantur Interpretes, Theodoretus, Oecumenius, D. Thomas, Lyranus, Caietanus, Valquez, & plures alii.

Rrr ij

53. Sed demus (quod tamen non est) Apostolum loqui de Verbo Dei scripto. Certè consequentia, quæ inde colligis, non valet. Consequentia est hæc: Verbum Dei est efficax, & penetrabilius omni gladio ancipiti: Ergo Iudex ecclesiasticus non debet cogere conscientias externa vi, sed Verbo Dei. Similis huic Verbum Dei est efficax, & penetrabilius omni gladio ancipiti: Ergo Rex vel Imperator non debet cogere conscientias externa vi, sed verbo dei. Cur ergo dixit Apostolus Rom. 13. 2. *Vis non timere potestatem? Bonum fac, & habebis laudem ex illa. Dei enim Minister est tibi in bonum. Si autem malum feceris, time: non enim sine causa gladium portat. Dei enim Minister est vindex in ira ei, qui malum agit.* Sat multa de eius interpretationibus. Videamus reliquas virtutes.

VI. VITIVM GARDII.

54. **S**exto, Scripturæ testimoniis ad tuas assertiones confirmandas non raro abuteris. Et quidem duobus potissimum modis. Primo, citando loca Scripturæ, sed non verba: ne si hæc citentur, fraus appareat. Secundo, citando quidem verba, sed quæ nihil ad rem faciant, & aliquando etiam contrarium euincant. Hæc omnia patebunt, partim ex iis, quæ c. 2. & 3. dicturus sum; partim ex iis, quæ nunc sequuntur.

55. Primo igitur asseris, mulieres posse legere, docere, & interpretari Scripturam. Hoc probas exemplo Timothei, qui à matre sua & auia Scripturam didicit, 2. Timoth. 3. 15. At, mi homo, nihil tale inuenio in illis locis. Nam priori loco sic scribit Apostolus. *Recordationem accipiens eius fidei, quæ est in te non ficta, quæ & habitauit primum in auia tua Loide, & matre Eunice: certus sum autem, quod & in te.* Quibus verbis solum insinuat, Timotheum habuisse sinceram fidem, sicut etiam mater & auia ipsius habuerunt. Atque enim feminæ fideles, id est, non gentiles, sed Iudææ, quæ credebant in verum Deum: tamen si Pater Timothei esset gentilis. (Act. 17. 1.) Hinc tu, nescio qua arte, sic concludis: Timotheus habuit sinceram fidem, sicut mater & auia ipsius: Ergo à matre & auia sacram Scripturam edoctus est. Perinde ac si dicam: Gardius sequitur fidem Lutheranam, sicut mater ipsius: Ergo à matre sacram Scripturam didicit. Acute, scilicet.

56. Posteriori sic habet: *Ab infantia sacras literas nosti, quæ te possunt instruere ad salutem.* At hinc nihil aliud colligi potest, quam Timotheum ab infantia Scripturam didicisse: à quo autem didicerit, non explicatur. Tu fingis à matre & auia didicisse, sed non probas. Cur non potius didicit ab aliquo Regis doctore, sicut Paulus fateatur se puerum didicisse à Gamalielo? (Act. 22. 3.) Cur non didicit in synagoga, vel templo, ubi etiam pueri discendi causa, solent conuenire? (Lucæ 2. 46.) De matre & auia nihil certum tibi est. At mihi certum est, ab Apostolo Paulo multa illorum didicisse 2. Timoth. 1. 13. *Formam habes sanorum verborum, quæ à me audiisti in fide.* Et 2. Timoth. 7. *Quæ audiisti à me per multos testes, hæc commenda fidelibus hominibus.* Et ibidem cap. 3. 10. *Tu autem affectus es meam doctrinam.* Et paulo post. *Tu vero permanc in iis, quæ didicisti, & credita sunt tibi, sciens à quo didiceris, id est à me.*

57. Secundo asseris, non solum Pontificem, sed etiam Regem fuisse Iudicem controuersiarum religionis in veteri Testamento. Hoc probas ex illo 1. Reg. 8. 5. *Constitui nobis Regem, qui iudicet nos, sicut & vniuersæ habent nationes.* Et infra ibidem: *Iudicabit nos Rex noster.* At hæc testimonia nihil ad rem faciunt, quia intelliguntur de Iudice & iudicio seculari, non de Ecclesiastico. Erat autem magnum discrimen inter vtrumque in veteri Testamento. Nam Iudex Ecclesiasticus, qui se-

rebat sententiam in negotio Ecclesiastico, non poterat iudicare, nisi secundum legem scriptam, ut tu faters. At Rex, in iudicio seculari, non abstringebatur ad legem scriptam, ut patet exemplo Salomonis, qui non est usus lege scripta, quando decidit controuersiam inter duas meretrices excitatam. 3. Reg. 3. 16.

58. Tertio asseris, exemplar Deuteronomij, seu legis Mosæ, fuisse multoties descriptum, & non solum Sacerdotibus, sed etiam populo communicatum. Quod probas triplici Scripturæ testimonio. Deut. 6. 6. & 11. 18. & Act. 8. 30. Sed discutiamus hæc testimonia. Primum est Deut. 6. 6. *Eruntque verba hæc, quæ ego precipio tibi hodie, in corde tuo, & narrabis ea filiis tuis, & meditaberis in eis sedens in domo tua, & ambulans in itinere, dormiens atque consurgens. Et ligabis ea, quasi signum in manu tua, eruntque & monebuntur inter oculos tuos, scribesque ea in limine & ostiis domus tue.* Quæstio est, de quibus verbis hoc intelligendum sit? Tu putas, de verbis totius Deuteronomij, seu de tota lege Mosæ, quatenus scripto comprehensa est, intelligi oportere; alioqui frustra pro te adduces. Sed erras. Primo, quia solum intelligi debet de iis verbis, quæ immediate præcedunt, *Audi Israel, Diliges Dominum Deum tuum ex toto corde tuo, & ex tota anima tua, & ex tota fortitudine tua.* Nam mox sequitur: *Eruntque verba hæc in corde, &c.* Et sic explicans Interpretes Lyranus & alij. Deinde, de illis verbis debet intelligi, quæ Iudæi iuebantur scribere in limine & ostiis domorum suarum, ut ex contextu patet: At non iuebantur scribere totum Deuteronomium, sed tantum illa verba, *Diliges Dominum Deum tuum ex toto corde tuo*, ut Rabini testantur. Frustra ex hoc loco colligis, totum Deuteronomium fuisse sæpe descriptum, & populo communicatum.

59. Alterum est Deut. 11. 18. *Ponite hæc verba mea in cordibus & in animis vestris, & suspendite ea pro signo in manibus, & inter oculos vestros collocare. Docete filios vestros, ut illa meditentur, quando sederis in domo tua, & ambulaueris in via. Scribes ea super postes & ianuas domus tue.* De his verbis idem dicendum est, quod de præcedentibus, nempe non alia esse, quam ista, *Diliges Dominum Deum tuum ex toto corde tuo.* An autem descriptio illorum verborum in postibus & ianuis domorum, proprie, an metaphorice intelligenda sit, disputatio est. Iudæi proprie intellexerunt; quia verè & proprie scribebant ea in postibus. Lyranus & alij metaphorice interpretantur, pro iugi recordatione mandati, & dilectione Dei super omnia. Quid tu sentias, Gardi, nescio. Si proprie intelligis cum Iudæis, non potes intelligere de toto Deuteronomio, quia illud totum non inscribebant Iudæi in postibus. Et sic nihil ex hoc loco probas. Si autem metaphorice intelligis cum Lyrano & aliis, nihil ad rem facit, quia tibi probandum est, totum Deuteronomium verè ac proprie fuisse descriptum, & populo communicatum. Vide ergo quò te vertas.

60. Tertium est Act. 8. 30. *Accurrens Philippus audiuit eum legentem Isaiam Prophetam.* Hoc etiam nihil ad institutum. Nam tu contendis probare, Deuteronomium ante tempus captivitatis Babylonicæ fuisse multoties descriptum, & populo communicatum. Hoc ex eo loco non probas. Nam Eunuchus, de quo fit mentio non dicitur legisse Deuteronomium, sed Isaiam Prophetam, neque ante captiuitatem Babylonicam, sed post mortem & ascensionem Christi. Quid ergo præsidij hinc habes? Nihil. Solum ostendis, quod initio dixi, ubique te abuti Scripturis; quod hæreticorum proprium est.

61. Quarto asseris, nos non debere sequi antiquas consuetudines & traditiones Patrum, sed solum Scripturam. Hoc probas duplici testimonio. Leuit. 17. 1.

Iuxta consuetudinem Egypti, in qua habitastis, non facietis. Et Ezech. 10. 18 *In preceptis Patrum vestrorum nolite incedere, nec iudicia eorum custodiatis, nec in idolis eorum polluamini.* Sed frustra. Nam illa testimonia nihil aliud prohibent, quam consuetudines & traditiones idololatrarum. Quid hoc ad traditiones & consuetudines Christianorum? Nihil penitus. Nisi sic velis ratiocinari; Deus prohibet traditiones idololatrarum, ergo etiam fidelium & Christianorum, ineptissime. Nam hoc modo tolles non solum omnes traditiones, contra Apostolum 1. Thess. 2. 14. *tenete traditiones*; sed etiam Scripturam sacram. Nam simili modo licebit argumentari, Deus prohibet Scripturam idololatrarum: Ergo etiam fidelium seu Christianorum. Sed absit ut sic ineptiamus.

62. Quinto asseris, Pythones & harios in veteri Testamento non fuisse consultos de futuris tantum euentibus, sed etiam de aliis rebus. Et hoc probas exemplo Saulis, qui (ut tu loqueris) per Pythoniſſam conſuluit ſpectrum Samuelis, non tantum de futuro euentu, ſed etiam, quid ſibi faciendum eſſet, ut teſtantur ipſius verba 1. Reg. 28. 15. *Coartor nimis: vocaui ergo te, ut oſtenderes mihi quid faciam.* Neſcio Gardi, an intelligas quid dicas. Nam certe cum dixit Saul, *vocaui te, ut oſtenderes mihi quid faciam.* non conſuluit de præterito, vel præſenti, ſed de futuro. Erat enim dubius ac perplexus non quid olim feciſſet, aut quid rei ipſa iam faceret, ſed de quid ſe futurum eſſet. Et hoc non tantum patet ex verbis citatis, ſed etiam ex reſponſo quod accepit. Nam Samuel reſpondit illi: *Faciet tibi Dominus ſicut locutus eſt in manu mea, & ſcindet regnum tuum de manu tua, & dabit illud proximo tuo Dauid.* Item, *Cras auerſu, & filij mei mecum eritis.* Quis non videt hæc omnia intellegi de futuris euentibus? Taceo, quod addis de ſpectro Samuelis. Certe magni authores expreſſe docent non ſpectrum Samuelis, ſed ipſum Samuelem Sauli apparuiſſe, ut infra dicturus ſum.

63. Sexto asseris, Iudæos non audiuisse illam vocem Patris cælestis, in Baptismo Christi Matth. 3. 17. *Hic est filius meus dilectus, in quo mihi complacui.* Et probas ex illo Ioan. 5. 37. *Qui miſiſſi me Pater, ipſe teſtimonium perhibuit de me, neque vocem eius unquam audiſtis.* Hinc inferſ Chriſtum, cum diſputaret cum Iudæis de ſua diuinitate, non voluiſſe ad hanc vocem, tanquam ad infallibilem Iudicem, ſed ad Scripturam prouocare: Quia Iudæi poterant dicere, ſe non audiuiſſe huiusmodi vocem, non autem poterant obſtendere, ſe non legiſſe Scripturam. Valde reſolutus es, mi Gardi, ſed parum circumſpectus. Conſtat enim plurimos Iudæos fuiſſe præſentes, quando vox illa de cælo audita eſt apud Iordanem: *Hic eſt filius meus dilectus.* Nam Matth. 45. ſic legimus: *Tunc exibat ad eum (Ioannem) Hieruſolyma, & omnis Iudæa, & omnis regio circa Iordanem, & baptizabantur ab eo in Iordane.* Et mox ſequitur: *Tunc venit Ieſus à Galilæa in Iordanem ad Ioannem, ut baptizaretur ab eo.* Et Lucæ 3. 21. *Factum eſt autem, cum baptizaretur omnis populus, & Ieſus baptizatus & orante, apertum eſt cælum, & vox de cælo facta eſt, &c.* Itaque in præſentia Iudæorum, non ſolum baptizatus eſt Chriſtus, ſed etiam vox Patris audita. Imo, non niſi in præſentia Iudæorum in fieri debuit. Quorſum enim Pater voluiſſet teſtari Chriſtum eſſe Filium ſuum, niſi ut Iudæis id conſtaret? Aut quorſum Chriſtus adduxiſſet teſtimonium Patris, ad reuincendos Iudæos, ſi nemo ipſorum audiuiſſet?

64. Quod obijcis, dixiſſe Chriſtum, *Neque vocem eius unquam audiſtis, neque ſpeciem eius vididiſtis*, non obijceres, ſi non tuum cerebrum, ſed bonorum authorum interpretationem ſequi velles. Ea duplex eſt, &

utraque bona. Aliqui ſic interpretantur: Deum, cum ſit incorporeus, non habere propriam linguam, aut ſpeciem corpoream, ſicut nos habemus; ac proinde non habere propriam vocem, quam externo ſenſu audiamus, nec propriam formam, quam oculis corporeis videamus. Et hoc ſenſu intelligendum eſſe dictum Chriſti. Nihilominus, ſicut aſſumere poteſt alienam ſpeciem, in qua hominibus appareat, ita formare poſſe alienam vocem, quæ à nobis audiat. Et hoc modo apparuiſſe, & locutum eſſe cum Adamo, Abraham, Moyſe, & aliis Ita Chryſoſtomus, Leontius, Cyrillus, Theophylaſtus, quos ſequitur Maldonatus in conuentario illius loci.

65. Alij ſic interpretantur: Iudæos poſt pactum cum Deo initum in deſerto, nunquam amplius audiuiſſe talem vocem, aut vididiſſe talem ſpeciem, qualem tunc viderunt & audiuerunt, quando lex Decalogi fuit illis promulgata. Qualis autem illa vox & ſpecies fuerit, habetur Exod. 20. 18. his verbis, *Cunctus populus videbat voces & lampades, & ſonitum buccinarum, montemque ſumantem. Et perterriti ac pauore concuſſi, ſteterunt procul dicentes Moſi: Non loquatur nobis Dominus, ne forte moriamur.*

66. De pacto inter Deum & populum inito ſic loquitur Moyſes, Deut. 18. 15. *Prophetam de gente tua, & de fratribus tuis ſicut me, ſuſcitabit tibi Dominus Deus tuus: ipſum audies, ut petiſti à Domino Deo tuo in Horeb, quando concilio congregatus eſt, atque dixiſti: Ultra non audiam vocem Domini Dei mei, & ignem hunc maximum amplius non videbo, ne moriar. Et ait Dominus mihi: Bene omnia ſunt locuti. Prophetam ſuſcitemus à eis de medio fratrum ſuorum, ſimilem tui: Et ponam verba mea in ore eius, loqueturque ad eos omnia, quæ præceperam illi. Qui autem verba eius, quæ loquetur in nomine meo, audire noluerit, ego ultor eum ſum.*

67. Itaque ex parte populi erat hoc pactum: Nos parati ſumus audire illum Prophetam, qui in nomine tuo loquetur nobis, modo tu ipſe, qui tam terribili voce & aſpectu nos terruiſti, non loquaris nobis. Ex parte autem Dei promitto me non amplius locuturum vobis cum iſto terrore, ſi audiatis Prophetam, quem miſſurus ſum, id eſt Chriſtum. Ex utraque parte conditio acceptata eſt. Et quidem Deus ſeruauit quod promiſit; populus non item. Vtrumque teſtatur Chriſtus, cum ait: *neque vocem eius unquam audiſtis, neque ſpeciem eius vididiſtis*: nempe ab eo tempore, quo Deus promiſit ſe vobis non locuturum in ſonitu & tremore. Et hoc ex parte Dei. Sequitur ex parte populi: *Et verbum eius non habetis in vobis manens, quia quem miſiſſiſſe, huic vos non creditis.* Quasi dicat, ex vèſtra parte defectus eſt, quia non creditis mihi, qui à Patre miſſus ſum, cum tamen promiſeritis vos credituros, & facturos, quæ mandarem. Hanc interpretationem ſequitur Toletus in commentatio. Sed neque hæc, neque præcedens tibi patrocinetur. Tertia, quam ſuſcepisti ex tuo capite, non ſubſiſtit. Ne tuus Hunnius in commentatio eam probat.

68. Septimo asseris Chriſtum promiſiſſe toti Eccleſiæ perſonalem ſuam præſentiam, perpetuam aſſiſtentiam, protectionem, & gubernationem, cum dixit Mat. 28. 20. *Ecce ego vobis cum ſum omnibus diebus uſque ad conſummationem ſæculi.* De perpetua aſſiſtentia, protectione & gubernatione, nemo dubitat. Sed ambiguum eſt quod addis, promiſiſſe illum perſonalem ſuam præſentiam. Poteſt enim tripliciter intelligi. Primo, ut Chriſtus promiſerit ſe perpetuo fore præſentem eccleſiæ, per perſonalem præſentiam ſuæ perſonæ & Deitatis. Hoc ſenſu vana eſſet promiſſio; quia nullus poteſt prudenter id promittere, quod non eſt in poteſtate ipſius facere vel non facere. Quo pacto Rex non poteſt prudenter promittere, ſe aliquando moriturum; nec Deus, ſe ſemper fore omnipotentem.

tentem. Non enim est in potestate Regis, mori vel non mori: Nec in potestate Dei; esse vel non esse omnipotentem. At similiter non est in potestate Christi, ut persona & Deitas ipsius sit præsens, vel non præsens Ecclesiae; cum necessario ubique sit præsens: Ergo non potuit prudenter promittere præsentiam suæ personæ & Deitatis.

69. Secundo potest intelligi, ut Christus promiserit se perpetuo fore præsentem Ecclesiae, per personalem præsentiam, non solum Deitatis, sed etiam humanitatis: ita tamen, ut humanitas perpetuo futura sit præsens Ecclesiae, non in se, sed in persona Verbi. Sicut est omnipotens, non in se, sed in persona Verbi. Hoc etiam sensu, vana esset promissio propter rationem iam assignatam; quia non est in potestate Christi, ut humanitas ipsius sit præsens, vel non præsens Ecclesiae ut in persona Verbi, cum hoc modo necessario sit præsens, & non possit esse non præsens, durante unione hypostatica.

70. Tertiò potest intelligi, ut promiserit se perpetuo fore præsentem Ecclesiae, per personalem præsentiam humanitatis; ita ut humanitas perpetuo futura sit præsens Ecclesiae, non solum in persona Verbi, sed etiam in seipsa. Hæc promissio falsa est, & à Lutheranis Ubiquitariis excogitata, qui fingunt humanitatem Christi ubique præsentem esse. Nec solum falsa ut alibi probandum est, sed etiam vana, ex sententia Lutheranorum. Nam humanitas Christi, ut plerique Lutherani docent, necessario præsens est, ubicunque persona Verbi præsens est. At persona Verbi necessario ubique præsens est: Ergo & humanitas. Sicut ergo vanum est promittere præsentiam personæ Verbi, sic etiam præsentiam humanitatis.

71. Octavo asseris, Scripturam esse claram & perspicuam. Hoc probas ex illo 2. Petri 1. 19. *Habemus firmiorem propheticum sermonem, qui benefaciis attendentes, quasi lucerna lucenti in loco caliginoso, donec dies clarescat, & Lucifer oriatur in cordibus vestris.* At potius contrarium inde colligitur. Nam hoc ipso, quod prophetia veteris Testamenti de Christo, dicitur esse lucerna lucenti, non absolute, sed in loco caliginoso, satis insinuat, obscuram esse respectu nostri. Potest autem dupliciter id explicari. Primò, ut dicatur lucere in loco caliginoso, quia non aperte loquitur de Christo, sed quasi per umbras de illo vaticinatur. Et hoc sensu, magnum discrimen esse inter Prophetas veteris Testamenti, & Ioannem Baptistam. Nam illi vocantur lucernæ lucentes in loco caliginoso, propter causam iam dictam. Hic vero vocatur *Lucerna ardens & lucenti*. (Ioan. 5. 35.) non in loco caliginoso, id est, in umbris Mosaicarum caeremoniarum; sed in lumine & veritate, quia clarè & apertè demonstrat Christum præsentem: *Ecce Agnus Dei, ecce qui tollis peccata mundi.*

72. Secundo, ut dicatur lucerna, propter similitudinem lucernæ domesticæ, quâ nos utimur. Nam sicut lucerna domestica, quæ in tenebris circumfertur, non illuminat totum aërem, sed aliquam illius particulam, ita prophetia V. T. non ubique, sed in sola ludæa variabatur de Christo. Item, sicut lucerna domestica, quæ in tenebris lucet, non perfectè & distinctè, sed obscurè, & quasi per caliginem exhibet nobis res spectandas, præsertim remotiores; ita prophetia V. T. non aliter, quam per umbras & inuolucra caeremoniarum exhibebat Christum; non præsentem, sed futurum. Denique, sicut lucerna domestica prodest quidem in tenebris, sed adueniente Sole, non amplius necessaria aut utilis est; ita prophetia de Christo, proderat quidem in caligine & tenebris veteris Testamenti; sed adueniente Christo, qui est verus Sol, non amplius necessaria est præsertim illis, quibus Sol iste perfectè illuxit

A iuxta illud Matth. 11. 13. *Lex & Propheta usque ad Joannem*, qui digito demonstrabat Christum adesse. Tunc enim dictum est Rom. 13. 12. *Nox præcessit, dies autem appropinquavit.* et quia Petrus Apostolus scribebat illis, quorum aliquibus nondum perfectè illuxerat Christus, hortatur illos, ut tamdiu utantur lucerna, & scrutentur prophetias V. T. *donec dies elucescat, & Lucifer oriatur in cordibus eorum*, id est, donec in hac vita perficiatur ipsorum fides in Christum, per internam mentis illustrationem. ex hac explicatione, quam sequuntur magni authores, nihil aliud colligi potest, quam prophetiam V. T. esse obscuram. At tu, Gardi, contendeas claram esse ac perspicuam.

VII. VITIUM GARDII.

73. **S**eptimo, vulgatam editionem Bibliorum, quæ iam multis sæculis in Ecclesia viguit, temere ac imperite reprehendis: Et in eius locum, vel tuam, vel alterius privati hominis versionem substituis. Hoc triplici exemplo demonstrabo.

Primū est Ecclesiast. 18. 1. *Qui vivit in æternum, creavit omnia simul.* Tu carpis hanc versionem, his verbis. *Vitium est vulgatae versionis, adverbium simul, quod in greco textu exstat, reddentis per simul, cum tamen idem sit, quod communiter, vel in commune, sicut etiam vertit Arias Montanus.* Quid si dicam non esse vitium vulgatæ versionis, sed imperitiam novi Prædicantis? Nam adverbium *simul*, quo utitur vulgata versio, solet dupliciter accipi. 1. ut sit idem, quod simul tempore, 2. ut sit idem quod simul collectione. Priori modo non sumitur loco citato, sed posteriori. Non enim sensus est, Deum creasse omnia simul, id est eodem tempore aut momento, sed creasse omnia simul, id est, pariter seu collectivè, ita ut nihil creatum sit, quod ipse non creaverit. Et hoc sensu sæpe usurpatur hoc adverbium in Scriptura ut Psal. 13. 3. *Omnes declinauerunt, simul inuiles facti sunt.* Et Psal. 48. 11. *Simul insipientes & stulti peribunt.* Et 2. Mach. 11. 9. *Omnes simul benedixerunt misericordem Dominum.* eodem sumitur apud prophanos authores, ut apud Terent. in eunucho: *Simul consilium cum re amisisti*, id est: utrumque pariter seu collectivè. Hic remitto te ad Calepinum.

D 74. Alterum est Psal. 1. 5. *Non resurgent impii in iudicio.* Hic tu iterum, in hebræo est, inquis, *non stabunt vel consistent impii in iudicio.* Proinde falsa translatio, verba Psalmi per se clara & dilucida obscurat. Non est falsa translatio, sed falsa tua accusatio. Si conferres citata verba cum sequentibus, nulla esset obscuritas. Sic habet textus: *Non resurgent impii in iudicio, neque peccatores in concilio iustorum.* Vbi particula, *iustorum*, quæ exprimitur in posteriori parte versiculi debet etiam intelligi in priori, ut hic sit sensus: impii non resurgent in iudicio iustorum, neque peccatores resurgent in concilio iustorum. Vel, quod idem est: aliud erit iustorum iudicium & concilium, aliud impiorum. Similis loquendi modus est in principio eiusdem Psalmi, cum dicitur, *Beatus vir, qui non abiit in consilio impiorum, & in via peccatorum non stetit.* Igitur in principio & fine Psalmi, potest institui hæc comparatio: sicut in hac vita, alia est via seu conversatio iustorum, & alia impiorum; ita post hanc vitam, aliud erit iudicium iustorum, & aliud impiorum. Quæ hic obscuritas est? Certe in vulgata versione non est, sed in tuo capite.

E 75. Tertium est Psalmo 33. 6. *Accedite ad eum, & illuminamini, & facies vestrae non confundentur.* Hic etiam inuenis, quod carpas. Errat, inquis, vulgatae versionis est. Sic enim in hebræo habetur, ut vertit Pagninus & Arias Montanus, *Aspexerunt ad eum, & illuminati sunt.* Grande scilicet erratū. Quasi non sit idem sensus utriusque

versionis. est autem hic. Quicumque estis in tribulatione, accedite ad Deum; per fidem & orationem: *Et illuminamini*, id est, percipite lumen consolationis & lætitiæ: & *facies vestra non confundentur*, id est, non patiemini repulsam, sed exaudiet orationem vestram. Simili sensu dixit Berlabee ad Salomonem 3. Reg. 2. 20. *Petitionem unam parvulam ego deprecor à te, non confundas faciem meam*. Quid in hoc sensu erroris est? Sed tu fingis errores, ubi non sunt.

VIII. VITIVM GARDII.

76. **O** Cæuo libros Tobie, Iudith, Sapientie, Ecclesiastici, & Machabæorum, nunc reicis, nunc admittis, nunc laude, nunc vituperio dignos censes. Sic enim scribis: *In libris illis quadam sunt falsa, dubia, & contradictoria; quod è diametro pugnat cum divina & canonica Scriptura auctoritate*. Grauis sine dubio, censura. At non multo post, quasi tui oblitus tribuis illis triplicem laudem. 1. quod sint sacri. 2. quod communis regula vitæ ac morum. 3. quod legantur ad ædificationem plebis. Quomodo hæc cohererent cum præcedentibus? Nimirum ex vno ore calidum & frigidum efflas: quod, cuius animi signum est, nosti.

77. Magis miror, te ex iisdem libris, tuas assertiones nonnunquam confirmare. Afferis quodam loco, circumcisionem non tantum institutam fuisse pro viris, sed etiam ex parte pro feminis. Quod sic probas: *Pia femina veteris Testamenti magnum in pacto circumcisionis contra hostes suos habere solatium, iuxta illud Iudith. 9. 18. Memento Domine Testamenti tui*. De hac tua assertionem nihil iam dico. In probatione dupliciter peccas. Primo, quia accipis illa ex eo libro, quem fallitatis arguis: Deinde, nomine Testamenti intelligis pactum circumcisionis. Cur non potius pactum protectionis & defensionis contra hostes, quod Deus iniit cum populo in Horeb, & postea renouauit in cæpestribus Moabi (Deut. 29. 1.) Nam utroque loco promisit filiis Israël, quod sicut protexit eos contra Pharaonem & exercitum eius in Ægypto; sic deinceps velit eos protegere contra alios hostes, sub hac conditione, si ipsi vicissim seruent leges à Deo datas.

IX. VITIVM GARDII.

78. **N** Ono, ita passim te geris, quasi in Scriptura nihil difficile aut obsecrum tibi sit, sed omnia plana, aperta, perspicua: quod arrogantis animi signum est. Sic enim scribis: *Quis tam stupidas est, ut hoc non intelligat? Item, Qua vero in textu tam claro ac dilucido, vel ambiguitas, vel obscuritas? Item, Litera est clarissima, quam Pontificij deserunt. Item, Tanta est claritas horum verborum, ut mirum sit, &c.* His & similibus loquendi formulis sæpe vteris, etiam tunc, quando occurrunt eiusmodi Scripturæ loca, in quibus doctissimi quique auctores agnoscunt magnam esse difficultatem. Nec vnquam, quod mirum est, fateris aliquid in Scripturis esse tam reconditum, quod te lateat. Magis mihi placet Augustini modestia, qui epist. 119. ad Ianuarium, cap. 21. sic scribit *Non solum in aliis innumerabilibus rebus multa me latent, sed etiam in ipsis sanctis Scripturis multo nescio plura, quam scio*. Hoc est sapere ad sobrietatem. Utinam & tu sic sapires.

79. Porro, quod ais ad faciliorem Scripturæ intelligentiam prodesse hæc quinque. 1. peritiam linguarum. 2. ingenij præstantiam. 3. studium ac diligentiam. 4. collationem locorum Scripturæ inter se. 5. orationem ad Deum: Id quidem non nego. Sed eo ipso ostendis, Scripturæ sensum sæpe tam occultum & obscurum esse, ut nisi hæc omnia præsidia præsto sint, haberi à

A nemine possit. At quotusquisque est, obsecro, qui his omnibus præsiidiis instructus sit? Tu quidem præsumis, nihil horum tibi deesse. Sed hoc instantiæ potius, quam moderati animi signum est.

80. Faciamus tamen nihil horum tibi deesse. At ideo omnia in Scripturis, clara & aperta tibi sunt? Nolim id affirmare. Quid si oratio tua à Deo non exaudiat? Et certe in tali casu non semper exaudietur. Sicut enim Deus non tribuit unicuique virtutem miraculorum (sane, nulli hæc tribuit Lutherano) etiam si orando illam postulet; sic etiam non statim unicuique largitur donum interpretationis Scripturarum, etiam si illud petat. Audi Apostolum 1. Cor. 12. 7. *Unicuique, inquit, datur manifestatio Spiritus ad utilitatem. Alij quidem per Spiritum datur sermo sapientie: Alij sermo scientie secundum eundem Spiritum: Alij fides in eodem Spiritu: Alij gratia sanctorum: Alij operatio virtutum: Alij prophetia: Alij discretio spirituum: Alij genera linguarum: Alij interpretatio sermonum. Hæc autem omnia operatur unus atque idem Spiritus, distribuens singulis, prout vult. Non prout singuli volunt aut petunt. Vnde in fine eiusdem capitis sequitur: Nunquid omnes Apostoli? Nunquid omnes habent gratiam curationum? Nunquid omnes linguis loquuntur? Nunquid omnes interpretantur? Quasi dicat, Minimè.*

81. Vbi notandum est, duplicia esse dona Spiritus Sancti, quæ homini in hac vita conceduntur. Alia ad propriam cuiusque salutem necessaria sunt, ut fides, spes, charitas, gratia iustificans. et hæc ab antiquis Theologis comprehenduntur sub nomine *gratia gratum facientis*. Alia non sunt necessaria ad propriam cuiusque salutem, sed conducunt ad alienam; ut donum miraculorum, prophetiæ, interpretationis, & similia, quæ ex Apostolo iam recitata sunt. Et hæc vocari solent *Gratia gratis datae*. (Videatur D. Thomas 1. 2. q. 111. art. 1. & in 2. 2. qu. 171. & sequentibus.) Priora dantur unicuique, qui legitime ea petit; posteriora non semper. Et hoc declarat Apostolus pulchra similitudine humani corporis, in quo singula membra non habent quaslibet functiones; sed alia ad videndum, alia ad gustandum, alia ad audiendum, alia ad alium vsum ordinata sunt. Nec est in potestate vllius membri, ut aliud officium sortitur, quam quod illi à natura concessum est. Sic plane fit in Ecclesia. Non omnes habent donum miraculorum, non omnes donum prophetiæ, non omnes donum interpretationis. Nec est in potestate cuiusque, ut habeat quod optat.

82. Vnde ergo credam, te habere donum interpretationis à Deo, si non omnes accipiunt, qui petunt? Certe non pauca sunt, quæ contrarium suadent. Primo, quia hoc donum non datur, nisi in Catholica Christi Ecclesia, quæ toto orbe diffusa est: (1. Cor. 12. 27.) At vos Lutherani non estis in Catholica Christi Ecclesia, quæ toto orbe diffusa est, sed ab ea segregati, hæretis in angulo Europæ, sicut olim Donatistæ in angulo Africæ. Secundo, in illa tantum Ecclesia reperitur hoc donum interpretationis, ubi reperitur donum miraculorum, ut constat ex eodem Apostolo: At in vestra Ecclesia Lutherana non reperitur donum miraculorum, ut per se notum est: Ergo nec donum interpretationis. Tertio, qui non habent authenticam Scripturam, non possunt habere donum interpretandi authenticam Scripturam: vos non habetis authenticam Scripturam; ut suo loco ostendam: ergo nec donum interpretandi eam Scripturam.

X. VITIVM GARDII.

83. **D** Ecimo, Mala fide citas Augustinum, & alios auctores, in quo merito suspectum te reddis.







ignoras, quid sit petitio principii, ut iam ostendi: & fallaciam accidentis falso mihi attribuis. Non enim dixi; *Iudei legebant externam Scripturæ literam, & ideo non percipiebant sensum*; ut fingis me dixisse. Scio enim lectionem Scripturæ, quoad externam literam, non esse causam ignorantie sensus. Alioquin quotquot legerent externam Scripturæ litteram, ignorarent illius sensum; quod absit. Sed sic dixi, Iudeos propterea errasse, quia contenti externa litera, & illum solum putabant esse sensum Moïsis ac Prophetarum, quem externa litera præ se ferebat. Hic nulla est fallacia accidentis.

37. Postremo obiicis, per velamen illud, quod ait Apostolus positum fuisse super cor Iudeorum, non intelligi externam Scripturæ literam, sed parum ceremonias & sacrificia Mosaica, parum stupiditatem & cecitatem Iudeorum. Vbi que queris, quod carpias. An non clare dixi, quod dicis, externas ceremonias & sacrificia Mosaica fuisse velamen sub quo Christus erat occultatus? At, inquis, externa litera non erat velamen. Imo, erat. Nam externæ ceremoniæ & sacrificia Mosaica, per externam literam proponebantur. Itaque per velamen, tam externa litera, quæ immediate significabat externas ceremonias & sacrificia; quam ipse ceremoniæ & sacrificia, quæ per externam literam immediate significabantur, intelligi debent. Notandum tamen est, duplex velamen est: distinguendum: Vnum legis Mosaicæ; Alterum Iudeorum. Velamen legis Mosaicæ iam explicatum est. erat enim tum externa litera, tum externæ ceremoniæ & sacrificia, sub quibus abscondebatur Christus. Velamen Iudeorum, erat ignorantia & cecitas eorum, quæ in eo consistebat, quod pertinaciter inhzrent externæ literæ & ceremoniis Mosaicis, non considerando Christum qui sub ipsis erat reconditus. Vtrumque suo modo ac sensu erat positum super cor Iudeorum. Prius quidem obiectiue & extrinsece, posterius autem subiectiue seu inhzsue.

38. Fuit & aliud velamen, quo Moïses tegebatur faciem suam, quando loquebatur Iudeis: idque propterea, quia facies Moïsis, ex colloquio cum Deo, miro quodam splendore, instar lucidissimi Solis, resplendebat, quem splendorem Iudei intueri non poterant, & ideo quoties loquebantur cum Moïse, necesse erat, ut Moïses obiecto velamine, splendorem illum occultaret. Exodi 34. 29. & 2. Corinth. 3. 13.

39. Hoc velamen allegorice significabat velamen legis Mosaicæ, ut ex Apostolo norant interpretes. In qua allegoria hæc consideranda sunt. 1. Moïses, qui loquebatur populo, allegorice significans legem Mosaicam, quæ data erat populo. 2. Velamen Moïsis, significans velamen legis Mosaicæ. 3. Splendor Moïsis, qui tegebatur velamine, significans Christum, qui tegebatur ceremoniis ac sacrificiis Mosaicis. 4. Iudei loquentes Moïsi habenti velamen, sub quo tegebatur splendor faciei ipsius: significantes eoldem Iudeos, legentes legem Mosaicam, habentem ceremonias & sacrificia, sub quibus tegebatur Christus. Hanc allegoriam explicat Augustinus. l. 2. contra aduersarium legis & Prophetarum. 7. Theodoretus in cap. 34. Exodi, & alii.

40. Tertio dixi, non solum Iudeos, sed etiam hereticos, ut Sabellianos, Arrianos, Macedonianos, Manicheos, Pelagianos, & plures alios errasse, quod relicto Scripturæ sensu, quem sequitur Ecclesia, amplexi sint alienum sensum, quem externa litera præ se fert (§. 14. & sequentibus) Hic vertis te in omnem partem. Ac primo facis, quod res est. Et citas

Augustinum, quem ego citavi, serm. 70. de tempore. ubi ait: *Infelices Iudei, & plus infelices heretici, quidam solum litera aspiciunt sonum, quasi corpus sine anima, ita sine viuificante spiritu, mortui remanserunt.* Deinde, expresse addis, multos offendisse in Scriptura, eo quod neglecto Scripturæ sensu, nudo sonoliter pertinent inhaerant. Hæc omnia pro me.

41. At contra, hæc obiicis. Primo, quod dixerim multos errasse, eo quod relicto Scripturæ sensu, quem sequitur Ecclesia, amplexi sint alium sensum, quem externa litera præ se fert. Hoc dictum valde exagitas: sed sine causa. Res sic habet. Ecclesia Christi, ex perpetua assistentia Spiritus Sancti, sequitur cum sensum, qui à Spiritu Sancto intentus est. Hic autem sensus sæpe diuersus est ab eo, quem externa litera, ex communi hominum opinione, præ se fert, ut supra ostendi. Itaque heretici, qui contemnunt Ecclesiam, sicut tu facis, propterea errant, quia interpretantur Scripturam eo sensu, quem ipsi humano iudicio colligunt ex litera Scripturæ; non autem eo, quem Ecclesia amplectitur, quæ errare non potest. Audi Augustinum in Psal. 37. *In venire Ecclesia veritas manet. Quisquis ab hoc ventre Ecclesia separatus fuerit, necesse est, ut falsus loquatur.*

42. Secundo obiicis, exemplo hereticorum, quæ attuli, à scopo questionis aliena esse. Causam addis, quia quod heretici errant, non est tribuendum literæ Scripturæ, sed prauo hereticorum intellectui. Imo utrique tribuendum est, sed diuerso modo. Nam litera Scripturæ fuit occasio errandi, malitia hominum, fuit causa persistendi in errore. Simile est in peccato concupiscentiæ. Multi sunt auari, luxuriosi, fornicarii. Cui id tribuendum? Parum legi diuinæ, parum ipsorum malitiæ. Lex est occasio peccati. Rom. 7. 8. At malitia est causa perseverandi in peccato. Miror, si hoc nescis.

43. Tertio obiicis, nec Sabellianos ex illo loco, *Ego & Pater unum sumus*, necessatio colligere personarum unitatem, nec Arrianos ex illo, *Pater maior me est*, Filium non esse Deum. Sed frustra hoc obiicis, quia non est contra me. Fateor, nec dogma Sabellianorum, nec Arrianorum, necessario inferri ex Scriptura, alioquin non esset dogma hereticum. Nam quidquid necessario inferitur ex Scriptura, veritas est, non hæresis. Quæ addis de Macedonianis, Manicheis, Pelagianis, non egent noua responsione.

44. Quarto dixi, in Scriptura passim occurrere apparentes contradictiones, quæ Lectori magnam pariant difficultatem: Et aliquas ex eis recensui. (§. 28.) Hic cum multa videaris dicere, nihil aut parum dicis. Præcipua sunt hæc. 1. Conaris ostendere, non esse veras contradictiones. Sed frustra. Non enim dixi esse veras, sed apparentes. 2. Ais me illas aliunde sumpsisse. Fateor. Non enim ex meo cerebro eas finxi, sed ex ipsa Scriptura, & illius interpretibus accipi. 3. Ais me risu dignum esse, quod quasdam recensuerim, quæ non magni momenti sint. Ergone & Augustinus, & vester Althamerus risu digni, qui easdem ante me recensuerunt? 4. In his consiliandis tantum opera ponis, ut facile appareat subesse aliquam difficultatem, tamen si verbo id neges. Quod, arrogantia tua tribuendum est. Sentis difficultatem, sed ne videaris aliquid nescire, non vis agnoscere. 5. Sæpe, cum alius conciliandi modus non occurrat, reprehendis vulgatam editionem; quod est argumentum à desperatis. De quo supra.

45. Quinto dixi, Scripturam ex eo etiam reddi obscuram, quod aliquando, ubi minime putamus, subito fiat transitus de sensu literati ad mysticum, de cas-

nalibus ad ſpiritualia, de Regibus Iſraël ad Chriſtum. Et e contrario. Hoc oſtendi quatuor exemplis. *Primo*, quia Iſayx ſextimo fit tranſitus à duobus Regibus, Syriæ & Iſraël, ad B. Virginem. Hoc tu negas. Sed inſpiciatur textus, & legantur interpretes. *Secundo*, Iſayx 14. fit tranſitus à Rege Babylonis ad Luciferum. Hoc vocas in dubium. Et pro parte affirmante adducis opinionem Veterem, quam ego ſequor: pro negante tuam coniecturam, quam tibi relinquo. *Tertio*, Pſalm. 71. fit tranſitus à Salomone ad Chriſtum. Hoc etiam negas. Sed affirmat Auguſtin. libro 17. de Ciuitate Dei cap. 8. & alij, te doctiores. *Quarto*, Ioan. 5. fit tranſitus à panibus hordeaceis ad panem Eucharifticum. Et hoc negas. Sed mecum affirmant, non modo antiqui Patres, Origenes, Athanaſius, Cyprianus, Ambroſius, Hieronymus, Chryſoſtomus, Auguſtinus, Cyrillus, Theophylaſtus, Bernardus, Rupertus, D. T. ſed etiam velti Huſſitæ, & non pauci Caluiniani.

46. Hæc ſufficiant pro defenſione. 2. argumenti, quod nunc repeto. Scriptura nec quoad externam litteram, nec quoad internum ſenſum, poteſt eſſe Iudex controuerſiarum. Non priori modo quia externa littera ſæpe ducit in errorem. Nec poſteriori, quia ſenſus Scripturæ ſæpe tam obſcurus eſt, vt opus ſit alio Iudice, qui definiat, hunc eſſe legitimum ſenſum; illum non eſſe.

III. ARGUMENTVM BECANI.

Ex parte Controuerſiarum.

47. **H**Oc ſic propoſui. Multæ ſunt controuerſiæ circa fidem & religionem, quarum vel nulla ſit mentio in Scriptura, vel certe non ſufficiens ad hoc, vt Scriptura de illis ſententiam ferre poſſit: Ergo in iis dirimendis alius Iudex quaerendus eſt. Eiuſmodi autem controuerſiæ ſunt hæc. *Prima*, an libri Tobie, Iudith, Sapientiarum, Eccleſiaſtici, & Machabæorum ſint canonici, neene? *Secunda*, quot ſint Sacramenta nouæ legis? *Tertia*, An exorcismus adhiberi poſſit in Baptiſmo? *Quarta*, an Baptizati ab hæreticis, ſint rebaptizandi? *Quinta*, an Baptiſmus vna merſione conferri debeat? *Sexta*, an Chriſtiani loco Sabbati debeant colere diem Dominicum? *Septima*, an B. Maria manſerit Virgo poſt partum? *Oſtana*, an Petrus Apoſtolus fuerit Romanæ eccleſiæ Epicoſopus? *Nona*, an ſymbolum fidei ſit vere canonicum, & Apoſtolicum? *Decima*, an in veteri Teſtamento fuerit aliquod externum remedium pro ſœminis contra peccatum originale?

48. Ad hoc argumentum quo ſentis te premi, duplîter reſpondeſ. 1. generatim, adhibendo diſtinctionem. 2. ſpeciatiim, deſcendendo ad ſingulas controuerſias iam enumeratas. Diſtinctio eſt hæc. Aiſ duplices eſſe controuerſias. Quasdam, quæ concernunt articulos fidei, & dogmata ad ſalutem neceſſaria. Et harum Iudicem in ſpeciali eſſe Scripturam. Alias, quæ concernunt ritus adiaphoros & ceremonias liberas, ab Eccleſia, ordinis ac decoris cauſa, inſtitutas: Et harum Iudicem in ſpeciali eſſe Eccleſiam, ſed ad generale iudicium Scripturæ adſtrictam.

49. His fateſcis, Eccleſiam eſſe Iudicem controuerſiarum poſterioris generis. Hoc accipio. Sed nihilominus duo ex illis quaero, quæ alibi ex me quaeris. Vnum eſt, quid intelligas nomine Eccleſiæ? an Pontificem, qui præeſt Eccleſiæ? an Concilia, quæ repræſentant Eccleſiam? an totam Eccleſiam ſimul ſumptam? Alterum, Opus. Bec.

A an Eccleſia ſit Iudex fallibilis, an infallibilis? Si aiſ infallibilem eſſe, redit prior quaſtio, an illa infallibilitas ſit in Pontifice, an in Conciliis, an in tota Eccleſia ſimul ſumpta? Item, an ſit infallibilis abſolute, an vero, quatenus adſtricta eſt ad Scripturam? Et, ſi hoc poſteriori modo, an magis infallibilis ſit, quam quilibet homo priuatus? Nam etiam quilibet priuatus, quatenus adſtrictus eſt ad Scripturam, falli non poteſt. Si aiſ fallibilem eſſe, his peccas. 1. quia diſputamus de infallibili Iudice, vt noſtri. Infallibilem igitur oportuit assignare. 2. ſi fallibilis eſt, quis illam, dum fallitur, de errore iudicabit? An tu, Gardi? Sed & tu fallibilis es. Cui ergo credemus? Eccleſiæ, an tibi? Si neutri, assigna alium Iudicem, qui falli non poſſit.

50. Porro, diſtinctio bimembriſ, quam adfers, ſufficiens non eſt. Nam multæ ſunt controuerſiæ, quæ ad neutrum membrum reuocari poſſunt. Cuiusmodi ſunt hæc. 1. An Apoſtolus Paulus ſit author Epistoſtæ ad Hebræos? 2. an Petrus reprehenderit? 3. an prædeſtinatio ad gloriam facta ſit ex præuiſis operibus? 4. an Sacramenta ſint inſtrumenta phyſica, an moralia? 5. an præter tres ſubſtantias relatiuas in Trinitate, ſit etiam vna abſoluta? 6. an beatitudo æterna formaliter conſiſtat in clara Dei viſione, an potius in amore? 7. an B. Virgo concepta ſit in peccato originali, nec ne? 8. quomodo numerandæ ſint 70. hebdomadæ Danielis? 9. an paradifus terreſtris adhuc exiſtet? 10. quod ſit tertium illud cœlum, ad quod raptus fuit? Hæc & ſimiles controuerſiæ non pertinent ad prius membrum diſtinctionis, quia non concernunt articulos ſeu dogmata fidei ad ſalutem neceſſaria: alioquin non liceret; ſalua fide & ſalute, alterutri parti adhærere: Nec pertinent ad poſterius, quia non ſunt de ceremoniis adiaphoris, & ab Eccleſia inſtitutis, vt per te notum eſt. Debet igitur assignari tertium membrum, quod tu amiſiſti.

51. Accipiam exemplum à vobis Lutheranis. Controuerſia inter vos eſt de actuali fide, quam fingitis eſſe in infantibus. Eſt autem hæc; An infantes accipiant actualem fidem in Baptiſmo, an vero in Exorcifmo, qui præcedit Baptiſmum? Vel an incipiant credere in Exorcifmo, an in Baptiſmo? Lutherus in libro contra armatum virum Cochlaeum, diſerte docet, eos credere vi Exorcifmi. Sic enim ſcribit: *Dicimus ad Baptiſmum eos credere per vim verbi, quo exorcizantur, & per fidem Eccleſiæ eos offerentis. & eis fidem orationibus ſuis impetrantis.* At Philippus in Locis, c. de Baptiſmo infantium. Kemnitius in 2. parte examinis Conc. Trid. ad can. 13. de Baptiſmo, & plures alij Lutheranæ, tribuunt hoc Baptiſmo, non Exorcifmo. Verba Philippi ſunt hæc: *Spiritus Sanctus per Baptiſmum eis datur, qui efficit in eis nouos motus, & nouas inclinationes ad Deum.* Kemnitii hæc: *Oportet Spiritum Sanctum in infantibus, qui baptizantur, efficacem eſſe, & operari.* Et paulo poſt: *Illum autem operationem Spiritus Sancti in infantibus vocamus fidem. & dicimus paruulos credere.*

52. Hæc controuerſia non poteſt reuocari ad poſterius membrum tuæ diſtinctionis, vt manifeſtum eſt, quia fides infantium, ex veltre opinionæ, non eſt res adiaphora, ſed neceſſaria. Vel ergo ad prius reuocatur, vel ad neutrum. Si ad neutrum, non eſt ſufficiens diſtinctio. Si ad prius, iam concernit articulum ſeu dogma fidei ad ſalutem neceſſarium. Ergo neceſſe eſt, vel Lutherum, vel certe Philippum & Kemnitium errare in aliquo articulo ſeu dogmate fidei ad ſalutem neceſſario; ac proinde hæreticos eſſe, nec ſaluari poſſe. Quid dicis, Gardi?

53. Et, quia ſemel incidimus in hanc controuerſiam, iterum quaero, an illa defini poſſit ex ſola Scriptura, necne? Si non poteſt, firmum eſt, quod dixi, ſolatam

Scripturam non esse Iudicem controuersiarum. Si potest, profer aliquem Scripturæ locum, ex quo eam definias, id est, ex quo clare constet, fidem actualem vel in Exorcismo dari infantibus, ut vult Lutherus; vel in Baptismo, ut volunt Lutherani. Et sane res magni momenti est. Nam, ex sententia Lutheri sequuntur hæc tria. 1. Exorcismum ad salutem necessarium esse, quia per illum datur fides, sine qua salus esse non potest. 2. Infantes, qui baptizantur sine Exorcismo, saluari non posse, quia fidem non habent. 3. Aliquid ad salutem esse necessarium, cuius nulla fiat mentio in Scriptura. Sed quia suspicor, controuersiam hanc ingratam tibi esse, non urgebo; sed progrediar ad alias, quæ à me commemoratæ sunt:

I. CONTROVERSA.

An libri Tobie, Iudith, Sapientia, Ecclesiastici, & Machabeorū sint Canonici, necne?

34. **I**N hac & sequentibus controuersis hoc præcise agitur, an ex sola Scriptura definiri possint? Vel an sola Scriptura possit esse earum Index? ego in meo libello negavi. Tu de plerisque affirmas. Videamus ergo, an alteram partem, quam tu sequeris, ex sola Scriptura probare possis. Hoc ideo volui præmonere, quia sæpe adducis alias probationes, quæ ex Scriptura non sunt: Eas omitam, quia nihil ad rem faciunt. Prima igitur controuersia est, an supradicti libri sint canonici, nec ne? Non esse canonicos, probas hoc modo: Illi libri non sunt canonici, in quibus continentur quædam falsa, dubia & contradictoria: At in libris iam nominatis continentur quædam falsa, dubia, & contradictoria: ergo non sunt canonici. Maiorem concedo, minorem nego. Hanc probas inductione. Ac primo.

35. Contra librum Tobie sic obicis: *In libro Tobie multis in locis discrepat editio Græca à Latina, quemadmodum pluribus exemplis ostendi potest. Quæ igitur vera & indubitata? Respondeo.* Hæc probatio, tuo iudicio, non est ex Scriptura, sed ex libro Tobie, quem negas esse partem Scripturæ. Vana igitur est. Deinde non est sufficiens. Nam ex eo, quod variz editiones alicuius libri à se inuicem discrepant, non sequitur, librum non esse canonicum: Potest enim fieri, ut vna editio sit legitima, altera vitiosa. Sicut tu ipse, non semel, sed sæpe affirmas (tamen falso) vulgatam editionem Psalmorum in multis discrepare ab Hebræica. Nec ideo tamen existimas, librum Psalmorum non esse canonicum. Denique cur illam discrepantiam in libro Tobie, vel unico saltem exemplo non demonstrasti? Aut, quam responsionem à me poscis, si nihil adfers, quod responsionem exigit? Neque enim diuinare possum, quæ sit illa discrepantia, quam tacitas, quamdiu illam non exprimis.

36. Contra librum Iudith sic obicis: *Primo in eo continetur talis historia, de cuius tempore nihil certi haberi potest. Secundo, dubia sunt, quæ de Nabuchodonosore & Eliakim referuntur. Tertiò, in versione Latina habetur (cap. 5. 22.) Iudæos tum reuersos fuisse ex dispersione, & iterum possidere Hierosolymam, ubi sint sancta sanctorum. In Græca, templum ipsum euersum fuisse & solo aequatum, & ciuitates eorum occupatas ab hostibus. Quarto, capite 9. 1. laudat Iudith factum Simeonis, Sichemitas contra datam fidem interfecisse, quod pugnat cum historia canonica, Gen. 34. 13. & Gen. 49. 5.*

37. Respondeo. Hæc omnia friuola sunt. Primo,

quia etiam in libro Esther continetur talis historia: de cuius tempore nihil certi haberi potest. Nam sicut interpretes disputant, an historia Iudith contigerit ante vel post captiuitatem Babylonicam; sicut etiam disputant, an historia Esther contigerit ante vel post liberationem à captiuitate Babylonica, qua Sedechias Rex captus est. At hinc non sequitur, librum Esther ex canone expungendum esse; alioqui Lutherus errasset, qui posuit illum in canone: Ergo in simili casu non sequitur, librum Iudith expungendum esse.

38. Idem dicendum est ad alteram obiectionem; quia sicut in libro Iudith dubia sunt, quæ de Nabuchodonosore & Eliakim referuntur, sic etiam in libro Esther dubia sunt, quæ de Assuero & Aman narrantur. Et quidem de Assuero septem extant opiniones. Nam aliqui putant fuisse Darium Medum: alij Astyagem. Darij patrem: alij Cambysem: alij Darium Hytaspis: alij Xerxem: alij Artaxerxem Longimanum: alij Artaxerxem Mnemonem. De Aman sunt tres opiniones. Aliqui putant fuisse Persam: alij Amalecitarum: alij Macedonem. Simile dubium est de Iob: quem aliqui volunt descendisse ab Esau, & fuisse tertium ab Esau, & quintum ab Abrahamo: alij non ab Esau descendisse, sed à Nachor fratre Abrahami, & fuisse tertium à Nachor. Omitto Melchisedech, de cuius ortu, familia & cognatione nihil certi est. An ideo libri Iob & Genesis à Canone excludendi? Absit.

39. Porro discrepantia inter Latinam & Græcam versionem, quam tertio loco obicis, nihil te iquat. Primo, quia iam supra dixi, non ideo librum aliquem censeri Apocryphum, quod versiones inter se discrepent. Scis, quam variz & discrepantes sint versiones Biblicorum hoc tempore apud Lutheranos & Calvinistas. An ideo Biblia canonica non sunt? Deinde, non est vera, sed apparens discrepantia, & iam pridem à bonis authoribus in concordiam redacta. Præter alios, noster Serarius in Commentario, quidquid difficultatis subesse videbatur, penitus sustulit. Cur tu idem non facis? Et cum alibi in conciliandis Scripturæ locis, quæ speciem contradictionis præ se ferunt, tantum laboris ac operæ posuisti, cur hic ignauus es? Si tamen ignauis, & non potius odio ac perniciæ adscribendum id est.

40. Quod denique addis de facto Simeonis, qui contra datam fidem interfecit Sichemitas propter stuprum virgini illatum: potuit illud factum, & laudari, & reprehendi, diuerso tamen respectu. Nam quatenus susceptum erat in violationem tanti sceleris, potuit laudari, & à Iudith laudatum est: quatenus vero procedebat ex furore, & contra datam fidem, potuit reprehendi, & à Iacob Patriarcha reprehensum est. (Gen. 49. 6.) Habemus similia exempla in Scriptura, Lucæ 16. 8. *Laudauit Dominus villicum iniquitatis, quia prudenter fecisset.* Hic vides in vno eodemque opere, & laudari prudentiam, & reprehendi iniquitatem. Quod etiam locum habet in facto Nabuchodonosoris, quando Hierosolymam cepit, templum euerxit, & populum in captiuitatem abduxit. Nam illud factum, ex vna parte, erat iniquum, quia contra iustitiam & religionem: ex altera, bonum ac laudabile, quia Deus utebatur illo, tanquam instrumento, in puniendis Iudæorum peccatis. Et hoc sensu Nabuchodonosor cum suo exercitu dicitur seruiuisse Deo, ut habetur Ezech. 29. 18.

41. Contra librum Sapientie sic obicis. *In libro Sapientie cap. 9. introducitur Salomon loquens & orans, cum tamen maxime dubium sit, an à Salomone, an vero à Philone scriptus sit. Imo non esse Salomonis, non dubitas.*

doctiores, inquit Augustinus lib. 17. de Ciuitate Dei cap. 20. Respondeo. Dupliciter hic peccas. Primo, quia debebas ex Scriptura probare, hunc librum non esse canonicum. Id non facis. Solum probas ex ipso libro, de quo agitur, quem negas esse partem Scripturæ. Deinde, non apparet vis argumenti tui. Nec video, ad quam formam redigi possit, nisi forte ad hanc: Salomon introducit loquens & orans in libro Sapientia; quem non scripsit: ergo liber ille non est canonicus. Perinde ac si dicas: Christus introducit loquens & orans in Euangelio Matthæi, quod non scripsit: Ergo Euangelium Matthæi non est canonicum. Si ita concludis, male: si aliter, explicare.

62. Quod ad rem attinet, liber Sapientia potest dupliciter spectari. 1. quoad sententias, quæ in illo scriptæ sunt; & sic est Salomonis. 2. quoad dispositionem, qua sententiæ illæ collectæ & in ordinem redactæ sunt: & sic est Philonis, aut alicuius alterius. Priori modo intelligendi sunt antiqui Patres, qui expresse asserunt, illum librum esse Salomonis, ut Melito apud Eusebium lib. 4. hist. cap. 25. in fine, Tertullianus lib. de præscript. cap. 7. Cyprianus libro de Mortalitate prope finem, Ambrosius serm. 8. in Psal. 118. Augustinus in Psal. 63. Hilarius in Psal. 117. Basilus lib. 5. contra Eunomium, & alij. Posteriori Hieronymus præfatione in libro Salomonis, & Augustinus lib. 2. de doct. Christiana cap. 8. qui vel Philoni Iudæo, vel aliqui alteri illum tribuunt. Non quidem Philoni Iudæo, qui celebris fuit tempore Apostolorum, sed alteri antiquiori, qui vel vixerit tempore Oniæ Pontificis Iudæorum, ut nonnulli volunt; vel qui fuerit vnus ex septuaginta interpretibus, ut putat Guebrardus in Chronologia. Vide Bellarminum lib. 1. de Verba Dei, cap. 13. & ibid. Gretserum in defensione Bellarmini. Nec est nouum, quod asserimus, de libro Sapientia. Idem de libro Prouerborum dicendum est. Nam parabolæ quæ in eo continentur, sunt quidem Salomonis; sed collectio & dispositio ab aliis facta est, ut habetur Prou. 25. 1. & ibidem notat Lyranus & alij.

63. Contra librum Ecclesiastici sic obijcis. Primo, in Siracide dissentiuunt editiones Græca & Latina. Hoc dicis, non probas. Vbi probaueris, responsum accepturus es. Secundo, auctor in prologo petit veniam. Hoc etiam obijcis contra libros Machabæorum. Ibi respondebo. Tertio, auctor sentit Samuelem post mortem prophetaffe, Regique interitum prænuississe. c. 46. 23. cum certum sit; non Samuelem, sed Spectrum diabolicum fuisse 1. Reg. 28. 19. Vnde certum? Grauiissimi auctores contrarium tenent, ut Iosephus, Iustinus, Basilus, Ambrosius, Hieronymus, Augustinus & alij apud Bellarminum l. 4. de Christo c. 11. His facilius credam, quam tibi. Quarto, auctor cum vulgo statuit Eliam Prophetam reuersurum esse. Sed etiam antiqui Patres id statuunt. Si tu cum vulgo Prædicantium aliter sentis, per me licet.

64. Contra libros Machabæorum hæc obijcis. Primò, auctor veniam petit. Secundò, laudat Raziam, qui sibi ipsi manus violentas intulit. Tertio, laudat Iudam Machabæum, quod pro sacrilegis casis sacrificium offerri iusserit. Quartò, de morte Antiochi tres diuersas narrationes habet. Respondeo. Hic iterum bis peccas. Primò, quia transcribis hæc omnia ex Vitrakero, & Hunnio, quibus iam sæpe responsum. Deinde, quia tibi ipsi contradicis. Nam post vnâ aut alterâ pagellâ diserte ais, libros Machabæorum, sicut & alios iam ante recensitos, esse communem normam vitæ ac morum, & ad ædificationem fidelium legi posse. At hoc pugnat cum tua obiectione.

65. Nec magni momenti sunt quæ obijcis. Primo, quia ex eo, quod auctor alicuius libri petit veniam sibi dari de sermone non satis polito ac eleganti, non sequitur librum non esse canonicum. Nam etiam Apostolus 1. Corinth. 2. 1. de se ait, *Non venit ad vos in sublimitate sermonis. Et infra. Sermo meus, & prædicatio mea non in persuasibilibus humana sapientia verbis.* Et 2. Corinth. 11. 6. *Et si imperitus sermone, sed non scientia.* Similiter Moyses de se. Exod. 4. 10. *Obsecro Domine, non sum eloquens ab heri & nudius tertius.* Et Ieremias Propheta, Ierem. 1. 6. *Domine Deus, ecce nescio loqui, quia puer ego sum.* Si Apostolus, Moyses & Ieremias, sicut palam fassi sunt suam imperitiam in sermone, ita veniam deprecari essent apud Lectorem, an ideo libri illorum non censerentur canonici?

66. De Razia vetus quæstio est, quam diligenter excussit Augustinus lib. 1. contra Gaudentium, cap. 31. Illum consule, si vis. Rex sic habet Circumcelliones, qui erant in secta Donatistarum, putabant licitum esse seipsum interficere. Et hoc conabantur probare ex Scriptura, exemplo Razia, qui laudatus est, quod seipsum interemerit. Quid Augustinus? Si fuisset Lutheranus, negasset libros Machabæorum, in quibus exemplum illud habetur, pertinere ad Scripturam; & sic argumentum illorum elusisset. At aliter respondit. Summa responsionis est hæc. 1. Raziam male fecisse. 2. etiamsi bene fecisset, non tamen eius exemplo potuisse excusari Circumcelliones; eo quod Razias non potuerit fugere & euadere mortem; illi autem potuerint. 3. Eum quidem laudari in scriptura, non tamen ob illatam sibi mortem; sed ob alias quasdam circumstantias, quæ quidem habebant speciem boni, sed reuera, coram Deo, non proderant ad salutem. Plura videri possunt apud Serarium in Commentario.

67. Quod Iudas Machabæus sacrificium offerri iusserit pro mortuis, laudabile est: Et Ecclesia Catholica illius exemplum imitatur. Audi Augustinum lib. de cura pro mortuis, cap. 1. ubi ait: *In Machabæorum libris legimus, oblatum pro mortuis sacrificium. Sed etsi nusquam in Scripturis veteribus legeretur, non parua tamen est vniuersa Ecclesia, quæ in hac consuetudine claret, auctoritas, ubi in precibus Sacerdotis, quæ Domino Deo ad eius altare funduntur, locum suum habet etiam commendatio mortuorum.* Et idem cap. 4. *Non sunt prætermittenda supplicationes pro spiritibus mortuorum, quas faciendas pro omnibus in Christiana & Catholica societate defunctis suscepit Ecclesia.* Sed vos noui homines, sicut aboletis ieiunia, festa, & alia pia opera, ita etiam orationes & sacrificia pro mortuis. De quo alius disputandi locus.

68. At erant sacrilegi, inquis, pro quibus sacrificium offerri iussit Machabæus. An ergo, si sacrilegi non fuissent, putares recte fecisse Machabæum? Si rectè, non omnis oratio pro mortuis damnanda est. Cur igitur omnem damnatis? Si non rectè, quid necesse est excipere sacrilegos, cum omnes, tua opinione, excipiendi sint? Et vnde tibi constat de illorum sacrilegio? fuerint certè auari, raptores, inobedientes, quia contra Dei præceptum abstulerunt aurum, & argentum idolorum. An ideo sacrilegi? Fuerint etiam sacrilegi. At non omne peccatum sacrilegij mortale est. Sæpe ob paruitatem materiæ & alias causas, potest esse veniale. Sed fuerit etiâ mortale: potuit tamen, quoad culpam, expiari per actum contritionis autem mortem. Et quid si in plerisque expiatum sit? Vides, quam multa tibi probanda sint, ut vel minimum efficias.

69. Ad id porrò quod obijcis de morte Antiochi, prolixè responsum est à Gretsero in defensione Bel-

larmini lib. 1. de verbo Dei. cap. 15. Si acquiescis ipsius solutioni, res salua est, sin minus, explica defectum, & occurremus. Concludo, Nihil haecenus à te allatum esse ex Scriptura, quo conuincas, libros Tobiae, Iudith, Sapientiae, Ecclesiastici, Machabaeorum, non esse diuinos ac canonicos: Ac proinde fixum esse, quod asserui, non omnes controuersias ex sola Scriptura definiri posse. Hoc pluribus exemplis deinceps demonstrabo.

II. CONTROVERSIA.

Quot sine Sacramenta nouae legis.

70. **T**V asseris duo tantum esse Baptismum & Eucharistiam. Hoc ex Scriptura probandum tibi est. Probas autem triplici Scripturae testimonio Ioan. 19: 34. *Vnus militum lancea latus eius aperuit, & continuo exiit sanguis & aqua.* Et 1. Ioan. 5. 6. *Hic est, qui venit per aquam & sanguinem Iesus Christus: non in aqua solum, sed in aqua & sanguine.* Vtroque loco, inquis: per aquam intelligitur Baptismus, & per sanguinem Eucharistia. Et 1. Ioan. 5. 8. *Tres sunt qui testimonium dant in terra, Spiritus, & aqua, & sanguis.* Vbi similiter, inquis, per aquam & sanguinem intelliguntur duo Sacramenta: Et per Spiritum, praedicatio Euangelij. Vnde inferis, praeter Euangelium & duo Sacramenta, non esse alios testes in terra, ac proinde nec plura Sacramenta.

71. Respondeo. Duplex hic error est. Alter in consequentia; alter in explicatione. Nam consequentia quam necis ex primo testimonio, non est valida. Non enim sequitur: Per aquam & sanguinem mystice intelliguntur duo Sacramenta, Baptismus & Eucharistia: Ergo non sunt plura Sacramenta, quam illa duo. Nam Augustinus, concessio antecedente, nihilominus admittit septem Sacramenta, vt supra demonstratum est. Et patet in simili exemplo. Non enim sequitur: Per arietem & hircum mystice significantur duo Reges, alter Medorum atque Persarum, alter Graecorum, (Dan. 8. 10.) Ergo non sunt plures Reges, quam illi duo. Res clara est.

72. Erras etiam in explicatione. Nam in secundo testimonio, per aquam & sanguinem, non intelliguntur duo Sacramenta, Baptismus & Eucharistia; sed solus Baptismus Christi, quatenus opponitur Baptismo Ioannis; vt hic sit sensus: Ioannes venit baptizans in aqua, (Ioan. 1. 31.) Christus, non in aqua tantum, sed in aqua & sanguine, quasi dicat: Baptismus Christi perfectior est quam Baptismus Ioannis; quia Baptismus Christi non tantum abluie corpus per aquam, sed etiam emundat conscientiam à peccatis per sanguinem, à quo vim & valorem suum habet (Hebr. 9. 14. & 1. Ioan. 1. 7.) Vide Lyanum.

73. Similiter in tertio testimonio, per Spiritum non intelligitur praedicatio Euangelij, vt falso interpretaris, sed anima Christi, vt ex contextu patet. Vult enim Apostolus ostendere, Christum esse verum Deum, & verum hominem. Quod sit verus Deus probat testimonio Patris & Filij & Spiritus sancti. Quod sit verus homo, probat testimonio spiritus, sanguinis & aquae. Et per spiritum intelligit animam, quam Christus in Cruce exhalauit. Tunc enim exhalando animam, & fundendo sanguinem & aquam ex latere, ostendit se fuisse verum hominem. Sic explicat Lyanus, & ante illum, Augustini lib. 3. contra Maximinum Arianorum Episcopum, cap. 22. his verbis: *Tria nouimus de Christi corpore exis-*

se, cum penderet in ligno. Primum spiritum. Vnde scriptum est, Et inclinato capite tradidit spiritum. Deinde quando latus eius lancea perforatum est, sanguinem & aquam: Et de his tribus loqui Ioannem, cum dicit: Tres sunt qui testimonium dant in terra, &c.

74. Quod ego ex hoc loco colligis praeter Euangelium & duo Sacramenta, non esse alios testes in terra, inane est. Primo, quia ibi, secundum sensum litteralem, nec agitur de Euangelio, nec de Sacramentis, sed de anima, sanguine & aqua, quae tempore Passionis exierunt de corpore Christi. Secundo, nec agitur de testimonio gratiae in Christo nobis promissa, vt tu committis; sed de testimonio humanitatis & mortalitatis Christi. Nam, vt dixi, anima, sanguis & aqua, testantur Christum esse hominem passibilem & mortalem, sicut nos sumus. Nisi aliter deinceps ex Scriptura probaueris, duo tantum esse Sacramenta nemini persuadebis, Scripturam in hac controuersia sufficientem esse iudicem.

III. CONTROVERSIA.

An exorcismus & similes ceremoniae possint adhiberi in Baptismo?

75. **D**ixi Lutheranos huiusmodi ceremonias admittere, Calvinistas reicere. Neutros tamen ex Scriptura suam sententiam posse confirmare. Itaque Scripturam in hac controuersia iudicem esse non posse. Tu praeter coniectura, quae praetereo, duo obicis. 1. hanc controuersiam non esse de articulis fidei & religionis, sed de adiaphoris & liberis ecclesiae ceremoniis. At Lutherus, vt supra dixi, non putat exorcismum esse ceremoniam adiaphoram, sed ad salutem infantum necessariam. Sed esto, sit adiaphora. Nihilominus opus est iudice inter Lutheranos & Calvinistas. Quis ille iudex est? Ais Ecclesiam esse iudicem in specie, Scripturam in genere. Sed quam Ecclesiam intelligis? An nostram Catholicam, quam deseruisti? An reformatam, in qua vos esse fingitis? Si nostram intelligis, res salua est. Nec aliud urgeo. Si reformatam, cur illa non iudicat inter vos & Calvinistas? cur licem non dirimit.

76. Vt autem explices, quomodo Scriptura in genere sit Iudex huius controuersiae statuis hanc regulam: *Illae ceremoniae tunc recipiuntur & retinentur, quae non pugnant cum Scriptura, & absque ulla superstitione, & scandalo libera vsurpantur, & ad edificationem, ordinem & decorum Ecclesiae faciunt.* Quae vero non pugnant cum Scriptura, vel superstitionis aut idolatriae speciem manifestam pra se ferunt, vel vi, tanquam pars cultus diuini, Ecclesiae obstruduntur, vel in ea scandalum, turbas & confusiones excitant, merito reijciuntur.

77. Iuxta hanc regulam, definis controuersiam de Exorcismo, his fere verbis: *Quaedam Ecclesia Augustana confessionis retinet Exorcismum, tanquam vetustum ritum, non alio sensu, quam vt per illum significetur, quod infantes, qui propter peccatum originale subiecti sunt spiritali potestati Sathanae, mox per Baptismum ab ea liberandi sint.* Quaedam vero non retinent, sed iam dudum illum abrogauit propter superstitionem Pontificiorum, qui peculiarem illi virtutem & efficaciam tribuunt in eijciendo Daemonum, magno cum contemptu & detrimento Baptismi. Haec tu.

78. Hic primum miror, cur Lutherani inter se diuisi sint, & alij retineant Exorcismum cum Catholicis, alij reiciant cum Calvinistis. Nam si priores, qui illum retinent, bono sensu retinent, cur reliqui

similiter bono sensu illum non retinent? Aut si hi qui illum reiciunt, propter superstitionem Pontificiorum id faciunt; cur alij propter eandem causam eos non imitantur? Deinde ex tua regula pono hunc syllogismum: Illa ceremonia tuto retinetur, quae non pugnant cum Scriptura, & absque vlla superstitione, necessitate & scandalo recipiuntur. Exorcismus est talis ceremonia: Ergo tuto retinetur. Cur ergo quidam Ecclesiae Lutheranae illum non retinent? Scio, quid te perplexum hic faciat. Ex vna parte, vester Hunnius insensissime oppugnat Exorcismum, & penitus abolitum vult, cuius certe contradicere non audes. Ex altera, multi alij Lutherani, ne populum offendant, in antiqua consuetudine Ecclesiae Catholicae persistunt. Quid hic agas? Vtroque pede claudicandum tibi est.

79. Quod autem Catholici, quos Pontificios vocas, tribuant Exorcismo vim expellendi Daemonem, non est superstitio, vt tu putas. Primo, quia Lutherus vester tribuit illi maiorem vim, non modo expellendi Daemonem, sed etiam conferendi fidem actualem. Vel ergo Lutherus magis superstitiosus est; vel si ipse non est, multo minus Catholici sunt. Deinde, Catholici habent suam doctrinam ab Augustino, & aliis antiquis Patribus, quos superstitiosos fuisse credibile non est. Certe Augustin. lib. 2. de nuptiis, & concup. cap. 29 in fine, sic scribit: *Amiquissima Ecclesia Traditione exorcizantur, & exsufflantur parvuli, vt in regnum Christi a potestate tenebrarum, hoc est, Diaboli & Angelorum eius erui transferantur.* An tu hanc antiquissimam Ecclesiae Traditionem superstitionis accusabis? Nimis temere.

80. Nec vllus hic Baptismi contemptus est. Nam alia est Exorcismi, alia Baptismi vis & efficacia. Exorcismus, per orationes Ecclesiae, impetrat a Deo gratiam contra insidias Daemonum, ne legitimam baptismi administrationem & susceptionem impediant. Baptismus confert gratiam habituales, per quam homo liberatur a peccato, & constituitur filius Dei adoptiuus. (D. Thom. in 3. p. q. 71. art. 2. ad 2. & alij ibidem.) Apud vos Lutheranos magnus baptismi contemptus est. Nullam illi vim aut efficaciam tribuitis. Nam Lutherus in lib. de cap. Babylonica cap. de baptismo, sic ait: *Baptismus neminem iustificat, nec vlli prodest, sed fides in verbo promissionis, cui additur baptismus.* Itaque ex sententia Lutheri plus potest Exorcismus, quam baptismus. Nam ille vim habet conferendi infantibus actualem fidem, hic nullam habet. Vide, quantus ille baptismi contemptus sit.

81. Et haec sufficiant de prima tua obiectione. Secundo obiecis, neque Lutheranos, neque Calvinistas docere, nullas ceremonias vlturpandas esse in Ecclesia, nisi de quibus extat expressum praeceptum in Scripturis. Falsum est. Gardi. Vtrique id docent. Aegidius Hunnius, sine dubio, Lutheranus, in suis Thesibus de abrogando Exorcismo, inter alia argumenta, etiā hoc vtitur: *Nullus cultus potest placere Deo, qui ab hominibus institutus est, sine expresso Dei mandato: Ergo nec Exorcismus.* Et Calvinus in lib. de necessitate reformationis Ecclesiae: *Vniuersalis, inquit, est regula, quae purum Dei cultum a vitioso discernit, ne comminiscamur ipsi, quod nobis visum fuerit; sed quid praescribat is, qui solus iubendi potestatem habet, spectemus.* Et ibidem: *Deus non modo irrisum habet, quidquid colendi sui studio, praeter mandatum suum suscipimus, sed palam quoque abominatur.* Et rursum: *Satis hoc valere debet ad reprobandum quemcumque cultum, si nullo Dei mandato approbatur.* Et libro 4. instit. cap. 15. §. 19. *Respondere mihi & pijs omnibus facit, quidquid ad Christi institutionem addere ausi sunt homines.* Si haec legisti, mendax es, qui

contrarium asseris; si non legisti, temerarius, qui de ignotis iudicas: Elige alterutrum.

IV. CONTROVERSIA.

An baptizati ab haeticis sine rebaptizandi.

82. **D**ixi, affirmasse olim Cyprianum, negasse Augustinum: Nec tamen ex sola Scriptura, sed ex Apostolica Traditione & Ecclesiae consuetudine, controuerfiam hanc decidi potuisse. Quod probaui clarissimis Augustini testimoniis. Tu primum multa obiecis ex Augustino. Deinde conaris ex Scriptura alteram controuerfiae partem definire. Expendamus singula.

83. Ac primo obiecis, Augustinum non prouocasse ad solam Ecclesiae consuetudinem, sed etiam ad plenarium orbis Concilium lib. 2. contra Donatistas, cap. 7. sub finem. Respondedo: Distinguenda sunt tempora. Qui enim docebant contra Cyprianum baptizatos ab haeticis non esse rebaptizandos (quod etiam nos docemus) partim vixerunt tempore Cypriani & antecessoris ipsius; partim post mortem: Cypriani igitur priores, qui vixerunt tempore Cypriani, prouocabant ad solam consuetudinem, vt diserte testatur Augustinus lib. 2. contra Donatistas c. 9. cum ait: *Nondum factum erat vniuersale Concilium, quia consuetudinis robore tenebatur orbis terrarum, & haec sola opponebatur inducere volentibus nouitatem, quia non poterant apprehendere veritatem.* Loquitur de Cypriano & illi adhaerentibus: Hi enim volebant inducere nouitatem rebaptizandi; contra consuetudinem Ecclesiae. Qui autem vixerunt post mortem Cypriani, non solum prouocabant ad consuetudinem, sed etiam ad concilium vniuersale, in quo consuetudo illa fuit confirmata. Vnde ibidem subdit Augustinus: *Postea tamen, dum inter multos ex vtriusque parte tractatur & quaritur veritas, non solum inuenta est, sed etiam ad plenarium Concilium auctoritatem roburque perducta; post Cypriani quidam passionem, sed antequam nos nati essemus.*

84. Secundo obiecis haec Augustini verba, lib. 2. contra Donatistas, cap. 7. circa finem: *In quo (plenarium Concilio) veritas post multos dubitationis fluctus diligentius inquisita, & ex ipsis Scripturis definita est.* Respondedo. Augustinus non habet illam particulam, *Ex ipsis Scripturis.* Tu illam addis. Augustini verba sunt haec: *Hanc ergo saluberrimam consuetudinem per Agrippinum praedecessorem suum dicit Sanctus Cyprianus quasi cepisse corrigi: Sed sicut diligentius inquisita veritas docuit, quae post magnos dubitationis fluctus ad plenarium Concilium confirmationem producta est; verius creditur per Agrippinum corruptam cepisse, quam corrigi.*

85. Tercio obiecis ex eodem Augustino libro 4. contra Donatistas cap. 6. in fine, haec verba: *Huc accedit, quod bene perspectis ex vtroque latere disputationis rationibus, & Scripturarum testimoniis, potest etiam dici, Quod veritas declarauit, hoc sequimur.* Resp. Loquitur primo de testimoniis Scripturarum a Cypriano contra consuetudinem Ecclesiae allatis. Hoc colligitur ex verbis Augustini, immediate praecedentibus. Sic enim scribit: *Quando robustius nunc dicimus, quod Ecclesia consuetudo semper tenuit, quod haec disputatio dissuadere non potuit, & quod plenarium Concilium confirmauit, hoc sequimur.* Huc accedit, &c. Vbi illa particula, *Quod haec disputatio dissuadere non potuit*, intelligitur de disputatione, quae habebat ex Scripturis pro sententia Cypriani. Nam illa disputatio, quantumvis fieret ex Scripturarum testimoniis, non



Arina Matthæi, Marci, Lucæ, Ioannis, Pauli, Petri & Iudæ, quæ ab ipsis scripta est, vocatur verbum Dei, quia Deus illius author est, sic etiam doctrina Andreæ, Philippi, Bartholomæi, Matthiæ, & Barnabæ, quam ipsi viua tantum voce prædicarunt, debet vocari verbum Dei, quia Deus similiter illius author est. Nec minor fides his apostolis, qui nō scripserunt, quam illis, qui scripserunt, adhibenda est.

X. CONTROVERSIA.

An in veteri Testamento fuerit aliquod externum remedium pro feminis contra peccatum originale.

108. **A** Is, quæstionem hanc esse planè otiosam. Cur igitur tam anxie suscipis discutendam? Cur tam studiose conquisis omnia, quæ ad illius decisionem videntur pertinere? Nec tamen obtines, quod vis. Et dum multa asseris, nihil proficis, hoc ostendo.

109. Primo asseris, Deo nihil præscribendum esse, quia ipse sine externo remedio potuit feminas liberare à peccato originali. Ita quidem. At non est quæstio, quid Deus potuerit, sed quid voluerit facere, & re ipsa fecerit. Ad hoc respondendum est. Etiam nos in noua lege posset liberare à peccato originali, sine externo baptismo, sed non vult.

110. Secundo asseris, Lombardum in 4. dist. 1. statuere, fidem habuisse eandem vim in feminis, quam circumcisio habuit in viris. At ex Scriptura, non ex Lombardo, decidenda tibi controuersia est. Nec Lombardus id statuit de feminis in lege Moïsaica. Verba eius sunt hæc: *Melius est dicere, illos qui de Abraham prodierunt, per circumcisionem iustificatos: mulieres vero per fidem & operationem bonam; vel suam, si ad illa erant, vel parentum, si paruule.* Vbi non solum fidem nominat, vt tu fingis, sed etiam bonam operationem, de qua files.

111. Tertio asseris, neque in Scripturis, neque in aliis veterum Iudeorum aut Christianorum libris, quicquam haberi de externo remedio pro feminis instituto. Esto. Sed inde colligitur, hanc controuersiam ex Scriptura definiri non posse. Si hoc das, sufficit.

112. Quarto asseris, circumcisionem institutam fuisse, non tantum pro viris, sed etiam pro feminis ex parte, licet in corpore suo capaces non fuerint. Quod tripliciter probas. Primo, quia circumcisio vocatur pactum Domini cum Abrahamo & semine eius, Gen. 12. 10. At in semine Abrahæ, comprehenduntur etiam filie Abrahæ. Respondeo. Circumcisio non fuit proprie ipsum pactum, sed signum pacti seu fœderis à Deo initi cum Abrahamo (sicut Iris fuit signum fœderis inter Deum & Noë, Gen. 9. 12.) vt patet ex verbis sequentibus: *Circumcidesis carnem præputij vestri, vt sit signum fœderis inter me & vos.* Et ex Apostolo Rom. 4. 11. vbi de Abrahamo sic loquitur. *Et signum accepit circumcisionis, signaculum fidei iustitia, quæ est in præputio, vt sit pater omnium credentium per præputium,* id est, vt sit pater omnium præputiatorum, seu gētilium, qui in Christum credituri sunt. Tametsi ergo pactum inter Deum & Abraham initum, pertineat etiam ad filias Abrahæ, tamen Circumcisio, quæ est signum illius pacti, non pertinet ad feminas, sed ad solos masculos.

113. Deinde sic probas: Nemini, nisi circumciso, licuit vesci de agno Paschali, Exod. 12. 48. At feminæ vescerentur de agno Paschali: ergo, &c. Respon-

Opusc. Bec.

deo. Maior vera est de masculis, non de feminis, vt patet, ex loco à te citato, qui sic habet. *Quod si quis peregrinatus in vestram voluerit transire coloniam, & facere Phasè Domini, circumcideretur prius omne masculinum eius, & tunc ricelet brachis, erique sicut indigena terra: si quis autem circumcissus non fuerit, non vescetur ex eo.* Alioqui, si maior vniuersè sumatur, tam pro feminis, quam pro masculis (vt à te sumitur) inferenda esset hæc conclusio; ergo feminæ erant circumcisæ. Quæ falsa est.

114. Denique probas, hoc modo: Pia femina veteris Testamenti magnum in pacto circumcisionis contra hostes suos habuere solatium, iuxta illud Iudith. 9. 18. *Memento Domine testamenti tui.* Sed iam supra ad hoc responsum est c. 5. §. 77. vbi dixi, dupliciter in hoc argumento te peccare. 1. quia citas librum Iudith, quem falsitatis arguis. 2. quia nomine Testamenti intelligis pactum circumcisionis, cum debeat intelligi pactum protectionis.

ALIÆ DVÆ CONTROVERSIAE.

115. **E** X iis, quæ hætenus dicta sunt, manifestum est multas esse controuersias, quæ ex sola Scriptura decidi non possunt. Si vis, addam alias duas, in tui gratiam. Vna est, An infantes, qui moriuntur vel in vtero materno, vel in ipso partu, antequam baptizari possint, saluentur sine baptismo? Tu affirmas; & excipis illos ab illa communi obligatione, seu necessitate baptismi: *Nisi quis renatus fuerit ex aqua & Spiritu sancto, non potest intrare in regnum Dei.* Quæ exceptio maximi momenti est, à qua pendet salus infantium. At ex quo loco Scripturæ probas hanc exceptionem? Ex nullo. Solum producis testimonium Augustini; sed pessima fide, vt c. 1. §. 83. demonstratum est.

116. Altera, An Henoch, Moyses, & Helias habeant gloriosa & immortalia corpora, ita vt mori non possint? Tu affirmas; & vocas omnium, si quis aliter sentiat. Sed ex qua Scriptura definis hanc controuersiam? Ex nulla. Nec vnquam poteris, etiam si omnes Lutherani te iuuent. Quod sic ostendo. Primo constat ex Scriptura, Moysen mortuum ac sepultum esse in terra Moab. Deuter. 34. 5. Si ergo nunc habet corpus gloriosum & immortale, vt tu ais; necesse est, non solum à mortuis resuscitatum esse, sed etiam in corpore glorioso resuscitatum esse, at hoc probari non potest. Legimus quidem Matth. 17. 3. Moysen & Eliam apparuisse apostolis, & cum Christo locutos esse in monte Thabor: Non tamen legimus, Moysen apparuisse in proprio corpore, multo minus in corpore glorioso & immortali. Potuit enim apparere vel in corpore alieno, sicut angeli frequenter apparuerunt: vel in proprio quidem, sed mortali sicut multi putant apparuisse illos, qui tempore Passionis Christi à monumentis surrexerunt, Matth. 26. 52. Certe nunquam euinces, in proprio & glorioso apparuisse.

117. Secundo constat ex Scriptura, Henoch & Eliam, viuos à terra in alium locum translatos esse. Heb. 11. 5. *Henoch translatus est, ne videret mortem.* ac 4. Reg. 2. 11. *Ascendit Helias per turbinem in cælum.* Vt ergo probes, habere eos gloriosa corpora, tria prius probanda sunt. Primo, postquam ex hac terra translati sunt, mortuos esse, psal. 88. 49. *Quid est homo, qui vixit, & non videbit mortem?* Secundo, resurrexisse à mortuis. Tertio, resurrexisse in corporibus gloriosis. At hæc tria nunquam ex Scriptura probaturus es. Nec ex Patribus. Nam illi communi fere consensu docent, vtrumque venturum tempore Antichristi.

Tee

& ab eo interficiendam. Supponunt ergo, utrum-
que mortalem esse.

118. At si mortales sunt, inquires, quo cibo ac potu sustentantur? August. lib. 1. de deprecatorum meritis & remis. cap. 3. insinuat tres solutiones. Prima est, si potuit Deus efficere, ut Israelitarum vestes & calceamenta per 40. annos non fuerint attrita in deserto; cur nequeat efficere, ut amici ipsius conseruentur ab interitu sine cibo & potu? Altera, si Helias per 40. dies potuit ambulare sine nutrimento, ante raptum; cur non per totidem annos & secula, postquam raptus est? Tertia, sicut Adam in Paradiso fuit cōseruatus ex ligno vitæ, nisi peccasset; cur non Henos & Helias, qui putantur esse in eodem loco, & vesci de eodem ligno?

IV. ARGVMENTVM

B E C A N I.

Ex usu & praxi veteris Testamenti.

119. **H**oc sic proposui. Certum est, in V. T. omnes controuersias legales, quæ erant maioris momenti, à summo Sacerdote seu Pontifice, tanquam à supremo in terris Iudice, non autem à Scriptura (tanquam Iudice) dirimi ac definiri debuisse, ut testatur Iosephus lib. 2. cōtra Appionem. Et manifeste colligitur ex Scriptura, Deut. 17. 8. Ex occasione huius argumenti, multa dixi de usu & praxi, quæ in V. T. circa decisionem controuersiarum seruabatur. Quæ hic non repetō.

120. Hic tu aliquid concedis, aliquid negas. Concedis (ut utar tuis verbis) *summum Pontificem V. T. fuisse Iudicem controuersiarum, & primum Præsidentem Concilio Hierosolymitano*. Negas fuisse infallibilem. At ego exemplo Moïsi id probavi in meo libello, §. 62. Nunc iterum tripliciter probo.

Primò, ex discrimine, quod erat inter summum Pontificem, & alios inferiores Iudices. Nam quando oriebatur aliqua controuersia difficilior, in cuius decisione inferiores Iudices vel dissentiebant, vel veritatem attingere non poterant; volebat Deus, ut partes litigantes deferrent eam ad Pontificem in superiori Concilio præsidentem, cum hac promissione, quod ab eo accepturi essent *iudicij veritatē*. (Deut. 17. 9.) At si Pontifex in tali casu fuisset fallibilis, non accepissent ab eo *iudicij veritatem*, nec promissio Dei fuisset impleta: Ergo dicendum est in tali casu falli non potuisse.

Secundo, ex mandato Dei. Nam Deus sub pœna mortis mandabat omnibus, ut acquiescerent sententiæ Pontificis. (Deut. 17. 12.) At certum est, non mandasse, ut acquiescerent sententiæ falsæ, præsertim in negotio fidei ac religionis: Ergo certum est, sententiæ Pontificis, præsertim in negotio fidei ac religionis, non potuisse esse falsam, sed ex peculiari Dei assistentia infallibilem.

Tertiò, ex parte litigantium. Nam si Pontifex, quando publice in Concilio pronuntiabat sententiam, potuisset falli, vel à legitimo Scripturæ sensu aberrare, nunquid litigantes, qui illum consulebāt, fuissent secuti. Cur ergo sub pœna capitis tenebantur sequi illius decisionem? Cur altera pars, cum tanto onere, debebat subiacere sententiæ contra se latæ, quam poterat suspicari falsam & iniquam esse? Denique, cur totus populus in negotio religionis iubebatur, id sequi, quod Pontifex iudicabat sequi oportere, si Pontifex errare poterat?

121. Ad obicis, Pontificem, etiam cum toto

Concilio, sæpe errasse in negotio religionis. Quod probas variis exemplis. *Primò*, quia Aaron Pontifex fuit author idololatriæ, quādo proposuit populo vitulum adorandum, Exodi 32. 4. *Secundò*, quia Urias contra legem Dei extruxit nouum altare in templo, ad formam altaris Damasceni. & in eo sacrificia obtulit, 7. Reg. 16. 10. *Tertiò*, quia tempore Isaia, omnes speculatores populi erāt cæci, Isaia 56. 10. *Quartò*, quia tempore Ieremias, à Propheta vsque ad Sacerdotem, omnes loquebantur mendacium. Ierem. 6. 13. *Quintò*, quia idem Ieremias, propter verbum Domini, publico decreto omnium Sacerdotum & Prophetarum fuit condemnatus ad mortem. Ierem. 26. 11. *Sextò*, quia Christus à Pontificibus, Scribis, & Senatoribus populi, in publico Concilio, morti adiudicatus est.

122. Respondco. Facis, mi Gardi, tuo more. Omnia vis probare ex Scripturis, & nihil probas. Hoc euidenter ostendam in exemplis à te allatis. *Primò*, Aaron nec erat Pontifex, quando vitulum ex auro conflauit, nec fuit author idololatriæ. Nihil ergo iuuat te hoc exemplum. Quod non fuerit Pontifex, certum est. Nam à Moïse consecratus est in Pontificem, anno secundo egressionis ex Ægypto, prima die mensis primi, quando Tabernaculum fuit erectum: (Exod. 40. 55.) At vitulus iam antea conflatus erat, cum adhuc Moïses erat in monte Sinai cum Deo, & acceptis ab eo tabulis lapideis, iubebatur construere Tabernaculum per Beleteel filium Uriæ. (Exod. 31. & 32. 1.) Similiter, quod populus fuerit author idololatriæ, non autem Aaron, diserte habetur Exod. 32. 1. *Videm populus, quod moram faceret descendendi de monte Moïses, congregatus aduersus Aarōn, dixit: Surge, fac nobis Deos, qui nos præcedant.*

123. Secundo, Urias non errauit, tanquam Iudex & Præsides Concilij, in dirimendis controuersis legalibus, sed extra Concilium, errauit in facto, volens satisfacere mandato Regis Achaz, quod non negamus. Itaque nec hoc exemplum ad rem facit. Non enim est quæstio inter nos, An Pontifex nulla in re, potuerit errare, aut peccare? Potuit certe in multis, non minus, quam alij. Sed quæstio est, an in sententia publice ferenda circa controuersias legales potuerit errare, vel falsam sententiam dicere? Non potuit. Nec Urias hoc modo errauit.

124. Tertiò, Isaïas per speculatores, quos ait cæcos esse, non intelligit Pontifices sui temporis, ut tu putas, sed Scribas & Phariseos, qui erant futuri tempore Apostolorum, quando Ierusalem erat vastanda à Romanis, sub Vespasiano Imperatore. ut interpretatur S. Hieronymus. Et patet ex ipso contextu, qui sic habet: *Ait Dominus Deus, qui congregat dispersos Israël. Adhuc congregabo ad eum congregatos eius. Omnes bestie agri venite ad deuorandum, vniuersa bestie saltem. Specula oves eius cæci omnes, nescierunt vniuersi, omnes muti, non valentes larrare.* Sentius est: *Ait Dominus Deus: Ego post captiuitatem Babylonicam, in qua dispergentur Iudæi, iterum congregabo illos in Ierusalem, (quod contigit sub Cyro Persarum Rege, 1. Esdræ 1.) Deinde etiam gentiles eis aggregabo (quod factum est tempore Christi & Apostolorum, quando gentiles ad lucem Euangelij vocati sunt, & ex utroque populo coaluit vna Ecclesia.) Postea, dicam Romanis, (qui propter infidelitatem vocantur bestie agri) venite ad deuorandum, id est, ad deuastandam & euertendam ciuitatem Ierusalem. Sed ob quā causam? Quia Speculatores eius, Scribæ & Pharisei merebuntur hanc pœnam, duplici titulo. Primo, propter suam cæcitatem & incredulitatem. Nam neque ipsi volent Christum agnoscere*

pro Messia; neque permissuri sunt, ut Iudæi in eum credant. Et sic utrique propter incredulitatem digni erunt, qui puniantur. Vnde Christus Matth. 23. 14. *Cæci sunt & duces cæcorum.* Et cap. 23. 13. *Vos vobis Scribæ & Pharisei hypocritæ, quia clauditis regnum cælorum ante homines. Vos enim non intratis, nec introeuntes finitis intrare.* Secundo, quia erunt canes muti non valentes latrare, id est, ignaui Pastores: non defendentes gregem sibi concreditum, nec vitia subditorum reprehendentes. ex hac interpretatione, quæ & textui, & Hieronymo conformis est, nihil potes colligere, quod sit contra nos. Nam nostra assertio est, Pontificem veteris Testamenti non potuisse errare in definiendis legalibus controuersis, quæ ad ipsum in Concilio deferbantur. Hæc non eueritur per hoc, quod Pharisei, tempore Apostolorum, fuerint cæci & increduli in Christum. Frustra ergo altercaris.

125. Quarto. Nec dictum Ieremix, quod citasti, tibi patrocinatur: Non enim intelligendum est de errore vel mendacio Pontificis in decisione controuersiarum legalium: sed de dolo, seu mendacio Sacerdotum & Prophetarum in prædicatione futurorum. Cum enim Ieremias, & alij Prophetæ à Deo missi prædicerent fore, ut populus propter scelera sua puniretur, & in captiuitatem duceretur: Sacerdotes & pseudoprophetæ blandiebantur populo, & omnia prospera vaticinabantur: & sic misere illum decipiebant. Hic sensus colligitur ex ipso textu. Nam Ieremix prædictio erat hæc. *Vir cum muliere capietur, senex cum plebe diu. Et transibunt domus illorum ad alteros, agri & vxores pariter, quia extendam manum meam super habitantes terram, dicit Dominus. A minore quippe usque ad maiorem omnes auaritia student.* Quid porro Sacerdotes & pseudoprophetæ? Sequitur: *A Propheta usque ad Sacerdotem cuncti faciunt dolum. Et curabant contritionem populi mei cum ignominia dicentes: Pax, pax, & non erat pax.* Vel, ut Septuaginta vertunt. *A Sacerdote usque ad pseudoprophetam omnes fecerunt mendacium. Et curabant contritionem populi mei, parui pendentes, & dicentes: Pax, & ubi est pax?* quasi dicat: Quidquid ego ædifico, hoc mali Sacerdotes & Prophetæ destruant. Ego reprehendo scelera populi, & prædico illi captiuitatem, ut hac ratione permo-ueam omnes ad dolorem & contritionem. Illi contra, dolo seu mendacio decipiunt populum, promittendo pacem & prosperitatem; & sic conantur abstergere, & curare contritionem, quam ex mea comminatione conceperat. Ex hoc sensu, qui legitimus est, quid inferes, mi Gardi? Vel nihil, vel hoc: Sacerdotes & Prophetæ in V. T. mentiebantur in prædicatione futurorum: Ergo Pontifex errabat in decisione controuersiarum legalium. Illatio te digna.

126. Quinto, quod obliis. Ieremiam publico decreto Sacerdotum & Prophetarum fuisse condemnatum ad mortem, non spectat ad præsentem questionem. Primo, quia tametsi Sacerdotes & Prophetæ peccauerint in hoc facto, non tamen errauerunt in decisione alicuius controuersie legalis (de quo errore hic disputamus) sed tantum in eo, quod dicerent falsam esse prædictionem Ieremix de imminente eersione Ierusalem, ut iam expheui. Deinde, non soli Sacerdotes & Prophetæ, sed etiam populus condemnauit illum ad mortem. Cum enim dixisset Ieremias ex persona & mandato Dei: *Dabo domum istam, sicut Silo, & urbem hanc dabo in maledictionem cunctis gentibus terre:* mox sequitur: *Et audierunt Sacerdotes & Propheta, & omnis populus Ieremiam* Opusc. Bec.

loquentem verba hæc in domino Domini. Et paulo post: *Apprehenderunt eum Sacerdotes & Propheta, & omnis populus dicens: Morte moriatur.* Quare prophetauit in nomine Domini dicens: *Sicut Silo eris domus hæc, & urbs ista desolabitur, eo quod non sit habitator?* Igitur sententia condemnationis non fuit legitime & iudicialiter lata in Concilio seu Synedio, in quo legales controuersie decidebantur, sed in tumultuario concursu ac seditione vulgi, ut etiam ab Hieronymo notatum est. Et hoc patet ex euentu. Nam Principes Iuda, cum audissent tumultum populi, & conspirationem factam contra Ieremiam, venerunt ad introitum Templi, (ubi seditio excitabatur) & liberarunt Ieremiam à sententia mortis; quod non facillè fecissent, si sententia à summo Pontifice in Concilio fuisset pronunciata. Inspiciatur textus.

127. Sexto ad id denique, quod adfers de Christo à Pontifice & Senioribus morti adiudicato, facilis responsio est. Fateor Caipham, qui tunc erat Pontifex, errasse cum Concilio, nec amplius habuisse infallibilem Dei assistentiam, quia Synagoga iam ferè expirabat. Vbi obiter notandum est, potuisse hæc quinque spectari in Synagoga. 1. Legem Mosaicam. 2. Prophetiam de Christo. 3. Sacerdotium, & sacrificia legalia. 4. Supremam potestatem iudiciariam, quæ erat in Pontifice & Concilio. 5. Infallibilem Dei assistentiam, quæ illi potestati erat annexa. Quando & quomodo singula expirauerint, dicam paucis.

128. Lex Mosaiica, quoad obligationem abrogata est in morte Christi, ut docet S. Thomas, 1. 2. q. 103. artic. 3. ad 1. & alij passim. Tunc enim amissit vim obligandi: quia tunc *velum templi scissum est in duas partes à summo usque deorsum.* Matth. 27. 51. Et tunc Christus dixit in Cruce, *Consummatum est.* Vnde sequitur, ante mortem Christi, viguisse simul legem Mosaicam & Euangelicam; post mortem, solum Euangelicam.

129. Prophetia de Christo fuit multiplex: Alia de venturo Christo in hunc mundum, alia de eius doctrina & miraculis, alia de morte & passione, alia de deiscensu ad inferos, alia de resurrectione, alia de ascensione. Vnaquæque earum tunc expirauit, quando impletum fuit id, quod per eam prædicebatur. Verbi gratia. Prophetia de venturo Christo expirauit per aduentum Christi Matth. 11. 13. *Lex & Propheta usque ad Ioannem.* Et sic deinceps.

130. Sacrificia legalia sunt etiam abrogata per mortem Christi, sicut lex Mosaiica. Quod maxime verum est de cruentis sacrificiis, in quibus mactabantur animalia. Erant enim figuræ seu vmbrae cruenti sacrificij: quo Christus in ara Crucis erat mactandus. Itaque adueniente hoc sacrificio, necesse fuit illa expirare: sicut adueniente Solē, cessant tenebræ.

131. Suprema potestas iudiciaria, itémque diuina assistentia illi annexa, non videtur simul, seu eodem momento tota expirasse, sed successive & quasi per partes. Nam primo certum est, Christum habuisse maiorem potestatem iudiciariam, & vberiorem Dei assistentiam, quam habuerit Pontifex in veteri Testamento, iuxta illud Matth. 28. 18. *Datæ est mihi omnis potestas in cælo & in terra.* Itaque Pontifex, respectu Christi, non potuit amplius habere supremam, tametsi habuerit supremam in suo ordine ac statu.

132. Deinde, Assistentia diuina paulatim subtrahenda est. Quod facillè ostendi potest in iis Conciliis, quæ post Christi natiuitatem à Pontifice & Sacerdotibus celebrata sunt. Tria potissimum recensabo.

quid opus est alio Iudice, cum Scriptura in promptu sit? Si non est ſufficientis, quid illi deest? De hac re dixi cap. primo, §. ſextimo, & ſequentibus. Reliqua, quæ obuiſis, ſpeciatiim diſcutienda ſunt.

DE CONTROVERSIA IN CONCILIO,
APOSTOLORVM DECISA.

142. **D**ixi hanc Controuerſiam non fuiſſe delatam ad ſolam Scripturam, tanquam communem Iudicem vtriuſque partis, ſed ad Concilium Apoſtolorum: Et Apoſtolos nullum Scripturæ teſtimonium produxiſſe, quod directe ad circumciſionem, de qua agebatur, pertineret; ſed ex directione & aſſententia Spiritus ſancti, ſententiam pronunciaſſe, iuxta illud Act. 15. 28. *Viſum eſt Spiritui ſancto & nobis.*

143. Hic vertis te in omnem partem. Ac primò ais, non eſſe quæſtionem, an illa controuerſia delata fuerit ad ſolam Scripturam, tanquam communem Iudicem. (Neminem enim ita ſentire) ſed, an ita fuerit decisa à Concilio Apoſtolico, ut Scriptura nullo modo fuerit Iudex? Miror te, Gardi. An non diſſette & ſæpe dixiſti, ſolam Scripturam eſſe infallibilem Iudicem controuerſiarum fidei ac religionis? Non potes negare. Verba tua citata ſunt c. 1. §. 6. Si igitur in eo conſtans es, necesse eſt te ſentire, hanc controuerſiam de circumciſione, ad ſolam Scripturam, tanquam infallibilem & communem Iudicem, deferendam eſſe. Aut ſi ad alium Iudicem infallibilem deferri poteſt, iam ſola Scriptura non eſt infallibilis Iudex. Et ſic euerſus teipſum.

144. Secundo ais, Non valere hanc conſequentiam: Controuerſia de circumciſione delata eſt ad Concilium, tanquam ad Iudicem: Ergo Scriptura non fuit Iudex. Ac certe valet vel maxime, ſi adicias, quod ego adieci, hoc modo: Controuerſia de circumciſione delata fuit ad Concilium, tanquam ad Iudicem, & Apoſtoli in Concilio nullum Scripturæ teſtimonium produxerunt, quod directe pertineret ad circumciſionem: Ergo Scriptura non fuit Iudex.

145. Tertio ais, Spiritum ſanctum in illo Concilio immediate rexiſſe & illuminariſſe Apoſtolos, ideòque Scripturæ iudicium non fuiſſe illis neceſſarium. Aliter rem habere in aliis Conciliis, quæ poſtea celebrata ſunt: in quibus Spiritus ſanctus non rexit & illuminavit Episcopos immediate per ſe, ſed mediate per ſcripturam; ac proinde Scripturæ iudicium neceſſarium illis fuiſſe. Hoc non cohæret cum eo, quod paulò poſt addis, nempe Apoſtolos in eodem Concilio; *Scripturæ iudicium ſecutus eſſe.* Nam ſi illud ſecuti ſunt, iam Spiritus ſanctus non immediate illos rexit & gubernavit, eo ſenſu, quo ex tua ſententia explicatum eſt; ſed mediante iudicio Scripturæ, quod prius negaſti.

146. Quarto ais, etſi non legimus aliquod Scripturæ teſtimonium ab Apoſtolis productum eſſe, quod directe ad circumciſionem pertineat; colligi tamen ex ipſo textu, fuiſſe aliquod tale productum, Act. 15. 6. *Cum autem magna conqueſtione fieret, ſurgens Petrus dixit ad eos, &c.* Quis crederet, inquis, in hac conqueſtione, neque Phariſæorum ſectatores, neque Paulum & Barnabam, teſtimonium aliquod Scripturæ de circumciſione in medium protuliſſet? Hoc eſt quætere, non probare. Ego viciffim quæro. Quis crederet Apoſtolos in Concilio congregatos, aliquod Scripturæ teſtimonium de circumciſione in medium protuliſſe, cum, ut ipſe fatearis, nulla de eo

ſiat mentio? cum immediate à Spiritu ſancto fuerint illuminati; cum Scripturæ iudicium non fuerit illis neceſſarium? Reſponde ad meam quæſtionem; reſpondebo ad tuam. Omitto conuiſia, quæ hic exſpuiſ.

147. Quinto ais, Petrum ſententiam ſuam deduxiſſe ex Scripturis, & unanimi conſenſu Prophetarum: Et Iacobum ex Propheta Amos, cap. 9. 11. de gratuita vocatione gentium, eandem conſirmaſſe. Audi, mi homo. Non aſſerui absolute, Apoſtolos nullo Scripturæ teſtimonio uſos eſſe, ſed, nullo uſos eſſe, quod directe ad circumciſionem pertineret. De hoc inter nos liſ eſt. Si uſi non ſunt, ut ego aſſerui, ſalua eſt mea aſſertio. Si autem uſi ſunt, ut tu viſ, oſtende, & credam. Haſtenus non oſtendiſti.

148. Deinde ſalutem eſt, Petrum ſuam ſententiam deduxiſſe ex Scripturis, & unanimi conſenſu Prophetarum. Verba Petri ſunt hæc: *Viri fratres, vos ſcitis, quoniam ab antiquis diebus Deus in vobis elegit, per os meum audire gentes verbum Euangelij, & credere. Et qui nonit cordi Deus, teſtimonium perhibuit, dans illis Spiritum ſanctum, ſicut & nobis, & nihil diſcreuit inter nos & illos, fide purificans corda eorum. Nunc ergo quid tentatis Deum, imponere iugum ſuper ceruices diſcipulorum, quod neque Patres noſtri, neque nos portare poſuimus? Sed per gratiam Domini Jeſu Chriſti credimus ſaluari, quemadmodum & illi.* Hic nullam facit mentionem Scripturæ, aut Prophetarum. Solum reſert, quid ſibi olim contigerit: Et eſt hic ſenſus verborum illius. Viri fratres, vos ſcitis, quod ante aliquot annos (cum eſſem in exceſſu mentis, & viderem cælum apertum, & descendens vas quoddam, in quo erant omnia quadrupedia & ſerpentia terræ, & volatilia cæli) elegerit me Deus, ut gentibus, ac nominatim Corneho Centurioni annunciarer Euangelium Chriſti, quod & feci. (Act. 10. 34.) Et quotquot ex illis fidem Euangelicam amplexi ſunt, acceperunt Spiritum ſanctum in viſibili ſpecie, non minus, quam nos Iudei, qui in Chriſtum credimus: (Act. 14. 44.) Unde colligo, gentiles, qui non ſunt circumciſi, nec ſervant legem Moſaicam, non eſſe deterioris conditionis apud Deum, quam Iudeos, qui circumciſi, & legi Moſaice ſubiecti ſunt: Ac proinde circumciſionem, & alias ceremonias Moſaicas non eſſe neceſſarias ad ſalutem. Quid ergo vultis tam graue onus illis imponere?

149. Hic diſcuſſus non fundatur in aliquo Scripturæ teſtimonio à Petro citato (quia nullum hoc loco ab eo citatum eſt) ſed in eo, quod Deus, ante aliquot annos, reipſa oſtendiſſet, tam præputiatis, quam circumciſis, accipere Spiritum ſanctum, & ſaluari poſſe per fidem in Chriſtum, nec ullum inter eos eſſe diſcrimen apud Deum. Quod alibi aliis verbis, ſed eodem ſenſu, explicat idem Apoſtolus, Act. 10. 34. *In veritate compari, quia non eſt perſonarum acceptio Deus, ſed in omni gente, qui timet eum, & operatur iuſtitiam, acceptus eſt illi; nullo habito reſpectu præputij, aut circumciſionis.* Et Paulus ad Galat. 5. 6. *In Chriſto Jeſu, neque circumciſio aliquid valet, neque præputium, ſed fides, quæ per charitatem operatur.* Non ſola fides ſine operibus.

150. Quod addis, Iacobum ex Propheta Amos conſirmaſſe ſententiam Petri, ex parte verum eſt, ut ex textu patet. *Viri fratres,* inquit Iacobus, *audite me. Simon narrauit, quemadmodum prius Deus viſitauit ſumore ex gentibus populum nomini ſuo: Et huic concordant verba Prophetarum, ſicut ſcriptum eſt: Poſt hæc reuertar, & reedificabo tabernaculum Dauid, quod decidit, & diruta eius reedificabo, & erigam illud; ut requirant caeteri hominum Dominum.*

& omnes gentes, super quas inuocatum est nomen meum, dicit Dominus faciens hac: Notum à seculo est Domino opus suum. Propter quod & iudicio non inquietari eas, qui ex gentibus conuertuntur ad Deum, sed scribere ad eos, ut abstineant se à contaminationibus simulachrorum, & fornicationis, & suffocatis & sanguine. Q. D. Petrus narravit, quomodo gentiles per ipsum ad Euangelium vocati sunt. De hac vocatione multo ante prædixit Deus per Amos Prophetam, in hunc sensum: Ego, qui nunc loquor per Prophetas, reuertar ad vos in assumpta natura humana (Baruch 3. 38. *Post hac in terris visus est, & cum hominibus conuersatus est*) & loco Synagoga, quæ diruetur, ædificabo Ecclesiam, ad quam non solum Iudæi, sed etiam gentiles admittentur, qui in me credituri sunt. Sic ab omni æternitate decretum & conclusum est. Hæc prophetia concordat cum eo, quod Petrus dixit de vocatione gentium. Et quia ille adiecit, gentiles sine præuia circumcisione & obseruatione legis Mosæ, accepisse Spiritum sanctum, non minus quam Iudæos (quod ipse oculis suis vidit) ego idem sentio, quod ipse; nimirum gentiles, qui ad Christum conuertuntur, non esse vrgendos ad circumcisionem & legem Mosæ, sed solum monendos, ut abstineant ab immolatis simulachrorum, & sanguine, & suffocato, & fornicatione.

151. Hinc manifeste apparet, quid Iacobus ex Scriptura confirmauerit, quid non confirmauerit. Nam sententia Petri complectitur duo puncta. 1. quod gentiles ad Euangelium vocati sint, sicut Iudæi. 2. quod non necesse sit eos seruare legem Mosæ. Prius confirmauit Iacobus testimonio Amos Prophetæ; non posterius. Vtrique tamen suo suffragio subscripsit.

152. Notant hic magni auctores; Petrum, Paulum, & Barnabam, nullo testimonio, sed narratione rei gestæ, confirmasse vocationem gentium, solum Iacobum, Scripturæ testimonio vltim esse. Et quidem, quid Petrus narrauerit, iam explicatum est. Quid verò Paulus & Barnabas, immediate sequitur in ipso textu: *Tacuit autem multitudo* (cum Petrus absoluisset suam narrationem) *& audiebant Barnabam & Paulum narrantes, quanta Deus fecisset signa, & prodigia in gentibus per eos.* Postea Iacobus, qui nullum miraculum à se factum potuit adducere, pro vocatione gentium (erant enim Episcopus Hierosolymæ, vbi non habitabant gentiles, sed Iudæi) adduxit testimonium Scripturæ: non quod necesse id esset ad decisionem controuersie, quæ iam erat sufficienter decisa per Petrum, sed ut satisfaceret Iudæis, qui pluris faciebant testimonia Prophetarum, quam visiones aut miracula Apostolorum (2. Petri 1. 18).

153. Hæc sufficiant de Concilio Apostolorum, in quo controuersia decisa est. Reliqua, quæ addis, vel non egent refutatione, vel cap. 7. §. 17. refutata sunt. Porro ex iis, quæ hoc loco vel à me dicta, vel à te concessa sunt, perspicuum est, Iudicem huius controuersie non fuisse Scripturam, sed Concilium Apostolorum. Nunc quaero, an fuerit Iudex fallibilis, an infallibilis? Non dices fallibilem fuisse, si Christianus es. Si ergo fuit infallibilis, & non opus habuit testimonio Scripturæ, ut antea concessisti; necessario sequitur, falsum esse, quod vos Lutherani asseritis, solam Scripturam esse Iudicem infallibilem.

DE ALIIS CONTROVERSIIS; QUÆ POSTEA DECISÆ SVNT.

154. **D**ixi, post tempora Apostolorum, varias controuersias fuisse decisas, vel à Pontifice Romano, vel à Conciliis ab eo approbatis: Et pro hæreticis fuisse habitos, qui illorum sententiæ noluerunt acquiescere. Quod variis exemplis confirmavi. Tum multa obicis. Primò, Non valere hanc consequentiam. *Post tempora Apostolorum controuersia religionis decisa sunt per concilia: Ergo tantum Concilia fuerunt Iudex, non Scriptura.* At ego non dixi hoc de solis Conciliis, sed, vel de Conciliis, vel de Pontifice. Itaque non ista, quam tu ponis, sed hæc est mea consequentia: Post tempora Apostolorum controuersie religionis decise sunt ab Ecclesia, (quo nomine comprehendo simul Pontificem & Concilia.) Ergo Ecclesia fuit Iudex, non Scriptura. Quæ consequentia optima est, si intelligatur eo modo, quo hactenus intellexi. Suppono enim ex dictis, itemque ex tua concessione, hæc duo. 1. Ecclesiam esse Iudicem controuersiarum. 2. Scripturam esse Normam, iuxta quam iudicat Ecclesia. His positis, sic concludo: Ecclesia decidit controuersias iuxta Scripturam, tanquam Normam: Ergo Ecclesia est Iudex, & Scriptura est Norma. At si est Norma, non est Iudex, ut cap. 1. §. 7. & sequentibus ostensum est.

155. Secundò obicis (inuertendo id, quod dixi) Scripturam in Conciliis semper fuisse supremam & infallibilem Iudicem controuersiarum. Et hoc probas ex Bellarmino lib. 2. de Conciliis, cap. 12. vbi sic ait: *Concilia non habent, neque scribunt immediatas reuelationes, aut verba Dei, sed tantum declarant, quodnam sit verbum Dei scriptum vel traditum, & quomodo intelligi debeat, & præterea ex eo per rationationem deducunt conclusiones.* Item, *Cum Nicenum Concilium definivit, Christum esse hominison Patri, deduxit conclusionem ex Scripturis, in quibus diserte continetur, unum esse Deum, & Patrem esse Deum, ac Filium esse Deum: ex quibus sequitur necessario, Patrem & Filium eiusdem esse substantia & diuinitatis.* Ex utroque testimonio sic argumentaris: Quod ex Scripturis deducitur, illud in ipsis Scripturis exstat, alioqui deduci ex iis non posset: Conclusiones Conciliorum (quæ sunt decisiones controuersiarum) deducuntur ex ipsi Scripturis, fatente Bellarmino: Ergo exstant in ipsis Scripturis. Iam pergis: Quidquid in ipsa Scriptura continetur, Verbum est & iudicium immediatum Spiritus sancti: Verbum verò, ac iudicium immediatum Spiritus sancti, est in Ecclesia supremum & infallibile, ut negari nequit: Ergo quod in Scriptura continetur, & ex ea postea deducitur, iudicium est in Ecclesia supremum & infallibile. Et per consequens, Scriptura est in Conciliis supremus & infallibilis controuersiarum Iudex.

156. Frustrate fatigas, Gardi. Nam Bellarminus contra te est. Primò, quia ipse admittit Verbum traditum, quod tu relictis. Deinde ipse ait, Ecclesiam per Concilia definire hæc duo. 1. quodnam sit Verbum scriptum, vel traditum. 2. quis sit legitimus illius sensus & interpretatio. At vos Lutherani in utroque puncto contemnitis Ecclesie definitionem.

157. In priori syllogismo, quem sumis ex Bellarmino, fraudulenter agis. Nam minor propositio, nempe, *Conclusiones Conciliorum deducuntur ex ipsis Scripturis, fatente Bellarmino, falsa est.* Non enim fa-

retur hoc Bellarminus generatione de omnibus conclusionibus, sed tantum de quibusdam. Nam aliquæ (ex illius sententia) de ducunt ex Verbo Dei Scripto; aliquæ ex Verbo Dei Tradito, ut patet ex priori ipsius testimonio.

158. In posteriori plus doli ac fallaciæ latet. Coniungis enim hæc duo, *Verbum & iudicium Spiritus sancti*, quasi idem valeant; cum tamen maxime distincta sint. Nam quidquid continetur in Scriptura, est quid em Verbum Spiritus sancti, non tamen proprie iudicium Spiritus sancti. V. G. in Scriptura continentur leges, promissiones, & comminationes, quæ omnia vocari possunt Verbum Dei, sed non proprie iudicium. Non n. prolata sunt à Deo, tanquam à Iudice, qui controuersias dirimit, sed tanquam à Legislatore, qui præcepta suis subditis proponit, & simul pœnas transgressoribus, præmia obedientibus pollicetur. Vide, quæ supra dixi capite 1. §. 8. & capite 2. §. 5. & 6.

159. Tertio obiicis, falsum esse Ecclesiam Catholicam in Conciliis tulisse vnquam sententiam, per Pontificem Romanum, tanquam Caput & Pastorem totius Ecclesiæ. Et hoc probas. Primo, quia inter Lutheranos & Catholicos controuertitur, An Pontifex sit Caput & Pastor Ecclesiæ. Secundo, quia Episcopi Romani solent tantum præsidere particularibus Conciliis, quæ Romæ celebrantur, non autem aliis nisi forcerogati. Tertio, quia tota Ecclesia non probauit sententiam Victoris in Concilio Romano, de celebratione Paschatis contra Asiaticos latam. Restiterunt enim illi Polycrates & alij Episcopi in Asia. Quarto, quia in præcipuis Conciliis, tam particularibus, quam generalibus, non præfuderunt Episcopi Romani. Nam in Concilio Antiocheno præfedit Malchion Presbyter Antiochenus: in Alexandrino, Athanasius: in Nicæno I. Hosius: in Constantinopolitano, Nestorius, in Ephesino, Cyrillus, & sic deinceps. Quinto, quia in Conciliis generalibus, non Episcopi, sed Imperatores fuerunt Præsides ac iudices, cum singulari iurisdictione ac potestate: Et ex illorum consensu, Episcopi sine vlla iurisdictione, propter solum ordinem ac directionem.

160. Hæc obiectio, quam fusè prosequeris, parum ad rem facit. Non enim ex professo hic disputamus, An Pontifex sit caput Ecclesiæ? vel, An Imperator debeat cum authoritate Conciliis præsidere? Sed hoc agimus, An Ecclesia sit infallibilis iudex controuersiarum, quod ego assero: in verò sola Scriptura, quod vos asseritis. Tibi probandum est, solam Scripturam esse, non Ecclesiam. Hoc autem non probas ista tua obiectio. Quod si semel concederes, Ecclesiam esse infallibilem iudicem, & in eo mecum sentire, iam superesset alia inter nos quæstio, An Ecclesia debeat ferre sententiam per Imperatorem, an verò per Pontificem & Episcopos? Eo res non venit.

161. Deinde, tota obiectio, non solum nullius momenti est, sed continet etiam multa mendacia, ut iam pridem à Bellarmino, Gretsero, & aliis demonstratum est. Nec opus est hic repetere. Solum ad singula argumenta paucis respondebo. Ad 1. Non ideo falsum est aliquod dogma, quod de illo inter aliquos sit controuersia, alioqui nullum dogma Christianæ religionis esset verum, v. g. Controuersia est inter Arianos & Catholicos, An Christus si verus Deus? Non ideo falsum est, esse verum Deum. Item, controuersia est inter vos & Calvinistas, an Christus realiter sit præsens in eucharistia? Non ideo falsum est, realiter præsentem esse. Ergo eodem modo, tamen inter vos & nos controuersia sit. An Pontifex sit ca-

put & pastor Ecclesiæ; non ideo falsum est, esse. Vos quidem falsum esse contenditis, quia vultis vos subtrahere ab obedientia Pontificis, sicut facere solent rebelles subditi, sed nobiscum sentiunt antiqui Patres, ut perspicue ostendam in sequenti capite.

162. Ad 2. & 3. Negandum est, Imperatores cum authoritate & potestate præfuisse Conciliis generalibus; non autem Prælatos Ecclesiæ. Nec est huius loci id disputare. Disputavi de hac re in libro de Primatu Regis Angliæ: itémque in Duello, de eodem Primatu. Ex iis, quæ ibi dixi, hæc accipe. Ius noui Testamenti conditum est à Christo. Si ergo Reges & Imperatores, non autem Apostoli & Episcopi, iure Testamenti haberent potestatem conuocandi Concilia, in eodem præsidendi, controuersias fidei decidendi; id deberet constare ex quadruplici hoc capite. Primo, ex verbis Christi, quibus suam mentem in hac re declarauit. Secundo, ex testimoniis Apostolorum, qui sine dubio mentem Christi assecuti sunt. Tertio ex praxi Ecclesiæ, quæ illo tempore in Ecclesia seruata est. Quarto ex aliis circumstantiis. At contrarium ex his capitibus colligitur. Primo, quia Christus non dixi Tiberio, Herodi, aut Pilato, *Pascite oues meas*, sed Petro. Secundo, quia testimonia Apostolorum confirmant Primatum Episcoporum, non Regum & Imperatorum. Act. 20. 28. *Attendite vobis & universo gregi, in quo vos Spiritus sanctus posuit Episcopos regere Ecclesiam Dei*. Tertio, accedit praxis Ecclesiæ. Nam Apostoli indixerunt primam Synodum, & item de circumcisione direxerunt, non Rex aut Imperator. Quarto, si Christus voluisset Reges & Imperatores habere potestatem regendi Ecclesiam, & controuersias dirimendi, non item Episcopos, debuisset certos Reges designare, qui illam curam susciperent. At contra factum est. Designauit Apostolos, qui Ecclesiam gubernarent. Ex his ita concludo: Iure noui Testamenti gubernatio Ecclesiæ pertinet ad Apostolos & Episcopos, non autem ad Reges & Imperatores, ut iam ostensum est: At hoc ius ab eo tempore nunquam fuit mutatum, nec ab vilo homine mutari potuit, cum sit ius diuinum: Ergo ab eo tempore gubernatio Ecclesiæ semper pertinet ad Episcopos, & nunquam ad Imperatores. Quo igitur inte, vos Prædicantes vultis illam eripere Episcopis, & transferre ad Imperatores? Responde. Gaudi, si potes.

163. Ad 3. Nihil obstat, quod aliqui restiterint sententiæ Victoris Papæ, quam in Concilio Romano pronunciauit de celebratione Paschatis. In quo vnquam Concilio lata est sententia decisiva inter partes, cui non aliqui, saltem initio, refragati sunt? Vix inuenias. Facit hoc superbia & contumacia hominum, ut ægrè pareant iudici, contra opinionem semel conceptam & obfirmatam. Sed bene habet, quod hoc tempore, etiam vos Lutherani approbetis decisionem Victoris, & eodem die, quem ille præscripsit, Pascha celebretis. Quid ergo adhuc murmuras?

164. Ad 4. Concedo, in Conciliis particularibus, quæ extra Romanam prouinciā celebrata sunt, præfuisse Episcopos locales, non Pontificem Romanum. Sed hoc nihil ad rem. Nego in generalibus Pontificem non præfuisse. Exempla, quæ adfers in contrarium, ex Bellarmino transcripsisti. Debebas & responsionem transcribere, si bona fide agere voluisses. Sed quia aliter res habet, non fecisti.

165. Quarto obiicis, Non solam Ecclesiæ & Conciliorum decisionem & authoritatem esse causam, quod agnoscamus Arium. Sabellium, & similes hæreticos, merito damnatos esse, & pro hæreticis habendos, sed principaliter ipsius Scripturæ

supremum iudicium & auctoritatem. Hoc probas, A
qui decreta Ecclesie & Conciliorum non valent, nisi propter scripturæ auctoritatem & consensum. Et pro hac re citas Hieronymum in c. 5. Epist. ad Galatas, Athanasium epist. de synodis Armini & Seleuciz, & Augustinum lib. 3. contra Maximum Ariarum Episcopum, cap. 14.

166. Respondeo. Duplex potest assignari causa. Una ex parte iudicis: altera ex parte normæ. Ex parte iudicis, non est alia causa legitimæ damnationis hæreticorum, quam decisio & auctoritas Ecclesie. Ex parte normæ, auctoritas verbi Dei, siue scripti, siue traditi. Quod addis, decreta Ecclesie non valere, nisi propter scripturæ auctoritatem & consensum, distinguendum est. Non valent, si sint contra auctoritatem & consensum scripturæ: Et hoc docet Hieronymus loco citato. Valent tamen, non solum propter auctoritatem scripturæ, sed etiam traditionis. Nec est maior scripturæ, quam traditionis auctoritas, sed par utriusque, ut supra ex Patribus ostensum est. Verba Augustini, quæ adducis, alio sensu ab ipso scripta, quam à te citata sunt, ut dixi cap. 1. §. 87.

167. Quinto obicis. Non sequi, si sola scriptura esset iudex, & Ecclesia suam sententiam non interposuisset, in hodiernum usque diem durarent antiquæ controuersie, nec adhuc clarè & palam omnibus constaret, Arium, Sabellium, & similes, pro hæreticis habendos esse. Et hoc probas. 1. quia multi fuerunt hæretici primis trecentis annis in Ecclesia, qui in nullo Concilio, tanquam hæretici, damnati sunt. 2. quia Ecclesia in Conciliis non solet ex privato arbitrio damnare hæreticos, sed ex scriptura. 3. quia falsum est, quod palam & clarè non constaret omnibus, Arium & similes pro hæreticis habendos esse, si Ecclesia per Concilia suam sententiam non interposuisset.

168. Respondeo. Non oppugnas meam assertionem, sed tuam phantasiam. Assertio mea est hæc: Non constaret clarè & palam omnibus; eos pro hæreticis habendos esse, nisi Ecclesia suam auctoritatem interposuisset. Hanc non oppugnas, sed istam: Nisi Ecclesia per Concilia suam auctoritatem interposuisset. At ista non est mea, non enim adicci illam particulam, *Per Concilia*. De hac tua fraude, seu mala fide, conquestus sum c. 1. §. 19. Deinde nunquam dixi, Ecclesiam ex privato arbitrio damnaſſe hæreticos, non ex scriptura. Tuum figmentum hoc est.

DIGRESSIO GARDII CIRCA INFALLIBILITATEM ECCLESIE.

169. **P**ost obiectiones, ad quas responsum nunc est, instituis longam digressionem, in qua disputas. An Ecclesia possit errare in ferenda sententia, an vero sit infallibilis iudex? Præmittis autem hanc distinctionem. Ecclesia potest dupliciter summi. 1. pro tota Ecclesia collectivè sumpta, quatenus constat ex omnibus fidelibus, qui toto orbe dispersi sunt. 2. pro Concilio Episcoporum, quod repræsentat Ecclesiam. Ais igitur, Ecclesiam priori modo sumptam errare non posse; posteriori, non solum posse; sed sæpe etiam errasse. Quod probas dupliciter. 1. auctoritate Bellarmini, qui fatetur Concilia tam generalia, quam particularia errare posse, quando non accedit confirmatio Pontificis. 2. exemplo variorum Conciliorum, quæ reipsa errarunt. Adducis autem duo genera Conciliorum: Alia, quæ

errarunt ex concessione Catholicorum: Alia, quæ absolute errarunt. Prioris generis sunt hæc. 1. Ariminense, Seleucium, & Ephesinum secundum, fatente Bellarmino. 2. Constantinopolitanum primum, & Chalcedonense, decernendo Episcopum Constantinopolitanum debere esse parem & æqualem Romano Pontifici. 3. Constantiense & Basiliense, definiendo Concilium esse supra Papam. Posterioris sunt hæc. 1. Neocæsariense, decernendo Presbyterum non debere interesse secundis nuptiis. 2. Carthaginense quartum, statuens Episcopum non debere legere libros gentilium, nec rei familiaris curam gerere. 3. Toletanum primum, definiens eum, qui pro uxore habet concubinam, à communione repellendum non esse. 4. Nicænum secundum, sanciens cultum & adorationem imaginum. 5. Constantiense, adimens laicis communionem calicis. 6. Tridentinum, statuens plurima decreta contra scripturam & consensum Patrum, ut Kemnitius ad oculum demonstravit.

170. Oleum & operam perdis, mi Gardi. Primo quia nos fatemur, Concilia errare posse, nisi à Pontifice sint approbata. Et hanc scis nostram esse sententiam. Cur ergo tot exempla accumulas, ut id probes, quod nos ultro damus? Duplex, ut opinor, de causa id facis. 1. Ut simplices Lutherani concipiant magnam opinionem de Gardio, quasi is lustraverit & examinauerit omnia Concilia, quæ hætenus in Ecclesia celebrata sunt. Si scirent, te ex Bellarmino Catholico, & Hunnio Lutheranò transcripsisse, non tanti te æstimarent. 2. Ut etiam Catholicis, prætextu rudionibus, possis persuadere, non temere tot Concilia à te citata esse. Sed non obtinebis quod vis. Notæ sunt Prædicantium imposturæ, ut facile caueri & contemni queant.

171. Deinde, multa ex iis, quæ dixisti, falsæ sunt. Ac 1. falsum est, Concilium Constantinopolitanum primum decrevisse, Episcopum Constantinopolitanum debere esse parem & æqualem Episcopo Romano. Nusquam hoc inuenio in Concilio. Inuenio quidem cap. 5. hæc verba. *Constantinopolitana civitatis Episcopum habere oportet Primatus honorem post Romanum Episcopum, propterea quod sit nona Roma.* Sed aliud est, esse parem & æqualem Episcopo Romano, aliud, esse proximum post Episcopum Romanum. Hoc posterius inuenio, prius non item.

172. Secundò falsum est, errare Concilium Carthaginense 4. statuendo, Episcopum non debere legere libros gentilium, nec rei familiaris curam gerere. Nullus hic error est: sed præceptum vel consilium Ecclesiasticum. Potest enim Ecclesia suadere, vel etiam legitimis ex causis mandare, ut Episcopi abstineant à lectione librorum gentilium, & vacent lectioni scripturarum ac sanctorum Patrum. Similiter, ut non implicent se curis & negotiis secularibus, sed occupentur officio pastorali, quod ipsis incumbit. Et hoc est conforme scripturæ. 1. Timothei 4. 16. *Attende tibi & doctrina: inſta in illis.* Et 2. Timoth. 2. 4. *Nemo militans Deo, implicat se negotiis secularibus.* Et Act. 6. 2. *Non est æquum nos derelinquere verbum Dei, & ministrare mensis.*

173. Tertiò falsum est, errasse Concilium Toletanum primum, definiens eum, qui pro uxore habet concubinam, à communione repellendum non esse. Non est error Concilij, sed imperitia Gardij. Concilium, Can. 17. sic habet: *Si quis habens uxorem fidelem, & concubinam habeat, non communicet. Ceterum is, qui non habet uxorem, & pro uxore concubinam habet, à communione non repellatur: tantum ut omnis mulieris, aut uxoris, aut concubinae (ut ei placuerit)*

se coniunctione contentus. Alias vivens abiiciatur, donec A
desinat, & ad penitentiam reuertatur. Vbi, per concu-
binam, non intelligitur fornicaria, quæ extra ma-
trimonium vivit, ut tu putas, qui Canonem non
examinasti; sed vxor, quæ sine externa solennitate
viro coniuncta est, ut patet ex iure Canonico, apud
Grat. dist. 34. can. 3. vbi sic dicitur: *Concubina au-
tem hic intelligitur, quæ cessantibus legalibus instrumentis,
unita est, & coniugali affectu assecuratur. Hanc coniugem
facit affectus, concubinam vero lex nominat.* Et glossa
ibid. *Accipitur hic concubina, quæ cognoscitur uxoris
affectu, si non fuit ducta cum solennitate. Et talem lex
concubinam vocat.* Itaque is, qui non duxit uxorem
cum solennitate, sed tamen habet concubinam, B
quam affectu maritali accepit sine solennitate; non
propterea repellendus est à communione. Nihil
erroris hic est. Eodem sensu loquitur Isidorus de
distantia noui & veteris Testamenti, cum ait: *Chri-
stiano, non dicam plurimas, sed nec duas simul ha-
bere licitum est: nisi unam tantum aut uxorem, aut certe
loco uxoris (si coniux deest) concubinam.* Refertur apud
Gratianum loco citato, cap. 5. videri potest August.
libro de bono coniugali, cap. 5.

174. Quarto, falsum est, errasse Concilium Ni-
cænum 2. sanciendo cultum & adorationem imagi-
num: Itemque Constantiense, adimendo laicis com-
munionem calicis. Tu quidem dicis errasse, sed non
probas. Eodem iure liceat mihi dicere, te errare. Sed
extant de utroque puncto doctissimæ controuersiæ, C
iam pridem à nostris conscriptæ ac diuulgatæ. Eas
oppugna, si vir es.

175. Quinto falsum est, Concilium Tridentin-
sanxisse plurima decreta contra Scripturam, & con-
sensum Patrum. Nec aliunde hoc probas, quam
authoritate vestri Kemnitij, qui propter apertissima
mendacia merito infamis est.

176. Hæc de tuis falsitatibus. Videamus nunc,
quid respondeas ad testimonia Scripturæ quibus ego
in meo libello probavi, Ecclesiam errare non posse.
Primum est, Matth. 16. 18. *Super hunc Petram ædifica-
bo Ecclesiam meam, & portæ inferi non præualebunt aduer-
sus eam.* Tu respondes hoc intelligendum esse, non
de omnibus, qui sunt in Ecclesia, sed de electis seu
prædestinatis, qui constanter adherent doctrinæ &
confessioni de Christo. An igitur putas, in Conciliis,
quæ in Ecclesia celebrantur, nunquam interesse hu-
iusmodi electos, & prædestinatos? Si nunquam in-
terfuerint, necesse est, omnes reprobos fuisse, qui inter-
fuerunt Concilio Nicæno, Constantinopolitano,
Ephesino, Chalcedonensi, quod est incredibile. Si
aliquando interfuerint, necesse est aliqua Concilia er-
rare non posse, quod est contra te. Deinde quæro,
An nobis in hac vita constare possit, quinam sint il-
li, qui constanter adherent doctrinæ & confessioni
de Christo: Si potest constare, poterit etiam con-
stare, quinam sint electi seu prædestinati, quod ta-
men falsum est. Si non potest constare, unde ergo
constabit, Concilia Episcoporum errare, vel non er-
rare? Et si hoc constare non potest, omnia incerta
sunt. Catholici aliter rem explicant. Eos sequere,
si sapias.

177. Secundum est, 1. Timoth. 3. 15. *Ecclesia est
columna & firmamentum veritatis.* Tu respondes, Ec-
clesiam esse quidem columnam & firmamentum,
non tamen fundamentum. Hoc enim esse ipsum
Christum, 1. Cor. 3. 11. qui est veritas Dei, Ioan. 14.
6. Unde sic concludis: *Sicut columna in domo non est
ipsam fundamentum, sed eidem innititur: & quando in-
nititur, tandiu reliquam structuram suffulcire potest, si ab
eo recedat, structura corrui.* Ita Ecclesia est columna ve-
ritatis, superstructa super fundamentum Prophetarum &

Apostolorum, cui si firmiter innitatur & inhaeratur, verita-
tem sustinere & conservare potest: sin. ab ea recedat, &
ipsam corruiere, & veritatem perdere, necesse est.

178. In hac responsione duplex peccatum est. V-
num, quia cum ego dixerim, Ecclesiam non posse er-
rare, eo quod sit columna & firmamentum veritatis;
tu contra vires, posse errare, quia non est fundamen-
tum, sed innititur fundamento: Itaque errare, si rece-
dat à fundamento, non errare, si non recedat. Nunc
quæro, an loquaris de Ecclesia collectiue sumpta; an
de Concilio, quod representat Ecclesiam? (vtriusque
distinctione.) Si de Ecclesia collectiue, necesse est;
totam Ecclesiam errare posse, quod supra negasti. Si
de Concilio, quod representat Ecclesiam; iam se-
quitur ex tua sententia, Apostolum locutum esse
de Concilio, quando dixit, *Ecclesiam esse columnam &
firmamentum veritatis.* At hoc falsum est, ut patet ex
contextu. Hæc, inquit, *scribo tibi, ut scias quomodo
oporteat te in domo Dei conuersari: quæ est Ecclesia Dei
vivi, columna & firmamentum veritatis:* Vbi per do-
mum Dei non intelligitur Concilium Episcoporum;
sed Ecclesiam; quia non instituit illum, quomodo
debeat conuersari in Concilio Episcoporum, sed
potius, quomodo in Ecclesia Christi, cuius guberna-
tio (ex parte) erat illi, tanquam Pastori & Episcopo
particulari commissa. Legatur series totius capituli.

179. Alterum peccatum est contradictionis. Nam
distinguis hic tria. 1. Fundamentum, quod est Chri-
stus, veritas Dei. 2. Columnam seu firmamentum,
quod innititur fundamento. 3. Reliquam structu-
ram, quæ sustentatur à columna seu firmamento:
Quando ergo dicis, Ecclesiam esse columnam veri-
tatis, per veritatem intelligis reliquam structuram;
quæ à columna sustentatur. Et rursum, quando dicis,
Christum esse fundamentum; necessario dicendum
tibi est, veritatem esse fundamentum, quia Christus;
ut fateris, est ipsa veritas; super quam Ecclesia
fundata est. Aperte igitur tibi ipse repugnas, se-
mel asserendo, veritatem esse fundamentum, cui
Ecclesia tanquam columna innititur; & semel veri-
tatem esse reliquam structuram, quæ in columna su-
stentatur.

180. Tertium est, Isaiæ 54. 17. vbi de Ecclesia di-
citur: *Omnes lingue resistentes tibi in iudicio, iudica-
bis.* Tu respondes, inde non posse colligi infallibilita-
tem Ecclesiæ in iudicando: sed hoc tantum, quod
omnes calumniæ & criminationes hæreticorum, &
aliorum hostium Ecclesiæ, erunt irritæ & inanes.
Quid si verumque colligatur? ut certe colligitur.
Nam sicut Deus in illo capite promittit Ecclesiæ
Christi fecunditatem, amplitudinem & firmitatem:
sic etiam promittit victoriam, & iudicium contra
hostes. At peiora infallibiliter illi promittit: Ergo &
posteriora. Cum ergo dicitur: *Iudicabis omnem linguam
resistentem tibi in iudicio,* promittitur illi infallibile iudi-
cium contra linguas & sectas hæreticorum: Ergo
iudicium Ecclesiæ circa controuersias fidei non po-
test errare; alioqui vna esset Dei promissio.

VI. ARGUMENTVM BECANI.

Ex Analogia iudicis controuersia- rum ciuiliū.

Hoc argumentum sic proposui. Inter res fidei
ac religionis ex vna parte, & inter res civiles
ac politicas ex altera, potest spectari multiplex ana-
logia. 1. Sicut in politicis ac ciuilibus sæpe occurrunt

Ecclesiasticus potest discedere à rigore legis Ecclesiasticæ, purè humanæ, modo non agat contra legem naturalem aut diuinam. Nihil certius.

191. In executione vtriusque iudicij fateor aliquam esse differentiam; sed quæ optime cohereat cum his quæ à me dicta sunt. Differentia est hæc. Iudex secularis cogit contumaces externa vi ad executionem: Ecclesiasticus, excommunicatione, & aliis remediis Ecclesiasticis. Per hanc differentiam non euertitur hæc analogia: sicut lex civilis est Norma, quam sequitur Iudex secularis in controuersis civilibus; ita sacra Scriptura est Norma, quam sequitur Iudex Ecclesiasticus in controuersis fidei.

192. Quartam differentiam sumis ex patte Iudicis, hoc modo. In iudicio civili, supremus Iudex, à quo omnes inferiores Iudices dependent, est aliquis Rex vel Princeps, ex hominibus constitutus, qui non minus falli & errare potest, quam inferiores Iudices. At in iudicio fidei ac religionis, supremus Iudex non est homo, qui falli potest, sed Deus, qui falli non potest, & à quo alij pendent.

193. Hæc tripliciter erras. Primò, quia Deus absolute loquendo, non tantum est supremus Iudex in causis Ecclesiasticis, sed etiam in civilibus: Nec soli Ecclesiastici Iudices, sed etiam seculares ab eo, tanquam à supremo Iudice, dependent. Est enim *Rex Regum, Dominus Dominantium, Iudex vinorum & morum*. (1. Timot. 6. 15. Act. 10. 42.) Et quilibet Iudex secularis, in hoc officio Dei minister est, ut clare explicat Apostolus Roman. 13. 4. *Non sine causa gladium portat: Dei minister est.*

194. Deinde, sicut post Deum supremus Iudex in controuersis civilibus est Rex vel Imperator: ita similiter supremus post Deum, in controuersis fidei ac religionis, est Prælati Ecclesiæ: Quod minus est, te hæc negare, cum antea concesseris, his verbis: *Non negamus summum Pontificem veteris Testamenti fuisse iudicem controuersiarum, & quidem tanquam Præsidentem primarium in Concilio superiori.*

195. Denique falsum est, supremum iudicem in controuersis civilibus non minus citare posse, quam inferiores iudices; præsertim cum sermo sit de veteri Testamento. Ibi enim inferiores errare poterant; non poterat supremus, ut §. 120. ostensum est.

196. Manet igitur salua Analogia, quam posui. Nec obstat (quod tu obicis) eam ex Scriptura à me probatam non esse. Satis est, ita certam, claram, & perspicuam esse, ut ex Scriptura refelli à te non potuerit. Reliqua, quæ addis, partim vera, partim antea refutata sunt. Et vix aliquid superest, quod egeat noua responsione. Itaque transeo ad argumenta quæ obicis.

CAPVT III.

Dissoluantur argumenta Gardij.

1. **D**uplicia sunt argumenta, quæ obicis. Alia pugnant pro Scriptura: alia contra Pontificem. Priora conuertunt, solam Scripturam esse infallibilem iudicem: posteriora, Romanum Pontificem non esse infallibilem iudicem. Si priora valerent, nihil opus esset posterioribus. Vtraque tamen examinanda sunt, eo ordine, quo à te proponuntur.

I. ARGUMENTVM

GARDII.

Pro Scriptura.

2. **H**oc sic proponis. Quicumque primario & infallibiliter terminat, & definit quæstionem de Ecclesia & capite eius; ille est supremus & infallibilis controuersiarum iudex.

At sola Scriptura primario & infallibiliter terminat & definit quæstionem de Ecclesia & eius capite.

Ergo sola Scriptura est supremus, & infallibilis controuersiarum iudex.

3. Minorem probas quadrupliciter. 1. Ex ipsius rei euidencia; quia ex sola Scriptura primario & infallibiliter demonstratur, esse Ecclesiam toto orbe dispersam, & Christum esse ipsius caput. 2. Ex Augustino & Chrysostomo, qui idem sentiunt. 3. Ex praxi & concessione Catholicorum. Quando enim volunt probare, Ecclesiam esse infallibilem, & non posse deficere, & Pontificem esse caput illius, non aliunde id probant, quam ex Scriptura. 4. ratione, quia non potest alius esse iudex, quam Scriptura. Non enim potest esse vel Ecclesia, vel Pontifex, quia de utroque est quæstio. Nemo autem est iudex sumptius, nisi solus Deus.

RESPONSIO.

4. **R**espondeo cum distinctione. Nam terminare & definire quæstionem, potest dupliciter intelligi. 1. per modum iudicis. 2. per modum normæ. Vterque enim, tam iudex quam norma dicitur terminare & definire quæstionem, sed diuerso modo. Iudex per modum causæ efficientis. Norma, per modum causæ exemplaris. Vnde sicut aliud est Architectus, qui domum ædificat: aliud Idea, secundum quam ædificat: sic etiam aliud est iudex, qui effectiue definit & terminat controuersiam: aliud norma, secundum quam definitur & terminatur controuersia.

5. Posita hac distinctione, duplex formari potest syllogismus. Priori, qui primario & infallibiliter terminat & definit quæstionem de Ecclesia & illius capite, per modum iudicis, ille est supremus & infallibilis controuersiarum iudex: sola Scriptura primario & infallibiliter terminat, & definit quæstionem de Ecclesia & illius capite, per modum iudicis: Ergo sola Scriptura est primarius, & infallibilis controuersiarum iudex. In hoc syllogismo, minor falsa est. Nam Scriptura non terminat & definit illam quæstionem per modum iudicis, sed per modum normæ.

6. Posterior, qui primario & infallibiliter terminat, & definit quæstionem de Ecclesia, per modum normæ, ille est suprema & infallibilis controuersiarum norma: sola Scriptura primario & infallibiliter terminat, & definit quæstionem de Ecclesia per modum normæ: Ergo sola Scriptura est suprema & infallibilis controuersiarum norma. In hoc syllogismo maior vera est hoc sensu, qui primario & infallibiliter terminat controuersiam de Ecclesia per modum normæ, ille est suprema & infallibilis norma controuersiarum de Ecclesia. Falsa hoc sensu: qui primario & infallibiliter terminat controuersiam de Ecclesia per modum normæ, ille est suprema & infallibilis norma controuersiarum. Nam duplex est norma, ut sæpe dixi, Scriptura & traditio. Igitur aliquæ controuersie terminantur per Scripturam; aliquæ per





his arrogare, quam quod ego de me supra scripsi: Ergo Scriptura ideo inspirata est, ut sit iudex controuersiarum. Reliqua testimonia, vel eiusdem momenti sunt, vel iam saepe explicata.

VI. & VII. ARGUMENTVM GARDII

Pro Scriptura.

23. **S**extum nihil differt à præcedentibus, nisi modo proponendi. Est autem tale. Quod tanquam immediatum verbum & iudicium suum in rebus diuinis ipse Deus Ecclesie commendauit, ut ab eo certam, perspicuam, & infallibilem sententiam & doctrinam de vera religione & cultu, fide & moribus, peteret; id ipsum, loco Dei, est supremus & infallibilis iudex controuersiarum fidei & religionis. Scripturam sacram, tanquam immediatum verbum & iudicium suum, in rebus diuinis ipse Deus Ecclesie commendauit, ut ab ea certam, perspicuam, & infallibilem sententiam & doctrinam de vera religione & cultu, fide & moribus peteret.

Ergo Scriptura sacra, loco Dei, est supremus & infallibilis iudex controuersiarum fidei & religionis.

Maiorem ais per se claram esse. Minorem confirmas plurimis Scripturæ testimoniis, quæ nihil aliud conuincunt, quam quod à Scriptura, tanquam à norma vel regula debeamus petere doctrinam de fide & moribus. Quod non nego.

24. Septimum est eiusdem momenti, quod sic proponis. Cuius iudicium & sententiam, loco Dei, pij in veteri Testamento, in dubiis religionis & cultus principaliter secuti sunt, is fuit supremus & infallibilis iudex controuersiarum, & adhuc est.

Scripturæ iudicium & sententiam loco Dei pij in veteri Testamento, in dubiis religionis, & cultus principaliter secuti sunt.

Ergo Scriptura fuit supremus & infallibilis iudex controuersiarum, & adhuc est.

Maior certa est, inquis. Minorem probas diuersis exemplis.

Primò, quia Rubenites, Gaddites, & dimidia tribus Manasse, secuti sunt iudicium & sententiam Scripturæ, in decisione illius controuersie. An ipsi rectè fecissent, extruendo altare in suis finibus? Cui decisioni non solum reliqui Israelitæ, sed etiam Phinees Sacerdos acquieuit. (Iosue 22.)

Secundò, Iosaphat secutus est iudicium & sententiam Scripturæ, quando excelsa & lucos sustulit. (2. Paralip. 17. 6.)

Tertio, Amasias filius Ioas Regis Iuda, Scripturæ definitionem secutus est, non interficiendo filios eorum, qui patrem suum occiderant. (4. Reg. 14. 5.)

Quartò, Ezechias per omnia secutus est sententiam & præscriptum legis celebrando Pascha mense secundo. (2. Paralip. 30. 5.) constituendo sacerdotium & sacrificia quotidiana. (2. Paralip. 31. 3.) destruendo simulachra, lucos, excelsa & nouam reformationem instituendo. (4. Reg. 18. 4.)

Quintò, idem accidit tempore Iosue, qui etiam reformationem diuini cultus instituit iuxta sententiam & iudicium Scripturæ. (4. Reg. 23. 3.)

Sextò, utrumque imitati sunt Iosue & Zerobabel, ac fratres eorum, post reditum à captiuitate Babylo-nica. (1. Esdræ 3. 2.)

Septimò, iudex in illa questione, an alienigenæ uxores essent retinendæ vel dimittendæ; non fuit Esdras, nec summus Pontifex, sed Scriptura. (1. Esdræ 10. 4.)

Opusc. Bec.

A Octauò, instauratio cultus diuini facta est à Machabæo & fratribus eius, iuxta legem scriptam. (1. Machab. 4. 47.)

Nonò, questio de messia, & de loco natiuitatis Christi, à Scriptura decisa est. (Matth. 2. 5.)

Decimò, Christus Iudæis dixit. Ioan. 5. 38. *Scrutamini Scripturas, quia vos putatis in ipsis vitam æternam habere.*

Vndecimò, & Iudæi Iban. 9. 28. dixerunt: *Tu discipulus illius (Christi) sis. Nos autem Mosi discipuli sumus.*

Duodecimò, Pharisei in questione de libello repudij ad Moysen prouocabant. (Matth. 19. 7.) Sadducei ad eundem. (Matt. 22. 24.)

RESPONSIO.

25. **R**espondeo. Hæc omnia, quæ tam prolixè proponis, unica distinctione diluuntur. Nam duplex est sententia seu iudicium. Altera iudicis, altera legis seu normæ, ut dictum est cap. 2. §. 15. & 17. Igitur pij homines, in veteri Testamento secuti sunt iudicium Pontificis, tanquam ordinarij iudicis. (Deut. 17.) Et rursum, secuti sunt iudicium Scripturæ, tanquam normæ seu legis, ut probant exempla à te allata. Est autem magnum discrimen inter sententiam iudicis & legis. Nam sententia iudicis tunc solum exquiritur, quando orta est controuersia de aliqua re ad fidem vel religionem pertinente. At sententia legis seu normæ, semper necessaria est, etiam in rebus clarissimis, ubi nulla potest esse controuersia. Semper enim tenentur pij homines sequi sententiam & iudicium Scripturæ, quando ipsa tanquam norma seu lex, præcipit aliquid vel prohibet.

26. Circa exempla à te allata notandum est, falsum esse, quod ais, Rubenitas & Gadditas, ex Scriptura definiuisse questionem, an bene fecissent, nouum altare apud Iordanem erigendo. Non definiuerunt ipsi questionem, sed cum accusarentur ab alijs Israelitis de idololatria, quasi recessissent à vero Deo, & nouum altare falsis dijs erexissent; inuocauerunt Deum iudicem, & testati sunt, se non recessisse à Deo, nec altare contra ipsius præceptum erexisse. Verba illorum sunt hæc: *Fortissimus Deus Dominus, ipse nouit, si prauaricationis animo hoc altare construximus, non custodiat nos, sed puniat nos in presenti: Et si ea mente fecimus, ut holocausta & sacrificium, & pacificas victimas super eo imponeremus, ipse quarat & iudicet, &c.* Ex quibus verbis constat, eos tanquam reos & iniuste accusatos prouocasse ad Deum iudicem, & testatos esse conscientiam suam, se non peccasse contra mandatum Dei, quo iuebatur populus Israeliticus habere tantum vnum locum sacrificij, & vnum altare. (Leuit. 17. 8. Et Deuter. 12. 5. & sequentibus.)

Addo, Scripturam in hac questione non potuisse esse iudicem. Non enim erat questio, An absolute liceret nouum altare erigere, sed, An liceret erigere eo animo, ut ibi offerrentur sacrificia? Israelitæ putabant illos erexisse eo animo. Illi negabant. Scriptura non potuit hanc litem dirimere. Ideo non prouocant ad Scripturam, sed ad Deum, qui nouit internas hominum cogitationes, & dixerunt: Si malo animo ereximus, puniat nos Deus.

X. ARGUMENTVM GARDII

Pro Scriptura.

32. **H**Oc ſi proponis: Cuius iudicium & definitionem, tanquã ipſius Spiritus ſancti, principaliter ſecuti ſunt Patres in Conciliis Eccleſiaſticis; ille loco Spiritus ſancti, abſolute ſupremus & infallibilis eſt controuerſiarum iudex. Scripturæ iudicium & definitionem, tanquam ipſius Spiritus ſancti principaliter ſecuti ſunt Patres in Conciliis Eccleſiaſticis.

Ergo Scriptura loco Spiritus ſancti, abſolute ſupremus & infallibilis eſt controuerſiarum iudex.

Minorem probas variis Conciliorum exemplis.

RESPONSIO.

33. **R**esponſio. Quia ſemper repetis idem argumentum, accipe viciffim eandem ſolutionem. Tria tamen ſpeciatiim hic notanda ſunt. Vnum eſt, quod inconstans ſis. Nam alibi fateris Pontificem in V. T. itemque Apoſtolos & Concilia in N. T. fuiſſe iudices controuerſiarum: Et Scripturam fuiſſe Normam, quam illi in decidendis controuerſiis ſecuti ſint. Vnde concludo, ſi Scriptura reſpectu Conciliorum fuit Norma: Ergo reſpectu eorundem non fuit Iudex.

34. Alterum eſt, quod cites multa Concilia, quæ veſtram doctrinam oppugnant. Vel ergo citas illa, tanquam legitima, vel tanquam illegitima. Si tanquam legitima, debes agnoscere à legitimis Conciliis damnatos vos eſſe. Si tanquam illegitima, non potes ex illis legitime aliquid probare.

35. Tertium eſt, quod fraudulentè aſſeras Conſtantinum Imperatorem in Concilio Nicæno remiſiſſe Episcopos ad iudicium & ſententiam Scripturæ, (ex Socrate lib. 1. hiſt. Eccleſiaſt. c. 7.) Quasi Conſtantinus ſua authoritate id fecerit, & Episcopis in Concilio præſuerit. At contrarium ex Socrate colligitur. Nam loco citato de Conſtantino ſic ſcribit: *Cum autem iam uniuerſi conuenſſent, præparatus erat à Rege locus amplius in Regia, inſtructus ſubſelliis, & ſoliis, quæ Episcoporum numero ſiſſere poſſent, atque ita debito ipſis honore habito, iuſſu introire, & conſultare de re propoſita. Ipſe quoque cum paucis poſtremus omnium ingreſſus eſt, & paruo in ſolulo poſito aſſedis præſatus veniam prius, & poſtea conſeſſione ab Episcopis.* Eritne hoc præſidere in Concilio?

XI. ARGUMENTVM GARDII

Pro Scriptura.

36. **H**Oc ita proponis. Cuius iudicium infallibile veteres Orthodoxi Patres in controuerſiis & diſputationibus de religione non ſolum agnouerunt, ſed etiam iudicio omnium Conciliorum & Patrum prætulerunt, is ſupremus ipſis & infallibilis fuit controuerſiarum fidei & religionis Chriſtianæ iudex.

Solius Scripturæ iudicium infallibile veteres & Orthodoxi Patres in controuerſiis & diſputationibus de religione non ſolum agnouerunt, ſed etiam iudicio omnium Conciliorum & Patrum prætulerunt.

Ergo ſola Scriptura illis ſupremus & infallibilis Opus. Bec.

A fuit controuerſiarum fidei & religionis Chriſtianæ iudex. Maiorem dicis euidentiffimam eſſe. Minorem probas multis Patrum testimoniis.

RESPONSIO.

37. **R**espondeo. Peccas contra doctrinam, quam defendis. Nam doctrina tua eſt, controuerſias ad idem & religionem pertinentes ex ſola Scriptura decidendas eſſe. At controuerſia, de qua agimus, pertinet ad fidem & religionem: Ergo, iuxta tuam doctrinam, ex ſola Scriptura decidenda eſt. Quorſum ergo tot Patrum testimoniis in medium adducis, & ex iis controuerſiam decidis? Vel enim Patres in hac controuerſia fallibiles, vel infallibiles ſunt: Si fallibiles, fruſtra à te citantur. Si infallibiles, iam non ſola Scriptura infallibilis eſt.

38. Deinde maior propositio argumenti tui falſa. Nam vt ſæpe dixi, duplex eſt iudicium. Aliud iudicis; aliud Legis teu normæ Patres agnouerunt infallibile iudicium Scripturæ, non vt iudicis, ſed vt Normæ. Vt ergo vera ſit propositio, debet ſic explicari: Cuius iudicium infallibile Patres agnouerunt, is fuit ipſis vel Iudex, vel Norma infallibilis. Minor etiam falſa eſt. Nam Patres non ſolum agnouerunt infallibile iudicium Scripturæ, ſed etiam Traditionis. Hoc ſupra oſtendi. Taceo de mala fide, quæ vſus es in citandis Patrum quorundam testimoniis. Sed nihil hoc noui eſt.

XII. ARGUMENTVM GARDII

Pro Scriptura.

39. **H**Oc eſt eiufmodi. Cui proprietates & conditiones ſupremi iudicis Eccleſiaſtici competunt, is vere eſt ſupremus controuerſiarum religionis Chriſtianæ iudex.

Soli Scripturæ proprietates & conditiones ſupremi iudicis Eccleſiaſtici competunt.

Ergo ſola Scriptura vere eſt ſupremus controuerſiarum religionis Chriſtianæ iudex. Minorem probas, quia proprietates & conditiones ſupremi iudicis Eccleſiaſtici poſſimum ſunt quatuor.

Prima, vt exortis controuerſiis, ab omnibus libere ſemper adiri & audiri poſſit.

Secunda, vt ſuperiorem, ad quem appellari poſſit, non habeat.

Tertia, vt abſolute ſit infallibilis, ita vt nullo modo errare & fallere queat.

Quarta, vt partes litigantes in conſcientiis ſuis de ſententia vera & falſa conuincere, & ad hanc abiiciendam, illam amplectendam, efficaciter cogere poſſit. Has omnes & ſingulas ſoli Scripturæ competere, probas ex Scripturis, quas paulo poſt examinabimus.

RESPONSIO.

40. **R**espondeo. Vel loqueris de ſupremo Iudice abſolute, vel de ſupremo, quem in hac vita viſibiliter præſentem habemus. Si de priori, is non alius eſt quam Deus. Sed prima proprietas à te poſita illi non conuenit. Non enim ab omnibus ſemper adiri & audiri poſteſt. Non quidem immediate per ſe, vt conſtat. Nec etiam mediate per Scripturam, quæ illius vox eſt. Quia Scriptura non eſt vox Dei, vt iudicis, ſed vt ſupremi Principis ac Legislatoris. Non eſt vox decidentis controuerſias ſed præſcribentis.

Vuu ij

Normam quam in fide & moribus sequi debeamus. Deinde, non semper ab omnibus adiri & audiri potest. Nam ab Adamo usque ad Moysen nulla fuit Scriptura diuina quæ adiri vel audiri potuerit. Traditio sufficiebat. Nulla item Scriptura Euangelica vel Apostolica fuit aliquot annis post Christi mortem. Næ Matthæus putatur Euangelium scripsisse anno 8. post Christi Ascensionem: Marcus decem post annis: Lucas quindecim: Ioannes trigiuta duobus. Igitur si eo tempore exorta fuisset aliqua controuersia, Scriptura Euangelica ab omnibus adiri & audiri non potuisset. Imo nec multis annis postea. Nam Baronius refert ex Hilario, nullam Scripturam fuisse in Gallia per aliquot centenos annos.

41. Si autem loqueris de supremo Iudice, quem in hac vita visibiliter præsentem habemus, dico Ecclesiam esse, non Scripturam. 1. Quia Ecclesia semper adiri & audiri potest, ut iudex. 2. Ecclesia in hac vita non habet superiorem ad quem appellare possit. Matthæi 18. 17. *Si Ecclesiam non audierit, sit tibi sicut Ethnicus & Publicanus*. Hic non datur locus appellationi. 3. Ecclesia infallibilis est, & errare non potest. Est enim *columna veritatis*, & *porta inferi non praualebunt aduersus eam*. 4. Ecclesia potest partes litigantes in conscientias de vera vel falsa sententia convincere. Nec opus est, ut possit eas efficaciter cogere ad veram amplectendam, & falsam abiiciendam. Hoc enim nec Scriptura per se potest facere, nisi aliunde accedat singularis Dei gratia, quæ non minus datur iis, qui obediunt Ecclesie, quam qui Scripturam legunt & interpretantur.

42. Obiicis quidem aliquot testimonia, quibus probas Scripturam præstare id posse; sed frustra. Primum est Ioan. 17. 20. ubi Christus ait, *Non pro eis (Apostolis) rogo tantum, sed & pro eis, qui credituri sunt per verbum eorum in me*. Verbum autem Apostolorum, inquis, non est extra Scripturam. Respondeo. Erat tunc extra Scripturam, quando ab initio prædicabant euangelium, & multi per prædicationem illorum credebant in Christum. Deinde non sequitur, Christus orat pro iis, qui per scripturam credunt in ipsum; Ergo scriptura per se efficaciter convincit partes litigantes ad veram sententiam amplectendam.

Secundum est, Rom. 1. 16. *Non erubesco Euangelium. Virtus enim Dei est in salutem omni credenti*. Respondeo. Euangelium non accipitur ibi pro Scriptura vel voce Evangelij, sed pro rebus prædicatis per Euangelium, cuiusmodi sunt, mors & meritum Christi, Sacramenta, promissa & præcepta Euangelica. Hæc enim habent vim seu potentiam saluandi eos; qui in Christum credunt. Et illam vim non accipiunt à Scriptura Euangelica, quia antequam scriptum esset Euangelium, habebant eandem vim, quam nunc habent. Non enim minus potens erat mors & meritum Christi, quando viva tantum voce prædicabatur Euangelium, quam nunc est, quando etiam in Codice scriptum legitur.

44. Tertium est, 2. Timoth. 3. 16. *Omnis Scriptura diuinitus inspirata utilis est ad docendum, ad arguendum, &c.* Respondeo. Aliud est, utilem esse: Aliud, efficaciter cogere ad amplectendam veram doctrinam. Fateor, Scripturam esse utilem ad ea, quæ dicta sunt. Nego, Scripturam efficaciter cogere partes litigantes ad amplectendam veram doctrinam. Nam si id faceret, nemo persisteret in falsa doctrina: Nemo in errore & hæresi, Contrarium clamat experientia.

45. Quartum est, Hebr. 4. 12. *Vivus est sermo Dei & effax, & penetrabilior omni gladio ancipiti*. Respondeo. Non loquitur Apostolus de sermone seu Verbo Dei

scripto, sed de sermone seu Verbo Dei Increate. De quo Ioan. 1. 1. *In principio erat Verbum*. Hoc iam sæpe dictum est.

46. Quintum est, 2. Petri 1. 10. *Habemus firmiorem propheticum sermonem, cui benefactoris attendentes, quasi lucerna lucenti in caliginoso loco donec dies elucescat, & lucifer oriatur in cordibus nostris*. Respondeo, Nihil ad rem. Non enim sequitur: Scriptura prophetica est lucerna lucens in loco caliginoso: argo efficaciter cogit ad veram sententiam amplectendam. Certe non cogit Iudæos.

ARGUMENTA GARDII

Contra Pontificem.

47. **H**actenus responsum est ad duodecim argumenta, quibus conatus es probare, solam Scripturam esse infallibilem controuersiarum iudicem. Non probasti hoc. Solum probasti, esse infallibilem Normam, quam Iudex in decisione controuersiarum sequi debet. Super sunt alia duodecim argumenta quibus contendis, Romanum Pontificem non esse infallibilem Iudicem. Ea quanti momenti fiat, deinceps perpendendum est. Solum præmoneo, te pleraque suffuratum esse ex Bellarmino, & solutionem, quam Bellarminus adhibet, omisisse.

I. ARGUMENTVM GARDII

Contra Pontificem.

48. **P**rimum est tale: Cui nec à Christo, nec ab Apostolis in nouo Test. vnquam tributa est summa autoritas & potestas iudicandi de controuersis fidei, nec supremus earundem Iudex est.

Atqui Pontifici Romano nec à Christo, nec ab Apostolis in nouo Testamento, vnquam tributa est summa autoritas & potestas iudicandi de controuersis fidei.

Ergo nec Pontifex Romanus supremus earundem Iudex est.

RESPONSIO.

49. **R**espondeo. Maior distinguenda est. Nam illa particula, *Tributa*, potest dupliciter intelligi. 1. ut tribuere idem sit, quod reipsa dare. Et sic solus Christus potuit tribuere, id est, reipsa dare alicui supremam authoritatem & potestatem iudicandi de rebus fidei, non item Apostoli, 2. ut tribuere sit idē, quod externa voce vel signo agnoscere; quo pacto is, qui Petrum vocat Apostolum, censetur illi tribuere dignitatem Apostolicam: non quod reipsa donec illi dignitatem, quam antea non habuerit, sed quod externo signo profiteatur, & agnoscat illum habere dignitatem, quæ ab alio illi data est.

50. Si ergo maior propositio sumitur priori modo, non debent nominari Apostoli, sed solus Christus, hoc modo: Cui Christus in N. T. non dedit supremam authoritatem & potestatem iudicandi, is eam non habet. Pontifici non dedit: Ergo Pontifex eam non habet. Iam vera est maior; falsa minor. Nam Christus eam authoritatem & potestatem dedit Petro, & illius successoribus, ut postea videbimus.

51. Si autem sumitur posteriori modo, debet esse hic sensus: Quem nec Christus, nec Apostoli externo signo testati sunt habere supremam authoritatem & potestatem iudicandi, is eam non habet: Sed nec Chri-

Huiusmodi Apostoli testati sunt Pontificem habere supremam potestatem iudicandi: Ergo Pontifex eam non habet. Iterum falsa est minor.

52. Sed quæris, quo verbo vel signo id testati sint? Respondeo. Si quæris de verbo vel signo scripto, non opus est exhibere. Si de verbo vel signo Tradito, in promptu est. Verbum traditum, est Traditio, quæ à maioribus accepimus. Signum traditum, est praxis Ecclesiæ, quæ tot seculis fuit vlturpata. Et quidem ex Traditione habemus hæc duo 1. Petrum fuisse Vicarium Christi, Caput, Pastorem, & Rectorem totius Ecclesiæ. 2. Pontificem Roman. cum pari potestate Petro successisse.

53. Prior pars de Petro, asseritur passim à Patribus tam Græcis, quam Latinis. Quorum aliqui expresse illum vocant *Vicarium Christi*, vt Anselmus ad c. 16. Matthæi. Alii expresse *Caput Ecclesiæ*, vt Hieronymus in Psal. 13. & Philo Carpathius in Cantica. Alii *Caput fidelium*, & *Pastorem gregis Domini*, vt August. in libro quæstionum Veteris ac noui Testamenti, quæst. 75. Alii aliis verbis eandem rem explicant, vt idem August. in Enchirid. 124. in Euangelium Ioannis: *Hoc agit Ecclesiæ spe beata in hac vita ærumnosa: cuius Ecclesiæ Petrus Apostolus, propter Apostolatui sui Primatum gerenda signa a generalitate personam.* Et Maximus Taurinensis homil. 3. in Natali Apostolorum Petri & Pauli: *Quantum igitur meriti apud Deum sum Petrus erat, vt ei post nauicula parua remigium, totius Ecclesiæ gubernacula traderentur?* Et D. Chrysostomus hom. 80. ad populum Antiochenum. *Petro per totum terrarum Orbem Ecclesiæ præsentiam tradidit.* Et Gregorius Magnus lib. 4. Epist. 32. a Mauritium Augustum: *Cunctis Euangelium scientibus liquet, quod voce Dominica, omnium Apostolorum Principi Petro totius Ecclesiæ inuacommisæ est.* Ipsi quippe dicitur, *Pasce oues meas.* Similia habet alii.

54. Posterior pars, de Pontifice successore Petri æque certa est apud Patres. De qua Optatus Mileuitanus l. 2. contra Parmenianum, sic scribit: *Negare non potes, scire te in urbe Roma Petro primam Cathedram Episcopalem esse collatam, in qua sederis omnium Apostolorum Caput Petrus, cui successit Linus, Lino Clemens, Clementi Anacleus, Anacleto Euaristus.* Post pauca, Iulio Liberius, Liberio Damasus, Damasus Siricius, cum quo totus Orbis in vna cõmunionis societate concordat.

55. Et August. epist. 165. ad Genetios: *Si ordo Episcoporum sibi succedentium considerandus est, quantum certius & vere salubriter ab ipso Petro numeramus, cui totius Ecclesiæ figuram gerenti Dominus ait: Super hanc Petram ædificabo Ecclesiam meam, & porta inferorum non vincens eam.* Petro enim successit Linus, Lino Clemens, Clementi Anacleus, Anacleto Euaristus, & Philippus Presbyter in Concilio Ephesino, tom. 2. cap. 16. *Nullo dubium, imò seculis omnibus notum est, S. Petrum Apostolorum Principem & Caput Ecclesiæ Catholica fundamentum per successores suos hucusque semper vine-re, causasque decernere, semperque vlturum esse.* Huius ordinarius successor Papa Celestinus, nos ad hanc Synodum misit. Et vt alios omittam, D. Bernard. l. 2. de consideratione ad Eugenium Papam c. 8. *Age, indagemus adhuc diligentius, qui sis, quam personam geras in Ecclesiæ Dei. Quis es? Sacerdos magnus, summus Pontifex, Princeps Episcoporum, hæres Apostolorum: Primatu Abel, gubernatu Noë, dignitate Aaron, potestate Petrus. Tui, cui oues credita sunt. Sunt quidem & alij gregum Pastores, sed tu tanto gloriosius, quanto & differentius præ cæteris nomen hereditasti. Habet illi sibi assignatos greges, singuli singulos: tibi vniuersi crediti sunt. Nec modo ouium, sed & Pastorum tu vnus omnium Pastor.*

56. Habes Traditionem & consensum Sanctorum Patrum. Ex quo sic concludo. Quicumque est Vica-

rius Christi, Caput & Pastor totius Ecclesiæ, is sine dubio habet supremam post Christum auctoritatem & potestatem iudicandi: Petrus & eius successor est Vicarius Christi, Caput & Pastor totius Ecclesiæ, ergo habet supremam post Christum auctoritatem & potestatem iudicandi. Si petis alia argumenta ex Scripturis, dabo in responsione ad proximum argumentum, quod sequitur.

II. ARGUMENTVM GARDII

Contra Pontificem.

57. **A** Iterum est tale: quod nec Petro, nec reliquis Apostolis competit, illud multo minus de Pontifice Romano affirmari debet aut potest.

Supremum esse Iudicem controuersiarum religionis Christianæ, nec Petro, nec reliquis Apostolis competit.

Ergo multo minus de Pontifice Romano affirmari debet aut potest. Minorem probas.

Primò, quia nusquam in tota Scriptura noui Testamenti legitur, vel Petrum, vel alium quemuis Apostolum à Christo constitutum esse supremum controuersiarum Iudicem.

Secundò, omnes Apostoli æqualem acceperunt à Christo auctoritatem & potestatem, Ioan. 20. 21.

Tertiò, nec Petrus, nec Iacobus, nec alius quispiam ex Apostolis, sed Spiritus sanctus fuit supremus controuersiarum Iudex in Concilio Hierosolymitano, iuxta id: *Visum est Spiritui Sancto & nobis.*

Quartò, Paulus Hierosolymam profectus, contulit euangelium suum non tantum cum Petro, sed etiam Iacobo & Ioanne. Hi enim æque, ac Petrus, videbantur esse aliquid (Gal. 2. 2.) Et tamen diserte scribit illos nihil sibi contulisse.

Quintò, quin & Iacobum Petro præponit dicens: *Iacobus, & Cephas, & Ioannes dextras dederunt mihi.* (Galat. 2. 9.)

Sextò accedit, quod Antiochiæ in faciem illi resistit, eo quod non recte incederet ad veritatem Euangelij. (Gal. 2. 11.)

Septimò, & alibi scribit, *nihil minus ab his, qui sunt supra modum Apostoli.* (2. Cor. 12. 11.)

RESPONSIO.

56. **R** Espondeo. Minor falsa est. Nam Petrus, post Ascensionem Christi, fuit supremus Iudex controuersiarum fidei in terra. Hoc confirmant testimonia eorum Patrum, qui appellant illum Vicarium Christi, Caput & Rectorem totius Ecclesiæ; quæ paulo ante citata sunt. Nec obstant probationes, quas in contrarium adfers. Ad quas sic respondeo.

57. Ad 1. Nusquam quidem in Scriptura legimus hæc verba, Petrus est supremus Iudex controuersiarum; sed tamen legimus alia, ex quibus illud deducitur. Primò legimus, Pontificem V. T. fuisse supremum Iudicem controuersiarum, vt tu ipse fateris. At Petrus in N. T. non habuit minorem auctoritatem, quam Pontifex in veteri. Secundò legimus, Petro dictum esse à Christo, *pasce oues meas.* Ioan. 2. 17. Sicut Davidi dictum est, *Tu pascis populum meum Israël.* 2. Reg. 5. 2. Vtroque loco, pascere idem est, quod regere & gubernare.

Sicut ergo Davidi data est potestas gubernandi populum Israëliticum in temporalibus; ita Petro data est potestas gubernandi populum Christianum in spiritualibus. Et sicut David, ratione illius potestatis,

erat Iudex in temporalibus; ita Petrus in Spiritua-
libus.

58. Dices forte cum Luthero, pascere idem esse, quod pabulum præbere. Respondeo. Pascere idem est, quod officium pastorale exercere. Officium autem pastorale includit tres actus pastorales. 1. est pabulum præbere, & ad pascua ducere, ezech. 34. 2. *Ua pastoribus Israël, qui pascebant semetipsos: Nonne greges à pastoribus pascuntur?* 2. est, infirmas oves sanare, dispersas colligere, errantes reducere, contra lupos defendere. ezech. 34. 5. *Dispersa sunt oves meae, eo quod non esset Pastor, & facta sunt in deuotionem omnium bestiarum agri.* Et infra v. 15. *Ego pascam oves meas. Quod perierat, requiram, & quod abiectum erat, re lucam, & quod confractum fuerat alligabo, & quod infirmum fuerat, consolidabo, & quod pingue & forte, custodiam.* 3. est, præstare, regere, iudicare, cogere, punire. 1. Reg. 5. 2. *Tu pasces populum meum Israël, id est, reges seu gubernabis.* ut patet ex verbis sequentibus, & in *eris Dux super Israël.* Et Psalm. 2. 9. *Reges eos in virga ferreo, Græce est ὡς αὐτὸς, id est pascas eos.* Et ezech. 34. 17. *Vos autem greges mei, hæc dicit Dominus Deus: Ecce ego iudico inter pecus & pecus, arietum & hircorum.* Et v. 10. *Ecce ego ipse iudico inter pecus pingue & macilentum.* Et v. 22. *Iudicabo inter pecus & pecus.*

59. Vnde sic concludo: Christus cum dixit Petro, *Pasce oves meas*, commisit illi officium pastorale, respectu omnium Christianorum: (nullum enim excepit.) Ergo dedit illi potestatem exercendi officium pastorale. Officium autem Pastorale est, oves ad pascua ducere, infirmas curare, dispersas colligere, inter probas & vitiosas iudicare, inter pabulum & pabulum discernere, contumaces cogere, & ad ouile compellere, lupos arcere. (Quæ omnia, ut patet ex Scripturis citatis, & potissimum ex Ezechiele, non tantum intelliguntur de Pastore brutorum ovium, sed etiam de Pastore Ecclesie.) Ergo Petrus habuit potestatem hæc omnia præstandi, respectu totius Ecclesie. Potuit igitur, ratione officii Pastoralis Evangelium prædicare, Sacramenta administrare, peccantes corrigere, errantes reducere, inter veram & falsam doctrinam discernere, ad unitatem Ecclesie compellere, hæreticos & alios hostes arcere. Et sic explicant antiqui scriptores. Origenes in capite 6. ad Rom. Gregorius libro quarto Epistol. 32. Theophylactus & Euthymius ad capite 21. Ioannes Eucherius in Vigilia S. Petri, & plures alii.

60. Ad 2. Apostoli acceperunt à Christo æqualem D
authoritatem & potestatem, excepto privilegio Primatus, quod soli Petro concessum est. Ambrosius in c. 2. ad Galatas: *Soli Petro gratia Primatus inter Apostolos est concessa.* Et Augustinus tract. 56. in Ioannē. *Quis nescit primum omnium Apostolorum esse beatissimum Petrum?* Et Leo sermo. 3. de anniuersario die assumptionis sue ad Pontificatum: *Unus de toto mundo Petrus eligitur qui & vniuersarum gentium vocationi, & omnibus Apostolis, cunctisque Ecclesie Patribus præponatur: ut quamuis in populo Dei multi Sacerdotes sint multique pastores, omnes tamen proprie regat Petrus, quos principaliter regit & Christus.* Et Basilii orat. 3. de peccato: *Petrus omnibus aliis discipulis antepositus fuit.* Et Epiphanius heresi 51. *Dens elegit Petrum, ut esset dux suorum discipulorum.* Et Ephrem serm. de transfiguratione Domini: *Sicut Moses veteris, sic Petrus noui Testamenti princeps est.* Vide plura Patrum testimonia apud Coccium tom. 1. lib. 7. art. 4.

61. Ad 3. Ex eo quod scriptum est, Act. 15. 28. *Visum est Spiritui sancto & nobis*, non recte infer, nec Petrum, nec Iacobum, nec alium quempiam ex Apostolis, fuisse supremam Iudicem controueriarum, sed

A Spiritum Sanctum. Nam sicut in illo Concilio Apostolico, sic etiam in aliis Conciliis quæ legitime celebrantur, datur assistentia Spiritus sancti, iuxta Christi promissionem; Matth. 18. 20. *Vbi sunt duo vel tres congregati in nomine meo, ibi sum in medio eorum*, nempe per gratiam & directionem Spiritus sancti, de quo, Ioann. 16. 13. *Ille vos docebit omnem veritatem.* Vnde sicut in illo Concilio dictum fuit, *Visum est Spiritui sancto & nobis*, sic etiam in Niceno, Ephesino, Constantinopolitano, Chalcedonensi dictum est, vel dici potuit, et quando vos Lutherani celebratis vestra conuentiula, non dicitis opinor, *Visum est Diabolo & nobis*, sed, *Visum est Spiritui sancto & nobis.* At si-
cut hinc non sequitur, neminem in Concilio Niceno, Ephesino, Constantinopolitano, & Chalcedonensi fuisse Præsidem seu supremum Iudicem, nisi Spiritum sanctum; sic etiam non sequitur, neminem in Concilio Apostolorum fuisse Præsidem seu supremum Iudicem, nisi Spiritum sanctum.

62. Vbi notandum est, Spiritum sanctum in Conciliis per se non proferre sententiam, per modum Iudicis, sed adesse ibi per suam gratiam, & dirigere singulos, qui interfunt, ac potissimum eos, qui præsident cum authoritate, ne à veritate aberrant. Vnde sicut hac directione seu assistentia non obstante, vos nihilominus asseritis, Imperatores fuisse supremos Iudices in Conciliis generalibus; sic eadem non obstante, vos asserimus, Petrum in Concilio Apostolico, & successores Petri in aliis Conciliis, cum auctoritate præsedisse.

63. Ad 4. verum est, Paulum contulisse Evangelium suum cum Petro, Iacobo & Ioanne? Et hos nihil illi contulisse. Sic enim de seipso scribit, Galatarum 2. 2. *Contulicam illis Evangelium, quod prædico in gentibus.* Et infra, *At ibi qui videbantur esse aliquid, nihil contulerunt.* At hinc non recte inferitur, omnes Apostolos fuisse pares: Nisi velis has duas consequentias necere. 1. Paulus non solum contulit cum Petro suum Evangelium, sed etiam cum Iacobo & Ioanne: Ergo Petrus non erat maior Iacobo & Ioanne. 2. Petrus, Iacobus & Ioannes nihil contulerunt Paulo: Ergo Paulus erat illis æqualis. Veraque ridicula est. Prior quidem, quia potest aliquis vel consilium, vel doctrinam suam conferre cum pluribus, qui auctoritate non sint pares. Posterior vero, quia illa verba Apostoli, *nihil mihi contulerunt*, habent hunc sensum, Evangelium meum ipsi approbarunt, nihil mutando, addendo, aut detrahendo. Hoc constat ex contextu. Nam aliqui Iudæizantes persuadebant Galatis, Evangelium Pauli non esse conforme Evangelio Petri & Iacobi, eo quod Paulus diceret, sufficere fidem in Christum sine circumcisione & lege Mosaica, cum tamen Petrus & Iacobus ceremonias legis Mosaicæ obseruarent. Igitur Paulus defendit suum Evangelium, & dicit se illud contulisse cum Petro & Iacobo, eosque illud approbasse.

64. Ad 5. Nec ex eo, quod Iacobus nominetur ante Petrum (Galat. 2. 9.) *Iacobus & Cephas, & Ioannes dexteram dederunt mihi*, potes inferre, Iacobum Petro fuisse digniorem vel eminentiorem. 1. Quia diserte ais, fuisse omnes pares: quomodo ergo vis vnum alteri præferre? 2. Quia Apocalypsis 1. 4. Angeli nominantur ante Christum. *Gratia vobis, & pax ab eo, qui est, & qui erat, & qui venturus est: Et à septem Spiritibus, qui in conspectu throni eius sunt, & à Iesu Christo, qui est testis fidelis.* An hinc inferes, Angelos Christo præferendos esse? Denique, si Iacobus semel nominatur ante Petrum; Petrus vicissim sæpius nominatur ante omnes Apostolos, ut Matt. 10. 2. Marc. 3. 16. Act. 1. 13.

65. Ad 6. Fateor Paulum restitisse Petro in faciem, ut ipsemet fateretur, Galat. 2. 11. *Cum autem uenisset Cephas Antiochia, in faciem ei restitit, quia reprehensibilis erat.* Non in fide, sed in facto; quia cum aliqua gentiliū offensione simulabat Iudaismum. At hinc non sequitur, Petrum autoritate non fuisse superiorem Paulo. Imo multi Patres ex hoc ipso loco docent, superiores posse corrigi ab inferioribus, quando sit cum debita humilitate & charitate, ut August. Epist. 19. Cyprianus Epist. ad Quirinum de hæreticis rebaptizandis, Gregorius homil. 18. in Ezechuelem. D. Thom. 2. 2. q. 33. art. 4. ad 21.

66. Ad 7. Denique cum Paulus ait 2. Cor. 12. 11. *Nihil minus fui ab ijs, qui sunt supra modum Apostoli,* non loquitur de iurisdictione vel auctoritate, sed de laboribus, & passionibus pro Christo susceptis, ut ipsemet explicauit cap. 11. 5. *Existimo me nihil minus fecisse à magnis Apostolis.* Et infra, *In laboribus plurimis, in carceribus abundantius, &c.*

III. ARGUMENTVM GARDII

Contra Pontificem.

67. **H**Oc sic proponis. Quicquid Christus Apostolis, omnibusque eorum successoribus discrete interdixit: illud Pontifici Romano concedi nec debet, nec potest.

Atqui Christus Apostolis, omnibusque eorum successoribus discrete interdixit, ne vel seipso, reliquis, quoad dominium & principatum in Ecclesia præferret, vel supremos in quæstionibus fidei iudices appellari paterentur.

Ergo Pontifici Romano quoque concedi nec debet, nec potest.

Minorem tu probas ex his Scripturæ testimoniis Matth. 20. 25. *Scitis, quia Principes gentium dominantur eorum, & qui maiores sunt, potestatem exercent in eos. Non ita erit inter vos: sed quicumque uoluerit inter vos primus esse, erit uester seruus, sicut filius hominis non uenit ministrari, sed ministrare.* Et Matth. 23. 8. *Vos autem nolite vocari Rabbi. Unus est enim Magister uester: omnes autem uos fratres estis.* Et infra: *Nec uocemini Magistri, quia Magister uester unus est, Christus. Qui maior est ustrum, erit minister uester.*

RESPONSIO.

68. **R**espondeo. Maior uera est; minor distincta. Nam in dominio & principatu Ecclesiastico duo spectari possunt. 1. Potestas, autoritas, & iurisdictione Ecclesiastica. Hanc Christus non interdixit, sed constituit & ordinauit. 2. Modus utendi hac potestate, autoritate & iurisdictione. Qui duplex est: Alter coniunctus cum humilitate, charitate & modestia: Alter cum fastu, ambitione, & nimia dominandi licentia. Hunc posteriorem modum interdixit; priorem commendauit. Et hoc probant testimonia Scripturæ à te citata.

69. Nam quando Christus dixit, *Principes gentium dominantur eorum; non ita erit inter uos:* Non prohibet absolute, quin unus possit maior esse altero, sed monet, ne is qui maior est, superbe extollat se supra alios. Et hoc confirmat suo exemplo. Nam cum ipse esset maior Apostolis, non gerebat se in moribus, tanquam superiorem, sed tanquam ministrum. Idem uult facere alios Ecclesiæ Prælatos. Vult, ut ipsius exemplo, sint humiles: non autem exemplo Principum gentiliū, sint superbi, elati, dominatui.

70. Similiter, quando dixit, *Nolite vocari Rabbi, aut Magistri,* non prohibet absolute: ne quis uocetur Rabbi aut Magister: sed prohibet: ne quis in hac re imitetur Phariseos, de quibus dixerat *Amant primos recubitus in canis, & primas cathedras in Synagogis; & salutationes in foro, & vocari ab hominibus Rabbi.* Mox subdit: *Vos autem nolite vocari Rabbi.* Nempe, more Phariseorum, qui propter huiusmodi titulos erant tam tumidi ac superbi, ut reliquis omnibus tam in cathedris, quam in menfis & salutationibus, præferri se uellent.

71. Quod autem non absolute prohibeat eiusmodi titulos, dupliciter confirmari potest. Primum, quia si ceteri prohibet vocari Rabinos & Magistros, sic etiam prohibet vocari Patres. Et Patrem, inquit, nolite vocare uobis super terram, unus est enim Pater uester, qui in celis est. At non prohibet, ne quis prærogatiuam illius nominis sibi vendicat, quæ soli Deo debetur, ut explicat Apostolus E. hebr. 3. 14. *Flecto genua mea ad Patrem Domini nostri Iesum Christi, ex quo omnis paternitas in celis & in terra nominatur.* Secundò, quia si absolute prohiberet nomen Rabbinum & Magistrum, peccasset Paulus Apostolus, quando uocauit se *Doctorem gentium.* 1. Timoch. 2. 7.

IV. ARGUMENTVM GARDII

Contra Pontificem.

72. **H**Oc sic proponis. Quibus post Apostolorum tempora in primitiua Ecclesia, suprema & vniuersalis iurisdictione in causis religionis concessa non fuit, iis etiam omnibusque eorum successoribus, titulus supremi & generalis controuersiarum, religionis iudicis minime competit.

Episcopis Romanis post Apostolorum tempora, in primitiua ecclesia, suprema & vniuersalis iurisdictione in causis religionis concessa non fuit.

Ergo episcopis Romanis, omnibusque eorum successoribus titulus supremi & generalis controuersiarum religionis iudicis minime competit.

Minorem probas variis exemplis. 1. Quia Anicetus Papa non potuit persuadere Polycarpo, ut eodem die cum ipso Pascha celebraret. 2. Quia Polycrates & Irenæus restiterunt Victori Papæ ecclesiæ Asiaticæ excommunicanti. 3. Cyprianus Stephanum Papam non agnouit iudicem in controuersia de hæreticis rebaptizandis. 4. Idem Cyprianus dicit non esse minorem auctoritatem Episcoporum in Africa, quam Romani Pontificis. 5. Concilium Nicenum decernit, ut Episcopus Romanus tantum præsit Ecclesiæ Romanæ. 6. Concilium Constantinopolitanum primum, & Calcedonense parem potestatem tribuunt Episcopo Constantinopolitano & Pontifici Romano. 7. Concilium Mileuitanum decernit, ut non liceat Episcopis Africanis appellare ad Romanum Pontificem. 8. Ipsimet Pontifices Romani supremam & vniuersalem iurisdictionem Ecclesiasticam & illius titulum recusarunt.

RESPONSIO.

73. **R**espondeo. Minor propositio, quam tot exemplis confirmare frustra conatus es, falsa est. Nam certò constat ex antiquis scriptoribus, Pontificem Romanum semper habuisse supremam & vniuersalem iurisdictionem in totam Ecclesiam. Quod tripliciter confirmo.

74. Primum. Ex duplici illo principio, quod supra





ex tua ſententia, hæreticos habere iurisdictionem Eccleſiaſticam in Catholicos. Deinde Episcopos Orientales ſuperiores Episcopis Occidentalibus. Attu alibi vis, omnes æquales eſſe.

108. Tertium exemplum. Multi alii à Pontifice appellarunt ad Concilium generale, vt Philippus Pulcher Rex Gallie appellauit à Bonifacio VIII. Fredericus ſecundus ab Innocentio IV. Ludouicus Bauius à Ioanne XXII. Sigismundus à Pio II. Ioannes Huſ à Ioanne XXIII. Vniuerſitas Pariſienſis à Leone X. Lutherus ab eodem, Proteſtantes à Concilio Tridentino ad Concilium liberum.

Reſpondeo. Vt hoc exemplum te iuuat, duo tibi probanda ſunt. 1. Omnes has appellationes fuiſſe legitimas. 2. Omnes factas fuiſſe in negotio fidei ac religionis. Si alterutrum deſit, nihil efficit. Nam ſi appellatio non ſit legitima, non obſtat iurisdictioni Pontificis. Si non ſit in cauſa fidei ac religionis, non obſtat iudici controuerſiarum fidei ac religionis.

109. Quartum exemplum. Nos etiam Lutherani, inquit, appellamus à Pontifice Romano ad liberum Concilium generale, & ad Scripturam. Reſpondeo. Parum intereſt, quid faciatis vos Lutherani, noui homines, Facitis, quod illi, de quibus Auguſtinus, *Omnium malorum litigatorum vox eſt, malos Iudices ſe eſſe perpeſſor.* Deinde ex te quæro :

Primo, Quid intelligas per liberum Concilium generale? An illud, in quo Lutherani definiunt quod volunt? An illud, in quo quiſque ſentit quod vult? Sic nunquam definiuntur controuerſiæ inter partes litigantes.

Secundo, An putes huiusmodi Concilium eſſe fallibile, an infallibile? Si fallibile eſt, cur ad illud appellatis? Si infallibile, iam non ſola Scriptura infallibilis eſt, quod tamen ſæpe aſſeruisti.

Tertio, Quo exemplo vos appelletis à Pontifice ad Scripturam, tanquam ad Iudicem? Produxiſti hætenus exempla Donatiſtarum, Arrianorum, Regum, Imperatorum, & aliorum, qui omnes à Pontifice appellarunt. At nemo illorum appellauit ad Scripturam. An vos primi id facitis?

Quarto, ſi contingat partes litigantes appellare ad Scripturam, tanquam ad ſupremum, & infallibilem Iudicem, & de ſenſu Scripturæ inter ſe diſſentiant, vtri parti credendum ſit? ut quis litem inter illos dirimere debeat?

Quinto, Cur in hac appellatione nullam facias mentionem Imperatoris, quem alioqui putas eſſe legitimum Præſidem & Iudicem in Conciliis generalibus, vt ſæpe dixiſti?

Sexto, Si Imperator eſſet Catholicus, vt nunc eſt, an ad eum valeret appellatio, necne? Si valeret, an ipſius iudicio ſecurè acquieſceres? Si non valeret, ad quem alium deberet fieri appellatio? Ad hæc reſponde, ſi poteſ.

VII. ARGUMENTVM GARDII

Contra Pontificem.

110. **H**oc ſic proponis. De quo dubium eſt, An in controuerſiis fidei & morum diiudicandis perpetuam & infallibilem habeat aſſiſtentiam & directionem Spiritus Sancti, is ſupremus & infallibilis earundem Iudex eſſe non poteſt.

De Pontifice Romano dubium eſt, an in controuerſiis fidei & morum diiudicandis habeat talem aſſiſtentiam. Ergo, &c. Minorem probas. Primo, ex conceſſione Bellarmini & Stapletoni.

Opus. Bec.

Secundo, Quia aliqui Pontifices fuerunt rudes & indocti; alij Iureconſulti quidem, ſed non Theologi, alij in armis potius exercitati, quam in ſtudiis; alij Oſores ſcientiæ ac literarum. Quomodo igitur in controuerſiis fidei per infallibilem Spiritus Sancti aſſiſtentiam iudicare potuerunt?

Tertio, multi fuerunt Apoſtæ, Nicromantici, Simoniaci, Seditioſi, Crudeles, Luxurioſi, Scortatores, Sodomitæ, Auari, Rapaces, Periuiri. Quibus Spiritum perpetuo & infallibiliter aſſiſtere, ne probabiliter quidem demonſtrari poteſt.

Quarto, Conſtat nos paucos fuiſſe hæreticos, & nunc etiam hæreticos fieri poſſe. Vbi igitur perpetua & infallibilis aſſiſtentia Spiritus Sancti? Nec valet reſponſio Catholicorum, infallibilem aſſiſtentiam illis adeſſe, quatenus Pontifices ſunt, non autem quatenus priuati Doctores. Nemo enim ſani cerebri id capere poteſt.

RESPONSIO.

111. **R**eſpondeo. Nos non dubitamus, quin Pontifex, quatenus eſt Paſtor vniuerſalis Eccleſiæ, habeat perpetuam & infallibilem aſſiſtentiam & directionem Spiritus Sancti in iis rebus, quæ directe ſpectant ad publicam doctrinam fidei ac religionis. Habuit illam Pontifex veteris Teſtamenti, vt ſupra demonſtratum eſt. Habuit Petrus Apoſtolus, cui dictum eſt à Chriſto, *Ego rogavi pro te Petre, ut non deficiat fides tua.* Cur non habeant ſucceſſores Petri?

Certe antiqui Patres libenter agnoſcunt Eccleſiam Romanam, cui Pontifex præeſt, eſſe Matrem & Caput omnium Eccleſiarum: et omnes alias, ne errent, debere illi coniunctas eſſe, & in doctrina coherere. Ergo agnoſcunt Romanæ Eccleſiæ Pontificem non poſſe errare in fide. Audi illorum verba. Cyprianus lib. 4. Epist. 8. ad Cornelium Papam: *Nos, inquit, ſingulis nauigantibus, ne cum ſcandalo nauigarent, rationem reddidiſſe nos ſcimus, & hortatos eſſe, vt Eccleſia Catholica Adatricem & Radicem agnoſcerent ac tenerent.*

Irenæus lib. 4. contra hæreſes cap. 3. de eadem Eccleſia Romana ſic ſcribit: *Ad hanc Eccleſiam, propter potentiorẽ principalitatem, neceſſe eſt omnem conuenire Eccleſiam, hoc eſt, eos qui ſunt undique fideles, in qua ſemper ab his qui ſunt undique, conſeruata eſt ea, quæ eſt ab Apoſtoliſ Traditio.*

Hieronymus Epist. 8. ad Demetriadem cap. 9. *Inde pio charitatis affectu pramonendum puto, vt Sancti Innocentij, qui Apoſtolica Cathedra ſucceſſoreſt, teneas fidem: Nec peregrinam, quamuis ſibi prudens callidaque videaris, doctrinam recipias.*

Auguſt. Epist. 162. ad Episcopos Donatiſtarum de Cæciliano Episcopo: *Erat magna authoritatis, qui poſſet non curare conſpirantem multitudinem inimicorum, cum ſe videret Romana Eccleſia, in qua ſemper Apoſtolica Cathedra vigit Principatus, per communicatorias literas eſſe coniunctum.*

Optatus lib. 2. contra Parmenianum: *Negare non poteſ ſcire te, in Vrbe Roma primam Cathedram Episcopalem Petro collatam eſſe, cum qua totus Orbis in vna communionis ſocietate concordat.*

Bernardus Epist. 131. ad Mediolanenſes: *Romana Eccleſia valde clemens eſt, ſed nihilominus potens, &c. Plenitudo ſiquidem poteſtatis ſuper vniuerſas Orbis Eccleſias, ſingulari prerogativa Apoſtolica Sedi donata eſt.*

112. Quæ tu contra obiicis, nullius momenti ſunt. Ac primo falſum eſt. Bellarminum & Stapletonum dubitare, An Pontifex, vt eſt Paſtor Eccleſiæ, ha-

beat perpetuam & infallibilem assistentiam Spiritus A sancti in controuersis fidei ac religionis. Diserte affirmant habere. Tu tamen, nescio per quas consequentias Gardianas, conaris clarissimam illorum sententiam in aliam partem traducere, quæ sine dubio magna impostura est.

113. Nec obstat, quod aliqui Pontifices fuerint indocti aut flagitiosi. Hoc enim non impedit assistentiam & directionem Spiritus sancti in iis, quæ ad officium Pontificis in decisione controuersiarum necessaria sunt. Certe, Apostoli fuerunt rudes & indocti. Et tamen à Spiritu sancto infallibiliter instructos fuisse, negare non potes. Multi item, per assistentiam Spiritus sancti faciunt miracula, expellunt demones, de futuris infallibiliter vaticinantur, & tamen non ideo sancti sunt.

An non Balaam Propheta fuit flagitiosus? Certum est. An non flagitiosi, de quibus Christus in Evangelio, Matth. 7. 22. *Multi dicunt mihi in illa die: Domine, Domine, nonne in nomine tuo prophetauimus, & in nomine tuo demonia eiecimus, & in nomine tuo virtutes multas fecimus? Et tunc confitebor illis: quia nunquam noui vos: Discedite à me, qui operamini iniquitatem.*

114. Iam supra monui, duplicia esse dona Spiritus sancti. Alia, quæ dantur hominibus ad propriam salutem & sanctitatem, ut fides, spes, charitas, iustitia. Et hæc non consistunt cum oppositis peccatis & flagitiis. Alia, quæ dantur hominibus ad aliorum salutem & sanctitatem promouendam, ut donum miraculorum, sanctorum, prophetiarum, interpretationis, discretionis. Et hæc communia sunt bonis & malis. Ad hoc genus donorum pertinet illud, quod agnoscimus in Pontifice. Quod addis de hæresi, spectat ad sequens argumentum.

VIII. ARGUMENTVM GARDII

Contra Pontificem.

115. **H**oc sic proponis. Supremus & infallibilis Iudex controuersiarum fidei ac religionis Christianæ non debet esse fallibilis.

Pontifex Romanus est fallibilis. Ergo, &c.

Minorem probas. Primum, Ex concessione Catholicorum, qui fatentur hæc tria. 1. Pontificem, ut priuatum Doctorem, posse errare. 2. Pontificem, ut Pontificem, posse errare in controuersia facti, quæ pendet ex informatione & testimonio hominum. 3. Pontificem, ut Pontificem, posse errare in fide, si definiat aliquid absque generali Concilio.

Secundò exemplis. Nam aliqui Pontifices errarunt personaliter, ut Zepherinus, Marcellinus, Liberius, Felix, Innocentius I. Celestinus, Anastasius II. Gregorius VII. Ioannes XXII. Eugenius IV. Alii iudicialiter, ut Clemens I. Liberius, Vigilius, Honorius, regalius II. Gregorius II. &c.

Tertio, ex contrariis pontificum Decretis. Nam sæpe fit, ut quæ unus Pontifex decernit, alius reuocet, aut contrarium decernat. Ergo alterutrum errare necesse est.

Quarto, Ratione Erasmi Roterodami. Nam si Pontifex non potest errare, quid opus est Conciliis generalibus?

RESPONSIO.

116. **R**espondeo. Negandum est, pontificem, ut Pontifex est, fallibilem esse in doctrina fidei; licet fallibilis sit, ut homo priuatus est. Nec ali-

ter docent Catholici, exceptis illis, qui putant illum falli posse, si aliquid definiat sine generali Concilio non posse, si cum generali Concilio. Hoc tamen contra te est. Cur igitur pro te citasti?

117. Exempla eorum Pontificum, qui putantur errasse in fide, sumpsisti ex Bellarmino. Accipe ex illo & responsionem. Si bona est, quid aliam exis? Si mala ostende vitium, & occurrat. Alioqui, si quoties nouellus aliquis Prædicator suffragatur argumenta ex Bellarmino, & solutionem dissimulat, toties noua solutio adhibenda esset, quis foret fructus aut finis litigandi?

118. Quod obicis, Decreta Pontificum sæpe esse contraria, distinguendum est. Sunt enim triplicia eorum decreta. Quædam spectant ad fidem & religionem: Alia ad virtutes & vitia: Alia ad res indifferentes, quæ nunc præcipi, nunc prohiberi possunt, pro diuersa locorum, temporum & hominum qualitate ac conditione. Igitur Decreta primi & secundi generis nunquam sunt contraria. Decreta tertii generis possunt esse contraria, quia fieri potest, & quidem legitime, ut quod unus Pontifex statuit fieri propter causam rationabilem, alius reuocet ex simili causa rationabili, cum res ex se aliqui sit indifferens, ut suppono.

119. Ratio, quam adducis ex Erasmo, potest retorqueri. Nam sicut tu cum Erasmo argumentaris: Si Pontifex non potest errare, quid opus est Conciliis generalibus? Sic ego argumentabor: Si Apostoli non poterant errare, quid opus erat Concilio Hierosolymitano? Item, Si Scriptura, quam tu Iudicem esse vis, non potest errare, quid opus est Conciliis generalibus vel particularibus?

120. Dicam quod res est. Pontifex non propterea dicitur infallibilis, quasi per se sit sufficienter doctus & per se possit omnes controuersias fidei ac religionis sine errore dirimere, quia hoc constat falsum esse: sed ideo dicitur infallibilis, quia Deus non patitur, ut is, quem constituit Pastorem suæ Ecclesiæ, decipiat suas oves in fide & religione: sed ita eum dirigit, ut nunquam falsam doctrinam suis subditis possit proponere & instillare. Et aliquando dirigit illum, ut sine Concilio, aliquando ut cum Concilio decidat controuersias. Et in eo consistit assistentia seu directio Spiritus sancti, quam Pontifici tribuimus.

121. Cur autem expediat controuersias decidi in Conciliis generalibus, causa duplex est. Vna, quia partes litigantes facilius acquiescunt, quando constat controuersiam ex communi totius Ecclesiæ consensu decisam esse. Altera, quia facilius innotescit Orbī Christiano, quæ sit vera, quæ falsa sententia, quando ex toto Orbe Christiano conveniunt Episcopi, & publico suffragio litem definiunt.

IX. ARGUMENTVM GARDII

Contra Pontificem.

122. **H**oc sic proponis. Quicunque Scripturas sacras falso, absurde, & inepte interpretari & applicare potest, supremus & infallibilis controuersiarum fidei Iudex esse nequit.

Pontifex Romanus Scripturas sacras falso, absurde, & inepte interpretari & applicare potest. Ergo, &c.

Minorem probas, citando aliquot Scripturæ testimonia, quæ Pontifices male interpretati sunt.

Primum est, Lucæ 22. 38. *Eccē duo gladii hic.* Hoc Bonifacius Octauus falso interpretatur de duplici

potestate Eccleſiaſtica, ſpiritali & temporal.

Secundum, Gen. 1. 16. *Fecit Deus duo luminaria magna.* Hoc Gregorius interpretatur de duplici potestate, Pontificali & Imperiali.

Tertium, Leuit. 11. 44. *Sancti estote, quia & ego sanctus sum.* Hinc colligunt Syricius & Innocentius, Sacerdotes debere abstinere ab vxoribus.

Quartum, Isaie 10. 3. *Si hac humiliatur, ad cuius confugeris auxilium?* Hoc Symmachus Papa putat dictum esse de Sede Romana, & illius preeminentia.

Quintum, Matth. 19. 6. *Quod Deus coniunxit, homo non separet.* Hinc Innocentius III. colligit, neminem propria authoritate posse ab vna ecclesia ad aliam se transferre.

Sextum, Gen. 19. 9. *Ingressus es, ut aduenas, nunquid ut iudices?* Hinc probat Anacletus, peregrina iudicia in ecclesia submouenda esse.

Septimum, Lucæ 6. 40. *Non est discipulus supra Magistrum.* Hinc Teleſphorus, Sacerdotes non esse corripiendos à populo.

Octauum, Exodi 22. 28. *Diis non detrahes.* Hic Innocentius III. per Deos, intelligit Sacerdotes, propter dignitatem Sacerdotalem.

Nonum, Gal. 6. 16. *De cetero nemo mihi molestus sit: ego enim stigmata Domini Iesu in Corpore meo porto.* Hoc Nicolaus III. applicat ad Ordinem Franciscanorum.

Decimum, Rom. 10. 10. *Corde creditur ad iustitiam; ore autem fit confessio ad salutem.* Hinc Benedictus XI. probat confessionem auricularem.

RESPONSIO.

123. **R**espondeo. Tu ipse, mi Gardi, qui aliorum interpretationes temere reprehendis, omnia sunt te interpretaris. Constat duplicem esse Scripturæ sensum: Alterum literalem, qui ut plurimum, vnicus, certus, ac determinatus est. Alterum mysticum, qui varius est, & ad varias res applicari & accommodari potest. Is igitur dicitur falso Scripturam interpretari, qui literalem illius sensum vel deprauat, vel non assequitur. Qui autem sensum mysticum ad res alias accommodat, non tam cenſetur Scripturam interpretari, quam ad aliud applicare. Et quidē, si ita applicet, ut nulla interueniat falsitas, vel repugnantia, vel absurditas, cenſetur bene applicare: Sin secus male.

124. Pontifices, quos citasti, non voluerunt proprie interpretari Scripturam secundum sensum literalem; sed illius testimonia mystice ad suum institutum accommodarunt sine omni falsitate & repugnantia. Hoc patet in exemplis allatis. Nam duo gladii, quos Apostoli exhibebant Christo, secundum sensum literalem significant veros & materiales gladios. At mystice possunt accommodari ad significandum duplicem potestatem, spirituales & temporalem. Nulla hinc falsitas.

125. cum gladius sit signum potestatis (Rom. 13. 4.) potest figurate sumi pro ipsa potestate, quam significat. Sicut circumcisio, quæ est signum pacti inter Deum & Abrahamum inuiti, solet sumi pro ipso pacto, ut manifestum est Gen. 17. Rursum, cum nomen gladii in Scriptura sumatur dupliciter, vel pro gladio corporali, ut Lucæ 22. 48. vel pro gladio spirituali, ut Ephes. 6. 17. quid mirum, si per duos gladios intelligamus duplicem potestatem, temporalem scilicet & spirituales? An non similiter Christus per duas clauēs intellexit duplicem potestatem, claudendi & aperiendi? seu soluendi & ligandi? Nemo dubitat.

126. Eodem modo. Duo luminaria, quorum mentio fit Genes. 1. 16. secundum literam significant So-

Opus. Bec.

A lem & Lunam: quorum alterum præest diei, alterum nocti. At secundum sensum mysticum, optime accommodantur ad significandos duos Principes Orbis Christiani, Pontificem & Imperatorem: quorum alter præest rebus spiritualibus, quæ sunt instar diei, alter temporalibus, quæ sunt instar noctis. Habemus similia in Scripturis, nam Christus vocatur Sol: Ecclesia Luna: Sancti stellæ. Item Henoch & Elias vocantur *duo lina*, Apocal. 11. 4. Apostoli *sal terra*, Matth. 5. 13. Nota sunt hæc. De aliis exemplis à te allatis est idem iudicium.

126. Vos Lutherani potius accusandi estis de falsa Scripturæ interpretatione. Quid tu in hoc negotio præstiteris, satis ostensum est cap. 1. § 36. & sequentibus. Quid porro Lutherus effecerit, vnico exemplo demonstrabo. Legimus Isaie 41. 13. *Bene autem male si potestis, facite.* Quod secundum literam intelligitur de idolis gentium, quæ non possunt bene aut male facere, id est non possunt cultoribus suis prodesse, nec contemptoribus nocere. At Lutherus interpretatur de hominibus, ut inde probet, homines non habere liberum arbitrium. Huius interpretationis adeo te puder, ut aperte fatearis Lutherum hallucinatum esse. Sed de hoc alibi.

X. ARGUMENTVM GARDII

Contra Pontificem.

127. **H**oc sic proponis. Quicumque ita quandoque dubius & incertus est, ut certo cognosci & adiri non possit, is supremus & infallibilis controuerſiarum religionis Christianæ Iudex esse non potest.

Pontifex Romanus ita quandoque dubius & incertus est, ut certo cognosci & adiri non possit, ergo, &c.

Minorem probas ex variis schismatibus, quæ fuerunt in Ecclesia. Nam aliquando duo, aliquando tres fuerunt Pontifices simul electi, ita non potuerit certo constare, quis esset legitimus, quis intrusus. Si ergo Pontifex est Iudex controuerſiarum, quid in hoc casu faciendum?

RESPONSIO.

128. **R**espondeo. In hoc casu faciendum est, quod solet fieri in simili casu, quando Rex aut Imperator est mortuus: vel etiam, quando duo Reges aut Imperatores à diuersis factionibus eliguntur. Tunc enim, si aliqua lis oriatur, vel deferretur ad Cameram Regiam aut Imperatoriam; vel certe, tamdiu suspenditur, donec constet de legitimo Rege aut Imperatore, ut ad illum deferri possit. Eodem ergo modo, quando vel Pontifex moritur, vel duo in Schismate eliguntur; si tunc oriatur aliqua controuerſia de fide; vel potest deferri ad proximum Concilium generale; vel certe tamdiu suspendi, donec legitimus Pontifex designetur.

129. Deinde retorqueo argumentum. Nam sicut ego assero, Pontificem esse supra Concilium generale; ita tu asseris, Concilium generale esse supra Pontificem. At tu contra me sic disputas: Pontifex tempore Schismatis, quia certus non est, adiri non potest. Ergo & ego vicissim contra te disputo: Concilium generale raro celebratur, ut sepe multis annis adiri non possit. Si aliquid euinco, capius es: Si nihil, nec tu conuincis.

XI. ARGUMENTVM GARDII

Contra Pontificem.

130. **H**Oc sic proponis. Index supremus & infallibilis controuersiarum religionis Christianæ, in iisdem, nec debet, nec potest esse partialis accusator & reus.

Pontifex Romanus in controuersis religionis Christianæ est partialis, accusator & reus. Ergo, &c.

Minorem probas. 1. Est partialis, quia est Caput Ecclesiæ Romanæ, quæ est pars litigans cum Lutheranis. 2. Est accusator, quia grauius accusat Ecclesiæ Augustanæ Confessionis de heresi. 3. Est reus, quia vicissim accusatur à Lutheranis de Apostasia.

RESPONSIO.

131. **R**espondeo. Si sic velis ratiocinari, concludes, nec Concilium generale, nec Imperatorem, nec Scripturam posse esse iudicem, quos tu tamen Iudices agnoscis. Nam Lutherus vester habuit illos omnes, vt partiales, vt accusatores, vt reos. Cum enim damnatus esset à Pontifice, appellauit ab illo, tanquam à partiali & accusatore, ad Concilium generale. A Concilio ad Imperatorem. Ab Imperatore ad Scripturam. Denique à Scriptura, quam à Catholicis acceperat, ad Scripturam, quam ipse sibi fingebat, id est, ad nouum Scripturæ Canonem, ad nouam versionem, ad nouam interpretationem. Vos Lutherani idem facitis. Pontificem Romanum, Concilium Tridentinum, Imperatorem Catholicum, & Scripturam vulgare editionis, habetis pro parte litigante, pro accusatore, pro reo. Nullum admittitis iudicem infallibilem, nisi Scripturam, nouo Canone, noua versione, noua interpretatione reformatam, vt vos putatis deformatam & vitiatam, vt nos merito conquerimur.

XII. ARGUMENTVM GARDII

Contra Pontificem.

132. **H**Oc est huiusmodi. Quicumque non habet spirituales auctoritatem & potestatem coactiuam, qua conscientias hominum in iudicio fidei & morum per omnia satisfacere, partesque litigantes ad obedientiam fidei efficaciter cogere & flectere possit; is supremus & infallibilis controuersiarum fidei & religionis Christianæ iudex esse non potest.

Pontifex Romanus non habet huiusmodi auctoritatem & potestatem. Ergo, &c.

Maiorem probas, quia si supremus iudex non haberet talem potestatem efficaciter cogendi conscientias, iam frustra & sine omni fructu atque effectu de controuersis fidei pronunciaret.

Minor, inquis, est manifesta: quia nec in Apostolorum, nec ullius alterius hominis potestate est conscientias hominum efficaciter cogere ad obedientiam fidei, sed solius Dei & Scripturæ. Quod probas his testimoniis.

Deut. 29. 4. Dominus dat cor intelligens, & oculos videntes, & aures, quæ audiant.

Ieremias 3. 33. dicit Dominus: Dabo legem meam in visceribus eorum, & in corde eorum scribam eam.

A Act. 16. 14. Dominus aperuit cor Lydia, intendere hiis quæ dicebantur à Paulo.

1. Cor. 3. 7. Neque qui plantat, est aliquid, neque qui rigat; sed qui incrementum dat Deus.

2. Cor. 1. 24. Non denominamur fidei vestræ.

Ephes. 1. 17. Deus des nobis Spiritum Sapientiæ & reuelationis.

1. Ioann. 2. 27. Vultis docet vos in omnibus.

RESPONSIO.

133. **R**espondeo. Si loquamur de supremo Iudice absolute, qui est solus Deus, tunc maior propositio vera est. Si autem loquamur de supremo Iudice in hac vita, falsa est. Nam neque Scriptura, neque Pontifex, neque Concilium potest efficaciter cogere conscientias ad obedientiam fidei. Et tamen ex tua sententia, Scriptura est supremus iudex in hac vita: Ex mea, Pontifex & Concilium.

134. Quod autem Scriptura per se non possit efficaciter cogere partes litigantes ad obedientiam fidei, docet quotidiana experientia. Nam Lutherani & Calvinistæ quotidie prouocant ad Scripturam, tanquam ad supremum Iudicem, vt fateris. Vel ergo Scriptura pronunciat inter illos sententiam, vel non. Si non pronunciat, non est Iudex. Si pronunciat, vel efficaciter cogit partes litigantes ad obedientiam fidei, vel non cogit. Si efficaciter cogit, cur manet dissensio inter Lutheranos & Calvinistas? Si non cogit efficaciter, iam alterutrum sequi necesse est, vel non esse supremum Iudicem, vel non requiri, vt supremus Iudex efficaciter cogat ad obedientiam fidei: Vtrumque est contra te.

135. Quod autem obicis, Iudicem frustra, & absque omni fructu & effectu pronunciare sententiam, si non potest efficaciter cogere conscientias, falsum est. Alioqui Apostoli in Concilio Hierosolymitano frustra, & sine villo fructu pronunciauerunt sententiam; Quia non potuerunt efficaciter cogere partes litigantes ad obedientiam fidei. Nam multi ex litigantibus noluerunt illorum sententiæ acquiescere. Frustra Concilium Nicenum pronunciauerunt sententiam contra Arrianos: Frustra Constantinopolitanum contra Macedonium: Frustra Ephesinum contra Nestorium: Frustra Chalcedonenſe contra Eutychen & Dioscorum. Non enim potuerunt efficaciter cogere conscientias vtriusque partis ad obedientiam fidei. Sed absit, vt hoc sentiamus. Habent Concilia suas utilitates, etiam si multi maneant in sua pertinacia. Quid quod idem dicendum esset de iis, qui Euangelium prædicant. Nec enim Apostoli, nec eorum successores, neque vos Lutherani potestis efficaciter cogere conscientias ad amplectendam fidei veritatem. An ideo prædicatio Euangelij frustra & sine fructu est?

136. Testimonia Scripturæ, quæ obicis, intelliguntur de Deo, non de Scriptura. Itaque ex illis non potes probare, Scripturam efficaciter cogere conscientias ad obedientiam fidei. Ego contrarium ex illis ostendam. Ac 1. Ex illo Act. 16. 14. Dominus aperuit cor Lydia. Vnde sic concludo. Non sola Lydia, sed multi alij audiebant Scripturam prophetica ex prædicatione Pauli Apostoli. Lydia conuertebatur, multi alij non conuertebantur. An hoc Scripturæ tribuendum? Non. Quia Scriptura respectu omnium erat eadem, & ex sua parte æqualiter omnibus proponebatur. Cui ergo? Partim Deo, qui mouebat corda per internam gratiam, partim hominibus, qui vel acceptabant gratiam, vel respuebant. Lydia acceptabat. Respuebant illi, de quibus Act. 7. 51. Vos semper Spiritui S. resistitis.

137. Deinde ex illo 1. Cor. 3. 7. *Neque qui plantat, est aliquid, neque qui rigat, sed qui incrementum dat Deus.* Quis est, qui plantat & rigat? Apostoli, per prædicationem Euangelij. Quis est, qui dat incrementum? Deus, per internam gratiam. Sub priori membro continetur Scriptura: sub posteriori gratia igitur Scriptura per se nihil est, nisi accedat gratia. Non igitur per se efficaciter cogit conscientias hominum ad obedientiam fidei. Quod pulchre ex hoc ipso loco ostendit Prosper lib. 2. de vocatione gentium cap. 6.


EPILOGVS.

HAbes, Gardi, Apologiam meam pro Iudice controuersiarum, quam per amicos extorristi. Intelligis quid dicam. Si deinceps disertare vis, hæc eria vt serues, merito exigere à te possum.

Primò, vt abstineas à conuitiis, mendaciis, falsis citationibus, & similibus vitiis, quæ tibi familiaria sunt, vt initio Apologiæ demonstratum est. Nam neque decent hominem Christianum, neque eam sam tuam promouent, sed potius suspectam faciunt. Scio, me ægrè hoc obtenturum; aut si obtineam, obtenturum etiam, vt non amplius sis Lutheranus, sed Catholicus. Quod faxit Deus, qui potest ex lapidibus suscitare filios Abrahæ.

Secundò, vt disertè pronuncies, quem Scripturæ Canonem, quam editionem, quam interpretationem sequi velis, Si ex Scriptura disputandum est. Ego disertè pronuncio, me sequi illum canonem, qui in Concilio Tridentino consignatus est, & quem maiores nostri cum Gelasio, Augustino, Innocentio sequuti sunt: illam vulgatam editionem, quæ iam multis sæculis in Ecclesia viguit: illam interpretationem, quæ antiquis Patribus & communi Ecclesiæ Catholicæ consensui conformis est. Similem protestationem à te exigo. Designa certum Canonem, certam editionem, certam interpretationem, quam secururus es. Hactenus non fecisti.

Tertio, vt satisfacias de tua vocatione, quæ nuper in dubium vocata est, & a te probari non potuit. (Scis quo loco, quo tempore, & quibus præsentibus.) Nam si legitime ad Ministerium vocatus non es, condemnauit te Christus, cum dixit 1. Ioan. 10. 1. *Amen, amen, dico vobis: qui non inuitat per ostium in ouile ouium, sed ascendit aliunde, ille furest & latro.* Si autem à Christo condemnatus es, quid opus est disputatione? Aut igitur probandum tibi est, legitime vocatum te esse, aut si id præstare non potes, omnis controuersia, quæ inter nos intercedit, decisa est. Hic finio; & ex animo precor, vt bene tibi sit.



DE POSTERIORI

PARTE EPISTOLÆ.

AD LECTOREM.

Et etiam hanc partem intelligas, sic accipe. Ante annos duodecim scripsi tractatum de fide hæreticis seruanda. Bis illum oppugnavit Batauus Calumnista, amicus Paræi: bis repulsus est. Et iam flet toto decennio. Paræus, quando Moguntia fuit, nihil unquam

Atentauit. Nunc demum ante annum, quod scires me Viennæ in Austria commorari, absentem verbo & calamo debacchatus est conficiens, ex tam longa locorum distantia, nullam se plagam à me accepturum. Et forte securus fuisset, si Viennæ mansisset. Ibi enim de Paræo, vel Paræi libellis, vix aliquid in publico auditur. Verum aliter res accidit. Superiore mense ex Austria Moguntiam redij. Ibi libellus, quem in me scribit, mihi oblatu est. Inspexi, legi, refutavi: ut iam videbis.



POSTERIOR PARS

EPISTOLÆ.

DE FIDE HÆRETICIS SERVANDA

1. **N**on ægrè feras, D. Paræe, si diutius te interpellent, quam velis. Occurrit aliud, quod suggeram. Cum istis diebus discuterem Acta Colloquiorum Synodalium à te conscripta, accessit Canonicus Moguntinus, amicus meus, & ecce alterum tuum Libellum exhibuit, cum hac inscriptione: *Oraatio inauguralis de fide hæreticis seruanda.* Ac simul insinuauit, in eo disertè me perstringi, & perfidiam Magistrum appellari. Facili id credebam; præsertim quod ex priori tuo libello probe iam nossem, familiare tibi esse, conuitiis ac maledictis aduersariorum impetere. De quibus nihil dicam vltius. Maneant tibi tua conuicia. Dere ipsa, quæ in controuersiam venit tecum agam.

2. Igitur ex meo Tractatu de fide hæreticis seruanda, transcribis & exagitas hæc principia à me posita.

Primum: In promissis, pactis, & conuentis seruanda est fides hæreticis: modo promissa, pacta, & conuenta sint alias licita & honesta.

D Secundum: Libertas fidei ac religionis illicita est; & Doctrinæ Christianæ contraria, & Reipublicæ noxia ac perniciosa.

Tertium: Princeps Catholicus non potest præcipere, approbare, aut introducere libertatem religionis; sed omnibus modis, quantum fieri potest, impedire. Si tamen impedire non possit sine maiori incommodo boni publici; potest eam tolerare, tanquam minus malum, ad euidendum maius malum, quod alioqui sequeretur. Et, si paciscatur cum hæreticis de toleranda libertate religionis, quam sine maiori detrimento impedire non potest, fides pacti seruanda est.

E Quartum: Promissum, vel pactum per vim aut metum iniuste extortum, rescindi potest; si is, qui iniuste vim aut metum passus est, id postulet.

3. Agnosco hæc principia à me posita. Quid tu vtro, D. Paræe? Ais primum principium destrui per annexam hanc clausulam: *Modo promissa, pacta & conuenta sint alias licita & honesta.* Vnde & apparet, clausulam illam, ex tua quidem sententia, tollendam esse: Et absolute asserendum, in quibuscunque pactis ac promissis, etiam illicitis & inhonestis, fidem seruandam esse. Quod nescio, an aperte ausis profiteri. Tertium principium nihil aliud esse affirmas, quam *vasum perfidiæ tegumentum ac ludibrium.* De reliquis, vera an falsa sint, disertè non dicis. Omnia tamen vellicas, atrodas, & miras consequentias

inde deducis. Vno verbo: Iracunde & fastidiose despuis quicquid à me positum est. Sed obsecro, sponde aliquantulum istam animi tui turbationem, & pacatè audi, quæ pro me allaturus sum. Forte aliter senties, quam hætenus.

4. Ac initio quidem postulo, quod negare non potes, ut remotis controuersis domesticis, quæ inter Pontificios & Calvinistas consistunt, hoc vnum præcisè nunc agamus: An hæreticis, qui verè hæretici sunt, seruanda sit fides, necne? Neque misceamus odiosas illas & particulares quæstiones: An Pontificij, an Lutherani, an Calvinistæ verè hæretici sint? Maneamus in thesi generali, De hæreticis, qui verè sunt hæretici. Aut si lubet speciatim descendere ad hos vel illos in particulari; descendamus ad eos, qui & vestra, & nostra opinione, verè hæretici sunt, ut Donatistæ, Manichæi. Arriani. Sic enim futurum est, ut de fide hæreticis seruanda, maiori fide ac candore inter nos agatur. Hoc iactò fundamento, accuratè examinemur, an principia à me posita, vera sint, necne. Neque vel tu cogites, Calvinistas à Pontificiis: vel ego cogitem, Pontificios à Calvinistis, pro hæreticis haberi. Hæc enim cogitatio solet turbare animum, ut sincerè iudicare vel non velit, vel ægrè possit, est igitur

PRIMUM BECANI PRINCIPIUM. C

3. In promissis, pactis, & conuentis, seruanda est fides. At anichæis & Donatistis, etiamsi verè hæretici sint: modo promissa, pacta, & conuenta sint alias licita & honesta.

Huius principij duæ sunt partes. Vna, in promissis, pactis, & conuentis, idem hæreticis seruandam esse: addo nec minus hæreticis, quam Catholicis. Ratio est, quia obligatio seruandæ fidei in promissis & pactis oritur ex virtute veritatis, fidelitatis, & iustitiæ, ut fuso in supradicto meo Tractatu demonstratum est. Neque tu id negas, sed approbas. Iam vero virtutes illæ æquè nos obligant, siue paciscamur cum hæreticis, siue cum Catholicis. Sicut enim veritas me obligat, ut non mentiar Catholicis; fidelitas, ut non sim perfidus Catholicis; iustitia, ut non faciam iniuriam Catholicis: ita etiam me obligant, ut non mentiar, non sim perfidus, non sim iniurius hæretico.

6. Hinc sequitur, si Catholicus paciscatur cum hæretico de commutatione aut venditione fundi, de feudo, emphyteusi, piscatione, venatione, de salvo conductu, de dote matrimoniali, de subsidio in iustum bellum conferendo, & de aliis similibus, quæ iure gentium concessa sunt; pacti fidem seruandam esse. Nunquid idem sentis, D. Paræ? Sic, mecum sentis. Sin aliter, iam tuo ipsius iudicio perdidisti Magister es. Hunc enim titulum tribuis illis, qui vel negant, vel tua opinione videntur negare, fidem hæreticis seruandam esse.

7. Altera pars continet hanc clausulam: *Modo promissa, pacta & conuenta sint alias licita & honesta*. Quid censes, Paræ? Rectène posita est hæc clausula, an tollenda? Si ais rectè positam esse, mecum sentis. Neque verum est, primum principium per appositionem illius clausulæ destrui ac eueri. Si autem tollendam esse (sicut præ te fers) quid respondebis vtriusque Iuris Doctoribus, qui mecum docent, promissiones etiam iuramento confirmatas, si sint de re illicita vel turpi, seruandas non esse? Audi ipsorum verba. In iure civili sic habes: *Legibus expressum est,*

illicite rei iusiurandum seruari non oportere. (L. Imperialis §. quod eis permittitur. Cod. de Nuptiis.) In iure autem Canonico, præsertim apud Gratianum, causa 22. q. 4. hæc passim obuia sunt. Primo: In malis promissis rescinde fidem. 2. Non est obseruandum Sacramentum, quo malum incautè promittitur. 3. Magnæ sapientiæ est, reuocare hominem, quod male locutus est. 4. Si aliquid forte incautius nos intrasse contigerit, quod obseruatum in peiorem vergat exitum, illud salubriori concilio mutandum nouerimus. 5. Iuramenta illicita laudabiliter soluuntur, damnabiliter obseruantur. 6. Iuramentum non est vinculum iniquitatis.

8. Quod etiam variis exemplis in vtroque iure confirmatur. Primo, exemplo Herodis, qui peccauit seruando illicitam promissionem ac iuramentum, (can. Est etiam, 22. q. 4.) Secundo, exemplo Davidis, qui laudatur, quod non seruauerit iuramentum, quo promiserat se interfectorum Nabal (can. si aliquid ibidem.) Tertio, exemplo mulieris adulteræ, quæ iurauerat se adultero adhæsurâ. Et quia hoc non fecit non censetur violasse iuramentum, sed prudenter omisisse. (can. Mulier, ibidem.) Quarto, exemplo cuiusdam Hubaldi, qui iurauerat, se concubinâ suam velle accipere in vxorâ & propriam matrem cum fratribus à domo expellere, ne c vllam eis alimoniam præstare. Cui suatum fuit, ut posteriorem partem iuramenti, ut pote illicitam, non seruaret (can. inter cetera, ibidem.) Quinto, exemplo mulierum scenicarum, quæ iuramento promiserant, se permansuras in suo peccato, & libidinis infamia. Quibus responsum est ab Imperatore, tali iuramento ac promissione eas non obligari. (L. citata, C. de Nuptiis.)

9. Si hæc vera sunt (de quo nec Theologos, nec Iureconsultos vestros Heidelbergenses dubitare, certo mihi persuasum est) necessario sequitur clausulam illam, quam addidi: *Modo promissa, pacta & conuenta sint alias licita & honesta*; omnino addendam esse. Et, si illorum iudicio addenda est, non rectè à te dictum, primum principium per illam clausulam destrui ac eueri. Hic velim, sincere tuam mentem aperias. Quod si contempta vtriusque iuris & Interpretum autoritate, putes te plus sapere, quam illi sapiant; & pertinaciter asseras, supradictam clausulam submouendam esse, responde ad hunc casum, quem propono. Paræ cum Catharina pactus est de adulterio, & de veneno marito ipsius porrigendo. Quæstio est, an teneatur seruare fidem; & vi illius pacti adulterium committere, & venenum porrigere? Vide, quid respondeas. Si putas te non teneri, hoc ideo est, quia pactum est turpe & illicitum. Et sic, tua opinione, clausula illa, quam addidi: *Modo pacta sint alias licita & honesta*; addenda est. Si autem putas te teneri, putas etiam teneri te ad peccatum. At nulla est obligatio, quæ hominem constringat ad peccatum. Nec ex vlla virtute oriri potest talis obligatio. Alioqui virtus non esset vitium, sed vitium. Quo nihil absurdius.

SECUNDUM BECANI PRINCIPIUM.

10. Libertas fidei ac religionis planè illicita est, & Christiana doctrina contraria, & Reipublica noxia ac perniciofa.

Hoc principium continet tres partes. Prima est, libertatem fidei ac religionis planè illicitam esse. Quam sic probo. Libertas religionis, de qua hic loquimur, in eo consistit, ut quilibet possit habere liberum exercitium hæreticæ religionis, id

est, libere profiteri hæresim Donatistarum, & eorum Sacramenta usurpare. Hoc sine dubio illicitum est. Nam, vt recte docent Theologi, grauius peccatum est hæresis, quam adulterium, homicidium, furtum. Si ergo liberum exercitium adulterij, homicidij, & furti planè illicitum est; multo magis liberum exercitium hæresis. Nemo sanæ mentis id negat.

11. Secunda est, liberum exercitium hæreticæ religionis contrarium esse doctrinæ Christianæ. Nihil certius. Nam doctrina Christiana est vera, hæretica religio, falsa. At verum falso contrarium est. Quo spectat illud 2. Cor. 6. 15. *Quæ societas luci ad tenebras?* Rursum, doctrina Christiana est vna ephef. 4. 5. *Vnus Dominus, vna fides, vnum Baptisma.* Doctrina hæretica est multiplex ac varia, Hebr. 13. 9. *Doctrinis variis & peregrinis nolite abduci.* At vnum & multiplex, in hoc genere, non aliter opponuntur, quam vnus & plures Dij. Vel; quam vnus verus Deus, & multi falsi Dij.

12. Tertia est, liberum exercitium hæreticæ religionis, Reipublicæ noxium ac perniciosum esse. Et quidem dupliciter. Primo, quoad salutem animarum. Quod insinuat Apostolus 2. Tim. 2. 17. vbi de hæreticis sic scribit: *Sermo eorum, ut cancer, serpsit.* Quasi dicat: Sicut cancer est morbus contagiosus, qui vbi vnâ corpus partem occupauerit, sensim peruat & corrumpit totum corpus: sic hæresis est contagiosa doctrina, quæ vbi vnum aut alterum hominem in aliqua communitate possederit, paulatim inuat & peruertit totam communitatem, nisi mature occurratur. Secundo quoad externam pacem & tranquillitatem. Hæc enim sine vnitæ fidei conseruari non potest. Vbi ergo diuersitas fidei est, ibi dissensiones & factiones esse, necesse est. Hoc testatur Christus, cum ait: *Omne regnum in se diuisum desolabitur.* Hoc testantur omnium pene sæculorum exempla. Ariani turbant totum Orientem, Macedoniani Græciam: Donatistæ Africam. Taceo cetera. Et quid hoc tempore turbat Hollandiam, nisi dissensiones vestrorum hominum, id est, Calvinistarum & Gommaristæ vi & ferro persequuntur Armenianos. Nimirum Calvinistæ Calvinistas. Malim de hac resilere, quam loqui, quia odij ac inuidiæ plena est. Sed tamen, vt videas Paræ, quam verum sit, quod asserui de exercitio hæreticæ religionis, volui potius insinuare, quam penitus dissimulare.

TERTIVM BECANI PRINCIPIVM.

13. *Princeps Catholicus non potest præcipere, approbare, aut introducere libertatem religionis, sed omnibus modis, quantum fieri potest, impedire. Si autem sine maiori detrimento boni publici impedire nequeat, potest eam tolerare, tanquam minus malum, ad euitandum maius malum, quod alioqui sequeretur. Et, si paciscatur cum hæreticis de toleranda libertate religionis, fides pactis seruanda est.*

Huius principij sunt etiam tres partes. Prima Principem Catholicum non debere præcipere, approbare, aut introducere, sed omnibus modis, quantum fieri potest, impedire liberum exercitium hæreticæ religionis. Sequitur ex dictis. 1. Quia huiusmodi exercitium est illicitum. 2. Est doctrinæ Christianæ contrarium. 3. Est Reipublicæ perniciosum. 4. Est magis detestabile, quam exercitium adulterij, homicidij, furti. Quis autem neget. Principem in sua Republica debere omnibus modis, quantum fieri potest, impedire liberum exercitium adulterij, homicidij, furti? Quanto magis liberum exercitium hæ-

resis? Hinc illa sanctio Imperatoria, L. Nullus, Cod. De summa Trinitate & fide Catholica: *Nullus hæreticis ministeriorum pateat locum.* Item, *Arceantur omnium hæreticorum ab illicitis congregationibus turba.* Item, *Si quid eruptio falsio tentauerit, ab ipsis etiam urbium moribus propelli iubemus.* Et L. Cuncti, Cod. de hæreticis & Manichæis: *Cuncti hæretici proculdubio nouerint, omnia sibi loca adimenda esse.* Vide plures leges ibid.

14. Altera est, Si Princeps Catholicus, sine maiori incommodo boni publici, non possit impedire exercitium hæreticæ religionis, posse tunc illud tolerare seu permittere, ad maius illud incommodum euitandum. Ita sentiunt grauissimi Authores, qui passim docent: Ex duobus malis, si ambo simul euitari nequeant minus malum eligendum esse. Et ratio est, quia in tali casu non eligitur minus malum, quatenus malum est, sed quatenus conducit ad euitandum maius malum, quod aliter euitari non potest. At proinde eligitur sub ratione boni utilis seu conducibilis. Deinde, ipsa natura hoc dicat. Quis enim ex instinctu naturæ non agnoscit; stultum esse, ex duobus malis occurrentibus eligere id, quod maius est? Tu ipse dic Paræ, si latro alterutrum de duobus, vel pecuniam, vel vitam tibi vellet auferre; mallésne vitam, quam pecuniam amittere? Non opinor. Accommodemus ad rem, de qua agitur. Donatistæ petunt de Catholico Principe, vt permittat ipsis exercitium suæ hæresis in vno templo: et simul minantur, nisi annuat, se omnia Catholicorum templa occupaturos, & Catholicorum exercitium abolituros. Quid faciet Princeps? Si potest vtrumque euitare, tenetur. Si alterutrum eligendum est, eliget quod minus est. Minus malum est, permittere hæreticis vnum templum pro exercitio; quam permittere, vt omnia deuastentur, & fides Catholica penitus extirpetur. Nemo dubitat. Si tu aliter sentis, parum sanus es.

15. Tertia est, Si Princeps Catholicus paciscatur cum hæreticis de toleranda libertate religionis, quam sine maiori incommodo boni publici impedire non potest, fidem pacti seruandam esse. Ratio patet ex dictis, quia fides seruari debet in omni pacto licito & honesto: atqui licitum & honestum est tolerare libertatem religionis ad maius malum euitandum, & de ea toleranda licite & honeste pacisci potest Princeps Catholicus, in tali necessitate: Ergo, si paciscitur, fides seruanda est: repetam exemplum, quod posui: Princeps paciscitur cum Donatistis de tolerando exercitio religionis ipsorum in vno templo, ad euitandum huiusmodi exercitium in reliquis templis, id est paciscitur de tolerando minori malo ad euitandum maius malum: teneturne seruare fidem, nec ne? Si ais seruandam esse, cur me perstringis, qui idem doceo? Si negas seruandam esse, cur seruanda non est? At quia pactum, vt tu putas fortasse, illicitum est? Concedis ergo fidem seruandam esse, cum hac clausula modo pactum sit alias licitum. At hoc supra negasti, vel visus es negare. Dic rotunde & sine ambagibus, quid sentias.

QVARTVM BECANI PRINCIPIVM.

16. *Promissum vel pactum, per vim aut metum iniuste extortum, rescindi potest, si is velit, qui iniuste vim aut metum passus est.*

Propter hoc principium, quod etiam posui in supradicto meo Tractatu, vocas me perfidæ Magister. Sed audi, mi homo. Non sum perfidæ Magister, sed doceo, quod docet vtriusq; Iuris Doctores ac Interpretes. Illorū doctrina hæc est. Si quis vi vel grau-

metu iniuste coactus est contrahere vel pacisci, huiusmodi contractus vel pactum non est quidem plane irritum; potest tamen à Iudice rescindi & in irritum reuocari, si is, qui iniuriam passus est, id postulet à Iudice. Hanc posteriorem partem, quam tu carpis, reperies in utroque iure. Et quidem in iure canonico, cap. 2. De his, quæ vi, sic legimus: *Vnde quia quæ metu & vi sunt debet iure in irritum reuocari, mandamus, quatenus predicto R. cum integritate restituas omnia.* Et ibid. cap. 4. *Quæ vi metusue causa sunt, carere debent robore firmitatis.* Et in iure civili, L. vltima, C. de his, quæ vi: *venditiones, donationes, transactiones, quæ per potentiam extorta sunt, precipimus infirmari.* Et ratio est, quia qui alteri vim, aut grauem metum iniuste iniecit, iniuriam illi intulit. Ergo tenetur illum in priorè statum restituere; & alter habet ius exigendi hanc restitutionem. Quo spectat illud, L. si mulier, ff. quod metus causa: *Si metu coactus adini hereditatem, puto me heredem effici, quia quamuis, si liberum esset, noluissem, tamen coactus volui, sed per Praetorem restituendus sum, ut abstinendi mihi potest a tribuatur.* Si hæc, Patre, tibi omnia desipiant, transige cum Iureconsultis Heidelbergensibus. Sed caue, ne & ipsos, si aliter quam tu sentiant, perfidæ Magistros appellaueris. Alioqui vapulabis.

CONCLUSIO.


17. **H**Actenus repetiui principia à me posita. Nunc, dilerte ex te quero, vera an falsa sint, tuo iudicio, si falsa ostende falsitatem. Et sigillatim explicæ quid vitij in singulis lateat: Et quomodo occurrendum sit autoritatibus & rationibus, quibus ea confirmantur. Idque præstari à te velim, vel publico scripto, vel coram discipulis Heidelbergensibus, qui forte ad te accessuri sunt, & determinatam à te sententiam rogaturi.

18. Si vera sunt (quod puto te concessurum) carpi non debent. Nec vlla ex his consequentia, nisi quæ vera sit, legitime deduci potest. Nam regula Dialecticorum est: Ex vero non nisi verum. Vnde sequitur, me innocentem hic esse, te nocentem. Nam & principia à me posita, vera sunt: Et similiter omnes conclusiones, quæ legitime ex illis deducuntur, veræ. At tu nocens es. Nam multa concludis ex meis principijs, quæ ais absurda esse. Vel ergo absurda sunt, vel non. Si absurda sunt, tu culpandus es, qui ex veris principijs illegitime colligis absurdas consequentias. Si absurda non sunt, iterum culpandus es, qui iniuste fingis absurda esse, quæ non sunt. Quidquid hic dixeris, captus es.

19. Sed ut clare appareat, quæ & quales sint consequentiæ, quas inferis & ex meis principijs, ostendam hoc vno aut altero exemplo. Igitur ex vltimo principio sic concludis. Becanus docet, pacta rescindi posse: quomodo ergo Evangelici possunt tuto pacisci cum Pontificijs, si Pontificijs licitum est, pacta semel inita pro suo arbitrio rescindere, & in irritum reuocare? Respondeo. Ego doceo, quod Iureconsulti docent, pacta per vim aut metum iniuste extorta rescindi posse, quod est verissimum: Non autem absolute, pacta quocunque modo inita rescindi posse. Ita quo iniuriam mihi facis. An autem Evangelici (sic vocas Calvinistas) per vim & metum iniuste extorqueant pacta à Pontificijs, de eo nihil dixi. Si tu supponis, iniuste eos extorquere, iam fratrum tuorum accusator es. Vide, ut legitime probes crimen, quod obicis. Si autem id non supponis, quid tecum litigas? Certe meum principium quo tu abuteris, & quæ pertinet ad omnes, qui iniuste per vim aut metum extorqueant aliquod pactum, siue sint Pontificij, siue Evangelici, siue Catholici, siue Hæretici. Possum enim legitime

A sic argumentari: Pactum, quod quis per vim aut metum iniuste extorquet, rescindi potest: At, verbi gratia, hoc pactum de tradendo feudo per vim & metum iniuste extorsit Petrus Catholicus aut Donatus Hæreticus: Ergo hoc pactum rescindi potest in quo syllogismo maior vera est. De minori quæritur veritas, necne. Si vera est, conclusionem veram esse necesse est. Si falsa, nihil efficitur. Simile est hoc argumentum ex Apostolo: Ebriosi, ut docet apostolus, regnum Dei non possidebunt: At hic Catholicus, aut ille Hæreticus est ebriosus: Ergo hic Catholicus, aut ille Hæreticus regnum Dei non possidebit. Puto agnoscere tuas ineptias & impossuitas.

B 20. Aliud addo exemplum. ex secundo meo principio sic concludis: Libertas religionis, ut docet Becanus, est plane illicita: Ergo ex sententia Becani, non licet pacisci de libertate religionis, quod repugnat tertio ipsius principio. Respondeo. Tu omnia confundis. Aliud est libertas religionis, seu liberum exercitium hæreticæ religionis, aliud tolerantia illius exercitij: Liberum exercitium hæreticæ religionis semper est illicitum, & de eo pacisci non licet. At tolerantia illius exercitij potest esse licita, ac proinde de tolerantia licite pacisci quis potest. Omitto reliquas nugas, quibus Lectori conatus es imponere. et serio rogatum te volo, ut in hac tua senectute magis sollicitus sis, quomodo per charitem Deo placeat, & saluari possis quam quomodo per fraudes & calumnias proximo nocere. Hoc fac & viues.



DE ECCLESIA CHRISTI.

**ITEM QVE DE ECCLESIA
Romana, quæ est Catholicorum, & de
Reformata, quæ est Lutheranorum
& Calvinistarum.**

INDEX.

Huius Libelli tres sunt quæstiones præcipuæ. Prima, de Ecclesia Christi generatim. Altera, de Ecclesia Romana, quæ est Catholicorum. Tertia, de Ecclesia Reformata, quæ est Lutheranorum & Calvinistarum. Singulæ habet suas conclusiones, hoc ordine.

CONCLUSIONES

I. QUÆSTIONIS.

1. *Vera Christi Ecclesia interris, & visibilis est.*
2. *Hæc visibilis Ecclesia est vna, sancta, Catholica, Apostolica, Sponsa Christi, Domus Dei, Columna & Firmamentum veritatis.*
3. *Extra hanc Visibilem Ecclesiam nemo potest saluari.*
4. *Hæc visibilis Ecclesia non potest deficere vel errare in fide.*
5. *Ideoque magna debet esse ipsius authoritas in negotiis fidei.*



III. CONCLUSIO.

Extra hanc visibilem Ecclesiam nemo potest saluari.

20. **I**Ta passim docens Patres, Augustinus lib. de Unitate Ecclesie, c. 19. Ad ipsam vero salutem, inquit, ac vitam eternam nemo pervenit, nisi qui habet caput Christum. Habere autem caput Christum nemo poterit, nisi qui in eius corpore fuerit, quod est Ecclesia. Et Ep. 40 ad Bonifacium Comitem, sub finem: Ecclesia Catholica sola est corpus Christi, cuius ille caput est, salvator corporis sui. Extra hoc corpus neminem vivificat Spiritus sanctus. Et paulo post: Non habent itaque Spiritum sanctum, qui sunt extra Ecclesiam. Et epist. 151. ad Donatistas: Quisquis ergo ab hac Catholica Ecclesia fuerit separatus, quam universi laudabiliter se vivere existimet, hoc solo scelere, quod à Christi unitate disjunctus est, non habebit vitam, sed ira Dei manet super eum. Et S. Gregorius lib. 14. moralium cap. 2. Sancta universalis Ecclesia prædicat, salvari veraciter, nisi intra se, non posse: asserens, quod omnes, qui extra ipsa sunt, minime salvabuntur.

21. Cōsentiant aduersarij Calvinus lib. 4. c. 1. §. 4. Verum, inquit, quia nunc de visibili Ecclesia differere propositum est, discamus vel uno Matris elogio, quam visibilis nobis eius cognitio, in necessaria: quando non alius est in vitam ingressus, nisi nos ipsa concipiat in utero, nisi pariat, nisi nascatur suis uberibus, denique sub custodia & gubernatione sua nutritur, donec exeat carne mortali, similes erimus Angelis. Et paulo post: Extra eius gremium nulla est speranda peccatorum remissio, nulla salus. Et rursum §. 22. Tria, inquit, hic nobis obtrahenda sunt. Primum, quamlibet sanctitas & polleant filii Dei, hac tamen conditione semper esse, quandiu in mortali corpore habitant, ut si peccatorum remissione consistere nequeant coram Deo. Deinde, hoc beneficium sic esse Ecclesie proprium, ut non aliter fruamur, quam si erimus arcamus in illius communionem. Tertio per Ecclesie Ministros & Pastores nobis dispensari, vel Evangelij prædicatione, vel Sacramentorum administratione.

22. Et Philippus Melancthon in examine ordinandorum, titulo de Ecclesia: Non loquimur, inquit, de Ecclesia, ut de Idea Platonica, sed monstramus Ecclesiam, iuxta aditum, Dic Ecclesia. Hic necesse est intelligi visibilem Ecclesiam. Et mox querit, An necesse sit, singulos homines salvandos fieri ciues huius Ecclesie visibilis: Et respondet his verbis: Propter necesse est, &c.

23. Eius rei variet assignantur causæ ab Augustino sermone 181. de tempore. Prima, quia in sola Ecclesia immolatur hostia Redemptoris. Altera in sola vinea laborantes, mercedem denarij accipiunt. Tertia, omnes qui extra arcam Noe fuerunt, diluvio extincti sunt. Quarta, membrum quod non manet in corpore, vitam habere non potest. Quinta, ramus præcisus à arbore, non potest germinare. Sexta, naus, à fonte separatus arefcit. Alii hæc addunt, Christus est sponsus Ecclesie: At Christus non est adulter, nec generat filios ex adultera: ergo non generat filios, nisi ex sponsa sua Ecclesia. Nemo ergo filius Christi est, nisi matrem agnoscat Ecclesiam. Huc spectat Cyprianus in lib. de Unitate Ecclesie, cum ait: Non habet Deum Patrem, qui Ecclesiam non habet Matrem. Et Augustinus lib. 4. de Symbolo ad Catechumenos, cap. 11. Si quis absque Ecclesia innocentius fuerit, alienus erit à numero filiorum. Nec habebis Deum Patrem, qui Ecclesiam noluerit habere matrem.

24. Eodem pertinet vaticinium Isaie, cap. 60. 11. Aperiens portas tuas ingeret: die ac nocte non claudetur,

A ut adferatur ad te fortitudo gentium, & Reges earum adducantur. Gens enim & regnum, quod non servierit tibi, peribit. Quibus verbis duo prædicat. Vnum quod Ecclesia Christi futura sit visibilis, quæ pateat omnibus gentibus, si velint intrare. Alterum quod omnes sint perituri, qui eam ingressi non fuerint.

IV. CONCLUSIO.

Hæc visibilis Ecclesia non potest deficere vel errare in fide.

25. **H**actenus habuimus aduersarios consentientes. Nunc incipunt tergiversari. Alii totam Ecclesiam visibilem, quæ primis quingentis annis habuit veram fidem & religionem, postea errasse, & multis sæculis, usque ad tempora Lutheri, in errore perstitisse: Vel, ut alii loquuntur, totam perisse & defecisse, non quod perierint aut defecerint homines: ex quibus conflata est Ecclesia visibilis, sed quod defecerit eorum fides & sincera religio. Ita passim Lutherani & Calvinistæ.

26. Sed manifestè refelluntur ex concessis. Primò, quia ipsi concedunt, esse articulum fidei, dari Ecclesiam Christi visibilem, quæ sancta & Catholica sit: & hoc sensu interpretantur illud, quod in Symbolo profitemur, Credo sanctam Ecclesiam Catholicam, ut conclusionem primam offensum est. Articuli fidei semper sunt veri, nunquam falsi: ergo semper verum est, dari Ecclesiam Christi visibilem, quæ sancta & Catholica sit. ergo falsum est, totam Christi Ecclesiam visibilem post primos quingentos annos defecisse, & multis sæculis nullam fuisse visibilem Christi Ecclesiam. Nam si ita esset, non liquisset tunc dicere, Credo sanctam Ecclesiam Catholicam.

27. Secundo, concedunt etià aduersarij, Ecclesiam visibilem esse Sponsam Christi ut conclusionem 2. dictam est. Hinc sumo duplex argumentum. Vnum ex parte Sponsi qui indissolubili vinculo coniunctus sibi Ecclesiam visibilem, tanquam Sponsam perpetuam, ut explicat apostolus, Eph. 5. 31. Et prædictum est ab Osea, c. 2. 19. Sponsabo te mihi in sempiternum. Ergo nunquam ab ea separari potest. Alterum ex parte Sponsæ, quæ ad perpetuam subiectionem & fidem conjugalem obligavit se suo Sponso, ut insinuat idem apostolus, cum ait: Sicut Ecclesia subiecta est Christo, ita & mulieres viris suis subditæ sint in omnibus, quod Ecclesia est norma seu exemplar subiectionis & fidelitatis, cui mulieres conformare se debent. At non esset norma fidelitatis, si post aliquot annos deficeret à suo Sponso, & fieret adultera. Vnde Cyprianus lib. de Unitate Ecclesie: Adulterari non potest Sponsa Christi: incorrupta est & pudica.

28. Tertio, Ecclesia visibilis est Domus Dei, de qua Christus in Evangelio, Matth. 16. 18. Super hæc petram ædificabo Ecclesiam meam, & portæ inferi non prevalebunt adversus eam. Vbi duo promittit. Primo, quod velit Ecclesiam suam ædificare super petram. Secundo, quod portæ inferi non sint eam expugnaturæ. In utroque alludit ad id, quod Matth. 7. 24. dixerat, sapientem architectum esse, qui ædificat domum super petram, stultum, qui super arenam. Causam addit, quia quando oritur aliqua vehemens tempestas, mox corrumpit illa, quæ super arenam: non altera, quæ super petra fundata est. Christus ergo voluit imitari sapientem architectum, & ædificare Ecclesiam suam super petram, ut nulla ventorum aut imbrum vi possit disturbari. Hinc patet, eos magnam iniuriam irrogare Christo, qui aliterunt Ecclesiam

universum terrarum orbem predicatum iri, & Ecclesiam, qua postea virtute sua constituta est, invictam atque inexpugnabilem fore: nec unquam futurum, ut à morte superaretur; sed firmam fore semper & immobilem, tanquam in lapide stabilitam atque fundatam.

39. Athanasius in Oratione, qua docet unum esse Christum, citat illud ex Euangelio, Tu es, Petrus & super hanc petram aedificabo Ecclesiam meam, & porta inferi non praevalerunt adversus eam: & mox addit: Fidelis sermo, & non vacillans promissio: Ecclesia invicta res, etiam si infernus ipse commoveatur: etiam si, qui in inferno sunt, mundi Principes tenebrarum, tumultum faciant.

40. Cyrillus Alexandrinus lib. 4. Dialogorum de Trinitate, non longe post initium: Petram opinor, per agnitionem aliud nihil quam inconcussam & firmam Discipuli fidem vocavit, in qua Ecclesia Christi ita fundata & firmata esset, ut non laboretur, & esset inexpugnabilis inferorum portis in perpetuum manens.

41. Chrysostomus serm. 29. qui est de Pentecoste: Hic Sanguis Christi irrigat Ecclesiam: & ideo plantaria eius marcescere non possunt, nec amittunt folia arbuta eius. Non subiacet necessitati temporis, nec est conditioni obnoxia, ut per aestatem coma foliorum regatur, hyeme amittatur. Non tenetur temporum qualitate, sed Spiritus eam Sancti gubernat gratia, & ideo non senescit, nec contrahitur: & multis impugnantibus, non opprimitur.

42. Et paulo post: Quando novella eras, in nullo potui ladi, & nunc, quando usque ad caelum pervenit, existimas eam posse superari? Et nunc quidem, cum undecim essent Apostoli nullus eos superare potuit, sed pauci homines totum ceperunt mundum: Et nunc, quando omnes sine terra pietate repleti sunt, putas eam te posse laderi? sed non poteris. Christus enim propter eam passus est: porta inferi non praevalerunt adversus eam.

43. Ambrosius lib. 4. Hexameron, c. 2. circa illud, Psal. 103. 19. Fecit Lunam in tempora, Sol cognovit occasionem suam. sic scribit: Plerique hunc locum mystice de Christus & Ecclesia videntur accipere, quod agnovit Christus proprii corporis passionem, qui ait: Pater, veni hora, & glorifica filium tuum, ut ille casu suo omnibus donaret vitam aeternam, qui perpetua mortis urgebantur occasu: Et Ecclesia temporaria habet persecutionis & pacis. Nam videtur sicut Luna deficere, sed non deficit. Obumbrari potest, deficere non potest.

44. Et in libro de Salomone, c. 4. explicans illud Prouerb. 30. 18. Tria sunt difficilia mihi, & quartum penitus ignoro: Viam aquila in caelo: viam navis in medio mari, & viam viri in adolescentia: sic habet: Navem adeque Ecclesiam debemus accipere, in solo mundi istius constitutam, qua crebris ventorum fluctibus, id est, tentationem plagis & verberibus fatigatur: quam turbidi fluctus, id est huius seculi potestas: onatur ad saxa perducere. Quae etsi undarum fluctibus aut procellis saepe vexatur, tamen nunquam potest sustinere naufragium, quia in arbore eius, id est, in cruce Christus erigitur in puppi Pater residet, gubernator proam, paracletus servat Spiritus.

45. Hieronymus in c. 4. Ierem. ad illa verba: Et tabernaculum erit in umbraculo diei ab aestu, & in securitate & absconsonem à turbine & pluvia: sic ait: Hunc locum Iudaei ad Antichristum referunt, quem per turbem & tempestatem significari existimant: quando eos Dominus à potentissimo adversario defensurus sit. Nos autem omnia referamus ad primum adventum Christi, de quo & in Psalmis legimus: Protexit me in abscondito tabernaculi sui in petra exaltavit me, super quam fundata Ecclesia, nulla tempestate concutitur, nullo turbine ventisque subvertitur.

46. Et in cap. 48. Ezechielis, confert Ecclesiam Christi cum Synagoga Iudaeorum, his verbis: Nomen quaque ipsius civitatis nequaquam eris, ut prius, Hierosolyma, qua interpretatur visio pacis, sed Adonai-

A sama quod in Latinum sermonem vertitur, Dominus ibidem, qui recedat nunquam ab ea, ut à priori populo ante discessit (dicens ad Discipulos: Surgite, abeamus hinc. Et ad Iudeos, Relinquetur vobis domus vestra deserta) sed aeternam habeat possessionem, & sit ei ipse possessio, iisdem Discipulis repromittens: Ecce, Ego vobiscum sum usque ad consummationem saeculi.

47. Et in cap. 9. Amos, circa ultima verba capitis, Non euellam eos ultra de terra sua, quam dedi eis, dicit Dominus Deus tuus: sic scribit: Ex quo intelligimus, Ecclesiam usque ad finem mundi, concuti quidem persecutionibus, sed nequaquam posse subverti: temari, non superari. Et hoc fiet, quia Dominus Deus omnipotens, siue Dominus Deus eius, id est, Ecclesia, se facturum esse pollicetur est; cuius promissio, lex naturae est.

48. Augustinus in enarratione, Psal. 47. circa illum versiculum, In ciuitate Domini virtutum, in ciuitate Dei nostri (id est, in Ecclesia Christi) sic habet: Sed forte ista ciuitas, qua mundum tenet, aliquando euerteretur. Absit. Deus fundavit eam in aeternum. Si ergo eam Deus fundavit in aeternum, quid times ne cadat firmamentum? Plura Augustini testimonia citabo paulo post, cum agam de haeresi Donatistarum.

49. Gregorius Magnus in explanatione, Psal. 5. penitentialis, ad illum versiculum, Initio tu Domine terram fundasti, dicit per initium intelligi filium Dei, qui est initium omnis creaturae. Et mox addit: In hoc initio fundata est terra, quia in ipso fundata est Ecclesia. et post pauca: Terra autem dicta est Ecclesia, tum quia in messe fidelium populorum spiritali fecunditate exuberat: tum quia in soliditate fidei perpetua firmitate immobiliter perseverat. Vnde per Salomonem dicitur terra in aeternum stat. Terra quippe in aeternum stat: dicitur, quia sancta Ecclesia in hoc saeculo à Catholica fide nequaquam deficiet, & in futuro cum Deo aeterna stabilitate permanebit. Nam quod in hac vita nullis adversitatibus frangenda sit, nullis persecutionibus superanda, ipso super quem edificata est, euidenter ostendi, cum ait: Porta inferi non praevalerunt adversus eam.

50. Beda lib. 1. in Prouerbia Salomonis cap. 15. Dominus Christi, id est, Ecclesia plurimam habet fortitudinem ut pluvia, ventis, fluminibus temptationum frequentiorum nequaquam possit dirui. et postea ibidem: Conuenticula haereticorum catervarumque Ecclesia persecutorum demolitur Dominus: & firmos facit in Orbem universum terminos eiusdem Ecclesia, Sponsa videlicet sua, pro cuius vita mori dignatus est.

51. Paulinus Aquileiensis episcopus adversus Felicem Vergetanum, statim post initium: Sancta & universalis Ecclesia super firmam petram immobiliter fundata est, & porta inferi nequeunt praevalere adversus eam. Verum tamen quia in mari huius seculi constituta persistit, adversis haereticorum flatibus, violentis perfidorum procellis, spumantibusque maledicorum undis illisa concutitur, licet quassari possit, & mergi si nequeat, Christi firmata dextera, & Apostolico gubernaculo moderata, necessarium tamen existimo, contra hostes eius, fidei armis dimicare. Vide Tom. 3. Sacrae Bibliothecae veterum Patrum, ex tertia editione Parisiensi.

52. Author operis imperfecti, hom. 20. in Mattheum: Ecclesiam ergo quam Christus vir sapiens super petram aedificavit, neque pluvia mendacis doctrina corrumpit, neque diabolicus ventus impellit, neque violentorum fluminum impetus movet. Nam etsi humiliatur Ecclesia propter temptationem, tamen perire non potest propter fidem Christi.

53. Et hom. 23. Ecclesia navis est, quae navigantibus Apostolis, gubernante domino, flate Spiritu Sancto, predicationis verbo ubique, discurrit, portas secum magnas & inestimabiles praetium, quo totum mundum sanguine Christi mercata est. Et infra: Vnde, quibusvis & temptationis fluctibus pulsatur,

infragium facere non potest, quia Filium Dei habet gubernatorem.

54. Gennadius Scholarius Patriarcha Constantinopolitanus, in defensione quinque capitum Decreti Synodi Florentinae, cap. 2. De mystico & sancto sacrificio, lect. 9. Christus dicit nunquam suam errare Ecclesiam, quia se semper cum ea mansurum pollicitus est. Si ergo verus est Christus, & promissionem suam veram esse oportet, si enim dixit, Ego vobiscum sum quonibus diebus usque ad consummationem saeculi, Nosque ita reddimus, cum cum Ecclesia sua semper esse permanurum, nec eam derelicturum unquam. Si vero, secundum vos, cum ea se semper mansurum pollicitus est, sed dereliquit illam & errare permisit, ex necessitate mendax est. Si vero mendax, Deus non est. Videte, in quam absurditatem incidistis, Christum vocando mendacem. Nam hoc omnem iniquitatem & blasphemiam superat. Sed cum ea fuit, & est, & erit, & manebit in saecula, quamvis derumpantur, qui contra, quam Ecclesia sentit, sentiunt & faciunt. Nos vero eam sequimur, & observamus, perinde ac impossibile sit, ut ea errorem radices, sed magis veritatem & rectam fidem, cum ea secum habeat sensum suum Christum. Vide Tom. 4. Bibliotheca sacra.

Aliud argumentum ex heresi Donatistarum.

55. Denique omnia argumenta, quibus olim Augustinus & alij Patres contra Donatistas vtiuntur valent, etiam contra Lutheranos & Calvinistas. Et quidem potiori iure. Ut hoc melius intelligatur, prius explicandum est, quid olim Donatistae docuerint de Ecclesia: quid nunc Lutherani & Calvinistae doceant. Donatistae docuerunt, ecclesiam Catholicam, quae antea toto Orbe fuerat diffusa, postea toto Orbe perisse, propter crimina Caeiliani Episcopi, & solum remansisse in ea parte Africae, quae Donato adhaerebat, ut testatur Augustinus in lib. de heresibus, cap. 69. his verbis: *Donatiani vel Donatistae sunt, qui primum propter Caeilianum contra suam voluntatem ordinatum Ecclesia Carthagenensis Episcopum, schisma fecerunt: obiciunt ei crimen a non probata, & maxime quod a traditoribus divinarum Scripturarum fuerit ordinatus. Sed, est causam cum eo dictam aique finitam falsitatis rei deprehensi, pertinaciter in dissensione firmata in heresi schisma veretur: nunquam Ecclesia Christi propter crimina Caeiliani de toto terrarum Orbe perierit, ubi futura promissa est, aique in Africa Donati parte remanserit: in aliis terrarum partibus quasi contagione communionis extincta.*

56. Idem fere docent Lutherani & Calvinistae. Nam primo asserunt, ecclesiam Catholicam, quae primis quingentis annis toto Orbe fuerat diffusa, postea propter crimina Pontificis (quem Antichristum vocant) toto Orbe perisse. Secundo, ita penitus perisse, ut nusquam, nec in Europa, nec in Asia, nec in Africa, salva & incolumis permaneret: sed ubique adultera & apostolica fuerit deprehensa. Tertio postea nihilominus in ea parte Europae quae Lutheris adhaerebat, reuivisse. In primo & tertio puncto similes sunt Donatistae, in secundo, detiores.

57. Igitur quidquid Augustinus & alij Patres contra Donatistas olim scripserunt, id vel parum, vel potiori ratione contra Lutheranos & Calvinistas scripsisse putandi sunt. Et quidem Augustinus duplici potissimum argumento solitus fuit eos refutare. Vno, quia Ecclesia Christi vocatur Catholica: esse autem Catholicam idem est, ac esse toto Orbe diffusam. Non igitur perit tote Orbe, alioquin Catholica non esset. Aliter, quia Deus, tam in veteri, quam in nouo Te-

stamento saepe praedixit, ecclesiam Christi futuram in toto Orbe: ergo non debet concludi in sola Africa; alioquin praedictio Dei non esset impleta.

58. Priore argumento utitur, epist. 170. ad Severinum: *Facile, inquit, tibi est videre civitatem super montem constitutam, de qua Dominus ait in Euangelio, quod abscondi non possit. Ipsa est enim Ecclesia Catholica. Unde Romanus Graecus appellatur, quod per totum Orbem terrarum diffunditur. Et de Unitate Ecclesiae, cap. 2. Quastio inter nos versatur ubi sit Ecclesia, utrum apud nos, an apud illos. Quae vique una est, quam maiores nostri Catholicam nominarunt, ut ex ipso nomine ostenderent, quia per totum est. Et alibi xpe.*

59. Pro potiori notandum est, dupliciter intelligi posse praedictionem Dei. Primo, quod praedixerit fore, ut Ecclesia Christi diffunderetur per totum Orbem, non tamen praedixerit fore ut perpetuo maneret diffusa per totum Orbem. Hoc sensu admittent illam Donatistae, & fatebantur impletam esse, ut refert Augustinus lib. de Unitate ecclesiae, c. 13. ubi ponit hanc eorum confessionem: *Et ista credimus, & comperta esse confitemur: sed postea Orbis terrarum apostatavit, & sola remansit Donatistarum communitio.* Secundo, quod utrumque simul praedixerit, nempe ecclesiam Christi, & diffundendam toto Orbe, & perpetuo manentem in toto Orbe, nec unquam restringendam ad unam aliquam partem aut nationem. Hunc sensum urget Augustinus: Et sic testimonia ipsius, quae iam allatus sum, accipi debent.

60. Igitur epist. 50. ad Bonifacium Comitem, de Donatistis sic scribit: *Agnoscent nobiscum Christum in eo quod legitur, Fodetunt manus meas & pedes meos, & dinumeraverunt omnia ossa mea: Et nolunt agnoscere Ecclesiam in eo, quod sequitur. Conuertemur ad Dominum universi fines terrae, & adorabunt in conspectu eius universa patria gentium. Agnoscent nobiscum Christum in eo, quod legitur, Dominus dixit ad me, Filius meus es tu, ego hodie genui te: & nolunt agnoscere Ecclesiam in eo, quod sequitur, Postula a me, & dabo tibi gentes hereditatem tuam, & possessionem tuam terminos terrae. Agnoscent nobiscum Christum in eo, quod ipse Dominus in Evangelio loquitur. Oportebat Christum pati, & resurgere a mortuis tertia die: Et nolunt agnoscere Ecclesiam in eo, quod sequitur, Et predicari in nomine eius poenitentiam & remissionem peccatorum per omnes gentes &c.*

61. Et epist. 166. ad Donatistas: *In Scripturis didicimus Christum, in Scripturis didicimus Ecclesiam. Haec Scripturas communiter habemus: quare non in eis & Christum & Ecclesiam communiter retinemus? Nec ubi agnovimus eum, de quo dicit Apostolus, Gal. 3. Abrahā dicitur sint promissiones, & semini eius quod est Christus: ibi agnovimus Ecclesiam, de qua dicit Deus ad Abraham, Gen. 12. In semine tuo benedicentur omnes gentes. Vbi agnovimus Christum in Psalmo de eo prophetante, Psalm. 2. Dominus dixit ad me, Filius meus es tu, ego hodie genui te: ibi agnovimus Ecclesiam in eo, quod sequitur, Dabo tibi gentes hereditatem tuam, & possessionem tuam terminos terrae. Vbi agnovimus Christum in eo, quod scriptum est, Psalm. 49. Deus Deorum Dominus locutus est, ibi agnovimus & Ecclesiam in eo, quod sequitur, Et vocavit terrā a Solis Ortus, quae ad Occiduum. Vbi agnovimus Christum in eo, quod se ipsum est, Psalm. 18. Et ipse tanquam sponsus procedens de thalamo suo: ibi agnovimus Ecclesiam in eo, quod paulo superius dicitur, In omni terra exivit sonus eorum, & in fines terrae verba eorum: in sole posuit tabernaculum suum. Ipsa est Ecclesia in se posita, hoc est in manifestatiore omnibus nota usque ad terminos terrae. Vbi agnovimus Christum in eo, quod scriptum est, Psalm. 36. Exaltare super caelos Deus: ibi agnovimus Ecclesiam in eo, quod sequitur, Et super omnem terrā gloria tua. Vbi agnovimus Christum in eo, quod scriptum est, Psalm.*

71. Deus iudiciū tuum Regi Æa, & iustitiam tuam filio Regis: ibi agnominus & Ecclesiam in eo, quod de ipsa in Psalmo ipso dicitur: Et dominabitur à mari usque ad mare, & à flumine usque ad terminos Orbis terrarum. Vbi agnominus Christum in eo, quod scriptum est, Dan. 2. Lapidem de monte sine manibus præcisum fregisse omnia regnatarum, & ique illa, qua de culturis Demonum præsumebant: ibi agnominus & Ecclesiam in eo, quod dictum est, Lapidem ipsum crenisse, & saltum montem magnum, & replexisse omnem terram. Vbi agnominus Christum in eo, quod scriptum est, Soph. 2. Præualebit Dominus aduersus eos, & exterminabis omnes Deos gentium terra: ibi agnominus & Ecclesiam in eo, quod sequitur, Et adorabunt in conspectu eius, unusquisque de loco suo, omnes insule gentium. Vbi agnominus Christum in eo, quod scriptum est, Abacuc. 3. Deus ab Africa venit, & sanctus de monte umbrato: ibi agnominus Ecclesiam in eo, quod sequitur, & laudis eius plena est terra, &c. Vbi agnominus Christum in eo, quod scriptum est, 11. 53. Sicut ovis ad immolandum ductus est: ibi agnominus Ecclesiam in eo, quod illis dicitur, Mat. 54. Latere sterilis quæ non parit, erumpet & exclamabit quæ non paritur, quoniam multi filij deserte, magis quàm eius quæ habet virum. Dixit enim Dominus, dila: locum tabernaculi tui, & aulaas tuas confice, non est quod parcas, porriget longius funiculos, & palos validos confirma, etiam a quo etiam in dexteram atque in sinistram extendit, &c.

62. Et in lib. de agone Christiano, c. 29. Nec eos audiamus, qui sanctam Ecclesiam, quæ una Catholica est, negant per orbem esse diffusam: sed in sola Africa, hoc est, in parte Donati pollere arbitrantur. Ita sardi sunt aduersus Prophetam dicentem: Filium meum es tu, ego hodie genui te: postula à me & dabo tibi gentes hereditatem tuam, & possessionem tuam terminos terræ. Et alia multa, siue in veteri, siue in noui Testamenti libris, quæ scripta sunt, ut apertissime declarent Ecclesiam Christi per Orbem terræ esse diffusam. Quod cum eis obicimus: dicunt ista omnia fuisse completa, antequam esset pars Donati, sed postea totam Ecclesiam perisse, & in sola Donati parte reliquias eius remansisse contendunt. O linguam superbam & nefariam! &c.

63. Et lib. 1. contra epistolam Parmeniani, c. 14. Noluit Dominus ante tempus eradicare zizania, & à frumentorum permixtione separare. Sinite, inquit, utraque crescere usque ad messem. Et cum inuolucrum eiusdem similitudinis querentibus discipulis explicaret, non ait: Ager est Africa, sed ait, Ager est hic mundus. Per totum ergo mundum seges seminata est, per totum superseminata zizania, per totum crescit utraque usque ad messem. Nunquid aut Donatus fuit maior messor, aut eo tempore quo se isti (Donatistæ) à terrarum Orbe separauerunt, tempus messis aduenerat? cum idem Dominus ne aliqui liceret interpretari, quod vellet aperitissime dixerit, & Messis est finis sæculi, messores autem Angeli sunt. Tales enim messores errare non possunt, ut vel frumenta pro zizaniis colligant, vel pro frumentis zizania relinquant. Isti autem, cum quasi zizania germinata fugiunt, seipsos esse zizania demonstrant: in manifestissimo sacrilegio contra sententiam Domini prædicantes, ut cum ille dicat, Sinite utraque crescere usque ad messem; isti per tam magnum agrum, id est, per totum mundum zizania crescere, frumenta vero diminuta, & in sola Africa remansisse contendunt, Christo Principi & Regi nostro sacrilegam facientes iniuriam. Scriptum est enim, In lata gente gloria Regis: in diminutione autem populi conuictio Principis, Prouerb. 13. 28.

64. In eundem sensum scribit, Item. 18. de verbis Domini, c. 19. Per totum, inquit, mundum seminatum est bonum semen. Bonum ille seminator filius hominis, non in Africa sola, sed ubique sparsit semen bonum. Inimicus autem superseminauit zizania. Sed tamen quid ait paterfamilias? Sinite utraque crescere usque ad messem. Per

A quid crescere? Utrique per agrum. Quis est ager? Nunquidnam Africa? Non. Quis est ergo? Non interpretemur nos, Dominus dicat. Ager est, inquit, hic mundus. Quæ est messis? Messis est, ait, finis sæculi. Qui sunt messores? Messores sunt, Angeli sunt. Nunquid Africa est mundus? Nunquid messis hoc tempus? Nunquid messor Donatus? Per totum Orbem terrarum expellatæ messes, per totum Orbem terrarum crescit in messem, per totum Orbem terrarum zizania tolerat usque ad messem. Non vos seducant peruersæ palea nimis leues, quæ euolant ante aduentum vomitatoris ex area. Non vos seducant.

65. Et paulo post: Sinite utraque crescere utraque ad messem. Per quid crescere? Per agrum. Quid est, per agrum? Per mundum. Hic illi (Donatistæ) dicunt: Creuerat quidem utrumque per mundum, sed iam iam frumenta diminuta sunt, & in istam nostram regionem paucitatemque reuocata. Non te permittit Dominus interpretari, quod vis. Ipse, qui exponit hanc parabolam, claudis ostium, os sacrilegum, os impium, os prophanum, os tibi contrarium. Quid contradicis? Testator, etiam te ad hereditatem vocanti? Quomodo claudis ostium? Dicendo, Sinite utraque crescere usque ad messem.

66. Et in lib. de Unitate Ecclesiæ, cap. 12. in fine; & c. 13. in principio: Si quis vobis euangelizauerit, præterquam quod accepistis, anathema sit. Euangelizata est nobis Ecclesia per totum Orbem terrarum futura. Hoc in lege, & Prophetis, & Psalmis esse prænuntiatum, ipse Dominus testificatus est, qui eam cepit ab Hierusalem, & per omnes gentes permanaturam esse prædixit, &c. Aliud autem euangelizat, qui perisse dicit de cætero mundo Ecclesiam, & in parte Donati, in sola Africa remansisse. Ergo anathema sit.

67. Et præfatione in 2. expositionem Psalmi 21. Christus pendens in ligno irrisus est, sedens in cælo adoratur. An forte adhuc irridetur? & iam non irascendum laudis, qui morientem deriserunt, non regnantem? Et quis est, qui Christum adhuc irrideat? Utinam unus esset, utinam duo, utinam numerari possent. Et paulo post subiungit de Donatistis: Irrident Christum in re aperta, in cævo, ubi nemo potest dicere, Non intellexit. Possidenti enim uniuersum Orbem terrarum pars offertur: & dicitur sedenti ad dexteram Patris, Ecce, quid hic habes? & pro tota terra ostenditur illi sola Africa.

68. Et infra ibidem: Quæ fuit mulier, quæ intravit cum vnguento? Cuius typum gerebat? Nonne Ecclesia? Cuius figura erit illud vnguentum? Nonne odoris boni, de quo dicit Apostolus, Christi bonus odor sumus in omni loco? Ipsius enim Ecclesia insinuat personam & Apostolus. Et quod dixit, Sumus, fidelibus dixit. Et quid dixit? Christi bonus odor sumus in omni loco. In omni loco dixit Paulus Christi bonam odorem esse omnes fideles. Et contradicunt & dicunt. Africa sola bene olet, totus mundus putet.

69. Et concione 1. in Psal. 101. Sed existunt, qui dicant: Iam hoc factum est: respondit ei in omnibus gentibus Ecclesia, pariens filios plures, quàm illa quæ habebat virum. Respondit ei in virtutis suæ: Credidit enim Christum resurrexisse, crediderunt in eum omnes gentes. Sed illa Ecclesia quæ fuit omnium gentium, iam non est, periit. Hoc dicunt, qui in illa non sunt. O impudentem vocem! Illa non est, quia tu in illa non es? Vide, ne & tu ideonon sis. Nam illa erit, etsi tu non sis. Hanc vocem abominabilem, & detestabilem presumptionis & falsitatis plenam, nulla veritate suffultam, nulla sapientia illuminatam, nulla sale conditam, vanam, temerariam, præcipitiam, perniciosam, præuidit Spiritus Dei, & tanquam contra illos, cum adnuntiaret unitatem, in conueniendo populos in unum, & reges, ut seruiant Domino.

70. Et paulo post introducit ecclesiam ita loquentem cum Christo: Quid est, quod nescio qui recedentes à me mormorant contra me? Quid est, quod perdisti me perisse

commendant. Certe vixim hoc dicunt, quia fui, & non sum. **A** Annuncia mihi exiguitatem dierum meorum. Quamdiu ero in isto saeculo? Annuncia mihi propter illos, qui dicunt; Fui, & iam non est: propter illos, qui dicunt, Impleta sunt Scripturae, crediderunt omnes gentes, sed apostatauit & perit Ecclesia de vniuersis gentibus. Et annunciant: Ego vobiscum sum usque ad consummationem saeculi. Sed hic existunt & dicunt: Vobiscum sum, inquit, usque ad consummationem saeculi, quia nos praeuidebat, quia pars Donati erat in terra. Nunquid ipsa est, quae dixit, Exiguitatem dierum meorum annuncia mihi, ac non illa potius, quae superius loquebatur, In conueniendo populos in vnum, & Reges, ut seruiant Domino?

71. Et in expositione Psal. 147. Sed nescio, qui existunt & dicunt nobis: Ipse est quidem sponsus, quem creditis, quem & nos credimus: sed sponsa non est ipsa Ecclesia, quam tenetis. Et quae illa est? Pars Donati. Quibus praeter alia Scripturae testimonia, opponit etiam illud ex Euangelio, Oportebat Christum pati & resurgere a mortuis, & predicari in nomine eius poenitentiam & remissionem peccatorum in omnes gentes. Et postea subiungit: Nihil verius, quam predicari in nomine eius poenitentiam & remissionem peccatorum. Sed hoc ubi? Alii enim dicunt, Ecce hic, ecce illic. Et quid ipse? Nolite credere. Exurgenti pseudo-christi & pseudo-prophetae dicunt: Ecce hic, & ecce illic. Non enim de ipso capite dicunt, Ecce hic, & ecce illic (notum est enim, quod Christus in caelis est) sed de Ecclesia, ubi Christus est, qui ait, Ecce ego vobiscum sum usque ad consummationem saeculi. Sed ait Dominus, Nolite credere. Qui dicit, Ecce hic, & ecce illic, paries ostendit: Ego totum emi.

72. Et tract. 3. in primam epistolam Ioannis, circa illum versiculum, Ex nobis exierunt, sed non erant ex nobis, sic scribit: Aia Donatista a nobis exierunt, aut nos ab ipsis. Absit, ut nos ab illis. Habemus enim testamentum dominicae hereditatis, recitamus, & ibi nos inuenimus, Dabo tibi gentes hereditatem tuam, & possessionem tuam terminos terra. Tenemus hereditatem Christi: illi eam non tenent, non continent, non communi-
D cant vniuersarii redempta sanguine Domini. Habemus ipsum Dominum resurgentem a mortuis, qui ait, Oportebat Christum pati, & resurgere tertia die, & predicari in nomine eius poenitentiam & remissionem peccatorum. Vbi quia quibus? Per omnes gentes. Sed si finis de unitate hereditatis. Quisquis huius hereditati non communicat, foras exit. Sed non contristamur. Ex nobis exierunt, sed non erant ex nobis.

73. Et lib. 4. de Symbolo ad Catēchumēnos, cap. 32. Ecclesia sponsa Christi est gratia eius dealbata, pretioso sanguine dotata. Totum possidet, quod a viro suo accepit in dote. Legos tabulas matrimoniales eius, recitabo. Audite heretici, quid scriptum sit, Oportebat Christum pati, & predicari in nomine eius poenitentiam per omnes gentes. Omnes gentes totum mundus est. Ecclesia totum possidet, quod a viro suo accepit in dote. Quaecunque congregatio cuiuslibet haereseos in angulis sedet: concubina est, non matrona.

74. His & similibus Scripturae testimoniis usus est olim Augustinus contra Donatistas, quae tam clara & efficacia sunt, ut Theonius, qui tunc erat inter doctiores Donatistas, eorum vi ac pondere conuictus, sententiam mutauit, ut testatur idem Augustinus lib. 1. contra epistolam Parmeniani, cap. 1. Theonius, inquit, omnium sacratarum paginarum vocibus circumfusis euigilauit, & vidit Ecclesiam Dei toto Orbe diffusam, sicut de illa nullo ante per corda & ora sanctorum praescriptum atque praedictum est. Utinam euigilent etiam nostri aduersarii: et nobiscum fateantur, quod res est, Ecclesiam Christi neque superioribus saeculis fuisse toto Orbe extitisse, sed diffusam: neque hoc tempore in sola parte Lutheri aut Caluini, sed ubi-

que terrarum, & multo ante praedictum est, agnosci & honorari. Hoc enim conuincunt testimonia Augustini, quae iam allata sunt. ex quibus delumi possunt haec argumenta.

75. Primo, ecclesia Christi est Catholica, ut quotidie profitemur in Symbolo fidei: At non esset Catholica, nisi per totum Orbem esset diffusa. Quod etiam argumento usus est Optatus Mileuitanus lib. 2. contra Parmenianum, cum ait: Ecclesia una est. Eam tu apud vos solose esse dixisti. Ergo, ut in particula Africa, in angulo parua regimus, apud vos esse possit, apud nos in alia parte Africa non erit: in Hispania, in Italia, in Gallia, ubi vos non estis, non erit, &c. Et per totas immensabiles gentes, & ceteras provincias ubi vos non estis, non erit. Vbi ergo erit proprietates Catholici nominis, cum inde dicta sit Catholica quod sit ubique diffusa?

76. Secundo, Christus praedixit venturos homines, qui dicturi sint, Ecce in Africa est ecclesia Christi, Ecce in Saxonia est, Ecce in Genua est: et praemonuit nos, Nolite credere. Quare? Quia nunquam futurum est, ut ecclesia sit in hac vel illa parte, sed perpetuo manens est in toto Orbe usque ad finem mundi. Quod ipse ibidem insinuat, cum ait: Praedicabitur hoc euangelium regni in vniuerso Orbe, in testimonium omnibus gentibus, & tunc veniet consummatio. Vide Augustinum in Psal. 101. conc. 2. & lib. 1. questionum euangelicarum, q. 38.

77. Tertio, Christus dixit suam Ecclesiam similem esse agro, in quo simul crescunt frumenta & zizania usque ad metem. At ager, totus mundus est: & metis, finis saeculi, ut ipsemet interpretatur. Ergo voluit significare, visibilem suam ecclesiam, in qua boni & mali permixti sunt, duraturam in toto mundo usque ad finem saeculi.

78. Quarto, totus mundus, vel, quod idem est, gentes toto orbe dispersae sunt hereditas Christi, quam Deus Pater illi promisit per prophetam dicentem, Dabo tibi gentes hereditatem tuam, & possessionem tuam terminos terrae. At hereditas, quae semel legitime adita & possessa est, manet perpetua & irrevocabilis. Cum ergo Christus, ut fatentur aduersarii, semel legitime adierit & possederit hanc hereditatem, necesse est ut perpetuo, & irrevocabiliter eam retineat: nisi vel sponte alteri det, quod non facit (cui eam daret?) vel per vim cogatur cedere, quod nullo modo cogitandum est, cum ipse dixerit, Ego viderendum. Et iterum, Porta inferi non praevalent aduersus eam. Et haec sufficiant ex Augustino.

Prima Obiectio aduersariorum.

79. Haecenus 4. modis demonstratum est contra aduersarios visibilem Christi Ecclesiam non posse deficere vel errare in fide. 1. ex propria ipsorum concessione. 2. ex sacra Scriptura. 3. ex consensu Patrum. 4. ex haeresi Donatistarum. Nunc videamus, quid contra tam claram & luculentam veritatem ipsi obiciant.

80. Primo igitur sic obiciunt: Synagoga Iudaeorum saepe defecit a fide: Ergo etiam ecclesia Christi potest deficere, cum sit par ratio. Antecedens probatur, quia primo defecit tempore Moysi, quando Aaron cum toto populo adorauit vitulum, exodi 32. Secundo tempore Heliae, quando nullus mansit fidelis, nisi solus Helias, ut ipsemet conqueritur, 1. Reg. 19. 14. Derelictus sum ego solus, & quatuor animae meae, ut auferant eam. Tertio tempore Isaiae & Ieremiae, quando omnes recesserunt a Deo, Isaia 1. 3. Cognouit bos possessorem suum & asinus praesepe Domini sui: Israel autem me non cognouit. Et Ierem. 2. 13. Duo mala fecit populus meus: me dereliquerunt fontem aquae viuae, & f-

derunt sibi cisternas dissipatas, quæ continere non valent aquas. Et 2. Paralipom. 15. 2. *Transibunt multæ dies in Israel absque Deo ihero, & absque Sacerdote doctore, & absque lege.* Quarto, tempore mortis Christi, quando tota Synagoga cum omnibus ceremoniis suis expirauit.

81. Respondeo. Quidquid sit de antecedente (de quo paulò post) neganda est consequentia. Non enim sequitur, *Synagoga defecit: ergo ecclesia deficiet.* Primo, quia ecclesia habet promissionem de sua firmitate ac stabilitate, quam Synagoga non habuit. Non enim de Synagoga, sed de ecclesia dictum est, *Porta inferi non praualebunt uersus eam.* Secundo, ecclesia est libera; Synagoga fuit ancilla: et illa designatur per Saram, quæ fuit uxor Abraham; hæc per Agar, quæ fuit ancilla, (Galat. 4. 24.) At Agar fuit dimissa & repudiata, non item Sara: ergo similiter Synagoga debuit repudiari, non item ecclesia. Tertio ecclesia est Catholica seu vniuersalis, non solum ratione loci, sed etiam ratione hominum saluandorum. Quotquot enim saluantur, in ecclesia saluantur: et extra illam saluari nemo potest. (supr. concl. 3.) Igitur, si deficeret tota ecclesia, nullus omnino saluaretur. At Synagoga non erat Catholica seu vniuersalis, quia extra illam poterant homines saluari, ut Ninuiter & alij. Tamen si ergo defecisset tota Synagoga, adhuc tamen potuissent homines saluari.

82. Hæc de consequentia. In probatione antecedentis multa assumuntur, quæ examinanda sunt. Primum est, Synagogam tempore Moïsis, in adorando vitulo, defecisse à fide. Falsum est. Non defecit tota Synagoga, sed pars eius. Non enim defecit Moïses, nec Leuitæ & Sacerdotes, ut patet ex illo, Exod. 32. 36. *Videns ergo Moïses populum, ait: Si quis est Domini, iurgatur mihi. Congregatique sunt ad eum omnes filij Leui.* Erant autem filij Leui viginti duo millia, ut habetur, Num. 3. 39.

83. Alterum est, Synagogam tempore Helix, Isayæ & Ieremiæ defecisse à fide. Hic opus est distinctione. Nam duo regna pertinebant ad Synagogam, alterum Iudæ, quod constabat duabus, alterum Israel, quod constabat decem tribubus. Hoc posterius statim in principio, sub primo Rege Ieroboam, defecit à vera fide, & publice coepit idola adorare (3. Reg. 12. 28.) Et in eo statim cœpit, utque ad captiuitatem, iuxta illud, 4. Reg. 17. 22. *Ambulauerunt filij Israel in vniuersis peccatis Ieroboam, quæ fecerat, & non recesserunt ab eis, quæquo Dominus auferret Israel à facie sua, & Assyrios.* Nihilominus semper aliqui fuerunt in illo regno, qui abstinere ab idololatria, & verum Deum agnoscerent, etiam tempore Helix. Nam cum ipse posset se solum relictum esse, audiuit responsum à Deo, 3. Reg. 19. 18. *Dereliqui tibi in Israel septem milia viros, quorum genua non sunt inclinata ante Baal.* Et similiter de Tobia legimus, Tob. 13. *Cum irent omnes ad vitulos aureos quos Ieroboam fecerat Rex Israel, hic solus fugiebat conforsia omnium, sed perrexit in Ierusalem ad templum Domini, & ibi adorabat Dominum Deum Israel.*

84. In re mo Iuda aliter res habuit. Nam aliqui Reges fuerunt boni, & cultores veri Dei, ut Asa, Iosaphat, Azarias, Ioathan, Ezechias, & Iosias, sub quibus vera religio vel restaurata vel cõseruata est. Alij mali & idololatæ, ut Achaz, Manasses, Amon. Alij denique, non quidem idololatæ, sed tamen mali. Semper tamen in templo Salomonis videtur mansisse usus sacrificiorum secundum legem Mosaicam, usque ad captiuitatem Babylonicam, ut colligitur ex illis verbis 2. Machab. 1. 19. *Cum in Persidem ducebantur Patres nostri, Sacerdotes qui tunc cultores Dei erant,*

acceptum ignem de altari occulte absceiderunt in valle, ubi erat pãrens altus & siccus. Loquitur de igne cælitus à Deo misso, quo utebantur Sacerdotes in quotidianis sacrificiis. (Leuit. 9. & 10.) Igitur ignis ille fuit cõseruatus in templo usque ad illud tempus, quo Iudæi in Persidem captiui abducebantur.

85. Tertium est, Synagogam tempore Christi defecisse. Hoc verum est. Non quod tunc defecerit à vera fide, quam antea profitebatur, sed quia tunc repudiata est cū suis ceremoniis & sacrificiis, & in eius locum successit Ecclesia Christi. At non sequitur, hanc similiter repudiandam. Imo contrarium sequitur. Primo, quia, ut ante dixi, Synagogam representabat Agar, ancilla Abraham, quæ fuit repudiata: Ecclesiam representat Sara, uxor Abraham, quæ non fuit repudiata. Secundo, Synagoga propterea fuit repudiata, quod neque perfecta esset, neque sufficiens ad salutem, iuxta illud, Hebr. 7. 19. *Nihil ad perfectam adducit lex.* Et hoc sensu, ceremoniæ & Sacramenta Synagogæ, vocantur ab Apostolo *infirmæ & egenæ elementa* (Galat. 4. 9.) At Ecclesia Christi est perfecta & sufficiens ad salutem, quia Sacramenta ipsius, quæ à Christo instituta sunt, habent vim iustificandi & tollendi peccata. Vnde Augustinus in Psalm. 73. *Sacramenta, inquit, noui testamenti dant salutem. Sacramenta veteris testamenti promiserunt Saluatorem.* Tertio, Synagoga continebat umbram futurorum. (Hebr. 10. 1.) Ecclesia continet lucem, qui est Christus. (Ioan. 1. 9.) At umbra necessitatio deficit, accedente luce. Debuit igitur cessare Synagoga cum sacrificiis Mosaicis, quando venit Ecclesia cum Christo. Quarto, Synagoga erat instituta pro seruis, Ecclesia pro filiis. At serui accipiunt temporalem mercedem à suis Dominis, & sic dimittuntur: filij autem succedunt in perpetuam hereditatem. Quod intinuat Apostolus ad Galat. 4. 30. *Eiice ancillam & filium eius. Non enim heres eris filius ancillæ cum filio libera.*

Secunda Obiectio.

86. Secundo obiciunt: Ecclesia deficiet à fide tempore Antichristi, ut prædixit Apostolus, 2. Thess. 2. 3. *Nisi veneris discessio prima, (id est, defectio à fide) & reuelatus fuerit homo peccati (id est, Antichristus, &c.)* At iam pridem reuelatus est Antichristus, quem constat esse Pontificem Romanum: Ergo iam pridem Ecclesia defecit à fide. Respondeo. Minor aperte falsa est, Maior dupliciter potest intelligi. Primo, de defectione omnium fidelum. Secundo, de defectione aliquorum. Priori modo falsa est, non solum ex nostra, sed etiam aduersariorum sententia. Nam ipsi dicunt Antichristum, iam venisse, & tamen negant omnes fideles defecisse à fide: alioqui faterentur se quoque defecisse, cū & ipsi, suo iudicio, fideles sint. Posteriori modo vera est, quia aliqui fideles deficient à fide, tempore Antichristi. Quod, tamen mirum non est. Nam à tempore Apostolorum, singulis ætibus aliqui defecerunt, ut Nicolaitæ, Marcionistæ, Nouatiani, Arriani, Donatistæ, Pelagiani, Seueriani, Iconomachi, Cathari, Valdeusæ, Anabaptistæ & plures alij. An vero Apostolus, qui adducitur ad probationem maioris, loquatur de defectione à fide, certum non est. Multi putant illum loqui de defectione ab Imperio Romano, ut D. Hieronymus epist. 151. ad Algasia. quæst. 11. *Nisi, inquit, veneris discessio prima, quæd Grace dicitur apostasia, ut omnes gentes, quæ Romano Imperio subiacent, recedant ab eo, &c. Et nisi fuerit Romanum Imperium antea desolatum, & Antichristus præcesserit, Christus non veniet: qui ideo venturus est, ut Antichristum destruat.* Idem sentiunt Tertullianus lib. de Resurrectione carnis,

c. 24. & multi in commentario illius loci. Sed quid-
quid sit de sensu verborum Apostoli, certum est, non
totam Ecclesiam, sed aliquos de Ecclesia defecturos
à fide tempore Antichristi: quod non est contra nos.

Tertia Obiectio.

87. Tertio obiciunt illud, Dan. 9. 27. *Deficiet ho-
stia & sacrificium*, quod interpretantur de defectione
Ecclesie. Respondeo. Extant clarissima testimonia
in contrarium, quæ hætenus citata sunt. Cur illis
aduersarii hæc non habent? Cur vnum illud ex Da-
niële, quod obscurum est, his omnibus anteponunt?
Nimirum in hac re imitantur Donatistas, qui vt
ostenderent Ecclesiam in sola Africa remansisse, ci-
tabant illud, Can. 1. 6. *Indica mihi, ubi pascas, ubi cu-
bas in meridie*. Vnde sic ratiocinabantur: Ecclesia cu-
bat in meridie: sed Africa est in meridie: Ergo Eccle-
sia cubat in Africa: Extra Africam ergo non est.
Quos refellit Augustinus in lib. de Unitate Ecclesie,
c. 16. hoc potissimum argumento: Multa sunt clara
Scripturæ testimonia, quæ docent Ecclesiam toto
orbe diffusam esse: ergo perperam faciunt Donati-
stæ, cum ex vno obscuro loco conentur probare,
Ecclesiam esse in sola Africa.

88. Verba Augustini sunt hæc: *Scrutamini Scrip-
turas canonicas, eruite aliquid manifestum, quo demonstre-
tis Ecclesiam in sola Africa remansisse, &c.* Aliquid pro-
ferre, quod non egeat interprete, nec unde conuincamini;
quod de alia re dictum sit, & vos illud ad vestrum sensum
detorquere conemini. Videtis enim nunc illud unicum,
quod proferre consuevistis. *Ubi pascis, ubi cubas in meri-
die*, quemadmodum excussis omnibus eiusdem loci verbis,
longe aliud indicat, quam vos putatis. Et, si hoc sonaret,
quod vultis, *Maximianus a vo in eo vinceret*. Magis
enim merides Provincia, Byzantium, Tripolis, ubi illi
sunt, quocunque sunt, quam Numidia, ubi vos præpolletis.
Ita ergo ipsi possunt germanius & distinctius gloriari de
meridie, vt eos excludere ab hac sententia non possitis, nisi
in illis verbis verum sensum & Catholicum teneatis. Ali-
quid ergo proferre, quod non contra vos verius interprete-
re, sed quod interprete omnino non egeat. Sicut non eget inter-
prete, Terra tua orbis terrarum, &c. Sicut non eget inter-
prete, Conuertentur ad Dominum vniuersi fines terra, &c.
Sicut non eget interprete, Erunt mihi testes in Ierusalem,
& in tota Iudæa & Samaria, usque in totam ter-
ram, &c.

89. Simili modo refellendi sunt nostri aduersarii.
Scrutentur Scripturas canonicas, & eruant aliquid
manifestum, quo demonstrent Ecclesiam à fide de-
fecisse. Aliquid proferant, quod non egeat inter-
prete. Sicut non eget interprete, *Porta inferi non præ-
ualebunt aduersus eam*. Sicut non eget interprete, *Ecce
ego vobiscum sum omnibus diebus usque ad consummatio-
nem sæculi*. Sicut non eget interprete, *Confidite, Ego
vici mundum*. Sicut non eget interprete, *ecclesia est
columna & firmamentum veritatis*. Et quæ similia sunt.
Nam illud, quod proferunt ex Daniële, *Deficiet hostia
& sacrificium*, nihil ipsis patrocinator, nisi ipsi sint in-
terpretes. Nam alii non interpretantur de defectione
Ecclesie Christianæ, vt ipsi, sed de defectione Sy-
nagoge Iudeorum. Ex eo autem quod Synagoga
defecit, non sequitur, Ecclesiam quoque defecisse,
aut defecturam esse. Imo contrarium, vt supra,
ostendi.

Quarta Obiectio.

90. Quarto sic obiciunt: ecclesia comparatur Lu-
næ, vt patet ex Scriptura & Patribus: At Luna ali-
quando deficit: Ergo etiam Ecclesia aliquando de-
ficit. Respondeo. Hic iterum apparet, qui hoc obii-

ciunt, degeneres esse filios Ecclesie. Habent clara &
aperta testimonia pro innocentia & integritate suæ
Matris, vt iam ostensum est. Cur sine causa querunt
occasionem calumniandi? Cur, quæ à Scriptura &
Patribus optimo sensu dicta sunt, sinistrè interpre-
tatur? Esto sane: Ecclesia sit similis Lunæ. Sed in quo
illi similis est? An in eo, quod sicut Luna sæpe defi-
cit, sic etiam Ecclesia sæpe deficiat? Hoc dicunt, qui
oderunt Ecclesiam. In quo ergo? In his potissimum.

91. Primo, Sicut Luna in principio mensis exigua
est, ac deinde paulatim crescit, donec plena & perfe-
cta sit: ita Ecclesia, in principio sui ortus, exiguum
terræ locum occupabat, ac postea ita creuit, vt tan-
dem toto terrarum orbe diffunderetur. Sic Augusti-
nus in Psalm. 103. circa illum versiculum, *Fecit Lu-
nam in tempora*, cum ait: *Intelligimus spiritualiter Ec-
clesiam crescentem de minimo, &c.* Quando obscura erat
Ecclesia? quando nondum apparebat, &c. modo, quam
eclat est, qui plena Luna errat?

92. Secundo, Sicut Luna accipit lumen corporale
à Sole: ita ecclesia accipit lumen fidei ac sanctitatis à
Christo. Sic idem Augustinus in Psalm. 10. *Luna*,
inquit, *intelligitur Ecclesia, quod suum lumen non ha-
beat, sed ab unigenito Dei Filio, qui multis locis in sanctis
Scripturis allegorice Sol appellatus est, illustratur*. Et
Philo Episcopus Carpathius in Cantica Cantico: *Luna
comparatur Ecclesia, propterea quod quidquid ha-
bet diuini luminis, id à iustitia Sole illo immobili atque
diuino accipit*.

93. Tertio, Sicut Luna mutationi obnoxia est, ita
etiam Ecclesia in hac vita. Nam aliquando fruitur
pace, aliquando patitur persecutiones: Nunquam ta-
men deficit. Sic Ambrosius lib. 4. Hexameron cap.
2. *Ecclesia, inquit, tempora sua habet persecutionis & pa-
cis. Nam videtur sicut Luna deficere, sed non deficit.*
Obumbrari potest, deficere non potest.

94. In his ergo consistit similitudo inter Lunam &
Ecclesiam; non item in defectione. Nam ecclesia
nunquam deficit in fide: semper firma, stabilis ac
immobilis est. et ex hac parte, non Lunam, sed ter-
ram imitatur, iuxta illud, quod superius ex Gregorio
Magno adduxi: *Ecclesia dicta est terra, quia in solidita-
te fidei, perpetua firmitate immobili perseverat*.

95. Miror vero aduersarios, cur hanc vnam simili-
tudinem allegent in præiudicium Ecclesie, cum sint
multæ alix, quæ in fauorem & commendationem il-
lius allegari poterant. Nam in Scripturis & Patri-
bus, ecclesia non solum Luna per allegoriæ voca-
ta est, sed etiam Sol, hortus conclusus, fons signatus,
paradisus, columba speciosa, ciuitas Dei, terra viuē-
tium, mulier amicta sole, Regina in vestitu de auro.
Quæ omnia honorifica sunt. Si essent veri eccle-
siae filij, merito hos titulos suæ Matri tribuerent, &
ab omni calumniandi studio abstinerent. Nunc quia
secus faciunt, inter eos computari debent, de quibus
scriptum est, *Filios enutriti: ipsi autem spreuerunt me*,
(Isaia. 1. 2.)

V. CONCLUSIO.

*Cum Ecclesia Christi, vt hætenus ostensum
est, non possit deficere vel errare in fide,
propter peculiarem Spiritus sancti assi-
stentiam, quam Christus illi promissit
magna omnium debet esse eius autoritas
in negotio fidei ac religionis.*

96. **H**anc autoritatem sæpe commendat Au-
gust. vt lib. contra epistolam Manichæi,

25. cum ait: *Ego vero Evangelio non crederem, nisi me Catholica Ecclesia commoveret autoritas.* Et lib. de veritate credendi ad Honorat. c. 17. *Cum igitur tantum auxilium Dei, tantum profectum fructumque videamus, dubi: abimus nos eius Ecclesia condere gremio, quæ ab Apostolica sede per successiones Episcoporum, frustra hereticis circumlatis, culmen authoritatis obtinuit; Cui nolle primas dare, vel summa profecto impietatis est, vel precipitis arrogantia. Notent hoc aduersarij.*

97. Porro in hac Ecclesie autoritate fundatur communis hæc regula, quæ Catholici perpetuo urgent: *Nemo potest errare in fide & religione, qui sentit, quod tota Ecclesia sentit.* Vel quod idem est: *Vnusquisque tuto ac securo potest id amplecti aut respicere, quod tota Ecclesia amplectitur aut respicit.* Hanc regulam ubique tenuit Augustinus, & ex ea definiuit hæc pûcta. Primo, Orandum esse pro mortuis. Lib. de cura pro mortuis, cap. 1. *In Machabæorum libris legimus, oblatum pro mortuis sacrificium. Sed, etsi usquæ in Scripturis veteribus omnino legeretur, non parua tamen est vniuersa Ecclesia, quæ in hac consuetudine claret, auctoritas: ubi in precibus Sacerdotis, quæ Domino Deo ad eius altare fiuntur: locum suum habet etiam commendatio mortuorum.*

98. Secundo paruulos esse baptizandos. Epist. 28. ad Hieronymum: *Quisquis dixerit, quod in Christo uiuificabuntur etiam paruuli, qui sine Sacramenti eius participatione de vita exeunt, hic profecto totam condemnat Ecclesiam, ubi propterea cum baptizandis paruulis festinatur & curritur, quia sine dubio creditur, alias in Christo uiuificare non posse.* Et lib. 10. de Genesi ad litteram cap. 23. *Consuetudo Matris Ecclesie in baptizandis paruulis nequaquam spernenda est.*

99. Tercio paruulis prodesse fidem eorum, à quibus ad Baptismum offeruntur. Lib. 3. de libero arb. c. 23. *Etiā illud perscrutari homines solent, Sacramentum baptismi Christi quid paruulis prosit, cum eo accepto plerumque moriantur, priusquam ex eo quicquam cognoscere poterunt. Quæ in re satis pie recteque creditur, prodesse paruulo eorum fidem, à quibus consecrandus offertur. Et hoc Ecclesie commendat saluberima auctoritas, &c.*

100. Quarto, hæreticos non esse rebaptizandos. Lib. 1. contra Cresconium Grammaticum, cap. 33. *Quamuis huius rei certe de Scripturis canonicis non profertur exemplum, eorumdem tamen Scripturarum etiam in hac retentur veritas, cum hoc facimus, quod vniuersa iam placuit Ecclesia, quam ipsarum Scripturarum commendat auctoritas; ut quoniam sancta Scriptura fallere non potest, quisquis falli meruit huius obsecratione questionis, eandem Ecclesiam de illa consulat, quam sine ulla ambiguitate sancta Scriptura demonstrat.*

101. Quinto, Librum Matthæi Euangelistæ canonicum esse, non Librum Manichæi, qui illi contrarius est. Lib. 18. contra Faustum cap. 2. *Cum ergo necesse sit, alterum horum librorum esse mendacem, cui nos potius censet fidem accommodare debere? Eius, quem Ecclesia ab ipso Christo inchoata, & per Apostolos promouita, certa successione serie usque ad hac temporis tota terrarum orbe dilatata, ab initio traditam & cõseruatam agnoscit atque approbat; an ei, quem eadem Ecclesia incognitum reprobat? Et generatim, illos libros esse canonicos, quos habemus, in canone. Serm. 191. de tempore: *Novum & vetus Testamentum recipimus in illo librorum numero, quam sancta Ecclesia Catholica tradidit auctoritas.**

102. Sexto, hæreticis & schismaticis non esse præcisam spem salutis, si resipiscant. Libro inchoatæ expositionis epistolæ ad Romanos, post medium: *Ipsa denique Catholica Ecclesia tam insignis auctoritas, quæ in eodem dono Spiritus sancti, omnium Sanctorum mater toto feruente orbe diffunditur, cui unquam hæretico vel*

schismatico spem liberationis, si se corrigat, amputari. Cui placandi Dei aditum clausum. Nonne omnes ad uera sua, qui eam superbo fastidio reliquerunt, cum lachrymis reuocat?

103. Denique, ut vno verbo dicam, in omnibus sequendum esse iudicium Ecclesie, epist. 118. ad Ianuarium, cap. 5. *Ad hac ita respondeo, ut quid bonum sit faciendum, si diuina Scriptura præscribit auctoritas, non sit dubitandum, quin ita facere debeamus, ut legimus: ut iam non quomodo faciendum, sed quomodo Sacramentum intelligendum sit: disputemus. Similiter etiam, si quid bonum tota per orbem frequenter Ecclesia. Nam & hinc, quin ita faciendum sit, disputare, insolentissime insania est.*

104. Hæc Augustinus. Nos cum Augustino eandem regulam amplectimur. Et ex ea speciatim deducimus, eos non errare, qui defendunt Purgatorium, sacrificium Missæ, inuocationem Sanctorum, exorcismum, & similia, quæ consensu totius Ecclesie recepta sunt. Aduerlati, si hanc regulam respiciunt, nihil certi habere possunt in rebus fidei, ut quæst. 3. concl. fusius explicabo.

II. QVÆSTIO.

De Ecclesia Romana.

Initio præcedentis quæstionis formaui hunc syllogismum contra aduersarios: *Vera Christi Ecclesia non potest deficere vel errare in fide: At Ecclesia Romana seu Pontificia, primis quingentis annis fuit vera Christi Ecclesia: Ergo non potuit deficere vel errare in fide.* Manet ergo vera Christi ecclesia, ut olim fuit. Maior propositio hætenus probata est. Minorem concedunt aduersarij. Quæ tamen hoc loco, præmissa distinctione, explicanda est. Nam Romana Ecclesia dupliciter sumi potest. Primo, pro illa sola Ecclesia particulari, quæ olim Romæ fuit, & nunc est. Secundo, pro collectione omnium fidelium, qui toto orbe dispersi, adhærebant olim Romano Pontifici, & nunc etiam adhærent. Et hoc posteriori sensu habet varia nomina. 1. dicitur Catholica seu vniuersalis, quia toto orbe diffusa. 2. Pontificia, quia Pontifici subiecta. 3. Romana, à nobiliiori sui parte. Hoc posito, subiiciam aliquot conclusiones, quibus res tota breuiter explicabitur.

PRIMA CONCLUSIO.

Romana Ecclesia priori modo sumpta, quæ tenu significat particularem Ecclesiam, quæ Romæ est, fuit olim mater & caput omnium aliarum Ecclesiarum, quæ toto orbe erant dispersæ: Et omnes aliæ, nisi errare vellent, debebant se illi conformare in fide, & religione.

Priorem partem huius conclusionis expressè tradit Athanasius in epist. ad Marcum Papam, his verbis: *Nunc ergo, quia præfata septuaginta Nicæni Concilij Capitula ab Arianis sum igne combusta; optamus, ut à vestra sancta sedis Ecclesia auctoritate, quæ est mater & caput omnium Ecclesiarum, ea ad correctionem & recreationem fidelium orthodoxorum, percipere per præsentis Legatos mereamur.*

2. Et Cyprianus lib. 4. epist. 8. quæ est ad Cornelium Papam: *Nos enim singulis nauigantibus, ne cum scandalo nauigarent, rationem reddidisse nos scimus, &*

hortus esse, ut Ecclesia Catholica matricem & radicem agnoscerent ac tenerent. Et S. Bernardus epist. 137. ad Mediolanenses: Romana Ecclesia valde clemens est, sed nihilominus potens, &c. Plenitudo siquidem potestatis super universis orbis Ecclesias, singularis prerogativa, apostolica sedis donata est. Idem facit Caluinus lib. 4. Institut. cap. 7. §. 24. cum ait: Fuit sane olim Roma omnium Ecclesiarum mater: verum ex quo Antichristi sedes fieri cepit, desit esse quod erat.

3. Posteriori tradit Irenaeus lib. 3. contra haereticos, c. 3. ubi rationem reddens, cur potius describat successionem Episcoporum ecclesiae Romanae, quam aliarum ecclesiarum particularium, sic habet: Ad hanc enim Ecclesiam, propter potentioris principalitatem, necesse est accedere Ecclesiam, hoc est, eos qui sunt undique fideles, in qua semper ab his, qui sunt undique, conservata est etiam, quae est ab Apostolis tradita.

4. Et D. Hieronymus epist. 8. ad Demetriadem, cap. 9. Illud est charitatis affectu, praeponendam puto, ut sancti Innocentius, qui Apostolica cathedra successor est, tenet fidem: nec peregrinam, quamvis tibi prudens callidusque videaris, doctrinam recipias. Et epist. 37. ad Damasum Papam: Quoniam vestro Oriens inter se populorum favore collisus, indigestam Domini tunicam, & de super textam, minutatim per frustra discerpit; & Christi vineam exterminant vulpes, ut inter lacus convitior, qui aquam non habent, dissilio, ubi semel signatus, & hortus ille conclusus sit, possit intelligi: ideo mihi cathedram Petri, & fidem Apostolica ore laudaram, cessavi consulendam, inde nunc mea anima postulans cibum, unde olim Christi vestimenta suscepit. Et infra ibidem: Ego beatitudinis tue, id est, cathedrae Petri, communionem confector: super illam petram aedificatam Ecclesiam scio. Quicumque extra hanc domum agnum comederit, profanus est: si quis in Arca Noe non fuerit, peribit regnans diluvio, &c. Quicumque tecum non colligit, spargit.

5. Et S. Augustinus epist. 162. ad episcopos Donatistarum de Caeiliano Episcopo: Erat magna auctoritas, qui posset non curare conspiciantem multitudinem iniquorum, cum se videret: Romana Ecclesia in qua semper Apostolica cathedra viget principatus, per communionis litteras esse continentem. Et Optatus Milevitanus lib. 2. contra Parmenianum: Negare non potes scire, in urbe omnia primam cathedram & episcopalem Petro collatam esse, cum qua totus orbis in una communionis societate concordat.

II. CONCLUSIO.

Romana Ecclesia posteriori modo sumpta, quatenus significat universalem Ecclesiam Christianorum, toto orbe diffusam, fuit olim S. Petro commissa, his verbis, Pascue oves meas. Itaque Petrus fuit Vicarius Christi, Caput, Pastor & Rector totius Ecclesiae Catholicae, cui postea cum pari potestate successerunt Pontifices Romani.

Prior pars de Petro, asseritur passim à Patribus, tam Graecis, quam Latinis. Quorum aliqui expresse illum vocant Vicarium Christi, ut Anselmus ad cap. 16. Matth. Alij expresse Caput Ecclesiae, ut Hieronymus in Psal. 13. & Philo Carpathius in Cantica. Alij Universalis Ecclesiae Papam, ut Athanasius in Epistola ad Marcum. Alij Caput fidelium &

A Pastorem gregis dominici, ut Austin. in lib. Quæst. veteris ac novi Testamenti, q. 75. Alii aliis verbis eandem rem explicant, ut idem August. tract. 124. in Evangelium Ioannis: Hoc autem Ecclesia spe beatam in hac vita erumnesca: cuius Ecclesiae Petrus Apostolus, propter Apostolatus sui Primatum gerebat figurata generalis personam. Et Maximus Taurinensis hom. 3. in Natali Apostolorum Petri & Pauli: Quamvis igitur veriti apud Deum sumus Petrus erat, ut ei post navicula parva remigium, totius Ecclesiae gubernacula traderentur? Et D. Chrysost. hom. 86. ad populum Antiochenum: Perpetuum terrarum orbem Ecclesia presidentiam accipit. Et Gregorius Magnus lib. 4. epist. 32. ad Mauritium Augustum: Cunctis Evangelium scientibus liquet, quod voca Dominica, omnium Apostolorum Principi Petro Apostolos totus Ecclesia cura commissa est. Ipse quippe dicitur, Pascue oves meas. Similia habent alij.

7. Posterior pars, de Pontifice, successore Petri, æque certa est apud Patres. De qua Optatus lib. 2. contra Parmenianum sic scribit: Petro successit Linus, Lino Clemens, Clementi Anacleus, &c. Et Augustinus epist. 165. ad Generosum: Si ordo Episcoporum sibi succedentium considerandus est, quanto certius & verè salubriter ab ipso Petro numeramus, cui totius Ecclesiae figuram gerenti Dominus ait: Super hanc petram aedificabo Ecclesiam meam, & porta inferorum non vincunt eam. Rite enim successit Linus, Lino Clemens, Clementi Anacleus, Anacleto Evaristus.

8. Et Philippus Presbyter in Concilio Ephesino, tomo 2. cap. 16. Nulli dubium, imo saculis omnibus notum est, sanctum Patrum Apostolorum Principem & caput, Ecclesiae Catholicae fundamentum, per successores suos luculenter semper vivere, causasque decernere, semperque victurum esse. Huius itaque ordinarius successor Papa Caelestinus, nos ad hanc Synodum misit.

9. Et, ut alios omittam, D. Bernardus lib. 2. de consideratione ad Eugenium Papam, cap. 8. Age, indigentius adhuc diligentius, qui sis, quam personam geras in Ecclesia Dei. Quis es? Sacerdos magnus, summus Pontifex, Princeps Episcoporum, haeres Apostolorum, Primatu Abel, gubernator Noe, dignitate Aaron, potestate Petrus. Tu es, cui oves credita sunt. Suis quidem & alijs praeponis Pastores, sed tu tanto gloriosius, quanto & differantius pro ceteris nomen hereditasti. Habent illi sibi assignatos greges, singuli singulos: tibi universi crediti sunt. Nec modo omnium, sed & Pastorum tuorum omnium Pastor.

10. Ex dictis patet, quare sancti Patres, qui scribunt successionem Episcoporum ecclesiae, non alterius ferè, quam Romanae ecclesiae Episcopos recenseant. Nimirum duas ob causas, quas haecenus explicavi, id faciunt. Primo, quia ecclesia Romana est Mater aliarum ecclesiarum. Secundo, quia quicumque est Episcopus Ecclesiae Romanae, simul est Episcopus universalis ecclesiae, quæ toto orbe diffusa est. Omnes ubique oves, omnes omnium Pastores illi commissi sunt. Porro Patres, qui scribunt successionem Pontificum Romanorum, quisque ad sua usque tempora, sunt potissimum hi: Irenaeus lib. 2. contra haereticos, capite 3. Optatus lib. 2. contra Parmenianum, August. epist. 165. ad Generosum; Epiphanius haereti. 27. Eusebius Caesariensis in historia & chronico.

III. CONCLUSIO.

Hæc Romana, Pontificia, Catholica seu uniuersalis Ecclesia, toto orbe diffusa, quam dixi Petro & successoribus eius fuisse commissam, nunquam defecit ab ea fide, quam primis quingentis annis publice professæ est: ac proinde sicut tunc erat vera Christi Ecclesia, ita & nunc est.

11. **H**æc conclusio manifeste sequitur ex dictis, hoc modo: Vera Christi Ecclesia non potest deficere vel errare in fide, ut quæst. 1. concl. 4. variis argumentis ac testimoniis probatum est. At Ecclesia Romana, Pontificia, Catholica seu uniuersalis, fuit aliquando vera Christi Ecclesia, quod non negant aduersarij: Ergo non potuit deficere vel errare in fide. Manet igitur adhuc vera Christi Ecclesia.

12. Ad maiorem huius doctrinæ confirmationem, tria quæro ab aduersariis, quis dicunt eam defecisse. Primo, quo tempore defecerit? Secundo, cum sint multi articuli fidei, in quo vel quibus articulis defecerit? Tertio, an post defectionem Ecclesiæ Romanæ & Catholicæ, fuerit aliqua alia visibilis Ecclesia in terris, an nulla? Ad hæc tria paucis velim mihi responderi ab illis, qui defectionem obiciunt.

13. Sit ergo prima quæstio, quo tempore Ecclesia Romana seu Catholica defecerit à vera fide? Hic prope quot capita, tot responsa. Aliqui conantur certum defectionis tempus definire: alij fatentur se id ignorare. Rursum, priores illi in varias sectas distracti sunt. Nam aliqui volunt defectionem contigisse tempore Gregorij Magni, circa annum Christi sexcentisimum, ut David Chytræus in c. 9. Apocalypsis. Alii, tempore Phocæ Imperatoris, anno Christi 606, ut Lutherus in supputatione temporum, & Raphael Eglinus in duplici Elencho. Alii, tempore Pipini Regis, anno 763. ut Henricus Bullingerus præfatione in Apocalypsim. Alii, post tempora S. Bernardi, circa annum 1200. ut Volfangus Musculus in Locis, titulo, De Ecclesia. Alii aliud tempus definiunt, quisque pro suo capite. Videntur boni illi viri similes esse senibes, qui Susannam de patratu adulterio accusabant. Nam rogati à Daniele de loco flagitii, vnus hoc, alius alio loco patratum esse cõminabatur. Plane sic faciunt nostri aduersarij. Accusant Ecclesiam de Apostasia. Rogati de tempore, alius sub Gregorio Pontifice, alius sub Phoca Imperatore, alius sub Pipino Rege, alius sub alio factam esse contendit. *Et non sunt convenientia eorum testimonia, Marc. 14. 55.*

14. Posteriores vero, qui fatentur se ignorare tempus defectionis, non minus inter se dissentiunt. Nam aliqui obdunt de fuisse Scriptores, qui defectionis initium notarent. Alii, fuisse quidem viros pios ac doctos, qui facere id potuissent, sed non fecisse propter grauissimam temporis illius persecutionem. Alii, defectionem fuisse latentem & occultam, quæ notari non potuerit. Alii denique, non magnopere laborandum esse de tempore, cum de re ipsa constet. Quid enim, inquirunt, necesse est curiose scrutari tempus defectionis, cum ex euentu manifestum sit, defectionem iam factam esse? Aut quid prodest indagare, quo momento pestem contraxeris, si sentias cum ipsa morte te confutari?

A 15. Quidam ex recentioribus Lutheranis, Albertus Gravverus, Professor Ienensis, in Disputatione de Antichristo, §. 139. & sequentibus, conatur hæc dissensiones suorum hominum inter se conciliare, Et quidem ex duplici fundamento. Vnum est, quædam mutationes fieri cum aliquo tumultu, vel publica vi aut solennitate; Et harum tempus facile obseruari ac demonstrari posse. Alias occulte, & hominibus non aduertentibus, quarum tempus notari non possit: et talem fuisse defectionem Ecclesiæ Romanæ à fide. Alterum est hanc defectionem non vno tempore factam esse in omnibus fidei articulis, in quibus facta est, sed successiue, & per temporum intervalla; ita ut sub vno Pontifice facta sit in vno articulo, sub alio Pontifice in alio articulo, & sic deinceps. Ex priori infert, non mirum esse, si aliqui dicant se ignorare tempus defectionis, cum occulte facta sit, nemine aduertente. Ex posteriori, non dissentire eos, qui definiunt diuersa defectionis tempora, cum sint diuersi articuli, in quibus defectio diuersis temporibus facta est. Ab vno igitur definiiri tempus, quo in hoc articulo; ab alio, quo in illo; à tertio, quo in isto defectio facta est. Itaque nullam esse inter illos dissensionem.

16. Sed, ut verum fatear, hic author, dum vult aliorum dissensiones componere, secum ipse dissentit. Nam primum ipsius fundamentum repugnat posteriori. Si enim defectio occulte facta est, nullo hominum aduertente, unde ipsi constar, non vno tempore, sed successiue factam esse? Vnde constar, sub hoc Pontifice factam esse in hoc articulo, & sub alio in isto? Vnde constar, eos non errare, qui diuersa defectionis tempora definiunt? Quis hæc omnia, si occulte facta sunt, ipsi manifestauit? Dicit fortasse, occulte quidem facta esse, sed postea ex ipso euentu manifeste fuisse deprehensa. Non secus, quam si alicui in tenebris intelligantur aliquot vulnera, & interdum deprehendatur vulneratus esse. At hoc ipso exemplo refelli potest. Tamen si enim de eo, qui noctu vulneratus est, interdum affirmare possis, vulneratum esse, non tamen, nisi temere affirmaueris, per intervalla vulneratum esse, & hora prima noctis accepisse vnum vulnus à Petro, & hora secunda alterum à Paulo, & tertia tertium à Michaële. Idem est in proposito. Demus aduersarij, quod non damus, Ecclesiam Catholicam variis erroribus occulte vulneratam esse: demus errores illos patefactos iam esse. At vnde constar, non vno tempore, sed successiue errores illos irrepsisse? Vnde constar, vnum sub Gregorio Papa, alterum sub Phoca Imperatore, tertium sub Pipino, quartum post tempora Bernardi ortum esse? Aut, si hæc omnia constant, quomodo occulte, & nemine aduertente facta sunt? Hic non euadet Gravverus.

17. Hæc de prima quæstione. Altera est, in quo vel quibus fidei articulis defecerit Ecclesia Romana, Calvinus lib. 4. Inst. cap. 7. §. 27. ait in tribus defecisse, nempe asserendo, nullum esse Deum, nullum Christum, nullam resurrectionem aut vitam æternam. Verba Caluini sunt hæc: *Quasi vero dubium sit, qualem religionem professi sint iam pridem Pontifices cum toto Cardinalium Collegio, & hodie profiteantur. Primum enim arcana illius Theologiæ, quæ inter eos regnat, caput est, nullum esse Deum. Alterum, quacumque de Christo scripta sunt ac docentur, mendacia esse & imposturas. Tertium, doctrinam de vita futura & ultima resurrectione, meras esse fabulas. Iam pridem hæc ordinaria capis esse Pontificum religio. Sed hoc Caluini mendacium tam crassum est, ut non egeat refutatione.*

18. Alij ergo qui modestiores sunt, putant Ecclesiam nostram defecisse in his articulis. 1. de Purgatorio. 2.



rites. Nec eos, qui nunquam fuerunt, aut non sunt, aut quorum sententia, de hoc, quod inter nos disputatur, incerta, inani cogitatione confixis: sed sanctos, & in sancta Ecclesia illustres Antistites Dei, omnes sacris litteris eruditos, nominatim expressi, &c. Neque nobis, neque vobis irati sum: neque nos, neque vos miserati sunt. Quod innoverunt, in Ecclesia, tenuerunt: quod didicerunt, docuerunt: quod à Patribus acceperunt, hoc filiis tradiderunt. Noniam vobiscum apud istos iudices agebamus, & apud eos alia est causa nostra. Nec nos, nec vos eis noti fueramus, & eorum pro nobis latis contra vos sententias recitamus. Nondum vobiscum certabamus, & eis pronunciantibus vincimus.

31. Et rursum, circa finem eiusdem capituli: Quanto tibi essent isti iudices optabiliores, si teneres Catholicam fidem, tanto tibi sunt terribiliores, quia oppugnas Catholicam fidem, quam in lacte suxerunt, quam in cibo sumpserunt; quam contra inimicos, etiam vestros nondum natos, fortissime defenderunt. Talibus post Apostolos sancta Ecclesia plantatoribus, rigatoribus, edificatoribus, pastoribus, nutritoribus crenis. Ideo prophanas voces vestre novitatis expavit: Et causa ac sobria ex administratione Apostolica, Catholica fidei virginitati insidias vestri dogmatis subrepentis exhorruit, & tanquam caput colubri calcavit, obrivit, abiecit. Vide limina lib. 3. c. 17. & alibi. Quæ omnia diligenter expendant nostri aduersarii & discant ab Augustino, antiquorum patrum fidem & auctoritatem reuereri, non petulanter contemnere.

32. Hæc sufficiant de secunda questione: in qua ostensum est, Ecclesiam Romanam non defecisse à fide, in his articulis, in quibus ab aduersariis accusatur de defectione. Superest tertia questio, An post defectionem Ecclesie Romanæ, quam aduersarii fingunt, remanserit aliqua alia Ecclesia visibilis in terris, necne? Si remansit, quæ illa fuit? quo nomine appellata? quo tempora orta? quas mundi partes occupavit? quos Pastores & Episcopos habuit? quos item Martyres & Confessores? qui Reges & Imperatores illi adhererunt? qui hæretici ab ea damnati sunt? quæ Academiæ confirmatæ? quæ templa erecta? Si non remansit, quomodo Christus fuit sine sponsa? quomodo saluati sunt homines, cum extra Ecclesiam visibilem saluati nemo possit? quomodo verum est, quod Christus dixit, *Porta inferi non præualebunt aduersus eam*? Ad hæc omnia simul aliud fere respondent, quam se mirari, quod ista queramus. Quæ quidem responsio non satisfacit homini prudenti. Et tamen aliam, præter conuicia, non facile extorqueas.

TERTIA QVÆSTIO.

De Ecclesia quæ præsumitur Reformata.

DVo hætenus explicata sunt. Primo, Visibilem Christi Ecclesiam, quæ est vna, sancta, Catholica, Apostolica, non posse deficere vel errare in fide. Secundo, hanc ipsam non esse aliam quam Ecclesiam Romanam seu Pontificiam, quæ toto orbe diffusa, Romano Pontifici subiecta est. Nunc, quia aduersarii fingunt sibi nouam Ecclesiam, quam Reformatam vocant, de ea etiam aliquid dicendum est: Et hæc pauca per sequentes conclusiones demonstranda. 1. Hanc Ecclesiam non esse vnā. 2. non esse sanctam. 3. non Catholicam. 4. non Apostolicam. 5. non sponsam Christi. 6. non domum

Opus. Bec.

Dei. 7. non columnam veritatis. 8. non habere sanam doctrinam, sed dissentientem à doctrina antiquorum Patrum. 9. non habere constantem doctrinam, sed multis contradictionibus obnoxiam. 10. non habere Ministros bonæ fidei. 11. nec legitime vocatos. 12. non esse legitime propagatam.

PRIMA CONCLUSIO.

Ecclesia Reformata, in qua Lutherani & Calvinistæ sunt, non est vna.

IHoc sic probō. Illi non pertinent ad vnā Ecclesiam, qui dissentient in fide, in canone Scripturæ, & in ritibus Sacramentorum: At Lutherani & Calvinistæ in his omnibus dissentiunt: Ergo non pertinent ad vnā Ecclesiam: Ergo Ecclesia Reformata, in qua sunt Lutherani & Calvinistæ, non est vna, sed diuisa. Minor propositio continet tria puncta dissensionis, quæ sigillatim explicanda sunt.

1. Primo igitur dissentiunt in fide: quod vitro fatentur Lutherani. Et quidam Matthias Hœ, Minister Lutheranus, in libello suo, quem nuper Lipsiæ edidit, enumerat septemdecim articulos, in quibus ait Lutheranos dissentire à Calvinistis. Sunt autem hii 1. de Verbo Dei. 2. de ipso Deo. 3. de persona Christi. 4. de Spiritu sancto. 5. de officio Christi. 6. de peccato. 7. de libero arbitrio. 8. de lege. 9. de Euangelio. 10. de iustificatione. 11. de fide iustificante. 12. de Mysterio Verbi. 13. de penitentia & contritione. 14. de Sacramentis in genere. 15. de Baptismo. 16. de Cœna Domini. 17. de prædestinatione. Quæ omnia confirmat ex ipsis Calvinistarum verbis ac sententiis.

2. Secundo dissentiunt in Canone Scripturæ. Nam Calvinistæ in suo Canone ponunt Epistolam ad Hebræos, Epistolam Iacobi, Epistolam Iudæ, & Apocalypsin Ioannis. At Lutherus hæc omnia excludit. Epistolam ad Hebræos aut in multis contrariam esse doctrinam Apostolorum & Euangelistarum. Epistolam Iacobi vere *stramineam* appellat, Epistolam Iudæ, non ab Apostolo, sed aliquo alio, longe post tempora Apostolorum, conscriptam esse contendit. De Apocalypsi sic scribit: *Quæ ego in hoc libello desidero, non sunt vnus generis, ut nec Apostolicum, nec Propheticeum esse putem.* Et paulo post: *Sentias de hoc libro quilibet, quicquid ipsi spiritus suus ingerit: meus spiritus ad eum se accommodare nequit.* Verique tamen tam Lutherani, quam Calvinistæ habent nouum Canonem, quem ex antiquis Scripturibus probare non possunt. In quo dissentiunt à Catholicis, quorum Canon antiquissimus est. Nam Catholici per Traditionem acceperunt suum Canonem ab Eugenio in Concilio Florentino, ut videre est apud Bartholomæum Carranzam in Summa Conciliorum. Eugenius à Gelasio in Concilio Romano. Gelasius ab Augustino libro 2. de doctrina Christiana, cap. 8. Augustinus à Concilio Carthaginensi tertio, quod alii quintum alii sextum vocant. Denique Patres huius Concilii ab Innocentio primo, epist. 3. ad Exuperium capite 7.

3. Tercio dissentiunt in ritibus Sacramentorum. Nam Lutherani in administratione Baptismi adhibent Exorcismum & quasdam alias ceremonias, quæ apud Catholicos vsitate sunt: quas tamen Calvinistæ, tanquam ridiculas & superstitiones contemnunt.

De quibus sic scribit Calvinus lib. 4. Instit. cap. 15. §. 19. *Quod ad externum symbolum pertinet, vnam genuinam Christi institutio valuisse, quantum parerat, ad cohibendam hominum audaciam. Quasi enim res esset contemptibilis, ex Christi precepto, aqua baptizari, inuenta est benedictio, vel potius incantatio, qua veram aqua consecrationem pollueret. Additus postea ceteris cum chrismate: exsufflatio vero ianuam ad baptismum aperire visa est. Etsi autem men non laet, quã vendit a sit aduentus huius farraginis origo, respicere, tamen mihi & piis omnibus fas est, quidquid ad Christi institutionem addere ausi sunt homines, &c.*

5. Ex hoc triplici capite dissensionis satis apparet, Lutheranos & Calvinistas non esse membra vnius Ecclesie, sed diuersa. Quod quidem, ut supra insinuaui, non dissimulant Lutherani, qui nullam volunt admittere societatem cum Calvinistis, sed eos tanquam hæreticos & diabolos incorporatos, publicis scriptis execrantur. At Calvinistæ, nescio qua occulta fraude (si tamen occulta est) fingunt se esse fratres Lutheranorum, & eandem cum illis fidem ac religionem amplecti: Nec in vilo puncto (excepto vnicò de cœna Domini) ab illis dissentire. Itaque Ecclesiam Reformatam, in qua utrique sunt, vnam ac indiuisam esse. Sed boni isti viri dum insidiosè volunt illudere Lutheranis, incaute sibi laqueum parant. Nam Lutherani, ex hac ipsorum confessione, possunt eos oppugnare in hunc modum: Calvinistæ palam profitentur, se in omnibus sentire, quod nos sentimus, vnicò puncto de Cœna Domini excepto: At nos sentimus, eos esse hæreticos: Ergo ipsi idem sentiunt. Suo igitur iudicio hæretici sunt.

SECUNDA CONCLUSIO.

Ecclesia Reformata non est Sancta.

6. **H**oc sic ostendo. Illa ecclesia non est sancta, quæ tradit doctrinam sanctitati repugnantem: Ecclesia Reformata tradit doctrinam sanctitati repugnantem: Ergo non est sancta. Maior per se nota est. Minorem probò, quia doctrina, quam tradit Ecclesia Reformata, est hæc. Primo, Deum esse authorem peccati, nec vllum peccatum patrari ab hominibus, nisi Deo instigante & impellente. Secundo, Præcepta Decalogi esse impossibilia, nec ab vilo, quantumvis iusto, seruari hætenus potuisse, nec deinceps seruari posse. Tertio, Bona opera nullius esse meriti aut valoris apud Deum: Imò, ut Calvinus loquitur, nihil aliud esse, nisi sordes, inquinamenta, meram iniquitatem. Quarto, Prædestinatos necessario saluari, quidquid tandem agant: Reprobos necessario damnari, quocunque se verant.

7. At hæc doctrina repugnat sanctitati, & præbet occasionem libere peccandi. Nam qui sibi persuadet hanc doctrinam veram esse, sic apud se ratiocinabitur. Primo, si Deus instigat & impellit me ad peccatum, cur illi resistam? peccem potius & ipsi impellenti ac instigandi obtemperem. Secundo, si præcepta Decalogi impossibilia sunt, frustra de eorum obseruatione sollicitus sum: frustra caueam à furtis, homicidiis, adulteriis. Tertio, si bona opera nihil valent coram Deo, quid necesse est bene agere? Imò, si nihil aliud sunt, quam sordes & inquinamenta, vitari potius, quam accumulari fas est. Quarto, si prædestinati necessario saluantur, quidquid agant, cur non libere indulgeant suis

cupiditatibus? cur ventri ac Veneri impune non seruiant? Et similiter, si reprobi bene agendo nihil proficiunt, quid frustra bene agendo operam perdunt?

8. Quis iam locus sanctitati sit, si hanc doctrinam amplectamur? Omnino nullus. Quod ipsi quoque aduersarij de se fatentur. Audiamus ipsorum testimonium. Lutherus in Postilla domestica Ienæ impressa, concio. 2. Dominicæ 1. Aduentus: *Mundus, inquit, ex hac doctrina quoditè redditur deterior. Iam homines singulis septenis diabolis obsecantur, cum antea tantum unico obfessi fuissent. Diabolus iam cateruatim in homines ingreditur, ut nunc in tam splendida Euangelij luce sint auariores, callidiores, iniustiores, crudeliores, præuiores, quam prius in Papatu fuerant. Nimium, is noui Euangelij fructus est.*

9. Similiter Calvinus in cap. 11. Danielis, v. 34. *In exiguo illorum numero qui se ab idololatriis Papatus subduxerunt, maior pars plena & perfidia & delis. Præclarum quidem Zelum simulant: si tamen intus exentias, reperies plenos esse fraudibus. Et in Commentario 2. Petri 1. 2. Vix eorum decimus quisque est, qui alio fine Euangelio nomen dederit, quam ut saluatus in omnem lasciniã diffunderet. Hoc enim permittit Euangelium Calvini.*

10. Et Andreas Musculos in libro de nouissimo die: *Quod si fateri veritatem volumus, tum hoc de nobis Euangelicis testari cogimur, magis quam nos, scortationibus, usuris, circumuentionibus, fraudibusque de ditos, in tota iam modo nusquam inueniri. Et in lib. de Prophetia Christi: Iterum cogor dicere, quia verum est, contumaciores homines, in quorum animis omnes omnis virtutis & honestatis centilla sunt extincta, & apud quos nihil iam pro peccato habetur, nusquam nec apud Ethnicos, Iudeos, Turcas inueniri, quam inter Euangelicos, apud quos omnino vinculis solutus ac liber viget Diabolus. Vique paucis rem omnem eloquar, cõ nostra Lutheranorum res rediit, ut si quis videre cupiat magnam turbam nebulonum, aëtorum, usurariorum & deceptorum, ei adenda sit ciuitas aliqua, in qua Euangelium (nouum) predicatur. Ibi cateruatim id genus hominum inueniet. Testimonia hæc vera sunt.*

TERTIA CONCLUSIO.

Ecclesia Reformata non est Catholica.

11. **S**Vpra dixi, Ecclesiam Christi dici Catholicam seu vniuersalem, triplici titulo. Primo, quia toto orbe diffusa est. Secundo, quia semper durabit vsque ad finem mundi. Tertio, quia nullus extra illam saluari potest; sed quotquot saluantur, in illa saluantur. At Ecclesia Reformata nullo horum modorum est Catholica seu vniuersalis.

12. Primo, quia non est toto orbe diffusa. Non enim est in Asia, Africa, India. Nec item in Hispania, Lusitania, Lotharingia. Nec in melioribus partibus Italix, Gallix, Polonix. Nec deinde in omnibus provinciis Germanix aut Belgij. ut verisimile est, nunquam futurum, ut per totum orbem diffundatur. Nam Ministri ecclesie Reformatæ vix abeunt in exteras nationes, plantandi Euangelij causa, sed hærent dum in suis angulis, ut olim Donatistæ. Vnde apparet non esse afflatus illo spiritu, quo olim erant Apostoli, quibus dictum est: *Accipite Spiritum sanctum. Et, Euntes in mundum vniuersum, predicate Euangelium omni creature.* Hunc spiritum retinent Catholici. Nullum regnum, nulla provincia, nulla gens tam remota aut barbara est,

ad quam ipsi non penetrant, non alio quam Euange-
lii promulgandi studio ac ardore excitati.

13. Solent respondere aduersarii, se id in Italia & Hispania præstare non posse, eo quod grauis ibi fiat inquisitio in eos, qui alienam religionem profitentur. Est. Sed etiam in Anglia, Scotia, Hollandia, itemque apud gentes sit similis inquisitio in Catholicos: & tamen Catholici propterea non terrentur. Quin potius pro sua fide parati sunt mori, quod de Ministris reformatis affirmare non ausim. Atque hinc iterum patet non esse afflatos illo spiritu, quo erant Apostoli. Nam hi certe, cum à Christo mittebantur cum hac protestatione: *Eccc ego mitto vos sicut oues in medio luporum*: non horrebant persecutiones, quas passuri erant in prædicatione euangelii, sed alacri & constanti animo eas optabant ac sustinebant, iuxta illud Act. 5. 41. *Ibant gaudentes à conspectu concilii, quoniam digni habiti sunt pro nomine Iesu consumeliam pati*. Quid unquam simile auditum de nouis Prædicantibus?

14. Iterum excipiunt, se quidem, cum sint alligati vxoribus, legitime excusari ac impediti à tam longis itineribus: At Catholicos Sacerdotes, cum cælibes sint, nec villo domesticæ curæ impedimento implicati, expeditos esse ad huiusmodi profectiones obeundas. Recte hoc. Sed cur Prædicantes sponte se implicant huiusmodi impedimentis? Cur non manent cælibes & expediti, vt ministerio suo apud gentes vacare possint? Aut si vxores iam habent, cur earum consensu, non sequuntur consilium Christi in euangelio: *Omnes qui reliqueris domum, aut uxorem, aut filios propter nomen meum, centuplum accipiet & vitam æternam possidebit*? Cur non imitantur Apostolos, qui relictis omnibus, per vniuersum orbem profecti sunt, & vbiq; Euangelium prædicant? Nimirum ostendunt vxorios se esse, non Euangelicos: & magis propriæ voluptati, quam aliorum salutis operam dare.

15. Hæc de primo puncto. Alterum est, Ecclesiam Reformatam non esse Catholicam ratione temporis, id est, non semper duraturam. Quod ex triplici capite colligi potest. Primo ex testimonio Christi, Matth. 12. 25. *Omne regnum diuisum contra se, desolabitur: & omnis ciuitas vel domus diuisa contra se, non stabit*. At Ecclesia Reformatata est contra se diuisa, vt conclus. 1. ostensum est: Ergo dissipabitur & non stabit. Secundo, ex responso Gamalielis, Act. 5. 36. *Ante hos dies existit Theodas, dicens se esse aliquem, cui consensit numerus virorum circiter quadringentorum: qui occisus est, & omnes qui credebant ei, dissipati sunt & redacti ad nihilum*. Post hunc existit Iudas Galileus in diebus professionis, & auersis populum post se, & ipse periit: & omnes, quotquot consenserunt ei dispersi sunt. Vnde hoc? causam addit, quia omne consilium aut opus, quod non est ex Deo, sed ex hominibus, dissoluetur. At consilium & opus Ecclesiæ Reformatæ non est ex Deo, sed ex hominibus, cum Deus non sit author dissensionis, sed pacis: Ergo dissoluetur, et tunc dici poterit: *Ante hos dies existit Lutherus dicens se esse aliquem, cui consenserunt multi in Germania: qui mortuus est, & omnes, qui credebant ei, dissipati sunt & redacti in nihilum*. Post hunc existit Calvinus, & auersit populum post se, & ipse periit, & quotquot consenserunt ei dispersi sunt. Tertio, idem confirmat quotidiana experientia. Videmus Lutheranos paulatim minui ac perire: Et alios quidem ad auitam Catholicorum fidem reuerti: alios verò ad Calvinismum tendere: paucos restare, qui puripati Lutherani sint. Calvinistas porro, vt plurimum, nomine tantum Christianos, reipsa atheos esse.

Opusc. Bec.

16. Tertium est, Ecclesiam Reformatam non esse Catholicam ratione saluandorum, id est, non omnes, quotquot saluantur, in Ecclesia Reformatata saluari. Ratio manifesta est, quia Ecclesia Reformatata cœpit primum tempore Lutheri & Caluini: Ergo quotquot ante illud tempus per mille quingentos annos saluati sunt, extra Ecclesiam Reformatam saluatos esse necesse est. An vero interea, vel vnus aliquis in ea saluatus sit, merito dubitari potest. Et multa occurrunt argumenta in negantem partem. Primo, quia ipsi Lutherani & Calvinistæ de nullo, nisi temere, affirmare id possunt. Nec vllus apud eos fecit miracula, quibus persuaderet sanctum se esse. Secundo, si aliquis in ea saluatus esset, vel sola fide sine operibus saluatus esset, vel fide & operibus simul. Non sola fide, quia fides sine operibus mortua est (Iac. 2. 17.) At mortua fide nemo saluari potest. Nec fide & operibus simul, quia qui ita saluantur, non Lutherani aut Calvinistæ, sed Catholici sunt. Tertio, nullus saluatur, nisi in Ecclesia sancta: At iam probatum est, Ecclesiam Reformatam non esse sanctam. Nemo igitur in ea saluari potest. Imo, si Lutheri credimus, quotquot viuunt in Ecclesia Reformatata, *septenis Diaboli obsidentur*: Vel vt Calvinus loquitur, *pleni fraudibus ac perfidia sunt*. Quomodo igitur saluari possunt?

QVARTA CONCLUSIO.

Ecclesia Reformatata non est Apostolica.

17. **E**cclēsia Christi quadruplici de causa appellatur Apostolica, vt supra dixi. Primo, quia in Apostolis initium habuit. Secundo, quia ab Apostolis per totum orbem fuit propagata. Tertio, quia sequitur doctrinam Apostolorum. Quarto, quia retinet successionem Episcoporum ab Apostolis, nunquam interruptam. At hæc causæ non possunt accommodari Ecclesiæ Reformatæ. Et quidem de duabus prioribus certum est. Nam Ecclesia Reformatata nec in Apostolis initium habuit, sed in Lutheri & Caluini: nec ab Apostolis, sed à Discipulis Lutheri & Caluini propagata est. Reliquæ duæ explicandæ sunt.

18. Igitur, quod Ecclesia Reformatata non sequatur doctrinam Apostolorum, variis exemplis demonstrari potest. Primo, quia Apostoli docent, suam Scripturam in multis difficilem esse intellectu: 2. Petri 3. 14. *Propter quod satagite immaculati & inuolati inueniri in pace: & Domini nostri longanimitatem, salutem arbitramini: sicut & charissimus frater noster Paulus scripsit vobis, sicut & in omnibus Epistolis, in quibus sunt quedam difficulta intellectu, qua indolis & instabiles deprauant, sicut & ceteras Scripturas, ad suam ipsorum perditionem*. Contrarium docet Lutherus in præfatione assertionis omnium articulorum à Leone X. damnatorum, cum ait: *Scriptura ipsa per se est certissima, facillima, apertissima, sui ipsius interpret*.

19. Secundo, Apostoli docent, Deum non incitare quenquam ad peccatum. Iacob. 13. *Nemo, cum tentatur, dicat, quoniam à Deo tentatur: Deus enim intentator malorum est: ipse autem neminem tetat*. Calvinus contrarium docet lib. 1. Instit. capite 18. §. 2. *Vnde apparet, inquit, certa destinatione Dei fuisse impulsos*. Loquitur de Allyriis, quos ait à Deo fuisse impulsos ad prædicandum & similia flagitia militaria. Et ibid. §. 4. *Homo iusto Dei impulsu agit, quod*

sibi non licet, id est, homo iusto Dei impulsu peccat. Vide plura Calvini & Lutheri testimonia §. sequenti.

20. Tertio, Apostoli docent, hominem in multis actionibus habere usum liberi arbitrii, ita ut liberum ei sit, verbi gratia vel matrimonium contrahere, vel continentiam servare, 1. Cor. 7. 36. *Quod vult, faciat: non peccat, si nubat. Nam qui statuit in corde suo firmus, non habens necessitatem, potestatem autem habens sua voluntatis, & hoc indicavit in corde suo, servare virginem suam, benefacit.* Contrarium docent Lutherus & Calvinus, asserentes hominem in nulla actione, nec bona, nec mala, habere usum libertatis, sed à Deo, tum ad bene, tum ad male operandum, necessitate quadam compelli. Sic enim scribit Lutherus in assertionem art. 36. *Liberum arbitrium est figmentum in rebus, seu titulus sine re: quia nullus est in manu sua quippiam cogitare mali aut boni, sed omnia sub Deo sunt, contra quem nihil possumus. Quod & Poëta voluit, quando dixit: Certa stant omnia lege.* Et Calvinus lib. 3. Instit. cap. 23. §. 6. & 8. ponit duo principia, cum quibus libertas arbitrii consistere non potest. Vnum est, omnia quaecunque fiunt in hoc mundo, fieri Deo volente & ordinante. Alterum, voluntatem Dei esse necessitatem rerum. Ex utroque evidenter sequitur, quaecunque fiunt ab hominibus, siue bona, siue mala, ex necessitate fieri. Hinc diserte affirmat §. 9. *reprobos non posse evadere peccandi necessitatem, praesertim, inquit, cum ipsis ex Dei ordinatione iniiciatur huiusmodi necessitas.*

21. Quarto, Apostoli docent, Deum optare & velle, quantum in ipso est, ut omnes salvi fiant, & nemo peccet 1. Timoth. 2. 1. *Obsecro primum omnium fieri orationes pro omnibus hominibus. Hoc enim acceptum est coram Salvatore nostro Deo, qui omnes homines vult salvos fieri, & ad agnitionem veritatis venire.* Et 2. Petr. 3. 9. *Patienter agit propter vos, nolens aliquos perire, sed omnes ad poenitentiam reverti.* Contrarium docet Calvinus lib. 3. Instit. c. 21. §. 1. *Palam est, Dei nunc fieri ut aliis ulro offeratur salus: alii ab eius aditu arceantur.* Et §. 3. *Non enim pari conditione creantur omnes, sed aliis vita aeterna, aliis damnatio aeterna praedeterminantur.* Et cap. 23. §. 2. *Homines nudo Dei arbitrio, citra proprium meritum, in aeternam mortem praedeterminantur.* Et ibidem §. 5. *Dico esse à Deo creatos, quos ad exitum iustos sine dubitatione praescibat, idque ira factum, quia sic voluit.*

22. Quinto, Apostoli hortantur nos ad bona opera 1. Petr. 1. 10. *Quapropter fratres magis satagite, ut per bona opera certam vestram vocationem & electionem faciatis.* Lutherus & Calvinus damnant bona opera. Imo asserunt omnia opera iustorum esse peccata, sordes, inquinamenta. Sic enim scribit Lutherus in assertionem art. 31. *In omni opere bono iustus peccat.* Et Calvinus lib. 2. Instit. c. 12. §. 4. *Omnia hominum opera nihil sunt, nisi inquinamenta & sordes: & quae infestis vulgo habentur, ea apud Deum mera est iniquitas.* Et cap. 14. §. 9. *Habemus, ne unum à sanctis exire opus quod non mereatur iustam opprobrii mercedem.* Et §. 11. *Quibus his fortiter insistendum, nullum unquam existisse pii hominis opus, quod si severo Dei iudicio examinaretur, non esset damnabile, &c.*

23. Sexto, Apostoli docent, fidem sine operibus mortuam esse. Iacob. 2. 2. *Vis autem scire, o homo inanis, quoniam fides sine operibus mortua est?* Lutherus & Calvinus docent solam fidem sine operibus sufficere ad salutem. Verba Lutheri in libro de captivitate Babylonica cap. de Baptismo sunt haec: *Vides, quam diu sit homo Christianus sine baptizatus, qui etiam volens non potest perdere salutem suam quantiscunque pecca-*

is, nisi nolit credere. Nulla enim peccata possunt eum damnare, nisi sola incredulitas: et in lib. de libertate Christiana, non longè ab initio: Anima sola fide, & nullis operibus iustificatur. Et Calvinus lib. 3. Instit. cap. 4. §. 28. *Fidelium peccata venialia sunt, non quia mortem non merentur, sed quia non imputantur.* Ex quo sequitur, fideles ex eo praecise, quia fideles sunt, posse salvari, etiam si peccent.

24. Septimo, Apostoli docent, mandata Dei ab homine iusto facile servari posse. Philip. 4. 13. *Omnia possum in eo, qui me confortat.* Et 1. Ioan. 5. 3. *Hae est charitas Dei, ut mandata eius custodiamus, & mandata eius gratia non sunt.* Calvinus docet contrarium, lib. 2. Instit. cap. 7. §. 5. *Quod autem impossibile legis observationem diximus, id explicandum, & confirmandum est, &c.* et in Antidoto Concilii Tridentini, sess. 6. cap. 12. *Mihi abundè sufficit, neminem existisse unquam, qui legi Dei satisfecerit, nec ullum posse inveniri.* Et ibidem: *Prophetas, Patriarchas, & pios Reges, utcumque spiritu Dei adiuventur, ferendo legis iugo pares non fuisse.*

25. Octavo, Apostoli docent, peccata tolli per Baptismum. Act. 2. 38. *Baptizetur unusquisque vestrum in nomine Jesu Christi, in remissionem peccatorum vestrorum, & accipietis donum Spiritus sancti.* Contrarium docet Calvinus lib. 4. Instit. cap. 15. §. 10. *Iam perspicuum est, quam falsum sit, per Baptismum solui nos & eximi ab originali peccato.* Et in Antidoto Concilii Tridentini, sess. 5. *Manet vero peccatum in nobis, neque per Baptismum extinguitur.*

26. Nono, Apostoli in Symbolo docent, Christum descendisse ad inferos. Quod confirmat Petrus, Act. 1. ex illo Davidis vaticinio: *Non derelinques animam meam in inferno.* Calvinus & negant descensum Christi ad inferos, & vaticinium Davidis sic interpretantur: *Non derelinques cadaver meum in sepulchro.* Vide Theodorum Beza in Commentario illius loci.

27. Decimo, Apostoli praeter verbum Dei scriptum, admittunt etiam traditiones non scriptas. 2. Thess. 2. 14. *Itaque fratres state & tenete traditiones, quas didicistis, siue per sermonem, siue per epistolam nostram.* Lutherus & Calvinus non admittunt. Sola Scriptura contentos esse nos iubent. *Quidquid ultra verbum Dei producit, inquit Lutherus contra Regem Angliæ, hoc nostri sit arbitrij damnare, probare.* Similia habet Calvinus.

28. Ex his perspicuum est, ecclesiam reformatam non esse Apostolicam, ratione doctrinae. Sed neque ratione successionis Apostolica est. Nam ministri Lutherani & Calviniani non possunt suam successionem deducere usque ad Apostolos, sed ut summum usque ad Lutherum & Calvinum. Lutherus enim nemini alteri immediate successit. Neque hoc ipsi negant. Solum dicunt, hanc successionem Ministrorum non esse necessariam, sed sufficere successionem doctrinae. In quo dupliciter peccant. Primo, quia iam ostendi, nec successionem doctrinae apud eos esse. Deficiunt enim à doctrina Apostolorum, ut ex allatis exemplis manifestum est. Secundo, falsum est, successionem ministrorum, seu potius episcoporum & Pastorum Ecclesiae, necessariam non esse. Nam sine hac successione non potest consistere successio doctrinae. Quomodo enim doctrina Apostolica potest per continuatam temporum successionem ad nos pervenire, nisi semper in Ecclesia sint Episcopi & Pastores, qui illam quasi per manus tradant suis proximis successoribus, & hi similiter aliis immediate subsequentibus? et haec est causa, cur antiqui Patres

tantopere virgeant hanc successionem, & conuincant eos defecisse à doctrina, qui hac successione destituti sunt. Ut alios omittam, Tertullianus in lib. de Præscriptionibus aduersus hæreticos, cap. 32. de hæresibus sic loquitur: *Edem origines Ecclesiarum suarum, euoluant ordinem Episcoporum suorum, ita per successiones ab initio decurrentem, ut primus ille Episcopus aliquem ex Apostolis vel Apostolicis viris, qui tamen cum Apostolis perseuerantibus, habuerit auctoritatem antecessorem.* Hoc enim modo, Ecclesia Apostolica census suos deferunt: sicut Smyrnetorum Ecclesia habens Polycarpum ab Ioanne collocatum refert: sicut Romanorum, Clementem à Petro ordinatum edic. Proinde utique & cetera exhibent, quos ab Apostolis in Episcopatum constitutos: Apostolici seminis traduces habeant. Confringant tale aliud hæretici.

29. Porro, hæc Episcoporum successio tanti momenti est, ut Augustinus non dubitauerit eam numerare inter præcipua motiua, quibus ait se peritorem esse, ut in Ecclesia Catholica permaneret. Sic enim scribit in libro contra epistolam Manichæi, quam vocant Fundamenti, cap. 4. *Multa sunt, quæ in Ecclesia Catholica premium iustissime teneant. Teneat confersa populorum acque gentium, teneat auctoritas miraculis inchoat, spernitura, charitate aucta, ut uisitate firmata: teneat ab ipsa sede Petri Apostoli, cui pascebat omnes suas post resurrectionem Dominus commendauit, usque ad præsentem Episcopatum, successio Sacerdotum: tunc postremo ipsum Catholice nomen, quod non sine causa inter tam multas hæreses, sic ista Ecclesia sola obtinuit, ut cum omnes hæretici se Catholicos dici uolint, querant tamen peregrino alieni, ubi ad Catholicam conuertantur, nullus hæreticorum vel basilicam nam, vel domum audere ostendere. Ista ergo tota & tanta Christiani nominis, haurissima uincula recte hominem tenent credentem in Catholica Ecclesia, etiamsi propter nostram intelligentiam tantis, vel uite meritis, ueritas nondum aperissime ostendat.* Apud uos autem, ubi nihil horum est, quod mouet ac teneat, sola personæ ueritatis pollicatio, &c. expendat hæc nostri aduersarij.

QVINTA CONCLUSIO.

Ecclesia Reformata non est sponsa Christi.

30. **H**oc dupliciter probo. Primo ex dictis; quia nulla sola Ecclesia est sponsa Christi, quæ est una sancta, Catholica, Apostolica: At talis non est Ecclesia Reformata, ut hætenus ostendi: Ergo non est sponsa Christi. Secundo ex absurdis, quæ sequuntur ex sententia aduersariorum. Aduersarij sic sentiunt. Primo, Romanam seu Pontificiam Ecclesiam, primis quingentis annis, fuisse uetam & legitimam Christi sponsam. Secundo, eandem post illud tempus cepisse paulatim prostitui & corrumpi, ac eodem tandem diuinitate, ut tempore Lutheri & Caluini, publica meretrix & adultera deprehensa sit, ideoque à Christo repudiata. Tertio, in eius locum inuerti se Ecclesiam Reformatam, in qua Lutherani & Caluinistæ sunt.

31. At hinc sequuntur multa absurda. Primo, omnia falsa esse, quæ de perpetua & indissolubili coniunctione Christi cum Ecclesia à Prophetis & Apostolis prædicta sunt. Secundo, nullum ex hac parte discrimen esse inter Ecclesiam Christi & Synagogam Iudeorum. Veramque enim, propter adulterium, fuisse repudiatam. Tertio, Christum aliquot sæculis non habuisse sponsam, sed adulteram. Quar-

A to, ex hac adultera natos esse Lutherum & Caluinum. Itaque spurios esse, non legitimos Ecclesiæ filios. Quinto Ecclesiam reformatam esse illorum nouercam, non matrem. Videant ipsi, an hæc uera sint.

32. Nos certe aliter sentimus de nostra matre. Non duas, sed unam agnoscimus: non adulteram, sed castam: non repudiatam, sed ipso suo uinctam, & perpetuo illi adherentem. Nobiscum sentiunt, quotquot ueri & genuini Ecclesiæ filij sunt. Ac in primis D. Augustinus sermone 12. de tempore (qui est serm. 7. de Natali Domini) ubi de Christo & eius sponsa sic habet: *Hic est speciosus forma præ filiis hominum, sancta filius Maria, sancta sponsa Ecclesiæ, quam suæ genitrici similem reddidit. Nam & nobis eam matrem fecit, & virginem sibi custoduit.* Ad hanc quippe dicit Apostolus: *Optauit uos uni uiro, virginem castam exhibere Christo.* De qua rursus dicit, *Matrem nostram non ancilliam, sed liberam, cuius multi filij deserta magis, quam eius, quæ habet uirum.* Est ergo Ecclesia, sicut Maria perpetua uirginitas & incorrupta fecunditas. Et item 50. de uerbis Domini. Christus Ecclesiæ concessit in spi. i. u. quod Mater eius habet in corpore, ut & Mater & Virgo sit. ac rursus serm. 119. de tempore: *Virgo est Ecclesia. Disturbes mihi forte: Si Virgo est, quomodo parit filios? Respondeo: & Virgo est, & parit. Mariam imitatur, quæ Domini peperit. Nunquid non Virgo sancta Maria & peperit & Virgo permansit? Sic & Ecclesia, & parit, & Virgo est.*

33. Ex quibus Augustini uerbis tria colligo. Primo, Ecclesiam esse nostram Matrem. Secundo, esse siue uirginem, castam, incorruptam: non ad breue tempus, sed perpetuo. Tertio, in utroque similem esse Mariæ Dei genitrici, quæ & ipsa Mater, & nihilominus semper Virgo, & incorrupta fuit. Hinc sumo duplex argumentum contra aduersarios. Vnum, Sicut olim habiti sunt hæretici, qui dicebant B. Mariam non semper mansisse uirginem; ita nunc habendi hæretici, qui dicunt Ecclesiam non semper mansisse uirginem. Est enim eadem ratio utriusque, secundum Augustinum. Alterum; Ideo Ecclesia dicitur Mater, quia nos gignit in spiritu: ideo Virgo, quia seruat incorruptam fidem. At semper manet Virgo, secundum Augustinum. Ergo semper seruat incorruptam fidem. Facessant igitur, qui illam meretricem, adulteram, idololatricam contumeliose appellant.

SEXTA CONCLUSIO.

Ecclesia Reformata non est Domus Dei.

34. **I**am supra insinuauimus, Ecclesiam fidelium uocari Domum Dei, quia Deus peculiari modo in ea habitat per suam assistentiam & gubernationem. Et quidem Deus Pater, per miracula: Filius, per Sacramenta: Spiritus sanctus, per dona gratiæ. Igitur ex triplici capite affirmari potest, quam sit Ecclesia fidelium, quæ non sit.

35. Primo, ex miraculis. Nam in Ecclesia fidelium solent duplicia potissimum fieri miracula. Quædam ad demonstrandam aut illustrandam ætenuis sanctitatem: alia ad confirmationem vel promissionis Dei, vel fidei aut doctrinæ, quam quis profectur. Priora, ut plurimum, contingunt apud se pulchra & reliquias mortuorum. Exemplum ex ueteri Testamento habemus in Helisæo, ad cuius ossum contritum mortuus suscitatus est.

(4. Reg. 13. 21.) In nouo sunt similia exempla apud August. lib. 22. de ciuitate Dei, cap. 8. Posteriora in utroque Testamento frequentissima sunt. In veteri. Noë cum familia sua miraculoſe conſeruatus eſt tempore diluuij, Sara ſterilis & nonagenaria peperit filium. Rubus in monte Oreb aſtit, & non eſt combuſtus. Virga Moſis in ſerpentem mutata eſt. Aquæ Egypti in ſanguinem conuerſæ. Mare rubrum diuiſum Manna de cælo delapſum morſi a ſerpentibus, aſpectu ænei ſerpentis ſanati. Duo filij Aaronis, igne de cælo miſſo combuſti. Core, Dathan & Abiron, vini à terra abſorpti & ad inferos miſſi. Veſtes & calceamenta populi Iſraëlis nonquam attrita. Sol ſtetit ad imperium Iſue. Helias à Deo impetrauit, vt tribus annis & ſex menſibus non plueret: aliquot diebus à cornu paſtus eſt: puerum mortuum excitauit: quinquagenarios Principes igne cæleſti conſumpſit: aquas Iordanis pallio diuiſit, & per turbinem in cælum raptus eſt. nec pauciora patrauit Helixus. Infectas aquas ſanauit in Hiericho: quadraginta duobus pueris propter conuiuium maledixit, qui mox ab vrſis deuorati ſunt, modico oleo, diuinitus multiplicato multa vaſa impleuit; mulieri Sunamitidi filium impetrauit: eundem, cum mortuus eſſet, ad vitam reuocauit: paucis panibus centum viros ſaturauit, ita vt reliqui adhuc ſuper-eſſent: Naaman Principem militiæ Regis Syriæ à lepra liberauit: famulo ſuo Giezi, quid in abſentia contigiſſet, aperuit: ferrum ſuper aquam natare fecit: occultas Regis Syriæ inſidias Regi Iſraël manifeſtauit: hoſtes cæcitate percuffit: multa futura prædixit, vt victoriam contra Moabitæ viſitatem annonæ in porta Samariæ, mortem vnus Principis, famem ſeptem annorum, mortem Regis Syriæ, mala ab Hazaele perpetranda.

36. In nouo Testamento, nota ſunt miracula Chriſti & Apoſtolorum. Nota quæ poſtea ab Apoſtolicis viris in Eccleſia Catholica, per ſingulas ætates patrata: quorum meminit Tertullianus in libro ad Scapulam, & in Apologetico cap. 5. euſebius, libro 5. hiftoriz cap. 5. Oroſius lib. 7. hift. c. 15. Baſilius lib. de Spiritu ſancto cap. 29. Hieronymus lib. de viris illuſtribus, Auguſtinus l. 22. de Ciuitate Dei, cap. 8. Gregorius in Dialogis, Beda in hiftoria Anglicana, Baronius in Annalibus Eccleſiaſticis, & alij paſſim. Denique nota ſunt, quæ noſtra memoria, Laureti in Italia, Sichemii & Halleti in Brabantia, Dietelbachii in Franconia, & alibi pene innumera contigerunt. De quibus videri poteſt Horatius Turrellinus in Hiftoria Lautetapa, Iuſtus Lipſius in Virgine Hallenſi & Aſpricollæ. Petrus Maſſæus, in hiftoria Indica, Bredenbachius. Surius, alij plures.

37. At apud Lutheranos & Caluinistas, in Eccleſia ipſorum Reformata, nullum vnquam ſimile patratum eſt. Vt veriffime de illis ſcripſerit Trasmus in Diatribe de libero arbitrio; *Nullum eorum adhuc exiſtiſſe, qui vel equum claudum ſanare potuerit.* Tentauit quidem Lutherus aliquando expellere Diabolum, ſed non ſucceſſit. De qua re ita ſcribit Fridericus Staphylus, qui interſuit, in abſoluta reſponſione contra Iacobum Smidelinum: *Poſſum ego redigere mihi in memoriam, anno 1545. demoniacam quandam puellam, à Miſſia diſtione adductam Vvintbergam ad Lutherum, ea ſpe, quod Lutherus, ceuſterius Helias, puellam iſtam à malo Demone liberaturus eſſet. Quamuis autem Lutherus ad hoc admirandum & magni momenti opus, initio non parum difficilem ſe oſtenderet, at tandem tamen iuſſu puellam duci in parochiana Eccleſia Vvintbergensis Sacramentum, illicque coram alijs plerique Doctoribus & eruditissimis viris (inter quos ego tunc quoque in-*

uenis Magiſter aderam) Demonem capiti adiurare & exorcizare: ſed id tamen more ſuo, non eo, qui apud Catholicos receptus & uſitatus eſt. Cum autem ille diu multumque conuſſet Demonem, cedere ille noluit, ſed eas in anguſtias (ſic venia verbo) Lutheri caligas redegit, ut is quamprimum à Sacramentum ſe proripere vellet. At quid accidit? Malignus ille Demon uſque adeo fores Sacramenti obſtruxerat, ut neque forinſecus, neque intrinſecus aperiri poſſent. Quæ res Lutherum in maiores etiam anguſtias adduxit, ita ut iam ad fenestram properaret, ſperans ſe per eam poſſe effugere atque exilire. Verum obſtabant illi cancelli ferrei, ſicque compulſus eſt una nobiſcum tamdiu incluſus harere, donec per cancellos ferreos ab Aditu nobis eſſet oblata ſecuris, mihiſque ſeu iuniori viro tradita ut ea fores effringerem. Quod equidem cum conatus ſum, & ad effectum perduxi. Interea vero, viſu admirandum erat, ut Lutherus angoribus correptus, ſiſſum deorſum curſaret, atque inſtar ouis parturiens huc illucque ſe immerſet. Hæc Staphylus. An potro alia miracula à Luthero vel Caluino patrata ſunt, dicam in 12. conſeſſione, ubi agendum erit de varijs modis, quibus ſuam Eccleſiam propagare conati ſunt.

38. Secundo, æſtimari poteſt Eccleſia fidelium ex numero & adminiſtratione Sacramentorum, quæ à Chriſto inſtituta ſunt. Nos in Eccleſia Catholica habemus ſeptem Sacramenta, quæ per Traditionem accepimus ab antiquis Patribus. De quibus luculenta mentio eſt apud Auguſtinum. Nam de Baptiſmo & Euchariftia ſic ſcribit Episto. 118. ad Ianuarium cap. 1. *Chriſtus Sacramentis numero pauciſſimis obſervatione faciliſſimis, ſignificatione præſtantiſſimis, Societatem populi noui colligauit: ſicuti eſt Baptiſmus Trinitatis nomine conſecratus: Communicatio Corporis & Sanguinis ipſius, & ſi quid aliud in Canonicis Scripturis commendatur. De Confirmatione, lib. 2. contra letteras Petiliani, cap. 104: Sacramentum chriſmatis in genere viſibilium ſignaculorum ſacroſanctum eſt, ſicut ipſa Baptiſmus. De Ordine, libro 2. contra Epistolam Parmeniani, cap. 13. Vtrumque Sacramentum eſt (nepuſſe Baptiſmus & Ordo, quæ duo inter ſe conſert) & quadam conſecratione vtrunque homini datur, illud, cum baptizatur; iſtud, cum ordinatur: ideoque in Eccleſia Catholica vtrumque non licet iterare. De Pœnitentia, libro 1. de adulterinis coniugijs, cap. 16. & 28. Eadem eſt cauſa Baptiſmi & reconciliationis, ſine quibus Sacramentis homines credunt ſe non debere exire de corpore. De Matrimonio, libro 1. de nuptijs & concupiſcentijs, cap. 10. Huius Sacramenti res eſt, ut mas & femina conubio copulati, quamdiu viuunt, inſeparabiliter perſeuerent. De Extrema Vnctione ſerm. 215. de tempore: Quoties aliqua inſirmitas ſuperuenierit, Corpus & ſanguinem Chriſti ille, qui agrotat, accipias, & inde corpusculum ſuum ungas, ut illud quod ſcriptum eſt, impleatur in eo: Infirmatur aliquis inducat Presbyteros, & orent ſuper eum, ungentes eum oleo, &c.*

39. At Lutherani & Caluinistæ in Eccleſia Reformata reſciunt multa Sacramenta, & duo fere retinent Baptiſmum & Euchariftiam. Quamquam hæc quidem illorum ſunt. Nam legitimum Euchariftiæ Sacramentum, propter defectum legitime conſecrationis, non habent. Baptiſmum ſi habent, à nobis mutuati ſunt: quod negare non poſſunt. Fatentur enim Baptiſmum, qui apud nos conſertur, legitimum eſſe. Vel ergo eundem habent quem nos habemus, vel diuerſum. Si eundem, à nobis habent. Si diuerſum, legitimum non habent. Non enim niſi vnus legitimus eſt, iuxta illud apoſtoli, Ephel. 4. 5. *Vnus Dominus, vna fides, vnum Baptiſma.*

40. Tertio æſtimari poteſt Eccleſia fidelium ex

donis gratiæ; quæ à Spiritu sancto conferuntur. Quæ tamen plurima sunt, potissimum tamen hæc tria. Primo, donum pacis, concordiæ, & unionis, quia omnes domestici inter se colligati sunt. Act. 32. *Multitudinis autem credentium erat cor unum, & anima una.* Et Ephes. 4. 3. *Solliciti servare unitatem Spiritus in vinculo pacis. Unum corpus, & unus Spiritus, sicut vocati estis in una spe vocationis vestrae.* Secundo, donum continentis & virginicatis. Matth. 19. 11. *Non omnes capiunt verbum istud, sed quibus datum est. Sunt enim Eunuchi qui seipso castraverunt propter regnum celorum.* Et 1. Corinth. 7. 7. *Volo omnes vos esse sicut meipsum: sed unusquisque proprium donum habet ex Deo.* Tertio donum voluntatis paupertatis, & abdicationis omnium rerum in hoc mundo. Matth. 19. 21. *Si vis perfectus esse, vade, vende quæ habes, & da pauperibus, & habebis thesaurum in celo, & veni, sequere me.*

41. At hæc dona non reperiuntur in ecclesia Reformata. Ac primo, de dono pacis ac unionis, certum est. Nam inter Lutheranos & Calvinistas intercedit perpetua dissensio, quæ tempore Lutheri orta est. Et eo ipso tempore tam erat pertinax, ut Lutherus in Colloquiis mensalibus, cum de concordia inter Lutheranos & Calvinistas sermo incidisset, diserte affirmavit non aliam, quam quæ inter Christum & Iudam intercessit, sperari posse. Nec erat. Nam postea in Conventu Maulbrunnenli apertæ sunt inimicitie. Deinde Claudiopoli, Anno 1586. in mutua odia iuratum est. Denique in celeberrimo Colloquio Monpelgardensi, cui capita utriusque sectæ, Iacobus Andreæ Lutheranus, & Theodorus Beza Calvinianus interfuerunt, penitus de Concordia desperatum. Nec quicquam ibi crebrius, quam hæc, & similes voces audiri: *Pertrubantur conscientie nostræ, vobis assentiremur, item, Pacem non possumus cum perturbatione conscientiarum redimere. Item, Inter partes convenire non potest.* Denique finis Colloq. ij. fuit hæc: *Quia, inquit Beza, dexteras fraternitatis nobis parrigere recusatis, & nos pro fratribus agnoscere non vultis, amicitia dexteras etiam nolo.* Cui Iacobus, *Ergo intermittatur, et sane intermissum est.* Inio creverunt odia. Nā interea Philippus Nicolai, Tilmannus Hesbuius, Conradus Schüsslenburgius, & multi alij Lutherani, præsertim Giesenses & Tubingenses publice scriptis professi sunt, Calvinistas esse detestabiles & execrandos hæreticos.

42. Nec modo inter Lutheranos & Calvinistas hæc dissensio est, sed ipsi quoque Calvinistæ inter se dissecti sunt. Nam aliud sentiunt Arminiani, aliud Gomaristæ, aliud Vorstiani, aliud Venatoriani, aliud Anglicani. Nec de rebus adiaphoris, sed de præcipuis fidei Christianæ capitibus inter se contendunt, ut de infinitate & imensitate Dei, de divinitate Christi, de prædestinatione, de gratia & libero arbitrio, de authore peccati, & quæ similia sunt. Adde, quod verissimū est, vix duos reperiri posse Calvinistas, qui in his articulis per omnia consentiant. Verè dixit, quisquis id dixit, tot prope Ecclesias esse Calvinistarum, quot capita. Vix aliquis est qui in Ecclesia sua concordem habeat in fide. Et quis credat in tanta animorum ac fidei dissensione Spiritum Sanctum præsentem esse?

43. Neque est, quod obiciant, etiam Catholicos inter se dissentire: & aliam Thomistarum, aliam Scotistarum, aliam Nominalium doctrinam esse. Primo, quia Catholici, ut plurimum non dissentiant, nisi in quibusdam subtilitatibus quæ salva fide in utramque partem disputari solent. Secundo, etiā si aliquando dissentiant in rebus fidei, habent tamen præsentissimum remedium, quo omnis ipsorum

A dissensio componi possit. Habent enim Pontificem & generalia Concilia, quorum iudicio libenter acquiescunt. Hoc remedio semper in ecclesia Catholica vsi sunt fideles. Tempore Apostolorum erat dissensio de circumcisione & lege Mosaiica. Quid factum? Apostoli, indicto Hierosolymis Concilio, litem deciderunt. Exortæ postea sunt novæ quæstiones de die Paschatis, de libris Canonicis, de Baptismo ab hæreticis collato, aliæque complures singulis ætatibus, quæ omnes vel à Pontifice, vel à Conciliis à Pontifice approbatis sopitæ aut extinctæ sunt. Nec ideo pax in Ecclesia turbata, aut charitas diminuta.

B 44. De qua re Augustinus lib. 1. de Baptismo contra Donatistas, cap. 18. *Restat, inquit, ut hoc de Baptismo pie credamus, quod universa Ecclesia à Sacilegio schismatis remota custodit. In quatenus, si aliud alij adhuc de ista quæstione, salva pace, sentirent, donec Universali Concilio unum aliquid eliquam sincerumque placuisset, humana infirmitatis errorem cooperiret charitas unitatis, sicut scriptum est, quia charitas cooperit multitudinem peccatorum.* Vide plura ibidem.

C 45. Hoc remedio destituti sunt nostri aduersarij. Primo, quia nullum agnoscunt Pontificem, cuius sententiæ velint acquiescere. Secundo, quia Concilia seu potius Conventicula, quæ hætenus apud eos celebrata sunt, non sustulerunt ipsorum dissensiones & odia, sed auxerunt. Tertio, nec ullum deinceps celebrari ab iis poterit, in quo dissidia eorum componantur. Vel enim esset provinciale, vel generale. Si provinciale, non acceptaretur ab aliis extra provinciam. Si generale, quis illi præficeret? vel aliquis certe, vel nullus. Si nullus, quis ferret sententiam? Si aliquis, quis ille tandem? An princeps vel prædicans Lutheranus? Non vellent Calvinistæ. An Calvinianus? Non ferrent Lutherani. An aliquis alius, qui nec Lutheranus, nec Calvinianus sit? Non reperient, qui velint parere. Vno verbo, quidquid agant nisi ad ecclesiam Catholicam, ex qua eiecerunt, revertantur, pacem & unionem sperare non possunt.

D 46. Alterum donum, quod Spiritus sanctus in Ecclesia Catholica, non quidem omnibus, sed tamen nec paucis communicare solitus est, ut commodius vacent Deo & pietati; est donum perpetuæ continentis & castitatis. De quo, ut supra insinuaui, loquitur Christus, cum ait, *Qui potest capere, capiat.* Item, *Sunt Eunuchi, qui seipso castraverunt propter regnum celorum.* Et Paulus 1. Corinth. 7. 7. *Volo omnes vos esse, sicut meipsum, id est, celibes.* Quare hoc? Causam addit: *Qui sine uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, & divisus est.* Propter hanc causam, multi singulis ætatibus reperiuntur, & nunc etiam reperiuntur in ecclesia Catholica, qui perpetuum servarent continentiam, ut eo commodius divinis vacarent contemplationi. De quibus prædixit Ioannes. Apoc. 14. 4. *Hi sunt, qui cum mulieribus non sunt coinquinati. Virgines enim sunt. Hi sequuntur agnum quocunque ierit.*

E 47. Nec hoc donum Spiritus sancti reperitur in ecclesia Reformata. Nulli sunt ibi prædicantes, qui se castrant propter regnum celorum: nulli, qui solliciti sunt quomodo placeant Deo, sed quomodo placeant vxoribus. Omnes matrimonio ligati & divisi. Imo præcipuam felicitatem ponunt in vxoribus: Ut recte de eis scripserit Erasmus in Epistola ad fratres inferioris Germaniæ: *Vbi contigit vxor, occiditur, Valete & plaudite.* Et ibidem, *Quis non in re admiratur, hos novos Evangelistas non posse vincere sine vxoribus?* Et ibidem: *Quæ malum, est ista tanta sala-*

citas? unde tanta carnis rebellio in iis qui se iactant agi spiritu Christi?

48. Et ut habeat velamen suae turpitudinis, conantur ex Scripturis ostendere, Matrimonium esse in praecepto: nec se posse salva conscientia, transgredi hoc praeceptum. Allegant autem duo potissimum testimonia. Vnum, Genes. 1. 28. *Crescite & multiplicamini*. De quo Lutherus in libro de Vita coniugali: *Hoc non est praeceptum*, inquit, *sed plusquam praeceptum, quod non possumus impedire vel praetermittere: sed perinde necessarium est, quam edere, bibere, exspuere, purgare & enigilare. Sicut enim in mea manu non est ut sumas, ita minime sum est in me, ut sine muliere*. Et ibidem: *Si non valeat uxor, veniat ancilla*. Refert enim Erasmus in Epistola ad Scibarum, Basilex quendam in publica professione dixisse: *Testamentum Christi est, Crescite & multiplicamini*. Alterum, 1. Timoth. 3. 2. *Oportet Episcopum unius uxoris virum esse*, id est, oportet Praedicantem esse coniugatum, ut diserte interpretatur Salomon Gesnerus, Minister Lutheranus, in oratione funebris, quam Vintemberga habuit in funere Aegidij Hunnij. Videntur hi boni viri esse ex illo hominum genere, qui ut loquitur Apostolus, *depravant & scripuras ad suam ipsarum perditionem*. 2. Petri 3. 16. Imo videntur ex professo velle accusare Christum & Apostolum, quod horrentur nos ad continentiam, quasi horrentur ad id, quod praecepto Dei repugnet. Nam si matrimonium praeceptum est, continentia suaderi non potest. Facessant igitur, qui illam suadent. Facessant Spiritus Sanctus, qui ad illam servandam interna motione nos allicit. Ita ne vero?

49. Quidam ex recentioribus Lutheranis putat corrigi posse hunc errorem adhibita distinctione. Ait matrimonium praeceptum esse, non quidem omnibus (in quo dissentit à Luthero & Gesnero,) sed iis tantum, qui non habent donum continentiae, iuxta illud Apostoli: *Quod si non se continent, nubant: Melius enim est nubere, quam viri*. Eos vero, qui habent donum continentiae, non obligari hoc praecepto; sed posse iuxta consilium Christi & Apostoli, perpetuam servare continentiam. Sed haec distinctio penitus evertit causam aduersariorum. Vel enim donum continentiae datur aliquibus Ministris in ecclesia Reformata, vel nulli. Si aliquibus datur, cur eo non utuntur? cur non servant continentiam, cuius servandae causa, tam magnificum donum à Spiritu Sancto consecuti sunt? cur Christi & Apostoli consilio non parent? Si nulli datur, iam Spiritus Sanctus non habitat in ecclesia Reformata per sua dona, sicut habitat in ecclesia Catholica. Si hoc posterius concesserint, in vera ecclesia non sunt: si illud prius, in Spiritum Sanctum ingrati sunt. Iligant alterutrum.

50. Venio ad tertium donum, quod Spiritus Sanctus in ecclesia Catholica vult esse peculiare, nempe donum Evangelicae paupertatis, quod praecedenti affine est. Nam sicut donum continentiae liberat hominem à cura matrimonij, ita donum paupertatis à cura rerum temporalium. Hoc dono excelluit Christus, de quo scriptum est Matth. 8. 20. *Ualpes foveas habent, & volucres caeli nidos: filius autem hominis non habet ubi caput reclinet*. Christum imitati sunt Apostoli, ut omnium nomine fateretur Petrus, Mat. 19. 27. *Ecco nos reliquimus omnia, & secuti sumus te*. Deinde alij ab Apostolis conuersi, de quibus Act. 2. 45. *Possessiones & substantias vendebant, & dividebant illa omnibus, prout cuique opus erat*. Et cap. 4. 32. *Nec quisquam eorum, quae possidebat, aliquid suum esse dicebat, sed erant illis omnia communia*. Quod etiam nunc servatur in ecclesia Catholica apud Religiosos. At minime in ecclesia Reformata. Nam Praedicantes, sicut vxoribus alligati sunt, ita perpetuo solliciti de corradendis pecuniis, quibus

& se, & suas vxores ac filios alant. Quod eleganter expressit Erasmus in epistola ad Vithaldum, cum ait: *Duratum querunt noui Evangelici, censum & uxorem: caetera praestat illis Evangelium, hoc est, potestatem viuendi, ut volunt*.

51. Ex dictis sic concludo: Illa non est vera Christi ecclesia, in qua nec Deus Pater habitat per miracula, nec Filius per Sacramenta, nec Spiritus Sanctus per dona gratiae: At in ecclesia reformata non habitat Pater per miracula, quia nullum hactenus miraculum ibi factum est: Nec Filius, per Sacramenta, quia nullum ibi Sacramentum est, excepto Baptismo, qui pertinet ad ecclesiam Catholicam: Nec Spiritus Sanctus per dona gratiae, quia praecipua dona gratiae sunt haec tria, concordia, continentia, voluntaria paupertas, quae in ecclesia Reformata locum non habent. Non igitur est vera Christi ecclesia.

SEPTIMA CONCLUSIO.

Ecclesia Reformata non est columna & firmamentum Veritatis.

52. **H**oc sic proba: Illa ecclesia non est columna & firmamentum veritatis, quae potest errare in veritate fidei: At ecclesia Reformata potest errare: Ergo non est columna & firmamentum veritatis. Minorem coguntur aduersarij concedere. Aiunt enim, ut saepe dictum est, totam Christi ecclesiam errare posse: & Pontificiam, quae olim fuit Christi ecclesia, de facto errasse. Ex quo sequitur, totam quoque ipsorum ecclesiam, quam Reformata vocant, similiter errare posse. Vnde vltimus infero; omnia apud ipsos incerta esse, ac proinde stulte facere, quod de certitudine fidei ac salutis sibi blandiantur.

53. Quod quidem clare ostendo ex duobus principiis, quae ipsi statuunt Vnum est, Pontificiam ecclesiam non subito, sed sensim defecisse à fide, ac tandem omni fide abiecta adulteram factam esse. Alterum, defectionem illam initio fuisse latentem & occultam, adeo, ut nec locus, nec tempus, nec alia circumstantia illius certo designari potuerint. Tandem tamen post aliquot saecula, à Luthero & Caluino publice fuisse notatam & deprehensam. Ex utroque sic concludo. Quod contigit ecclesiae Pontificiae, potest etiam contingere ecclesiae reformatae: At Pontificia, ut aduersarij dicunt, sensim, latenter & occulte defecit à fide, nobis non aduertentibus: Ergo etiam reformata potest sensim, latenter & occulte deficere, ipsis non aduertentibus. Quid si ergo iam defecerit, & ipsi non aduerterint? Imo, quomodo possunt aduertere, si defectio latens & occulta est? Manent ergo incerti de sua fide & ecclesia.

54. Hic plane constricti sunt. Nec video, quid possint respondere. Nam quod aliqui dicunt, ecclesiam non posse errare vel deficere à fide, quamdiu sequitur Verbum Dei, frustra est. Primo, quia argumentum, quod iam posui, repetam hoc modo: Quidquid contigit ecclesiae Pontificiae, potest etiam contingere ecclesiae Reformatae: At Pontificia, ut ipsi volunt, sensim, latenter, & occulte defecit Verbum Dei, nobis non aduertentibus: Ergo etiam Reformata potest sensim, latenter & occulte deferere Verbum Dei, ipsis non aduertentibus. Quid si ergo iam defecerit, & ipsi non aduerterint? Nunquam elabentur ex hoc labyrintho. Semper monebunt dubij & incerti de sua fide, nisi nobiscum asserant, totam ecclesiam errare aut deficere non posse.



qui diserte affirmant Christum ad inferos descendisse, ut inde animas iustorum veteris Testamenti liberaret, ut videtur et apud Cardinal. Bellarminum lib. 4. de Christo cap. 4.

64. Quarto de oratione pro defunctis (lib. 3. Inst. cap. 5. §. 10.) Cum mihi obiciunt aduersarij, ante mille & trecentos annos esse receptum fuisse, ut preces fierent pro defunctis, eos vicissim interrogo, quo Dei verbo, quarevelatione, quo exemplo factum sit. Et ibidem: Alique ipsi etiam veteres, qui preces fundebant pro mortuis, legitimo exemplo hic se destitui videbant. Hoc falsum est. Nam Augustinus in libro de cura pro mortuis cap. 1. allegat exemplum ex Scriptura, cum ait: *In Machabæorum libris legimus, oblatum pro mortuis sacrificium.* Quo exemplo utitur etiam D. Prosper in lib. de promissionibus & prædictionibus Dei, parte 2. cap. 40. & alij.

65. Quinto, de Satisfactione (lib. 3. Inst. c. 4.) §. 38. *Parum autem me mouent, quæ in veterum scriptis de satisfactione passim occurrunt. Video omnes fere, quorum libri extant, aut hac in parte lapsos esse, aut nimis asperè ac dure locutos.*

66. Sexto, de solenni poenitentia (lib. 4. Inst. c. 12. §. 8.) *Quia in parte excusari nullo modo potest immodica Vererum austeritas, quæ et propter a Domini præcepto dissimulabat. Et erat mirum in modum periculosa. Et paulo post: Quicumque igitur sano iudicio rem aestimabit, desiderabit hic eorum prudentiam.*

67. Septimo, de ieiunio Quadragesimali (lib. 4. c. 12. §. 20.) Et tunc neminem in primatiua Ecclesia, passim inuenerat superstitionis Quadragesima obseruatio, quia et aliqui exortam aliquod obsequium Deo se in ea præstare, existimabant, & Pastores eam commendabant pro spolia Christi imitatione, cum planum sit, non ideo ieiunasse Christum, ut alijs exemplum præferebret, &c.

68. Octauo, de Laicis baptizantibus (lib. 4. cap. 15. §. 20.) *Quod autem multis abhinc sæculis, adeoque ab ipso fere Ecclesie exordio usque receptum fuit, ut in periculo mortis Laici baptizarent si Minister in tempore non adisset, non video, quam firma ratione defendi queat. Ne ipsis quidem veteribus, qui hunc morem vel tenebant, vel præferebantur, constabat, an recte id fieret. Hoc falsum est, quia constabat omnibus, id recte fieri à Laicis Christianis, fuit tamen aliquando dubicatum de Laicis infidelibus, aut nondum baptizatis. Vide Bellarminum libro de Baptismo cap. 7.*

69. Nono, de Sacrificio Missæ (lib. 4. cap. 18. §. 11.) *Sed quia veteres quoque illos video alio hanc memoriam detorsisse, quam institutioni Domini conueniebat, &c. excusari non possumus, quin aliquid in actionis modo peccauerint. Imitati sunt enim proprius Iudaicum sacrificandi morem quam non ordinauerat Christus, quæ Evangelij ratio ferebat.*

70. Decimo, de Exorcismo & alijs Baptismi ceremoniis & ritibus (lib. 4. c. 15. §. 19.) *Quasi res esset contemptibilis, ex Christi præcepto aqua baptizari, inueniatur est benedictio, vel potius incantatio, quæ veram aque consecrationem tolleret. Additur postea cerus cum chrismate: exussatio vero iam iam ad Baptismum aperire visæ est. Et si autem me non laxet, quam vetusta sit aduentitia huius faraginis origo: respicere tamen mihi & pijs omnibus fas est, quidquid est, à Christi institutionem addere an si sunt homines. Hinc Calvinus videt ceremonias Baptismi in primatiua Ecclesia usurpatas, & per contemptum vocat ad ientiam fartaginem.*

71. Undecimo, de concupiscentia in renatis (lib. 1. cap. 3. §. 10.) *Neque opus est multum inuestigare laborare, quid hic veteres senserint, quando unus Augustinus sufficere ad id potest, qui fideliter omnium sententias collegit. Porro inter illum & nos hoc interest, quod ipse quidem, cum fideles concedat sic illigatos teneri concupiscentiis, ut non pos-*

sint non concupiscere; cum tamen morbum peccatum vocari non audeat, sed ad illud designandum infirmitatis nomine contentus, tunc denum fieri peccatum docet, ubi vel opus vel consensus ad conceptionem vel apprehensionem accedit. Nos autem illud ipsum pro peccato habemus, quod aliqua omnino cupiditate contra legem Dei homo titillatur. Fimo ipsam prauitatem, quæ eiusmodi cupiditates nobis generat, asserimus esse peccatum.

72. Hic tria asserit Calvinus contra Augustinum & alios antiquiores ab Augustino citatos: Primo, concupiscentiam in actu primo, quatenus significat prauitatem ad concupiscendum, esse peccatum originale. Secundo, motus concupiscentiæ, qui procedunt ab illa prauitate, esse peccata mortalia, etiam ante consentum voluntatis. Tertio, eodem motus, tametsi inuoluntarios, prohiberi ista lege Decalogi: *Non concupisces.* Quæ omnia clarius alibi proponit. Porro, ex his tribus principiis multa alia sequuntur in sententia Caluini. Primo, peccatum originale non tolli per baptismum, quia concupiscentia non tollitur (lib. 2. Instit. cap. 1. §. 8. & lib. 4. cap. 15. §. 10.) Secundo, omnia opera iustorum esse immunda & inquinata, quia contaminantur ex contagione peccati originalis, quod temper manet in iustis (lib. 3. cap. 12. §. 4. & 11.) Tertio, legem Decalogi esse impossibilem, quia nemo potest seruare hoc præceptum, *Non concupisces.* Nec reliqua seruari possunt per opera immunda & inquinata. (lib. 2. cap. 7. §. 5.)

73. Quarto, hominem non esse iustum per iustitiam inherentem, sed per imputatam & imputatiuam, quia iustitia inherens non potest consistere cum originali peccato inherente. (lib. 3. cap. 11. §. 4. & 23.) In his ergo omnibus necesse est Calvinum dissentire ab Augustino & alijs Patribus.

73. Ex distinctis summatim hæc colligo. Primo, Lutherum & Calvinum maxime detestari doctrinam eorum Patrum, qui commendant ieiunium, delectum ciborum quadragesimam poenitentiam, satisfactionem, virginitatem. Vtrumque igitur osorem ac hostem esse ieiunij, poenitentiae, & virginitatis. Quid ergo responderent Christo, cum dixit, Matth. 17. 20. *Hoc genus demoniorum non eicitur, nisi per orationem & ieiunium?*

74. Secundo, Lutherum dissentire ab antiquis Patribus in articulo de fide & iustificatione. Nec mirum, quia fingit fidem iustificantem in eo consistere, ut quis certo sibi persuadeat, nulla peccata, quantumvis enormia sibi nocere aut imputari: Nec se posse damnari propter peccata, nisi nolit credere. (supra §. 23.) Hanc fidem, sine dubio non agnouerunt antiqui Patres.

75. Tertio, Calvinum dissentire ab antiquis Patribus in articulo de persona Mediatoris, de cooperatione libri arbitrij cum gratia, de descensu Christi ad inferos, de oratione pro defunctis, de Ministro & ceremoniis Baptismi, de Sacrificio Missæ, de concupiscentia in renatis, de peccato originali, de operibus iustorum, de obseruatione Decalogi, de iustitia inherente, de similibus, & hæc omnia ex confessione Caluini. Taceo interim alios articulos, in quibus ab eodem dissentit, ut de autore peccati, de prædestinatione ad mortem, de reali præsentia corporis Christi in Eucharistia, de necessitate Baptismi, &c.

76. Quarto, Lutherum & Calvinum parum modestos esse erga antiquos Patres. Nam Lutherus ait verosimile fuisse in tenebris nihil purum aut sincerum scriptum fuisse, & reuere ab his dicta esse non fuisse, nisi loquaculos monachos, infirmos Theologos, hæreticos, qui ne pilo quidem fuerint redimendi. Similiter Calvinus, lapsos esse, ab errore non posse ex-

causari, sensum Evangelij obscurasse, multis seclis-
queis implicasse: nihil præter fabulas scripsisse: im-
modice auctos, parum prudentes fuisse: Iudæorum
morem imitatos esse. Summa est, Lutherum & Cal-
uinum, suo iudicio, solos sapere; reliquos omnes, qui
antegressi sunt, errare & desipuisse.

77. Eant nunc, & persuadeant populo scilicet, do-
ctrinam suam conformem esse doctrinæ antiquorum
Patrum: nostram disformem. Contra res habet.
Quidquid Catholici nunc docent de Purgatorio, de
Innocentione Sanctorum, & Sacrificio Missæ, de trās-
substantiatione, de libero arbitrio, de merito bonorū
operum, de Traditionibus; hoc antiqui Patres docue-
runt, ut quæst. 2. concl. 3. ostentum est. Et vicissim,
quidquid Lutherani & Calvinistæ nunc docent de in-
dem aut similibus articulis; antiqui Patres detestati
sunt, ut ex dictis patet.

NONA CONCLUSIO.

*Ecclesia Reformata non habet doctrinam
constantem, sed multis contradic-
tionibus obnoxiam.*

78. **H**oc tripliciter ostendi potest. Primo ex con-
tradictionibus Lutheri. Secundo ex contra-
dictionibus Caluini. Tertio ex contradictionibus alio-
rum, siue Lutheranorum, siue Calvinistarum. Ac pri-
mo de contradictionibus Lutheri, quæ prope infinitæ
sunt, nihil dicam hoc loco, quia iam pridem fideliter
& accurate collectæ sunt partim à Ioanne Cochlezo
in libello, qui inscribitur *Lutherus septiceps*: partim
ab auctore vulgatissimi illius libelli, qui anno 1587.
germanico idiomate editus est cum hac inscriptione,
Der Evangelische Vetterhē. At Caluini contradic-
tiones, nescio, an hætenus ab vno aliquo pari fide ac di-
ligentia notatæ sint. 2. asigitur, non quidem omnes,
sed tamen præcipuas hic recensēbo, ut inde appa-
reat, nullum prope esse articulum fidei, de quo aliquid
certi apud Calvinistas statui possit.

79. Prima est de auctore peccati. Nam lib. 1. Inst.
c. 18. §. 3. docet Deum esse auctorem peccati, his ver-
bis: *Iam satis aperte ostēdi, Deum vocari eorum omnium
auctorem, quæ isti censori volens otioso tantum eius
permisso contingere.* Loquitur de peccatis, de quibus
disputare cœperat, nominatim de cæcitate & tyran-
nie Achabi, de incestu Absalonis, de conuitio Semei,
de apostasia decem tribuum, de exdibus & rapinis
Chaldæorum, de rabie & furore Iudæorum in Chri-
stum de iniquissimo Pilati iudicio. Horum omnium
ait auctorem esse Deum: ridetque Catholicos, qui hæc
sola Dei perquisitione putant eucnire. Eodem sensu di-
xerat, §. 1. *Absalon incesto concupiscentie polluens
detestabile scelus perpetrat. Deus tamen hoc opus suum
esse pronūciat:* Et §. 4. *homo iusto Dei impulsu agit, quod
sibi non licet, id est, homo peccat, Deo impellente.*

80. Contrarium docet in Instructione contra Liber-
tinos cap. 14. cum ait; *Temulentissimi, à Deo omnia
fieri perstreptentes, eum mali auctorem constituunt.* Et
infra: *Cum deo nihil magis proprium sit, quàm sua bonitas,
ipsum à se abnegari oportet, & in Diabolum trans-
mutari, ut malum efficeret, quod ei ab illis tribuitur.* Et
in præfatione libri de æterna prædestinatione: *Inter
omnes pios fixum hoc esse debet, non esse, cur suis pecca-
tis locum homines Deum adscribant.* Et in fine eiusdē
libri: *Etiamsi rerum omnium prima causa sit Dei vo-
luntas, peccati tamen eum esse auctorem nego.*

81. Secunda est de diuinitate & essentia Christi. Nam
Opusc. Bec.

Ad c. 1. Ioan. v. 1. docet Christum esse verum Deum, &
eiusdem essentia cum Patre. Sic enim scribit: *Hoc ex-
ordio eternam Christi diuinitatem prædicat, ut sciamus
eternum esse Deum, qui manifestatus est in carne.* Et in-
fra: *Ne quis de diuina Christi essentia scrupulus ma-
xat, clarè asserit esse Deum. Iam cum vnicus sit Deus,
Christum eiusdem esse cum Patre essentia. & tamen in
aliquo differre sequitur. Sed de hoc secundo v. embro-
sam dictū est. Quod ad essentia unitatem spectat, nimis
fuit Arrii improbitas, qui ne eternam Christi diuinita-
tem fateri cogeretur, scilicet nescio quem Deum esse
garricbat.*

82. Contrarium alibi insinuat. Nam in libro contra
Valentinum Gentilem, hæc tria asserit. 1. Nomen Dei
per excellentiam ad solum Patrem pertinere. 2. Solum
Patrem propriè dici Creatorem cœli & terræ, Filium
impropriè. 3. Impropriam ac duram esse locutionem
symboli Nicani, *Deum de Deo, lumen de lumine.* Ex
quibus omnibus sequitur, Patrem Filio maiore & ex-
cellentiore esse: ac proinde Filium non esse verum
Deum, nec patri consubstantialē.

83. Similiter lib. 2. Inst. c. 14. §. 3. in eadem senten-
tiam sic scribit: *Sed omnium clarissime verā Christi sub-
stantiam enarrant loci, qui utramque simul naturā cō-
prehendant, quales in Evangelio Joannis extant quam-
plurimi. Si quidē nec deitatis singulare, nec humanitatis
fuit, sed vtriusq; simul, quod illi legitur, potest atē acce-
pisse à Patre remittēdi peccata, susciādī quos vult, in-
finitam & sanctitatem largiendi.* Addit eodē sensu in-
telligi, quod Apostolus scribit, 1. Cor. 15. 28. *Cum au-
tē subiecta fuerint illi omnia, tūc & ipse Filius subiectus
erit ei, qui subiecit sibi omnia.* Et tandē concludit his
verbis: *Sic igitur nobis hæc recte intelligentia clavis, ne-
que de natura diuina, neque de humana simpliciter dici,
quæ ad Mediatoris officium spectant, ex his verbis ita
concludo: Qui alteri subiectus est, & ab eo potestatem
accipit, necessario debet esse minor seu inferior: Ac
Christus secundum utramque naturam Deo Patri sub-
iectus est, & ab eo potestatem remittendi peccata ac-
cipit, ut fateatur hic Calvinus: Ergo Christus secundum
utramque naturam est minor seu inferior Patri: Ergo
secundum neutram naturam est illi æqualis & con-
substantialis.*

84. Denique illud Ioan. 10. 30. *Ego & Pater vnū su-
mus* eodem sensu interpretatur, quo Arriani. Sic enim
scribit in commentario: *Abusi sunt hoc loco veteres, ut
probarent Christū esse Patri æquum. Neque enim Chri-
stus de unitate substantia disputat, sed de consensu, quā
eū Patre habet.* Hoc Caluini testimonio vsus est Geor-
gius Blandrata in Albana disputatione, ad confir-
mandā Arrianorū expositionē, ut referunt Cardinalis
Bellarminus præfatione in libros de Christo & Ge-
orgius de Valentia lib. 1. de Trinitate c. 9.

85. Tertia Contradictio est de Persona Christi. Nam
ad cap. 1. Ioannis, v. 14. rectè docet cum Catholicis,
vnam in Christo personam, & duas naturas esse. In
hoc fidei capite, inquit, duo præcipue tenenda sunt: sic in
vna personā coaluisse duas in Christo naturas, ut vnus
atque idē Christus verus sit Deus & homo. Alterū vero,
non ob stare personæ unitatē, quin distincta natura ma-
neat, ita ut diuinitas, quidquid sibi propriū est retineat,
humanitas etiam seorsim habeat, quod in eā competit.

86. Alibi contrariam docet cum Nestorio, asserens
duas esse personas in Christo, sicut sunt duæ naturæ:
Vnam Verbi, alteram Mediatoris charæ humanam, il-
lam diuinā. Sic enim scribit lib. 1. Inst. c. 13. §. 9. *Est
autem Mediatoris personam nondū attingo, sed differo
in eum locum, ubi de redemptione agatur, &c. Et §. 23.
Excipiant, si vere est Dei Filius, absurdū esse, censeri
personæ Filium. Ego vtrumque verum esse respondeo,
Dei nempe esse Filium, quia Sermo est à Patre anteq-
uā*

oala genitus (nondum enim de Mediatoris persona nobis sermo est) & tamen explicandi causa habendam esse rationem persona, ut nomen Dei non simpliciter sumatur sed pro Patre. Et §. 24. Nam ex quo manifestatus est in carne Christus, Filius Dei vocatur, non tantum quatenus ante secula genitus ex Patre fuit aeternus Sermo, sed quia Mediatoris suscepit personam. Et l. 2. c. 14. §. 3. Hic excusari non potest veterum error, qui dum ad Mediatoris personam non attendunt &c. In his omnibus testimoniis distinguit personam Mediatoris à Verbo seu sermone; & ait personam Verbi esse in aeterno, non item personam Mediatoris.

87. Calvinum secutus est Beza, qui in libro contra Brentium de omnipotentia carnis Christi, ait, *In Christo due sunt uniones hypostaticae: una inter corpus & animam, dum sibi personaliter iunguntur: altera inter Verbum & hominem, ut simul conveniunt ad unum constituendum Christum.* Quem errorem, tamen si monitus à Jacobo Smidelino Lutherano, non correxit, sed magis explicavit in libro contra Smidelinum de unione hypostatica, asserendo, *vere corpus & animam personaliter coniungi, & personam constituere humanam.*

88. Quarta Calvini contradictio est de Limbo Patrum in quo multi veteris Testamenti, tanquam in carcere tenebantur ante adventum Christi. Nam hunc carcerem admittit cum Catholicis contra Anabaptistas in Pnychopannychia, cum ait: *Nec vero miretur quisquam includi carcere sanctos Patres, qui redemptionem Christi expectabant.* eundem negat lib. 2. Inst. c. 26 §. 9. his verbis: *Nescio, qui factum sit, ut posteritas locum putaret esse lubitracentem, cui affingit nomen Limbi, Sed haec fabula, tamen si magnos auctores habet, nihil tamen quam fabula est. Nam concludere in carcere mortuorum animas, puerile est: Christi autem animam illuc descendere, ut eas manu mitteret, quid opus fuit?*

89. Quinta est de Ecclesia. Nā in parvo Catechismo docet, hunc symboli articulum, *Credo sanctam Ecclesiam Catholicam,* debere intelligi de sola Ecclesia invisibili, quae est praedestinatorum. Sic enim habet: *Sequitur quia: a pari, in qua confitemur nos credere unam sanctam Ecclesiam Catholicam.* Et statim explicans, de qua ecclesia loquatur, sic addit: *Quid est Ecclesia? Est corpus ac societas fidelium, quos Deus ad vitam aeternam praedestinavit.* Contrarium docet l. 4. Inst. cap. 1. §. 2. asserens non tantum de invisibili, sed etiam de visibili, in qua reprobi & praedestinati permixti sunt, intelligendum esse. *In Symbolo,* inquit, *ubi confitemur nos credere Ecclesiam, id nō solum ad visibilem, de qua nunc agimus, refertur, sed ad omnes quoque electos Dei, in quorum numero comprehenduntur etiam, qui morte defuncti sunt:*

90. Sexta est de Ecclesia visibili. Nam lib. 4. Inst. c. 1. §. 4. docet, neminem salvari posse extra Ecclesiam visibilem. *Porro,* inquit, *quia nunc de Ecclesia visibili differere propositum est, discamus vel uno Matris elogio, quā utilis sit nobis eius cognitio, imo necessaria quādo non aliud est in vitam ingressus, nisi nos ipsa concipiat in utero, nisi pariat, nisi nos alacris suis uberibus, denique sub custodia & gubernatione sua nos teneatur, donec ex utero carnis mortali, similes erimus Angelis.* Et ibidē: *Adde, quod extra eius gremium, nulla est speranda peccatorum remissio nec ulla salus.* Contrarium docet eodē c. §. 7. & c. 16 §. 24 & 25. Nā priori loco asserit, neminem admitti in Ecclesiam visibilem, nisi per Baptismum: posteriori, filios fidelium salvari sine Baptismo. Vnde sequitur, aliquos salvari extra Ecclesiam visibilem.

91. Septima est de beatitudine Sanctorum. Nam aliquando affirmat Sanctos post hanc vitam statim esse in coelesti beatitudine: aliquando negat, asserens eos expectare usque ad extremum diem iudicii: aliquan-

do dicit stultum ac temerarium esse de hac re disputare, eo quod penitus incerta sit Primam patrem tradit in Pnychopannychia, ubi explicans illa verba Apostoli, 2. Corinth. 5. 1. *Scimus, quoniam si coelestis domus nostra huius habitationis dissolvatur, quod edificationem ex Deo habemus in caelis, &c.* sic habet: *Haec verba sine interprete loquuntur, nos sensuros Dei praesentiam, cum ab hoc corpore separabimur et ibidē: Electi Dei, qui ex hac vita transferunt, Deo fruuntur ad satietatem: citra fastidium.* Et in cap. 1. Epistolae ad Philipenses, v. 23. *Paulus aperte testatur, nos frui Christi praesentia, cum dissolvimur.* Et in cap. 5 posterioris ad Corinth. v. 8. *Nihil melius, quam migrare à corpore, ut perveniamus ad Dei contubernium, & illius praesentia vere palamque fruamur.*

92. Alteram, quae huic plane contraria est: tradit lib. 3. Inst. cap. 25. §. 6. his verbis. *Scriptura ubique iubet pendere ab expectatione adveniens Christi & gloria coronam eiusque differens Et ibidem: Anima piorum, militia labore persuffeta, fructum promissae gloriae expectant.* Et in Pnychopannychia: *Expectant quod nondum habent, & suam mercedem eminus vident,*

93. Tertiam tradit lib. 3. Inst. cap. 25. §. 6. *Valde, inquit, se torquent multi disputando, quem locum occupent, & an coelesti gloria fruantur, necne. Atqui stultum & temerarium est de rebus incognitis alius inquirere, quam Deus nobis scire permittat.* Et paulo post: *Omnia tenentur suspensa, donec Christus appareat Redemptor.*

94. Quarta contradictio est de Praedestinatione. Nam saepe asserit, electionem ab vitam & praedestinationem ad mortem factam esse ex mero Dei beneplacito, nullo respectu bonorum aut malorum operum, vel ut alij loquuntur, ante praesensionem cuiuscunque boni aut mali operis, & peccati primi parentis. Sic enim loquitur l. 3. Inst. cap. 22. §. 3. *Ubiunque vero regnat hoc Dei placitum, nulla in consideratione veniunt opera.* Et cap. 23. 2. *Homines nudi Dei arbitrio, citra proprium meritum in aeternam vitam praedestinantur.* Et plura ibidem in eandem sententiam.

95. At contrarium sequitur ex duobus principiis, quae alibi tradit. Unum est, quod electio ad vitam facta sit in Christo, & fundata in meritis Christi. (l. 3. c. 24. §. 5.) Alterum quod Christus non fuisset venturus in carne, si Adam non peccasset. (l. 2. c. 12. §. 7.) Vnde sequitur, prius perquisitam fuisse peccatum Adam, quam decretam Christi incarnationem. Si ergo electio ad vitam facta est ante praesensum fuisse peccatum, ut vult Calvinus, multo magis ante decretam Christi incarnationem. Quomodo ergo fieri potuit in Christo, & in meritis Christi fundari? Haec non cohaerent.

96. Nona est de libero arbitrio. Nam l. 1. Inst. c. 15. §. 8. docet cum Catholicis, hominem in statu innocentiae habuisse liberum arbitrium, atque adeo libere, non necessario peccasse. *In hac,* inquit, *integritate libero arbitrio pollebat homo, quo si vellet, adipisci posset vitam aeternam.* Et infra: *Potuit igitur Adam peccare, si vellet, quando non nisi propria voluntate cecidit.* Et iterum: *Libera fuit electio boni & mali.*

97. Contrarium docet lib. 2. cap. 23. §. 6. & 8. Nam priori ait, omnia fieri Deo velente & ordinante postulationi, voluntati Dei esse rerum necessitatem. Vnde sequitur, omnia fieri necessario, quaecunque fiunt. Necessario igitur peccasse Adamum, non libere. Quod etiam diserte fatetur Calvinus eodem cap. §. 4. cum ait: *Fateor sane in hac, quae nunc illicati sunt conditionis miseria, Dei voluntate & ei disse uniuersos filios Adae.* Et §. 7. *Disertis verbis hoc extare negant, dicens fuisse à Deo, ut sua defensione periret Adā.* Et infra: *Decretum quidē horribile fateor, inficiari tamen nemopotest, quin profuerit Deus, quē existēssē habiturus homo: & ideo*

præfuerit, quia decreto suo sic ordinaverat. Et iterum: *Nec absurdum videri debet, quod dico, Deum non modo primi hominis casum praudivisse, sed a bitrio quoque suo dispensasse.*

98. Decima est de fide iustificante. Nam in Antidoto Concilii Tridentini, sess. 6. can. 9 docet fidem esse causam iustificationis. *Solum, inquit, fidem iustificationis causam esse intelligimus.* Et can. 11. *Vim iustificandi ac facultatem, fidei in solam vindicamus.* Contrarium docet lib. 3. Inst. c. 13. §. 5. cum ait: *Quoad iustificationem, res est mere passiva fides, nihil adferens nostrum ad conciliandam Dei gratiam.*

99. Undecima est de certitudine iustitiæ. Nam lib. 3. c. 2. §. 16. docet omnes fideles certos esse de sua iustitia & remissione peccatorum. *Vere, inquit, fidelis non est, nisi qui confidenter regni celestis heredem gloriatur.* Et in Antidoto Concilii Tridentini, sess. 6. capite 10. *Certo statuimus, nobis remissa esse peccata.* Et can. 13. *Sua electionis certos esse conuocet uniuersos fideles.* Contrarium docet lib. 3. Inst. c. 2. §. 10. *Tot, inquit, vanitatis recessus habet, tot mendacii latebris scatet cor humanum, tam fraudulenta hypocrisis cellum est, ut seipsum sapo fallat.* Et §. sequenti: *Experientia ostendit, reprobos interdum simili fere sensu, atque electos affici, ut ne suo quidem iudicio quicquam ab electis differant.*

100. Duodecima est de iustitia inherente. Nam in Antidoto Concilii Tridentini sess. 6. c. 8. docet, iustitiam inherentem, quam Catholici admittunt, non esse admittendam. *Falsum, inquit, esse contendere, vltimam iustitiæ partem in qualitate suam esse vel habitum, qui in nobis resideat.* Et lib. 3. Inst. cap. 11. §. 23. *Vides, non in nobis, sed in Christo esse iustitiam nostram.* Contrarium docet in libro de necessitate reformationis Ecclesiæ, his verbis: *Nunquam reconciliamur Deo, quin simul donemur iustitia inherente.*

101. Decimatercia de necessitate Baptismi aquæ. Nam lib. 4. Inst. c. 13. §. 19. fatetur extate præceptum Christi de Baptismo aquæ. *Quasi, inquit, esset res contemptibilis, ex Christi præcepto, aqua baptizari, &c.* Quod quidem præceptum non aliunde potest colligi quam ex illo. Ioan. 3. 5. *Nisi quis renatus fuerit ex aqua & Spiritu sancto, non potest introire in regnum Dei.* At Calvinus in Commentario illius loci, negat ibi fieri mentionem Baptismi aquæ. *Nullo modo adducor, inquit, ut Christum de Baptismo verba facere credam.* Et ibidem: *Spiritum & aquam pro eodem posuit.* Vbi obiter notandum est, contradictionem Calvinii non consistere in his duabus propositionibus: Baptismus est necessarius ex præcepto Christi: Baptismus non est necessarius ex præcepto Christi: sed in his: Baptismus aquæ est necessarius ex præcepto Christi: Baptismus aquæ non est necessarius ex præcepto Christi.

102. Decimaquarta de Eucharistia. Nam in can. prioris ad Corinthios docet, corpus Christi esse præsens in eucharistia, *Christus, inquit, visibile illud signum nobis porrigendo, vnde dat etiam nobis suum corpus.* Neque enim fallax est, qui vacuis figuris nos ludat. Proinde illud mihi est extra controuersiam, veritatem hic cum suo signo coniunctam esse, id est, corpus Christi cum symbolo panis coniunctum esse. Et l. 4. Inst. cap. 17 §. 10. *Omnia ista hæc piis tenenda est regula, ut quoties symbola videntur à Deo instituta, illic rei signata veritatem ad se certo cogitent, ac sibi persuadeant.* Et §. 32. *In sacra cana iubet me sub symbolis panis ac vini corpus & sanguinem suum sumere, manducare ac bibere.* Nihil dubito quin & ipse vere porrigat, & ego recipiam. Et in libello de Cena Domini, *Necesse est, nos in cana vere corpus & sanguinem Christi recipere.* Et ibidem: *Intelligimus Christum nobis in cana veram propriamque corporis & sanguinis sui substantiam donare.*

103. Contrarium docet in conclusionibus de re Sacra-
Opusc. Bec.

mentaria, vbi in fine sic ait: *Cum signa hic in mundo sint oculis cernantur, palpantur manibus; Christus quatenus homo est, non alibi, quam in celo quærendus est.* Et ibidem: *Quia tamen corpus Christi finitum est, & celo vel loco continetur, necesse est, à nobis tanto locorum intervallo distare, quanto celum abest à terra.*

104. Omitto alias contradictiones, quæ passim in Caluini scriptis occurrunt. Nam ex iis, quæ iam allatae sunt, satis constat, in præcipuis fidei Christianæ articulis nihil certi statui posse ex doctrina Caluini, sed omnia in utramque partem dubia esse ac perplexa. De qua re, ut intelligo, ex professo scripturus est. R. P. Andreas Eudæmon Ioannes, in Refutatione Institutionum Caluini, quam præ manibus habet. Nec minor contradictionum licentia est apud eos, qui Calvinianam sectam publicè profitentur: adeo, ut vix paucos inuenias, qui vel in articulo de Deo, vel de Christo, vel de iustificatione, vel de libero arbitrio, vel de prædestinatione, vel de aliis similibus inter se conueniant. Omnia dissidiis & contentioni-
bus plena sunt.

X. CONCLUSIO.

Ecclesia Reformata non habet Ministros bonæ famæ.

105. **D** Vos enim habet præcipuos, Lutherum & Caluinum. Vterque fuit infamis. Et quidem de Luthero certum est. Nam constat illum multis annis fuisse Monachum & Sacerdotem, ac proinde duplici castitatis voto obligatum. Constat violasse utrumque votum, & relicto Monasterio, sacrilegas nuptias cum Moniali contraxisse; ac reliquo vitæ cursu, in damnato concubitu persequerisse. Quæ sine dubio magna infamia est: quod sic ostendo.

106. Primo, quia iure Cæsareo infamis est, qui nuptias cum ea constituit, quam uxorem ducere vel non potest, vel fas non est. (L. Quid ergo, ff. De his, qui notantur infamia) At Lutherus constituit nuptias cum Moniali, quam uxorem ducere nec poterat, nec fas erat: Ergo iure Cæsareo fuit infamis.

107. Secundo, simplex adulterium, in quo quis deprehenditur, parit infamiam personæ (L. Palam. ff. De ritu nuptiarum) Ergo multo magis adulterium cum sacrilegio coniunctum, quale committitur à Monacho & Moniali. Hoc enim simplici adulterio deterius est, iuxta illud Augustini, lib. de bono viduitatis c. 11. *Plene non dubitauerim dicere, lapsusque ruinas à castitate sanctiore, quæ venerat Deo, adulteriis esse peiores.* Quod sic probat: *Si enim ad offensionem Christi pertinet, cum inebriem eius fidem non seruat marito, quanto grauius offenditur, cum illi ipsi non seruetur fides, in eo, quod exigit oblatum, qui non exegerat offerendum, quod si scilicet Christiana offendit Christum, quando non seruat fidem marito cui promisit matrimonium; quanto magis offendit, si non seruat fidem ipsi Christo, cui continentiam promisit?*

108. Et hoc alibi confirmat exemplo Romanorum, qui grauius puniebant Vestales virgines in stupro deprehensas, quam alias mulieres adulteras. Sic enim scribit l. 3. de ciuitate Dei c. 5. *Nam & ipsi Romani antiqui in stupro delectas Vestales Sacerdotes, viuas etià defeciebant: adulteras autem feminas, quamuis aliqua dânatione, nulla tamē morte pledebant: usque adeo grauius, quo putabatur adyta diuina quam humana cæcilia vindicabant.* Et hinc sumitur tertium argumentum: Si enim virgines, quæ Vestæ promiserant castitatem, non modo infames erant si castitatem violarent, sed

etiam, quæ summa infamia est, viux in terram defodiabantur; quid statuendum est de Monachis & Monialibus, qui Christo castitatem promiserunt, & promissam violarunt? Hoc fecit Lutherus cum sua Moniali. Igitur plusquam infamis censeri debet.

109. Venio ad Calvinum, quem similiter infamem fuisse, sic ostendo. Is iure & facto infamis est, qui ob graue flagitium publico iudicio condemnatur (L. i. ff. De his, qui notantur infamia) At Calvinus Nouioduni in Picardia, propter crimen Sodomiz, publico iudicio condemnatus fuit ad pœnam ignis (quæ tamen pœna, per intercessionem episcopi, in vstulationem ferri candentis mutata est.) Ergo iure & facto fuit infamis.

110. Historiam rei geitæ describit Hieronymus Bolsecus Medicus Lugdunensis, in vita Caluini, c. 5. his verbis: *Nihil iam de natiuitate dicam, quæ in annum 1509. incidit, quo Nouioduni Picardia in lucem editus est, Neque etiam commemorabo de patre eius Gerardo Caluino alio nisi impium hominem fuisse, & in Deum maxime blasphemum, quod de illo testimonium præcipui aliquot cives Nouiodunenses interrogati perhibuerunt: Notariusque Legalis in publicas tabellas retulit, quarum exemplum cuidam Bartelier, Domini Senatusque Geneuensis Secretario, Nouiodunum huiusce rei gratia, ut in vitam atque mores Caluini inquireret, & qualis adolescens fuisset, exploraret, præcipue misso, est impertitus. Quod ego testimonium publicum apud hunc vidi, & in ipsiusmet manibus inspexi, & idcirco, ut rem verissimam commemorare possam. In quo quidem testimonio etiam hoc erat adiectum, Calvinum, cum curatum illic beneficium, & aliud Sacelli cuiusdam Sacerdotii obtineret, Sodomitici sceleris conuictum in vita discrimen venisse, ut igni, quæ huiusmodi sceleris ordinaria & legitima est pœna, concremaretur. Caterum Episcopi vobis commiseratione pœnam moderatam, ut cauterio candente eius humerololum inureretur. Quo probro confusus, neque talem ignominiam ferens vitamque Ecclesiasticum beneficium in Pastorem Nouiodunensem transtulit, & ab eo certa pecunia summa accepta, in Germaniam, deinde in Italiam profectus est, fortuna, si quæ sibi propitiam inuenire posset, se permittens. Caterum silentio præterire nolo, Nouioduno discedentem, cognomine immutato, Calvinum se pro Canino vocasse, &c.*

111. De eodem sic scribit Thomas Stapletonus in promptuario Catholico, sabbato hebdomadæ 3. in Quadragesima: *Inspiciantur etiam adhuc hodie Cinitatis Nouiodunensis in Picardia scrinia, & rerum gestarum monumenta. In illis adhuc hodie legitur, Ioannem Caluinum Sodomiz conuictum, ex Episcopi & Magistratus indulgentia, solo stigmate in tergo notatum, vix excessisse. Nec eius familia honestissimi viri adhuc superstites impetrare hactenus potuerunt, ut huius facti memoria, quæ toti familia notam aliquam inurit, è ciuicis illius monumentis ac cineribus eraderetur. Videri etiam potest Iulius Brageus in Floribus Calvinistarum, Edmundus Campianus in Rationibus quas Academicis in Anglia obtulit, Laureptius Sarius ad Annum Christi 1538. Reginaldus l. 2. Calvinotorturam c. 11 & alii.*

112. Taceo de infamia aliarum Prædicantium, qui Lutherum & Calvinum imitari sunt. Nec enim necessesse est eiusmodi sordes ac spurcicias ad nauseam inculcare. Hoc solum nunc monco, quod sequenti conclusionem falsas explicandum est nullo modo verisimile videri huiusmodi homines ad Ecclesiam Reformandam à Deo missos ac destinatos esse. Non enim adulteri, sacrilegi, stigmatici, sed viri Apostolici ad tam sacram functionem adhibendi sunt: de quibus intelligi possit, quod Christus in Evangelio ait: *Vos estis lux mundi: vos estis sal terra.*

XI. CONCLUSIO.

Ministri Ecclesie Reformatae non sunt legitime missi & vocati.

113. **C**erte Lutherus & Calvinus, qui inter illos Prælatum tenent, non sunt legitime vocati, sed seiplos intruserunt. Quod sic ostendo. Sicut in Republica ciuili nemo pro suo arbitrio potest sibi arrogare potestatem gubernandi populum, abrogandi veteres leges & consuetudines, totum politicæ statum mutandi ac reformandi: sed necesse est, ut legitimo titulo eam potestatem accipiat: sic etiam in Ecclesia seruata proportionem, faciendum est. Rursum, sicut illi, qui absque legitimo titulo arroganti sibi potestatem regimini politici, merito appellari solent tyranni: sic etiam illi, qui absque legitimo titulo usurpant potestatem docendi & dirigendi populum in fide ac religione, vocantur fures & latrones, iuxta illud Ioan. 10. 1. *Qui non intrat per ostium in ouile ouium, sed ascendit aliunde, ille fur est, & latro.* At Lutherus & Calvinus, absque legitimo titulo arrogarunt sibi potestatem docendi populum in fide & religione, veteres canones & consuetudines abrogandi, atque adeo totum Ecclesiæ statum ac ordinem mutandi & reformandi: Ergo non fuerunt legitime missi & vocati, sed seiplos intruserunt: nec per ostium in ouile ingressi sunt, sicut boni Pastores, sed aliunde ascenderunt, sicut fures & latrones.

114. Major propositio manifesta est. Minorem probō, quia duo tantum sunt tituli legitimi, quibus in Ecclesia Christi confertur alicui potestas docendi & reformandi populum in religione: vnus ordinarius, alter extraordinarius. Ordinarius est, quando confertur alicui talis potestas à Deo, mediante electione, vel concessione eorum hominum, quorum interest: quo pacto confertur Parocho ex concessione Episcopi; Episcopo ex concessione Pontificis; Pontifici, mediante electione Cardinalium. Extraordinarius est, quando à solo Deo immediate confertur, quo pacto collata est Moysi, Prophetis, Apostolis. At Luthero & Caluino nentio modo collata est. Non priori, quia quando Lutherus cepit primum oppugnare Indulgentias & orationem pro defunctis (quod erat initium Reformationis Lutheranae) omnes Prælati & Principes, tam seculares, quam Ecclesiastici, erant Catholici. Nullus autem Catholicus dedit illi potestatem oppugnandi Indulgentias, & orationem pro defunctis: Ergo neque inchoandi Reformationem religionis. Nec posteriori, quia Deus immediate non misit Lutherum & Calvinum ad hoc opus suscipiendum. Quod variis rationibus confirmari potest.

115. Prima Ratio. Nemo hactenus immediate à Deo missus est ad docendam aut reformandam populum in religione, cuius missio non aliquo evidenti miraculo authenticè comprobata sit; nec populus teneatur alieni credere, asserenti à Deo se missum esse nisi authenticè probet se missum esse. At Lutherus & Calvinus nullo vnquam evidenti miraculo authenticè probarunt se missos esse: Ergo reuera missi non sunt, nec populus teneatur credere, se missos esse. Maior propositio patet inductione, quia Moyses, Prophetæ, Apostoli, Christus ipse, suam missionem miraculis ac prodigiis confirmarunt.

116. Et quidem de missione Moysis sic loquitur Scriptura, Exodi 3. 1. *Moses pascabat oves, & apparuit ei Dominus in flamma ignis, & ait: Veni, & mita te ad*

rauem, ut educas filios Israël de Egypto, &c. Respon-
dens autem Moyses ait: Non credent mihi, neque au-
dient vocem meam, sed dicent: Non apparnit tibi Do-
minus. Dixit ergo ad eum: Quid est, quod tenes in ma-
nu tua? Respondit: Virga. Dixitque Dominus: Proice
eam in terram, Proiecit, & versa est in Colubrum. Dixit-
que Dominus: Extende manum tuam, & apprehende
caudam eius. Extendit & tenuit, versaque est in virgā.
Ut credant, inquit, quod apparnit tibi Dominus Deus
patrum suorum. Dixitque Dominus rursus: Mune ma-
num tuam in sinum tuum. Quam cum misisset in sinum
proculis leprosam instar nimis. Retrahe, ait, manum tuā.
Retraxit & proculis iterū, & erat similis carni reliqua.
Si non crediderint, inquit, tibi, neque audierint ser-
monem signi prioris, credent verbo signi sequētis. Quod
si nec duobus quidem his signis crediderint, neque au-
dierint vocem tuam jume, aquam fluminis, & effunde
eam super aridam, & quidquid haueris de flumine, ver-
tetur in sanguinem, &c.

117. Ex his verbis perspicuum est missionem, quæ
immediate à solo Deo fit, per se non sufficere, nec ac-
ceptari à populo, nisi evidenti miraculo, vel etiam
pluribus, si opus est, à Deo confirmata sit. Hæc autem
confirmatio ex duplici causa necessaria est. Primo ex
parte eius, qui mittitur. Si enim asserat quidem à
Deo se missum esse, sed tamen probare non possit,
tanquam impostor repellatur. Secundo, ex parte eo-
rum, ad quos mittitur. Nam & illi, si prudenter rem
æstiment, non temere credent à Deo missum esse, nisi
probari id possit: Et, si deficiat probatio, non alio,
quam seductoris loco, hominem habituri sunt. Hoc
significavit Moyses, cum dixit: Non credent mihi, ne-
que audient vocem meam, sed dicent, non apparnit tibi
Dominus. Idem solet contingere in missione humana.
Nam si Imperator mittat aliquem Moguntiam aut
Coloniam, ut Commissarium agat, non audebit com-
parere, nec si comparet, acceptabitur, nisi exhibeat
authenticum testimonium, quo doceat, autoritate
Imperatoria se missum esse.

118. Quod dixi de Mose, de aliis quoque Prophe-
tis dicendum est. Omnes suam missionem miraculis
apud populum confirmarunt. Et qui id facere potue-
runt, prælegitimis Dei Ministris habiti sunt: qui se-
cus, tanquam impostores reiecti. Multa eius rei ex-
stant exempla. Ex iis pauca accipe. Tempore Achab
Regis, fuit dissertatio inter Heliam & Prophetas Baal.
Tam hi, quam ille, legitime se missos affirmabant.
Quo euentu? Helias conuocato vniuerso populo, qui
in, vtramque partem claudicabat, non alio argu-
mento vsus est, quam quod diceret, se suam missio-
nem evidenti miraculo confirmare posse: Prophetas
Baal non posse. Quod etiam factum est hoc modo.
Duo boues in frustra concisi, & supra ligna positi sunt
in holocaustum: alter pro Helia, alter pro Prophe-
tis Baal. Hi iuocato nomine Deorum suorum, non
potuerunt de cælo impetrare ignem, quo holocau-
stum consumeretur. Helias, iuocato Deo Israel, im-
petrauit. Itaque holocaustum ab eo positum, igne de
cælo misso, consumptum est. Quo miraculo permo-
tus populus, interfectis Prophetis Baal, velut im-
postoribus, Heliam tanquam à Deo missum acceptauit.
(3. Reg. 18.) Auxerunt fidem & alia miracula, quæ ab
eo patrata sunt.

119. Heliam imitatus est Helisæus, qui & ipse va-
riis miraculis autoritatem sibi astruxit. Porro reliqui
Prophetæ, qui de venturo Christo vaticinati sunt, sua
quoque vaticinia evidenter comprobarunt. De quibus
Rupertus in Prologo in Oseam: Cum, inquit, Pro-
pheta mitterentur ad prænniciandum de longinquo
Christi aduentum, simul etiam de propinquo datum vel
imminens illis, prophetare illud, in quo citius verace de
Opusc. Bec.

A comprobari possent, scilicet imminentem ab Assyriis
Israëli captiuitatem, itemque instantem Iuda quoque
Babylonis transmigrationem, & præterea nonnulla
etiam minora, qua literis eorum legimus incerta. Cum
igitur citò euenisset captiuitas seu transmigratio illa;
sicut per illos veritas prophetica prædixerat, palam con-
fiteri, quod veraciter fuissent locuti in nomine Domini,
& quod Dominus misisset eos. Atque ita completa pro-
phetia pars, illud quoque quod reliquum vel maximum
erat de promissione & aduentu Messia, verum fore con-
vincebat.

120. Similia habet Hieronymus in c. 37. Isayæ, super
illa verba, Tibi autem hoc erit signum: vbi sic scribit
Ideirco vel maxime Propheta apud populum sermo-
num suorum habebant fidem quia non solum de his, qua
multa post sæcula futura erant, sed etiam qua in con-
tinenti, & post non grande temporis spaciū essent implē-
da, memorabant; ut quod intra biennium & Rex Assy-
rius interiret, & vrbi Hierusalem securus reddere-
tur. Vide eundem in c. 7. Amos, in principio, & Chry-
sostomum hom. 11. in Matthæum.

121. Idem est de Apostolis. Nam & illi suam missio-
nem multis signis & prodigiis coram vniuerso mun-
do contestati sunt. Res omnibus nota est. Locuti
sunt variis linguis in die Pentecostes: dæmonia expu-
lerunt, mortuos ad vitam reuocarunt: omnia mor-
borum genera vel verbo, vel vmbra, vel semicinctio
curarunt. Et ut semel complectar omnia, *Prædicato-
runt ubique, Domino cooperante, & sermonem confir-
mante sequentibus signis.* Marci 16. 20. Quod etiam
speciatim de se testatur Paulus, Rom. 15. 19. cum ait,
se gentibus Euangelium persuasisse in virtute signi-
rum & prodigiorum. Et 2. Cor. 12. 12. Signa, inquit,
Apostolatus mei facta sunt super vos in signis, & pre-
digiis, & virtutibus.

122. Et quid dico de Apostolis? Ipsemet Christus
non aliter persuadere potuit; à Deo Patre se missum
esse, nisi per miracula. Habebat quidem ipse pro se
vaticinia omnium Prophetarum. (Lucæ. 24. 27.) Ha-
bebat testimonium Ioannis Baptistæ: *Eccce Agnus
Dei, ecce qui tollis peccata mundi.* Habebat testimo-
niū Patris cælestis: *Hic est Filius meus dilectus, in
quo mihi complacui; ipsū audite.* Et tamē inter tot mis-
sionis suæ præsidia, adhuc opus erat miraculis. Nec
alio potentiori, quā miraculorū subsidio vsus est apud
Iudæos, ut se filium Dei comprobarer. De quo ipse
sic loquitur, Ioan. 10. 37. *Si non facio opera Patris mei,
nolite credere mihi. Si autem facio, & si mihi nō vultis
credere, operibus credite, ut cognoscatis & credatis, quia
Pater in me est, & ego in Patre.* cap. 14. 11. *Non creditis,
quia ego in Patre, & Pater in me est? Alioqui propter
opera ipsa credite.*

123. Venio nunc ad Lutherum & Calvinū. Hic tamē
quam noui Prophetæ & Apostoli à Deo missi, nouam
doctrinā populo obtruserunt, ac totius Ecclesiæ Re-
formatores se esse professi sunt. At quo miraculo id
comprobarunt? Nullo, nullo penitus. Quæ erga infan-
tia, quis stupor est, id credere, quod probari non po-
test? Certe, qui prudenter rem æstimat, sic tacitus apud
se ratiocinabitur: Magna omnino res est affirmare,
quod Lutherus & Calvinus affirmant, Ecclesiā Chri-
sti multis iam sæculis in fide errasse: Maiores nostros
quotquot in ea vixerunt, damnatos esse: nos omnes,
qui in ea iam viuimus, in tenebris & errore versari;
neminem, qui in ea maneat, saluari posse. Hæc sine
dubio leuia non sunt. Et quia noua, non temere cre-
denda. Hactenus creditum est, Ecclesiā à Christo
fundatam esse supra firmam petram, esse columnam &
firmamentum veritatis: habet infallibilem Spiritus
Sancti assistentiam: potestas inferni aduersus eam non
preualituras. Et sic docuerunt antiqui Patres: sic ma-

dores nostri ab illis acceperunt: sic communi fidelium sensu ac consensu approbatum est. Quomodo ergo contrarium credi nunc potest? Quomodo Lutherus & Calvini, qui contrarium credi oportere affirmant, universo Orbi id persuadebunt? Nullo miraculo, nullo diuino testimonio, nullo evidenti signo id hactenus prastiterunt. Fatuus ergo sum, si temere illis assentiar. Nec verisimile est, plus illis, quam Prophetis & Apostolis, privilegii concessum esse. Si Prophetis, si Apostolis, si Christo ipsi creditum non est, nisi evidenti miraculo se missos esse conuincerent: quomodo Luthero & Calvino credam, qui nullo modo conuincere id possunt?

124. Dicent forte aduersarii, satis evidens diuinæ missionis signum esse, quod infiniti prope homines, statim à principio, doctrinam Lutheri & Calvini amplexi sint. Inde enim colligi posse, doctrinam fuisse efficacem, & non nisi diuinitus inspiratam. Sed frustra. Nam etiam in veteri Testamento, infiniti prope homines adhaerebant falsis Prophetis: Et tamen inde non poterat colligi, vel ipsos à Deo missos, vel eorum vaticinia diuinitus fuisse inspirata. Contrarium potius colligitur, quod sic ostendo. Inter veros & falsos Prophetas hoc erat discrimen. Veri prædicebant iram & vindictam Dei propter peccata hominum, euerisiones urbium, direptionem bonorum, captiuitates populorum, & similia incommoda, quæ amato-ribus huius mundi ingrata sunt. Falsi omnia contraria vaticinabantur, ut pacem, victoriam, felicitatem, rerum omnium abundantiam, & ideo à plerisque libenter audiebantur. De his loquitur Ieremias cap. 14. v. 13. *Et dixi, Domine Deus: Propheta dicunt eis; Non videbitis gladium, & fames non erit in vobis, sed pacem veram dabo vobis in loco isto. Et dixit Dominus ad me: Falso Propheta vaticinantur in nomine meo: non misi eos, & non precepi eis, neque locutus sum ad eos. Visionem mendacem, & divinationem fraudulentam, & seductionem cordis sui prophetant vobis. Idcirco hæc dicit Dominus de Prophetis, qui prophetant in nomine meo, quos ego non misi, dicentes; Gladius & fames non erit in terra hac: in gladio & fame consumentur Propheta illi. Vide plura, tum alibi, tum 3. Reg. 22.*

125. Simile est de veris & falsis Apostolis. Varii Apostoli, qui à Christo missi sunt, proponunt res difficiles, arduas, carni ac sensui humano repugnantes. Ecce perpetuo clamant: *Pœnitentiam agite: Mortificate membra vestra quæ sunt super terram: Abstinete à carnalibus desideriis: Sobrii estote & vigilate.* At Lutherus & Calvini, qui veri Apostoli non sunt, contrario modo procedunt, Abrogant ieiunia, oderunt castitatem; concedunt libidines; & quidquid carni allubescit. Porro vox est, *Sola fides iustificat: Bona opera non prosunt: Decalogus obsequari non potest: Crescite & multiplicamini: Si non vult uxor veniat ancilla.* Hanc vocem plerique libentius audiunt, quàm vocem Christi & Apostolorum. Ad quos spectat illud Rom. 8. 5. *Qui secundum carnem sunt, quæ carnis sunt sapient.*

126. Atque hinc apparet, omnia conuenire Luthero & Calvino, quæ de falsis Prophetis scripta sunt. Nam primo, falsi Prophetæ dicebant se missos à Deo. Secundo, non poterant probare se missos. Tertio, semper fausta, & quæ populo grata erant, vaticinabantur. Similiter noui illi Prophetæ. Longe aliter veri Prophetæ & Apostoli. Hi non verbis tantum, sed signis & virtutibus probabant se missos: Nec quæ hominibus blanda & grata, sed quæ Deo accepta erant, annuntiabant. Vnde Paulus ad Galatas 1. 10. *Si adhuc hominibus placerem, Christi seruus non essem.*

127. Secunda Ratio. Quicumque hactenus immediate à solo Deo missi sunt ad instruendum populum

A in fide & religione, ita fuerunt diuinitus illustrati, & à Spiritu Sancto directi, ut nullum unquam mendacium, errorem aut falsitatem populo propoluerunt: At Lutherus & Calvini multa mendacia, errores & falsitates populo propoluerunt: Ergo non fuerunt immediate à Deo missi ad instruendum populum in fide & religione. Maior propositio patet inductione, quia Moyses, Prophetæ, Apostoli, Christus nihil falsum aut erroneum docuerunt. Quod de singulis testatur Christus. De Moysen, Ioan. 5. 46. *Si crederetis Moysi, crederetis & mihi: de me enim ille scripsit.* De Prophetis, Lucæ 24. 25. *Ostendi & tardi corde ad credendum in omnibus, quæ locuti sunt Prophetae.* De Apostolis, Ioan. 16. 13. *Cum venerit ille Spiritus veritatis, docebit vos omnem veritatem.* De seipso, Ioan. 14. 6. *Ego sum via, veritas, & vita.* Erratio est, quia constat Deum non posse mentiri aut falsum dicere. Si ergo aliquis assereret à Deo se missum esse immediate, ad docendam veritatem, & vel semel deprehenderunt mentiri aut falsum dicere, iam tota ipsius missio merito redderetur suspecta: Et prudenter iudicaremus, si in vno puncto nos decepisset, in aliis quoque posse decipere. Quod fateatur Lutherus in assertionem art. 25. cum ait: *Propterea in vltio alio verbo vobis ediximus, donec hoc mendacium dilueritis. Suspecti, inquam, eritis in omnibus aliis, semel deprehensi in tam crassa temeritate, &c.*

128. Iam vero Lutherus & Calvini non semel, sed sæpius mentiri sunt, & falsum docuerunt. De mē lacus eorum dicam sequenti conclusione. Falsitates seu errores plurimi sunt. Hi potissimum, Primo, hominem non habere vium liberi arbitrij, nec in bonis, nec in malis operibus; sed omnia, quæ fiunt ab homine necessario fieri. Secundo, Deum esse auctorem peccati. Tertio, Deum absolute velle, ut maior pars hominum pereat. Hos & similes errores merito detestamur. 1. quia in Deum sunt impij & blasphemii. 2. quia hominibus horrorem ac desperationem incutiunt. 3. quia tollunt à medio omnes consolationes, exhortationes, mandata, prohibitiones, iudices, Tribunalia, totam denique politiam. Nam hæc omnia frustra sunt, si nulla est libertas arbitrij in homine. Quis credat authores eiusmodi errorum à Deo addendum missos esse?

129. Accedunt aliæ rationes, quas obiter attingā. Prima: Lutherus à Diabolo accepit doctrinam suam de abroganda Missa: Ergo non est missus à Deo. Altera: Lutherus & Calvini sunt inconstantes in doctrina, & multis contradictionibus obnoxii, ut supra ostentum est. Tertia: Vterque affirmat, nihil credendum esse, nisi quod scriptum est in verbo Dei: At ibi non est scriptum, eos à Deo missos esse: Ergo hæc credendum non est. Quarta: Qui malis artibus conantur suam ecclesiam propagare, non sunt missi à Deo: Hoc faciunt Lutherani & Calvinistæ ut ex sequentibus constabit: Ergo non sunt missi à Deo.

XII. CONCLUSIO.

Ecclesia Lutheranorum & Calvinistarum non est hactenus legitime propagata.

130. **A**dversarii variis modis conati sunt hæc æneus, & adhuc conantur suam Ecclesiam propagare, & nostram evertere. Primo, mendaciis. 2. calumniis. 3. fictis visionibus & revelationibus. 4. fictis miraculis. 5. æquivocationibus. 6. fraudibus & imposturis. 7. falsis citationibus. 8. corruptela sacre Scripturæ. De singulis dicam aliquando,

131. Primo igitur, ut nostram doctrinam ac religionem reddant populo suspectam & odiosam; falso nobis hæc affingunt. *Primo*, quod doceamus nullum esse Deum, nullum Christum, nullam resurrectionem. (Calvinus lib. 4. Institut. cap. 7. §. 27.) *Secundo*, quod habeamus Christum pro fabula, vel pro ficto aliquo numine gentilium. (Lutherus in præfatione commentariorum epistolæ ad Galatas, Anno 1538.) *Tertio*, quod relicto Christo Mediatore, queramus alium Mediatorem, nempe Traditiones humanas. (Philippus in Apologia Confessionis Augustanæ, capite de traditionibus humanis in Ecclesia.) *Quarto*, quod dicamus fidem non requiri ad Sacramentum Pœnitentiæ. Imo, quod definiamus esse hæresim asserere fidem esse necessariam. Lutherus de captivitate Babylonica, cap. de Sacramento Pœnitentiæ. *Quinto*, quod doceamus cum Pelagianis hominem solis naturæ viribus sine gratia Dei, posse præcepta Dei servare, & mereri gratiam & iustificationem. Philippus loco citato. *Sexto*, quod dicamus Papam posse dispensare contra vetus ac novum Testamentum: posse mutare substantiam Sacramentorum: posse creare, seu aliquid ex nihilo producere. Gabriel Pouelus in libro de Antichristo. *Septimo*, quod negemus animam esse immortalem. Lutherus contra Ambrosium Catharinum. Omitto similia mendacia, quæ prope infinita sunt.

132. Secundo, variis columnis conantur invidiam nobis creare. Sparserunt annis superioribus, Iesuitas in Belgio machinatos esse mortem Mauritio Comiti Nassovio. Calumnia hæc, publica Magistratum & Rerum publicarum autoritate, refutata est. Sparserunt, Antwerpæ infami supplicio affectum fuisse Iesuitam propter enorme flagitium. Uniuersa Antwerpia reclamauit. Sparserunt Iesuitas Monachieneses in Biauaria, non modo stuprum virgini obtulisse, sed atrox etiam homicidium patrassse Serenissimi Ducis Imperio, calumnia hæc solenni diplomate dissipata est. Sparserunt, quatuor Iesuitas propter enormia facinora, Cracovæ in Polonia, mandato Serenissimi Regis Stephani, morti destinatos esse. Hanc fabulam ipse Stephanus Rex, urgente Reuerendis. & Illust. Principe Vvolfgango, Archiepiscopo & electore Moguntino, Regis literis ac sigillo confutauit. Sparserunt non ita pridem, Christianissimum Galliarum ac Navarra Regem Henricum Quartum instinctu & consilio Iesuitarum, à Sicario occisum esse. Sed fatentur ipsi, calumniam esse. Et quid dicam cætera?

133. Tertio, fictis visionibus & reuelationibus se tuentur. Exemplo sint Sacramentarii, præsertim Andreas Cotolitiadus, Nicolaus Pelargus, Marcus Stubnerus, & Thomas Muncerus, qui ut suam sectam de Sacramento Eucharistiæ facilius persuaderent populo, simulabat se habere frequentes visiones & colloquia cum Deo; & nosse futura & secreta cordium: ideoque à Luthero per ironiam, cœlestes Prophetæ appellati sunt. Extat liber Lutheri, cum hac inscriptione, *Aduersus cœlestes Prophetas*. Porro axioma horum Prophetarum erat, *Non omnia ea, quæ credi oporteat, ex scripto Dei Verbo petenda, sed longe excellentius ac fide dignius esse, si quis peculiarem aliquam reuelationem per insomnium aut visionem sibi factam proferre possit. Hanc enim non mortua litera, sed viva Dei vocis manifestationem esse quebant, eoque prætextum multis è simplicioribus misere seducebant*. Ita referunt Lutherani in Historia Confessionis Augustanæ, pag. 46. & alibi.

134. Quarto fictis etiam miraculis putant se doctrinam suam persuadere posse. Ut alia præteream, illustre est, quod Calvinus Genevæ petrare voluit. Res sic habet. Pretio conduxit quendam Brulleum

A nomine, ut similes se mortuum esse. Factum est. Interea vxor Brullei, totius rei conscia plorat apud mariti lectulum. Accessit Calvinus, quasi aliud acturus, cum magno comitatu; & à femina seiscitatus est, cur eiularet. Respondit afflictam se esse propter mortem mariti, qui iam extinctus esset, magno rei familiaris incommodo. Cui Calvinus: Bona, inquit, animo esto. Et mox, flexis genit. simulat se orare, ac deinde lectulum accedens, apprehensa manu iacentis, sic cum affatus est: Impero tibi in nomine Iesu, ut surgas & ambules. Nihil fit. Repetit iterum & tertio. Sed frustra. Nam qui se fraudulentè mortuum simulabat, Deo sic disponente, reuera mortuus inuentus est. Nec alia fuit vis miraculi Calvini, quam ut sanus moreretur. Qualem miraculum, talis doctrina. Rem gestam copiose describit Hieronymus Bolsecus in vita Calvini cap. 13.

135. Quinto, Vtuntur etiam Equiuocationibus ad sectam suam stabiliendam. Ex vno disce omnes. Theodorus Beza scripsit quandam Confessionem, in qua asseruit, Christum vere ac realiter præsentem esse in Cœna. Addebat in eam Confessionem consentire Heluetios & Geneuenses Sacramentarios. Hoc ideo fecit, ut Lutheranos, qui agnoscent veram ac realem Christi præsentiam in Eucharistia, dolo pertraheret ad sectam Sacramentariorum, quasi eadem esset horum & illorum sententia. Placuit eadem res Lutheranis, & publice ceperunt promulgare, ac sibi gratulari, quod Sacramentarii, mutata sententia Lutheranam doctrinam amplexi essent. Egro hoc tulerunt Heluetij, & grauitè in Bezam inuecti sunt, quod de ipsorum mutata sententia fallidè sparsisset. Beza ad Equiuocationis asylum confugiens respondit, se quidem vera scripsisse, sed à Lutheranis male fuisse intellecta. Non enim locutum se esse de Cœna Domini, quæ celebratur in terris, (de qua tamen erat quæstio) sed de Cœna, quæ celebratur in cœlo, ubi Christus vere & realiter præsens est. Quis deinceps credat his omnibus, qui in re seria ita ludunt & decipiunt? Refert hanc historiam Claudius Sanctes in responsione ad Apologiam Bezae, & Cardinalis Bellarmin. lib. 1. de Eucharistia cap. 2.

D 136. Sexto, ut plurimum fraudibus & imposturis rem gerunt. Extant infinita exempla. Vnum, quod lepidum simul ac memorabile est, attexam. Lutherani nuper ediderunt Tractatum, cui titulus est, *Atatholicus Papatus*. Eum scripsit Iacobus Hailbrunnerus; & approbarunt Ministri ac Theologi Lipsienses, Vvitebergenses, Dresdenses, Tubingenses, Sturgardienses. In eo tractatu, inter cætera, conati sunt probare, ecclesiam Romanam non esse veram ecclesiam: idque argumento ex concessione Catholicorum desumpto, in hunc modum: non potest esse vera ecclesia sine gratia Dei: At gratia Dei iam pridem recessit ab ecclesia Romana, ut fatetur Nicolaus Lyranus in Epist. 2. ad Thessalonicenses, c. 2. Ergo Ecclesia Romana non est vera Ecclesia. Hoc argumento putabant se Catholicos posse constringere. Sed detecta est impostura. Nam Catholici, inspecto Lyrano, inuenerunt hæc verba: *Gratia iam nudum recessit ab Ecclesia Romana*. Boni isti viri, pro Gratia, poluerunt, Gratia. Vbi fides, ubi candor? Miror autem vel maxime, tot prædicantes, tot Confessoriales, tot Theologos & Academicos Lutheranos; qui Hailbrunneri Tractatum legerunt & approbarunt, vel non notasse hanc fraudem, vel si notauerunt, dissimulasse; in altero ignauos; in altero impostores fuisse, necesse est.

137. Septimo, in falsis citationibus assidui sunt: quod ex duplici causa solet euenire. 1. ex infortuna. 2. ex

nocendi libidine. Priori modo peccant illi, qui nec legunt authores, quos citant nec sciunt modum, quo citare eos debeant. In quorum numero est Richardus Harris, qui in libello suo de Concordia Anglicana, inter ceteros errores (quos notavi in Examine Concordiæ Anglicanæ) habet etiam hunc. Volebat ex iure Canonico citare Extravagantem Ioan. 22. Et cum in Sexto Decretalium, habeatur huiusmodi citandi formula, *Extrag. Cum inter, Ioan. 12. De Verborum significatione*: Ipse ex mera ignorantia sic citavi: *Extravag. Cum inter, pag. 22. Quasi idem esset, pag. 22. & Ioan. 22.* Similem errorem commisit quidam Batauus Calvinista in libello contra me scripto, De Aphorismis Calvinistarum, in quo citat Petrum de Aliaco, & Cameracensem, tanquam duos auctores distinctos, cum sit vnus idemque author, qui habet duo nomina. Dictus est enim Cameracensis, quia fuit Archiepiscopus Cameraci in Belgio. Hoc Batauus nesciuit. Posteriori modo peccant alij, qui diffisi de bonitate causæ, mala fide rem gerunt. Sic fecit Pleissæus Calvinista in Tractatu de Eucharistia, in quo plusquā quadringentæ falsæ citationes deprehensæ sunt. Notavit illas episcopus Ebroicensis (nunc Cardinalis) & coram Christianissimo Rege Henrico IV. authorem conuicit. Res Orbi nota est. Simili modo peccat Hailbrunnerus, qui à nostro Iacobo Kellero de eodem crimine reus agitur.

138. Octauo ubique corrompunt & deprauant Scripturam ad suas hæreses stabiliendas. Et potissimum quatuor modis. 1. adiectione. 2. detractiōe. 3. mutatione. 4. falsa interpretatione. exempla obuia sunt. Rom. 3. 28. sic legimus. *Arbitramur hominem iustificari per fidem.* Lutherus de suo adiecit, *per solam fidem.* Item 1. Corinth. 9. 5. legimus: *Nunquid non habemus potestatem mulierem sororem circumducendi, sicut & ceteri Apostoli?* Lutherus adiecit: *Mulierem circumducendi in uxorem.* Cui consentit Bez 2, qui sic habet: *Annon habemus potestatem sororem Vxorem circumducendi, vtr̃ reliqui Apostoli?* Nimirum noui isti Prophetæ, vt suam intemperantiam aliquo modo tegant, conantur populo persuadere, etiam Paulum & alios Apostolos habuisse uxores, easque, quocunque irent, circumduxisse. Cum tamen Paulus c. 7. v. 8. satis clare insinuet, se coluisse virginitatem, vt etiam notauit Augustinus lib. de opere Monachorum cap. 4. & plerique alij.

139. Detractionis exempla sunt hæc. Beza & plu-
res alij omittunt totum illum versiculum, A& 15. 47
Præcipiens custodire præcepta Apostolorum & seniorum.
Nec cogantur fateri, quod Catholici docent, Præla-
tos Ecclesiæ habere potestatem condendi leges aut
imponendi præcepta, quibus subditi teneantur pare-
re. Similiter 2. Pet. 1. 10. vbi Apostolus ait: *Satagite ut*
per bona opera certam vestram vocationem & electionem fa-
ciatis: omittunt tres illas voculas, *Per bona opera.* Sunt
enim otores bonorum, operum. vt supra ostendi.

140. De mutat. habemus memorabile exemplum in Theodoro Beza. Nam Lucæ 22. 20. ubi Græcus textus habet, *τοῦτο ἐστὶν τὸ ποτήριον τὸ ἀγίου διαθήκης ἐν ᾧ ἀίματι μου, τὸ ὑμῶν ἰσχυρίσθη*, id est, *Hoc poculum novum Testamentum est in meo sanguine, quod pro vobis effunditur*: ipse sic mutavit ἐν ᾧ ἀίματι μου, ἐν τῷ ποτὶ ὑμῶν ἰσχυρίσθη, id est, *Hoc poculum novum testamentum est in meo sanguine, quod pro vobis effunditur*. Quare hoc? Nimirum videbat Catholicos ex illo loco sic argumentari: In illo poculo quod Christus tradidit Apostolis bibendum in Cœna Eucharistia, vel erat proprie & vere vinum; vel proprie & vere sanguis Christi. Non po-

A tuit proprie & vere esse vinum, quia poculum vini non est effusum pro nostra salute. Christus autem loquitur de poculo, quod pro salute nostra effusum est. *Hæc, inquit, est poculum in meo sanguine, (vel poculum mei sanguinis quod pro vobis effunditur.)* Necessè ergo est in illo poculo fuisse vere & proprie sanguinem Christi. Ita Catholici. Beza præ desperatione, cum aliud non posset, maluit textum mutare & corrumpere, quam Catholicis consentire. Itaque pro eo, quod textus habet, *Poculum sanguinis quod effunditur*, reposuit, *Poculum sanguinis quod effunditur. Audax facinus.*


141. Denique quod falso interpretentur Scripturam, infinitis exemplis probari posset. Vnum aut alterum accipe. Legimus Matth. 19. 17. *Si vis ad vitam ingredi, serua mandata.* Hoc Calvinus non serio, sed ironicè à Christo dictum esse vult: quasi impossibile sit seruare mandata Decalogi. Item legimus. Matth. 26. 28. *Hic est sanguis meus,* Multi Calvinistæ sic explicant: Hoc vinum significat Sanguinem meum. At Plessæus sic: *Hæc est acerba mors,* quam pro vobis sustinebo, Vtrumque prauè. Denique Act. 2. 27. legimus: *Non derelinques animam meam in inferno,* Quod Beza sic interpretatur, Non derelinques cadaver meum in sepulchro. Omitto similia.

142. Ex dictis colligitur discrimen inter Apostolos ex vna parte, & inter Lutheranos, & Calvinistas ex altera. Nam Apostoli, vt supra ostensum est, propagarunt suam doctrinam virtutibus, signis & miraculis. Et in eo imitati sunt exemplum Christi, qui similiter fecit. At Lutherani & Calvinistæ propagant suam doctrinam mendaciis, calumniis, fictis visionibus & miraculis, æquiuocationibus, fraudibus & imposturis, falsis citationibus, corruptelis Scripturæ. In quo non imitantur exemplum Christi, sed Diaboli, qui omnium mendaciorum, calumniarum, & similium malarum artium author est.

ETILOGVS.

D EX hoc Tractatu de Ecclesia percipient Catho-
lici magnam consolationem & securitatem in ne-
gotio religionis : Aduersarii è contratio, confusio-
nem & dissidentiam. Nam Catholici cum Augusti-
no sequuntur hanc certam & fixam regulam : *Tota
Ecclesia non potest errare in fide.* Vnde inferunt, secu-
ros esse, qui publice prohtentur id, quod tota Eccle-
sia profitetur. Aduersarii tenent contrariam hanc re-
gulam : *Tota Ecclesia potest errare in fide.* Ex qua se-
quitur, totam ipsorum ecclesiam errare posse ; ac
proinde etiam Lutherum, Calvinum, & alios Mini-
stros, qui sunt in ipsorum Ecclesia. Neminem igitur
tutum ac securum esse de sua fide, qui illos sequitur.
Sequitur enim eos, qui in fide errare possunt.

E Videat nunc prudens Lector, vtra regula plus mo-
menti habeat. Regula Catholicorum habet pro se
testes omni exceptione maiores. Habet promissionē
Christi, *Porta inferi non praualebunt aduersus eam.* Ha-
bet testimonium Apostoli, *Ecclesia est columna & fir-
mamentum veritatis.* Habet consensum Orbis Chri-
stiani. Habet quotidiana miracula. Habet viros san-
ctitate, continentia, auctoritate conspicuos. His om-
nibus destituti sunt aduersari. Nulla apud eos mira-
cula: nulla sanctitatis effigies. Vigiliæ & ieiunia exu-
lant, Castitas probro est. Mæz artes dominantur.



DE
R E P V B L I C A
E C C L E S I A S T I C A
L I B R I Q V A T V O R

C O N T R A M A R C V M A N T O N I V M D E
D O M I N I S.

I N D E X C A P I T V M M A T E R I A M
H O R V M L I B R O R V M C O M P L E C T E N T I V M.

L I B R I P R I M I

De Christo supremo Ecclesiae Capite
seu Monarcha.

Cap. 1. An Ecclesia Christi, ab ipso Christo
fundata & edificata sit?

Cap. 2. Quomodo Christus coeperit esse Ca-
put Ecclesiae?

Cap. 3. An Christus sit Caput Ecclesiae vi-
sibile?

Cap. 4. Quod sit officium Christi quatenus
est Caput Ecclesiae?

Cap. 5. An non sit aliud Caput Ecclesiae pre-
ter Christum.

L I B R I S E C V N D I

De Primatu Petri.

Cap. 1. Quod Spiritus Sanctus proprie non
sit Vicarius Christi.

Cap. 2. Refellitur Primatus Petri Marco
Antonio confectus.

De Primatu vocationis.

De Primatu Charitatis.

Cap. 3. Verus Petri Primatus probatur ex
Scriptura.

Cap. 4. Primatus Petri probatur ex Patri-
bus.

Cap. 5. Primatus Petri probatur ex Augu-
stino.

Cap. 6. Primatus Petri probatur ex ~~Præ-~~
rogatiis Petri.

Prima Prærogativa Petri.

Secunda Prærogativa.

Tertia Prærogativa.

Quarta Prærogativa.

Quinta Prærogativa.

Sexta Prærogativa.

Septima Prærogativa.

Octava Prærogativa.

Reliquæ Prærogativæ.

Nona Prærogativa.

Decima Prærogativa.

Undecima Prærogativa.

Duodecima Prærogativa.

Decimatercia Prærogativa.

Cap. 7. Diluuntur obiectiones Marci An-
tonij contra Primatum Petri.

Prima Ecclesia Apostolis omnibus equo fuit
commendata.

Secunda. Evangelium reprobat Primatum
inter Apostolos.

Tertia. Ipsi Apostoli in Petro non agnouerunt Primatum.

Quarta. Petrus nunquam exercuit Primatum.

Quinta. Pauli reprehensio destruit Primatum Petri.

Sexta. Pauli scripta destruunt Primatum Petri.

Septima. Ex comparatione Petri & Pauli destruitur Primatus Petri.

LIBRI TERTII.

De Primatu Romani Pontificis.

Cap. 1. An Ecclesia Romana à Petro fundata sit?

Cap. 2. An Petrus fuerit Episcopus Romanus Ecclesie?

Cap. 3. An Pontifex sit successor Petri?

Cap. 4. An Pontifex sit Caput seu Pastor vniuersalis Ecclesie?

Priuilegia Pontificis.

Primum. Tota Ecclesia Pontifici gubernanda commissa est.

Secundum. Appellatio ad Pontificem.

Tertium. Qui in fide non vult errare, debet adherere Ecclesie, & Pontifici Romano.

Quartum. Nullum Decretum statui potest pro tota Ecclesia, nisi Pontifice consentiente.

Quintum. Pontifex potest sancire leges Ecclesiasticas, quae obligent vniuersam Ecclesiam.

Sextum. Pontifex potest excommunicare Episcopos, Reges, & Principes grauiter delinquentes, si contumaces sint.

Cap. 5. Diluuntur Obiectiones Marci Antonij contra Primatum Pontificis.

Prima. Ex Principijs Marci Antonij.

Secunda. Ex doctrina Parisiensium.

Tertia. Ex eo quod in Ecclesia nulla sit iurisdictio.

Quarta. Ex dictis Pelagij & Gregorij Pontificum.

Quinta. Ex Concilijs Oecumenicis.

Sexta. Ex Episcopis Asianis.

Septima. Ex Cypriano.

Octaua. Ex Firmiliano Episcopo.

Nona. Ex Episcopis Orientalibus in Concilio Antiocheno.

Decima. Ex Athanasio.

Vndecima. Ex Basilio.

Duodecima. Ex Nazianzeno.

Decimatertia. Ex Hieronymo & Damasco.

Decimaquarta. Ex Socrate.

Decimaquinta. Ex Ambrosio.

Decimasexta. Ex Augustino.

Decimaseptima. Ex Concilio Africano.

LIBRI QVARTI.

De Rectoribus & Ministris Ecclesiae.

Cap. 1. An singuli Episcopi cum plena potestate in solidum regant Ecclesiam?

Cap. 2. An Ministri iure teneantur ad Celibatum?


Cap. 3. An votum continentiae sit annexum sacro ordini?

Cap. 4. An votum continentiae quod sacris ordinibus annexum est, dirimat matrimonium?

Cap. 5. An sacer ordo sit Sacramentum?

Cap. 6. An Augustinus duo tantum agnoscat Sacramenta?


Cap. 7. De Monachis Apostatis.



MARTINI BECANI

DE REPUBLICA ECCLESIASTICA LIBRI QVATVOR.

Contra Marcum Antonium de Dominis.



*Libellus tuus, Marce Antoni, quem scripsisti de consilio professionis tuæ in Angliam, diebus superioribus, Viennam Austriæ ad me perlatum est, in quo promittitur decem libros de Republica Ecclesiastica, magno multorum annorum studio ab te elaboratos. 1. De Monarchia Ecclesiæ, & Primatu Petri. 2. De Ministris & Rectoribus Ecclesiæ. 3. De Hierarchia Ecclesiastica. 4. De privilegiis & præ-
eminentia Romanæ Ecclesiæ, præ aliis Ecclesiis particularibus. 5. De potestate & iurisdictione Ecclesiæ. 6. De potestate & iurisdictione Regum ac Principum in Ecclesiam. 7. De interna Ecclesiæ directione, quæ sit per fidem. 8. De externo Ecclesiæ regimine per leges, canones & iudicia. 9. De temporalibus Ecclesiæ bonis.*

10. De libertate Ecclesiastica.

2. Priores quatuor iam exstant, Londini in Angliam nuper extra si. Quid de posterioribus futurum, nescio. Porro primaria puncta, quæ in prioribus à te pertractantur, sunt fere hæc: 1. Ecclesiam Christi, non ab ipso Christo in hac vita, sed ab Apostolis post Christi ascensionem, edificatam esse. 2. Christum quidem esse caput Ecclesiæ invisibile, nunquam tamen fuisse caput visibile. 3. Vicarium Christi in regimine totius Ecclesiæ, nec Petrum, nec Pontificem esse, sed Spiritum Sanctum. Petrum reliquis Apostolis, Pontificem reliquis Episcopis parem esse, non superiorem. 4. Episcopos tamen iure divino eminentiores esse presbyteris. 5. Sacram ordinem, quo Episcopi & presbyteri initiantur, non esse propriè Sacramentum. 6. Ministros Ecclesiæ ad celibatum iure non teneri. 7. Votum continentie non esse annexum sacro Ordini, nec ulli tali voto dirimi matrimonium. 8. Monachos non esse ministros Ecclesiæ, nec fieri Apostatas, si post votum solenne, relinquant monasterium, & redeant ad vitam secularem. Omitto alia minoris momenti.


3. Ex his duo colligantur: Vnam est, te neque Catholicum esse, neque Lutheranum, neque Calvinistam, sed ab omnibus dissentire, & novum doctrinæ symbolum partim ex aliorum scriptis, partim ex tuo cerebro confarcinasse. Alterum duplici spiritu ad scribendam impulsu in te esse: altero odij in Pontificem, altero amoris propriæ excellentiæ & cupiditatis. Et quidem in Pontificem, ut passim in tuis libris apparet, amaro & iracundo es animo. Itaque ulciscendi studio, conaris illum de Primatu Ecclesiæ deturbare, negando Christi Vicarium, & visibile Ecclesiæ caput esse. Hoc non potes, nisi idem neges de Petro, cuius ille successor est. Et hoc ergo negas. Sed si Petrus non fuit visibile caput Ecclesiæ necesse est, vel neque Christum fuisse, vel Ecclesiæ statum mutatum esse quippe quæ prius habuerit visibile caput Christum; postea nullum habuerit. Posterius membrum de facta mutatione, non audes asserere. Asseris igitur, Christum non fuisse visibile caput Ecclesiæ. Quo posito, rursus sequitur, vel Ecclesiam à Christo in hac vita visibiliter existente fundatam non esse, vel si fundata est, sine visibili capite fundatam esse. Priori parti insistis. Ecce quò impellit te odium.

4. De altero spiritu qui est amoris propriæ excellentiæ & cupiditatis, nemo dubitat, qui te nonit. Nalli impar, paucis par, plerisq; superior esse vis. Deiecto Pontifice, nulli impar es: Episcopis par manes. Vt reliquis omnibus superior sis, verè quidē, sed ambitiosè contēdis, Episcopos presbyteris, iure divino, eminentiores esse. Ex quo futurum speras, ut in Anglia, non nisi cum Episcopis pari passa ambules; Cæteri, quicunque illi sint, honorem & obsequium tibi deferant. Es, ne quis audeat apostasiam tibi obicere, quod deserto patu religioso, ad sæculum rediisti: hanc quoque obiectum putas abunde satisfieri, si neges Apostatas esse;

DE REPUBLICA ECCLESIASTICA.

LIBER PRIMVS.

De Christo supremo Ecclesie capite seu Monarcha.



In partim conuenimus, Marce Antoni. A partim discrepamus. In eo conuenimus, quod Christus sit caput seu Monarcha Ecclesie. Hoc enim diserte docet Apostolus Eph. 1. 22. *Omnia subiec- ta sub pedibus eius: & ipsam dedit caput supra omnem Ecclesiam, quae est corpus ipsius.* Et cap. 4. 15. *Crescimus in illo per omnia, qui est caput Christus.* Et cap. 5. 23. *Vir caput est mulieris, sicut Christus caput est Ecclesie.* Et Coloss. 1. 18. *Et caput ipse est corporis Ecclesie.* In his vero discrepamus. 1. An Christus ædificauit Ecclesiam, cuius ipse caput est. 2. Quando ceperit illius esse caput. 3. An sit caput visibile. 4. Quod sit officium ipsius, quatenus caput Ecclesie est. 5. An solus Christus sit caput Ecclesie. De quibus ita statuis. 1. Ecclesiam non esse ædificatam à Christo, sed ab Apostolis. 2. Christum cepisse esse caput Ecclesie post ascensionem. 3. Esse caput inuisibile. 4. Habere vnum officium inuisibile: nullum visibile. 5. Nec aliud esse caput Ecclesie, præter Christum. Itaque regimen Ecclesie esse quidem Monarchicum, respectu Christi: non tamen respectu Petri aut Pontificis. Quæ omnia seorsim discutienda sunt.

CAPVT PRIMVM.

An Ecclesia Christi ab ipso Christo fundata & ædificata sit.

TV negas, M. Antoni. l. 1. c. 1. n. 22. his verbis: *Non est difficile in doctrina Catholica defendere, Ecclesiam veram primitiuam, post Christi ascensum propriè suum orium habuisse.* Et ibid. n. 23. *Ecclesia Christi reuera per Apostolos fuit ædificata, post Christi ascensionem.* Vnde cōsequēter dicis, vt postea videbimus, Christū nūquā fuisse visibile caput Ecclesie, sed inuisibile. Nā cū in terra visibilis apparuit, nondū erat Ecclesia ædificata, ex tua opinione. Ergo tunc non potuit esse visibile illius caput. Postea, quādo cœpit esse caput Ecclesie, non amplius visibilis apparebat.

2. Ego contra assero, Christum in hac vita fundasse & ædificasse suam Ecclesiam; postea Apostolos eandem auxisse & propagasse. Prior pars assertionis variis modis probari potest. 1. Quia Christus in hac vita instituit ministros Ecclesie, nempe duodecim Apostolos, & septuaginta duos discipulos; quorū hi Preibyteri fuerint, illi Episcopi. 2. In hac vita instituit noua Sacramenta. 3. Instituit nouum Sacerdotium & Sacrificium. 4. Sanciuit nouas leges Euangelicas. 5. Condidit nouum testamentum, cuius ipse mediator est. 6. Hæc omnia perfecit & confirmauit per mortem in cruce, cum dixit *consummatus est.* Deinde post

Opuſc. Bcc.

resurrectionem, cum hinc discessurus esset, dixit Apostolis suis: *Accipite spiritum sanctum: Quorum remiseritis peccata, remittantur eis: & quorum retinueritis, retenta sunt.* Et Petro seorsim: *Pace oues meas.* Quid amplius requiri poterat ad fundandam & ædificandam Ecclesiam?

3. Accedit Auctoritas Augustini, tract. 50. in Ioannem, prope finem, vbi sic habet: *Secundum præsentiam maiestatis semper habemus Christum: Secundum præsentiam carnis, recte dictum est Discipulis: Me autem non semper habebitis.* Habuit enim illam Ecclesia, secundum præsentiam carnis paucis diebus. *Modo fide tenet: oculis non videt.* Hic supponit Augustinus, Ecclesiam fundatam iam fuisse, quando Christus in hac vita secundum carnem erat præsens. Et tu ipse alibi id fateris. Nam l. 1. c. 1. n. 16. sic scribis: *Facile admittere necessitatem ministrorum, quibus vix voluit Christus, etiam dum ipse mortalis in terris, in sua Ecclesia verabatur.* Et infra n. 19. *Dicimus Apostolos omnes immediate à Christo assumptos esse, ut essent operarii, & ministri ipsius uiuentis adhuc & regnantis: Et in fundanda Ecclesia coadiutores.* Quid clarius? Ais Ecclesiam in hac vita à Christo, tanquam principali Authore: ab Apostolis, tanquam coadiutoribus, fundatam esse. Igitur tibi ipsi contradicis: quod & sæpe facturus es in sequentibus.

4. Sed tria obicis (l. 1. c. 1. n. 22. & 23.) Primo illud Psalm. 28. *Postula à me, & dabo tibi gentes hereditatem tuam, & possessionem tuam terminos terræ.* Nimirum postquam, astiterunt Reges terræ, & Principes conuenerunt in vnum, aduersus Dominum, & aduersus Christum eius. Quibus verbis promittitur Christo Ecclesia post mortem & passionem. Quod etiam pertinet illud Isaie 53. 11. *Pro eo, quod laborauit anima eius, videbit semen longeuum, id est, Ecclesiam suam, te interprete.*

5. Respondeo. Aliud est, Ecclesiam fundari & ædificari: aliud augeri & propagari, vt initio dixi. Fundata & ædificata est ante Ascensionem Christi, quādo Ministri illius ordinati, Sacramēta instituta, & reges sancitæ sunt. Aucta & propagata, post Ascensionem Christi, quādo per orbē diffusa est, & gentiles ad illā admissi sunt. Et hoc significatur illis verbis, *Dabo tibi gentes hereditatē tuam, & possessionem tuā terminos terræ.*

Simile fuit de Synagoga. Nā illa quidem fundata & ædificata est prope montem Sina, quādo Aaron, & filij eius, consecrati sunt Sacerdotes, quādo Sacramēta & sacrificia Mosaica instituta, quādo lex data, & Testamentū effusione sanguinis confirmatum est. Aucta vero & dilatata, post ingressū in terrā promissionis, quādo per Iudæam, Samariam & Galilæam fuit dispersa, & quotidie plures in eam admissi.

6. Quod citas ex Isaia, sic legendum est: *Si posueris pro peccato animā suam, videbit semen longeuum, id est, si Christus fuerit mortuus pro peccato humani generis videbit multos filios, quos sibi, tam ex Iudæis, quam ex gentibus, per meritum suæ passionis &*

B B b b

mortis, acq̃uisiturus est. Quod etiā significatur verbis sequentibus, vi Deus Pater de Christo loquens, ait: *Ideo disperiam ei plurimos, & fortium diuida spolia, pro eo, quod tradidit in mortem animam suam, & cum sceleratis reputatus est.* Neque hinc sequitur, Ecclesiam Christi post ascensionem ab Apostolis fundatam esse. Solum sequitur, Ecclesiam sponsam Christi, quæ ab ipso fundata est, successu temporis, habituram multos filios: qui cum antea fuissent spolia Dæmonum, postea liberandi essent ab illa seruitute, & cum Christo regaturi. (Vide Lucæ 11. 22.)

7. Secūdo obicit, passim dici à Theologis, ecclesiā de latere Christi fluxisse, id est, post passionē Christi fuisse inchoatam, ut tu interpretaris. Respōdeo. Tibi probandum est, post Ascensionem Christi fuisse inchoatā. Hoc inde non probas, sed contrariū. Deinde male interpretaris sententiā Theologorum. Nam illi nihil aliud dicunt, quam ecclesiā Christi, nō propriè, sed symbolicè & meritorie fluxisse, vel formatā esse ex latere Christi. Symbolicè quidem, quia ex latere Christi fluxerunt aqua & sanguis, quæ erant signa, vel symbola, significantia Baptismū & Eucharistiam, præcipua ecclesiæ Sacramēta. Meritorie vero, quia Sacramēta Ecclesiæ omnem suam vim habent ex merito passionis & mortis Christi. Ita Cyrillus libi 12. in Ioannem, cap. 39. Chrysostomus hom. 84. in Ioannem, Cornelius à Lapide in Commentari capiti 5. ad Ephesios vers. 20. & alij.

8. Tertio obicit, Christum non dixisse, *super hanc petram ædificabo*, sed *ædificabo Ecclesiam meam*, quod post ascensionem fecit per Apostolos, ut tu ais. Respōdeo: Iterum tibi contradicis. Nam paulo ante dicebas, id factum esse in morte Christi, quando sanguis & aqua fluxerunt de eius latere. Nunc dicis, factum esse post ascensionem. At ego dico, tunc factum esse quando Christus ordinauit Sacerdotes, instituit Sacramēta, sancit leges, condidit testamentum, obtulit sacrificium.

9. Ad maiorem explicationem, tria tempora distinguenda sunt. Primum, ante mortem Christi. Tunc simul viguit Synagoga vetus, & Ecclesia noua simul Baptismus & circumcisio: simul sacrificium eucharistiæ, & sacrificia Mosaica: simul lex & euangelium. Alterum, in morte Christi. Tunc expirauit Synagoga cum suis ceremoniis, & sacrificiis: tunc velum Templi scissum est in duas partes: tunc lex Mosaica abrogata est. Hoc docet Augustinus epist. 19. ad Hieronymum, & Hieronymus ipse epist. ad August. quæ est 11. inter epist. August. & D. Thomas in 1. 2. q. 103. art. 3. ad 2. & alij passim. Tertium, post mortem Christi. Tunc Synagoga sepulta est: Tunc ceremoniæ & sacrificia Mosaica, quæ iam ante erāt mortua, ceperunt fœtere: vel, ut theologi loquuntur, ceperunt esse mortifera. An autē id factum sit statim ac immediate post mortem Christi, an vero post solennem Euangelij promulgationem in die Pentecostes, vetus controversia est. Hieronymus tenet priorem partem; Augustinus posteriorem. Itaque secundum Augustinum, à tempore mortis Christi, vsque ad diē Pentecostes erant quidem mortua sacrificia Mosaica, i. erant abrogata, non erant vtilia ad salutem, non habebant vim, & energiam, quam antea habuerant: Sed tamen nondum erant mortifera, id est, nondum adferebant mortem spiritualem; adhuc poterant usurpari sine peccato mortali. At post promulgatum Euangelium, ceperunt mortiferum fœtorem exhalare, & qui ea tunc usurpasset, mortali peccato se obstrinxisset.

10. Ex dictis (seniora hac controuersia inter Hieronymum & Augustinum) sumo efficax argumentum contra te in hunc modum: Si Synagoga cum suis ce-

remoniis, sacrificiis & legibus, expirauit in morte Christi, ut omnes fatentur, vel tunc orta erat ecclesia cum suis legibus & Sacramētis, vel non erat. Si erat orta, fallum est quod tu asseris, primum ortam esse post Ascensionem Christi. Si non erat orta, necesse est, Iudæos deterioris fuisse conditionis post mortem Christi, quam ante erant. Nam ante habebant Synagogam, Sacerdotes, sacrificia, quæ poterāt illis prodesse. Postea, hæc omnia erant abrogata, & inutilia. Nec tamen aliunde poterant habere subsidium, si nulla erat Ecclesia noua, in qua essent noui sacerdotes, noua sacramēta, nouum sacrificium.

11. Manet igitur certū ac indubitatum, Ecclesiam à Christo edificatam esse in hac vita. Sed tamen obiter notandum est, successiue, & non vnico quasi instanti, ædificatam esse. Nam primo electi sunt Apostoli & Discipuli, (Matth. 4. 18.) Deinde Baptismus præcipuus est, Ioan. 3. 5. *Amen amen dico vobis, nisi quis renatus fuerit ex aqua & Spiritu sancto, non poterit intrare in regnum Dei.* Postea, idē Baptismus usurpatus, Ioan. 4. 1. *Vt autem cognouit Iesus, quia audierunt Pharisei, quod Iesus plures Discipulos facit, & baptizat quam Ioannes (quanquam Iesus non baptizaret, sed Discipuli eius) reliquit Iudæam.* Tandem, in vltima cœna, Sacramentum, & sacrificium Eucharisticum institutum, & Apostoli Sacerdotes ordinati sunt. Deniq; eruentum noui Testamenti sacrificium in ara crucis oblatum est: quo peracto, expirauit omnia sacrificia Mosaica: quia non erant nisi vmbre eruenti sacrificij crucis. Vmbra autem, præsentē lumine, cessare necesse est. Postremo, post resurrectionem Christi, potestas absoluedi à peccatis data est omnibus Apostolis, & Petrus totius Ecclesiæ Pastor constitutus est, loco Christi (Ioan. 21. 17.) Quæ autem postea contigerunt, pertinent ad alteram partem assertionis meæ, quæ iam sequitur. Igitur

12. Altera pars assertionis meæ est, Ecclesiā Christi, quæ ab ipso Christo fundata est, postea ab Apostolis auctā & propagatā esse. Quod etiam successiue factū est tribus modis. Primo, quia Apostoli, post acceptum Spiritum sanctum, solenniter promulgauerunt euangelium in Ierusalem, Act. 2. 17. Deinde, admiserunt gentiles ad fidem, & Ecclesiā Christi, Act. 10. 34. Deniq; post multos annos, facta diuisione, dispersi sunt per orbem terrarū, ut impleteretur, quod dictum erat per Prophetam, Ps. 18. 5. *In omnem terram exiit sonus eorum, & in fines orbis terra verba eorum.* Et quod tūc factum est, etiam nunc fit. Nam & hoc tempore multi Apostolorum imitatores mittuntur in Indiam, Iaponiam, & alias provincias, ut ecclesia Christi noua semper accessione angeatur & propagetur.

13. Iam vides, Marce Antonie, Ecclesiā Christi primo quidē admissos esse Apostolos, Discipulos, & alios plures ex populo Iudæorū, viuente adhuc Christo in terris. Deinde etiā gentiles accessisse post Ascensionem Christi, & accessuros vsq; in finem mūdī, ut hoc cōstat ex Euangelio, vbi Christus ait, Ioan. 10. 14. *Ego sum Pastor bonus, & cognosco oues meas, & cognoscunt me meæ.* Ergo tunc habebat oues in suo ouili, id est, in sua Ecclesia, nempe conuersos ex populo Iudæorū. Nā de illis dicebat, *cognosce me meæ.* Quod de Gentilibus intelligi non potest. Illi enim non cognoscebant Christum eo tempore, id est, non credebant in Christum, non erant in ouili Christi, non erant in ecclesia. Erant tamen accessuri: quia mox sequitur: *Ei alias oues habeo, quæ non sunt ex hoc ouili, & illas oportet me adducere.* Q. D. Gentiles non sunt in meo ouili, sed in ouili falsorum Decorum: Ex quo tamen eos adducam in meum ouile, per predicationem Apostolorum. Et tunc erit vnum ouile Iudæorum & Gentilium: & vnus vtroque Pastor.

CAP. II.

Quando Christus cepit esse caput
Ecclesie?

1. **T** Vais cepisse post Ascensionem. Sic enim scribitur, lib. 1. c. 1. n. 3. *Regimen super Ecclesiam videtur Christo Domino à Patre donatum post illius glorificationem, & in celos Ascensionem.* Et hoc necessario sequitur ex illo falso principio, quod iam refutatum est, Ecclesiam Christi, post Ascensionem ipsius ab Apostolis edificatam esse. Nam si tunc primum edificata est, necesse est Christum tunc primum cepisse esse illius caput. Quod etiam confirmas ex Apostolo, Ephes. 1. 20. ubi de Deo Patre & Christo sic ait: *Suscitans illum à mortuis, & constituens ad dextram suam in celestibus, supra omnem principatum & potestatem. Et omnia subieci sub pedibus eius, & ipsam dedit caput supra omnem Ecclesiam, quæ est corpus ipsius.* Unde concludis, Christum factum esse caput Ecclesie, postquam constitutus est ad dextram Dei Patris. Ego contra oppono has duas conclusiones.

2. Prima conclusio. Christus cepit esse caput ecclesie, cum adhuc esset in hac vita. Ratio est, quia ipse in hac vita fundavit ecclesiam, ut iam probatum est: Ergo in hac vita cepit esse illius caput: alioquin ecclesia fuisset sine capite, quod est absurdum. Quod obicit ex Apostolo, intelligendum est eo sensu, quo illud Philip. 2. 8. *Humiliavit semetipsum, factus obediens usque ad mortem, mortem autem crucis: propter quod & Deus exaltavit illum, & donavit illi nomen, quod est super omne nomen, ut in nomine Iesu omne genu flectatur, celestium, terrestrium & infernorum: Et omni lingua confiteatur quia Dominus Iesus Christus in gloria est Dei Patris.* Quasi dicat: Christus per suam humilitatem & passionem hoc obtinuit à Patre, ut ascendens in celum, exaltaretur super omnes creaturas, & ab omnibus palam agnosceretur, quis & quantus esset. Hinc non sequitur, quod tunc primum cepit esse caput Ecclesie militantis, ut tu perperam concedis, sed quod cepit ob omnibus agnosci & honoratistam caput omnis Ecclesie, celestium, terrestrium & infernorum. Nam antea, cum versaretur in hac vita mortali, tamen reuera esset caput & fundator ecclesie, habebatur tamen abiectus & contemptibilis, ut ipsemet facetur per Prophetam, Psal. 21. 6. *Ego autem sum verus, & non homo, opprobrium hominum, & abiectio plebis.* At in ipsa Ascensione cepit exaltari, & gloriosus apparere, & ab omnibus tanquam filius Dei adorari. Tunc dictum est, Psal. 23. 7. *Attollite portas principes vestras, & elevamini porta aternales, & introibit Rex gloria. Quis est iste Rex gloria? Dominus fortis & potens: Dominus potens in praelio.* Nimirum, qui dixit: *Ego vicimundum.*

3. Habemus simile exemplum. Nam Christus ante Ascensionem, sedebat ad dextram patris, id est, habebat æqualem cum patre potentiam, gloriam & maiestatem (ut explicant Athanasius, Basilus, Cyrillus, Chrysostomus, Damascenus, & alij apud Bellarminum lib. 3. de Christo c. 15.) Et tamen scriptura non aliter videtur loqui, quam si primum post Ascensionem cepisset sedere ad dextram patris. Quare hoc? Quia in hac vita mortali latebat Christi potentia, gloria & maiestas, & sub humana carne, tanquam sub vili pallo occultabatur. At per resurrectionem & Ascensionem, cepit fieri manifesta; non solum apud homines in terra, qui videbant illum ad celum ascendentem (Act. 1. 9.) sed etiam apud Angelos in celo, qui venerabundi & gratulabundi illum ad se venientem excipiebant. (Ila. 63. 1. & Philip. 2. 9.)

4. Secunda conclusio. Christus in celo nunc existens, adhuc manet caput ecclesie militantis, & manet Opule. Bee

A bit usque in finem mundi. Hoc concedis quidem, sed non eo sensu, quo nos. Nam ex tua opinione, Christus in celo existens per se exercet omnia, quæ pertinent ad officium capitis, nec vitur opera ullius ministri. At secundum Catholicos non exercet omnia per se, sed quædam per se, quædam per Vicarios & Ministros suos quod cap. 4. fultius explicandum est.

5. Disputant Scholastici: An Christus, sicut dicitur caput, sic etiam dici possit membrum Ecclesie? Aliqui negant; quia membrum videtur includere aliquam imperfectionem, quam non includit caput, nempe participationem virtutis à toto corpore. Hoc autem non convenit Christo, quia nullam virtutem participat à corpore Ecclesie. Ita D. Thomas in 3. dist. 13. q. 2. art. 1. ad ultimum.

B 6. Alij vtuntur hac distinctione: Ecclesia duobus modis spectari potest, 1. Pro tota congregatione fidelium; excepto cap. 2. Pro eadem congregatione cum capite. Priori modo, sicut non est pars Ecclesie, ita nec membrum. Posteriori, & pars, & membrum, & caput. Ita Antiochodorensis & alij apud Vasquez. 3. p. tom. 1. disp. 48. c. 1. Et colligunt ex illo 1. Cor. 12. 27. *Vos estis corpus Christi, & membra de membro.* id est, de Christo, qui est principale membrum. Sed hæc questio parvi momenti est.

CAP. III.

An Christus sit caput Ecclesie
visibile?

C 1. **T** Vais invisibile esse, non visibile: Et quidem duplici titulo. Primo, quia Christus cepit esse caput Ecclesie post Ascensionem. At post Ascensionem, respectu nostri, invisibilis est. Secundo, quia nullum habet actum capitis, nisi internum influxum gratiæ. At hic actus est etiam invisibilis. Verba tua paulo post citabo. Cur autem ita sentias causa hæc est. Catholici, quando probant, Pontificem esse Vicarium Christi, inter cætera, vtuntur etiam hoc argumento: Christus dum esset in terris, erat visibile caput Ecclesie: Ergo post Ascensionem, quando desit esse caput Ecclesie visibile, debuit esse aliud caput visibile, loco Christi, alioquin forma gubernandi Ecclesiam esset mutata, quod est absurdum. Hoc argumentum te pressit. Ita que ne cogereris admittere, Pontificem esse visibile caput ecclesie, negasti Christum fuisse visibile caput Ecclesie in terris. Quid Catholici sentiant, iam dicam.

D 2. Prima conclusio, Christus in hac vita existens, erat visibile caput Ecclesie. Quod fuerit caput ecclesie supra demonstratum est. Quod fuerit visibile, dupliciter probatur: Primo, quia visibiliter Ecclesiam edificavit, instituendo nova Sacramenta, ordinando novos ministros & Sacerdotes, sanciendo novas leges, offerendo novum sacrificium in ara crucis. Secundo, quia eandem visibiliter gubernavit, docendo, monendo, increpando, corrigendo.

E 3. Hanc conclusionem, ut inconstans es, vno loco negas, altero admittis. Negas lib. 1. c. 1. n. 23. his verbis: *Christus nullum capitis visibilis unquam munus in sua Ecclesia exercuit:* Admittis paulo post n. 24. cum ais: *Ego sane in Christi visibili regimine ordinario, hæc tantum observo: Sacramenta visibilia instituere, Ministros vocare & mittere evangelizare, Ministros suos errantes corripere & increpare, legem explicare, eamque à corruptelis vindicare. Alium generis officia, à capite Christo, ut visibilis erat, præsumptim, ego certe non reperio.*

4. Si nunc quæram ex te, Antoni, an Christus in hac vita fuerit visibile caput Ecclesie, necne? Respondabis. Fuit, non fuit: Fuit, quia visibilia Sacramenta instituit, Ministros misit, legem explicavit. Non fuit, quia nullum visibilis capitis munus exercuit. Quæ est aperte

contradictio. Quo vitio laborant omnes, qui ab Ecclesia unitate recedunt. Taceo, falsum esse, quod ais, Christum non exercuisse alia officia visibilis capitis, quàm quæ à te enumerata sunt. Nam non solum explicauit legem Mosaicam. (Matth. 5. 21.) sed etiam nouas leges Euangelicas sanciuit de Baptismo & Eucharistia. *1. Cor. 3. 5. Nisi quis renatus fuerit ex aqua & Spiritu sancto, non potest introire in regnum Dei: & Ioan. 6. 53. Nisi manducaueritis carnem filij hominis, & biberitis eius sanguinem, non habebitis vitam in vobis.*

5. Secunda Conclusio: Christus in cælo nunc existens, est caput Ecclesie inuisibile, quia per se non gubernat Ecclesiam visibili modo, sicut antea fecerat; sed tantum inuisibili, per internum influxum gratiæ. Hoc concedis. Ex hac & præcedenti cōclusionē duo colliguntur: 1. Ecclesiam Christi eo tempore, quo Christus vixit in terris, fuisse gubernatam à visibili capite, nempe ab ipso Christo, qui tunc visibiliter præsens erat. 2. Eandem Ecclesiam nunc etiam debere gubernari à visibili capite: alioquin forma gubernationis esset mutata, & cōsequenter non esset nunc eadem Ecclesia, quæ tunc fuit. Sicut non censetur manere eadem Respublica, quando forma gubernandi, prius fuit Monarchica, & postea incipit esse Aristocratica. De quo plura dicam c. 5.

CAP. IV.

Quod sit officium Christi, quatenus est caput Ecclesie.

1. **C**ertum est, Christum non propriè, sed metaphoricè esse caput Ecclesie. Itaque explicanda est methaphora seu similitudo, quæ est inter caput & corpus, itemque inter Christum & Ecclesiam.

2. Tria spectari possunt in capite naturali, (vt notat D. Thomas 3. p. q. 8. art. 1.) nempe ordo, perfectio, & virtus. Ordo quidem, quia caput est primum seu supremum inter membra humani corporis. Perfectio autem, quia in capite virgent omnes sensus, tam interni, quàm externi. Virtus denique, quia caput sua virtute gubernat reliqua membra, & vim motiuam ac sensitiuam illis suppeditat.

3. Hæc tria, seruata proportionē, conueniunt etiam Christo, respectu Ecclesie. 1. Quia Christus est primus & supremus inter membra Ecclesie. 2. In Christo est plenitudo gratiæ. 3. Christus gubernat Ecclesiam, & habet vim influendi gratiam in membra Ecclesie, iuxta illud Ioan. 1. 16. *De plenitudine eius nos omnes accepimus.* De duobus prioribus non est inter nos contentio. De tertio est. Nam tu aliter sentis de gubernatione, quàm Catholici. Quod sic ostendo.

4. Duo sunt modi, quibus caput humanum gubernat reliqua membra. Vnus, per internum influxum; qui in eo consistit, quòd ex capite, tanquam ex fonte seu principio deriuantur spiritus sensitiui in reliqua membra. Vnde fit, vt reliqua membra possint vitam conseruare, & suas functiones exercere. Alter, per externam directionem, quæ in eo consistit, quòd caput per intellectum, voluntatem, visum, auditum, & alios sensus, qui in eo vigent, dirigat reliqua membra in externis actionibus, ne aberrant: quo pacto per intellectum & voluntatem dirigit manus, ne quid illicitum committant: Et per visum dirigit pedes, ne in foueam incidunt, & sic deinceps.

5. Hoc posito, quæstio est, An Christus, quatenus est caput Ecclesie, imitetur hos duos modos in gubernanda Ecclesia? Tu admittis priorem tantum modum, qui est per internum influxum gratiæ: negas posteriorem, qui est per externam directionem. Sic enim scribis L. 1. c. 1. p. 3. *Hæc regimen (Christi in Ecclesiam) co-*

tum est spirituale, nec eget corporali presentia sed influxu interna gratia peragitur. Et ibidem n. 12. *Totum ipsius regimen ab eo, vt à capite, diuinis influxibus absoluitur.* Et iterum n. 16. *Christus omnia munera capitis obis per se perfectissime, in quibus nullis indiget ministris.* Hic excludis omnia externa munera, & consequenter externam gubernationem. Et solum admittis internam, quæ est per influxum donorum gratiæ.

6. At Catholici admittunt vtrumque modum cum D. Thoma, loco citato. Et meritò. Nam vterq; modus in scriptura tam clarè explicatur, vt nullus sit dubitandi locus. Prior quidem (qui est per influxum donorum gratiæ) Rom. 12. 3. *Vnusquisque sicut diuisit Deus mensuram fidei:* & 1. Cor. 12. 4. *Diuisiones gratiarum sunt, idem autem spiritus.* et 1. phei. 4. 7. *Vnicuique nostrum data est gratia secundum mensuram donationis Christi.* Et alibi expressissime.

7. Posterior vero (qui est per externam gubernationem) 1. phei. 5. 22. *Mulieris viris suis subdita sint sicut Domino: quoniam vir est caput mulieris, sicut Christus caput est Ecclesia.* Ex quo loco constat, Christum esse caput Ecclesie, non solum eo sensu, qui iam explicatus est; sed etiam eo sensu, quo vir est caput mulieris. At vir est caput mulieris per externam gubernationem. Teneatur enim mulier in externis actionibus se dirigere iuxta imperium sui viri, qui est quasi Dominus ipsius. Vnde etiam Sara, virum suum Abraham, vocauit Dominum suum, Gen. 18. 21. *Dominus, inquit, meus vetulus est.* Hoc spectant sequentia testimonia, Gen. 3. 16. *Sub viri potestate eris, & ipse dominabitur tui.* Et 1. Cor. 13. 34. *Mulieres in Ecclesia taceant, non enim permittitur eis loqui, sed subditas esse sicut & lex dicit.* (loquitur de Lege ex Genesi iam citata) et 1. Tim. 2. 11. *Mulier in silentio discat cum omni subiectione.* et 1. Petri 3. 1. *Similiter & mulieres sint subditæ viris suis.*

8. Addo, nomen capitis, quando sumitur metaphoricè pro eo, qui gubernat, vltatè in scriptura sumi pro eo, qui gubernat, per externam directionem, vt 1. Reg. 15. 17. *Nonne cum paruulus esses in oculis tuis, caput in tribubus Israel factus es?* loquitur de Saule, qui factus erat Rex. Et Isaia 7. 8. *Caput Damasci Rasin.* Et ibid. *Caput Samaria filius Romelia.* Vbi Rasin, qui erat Rex Syriæ, vocatur caput Damasci. Et Phacee, filius Romelie, qui erat Rex Israel, vocatur caput Samariæ. Vtroque autem loco sumitur nomen capitis pro Rege, seu Principe, qui in externo regimine gubernat subditos. Et Isaia 19. 15. *Noueris Agypto opus, quòd faciat caput & caudam, id est, Agyptij non habebunt Regem, cui subiecti sint.* et Ier. 31. 7. *Exultate in latiria Iacob, & huiusmodi contra caput gentium, i. cōtra Reges & Principes gentium.*

9. Ignitur Christus vocatur caput Ecclesie, non tantum propter internum influxum gratiæ, sed etiam propter externam gubernationem, quo pacto vir est caput mulieris: & Sol caput populi Israel, & Rasin caput Damasci, & Phacee caput Samariæ, & vno verbo, Rex caput regni. Licet Regis gubernatio sit politica, Christi ecclesiastica. Duo tamen notanda sunt. Vnum est, Christum, cum adhuc in terris esset, per se exercuisse vtrumque officium capitis in Ecclesia. Nam & per se donabat fidelibus internam gratiam: & similiter per se dirigebat & gubernabat illos in externis actionibus, quæ ad Ecclesie statum pertinebant. At nunc cum in cælis est, per se quidem præstat prius officium: posterius vero per Vicarium. Alterum, Christum dupliciter considerari posse. 1. Quatenus est Deus. 2. Quatenus est homo: Vtroq; modo, per se præstat prius officium, sed diuersa ratione. Nam quatenus est Deus, per se physicè & effectiue producit gratiam: quatenus homo, per se moraliter & meritorie illam confert. Prior modus conferendi est illi communis cum Patre & Spiritu sancto: posterior est illi proprius.

10. Hic obiter examinandæ sunt duæ Regulæ à repositæ, Lib. 1. cap. 1. n. 23. prior est. *Quod Christus mortalis in terra visibiliter exercuit, hoc, & non aliud mortalibus hominibus, Ministris suis exercendum commisit.* Posterior, *Et quod ipse mortalis visibiliter non exercuit, neque mortalibus commisit, imò nec committere debuit, sed sibi, ut vero capiti & Domino reservavit, internum videlicet spirituales influxum.* In his regulis, & tibi contradicis ipsi, & quædam falso assens. Contradicis tibi, quia in posteriori supponis, Christum in hac vita mortali fuisse verum caput Ecclesiæ, & internum gratiæ influxum sibi reservasse. At alibi dicis, ut supra notavi, Christum post ascensionem cepisse esse caput Ecclesiæ. Quæ duo non cohærent inter se. Deinde falsum est, quod aîsin priori regula Christum commisisse suis Ministris, quidquid ipse visibiliter in terra exercuit. Nā ipse visibiliter instituit Sacramenta, quod ministris suis nō commisit. Similiter, & contrario falsum est, Christum nihil aliud commisisse suis discipulis, quàm quod ipse visibiliter exercuit. Nā commisit illis, ut irent in uniuersum orbem, & baptizarent omnes gentes, quod ipse visibiliter non exercuit.

CAP. V.

An non sit aliud caput Ecclesiæ præter Christum?

1. **N**on disputo iam speciatim de Petro vel Pontifice, de quibus postea dicturus sum, sed generatim inquirō. an sit aliquod visibile caput Ecclesiæ in hac vita, quod Christo sit subordinatum, & illius vicem gerat? Hic in vno contentis mecum, in altero discrepas. In eo consentis, quod nullum sit tale caput, si spectemus internum influxum gratiæ. Nam nullus hominum in hac vita est, qui per modum capitis possit internam gratiam nobis communicare sicut Christus communicat. In eo autem discrepas, quod ne quidem, quoad externam gubernationem, admittas vllum caput Ecclesiæ, loco Christi. Solum Christum absolute vis esse caput Ecclesiæ, & præter illum, nullum alium, quicumque ille sit. In quo nō solum dissentis à Catholicis, qui constanter docent, Pontificem esse caput Ecclesiæ, loco Christi: Sed etiam à Serenissimo Rege Angliæ (ad quem, tanquam ad Patronum confugisti) qui asserit Imperatorem in Imperio, & vnumquemque Regem in suo regno, esse Prælatum seu caput Ecclesiæ, quoad externam gubernationem.

2. Tribus argumentis te oppugno, quibus generatim ostendam, oportere esse aliquod caput visibile Ecclesiæ, præter Christum. Postea diluam obiectiones, quas opponis. Primum sumitur ex analogia veteris ac noui Testamenti hoc modo: Figura debet correspondere figurato, & vmbra, seu rudis delineatio imaginis, debet correspondere ipsi imagini, alioquin illam non repræsentaret. At vetus Testamentum est figura seu vmbra noui Testamenti: Ergo debet illi correspondere. Nemo dubitat. Iam vero Synagoga V. T. semper fuit gubernata ab vno visibili capite, nempe à summo Pontifice, cui reliqui omnes erant subiecti: Ergo etiam Ecclesia N. T. debet hoc modo gubernari, alioquin non esset correspondentia & analogia inter hanc & illam.

3. Hic discursus nititur triplici fundamento. Primum est, quod figura debeat correspondere figurato: & delineatio imaginis, ipsi imagini. Ad quod duo requiruntur.

1. Ut quicquid est in imagine, repræsentetur aliquo modo per delineationem imaginis: Et quicquid est in re figurata, repræsentetur aliquo modo per figuram, seu typum illius. 2. Ut delineatio imaginis, quæ talis, sit imperfectior ipsa imagine, & figura seu typus alicuius rei, quæ talis, sit imperfectior, quàm res ipsa, quæ per figuram significatur. Vnde sequitur à fortiori, quod quic-

Opusc. I. cc.

quid perfectionis est in figura, debeat exactiori modo esse in re figurata. Et quicquid perfectionis est in rudis delineatione imaginis, debeat exactiori modo esse in ipsa imagine. Hoc clarum est.

4. Alterum fundamentum est, quod vetus Testamentum sit figura seu vmbra Noui Testamenti. Et ea, quæ contigerunt in Veteri Testamento, sint figurae seu vmbrae eorum, quæ contingunt in Nouo Testamento. Hoc expresse docet Apostolus, 1. Cor. 10. 11. & Heb. 10. 1. Vnde speciatim sequitur, Synagogam V. T. fuisse figuram seu vmbra Ecclesiæ N. T. et Moysen, Mediatorem V. T. (Gal. 3. 19.) fuisse figuram seu vmbra Christi mediatoris N. T. (Hebr. 8. 6. & 9. 15. & 12. 24.) quod frequenter docet Augustinus, præsertim lib. 83. questionum, quæst. 61. & serm. 49. de verbis Domini, cap. 6. & serm. 86. de tempore.

5. Tertium est, quod Synagoga V. T. semper gubernata fuerit ab vno visibili capite seu Monarcha, nempe à Pontifice, cui reliqui omnes erant subiecti. Hoc patet ex libris Exodi, Levitici, & Deuteronomii. Ac præsertim ex illo Deut. 17. 12. *Qui autem superbiens nolens obedire Sacerdotis imperio mori morietur.* Hoc admittunt, non solum Catholici, sed etiam Lutherani & Calvinistæ. Sic enim loquuntur Magdeburgenses Centur. 1. l. 1. c. 7. *In Ecclesia populi Iudæi vni tantum erat lege diuina Sacerdos summus, quem omnes cogebantur agnoscere, eique parere.* Vide etiam Caluicum, l. 4. Inst. c. 6. §. 2.

6. Igitur ex his principijs sic concludo: Omnis perfectio, quæ est in figura vel vmbra alicuius rei, debet expressius & exactius esse in re ipsa: ergo omnis perfectio, quæ fuit in Synagoga V. T. debet expressius & exactius esse in Ecclesia N. T. At gubernari ab vno capite seu Monarcha, est quædam perfectio, & quidem maior perfectio, quàm gubernari à multis. Hæc autem perfectio fuit in Synagoga, ut ex dictis patet. Ergo exactiori modo debet esse in Ecclesia.

7. Quod autem maior perfectio sit, gubernari ab vno capite, quàm à multis, communis Doctorum sententia est, apud Card. Bellarminum, l. 1. de Pontifice, c. 2. Et confirmatur exemplo, quia perfectius est, mundum gubernari ab vno Deo, & regnum ab vno Rege, quàm si aliter fieret. Nam vbi vnus gubernat totam communiam, ibi facilius seruetur pax inter subditos, & maior est consensus ad resistendum hosti, & regimen est magis stabile ac diuturnum. Vbi autem duo vel plures gubernant cum pari potestate, ibi facilius oritur dissensio, tum inter gubernatores ipsos, quando quisque proprium sequitur iudicium, tum etiam inter subditos, quorum aliqui sequuntur vnam factionem, alij alteram: Ac promde non potest esse tanta vnio & concordia ad resistendum hosti, neque regimen esse tam stabile ac diuturnum iuxta illud Christi, Lucæ 11. 17. *Omne regnum in seipso diuisum desolabitur.* Et hoc docet quotidiana experientia apud aduersarios. Nam Lutherani & Calvinistæ, quia non agnoscunt vnu caput suæ religionis, cui se subiciant, dissecti sunt in varias partes, quæ nunquam componuntur.

8. Dices, Analogia, quæ est inter Synagogam & Ecclesiam, in eo consistit, quod sicut Synagoga habuit vnum caput, nempe Pontificem; ita Ecclesia habeat vnum caput, nempe Christum. Respondeo. Duplex analogia assignanda est: Vna, quoad internum influxum gratiæ; altera, quoad externam gubernationem. Prior in eo consistit, quod sicut Christus, per sua merita preuisa, contulit Synagoga internam gratiam, ita per sua merita iam exhibita, multo abundantioram gratiam conferat Ecclesiæ. Posterior in eo, quod sicut Moyses Mediator veteris Testamenti, fuit primum caput visibile Synagoga, quoad externam gubernationem, ita Christus, Mediator Noui Testamenti, fuerit primum caput visibile Ecclesiæ, in externo regimine. Rursum, sicut post

B B b b ij

mortem Moſis, ſemper perſeueravit viſibile regimen Synagogæ, ita poſt Aſcenſionem Chriſti ſemper perſeueret viſibile regimen Eccleſiæ.

9. Ex vtraque analogia colliguntur hæc. 1. Inuiſibile caput Synagogæ & eccleſiæ, quoad internum influxum gratiæ, eſſe idem, nempe Chriſtum. 2. Viſibile caput Synagogæ & Eccleſiæ, quoad externam gubernationem, eſſe diuerſum. Nam viſibile caput Synagogæ, ab initio fuit Moſes, cui poſtea ſucceſſerunt Pontifices legales. Viſibile autem caput Eccleſiæ, ab initio fuit Chriſtus cuius locum poſtea ſuppleuit Petrus, & eius ſucceſſores. 3. Moſem fuiſſe figurā Chriſti, quoad externam gubernationem. Nam ſicut Moſes fuit Legislator, Mediator & princeps in Veteri Testamento, ita Chriſtus in nouo. 4. Pontifices Veteris Testamenti fuiſſe typum ſeu figuram Pontificem Noui Testamenti. Nam ſicut illi, in externo regimine, præſidebant toti populo Iudzorum, ita hi, toti populo Chriſtiano-

rum. 10. Secundum Argumentum ſumitur ex iis ſcripturæ testimoniis, vbi Eccleſia comparatur cum exercitu bene ordinato. (Cant. 6. 3. *Pulebra es amica mea, ſuavis & decora, ſicut Ieruſalem, terribilis ut caſtrorum acies ordinata.*) Item cum Regno. (Dan. 2. 44. *Suſcitauit Deus cælum regnum, quod in æternum non diſſipabitur.*) Item cum ouili. (Iſa. 10. 16. *Fiet vnum ouile, & vnus paſtor.*) Item cum domo. (1. Timot. 3. 15. *Vt ſcias, quomodo oporteat te in domo Dei conuerſari, quæ eſt Eccleſia Dei viui, Item cum humano corpore. (1. Cor. 12. *Sicut corpus vnum eſt, & multa habet membra, ita & Chriſtus.*) Si ita eſt, neceſſario ſequitur, ſicut exercitus bene ordinatus regitur ab vno Imperatore, regnum ab vno Rege, ouile ab vno Paſtore, domus ab vno Patrefamilias, corpus humanum ab vno capite, ita etiam eccleſiam gubernari ab vno Rectore. Nec ſatis eſt, ſi dicas, hunc vnum Rectorem eſſe Chriſtum. Chriſtus quidem Rector eſt, quoad internum influxum gratiæ, etiamſi abſens ſit, ſed non poteſt eſſe, quoad externam gubernationem, quando abſens eſt. Igitur alius debet eſſe illius loco. Quod patet ex metaphoris iam allatis. Nam ſicut in exercitu, quando procedit contra hoſtem, neceſſario debet addeſſe vnus ſupremus Dux, aut in eius abſentia, aliquis illius Vicarius, qui omnia dirigat, & cui omnes reliqui obediunt, ſic etiam ſeruata proportionem fieri debet in Eccleſia. Alioquin non erit vnitas, ſed diuiſio, ſchiſma & diſſenſio.*

11. Exemplo rem declarabo. Sint in vno exercitu duo vel tres Imperatores cum pari poteſtate: quorum vnus decernat pugnandum eſſe cum hoſte, alter, quietum, tertius, fugiendum, quid putas facturos milites? Alij cum hoc, alij cum alio conſpirabunt. Tollitur vnitas, oritur ſchiſma, exercitus diſſipabitur. Vis applicem? Sint in eccleſia Chriſti, quæ vnica eſt, plures Episcopos cum pari poteſtate, qui nullum in terra ſuperiorem agnoſcant, vt tu fingis. Vnus eorum decernat, Eccleſiaſticos non obligari ad cœlibatum, alius contrariū ſtatuat, tertius in dubio relinquat, quid hic faciet populus Chriſtianus? quid Clerici inferiores, qui episcopis ſubiecti ſunt? Diſtrahentur in varias ſectas & diſſidia. Quis rediget illos ad vnitatem, ſi non eſt vnus aliquis ſuperior, cui omnes teneantur obtemperare? An tu ipſe, Marce Antoni? At reliqui episcopos non audient te vnum: nec agnoſcent te iudicem, ſed parem. An illi potius? At neque tu illos agnoſces, vt iudices, ſed vt collegas, in equali tecum poteſtate conſtitutos. Quis ergo? An generale Episcoporum Concilium? Sed quis illud ſua authoritate indicet? Quis omnes Chriſtiani orbis episcopos ad cœcilium conuocabit? Quis, ſi venire abnuant, legitimè compellet? Nemo, ſi omnes pares ſunt. Sed veniāt ſanè. Quis concilio præſidebit? Quis ſententiā, cui omnes acquieſcere debeant, pronuntiabit? Certè,

vel vnus aliquis, vel plures, vel omnes ſimul, vel nullus. Si vnus aliquis, vel plures, non parebis: alioqui, cur Pontifici, & multis alijs Episcopis illi adhzrentibus non pares: cur refractarius es: Si omnes ſimul, quid ſi diſſentiant: Si nullus, controuerſia non finitur. Nul- lum igitur in eccleſia, ſi omnes pares ſunt, remedium eſt. Nec tu aliud præter fugam, reperisti.

12. Tertium argumentum ſumitur ex institutione Chriſti, hoc modo. Primum regimen, quod Chriſtus in eccleſia inſtituit, fuit viſibile & Monarchicum, quoad externam gubernationem. Nam ipſemet Chriſtus, vt ſuprà oſtenſum eſt, etiam ex tua conſeſſione (in qua tamen inconstans es) tanquam ſupremum caput & Monarcha viſibiliter ſuam eccleſiam fundauit & gubernauit. Vel ergo poſt Aſcenſionem Chriſti, manſit viſibile & monarchicum regimen, vel mutatum eſt. Si manſit, neceſſe eſt, eccleſiam poſt Chriſti Aſcenſionem, ſemper gubernatam fuiſſe ab vno viſibili Capite ſeu Monarcha, quod nos contendimus. Si mutatum eſt, planè ſequitur, eccleſiam ipſam mutatam eſſe, nec eandē nūc eſſe, quæ olim fuit. Sicut enim quelibet Reipublica cœſetur mutari, teſtes philoſopho, quādo mod⁹, ſeu forma gubernandi mutatur, ſic etiam de eccleſia ſtatuendum eſt. Atqui abſurdum eſt dicere, eccleſiam Chriſti mutatam eſſe: Ergo abſurdū & illud, ex quo hoc ſequitur.

13. Hoc argumento, quo vſi ſunt Nicolaus Sanderus, & Cardinalis Bellarminus, ſetiste premi, et conaris dupliciter occurrere. Primò ais, ſemper manſiſſe eandem Eccleſiā, & eandem gubernandi formam. Quod declaras hac ſimilitudine. Si Rex terrenus, peregre proficiſcens, poſſet ſuis miniſtris animo & cōſilio addeſſe, eoſq; ſingulis momētis inſtruere ac per eos totā regni gubernationē exercere, non ſecus, quā ſi corpore præſens eſſet, certe in tali caſu non indigeret Vicario, ſed ipſe per ſe diceretur gubernare ſuum regnū, ſicut prius gubernabat, cū præſens erat. Nec villo modo cœſeretur facta mutatio in gubernatione. At ſic ſit in Eccleſia. Nam Chriſtus, tamenſi poſt Aſcenſionem corpore abſens ſit, animo tamen ac directione præſens eſt: Et non minus inſtruit miniſtros ſuos, quā olim, cū præſens eſſet.

14. Hæc reſponſio non valet. Primò, quia falſum eſt, in tali caſu, quem tu fingis, non mutari formam gubernandi. Nā prior forma eſt viſibilis & externa: poſterior inuiſibilis & interna. In priori, Rex per externā vocem & directionem gubernat Miniſtros & ſubditos: in poſteriori, per internam inſpirationem. Quæ duz formæ valdè inter ſe diſcrepant. Nam ſubditi in priori, ſi oritur aliqua controuerſia, poſſunt ad ſuum Regem viſibiliter recurrere, & clarè ipſius ſententiā audire. In poſteriori tenentur manere ſuſpenſi, quia Miniſtri Regis nihil aliud poſſunt litigantibus reſpondere, quā ſc. per internam inſpirationem humanam; ſcire mētē Regis abſentis, quod non ſufficit ad tollendas controuerſias. Imò, merito poſſent ſubditi dubitare, an Miniſtri Regis non ſint maliſioſi, & fingant ſc. quod neſciunt. Secūdd, falſū quoq; eſt, Chriſtum abſentem (ſublato Vicario viſibili, qui ipſius loco ſit) non minus inſtruere ſuos miniſtros, quā ſi præſens eſſet. Nam ſi præſens eſſet, clarè & rotundè diceret, vel M. Antonium errare in doctrina de cœlibatu, vel certè alios Episcopos, qui ab eo diſſentit. At nunc, cū abſens eſt, hoc nō facit. Aut, ſi facit, quæro ex te, an te ſolum inſtruat, an alios ſolū Episcopos, an vtroſque: Si te ſolum, Monarcha es, quia ſolus. Si alios ſolos, teneris illos audire. Si vtroſque, cur diſſentitis: *Non eſt diſſenſionis Deus, ſed pacis.*

15. Dixi, ſublato Vicario viſibili. Nam illo admiſſo (ſicut nos illum admittimus) fatemur Chriſtū abſentem non minus inſtruere miniſtros ſuos, quā ſi præſens eſſet. Non quidem immediate per ſc, ſed mediante ſuo Vicario, quem in terris habet. Nam per illum ita dirigunt Miniſtros ſuos, vt in doctrina errare non poſſint, ſi

ipsius sententiâ sequantur. Hoc sensu scribit D. Hieronymus, epist. 8. ad Demetridem cap. 9. *Illud te pio charitatis affectu pramonendum puto, ut sancti Innocentij, qui Apostolica cathedra successor est, tenas fidem, ne peregrinam, quamvis tibi prudens callidaque videaris, doctrinam recipias.*

16. Videbas hanc tuam responsionem non subsistere: ideoque aliam adhibes, quæ priorem euercit. Ais, Ecclesiam Christi ædificatam esse post Christi Ascensionem, & ab eo tempore, semper manifestè eandem formam gubernandi. Christum semper fuisse illius Monarcham seu caput invisibile, per internam directionem: nunquam visibile, per externam gubernationem. Sed hoc figmentum. 1. satis fusè refutatum est. Nunc solum addo hoc dilemma. Vel Christus ab initio rexit suam Ecclesiam visibiliter, vel non. Si rexit visibiliter, falsa est posterior tua responsio. Si non rexit visibiliter, inanis est prior.

17. Multa obicis (lib. 1. c. 1. n. 2. & sequentibus) quorum aliqua iam refutata sunt; reliqua hic refutanda. Primo obicis illud Rom. 12. 5. *Multum unum corpus sumus in Christo, singuli autem alter alterius membra.* Vbi Apostolus (ut tu argumentaris) nullum aliud caput agnoscit, nisi Christum: Et inter membra corporis, non minus includit Petrum, quam alios fideles. Imo omnes fideles vult esse membra, non solum respectu Christi, sed etiam respectu ipsorum inter se. Quod probas ex illis verbis, *Singuli autem alter alterius membra.* Igitur & Petrus, & Pontifex sunt membra corporis Ecclesiæ non solum, si conferantur cum Christo, sed etiam si conferantur cum aliis fidelibus. Non sunt ergo caput Ecclesiæ. Respondeo, Apostolus discrete ibi loquitur de Christo, quatenus est caput Ecclesiæ per internum influxum donorum gratiæ: et sic verum est, omnes fideles, etiam Petrum & Pontificem, esse membra, non caput. Omnes enim accipiunt gratiam à Christo, tanquam à capite: nullus à Petro vel Pontifice. Si autem sermo sit de Christo, quatenus est caput Ecclesiæ per externam gubernationem, tunc non solum ipse, sed etiam Petrus est caput: ille quidem primarium, & propria virtute, hic vero secundarium, & virtute ab illo participata.

18. Dices, Ergo Ecclesia erit biceps, quia habebit duo capita. Respondeo. Nihil hic novum. Nam & Regnum Angliæ, posset hoc sensu, esse biceps. si Rex peregrinè proficiscens, relinqueret domi Vicariū, qui tantisper Regnum administraret. Et de facto, Regnum Lusitanæ biceps est, quia Regem absentem habet, & pro regem præsentem: Vtrumque, ut caput in externo regimine; sed alterum alteri subordinatum. Idem dico de Ecclesia. Biceps est, quia habet duo capita, primarium & secundarium. Accipe aliud exemplum ex Apostolo, Ephes. 5. 23. *Vir, inquit, caput est mulieris.* At mulier præter virum, qui caput ipsius est; habet etiam naturale caput in suo corpore. Igitur biceps est. Et tu ipse, M. Antoni, tria habes capita. Vnum in tuo corpore, naturale: alterum in directione spiritali, Christum: tertium in directione politica, Regem Angliæ, Nec vllum horum negare audes. Triceps igitur es. Non miraris?

19. Secundo obicis. Sicut caput & reliqua membra hominis constituunt unum integrum corpus naturale; ita Christus & Ecclesia constituunt unum integrum corpus mysticum, quod conflatum est ex capite & membris, (Corinth. 12.) Ergo omnes, præter Christum, qui caput est, sunt membra corporis Ecclesiæ: Ergo nullus, præter Christum, est caput Ecclesiæ. Respondeo. Hæc obiectio soluitur eodem modo, quo prior. Nā caput potest dupliciter conferri cum membris. Primo, quoad internum influxum, qui procedit à capite in reliqua membra: et sic vnus corporis vnus est caput. Secundo, quoad externum regimen: Et sic

Opusc. Bec.

vnus corporis possunt esse duo capita. Quo pacto corpus mulieris habet vnum caput, à quo recipit influxum spirituum sensitiuorum: habet duo, à quibus regitur in externis actionibus. Nam & à proprio capite naturali, & à viro, qui caput ipsius mortale est, gubernatur. Idem est de Ecclesia. Habet vnum caput, quoad influxum gratiæ: habet duo, quoad externam gubernationem quorum vnus supplet vices alterius. Et priori modo solus Christus est caput: reliqui omnes sunt membra: posteriori, non solum Christus, sed etiam Petrus est caput: qui tamen priori modo erat membrum, & non cadit.

20. Quando ergo obicis ex Apostolo, quod Christus & Ecclesia, constituent vnum integrum corpus mysticum, quod ex capite & membris conflatum est: hoc intelligi debet priori sensu. Nam Apostolos in eo à te citato, discrete loquitur de Christo, quatenus est caput Ecclesiæ, quoad internam diuisionem donorum gratiæ, ut in textu patet. Et sic concedo, ut iam ante concessi, omnes, præter Christum, esse membra Ecclesiæ: Et nullum præter Christum, esse caput Ecclesiæ. Quod si similem obiectionem facias de Christo, quatenus est caput Ecclesiæ per externam gubernationem: primo quidem, te ipsum oppugnabis, quia tu negas Christum esse eiusmodi caput. Deinde facillime dissoluetur obiectio ex nostra parte. Nam Christus cum suo Vicario erit Caput: reliqui omnes, membra. Sicut fit in regno Lusitanæ. Rex cum suo prorege est caput regni: alij membra.

21. Tercio obicis. Patres non agnoscunt vllum caput Ecclesiæ, nisi Christum, ut Augustinus lib. de Unitate ecclesiæ, cap. 2. & 4. & Tract. 108. in Ioannem, & lib. de Pastoribus, cap. 13. Gregorius in Psal. 5. penitentialem, & lib. 4. epist. 38. & Chrysostomus hom. 11. in epist. ad Ephesios. Et probant ex illo, Ephes. 4. 15. *Crescamus in illo per omnia, qui est caput Christus: ex quo totum corpus compactione & connexum per amicum iuncturam subordinationis, secundum operationem in mensuram vniuersiusque membris, augmentum corporis facit in edificationem suam in charitate.* Respondeo. Eadem est solutio. Nam Apostolus loquitur de Capite Ecclesiæ, quod internam gratiam infundit in alia membra. Et tale Caput est solus Christus. Idem docent Patres à te citati. Non negant tamen quin præter Christum sit aliud Caput visibile, quod in externo regimine gubernat Ecclesiam. Imò expresse affirmant, ut sequenti libro, cap. 4. videbimus.

22. Quarto obicis. Christus est sacerdos in æternum, ut passim docet scriptura, (Ps. 109. 4. & Heb. 7. 17.) Quid ergo necesse est, inquis, dare illi Vicarium, vel successorem in terris? Cur summum hic Pontificem quarimus, si Christus Sacerdos & Pontifex noster sempiternū habet sacerdotium, & Pontificatum sempiternum? Respondeo. Si ex eo præcise, quod Christus dicatur esse Sacerdos in æternū, contendis probare, nullū esse Pontificē, nisi Christum, poteris similiter probare, nullum esse Sacerdotem, nisi Christum. Vbi ergo tuū sacerdotium? Vbi tuus Episcopatus? Sed ad rem. Apostolus loco citato ostendit Christum, qui est Sacerdos & Pontifex Noui Testamenti, dupliciter differre à Sacerdote & Pontifice Veteris Testamenti. 1. Quia Pontifex Veteris Testamenti erat mortalis. Christus post Resurrectionē, immortalis. 2. Pontifex Veteris Testamenti, quādo moriebatur, indigebat Successore: Christus, quia nō moritur, nō indiget Successore. Neque nos Catholici, ut tu inuidiose fingis, damus illi Successorē, sed Vicarium & Ministrum, Quæ duo valde distinguuntur. Nam successor succedit cum pari potestate, ut successor Regis in regno, successor Imperatoris in Imperio, successor Aarōnis in sacerdotio legali. Nemo autem succedit Christo cum pari potestate. At Vicarius aut minister non habet.

B B b l iij

parem potestatem cum eo, cuius Vicarius aut minister est, sed delegatam. Sicut ergo non pugnat, Christum habere Sacerdotes, tanquam Ministros in oblatione sacrificij Eucharistiae: ita non pugnat, habere Ministros & Vicarios in externa Ecclesiae gubernatione. Inter hos Ministros vnus supremus est, qui dicitur Pontifex. Quid hic mali est? Nihil penitus.

23. Ex his tuis obiectionibus propono hoc dilemma: Vel aliquid probant, vel nihil. Si nihil frustra à te adferuntur. Si aliquid, quæ procedunt de Rege, ac de Pontifice. Si ergo conuincunt Pontificem non esse caput ecclesiae, eo quod solus Christus sit Caput Ecclesiae: etiam conuincunt Regem non esse Caput ecclesiae, propter eandem causam. Si autem hoc conuincunt, iam iterum tibi contradicis. Vna pars contradictionis est hæc solus Christus, & nemo præter Christum, est Caput Ecclesiae. Altera est hæc: Non solus Christus, sed etiam quilibet Rex in suo regno, est Caput Ecclesiae. Priorem habes in obiectionibus iam allatis. Posteriores lib. 1. c. 12. n. 43. his verbis: *In quolibet regno Rex potest merito, in bono sensu Catholico, dici esse Caput, id est, supremus gubernator Ecclesiasticus regni sui.* Quod tamen negant Tookerus & Burhillus Theologi Anglicani. Vide, quid illis in Anglia respondere debeas.

24. Hæc generatim dicta sint de Capite Ecclesiae, Ex quibus constat, Christum esse caput Ecclesiae, tam visibile, quam inuisibile. Visibile quidem, quia vel per se, vel per Vicarium suum visibiliter gubernat ecclesiam. Inuisibile, quia per internum influxum fidei, spei, charitatis, & aliorum donorum spiritualium inuisibiliter viuificat & vegetat membra Ecclesiae. Deinceps speciatim querendum est, an Petrus fuerit visibile caput Ecclesiae, præ aliis Apostolis.



LIBER SECVNDVS.

DE PRIMATV

PETRI.

Ecce tria, ut nosti, M. Antoni, pro eodem usurpari solent. 1. Petrus est visibile caput totius Ecclesiae, loco Christi. 2. Petrus est Vicarius Christi in regimine totius Ecclesiae. 3. Petrus habet Primatum totius Ecclesiae. Quæ omnia bilem tibi mouent: & velles sublata esse, ne cogaris Pontificem, Petri Successorem, pro tali agnoscere. Itaque sic statuis. 1. Nullum esse caput Ecclesiae, præter Christum. 2. Spiritum sanctum propriè esse Vicarium Christi in regimine Ecclesiae, non Petrum. 3. Petrum non habere Primatum Ecclesiae, Ne tamen planè videaris exorbitare, tribuis illi aliquem Primatum: non illi, quem nos illi tribuimus, sed alium, qui à te confectus est. Nos dicimus, Petrum habere Primatum Ecclesiasticæ potestatis & iurisdictionis. Tu dicis, habere Primatum ætatis, vocationis & seruatoris. Nec alium agnoscis. Et omnia argumenta, quæ à nostris adferuntur ex Scriptura, Patribus, Conciliis, & Canonibus, pro Primatu Petri, putas per Primatum à te confectum, dissolui, vel saltem eludi posse. Primatus autem iste, te interprete, in eo consistit, quod Petrus omnes Apostolos præcesserit ætate, vocatione ad Apostolatam, & seruore Charitatis.

2. De primo puncto iam dictum est: & clarè de-

monstratum, aliud caput visibile, præter Christum admitti oportere. De reliquis duobus hic agendum, hoc ordine. 1. Demonstrandum, Spiritum sanctum non esse propriè Vicarium Christi, in regimine Ecclesiae, sed Petrum cum suis successoribus. 2. Resolvendus est Primatus Petri, quem tu fingis. 3. Astringendus verus Primatus ex Scriptura, Patribus, & aliunde. 4. Dissolvenda obiectiones contrariæ.

CAPVT PRIMVM.

Quod Spiritus sanctus propriè non sit Vicarius Christi.

TV quidem, lib. 1. c. 4. n. 2. discretè asseris, non Petrum, sed Spiritum sanctum propriè esse Vicarium Christi in Regimine Ecclesiae, sed Theologi Patientes hanc tuam assertionem censent esse erroneam, periculosam, & hæresin Macedonij expressè redolentem. Et sic est. Nam Vicarius, propriè loquendo, (sicut tu loqueris) minor seu inferior est eo, cuius est Vicarius. Si ergo asseris, Spiritum sanctum propriè esse Vicarium Christi, sicut reuera asseris, consequenter debes asserere, Spiritum sanctum esse minorem Christo. Hæc autem est hæresis Macedoniana.

1. Quod autem Vicarius, propriè loquendo, minor sit eo, cuius est Vicarius, certum est ex communi hominum usu & conceptu: non solum apud Catholicos, sed etiam apud Aduersarios. Nam quando Calvinus ait, Christum esse Vicarium Dei Patris: Calvinistæ hoc interpretantur de Christo, secundum humanitatem, non autem secundum Diuinitatem: Ne cogatur concedere, Christum secundum Diuinitatem, minorem esse Patri, quæ est hæresis Ariana. Supponunt ergo, Vicarium propriè loquendo, minorem esse eo, cuius est Vicarius. Quod & tu expresse supponis, lib. 4. c. 1. n. 4. vbi citas testimonia quorundam Patrum, qui Pontificem appellant Vicarium Petri. Et inde concludis, Pontificem retro inferiorem esse. Vel ergo bene concludis, vel malè. Si malè, nihil efficis. Si bene, supponis Vicarium minorem esse eo, cuius Vicarius est: & consequenter, si Spiritus sanctus propriè est Vicarius Christi, minorem esse Christo. Hic non potes euadere, nisi teipsum neges.

3. Addam duo dilemma. Vnum: vel Spiritus sanctus propriè est Vicarius Christi secundum humanitatem, vel secundum Diuinitatem. Si prius, sequitur Spiritum sanctum minorem esse Christo homine: Et similiter Deum esse Vicarium hominis: quod est plane absurdum. Si posterius, sequitur Christum secundum Diuinitatem, & non secundum humanitatem esse caput Ecclesiae: quod est æquè absurdum. Est enim Caput secundum eam naturam, secundum quam meritis est exaltari, & caput Ecclesiae agnosci, ut supra dictum est. At meritis est exaltari secundum humanitatem. Ergo secundum humanitatem est Caput Ecclesiae. Vnde Augustinus, lib. 1. de Trinitate c. 12. ait. *Christus secundum formam Dei, primogenitus omnis creatura: secundum formam seruus, caput corporis Ecclesie.*

4. Alterum: Vel Spiritus sanctus propriè est Vicarius Christi in externo & visibili regimine ecclesiae, vel in interno & inuisibili. Non prius, quia non gubernat ecclesiam per se visibiliter, sicut Christus in hac vita gubernauit. Nec posterius, quia internum regimè Ecclesiae consistit in infuso influxu donorum gratiæ, ut tu ipse fateris. Hunc autem influxum præstat Christus, vel meritorie, quatenus est homo: vel physicè & effectiue quatenus est Deus, ut lib. 1. c. 4. §. 9. dictum est. At Spiritus sanctus neutro modo potest esse ipsius Vicarius;

Non priori, quia non meretur nobis gratiam. Imò, cum purus Deus sit mereri non potest. Nec posteriori, quia tamen effectivè producat gratiam, tamen illa productio est communis tribus personis, iuxta axioma Theologorum. *Opera Trinitatis ad extra sunt indivisa.* Ergo nulla causa est, cur in tali productione Spiritus sanctus sit potius Vicarius Filii, quàm Pater, aut Filius sit Vicarius Spiritus sancti.

5. quod sic clarius explico. Productio donorum gratiarum non procedit à Patre, quatenus Pater est: nec à Filio, quatenus Filius est: nec à Spiritu sancto, quatenus Spiritus sanctus est: sed procedit à Patre, Filio, & Spiritu sancto, quatenus sunt unus Deus. Itaq; non sunt tria principia illius productionis, sed vnum. At vnum principium, quàm tale, non potest dici propriè Vicarius sui ipsius. Ergo nec Spiritus sanctus, quatenus est Deus potest propriè dici Vicarius Christi, quatenus ille similiter est Deus. Nam uterque est unus & idem Deus.

6. Obiicis illud Ioan. 14. 46. *Paracletus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia, quaecunque dixero vobis.* Et c. 16. 7. *Si non abiero, Paracletus non veniet ad vos: si autem abiero mittam eum ad vos.* Hinc inferis, Spiritum sanctum missum esse, ut esset loco Christi, seu ut esset Vicarius Christi. Respondeo. Non rectè hoc inferis. Missus quidem est, ut doceret Apostolos: non tamen, ut propriè esset Christi Vicarius. Hoc satis clare paulo ante ostensum est. et tu ipse, ut soles esse inconstans, idem fateris lib. 1. c. 1. n. 16. ubi de Christo, in cælo iam existente, sic scribis: *Omnia munera capitis & Regis obit per se perfectissime.* Certe, si omnia per se obit, non obit, per Vicarium. Ecce in quantas angustias te conicis.

7. Forte urgebis illam particulam, *in nomine meo*, id est, ut sit Vicarius meus. Respondeo. Varia est explicatio illius particulæ. Prima, Pater mittet Spiritum sanctum, *in nomine meo*, id est, in gloriam nominis mei. Ita Theophylactus in illum locum, et colligitur ex illo Ioan. 16. 14. *Ille (Spiritus sanctus) me clarificabit: quia de meo accipiet, & annuntiabit vobis.* Altera, in nomine meo, id est, propter meritum meum. Ita Toletus annotat. 26. in cap. 14. Ioannis. Quo sensu etiam dictum est. Ioan. 14. 13. *Quodcunque petieritis à Patre in nomine meo, hoc faciam.* Tertia, in nomine meo; id est, ad opus vel negotium meum perficiendum. Ita Toletus ibidem. Dux priores explicationes nihil te iuvant. Circa tertiã notandum est, Christum multa per externam vocem dixisse Apostolis de sua passione, morte, resurrectione, & aliis mysteriis, quæ ipsi tunc non intelligebat (Lucæ 18. 34. & alibi.) At postea, quando per internam vocem Spiritus sancti, illustrati sunt, ceperunt intelligere, & toti mundo promulgare. Et hoc est, quod ait Christus: *Spiritus sanctus, quem mittet Pater in nomine meo, ille vos docebit omnia, & suggeret vobis omnia, quaecunque dixero vobis.* Græce est. Quæcunque dixi vobis, Sensus est: Quæ à me externa voce dicta sunt, & à vobis non intellecta; intelligetis ex interna suggestionem Spiritus sancti, qui à Patre mittendus est in nomine meo: id est, ad perficiendam doctrinam, quam ex me audistis. At hinc non sequitur, Spiritum sanctum propriè esse Vicarium Christi (non enim est minor Christo) sed perfectiori modo docuisse Apostolos per internam suggestionem, quæ ipsi audierant à Christo per externam vocem.

CAP. II.

Refellitur Primatus Petri à Marco Antonio confictus.

1. **T**V fingis, Primatum Petri in eo consistere, quod fuerit primus ætate, vocatione & fervore, inter

A omnes Apostolos. Sic enim scribis lib. 1. c. 5. n. 7. *Inuenio ego Petrum Primatum aliquem, circa tamen Principatum potestatem, & iurisdictionem, esse consecutum: nimirum ex ætate, ordine vocationis, amoris fervore, & propriis virtutibus.* Et n. 18. *Cur itaque Petrus multa, primaria quadam auctoritate, ageret aut diceret, in Primatum ipsius referunt Patres, quia nimirum primus erat ætate, vocatione, ac virtute.* Et n. 19. *Atque hunc solum Primatum conuincunt, & non alium maiorem, plurima diuina scriptura & sanctorum Patrum loca, quæ postea recensebimus.* Et c. 9. n. 1. in fine. *Caput Apostolorum fuit Petrus, quia primus erat ætate, vocatione & dignitate: non auctoritate & iurisdictione.* Et n. 2. *Petrus & ætate, & vocatione, & familiaritate cum Christo, erat primus, & quasi Apostolici Collegii Decanus, Præses & caput.* Et num. 20. *Erat primus ætate, primus in ordine Apostolorum primus fervore & zelo.*

2. Ego contra contendo. Primo, maiorem illi Primatum deberi, qui consistit in potestate, & iurisdictione. Quod sequentibus capitibus demonstrandum est. Secundo, primatum, quem tu fingis, partim incertum, partim falsum, partim insufficientem esse. Quod sic demonstrabo.

3. Primo, incertum est, an Petrus fuerit ætate senior, quàm alii. Nam multi putant Andream fuisse seniores, ut Epiphanius hæresi 51. Baronius tomo 1. Annalium, anno 31. §. 23. Lorinus in cap. 1. Act. 5. 13. Serarius in Tractatu de Apostolis, & plures alii. Tu quidem citas pro te Cassianum & Chrysostomum, sed eos citando, non efficis rem certam, quam ego incertam dixi. Quod tu ipse fateris his verbis: *Quis enim dicam Natiuitatis horum duorum fratrum notatum videt? Quis interrogauit eorum parentes? Recte. Si ergo incertum est, etiam te assipulante, an Petrus fuerit senior ætate, quàm Andreas; certe primatus ætatis, quem tu petro tribuis, certus esse non potest. Et æque promptum erit mihi asserere, Andream fuisse seniores, quàm tibi, petrum fuisse seniores. Unde sequitur, te in arena, non in petra, Primatum petri ædificare: ac proinde, non prudentem, sed stultum architectum esse (Matth. 7. 12.)*

4. Porro Cassianus, quem tu citas, tibi contrarius est. Tamen si asserat, Petrum ætate seniores esse: tamen Primatum Petri ponit in ætate, sed Principatu. Sic enim scribis lib. 3. de Incarnatione Domini cap. 12. *Interrogemus, non incipientem aliquem puerulum, cuius institutio rudis, sed summum illum, & inter Discipulos Discipulum, & inter Magistros Magistrum, qui Romana Ecclesia gubernaculum regens, sicut fidei habuit, ita & Sacrodotij Principatum. Dic nobis ergo: Princeps Apostolorum Petre, dic quemadmodum Ecclesia credere Deum debeat: Equum est enim, ut doceas nos doctus à Domino, & aperias nobis ianuam, cuius clauem accepisti. Interroganti ergo Domino, quem eum crederent Discipuli, respondit primus Apostolorum Petrus, unus utique pro omnibus. Idem enim habuit unius responsio, quod habebat omnium fides. Sed primum de cuius respondere, ut idem esset ordo responsionis qui erat honoris: & ipse antecederet confessione, qui antecederat ætate. Hæc quidem postrema verba tu citasti, quia videbantur tibi patrocinari; Sed priora omisisti, quia aperta tibi contraria sunt. Nam ex illis constat, Primatum Petri, ex sententia Cassiani, non consistere in ætate, sed in sacerdotij Principatu.*

5. Nec Chrysostomus à te citatus tibi fauet. Nam & ille Primatum petri non tribuit prerogativæ ætatis, sed potestatis & iurisdictionis, quod tu ipse conquerris lib. 1. c. 9. n. 19. cum ais: *Chrysostomus plurimum inclinare videri potest in supremum Petri Principatum. De quo plura cap. 4. & 6.*

De Primatu vocationis.

6. **I**am vero de Primatu vocationis sic scribis lib. 1. c. 5. n. 10. *De ordine vocationis neminem habemus, qui sese nobis opponat. Omnes enim facile concedunt, ad Apostolatam primum omnium Petrum fuisse à Christo vocatum & admissum. Quod confirmas ex euangelio, Matth. 4. & Lucæ 5. sed triplex mendacium committis. Vnum in assertionem: Alterum in confirmationem; Tertium in citationem Patrum. Quæ omnia constabunt ex iis, quæ iam dicturus sum.*

7. Triplex quasi vocatio distinguenda est. Prima, qua Andreas, Petrus, Philippus, & Nathanael, non quidem propriè vocati, sed tamen admissi sunt ad Christum, tanquam familiares auditores: non eo animo, ut cū ipso constanter manerent; sed visuri, ubi habitaret, & quid diceret. Et in hac vocatione, vel potius admissione, Andreas præcessit Petrū, Philippum & Nathanaelem, ut expresse habetur Ioan. 1. 41. et omnes Patres, re etiam consentiente, idem sentiunt.

8. Secunda, qua propriè vocati sunt à Christo, tanquam Discipuli cum illo permansuri. Et sic Petrus & Andreas simul, seu, eodem tempore vocati sunt: et post illos Iacobus & Ioan. simul. Matth. 4. 18. *Ambulans autem Iesus iuxta mare Galilee, vidit duos fratres, Simonem, qui vocatur Petrus, & Andream fratrem eius, mittentes rete in mare (erant enim piscatores) & ait illis. Venite post me, & faciam vos fieri piscatores hominum. At illi continuo, relicta retibus secuti sunt eum. Et procedens inde, vidit alios duos fratres, Iacobum Zebedei, & Ioannem fratrem eius in navicula cum Zebedoe Patre eorum, reficientes retia sua: & vocavit eos. Illi autem statim, relicta retibus, & patre secuti sunt eum.* Ex hoc loco, quem tu citas pro Primatu vocationis petri, aperte colligitur, Petrum & Andream simul fuisse vocatos; & non prius Petrum quam Andream. Itaque falso citas hoc testimonium pro Primatu Petri asserendo. Nec ullus Patrum in hac re tibi stipulatur.

9. Tertia, qua propriè vocati sunt, tanquam Apostoli: vel, quod idem est, qua ex numero Discipulorum electi sunt ad Apostolatam, veluti ad altiorem gradum. Sic omnes duodecim simul, seu, eodem tempore, electi sunt Lucæ 6. 13. *Et cum dies factus esset, vocavit Discipulos suos, & elegit duodecim ex ipsis: quos & Apostolos nominavit.* Sine dubio, eodem tempore illos elegit. et hoc sensu Patres dicunt omnium Apostolorum electionem fuisse parē. Melchisedes in Epist. ad Episcopos Campaniæ: *Licet cunctis in Apostolorum par esset electio, Beato tamen Petro concessum est, ut aliis præmineret.* Et Iulius I. in Epist. ad Episcopos Orientales. *Quoniam & inter beatissimos Apostolos in similitudine honoris fuit quadam discretio potestatis: Et cum omnium par esset electio, uni tamen datum est, ut ceteris præmineret.* Certe, hi duo Patres non ponunt præminentiam petri in vocatione, ut tu facis, sed in discretione potestatis. Nam in vocatione volunt omnes Apostolos esse æquales.

10. Vides ergo, Marce Antoni, nusquam Petrum ante omnes alios, prius tempore vocatum esse. Sed obiicis, id factum esse, Lucæ 5. 10. ubi Christus in navicula Petri docens turbas, & faciens miraculum in captura piscium, primo vocavit Petrum, deinde Iacobum & Ioannem: Et mox additur: *Et subductis ad terram navibus, relicta omnibus secuti sunt eum.* Respondeo. Hic locus nihil te iuvat. Primo, quia tu coniungis hunc locum cum loco Matth. 4. quasi eadem historia utrobique, & apud Matthæum, & apud Lucā descripta sit. Si ita est, necessario sequitur, non Petrum solum, sed Petrum & Andream simul, eodem tempore vocatos esse. Hoc enim expresse habet Matthæus, ut iam ante ostensum est. Quāvis ergo Lucas non exprimat nomen Andream, sed solum petri, tamen quia Matthæus expresse ponit utrinque nomen, consequens est, utrumque eodem

A tempore vocatum esse, si eadem apud Lucam & Matthæum historia est. Si autem non est eadem (quod probabilius est) nihil penitus ex loco Lucæ conuincet. Nā ibi non legimus, à Christo vocatos, sed viso miraculo captorum piscium, sponte eum secutos esse, ut bene aduertit Augustinus lib. 2. de consensu euangelistarum cap. 57. circa finē, & Maldonatus in cap. 4. Matthæi, v. 18. Nec tamē secuti sunt, ut tu loqueris, cū perfecta adhesionem ad Iesus Christi; sed cum animo reuertēdi ad piscationem, ut loquitur B. Pater Ignatius in libello exercitiorum spiritualium (quem utinam melius legis & obseruasses. Intelligis, quid velim. Neque obstat illa verba, *Relictis omnibus secuti sunt eum*: quia nō significant perpetuam abdicationem rerum omnium) de qua loquitur Petrus Matth. 19. 27. *Ecco nos reliquimus omnia, & secuti sumus te* (sed temporariam sequelam; ut sensus sit, *relictis omnibus*, id est, desertis tantisper navibus ac retibus, *secuti sunt eum*.) Quo sensu intelligitur etiam illud de muliere Samaritana Ioan. 4. 28. *Reliquit ergo hydriam mulier, & abiit in civitatem, & dicit illis hominibus: Venite & videte hominem, qui dixit mihi omnia, quæcumque fecit: nunquid ipse est Christus.* Vide Maldonatum in illum locum.

11. Quod autem Patres interdum asserant, Petrum fuisse primum in ordine Apostolorum, hoc eo sensu debet intelligi, quo illud Matth. 10. 2. *Duodecim autem Apostolorum nomina sunt hæc; Primus Simon, qui dicitur Petrus & Andreas frater eius.* Vbi particula, *Primus*, non significat Petrum fuisse primum ordine vocationis, sed ordine dignitatis & eminētiæ. Sicut in simili exemplo explicat Augustinus, 10. de verbis Domini, cap. 3. circa illud Apostoli Pauli 1. timoth. 1. 15. *Christus venit in hunc mundum, peccatores saluos facere, quorum primus Ego sum.* Sic enim loquitur: *Ante Paulum non erant peccatores? Certe vel ipse Adam ante omnes: & plene peccatoribus terra delata diluvia. Et deinceps, quam multi: Vnde ergo verum est, Ego primus sum: Primum se dixit, non peccatorum ordine, sed peccati magnitudine. Quomodo inter Advocatos primus est iste, non quia plures annos habet, ex quo causas egit, sed quia, ex quo cepit, ceteros superavit.* Idem dico de Petro. Primus est Apostolorum non amorum spacio, sed officii dignitate: non quia diutius vixit in Apostolatu: sed quia, ex quo cepit ceteros superavit. Et sic sentiunt Patres.

12. Sed obiicis, quosdam Patres aliter sentire, nempe, Petrum ordine temporis fuisse vocatum ante omnes alios Apostolos. Sunt autem hi Patres, quos allegas pro hac sententia: Epiphanius, Cyprianus, Clemens, Hilarius, Gregorius, Hieronymus, Augustinus, Cyrillus, Chrysostomus. Respondeo. Ut ostendas hos Patres pro te esse, duo tibi præstanda sunt. Primo; quod dicant Petrum, ordine temporis, ante alios vocatum esse. Secundo, quod in eo constituent primatum petri, ut tu facis. Si in alterutro deficiis, frustra laboras, Audiamus ergo, quid dicant Patres.

13. Ex epiphanio hæresi 51. citas hæc verba: *Occursus Andream primo corrigis; cum minor esset Petrus tempore ætatis. Postea enim rursus, quando perfecta renunciatio facta est, ipse fratrem suum præcessit.* Respondeo. Vel vera sunt, quæ hic dicit Epiphanius, vel falsa. Si vera, iam verum est, Petrū ætate minorem esse, quam Andream, quod tu negas. Verū igitur negas. Si falsa, cur adducis? Forte dicturus es, priorem partem, quæ tibi contraria est, falsam posteriorem, quæ tibi fauet, veram esse. Quid si ego è contrario dicam, hæc falsam, illam veram esse? eodem iure hoc dixerim, quo tu illud. Sed non opus est hoc efugio. Sic potius dicam, posterior pars, quam tu vrges, nihil te iuvat. primo, quia nō asserit expresse, quod tu asseris, Petrum vocatum fuisse ad Apostolatam, ante Andream; sed Petrum imperfecta renunciatione præcessisse Andream. Quod commode intelligi potest hoc

secessu; Petrum externa voce, primum omnium professum esse perfectam renunciationem, cum dixit: *Ecce nos reliquimus omnia, & secuti sumus te*. Sicut etiam primus omnium, externa voce, confessus est fidem diuinitatis Christi, cum dixit: *Tu es Christus Filius Dei viui*. Nec videtur aucter intelligi posse. Nam illa perfecta renuntiatio, de qua loquitur Epiphanius, non consistit in externa abdicatione rerum temporalium, quia in illa Petrus non praecessit Andream, cum uterque simul ac eodem tempore reliquerit sua retia, iuxta illud Matth. 4. 20. *At illi continuo, relicta retibus, secuti sunt eum*. Ergo debet consistere in sincera professione perfectae renunciationis, de qua iam dictum est. At hinc non consequitur, quod tu vis. Non enim valet haec consequentia: Petrus inter Apostolos, primus omnium professus est fidem diuinitatis Christi, & perfectam renunciationem rerum temporalium; Ergo primus omnium vocatus est ad Apostolatatum.

14. Sed, etsi darem, primum omnium vocatum esse, ex sententia Epiphanius, non ideo Epiphanius pro te esset. Nam tu contendis, Primatum Petri consistere in primatu vocationis, quod Epiphanius non vult. Si enim post verba, a te citata, immediate loquitur: *Insuper autem & in hoc Deus est, qui nouit vocationes cordium, & scit, quis dignus sit primo loco locari, & elegit Petrum, ut dux esset suorum discipulorum*. Vbi distinguit internam vocationem ab externa: & asserit, Petrum electum esse Ducem Apostolorum, non ideo, quia primus externa vocatione a Christo vocatus est, (quae est tua sententia) sed quia interna cordis vocatione, se dignum praestitit, ut primum locum obtineret, & fieret dux Apostolorum, quod tua sententia contrarium est.

15. Ex eodem Epiphanius in Ancorato citat haec verba: *Ipsa Dominus constituit Petrum primum Apostolorum*. Respondeo, hoc ipsum est, quod nos asserimus. Sed longe diuersa sunt haec duo: Christus constituit illum primum Apostolorum; & Christus vocauit illum ad Apostolatatum, antequam alios vocaret. Prius verum est, posterius falsum. Nam Christus vocauit omnes duodecim eodem tempore ad Apostolatatum, & postea ex ipsis elegit Petrum, ut ipse esset primus, seu Dux reliquorum.

16. Ex Cypriano, tract. ad Quirinum, citat haec: *Petrus quem primum Dominus elegit*. Respondeo, Eodem sensu potest intelligi Cyprianus, quo Epiphanius in Ancorato. Nempe, Petrum ex duodecim Apostolis a Christo electum esse, ut esset primus, seu Princeps aliorum. Sed etiam; dicat Cyprianus, Petrum esse prius tempore electum ad Apostolatatum, quam alios: non ideo dicit, Primatum Petri in eo consistere. In quo autem consistat, ex sententia Cypriani, dicendum est, c. 4.

17. Ex Clemente epist. 1. ad Iacobum fratrem Domini, citat haec: *Petrus, qui fuit primitia electionis Domini, primus Apostolorum*. Respondeo, Fuit primus Apostolorum eo sensu, quo iam saepe dictum est. Fuit primitiae electionis Domini, quia Christus Dominus primum fructum electionis suae percepit ex Apost. Petro. Nam ille primus omnium confessus est diuinitatem Christi; primus omnium dixit: *Ecce nos reliquimus omnia*; primus omnium promulgauit Euangelium. Quae omnia fusius explicanda sunt infra, ubi de prerogatiuis Petri agendum est.

18. Ex Hilario in Matth. can. 7. citat haec: *Petrus primus credidit, & Apostolatus est Princeps*. Respondeo, Nichil contra nos. Esto, primus crediderit, quia primus dixit: *Tu es Christus filius Dei viui*; an ideo primus ad Apostolatatum vocatus est? Non sequitur. Similiter, esto, sit Princeps Apostolatus; an ideo ante alios Apostolus factus est? Nec hoc sequitur. Est quidem ante alios factus Princeps Apostolorum; sed non est factus ante alios Apostolus.

19. Ex Gregor. 1. super ezechiel. homil. 8. citat haec: *Non ad memoriam reuocat, quod primus in Apostolatatum vocatus sit*. Respondeo, Gregorius ibi commendat

humilitatem petri, quod cum ipse esse caput & Princeps Apostolorum, tamen a quo animo passus sit, reprehendi se a paulo, qui erat illius subditus. Itaque illa verba, *primus in Apostolatatum vocatus est*, non habent hunc sensum: *primus ad Apostolatatum vocatus est*; sed hunc potius, *in principem Apostolatus vocatus est*: vel, ad Principatum Apostolatus vocatus est. Quem sensum ibidem explicat his verbis: *Quatenus, qui primus erat in Apostolatus culmine, esset primus & in humilitate*. Et paulo post pergit: *Ecce, a minore suo reprehenditur, & reprehendi non dedignatur. Non ad memoriam reuocat, quod primus in Apostolatatum vocatus sit*. Vbi Paulus vocat minorem, respectu Petri, et petrum, aut, primum in Apostolatatum vocatum esse: id est, primum esse in culmine Apostolatus, ut ante dixerat.

B 20. Ex Hieronymo Epist. 13. ad Paulinum, citat haec: *Paulus Apostolus nouissimus in ordine, primus in meritis est*. Hinc ita concludis: ergo a contrario sensu, quia Petrus fuit primus in ordine vocationis, hinc Primatum hunc ordinis est consecutus. Respondeo, prius tibi probandum est, petrum eo sensu fuisse primum in ordine vocationis, quo paulus fuit nouissimus. Concedo, Paulum fuisse nouissimum, ratione temporis. Nego, Petrum fuisse primum, ratione temporis. Nondum hoc probasti. Ego ex Euangelio contrarium ostendi.

21. Ex Augustino serm. 47. de SS. Petro & paulo, citat haec: *Beatus Petrus primus Apostolorum: Beatus Paulus, nouissimus Apostolorum*. Et mox subdis ex tuo: *in quo ergo Paulus nouissimus, in eo Petrus primus: nempe in ordine vocationis*. Respondeo. Nusquam inuenio serm. 47. de sanctis Petro & paulo. Inuenio quidem tres sermones de festo Apostolorum petri & pauli, nempe serm. 106. & 107. & 108. inter sermones de diuersis: sed verba a te citata, non inuenio inter se connexa, ut tu connects: sed diuisa: Nam initio sermonis 106. sic habet August. *Beatus Petrus Apostolorum primus*. Et postea serm. 108. circa finem, sic: *Ergo quid est Apostolus? Ipsum interroga. Ego sum, inquit, minimus Apostolorum*. At hinc non sequitur, eodem sensu petrum esse primum, quo paulus est minimus, aut contra. Nam constat ex ipso paulo, quo sensu ipse sit minimus; sic enim de se loquitur 1. Corint. 15. 9. *Ego enim sum minimus Apostolorum, qui non sum dignus vocari Apostolus, quoniam persecutus sum Ecclesiam Dei*. Vbi non vocat se minimum, id est, vltimum in ordine vocationis (de quo ordine tu loqueris) sed minimum, id est, indignissimum, propter sua peccata.

22. Ex Cyrillo lib. 4. in Ioan. c. 28. citat haec: *Responsio ei committitur, quia ordine maior erat*. Respondeo. A pertam iniuriam facis Cyrillo. Tibi probandum est, petrum fuisse maiorem ordine temporis. Vel, prius tempore vocatum esse, quam reliquos apostolos. Hoc non dicit Cyrillus. Non enim loquitur de ordine temporis, sed de ordine praedicationis & prudentiae. Verba eius sunt haec: *Respondis erga Simon Petrus: Domine, ad quem ibimus? Per unum, qui praerat, omnes respondent. Et paulo post: Decet enim non omnes confusi, nec profluentes imprudenter, quasi rapta uerborum oratione. Sed cedere illis, qui & consilio, & ordine, praepositi sunt. Et statim subdit: Opus igitur erat diuinitus comprobata prudentia, soli responsionem committere illi, qui ordine maior erat*. Vel, ut ante dicebat, *qui praerat*. Nam inter illos, qui praesunt, & illos, qui subditi sunt, est quidam ordo. Vnde illi superiores appellantur, hi inferiores.

23. Ex Chrysostomo homil. 2. in Epist. ad Romanos: citat haec: *Verum, ordinis duntaxat honores est verbum id, primum: neque enim superiores partes in hoc continet (Iudaeus supra Graecum) quod maiorem iustitiam acceperit: sed in hoc solum honoratur, quod primus eam acceperit*. Vnde infero, quando Cyrillus dixit de petro, *ordine maior erat*, locutum esse de ordine temporis, non de ordine potestatis aut iurisdictionis. Respondeo, frustra est. Iam ostendi, Cyrillum loqui de ordine praedicationis & prudentiae: non de or-

dine temporis. Nec Chrysostomus explicat mentem A
Cyrilli, sed Apostoli. Rom. 1. 16. *Virtus enim Dei est in
salute omni credenti Iudeo primū & Græco.* Quærit enim
quid signi ficet illa particula, *Primū*; et respondet, si-
gnificare ordinem temporis. Iamvide, M. Antoni, an
valeat hæc cōsequētia, Chrysostomus dicit, Iudæū
ordine temporis, non potestatis, præferri Græco in
susceptione fidei æuangelicæ: ergo Cyrillus dicit,
Petrū ordine temporis, non potestatis, præferri aliis
Apostolis. Miseret me tui, si tā male sani capitis es.
24. Ex eodem Chrysostomo hom. 6. citat hæc: *Petrū
cum dico, petrā nomino indebilem, crepidinem immobilem,
Apostolum magnū, primū, Discipulorum, primum vocatū,
& primum obediētem.* Respondeo. Hoc testimonium
videtur tibi aliquo modo patrocinari, reliqua nihil,
vt ostensū est. Nā illæ dux particulæ, *primū vocatū* B
& *primum obediētem*, insinuant Petrum ante alios vo-
catū fuisse à Christo, & ante alios vocanti Christo
obtemperasse. Si hoc demus, illud quidē sequitur. Pe-
trū ex sētentia Chrysostomi, habere prærogatiuam
vocationis, ratione tēporis. At nō sequitur, quod ti-
bi probandū est. Primatū Petri, ex sētentia Chryso-
stomi, consistere in illa prærogatiua, excludēdo Pri-
matū potestatis & iurisdictionis. Imo hūc Primatū
vel maxime agnoscit Chrysost. vt cap. 4. videbimus.
25. Sed necesse non est, vt prædictas particulas acci-
piamus eo sensu, quo tu accipis. Nā idem Chrysosto-
mus alibi cū ex professo agit de vocatione Petri, di-
scerte ait, petrū & Andreā simul vocatos esse: & il-
los duos fuisse primos ordine vocationis, respectu
aliorū Apostolorū: non autē solum Petrū fuisse pri-
mū, respectu Andreæ & reliquorum. Sic enim loqui-
tur homil. 14. in Matth. *Perpende vero & fidem & obe-*
diētiā vocatorum (petri & Andreæ) & cognosces, quā
dulcis sit piscatio: si quidē in medio ipsius operis constituti,
cum illum audissent iubentem, nihil distulerunt, nihil om-
nino cūctati sunt, Non dixerunt, Reuertemur dumtaxat, lo-
quamur propinquis: sed cuncta illico relinquentes fecerunt,
quod Helisæus quoque sub Helia legitur implisse. Hic
nihil discernit inter vocationē ac, obediētiā petri
& Andreæ, sed ambos simul vocatos simul obediē-
tes fuisse ostendit, et merito. Nā id clare constat ex
Euangelio Matth. 4. 18. *Ambulans Iesus iuxta mare*
Galilææ, vidit duos fratres Simonē & Andreā: Et ait illis,
Venite post me, & faciam vos fieri piscatores hominū. At
illi continuo, *relictis retibus, secuti sunt eum.* ecce simul
visti, simul vocati, simul secuti, et cū nullus alius ante
illos vocatus sit, necesse est, illos duos primos voca-
tos esse; etiā ex sētentia Chrysostomi. Nec hoc pu-
gnat cū eo, quod ante dixit, petrum primū vocatum
esse. Nā si ambo primū vocati sunt, respectu reliquo-
rum, consequens est, petrum esse vnum ex duobus
primis, & hoc sensu primum appellari posse. Quod
etiam dico de Andrea. Nihil ergo proficis ex Chry-
stomo. Si hanc meam explicationem non admittis
cogens fateri, Chrysostomum sibi ipsi cōtradicere.
Si ita est, cur non liceat mihi vnam partem contra-
dictionis sequi, sicut tu alteram secutus es.

De Primatu Charitatis.

26. Hætenus de primatu vocationis, quæ osten-
di, fideliū esse. Sequitur primatus Charita-
tis, de quo (lib. 1. c. 3. n. 14.) sic scribis: *Petrus primus*
merito dicitur quia ceteros virtute, potissimū charitate erga
Christū superauit. Hanc posteriorē partem de excel-
lētia charitatis probas dupliciter. Primo, quia Chri-
stus, qui erat cōsciū, dixit petro, *Diligis me plus his.*
Secundo, quia multa extāt signa feruētis illius chari-
tatis, vt quod petrus ambulauerit super aquas vt citi⁹
ad Christū perueniret: quod exerto gladio conat⁹ sit

Christum defendere: quod ex eodem affectu Mal-
chi auriculam amputauerit: quod ex feruore dixe-
rit, *etiam si oportuerit me mori tecum, non te negabo*: quod
etiam dixerit, *Tu mihi lanas pedes?* quod dixerit, *Ab-*
sit à te Domine: Non erit tibi hoc, id est, non morieris.

27. Respondeo. Tu pugnas tecum ipse, vt soles.
Nam alibi asseris hæc duo. Primo, quod Petrus ha-
buerit suum Primatum, antequam illi dictum esset
à Christo, *Tu es Petrus, & tibi dabo clauēs* (1. 1. c. 3. n. 3.
in fine.) Secundo, quod reliqui Apostoli magnum
honorem detulerint Petro, propter Primatum; &
Petrus agnouerit se ab aliis propter Primatum ho-
norari (c. 9. n. 2. in fine.) Vnde sequitur, Primatum
Petri, & ipsi Petro, & aliis Apostolis fuisse cogni-
tum. Quod certē de Primatu charitatis dici non po-
test. Vel enim loqueris de interno affectu charitatis,
vel de externo signo, quo se prodit internus affectus.
Si de interno affectu, is non potuit esse notus vel ipsi
Petro, vel aliis Apostolis. Nam neq; Petrus sciebat,
quantus affectus charitatis esset in Ioāne; nec Ioan-
nes, quantus esset in Petro. Et sic de ceteris. Verissi-
mum enim est, quod Theologi dicunt: *Ecclesia non*
iudicat de occultis. Dices, Christus manifestauit inter-
num Petri affectum, cum dixit, *Diligis me plus his:* res-
pondeo. Hoc factum est post Resurrectionem: ergo
antea saltē nō fuit manifestatus. Et tamē antea ex tua
opinione, habuit Petrus suum Primatū. habuit enim
vt tu asseris, antequam ipsi dictum esset, *Tu es Petrus:*

28. Si autem loqueris de externo signo charitatis,
nec sic quidē poterāt reliqui Apostoli certo cognos-
cere, Petrum habere Primatum charitatis. Nam illa
signa; quæ à te allata sunt, non erant sufficientia ad
hoc demonstrandum. Ratio est, quia Christus fero
semper reprehendit Petrum, quando huiusmodi si-
gna exhibuit. Quod patet inductione. Nam primo,
quando ambulauit super aquas dictum est illi, *Mo-*
diea fidei, quare dubitasti? (Matth. 14. 31.) Secundo,
quando exerto gladio voluit Christum defendere,
dictum est illi, *Conuertere gladium in locum suum. Omnes*
enim, qui acceperint gladiū gladio peribunt. Matth. 26. 51.
Tertio quando dixit, *Domine, tecum paratus sum & in*
carcerem & in mortem ire: Et, *etiam si oportuerit me mori*
tecum, non te negabo: responsum est illi, *Non carabis ho-*
die gallus, donec ter abneges nosse me. Luc. 22. 34. Quarto,
quando dixit, *Tu mihi lanas pedes?* et, *non lamabis mihi pe-*
des in æternum: responsum est illi, *Si nō lauero te, non ha-*
bebis partem mecum. (Ioan. 13. 8.) Quinto, quando dixit,
absit à te Domine, nō erit tibi hoc: responsum est illi, *Va-*
de post me Satana; scandalum eris mihi; quia non sapis ea,
quæ Dei sunt, sed ea, quæ hominum. (Matth. 16. 23.)
Quomodo ergo reliqui Apostoli, qui hæc audiebant,
poterant certo cognoscere, Petrum charitate alios
omnes antecellere? Certe, ex huiusmodi increpatio-
nibus facilius erat suspicari, Petrum habere præpo-
sterum zelum, quam syncerum charitatis affectum;
& magis reprehensione quam laude, dignum esse.

29. Taceo, quod D. Thomas in 1. parte, q. 20. a. 4.
ad 3. pro sua modestia non audet definire hanc quæ-
stionem, an Christus plus dilexerit petrum, quam
Ioannem? Item, an Petrus plus dilexerit Christum,
quam Ioannes? Adfert quidem varias authorū opi-
niones: Quorum alij asserunt, quod petrus plus dile-
xerit Christum in membris: Et ideo illi Ecclesia cō-
missa sit: Ioannes plus dilexerit Christū in se ipso; &
ideo mater Christi ipsi cōmendata sit. Alij, quod Pe-
trus plus dilexerit Christum, quātum ad feruorem &
promptitudinem: Ioannes vero plus, quoad familia-
ritatem: Alij, quod incertum sit vter plus dilexerit
illum amore charitatis. Quid ipse? *presumptuosum,*
inquit, *videtur hoc diiudicare, quia, vt dicitur Proverb. 18.*
2. Spirituum ponderator est Dominus, & non alius.

30. Quid

gibus quid est pascere. Relinque illud, fortasse: illud, non A pugno illud, quatenus & quantumcumque.

7. Nos (sine fortasse) asserimus, pascere, idem esse quod officium pastorale exercere. Nemo ambigit. Officium autem pastorale includit tres actus principales, ut ex scriptura patet. Primus est, pabulum præbere, & ad pascua ducere, Ezech. 34. 2. *Ua pastoribus Israël, qui pascebant semetipsos: Nonne greges à pastoribus pasceuntur?* Et Psal. 22. 1. *Dominus regit me* (Græce est, pascit me) & *nihil mihi deerit: in loco pascue ibi me collocavit.*

8. Secundus est infirmas oves sanare, dispersas colligere, errantes reducere, contra lupos defendere, Ezech. 34. 5. *Dispersa sunt oves mea, eo quod non esset pastor: & facta sunt in deuotionem omnium bestiarum agri & dispersa sunt. Errauerunt greges mei, & non erat, qui requireret.* Et infra v. 15. *Ego pascam oues meas, & ego acubare faciam, dicit Dominus Deus.* Quod perierat, requiram: & quod abiectum erat, reducam; & quod confectum erat, alligabo; & quod infirmum fuerat, consolidabo; & quod pingue & forte, custodiam.

9. Tertius est, præesse, regere, gubernare, iudicare, discernere, castigare. 2. Reg. 5. 2. *Tu pascas populum meum Israël, id est gubernabis, ut patet ex verbis sequentibus. Etenim eris Dux super Israël.* Et Psal. 2. 9. *Reges eos in virga ferrea.* Græce est, *ἐπιμαρτυροῦντο*. Id est pascas eos. Et Ezech. 34. 17. *Vos autem greges mei, hæc dicit Dominus Deus: Ecce ego iudico inter pecus arietum & hircorum.* Et v. 20. *Ecce ego ipse iudico inter pecus pingue & macilentum.*

10. Unde sic concludo: Christus cum dixit Petro, *Pasce oues meas* commisit illi officium pastorale, respectu omnium Christianorum (nullum enim, ut dixi, excepit.) ergo dedit illi potestatem exercendi officium pastorale. Officium autem pastorale est, oues ad pascua ducere, infirmas curare, dispersas colligere, inter sanas & viciosas iudicare, contumaces cogere & ad ouile compellere lupos arcere (quæ omnia, ut patet ex scripturis citatis, & potissimum ex Ezechiele, non tantum intelliguntur de pastore brutorum ouium, sed multo magis de Pastore fidelium.) Ergo Petrus habuit potestatem hæc omnia præstandi, respectu omnium Christianorum. Potuit igitur, ratione officii pastoralis, ubique Evangelium prædicare, Sacramenta administrare, peccantes corrigere, errantes reducere, inter veram & falsam doctrinam discernere, ad unitatem Ecclesie compellere, hostes arcere: siue per se, siue per alios sibi subordinatos, ut sic explicant antiqui Patres, quorum verba referemus sequenti capite.

11. Quarta quaestio est: An aliquid peculiare concessum sit Petro per illa verba, *Pasce oues meas*, præ aliis Apostolis? Tu ais, nihil præ aliis concessum illi esse Alios non minus fuisse Pastores, quam Petrum. Sic enim scribis l. 1. c. 8. n. 3. *Quamuis verissimum sit, illa verba, Pasce oues meas, solum soli Petro fuisse dicta, etiam aliis Apost. presentibus, nihilominus in solo Petro ea effectum suum habuisse, dici nullo modo potest. Nonne ipsemet Christus dedit quosdam quidem Apostolos, alios Doctores & Pastores? Non ergo solus Petrus Pastor. Et rursum n. 4. *Præ omnibus Apostolis simul cum Petro dictum est à Christo: Sicut misit me Pater, & ego mitto vos: Et postea dictum est Petro Pasce oues meas. Neque video quomodo affirmari possit aliqui amplius dari Petro seorsim his verbis, quam datum fuerit ceteris omnibus illis.* Et iterum n. 5. *Illud contendo, nullam verba pascendi contineri potestatem, quæ non melius & amplius contineatur in illis Christi dictis, sicut misit me pater, & ego mitto vos. Et illis: Euntes docete &c.**

12. Hic plane exorbitas, mi Antoni. Et pugnas non solum cum antiquis Patribus, qui docent Petro plus datum esse, quam reliquis Apostolis, sed etiam cum Evangelio & recta ratione. Nam si Petro nihil datum est

amplius per illa verba, *Pasce oues meas*, quàm quod antea datum erat per illa: *Sicut misit me Pater, & ego mitto vos* iam nihil noui accepit per illud: *Pasce*, quod antea non habuerit meliori & ampliori modo, ut tu interpretaris, per illud, *Mitto vos*. Quid ergo necesse fuit, Christum ut tot ceremoniis circa Petrum, si nihil peculiare voluit illi dare? Quorsum illa trina interrogatio: *Simon Ioānis diligis me plus huius? Simō Ioannis diligis me? Simon Ioānis amas me?* Quorsum triplex illa commissio, *Pasce agnos meos, Pasce agnos meos, Pasce oues meas?* Otiose hæc omnia facta esse necesse est, si nihil datum est Petro quod antea datum non fuit. Imo, si quod antea meliori & ampliori potestate datum fuit, postea deteriori & restrictiori concessum est.

13. Ais, nihil otiose hic factum esse, sed multa mysteria in hoc vno facto contineri. Primum, inquis, *mysterium est unitatis collegii Apostolici, ut ipsum collegium dissolueretur.* Cum enim Petrus solus ex duodecim Apostolis negasset Christum expresse, poterant reliqui merito illum excludere, vitare, abicere, & consequenter dissolvere unitatem illam collegii Apostolici. Igitur, ne hoc fieret, dictum est Petro, coram aliis Apostolis, *Pasce oues meas*, id est mane in collegio Apostolorum, & fac quod illi faciunt. Pro hac interpretatione citas Optatum Mileuitanum & Augustinum. Sed mala fide. Nam illi duo, sicut & alij patres, multo aliter explicant hoc mysterium unitatis. Aiunt in eo consistere, quod Christus voluerit seruare unitatem in Ecclesia, quæ vix seruari potest, nisi constituto vno capite cui reliqui omnes subiecti sint. Itaque petrum à Christo constitutum esse, cum illi dictum est, *Pasce oues meas*, id est, gubernare Ecclesiam meam.

14. Audiamus Patres. Optatus lib. 2. contra Parmenianum, non longe à principio, sic sentit: *In qua (Romana cathedra) sedet omnium Apostolorum caput, Petrus. Unde & Cephas appellatus est. In qua una cathedra, vniuersas ab omnibus seruaretur, ne ceteri Apostoli singulas sibi quisque defenderent: Vt iam schismaticus & peccator esset, qui contra singularem cathedram, alteram collocaret. Ergo cathedra unica est, &c.*

15. Augustinus l. de Pastoribus c. 13. *Imo vero & in ipso Petro unitatem commendauit. Multi erant Apostoli, & vni dicitur, Pasce oues meas. Quod clarius explicat Hieron. lib. 1. contra Iovinianum, cum ait: Propterea inter duodecim unus eligitur, ut capite constituto, schismaticis tollatur occasio. Et Cyprianus lib. de simplicitate prælatorum, Petro post resurrectionem suam dicit, Pasce oues meas. Et quamuis Apostolis omnibus post Resurrectionem suam, parem potestatem tribuat, & dicat: Sicut me misit Pater, & ego mitto vos: Tamen ut unitatem manifestaret, unitatis eiusdem originē ab vno incipientem sua auctoritate disposuit. Hinc apparet, non sincere sed fraudulenter, à te citatos esse Patres, pro mysterio unitatis, quod commentus es.*

16. Secundum mysterium sic explicas (ibidem n. 9. in fine) *Petro soli dictum est à Christo, Pasce oues meas, quia tunc petrus erat figura, & representabat omnes Ecclesie Prælatos; Et ut omnium procurator generalis omnium nomine accepit eorum pastoralem.* Et producis Augustinum, lib. de Agone Christiano cap. 30. & alibi. Sed & tibi, & Augustino contrarius es. Tibi quidem, quia paulo ante dicebas, Christum ideo dixisse Petro, coram aliis Apostolis, *Pasce oues meas*, ut alii non excluderent eum à suo collegio propter peccatum negationis, sed sciret restitutum esse in suum locum. Hoc dicis, ideo factum esse, quia Petrus representabat omnes Ecclesie Prælatos, & erat generalis procurator, qui omnium nomine accipiebat eorum pastoralem. Hæc inter se pugnant, si Christus loquebatur cum Petro, tanquam cum privato reo, qui propter priuatum peccatum excludendus erat à collegio Apostolorum certe non loquebatur cum illa, tanquam cum generali Procuratore, qui omnium no-

8. n. 1. Petro singulariter & personaliter dicum esse, *Pasce*. De qua repugnantia dicam iterum c. 7. §. 21.

17. Deinde quæro ex te: Si Petrus fuit generalis procurator omnium prælatorum, an fuerit omnium Prælatorum absolute, etiam Apostolorum; an omnium, exceptis Apostolis. Si prius, necesse est, Apostolos non per se, sed per procuratorem accepisse curam pastoralem. At hoc antea negasti, asserens, eos accepisse per se, quando ipsis dictum est, *Mitte vos*. Si posterius, sequitur Petro plus aliquid datum esse, quam aliis Apostolis, quod ante negasti. Nam illi datum est, ut esset generalis Procurator omnium Prælatorum Ecclesiæ, quod aliis non fuit datum.

18. Tertium mysterium sic proponis: *Tertio discipulo testis, Petro singulariter Christum dicere. Pasce oves meas, hoc est, Israëlitas, qui tunc solerant Christi oves. Unde & dicebat Mat. 10. 6. Ite ad oves, quæ perierunt, domus Israel. & Mat. 15. 24. Non sum missus, nisi ad oves, quæ perierunt, domus Israel.* At ego hic nullum video mysterium, sed mendacium & ignorantiam. Mendacium est, solos Israëlitas fuisse tunc Christi oves. Nam ipsemet dixit, *Io. 10. 16. Alias oves habeo, quæ non sunt ex hoc ovili, & illas oportet me adducere.* Vbi aperte loquitur de gentilibus. Igitur non soli Israëlites, sed etiam gentiles erant ipsius oves. Et alij quidem iam conuersi ad fidem Christi, ut tres Magi, qui illum in stabulo adorauerant: alij deinceps conuertendi. Miror ignorantiam tuam, si hæc nescis.

19. Sed esto: verum sit, quod falso asseris; Quid obsecro hic mysterii est? Quæram enim quod supra quaesivi, si Petro nihil noui collatum est per illud, *Pasce*, quod non prius collatum erat per illud, *Mitte vos*, &, *Euntes in mundum uniuersum*: Quid necesse fuit iterum dicere, *Pasce oves meas*? Tu respondes; quia per oves intelliguntur soli Israëlites Magnum scilicet mysterium. Imo magnum delirium. Nam si antea dictum est omnibus, *Ite in mundum uniuersum*, & per hoc acceperunt potestatem prædicandi Euangelium omnibus Gentibus; certè eum postea dictum est Petro, *Pasce oves meas*, id est, solos Israëlitas, necesse est, priorem potestatem, quæ erat amplissima, reuocatam esse, & ad solos Iudæos restrictam. Itane vero?

20. Testimoniis si petux, quæ adducis, vel non intelligis, vel malitiosè abuteris. Nam initio quidem dictum est Apostolis: *Ite ad oves, quæ perierunt domus Israel*: sed postea laxata fuit potestas, cum dictum est, *Euntes in mundum uniuersum*, &c. Illud porro, *Non sum missus, nisi ad oves, quæ perierunt domus Israel*, sic debet intelligi, Christum non esse missum, ut suam præsentiam corporalem, prædicationem & miracula exhiberet, nisi ad Iudæos; quia illis scilicet, propter fidem Abraham, facta est promissio de aduentu Messia, ut rectè notat Augustinus tract. 31. in Ioannem, circa finem. Nihilominus erat etiam missus ad gentiles, ut suo sanguine illos redimeret, & per prædicationem Apostolorum ad suum ovile perduceret. *Ro. 10. 11. Non enim est distinctio Iudæi & Græci: nam idem Dominus omnium.* Et 2. Corint. 5. 15. *Pro omnibus mortuus est Christus.* Et 1. Timot. 2. 6. *qui dedit Redemptionem semetipsum pro omnibus.*

21. Quartum mysterium est: *Christus ideo seorsim dixit Petro, Pasce oves meas, ut eidem Petro & quæ satisfactionem iniungere erroris trina negationis, & simul etiam eidem animos addiderit, ne suis factis negationibus nimium confusus, in barathrum desperationis laboretur.* pro hoc mysterio citas Augustinum, Cyrillum, Nazianzenum & Chrysostomum. Ineptè omnia. Primo, quia pastoralis cura quicumque Christi, non est satisfactio erroris vel culpæ, sed est dignitas prælati ecclesiæ. Et, si verum est, quod in secundo mysterio dixisti, Petrus nomine omnium Prælatorum, tanquam generalis procurator, accepit hanc dignitatem, seu curam pastoralem. At absurdum est

Opusc. Bec.

dicere, Petrum nomine omnium prælatorum, satisfecisse pro suo errore trina negationis. Nam trina negatio erat solius petri, non aliorum Apostolorum aut prælatorum.

22. Deinde, nullum erat periculum desperationis, ut tu inuidiosè fingis. Nam antequam Christus diceret Petro, *Pasce oves meas*, multa alia præcesserant, quæ ad depellendam desperationem abundè sufficerent. Primo, quia Christus, statim post peccatum negationis, benignè aspexit petrum (Luc. 22. 61.) Secundo, ex hoc aspectu secuta est vera contritio & penitentia petri (Matt. 26. v. 75.) *Et egressus foras, fletus amare.* Tertio, post resurrectionem xpc apparuit Petro: semel quidem soli, (Luc. 24. 34.) Deinde, petro & aliis simul (Ibid. v. 36.) Quarto, ter dixit illi & aliis Apostolis, *Pax vobis* (Ioan. 20. 19. & seqq.) Quinto, dixit illi & aliis, *Accipite Spiritum sanctum, et, Euntes docite omnes gentes.* Et, *Ecco ego vobiscum sum omnibus diebus usque ad consummationem sæculi.* Quibus omnibus ita confirmatus fuit petrus, ut in piscatione, quæ facta est post Resurrectionem, cum magna fiducia miserit se in mare, ut ad Christum in littore expectantem, notando citius perueniret, quam alij nauigando. (Ioan. 21. v. 7.) Et tu, post hæc omnia fingis barathrum desperationis? Magnam iniuriam illi facis.

23. Patres, quos citasti, non asserunt, quod tu asseris. Primo, quia nullam faciunt mentionem desperationis. Secundo, nec aiunt, satisfactionem seu compensationem, quæ Petro iniuncta est, propter peccatum trina negationis, consistere in eo, *Pasce oves meas*, ut tu comminisceris; sed in eo, *Diligis me plus his?* Nam quia petrus ter Christum negauerat ex timore, vicissim exigit ab illo Christus trina confessionem amoris. Sic enim scribit Augustinus (quem tu citas) tract. 123. in Ioannem: *Redditur negationi trina terna confessio.* Et serm. 49. de verbis Domini: *Ut trina confessione amoris deleat trina negationem timoris.* eodem modo Cyrillus (quem etiam adducis) l. 12. in Ioannem c. 64. *Quoniam Petrus, inquit, ter in tempore passionis negauit, iure nunc ab eo terna dilectionis confessio peritur, ut terna negatio equali confessionis numero compensetur.* Igitur hæc tria hic distinguenda sunt: 1. trina negatio, quæ est peccatum. 2. trina confessio, quæ est compensatio seu satisfactio pro peccato. 3. pastura ouium, quæ est præmium & dignitas Ecclesiastica.

24. Quintum mysterium est: *Christus ideo cum solo Petro locutus est, & seorsim illi pasturam ouium commendauit, quia sicut ipse precipuus eras ex undecim; ita precipuam curam orationis ipsi commisit, qui maximè omnium, qui tunc aderant, debebat in ipsius Domini vinea laborare.* Pro hoc mysterio citas Leonem, Gelasium, Nicolaum & Landfrancum.

25. Hic aliquid verè asseris ex patribus, aliquid asseris fingis ex tuo capite. Verum est, petrum fuisse præcipuum Apostolorum, & pasturam ouium illi commendatam: Falsum est, illam petri eminentiam positam fuisse in eo, quod maximè omnium, qui tunc aderant, debuerit in vinea Domini laborare. Hoc enim intelligis de labore itineris, prædicationis, & aduersitatis, in quo constat Paulum præ ceteris excelluisse (2. Corinth. 11. v. 23.) Et ideo, ut relinqueres Paulo hanc prærogatiuam, dixisti, *Maximè omnium, qui tunc aderant.*

26. De hoc labore nihil dicunt citati à te patres. Nam Leo Epist. 87. ad episcopos provincie Viennensis, sic scribit: *Cui cum præ ceteris soluendi & ligandi potestas tradita sit, pasceudam tamen ouium cura specialius mandatur.* et ser. de ascensione; *Beato Apostolo Petro supra ceteros, post regni clauis, ouilis Domini cura demandatur.* Hic notandæ sunt istæ particule, *Præ ceteris*, &, *supra ceteros*, quæ non significant, ut tu falsè asseris, petrum

præ cæteris vel supra cæteros debuisse laborare, excepto Paulo: Sed illi præ cæteris & supra cæteros traditam esse potestatem ligandi, & demandatam coram ecclesiæ. Quod etiam adserunt reliqui Patres à te citati.

27. Vide nunc, Marce Antoni, quid mysterii lateat in tuis mysteriis, quæ lectori obtrudis. Nihil aliud ex illis colligo, nisi tuam inconstantiam, mendacium, contradictionem. Deinceps videamus, quid antiqui Patres, quorum auctoritatem simul as te magnificare, sentiant de Primatu Petri. Ne tamen ex iis, quæ à te allata sunt, videat aliquid præteritis, respondendum est ad illud, quod obicis ex Apostolo, Eph. 4. 11. *Et ipse dedit quidam Apostolos, quosdam autem Prophetas, alios verò Evangelistas, alios autem Pastores.* Hinc infero, non solum Petrum fuisse pastorem, sed etiam alios. Facilis responsio. plures sunt pastores particularium Ecclesiarum: Vnus est pastor Ecclesiæ vniuersalis, nempe Christus, & eius loco, Petrus, vel Successor Petri. Unde vocatur Pastor pastorum, ut supra dixi ex Bernardo, & cap. sequenti iterum dicturus sum.

CAPVT IV.

Primatus Petri probatur ex Patribus.

1. Antiqui Patres tam clarè, disertè, & rotundè loquuntur de Primatu Petri, ut clariùs, disertius, & rotundiùs loqui non possint. Nam aliqui expressè vocant illum *Vicarium Christi*, ut Ambros. ad cap. 24. Lucæ. Anselmus ad c. 16. Matthæi. Bernard. lib. 2. de consideratione ad Eugenium. Gennadius Scholarius, de primatu Papæ Sect. 2.

Alij *Caput Ecclesiæ*, ut Hieronymus in Ps. 13. Chrysostomus homil. 11. in Matthæum, Philo Carpathius in Cantica.

Alij *Caput fidelium & Pastorem Gregis dominici*, ut Augustinus (vel quisquis autor est) in lib. quæstionum Veteris ac noui Testamenti, quæst. 75.

Alij *Caput omnium Apostolorum*, ut Optatus Mileuitanus l. 2. contra parrnenianum, Cyrillus Alexandrinus lib. 12. in Ioannem c. 64.

Alij *principem Apostolorum*, ut Cyrillus Hierosolymitanus catech. 2. & 11. Basiliius in Proœmio præceptionum latius disputatarum, Hieronymus in catalogo scriptorum ecclesiasticorum.

Alij *Pastorem Pastorum*, ut Eucherius Lugdunensis in Vigilia S. Petri, Bernard. lib. 2. de consideratione ad Eugenium.

Alij *Coryphaum Apostolorum*, ut Dorotheus Tyrius in Synopsi, Isidorus Pelusiota lib. 1. Epist. 142. Andreas Cæsariensis ad c. 13. Apocal.

Alij *verticem Apostolorum*, ut Origenes hom. 1. in diuersos locos noui Testamenti, Chrysostom. in Hom. in Petrum apostolum & Heliam Prophetam.

Alij *Apicem Apostolorum*, ut Cyrillus Alexandrinus l. 24. Thesauri c. 1.

Alij *Antesignanum Apostolorum*, ut Isidorus pelusiota lib. 2. epist. 58.

Alij *Petram & Crepidinem Ecclesiæ Catholice, & relictæ fidei fundamentum*, ut Synodus Chalcedonensis aet. 3.

Alij *Principem Ecclesiæ Christianorum*, ut Ephrem Syrus, serm. de transfiguratione Domini.

Alij *Ducem Discipulorum Christi*, ut Epiphanius Hæres. 51.

2. Nece, qui & quanti tituli soli Petro præ aliis tribuuntur. Quos tu quidem l. 1. c. 4. & 5. agnoscis, quia negare non potes; sed tamen respondes hoc modo: 1. Titulum. Vicarii perfectissime conuenire Spiritui S.

quem Christus suo loco misit post ascensionem. 2. Eundem conuenire etiam Apostolis, sed non magis Petro, quàm aliis. 3. Titulum Principis Apostolorum communem esse Petro & Paulo. 4. Reliquos titulos quotquot sunt, concessos esse Petro, propter Primatum ætatis, vocationis & charitatis; non autem propter Primatum potestatis aut iurisdictionis. Hæc tria posteriora discutenda sunt. Nam primum, de Spiritu sancto iam antè refutatum est.

3. Prima ergo quæstio est: An omnes Apostoli æquè fuerint Vicarii Christi, ita ut Petrus in hoc officio, nullam prærogatiuam habuerit præ aliis? Tu affirmas cap. 4. n. 3. & seqq. At falsò. Nam etsi reliqui Apostoli fuerint etiam Vicarii Christi (quod non nego) non tamen ex officio fuerunt illius Vicarii in regimine totius Ecclesiæ, sicut Petrus petro tota ecclesia, totum ouile, omnes Christi oues commissæ sunt; reliquis non item. Quod tametsi præcedenti capite satis probatum sit, hic tamen obiter probandum est ex patribus, quorum auctoritate contra nos pugnas.

4. Igitur Anselmus Archiepiscopus Cantuariensis (quem Anglia merito veneratur) ad c. 16. Matthæi, sic scribit: *Eam potestatem, ideo vni petro concessit specialiter, ut ad unitatem nos inuicaret. Ideo enim eam Principem Apostolorum instituit, ut Ecclesiæ, quasi unum principalem Vicarium Christi haberet, ad quem diuersa Ecclesiæ membra recurrerent, si forte inter se diffemirent. Quoniam si diuersa essent capita in Ecclesiâ, unitatis vinculum rumpere per diuersa schismata.* Quid clarius dici poterat, aut quæ efficacior ratio ad persuadendum adhiberi?

5. Et Sanctus Bernardus l. de consideratione ad Eugenium: *Inde est, quod Petrus altera vice, instar Domini, gradens super aquas, unicum se Christi Vicarium designauit, qui non vni populo, sed cunctis præesse deberet.* Ecce, Petrum vocat unicum Christi Vicarium, non quòd reliqui Apostoli non fuerint Vicarii, sed quòd non fuerint generales Vicarii, respectu totius Ecclesiæ, sicut Petrus, plura testimonia paulo post citabo.

6. Sed obicis alios patres. primo Augustinum l. 2. contra Gaudentium, c. 12. vbi citans illud Christi ad Apostolos, Act. 1. 8. *Eritis mihi testes in Ierusalem, & in tota Iudæa & Samariam, & usque ad terminos terræ.* sic scribit: *Hoc tanto tenacius, quanto posterius audientium mentibus fixis, Hanc sponsam suis amicis sponsus abiens commendauit, ex his verbis colligis primò, Christum in suo discessu ex hoc mundo, commisisse Apostolis officium prædicandi Euangelium in totum mundum. Secundò, omnes & singulos Apostolos indifferenter accepisse curam totius mundi, absque vlla limitatione. Tertiò, Ecclesiæ, quæ Christi sponsa est æquè omnibus Apostolis, tanquam Vicariis, à Christo commendatam. Quartò, Petro nihil amplius præ cæteris collatum esse.*

7. Respondeo. Erras primò in citatione, Augustinus non habet illa verba, loco à te citato, sed lib. 1. cap. 20. Deinde erras in re ipsa: nam etsi eo loco & tempore nihil peculiare Petro collatum sit, præ aliis Apostolis; tamen iam antea fuerat illi collata Præfectura totius ouilis Christi, per illa verba, *Pasce oues meas.* Et præterea, firmitas seu constantia fidei in ipso, & successoribus per illa. *Ergo rogavi pro te Petro, ut non deficiat fides tua.* Neque necesse est, omnia vno loco & tempore conferri. Alioqui sequeretur Apostolis nihil aliud collatum esse à Christo, quàm officium prædicandi; non autem officium baptizandi, & remittendi peccata. Nam in suo discessu ex hoc mundo, quando dixit, *Eritis mihi testes in Ierusalem*, non fecit mentionem baptismi aut Clauium, sed tantum prædicationis Euangelii.

8. Quòd addis, Christum in discessu suo, omnibus & singulis Apostolis indifferenter dedisse curam totius mundi, absque vlla limitatione, falsum est. Nam

ut dixi, per illa verba, *Eritis mihi testes*, solum commisit illis officium prædicandi; non autem officium gubernandi Ecclesiam: Ergo ex illis verbis non potest colligi, omnes Apostolos in gubernatione Ecclesiæ fuisse æquales. Deinde sensus verborum Christi non est, ut singuli Apostoli, nullo ordine aut respectu, prædicarent Euangelium per totum terrarum orbem (quia hoc moraliter fuisset impossibile) sed ut singuli, facta distributione, singulas partes peragrarent; Et sic ab omnibus, non tamen à singulis, euangelium toto orbe promulgaretur. Idque fieret, partim per ipsos Apostolos, partim per ipsorum successores. Quod etiam euentus docuit. Nam post aliquot annos à Christi discessu, facta est diuisio Apostolorum, & singulis certa ciuitas, vel provincia, vel Regnum assignatum. Solus Petrus habebat generalem curam vniuersalis Ecclesiæ, ut iam sæpè ex Patribus ostendi, ac deinceps ostensus sum.

9. Nec aliter fieri potuit. Nam sicut Christus dixit, *Eritis mihi testes, usq; ad terminos terre*, ita antea dixerat, *Euntes in mundum vniuersum, prædicate Euangelium omni creature, baptizantes eos in nomine Patris &c.* At hoc non potuit sic intelligi, quod singuli debuerint id præstare; alioqui si vnus prædicasset Euangelium, & baptizasset omnes in vniuerso mundo, quid reliqui eodem tempore fecissent? An eisdem iterum baptizassent? Nullo modo. Est ergo, non coniunctum, sed diuisim intelligendum, hoc modo: Ite diuisi in diuersas partes mundi, & vnus hic, alius alibi prædicet euangelium, baptizet, & similia officia exerceat. Nosti simile exemplum in nostra Societate. Mittimur in vniuersum orbem terrarum: non ut singuli vniuersum occupent, sed ut quisque in certo loco, sibi assignato, obeat officium hominis religiosi. Neque valet hæc consequentia: Omnes sacerdotes Societatis habent potestatem eundem in vniuersum mundum, & vbique euangelium prædicandi: ergo omnes sunt inter se æquales, & Præpositus generalis nihil plus habet, quam reliqui. Similis est consequentia, quam tu facis de Apostolis.

10. Secundo obicit Ambrosium, qui in Psal. 38. sic scribit: *Ascendo ergo homo in caelum, & videbis verum illum & æternum, atque perpetuum Sacerdotem, cuius hic imagines videbas, Petrum, Paulum, Ioannem, Jacobum, Mattheum, Thomam.* Hinc infer, non solum petrum, sed omnes Apostolos æque representasse Christum; ac proinde, æque fuisse Vicarios Christi. Respondeo. Verum est quod dicit Ambrosius: Falsum, quod tu infer. Nam omnes Apostoli, quatenus erant Sacerdotes, fuerunt imagines Christi, supremi & æterni Sacerdotis. Idem dici potest de omnibus aliis Sacerdotibus Noui Testamenti. Omnes ratione sacerdotii, sunt imagines Christi. An ideo omnes æquales? Ne tu quidem hoc dixeris. Nam fateris Episcopos, ex diuina Christi institutione, maiores ac eminentiores esse presbyteris.

11. Sed ut planius constet de mente Ambrosij, ponam antecedentia ipsius verba, quæ sic habent: *Primum igitur umbra præcessit; secunda est imago; eris veritas. Umbra in lege: imago vero in Euangelio: veritas in celestibus. Umbra Euangelij & Ecclesiæ in Lege: imago futura veritatis in Euangelio: veritas in iudicio Dei.* Hæc est Thesis Ambrosij, sub qua thesi descendit ad hanc hypothesein: Sacerdotes legis Mosaicæ erant vmbre, respectu Christi: Sacerdotes euangelij sunt imagines, respectu eiusdem: Christus in cælo, est veritas. Nempe, in ratione sacerdotii. At, sicut hinc non sequitur, omnes Sacerdotes legis Mosaicæ fuisse inter se æquales, ita nec sequitur, omnes Sacerdotes euangelij inter se esse æquales. Et vicissim, sicut omnes Sacerdotes Mosaicæ fuerunt vmbre Christi; Et tamen, eo non obstante, Pontifex erat maior aliis, ita omnes Sacerdotes Euangelici sunt imagi-

Opusc. Bec.

nes Christi; & tamen, eo non obstante, pontifex est maior aliis. Si hæc exempla non sufficiunt, dabo aliud. Constat ex scriptura, hominem creatum esse ad imaginem Dei (Genes. 1. 26.) Et hoc sensu omnes homines appellari posse imagines Dei. An hinc inferes, omnes in potestate & iurisdictione inter se esse æquales, nec plus habere Reges & Principes, quam alios? Absit. Hæretica & scandalosa esset hæc illatio.

12. Tercio obicit eundem Ambrosium, qui alibi omnes Apostolos expresse vocat Vicarios Christi, ut in cap. 1. epist. ad Rom. & inc. 3. prioris ad Corinth. Respondo. Nemo hoc negat. Sed questio est, an omnes eodem sensu, & æquali potestate sint vicarii Christi? Si hoc assereret Ambrosius, pro te esset. At contrarium alicui. Nam in cap. 12. posterioris ad Corinth. sic scribit: *Prior secutus est Andreas Saluatorem, quam Petrus: Et tamen Primatum non accepit Andreas, sed Petrus.* Non ergo omnes Apostoli æquales, ut tu fingis. Nam Petrus accepit primatum, quem Andreas non accepit, ut ser. 46. de penitentia petri in fine: *Videte ergo quantum fleuit proferat Petro. Antequam fleat, lapsus est: postquam fleuit, electus est. Et ante qui lachrymas præuicator extitit, post lachrymas pastor assumptus est: Et alios regendos accepit, qui prius seipsum non rexit. ecce, Petrus post fletum electus est.* Sed ad quid electus? Non ad Apostolatam, quia iam antea erat Apostolus. Ad quid ergo? Ad officium Pastoris; ad regimen aliorum. Hoc ergo antea non habuit. Nec igitur reliqui Apostoli, quia Apostoli, id habebant. Solus igitur petrus habuit.

13. Quarto obicit Chrysostomum, Hom. 11. in post. ad Corinth. ubi explicans illum versiculum. *Pro Christo legatione fungimur*, sic scribit: *Misit filium Patris exhortari, & legatione fungi apud humanum genus pro se: Quoniam autem ille occisus abiit, nos legationem suscepimus, & pro illo & Patre, exhortamur vos. et infra. Igitur pro Christo legatione fungimur, id est, illius loco. Nam nos, quæ illius officij sunt, suscepimus.* ex utroque testimonio sic argumentaris: Legatus repræsentat suum principalem, & ab eo immediate mittitur, & vices ipsius, ubi ille abest, supplet. Omnes & singuli Apostoli sunt tales. Omnes igitur & singuli suppleant vices Christi; nec magis Petrus, quam reliqui.

14. Respondeo. Hoc testimonium contra te ipsum profert. primo, quia Chrysostomus supponit, Christum in hac vita per seipsum exercuisse officium Capitis, pastoris, Monarchæ: & postea id fecisse per Vicarios. At tu negas Christum in hac vita fuisse caput Ecclesiæ, aut exercuisse vllum officium Capitis, ut lib. 1. c. 1. & seqq. ostensum est. Secundo, Chrysostomus dicit, non solùm Apostolos, sed etiam Christum legatione functum esse pro Deo: & tamen agnoscit Christum esse maiorem legatum, quam Apostolos. At tu, ex eo, quia Apostoli fuerunt legati Christi, infer, omnes æquales fuisse in Legatione, quod Chrysostomus non infer. Alioqui etiam Christus fuisset æqualis Apostolis. Tercio, Chrysostomus dicit, Apostolos suscepisse, quæ erant officia Christi. Vel hoc interpretaris absolute dictum esse, vel cum limitatione. Si absolute, falsum est. Nam Apostoli non susceperunt omnia, quæ erant officij Christi officium. illius fuit, redimere genus humanum, & institueræ Sacramenta. Hoc Apostoli non susceperunt. Si cum limitatione, verum quidem est, sed contra te. Nam si Apostoli non susceperunt omnia, quæ erant officij Christi, sed aliqua tantum: non potest inferri, quod tu infer, omnes legatione fuisse æquales. Fieri enim potuit, ut alij plura, alij pauciora susceperent. Vel, ut alij cū maiori, alij cū minori limitatione susceperent, quæ erant officij Christi. Habemus exemplum notissimū Legati Apostolici, qui à Pontifice mittuntur in provincias, vere ipsius legati sunt: sed cū limitatione accipiunt, quæ sunt officij Pontificis; & alius plus, alius minus accipit. Non enim

CCcc iij

omnes æquales sunt. Idem dico de Legatis Regum & Imperatorum. Omnes quidem legati sunt, sed alius cum maiori potestate fungitur legatione, alius cum minori. Res nota est.

15. Tertia questio est. An titulus Principis Apostolorum communis sit Petro & Paulo; Tu affirmas lib. 1. cap. 5. num. 2. Et probas ex Hieronymo, & quibusdam aliis, qui Petrum & Paulum vocant Principes Apostolorum. Respondeo. Verum est: sed longe alio sensu. Nam quando Petrus seorsim vocatur Princeps Apostolorum, tunc intelligitur esse Princeps respectu omnium Apostolorum, etiam respectu Pauli, quia respectu omnium habet curam & gubernationem pastorem. Nemo enim excipitur ab eo, quod illi dictum est, *Pasce oves meas*. Quod autem Petrus & Paulus simul vocantur principes Apostolorum, hoc intelligendum est, non de vero Principatu aut gubernatione pastoralis; sed de eminentia laborum ac molestiarum, in quibus illi duo præcellere. Itaque magna est differentia inter Petrum & Paulum. primò, quia Petrus duplici titulo vocatur princeps Apostolorum: tum propter eminentiam potestatis seu præfecturæ; tum propter eminentiam laboris. At Paulus, posteriori tantum. Secundò, Petrus, & seorsim solus, & coniunctum cum Paulo vocatur Princeps. At Paulus seorsim nunquam; quod bene notandum est. Vnde Hieronymus, quem tu citas, quando de utroque simul loquitur, appellat Principes Apostolorum: quando seorsim de alterutro, Petrum quidem vocat Principem Apostolorum, non tamen Paulum; ut patet in catalogo de scriptoribus Ecclesiasticis.

16. Idem confirmo ex aliis Patribus. Nam Cyrillus Hierosolymitanus catech. 11. sic habet: *Omnibus Apostolis reticentibus, Petrus Princeps Apostolorum, & supremus Ecclesie Præco dicit ad ipsum*. Vbi Petrum vocat principem, respectu omnium apostolorum; & ut clarius explicet, quo sensu sit Princeps, ait esse supremum Ecclesie Præconem. De paulo id nunquam inuenies.

17. Et Ephrem Syrus in sermon. de transfiguratione Domini: *Sicut Moyses Societatis illius & coniunctionis Hebræorum iussu Dei, Princeps fuit: Ita Petrus Ecclesie Christianorum. Atque, ut ille Veteris, ita hic Novi Testamenti Princeps*. Pulchra collatio, & ad nostrum institutum accommodata. Constat autem Moysen fuisse Principem Hebræorum, ratione potestatis & iurisdictionis. Ergo eodem sensu, Petrus fuit Princeps Christianorum. Quis hoc unquam dixit de Paulo?

18. Et Cassianus lib. 3. de incarnatione Domini c. 12. *Interrogemus summum illum, & inter Discipulos Discipulum, & inter Magistros Magistrum, qui Romano Ecclesie gubernaculum regens, sicut fidei habuit, ita & Sacerdotij Principatum. Dic nobis ergo, dic nobis Princeps Apostolorum Petre*. Hic etiam Petrus vocatur Princeps Apostolorum, quia erat summus inter Apostolos, & præ aliis habebat Sacerdotij Principatum. De Paulo, nihil eiusmodi.

19. Et Maximus Constantinopolitanus Patriarcha in Epist. ad Orientales. *Hunc enim ex cæteris mortalibus de toto orbe Conditor orbis elegit, cui cathedram Magistræ principaliter possidendam tenere, perpetuo privilegio iure concessit*. Vbi vides, Petrum ideo vocari Principem omnium Apostolorum, quia principaliter possidet cathedram Magistræ, quæ illi perpetuo privilegij iure concessa est. At nullum esset Privilegium, si non principaliter, sed æqualiter cum aliis Apostolis illam cathedram possideret.

20. Et Leo Imperator, dictus Sapiens, in serm. de Petro: *Post resurrectionem ter Petrum Dominus perscrutatus, an ab eo diligeretur, Principem Apostolorum*

A constituit. Et paulo post: *Petrus vero, cum intelligeret Principatum cum magnum esse, & magnis indigentem viribus, videretque Iohannem sequentem, illum dico, quem Jesus vehementer amabat: Hic, inquit, quid? Quod perinde erat, quasi diceret: Me ne præfici vis Caput Discipuli? Hunc vero à te dilectum, qui voluit sedere ad dextram, hunc, inquam, quid facere iubet? at iterum: Tu me sequere, id est, sequere me hoc baculo pastoralis: & sicut ego, cum eram vobiscum, servabam vos, ut Pater, & Caput & Magister, vigilans pro vobis: sic in isto meo loco, & sequere me Principatu ac potestate tua fratres tuos confirmant. Te enim volo esse meo loco. Vnde manet in hodiernam usque diem Petrus sequens Christum in successore suo. Magnum hoc testimonium.*

21. Et Hugo Victorinus sermon. 64. de Apostolis Petro & Paulo: *Petrus cæteris eminet excellentia potestatis: Paulus excellentia prædicationis. Petrus Sol, Paulus Luna. Petrus Sol, per collatam sibi divinitus potentiam: Paulus Luna, per callatam sibi cælestis sapientiam. Et infra: Petro soli inter cæteros, & præ cæteris, à Domino cura pastoralis principaliter & specialiter iniuncta est, ubi dicitur: Pasce agnos meos. Hæc sufficiant de titulo Principis, qui aliter Petro, aliter Paulo concessus est.*

22. Quarta questio: An reliqui tituli (§. 1. enumerati) concessi sint Petro, propter Primatum ætatis, vocationis & charitatis, an vero propter Primatum potestatis & iurisdictionis. Tu asseris priorem partem, ego posteriorem. Nec opus est novis Argumentis iam ante ostendi, Primatum ætatis, vocationis & charitatis, vel incertum, vel fictitium esse. Primò, quia incertum est, an Petrus fuerit ætate senior, quàm omnes reliqui Apostoli. Secundò, falsum est, vocatum esse ad Apostolatam, antequam reliqui vocarentur. Tertiò, de Primatu charitatis diversæ sunt authorum opiniones. Alij tribuunt illum Petro, alij Iohanni.

23. Deinde, multi ex supradictis titulis, plus aliquid significant, quàm prærogativam ætatis aut vocationis. Sunt enim duplices tituli. Aliqui tribuntur Petro, respectu aliorum Apostolorum, Princeps, Caput, Coryphæus, Apex, Vertex, Antesignanus. Alij respectu Christi, vel totius Ecclesie, vel omnium fidelium, ut cum dicitur Vniuersalis Vicarius Christi: Caput & Princeps Ecclesie, Caput fidelium, pastor gregis Domini. priores fortè possent illi accommodari propter primatum ætatis & vocationis, quem tu fingis: non tamen posteriores. Hoc ostendam in Exemplo à te allato. Dicis Petrum fuisse quasi primogenitum inter Apostolos, ac proinde, sicut quilibet alius primogenitus, ratione ætatis, potest vocari Caput aut princeps suorum fratrum. Sic etiam de petro statuendum esse. Sic ita. At vicissim ego retorqueo: Sicut ex eo præcisè, quòd aliquis est primogenitus inter fratres, non potest vocari Caput aut princeps Republicæ, Caput aut princeps civium, Vicarius Regis aut Imperatoris: Sic in simili casu, ex eo præcisè, quòd Petrus est primogenitus inter fratres suos Apostolos, non potest vocari Caput Ecclesie, princeps fidelium, Vicarius Christi. alia ergo causa est horum titulorum, quàm prærogativa ætatis & vocationis.

24. Deinde falsum est, patres non agnovisse alium Primatum in Petro, quàm qui à te fingitur. Primò, quia aliqui, ut ex dictis patet, negant illum fuisse seniore ætate & vocatione: Ergo illi saltem vel agnoscunt alium Primatum, vel nullum. Verumque contra te est. Secundò, verba ac sententiæ patrum non salvantur, per primatum ætatis & vocationis. Audi quid scribant, & quomodo loquantur.

25. Chrysostomus Hom. 80. ad populum Antioche,

num, antemedium: *Nōne*, inquit, *ter* petrus negavit? *Nōne* cum iuramento *ter*? Quid ergo? Multūne temporis fuit illi necessarium ad pœnitentiam? Nequaquam. Sed eadem nocte lapsus est, & resurrexit. Post illum enim grauem casum, (negationi namque nullum est malum aequale) rursus cum ad priorem honorem reduxit pœnitentia, & ei per totum orbem terrarum Ecclesia præsidentiam tradidit.

Et orat. 5. aduersus Iudeos, longè ante medium: Petrus post illam nefariam abiurationem, quoniam celeriter suum ipsius peccatum recordatus est, nulloque accusante dixit peccatum, stetitque amare; adeo abluuit illam negationem, ut etiam Primus Apostolorum fuerit factus, ac terrarum orbem totum subiecerit.

Hæc duo testimonia non possunt intelligi de Primatu ætatis aut vocationis; quia illum Primatum, ut tu ipse fateris, habuit petrus ante peccatum negationis, per hoc præcisè, quod esset senior ætate, & primus à Christo ad Apostolatū vocatus: Sed debent intelligi de Primatu, qui post factam pœnitentiam petro concessus est, ut ex verbis Chrysostomi constat. Quis autem Primatus ille sit, colligi potest ex duabus illis particulis. 1. Ecclesia Præsidentia per totum terrarum orbem. 2. Subiectio totius orbis terrarum. Porro hic Primatus, qui tunc illi datus est, distinguere debet ab honore, ad quem ait Petrum reductum esse per pœnitentiam.

26. Eodem modo ac sensu loquitur Maximus Taurinensis (qui vixit circa tempora Augustini) Homil. 3. in natali Apostolorum Petri & Pauli: *Quanti*, inquit, *meriti apud Dominum suum Petrus erat ut ei post nauiculæ perna remigium, totius Ecclesiæ gubernacula traderentur?* Certè, per gubernacula totius Ecclesiæ, non significatur Primatus, ætatis aut vocationis, sed dignitatis & iurisdictionis. Nec video, quomodo clarius explicari possit potestas iurisdictionis, quàm hic explicata est: Nam perinde est, ac si dicas in simili casu: potius Imperii gubernacula Mattheæ Austriaco tradita sunt, vel totius regni Galliarum gubernacula Ludouico vndecimo tradita sunt. Quis hic locus dubitandi aut tergiversandi?

27. Similiter Hieronymus lib. 1. contra Iovinianum: *Inter duodecim unus eligitur, ut Capite constituto, schismatis tolleretur occasio. Sed cur non Ioannes electus est virgo? atque delatum est, quia petrus senior erat ne adhuc adolescens ac pene puer progressæ ætatis hominibus præferretur.* Hinc tria colligo. primò, solum Petrum ex duodecim Apostolis electum esse in Caput Ecclesiæ. At si electus ex duodecim Apostolis, iam antea non erat ratione ætatis & vocationis. Aut si antea erat, electus non est. Secundò, ideo electum esse, ut constituto Capite, schismatis tolleretur occasio. Ergo non est electus pro sua tantum persona, sed etiam pro Successoribus, quia si tempore Apostolorum, quando Ecclesia erat exigua, debuit esse vnum Caput ad vitandum schisma, multo magis post tempora Apostolorum, quando Ecclesia fuit diffusa per totum orbem terrarum. Tertio, ideo potius petrum, quàm Ioannem electum esse in Caput, quia non decebat Ioannem pene puerum præferri senioribus. Certè si Hieronymus putasset, quod tu fingis, primatum Petri in eo solum consistere, quod reliquis ætate & vocatione senior esset; vel frustra, vel stultè quæsiuisset, quare Ioannes non esset electus ad primatum? id est, quare non esset electus, ut fieret senior ætate & vocatione?

28. Item Leo papa (qui propter doctrinam & virtutem dictus est Leo Magnus) serm. 3. de Assumptione sua ad Pontificatum: *Vnus de toto mundo petrus eligitur, qui & vniuersarum gentium vocationi, & omnibus Apostolis, cunctis in Ecclesia Patribus præponatur: ut quamuis in populo Dei multi Sacerdotes sint, multique Pastores, omnes tamen propriè regat Petrus, quos principali-*

A ter regit & Christus.

Et Epist. 87. ad Episcopos provincie Viennensis, capite 1. Sed huius muneris Sacramentum ita Dominus ad omnium Apostolorum officium pertinere voluit, ut in beatissimo Petro, Apostolorum omnium summo principaliter collocaret: *Ut ab ipso, quasi quodam Capite, dona sua velut in corpus omne diffunderet, ut exortem se mysterii dominum intelligeret esse, qui ausus fuisset à Petri solitudine recedere.* Hunc enim in consortium indiuiduæ unitatis assumptum, id quod ipse erat, voluit nominari, dicendo: *Tu es Petrus.*

Ex hoc utroque Leonis testimonio habemus hæc tria. Primò, quod Petrus regat omnes, quos principaliter regit Christus; etiam omnes alios Ecclesiæ pastores & Apostolos. Secundò, quod à petro, tanquam à Capite diffundantur dona Dei in omnia membra Ecclesiæ. B Tertio, quod petrus à Christo in consortium indiuiduæ unitatis assumptus sit.

29. Quid tu verò, Marce Antoni; ad hæc respondes, primò fateris, quod res est, Leonem admittere Primatum petri super totam Ecclesiam. Hoc accipio. Vixit autem Leo circa Annum Christi 440. Igitur ab eo tempore, id est, ab Annis mille ducentis, primatus petri fuit agnitus & concessus in Ecclesia. Secundo ais, Leonem oratorio more, voluisse petri dignitatem amplificare, ut hac ratione suam dignitatem Pontificalem extolleret. An putas tibi similem fuisse, qui studio ambitionis, veritati à se agnitæ contradixit? At sciam in Sanctorum Catalogum ab Ecclesia relatum esse. Tertio ais, Leonem in eo exorbitasse, quod dixerit, petrum in consortium indiuiduæ unitatis à Christo assumptum esse. Hoc probas, quia indiuidua unitas in Christo erat sola cum patre & Spiritu sancto in natura & essentia diuinitatis. Qualem unitatem, inquis, quis afferat in Christum & Petrum? Nisi Petrum faciamus vnum ex Trinitate, quæ est blasphemia horrendissima. Audi, mi frater. Nulla est hæc blasphemia: Sed quod bene à Leone dictum est, tu vel non intelligis, vel malè interpretaris. Non dixit Leo, Christum assumptum esse Petrum in consortium indiuiduæ unitatis, ratione naturæ aut substantiæ diuinæ, ut tu falsò imaginaris, sed ratione nominis ac dignitatis. Nam Christus voluit illum vocari Petram & fundamentum Ecclesiæ, sicut ipse vocabatur. Verba Leonis aperta sunt. Quæ etiam repetuntur à Nicolao papa, & citantur in iure canonico, capite *Fundamentum*, De electione & electi potestate in 9.

30. Addam adhuc vnum aut alterum de Patribus. Gregorius lib. 4. Epist. 32. ad Mauritium Augustum, sic scribit: *Cunctis Evangelium scientibus liquet, quod voce Dominica Sancto & omnium Apostolorum Principi Petro totius Ecclesiæ cura commissa est. Ipsi quippe dicitur, Pasce oves meas.*

31. Et Arnobius Romanus (qui vixit circa tempora Augustini) ad psalm. centesimum tricesimum octauum. *Ecce Apostolo Petro pœnitenti succurritur, qui est Episcopus Episcoporum, & maior gradus redditur ploranti, quàm sublatus est deneganti. Quod ut doceam, illud ostendo, quod nullus Apostolorum nomen Pastoris accepit. Solus enim Dominus Iesus Christus dicebat: Ego sum Pastor bonus. Hoc ergo nomen Sanctum, & ipsius nominis potestatem, post Resurrectionem suam Petro pœnitenti concessit, & ter negatus, negatori suo, hanc, quam solus habuit, tribuit potestatem: Ut non solum recuperasse, quod amiserat, probaretur, verum etiam & multo amplius pœnitendo, quàm negando perdidisset, acquisisse.*

32. Et Eucherius Lugdunensis in vigilia sancti petri. Dicit ei, *Pasce oves meas.* Prius agnos, deinde oves cōmisit ei; quia non solum Pastorem, sed Pastorem etiam constituit. *Pasce* igitur. Petrus agnos, pasce & oves: Pasce filios, pasce & matres: regis & subditos & Prælatos, Omnesque

igitur Pastore est, qui prater agnos & oves in Ecclesia nihil A ministrare. Secundo, quod Augustinus eundem Primatum tripliciter confirmet. Primo his verbis: in quo Primatu Apostolorum tam excellenti gratia præminet. Quæ est illa tam excellens gratia? Certe non sola vocationis antiquitas, ut tu vis. Quid enim excellens est, si dicam Petrum vno aut altero die citius vocatum esse ad Apostolatam, quam andream? Quamquam, ut supra dixi, id falsum est. Deinde illis verbis: quis nescit illum Apostolatus Primatum cuilibet Episcopatu præferendum? non ergo omnes Episcopi Petro æquales sunt. Imo Augustinus ait, se vereri, ne sit contumeliosus in Petrum, si illum conferat cum Cypriano Episcopo, quoad dignitatem Ecclesiasticam. Denique illis verbis: distat ea cathedra gratia, id est, maior est cathedra petri quam Cypriani: maior Pontificis, quam cuiusvis alterius Episcopi.

CAPUT V.

Primatus Petri probatur ex Augustino.

1. **A**ugustini sententiam conaris tua interpretatione in alium sensum detorquere. Ais, nihil tum agnoscere in Petro peculiare; præter hæc duo. Primo, quod primus fuerit admissus in Apostolatam: Et hinc habuerit aliquam præminentiam seu primatum. Secundo, quod ex hac præminentia & primatu (qui totus consistit in prioritate vocationis) secutum sit, ut figuram totius Ecclesiæ gestauerit. Sic tu, totidem fere verbis, lib. 1. cap. 10. n. 21. & alibi.

2. Ego contra assero, Augustinum hæc tria agnoscere in Petro. Primo, quod vere habuerit primatum seu Principatum totius Ecclesiæ, non ratione ætatis, aut vocationis præcise, sed ratione potestatis à Christo ipsi concessæ. Secundo, quod propter hunc Primatum seu Principatum, sustinuerit personam totius Ecclesiæ, & consequenter etiam Apostolorum ac aliorum fidelium. Sicut Imperator, aut Rex, aut Consul, sustinet personam totius imperii, aut regni, aut ciuitatis: & consequenter omnium subditorum, qui in imperio, vel regno, vel ciuitate sunt. Tertio, quod sicut Imperator, aut Rex, aut Consul, quia sustinet personam subditorum, potest eorum nomine, vel respondere, vel pacisci, vel aliud quid facere, iuxta iuris concessionem; Sic etiam Petrus, quia sustinebat personam totius Ecclesiæ, solitus sit vnus ipse pro omnibus respondere. Hæc tria perspicue ostendam ex clarissimis Augustini testimoniis.

3. Ac primo quidem, de Primatu Petri disertè agit lib. 2. de Baptismo contra Donatistas c. 1. Vbi recenset hæc verba Cypriani: *Nam nec Petrus, quem primum Dominus elegit, & super quem edificauit Ecclesiam suam, cum secum Paulus de circumcisione disceptaret, post modum vendicauit sibi aliquid insolenter, aut arroganter assumpsit, ut diceret se Primatum tenere, & obtemperari à nouellis & posteris sibi potius oportere, nec despexit Paulum, quod Ecclesia prius persecutor fuisset, sed consilium veritatis admisit, &c.* Deinde, ex tua sententia mox subiicit: *Ecce ubi commemorat Cyprianus, quos nos etiam in scripturis sanctis didicimus, Apostolum Petrum, in quo Primatus Apostolorum tam excellenti gratia præminet, aliter quam veritas postulabat, de circumcisione agere solitum, à posteriore Apostolo Paulo esse correctum. Et infra ibidem. Puto, quod sine ulla sui contumelia Cyprianus Episcopus Petro Apostolo comparatur, quantum attinet ad martyrii coronam. Ceterum magis vereri debeo, ne in Petrum contumeliosus existam, Quis enim nescit illum Apostolatus principatum cuilibet Episcopatu præferendum? Sed etsi distat cathedrarum gratia, vna est tamen martyrii gloria.*

4. Hic duo notanda sunt: Primo, quod Cyprianus supponat, Petrum habuisse quidem Primatum supra Apostolos, qui in eo consistebat, quod omnes tenerentur ibi obtemperare: Sed tamen, nec insolenter, nec arroganter vsum fuisse illo Primatu, cum à Paulo corriperetur; ut daret nobis exemplum modestiæ & humilitatis, iuxta illud Christi, Matth. 20. 28. & Luc. 22. 26. *Qui maior est in vobis fiat sicut minor, & qui præcessor est, sicut ministrator. Sicut filius hominis non venit ministrari, sed*

ministrare. Secundo, quod Augustinus eundem Primatum tripliciter confirmet. Primo his verbis: in quo Primatu Apostolorum tam excellenti gratia præminet. Quæ est illa tam excellens gratia? Certe non sola vocationis antiquitas, ut tu vis. Quid enim excellens est, si dicam Petrum vno aut altero die citius vocatum esse ad Apostolatam, quam andream? Quamquam, ut supra dixi, id falsum est. Deinde illis verbis: quis nescit illum Apostolatus Primatum cuilibet Episcopatu præferendum? non ergo omnes Episcopi Petro æquales sunt. Imo Augustinus ait, se vereri, ne sit contumeliosus in Petrum, si illum conferat cum Cypriano Episcopo, quoad dignitatem Ecclesiasticam. Denique illis verbis: distat ea cathedra gratia, id est, maior est cathedra petri quam Cypriani: maior Pontificis, quam cuiusvis alterius Episcopi.

5. Tu respondes, per cathedram Petri non intelligi cathedram Romanam, sed Petri Apostolatam: eumque particularium Episcoporum cathedris præstare. Sic enim, inquis, quicumque Apostolatus excedit potestatem quamcumque particularem cathedram, cum Apostolus quilibet in toto mundo possit suum Apostolatam exercere, quod Episcopi iam non possunt, nisi in limitatis Diocesibus, sine provinciis aut regnis: quanto magis primi & præcipui Apostoli, aliorum pluribus nominibus Principis Apostolatus, singularem quamcumque cathedram excedit? Hæc responsione te ipsum iugulas. Primo, quia concedis Petrum potestate Ecclesiastica (de hac enim sermo est) excedere Cyprianum, & omnes alios Episcopos, ecclesiarum particularium. Maior igitur, ex tua concessione est potestas ecclesiastica in Petro, quam in aliis episcopis. At hoc est, quod nos contendimus.

6. Secundo concedis, eundem Petrum potestate Ecclesiastica excedere alios Apostolos. Sic enim argumentaris: Si alii Apostoli potestate ecclesiastica excedunt Episcopos, Ergo multo magis Petrus. Quæ consequentia non valeret, nisi Petrus eadem potestate excederet alios Apostolos. Sicut patet in simili exemplo. Nam qui sic infert: Si aer excedit calore terram & aquam: Ergo multo magis ignis: Sine dubio supponit, ignem habere plus caloris, quam aerem. At hunc excessum potestatis in Petro nos vrgemus. Si ergo illum concedis, non nobis, sed tibi contrarius es.

7. Tertio affirmas, quemlibet Apostolum ecclesiasticam potestate excedere quemlibet Episcopum, cum quilibet Apostolus in toto mundo possit suum Apostolatam exercere, quod Episcopus non potest, nisi in limitato regno aut provincia. At alibi contrarium asseris, nempe Apostolos & Episcopos in potestate & iurisdictione æquales esse: & non differre, nisi accidente. Sic enim scribis l. 2. c. 1. n. 3. *Quoscunque igitur Apostoli diligebant, & ad Ecclesias regendas mittebant, non proculdubio, parem cum ipsis Apostolis potestatem accipiebant, si vram ipsam institutionis spectemus. Et ibidem n. 5. Neque ego inuenio inter verum Apostolum, ac Episcopum aliud discrimen, nisi quod Apostolus sit, qui Christum predicat, tanquam testis oculatus, ab ipso Christo immediate missus: Episcopus vero sit, qui eundem predicat, ut testis instructus, & fide illuminatus ac missus à Christi ministris. Et iterum n. 7. in fine: Apostoli, dum alio ad fundandas vel regendas Ecclesias mittebant, eos ad Episcopatum euehebant: totumque ipsorum officium, cum tota potestate ministeriali, eis committebant: Vna illa propria personalis dignitate excepta, quod essent testes oculati vire & Resurrectionis Christi, ab ea que immediate vocati & missi ad euangelizandum.*

8. Vides, opinor, contradictionem in hac duplici tua assertionem. Vna, Apostoli excedunt potestate Episcopos. Altera, Episcopi ab Apostolis parem potestatem accipiebant. Vel Apostoli episcopis à se missis committebant totum suum officium cum tota potestate. responde;

bis forte, utramque veram esse diuerso sensu. Apostolos A enim & episcopos habere potestatem in habitu; non tamen parem in actu. Igitur priorem assertionem veram esse de potestate in actu; posteriorem, de potestate in habitu. Sed hanc ipsam responsionem tu ipse enertis. Nam l. 2. c. 3. n. 26. sic habes. *Predicandi potestatem in toto terrarum orbe, sicut Apostoli non habebant, nisi habitu; actu verò ibi, ubi iam inter se conuenerant, seu ubi eos Spiritus Sanctus esse volebat: Ita Episcopi habitu habent eandem vniuersalem potestatem iure diuino, eo ipso, quo sunt facti rite Episcopi; Actu tamen non sunt Episcopi, nisi sua particularis Ecclesia in qua illos Spiritus Sanctus posuit.* Et ibidem: *Ita & iurisdiclio in habitu est vniuersalis iure diuino, in vnoquoque Episcopo; in actu verò non est, nisi particularis, sicut erat etiam in Apostolis.* Hic plane idem statuis de episcopis & Apostolis; tum quoad potestatem & iurisdictionem in habitu, quæ in vtrisque vniuersalis & illimitata est; tum quoad potestatem & iurisdictionem in actu, quæ in vtrisque particularis & limitata est. Nihil ergo discernis. Manet igitur vera contradictio, quam polui.

9. Addo ex tuis verbis manifestè colligi duo alia absurda. Vnum est, Paulum nec Apostolum fuisse; nec episcopum. Non Apostolum, quia non fuit oculatus testis vitæ & Resurrectionis Christi. Nec Episcopum, quia non est immediate missus à ministris Christi, sed ab ipso Christo. Alterum, aliquos Episcopos habere maiorem potestatem & iurisdictionem, quam Apostolos, si non in habitu, saltem in actu. Nam Apostoli, ut iam dixisti, non habebant iurisdictionem in actu, nisi particularem & limitatam. At aliqui Episcopi habent indifferentem, & non limitatam, ut fateris l. 2. c. 1. n. 11. his verbis: *Quicumque ab Apostolis Episcopi fiebant, eandem cum ipsis Apostolis in solidam auctoritatem accipiebant; & sane vniuersalem in habitu & illimitatam: In actu verò aliqui indifferenter, quocumque eos Spiritus Sanctus, aut Apostoli dirigebant, terrarum orbem circumibant: alii verò certis locis consistere iubeantur.* Hic distinguis inter episcopos: Aliqui habent potestatem in actu limitatam ad certum locum: alii indifferenter ad totum orbem terrarum. At Apostoli, ex tua sententia, non habebant nisi particularem. Minus igitur habebant, quàm aliqui Episcopi ab ipsis ordinati & missi.

10. Ecce, Marce Antoni, in quantas angustias te conicis, dum sententiam Augustini, qui clare explicat primatum Petri, conaris obcurare, & per ineptas ambages pervertere. Dic rotunde, quod dixit Augustinus, in Petro Primatum Apostolorum excellenter præeminere: Hunc Primatum cuiuslibet episcopatus præferendum esse. Sed, ne dubites, adducam alia tria Augustini testimonia pro eodem Primatu.

Primum habetur Epist. 108. ad Seleucianum, statim ab initio, ubi sic ait: *Quod autem dicitur Petrum egisse poenitentiam, cauendum est, ne ita putetur egisse, quomodo agunt in Ecclesia, qui proprie poenitente vocantur. Et quis hoc ferat ut primum Apostolorum inter tales poenitentes numerandum putemus? Quasi dicat: Qui agunt poenitentiam in Ecclesia, subiecti sunt Prælati Ecclesiæ, & ex illorum arbitrio puniuntur, tanto vel tanto tempore, prout ipsis visum est. At Petrus, tametsi grauissime peccauit, negando Christum, non tamen erat subiectus Prælati Ecclesiæ, cum ipse potius esset Caput & Princeps Ecclesiæ, & neminem haberet, excepto Christo, à quo puniretur. Non igitur debet inter poenitentes Ecclesiæ numerari. Quod hic sit sensus Augustini, colligitur ex aliis ipsius libris, ubi agit de poenitentia ecclesiastica, præsertim in anchiridio c. 63. ubi sic scribit: *Rele constituntur ab iis, qui Ecclesiæ præsumt, tempora poenitentia, vestiat etiam satis Ecclesia, in qua remittuntur ipsa peccata: Extra eam quippe non remittuntur. Et Hom. 27. de utilitate poenitentia, distinguit triplicem poenitentiam. V-**

nam accedentium ad baptismum: alteram quotidiana: tertiam ecclesiasticam. De hac ita scribit: *Est poenitentia grauior atque luctuosior, in qua proprie vocantur in Ecclesia poenitentes, etiam remoti à Sacramento Altaris participandi.* Huiusmodi poenitentem negat fuisse Petrum, quia non erat subiectus Ecclesiæ, ac proinde Ecclesia non poterat illum remouere à Sacramento Altaris.

11. Alterum Augustini testimonium habetur ser. 124. de tempore, ubi agens de negatione Petri, sic scribit: *Ideo B. Petrum paululum Dominus subdeseruit, ut in illo totum genus humanum possit agnoscere nihil se sine Dei gratia præuolare. Et ut Ecclesia Recl. ri futuro, ignoscendi peccantibus quadam regula poneretur. Credenda enim erat Petro Apostolo clauis Ecclesiæ. Credenda erat ei populorum innumera multitudo, qua esset pro sua natura vitis, passionibus, culpis imoluta atque peccatis. Et infra: Totius corporis morbum in ipso Capite curat Ecclesia, & in ipso vertice componit membrorum omnium sanitatem, in ipsa confessionis Christi crepide, in ipso immobilis fidei fundamento, in Petro scilicet illo, qui dixerat. Etiam si me oporteat mori tecum, non te negabo. Et ibidem: Quid agis, o Petre, future Reclor Ecclesiæ, quid loqueris? Verba clara sunt. Petrus vocatur Reclor Ecclesiæ, cui infinita populorum multitudo credita est. Vocatur caput totius corporis Ecclesiæ: Vertex omnium membrorum Ecclesiæ: Immobilis fidei fundamentum. Quid quaeris amplius?*

12. Tertium testimonium habetur in quaestionibus Veteris ac Noui Testamenti, q. 75. Quamuis enim auctor fortasse non est August. est tamen auctor antiquus, & ipsi Augustino æqualis, aut antiquior. Dicitur exactores didrachma ad Petrum Apostolum: Magister vester non soluit didrachmam. Quo dicto, Magistrum, v. pro omnibus Discipulis solueret, conuenerunt. Saluator autem cum pro se & Petro dari iubet, pro omnibus exsoluisse videtur: quia sicut in Salvatore erat omnes causa Magistris, ita & post Saluatorem, in Petro omnes continentur. Ipsum enim constituit esse Caput eorum, ut pastor esset gregis Domini. Et ibidem manifestum est in Petro omnes contineri. Rogans enim pro Petro, pro omnibus rogasse dignoscitur. Semper enim in proprio populus, aut corripitur, aut laudatur.

13. Iam verò (quod secundo loco probandum erat ex Augustino) Petrum ratione sui primatus, gessisse personam totius Ecclesiæ, & omnium fidelium, docet idem Augustinus, enarratione prima in Psal. 108. statim in principio, ubi docet, Multa in Psalmo illo dici de Iuda proditore, quæ illi conueniunt, quatenus gerit personam Iudæorum, Christi hostium: sicut etiā multa conueniunt Petro, quatenus gerit personam Ecclesiæ: Verba Augustini sunt hæc: *Sicut enim quadam dicuntur, quæ ad Apostolum Petrum propriè pertinere videantur, nec tamen habent illustrem intellectum, nisi cum referuntur ad Ecclesiam, cuius ille agnoscitur in figura gessisse personam, propter Primatum, quem in Discipulis habuit, &c. Ita Iudas personam quodammodo sustinet inimicorum Christi Iudæorum, &c. Vbi aduerte, non eodem sensu, Petrum & Iudam sustinere personam communis. Nam Iudas propter nefariam prodicionem Christi, sustinet personam hostium Christi. Petrus propter Primatum Ecclesiæ, sustinet personam eiusdem Ecclesiæ.*

14. Extract. 124. in Ioannem, post medium, recitæ illa verba ex Euangelio, *Dimitte nobis debita nostra, sicut & nos dimittimus debitoribus nostris:* mox subdit: *Hoc agit Ecclesia, sibi beatam in hac vita ærinosam: cuius Ecclesia Petrus Apostolus, propter Apostolatus sui Primatum, gerat figuram generalitatis Personam. Quod enim ad ipsam propriè pertinet, natura vnus homo erat, gratia vnus Christianus, abundantiore gratia vnus idemque Apostolus. Sed quando ei dictum est: Tibi dabo clauis regni Cælorum, vniuersalem significabat Ecclesiam. Hic quædam attribuit Petro, tanquam priuato homini; ut quod fuerit natura vnus homo, gra-*

etia vnus Christianus; abundantiori gratia, vnus Apostolus. Quædam verò, tanquam personæ publicæ; vt quod habuerit Primatum Ecclesiæ; quod ratione Primatus, gesserit personam Ecclesiæ, non particularis, sed generalis seu vniuersalis; quod in persona Ecclesiæ vniuersalis, acceperit clauis regni cælorum. At tu, Marce Antoni, contra Augustinum doces, Primatum Ecclesiæ, qui à te confingitur, conuenire Petro tanquam priuato homini, ratione ætatis & vocationis.

15. Et in lib. de Agone Christiano c. 30. *Nusquam tam vigere debent viscera misericordie, quam in Catholica Ecclesia, ut tanquam vera Mater, nec peccantibus filiis superbe insulset, nec correctis difficile ignoscat. Non enim sine causa inter omnes Apostolos huius Ecclesiæ Catholica personam sustinet Petrus. Huic enim Ecclesiæ clauis regni cælorum data sunt, cum Petro data sunt. Et cum ei dicitur, ad omnes dicitur, Amas me? Pascis oues meas. Debet igitur Ecclesia Catholica correctis & pietate firmatis filiis libenter ignoscere, cum ipsi Petro personam eius gessanti, videamus veniam esse concessam. Ecce, Petrus sustinet personam Ecclesiæ Catholicæ. Et cum Petro datæ sunt clauis, non datæ sunt ipsi in priuatum vsum, sed pro bono totius Ecclesiæ. Et cū illi dictū est, pascis oues meas, non illi soli, vt priuato homini, sed omnibus illius successoribus dictum est.*

16. Denique, quod Petrus, quia sustinebat personam totius Ecclesiæ, solitus sit pro omnibus respondere, docet idem Augustinus ser. 31. de verbis Apostoli cap. 2. *Respondit, inquit, Petrus nunc pro omnibus, quia vnitas in operibus.* Et ser. 13. de verbis Domini c. 1. *Ipse enim Petrus, in Apostolorum ordine primus, in Christi amore promptissimus, sæpe vnus respondit pro omnibus.* Vbi per illam particulam, In Apostolorum ordine Primus, intelligit Primatum Petri, non ratione ætatis aut vocationis, sed authoritatis & præfecturæ, vt ipsemet ibidem explicat c. 2. cū ait: *Idem ergo Petrus à Petra cognominatus beatus, Ecclesiæ figuram portans, Apostolatus principatum tenens.* De hac re dicam plura c. sequenti. §. 16.

17. Ex dictis satis constat de sententiâ Augustini, nec quicquam video obici posse, quàm quod l. 1. c. 5. n. 10. obiciis, illum dixisse serm. 47. de Sanctis Petro & paulo: *Beatus Petrus Primus Apostolorum: Beatus Paulus nouissimus Apostolorum.* Ex quo infero, sicut paulus fuit nouissimus vocatione, ita petrum fuisse primum vocatione: Ac prout primatum Petri nihil aliud esse quàm primatum vocationis. Sed iam suprâ responsum est, cap. 2. §. 11. Nam ibi dixi, Augustinum non connectere illa verba; sed vno loco asserere, Petrum esse primum Apostolorum; altero, Paulum esse minimum Apostolorum. Non igitur necesse esse, vt quo sensu, vnus dicitur minimus, eodem alter dicatur primus. Paulum vocari minimum, id est, indignissimum, propter sua peccata: Petrum vocari Primum, id est, principem, ratione primatus seu præfecturæ.

18. Sed esto, dixerit Augustinus per modum connectionis, petrum esse primum, paulum nouissimum; non sequitur, eodem sensu vtrumque dictum esse. Dabo simile exemplū. Christus Marc. 9. 34. dixit: *Si quis vult primus esse, erit omnium nouissimus, & omnium minister.* Vbi primus & nouissimus in eadem sententiâ connectuntur; & tamē non sumuntur eodē sensu. Nam sensus est: si quis inter vos vult esse primus in gradu vel prælatura, fiat nouissimus, id est, humillimus in ministerio.

CAPVT VI.

Primatus Petri probatur ex prerogatiuis Petri.

Catholici assignant varia priuilegia seu prerogatiuas Petri, ex quibus colligunt ipsius Pri-

matum & eminentiam supra alios Apostolos: Non quod vnaquęque prerogatiua per sufficiens sit, ad struendum Primatum, sed quod omnes simul sumptæ id faciant. Sunt autem hæ præcipuę; 1. Quod Christus soli Petro inter omnes Apostolos, proprium nomen mutauerit. 2. Quod quando in Euangelio recensentur nomina Apostolorum, semper primo loco ponatur Petrus. 3. Quod scriptura loquatur de Petro, tanquam de Principe: de aliis Apostolis, tanquam de subditis. 4. Quod Petrus sæpè loquatur nomine omnium Apostolorum, tanquam illorum antesignanus. Quod inter omnes Apostolos, soli Petro facta sit prima reuelatio diuinitatis Christi. 6. Quod soli Petro inter Apostolos promissa sit stabilitas fidei & cathedræ. 7. Quod Christus pro solo Petro & seipso voluerit tributum solui in Capharnaum. 8. Quod post Resurrectionem, inter omnes Apostolos, soli Petro primum apparuerit. 9. Quod Petrus sua authoritate vocauerit alios ad electionem noui Apostoli, in locum Iudæ proditoris. 10. Quod primus promulgauerit Iudæis Euangelium, post acceptum Spiritum sanctum. 11. Quod primum miraculum apud Iudæos fecerit, in confirmationem euangelij. 12. Quod etiam primus prædicauerit gentibus Euangelium: & quod ipsi soli oblata sit visio cælestis de vocatione gentium. 13. Quod primus in Concilio Hierosolymitano sententiam dixerit.

2. Certè, hæ prerogatiuæ, vt alias omittam, manifestè ostendunt, aliquid peculiare fuisse in Petro, quod in aliis Apostolis non fuerit. Quid autem illud sit, in eo dissentimus. Tu nihil aliud agnoscis, quàm Primatum ætatis, vocationis & feruoris. Nec putas aliud colligi posse ex prerogatiuis iam enumeratis. Sed erras, vt sæpe dixi. Primo, quia incertum est, an Petrus ætate omnes alios superauerit. Secundò, nec probare potes ex Euangelio, prius Petrum, quam reliquos ad Apostolatū vocatos esse. Tertiò, nec solus feruor charitatis fuit causa omnium istarum prerogatiuarum. Quæ omnia clarius patebunt, si singulas prerogatiuas expendamus.

Prima Prerogatiua Petri.

Igitur prima Petri Prerogatiua est, quod Christus soli ipsi, inter omnes Apostolos, proprium nomen mutauerit. Nam cū antea vocaretur Simo, postea vocatum est Cephas, id est, petra (Ioan. 1. 42.) quæ prerogatiua illi communis est cum Abrahamo, qui cum antea vocaretur Abrā, id est, Pater excelsus, postea vocatus est Abraham, id est, Pater multitudinis, seu multarum gentium (Gen. 17. 5.) Maior tamen est Petri prerogatiua, quàm Abrahami. Nam Petrus idē nomen sortitus est, quod Christus. Cephas enim, & Syriacè, & Græcè sumi potest, teste Optato l. 2. contra Parmenianum. Syriacè significat petram vel lapidem; Græcè, caput. Vtroque nomine appellatus est Christus, petra quidem seu lapis, super quem fundata est Ecclesia (Mat. 21. 24.) Caput verò, à quo regitur Ecclesia, sicut mulier à viro (Eph. 5. 23.) Itaque per hanc nominis mutationem voluit Christus significare petrū fore Caput & fundamentum Ecclesiæ, sicut ipse erat. Sed diuersimodè. Nam Christus est Caput & fundamentum primum; Petrus secundarium.

4. Tu respondes (lib. 1. c. 9. n. 1.) Ex hac non vnus mutatione, non posse colligi Primatum. 2.º, quia non solus Petri, sed etiam aliorum nomina mutata esse legimus. Secundò, quia alii Apostoli non minus fuerunt petræ seu fundamenta Ecclesiæ, quàm Petrus, iuxta illud Eph. 2. 20. *Superedificati super fundamentum Apostolorum & Prophetarum, ipso summo angulari lapide, Christo Iesu.* Tertiò, quia quod Petrus fuerit Caput aliorum, non arguit Primatum potestatis aut iurisdictionis, sed tan-

tum ætatis, aut vocationis. Fuit enim Caput illorum, eo A sensu, quo primogenitus est caput suorum fratrum.

5. Hæc responsio nulla est. Non enim dicimus, ex sola nominis mutatione, colligi Primatum Petri, sed ex omnibus prerogatiuis simul sumptis. Deinde falsum est, aliorum Apostolorum omnia propria nomina à Christo mutata esse. Tamen si n. duo filij Zebedæi, Iacobus & Ioannes, vocati sunt à Christo Boanerges, id est, filij tonitru, hoc tamen nomen non erat proprium, sed antebobus commune. Quod autem Mattheus vocatus sit Levi & similiter Iudas vocatus sit Thadæus; non est factum per mutationem, sed per primam nominis impositionem.

6. Vbi obiter hæc duo distinguenda sunt. 1. Impositio vel mutatio nominis ab hominibus facta. 2. Impositio vel mutatio nominis à Deo facta. Et quidem homines ferè solent tripliciter mutare vel imponere nomina. 1. ex euentu, & sic ferè factum est in lege naturæ. 2. ex nominibus parentum vel cognatorum; & sic factum fuisse in lege Moisaica, colligitur ex illo Luc. 1. 61. *Nemo est in cognatione tua, qui vocetur hoc nomine.* 3. ex nominibus, vel parentum, vel cognatorum, vel Sanctorum in celo existentium; & sic passim fit hoc tempore.

7. At Deus non solet alicui imponere vel dare nomen, nisi ad significandum aliquod mysterium, quod paucis contingit. In Nouo Testamento contigit Christo, Ioanni Baptistæ, & Petro. Nescio an alicui aliter. De Christo legimus Luc. 1. 30. *Et ait Angelus ei: Ne timeas Maria: inuenisti enim gratiam apud Deum. Ecce concipies in utero, & paries filium, & vocabis nomen eius Iesum. Hic est magnus.* De Ioanne Baptista ibidem vers. 13. *Ait autem ad illum Angelus: Ne timeas Zacharia, quoniam exaudita est deprecatio tua: Et uxor tua Elisabeth pariet tibi filium, & vocabis nomen eius Ioannem, &c.* Hic erit magnus coram Domino. Denique de Petro, Ioann. 1. 42. *Imminit enim Iesus dixit: Tu es Simon filius Iona: Tu vocaberis Cephas, quod interpretatur Petrus.* Vbi etiam, ut in duobus præcedentibus exemplis vel addi, vel intelligi debet. *Et eris magnus.*

8. Et quidem de mysterio, quod latebat in impositione nominis Iesu & Ioannis, nihil dicam hoc loco. Res nota est, & alibi tractanda. De mysterio autem, quod Catholici agnoscunt, in mutatione nominis Petri, scribit Augustinus tract. 7. in Ioannem, post medium his verbis: *Magnum, quia mutauit ei nomen, & feci de Simone Petrum.* Et infra: *Si hoc ante Petrus vocaretur, non ita videres mysterium petra, & putares casu eum sic vocari, non providentia Dei. Ideo voluit enim aliud prius vocari, ut ex ipsa commutatione nominis. Sacramenti vinaculis commendaretur.* Et Leo Magnus Epist. 87. ad Episcopos provincie Viennensis, de Petro sic loquitur: *Hunc enim in consortium individue unitatis assumptum, id quod ipse erat, voluit nominari dicendo, Tu es petrus & super hanc petram edificabo Ecclesiam meam* (quæ verba c. 4. explicata sunt) refer. 3. de Assumptione sua ad Pontificatum, introducit Christum loquentem ad Petrum: *Sicut meus pater tibi manifestavit diuinitatem meam, ita & ego tibi notam facio excellentiam tuam quia tu es petrus, id est, cum ego sim inuicibilis petra, ego lapis angularis, qui facio utraque unum; ego fundamentum, præter quod nemo potest aliud ponere: tamen in quoque petra es, quia mea virtute solidaris, ut qua mihi potestate sunt propria, sint tibi mecum participatione communia.* Et Prosper Aquitanicus lib. 2. de vocatione gentium, c. 28. *Quis ergo ambigat, quis ignoret hanc ferissimam petram quæ ab illa principali petra communionem, & virtutis sumpsit, & nominis? &c.*

9. Hic vides, Marce Antoni, quid patres sentiant: ut quàm longè absis ab illorum sententia, qui mysteriū, quod illi Magnum agnoscunt, parui æstimas. Porro quod addis, alios Apostolos non minus esse petras seu fundamenta Ecclesiæ, quàm Petrum, temerarium est.

Audi. Constat ex Scriptura, & Christum; & Petrum, & reliquos Apostolos vocari fundamentum seu petram, super quam ecclesia edificata est; sed diuerso modo. Solus Christus & fundamentum primum, quod sua firmitate consistit, iuxta illud 1. Cor. 3. 11. *Fundamentum aliud nemo potest ponere, præter id, quod positum est, quod est Christus Iesus.* præter Christum, Prophetæ & Apostoli sunt, fundamenta secundaria, Eph. 2. 20. *Super adificationem super fundamentum Apostolorum & Prophetarum ipso summo angulari lapide, Christo Iesu.* Nam illi, per prædicationem fidei & doctrinæ Christianæ, sustentant ecclesiā: Vel, quod idem est illorum doctrinæ & prædicationi incumbit ecclesiā. Et reliqui Christiani super illorum fidem & doctrinam superædificantur. Inter secundaria vero primum locum tenet Petrus, cui speciatim dictum est, *Tu es Petrus & super hanc petram edificabo Ecclesiam meam, & porta inferi non preualebit adversus eam.* Vbi aliquid peculiare illi promittitur, quod aliis Apostolis promissum non est. Nimirum firmitas, constantia, & stabilitas, quæ per petram significatur. Quæ etiam aliis aliis verbis illi promissa est, Luc. 22. 32. *Ego pro te rogo Petre, ut non deficiat fides tua, & iniquando conuersus, confirma fratres tuos.*

10. Igitur Christus est fundamentum Ecclesiæ primum, & (ut loquitur Augustinus in Psalm. 89. 2. *fundamentum fundamentorum.* et lapis angularis, qui connectit inter se duos parietes, id est, Iudæos & gentiles (Eph. 2. 12. & seqq.) est ostium seu ianua, per quam ingredimur in ecclesiam, (Ioan. 10. 9.) Apostoli & Prophetæ sunt fundamentum secundarium, quia illorum doctrina & prædicatio fundatur in Christo: quem Prophetæ futurum prædixerunt; Apostoli præsentem annunciantur. Hoc peculiare habet Petrus, quod ipse cum suis Successoribus habeat prerogatiuam constantiæ & firmitatis in fide, quam reliqui Apostoli cum suis Successoribus non habuerunt. Ipsi quidem in suis propriis personis manserunt constantes (excepto Iuda) sed in Successoribus defecerunt. Sola Cathedra Petri habet hoc privilegium. De quo plura dicturus sum in sexta prerogatiua.

11. Iam vero, quod tertio loco obicitur ex eo, quod Petrus fuit Caput Apostolorum, non posse colligi primatum potestatis, sed tantum ætatis aut vocationis; & frivolum est, & sæpè refutatum. Non audes negare quod omnes boni authores asserunt, Petrum fuisse Caput Apostolorum, Quid ergo? Fingi ideo Caput fuisse, quia ætate senior, vocatione antiquior. Nimirum, ut tollas Primatum, qui certus est? excogitas alium, qui incertus est.

Secunda Prerogatiua.

12. Altera prerogatiua est, quæ quando in Evangelio recententur nomina Apostolorum, semper primo loco ponatur Petrus, tanquam Princeps & Antesignanus. ut Matt. 10. 2. *Duodecim Apostolorum nomina sunt hæc: Primus: Simon qui dicitur Petrus, &c.* Idem fit Marc. 3. & Luc. 9. 14. & Act. 1. 13. Tu respondes, ut soles, (1. 1. cap. 9. n. 2.) Petrum primo loco nominari, quia erat primus ætate & vocatione. Nondum id probasti. At ego facile probem, fuisse Primum authoritate & iurisdictione: sic enim Patres explicant illam particulam, *Primus.* Et ratio sumitur ex ipso contextu. Nam si Petrus, in ista enumeratione Apostolorum, diceretur primus ordine ætatis aut vocationis; tunc reliqui, qui ponuntur post Petrum, ponerentur etiam iuxta ordinem ætatis aut vocationis. At hoc falsum est. Imò, nullos ferè inter eos servatur ordo. Nam apud Mattheum, post Petrum, nominatur Andreas: apud Marcum, non Andreas, sed Iacobus: apud Lucam in Actibus, Ioannes. Idem fit in reliquis Apostolis. Aliquando Mattheus præponitur

gibus quid est *pascere*. Relinque illud, *fortasse*: illud, non A pugno illud, *quatenusque & quantumcumque*.

7. Nos (sine *fortasse*) asserimus, *pascere*, idem esse quod officium pastorale exercere. Nemo ambigit. Officium autem pastorale includit tres actus principales, ut ex scriptura patet. Primus est, pabulum præbere, & ad pascua ducere, Ezech. 34. 2. *Ua pastoribus Israel, qui pascebant semetipsos: Nonne greges à pastoribus pascuntur?* et Psal. 22. 1. *Dominus regit me* (Græce est, *pascit me*) & nihil mihi deerit: in loco pascue ibi me collocavit.

8. Secundus est infirmas oves sanare, dispersas colligere, errantes reducere, contra lupos defendere, Ezech. 34. 5. *Dispersa sunt oves mea, eo quod non esset pastor: & facta sunt in deuotionem omnium bestiarum agri & dispersa sunt. Errauerunt greges mei, & non eras, qui requireret. Et infra v. 15. Ego pascam oves meas, & ego acubare faciam, dicit Dominus Deus. Quod perierat, requiram: & quod abiectum erat, reducam; & quod confectum erat, alligabo; & quod infirmum fuerat, consolidabo, & quod pingue & forte, custodiam.*

9. Tertius est, præcellere, regere, gubernare, iudicare, discernere, castigare. 2. Reg. 5. 2. *Tu pascas populum meum Israel, id est gubernabis*, ut patet ex verbis sequentibus. *Et tu eris Dux super Israel.* et Psal. 2. 9. *Reges eos in virga ferrea.* Græce est, *in uirga iulida*. Id est pascas eos. Et Ezech. 34. 17. *Vos autem greges mei, hæc dicit Dominus Deus: Ecce ego iudico inter pecus arisium & hircorum.* Et v. 20. *Ecce ego ipse iudico inter pecus pingue & macilentum.*

10. Unde sic concludo: Christus cum dixit Petro, *Pasce oves meas* commisit illi officium pastorale, respectu omnium Christianorum (nullum enim, ut dixi, excepit.) Ergo dedit illi potestatem exercendi officium pastorale. Officium autem pastorale est, oves ad pascua ducere, infirmas curare, dispersas colligere, inter sanas & vitiosas iudicare, contumaces cogere & ad ouile compellere lupos arcere (quæ omnia, ut patet ex scripturis citatis, & potissimum ex Ezechiele, non tantum intelliguntur de pastore brutarum ouium, sed multo magis de Pastore fidelium.) Ergo Petrus habuit potestatem hæc omnia præstandi, respectu omnium Christianorum. Potuit igitur, ratione officii pastoralis, ubique Euangelium prædicare, Sacramenta administrare, peccantes corrigere, errantes reducere, inter veram & falsam doctrinam discernere, ad unitatem Ecclesie compellere, hostes arcere: siue per se, siue per alios sibi subordinatos, et sic explicant antiqui Patres, quorum verba refecerimus sequenti capite.

11. Quarta quæstio est: An aliquid peculiare concessum sit Petro per illa verba, *Pasce oves meas*, præ aliis Apostolis? Tu ais, nihil præ aliis concessum illi esse Alios non minus fuisse Pastores, quam Petrum. Sic enim scribit I. c. 8. n. 3. *Quamuis verissimum sit, illa verba, Pasce oves meas, seorsim soli Petro fuisse dicta, etiam aliis Apost. præsentibus, nihilominus in solo Petro effectum suum habuisse, dici nullo modo potest. Nonne ipsemet Christus dedit quosdam quidem Apostolos, alios Doctores & Pastores: Non ergo solus Petrus Pastor. Et rursum n. 4. *Primum omnibus Apostolis simul cum Petro dictum est à Christo: Sicut misit me Pater, & ego mitto vos: Et postea dictum est Petro Pasce oves meas. Neque video quomodo affirmari possit aliqui amplius dari Petro seorsim his verbis, quam datum fuerit ceteris omnibus illis. Et iterum n. 5. Illud contendit, nullam uerba pasceudi contineri potestatem, quæ non melius & amplius continetur in illis Christi dictis, sicut misit me pater, & ego mitto vos. Et illis: Euntes docete &c.**

12. Hic plane exorbitas, mi Antoni. Et pugnas non solum cum antiquis Patribus, qui docent Petro plus datum esse, quam reliquis Apostolis, sed etiam cum Evangelio & recta ratione. Nam si Petro nihil datum est

amplius per illa verba, *Pasce oves meas*, quàm quod antea datum erat per illa: *Sicut misit me Pater, & ego mitto vos* iam nihil noui accepit per illud: *Pasce*, quod antea non habuerit meliori & ampliori modo, ut tu interpretaris, per illud, *Mitto vos*. Quid ergo necesse fuit, Christum ut tot ceremoniis circa Petrum, si nihil peculiare voluit illi dare? Quorsum illa trina interrogatio: *Simon Ioannis diligis me plus hæc? Simo Ioannis diligis me? Simon Ioannis amas me?* Quorsum triplex illa commissio, *Pasce agnos meos, Pasce agnos meos, Pasce oves meas?* Otiose hæc omnia facta esse necesse est, si nihil datum est Petro quod antea datum non fuit. Imo, si quod antea meliori & ampliori potestate datum fuit, postea deteriori & restrictiori concessum est.

13. Ais, nihil otiose hic factum esse, sed multa mysteria in hoc vno facto contineri. primum, inquis, *mysterium est unitatis collegii Apostolici, ut ipsum collegium dissolueretur.* Cum enim Petrus solus ex duodecim Apostolis negasset Christum expresse, poterant reliqui merito illum excludere, vitare, abicere, & consequenter dissolvere unitatem illam collegii Apostolici. Igitur, ne hoc fieret, dictum est Petro, coram aliis Apostolis, *Pasce oves meas*, id est mane in collegio Apostolorum, & fac quod illi faciunt. Pro hac interpretatione citas Optatum Mileuitanum & Augustinum. Sed mala fide. Nam illi duo, sicut & alij patres, multo aliter explicant hoc mysterium unitatis. Atunt in eo consistere, quod Christus voluerit seruare unitatem in Ecclesia, quæ vix seruari potest, nisi constituto vno capite cui reliqui omnes subiecti sint. Itaque petrum à Christo constitutum esse, cum illi dictum est, *Pasce oves meas*, id est, gubernare Ecclesiam meam.

14. Audiamus Patres. Optatus lib. 2. contra Parmenianum, non longe à principio, sic sentit: *In qua (Romana cathedra) sedet omnium Apostolorum caput, Petrus. Unde & Cephas appellatus est. In qua una cathedra, unus ab omnibus seruaretur, ne ceteri Apostoli singulas sibi quisque defenderent: Vt iam schismaticus & peccator esset, qui contra singularem cathedram, alteram collocaret. Ergo cathedra unica est, &c.*

15. Augustinus l. de Pastoribus c. 13. *Imo vero & in ipso Petro unitatem commendauit. At ultierant Apostoli, & vni dicitur, Pasce oves meas. Quod clarius explicat Hieron. lib. 7. contra Iovinianum, cum ait: Propterea inter duodecim unus eligitur, ut capite constituto, schismaticis tollatur occasio. Et Cyrtianus lib. de simplicitate prælatorum, Petro post resurrectionem suam dicit, Pasce oves meas. Et quamuis Apostolis omnibus post Resurrectionem suam, parem potestatem tribuat, & dicat: Sicut me misit Pater, & ego mitto vos: Tamen ut unitatem manifestaret, unitatis eiusdem originem ab vno incipientem suam auctoritate disposuit. Hinc apparet, non sincere sed fraudulenter, à te citatos esse Patres, pro mysterio unitatis, quod commentus es.*

16. Secundum mysterium sic explicas (ibidem n. 9. in fine) *Petro soli dictum est à Christo, Pasce oves meas, quia tunc petrus erat figura, & representabat omnes Ecclesie Prælatos; Et ut omnium procurator generalis omnium nomine accepit curam pastorem. Et producis Augustinum, lib. de Agone Christiano cap. 40. & alibi. Sed de tibi, & Augustino contrarius es. Tibi quidem, quia paulo ante dicebas, Christum ideo dixisse Petro, coram aliis Apostolis, *Pasce oves meas*, ut alii non excluderent eum à suo collegio propter peccatum negationis, sed sciret restitutum esse in suum locum. Hoc dicis, ideo factum esse, quia Petrus representabat omnes Ecclesie Prælatos, & erat generalis procurator, qui omnium nomine accipiebat curam pastorem. Hæc inter te pugnans, si Christus loquebatur cum Petro, tanquam cum privato reo, qui propter priuatum peccatum excludendus erat à collegio Apostolorum certe non loquebatur cum illo, tanquam cum generali Procuratore, qui omnium no-*

8. n. 1. Petro singulariter & personaliter dicum esse, *Pasce*. De qua repugnantia dicam iterum c. 7. §. 21.

17. Deinde quæro ex te: Si Petrus fuit generalis procurator omnium prælatorum, an fuerit omnium Prælatorum absolute, etiam Apostolorum; an omnium, exceptis Apostolis. Si prius, necesse est, Apostolos non per se, sed per procuratorem accepisse curam pastorem. At hoc antea negasti, asserens, eos accepisse per se, quando ipsis dictum est, *Mitto vos*. Si posterius, sequitur petro plus aliquid datum esse, quam aliis Apostolis, quod ante negasti. Nam illi datum est, ut esset generalis Procurator omnium Prælatorum Ecclesie, quod aliis non fuit datum.

18. Tertium mysterium sic proponis: *Tertio dici potest, petro singulariter Christum dicere. Pasce oves meas, hoc est, Israelitas, qui tunc solierant Christi oves. Unde & dicebat Matt. 10. 6. Ite ad oves, quæ perierunt, domus Israel. & Matt. 15. 24. Non sum missus, nisi ad oves, quæ perierunt, domus Israel.* At ego hic nullum video mysterium, sed mendacium & ignorantiam. Mendacium est, solos Israelitas fuisse tunc Christi oves. Nam ipsemet dixit, *Io. 10. 16. Alias oves habeo, quæ non sunt ex hoc ovili, & illas oportet me adducere.* Vbi aperte loquitur de gentilibus. Igitur non soli Israelitæ, sed etiam gentiles erant ipsius oves. et alij quidem iam conuersi ad fidem Christi, ut tres Magi, qui illum in stabulo adorauerant: alij deinceps conuertendi. Miror ignorantiam tuam, si hæc nescis.

19. Sed esto: verum sit, quod falso asseris; Quid obsecro hic mysterii est? Quæram enim quod supra quæsiui, si petro nihil noui collatum est per illud, *Pasce*, quod non prius collatum erat per illud, *Mitto vos*, &, *Euntes in mundum uniuersum*: Quid necesse fuit iterum dicere, *Pasce oves meas*? Tu respondes; quia per oves intelliguntur soli Israelitæ Magnum scilicet mysterium. Imo magnum delirium. Nam si antea dictum est omnibus, *Ite in mundum uniuersum*, & per hoc acceperunt potestatem prædicandi Euangelium omnibus Gentibus; certè eum postea dictum est petro, *Pasce oves meas*, id est, solos Israelitas, necesse est, priorem potestatem, quæ erat amplissima, reuocatam esse, & ad solos Iudæos restrictam. Itane vero?

20. Testimoniis & petriæ, quæ adducis, vel non intelligis, vel malitiosè abuteris. Nam initio quidem dictum est Apostolis: *Ite ad oves, quæ perierunt domus Israel*: sed postea laxata fuit potestas, cum dictum est, *Euntes in mundum uniuersum*, &c. Illud porro, *Non sum missus, nisi ad oves, quæ perierunt domus Israel*, sic debet intelligi, Christum non esse missum, ut suam præsentiam corporealem, prædicationem & miracula exhiberet, nisi ad Iudæos; quia illis scilicet propter fidem Abraham facta est promissio de aduentu Messie, ut rectè notat Augustinus tract. 31. in Ioannem, circa finem. Nihilominus erat etiam missus ad gentes, ut suo sanguine illos redimeret, & per prædicationem Apostolorum ad suum ovile perduceret. *Ro. 10. 11. Non enim est distinctio Iudæi & Græci: nam idem Dominus omnium.* Et 2. Corint. 5. 15. *Pro omnibus mortuus est Christus.* Et 1. Timot. 2. 6. *qui dedit Redemptionem semetipsum pro omnibus.*

21. Quartum mysterium est: *Christus ideo seorsim dixit Petro, Pasce oves meas, ut eidem Petro & quæ satisfactionem iniungeret erroris trina negationis, & simul etiam eidem animos adderet, ne suis fœdis negationibus nimium confusus, in barathrum desperationis laboraret.* pro hoc mysterio citas Augustinum, Cyrillum, Nazianzenum & Chrysostomum. Ineptè omnia. Primo, quia pastoralis cura quum Christi, non est satisfactio erroris vel culpæ, sed est dignitas prælati ecclesie. Et, si verum est, quod in secundo mysterio dixisti, Petrus nomine omnium Prælatorum, tanquam generalis procurator, accepit hanc dignitatem, seu curam pastorem. At absurdum est

Opusc. Bec.

A dicere, Petrum nomine omnium prælatorum, satisfecisse pro suo errore trina negationis. Nam trina negatio erat solius petri, non aliorum Apostolorum aut prælatorum.

22. Deinde, nullum erat periculum desperationis, ut tu inuidiosè fingis. Nam antequam Christus diceret petro, *Pasce oves meas*, multa alia præcesserant, quæ ad depellendam desperationem abundè sufficerent. Primo, quia Christus, statim post peccatum negationis, benignè aspexit petrum (Luc. 22. 61.) Secundo, ex hoc aspectu secuta est vera contritio & penitentia petri (Matt. 26. v. 75.) *Et egressus foras, fletit amaro.* Tercio, post resurrectionem sæpè apparuit Petro: semel quidem soli, (Luc. 24. 34.) Deinde, petro & aliis simul (Ibid. v. 36.) Quarto, ter dixit illi & aliis Apostolis, *Pax vobis* (Ioan. 20. 19. & seqq.) Quinto, dixit illi & aliis, *Accipite Spiritum sanctum, et, Euntes docete omnes gentes.* Et, *Ecce ego vobiscum sum omnibus diebus usque ad consummationem sæculi.* Quibus omnibus ita confirmatus fuit petrus, ut in piscatione, quæ acta est post Resurrectionem, cum magna fiducia miserit se in mare, ut ad Christum in littore expectantem, notando citius perueniret, quam alij nauigando. (Ioan. 21. v. 7.) Et tu, post hæc omnia fingis barathrum desperationis? Magnam iniuriam illi facis.

23. Patres, quos citasti, non asserunt, quod tu asseris. Primo, quia nullam faciunt mentionem desperationis. Secundo, nec aiunt, satisfactionem seu compensationem, quæ Petro iniuncta est, propter peccatum trina negationis, consistere in eo, *Pasce oves meas*, ut tu comminisceris; sed in eo, *Diligis me plus his?* Nam quia petrus ter Christum negauerat ex timore, vicissim exigit ab illo Christus trina confessionem amoris. Sic enim scribit Augustinus (quem tu citas) tract. 123. in Ioannem: *Redditur negationi trina terna confessio.* Et serm. 49. de verbis Domini: *Per trina confessionem amoris deleves trina negationem timoris.* eodem modo Cyrillus (quem etiam adducis) l. 12. in Ioannem c. 64. *Quoniam Petrus, inquit, ter in tempore passionis negauit, iure nunc ab eo terna dilectionis confessio petitur, ut terna negatio æquali confessionis numero compensetur.* Igitur hæc tria hic distinguenda sunt: 1. trina negatio, quæ est peccatum. 2. trina confessio, quæ est compensatio seu satisfactio pro peccato. 3. pastura onium, quæ est præmium & dignitas Ecclesiastica.

D 24. Quintum mysterium est: *Christus ideo cum solo Petro locutus est, & seorsim illi pasturam ouium commendauit, quia sicut ipse precipuus erat ex undecim; ita precipuam curam prædicationis ipsi commisit, qui maxime omnium, qui tunc aderant, debebat in ipsius Domini vinea laborare.* Pro hoc mysterio citas Leonem, Gelasium, Nicolaum & Lanfrancum.

25. Hic aliquid verè asseris ex patribus, aliquid asseris ex tuo capite. Verum est, petrum fuisse præcipuum Apostolorum, & pasturam ouium illi commendatam: Fallum est, illam petri eminentiam positam fuisse in eo, quod maxime omnium, qui tunc aderant, debuerit in vinea Domini laborare. Hoc enim intelligis de labore itineris, prædicationis, & aduersitatis, in quo constat Paulum præ ceteris excelluisse (2. Corint. 11. v. 23.) Et ideo, ut relinqueres Paulo hanc prærogatiuam, dixisti, *Maxime omnium, qui tunc aderant.*

26. De hoc labore nihil dicunt citati à te patres. Nam Leo Epist. 87. ad episcopos provincie Viennensis, sic scribit: *Cui cum præ ceteris soluendi & ligandi potestas tradita sit, pascendarum tamen ouium cura specialius mandata sit.* Et ser. de Ascensione: *Beato Apostolo Petro supra ceteros, post regni clauis, omnis Domini cura demandatur.* Hic notandæ sunt istæ particulæ, *Pra ceteris*, &, *supra ceteros*, quæ non significant, ut tu falsè asseris, petrum

præ cæteris vel supra cæteros debuisse laborare, excepto Paulo: Sed illi præ cæteris & supra cæteros traditam esse potestatem ligandi, & demandatam curam ecclesiæ. Quod etiam asserunt reliqui Patres à te citati.

27. Videnunc, Marce Antoni, quid mysterii lateat in tuis mysteriis, quæ lectori obtrudis. Nihil aliud ex illis colligo, nisi tuam inconstantiam, mendacium, contradictionem. Deinceps videamus, quid antiqui Patres, quorum auctoritatem simulas te magnificare, sentiant de Primatu Petri. Ne tamen ex iis, quæ à te allata sunt, videat aliquid præteritis, respondendum est ad illud, quod obicis ex Apostolo, Eph. 4. 11. *Et ipse dedit quosdam Apostolos, quosdam autem Prophetas, alios vero Evangelistas, alios autem Pastores.* Hinc inferis, non solum Petrum fuisse pastorem, sed etiam alios. Facilis responso. plures sunt pastores particularium Ecclesiarum. Vnus est pastor Ecclesiæ vniuersalis, nempe Christus, & eius loco, Petrus, vel Successor Petri. Vnde vocatur Pastor pastorum, ut supra dixi ex Bernardo, & cap. sequenti iterum dicturus sum.

C A P V T IV.

Primatus Petri probatur ex Patribus.

1. **A**ntiqui Patres tam clarè, disertè, & rotundè loquuntur de Primatu Petri, ut clarè, disertè, & rotundè loqui non possint. Nam aliqui expressè vocant illum *Vicarium Christi*, ut Ambros. ad cap. 24. Lucæ. Anselmus ad c. 16. Matthæi. Bernard. lib. 2. de consideratione ad Eugenium. Gennadius Scholarius, de primatu papæ Sect. 2.

Alij *Caput Ecclesiæ*, ut Hieronymus in Ps. 13. Chrysostomus homil. 11. in Matthæum, Philo Carpathius in Cantica.

Alij *Caput fidelium & Pastorem Gregis dominici*, ut Augustinus (vel quisquis autor est) in lib. questionum Veteris ac noui Testamenti, quest. 75.

Alij *Caput omnium Apostolorum*, ut Optatus Mileuitanus l. 2. contra Parmenianum, Cyrillus Alexandrinus lib. 12. in Ioannem c. 64.

Alij *principem Apostolorum*, ut Cyrillus Hierosolymitanus catech. 2. & 11. Basilii in Proœmio præceptionum latius disputatarum, Hieronymus in catalogo scriptorum ecclesiasticorum.

Alij *Pastorem Pastorum*, ut Eucherius Lugdunensis in Vigilia S. Petri, Bernard. lib. 2. de consideratione ad Eugenium.

Alij *Coryphaum Apostolorum*, ut Dorotheus Tyrius in Synopsi, Isidorus Pelusiota lib. 1. Epist. 142. Andreas Casariensis ad c. 13. Apocal.

Alij *verticem Apostolorum*, ut Origenes hom. 2. in diuersos locos noui Testamenti, Chrysostom. in Hom. in Petrum apostolum & Heliam Prophetam.

Alii *Apicem Apostolorum*, ut Cyrillus Alexandrinus l. 14. Thesauri c. 1.

Alij *Antesignanum Apostolorum*, ut Isidorus Pelusiota lib. 2. epist. 58.

Alij *Petram & Crepidinem Ecclesiæ Catholice, & relictæ fidei fundamentum*, ut Synodus Chalcedonenis act. 3.

Alii *Principem Ecclesiæ Christianorum*, ut Ephrem Syrus, serm. de transfiguratione Domini.

Alii *Ducem Discipulorum Christi*, ut Epiphanius Hæresi 51.

2. ecce, qui & quanti tituli soli Petro præ aliis tribuuntur. Quos tu quidem l. 1. c. 4. & 5. agnoscis, quia negare non potes, sed tamen respondes hoc modo: 1. Titulum. Vicarii perfectissime conuenire Spiritui S.

A quem Christus suo loco misit post ascensionem. 1. Eundem conuenire etiam Apostolis, sed non magis Petro, quàm aliis. 3. Titulum Principis Apostolorum communem esse Petro & Paulo. 4. Reliquos titulos quotquot sunt, concessos esse Petro, propter Primatum ætatis, vocationis & charitatis; non autem propter Primatum potestatis aut iurisdictionis. Hæc tria posteriora discutenda sunt. Nam primum, de Spiritu sancto iam antè refutatum est.

3. Prima ergo quæstio est: An omnes Apostoli æquè fuerint Vicarii Christi, ita ut Petrus in hoc officio, nullam prærogatiuam habuerit præ aliis? Tu affirmas cap. 4. n. 3. & seqq. At falsò. Nam etsi reliqui Apostoli fuerint etiam Vicarii Christi (quod non nego) non tamen ex officio fuerunt illius Vicarii in regimine totius Ecclesiæ, sicut Petrus Petro tota Ecclesia, totum ouile, omnes Christi oues commissæ sunt; reliquis non item. Quod tamen præcedenti capite satis probatum sit, hic tamen obiter probandum est ex Patribus, quorum auctoritate contra nos pugnas.

4. Igitur Anselmus Archiepiscopus Cantuariensis (quem Anglia meritò veneratur) ad c. 16. Matthæi, sic scribit: *Eam potestatem, ideo vni Petro concessit specialiter, ut ad unitatem nos inuiteret. Ideo enim eum Principem Apostolorum instituit, ut Ecclesia, quasi unum principalem Vicarium Christi haberet, ad quem diuersa Ecclesiæ membra recurrerent, si fortè inter se disseminerent. Quoniam si diuersa essent capita in Ecclesia, unitatis vinculum rumperetur per diuersas schismata.* Quid clarius dici poterat? aut quæ efficacior ratio ad persuadendum adhiberi?

5. Et Sanctus Bernardus l. de consideratione ad Eugenium: *Inde est, quod Petrus altera vice, instar Domini, gradiens super aquas, unicum se Christi Vicarium designauit, qui non vni populo, sed cunctis præesse deberet.* ecce, Petrum vocat unicum Christi Vicarium, non quod reliqui Apostoli non fuerint Vicarii, sed quod non fuerint generales Vicarii, respectu totius Ecclesiæ, sicut Petrus, plura testimonia paulò post citabo.

6. Sed obicis alios patres. primo Augustinum l. 2. contra Gaudentium, c. 12. vbi citans illud Christi ad Apostolos, Act. 1. 8. *Eritis mihi testes in Ierusalem, & in tota Iudea & Samaria, & usque ad terminos terra.* sic scribit: *Hoc tanto tenacius, quanto posterius audientium membris fixis, Hanc sponsam suis amicis sponsus abiens commendauit, ex his verbis colligis primò, Christum in suo discessu ex hoc mundo, commississe Apostolis officium prædicandi Euangelium in totum mundum. Secundò, omnes & singulos Apostolos indifferenter accepisse curam totius mundi, absque vlla limitatione. Tertiò, Ecclesiam, quæ Christi sponsa est æquè omnibus Apostolis, tanquam Vicariis, à Christo commendatam. Quartò, Petro nihil amplius præ cæteris collatum esse.*

7. Respondeo. Erras primò in citatione, Augustinus non habet illa verba, loco à te citato, sed lib. 1. cap. 20. Deinde erras in re ipsa: nam etsi eo loco & tempore nihil peculiare Petro collatum sit, præ aliis Apostolis; tamen iam antea fuerat illi collata Præfectura totius ouilis Christi, per illa verba, *Pasce oues meas.* Et præterea, firmitas seu constantia fidei in ipso, & successoribus per illa. *Ergo rogavi pro te Petre, ut non deficiat fides tua.* Neque necesse est, omnia vno loco & tempore conferri. Alioqui sequeretur Apostolis nihil aliud collatum esse à Christo, quàm officium prædicandi; non autem officium baptizandi, & remittendi peccata. Nam in suo discessu ex hoc mundo, quando dixit, *Eritis mihi testes in Ierusalem*, non fecit mentionem baptismi aut Clauium, sed tantum prædicationis Euangelii.

8. Quod addis, Christum in discessu suo, omnibus & singulis Apostolis indifferenter dedisse curam totius mundi, absque vlla limitatione, falsum est. Nam

ut dixi, per illa verba, *Eritis mihi testes*, solum commisit illis officium prædicandi; non autem officium gubernandi Ecclesiam: Ergo ex illis verbis non potest colligi, omnes Apostolos in gubernatione Ecclesiæ fuisse æquales. Deinde sensus verborum Christi non est, ut singuli Apostoli, nullo ordine aut respectu, prædicarent Evangelium per totum terrarum orbem (quia hoc moraliter fuisset impossibile) sed ut singuli, facta distributione, singulas partes peragrarent; Et sic ab omnibus, non tamen à singulis, Evangelium toto orbe promulgaretur. Idque fieret, partim per ipsos Apostolos, partim per ipsorum successores. Quod etiam evenit. Nam post aliquot annos à Christi discessu, facta est divisio Apostolorum, & singulis certa ciuitas, vel provincia, vel Regnum assignatum: Solus Petrus habebat generalem curam vniuersalis Ecclesiæ, ut iam sæpè ex Patribus ostendi, ac deinceps ostensurus sum.

9. Nec aliter fieri potuit. Nam sicut Christus dixit, *Eritis mihi testes, usque ad terminos terre*, ita antea dixerat, *Euntes in mundum vniuersum, prædicare Evangelium omni creatura, baptizantes eos in nomine Patris &c.* At hoc non potuit sic intelligi, quod singuli debuerint id præstare; alioquin si vnus prædicasset Evangelium, & baptizasset omnes in vniuerso mundo, quid reliqui eodem tempore fecissent? An eosdem iterum baptizassent? Nullo modo. Est ergo, non coniectum, sed diuini intelligentium, hoc modo: Itē diuisi in diuersas partes mundi, & vnus hic, alius alibi prædicet Evangelium, baptizet, & similia officia exerceat. Nosti simile exemplum in nostra Societate. Mitimur in vniuersum orbem terrarum: non ut singuli vniuersum occupent, sed ut quisque in certo loco, sibi assignato, obeat officium hominis religiosi. Neque valet hæc consequentia: Omnes sacerdotes Societatis habent potestatem eundem in vniuersum mundum, & vbiq; Evangelium prædicandi: Ergo omnes sunt inter se æquales, & Præpositus generalis nihil plus habet, quam reliqui. Similis est consequentia, quam tu facis de Apostolis.

10. Secundo obicit Ambrosium, qui in Psal. 38. sic scribit: *Ascende ergo homo in cælum, & videbis verum illum & æternum, atque perpetuum Sacerdotem, cuius hic imagines videbas, Petrum, Paulum, Ioannem, Iacobum, Mattheum, Thomam.* Hinc inferis, non solum petrum, sed omnes Apostolos æque representasse Christum; ac proinde, æque fuisse Vicarios Christi. Respondeo. Verum est quod dicit Ambrosius: Falsum, quod tu inferis. Nam omnes Apostoli, quatenus erant Sacerdotes, fuerunt imagines Christi, supremi & æterni Sacerdotis. Idem dici potest de omnibus aliis Sacerdotibus Noui Testamenti. Omnes ratione sacerdotii, sunt imagines Christi. An ideo omnes æquales? Ne tu quidem hoc dixeris. Nam fateris Episcopos, ex diuina Christi institutione, maiores ac eminentiores esse presbyteris.

11. Sed ut planius constet de mente Ambrosij, ponam antecedentia ipsius verba, quæ sic habent: *Primum igitur umbra præcessit; secuta est imago; erit veritas. Umbra in lege: imago vero in Evangelio: veritas in cælestibus. Umbra Evangelij & Ecclesiæ in Lege: imago futura veritatis in Evangelio: veritas in iudicio Dei.* Hæc est Thesis Ambrosij, sub qua thesi descendit ad hanc hypothesin: Sacerdotes legis Mosæicæ erant vmbre, respectu Christi: Sacerdotes Evangelij sunt imagines, respectu eiusdem: Christus in cælo, est veritas. Nempe, in ratione sacerdotii. At, sicut hinc non sequitur, omnes Sacerdotes legis Mosæicæ fuisse inter se æquales, ita nec sequitur, omnes Sacerdotes Evangelij inter se esse æquales. Et vicissim, sicut omnes Sacerdotes Mosæici fuerunt vmbre Christi; Et tamen, eo non obstante, Pontifex erat maior aliis, ita omnes Sacerdotes Evangelici sunt imagi-

Opusc. Bec.

nes Christi; & tamen, eo non obstante, Pontifex est maior aliis. Si hæc exempla non sufficiunt, dabo aliud. Constat ex scriptura, hominem creatum esse ad imaginem Dei (Genes. 1. 26.) Et hoc sensu omnes homines appellari posse imagines Dei. An hinc inferes, omnes in potestate & iurisdictione inter se esse æquales, nec plus habere Reges & Principes, quam alios? Absit. Hæretica & scandalosa esset hæc illatio.

12. Tercio obicit eundem Ambrosium, qui alibi omnes Apostolos expressè vocat Vicarios Christi, ut in cap. 1. epist. ad Rom. & in c. 3. prioris ad Corinth. Respondeo. Nemo hoc negat. Sed quæstio est, an omnes eodem sensu, & æquali potestate sint vicarii Christi? Si hoc assereret Ambrosius, pro te esset. At contrarium asserit. Nam in cap. 12. posterioris ad Corinth. sic scribit: *Prior secutus est Andreas Saluatorem, quam Petrus: Et tamen Primatum non accepit Andreas, sed Petrus.* Non ergo omnes Apostoli æquales, ut tu fingis. Nam Petrus accepit primatum, quem Andreas non accepit. Et 1 Cor. 46. de penitentia petri in fine: *Vide ergo quantum fleus profuerit Petro. Ansequam fleueret, lapsus est: postquam fleuit, electus est. Et ante qui lachrymas præuicator extitit, post lachrymas pastor assumptus est: Et alios regendos accepit, qui prius seipse non rexit.* ecce, Petrus post fletum electus est. Sed ad quid electus? Non ad Apostolatam, quia iam antea erat Apostolus. Ad quid ergo? Ad officium Pastoris; ad regimen aliorum. Hoc ergo antea non habuit. Nec igitur reliqui Apostoli, quæ Apostoli, id habebant. Solus igitur petrus habuit.

13. Quarto obicit Chrysostomum, Hom. 11. in post. ad Corinth. vbi explicans illum versiculum aul. *Pro Christo legatione fungimur*, sic scribit: *Misit filium Patris exhortari, & legatione fungi apud humanam genus pro se: Quoniam autem ille occisus abiit, nos legationem suscepimus, & pro illo & Patre, exhortamur vos.* et infra, *Igitur pro Christo legatione fungimur, id est, illius loco. Nam nos, quæ illius officij sunt, suscepimus.* ex utroque testimonio sic argumentaris: Legatus repræsentat suum principalem, & ab eo immediate mittitur, & vices ipsius, vbi ille abest, supplet. Omnes & singuli Apostoli sunt tales. Omnes igitur & singuli suppleant vices Christi; nec magis Petrus, quam reliqui.

14. Respondeo. Hoc testimonium contra te ipsum profero. primo, quia Chrysostomus supponit, Christum in hac vita per seipsum exercuisse officium Capitis, pastoris, Monarchæ: & postea id fecisse per Vicarios. At tu negas Christum in hac vita fuisse caput Ecclesiæ, aut exercuisse vllum officium Capitis, ut lib. 1. c. 1. & seqq. ostensum est. Secundo, Chrysostomus dicit, non solū Apostolos, sed etiam Christum legatione functum esse pro Deo: & tamen agnoscit Christum esse maiorem legatum, quam Apostolos. At tu, ex eo, quia Apostoli fuerunt legati Christi, inferis, omnes æquales fuisse in Legatione, quod Chrysostomus non infert. Alioquin etiam Christus fuisset æqualis Apostolis. Tercio, Chrysostomus dicit, Apostolos suscepisse, quæ erant officij Christi. Vel hoc interpretaris absolute dictum esse, vel cum limitatione. Si absolute, falsum est. Nam Apostoli non susceperunt omnia, quæ erant officij Christi officium. illius fuit, redimere genus humanum, & instituere Sacramenta. Hoc Apostoli non susceperunt. Si cū limitatione, verum quidem est, sed contra te. Nam si Apostoli non susceperunt omnia, quæ erant officij Christi, sed aliqua tantum: non potest inferri, quod tu inferis, omnes legatione fuisse æquales. Fieri enim potuit, ut alij plura, alij pauciora susceperent. Vel, ut alii cū maiori, alii cū minori limitatione susceperent, quæ erant officij Christi. Habemus exemplum notissimū Legati Apostolici, qui à Pontifice mittuntur in provincias, vere ipsius Legati sunt: sed cū limitatione accipiūt, quæ sunt officij Pontificis; & alius plus, alius minus accipit. Non enim

CCæc iij

omnes æquales sunt. Idem dico de Legatis Regum & Imperatorum. Omnes quidem legati sunt, sed alius cum maiori potestate fungitur legatione, alius cum minori. Res nota est.

15. Tertia quæstio est. An titulus Principis Apostolorum communis sit Petro & Paulo; Tu affirmas lib. 1. cap. 5. num. 2. Et probas ex Hieronymo, & quibusdam aliis, qui Petrum & Paulum vocant Principes Apostolorum. Respondeo. Verum est: sed longe alio sensu. Nam quando Petrus seorsim vocatur Princeps Apostolorum, tunc intelligitur esse Princeps respectu omnium Apostolorum, etiam respectu Pauli, quia respectu omnium habet curam & gubernationem pastorem. Nemo enim excipitur ab eo, quod illi dictum est, *Pasce oves meas*. Quod autem Petrus & Paulus simul vocantur principes Apostolorum, hoc intelligendum est, non de vero Principatu aut gubernatione pastoralis; sed de eminentia laborum ac molestiarum, in quibus illi duo præcelluere. Itaque magna est differentia inter Petrum & Paulum. Primum, quia Petrus duplici titulo vocatur princeps Apostolorum: tum propter eminentiam potestatis seu præfecturæ; tum propter eminentiam laboris. At Paulus, posteriori tantum. Secundum, Petrus, & seorsim solus, & coniunctum cum Paulo vocatur Princeps. At Paulus seorsim nunquam; quod bene notandum est. Vnde Hieronymus, quem tu citas, quando de utroque simul loquitur, appellat Principes Apostolorum: quando seorsim de alterutro, Petrum quidem vocat Principem Apostolorum, non tamen Paulum; ut patet in catalogo de scriptoribus Ecclesiasticis.

16. Idem confirmo ex aliis Patribus. Nam Cyrillus Hierosolymitanus catech. 11. sic habet: *Omnibus Apostolis reticentibus, Petrus Princeps Apostolorum, & supremus Ecclesie Præconem dicit ad ipsum*. Vbi Petrum vocat principem, respectu omnium Apostolorum; & ut clarius explicet, quo sensu sit Princeps, ait esse supremum Ecclesie Præconem. De paulo id nunquam invenies.

17. Et Ephrem Syrus in sermon. de transfiguratione Domini: *Sicut Moyses Societatis illius & coniunctionis Hebræorum iussu Dei, Princeps fuit: Ita Petrus Ecclesie Christianorum. Atque, ut ille Veteris, ita hic Novi Testamenti Princeps*. Pulchra collatio, & ad nostrum institutum accommodata. Constat autem Moysen fuisse Principem Hebræorum, ratione potestatis & iurisdictionis. Ergo eodem sensu, Petrus fuit Princeps Christianorum. Quis hoc unquam dixit de Paulo?

18. Et Cassianus lib. 3. de incarnatione Domini c. 12. *Interrogamus summum illum, & inter Discipulos Discipulum, & inter Magistros Magistrum, qui Romana Ecclesia gubernaculum regens, sicut fidei habuit, ita & Sacerdotij Principatum. Dic nobis ergo, dic nobis Princeps Apostolorum Petre*. Hic etiam Petrus vocatur Princeps Apostolorum, quia erat summus inter Apostolos, & præ aliis habebat Sacerdotij Principatum. De Paulo, nihil eius modi.

19. Et Maximus Constantinopolitanus Patriarcha in Epist. ad Orientales. *Hunc enim ex cæteris mortalibus de toto orbe Conditor orbis elegit, cui cathedram Magistræ principaliter possidendam tenere, perpetuo privilegij iure concessit*. Vbi vides, Petrum ideo vocari Principem omnium Apostolorum, quia principaliter possidet cathedram Magistræ, quæ illi perpetuo privilegij iure concessa est. At nullum esset Privilegium, si non principaliter, sed æqualiter cum aliis Apostolis illam cathedram possideret.

20. Et Leo Imperator, dictus Sapiens, in serm. de Petro: *Post resurrectionem ter Petrum Dominus percussit, an ab eo diligeretur, Principem Apostolorum*

constituit. Et paulo post: *Petrus vero, cum intelligeret Principatum cum magnum esse, & magnis indigentem viribus, videretque Iohannem sequentem, illum dico, quem Iesus vehementer amabat: Hic, inquit, quid? Quod perinde erat, quasi diceret: Mene præfici vis Caput Discipuli? Hunc vero à te dilectum, qui voluit sedere ad dextram, hunc, inquam, quid facere iubet? et iterum: Tu me sequere, id est, sequere me hoc baculo pastoralis: & sicut ego, cum eram vobiscum, servabam vos, ut Pater, & Caput & Magister, vigilans pro vobis: sic tu esto meo loco, & sequere me Principatu ac potestate tua fructus tuos confirmanti. Te enim volo esse meo loco. Vnde manet in hodiernam usque diem Petrus sequens Christum in successore suo. Magnum hoc testimonium.*

21. Et Hugo Vistotinus sermone. 64. de Apostolis Petro & Paulo: *Petrus cæteris eminet excellentia potestatis: Paulus excellentia predicationis. Petrus Sol, Paulus Luna. Petrus Sol, per collatam sibi divinitus potentiam: Paulus Luna, per callatam sibi cælestis sapientiam*. Et infra: *Petro soli inter cæteros, & præ cæteris, à Domino cura pastoralis principaliter & specialiter iniuncta est, ut dicitur: Pasce agnos meos*. Hæc sufficiant de titulo Principis, qui aliter Petro, aliter Paulo concessus est.

22. Quarta quæstio: An reliqui tituli (§. 1. enumerati) concessi sint Petro, propter Primatum ætatis, vocationis & charitatis; an vero propter Primatum potestatis & iurisdictionis. Tu asseris priorem partem, ego posteriorem. Nec opus est novis Argumentis iam ante ostendi, Primatum ætatis, vocationis & charitatis, vel incertum, vel fictitium esse. Primum, quia incertum est, an Petrus fuerit ætate senior, quam omnes reliqui Apostoli. Secundum, falsum est, vocatum esse ad Apostolatam, antequam reliqui vocarentur. Tertium, de Primatu charitatis diversæ sunt authorum opiniones. Alij tribuunt illum Petro, alij Iohanni.

23. Deinde, multi ex supradictis titulis, plus aliquid significant, quam prærogativam ætatis aut vocationis. Sunt enim duplices tituli. Aliqui tribuntur Petro, respectu aliorum Apostolorum, Princeps, Caput, Coryphæus, Apex, Vertex, Antesignanus. Alij respectu Christi, vel totius Ecclesie, vel omnium fidelium, ut cum dicitur Vniuersalis Vicarius Christi, Caput & Princeps Ecclesie, Caput fidelium, pastor gregis Domini. priores fortè possent illi accommodari propter primatum ætatis & vocationis, quem tu fingis; non tamen posteriores. Hoc ostendam in Exemplo à te allato. Dicis Petrum fuisse quasi primogenitum inter Apostolos, ac proinde, sicut quilibet alius primogenitus, ratione ætatis, potest vocari Caput aut princeps suorum fratrum, sic etiam de petro statuendum esse. Sit ita. At vicissim ego retorqueo: Sicut ex eo præcisè, quod aliquis est primogenitus inter fratres, non potest vocari Caput aut princeps Republicæ, Caput aut princeps civium, Vicarius Regis aut Imperatoris: Sic in simili casu, ex eo præcisè, quod retinetur primogenitus inter fratres suos Apostolos, non potest vocari Caput Ecclesie, princeps fidelium, Vicarius Christi. Alia ergo causa est horum titulorum, quam prærogativa ætatis & vocationis.

24. Deinde falsum est, patres non agnovisse alium Primatum in Petro, quam qui à te fingitur. Primum, quia aliqui, ut ex dictis patet, negant illum fuisse seniores ætate & vocatione: Ergo illi saltem vel agnoscunt alium Primatum, vel nullum. Verumque contra te est. Secundum, verba ac sententia patrum non salvantur, per primatum ætatis & vocationis. Audi quid scribant, & quomodo loquantur.

25. Chrysostomus Hom. 80. ad populum Antioche-

num, ante medium: *Nōne*, inquit, *ter* petrus negauit? *Nōne* cum iuramento *ter*? Quid ergo? *Multū*ne temporis fuit illi necessarium ad pœnitentiam? Nequaquam. Sed eadem nocte lapsus est, & resurrexit. Post illum enim grauem casum, (negationi namque nullum est malum aequale) rursum cum ad priorem honorem reduxit pœnitentia, & ei per totum orbem terrarum Ecclesia presidenciam tradidit.

Et orat. 5. aduersus Iudeos, longè ante medium: Petrus post illam nefariam abiurationem, quoniam celeriter suum ipsius peccatum recordatus est, nulloque accusante dicitur peccatum, fletuque amare; adeo ablatam illam negationem, ut etiam Primus Apostolorum fueris factus, ac terrarum orbem totum subieceris.

Hæc duo testimonia non possunt intelligi de Primatu ætatis aut vocationis; quia illum Primatum, ut tu ipse fateris, habuit petrus ante peccatum negationis, per hoc præcisè, quod esset senior ætate, & primus à Christo ad Apostolatam vocatus: Sed debent intelligi de Primatu, qui post factam pœnitentiam petro concessus est, ut ex verbis Chrysostomi constat. Quis autem primatus ille sit, colligi potest ex duabus illis particulis. 1. Ecclesia Presidencia per totum terrarum orbem. 2. Subiectio totius orbis terrarum. Porro hic Primatus, qui tunc illi datus est, distingui debet ab honore, ad quem ait Petrum reductum esse per pœnitentiam.

26. Eodem modo ac sensu loquitur Maximus Taurinensis (qui vixit circa tempora Augustini) Homil. 3. in natali Apostolorum Petri & Pauli: *Quanti*, inquit, *meriti apud Dominum suum Petrus erat ut ei post nauicula parua remigium, totius Ecclesie gubernacula traderentur?* Certè, per gubernacula totius Ecclesie, non significatur primatus, ætatis aut vocationis, sed dignitatis & iurisdictionis. Nec video, quomodo clarius explicari possit potestas iurisdictionis, quàm hic explicata est: Nam perinde est, ac si dicas in simili casu: potius Imperii gubernacula Mattheæ Austriaco tradita sunt, vel totius regni Gallie gubernacula Ludouico vndecimo tradita sunt. Quis hic locus dubitandi aut tergiversandi?

27. Similiter Hieronymus lib. 1. contra Iovinianum: *Inter duodecim vnus eligitur, ut Capite constituto, schismatis tolleretur occasio. Sed cur non Ioannes electus est virgo? ætati delatum est, quia petrus senior erat ne adhuc adolescens ac pene puer progressæ ætatis hominibus praeferretur.* Hinc tria colligo. primum, solum Petrum ex duodecim apostolis electum esse in Caput ecclesie. At si electus ex duodecim apostolis, iam antea non erat ratione ætatis & vocationis. Aut si antea erat, electus non est. Secundo, ideo electum esse, ut constituto Capite, schismatis tolleretur occasio. Ergo non est electus pro sua tantum persona, sed etiam pro Successoribus, quia si tempore Apostolorum, quando ecclesia erat exigua, debuit esse vnum Caput ad vitandum schisma, multo magis post tempora Apostolorum, quando ecclesia fuit diffusa per totum orbem terrarum. Tertio, ideo potius Petrum, quàm Ioannem electum esse in Caput, quia non decebat Ioannem pene puerum præferri senioribus. Certè si Hieronymus putasset, quod tu fingis, primatum Petri in eo solum consistere, quod reliquis ætate & vocatione senior esset; vel frustra, vel stultè quæsiuisset, quare Ioannes non esset electus ad primatum? id est, quare non esset electus, ut fieret senior ætate & vocatione?

28. Item Leo papa (qui propter doctrinam & virtutem dictus est Leo Magnus) serm. 3. de Assumptione sua ad Pontificatum: *Vnus de toto mundo petrus eligitur, qui & vniuersarum gentium vocationi, & omnibus Apostolis, cunctisue Ecclesia Patribus preponatur: ut quamuis in populo Dei multi Sacerdotes sint, multisque Pastores, omnes tamen propriè regat Petrus, quos principali-*

Alter regit & Christus.

Et Epist. 87. ad Episcopos provincie Viennensis, capite 1. *Sed huius muneris Sacramentum ita Dominus ad omnium Apostolorum officium pertinere voluit, ut in beatissimo Petro, Apostolorum omnium summo principaliter collocaret: Ut ab ipso, quasi quodam Capite, dona sua velut in corpus omne diffunderet, ut exortem se mysterii diuini intelligeret esse, qui ausus fuisset à Petri sollicitate recedere. Hunc enim in consortium indiuidue unitatis assumptum, id quod ipse erat, voluit nominari, dicendo: Tu es Petrus.*

Ex hoc utroque Leonis testimonio habemus hæc tria. Primo, quod Petrus regat omnes, quos principaliter regit Christus; etiam omnes alios Ecclesie Pastores & Apostolos. Secundo, quod à petro, tanquam à Capite diffundantur dona Dei in omnia membra Ecclesie. Tertio, quod petrus à Christo in consortium indiuidue unitatis assumptus sit.

29. Quid tu verò, Mattheæ Antoni, ad hæc respondes, primum fateris, quod res est, Leonem admittere Primatum petri super totam Ecclesiam. Hoc accipio. Vixit autem Leo circa Annum Christi 440. Igitur ab eo tempore, id est, ab Annis mille ducentis, primatus petri fuit agnitus & concessus in ecclesia. Secundo ais, Leonem oratorio more, voluisse petri dignitatem amplificare, ut hac ratione suam dignitatem Pontificalem extolleret. An putas tibi similem fuisse, qui studio ambitionis, veritati à se agnitæ contradixit? At sciam in Sanctorum Catalogum ab Ecclesia relatum esse. Tertio ais, Leonem in eo exorbitasse, quod dixerit, petrum in consortium indiuidue unitatis à Christo assumptum esse. Hoc probas, quia indiuidua unitas in Christo erat sola cum patre & Spiritu sancto in natura & essentia diuinitatis. *Qualem unitatem*, inquis, *quis asserat in Christum & Petrum? Nisi Petrum faciamus vnium ex Trinitate, quæ est blasphemia horrendissima.* Audi, mi frater. Nulla est hic blasphemia: Sed quod bene à Leone dictum est, tu vel non intelligis, vel malè interpretaris. Non dixit Leo, Christum assumpsisse Petrum in consortium indiuidue unitatis, ratione naturæ aut substantiæ diuinæ, ut tu falsò imaginaris, sed ratione nominis ac dignitatis. Nam Christus voluit illum vocari Petram & fundamentum Ecclesie, sicut ipse vocabatur. Verba Leonis aperta sunt. Quæ etiam repetuntur à Nicolao papa, & citantur in iure canonico, capite *Fundamentum*, De electione & electi potestate in 9.

30. Addam adhuc vnum aut alterum de Patribus. Gregorius lib. 4. Epist. 32. ad Mauritium Augustum, sic scribit: *Cunctis Evangelium scientibus liquet, quod voce Dominica Sancto & omnium Apostolorum Principi Petro totius Ecclesie cura commissa est. Ipsi quippe dicitur, Pasce oues meas.*

31. At Arnobius Romanus (qui vixit circa tempora Augustini) ad psalm. centesimum tricesimum octauum. *Ecce Apostolo Petro pœnitenti succurritur, qui est Episcopus Episcoporum, & maior gradus redditur ploranti, quàm sublatus est deneganti. Quod ut doceam, illud ostendo, quod nullus Apostolorum nomen Pastoris accepit. Solus enim Dominus Iesus Christus dicebat: Ego sum Pastor bonus. Hoc ergo nomen Sanctum, & ipsius nominis potestatem, post Resurrectionem suam Petro pœnitenti concessit, & ter negatus, negatori suo, hanc, quam solus habuit, tribuit potestatem: Ut non solum recuperasse, quod amiserat, probaretur, verum etiam & multo amplius pœnitendo, quàm negando perdidisset, acquisisse.*

32. Et Eucherius Lugdunensis in vigilia sancti petri: *Dicit ei, Pasce oues meas. Prius agnos, deinde oues commisit ei; quia non solum Pastorem, sed Pastorem ex confituit. Pascit igitur Petrus agnos, pascit & oues: Pascit filios, pascit & matres: regit & subditos & Prælatos, Omnium*

igitur Pastores, qui præter agnos & oves in Ecclesia nihil A
est.

33. Plures Patres, etiam antiquissimos, citabo postea, cum diluam obiectiones tuas. Ac simul ostendam, eos ipsos, quorum auctoritatem nobis obiicis, maxime nobis patrocinari. Nunc Augustini sententia, quæ multum ponderis habet, seorsim discutienda est.

CAPUT V.

Primatus Petri probatur ex Augustino.

1. **A**ugustini sententiam conaris tua interpreta-
tione in alium sensum detorquere. Ais, nihil
tum agnoscere in Petro peculiare; præter hæc duo. Pri-
mo, quod primus fuerit admissus in Apostolatum: Et
hinc habuerit aliquam præminentiam seu primatum.
Secundo, quod ex hac præminentia & primatu (qui
totus consistit in prioritatem vocationis) secutum sit, ut
figuram totius Ecclesiæ gestauerit. Sic tu, totidem fere
verbis, lib. 1. cap. 10. n. 21. & alibi.

2. Ego contra assero, Augustinum hæc tria agnosce-
re in Petro. primo, quod vere habuerit primatum seu
Principatum totius Ecclesiæ, non ratione ætatis, aut
vocationis præcise, sed ratione potestatis à Christo ip-
si concessæ. Secundo, quod propter hunc Primatum seu
Principatum, sustinuerit personam totius Ecclesiæ, &
consequenter etiam Apostolorum ac aliorum fide-
lium. Sicut Imperator, aut Rex, aut Consul, sustinet
personam totius imperii, aut regni, aut ciuitatis: &
consequenter omnium subditorum, qui in imperio, vel
regno, vel ciuitate sunt. Tertio, quod sicut Impera-
tor, aut Rex, aut Consul, quia sustinet personam sub-
ditorum, potest eorum nomine, vel respondere, vel
pacisci, vel aliud quid facere, iuxta iuris concessionem;
Sic etiam Petrus, quia sustinebat personam totius Ec-
clesiæ, solitus sit vnus ipse pro omnibus respondere.
Hæc tria perspicue ostendam ex clarissimis Augustini te-
stimoniis.

3. Ac primo quidem, de Primatu Petri disertè agit
lib. 2. de Baptismo contra Donatistas c. 1. Vbi recen-
set hæc verba Cypriani: *Nam nec Petrus, quem primum
Dominus elegit, & super quem edificauit Ecclesiam suam,
cum secum Paulus de circumcisione disceptaret, post modum
vindicauit sibi aliquid insolenter, aut arroganter assumpsit,
ut diceret se Primatum tenere, & obtemperari à nouellis &
posteris sibi potius oportere, nec despexit Paulum, quod Ec-
clesia prius persecutor fuisset, sed consilium veritatis admi-
sit, &c.* Deinde, ex tua sententia mox subiicit: *Ecce ubi
commemorat Cyprianus, quos nos etiam in scripturis sanctis di-
dicimus, Apostolum Petrum, in quo Primatus Apostolorum
tam excellenti gratia præminet, aliter quam veritas postula-
bat, de circumcisione agere solitum, à posteriore Apostolo
Paulo esse correctum. Et infra ibidem. Puto, quod sine ulla
sua contumelia Cyprianus Episcopus Petro Apostolo compa-
ratur, quantum attinet ad martyrii coronam. Ceterum magis
vereri debeo, ne in Petrum contumeliosus existam. Quis enim
nescit illum Apostolatus principatum cuiuslibet Episcopatus præ-
ferendum? Sed etsi distat cathedrarum gratia, vna est tamen
martyrii gloria.*

4. Hic duo notanda sunt: Primo, quod Cyprianus
supponat, Petrum habuisse quidem Primatum supra
Apostolos, qui in eo consistebat, quod omnes teneren-
tur ibi obtemperare: Sed tamen, nec insolenter nec ar-
roganter vsum fuisse illo Primatu, cum à Paulo corri-
peretur; ut daret nobis exemplum modestiæ & humi-
litate, iuxta illud Christi, Matth. 20. 28. & Luc. 22.
26. *Qui maior est in vobis fiat sicut minor, & qui præcesserit,
sicut ministrus. Sicut filius hominis non venit ministrari, sed*

ministrare. Secundo, quod Augustinus eundem Prima-
tum tripliciter confirmet. Primo his verbis: *in quo Pri-
matu Apostolorum tam excellenti gratia præminet.* Quæ est
illa tam excellens gratia? Certe non sola vocationis an-
tiquitas, ut tu vis. Quid enim excellens est, si dicam
Petrum vno aut altero die citius vocatum esse ad Apo-
stolatum, quam Andream? Quanquam, ut supra dixi,
id falsum est. Deinde illis verbis: *quis nescit illum Apo-
stolatus Primatum cuiuslibet Episcopatus præferendum?* non er-
go omnes Episcopi Petro æquales sunt. Imò Augustinus
ait, se vereri, ne sit contumeliosus in Petrum, si illum
conferat cum Cypriano Episcopo, quoad dignitatem
Ecclesiasticam. Denique illis verbis: *distat cathedrarum
gratia*, id est, maior est cathedra Petri quam Cypria-
ni: maior Pontificis, quam cuiusuis alterius Epis-
copi.

5. Tu respondes, per cathedram Petri non intelligi
cathedram Romanam, sed Petri apostolatum: eum-
que particularium Episcoporum cathedris præstare.
Sic enim, inquis, *quicumque Apostolatus excedis potestate
quancumque particularem cathedram, cum Apostolus qui-
libet in toto mundo possit suum Apostolatum exercere, quod
Episcopi iam non possunt, nisi in limitatis Diocesisibus, sine
provinciis aut regnis: quanto magis primi & precipui A-
postoli, aliorum pluribus nominibus Principis Apostola-
tus, singularem quancumque cathedram excedit?* Hæc
responsione te ipsum iugulas. Primo, quia conce-
dis Petrum potestate Ecclesiastica (de hac enim ser-
mo est) excedere Cyprianum, & omnes alios E-
piscopos; ecclesiarum particularium. Maior igitur,
ex tua concessione est potestas ecclesiastica in Petro,
quam in aliis episcopis. At hoc est, quod nos conten-
dimus.

6. Secundo concedis, eundem Petrum potestate Ec-
clesiastica excedere alios Apostolos. Sic enim argu-
mentaris: Si alii Apostoli potestate ecclesiastica exce-
dunt Episcopos, Ergo multo magis Petrus. Quæ con-
sequentia non valeret, nisi Petrus eadem potestate ex-
cederet alios Apostolos. Sicut patet in simili exemplo.
Nam qui sic infert: Si aer excedit calore terram & a-
quam: Ergo multo magis ignis: Sine dubio supponit,
ignem habere plus caloris, quam aerem. At hunc ex-
cellum potestatis in Petro nos vrgemus. Si ergo illum
concedis, non nobis, sed tibi contrarius es.

7. Tertio affirmas, quemlibet Apostolum ecclesiast.
potestate excedere quemlibet Episcopum, cum quili-
bet Apostolus in toto mundo possit suum Apostolatum
exercere, quod Episcopus non potest, nisi in limitato
regno aut provincia. At alibi contrarium asseris, nem-
pe Apostolos & Episcopos in potestate & iurisdictione
æquales esse: & non differre, nisi accidente. Sic enim
scribis l. 2. c. 1. n. 3. *Quoscunque igitur Apostoli dirigebant, &
ad Ecclesias regendas mittebant, non proculdubio, parem cum
ipsis Apostolis potestatem accipiebant, si vim ipsam instaura-
tionis spectemus. Et ibidem n. 5. Neque ego inuenio interve-
rum Apostolum, ac Episcopum aliud discrimen, nisi quod A-
postolus sit, qui Christum predicat, tanquam testis oculatus, ab
E ipso Christi immediate missus: Episcopus vero sit, qui eun-
dem predicat, ut testis instructus, & fide illuminatus ac missus
à Christi ministris. Et iterum n. 7. in fine: Apostoli, dum
alio ad fundandas vel regendas Ecclesias mittebant, eos ad E-
piscopatum euehebant: totumque ipsorum officium, cum tota
potestate ministeriali, eis committebant: Vna illa propria per-
sonali dignitate excepta, quod essent testes oculati viæ & Re-
surrectionis Christi, ab eaque immediate vocari & missi ad
euangelizandum.*

8. Vides, opinor, contradictionem in hac duplici tua
assertione. Vna, Apostoli excedunt potestate Episco-
pos. Altera, Episcopi ab Apostolis parem potestatem ac-
cipiebant. Vel Apostoli episcopis à se nullis committe-
bant totum suum officium cum tota potestate, responde-

bis forte, utramque veram esse diuerso sensu. Apostolos A enim & episcopos habere parem potestatem in habitu; non tamen parem in actu. Igitur priorem assertionem veram esse de potestate in actu; posteriorem, de potestate in habitu. Sed hanc ipsam responsionem tu ipse euertis. Nam l. 2. c. 5. n. 26. sic habes. *Predicandi potestatem in toto terrarum orbe, sicut Apostoli non habebant, nisi habitu; actu vero ibi, ubi iam inter se conuenerant, seu ubi eos Spiritus Sanctus esse volebat: Ita Episcopi habitu habent eandem vniuersalem potestatem iure diuino, eo ipso, quo sum facti. Itaque Episcopi: Actum tamen non sunt Episcopi, nisi sua particularis Ecclesia in qua illos Spiritus Sanctus posuit.* Et ibidem: *Ita & iurisdictio in habitu est vniuersalis iure diuino, in unoquoque Episcopo; in actu vero non est, nisi particularis, sicut erat etiam in Apostolis.* Hic plane idem statuis de episcopis & Apostolis; tum quoad potestatem & iurisditionem in habitu, quæ in utrisque vniuersalis & illimitata est; tum quoad potestatem & iurisditionem in actu, quæ in utrisque particularis & limitata est. Nihil ergo discernis. Manet igitur vera contradictio, quam posui.

9. Addo ex tuis verbis manifestè colligi duo alia absurda. Vnum est, Paulum nec Apostolum fuisse; nec episcopum. Non Apostolum, quia non fuit oculatus testis vitæ & Resurrectionis Christi. Nec Episcopum, quia non est immediate missus à ministris Christi, sed ab ipso Christo. Alterum, aliquos Episcopos habere maiorem potestatem & iurisditionem, quam Apostolos, si non in habitu, saltem in actu. Nam Apostoli, ut iam dixisti, non habebant iurisditionem in actu, nisi particularem & limitatam. At aliqui Episcopi habent indifferentem, & non limitatam, ut fateris l. 2. c. 1. n. 11. his verbis: *Quicumque ab Apostolis Episcopi fiebant, eandem cum ipsis Apostolis in solidum auctoritatem accipiebant; & sane vniuersalem in habitu & illimitatam: In actu vero aliqui indifferenter, quocumque eos Spiritus Sanctus, aut Apostoli dirigebant, terrarum orbem circumibant: alii vero certis locis consistere iubebantur.* Hic distinguis inter episcopos: Aliqui habent potestatem in actu limitatam ad certum locum: alii indifferenter ad totum orbem terrarum. At Apostoli, ex tua sententia, non habebant nisi particularem. Minus igitur habebant, quam aliqui Episcopi ab ipsis ordinati & missi.

10. Ecce, Marce Antoni, in quantas angustias te conicis, dum sententiam Augustini, qui clare explicat primatum Petri, conaris obcurare, & per ineptas ambages pervertere. Dic rotunde, quod dixit Augustinus, in Petro Primatum Apostolorum excellenter præeminere: Hunc Primatum cuiuslibet episcopatus præferendum esse. Sed, ne dubites, adducam alia tria Augustini testimonia pro eodem Primatu.

Primum habetur Epist. 108. ad Seleucianum, statim ab initio, ubi sic ait: *Quod autem dicitur Petrum egisse penitentiam, cauendum est, ne ita putetur egisse, quomodo agunt in Ecclesia, qui propriis penitente vocantur. Et quis hoc ferat ut primum Apostolorum inter tales penitentes numerandum putemus? Quasi dicat: Qui agunt penitentiam in Ecclesia, subiecti sunt Prælati Ecclesiæ, & ex illorum arbitrio puniuntur, tanto vel tanto tempore, prout ipsis visum est. At Petrus, tametsi gravissime peccauit, negando Christum, non tamen erat subiectus Prælati Ecclesiæ, cum ipse potius esset Caput & Princeps Ecclesiæ, & neminem haberet, excepto Christo, à quo puniretur. Non igitur debet inter penitentes Ecclesiæ numerari. Quod hic sit sensus Augustini, colligitur ex aliis ipsius libris, ubi agit de penitentia ecclesiastica, præsertim in enchiridio c. 65. ubi sic scribit: *Recte constituuntur ab iis, qui Ecclesia præsum, tempora penitentia, vestiat etiam satis Ecclesia, in qua remittuntur ipsa peccata: Extra eam quippe non remittuntur. Et Hom. 27. de utilitate penitentia, distinguit triplicem penitentiam. V-**

nam accedentium ad baptismum: alteram quotidianam: tertiam ecclesiasticam. De hac ita scribit: *Est penitentia gravior atque luctuosior, in qua proprie vocantur in Ecclesia penitentes, etiam remoti à Sacramento Altaris participandi.* Huiusmodi penitentem negat fuisse Petrum, quia non erat subiectus Ecclesiæ, ac proinde Ecclesia non poterat illum remouere à Sacramento Altaris.

11. Alterum Augustini testimonium habetur ser. 124. de tempore, ubi agens de negatione Petri, sic scribit: *Ideo B. Petrum paululum Dominus subdeseruit, ut in illa totum genus humanum possit agnoscere nihil se sine Dei gratia prævalere. Et ut Ecclesia Rectori futuro, ignoscendi peccantibus quædam regula poneretur. Credenda enim erant Petro Apostolo clauis Ecclesiæ. Credenda erat ei populorum innumera multitudo, qua esset pro sua natura vitis, passionibus, culpis inuoluta atque peccatis. Et infra: Totius corporis morbum in ipso Capite curat Ecclesia; & in ipso vertice componit membrorum omnium sanitatem, in ipsa confessionis Christi crepidine, in ipso immobilis fidei fundamento, in Petro scilicet illo, qui dixerat. Etiam si me oporteat mori tecum, non te negabo. Et ibidem: Quid agis, o Petre, future Relector Ecclesiæ, quid loqueris? Verba clara sunt. Petrus vocatur rector Ecclesiæ, cui infinita populorum multitudo credita est. Vocatur caput totius corporis Ecclesiæ: Vertex omnium membrorum Ecclesiæ: Immobilis fidei fundamentum. Quid quaeris amplius?*

12. Tertium testimonium habetur in questionibus Veteris ac Novi Testamenti, q. 75. Quamuis enim auctor fortasse non est August. est tamen auctor antiquus, & ipsi Augustino æqualis, aut antiquior. Dicunt exactores didrachma ad Petrum Apostolum: Magister vester non soluit didrachmam. Quo dicto, Magistram, ut pro omnibus Discipulis solueret, conuenerunt. Saluator autem cum pro se & Petro dari iubet, pro omnibus exsoluisse videtur: quia sicut in Salvatore erat omnes causa Magistris, ita & post Saluatore, in Petro omnes continentur. Ipsum enim constituit esse Caput eorum, ut pastor esset gregis Domini. Et ibidem: Manifestum est in Petro omnes contineri. Rogans enim pro Petro, pro omnibus rogasse dignoscitur. Semper enim in proposito populus, aut corripitur, aut laudatur.

13. Iam verò (quod secundo loco probandum erat ex Augustino) Petrum ratione sui primatus, gessisse personam totius Ecclesiæ, & omnium fidelium, docet idem Augustinus, enarratione prima in Psal. 108. Statim in principio, ubi docet, Multa in Psalmo illo dici de Iuda proditore, quæ illi conueniunt, quatenus gerit personam Iudæorum, Christi hostium: sicut etiam multa conueniunt Petro, quatenus gerit personam Ecclesiæ: Verba Augustini sunt hæc: *Sicut enim quædam dicuntur, quæ ad Apostolum Petrum propriè pertinere videantur, nec tamen habent illustrem intellectum, nisi cum referuntur ad Ecclesiam, cuius ille agnoscitur in figura gessisse personam, propter Primatum, quem in Discipulis habuit, &c. Ita Iudas personam quodammodo sustinet inimicorum Christi Iudæorum, &c. Vbi aduerte, non eodem sensu, Petrum & Iudam sustinere personam communis. Nam Iudas propter nefariam prodicionem Christi, sustinet personam hostium Christi. Petrus propter Primatum Ecclesiæ, sustinet personam eiusdem Ecclesiæ.*

14. Ex tract. 124. in Ioannem, post medium, recitans illa verba ex Euangelio, *Dimitte nobis debita nostra, sicut & nos dimittimus debitoribus nostris:* mox subdit: *Hoc agit Ecclesia, sibi beatam in hac vita ardua: cuius Ecclesiæ Petrus Apostolus, propter Apostolatus sui Primatum, gerit figuratam generalitatem Personam. Quod enim ad ipsam propriè pertinet, natura vnus homo erat, gratia vnus Christianus, abundantiore gratia vnus idemque Apostolus. Sed quando ei dictum est: Tibi dabo clauis regni Cælorum, vniuersalem significabat Ecclesiam. Hic quædam attribuit Petro, tanquam priuato homini; ut quod fuerit natura vnus homo, gra-*

tum ætatis, aut vocationis. Fuit enim Caput illorum, eo sensu, quo primogenitus est caput suorum fratrum.

5. Hæc responsio nulla est. Non enim dicimus, ex sola nominis mutatione, colligi Primatum Petri, sed ex omnibus prerogatiuis simul sumptis. Deinde falsum est, aliorum Apostolorum omnia propria nomina à Christo mutata esse. Tamen si n. duo filij Zebedæi, Iacobus & Ioannes, vocati sunt à Christo Boanerges, id est, filij tonitru, hoc tamen nomen non erat proprium, sed antibobus commune. Quod autem Mattheus vocatus sit Levi & similiter Iudas vocatus sit Thadæus; non est factum per mutationem, sed per primam nominis impositionem.

6. Vbi obiter hæc duo distinguenda sunt. 1. Impositio vel mutatio nominis ab hominibus facta. 2. Impositio vel mutatio nominis à Deo facta. Et quidem homines ferè solent tripliciter mutare vel imponere nomina. 1. ex euentu; & sic ferè factum est in lege naturæ. 2. ex nominibus parentum vel cognatorum; & sic factum fuisse in lege Mosaica, colligitur ex illo Luc. 1. 61. *Nemo est in cognatione tua, qui vocetur hoc nomine.* 3. ex nominibus, vel parentum, vel cognatorum, vel Sanctorum in cælo existentium; & sic passim fit hoc tempore.

7. At Deus non solet alicui imponere vel dare nomen, nisi ad significandum aliquod mysterium, quod paucis contingit. In Nouo Testamento contigit Christo, Ioanni Baptistæ, & Petro. Nescio an alicui alteri. De Christo legimus Luc. 1. 30. *Et ait Angelus ei: Ne timeas Maria: inuenisti enim gratiam apud Deum. Ecce concipies in utero, & paries filium, & vocabis nomen eius Iesum. Hic eris magnus.* De Ioanne Baptista ibidem vers. 13. *Ait autem ad illum Angelus: Ne timeas Zacharia, quoniam exaudita est deprecatio tua: Et uxor tua Elisabeth pariet tibi filium, & vocabis nomen eius Ioannem, &c.* Hic eris magnus coram Domino. Denique de Petro, Ioann. 1. 42. *Inuenit eum Iesus dixit: Tu es Simon filius Iona: Tu vocaberis Cephas, quod interpretatur Petrus.* Vbi etiam, ut in duobus precedentibus exemplis vel addi, vel intelligi debet: *Et eris magnus.*

8. Et quidem de mysterio, quod latebat in impositione nominis Iesu & Ioannis, nihil dicam hoc loco. Res nota est, & alibi tractanda. De mysterio autem, quod Catholici agnoscunt, in mutatione nominis petri, scribit Augustinus tract. 7. in Ioannem, post medium his verbis: *Magnus, quia mutauit ei nomen, & feci de Simone Petrum.* Et infra: *Si hoc ante petrus vocaretur, non ita videres mysterium petra, & putares casu eum sic vocari, non providentia Dei. Ideo voluit eum aliud prius vocari, ut ex ipsa commutatione nominis, Sacramenti vinaculis commendaretur.* Et Leo Magnus Epist. 87. ad Episcopos provincie Viennensis, de petro sic loquitur: *Hunc enim in consortium indui dua unitatis assumptum, id quod ipse erat, voluit nominari dicendo, Tu es petrus & super hanc petram edificabo Ecclesiam meam* (quæ verba c. 4. explicata sunt) et ser. 3. de Assumptione sua ad Pontificatum, introducit Christum loquentem ad Petrum: *Sicut meus pater tibi manifestauit diuinitatem meam, ita & ego tibi notam facio excellentiam tuam quia tu es petrus, id est, cum ego sim inuicibilis petra, ego lapis angularis, qui facio utraque unum; ego fundamentum, præter quod nemo potest aliud ponere: tamen in quoque petra es, quia mea virtute solidaris, ut qua mihi potestate sunt propria, sint tibi mecum participatione communia.* Et Prosper Aquitanicus lib. 2. de vocatione gentium, c. 28. *Quis ergo ambigit, quis ignoret hanc fortissimam petram quæ ab illa principali petra communionem, & virtutis sumpsit, & nominis? &c.*

9. Hic vides, Marce Antoni, quid patres sentiant: et quàm longè absis ab illorum sententia, qui mysteriū, quod illi Magnus agnoscunt, parui æstimas. Porro quod addis, alios Apostolos non minus esse petras seu fundamenta Ecclesiæ, quàm Petrum, temerarium est.

Audi. Constat ex Scriptura, & Christum; & Petrum, & reliquos Apostolos vocari fundamentum seu petram, super quam ecclesia edificata est; sed diuerso modo. Solus Christus & fundamentum primum, quod sua firmitate consistit, iuxta illud 1. Cor. 3. 11. *Fundamentum aliud nemo potest ponere, præter id, quod possumus, quod est Christus Iesus.* præter Christum, Prophetæ & Apostoli sunt, fundamenta secundaria, eph. 2. 20. *Superedificati super fundamentum Apostolorum & Prophetarum, ipso iunguntur angulari lapide, Christo Iesu.* Nam illi per predicationem fidei & doctrinæ Christianæ, sustentant ecclesiam. Vel, quod idem est illorum doctrinæ & predicationi incumbit ecclesia. Et reliqui Christiani super illorum fidem & doctrinam superedificantur. Inter secundaria vero primum locum tenet Petrus, cui specialiter dictum est, *Tu es Petrus & super hanc petram edificabo Ecclesiam meam, & porta inferi non præualebit adversus eam.* Vbi aliquid peculiare illi promittitur, quod aliis Apostolis promissum non est. Nimirum firmitas, constantia, & stabilitas, quæ per petram significatur. Quæ etiam ab aliis verbis illi promissa est, Luc. 22. 32. *Ego præterogavi te, ut non deficiat fides tua, & tu aliquando conuersus, confirma fratres tuos.*

10. Igitur Christus est fundamentum Ecclesiæ primum, & (ut loquitur Augustinus in Psal. 86.) *fundamentum fundamentorum*, est lapis angularis, qui connectit inter se duos parietes, id est, Iudeos & gentiles (Ephel. 2. 12. & seqq.) est ostium seu ianua, per quam ingredimur in ecclesiam, (Ioan. 10. 9.) Apostoli & Prophetæ sunt fundamentum secundarium, quia illorum doctrina & prædicatio fundatur in Christo: quem Prophetæ futurum prædixerunt; Apostoli præsentem annuntiant. Hoc peculiare habet Petrus, quod ipse cum suis Successoribus habeat prerogatiuam constantiæ & firmitatis in fide, quam reliqui Apostoli cum suis Successoribus non habuerunt. Ipsi quidem in suis propriis personis transferunt constantes (excepto Iuda) sed in Successoribus defecerunt. Sola Cathedra Petri habet hoc privilegium. De quo plura dicturus sum in sexta prerogatiua.

11. Iam vero, quod tertio loco obijcis, scilicet eo, quod Petrus fuit Caput Apostolorum, non posse colligi primatum potestatis, sed tantum ætatis aut vocationis, & friuolum est, & sæpè refutatum. Non audeas negare, quod omnes boni auctores asserunt, Petrum fuisse Caput Apostolorum, quid ergo fingi ideo Caput fuisse, quia ætate senior, vocatione antiquior. Nimirum, ut collas Primatum, qui certus est, excogitas alium, qui incertus est.

Secunda Prerogatiua.

12. Altera prerogatiua est, quæ quando in Evangelio recententur nomina Apostolorum, semper primo loco ponatur Petrus, tanquam Princeps & Antesignanus. Ut Matt. 10. 2. *Duodecim Apostolorum nomina sunt hæc: Primus: Simon qui dicitur Petrus, &c.* Idem fit Marc. 3. & Luc. 6. 14. & Act. 1. 13. Tu respondes, ut soles, (1. 1. cap. 9. n. 2.) Petrum primo loco nominari, quia erat primus ætate & vocatione. Nondum id probasti. At ego facile probem, fuisse Primum authoritate & iurisdictione: licet enim Patres explicant illam particulam, *Primus*. Et ratio sanior ex ipso contextu. Nam si Petrus, in ista enumeratione Apostolorum, diceretur primus ordine ætatis aut vocationis; tunc reliqui, qui ponuntur post Petrum, ponerentur etiam iuxta ordinem ætatis aut vocationis. At hoc falsum est. Imò, nullus ferè inter eos seruatur ordo. Nam apud Mattheum, post Petrum, nominatur Andreas: apud Marcum, non Andreas, sed Iacobus: apud Lucam in Actibus, Ioannes. Idem fit in reliquis Apostolis. Aliquando Mattheus præponitur



tu etas) nihil habet, quod iurare te possit. At homil. 20. (quam ego cito) planè contra te est. Verba eius sunt hæc: *Et si iisdem verbis, & Petrus, & Nathanael os sint, non tamen idem ambo senserunt: Sed Petrus Filium Dei, tanquam verum Deum, Nathanael, tanquam hominem tantum confessus est, quod ex consequētibz constat. Addit enim, Tu es Rex Israël. Filius autem Dei non modo Israël, sed uniuersi orbis terrarum Rex est. Quod etiam inde ostenditur, quòd petro nihil amplius ad laudis Christus, sed tanquam perfecto in fide, Ecclesiam suam eius testimonio adificaturum pollicitus est. Nathanael autem tanquam potiori in parte deficienti subdidit, Amen amen dico vobis, amodo, videbitis cælum apertum & Angelos Dei ascēdētes & descēdētes super filium hominis. Antemaduertis, quomodo cum à terra paulatim erigitur, quomodo animum excitat, ne amplius simplicem hominē conlelletur? Cui enim Angeli ministrant, & super quem ascendunt & descendunt, quoniam pacto hominem esse existimabitur?*

23. Nunc vides imposturam tuam in citando Chrysostomo. Certe Chrysostomus non solum asserit, quod Bellarminus asserit, sed etiam validis argumentis confirmat. Quod etiam facit Theophylactus in c. 1. Ioannis ubi sic scribit: *Nathanael igitur, auditis illis, capis sentire magnitudinem Domini, quantum tunc possibile erat, & fatetur, illum filium Dei. Veruntamen, quamuis filium Dei fateatur, non tamen sicut Petrus. Nam Petrus quidem confessus est Filium Dei: ideo & beatus predicatur, & Ecclesia ei conceditur. Nathanael verò, ut hominem nudum quidem eum fatetur, gratia autem propter virtutem adoptatum in Filium Dei. Et hoc manifestum est ex eo, quod subditur: Tu es ille Rex Israël. Vides, quòd nondum venerat ad perfectam cognitionem vera Deitatis Unigeniti. Etenim quasi amicum Dei, & quasi Regem Israël, eum credit esse. Quod si verè eum Deum esse confessus, non dixisset, eum Regem Israël, sed Regem Uniuersi. Vnde non predicatur beatus, sicut Petrus. Et Dominus corrigens eum, & inducēs ad cognoscendum quiddam dignum sua Deitate; Videbitis, inquit, Angelos Dei ascendentes & descendentes super filium hominis. Ne enim, inquit, sufficeris nudum hominem sed Dominum Angelorum. Cui enim Angeli ministrant, is vique non fueris purus homo, sed verus Deus.*

24. Eadem fraude vides in citando Augustino. Nā ille quidem loco citato, sic scribit de Nathanael: *Talem vocem protulit, Tu es Filius Dei, Tu es Rex Israël: Qualem tanto post Petrus, quando ei Dominus ait: Beatus es Simon Bariona, quia caro & sanguis non reuelauit tibi, sed Pater meus, qui in cælis est. Hic nihil aliud dicit, quam Nathanaelem protulisse talem vocem, qualem Petrus protulit, quod etiam dicit Chrysostomus. An autem eo sensu protulerit, non dicit ibi Augustinus. Cur ergo fingis hoc illum dicere? Audi verò quid dicat ser. 124. de tempore: Hic est Petrus, inquit, qui diuina reuelatione, prior omnium veritatem meruit confiteri dicent: Tu es Christus Filius Dei. Vbi nota particulam illam, Prior omnium. Quam etiam ponit Athanasius serm. 4. contra Arrianos.*

25. Sed esto: Demus tibi (quod necesse non est) Nathanaelem prius, quam Petrum, confissū esse Christi Diuinitatem: denique etiam Ioannem Baptistā (de quo certius est) idem fecisse. An ideo sublatum putas Petro suum privilegium? Nullo modo. Manet illi suum Privilegium commune quidem cum Ioanne & Nathanael, sed tamen proprium, respectu Apostolorum, cum quibus illum hoc loco conferimus. Nā ille prius quam alii Apostoli, confessus est Christi Diuinitatem: Ille præ aliis Apostolis meruit audire à Christo, *Beatus es Simon Bariona*. Nec obstat, quòd idem petrus, ante illam confessionem, de se & aliis Apostolis dixerit: *Nos credidimus & cognouimus, quia, Tu es Christus*

A Filius Dei vini; nam etiam inde colligitur, Petrum sicut præ aliis loquebatur, ita ante alios credidisse, & confessum esse Christi Diuinitatem. Quod tu ipse concedis lib. 1. cap. 3. n. 4. ubi cum Ambrosio tribuis Petro Primatum confessionis, & Primatum fidei. Vnde etiam manifeste constat, te, studio contradicendi Catholicis, tibi ipsi contrarium esse: Nam loco citato contendis contra Catholicos, petrum non habere primatum potestatis aut iurisdictionis, sed fidei & confessionis. At c. 9. n. 4. ubi contra Catholicos oppugnas Privilegia petri, negas Petrum Primum esse inter Apostolos, qui Christi Diuinitatem crediderit, & confessus sit. Hoc solenne tibi est.

26. Quæritur hic, non à te, sed ab aliis bonis authoribus: Cum petrus bis confessus fuerit Christi Diuinitatem; semel Ioan. 6. 70. *Nos credidimus*; quia tu es filius Dei, & semel Matt. 16. 16. *Tu es Christus Filius Dei vini*, cur priori loco nullā meritis sit laudem à Christo, posteriori verò dictum illi sit, *Beatus es Simon Bariona*? Respondeo. Hoc ideo factum est, quia priori loco multi ex discipulis discedebant à Christo, & non credebant, quæ ab ipso dicebantur de manducanda sua carne, & bibendo suo sanguine. Vnde postea dicebat, *Namquid & vos vultis abire*? Tunc respondit Petrus: *Nos credidimus & cognouimus, quia tu es Christus Filius Dei*. Ne ergo Petrus, si à Christo laudaretur, præferret se aliis qui recesserant à Christo, & sibi de sua perseuerantia blandiretur; noluit illum Christus laudare. Ac posteriori loco, non erat occasio Superbie, ideoque dixit illi Christus, *Beatus es Simon Bariona*. Vides Theophylactum & Toletum in c. 1. Ioannis.

Sexta Prærogativa.

27. **S**exta est, quod soli Petro, inter omnes Apostolos promissa sit constantia fidei, & cathedræ. Et quidē duobus locis. Primo. Matt. 16. 18. *Tu es Petrus, & super hanc Petram ædificabo Ecclesiam meam, & porta inferi non preualebunt aduersus eam*. Deinde Luc. 22. 32. *Ego pro te rogaui Petre, ut non deficiat fides tua. Quod ad maiorem promissionem attinet, iuxta Hebræicū textum, quo Mattheus scripsit Evangelium, non est illa generis differentia inter Petrum & Petram, sed utrobique eodem genere dicitur: *Tu es Petra, & super hanc Petram ædificabo Ecclesiam meam*. Perinde ac si dicas: Tu es Petra, supra quam ædificabo Ecclesiam meam. Vnde manifestū est, per petram non posse aliud intelligi, quā ipsum Apostolū Petrum, qui est quasi lapis, seu petra fundamentalis, super quam ædificata est Ecclesia. Et quamuis non solus Petrus, sed etiam reliqui Apostoli sint lapides fundamentales, ita ut simul sint Duodecim (iuxta illud Apoc. 21. 14. *Et murus ciuitatis, id est, Ecclesie habens fundamenta duodecim, & in ipsis duodecim, nomina duodecim Apostolorum Agni*) tamen reliquis Apostolis, & illorum Successoribus, non est promissa constantia & firmitas, quæ Petro & illius Successoribus promissa est. Vnde Cathedræ petri & Successorum eius adhuc firma consistit, nec in ea hæcenus defecit fides Catholica, ut bene auertit Augustinus in psalmo contra partē Donati, ubi ait: *Numerate Sacerdotes, vel ab ipsa Petri Sede: Et in ordine illo Patrū, quis cui successit, videte. Ipsa est Petra, quam non vincunt superba inferorum portæ*. At Cathedræ aliorum Apostolorum, quia non habuerunt hanc promissionem in Successoribus, pridem collapsæ sunt, ut Cathedræ Iacobi Hierosolymitana; Cathedræ Ioannis Ephesina; Cathedræ Matthæi Æthiopica, Cathedræ Andreæ Scythica.*

28. Quòd autem per petram, super quam Ecclesia ædificata est, debeat intelligi petrus Apostolus, docent antiqui patres. Origenes Hom. 5. in Exodum: *Vide,*

magne illi Ecclesie fundamento & Petra solidissima, super quam Christus fundavit Ecclesiam, quid dicatur à Domino. ac in Pl. 1. Petrus, super quem Christi Ecclesia edificata est, contra quam inferorum porta non prevalet.

Et Basilii Magni ad cap. 2. Isaie: *Unus ex his montibus fuit Petrus, quem Petram appellavit, propter maximam firmitatem fidei, propter infractum animi robur ad non cedendum insiditiis plagis tentationum, super quam Petram promissit edificare Ecclesiam suam.* Et l. 2. contra Eunomium: *statim ex hac voce, Petra, intelligimus Petrum Iona filium, qui fuit ex Bethsaida, Andree fratrem, qui quoniam fide prestat, Ecclesia sibi commissam adificationem suscepit.*

Et Epiphanius in Ancorato: *Ipse Dominus constituit Petrum Primum Apostolorum, Petram firmam, super quam Ecclesia Dei edificata est, & porta inferorum non valebunt adversus illam.*

Et Chrysostomus Homil. in Petrum & Heliam: *Sed vide, cuiusmodi peccato permisit subici Petram, illum talem actantum virum Apostolorum verticem, fundamentum immobile, & petram stabilem, qua non posset concuti.*

Et Cyrillus lib. 2. in Ioannem cap. 12. *Invenimus autem cum Iesus dixit: Tu es Simon filius Iona, tu vocaberis Cephas, &c. Vocabulo ipso commodè significans, quod in eo, tanquam in Petra lapideque firmissimo, suam esset edificaturus Ecclesiam.*

Et Theophylactus ad c. 16. Matthæi. *Remunerat Petrum Dominus, mercedem illi dante magnam, quod super eum edificavit Ecclesiam.* Et ad c. 22. Lucæ. *Tu vero conversus confirma fratres tuos. Planus huius intellectus hic est: Quia te habeo, ut principem Discipulorum, postquam negato me steneris, & ad penitentiam veneris, confirma ceteros. Hoc enim te decet, qui post me Ecclesie petra es, & fundamentum.*

Et Hieronymus in c. 16. Matthæi: *Secundum Metaphoram petra, rectè dicitur ei, Edificabo Ecclesiam meam super te.*

Et Cyprianus lib. 4. epist. 9. ad Pupianum, post medium: *Loquitur illi Petrus, super quem edificanda fuerat Ecclesia.*

Et August. ser. 15. de Sanctis. *Petrus itaque fundamentum Ecclesie Dominus nominavit, & ideo dignè fundamentum hoc Ecclesie colit, supra quod Ecclesiastici adificiis altitudo confurgit.*

29. Ex horum patrum auctoritate constat, Petrum esse fundamentum Ecclesie, esse Petram solidam, firmam, stabilem, immobilem, super quam Ecclesia Christi fundata est. At obicit, non deesse alios Patres, qui per petram non intelligunt ipsum Petrum, sed fidem seu confessionem Petri. Respondeo. Vtrumque intelligunt, & Petrum ipsum, & confessionem Petri. Nam cum afferunt, Ecclesiam fundatam esse super fidem & confessionem Petri, volunt significare, fundatam esse super Petrum, propter illius fidem & confessionem, ut rectè notat Cardinalis Bellarminus lib. 1. de Pontifice c. 20. et finem, & Maldonatus ad c. 16. Matthæi. et modò illo loquendi usitatus est. Usitate enim dicimus, in vultu hominis prudentia & fidelitate fundatam esse Rempublicam, id est, in vno homine, propter ipsius prudentiam & fidelitatem. Item, valetudinem Imperatoris pendere à petita vnius medici, id est, ab vno Medico, propter insignem illius peritiam.

30. Sed iterum obicit (l. 1. c. 6. n. 14. & seqq.) hanc explicationem non esse secundum mentem illorum patrum. Nam illos loqui de fide, abstrahendo à persona Petri. Et sic omnino loquendum esse probas hac ratione: *Fides in Petro, vel est ratio finalis, cur Petrus sit fundamentum, & sic ubique ubi erit illa fides, erit fundamentum, vel est ratio conditio, sine qua Petrus non esset fundamentum, & sic locutio est valde impropria.* Respondeo. A-

per te pugnas cum scriptura, quæ Christum, Apostolos, & prophetas vocat fundamenta Ecclesie, ut dictum est. Si ergo Christus est fundamentum, si Apostoli & Prophetæ sunt, cur Petrus esse non possit? Et, si super Christum, Apostolos, & Prophetas edificata est Ecclesia, cur supra Petrum edificari non potuit? Aut à contrario, si fundamentum Ecclesie non est Petrus, sed fides separata à persona Petri; cur non simili modo dicis; nec Christum, nec Prophetas, nec Apostolos esse fundamentum Ecclesie, sed aliquid aliud separatim ab illorum persona? Hic responde, si potes.

31. Ratio, quam adfers, nihil efficit. Primò, quia non sequitur, quod inferis in priori membro; Si fides in Petro est finis, propter quem Petrus est fundamentum: Ergo ubique est fides, ibi erit fundamentum. Sicut in simili non sequitur; Si sanitas est finis, propter quem sumitur medicina: Ergo ubique est sanitas, ibi est medicina. Sed suspicor mendum esse in tuo exemplari, & pro illa particula, *Ratio finalis*, ponendam esse istam *Ratio formalis*. Sed tunc, omisso priori membro, negandum est quod inferis in posteriori, de impropria locutione: Iam enim ostendi, usitate dici posse, Petrum esse Petram Ecclesie propter confessionem fidei. Denique, præter duo membra, quæ assumis, datur tertium, nempe, confessio fidei est causa moralis, propter quam Petrus est Petra Ecclesie. Sicut virtus est causa moralis, propter quam aliquis eligitur in Episcopum. et meritum Christi est causa moralis nostræ iustificationis: Et intercessio Principis est causa moralis, propter quam quis admittitur in aulam Imperatoris. Nam Petrus per confessionem fidei, quodammodo meruit esse, ut fieret Petra Ecclesie. Et hoc sensu loquuntur Patres. Maximus Taurinensis Hom. 3. in natali Apostolorum Petri & Pauli: *Quanti, inquit, meriti apud Dominum suum Petrus erat, ut ei totius Ecclesie gubernacula traderentur.* Et Theophylactus ad c. 16. Matthæi: *Remunerat Petrum Dominus, mercedem illi dante magnam, quod super eum edificavit Ecclesiam.* Et alij.

32. Sed ut magis percipias, quam inepta sit tua ratio, duo quæram ex te: Vnum, si fides abstrahendo à Persona Petri, est fundamentum Ecclesie, ut tu vis, vel abstrahis illam à solo Petro, vel ab omnibus univèrsim. Si à solo Petro, & non ab aliis, quid causæ? Si ab omnibus, non erit ratio, cur Apostoli potius dicantur fundamenta Ecclesie, quàm alij Christiani. Quam enim esse potest, si fides est fundamentum, abstrahendo ab omnibus? Alterum, quo sensu Christus dicatur esse fundamentum? An agnosceis aliquid in Christo, quod sit fundamentum Ecclesie, abstrahendo à persona Christi? An verò aliquid, quod sit ratio formalis vel conditio, sine qua Christus non esset fundamentum? Hic redit tua quæstio. Ad quam responde, Sin minus, paulo post ego respondebo.

33. Quod obicit, Patres loqui de fide separata à Petro, partim falsum est, partim illorum sententiam non assequeris. Falsum est de iis, qui aperte afferunt, Petrum esse fundamentum Ecclesie propter confessionem fidei. Reliquos non intelligis. Ut intelligas, explicandum est, quomodo Christus, quomodo Petrus, quomodo reliqui Apostoli, quomodo item fides dicatur esse fundamentum Ecclesie. Igitur hæc tria distinguenda sunt. Primò, fides in Christum, quæ in eo consistit, ut credas Christum esse filium Dei, verum Deum ac verum hominem. Secundò, confessio illius fidei, de qua Apostolus Ro. 10. 10. *Corde creditur ad iustitiam, ore autem confessio fit ad salutem.* Tertiò, prædicatio eiusdem fidei, de qua ibidem v. 14. *Quomodo credent ei, quem non audierunt? Quomodo autem audiens sine prædicatore? Quomodo vero prædicabit nisi mittantur?* Iuxta hæc distinctionem, hæc tres propositiones veræ sunt. prima, Christus est primum fundamentum Ecclesie, ratione fidei, circa

ipsius Divinitatem & incarnationem. Secunda, Petrus est secundarium fundamentum Ecclesie, ratione confessionis illius fidei, quā fecit dicēdo: *Tu es Christus Filius Dei vivi*: habens annexam promissionem stabilitatis pro se & suis successoribus. Tertia, Apostoli sunt secundaria fundamenta ecclesie post Petrum, ratione predicationis eiusdem fidei in Christum: non habentes annexam promissionem stabilitatis in suis successoribus.

34. Iuxta primam propositionem intelligendum est illud 1. Corinth. 3. 11. *Fundamentum aliud nemo potest ponere, prater id, quod positum est, quod est Christus Iesus*. Vbi Christus dicitur fundamentum, ratione fidei circa ipsius Divinitatem, ut explicat Gregorius l. 7. Ep. 47. Anselmus, Cornelius de Lapide, & alij in commentario illius loci. Quod intelligunt de fide viva, quæ per charitatem operatur, ut loquitur idem Apostolus ad Galat. 5. 6. Verba Gregorii sunt hæc: *Fundamentum aliud nemo potest ponere, &c. Quisquis ergo in dilectione Dei & proximi facit, quæ in Christo est, firmitatem tenet, eundem Iesum Christum, Dei & hominis filium, apud se posuit fundamentum*.

35. Iuxta secundam intelligendum est illud Matth. 16. 17. *Beatus es Simon Bariona, propter confessionē fidei quam Deo Patri inspirante fecisti, dicens: Tu es Christus filius Dei vivi*. Propter hanc confessionem super te, tanquam petram firmam ac stabilem, *adificabo Ecclesiam meam: Et porte inferi non prævalebunt adversus eam*. Quare? quia confessio fidei, quam fecisti, nunquam defectura est in te & successoribus tuis. Ego enim pro te rogaui, ut non deficiat fides tua.

36. Iuxta tertiam intelligendum est illud Ephes. 2. 20. *Superadificati super fundamentum Apostolorum & Prophetarum, id est, super Apostolos & Prophetas, qui propter predicationem fidei in Christum sunt fundamenta Ecclesie secundaria: Et super hæc fundamenta proximè & immediatè superadificantur alij Christiani, qui per illorum predicationem ad fidem Christi convertuntur*. Vido Cornelium de Lapide ibidem.

37. Ex dictis facile intelligi & conciliari possunt Patres, quos adduxisti. Nam aliqui loquuntur de fide Christi, iuxta primam propositionem. Et sic fides separari potest à Petro, non tamen à Christo qui est principale obiectum illius fidei. Sic loquitur Bernardus Epist. 149. cum ait: *Testante Apostolo, sicut unus Deus, una fides esse dignoscitur, in qua, tanquam immobili fundamento, præter quod, nemo aliud potest ponere, firmitas Ecclesie Catholica innioluta consistit*. Alii loquuntur de confessione fidei, iuxta secundam propositionem: Et sic fides non potest separari à Petro, quia solus Petrus est, qui propter hanc fidei confessionem meritis est appellari petra seu fundamentum Ecclesie. Sic loquitur Stephanus papa à te citatus ex Baronio: *Catholica, inquit, Christi & Dei nostri Ecclesia, fundata super firmam Petram, Apostoli videlicet Petri confessionem*. Et plures alij.

38. Maneat igitur certum fixumque, sextam Petri Prærogativam in eo consistere, quod ipsi soli cum suis successoribus, non autem reliquis Apostolis cum suis successoribus, promissa sit constantia fidei & cathedræ: Et quod ideo dicatur firma petra, super quam ædificata est Ecclesia nunquam ruitura.

Septima Prærogativa.

39. **S**eptima est, quod Christus pro solo Petro & seipso, non pro aliis Apostolis voluerit tributum, nempe staterem seu didrachmum solui in Capharnaum Matth. 17. 26. *Da eis pro me & te*. Nimirum, ut ostenderet, petrum aliis præferendum esse, & ipsum solū cum Christo, tanquam Vicarium cum suo Domino sociandum, ut explicant Augustinus lib. quaestionum Veteris ac Novi Testamenti quaest. 75. Hieronymus ad cap. 18. Opusc. Bcc.

A Matthæi, circa initium, Theophylactus ibidem, Chrysostomus homil. 56. in Matthæum, & alij plures. Ponam illorum verba.

40. Augustinus sic scribit: *Saluator autem, cum pro se & Petro dare in bet didrachma, pro omnibus exsoluisse videtur, quia sicut in Salvatore eras omnes causa Magisterii, ita & post Salvatorem in Petro omnes continerentur. Ipsum constituit Caput eorum, ut esset pastor gregis Domini*.

Hieronymus sic: *Post invenit staterem, post tributa reddita, quid sibi vult. Apostolorum repentina interrogatio: Quis parat maior est in regno caelorum? Quia viderat pro Petro & Domino idem tributum redditum, ex equalitate preterij arbitrati sunt, Petrum omnibus aliis Apostolis esse prælatum, qui in redditione tributi, Domino fuerat comparatus. Ideo interrogat: Quis maior sit in Regno caelorum?*

B Theophylactus sic: *Quia viderat Petrum à Christo honoratum, (honoratus enim eras hic, dando staterem pro Christo & pro se) & propterea humanum quiddam passi, invidiaque accensi, oblique accedunt interrogantes Dominum, quis maximus esset?*

Chrysostomus circa illa verba, *Da eis pro me & te*, sic subiicit. *Idisti honoris excellentiam. Vide nunc, quanta Philosophia vitur Petrus. Et nunc enim locum Marcus, qui Petri Discipulus fuit, ideo videtur non scripsisse, quoniam ingens hinc honor Magistro deferbatur. Sed negationem quidem ille diligentissime scripsit: Hæc verò quæ ad Magistri laudem pertinent, ipso forte ita volente, omnino siluit. Et paulo post: humanum quid passi Discipuli sunt, quod Evangelista quoque significavit dicens: In illa hora, quando scilicet illis omnibus Petrum prætulit. Nam cum & Jacobus & Ioannes primogeniti essent, nihil tamen tale pro ipsis fecisse videtur. Et paulo post: Quando certos præferri contemnerant (ut in transfiguratione Petrum, Iacobum & Ioannem) nihil tale passi sunt. Cum v. ad unum delatus est honor, tunc nimirum doluerunt. Quævis non ex hac re solum, sed ex aliis quoque multis inflammati fuerunt: tum quia dixit illi, Dabo tibi claves regni caelorum: tum quia, Beatus es Simon Bariona, tum etiā hic, Da eis pro me & te: tum denique, quia liberius cum multa cum Christo colloqui conspiciebatur.*

41. Quid tu verò ad hæc omnia, Marce Antoni? Primo, repetis solemnem tuam responcionem, nihil aliud hinc colligi posse, quam Petrum propter Primatū ætatis & vocationis, fuisse alius prælatū. Agnoscis ergo prælatum esse. Erras tamen, ut læpe dixi, id factum esse propter primatum ætatis & vocationis. Nam incertum est, an Petrus fuerit Primus omnium ætate. et falsum est, ante alios omnes vocatum esse ad Apostolatū.

D 42. Deinde, sigillatim hæc dicis de Augustino, Hieronymo & Chrysostomo Primo, incertum esse, an Augustinus sit autor illius libri. Autorem verò, quisquis sit, nihil aliud voluisse, quam Petrum fuisse Caput, id est, Primum & quasi Procuratorem ceterorum: Aut, si plus voluit, audiendum non esse. At plus voluit sine dubio. Voluit petrum esse Caput & Pastorem gregis Domini. Voluit omnes causas Magisterii, quæ erant in Christo, fuisse etiam in Petro. An ideo, quia hoc voluit, audiendus non est? Vide ne tu audiendus non sis.

E 43. Secundò ais, Hieronymum, post verba superius citata, addidisse etiam hæc: *Vidensque Iesus cogitationes eorum, & causas erroris intelligens, vult desiderium gloria, humilitatis cōtione sanare*. Itaque ex Hieronymi sententia, errasse apostolos existimantes Petrum sibi prælatum tanquam vere Dominum, principem & Monarcham. Respondeo. Apostoli in vno errabant; in altero non errabant. Non errabant in eo, quod putarent petrum sibi præferri. Hoc enim manifestè constabat ex variis signis, quæ Chrysostomus paulò ante attigit. At in eo errabant, quod putarent illum non solum eo tempore sibi præferri, sed etiam postea in temporali Messie regno, quod somniabant, fore præferendum. Atque

antem præcepto iussu sit dari didrachmum, nihil pertinet ad hanc questionem. Sed tamen, quia licet de hac re moues, dicam. Inuenio triplex tributum, quod ex præcepto debebant Iudæi persolvere. Vnum, quod tenebantur dare in usum templi Exod. 30. 13. Alterum, quod dabant pro primogenitis, Num. 3. 46. Tertium, quod Augustus Imperator illis imposuit, cum iussit, ut vniuersus orbis describeretur. Luc. 2. 1. Igitur tu affirmas solutionem didrachmi pertinere ad primum præceptum. Ego contra assero, ad tertium pertinere. Mecum sentiunt Hieronymus, Beda, Maldonatus.

Octaua Prærogativa.

53. **O**ctaua est, quod Christus post Resurrectionem inter omnes Apostolos, soli Petro primum apparuerit. Sed duo obicis Primò, id non adeo esse certum, quod negari possit. Ego contra, adeo certum esse contendò, ut negari, nisi ab Apostata, non possit. Primo, quia reliqui Apostoli id fatentur, coram Discipulis, duobus redeuntibus ex Emaus, Luc. 22. 34. *Surrexist Dominus vere, & apparuit Simoni.* Certè, si ipsis etiam apparuisset, dixissent sine dubio, *Apparuit nobis.* Et clarissime Paulus 1. Corinth. 15. 4. *Resurrexist tertio die secundum scripturas, & visus est Cepha, & post hoc undecim.* Quasi dicat, primum visus est ipsi Cepha, & postea, alio tempore, visus est aliis. Et tu ad his hoc negare? Audi Chrysostomum in illum locum: *Itaque Petro primum apparuit. Nam qui Christum primus confessus erat, non abs re primus etiam resurgentem videt.* Et ibidem: *Itaque non omnibus initio visus est, nec pluribus simul, sed vix tantum & ei Principi, & sibi maxime digne.*

54. Secundò ais, Christum duplici de causa, inter Apostolos, primum apparuisse Petro: 1. quia Petrus erat primus ordine, vocatione, & ætate, inter Apostolos. 2. Quia maximè omnium indigebat consolatione propter ingentem dolorem ex trina negatione conceptum. Sed quæro: An quod hic asseris, adeo certum sit, ut negari non possit? Si negari potest, nihil efficit. Si negari non potest, nec illud negari potest, primam apparitionem, inter Apostolos, soli Petro factam esse. Cur ergo paulo ante dixisti, negari posse? Nihil apud te constans est. Deinde, si ita Christus apparuerit primum Petro propter causas à te assignatas; An ideo prærogativa non est? At non tanta, inquires, ut ex ea Primatus Ecclesiasticus colligi possit. Neque nos ex hac sola prærogativa Primatum colligimus, ut initio dixi; & iam clarius explicabo.

Reliquæ Prærogativæ.

55. **H**actenus adduxi eas prærogativas, quæ præcesserunt Primatui Petri: nunc reliquas adducam, quæ secutæ sunt. Priores, vel orant signa sicuti Primatus vel dispositiones præuix, vel promissiones ad eundem obtinendum. Reliquæ sunt effectus, & quasi exercitia Primatus iam obtenti. Unde apparet, te priores non rectè oppugnare ex eo, quod ex singulis seorsim sumptis, non possit euidenter convinci primatus. Non necesse id est. Sufficit, si vel singulæ, vel omnes simul sumptæ, sint quedam signa, vel dispositiones ad futurum Primatum. Accipe simile exemplum. Quando ex vel Imperator vult alicui dare supremam Aulæ præfecturam, non solet re ipsa dare, nisi prius illum præ aliis habuerit commendatum, tum in familiari conuersatione, tum in officiis regni vel Imperij, tum in legationibus & similibus Prærogatiuis. Quare hoc? Quia per huiusmodi præambula, partim vult illum disponere ad supremam præfecturam, partim significare, se illum præ aliis magnificare, & ad supremam dignitatem promo-

Opusc. Bec.

Auere velle: Ne, si subito, & quasi ex abrupto id faciat, videatur temere sine consilio, & cum inuidia aliorum facere. Sic fecit Christus. Vult Petro dare supremam Ecclesiæ præfecturam: Sed non vult sine præiis signis & dispositionibus, ut in simili iam explicatum est.

56. Ex hac declaratione manifestè constat, quo sensu nos Catholici colligamus Primatum Petri ex prærogatiuis, quæ Primatum præcesserunt. Planè eo sensu, quo id faciunt prudentes viri, in simili casu. Sic enim illi solent ratiocinari. Rex noster cogitat de supremo aulæ Præfecto constituendo. Quis ille futurus est? Certè non alius, ut apparet, quàm Eustachius. Nam præ reliquis, illi vni familiaris est, soli sua consilia communicat, solum ad legationes obcundas adhibet, soli promissionem facit, denique in omnibus primum locum illi tribuit. Non possumus aliud statuere, quàm quod illi vnicum, & non alium ad supremam præfecturam designauerit. Res vulgo nota est. Et miror, si hic velister-
giversari.

57. Sed notior fiet ex aliis prærogatiuis, quæ ex Primatu, tanquam effectus ex sua causa, vel quasi functiones consecutæ sunt. Nam Petrus, postquam suprema Ecclesiæ præfectura illi commissa est, per illa verba, *Pasce oues meas*, mox cepit illam ad praxin applicare, & varios eius actus exercere. Ac 1. conuocauit omnes Discipulos ad electionem noui Apostoli in locum Iudæ proditoris. 2. Primus promulgauit Euangelium Hierosolymis. 3. Primus fecit miraculum Hierosolymis ad confirmandum Euangelium à se promulgatum. 4. Primus etiam prædicaui gentibus Euangelium. 5. Primus sententiam dixit in concilio Hierosolymitano. Quæ omnia fecit ex auctoritate sibi à Christo concessa, et propter hanc causam Paulus Apostolus venit Hierosolymam, ut Petrum, tanquam vniuersalis Ecclesiæ pastorem, coram videret, ut ipsemet de se fateatur in Epist. ad Galat. cap. 1. 18. De his singulis etiam aliquid dicendum est. Igitur, ut in eo, quem cœpiimus, ordine, persistamus.

Nona Prærogativa.

58. **N**ona prærogativa est, quod Petrus conuocauit omnes Discipulos ad electionem noui Apostoli, Act. 1. 15. *In diebus illis, exurgens Petrus in medio fratrum, dixit: Viri fratres, oportet impleri scripturam, &c.* hic est primus actus præfecturæ Petri. De quo Chrysostomus Hom. 3. in Acta: *Quam est seruicus Petrus: Quam agnoscat creditum à Christo gregem. Quam in hac choro Princeps est: Et ubique Primus omnium incipit loqui.* Et infra ibid. *Mernò primus omnium auctoritatem usurpat in negotio, ut qui omnes habeat in manu.* Et Occumenius ad ca. 1. Actuum: *Surgit Petrus, non Iacobus, ut is, cui præsentia Discipulorum commissa erat. Neque ullas orationes Petri contradixit, sed mox ad eius præceptum constituerunt duos, quos dignissimos eo gradu existimabant, ut unum eorum Deus ipse designaret.*

59. Hic multa obicis contra illos duos patres, quos vides tibi aduersari. Nam illi dicunt, Petrum fuisse principem eorum omnium, qui aderant in electione Matthiæ, habuisse eos in manu sua, agnosuisse illos tanquam gregem à Christo sibi concred tam, vltus passe in eos auctoritatem, eos vicissim ad illius præceptum fuisse propositos & expeditos. Hæc omnia tibi desipiunt, mi Antonii. Quare? Quia asserunt primatum Petri, quem tu ferre non potes. Quid ergò concilii, aggredieris ipsos patres, & quos ratione superare non potes, calumniis opprimendos censet. Igitur

60. primò obicis: Chrysostomum oratoricè magis, quàm Theologicè locutum esse. Sed dic obsecro, verum an fallum locutus est? Si verum, quid murmuras;

D D d iij

Si fallum, cur aperte non dicis? nisi forte, quicumque A oratorie loquitur, fallum: qui Theologicè, verum loqui censeatur.

61. Secundò obiicis, illa verba Chrysostomi, *Petrus agnoscat credidit à Christo gregem*, frustra & otiose ab eo dicta esse; quia Petrus tantum agebat ibi de adimplendo numero collegii Apostolici. Hoc autem collegium non pertinebat ad gregem Petro concrediditum. Erras, mi frater. Nam sub illa voce, *Pasce oves meas*, qua Petro grex Christi concreditus est, comprehenduntur etiam Discipuli Christi. Igitur & illi Petro concrediti sunt. De qua re supra actum est: Ex simul obiter notata tua leuitas ac incòstàtia, qui modo omnes Christi fideles, modo omnes, exceptis Apostolis, modò solos Israëlitas, unum nomine comprehensos esse, commemoratus es.

62. Tertiò obiicis, Actum Petri, quo conuocauit Discipulos ad electionem noui Apostoli, non fuisse Actum pasturæ; & ideo etiam ex hac parte, Chrysostomum importinenter dixisse illa verba, *Petrus agnoscat gregem sibi creditum*. Iterum erras. Actus pasturæ varij sunt, vt cap. 3. ex Ezechiele demonstratum est. Eò tere-

mitto. 63. Quartò obiicis, Chrysostomum sibi ipsi contradicere. Quod sic ostendis. Ex vna parte dicit, Petrum fuisse Principem in choro Discipulorum: Ex alia proponit hanc questionem: *Cur Petrus non postulauerit solus à Christo, vt ipsi daret aliquem in locum Iudæ substituentum?* et eam paucis his verbis soluit: *Iam Petrus erat seipso factus melior*. Ex quibus tu mitto artificio, connectis has argutias: *Ergo Petrus, ex sententia Chrysostomi, fuisset arrogans, si hoc præsumpsisset. At factus melior Christi reprehensionibus, & proprio casu, melius tamen audere. Arrogantia tamen & præsumptio non fuisset; si Petrus relictus fuisset à Christo. Monarcha totius Ecclesiæ: ad ipsam enim spectasset ministrorum ordinatio.* Vnde inferis, Petrum ex sententia Chrysostomi, non esse supremum totius Ecclesiæ Pastorem, ideoque Chrysostomum sibi ipsi contradicere. Sed, vt candide dicam quod res est, fingis Chymæras ex tuo capite, de quibus ne quidem somniauit Chrysostomus. Quæstio Chrysostomi hæc est: Quare Petrus conuocauit omnes Discipulos, vt communiorationis suffragio postularent aliquem à Christo, in locum Iudæ substituentum? Quare non ipse solus postulauit? Responsio est: *Quia Petrus erat seipso factus melior*. Quali dicat, Quod quis melior est, eò humilior: Quod humilior, minoris se æstimat: Ac proinde, si aliquid à Deo petendum est, plus fidit communi omnium orationi, quam suæ solius priuatæ. Quamuis ergo Petrus potuisset solus à Deo postulare substituentum, maluit tamen communi aliorum suffragio id facere. Quid hinc mali est? Nihil, præter tuas ineptias.

64. Quintò obiicis aliam Chrysostomi contradictionem, ex illis ipsis verbis: *Iam & illud considera, quàm Petrus agit omnia ex communi Discipulorum omnium sententia, nihil auctoritate sua, nihil cum imperio.* Vnde inferis, Petrum non fuisse Principem Discipulorum, quod tamen antea dixerat Chrysostomus, ac proinde Chrysostomum sibi iterum contradicere. Rectius dicam, te iterum Chymæras fingere. Sanè ex verbis Chrysostomi aperte colligitur, Petrum fuisse Principem, sed Principem modestum, qui cum posset sua auctoritate & imperio agere, maluit tamen Christi exemplum imitari. Si hoc non capis, accipe domesticum exemplum. Si quis laudaret Regem Angliæ, & diceret, omnia illum agere ex communi episcoporum omnium sententia, nihil auctoritate sua, nihil cum imperio: an tu statim inferres: Ergo Rex non est? Cauere feceris. Modestia Regum & Principum non obstat, quo minus possint agere ex auctoritate & imperio, si necesse sit.

65. Sexto obiicis, Oecumenium improprie locutum esse, cum dixit: *Mox ad eius præceptum constituerunt duos*. Odisti hanc vocem, *Præceptum*. Et paulo post addis *Oecumenius de solo Primatu personali Petri est intelligendus*, id est, de Primatu ætatis & vocationis. Non ita est debet intelligi de eo Primatu, quem ipsemet clare explicat. De eo, inquam, Primatu, cui conueniunt hæc duo: *Præsidentia Discipulorum, & Præceptum*. Expresse enim asserit Petro conmissam esse præsentiam Discipulorum; & discipulos fecisse quod à Petro præceptum erat. Quod ais, improprie locutum esse, non credimus. Omisso similestuas nugas.

Decima Prærogatiua.

66. **D**ecima Prærogatiua est, Quod Petrus post acceptum Spiritum sanctum, primus omniū promulgauerit Iudæis Euangelium, Actor. 2. 14. Sicut Moyses in veteri Testamento primus omnium promulgauit legem Decalogi & Deuteronomium. Vterque Actus pertinet ad Primatum. Nam sicut Moyses habebat Primatum Synagogæ, & ideo prælatus est aliis in promulgatione legis, ita Petrus habebat Primatum Ecclesiæ, & ideo prælatus est aliis in promulgatione Euangelii.

Vndecima Prærogatiua.

67. **V**ndecima est, quod Petrus primum miraculum fecerit in confirmationem Euangelii à se promulgari, sanando claudum ex utero matris, Actor. 3. 6. *In nomine Iesu Christi Nazareni, surge & ambula*. Quæ prærogatiua nõ consistit in eo, quod Petrus miraculum fecerit in confirmationem fidei, quia hoc omnes Apostoli fecerunt, Marc. 16. 20. *Illi autem profecti prædicauerunt ubique, Domino cooperante, & sermonem confirmante, sequentibus signis*: sed consistit in aliis duobus. Primo in eo, quod primum miraculum fecerit post promulgationem Euangelii. Hinc non potes confugere ad Primatū ætatis & vocationis, vt soles; quia ille Primatus nil facit ad patrando miraculum: sed necessario id tribuendum est Primatui auctoritatis & potestatis, quem Christus voluit ostendere in Petro per primum miraculi patratiōem. Sicut etiam in veteri Testamento, miraculo confirmauit Primatū Moysis (Num. 16.) Ac deinde Primatū Aaronis (Num. 17.) Secundò in eo, quod fecerit miraculum, non qualecunque, sed quod claudum sanauerit, pedes ipsius consolidando. Hoc enim non caret mysterio, vt notat Ambrosius serm. 66. Nam per hoc, quod pedes infirmi hominis firmavit ac consolidauit, significatum est, ipsum esse firmum ac solidum fundamentum Ecclesiæ.

Duodecima Prærogatiua.

68. **D**uodecima est, Quod Petrus non solū apud Iudæos, sed etiam apud gentes, primus omnium promulgauerit Euangelium, & baptismum administrauerit (Act. 10. 34.) Huic prærogatiuæ annexa est alia, quod soli Petro ostensa sit visio, qua iubebatur gentilibus Christum annunciare (Act. 10. 10.) *Parantibus autem illis, cecidis super eum mētis excessus. Et vidit calum apertū, & descēdēs ei quoddā, velut linteū magnum, quatuor iniis submissi de celo in terram, in quæ erant omnia, quadrupedia, & serpētia & volatilia cali. Et facta est vox ad eum: Surge Petre, occide, & mēdusa.*

69. Hinc vnum dicis de priori parte prærogatiuæ: duo de posteriori, nempe de visione Petro exhibita. De priori, fateris insignem fuisse prærogatiuā Petri, quod primus annunciauert gentibus Euangelium: non tamen prærogatiuam Principatus, sed sollicitudinis ac

diligentia, qua ceteros omnes superauit. At alibi asseris, Paulum superasse omnes prerogatiua sollicitudinis ac diligentia: Paulus autem iam erat Apostolus eo tempore; quo Petrus predicauit Gentibus euangelium. Ergo si illa fuit insignis prerogatiua Petri, non fuit diligentia, sed Principatus.

70. De posteriori pronuncias, hæc duo, quæ directe inter se pugnant. Primum visionem illam fuisse privilegium, quo Petrus, tanquam senior & feruentior inter apostolos meruit decorari. Secundò, non fuisse privilegium, sed potius increpationem, quia cum Petrus esset nimirum refractarius, & vix posset adduci ad vocationem Gentium, necesse fuit, ut per visionem illam quasi compelleretur ad officium. Itaque, Marce Antoni: iam ante dixisti, Petrum omnes alios superasse sollicitudine, diligentia, & feruore. Nunc dicis, fuisse refractarium & propterea increpatum ac reprehensum à Deo. Nulquam es constans.

71. Et ne conqueraris iniuriam tibi à me factam esse, recitabo verba tua, quibus hanc contradictionem inuoluis. Sunt autem hæc: *Fuit insignis Petri sollicitudinis prerogatiua, qua sollicitudine & industria diligentia Petrus ceteros facile superauit.* Et mox de visione sic pergis: *Fuit privilegium, quo primus & maximus nam ex Apostolis & feruentissimus, nec uxor, meruit condecorari.* Deinde, facta digressionem contra Basilianum, quasi immemor verborum tuorum, sic concludis: *Hæc visio pluri simplicis instructionis, & quasi in eadem increpationis, quæ laudis & prerogatiua in Petro videtur innuere. In enim Iudaismo addictissimus, vix potera in Gentium vocationem ad diuinæ filiationis gratiam inclinare. A qua illum auersione, ut Christus amoneret, nimirum legalibus addictum, visio hæc occurrit, non sine illa redargutione: Quod Deus purificauit, tu commune ne dixeris. Ac ne ipse, nimirum foras in hoc refractarius videretur, ter uisio illa, aut saltem hæc vox repetita est. Iam vide, quomodo inter se cohercant quæ hic asseris.*

72. Taceo de iniuria, quam Petro irrogas. ais, fuisse Iudaismo addictissimum, vix potuisse in gentium vocationem inclinare, fuisse refractarium. Vnde probas? Ex falsa scripturæ interpretatione: quasi ob hanc causam reprehensus fuerit his verbis: *Quod Deus purificauit, tu commune ne dixeris.* Non ita est. Nam Petrus audita hac voce: *Occide & manduca;* respondit: *Ab sit Domine, quia nunquam manducaui omne commune & immundum.* Denique sequitur: *Quod Deus purificauit, tu commune ne dixeris.* Hoc tu interpretaris, quasi Petrus noluerit consentire in vocationem gentium, & quodammodo fuerit refractarius. Absit, nihil adhuc cogitabat de gentilibus; Quia nondum intelligebat mysterium visionis. Solum asserbat, se nunquam comeditisse animalia immunda, quæ secundum legem Mosaicam erant prohibita. Nec sciebat, per animalia immunda significari gentiles. Hoc postea intellexit: Et postquam intellexit, nunquam ostendit se refractarium circa gentium vocationem, sed promptum & expeditum.

Decima tertia Prærogatiua.

73. **D**ecima tertia est. Quod Petrus primo loco sententiam dixerit in concilio Hierosolymitano, Act. 15. 7. *Cum autem magna inquisitio fieret, surgens Petrus dixit ad eos: Viri fratres, &c.* Et quod omnes sententiam illius secuti fuerint: De quo Diuus Hieronymus in epistola ad Augustinum (quæ est undecima inter epistolas Augustini) sic scribit: *In sententiam eius Iacobus Apostolus, & omnes simul Presbyteri transierunt.* Et Theodoretus in epistola ad Leonem. *Paulus præconuocatis, tribus sanctissimi Spiritus, ad magnum Petrum conuocatis, utiis, qui Antiochia de legalibus institutis contem-*

A *debant ab ipso adferret solutionem. Vtique ab ipso tanquam controuersiarum iudice.*

74. Tria obuiis. Primo, Petrum primo loco sententiam dixisse, tanquam Decanum collegij: idque ratione ætatis, non iurisdictionis. At, mi homo, Decanus collegij Canonicozum (saltem in Germania) non est nomen ætatis, sed dignitatis: Et solet præsidere Capitulo, non tanquam senior ætate (cùm sæpe sit iunior) sed tanquam superior iurisdictione.

75. Secundo obuiis, Iacobum in Concilio Hierosolymitano aliquid amplius decreuisse, quod Petrus non decreuerat, nempe abstinentiam à contaminationibus simulachrorum, & fornicatione, & suffocatis & sanguine. Distinguo. Nihil amplius decreuit circa quæstionem in concilio propositam aliquid tamè amplius circa alia, quæ non erant proposita. Quæstio posita erat hæc: An circumcisio esset necessaria ad salutem illis, qui ex Gentibus conuertebantur ad fidem Christi? Respondit Petrus non esse. Nec aliud respondit; quia aliud non quærebatur. Quod etiam seruatur à iudicibus secularium controuersiarum. Putant se abundè satisfecisse suo officio, si clarè & directè respondeant ad id quod à litigantibus proponitur. Nihil ergo obstat, quod Iacobus aliqua adiecerit, quæ à litigantibus non erant proposita.

76. Tertiò obuiis, Decretum in illo concilio factum, non produsse nomine solius Petri, sed totius concilij, ut patet ex inscriptione: *Apostoli & seniores fratres his qui sunt Antiochia.* Respondeo. Si quæstio soli Petro fuisset proposita, prodisset decretum nomine solius Petri, sed quia toti concilio fuit proposita, debuit prodire nomine totius concilij, cui Petrus præsidebat. Idem fit in Conciliis & Parliamentis secularibus. Nam Decreta, quæ ibi fiunt, non produnt nomine solius Præsidis, sed nomine Concilij vel Parliamenti.

77. Hæc sufficiant de prerogatiuis Petri: quarum aliquæ, ut dixi, præcesserunt ipsius Primatum, tanquam signa vel dispositiones præuix: alix secutæ sunt, tanquam effectus & executiones Primatus iam obtenti. Deinceps diluendæ sunt obiectiones, quas magno studio ex aliis aduersariis transcripsisti, ut Petri & Pontificis authoritati derogares. Impium hoc studium est, & à rebellibus usurpatum. Vtinam in proximorum salutem id contulisses.

CAPVT VII.

Diluantur Obiectiones Marci Antonij contra Primatum Petri.

Ei. **M**ulta obuiis, Marce Antoni, contra Primatum Petri: non quidem studio veritatis, quæ agnitam oppugnas; sed Spiritu ambitionis, quo video te ad scribendum impulsus esse. Sunt autem hæc potissimum obiectiones. 1. ecclesia Apostolis omnibus æquè à Christo commendata est. 2. Euangelium reprobatur Primatum inter apostolos. 3. Ipsi apostoli in Petro non agnouerunt Primatum. 4. Nec Petrus illum unquam exercuit. 5. Pauli reprehensio, quia Petrum obiurgauit, destruit Primatum Petri. 6. Idem colligitur ex scriptis Pauli. 7. Et ex comparatione Petri & Pauli. Hæc est summa earum obiectionum quas ferè ex Bellarmino suffuratus es. Primam proponis lib. 1. cap. 3. Reliquas c. 11. singulas eo ordine, quæ propositæ sunt, discutiam.

sed una radix: multi tui fontis; sed una origo: ita multa sunt membra Ecclesiae, sed unum Caput. (intelligit Petrum, de quo supra) Et rursum, sicut radius solis auulsus ab unitate luminis, dispareret ramus à radice fractus, non germinat: unus à fonte præcilius arescit, ita schismatici & hæretici, qui se separant à Capite Ecclesiae, id est, à Petro & illius Successoribus, non possunt retinere veram fidem & Charitatem. Ecclesia, inquit, una est, quæ in multitudine latius incrementum fecunditatis extenditur: quomodo, Solis multi radij, sed lumen unum: & rami arboris multi, sed robur unum tenaciter radice fundatum. Et cum de fonte unum plurimum d. si. h. e. numerositas licet diffusa videatur exundantis copia largitate, unitas tamen servatur in origine. Auelle radium solis à corpore, diuisionem lucis unitas non capiat. Ab arbore frange ramum, fractus germinare non poterit. A fonte præcinderinum, præcisus arescet: Sic & Ecclesia Domini luce perfructa per orbem totum radios suos porrigit, unum tamen lumen est, quod ubique diffunditur, nec unitas corporis separatur: ramos suos in uniuersam terram copia ubertatis extendit: præfluentes largiter riuos latius expandit, unum tamen Caput est, & origo una, & una mater fecunditatis successibus copiosa. Illius fœtus nascimur, illius lacte nutrimur, Spiritu eius animamur. Adulterari non potest sponsa Christi, incorrupta est & pudica. Vt nam domum nonis, unius cubiculi sanctitatem casto pudore custodit. Hæc nos Deo seruat, hæc filios regno, quos genuit, assuat. Quisquis ab Ecclesia segregatus adultera iungitur, à promissis Ecclesiae separatur. Nec pertinet ad Christi premia qui relinquit Ecclesiam Christi. Alienus est, profanus est hostis est. Habere iam non potest Deum Patrem, qui Ecclesiam non habet matrem.

11. Ex hoc Cypriani discursu tua colligo. 1. Apostolos quidem fuisse inter se æquales, antequam unum Caput à Christo constitueretur; sed illo semel constituto, non amplius mantille pares. 2. omnes recedere à veritate fidei, & fieri hæreticos, ac schismaticos, qui recedunt à Capite, quod à Christo constitutum est. 3. nec opus esse magno tractatu ad disquirendum, quæ sit vera fides. Nam illam esse veram fidem, quæ à Capite, tanquam ab origine (ex Christi institutione) in reliqua membra deriuatur. Si hæc intelligis, Marce Antoni, redi ad unitatem capitis, à qua recessisti, & non eris hæreticus aut schismaticus.

12. Secundo loco adducis Hieronymum lib. 1. contra Iovinianum, circa medium, ubi de æqualitate Apostolorum sic scribit: *Ex æquo super eos Ecclesia sortitudo solidatur.* Resp. Hieronymus ibi confert inter se Petrum & Ioannem, & dicit Ioannē, quia virgo erat, fuisse Christo chariorem quàm Petrum, qui non erat virgo: Vt ostendat virginitatem matrimonio præferendam esse, quod negabat Iovinianus. Et postea subiungit: *Si autem obnixè contenderis (Iovinianus) Ioannē virginē non fuisse, & nos amoris præcipui causam virginitatem diximus, exponat ille si virgo non fuit, cur cæteris Apost. plus amatus sit?* At dicie: *Super Petrum fundatur Ecclesia: licet id ipsum in alio loco super omnes Apostolos fiat, & cum clauis regni cælorum accipiant, & ex æquo super eos Ecclesia sortitudo solidatur: tamē propterea inter duodecim unus eligitur, ut Capite constituto, schismatis collatur occasio. Sed cur non Ioannes electus est virgo? Aetati delatum est, quia Petrus senior erat, ne adhuc adolescens, ac pene puer, progressu ætatis hominibus præferretur.*

13. Ex his verbis constat, Hieronymum, quem pro te citas, in multis tibi contrarium esse. 1. Hieronymus asserit Ioannem plus cæteris Apostolis amatum fuisse à Christo. Vnde sequitur, Ioannem vicissim plus cæteris amasse Christum. Quod sic probo: Deus plus diligit meliores, ut docet D. Thom. 1. part. quæst. 20. art. 4. Si ergo plus diligit Ioannem, quàm alios Apostolos, sequitur Ioannem esse meliorem, quàm alij Apostoli. Ergo etiam melior est Petrus: Ergo plus

diligit Deum, quàm Petrus. At hoc contra te est, quia tu asseris, Petrum habere Primatum charitatis præ alijs Apostolis.

14. Secundò, Hieronymus asserit, solum Petrum ex duodecim Apostolis electum esse, ut esset Caput Ecclesiae, & cæteris præferretur. At si electus est, iam antea non erat Caput ratione ætatis aut vocationis, ut tu contendis: Aut, si antea erat, ratione ætatis aut vocationis electus non est.

15. Tertiò, Hieronymus dicit, idè electum esse, ut constituto Capite, schismatis occasio tolleretur. Ergo non est electus pro tua tantum persona, ut tu vis, sed etiam pro suis Successoribus. Nam si tempore Apostolorum, quando Ecclesia erat exigua, debuit esse unum Caput ad cauendum schisma; multo magis post tempora Apostolorum, quando Ecclesia fuit diffusa per totum orbem terrarum.

16. Quartò, Hieronymus dicit, Petrum potius electum esse in Caput, quàm Ioannem, quia non decebat, ut Ioannes, qui penè puer erat, præferretur senioribus. Certè, si putaret Hieronymus, quod tu fingis, Petrum esse Caput propter Primatū ætatis & vocationis, stultè disputaret, quare non potius Ioannes sit electus in Caput, quàm Petrus. Nam hoc esset disputare, quare non potius Ioannes sit electus, ut fieret senior ætate & vocatione, quàm Petrus. Quæ est stultitia disputatio.

17. Sed obiicis, Hieronymum in eo nobis contrarium esse, quod asserat æqualitatem Apostolorum. Respondeo. Si hoc darem, nihil aliud sequeretur, quàm & tibi, & nobis contrarium esse; sed tamen tibi magis quàm nobis. Faciamus ita esse; Iam quæro ex te, an sententia ipsius vera sit, an falsa? Si vera est, tuam falsam esse oportet, quæ illi contraria est. Si falsa, cur præsidium ab ea petis? Si partim vera, partim falsa, quis inter veram & falsam discernet? Non admitto te iudicem.

18. Sed non necesse est ad has angustias confugere. Nego Hieronymum nobis contrarium esse, nisi sibi ipsi contrarius sit. Quod ostendo ex ipsa disceptatione, quam habet cum Ioviniano, in hunc modum. *Hieronymus.* Ioannes plus fuit amatus à Christo propter virginitatem, quàm Petrus, qui non erat virgo. Virginitas igitur præstat matrimonio. *Iovinianus.* Nego Ioannem fuisse virginem. *Hieronymus.* Si virgo non fuit, cur plus amatus fuit, quàm alij? *Iovinianus.* Petrus plus fuit amatus, quia super Petrum fundata est ecclesia. *Hieronymus.* Si spectes doctrinam Apostolorum, super omnes æquè fundata est ecclesia, quia una est doctrina omnium. Si spectes iurisdictionem, fateor Petrum præ cæteris electum esse, ut esset Caput Ecclesiae. At hinc non sequitur, plus dilectum fuisse à Christo, quia iurdictio non necessarid supponit maiorem sanctitatem. *Iovinianus.* Cur non potius Ioannes fuit electus, si erat virgo, ut tu contendis? *Hieronymus.* Propter defectum ætatis. Erat enim adhuc adolescens, ac pene puer. Non decebat autem, ut puer, cum potestate præficeretur senioribus.

19. Si hic est discursus Hieronymi cum Ioviniano, ut esse verisimile est, nihil ex eo præsidij habes, præter confusionem. Si alius est, cur dissimulas? Sed iterum obiicis alia Hieronymi verba contra eundem Iovinianum, *Ioannes, inquit, & Iacobus, quia plus cæteris petierunt, non impetraverunt: Et tamen non est dignitas eorum imminuta, quia reliquis Apostolis æquales fuerunt.* Respondeo. Hoc contigit ante electionem Capitis. Tunc omnes Apostoli erant æquales. At postquam dictum est Petro, *Pasce oues meas*, desierunt esse æquales, & Petrus cepit esse Princeps aliorum, ac vniuersalis Ecclesiae Pastor.

20. Ex eodem Hieronymo, Epist. 58. ad Damasum



Ritui comparatio inter Petrum & Paulum. Vna quoad sapientiam, sanctitatem, laborem, zelum & honorem qui ex illis consequitur: Et sic Paulus potuit esse par Petro. Quod manifestè significat Leo cum ait: *De quorum meritis atque virtutibus nihil debemus sentire discretum.* Altera, quoad iurisdictionem: Et sic Petrus erat maior Paulo, ut sæpè ostensum est.

II. OBIECTIO.

Evangelium reprobat Primatum inter Apostolos.

27. **H**Oc probas ex contentione Apostolorum de Primatu & responsione Christi. (lib. 1. c. 11. n. 1. & 2.) Nam cum Apostoli contenderent, quisnam illorum esset maior? Respondit Christus: Luc. 22. 25. *Reges gentium dominantur eorum: & qui potestatem habent super eos, benefici vocantur. Vos autem non sic: sed qui maior est in vobis, fiat sicut minor.* Hinc ita concludis: Omnes Apostoli, etiam Petrus, contendebant de Primatu: At si Petro erat promissus Primatus, cur contendit? Secundo Christus omnibus eripit cogitationem de Primatu temporali, cum ait: *Vos autem non sic.* Similiter de Primatu & iurisdictione spirituali, cum ait: *Qui maior est in vobis, fiat sicut minor.*

28. Respondeo. Hic notanda est duplex contradictio in tuis verbis. Vna est, quia hoc loco dicis, Apostolos contendisse de Primatu temporali, quis scilicet illorum, futurus esset primus in regno Christi temporali, quod somniabant. Verba tua sunt hæc: *Appetitus naturalis humanus propria excellentia, & in alios dominatus, Apostolorum animos adhuc imperfectos, neque parum, nec raro sicillavit. Quia enim Messiam dominatione temporali Regem Israël in mundo regnaturum, ex sacris scripturis non bene intellexit, & communis Hebræorum intelligentia existimabant, magnas sibi apud Christum, quem Messiam agnouerant, dignitates pollicebantur, quippe qui ipsius primi essent affecla & familiares. Et cum duodecim essent, inter ipsos etiam unum aliquem primum locum habiturum autumabant.* Et infra: *Debit quidem animos eorum de temporalibus dignitatibus abducere, quas etiam sibi somniabant, &c.* At c. 9. n. 6. planè contrarium asseris his verbis: *Respondet Bellarminus, errasse quidem Apostolos, quia temporalem principatum somniabant, & hunc errorem Dominum sapè correxisse. De hoc tamen temporali mundi huius principatu, Apostolos tunc nihil cogitasse, sed de sola prætatione Petri supra ipsos Apostolos, satis est apertum.* Quomodo coherent hæc duo: Apostoli nihil cogitabant de temporali principatu: et Apostoli existimabant Messiam dominatione temporali in mundo regnaturum, & magnas sibi apud illum dignitates pollicebantur.

29. Altera est: quia hoc loco in summa capitis 11. sic habes: *Christus nudum ministerium sine iurisdictione dedit Apostolis.* At cap. 19. n. 31. contrarium asserbas his verbis: *Christus immediate concessit Apostolis potestatem ordinis, & iurisdictionem plenissimam.* Nonne hæc aperta contradictio est. Dare nudum ministerium sine iurisdictione: et, Dare plenissimam iurisdictionem? Et quamvis in priori loco videaris loqui de iurisdictione humana, hoc tamen non obstat. Vel enim loqueris de humana, id est, à puro homine accepta; & sic nihil ad rem: Vel de humana, id est, homini à Christo concessa, & sic manet contradictio.

30. Obiectio tua, quam à Lutheranis accepisti, nullius momenti est; & iam pridem à Cardinale Bel-

larmino & aliis Catholicis refutata. Ad illos te remitto. Obiter tamen attingam, quid respondendum sit. Apostoli cogitabant de Primatu aliquo temporali, quem apud Christum essent habituri. Hoc supra c. 6. prærogativa septima ostensum est. Et tu paulo antè fallus es. Christus eripit illis hanc cogitationem, his verbis: *Vos autem non sic.* Et simul suo exemplo hortatur, ut quisquis inter ipsos habiturus esset Primatum Ecclesiasticum, servaret modestiam, ac humilitatem; nec se superbè efferret super alios. *Qui, inquit, maior est in vobis, fiat sicut minor.* Similem monitionem habemus de Primatu Regis in veteri Testamento. Deut. 17. 18. *Postquam sederis in solio regni sui, describet sibi Deuteronomium legis huius in volumine.* Et paulo post: *Nec eleuetur cor eius in superbiam super fratres suos.* Sicut ergo hinc non possumus inferre, Regem Veteris Testamenti non habuisse iurisdictionem in suos fratres, quia debebat servare modestiam, & non eleuare se super fratres suos, quod solent facere Reges gentiles: Ita in simili, non possumus inferre, Petrum non habuisse iurisdictionem ecclesiasticam in suos fratres, quia debebat illis servire & ministrare. Alioqui, quid dicemus de Christo? Habuit certè plenissimam iurisdictionem in Apostolos, & tamen ministrabat illis: (*Ego autem in medio vestrum sum, sicut qui ministrat.*) Cum ergo suo exemplo hortatur Prælatos Ecclesie ad simile ministerium, non tollit ab illis iurisdictionem, sed humilitatem commendat.

III. OBIECTIO.

Ipsi Apostoli in Petro non agnouerunt Primatum.

31. **H**Oc sic probas, c. 11. n. 7. Apostoli, postquam Petro dictum esset, *Tu es Petrus, & Tibi dabo claves regni cælorum;* adhuc contendebant de Primatu: Ergo non agnouerunt Petro per illa verba promissum esse Primatum; alioqui desissent contendere. Resp. Apostoli ex vna parte persuasi erant regnum Christi fore temporale: ex altera audiuerant Christum moriturum, & Petrum in eius loco habiturum claves regni cælestis, id est, Primatum Ecclesiasticum. Sed prior cogitatio erat magis ipsis infixæ, quàm posterior. Imò nec Petrus, nec alij Apostoli credebant Christum moriturum, tametsi clarissimè hoc ipsis esset significatum. Matth. 16. 21. *Exinde cepit Iesus ostendere Discipulis suis, quia oporteret eum ire Hierosolymam, & multa pati à senioribus, & Scribis, & Principibus Sacerdotum, & occidi, & tertio die resurgere. Et assumptus enim Petrus, cepit intrinsecus illum, dicens: Absit à te Domine: Non eris tibi hoc.* Et Luc. 9. 44. *Filius hominis, futurum est, ut tradatur in manus hominum: At illi ignorabant verbum istud, & erat velatum ante eos.* Certè, si vel non credebant, vel non intelligebant, Christum esse moriturum, quod tam clarè ipsis dicebatur; quid mirum est, si non multum solliciti fuerint de futuro Petri primatu post mortem Christi? præsertim cum altera cogitatio de regno Christi temporali prævaleret.

32. Si hoc non capis, Marce Antoni, exemplum sume à teipso. Promissio tibi facta erat in statu religioso, cum abdicabastè rebus temporalibus: *Omni, qui reliquerit domum, vel fratres, aut sorores, aut patrem, aut matrem, aut agros propter nomen meum, censuram accipiet, & vitam æternam possidebit.* Quæ sanè promissio erat clarissima. Et tamè magis insedit tibi cogitatio de Episcopatu: ideoque relicto statu religioso, & parum sollicitus de tam insigni promissione, ad seculum, cui renuncia-

veras, rediisti, & dignitatem Episcopalem importunè impetrasti. Non tam erasè hallucinati sunt Apostoli. Nunc quæro, an hæc consequentia bona sit Marcus Antonius, postquam dictum est illi, *Censuram accipies, & vitam æternam possidebis*, adhuc cogitavit de honore & dignitate Episcopali: Ergo non agnouit promissionem à Deo sibi factam. At similis est hæc, quam tu facis: Apostoli, postquam dictum est Petro, *tibi dabo claves*, adhuc cogitabant de regno temporali: Ergo non agnouerunt promissionem Petro factam de Primatu spirituali.

IV. OBJECTION.

Petrus nunquam exercuit Primatum.

33. **H**oc tripliciter probas, cap. 11. num. 10. & seq. Primo, quia non solus Petrus, sed alij etiam Apostoli instituerunt primos Diaconos Act. 6. 2. Secundo, quia Apostoli miserunt Petrum & Ioannem in Samariam: Ergo Petrus non erat supra Apostolos, sed ad illorum arbitrium mittebatur. Act. 8. 14. Tercio, quia Paulus & Barnabas detulerunt quæstionem de circumcisione, non ad solum Petrum, sed ad omnes Apostolos ac Seniores. Debuissent autem ad solum Petrum deferre, si ille fuisset supremus Rector Ecclesie, & Iudex controuersiarum.

34. Respondeo. Hæc omnia desumpisti ex Lutheranis & Calvinistis. Sed cur dissimulas alia multa quæ Petrus gessit in suo primatu? Solus sua autoritate conuocauit omnes Discipulos ad electionem noui Apostoli. Primus promulgauit Euangelium Hierosolymæ. Primus item prædicauit gentibus Euangelium. Primus sententiam dixit in Concilio Hierosolymitano, hæc omnia omittis. Quæ autem obijcis, nullius ponderis sunt, Ad singula sic respondeo.

35. Ad 1. non valet hæc consequentia: omnes Apostoli instituerunt primos Diaconos, & non solus Petrus: ergo Petrus non habebat primatum. Sicut neque hæc Omnes principes Angliæ sanxerunt legem de iuramento fidelitatis, & non solus Rex; Ergo Rex non habet primatum. Neque item hæc: Omnes Episcopi Dalmatiæ fecerunt hunc aut illum Actum iurisdictionis Ecclesiasticæ, & non solus Marcus Antonius: Ergo Marcus Antonius non fuit primas Dalmatiæ. Non enim necesse est, solum Regem in suo regno, solum Imperatorem in suo imperio, solum Archiepiscopum in sua prouincia exercere quosuis actus iurisdictionis & potestatis, sine aliorum ope & auxilio. Multo minus valet hæc consequentia: Petrus in illo actu, quo constituebantur primi Diaconi, non exercuit primatum Ecclesiasticum: ergo nunquam exercuit, et tamen misit tibi plures in his & similibus tuis argutiis, Quamquam non argutiæ, sed stupiditates sunt.

36. Ad 2. Triplex potest esse missio. Prima ex imperio. Sic Rex aut Princeps, aut Dominus mittit subditum aut seruum. Secunda, ex consensu. Sic Deus pater mittit Filium in hunc mundum, & Filius Spiritum S. Tertia, ex concilio & directione. Sic consilij mittunt Regem ad bellum. Igitur Petrus missus est, non ex imperio, sed ex consensu & consilio Apostolorum, ex qua missione non sequitur, Petrum vel æqualem vel inferiorem Apostolis fuisse. Nam superior potest hoc modo mitti ab inferioribus.

37. Ad 3. Hæc illatio nulla est: Quæstio de circumcisione non fuit delata ad solum Petrum, sed ad con-

A cilium Apostolorum & Seniorum: ergo Petrus non habebat primatum Ecclesie. An non plurimæ controuersie ciuiles deferuntur ad parlamentum parisiensem? An non plurimæ ad Senatum regium in Angliæ? Nec ideo sequitur, Regem Gallie aut Angliæ non habere primatum in suo regno. Audi Antoni, quod res est. Sicut in regno Angliæ possunt controuersie ciuiles deferri, vel ad solum Regem, vel ad Senatum Regis, præsentem Rege: Sic etiam in ecclesia possunt controuersie Ecclesiasticæ deferri vel ad ipsum pontificem, vel ad concilium, cui præest pontifex. Sicut ergo non destruitur autoritas concilij per hoc præcisè, quod aliqua controuersia deferatur ad solum pontificem, ita vicissim non destruitur autoritas pontificis per hoc, quod aliqua controuersia deferatur ad concilium, cui præest pontifex, & non ad solum pontificem. Res clara est. Sed cur illa controuersia de circumcisione potius fuit delata ad concilium, quam ad solum Petrum? Facilis responsio: Ut decisio fieret tum maiori partium satisfactione. Nam partes litigantes facilius acquiescunt, quando constat controuersiam ex communi Ecclesie consensu decisam esse.

V. OBJECTION.

Pauli reprehensio destruit Primatum Petri.

38. **H**oc sic probas: Paulus in Epist. ad Gal. cap. 2. 11. scribit, se in faciem restitisse Petro, quia reprehensibilis erat: Ergo Petrus non fuit Caput Ecclesie: alioqui Paulus fuisset arrogans & procax, quod Capiti Ecclesie ausus esse resistere. Hoc argumentum fuit persequens, adductis multorum patrum testimoniis ad confirmandum petri errorem, & iustam Pauli obiurgationem. Respondeo. Non opus est tot testimoniis. Fatemur Petrum errasse: non quidem in aliquo fidei articulo, in quo errare non poterat, iuxta illam Christi promissionem, *Regni pro te Petre, ut non deficiat fides tua*: sed in facto, quia incautè simulabat Iudaismum, cum aliquo scandalo & offensione gentilium. Fatemur etiam Paulum aperte illi restitisse, quia merito iudicabat, eiusmodi simulationem non esse tolerandam, eo quod esset scandalosa. At tunc consequentia, quas hinc nectis non valent. Non enim sequitur: Petrus fuit à Paulo reprehensus: Ergo non habuit primatum Ecclesie. Sicut in simili non sequitur: David fuit reprehensus à Ioab (2. Regum 19. 5.) Ergo non habuit primatum regni. Imo multi patres ex hac ipsa petri reprehensione docent, superiores posse corrigi ab inferioribus, quando sit cum debita humilitate & charitate, ut Augustinus Epist. 19. ad Hieronymum, Cyprian. Epist. ad Quirinum, de Hæreticis rebaptizandis, Greg. hom. 18. In Ezechielem. Dio. Thom. in 2. 2. quæst. 33. art. 4. ad 2.

39. Similiter non sequitur, Paulum fuisse arrogantem & procacem, quod ausus sit Capiti Ecclesie in faciem resistere, quia fecit hoc bono zelo, ad tollendum scandalum, quod ortum erat ex incauta petri simulatione. Sicut nec ipse Ioab censetur fuisse procax & arrogans, quod ausus sit suum Regem ob ipsius peccatum arguere & obiurgare. et aliunde constabat Paulo, Petrum propter modestiam & humilitatem, qua erat præditus, non agere laturum fraternam correptionem, quam sciebat ex bona intentione prouenire.

40. De hoc Petri & Pauli facto sic scribit Augusti-

nus loco citato : Ipse Petrus, quod à Paulo fiebat utiliter libertate charitatis, sancta ac benigna pietate humilitatis accepit : Atque ita rarius ac sanctius Exemplum posteris praebeis, quo non dedignarentur, sicuti forte recti tramitem reliquissent, etiam à posterioribus corrigi, quam Paulus, quo confidenter auderent, etiam minores maioribus, pro defendenda Evangelica veritate, salua fraterna charitate, resistere.

41. Et certe Paulus, non tantum suo exemplo, sed etiam scripto docuit, superiores aliquando moneri & corrigi posse ab inferioribus, servata semper debita charitate ac subiectione. Sic enim scribit ad Colossenses cap. 4. 17. *Dicite Archippo : vide ministerium, quod accepisti à Domino ut illud impleas.* Erat Archippus ille Colossensium Episcopus, successor epaphraz, qui tunc captivus Romae tenebatur in vinculis, ut scribit idem Paulus in Epist. ad Philemonem vers. 23. *Salutate Epaphras concaptivum meum in Christo Iesu.* Si ergo Paulus mandat Colossensibus, ut moneant Episcopum sui officii ; quid mirum est, si alii quoque subditi possint aliquando suos Praelatos, vel monere, vel reprehendere, si necesse sit?

42. Et recta ratio hoc dicat. Nam laudabile est, opera misericordiae, siue corporalia, siue spiritualia, servato debito modo ac ordine, praestare indigentibus : At peccantes corrigere, est opus misericordiae spirituale, ergo laudabile est, servato debito modo ac ordine, hoc opus praestare indigentibus. At non minus Praelati, quam subditi, possunt indigere correptione : & saepe magis, quia sunt in altiori & periculosiori loco, ut recte notat Augustinus in Regula ad servos Dei circa finem, cum ait : *Non solum vestri, sed etiam Praelati misericordiamini : quia inter vos, quanto loco superiore, tanto in periculo maiore versatur.*

43. Hoc argumentum pulchre explicat Divus Thomas in 2. secundae, quaest. 33. art. 4. in hunc fere modum : Duplex est correctio : Una iustitiae, quae fit per afflictionem legitimae poenae : Altera charitatis, quae fit per fraternam correctionem. Prior convenit solis Praelatis, respectu subditorum : quia requirit iurisdictionem, quae in solis Praelatis est. Posterior convenit tam subditis, quam Praelatis ; quia est actus charitatis, quae ad omnes proximos, siue Praelatos, siue subditos, se extendit. Tenemur enim omnes ex charitate diligere : ac proinde omnes peccantes corripere, servatis suis circumstantiis, quas charitas exigit. Non exigit autem charitas, ut eadem libertate & autoritate corripiamus Praelatos, quae subditos : sed exigit, ut Praelatos cum reuerentia & subiectione : subditos cum mansuetudine & patientia, quantum fieri potest, obiurgemus.

44. Nondum acquiescis, mi Antonii. Ais Patres sic argumentari : Paulus non reprehendisset Petrum, si agnouisset illum pro supremo ecclesiae Capite seu Monarcha. et citas ex Hieronymo, apud Gratianum 2. q. 7. cap. paulus haec verba : *Paulus Petrum reprehendit : quod non auderet, nisi se non imparem sciret.* et ex Ambrosio, ad cap. 2. epist. ad Galat. *Quis eorum auderet Petro primo Apostolo, cui claves regni caelorum Dominus dedit, resistere, nisi alius talis, fiducia electionis suae sciens se non imparem, constanter improbarer, quod ille sine consilio fecerat.*

45. Respondeo. Tu pervertis sensum illorum Patrum. Nam Gratianus disertè monet, paulum dupliciter confiteri posse cum petro. primo, quoad Ecclesiasticam dignitatem. Secundo, quoad puritatem vitae & conversationis. priori modo : paulum fuisse imparem, seu inferiorem : posteriori non imparem. Quod declarat duplici exemplo. Vno Augustini, qui scribit, se maiorem esse Hieronymo, ratione episcopatus : minorem, ratione virtutum. Altero eiusdem, qui alibi scribit, Cyprianum fuisse aequalem petro in martyrio : minorem in populo. *Opusc. Bec.*

A testate. Igitur ex sententia Gratiani, sic argumentandum est : paulus non auderet petrum apprehendere, nisi sciret se non imparem in puritate vitae & conversationis. Non autem sic, sciret se non imparem in Ecclesiastica potestate. Ratio est, quia qui alium reprehendit, debet esse immunis ab illo vitio, de quo nunc reprehendit : At paulus reprehendebat petrum de mala conversatione cum iudeis & gentibus : ergo non ausus fuisset illum reprehendere, nisi scivisset se esse immunem ab hoc vitio : & in puritate conversationis petro non imparem, sed superiorē. Iam advertis, opinor, impotestatem tuam.

46. Idem citum committis in citando Ambrosio. Nam ille similem adhibet distinctionem. Confert petrum cum paulo dupliciter. 1. ratione potestatis. 2. ratione electionis. priori modo praefert petrum, quia vocat illum *Primum Apostolum*, cui claves regni caelorum datae sunt, insinuat petrum ex hoc capite reliquos omnes antecellere. posteriori, paulum facit petro aequalem : quia sicut petrus immediate à Christo electus est ad Apostolatū : ita etiam paulus, ipso attestante Gal. 1. 1. *Paulus Apostolus, non ab hominibus, neque per homines, sed per Iesum Christum.*

47. Tandem, quia vides te argumentis nihil proficere, convertis te ad scommata & sarcasmos : quaesita occasione ex illis Gregorii verbis, Hom. 18. in Ezechielem, *Ecce Paulus in Epistolis suis scripsit, Petrum reprehensibilem : Et ecce, Petrus in Epistolis suis asserit, Paulum in iis, quae scripserat, admirandum.* Certe enim, nisi legisset Petrus Pauli Epistolas, non laudasset. Si autem legit, quia illic esse reprehensibilis dicitur, invenit. Amicus ergo veritatis laudavit etiam, quod reprehensus est. Hanc Gregorii sententiam mirifice laudas. Et merito. Sed venena inde colligis, non mella : quod malum est. Sic enim subnectis : *Mirum vero, quod Petrus, hoc est, summus Ecclesiae Monarcha, & supremus Christi ac Dei Vicarius, illam Pauli Epistolam ad Galatas in Indicem expurgatorum statim non coniecerit, quippe ipsum primum & supremum Papam, adeo deprimentem, & ipsius errores exaggerantem. Certe Petri Successores tales Epistolas & libros, qui ipsorum errata & reprehensiones rationabiles continent, iam ferro nolunt, proscribunt eos, & diris deuocunt. Expectandum profecto, ut si plane nostri Papa vidgerint, ex Evangelio canonico Papatum destrui, Evangelium etiam ipsum in librorum prohibitorum Indicem detradant.*

48. Hic appareat verum esse, quod Christus dicit in Evangelio : *Ex abundantia cordis os loquitur.* Et, *malum hominis de malo thesauro cordis sui profert malum.* Multiplex malum ex thesauro tuo profers. Primo Petrum Apostolum, per ironiam ac derisum, vocas summum Ecclesiae Monarcham, & supremum Christi Vicarium. Si non volebas pacere Pontifici, pepercisses saltem Petro, qui in Evangelio ab ipso Christo laudatus est : *Beatus es Simon Bariona.*

Secundo ; aliam iniuriam illi facis, quia insinuas, cui similem, ac vindictae appetentem esse. Tu certe, quis à Pontifice reprehensus es, vindictam paras, & de Sede Apostolica conaris illum deturbare. At Petrus meliori animo est. Reprehensus fuit à Paulo : non indignatur : non aegrè fert : non stringit calamum, ut tu facis.

Tertio, etiam Paulo iniuriam itrogas, quasi ipse deprecasset Petrum, & ipsius errores exaggerasset. Invidiosa sunt haec verba. Non voluit illum deprimere, sed à lapsu erigere : non errores exaggerare, sed errorem corrigere.

Quarto, similem labem aspergis Petri successoribus, quasi ipsi nolint sua errata corrigi : nolint moneri officij sui : sed eos, qui hoc tentaverunt, proscribant ac diris deuocant. Temerarium hoc iudicium & falsum est.

Quintò, auges hanc iniuriam Antoniano præsagio, quasi Pontifices Romani eò dementiæ tandem sint progressuri, ut ipsum quoque Euangelium in librorum prohibitorum indicem detrudant. Vide, ne hoc præsagium in te impleatur.

49. Hæc omnia eò spectant, ut tibi, homini Apostata ac rebeli, impune liceat scribere, quod lubet: Et non liceat Pontifici facere, quod sui officii est. Nunquam hoc obtinebis. Proscribet tuas, & tuis similes calumnias, hæreses, & schismata: sicut olim, & pii Imperatores, & boni Pontifices fecerunt. Sicut etiam nuper à Theologis Parisiensibus factum est, qui graui censura tuos libros perstrinxere. Sed quia precibus illam censuram extorsisti, non est, quod ipsis succenseas.]

VI. OBJECTION.

Pauli scripta destruunt Primatum Petri.

30. **Q**uod sic probas. Primò, quia quando Paulus nominat insigniores Apostolos, Petrum aliis postponit, ut Gal. 2. 9. *Iacobus & Cephas, & Joannes.* Secundò, quia ibidem non de solo Petro, sed etiam de Iacobo & Ioanne dicit: *qui videbantur columna esse.* Ergo Iacobum & Ioannem Petro exæquat. Tertiò, quia Iacobus, Petrus, & Ioannes dederunt dextras Societatis Paulo & Barnabæ; ut hi in gentes, illi verò in circumcisionem ferrent Euangelium. (ibid.) At istæ dextræ Societatis repugnant Primatui Petri. Quartò, quia Paulus 2. Cor. 12. 11. scribit: *Nihil minus fui ab iis, qui sunt supra modum Apostoli.* Quæ verba magnum præiudicium faciunt Primatui Petri. Sic tu.

31. Respondeo. Piget in istis quilquiliis hærere. Sed tamen, ut est in Proverbiis, *respondendum est stulto iuxta stultitiam suam, ne sibi sapiens esse videatur.* ac primò, non est certum, Petrum medio, non primo loco, positum esse à Paulo. Nam, ut benè notatum est à Cardinale Bellarmino, multi Patres, præsertim Ambrosius, Chrysostomus, Augustinus, & Hieronymus, primum locum illi assignant. Isto tamen medio loco inter Iacobum & Ioannem positus sit. Cur in eo vim facis? Cur non potius in eo, quod non semel, sed sæpius in Euangelio positus sit primo loco, quando omnes Apostoli simul recensentur? conferamus hæc duo inter se. Tu ais, semel non esse positum primo loco: Ego, sæpè positum esse primo loco. Tu, semel positum esse post unum: Ego, sæpè positum esse ante omnes. Tibi multi contradicunt, ut Ambrosius, Chrysostomus, Augustinus, Hieronymus: Mihi, nullus: ne tu quidem. Vter ergo melioris causæ patronus est?

32. Addo nec Paulum, quocunque loco posuerit Petrum, tibi patrocinari. Nam in eadem epistola ad Galat. c. 1. diserte scribit, se venisse Hierosolimam, ut videret Petrum, & quindecim diebus apud eum mansisse. Cur non venit ad Iacobum & Ioannem? Nimirum, quia plures Petrum, quàm illos æstimabat. Vnde Ambrosius circa illum locum: *Dignum fuit, inquit, ut cuperet videre Petrum, quia Primus erat inter Apostolos, cui delegauerat Saluator curam Ecclesiarum.* et Hieronymus in epist. ad Augustinum (quæ est vndecima inter Epistolas Augustini) *Tanta Petrus auctoritatis fuit, ut Paulus in Epistola (ua scripserit: Deinde post annos tres venit Hierosolimam videre Petrum.* et Chrysostomus Homil. 87. in Ioannem: *Oserat Apostolorum & Princeps: propterea & Paulus eum præter alios visurus ascendit, et Theodoretus in c. 1. ad Galatas: & enim cum humana doctrina non indi-*

geret, ut qui ab universorum Deo eam acceperat Apostolicum Principi, quem par est, honorem detulit. et Occumenius ibidem: *Post tot tantaque certamina ab eis, ut videret Petrum, tanquam maiorem. Vt autem etiam maneret, causa honoris, quem Petro deserebat, factum est.*

33. Iam verò ex eo, quod Paulus scribit de Petro, Iacobo & Ioanne: *Qui videbantur columna esse,* non rectè inferi. duos illos Petro fuisse exæquatos. Nam inter plures columnas una potest esse sublimior, quàm altera. Sicut supra monui in simili casu, inter plures summos, unum posse altiores esse, quàm reliquos. et habemus manifestum exemplum in scriptura, Proverb. 9. 1. *Sapientia edificavit sibi domum, excidit columnas septem.* Vbi, iuxta interpretes, per septem columnas, vel intelliguntur Doctores ecclesiæ, vel Sacramenta, vel dona Spiritus S. Et tamen non sequitur, vel omnes Doctores, vel omnia Sacramenta, vel omnia dona Spiritus S. esse inter se æqualia. Imò constat, ubique esse magnam differentiam. Nam de Doctoribus legimus, Dan. 12. 3. *Qui docti fuerint fulgebunt quasi splendor firmamenti: Et qui ad iustitiam erudierint multos, quasi stelle in perpetuas æternitates.* Iam verò, ut loquitur Apostolus, 1. Cor. 15. 41. *Stella differt à stella in claritate.* Similiter certum est, inter Sacramenta, præcipuum esse Baptismum, quoad necessitatem: Eucharistiam, quoad præstantiam. Denique dona Spiritus sancti (quæ septem enumerantur ab Isaia, c. 11. 2. nempe Sapientia, Intellectus, Consilium, fortitudo, scientia, pietas, timor Domini) non sunt omnia inter se paria. Quomodo ergo ex eo præcisè, quod tres Apostoli vocantur columnæ, putas conuinci posse æquales inter se esse? Nihil minus.

34. Quod tertio loco obiicis, Petrum, Iacobum & Ioannem dedisse dextras Societatis Paulo & Barnabæ, verissimum quidem est: sed non rectè inde concludis, unum alteri non esse præferendum. Quasi verò, quicunque dextras societatis sibi mutuo portigunt, pares esse necesse sit. Non ita est. Primò, quia societas potest esse inter inæquales, ut patet ex illo, 1. Ioan. 1. 3. *Vt & vos societatem habeatis nobiscum, & societas nostra sit cum Patre & cum Filio eius Iesu Christo.* Deinde, multi porrigunt sibi inuicem dextras, qui honore & auctoritate inter se differunt. Nam Iehu Rex dicit Ionadab, filio Rechab, 4. Reg. 10. 15. *Nunquid est cor tuum rectum, sicut cor meum cum corde tuo?* Et ait Ionadab: *Est. Si est, inquit, da manum tuam. Qui dedit ei manum suam.* An ideo Iehu & Ionadab æquales? Nullo modo. Nam alter Rex erat; alter homo priuatus.

35. Illud denique: *Nihil minus fui ab iis, qui sunt supra modum Apostoli,* non intelligitur de iurisdictione, quasi velit dicere, se nulli Apostolorum cedere in potestate iurisdictionis, ut tu perperam contendis, sed partim de revelationibus, partim de laboribus & miseriis pro Christo susceptis, partim de prodigiis & miraculis ab eo patrat: In quibus omnibus se ait nemini impari esse. Hoc patet ex ipso contextu. Nam de revelationibus sic loquitur: *Si gloriari oportet (non expedit quidem) veniam autem ad visiones & revelationes Domini.* Et postea pergit: *Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo. Cum enim infirmior, tunc potens sum. Factus sum insipiens: vos me coegisti. Ego enim à vobis, debui commendari: Nihil enim minus fui ab iis, qui sunt supra modum Apostoli, tamen si nihil sum: Signa tamen Apostolatus mei sunt super vos in omni patientia, in signis & prodigiis & virtutibus.* Nulla hic mentio iurisdictionis. Sed tu, Marce Antoni, ut hæretici solent, detorques omnia ad tuum sensum. Pudeat impostura.

VII. OBIECTIO.

Ex comparatione Petri & Pauli.

56. **H**anc comparationem instituis ex scriptura, & Patribus. Ex scriptura sic. Sic Petro dictum est, *Pasce oves meas*, id est, commendo tibi ovile meum, ecclesiam meam: ita Paulus de seipso dicit, 2. Cor. 11. 28. se premi cura & sollicitudine, omnium ecclesiarum; ergo non minus Paulo, quam Petro totius ecclesiae cura commissa est.

57. Respondet. Cura & sollicitudo ecclesiarum duplex est. Una oritur ex iustitia: altera ex zelo & charitate. Prior debet esse in Prelatis ecclesiae, qui habent iurisdictionem ecclesiasticam. posterior potest esse in omnibus, qui charitate praediti sunt. Igitur Petrus habuit curam ecclesiae ex iustitia, quia habuit iurisdictionem in totam ecclesiam: Quae iurisdictionis significatur per verbum, *Pasce*, ut cap. 3. explicatum est. Paulus vero loquitur de posteriori cura & sollicitudine, quae oritur ex charitate: Cum enim recensuisset labores, carceres, plagas, famem, sitim, & alias miseras, quas pro Christo sustinebat; mox subiicit: *Præter illa, quae extrinsece sunt, instantia mea quotidiana, sollicitudo omnium Ecclesiarum. Quis infirmatur, & ego non infirmor? Quis scandalizatur, & ego non uror?* His posterioribus verbis explicat, unde oriatur illa sollicitudo. Nempe ex duobus actibus charitatis. Primo, ex dolore charitatis, quem percipiebat ex miseria proximi. *Quis, inquit, infirmatur, & ego non infirmor?* Quasi dicat: Infirmor cum infirmantibus, doleo cum dolentibus, lugeo cum lugentibus. Secundo, ex amore & zelo charitatis, quo accensus urebatur. *Quis, inquit, scandalizatur, & ego non uror?* Quasi dicat: Quando aliquis patitur scandalum, tanto zelo & amore accenditor ad tollendum illud scandalum, ut quodammodo vix videar.

58. Non igitur cura ecclesiarum, de qua Paulus loquitur, oriebatur ex obligatione iustitiae; sed ex duplici actu charitatis, dolore scilicet & amore. Quod etiam tuo exemplo facile confirmabo. Nam in expositione consilii perfectionis tuae, diserte scribis te (quasi alterum Paulum) semper habuisse desiderium unionis omnium Christi Ecclesiarum: & anxie perspexisse, an possit aliqua excogitari via, omnes Christi Ecclesias ad veram antiquam unionem componendi. Unde hoc tantum desiderium, mi Antoni? An ex obligatione iustitiae? Non opinor te id dicturum: An ex zelo & fervore charitatis? Hoc dabis, sine dubio. Sed quaero, an hinc inferes, quod de Paulo inferebas, non minus tibi, quam Petro, totius ecclesiae curam à Christo commendatam esse? Non, si sapis.

59. Nec obstat, quod Paulus de seipso scribit 1. Cor. 9. 16. *Si Evangelizauero, non est mihi gloria: necessitas enim mihi incumbit. Vnde mihi est, si non Evangelizauero.* Non enim loquitur de necessitate iustitiae, sed obedientiae: Neque de regimine ecclesiae, sed de Evangelij praedicatione. Nam ex obligatione praeccepti tenebatur apud Gentiles praedicare evangelium: sicut etiam hoc tempore tenentur patres Societatis, quando ex virtute obedientiae mittuntur à Romano Pontifice. At non tenebatur ex obligatione iustitiae gubernare totam ecclesiam, quia hoc nusquam erat illi commissum: sicut etiam hoc tempore non committitur Patribus Societatis. Vnde hoc exemplo, quia tibi notum est. Si tamen vis, aliud accipe. Archiepiscopus Cantuariensis, si obedientiam illi promitteres, posset

Opusc. Dec.

A) tibi mandare, ut per totum ipsius Archiepiscopatus conciones ad populum haberes. An ideo totius Archiepiscopatus Ecclesiarum regimen tibi committeret? Nullo modo. Et tamen non male diceret: *Vnde mihi est, si non Evangelizauero: necessitas enim mihi incumbit.* Quae necessitas? Non iustitiae, sed obedientiae & praeccepti. Iam capis mysterium.

60. Non successit ex scriptura comparatio Petri & Pauli, quam urges. Videamus quid ad eandem astruendam adferas ex patribus. Patrum testimonia, quae adducis sunt haec. Irenaeus lib. 3. contra haereticos, c. 13. *Ipsius (Dei) Petrus et Apostolus, cuius & Paulus.* Vbi Petrum reducit ad paritatem cum Paulo: non tamen eum praefert Paulo.

Clementis lib. 7. constit. Apost. c. 1. inducit Apostolos de Petro sic loquentes: *Ananias & Saphira Petri coapostoli nostri semina, morte sunt affecti.* Non vocant illum principem aut Monarcham, sed coapostolum, tanquam parem.

Gelasius in Tomo de vinculo anathematis, statim in initio, Paulus vocat coapostolum Petri.

Augustinus lib. 1. de Baptismo contra Donatistas, cap. 4. vocat collegam Petri. Et lib. 2. de peccatorum meritis & remissis, cap. 15. de Paulo sic loquitur: *Vtrum etiam in ipso Evangelio, ubi & tanti Apostolatus meminit principatum.* Et in Psalm. 130. *Paulus Apostolus, quamvis ex persecutione factus sit predicator, abundantius gratiam consecutus est in omni labore Apostolico, quam ceteri Apostoli.*

Origenes lib. 1. contra Celsum, Paulum vocat fundatorem Ecclesiarum, post Christum principium.

C Nazianzenus in Apolog. circa medium: ait Petrum & Paulum, *Verbi & Sapientiae & gubernationis gratiam à Christo percipere meruisse.* Et numerans eos, qui populo praefuerunt in Testamento Novo, ponit primo Ioannem Baptistam: proximo vero duodecim Apostolos.

Cyrillus Hierosolymitanus cateches. 6. *Errorem (Simonis Magi) latius se proferentem coarctavimus duo viri boni huc perlatis, Petrus & Paulus, Ecclesiae Praefecti.*

Ambrosius lib. 2. de Spiritu sancto in fine: *Vna enim gratia fulgebat in his, quos Spiritus unus elegerat. Nec Paulus inferior Petro, quamvis ille Ecclesiae fundamentum, & hic sapiens architectus, sciens vestigia credentium fundare populorum. Nec Paulus indignus Apostolorum collegio, cum primo facile conferendus, & nulli secundus. Nam quis se imparem nescit, facit equalem.*

Idem Ambrosius serm. 66. de Natali Petri & Pauli. *Beati Petrus & Paulus eminent inter universos Apostolos, & peculiari quadam prerogativa praecellunt. Vtrum inter ipsos, quis cui praeposatur, incertum est. Puto enim eos aequales esse meritis, qui aequales sunt passioni.*

Leo papa ser. 1. in Natali Sancti Petri & Pauli. *Quae gratia Dei in tantum apicem inter omnia Ecclesiae membra praenexit, ut eos in corpore, cui Caput est Christus, quasi geminum constiteris lumen oculorum.*

Chrysostomus, quicquid tribuitur Petro, attribuit etiam paulo. Petro tribuitur, quod fuerit *petra & fundamentum Ecclesiae.* At Chrysostomus Homil. 2. in Epist. ad Roman. tribuit Paulo, quod fuerit *columna Ecclesiae, petra, ferro & adamante firmior.* Petro tribuitur, quod fuerit *Coryphaeus Apostolorum.* Chrysostomus Hom. 18. ad Roman. idem dicit de paulo, petro dicitur ecclesiae commissus. Chrysostomus Homil. ultima, dicit paulum electum à Deo, cui res orbis, mysteria cuncta, universaeque dispensationes concederet.

Idem Chrysostomus plus tribuit paulo quam Petro. Nam Homil. 12. in posteriorem ad Corinthios, sic scribit de paulo: *Ille non solum, quae sua curabat cum sollicitudine, sed etiam quae totius mundi.* Et ibidem: *Duplex illi cura erat pro*

E E e e ij

inbe terrarum : & quomodo necessaria non deficerent , & A quomodo spiritualia abundarent. Hæc tu hæcenus, Marce Antoni.

61. Respondeo. Vel agis de iurisdictione Petri & Pauli, vel de virtutibus, laboribus & meritis eorum. Si agis de iurisdictione (de qua inter nos disputatio est) non rectè citasti hos Patres. Nam aliqui illorum dicunt, Paulum Petro præcellere : alij æqualem esse : alij dubium esse, uter præcellat. Quod de iurisdictione intelligi non potest. Alioqui Patres inter se essent contrarij. Non enim cohærent inter se hæc tria. 1. Paulus præcellit Petro iurisdictione. 2. Paulus par est Petro iurisdictione. 3. Dubium est, uter præcellat iurisdictione. Si autem agis de eorum virtutibus, laboribus, & meritis, tunc quidem rectè citasti hos Patres; sed nihil ad rem, de qua disputamus. Non enim inter nos questio est de virtutibus & meritis, sed de sola iurisdictione. Igitur extra rem omnia sunt, quæ adducis. Patres tamen non pugnant inter se. Nam bene cohærent inter se hæc tria. 1. Paulus in laboribus & ærumnis præcellit Petro. 2. Paulus est par Petro, quia uterque est Apostolus Christi. 3. Incertum est nobis, uter alteri præcellat meritis apud Deum.

62. Hinc omnia testimonia, quæ adduxisti, facile conciliantur & explicantur. Nam Irenæus, Clemens, & Gelasius faciunt Paulum Petro æqualem, si præcisè spectes Apostolatam. Uterque enim fuit Apostolus Christi. Rectè igitur Paulum vocant coapostolum petri; & petrum coapostolum aliorum. Eodem sensu Augustinus Paulum vocat collegam Petri. Quando verò idem Augustinus præfert Paulum, loquitur de laboribus, ut ipse se explicat. *Abundantior*, inquit, *gratiam consecutus est in omni labore Apostolico, quam ceteri Apostoli.* Quod etiam Paulus de se fatetur, 2. Corinth. 11. 23. *Ministri Christi sum: plus ago, in laboribus plurimis, in carceribus abundantiùs, in plagis supra modum, &c.*

63. Origenes tibi contrarius est, non nobis. Nam eum ait: Paulum, esse præcipuum fundatorem Ecclesiarum post Christum: apertè insinuat Christum esse principalem Ecclesie fundatorem, quod tu negas. Contendis enim Ecclesiam, non à Christo, sed ab Apostolis fundatam esse post Christi ascensionem, ut 1. c. 1. ostensum est. In eo autem quod Paulum constituit proximum post Christum, præferendo illum aliis Apostolis in fundatione Ecclesiarum; non contradicis nobis. Fatemur enim, Paulum plus laborasse, quàm Petrum: & plures ecclesias particulares ab illo per prædicationem Evangelij fundatas esse, quàm à Petro.

64. Nazianzenus sic habet: *Hunc morbum (id est, studium inanis gloriæ) curare ac sistere Petri alicuius est ac Pauli, magnificorum Christi Discipulorum, eorum videlicet, qui unâ cum sermonis dispensatione, etiam charisma acceperunt, & omnibus omnia fiunt, ut omnes lucrificiant.* An hinc putas colligi posse, Paulum Petro fuisse æqualem in iurisdictione? Parum sanus es, si hoc putas. Addit Nazianzenus: *quoniam autem Pauli, & illi similium mentionem fecimus, relictis reliquis omnibus, qui vel secundum legislationem, vel prophetiam, vel militarem ducatum, vel aliam consimilem dispensationem populo præfuerunt, quales fuerunt Moyses, Aaron, Iosue, Helias, Helisæus, Iudices, Samuel, David, Multitudo Prophetarum, Ioannes, duodecim Discipuli, & qui illos sunt subsecuti, &c. his, inquam, relictis omnibus solum Paulum exempli gratia proponamus.* Non video, quid ex his verbis velis extundere. Fateor quosdam ex illis præfuisse populo secundum legis lationem, quosdam secundum prophetiam, alios secundum ducatum militarem, alios secundum aliam dispensationem. Sed quid tum? An ideo Petrus & Paulus æquales erant in potestate & iurisdictione? Non sequitur.

65. At, Cyrillus Petrum & Paulum præfectos Eccle-

siz vocat. Et hoc fateor. Addo, etiam Timotheum, Titum, Polycarpum fuisse Ecclesie præfectos. An igitur omnes in eo genere æquales? Non sequitur. Nisi valeat hæc similis consequentia: Omnes Episcopi in Anglia sunt præfecti ecclesie: ergo omnes sunt æquales: ergo Archiepiscopus Cantuariensis nihil habet præ cæteris. Tu ipse vide, an hoc legitime sequatur.

66. Ambrosius eum dicit: *Una enim gratia fulgebat in his quos Spiritus unus elegerat*: loquitur de paulo & Barnaba, qui simul à Spiritu sancto electi erant ad ministerium. Act. 13. 2. *Ministrantibus autem illis Domino & ieiunantibus, dixit illis Spiritus sanctus: Segregate mihi Saulum & Barnabam in opus, ad quod assumpsi eos.* Quod testimonium explicans Ambrosius sic scribit: *Paruerunt ergo Paulus & Barnabas Spiritui sancto impetranti.* Et post pauca subdit: *Vna enim gratia fulgebat in his, quos Spiritus unus elegerat.* Facta hac collatione inter Paulum & Barnabam, pergit conferte paulum cum Petro, his verbis: *Nec Paulus inferior Petro, quamvis ille Ecclesie fundamentum & hic sapiens Architectus, &c.* ubi Petrum & Paulum facit æquales in Apostolatu, non tamen in iurisdictione Ecclesiastica. Pergit: *Nec Paulus indignus Apostolorum collegio, cum primo facile conferendus, & nulli secundus.* Nam qui se imparem nescit, facit æqualem. Loquitur de laboribus, in quibus Paulus nullo fuit inferior. 2. Corinth. 11. 13.

67. Leo Papa nihil aliud dicit, quàm Petrum & Paulum esse duo Ecclesie lumina. Quis negat? At inter lumina, unum alio potest esse maius. Quod etiam fatetur Leo serm. 3. de Assumptione sua ad Pontificatum, ubi apertè asserit, *Petrum omnibus Apostolis, & cunctis Ecclesie Patribus præponi.*


68. Chrysostomus aliqua ex his, quæ tribuuntur Petro, tribuit etiam paulo: sed non omnia. Nam ipsemet tribuit Petro primatum Ecclesie, quem paulo non tribuit. Verba eius c. 4. citata sunt. De cura omnium Ecclesiarum, quam tribuit paulo, dictum est ad initium huius obiectiouis.

69. Ex his, quæ hæcenus dicta sunt, duo colligo. Primo, Patres in astruendo Petri Primatu, nobis adstipulari. Secundo, te, qui oppugnas primatum Petri cum aliis rebellibus, sæpè tibi ipsi contrarium esse: nunc hoc, nunc illud asserere, prout occasio fert; non prout veritatis studium exigit. Deinceps de Pontifice Petri Successore dicendum est.



LIBER TERTIVS.

DE PRIMATU ROMANI Pontificis.



Utrum Primatum magno conatu ac studio oppugnato libro quarto. Et in eo oppugnando, plus laboris ac opera videris suscepisse, quàm fortasse pro animæ tuæ salute suscepturus es. Sed frustra. Nam defenso semel ac stabilito Primatu Petri, facile erit Primatum Pontificis, qui Petri successor est, defendere, ac stabilire. Sunt autem hæc potissimum, quæ oppugnas. 1. Ecclesia Romana. 2. Pontifex Romanus. 3. Cardinales. 4. Nuncij Apostolici, qui in diversas provincias à Pontifice mittuntur. De Cardinalibus & nunciis nihil dicam. Solum de Primatu Romana Ecclesia & Pontificis agendum est, ex quo reliqua dependunt: Et, quo salvo, reliqua salva sunt. Agendum autem hoc ordine. 1. An Ecclesia Romana à Petro fundata sit? 2. An Petrus fuerit

Episcopis illius Ecclesia à se fundata? 3. An Pontifex sic successor Petri in eadem Ecclesia? 4. An su Caput semper Pastor totius Ecclesie, sicut Petrus fuit. In his ferè disse nit à Catholicis.

CAPVT I.

An Ecclesia Romana à Petro fundata sit?

1. **S**olent hic multa disputari de Petro. 1. An ibi Ecclesiam primus fundauerit. 2. An mortuus sit Romæ. 3. An ibi Episcopus Ecclesie à se fundatæ. Aliquæ Lutherani negant hæc omnia. Tu, cum Caluino, concedis duo priora, propter consensum Patrum: Verba Caluini lib. 4. Institut. capit. 6. §. 15. sunt hæc: *Propter hunc scriptorum consensum, non pugno, quin illic mortuus fuerit. Tua verò, lib. 4. capite 1. num. 2. sunt hæc: Petrum Romæ martyrio coronatum fuisse, malo assertiri, quam reluctari, ob plurimorum sanctorum Patrum consensum.*

2. reliqua duo, partim hoc capite, partim sequenti discutienda sunt. Ac primo, *An Ecclesia Romana primum à Petro fundata sit? Vel quod idem est; An Petrus Romæ Euangelium primus predicauerit, & Romanos ad fidem Christi conuerterit?* Tu Paulo potius hanc laudem tribuis, quam Petro. Nam loco citato num. 9. sic scribis: *Si itaque fundatio Romana Ecclesia spectetur, eam aut magis, aut non minus Paulo deberi, quam Petro assertamus. Par enim fuit, ut Cinitas, quæ erat Caput Gentium, à Doctore Gentium primum institueretur.*

3. Duplex hic error est. Alter Romanos à Doctore gentium, id est, à Paulo primum institutos esse in fide Christi. quod est contra ipsum Paulum, Rom. 1. 8. ubi ait: *Fides vestra annuntiatur in uniuerso mundo.* Et tamen, cum hoc scriberet, nondum fuerat Romæ. Nam mox subdit: *Desidero videre vos. et infra ibidem: Sæpe proposui venire ad vos, & prohibitus sum usque adhuc.* Ergo Romani iam erant fideles, antequam Paulus ad eos veniret. Non igitur per illum primò facti sunt fideles, ut tu fingis in odium Petri.

4. Alter est, foundationem Romanæ Ecclesie, vel magis, vel non minus deberi Paulo, quam Petro. Quod est contra consensum Patrum, qui illam Petro potius tribuunt, quam Paulo. Theodoretus in illud Rom. 1. 11. *Desidero videre vos, ut aliquid imperiar vobis gratia spiritualis, ad confirmandos vos:* sic scribit: *Quia Petrus primus Euangelij doctrinam illis tradiderat, subiungit: ad confirmandos vos. Quod parinde est, ac si diceret: Non aliam doctrinam vobis trado, sed traditam confirmare volo.* Igitur Petrus, ex sententia Theodoretæ, primus fuit, qui Romanos ad fidem conuertit: Paulus verò conuersos confirmavit. Quid autem sit confirmare, dicam postea ex ipso paulo. Et Paulus Orosius lib. 7. Histor. cap. 6. *Exordio regni Claudij, Petrus Apostolus Domini nostri Iesu Christi Romam venit, & salutarem eundem fidem, fidei verbo docuit, potentissimisque virtutibus approbavit: Atque exinde Christiani Roma esse ceperunt:* Nota, Exinde ceperunt esse Christiani. ergo ante Petri aduentum non erant Christiani. Falsum igitur quod asseris, à Paulo primum institutos esse; & illi potius, quam Petro conuersionem illorum deberi.

Et Leo Papa Ser. 1. de Natal. Apostolorum Petri & Pauli: *cum Apostoli inuendum Euangelio mundum,*
Opusc. Bec.

A *Distribuit sibi terrarum partibus, suscepissent beati simus Petrus, Princeps Apostolici ordinis, ad arcem Romani destinatur imperij. Nimirum, ut illam partem euangelio imbueret. et Epist. 60. ad Maximum Antiochenum episcopum: Oportet dilectionem tuam eius meminisse doctrina, quam præcipuus Apostolorum omnium beatus Petrus, per totum mundum quidem, uniformi predicatione, sed speciali magisterio in Antiochena & Romana urbe fundauit. Qui est hoc, Speciali magisterio? Agnoscis, opinor, quid velim.*

Et Theodosius Imperator Cod. de Summ. Trinit. & fid. Cathol. *Cunctos populos, quos clementia nostra regit imperium, in tali volumus religione versari, quam Diuini Petri Apostoli tradidisse Romanis, religio usque adhuc ab ipso insinuata declarat.*

B *Petrus Apostolus tradidisse Romanis, religio usque adhuc ab ipso insinuata declarat.*

Et Gregorius Turonensis lib. 1. Hist. Francorum, cap. 25. *Beatus Petrus Apostolus sub Imperatore Claudio Romanum aggreditur, ibique predicans in multis virtutibus, manifestissime Christum esse Dei filium comprobauit. Ab illis enim diebus, Christiani apud ciuitatem Romanam esse ceperunt.*

5. Idem scribunt Iulianus lib. 2. Histor. capite 14.

Arnobius lib. 2. contra Gentes, & alij. Cur his omnibus contradicis? Cum antea quærebatur, *An Petrus Romæ mortuus sit?* dicebas: *malo assertiri, ob plurimorum Patrum consensus, quam reluctari.* Iam vero, cum quæritur, *An Petrus Romanos ad fidem primum conuertit?* contrarium dicis: *Malo reluctari in odium Pape, quam ob plurimum Patrum consensus assertiri.* Ne tamen temere videaris reluctari, multa ob-

C *licis sine ordine, ut lectori fucum facias: quæ breuiter perstringam.*

6. Primo, obicit illud Act. 19. 21. *His autem expletis, proposuit Paulus in Spiritu, transire & in Achaia, & in Hierosolymam, dicens: Quoniam postquam fuero ibi, oportet me & Romam videre. ex quo colligitur, Paulum fuisse anxium de Romanorum conuersione, & ab eo primum conuersos esse. Respondeo. Non fuit anxius de illorum conuersione, quia iam erant conuersi ad fidem, ut ex ipso Paulo ostensum est: sed de confirmatione. Sic enim de se scribit Rom. 1. 10. *Obsecrans, si quomodo tandem aliquando propter iter habeam in voluntate Dei veniendi ad vos. Desidero enim videre vos, ut aliquid imperiar vobis gratia spiritualis ad confirmandos vos, id est, simul consolari in vobis per eam, quæ inuicem est, fidem vestram atque meam.* Hic vide, cur desideret videre Romam. Nempe, ut tam ipse, quam Romani percipiant aliquam consolationem ex mutua fidei communcatione, & sic in fide magis confirmantur. Erant ergo iam conuersi ad fidem.*

7. Sed vrget: *Cur Paulus tam sollicitus est de videnda Roma, si iam Roma erat Petrus?* Iam dixi: Propter consolationem, quam Romani ab ipso, & vicissim ipse à Romanis, ex mutua fide erat percipiturus. Nec præsentia Petri obstare potuit. Imo, si Petrus Romæ erat, maior fuit occasio, cui sollicitus esset de videnda Roma. Nempe, ut & Petrum videret. Quod debebas colligere ex illo Gal. 1. 18. *Post tres annos veni Hierosolymam, videre Petrum.* Cur non veniat Romam videre Petrum, si Petrus Romæ erat?

E 8. Secundo, obicit illud Act. 23. 11. *Sequenti nocte assistens ei Dominus ait: Confite esto: Sicut enim testificatus es de me in Hierosolyma, sic te oportet & Roma testificari.* Ex quo etiam vis conuincere, paulum propterea iussisse Romam, ut primus Euangelium ibi predicaret. Respondeo. Non recte. Nam utrobique est eadem formula loquendi: *testificari in Hierosolyma, & testificari Roma.* At ex hac formula, *Paulus testificatus est in Hierosolyma de Christo, non sequitur, paulum fuisse primum, qui in Hierosolymam prædi-*

liberatum ex carcere, non mansisse Romæ, sed in Hispaniam iussisse: ac proinde prædicationem, de qua loquitur Paulus, non Romæ, sed in Hispania factam esse. Et hoc probatur ex ipso paulo. Roman. 15. 24. *Cum, inquit, in Hispaniam proficisci cepero, spero, quod præteriens videam vos, & à vobis deducar illuc, si vobis primum ex parte fructus fuero. Vbi fatetur, se tantum in transitu voluisse Romam videre, & rectè in Hispaniam contendere, Vt significet, Romanos non indigere prædicatione illius, quippe quibus euangelium iam antea erat annuntiatum. Hispanos autem indigere, qui vix audierant aliquid de Christo. Ita Toletus in illum locum. Et consentiunt Patres ab illo citati.*

15. Sexto obiicis (n. 13.) illud Roman. 15. 20. *Si autem prædicaui Euangelium hoc, non ubi non è ausus est Christus, ne super alienum fundamentum adificarem: Sed sicut scriptum est: Quibus non annuntiatur de eo, videbunt: Et qui non audierunt, intelligent.* Ex quo loco conari Baronium refellere, qui asserit, Petrum posuisse fundamentum ecclesiæ Romanæ: ac deinde paulum superædificasse. Tu contra contendis, Paulum non solere prædicare euangelium, nisi ubi ante prædicatum non est. Respondeo. Iterum tibi contraaris. Nam antea dixisti. Discipulos Pauli posuisse fundamentum ecclesiæ Romanæ; ac deinde Paulum perfecisse. Hic dicis Paulum non solere prædicare euangelium, nisi ubi antea prædicatum non est. Quæ duo inter se pugnant. Deinde, falso interpretaris mentem Pauli. Non enim uniuersè asserit, nusquam se prædicasse, vel prædicare euangelium, nisi in iis locis, ubi Christus non natus non est: Sed se hæcenus prædicasse Euangelium apud multos gentiles, qui nihil audierant de Christo, iuxta illud vaticinium Isaie: *Quibus non est annuntiatur de eo, videbunt, & qui non audierunt, intelligent.* Igitur hæc est propositio Pauli: Ego prædicaui Euangelium in Arabia, Seleucia, Cipro, Pamphilia, Lycaonia, Phrygia, Galatia, Achaia, & aliis gentiliū provinciis, ubi nihil antea auditum erat de Christo. Quæ verissima est, vt patet Act. 13. & seqq. Tu fingis hanc esse: paulus nunquam prædicauit euangelium in aliquo loco, nisi ubi antea prædicatum non est. Quæ est falsa. Nam prædicauit Hierosolymis, ubi antea prædicatum erat à petro. Quod etiam de Romæ dicendum est.

16. Septimo obiicis (n. 14.) Paulus arguit imperfectionem fidei à Romanis susceptæ, Rom. 1. 11. *Desidero videre vos, vt aliquid impartiar vobis gratia spiritualis ad confirmandos vos.* Quod non fecisset, si à petro fuissent edocti. Respondeo. Hoc argumentum sic retorqueo: Quod non fecisset, si à Discipulis Pauli fuissent edocti, vt tu asseris. Quid respondes, Antoni? Deinde falsum est, quod assumis. Non arguit, sed laudat illorum fidem. Primum, inquit, gratias ago Deo meo per Iesum Christum pro omnibus vobis, quia fides vestra annuntiatur in uniuerso mundo. Certe, non ageret Deo gratias propter eorum fidem, si esset imperfecta & reprehensione digna. Nec diceret Hieronymus l. 3. contra Iovinianum, c. 4. *Ad Romanos Apostolico ore laudatos perfidia non habet accessum.* Vbi, & cuius ore laudatos? Pauli, cum dixit: *Fides vestra annuntiatur in uniuerso mundo.* Nec obstat illud, quod tu imperite adducis: *Vt aliquid impartiar vobis gratia spiritualis ad confirmandos vos.* Nam ibi nullum est verbum, quod arguat imperfectionem fidei. Imo contrarium colligitur ex ipso textu, qui sic habet: *Ad confirmandos vos, id est, simul consolari in vobis peream, quæ inuicem est, fidem vestram atque meam.* At quæ esset consolatio ex parte pauli, si videret Romanos habere fidem imperfectam?

17. Octauo obiicis (n. 15.) Paulus in Epistola ad Rom. non salutet petrum, cum tamen multos alios inferioris ordinis salutet: Ergo signum est, Petrum non fuisse tunc Romæ, alioqui & illum salutasset. Respon-

deo. Hoc argumentum sumpsisti ex Illyrico Luthero, et duplex in eo vitium est: vnum, quia non sequitur: Paulus scribens ad Romanos, non salutat petrum: Ergo Petrus non erat tunc Romæ. Sicut non sequitur: Paulus scribens ad Ephesios, non salutat Ioannem: Ergo Ioannes non fuit Ephesi. Item, scribens ad Hebræos, non salutat Iacobum: Ergo Iacobus non erat Hierosolymis. Quasi necesse sit, omnes notos salutare, quia licubi sunt. Alterum, quia multo minus sequitur: Petrus tunc non erat Romæ: ergo antea non prædicauerat ibi euangelium. potest enim fieri, vt antea fuerit Romæ, & postea circa illud tempus, quo Paulus scripsit epistolam, non fuerit. Habemus exemplum in ipso Paulo. Fuit Romæ per biennium in vinculis. Deinde profectus est in Hispaniam. Postea iterum rediit Romam. Quare similiter non potuisset Petrus, quando Romæ prædicauerat euangelium, & ecclesiam ibi fundauerat, parum secedere, ac deinde ad ecclesiam, à se fundatam redire: et ita factum esse tradunt magni Auctores. Vide Bellarmin. lib. 2. de pontif. cap. 7.

18. Nono obiicis (n. 15.) Romani dixerunt paulo Romam venienti Act. 28. 21. *Nos teque literat accepimus de te à Iudæa, neque adueniens aliquis fratrum nunciaturis aut locutus est quid de te malum. Rogamus autem à te audire, quæ sentis. Nam de secta hac notum est nobis, quia ubique ei contradicunt.* Ex quo loco sic ratiocinaris: Si petrum habuissent præsentem, & eius prædicationes audiuissent, non essent adeo noui & rudes, neque opus haberent, vt Paulus aliquam eis pleniorē nouæ illius sectæ notitiam traderet. Respondeo. hoc argumentum æque tibi, ac nobis, soluendum est. Nam sicut nos dicimus, petrum, antequam Paulus Romam veniret, prædicasse Romanis euangelium: Sic tu dicis, Discipulos Pauli id fecisse, non petrum. Si ergo valet hæc consequentia: Romani cupiebant à Paulo audire pleniorē notitiam fidei Christianæ: ergo non habebant Petrum præsentem, nec Petrus ipsis prædicauerat: Vnde lebit etiam hæc: Ergo non habebant Discipulos Pauli præsentem, nec Discipuli Pauli ipsis prædicauerant. Aut si hæc non valet, cur ista valeat? Hic responde, quod vis. Nam quicquid dixeris pro te, dixeris etiam pro nobis: et vicissim, quicquid contra nos etiam contra te.

19. Addo, Romæ tum temporis fuisse non solum gentiles, sed etiam Iudæos: Vt utique à Petro quidem audiuisse Euangelium, sed non omnes fuisse conuersos; Multos adhuc mansisse, vel in sua gentilitate, vel in Iudaismo: multos dubitasse; multos ex curiositate voluisse audire, quid Paulus de Euangelio sentiret. Sicut etiam contigit Christo in Iudæa prædicanti. Nam aliqui ex Iudæis credebant illi: alij non credebant; alij dubitabant. Idem factum est Iconij, cum ibi Paulus & Barnabas prædicarent euangelium Act. 14. 1. *Factum est autem Iconij, vt simul ibi virent in Synagoga Iudæorum, & loquerentur, ita vt crederet Iudæorum & Græcorum copiosa multitudo. Qui vero increduli fuerunt Iudæi, suscitauerunt, &c.* Et infra: *Diuisa est autem multitudo Ciuitatis: & quidam quidam erant cum Iudæis, quidam vero cum Apostolis.* Similia contingerunt Thessalonice, Beroæ, Athenis, Corinthi, Ephesi, & alibi, Act. 17. & seqq. Cui non similiter potuit fieri Romæ: sicut reuera factum est.

20. Decimo obiicis (n. 16. & seqq.) Petrus non poterat venire Romam ante Paulum. Hoc probas ex Chronologia, quam propodis. Respondeo. Illa Chronologia à te conficta est: et in multis discrepat à Chronologia aliorum auctorum tam veterum, quam recentiorum. Cur tibi potius credam, quam illis? Illi dicunt, Petrum venisse Romam circa Annum secundum Claudij Imperatoris, vt Irenæus, Tertullianus, Cyprianus

Arnobius, Lactantius, Optatus, Hieronymus, Ambrosius, Augustinus, & alij quamplurimi apud Baronium Tomo 1. Annalium, Anno Christi 44. At constat, Paulum venisse Romam anno tertio Neronis, ut tu ipse faceris. Igitur necesse est, petrum, ut minimum, tredecim annis prius venisse, quam paulum. Si tu aliter sentis, per me licet. Nunquam tamen efficies, ut relicto Christiani orbis consensu, tibi assentiar, homini nouo & inconstanti, qui non veritatis studio, sed ambitionis æstu ad scribendum, ut læpè dixi, impulsus es.

21. Undecimo obiicis (n. 10.) multi patres conuersionem Romanorum æquè petro, & paulo tribuunt, ut Irenæus, Caius, Dionysius Corinthiorum episcopus, Lucius papa, Tertullianus, Cyrillus Hierosolymitanus, Chrysostomus, Gregorius, Bernardus, Innocentius. Respondeo. Duo tibi probanda sunt. Primum, Paulum fuisse primum, qui Romanos ad fidem conuertit. Quod nunquam probabis. Nec ullus illorum Patrum id asserit. Secundò, Paulum vel magis, vel non minùs, quàm Petrum fundasse ecclesiam Romanam. Neque hoc asserunt citati Patres. Quid ergo? Aliqui dicunt, Petrum & Paulum id fecisse per prædicationem Euangelij: non tamen addunt, quod tu addis, Paulum vel magis, vel non minus, quàm Petrum, id fecisse. Ita Irenæus libro 3. contra hæreses cap. 1. his verbis: *Mattheus in Hebræis, ipsorum lingua scripturam edidit Euangelij, cum Petrus & Paulus Roma euangelizarent, & fundarent Ecclesiam.* Quod non est contra nos. Fatemur utrumque fuisse Romæ, & ibi euangelium prædicasse; sed prius Petrum, quàm Paulum, id fecisse. Alij dicunt, petrum & Paulum reliquisse Romanis Euangelium suo sanguine signatum, ut Tertullianus lib. 4. contra Marcionem cap. 5. *Quibus, inquit, (Romanis) Euangelium Petrus & Paulus sanguine quoque suo signatum reliquerunt.* Neque hoc negamus. Alij denique, petrum prædicasse Romæ Euangelium, antequam paulus eò veniret, ut Chrysostom. Homil. 2. in epist. ad Roman. post initium, cum ait: *Atqui Petrus prædicauerat Roma. Verum, quæ ille gesserat, Paulus pro suis reputat.* Hoc contra te est.

CAPVT II.

An Petrus fuerit Episcopus Romana Ecclesia?

1. **O**stensum est ex communi Patrum sententia, Petrum circa annum secundum Claudij venisse Romam, & ibi sua prædicatione multos conuertisse ad fidem; atque ita Romanam Ecclesiam fundasse. Nunc questio est: *An etiam fuerit Episcopus illius Ecclesia? vel, An sederit in cathedra Romana Ecclesia à se fundata?* Tu nihil peculiare illis tribuis in hoc re, præ Paulo. Nam cap. 1. num. 8. asseris hæc tria. Primum, Petrum non aliquo peculiari titulo fuisse episcopum Romanæ ecclesiæ, sed solum ratione sui Apostolatus. Secundò, eodem sensu Paulum fuisse ibidem episcopum. Tertiò utrumque tamdiu fuisse ibi episcopum, quamdiu quisque actu exercuit ibi officium Apostoli, id est, officium prædicandi Euangelium. Nihil igitur in hoc negotio plus habere petrum, quàm Paulum.

2. At patres longè aliter sentiunt. Iulianus in Chronico, Anno 44. sic scribit: *Petrus natione Galilæus, Christianorum Pontifex Primus, cum primum Antiochenam Ecclesiam fundasset, Romam proficiscitur, ubi Euangelium prædicans, viginti quinque annis in eadem urbis Episcopus perse-*

A Hieronymus in Catal. script. eccles. *Petrus Roma viginti quinque annis cathedram sacerdotalem tenuit.* Et in Epistol. ad Damascum: *cum successore Piscatoris, & Discipulo crucis loquor: Ego beatitudinis tua, id est, Cathedra Petri, communionem confocior.*

Seuerus Sulpitius lib. 2. Histor. *Namque eo tempore, diuina apud urbem religio immaluerat, Petrus ibidem Episcopatum gerente: & Paulo, postquam ab iniusto presidio indicio Cæsarem appellauerat, Romam deducto.*

Cyprianus lib. 4. Epist. 1. ad Antonianum: *Factus est Cornelius Episcopus, cum Fabiani locus, id est, cum locus Petri, & gradus Cathedra sacerdotalis vocaret.*

Optatus Mileuitanus lib. 2. contra Parmenianum: *Negare non potes, seire te in urbe Roma, Petro primo Cathedram Episcopalem esse collocatam, in qua sederit omnium Apostolorum Caput, Petrus.*

Augustinus lib. 2. contra literas Petilianæ cap. 15. *Cathedratibi quid fecit Ecclesia Romana, in qua Petrus sedet, in quam nunc Anastasius sedet? Et in psalmo contra partem Donati: Numeratis Sacerdotes, vel ab ipsa Petri sede: Ipsa est petra, quam non vincum superbe inferorum porte.*

Gregorius in psalm. 5. penitentialem: *Intantum autem sua temeritatem extendit vesania, ut Caput omnium Ecclesiarum Romanam Ecclesiam sibi vendiceret, & in domum gerium terra impotestatis usurperet. Quod omnino illa fieri prohibuit, qui hanc beato Petro Apostolo specialiter commisit.*

C 3. Ex his testimoniis (ut multa alia omittam) notanda sunt hæc. 1. Petrus primus pontifex Christianorum. 2. Petrus viginti quinque annis Romanæ urbis Episcopus fuit. 3. Petrus Romæ viginti quinque annis Cathedram sacerdotalem tenuit. 4. Petrus Romæ episcopatum gessit. 5. Petro Cathedra episcopalis primo Romæ omnium collocata est. 6. Petrus sedet in cathedra Romanæ Ecclesiæ. 7. Romana Ecclesia est, Petri sedes. 8. Romana ecclesia, petro specialiter commissæ est. Nihil horum dicitur de Paulo. Eo tu tamen, Marce Antoni, contra communem horum Patrum consensum, audes asserere, Paulum æquè fuisse Romæ Episcopum, ac petrum? Imò prius Romam venisse, quàm petrum? prius Ecclesiam ibi fundasse, prius Episcopum ecclesiæ fuisse?

D 4. Multa obiicis (num.) 11. & 12. Primum, Linus & Clemens, qui primi successerunt Apostolis in ecclesia Romana, fuerunt discipuli Pauli: Ergo signum est, magis paulum, quàm petrum, fuisse Romæ Episcopum. Respondeo. Vnde probas fuisse pauli Discipulos: Sed fuerint: An ideo sequitur, paulum magis, quàm petrum fuisse Romanæ ecclesiæ Episcopum? miror te sic desipere. Omnes, qui scribunt catalogum Romanorum pontificum seu Episcoporum, incipiunt à petro, & pergunt ad Linum, Clementem, & alios deinceps. Tu fingis nouum catalogum, in quo oporteat incipere à paulo, & progredi ad Linum, Clementem, & alios successores. parum prædenter.

E 5. Secundò obiicis: Multi pontifices romani testantur se accepisse auctoritatem à principibus Apostolorum, petro & paulo: et se multa agere ex eorum auctoritate: Ergo non minus paulus, quàm petrus, fuit Romæ Episcopus. Respondeo. Pontifices dicunt se multa facere ex auctoritate Petri & Pauli, quia petrus & paulus sua prædicatione & sanguine fundarunt Ecclesiam Romanam. In ea tamen fundanda, petrus paulum antecessit, ut probatum est. Nam Romani primò conuersi sunt à petro, ac deinde à paulo in fide confirmati. Et vterque quidem fuit Apostolus Romanorum; Sed petrus peculiari ratione Episcopus, cui Episcopi successerunt. Hoc patet ex patribus iam citatis.

6. Tertiò obicitis: Pontifices dicuntur Vicarii Petri & Pauli, ut patet ex quadam Synodo sub Ioanne 8. Vbi Episcopi illius Synodi ita loquuntur ad Carolum Imperatorem: *Iam quia divina pietas vos beatorum Principum Apostolorum, Petri & Pauli interventione, per Vicarium ipsum, Dominum videlicet Ioannem, summum Pontificem & universalem Papam, specialemque Patrum vestrum, &c.* Respondeo. Vel admittis illam Synodum, vel respuis. Si admittis, necesse est te admittere Pontificem esse universalem Papam. Si respuis, nihil ex ea, tuo iudicio, potes convincere.

7. Quartò obicitis: Romæ in plumbeo sigillo, rutilus Petrus ad dextram collocatur. Respondeo. Hæc obiectio pridem soluta est à Cardinale Bellarmino. Si solutio bona est, cur non acquiescis? Si mala, cur non refellis? Summa solutionis est hæc: Aliquando Petrus ponitur ad dextram, aliquando Paulus: Quia sicut Petrus excellit potestate in Ecclesia; ita Paulus sapientia & labore. Plus enim laboravit, quam reliqui, plures gentiles ad fidem convertit: plures provincias peragravit. Sicut ergo Ecclesia plus honorat Petrum ratione potestatis; ita plus Paulum ratione sapientie & laboris. Nec id novum. Plus etiam honorat duos Thomam, Franciscum, Dominicum, Benedictum, quam multos Pontifices & Episcopos, quia licet hi potestate excelluerint, illi tamen plus boni Ecclesie præstiterunt.

8. Quintò obicitis: Nunquam fit officium de Petro, quin fiat commemoratio de Paulo; & vice versa: Ergo pares sunt. Respondeo. Mirus homo es. In præcedente obiectione contendebas, Paulum præferendum esse Petro: Nunc vis pares esse. Audi. Pares sunt in Apostolatu, impares in aliis. Nam Petrus, ut dixi, potestate excellit: Paulus labore & sapientia. Ecclesia utrumque magnificat; & utrique tribuit, quod ipsis debetur.

CAP. III.

An Pontifex sit Successor Petri?

1. DE hac re disputas lib. 4. cap. 6. & asseris Pontificem non esse propriè peculiarem Petri successorem. At Patres contrarium asserunt, quibus potius, quam tibi credendum est. Sic enim scribit Optatus Milevitanus lib. 2. contra Parmenianum: *Petro successit Linus, Lino Clemens, Clementi Anacletus, &c.* Augustinus epist. 163. ad Generosum: *Si ordo Episcoporum sibi succedentium considerandi est, quanto certius, & verè salubriter ab ipso Petro numeramus, cui totius Ecclesia figuram gerenti, Dominus ait: Super hanc petram edificabo Ecclesiam meam, Petro enim successit Linus, Lino Clemens, Clementi Anacletus, Anacleto Evaristus, &c.* Et Philippus presbyter in Concilio Ephesino, Tom. 2. c. 16. *Nulli dubium, imò seculi omnibus notum est, Sanctum Petrum Apostolorum Principem & caput, Ecclesia Catholica fundamentum, per successores suos bucusque semper vivere, causasque decernere, semperque videntem esse. Huius itaque ordinarius successor Papa Celestinus nos ad hanc Synodum misit.* Omitto reliquos omnes, qui vel Chronica, vel martyrologia, vel vitas pontificum conscripserunt. Omnes incipiunt à Petro: & pontifices faciunt Petri Successores.

2. Et ratio evidens sumitur ex principiis iam positis. Primum est. Christum in hac vita fuisse visibile Caput Ecclesie in extrema gubernatione, sicut vir est Caput mulieris. Alterum, hanc gubernandi formam non esse mutatam post Ascensionem Christi: ac proinde etiam nunc opus esse visibili Capite Ecclesie in exter-

na gubernatione. Tercium hoc Caput, non aliud fuisse post Christum, quam Petrum, cui dictum est, *Pascue meas*. Cum ergo post mortem Petri non sit facta mutatio in regimine Ecclesie, necesse est, Petro successisse aliquem, qui eodem modo, quo Petrus Ecclesiam gubernaverit. Nec alius assignari potest, quam Pontifex.

3. Secundò obicitis: Nulli Apostolo datur personaliter pro sua singularitate successio: Ergo nec Petro. Respondeo. Antecedens potest dupliciter intelligi. Primò, absolute, quod nullus Apostolorum habuerit particularem successorem in Ecclesia aliqua particulari. Sic falsum est. Nam Iacobo in Ecclesia Hierosolymitana successit Simeon Cleophae filius (apud Eusebium lib. 3. Hist. c. 11.) Secundò cum hac limitatione, quod nullus Apostolorum habuerit perpetuam successionem in sua Ecclesia. Sic verum est de omnibus Apostolis, excepto Petro. Ille solus in sua Ecclesia Romana habet perpetuam successionem, & in eo impletur promissio Christi: *ego rogavi pro te, ut non deficiat fides tua.*

4. Tertiò obicitis: Omnes Episcopi sunt omnium Apostolorum, etiam Petri in solidum successores, ut fatetur Leo ser. 3. de Assumptione sua ad pontificat ubi ait: *Ecclesiasticam potestatem, quam Petrus habuit, ad omnes Ecclesie Principes, id est, Episcopos commisse.* Respondeo. Falsum est, quod assumis, omnes Episcopos in solidum esse Successores Petri. Solus Pontifex in solidum illi succedit: reliqui in partem. Nec Leo tibi, sed nobis patrocinatur. Nam loco à te citato, sic habet: *Unus de toto mundo Petrus eligitur, qui & universalem gentium vocatorem, & omnibus Apostolis, cunctisque Ecclesie Patribus præponatur, quoniam in populo Dei multi Sacerdotes sint, multique Pastores, omnes tamen propriè regat Petrus, quos principaliter regit & Christus.* Hæc verba omisisti, quia contra te sunt. Non longè post, sic pergit Leo: *Propter quod dicit beatus Iesus Petro, Tibi dabo claves, Transiis quidem etiam in alios Apostolos vis potestatis illius, & ad omnes Ecclesie Principes decreti huius constitutio committitur, sed non frustra commendatur, quod omnibus intinetur.* Hæc verba citasti, sed mala fide. Nam Leo non dicit, quod tu dicis, potestatem ecclesiasticam à Petro in omnes Episcopos in solidum commisse: Vel omnes Episcopos in solidum esse Successores Petri. Alioqui sibi ipsi contradiceret. Nam in priori sententia, quam citavi, contrarium assererat: *Unus, inquit, Petrus eligitur, qui omnibus Apostolis, cunctisque Ecclesie Patribus præponatur.* Hæc præpositura seu eminentia, non potuit in solidum committi in omnes Episcopos, quia impossibile est, ut omnes & singuli Episcopi præponantur omnibus aliis Episcopis.

5. Quarto obicitis: Nulla Ecclesia, tempore Apostolorum, habuit proprium & specialem Episcopum; sed præcipue quæque Ecclesie à pluribus simul Episcopis in solidum regebantur: ergo Romanus Episcopus non potest dicere, se alicuius certi ac specialis Apostoli successorem esse. Respondeo. Negatur Antecedens. Nam in Ecclesia Hierosolymitana, proprius & specialis Episcopus fuit Iacobus, ut omnes fatentur. In Ephesina, Timotheus, (teste Eusebio lib. 3. c. 4.) in Creten- si, Titus, (eodem teste, ibidem.) at quid obsecro dicturus es de septem Ecclesiis Asiae, de quibus Ioannes in Apoc. Certè singulae habuerunt proprios ac peculi- res Episcopos, quorum virtutes & vitia ibi describuntur, cap. 2. & 3.

6. Quintò obicitis: Petrus eo modo fuit Episcopus Romanus, quo Antiochenus: ergo non est ratio cur magis Romani Episcopi, quam Antiocheni, dicantur esse Petri Successores. Respondeo. Verum est, Petrum fuisse & Antiochenum & Romanum Episcopum: Et utrobique habuisse suos successores, sed diverso modo: Nam Antiochia habuit Successores in Ecclesia tunc

particulari : Romæ, in Ecclesia vniuersali. Ratio est, quia ipse fuit à Christo constitutus pastor vniuersalis Ecclesiæ, per illud, *Pasco oues meas*, vt supra dictum est. Hanc curam pastorem vniuersalis Ecclesiæ, non amisit per mutationem loci, sed per mortem. At Romæ mortuus est, non Antiochiæ : Ergo Romæ illam amisit, ac proinde Romæ habuit Successorem in pastoralis cura vniuersalis Ecclesiæ.

8. Sexto obicitis : Si Romanus Pontifex peculiaris Petri successor est, sequitur Petrum fuisse speciale Episcopum Romanæ Ecclesiæ, & consequenter non fuisse Episcopum vniuersalem. Respondeo. Posterior consequentia neganda est. Nam Petrus non solum fuit Episcopus Romanæ Ecclesiæ particularis, sed etiam Romanæ Ecclesiæ vniuersalis. Scis quid velim. Ecclesia Romana dupliciter accipitur. Primo, pro illa sola Ecclesia particulari, quæ olim Romæ fuit, & nunc est. Secundo, pro collectione omnium fidelium, qui toto orbe dispersi, adhærebant olim Romano Pontifici, & nunc etiam adhærent. Et hoc posteriori sensu habet varia nomina. 1. Dicitur Catholica seu vniuersalis, quia toto orbe diffusa. 2. Pontificia, quia Pontifici subiecta. 3. Romana, à nobiliori sui parte. Petrus ergo fuit Episcopus Ecclesiæ Romanæ vtroque modo acceptæ.

9. Septimo obicitis : Paulus non minus fundauit Ecclesiam Romanam, nec minus fuit Episcopus Ecclesiæ Romanæ, quàm Petrus : Ergo non est ratio, cur Pontifex potius dicatur Successor Petri, quàm Pauli. Respondeo. Antecedens falsum est, vt cap. 1. & 2. demonstrant. Nam Petrus fuit primus, qui Romanos ad fidem conuertit, & Romæ sedem ac cathedram obtinuit, vt constat ex antiqua Patrum traditione, quam negare non potes.

10. Octauo obicitis : Adhuc disputatur, an Pontifex, vt Pontifex, debeat eligi à Clero tantum Romano, an verò ab vniuersali Ecclesia, vel generali concilio, Ecclesiam vniuersalem representante. Si debet eligi à Clero tantum Romano, iam non eligitur, vt Caput vniuersalis Ecclesiæ. Si autem debet eligi ab vniuersali Ecclesia, iam non eligitur, vt Episcopus Romanus, & Successor Petri in Romana Ecclesia. Nam vniuersalis Ecclesia potest eligere quemcūque vult, non alligando illum ad hanc vel illam Ecclesiam particularem. Respondeo. Pontifex eligitur à Cardinalibus; Cardinales autem possunt dupliciter spectari. Primo, quatenus sunt clerici Ecclesiæ Romanæ particularis. Secundo, quatenus sunt Procuratores, & ministri totius Ecclesiæ. Et hoc modo eligunt Pontificem. An autem possint eligere Pontificem, qui non simul esset Episcopus Romanus, sed vel Parisiensis, vel Vienneſis, vel nullius loci Episcopus particularis, alia quæstio est.

C A P. IV.

An Pontifex sit Caput seu Pastor vniuersalis Ecclesiæ?

1. **T**V id negas, lib. 4. cap. 7. & seqq. Netamen planè videaris omnem illi auctoritatem derogare, asseris hæc duo : Primo, Pontificem Romanum non habere vllum priuilegium iure diuino, supra alios Episcopos. Secundo, habuisse tamē aliqua priuilegia iure Ecclesiastico, quæ nunc in abusum abierunt, nimirum hæc quinque. 1. curam quandam & superintendentiam generalem super vniuersam Ecclesiam, quæ speciali quadam ratione, præ aliis Episcopis, illi concessa fuerit. 2. Priuilegium appellationis in iudiciis Ecclesiasticis. Nam omnes Episcopi totius

orbis qui sentiebant se grassari ab Episcopis aut Synodis provincialibus, poterant confugere ad Romanum Pontificem, & ibi suam causam defendere, & innocentiam demonstrare. 3. Priuilegium communionis in fide. Nam quando grassabatur aliqua hæresis, & occupabat multas Ecclesias, vt hæresis Ariana; tunc Pontifex erat quasi Dux & Arbitrator Catholice communionis : et cui ipse dabat vel adimebat suam communionem, reliqui etiam dabant vel adimebant. 4. Priuilegium definiendi ac decernendi. Nihil enim graue in Ecclesia vniuersali, nisi consulto prius & consentiente Romano Pontifice, poterat tractari, decerni, aut definiri. Non vt definitio robur haberet à Pontifice, sed vt maius robur haberet, quàm alioqui habitura esset. 5. priuilegium per fugii. Nam afflicti Episcopi, & persecutionem ab hæreticis vel tyrannis patientes, confugebant ad Pontificem, & ab eo iuuabantur. Hæc quinque priuilegia concedis, & explicas capite 9. per totum. Nec vllum aliud agnoscis.

2. Ego contra statuo, & hæc, & plura alia Priuilegia Pontifici concessa esse, non tantum iure Ecclesiastico, sed etiam diuino, & ex peculiari Christi institutione. Et quidem, omisso quinto priuilegio, quod tu proponis, reliqua proponam hoc ordine. 1. Tota Ecclesia Pontifici gubernanda concessa ex. Est hoc fere pendente alia, quæ sequuntur. 2. Omnes Episcopi, in iudiciis Ecclesiasticis possunt appellare ad Pontificem. 3. Omnes Christiani, in controuersis fidei debent adhærere Pontifici & Ecclesiæ Romanæ. 4. Nullum decretum potest statui pro tota Ecclesia, nisi consulto & consentiente Pontifice. 5. Pontifex potest leges Ecclesiasticas præscribere, quæ obligent vniuersam Ecclesiam. 6. Potest Episcopos, Reges & Principes, propter graue delictum & contumaciam, excommunicare, aut alia pœna Ecclesiastica punire. De his, vt alia omittam, singulatim agendum est.

PRIMUM PRIVILEGIUM.

Tota Ecclesia Pontifici gubernanda commissa est.

3. **H**Oc probo tribus modis. 1. Ex iure institutionis. 2. Ex iure successionis. 3. Ex Conciliis & Patribus. Primo igitur, ex iure institutionis sic. Forma gubernandi Ecclesiam debet nunc esse talis, qualis ab initio fuit, ex Christi institutione. At ab initio, ex Christi institutione, gubernabatur Ecclesia ab vno visibili Capite, nempe ab ipso Christo : ergo etiam nunc debet gubernari ab vno visibili Capite, quod non est aliud, quàm Pontifex. Hoc argumentum fuscè tractatum est, lib. 1. cap. 3. 4. & 5. Hic obiter ex tua concessione confirmari potest.

4. Ac primo, quod talis nunc debeat esse forma gubernandi Ecclesiam, qualis ab initio fuit ex Christi institutione, concedis lib. 1. num. 21. his verbis : *Nam sicut Ecclesia eadem prorsus est, non alia similis; ita gubernatio eadem persequatur, non alia similis.* Item, quod Ecclesia ab initio gubernata fuerit ab vno visibili Capite, nempe ab ipso Christo, concedis ibidem num. 24. his verbis : *Ego sanè in Christi visibili regimine ordinario hæc tantum obseruo, Sacramenta visibilia instituire, Ministros vocare & mittere, Euangelizare, Ministros suos et omnes corripere & increpare, legem explicare, eamq; à corruptelis vindicare. Alterius generis officia à Capite Christo, vt visibilia erant, prudentia, ego certè non reperi.* Igitur ex vtraque tua concessione, & maior

& minor propositio syllogismi nostri vera est. Vera A igitur conclusio.

5. Secundò, ex iure successionis sic: pontifex succedit petro cum pari potestate: At petro totius Ecclesie gubernatio fuit commissa: Ergo etiam Pontifici committitur, Minor lib. 2. de Primatu Petri probata est. Maiorem probo autoritate Patrum, quos præcedenti capite recensui, & paulò post iterum recensibo. Deinde ratione. Nam si pontifex non succederet petro cum pari potestate, iam mutata esset forma gubernandi ecclesiam. Nam tempore Petri gubernata fuit ab vno visibili Capite: nunc non gubernaretur ab aliquo visibili Capite. Hanc mutationem non admittis. Ergo faterris debes, pontificem habere Primatum ecclesie, sicut petrus habuit.

6. Respondes (c. 6. n. 8.) etiam si ex diuino iure successionis deberet aliquis petro succedere in Primatu ecclesie, adhuc tamen negandum esse, Romanum pontificem fore successorem. Mira pertinacia. Quis ergo foret? An tu, Marce Antoni? An aliquis alius? De lingua si potes. Aut constringam te hoc modo: aliquis iure diuino debet succedere Petro in primatu, ex suppositione. Negas pontificem esse, quod omnes antiqui Patres affirmant. Dicis, alium esse debere, quod hætenus nemo dixit. Quis tibi crederet? Nec tu ipse tibi.

7. Sed quo iure, inquires, Romanus pontifex potius succedit, quam quivis alius episcopus? Dicam, Antoni. Iure diuino, seu ex institutione Christi. Nam quia Christus semel instituit, ut ecclesia semper gubernetur ab vno visibili Capite, seu pastore, necesse est, ex vi illius institutionis, ut moriente vno pastore, succedat alius in eius locum, sicut in Veteri Testamento factum est, (Hebr. 7. 23.) Alioquin nisi alter alteri succederet, non servaretur institutio Christi, qua voluit, ut ecclesia semper haberet vnum visibilem Pastorem, cui diceret, quod petro dixit, *Pasce oves meas*. At vnde constat, Pontificem debere esse hunc successorem? Et hoc dicam. Constat ex traditione. Scis, Antoni, quæ sunt iuris aut institutionis diuinæ; dupliciter nobis innotescere: Vel ex scriptura; vel ex traditione. Sicut ergo ex scriptura constat, Christum fuisse visibile Caput ecclesie; & petrum constitutum Christi Vicarium, per illud, *Pasce*: ita constat ex traditione, Pontificem esse Petri successorem. Hanc traditionem accepimus ab antiquis Conciliis & patribus, de quibus iam dicendum est.

8. Tertio, accedit consensus patrum & conciliorum. ex quibus dupliciter probo Primatum Pontificis, respectu totius ecclesie. 1. ex titulis, quos illi tribuunt. 2. ex aliis ipsorum sententiis. Recensibo tres titulos, & totidem sententias, ne prolixus sim. Plures videri poterunt apud Bellarminum, Coccium, & alios. Igitur

Primus titulus est: *Caput universalis Ecclesie*. Qui titulus habetur in epistola rathasini episcopi, & aliorum de damnatione Dioscori, tom. 2. concil. in fine Concilij Chalcedonensis, ubi leguntur hæc verba: *Vnde sanctissimus & beatissimus Papa, Caput Universalis Ecclesie Leo, per nos, vi legatos suos, sancta Synodo consentiens, Petri Apostoli præditus dignitate, qui Ecclesie fundamentum & petra fidei, & celestis regni ianitor truncatur, Episcopali cum dignitate nudavit*. Vbi tria dicuntur de Pontifice Leone. 1. Quod sit Caput universalis Ecclesie. 2. Quod sit præditus dignitate Petri apostoli. Vel, ut nos loquimur, quod sit successor Petri cum pari potestate, 3. Quod Dioscorum episcopum Alexandrinum prauaverit dignitate episcopali Ex primo & tertio colligimus, amplitudinem potestatis ipsius. Ex secundo, quod illam potestatem habeat iure diuino, sicut Petrus habuit.

9. Simili titulo vti sunt patres Concilij Chalcedo-

nensis in Epist. ad Leonem, quæ extat in eodem concilio in fine, sub hoc titulo: *Relatio Sanctæ Synodi Chalcedonensis ad beatum Papam Leonem de omnibus gestis generaliter*. Vbi inter cætera, sic scribunt: *Si enim, ubi duo aut res sunt congregati in nomine eius, ibi se in medio eorum fore perhibuit: Quam circa Sacerdotes peculiaritatem potuit demonstrare, qui & patria & laboris ad confessionis notitiam prætulit: Quibus in quidē, sicut membris Caput præerat, necesse, fatentur Episcopi in concilio congregati, Leonē Pontificem: ipsis præfuisse, sicut caput præest membris: Erat autem concilium generale, quod representabat totam Ecclesiam. Igitur agnoscunt Leonem fuisse Caput totius ecclesie.*

10. Secundus titulus est: *Papa universalis Ecclesie*.

Quo vtuntur Athanasius & episcopi Aegypti in epistola ad Marcum Papam: (si modo Athanasio ascribenda sit illa epistola) *Domino, inquit, sancto, & Apostolici culminis venerando Mar. o. sancta Romana & Apostolica Sedes, atque universalis Ecclesie Papa, Athanasius & universi Aegyptiorum Episcopi salutem*. Cui similis est hic titulus: *Pastor & custos ouilis Christi*. Quo vtuntur Ambrosius, Bassianus, & cæteri episcopi in epistola ad Siricium Papam. Quæ est epist. 81. inter epistolas Ambrosij. Item hic: *Custos vineæ Saluatoris*. Quo vtitur concilium Chalcedonense in citata relatione ad Leonem papam, cum ait: *Ex post hæc omnia, in super & contra ipsum, cui vinea custodia à Salvatore commissæ est, extendit infamiam, id est, contrariam quoque Apostolicam sanctitatem*. Loquitur de Dioscoro, qui primo quidem contra Flavianum & eusebium episcopos; deinde contra Leonem Pontificem se opposuit. Est igitur hic sensus: Postquam opposuit se Episcopis, audet etiam se opponere Pontifici, cui totius Ecclesie custodia commissæ est. Nam per vineam Saluatoris intelligendam esse Christi Ecclesiam, constat passim ex Evangelio.

11. Tertius titulus est: *Summus Pontifex*: *Summus Papa*: *Summus Sacerdos*: *Princeps Sacerdotum*: *Summus omnium præsulum Pontifex*. Quem illi tribuit Bernardus in suis Epistolis ad Romanos Pontifices, Hieronymus in præfat. euangeliorum ad Damasum, Sexta Synodus, Act. 18. in Serm. acclamatorio, Valentinus in Epist. ad Theodosium, quæ habetur tom. 1. concil. Et Stephanus Archiepiscopus Carthaginensis in Epist. ad Damasum Papam, quam scripsit nomine trium Conciliorum Africæ, in qua sic legimus: *Beatissimo Domino & Apostolico culmine sublimato Damaso Pape, & summo omnium præsulum Pontifici*.

12. Addo trium celeberrimorum Patrum sententias Ambrosij, Hieronymi, Augustini, Ambrosius Epist. 81. ad Siricium Papam: *Recognovimus literis sanctitatis tuæ boni pastoris exultias, qui fideliter tibi commissam ianuam serues, & pia sollicitudine Christi ovile custodias, dignus quem oves Domini audiant, & sequantur. Et ideo, qui a nostris oviculas Christi, lupos facile deprehendes & occurras quasi prævius pastor, ne isti morsibus perfidia sua, feralique ululatus Dominicum ovile dispergant*. Illic non aliter loquitur de Pontifice, quam de Petro. Nam vocat illum bonum pastorem: non tantum respectu ovium, quæ tunc erant in particulari Ecclesia Romana, sed quæ erant in tota Christi Ecclesia. Hoc enim significant illæ particule. 1. Christi ovile. 2. Oves Domini. 3. Ovicula Christi. 4. Dominicum ovile. Vnde constat, Pontificem ex sententia Ambrosij, eodem iure esse pastorem ovilis Christi, quo Petrus fuit; quia omnia, quæ tribui solent Petro, tribuit etiam Pontifici, tanquam legitimo Petri successori. At Petrus, iure diuino fuit Pastor ovilis Christi, ut lib. 2. ostensum est; Ergo eodem iure Pontifex est pastor ovilis Christi.

13. Eodem sensu scribit Hieronimus epist. 57. ad Damasum Papam: *Quamquam tui mererent magnitudi-*

20. De iisdem canonibus sic scribit Gelasius papa in Epist. ad Faustum: *Ipsi sunt canones, qui appellationem totius Ecclesie, ad huius sedis examen voluerunt deferri. Ab ipsa vero nusquam prorsus appellari debere sanxerunt. Et in Epistola ad Episcopos Dardanix: Ad illam de qualibet mundi parte canones appellari voluerunt: Ab illa autem nemo eum appellare permixsus. Habentur hæc Epistolæ in tom. 2. Concil. inter Decreta Gelasii Papæ primi.*

21. Tu quidem, Antoni, non negas hoc privilegium de iure appellationis; sed dicis Ecclesiastico tantum iure, & non diuino concessum esse. Erras. Nam antequam Ecclesiastico iure statutum esset in supradicto Concilio Sardicensi, Episcopos posse appellare ad Pontificem; iam usu recepta erat huiusmodi appellatio, ut variis exemplis demonstrat Cardinalis Bellarminus lib. 2. de Pontif. cap. 21. circa finem. Vnde etiam Leo papa Epist. 87. ad Episcopos prouincie Viennensis in Gallia, fatetur antiquam esse consuetudinem appellandi ad Pontificem. Sic enim scribit. *Vestra fraternitas recognoscat, Apostolicam sedem, pro sui reuerentia, à vestra etiam prouincia Sacerdotibus, innumeris relationibus esse consultam, & pro diuersarum (quemadmodum vetus consuetudo poscebat) appellatione causarum, aut retractata, confirmata fuisse indicia.*

22. Porro hæc consuetudo, quæ postea per canones concilii Sardicensis fuit confirmata, non aliunde, quam ex Apostolica traditione & autoritate orta est, ut colligitur ex Theodoro in Epist. ad Renatum presbyterum, ubi sic ait: *Nudarunt me Sacerdotio, cieceruntque ex ciuitatibus, nec senectutem reueriti, neque canonicam in religione & pietate nutritam. Quam ob rem deprecor te, ut sanctissimo Archiepiscopo (Leoni Papæ) suadeas, ut Apostolica autoritate utatur, inbeatque ad vestrum concilium adire. Tenet enim sancta ista sedes gubernacula regendarum cuncti orbis Ecclesiarum. Quare, quæ ab isto vestro tribunali proficiuntur, qualiacunque erunt, iudicii vestri integritate, confisi amplectemur. Vbi clarè significat, Pontificem, non solò iure Ecclesiastico, sed autoritate Apostolica, supremum esse iudicem in iudiciis Ecclesiasticis: ac proinde ad illum appellari posse. Et rationem addit, quia Pontifex Romanus gubernat omnes ecclesias totius mundi: Ergo ab omnibus Ecclesiis totius mundi potest ad ipsum fieri appellatio. Eodem sensu scribit in epist. ad Leonem Papam: Ego, inquit, suffragium Sedis Apostolicæ expetto, & supplex oro atque obsecro Sanctitatem Vestram, ut ea me, tribunal vestrum iustum ac rectum appellantem defendat ac protegat, &c. Vestram sententiam expetto. Quod si sententia eorum, qui me condemnauerunt, acquiescere iusseritis, acquiescam.*

TERTIVM PRIVILEGIUM.

Qui in fide non vult errare, debet adhaerere Ecclesie & Pontifici Romano.

23. **T**ertium privilegium est, quod omnes Christiani, quando oriuntur dissensiones in fide, debeant adhaerere illi parti, quam tenet Romanus Pontifex, & Sedes Apostolica; si non velint errare. Hoc tradunt antiqui Patres, Irenæus lib. 3. contra hæreses cap. 3. rationem reddens, cur potius describat successionem Episcoporum Ecclesie Romanæ, quam aliarum Ecclesiarum particularium, sic scribit: *Ad hanc enim Ecclesiam propter potentioris principatus auctoritatem, necesse est omnem conuenire Ecclesiam, hoc est, omnes qui sunt undique fideles: in qua semper ab his, qui sunt undique, conseruata est ea, quæ est ab Apostolis tradita.*

24. Et Diuus Hieronymus epist. 8. ad Demetrium Opusc. Bec.

dem, cap. 9. *Et quia vereor, imò timore cognoui, in quibusdam adhuc vinere & pullulare venena a blandaria, illud te pio charitatis affectu pramonendum puto, ut Sancti Innocentii, qui Apostolica cathedra Successor dicitur, reneat fidem: nec peregrinam, quantumvis tibi prudens callidaque videatur, doctrinam recipias. Vbi etiam innuat rationem, cur Pontifici in hac adhaerendum sit, quia nimirum Pontifex successor Petri Apostoli, ac Petro & successoribus illius dictum est: Ego rogavi pro te Petre, ut non deficiat fides tua: Et tu aliquando conuersus, confirma fratres tuos.*

25. Et Basilus Magnus in epistola data Sabino Diacono ad Pontificem Romanum: *Reuera dignum est illa excellentissima voce, quæ te beatum præconant, quod pietatis tue donatum à Domino est, scilicet, ut quod adulterinum est, à legitimo ac puro discernas; ac fidem Patrum sine subtractione vlla prædices.* Alludit ad illud, quod Petro dictum est: *Beatus es Simon Bariona, quia caro & sanguis non reuelauit tibi, sed Pater meus, qui in caelis est.* Quod etiam Pontifici, Petri successor, dictum esse interpretatur. Et rectè. Nam sicut ad illam fidei questionem: *Vos autem quem me esse dicitis?* Petrus ex peculiari Dei reuelatione respondit: *Tu es Christus Filius Dei viui:* ita ad similes fidei questiones, successor Petri, ex peculiari Dei assistentia, debet respondere.

26. Et Cyrillus Alexandrinus in epist. ad Cælestinum Papam: *Quoniam verò Deus hisce in rebus prudentiam à nobis exigit, longaque Ecclesiarum consuetudo suadet, ut isti iusmodi sanctitatis tue communicentur, non possunt equidem id, quod apertum est, ad pietatem tuam non perscribere, et paulò post: Quamuis hæc ita se habeant, non prius tamen Nestorii Communionem confiderenter deferere ausi fuimus, quam hæc ipsa pietatis tue indicaremus. Digneris proinde, quid hic sentias, declarare: quo liquido nobis constet, an communicare cum Nestorio nos oporteat, an verò libere ei denunciare, neminem cum eo communicare, qui eiusmodi erroneam doctrinam fouet ac prædicat. Porro tua integritatis mens, ac super hac re sententia, non modo iussimis Teogæ denotissimis Macedonia Episcopis, sed totius quoque Orientalis Antistitibus perspicue per literas exponi debet. Hic apparet, totam ecclesiam Orientalem, tanti fecisse Romanum Pontificem, ut in rebus fidei, nihil, nisi ex ipsius decisione, statuendum esse existimarent.*

27. Et Maximilianus Constantinopolitanus Episcopus in epist. ad Orientales: *Omnes fines terre, quæ Dominum sincere receperunt, & ubique, terrarum Catholici veram fidem consentientes, in potestatem Romanorum Pontificum, tanquam in Solem respiciunt, & ex ipsa lumen Catholica & Apostolica fidei recipiunt. Nec immerito, quia Petrus legitur primò perfectam fidem esse confessus, Domine reuelante, cum dixit: Tu es Christus filius Dei viui. Et infra: Hunc enim de cæteris mortalibus ex toto terrarum orbe conditor orbis elegit, cui cathedram Magisterii principaliter possidendam tenere, perpetuo privilegii iure concessit: ut quisquis diuinum aliquid aut profundum nosse desiderat, ad huius præceptionis oraculum doctrinam quærecurrat.* Nota perpetuo privilegii incip.

28. Et Augustinus lib. 1. contra duas epistolas Pelagianorum ad Bonifacium Pontificem, cap. 1. *Hæc autem, quæ duabus Epistolis eorum respondeo, ad tuam potissimum dirigere Sanctitatem, non tam discenda, quam examinanda, & ubi forsitan aliquid displicuerit, emendanda constitui.* Verba clara sunt. Similia habent Theodoretus in epist. ad Leonem Papam, Sozomenus lib. 6. Histor. cap. 22. & alij passim.

vestris & subiacere illis. Et ratio est, quia si subditi non A tenerentur obedire, iam non essent subditi.

42. Alterum est, quod Prælati Ecclesiæ non tantum habeant potestatem regendi subditos, sed etiam coercendi & puniendi; si non obediant, ut passim docet Apostolus 1. Cor. 4. 21. *Quid vultis? in virga veniam ad vos, an in Spiritu mansuetudinis?* et 2. Cor. 13. 10. *Hec absens scribo, ut non presens durius agam, secundum potestatem, quam Dominus mihi dedit.* Et hac potestate frequentur usus est. 1. Quando excommunicavit Corinthios incestuosum. 2. Quando reprehendit Corinthios quod iudicio contenderent apud infideles. 3. Quando Hymenæum & Alexandrum, propter hæresin, tradidit Sathanæ. 4. Quando Thessalonicensibus scripsit: *Si quis non obedit verbo nostro, per epistolam hunc note- te, & non commisceamini illi.*

43. Tertium sumitur ex prædictis, quod Prælati Ecclesiæ habeant etiam potestatem condendi novas leges, obligantes in conscientia. Ratio est, quia habent potestatem regendi & puniendi subditos, & subditi tenentur illis obedire. Ergo habent potestatem condendi leges, secundum quas possint regere & punire subditos, & in quibus subditi teneantur illis obedire.

44. Fortè dices cum Caluino, id non sequi. Nam satis est, si possint eos regere & punire secundum leges divinas. Nec requirit, ut regant & puniant eos secundum leges humanas. Respondeo. Potestas Prælatorum latius se extendit, quàm ad ea, quæ sunt iuris divini. Primo, quia testimonia scripturæ, quæ allata sunt, non astringuntur ad solum ius divinum. Secundo, quia Apostoli multa præceperunt subditis, quæ non erant iuris divini. Nam in Concilio Hierosolymitano prohibuerunt sanguinem, suffocatum & immolata, quæ tunc temporis non erant prohibita iure divino. Ius enim veteris Testamenti erat abrogatum. Nec vitium aliud extabat ius divinum, quo illa prohiberentur. Similiter D. Paulus legem statuit de bigamis ad Episcopatum non admittendis. 1. Tim. 3. 2. et alibi (præteritum 1. Cor. 7. 10.) distinguit sua præcepta à præceptis Christi. Denique legantur canones Apostolorum, Concilia generalia, Decreta Pontificum, in quibus sunt multæ leges Ecclesiasticæ de iis, quæ iure divino in particulari determinata non sunt.

SEXTVM PRIVILEGIUM.

Pontifex potest excommunicare Episcopos, Reges & Principes graviter delinquentes, si contumaces sint.

45. **D** Vplex est excommunicatio maior & minor. Maior, de qua hic agimus, est celsura seu pœna Ecclesiastica, qua homo Christianus propter delictum & contumaciam, eiicitur extra Ecclesiam, & priuatur communibus Ecclesiæ bonis. Nam sicut is, qui in Republica civili contumax & rebellis est suo Principi, vel magistratui, potest eiici in exilium, & priuari privilegiis & commodis illius Reipublicæ, ex qua eiicitur; sic etiam sic in Ecclesia. Sunt autem triplicia bona Ecclesiæ, quibus homo priuatur per excommunicationem. 1. Sacramenta. 2. publicæ preces & suffragia. 3. cõmunis cõuictus & conuersatio fidelium inter se. Igitur, qui excommunicatus est, non potest admitti ad Sacramenta, nec est particeps publicarum precum & suffragiorum, quæ fiunt in Ecclesia, nec potest cum aliis Christianis in cõmuni cõuictu seu societate conuersari, iuxta illud Apostoli 1. Corint. 5. *Scripsi vobis, cum eiusmodi nec cibum sumere.* Et v. 13. *Auferre malum ex vobis ipsis.*

Opusc. Bec.

46. Potestas infligendi hanc pœnam concessa est Apostolis & eorum successoribus, Matth. 18. 15. his verbis: *Si peccaverit in te frater tuus, corripe eum inter te & ipsum solum: Si te auerit, iuraveris fratrem tuum. Si autem te non audierit, adhibe tecum adhuc unum vel duos, ut in ore duorum vel trium testium stet omne verbum. Quod si non audierit eos, dic Ecclesia, Si autem Ecclesiam, id est, Prælatos Ecclesiæ, non audierit, sit tibi, sicut Ethnicus & publicanus, id est priuatur omnibus Ecclesiæ bonis, quibus ethnici & publicani priuati sunt. Est autem concessa propter duos potissimum fines. Primo, in commodum & utilitatem delinquentium, ut quando vident se excludi à consortio aliorum, confundantur & resipiscant, iuxta illud Apostoli 2. Thess. 3. 14. *Ne commisceamini cum illo, ut confundatur.* Secundo, in bonum & cautelam aliorum, ne inficiantur, iuxta illud, 1. Cor. 5. 6. *Nescitis, quia modicum fermentum totam massam corrumpit?* Vide Diuum Augustinum libro 3. contra Epistolam Parmeniani, ubi prolixè & eleganter de hac re disputat.*

47. Hic obiter notandum est, hæc ferè pro eodem usurpari in scripturis & Patribus. 1. Excommunicare aliquem. 2. eicere de Ecclesia. 3. auferre de medio. 4. tradere Sathanæ. 5. habere pro ethnico & publicano. 6. nec cibum cum illo sumere. 7. nec cum eo cõmisceri. 8. arcere à communione fraternitatis. 9. Sacramento benedictionis exautorare. 10. communicatione interdicare. 11. à communione orationis & omnis sancti commercij relegare. Et speciatim aduertit Augustinus in quæstionibus super Deuteronom. quæst. 39. hanc formulam loquendi, *Auferre malum ex vobis*, aliter accipi in veteri testamento, aliter in nouo. In veteri idem esse, quod *interfiste*: In nouo, idem quod *excommunicare*. Vnde subiicit: *Hoc nunc agit in Ecclesia excommunicatio, quod tunc agebat interfectio.*

48. His positis, quæstio est, an Pontifex possit Regem Christianum, qui id meritis sit, excommunicare, seu communibus Ecclesiæ bonis priuare? Nihil certius apud Catholicos. Imo tam certum apud omnes hoc est, quàm certo per suum habent, Pontificem esse Christi Vicarium in Ecclesia: & omnes Christiani oues illi commissas esse: ideoque, quod retro dictum est, *Pasce oues meas*, etiam Pontifici, tanquam Petri Successori, dictum esse interpretantur. Sicut ergo Pastor potestatem habet, non solum pascendi & gubernandi oues, quæ ipsius curæ commissæ sunt, sed etiam morbidas & infectas, ab aliis separandi, seu ex ouili depellendi, ne noceant cæteris, sic etiam de Pontifice, respectu fidelium, sentiendum est. Cum ergo quilibet Rex Christianus, sit ouis Christi, sanè si contingat illum delinquere, & contagionem contrahere, poterit per Pastorem separari ab aliis, donec sanetur & resipiscat.

49. Huius rei varia extant exempla. Tamen enim, primis trecentis annis post tempora Apostolorum, non legamus vllum Regem aut Imperatorem fuisse excommunicatum, quia vix vlli erant tunc Reges aut Imperatores Christiani, qui excommunicari possent (gentiles enim non excommunicantur) tamen deinceps non pauci hac pœna castigati sunt. Primo, Theodosius Imperator ab Ambrosio Episcopo. Secundo, Arcadius Impe. & Eudoxia ab Innocentio I. Tertio, Leosauricus Imperator à Gregorio II. Quarto, Desiderius Longobardorum Rex ab Adriano papa. Quinto, Robertus Francorum Rex ab episcopis Galliæ. Sexto, Henricus III. Imp. à Gregorio VII. in Synodo Romana. Septimo, Petrus Aragoniæ Rex à Martino Papa. Octavo, Philippus Francorū Rex à paschali Pontifice. Nono, Henricus IV. Imp. à Legatis eiusdem pontificis. Decimo, Rogerius Siciliæ Rex ab Innocentio II. Undecimo, Vilhelmus

ditos delinquentes, ibi est iurisdictio: At in ecclesia est potestas puniendi subditos delinquentes: Ergo in Ecclesia est iurisdictio. Maior nota est. Minor probatur dupliciter. Primo, ex Apostolo 1. Cor. 4. 21. *Quid vultis in virga veniam ad vos, an in Spiritu mansuetudinis?* Et 2. Cor. 13. 10. *Hac absens scribo, ut non praesens durius agam secundum potestatem, quam Dominus mihi dedit.* Quae est illa potestas? Non ordinis, sed iurisditionis. Deinde ex tua concessione, quia fateris in Ecclesia esse potestatem excommunicandi, seu, ut tuis verbis utar, potestatem *excludendi homines à reliqua fidelium societate.*

9. Quod autem ais, excommunicationem esse poenam tantum priuativam, non positivam; nihil obstat iurisditioni positivae. Imò talis poena, etiamsi priuativa sit, non potest legitime infligi, nisi ab eo, qui habet positivam potestatem puniendi: Quae positiva potestas est vera iurisdictio. Disce hoc, exemplo Regis. Nam si Rex non haberet positivam iurisditionem in subditos, non posset delinquentes eicere in exilium, neque priuare communi civium societate, aut fama, aut capite, aut bonis temporalibus. Nec valet hæc consequentia: Priuare hominem civili societate est poena priuativa: Ergo non requirit positivam iurisditionem.

10. Denique falsum est, quod addis, Ecclesiam non habere alias poenas, quam increpationem & excommunicationem. Habet ieiunia, orationes, eleemosynas, castigationes corporales, quas per modum poenae aut satisfactionis, potest poenitentibus imponere, ut semper usurpatum est. Habet interdicta, irregularitates, & alias censuras Ecclesiasticas, quibus subditi coercentur. Et quid respondebis Petro & Paulo Apostolis, quorum alter Ananiam & Saphiram corporali morte puniuit: alter incestuosum Satanæ tradidit in interitum carnis? An illis obiecturus es in Ecclesia non esse alias poenas, nisi increpationem & excommunicationem; ideoque malè eos fecisse, quod alias usurpauerint?

IV. OBIECTIO.

Ex dictis Pelagij & Gregorij Pontificum.

11. **A**Is (cap. 7. n. 10. & seqq.) hos duos Pontifices acerrimè oppugnasse Primatum in ecclesia, eo quod oppugnauerint titulum *Oecumenici seu vniuersalis Patriarchae*, quo utebantur Ioannes Constantinopolitanus episcopus. Hæc enim duo, secundum te, idem valent. 1. esse vniuersalem seu Oecumenicam Patriarcham. 2. esse Caput Ecclesiae vniuersalis, vel habere Primatum ecclesiae vniuersalis. Ergo qui oppugnat prius, oppugnat etiam posterius.

12. Verba Pelagij sunt hæc: *Nullus Patriarcharum hoc tam prophano vocabulo unquam utatur, quia si vnus Patriarcha vniuersalis dicitur, Patriarchatum nomē ceteris derogatur.* Quæ verba sumpta sunt ex epistola Pelagij Papæ ad illegitimam Synodum Constantinopolitanam (tom 2. Concilior. in Decret. Pelagij) & referuntur apud Gratianum dist. 29. cap. Nullus.

13. Verba Gregorij lib. 4. epistol. 32. ad Mauritium sunt hæc: *Quis est iste, qui contra statuta Evangelica, contra canonum Decreta, nouum sibi usurpare nomen praesumit?* Et infra: *Sed absit à cordibus Christianorum nomen istud blasphemia, in quo omnium Sacerdotum honor adiungitur, dum ab uno sibi dementer arrogatur.* Et lib. 6. epistol. 30. *Ego fideliter dico, quia quisquis se vniuersalem Sacerdotem vocat, vel vocari desiderat, in datione sua Antichristum praecurrit, quia superbiendo se ceteris preponit.* Alibi habet similia.

14. Respondeo. Pugnas contra teipsum. Nam lib. 3. Opusc. Bcc.

A c. 8. num. 14. sic habes: *Docuimus, vnumquemque Episcopum iure diuino esse vniuersalem.* Vel certe, vel falso id docuisti. Si verè, necesse est Pelagium & Gregorium quos pro te adducis, falsum docuisse. Nam illi docent, nullum debere vocari Episcopum aut Sacerdotem vniuersalem. Si falso, reuoca errorem. Deinde non intelligis citatos Patres. Reprehendunt illi Ioannem Constantinopolitanum Episcopum, quod titulum vniuersalis patriarchæ vel Sacerdotis, fastuose sibi arrogauerit. Ut autem constet, quo sensu id fecerit, notandum est, hæc duo distingui, quæ tu confundis. 1. Dici vniuersalem Episcopum in Ecclesia. 2. dici Episcopum vniuersalis ecclesiae. Prior titulus reprehenditur in Ioanne; posterior Romano Pontifici conceditur. Et citati Patres priorem asserunt esse prophanum, blasphemum, Antichristianum: posteriorem, non item.

B 15. Est autem hoc discrimen inter vtrumque titulum? Qui dicit se esse vniuersalem Episcopum vel sacerdotem, insinuat se solum esse Episcopum, & aliis omnibus derogat nomen & honorem Episcopale. Et hoc fecisse Ioannem, testatur Gregorius, partim locis citatis, partim lib. 4. epistol. 14. cū ait: *Triste valde est, ut patienter feratur, quatenus despectis omnibus, praedictus frater & Coepiscopus meus, solus conetur appellari Episcopus.* Et ep. 36. ad Eulogium: *Si vnus Patriarcha vniuersalis dicitur, Patriarchatum nomē ceteris derogatur.* Et lib. 7. epistol. 69. ad Eul. nā scribit: *ut putat vniuersalis esse, restat vniuersi Episcopi non fieri.*

C 16. Qui autem dicit se esse Episcopum vel pastorem vniuersalis Ecclesiae, non significat se esse solum Episcopum vel Pastorem; sed se habere generalem curam, & gubernationem totius Ecclesiae, licet alii Episcopi habeant specialem curam, & gubernationem Ecclesiarum particularium. Et hoc sensu Pontifex solet vocari Episcopus & Pastor vniuersalis Ecclesiae. Quod etiam fatetur Gregorius. Nam lib. 6. epistol. 32. ait: *Petro omnium Apostolorum Principi, totius Ecclesiae cura commissa est.* Item, *Contra totius Ecclesiae & principatus committitur, & tamen vniuersalis Apostolus non vocatur.* Idem sentiunt alii pontifices, qui Gregorium praecesserunt, ut Sixtus I. epistol. 2. Victor I. epistol. 1. Pontianus epistol. 1. & alii qui se vocarunt Episcopos vniuersalis Ecclesiae. Verba eorum sunt hæc: *Sixtus vniuersalis Apostolica Ecclesia Episcopus, omnibus Episcopis in Domino saluam.* Item, *Victor Romano & vniuersalis Ecclesiae Archiepiscopus.* Item, *Pontianus sanctae & vniuersalis Ecclesiae Episcopus.* Et sic alij deinceps.

D 17. Vides Marco Antoni, Pelagium & Gregorium frustra à te adductos esse contra nos. At meritò contra te adduci possunt. Nam Gregorius, ut iam dixi, agnoscit, Petro totius Ecclesiae curam & Principatum committum esse, quod tu negas. Similiter Pelagius loco citato sic habet: *Relatum est ad Apostolicam Sedem, Ioannem Constantinopolitanum Episcopum, vniuersalem se scribere, vosque ex hac sua presumptione ad Synodum conuocare generalem, cum generalem Synodum conuocandi auctoritas Apostolica Sedi beati Petri singulari privilegio sit tradita, & nulla unquam Synodus rata legatur, quae Apostolica auctoritate non fuerit facta.* Et infra: *Scias Ioannes nisi errorem suum cisò correxeris, à nobis excommunicandum fore.* Quibus verbis fatetur hæc tria. 1. Auctoritatem conuocandi generalem Synodum, singulari privilegio, traditam esse Apostolicae Sedi. 2. Nullam Synodum ratam esse, quæ Apostolica auctoritate non sit firmata. 3. Pontificem posse excommunicare Episcopos Orientales. Quæ omnia contra te sunt. Nec debes excipere, suspectos esse Pelagium & Gregorium in hac causa. 1. quia tu vteris ipsorum auctoritate. 2. quia vocas eos pontifices sanctos: idque propterea, ut ipsorum testimonium plus ponderis habere videatur.

E 18. Ex dictis facile soluantur argumenta, quæ frustra ex Pelagio & Gregorio adducis contra primatum Pontificis.

VI. OBIECTIO.

Ex Episcopis Asianis.

28. **S**exto obiectis: Polycrates Episcopus Asianus, & Irenaeus resisterunt Victori Papae, Asiaticas ecclesias excommunicanti. Resp. In facto Victoris duo spectanda sunt. 1. Potestas excommunicandi. 2. Causa excommunicationis. Igitur Polycrates & Irenaeus non negarunt Victorem papam habere potestatem excommunicandi Episcopos Asiae (ut bene notat Baronius to. 2. Annalium ann. Christi 193. & patet ex eo, quod supra ostensum est, Pontificem posse excommunicare Episcopos, Reges, & Imperatores, si fuerint contumaces) sed negarunt causam excommunicationis fuisse sufficientem, & ideo illi resisterunt. Causa excommunicationis erat haec. Post longam controuersiam de celebratione Paschae, an deberet celebrari, cum Iudaeis 14. die primi Mensis, siue dies esset Dominicus, siue non; an verò die tantum Dominico; tandem definiuit Victor, celebrandum esse die tantum Dominico. Et voluit, ut in Asia seruaretur hoc ipsius decretum: Asiani non volebant seruare: Igitur à Pontifice excommunicati sunt. Pontifici resisterunt Polycrates & Irenaeus, asserentes, nihil aliud hoc esse, quam turbare ecclesiam, nec esse legitimam causam excommunicationis. In Asia semper celebratum fuisse Pascha die 14. primi Mensis: hanc consuetudinem mutari non debere.

29. An autem Victor habuerit sufficientem causam, nec ne, iam non disputo. Si habuit immerito reprehensus est à Polycrate & Irenaeo. Si non habuit, reprehendi potuit cum debita modestia, sicut Petrus à Paulo reprehensus est. At hoc non derogat ipsius potestati aut iurisdictioni. Nam etiam Rex potest reprehendi à consiliario vel Principe, salua ipsius corona & auctoritate. Vide quae dicta sunt lib. 2. c. 7. §. 38. & seqq.

VII. OBIECTIO.

Ex Cypriano.

30. **S**eptimo obiectis. Cyprianus l. 3. epist. 3. ad Cornelium, non patitur se esse inferiorem Romano Pontifici, sed ei se penitus parem facit. Nam cum Cyprianus excommunicasset quosdam Clericos, qui postea Romam confugerunt ad Pontificem, & ab eo recepti sunt in communionem: agere id tulit Cyprianus, & scribit Pontificem id facere non potuisse: atque ex tali facto solere schismata in Ecclesia oriri, quando vnus episcopus immiscet se negotio alterius.

31. Hoc probas ex verbis Cypriani, qui loco citato sic scribit: *Neque enim aliunde haereses oborta sunt, aut nata schismata, quam inde, quod Sacerdoti Dei non obtemperatur. Nec vnus in Ecclesia ad tempus Sacerdos & ad tempus Iudex vice Christi cogitur, cui si secundum magisteria diuina obtemperaret fraternitas vniuersa, nemo aduersus Sacerdotum Collegium quicquam moueret: nemo post diuinum iudicium, post populi suffragium, post Coepiscoporum consensum, iudicem se non iam Episcopi, sed Dei faceret. Nemo dissidio unitatis Christi Ecclesiam scinderet: Nemo sibi placeat actumens, seorsim foris, nouam haeresin conderet. Vbi per Sacerdotem Dei, qui vnus in Ecclesia fungitur officio iudicis vice Christi, ais intelligi vnumquemque Episcopum in suo Episcopatu.*

32. Deinde in progressu sic pergit Cyprianus: *Nam cum statutum sit omnibus nobis, & aequum sit pariter ac iustum,*

A ut vniuersiusque causa illic audiat, ubi est crimen admissum, & singulis pastoribus portio gregis sit ascripta, quam regat vnusquisque & gubernet, rationem sui actus Domino reddatur, oportet vique eos, quibus praesumimus non circumcursare, nec Episcoporum concordiam coherentem subdola & fallaci temeritate collidere, sed agere illic causam suam, ubi & accusatores habere, & testes sui criminis possint: nisi parvis desperatis & perditis minor videatur esse auctoritas Episcoporum in Africa constitutorum, qui iam de illis indicauerunt, & eorum conscientiam multis delictorum laqueis vinctam, iudicii sui rupe perauitate damnarunt. Iam causa eorum cognita est: iam de his dicta sententia est. Vnde concludis, non esse minorem auctoritatem Episcoporum Africae, quam Romani Pontificis, in iudicio ecclesiastico: ac proinde, qui ab aliquo Episcopo Africae excommunicati sunt non debere à Romano Pontifice admitti in communionem.

B 33. Resp. Prius testimonium Cypriani contrate est. Nam ibi expresse docet, ideo in Ecclesia nasci haereses & schismata, quia non obtemperatur Sacerdoti, id est, Pontifici, qui vnus in tota Ecclesia constitutus est, ut loco Christi sit Iudex omnium controuersiarum fidei. Quod aliis quidem verbis, sed eodem sensu clarissime docet in lib. de Simpl. Prael. seu de vnitae ecclesiae, ubi quaerens, quare in Ecclesia nascentur haereses & schismata, sic respondet: *Hoc eo fit, fratres dilectissimi, dum ad veritatis originem non reditur, nec Caput quaeritur &c.* quem locum fuse explicauit lib. 2. c. 7. obiect. 1.

34. Circa posterius testimonium, tria disentienda sunt. 1. Quod sit illud statutum, de quo loquitur Cyprianus. 2. Qui sint illi pauci desperati & perdit, quos ait ab Episcopis damnatos esse. 3. Quo sensu intelligendum sit quod ait: *Nisi minor videatur esse auctoritas Episcoporum in Africa.*

Est igitur prima quaestio, de quo statuto loquatur Cyprianus? Resp. Vel loquitur de statuto Fabiani Papae, vel de aliquo simili, quod ex illo desumptum est. Statutum Fabiani habetur in epistola ipsius tertia ad Hilarium Episcopum his verbis: *Peregrina vero iudicia salua in omnibus Apostolica auctoritate, generali sanctione prohibemus: quia indignum est ab externis ut iudicetur, qui promittuntur, & à se electos debet habere iudices, nisi fuerit appellatum. Vnde oportet, si aliquis Episcoporum super certis accusetur criminibus, ut ab omnibus audiat, qui sunt in Provincia Episcopis, quia non oportet, accusatum alicubi, quam in foro suo audiri. Et paulo post: Semper ibi causa agatur, ubi crimen admittitur. Et iterum: Placuit etiam, ut si Episcopus appellatus ad Apostolicam Sedem, id statuendum quod eiusdem Sedis Pontifex statuerit. Habetur haec epistola concil. in decretis Fabiani Papae. ex hoc statuto colliguntur haec duo. 1. Causa vniuersiusque debere illi caudiri & iudicari, ubi admissum crimen est. 2. Licere tamen appellari ad Pontificem Romanum tanquam ad supremum in Ecclesia iudicem. Quod tibi contrarium est.*

D 35. Altera quaestio est. Qui sint illi pauci desperati & perdit, quos ait Cyprianus ab Episcopis Africanis legitime damnatos esse? Resp. Sunt quinque schismatici Pseudoepiscopi, Priuatus, Felix, Iovinthus, Maximus, Repollus, qui propter adulteria, stupra, & nefanda sacrificia legitime accusati, & ab Episcopis Catholicis in Africa damnati sunt. De quibus haec scribit Cyprianus in epistola citata. 1. Quod Fortunatū creauerint Pseudoepiscopum, contra Cyprianum, qui erat legitimus episcopus. 2. Quod Felicissimum Romam miserint ad Cornelium papam: non appellandi causa, sed fallendi & mentiendi. Dicebant enim Fortunatū legitime electū esse episcopum à viginti quinque Episcopis, quod erat falsū, cum non fuerit electus, nisi à quinque Pseudoepiscopis. Dicebant Cyprianum non esse legitimum episcopum. Haec & similia dicebant, ut à Cornelio Papa reciperentur ad communionem Sedis Apostolicae, & Cyprianum cum alijs Episcopis facerent suspectum.

à Stephano excommunicati sunt, (apud Eusebium l. 7. c. 4.) Hoc agrè ferens Firmilianus, strinxit calumnia, & epistola ad Cyprianum missa, multis calumniis bonum Pontificem infectus est: eoquē liberius id fecit quod sciret Cyprianum esse in eadem secum opinione, & Pontifici in hoc puncto aduersari.

43. Hæc est historia rei gesta. In qua tria certa sunt. 1. Cyprianum & Firmilianum cum aliis episcopis, in illa controuersia de Baptismo hæreticorum errasse, quod etiam te fateri necesse est. 2. Eosdem peccasse, quod non voluerint Stephano Pontifici obedire: vt de Cypriano scribit August. lib. 1. contra Donatist. c. 18. & alibi 3. Non tamen peccasse contra fidem, sed contra obedientiam. Non Stephanus Papa non definiuerat illam controuersiam, tanquam de fide: Sed solum præceperat, vt non rebaptizarentur hæretici, vt fateatur ipsemet Cyprianus in epistola ad Pompeum.

IX. OBJECTION.

Ex Episcopis Orientalibus in Concilio Antiocheno.

44. **N**ondò obiicis: Episcopi Orientales in Concilio Antiocheno, dupli de causa restiterunt Iulio Pōt fici. 1. Quod ipsos Romanam citasset. 2. Quod Athanasium ad te confugientem, qui in Synodo Orientali fuerat damnatus, absoluiſſet, & suæ Sedi restituiſſet. In utroque dicebant illum viſuſſe plus authoritatis, quam aſſeſſebat. Vnde etiam can. 12. statuerunt, *vt maior debeat eſſe Synodus, qua absoluit, quam fuerat illa qua damnauit.* Innuentes Athanasium, si legitime vellet abſolui, non debere querere abſolutionem ab vno episcopo, qualis erat Iulius, sed ab aliqua Synodo maior, quam fuerat illa in qua erat damnatus. Hæc omnia probas ex Epistola Iulij, quam scripsit ad Orientales.

45. **R**espondeo. Hæc obiectio magis te premit, quā nos. Tu obiicis episcopos Orientales, inter quos erant triginta sex Ariani. Ego vicissim obiicio Athanasium & Iulium, qui erant sincerissimè Catholici. Obiectio tua est hæc: Episcopi Orientales, qui magna ex parte erant Ariani restiterunt Iulio: ergo non habebant illum pro Capite Ecclesiæ. Mea est hæc: Athanasius vir doctissimus & sanctissimus, ab Episcopis Orientalibus appellauit ad Pontificem, tanquam ad legitimum Iudicem: ergo agnouit illum pro legitimo Iudice. Item Iulius absoluit Athanasium, & citauit Episcopos Orientales: Ergo agnouit se habere potestatem hoc faciendi. Videamus nunc, tua an mea obiectio plus momenti habeat. Tua fundatur in facto Ariatorum: mea in facto sanctissimorum Patrum. Tu credis episcopis hæreticis: Ego credo Episcopis Catholicis. Credo, inquam, Athanasio, de quo testatur D. Thom. (1. p. q. 61. art. 3.) quod nunquam in doctrina fidei errauit. Credo Iulio Pontifici, à qua ipse etiam Ariani veniam deprecati sunt, vt fateretur Athanasius Apolog. 2. contra Arianos, his verbis: *Ariani victi à veritate, veniam scriptis literis à Iuliano Romano Pontifice poposcerunt, & ad nos propæce epistolas miserunt.*

X. OBJECTION.

Ex Athanasio.

46. **T**ria obiicis ex Athanasio. Primò, quod totā dignitatem Romanæ Ecclesiæ in eo posue-

Arit, quod esset Sedes Apostolica. Secundo, quod commemorans impudentiam cuiusdam Eunuchi, non veriti præsentiam Liberij Pontificis, dixerit, *Oblitus sui, quod coram Episcopo staret.* Si putasset, inquit, Pontificem esse Vicarium Christi dixisset, *Oblitus sui, quod coram Vicario Christi coram Vice. Deo staret.* Tertiò, quod Orat. 1. contra Arianos, recensens præcipuos Scriptores sui temporis, non ponat primo loco Romanos Pontifices.

47. **R**espondeo. Prima obiectio contra te est. Nam ex eo, quod Romana ecclesia est Sedes Apostolica, habet Apostolicam dignitatem. Et sicut in illa Sede Apostolica primus omnium sedet Petrus, qui erat Vicarius Christi, sic post petrum in eadem sedet pontifex, Successor Petri cum pari potestate. Itaque Athanasius non potuit maiorem laudem tribuere Romanæ Ecclesiæ quā dicendo, Sedem Apostolicam esse.

48. Altera obiectio puerilis est. Nam sicut rectè dicimus: Oblitus sui quod coram Deo, vel coram Rege staret; Ita rectè dicimus: Oblitus sui, quod coram Episcopo staret. Neque necesse est, omnes titulos, qui aliqui debentur semper exprimere. Alioqui semper dicendum esset: Oblitus sui, quod coram Deo Optimo Maximo, infinito, æterno, immenso, omnipotente staret: Vel, quod coram Rege Serenissimo, potentissimo, inuictissimo, mansuetissimo staret. Quod ridiculū est. Habent isti tituli suum locum; sed non semper viſuſſe titulos, qui Romano episcopo debentur. Nam Apolog. 2. contra Arianos, vocat, *Romanum Pontificem.* 1. epist. ad Marcum, *Sanctæ Romanæ & Apostolicæ Sedis, acque vniuersalis Ecclesiæ Papam.* Et in epist. ad Felicem II. *Beatissimum Patrem.* Et alibi aliter.

49. Tertia obiectio est similis præcedenti. Nam qui recenset præcipuos scriptores, sui temporis, non semper debet habere rationem dignitatis personarum; sed aliquando etiam doctrinæ, vel ætatis, vel famæ & existimationis, vel librorū qui ab vnoquoque editi sunt. Et tu, Antoni, si hoc tempore texeres Catalogum scriptorum huius seculi, quem primo loco ponendum statueres? An Regem Angliæ, quia Rex est? Eliceret quidem. Sed cur non similiter liceat præponere vel Baronium, propter cognitionem historiarum: vel Bellarminum, propter doctissimos controuersiarum tomos, qui toto orbe notissimi sunt: vel Christophorum Clauium, ob insignem peritiam rerum Mathematicarum: in quibus excelluit, vel aliquem alium in suo genere celeberrimum?

XI. OBJECTION.

Ex Basilio.

50. **E**X Basilio epist. 77. ad Occidentales, producis hæc verba: *Sine Capite vos ipsæ Ecclesiæ vniuersalis reputatis, non potest dicere pedibus caput, Non est nisi opus volis, siue in reliquum vos Ecclesiasticorum membrorum ordinem localis, non potestis nobis dicere, qui in eadem vobiscum corpore constituti sumus, Non estis nobis necessarii. Nam & manus manuum inter se operam necessariam habent, & pedes inuicem sese firman, & oculi per concordiam habent, quod obiecta clare & dilucide apprehendunt. Nos quidem nostram imbecillitatem agnoscimus, & vestram auide concordiam requirimus.* Hæc verba interpretaris ironicè à Basilio dicta esse, contra fastum Pontificis, hoc sensu. Siue, vt vos vanè prætenditis, estis Caput; siue, vt est veritas, membra cum aliis, debetis nobis ex charitate succurrere. Respondeo. Basilius non scribit ironicè, sed serio. Scribit autem Damaso Pontifici Romano, & aliis Episcopis Oc-

Diaconos Presbyteris, id est, Episcopis, anteferet. Deinde post verba à te citata, sic pergit: Potentia diuitiarum, & paupertatis humilitas, vel sublimiorem vel inferiorem Episcopum non facit. Et infra: Ceterum; etiam in Ecclesia Romana, Presbyteri sedent, & stant Diaconi: licet paulatim incrementibus vitiis, inter Presbyteros, absente Episcopo, sedere Diaconum viderim: & in domesticis conuiuiis, benedictiones presbyteris dare, Discant, qui hoc faciunt, non se recte facere, & audiant Apostolos: non est dignum, ut relinquentes verbum Dei, ministremus mensis. Sciant, quare Diaconi constituti sint. Legant Acta Apostolorum: recordentur conditionis suae. Et cetera quae sequuntur.

59. Igitur obiectio, quam facis ex hoc loco Hieronymi, talis est: Diaconi Romanae Ecclesiae, per abusum praeferebant se presbyteris, quod non debebant facere, quia in aliis Ecclesiis Christiani orbis, Presbyteri praeferruntur Diaconis: Ergo Pontifex Romanus non habet Primatum Ecclesiae. Vel certe talis: Orbis Christianus maior est urbe Roma: Ergo Romanus Pontifex non est Caput ecclesiae: Vel talis: Ecclesia Romana non adorat alium Deum, nec obseruat aliam regulam veritatis, quam aliae Ecclesiae per orbem dispersae: Ergo Pontifex non est Caput Ecclesiae. Vel denique talis: Maior est autoritas totius Ecclesiae, quam solius Romanae particularis. Ergo. Omnes hae consequentiae ineptae & apostolicae sunt.

60. Tercio obiectis: Hieronymus ibidem comparans Ecclesiam Romanam cum Ecclesia, quae erat in Bethlehem, ait multo augustiorem locum esse, qui Saluatorem mundi, quam qui fratris genuit patricidam. At si Romana ecclesia esset Sedes Monarchiae Ecclesiasticae non deberet illi praeferi Bethlehem. Respondeo. Hieronymus non confert inter se Ecclesias illas, quoad dignitatem & iurisdictionem, de qua nos hic disputamus: Sed quoad sanctitatem locorum, in quibus erectae & fundatae sunt. Et ait, augustiorem esse locum Bethlehemiticum, in quo Christus Sanctus Sanctorum, natus est: quam Romanum, in quo Romulus, patricida fratris, genitus est. Quis hoc negat?

61. Quarto obiectis: Hieronymus in Apologia contra Iovinianum, de Damaso Pontifice, qui scripta ipsius contra Heluidium laudauerat, sic scribit: *Nimis vieregius & eruditus in scripturis, & virgo Ecclesiae virginis Doctor, aliquid in illo sermone reprehendit: Hic, inquit, non erat locus tacendi de Papatu, sed omnino addidisset, Vicarius Christi, & totius Ecclesiae gubernator, si credidisset hos titulos Pontifici conuenire. Respondeo. Adhuc nescis, Antoni, ubi sit locus tacendi aut loquendi. Hieronymus volebat ostendere librum suum, quem scripserat contra Heluidium de perpetua Beatæ Mariæ virginitate, à Damaso, tanquam viro docto, lectum & approbatum esse. Nec quicquam in eo repertum, quod scripturis diuinis esset contrarium. Quid hic opus erat mentionem facere de iurisdictione?*

62. Quinto obiectis: Damascus Pontifex apud Ambrosium, Epistol. 79. fatetur se inferiorem esse Concilio Capuensi, dum non audet indicare causam Bonosi Episcopi quae à dicto Concilio iudicanda ei fuerat commissa. Respondeo. Causa Bonosi non fuit Damaso iudicanda commissa, ut tu fingis, sed aliis iudicibus ut patet ex epistola citata, quae sic incipit: *Accipi literas vestras (scribis Theophylo & Anylio) quibus vel pro veritate, vel pro modestia, nostram sententiam sciscitari voluistis. Sed cum huiusmodi fuerit Concilii Capuensis iudicium, ut finitimi Bonoso atque eius accusatoribus, iudices tribuerentur, & praecipue Macedones, qui cum Episcopo Thessalonicensi de eius factis cognoscerent, aduerimus, quod nobis iudicandi forma competere non posset. Igitur Concilium Capuense non commiserat Damaso Pontifici, sed aliis iudicibus causam Bonosi cognoscendam & iudicandam,*

dam, praesertim Macedonibus. Porro inter illos indices erant etiam Theophylus & Anylius, ut constat ex verbis sequentibus: Vestrum est igitur, qui hoc recepistis iudicium, sententiam ferre de omnibus: Nec refugiendi vel elabendi vel accusatoribus, vel accusato copiam dare. Vicem enim synodi recepistis, quos ad examinandum synodus elegit.

63. Hinc duo colligo, quae contra te sunt. Vnum est, quod Theophilus & Anylius, qui erant duo ex iudicibus à Concilio Capuensi constitutis, voluerint Damaso Pontifici deferre sententiam iudicandam: Quod non fecissent, nisi agnouissent illum pro supremo iudice, ad quem liceret confugere. Alterum est, quod Damascus non dixerit, se non posse iudicare ex defectu iurisdictionis, ut tu falso interpretaris; sed non cōuenire seu congruere, ut ipse iudicet, cum iam alij competentes iudices à concilio designati sint. Quod perinde est, ac si dicat Imperator: Cum Respublica Colonensis designauerit certos iudices in causa N. Baronius, ibi habitantis non competit, ut ego iudicem. Sic enim seruatur ordo & pax in Imperio. Nam si illi recte iudicauerint, bene quidem: Sin male, ad me potest fieri appellatio. Quid hinc colligis, Antoni? Nihil certe contra nos. Nec plus contra Pontificem, quam contra Imperatorem.

XIV. OBIECTIO.

Ex Socrate.

64. **E**X Socrate lib. 4. c. 24. profert haec verba: *Damasus Liberio in Episcopatus Romani administratione successit. Vnde Ecclesia Romana status forte fortuna magnopere conturbatus fuit.* Ex quibus colligis haec duo. 1. Quod dixerit illum successisse in administratione, non totius Ecclesiae, sed Romani Episcopatus. 2. Quod dixerit, statum Romanae, non autem vniuersalis Ecclesiae, turbatum esse. Resp. Mihi metui, si putas huiusmodi nugis, te aliquid lectori persuadere posse. Iam supra dixi, non omnia ubique dicenda aut scribenda esse. Scripsit Socrates; quod re ipsa contigerit. Scripsit, inquam, Damasum successisse Liberio in Episcopatu Romano. Quod verissimum est. Scripsit ex ea successione ortam fuisse aliquam turbationem in urbe Roma. Quod etiam verissimum est, quia Virgilius seu Vrsicinus volebat succedere. Quid opus erat addere, successisse illum in gubernatione totius Ecclesiae? Aut ex ea successione ortam fuisse turbationem in tota Ecclesia? prius fuisset superfluum; posterius falsum. Cum enim constet, eum qui succedit in Episcopatu Romano, succedere etiam in Primatu Ecclesiae; superfluum est expresse hoc addere. Similiter, cum ex successione Damasi non fuerit turbatus totius Ecclesiae status, sed illa turbatio intra urbem Romanam se continuerit: falso scripsisset Socrates, si illam turbationem toto orbi Christiano tribuisset.

XV. OBIECTIO.

Ex Ambrosio.

65. **E**X Ambrosio l. 3. de Sacrament. c. 1. adducis haec verba: *Non ignoramus, quod Ecclesia Romana hanc consuetudinem (lauandi pedes post Baptismum) non habeat, cuius typum in omnibus sequimur, & formam. Hanc tamen consuetudinem non habeat, ut pedes lauet. Et paulo post: In omnibus cupio sequi Romanam Ecclesiam: sed tamen & nos homines sensum habemus. Ideo quod alibi rectius seruatur, & nos recte custodimus. Ipsum sequimur Apostolum Petrum, ipsius inhaeremus deuotioni. Ad hoc Ecclesia Romana quid re-*

LIBER QVARTVS.

DE RECTORIBVS ET
Ministris Ecclesia.

Hic vnum afferis, in quo tibi assentior, nempe Episcopos Presbyteris iure diuino superiores & eminentiores esse: quod tamen est contrarium Regem in Anglia, qui non aliam distinctionem admittit inter Episcopos & Presbyteros, quam quae ordinis causa, humano iure introducta est. Cum illo transige. At multa alia afferis, in quibus non assentior. Praecipua sunt haec. 1. Singulos Episcopos cum plena potestate in solidum gubernare Ecclesiam. 2. Sacros Ministros ad celibatum iure non teneri. 3. Vt cum continentia non esse annexum sacro ordini. 4. Et si annexum esset, tamen voto non dirimit matrimonium. 5. Sacrum Ordinem non esse Sacramentum. 6. Duo tantum esse Sacramenta ex sententia Augustini. 7. Monachos non fieri Apostatas, si post vota solennia deserant suum statum, & matrimonium ineant. Reliqua praetereo. Haec, quae recensui, breuiter ex aminanda sunt.

CAPVT I.

An singuli Episcopi cum plena potestate in
solidum regant Ecclesiam?

1. **T**V affirmas lib. 2. cap. 1. num. 9. his verbis: Episcopi omnes, simul & in solidum, eandem regunt Ecclesiam, singuli cum plena potestate. Et num. 13. Episcopi dicuntur Apostolorum Successores, quia in eorum officio, quod erat Apostolorum omnium commune, succedunt omnes diuinitus in solidum. Et num. 15. In potestate vniuersali, succedunt Episcopi, non modo vniuersi, sed etiam singuli. Et lib. 3. cap. 8. num. 14. Docuimus, vnumquemque Episcopum iure diuino esse vniuersalem: & teneri ex officio, & ex charitate Ecclesia Christi, in quacunque parte illa illius opera indigeat, subuenire.

2. Theologi Parisienses censent has tuas propositiones esse haereticas, schismaticas, & vnitatis Ecclesiae subuersiuas. Et sic est. Primò, quia repugnant vnitati Capitis, quod Christus in Ecclesia instituit. Nam si singuli Episcopi cum plena potestate succedunt omnibus Apostolis in solidum; Ergo omnes aequalem habent potestatem cum Petro & Pontifice, quod est haereticum & haecenus refutatum.

3. Secundò, si singuli Episcopi, iure diuino habent plenam potestatem regendi Ecclesiam in solidum, & non hanc aut illam tantum particularem, sed Ecclesiam toto orbe diffusam, vt tu intelligis, iam tibi, ex concessione iuris diuini, licitum est, cum plena potestate regere omnes Anglicanas Ecclesias in solidum; nec alij Episcopi Anglicani, iure diuino poterunt tibi obistere. experire, an ita sit. Dodebunt ipsi te aliam, vt opinor, Theologiam, si hanc potestatem usurpaueris. Nec est, quod obtendas, te loqui de plena potestate in habitu, non in actu. Alibi quidem sic distinguis: Sed hoc loco non item. Nam illa tua verba: Singuli regunt Ecclesiam cum plena potestate, non significant habitum, sed actum. Alioqui debuisses sic dicere, Singuli habent plenam potestatem regendi. Nunc dicis, Singuli regunt. At regere significat actum non habitum.

Opusc. Bec.

A 4. Tercio, si singuli, vt tu loqueris, non solum ex charitate, sed etiam ex officio tenentur subuenire cuiunque Ecclesiae indigenti; plane sequitur te etiam ex officio ad hoc teneri. Cui ergo ex obligatione officij, quā obstrictus es, ex tua sententia, non subuenis Ecclesiae Dalmatiae & Croatiae, quae tuo iudicio indigent meliori instructione? Cui fugisti ex illis partibus, & Ecclesias indigentes reliquisti sine Pastore? Si es bonus pastor, usurpares illud Christi: Bonus pastor animam suam dat pro ouibus suis. Nunc, quia mercenarius es, usurpas illud, quod sequitur: Mercenarius autem, & qui non est pastor, videt lupum venientem, & dimittit oues, & fugit. Videtur Christus de te locutus esse. Et tu te ipsum damnas, si cum tenearis ex officio subuenire, non subuenis.

B 5. Quarto, si verum est, vnumquemque Episcopum iure diuino esse vniuersalem, vt hic diserte asseris; quare tam grauitate infectaris hunc titulum in Petro & Pontifice? Neutrum vis dici Episcopum vniuersalem. Sic enim scribis lib. 4. cap. 7. num. 22. In Ecclesia nullus est Episcopus vniuersalis. Et ibidem: Qui se dicit Episcopum vniuersalem, reliquis omnibus Episcopis, & nomen & honorem auferit. Et multa alia in eundem sensum. De quibus supra dictum est, lib. 3. c. ult. obiect. 4.

CAPVT II.

An Ministri Ecclesiae iure teneantur ad
Celibatum?

1. **T**V negas cap. 10. in titulo Capitis, his verbis: Sacros Ministros ad celibatum iure non teneri. Qui titulus, cum sit negatiuus, perinde valet ac si dicas, sacros ministros ad celibatum nullo iure, nec diuino, nec humano teneri. Quod an verum sit, discutendum est. Vt tamen certo ordine progrediamur, ostendam. 1. Sacerdotes veteris testamenti diuino iure obligatos fuisse ad continentiam, non quidem perpetuam, sed pro certo tempore. 2. Apostolos seruasse perpetuam continentiam, non quidem iure diuino sed partim consilio Christi, partim sua sponte. 3. Eisdem Apostolos suasisse, & decreuisse, vt alij deinceps Ministri Ecclesiae seruarent eandem continentiam. 4. Eam deinceps seruata esse. 5. Postea etiam lego Ecclesiastica praescriptam, non semel, sed saepius. 6. Hanc legem Ecclesiasticam aliter seruari in Ecclesia Occidentali, aliter in Orientali. Denique ostendam in tuis verbis aliquot falsitates & contradictiones.

2. Prima Conclusio. Sacerdotes veteris Testamenti, iure diuino tenebantur ad aliquam continentiam ab usu matrimonij, praesertim pro iis diebus, quibus Deo in tabernaculo vel templo ministrabant. Hoc negas, capite 10. numer. 78. post medium. Sed scripturae & Patres mecum sentiant. ex scripturis habemus aliquot testimonia. Primum Exod. 19. 22. Sacerdotes quoque, qui accedunt ad Dominum, sanctificentur, id est, abstineant ab vxoribus. In eo enim potissimum consistebat sanctificatio, vt patet ex eodem capite. Nam verfic. 10. dicebat Deus, ad Moysen: Vade ad populum, & sanctifica illos hodie & cras, lauantesque vestimenta sua. Moyses autem intellexit illam sanctificationem de abstinencia ab vxoribus. Nam mox accedens ad populum, & explicans illi voluntatem Dei, dixit: Estote parati in diem tertium, & ne appropinquetis vxoribus vestris. Vbi notandum est, illam sanctificationem, seu abstinenciam ab vxoribus, de qua agitur orato capite, tam populo, quam

GGgg

Sacerdotibus fuisse præceptam; quia tam populus, quàm Sacerdotes debebant audire promulgationem legis Moisaicæ, & ad illam toto biduo se disponere per abstinentiam ab vxoribus, & per lotionem vestimentorum, & castrorum purgationem. Speciali tamen titulo præceptam fuisse Sacerdotibus, pro eo omni tempore, quo fungebantur officio sacerdotali; siue orando pro populo, siue hostias & sacrificia offerendo, siue aliquod aliud sacrum ministerium exhibendo. Hoc enim significatur illis verbis: *Sacerdotes qui que, qui accedunt ad Dominum, sanctificentur.* Nam tunc dicebantur accedere ad Dominum, quando vel erant oraturi vel sacrificium oblaturi, vel aliquid simile factori. Nosti hæc.

3. Secundum testimonium 1. Reg. 21. 1. *Venit autem David in Nobæ ad Abimelech Sacerdotem.* Et infra: *Respondens Sacerdos ad David, ait illi: Non habeo laicos panes ad manum, sed tantum panem sanctum: Si mundi sunt pueri, maxime à mulieribus.* Et respondit David Sacerdoti, & dixit ei: *Equidem si de mulieribus agitur, continemus nos ab heri & nudius tertius, quando egrediebamur, & fuerunt vasa puerorum sancta.* Porro via hæc polluta est, sed & ipsa hodie sanctificabitur in vasis. Hic vides, non licuisse comedere panem sanctificatum, nisi præmissa sanctificatione, quæ in duobus consistebat. 1. ac potissimum in abstinentia ab vxoribus, 2. in purificatione corporis, si quid maculæ in via contraxisset. Et certè, si homines laici debebant hoc modo sanctificari, multo magis sacerdotes, quippe qui ad maiorem puritatem, ratione status ac officij obligabantur.

4. Quod sic ulterius declaro. Duo hic præcepta distinguenda sunt. Vnum quo laici prohibebantur comedere panes sanctificatos, vel, ut alibi vocantur, panes propositionis. De quo Christus, Matt. 12. 3. *Non legistis quid fecerit David, quando esurivit, & qui cum eo erant: Quomodo intravit in Domum Dei, & panes propositionis comedit quos non licebat ei edere, neque his, qui cum eo erant, nisi solis Sacerdotibus?* Alterum quo iubeantur abstinere ab vxoribus, qui manducaturi erant eiusmodi panes. De hoc quaestio est, quosnam obligauerit? Tu dicis obligasse solos laicos. Ego contra, obligasse etiam Sacerdotes. Et quidem per se, & primario, Sacerdotes. Quod tripliciter probo. Primo, ex dictis, quia Sacerdotes tenebantur ad maiorem puritatem, quam laici. Secundo, quia usus panum propositionis per se pertinebat ad solos Sacerdotes: Ergo etiam sanctificatio requisita ad eum illorum panum, per se pertinebat ad solos Sacerdotes. Unde sicut laici non poterant comedere huiusmodi panes, nisi tantum per accidens, & in casu necessitatis; ita non tenebantur se sanctificare pro comestione, nisi tantum per accidens, & in casu necessitatis. Tertio, quia si præceptum de abstinentia ab vxoribus pertinuisset ad solos laicos, ut tu vis, vel fuisset illis datum à Deo, antequam Achimelech loquebatur cum Davide, vel ab ipso Achimelech, cum iam loqueretur cum ipso. Non prius, quia nusquam legimus in scriptura, quod Deus dederit tale præceptum pro solis Laicis, antequam Achimelech loquebatur cum Davide. Nec posterius, quia Achimelech, cum dicebat Davidi. *Si mundi sunt pueri, maxime à mulieribus*, non dabat novum præceptum, sed supponebat, iam ante à Deo datum esse. Ac non erat aliud à Deo datum: nisi quo Sacerdotes obligabantur abstinere ab vxoribus, quotiescunque funderentur officio sacerdotali, seu quotiescunque aliquid sacri ministerij, siue orando, siue hostias offerendo, siue panes sanctos comedendo, peragerent. Itaque sensus Achimelech est hic: Vobis quidem non licet comedere panes sanctificatos, sed solis Sacerdotibus: Si tamen vultis propter præsentem necessitatem comedere, cum alij panes haberi non possint, necesse est, vos ea puritate & sanctitate id præstare, qua Sacerdotes facere consueverunt, qui abstinere ab vxoribus

ribus quotiescunque huiusmodi panes comesturi sunt. Idem ergo à vobis exigo.

5. Tertium testimonium. Paralip. 24. 7. *Exiit autem fors prima Ioiarib, secunda Iedei, tertia Harim, &c. ubi recensentur viginti quatuor familiae Sacerdotum, qui per vices debebant ministrare in domo Domini, iuxta illud Luc. 1. 5. Fuit Sacerdos quidam nomine Zacharias, de vice Abia.* Et paulo post: *Factum est autem, cum sacerdotio fungeretur in ordine vicis sue ante Deum secundum consuetudinem sacerdotij, sorte exiit, ut incensum poneret.* Constat autem, Sacerdotes, quando ministrabant Domino secundum vicem suam, debuisse multos dies perseverare in ministerio. Nam ibidem v. 33. de Zacharia sic legimus. *Et factum est, ut impleti sunt dies officij eius abiit in domum suam.* Plerique autores putant fuisse octo dies unicuique destinatos, nempe à Sabbatho vsque ad Sabbathum, ut Iosephus, Ambrosius, Theophylactus, & alij apud Maldonatum in Commentario illius loci. Et colligitur ex illo 2. Paralip. 23. 8. *Fecerunt ergo Leuitæ, & universus Iuda iuxta omnia, quæ præceperat Ioiada Pontifex, & assumpserunt singuli viros, qui sub se erant, & veniebant per ordinem Sabbathi cum his, qui impleverant Sabbathum, & egressuri erant.*

6. Igitur Sacerdotes per octo dies, relictis domibus & vxoribus suis, permanebant in templo, & ibi ministrabant. Et quidem tempore sacrificij, erant in ea parte templi, ubi sacrificia offerebantur. Reliquo tempore, habitabant in atrio templi, in domunculis, ad id destinatis: quos non licebat vxores introducere. Unde consequens est, debuisse à cohabitatione vxorum abstinere. De qua re sic scribit Siricius Papa in epistola ad Himerium Tharacennensem Episcopum cap. 7. *Dicit mihi nunc quisquis ille est sectator libidinum, præceptorque vitiorum, si æstimat, quod in lege Moysis passim sacris Ordinibus à Domino laxata sint frena luxuria, cur eos, quibus committebantur sancta sanctorum, præmonet dicens: Sancti estote, quia & ego Sanctus sum Dominus Deus vester? Cur etiam procul à suis domibus, anno vicis sue, in templo habitare iussi sunt Sacerdotes? Hac videlicet ratione, ne vel cum vxoribus possent carnale exercere commercium, ut conscientia integritate fulgentes acceptabile Deo munus offerrent. Quibus etiam, expleto desertionis sue tempore, vxorius usus, solius successio- nis causa fuerat relaxatus, quia non ex alia, nisi ex tribu Levi quisquam ad Dei ministerium fuerat præceptus admitti, co. 1. concil.*

7. Idem: quod ad rem attinet, sentiunt alij Patres. Hieronymus lib. 1. contra Iovinianum, longe post medium: *Nam & in veteri lege, qui pro populo hostias offerebant non solum in domibus suis non erant, sed purificabantur ad tempus, ab vxoribus separati; & vinum & siceram non bibebant quæ solent libidinem provocare.*

8. Et Innocentius I. epist. 1. ad Victricium Rotomagensem Episcopum, c. 9. *Præterea, quod dignum & pudicum, & honestum est, tenere Ecclesia omni modo debet, ut Sacerdotes & Leuitæ cum vxoribus suis non coeant, quia ministerij quotidiani necessitatibus occupantur. Scriptum est enim: Sancti estote, quoniam & ego Sanctus sum, Dominus Deus vester. Nam si præcis temporibus, de templo Dei Sacerdotes anno vicis sue non discedebant, sicut de Zacharia legimus, nec domum suam omnino tangebant, quibus vique propter sobolis successionem vxorius usus fuerat relaxatus: quanto magis hi Sacerdotes vel Leuitæ pudicitiam ex die ordinationis sue servare debent, quibus ut Sacerdotum, vel ministerium, sine successione est, nec præterit dies, quæ vel à sacrificijs divinis, vel à Baptismatis officio vacent? (tom. 1. concil.)*

9. Et Beda ad cap. 1. Luc. *Hoc est quod dixi, quod vicis sue tempore Pontifices, templi tantum officiis mancipati, non solvi à complexu vxorum, sed ab ipse quoque domorum suarum abstinere ingressu: ubi nostri temporis Sacerdotibus, quibus semper Alari servire iubetur, perpetuum servande castitatis exemplum datur. Quia n. tunc Sacerdos ex stirpe Aaron suc-*

essio quærebatur. necessario tempus substituenda sobolis pro-
curabatur. *At* quia nunc non carnalis successio, sed per-
fectio spiritualis inquiritur, consequenter Sacerdotibus, ut
semper Altari quæant assistere, semper ab vxoribus abstinen-
dum, semper castitas obseruanda præcipitur.

10. Secunda Conclusio. Apostoli seruauerunt per-
petuam continentiam, non quidem ex præcepto di-
uino, sed partim ex consilio Christi, partim sua spon-
te ac proposito. Ac primò, quòd seruauerint per-
petuam continentiam, constat ex illo Matthæi 19. 27.
*Eccc nos reliquimus omnia, & secuti sumus te: quid ergo
eris nobis? Iesus autem dixit illis: Amen dico vobis. Et
infra: Omnis qui reliquerit, domum, vel fratres, aut soro-
res, aut patrem, aut matrem, aut vxorem, &c. ex quo lo-
co constat, Apostolos reliquisse omnia, quæ habebant.
Ac proinde, qui antea habebant vxores, reliquisse
etiam vxores; & qui antea habebant filios aut filias,
reliquisse etiam filios aut filias. Et sic deinceps. ut Pau-
lus, qui post alios Apostolos separatim vocatus est à
Christo, de se scribit. 1. Cor. 7. 7. *Volo vos omnes esse, sicut
meipsum, id est, vellem seu optarem, si commodè fie-
ri posset, vos omnes esse cælibes & continentes, si-
cut ego sum. Et ibidem: Dico autem non nuptis & viduis:
Bonum est illis, si sic permaneant, sicut & ego. Nempe, in
statu continentiz.**

11. Quòd autem non seruauerint continentiam ex
præcepto diuino, sed ex Christi consilio & propria vo-
luntate, clarum est. Nullum enim extat præceptum
diuinum noui Testamenti, quo vel Apostoli, vel alij
Ecclesiæ ministri obligentur ad cælibatum. extat ta-
men consilium Christi, Matt. 19. 10. *Dicunt ei Disci-
puli eius: Si ita est causa hominis cum vxore, non expe-
dit nubere. Qui dixit illis: Non omnes capiunt verbum istud,
sed quibus datum est. Sunt enim Eunuchi, qui de matris ve-
ro sic nati sunt. Et sunt Eunuchi, qui facti sunt ab homini-
bus: Et sunt Eunuchi, qui seipfos castrauerunt propter regnum
celorum. Qui potest capere capiat.* Hic ponit triplex
genus continentium & abstinentium ab vxoribus.
Nam aliqui à natura; alij à necessitate; alij à propria
voluntate habent, quòd abstineant. Ad hoc tertium
genus hortatur Christus, cum ait: *Qui potest capere
capiat.* Et hoc Christi consilium, tanquam sanum
& meritorium, propria voluntate amplexi sunt Apo-
stoli.

12. Tertia Conclusio. Apostoli & suaserunt, & sta-
tuerunt, vt alij deinceps ministri Ecclesiæ seruarent
continentiam. Audi Paulum ad Tit. 1. 7. *Oportet Episco-
pum sine crimine esse, sicut Dei dispensatorem: hospitalem,
benignum, sobrium, iustum, sanctum, continentem.* Vbi in-
ter cæteras virtutes, præscribit etiam continentiam,
distinctà à sobrietate, id est, continentiam ab vxoribus,
vt D. Hieronymus rectè interpretatur.

13. Et 2. Timoth. 2. v. 3. *Labora sicut bonus miles Chri-
sti Iesu. Nemo militans Deo, implicat se negotiis seculari-
bus, vt ei placeat, cui se probauit.* Alludit ad milites, qui
vt placeant suo Imperatori, toti intenti sunt in bel-
lum, & abstinent se ab omnibus curis secularibus,
etiam ab vxoribus. Nam vt scribit Cornelius Tacitus
lib. 14. & Dio lib. 60. Olim prohibitum fuit militibus
coniugium, vt tanto facilius vacare possent militiz. Et
similiter Tertullianus in exhortatione ad castitatem,
docet suo tempore milites fuisse cælibes, sicut etiam
multi hoc tempore sunt, præsertim milites ordinis
Teutonici, & alij, qui regulam certam profitentur.
Vult igitur Apostolus, multo magis milites Christi,
debere intentos esse in ministerium diuinum, & ab-
stinere ab iis omnibus, quæ hoc ministerium quocun-
quemodo impediunt. Maxime autem impedit vsus
matrimonij. Nam vt alibi loquitur idem Apostolus:
*Qui cum vxore est, sollicitus est, quæ sunt mundi; quomodo
placeat uxori, & diuisus est.*

Opusc. Bec.

14. Et 1. Corinth. 7. v. 5. *Nolite fraudare invicem, nisi
forte ex consensu ad tempus, vt vacetis orationi.* Ex quo lo-
co Diu. Hieronymus ad cap. 1. epist. ad Tit. sic argu-
mentatur: *Si laicis imperatur, vt propter orationem absti-
neant se ab vxorum cœtu, quid de Episcopo sentiendum est,
qui quotidie pro suis populique peccatis illibat Deo oblatu-
rus est victimas? Et lib. 1. contra Iovinianum, longè
post medium: Si laicus, & quicumque fidelis orare non
potest, nisi careat officio coniugali: Sacerdos, cui semper pro
populo offerenda sunt sacrificia, semper orandum est. Si sem-
per orandum est, ergo semper carendum matrimonio. Simi-
lia habent Origenes Hom. 23. in Num. Epiphanius
hæresi 49. Innocentius I. in epistola ad exuperium, cap.
1. & alij.*

15. Dices fortè, Apostolum quidem suasisse conti-
nentiam, sed non præcepisse. Respondeo. Certum est
quod in hoc genere plus exegerit à Sacerdotibus,
quàm à laicis. At à laicis dupliciter exegit continen-
tiam. Primò per modum consilij & desiderij. 1. Co-
rinth. 7. v. 7. *Volo vos omnes esse, sicut meipsum:* Secundò,
per modum præcepti, ibidem vers. 5. *Nolite fraudare
invicem, nisi forte ex consensu ad tempus, vt vacetis orationi,*
vt interpretantur Patres iam citati. Ergo per modum
maioris cuiusdam obligationis debuit exigere conti-
nentiam à Sacerdotibus. Quæ maior obligatio expri-
mitur illis verbis: *Oportet Episcopum esse continentem.*
Item: *Labora sicut bonus miles Christi Iesu.* Item: *Qui sine
vxore est, sollicitus est, quæ Domini sunt, quomodo placeat
Deo. Qui autem cum vxore est, sollicitus est quæ sunt mundi,
quomodo placeat uxori, & diuisus est.* Vnde sic concludo:
Tanta est obligatio Sacerdotum, vt abstineant ab vxoribus,
quanta est vt seruiant Deo & non mundo. At maio-
ri obligatione tenentur ad seruendum Deo, quam
laici. Imo sicut ratione officij obligati sunt, vt se totos
tradant seruitio Dei, & non sint diuisi: Ita ratione
officij obligati sunt, vt abstineant ab vxoribus, & ca-
ueant diuisionem.

16. Hæc ex Paulo. Accedit commune decretum
Apostolorum, quod habetur can. 27. inter canones Apo-
stolorum, his verbis: *Funus autem, qui ad clerum pro-
mouendi sunt, precipimus vt si voluerint, vxores accipiant: sed
lectores cantoresque tantummodo.* Vbi nomine lectorum &
cantorum, comprehenduntur etiam alij minores ordi-
nes, vt fateris cap. 10. n. 6. *Est enim omnium par ratio.*
exciipiuntur autem ij, qui sunt in maioribus ordinibus
constituti, quibus non licet vxores accipere. Quod si-
militer fateris n. 8.

17. Habemus ergo sanctionem Apostolicam de
cælibatu clericorum, quam negare non potes. De qua
loquuntur Patres Concilij Carthaginensis secundi,
can. 2. vbi statuentes, vel potius confirmantes legem
Cælibatus, addunt hanc rationem: *Vt, quod Aposto-
li docuerunt, & ipsa seruant Antiquitas, nos quoque cu-
studiamus.*

18. Quarta Conclusio. Continentia, quam Apo-
stoli Ministris Ecclesiæ præscripserunt, statim in Ec-
clesia, tam Orientali, quam Occidentali, recepta &
seruata est. Hoc patet primò ex verbis Concilij iam ci-
tatis: *Vt quod Apostoli docuerunt, & ipsa seruant Anti-
quitas.* Secundò, ex tua concessione. Nam cap. 10. n.
3. sic scribis: *Ecclesia semper vel ab ipsis ipsius incruetabilis, vt
max ostendam, in suis ministris plurimum amans, commenda-
uit, & etiam interdum præcepit continentiam.* et n. 9. ais:
fuisse decretum commune totius Ecclesiæ. Nec opus est plu-
ribus in te clara.

19. Quinta Conclusio. Subsecutæ sunt variz le-
ges Ecclesiasticæ, quibus eadem continentia Mini-
stris Ecclesiæ imperata est. Et quidem dupliciter. Pri-
mo, vt non liceat illis vxores ducere, post susceptos or-
dines. Secundo, vt si antea susceptos ordines duxerint
vxores, & postea susceperint ordines, non liceat vti

G G 88 ij

ascendat, omnino ab usu uxori cesset, & se penitus contineat. Eccl. 73. *Si leges Ecclesiasticas, totius Ecclesie universales antiquas, nec non antiquum usum earum, tam Occidentis quàm Orientis spectes, nemini in sacris Ordinibus, à Subdiaconatu & supra constituto licere uxorem ducere, si sit in gradu Ecclesiastico retinendas. Idem constanter servavit & servat Ecclesia universalis, Græca pariter ac Latina.*

33. Septimo asseris (cap. 10. n. 49. in fine) *Ecclesiasticas leges, quæ præcipiunt celibatum, ponere hominibus laqueum.* Falsum est. Non ponunt laqueum, sed exegunt eam sanctitatem & castimoniam à sacerdotibus, quæ ipsorum officio consentanea est. Deinde iniuriam facis illis omnibus, qui huiusmodi leges statuerunt. Et quis es tu, qui tot Pontificum & Conciliorum decreta audes accusare & traducere? Tu potius laqueum ponis, qui conaris sacerdotibus persuadere, non teneri ipsos ad continentiam, sed potius uxores ducere, & contra leges Ecclesiasticas in matrimonio vivere. Simili illi qui periuadebat primis parentibus, ut contra legem divinam comederent de ligno scientiæ boni & mali, addiciens: *Nequaquam moriemini.*

34. Octavo asseris (n. 65.) *Ecclesiam non posse statuere legem, quæ certo hominum statui generatim adimat libertatem contrahendi matrimonium.* Verum quidem est, quod absolute loquendo non possit hoc facere: Sed falsum est, quod non possit hoc facere, eo modo, quo nunc facit, nempe sub hac conditione: Si quis velit esse Presbyter aut Episcopus, debet servare continentiam. Nam per huiusmodi legem, non cogit hominem ad continentiam, sed relinquit unicuique liberum, ut possit amplecti statum ecclesiasticum, vel non amplecti; & consequenter, ut possit uxorem ducere vel non ducere, prout placuerit. Deinde, tibi ipsi contradicis. Nam n. 73. asseris, *leges Ecclesiasticas totius Ecclesie universales, quæ celibatum præcipiunt, posse abrogari per contrariam consuetudinem.* Ergo supponis huiusmodi leges, antequam abrogentur, receptas esse & obligare.

35. Nono asseris (n. 70.) *Episcopos olim si coniugati essent in sui promotione, cessasse quidem in posterum ab opere nuptiarum; non tamen cessasse ex religione aut emulione, quasi putarent ad id minimum iam licere; sed ex devotione & amore perfectioris cuiusdam puritatis.* Falsum est, ut patet ex Siricio Papa, qui, ut supra dixi, ait crimen esse, si Episcopi aut Presbyteri coniugati utantur propriis uxoribus. At non esse crimen, si liceret illis uti. Deinde tibi ipsi contradicis. Nam paulo ante dicebas: *In eo convenimus, quoad Episcopos, ut si coniugati ad Episcopatum ascendat, omnino ab usu uxoris cesset, & se penitus contineat.*

CAPVT III.

An votum continentie sit annexum sacro ordini?

1. **T**V negas lib. 2. cap. 11. n. 1. & trib. sequent. Ratio est, quia votum est promissio Deo facta: At promissio est actus perfecte liber & voluntarius in promittente. Huiusmodi autem actus non potest esse annexus sacro ordini, qui est externa tantum ceremonia. Non enim Ecclesia potest efficere, ut externa ceremonia necessario annexum habeat meum liberum & voluntarium actum, quo Deo promittam continentiam. Potest quidem exigere à me, ut huiusmodi actum eliciam; sed non potest efficere, ut huiusmodi meus actus per se sit annexus externæ ceremoniæ.

2. Frustra laboras, Antoni. Nos non dicimus, huiusmodi actuale & expressum votum annexum esse sacris

Opusc. Bec.

A ordinibus. Solum asserimus, Clericos ex præcepto Ecclesiastico obligatos esse ad continentiam. Hanc obligationem, quatenus per præceptum Ecclesie annexa est sacris ordinibus, vocamus votum continentie, non quidem explicitum & expressum, de quo tu loqueris, sed quasi amplexum ac virtuale. Nam is, qui scit huiusmodi obligationem requiri ab eo, qui vult sacros ordines suscipere; certè, si liberè suscepit sacros ordines, censetur etiam liberè consentire in obligationem continentie, quæ illis annexa est. Sicut is, qui liberè adit hæreditatem, cui scit annexum esse onus restitutionis; censetur etiam liberè suspicere huiusmodi onus.

3. Sed obicis: *Huiusmodi votum, quale iam descriptum est, non obligat coram Deo, si non adsit interius animus vouendi, quod sepe fit, sed solum præsumitur obligare.* Ac proinde, *qui susciperet sacros ordines sine interno actu vouendi continentiam, non esset obligatus ad continentiam, sed posset uxorem ducere.* Respondeo. Verum est, votum non obligare, si non adsit interius actus vouendi. Qui autem susciperet sacros ordines sine interno vouendi actu, tamen non obligaretur ad continentiam vi voti, quod nullum esse supponitur; obligaretur tamen vi præcepti Ecclesiastici, quod præcipit continentiam, ac proinde non posset uxorem ducere.

4. Iterum obicis: *Multi olim inuiti ad Episcopatum vel Presbyterium pertrahiti sunt, ut Ambrosius, Augustinus, Paulinus, & alij. Ergo illi saltem non habuerunt internum actum liberum & voluntarium seruandi perpetuam continentiam.* Respondeo. Non sequitur. Nam licet non libenter admiserint Episcopatum vel Presbyterium, id tamen non fecerunt, quod inuiti seruarent continentiam (quam post susceptos ordines seruarent libentissimè) sed quod inuiti susciperent eam dignitatem; qua putabant se indignos esse. Est igitur duplex voluntas hic distinguenda. Vna suscipiendi dignitatem Ecclesiasticam: Altera seruandi continentiam, quæ cum illa dignitate connexa est. Hæc posterior potest esse prompta & expedita, tamen si prior sit aliquo modo, ut sic dicam coacta vel extorta. Simile est de eo, qui inuitus suscipit officium Regis vel Imperatoris; quia putat se tanto oneri imparem esse: & tamen paratus est subire laborem, qui tali officio annexus est.

CAPVT IV.

An votum continentie, quod sacris ordinibus annexum est, dirimat matrimonium.

1. **H**Oc dupliciter potest intelligi. Primò de obligatione seruandi continentiam, quæ per legem ecclesiasticam annexa est sacris ordinibus, de qua dictum est precedenti capite. Secundo, de voto expresso, quo quis liberè & voluntariè promittit Deo perpetuam continentiam, quando suscipit sacros ordines. Est igitur questio, an vel hoc votum, vel ista obligatio sumptimentum quod dirimat subsequens matrimonium? Vtrūque negas, li. 2. c. 11. num. 8. & seqq. Et probas duplici potissimum argumento.

2. Primo, quia pænæ Ecclesiasticæ, quæ olim statutæ sunt in eos, qui post susceptos ordines contrahunt matrimonium, sunt tantum pænæ depositionis à ministerio, vel excommunicationis. Nec in tota antiquitate reperire est vllum testimonium ratum aut Conciliorum, quo huiusmodi matrimonia declarantur irrita & inualida. Quod confirmas variis exemplis

GGgg iij

non solet iterum baptizari : ita etiam non solet iterum ordinari. Et postea subiicit : *Sed si nos male facimus, ipsi explicent, quomodo Sacramentum baptizati non possit amitti, & sacramentum ordinati possit amitti: quoniam dicunt Recedens ab Ecclesia, Baptismus non amittit, in dandi tamen amittit. Si enim utrumque Sacramentum est, quod nemo dubitat, cur illud non amittitur, & illud amittitur? Neutri Sacramento iniuria facienda est.*

4. Hic tria asserit Augustinus. 1. Sacrum Ordinem esse Sacramentum. 2. Non minus esse Sacramentum, quam Baptismus. 3. Neminem dubitare de hac re. Vnde sequitur, quod mihi probandum est, omnes fideles, quotquot vixerunt tempore Augustini, certo credidisse, sacrum Ordinem esse verum Sacramentum, sicut Baptismus est. Cur igitur & tu non credis, Antoni? Cur à communi consensu Catholicæ Ecclesiæ temerè recedis? nimirum ostendisse te Apostatam ac hæreticum esse. Et quidem deteriorem, quam erant Donatistæ, qui in isto articulo à Catholicis non dissentiebant. Tamen enim putarent, hoc discrimen esse inter Baptismus & Ordinem, quod Baptismus amitti non possit. Ordo autem amitti possit; fatebantur tamen utrumque esse verum Sacramentum.

5. Idem ecclesiæ consensus colligitur ex Conciliis. Primum ex Concilio Chalcedonensi (quod fuit vnum ex quatuor primis generalibus & Oecumenicis,) act. 15. can. 2. Vbi statuit poenam in Episcopos, qui accipiunt pecuniam pro ordinatione Clericorum. Rationem addit, quia censentur vendere gratiam Dei, quæ vendi non potest. Supponit ergo gratiam Dei conferri per sacram Ordinationem, ac proinde sacram Ordinationem esse Sacramentum. Idem facit Concilium Braccarense 2. can. 3. his verbis: *Placuit de ordinatione Clericorum, Episcopi munera nulla accipiant, sed sicut scriptum est, quod gratis donante Deo accipiant, gratis dent. Non aliquo precio gratia Dei, & impositio manuum venundetur.*

6. Deinde ex Concilio Florentino & Tridentino, ubi sacer Ordo expressè numeratur inter septem Sacramenta novæ legis: Nec obstat, quod tu impudenter obijcis; *Hæc duo Concilia non fuisse legitimè celebrata; non fuisse generalia; non fuisse à tota Ecclesia acceptata & approbata, fuisse in multis ex diametro, antiquis Ecclesiæ Conciliis contraria.* Mera hæc calumnia est: eoque maior & intolerabilior, quod in tui creatione ad Archiepiscopatum Spalatensem, cum iuramento promissis receptionem Concilij Tridentini, ut bene notant Theologi Colonienfes in sua censura.

7. Sed audiamus, quid à communi Ecclesiæ sententia pertraxerit te in errorem Lutheranorum. Principua argumenta, quæ adfers, sunt quatuor. Primum est: Si Ordo est Sacramentum imprimens characterem in debilem, sicut Baptismus, debent illi convenire hæc tria. 1. ut semper sortiatur suum primum & proximum effectum in quocunque homine, quantumvis fictè & indignè accedente, id est, ut quicumque accedenti conferat potestatem Ordinis. 2. ut qui semel ordinatus est, & accepit potestatem Ordinis, nunquam possit illam amittere. 3. ut semper valide possit ea uti, etiam si indignè utatur. At hæc tria non conveniunt sacro Ordini: Ergo sacer Ordo non est Sacramentum. Minorem probas autoritate Cypriani, Dionysij Arcopagitz, Hieronymi, Gelasii, Augustini, Leonis, & aliorum Patrum, de quibus sigillatim dicendum est.

8. Ex Cypriano lib. 1. epistol. 4. citas hæc verba: *Sollicitè ac religiose considerantes: in ordinationibus Sacerdotum, non nisi immaculatos & integros Antistes eligere debemus, qui dignè & sanctè Deo sacrificia offerentes,*

audiri in precibus possint, quas faciunt pro plebis Domini incolumitate, cum scriptum sit: Deus peccatorem non audit, sed si quis Deum coluerit, & voluntatem eius fecerit illum audit. Propter quod plena diligentia, & exploratione sincera, oportet eos ad Sacerdotium deligi, quos à Domino constat audiri. Nec sibi plebs blandiatur, quasi immunis à contagione delicti esse possit, cum Sacerdote peccatore communicans, & ad iniustum & illicitum præpositus sui Episcopatum, consensum suum commendans: cum ver Oseam Prophetam comminetur, & dicat censure divina: Sacrificia eorum, tanquam panis luctus, omnes qui manducant ea contaminabuntur. Docens scilicet & ostenders, omnes omnino ad peccatum constringi, qui fuerint prophani & iniusti Sacerdotis sacrificio contaminati. Quod idem in Numeris manifestari invenimus quando Chore, Dathan, & Abiron, contra Aarōn Sacerdotem sacrificandi sibi licentiam vendicaverunt.

9. Ex hoc loco Cypriani sic argumentaris: Si Ordo esset Sacramentum tale in suo genere, qualis est Baptismus, iam Sacerdos etiam indignissimus, eo initiatus, sacrificium legitimum & sanctum conficeret, At non conficit ex sententia Cypriani. Primum, quia Cyprianus dicit, panem, ab eo consecratum, esse panem luctus. Secundò, dicit plebem ab huiusmodi sacrificiis debere abstinere: & nisi abstineat, contaminari. Tertio, confert Episcopum indignè ordinatum cum Chore, Dathan, & Abiron, qui non fuerunt Sacerdotes, sed meti usurpatores officii Sacerdotalis.

10. Respondeo. Male interpretaris Cyprianum. Erat illi proposita quæstio, an liceret plebi communicare cum Martiale & Basilide Episcopis, qui peccato idololatriæ & aliis facinoribus erant contaminati? Aliqui affirmabant, alii negabant. Respondet Cyprianus, non licere. Et ex hac occasione simul explicat, quales debeant esse Episcopi ac Sacerdotes, ut à Deo exaudiantur. Hoc posito, facile diluuntur quæ obijcis. Ac primò, non dicit Cyprianus, panem ab Episcopo consecratum esse panem luctus, verum falsò illi affingis, sed citat testimonium Osee Prophetæ capite nono versu quarto: ubi de Israelitis, qui falsos Deos adorabant, sic loquitur: *Non libabunt Domino vinum & non placebunt ei. Sacrificia eorum, quasi panis lugentium: Omnes, qui comedent eum, contaminabuntur: quia panis eorum, anima ipsorum, non intrabunt domum Domini.*

11. Sensus huius loci consistit in duabus propositionibus. Vna est: panis lugentium, qui reperitur in domo alicuius mortui, secundum legem Mosaicam, immundus & contaminatus est, & qui comedunt talem panem: sunt etiam immundi & contaminati (Nu. 19. 14.) Altera: sicut panis legentium mortuum contaminatus est, sic etiam sacrificia & libamina populi Israelitici contaminata sunt. Et sicut illi, qui comedunt de pane lugentium mortuum, sunt immundi & contaminati; sic etiam, qui comedunt de sacrificiis, & bibunt de libaminibus populi Israelitici, sunt immundi & contaminati. Scis causam Antoni, Nam populus Israel, tempore Osee Prophetæ, ex vna parte agnoscebat verum Deum, & ex altera colebat falsos Deos, iuxta illud 3. Reg. 18.

21. *Usquequo claudatis in duas partes Si Dominus est Deus, sequimini eum: Si autem Baal, sequimini illum.* Sacerdotes autè tamen offerrent sacrificia, prætextu colendi Deum, non tamen legitimè offerebant, ex triplici defectu. Primum, quia claudicabant in duas partes, ut dixi. Secundò, non offerebant ad honorem Dei, sed ad propriam utilitatem: nimirum, ut ex vino, pane, & pecoribus, quæ populus in sacrificium illis dabat, possent bibere & epulari. et hoc est, quod dicit Oseas loco citato: *panis eorum, anima ipsorum.* Tertio, non offerebant Hierosolymæ in templo, qui locus erat designatus pro sacrificiis, sed alibi, contra expressum Dei man-

Respondeo. Aliud est, aliquem ordinari Sacerdotem, & accipere potestatem Ordinis: aliud fieri Pastorem & Doctorem populi. Hieronymus non dicit, Magisterium & doctrinam esse necessariam conditionem, si- ne qua nemo possit consecrari Sacerdos; sed sine qua nemo possit fieri pastor ouium & per se instruere popu- lum in fide ac pietate. Quod verissimum est.

21. Sexto eundem Hieronymum citas (in cap. 3. Sophoniz.) ubi sic ait: *Sacerdotes, qui Eucharistia ser- uiunt; & sanguinem Domini populi eius dividunt, impie agunt in legem Christi, putantes Eucharistiam imprecans verba facere, non vitam & necessariam esse tantum solennem ora- tionem, & non Sacerdotum merita.* Hinc infero malos Sa- cerdotes non verè consecrare Eucharistiam, ac proinde potestatem Ordinis auferri per peccatum Respon- deo. Si ita pergis Antoni, turbabis totam ecclesiam. Nam si mali Sacerdotes amittunt potestatem Ordi- nis per peccatum, necesse est, & te, & reliquos om- nes Sacerdotes, per primum peccatum, quod post sus- ceptos Ordines perpetrastis, amisisse potestatem Or- dinis, & non amplius esse Sacerdotes. Vnde ulterius sequitur, toties commisisse vos Sacrilegium, quoties Eucharistiam conati essetis consecrare; quoties abso- lutionis Sacramentum impendere; quoties sacros Or- dines conferre. Et quis obsecro erit securus in con- scientia, si cogitet se nunquam verè accipere Eucha- ristiam, vel absolutionem, vel sacros Ordines, si ac- cipiat à Sacerdote vel Episcopo in peccato mortali exi- stente? Schismaticus es, Antoni.

22. Porro Hieronymus, quem adducis, longe ab- est à tuo errore. Cum enim ait: *Sacerdotes impie agere, qui putant Eucharistiam imprecans verba facere non visum:* non loquitur præcise de consecratione panis & vini Eu- charistici, quasi asserat, panem & vinum non conse- crari per verba consecrationis, sed per bonam vitam Sacerdotis, quia constat hoc falsum esse: sed loquitur de Eucharistia, id est, de gratiarum actione, quæ ex- hibetur Deo à Sacerdote per oblationem sacrificij Eu- charistici. est ergo hic sensus: *Sacerdotes impie agunt, qui putant se Deo gratiarum actionem exhibere per solam consecrationem, etiam si male vivant.* Quem sensum alius verbis explicat D. Thomas 3. p. qu. 82. art. 5. ad 1. cum ait: *Hieronymus improbat errorem Sacerdotum, qui credebant se digne posse Eucharistiam consecrare ex hoc solo, quod sunt Sacerdotes, etiam si sint peccatores.*

23. Septimo citas Gelasium (apud Gratianum cap. Sacrosancta 1. quæst. 1.) ubi ait. *Sacrosancta religio, qua Catholicam continet disciplinam, tantam sibi reverentiam vendicat, ut ad eam quilibet, nisi pura conscientia, non audeat pervenire. Nam quomodo ad divini mysterij consecrationem celestis Spiritus invocatus adveniet, si Sacerdos, qui eum adesse deprecatur, criminosis plenus actionibus reprobetur?* Hinc etiam infero, Eucharistiam à malo Sacerdote in- ualide consecrari. Addis D. Thomam 3. p. qu. 82. ar- tic. 5. ad 2. distorquere Gelasij verba, quasi dicta sint contra eos Sacerdotes, qui se dignè putant consecrare Eucharistiam, ex eo, quod sint Sacerdotes, tametsi peccatorum sordibus immundi sint. Respondeo. Falsum est, Antoni. Non dicit hoc D. Thomas de verbis Ge- lasij, sed Hieronymi, ut paulo ante ostendi, Gelasium aliter interpretatur. Nempe Spiritum sanctum non advenire ex merito mali Sacerdotis, sed ex virtute Christi, cuius verba profert Sacerdos. Hanc interpre- tationem, quæ bona est, dissimulasti; & aliam, mala fide, in eius locum substituísti. Sed Apostata non ali- ter docentur à suo Magistro.

24. Octavo citas Augustinum (in Dial. 65. quæ- stionum, quæst. 64.) ubi ait: *Apostolorum sunt genera quatuor: à Deo, non per hominem: à Deo, sed per hominem: per hominem tantum: & ex se. A Deo etenim missus est Moyses. A Deo per hominem, Iesus Christus. Per hominem tantum.*

A *sicut nostris temporibus, multi favore vulgi in sacerdotium sub- rogati sunt. Ex se autem, sicut sunt ipsi Pseudoprophetae. Ex quo concludis, Sacerdotes, qui favore vulgi ordinati sunt, non esse vere ordinatos.* Respondeo. Augustinus non est author illius Decalogi, ut nosti. Deinde iam antè ad similem Hieronymi sententiam responsum est. Nec opus est hic repetere.

25. Nono citas Leonem Papam (epist. 95.) asse- rentem, promotos contra canones non suscipere Or- dinem; ac proinde Ordinem non esse Sacramentum. Verba Leonis sunt hæc: *Nulla ratio finit, ut inter Epis- copos habeantur, qui nec à Clericis sunt electi, nec à plebi- bus expetiti.* Et ibid. *Quis ambigat non esse eis tribuendum, quod non docetur fuisse collatum?* Respondeo. Hæc verba non habentur epist. 95. sed 90. ad Rusticum Narbo- nensem Episcopum. Nec integrè à te citata sunt. Integre sic habent; *Nulla ratio finit, ut inter Episcopos habeantur, qui nec à Clericis sunt electi, nec à plebibus expe- titi, nec à provincialibus Episcopis, cum Metropolitano iudicio consecrati.* Vnde cum sæpe quæstio de male accepto honore nascatur, quis ambiga, nequaquam istis esse tribuen- dum, quod non docetur fuisse collatum? Hæc verba, An- toni, si quem tangunt, te tangunt. Nam si Angli hoc tempore quærerent ex Leone Papa: An Marcus Anto- nius debeat inter episcopos haberi, cum in Anglia ni- hil constet de ipsius ordinatione; responderet sine du- bio: nulla ratio finit, ut inter Episcopos Angliæ habeatur, qui ab Episcopis Angliæ cum Metropolitani iu- dicio consecratus non est: nisi doceat, alibi honorem Episcopalem sibi collatum esse. Hoc doce, & cessabit quæstio. Sed, si docere id non polles, an ideo vale- bit hæc consequentia: Antonius non est legitime or- dinatus: Ergo ordinatio non est Sacramentum? Ab- sit. Non pendet natura Sacramenti à defectu unius ho- minis.

26. Secundum Argumentum: Simoniaci, quando ordinantur, nihil accipiunt; & hæretici, quando ordi- nant, nihil conferunt: Ergo Ordo non est Sacramen- tum. Antecedens probas ex Patribus. Primo ex Gre- gorio lib. 7. epist. 110. ubi sic habet: *quicumque Sacer- dotium studet pretij donatione mercari, non officium, sed no- men attendit: non esse, sed dici tantum Sacerdos, concupiscit.* Respondeo. Gregorius non loquitur de effectu Ordi- nationis, sed de intentione illius, qui simoniace ordi- natus. Intentio illius duplex est. Vna ut habeat titulum, honorem, & dignitatem sacerdotij; non autem, ut re ipsa præstet officium, quod à vero Sacerdote exigitur. Altera, ut possit fieri Sacerdos sine prævio examine de doctrina & moribus. Vtramque intentionem explicat Gregorius. Priorem quidem, verbam citatis. posterio- rem vero à his sequentibus: *Quid scilicet? quid per hoc aliud agitur, nisi ut nulla de actu probatio, nulla sollicitudo de mo- ribus, nulla si de vita discussio: sed ille solummodo dignus, quæ dare pretium suffecerit, estimetur?* Non negat tamen Gre- gorius, quin Ordinatio sit valida.

27. Secundo ex Ambrosio lib. de dignit. Sacerdotali c. 5. ubi sic scribit: *Ergo gratiam, cum ordinaberis, non sus- cepisti, quia gratuito eam non meruisti. Et ideo frater, si gratiam non accepisti, quomodo Episcopus effici potuisti? An- rum dans perdidisti, & gratiam sanctam non acquisisti.* Hic per gratiam, ut tu interpretaris, intelligit potestatem Ordinis, quam accipit simoniace ordinatus Respon- deo. Vera interpretatio est hæc. Ambrosius instituit colloquium inter se & alium Episcopum simoniace or- dinatum, his verbis: *Interrogotamen fratrem & Coepi- scopum nostrum, quia & ego Episcopus sum, & cum Episcopo loquor. Dices mihi paulisper frater Episcopo, cum daret po- testatem, quid accepisti? Gratia n Episcopalem accepi. Ergo interrogo te: hæc gratia, cur tali vocabulo nuncupatur? Respon- det: cur, inquis? ut reor, pro eo quod gratis datur, ideo gratia vocatur. Ergo si gratia gratis datur, & auro non estimatur.*

à te cur gratia pecuniis comparatur? Respondet, Non, inquit, mihi daretur, si pecuniis non emeretur: Nec Episcopus fuisset ordinatus, si pecunias non dedissem. Ergo ut apparet ex responsionibus tuis gratiam cum ordinareris, non suscepisti, quia gratuito eam non meruisti. Et ideo frater si gratiam non accepisti, quomodo Episcopus effici potuisti? Nam & ad Discipulos suos Dominus dicit: Gratis accepistis, gratis date. Cur ergo gratiam existimasti te pretio possidere gratiam? nam ut video, aurum dans perdidisti, & gratiam sanctam non acquisisti: Adhuc tamen semel adiiciens, fratrem persequor Episcopum, ne quid de approbamentis varidis non praetermisisse videamur. Quis dat, frater, Episcopalem gratiam, Deus, an homo? Respondet sine dubio: Deus. Sed tamen per hominem dat Deus. Homo imponit manus: Deus largitur gratiam. Sacerdos imponit supplicem dextram: & Deus benedicit potenti dextra, Episcopus inibat Ordinem, & Deus tribuit dignitatem. O iustitia, o equitas! Si homini pecunia datur, qui nihil in Ordine amplius operatur, nisi solum servitiū, quod ei creditur; cur Deo totum negatur qui ipsum Ordinem tibi largitur?

28. In hoc colloquio proponit Ambrosius tres potissimum quaestiones Episcopo Simoniacè ordinato, ut eum capiat. Prima est, quid accepisti in Ordinatione? Accepi gratiam Episcopalem. Altera, cur vocatur gratia? Quia gratis datur. Tertia, quis eam dat? Deus per ministerium hominis. Et ex responsione ipsius, dupliciter illum capit. Primum, si gratia Episcopalis datur gratis, ergo illam non accepisti, quia non accepisti gratis, sed pecuniam numerasti. Secundò, si Deus illam dat, cur pro eo numeras homini pecuniam, & non Deo? Gratiose autem ludit in vocabulo gratiae. Nam tamen Episcopus Simoniacus, per gratiam intelligat dignitatem & potestatem ecclesiasticam; Ambrosius tamen, ut reducat illum ad anam mentem, intelligit etiam gratiam Sacramentalem, praesertim cum ait: Homo imponit manus: Deus largitur gratiam. Alludens ad illud Apostoli 2. Timot. 1. 6. Admones te, ut resuscites gratiam Dei, quae in te est, per impositionem manuum mearum. Item: cum ait, Aurum dans perdidisti, & gratiam sanctam non acquisisti. Hinc tria colligo ex sententia Ambrosij. Primum, Simoniacè ordinatum non accipere gratiam Sacramentalem: Gratiam sanctam non acquisisti. Secundò, accipere tamen potestatem Ordinis: Cur Deo totum negatur, qui ipsum Ordinem tibi largitur. Tertiò, Sacrum Ordinem esse Sacramentum: Homo imponit manus: Deus largitur gratiam.

29. Tertiò obicit auctorem operis imperfecti, (Hornil. 53. apud Chrysost.) ubi asserit, istos ordinari à Deo; iniustos autem minime. Et Clementem l. 8. Constit. Apostol. c. 1. ubi similiter asserit, Episcopos imperitos non esse Episcopos, nec à Deo constitutos, sed ab hominibus. Respondet. Confundis omnia. Nam hic agitur de Simonia: & probandum tibi est, Simoniacè ordinatos, non esse vere ordinatos. At hi duo auctores, quos citas nihil dicunt de Simonia, sed de imperitia & malitia eorum, qui accedunt ad Ordines. De quibus iam supra dictum est in primi argumenti solutione. Ad te remitto.

30. Quartò obicit Tharasiū patriarchā Constantinopolitanum in epist. ad Adrianum Papam (apud Gratianum c. 108 qui 1. quaest. 1.) qui ait: Quamquam (Simoniacè ordinatus) nomine sacerdotium sortitus est, sed in eam falso nomen istud conferri, re ipsa comprobatur. Item: Conspicissimum quoque est, in ipsis sancti Spiritus gratiam non esse, aut sacerdotum sanctificationem, & quod non acciperent, non habent. Respondet. Verum est, quod dicitur in hoc posteriori testimonio, Simoniacos in Ordinatione, non accipere gratiam sanctificantem. Prius testimonium non habetur apud Gratianum loco à te citato. Nec etiam in Epistola Tharasi ad Adrianum, quae extat tom. 3. Concil.

31. Quintò ex Gregorio VII. Lib. 6. Regist. ad epist. 5. in Decret. obicit haec verba: Ordinationes, quae inter-

veniente pretio, vel precibus, vel obsequio alicuius persona, impenso; vel qua non communi consensu cleri & populi, secundum canonicas sanctiones fiunt, & ab his, ad quos consecratio pertinet, non comprobantur, infirmas & irritas esse diiudicamus. Respondet. Haec verba inuenio apud Gratianum, cap. Ordinationes. 1. quaest. 1. sub nomine Gregorii IV. sed non nihil mutata. Nam ubi tu dicis, Infirmas & irritas esse diiudicamus; ipse sic recitat, Falsas esse diiudicamus. Porro tuam citationem non potui reperire. Quod ad rem attinet, quid mirum est, irritas esse ordinationes quae non approbantur ab iis, ad quos pertinet consecratio?

32. Haec de priori parte secundi argumenti, in qua falso contendis, simoniacos non ordinari valide, id est nihil accipere in Ordinatione. Catholici docent cum D. Thoma, in 2. 2. quaest. 100. art. 6. ad 1. simoniacè ordinatos accipere quidem characterem, seu potestatem Ordinis, propter efficaciam Sacramenti, non tamen accipere gratiam sanctificantem, neque Ordinis executionem; sed ipso iure suspensos esse, ut non liceat ipsis exercere potestatem Ordinis, quam acceperunt. De qua re vide extrauag. Cum deest abile.

33. Sequitur altera pars eiusdem argumenti, in qua contendis, irritas esse Ordinationes, quae fiunt ab Episcopis haereticis. Ac primo citas Innocentium I. epist. 20. ubi sic scribit, Arianos, caeterasque huiusmodi pestes, quia eorum laicos conuersos ad Dominum sub imagine penitentie, ac sancti Spiritus sanctificatione, per manus impositionem suscepimus, non videtur Clericos eorum cum Sacerdotii aut ministerii cuiuspiam suscipi debere dignitate. Quoniam quibus solum Baptisma ratione esse permittimus, quod utique in Nomine Patris & Filii & Spiritus sancti perficitur, nec Spiritum sanctum eos habere ex illo Baptismo, illisque mysteriis arbitramur. Quoniam cum à Catholica fide eorum auctores desciscerent, perfectionem Spiritus, quam acceperunt, amiserunt, nec dare eius plenitudinem possunt, quae maxime in ordinationibus operatur, quam per impietatis suae perfidiam potius, quam per fidem dixerim, perdidit. Vbi, inquis, agnoscit differentiam inter Baptismum & Ordinem, quod baptizati ab Arianis, habeantur pro baptizatis: Ordinati autem ab Arianis, non habeantur pro ordinatis. Respondet. Illa verba non habentur epist. 20. quam tu citas, sed epist. 18. quae est ad Alexandrum episcopum, cap. 3. Neque nobis contraria sunt. Non enim asserunt ordinatos ab Arianis Episcopis, non esse validè ordinatos aut cum redeunt ad ecclesiam, iterum ordinandos esse; sed non debere suscipi cum sacerdotii aut ministerii cuiuspiam dignitate, id est, non esse illis permittendum, ut locum & gradum obtineant inter Sacerdotes, quando redeunt ad Ecclesiam. Vide Gabrielem Vasquez 3. part. disp. 143. cap. 1.

34. Secundò citas eundem Innocentium (epist. 27. ad episcopos Macedoniz) ubi sic scribit: Vt enim est ad tertiam quaestionem, quae pro sui difficultate, longiorem exigit disputationem. Cum nos dicamus ab haereticis ordinatos vulnerari per illam manus impositionem habere caput, ubi vulnus infixum est, medicina est adhibenda, quae possit recipere sanitatem, quae sanitas post vulnus secuta, sine cicatrice esse non poterit. Atque ubi poenitentiae remedium necessarium est illic Ordinationis honorem locum habere non posse decernimus. Nam si, ut legitur, quod tetigeris immundus, immundum eris, quomodo irriteretur, quod munditia ac puritas consuevit accipere? Sed è contrario asseritur, enim, qui honorem amisit, honorem dare non posse, nec ullum aliquid accepisse: quia nihil in dante erat, quod ille posset accipere. Acquiescimus, & verum est. Certe, quia quod non habuit, dare non potuit, damnationem utique quam habuit, per pravam manus impositionem dedit: & qui pariceps effectus est damnato, quomodo debeat honorem accipere, inuenire non possum. Respondet. Haec verba habentur epist. 22. c. 3. (to. 1. Concilior.) nec aliud ex iis colligi potest, quam ordinatos ab haereticis, non habere hono-

rem & dignitatem in Ecclesia. Quod sic probat: Episcopi heretici, qui alios ordinant, non habent honorem in Ecclesia, cum sint præcisi ab Ecclesia: argo non possunt aliis dare honorem in Ecclesia. Recte. At non negat Innocentius, quin sicut ipsi habent Characterem Ordinis, sic alius eum conferre possint.

35. Tertio citat Nicolaum I. (epist. 9. ad Michaellem Imperatorem) ubi de Gregorio Syraculano Episcopo schismatico, qui Photium ordinaverat, sic scribit: *Gregorius ergo, qui canonicè ac Synodicè depositus, & anathematisatus erat, quemadmodum posset quenquam prouehere vel benedicere, ratio nulla docet. Igitur nihil Photius a Gregorio percepit, nisi quantum Gregorius habuit: Nihil autem habuit, nihil dedit.* Resp. Non inuenio epistolam Nicolai ad Michaellem, t. 3. concilii. ubi tamè habentur epistolæ Nicolai ad diuersos. Nihilominus verba, quæ citasti, eodem sensu explicanda sunt, quæ verba Innocentij. Nimi um: *Nihil habuit, nihil dedit*, id est, non habuit honorem & dignitatem Episcopi in Ecclesia: Non ergo potuit dare. Quod verissimum est.

36. Post citata hæc Patrum testimonia (quæ ais videri asperiora, & ad terrendos malos Sacerdotes amplificata) perplexus es. Et duo attensis. Vnum est, Sacramentum Ordinationem sæpè ex aliquo defectu, vel personæ ordinantis vel ordinatæ, irritam & inane esse: et qui sic ordinati sunt, non esse vere ordinatos. Alterum, nihilominus eorum ministeria non esse penitus irrita. Vtrumque confirmas ex Chrysostomo hom. 2. in posterior. ad Timotheum. ubi ais, illum docere, *etiam non ordinatos à Deo, & malos & indignos, valide Baptismum conferre, Eucharistiā conficere, ac alia ministeria peragere. Quod tamen spectat ad Ordinationem internam, eam à solo Deo peragi, & non omnes, qui ab hominibus ordinantur externe, etiam à Deo coordinari interne.* Mox addis: *Hic ergo si quid efficiunt, non vi Ordinis interioris, sed ex speciali diuina prouidentia efficiunt, ne salua patiatur animarum.*

37. Audi, Antoni. Tu quidem merito perplexus es. quia deserta via veritatis, in varias ambages incidisti. Nec facile, nisi ad viam redeas, elaberis facultas est. Sed Chrysostomo iniuriam facis. Verba eius loco citato, sunt hæc: *An ignoras, quid sit Sacerdos? Angelus visque Domini est. Non ex seipso loquitur. Si despicias, non illum despicias, sed Deum, qui illum ordinauit. Sed unde, inquires, constat Deum fuisse illius ordinationis auctorem? Nempe, nisi tu habeas hanc opinionem, spectua inanis facta est. Nisi si nihil per illum operatur Deus, neque laudem habes, neque mysteriorum participes es, neque benedictionibus fruieris. Non ergo Christianus es. Quid ergo? Deus omnes ordinat, etiam indignos? Non omnes quidem ille ordinat, per omnes tamen ipse operatur, salutem populi moliens, non illorum inueniens merita. Et infra: Quid enim non agit Deus salutis nostra causa? Quid non loquitur? Per quem non operatur? Si enim per Iudam operatus est, & per Prophetas, quibus dictum est: *Nō noui vos, perque illos, qui demones in nomine suo eiecerant, non magis per Sacerdotes diuino ministerio famulantes operabimur.**

38. In hac tota sententia nihil est, quod difficultatem habeat, nisi illa verba: *Non omnes quidem ille ordinat, per omnes tamen operatur*, quæ tu perperam intelligis. Non n. sensum illorum est, aliquos nō esse verè ordinatos Sacerdotes, & tamen valdè præstare ea, quæ sunt officii Sacerdotalis, nec præstare, vi Ordinis, sed ex speciali Dei prouidentia, (quod tuam commentum est.) Sed non omnes Sacerdotes, qui habent characterem, habere etiam gratiam Ordinationis: ac proinde, non omnes, quoad integrum effectum Ordinationis, à Deo ordinatos esse, Deum tamen per illos, ratione characteris, multa operari. Quod confirmat duplici exemplo. Vno Iudæ proditoris, qui certè habuit characterem Ordinationis, iuxta illud Act. 1. 20. *Episcopatum eius accipiat alius*: non tamen habuit gratiam Sacramentalem,

A quia *fur erat & proditor.* (Ioan. 12. 6 & cap. 13. 2.) Altero, quorundam aliorum, qui in nomine Dei propheteabant & Demonia eiciebant; & tamen erant maligni ac Deo ingrati. Et quidem, quatenus propheteabant, & miracula faciebant, Deus per illos operabatur: quatenus verò erant impii, non celebatur perfectè à Deo ad hoc officium vocati esse.

39. Tertium Argumentum, quo probas Ordinem non esse Sacramentum, multis verbis otiose inculcas. Summa est hæc: Ex scriptura aperte constat, Baptismum & Eucharistiā esse Sacramenta, à Christo instituta: At non constat aperte, Ordinem esse Sacramentum à Christo institutum: Ergo Respondeo. Primum falsum est, non constare id ex Scriptura. Iam supra ex scriptura ostensum est, Ordinem esse Sacramentum. Sed esto non constet ex Scriptura: An ideo Sacramentum non est? Sufficit nobis, constare ex Traditione. Si respiciis Traditionem, quomodo probabis Symbolum Apostolorum, quod in Ecclesia legitur, Apostolicum & canonicum esse? Beatam Mariam, semper virginem mansisse? Baptizatos ab hæreticis, rebaptizandos non esse? Et quæ similia sunt, Si autem admittis Traditionem: cur in hac questione, An Ordo sit Sacramentum, non admittis?

40. Sed vrget: Canonistæ docent, Summum Pontificem solo verbo posse facere Sacerdotem & Episcopum. Nec ullus Catholicorum audeat contra illos mutire. At si sacer Ordo esset Sacramentum, non sufficeret solum verbum, sed opus esset externa ceremonia, sicut fit in aliis Sacramentis. Respondeo. 1. Falsum est, quod de Catholicis assumis. Hi enim generatim docent cum D. Thoma 3. part. q. 60. art. 6. ad 2. Omnia Sacramenta nouæ legis constare rebus & verbis, tanquam materia & forma, quæ sunt partes essentielles. Et multi speciatim docent, impositionem manuum, quæ est externa ceremonia, esse materiam essentialem Sacramenti Ordinis, vt Bonaventura, Scotus & Paludanus in 4. dist. 24. Alristodorenensis in Summa, part. 4. Petrus Soto, lect. 3. de Sacrament. Ord. Martinus Ledesmius in 4. questio. 36. artic. 4. ad 1. Bellarminus lib. de Sacrament. Ordinis, cap. 9. Henriquez c. 6. & plures alii. Ergo hi saltem non concedunt, Pontificem solo verbo posse facere Sacerdotem vel Episcopum. Nam si impositio manuum est de essentia Ordinis, non potest conferri Ordo sine manuum impositione. Respondeo secundo, Canonistæ non loquuntur de tota Ordinatione, sed de sola forma; & tantum volunt dicere, cum sic loquuntur, non esse necessarias absolute tot orationes, vñctiones, ac ceremonias; sed sufficere manuum impositionem, quam apostoli nunquam omitebant, cum verbis, quibus significetur, tradit potestas sacerdotalis: Proinde ex sententia Canonistarum non sequitur, sufficere verbum sine aliqua ceremonia, sed requiruntur saltem manuum impositio, quæ in scripturis passim exprimitur. Sicut & è contrario, cum dicunt in scripturis, & in ipso Concilio Tridentino. Sess. 14. cap. 3. de extrema vñctione, Sacerdotes ordinari per manuum impositionem; non intelligimus, ita solum sufficere manuum impositionem, vt non requiratur aliquid verbum, declarans potestatem, quæ datur.

41. Iterum vrget: Petrus Damiani Episcopus Ostiensis, in relatione suæ Legationis Mediolanensis (apud Baronium to. II. Annal. Anno Christi 1059. num. 59.) idem sentit, quod Canonistæ, nempe Ordinationem solo verbo perfici posse. Sic enim scribit: *Hic itaq; iactanti modo reconciliatis decreuit, vt nō mox passim omnibus redderetur officium, sed iis dñtaxat, qui & literis eruditissimi, & casti, & morū grauitate viderentur honesti: Ceteris autē sufficeret, quod Sancta Ecclesia per diuinam gratiā offensa rursus inferis, à qua catenas fuerant dira sententia*

falso prescisi: Illi etiam ipsi, quibus ministrandi licentia redditur, non ex male mercata veteri Ordinatione, admissum repagantur officium, sed ex illa potius beati Apostolorum Principis efficacissima auctoritate, qua in beatum Apollinarem repente usus est, dicens: Surge, accipe Spiritum Sanctum, simulque Pontificatum. Ex his verbis duo colligis: Primò, Petrum Damiani docere Ordinationes Simoniacè factas, nullas esse. Secundò, eundem clericos Simoniacè promotos solo verbo, auctoritate papali, ordinasse.

42. Respondeo. Neutrum ex illis verbis colligitur. Ego potius hæc colligo. 1. Mediolani multos Simoniacè fuisse ordinatos, antequam Petrus Damiani eò veniret, ad reformandum clerum Mediolanensem. 2. Aliquos ex illis fuisse doctos, castos, & honestis moribus præditos: alios non item. 3. Prioribus redditum esse officium, seu redditam licentiam ministrandi; non autem posterioribus. 4. Licentiam non esse redditam, vi Ordinationis, quæ fuerat Simoniacæ: sed auctoritate Petri Apostoli. Vbi per licentiam, quæ reddita est, non intelligit potestatem Ordinis, ut tu falso interpretaris; quia illa potestas non erat illis ablata: sed intelligit licentiâ utendi potestate Ordinis. Itaque sensus est: Ex illis omnibus qui Simoniacè erant ordinati, aliquos accepisse licentiâ utendi sacro Ordine, alios non item. Omnes tamen valide fuisse ordinatos. Iam quod ad factum S. Petri Apostoli attinet, quo S. Apollinarem vno verbo episcopum fecisse dicitur, eodem modo intelligendum, id est, quo antea de Canonistis dictum est; non negari scilicet, quin & manus eidem B. Petrus imposuerit, & verbis, quæ recensentur, potestatem, quam signo conferebat, expresserit: Et si Petrus Damiani verborum tantum faciat mentionem.

43. Quartum argumentum: Si dicamus Ordinem esse Sacramentum, & præterea Episcopatum esse distinctum Ordinem à presbyteratu, emergunt inexplicabiles & insolubiles difficultates. Velenim dicendum erit, episcopatum & presbyterium esse duo Sacramenta, vel unum. Si duo sunt, multiplicatur numerus Sacramentorum. Si unum, quomodo sunt distincti Ordines? Respondeo. Nimis frigidè, Antoni. Multa sunt mysteria fidei Christianæ, præsertim mysterium Trinitatis, Incarnationis, prædestinationis, Eucharistiæ, ex quibus emergunt multò maiores difficultates, quàm ex Sacramento Ordinis: an ideo neganda sunt? Nullo modo. Intellectus in captiuitatem fidei redigendus est. Et quæ non possumus humano ingenio penetrare diuina fide credenda sunt. Nam *fides*, teste Apostolo, est *argumentum rerum non apparentium*. Esto igitur: emergant aliqua difficultates circa Sacramentum Ordinis: non ideo negandum est, Ordinem esse Sacramentum. Alioqui pari ratione neganda esset realis distinctio personarum in vna Deitate Hypostatica vniò duarum naturarum in Christo, æterna hominum prædestinatio ad gloriam, præsentia corporis Christi in Eucharistia. Quid absit.

44. Porro difficultates, quas præterdis, non sunt tanti momenti, ut explicari non possint. Nam si dixerò, Episcopatum & Presbyteratû esse duos Ordines specie distinctos, & similiter duo Sacramenta specie distincta, sub eodem genere Ordinis, quid difficultatis hinc emerget? Multi hoc dicunt, & probabiliter defendunt. Addo, ex tua sententia, plures oriri, non dico difficultates, sed absurditates. Recitabo aliquot, quas tu admittis. Sunt autem huiusmodi. 1. Ordo non est Sacramentum, sed mera ad ministerium deputatio sine ullo charactere aut impressione. 2. Potest aliquis ex laico immediatè fieri episcopus, & non necesse est ut prius fiat Sacerdos. 3. Melius est, si necesse sit, ex laico immediatè fieri episcopum, quàm Lectorem, Ostiarium, Exorcistam.

A 45. Impositio manuum non est à Christo instituta sed tamen ab Apostolis usurpata. 5. Sacer Ordo amitti potest, & iterari. Vnde, qui nunc Sacerdos aut Episcopus est, potest eras non esse: et postquam desit esse, potest iterum ordinari. 6. Nullus ritè ordinatur, in quo gratia præstò non sit. 7. Ordinatio si sit legitima, semper confert gratiam: non ex opere operato, sed ex sola deputatione, per legitimam auctoritatem facta. Hæc & similia, quæ antiqui Theologi censent absurda esse, tibi, homini nouatori, placent vel maxime. Sed duo ex te quæro. Primò, an Episcopus, qui committit peccatum mortale retineat potestatem Ordinis, nec ne? Si retinet, potest validè conferre Ordinem, quod suprà negasti. Si non retinet, necesse est, vel te non amplius Episcopum esse, vel si adhuc es, nunquam peccasse mortaliter ab eo tempore, quo Episcopatum suscepisti. Quid dicis de teipso? Secundò, an possis ostendere ex Scriptura, quod Deus, extra Sacramentum, det alicui gratiam, ad solam alterius hominis deputationem? Vel, quod Christus instituerit, ut aliquis solo verbo deputantis, ordinetur in Sacerdotem, sine vlla externa cerimonia? et, si hoc instituerit, quare Apostoli non seruauerint hanc institutionem, sed manuum impositionem adhibuerint?

CAP V T. VI.

An Augustinus duo tantum agnoscat Sacramenta?

C 1. **T**V affirmas lib. 2. c. 4. n. 33. his verbis: *Si de vero maxime proprio Sacramento sit sermo, Augustinus duo tantum agnoscit Sacramenta, quæ clare & expresse patent à Christo esse instituta. Sic enim loquitur epist. 118. Unde Sacramentis numero paucissimis, obseruatione facillimis, significatione præstantissimis, societatem noni populi colligamus: Sicut est Baptismus Trinitatis nomine consecratus; Communicatio corporis & sanguinis ipsius & si quid aliud in Scripturis canonicis commendatur.*

D 2. Theologi Parisienses in sua censura dicunt, hanc tuam propositionem esse falsam, & in beatum Augustinum contumeliosam. Et sic est. Quod dupliciter ostendo. Primo generatim, ex verbis illius iam citatis. Nam si agnosceret duo tantum Sacramenta, Baptismum & Eucharistiam; frustra, post illa duo enumerata, addidisset; *Et si quid aliud in Scripturis canonicis commendatur*. Debuisset ex tua sententia dicere: *Et præter hæc duo, nullum aliud in Scripturis canonicis commendatur*. Eodem modo loquitur Concion. 1. in psalm. 103. *Unus, inquit, Sacramentum in Baptismo & Eucharistia, & in cæteris sacris Sacramentis, quale minus est?*

E 3. Secundò speciatim. Nam præter Baptismum & Eucharistiam, agnoscit quinque alia, quæ etiam nos agnoscimus. Agnoscit Confirmationem. lib. 2. contra Iulianum c. 104. cum ait: *Sacramentum chrismatis in genere visibilibus. Sacramentum est Sacrosanctum, sicut ipse Baptismus.*

Agnoscit Ordinem, lib. 2. contr. epist. Parmeniani c. 13. vbi confert illum cum Baptismo, his verbis: *Vtrumque Sacramentum est, & quadam consecratione oritur, quæ homini datur: illud, cum baptizatur, istud cum ordinatur, ideoque in Ecclesia Catholica vtrumque non licet iterari. Alibi similia habet ut suprà visum est.*

Agnoscit Pœnitentiam, lib. 1. de aduerbin. coniug. cap. 16. & 28. *Eadem est, inquit, causa Baptismi & Reconciliationis, sine quibus Sacramentis homines credunt, se non debere exire de corpore.*

agnoscit

Agnoscat Matrimonium, lib. 1. de nupt. & concupisc. c. 10. Huius Sacramenti reſeſt, ut mas & femina coniugio copulati, quamdiu uiuant, inſeparabiliter perſeuerent.

Agnoscat extremam unctionem, Scrm. 215. de temp. Quoties aliqua infirmitas ſuperuenerit, Corpus & ſanguinem Chriſti, ille qui agrotat, accipiat: & inde, corpusculum ſuum unget, ut illud quod ſcriptum eſt, impleatur in eo: Infirmus autem aliquis, inducat preſbyteros, & oleum ſuper eum, & ungat eum oleo, &c.

4. Vides, Antoni, Auguſtinum non duo tantum, ut tu falſo illi imponis, ſed plura Sacramenta agnoſcere. Et quidem proprie. Nam expreſſe dicit, Confirmatio nem eſſe Sacramentum, ſicut eſt Baptiſmus. At Baptiſmus eſt proprie Sacramentum, quod nemo negat: ergo & Confirmatio. Similiter Pœnitentiam confert cum Baptiſmo, aſſerens eandem eſſe Baptiſmi & Reconcilia- tionis cauſam. Ideo aſſeruat de Ordine.

CAPVT VII.

De Monachis & Apoſtatis.

1. **M**ulta aſſeris de Monachis & Apoſtatis l. 1. c. 12. quæ partim falſa, partim inter te pugnantia ſunt. Ea breuiter percutram. Primum aſſeris, votum ſimplex & ſolemne, eſſe vnum idemque votum eſſentialiter, eiſdem valoris & obligationis, (n. 17. Itaque coram Deo, votum ſimplex & votum ſolemne, vnicum eſſentialiter, & idem votum eſt, eiſdem prorsus valoris, eiſdem quoque obligationis, &c. n. 41. Votum ex ſolemnitate nihil acquirit, quod eſſentialiter, dum ſimplex eſſet, non haberet. Hanc aſſertionem reuocas alibi, ut paulo poſt patebit.

2. Secundò aſſeris, votum ſimplex & ſolemne, non aliter diſſerre, quàm quòd alterum externum ſit, (n. 31. Si loquamur de quocunque voto in genere, ſimplex vnum eſt quod priuatiſſimè Deo ſit, interne inter hominem & Deum ſolum. Solenne verò erit, ſi hoc ipſum in publico fiat. & aliter exteriſſimè aſſeritur, &c. n. 32. Votum ſimplex uoco id, quod eſt internum: Solenne verò, quod præterea externe fuerit maſiſtatum. Et n. 35. Diſſerunt, ut internum & externum; conceptum & prolatum; cogitatum & explicatum.) Hæc aſſertio eſt noua, & contra communem Theologorum ſententiam.

3. Tertiò aſſeris, votum internum, non eſſe votum, ſed propoſitum; nec obligare coram Deo. (n. 19. In poſteriori verò, (id eſt, in voto perſonali & permanente, quale eſt votum Religioſum) facile mihi perſuadeo, ex ſola interna deliberatione, & pleniffima etiam electione, votum quid de ſe iam plenum & perfectum eſſe deberet, pro pleno & perfectò à Deo nondum haberi, ſed quamdiu internum eſt, potius propoſiti, quàm votitiationem habere. Et n. 31. Vota monachandi, ſimplicia ſunt quamdiu in interno homine latent, inter ipſum & Deum ſolum: & hæc, dum iſa ſimplicia ſunt, adhuc hominem non obligant, etiam coram Deo. Et ibidem in fine: tantum igitur aſſerit, ut in voto ſimplici, hoc eſt, per interiore religionis, neceſſaria ſit Papalis diſpenſatio, ut ne diſpenſatione quidem indigeat, qui uouit, ſed ſit in libertate ipſius id exequi, & non externi. Et num. 32. In perſonali & permanente voto, aggreſſio illa, & vita ſuſceptio, per quam ego ſolum id ex ſimplici ſolemnè facio, eſt eſſentialis huic voto, quia per illam hoc votum eſt, & ſine ea coram Deo votum non eſt, ſed tanquam merum propoſitum.) Hæc aſſertio eſt etiam noua, & deſtruit duas præcedentes. Nam in prima dixiſti, votum ſimplex & ſolemne non diſſerre eſſentialiter. Hic dicis, diſſerre eſſentialiter: Et ſolemne diſſerre à ſimplici per ſuſceptionem vitæ religioſæ, tanquam per differentiam eſſentialem. Rurſum in prima dixiſti, votum ſimplex & ſolemne eſſe eiſdem valoris & obligationis. Hic dicis, ſimplex non obligare coram Deo, nec habere rationem voti, ſed tantum

Opule. Bec.

propoſiti. Præterea in ſecunda dixiſti, ſimplex ſolum diſſerre à ſolemnè, ſicut internum ab externo. Hic dicis, diſſerre ſicut propoſitum à voto, ſicut non obligans ab obligante. Scandalofa hæc ſunt: & magnam fenestram aperiunt ad perſidiam.

4. Quartò aſſeris, externam voti profeſſionem plus obelle Eccleſiæ, quàm prodeſſe, (n. 29. Si quis ex ma- quarat plus ne profuerit, an obſuerit vera religioni, externæ hac profeſſionis additio, decem ei: Apud me clarum eſſe, longè maius eſſe detrimentum inde ſecutum, quàm emolumentum.) Hæc aſſertio eſt falſa, & in ſacros Religioſorum Ordines contumeliola. Lege Placum de bono ſtatu Religioſi, & inuenies, quantum boni contulerint in Eccleſiam Patres Dominicani, Franciſcani, Benedictini, & alii paſſim. Et qui hoc tempore, fortius defendunt Eccleſiam, quàm Religioſi? Qui necuſſim oppugnant hæreticos, Apoſtatas, ſcribendo, diſputando, concionando, quàm Religioſi? Quòd autem nonnulli ex illis, ut Lutherus, Bæcius, petrus Martyr, Pellicanus, Ochinus, Oecolampadius, & tu Marce Antoni, hæretici & Apoſtata facti eſtis; magnum quidem detrimentum eſt: ſed veſtræ perſidie, non externæ votorum profeſſioni imputandum. De quo tamen ipſo detrimento, nemo potest dubitari, an non plus profuerit Eccleſiæ, quàm obſuerit. Vobis quidem, tanquam priuatis hominibus, obelt vel maxime, quia facit vos reos æternæ damnationis, ſed Eccleſiæ non parum prodeſſe, certiffimum eſt. Veſtra enim paucorum defectio & Apoſtata excitat multos alios, tum ad diligentem cautelam in poſterum; tum ad maiorem fidei explicationem & propugnationem. De qua re vide Auguſtinum, ſi vis, in libro de vera Religione.

5. Quintò aſſeris duos eſſe effectus voti ſolemnis, qui turbant Eccleſiam, (num. 37. Duo ſunt præcipui effectus voti ſolemnis, quos poſtri Romani doctores Theologi ponunt & defendunt: & tamen ſicut nui ſunt, & alim in Eccleſia turbant, ſed multas inducunt in Eccleſiam turbationes, & multa incommoda, atque animarum damna non contemnenda. Alter effectus eſt inhabilitas ad matrimonium, alter verò Apoſtaſia, ſi Monasterium deſeratur.) Hæc aſſertio eſt falſa & contumeliola. Falſa dupliciter, primò, quia Apoſtaſia non eſt effectus, ſed tranſgreſſio voti ſolemnis. Nam ſolemnitas voti non eſt cauſa Apoſtaſiæ; ſed quaſi deſtruitur & enervatur per Apoſtaliā. Secundò, quia inhabilitas ad matrimonium non turbat Eccleſiam, ſed malitia Apoſtatarum; qui cum vouerint perpetuam caſtitem, poſtea non ſeruant quod vouerunt. Hinc ſcandala & alia incommoda oriuntur.

6. Sextò aſſeris, votum ſolemne non dirimere matrimonium ſubſequens, ac proinde ſi Monachus contrahat matrimonium, valide contrahere. (Num. 43. Concludimus hæc voti ſolemnitates Monachorum, impedire quidem ac vitare, ne matrimonium contrahatur, contra- ilion tamen poſt illas, ex eis non dirimi; ſed eſſe ratum, firmum, & validum, tam in Monacho quàm in Moniali, ſicut poſt votum ſimplex.) Hæc aſſertio eſt Lutherana, & ab Eccleſia damnata in Concilio Tridentino, Seſſ. 24. can. 9. et merito. Nam antiqui Pontifices & Concilia ſtatu- erunt, votum ſolemne Religioſorum non ſolum impedire, ſed etiam dirimere matrimonium, ut Concilium Toletanum primum, cap. 16. Turonenſe ſecundum, can. 16. Gregorius I. lib. 1. epistol. 40. Alexander III. cap. Meminimus, qui Clerici vel vouentes Bonifacius VIII. cap. vnic. de voto, in 6. Verba Bonifacii ſunt hæc: Preſentis declarandum duximus oraculo ſanctiſſionis, illud ſolum votum debere dici ſolemnè, quantum ad poſt contractum matrimonium dirimendum, quod ſolemnizatum fuerit per ſuſceptionem ſacri Ordinis, aut per profeſſionem expreſſam vel tacitam, factam alicui de Religioſibus, per ſidem Apoſtolicam approbatam.

HHhh

7. Septimò asseris; Monachos, si post vota solennia contrahant matrimonium, non peccare contrahendo matrimonium, sed solum peccare recedendo à vita monastica. (n. 38. *At vero Monachus & voti reus est, & promissæ fidei. Quod si uxorem ducat, malum non facit, quod uxorem ducat, sed quod uxorem ducendo à vita monastica, quam professus est, recedat.*) Hæc assertio falsa est. Nam voluntas contrahendi & consummandi matrimonium, repugnat voto perpetuæ castitatis, ut per se constat. Ergo talis voluntas mala est. Quod tripliciter confirmo ex tuis verbis. Primo, quia *vita Monachorum*, ut tu ibidem loqueris, *essentialiter & substantialiter includit cælibatum & continentiam*. Ergo qui vouet vitam monasticam, eodem actu essentialiter & substantialiter vouet cælibatum & continentiam. Ergo voluntas recedendi à vita monastica, essentialiter & substantialiter includit voluntatem recedendi à cælibatu & continentia. At prior voluntas est mala, ut tu fateris: Ergo & posterior. Malum igitur est, vel recedere à cælibatu & continentia, quam vouisti: At hæc voluntas recedendi à cælibatu essentialiter includitur in voluntate contrahendi & consummandi matrimonium, post votum solenne. Secundo, quia ut ibidem loqueris, *idem est Monacho uxorem ducere, quod Monachatum deserere*. At Monachus peccat Monachatum deserendo: Ergo peccat uxorem ducendo. Tertiò, *Monachus, qui ad nuptias appellat animum, is uerè sui desertor, fidem suam irritam facit*. (verba tua sunt.) At Monachus sine dubio peccat deserendo suum votum, & irritam faciendo suam fidem: Ergo etiam peccat animum ad nuptias appellendo.

8. Octauò asseris, Monachum, si deserat suum statum, non magis peccare contrahendo matrimonium, quam continentiam seruando. (num. 38. *Idem prorsus peccatum eris Monacho, si à monachatu recedas, etiamsi abstineat à coniugio, & in cælibatu persistat sine cum plenissima continentia persisteret; ac si uxorem ducat.*) Rationem addis, quia votum monachale non versatur immediate circa cælibatum & continentiam, sed circa regulam monasticam. Hæc assertio est falsa, sicut præcedens. Primo, quia si Monachus deserat suum Ordinem, & nihilominus velit seruare continentiam; nullo modo peccat in eo præcisè, quod velit seruare continentiam, quia ex hac parte vult seruare, quod per votum Deo promissit. At peccat volendo contrahere, & consummare matrimonium, quia ex hac parte non vult, seruare quod Deo promissit. Ergo non est par ratio. Secundo, quia seruando continentiam, non facit se inhabilem ad reseruandam vitam monasticam. At contrahendo matrimonium, facit se inhabilem. Qui autem facit se inhabilem ad id seruandum, quod ex voto tenetur seruare, peccat. Ergo Monachus peccat matrimonium contrahendo, non autem continentiam seruando: Nec verum est, quod ais, *votum monachale non versari immediate circa cælibatum & continentiam*. Nam Monachus, dum vouet, vel expresse vouet vitam monachalem, vel expresse castitatem, paupertatem & obedientiam, quæ tria constituunt vitam monachalem. Si posterius captus es. Si prius, æque captures. Nā vita monachalis, ut paulò antè dicebas, essentialiter & substantialiter includit cælibatum

A & continentiam.

9. Nonò asseris, vel videris asserere, Monachos non fieri Apostatas, si post vota solennia deserant suum statum in Summa capitis. *Solenne votum est solubile, nec eius desertio vere facit Apostasiam*. Hæc assertio similiter falsa est, & in totam Ecclesiam contumeliosa: Atque ad hoc solum à te posita, ut recipias patrociniū Lutheri, & similium Monachorum, qui statum Monachalem turpiter deseruerunt; (de te nihil dicam: relinquo te tuæ conscientię.) Certe ex communi totius Ecclesiæ consensu, & ex ipsa Etymologia vocabuli; Apostasia idem est, quod defectio: & Apostata idē, quod defector, desertor, transfuga. Consule Calepinum. At Monachus, qui post vota solennia recedit à suo statu, quid aliud est, quam defector, desertor, & transfuga à suo Ordine?

10. Decimò asseris, Ecclesiam nihil iuris habere in Monachum desertorem, (num. 45. *Quid si propria auctoritate, sine causa legitima, quis Monachus professus, fiat desertor? Hic sane peccat contra Deum & damnationem habet; sed Ecclesia nihil habet contra illum, in foro externo.*) Hæc assertio est contra scripturam. Nam Ecclesia potest quemlibet Christianum in externo foro reprehendere, punire, & etiam excommunicare, si delinquat & contumax sit. Matth. 18. 17. *Si Ecclesiam non audierit, sit tibi sicut Ethnicus & Publicanus*. Et 1. Cor. 4. 21. *Quid vultis? in virga veniam ad vos, an in Spiritu mansuetudinis.* et 2. Cor. 13. 10. *Hæc absens scribo, ut non præsens diutius agam, secundum potestatem quam Dominus mihi dedit.* et 2. Thess. 3. 14. *Si quis non obedit verbo nostro, per epistolam, hunc notate, & non commisceamini illi*. Cui hæc excipis Monachum, sui status desertorem? Dicam, Antoni. Tuā causam ubique agis. Desertor es: Transfuga es: Peccatum non agnoscis: puniri non vis. Sed contra deum non valet tergiversatio.

11. Undecimò asseris, Monachos non posse esse Clericos, seu sacris Ordinibus initiatos. (num. 51. *Ex hoc ipso evidenter colligitur, Monachos, qui monachatum cum clericatu confundunt, iam neque esse veros Monachos, neque veros Clericos, Clericatus enim cum monachatu pugnat, & sunt incompatibilia.*) Hæc assertio est contraperpetuam Ecclesiæ praxin. Nam Benedictini, Franciscani, Dominici, Carthusiani, & alij Religiosi, semper habuerunt, & adhuc habent Sacerdotes sui Ordinis, qui simul & Monachi, & Sacerdotes sunt. Et tu audes, Antoni, hanc praxin tot sæculis seruata & confirmata, iam tandem carpere & accutare? Nimirum, hoc tantum lectari te video, ut sicut desertor es Ordinis, ita etiam desertor sis doctrinæ, quam Ecclesia Catholica profitetur.

12. Omitto alias assertiones, æque absurdas, quæ propè infinitæ sunt. Et hic finio. Si, quod vehementer opto, redibis ad Ecclesiam, ex qua digressus es: erit mihi occasio gaudij ac consolationis. Sin animum obstinaueris, perpendam illud Apostoli: *Tu autem fide stas: noli aliter sapere, sed time.* Item, *Vide bonitatem & seueritatem Dei: in eos quidem, qui ceciderunt, seueritatem; in te autem bonitatem Dei, si permanseris in bonitate, alioquin & tu excideris.*

F I N I S.





Apostoli extraordinarie vocati & missi ad predicandum Christi Euangelium, & Sacramenta ab eo instituta administranda. p. 717. col. 2. c

Apostolorum tempore nulla erat Græca translatio, nisi 70. Interpretum. p. 3. col. 1. c

ad Apparatum bellicum duo necessaria. p. 111. col. 2. b

Appendix ad circulum Calvinistarum. p. 219. col. 2. c

Aqua lustrationis seu expiationis, quæ. pag. 371. col. 2. a

Aqua qualis, qua immundi aspergebantur & munda-
bantur. p. 67. col. 2. d

Arca Noë, figura Ecclesie. p. 117. col. 2. a

Arca fœderis, & eius forma. p. 55. col. 2. d e

Arca Domini erepta ex incendio per Ieremiam Pro-
phetam. p. 2. col. 2. e

Archiduces Austrie Batavius Calvinista vocat peridos,
& quare. p. 616. col. 2. e

Argumenta Vorstij infirma. p. 633. col. 2. d

Argumenta multa contra Calvinum congesta. p. 149.
col. 2. c

Argumenta duo, efficacia pro Catholicis contra Lu-
theranos, quæ. p. 396. col. 2. a

Argumenta ab aduersariis nobis obiecta, sunt du-
plicia. p. 195. col. 2. a

Argumenta Calvinistarum soluta, quibus probare vo-
lunt Dei decreto & ordinatione fieri peccata. p. 128.
col. 2. a

Argumenta duo efficacissima, quæ. p. 190. col. 1. a

duo Argumenta contra infallibile iudicium Ecclesie
Catholicæ. p. 218. col. 1. c

tria Argumenta contra Calvinistas. p. 355. col. 1. b

Argumentum Sartorii contra Becanum. p. 677. col.
1. a

Argumentum difficile a Doctribus Scholasticis pro-
positum. p. 123. col. 1. c

Argumentum duplex contra Calvinistas, alterum de
gratia vocationis, alterum de gratia iustificationis.
p. 104. col. 2. e

Argumentum Sacellani pro Primatu Regis. p. 434.
col. 2. d

Argumentum Sacellani Regis situiolum. p. 467. col. 1.
1. d. & 547. col. 1. d

Armatura Dei multiplex. p. 278. col. 2. e

Articuli Symboli canonici & Apostolici. p. 768.
col. 2. b

Articuli fidei tredecim apud Calvinistas. p. 614. col. 1. d

Athalia mater Ochozir, impiissima. p. 81. col. 2. b

Atheismus Calvinistarum. p. 651. col. 2. b. & seqq.

tribus rationibus refelli potest. p. 633. col. 2. b

Auersio quorundam Templorum & Monasteriorum.
p. 610. col. 1. a

Augustinus an duo tantum agnoscat Sacramenta. p.
962. col. 2. b

Author dogmatis nouissimi Diabolus. p. 227. col. 2. c

Author Plagæ Regis quis. p. 474. col. 1

Authoritas conuocandi Concilia generalia Pontifici
Romano concessa. p. 792. col. 1. a

Authoritas Pontificis apud populum quanta. p. 54. col.
1. c. & quæ. p. 580. c. 2. c

Authoritas Pontificis ad populum maior, quam Regis.
p. 587. col. 2. d

de Auxiliis gratiæ Christi secundum Calvinistas. p.
204. col. 1. a

secundum Catholicos. pag. 208.
col. 2. b

B.

Balaam Propheta flagitiosus. p. 795. col. 1. b

Balduinus prædicans Lutheranus. pag. 682.
col. 2. c

Batavius an sit Euangelicus. pag. 507. col. 2. b

Batavius Calvinista Regem Hispaniæ Philippum vo-
cat raptorem, & notorium hæreticum. p. 610. col. 2. c

Baptismus & Pœnitentia vocantur Sacramenta mor-
tuorum & quare. p. 184. col. 2. a

Baptismus an vna immersione conferri debeat. p. 767.
col. 1. c

Baptismus non esse necessarium ad salutem, sed infantes
sine Baptismo saluari posse apud Calvinistas. p. 615.
col. 2. b

Baptismus an repeti, seu reiterari possit. pag. 735.
col. 2. c

Baptismi utilitas, quæ. p. 227. col. 2. a

Baptismus, pro quibus institutus. p. 227. col. 2. a

Baptizati ab hæreticis an sint rebaptizandi. p. 732. col. 1.
c. & 765. col. 1. a

Beata Virgo an habuerit Angelos custodes. pag. 423.
col. 1. d

Beati in celo qui clare intuentur mysterium Trinitatis.
p. 7. col. 1. c. d

in Bello an sit fides hæreticis seruanda. pag. 306. col.
2. a

Belum in veteri Testamento an fuerit licitum. p. 92.
col. 1. d e

Benedictio Christi an semper fuerit efficax. p. 394. col.
1. d

Benedictiones, quas Deus promisi seruantibus legem,
quæ. p. 10. col. 1. a

Beneficia Christi omnibus communia. pag. 104.
col. 2. b

Beneficia quæ nobis Deo præstantur duplicia. p. 274.
col. 1. c

Beza Calvinii discipulus. p. 225. col. 2. c

Beza Patriarcha Calvinistarum. p. 491. col. 2. d

Beze verba a Castigatione damnata. p. 596. col. 2. d

Bona futura aliquando prædicebant Prophetæ ad popu-
li consolationem. p. 37. col. 1. a

quæ Bona in veteri Testamento fuerint promissa a Deo.
p. 11. col. 1. c

Bonitas & malitia actuum humanorum in quo consistat.
p. 197. col. 2. d

Bonum ac vtile orare pro defunctis. p. 691. col. 1. a

Breui duo Pauli Pontificis in Regem Angliæ emissæ. p.
324. col. 2. c

C.

Calibres qui fuerint. p. 99. col. 1. b

Caluini tria documenta. p. 116. col. 2. e

Calvinista an sint Euangelici. p. 504. col. 1. c

Calvinus ex Caluino refellitur. p. 121. col. 2. c

Calvinus refutatur, & principia eius euerfa. pag.
122. col. 2. c

Calvinista an Ecclesiam reformatur. pag. 611.
col. 1. d. duplicem Ecclesiam agnoscunt. ibid. qua

auctoritate reformatur Ecclesiam. pag. 612. col.
1. e. quam regulam seruent in reformatione Eccle-

sie. pag. 613. col. 1. c. quomodo reforma-
runt sacram Scripturam. ibid. col. 1. c

Caluini sententia ad certas propositiones reuocata. pag.
160. col. 1. c

Calvinus non Deum otiosum, sed iniuste negotio-
sum fingit. pag. 158. col. 2. a. deterior Luciano.

ibid. b.

Calvinista negant præsentiam Christi in Eucharis-
tia. pag. 351. col. 2. b. repugnant Patribus. p. 354.
col. 1. b

Calvinus contemnit Sanctos Dei Catholicorum. p. 157.
col. 2. a

Calvinista diuinis miraculis confutantur. pag. 354.
col. 2. c

Calvinista non certi se esse filios Dei, & omnes veri

- Pastoris, p. 625. col. 2. e. negant Tobiam, Iudith, Sapientiam, Ecclesiasticum & Machabæos pertinere ad Scripturas Canonicas. p. ibid. & p. 626. col. 1. a. an possint dirimere omnes controuersias fidei ac religionis. ibid. col. 2. a
- Caluinistæ an habeant aliquod Purgatorium. p. 436. col. 2. d. e. quomodo differat à nostro. p. 440. col. 2. d. ubi sit. p. 439. col. 1. a. quandiu viuunt sunt immundi & inquinati propter peccatum originale, & omnia eorum opera sunt inquinamenta, sordes, & mera iniquitas. p. 438. col. 1. a. b
- Caluinistæ negant Tobiam, Iudith, Sapientiam, Ecclesiasticum, & Machabæos pertinere ad Scripturas canonicas. p. 491. col. 2. c
- Caluinus octo argumentis refellitur. pag. 147. col. 1. e
- Calvinus Nouioduni in Picardia propter crimen Sodomix publico iudicio condemnatus ad poenam ignis. p. 720. col. 1. b
- Caluini sententia reiecta de reprobatione ad mortem & interitum ante præuisionem peccati originalis. p. 116. col. 2. b. c
- Caluinus an docuerit Deum esse authorem peccati. p. 221. col. 1. e
- Caluiniani Ministri non legitimè à Deo vocati. p. 718. col. 1. b
- Caluinistæ an sint Euangelici. p. 312. col. 2. d. & hæretici. p. 313. col. 2. c
- Caluinus Caluino contrarius. pag. 352. col. 2. c
- Caluinistæ non Euangelici, sed hæretici. pag. 523. col. 1. d
- Caluinistæ, & Lutherani reformatores, & reformati vocati, & cur. p. 328. col. 1. d
- Caluinistæ soli an sint euangelici. p. 592. col. 2. a. vnde acceperint euangelium. ibid. e. an habeant euangelium integrum. pag. 593. col. 1. e. an habeant legitimam versionem euangelij. p. 596. col. 1. b. an habeant verum sensum euangelij. p. 599. col. 1. c. quomodo argumententur ex euangelio. p. 601. col. 2. a. an ex solo euangelio possint suas controuersias dirimere. p. 609. col. 1. b. an in vita & moribus sint conformes euangelio. ibid.
- Caluinistæ quid de Prædestinatione sentiant. pag. 245. col. 2. d. quid Pelagiani. pag. 247. col. 2. d
- Caluinistarum Deus non est omnipotens. pag. 228. col. 1. b. & pag. 156. col. 2. d
- Canon, quid significat. p. 4. col. 1. b
- Caluinus in materia de Prædestinatione, an idem sentiat quod Augustinus. pag. 225. col. 1. c
- Caluinistæ, Pelagiani, & Catholici, in quo inter se differant. p. 251. col. 1. d
- Caluini propositio impia & Scripturæ contraria. pag. 150. col. 1. e
- Castaliois versio noui Testamenti à Beza reprehensa in suis annotationibus, tanquam falsa, inepta, imperita, audax, blasphemica, vitiosa, ridicula, execranda, erronea, impia, & peruersa. p. 596. col. 2. d
- Caput, Primus & supremus Gubernator, quid significant. p. 662. col. 2. e
- Character Antichristi tres debet habere conditiones, & quas. p. 342. col. 1. b
- Carlostadius primus Sacramentarium auctor. p. 638. col. 1. e
- Catalogus librorum veteris Testamenti duplex. p. 1. col. 1. c
- Catholici an scribant, & sentiant non esse hæreticis fidem seruandam. p. 323. col. 2. d
- Catholici an doceant in Concilio Tridentino, fidem hæreticis non esse seruandam. p. 315. col. 1. a. & in Concilio Constantensi. p. 317. col. 2. e. in Lateranensi. 322. col. 1. c
- Catholici à circulo vindicantur. p. 214. col. 1. c
- Catholicorum Deus omnipotens. p. 156. col. 2. d. & p. 157. col. 1. a
- Catholici, quid de Prædestinatione sentiant. p. 250. col. 1. d
- Catholici omnes à Rege Angliæ anno 1606. qui in Anglia versantur coacti iuramentum præstare. pag. 524. col. 1. e
- Causæ primæ iustificationes, quæ. pag. 183. col. 2. a
- Causa meritoria promissionis peccati. pag. 135. col. 1. c
- Causæ duæ obscuritatis Scripturæ, quæ. pag. 724. col. 2. b
- Ceremoniæ, quare tot adhibitæ in consecratione Pontificis & Sacerdotum. p. 573. col. 1. b
- Ceremoniæ cur adhibitæ in consecratione Pontificis & Sacerdotum. p. 714. col. 1. c
- Ceremoniæ & cautiones decem ab Hebræis recitantur, quibus libellus repudij dari solebat. pag. 107. col. 2. d. e
- Ceremonia in veteri Testamento adhibita, quando quis iurabat, quæ. p. 74. col. 1. c
- Certitudo Prædestinationis & reprobationis triplex. p. 136. col. 2. a
- Charitas duplex. pag. 14. col. 2. d. quid sit Charitas, ibid. e
- Charitas inter virtutes præstantissima. pag. 703. col. 2. b
- in Christo tria potissimum spectantur. pag. 10. col. 1. b
- Christus per Agnium Paschalem præfiguratus. pag. 4. col. 1. d
- Christus & Apostoli, quando citant testimonia Moysis & prophetarum, an citent ea in sensu literali, an aliquando etiam in sensu mystico, vel per accommodationem? p. 4. col. 1. c
- Christus in vltima cœna instituit Eucharistiam, & pedum lotionem adhibuit. p. 730. col. 2. d
- Christus, si Adam non peccasset, fuisset nasciturus. p. 180. col. 2. c
- Christus, Agnus sine macula. p. 59. col. 2. a
- Christus an sit in eucharistia. p. 217. col. 2. d
- Christus ecclesiæ sponsus. p. 690. col. 1. d
- Christus cur dicitur noster vnicus Mediator, & principalis. p. 709. col. 1. a
- Christiani an loco Sabbati debeant colere diem Dominicam. p. 767. col. 2. c
- de Christo multa reuelata. p. 2. col. 1. c
- Christus an habuerit Angelum Custodem. p. 272. col. 1. d. fuit in horto ab Angelo confortatus. 273. col. 1. a
- Christus, pro omnibus mortuus & traditus. p. 557. col. 2. c
- Christus vnus Pastor Ecclesiæ vniuersalis, & eius loco Petrus, vel successor Petri. p. 906. col. 1. b
- Christus an det nemini gratiam habitalem & sanctificantem. p. 206. col. 1. c
- Christus, vt homo, coniunctus Ecclesiæ per incarnationem. p. 2. col. 1. c
- in Christianis licitum sit vouere in nouo Testamento sicut licuit Iudæis in veteri. pag. 72. col. 1. b
- Christus quàm sit parcus in suos fideles ex sententia Caluini. p. 206. col. 2. d. multo liberalior ac beneficentior ex nostra sententia. ibid.

- cisa. [pag. 774. col. 2. a](#)
 Controuersie duplices, quæ in Ecclesia oriuntur. [pag. 672. col. 2. c](#)
 Controuersie circa fidem & religionem multæ. [p. 731. col. 1. b. & 761. col. 1. c](#)
 Cor Regis Henrici IV. solenni ritu Iesuitis traditum, sicut Rex uiuens constituerat, insigni pompa sepe-
 lierunt. [p. 502. col. 1. d](#)
 Corpus Christi non esse in Eucharistia, sed tantum in
 celo secundum Caluinum. [p. 348. col. 2. c](#)
 Corinthius incestuosus à Paulo Apostolo excommu-
 nicatus. [p. 557. col. 1. b](#)
 Custodia Angelica quando incipit & desinit. [p. 274. col. 1. 2](#)
 Controuersie legales duplices in populo Hebræorum.
[p. 575. col. 1. b](#)
 Core, Dathan & Abiron cum suis sociis uiui à terra
 absorpti, & cur. [p. 34. col. 1. c. 580. col. 2. c](#)
 Conuicia Sacellani. [p. 426. col. 1. d. c](#)
 Creaturæ omnes propter ternarium numerum à Trini-
 tate creatæ. [p. 8. col. 1. b](#)
 Cura pastoralis ouium Christi non est satisfactio erro-
 ris uel culpæ, sed dignitas Prælati Ecclesiæ. [pag. 205. col. 1. c](#)
 Cura & sollicitudo Ecclesiarum duplex. [pag. 229. col. 1. b](#)
- D**
- D**amnationis finis. [p. 116. col. 1. d](#)
 Daniel sciebat somnium occultum Nabuchodo-
 nosoris, & interpretationem illius. [pag. 704. col. 1. b.](#)
 Dauid fuit bonus, & vir secundum cor Dei, & quo-
 modo. [p. 79. col. 1. c. & 2. a](#)
 Dauid & Salomon uncti oleo sancto. [p. 86. col. 2. c](#)
 Dauid Parvus Calvinianæ Theologiæ apud Heidel-
 bergenses Professores duo nobis obicit, & quæ. [pag. 213. col. 2. b](#)
 Dauid & Iosias dilexerunt Deum ex toto corde iuxta
 præceptum Decalogi. [p. 15. col. 2. 1. d. & p. 199. col. 1. d](#)
 Dauid commisit adulterium cum Bersabee uxore Uriæ
 Hethzi, octo modis punitus. [p. 108. col. 1. d](#)
 an Dauid omnes Psalmos in Psalterio contentos scrip-
 serit. [p. 2. col. 1. b](#)
 Decretum duplex de quo dubitari potest. [p. 121. col. 1. c](#)
 Duo Decreta Concilij Constantiensis, quæ. [p. 109. col. 1. 2. & 318. col. 1. d](#)
 Decreta Dei Calvinistarum. [pag. 156. col. 1. c. & Ca-
 tholicorum. ibid. col. 2. a](#)
 Decretorum executio. [p. 156. col. 1. c](#)
 orare pro Defunctis an fuerit usitatum in veteri Te-
 stamento. [p. 14. col. 1. a. b](#)
 Dependens essentialis seu intrinseca duplex. [p. 163. col. 1. d](#)
 Desertor Catholicæ Christi Ecclesiæ, hæreticus. [p. 313. col. 2. d](#)
 Desertores Religionis & transfuge, & sacri coniugij
 violatores, qui. [p. 146. col. 1. c](#)
 Deus author peccati, secundum Caluinum. [p. 348. col. 1. c. suo solo arbitratu prædestinare homines ad æter-
 nam mortem sine ulla ipsorum culpa. ibid. d](#)
 Deum negare, quam peccati auctorem asserere, to-
 lerabilius. [p. 158. col. 2. c](#)
 Deus an aliquos creauit ad mortem & æternam dam-
 nationem. [p. 223. col. 2. d](#)
 Deus Calvinistarum & diabolus idem. [pag. 158. col. 1. c](#)
- Deus an permittat peccata volens aut nolens. [p. 122. col. 2. c](#)
 Deus cur rhinex & semini eius Pontificatum promi-
 serit sempiternum. [p. 569. col. 2. d](#)
 Deus cur voluerit Scripturam esse obscuram. [p. 728. col. 1. b](#)
 Deus triplici titulo appellatur Pater. [pag. 13. col. 2. d. c](#)
 cur in veteri Testamento vocatur Deus Deorum.
 ibid.
 Deus an ab æterno prædestinauerit homines ad mortem
 & damnationem, propter præsumptum peccatum. [pag. 256. col. 2. c](#)
 Deus an sit alius Calvinistarum, alius Catholicorum.
[p. 228. col. 1. 2](#)
 in Deo an sint tres personæ realiter distinctæ. [pag. 735. col. 1. d](#)
 Deus, Deus uiuentium, non mortuorum. [p. 758. col. 2. b](#)
 Deus cur de se in plurali numero loquatur. [p. 7. col. 2. b. c](#)
 Deus prior ad miserendum & remunerandum, quam
 ad puniendum. [p. 702. col. 1. 2](#)
 Deum authorem omnium scelerum & flagitiorum pro-
 nuntiat Caluinus. [p. 221. col. 2. c. & seqq.](#)
 Diabolus pater mendacii. [p. 158. col. 1. a](#)
 Diabolum esse Deum Calvinistarum tribus argumen-
 tis probatur. [p. 157. col. 2. c](#)
 Differentias inter Calvinistas, Pelagianos, & Catho-
 licos in negotio prædestinationis. [pag. 245. col. 1. c](#)
 Differentia inter legem Mosaicam & Euangelicam.
[p. 17. col. 2. c](#)
 Differentia inter vetus & nouum Testamentum, quod
 attinet ad inuocationem Sanctorum, quæ. [p. 13. col. 2. c](#)
 Differentia inter Matrimonium veteris ac noui Testa-
 menti, quæ. [p. 101. col. 2. d](#)
 Differentia inter Reges & Iudices, quæ. [pag. 77. col. 2. 2](#)
 Differentia notanda inter gloriam Synagoge & Ec-
 clesiæ. [p. 688. col. 1. c](#)
 Difficultas specialis de Antichristo. [pag. 273. col. 2. d](#)
 Digressio Gardii contra infallibilitatem Ecclesiæ. [pag. 276. col. 1. d](#)
 Dilemma hominum desperatorum in principio
 Caluini fundatum. [p. 126. col. 2. b](#)
 Diligere proximum sicut seipsum quid sit. [p. 16. col. 2. c](#)
 Diploma Ludouici Regis. [p. 501. col. 1. d](#)
 Disceptatio inter Catholicos & Lutheranos de Cœ-
 na, seu de transubstantiatione. [pag. 357. col. 2. a](#)
 Discrepantia inter Latinam & Græcam versionem
 inter Lutheranos & Calvinistas. [pag. 162. col. 2. c](#)
 Discrimen magnum inter Purgatorium Calvinistarum
 & Catholicorum. [p. 497. col. 1. c](#)
 Discrimen ex parte Concilij Seniorum, quod. [pag. 733. col. 2. c](#)
 Discrimen triplex inter nouum & vetus Testamen-
 tum. [pag. 112. col. 2. a. ex hoc triplici discrimine
 tria colliguntur. ibid. b](#)
 Discrimen legis & Euangelij ab Aduersariis allatum,
 omnino fallum. [p. 194. col. 2. b](#)
 Discrimen inter Catholicorum & Calvinistarum do-
 ctrinam, quod. [p. 168. col. 2. d](#)
 magnum Discrimen inter Episcopos & Presbyte-
 ros ex parte potestatis & officij. [pag. 717. col. 2. a](#)



vel ad fidem, vel ad dolorem de peccatis an cadat sub meritum. p. 201. col. 1. a
 Gratia Dei necessaria & sufficiens ad seruanda Dei precepta. p. 251. col. 1. b. c. non tollit vsum liberi arbitrii. ibidem.
 Gratia sufficiens an detur omnibus ad salutem. pag. 210. col. 1. d
 per Gratiam & Charitatem Christo similes efficiuntur. p. 465. col. c
 Gratia actualis, quæ à Christo datur, an sufficiat ad legem seruandam. p. 206. col. 1. c. an tollat vsum liberi arbitrii. p. 707. col. 1. a
 ex Gratia & dono Spiritus sancti bona opera nascuntur in vitam eternam. p. 166. col. 1. b
 Gratia triplex, prima præueniens seu excitans, secunda adiuvans, tertia iustificans. pag. 119. col. 2. c
 Gratia an detur omnibus æqualiter. p. 211. col. 1. c
 an Gratia excitans detur omni tempore & momento. p. 212. col. 2. a
 Gregorius V. an definat hæreticis non esse fidem seruandam. p. 319. col. 1. b. & 320. col. 1. b
 Gregorius proximus Pelagij successor. pag. 791. col. 2. b
 Grezerus in disceptatione de somnio Zvinglij. p. 357. col. 1. b. c
 Gubernatio Ecclesie Apostolis non Regibus aut Imperatoribus commissa. p. 358. col. 2. c
 Gubernatio totius Ecclesie Petro commissa. p. 937. col. 1. a
 Guilielmus Tirivus clarissimi viri Roberti Tiruiti Equitis Aurati filius primogenitus, cur in tutrum coniectus. p. 644. col. 1. d

H

Hæretici magnis beneficiis à Deo affecti. pag. 35. col. 1. a. & pag. 388. col. 2. c
 Hæreticorum summa veneratio. p. 54. col. 1. a
 Hæretici aliquando tolerandi in medio Catholicorum, & quare. pag. 306. col. 1. d
 Hæreticorum improbitas, quæ. p. 300. col. 1. a
 Hæretici duplici titulo vitandi. p. 301. col. 2. c
 Henoch & Helias an sint in celo. p. 420. col. 2. d
 an sint interficiendi ab Antichristo. pag. 421. col. 2. b
 Henoch & Helias in celum translatis, multo ante Christi aduentum. pag. 627. col. 1. b
 Henoch, Moyses, & Helias an habeant gloriosa & immortalia corpora, ita videri non possunt. p. 769. col. 2. c
 Henoch & Helias viuis a terra in alium locum translati. p. 769. col. 2. c
 Henricus IV. Christianissimus Gallie rex, optimus & potentissimus Iesuitarum causa defensor. p. 326. col. 1. b
 Henrici III. successor. ibid.
 Henricus Gallie & Navarre Rex Iesuitas accusator de Regicidio legitime absolutus, in hæresim pronuntiatus. p. 301. col. 1. c
 6. reuocavit eos in suum regnum, ex quo erant expulsi, ibid. voluit illorum esse patronus post reuocationem. ibid. famolam thiam pyramidem quæ parisiis in eorum ignominiam erecta stabat, penitus distirpauit. ibid. c
 Hierarchie Angelorum tres. p. 258. col. 1. c. quomodo inter se distinguantur. ibid. col. 2. b
 Hierosolyma euerfa, & templum Salomonis incensum tempore captiuitatis Babylonice. pag. 1. col. c. d
 S. Hippolyti tres, qui. pag. 711. col. 1. a
 Holocaustum sacrificium perfectissimum. pag. 38. col. 2. b
 Homicidæ voluntarii, qui. pag. 97. col. 2. c

Homicidium duplex. p. 97. col. 1. b
 Homines ad æternam mortem prædestinati post prauitatem peccati. p. 257. col. 1. c
 Homines duplici nomine in suis peccatis dicuntur obdurati. p. 110. col. 2. c
 in Homine adulto duo sequuntur ad vitam æternam ad discendam quæ. p. 200. col. 1. b
 Homo à Deo cõditus ad vitam æternam. p. 115. col. 1. a
 Homo an possit habere certitudinem fidei de sua iustificatione. pag. 185. col. 2. b. an possit habere iustitiam semel acquisitam. ibid. d
 Homo post iustificationem an maneat peccator & iniustus. p. 168. col. 1. b
 Homo sine gratia Dei, per solas naturæ vires an possit implere legem, si velit. p. 735. col. 1. c
 Homo impius & peccator non potest acquirere iustitiã & remissionem peccatorum nisi sit dispositus per fidem, timorem, spem, dilectionis & contritionis. p. 10. col. 2. a
 Homo iustus per bona opera meretur augmentum gloriæ. pag. 101. col. 1. d
 Homo an suis viribus sine Dei gratia possit moraliter bene operari. p. 197. col. 2. d
 Hugo homo improbus & rebellis. p. 111. col. 1. c
 Hugonora vnde dicta. p. 311. col. 1. c
 Hugonora vel hugonori cur in Gallia sic vocati. p. 643. col. 1. b. eorum mores & regimen à Ludouico Richemondo aptissime depictum ibi, c. crudelis in animas infantium. ibid. c
 Hussius in concilio Constantiensi combustus. p. 308. col. 1. d. p. 326. col. 2. c. non iniuste, & quare. p. 327. col. 1. c
 Hydrix sex positæ secundum purificationem Iudæorum in nuptiis Canæ Galilææ. p. 4. col. 1. c

Iacobus Rex an possit cogere suos subditos ad iuramentum Primatus. p. 335. col. 1. c
 Iacobus Britannie Rex à Caluino appellatus fidei Catholicæ defensor ac propagator. p. 474. col. 2. d
 Iacobus Arminius Caluinianæ doctrinæ celebris Professor. p. 641. col. 1. c
 Iacobus Clemens parricida. p. 326. col. 1. b
 Ieiunia Iudæorum duplicia. p. 69. col. 2. a
 Ieiunium in nouo Testamento à Christo tribus potissimum modis commendatum. p. 70. col. 1. b
 Ieiunia à Caluinistis quomodo reformatæ. pag. 621. col. 1. d
 Ieremias publico decreto Sacerdotum & Prophetarum condemnatus ad mortem. pag. 31. col. 1. b
 pag. 771. col. 1. c
 nomen Ierusalem accipitur duobus modis. pag. 688. col. 1. b
 Iesux an sint regicidæ. pag. 309. col. 2. c. an proditores. pag. 310. col. 1. d. an perduelles. ibid. col. 2. d. an sint ingrati in Regem Gallie Henricum IV. pag. 311. col. 1. d
 S. Ignatius Iohannis Euangelistæ discipulus. p. 552. col. 2. c. & p. 563. col. 1. d
 Iquis quo utebantur Sacerdotes in sacrificiis. p. 1. col. 1. a. p. 453. col. 2. c
 Immundi duplices secundum legem Mosaicam. p. 67. col. 1. a
 Imperium summi Sacerdotis in Rege quantum præfatum in rebus ad cultum diuinum pertinentibus. p. 387. col. 2. b
 Impius & impietas est Deo odio. pagina 143. columnæ 1. a
 Impolitio manuum in nouo Testamento ad varios effe-

quæ Leges in veteri Testamento datæ sint Iudæis de iuramento. p. 73. col. 1. a
 Leges variz circa votum. = pag. 70. col. 1. d & seqq.
 Leges pœnales, siue Imperatoriz; siue Ecclesiasticæ non obligant ad executionem pœnæ, nisi post Iudicis sententiam. p. 522. col. 1. c
 Leges Ecclesiasticæ à reformatoribus circa Ministrorum vocationem & officium constitutæ. p. 618. col. 1. c
 Leges belli à Deo præscriptæ, quæ fuerint. p. 23. col. 1. b
 Legis & Euangelij discrimen. p. 294. col. 1. c
 Leuitæ, Sacerdotes, & Pontifex quo ritu consecrati. p. 26. col. 1. d
 Leuitæ quomodo consecrabantur. pag. 714. col. 1. a
 Lex duplex de vsura. p. 46. col. 2. d
 Lex tota Decalogi an seruari possit ab homine iusto. p. 191. col. 1. d. decem præcepta continet. ibid. col. 1. c
 Lex Mosaica triplex. p. 16. col. 2. c. duo potissimum præcipit. ibid. an fuerit bona. 17. col. 1. a. an fuerit utilis. ibid. col. 1. a. an fuerit perfecta & sufficiens ad salutem. ibid. c. an fuerit à Deo data. p. 18. col. 1. d. ab Angelis data. ibid. col. 2. b. ubi, quando & quomodo fuerit data. ibid. an obligauerit solos Iudæos. p. 19. col. 1. d. an nullo modo pertinerit ad Christianos. ibid. col. 2. d. quàm strictè obligauerit Iudæos. p. 20. col. 1. a. an nunc fuerit penitus abrogata. ibid. d. duobus modis dici potest æterna. ibid. col. 1. a. b.
 Lex Mosaica in morte Christi abrogata. p. 771. col. 2. c
 Lex apostolica diuinitus inspirata. p. 668. col. 1. c
 Lex & Euangelium quomodo differunt. p. 194. col. 1. c. Mosaica grauissima & importabilis, Evangelica autem facillima. ibid. d
 Libellus à Leone Iudæ Ecclesiæ Tigurinz pastore sub fæcto nomine Ludouici Leopaldi scriptus, ab Erasmo refutatus. p. 640. col. 1. c. d
 Libellus Caluinisticus incerti Authoris. pag. 309. & seqq.
 Libellus Richardi Harris Prædicantis Anglicani de Concordia Anglicana. p. 646. Examen inscriptionis ibid. col. 1. a. Examen Epistolæ Dedicatoriz. ibid. col. 1. b. epilogus Epistolæ. p. 656. col. 2. d
 Libellus Martini Becani de Primatu Regis Angliæ. p. 538. col. 1. d
 Liber Deuteronom. præcipuus inter libros veteris Testamenti. p. 6. col. 1. c. d
 an Liber Esther positus fuerit in Canone Iudæorum necne. p. 2. col. 2. b
 Liber primus Esdræ ab Esdra scriptus certum est, sed dubium de secundo. p. 2. col. 1. c. d
 Libertas fidei & religionis planè illicita, Christianæ doctrinæ contraria, & Reipublicæ noxia & perniciosa. p. 800. col. 2. c
 Libertas Religionis potest duobus modis venire in pacem. p. 304. col. 1. c
 Libertas Religionis omnino illicita, & præcepto diuino repugnans. ibid. d
 Libertas fidei & religionis planè illicita & doctrinæ Christianæ contraria. ibid. e
 Libertas Christiana in quo consistit. p. 194. col. 2. b
 Libertas Hebræorum corporalis opposita seruituti corporali. p. 108. col. 1. c
 Libertas Mosaica figura libertatis euangelicæ. p. 109. col. 1. a
 Libertini & politici ex doctrina Caluini orti. p. 130. col. 1. d
 Liberum arbitrium consistit cum decreto & voluntate Dei. p. 121. col. 1. c. stat cum prouidentia &

prædestinatione. ibid. col. 2. a
 Liberum arbitrium quidnam sit. pag. 117. col. 2. c. non sublatum per peccatum primi parentis. ibid. d. non tollitur per peccatum actuale proprium. p. 119. col. 2. c. adiuuatur per gratiam Dei. ibid. e. non impeditur à præscientia Dei. p. 119. col. 1. c
 Libri omnes veteris Testamenti an primum lingua Hebræica sint scripti. 1. an perierint tempore captiuitatis Babylonice, & postea ab Esdra restaurati sint. ibid.
 Libri Tobiz, Iudith, Sapientiz, Ecclesiastici, & Machabæorum an sint canonici & diuini. p. 731. col. 1. c. 762. col. 1. b
 Libri Canonici veteris Testamenti quinam. p. 1. col. 1. b. unde vocati Canonici. ibid.
 Libros Machabæorum esse diuinos negant Caluinistæ. p. 215. col. 2. b
 Litera externa Scripturæ diuina, & à Deo inspirata. p. 748. col. 1. b
 Literæ quatuor nominis tetragramma ti, quæ. p. 73. col. 2. d
 Luciano Caluinus deterior. p. 158. col. 2. b
 Ludouici Regis diploma. p. 502. col. 1. c
 Lumen triplex in intellectu hominis. p. 6. col. 2. c
 Lutherani & Caluinistæ reformatores & reformati vocati, & cur. p. 318. col. 1. d
 Lutherani an sint Evangelici. pag. 506. col. 1. c
 Lutherani Caluinistis moderatiores, & quare. p. 621. col. 2. a
 Lutherani & Caluinistæ rident vñctionem Sacerdotalem, quæ vsurpatur à Catholicis, tanquam ceremoniam Iudaicam. p. 28. col. 1. d
 Lutherani Ministri non legitime à Deo vocati. p. 718. col. 1. b
 Lutherani inter se diuisi, & cur. p. 764. col. 2. e
 Lutherani tria Sacramenta agnoscunt. p. 615. col. 2. a
 Lutherus & Caluinus publica infamia notati. p. 720. col. 1. a
 Lutherus heri Monachus, hodie sponsus, cras maritus, perendie pater. p. 617. col. 1. e
 Lux euangelij per totum orbem diffusa. pag. 526. col. 1. e
 Lex Euangelica finis legis Mosaicæ. p. 18. col. 1. a

M

M Alachiz vaticinium luculentissimum. pag. 456. col. 1. c
 Maledictiones, quas Deus comminatus est transgressoribus legem, quæ. p. 20. col. 1. a
 Manasses filius Ezechiz, pessimus, & fecit duo mala. p. 82. col. 2. d
 Manducatio duplex in perceptione Sacramenti eucharistiz distinguenda. p. 383. col. 1. c
 Manichæi negant legem Mosaicam fuisse bonam. p. 15. col. 1. d
 Manichæi culpandi quod libros Prophetarum esse diuinos credere non vellent. p. 216. col. 2. a. non Christiani, qui Christo non credant. ibid. c
 B. Maria an manserit Virgo post partum. p. 768. col. 1. a. quare appellatur Virgo. ibidem
 in contractu Matrimonij an sit fides hæreticis seruanda. p. 303. col. 1. d
 Matrimonium includit duo, quæ. ibid.
 Matrimonium nostrum, est Sacramentum à Christo institutum. p. 101. col. 2. c. duo spectanda. ibid.
 Matrimonium an fuerit præceptum in veteri Testamento. p. 98. col. 2. a
 Matrimonium in quorum gratiam institutum. p. 393. col. 2. c
 Matrimonium Adami & eius figuræ seu typus coniunctionis

Aionis Christi cum ecclesia. p. 9. col. 1. d
 Melchisedech Sacerdos Deissimissimi, & eius sacrificiū. p. 445. col. 2. c. fuit typus sed figura Christi. p. 446. col. 2. b
 Mendacium luculentum & multiplex pag. 746. col. 2. d
 Mendacia Calvinistarum enormia. pag. 313. col. 1. d.
 tria Mendacia notanda, vt vera à falsis separentur. p. 322. col. 2. a
 Mendacia, conuicia, & scurrilitates Graferi in plaga Regia. p. 476. col. 2. d
 Mendacia tria notanda, vt vera à falsis separentur. p. 320. col. 2. a
 Mensa panum propositionis, & eius forma. p. 55. col. 1. b
 Mercenarij nomen in nouo Testamento dupliciter sumptum. p. 109. col. 1. c
 Merita & beneficia Christi omnibus communia. p. 204. col. 2. b
 Meritorum diuisiones variae. p. 133. col. 2. c
 Meritum duplex, alterum de condigno, alterum de congruo. p. 199. col. 2. b
 Meritum Christi ad totum genus humanum redimendum & saluandum sufficiens. p. 204. col. 2. c
 Michael Angelorum princeps, & omnium fidelium protector. p. 208. col. 1. d
 Ministri Ecclesiae in veteri Testamento qui ordinariè vocabantur, triplices. p. 713. col. 2. b
 Ministri ecclesiae Reformatarum infames p. 831. col. 2. b. c. illegitimè missi & vocati. p. 832. col. 2. a. haereticus non legitimè propagatur. p. 834. col. 2. c
 Ministri Ecclesiae noui Testamenti, nomine generali vocati Clerici. p. 716. col. 2. c
 Ministri Ecclesiae quomodo & quot modis à Calvinistis reformati. p. 617. col. 2. b
 Ministri Lutherani & Calviniani non legitimi Ecclesiae Christi Pastores. p. 720. col. 1. b. & seqq.
 Ministri an debeant tantum porrigere non sumere Eucharistiam. p. 397. col. 1. c
 Ministri nouae legis non inferiores, quàm Ministri Moisaici. p. 717. col. 2. a
 Ministri Ecclesiae an iure teneantur ad Cœlibatum. p. 951. col. 2. c
 Miracula duplicia. pag. 354. col. 2. a
 Miraculum Caluini quod Genesim contigit pag. 640. col. 2. b
 Missae sacrificium an essentialiter ab aliis omnibus sacrificiis differat. p. 464. col. 2. c. differt à sacrificiis veteris Testamenti. p. 465. col. 2. c. an essentialiter differat à Sacramento Eucharistiae. ibid. col. 2. a. b
 Missio ab ordinatione differt. p. 717. col. 1. c
 Missio triplex. p. 926. col. 1. c
 Modus propagandi Calvinismum. p. 229. col. 2. c
 Monachi apostatae qui. p. 597. col. 2. c
 Monachi an seruent Deo fidem, qui profugiunt ad Lutheranos & Calvinistas, & ibi uxores accipiunt. p. 481. col. 2. c. d.
 Mores & instituta Phariseorum, qui. pag. 45. col. 2. c
 Mors triplex, vna corporis, altera animae, tertia damnationis. p. 115. col. 2. a. b
 Mores Calvinistarum. p. 313. col. 2. b. & p. 327. col. 2. c. & p. 305. col. 2. b
 Mos haereticorum saepe à seipsis dissentit. pag. 115. col. 2. c
 Moses solus pontifex extraordinarius. pag. 732. col. 2. a
 Moses & Elias apparuerunt Apostolis, & cum Christo locuti sunt in monte Thabor, & quomodo. pag. 769.

col. 2. d
 Myteria fidei in nouo Testamento clariùs explicata quàm in veteri. p. 17. col. 2. a
 in Mysterio vocationis gentium duo spectantur, quae. p. 10. col. 2. c

N

Natura humana primi parentis vitio tota corrupta. p. 154. col. 1. b
 Natura fidei iustificantis, & in quo consistat. pag. 175. col. 2. b
 Nazarei & Rechabites, qui. p. 42. col. 2. b. erant duplices ibid. c. apud Iudaeos erant in magno honore. pag. 43. col. 2. a
 Nequitia Caluini notanda. p. 170. col. 1. c
 Nicolaus Antiochenus non praedestinatus, sed reprobus. p. 625. col. 1. c
 Noë sacrificium. p. 443. col. 2. d
 Nomen Dei tetragrammaton ineffabile. pag. 73. col. 2. d
 Nomina septem Angelorum, quae. pag. 264. col. 2. d
 eorum interpretatio. ibid.
 Nomina varia iustitiae inhaerentis gratiae. pag. 165. col. 2. c
 Nomina maiorum prophetarum. pag. 36. col. 2. c
 quibus Nominibus Christus fuit appellatus in veteri Testamento. p. 8. col. 2. b
 Norma iudicij Ecclesiastici duplex vt in nouo Testamento. p. 778. col. 2. c
 Nota certissima, qua filij Dei à filiis Diaboli discernuntur, quae. p. 125. col. 2. d
 Notae omnes Antichristi. p. 328. col. 2. a
 Notae Antichristi examinandae. p. 337. col. 1. b. quae praecipuae. p. 339. col. 1. c
 Nouatorum argumenta. p. 461. col. 1. b. eorum calumniae. p. 462. col. 2. b
 Numerus Praedestinatorum nobis incertus, solique Deo cognitus. p. 136. col. 2. c
 inter Nutritionem corporalem & spiritualement quid interest. p. 363. col. 1. a

O

Obdurati qui propriè dicuntur. p. 210. col. 2. c
 Obdurationis meritum. p. 116. col. 2. a
 Obiectiones in Becanum, quae. p. 655. col. 2. c
 Obiectio difficilis nata ex doctrina Caluini. p. 222. col. 1. c
 Obiectiones Regis Angliae ad formam syllogisticam. quae. p. 404. col. 2. d
 Oblatio panis & vini visitata in sacrificiis Aaronicis. p. 447. col. 2. a
 Obiectiones Marci Antonij contra Primatum Petri. p. 921. col. 2. d
 Oblatio Abelis fuit figura sacrificij noui Testamenti. p. 444. col. 2. c
 Obligatio iuramenti inducta variis modis potest tolli. p. 296. col. 1. d
 Obligatio validae promissionis vnde oriatur ibid. col. 2. b. quanta sit. p. 297. col. 1. c
 Obligatio seruandae fidei in promissis & pactis vnde oriatur. p. 800. col. 1. c
 Obseruantiae legales quibus Iudas à gentilibus discernentur variae. p. 68. col. 2. c
 Observatio legis necessaria. p. 193. col. 2. b
 Ochusias ab Achalia matris sua seductus vius est consiliarius ex domo impiissimi Achab. p. 20. col. 2. c
 Odium antiquum & pertinax inter Lutheranos & Calvinistas. p. 506. col. 2. d

Offerens in sacrificio Missæ quis sit principalis. p. 466. col. 1. c. triplex offerens. *ibid.* d
 Officia Angelorum quæ. pag. 161. col. 1. c. & p. 265. col. 1. d
 Officia Pontificis quæ, & quot. pag. 574. col. 1. a. & seqq.
 Officia Angelorum contra homines. pag. 257. col. 1. b
 Officia Sacerdotum & Regum diuersa. pag. 545. col. 1. c
 Officium Christi quod, quatenus est Caput Ecclesiæ. p. 894. col. 1. b
 Officium & potestas Ministrorum. p. 214. col. 1. c
 Officium, ius & facultas iudicandi cui conuenit. pag. 781. col. 1. c
 Officium Regum apud Hebræos, quod. pag. 87. col. 1. a
 Officium Regis circa Ecclesiam, quod. pag. 567. col. 1. c. & p. 418. col. 1. a
 Officium Pontificis & Sacerdotum, quod. pag. 28. col. 1. d
 Officium Prophetarum in veteri Testamento, quod. pag. 36. col. 2. d
 Officium duplex gratiæ actualis. pag. 207. col. 2. a
 Opera Dei perfecta. p. 18. col. 2. a
 Opera Caluinistarum sunt inquinamenta, sordes & mera iniquitas coram Deo. p. 489. col. 2. c
 Opera omnia iustorum non damnabilia, iniusta, inquinata, sed bona, honesta, laudabilia, Deo grata, præsertim ex Dei gratia facta, contra Caluinum. p. 189. col. 1. d
 Opera omnia hominis iustificationi an sint peccata mortalia. p. 168. col. 2. c
 Opera iustorum an sint meritoria vitæ æternæ. p. 195. col. 1. a
 Opera bona ad salutem necessaria. pag. 172. col. 2. a. b
 Opera quædam præuia ad iustificationem requisita. p. 181. col. 1. c
 de Operum bonorum merito, secundum Catholicos. p. 122. col. 2. b. c
 Opus bonum hominis iusti in hac vita meritorium. pag. 649. col. 2. a
 Opus misericordiæ spiritualis, quod. p. 927. col. 1. b
 Orare pro defunctis bonum ac utile. pag. 691. col. 2. a
 Orationes Ecclesiæ pro conuersione hereticorum. p. 252. col. 2. a
 Oratio an fuerit necessaria ad obtinendum id, quod in veteri Testamento promittebatur. p. 12. col. 2. a
 Orationes iustorum à senioribus Deo oblatæ in phialis aureis, duplici de causa. p. 703. col. 2. b
 Oratio hominis iusti in hac vita nunquam sine fructu. p. 694. col. 2. a
 Ordinatio iuxta ritum Evangelicum quomodo debet fieri. p. 717. col. 1. a
 Ordines inter se quomodo distinguantur. p. 259. col. 1. d
 Ordines librorum veteris Testamenti tres secundum Hebræos. pag. 195. col. 2. c
 Ordo Prædestinationis & Reprobationis quis. p. 137. col. 1. b
 Ordo quidam legitimus, seu dispositio & hierarchia in Ecclesia Christi. p. 412. col. 2. b
 Ordo naturæ seu causalitatis duplex. pag. 465. col. 2. d
 Ordo sacer an sit Sacramentum. p. 956. col. 1. b
 Ornamenta octo Pontificis quæ. pag. 29. col. 2. c

Ornamenta Pontificis, quæ & quid designabant. p. 577. col. 2. c
 Ozias, seu Asarias, filius Amasie à toto populo cum esset 16. annorum electus Rex. p. 82. col. 1. b. à Deo lepra punitus, & quare. *ibid.*

P

Acta siue publica, siue priuata propter tres causas cum hæreticis non incunda. pag. 300. col. 2. a. b
 Palmites in vite sunt duplicis generis. pag. 166. col. 1. c
 Papa an sit Antichristus. p. 336. col. 1. a. b. an à vera fide defecerit. p. 337. col. 1. b. an sedeat in Templo Dei. *ibid.* col. 1. c. an extollat se super omnem Deum. p. 339. col. 1. a. an neget Christum. *ibid.* an faciat miracula. p. 340. col. 1. d. an sit blasphemus. p. 342. col. 1. a. an persequatur sanctos. p. 343. col. 2. b
 Papissa de Moguntia, quæ. p. 555. col. 1. b
 Paradigma coniectandi ex Grafero. p. 480. col. 2. b
 Paradoxa Sacellani. p. 416. col. 2. c
 Paradoxa Caluinistarum. pag. 617. col. 1. a. & seqq.
 primi Parentes an in Paradiso habuerint Angelos custodes. p. 271. col. 1. c
 Pars maior Caluinistarum plena perfidia & dolis. p. 611. col. 1. b
 Paruuli an necessario baptizentur. p. 217. col. 1. d
 Paruuli si nascantur in peccato originali & ad illud peccatum abolendum an indigeant Baptismo. pag. 736. col. 1. a
 Pascha quoties à Iudæis celebratum. pag. 61. col. 1. d
 Pastura omnium ouium soli Petro, non aliis commendata. pag. 922. col. 1. b
 Pastura totius Ecclesiæ commissa Petro. pag. 938. col. 1. c
 Patres an Transubstantiationem agnouerint. pag. 395. col. 2. d
 Patres pene omnes Græci & Latini Caluino aduersantur. pag. 269. col. 2. c
 Paulus an in tertio celo audierit verba institutionis eucharistiæ. p. 395. col. 1. a
 Peccata quomodo subiecta sint prouidentia. p. 122. col. 2. c
 Peccata carnis in lege Mosaica prohibita & punita. p. 107. col. 2. c
 Peccatum diuinæ naturæ contrarium. pag. 148. col. 1. d
 Peccatum originale an maneat in nobis post Baptismum. p. 144. col. 2. b. affirmat Caluinus. *ibid.* explicatur. *ibid.* c. refutatur. *ibid.* e
 Pelagiani, Caluinistæ & Catholici, in quo inter se differant. p. 253. col. 1. d
 Pelagianorum doctrina, quæ. pag. 248. col. 1. a
 Peritium, peccatum mortale & grauissimum. p. 299. col. 2. b
 Permissio peccati. p. 128. col. 2. d
 an sit effectus prædestinationis. p. 133. col. 1. a
 Personæ tres diuinæ vnius & eiusdem essentia, ac realiter inter se distinctæ. p. 7. col. 2. a
 Petrus & Paulus duo Ecclesiæ lumina. p. 930. col. 2. c
 Petrus apostolus occultam fraudem Ananiz, & Saphiræ sciebat circa pretium agri. p. 704. col. 1. b
 coactus rationem reddere Ecclesiæ de euangelio gentibus à se prædicato. pag. 795. col. 2. c. passus est se publice à Paulo reprehendi. *ibid.* d
 Petrus an fuerit episcopus Romanæ Ecclesiæ. pag. 234. col. 1. d

- Petrus post Ascensionem Christi fuit supremus Iudex controuersiarum fidei in terra. pag. 787. col. 2. d
- Petrus Apostolus an fuerit Romanæ Ecclesiæ Episcopus. p. 768. col. 1. c
- Pharisæi, Sadducæi, Esseni Sectarii Synagogæ. p. 44. col. 1. d
- Pharisæi an fuerint distincti à Scribis. pag. 46. col. 2. a
- Pharisæi & Sadducæi inter se hostes infensissimi. p. 47. col. 2. a
- Pharisæorum præcipuæ traditiones, quæ. p. 5. col. 2. a. b. c
- Pharisæi tempore Apostolorum cæci, & increduli in Christum. p. 50. col. 2. c
- Pharisæi vnde dicti. p. 44. col. 2. a. ex quatribus & familia fuerint. ibid. c. quando & quo auctore ceperint. p. 46. col. 1. c
- Pignus hæreditatis. p. 160. col. 1. a
- Plaga Regia cui patrono inscripta & dedicata. p. 474. col. 2.
- Plagæ Egypti quæ. p. 37. col. 1. d
- Plebsus tibi, Caluino, & Patribus contrarius. p. 289. col. 2. c
- Plebsi propositiones, quæ. p. 282. col. 2. d
- Pœnæ Ecclesiasticæ, quæ. p. 255. col. 2. c
- Pompa & splendor in ornatu Pontificali, quæ. pag. 35. col. 1. d
- Populus Israel ex Ægypto per Moysen eductus in terram permissionis. p. 4. col. 2. a
- Populus Deitam in veteri, quam in nouo Testamento duobus modis regi & gubernari solet. pag. 713. col. 1. a
- Potestas & iurisdictio ab Episcopo non collata Luthe- ro. p. 718. col. 1. c
- Pontifex an sit petri successor. pag. 235. col. 1. c. an sit Caput seu pastor vniuersalis Ecclesiæ. pag. 236. col. 1. c
- Pontifex potest excommunicare Episcopos, Reges & principes grauer delinquentes, si sint contumaces. p. 941. col. 1. d
- Pontifex in veteri Testamento longè ditissimus. pag. 35. col. 1. c
- Pontificis auctoritas maior ad populum quam Regis. pag. 587. col. 2. d. crescebat ex variis capitibus. ibid.
- Pontifex & Sacerdotes an debuerint aliquando seruare continentiam ab vxoribus. p. 33. col. 1. b
- Pontifex an suis subditis caracterem imprimat. p. 342. col. 2. b
- Pontifex & Conciliū Seniorum Iudex controuersiarum in veteri Testamento. p. 734. col. 2. b
- Pontifex Romanus petri Apostoli successor. pag. 721. col. 2. a
- Pontifex in veteri Testamento an fuerit Iudex controuersiarum. pag. 48. col. 2. a. an fuerit Iudex infallibilis. p. 50. col. 1. a
- Pontifex in quem finem solitus gestare Ephod. p. 578. col. 1. c
- Pontifex an præcelluerit Regi titulo originis, antiquita- tis, & familiar. pag. 581. col. 1. a. & seqq. in augu- rationis. pag. 581. col. 1. d. vñctionis. ibid. col. 2. b. ornamentorum. pag. 581. col. 2. d. officii. p. 584. col. 1. b. exemptionis. p. 585. col. 1. b. auctoritatis. p. 586. col. 2. d
- Pontifices, an decernant fidem non esse seruandam he- reticis. p. 321. col. 2. c. p. 521. col. 2. d
- Pontifex petri successor. p. 214. col. 2. b
- Pontificij an sint Catholici. p. 314. col. 1. c
- Polygamia, quid. pag. 102. r. c. an plures vxores in veteri Testamento licuerit habere. pag. 102. col. 1. c
- Polygamie concessio an primo omnium facta sit A- brahamo. pag. 103. col. 1. c. utilior ad propagan- dam prolem, quam monogamia. pag. 104. col. 1. c
- Potestas Dauidi data gubernandi populum Israeliticum in temporalibus. pag. 787. col. 2. c
- Potestas publica duplex in Republica Christiana. pag. 401. col. 2. d
- Potestates duæ publicæ in quibus differunt. pag. 401. col. 2. c
- Potestas Ecclesiastica triplex. p. 663. col. 2. c & pag. 331. col. 2. a. in Republica Christiana duplex. p. 540. col. 2. b
- Potestas Ordinis an sit proximus effectus Sacramen- talis proueniens ex actione Sacramentali. pag. 216. col. 2. b
- Præcepta Charitatis quæ fuerint in veteri Testamen- to. p. 15. col. 1. c
- Præceptum prius de diligendo Deo ex toto corde, an sit possibile in hac vita. ibid. col. 2. c
- Præcepta Moisaica triplicia. p. 16. col. 2. c
- Præceptum, *Diliges Deum ex toto corde*, an seruari possit. p. 190. col. 2. c
- Præceptum datum Rechabitis difficillimum. pag. 44. col. 1. a
- Præceptum, *Non concupisces*, à iustis an possit serua- ri. p. 189. col. 2. d
- Præceptum posterius de diligendo proximo, an intelli- gatur tantum de amico, an de inimico. pag. 16. col. 1. d
- Præcepta triplicia legis Moisaicæ, quæ. pag. 402. col. 1. b. & p. 542. col. 2. b. triplex discrimen inter hec triplicia præcepta. p. 543. col. 1. c
- Præcepta duo de Charitate. p. 14. col. 2. c
- Prædestinatio ad vitam duplex. p. 251. col. 1. c
- Prædestinatio & Reprobatio, quæ. pag. 131. col. 1. d
- Prædestinationis causæ. p. 133. col. 2. a. tres effectus. ibid.
- Prædestinatio quomodo à prouidentia distinguatur. p. 131. col. 2. c
- Prædicantes Lutherani & Calviniani similes Pharisæis, & Sadducæis. p. 47. col. 1. c
- Prædicta futurorum duplex. p. 41. col. 1. b
- Prælatorum Ecclesiæ est pascere & gubernare popu- lum Christianum Sacramentis & verbo Dei. p. 117. col. 2. a
- Prærogatiue Synagogæ respectu aliarum gentium, quæ. 685. col. 1. a
- Præscientia Dei duplex vna conditione nata, altera absoluta. p. 120. col. 1. c. d
- Præsentia Sacramentalis, quid. p. 361. col. 2. b. quo- modo à naturali seu quantitativa differat. pag. 362. col. 2. c
- Præscriptio non habet locum in iis quæ sunt iuris diui- ni. p. 365. col. 2. a. c
- Praxis Ecclesiæ tempore Apostolorum seruata. p. 557. col. 1. a
- Primatus quid significet. p. 529. col. 2. c
- Primatus petri à Marco Antonio confectus refellitur. p. 829. col. 1. c
- Primatus seu suprema gubernatio Ecclesiæ non Regi- bus iure noui Testamenti, sed Apostolis & co- rum successoribus debetur. pag. 558. col. 2. c
- Primatus Ecclesiæ duplex. p. 539. col. 2. d
- Primatus Regis an in aliqua potestate vel iurisdic- tione Ecclesiastica consistat. pag. 663. col. 2. c. an Rex propria auctoritate possit Synodos indi-
II ij

cere. pag. 667. col. 2. d. an possit leges Ecclesiasticas condere. pag. 667. col. 1. c. an possit propria auctoritate conferre beneficia Ecclesiastica. p. 668. col. 2. d. an possit Episcopos creare & deponere. p. 669. col. 1. c.

Primatus, quem rex Angliæ habet in Ecclesiâ, an sit Ecclesiæ & spiritualis. p. 530. c. 1. a. b. & 660. col. 1. c. sub Henrico & Edouardo semper appellatus primatus Ecclesiasticus & spiritualis. ibid. sub Maria, quæ Edouardo fratri successit sublatus hic titulus in Comitibus Londinensibus. ibid.

an à suo primatu possit vocari Primatus Ecclesiæ. p. 661. col. 2. a. an possit vocari supremum caput Ecclesiæ. p. 662. col. 1. d.

Primatus petri ex patribus probatur. pag. 906. col. 1. c.

Primitias & primogenita accipiebant soli Sacerdotes & Pontifex, non Lenitæ. p. 32. col. 1. c.

Primogenita triplicia, quæ. p. 74. col. 1. c.

quis primus credidit in Christum in veteri Testamento. p. 2. col. 1. b.

Principia, quibus nititur Calvinus, inania. pag. 121. & 122.

Primatus, Felix, Ioninus, Maximus & Repostus, propter adulteria, stupra, & nefanda sacrificia legitime accusati, & ab Episcopis Catholicis in Africa damnati. p. 790. col. 1. c.

Privilegia Calvinistarum, quæ. p. 489. col. 1. a.

Privilegia pontifici concessa, non iure Ecclesiastico, sed divino, & ex peculiari Christi institutione. pag. 316. col. 1. b.

Privilegia varia seu prerogatiue Petri, quæ. pag. 912. col. 1. t.

Privilegium magnum Calvinistarum. p. 624. col. 2. b. habet duas partes. ibid.

Promissiones Ecclesiæ factæ in veteri Testamento, quæ. 486. col. 1. a. & seqq.

Promissiones tres luculentissimæ à Christo in nouo Testamento factæ. p. 688. col. 1. d.

Promissio duplex. p. 293. col. 1. c.

ut promissio iurata, vel contractus iuratus vim obligandi habeat, duo spectanda. pag. 295. col. 1. a.

Prophetia de Christo multiplex. p. 771. col. 1. c.

omnes prophete clare vel obscure de Christo vaticinati sunt. p. 37. col. 1. d. aliqui verbis de Christo vaticinati sunt. ibid. c.

Prophete duplices in veteri Testamento. pag. 30. col. 1. b.

Præcipuus prophetarum omnium veteris Testamenti, quis. pag. 32. col. 2. c.

falsi prophete duplices apud Iudæos. pag. 39. col. 2. b.

Prophetia de Christo multiplex. p. 13. col. 1. d.

Propositio hæretica, quæ asserit nullum peccatum reprobatorum nunquam remitti. p. 129. col. 1. c.

Propositio Caluini hæretica, olim à Donatistis hæreticis asserta, & ab Augustino expugnata. pag. 126. col. 1. a.

propositiones contradictoriæ. p. 175. col. 2. c.

propositio Caluini examinatur, an peccata verè in iustificatione tollantur. pag. 160. col. 2. c. de iustitia inherente & imputatiua. pag. 164. col. 2. a.

Proverbia, Ecclesiastes, & Canticum Canticorum à Salomone scripta. p. 24. col. 2. b.

de Pythonibus & pythoniis, quid sentiendum. p. 40. col. 2. c.

pseudoepiscopi quinque schismatici, qui. pag. 945. col. 2. d.

purificatio non necessario externa & ceremonialia si-

cut in lege Mosaica, sed interna & spiritualis. pag. 715. col. 1. c.

Puritani seu Calvinistæ periuri & politici. pag. 336. col. 2. d.

Puritani in Scotia & Angliâ christi vocati. pag. 644. col. 1. a. incendiarii, regicide, perfidi, pernicaces, obstinati, & legum imperiis reluctantes. ibid. d.

Q

Q Væstio ridicula Sartorii de Alphonso Salmerone. p. 682. col. 1. d.

Quæstiones Miscellanæ. p. 312. col. 1. a. & col. 2. a.

Quæstiones Batauicæ in Batauum Calvinistam. p. 503. col. 1. d.

Quæstiones Calvinisticæ contra Farcum. p. 221. col. 1. c.

Quæstiones duæ distinguendæ an Sancti in veteri Testamento fuerint in cælo. p. 697. col. 1. c.

Querela Catholicorum contra aduersarios, quæ. pag. 372. col. 1. d.

R

R Altio pilorum totius corporis, & lotio vestimentorum quare adhiberi solita. pag. 571. col. 2. a.

Rationes variz quibus Ministri Lutherani & Calviniani non immediate à Deo missi ad docendum populum, reformandam ecclesiam, & Sacramenta administranda. p. 718. col. 2. d. & seqq.

Rechabitz vnde dicti. p. 43. col. 1. c.

quos & quantos Redditus habuerint Sacerdotes & Pontifex. p. 31. col. 1. c.

Reformatio circa Dei cultum valde frequens. p. 109. col. 2. d.

Reformatio circa bellum, quæ. p. 110. col. 2. c. in hac duo spectanda. ibid.

Reformatio Templorum & Monasteriorum, à Luthero inchoata, & à Calvinistis perfecta. pag. 620. col. 1. a.

Reformatio multiplex. p. 116. col. 1. a.

Reformatio circa iustitiam inter Hebræos seruandam. p. 110. col. 1. a. b.

Refugium Caluini miserum, & Scripturæ ac Patribus contrarium, ipsique Caluino perniciosum. pag. 170. col. 1. b.

Refutatio Apologiæ & Præfationis Monitoriæ ad Imperatorem, Reges & Principes. p. 399. col. 2. b.

Reges Israel post factam regni diuisionem fuerunt impij & idololatri. p. 81. col. 2. d.

Reges Hebræorum qui & quot fuerint. pag. 78. col. 1. d.

Reges Iudæ qui. ibid. col. 2. d.

Reges Israel qui. p. 79. col. 1. a.

inter Reges Iudæ & Israel triplex differentia. ibid. c.

Reges in veteri Testamento quare vincti. pag. 87. col. 1. d.

Reges omnes honorandi. pag. 559. col. 2. d.

Reges Hebræorum an potuerint habere plures uxores. p. 88. col. 1. c. an plures equos. p. 89. col. 1. d. an magnas diuitias. p. 90. col. 1. c.

Regina Scotiæ optima, mater serenissima, iniquissimo iudicio à Calvinistis Angliæ morte damnata. pag. 324. col. 2. d. & p. 524. col. 2. d.

Regimen & politia temporalis in veteri Testamento quæ. p. 77. col. 2. a.

duo Regna esse ceperunt post Salomonem facta regni diuisione. p. 109. col. 2. c.

- Regnum in duas partes post mortem Salomonis diuisum. p. 136. col. 2. a
- Remissio quomodo fit. p. 171. col. 2. e
- Remissio peccatorum gratuita non ex nostris meritis p. 152. col. 2. d
- Reprehensio Pauli destruit primatum Petri. p. 926. col. 2. c
- Reprobatio quid significat. p. 132. col. 2. d. an directè prædestinationi opponatur. ibid. e.
- Reprobatio duplex. p. 135. col. 2. b
- Reprobationis effectus quatuor. p. 133. col. 1. c. tres in paruulis reperiuntur. ibid. d
- Resistere Spiritui sancto, quid. p. 105. col. 1. a
- Resolutio brevis doctrinæ Calvinisticæ. pag. 186. col. 2. e
- Resolutio brevis doctrinæ Lutheranorum & Calvinistarum de Antichristo reformato. p. 328. col. 2. e
- Responsio brevis ad Aphorismos falsò Ieiunij impositos. p. 137. col. 1. e
- Respublica Hebræorum ab exordio sui vsque ad captiuitatem Babylonicam variis modis gubernata. pag. 77. col. 2. b. c
- Reuelatio diuina semper obscura, nunquam clara. pag. 10. col. 2. d
- Lex iure diuino noui Testamenti an habeat primatum Ecclesiæ. 411. col. 2. c
- Rex Angliæ an habeat aliquem Primatum in Ecclesiâ p. 129. col. 2. c. an possit leges Ecclesiasticas condere. p. 331. col. 2. e
- an Rex possit Episcopos creare & deponere. p. 333. col. 2. d. an possit subditos contumaces excommunicare. ibid. col. 2. c
- Rex an consensu doctorum habeat primatum Ecclesiæ. p. 415. col. 1. d. an titulo præscriptionis habeat primatum Ecclesiæ. p. 416. col. 1. c. an ex propria doctrina possit primatum suum defendere. pag. 417. col. 1. b
- Rex vel Imperator post Deum supremus Index in controuersijs civilibus. p. 779. col. 1. c
- Rex an iure naturali habeat primatum Ecclesiæ. p. 401. col. 2. e
- Rex an habeat primatum Ecclesiæ iure diuino veteris Testamenti. p. 401. col. 1. d
- Rex an iure diuino noui Testamenti habeat primatum Ecclesiæ. p. 356. col. 1. a
- Rex Angliæ, an habeat aliquem Primatum Ecclesiæ. p. 659. col. 2. c
- an Rex Angliæ titulo præscriptionis habeat primatum Ecclesiæ. p. 365. col. 1. e sibi ipsi contrarius. p. 366. col. 2. c
- Rex unde & quo titulo habeat Primatum in Ecclesiâ. p. 674. col. 1. a
- Rex Galliarum quid de Iesuitis sentiat. pag. 312. col. 1. c. an fuerit Catholicus & Pontificius. ibid. col. 1. d. in præcipuis fidei capitibus nunquam animo Calvinianus, sed semper Pontificius fuit. ibid. e
- Ritus consecrandi Leuitas quis. p. 571. col. 1. d. Pontificem & Sacerdotes. ibid. col. 1. c
- Ritus consecrandi Pontificem & Sacerdotes, qui. pag. 17. col. 1. b
- Ritus variæ ac ceremoniæ in publica Regum consecratione seu inauguratione. p. 85. col. 1. e
- uersarum. p. 353. col. 1. e
- Sacerdote à Saule interfecti innocentes. pag. 409. col. 1. a
- Sacerdotes & Pontifex quo vestitu & ornatu vsi sint. p. 29. col. 2. e
- Sacerdotes, Leuitæ & Pontifex quo ritu consecrati. p. 26. col. 2. d
- Sacramenta nouæ legis, quor. p. 731. col. 1. d. e. & p. 764. col. 1. b
- Sacramenta à Calvinistis quomodo reformatà. p. 615. col. 1. c. duo tantum apud Calvinistas. ibid.
- Sacramentarij partim inter se conueniunt, partim discrepant. p. 639. col. 1. b
- Sacramentalis præsentia an à naturali dependeat. p. 363. col. 1. c
- Sacramentarij primi unde orti. p. 638. col. 1. b. præcipui qui. ibid. c. quales primi. ibid. col. 1. c
- Sacrificia Mosaica triplicia ratione materiæ. p. 18. col. 1. d
- Sacrificia quædam cruenta à Deo instituta pro expiatione peccatorum. p. 5. col. 2. e
- Sacrificium Abelis quare Deo fuerit gratum, non sacrificium Cain. p. 443. col. 1. e
- Sacrificium Christi cruentum in Cruce p. 455. col. 1. b. in cruentum in Missa. ibid. col. 2. b
- Sacrificia legalia abrogata per mortem Christi, sicut lex Mosaica. pag. 771. col. 2. d
- Sacrificia Mosaica triplicia. p. 450. col. 2. d. iuge sacrificium veteris Testamenti fuit figura sacrificij Missæ in nouo Testamento. p. 452. col. 1. e
- Sacrificia legalia abrogata per mortem Christi, sicut lex Mosaica. p. 23. col. 1. d
- Sacrificium triplex in lege Mosaica, ratione formæ ac finis. p. 38. col. 2. b
- Sacrificium triplex. pag. 448. col. 1. b
- Sacrificium duplex in nouo Testamento. pag. 454. col. 1. e
- Sacrificium Missæ ad quid valeat. pag. 467. col. 2. d. an expiet peccata quoad culpam, an quoad penam. p. 468. col. 2. d
- iuge sacrificium veteris Testamenti fuit figura sacrificij Missæ in nouo Testamento. pag. 39. col. 2. a
- Sadducæi unde dicti. p. 46. col. 2. d
- Sadoc primus author sectæ Sadducæorum. p. 46. col. 2. d
- Salomon vnctus oleo sancto. p. 36. col. 2. e
- Salomon initio bonus & sapiens, postea per mulieres alienigenas deprauatus, & idololatra factus. p. 80. col. 2. e
- Saluus conductus iure communi à Sigismundo Imperatore Ioanni Hussio datus. pag. 327. col. 1. e
- Saluus conductus, quid. pag. 307. col. 1. a. duobus modis potest concedi. ibid. b
- Sancti sunt amici Dei Catholicorum, non Dei Calvinistarum. p. 157. col. 1. e
- Sancti an intercedant pro nobis. pag. 707. col. 1. a. an liceat eos invocare in cælo existentes. pag. 708. col. 1. b
- Sancti veteris Testamenti in quo loco & statu fuerint ante Christi mortem. p. 699. col. 2. b. an in Limbo orauerint pro viuentibus in communi tantum, an in particulari. p. 700. col. 2. c
- Sancti an sciant in cælo quæ apud nos geruntur. p. 701. col. 1. d
- Sancti in veteri Testamento an fuerint in statu beatitudinis. pag. 698. col. 1. a
- Sanctos non esse innocendos, secundum Evangelicos p. 604. col. 1. d
- Sanctificatio triplex p. 448. col. 1. b
- Sanctos invocare an in veteri Testamento fuerit vsus.

Sabbatum cur institutum. p. 74. col. 2. d. præcipuè erat inter omnia festa. p. 75. col. 1. b

Sacerdotes in veteri Testamento quàm diuites præ aliis omnibus. p. 180. col. 1. a

Sacerdos in veteri Testamento supremus Index controuersiarum.

- tatum. p. 13. col. 2. a
 Sanctio Apostolica de cœlibatu Clericorum. p. 953. col. 2. d
 Sanguinis eius tribus vicibus prohibitus. p. 69. col. 1. c
 Sartorius Minister Lutheranus. p. 676.
 Sartorius peregrinus. p. 679. col. 2. c. oppugnat Ecclesiam Catholicam seu Romanam. p. 680. col. 1. b. laudat Ecclesiam Lutheranam. ibid. col. 2. c. con-temnit Iesuitas tanquam novos homines. p. 681. col. 1. a. in Becanum contumeliosus. ibid. col. 2. c
 inter Saulem & Dauidem comparatio quæ. p. 60. col. 2. c
 Saul à Deo Rex constitutus. p. 84. col. 2. c
 Saul & Salomon pares in potestate Regia. p. 548. col. 2. d
 Schemata Dialectica duo, quæ singula constant quatuor propositionibus. p. 541. col. 2. d
 Scopus Caluini notandus. p. 222. col. 1. a
 Scripta Pauli destruunt Primatum Petri. p. 928. col. 1. b
 Scriptura, quoad verum & legitimum sensum sæpe ob-secura & difficilis intellectu. p. 722. col. 2. c
 Scriptura an præferat Synagogam Ecclesiæ. p. 684. col. 1. a
 Scriptura veteris & noui Testamenti verè diuina & à Deo inspirata. p. 6. col. 1. c
 Scriptura, quoad verum & legitimum sensum, sæpe obsecura, & difficilis intellectu. p. 651. col. 1. a
 omnis Scriptura diuinitus inspirata, utilis ad docendos subditos, & redarguendos aduersarios. p. 602. col. 2. b
 Scriptores primi librorum veteris Testamenti qui fue-
 rint. p. 1. col. 2. c
 Sebastianus Castalio, diu Genuæ cum Caluino ver-
 tus. p. 159. col. 1. c
 Sedecias à Nabuchodonosore Rex constitutus, fuit
 malus. p. 83. col. 2. b
 Seleucus Rex Asiæ. p. 588. col. 1. a
 Semen Dei. p. 166. col. 1. a
 Semipelagiani, seu Massiliensis quomodo à Pelagiis
 distincti. p. 249. col. 1. c
 Seniores septuaginta duo Iudeorum in Ægyptum vo-
 cati à Ptolomeo Philadelpho, & quare. pag. 3. col. 1. c
 Sensus Scripturæ duplex. p. 797. col. 1. c
 Sententia Caluini explicata & reiecta de sola fide iusti-
 ficante, & de modo, quo sola iustificat. p. 174. col. 1. d
 Sententiæ Caluini tres inter se pugnantes & quæ. pag. 701. col. 2. a
 Sententia Pontificis & Episcoporum illi assistentium,
 innocens, integra, prouida & pacifica. pag. 794. col. 2. c
 Sententia publica Consilij de Ioualino qui libellum
 Anticotonum nomine in vulgus sparserat in quo Ie-
 suitæ accusabantur à Calvinistis de Regicidio. pag. 502. col. 2. d. c
 Septuaginta Interpretes post captiuitatem Babyloni-
 cam an transtulerint libros veteris Testamenti in lin-
 guam Græcam, & quomodo id factum est. pag. 3. col. 1. c
 Sermo Dei viuus & efficax. p. 781. col. 2. a
 Serpens æneus, Dei mandato factus, Christum figura-
 bat. p. 549. col. 1. c
 Serpens æneus mandato Dei in bonum vsum erectus. p. 409. col. 2. c
 Serui inutiles Calvinistæ. p. 196. col. 2. c
 Signa sex terribilia in monte Sinai. p. 19. col. 1. a
 Similitudo inter Christum & Melchisedechum in quo
 consistit. p. 446. col. 2. c
 Simon Magus non prædestinatus, sed reprobus. p. 615. col. 1. c
 Solemnitates apud Iudeos octo. pag. 452. col. 1. c
 Sophisma Lutheranorum soluitur. pag. 344. col. 2. c
 Sonus buccinæ duplex. p. 19. col. 1. b
 Spes duplex. pag. 11. col. 2. a
 Spes quid sit. ibid. col. 2. a
 Spes futuræ gloriæ in aduersitatibus nos facit lætos & erectos. p. 537. col. 1. b
 Spiritus sanctus an sit Deus. pag. 735. col. 2. c
 Spiritus quare in nobis, tanquam in templo dicatur habitare. p. 165. col. 2. a. quomodo incipit habitare in nobis. ibid. b
 quo Spiritus à Graeco Plaga Regia sit scripta. p. 476. col. 1. d
 Status quæstionis de præsentia Christi in Eucharistia. p. 351. col. 1. c
 Status hominum res ab orbe condito vsque ad nos, di-
 stinguendi. p. 569. col. 1. b
 Status controuersæ inter Sartorium & Becanum. pag. 676. col. 1. a
 Statuta multa in lege Mosaica de seruis & ancillis. p. 108. col. 2. c. d
 Stephanus Protomartyr vidit in hac vita filium hominis stantem à dextris Dei. p. 704. col. 2. b
 Stipendium peccati mors. p. 196. col. 1. d
 Stuprum, quid. p. 107. col. 2. c. de eo extant duæ leges. p. 108. col. 1. b. de Adulterio tres leges extant & quæ. p. 108. col. 1. a
 Subditi contumaces an possint à Rege excommunicari. p. 670. col. 2. c
 Subsidium petit Sartorius à Balduino. pag. 682. col. 2. c
 Successio Pontificum, quæ. p. 25. col. 1. b
 Successores Zuinglij, qui. p. 641. col. 1. a
 Superioribus omnibus obtemperandum, potissimum Principibus & in eminentia constitutis. p. 558. col. 1. b
 vox *Suprematus* noua incognita antiquis Patribus, inusi-
 tata in Scripturis, & orbi Christiano inaudita. p. 529. col. 2. c
 Symbolum fidei an verè sit canonicum & Apostolicum. p. 768. col. 2. a
 Symbolum fidei duobus modis à Calvinistis reforma-
 tum. p. 614. col. 1. a
 Symbolum fidei non perfectum secundum Calvinistas. p. 144. col. 1. b
 Symbolum fidei vere Canonicum & Apostolicum. p. 6. col. 1. c
 Synagoga veteris Testamenti semper gubernata à sum-
 mo Pontifice. p. 895. col. 1. d
 Synagoga in quem vsum ædificata. p. 56. col. 2. b. quando cœperint ædificari. p. 57. col. 1. b. quæ fuerit antiquissima. ibid. d. an in sola Iudæa fuerint. ibid. col. 2. c
 Synagoga an fuerit visibilis. p. 12. col. 1. c. an aliquan-
 do errauerit, vel à fide defecerit. ibid. col. 2. c
 Synagoga an plures & excellentiores promissiones ha-
 buerit quàm Ecclesia. p. 685. col. 2. a
 Synagoga nomen tribus modis in Scriptura sumitur. p. 21. col. 1. b
 Synagoga an Deo fuerit coniunctior, quàm Ecclesia. p. 689. col. 2. c

T

Templa vt Monasteria quomodo à Calvinistis refor-
 mata. p. 610. col. 1. a
 Templum à Rege Salomone ædificatum, & Deo dedi-
 catum. p. 547. col. 1. a

- Templum hierosolymitanum ter dedicatum. p. 407. col. 1. b
 Templum à Salomone ædificatum, fixum & immobile. p. 52. col. 2. c. eius structura. p. 53. col. 1. b
 Tempia an possimus Angelis erigere, & eorum patrocinia inuocare. p. 283. col. 1. b
 Terræ motus quando factus. p. 335. col. 2. c
 Testamentum vetus nouo contrarium secundum Manichæos. p. 712. col. 2. d
 Testamentum nouum in vltima cœna conditum, & Christi nomine confirmatum. p. 688. col. 1. b
 In nouo Testamento an sint veri & falsi Prophetæ. p. 41. col. 2. b
 Testimonia veteris Testamēti, in quibus agitur de Christi diuinitate per se sunt obscura. p. 8. col. 2. b
 Testimonia Scripturæ tripliciter citari possunt p. 4. col. 1. b
 Thomas Crammerus à Rege creatus episcopus Cantuariensis. p. 670. col. 1. b. non verus sed falsus apoc. pus. p. 533. col. 2. a
 Timotheus à cœtu Episcoporum ordinatus. p. 717. col. 1. b
 Tituli Calvinistarum qui. p. 641. col. 2. c
 Torturæ Torti seu in Sacellanum Regis Angliæ refutatio. p. 426. col. 1. b
 Traditio Iudæis à Deo mādāta seu præcepta. p. 6. col. 1. c
 Traditiones aliquæ an fuerint in veteri Testamento præter Scripturam. p. 4. col. 2. d
 Trinitas personarum varijs modis cognoscitur in hac vita. p. 7. col. 2. c
 In Tribu Leui tria hominum genera distinguuntur. p. 24. col. 2. d
 Tribunal apud Iudæos duplex. p. 48. col. 2. d & p. 110. col. 2. d
 Tribunalia Principis secularis & principis Ecclesiastici distincta. p. 308. col. 2. c
 Typi Sacramentorum nouæ legis qui. p. 63. col. 2. a
- V** Accer rufæ sex tantum immolatæ per totam durationem à Moysē vsque ad Christum. p. 68. col. 1. a
 Vaticinium Danielis. p. 456. col. 2. b
 Velamen Iudæorum, erat eorum ignorantia & cæcitas, quæ in eo consistebat. p. 760. col. 1. c
 Veritas bonorum operum. p. 187. col. 1. b
 Verba Regis Galliarum, quæ Parisiis in ipsa Regis Lupara coram Senatu Parisiensi predicti Natiuitatis Christi anno 1603. pro Iesuitis dixerit, & de suo erga eos affectu. p. 523. col. 1. c
 Verba Innocentij III. ex posteriori Concilio Lateranensi citata. p. 519. col. 2. c
 Vestes & ornatus Pontificis, quales. p. 577. col. 1. a
 Vestes Pontificum & Sacerdotum, quæ. p. 77. col. 1. d
 Versiones Evangelicorum corruptæ ac deprauatæ. p. 597. col. 2. a
 Virtutes Theologicæ tres, quæ. p. 6. col. 1. c. quare dicuntur Theologicæ. ibid. col. 2. a
 Visio Nicolai Eremitæ secundum Graferum. p. 475. col. 2. c. visionis interpretatio. ibid. visionis utilitas. p. 476. col. 1. b
 Vita æterna in Scripturis vocatur merces & corona iustitiæ. p. 202. col. 2. c
 Vitam æternam Deus promittit seruantibus legem. p. 12. col. 1. c
 Vita æterna an fuerit promissa in V. T. p. 12. col. 1. a
 Vitia nouarum versionum, quæ, & quot. p. 597. col. 1. c. & seqq.
 Vitia argumenti Sartorii, quæ. p. 677. col. 1. c. & seqq.
 Vitia à Gardio commissa detecta. p. 744. col. 1. a
 Vitia Reformatorum, quæ. p. 328. & seqq.
 Vnctio Regum apud Hebræos duplex. p. 85. col. 2. d. an fuerit aliquod discrimen inter vnctionem Regum & Pontificum apud Hebræos. ibid.
 Vnio triplex inter corpus Christi & species consecratas præter localem fingi potest. p. 361. col. 1. c. & p. 362. col. 1. a
 Vnio duplex, substantialis, & accidentalis. p. 279. col. 2. b
 Vniuersitas tota creaturarum in tria genera diuisa. p. 8. col. 1. b
 Vocatio extraordinaria Ministrorum noui Testamenti. p. 717. col. 2. b. c
 Vocatio ordinaria Ministrorum veteris Testamenti, quæ. p. 713. col. 2. a
 Vocatio extraordinaria Ministrorum veteris Testamenti. p. 715. col. 2. d
 Voluntas in Deo duplex, vna primaria & antecedens, altera secundaria & consequens. p. 116. col. 2. c
 Voluntas nostra tribus modis potest excitari & moueri ad appetendum. p. 178. col. 1. a
 Votum continentie an sacro ordini sit connexum. pag. 955. col. 1. d. c
 sacris ordinibus annexum, an dirimat matrimonium. ibid. col. 2. d
 Votum, quid. p. 70. col. 1. d
 Vrbs Ierusalem quibus muris. p. 222. col. 1. c
 Vrbes 48. cum agris suis ad pastum iumentorum, & earum nomina. p. 31. col. 1. a. & p. 578. col. 2. c. & p. 579. col. 1. a
 Vsuræ Iudæis an fuerit licita. p. 96. col. 1. a. b
 quatuor Vulnera naturæ humanæ inflicta per peccatum primi parentis. p. 145. col. 2. c
 Vxores quasi Reginas septingentas & concubinas trecentas habuit Salomon. p. 89. col. 1. a

Z

- Z** Abadias Vicarius Iosaphat. p. 553. col. 2. d. præsedebat in iis omnibus, quæ pertinebant ad officium Regis. pag. 554. col. 1. a
 Zambri publicè ingressus in lupanar ad fornicam Mandianitidem, pœna inde sequuta. p. 108. col. 2. a
 Zizania à Deo Calvinistarum seminata p. 157. col. 2. c
 Zelotypia, frequens inter coniuges malum, in quo consistit. p. 105. col. 2. a
 Zvvinglij doctrina à Caluino refellitur. p. 154. col. 2. a
 Zuinglius qualis fuerit. p. 635. col. 1. a. homo valde inconstans. ibid. & 638. col. 2. a. quo præceptore vsus sit. p. 636. col. 1. c. quomodo mortuus. p. 637. col. 1. a



